





L.35.d.

National Library of Scotland



B000501373



LEABHRAICHEAN

AN

T-SEANN TIOMNAIDH

AGUS AN

TIOMNAIDH NUAIDH;

AIR AN TARRUING

O NA CEUD CHANAINIBH

CHUM

GAELIC ALBANNAICH.

LONDON:

PRINTED FOR THE BRITISH AND FOREIGN BIBLE SOCIETY,
INSTITUTED IN THE YEAR 1804:

(FROM THE 12TH EDITION PUBLISHED IN EDINBURGH IN 1826.)

By R. Watts, Crown Court, Temple Bar.

M DCCC XXXIX.

Adm. Bib.

Digitized by the Internet Archive
in 2013

LEABHRAICHEAN

AN

T-SEANN-TIOMNAIDH.

	Caib.		Caib.
GENESIS; <i>anns am bheil</i>	50	Ecclesiastes	12
Ecsodus	40	Dàn Sholaimh	8
Lebhiticus	27	Isaiah	66
Aireamh	36	Ieremiah	52
Deuteronomi	34	Tuireadh	5
Iosua	24	Eseciel	48
Breitheamhna	21	Daniel	12
Rut	4	Hosea	14
I. Samuel	31	Ioel	3
II. Samuel	24	Amos	9
I. Rìgh	22	Obadiah	1
II. Rìgh	25	Ionah	4
I. Eachdraidh	29	Micah	7
II. Eachdraidh	36	Nahum	3
Esra	10	Habacuc	3
Nehemiah	13	Sephaniah	3
Ester	10	Hagai	2
Iob	42	Sechariah	14
Sailm	150	Malachi	4
Gnàth-fhocal	31		

LEABHRAICHEAN

AN

TIOMNAIDH-NUAIDH.

	Caib.		Caib.
SOISGEUL Mhata, <i>anns am bheil</i>	28	II. Litir Phoil chum nan Te-salonianach	3
Soisgeul Mharcuis	16	I. Timoteuis	6
Soisgeul Lucais	24	II. Timoteuis	4
Soisgeul Eoin	21	Tituis	3
Gnìomhara nan Abstol	28	Philemoin	1
Litir Phoil chum nan Romhanach	16	Eabhruidheach	13
I. Corintianach	16	Litir Sheumais	5
II. Corintianach	13	Litir I. Pheadair	5
Galatianach	6	Litir II. Pheadair	3
Ephesianach	6	Litir I. Eoin	5
Philipianach	4	Litir II. Eoin	1
Colosianach	4	Litir III. Eoin	1
I. Litir Phoil chum nan Tsalonianach	5	Litir Iudais	1
		Taisbeanadh Eoin	22

CEUD LEABHAR MHAOIS,

D' AN AINM

GENESIS.

CAIB. I.

¹ *Cruthachadh nan nèamh agus na talmhainn, 3 An t-soluis, 14 Na grèine, na gealaich, agus nan reult, 20 Eisg agus eunlaith, 24 Spréidh agus bheathaichean eile na talmhainn, 30 agus cruthachadh an duine ann an costas Dé.*

SAN toiseach chruthaich Dia¹ na nèamhan agus an talamh.

² Agus bha 'n talamh gun dealbh² agus falamh³; agus *bha* dorchadas air⁴ aghaidh na doimhne⁵: agus *bha* Spiorad Dé a' gluasad⁶ air aghaidh nan uisgeachan.

³ Agus thubhairt⁷ Dia, Biodh solus ann: agus bha solus ann.

⁴ Agus chunnaic⁸ Dia an solus, gu⁹ 'n robh¹⁰ e maith¹¹: agus chuir Dia dealachadh eadar an solus, agus an dorchadas.

⁵ Agus dh'ainmich Dia an solus Là¹², agus an dorchadas dh'ainmich e Oidhche: agus b'iad am feasgar agus a' mhaduinn an ceud là.

⁶ Agus thubhairt Dia, Biodh athar¹³ am meadhon nan uisgeachan, agus cuireadh e dealachadh eadar uisgeachan agus uisgeacha.

⁷ Agus rinn Dia an t-athar, agus chuir e dealachadh eadar na h-uisgeachan a *bha* fuidh 'n athar, agus na h-uisgeachan a *bha* os ceann¹⁴ an athair: agus bha e mar sin.

⁸ Agus dh'ainmich Dia an t-athar Nèamh: agus b'iad am feasgar agus a' mhaduinn an dara là¹⁵.

⁹ Agus thubhairt Dia, Cruinnichear na h-uisgeachan a *ta* fuidh nèamh a dh'aon àite, agus leigear ris an *tìr* thioram¹⁶: agus bha e mar sin.

¹⁰ Agus dh'ainmich Dia an *tìr* thioram Talamh, agus cruinneachadh nan uisgeacha dh'ainmich e Fairgeachan¹⁷: agus chunnaic Dia gu 'n robh e maith.

¹¹ Agus thubhairt Dia, Thugadh an talamh a mach fear, luibh a ghincas sìol,

crabh-mheas a bheir a mach meas¹⁸ a réir a gnè¹⁹, aig *am bheil* a sìol²⁰ innte féin air an talamh: agus bha e mar sin.

¹² Agus thug an talamh a mach fear, luibh a ghineas sìol a réir a gnè, agus craobh a bheir a mach meas, aig *am bheil* a sìol innte féin a réir a gnè: agus chunnaic Dia gu'n robh e maith.

¹³ Agus b'iad am feasgar agus a' mhaduinn an treas là.

¹⁴ Agus thubhairt Dia, Biodh soluis²¹ ann an speuraibh nèimh a chur dealachaidh eadar an là agus an oidhche, agus bitheadh iad air son chomharan²², agus air son aimsirean, agus airson làithean²³, agus bhliadhnachau.

¹⁵ Agus biodh iad mar sholusaibh²⁴ ann an speuraibh nèimh, a thoirt soluis air an talamh²⁵: agus bha e mar sin.

¹⁶ Agus rinn Dia dà sholus mhòr, an solus a's mò a riaghladh an latha²⁶, agus an solus a's lugha a riaghladh na h-oidhche: agus na reultan²⁷.

¹⁷ Agus shuidhich Dia iad ann an speuraibh nèimh, a thoirt²⁸ soluis air an talamh,

¹⁸ Agus a riaghladh san là, agus san oidhche²⁹, agus a chur dealachaidh eadar an solus agus an dorchadas: agus chunnaic Dia gu'n robh e maith.

¹⁹ Agus b' iad am feasgar agus a' mhaduinn an ceathramh là.

²⁰ Agus thubhairt Dia, Thugadh na h-uisgeachan a mach gu pailt an creutair gluasadach anns am bheil bcatha³⁰, agus biodh eunlaith ag itealaich³¹ os ceann na talmhainn air aghaidh speuran nèimh³².

²¹ Agus chruthaich Dia muca-mara³³ mòra, agus gach uile chreutair beò a ghluaiseas, a thug na h-uisgeachan a mach gu pailt a réir an gnè, agus gach eun iteagach³⁴ a réir a ghèine: agus chunnaic Dia gu'n robh e maith.

¹ an t-Uile-chumhachdach. ² gun chumadh, gun dreach. ³ fàs; folamh. Eir. ⁴ er; ar. Eir. ⁵ an aigein. ⁶ a' gur gu caomh. ⁷ thuir; a dubhairt. Eir. ⁸ chomhairc. Eir. ⁹ go. Eir. ¹⁰ ro; raibh. Eir. ¹¹ maith. ¹² ghoir Dia do'n t-solus Latha. ¹³ aidhear, ior-maill, speuran. ¹⁴ os cionn. ¹⁵ agus bha am feasgar ann, agus bha a' mhaduinn ann, an dara là. ¹⁶ an talamh thioram, an ùir thioram. ¹⁷ Maranna, Cuanata. ¹⁸ a thigheas meas; air

am fàs meas. ¹⁹ cineil, seòrsa. ²⁰ fras, ros. ²¹ lèchraim. ²² mar chomharthan. ²³ làithe. ²⁴ air son sholusan, 'nan lèchranaiibh. ²⁵ a shoillseachadh na talmhainn. ²⁶ là, lè. ²⁷ reannaga, rionnagan. ²⁸ a thabhairt. ²⁹ a riaghladh an latha agus na h-oidhche. ³⁰ anam beò. Eabh. ³¹ agus eunlaith a dh'iteal-aicheas. ³² ann an speuraibh nèimh. ³³ mola. Eir. ³⁴ sgiathach, sgiathmach.

GENESIS, I. II.

22 Agus bheannaich Dia iad, ag ràdh, Siolaichibh, agus fàsaibh lionmhor, agus lionaibh na h-uisgeachan anns na fairgibh, agus fàsadh an eunlaith lionmhor air an talamh.

23 Agus b'iad am feasgar agus a' mhaduinn an cùigeadh là.

24 Agus thubhairt Dia, Thugadh an talamh a mach an creutair beò a réir a ghnè, spréidh, agus *gach* ni a shnáigcas¹, agus beathaiche² na talmhainn a réir an gnè: agus bha e mar sin.

25 Agus rinn Dia beathaiche na talmhainn a réir an gnè, agus an spréidh a réir an gnè, agus *gach* ni a shnáigeas air an talamh a réir a ghnè: agus chunnaic Dia gu'n robh e maith.

26 Agus thubhairt Dia, Deanamaid duine 'nar dealbh³ féin, a réir ar coslais féin, agus biodh uachdaranachd aca os ceann éisg na mara, agus os ceann eunlaith nan speur⁴, agus os ceann na spréidhe, agus os ceann na talmhainn uile, agus os ceann *gach* ni a shnáigeas a ta snáigeadh air an talamh.

27 Agus chruthaich Dia an duine 'na dhealbh féin; ann an dealbh Dhé chruthaich se e: firionnach agus boirionnach⁵ chruthaich e iad.

28 Agus bheannaich Dia iad, agus thubhairt Dia riu, Siolaichibh, agus fàsaibh lionmhor, agus lionaibh an talamh, agus ceannaichibh e; agus biodh uachdaranachd agaibh os ceann éisg na mara, agus os ceann eunlaith nan speur, agus os ceann *gach* ni beò a ghluaiseas air an talamh.

29 Agus thubhairt Dia, Feuch, thug mi dhuibh *gach* luibh a ghineas sìol, a *ta* air aghaidh na talmhainn uile, agus *gach* craobh anns *am bheil* meas craoibhe a ghineas sìol; dhuibhse bithidh e mar bhiadh⁶.

30 Agus do uile bheathaichibh⁷ na talmhainn, agus do uile eunlaith nan speur, agus do *gach* ni a shnáigeas air an talamh, anns *am bheil* beatha⁸, *thug* mi *gach* luibh ghorm⁹ mar bhiadh: agus bha e mar sin.

31 Agus chunnaic Dia *gach* ni a rinn e, agus, feuch, *bha* e ro mhaith. Agus b'iad am feasgar agus a' mhaduinn an seathadh¹⁰ là.

CAIB. II.

1 An seachdamh là air a naomhachadh. 8 Gàradh Edein. 17 Craobh eòlais a' mhaith agus an uile. 21 Cruithachadh na mnà agus orduchadh a' phòs-aidh.

AGUS chrìochnaich eadh na nèamhan agus an talamh, agus an sluagh uile.

¹ chrùbas; shnáigheas, shnámhas. Eir.

² fiadh-bheathaiche.

³ ionmhaigh, cruth.

⁴ nèimh, an athair.

⁵ fear agus bean, firionn agus bainionn.

⁶ air son bithidh.

⁷ *gach* uile bheathaich.

⁸ anam beò. Eabh. ⁹ ghas.

¹⁰ seiseadh. Eir.

¹¹ rinn e tàmh.

¹² Iehobhah. Eabh.

¹³ Agus *gach* uile phreas

2 Agus chrìochnaich Dia air an t-seachdamh là 'obair a rinn e; agus ghabh e fois¹¹ air an t-seachdamh là o'obair uile a rinn e.

3 Agus bheannaich Dia an t-seachdamh là, agus naomhaich se e: do bhrìgh gur ann air a ghabh e fois o'obair uile, a chruthaich Dia agus a rinn e.

4 Is iad so ginealaich nan nèamh agus na talmhainn, 'nuair a chruthaich eadh iad, san là an d'rinn an Tighearna¹² Dia an talamh agus na nèamhan.

5 Agus cha robh uile phreasan na macharach fathast anns an talamh, agus cha d'fhàs fathast uile lusan na macharach¹³; do bhrìgh nach d'thug an Tighearna Dia air uisge frasadh¹⁴ air an talamh, agus cha robh duine ann a shaoithreachadh na talmhainn.

6 Ach chaidh ceò suas o'n talamh, agus dh'uisgich e aghaidh na talmhainn uile.

7 Agus dhealbh an Tighearna Dia an duine do dhuslach na talmhainn: agus shéid e ann an cuineinibh¹⁵ a shroine anail na beatha; agus dh'fhàs an duine 'na anam beò.

8 Agus shuidhich¹⁶ an Tighearna Dia gàradh¹⁷ ann an Eden san àird an ear, agus chuir e an sin an duine a dhealbh e.

9 Agus thug an Tighearna Dia air *gach* uile chraoibh fàs as an talamh a ta taitneach do'n t-sealladh, agus maith a chum bidh: craobh na beatha mar an ceudna ann am meadhon a' ghàraidh, agus craobh eòlais a' mhaith agus an uile.

10 Agus chaidh amhainn¹⁸ a mach á h-Eden a dh'uisgeachadh a ghàraidh; agus as a sin roinneadh i, agus dh'fhàs i 'na ceithir cheannaibh¹⁹.

11 Is e ainm na ceud aimhne Pison; so i a ta cuartachadh tìre Chabhilah uile, far *am bheil* òr.

12 Agus a *ta* òr na tìre sin maith: an sin²⁰ a *ta* bdellium agus a' chlach onics.

13 Agus is e ainm na dara aimhne Gihon: is i sin a *ta* cuartachadh tìre Chuis²¹ uile.

14 Agus is e ainm na treas aimhne Hidecel: is i sin a tha dol do'n taoibh an ear do Asiria. Agus is i a' cheathramh amhainn Euphrates.

15 Agus ghabh an Tighearna Dia an duine agus chuir se e ann an gàradh Edein, g'a shaoithreachadh²² agus g'a ghleidheadh.

16 Agus dh'àithn an Tighearna Dia do'n duine, ag ràdh, Do *gach* uile chraoibh sa' ghàradh feudaidh tu itheadh gu saor:

17 Ach do chraoibh eòlais²³ a' mhaith agus an uile, cha'n ith thu dh'i sin: oir

na macharach mun robh e anns an talamh, agus *gach* uile lus na macharach mun d'fhàs e. ¹⁴ sileadh.

¹⁵ pollaibh, pollaraibh, coimhlionaibh.

¹⁶ phlannadaich, dhèasaich. ¹⁷ lios. ¹⁸ abhainn.

¹⁹ as sin sgoil i, agus dh'fhàs i 'na ceithir meuraibh.

²⁰ ann an sin.

²¹ Arabia; Ethiopia. Sasg.

²² dheasachadh.

²³ fhios.

aims an là a dh'itheas tu dhith, gu cinn-teach bàsaiehidh tu.

18 Agus thubhairt an Tighearna Dia, Cha' ¹ n'eil e maith gu'm biodh an duine 'na aonar: Ni mi dha còmhnaidh ² d'a réir féin ³.

19 Agus dhealbha an Tighearna Dia as an talamh, uile bheathaiche na macharach, agus uile eunlaith nan speur, agus thug e iad a chum Adhaimh, a dh'fhaicinn cionnas a dh'ainmieheadh e iad: agus ge b'e ainm a thug Adhamh air gach creutair beò ⁴, b'e sin a b'ainm dha.

20 Agus thug Adhamh ainmean do'n spréidh uile, agus do eunlaith nan speur, agus do uile bheathaicheibh na macharach: ach do Adhamh cha d'fhuaradh còmhnaidh d'a réir féin.

21 Agus thug an Tighearna Dia air codal trom tuiteam air Adhamh, agus ehoidil e: agus ghabh e h-aon d'a ainsibh, agus dhùin e an fheoil suas 'na h-àit.

22 Agus thog ⁵ an Tighearna Dia an aise a thug e o'n duine suas 'na mnaoi, agus thug e i chum an duine.

23 Agus thubhairt Adhamh, So a nis ⁶ cnàimh do'm ehnàmhaidh, agus feoil do'm fheoil-sa: goirear bean ⁷ dith, do bhrìgh gur ann as an duine ⁸ a thugadh i.

24 Air an aobhar ⁹ sin fàgaidh fear 'ath-air agus a mhàthair, agus dlùth-leanaidh se r'a mhaoi: agus bithidh iad 'nan aon fheoil.

25 Agus bha iad le chéile lomnochd, an duine agus a bhean; agus cha robh nàire orra.

CAIB. III.

1 Cealadh na nathrach. 6 Peacadh an duine, 15 agus gealladh saorsa Dé trid shìl na mnà.

A NIS bha an nathair ¹⁰ ni bu sheolta ¹¹ na h-aon do bheathaicheibh na macharach a rinn an Tighearna Dia; agus thubhairt i ris a' mhaoi, Seadh, an dubhairt Dia, Cha 'n ith sibh do gach craoibh sa' ghàradh?

2 Agus thubhairt a' bhean ris an nathair, Do mheas eraobhan a' ghàraidh feudaidh sinn itheadh:

3 Ach do mheas na craoibhe a ta ann am meadhon a' ghàraidh, thubhairt Dia, Cha'n ith sibh dheth, agus eha bhean sibh ris, a chum nach faigh ¹² sibh bàs.

4 Agus thubhairt an nathair ris a' mhaoi, Gu cinnteach cha 'n fhaigh sibh bàs.

5 Oir a ta fios aig Dia, san là a dh'itheas sibh dheth, gu'm fosglar bhur ¹³ sùilean,

agus gu'm bi sibh mar dhée, fiosrach air maith agus air ole.

6 Agus ehumnaic a' bhean gu'n robh a' ehraobh maith a chum bìdh, agus gu'n robh i taitneach do 'n t-sùil ¹⁴, agus 'na eraobhr' a miannaeadh a dheanamh neach glic; agus ghabh i d'a meas agus dh'ith i, agus thug i mar an ceudna d'a fear maille rithe, agus dh'ith e.

7 Agus dh'fhosglaidh an sùilean le chéile, agus dh'aithnich iad gu'n robh iad lomnochd; agus dh'fhuair iad duilleach croinn-fhlùge r'a chéile, agus rinn iad dhoibh féin aprain ¹⁵.

8 Agus chual' iad guth an Tighearna Dé ag imeachd ¹⁶ sa' ghàradh, am fionnfhuair-eachd an là: agus dh'fholaich Adhamh agus a bhean iad féin o ghnùis an Tighearna Dé am measg chraobhan a' ghàraidh.

9 Agus dh'éigh ¹⁷ an Tighearna Dia air Adhamh, agus thubhairt e ris, C'ait am bheil thu?

10 Agus thubhairt e, Chuala, mi do ghuth sa' ghàradh, agus bha eagal orm a chionn gu'n robh mi lomnochd ¹⁸, agus dh'fholaich mi mi féin.

11 Agus thubhairt e, Cò dh'imnis dhuit gu'n robh thu lomnochd? An d'ith thu do'n ehraoibh, a dh'àithn mise dhuit gun itheadh dhith?

12 Agus thubhairt an duine, A' bhean a thug thu gu bhi maille rium, thug ise dhomh do'n chraoibh, agus dh'ith mi.

13 Agus thubhairt an Tighearna Dia ris a' mhaoi, Ciod e so a rinn thu ¹⁹? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearna Dia ris an nathair, A chionn gu'n d' rinn thu so, tha thu mallaichte thar gach ainmhidh ²⁰, agus thar uile bheathaiche na macharach: air do bhroim imiehidh tu, agus duslach ²¹ ithidh tu uile làithean ²² do bheatha.

15 Agus cuiridh mi naimhdeas eadar thusa agus a' bhean, agus eadar do shìol-sa agus a sìol-sa: bruthaidh esan ²³ do cheann, agus bruthaidh tusa a shàil-san.

16 Ris a' mhaoi thubhairt e, Mendaichidh mi gu mòr do dhoilgheas agus do thoirrehas; am péin beiridh tu clamh, agus ri t'fhear bithidh do thogradh ²⁴, agus bithidh uachdaranachd aige ort ²⁵.

17 Agus ri h-Adhamh thubhairt e, Do bhrìgh gu'n d'éisd thu ri guth do mhnà, agus gu'n d'ith thu do'n ehraoibh a

¹ Cho. ² congnamh. Eir. ³ a bhios iomchuidh dha, cosmhuil ris féin. ⁴ thug e iad a dh'ionnsuidh Adhaimh, a dh'fhaicinn ciod a ghoirtheadh e dhiubh: agus ge b'e air bith a ghair Adhamh do gach uile creutair beò. ⁵ rinn. ⁶ a nois. Eir. ⁷ iska. Eabh. ⁸ ish. Eabh. ⁹ adhbhar. ¹⁰ aithir. ¹¹ innleachdaiche, raideile, slit-

eile, charaiche, chuillbheartaiche. ¹² an t-eagal gu'm fuigh. ¹³ ur. ¹⁴ 'na sùilb. ¹⁵ criosan. Eabh. ¹⁶ a' spaisdeireachd, a' sràid-imeachd. ¹⁷ ghoir, ghairm, ghlaodh. ¹⁸ a chionn mi bhi ràisgte. ¹⁹ Gu dè so a rinn thu? ²⁰ spréidh. ²¹ àir. ²² làethe, làthachan. ²³ eisean, eisean. ²⁴ iarrtus. ²⁵ os do cheann.

dh' àithn mise dhuit, ag ràdh, Cha'n ith thu dlùth, *tha'n* talamh mallaichte air do shon; ann an dòilgheas ithidh tu dheth uile làithean do bheatha.

18 Agus droighionn agus eluarain¹ bheir e mach dhuit, agus ithidh tu luibh na maeharach.

19 Am fallus² do ghnùise ithidh tu aran, gus am pill thu dh' ionnsuidh na talmhainn³; oir aise de thugadh thu: oir is duslach thu, agus gu duslach pillidh tu.

20 Agus thug Adhamh Eubha mar ainm air a mhnaoi, do bhrìgh gu'm b'i màthair nan uile bheò.

21 Agus rinn an Tighearna Dia do Adhamh agus d'a mhnaoi, còtaichean eroicinn, agus ehòmdaich e iad⁴.

22 Agus thubhairt an Tighearna Dia, Feuch, a ta'n duine air fàs mar aon dhinn *fèin*, fiosrach air maith agus olc. Agus a nis air eagal gu'n sineadh e mach a làmh, agus gu'n gabhadh e mar an ceudna do ehraoibh na beatha, agus gu'n itheadh e, agus gu'm biodh e beò gu sìorruidh:

23 Air an aobhar sin, chuir an Tighearna Dia a mach e á gàradh Edein, a shaoithreachadh na talmhainn, as an d' thugadh e.

24 Agus dh'fhògair e mach an duine; agus shuidhich e san taobh an ear do ghàradh Edein Cheruban⁵, agus claidheamh lasarach⁶, a *bha* tionndadh air gach làimh, a ghleidheadh⁷ slighe eraoibhe na beatha.

CAIB. IV.

1 Breith Chain agus Abeil. 8 Mortadh Abeil. 11 Mallaichadh Chain. 19 Lamech agus a dhà mhnaoi.

AGUS dh'aithnich Adhamh a bhean Eubha, agus dh'fhàs i torrach⁸, agus rug i Cain, agus thubhairt i, Fhuair mi duine o'n Tighearna.

2 Agus a ris rug i a bhràthair Abel: agus bha Abel 'na bhuachaille chaorach, ach bha Cain 'na threabhaiche fearainn⁹.

3 Agus tharladh¹⁰ an ceann làithean àr-aidh¹¹, gu'n d' thug Cain do thoradh an fhearainn tabhartas¹² do'n Tighearna.

4 Agus thug Abel mar an ceudna do cheud-ghinibh a thréid, agus d'an saill: agus bha meas aig an Tighearn air Abel agus air a thabhartas:

5 Ach air Cain, agus air a thabhartas, eha robh meas aige. Agus bha Cain fuidh throm fheirg¹³, agus thuit a ghnùis¹⁴.

6 Agus thubhairt an Tighearna ri Cain, C'ar son a tha fearg ort? agus e'ar son a

thuit do ghnùis?

7 Ma ni thu gu maith, nach gabhar riut? agus mur dean thu gu maith, aig an dorus *tha* peacadh 'ua luidhe. Agus riutsa *bithidh* a thogradh, agus bithidh uach-daranachd agad air.

8 Agus labhair Cain ri h-Abel¹⁵ a bhràthair: agus 'nuair a bha iad sa' mhachair¹⁶, dh' éirich Cainsuas an aghaidh Abeil a bhràthar, agus mharbh se e.

9 Agus thubhairt an Tighearna ri Cain, C'ait' *am bheil* Abel do bhràthair? Agus thubhairt esan, Cha'n 'eil fhios agam¹⁷. Am mise fear-gleidhidh mo bhràthar?

10 Agus thubhairt esan, Ciod a rinn thu? *Tha* guth fola do bhràthar ag éigheach riumsa o'n talamh.

11 Agus a nis *tha* thu mallaichte o'n talamh, a dh'fhosgail a bheul a ghabhail fola do bhràthar o d'làimh.

12 'Nuair a shaoithrieas tu an talamh, eha toir¹⁸ e dhuit á so suas a neart. A' t'fhògarach agus a' t'fhear-fuadain bithidh¹⁹ tu air an talamh.

13 Agus thubhairt Cain ris an Tighearna, Is mò mo pheanas na gur urrainn mi ghàradh²⁰.

14 Feuch, dh'fhògair thu mi mach, an diugh, bhàrr aghaidh na talmhainn: agus o d' ghnùis-sa folaichear mi, agus bithidh mi a'm'fhògarach agus a'm'fhear-fuadain air an talamh; agus tarlaidh gach neach a gheibh mi²¹, *gu* marbh e mi.

15 Agus thubhairt an Tighearna ris, Uime sin ge b'e air bith a mharbhas Cain, nìthear a sheachd uiread do dhìoghaltas air²². Agus chuir an Tighearna comhara air Cain, a chum ge b'e neach a gheibheadh e nach marbhadh se e.

16 Agus chaidh Cain a mach á làthair an Tighearn, agus ghabh e còmhuidh ann an tìr Nod an taobh an ear do Eden²³.

17 Agus dh'aithnich Cain a bhean, agus dh'fhàs i torrach, agus rug i Enoch: agus thog e baile²⁴, agus ghoir e ainm a' bhaile a rèir ainme a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha fèin dà mhnaoi: b'e ainm a h-aon diubh Adah, agus ainm na mnà eile Sillah.

20 Agus ghin Adah Iabal: b'esan athair na droinge²⁵ a ta gabhail còmhuidh am bùthaibh²⁶, agus na droinge aig *am bheil* spréidh.

¹ oighionnach; foghannain. Eir. ² follus.

³ uire. ⁴ dh'eudaich e iad, chuir e trusgan orra.

⁵ Cherubim. Eabh. ⁶ lasartha. ⁷ choimhead.

⁸ thorrachaidh i, dh' fhàs i leatromach.

⁹ talmhainn. ¹⁰ thachair; bha e. Eabh.

¹¹ àraid. ¹² tiodhlac, ofrail. ¹³ làn feirge.

¹⁴ buidh gruaim air. ¹⁵ bha focail eadar Cain agus Abeil. ¹⁶ san fhaiche, sa' mhagh.

¹⁷ Cha'n aithne dhomh, cha'n fhiosrach mi.

¹⁸ cha doir, cha tabhair. ¹⁹ biaidh. Eir.

²⁰ Is mò mo choire na gu'm feudar a laghadh dhomh. ²¹ dh'amaiseas orm.

²² nìthear dìoghaltas seachd-fhillte air.

²³ san àird an ear o Eden.

²⁴ cathair. ²⁵ muinntir, dream. ²⁶ bothagaibh, pàilliunaibh.

21 Agus b'e ainm a bhràthar Iubal: b'e-san athair nan uile a laimhsicheas clàrsach agus organ.

22 Agus Sillah, rug ise mar an ceudna Tubalcain, fear-teagaisg gach uile fhìrceird ann an ùmha¹ agus an iarum: agus b'i piuthar Thubalcain, Naamah.

23 Agus thubhairt Lamech r'a mhnàibh, Adah agus Sillah, Chuinibh mo ghuth, a mhnà Lameich, éisdibh ri m' chainnt: oir mharbh mi duine a chum mo lotaidh, agus ogannach a chum mo chiuraidh².

24 Ma dhìolar Cain a sheachd uiread, gu deimhin *dìolar* Lamech a sheachd-deug agus a trì fichead uiread.

25 Agus dh'aithnich Adhamh a rìs a bhean, agus rug i mac, agus thug i Set³ mar ainm air; oir dh'òrduich Dia, *thubhairt i*, dhomhsa sliochd eile an àite Abeil, a mharbh Cain.

26 Agus do Shet féin mar an ceudna rugadh mac, agus thug e Enos mar ainm air: an sin thoisich daoine ri gairm air ainm an Tighearna.

CAIB. V.

1 *Ginealach, beatha, agus bàs nam prìomh-aithriche, o Adhamh gu Noah.* 24 *Diadhaidheachd Enoich, agus a ghabhail suas do fhàitheanas.*

IS e so leabhar ghinealach Adhaimh: san là an do chruthaich Dia an duine, ann an coslas Dé rinn se e.

2 Fìrionnach agus boirionnach chruthaich e iad; agus bheannaich e iad, agus thug e Adhamh⁴ mar ainm orra, san là an do chruthaicheadh iad.

3 Agus bha Adhamh beò ceud agus deich bliadhna fichead, agus ghin e mac⁵ na choslas féin, a réir ìomhaigh féin⁵: agus thug e Set mar ainm air.

4 Agus b'iad làithean Adhaimh an déigh dha Set a ghintinn⁶, ochd ceud bliadhna: agus ghin e mic agus nigheana.

5 Agus b'iad uile làithean Adhaimh bha e beò, naoi ceud agus deich bliadhna fichead; agus fhuair e bàs.

6 Agus bha Set beò ceud agus cùig bliadhna, agus ghin e Enos.

7 Agus bha Set beò, an déigh dha Enos a ghintinn, ochd ceud agus seachd bliadhna, agus ghin e mic agus nigheana.

8 Agus b'iad uile làithean Shet naoi ceud agus dà bhliadhna dheug; agus fhuair e bàs.

9 Agus bha Enos beò ceithir fichead bliadhna agus a deich, agus ghin e Cainan.

10 Agus bha Enos beò, an déigh dha Cainan a ghintinn, ochd ceud agus cùig bliadhna deug, agus ghin e mic agus nigheana.

11 Agus b' iad uile làithean Enois naoi

ceud agus cùig bliadhna; agus fhuair e bàs.

12 Agus bha Cainan beò deich bliadhna agus trì fichead, agus ghin e Mahalaleel.

13 Agus bha Cainan beò, an déigh dha Mahalaleel a ghintinn, ochd ceud agus da fhichead bliadhna, agus ghin e mic agus nigheana.

14 Agus b'iad uile làithean Chainain naoi ceud agus deich bliadhna; agus fhuair e bàs.

15 Agus bha Mahalaleel beò cùig bliadhna agus trì fichead, agus ghin e Iared.

16 Agus bha Mahalaleel beò, an déigh dha Iared a ghintinn, ochd ceud agus deich bliadhna fichead, agus ghin e mic agus nigheana.

17 Agus b'iad uile làithean Mahalaleil ochd ceud, ceithir fichead, agus cùig bliadhna deug; agus fhuair e bàs.

18 Agus bha Iared beò ceud agus trì fichead agus dà bhliadhna, agus ghin e Enoch.

19 Agus bha Iared beò, an déigh dha Enoch a ghintinn, ochd ceud bliadhna, agus ghin e mic agus nigheana.

20 Agus b' iad uile làithean Iareid naoi ceud, trì fichead, agus dà bhliadhna agus fhuair e bàs.

21 Agus bha Enoch beò trì fichead agus cùig bliadhna, agus ghin e Metuselah.

22 Agus ghluais Enoch maille ri Dia, an déigh dha Metuselah a ghintinn, trì cheud bliadhna, agus ghin e mic agus nigheana.

23 Agus b' iad uile làithean Enoich trì cheud agus trì fichead, agus cùig bliadhna.

24 Agus ghluais Enoch maille ri Dia, agus cha robh e ann, oir thug Dia leis e.

25 Agus bha Metuselah beò ceud agus ceithir fichead, agus seachd bliadhna agus ghin e Lamech.

26 Agus bha Metuselah beò, an déigh dha Lamech a ghintinn, seachd ceud, ceithir fichead, agus dà bhliadhna, agus ghin e mic agus nigheana.

27 Agus b' iad uile làithean Mhetuselah naoi ceud agus trì fichead agus naoi bliadhna; agus fhuair e bàs.

28 Agus bha Lamech beò ceud agus ceithir fichead agus dà bhliadhna, agus ghin e mac.

29 Agus thug e Noah mar ainm air, ag ràdh, Bheir an tì so *féin* sòlas dhuinne thaobh ar n-oibre agus saothreach ar làmh, a thaobh na talmhainn a mhallaich an Tighearna.

30 Agus bha Lamech beò, an déigh dha Noah a ghintinn, cùig ceud, ceithir fichead, agus cùig bliadhna deug; agus ghin e mic agus nigheana.

¹ prais.

² dhochair.

³ Seth. Eabh.

⁴ duine.

⁵ na dhealbh, 'na chruth féin.

⁶ ghineamhuinn. Eir,

GENESIS, VI. VII.

31 Agus b' iad uile làithean Lameich, seachd ceud agus trì fichead agus seachd bliadhna-deug; agus fhuair e bàs.

32 Agus bha Noah cùig ceud bliadhna dh'aois: agus ghin Noah Sem, Ham, agus Iaphet.

CAIB. VI.

1 *Truailleadhachd a' chinne-daoine, a bhrosnach Dia gu an sgrios le tuil, saor o Noah agus a theaghlach.* 14 *An àire air a h-orduchadh.*

A Gus 'nuair a thòisich daoine ri fàs lionmhòr air aghaidh na talmhainn, agus a rugadh nigheana dhoibh,

2 agus a chunnaic mic Dhé nigheana dhaoine¹, gu'n robh iad sgiamhach, ghabh iad dhoibh féin mnàid do gach uile a rògh-naich iad.

3 Agus thubhairt an Tighearna, Cha bhi no Spiorad a' strì ris an duine a ghnàth², do bhrìgh gur feoil a mhàin e³: gidheadh bithidh a làithean ceud agus fichead bliadhna.

4 Bha fahmairean⁴ air an talamh 'sna laithibh sin; agus mar an ceudna 'na dhéigh sin, 'nuair a thàinig mic Dhé a steach a chum nigheana dhaoine, agus a rug iad clann dhoibh, dh'fhàs iad sin 'nan daoineibh treuna, a bha o shean 'nan daoineibh ainmeil.

5 Agus chunnaic an Tighearna gu'm bu mhòr aingidheachd an duine air an talamh, agus gu'n robh uile bhreithneachadh smuaintean a chridhe a mhàin olc gach aon là⁵.

6 Agus b'aithreach leis an Tighearna gu'n d' rinn e an duine air an talamh, agus thog e doilgheas⁶ da 'na chridhe.

7 Agus thubhairt an Tighearna, Sgriosaidh mi an duine, a chruthaich mi, bhàrr aghaidh na talmhainn, araon duine agus ainmhidh, agus an creutair a shnàigeas, agus eunlaith nan speur; oir is aithreach leam gu'n d' rinn mi iad.

8 Ach fhuair Noah deadh-ghean⁷ ann an sùilbha an Tighearna.

9 Is iad so ginealaich Noah: Bha Noah 'na dhuine cothromach⁸, agus iomlan 'na linn⁹; agus ghluais Noah maille ri¹⁰ Dia.

10 Agus ghin Noah triuir mhac, Sem, Ham, agus Iaphet.

11 Agus bha 'n talamh truailldh am fianuis Dé, agus lionadh an talamh le foirneart.

12 Agus dh'amhaire Dia air an talamh, agus feuch, bha e truailldh; oir thruaill gach uile fheoil a slighe air an talamh.

13 Agus thubhairt Dia ri Noah, Thàinig crìoch gach uile fheòla a'm' fhianuis; oir tha'n talamh air a lionadh le foirneart d'an trid-san¹¹: agus, feuch, sgriosaidh mise iad maille ris an talamh.

14 Dean dhuit féin àire do fhiodh ghoph-er; seòmraichean nì thu san àire¹², agus còmhdaichidh tu i a stigh agus a muigh le pic.

15 Agus so a' chumachd air an dean thu i: Tri cheud làmh-choille¹³ fad na h-àirce, leth-cheud làmh-choille a leud, agus deich 'ar fhichead¹⁴ làmh-choille a h-àirde.

16 Uinneag¹⁵ nì thu do'n àire, agus an làmh-choille crìochnaichidh tu i 'na mullach¹⁶; agus dorus na h-àirce cuiridh tu 'na taobh: le lobhtaibh iochdarach, meadh-onach¹⁷, agus uachdarach¹⁸ nì thu i.

17 Agus, feuch, bheir mise, eadhon mise, dile uisgeachan air an talamh, a sgrios gach uile fheòla, anns am bheil anail na beatha fuidh¹⁹ nèamh: agus gheibh gach nì a ta air an talamh bàs.

18 Ach daingnichidh mi mo choimh-cheangal²⁰ riutsa: agus thèid thu a steach do'n àire, thu féin, agus do mhic, agus do bhean, agus mnàid²¹ do mhac maille riut.

19 Agus do gach uile nì beò do'n uile fheoil, dithis do gach seòrsa²² bheir thu steach do'n àire, gu'n gleidheadh beò maille riut: fìrionn agus boirionn²³ bithidh iad.

20 Do'n eunlaith a réir an gnè, agus do'n spréidh a réir an gnè, agus do gach nì a shnàigeas air an talamh a réir a ghnè: thèid dithis do gach seòrsa steach a t' ionnsuidh, gu'n gleidheadh beò.

21 Agus gabh thusa dhuit do gach uile bhiadh a dh'ithear, agus cruinnichidh tu a t' ionnsuidh e; agus bithidh e dhuitse agus dhoibhsan air son beathachaidh²⁴.

22 Mar so rinn Noah; a réir gach nì a dh'àithn Dia dha, mar sin rinn e.

CAIB. VII.

1 Chaidh Noah agus gach creutair a bha maille ris a steach do'n àire. 10 Toiseach agus èiridh na dile. 24 Mhair i ceud agus leth-cheud là.

A Gus thubhairt an Tighearna ri Noah, Rach thusa²⁵, agus do thigh uile, a steach do'n àire; oir thusa chunnaic mi cothromach a'm' fhianuis sa' ghinealach so²⁶.

2 Do gach uile ainmhidh glan gabhaidh tu dhuit 'nan seachdaibh, am fìrionn agus a bhoirionn; agus do ainmhidhibh nach 'eil glan 'nan dithisibh²⁷, am fìrionn agus a bhoirionn:

¹ chunnaic mic nan daoine cumhachdach nigheana dhaoine' isle. ² ghnà. ³ gur feoil esan mar an ceudna.

⁴ fahmairean, curaidhean, aithaich.

⁵ an còmhuidh, daonan. ⁶ cràdh, mullad.

⁷ fìbhor. ⁸ ceart, ionruic. ⁹ 'na ghinealachaidh.

¹⁰ re. ¹¹ le h-urchoid leo-san.

¹² 'na seòmraichibh beaga nì thu an àire.

¹³ bann-làmh.

¹⁴ deich thar fhichead.

¹⁵ Fùinneog. Eir. ¹⁶ os cionn. ¹⁷ dara.

¹⁸ treas. ¹⁹ fo. ²⁰ mo chunradh, mo chumhachd.

²¹ mnathan. ²² seòrta. ²³ bainnean.

²⁴ air son bith, mar lòn. ²⁵ Theig thusa, gabh thusa.

²⁶ san linn so. ²⁷ 'nan caraidibh.

3 Mar an ceudna do eunlaith nan speur 'nan seachdaibh, fìrionn agus boirionn, a ghleidheadh sìl beò air aghaidh na talmhainn uile:

4 Oir fathast seachd làithean, agus bheir mise air uisge teachd air an talamh dà fhichead là agus dà fhichead oidhche; agus sgriosaidh mi¹ gach dùil *bheò* a rinn mi, bhàrr aghaidh na talmhainn.

5 Agus rinn Noah a réir gach in a dh'àithn an Tighearna dha.

6 Agus *bha* Noah sè ceud bliadhna dh'aois, 'nuair a bha an dile² uisgeachan air an talamh.

7 Agus chaidh Noah steach, agus a mhic, agus a bhean, agus mnà a mhac maille ris, do'n àirc, air son uisgeacha na dile.

8 Do ainmhidhibh glan, agus do ainmhidhibh nach 'eil glan, agus do eunlaith, agus do gach ni a shnàigeas air an talamh,

9 Chaidh dithis agus dithis³ a steach a dh'ionnsuidh Noah do'n àirc, fìrionn agus boirionn, a réir mar a dh'àithn Dia do Noah.

10 Agus an déigh sheachd làithean bha uisgeacha na dile air an talamh.

11 Anns an t-seathadh ceud bliadhna dh'aois Noah, san dara mìos, san t-seachdamh latha deug do'n mhìos, san là sin féin bhriseadh suas uile thobraiche na doimhne mòire, agus bha tuil-dhorsa⁴ nan nèamh air am fosgladh.

12 Agus bha'n t-uisge air an talamh dà fhichead là agus dà fhichead oidhche.

13 Sa' cheart là sin féin⁵ chaidh Noah, agus Sem, agus Ham, agus Iaphet, mic Noah, agus bean Noah, agus triuir bhan a mhac maille ri, a steach do'n àirc;

14 Iad féin, agus gach uile bheathach a réir a ghnè, agus an spréidh uile a réir an gnè, agus gach creutair a shnàigeas a ta snàigeadh air an talamh a réir a ghnè, agus an eunlaith uile a réir an gnè, gach eun do gach seòrsa.

15 Agus chaidh⁶ iad a steach a chum Noah do'n àirc, a lion dithis agus dithis, do gach uile fheoil, anns *am bheil* anail na beatha.

16 Agus iadsan a chaidh a steach, fìrionn agus boirionn chaidh iad a steach do gach uile fheoil, mar a dh'àithn Dia dha: agus dhruid an Tighearna stigh e.

17 Agus bha'n dile dà fhichead là air an talamh, agus mheudaicheadh na h-uisgeachan, agus ghiùlain iad an àirc, agus thogadh suas i os ceann na talmhainn.

18 Agus bhuadhaich na h-uisgeachan, agus mheudaicheadh iad gu h-anabarrach air an talamh; agus shiubhail⁷ an àirc air aghaidh nan uisgeachan.

19 Agus bhuadhaich na h-uisgeacha gu

ro anabarrach air an talamh; agus chòmhdaicheadh na beanntan àrda uile, a bha fuidh na nèamhaibh gu léir.

20 Cùig làmh-choille deug air àirde bhuadhaich na h-uisgeachan: agus chòmhdaicheadh na beanntan.

21 Agus dh'eug⁸ gach uile fheoil *a bha* gluasad air an talamh, araon do eunlaith, agus do spréidh, agus do bheathaichibh, agus do gach ni a shnàigeas a ta snàigeadh air an talamh, agus gach uile dluine.

22 Gach ni aig *an robh* anail na beatha ann an cuineinibh a shròine, do na h-uile a *bha* air an talamh thioram, dh'eug iad.

23 Agus sgriosadh gach uile dhùil a bha air aghaidh na talmhainn, araon duine agus ainmhidh⁹, agus an creutair a shnàigeas, agus eunlaith nan speur; agus sgriosadh iad bhàrr na talmhainn, agus dh'fhàgadh a mhàin Noah, agus na *bha* maille ris san àirc.

24 Agus bhuadhaich na h-uisgeachan os ceann na talmhainn ceud agus leth-cheud là.

CAIB. VIII.

1 Thraogh na h-uisgeachan. 4 Stad an àirc air beanntaibh Ararait. 15 A réir àithne Dhé chaidh Noah mach as an àirc; 20 thog e altair, agus dh'ìobair e òbairtean-loisgte.

A GUS chuinnich Dia air Noah, agus gach ni beò, agus gach uile spréidh a *bha* maille ris san àirc, agus thug Dia air gaoith dol thairis air an talamh, agus thraogh na h-uisgeachan.

2 Agus dhruidheadh suas tobraiche na doimhne, agus tuil-dhorsa nan nèamh; agus choisgeadh an t-uisge o na nèamhaibh¹⁰.

3 Agus phill na h-uisgeachan a ghnàth¹¹ bhàrr na talmhainn: agus thraogh na h-uisgeachan an déigh ceud agus leth-cheud là.

4 Agus stad an àirc anns an t-seachdamh mìos, air an t-seachdamh là deug do'n mhìos, air beanntaibh Ararait.

5 Agus thraogh na h-uisgeachan a ghnàth agus an deicheamh mìos: Anns an deicheamh mìos, air a' cheud là do'n mhìos, chunncas mullaich nam beann.

6 Agus an ceann dà fhichead là, dh'fhosgail Noah inneag na h-àire a rinn e.

7 Agus chuir e mach fitheach, a chaidh a mach a' dol air 'ais agus air 'aghaidh, agus an do thormaicheadh na h-uisgeacha bhàrr na talmhainn.

8 Mar an ceudna chuir e mach columan uaithe, a dh'fhaicim¹² an do thraogh na h-uisgeacha bhàrr aghaidh na talmhainn.

9 Ach cha d'fhuair an columan fois do bhonn a choisge, agus phill e d'a ionnsuidh

¹ dubhaidh mi as.

² dìlinn, tuil.

³ a lion dithis agus dithis.

⁴ uinneaga.

⁵ Ann an corp an là sin féin. Eabh.

⁶ chuaidh. Eir.

⁷ dh'fhalbh, dh'ìmhich.

⁸ bhàsaich.

⁹ eadar dhuine agus ainmhidh.

¹⁰ bha'n t-uisge o na nèamhaibh air a chosgadh.

¹¹ gun stad, d'èil air ais agus air aghaidh. Eabh.

¹² dh'fhaicsinn.

do'n àirc, do bhrìgh gu'n robh na h-uisgeachan airaghaidh na talmhainn uile. An sin chuir e mach a làmh, agus rug e air, agus thug e stigh e d'a ionnsuidh do'n àirc.

10 Agus dh'fhan e fathast seachd làithean¹ eile, agus a ris chuir e mach an cùlman o'n àirc.

11 Agus thàinig an cùlman d'a ionnsuidh san fheasgar, agus, feuch, duilleag craoibh ola, a spionadh leis, aige 'na ghob: agus dh'aithnich Noah gu'n do thraugh na h-uisgeacha bhàrr na talmhainn.

12 Agus dh'fhan e fathast seachd làithean eile, agus chuir e mach an cùlman; agus cha do phill e ris d'a ionnsuidh ni's mò.

13 Agus anns an t-seathadh ceud bliadhna agus a h-aon, anns a' cheud mhios, anns a' cheud là do'n mhìos, thiormaicheadh na h-uisgeacha suas bhàrr na talmhainn: agus bhuin Noah air falbh còmh-dachadh na h-àirce, agus dh'amhairc e, agus, feuch, bha aghaidh na talmhainn tioram.

14 Agus san dara mìos, san t-seaclidamh là thar fhichead do'n mhìos, bha an talamh air tiormachadh.

15 Agus labhair Dia ri Noah, ag ràdh,

16 Rach a mach as an àirc, thu fèin, agus do bhean, agus do mhic, agus mnàì do mhac maille riut.

17 Thoir a mach leat gach ni beò a ta maille riut, do gach uile fheoil, do eunlaith, agus do spréidh, agus do gach uile ni a shnàigeas² a ta snàigeadh air an talamh, chum as gu'n siolaich iad³ air an talamh, agus gu'm bi iad torthach, agus gu'm fàs iad lionmhor air an talamh.

18 Agus chaidh Noah a mach, agus a mhic, agus a bhean, agus mnàì a mhac maille ris:

19 Chaidh gach uile bheathach, gach ni a shnàigeas, agus gach eun, gach ni a ghluaiseas air an talamh, a réir an cineil⁴, a mach as an àirc.

20 Agus thog Noah altair do'n Tighearn, agus ghabh e do gach ainmhidh glan, agus do gach eun glan, agus thug e suas⁵ tabhartais-loisgte air an altair.

21 Agus dh'fhairich an Tighearna fàile cùbhraidh⁶, agus thubhairt an Tighearna 'na chridhe, Cha mhallaich mi ris an talamh ni's mò air son an duine; oir a ta smuainte cridhe⁷ an duine olc o'òige; ni mò a sgriosas mi tuille gach ni beò, mar a rinn mi.

22 Am feadh a mhaireas an talamh⁸, cha sguir àm an t-sil-chur agus foghar, agus fuachd agus teas, agus samhradh agus geamhradh, agus là agus oidheche.

CAIB. IX.

1 Bheannaich Dia Noah. 8 Dhaingnich e a choimhcheangal ris fèin agus r'a shliochd, le comhara a' bhogha-shroise. 20 Thòisich Noah air a bhì 'na threabhaiche, agus shuidhich e fion-tìos. 22 Cionta a mhic Ham. 28 Ais agus bàs Noah.

AGUS bheannaich Dia Noah agus a mhic, agus thubhairt e riut, Siolaichibh, agus fàsaibh lionmhor, agus lionaibh an talamh.

2 Agus bithidh bhur n-eagal agus bhur fiamh-sa air uile bheathaichibh na talmhainn, agus air uile eunlaith nan speur, air gach ni a ghluaiseas air an talamh, agus air uile iasgaibh na mara; d'ur làimh-sa tha iad air an tabhairt.

3 Bithidh gach ni gluasadach a ta beò, dhuibh mar bhiadh⁹; amhuil mar an luibh ghorm thug mi dhuibh na h-uile nithe.

4 Ach feoil maille r'a beatha¹⁰, cadhon a fuil, cha'n ith sibh.

5 Agus gu deimhin fuil bhur beatha-sa iarraidh mise; air làimh gach beathaich iarraidh mi i, agus air làimh an duine; air làimh bràthar gach duine iarraidh mi beatha an duine.

6 Ge b'e dhòirteas fuil duine, le duine dòirtear¹¹ fhuil-san; oir ann an dealbh¹¹ Dhé rinn e an duine.

7 Agus bithibh-sa sìolmhor, agus fàsaibh lionmhor, ginibh air an talamh, agus fàsaibh lionmhor ann.

8 Agus labhair Dia ri Noah, agus r'a mhic maille ris, ag ràdh,

9 Agus mise, feuch, daingnichidh mi mo choimhcheangal ribhse, agus ri'r shliochd¹² 'nur déigh.

10 Agus ris gach uile chreutair beò a ta maille ribh, do eunlaith, do spréidh, agus do uile bheathaichibh na talmhainn maille ribh, o gach uile a ta dol a mach as an àirc, gu uile bheathaichibh na talmhainn.

11 Agus daingnichidh mi mo choimhcheangal ribh, agus cha sgriosar gach uile fheoil tuille le h-uisgibh na dìle: agus cha bhi dìle ann ni's mò a sgrios na talmhainn.

12 Agus thubhairt Dia, So comhara a' choimhcheangail a tha mi toirt eadar mise agus sibhse, agus gach creutair beò a ta maille ribh, air feadh ghinealachas sìorruidh¹².

13 Mo bhogha cuiridh mi¹³ anns an neul, agus bithidh e 'na chomhara coimhcheangail eadar mise agus an talamh.

14 Agus tarlaidh, 'nuair a bheir mi neul os ceann na talmhainn, gu'm faicear am bogha anns an neul.

15 Agus cuimhnichidh mi mo choimh-

¹ làithe, lathachan. ² shnàgas. ³ gluais iad, snàig iad. ⁴ a réir an seòrsan. ⁵ dh'ofrail, thairg e. ⁶ bhol an Tighearna boladh cùbhraidh.

⁷ croidhe. Eir. ⁸ Rè uile làithean na tal-

mhainn. Eabh. ⁹ chum bìdh. ¹⁰ a h-aran.

¹¹ òmhagha, coslas. ¹² o linn gu linn.

¹³ chuir mi. Eabh.

GENESIS, IX. X.

cheangal, a *ta* eadar mise agus sibhse, agus gach creutair beò do'n uile fheoil; agus cha'n fhàs nì's mò na h-uisgeacha 'nan dile a sgrìos gach uile fheòla.

16 Agus bithidh am bogha anns an neul, agus anhaicidh mi air, chum as gu'n cuimhnich mi 'n coimhcheangal sìorruidh eadar Dia agus gach creutair beò do'n uile fheoil, a *ta* air an talamh.

17 Agus thubhairt Dia ri Noah, So comhara a' choimhcheangail, a dhaingnich mi eadar mi féin agus gach uile fheoil a *ta* air an talamh.

18 Agus b'iad mic Noah a chaidh mach as an àir, Sem, agus Ham, agus Iaphet: agus b'e Ham athair Chanaain.

19 *Is iad* sin triuir mhac Noah: agus leo sin lìonadh an talamh uile.

20 Agus thòisich Noah air a *bhì* na fhear-saoithreach¹ na talmhainn, agus shuidhich e fion-gharadh².

21 Agus dh'òl e do'n fhòn, agus bha e air mhisg³, agus bha e lomnochd a stigh 'na bhùth.

22 Agus chunnaic Ham, athair Chanaain, nochd⁴ 'athar, agus dh' innis e d'a dhà bhràthair a muigh.

23 Agus ghabh Sem agus Iaphet brat, agus chuir iad le chèile air an guailnibh e, agus chaidh iad an comhair an cuil, agus chòmhdaich iad nochd an athar; agus bha an aghaidhean air an ais, agus cha'n fhac' iad nochd an athar.

24 Agus dhuìsg Noah o 'fhòn, agus thuig e ciod a rinn a mhac a b'òige air.

25 Agus thubhairt e, Mallaichte gu'n robh Canaan; 'na sheirbhiseach nan seirbhiseach bithidh e d'a bhràithribh.

26 Agus thubhairt e, Beannaichte gu'n robh Tighearna Dia Sheim; agus bithidh Canaan 'na sheirbhiseach dha⁵.

27 Nì Dia Iaphet farsuing⁶, agus còmhnuichidh e ann am bùthaibh Sheim; agus bithidh Canaan 'na sheirbhiseach dha⁷.

28 Agus bha Noah beò an deigh na dile trì cheud agus leth-cheud bliadhna.

29 Agus b'iad uile laithean Noah naoi ceud agus leth-cheud bliadhna: agus fhuair e bàs.

CAIB. X.

1 Ginealaich Noah. 2 Mic Iapheit. 6 Mic Ham. 15 Sliochd Chanaain. 21 Mic Sheim.

ANIS *is iad* sin ginealaich mhac Noah; Sem, Ham, agus Iaphet: agus rugadh dhoibh mic an deigh na dile.

2 Mic Iapheit; Gomer, agus Magog, agus Madai, agus Iabhan, agus Tubal, agus Mesech, agus Tiras.

3 Agus mic Ghomeir; Ascenas, agus Riphath, agus Togarmah.

4 Agus mic Iabhain; Elisa, agus Tarsis, Citim, agus Dodanin.

5 Leo sin roinneadh eileana nan cinn-each 'nan tìribh féin, gach aon a réir a theanga, a réir an teaghlaichean, 'nan cinneachaibh⁸.

6 Agus mic Ham; Cus agus Misraim, agus Phut, agus Canaan.

7 Agus mic Chuis; Seba, agus Habbilah, agus Sabtah, agus Raamah, agus Sabtecha: agus mic Raamah; Seba, agus Dedan.

8 Agus ghin Cus Nimrod: thòisich esan air a bhi cumhachdach san talamh.

9 Bha e 'na shealgair cumhachdach an làthair an Tighearn: Uime sin theirear, Amhuil mar Nimrod an sealgair cumhachdach an làthair an Tighearna.

10 Agus b'e toiseach a rioghachd Babel, agus Erech, agus Acad, agus Calneh, ann an tìr Shinar.

11 As an tìr sin chaidh a mach Asur, agus thog e Ninebleh, agus baile Rehobot, agus Calah.

12 Agus Resen eadar Ninebleh agus Calah: *is* baile mòr sin.

13 Agus ghin Misraim Ludim, agus Anamim, agus Lehabim, agus Naphtuhim,

14 Agus Patrusim, agus Casluhim, (o'n d' thàinig a mach Philistim,) agus Caph-torim.

15 Agus ghin Canaan Sidon a cheud-ghin agus Het,

16 Agus an Iebusach, agus an t-Amorach, agus an Girgasach,

17 Agus an t-Ibheach, agus an t-Harcach, agus an Sineach,

18 Agus an t-Arbhadach, agus an Semarach, agus an t-Hamatach: agus 'na dheigh sin sgaoileadh a mach teaghlaichean nan Canaanach.

19 Agus bha crìoch nan Canaanach o Shidon, mar a thig thu gu Gerar gu ruig Gadsa, mar a thèid thu gu Sodom agus Gomorrah, agus Admah, agus Seboim, gu ruig Lasa.

20 *Is iad* sin mic Ham, a réir an teaghlaichean, a réir an teanganna, 'nan tìribh, agus 'nan cinneachaibh.

21 Agus do Shem féin mar an ceudna, athair chloinn Ebeir uile, bràthair Iapheit bu shine, rugadh clann.

22 Clann Sheim; Elam, agus Asur, agus Arphacsad, agus Lud, agus Aram.

23 Agus clann Aram; Uds, agus Hul, agus Geter, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mhac: b'e ainm aoin diubh Peleg, oir 'na làithibhsan roinneadh an talamh; agus ainm a bhràthar, Ioctan.

26 Agus ghin Ioctan Almodad, agus Seleph, agus Hadsarnabhet, agus Ierah,

27 Agus Hadoram, agus Udsal, agus Diclath.

¹ threabhaiche.

² fion-lìos.

³ mheisg.

⁴ lomnochduidh.

⁵ dhoibh. Eabh.

⁶ leudaichidh.

⁷ dhoibh. Eabh.

⁸ dùchannaibh.

28 Agus Obal, agus Abimael, agus Seba,
29 Agus Ophir, agus Habbilah, agus
Iobab : *b'iad* sin uile mic Ioctain.

30 Agus bha'n àite-còmhnuidh o Mhesa,
mar a théid thu gu Sephar, beinn san àird
an ear.

31 *Is iad* sin mic Sheim, a réir an teagh-
laichean, a réir an teanganna, 'nan tìribh,
a réir an cinneacha.

32 *Is iad* sin teaghlaichean mhac Noah,
a réir au ginealach, 'nan cinneachaibh :
agus leo sin roinneadh na cinnich anns an
talamh an déigh na dìle.

CAIB. XI.

1 *Aon chainnt air an talamh.* 3 *Tùr Bhabeil.*
10 *Ginealach Sheim.* 27 *Ginealach Therah,*
athar Abrahaim. 31 *Turus Therah o Ur gu Haran,*
agus a bhàs.

AGUS bha'n talamh uile *dh'*aon teang-
aidh, agus na h-aon fhocail ¹ *aig*
gach neach.

2 Agus 'nuair a bha iad air an turas o'n
àird an ear, fhuair iad còmhnaid ann an
talamh Shinair agus ghabh iad còmhnuidh
an sin.

3 Agus thubhairt iad gach aon ri chéile,
Thigibh, deanamaid clacha creadh ²,
agus làn-loisgeamaid ³ iad: Agus bha
chlach chreadha aca air son cloiche,
agus bha làthach ⁴ aca air son mor-
teir ⁵.

4 Agus thubhairt iad, Thigibh, togamaid
dhuinn féin baile, agus túr, aig am bi a
mhullach *a' ruigheachd* gu néamh ⁶, agus
deanamaid dhuinn féin ainm, air eagal
gu'n sgaoilear ⁷ o chéile sinn air aghaidh
na talmhainn uile.

5 Agus thàinig an Tighearna a nuas a
dh'fhaicinn a' bhaile, agus an túir, a thog
clann nan daoine.

6 Agus thubhairt an Tighearn, Feuch,
is aon sluagh a t'ann, agus aon teanga ac'
uile; agus thòisich iad air so a dheanamh:
agus a nis cha bhacar dhiubh ni air bith,
a smuainich ⁸ iad a dheanamh.

7 Thigibh, rachamaid sìos, agus cuiream-
aid an cainnt an sin thar a chéile ⁹, chum
as nach tuig iad cainnt a chéile.

8 Mar sin sgaoil an Tighearn iad uaithe
sin air aghaidh na talmhainn uile: agus
sguir iad do thogail a' bhaile.

9 Uime sin thugadh Babel mar ainm air,
dobhrigh, annas sin, gu'n do chuir an Tighearn
thar a chéile cainnt na talmhainn
uile: agus uaithe sin sgaoil an Tighearn
iad air aghaidh na talmhainn uile.

10 *Is iad* sin ginealach Sheim: *Bha*
Sem ceud bliadhna dh'aois, agus ghin e
Arphacsad dà bhliadhna an déigh na dìle.

11 Agus bha Sem beò, an déigh dha Ar-

phacsad a ghintinn, cùig ceud bliadhna;
agus ghin e mic agus nigheanan.

12 Agus bha Arphacsad beò cùig bliadh-
na deug 'ar fhichead ¹⁰, agus ghin e
Salah.

13 Agus bha Arphacsad beò, an déigh
dha Salah a ghintinn, ceithir cheud agus
tri bliadhna; agus ghin e mic agus nigh-
eanan.

14 Agus bha Salah beò deich bliadhna
fichead, agus ghin e Eber.

15 Agus bha Salah beò, an déigh dha
Eber a ghintinn, ceithir cheud agus tri
bliadhna; agus ghin e mic agus nigh-
eanan.

16 Agus bha Eber beò ceithir bliadhna
deug 'ar fhichead, agus ghin e Peleg.

17 Agus bha Eber beò, an déigh dha
Peleg a ghintinn, ceithir cheud agus deich
bliadhna fichead; agus ghin e mic agus
nigheanan.

18 Agus bha Peleg beò deich bliadhna
fichead; agus ghin e Reu.

19 Agus bha Peleg beò, an déigh dha
Reu a ghintinn, dà cheud agus naoi bliadh-
na; agus ghin e mic agus nigheanan.

20 Agus bha Reu beò dà bhliadhna
dheug 'ar fhichead; agus ghin e Serug.

21 Agus bha Reu beò, an déigh dha
Serug a ghintinn, dà cheud agus seachd
bliadhna; agus ghin e mic agus nigheanan.

22 Agus bha Serug beò deich bliadhna
fichead; agus ghin e Nahor.

23 Agus bha Serug beò, an déigh dha
Nahor a ghintinn, dà cheud bliadhna;
agus ghin e mic agus nigheanan.

24 Agus bha Nahor beò naoi bliadhna
fichead; agus ghin e Terah.

25 Agus bha Nahor beò, an déigh dha
Terah a ghintinn, ceud agus naoi bliadh-
na deug, agus ghin e mic agus nigheanan.

26 Agus bha Terah beò deich is trì fich-
ead bliadhna; agus ghin e Abram, Nahor,
agus Haran.

27 *A nis is iad* sin ginealach Therah:
ghin Terah Abram, Nahor, agus Haran;
agus ghin Haran Lot.

28 Agus fhuair Haran bàs roimh Ther-
ah athair, san tìr anns an d' rugadh e,
ann an Ur nan Caldeach.

29 Agus ghabh Abram agus Nahor mnà
dhoibh féin: *B'e* ainm mnà Abram, Sarai;
agus ainm mnà Nahoir, Milcah, nighean
Haraìn, athar Mhilech, agus athar Iscah.

30 Ach bha Sarai neo-thorrach ¹¹; cha
robh duine cloinne aice.

31 Agus ghabh Terah Abram a mhac,
agus Lot mac Harain mac a mhic, agus
Sarai a bhan-chliamhuinn, bean Abrahaim a
mhic; agus chaidh iad a mach maille riu

¹ chainnt.

² bricks. Sasg.

³ deadh-loisgeamaid.

⁴ làthach cosmhuil ri

pic, pic-thalmhainn.

⁵ ceangail.

⁶ aig am bi a mhullach àrd anns an athar.

⁷ sgapar.

⁸ bheachdaich.

⁹ air aimhreidh.

¹⁰ thar fhichead.

¹¹ searg; aimrid. Eir.

á h-Ur nan Caldeach, gu dol do thír Chanaain: agus thàinig iad gu Haran, agus ghabh iad còmhnuidh an sin.

32 Agus b'iad làithean Therah dà cheud agus cuig bliadhna: agus fhuair Terah bàs ann an Haran.

CAIB. XII.

1 Gealladh Dhé do Abram a thaobh Chrìosd.

4 Dh'imich Abram maille r'a mhnaoi agus ri Lot do Chanaan; ach a chionn gu'n robh gorta mhòr san tìr sin, chaidh e sìos do'n Eiphit. 14 Thug Pharaoh rìgh na h-Eiphit Sarai naith; ach an nair a thuig e gu'm bi a bhean i, leig e air falbh iad le chèile.

AGUS thubhairt an Tighearna ri h-Abram, Rach¹ a mach á d' dlùthaich, agus o d' dhislibh, agus á tigh t'athar, do'n tìr a nochdas² mise dhuit.

2 Agus ni mi thu a' d' chiumeach mòr³, agus beannaichidh mi thu, agus ni mi t'ainm mòr: agus bithidh tu a' d' bheannachadh.

3 Agus beannaichidh mi iadsan a bheannaicheas thu, agus iadsan a mhallacheas thu mallaichidh mi; agus annad-sa beannaichear uile theaghlaiche na talmhainn.

4 Agus dh'imich Abram, mar a labhair an Tighearna ris, agus chaidh Lot maille ris: agus bha Abram cuig bliadhna deug is trì fichead a dh'aois 'nuair a chaidh e mach á Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad⁴, agus na h-anaman a fhuair iad ann an Haran, agus chaidh iad a mach gu dol do thír Chanaain, agus thàinig iad do thír Chanaain.

6 Agus chaidh Abram air 'aghaidh san fhearann gu àite Shicheim, gu còmhnaidh⁵ Mhoreh. Agus bha 'n Canaanach an sin san tìr.

7 Agus dh'fhoillsich an Tighearn e féin⁶ do Abram, agus thubhairt e, Do d'shlòchd-sa bheir mise am fearanu so: agus thog e 'n sin altair do'n Tighearn, a dh'fhoillsicheadh dha.

8 Agus chaidh e as a sin gu sliabh air an taobh an ear do Bhetel, agus shuidhich e a bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearn, agus ghairm e air ainm an Tighearna.

9 Agus dh'imich Abram, a' sir-dhol air 'aghaidh mu dheas⁷.

10 Agus bha gorta san tìr: agus chaidh Abram sìos do'n Eiphit, gu bhì air chuairt an sin, do bhrìgh gu'n robh a' ghorta mòr san tìr.

11 Agus 'nuair a bha e dlùth do dhol a stigh do'n Eiphit thubhairt e ri Sarai a

bhean, Fetic h a nis, tha fios agam gur bean mhaiseach⁸ thusa ri amharc ort:

12 Uime sin, 'nuair a chi na h-Eiphitich thu, their iad, So a bhean; agus marbhaidh iad mise, ach gleidhidh iad thusa beò.

13 Abair, guidheam ort, gur tu mo phiuthar, chum gu'n éirich gu maith dhomh air do sgàth-sa; agus bithidh m'anam beò air do shon-sa.

14 Agus 'nuair a thàinig Abram do'r Eiphit, chunnaic na h-Eiphitich a' bhean, gu'n robh i ro mhaiseach.

15 Chunnaic mar an ceudna ceannard-an⁹ Pharaoh i, agus mhol iad i do Pharaoh: agus thugadh a steach a' bhean do thigh Pharaoh.

16 Agus bhuin e gu maith ri h-Abram air a sgàth-sa: agus bha aige caoraich, agus daimh, agus asail fhirionn, agus òglaich, agus banoglaich, agus asail bhoirionn, agus càmhail.

17 Agus bhuail an Tighearna Pharaoh agus a thigh le plàighibh mòra, air son Sharai mnà Abram.

18 Agus ghairm¹⁰ Pharaoh air Abram, agus thubhairt e, Ciod so a rinn thu orm? c'ar son nach d'innis thu dhomh gu'm b'i so do bhean?

19 C'ar son a thubhairt thu, 'Si mo phiuthar i? Mar sin dh'fheudainn a gabhail a m' ionnsuidh mar mhnaoi: a nis ma ta, feuch do bhean; gabh i, agus bi 'g imeachd¹¹.

20 Agus thug Pharaoh àithne d' a dhaoineibh m' a thimchioll; agus chuir iad air falbh e féin, agus a bhean, agus gach ni a bh' aige.

CAIB XIII.

1 Phill Abram as an Eiphit. 7 Dhealaich e ri Lot.

14 Dh'ath-nuadhach Dia a ghealladh do Abram, agus d'a shliochd.

AGUS chaidh Abram suas as an Eiphit, e féin, agus a bhean, agus gach ni a bh' aige, agus Lot maille ris, do'n taobh mu dheas.

2 Agus bha Abram ro shaoibhir¹² ann an spréidh, ann an airgiod, agus ann an òr.

3 Agus dh'imich e 'na thurusaihbh o'n taobh mu dheas eadhon gu Betel, gu ruig an t-àit anns an robh a bhùth an toiseach, eadar Betel agus Hai;

4 Gu àite na h-altarach a rinn e'n sin air tùs: agus ghairm Abram ann sin air ainm an Tighearna.

5 Agus bha mar an ceudna aig Lot, a dh'imich maille ri h-Abram, caoraich, agus crodh, agus bùthan¹³.

6 Agus cha robh am fearann comasach air an giùlan¹⁴ gu còmhnuidh a ghabhail cuideachd; oir bha am maoin mòr, agus

¹ Imich, falbh.

² dh'fheuchas.

³ ni mise fine mòr dhòt.

⁴ chòmhach iad.

⁵ darag.

⁶ thaisbean an Tighearn

e féin; chunncas an Tighearn. Eabh.

⁷ fa dheas, san àirde deas.

⁸ sgiamhach.

⁹ mailtean, prionnsaidh.

¹⁰ ghoir, ghlaodh.

¹¹ imich romhad.

¹² ro shaidhbh, ro bheartach.

¹³ bùithean.

¹⁴ an iomchar.

cha b'urraim¹ iad còmhnuidh ghabhail cuideachd².

7 Agus bha comhstri eadar buachaillean³ spréidhe Abrahaim, agus buachaillean spréidhe Lot: agus bha 'n Canaanach agus am Peridseach san àm sin a chòmhnuidh san tìr.

8 Agus thubhairt Abram ri Lot, Na bitheadh, guidheam ort, comhstri eadar mise agus thusa, agus eadar mo bhuachaillean agus do bhuachaillean-sa; oir is bràithre sinn.

9 Nach 'eil an tìr uile romhad? Dealaich, guidheam ort, riumsa: ma ghabhas tu dh'ionnsuidh na làimhe clìthe, an sin théid mise dh'ionnsuidh na làimhe deise; agus ma théid thu dh'ionnsuidh na làimhe deise, an sin gabhaidh mise dh'ionnsuidh na làimhe clìthe.

10 Agus thog Lot suas a shùilean, agus chunnaic e còmhnaidh Iordain uile, gu'n robh e gu léir air 'uisgeachadh gu maith, mun do sgrios an Tighearna Sodom agus Gomorrah, eadhon mar ghàradh an Tighearna, cosmhuil ri talamh na h-Eìphit, mar a thig thu gu Soar.

11 Agus thagh Lot dha féin còmhnaidh Iordain uile; agus ghabh Lot a thurus o'n àird an ear, agus dhealaich na càirdcean ri chèile⁴.

12 Ghabh Abram còmhnuidh ann an tìr Chanaan, agus ghabh Lot còmhnuidh am bailtibh a' chòmhnaidh, agus shuidhich e a bhùth aig Sodom.

13 Ach bha daoine Shodoim aingidh, agus 'nam peacaich am fianuis an Tighearna gu ro mhòr.

14 Agus thubhairt an Tighearna ri h-Abram, an déigh do Lot dealachadh ris, Tog a nis suas do shùilean, agus amhaire o'n àit anns am bheil thu, gu tuath, agus gu deas, agus gus an àird an ear, agus an iar:

15 Oir am fearann uile a ta thu a' faicinn, dhuitse bheir mi e, agus do d' shliochd gu bràth.

16 Agus ni mi do shliochd mar dhuslach na talmhainn; ionnas ma bhios e'n comas do dhuine dhuslach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn, 'na fhad, agus 'na leud, oir dhuitse bheir mi e.

18 Agus dh' atharraich Abram a bhùth, agus thàinig e, agus ghabh e còmhnuidh ann an còmhnaidh Mhamre⁵, a tha ann an Hebron; agus thog e'n sin altair do'n Tighearna.

CAIB. XIV.

1 Cath nan ceithir rìgh ri cùig. 12 Rinneadh Lot 'na phriosanach; 14 ach shaoradh e le Abram. 18 Bheannaich Melchisedec Abram.

A GUS tharladh ann an làithibh Amra-pheil rìgh Shinair, Arioich rìgh Elasaìr, Chedorlaomeir rìgh Elaim, agus Thidail rìgh nan cinneach⁶.

2 Gu'n d' rinn iad sin cogadh ri Bera rìgh Shodoim, agus ri Birsar rìgh Ghomorrah, Sinab rìgh Admah, agus Semeber rìgh Sheboim, agus rìgh Bhela, eadhon Shoaìr.

3 Chaidh iad sin uile ann an comhbhoinn ri chèile ann an gleann Shidim, a tha nis 'na fhaighe shalainn.

4 Dà bliadhna dheug rinn iad seirbbhis do Chedorlaomer, agus anns an treas bliadhna deug rinn iad ceannaire⁷.

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuail iad na Rephaimich ann an Asterot Carnaim, agus na Susimich ann an Ham, agus na h-Emimich ann an Sabheh Ciriataim.

6 Agus na Horich 'nan sliabh Seir, gu ruig El-paran⁸, a tha làimh ris an fhàsach.

7 Agus phill iad, agus thàinig iad gu Henmispas, eadhon Cades, agus bhuail iad dùthaich nan Amaleceach uile, agus mar an ceudna na h-Amoraich, a bha còmhnuidh ann an Haseson Tamar.

8 Agus chaidh rìgh Shodoim a mach, agus rìgh Ghomorrah, agus rìgh Admah, agus rìgh Sheboim, agus rìgh Bhela, (eadhon Shoaìr,) agus chuir iad cath⁹ riu ann an gleann Shidim;

9 Ri Cedorlaomer rìgh Elaim, agus ri Tidal rìgh nan Cinneach, agus ri h-Amraphel rìgh Shinair, agus ri h-Arioich rìgh Elasaìr; ceithir rìghre ri cùig.

10 Agus bha gleann Shidim làn do shlochdaibh làthaich¹⁰; agus theich rìgh Shodoim, agus rìgh Ghomorrah, agus thuit iad an sin; agus iadsan a mhair¹¹, theich iad do'n t-sliabh.

11 Agus thug iad leo uile mhaoin Shodoim agus Ghomorrah, agus am biadh uile, agus dh'imich iad.

12 Agus thug iad leo Lot, mac bràthar Abrahaim (a bha còmhnuidh ann an Sodom,) agus a mhaoin, agus dh'imich iad.

13 Agus thàinig a h-aon a chaidh as, agus dh'innis e do Abram an t-Eabhruidheach, a bha còmhnuidh ann an còmhnaidh Mhamre ann Amoraich, bràthar Escoil, agus bràthar Aueir: agus bha iad sin ann an comh-bhoinn ri h-Abram.

¹ ionnas nach b'urradh.

² san aon àite.

³ aodhairean.

⁴ dhealaicheadh

iad gach fear o a bhràthair. Eabh.

⁵ aig daragaibh Mhamre. Eabh.

⁶ fineach, dùchanna.

⁷ ar a mach.

⁸ còmhnaidh Pharaì.

⁹ blàr.

¹⁰ pic-thalmhainn.

¹¹ iadsan a dh' fhàgadh.

GENESIS, XIV. XV.

14 Agus 'nuair a chuala Abram gu'n do ghlacadh a bhràthair 'na phrìosanach, dh'armaich e a *sheirbhisich* iunnsaichte ¹, a rugadh 'na thigh féin, tri cheud agus ochd-deug; agus lean e iad gu Dan.

15 Agus roinn se e féin 'nan aghaidh san oidheche, e féin agus a *sheirbhisich*, agus bhuail e iad, agus lean e iad ² gu Hoba, a ta air an làimh chli do Dhamascus.

16 Agus thug e air ais a' mhaoin uile agus mar an ceudna thug e air ais a bhràthair Lot, agus a mhaoin agus mar an ceudna na mnà, agus an sluagh.

17 Agus chaidh rìgh Shodoim a mach 'na choinneamh, an dèigh dha pillinn o mharbhadh Chedorlaomeir, agus nan rìgh a bha maille ris, aig gleann Shabheh, eadhon gleann an rìgh.

18 Agus thug Melchisedec rìgh Shaleim a mach aran agus fion: agus b'esan sagart an Dé a's ro-àirde.

19 Agus bheannaich se e, agus thubhairt e, Beannaichte gu'n robh Abram o'n Dia a's ro-àirde, sealbhadair nèimh agus na talmhainn.

20 Agus beannaichte gu'n robh an Dia a's ro-àirde, a thug thairis do naimhde do d'làimh. Agus thug e dha deachamh do gach ni.

21 Agus thubhairt rìgh Shodoim ri h-Abram, Thoir dhomhsa na daoine ³, agus gabh a' mhaoin dhuit féin.

22 Agus thubhairt Abram ri rìgh Shodoim, Thog mi mo làmh suas ris an Tighearn, an Dia a's ro-àirde, Sealbhadair nèimh agus na talmhainn.

23 Nach gabh mi o shnàthainn eadhon gu h-éill brìge, agus nach gabh mi *bheag* a dh'aon ni a's leatsa, chum as nach abair thu, Rinn mi Abram beartach:

24 Saor a mhàin o na dh'ith ⁴ na h-òganaich, agus o chuibhrionn ⁵ nan daoine a chaidh maille riub, Aner, Escol, agus Mamre; gabhadh iadsan an cuibh-rionn ⁶.

CAIB. XV

1 Tha Dia a' toirt misnich agus sòlais a dh' Abram.
4 Tha e a' gealltainn dha oighre, agus sliochd ro-Romhor. 6 Tha Abram air fhàreanachadh tre chreidimh, &c.

AN dèigh nan nithe sin thàinig focal an Tighearna gu h-Abram ann an taisbeanadh ⁷, ag ràdh, Na biodh eagal ort, A braim: Is mise do sgiath, agus do dhuais ro mhòr.

2 Agus thubhairt Abram, A Thighearna Dhé, ciod a bheir thu dhomh, is mi 'g imeachd ⁸ gun chloinn, agus gur e Elie-

ser so o Dhamascus fear-riaghlaidh ⁹ mo thighe?

3 Agus thubhairt Abram, Feuch, dhomhsa cha d'thug thu sliochd ¹⁰ air bith; agus, feuch, is e neach a rugadh a'm' thigh a's oighre orm.

4 Agus, feuch, thàinig focal an Tighearna d'a ionnsuidh, ag ràdh, Cha bhi e so 'na oighre ort; ach esan a thig a mach a t'umhbh ¹¹ féin, bithidh e 'na oighre ort.

5 Agus thug e leis a mach e, agus thubhairt e, Amhaire a nis suas gu neamh, agus air na reulta, ma's urrainn thu'n air eamh: Agus thubhairt e ris, Mar so bithidh do shliochd.

6 Agus chreid e anns an Tighearna, agus mheas e sin dha mar ionracas ¹².

7 Agus thubhairt e ris, Is mise an Tighearn a thug a mach thusa a h-Ur nan Caldeach, a thoirt dhuit an fhearainn so, chum a shealbhachadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbh-aich mi e?

9 Agus thubhairt e ris, Gabh dhomhsa agh thri bliadhna dh'aois, agus gabhar ¹³ thri bliadhna dh'aois, agus reithe thri bliadhna dh'aois, agus turtur, agus co luman òg.

10 Agus gabh e dha féin iad sin uile, agus roinn e iad sa' mheadhon, agus chuir e gach aon do na mìribh fa chomhair a leth-bhreac; ach cha do roinn e na h-eoin.

11 Agus 'nuair a thàinig an cunlaith a nuas air na cairbhean ¹⁴, dh'fhuadaich Abram air falbh iad.

12 Agus 'nuair a bha ghrian a' dol fuidh ¹⁵, thuit codal trom air Abram; agus, feuch, thuit uamhann dorchadais mhoir air.

13 Agus thubhairt e ri h-Abram, Biodh fios gu ciunteach agad, gu'm bi do shliochd 'nan coigrich ann an dùthaich nach leo féin; agus ni iad seirbhis dhoibh, agus buinidh iad gu cruaidh ¹⁶ ri ceithir cheud bliadhna.

14 Agus, mar an ceudna, air a' chinneach sin d'an dean iad seirbhis, bheir mise breth: agus 'na dhéigh sin thig iad a mach le maoin mhòir.

15 Agus théid thusa dh'ionnsuidh t'aithriche an sìth; adhlaicear ¹⁷ thu an deadh shean aois.

16 Ach anns a' cheathramh linn thig iad an so air an ais, oir cha'n eil aingidheachd nan Amorach fathast iomlan ¹⁸.

17 Agus nuair a bha ghrian air dol fuidh, bha dorchadas ann; agus, feuch, àmhuinn ¹⁹ dheataich agus leus teine ²⁰, a chaidheadar nam mìribh sin.

¹ fhòghlumta. ² ruag e, chaidh e'n tòir orra.
³ na h-anamanna. Eabh.
⁴ Ach a mhàin na dh'ith. ⁵ chuid.
⁶ an roinn féin. ⁷ foillseachadh, sealladh.
⁸ stiubhal. ⁹ stiubhard.
¹⁰ sòl, gineal. ¹¹ á d'leasraidh.

¹² fhùreantachd. ¹³ gabhar bhoirionn.
¹⁴ closaichibh. ¹⁵ dol fodha. ¹⁶ buinidh iad
gu h-òc, sàraichidh, pianaidh. ¹⁷ sìodhlaicear
¹⁸ fathast làn, air teachd fathast gu h-àirde.
¹⁹ fuirneis. ²⁰ Ìochran loisgeach no teinteach.

GENESIS, XV. XVI. XVII.

18 Air an là sin féin rinn an Tighearna coimheangal ri h-Abram, ag ràdh, Do d' shliochdsa thug mi am fearann so, o amhainn na h-Eiphit, gu ruig an amhainn mhor, amhainn Euphrates.

19 Na Cenich, agus na Cenidsich, agus na Cadmonaich.

20 Agus na Hitich, agus na Peridsich, agus na Rephaimich.

21 Agus na h-Amoraich, agus na Canaanaich, agus na Girgasaich, agus na Iebusaich.

CAIB. XVI.

1 *Tha Sarai a' toirt Hagar a banoglaich a dh' Abram mar mhnai. 4 'Nuair a rinn i tàir air a bana-mhaighstir, bhuin ise gu cruaidh rithe, agus theich i air falbh. 9 Thug aingeal an Tighearn air a h-ais i, &c.*

ANIS cha d'rug Sarai, bean Abram a' clann da; agus bha banoglach Eiphteach aice, d'am b'ainm Hagar.

2 Agus thubhairt Sarai ri h-Abram, Feuch a nis, chum an Tighearna mi o *chlann* a bhreith: rach a steach, guidheam ort, a ch'ionnsuidh mo bhanoglaich; theag-amh¹ gu'm faigh mi clann leatha-sa. Agus dh'éisid Abram ri guth Sharai.

3 Agus ghabh Sarai, bean Abram, Hagar a' bhan-Eiphteach, a banoglach féin, an déigh do Abram còmhnuidh ghabhail deich bliadhna ann an tìr Chanaain, agus thug si i d'a fear Abram, gu bhi aige mar mhnai.

4 Agus chaidh esan a steach gu Hagar, agus dh'fhàs i torrach: agus 'nuair a chunnaic i gu'n d'fhàs i torrach, bha a bana-mhaighstir tàireil 'na sùilibh.

5 Agus thubhairt Sarai ri h-Abram, *Biodh* m'eucoir ortsa: thug mi mo bhanoglach do d' uchd²; agus 'nuair a chunnaic i gu'n d'fhàs i torrach, bha mise tàireil 'na sùilibh: Gu'n d' thugadh an Tighearna breth eadar mise agus thusa.

6 Ach thubhairt Abram ri Sarai, Feuch, *a ta* do bhanoglach a' d' làimh féin, dean rithe mar is àill leat³. Agus anuair a bhuin Sarai gu cruaidh rithe, theich i o 'gnùis.

7 Agus fhuair aingeal an Tighearn i làimh ri tobar uisge san fhàsach, làimh ris an tobar 'san t-slighe gu Sur.

8 Agus thubhairt e, A Hagar, a bhanoglach Sharai, cia as a thàinig thu, agus c'ait tha thu dol? Agus thubhairt ise, Tha mi a' teicheadh o ghnùis Sharai mo bhana-mhaighstir.

9 Agus thubhairt aingeal an Tighearna rithe, Pìlladh⁴ ionnsuidh do bhana-mhaighstir, agus ùmhlaich thu féin f'a làimh.

10 Agus thubhairt aingeal an Tighearna rithe, Meudaichidh mise gu mòr do shliochd, agus cha'n àirmhear e thaobh lionmhoireachd.

11 Agus thubhairt aingeal an Tighearna rithe, Feuch, *tha* thu torrach, agus beiridh tu mac, agus bheir thu Ismael mar ainm air, do bhrìgh gu'n d'éisid an Tighearna ri t'anshocair⁴.

12 Agus bithidh e 'na dhuine fiadhaich; *bithidh* a làmh an aghaidh gach *duine*, agus làmh gach *duine* 'na aghaidh-san: agus am fianuis a bhràithrean uile gabhaidh e còmhnuidh.

13 Agus ghoir i ainm an Tighearn a labhair rithe, Thusa Dhé *a ta* 'g am fhaicinn; oir thubhairt i, An e gu'n robh agams', ann an so mar an ceudna, sùil ris an Ti sin a ta 'gam fhaicinn?

14 Uime sin ghoir i do'n tobar, Beer-lahairoi; feuch, *a ta* e eadar Cades agus Bered.

15 Agus rug Hagar mac do Abram: agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus sè bliadhna dh'aois, 'nuair a rug Hagar Ismael do Abram.

CAIB. XVII.

1 *Coimheangal Dé ri Abram air 'athnuadhachadh, agus 'ainm air 'atharrachadh gu Abraham. 9 An timchtìoll ghearradh air 'orduchadh. 16 Isaac air a ghealltainn.*

AUGUS 'nuair a bha Abram ceithir fichead agus naoi bliadhna deug a dh'aois, dh'fhoillsich an Tighearn e féin da, agus thubhairt e ris, *Is* mise 'n Dia uile-chumhachdach; gluais thusa a'm' fhianuis, agus bi iomlan⁵.

2 Agus ni mi mo choimheangal eadar mise agus thusa, agus meudaichidh mi thu gu h-anabarrach.

3 Agus thuit Abram air 'eudan⁶; agus labhair an Tighearna ris, ag ràdh,

4 Do m' thaobhsa⁷, feuch, *a ta* mo choimheangal riut-sa, agus bithidh tu a' t' athair mhòrain chinneach⁸:

5 Agus ni'n toirear á so a mach Abram mar ainm ort, ach bithidh Abraham agad mar ainm; oir rinn mi thu a' t' athair mhòrain chinneach.

6 Agus ni mi thu ro shìolmhor, agus ni mi dhìot cinnich, agus thig rìghrean a mach asad.

7 Agus daingnichidh mi mo choimheangal eadar mise agus thusa, agus do shliochd a'd' dhéigh, 'nan ginealachaihb, mar choimheangal sìorruidh, gu bhi a'm' Dhia dhuitse, agus do d' shliochd a'd' dhéigh.

8 Agus bheir mi dhuitse, agus do d' shliochd a'd' dhéigh, ann fearann anns am bheil thu a'd' choigreach⁹, tìr Chanaain uile, mar sheilbh sìorruidh; agus bithidh mise a'm' Dhia dhoibh.

9 Agus thubhairt Dia ri h-Abraham,

¹ feudaich e bhi.

² asgail.

³ mar is maith leat, mar a chithear dhuit.

⁴ ri d' thrioblaid.

⁵ foirfe, d'ongmhalta.

⁷ air mo shon-sa.

⁹ fearann do chuairte.

⁶ aodainn, aghaidh.

⁸ fhineacha.

Coinhaidh tu uime sin mo choimhcheangal, thu *féin*, agus do shliochd a'd dhéigh, 'nan ginealachaihbh.

10 So mo choimhcheangal, a choimhdeas¹ sibh, eadar mise agus sibhse, agus do shliochd a'd dhéigh; Gu'n timchiollghearrar gach leanabh mic 'nur measg.

11 Agus timchioll-ghearraidh sibh feoil bhur roimh chroicinn², agus bithidh e 'na chomhar³ a' choimhcheangail eadar mise agus sibhse.

12 Agus am mac 'nur measg a bhios ochd làithean a dh'aois, timchioll-ghearrar e, gach leanabh mic 'nur ginealachaihbh, esan a bheirear san tigh, no cheannachar le h-airgiod o choigreach air bith, nach *'eöl* do d'shliochd-sa.

13 Timchioll-ghearrar gu cinnteach esan a bheirear a'd thigh, agus esan a cheannachar le t'airgiod; agus bithidh mo choimhcheangal 'nur feoil-sa mar choimhcheangal siorruidh.

14 Agus an leanabh mic neo-timchiollghearrta, aig mac timchioll-ghearrar feoil a roimh-chroicinn, gearrar an t-anam sin a mach⁴ o' shluagh: bhris e mo choimhcheangal.

15 Agus thubhairt Dia ri h-Abraham, A thaobh Sharai do mhnà, cha toir thu Sarai mar ainm oirre⁵, oir *is e* Sarah a h-ainm.

16 Agus beannaichidh mis' i, agus bheir mi dhuit mar an ceudna mac uaithe⁶; seadh, beannaichidh mi i, agus bithidh i 'na *màthair* chinneach; thig⁶ rìghrean phoib-leach⁶ uaithe.

17 An sin thuit Abraham air 'aghaidh, agus rinn e gàire; agus thubhairt e 'na chridhe, Am beirear *mac* dhasan a ta ceud bliadhna dh'aois? Agus am beir Sarah, a ta deich agus ceithir fichead bliadhna dh'aois, *mac*?

18 Agus thubhairt Abraham ri Dia, O gu maireadh Ismael beò a't' fhianuis!

19 Agus thubhairt Dia, Gu cinnteach beiridh do bhean Sarah mac dhuit; agus bheir thu Isaac mar ainm air: agus daingnichidh mise mo choimhcheangal ris mar choimhcheangal siorruidh agus r'a shliochd 'na dhéigh.

20 Agus a thaobh Ismael, chuala mi thu: Feuch, bheannaich mi e, agus ni mi siolmhor e, agus cuiridh mi 'n lionmhoireachd e gu h-anabarrach. Dà cheannard deug ginidh e, agus ni mi e 'na chinneach mòr.

21 Ach mo choimhcheangal daingnichidh mi ri h-Isaac, a bheireas Sarah dhuit san àm so anns an ath bhliadhna.

22 Agus sguir e bhi labhairt ris⁷, agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'na thigh, agus iadsan uile a cheannachadh le 'airgiod-san, gach firionnach am measg dhaoine tighe Abraham; agus thimchiollghearr e feoil an roimh-chroicinn anns a' cheart là sin féin, mar a thubhairt Dia ris.

24 Agus *bha* Abraham ceithir fichead agus naoi bliadhna deug a dh'aois, 'nuair a thimchiollghearradh dha feoil a roimh-chroicinn.

25 Agus *bha* Ismael a mhac tri bliadhna deug a dh'aois, 'nuair a thimchiollghearradh dha feoil a roimh-chroicinn.

26 Anns a' cheart là sin féin thimchiollghearradh Abraham, agus Ismael a mhac.

27 Agus thimchiollghearradh maille ris uile dhaoine a thighe, a rugadh 'na thigh agus iadsan a cheannachadh le h-airgiod o mhac coigrich⁸.

CAIB. XVIII.

1 *Tha Abraham a' toirt aoidheachd do thriuir aingle.*

17 *Tha sgrìos Shodoim air 'fhoillseachadh dha.*

23 *Tha e a' deanamh eadar-ghuidhe air a shon.*

A GUS dh'fhoillsich an Tighearn e féin da ann an còmhnaid Mhamre⁹, agus e 'na shuidhe an dorus a' bhùtha ann an teas an là.

2 Agus thog e suas a shùilean, agus dh'amhairc e, agus, feuch, *bha* triuir dhaoine a' seasamh làimh ris; agus 'nuair a chunnaic e *iad*, ruith e 'nan coinneamh o dhorusa' bhùtha, agus chrom se e féingulàr,

3 Agus thubhairt e, Mo thighearna, ma fhuair minis deadh-ghean a'd shùilibh¹⁰, guidheam ort, na rach seachad air do sheirbhisich.

4 Thugar an so, guidheam oirbh, beagan uisge, agus ionnlaidibh¹¹ bhur cosan¹², agus leigibh bhur n-anail fo 'n chraoibh;

5 Agus bheir mise an so greim arain, agus neartaichibh bhur cridhe: an déigh sin imichidh sibh roimhibh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean eadhon mar a thubhairt thu.

6 Agus ghreas Abraham¹³ do'n bhùth a dh'ionnsuidh Sharai, agus thubhairt e, Dean cabhag¹⁴, taoisinn¹⁵ trimiosairean do mhuin phlùr, agus dean arain¹⁶ air lè an teinte¹⁷.

7 Agus ruith Abraham a dh'ionnsuidh a' chruidh¹⁸, agus ghabh e laogh maoth agus maith, agus thug e dh'òganach e, agus rinn e deifir¹⁹ g'a dheasachadh.

8 Agus ghabh e im agus bainne, agus an laogh a dheasaich e, agus chuir e air am beulaobh *iad*; agus sheas e làimh riu fo 'n chraoibh, agus dh'ith iad.

¹ ghleidheas.

² roimh-chraicinn.

³ orra; uirre. Eir.

⁴ uaipè.

⁵ bithidh.

⁶ shlògh.

⁷ bhi cainnt ris, còmhradh ris. ⁸ o choigreach.

⁹ aig daragaibh Mhamre.

¹⁰ a' t' fhianuis.

¹¹ niglibh.

¹² casan.

¹³ rinn Abraham cabhag.

¹⁴ deifrich.

¹⁵ fuin.

¹⁶ breacagan.

¹⁷ leachd

an teallaich.

¹⁸ do'n bhuar.

¹⁹ cabhag.

9 Agus thubhairt iad ris, C'ait am bheil Sarah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh mi t'ionnsuidh a réir àm' na beatha, agus, feuch, *bithidh* mac aig Sarah do bhean. Agus chuala Sarah sin ann an dorus a' bhùtha, a *bha* air a chùil.

11 A nis *bha* Abraham agus Sarah sean, agus air dol air an aghaidh gu maith ann an aois: agus sguir Sarah a bhi réir dòigh nam ban.

12 Uime sin rinn Sarah gàire innte féin, ag ràdh, An déigh dhomhsa fàs aosda, am bi subhachas² agam, agus gu bheil mo thighearn aosda mar an ceudna?

13 Agus thubhairt an Tighearna ri h-Abraham, C'ar son a rinn Sarah gàire, ag ràdh, 'N e gu'm beir mise gu cinnteach *leanabh*, agus mi aosmhor?

14 Am bheil nì air bith do-dheanta³ do 'n Tighearna? San àm *shuidhichte* pillidh mi a t' ionnsuidh, a réir àm na beatha, agus *bithidh* mac aig Sarah.

15 An sin dh'àicheadh⁴ Sarah, ag ràdh, Cha d' rinn mi gàire: oir bha eagal oirre. Agus thubhairt esan Ni h-eadh, oir rinn thu gàire.

16 Agus dh'éirich na daoine as a sin, agus dh'amhaire iad rathad Shodoim⁵: agus chaidh Abraham maille riu g'an cur air an t-slighe⁶.

17 Agus thubhairt an Tighearn, An ceil mi air Abraham an nì sin a ta mi gus a dheanamh;

18 Agus gu'm fàs Abraham gu cinnteach 'na chinneach mòr agus cumhachdach, agus gu'm beannaichear aunsan uile chinnich na talmhainn?

19 Oir is aithne dhomh e, gu'n toir⁷ e àithne d'a chloinn, agus d'a theaghlach 'na dhéigh, agus gleidhidh iadsan slighe an Tighearna, a' deanamh⁸ ceartais agus breitheanais; chum as gu'n toir an Tighearn air Abraham an nì sin a labhair e m'a thimchioll.

20 Agus thubhairt an Tighearn, Do bhrìgh gu bheil glaoth Shodoim agus Ghomorrah mòr, agus do bhrìgh gu bheil am peacadh air 'antromachadh gu h-ana-barrach⁹;

21 Théid mi sìos a nis, agus chi mi ma rinn iad gu léir¹⁰ a réir a' ghlaoidh, a thàinig a m'ionnsuidh; agus mar do rinn, bithidh fios agam.

22 Agus thionndaidh na daoine an aghaidh as a sin, agus ghabh iad an t-slighe gu Sodom; ach Sheas Abraham fathast an làthair an Tighearna.

23 Agus thàinig Abraham am fagus¹¹ agus thubhairt e, An sgrios thusa mar ar ceudna an t-ionracan¹² maille ris an aingidh¹³?

24 Ma's e's gu bheil leth-cheud ionracan an taobh a stigh dò'n bhaile, an sgrios thu mar an ceudna, agus nach caomhain thu 'n t-àit airson an leth-cheud ionracan a taann.

25 Gu ma fada robh e uaitse a dheanamh air an dòigh so, an t-ionracan a mharbhadh maille ris an aingidh, ionnus gu'm bi an t-ionracan mar an t-aingidh: gu ma fada robh sin uaitse. Nach dean Breitheamh na talmhainn uile ceartas?

26 Agus thubhairt an Tighearn, Ma gheibh mi ann an Sodom leth-cheud ionracan an taobh a stigh dò'n bhaile, au sin caomhnaidh mi an t' àit uile air an sgàth san¹⁴.

27 Agus fhreagair Abraham, agus thubhairt e, Feuch a nis, ghabh mi orm féin labhairt ri m' Thighearna¹⁵, agus gun an-nam ach duslach agus luathre¹⁶.

28 Ma's e's gu'm bi cuigear¹⁷ a dh'uir-easbhuidh air an leth-cheud ionracan, an sgrios thu'm baile uile air son *easbhuidh*¹⁸ chuigear? Agus thubhairt e, Cha sgrios mi ma gheibh mi 'n sin cuigear¹⁹ agus dà fhlichead.

29 Agus labhair e ris a rìs, agus thubhairt e, Ma's e's gu'm faighear²⁰ an sin dà fhlichead? Agus thubhairt e, Cha dean mi e air sgàth dhà fhlichead.

30 Agus thubhairt e ris, Och! na biodh fearg air mo Thighearn, agus labhraidh mi: Ma's e's gu'm faighear an sin deich 'ar fhlichead? Agus thubhairt e, Cha dean mi e, ma gheibh mi'n sin deich 'ar fhlichead.

31 Agus thubhairt e, Feuch a nis, ghabh mi orm féin labhairt ri m' Thighearn: Ma's e's gu'm faighear fichead an sin? Agus thubhairt e, Cha sgrios mi e air son fhlichead.

32 Agus thubhairt e, Och! na biodh fearg air mo Thighearn, agus labhraidh mi mhàin an aon uair so: Ma's e's gu'm faighear deichneair an sin? Agus thubhairt e, Cha sgrios mi e air sgàth dheichneair.

33 Agus dh'imich an Tighearn roimhe, 'nuair a sguir e do labhairt ri h-Abraham: agus phill Abraham g'a àite féin.

CAIB. XIX.

1 Tha Lot a' toirt aoidheachd do dhà aingear. 24 Sodom agus Gomorrah air an sgrios. 26 Peanas mnà Lot. 31 Cionta a dhithis nighean.

A GUS thàinig dà aingear do Shodom, an nì fheasgar, agus bha Lot 'na shuidhe ann an geata Shodoim: agus 'nuair a chunn-

¹ aimsir.

² toil-inntinn.

³ cruaidh.

⁴ dh'àicheun; dh'ob: sheun. Eir.

⁵ gu Sodom. ⁶ a thoirt coimhdeachd dhoibh.

⁷ gu'n doir. ⁸ a dheanamh. ⁹ gu mòr.

¹⁰ d'a rìreadh. ¹¹ am fogus. ¹² am firean.

¹³ maille ris a' chiontach.

¹⁴ air an son-san.

¹⁵ ris an Tighearna.

¹⁶ luath.

¹⁷ cuigear, còigear.

¹⁸ àith.

¹⁹ còig.

²⁰ fuighear.

aic Lot iad, dh'éirich e suas 'nan coinneamh, agus chrom se e féin air 'aghaidh gu lár¹.

2 Agus thubhairt e, Feuch a nis, mo thigh-earnan, tionndaidhibh a steach², guidheam oirbh, do thigh bhuir seirbhisich, agus fanaibh rè na h-oidheche, agus ionnlaidibh bhuir cosan, agus éiridh sibh gu moch, agus théid sibh air bhuir turas³. Agus thubhairt iad, Ni h-eadh, ach fanaidh sinn air an t-sràid ré na h-oidheche.

3 Agus choimh-éinigich e iad, agus thionndaidh iad d'a ionnsuidh, agus chaidh iad a steach d'a thigh: agus rinn e cuirm⁴ dhoibh, agus dheasaich e aran neo-ghoir-tichte⁵, agus dh'ith iad.

4 Ach mu'n deachaidh iad a luidhe, chuairtich⁶ daoine a' bhaile an tigh, eadhon daoine Shodoim, aron sean agus òg, an sluagh uile o gach cearna.

5 Agus ghairm iad air Lot, agus thubhairt iad ris, C'ait am bheil na daoine a thàinig a' t' ionnsuidh an nochd! Thoir a mach iad d'ar n-ionnsuidh, chum as gu'n aithnich sinn iad.

6 Agus chaidh Lot a mach d'an ionnsuidh air an doras, agus dhruid e 'n doras 'na dhéigh.

7 Agus thubhairt e, Na deanaibh, guidheam oirbh, mo bhraithre, gnìomh cho olc.

8 Feuch a nis, tha agam dithis nighean do nach b'aithne fear; leigibh leam, guidheam oirbh, an toirt a mach d'ur ionnsuidh, agus deanaibh riu mar is àill leibh⁷: a mhàin air na daoineibh so na deanaibh a bheag, oir is ann a chum na crìche so a thàinig iad fuidh sgàile mo thighe-sa.

9 Agus thubhairt iadsan, Seas air t'ais. Agus thubhairt iad a ris, Thàinig am fear so 'na aonar air chuairt, agus is àill leis a bhi 'na bhreitheamh: a nis buinidh sinne riutsa m' miosa na riu-san. Agus rinn iad éigin⁸ mhòr air an duine, eadhon air Lot, agus thàinig iad am fagus a bhriseadh an doruis.

10 Ach chuir na daoine mach an làmh, agus thug iad Lot a steach d'an ionnsuidh do'n tigh, agus dhùin⁹ iad an doras.

11 Agus bhuail iad na daoine, a bha aig doras an tigh, le doille, eadar bheag agus mhòr¹⁰; ionnus¹¹ gu 'n do sgithich iad iad féin ag iarraidh an doruis.

12 Agus thubhairt na daoine ri Lot, Cò tuilleadh a th'agad an so? Do chliamhuin, agus do mhic, agus do nigheanan, agus ge b'e ni a ta agad sa' bhaile, thoir a mach iad as an àite so:

13 Oir tha sinne gus an t-àite so a sgrios, do bhrìgh gu bheil an glaoth air fàs mòr an làthair an Tighearna; agus chuir an Tighearna sinne g'a sgrios¹².

14 Agus chaidh Lot a mach, agus labhair e r'a chleamhnaibh, a phòs a nigheanan¹³, agus thubhairt e, Eiribh, rachaibh a mach as an àite so, oir tha'n Tighearna gus am baile so a sgrios: Ach bha e mar neach a bha ri fanoid ann an sùilibh a chleamhnan.

15 Agus 'nuair a dh'éirich a' mhaduinn, an sin ghreas na h-aingil Lot, ag ràdh, Eirich, gabh do bhean, agus do dhithis nighean a ta'n so, air eagal gu'n sgriosar thu ann an aingidheachd a' bhaile.

16 Agus 'nuair a bha e a' deanamh moille, an sin rug na daoine air làmh air, agus air làmh air a mhnai, agus air làmh air a dhithis nighean; air do'n Tighearna bhi tròcaireach dha: agus thug iad a mach e, agus chuir iad e 'n taobh a muigh do'n bhaile.

17 Agus 'nuair a thug iad a mach iad, thubhairt e, Teich air son t'anama; na seall a' d' dhéigh, agus na stad sa' chòmhnard uile¹⁴: teich do'n t-sliabh, air eagal gu millear thu.

18 Agus thubhairt Lot riu, Och! ni h-ann mar sin, mo thighearna.

19 Feuch a nis, fhuair do sheirbhiseach deadh-gheana a' d' shùilibh, agus mheudaich thu do thròcair, a nochd thu dhomhsa le m'anam a theasairginn: agus cha'n urrain mise dol as do'n t-sliabh, air eagal gu'n tig¹⁵ olc éigin orm, agus gu'm faigh mi bàs.

20 Feuch a nis, tha 'm baile ud am fagus gu teicheadh d'a ionnsuidh, agus e beag; leigear dhomh a nis teicheadh an sud, (nach beag e?) agus bithidh m'anam beò.

21 Agus thubhairt e ris, Feuch, ghabh mi ri t'athchuinge san ni so mar an ceudna nach sgrios mi 'm baile so, mu'n do labhair thu.

22 Greas ort, teich an sud, oir cha'n urrainn mi ni air bith a dheanamh gus an téid thu 'n sud: uime sin thugadh Sear mar ainm air a' bhaile.

23 Bha ghrian air éirigh air an talamh, 'nuair a chaidh Lot a steach do Shoar,

24 An sin thug an Tighearna air pronnus e agus teine frasadh air Sodom agus air Gomorrah, a nuas o'n Tighearna as na nèamhan.

25 Agus sgrios e na bailte sin, agus an còmhnard uile, agus uile luchd-àiteachaidh uam bailtean, agus na dh'fhàs air an talamh.

26 Ach sheall a bhean 'na déigh o' chu-laobh, agus dh'fhàs i 'na carragh¹⁶ salainn.

27 Agus chaidh Abraham suas moch sa' mhaduinn do'n àit anns an do sheas e an làthair an Tighearna.

28 Agus sheall e air Sodom agus Gomorrah, agus air fearann a' chòmhnard uile¹⁷,

¹ le 'aghaidh ris an lár.

² teannaidh a steach.

³ slighe. Eabh.

⁴ cuilm, feisd.

⁵ neo-ghoir-tichte, gun bheirm, gun laibhin.

⁶ dh'ith.

⁷ mar is maith leibh.

⁸ spairn.

⁹ dhruid.

¹⁰ o'n bheag gus a' mhòr. Eabh.

¹¹ air chor agus.

¹² e' an sgrios.

¹³ a ghabh a nigheana.

¹⁴ na fan sa' chòmhnard: d

idir. ¹⁵ gu'm beir.

¹⁶ pillar. Sasg.

¹⁷ air aghaidh Shodoim agus Ghomorrah, agus air aghaidh fearainn a' chòmhnard uile.

agus chunnaic e, agus, feuch, chaidh deatach na tìre suas mar dhcatnach àmhuium¹.

29 Agus an uair a sgrios Dia bailtean a' chòmhnaird, an sin chuimhnich Dia air Abraham, agus chuire mach Lot á meadhon an léir-sgrìos, 'nuair a sgrios e na bailtean anns an robh Lot 'na chòmhnuidh.

30 Agus chaidh Lot suas á Soar, agus ghabh e còmhnuidh san t-sliabh, agus a dhithis nighean maille ris; oir bha eagal air còmhnuidh ghabhail ann an Soar: agus ghabh e còmhnuidh ann an uaimh, e féin agus a dhithis nighean.

31 Agus thubhairt an té bu shine ris an té a b' òige, *Tha* ar n-athair sean, agus cha 'n' eil fear air an talamh gu teachd asteach d' ar n-ionnsuidh a réir gnàtha² na talmhainn uile.

32 Thig, thugamaid air ar n-athair fìon òl, agus luidheamaid maille ris, chum as gu'n gléidh sinn slìochd³ o ar n-athair.

33 Agus thug iad air an athair fìon òl air an oidhche sin: agus chaidh an té bu shine steach, agus luidh⁴ i maille r'a h-athair; agus cha do mhothaich e 'nuair a luidh i sìos, no 'nuair a dh'éirich i.

34 Agus air an là-màireach⁵ thubhairt an té bu shine ris an té a b' òige, Feuch, luidh mise an raoir⁶ maille ri m' athair; thugamaid air fìon òl an nochd mar an ceudna, agus theirig-sa steach, agus luidh maille ris, chum as gu'n gléidh sinn slìochd o ar n-athair.

35 Agus thug iad air an athair fìon òl air an oidhche sin mar an ceudna: agus dh'éirich an té a b' òige, agus luidh i maille ris, agus cha do mhothaich e 'nuair a luidh i sìos, no 'nuair a dh'éirich i.

36 Mar so bha ditlis nighean Lot torrach aig an athair.

37 Agus rug an té bu shine mac, agus thug i Moab mar ainm air: is esan athair nam Moabach gus an là'n diugh.

38 Agus an té a b' òige, rug ise mar an ceudna mac, agus thug i Ben-ammi mar ainm air: is esan athair chloinn Ammoin gus an là'n diugh.

CAIB. XX.

1 *Tha Abraham ag àicheadh a mhnà Sarah, agus Abimelech¹ g a gabhail d'a ionnsuidh féin.* 6 *Ach air faotuin rabhaidh o Dhia ann an aising, tha e 'ga toirt air a h-ais da.*

A GUS dh'imich Abraham as a sin do'n tìr mu dheas, agus ghabh e còmhnuidh eadar Cades agus Sur; agus bha e air chuairt ann an Gerar.

2 Agus thubhairt Abraham mu Sharah a bhean, 'Si mo phiuthar i: Agus chuir Abimelech rìgh Gherair teachdaire uaith, agus ghabh e Sarah.

3 Agus thàinig Dia gu Abimelech ann an aising⁷ san oidhche, agus thubhairt e ris, Feuch, is duine marbh thu air son na mnà a ghabh thu; oir is bean duine èile i.

4 Ach cha d'thàinig Abimelech am fagus d'i⁸, agus thubhairt e, A Thighearna, am marbh thu mar an ceudna cinneach ionruic?

5 Nach d' thubhairt esan riumsa, 'Si mo phiuthar i? agus thubhairt ise, eadhon ise féin, 'Se mo bhràthair e: ann an treibhdhircas mo chridhe, agus ann an neo-chionta mo làmh rinn mi so.

6 Agus thubhairt Dia ris ann an aising, Seadh, tha fios agam gur ann an treibhdhircas do chridhe a rinn thu so, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn rithe.

7 A nis ma ta, thoir air a h-ais⁹ do'n duine a bhean; oir is fàidh e, agus ni e urnuigh air do shon, agus bithidh tu beò: ach mur toir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch sa' mhaduinn, agus ghairm e a sheirbhisich uile, agus dh'aithris¹⁰ e na nithe sin uile 'nan èisdeachd; agus bha eagal mòr air na daoine¹¹.

9 An sin ghairm Abimelech air Abraham, agus thubhairt e ris, Ciod so a rinn thu oim? agus ciod an cucoir¹² a rinn mise ort, gu'n d'thug thu ormsa, agus air mo rìoghachd peacadh mòr? rinn thu gnìomharan ormsa, nach bu chòir a dheanamh.

10 Agus thubhairt Abimelech ri h-Abraham, Ciod a chunnaic thu, gu'n d'rinn thu an ni so?

11 Agus thubhairt Abraham, A chionn gu'n d'thubhairt mi¹³ annam féin, Gu cinnteach cha 'n' eil eagal an Tighearna san ionad so; agus marbhaidh iad mi air son mo mhnà.

12 Agus gidheadh is i gu deimhin mo phiuthar, nighean m'athar i, ach cha'n i nighean mo mhàthar; agus bha i agam mar mhnàoi.

13 Agus 'nuair a thug Dia orm dol air m'aineol¹⁴ o thigh m'athar, an sin thubhairt mi rithe¹⁵, 'Se so do chaoimhneas a nochdas tu dhomhsa; Anns gach àite d'an tig¹⁶ sinn, abair mu m' thimchioll, 'Se mo bhràthair e.

14 Agus ghabh Abimelech caoraich, agus buar¹⁷, agus òglaich, agus banoglaich¹⁸, agus thug e iad a dh' Abraham, agus thug e air a h-aisdha Sarah a bhean.

15 Agus thubhairt Abimelech, Feuch,

¹ fuirneis.

² cleachda, cor, modh.

³ sìol.

⁴ laidh. ⁵ air a' mhàireach. ⁶ an réir, an reidhr.

⁷ brùadar.

⁸ na còir.

⁹ aising.

¹⁰ dh'imis.

¹¹ dh'oilltich na daoine.

¹² a' choire, an cron. ¹³ gu'n do smuainich, gu'n do shaoil mi.

¹⁴ air choigreach.

¹⁵ ria.

¹⁶ d'an d'ig.

¹⁷ crodh, daimh.

¹⁸ seirbhisich agus han-seirbhisich.

tha m'fhearann fa d' chomhair; gabh eòmhuidh far an tuitneach leat.

16 Agus ri Sarah thubhairt e, Feuch, thug mi mìle *bonn* airgid do d' bhràthair: feuch, *tha* e dhuitse¹, na chòmhdachadh sùl do gach uile a *ta* maille riut, agus maille ris gach uile: mar so fhuair i aclimhasan².

17 Agus rinn Abraham urnuigh ri Dia; agus leighis Dia Abimelech, agus a bhean, agus a bhian-oglaich, agus rug iad *clann*.

18 Oir dhruid³ an Tighearna suas gach bolg ann an teaghlach Abimeleach, air son Sarah mnà Abraham.

CAIB XXI.

1 Rugadh agus thimchioll-ghearradh Isaac. 9 Hagar agus a mac Ismael air an cur air falbh.

22 Coimhcheangal eadar Abimelech agus Abraham.

A GUS dh'amhaire an Tighearn air Sarah⁴ mar a thubhairt e; agus rinn an Tighearna do Sarah mar a labhair e:

2 Oir dh'fhàs Sarah torrach, agus rug i mac do Abraham 'na shean aois, san àm shuidhichte mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sarah dha.

4 Agus thimchioll-ghearr Abraham Isaac a mhae, 'nuair a bha e ochd làithean a dh'aois, mar dh'àithn Dia dha.

5 Agus bha Abraham ceud bliadhna dh'aois, 'nuair a rugadh a mhae Isaac dha.

6 Agus thubhairt Sarah, Thug Dia orm gàire dheanamh: agus gach neach a chluinneas, nì e gàire maille rium.

7 Agus thubhairt i, Cò a theireadh ri h-Abraham, gu'n d'thugadh Sarah cioch do chloinn? oir rug mi mac *dha* 'na shean aois.

8 Agus dh'fhàs an leanabh, agus chuir eadh bhàrr na cìche e⁵: Agus rinn Abraham cuirm mhòr san là an do chuireadh Isaac bhàrr na cìche.

9 Agus chunnaic Sarah mac Hagar na ban-Eiphitich, a rug i dh'Abraham, ri fanoid.

10 Uime sin thubhairt i ri h-Abraham, Tilg a mach a' bhan-tràill⁶ so, agus a mac; oir cha bli mac na ban-tràille so 'na oighre maille ri m' mhac-sa, *eadhon* ri h-Isaac.

11 Agus bha an nì ro dhoilgheasach ann an sùilbh Abraham, air son a mhic.

12 Agus thubhairt Dia ri h-Abraham, Na biodh e doilgheasach a' d' shùilbh air son an òganaich, agus air son do bhan-tràille: a thaobh gach nì a thubhairt Sarah riut, èisd r'a guth; oir is ann an Isaac a dh'ainmichear⁷ dhuitse sliochd.

13 Agus, mar an ceudna, do mhac na

ban-tràille nì mise cinneach, do bhrìgh gur e do shliochd-sa e.

14 Agus dh'éirich Abraham suas gu moch sa' mhaduinn, agus ghabh e aran, agus searrag⁸ uisge, agus thug e *sin* do Hagar, agus chuir e air a gualainn e, agus an leanabh; agus chuir e air falbh i: agus dh'imich i, agus chaidh i air seacharan am fàsach Bheer-seba.

15 Agus claitheadh⁹ an t-uisge o'n t-searrag; agus thilg i an leanabh fuidh aon do na preasaibh¹⁰.

16 Agus dh'fhalbh i, agus shuidh i sìos f'a chomhair, tamull maith uaith, m' thimchioll urchuir saighe: oir thubhairt i, Na faiceam bàs an leinibh. Agus shuidh i f'a chomhair, agus thog i suas a guth, agus ghul i.

17 Agus chuala Dia guth an òganaich, agus gairn aingeal Dé air Hagar o nèamh, agus thubhairt e rithe, Ciod a *tha teachd* riut, a Hagar? Na biodh eagal ort; oir chuala Dia guth an òganaich far *am bheil* e.

18 Eirich, tog suas an t-òganach, agus gabh greim¹¹ a' d' làimh dheth, oir nì mise na chinneach mòr e.

19 Agus dh'fhosgail Dia a sùilean, agus chunnaic i tobair uisge; agus chaidh i, agus lìon i an t-searrag le h-uisge, agus thug i deoch do'n òganach.

20 Agus bha Dia leis an òganach, agus dh'fhàs e suas: agus ghabh e còmhuidh san fhàsach, agus bha e 'na fhear-bogha.

21 Agus ghabh e còmhuidh am fàsach Phàrain: agus ghabh a mhàthair bean da á tìr na h-Eiphit.

22 Agus san àm sin féin labhair Abimelech, agus Phichol àrd cheannard a shluaigh, ri h-Abraham, ag ràdh, *Tha* Dia leat anns gach nì a *ta* thu a' deanamh.

23 A nis uime sin mionnaich dhomhsa air Dia, nach buin thu gu fealltach riumsa¹², no ri m' mhac, no ri mac mo mhic; *ach* a réir a' chaoimhneis a rinn mi riut, nì thusa riumsa, agus ris an tìr anns an robh thu air chuairt.

24 Agus thubhairt Abraham, Bheir mi mo mhiannan.

25 Agus thug Abraham achmhasan do Abimelech air son tobair uisge, a tìng scrìbhisich Abimeleach a mach le h-ainneart¹³.

26 Agus thubhairt Abimelech, Cha b'fhiosrach mise cò rinn an gnòimh so: cha d'innis thu féin domh, agus cha mhò a chuala mi bheag m'a thimchioll ach an diugh¹⁴.

27 Agus ghabh Abraham caoraich agus crodh, agus thug e iad do Abimelech: agus rinn iad le chéile coimhcheangal.

¹ bithidh so dhuitse. ² chruaicheadh i.
³ dhruid i gu daingean. ⁴ dh'fhiosraich, chuimh-
nich an Tighearn air Sarah. ⁵ chuireadh air dòl e.
⁶ a' bhann-tràill, a bhean dhaor. ⁷ ghoirear.

⁸ soirre, buideal. ⁹ theivig.
¹⁰ craobhaibh. ¹¹ glac.
¹² nach dean thu feall ormsa. ¹³ le foirneart,
leis an làimh làidir. ¹⁴ gus an diugh.

28 Agus chuir Abraham seachd uain bhoirionn do'n treud air leth leo féin.

29 Agus thubhairt Abimelech ri h-Abraham, Ciod iad na seachd uain bhoirionn sin, a chuir thu air leth leo féin?

30 Agus thubhairt e, Oir gabhaidh tu na seachd uain bhoirionn sin o'm¹ làimh; chum gu'm bi iad 'nam fianuis dhomhsa gu'n do chladhaich mi an tobar so.

31 Uime sin, thug e Beer-seba mar ainm air an àite sin, do bhrìgh an sin gu'n d' thug iad am mionnan le chéile.

32 Mar so rinn iad coimhcheangal aig Beer-seba: an sin dh'éirich Abimelech suas, agus Phichol àrd cheannard a shlugaigh, agus phill iad do thir nam Philisteach.

33 Agus shuidhich *Abraham doire*¹ chraobh aig Beer-seba, agus ghairm e 'n sin air ainm an Tighearna, an Dé shònruidh.

34 Agus bha Abraham air chuairt ann an tìr nam Philisteach mòran do làithibh.

CAIB. XXII.

1 *Aithne air a tabhairt a dh' Abraham gu'n òbradh e a mhac Isaac.* 3 *Tha e a' toirt dearbhaidh air a chreidimh agus air 'imhlachd.* 13 *Reithe air 'òbradh an àit Isaac*

AGUS an déigh nan nithe sin dhearbhl² Dia Abraham, agus thubhairt e ris, Abraham, Agus thubhairt e, Feuch, *tha mi 'n so*.

2 Agus thubhairt esan, Gabh a nis do mhac, t'aon *mhac* Isaac, a's ionmhuinn leat, agus rach do thir Mhoriah³, agus thoir suas an sin e mar thabhartas-loisgte⁴ air aon do na beanntaibh a dh'innseas mise dhuit.

3 Agus dh'éirich Abraham gu moch sa' mhaduinn, agus dh'uighimich e 'asal⁵, agus ghabh e dithis d'a òganaich⁶ maille ris, agus a mhac Isaac; agus sgoilt e fiodh air son an tabhartais-loisgte, agus dh'éirich e suas, agus chaidh e do 'n àit a dh'innis Dia dha.

4 A nis air an treas là thog Abraham suas a shùilean, agus chunnaic e an t-àite fada uaith.

5 Agus thubhairt Abraham r'a òganaich, Fanaibh-se an so maille ris an asal, agus théid mise agus an gille⁷ gu ruige⁸ sud, agus ni sinn aoradh⁹, agus thig sinn a ris¹⁰ d'ur n-ionnsuidh.

6 Agus ghabh Abraham fiodh¹¹ an tabhartais-loisgte, agus chuir se e air muin a mhac Isaac; agus ghabh e 'na làimh an teine, agus an sgian: agus dh'imich iad le chéile cuideachd.

7 Agus labhair Isaac r'a athair Abraham,

agus thubhairt e, Athair: agus thubhairt esan, Feuch, *tha mi 'n so*, a mhic. Agus thubhairt e, Feuch an teine agus am fiodh; ach c'ait *am bheil* an t-uain air son tabhartais-loisgte?

8 Agus thubhairt Abraham, Gheibh Dia, a mhic, uan dha féin¹² air son tabhartais-loisgte: Mar sin dh'imich iad cuideachd le chéile.

9 Agus thàinig iad do'n àit a dh'innis Dia dha, agus thog Abraham altair an sin, agus chuir¹³ e 'm fiodh an òrdugh; agus cheaugail e a mhac Isaac, agus chuir e air an altair e air uachdar an fhiodha.

10 Agus shìn Abraham a mach a làmh, agus ghabh e an sgian a mharbhadh a mhic.

11 Agus ghlaodh¹⁴ aingcal an Tighearna ris o nèamh, agus thubhairt e, Abraham, Abraham. Agus thubhairt esan, Feuch, *tha mi 'n so*.

12 Agus thubhairt e, Na leag do làmh air a' ghille, agus na dean ni sam bith air: oir a nis tha mi fiosrach gu bheil eagal Dé ort, do bhrìgh nach do chum thu do mhac, eadhon t'aon *mhac* uamsa.

13 Agus thog Abraham suas a shùilean, agus dh'amhairc e, agus, feuch, reithe air a chùlaobh¹⁵ an sàs ann am preas¹⁶ air 'adhaircean: agus chaidh Abraham, agus ghabh e an reithe, agus thug e suas e mar thabhartas-loisgte an àit a mhic.

14 Agus thug Abraham Iehobhah-Ireli mar ainm air an àite sin: mar a theirear *gus* an là u dugh, Ann an sliabh an Tighearna chithear e¹⁷.

15 Agus ghlaodh aingcal an Tighearna ri h-Abraham an dara uair o nèamh.

16 Agus thubhairt e, Orm féin mhionnaich mi, ars' an Tighearna, a chionn gu'n d'rinn thu an ni so, agus nach do chum thu *uam* do mhac eadhon t'aon *mhac*;

17 Gu'm beannaich mi thu gu mòr¹⁸, agus gu'n dean mi doshloichd ro-lionmhor eadhon mar reulta nèimh, agus mar au gaineamh¹⁹, a *ta* air tràigh na fairge: agus sealbhaichidh do shloichd geatadh an naimhdean;

18 Agus beannaichear ann ad shloichd-sa uile chinnich na talmhainn, a chionn gu'n d' éisd thu ri m' ghuth.

19 Mar sin phill Abraham a dh'ionnsuidh òganacha; agus dh'éirich iad suas, agus chaidh iad cuideachd gu Beer-seba: agus ghabh Abraham comhnuidh aig Beer-seba.

20 Agus an déigh nan nithe sin dh'innseadh do Abraham, ag ràdh, Feuch, rug Milcah mar an ceudna mic²⁰ do d' bhràthair Nahor,

¹ badan coille.

² dh'fheuch.

³ thoir ort tìr Mhoriah.

⁴ ofrail loisgte.

⁵ chuir e d'òlaid air 'asal.

⁶ a dhà òganach.

⁷ an leanabh-gille.

⁸ gu nuig.

⁹ àdhradh.

¹⁰ pillidh sinn.

¹¹ comadh.

¹² Chi Dia, a mhic, air son uain dha féin. Eabh.

¹³ leag.

¹⁴ ghairm.

¹⁵ a chùl-thaobh.

¹⁶ an caoir-dhris.

¹⁷ San t-sliabh ch' ann Tighearna.

¹⁸ Le beannachadh gu'm beannaich mi thu. Eabh.

¹⁹ a'ghaineamh, a'ghainmheach.

²⁰ clann.

GENESIS, XXII. XXIII. XXIV.

21 Hus a cheud-ghiu, agus Buds a bhràthair, agus Cemucl athair Araim,

22 Agus Chesed, agus Hadso, agus Pil-das, agus Idlaph, agus Betuel.

23 Agus ghin Betuel Rebecah: an ochd-nar sin rug Milcah do Nahor, bràthair Abraham.

24 Agus a leanan¹, d'am b'ainm Reu-mah, rug ise mar an ceudna Tcbah, agus Gaham agus Tahas, agus Maachah.

CAIB. XXIII.

1 *Aois agus bàs Sarah. 3 Achaidh agus uaimh Mhachpelah air an ceannach, 19 fur an d' adh-laicadh Sarah.*

AGUS bha Sarah beò ceud agus seachd bliadhna fichead²; b'iad so bliadh-nacha beatha Sarah.

2 Agus fhuair Sarah bàs ann an Ciriatarba; ³se sin Hebron ann an tìr Chanaain: Agus thàinig Abraham a dheanamh tuir-idh³ air son Sarah, agus a chaoidh⁴ air a son.

3 Agus dh'èirich Abraham suas o làthair a mhairbh, agus labhair e ri mic Het, ag ràdh,

4 *Is coigreach agus fear-cuairt mise maille ribh: thugaibh dhomh sealbh àit-adhlaic⁵ maille ribh, agus gu'n adhlaic mi mo mharbh as mo shealladh⁶.*

5 Agus fhreagair mic Het Abraham, ag ràdh ris,

6 Eisd ruinne, mo thighearna: *is uachdaran⁷ cumhachdach thusa 'nar measg-ne; ann an roghainn⁸ ar n' àiteachan-adhlaic adhlaic do mharbh: cha chum duine 'nar measg-ne 'àit-adhlaic uait, gu d' mharbh adhlac ann⁹.*

7 Agus dh'èirich Abraham suas, agus chrom se e féin do mhuinntir na tìre, *eadhon* do mhic Het.

8 Agus labhair e riu, ag ràdh, Ma's àill leibh¹⁰ gu'n adhlaicinn mo mharbh as mo shealladh, éisdibh rium, agus labhraibh air mo shon¹¹ ri h-Ephron mac Shohair;

9 Chum as gu'n toir¹² e dhomh uaimh Mhachpelah a ta aige, a ta ann an crìch 'achaidh¹³; air son uiread airgid 's is fiù¹⁴ i, thugadh e dhomh i mar sheilbh àit-adhlaic 'nur measg-sa.

10 Agus bha Ephron 'na chòmluidh am measg chloinne Het. Agus fhreagair Ephron an t-Hiteach Abraham ann an éisdeachd cloinne Het, *eadhon* gach neach a chaidh steach air geatadh a bhaile-san, ag ràdh,

11 Na biodh e mar sin¹⁵, mo thighearna, éisd rium: an t-achadh bheir mi dhuit, agus an uaimh a ta ann, bheir mi dhuit i;

ann an làthair mhac mo dhaoine bheir mi dhuit i: adhlaic do mharbh.

12 Agus chrom Abraham e féin sìos an làthair muinntir na tìre.

13 Agus labhair e ri h-Ephron, ann an éisdeachd muinntir na tìre ag ràdh, Ach ma bheir thu seachad i, guidheam ort, éisd rium: bheir mi dhuit airgid air son an achaidh, gabh uam e, agus adhlaicidh mi mo mharbh an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fiù* an t-achadh ceithir chend secel airgid; ciod sin eadar mise agus thusa? uime sin adhlaic do mharbh.

16 Agus dh'Éisd Abraham ri h-Ephron, agus thombais Abraham do Ephron an t-airgid, a dh'ainnich e ann an éisdeachd mhac Het, ceithir cheud secel airgid, a ghabhas an ceannaiche¹⁶.

17 Agus rinneadh achadh Ephron, a bha ann am Machpelah, a bha fa chomhair Mhamre, an t-achadh, agus an uaimh a bh' ann, agus gach craobh a bha san achadh, a bha 'na crìch uile mu'n cuairt,

18 Daingean do Abraham mar sheilbh, ann an làthair cloinne Het, am fianuis gach neach a chaidh steach air geatadh a bhaile-san.

19 Agus an déigh sin dh'adhlaic Abraham Sarah a bhean, ann an uaimh achaidh Mhachpelah, fa chomhair Mhamre: *is e* sin Hebron ann an tìr Chanaain.

20 Agus rinneadh an t-achadh, agus an uaimh a ta ann, daingean do Abraham, mar sheilbh àit-adhlaic, le mic Het.

CAIB. XXIV.

1 *Chuir Abraham uait a sheirbhiseach a dh'fhaot-ainn mnà d' a mhac Isaac. 50 Fhuair e Rebecah. 63 Choinnich Isaac i.*

AGUS bha Abraham sean, agus air teachd gu h-aois mhòir¹⁷, agus bheann-aich an Tighearn Abraham anns na h-uile nithibh.

2 Agus thubhairt Abraham r'a sheirbhiseach bu shine 'na thigh, aig an robh riaghladh gach ni a bh'aige, Cuir, guidheam ort, do làmh fo m' shliasaid.

3 Agus bheir mi ort mionnachadh air an Tighearna, Dia nèimh, agus Dia na talmhainn¹⁸, nach gabh thu bean do nì' mhac do nigheanaibh nan Canaanach, am measg am bheil mise a'm' chòmluidh:

4 Ach théid thu do m' dhùthaich féin, agus a chum mo luchd-dàimh¹⁹, agus gabhaidh tu bean do m' mhac Isaac.

5 Agus thubhairt an seirbhiseach ris,

¹ a choinnhabach. ² bha Sarah ceud agus seachd bliadhna fichead a dh'aois. ³ bròin. ⁴ a ghl, a chaoineadh. ⁵ tuama. ⁶ a m' làthair. ⁷ prionnsadh. ⁸ roghadh. ⁹ cha bhac duine 'nar measg-ne. ¹⁰ Het do mharbh adhlac 'na àit-adhlaic.

¹⁰ ma's e 'ur toil. ¹¹ guidhibh, deanaibh maoidh-can as mo leth. ¹² gu'n doir. ¹³ fhearainn, a raoin. ¹⁴ fìach. ¹⁵ Nì h-cadh. ¹⁶ marsanta. ¹⁷ air dol air 'aghaidh gu maith ann bliadhnaibh. ¹⁸ an talmhainn. ¹⁹ mo dhùthcan.

GENESIS, XXIV.

Ma's e 's nach bi a' bhean toileach air mis' a leantuinn do'n tìr so, an éigin dhomh do mhac a thoirt air 'ais a ris do'n tìr as an d' thàinig thu?

6 Agus thubhairt Abraham ris, Thoir an ro-aire¹ nach toir thu mo mhac an sin a ris².

7 An Tighearna, Dia nèimh, a thug mise o thigh m'athar, agus o thìr mo dhilsean, agus a labhair rium, agus a mhionnaich dhomh, ag ràdh, Do d' shliochd bheir mi am fearann so; cuiridh esan 'aingeal féin romhad, agus gabhaidh tu bean do m' mhac as a sin.

8 Agus mur bi a' bhean toileach air thusa a leantuinn, an sin bithidh tu saor o m' mhionnaibh so: a mhàin na toir mo mhac an sin a ris.

9 Agus chuir an seirbhiseach a làmh fo shliasaid Abraham a mhaighstir, agus mhionnaich e dha thaobh an ni sin.

10 Agus ghabh an seirbhiseach deich càmhail do chàmhailan a mhaighstir, agus dh'fhalbh e; oir bha maoin a mhaighstir uile aige f'a làmh³: Agus dh'érich e, agus chaidh e gu Mesopotamia, gu baile Nahoir.

11 Agus thug e air na càmhail an glùn a lùbadh an taobh a muigh⁴ do'n bhaile, làmh ri tobar uisge, mu thràth feasgair, eadhon mu'n àm an téid⁵ muài a mach a tharruing uisge.

12 Agus thubhairt e, O Thighearna, Dhé mo mhaighstir Abraham, deònaich gu'n soirbhich leamsa an diugh⁶, agus nochd caoimheas do m' mhaighstir Abraham.

13 Feuch, tha mi m' sheasamh an so làmh ris an tobar uisge, agus thig nigh-eana muinntir⁷ a' bhaile mach a tharruing uisge.

14 Agus tachairiadh e⁸, a' mhaighdean ris an abair mise, Leig sìos, guidheam ort, do shoitheach, chum's gu'n òl mi; agus their ise, Ol, agus bheir mise deoch do d' chàmhail mar an ceudna: gu ma h-i⁹ sin féin a dh'òrduich thu do d'sheirbheach Isaac; agus le sin bithidh fios agam gu'n do nochd thu caoimheas do m' mhaighstir.

15 Agus mun do sguir e do labhairt, feuch, thàinig Rebekah a mach, a rugadh do Bhetuel, mac Mhileah, muà Nahoir, bràthar Abraham; agus a soitheach air a gualainn.

16 Agus bha a' chailin ro mhaiseach ri

amharc oirre, òigh; agus cha b' aithne do fhear riamh i: agus chaidh i sìos do'n tobar, agus lìon i a soitheach, agus thàinig i nìos.

17 Agus ruith an seirbhiseach 'na còinneamh¹⁰, agus thubhairt e, Leig dhomh, guidheam ort, beagan uisg' òl as do shoitheach¹¹.

18 Agus thubhairt i, Ol, mo thighearna: agus ghreas i oirre¹², agus leig i sìos a soitheach air a làmh, agus thug i dha deoch.

19 Agus an déigh dh'i deoch a thoirt da, thubhairt i, Tairngidh mi uisge air son do chàmhail mar an ceudna, gus an sguir iad a dh'òl.

20 Agus ghreas i oirre, agus dh'fhalbh i¹³ a soitheach san amar, agus ruith i a ris do'n tobar a tharruing uisge; agus tharruing i air son a chàmhail uile.

21 Agus bha'n duine ag amharc le h-iongantas oirre, agus a' fantuinn 'na thosd¹⁴, a dh'fheuchainn an d'thug, do nach d'thug, an Tighearna air a thurus¹⁵ soirbheachadh leis.

22 Agus 'nuair a sguir na càmhail a dh'òl, an sin ghabh an duine cluas-fhàinne òir, san robh leth seceil a chudthrom, agus dà làmh-fhail¹⁶ air son a làmh, san robh deich seceil òir a chudthrom.

23 Agus thubhairt e, Cò d'an nighean thu? innis dhomh, guidheam ort; am bheil ann an tigh t'athar àite dhuinn gu tàmh¹⁷ a ghabhail ann?

24 Agus thubhairt i ris, Is mise nighean Bhetueil, mhic Mhileah, a rug i do Nahor.

25 Thubhairt i ris mar an ceudna, Tha againne aron connlach¹⁸, agus innlinn¹⁹ gu leòr, agus àite gu tàmh a ghabhail ann.

26 Agus chrom an duine e féin sìos, agus rinn e aoradh do'n Tighearna.

27 Agus thubhairt e, Beannaichte gu robh an Tighearna, Dia mo mhaighstir Abraham, nach do bhuin a thròcar agus 'fhirinn o m' mhaighstir²⁰: air dhomhsa bhi san t-slighe, stiùir²¹ an Tighearna mi gu tigh bhràithre mo mhaighstir.

28 Agus ruith a' mhaighdean, agus dh'innis i na nithc-sa do mhuinntir tìghe a màthar.

29 Agus bha bràthair aig Rebekah, d'am b' ainm Laban; agus ruith Laban a dh'ionnsuidh an duine a mach chum an tobair.

30 Agus 'nuair a chunnaic e a' chluas-fhàinne, agus na làmh-fhailean air làmhan a pheathar, agus 'nuair a chual' e briathra

¹ Bi air do ro-fhaicill.

² a rist.

³ agus thug e leis cuid do uile mhaoin a mhaighstir 'na làmh.

⁴ a mach.

⁵ an déid.

⁶ cum, guidheam ort, còinneamh

⁷ riumsa 'n diugh.

⁸ dhaoine.

⁹ tarladh e,

thigeadh e gu crìch; bithcadh e. Eabh.

¹⁰ gum bu h-i.

¹¹ 'na còdhail.

¹² Caisg m' lòtadh, guidheam ort, le beagan uisg'

as do shoitheach.

¹³ rinn i deisr, no cabhag.

¹⁴ dh'fholamhuich.

¹⁵ bha'n duine 'na thosd,

ag amharc oirre le h-iongantas.

¹⁶ a shlighe.

¹⁷ bracelet.. Sasg.

¹⁸ aoidheachd.

¹⁹ fodar.

²⁰ biadh spréidhe.

²¹ nach d'fhàg mo mhaighstir as evgnkais a thròcair agus 'fhirinn.

²² thrèdrach.

Rebecah a pheathar, ag ràdh, Mar so labhair an duine rium; an sin thàinig e dh'ionnsuidh an duine, agus, feuch, sheas e làimh ris na càmhail aig an tobar.

31 Agus thubhairt e, Thig a steach, thusa ta beannaichte o'n Tighearna; c'uime sheasas tu a muigh? oir dh'ulluich¹ mise an tigh, agus àite do na càmhail.

32 Agus thàinig an duine do'n tigh, agus dh'fhuasgail e na càmhail, agus thug e seachad comhlach agus innlinn air son nan càmhail, agus uisge a dh'ionnadh a chos, agus cosan nan daoine a bha maille ris.

33 Agus chuireadh *biadh* air a bheulaobh gu itheadh: ach thubhairt e, Cha 'uith mi, gus an innis mi mo ghnothuch. Agus thubhairt esan, Labhair romhad.

34 Agus thubhairt e, *Is* mise seirbhiseach Abrahaim;

35 Agus bheannaich an Tighearna mo mhaighstir gu mòr, agus tha e air fàs cumhachdach: agus thug e dha caoraich, agus crodh, agus airgid, agus òr, agus òglaich agus banoglaich, agus càmhail agus asail;

36 Agus rug Sarah, bean mo mhaighstir, mac do m' mhaighstir 'na sean aois: agus thug e dhasan gach ni a *bh'* aige²;

37 Agus thug mo mhaighstir ormsa mo mhionnan a thoirt, ag ràdh, Cha ghabh thu bean do m' mhac do nigheanaibh nan Canaanach, muinntir *a tha* mise a chòmh-nuidh 'nam fearann:

38 Ach théid thu dh'ionnsuidh tige m'athar, agus a dh'ionnsuidh mo dhilsean, agus gabhaidh tu bean do m' mhac.

39 Agus thubhairt mi ri m' mhaighstir, Theagamh nach lean a' bhean mi:

40 Agus thubhairt esan rium, Cuiridh an Tighearn, an làthair an do ghluais mise, aingeal féin leat, agus soirbhichidh e do thurus; agus gabhaidh tu bean do m' mhac o m' dhilsibh, agus o thigh m'athar.

41 An sin bithidh tu saor o m' mhionnaibh-sa, 'nuair a thig thu chum mo dhilsean; agus mur toir iad dhuit *bean*, an sin bithidh tu saor o m' mhionnaibh.

42 Agus thàinig mi'n diugh chum an tobar, agus thubhairt mi, O Tighearna, Dhé mo mhaighstir Abrahaim, ma shoirbhicheas tu nis mo thurus air am bheil mi 'g imeachd;

43 Feuch, tha mi m' sheasamh làimh ris an tobar uisge; agus 'nuair a thig a' mhaighdean³ a mach a tharuing uisge, agus a their mi rithe, Thoir dhomh, guidheam ort, beagan uisge ri òlas do shoitheach;

44 Agus a their ise rium, Ol thu féin, agus tairgidh mise mar an ceudna do d'chàmhaill: *gu ma h-i* sin féin a' bhean a dh'ord-nich⁴ an Tighearna do mhac mo mhaighstir.

45 Agus mun do sguir⁵ mi do labhairt

a'm' chridhe, feuch, thàinig Rebecah a mach, agus a soitheach air a gualainn; agus chaidh i sìos do'n tobar, agus tharuing i uisge: Agus thubhairt mi rithe, Thoir dhomh deoch, guidheam ort:

46 Agus ghreas i oirre, agus leig i sìos a soitheach o' *gualainn*, agus thubhairt i, Ol, agus bheir mi deoch do d' chàmhaill mar an ceudna: agus dh' òl mi, agus thug i air na càmhail òl mar an ceudna.

47 Agus dh'fhiosraich⁶ mi dhith, agus thubhairt mi, Cò d'an nighean thusa? Agus thubhairt ise, *Is* mi nighean Bheteuil, mhic Nahoir, a rug Milcah dha: Agus chuir mi a' chluas-fhàinne air a h-aghaidh, agus na làmh-fhailean air a làmhnan.

48 Agus chrom mi sìos mo cheann, agus rinn mi aoradh do'n Tighearna, agus bheannaich mi an Tighearna, Dia mo mhaighstir Abrahaim, a threòraich mi san t-slighe cheart⁷, a ghabhail nighean bràthar mo mhaighstir d'a mhac.

49 Agus a nis, ma bhuineas sibh gu caoimhneil agus gu fìrinneach ri m' mhaighstir, innsibh dhomh; agus mur *buin*, innsibh dhomh; chum as gu'n tionndaidh mi dh'ionnsuidh na làimhe deise, no na làimhe clìthe.

50 An sin fhreagair Laban agus Betuel, agus thubhairt iad, *'Sann* o'n Tighearna thàinig an ni *so*: cha 'u urrainn sinne olc no maith a ràdh riut.

51 Feuch, *tha* Rebecah a' d' làthair, gabhi, agus imich; agus biodh i 'na mnaoi aig mac do mhaighstir, mar a labhair an Tighearna.

52 Agus 'nuair a chuala seirbhiseach Abrahaim am briathra, chrom se e féin⁸ gu làr do'n Tighearna.

53 Agus thug an seirbhiseach a làthair seudan⁹ airgid agus seudan òir, agus eudach, agus thug e *iad* do Rebecah: thug e mar an ceudna nithe luachmhor¹⁰ d'a bràthair agus d'a màthair.

54 Agus dh'ith iad, agus dh'òl iad, e féin agus na daoine a bha maille ris, agus dh'fhan iad rè na h-oidheche: agus dh'éirich iad sa' mhaduinn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille ruinne air a' chuid a's lugha deich làithean; 'na dhéigh sin falbhaidh i.

56 Agus thubhairt e riu, Na cuiribh moille orm, oir shoirbhich an Tighearna mo thurus: cuiribh air falbh mi, chum gu'n téid mi dh'ionnsuidh mo mhaighstir.

57 Agus thubhairt iad, Gairmidh sinn air a' mhaighdinn, agus fiosraichidh sinn d'a beul féin.

58 Agus ghairm iad air Rebecah, agus

¹ dh'ullamhuich, dheasaich. ² gach ni ta aige.

³ a chailin. ⁴ a chomharaich a mach.

⁵ suil do sguir. Eir. ⁶ dh'fhiosraich, dh'fhaoin-

eachd, dh'fharraid.

⁷ air slighe na fìrinne. Eabh.

⁸ rinn e aoradh.

⁹ seithichean. Eabh.

¹⁰ prìseil.

thubhairt iad rithe, An téid thu leis an duine so? Agus thubhairt i, Théid.

59 Agus chuir iad air falbh Rebekah, am piuthar, agus a banaltrum, agus seirbhiseach Abraham, agus a dhaoine.

60 Agus bheannaich iad Rebekah, agus thubhairt iad rithe, 'S tu ar piuthar, bi-sa a'd' mhàthair mhìlte do mhuillionaibh; agus sealbhaicheadh do shliochd geata na muinntir sin le 'in fuathach iad.

61 Agus dh'éirich Rebekah, agus a maighdeanan, agus mharcaich iad air na càmhail, agus lean iad an duine: agus ghabh an seirbhiseach Rebekah, agus dh'fhalbh e roimhe.

62 Agus bha Isaac a' teachd o shlighe an tobar Lahai-roi; oir bha e chòmh-nuidh san tìr mu dhèas.

63 Agus chaidh Isaac a mach a bheachd-smuaineachadh san fhàiche¹ air feasgar: agus thog e suas a shùilean, agus chunnaic e, agus, feuch, *bha* na càmhail a' tighinn².

64 Agus thog Rebekah suas a sùilean, agus 'nuair a chunnaic i Isaac, theiring i³ bhàrr a' chàmhail.

65 Agus thubhairt i ris an t-seirbhiseach, Cò e'n duine so a *ta* sràid-meachd san fhàiche g' ar coinneachadh? Agus thubhairt an seirbhiseach, 'S e mo mhaighstir a th'ann: an sin ghabh i gnùis-bhrat⁴, agus chòmhdaich si i féin.

66 Agus dh'innis an seirbhiseach do Isaac na h-uile uithe a rinn e.

67 Agus thug Isaac i do bhùth Sarah a mhàthar, agus ghabh e Rebekah, agus bha i aige 'na mnaoi: agus ghràdhaich e i: agus fhuair Isaac sòlas an déigh bàis a mhàthar.

CAIB. XXV.

1 Mic Abraham le Ceturah: 7 Aois Abraham agus a bhàs. 12 Ginealaich Ismaeil. 24 Rugadh do Isaac Esau agus Jacob. 29 Reic Esau a chòir-bhrèithe.

AN sin ghabh Abraham bean a rís, a' d'am b' ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhedain Asurim, agus Letusim, agus Leumini.

4 Agus mic Mhidiaim; Ephra, agus Ephraim, agus Hanoah, agus Abidah, agus Eldaah: b' iad sin uile mic Cheturah.

5 Agus thug Abraham gach nì a bh' aige do Isaac.

6 Ach do mhic nan leannan a *bha* aig Abraham, thug Abraham tidhlacan⁵; agus chuir e air falbh iad o 'mhac Isaac, 'nuair a bha e féin fathast beò, do'n taobh an ear⁶, do thìr na h-àirde 'n ear.

7 Agus *is iad* so làithean bhliadhnacha beatha Abraham a bha e beò; ceud agus trì fichead, agus ciùg bliadhna deug.

8 An sin thug Abraham suas an deò⁷, agus fhuair e bàs ann an deadh shean aois, 'na sheann duine, agus làn do bhliadhnaibh; agus chruinnicheadh e chum a mhuinntir.

9 Agus dh'adhlaic a mhic Isaac agus Ismael e ann an uaimh Mhachpelah, ann an achadh Ephroin, mhic Shoair an Hitich, a *ta* fa chomhair Mhamre;

10 An t-achadh a cheannaich Abraham o mhic Het: ann an sin dh'adhlaicheadh Abraham, agus Sarah a bhean.

11 Agus an déigh bàis Abraham, bheannaich Dia Isaac a mhac: agus ghabh Isaac còmhnuidh làimh ri tobar Lahai-roi.

12 A nis *is iad* sin ginealaich Ismaeil, mhic Abraham, a rug Hagar a' bhan-Eiphiteach, banoglach Sarah, do Abraham.

13 Agus *is iad* sin ainmean mhac Ismaeil, 'nan ainmeanaibh, a réir an ginealach: ceud-ghin Ismaeil, Nebaiot; agus Cedar agus Adbeel, agus Mibsam,

14 Agus Misma, agus Dumah, agus Masa, 15 Hadar, agus Tema, Ietur, Naphis, agus Cedemah.

16 *Is iad* sin mic Ismaeil, agus *is iad* sin an ainmeana 'nam bailtibh, agus 'nan daingneachaibh⁸; dà cheannard deug a réir an fineacha.

17 Agus *is iad* sin bliadhnacha beatha Ismaeil, ceud agus seachd bliadhna deug 'ar fhichead: agus thug e suas an deò, agus dh'eug e, agus chruinnicheadh e chum a mhuinntir.

18 Agus ghabh iad còmhnuidh o Habbilah gu ruig Sur, a *ta* fa chomhair na h-Eiphit, mar a théid thu gu h-Asiria. An làthair a bhràithrean uile fhuair e bàs.

19 Agus *is iad* sin ginealaich Isaac, mhic Abraham: Ghin Abraham Isaac.

20 Agus bha Isaac dà fhichead bliadhna dh'aois 'nuair a ghabh e Rebekah, nighean Bhetueil, an t-Siriaich o Phadan-aram, piuthar Labain an t-Siriaich, dha féin 'na mnaoi.

21 Agus ghuidh⁹ Isaac an Tighearna air son a mhnà, a chiom gu'n robh i neo-thorrach: agus dh'éis an Tighearna ris, agus dh'fhàs Rebekah a bhean torrach.

22 Agus bha a' chlann a' cointh-ghileac-adh¹⁰ an taobh a stigh dhi: agus thubhairt ise, *Ma ta chùis* mar sin, c'ar son a *tha* mi mar so? Agus chaidh i a dh'fhiosrachadh¹¹ do'n Tighearna.

23 Agus thubhairt an Tighearna rithe, *Tha* dà chinneach a'd' bholg, agus bithidh

¹ sa' mhagh, sa mhachair.

² a' teachd.

³ thàinig i suas.

⁴ sgàile air son a h-cudain.

⁵ ghibhtean.

⁶ an oir.

⁷ an eanail.

⁸ caisteal/aibh.

⁹ dh'athcuingich.

¹⁰ a' gleachdadh no strì ri chèile.

¹¹ a dh'fhèoraich.

dà shluagh air an sgaradh o t'innibh: agus bithidh aon sluagh *dhiubh* son's treise na 'n sluagh eile; agus ni esan a's sine¹ seirbhis dhasan a's oige².

24 Agus nuair a choimhlionadh a làithlean gu bi air a h-aisead³, feuch, *bha* leth-aona⁴ 'na bolg.

25 Agus thàinig an ceud-ghin a mach dearg, is e uile mar fhalluinn mholach: agus thug iad Esau mar ainm air.

26 Agus 'na dhéigh sin thàinig a bhràthair a mach, agus greim aig a làimh do shàil Esau; agus thugadh Iacob mar ainm air: agus *bha* Isaac tri fichead bliadhna dh'aois, 'nuair a rugadh iad.

27 Agus dh'fhàs na gillea⁵; agus *bha* Esau 'na shealgair seòlta, 'na fhear macharach; agus *bha* Iacob 'na dluine coimhlionta⁶, a' gabhail còmhuidham bùthaibh.

28 Agus ghràdhaich Isaac Esau⁷, a chionn gu'n d'ith e d'a shithinn⁸; ach ghràdhaich Rebecah Iacob.

29 Agus bhruidh Iacob brochan; agus thàinig Esau o'n mhachair, agus e fann⁹.

30 Agus thubhairt Esau ri Iacob, Leig dhomh itheadh, guidheam ort, do'n *bhrochan* dhearg sin féin; oir *tha* mi fann; uime sin thugadh Edom mar ainm air.

31 Agus thubhairt Iacob, Reic rium an diugh do chòir-bhreithe¹⁰.

32 Agus thubhairt Esau, Feuch, *tha* mi dlùth¹¹ do'n bhàs; agus ciod an tairbhe a tha sa' chòir-bhreithe so dhomhsa?

33 Agus thubhairt Iacob, Mionnaich dhomhsa an diugh; agus mhionnaich e dha: agus reic e a chòir-bhreithe ri Iacob.

34 An sin thug Iacob do Esau aran, agus brochan do ghall-pheasair¹²; agus dh'ith e, agus dh'òl e, agus dh'éirich e, agus dh'fhalbh e roimhe: mar so rinn Esau dimeas air a chòir-bhreithe.

CAIB. XXVI.

1 Chaidh Isaac do Gherar, agus bheannaich Dia e.
26 Rinn Abimelech coimhceangal ris aig Beer-seba.

AGS *bha* gorta san tìr a bharrachd¹³ air a' cheud ghorta a bha ann an làithibh Abraham: agus chaidh Isaac gu Abimelech rìgh nam Philisteach, do Gherar.

2 Agus dh'fhoillsich an Tighearn e féin dha agus thubhairt e, Na rach sìos do'n Eiphit: gabh còmhuidh anns an tìr a dh'inneas mise dhuit.

3 Bi air chuairt san tìr so, agus bithidh mise maille riut, agus beannaichidh mi thu: oir dhuitse, agus do d' shliochd, bheir mise na dùthchanna sin uile, agus coimhlionaidh mi na mionnan a mhionnaich mi do t'athair Abraham:

4 Agus bheir mi air do shliochd fàs

liomhor mar reulta nèimh, agus bheir mi do d' shliochd na dùthchanna sin uile: agus beannaichear ann ad shliochd-sa uile chinnich na talmhainn;

5 Do bhrìgh gu'n d'éisd Abraham ri m' ghuth, agus gu'n do ghléidh e m' iarrtus¹⁴, m' àitheanta, m' orduighean, agus mo lagh-anna¹⁵.

6 Agus ghabh Isaac còmhuidh ann an Gherar.

7 Agus dh'fhiosraich daoine an àite *dheth* m'a mhnai; agus thubhairt e, 'Si mo phiuthar i: oir *bha* eagal air a ràdh, 'Si mo bhean i; air eagal, *ars' esan*, gu'm mabhladh daoine an àite mi air son Rebecah, do bhrìgh gu'n *robh* i maiseach ri amharc oirre.

8 Agus 'nuair a bha e aimsir fhad an sin, sheall Abimelech rìgh nam Philisteach a mach air uinneig, agus chumnaic e, agus, feuch, *bha* Isaac a' sùgradh r'a mhnai Rebecah.

9 Agus ghairm Abimelech air Isaac, agus thubhairt e, Feuch, gu cinnteach 's i do bhean i: agus cionnus a thubhairt thu, 'Si mo phiuthar i? agus thubhairt Isaac ris, A chionn gu'n d' thubhairt mi, Air eagal gu'm bàsaich mi air a son.

10 Agus thubhairt Abimelech, Ciod e so a rinn thu oirn? dh'fheudadh a h-aon do'n t-sluagh luidhe le d' mhnai, agus bheireadh tu cionta oirne.

11 Agus thug Abimelech àithne d'a shluagh uile, ag ràdh, Esan a bheanas ris an duine so, no r'a mhnai, gu cinnteach cuirear gu bàs e.

12 An sin shìol-chuir Isaac san tìr sin, agus fhuaire e sa' bhliadhna sin féin a' cheud uiread 's a *chuir* e, agus bheannaich an Tighearn e.

13 Agus dh'fhàs an duine mòr, agus chaidh e air aghaidh, agus dh'fhàs e gu s an robh e ro mhòr:

14 Oir *bha* aige sealbh chaorach, agus sealbh cruaidh, agus mòran sheirbhiseach¹⁶. Agus ghabh na Philistich farmad ris.

15 Agus dhùin na Philistich suas na tobair uile a chladhaich seirbhisich 'athar ann an làithibh Abraham 'athar, agus lion iad le h-ùir iad.

16 Agus thubhairt Abimelech ri h-Isaac, Imich uainne; oir is cumhachdaiche thu gu mòr na sinne.

17 Agus dh'imich Isaac as a sin, agus shuidhich e a bhùth ann an gleann Gherair, agus ghabh e còmhuidh an sin.

18 Agus chladhaich Isaac a ris na tobair uisge, a chladhaicheadh ann an làithibh Abraham 'athar; oir dhùin na Philistich suas iad an deigh bàis Abraham: agus

1 a's mò. 2 a's lugha. 3 làithean a tuislidh; 4 dithis naoidheana. 5 na h-òganaich. 6 dìreach, gu'n lib. 7 bu toigh le h-Isaac Esau, b'ionmhuinn le h-Isaac Esau.

8 d'a sheilg. 9 agus e air a chur, e fàiligrach. 10 do chòir còrd-bhreith. 11 dù. 12 lentilles. Sosg. 13 a thuille. 14 m'arail. 15 mo reachdan. 16 mòr-mhuinntir.

thug e ainmean orra a réir nan ainm a thug 'athair orra.

19 Agus chladhaich seirbhisich Isaac sa' ghleann, agus fluair iad an sin tobar fìor-uisge.

20 Agus rinn buachaillean Gherair consachadh¹ ri buachaillean Isaac, ag ràdh, *Is leinne an t-uisge*: agus thug e Esec mar ainm air an tobar, a chionn gu'n d'rinn iad consachadh ris.

21 Agus chladhaich iad tobar eile, agus rinn iad consachadh uime sin cuideachd: agus thug e Sitnah mar ainm air.

22 Agus chaidh e imrich as a sin, agus chladhaich e tobar eile; agus cha d'rinn iad consachadh uime sin: agus thug e Rehobot mar ainm air; agus thubhairt e, Oir thug an Tighearn a nis farsaingeachd dhuin; agus fàsaidh sinn lionmhor² san tìr.

23 Agus chaidh e suas a sin gu Beer-seba.

24 Agus dh'fhoillsich an Tighearn e féin da san oidhche sin féin, agus thubhairt e, *Is mise Dia Abraham t'athar*; na biodh eagal ort, oir a ta mise maille riut, agus beannaichidh mi thu, agus ni mi do shliochd lionmhor air sgàth mo sheirbhisich Abraham.

25 Agus thog e altair an sin, agus ghairm e air ainm an Tighearn, agus shuidhich e an sin a bhùth: agus chladhaich seirbhisich Isaac tobar an sin.

26 An sin chaidh Abimelech d'a ionnsuidh o Gherar, agus a charaid Ahudsat, agus Phichol àrd cheannard a shluaigh³.

27 Agus thubhairt Isaac riu, C'ar son a thàinig sibh a m'ionnsuidh, agus gu bheil fuath agaibh dhomh, agus gu'n do chuir sibh uaibh mi?

28 Agus thubhairt iadsan, Chunnaic sinn gu cinnteach gu'n robh an Tighearna leat; agus thubhairt sinn, Biodh a nis mionnan eadaruin, eadhon eadar sinne agus thusa, agus deanamaid coimhcheangal riut;

29 Dean dean thu oirme cron sam bith, mar nach do bhean sinne riutsa, agus mar nach do rinn sinn ni sam bith ort ach maith, agus a chuir sinn uainn thu an sìth: Tha thusa nis air do bheannachadh leis an Tighearna.

30 Agus rinn e dhoibh cuirm, agus dh'ith agus dh'òl iad.

31 Agus dh'èirich iad gu moch sa' mhaduinn, agus mhlionnaich iad d'a chéile: agus chuir Isaac air falbh iad, agus dh'imich iad uaith an sìth.

32 Agus air an là sin féin thàinig seirbhisich Isaac, agus dh'innis iad dha mu thimchioll an tobair a chladhaich iad, agus thubhairt iad ris, Fluair sinn uisge.

33 Agus thug e Seba mar ainm air: uime sin *is e Beer-seba* ainm a' bhaile si gus an là'n diugh.

34 Agus bha Esau dà fhichead bliadhna

dh'aois; agus ghabh e mar mhnai Iudit, nighean Bheeri an Hitich, agus Basemat nighean Eloin an Hitich:

35 Agus bha iad sin 'uam briseadh-cridhe⁴ do Isaac agus do Rebecah.

CAIB. XXVII.

1 *Chuir Isaac Esau a shealg sìthinn*, 18 *Le seòladh Rebecah thàinig Jacob a dh'ionnsuidh 'athar le biadh blasda an riochd Esau, agus shuair e a bheannachadh.* 41 *Thug Esau fuath do Jacob, agus bhagair e a mharbhadh.*

AGUS 'nuair a bha Isaac air fàs sean, agus a bha a shùilean dall, air chor as uach faicadh e, ghairm e air Esau a mhac bushlaine, agus thubhairt e ris, A mhic: agus thubhairt esan ris, Feuch, *tha mi 'n so.*

2 Agus thubhairt esan, Feuch a nis, tha mise sean; cha 'n'eil fios agam air latha mo bhàis.

3 Agus a nis, guidheam crt, gabh t'airni, do bholg-shaighead agus do bhogha, agus falbh a mach do'n mhachair, agus sealg dhomh sìthinn;

4 Agus dean dhomh biadh blasda, mar is ionmhuinn⁵ leam, agus thoir a m' ionnsuidh e, agus gu'n ith mi; chum as gu'm beannaich m'anam thu mun faigh mi bàs.

5 Agus chuala Rebecah an uair a labhair Isaac r'a mhac Esau: agus chaidh Esau do'n mhachair a shealg sìthinn, gu toirt d'a ionnsuidh.

6 Agus labhair Rebecah r'a mac Jacob, ag ràdh, Feuch, chuala mi t'athair a' labhairt ri h-Esau do bhràthair, ag ràdh,

7 Thoir a m' ionnsuidh sìthinn, agus dean biadh blasda dhomh, agus gu'n ith mi, agus gu'm beannaich mi thu an làthair an Tighearna, roimh mo bhàs.

8 A nis uime sin, a mhic, éisd ri m' ghuth, a réir an ni a ta mi ag àithneadh dhuit.

9 Falbh a nis a dh'ionnsuidh an treuda, agus thoir a m'ionnsuidh o sin dà dheadh mheann do na gabhraibh; agus ni mise iad 'uam biadh blasda air son t'athar, mar is ionmhuinn leis:

10 Agus bheir thu dh'ionnsuidh t'athar e, agus gu'n ith e, chum as gu'm beannaich e thu roimh a bhàs.

11 Agus thubhairt Jacob ri Rebecah a mhàthair, Feuch, *tha Esau* mo bhràthair 'na dhuine molach, agus mise a'm dhuine lom.

12 Ma 's e s' gu'n laimhsich m'athair mi, an sin measar mi leis⁷ mar reach leis am b'àill m'healladh⁶; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic; a mhàin éisd ri m' ghuth, agus falbh, thoir a m' ionnsuidh iad.

14 Agus dh'fhalbh e, agus ghlac e iad, agus thug e iad a dh'ionnsuidh a mhàthar;

¹ comhstri.

² sìolmhor.

³ armaitte.

⁶ Feudaidh e bi.

⁷ bithidh mi 'na shùilith. Eabh.

⁴ mulad iuntinn.

⁵ teigh.

⁶ mar mhealltair.

agus rinn a mhàthair biadh blasda, mar a b'ionnuidh le 'athair.

15 Agus ghabh Rebecah eudach taitneach Esau a mic bu shine, a bh'aise san tigh; agus chuir i e air Jacob a mac a b'òige.

16 Agus chuir i croine mheann nan gabhar air a làmhnan, agus air luime a mhuineil.

17 Agus thug i am biadh blasda, agus an t-aran a dheasaich i, do làimh a mic Iacoib.

18 Agus thàinig e dh'ionnsuidh 'athair, agus thubhairt e, Athair: agus thubhairt esan, Feuch, *tha mi 'n so*; cò thusa, a mhic?

19 Agus thubhairt Iacob r'a athair, *Is mise Esau do cheud-ghin*; rinn mi mar a dh'iarr thu orm¹: éirich, guidheam ort, suidh agus ith do m' shithinn, chum as gu'm beannaich t'anam mi.

20 Agus thubhairt Isaac r'a mhac, Cionnus a fhuair thu i cho luath, a mhic? agus thubhairt esan, A chionn gu'n do chuir an Tighearna do Dhia a'm' rathad i.

21 Agus thubhairt Isaac ri Iacob, Thig am fagus a nis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Iacob am fagus d'a athair Isaac, agus laimhsich se e; agus thubhairt e, 'Se 'n guth guth Iacoib, ach *is iad* na làmhnan làmhnan Esau.

23 Agus cha d'aithnich se e, a chiom gu'n robh a làmhnan molach, mar làmhnan Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is mi*.

25 Agus thubhairt e, Thoir an fagus domh e, agus ithidh mi do shithinn mo mhic, chum as gu'm beannaich m'anam thu. Agus thug e 'm fagus da e, agus dh'ith e; agus thug e d'a ionnsuidh fion, agus dh'òl e.

26 Agus thubhairt 'athair Isaac ris, Thig am fagus a nis, agus pòg mi, a mhic.

27 Agus thàinig e'm fagus, agus phòg se e: agus dh'fhaireach² e boladh 'eudaich; agus bheannaich se e, agus thubhairt e, Feuch, *tha faile* mo mhic mar fhàile fearainn³, a bheannaich an Tighearna.

28 Uime sin, gu'n tugadh Dia dhuit do dhrùchd⁴ nèimh, agus do reamhrachd⁵ na talmhainn, agus pailteas arbhair agus fìona.

29 Deanadh slòigh seirbhis dhuit, agus strìochdadh cinnich⁶ dhuit; bi d' uachdaran air do bhràithribh, agus cromadh mic do mhàthar sìos duit: mallaichte gu'n robh gach neach a mhallaicheas thu, agus beannaichte gu'n robh gach neach a bheannaicheas thu.

30 Agus cho luath agus a sguir Isaac do bheannachadh Iacoib, 'nuair bu ghann a bha Iacob air dol a mach fathast á

làthair Isaac 'athair, thàinig a bhràthair Esau o 'sheilg.

31 Agus rinn esan mar an eudna biadh blasda, agus thug e dh'ionnsuidh 'athair e; agus thubhairt e r'a athair, Eireadh m'athair, agus itheadh e do shithinn a mhic, chum gu'm beannaich t'anam mi.

32 Agus thubhairt Isaac 'athair ris, Cò thusa? agus thubhairt esan, *Is mi* do mhac, do cheud-ghin, Esau.

33 Agus chrìothnach Isaac le ball-chrith anabarraig, agus thubhairt e, Cò, e' àite 'm bheil esan a ghlac⁷ sithinn, agus a thug i m'ionnsuidh, agus dh'ith mi do'n iomlan mun d'thàinig thusa? agus bheannaich mi e, seadh agus beannaichte bithidh e.

34 'Nuair a chual⁸ Esau briathran 'athair, ghlaodh e le glaoth mòr, agus ro-shearbh; agus thubhairt e r'a athair, Beannaich mise, eadhon mise mar an ceudna, O athair.

35 Agus thubhairt e, Thàinig do bhràthair le ceilg, agus thug e leis do bheannachadh.

36 Agus thubhairt esan, Nach ceart a thugadh Iacob mar ainm air? oir thàinig e fodham⁹ an dà uair so: thug e leis mo chòir-bhreithe; agus, feuch, a nis thug e leis mo bheannachadh. Agus thubhairt e, Nach do ghléidh thu dhomh-sa beannachadh?

37 Agus fhreagair Isaac, agus thubhairt e ri h-Esau, Feuch, rinn mi e 'na uachdaran ort, agus a bhràithrean uile thu mi dha mar sheirbhisich; agus le h-arbhar agus le fion chum mi suas e: agus dhuitse ciod a nis a ni mi, a mhic?

38 Agus thubhairt Esau r'a athair, Nach 'eil agad ach aon bheannachadh, athair? beannaich mise, eadhon mise mar an ceudna, O athair. Agus thog Esau suas a ghuth, agus ghul e.

39 Agus fhreagair Isaac 'athair, agus thubhairt e ris, Feuch, ann an reamhrachd na talmhainn bithidh do chòmhuidh, agus ann an drùchd nèimh o'n àirde.

40 Agus le d' chlaidheamh⁹ thig thu beò, agus do d' bhràthair ni thu seirbhis: agus 'nuair a bhios an uachdaranachd agad, an sin brisidh tu a chuing o d' mhuineal.

41 Agus dh'fhuathaich Esau Iacob airson a' bheannachaidh leis an do bheannaich 'athair e: agus thubhairt Esau 'na chridhe, Tha làithean a' bhròin air son m'atharam fagus, agus an sin marbhaidh mi mo bhràthair Iacob.

42 Agus dh'innsadh do Rebecah briathran Esau a mic bu shine, agus chuir i teachdaire uaithe¹⁰, agus ghairm i air Iacob a mac a b'òige, agus thubhairt i ris, Feuch, *tha* do bhràthair Esau toirt comhfhurtachd dha féin a' d' thaobh-sa, a' cur roimhe do mharbhadh.

43 A nis uime sin, a mhic, éisd ri m'

¹ mar a thubhairt thu rium. Eabh. ² bhol, boltraich. ³ achaidh. ⁴ do dhealt. ⁵ do shail, do shult. ⁶ fìncachan. ⁷ sheal'g.

⁸ fudham, fo m' làimh. ⁹ le d' chloidheamh. ¹⁰ chuir i fios uaipe.

ghuth; agus éirich, teich a dh'ionnsuidh mo bhràthar Labain do Haran.

44 Agus fanaidh tu maille ris beagan do làithibh, gus an tionndaidh¹ fraoch feirge² do bhràthar;

45 Gus an tionndaidh corruich do bhràthar uait, agus gu'n dìcluimhnich e na rinn thu air: an sin cuiridh mise *fios*, agus bheir mi as a sin thu. C'ar son a chaillinn le chéile sibh ann an aon là?

46 Agus thubhairt Rebceah ri h-Isaac, Tha mi sgith do m' bheatha air son nigh-eana Het: ma ghabhas Iacob bean do nigh-eanaibh Het, mar iadsan *a ta* do nigh-eanaibh na dùthcha, ciod am maith a ni mo bheatha dhomh-sa?

CAIB. XXVIII.

1 *Bheannaich Isaac Iacob, agus chuir se e do Phadan-aram.* 11 *Aisling Iacob.* 18 *Clach Bheteil.* 20 *Bòid Iacob.*

A GUS ghairm Isaac air Iacob, agus bheannaich se e, agus dh'àithn e dha, agus thubhairt e ris, Cha ghabh thu bean do nigh-eanaibh Chanaain.

2 Éirich, imich do Phadan-aram, do thigh Bhetueil athar do mhàthar, agus gabh dhuit féin as a sin bean do nigh-eanaibh Labain, bràthar do mhàthar.

3 Agus gu beannaicheadh Dia nìle-chumhachdach thu, agus gu deanadh e sìolmhor thu, agus gu tugadh e ort fàs lìonmhor, air chor as gu'm bi thu a'd' chomh-chruinnachadh clinneach³:

4 Agus gu tugadh e dhuit beannachadh Abraham, dhuitse, agus do d' shliochd maille riut; chum gu'n sealblaich thu am fearann anns am bheil thu a'd' choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetueil an t-Siríach, bràthair Rebceah, màthar Iacob agus Esau.

6 'Nuair a chunnaic Esau gu'n do bheannaich Isaac Iacob, agus gu'n do chuir e air falbh e do Phadan-aram, a ghabhail mnà dha féin as a sin; agus 'nuair a bheannaich se e, gu'n d' thug e àithne dha, ag ràdh, Cha ghabh thu bean do nigh-eanaibh Chanaain;

7 Agus gu'n d'éisd Iacob⁴ r'a athair, agus r'a mhàthair, agus gu'n deachaidh e do Phadan-aram;

8 Agus an uair a chunnaic Esau nach do thaitinn nigh-eana Chanaain r'a athair Isaac,

9 An sin chaidh Esau dh'ionnsuidh Ismaeil, agus ghabh e Mahalat nigh-eana Ismaeil mhic Abraham, piuthar Nebaioit

dha féin mar mhnaoi a thuilleadh air na mnàibh a bhl'aige.

10 Agus chaidh Iacob a mach o Bheer-seba, agus chaidh e gu Haran.

11 Agus thachair⁵ e air àite *àraidh*, agus dl'fhan e 'n sin an oidhe sin, a chionn gu'n robh a' ghrian air luidhe: agus ghabh e *h-aon* do chlachaidh an àite sin, agus chuir e fo a cheann⁶ i, agus luidh e sìos san àite sin a chodal.

12 Agus bhruadair e; agus, feuch, fàradh air a chur suas air an talamh, agus a bhàrr⁷ a' ruigheachd gu nèamh: agus, feuch, aingil Dé a' dol suas agus a' teachid a nuas air.

13 Agus, feuch, sheas an Tighearna os a cheann, agus thubhairt e, Is mise an Tighearn Dia Abraham t'athar, agus Dia Isaac: am fearann air am bheil thu do luidhe, bheir mise dhuit e, agus do d' shliochd.

14 Agus bithidh do shliochd mar dhuslach na talmhainn; agus sgaoidh tu mach a dh'ionnsuidh na h-àird⁸ an iar, agus na h-àird⁹ an ear, agus a dh'ionnsuidh na h-àirde tuath agus na h-àirde deas: agus beannaichear annad-san uile theaghlaiche na talmhainn, agus ann ad shliochd.

15 Agus, feuch, *tha* mise maille riut, agus gleidhidh mi thu anns gach àit d' an téid thu, agus bheir mi ris thu dh'ionnsuidh na tìre so; oir cha tréig mi thu, gus an dcan mi an *ni sin* a labhair mi riut.

16 Agus dhùisg Iacob as a chodal, agus thubhairt e, Gu cinnteach *tha* 'n Tighearn san àite so, agus cha robh fios agam *air*.

17 Agus bha eagal air, agus thubhairt e, Cia h-uamhasach¹⁰ an t-ionad¹¹ so! cha 'n àite air bith so ach tigh Dhé, agus *is* e so geata nèimh.

18 Agus dh'éirich Iacob gu moch sa' mhaduinn, agus ghabh e a' chlach a chuir e fo a cheann, agus chuir e suas 'na carragh¹² i, agus dhòirt e oladh air a mullach.

19 Agus thug e Bet-el mar ainm air an àite sin: ach *b' e* Luds ainm a' bhaile sin air tùs.

20 Agus bhòidich Iacob bòid¹³, ag ràdh, Ma bhios Dia leam, agus *ma* glleidheas e mi air an t-slighe sin air am bheil mi 'g imeachd¹⁴, agus *ma* bheir e dhomh aran r'a itheadh, agus cudach r'a chur umam;

21 Agus gu'n tig mi ris an sìth a dh'ionnsuidh tìghe n'athar; an sin bithidh an Tighearn agam 'na Dhia.

22 Agus bithidh a' chlach¹⁵ so, a chuir mi suas 'na carragh, 'na tigh aig Dia: agus do gach *ni* a bheir thu dhomh, bheir mi gu cinnteach an deachamh dhuit.

¹ traogh. ² lasan feirge.
³ a' d' ionndaidh phoibleach. ⁴ gu'n d' thug Iacob éill. ⁵ thàinig, *theiring*.
⁶ na clasaig. ⁷ cheann. Eabh.

⁸ cagalach, *cillteil*. ⁹ àite. ¹⁰ post, *prop* Sasg.
¹¹ mhòidich Iacob mòid. ¹² triall.
¹³ a' chlach.

CAIB. XXIX.

¹ *Thàinig Jacob gu tobar Harain, 13 agus thug Laban aoidhreachd dha. 18 Gheall Jacob seirbhis sheachd bliadhna do Laban air son a nighinn Racheil; 23 fhuair e Leah 'na h-àit; ach a ris phòs e Rachel mar an ceudna.*

A N sin dh'ìmhich Jacob air a thurus, agus a chaidh e do dhùthaich dhaoine na h-àirde 'n ear.

2 Agus dh'amhairc e, agus, feuch, tobar sa' mhachair, agus, feuch, *bha* 'n sin trì treuda chaorach 'nan luidhe làimh ris; oir as an tobar sin thug iad uisge do na treudaibh: agus *bha* clach mhòr air beul an tobar air.

3 Agus chruinnicheadh a dh'ionnsuidh sin na treudan uile; agus charuich¹ iad a' chlach bhàrr beoil² an tobair, agus thug iad uisge do na caoraich, agus chuir iad a' chlach a ris air beul an tobair 'na h-àite fèin.

4 Agus thubhairt Jacob riu, Mo bhràithre, cia as a thàinig sibh? Agus thubhairt iadsan, O Haran thàinig sinn.

5 Agus thubhairt e riu, An aithne dhuibh Laban mac Naoir? Agus thubhairt iadsan, Is aithne dhuinn.

6 Agus thubhairt e riu, Am bheil e gu maith? Agus thubhairt iadsan, *Tha* e gu maith: agus, feuch, a ta Rachel a nigh-ean a' tighinn leis na caoraich.

7 Agus thubhairt e, Feuch, 'se fathast aird' an latha a t' ann, agus cha d' thàinig idir àm cruinneachadh na spréidhe: thugaibhse uisge do na caoraich, agus rachaibh *agus* ionaltraibh iad.

8 Agus thubhairt iad, Cha'n urradh sinn, gus an cruinnichear na treudan uile an ceann a chèile, agus gus an caruichear a' chlach bhàrr beoil an tobair; an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i a *bha* 'gan gleidheadh³.

10 Agus an uair a chunnaic Iacob Rachel nighean Labain bràthar a mhàthar, agus caoraich Labain bràthar a mhàthar, an sin chaidh Jacob am fagus, agus charuich e a' chlach bhàrr beoil an tobair, agus thug e uisge do chaoraich Labain bràthar a mhàthar.

11 Agus phòg Jacob Rachel, agus thog e suas a ghuth agus ghul e.

12 Agus dh'innis Jacob do Rachel gu'm b'e bràthair a h-athar e, agus gu'm b'e mac Rebecah e: agus ruith i, agus dh'innis i d'a h-athair.

13 Agus 'nuair a chuala Laban sgeula Iacob mhic a pheathar, an sin ruith e 'na choinneamh, agus ghabh e 'na ghlacaidhe, agus phòg se e, agus thug e d'a thigh e:

agus dh'innis e do Laban na nithe sin uile.

14 Agus thubhairt Laban ris, Gu cinnteach is tu mo chnàimh agus m'fheoil: agus dh'fhan e maille ris rè mìos.

15 Agus thubhairt Laban ri Jacob, A chionn gur tu mo bhràthair, am buin e dhuit seirbhis a dheanamh dhomh a nasgaidh? innis dhomh ciod e do thuarasdal⁴.

16 Agus *bha* aig Laban dithis nigheana: b'e ainm na té bu shine Leah, agus ainm na té a b'òige Rachel.

17 Agus *bha* sùilean Leah anmhunn, ach bha Rachel maiseach 'na dealbh agus sgiamhach 'na gnùis⁵.

18 Agus bha gràdh aig Jacob air Rachel, agus thubhairt e, Nì mi seirbhis dhuit seachd bliadhna air son Racheil do nighinn a's òige.

19 Agus thubhairt Laban, Is fearr dhomh a toirt duitse na gu'n tugainn i do dhuine sam bith eile: fan maille rium.

20 Agus rinn Jacob seirbhis air son Racheil seachd bliadhna; agus bha iad 'na shùilibh mar bheagan do làithibh⁶, a thaobh a' ghràidh a bh'aige oirre.

21 Agus thubhairt Jacob ri Laban, Thoir dhomh mo bhean, (oir choimhlionadh mi làithean,) a chum gu'n téid mi steach d a h-ionnsuidh.

22 Agus chruinnich Laban cuideachd daoine an àit uile, agus rinn e cuirm.

23 Agus san fheasgar ghabh e Leah a nighean, agus thug e d'a ionnsuidh i; agus chaidh e steach d'a h-ionnsuidh.

24 Agus thug Laban d'a nighinn Leah, Silpah a bhanoglach féin, mar bhanoglaich.

25 Agus sa' mhaduinn, feuch, b'i Leah bh' ann: agus thubhairt e ri Laban, Ciod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha 'n fheadh e bhi mar sin 'nar dùthaich-ne⁷, an té a's òige thoirt seachd roimh an té a's sine⁸.

27 Coimhlion a seachduin-sa, agus bheir sinn dhuit ise mar an ceudna, air son na seirbhis a nì thu maille rium fathast rè sheachd bliadhna eile.

28 Agus rinn Jacob mar sin, agus choimhlion e a seachduin; agus thug e dha Rachel a nighean mar an ceudna 'na mnaoi.

29 Agus thug Laban do Rachel a nigh-ean, Bilhah a bhanoglach féin, dh'ise mar bhanoglaich.

30 Agus chaidh e steach cuideachd a dh'ionnsuidh Racheil, agus ghràdhaich e mar an ceudna Rachel nì's mo na Leah, agus rinn e seirbhis maille ris fathast seachd bliadhna eile.

31 Agus 'nuair a chunnaic an Tighearna

¹ *choruich.* Eir.

² *béil.*

³ *g' am biadhach.*

⁴ *ciod an tuarasdal a bhios*

duit. ⁵ *maiseach ri amhar oirre.*

⁶ *mar a' choimhlion latha.*

⁷ *'nar n'-àite-ne.*

⁸ *roimh'n cheud-ghin.*

gu'n d' thugadh fuath do Leah, dh'fhosg-
aile a bolg: ach *bha* Rachel gun chlann¹.

32 Ach dh'fhàs Leah torrach, agus rug i
mac, agus thug i Reuben mar ainm air: oir
thubhairt i, Gu deimhin dh'amhairc an
Tighearna air m' àmhghar², a nis uime
sin gràdhaidhidh m'fhear mi.

33 Agus dh'fhàs i torrach a ris, agus rug
i mac, agus thubhairt i, A chionn gu'n
cuala 'n Tighearna gu'n robh mi air
m'fhuathachadh, uime sin thug e dhomh
am mac so cuideachd: agus thug i Si-
meon mar ainm air.

34 Agus dh'fhàs i torrach a ris, agus rug
i mac; agus thubhairt i, A nis anns an uair
so, dlùth-leanaidh m'fhear rium, do bhrìgh
gu'n d'rug mi dha trìuir mhac: uime sin
thug i Lebhi mar ainm air.

35 Agus dh'fhàs i torrach a ris, agus rug
i mac; agus thubhairt i, A nis molaidh mi
an Tighearna: uime sin, thug i Iudah mar
ainm air. Agus sguir i do bhrèith *cloinne*.

CAIB. XXX.

1 *Thug Rachel a banoglach Bilhah do Iacob mar
mhnaoi, agus rug i Dan agus Naphtali.* 9 *Thug
Leah dha a banoglach Silpah mar mhnaoi, agus
rug i Gad agus Aser.* 22 *Rug Rachel Ioseph.*
25 *Rinn Laban coimh-cheangal nuadh ri Iacob.*

A GUS an uair a chumnaic Rachel nach
d'rug i *clann* do Iacob, bha farnad
aig Rhachel r'a piuthair, agus thubhairt i,
Iacob, Thoir dhomh clann, no gheibh mi
bàs.

2 Agus las corruich Iacoib ri Rachel,
agus thubhairt e, Am bheil mis' an àite
Dhé, a chum uait toradh na bronn?

3 Agus thubhairt i, Feuch, mo bhanog-
lach Bilhah, theirig³ a steach d'a h-ionn-
suidh, agus beiridh i air mo ghlùinibh,
agus bithidh agam-sa mar an ceudna
clann d'a trid-san.

4 Agus thug i dha Bilhah a banoglach
mar mhnaoi; agus chaidh Iacob a steach
d'a h-ionnsuidh.

5 Agus dh'fhàs Bilhah torrach, agus rug
i mac do Iacob.

6 Agus thubhairt Rachel, Thug Dia
breth orm, agus dh'éisd e mar an ceudna
ri m' ghuth, agus thug e dhomh mac:
uime sin thug i Dan mar ainm air.

7 Agus dh'fhàs Bilhah banoglach Rach-
eil torrach a ris, agus rug i do Iacob an
dara mac⁴.

8 Agus thubhairt Rachel, Le mòr-ghleac
ghleac mi ri m' phiuthair, agus thug mi
buaidh: agus thug i Naphtali mar ainm
air.

9 'Nuair a chumnaic Leah gu'n do sguir i
do bhrèith *cloinne*, ghabh i Silpah a banog-
lach, agus thug i do Iacob mar mhnaoi i.

10 Agus rug Silpah, banoglach Leah,
mac do Iacob.

11 Agus thubhairt Leah, Tha sonas⁵ air
teachd: agus thug i Gad mar ainm air.

12 Agus rug Silpah, banoglach Leah,
an dara mac do Iacob.

13 Agus thubhairt Leah, Is sona mi, oir
goiridh na nigheana mise beannaichte:
agus thug i Aser mar ainm air.

14 Agus chaidh Reuben a *mach* ann an
làithibh fogharaidh a' chruthneachd, agus
fhuair e mandraga⁶ sa' mhachair, agus
thug e iad chum a mhàthar Leah. An
sin thubhairt Rachel ri Leah, Thoir dhomh,
guidheam ort, *cuid* do mhandragaibh do
mhic.

15 Agus thubhairt i rithe, Am beag a'
chùis gu'n d'thug thu m'fhear uam, agus
am b'àill leat mandraga mo mhic a thoirt
leat mar an ceudna? Agus thubhairt
Rachel, Uime sin luidhidh e leats' an
nochd air son mandraga do mhic.

16 Agus thàinig Iacob o'n mhachair san
fheasgar, agus chaidh Leah mach 'na
choinneamh, agus thubhairt i, Thig thu
steach a m' ionnsuidhse, oir gu deimhin
cheannaich⁷ mi thu le mandragaibh mo
mhic: Agus luidh e leatha air an oidhche
sin.

17 Agus dh'éisd Dia ri Leah, agus
dh'fhàs i torrach, agus rug i do Iacob an
cùigeadh mac.

18 Agus thubhairt Leah, Thug Dia
dhomh mo dhuais, a chionn gu'n d'thug
mi mo bhanoglach do m'fhear: agus
thug i Isachar mar ainm air.

19 Agus dh'fhàs Leah torrach a ris, agus
rug i do Iacob an sèthadh mac.

20 Agus thubhairt Leah, Dheònaich Dia
dhomh deadh chuibhrionn⁸: a nis gabh-
aidh m'fhear còmhuidh maille rium, a
chionn gu'n d'rug mi dha sèathnar mhac;
agus thug i Sebulun mar ainm air.

21 Agus 'na dhéigh sin rug i nighcan,
agus thug i Dinah mar ainm oirre.

22 Agus chuimhnich Dia air Rachel,
agus dh'éisd Dia rithe, agus dh'fhosgail
e a bolg.

23 Agus dh'fhàs i torrach, agus rug i
mac; agus thubhairt i, Thug Dia air
falbh mo mhè-chliu.

24 Agus thug i Ioseph mar ainm air, ag-
ràdh, Bheir an Tighearna dhomh fathast
mac eile.

25 Agus 'nuair a rug Rachel Ioseph, an
sin thubhairt Iacob ri Laban, Leig air
falbh mi, chum gu'n téid mi do m' àite,
agus do m'dhùthaich féin.

26 Thoir *dhomh* mo mhnà, agus mo
chlann, air son an d'rinn mi seirbhis duit,

¹ neo-thorrach.

³ rach, gabh.
cuideachd.

² mo thrioblaid, m' an-shocair.

⁴ mac eile.

⁶ ùbhlà beaga cùbhraidh agus

blasda, a bha fàs ann an Siria agus Iudea.

⁷ thuarasdalaich.

⁸ Dheònaich Dia dhomh asaid shona.

agus gu'm falbh mi; oir is aithne dhuit mo sheirbhis a rinn mi dhuit.

27 Agus thubhairt Laban ris, Guidheam ort, ma fhuair mi deadh-ghean a'd' shuilibh, *fuirich*: oir dh'fhòghluim mi o' m' fhiosrachadh féin gu'n do bheannaich an Tighearna mi air do sgàth-sa.

28 Agus thubhairt e, Ainmich do thuarasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhis dhuit, agus cionnus a bha do spréidh agam:

30 Oir is beag a bh'agad mun d' *thàinig* mi, agus a nis tha e air fàs 'na mhòran; agus bheannaich Dia thu an lorg mo *teachd-sa*; agus a nis, c'uin a ni mi mar an ceudna air son mo thighe féin?

31 Agus thubhairt e, Cìod a bheir mi dhuit? Agus thubhairt Iacob, Cha toir thu ni sam bith dhomh: ma ni thu an ni so rium, ionaltraidh mi ris, agus gleidhidh mi do threud.

32 Théid mise troimh do threud uile an diugh, ag atharrachadh as a sin gach spréidhe a ta breac agus ballach, agus gach spréidhe a ta dubh-dhonn am measg nan caorach, agus ballach agus breac am measg nan gabhar: agus is e so mo thuarasdal.

33 Agus freagraidh air mo shonsa m'ionracas san àm ri teachd¹, 'nuair a thig e mar mo thuarasdal² a'd' làthair-sa: gach aon nach bi breac agus ballach am measg nan gabhar, agus dubh-dhonn am measg nan caorach, *measar* e mar ni bradach agam-sa.

34 Agus thubhairt Laban, Feuch, b'fhearr leam gu'm bitheadh e réir t'fhocail.

35 Agus dh'atharraich e air an là sin féin na gabhair fhirionn a bha stiallach agus ballach, agus na gabhair bhoirionn uile a bha breac agus ballach, agus gach aon air an robh gile, agus gach aon a bha dubh-dhonn³ am measg nan caorach, agus thug e *iad* do làmhnan a m'hiac.

36 Agus chuir e astar thrì làithean eadar e féin agus Iacob: agus bheathaich⁴ Iacob a chuid eile do threudaibh Labain.

37 Agus ghabh Iacob dha féin slatan glasa do'n chritheann, agus do'n chall-dainn, agus do chraoibh nan geann-chnò; agus rùisg e amnta stialla geala, agus leig e ris an geal a bha sna slataibh.

38 Agus chuir e na slatan a rùisg e anns na claisibh, anns na h-amair uisge, far an d'thàinig⁵ na treudan a dh'òl, fa chomhair nan treud, chum as gu'm fàsadh iad torrach an uair a thigeadh iad a dh'òl.

39 Agus dh'fhàs na treudan torrach fa chomhair nan slat, agus rug iad spréidh stiallach, bhreac agus bhallach.

40 Agus thearbaidh Iacob na h-uain,

agus chuir e aghaidh nan treud rìusan a bha stiallach, agus gach *beathach a bha* dubh-dhonn ann an treudaibh Labain, agus chuir e a threudan féin air leth, agus cha do chuir e iad làimh ri treudaibh Labain.

41 Agus ge b'e uair a dh'fhàs an spréidh bu treise torrach, chuir Iacob na slata fa chomhair sùl na spréidhe anns na claisibh, chum gu'm fàsadh iad torrach a réir nan slat⁶.

42 Ach 'nuair a bha'n spréidh anmhuinn, cha do chuir e ann *iad*: mar sin bu le Laban iadsan a b'annhuinne, agus le Iacob iadsan bu treise.

43 Agus dh'fhàs an duine ro shaoibhir; agus bha mòran spréidhe aige, agus bannoglaich agus òglaich, agus càmhail, agus asail.

CAIB. XXXI.

1 *Theich Iacob air falbh gu h-uaigneach o Laban gu dol do thir Chanaain.* 22 *Lean Laban e.* 44 *Rinn iad còmhcheangal ri chèile aig Galeed.*

A GUS chual' e briathramhac Labain, ag ar ràdh, Thug Iacob leis gach ni a bh' aig ar n-athair, agus o'n *ni sin bu le* ar n-athair-ne fhuair e dha féin a' mhòrachd so uile.

2 Agus chunnaic Iacob gnùis Labain, agus, feuch, cha robh i leis mar a bha i roimhe sin⁷.

3 Agus thubhairt an Tighearna ri Iacob, Pill gu dùthaich t'aithriche, agus a dh'ionnsuidh do dhilsean; agus bithidh mise maille riut.

4 Agus chuir Iacob *teachdaire* uaith, agus ghairm e Rachel agus Leah do'n mhachair a dh'ionnsuidh a threuda.

5 Agus thubhairt e riu, Tha mi faicinn gnùise bhuir n-athar, nach 'eil i leam mar a bha i roimhe: ach bha Dia m'athar maille riumsa.

6 Agus tha fios agaibh féin, le m' uile dhìchioll gu'n d'rinn mi seirbhis do'r n-athair.

7 Gidheadh mheall bhuir n-athair mi, agus mhùth⁸ e mo thuarasdal deich nàirean: ach cha do leig Dia leis cron a dheanamh orm.

8 Ma thubhairt e mar so, Bithidh an *spréidh* bhreac 'nan tuarasdal agad, an sin rug an spréidh uile *àl* breac: agus ma thubhairt e mar so, Bithidh an *spréidh* stiallach 'nan tuarasdal agad, an sin rug an *spréidh* uile *àl* stiallach.

9 Mar so thug Dia air falbh spréidh bhuir n-athar, agus thug e dhomhsa *iad*.

10 Agus 'nuair a dh'fhàs an spréidh torrach, thog mi suas mo shùilean, agus chunnaic mi ann an aising, agus, feuch, bha na reitheachan, a bha reitheadh na spréidhe⁹, stiallach, breac agus gris-fhionn.

11 Agus thubhairt aingeal an Tighearna

¹ air an là màireach. Fabh.

² 'nuair a thig thu air mo thuarasdal.

³ cìar

⁴ dh'ionaltair.

⁵ 'nuair a thàinig.

⁶ am measg nan slat.

dé. Eabh.

⁷ n' dè's air a bhò 'n

⁸ dh'atharraich.

⁹ leam air an spréidh.

riun ann an aisling, A Iacob: agus thubhairt mise, *Tha mi 'n so.*

12 Agus thubhairt esan, Tog suas a nis do shùilean, agus faic na reitheachan uile, a tha reitheadh na spréidhe, *gu bheil iad* stiallach, breac agus grís-fhionn: oir chunnaic mise gach ni a rinn Laban ort.

13 *Is* mise Dia Bheteil, far an d'ung thu 'n carragh, far an do bhòidich thu dhomhsa bòid: a nis éirich, imich a mach as an tìr so, agus pill gu tìr do dhilsean.

14 Agus fhreagair Rachel agus Leah, agus thubhairt iad ris, Am *bheil* fathast cuibhrionn mo oighreachd air bith againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgiod.

16 Oir an saoihbreas *sin* uile a thug Dia o'r n-athair, is leinn féin, agus le'r cloinne e: a nis uime sin, gach ni a thubhairt Dia riutsa, dean e.

17 An sin dh'érich Iacob suas, agus chuir e a mhic agus a mhnà air càmhalaibh;

18 Agus thug e leis a spréidh uile, agus a mhaoin uile a fhuair e, spréidh a chosnaidh, a fhuair e am Padan-aram, gu dol a dh'ionnsuidh Isaac 'athar gu tìr Chanaain.

19 Agus chaidh Laban a lomairt¹ a chaorach; agus ghoid Rachel na dealbhan² *bu* le a h-athair.

20 Agus ghoid Iacob air falbh gun fhios do Laban an Siriach, a chionn nach d'innis e dha *gu'n robh e* gu teicheadh.

21 Agus theich e leis gach ni a bh' aige; agus dh'érich e suas, agus chaidh e thar an amhainn, agus chuir e 'aghaidh ri sliabh Ghilead.

22 Agus dh'imiscadh do Laban, air an treas là, gu'n do theich Iacob.

23 Agus thug e a bhràithre leis, agus lean se e astar sheachd lùithean, agus rug e air ann an sliabh Ghilead.

24 Agus thàinig Dia gu Laban an Siriach ann an aisling san oidheche, agus thubhairt e ris, Thoir an aire nach labhair thu ri Iacob aon chuid maith no ole.

25 An sin rug Laban air Iacob. A nis shuidhich Iacob a bhùth san t-sliabh, agus shuidhich Laban maille r'a bhràithribh ann an sliabh Ghilead.

26 Agus thubhairt Laban ri Iacob, Ciod *so* a rinn thu, gu'n do ghoid thu air falbh gun fhios domh, agus gu'n d'thug thu leat mo nigheana, mar bhraghdean³ *a thugadh a mach* leis a' chlàidheamh?

27 C'ar son a theich thu air falbh gu h-uaigneach, agus a ghoid thu uam agus nach d'innis thu dhomh, agus gu'n cuirinn air falbh thu le subhachas, agus le h-òran-aibh, le tiompan, agus le clàrsaich?

28 Agus nach do leag thu leam mo mhic

agus mo nigheanan a phògadh? a nis is amaideach a fhuara tu le *so* a dheanamh.

29 Tha e'n comas mo làimhe-sa cron a dheanamh ort: ach labhair Dia t'atharrium an raoir, ag ràdh, Thoir an aire, nach labhair thu ri Iacob aon chuid maith no ole.

30 Agus a nis, ged a l'éigin duit falbh, a chionn gu'n robh thu gu ro mhòr an geall air tigh t'athar, *gidheadh* c'ar son a ghoid thu mo dhée?

31 Agus fhreagair Iacob, agus thubhairt e ri Laban, A chionn gu'n robh eagal orm: oir thubhairt mi, Theagamh gu'n tugadh tu uam do nigheana le h-ainneart.

32 Ge b'e neach aig am faigh thu do dhée, na maireadh e beò: an làthair ar bràithre faic ciod a th' agam *a bhuineas* duit, agus gabh thugadh⁴ e: oir cha robh fhios aig Iacob gu'n do ghoid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhanoglaich; ach cha d'fhuair e *iad*. An sin chaidh e mach á bhùth Leah, agus chaidh e steach do bhùth Rachel.

34 A nis ghoid Rachel na dealbhan, agus chuir i iad ann an acfium⁵ a' chàmhail, agus shuidh i orra: agus rannsaich Laban a bhùth uile, ach cha d'fhuair e *iad*.

35 Agus thubhairt i r'a h-athair, Na cuir-eadh e corruich air mo thigheana nach urrainn mi éirigh suas a't' fhianuis, oir *tha* orm a réir gnàtha nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throid e ri Laban: agus fhreagair Iacob, agus thubhairt e ri Laban, Ciod i mo chloire, agus ciod e mo pheacadh, gu'n robh thu cho dian air mo thoir?

37 An déigh dhuit m'airneis uile a rann-sachadh, ciod a fhuair thu dh'uile airneis do thighe? cuir an so *e* an làthair mo bhràithre-sa agus do bhràithre féin, agus gu'n tabhair iad breth eadarunn' nardithis.

38 A nis fichead bliadhna *bha* mi maille riut; cha do thilg do chaoraich an uain, no do ghabhair am minn, agus reitheachan do threuda cha d'ith mi.

39 An ni sin a reubadh *le fiadh-bheath-aichibh* cha d'thug mi a t' ionnsuidh; ghiùlain mi féin a chall: o m' làimh-sa dh'iarr thu e, *co ac'* a ghoideadh e san latha, no ghoideadh e san oidheche.

40 *Mar so* bha mi; san là chlaoidh an teas mi, agus an reotha san oidheche; agus dhealaich mo chodal ri m' shùilibh.

41 *Mar so bha* mi fichead bliadhna a d't' thigh: ceithir bliadhna deng rinn mi seirbhis duit air son do dhithis uigheana, agus sé bliadhna air son do spréidhe; agus mhùth thu mo thuarasdal deich uairean.

42 Mur bhitheadh gu'n robh Dia m'athar, Dia Abraham, agus eagal Isaac maille

¹ a rùsgaigh.
³ chiomaich.

² òmhlaighean.
⁴ chugadh.

⁵ fasair, uidheam.

rium, gu cinnteach chuireadh tu nis air falbh mi falamh: clunnaic Dia n' àmhghar agus saothair mo làmh, agus chronaich e *thu* 'n raoir.

43 Agus fhreagair Laban, agus thubhairt e ri Jacob, Na nigheana *so is iad* mo nigheana-sa iad, agus a' chlann *so* mo chlann-sa, agus an spréidh *so* mo spréidh-sa; agus gach ni a *tha* thu a' faicinn, is leamsa e: agus ciod a dh'fheudas mi dheanamh an diugh ri m'nigheanaibh so, no r'an cloinn a rug iad?

44 A nis uime sin thig-sa, deanamaid coimheangal, mise agus thusa; agus bith-eadh e mar fhianuis eadar mise agus thusa.

45 Agus ghabh Jacob clach, agus chuir e suas i mar charragh.

46 Agus thubhairt Jacob r'a bhràithribh, Cruinnichibh clachan: agus ghabh iad clachan, agus rinn iad carn, agus dh'ith iad an sin air a' charn.

47 Agus thug Laban mar ainm air Iegar-sahaduta: ach thug Jacob mar ainm air Galeed.

48 Agus thubhairt Laban, *Tha* 'n carn so 'na fhianuis eadar mise agus thusa andiugh. Uime sin thugadh Galeed mar ainm air;

49 Agus Midspah; oir thubhairt e, Deanadh an Tighearna faire eadar mise agus thusa, 'nuair a bhitheas sinn á làthair a chéile.

50 Ma bhuineas tu gu cruaidh ri m' nigheanaibh, no maghabhas tu mnà *eile* thuilleadh air mo nigheanaibh-sa, cha 'n *eil* duine sam bith maille ruinn; feuch, *tha* Dia 'na fhianuis eadar mis' agus thusa.

51 Agus thubhairt Laban ri Jacob, Faic an carn so, agus faic an carragh *so*, a shuidhich mi eadar mis' agus thusa.

52 *Bitheadh* an carn so 'na fhianuis, agus *bitheadh* an carragh so 'na fhianuis, nach téid mise a t' ionnsuidh-sa thar a' clarn so, agus nach tig thus' a m' ionnsuidh-sa thar a' charn so, agus a' charragh so, gu cron.

53 Gu'n tugadh Dia Abraham, agus Dia Nahoir, Dia anathar, bretheadaruinn. Agus mhionnaich Jacob air eagal 'athar Isaac.

54 An sin thug Jacob suas iobairtean san t-sliabh, agus ghairm e air a bhràithribh a dh'itheadh arain: agus dh'ith iad aran, agus dh'fhan iad rè na h-oidhche san t-sliabh.

55 Agus dh'éirich Laban suas moch sa' mhaduinn, agus phòg e a mhic agus a nigheanan, agus hheannaich e iad, agus dh'fhalbhe: agus phill Laban g'a àite féin.

CAIB. XXXII.

1 Chunnaic Jacob aingle aig Mahanaim. 3 Chuir e teachdairean gu Esau. 7 Bha eagal air gu'n tig-eadh e 'na aghaidh, agus rinn e urnuigh ris an Tighearn gu'n saoradh e uath e. 13 Chuir e tiodhlac d'a ionnsuidh. 24 Ghluac e ri aingeal aig Peniel, agus thugadh Israel mar ainm air.

A GUS dh'imich Jacob air a shlighe, agus choinnich aingil Dhé e.

2 Agus thubhairt Jacob, 'nuair a chunnaic e iad, *Is* e so feachd Dhé: agus thug e Mahanaim mar ainm air an àite sin.

3 Agus chuir Jacob teachdairean roimhe gu h-Esau a bhràthair, gu fearann Sheir, duthaich Edoim.

4 Agus dh'àithn e dhoibh, ag ràdh, Mar so their sibh ri m' thighearn Esau, Mar so thubhairt do sheirbhisich Jacob, Bha mi air chuiart maille ri Laban, agus dh'fhan mi *maille ris* gus a nis.

5 Agus tha agam buar, agus asail, treudan, agus òglaich, agus banoglaich; agus chuir mi dh'innseadh do m' thighearna, chum gu'm faighinn deadh-ghean a'd' shùilb.

6 Agus phill na teachdairean gu Jacob, ag ràdh, Thàinig sinn a dh'ionnsuidh do bhràthar Esau, agus mar an ceudna tha e teachd a'd' chòdhail', agus ceithir cheud fear maille ris.

7 Agus bha Jacob fo eagal mòr, agus ann an airc; agus roinn e 'n sluagha *bha* maille ris, agus na treudan, agus an crodh, agus na càmhail 'nan dà bhuidhinn;

8 Agus thubhairt e, Ma thig Esau gu h-aon do na buidhneibh, agus gu'm buail e i, an sin théid a' bhuidheann a dh'fhanas as *uath*.

9 Agus thubhairt Jacob, O Dhé m'athar Abraham, agus a Dhé m'athar Isaac, a Thighearn a thubhairt rium, Pill gu d' dhùthaich, agus gu d' dhilsean, agus ni mi maith dhuit:

10 Cha 'n airidh mi air a' chuid a's lugha do na trócairibh *sin* uile, no do'n fhìrinn *sin* uile, a nochd thu do d'sheirbhisich; oir le m' luirg thàinig mi thar an Iordan so, agus tha mi nis a'm' dhà bhuidhinn.

11 Saor mi, guidheam ort, o làmh mo bhràthar, o làmh Esau: oir tha eagal orm roimhe, gu'n tig e, agus gu'm buail e mi, agus a' mhàthair maille ris a' chloinn.

12 Agus thubhairt thu, Gu cinnteach ni mi maith dhuit, agus ni mi do shliochd mar ghaineamh na faire, nach feudar àireamh a thaobh lìonmhoireachd.

13 Agus dh'fhan e au sin san oidhche sin féin, agus ghabh e do na thàinig g'a làimh tiodhlac air son Esau a bhràthar;

14 Dà cheud gabhar agus fichead boc, dà cheud caora agus fichead reithe.

15 Deich càmhail fhichead bhainne le 'n searraich, dà fhichead bò agus deich tairbh, fichead asail bhoirionn agus deich searraich.

16 Agus thug e *iad* do làimh a sheirbhisich, gach iomain leatha féin; agus thubhairt e r'a sheirbhisich, Imichibh romham, agus cuiribh dealachadh eadar iomain agus iomain.

17 Agus dh'àithn e dhasan a bh'air thoiseach, ag ràdh, 'Nuair a choinnicheas mo

bhràthair Esau thu, agus a dh'fheòraicheas e dhìot, ag ràdh, Co leis thu, agus c'ait a tha thu dol? agus co leis iad sin a tha romhad?

18 An sin their thusa, *Buinidh iad* do d'sheirbhiseach Iacob; is tiodhlac ath'ann, a chuireadh a dh'iomhsuidh mo thighearn Esau: agus, feuch, mar an ceudna *tha* e fèin 'nar déigh.

19 Agus dh'àithn e mar sin do'n dara *seirbhiseach*, agus do'n treas, agus dhoibhsan uile a bha leantuinn nan iomain, ag ràdh, Air an dòigh so labhraidh sibh ri h-Esau, 'nuair a gheibh sibh e.

20 Agus their sibh cuideachd, Feuch, *Tha* do sheirbhiseach Iacob 'nar déigh-ne: oir thubhairt e, Nì mi réidh¹ e leis an tiodhlac a théid romham, agus an déigh sin chì mi a ghnùis; theagamh gu'n gabh e rium.

21 Mar sin chaidh an tiodhlac thairis roimhe: agus dh'fhan e fèin an oidhche sin sa' cluideachd.

22 Agus dh'éirich e suas san oidhche sin, agus ghabh e a dhà mhnaoi, agus a dhà bhanoglaich, agus 'aon mhac deug, agus chaidh e thairis air àth Iaboic.

23 Agus ghabh e iad, agus chuir e thairis air an t-sruth iad, agus chuir e thairis na bh'aige.

24 Agus dh'fhan Iacob 'na aonar; agus ghleac duine ris, gu ruig briseadh na fàire.

25 Agus 'nuair a chunnaic e nach do bhuaidhaic e air, an sin bhean e ri lag a shléide; agus chaidh lag sléide Iacoib as an alt 'nuair a bha e a' gleac² ris.

26 Agus thubhairt e, Leig air falbh mi, oir tha'n fhàir a' briseadh: agus thubhairt esan, Cha leig mi air falbh thu, mur beannaich thu mi.

27 Agus thubhairt e ris, Ciod is ainm dhuit? agus thubhairt e, Iacob.

28 Agus thubhairt esan, Cha ghoirear³ Iacob nì's mò riut mar ainm, ach Israel: oir bha cumhachd agad mar uachdaran ri Dia, agus ri daoineibh, agus thug thu buaidh.

29 Agus dh'fhiosraich Iacob *dheth*, agus thubhairt e, Innis *dhomh*, guidheam ort, t'ainm: agus thubhairt esan, C'ar son a tha thu a' farraid m'ainme. Agus bheannaich e an sin e.

30 Agus thug Iacob Peniel mar ainm air an àite: oir chunnaic mi Dia aghaidh ri h-aghaidh, agus thearnadh m' anam.

31 Agus dh'éirich a' ghrian air, 'nuair a chaidh e seach Penuel, agus *bha* e bacach air a shliasaid.

32 Uime sin cha'n ith clann Israeil do'n fhéith a chrup, a *ta* air lag na sléide, gus an là'n diugh; a chionn gu'n do bhean e ri lag sléide Iacoib san fhéith a chrup.

1 *Caoimhneas Iacoib agus Esau d'a chéile 'nuair a chòimnich iad. 18 Aig Salem cheannaich Iacob achadh, agus thog e altair.*

A GUS thog Iacob suas a shùilean, agus dh'amhairc e, agus, feuch, *bha* Esau a' teachd, agus maille ris ceithir cheud fear. Agus roim e a' chlann do Leah, agus do Rachel, agus do'n dà bhanoglaich.

2 Agus chuir e na banoglaich agus an clann air thoiseach, agus Leah agus a clann 'nan déigh, agus Rachel agus Ioseph air dheireadh.

3 Agus chaidh e fèin air 'aghaidh rompa, agus chrom se e fèin gu làr seachd uairean, gus an d'thàinig e dlùth d'a bhràthair.

4 Agus ruith Esau 'na chòinneamh, agus ghabh e 'na ghlaicailh e, agus thuit e air a mhuineal, agus phòg se e: agus ghuil iad.

5 Agus thog e suas a shùilean, agus chunnaic e na mnà agus a' chlann; agus thubhairt e, Cò iad sin a *ta* maille riut? agus thubhairt esan, A' chlann a thug Dia gu gràsmhor do d'sheirbhiseach.

6 An sin thàinig na banoglaich am fagus, iad fèin agus an clann, agus chrom siad iad fèin.

7 Agus thàinig Leah cuideachd am fagus maille r'a cloinn, agus chrom siad iad fèin; agus an déigh sin thàinig Ioseph am fagus agus Rachel, agus chrom siad iad fèin.

8 Agus thubhairt e, Ciod is *ciall* duit leis an iomain so uile, a chòimnich mi? Agus thubhairt esan, Gu deadh-ghean fhaghal ann an sùilibh mo thighearna.

9 Agus thubhairt Esau, Tha agamsa pailteas, a bhràthair; gléidh dhuit fèin na bheil agad.

10 Agus thubhairt Iacob, Nì h-eadh, guidheam ort, ma fhuair mi nis deadh-ghean a'd' shùilibh, an sin gabh mi thiodhlac o m' làimh: oir uime sin chunnaic mi do ghnùis, mar gu'm faicinn gnùis Dé, agus thaitinn mi riut.

11 Gabh, guidheam ort, mo bheannachadh a thugadh a d' ionnsuidh, do bhrìgh gu'n do bhuin Dia gu toirbheartach rium, agus gu bheil agam mòr phailteas: agus rinn e ro earail air, agus ghabh se e.

12 Agus thubhairt e, Gabbamaid ar turas, agus biomaid ag imeachd, agus théid mise maille riut⁴.

13 Agus thubhairt e ris, Tha fios aig mo thighearna gu *bheil* a' chlann maoth, agus na treudan agus an fheadail a *ta* maille rium, trom le h-àl; agus ma dh'iomainear iad gu dian aon latha, gheibh an treud uile bàs.

14 Rachadh, guidheam ort, mo thighearna seachd roimh a sheirbhiseach: agus gabhaidh mise ant-slighe gu socrach, a réir mar a bhios an spréidh a *ta* romham, agus

¹ ciùin

² ag spairn.

³ cha'n abrar.

⁴ romhad.

a' chlamh, comasach air fhulang, gus an tig mi dh'ionnsuidh mo thighearna gu Seir.

15 Agus thubhairt Esau, Leig leam a nis *cuid* do'n mhuinntir a *ta* maille rium fhàgail marriut¹: Agus thubhairt esan, C'ar son sin? faigheam-sa deadh-ghean an sùilbh mo thighearna.

16 Mar sin phill Esau san là sin féin air a shlighe gu Seir.

17 Agus dh'imich Iacob gu Sucot, agus thog e dha féin tigh, agus rinn e bothain d'a spréidh: air an aobhar sin thugadh Sucot mar ainm air an àite.

18 Agus thàinig Iacob do Shalem, baile Shechem a *ta* ann an tìr Chanaain, nuair a thàinig e o Phadan-aram; agus shuidhich e a bhùth fa chomhair a' bhaile.

19 Agus cheannaich e mìr fearainn, far an do shuidhich e² a bhùth, o làimh chloinne Hamoirathar Shechem, air cheud bonn airgid³.

20 Agus chuir e suas altair an sin, agus thug e Eel-Elohe-Israel mar ainm oirre.

CAIB XXXIV.

1 Thruailleadh Dinah nighean Leah. 2 Thimchioll-ghearradh muinntir Shechem; 25 Mharbhadh iad le mic Iacoib, 27 agus chreachadh am baile.

AGUS chaidh Dinah nighean Leah, a rug i do Iacob, a mach a dh'fhaicinn nigheana na tìre.

2 Agus nuair a chunnaic Sechem mac Hamoir an Ibhich, uachdaran na tìre i, ghabh e i, agus luidh e leatha, agus thruaill e i⁴.

3 Agus dhlùth-lean anam ri Dinah nighean Iacoib, agus ghràdhaich e a' ghruagach⁵, agus labhair e gu caomh ris a' ghruagaich.

4 Agus labhair Sechem ri Hamor athair, ag ràdh, Faigh dhomh-sa a' ghruagach so mar mhnai.

5 Agus chuala Iacob gu'n do thruaill e Dinah a nighean. Nis (bha a mhic maille r'a spréidh sa' mhachair,) agus bha Iacob na thosd gus an d'thàinig iad.

6 Agus chaidh Hamor athair Shechem a mach a dh'ionnsuidh Iacoib, a labhairt ris.

7 Agus thàinig mic Iacoib o'n mhachair nuair a chual' iad e, agus bha na daoine doilich agus bha fearg mhòr orra; a chionn gu'n d'rinn e amaideachd ann an Israel, ann an luidhe le nighean Iacoib, ni nach bu chòir a dheanamh.

8 Agus labhair Hamor riu, ag ràdh, Tha anam mo mhic Shechem an ro gheall air bhur nighinn: thugaibh dha i, guidheam oirbh, mar mhnai.

9 Agus deanaibh ceanglaiche-posaidh⁶ ruinne; bhur nigheana-sa thugaibh dhuinne, agus ar nigheana-ne gabhaidh sibh dhuibh-se.

10 Agus maille ruinne gabhaidh sibh còmhnuidh: agus bithidh an tìr roimhibh; gabhaibh còmhnuidh, agus deanaibh reic agus ceannachd innte, agus faighibh sealbh innte.

11 Agus thubhairt Sechem r'a h-athair, agus r'a bràithribh, Faigheam deadh-ghean nur sùilbh; agus ge b'e ni a their sibh rium, bheir mi dhuibh.

12 Air a mheud 's gu'n dean sibh an dubharaidh⁷ orm, agus an tiodhlac, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnai.

13 Agus fhreagair mic Iacoib Sechem agus Hamor athair le ceilg, agus labhair iad, (a chionn gu'n do thruaill e Dinah am piuthar,)

14 Agus thubhairt iad riu, Cha 'n fheud sinnean ni so dheanamh, ar piuthar a thoirt do dhuine neo-thimchioll-ghearrta; oir bhiodh sin 'na mhasladh dhuinne.

15 Ach an so aontaichidh sinn leibh; ma bhios sibhse mar a *ta* sinne, gu'n timchioll-ghearrar gach firionnach nur measg:

16 An sin bheir sinne ar nigheana dhuibhse, agus bhur nigheana-sa gabhaidh sinn dhuinne, agus gabhaidh sinn còmhnuidh maille ribh, agus bithidh sinn nar n-aon sluagh.

17 Ach mur éisd sibh ruinne, sibh a bhi air bhur timchioll-ghearradh, an sin gabhaidh sinne ar nighean, agus falbhaidh sinn.

18 Agus thaitinn am briathra ri Hamor, agus ri Sechem mac Hamoir.

19 Agus cha do chuir an t-òganach dàil anns an ni a dheanamh, a chionn gu'n robh tlachd aige ann an nighinn Iacoib: agus bha e ni b'urramaiche na tigh'athar uile.

20 Agus thàinig Hamor, agus Sechem a mhac gu geatadh am baile, agus labhair iad ri daoimibh am baile, ag ràdh,

21 Tha na daoine so sìochail maille ruinn, air an aobhar sin gabhadh iad còmhnuidh san tìr, agus deanadh iad reic agus ceannachd innte; thaobh an fhearainn, feuch, *thae* farsaing ni's leòr dhoibh: an nigheana-sa gabhaidh sinn dhuinne mar mhnai, agus ar nigheana-ne bheir sinne dhoibhsan.

22 A mhàin anns an ni so aontaichidh na daoine leinn, gu còmhnuidh ghabhail maille ruinn, gu bhi nar n-aon sluagh, ma thimchioll-ghearrar gach firionnach againne, mar a *ta* iadsan air an timchioll-ghearradh.

23 Nach leinne an spréidh, agus am maoin, agus an ainmhidhean uile? a mhàin aontaicheamaid leo, agus gabhaidh iad còmhnuidh maille ruinn.

24 Agus dh'éisd gach neach a chaidh mach air geatadh a bhaile ri Hamor agus ri Sechem a mhac: agus thimchioll-ghearr-

¹ maille riut, agad.

² cheud uan.

³ sgaoil.

⁴ dh'istlich e i.

⁵ an nigheanag.

⁶ dowry. Sasg.

⁷ cleamhnas.

adh gach frionnach, iadsan uile a chaidh mach air geatadh a bhaile.

25 Agus air an treas là, 'nuair a bha iad air an cràdh, an sin ghabh dithis do mhic Iacòib, Simeon agus Lebhi, bràithre Dhinah, gach fear aca a chlaidheamh, agus thàinig iad air a' bhaile gu dàna; agus mharbh iad gach frionnach.

26 Agus mharbh iad Hamor agus Sechem a nìlac le faobhar a' chlaidheimh, agus thug iad Dinah á tigh Shechem, agus chaidh iad a mach.

27 Thàinig mic Iacòib air na mairbh, agus cùreach iad am baile, a chionn gu'n do thruaill iad am piuthair.

28 An caoraich, agus am buar, agus an asail, agus na *bha* sa' bhaile, agus na *bha* san fhearann, thog iad:

29 Agus am maoin uile, agus an clann bheag uile, agus am mnàin thug iad leo an dàorsadh¹, agus thog iad sa' chreich eadhon gach nì a *bha* stigh.

30 Agus thubhairt Iacob ri Simeon agus ri Lebhi, Chuir sibh trioblaid² orm le m' dheanamh gràineil³ am measg luchd-àiteachaidh na tìre, am measg nan Canaanach, agus nam Peridseach; agus air dhomhsa bhì gann⁴ an àireamh, cruinnichidh siad iad fèin cuideachd a' m' aghaidh, agus marbhaidh iad mi; agus cuirear as domh, agus do m' thigh.

31 Agus thubhairt iad, Am bu chòir dha buntainn ri 'r piuthair-ne mar rìstriopaich?

CAIB. XXXV.

1 Thàinig Iacob gu Betel, far an do thog e altair do Dhia. 9 Tha e air a bheannachadh. 16 Bàs Racheil, 23 Mic Iacòib. 28 Aois Isaac, a bàs, agus 'adhlac.

AGUS thubhairt Dia ri Iacob, Eirich, a' imich suas gu Betel, agus gabh còmh-nuidh an sin; agus dcan an sin altair do Dhia, a dh'fhoillsich e fèin duit an uair a theich thu o ghnùis Esau do bhràthar.

2 Agus thubhairt Iacob r'a theaghlach, agus riu-san uile a *bha* maille ris, Cuiribh uaibh na diathan coimheach a *ta* 'nur measg, agus bithibh glan, agus mùthaibh⁵ bhur n-eudach:

3 Agus éireamaid, agus rachamaid suas gu Betel; agus nì mise an sin altair do Dhia, a dh'èisd rium ann an là mo chruaidh-chais, agus a *bha* maille rium san t-slighe air an deachaidh mi.

4 Agus thug iad do Iacob na diathan coimheach uile a *bha* 'nan làimh, agus an cluas-fhàinnean a *bha* 'nan cluasaibh; agus dh'fholaidh Iacob iad fuaidh'n daraig a *bha* làimh ri Sechem.

5 Agus dh'imich iad: agus bha eagal⁶ Dhé air na bailtibh a *bha* mu'n cuairt orra,

agus cha d'rinn iad tòireachd air mì: Iacòib.

6 Mar sin thàinig Iacob gu Luds, a *ta* an tìr Chanaan, eadhon Betel, e fèin agus an sluagh uile a *bha* maille ris.

7 Agus thog e 'n sin altair, agus thug e Elbetel mar ainm air an àit; do bhrìgh ann an sin gu'n d'fhoillsich Dia e fèin dha, 'nuair a theich e o ghnùis a bhràthar.

8 Ach fhuaire Deborah banaltrum⁷ Rebekah bàs, agus dh'adhlacaidh i fuaidh Bhetel, fuaidh dharaig: agus thugadh Alon-bacut mar ainm air.

9 Agus dh'fhoillsich Dia e fèin do Iacob a ris, an uair a thàinig e á Padan-aram; agus bheannaich se e.

10 Agus thubhairt Dia ris, 'Se Iacob a's ainm dhuit; clai'n ainmichear thu Iacob nì's mò, ach 'se Israel a bhios 'na ainm ort: agus thug e Israel mar ainm air.

11 Agus thubhairt Dia ris, *Is* mise Dia uile-chumhachdach; b'ì siolmhor agus fàs lionmhor: thig cinneach agus coimhthional chinneach uait, agus thig rìghrean a mach á d'leasruidh.

12 Agus am fearann a thug mi dh' Abraham agus a dh'Isaac, dhuitse bheir mi e; agus do d' shliochd a'd' dhéigh bheir mi am fearann.

13 Agus chaidh Dia suas uaith san àit an do labhair e ris.

14 Agus chuir Iacob suas carragh⁸ san àit an do labhair e ris, carragh cloiche, agus dhòirt e tabhartas-dìbhe air, agus dhòirt e oladh air.

15 Agus thug Iacob Betel mar ainm air an àite far an do labhair Dia ris.

16 Agus dh'imich iad o Bhetel, agus cha robh ach astar beag aca ri teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'nuair a bha i an cruaidh-shaothair, an sin thubhairt a' bhean-ghlùine rithe, Na biodh eagal ort, oir *bithidh* am mac so agad cuideachd.

18 Agus 'nuair a bha h-anam a' dealachadh rìtle, (oir fhuaire i bàs,) thug i Benoni mar ainm air: ach dh'ainmich 'athair e Benjamin.

19 Agus fhuaire Rachel bàs, agus dh'adhlacaidh i san t-slighe gu h-Ephrat, eadhon Betlehem.

20 Agus chuir Iacob suas carragh air a h-uagh: *is* e so carragh uaghe Racheil agus an là'n diugh.

21 Agus ghabh Israel a thurus, agus shuidhich e a bhùth an taobh thall do thùr Edeir.

22 Agus 'nuair a bha Israel a chòmh-nuidh san tìr sin, chaidh Reuben, agus luidh e le Bilhah leannan⁹ 'athar: agus

¹ am braighdeanas.

³ fuathach.

⁵ atharraichibh.

² ainlisg.

⁴ tearc, beag.

⁶ uamhunn, oillt.

⁷ muime.

⁹ còmhleabach.

⁸ pillar. Sasg.

GENESIS, XXXV. XXXVI.

chual Israel *sin*. A nis bha dà mhac deug aig Iacob.

23 Mic Leah; Reuben ceud-ghin Iacoib, agus Simeon, agus Lebhi, agus Iudah, agus Isachar, agus Sebulun.

24 Mic Rachel: Ioseph, agus Benjamin.

25 Agus mic Bhilhal, banoglaich Rachel; Dan, agus Naphtali.

26 Agus mic Shilpah, banoglaich Leah; Gad agus Aser. *Is* iad sin mic Iacoib, a rugadh dha am Padan-aram.

27 Agus thàinig Iacob chum Isaac 'athar do Mhamre, gu baile Arbah, eadhon Hebron far an robh Abraham agus Isaac air chualt.

28 Agus b' iad làithean Isaac ceud bliadhna 's ceithir fichead.

29 Agus thug Isaac suas an deò, agus dh' eug e, agus chruinnicheadh e chum a mhuinntir féin, agus e 'na sheann-duine, agus làn do làithibh. Agus dh' adhlaic a mhic Esau agus Iacob e.

CAIB. XXXVI.

1 *Triuir bhan Esau. 9 A ghinealaich ann an sliabh Sheir. 15 Na cinn-fheadhna a thàinig o 'mhic.*

A GUS *is* iad sin ginealaich Esau, eadhon Edoim.

2 Ghabh Esau a mhnà do nigheanaibh Chanaain; Adah nighean Eloin an Hìthich, agus Aholibamah nighean Anah, nighinn Shibeoin an Hìbhich;

3 Agus Basemat nighean Ismaeil, piuthar Nebaioit.

4 Agus rug Adah do Esau Eliphais; agus rug Basemat Reuel.

5 Agus rug Aholibamah Ieus, agus Iaalam, agus Corah: *Is* iad sin mic Esau, a rugadh dha ann an tìr Chanaain.

6 Agus ghabh Esau a mhnà, agus a mhic, agus a nigheana, agus uile mhuinntir a thighe, agus a spréidh, agus ainmhidhean uile, agus a mhaoin uile, a fhuaire ann an tìr Chanaain; agus chaidh e do thìr *eile* o ghnùis a bhràthar Iacoib.

7 Oir bha 'n saoihbreas ni bu mhò na gu'm feudadh iad còmhnuidh a ghabhail cuideachd; agus cha b' urrainn an tìr anns an robh iad 'nan coigrich, an giùlan air son an spréidhe.

8 Mar so ghabh Esau còmhnuidh ann an sliabh Sheir; *is* e Esau Edom.

9 Agus *is* iad sin ginealaich Esau, athar nan Edomach, ann an sliabh Sheir:

10 *Is* iad sin ainmeanna mhac Esau; Eliphais mac Adah mnà Esau, Reuel mac Bhasemait mnà Esau.

11 Agus b' iad mic Eliphais Teman, Omar, Sepho, agus Gatam, agus Cenas.

12 Agus bha Timna 'na leannan aig Eliphais, mac Esau; agus rug i do Eliphais Amalec: b' iad sin mic Adah, mnà Esau.

13 Agus *is* iad sin mic Reueil; Nahat, agus Serah, Samah, agus Midsah: b' iad sin mic Bhasemait, mnà Esau.

14 Agus b' iad sin mic Aholibamah, nighinn Anah, nighinn Shibeoin, mnà Esau: agus rug i do Esau Ieus, agus Iaalam, agus Corah.

15 B' iad sin cinn-fheadhna mhac Esau: mic Eliphais, ceud-ghin Esau, ceann-fheadhna Teman, ceann-fheadhna Omar, ceann-fheadhna Sepho, ceann-fheadhna Cenas,

16 Ceann-fheadhna Corah, ceann-fheadhna Gatam, agus ceann-fheadhna Amalec: *is* iad sin na cinn-fheadhna a thàinig o Eliphais, ann an tìr Edoim: b' iad sin mic Adah.

17 Agus *is* iad sin mic Reueil, mhic Esau; ceann-fheadhna Nahat, ceann-fheadhna Serah, ceann-fheadhna Samah, ceann-fheadhna Midsah. *Is* iad sin na cinn-fheadhna a thàinig o Reuel, ann an tìr Edoim: *is* iad sin mic Bhasemait, mnà Esau.

18 Agus *is* iad sin mic Aholibamah, mnà Esau; ceann-fheadhna Ieus, ceann-fheadhna Iaalam, ceann-fheadhna Corah; b' iad sin na cinn-fheadhna a thàinig o Aholibamah nighinn Anah, mnà Esau.

19 *Is* iad sin mic Esau, eadhon Edoim; agus *is* iad sin an cinn-fheadhna.

20 *Is* iad sin mic Sheir an Horich, luchd-àiteachadh na tìre; Lotan, agus Sobal, agus Sibeon, agus Anah,

21 Agus Dison, agus Edser, agus Disan; *is* iad sin cinn-fheadhna nan Horach, cloinne Sheir, ann an tìr Edoim.

22 Agus b' iad clann Lotain Hori, agus Heman: agus b' i Timnah piuthar Lotain.

23 Agus b' iad sin clann Shobail; Albhan, agus Manahat, agus Ebal, Sepho, agus Onam.

24 Agus b' iad sin clann Shibeoin; araon Aiah, agus Anah: b' e so an t-Anah, a fhuaire a mach na muileidean¹ san fhàsach, an uair a bha e 'g ionaltradh asal Shibeoin 'athar.

25 Agus b' iad sin clann Anah; Dison, agus Aholibamah nighean Anah.

26 Agus b' iad sin clann Dhisoin; Hemandan, agus Esban, agus Itran, agus Cheran.

27 B' iad sin clann Edseir; Bilhan, agus Saabhan, agus Achan.

28 B' iad sin clann Dhisain; Uds, agus Aran.

29 B' iad sin cinn-fheadhna nan Horach; ceann-fheadhna Lotan, ceann-fheadhna Sobal, ceann-fheadhna Sibeon, ceann-fheadhna Anah,

30 Ceann-fheadhna Dison, ceann-fheadhna Edser, ceann-fheadhna Disan: *is* iad sin na cinn-fheadhna a thàinig o Hori, ann measg an ceann-fheadhna-san ann an tìr Sheir.

31 Agus *is* iad sin na rìghrean a rìghich ann an tìr Edoim, mun do rìghich rìgh sam bith air cloinne Israeil.

32 Agus rìghich ann an Edom Belah

GENESIS, XXXVI. XXXVII.

mac Bheoir; agus *b'e* ainm a bhaile Dinhabah.

33 Agus dh'eug Belah, agus rìghich Iobab mac Sherah o Bhosrah 'na àite.

34 Agus dh'eug Iobab, agus rìghich Husam o thir Themani 'na àite.

35 Agus dh'eug Husam, agus rìghich Hadad mac Bhedaìd, a bhuail Midian am fearann Mhoib, 'na àite: agus *b'e* ainm a bhaile Abhit.

36 Agus dh'eug Hadad, agus rìghich Samlah o Mhasrecah 'na àite.

37 Agus dh'eug Samlah, agus rìghich Saul o Rhehobot, *laimh ris* an amhainn, 'na àite.

38 Agus dh'eug Saul, agus rìghich Baalhanan mac Achboir 'na àite.

39 Agus dh'eug Baalhanan mac Achboir, agus rìghich Hadar 'na àite: agus *b'e* ainm a bhaile Pau; agus ainm a mhà Mehetabel, nighean Mhatreid, nighinn Mhedsahaib.

40 Agus *is* iad sin ainmeanna nan ceann-feadhna a *thàinig* o Esau, a réir an teaghlachan, a réir an àiteach, 'nan ainmibh; ceann-feadhna Timnah, ceann-feadhna Albhah, ceann-feadhna Ietet,

41 Ceann-feadhna Aholibamah, ceann-feadhna Elah, ceann-feadhna Pinon,

42 Ceann feadhna Cenas, ceann-feadhna Teman, ceann-feadhna Mibsar,

43 Ceann-feadhna Magdiel, ceann-feadhna Iram: *is* iad sin cinn-fheadhna Edoim, a réir an àiteacha-còmhnuidh, ann an tìr an seilbh; *is* esan Esau, athair nan Edomach.

CAIB. XXXVII.

1 Dh' fhuathaich Ioseph le a bhràithribh. 5 A dhà aisling. 18 Chuir a bhràithrean an comhairle ri chèile gus a mharbhadh; ach shaor Reuben e. 36 Reiceadh e ri Potiphar san Eipht.

AGUS ghabh Iacob còmlmuidh san tìr anns an robh 'athair 'na choigreach, ann an tìr Chanaain.

2 *Is* iad so ginealach Iacob: 'Nuair a bha Ioseph scachd biadhna deug a dh'aois, bha e a' buachailleachd an treud maille r'a bhràithribh, agus *bha* 'n t-òganach maille ri mic Bhilhah, agus maille ri mic Shilpah, mnà 'athar; agus thug Ioseph an droch thàiresgeul-san a dh'ionnsuidh 'athar.

3 Agus bu docha le h-Israel Ioseph na 'mhic uile, a chiomn gu' *m b'e* mac a shean aois e: agus rinn e dha còta dh'iomadh dath¹.

4 Agus 'nuair a chunnaic a bhràithre gu'm bu docha le 'athair e na bhràithrean uile, dh'fhuathaich iad e, agus cha b'urrainn iad labhairt ris gu sìochail².

5 Agus chunnaic Ioseph aisling³, agus dh'innis e d'a bhràithribh *i*, agus dh'fhuathaich iad e fathast ni's mò.

6 Agus thubhairt e riu, Eisdibh, guidheam oirbh, ris an aisling so a chunnaic mi.

7 Oir, feuch, *bha* sinn a' ceangal sgual san achadh, agus, feuch, dh'éirich mo sguabsa suas, agus sheas i gu dìreach; agus, feuch, sheas bhuir sguaban-sa mu'n cuairt oirre, agus rinn iad ùmhlachd do m' sguuib-sa.

8 Agus thubhairt a bhràithre ris, Am bi thusa gun amharus a' d' rìgh oirne? Am bi agad d'a rìreadh tighearnas oirne? Agus dh'fhuathaich iad e fathast ni's mò air son 'aislingean, agus air son a bhriathran.

9 Agus chunnaic e fathast aisling eile, agus dh'innis e d'a bhràithribh *i*, agus thubhairt e, Feuch, chunnaic mi aisling eile; agus, feuch, rinn a' ghrian agus a' ghealach, agus an aon reul deug, ùmhlachd dhomh.

10 Agus dh'innis e d'a athair *i*, agus d'a bhràithribh: agus thug 'athair achmhasan da, agus thubhairt e ris, Ciod i an aisling so a chunnaic thu? An e gu'n tig d'a rìreadh mise, agus do mhàthair, agus do bhràithre, chum sinn féin a chromadh sìos duitse gu làr?

11 Agus bha farmad aig a bhràithribh ris; ach thug 'athair fa' near a' chaimt.

12 Agus chaidh a bhràithrean a dh'ionaltradh treud an athar do Shechem.

13 Agus thubhairt Israel ri Ioseph, Nach 'eil do bhràithrean ag ionaltradh *an treud* ann an Sechem? Thig, agus cuiridh mi thu d'an ionnsuidh. Agus thubhairt e ris, *Tha* mise an so.

14 Agus thubhairt e ris, Imich, guidheam ort, faic am bheil do bhràithrean gu maith, agus am bheil an treud gu maith; agus thoir fios a m' ionnsuidh a ris. Mar sin chuir e mach e a gleann Hebroid, agus thàinig e gu Sechem.

15 Agus fhuair duine àraidh e, agus, feuch, *bha* e air seacharan sa' mhachair: agus dh'fheòraich an duine dheth, ag ràdh, Ciod a tha thu 'g iarraidh?

16 Agus thubhairt e, Tha mi 'g iarraidh mo bhràithrean: innis dhomh, guidheam ort, c'àit am bheil iad ag ionaltradh *an treud*.

17 Agus thubhairt an duine, Dh'fhalbh iad á so: oir chuala mi iad ag ràdh, Rachamaid gu Dotan. Agus chaidh Ioseph an déigh a bhràithrean, agus fhuair e iad ann an Dotan.

18 Agus 'nuair a chunnaic iad e fada uatha, eadhon mun d'thàinig e am fagus doibh, chuir iad an comhairle ri chèile 'na aghaidh, gus a mharbhadh.

19 Agus thubhairt iad r'a chèile, Feuch, tha an t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bhéist éigin as da: agus chì sinn ciod gus an tig 'aislingean.

21 Agus chuala Reuben so, agus shaor

¹ dh'iomad mir.

² sìochail.

³ bhruadair Ioseph bruardar

e as an làimh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh fuil; tilgibh e san t-slochd so, a *ta* san fhàsach, agus làmh na cuiribh air; a chum as gu'n saoradh e as an làimh e, agus gu'n aisgeadh e a ris d'a athair e.

23 Agus 'nuair a thàinig Ioseph a dh'ionnsuidh a bhràithrean, an sin bhuin iad do Ioseph a chòta, còta nan *iomadh* dath, a *bha* air.

24 Agus ghabh iad e, agus thilg iad e ann an slochd; agus bha 'n slochd falamh, gun uisge ann.

25 Agus shuidh iad sìos a dh'itheadh arain; agus thog iad suas an sùilean agus dh'amhairc iad, agus, feuch, *bha* cuideachd do chloinn Ismaeil a' teachd o Ghilead, le'n càmhalan a' giùlan spìosraidh, agus ìocshlàint¹, agus nuir, a' dol gus an toirt sìos do'n Eiphit.

26 Agus thubhairt Iudah r'a bhràithribh, Ciod an tairbhe a *bhios ann dhuinne*, ma mharbhassinn ar bràthair, agus ma cheileas sinn 'fhuil?

27 Thigibh, agus reiceamaid e ris na h-Ismaelich, agus na cuireamaid làmh air; oir *is e* ar dearbh-bhràthair e, agus ar feoil: agus dh'éisd a bhràithre ris.

28 An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd, agus reic iad Ioseph ris na h-Ismaelich air fichead *bonn* airgid. Agus thug iadsan Ioseph do'n Eiphit.

29 Agus phill Reuben a dh'ionnsuidh an t-sluicid; agus, feuch, cha *robh* Ioseph san t-slochd: agus reub² e 'eudach.

30 Agus phill e dh'ionnsuidh a bhràithrean, agus thubhairt e, Cha'n *eil* an leanabh ann; agus mise, c'ait an téid mi?

31 Agus ghabh iad còta Ioseph, agus mharbh iad meana do na gabhraibh, agus thum iad an còta san fhuil.

32 Agus chuir iad uatha còta nan *iomadh* dath, agus thug iad e dh'ionnsuidh an athar; agus thubhairt iad, Fhuair sinne so: aithnich a nisan e so còta do mhic, no nache.

33 Agus dh'aithnich se e, agus thubhairt e, Còta mo mhic; chuir droch bhéisd as da: tha Ioseph gun teagamh air a reubadh as a chéile.

34 Agus reub Jacob 'eudach, agus chuir e eudach-saic air a leasruidh, agus rinn e bròn air son a mhic rè mòrain làithean.

35 Agus dh'éirich a mhic uile, agus a nigheanan uile suas, a thoirt sòlais da; ach dhùilt esan sòlas a ghabhail; agus thubhairt e, Oir théid mi sìos do'n uaigh a chum mo mhic ri bròn. Mar so rinn 'athair caoidh air a shon.

36 Agus reic na Midianaich e san Eiphit ri Potiphar, oifigeach le Pharaoh, ceannard an fhreiceadain³.

CAIB. XXXVIII.

1 *Ghin Iudah Er, Onan, agus Selah. 6 Phòs Er Tamar. 8 Cionta agus bàs Onain. 11 Dh' fhan Tamar ri Selah.*

AGUS san àm sin féin chaidh Iudah sìos o 'bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chunnaic Iudah an sin nighean Canaanaich àraidh, d'am b'ainm Suah: agus ghabh e i, agus chaidh e steach d'a h-ionnsuidh.

3 Agus dh'fhàs i torrach, agus rug i mac: agus thug e Er mar ainm air.

4 Agus dh'fhàs i torrach a ris, agus rug i mac; agus thug i Onan mar ainm air.

5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib, an uair a rug i e.

6 Agus ghabh Iudah bean do Er a cheud-ghin, d' am b'ainm Tamar.

7 Agus bha Er, ceud-ghin Iudah, aingidh ann an sealladh an Tighearna; agus mharbh an Tighearna e.

8 Agus thubhairt Iudah ri h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fios aig Onan nach b'ann leis féin a bhiodh an sliochd; agus 'nuair a chaidh e steach a dh'ionnsuidh mnà a bhràthar, dhòirt e air a' bhàl e, chum nach tugadh e sliochd d'a bhràthair.

10 Agus bha an nà a rinn e olc ann an sealladh an Tighearna: uime siu mharbh e esan mar an ceudna.

11 An sin thubhairt Iudah ri Tamar mnaoi a mhic, Fan a'd' biantraich ann an tigh t'athar, gus am fàs mo mhac Selah suas; oir thubhairt e, Air eagal gu'm faigheadh esan bàs mar an ceudna, mar a *fhuair* a bhràithrean. Agus dh'fhalbh Tamar, agus dh'fhan i 'n tigh a h-athar.

12 Agus uine fhada 'n déigh sin fhuair nighean Shuah, bean Iudah, bàs: agus thog Iudah a mhisneach, agus chaidh e suas a dh'ionnsuidh luchd-lomairt⁴ a chaorach, e féin agus a charaid Hirah an t-Adulamach, gu Timnat.

13 Agus dh'innseadh do Tamar, ag ràdh, Feuch, *tha t'athair-céile* a' dol suas gu Timnat a lomairt a chaorach.

14 Agus chuir i a culaidh bantraich dhith, agus chòmhdaich si i féin le gnùis-bhrat, agus phaisg si i féin, agus shuidh i ann an ionad follaiseach, a *ta* làimh ris an t-slighe gu Timnat: oir chunnaic i gu'n

¹ balm. Sasg. ² shrachd. ³ ceannard a shagheadean, caiptein a' gheard.

⁴ luchd-bearraidh.

d'fhàs Selah suas, agus nach d'thugadh i dha mar mhnai.

15 'Nuair a chunnaic Iudah i, shaoil e gu'm bu striopach i, a chionn gu'n do chòmhdaich i a h-eudan.

16 Agus thionndaidh e d'a h-ionnsuidh air an t-slighe, agus thubhairt e, Leig leam, guidheam ort, teachd a steach a t'ionnsuidh; oir cha robh fhios aige gu'm b'i bean a mhic i: agus thubhairt i, Ciod a bheir thu dhomh, a chum as gu'n tig thu steach a m' ionnsuidh?

17 Agus thubhairt esan, Cuiridh mi meann¹ a t'ionnsuidh o'n treud: agus thubhairt ise, An toir thu geall dhomh gus an cuir thu m' ionnsuidh e?

18 Agus thubhairt e, Ciod an geall a bheir mi dhuit? Agus thubhairt ise, Do sheula, agus do làmh-fhailean, agus do lorg a ta ann ad làimh: agus thug e dhi iad, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i roimpe, agus chuir i seachad a gnùis-bhrat uaithe², agus chuir i a culaidh-bantraich oirre.

20 Agus chuir Iudah am meann le làimh a charaid an Adulamaich, chum as gu'm faigheadh e 'n geall o làimh na mnà: ach cha d'fhuair e i.

21 An sin dh'fheòraich e do dhaoinibh an àite sin, ag ràdh, C'ait an bheil an striopach a bha gu follaiseach ri taobh na slighe³? Agus thubhairt iadsan, Cha robh striopach sam bith an so.

22 Agus phill e dh'ionnsuidh Iudah, agus thubhairt e, Cha d'fhuair mi i: agus mar an ceudna thubhairt daoine an àite, Cha robh striopach sam bith an so.

23 Agus thubhairt Iudah, Gabhadh i dh'i féin e, air eagal gu maslaichear sim: feuch chuir mi am meann so d'a h-ionnsuidh, agus cha d'fhuair thu i.

24 Agus beul ri trì mìosa an déigh sin, dh'innseadh do Iudah, ag ràdh, Rinn Tamar bean domhic striopachas; agus, feuch, cuideachd, tha i torrach le striopachas. Agus thubhairt Iudah, Thugaibh a mach i, agus loisgear i.

25 'Nuair a thugadha mach i, chuir i fios a dh'ionnsuidh a-h-athar-céile, ag ràdh, Aig an fhear d'am buin iad sin tha mise leth-tromach: agus thubhairt i, Faic, guidheam ort, cia leis an seula, agus na làmh-fhailean, agus an lorg so.

26 Agus ghabh Iudah ri, agus thubhairt e, Bha i ni bu cheirte na mise, a chionn nach d'thug mi i do Shelah mo mhac: agus cha robh aithne aige oirre ni's mò.

27 Agus an uair a bha i ri saothair chloinne, feuch, bha leth-aona 'na bolg.

28 Agus an uair a bha i ri saothair, chuir a h-aon diubh mach a làmh: agus rug a'

bhean-ghlùine air a làimh, agus cheangail i snàthainnscarlaid oirre, ag ràdh, Thàinig e so a mach an toiseach.

29 Agus 'nuair a tharruing e a làmh air ais, feuch, thàinig a bhràthair a mach; agus thubhairt ise, Cionnusa a bhris thu mach? bithheadh am briseadh so ortsa: Uime sin thugadh Phares mar ainm air.

30 Agus an déigh sin thàinig a bhràthair a mach, aig an robh an snàthainnscarlaid air a làimh; agus thugadh Sarah mar ainm air.

CAIB. XXXIX.

1 Rinn Potiphar Ioseph 'na fhear-riaghlaidh air a thigh. 8 A gheamnuidheadh. 19 Chuireadh am priosan e; 21 ach bha an Tighearna maille ris, agus nochd fear-gleidhidh a' phriosain a dheadh rùn da.

A GUS thugadh Ioseph sìos do'n Eiphit; agus cheannaich Potiphar, oifigeach le Pharaoh, ceannard an fhreiceadain, Eiphiteach, e o làimh uan Ismaelach, a thug sìos an sin e.

2 Agus bha 'n Tighearna maille ri Ioseph, agus bha e 'na dhuine leis an do shoirbhich gach ni; agus bha e 'n tigh a mhaighstir an Eiphitich.

3 Agus chunnaic a mhaighstir gu 'n robh an Tighearna maille ris, agus gu'u d' thug an Tighearn air gach ni a rinn e soirbheachadh 'na làimh.

4 Agus fhuair Ioseph deadh-ghean 'na shealladh, agus rinn e seirbhis da: agus rinn se 'na fhear-riaghlaidh air a thigh, agus gach ni a bh'aige chuir e fuidh 'laimh.

5 Agus o'n àm sin féin san d' rinn se e 'na fhear-riaghlaidh air a thigh, agus air gach ni a bh'aige, bheannaich an Tighearna tigh an Eiphitich air sgàth Ioseph: agus bha beannachadh an Tighearn air gach ni a bh'aige, anns an tigh, agus anns a' mhachair.

6 Agus dh'fhàg e gach ni a bh'aige an làimh Ioseph, agus cha b'fhios da aou ni a bh'aige, saor o'n arana bha e 'g ithcadh: agus bha Ioseph 'na dhuine maiseach, agus sgiamhach san aghaidh.

7 Agus an déigh nan nithe sin leag bean a mhaighstir a sùilean air Ioseph, agus thubhairt i, Luidh leamsa.

8 Agus dhùilt esan, agus thubhairt e ri mnaoi a mhaighstir, Feuch, cha 'n 'eil fios aig mo mhaighstir ciod a tha maille rium san tigh, agus gach ni a th'aige chuir e fuidh m' làimh-sa.

9 Cha 'n 'eil neach san tigh so a's mò na mise; agus cha do chum e uam ni sam bith ach thusa, a chionn gur tu a bhean: cionnusa uime sin a ni mise an t-olc mòr so, agus a pheacaicheas mi an aghaidh Dhé?

10 Agus thachair e, 'nuair a labhair i ri Ioseph o là, gu là, nach éisdeadh esan rithe, gu luidhe leatha, no bli maille rithe.

¹ meann do na gabhraibh. Eabh.

² uaipe, uachr.

³ an ròid.

11 Agus tlachair e, air latha àraidh, gu'n deachaidh esan a steach do 'n tigh a dheanamh 'oibre féin, agus cha robh a h-aon do dhaoibh an tighe an sin a tigh.

12 Agus rug i air air 'eudach-uachdair', ag ràdh, Luidh leamsa: agus dh'fhàg e 'eudach-uachdair 'na làimh, agus theich e, agus thàr e mach.

13 Agus an uair a chunnaic ise gu 'n d'fhàg e 'eudach-uachdair 'na làimh, agus gu 'n do theich e mach.

14 An sin ghairm i air daoibh a tighe, agus labhair i ri, ag ràdh, Faicibh, thug e steach d'ar n-ionnsuidh Eabhruidheach g'ar maslachadh: thàinig e steach a m' ionnsuidh: a luidhe leam, agus ghlaodh mise le guth àrd:

15 Agus 'nuair a chual' e gu'n do thog mi suas mo ghuth, agus gu'n do ghlaodh mi, an sin dh'fhàg e 'eudach-uachdair maille rium, agus theich e, agus chaidh e mach.

16 Agus thaisg i 'eudach-uachdair làimh rithe, agus an d'fhàg i a thighearna dhachaidh.

17 Agus labhair i ris a réir nam briathra so, ag ràdh, Thàinig an seirbhiseach Eabhruidheach, a thug thu d'ar n-ionnsuidh, a steach a m' ionnsuidh-sa gu m' mhaslachadh:

18 Agus an uair a thog mise suas mo ghuth agus a ghlaodh mi, an sin dh'fhàg e 'eudach-uachdair maille rium, agus theich e mach.

19 Agus 'nuair a chual' a mhaighstir briathran a mhna, a labhair i ris, ag ràdh, Air an dòigh so rinn do sheirbhiseach orm; an sin las 'fhearg suas.

20 Agus ghabh maighstir Ioseph e, agus chuir e sa' phrìosan e, far an robh prìosanaich an rìgh ceangailte: agus bha e an sin sa' phrìosan.

21 Ach bha 'n Tighearna maille ri Ioseph, agus nochd e tròcair dha, agus thug e dha deadh-ghean ann an sùilbh fhir-gleidhidh a' phrìosain.

22 Agus chuir fear-gleidhidh a' phrìosan fuidh làimh Ioseph na prìosanaich uile a bha sa' phrìosan; agus gach ni a rinn iad an sin, b' esan a rinn e.

23 Cha d'amhairc fear-gleidhidh a' phrìosain air ni sam bith a bha fuidh làimh, a chionn gu'n robh an Tighearna maille ris; agus an ni sin a rinn e thug an Tighearna air soirbheachadh leis.

CAIB. XL.

1 Thilgeadh am prìosan àrd bhuidealair, agus àrd fhuineadair rìgh na h-Eiphit. 4 Chuir ceannard an fhrìceadain an cùram air Ioseph. 5 Dh'eadar-mhìnich e an aisingean dhoibh.

A GUS an déigh nan nithe sin, chuir a bhuidealair rìgh na h-Eiphit, agus 'fhuineadair, fearg air an tighearna, rìgh na h-Eiphit.

2 Agus bha corruich mhòr air Pharaoh ri dithis d'a sheirbhìsh, ris an àrd bhuidealair, agus ris an àrd fhuineadair.

3 Agus chuir e 'n làimh³ iad ann an tigh ceannard an fhrìceadain sa' phrìosan, far an robh Ioseph ceangailte.

4 Agus chuir ceannard an fhrìceadain an cùram air Ioseph, agus fhrithheil e dhoibh; agus dh'fhan iad tamull⁴ ann an làimh.

5 Agus chunnaic iad aisling le chéile, gach fear *aca* 'aisling féin san aon oidhche, gach fear a réir eadar-mhìneachaidh 'aislinge; am buidealair agus fhuineadair rìgh na h-Eiphit, a bha ceangailte sa' phrìosan.

6 Agus thàinig Ioseph a steach d'an ionnsuidh sa' mhaduinn, agus dh'amhairc e orra, agus, feuch, bha iad dubhach.

7 Agus dh'fheòraich e do sheirbhìsh Pharaoh, a bha 'n làimh maille ris ann an tigh a thighearna, ag ràdh, C'ar son a tha bhuir gnùis co mhuiladach an diugh?

8 Agus thubhairt iad ris, Chunnaic sinn aisling, agus cha 'n 'eil neach againn a dh'eadar-mhìnichas i. Agus thubhairt Ioseph ri, Nach ann o Dhia tha gach eadar-mhìneachadh? innsibh dhomhs iad, guidheam oirbh.

9 Agus dh'innis an t-àrd bhuidealair 'aisling do Ioseph, agus thubhairt e ris, A'm' aisling-sa, feuch, bha fionain fa m' chomhair.

10 Agus air an fhionain bha tri meang, lain⁵; agus bha i mar gu'm biodh i a' briseadh a mach, agus thàinig i fuidh a làn bhlàth, agus thug a bagaidean dearc an abuibh uatha.

11 Agus bha cupan Pharaoh a'm' làimh; agus ghabh mi na fion-dhearcan, agus dh'fhàisg mi iad an cupan Pharaoh, agus thug mi 'n cupan do làimh Pharaoh.

12 Agus thubhairt Ioseph ris, 'Se so a h-eadar-mhìneachadh: Na tri meanglain, is tri làithean iad.

13 Eadhon an ceann thri làithean togaidh Pharaoh suas do cheann, agus bheir e ris gu t'àite féin thu; agus bheir thu cupan Pharaoh 'na làimh, mar a b' àbhuist duit roimhe, 'nuair a bha thu a'd' bhuidealair aige.

14 Ach cuimhnich thusa ormsa 'nuair a dh'éireas gu maith dhuit, agus dean, guidheam ort, caoimheas domh: agus dean iomradh orm ri Pharaoh, agus thoir a mach mi as an Tigh so:

15 Oir, gu deimhin, ghoideadh air falbh mi á tìr nan Eabhruidheach, agus mar an ceudna, an so cha d'rinn mi ni sam bith gu 'n cuirte sam t-slochd mi.

16 'Nuair a chunnaic an t-àrd fhuineadair gu'n d'eadar-mhìnich e gu maith, thubhairt e ri Ioseph, Bha mise mar an

¹ fhuilinn, a chòta.

² a mhaighstir oirm.

³ ann an daingneach.

⁴ seal.

⁵ geuga

ceudna a'm' aising, agus, feuch, *bha* tri bascaidean geala air mo cheann :

17 Agus anns a' bhascaid a b'àirde *bha* do gach seòrsa bidh air son Pharaoh do dheasachadh an fhuineadair; agus dh'ith an eunlaith iad a mach as a' bhascaid air mo cheann.

18 Agus fhreagair Ioseph, agus thubhairt e, *Is* e so a h-eadar-mhineachadh¹: Na tri bascaidean, *is* tri làithean iad.

19 An ceann thri làithean togaidh Pharaoh suas do cheann dhìot, agus crochaidh e thu air crann, agus ithidh an eunlaith t'fheoil dhìot.

20 Agus air an treas là, comh-ainm lathabreithe Pharaoh, rinn e cuirm d'a sheirbhiseach uile: agus thog e suas ceann an àrd bhuidealair, agus ceann an àrd fhuineadair am measg a sheirbhiseach.

21 Agus thug e an t-àrd bhuidealair a chum a bhuidealairachd a ris; agus thug e 'n cupan do làimh Pharaoh:

22 Ach chroch e 'n t-àrd fhuineadair, mar a dh'eadar-mhìnich Ioseph dhoibh.

23 Gidheadh, cha do chuimhnich an t-àrd bhuidealair air Ioseph, ach dhì-chuimhnich se e.

CAIB. XLI.

4 *Dà aising Pharaoh.* 25 *Dh'eadar-mhìnich Ioseph iad.* 33 *Thug e comhairle do Pharaoh.* 38 *Rinn eadh e 'na uachdaran air tìr na h-Eiphit.* 56 *Bha gorta air aghaidh na talmhainn uile.*

A GUS an ceann dà bhliadhna iomlan chunnaic Pharaoh aising; agus, feuch, sheas e làimh ris an amhainn :

2 Agus, feuch, thàinig a nìos as an amhainn seachd bà, sgiamhach r'am faicinn, agus reamhar am feoil; agus bha iad ag ionaltradh ann am mùn-fheur².

3 Agus, feuch, thàinig seachd bà eile nìos 'nan déigh as an amhainn, granda r'am faicinn, agus caol 'nam feoil: agus sheas iad làimh ris na bà *eile*, air bruaich na h-aimbhe.

4 Agus dh'ith na bà a *bha* granda r'am faicinn agus caol 'nam feoil suas na seachd bà sgiamhacha agus reamhra. Mar sin dhùisg Pharaoh.

5 Agus choidil, agus chunnaic e aising an dara uair: Agus, feuch, dh'éirich suas seachd diasan arbhair air aon choinleim, reachdmhor agus maith.

6 Agus, feuch, dh'fhàs suas 'nan déigh seachd diasa caola, agus air an seargadh leis à ghaoith an ear.

7 Agus shluig na seachd diasa caola suas na seachd diasa reachdmhor agus làn: agus dhùisg Pharaoh, agus, feuch, b' aising a *bh' ann*.

8 Agus sa' mhaduinn bha a spiorad air a bhuaracadh³; agus chuir e *fios* uath, agus ghairm e uile dhruidhean na h-Eiphit, agus a daoine glic uile: agus dh'innis Pharaoh

aising dhoibh; ach cha *robh* neach ann a dh'eadar-mhìnich eadh iad do Pharaoh.

9 An sin labhair an t-àrd bhuidealair ri Pharaoh, ag ràdh, An duigh tha mis' a' cuimhneachadh mo lochdan⁴.

10 Bha fearg air Pharaoh r'a sheirbhiseach, agus chuir e mise an làimh ann an tigh ccannaird an fhreiceadain, *araon* mise, agus an t-àrd fhuineadair.

11 Agus chunnaic sinn aising san aon oidliche, mis' agus esan: chunnaic *gach* fear *againn* aising a réir eadar-mhineachaidh aisinge.

12 Agus *bha* 'n sin maille ruinn òganach Eabhruidheach, seirbhiseach do cheannard an fhreiceadain; agus dh'innis sinn da, agus dh'eadar-mhìnich e dhuinn ar n-aislingean: do *gach* fear againn a réir aisinge dh'eadar-mhìnich e.

13 Agus mar a dh'eadar-mhìnich e dhuinn, mar sin bha e: mise chuir e ris ann am àite agus esan chroch e.

14 Agus chuir Pharaoh *teachdair* uath, agus ghairm e Ioseph, agus thug iad le cabhaig a mach as an t-slochd e: agus bhearrse e *fèin*, agus mhùth e 'eudach, agus thàinig e steach a dh'ionnsuidh Pharaoh.

15 Agus thubhairt Pharaoh ri Ioseph, Chunnaic mi aising, agus cha 'n *eil* neach ann a dh'eadar-mhìnich e: agus chuala mi air a ràdh mu d'heimchioll-sa, 'nuair a chluinnas tu aising, gur aithne dhuìt a h-eadar-mhineachadh.

16 Agus fhreagair Ioseph Pharaoh, ag ràdh, Cha 'n *eil* e annamsa: bheir Dia freagradh sìthe do Pharaoh.

17 Agus thubhairt Pharaoh ri Ioseph, A'm' aising, feuch, sheas mi air bruaich na h-aimbhe:

18 Agus, feuch, thàinig a nìos as an amhainn seachd bà, reamhar am feoil, agus sgiamhach ann an cruth; agus bha iad ag ionaltradh ann am mùn-fheur;

19 Agus, feuch, thàinig seachd bà eile nìos 'nan déigh, bochd agus ro ghranda, agus caol am feoil: cha 'n fhaca mi 'n samhail *riamh* ann an uile thìr na h-Eiphit air olcas.

20 Agus dh'ith na bà caola agus granda suas na cend seachd bà reamhra.

21 Agus 'nuair a dh'ith iad suas iad, cha'n aithnichte *orra* gu'n d'ith siad iad; ach *bha* iad granda r'am faicinn, mar an toiseach. An sin dhùisg mi.

22 Agus chunnaic mi a'm' aising; agus, feuch, thàinig a nìos seachd diasan air aon choinleim, làn agus maith:

23 Agus, feuch, dh'fhàs suas 'nan déigh seachd diasan, air an crìonadh, caol, agus seargta leis a' ghaoith an ear;

24 Agus shluig na diasa caola suas na seachd diasa maith e: agus dh'innis mi so do na druidhibh; ach cha *robh* neach

¹ brìgh.
42

² lian, làn, miadan.

³ a' a' chràdh.

⁴ mo choire.

am a b'urraimn *a'* *chùis* fhoillseachadh dhomh.

25 Agus thubhairt Ioseph ri Pharaoh, Aisling Pharaoh, *is* aon *i*: an nì sin a ta Dia gus a dheanamh, dh'fhoillsich e do Pharaoh.

26 Na seachd bà maithe, *is* seachd bliadhna iad; agus na seachd diasa maithe, *is* seachd bliadhna iad: *is* aon an aisling.

27 Agus na seachd bà caola agus granda a thàinig a nìos 'nan déigh, *is* seachd bliadhna iad; agus na seachd diasa fàs¹, seargta leis a' ghaoith an ear, bithidh iad 'nan seachd bliadhna gorta.

28 So an nì a thubhairt mi ri Pharaoh: An nì a ta Dia gus a dheanamh, nochd e do Pharaoh.

29 Feuch, *tha* seachd bliadhna mòr-phailteis a' teachd air feadh thìre na h-Eiphit uile:

30 Agus éiridh seachd bliadhna gorta suas 'nan déigh, agus dì-chuimhnichear am pailteas uile an tìr na h-Eiphit; agus claidhidh a' ghorta an tìr.

31 Agus cha'n aithnìcheam am pailteas anns an tìr, air son na gorta a leanas: oir bithidh i ro throm.

32 Agus a thaobh gu'n do dhùblaich-eadh an aisling do Pharaoh dà uair, *tha sin* a chionn gu *bheil* an nì air a shuidh-eachadh le Dia; agus bheir Dia ann an aithghearradh gu crìch e.

33 A nis uime sin, amhairceadh Pharaoh a mach air son duine a tha tuigseach agus glie, agus cuireadh e os ceann tìre na h-Eiphit e.

34. Deanadh Pharaoh *so*, agus orduich-eadh e luchd-riaghlaidh os ceann na tìre, agus togadh iad an cùigeadh cuid *do thoradh* tìre na h-Eiphit sna seachd bliadhnaibh pailteis.

35 Agus cruinnicheadh iad uile bhiadh nam bliadhna maithe sin ri teachd, agus taisgeadh iad suas arbhar fuidh làimh Pharaoh, agus gleidheadh iad biadh sna bailtibh.

36 Agus bithidh am biadh *sin* 'na thaisgeach do'n tìr, fa chomhair uan seachd bliadhna gorta a bhitheas ann an tìr na h-Eiphit; chum as nach téid as do'n tìr leis a' ghorta.

37 Agus bha a' chomhairle maith² ann an sùilibh Pharaoh, agus ann an sùilibh a sheirbhiseach uile.

38 Agus thubhairt Pharaoh r'a sheirbhiseich, Am bheil e 'n comas duinn a leithid so do dhuine fhaotainn, anns *am bheil* spiorad Dhé?

39 Agus thubhairt Pharaoh ri Ioseph, A thaobh gu'n d'fhoillsich Dia so uile dhuìt, cha 'n'eil neach ann cho tuigseach agus cho glie riut féin.

40 Bithidh tu os ceann mo thighe-sa, agus a réir t'fhocail bithidh mo shluagh uile air an riaghladh: a mhàin san righ-chaitheir bithidh mise nì's mò na thu.

41 Agus thubhairt Pharaoh ri Ioseph, Faic, chuir mi thu os ceann uile thìre na h-Eiphit.

42 Agus thug Pharaoh 'fhàinne bhàrr a làimhe, agus chuir e air làimh Ioseph e; agus sgeadaich se e ann an trusgan do lìon-eudach³ grinn, agus chuire slabhruidh òir m'a mhuineal.

43 Agus thug e air marcachd san dara carbad a bh'aige féin: agus ghlaodh iad roinne, Lùbaibh an glun⁴; agus rinn se e 'na uachdaran air tìr na h-Eiphit uile.

44 Agus thubhairt Pharaoh ri Ioseph, *Is* mise Pharaoh, agus as t'eugmhais-sa cha tog duine suas a làmh no a chos ann an tìr na h-Eiphit uile.

45 Agus thug Pharaoh Saphnat-paaneah mar ainm air Ioseph; agus thug e dha Asenat nighean Photipherah sagairt Oin mar mhnai: agus chaidh Ioseph a mach air feadh uile thìre na h-Eiphit.

46 Agus *bha* Ioseph deich bliadhna fichead a dh'aois an uair a sheas e 'm fianuis Pharaoh righ na h-Eiphit: agus chaidh Ioseph a mach o làthair Pharaoh, agus chaidh e troimh⁵ thìr na h-Eiphit uile.

47 Agus thug an talamh a mach anns na seachd bliadhnaibh pailteis 'na ghlacaidibh.

48 Agus chruinnich e r'a chéile uile bhiadh nan seachd bliadhna, a bha an tìr na h-Eiphit; agus thaisg e suas biadh sna bailtibh: biadh fearainn gach baile, a *bha* mu'n cuairt air, thaisg e suas ann.

49 Agus chuir Ioseph r'a chéile sìol mar ghaineamh na faire, ro mhòran, gus an do sguir e d'a àireamh: oir *bha* e gun àireamh.

50 Agus do Ioseph rugadh dithis mhac mun d'thàinig bliadhnacha na gorta, a rug Asenat dha, nighean Photipherah, sagairt Oin.

51 Agus thug Ioseph Manaseh mar ainm air a' cheud-ghin; oir thug Dia orm, *ars' esan*, mo shaothair uile dhìchuimhneachadh, agus tigh m'athar uile.

52 Agus air an dara *mac* thug e Ephraim mar ainm; oir thug Dia orm, *ars' esan*, a bhi sìolmhor ann an tìr m'àmh-ghair.

53 Agus chrìochnuicheadh seachd bliadhna a' phailteis a bha ann an tìr na h-Eiphit.

54 Agus thòisich seachd bliadhna na gorta ri teachd, mar a thubhairt Ioseph; agus bha a' ghorta anns na dùthchannaibh

¹ falanbh, caocha.

² bha an nì math.

³ anart.

⁴ Athair chaoimh.

⁵ roimh, trid. Eir.

uile : ach ann an uile thùr na h-Eiphit bha aran.

55 Agus an uair a bha tìr na h-Eiphit uile ann an uireasbluidh, an sin ghlaodh an sluagh ri Pharaoh air son arain : agus thubhairt Pharaoh ris na h-Eiphitich uile, Ruigibh Ioseph ; an nì sin a their e ruibh, deanaibh.

56 Agus bha a' ghorta air aghaidh na talmhainn uile : agus dh'fhosgail Ioseph na tighean-taisg¹ uile, agus reic e ris na h-Eiphitich : agus bhuadhaich a' ghorta² ann an tìr na h-Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach bidh ; oir bhuadhaich a' ghorta anns gach dùthaich.

CAIB. XLII.

1 Chuir Iacob a dheichnear mhac do'n Eiphit a cheannach sil. 17 Thig Ioseph am prìosan iad mar luchd-bratha ; ach air a' chumha gu'm fàgadh iad Simeon, agus gu'm pilleadh iad a ris le'm bràthair a b'òige, leigeadh as iad.

ANIS an uair a chunnaic Iacob gu'n robh siol³ san Eiphit, thubhairt e r'a mhic, C'ar son a ta sibh ag amharc air a chéile ?

2 Agus thubhairt e, Feuch, chuala mi gu bheil siol san Eiphit ; rachaibh sìos an sin, agus ceannaichibh dhuinn as a sin, chum as gu'm bi sinn beò, agus nach faigh sinn bàs.

3 Agus chaidh deichnear bhràithrean Ioseph sìos a cheannach sil san Eiphit.

4 Ach cha do chuir Iacob Benjamin bràthair Ioseph maille r'a bhràithribh : oir thubhairt e, Air eagal gu'n éirich olc⁴ dha.

5 Agus thàinig mic Israeil a cheannach sil am measg na muinntir a thàinig : oir bha a' ghorta ann an tìr Chanaain.

6 Agus bha Ioseph 'na uachdaran air an tìr : B' esan a bha a' reiceadh ri sluagh na tìre uile. Agus thàinig bràithrean Ioseph, agus chrom siad iad féin sìos da, le'n aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se e féin 'na choigreach dhoibh, agus labhair e gu coimheach riu ; agus thubhairt e riu, Cia as a thàinig sibhse ? Agus thubhairt iadsan ris, A tìr Chanaain a cheannach bidh.

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuimhnich Ioseph air na h-aislingibh a chunnaic e mu'n timchioll, agus thubhairt e riu, Is luchd-bratha⁵ sibh ; a dh'fhaicinn lomnochdaidh na tìre thàinig sibh.

10 Agus thubhairt iad ris, Cha sinn, mo thighearna, ach is ann a thàinig do sheirbhisich a cheannach bidh :

11 Is mic aon duine sinne uile, is daoine fìrinneach sinn ; cha luchd-bratha do sheirbhisich.

12 Agus thubhairt esan riu, Nì h-eadh, ach is ann a dh'fhaicinn lomnochdaidh na tìre thàinig sibh.

13 Agus thubhairt iad, Is dà bhràthair dheug do sheirbhisich, mic aon duine ann an tìr Chanaain ; agus, feuch, tha'm fear a's òig' an diugh maille r'ar n-athair, agus tha h-aon nach maireann⁶.

14 Agus thubhairt Ioseph riu, So an nì a thubhairt mi ribh, ag ràdh, Is luchd-bratha sibh.

15 Mar so dearbhar sibh ; mar is beò Pharaoh, cha téid sibh a mach á so, mur tig bhuir bràthair a's òige an so.

16 Cuiribh uaibh fear agaibh, agus thugadh e leis bhuir bràthair, agus gleidhear sibhse am prìosan⁷, chum as gu'n dearbhar bhuir briathran, am bheil no nach 'eil fìrinn annaibh : no mar is beò Pharaoh, gu cinnteach is luchd-bratha sibh.

17 Agus chuir e 'm prìosan iad uile re thri làithean.

18 Agus thubhairt Ioseph riu air an treas là, Deanaibh so, agus bithibh beò : oir tha eagal Dé ormsa.

19 Ma's daoine fìrinneach sibh, fàgar aon d'ur bràithribh ceangailte antigh bhuir prìosain : agus imichibh-sa, thugaibh leibh siol air son gorta bhuir teaghlaichean.

20 Ach thugaibh bhuir bràthair a's òige a m' ionnsuidh ; mar sin dearbhar bhuir briathran⁸, agus cha 'n flaigh sibh bàs. Agus rinn iad mar sin.

21 Agus thubhairt iad r'a chéile, Tha sinn gu deimhin ciontach a thaobh ar bràthar, do bhrìgh gu'm faca sinn cràdh 'anama, 'nuair a ghuidh e oirnn, agus nach d'éisd sinn ris : uime sin thàinig an airc⁹ so oirnn.

22 Agus fhreagair Reuben iad, ag ràdh, Nach do labhair mise ribh, ag ràdh, Na peacaichibh an aghaidh an leinibh ? agus cha d'éisd sibh : Uime sin, feuch, mar an ceudna tha 'fhuil air a h-iarraidh oirnn.

23 Agus cha robh fhios aca-san gu'n robh Ioseph 'gan tuigsinn ; oir bha eadar theangair eatorra.

24 Agus thionndaidh se e féin uatha, agus ghuil e ; agus phill e ris d'an ionnsuidh, agus labhair e riu, agus thug e Simeon uatha, agus cheangail se e fa chomh-air an sùl.

25 An sin dh'aithn Ioseph an saic a lionadh le siol, agus airgiod gach duine a chur air ais 'na shac, agus biadh a thoirt

¹ tighean-stòr, taisgeachan. ² dh'fhàs a' ghorta gear. ³ gràn, arbhar. ⁴ dosgaich, sgiorradh, tubats. ⁵ luchd-rannsachaidh.

⁶ nach 'eil ann. ⁷ ceanglar sibhse. Eabh ⁸ fìrinneach bhuir briathran. ⁹ cruaidh-chàs

doibh air son na slighe: agus is ann mar so a rinn e riu.

26 Agus thog iad an sìol air an asalaibh, agus dh'imich iad à sin.

27 Agus an uair a dh'fhosgail fear dhiubh a shac, a thoirt bidh d'a asal san tigh-òsda, chunnaic e 'airgiod; oir, feuch, *bha* e am beul a shaic.

28 Agus thubhairt e r'a bhràithribh, Thugadh airais m'airgiod-sa; agus, feuch, *tha* e eadhon a'm' shac. Agus dh'fhàilnich an cridhe, agus bha eagal orra, ag ràdh gach fear r'a chéile, Ciod e so a rinn Dia oirnn?

29 Agus thàinig iad a chum Iacoib an athar, do thìr Chanaain, agus dh'innis iad dha gach ni a thachair dhoibh, ag ràdh,

30 Labhair an duine a ta 'na uachdaran air an tìr ruinn gu coimheach, agus ghabh e sinn mar luchd-bratha air an dùthaich.

31 Agus thubhairt sinn ris, *Is daoine* firinneach sinne; cha luchd-bratha idir sinn:

32 *Is dà bhràthair* dheug sinn, mic ar n-athar; *tha* aon *mhac* nach *maireann*, agus *tha* 'm *mac* a's òige 'n diugh maille r'ar n-athair an tìr Chanaain.

33 Agus thubhairt an duine, uachdaran na tìre ruinn, Mar so aithnichidh mi gur *daoine* firinneach sibh; fàgaibh aon d'ur bràithribh maille riumsa, agus gabhaibh *biadh* air son gorta bhur teaghlachain, agus bithibh ag imeachd:

34 Agus thugaibh bhur bràthair a's òige a m'ionnsuidh; an sin bithidh fios agam nach luchd-bratha sibh, *ach* gur *daoine* firinneach sibh: *mar sin* bheir mise bhur bràthair dhuibh, agus ni sibh ceannachd san tìr.

35 Agus an uair a thaomach iad an saic, feuch, *bha* ceanglachan airgid gach duine 'na shac féin, agus an uair a chunnaic iad féin agus an athair na ceanglachain airgid, bha eagal orra.

36 Agus thubhairt Jacob an athair riu, Thug sibh uamsa *mochlann*: Ioseph cha *mhaireann*, agus Simeon cha *mhaireann*, agus Benjamin bheir sibh air *falbh*: m'aghaidh-sa tha na nithe sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur toir mi a t'ionnsuidh e: thoir thairis do m' làimhs' e, agus bheir mise a t'ionnsuidh a ris e.

38 Agus thubhairt e, Cha téid mo mhac sìos maille ribh; oir tha a bhràthair marbh, agus dh'fhàgadh esan 'ua aonar: ma thachras olc dha san t-slighe air an téid sibh, an sin bheir sibh sìos m'fhalt liath le bròn do'n uaigh.

i *Le comhairle Iudah leig Jacob le Benjamin dol do'n Eiphit.* 13 Thugadh bràithrean Ioseph a dh'ionnsuidh a thighe. 26 Ghabh e gu h-aoidheil riu, agus dh'ith agus dh'òl iad maille ris.

A GUS *bha* a' ghorta ro mhòr san tìr. 2 Agus an uair a dh'ith iad suas an sìol a thug iad as an Eiphit, thubhairt an athair riu, Rachaibh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbh-chinntè dhuinn, ag ràdh, Cha'n fhaic sibh mo ghnùis-sa, mur bi bhur bràthair maille ribh.

4 Ma chuireas tu ar bràthair maille ruinn, théid sinn sìos, agus ceannaichidh sinn biadh dhuit;

5 Ach mur cuir thu *leinn* e, cha téid sinn sìos: oir thubhairt an duine ruinn, Cha'n fhaic sibh mo ghnùis, mur bi bhur bràthair maille ribh.

6 Agus thubhairt Israel, C'ar son a bhuin sibh *cho* olc rium, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teann m'ar tìmhchioll féin, agus mu tìmhchioll ar càirdean, ag ràdh, Am *bheil* bhur n-athair fathast beò? am bheil bràthair *eile* agaibh? Agus dh'innis sinne dha a réir brìgh nam bràthar sin: Am b'urrainn sinne fios a bhi againn gu cinnteach gu'n abradh e, Thugaibh bhur bràthair a nuas?

8 Agus thubhairt Iudah ri h-Israel 'athair, Cuir an t-òganach maille riumsa, agus éiridh sinn, agus imichidh sinn, a chum as gu'm bi sinn beò agus nach faigh sinn bàs, araon sinne, agus thu féin, agus mar an ceudna ar claim bheag.

9 Bithidh mise a'm' urras air a shon; o m' làimh-sa iarraidh tu e: mur toir mise a t'ionnsuidh, agus mur cuir mi a'd' làthair e, an sin biodh a' choire gu bràth orm¹.

10 Oir mur bitheamaid air deanamh moille, gu cinnteach bha sinn a nis air pilltinn air ar n-ais an dara uair so.

11 Agus thubhairt Israel an athair riu, *Ma dh'sheumas a' chùis a bhi* mar sin a nis, deanaibh so; gabhaibh do'n toradh² a's fearr san tìr 'nur soithichibh³, agus thugaibh sìos tiodhlac do'n duine; beagan ioc-shlaint, agus beagan meala, spiosraidh, agus mirr, cnothan⁴, agus almoine:

12 Agus thugaibh leibh airgid dùm-aite⁵ 'nur làimh, agus an t-airgid a thugadh air ais am beul bhur sac, thugaibh air ais e 'nur làimh; theagamh gur mearachd a bh'ann.

13 Gabhaibh mar an ceudna bhur bràthair; agus éiribh, rachaibh a ris a dh'ionnsuidh an duine.

¹ bitheam-sa fuidh 'n choir'-iomchar gu bràth.

² do'n mheas.

³ soirichibh.

⁴ cnuthan.

⁵ dà-fhillte.

14 Agus gu'n tugadh Dia uile-chumhachdach trocair dhuibh an làthair an duine chum as gu'n leig e air falbh leibh bhuir bràthair eile, agus Benjamin: ach ma chaill mise *mo chlànn*, chaill mi iad.

15 Agus ghabh na daoine an tiodhlac sin, agus thug iad leo airgid dùbailte 'nan làimh, agus Benjamin; agus dh'éirich iad, agus chaidh iad sìos do'n Eiphit, agus shcas iad an làthair Ioseph.

16 Agus an uair a chunnaic Ioseph Benjamin maille riu, thubhairt e ri fear-riaghlaidh a thighe, Thoir na daoine *sin* dachaidh, agus marbh, agus deasaich; oir maille riumsa ithidh na daoine *sin* air mheadhon-là.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, chionn gu'n d'thugadh iad do thigh Ioseph, agus thubhairt iad, 'S ann air son an airgid, a chuireadh air ais 'nar sacaibh a' cheud uair, a thugadh a stigh sinn; chum gu faigh e cion-fàth 'nar n-aghaidh, agus gu'n tuit e oirn¹, agus gu'n gabh e sinn mar thràille², agus ar n-asail.

19 Agus thàinig iad an fagus do fhear-riaghlaidh tighe Ioseph, agus labhair iad ris aig dorus an tighe.

20 Agus thubhairt iad, O mo thighearna, thàinig sinn da rìreadh a nuas an toiseach a cheannach bidh.

21 Agus an uair a thàinig sinn do'n tigh òsda, agus a dh'fhosgail sinn ar saic, feuch, *bha* airgid gach fir am beul a shaic, ar n-airgid 'na làn chrothrom: agus thug sinn air ais leinn e 'nar làimh.

22 Agus airgid eile thug sinn a nuas leinn 'nar làimh a cheannach bidh: cha 'n'eil fhios againn cò chuir ar n-airgid 'nar sacaibh.

23 Agus thubhairt e, Sìth *gu robh* dhuibh, na biodh eagal oirbh: thug bhuir Dia féin, agus Dia bhuir n-athar ionmhas dhuibh 'nur sacaibh: fhuair mise bhuir n-airgid. Agus thug e Simeon a mach d'an ionnsuidh.

24 Agus thug an duine na daoine steach do thigh Ioseph, agus thug e uisge *dhoibh*, agus nigh iad an cosan³, agus thug e biadh d'an asalaibh.

25 Agus dh'ulluich iad an tiodhlac an coinneamh do Ioseph teachd aig meadhon-là; oir chual' iad gu'n robh iad gu aran itheadh an sin.

26 Agus an uair a thàinig Ioseph dhachaidh⁴ thug iad d'a ionnsuidh an tiodhlac, a bha 'nan làimh, do'n tigh: agus chrom siad iad féin dha gu làr.

27 Agus dh'fheoraich e 'n robh iad gu maith, agus thubhairt e, Am bheil bhuir

n-athair, an seann duine mu'n do labhair sibh, gu maith? Am *bheil* e fathast beò?

28 Agus thubhairt iadsan, *Tha* do sheirbhisach ar n-athair-ne gu maith; *tha* e fathast beò: agus chrom siad iad féin sìos, agus rinn iad ùmhlachd.

29 Agus thog e suas a shùilcan, agus chunnaic e Benjamin a bhràthair, mac a mlàthair, agus thubhairt e, An e so bhuir bràthair a's òige, mu'n do labhair sibh rium? Agus thubhairt e, Gu'n robh Dia gràsmhor dhuit, a mhic.

30 Agus rinn Ioseph cabhag, oir bha a chridhe a' tiomachadh r'a bhràthair; agus dh'iarr e *àit* anns an guileadh e; agus chaidh e steach *d'a* sheòmar, agus ghul e 'n sin.

31 Agus nigh e 'eudan, agus chaidh e mach, agus chum e air féin, agus thubhairt e, Cuiribh sìos aran.

32 Agus chuir iad sìos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h-Eiphitich aran itheadh maille ris na h-Eabhruidich; oir is gràineileachd sin do na h-Eiphitich.

33 Agus shuidh iad sìos 'na làthair, an cend-ghnà a réir a chòir-bhreithe⁵, agus am fear a b'òige a réir 'òige: agus ghabh na daoine iongantas *gach* fear r'a chéile.

34 Agus ghabh esan, *agus chuir* e cuibhriomhan o 'làthair féin d'an ionnsuidh: ach rinn e cuibhrionn Bheniamin cùig uairean ni bu mhò na cuid a b-aoin aca-san. Agus dh'òl iad, agus bha iad subhach⁶ maille ris.

CAIB. XLIV.

1 Innleachd Ioseph a chumail Bheniamin. 12 Fhuairadh cupan airgid Ioseph am beul saic Bheniamin. 18 Atthuinge iriosal Iudah.

AGUS dh'àithn e do fhear-riaghlaidh⁷ a thighe, ag ràdh, Lìon saic nan daoine le siol, a' mheud's is urrainn iad a ghiùlan, agus cuir airgid *gach* duine am beul a shaic.

2 Agus cuir mo chupans⁸, an cupan airgid, am beul saic an fhir a's òige, agus airgid a shìl: agus rinn e a réir an fhocail a labhair Ioseph.

3 Co luath 's a bha mhaduinn soilleir, chuireadh na daoine air falbh, iad féin agus an asail.

4 Agus an uair a chaidh iad a mach as a' bhaile, agus gun iad *fathast* fad o làimh, thubhairt Ioseph ri fear-riaghlaidh a thighe, Eirich, lean na daoine; agus an uair a bheireas tu orra, abair riu, C'ar son a dhiol sibh olc an éiric maith⁹?

¹ gu'n leum, gu'm buail e oirn.

² mar dhaoine daor.

³ casan.

⁴ dhathugh.

⁵ a cheirt-breithe. Eir.

⁷ stiùbhard.

⁶ criodhail.

⁹ olc air son maith.

5 Nach e so *an cupan* as am bheil mo thighearn ag òl? agus leis am bheil e da rìreadh a' deanamh fiosachd? is olc a fhuaradh sibh so a dheanamh.

6 Agus rug e orra, agus labhair e riu na briathra ceudna.

7 Agus thubhairt iad ris, C'ar son a labhras mo thighearna na briathra so? nar leigeadh Dia gu'n deanadh do sheirbhisich a réir an nì so.

8 Feuch, an t-airgiod a fhuair sinn am beul ar sac, thug sinn a ris a t'ionnsuidh á tìr Chanaain; cionnus, uime sin, a ghoid-eamaid airgiod no òr á tigh do thighearna?

9 Cia b'e *air bith* do d'sheirbhisich aig am faighear e, cuirear gu bas esan, agus bithidh sinne mar an ceudna 'nar tràillean aig mo thighearn.

10 Agus thubhairt e, A nis ma ta *bith-eadh* e réir bhur briathar: bithidh esan aig am faighear e 'na sheirbhiseach agamsa; agus bithidh sibhse neo-choireach.

11 An sin thug iad a nuas, gu grad, *gach* duine a shac féin gu làr, agus dh'fhosgail *gach* duine a shac.

12 Agus rannsaich esan, agus thòisich¹ e aig an fhear bu shine, agus sguir e aig an fhear a b'òige: agus fhuaradh an cupan am an sac Bheniamin.

13 An sin reub iad an eudach, agus chuir *gach* duine a shac air 'asail, agus phill iad do'n bhaile.

14 Agus thàinig Iudah, agus a bhràithrean do thigh Ioseph (oir *bha* e fathast an sin) agus thuit iad sìos 'na fhianuis air an làr.

15 Agus thubhairt Ioseph riu, Ciod e an gnìomh so a rinn sibh? nach robh fhios agaibh gur aithne do m' leithid-se do dhuine da rìreadh fiosachd a dheanamh?

16 Agus thubhairt Iudah, Ciod a their sinn ri m' thighearna? cionnus a labhras sinn? no cionnus a ghlanas sinn sinn féin? fhuair Dia a mach aingidheachd do sheirbhiseach; feuch, *tha* sinne 'nar seirbhisich do m' thighearn araon sinne, agus esan mar an ceudna aig² an d'fhuaradh an cupan.

17 Agus thubhairt e, Nar leigeadh Dia gu'n deanainn-se so: ach an duine aig an d'fhuaradh an cupan, bithidh esan 'na sheirbhiseach agam-sa; agus d'ur taobh-sa, rachaibh suas an sìth a dh'ionnsuidh bhur n-athar.

18 An sin thàinig Iudah am fagus da, agus thubhairt e, Och mo thighearna, leig le d' sheirbhiseach, guidheam ort, focal a labhairt am an cluasaibh mo thighearn, agus na lasadh t'fhearg an aghaidh do sheirbhisich: oir is amhuil thusa agus Pharaoh.

19 Dh'fheòraich mo thighearna d'a sheir-

bhisich, ag ràdh, Am bheil athair agaibh, no bràthair?

20 Agus thubhairt sinn ri m' thighearna, Tha athair againn, seann duine, agus leanabh a shean aois, maothran: agus tha 'bhràthair marbh, agus dh'fhàgadh esan 'na aonar do *chloinn* a mhàthar, agus tha gràdh aig 'athair air.

21 Agus thubhairt thu ri d' sheirbhisich, Thugaibh a nuas e do m' ionnsuidhs, a chum as gu'n socruich mi mo shùilean air.

22 Agus thubhairt sinne ri m' thighearna, Cha'n fheud an leanabh 'athair fhàgail: oir nam fàgadh e 'athair, gheibheadh 'athair bàs.

23 Agus thubhairt thusa ri d' sheirbhisich, Mur tig bhur bràthair a's òige nuas maille ribh, cha'n fhaic sibh m'aghaidh-sa nì's mò.

24 Agus an uair a chaidh sinne suas a dh'ionnsuidh do sheirbhisich, m'athar, dh'innis sinn da focal mo thighearna.

25 Agus thubhairt ar n-athair, Rachaibh a ris, ceannaichibh dhuinn beagan bìdh.

26 Agus thubhairt sinne, Cha'n fheud sinn dol sìos: ma bhios ar bràthair a's òige maille ruinn, an sin théid sinn sìos; oir cha'n fheud sinn aghaidh an duine fhaicinn, mur *bi* ar bhràthair a's òige maille ruinn.

27 Agus thubhairt do sheirbhiseach m' athair ruinn, Tha fhios agaibh gu'n do rug mo bhean dithis *mhac* dhomh.

28 Agus chaidh aon *dùbh* a mach uam, agus thubhairt mi, Gu cinnteach reubadh 'na bhloighdibh e; agus cha'n fhaca mi o sin e.

29 Agus ma bheir sibh *am mac* so uam mar an ceudna, agus gu'n tig tubaist air, bheir sibh sìos m'fhalt liath le bròn do'n uaigh.

30 A nis uime sin, an uair a thig mise a dh'ionnsuidh do sheirbhisich m'athar, gun an leanabh maille ruinn; (do bhrìgh gu bheil 'anam-sa ceangailte ann an anam an leinibh;)

31 Tarlaidh, 'nuair a chi e nach 'eil an leanabh *maille ruinn*, gu'm faigh e bàs: agus bheir do sheirbhiseach sìos falt liath do sheirbhisich ar n-athar le bròn do'n uaigh.

32 Oir chaidh do sheirbhiseach an urras air son an leinibh do m'athair, ag ràdh, Mur toir mi a t' ionnsuidh e, an sin bithidh mi fo chòire aig m'athair gu bràth.

33 A nis uime sin, guidheam ort, leig le d' sheirbhiseach fantuinn an àit an leinibh, a'm thràill do m' thighearn; agus leig leis an leanabh dol suas maille r'a bhràithribh.

34 Oir cionnus a théid mise suas a dh'ionnsuidh m'athar, agus gun an leanabh maille rium? air eagal gu faic mi 'n t-olc a thig air m'athair.

¹ *thòsaich*.

² *'na làimh*. Eabh.

CAIB. XLV.

1 Rinn Ioseph e féin aithnichte d'a bhràithribh; thug e comhluartachd doibh, agus chuir e fios leo air athair. 21 Thug e dhoibh carbadan agus lòn air son na slighe. 27 Nuair a phill iad, agus a dh'innis iad so do Iacob, dh'ath-bheothaich a spiorad.

AGUS cha b'urrainn Ioseph cumail air a féin 'nan làthair-san uile a sheas làimh ris; agus ghlaodh e, Cuiribh gach duine mach uam: agus cha do sheas duine sam bith maille ris, an uair a rinn Ioseph e féin aithnichte d'a bhràithribh.

2 Agus ghul e gu h-àrd: agus chuala na h-Eiphitich, agus tigh Pharaoh e.

3 Agus thubhairt Ioseph r'a bhràithribh, *Is mise Ioseph*; am bheil m'athair fathast beò? agus cha b'urrainn a bhràithrean a fhreagairt; oir bha eagal orra roimh a làthair-san.

4 Agus thubhairt Ioseph r'a bhràithribh, Thigibh am fagus domh, guidheam oirbh; agus thàinig iad am fagus: Agus thubhairt esan, *Is mise Ioseph* bhur bràthair, a reic sibhse do'n Eiphit.

5 Agus a nis na biodh doilgheas oirbh, uo corruich agaibh ribh féin, a chionn gu'n do reic sibh mise an so¹; oir chuir Dia roimhibh mi, gu sibhse a ghleidheadh beò:

6 Oir rè an dà bhliadhna-sa bha a' ghorta san tìr, agus tha fathast cùig bliadhna ri teachd, anns nach bi aon chuid treabhadh no foghar.

7 Agus chuir Dia mise roimhibh, a ghleidheadh dhuibhse iarmaid² air thalamh, agus a thearnadh bhur beatha le fuasgladh mòr.

8 A nis uime sin, cha sibhse a chuir mise an so, ach Dia; agus rinn e mi a'm' athair do Pharaoh, agus a'm' thighearn os ceann a thighe uile, agus a'm' uachdaran anu tìr na h-Eiphit uile.

9 Deanaibh cabhag, agus rachaibh suas a chum m'athar, agus abraibh ris, Mar so thubhairt do mhac Ioseph, Rinn Dia mise a'm' uachdaran air an Eiphit uile; thig a nuas a m' ionnsuidh, na dean muille:

10 Agus gabhaidh tu còmhnuidh am fearann Ghosein, agus bithidh tu 'm fagus dhomhsa, thu féin, agus do chlann agus clann do chloinne agus do theudan, agus do bhuar³, agus gach ni a ta agad.

11 Agus beathaichidh mise thu 'n sin, (oir fathast bithidh cùig bliadhna gorta ann,) air eagal gu'n tig thu féin, agus do theaghlach, agus gach ni a ta agad, gu bochdainn.

12 Agus, feuch, tha bhur sùilean a' faicinn, agus sùilean mo bhràthar Bheniamin, gur e mo bheul féin a tha labhairt ribh.

13 Agus innsidh sibh do m'athair mo ghloir-sa uile san Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair an so.

14 Agus thuit e air muineal⁴ a bhràthar Bheniamin, agus ghul e; agus ghul Bheniamin air a mhuineal-san.

15 Phòg e, mar an ceudna, a bhràithrean uile, agus ghul e os an ceann: agus 'na dhéigh sin rinn a bhràithrean cainnt ris.

16 Agus chualas iomradh so ann an tigh Pharaoh, ag ràdh, Tha bràithrean Ioseph air teachd: agus thaitim e gu maith ri Pharaoh, agus r'a sheirbhisich.

17 Agus thubhairt Pharaoh ri Ioseph, Abair ri d' bhràithribh, Deanaibh so; sacaichibh bhur n-ainmhidhean, agus imichibh, rachaibh do thir Chanaan.

18 Agus thugaibh leibh bhur n-athair, agus bhur teaghlachan, agus thigibh a m' ionnsuidh-se, agus bheir mise dhuibh maith tìre na h-Eiphit; ithidh sibh reamhrachd na tìre.

19 A nis thugadh àithne dhuit; deanaibh-se mar so: thugaibh leibh á tìr na h-Eiphit carbadan air son bhur cloinne bige, agus blur ban, agus thugaibh bhur n-athair leibh, agus thigibh.

20 Agus na biodh suim agaibh d'ur n-airneis-thighe; oir is leibhse maith tìre na h-Eiphit uile.

21 Agus rim clann Israeil mar sin: agus thug Ioseph dhoibh carbadan a réir ordugh Pharaoh; agus thug e dhoibh lòn⁵ air son na slighe.

22 Thug e dhoibh uile, do gach aon diubh fa leth, culaidhean eudaich⁶; ach do Bheniamin thug e tri cheud bonn airgid, agus cùig culaidhean eudaich.

23 Agus chuir e dh'ionnsuidh a'athar mar so; deich asail a' giùlan do nithibh maithe na h-Eiphit, agus deich asail bhoirionn a' giùlan sil, agus arain, agus lòn d'an athair air son na slighe.

24 Mar sin chuir e a bhràithrean air falbh, agus dh'imich iad: agus thubhairt e riu, Feuchaibh nach cuir sibh a mach air a chéile air an t-slighe.

25 Agus chaidh iad suas as an Eiphit, agus thàinig iad gu tìr Chanaan a dh'ionnsuidh Iacob an athar.

26 Agus dh'innis iad da, ag ràdh, Tha Ioseph fathast beò, agus tha e 'na uachdaran air tìr na h-Eiphit uile. Agus dh'fhannaich⁷ cridhe Iacob, oir cha do chreid e iad.

27 Agus dh'innis iad da uile bhriathran Ioseph, a labhair e riu: Agus an uair a chunnaic e na carbadan a chuir Ioseph g'a giùlan, dh'ath-bheothaich spiorad Iacob an athar.

¹ do'n dùthaich so.

² sliochd.

³ chruidh.

⁴ leum e mu mhuineal.

⁵ biadh.

⁶ atharrachadh culaidh. Eabh.

⁷ lagadh, lagaich.

GENESIS, XLV. XLVI.

28 Agus thubhairt Israel, *Is leòr e; tha* Joseph mo mhac fathast beò: thèid mi agus chi mi e mum faigh mi bàs.

CAIB. XLVI.

1 *Thug Dia misneach agus sòlas do Jacob aig Beer-seba. 5 O sin chaidh e fèin agus a theaghlach do'n Eiphit. 29 Choinnich Joseph e. 31 Sheòl e d'a bhràithribh ciod a theireadh iad ri Pharaoh.*

A GUS dh'imich Israel maille ris gach ni a bh'aige, agus thàinig e gu Beer-seba, agus thug e suas iobairtean do Dhia 'athar Isaac.

2 Agus labhair Dia ri h-Israel ann an taisbeanaiibh¹ na h-oidhche, agus thubhairt e, A Iacoib, a Iacoib: Agus thubhairt esan, *Tha mi 'n so.*

3 Agus thubhairt e, *Is mise Dia, Dia t'athar*: na biodh eagal ort dol sìos do'n Eiphit; oir ni mise a'd' chinneach mòr thu an sin.

4 Thèid mise maille riut sìos do'n Eiphit; agus bheir mi mar an ceudna gu cinnteach a mios thu ris: agus cuiridh Ioseph a làmh air do shùilibh.

5 Agus dh'èirich Jacob suas o Bheer-seba: agus thug mic Israeil leo Jacob an athair, agus an clann bheag, agus am mnà, anns na carbadaibh a chuir Pharaoh g'a ghiulan.

6 Agus ghabh iad an spréidh, agus am maoin, a fhuair iad ann an tìr Chanaain, agus thàinig iad do'n Eiphit, Jacob agus a shliochd uile maille ris;

7 A mhic, agus mic a mhac maille ris, a nigheanan, agus nigheanan a mhac, agus a shliochd uile thug e maille ris do'n Eiphit.

8 Agus is iad so ainmeanna chloinn Israeil, a thàinig do'n Eiphit, Jacob agus a mhic: Reuben, ceud-ghin Iacoib.

9 Agus mic Reuben; Hanoeh, agus Phallu, agus Hesron, agus Carmi.

10 Agus mic Shimeoin; Iemuel, agus Iamin, agus Ohad, agus Iachin, agus Sohar, agus Saul mac Ban-chanaanaich.

11 Agus mic Lebhi; Gerson, Cohat, agus Merari.

12 Agus mic Iudah; Er, agus Onan, agus Selah, agus Phares, agus Serah: ach fhuair Er agus Onan bàs ann an tìr Chanaain. Agus b'iad mic Phareis, Hesron, agus Hamul.

13 Agus mic Isachair; Tola, agus Phubhah, agus Iob, agus Simron.

14 Agus mic Shébuluin; Séred, agus Elon, agus Iahleel.

15 Is iad sin mic Leah, a rug i do Jacob am Padan-aram, maille r'a nighinn Dinah: b'iad uile anaman a mhac agus a nigheana tri-deug 'ar fhichead.

16 Agus mic Ghaid; Siphion, agus

Hagai, Suni, agus Esbon, Heri, agus Arodi, agus Areli.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bheriah; Heber, agus Malchiel.

18 Is iad sin mic Shilpah, a thug Laban d'a nighinn Leah; agus rug i iad sin do Jacob, *cadhòn* sè anamanna deug.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manaseh agus Ephraim, a rug Asehat nighean Photipherah sagairt Oin dha.

21 Agus b'iad mic Bheniamin; Belah, agus Becher, agus Asbel, Gera, agus Naaman, Eli, agus Ros, Mupim, agus Hupim, agus Ard.

22 Is iad sin mic Racheil, a rugadh do Iacob: na h-anaman uile, ceithir-deug.

23 Agus mic Dhain; Husim.

24 Agus mic Naphtali; Iahseel, agus Guni, agus Ieser, agus Sillem.

25 Is iad sin mic Bhilhah, a thug Laban d'a nighinn Rachel, a rug i do Jacob: na h-anaman uile, seachdnar.

26 Na h-anaman uile a thàinig le Jacob do'n Eiphit, a thàinig a mach as a leas-ruidh, a thuilleadh air mnaiibh mhac Iacoib; b'iad na h-anamanna so uile tri fichead 's a sè.

27 Agus mic Ioseph a rugadh dha san Eiphit, *bu dhà anam iad*: uile anamanna thighe Iacoib, a thàinig do'n Eiphit, *bu* tri fichead 's a deich iad.

28 Agus chuir e Iudah roimhe gu Ioseph, chum as gu'n tugadh e fios dha *teachd* 'na làthair ann an Gosen²; agus thàinig iad gu fearann Ghosein.

29 Agus bheartaich Ioseph a charbad, agus chaidh e suas an coinneamh Israeil 'athar gu Gosen; agus nochd se e fèin da, agus thuit e air a mhuineal, agus ghuilt e air a mhuineal rè tamuill.

30 Agus thubhairt Israel ri Ioseph, Faigheams' a nis bàs, o chunnaic mi do ghnuis, do bhrìgh gu *bheil* thu fathast beò.

31 Agus thubhairt Ioseph r'a bhràithribh, agus ri teaghlach 'athar, Thèid mise suas, agus cuiridh mi 'n céill do Pharaoh, agus their mi ris, Tha mo bhràithrean, agus teaghlach m'athar, a *bha* ann an tìr Chanaain, air teachd a m' ionnsuidh:

32 Agus is buachaillean³ na daoine, oir bu luchd-spréidhe⁴ iad; agus thug iad leo an treudan, agus am fcuadail⁵, agus gach ni a *bh'* aca.

33 Agus tarlaidh 'nuair a ghairmeas Pharaoh oirbh, agus a their e, Ciod is ceird duibh?

¹ seallaiibh, aislingibh.
e air aghaidh e gu Gosen.

² chum gu'n seòladh

³ aodhairean.

⁵ am buar, an tàin.

⁴ àirich.

GENESIS, XLVI. XLVII.

34 Gu'n abair sibhse, Bu luchd-spréidhe do sheirbhishich o'r n-òige eadhon gus a nis, sin fén *agus* mar an ceudna ar n-aithriche; chum as gu'n gabh sibh còmhnuidh ann am fearann Ghosein, oir is gràineileachd do na h-Eiphitich gach buachaille spréidhe.

CAIB. XLVII.

1 *Thug Ioseph cùignear d'a bhràithribh agus 'athair an làthair Pharaoh.* 11 *Shuidhich e iad ann an tìr Rameiseis, agus bheathaich 'e iad.* 28 *Aois Iacob: 29 mhionnaidh Ioseph dha gu'n adhlacaidh se e maille r'a aithrichibh.*

AN sin thàinig Ioseph agus dh'innis e do Pharaoh, agus thubhairt e, Thàinig m'athair agus mo bhràithrean, agus an treudan, agus am feudail, agus gach nì a *bh'* aca, a mach á tìr Chanaain; agus, feuch, *tha* iad ann am fearann Ghosein.

2 Agus ghabh e cùignear d'a bhràithribh, agus chuir e 'n làthair Pharaoh iad.

3 Agus thubhairt Pharaoh r'a bhràithribh, Ciod is ceird duibh? Agus thubhairt iadsan ri Pharaoh, *Is* buachaillean do sheirbhishich, sinn fén agus ar n-aithriche.

4 Thubhairt iad mar an ceudna ri Pharaoh, '*S ann* gu bhì air chuairt anns an tìr a thàinig sinn, oir clia 'n'eil fear aig do sheirbhishich d'an spréidh, do bhrìgh gu bheil a' ghorta mòr ann an tìr Chanaain: a nis uime sin, guidheamaid ort, leig le d' sheirbhishich còmhnuidh a ghabhail am fearann Ghosein.

5 Agus labhair Pharaoh ri Ioseph, ag ràdh, thàinig t'athair agus do bhràithrean a t' ionnsuidh:

6 Tha tìr na h-Eiphit romhad; anns a' chuid a's fearr do'n fhearann thoir air t'athair agus do bhràithribh còmhnuidh a ghabhail; gabhadh iad còmhnuidh am fearann Ghosein; agus ma's aithne dhuit gu bheil 'nam measg daoine comasach¹, nì thu iad 'nan àrd bhuchailibh air mo spréidh-sa.

7 Agus thug Ioseph Iacob 'athair a stigh, agus chuir e'n làthair Pharaoh e: agus bheannaich Iacob Pharaoh.

8 Agus thubhairt Pharaoh ri Iacob, Ciod is aois dhuit?

9 Agus thubhairt Iacob ri Pharaoh, '*S iad* làithean bhliadhnacha mo chuairte² ceud agus deich bliadhna fichead: bu tearc agus olc làithean bhliadhnacha mo bheatha, agus cha d'ràinig iad làithean bhliadhnacha beatha m' aithriche ann an làithibh an cuairte-san.

10 Agus bheannaich Iacob Pharaoh, agus chaidh e mach á làthair Pharaoh.

11 Agus shuidhich Ioseph 'athair, agus a bhràithrean, agus thug e dhoibh sealbh ann an tìr na h-Eiphit, anns a' chuid a's fearr do'n fhearann, ann am fearann Ra-

meseis, mar a dh'àithn Pharaoh.

12 Agus bheathaich Ioseph 'athair, agus a bhràithrean, agus uile theaghlach 'athar le h-aran, a réir an cloinne.

13 Agus cha *robh* aran anns an tìr uile; oir *bha* a' ghorta ro mhòr, air chor as gu'n robh tìr na h-Eiphit, agus tìr Chanaain uile fann³ leis a' ghorta.

14 Agus chruinnich Ioseph an t-airgid uile a fhuaradh ann an tìr na h-Eiphit, agus ann an tìr Chanaain, air son a' bhìdh a cheannaich iad: agus thug Ioseph an t-airgid do thigh Pharaoh.

15 Agus an uair a theirig airgid ann an tìr na h-Eiphit, agus ann an tìr Chanaain, thàinig na h-Eiphitich uile gu Ioseph, ag ràdh, Thoir dhuinn aran c'arson a gheibheamaid bàs a'd' làthair? oir theirig ar n-airgid.

16 Agus thubhairt Ioseph, Thugaibh seachad bhur spréidh, agus bheir mise dhuibh air son bhur spréidhe, ma theirig airgid dhuibh.

17 Agus thug iad an spréidh gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nan asal; agus bheathaich e iad le h-aran, air son an spréidhe uile, air a' bhliadhna sin.

18 'Nuair a chrìochnaiceadh a' bhliadhna sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne air mo thighearna gu'n do chaitheadh ar n-airgid; tha mar an ceudna ar treudan spréidh aig mo thighearna; cha d'fhàgadh ann an sealladh mo thighearna ach ar cuirp, agus ar fearann.

19 C'ar son a gheibh sinn bàs fà chomh-air do shùl, araon sinne agus ar fearann? Ceannaich sinne agus ar fearann air son arain, agus bithidh sinne agus ar fearann 'nar seirbhishich do Pharaoh: agus thoir dhuinn sìol, chum as gu'm bì sinn beò, agus nach faigh sinn bàs, agus nach bì am fearann 'na fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine 'fhearann fén, a chionn gu'n do bhuaidhaich a' ghorta orra: mar sin bu le Pharaoh an talamh.

21 Agus a thaobh an t-sluaigh, chuir e air imrich iad⁴, do bhàiltibh o aon cheann chrìocha na h-Eiphit, eadhon gu ruig an ceann eile dhith?

22 A mhàin fearann nan sagart cha do cheannaich e; oir *dh'orduicheadh* cuibhrionn do na sagartaibh le Pharaoh, agus dh'ith iad an cuibhrionn a thug Pharaoh dhoibh: uime sin cha do reic iad am fearann.

23 Agus thubhairt Ioseph ris an t-sluaigh,

¹ tapaidh.

² m'eilthire.

³ lag, anfhann.

⁴ chuir e imrich iad, dh'atharraich e iad.

Feuch, cheannaich mi sibh an diugh, agus bhur fearann do Pharaoh; feuch, so sìol duibh, agus cuiribh am fearann.

24 Agus tarlaidh¹, do na chinneas gu'n toir sibh an cùigeadh *cuid* do Pharaoh, agus bithidh agaibh féin ceithir earrannan², air son sìl an fhearainn, agus air son bhur bidh, agus air son muinntir bhur teaghlacha, agus air son bidh d'ur cloinn bhig.

25 Agus thubhairt iadsan, Ghléidh thu beò sinn: faigheamaid deadh-ghean ann an sealladh mo thighearna, agus bithidh sinn 'nar seirbhisich do Pharaoh.

26 Agus rinn Ioseph sin 'na lagh gus an là 'n diugh air feadh fhearainn na h-Eiphit, gu'm bitheadh aig Pharaoh an cùigeadh *cuid*; saor a mhàin o fhearainn nan sagart, nach bu le Pharaoh.

27 Agus ghabh Israel còmhnuidh ann an tìr na h-Eiphit, ann an talamh Ghosein; agus bha sealbh aca ann, agus shìolaich iad, agus dh'fhàs iad ro-lionmhor.

28 Agus bha Iacob beò ann an tìr na h-Eiphit seachd bliadhna deug; agus b'iad bliadhnacha beatha Iacob uile ceud agus dà fhichead agus seachd bliadhna.

29 Agus dhlùthaich an t-àm anns am b'éigin do Israel bàs fhaotainn: agus ghairm e air a mhac Ioseph, agus thubhairt e ris, Ma fhuair mi nis deadh-ghean a'd' shealladh, cuir, guidheam ort, do làimh fuidh m'leis³, agus buin gu caoimhe-neil agus gu firinneach rium; na h-adhlaic mi, guidheam ort, san Eiphit.

30 Ach luidhidh mi maille ri m'aithrichibh, agus giùlainidh tu mi mach as an Eiphit, agus adhlaicidh tu mi 'nan àit adhlaic-san. Agus thubhairt esan, Ni mi mar a thubhairt thu.

31 Agus thubhairt e, Mionnaich dhomh: agus mhionnaich e dha. Agus chrom Israel e féin air ceann-adhairt na leapach.

CAIB. XLVIII.

1 Chaidh Ioseph a dh'fhaicinn 'athar, agus e tinn
15 Bheannaich Iacob e féin agus a dhithis mhac, Ephraim agus Manaseh. 21 Roimh-innis e gu'm pilleadh iad a ris gu Canaan.

AGUS an déigh nan nithe sin, dh'innis *neach* do Ioseph, Feuch, tha t'athair tinn: agusthug e leis a dhà mhac, Manaseh agus Ephraim.

2 Agus dh'innis *neach* do Iacob, agus thubhairt e, Feuch, tha do mhac Ioseph a' teachd a t'ionnsuidh: agus neartaich Israel e féin, agus shuidh e air an leabaidh.

3 Agus thubhairt Iacob ri Ioseph, Dh'fhoillsich Dia uile-chumhachdach e féin dhomhsa aig Luds ann an tìr Chanaain, agus bheannaich e mi.

4 Agus thubhairt e rium, Feuch, ni mise

sìolmhor agus lionmhor thu, agus ni mi thu a'd' choimhlhional chinneach⁴, agus bheir mi am fearann so do d'shliochd a'd' dhéigh mar sheilbh shiorruidh.

5 Agus a nis do dhithis mhac, Ephraim agus Manaseh, a rugadh dhuìt ann an tìr na h-Eiphit, mun d'thàinig mis' a t' ionnsuidh do'n Eiphit, is leamsa iad: mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'nan déigh, leat féin; a réir ainme am bràithre goirear iad 'nan seilbh féin.

7 Agus air mo shonsa dheth, 'nuair a thàinig mi o Phadan, fhuair Rachel bàs agam ann an tìr Chanaain, air an t-slighe, 'nuair nach *robh* fathast ach astar goirid ri teachd gu h-Ephrat: agus dh'adhlaic mi 'n sin i air an t-slighe gu h-Ephrat; 's e sin Betlehem.

8 Agus chunnaic Israel mic Ioseph, agus thubhairt e, Cò iad sin?

9 Agus thubhairt Ioseph r'a athair, 'S iad mo mhic-sa iad, a thug Dia dhomh an so: agus thubhairt e, Thoir a m' ionnsuidh iad, guidheam ort, agus beannaichidh mi iad.

10 Agus bha sùilean Israeil trom le h-aois, air chor nach bu léir dha *gu mailh*: agus thug e 'm fagus da iad, agus phòg e iad, agus ghabh e 'na ghlaicibh iad.

11 Agus thubhairt Israel ri Ioseph, Cha do shaoil mi gu'm faicinn do ghnùis, agus, feuch, nochd Dia dhomh mar an ceudna do shliochd.

12 Agus thug Ioseph a mach iad o eadar a ghluinean, agus chrom se e féin le 'aghaidh gu làr.

13 Agus ghabh Ioseph iad le chéile, Ephraim 'na làimh dheis o làimh chli Israeil, agus Manaseh 'na làimh chli o làimh dheis Israeil; agus thug e 'm fagus da iad.

14 Agus shìn Israel a mach a làmh dheas, agus chuir e i air ceann Ephraim, am *mac* a b'òige, agus a làmh chli air ceann Mhanaseh: stiuir e a làmha gu seòlta; oir b'e Manaseh an ceud-ghin.

15 Agus bheannaich e Ioseph, agus thubhairt e, Gu'n deanadh Dia, an làthair an do ghluais m'aithriche Abraham agus Isaac, an Dia a bheathaich mi rè mo bheatha uile gus an là'n diugh,

16 An t-aingear a shaor mi o gach olc, na leinibh a bheannachadh, agus ainmichear m'ainmsa orra, agus ainm m'aithriche Abraham agus Isaac: agus mar iasg *na mara* fàsadh iad lionmhor am meadhon na talmhainn.

17 Agus an uair a chunnaic Ioseph gu'n do chuir 'athair a làmh dheas air ceann Ephraim, cha do thaitinn e ris: agus chum e suas làmh 'athar, a chum a

¹ tachairidh.

² codacha.

³ shkasaid.

⁴ sluaigh.

GENESIS, XLVIII. XLIX.

h-atharrachadh o cheann Ephraim gu ceann Mhanaseh.

18 Agus thubhairt Ioseph r'a athair, Ni h-ann mar sin, athair: oir is esò an ceud-ghin; cuir do làmh dheas air a cheann.

19 Agus dhiult 'athair, agus thubhairt e, Tha fhios agam, a mhic, tha fhios agam; bithidh esau cuideachd 'na shluagh, agus fàsaidh e mar an ceudna mòr: ach gu deimhin bithidh a bhràthair a's òige nì's mò na e, agus bithidh a shliochd 'nam mòran¹ chinneach.

20 Agus bheannaich e iad air an là sin, ag ràdh, Annadsa beannaichidh Israel ag ràdh, Gu deanadh Dia thu mar Ephraim, agus mar Mhanaseh: agus chuir e Ephraim roimh Mhanaseh.

21 Agus thubhairt Israel ri Ioseph, Feuch, a taims' a' faotaim a' bhàis; ach bithidh Dia maille ribhse, agus bheir e ris sibh gu dùthaich bhur n-aitirliche.

22 Agus thug mise dhuit aon chuid-roinne thar do bhràithrean a bhuin mi mach á làimh an Amoraich le m' chlaidheamh agus le m' bhogha.

CAIB. XLIX.

1 *Ghairm Iacob a mhic cuideachd, agus bheannaich e iad. 29 Dh'àithn e dhoibh gu'n adhlaiseadh iad e ann an ùr Chanaain. 33 À bhàs.*

AGUS ghairm Iacob air a mhic, agus thubhairt e, Cruinnichibh sibh féin an ceann a chéile, chum as gu'n innis mi dhuibh ciod a tharlas dhuibh sna làithibh deireannach.

2 Cruinnichibh sibh féin an ceann a chéile, agus cluinnibh, a mhaca Iacoib, agus éisdibh ri Israel bhur n-athair.

3 A Reubein, is tu mo cheud-ghin, mo threise, agus toiseach mo neirt, òirdheirceas² àrd-inbhe³, agus òirdheirceas cumhachd.

4 Neo-sheasmhach⁴ mar uisge, cha toir thu barrachd, do bhrìgh gu'n deachaidh tu suas do leabaidh t'athar; an sin thruaill thu i; chaidh e suas do m' uirigh.

5 Is bràithre Simeon, agus Lebhi: tha innil aingidheachd 'nan àitibh-còmhnuidh⁵.

6 'Nan dìomhaireachd⁶ na tigeadh m'anamsa: r'an coimhthional na bitheadh m' onoir-sa air a h-aonadh: oir 'nan corruich mharbh iad duine, agus 'nam féin-thoil leag iad sìos balla.

7 Mallaichte gu'n robh an corruich, oir bha i garg; agus am fearg, oir bha i an-ìochdmhor: roinnidh mi iad ann an Iacob, agus sgaoilidh⁷ mi iad ann an Israel.

8 A Iudah, molaidd do bhràithrean tha-sa; bithidh do làmh am muineal donaimh-

de: cromaidh clann t'athar iad féin sìos a'd' làthair.

9 Is cuilean leòmhain Iudah; o'n chobh-artaich⁸, a mhic, chaidh thu suas; chrom se e féin sìos, chrùb e mar leòmhán, agus marsheann leòmhán; cò dhùisgeas suas e.

10 Cha dealaich an t-slat-rioghail ri Iudah, no lagh-thabhartair o eadar a chosa, agus an tig Siloh, agus dhasan géillidh na slòigh⁹:

11 A' ceangal a shearraich ris an fhion-ain, agus loth¹⁰ asail ris an fhionain thaghta; nìghe e eudach am fion, agus a thrusgan am fuil nam fion-dhearc.

12 Bithidh a shùilean nì's deirge na fion, agus 'fhiacra nì's gile na bainne¹⁰.

13 Gabhaidh Sebulun còmhnuidh aig caladh a' chuain, agus bithidh e air son calaidh long; agus bithidh e'irtlir¹¹ gu ruig Sidon.

14 Is asal làidir Isachar, a' crùbadh sìos eadar dhà eallaich¹².

15 Agus chunnaic e gu'm bu mhaith an nì fois, agus gu'n robh am fearann taitneach; agus chrom e a ghuala gu iomchar, agus rinneadh e 'na sheirbhiseach do chis.

16 Bheir Dan breth air a shluagh, mar aon do threubhaibh Israeil.

17 Bithidh Dan 'na nathair air an ròd, 'na nathair-nimhe air an t-slighe, a theumas sàltean an eich, air chor as gu'n tuit a mharcach an coimeamh a chùil.

18 Ri d' shlàinte dh'fheith mise, O Thighearna.

19 Gad, bheir buidheann buaidh air: ach bheir esan buaidh ma dheireadh.

20 A mach á h-Aser bithidh 'aran-san reamhar, agus bheir e uaith sògh rioghail.

21 Is eilid air a leigeadh fuasgailte Naphtali; bheir e focail thaitneach uaith.

22 Is geug thorthach Ioseph, geug thorthach làimh ri tobar, aig am bheil a meanglain a' sgaoileadh thar a' bhalla.

23 Chràidh na fir-bhogha gu geur e, agus thilg iad air, agus dh'fhuathaich iad e.

24 Ach dh'fhan a bhogha 'na ueart, agus rinneadh gairdean¹³ a làmh làidir le làmh-aihb Dé chumhachdaich Iacoib; (uaith sin tha 'm buachaille, clach Israeil:).

25 Eadon le Dia t'athar, a nì còmh-nadh leat, agus leis an Uile-chumhachdach, a bheannaicheas thu le beannachdaibh nèimh o 'n àirde, beannachdaibh na doimhne shìos, beannachdaibh nan cìoch, agus na bronn.

26 Thug beannachda t'athar barrachd air beannachdaibh mo shinnseara, gu ruig foir-iomall¹⁴ nan sliabh sìorruidh; bithidh

¹ iomadaidh.

³ mòrachd.

⁵ is innil foirneirt an chéile.

⁷ sgapaidh.

² barrachd.

⁴ Atmhor. Eabh.

⁶ comhairlean aingidh r'a diubhras.

⁸ o'n chreic.

⁹ d'a ionnsuidh-san bithidh cruinneachadh nam pobul. ¹⁰ Bithidh a shùilean dearg le fion agus fhiacra geal le bainne.

¹² uallaich.

¹⁴ miam, déigh. Eabh.

¹¹ iomall.

¹³ righeach.

iad air ceann Ioseph, agus air mullach a chinn-san a sgaradh o 'bhràithribh.

27 Nì Benjamin fiadhach mar mhadadh-alluidh: sa' mhaduim ithidh e a' chobh-artach¹, agus san fheasgar roinnidh e a' chreach.

28 Is iad sin uile dà threubh dheug Israeil: agus is e so an nì a labhair an athair riu, agus bheannaich e iad; gach aon ac' a réir a bheannaichidh, bheannaich e iad.

29 Agus dh'àithn e dhoibh, agus thubhairt e riu, Cruinnichear mise chum mo dhaoine: adhlaicibh mi maille ri m'aitheirichibh san uainh a ta ann an achadh Ephron an Hiteich;

30 San uainh a ta ann an achadh Mhachpelah, a ta fa chomhair Mhamre, ann an tìr Chanaain, a cheannaich Abraham maille ris an achadh o Ephron an t-Hiteach, mar sheilbh àit-adhlaic.

31 (An sin dh'adhlaic iad Abraham agus Sarah a bhean; an sin dh'adhlaic iad Isaac agus Rebekah a bhean; agus an sin dh'adhlaic mise Leah.)

32 Cheannicheadh an t-achadh, agus an uainh a ta ann, o chloim Het.

33 Agus an uair a chrìochnaich Iacob àitheantan a thoirt d'a mhic, chruinnich e a chosan suas do'n leabaich, agus chaochail² e, agus chruinnicheadh e chum a dhaoine.

CAIB. L.

1 Bròn air son bàis Iacob. 7 Adhlac. 24 Roimhinis Ioseph d'a bhràithribh, gu'n d' thugadh Dia a mach iad as an Eiphit gu tìr an aithriche. 26 A bhàs.

AGUS thuit Ioseph air aghaidh 'athar, agus ghuil e air, agus phòg se e.

2 Agus dh'àithn Ioseph d'a sheirbhisich na léighean³ spìosraidh a chur⁴ air corp 'athar; agus chuir na léighean spìosraidh air Israel.

3 Agus choimhlionadh air a shon dà fhichead là, (oir mar so coimhlionar làithean na muinntir sin air an cuirear spìosraidh;) agus rinn na h-Eiphitich bròn air a shon deich is trì fichead là.

4 Agus an uair a chaidh làithean a bhròin thairis, labhair Ioseph ri teaghlach Pharaoh, ag ràdh, A nis ma fhuair mi deadh-ghean 'nur sùilibh, labhraibh, guidheam oirbh, ann an cluasaibh Pharaoh, ag ràdh,

5 Ghabh m'athair mionnan diom, ag ràdh, Feuch, a ta mise a' faghail a' bhàis⁵: a'm' naigh a chladhaich mi dhomh fèin ann an tìr Chanaain, an sin adhlaicidh tumi. A nis uime sin leig dhomh dol suas, guidheam ort, agus m'athair adhlac, agus thig mi ris.

6 Agus thubhairt Pharaoh, Falbh suas, agus adhlaic t'athair, a réir mar a ghabh e mionnan diot.

7 Agus chaidh Ioseph suas a dh'adhlaic 'athar: agus maille ris chaidh seirbhisich Pharaoh suas uile, seanairean a thighe, agus uile sheanairean thire na h-Eiphit,

8 Agus teaghlach Ioseph uile, agus a bhràithrean, agus teaghlach 'athar: a mhàin dh'fhàg iad an clann bheag, agus an caoraich, agus ann buar⁶, ann an tìr Ghosein.

9 Agus chaidh suas maille ris, araon carbadan agus marc-shluagh: agus bha a' chuideachd ro mhòr.

10 Agus thàinig iad gu h-urlar-bualaidh Ataid, a tha'n taobh thall do Iordan; agus rinn iad bròn an sin le caoidh mhòir agus ro-chràitich⁷: agus rinn e bròn air son 'athar seachd làithean.

11 Agus an uair a chunnaic luchd-àit-cachaidh na tìre, na Canaanaich, am bròn ann an urlar Ataid, thubhairt iad, Is doilgheasach am bròn so do na h-Eiphitich; uime sin thugadh Abel-misraim mar ainm air, a tha'n taobh thall do Iordan.

12 Agus rinn a mhic dha mar a dh'àithn e dhoibh:

13 Oir ghiùlain a mhic e do thìr Chanaain, agus dh'adhlaic iad e ann an uaimh achaidh Mhachpelah, a cheannaich Abraham maille ris an achadh mar sheilbh àit-adhlaic, o Ephron ant-Hiteach, fa chomhair Mhamre.

14 Agus phill Ioseph do'n Eiphit, e fèin agus a bhràithrean, agus iadsan uile a chaidh suas maille ris a dh'adhlaic 'athar, an dèigh dha 'athair adhlac.

15 Agus an uair a chunnaic bràithrean Ioseph gu'n d'fhuair an athair bàs, thubhairt iad, Theagamh gu'n toir Ioseph fuath dhùinn, agus gu'n diol e gu cinnteach oirnn an t-olc sin uile a rinn sinn air.

16 Agus chuir iad teachdairean gu Ioseph, ag ràdh, Dh'àithn t'athair mun d'fhuair e bàs, ag ràdh,

17 Mar so their sibh ri Ioseph, Maith⁸, guidheam ort a nis, eucoir⁹ do bhràithrean, agus am peacadh, do bhrìgh gu'n d' rinn iad olc ort: agus a nis, guidheam ort, maith eucoir sheirbhisich Dhé t'athar. Agus ghuil Ioseph an uair a labhair iad ris.

18 Agus chaidh a bhràithre mar an ceudna, agus thuit iad sìos 'na làthair, agus thubhairt iad, Feuch, is seirbhisich dhuit sinne.

19 Agus thubhairt Ioseph riu, Na biodh

¹ am fiadhach.

² dh'eng.

³ ligheichean.

⁶ crodh.

⁷ ro ghoirt.

⁴ embalm. Sasg.

⁵ tha mise dìth do'n bhàs.

⁸ Math, lagh.

⁹ cu-coir.

ECSODUS, I.

eagal oirbh: oir *am bheil* mise an àite Dhé?

20 Agus d' ur taobhsa, shònraich¹ sibh olc a'm aghaidh; *ach* shònraich Dia sin a chum maith, a chum, mar air an là 'n diugh, gu'n teanadh e mòr-shluagh beò.

21 A nis uime sin na biodh eagal oirbh: altrumaidh² mise sibh, agus bhur clann bheag. Agus thug e comhfhurtachd dhoibh, agus labhair e gu caoimhneil ri u.

22 Agus ghabh Ioseph còmhnuidh san Eiphit, e féin agus teaghlach 'athar: agus bha Ioseph beò ceud agus deich bliadhna.

23 Agus chunnaic Ioseph clann Ephraim, do'n treas *ginealach*: thogadh suas mar

an ceudna clann Mhachir, mhic Mhanaseh, air glùinibh Ioseph.

24 Agus thubhairt Ioseph r'a bhràithribh. *A ta* mise a' faghail a' bhàis, ach amhaircidh Dia gu cinnteach oirbhse³, agus bheir e mach sibh as an fhearann so, do'n fhearann a mhiomaich e do Abraham, do Isaac, agus do Iacob.

25 Agus ghabh Ioseph mìonnan do chloinn Israeil, ag ràdh, Amhaircidh Dia gu cinnteach oirbhse, agus giùlainidh sibh mo chnàmhan-sa suas as a so.

26 Agus fhuair Ioseph bàs, agus e ceud agus deich bliadhna dh'aois: agus chuir iad spìosraidh air, agus chuireadh ann an ciste-mhairbh e san Eiphit.

¹ dhealbh, smuainich.

² àraichidh.

³ fiosaichidh Dia gu cinnteach sibhse.

DARA LEABHAR MHAOIS

D' AN AINM

ECSODUS.

CAIB. I.

1 *Clann Israeil a' fàs lìonmhor.* 8 *Tha ad air an sàruchadh le rìgh ùr air an Eiphit.* 15 *Diadhaidheachd nam ban-glùine.*

ANIS is iad so ainmeanna chloinn Israeil, a thàinig do'n Eiphit: thàinig gach duine agus a theaghlach maille ri Iacob:

2 Reuben, Simeon, Lebhi, agus Iudah,

3 Isachar, Sebulun, agus Benjamin,

4 Dan, agus Naphtali, Gad, agus Aser.

5 Agus na h-ananan uile a thàinig a mach a leasruidh Iacoib, bu deich agus trì fichead anam iad; oir bha Ioseph san Eiphit a *cheana*.

6 Agus fhuair Ioseph bàs, agus a bhràithrean uile, agus an *ginealach*¹ sin uile.

7 Agus bha clann Israeil siolmhor, agus dh'fhàs iad gu mòr, agus rinneadh lìonmhor iad, agus chinn² iad ro chumhachdach; agus lìonadh an tìr leo.

8 A nis dh'èirich rìgh ùr air an Eiphit, do nach b'aithe Ioseph.

9 Agus thubhairt e r'a shluagh, Feuch, tha slugh chloinn Israeil nì's lìonmhoire agus nì's cumhachdaiche na sinne.

10 Thigibh, buineamaid gu seòlta³: air eagal gu'm fàs iad lìonmhor, agus gu'n tachair e, 'nuair a dh'éireas cogadh, gu'n gabh iadsan mar an ceudna le'r naimhidh-ne, agus gu'n cog iad⁴, nar n-aghaidh, agus gu'n téid iad a mach as an tìr.

11 Uime sin chuir iad maighstirean-oibre⁵ orra, chum an sàruchadh le'n

eallachaibh⁶. Agus thog iad bailtean-ionmhais⁷ do Pharaoh, Pitom agus Ramesses.

12 Ach mar is mò a shàruich siad iad, 's ann is mò a rinneadh iadsan lìonmhor agus a dh'fhàs iad. Agus bha iad fuigh dhoilgheas⁸ air son chloinn Israeil.

13 Agus thug na h-Eiphitich air cloinn Israeil seirbhis a dheanamh le cruadhas⁹.

14 Agus rinn iad am beatha searbh dhoibh le daorsa chruaidh, ann am moirtear, agus ann an clachaibh-creadha, agus anns gach gnè oibre sa' mhachair: *bha* an obair uile, anns an d' thug iad orra obair a dheanamh, le cruadhas.

15 Agus labhair rìgh na h-Eiphit ri mnaibh-glùine nan Eabhruidheach, (*b'e* ainm aom diubh Siphrah, agus ainm na té eile Puah:)

16 Agus thubhairt e, 'Nuair a ni sibh giùomh mnà-glùine do na mnaibh Eabhruidheach, agus a chi sibh iad air na stòlaibh¹⁰; ma's mac a bhios ann, an sin marbhaidh sibh e, ach ma's nighean a bhios ann, bithidh e beò.

17 Ach bha eagal Dé air na mnaibh-glùine, agus cha d'rinn iad mar a dh'àithn rìgh na h-Eiphit dhoibh, ach ghléidh iad a' chlann mhac beò.

18 Agus ghairm rìgh na h-Eiphit air na mnaibh-glùine, agus thubhairt e ri u, C'ar son a rinn sibh an ni so, agus a ghléidh sibh a' chlann mhac beò?

19 Agus thubhairt na mnathan-glùine ri Pharaoh, *A chionn nach 'eil na mnà*

¹ an t-àl. ² dh'fhàs. ³ glìc. ⁴ gu'n dean iad cogadh. ⁵ cinn oibre. ⁶ uallachaibh, eiribh.

⁷ baille-stòir. ⁸ imcheist. ⁹ an-ìochd, peingiltachd. ¹⁰ suidheachanaibh, caithrichibh.

ECSDODUS, I. II.

Eabhruidheach mar na mnà Eiphiteach: oir *tha* iad fèin beothail¹, agus air an aisead mu'n tig na mnathan-glùine a steach d'an ionnsuidh.

20 Uime sin, bhuin Dia gu maith ris na mnaibh-glùine: agus rinneadh an sluagh lionmhor, agus dh'fhàs iad ro chumhachdach.

21 Agus a chionn gu'n robh eagal Dé air na mnaibh-glùine, rinn e tìgean dhoibh.

22 Agus thug Pharaoh àithne² d'a shluagh uile, ag ràdh, Gach mac a bheirear, tilgidh sibh san amhainn; agus gach nighean gleidhidh sibh beo.

CAIB. II.

1 Maois air a bhreith, agus air a chur ann an cobhan am measg na cuile, aig bruaich na h-aimhne. 5 Fhuaradh e, agus dh'altrumadh e le nighinn Pharaoh.

AGUS chaidh duine do thigh Lebhi, agus ghabh e nighean do Lebhi³ na mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'na leanabh tlachdmhor, dh'fhol-aich i e rè thri mìosa.

3 Agus an uair nach b'urrainn i 'fholach ni b'fhaide, ghabh i dha cobhan cuile³, agus chuir i thairis⁴ e le làthaich agus le pic⁵, agus chuir i an leanabh ann; agus chuir i e sa' chuile aig bruaich na h-aimhne.

4 Agus sheas a phiuthar am fad *uaith*, a dh'fhaicinn ciod a dheanta ris.

5 Agus thàinig nighean Pharaoh a nuas g'a nigheadh fèin san amhainn, agus bha a maighdeanan ag imeachd ri taobh na h-aimhne; agus an uair a chunnaic i 'n cobhan am measg na cuile, chuir i a banoglach g'a thoirt d'a h-ionnsuidh.

6 Agus an uair a dh'fhosgail i e, chunnaic i 'n leanabh: agus, feuch, ghul an naoidhean. Agus ghabh i truas ris, agus thubhairt i, *Is aon* so do chloinn nan Eabhruidheach.

7 An sin thubhairt a phiuthar ri nighean Pharaoh, An téid mise, agus an gairm mi dhuìt banaltrum do na mnaibh Eabhruidheach, a chum as gu'n altrum i 'n leanabh dhuìt?

8 Agus thubhairt nighean Pharaoh rithe, Falbh. Agus chaidh a' mhaighdean, agus ghairm i màthair an leinibh.

9 Agus thubhairt nighean Pharaoh rithe, Thoir an leanabh so leat, agus altrum dhomhsa e, agus bheir mi dhuìt do thuarsdal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoh, agus bha e 'na mhac dh'i. Agus thug i Maois

mar ainm air: agus thubhairt i, A chionn as an uisge gu'n do tharruing mi mach e.

11 Agus tharladh anns na làithibh sin, an uair a dh'fhàs Maois suas, gu'n deachaidh e mach a dh'ionnsuidh a bhràithrean, agus gu'n d'amhairc e air an eallachaibh: agus chunnaic e Eiphiteach a' bualadh Eabhruidhich, aoin d'a bhràithribh.

12 Agus dh'amhairc e an taobh so agus an taobh ud, agus an uair a chunnaic e nach robh aon duine ann, mharbh e an t-Eiphiteach, agus dh'fhuailch e sa' ghaineamh e.

13 Agus an uair a chaidh e mach an dara⁶ là, feuch, bha dithis do na h-Eabhruidhich a' stri r'a chéile; agu thubhairt e ris-san a rinn an eucoir, C'ar son a bhuaileas tu do choimhearsnach?

14 Agus thubhairt e, Cò rinn thusa a'd' uachdaran agus a'd' bhrèitheamh oirne? am miann leat mise a mharbhadh, mar a mharbh thu 'n t-Eiphiteach? agus ghabh Maois eagal, agus thubhairt e, Gu cinnteach tha an ni so aithnichte.

15 A nis an uair a chuala Pharaoh an ni so, dh'iarr e Maois a mharbhadh, ach theich Maois o aghaidh Pharaoh, agus ghabh e còmhnuidh ann an tìr Mhidiaim; agus shuidh e sìos làimh ri tobar.

16 A nis bha aig sagart Mhidiaim seachd-nar nighean: agus thàinig iad agus tharruing iad *uisge*, agus lìon iad na h-amair a thoirt uisge do threud an athar.

17 Agus thàinig na buachaillean agus dh'fhuadaich iad air falbh iad: ach sheas Maois suas agus chuidich e leo, agus thug e uisge d'an treud.

18 Agus an uair a thàinig iad gu Reuel an athair, thubhairt e, Cionnus a thàinig sibh co luath an diugh?

19 Agus thubhairt iad, Shaor Eiphiteach sinn á làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n treud.

20 Agus thubhairt esan r'a nigheanaibh, Agus c'ait am bheil e? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toileach còmhnuidh a ghabhail maille ris an duine; agus thug e Sipurah a nighean do Mhaois⁷ na mnaoi.

22 Agus rug i mac *dha*, agus thug e Ger-som mar ainm air: oir thubhairt e, Bha mi m' choigreach ann an tìr aineoil⁸.

23 Agus tharladh an ceann mòrain làithean, gu'n d'fhuair rìgh na h-Eiphit bàs, agus bha clann Israel ag osnaich air son an daorsa, agus ghlaodh iad; agus thàinig an glaoch suas gu Dia, air son na daorsa.

24 Agus chuala Dia an osnaich, agus

¹ tèdha. ² sparradh. ³ ciste luacharach. ⁴ chòmhdach, shliob, spairt i. ⁵ bigh.

⁶ darra. ⁷ chompanach. ⁸ ann an dùthaich choimhich.

chuimhnich Dia a choimh-cheangal ri h-Abraham, ri Isaac, agus ri Iacob.

25 Agus dh'amhaire Dia air cloinn Israeil, agus dh'fhiosraich e iad.

CAIB. III.

1 *Bha Maois a' gleidheadh treud Ietro 'athar-céile.*
2 *Dh'fhoillsicheadh aingeal an Tighearna dha ann an lasair theine á meadhon pris.* 7 *Chuireadh e leis an Tighearna a thoirt cloinn Israeil a mach as an Eiphit.* 14 *A theachdaireachd dhoibh.*

ANIS bha Maois a' gleidheadh treud Ietro 'athar-céile, sagairt Mhidian: agus thug e'n treud gu taobh cuil an fhasaich, agus thàinig e gu sliabh Dhé, gu Horeb.

2 Agus dh'fhoillsicheadh aingeal an Tighearna dha ann an lasair theine á meadhon pris; agus dh'amhaire e, agus, feuch, bha am preas a' lasadh le teine, ach cha robh am preas air a losgadh.

3 Agus thubhairt Maois, Tionndaidh mi nis a leth-taobh, agus chi mi an sealladh mòr so, c'ar son nach 'eil am preas air a losgadh.

4 Agus an uair a chunnaic an Tighearna gu'n do thionndaidh e a leth-taobh a dh'fhaicinn sin, ghairm Dia air á meadhon a' phris, agus thubhairt e, A Mhaois, a Mhaois. Agus thubhairt esan, *Tha mi 'n so.*

5 Agus thubhairt e, Na tig am fagus an so; cuir dhìot do bhròga bhàrr do chos, oir ant-àite airam bheil thu a' d' sheasamh, is talamh naomh e.

6 Thubhairt e mar an ceudna. *Is mise Dia t'athar, Dia Abraham, Dia Isaac, agus Dia Iacob.* Agus dh'fholaidh Maois aghaidh; oir bha eagal air amhaire air Dia.

7 Agus thubhairt an Tighearna, Chunnaic mi gu cinnteach àmhghar mo shluaigh a *ta* san Eiphit, agus chuala mi 'n glaodh air son am maighstirean-oibre; oir is aithne dhomh an doilgheas.

8 Agus thàinig mi nuas g'an saoradh á làimh nan Eiphiteach, agus g'an toirt suas a mach as an fhearann sin, gu fearann maith agus farsuing, gu fearann a ta sruthadh le bainne agus le mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach.

9 A nis uime sin, feuch, tha glaodh chloinn Israeil air teachd a m'ionnsuidh-sa: agus mar an ceudna chunnaic mi am fòir-eigin¹ leis am bheil na h-Eiphitich 'g am fòireigneadh.

10 Agus a nis thig, agus cuiridh mi thu dh'ionnsuidh Pharaoh, a chum as gu'n toir thu mach mo shluaigh clann Israeil as an Eiphit.

11 Agus thubhairt Maois ri Dia, Cò mise, gu'n rachainn a dh'ionnsuidh Pharaoh, agus gu'n tugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh so 'na chomharadh dhuit, gu'n do chuir mise uam thu: 'nuair a bheir thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois ri Dia, Feuch, an uair a thig mi dh'ionnsuidh cloinn Israeil, agus a their mi riu, Chuir Dia bhur n-aithriche mise do 'ur n-ionnsuidh; agus a their iad rium, Ciod is ainm dha? Ciod a their mi riu?

14 Agus thubhairt Dia ri Maois, **IS MI AN TI A'S MI:** agus thubhairt e, Mar so their thu ri cloinn Israeil, Chuir **IS MI** mise do 'ur n-ionnsuidh.

15 Agus thubhairt Dia thuilleadh air so ri Maois, Mar so their thu ri cloinn Israeil, Chuir an Tighearna Dia bhur n-aithriche, Dia Abraham, Dia Isaac, agus Dia Iacob, mise d'ur n-ionnsuidh: 's e so m'ainm a chaidh²; agus is e so mo chuimhneachan do gach uile ghinealach.

16 Imich agus cruinnich r'a chéile seanairean Israeil, agus abair riu, Dh'fhoillsich an Tighearna Dia bhur n-aithrichean e féin dhomh-sa, Dia Abraham, Isaac, agus Iacob, ag ràdh, Gu cinnteach dh'amhaire mi oirbh, agus *chunnaic mi* an ni a rinn-eadh oirbh san Eiphit.

17 Agus thubhairt mi, Bheir mi suas sibh á h-àmghar na h-Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a *ta* sruthadh le bainne agus le mil.

18 Agus éisdidh iadsan ri d' ghuth; agus théid thu féin, agus seanairean Israeil, gu righ na h-Eiphit, agus their sibh ris, Choinnich an Tighearna Dia nan Eabhuidheach sinne: agus a nis leig dhuinn, guidheamaid ort, dol astar thrì làithean do'n fhàsach chum as gu'n ìobair sinn³ do'n Tighearn ar Dia.

19 Agus is deimhin leam nach leig righ na h-Eiphit leibh imeachd, cha leig *eadhon*, le làimh làidir⁴.

20 Agus sinidh mis' a mach mo làmh, agus buailidh mi 'n Eiphit le m' iongantasan uile, a ni mi 'na meadhon: agus an déigh sin leigidh e dhuibh imeachd.

21 Agus bheir mise do'n t-sluagh so deadh-ghean⁵ ann an sealladh nan Eiphiteach: agus tarlaidh, 'nuair a dh'fhalbhas sibh nach falbh sibh galamh;

22 Ach iarraidh gach bean⁶ o 'ban-choimhearsnaich, agus o'n mhnaoi a blios

¹ fòirneart, ainneart.

² gu'n toir sinn ìobairt.

³ chaidh.

⁴ ach le làimh làidir.

⁵ fàbhor.

⁶ no'n coimheall.

air aoidheachd 'na tigh, seudan¹ airgid, agus seudan òir, agus eudach: agus cuiridh sibh iad air bhuir mic, agus air bhuir uigh-eanaibh; agus creachaidh sibh na h-Eiphitich².

CAIB. IV.

1 Slat Mhaois air a tionndadh 'na nathair. 6 A làmh lobhrach. 21 Teachdaireachd an Tighearna chum Pharaoh.

AGUS fhreagair Maois, agus thubhairt e, Ach, feuch, cha chreid iad mi, nì mo dh'éisdeas iad ri m' ghuth: oir their iad, Cha do thaisbein³ an Tighearna e fèin dhuìt.

2 Agus thubhairt an Tighearna ris, Ciod sin ann do làmh? Agus thubhairt esan, Slat.

3 Agus thubhairt e, Tilg air an làr i; agus thilg e air an làr i, agus rinneadh i 'na uathair: agus theich Maois roimpe.

4 Agus thubhairt an Tighearna ri Maois, Cuir a mach do làmh, agus glac air a h-earr⁴ i. Agus chuir e mach a làmh, agus rug e oirre, agus rinneadh slat dh'i 'na làmh,

5 Chum as gu'n creid iad gu'n d'fhoillsich an Tighearna Dia an aithriche, Dia Abraham, Dia Isaac, agus Dia Iacob, e fèin dhuìt.

6 Agus thubhairt an Tighearna a thuilleadh air so ris, Cuir a nis do làmh a'd' bhroilleach; agus chuir e a làmh 'na bhroilleach: agus an uair a thug e mach i, feuch, bha a làmh lobhrach mar shneachda.

7 Agus thubhairt e, Cuir do làmh a ris a'd' bhroilleach; agus chuir e a làmh a ris 'na bhroilleach, agus thug e mach a bhroilleach i, agus, feuch, dh' iompaicheadh⁵ i mar a' chuid eile d'a fheoil.

8 Agus tarlaidh, mur creid iad thu, agus mureisd iad ri guth a' cheud chomharaidh, gu'n creid iad guth a' chomharaidh dheir-annaich.

9 Agus tarlaidh, mur creid iad mar an ceudna an dà chomharadh sin, agus mureisd iad ri d' ghuth, gu'n gabh thu cuid a dh' uisge na h-aimhne, agus gu'n dòirt thu air an *talamh* thioram e: agus fàsaidh an t-uisge a bheir thu as an amhaum 'na fluil air an *talamh* thioram.

10 Agus thubhairt Maois ris an Tighearna, O mo Thighearna, cha duine deas-chainnteach mi, aon chuid roimhe so⁶, no o'n àm san do labhair thusa ri d' sheirbbiseach: do bhrìgh gu'm bheil mi mall ann an cainnt, agus mall ann an teagaidh.

11 Agus thubhairt an Tighearna ris, Cò a rinn beul an duine? no cò a rinn am balbh, no'm bodhar, no'n ti a chi, no'n dall? Nach mise an Tighearna?

12 A nis uime sin imich, agus bithidh mise le d' bheul, agus teagaisgidh mi dhuìt ciod a their thu.

13 Agus thubhairt e, O mo Thighearna, cuir, guidheam ort, le làmh an tì a chuir-eas tu⁷.

14 Agus las corruich an Tighearna anaghaidh Mhaois, agus thubhairt e, Nach e Aaron an Lebhithcach do bhràthair? tha fhios agam gu'n labhair esan gu maith. Agus mar an ceudna, feuch, tha e teachd a mach a'd' choimneamh: agus an uair a chi e thu, bithidh e subhach 'na chridhe.

15 Agus labhraidh tusa ris, agus cuiridh tu focail 'na bheul: agus bithidh mise le d' bheul, agus le 'bheul-san, agus teagaisgidh mi dhuibh ciod a nì sibh.

16 Agus labhraidh esan air do shonsa ris an t-sluagh: agus bithidh esan, bithidh eadhon esan dhuìt an àite beoil, agus bithidh tusa dhasan an àite Dhé.

17 Agus gabhaidh tu an t-slat so ann do làmh, leis an dean thu comharan.

18 Agus dh'imich Maois agus phill e gu Ietro 'athair-céile, agus thubhairt e ris, Thèid mi nis, agus pillidh mi chum mo bhràithrean a ta san Eiphit, agus chi mi an bheil iad fathast beò. Agus thubhairt Ietro ri Maois, Imich an sìth.

19 Agus thubhairt an Tighearna ri Maois ann an Midian, Imich, pill do'n Eiphit: oir tha na daoine sin uile marbh a bha 'g iarraidh t' anama.

20 Agus ghabh Maois a bhean, agus a mhic, agus chuir e iad air asail, agus phill e do thìr na h-Eiphit. Agus ghabh Maois slat Dhé 'na làmh.

21 Agus thubhairt an Tighearna ri Maois, An uair a dh'imicheas tu chum pilltinn do'n Eiphit, thoir an aire⁸ gu'n dean thu na h-iongantais sin uile, a chuir mise ann ad làmh, am fianuis Pharaoh: ach cruaidhichidh mise a chridhe, agus cha leig e leis an t-sluagh imeachd.

22 Agus their thu ri Pharaoh, Mar so tha'n Tighearna ag ràdh, 'S e Israel mo mhac, mo cheud-ghin.

23 Agus tha mi ag ràdh riut, Leig le n' mhac imeachd, a chum as gu'n dean e seirbhis dhomh; agus ma dhiùltas tu leigeadh⁹ leis imeachd: feuch, marbhaidh mise do mhac-sa, eadhon do cheud-ghin.

24 Agus tharlaidh air an t-slighe san tigh-òsda¹⁰, gu'n do choimnich an Tighearna e, agus gu'n d'iarr e a mharbhadh.

25 An sin ghabh Siporah clach gheur, agus thimchioll-ghearr i roimh-chroicinn a mic, agus thilg i aig a chosaibh e, agus thubhairt i, Gu cinnteach is fear-pòsda fuileachdach dhomhsa thu.

26 Agus leig e uaith e: an sin thubhairt

¹ soithichean. Eabh.

² an Eiphit.

³ Cha d'fhoillsich.

⁴ earball.

⁵ thionndaidheadh.

⁶ o'n dé no 'n là roimhe sin.

⁷ a chi thu iomchuidh a chur.

⁸ faic.

⁹ leigeil.

¹⁰ tigh-tàmh.

1, *Is fear-pòsda fuileachdach thu air son an timchioll-ghearraidh.*

27 Agus thubhairt an Tighearna ri h-Aaron, Imich an coinneamh Mhaois do'n fhàsach. Agus dh'imich e, agus choinnich se e ann an sliabh Dhé, agus phòg se e.

28 Agus dh'imis Maois a dh' Aaron uile bhriathran an Tighearn, a chuir uaith e, agus na comharan uile a dh'àithn e dha.

29 Agus chaidh Maois agus Aaron, agus chruinnich iad seanairean chloinn Israeil uile.

30 Agus labhair Aaron na briathran uile a labhair an Tighearna ri Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual' iad gu'n d'amhairc an Tighearn air chloinn Israeil, agus gu'm fac e an àmhighar, an sin chrom iad an cinn, agus rinn iad aoradh.

CAIB. V.

1 *Tha Pharaoh a' diùltadh cead do chloinn Israeil dol gu feill a chumail do'n Tighearn anns an fhàsach.* 6 *Dh'àithn e obair nì bu trùime a chur orra.*

AGUS 'na dhéigh sin chaidh Maois agus Aaron a steach, agus thubhairt iad ri Pharaoh, Mar so tha'n Tighearna Dia Israeil ag ràdh, Leig le m' shluagh imeachd, a chum as gu'n gléidh¹ iad féill² dhomhsa san fhàsach.

2 Agus thubhairt Pharaoh, Cò e an Tighearna, gu'n éisdinn-sa r'a ghuth a leigeadh le h-Israel imeachd? Cha 'n aithne dhomhs' an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh' fhoillsich Dia nan Eabhruidheach e féin dhuinne³: leig leinn, guidheamaid ort, dol astar thri làithean do'n fhàsach, a chum as gu'n iobar sinn do'n Tighearn ar Dia, air eagal gu'm buail e sinn⁴ le plàigh, no leis a' chlàidheamh.

4 Agus thubhairt rìgh na h-Eiphit riu, C'ar son a ta sibhse, a Mhaois agus Aaron, a' toirt air an t-sluagh sgur o'n oibribh? Rachaibh a chum bhur u-eallacha.

5 Agus thubhairt Pharaoh, Feuch, a ta sluagh na tìre a nis lìonmhor, agus tha sibhse a' toirt orra bhi 'nan tàmh o'n eallachaibh.

6 Agus dh' àithn Pharaoh air an là sin féin do mhaighstiribh-oibre an t-sluaigh, agus d'an luchd-riaghlaidh⁵, ag ràdh,

7 Cha toir sibh conlach tuilleadh do'n t-sluaigh a dheanamh chlacha-creadha mar roimhe so: rachadh iad agus cruinnicheadh iad conlach dhoibh féin.

8 Agus cuiridh sibh orra àirean nì nan clacha-creadha a rinn iad roimhe: cha leig sibh sìos a bheag dheth, oir tha iad dìomh-

anach; uime sin tha iad ag éigheach, ag ràdh, Rachamaid agus iobramaid d'ar Dia.

9 Cuirear an obair nì's trùime air na daoine, chum as gu'n saoraich iad innte: agus na h-earbadh iad á briathraibh dìomhain.

10 Agus chaidh maighstirean-oibre an t-sluaigh a mach, agus an luchd-riaghlaidh, agus labhair iad ris an t-sluaigh, ag ràdh, Mar so tha Pharaoh ag ràdh, Cha toir mi dhuibh conlach.

11 Rachaibh, gabhaibh dhuibh féin conlach far am feud sibh a faotainn: gidheadh cha leigear sìos a bheag do'r n-obair.

12 Uime sin sgaoileadh⁶ an sluagh air feadh tìre na h-Eiphit uile, a chruinneachadh asbhuaibh⁷ an àite conlach.

13 Agus chuir na maighstirean-oibre thuige⁸ iad, ag ràdh, Coimhlionaibh bhur n-oibre cumta lathail⁹, mar an uair a thugadh conlach dhuibh.

14 Agus bhuaileadh¹⁰ luchd-riaghlaidh chloinn Israeil a chuir maighstirean-oibre Pharaoh os an ceann, agus dh'fhiosraich-eadh dhiubh, C'ar son nach do choimhlion sibh bhur n-obair chumta ann an deanamh chlacha-creadha, araon an dé agus an diugh, mar a rinn sibh roimhe?

15 An sin thàinig luchd-riaghlaidh chloinn Israeil, agus ghlaodh iad ri Pharaoh, ag ràdh, C'ar son a bhuineas tu air an dòigh so ri d' sheirbhisich?

16 Cha 'n'eil conlach air a toirt do d' sheirbhisich, agus 'se their iad ruinn, Dean-aibh clacha-creadha: agus, feuch, a ta do sheirbhisich air am bualadh; ach is ann aig do shluagh féin a ta choire.

17 Ach thubhairt esan, Tha sibh dìomhanach, tha sibh dìomhanach: uime sin their sibh, Rachamaid agus iobramaid do'n Tighearna.

18 Uime sin imichibh a nis, deanaibh obair; oir cha toirear conlach dhuibh, agus bheir sibh uaibh làn àireamh nan clacha-creadha.

19 Agus chunnaic luchd-riaghlaidh chloinn Israeil gu'm bu chruaidh an càs anns an robh iad, agus e air a ràdh riu, Cha bheagach sibh dad d'ur clachaibh-creadha, do'n obair dhligeach lathail.

20 Agus choinnich iad Maois agus Aaron, a sheas air an t-slighe¹¹, nuair a, thàinig iad a mach o Pharaoh.

21 Agus thubhairt iad riu, Gu'n amhairceadh Dia oirbh, agus gu'n tugadh c breth, do bhrìgh gu'n d' rinn sibh ar fàile gràineil an làthair Pharaoh¹², agus an làthair a sheirbhisich, a' cur claidheimh 'nan làimh a chum sinne a mharbhadh.

22 Agus phill Maois a dh'ionusuidh an

¹ cum, dean. ² fèadh, fèisd, cuir.

³ ghairm Dia nan Eabhruidheach oirne. Eabh.

⁴ tuit e oirnn, coimnich e sinn.

⁵ an luchd-stiùraidh, an griobhan, an maoir.

⁶ sgapadh.

⁷ chuirge.

⁸ ghabhadh air.

⁹ ann an sìuilbh Pharaoh. Eabh.

¹⁰ bunain, stailnich.

¹¹ gnothuch an la 'na là.

¹² nan coinneamh. Eabh.

Tighearn, agus thubhairt e, A Tighearna, c'ar son a bhuin thu *cho* olc ris an t-sluagh so? c'ar son a chuir thu uait mi?

23 Oir o'n àm a thàinig mi gu Pharaoh a labhairt ann ad ainm, rinn e olc do'n t-sluagh so; agus cha do shaor thu idir do shluagh.

CAIB. VI.

1 *Tha Dia ag àrachadh a gheallaidh do Mhaois le ainm Iehobhah.* 14 *Ginealach Reubein.* 15 *Shimeoin,* 16 *agus Lebhi, o'n d' thàinig Maois agus Aaron.*

AN sin thubhairt an Tighearna ri Maois, Anis chi thu ciod a ni mi ri Pharaoh; oir le làimh làidir leigidh e leo imeachd, agus le làimh làidir fuadaichidh e mach as a dhùthaich iad.

2 Agus labhair Dia ri Maois, agus thubhairt e ris, *Is* mise an Tighearn.

3 Agus dh'fhoillsich mi mi féin do Abraham, do Isaac, agus do Iacob, le *ainm* an Dé uile-chumhachdaich, ach le m'ainm Iehobhah cha robh mi aithnichte dhoibh.

4 Agus mar an ceudna dhaingnich mi mo choimhcheangal¹ riu, gu'n tugainn dhoibh tìr Chanaan, tìr an cuairte, anns an robh iad 'nan coigrich.

5 Agus mar an ceudna chuala mi osnaich chloinn Israeil, a ta na h-Eiphitich a cumail ann an daorsa: agus chuimhnich mi mo choimhcheangal.

6 Uime sin, abair ri cloinn Israeil, *Is* mise an Tighearn, agus bheir mi sibh a mach o *bhi* fo eallachaibh nan Eiphiteach, agus saoraidh mi sibh o'n daorsa: agus fuasglaidh mi sibh le gàirdean sint² a mach, agus le breitheanasaidh mòra.

7 Agus gabhaidh mi sibh dhomh féin mar shluagh, agus bithidh mi dhuibh a'm³ Dhia: agus bithidh fios agaibh gur mise an Tighearna bhuir Dia, a ta 'g ur toirt-sa² mach o *bhi* fo eallachaibh nan Eiphiteach.

8 Agus bheir mi steach sibh a dh'ionn-suidh an fhearainn a mhionnaich mi gu'n tugainn e do Abraham, do Isaac, agus do Iacob; agus bheir mi e dhuibhse mar oighreachd: *Is* mise an Tighearna.

9 Agus labhair Maois mar sin ri cloinn Israeil: ach cha d'éisd iad ri Maois, trid chràidh spioraid, agus trid chruaidh dhaorsa.

10 Agus labhair an Tighearna ri Maois, ag ràdh,

11 Imich a steach, labhair ri Pharaoh rìgh na h-Eiphit, e a leigeadh do chloinn Israeil dol a mach as a dhùthaich.

12 Agus labhair Maois an làthair an Tighearn, ag ràdh, Feuch, cha d'éisd clann Israeil rium; cionnus ma ta dh'éisdeas Pharaoh riumsa, aig *am bheil* mo bhilean neothimchioll-ghearrta?

13 Agus labhair an Tighearna ri Maois,

agus ri h-Aaron, agus thug e dhoibh àithne³ a chum cloinn Israeil, agus a chum Pharaoh rìgh na h-Eiphit, clann Israeil a thoirt a mach á tìr na h-Eiphit.

14 *Is* iad sin ceannardan thighean an aithriche: mic Reubein ceud-ghin Israeil; Hanoah, agus Pallu, Hesron, agus Carmi: *is* iad sin teaghlaichean Reubein.

15 Agus mic Shimeoin; Gemuel, agus Iamin, agus Ohad, agus Iachin, agus Sohar, agus Saul mac Ban-chanaanaich: *is* iad sin teaghlaichean Shimeoin.

16 Agus *is* iad sin ainmeanna mhac Lebhi, a réir an ginealacha: Gerson, agus Cohat, agus Merari: agus *b'iad* bliadhnacha beatha Lebhi ceud agus seachd bliadhnacha deug 'ar fhichead.

17 Mic Ghersein; Libni, agus Simi, a réir an teaghlaichean.

18 Agus mic Chohait; Amram, agus Idshar, agus Hebron, agus Udsiel: agus *b'iad* bliadhnacha beatha Chohait ceud agus tri bliadhnacha deug 'ar fhichead.

19 Agus mic Mherari; Mahali agus Musi: *is* iad sin teaghlaichean Lebhi, a réir an ginealacha.

20 Agus ghabh Amram Iochebed piuthar-athar dha féin 'na mnaoi; agus rug i dha Aaron agus Maois: agus *b'iad* bliadhnacha beatha Amram ceud agus seachd bliadhnacha deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsiel; Misael, agus Elaphan, agus Sitri.

23 Agus ghabh Aaron Eliseba nighean Aminadaib, piuthar Naasoin, dha féin 'na mnaoi; agus rug i dha Nadab agus Abihu, Eleasar agus Itamar.

24 Agus mic Chorah; Asir, agus Elcanah, agus Abiasaph: *is* iad sin teaghlaichean nan Corhach.

25 Agus ghabh Eleasar mac Aaron, *aon* donigheanaibh Phutteil dha féin 'na mnaoi; agus rug i dha Phinehas: *is* iad sin ceannardan aithriche nan Lebhitheach, a réir an teaghlaichean.

26 *Is* iad so an t-Aaron agus am Maois ud, ris an d'thubhairt an Tighearna, Thugaidh a mach clann Israeil á tìr na h-Eiphit, a réir an slògh⁴.

27 *Is* iad so iadsan a labhair ri Pharaoh, rìgh na h-Eiphit, a chum clann Israeil a thoirt a mach as an Eiphit: *is* iad so am Maois agus an t-Aaron ud.

28 Agus tharladh, san là air an do labhair an Tighearna ri Maois ann an tìr na h-Eiphit,

29 Gu'n do labhair an Tighearna ri Maois, ag ràdh, *Is* mise an Tighearna: labhair thusa ri Pharaoh rìgh na h-Eiphit gach *ni* a their mi riut.

¹ mo chùmhnannt.² 'g ur tabhairt-sa.³ ordugh.⁴ a réir an armaitlean.

30 Agus thubhairt Maois an làthair an Tighearna, Feuch, *a ta* mise neo-thim-chioll-ghearrta a'm' bhilibh, agus cionnus a dh'éisdeas Pharaoh rium?

CAIB. VII.

1 *Chuireadh Maois a dh'ionnsuidh Pharaoh. 10 Rinn-eadh slat Aaron 'na nathair. 13 Chruaidhicheadh cridhe Pharaoh. 20 Uisge na h-aimhne air a thionndadh gu fuil.*

AGUS thubhairt an Tighearna ri Maois, Feuch, rim mi thu a'd' dhia do Pharaoh: agus bithidh do bhràthair Aaron 'na fhàidh agad

2 Labhraidh tusa gach *ni* a dh'àithneas mise dhuit: agus labhraidh Aaron do bhràthair ri Pharaoh, esan a chur cloinn Israeil a mach as a thìr.

3 Agus cruaidhichidh mise cridhe Pharaoh, agus ni mi mo chomharan agus m'iongantasan¹ lionmhor ann an tìr na h-Eiphit.

4 Ach cha 'n éisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shluagh clann Israeil, á tìr na h-Eiphit, le breitheanasaibh mòra.

5 Agus bithidh fios aig na h-Eiphitich gur mise an Tighearna, 'nuair a shìneas mi mach mo làmh air an Eiphit, agus a bheir mi mach clann Israeil o *bhi*² nam measg.

6 Agus rinn Maois agus Aaron mar a dh'àithn an Tighearna dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus trì bliadhna dh'aois, an uair a labhair air ri Pharaoh.

8 Agus labhair an Tighearna ri Maois, agus ri h-Aaron, ag ràdh,

9 'Nuair a labhras Pharaoh ribh, ag ràdh, Nochdaibh iongtas² air bhuir son féin; an sin their thu ri h-Aaron, Gabh do shlat, agus tilg sìos i an làthair Pharaoh, agus fasaidd i 'na nathair.

10 Agus chaidh Maois agus Aaron a steach a dh'ionnsuidh Pharaoh, agus rinn iad mar sin, mar a dh'àithn an Tighearna: agus thilg Aaron sìos a shlat an làthair Pharaoh, agus an làthair a sheirbhiseach, agus rinneadh i 'na nathair.

11 An sin ghairm Pharaoh mar an ceudna air na daoine glìce, agus air an luchd-fiosachd: agus rinn mar an ceudna druidhean³ na h-Eiphit mar sin le'n druidheachdaibh:

12 Oir thilg iad sìos gach duine a shlat, agus rinneadh iad 'nan nathraichibh: ach slituig slat Aaron suas an slatan-sa.

13 Agus chruaidhicheadh cridhe Pharaoh, air chor as nach d'éisd e riu; mar a thubhairt an Tighearna.

14 Agus thubhairt an Tighearna ri Maois, Chruaidhicheadh cridhe Pharaoh, tha e dùiltadh leigeadh leis an t-sluagh falbh.

15 Imich-sa dh'ionnsuidh Pharaoh sa' mhaduinn, feuch, tha e dol a mach a dh'ionnsuidh an uisge, agus seasaidh tu 'na choinneamh airbuaich na h-aimhne⁴; agus an t-slat a thionndaidheadh 'na nathair, gabhaidh tu a'd' làimh.

16 Agus their thu ris, Chuir an Tighearna Dia nan Eabhuidheach mise a t'ionnsuidh, ag ràdh, Leig le m'shlugh imeachd, a chun as gu'n dean iad seirbhìs dhomhsa sa' fhàsach: agus, feuch, gus a so cha b' àill-leat éisdeachd.

17 Mar so tha'n Tighearna ag ràdh, Ann an so aithnichidh tu gur mise an Tighearna: feuch, buailidh mi leis an t-slat a *ta* m' làimh, na h-uisgeachan a *ta* san amhainn, agus tionndaidhear iad gu fuil.

18 Agus gheibh an t-iasg a *ta* san amhainn bàs, agus lobhaidh an amhainn; agus bithidh gràin air na h-Eiphitich uisge òl as an amhainn.

19 Agus labhair an Tighearna ri Maois, Abair ri h-Aaron, Gabh do shlat, agus sin a mach do làmh air uisgibh na h-Eiphit, air an aimhnibh, agus air sruthaibh, agus air an lochaibh, agus air uile chomh-chruinneachadh an uisgeacha, chun as gu'm fàs iad 'nam fuil: agus bithidh fuil air feadh tìre na h-Eiphit uile, araon ann an *soithichibh* fiodha, agus ann an *soithichibh* cloiche.

20 Agus rinn Maois agus Aaron mar sin, a réir mar a dh'àithn an Tighearna, agus thog e suas an t-slat, agus bhuail e na h-uisgeachan a *bha* san amhainn, ann an sealladh Pharaoh, agus ann an sealladh a sheirbhiseach: agus thionndaidheadh na h-uisgeachan uile a *bha* san amhainn, gu fuil.

21 Agus fhuair an t-iasg a *bha* san amhainn bàs: agus lobh an amhainn, agus cha b' urrainn na h-Eiphitich uisge òl as an amhainn; agus *bha* n' fhuil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh: agus chruaidhicheadh cridhe Pharaoh, agus cha d'éisd e riu mar a thubhairt an Tighearna.

23 Agus phill Pharaoh, agus chaidh e d'a thigh: agus cha do shocraich e a chridhe air so cuideachd.

24 Agus chladhaich na h-Eiphitich uile timchioll na h-aimhne air son uisge r'a òl: oir cha b' urrainn⁵ iad òl a dh'uisge na h-aimhne.

25 Agus choimhlionadh seachd làithean an déigh do'n Tighearna an amhainn a bhualadh.

¹ mo mhòrbhuilean.

² Taisbeinibh mìorbhuil.

³ draoidhean.

⁴ seasaidh tus' air bruaich

na h-aimhne air cheann dha teachd.

⁵ cha b' urradh.

CAIB. VIII.

2 *Losgaimn air an cur do'n Eiphit.* 16 *An dulsach a' fàs 'na mhialaibh.* 20 *Sgaoth chuireag air feadh na tìre.* 32 *Chruaidhich Pharaoh a chridhe.*

AGUS thubhairt an Tighearna ri Maois, Falbh a dh'ionnsuidh Pharaoh, agus abair ris, Mar so tha 'n Tighearna ag ràdh, Leig le m' shluagh imeachd, a chum as gu'n dean iad seirbhis dhomh.

2 Agus ma dhùiltas tu 'n leigeadh air falbh, feuch, buailidh mi do chrìochan uile le losgannaibh:

3 Agus brùchdaidh an amhainn a mach losgaimn, agus théid iad suas, agus thig iad a steach do d' thigh, agus do d' sheòmar-leapach, agus air uachdar do leapach¹, agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh².

4 Agus théid na losgaimn suas ort féin, agus air do shluagh, agus air do sheirbhiseach uile.

5 Agus thubhairt an Tighearna ri Maois, Abair ri h-Aaron, Sin a mach do làmh le d' shlaith os ceann nan aimhnicean, os ceann nan allt, agus os ceann nan lochan; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os ceann uisgeacha na h-Eiphit; agus chaidh na losgaimn suas, agus chòmhdaich³ iad talamh na h-Eiphit,

7 Agus rinn na druidhean mar sin le 'n druidheachdaibh, agus thug iad suas losgaimn air talamh na h-Eiphit.

8 An sin ghairm Pharaoh air Maois agus air Aaron, agus thubhairt e, Guidhibh air an Tighearna gu'n toir e air falbh na losgaimn uam féin, agus o m' shluagh; agus leigidh mise leis an t-sluagh imeachd, a chum as gu'n lobair iad do'n Tighearna.

9 Agus thubhairt Maois ri Pharaoh, Dean uail tharum: c'uin a ghuidheas mi air do shon, agus air son do sheirbhiseach, agus air son do shluaigh, gu'n cuirear as do na losgannaibh uait féin, agus o d' thighibh; air chor agus gu mair⁴ iad a mhàin san amhainn?

10 Agus thubhairt esan, Am màireach. Agus thubhairt e, *Bithheadh e* a réir t'fhocail; a chum as gu'm bi fios agad nach 'eil neach ann cosmhuil ris an Tighearna ar Dia.

11 Agus falbhaidh na losgaimn uait féin, agus o d' thighibh, agus o d' sheirbhiseach, agus o d' shluagh; a mhàin san amhainn mairidh iad.

12 Agus chaidh Maois agus Aaron a mach o Pharaoh; agus dh'èigh⁵ Maois ris an Tighearna a thaobh nan losgann, a thug e 'n aghaidh Pharaoh.

13 Agus rinn an Tighearna a réir focail Mhaois: agus bhasaich na losgaimn as na thighibh, as na bailtibh, agus as na mach-raichibh.

14 Agus chruinnich iad r'a chéile 'nan dùnaibh iad; agus lobb an tìr⁶.

15 Ach an uair a chunnaic Pharaoh gu'n robh fois ann, chruaidhich e a chridhe, agus cha d'éisd e riu, mar a thubhairt an Tighearna.

16 Agus thubhairt an Tighearna ri Maois, Abair ri h-Aaron, Sin a mach do slat, agus buail dulsach⁷ na talmhainn, a chum gu'm fàs e 'na mhialaibh air feadh tìre na h-Eiphit uile.

17 Agus rinn iad mar sin; oir shìn Aaron a mach a làmh le 'shlaith, agus bhuaile e dulsach na talmhainn, agus rinneadh e 'na mhialaibh air duine agus air ainmhidh⁸: rinneadh uile dhulsach na talmhainn 'na mhialaibh air feadh tìre na h-Eiphit uile.

18 Agus rinn na druidhean mar sin le'n druidheachdaibh a thoirt a mach mhial, ach cha b'urrainn iad: agus bha mialan air duine agus air ainmhidh.

19 An sin thubhairt na druidhean ri Pharaoh, 'S e meur Dhé a th'ann: agus chruaidhichheadh cridhe Pharaoh, agus cha d'éisd e riu; mar a thubhairt an Tighearna.

20 Agus thubhairt an Tighearna ri Maois, Eirich suas gu moch sa' mhaduinn, agus seas an làthair Pharaoh, (feuch, tha e teachd a mach a dh'ionnsuidh an uisge) agus abair ris, Mar so tha'n Tighearna ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgaoth chuireag⁹ ort féin, agus air do sheirbhiseach, agus air do shluagh, agus ann ad thiglibh: agus lìonar tighean nan Eiphiteach leis an sgaoth chuireag, agus mar an ceudna an talamh air *am bheil* iad.

22 Agus cuiridh mi air leth, air an là sin féin, fearann Ghosein, anns am bheil mo shluagh a chòmhnuidh, air chor as nach bi cuileagan sam bith an sin; a chum as gu'm bi fios agad gur mise an Tighearna an meadhon na talmhainn.

23 Agus cuiridh mi dealachadh eadar mo shluagh-sa agus do shluagh-sa: air an là màireach bithidh an comharadh so.

24 Agus rinn an Tighearna mar sin: agus thàinig sgaoth anabarrach¹⁰ chuireag do thigh Pharaoh, agus do thighibh a sheirbhiseach, agus do thìr na h-Eiphit uile: thruaillcadh an talamh a thaobh nan cuileag.

25 Agus ghairm Pharaoh air Maois agus

¹ do leopa.² do d' scàlaibh-fuinidh.³ chuibhrig, dh'fholaich.⁴ gu'm fan, gu'm

fàgar iad.

⁵ ghlaodh.⁶ dh'fhàs droch fhàile

do'n tìr.

⁷ luaithe.

an ainmhidh. Eabh.

⁸ ann an duine agus ann⁹ iomadh gnè chuireag.¹⁰ dhòlasach.

air Aaron, agus thubhairt e, Rachaibh, iob-raibh d'ur Dia san tìr.

26 Agus thubhairt Maois, Cha 'n' eil e iomchuidh¹ sinn a dheanamh mar sin; oir iobraidh sinn gràineileachd nan Eiphiteach do'n Tighearn ar Dia. Feuch, an iobair sinne gràineileachd nan Eiphiteach fa choinhair an sùl, agus nach clach iad sinn?

27 Théid sinn astar thri làithean do'n fhàsach, agus iobraidh sinn do'n Tighearn ar Dia, mar a dh'àithneas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobairsibh do'n Tighearna bhur Dia sau fhàsach; ach na rachaibh ro fhad air astar: guidhibh air mo shousa.

29 Agus thubhairt Maois, Feuch, théid mise mach uait, agus guidhidh mi air an Tighearna gu'm falbh na cuileagan o Pharaoh, o 'sheirbhisich, agus o 'shluagh, am màireach: ach na buineadh Pharaoh gu cealgach tuilleadh, ann an diùltadh leigeadh do'n t-sluagh dol a dh'ìobradh do'n Tighearn.

30 Agus chaidh Maois a mach o Pharaoh, agus ghuidh e air an Tighearn.

31 Agus rinn an Tighearn a réir focail Mhaois; agus chuir e air falbh na cuileagan o Pharaoh, o 'sheirbhisich, agus o 'shluagh: cha d'fhan a h-aon.

32 Agus chruaidhich Pharaoh a chridhe air an àm so mar an ceudna, agus cha do leig e leis an t-sluagh imeachd.

CAIB. IX.

1 Plàigh mhòr air an spréidh. 2 Neasgaid ghràineil air duine agus air ainmhidh. 22 Clach-mheall-ain mhillteach san tìr.

AGS thubhairt an Tighearna ri Maois, Falbh a steach a dh'ionnsuidh Pharaoh, agus innis da, Mar so tha'n Tighearna Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh:

2 Oir ma dhiùltas tu leigeadh leo imeachd, agus gu'n cum thu iad fathast,

3 Feuch, bithidh làmh an Tighearn air do spréidh a ta sa' mhachair, air na h-eich, air na h-asail, air na càmhail, air a' chrodh, agus air na caoraich: bithidh plàigh² ro mhòr ann.

4 Agus cuiridh an Tighearna dealachadh eadar spréidh Israeil, agus spréidh na h-Eiphit: agus cha'n fhaigh a bheag bàs a dh'aon ni a's le cloinn Israeil.

5 Agus shuidhich an Tighearn àm, ag ràdh, Am màireach ni an Tighearn an ni so san tìr.

6 Agus rinn an Tighearn an ni sin air an là màireach, agus fhuair spréidh na h-Eiphit uile bàs: ach do spréidh chloinn Israeil cha d'fhuair a h-aon bàs.

7 Agus chuir Pharaoh teachdaire uait,

agus, feuch, cha robh eadhon a h-aon do spréidh nan Israeleach marbh. Agus chruaidhich eadh chridhe Pharaoh, agus cha do leig e an sluagh air falbh.

8 Agus thubhairt an Tighearna ri Maois, agus ri h-Aaron, Gabhaibh dhuibh féin làn bhur glac³ do luath an teallaich⁴, agus crathadh Maois i ri nèamh ann an sealladh Pharaoh.

9 Agus bithidh i 'na duslach mìn air feadh tìre na h-Eiphit uile, agus bithidh i 'na neasgaid a' briseadh a mach 'na bolgaibh air duine, agus air ainmhidh, air feadh tìre na h-Eiphit uile.

10 Agus ghabh iad luath an teallaich, agus sheas iad an làthair Pharaoh, agus chrath Maois i ri nèamh: agus rinneadh i 'na neasgaid a' briseadh a mach 'na bolgaibh air duine, agus air ainmhidh.

11 Agus cha b'urrainn na druidhean seasamh an làthair Mhaois air son na neasgaid; oir bha an neasgaid air na druidhibh, agus air an h-Eiphitich uile.

12 Agus chruaidhich an Tighearna cridhe Pharaoh, agus cha d'éisd e ri; mar a labhair an Tighearna ri Maois.

13 Agus thubhairt an Tighearna, ri Maois, Eirich suas gu moch sa' mhaduinn, agus seas an làthair Pharaoh, agus abair ris, Mar so tha'n Tighearna Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh.

14 Oir air an àm so cuiridh mise mo phlàighean uile air do chridhe-sa, agus air do sheirbhisich, agus air do shluagh; a chum as gu'm bi fios agad nach 'eil neach ann cosmhuil riumsa san talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh; agus gearrar as thu o'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhachd, agus gu'm biodh m'ainm iomraideach⁵ san domhan uile.

17 Am bheil thu fathast 'g ad àrdachadh féin an aghaidh mo shluaigh, air chor as nach leig thu leo imeachd?

18 Feuch, mu'n àm so màireach, bheir mise air cloich-mheallain ro mhoir⁶ frasadh a nuas, nach robh a samhail san Eiphit, o'n là san do leagadh a bunachur⁷ eadhon gus a nis.

19 Uime sin a nis cuir fios uait, agus cruinnich do spréidh, agus gach ni a ta agad sa' mhachair; oir air gach duine agus ainmhidh a gheibhear sa' mhachair, agus nach cruinnichear dhachaidh, thig a' chlach-mheallain a nuas, agus gheibh iad bàs.

20 An ti a ghabh eagal roimh fhocal an Tighearna measg sheirbhisich Pharaoh,

¹ iomchubhaidh.

² eucail mharbhtach.

³ bhur dorn.

⁴ fuirneis, àmhuinn.

⁵ air fhoillseachadh, air a chraobh-sgaoileadh.

⁶ ro chràitich, ro mhilltich. ⁷ bunadh, stéidh.

thug e air a sheirbhisich agus air a spréidh teicheadh do na tighibh.

21 Agus esan nach do ghabh suim do fhocalan Tighearna, dh'fhàg e a sheirbhisich agus a spréidh sa' mhachair.

22 Agus thubhairt an Tighearna ri Maois, Sin a mach do làmh gu nèamh, chum as gu'm bi clach-mheallain ann an tìr na h-Eiphit uile, air duine, agus air ainmhidh, agus air uile luibh na macharach ann an tìr na h-Eiphit.

23 Agus shìn Maois a mach a shlat gu nèamh; agus rinn an Tighearna tairneanach agus clach-mheallain, agus ruith teinntathair air uachdar na talmhainn; agus fhras an Tighearna clach-mheallain air tìr na h-Eiphit.

24 Mar so bha clach-mheallain ann, agus teine measgta leis a' chloich-mheallain ro mhòr, aig nach robh a samhail ann an tìr na h-Eiphit uile, o rinneadh dùthaich dhith.

25 Agus bluail a' chlach-mheallain air feadh tìre na h-Eiphit uile gach *ni* a *bha* sa' mhachair, araon duine agus ainmhidh: agus bluail a' chlach-mheallain uile luibh na macharach, agus bhris i uile chraobha na macharach.

26 A mhàin ann an tìr Ghosein, far an robh clann Israeil, cha robh clach-mheallain.

27 Agus chuir Pharaoh *teachdaire* uaith, agus ghairm e air Maois agus air Aaron, agus thubhairt e riu, Pheacaich mi an uair so: *tha* 'n Tighearna ceart, agus mise agus mo shluagh aingidh.

28 Guidhibhs' air an Tighearn (oir is leòr e) nach bi tairneanach anabarrach¹ agus clach-mheallain ann *ni's mò*; agus leigidh mise leibh falbh, agus cha'n fhan sibh *ni's* faide.

29 Agus thubhairt Maois ris, Co luath's a théid mise mach as a' bhaile, sinidh mi mo làmh an mach a chum an Tighearn: *agus* sguiridh an tairneanach, agus cha bhi a' chlach-mheallain ann *ni's mò*; chum as gu'm bi fios agad gur leis an Tighearn an talamh.

30 Ach air do shonsa, agus air son do sheirbhiseach, tha fhios agam nach bi eagal oirbh fathast roimh an Tighearna Dia.

31 Agus bhuaileadh an lìon agus an t-eòrna; oir *bha* 'n t-eòrna fo dhéis, agus an lìon fo fhrois².

32 Ach cha do bhuaileadh an cruithneachd agus an seagal: oir cha robh iad air fàs suas.

33 Agus chaidh Maois a mach o Pharaoh as a' bhaile, agus shìn e mach a làmh a chum an Tighearn; agus sguir an tairneanach agus a' chlach-mheallain, agus cha do dhòirteadh an t-uisge air an talamh.

34 Agus an uair a chunnaic Pharaoh gu'n

do sguir an t-uisge, agus a' chlach-mheallain, agus an tairneanach, pheacaich e fathast mar an ceudna, agus chruaidhich e a chridhe, e féin agus a sheirbhisich.

35 Agus chruaidhich eadh cridhe Pharaoh, agus cha do leig e clann Israeil air falbh, mar a labhair an Tighearna le Maois.

CAIB. X.

12 *Plàigh nan locuist*, 21 *agus tiugh-dhorchadais*.

27 *Chruaidhich eadh cridhe Pharaoh.*

A GUS thubhairt an Tighearna ri Maois, Imich a steach gu Pharaoh; oir chruaidhich mi a cridhe, agus cridhe a sheirbhiseach, a chum gu nochdainn iad sin mo chomharan 'na làthair:

2 Agus gu'n imseadh tu ann an cluas-aibh do mhic, agus mic do mhic, na nithean a dh'oirbich mi san Eiphit, agus mo chomharan a rinn mi 'nam measg; agus gu'm bi fios agaibh gur mise an Tighearn.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha 'n Tighearna Dia nan Eabhruidheach ag ràdh, Cia fhada dhiùltas tu thu féin isleachadh a' m' làthair-sa? Leig le m' shluagh imeachd, agus gu'n dean iad seirbhis dhomh:

4 Ach ma dhiùltas tu leigeadh le m' shluagh imeachd, feuch, bheir mise an màireach na locuist a steach do d' chrìoch-aibh.

5 Agus còmhdaichidh iad aghaidh na talmhainn, air chor as nach urrainn neach an talamh fhaicinn: agus ithidh iad fuigheal an *ni* sin a théid as³, a dh'fhanas agaibh o'n chloich-mheallain, agus ithidh iad gach craobh a ta fàs dhuibh as a' mhachair.

6 Agus lìonaidh iad do thighean, agus tighean do sheirbhiseach uile, agus tighean nan Eiphiteach uile; *ni* nach faca aon chuid t' aithriche, no aithriche t' aithrichean, o'n là a bha iad air an talamh gus an là 'n diugh. Agus phill se e féin, agus chaidh e mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'na ribe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron a ris gu Pharaoh: agus thubhairt e riu, Rach-aibh, deanaibh seirbhis do'n Tighearna bhuir Dia: *ach* cò iad a théid?

9 Agus thubhairt Maois, Le'r n-òigridh agus le'r daoineibh aosmhor théid sinne; le'r mic agus le'r nigheanaibh, le'r treudaibh agus le'r buair théid sinn; oir is éigin duinn féill a *chumail* do'n Tighearn.

10 Agus thubhairt e riu, Gu robh an Tighearna mar sin maille ribh, mar a leig-

ECSODUS, X. XI.

eas mise leibh féin agus le'r cloinn bhig imeachd: amhaircibh, oir *tha* olc roimhibh.

11 Ni h-ann mar sin: imichibh a nis, sibhse a ta 'nur daoinibh, agus deanaibh seirbhis do'n Tighearn, oir *is e* so an ní a dh'iarr sibh: Agus dh'fhuadaicheadh a mach iad á láthair Pharaoh.

12 Agus thubhairt an Tighearna ri Maois, Sin a mach do lámh thar tìr na h-Eiphit air son nan locust, a chum as gu'n tig iad suas air tìr na h-Eiphit, agus gu'n ith iad uile luibh na talmhainn, *eadhon* gach ni a dh'fhàg a' chlach-mheallain.

13 Agus shìn Maois a mach a shlat thar tìr na h-Eiphit, agus thug an Tighearna gaoth an ear air an tìr rè an là sin uile, agus rè na h-oidhche uile: agus sa' mhaduinn thug a' ghaoth an ear a steach na locuist.

14 Agus chaidh na locuist suas thar tìr na h-Eiphit uile, agus dh'fhan iad ann an crìochaibh na h-Eiphit uile, gu ro dhiùbhalach¹; rompa cha robh riamh an leithide do locuist, agus 'nan déigh cha bhli an leithidean.

15 Oir chòmhdaich iad aghaidh na talmhainn uile, air chor as gu'n do dhorchaicheadh an talamh; agus dh'ith iad uile luibh na talmhainn, agus uile mheas nan craobh, a dh'fhàg a' chlach-mheallain: agus cha d'fhàgadh ni sam bith glas sna craobhaibh, no ann an luibhibh na macharach ann an tìr na h-Eiphit uile.

16 An sin ghairm Pharaoh air Maois agus air Aaron le cabhaig, agus thubhairt e, Pheacaich mi an aghaidh an Tighearna blur Dé, agus 'nur n-aghaidh-sa.

17 An nis uime sin maith, guidheam ort, mo pheacadh a mhàin an uair so, agus guidhibh air an Tighearna bhur Dia gu'n toir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearn.

19 Agus thionndaidh an Tighearna gaoth an iar ro làidir, a thug air falbh na locuist, agus a thilg iad sa' mhuir ruaidh: cha d'fhan aon locust ann an crìochaibh na h-Eiphit uile.

20 Ach chruaidhich an Tighearna cridhe Pharaoh, agus cha do leig e air falbh clann Israeil.

21 Agus thubhairt an Tighearna ri Maois, Sin a mach do lámh gu nàmh, agus bithidh dorchadas air feadh tìre na h-Eiphit, eadhon dorchadas a dh'fheudar a laimhseachadh.

22 Agus shìn Maois a mach a lámh gu nàmh: agus bhia tugh-dhorchadas² ann an tìr na h-Eiphit uile rè thri làithean.

23 Cha'n fhaca h-aon diubh a chéile, ni mò a dh'éirich neach o 'àite rè thri làith-

ean: ach bha aig cloinn Israeil uile solus 'nan àitibh-còmhmuidh.

24 Agus ghairm Pharaoh air Maois, agus thubhairt e, Rachaibhse, deanaibh seirbhis do'n Tighearn; a mhàin faodh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu, mar an ceudna, lobaitean a thoir duinn, agus tabhartais-loisgte, chum as gu'n iobair sinn do'n Tighearn ar Dia.

26 Agus, mar an ceudna, théid ar spréidh maille ruim; cha 'n fhàgar ionga 'nar déigh³, oir is éigin duinn gabhail diubh gu seirbhis a dheanamh do 'n Tighearn ar Dia; agus cha 'n 'eil fhios againn cia leis a ni sinn seirbhis do'n Tighearna, agus an tig sinn an sin.

27 Ach chruaidhich an Tighearna cridhe Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuit féin, na faic m'aghaidh ni's mò; oir san là sin anns am faic thu m' aghaidh, gheibh thu bàs.

29 Agus thubhairt Maois, Labhair thu gu maith; cha'n fhac mi t'aghaidh ni's mò.

CAIB. XI.

1 *Iarrtus Dhé do na Israelich gu'n gabhadh iad seudan òir agus airgid o'n còimhearsnaich. 4 Tha Maois a' toirt fos do Pharaoh gu'm faigheadh gach ceud-ghin son Eiphit bàs.*

A GUS thubhairt an Tighearna ri Maois, Bheir mi aon phlàigh fathast air Pharaoh, agus air an Eiphit; an déigh sin leigidh e leibh imeachd as a so: an uair a leigeas e leibh imeachd, gu cinnteach fuadaichidh e mach as a so sibh gu h-iomlan.

2 Labhair a nis ann an cluasaibh an t-sluaigh, agus iarradh gach duine o 'choimhearsnach, agus gach bean o 'banchoimhearsnach, seudan airgid, agus seudan òir.

3 Agus thug an Tighearna deadh-ghean do'n t-sluaigh ann an sùilibh nan Eiphit-each: Mar an ceudna, *bha* 'n duine Maois ro mhòr ann an tìr na h-Eiphit, ann an sùilibh sheirbhiseach Pharaoh, agus ann an sùilibh an t-sluaigh.

4 Agus thubhairt Maois, Mar so tha'n Tighearn ag ràdh, Mu mheadhon-oidhche théid mi mach do mheadhon na h-Eiphit.

5 Agus gheibh gach ceud-ghin ann an tìr na h-Eiphit bàs, o cheud-ghin Pharaoh, a ta 'na shuidhe air a righ-chainn, eadhon gu ceud-ghin na ban-tràille⁴ a ta air cùl a' muhlinn, agus uile cheud-ghin nan ainmhidhean.

¹ ro mhillteach.

² dall-dhorchadas.

³ cha'n fhàgar speir 'nar déigh. ⁴ na ban-seirbhisich.

ECSODUS XI. XII.

6 Agus bithidh éigheach¹ inhòr ann an tìr na h-Eiphit uile, nach robh riamh a leithid ann, nì mò bhitheas a leithid ann tuilleadh.

7 Ach an aghaidh aoin do chloinn Israeil cha charuich² madadh a theanga, aon chuid an aghaidh duine no ainmhidh; chum as gu'm bi fios agaibh cionnus a chuireas an Tighearna dealachadh eadar na h-Eiphitich agus Israel.

8 Agus thig iad sin do sheirbhisich uile sìos a m' ionnsuidh-sa, agus cromaidh siad iad féin domh, ag ràdh, Imich a mach, agus an sluagh uile a ta 'gad lean-tuinn; agus an déigh sin théid m' mach: agus chaidh e mach o Pharaoh ann an corruich mhòir.

9 Agus thubhairt an Tighearna ri Maois, Cha'n éisd Pharaoh ribh, a chum as gu meudaichear m'iongantais³ ann an tìr na h-Eiphit.

10 Agus rinn Maois agus Aaron na h-iongantais sin uile am fianuis Pharaoh: agus chruaidhich an Tighearna cridhe Pharaoh, agus cha do leig e le cloinn Israeil imeachd as a dhùthaich.

CAIB. XII.

3 *A' chàisg air a h-àithneadh.* 29 *Gach ceud-ghin ann an tìr na h-Eiphit air a mharbhadh.* 31 *Na Israelich air am fògradh as an tìr.* 43 *Ordugh na càisege.*

AGUS labhair an Tighearna ri Maois agus ri h-Aaron ann an tìr na h-Eiphit, ag ràdh,

2 *Bithidh* am mìos so dhuibh 'na thois-each nam mìos: *bithidh* e dhuibh 'na cheud mhios na bliadhna.

3 Labhraibh-sa ri coimhthional Israeil uile, ag ràdh, Air an deicheamh lù do'n mhios so gabhaidh iad dhoibh féin gach duine uan, a réir tighe an aithriche, uan air son tighe.

4 Agus ma bhios an teaghlach ro bheag air son uain, an sin ghabhaidh esan agus a choimhearsnach a's faigse d'a thigh e, a réir àireimh nan anamanna; gach duine, a réir 'itheannaich, àirmhear leibh air son an uain.

5 *Bithidh* bhur n-uan gun ghaoid⁴, fir-ionn, bliadhna dh'aois⁵; as na caoraich no as na gabhraibh gabhaidh sibh e.

6 Agus gleidhidh sibh a stigh e, gu ruig an ceathramh là deug do'n mhios so: agus marbhaidh conih-chluinneachadh iomlan chloinn Israeil e san fheasgar⁶.

7 Agus gabhaidh iad do'n fhuil, agus cuiridh iad i air an dà ursainn, agus air ard-dorus nan tighean, anns an ith iad e.

8 Agus ithidh iad an fheoil san oidhche

sin féin ròiste le teine, agus aran neo-ghoirtichte⁷; maille ri *luibhibh* searbhha ithidh iad e.

9 Na h-ithibh a bheag dheth amh, no idir air a bhruicheadh⁸ ann an uisge, ach ròiste le teine: a cheann maille r'a chosaibh, agus maille r'a ghrealaich⁹.

10 Agus cha'n fhàg sibh a *bheag* dheth gu maduinn: agus na dh'fhàgar dheth gu maduinn, loisgidh sibh le teine.

11 Agus mar so ithidh sibh e; le'r leas-ruidh crioslaichte, bhur brògan air bhur cosaibh, agus bhur lorg¹⁰ 'nur làimh: agus ithidh sibh e le cabhaig; is i càisg¹¹ an Tighearn a th'ann.

12 Oir théid mise troimh¹² thìrna h-Eiphit air an oidhche so, agus buailidh mi gach ceud-ghin ann an tìr na h-Eiphit, araon duine agus ainmhidh: agus an aghaidh dhée nan Eiphiteach uile cuiridh mi breitheanas an gnìomh; is mise an Tighearn.

13 Agus bithidh an fhuil dhuibh mar chomharadh air na tighibh anns am *bheil* sibh; agus an uair a chi mise an fhuil, théid mi thairis oirbh, agus cha hhi a' phlàigh oirbh a chum *bhur* milleadh 'nuair a bhuail eas mi tìr na h-Eiphit¹³.

14 Agus bithidh an là so dhuibh mar chuimhneachan; agus gleidhidh sibh e 'na là-féille¹⁴ do'n Tighearn air feadh bhur ginealach; le h-ordugh sìorruidh gleidhidh sibh e.

15 Seachd làithean ithidh sibh aran neo-ghoirtichte; air a' cheud là féin cuiridh sibh taois ghoirt a mach as bhur tighibh; oir gach neach a dh'itheas aran goirtichte, o'n cheud là gus an t-seachdamh là, gearrar an t-anam sin as o Israel.

16 Agus air a' cheud là *bithidh* agaibh comh-ghairm naomha, agus air an t-seachdamh là bithidh agaibh comh-ghairm naomha: obair sam bith cha deanar orra, saor o na dh'ithear leis gach neach; sin a mhàin nìthear leibh.

17 Agus cumaidh sibh *féill* an arain neo-ghoirtichte; oir air an là sin féin¹⁵ thug mise mach bhur slòigh¹⁶ á tìr na h-Eiphit; uime sin coimhidh sibh an là so 'nur ginealachuibh, le h-ordugh sìorruidh.

18 Sa' cheud mhios, air a' cheathramh là deug do'n mhios san fheasgar, ithidh sibh aran neo-ghoirtichte, gu ruig an ceud là 'ar fhlichead do'n mhios san fheasgar.

19 Ré sheachd làithean cha'n fhaighcar taois ghoirt 'nur tighibh; oir ge b'e neach a dh'itheas aran goirtichte, gearrar an t-anam sin féin as o choimhthional Israeil,

¹ éigh, cubha, glodhaich.

² cha ghluais.

³ mo mhòrbhuilean.

⁴ gun aineamh, fallain.

⁵ bliadhnaich.

⁶ eadar an dà fheasgar. Eabh.

⁷ gun laibhin.

⁸ bruitheadh.

⁹ innibh.

¹⁰ bata.

¹¹ dol thairis. Eabh.

¹² air feadh; tre. Eir.

¹³ nuair a bhuail eas

mi ann an tìr na h-Eiphit. Eabh.

¹⁴ là féisde.

¹⁵ ann an corp an là sin. Eabh.

¹⁶ armailtean.

ECSODUS, XII.

co dhiubh¹ is coigreach e, no neach a rugadh san tìr.

20 Nì air bith goirtichte cha'n ith sibh: 'nur n-aitibh-còmhnuidh uile ithidh sibh aran neo-ghoirtichte.

21 An sin ghairm Maois air seanairean Israeil uile, agus thubhairt e riu, Tairngibh a mach, agus gabhaibh dhuibh féin uan, a réir bhuir teaghlaichean, agus marbhaibh a' chàisg.

22 Agus gabhaidh sibh bad hìosoip, agus tumaidh sibh e san fhuil a ta san t-soith-each, agus beanaidh sibh do'n àrd-dorus, agus do'n dà ursainn, leis an fhuil a ta san t-soitheach: agus cha téid a h-aon agaibh a mach air dorus a thighe gu ruig a' mhaduinn.

23 Agus théid an Tighearna thairis a bhualadh nan Eiphiteach; agus an uair a chi e 'n fhuil air an àrd-dorus, agus air an dà ursainn, théid an Tighearna thairis air an dorus, agus cha léig e leis a' mhill-teir teachd a steach d'ur tighibh gu' bualadh.

24 Agus gleidhidh sibh an nì so mar ordugh dhuibh féin, agus d'ur mic², gu sìorruidh.

25 Agus tarlaidh, 'nuair a théid sibh a steach do'n fhearann a bheir an Tighearna dhuibh, a réir mar a gheall e, gu'n gléidh sibh an t-seirbhis so.

26 Agus tarlaidh, 'nuair a their blur clann ribh, Cìod is ciall duibh leis an t-seirbhis so?

27 Gu'n abair sibh, So òbairt càisge an Tighearna, a chaidh thairis air tighibh chloinn Israeil san Eiphit, 'nuair a bhuail e na h-Eiphitich, agus a shaor e ar tigh-ean-ne. Agus chrom an sluagh iad féin, agus rinn iad aoradh.

28 Agus dh'fhalbh clann Israeil, agus rinn iad mar so; mar a dh'àithn an Tighearna do Mhaois agus do Aaron, mar sin rinn iad.

29 Agus air meadhon na h-oidhche sin féin bhuail an Tighearna gach ceud-ghin ann an tìr na h-Eiphit, o cheud-ghin Pharaoh a shuidh air a righ-chaithir, gu ceud-ghin a' chiomaich³ a bha ann an slochd a' phrìosain⁴; agus gach ceud-ghin ainmhidh.

30 Agus dh'éirich Pharaoh sau oidhche, e féin agus a sheirbhisich uile, agus na h-Eiphitich uile; agus bha éigheach mhòr san Eiphit: oir cha robh tigh anns nach robh neach marbh.

31 Agus ghairm e air Maois agus air Aaron san oidhche, agus thubhairt e, Eiribh, rachaibh a mach á meadhon mo shluaigh, araon sibhse agus clann Israeil:

agus rachaibh, deanaibh seirbhis do'n Tighearna, mar a thubhairt sibh.

32 Thugaibh leibh mar an ceudna bhuir treudan, agus bhuir buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-sparradh⁵ do'n t-sluagh, a chum gu'n cuireadh iad le cabhaig a mach as an tìr iad; oir thubhairt iad, Is daoine marbha sinn gu léir.

34 Agus ghabh an sluagh an taois mun do ghoirticheadh i, an amaran-fuinidh ceangailte 'nan eudach air an guaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir, agus eudach.

36 Agus thug an Tighearna deadh-ghean do'n t-sluagh ann an suilibh nan Eiphiteach, agus thug iad an coingheall⁶ dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimchioll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh do shluagh eile⁷ suas maille riu, agus treudan, agus buar, ro mhòran spréidhe⁸.

39 Agus dh'fhuin iad do'n taois a thugadh a mach as an Eiphit breacaga neo-ghoirtichte, oir cha do ghoirticheadh i; do bhrìgh gu'n d'fhuadaicheadh iad a mach as an Eiphit, agus nach b'urrainn iad fuireach, agus mar an ceudna nach do dheasaich iad biadh dhoibh féin.

40 A nis b'i aimsir cuairte chloinn Israeil, a bha iad a chòmhnuidh san Eiphit, ceithir cheud agus deich bliadhna fichead.

41 Agus aig ceann nan ceithir cheud agus nan deich bliadhna thar fhichead, air an là sin féin chaidh slòigh an Tighearna uile mach á tìr na h-Eiphit.

42 Is oidhche so gu bhi air a coimhead⁹ gu h-àraidh do'n Tighearna, air son an toirt-san a mach á tìr na h-Eiphit: so an oidhche sin gu bhi air a coimhead do'n Tighearna le cloinn Israeil uile 'nan gin-ealachaibh.

43 Agus thubhairt an Tighearna ri Maois agus ri h-Aaron, So ordugh na càisge cha'n ith coigreach¹⁰ sam bith e dhith.

44 Agus gach seirbhiseach duine, a cheannaicheadh le h-airgiod, an uair a thimchioll-ghearras tu e, an sin ithidh e dhith.

45 Cha'n ith coigreach, no seirbhiseach tuarasdail dhith.

46 Ann an aon tigh ithear i: cha ghiùlain thu bheag do'n fheoil a mach as an

¹ co ac'. ² dhuil féin agus do d'mhic. Eabh.

³ a' bhraighde; the captive. Sasg. ⁴ na gaintir.

⁵ geur-impidh.

⁶ iasaid

⁷ cumasg mòr sluaigh.

⁸ ro-mhòran nì.

⁹ cumail, gleidheadh.

¹⁰ mac coigrich. Eabh.

tigh; ni mò a bhriseas sibh cnàimh dhith.

47 Ni coimhthional Israeil uile sin.

48 Agus an uair a bhios coigreach air chuairt maille riut, agus a chumas e a' chàisg do'n Tighearna, timchioll-ghearrar gach firionnach aige, agus an sin thigeadh e am fagus g' a cumail, agus bithidh e mar neach a rugadh san tìr: ach cha'n ith neach sam bith neo-thimchioll-ghearrta dhith.

49 Bithidh an t-aon lagh aige-san a rugadh san tìr, agus aig a' choigreach a ta air chuairt 'nur measg.

50 Mar so rinn clann Israeil uile; mar a dh'àithn an Tighearna do Mhaois agus do Aaron, mar sin rinn iad.

51 Agus, air an là sin féin, thug an Tighearna mach clann Israeil á tìr na h-Eiphit, a réir an slògh¹.

CAIB. XIII.

1 *Gach ceud-ghin air a naomhachadh do'n Tighearna.*

3 *Dh'orduicheadh cuimhne na cùisge.* 21 *Clann Israeil air an treòrachadh le Dia air an slighe le meall neoil san là, agus le meall teine san oidhche.*

AGUS labhair an Tighearna ri Maois, ag ràdh.

2 Naomhaich dhomhsa gach ceud-ghin, ge b'e air bith a dh'fhosglaas a' bhrù² am measg chloinn Israeil, eadar dhuine agus ainmhidh; is leamsa e.

3 Agus thubhairt Maois ris an t-sluagh, Cuimhnichibh an là so, air an d'thàinig sibh a mach as an Eiphit, á tigh na daorsa; oir le làimh thréin thug an Tighearna a mach sibh as a sin: agus cha'n ithear³ aran goirtichte.

4 Air an là 'n diugh thàinig sibh a mach, am mìos Abib.

5 Agus an uair a bheir an Tighearna steach thu do thìr nan Canaanach, agus nan Hiteach, agus nan Amorach, agus nan Hibheach, agus nan Iebusach, a mhionnaich e do d' aithrichibh gu'n tugadh e dhuit, fearann a' sruthadh le bainne agus le mil, an sin coimhididh tu an t-seirbhis so anns a' mhios so.

6 Seachd làithean ithidh tu aran neo-ghoirtichte agus air an t-seachdamh là bithidh féill⁴ do'n Tighearna.

7 Ithear aran neo-ghoirtichte seachd làithean; agus cha'n fhaicear aran goirtichte agad, agus ni mò a chithear taois ghoirt agad ann ad chrìochaibh uile.

8 Agus innsidh tu do d' mhac san là sin, ag ràdh, *Nithear so* air sgàth an ni sin a rinn an Tighearna dhomhsa, 'nuair a thàinig mi mach as an Eiphit.

9 Agus bithidh e dhuit mar chomharadh air do làimh, agus mar chuimhneachan eadar do shùilibh, a chum gu'm bi lagh

an Tighearna ann ad bheul; oir le làimh thréin thug an Tighearna mach thu as an Eiphit.

10 Air an aobhar sin coimhididh⁵ tu an t-ordugh so 'na thràth⁶ féin o bhliadhna gu bliadhna.

11 Agus an uair a bheir an Tighearna steach thu do thìr nan Canaanach mar a mhionnaich e dhuitse, agus do d' aithrichibh, agus a bheir e dhuit e,

12 An sin cuiridh tu air leth do'n Tighearna gach ni a dh'fhosglaas a' bhrù, agus gach ceud-ghin a thig o ainmhidh a's leatsa; *buinidh iadsan a ta firionn 'nam measg* do'n Tighearna.

13 Agus gach ceud-ghin asail fuasgailidh tu le h-uan; agus mur fuasgail thu e, an sin brisidh tu 'amhach: agus gach ceud-ghin duine am measg do chloinne fuasgailidh tu.

14 Agus an uair a dh'fheòraicheas do mhac dhìot san aimsir ri teachd, ag ràdh, Ciod e so? an sin their thu ris, Le làimh thréin thug an Tighearna mach sinn as an Eiphit, á tigh na daorsa:

15 Agus an uair a chruaidhich Pharaoh e féin, agus nach b'àill leis ar leigeadh air falbh, an sin mharbh an Tighearna gach ceud-ghin ann an tìr na h-Eiphit, araon ceud-ghin duine, agus ceud-ghin ainmhidh; air an aobhar sin, ìobraidh mi do'n Tighearna gach ni a dh'fhosglaas a' bhrù, *ma's* firionnach *iad*, ach uile cheud-ghin mo chloinne fuasgailidh mi.

16 Agus bithidh e mar chomharadh air do làimh, agus mar eudanan eadar do shùilibh; oir le làimh thréin thug an Tighearna a mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do threòrach⁷ Dia iad air slighe tìre nam Philisteach, ged a bha sin aithghearr; oir thubhairt Dia, Air eagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach threòrach Dia au sluagh mu'n cuairt, air slighe fàsaich na mara ruaidhe: agus chaidh clann Israeil suas an ordugh catha á tìr na h-Eiphit.

19 Agus thug Maois cnàmhan⁸ Ioseiph leis: oir ghabh e miomnan teann do chloinn Israeil, ag ràdh, Gu cinnteach amhaircidh Dia oirbhe, agus bheir sibh suas mo chnàmhan leibh as a so.

20 Agus dh'imich iad o Shucot, agus champaidh iad ann an Etam, ann an iomall an fhàsaich.

21 Agus chaidh an Tighearna rompa san là ann am meall⁹ neoil, a chum an treòrachadh air an t-slighe, agus san oidhche ann am meall teine, a thoirt soluis

¹ an armailtean.

² a' mhachlag; womb. Sasg.

³ cha'n ithear.

⁴ fèisd.

⁵ gleidhidh.

⁶ àm.

⁷ cha d'thug.

⁸ cnàmhean.

⁹ stac, baideal; pillar. Sasg.

doibh; gu imeachd a là agus a dh'oidhche. 22 Cha d' thug e air falbh am meall neoil san là, no 'm meall teine san oidhche, á làthair an t-sluaigh.

CAIB. XIV.

1 Chaidh Pharaoh an tòir air cloinn Israeil. 10 Rinn iadsan gearan an aghaidh Mhaois. 13 Thug esan comh-shurtachd doibh. 21 Chaidh iad troimh 'n mhuir ruaidh. Bhàthadh na h-Eiphitich.

AGUS labhair an Tighearna ri Maois, ag ràdh.

2 Labhair ri cloinn Israeil, gu 'm pill iad, agus gu'n campaich iad fa chomhair Phihahiroit, eadar Migdol agus an fhaige, fa chomhair Bhaal-sephoin; fa choinn-eamh-san campaichidh sibh làimh ris an fhaige.

3 Oir their Pharaoh mu chloinn Israeil, *Tha* iad air seachran¹ san tìr, dh'iadh am fàsach mu'n timchioll.

4 Agus cruaidhichidh mise cridhe Pharaoh, agus théid e air an tòir, agus gheibh mise glòir a thaobh Pharaoh, agus a shloigh uile; agus bithidh fios aig na h-Eiphitich gur mise an Tighearna. Agus rinn iad mar sin.

5 Agus dh'imseadh do rìgh na h-Eiphit gu'n do theich an sluagh: agus thionndaidh cridhe Pharaoh, agus a sheirbhis-each an aghaidh an t-sluaigh, agus thubhairt iad, Cìod e so a rinn sinn, gu'n do leig sinn le h-Israel imeachd asar seirbhis?

6 Agus bheartaich¹ e a charbad, agus thug e a shluagh maille ris;

7 Agus thug e leis sè ceud carbad taghta, agus uile charbada na h-Eiphit, agus ceannardan orra uile.

8 Agus chruaidhich an Tighearna cridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làimh àird.

9 Ach chaidh na h-Eiphitich air an tòir (eich *agus* carbadan Pharaoh, agus a mharc-shluagh, agus 'armailt uile,) agus rug iad orra, *agus iad* a' campachadh làimh ris an fhaige, làimh ri Pihahiroit, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an sùilean, agus, feuch, bha na h-Eiphitich air an tòir, agus bha eagal mòr orra: agus dh'éigh clann Israeil ris an Tighearna.

11 Agus thubhairt iad ri Maois, An ann a chionn nach *robh* uaighean san Eiphit, a thug thu leat sinn gu bàs fhaghail san fhàsach? C'ar sou a rinn thu so oirnn ar tabhairt a mach as an Eiphit?

12 Nach e so am focal a labhair sinn riut san Eiphit, ag ràdh, Leig leinn seirbhis a dheanamh do na h-Eiphitich? Oir b'fhearr dhuinn seirbhis a dheanamh do

na h-Eiphitich na bàs fhaghail san fhàsach.

13 Agus thubhairt Maois ris an t-sluagh, Na biodh eagal oirbh, seasaibh, agus faicibh slàinte an Tighearna, a dh'oibrich-eas e dhuibh an diugh; oir na h-Eiphitich a chunnaic sibh an diugh, cha'n fhaic sibh iad a chaoidh tuilleadh.

14 Cogaidh an Tighearna³ air blur son, agus fanaidh sibhse 'mur tosd.

15 Agusthubhairt an Tighearna ri Maois, C'ar son a ta thu 'g éigheach riumsa? Abair ri cloinn Israeil dol air an aghaidh:

16 Ach tog-sa suas do shlat, agus sìn a mach do làmh os ceann na fairge, agus sgoilt i; agus théid clann Israeil a steach am meadhon na fairge air *talamh* tioram.

17 Agus cruaidhichidh mise, eadhon mise, cridhe nan Eiphiteach, agus théid iad a steach 'nan déigh: agus gheibh mise glòir a thaobh Pharaoh, agus a thaobh a shloigh uile, a thaobh a charbadan, agus a thaobh a mharc-shluaigh.

18 Agus bithidh fios aig na h-Eiphitich gur mise an Tighearna, 'nuair a gheibh mi glòir a thaobh Pharaoh, a thaobh a charbadan, agus a thaobh a mharc-shluaigh.

19 Agus dh'fhalbh aingeal an Tighearna a chaidh roimh champ Israeil, agus dh'imich e 'nan déigh; agus dh'fhalbh am meall neoil o 'm beulaobh, agus sheas e air an cùlaobh.

20 Agus thàinig e eadar camp nan Eiphiteach agus camp Israeil, agus bha e 'na neul, agus 'na dhorchadas *dhoibh sud*, ach shoillsich e 'n oidhche *dhoibh so*, air chor as nach d'thàinig a h-aon duibh am fagus d'a chéile rè na h-oidhche.

21 Agus shìn Maois a mach a làmh os ceann na fairge, agus thug an Tighearna air an fhaige dol *air a h-ais* le gaoth làidir o'n ear, rè na h-oidhche sin, agus rinn e 'n fhaige 'na *talamh* tioram, agus roinneadh na h-uisgeachan.

22 Agus chaidh clann Israeil a steach am meadhon na fairge air *talamh* tioram, agus *bha* na h-uisgeacha 'nam balla dhoibh air an làimh dheis, agus air an làimh chlì.

23 Agus lean na h-Eiphitich, agus chaidh iad a steach 'nan déigh gu meadhon na fairge, *eadhon* eich Pharaoh uile, a charbadau, agus a mharc-shluaigh.

24 Agus ann am faire na maidne dh'amhairc an Tighearna air sluagh nan Eiphiteach, troimh⁴ 'n mheall theine agus neoil; agus chlaoidh e armailt nan Eiphiteach.

25 Agus thug e air falbh rothan an carbad, air chor as gu'n do tharruingeadh iad gu trom. Agus thubhairt na h-Eiphitich, Teicheamaid á làthair Israeil, oir

¹ air an amladh.² dh'ullaich.³ Nì an Tighearna cogadh.⁴ trid. Eir.

tha 'n Tighearn a' cogadh leo-san an aghaidh nan Eiphiteach.

26 Agus thubhairt an Tighearn a ri Maois, Sin a mach do làmh os ceann na fairge, chum gu'n tig na h-uisgeachan air an ais air na h-Eiphitich, air an carbadaibh, agus air an marc-shluagh.

27 Agus shìn Maois a mach a làmh os ceann na fairge, agus phill an fhairge g'a neart, an uair a shoillsich a' mhaduinn; agus theich na h-Eiphitich 'na h-aghaidh; agus chuir an Tighearn na h-Eiphitich fodha¹ am meadhan na fairge.

28 Agus phill na h-uisgeachan, agus dh'fholaich iad na carbaid, agus am marc-shluagh, agus armailt Pharaoh² uile, a thàinig san fhairge 'nan déigh: cha d'fhàgadh uiread 's a h-aon diubh.

29 Ach dh'imich clann Israeil air *talamh* tioram an meadhan na fairge, agus bha na h-uisgeacha 'nam balla dhoibh air an làimh dheis, agus air an làimh chlì.

30 Mar so shaor an Tighearn Israel, air an là sin, á làimh nan Eiphiteach: agus chunnaic Israel na h-Eiphitich marbh air traigh na fairge.

31 Agus chunnaic Israel an obair³ mhòr sin a rinn an Tighearn air na h-Eiphitich, agus bha eagalan Tighearn air an t-sluagh, agus chreid iad an Tighearn, agus Maois a sheirbhiseach.

CAIB. XV.

1 *Laoidh Mhaois.* 22 *Tha'n sluagh a dh'ith uisge.* 23 *Rinneadh uisgeacha searbh Mharah mìlis dhoibh.* 27 *Thàinig iad gu h-Elin.*

AN sin chán⁴ Maois agus clann Israeil an laoidh⁵ so do'n Tighearn, agus labhair iad, ag ràdh, Canaidh mise do'n Tighearn, oir thug e buaidh gu glòrmhor; an t-each agus a mharcach thilg e san fhairge.

2 'S e 'n Tighearn mo neart, agus mo dhàn⁶, agus tha e 'na shlàinte dhomh: is ean mo Dhia-sa, agus ni mi àite-còmhnuidh dha; Dia m'athar, agus àrdaichidh mi e.

3 Is fear-cogaidh an Tighearna; 'se an Tighearn a's ainm dha.

4 Carbadan Pharaoh, agus 'armailt thilg e san fhairge; agus tha rogha a cheannardan air am bàthadh san fhairge ruaidh⁷.

5 Dh'fholaich na doimhneachdan iad; chaidh iad sìos do'n aigean mar chloich.

6 Rinneadh do dheas làmh, O Thighearn, glòrmhor ann an cumhachd; bhris do dheas làmh, O Thighearn, an nàmhaid 'na bhloighdibh.

7 Agus ann am meud t'òirdheirceis

chlaoidh thu iadsan a dh'éirich suas a' d' aghaidh; chuir thu t'fhearg a mach, loisg i suas⁸ iad mar asbhuaibh.

8 Agus le anail do shròine chruinnich eadh na h-uisgeacha; sheas na tuitte suas mar thorr⁹, chruaidhich¹⁰ na doimhneachdan am meadhan na fairge.

9 Thubhairt an nàmhaid, Leanaidh mi, beiridh mi orra, roinnidh mi a' chreach: sàsuichear mo mhianm orra; ruisgidh mi mo chlaidheamh, sgriosaidh mo làmh iad¹¹.

10 Shéid thu le d' ghaoith, chòmhdaich an fhairge iad, chaidh iad fodha mar luaidh anns na h-uisgeachaibh làidir.

11 Cò 's cosmhuil riuts' an measg nan Dé¹², a Thighearna? Cò tha cosmhuil riut, glòrmhor ann an naomhachd, uamhasach¹³ ann am moladh¹⁴, a' deanamh *nithe* iongantach?

12 Shìn thu mach do dheas làmh; shluig an talamh suas iad.

13 Threòraich thu ann ad thròcair an sluagh so a shaor thu; thug thu iad ann ad neart a chum àite-còmhnuidh do naomhachd.

14 'Nuair a chluinneas na cinnich, bithidh eagal orra; thig doilgheas air luchd-àiteachaidh Phalestina.

15 An sin bithidh uamhann air cinn-fheadhma¹⁵ Edoim, thig geilt-chrith air daoine treuna Mhoai; leaghaidh air falbh luchd-àiteachaidh Chanaain uile.

16 Tuitidh uamhann agus eagal orra, le meud do ghairdein bithidh iad tosdach mar chloich, agus an téid do shluagh thairis, a Thighearna, agus an téid an sluagh so thairis, a cheannaich thu.

17 Bheir thu steach iad, agus suidhichidh tu iad ann an sliabh¹⁶ t' oighreachd-sa, anns an àit a rinn thu dhuit féin, a Thighearna, chum còmhnuidh a ghabhail ann, *san* ionad-naomha, a Thighearn, a dhaingnich do làmh-sa.

18 Rìghlichidh an Tighearna gu saoghal nan saoghal.

19 Oir chaidh eich Pharaoh a steach le 'charbadaibh, agus le 'mharc-shluagh, san fhairge, agus thug an Tighearn uisgeacha na fairge air an ais orra; ach dh'imich clann Israeil air *talamh* tioram an meadhan na fairge.

20 Agus ghlac Miriam a' bhan-fhàidh, piuthar Aaroin, tiompan 'na làimh; agus chaidh na mnathan uile mach 'na déigh le tiompanaibh agus le damsa¹⁷.

21 Agus fhreagair Miriam iad, Canaibh do'n Tighearn, oir thug e buaidh gu glòr-

¹ thilg e iad bun os-ceann. ² do armailt Pharaoh. Eabh. ³ làmh. Eabh. ⁴ sheinn.

⁵ òran. ⁶ m'òran. mo chliù. ⁷ san fhairge sheamnuich. ⁸ dh'ith i suas, chuir i as doibh. Eabh. ⁹ mar chruaich, mar mheall.

¹⁰ dhaingnieheadh. ¹¹ seallbhaichidh mo làmh iad mar oighreachd, bithidh tighearnas aig mo làimh orra. Eabh. ¹² measg nan cumhachdach.

¹³ a' d' chiùs eagal, urramach. ¹⁴ am molaibh. ¹⁵ ceannardan. ¹⁶ ann am beinn. ¹⁷ le feadaigaibh.

mhor; an t-each agus a mharcach thilg e san fhaighe.

22 Mar sin thug Maois Israel o'n mhuir ruaidh, agus chaidh iad a mach gu fàsach Shuir, agus dh'imich iad trì làithean san fhàsach, agus cha d'fhuair iad uisge.

23 Agus an uair a thàinig iad gu Marah, cha b' urrainn iad uisgeacha Mharah òl, oir bha iad searbh; uime sin thugadh Marah mar ainm air.

24 Agus rinn an sluagh gearan¹ an aghaidh Mhaois, ag ràdh, Ciod a dh'òlas sinn?

25 Agus dh'èigh esan ris an Tighearn, agus nochd an Tighearna fiodh² dha, agus thilg e sna h-uisgeachaibh e, agus rinneadh na h-uisgeacha milis: ann an sin rinn e lagh agus ordugh dhoibh, agus ann an sin dhearbh e iad;

26 Agus thubhairt e, Ma dh'éisdeas tu gu dùrachdach ri guth an Tighearna do Dhé, agus ma ni thu an ni sin a ta ceart 'na shealladh, agus ma bheir thu 'n aire d'a àitheantaibh, agus ma ghlcidheas tu a reachdan³ uile, aon do na h-eucailibh⁴ a chuir mi air na h-Eiplitich, cha chuir mi orts; oir is mise an Tighearn a shlànuicheas thu.

27 Agus thàinig iad gu h-Elm far an robh dà thobar dheug uisge, agus deich agus trì fichead crann⁵ pailme; agus champaich iad⁶ an sin làimh ris na h-uisgeachaibh.

CAIB. XVI.

1 Rinn clann Israeil gearan an aghaidh Mhaois agus Aaron, a chionn gu'n robh iad gu'n bhiadh. 12 Chuireadh gearra-goirt d'an ionnsuidh, 14 agus mana. 16 Riaghailtean m'a thimchioll.

A GUS dh'fhalbh iad o Elim, agus thàinig coimhthional chloinn Israeil uile gu fàsach Shin a ta eadar Elim agus Sinai, air a' chùigeadh là deug do'n dara mìos an déigh dhoibh teachd a mach á tìr na h-Eiplit.

2 Agus rinn coimhthional chloinn Israeil uile gearan an aghaidh Mhaois agus Aaron san fhàsach.

3 Agus thubhairt clann Israeil riu, B'fhearr gu'm faigheamaid bàs le làimh an Tighearn ann an tìr na h-Eiplit, an uair a bha sinn 'nar suidhe làimh ris na poitibh feòla, agus an uair a dh'ith sinn aran gu'r sàth; oir thug sibh a mach sinn do'n fhàsach so, a mharbhadh a' choimhthionail so uile le h-ocras.

4 An sin thubhairt an Tighearna ri Maois, Feuch, frasaidd mise dhuibh aran o nèamh, agus théid an sluagh a mach, agus cruinnichidh iad cuibhrionn gach là air an là sin féin, a chum as gu'n dearbh

mi iad, co ac' a ghluaiseas iad ann am' lagh, no nach gluais.

5 Agus air an t-seathadh là ulluichidh iad an *ni sin* a bhicir iad a steach, agus bithidh e dhà uibhir agus a chruinnicheas iad gach là *eile*.

6 Agus thubhairt Maois agus Aaron ri cloinn Israeil uile, Mu fheasgar, an sin bithidh fios agaibh gu'n d' thug an Tighearn a mach sibh á tìr na h-Eiplit:

7 Agus sa' mhaduinn, an sin chi sibh glòir an Tighearn; do bhrìgh gu bheil e a' cluinntinn bhur gearain an aghaidh an Tighearn: Agus ciod sinne, gu bheil sibh a' deanamh gearain 'nar n-aghaidh?

8 Agus thubhairt Maois, *Bithidh a' chùis mar so* 'nuair a bheir an Tighearna dhuibh san fheasgar feoil r'a h-itheadh, agus aran sa' mhaduinn gu'r sàth; do bhrìgh gu bheil an Tighearn a' cluinntinn bhur gearain a ta sibh a' deanamh 'na aghaidh: Agus ciod sinne? cha'n ann 'nar n-aghaidh-ne tha bhur gearan, ach an aghaidh an Tighearna.

9 Agus thubhairt Maois ri h-Aaron, Abair ri coimhthional chloinn Israeil uile, Thigibh am fasus an làthair an Tighearn, oir chual' e bhur gearan.

10 Agus an uair a labhair Aaron ri coimhthional chloinn Israeil uile, dh'amhairc iad a dh'ionnsuidh an fhàsaich, agus, feuch, dh'fhoillsicheadh glòir an Tighearn ann an neul.

11 Agus labhair an Tighearna ri Maois, ag ràdh,

12 Chuala mi gearan chloinn Israeil; labhair riu, ag ràdh, Mu fheasgar ithidh sibh feoil, agus sa' mhaduinn sàsuichear sibh le h-aran; agus bithidh fios agaibh gur mise an Tighearna bhur Dia.

13 Agus an uair a bha 'm feasgar ann, an sin thàinig na gearra-goirt⁸ a nìos, agus chòmhdach iad an camp; agus anns a' mhaduinn bha 'n drùchd 'na luidhe mu thimchioll a' chaimp.

14 Agus an uair a dh'èirich an drùchd a bha 'na luidhe suas, feuch, bha air aghaidh an fhàsaich ni beag cruinn, beag mar an liath-reodh air an talamh.

15 Agus an uair a chunnaic clann Israeil e, thubhairt iad gach aon r'a chéile, Mana⁹: oir cha robh fhios aca ciod e. Agus thubhairt Maois riu, So an t-aran a thug an Tighearna dhuibh r'a itheadh.

16 So an ni a dh'àithn an Tighearna, Cruinnichibh dheth gach duine a réir 'itheannaich, omer do gach neach a réir àireimh bhur n-anamanna, gabhadh gach duine agaibh air an son-san a ta 'na bhùth.

17 Agus rinn clann Israeil mar sin, agus

¹ monmhor, duarman.

² orduighean, 'àitheantan.

³ craobh.

⁴ easlaintibh.

⁵ craobh.

⁶ shuidhich iad am pubuill, thàmh iad.

⁷ ann mo.

⁸ quails. Sasg.

⁹ Ciod e so? Eabh.

chruinnich iad, cuid ni bu mhò, agus cuid ni bu lugha¹.

18 Agus an uair a thomhais iad e le h-omer, cha robh a bheag thairis aige-san a chruinnich ni bu mhò, agus air-san a chruinnich ni bu lugha, cha robh uireas-bhuidh: chruinnich *gach* duine a réir 'ith-eannaich.

19 Agus thubhairt Maois riu, Na fàgadh duine sam bith dheth gu maduinn.

20 Gidheadh cha d'éisd iad ri Maois, ach dh'fhàg cuid diubh dheth gu maduinn, agus ghin e cnuimhean, agus lobh e: Agus bha corruich air Maois riu.

21 Agus chruinnich iad e air *gach* maduinn, *gach* duine a réir 'itheannaich; agus an uair a dh'fhàs a' ghrian teth, leaghadh e.

22 Agus air an t-seathadh là chruinnich iad a dhà uiread arain, dà omer air son *gach* aoin: agus thàinig uachdarain a' choimhthionail uile, agus dh'innis iad *sin* do Mhaois.

23 Agus thubhairt e riu, So an ni a labhair an Tighearn, *Bithidh* fois na sàbaid naomha do'n Tighearn ann màireach: *a' mheud* 's a tha sibh gu fhuineadh, fuinibh an diugh, agus *a' mheud* 's a tha sibh gu bhrùicheadh, brùichibh; agus *gach* ni a bhios thairis, taisgibh suas dhuibh féingu maduinn.

24 Agus thaisg iad suas e gu maduinn, mar a dh'àithn Maois; agus cha do lobh e, ni mò a bha cnuimh sam bith ann.

25 Agus thubhairt Maois, Ithibh sin an diugh, oir *tha* sàbaid ann an diugh do'n Tighearn; an diugh cha'n fhaigh sibh e sa' mhachair.

26 Sè làithean cruinnichidh sibh e, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh *cuid* do'n t-sluagh a mach *g'a* chruinneachadh, agus cha d'fhuair iad a bheag.

28 Agus thubhairt an Tighearna ri Maois, Cia fhad a dhiùltas sibh m'àith-eanta-san a choimhead², agus mo reachd-an.

29 Faicibh, do bhrìgh gu'n d'thug an Tighearna dhuibh an t-sàbaid, air an aobhar sin tha e a' tabhairt³ dhuibh air an t-seathadh là aran dhà là: fanaibh, *gach* duine 'na àite féin; na rachadh duine sam bith a mach as 'àite air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar aium air; agus bha e mar fhrois corian-

deir, geal, agus a bhlas mar abhlain⁴ *air an deanamh* le mìl.

32 Agus thubhairt Maois, So an ni a dh'àithn an Tighearna, Lion omer dheth gu bhi air a ghleidheadh air son bhur ginealach, chum gu faic iad an t-aran leis do bheathaich mi sibh san fhàsach, an uair a thug mi mach sibh á tìr na h-Eiphit.

33 Agus thubhairt Maois ri h-Aaron, Gabh soitheach⁵, agus cuir ann làn omeir do Mhana⁶, agus taisg e an làthair an Tighearna, gu bhi air a ghleidheadh air son bhur ginealach.

34 Mar a dh'àithn an Tighearna do Mhaois, mar sin thaisg Aaron e an làthair na Fianuis, gu bhi air a ghleidheadh.

35 Agus dh'ith clann Israeil am Mana dà fhichead bliadhna, agus an d'thàinig iad gu tìr àiteiche: dh'ith iad am Mana, agus an d'thàinig iad gu crìch tìre Chanain.

36 A nis is e omer an deicheamh *cuid* do epah.

CAIB. XVII.

1 An sluagh ri gearan air son dìth uisge aig Rephidim. 5 Chuireadh Maois do'n charraig ann an Horeb, as an d'thàinig uisge mach. 8 Thugadh buaidh air Amalec.

AGSUS dh'imich coimhthional chloinn Israeil uile o fhàsach Shìn, a réir an turusan, mar a dh'àithn an Tighearn, agus champaich iad ann an Rephidim; agus cha robh uisge ann do'n t-sluagh ri òl.

2 Uime sin riun an sluagh consachadh⁷ ri Maois, agus thubhairt iad, Thoir⁸ dhuinn uisge chum as gu'n òl sinn. Agus thubhairt Maois riu, C'ar son a ta sibh a' consachadh riumsa? C'ar son a bhros-naicheas sibh⁹ an Tighearn?

3 Agus mhiannaich an sluagh uisge¹⁰ ann an sin; agus rinn an sluagh gearan an aghaidh Mhaois, agus thubhairt iad, C'ar son so a thug thu nìos sinn as an Eiphit, a chum sinn féin a mharbhadh, agus ar clann, agus ar spréidh le tart?

4 Agus dh'éigh Maois ris an Tighearna, ag ràdh, Cìod a ni sinn ris an t-sluagh so? is beag nach 'eil iad 'g am chlachadh.

5 Agus thubhairt an Tighearna ri Maois, Imich roinn 'n t-sluagh, agus thoir leat *cuid* do sheanairibh Israeil; agus do shlat leis an do bhuail thu an amhainn, gabh a'd' làimh, agus bi 'g imeachd:

6 Feuch, seasaidh mise romhad an sin, air a' charraig ann an Horeb, agus buailidh tusa a' charraig, agus thig uisge mach aise, a chum gu'n òl an sluagh. Agus rinn Maois mar sin ann an sealladh sheanairean Israeil.

¹ bu lagha. ² a ghleidheadh. ³ a toirt.
⁴ bhreacan. ⁵ poit. ⁶ Man. Eabh.
⁷ throid an sluagh. ⁸ Tabhar.

⁹ dhearbhas sibh, dhuaireas sibh, chuireas sibh cath-achadh air. ¹⁰ bha tart uisge air an t-sluagh.

7 Agus thug e mar ainm air an àite Masah agus Meribah, air son consachaidh¹ chloinn Israel, agus do bhrìgh gu'n do bhrosnuich² iad an Tighearn, ag ràdh, Am bheil an Tighearna 'nar measg, no nach 'eil?

8 An sin thàinig Amalec, agus chog e ri h-Israel ann an Rephidim.

9 Agus thubhairt Maois ri Iosua, Tagh a mach dhuinn daoine, agus falbh a mach, cog ri h-Amalec: am màireach seasaidh mise air mullach an t-sléibh, agus slat Dhé a'm' làimh.

10 Agus rinn Iosua mar a thubhairt Maois ris, agus chog e ri h-Amalec. Agus chaidh Maois, Aaron, agus Hur, suas gu mullach an t-sléibh.

11 Agus an uair a thog Maois suas a làmh, an sin bhuadhaich Israel, agus an uair a leag e sìos a lamh, bhuadhaich Amalec.

12 Ach bha làmhnan Mhaois trom, agus ghabh iad clach, agus chuir iad fuidhe i, agus shuidh e oirre: agus chun Aaron agus Hur suas a làmhnan, fear dhiubh air aon taobh, agus fear air an taobh eile: agus bha a làmhnan seasmhach gu luidhe³ na gréine.

13 Agus chlaoidh Iosua Amalec agus a dhaoine le faobhar a' chlaidheimh.

14 Agus thubhairt an Tighearna ri Maois, Sgrìobh so mar chuimhneachan ann an leabhar, agus aithris e ann an cluasaibh Iosua; oir dubhaidh mise as gu tur cuimhne Amaleic o bhi fo⁴ nèamlh.

15 Agus thog Maois altair, agus thug e Iehobhah-Nisi mar ainm oirre;

16 Oir thubhairt e, do bhrìgh gu'n do mhionnaich an Tighearna, gu'm bi cogadh aig⁵ an Tighearna ri h-Amalec o linn gu linn.

CAIB. XVIII.

1 Thug Ietro a bhean agus a dhithis mhac a dh'ionnsuidh Mhaois. 7 Thug Maois aoidheachd dha, 13 agus ghabh e a chomhairle.

NUAIR a chuala Ietro, sagart Mhidian, athair-céile Mhaois, gach ni a rinn Dia air son Mhaois, agus air son Israeil a shluaigh, gu'n d'thug an Tighearn a mach Israel as an Eiphit;

2 An sin thug Ietro, athair-céile Mhaois, leis Sipurah bean Mhaois, an déigh dha a cur air a h-ais.

3 Agus a dithis mhac, d'am b' ainm do h-aon diubh Gersom, (oir thubhairt e, A'm' choigreach bha mi ann an tìr choimhich:)

4 Agus b'e ainm an fhir eile Elieser, (oir rinn Dia m'athar, thubhairt e, còmh-

nadh rium, agus shaor e mi o chlaidheamh Pharaoh.)

5 Agus thàinig Ietro, athair-céile Mhaois, agus a mhic, agus a bhean, a dh'ionnsuidh Mhaois do'n fhàsach, far an do champaich e aig sliabh Dhé.

6 Agus thubhairt e ri Maois Tha mise d'athair-céile Ietro, air teachd a'd' ionnsuidh, agus do bhean, agus a dithis mhac maille rithe.

7 Agus chaidh Maois a mach an coinn-eamh athar-céile, agus rium e ùmhlachd⁶ dha, agus phòg se e, agus dh'altaich iad beatha a chèile⁷: agus thàinig iad a steach do'n bhùth.

8 Agus dh'innis Maois d'a athair-céile gach ni a rinn an Tighearn air Pharaoh, agus air na h-Eiphitich air sgàth Israeil, gach saothair⁸ a thàinig orra air an t-slighe, agus cionnus a shaor an Tighearn iad.

9 Agus rinn Ietro gairdeachas á leth a' mhaith sin uile a rinn an Tighearna do Israel, a shaor e á làimhl nan Eiphiteach.

10 Agus thubhairt Ietro, Beannaichte gu robh an Tighearn, a shaor sibh á làimh nan Eiphiteach, agus á làimh Pharaoh, a shaor an sluagh o bhi fo làimh nan Eiphiteach.

11 A nis, tha fios agam gur mò an Tighearna na na h-uile dhée; oir anns an ni sin anns an do rinn iad gu h-uabhlireach, bha esan os an ceann.

12 Agus ghabh Ietro, athair-céile Mhaois, tabhartas-loisgte agus iobairtean do Dhia: agus thàinig Aaron, agus uile sheanairean Israeil, a dh'itheadh arain maille ri athair-céile Mhaois an làthair Dhé.

13 A nis air an là màireach shuidh Maois gu breth a thoirt air an t-sluagh; agus sheas an sluagh làimh ri Maois o mhaduinn gu feasgar.

14 Agus an uair a chunnaic athair-céile Mhaois gach ni a rinn e ris an t-sluagh, thubhairt e, Ciod e an ni so a tha thu deanamh ris an t-sluagh? C'ar son a ta thusa a'd' shuidhe a'd' aonar, agus ta 'n sluagh uile a' seasmh làimh riut o mhaduinn gu feasgar?

15 Agus thubhairt Maois r'a athair-céile, Do bhrìgh gu'n tig an sluagh a m' ionnsuidh a dh'fhiosrachadh o Dhia.

16 'Nuair a bhios cùis aca, thig iad a m' ionnsuidh, agus bheir mi breth eadar duine agus duine, agus nochdaidh mi dhoibh orduighean Dhé, agus a laghanna.

17 Agus thubhairt athair-céile Mhaois ris, Cha mhaith an ni a ta thu deanamh.

18 Caithidh⁹ tu as gu tur, araon thu féin, agus an sluagh so a ta maille riut,

¹ geur-chainnt, comhstri. ² gu'n d'fheuch, gu'n do dhearbha. Eabh. ³ dol fodha, dol fuidhe. ⁴ fuidh. ⁵ gu'n cathaich.

⁶ chrom se e féin. Eabh. ⁷ dh'fheòraich iad mu leis a chèile, ghabh iad sgeula mu shlàinte a chèile. ⁸ dragh. ⁹ Seargaidh.

oir a *ta* an ni *so* ro throm air do shon; cha'n 'eil e 'n comas duit a dheanamh a'd' aonar.

19 A nis ma ta éisd ri m' ghuth, bheir mi comhairl' ort, agus bithidh Dia maille riut: bi-sa air son an t-sluaigh an làthair Dhé, agus bheir thu na cùisean a dh'ionnsuidh Dhé:

20 Agus teagaisgidh tu dhoibh na h-orduighéan agus na laghanna, agus nochdaidh tu dhoibh an t-slighe air an còir dhoibh imeachd, agus an obair a's còir dhoibh a dheanamh.

21 Agus taghaidh tu mach as an t-sluaigh uile, daoine foghainteach¹, air am bi eagal Dé, daoine firimeach, a dh'fhuathaicheas samt; agus cuiridh tu iad os an ceann 'nan uachdaranaibh² mhlite, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

22 Agus bheir iad breth air an t-sluaigh anns gach àm; ach gach cùis mhòr bheir iad a d' ionnsuidh-sa, agus air gach cùis bhih bheir iad féin breth: mar sin bithidh e nì's entruime dhuitse, agus iomcharaidh iadsan an *eallach* maille riut.

23 Mu nì thu an nì *so*, agus gu'n àitln Dia sin dhuit, an sin is urrainn thu seasamh ris, agus mar an ceudna théid an sluagh *so* uile d'an àite féin air gith.

24 A nis dh'éisid Maois ri guth 'atharcéile, agus rim e gach nì a thubhairt e.

25 Agus thagh Maois daoine foghainteach a mach á h-Israel uile, agus rinn e iad 'nan ceannardaibh air an t-sluaigh; 'nan uachdaranaibh mhlite, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

26 Agus thug iad breth air an t-sluaigh anns gach àm: na cùisean cruaidh thug iad a dh'ionnsuidh Mhaois, ach air gach cùis bhih thug iad féin breth.

27 Agus leig Maois le 'athair-céile imeachd; agus dh'fhalbh e roimhe d'a thùr féin.

CAIB. XIX.

1 Thàinig an sluagh gu fàsach Shinaì. 3 Teachdaireachd Dhé do'n t-sluaigh a sliabh Shinaì. 8 Am freagradh. 12 Cha'n fheadhadh neach air bith beanntuinn ris an t-sliabh.

ANNS an treas mìos an déigh do chloinn Israel teachd a mach á tìr na h-Eiphit, san là sin féin thàinig iad gu fàsach Shinaì.

2 Oir dh'imich iad o Rephidim, agus thàinig iad gu fàsach Shinaì, agus champaich iad san fhàsach; agus champaich Israel ann an sin fa chomhair an t-sléibh³.

3 Agus chaidh Maois suas a dh'ionn-

suidh Dhé, agus ghairm an Tighearn air as an t-sliabh, ag ràdh, Mar so theirtu ri tigh Iacob, agus innsidh tu do chloinn Israeil:

4 Chumnaic sibh na rinn mi ris na h-Eiphitich, agus *cionnus* a ghiùlain mi sibhse mar air sgiathuibh iolairean, agus a thug mi a m' ionnsuidh féin sibh.

5 A nis ma ta, ma dh'éisdeas sibh da rìreadh ri m' ghuth, agus ma ghleidheas sibh mo choimhcheangal, an sin bithidh sibh dhomhsa 'nur n-ionmhas sònraichte⁴ os ceann nan uile shluaigh: oir is leamsa an talamh uile.

6 Agus bithidh sibh dhomhsa 'nur rioghachd shagart, agus 'nur cinneach naomha. Is iad sin na briathran a labhras tu ri cloinn Israeil.

7 Agus thàinig Maois agus ghairm e air seanairibh an t-sluaigh, agus chuir e rompa na briathra sin uile a dh'àithn an Tighearna dha:

8 Agus fhreagair an sluagh uile le h-aon ghuth, agus thubhairt iad, Gach nì a labhair an Tighearna, nì sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearna ri Maois, Feuch, thig mise a d' ionnsuidh ann an neul tigh, a chum gu'n cluinn an sluagh an uair a labhras mi riut, agus mar an ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearn.

10 Agus thubhairt an Tighearna ri Maois, Imich a dh'ionnsuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas là⁵; oir air an treas là thig an Tighearn a nuas ann an sealladh an t-sluaigh uile air sliabh Shinaì.

12 Agus suidhichidh tu crìochan do'u t-sluaigh mu'n cuairt, ag ràdh, Thugaibh an aire dhuibh féin, *nach* téid sibh suas do'n t-sliabh, agus *nach* bean sibh r'a iomall: gach neach a bheanas ris an t-sliabh, gu cinnteach cuirear gu bàs e.

13 Cha bhean làmh ris; oir gu deimhin clachar e, no sathar sleagh troimhe⁶: ma's ainmhidh no duine e, cha mhair e beò. 'Nuair a shéideas an trompaid⁷ ré ùin' fhada, thig iadsan a nìos do'n t-sliabh.

14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluagh, agus nigh iad an eudach.

15 Agus thubhairt e ris an t-sluaigh, Bithibh deas air cheann an treas là: na tigibh am fagus d'ur nnaibh.

16 Agus an uair a thàinig an treas là, anns a' mhaduinn bha tairneanaich agus dealanaich ann. agus neul tigh air an

¹ comasach.² 'nan riaghladaraibh.³ fa chomhair na beinne.⁴ seilbh àraidh.⁵ an coinnemh an treas là.⁶ trid Eir.⁷ an udharc; an stoc. Eir.

t-sliabh, agus fuaim na trompaid ro àrd; agus chrìochnaich an sluagh uile a *bha sa'* clamp.

17 Agus thug Maois an sluagh a mach as a' champ an coinneamh Dhé, agus sheas iad aig iochdar an t-sléibh¹.

18 Agus bha sliabh Shinai uile fo dheataich, do bhrìgh gu'n d'fhàinig an Tighearna a nuas air ann an tèine; agus dh'èirich a dheatach suas mar dheataich àmhuinn², agus chrìochnaich an sliabh uile gu mòr.

19 Agus an uair a bha fuaim na trompaid a' dol a mach, agus a' fàs ro làidir, an sin labhair Maois, agus shreagair Dia e le guth.

20 Agus thàinig an Tighearna a nuas air sliabh Shinai, air mullach an t-sléibh: agus ghairm an Tighearna Maois *suas* gu mullach an t-sléibh, agus chaidh Maois suas.

21 Agus thubhairt an Tighearna ri Maois, Imich sìos, thoir àithne do'n t-sluagh³, air eagal gu'm bris iad a steach a dh'ionnsuidh an Tighearna a dh'amharc, agus gu'n tuit mòran diubh.

22 Agus mar an ceudna, na sagairt a thig am fagus do'n Tighearna, naomhaicheadh iad iad féin, air eagal gu'm bris an Tighearna a mach orra⁴.

23 Agus thubhairt Maois ris an Tighearna, Cha 'n 'eil e 'n comas do'n t-sluagh teachd a nìos do shliabh Shinai; oir thug thu àithne dhuinn, ag ràdh, Cuir crìochan mu'n t-sliabh, agus naomhaich e.

24 Agus thubhairt an Tighearna ris, Imich romhad, falbh sìos, agus thig a nìos thu féin, agus Aaron maille riut; ach na briseadh na sagartan agus an sluagh a steach, gu teachd a nìos a dh'ionnsuidh an Tighearna, air eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

CAIB. XX.

1 Na deich àitheantan. 28 Eagal air an t-sluagh.

22 Iodhol-aoradh air a thoirmeasg.

AGUS labhair Dia na briathra so uile, ag ràdh,

2 Is mise an Tighearna do Dhia a thug a mach thu á tìr na h-Eiphit, á tigh na daorsa.

3 Na biodh dée sam bith eile agad a'm' làthair-sa.

4 Na dean dhuit féin *dealbh* snaidhte⁵ no coslas sam bith a dh' aon ni, a ta sna nèamhaibh shuas, no air an talamh shìos⁶, no sna h-uisgeachaibh fuaidh 'n talamh.

5 Na crom thu féin sìos doibh, agus na dean seirbhis doibh: oir mise an Tighearna do Dhia, is Dia eudmhor mi, a' leantuinn aingidheachd nan aithrichean air

a' chloinn, air an treas⁷, agus air a' cheathramh *ginealach* dhiubhsan a dh'fluathaicheas mi;

6 Agus a' nochdadh tròcair do mhiltibh dhiubhsan a ghràdhaicheas mi, agus a choimhideas m' àitheantan.

7 Na tabhair⁸ ainm an Tighearna do Dhé an diomhanas; oir cha mheas an Tighearna neòchiontach *esan* a bheir 'ainm an diomhanas.

8 Cuimhnich là na sàbaid a naomhachadh.

9 Sè làithean saothraichidh tu, agus ni thu t'obair uile,

10 Ach *air* an t-seachdamh là *tha* sàbaid an Tighearna⁹ do Dhé: *air an là sin* na dean obair sam bith, thu féin, no do mhac, no do nighean, d'òglach, no do bhanoglach, no d' ainmhidh, no do choigreach a ta 'n taobh a stigh do d' gheataibh¹⁰:

11 Oir ann an sè làithibh rinn an Tighearna na nèamhan agus an talamh, an fhaige, agus gach ni a ta anna; agus ghabh e fois air an t-seachdamh là: air an aobhar sin, bleanaich an Tighearna là na sàbaid, agus naomhaich se e.

12 Tabhair onoir do t'athair, agus do d' mhàthair; a chum gu'm bi do làithean buan air an fhearann a *tha* 'n Tighearna do Dhia a' toirt dhuit.

13 Na dean mortadh.

14 Na dean adhaltrannas.

15 Na dean gadachd.

16 Na tabhair fianuis bhréige an aghaidh do choimhearsnaich.

17 Na sanntaich tigh do choimhearsnaich; na sanntaich bean do choimhearsnaich, no 'òglach, no 'bhanoglach, no 'dhamh¹¹, no 'asal, no aon ni a's le do choimhearsnach.

18 Agus mhothaich¹³, an sluagh uile na tairneanaich, agus na dealanaich, agus fuaim na trompaid, agus an sliabh fo dheataich¹³: agus an uair a chunnaic an sluagh *sin*, ghluais iad, agus sheas iad fad o làimh¹⁴.

19 Agus thubhairt iad ri Maois, Labhair thusa ruinn, agus éisdidh sinn: ach na labhradh Dia ruinn, air eagal gu'm faigh sinn bàs.

20 Agus thubhairt Maois ris an t-sluagh, Na biodh eagal oirbh, oir is ann a chum bhuir dearbhadh a thàinig Dia, agus a chum gu'm bi 'eagal-san oirbh¹⁵, air choir as nach peacaich sibh.

21 Agus sheas an sluagh fad o làimh, agus thàinig Maois am fagus do'n dorchadas, fair an robh Dia.

22 Agus thubhairt an Tighearna ri Maois, Mar so their thu ri cloinn Israeil,

¹ aig bun na beinne.

² fuirneis, teallaich.

³ eural do'n t-sluagh.

⁴ gu'n sgrìos an Tighearna iad.

⁵ iomhaigh snaidhte, ghràbhalla.

⁶ a bhos.

⁷ gus an treas.

⁸ Na toir.

⁹ do'n Tighearna. Eabh.

¹⁰ dhorsaibh.

¹¹ tharbh Eabh.

¹² chunnaic. Eabh.

¹³ ag smùidrich.

¹⁴ fad as, fad air astar.

¹⁵ air bhuir gnàis. Eabh.

Chunnaic sibh gu'n do labhair mi ribh o nèamh.

23 Cha dean sibh maille riumsa diathan airgid, agus diathan òir cha dean sibh dhuibh féin.

24 Altair do thalamh ni thu dhomhsa, agus ìobraidh tu oirre do thabhartais-loisgte, agus do thabhartais-sith, do chaor-aich, agus do dhaimh¹: anns gach àite san toir mise fa'near gu'n cuimhnichear m'ainm, thig mi a d' ionnsuidh, agus beannaichidh mi thu.

25 Agus ma ni thu altair chloiche dhomh, cha tog thu i le cloich shnaidhte; oir ma thogas tu d'inneal-snaidhidh suas oirre, truaillidh tu i.

26 Ni mò théid thu suas air ceumaibh a dh'ionnsuidh m' altarach, a chum nach leigear ris do lomnochduidh² oirre.

CAIB. XXI.

1 *Laghanna a thaobh òglacha agus bhanoglach.*

14 *a thaobh an tì a mharbas duine le ceilg,*

17 *agus a mhallaicheas 'athair no 'mhàthair, &c.*

ANIS is iad so na breitheanais a chuir-

cas tu rompa.
2 Ma cheannaicheas tu òglach³ Eabh-ruidheach, sè bliadhna ni e seirbhis; agus san t seachdamh théid e mach saor a nas-guidh.

3 Ma's ann a mhàin leis féin a thàinig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir bean dha, agus gu'n d'rug i dha mic no nigheana; bithidh a' bhean agus a clann aig a mhaighstir, agus théid esan a mach leis féin.

5 Ach matheir an t-òglach gu cinnteach, Is toigh leam mo mhaighstir⁴, mo bhean, agus mo chlann, cha téid mi mach saor:

6 An sin bheir a mhaighstir e chum nam breitheamh; bheir e mar an ceudna chum an doruis e, no chum ursainn an doruis, agus tollaidh a mhaighstir a chluas le mìnidh, agus ni e seirbhis dha gu bràth.

7 Agus ma reiceas⁵ duine a nighean gu bhi 'na banoglaich⁶, cha téid i mach mar a théid na h-òglach.

8 Mur taitinn i r'a mhaighstir, a rinn ceangal-pòsaidh rithe, an sin bheir e fa'near gu'm fuasgailear i: ri cinneach coimh-each cha bhi comas aige a reiceadh, do bhrìgh gun do bhuin e gu cealgach rithe.

9 Agus ma cheangail e r'a mhac i, a réir modh nan nighean ni e rithe.

10 Ma ghabhas e bean eile dha féin, a biadh, a h-eudach, agus a dlighe-pòsaidh⁷, cha lughdaich e⁸.

11 Agus mur dean e na tri *nithe* sin rithe, an sin théid i mach saor gu airgid.

12 Esan a bhuail eas duine, air chor as gu'm bàsaich e, gu cinnteach cuirear gu bàs e.

13 Agus mur do luidh duine am plaid⁹, ach gu'n d'thug Dia thairis g'a làimh¹⁰ e, an sin sònruichidh¹¹ mis àite dhuith d'an teich e.

14 Ach ma thig duine gu dàna air a choimhearsnach, gu 'mharbhadh le ceilg, o m' altair bheir thu e, a chum gu'm bàs-aich e.

15 Agus esan a bhuail eas 'athair, no a mhàthair, gu cinnteach cuirear gu bàs e.

16 Agus esan a ghoideas duine, agus a reiceas e, no ma gheibhear 'na làimh e, gu cinnteach cuirear gu bàs e.

17 Agus esan a mhallaicheas 'athair no a mhàthair, gu cinnteach cuirear gu bàs e.

18 Agus ma ni daoine comhstri, agus gu'm buail duine a choimhearsnach le cloich, no le 'dhorn, agus nach faigh e bàs, ach gu'n gabh e a leaba:

19 Ma dh'éireas e, agus gu'n siubhail e mach air a luirg, an sin saorar esan a bhuail e; a mhàin diolaidh e air son call 'ùine, agus bheir e fa'near a leigheas gu h-iomlan.

20 Agus ma bhuail eas duine 'òglach, no 'bhanoglach le slait, agus gu'm bàsaich e fo 'làimh, diolar air gu deimhin:

21 Ach ma mhaireas a beò¹² là no dà là, cha diolar air; oir is e 'airgid e.

22 Agus ma ni daoine comhstri, agus gu'm buail iad bean thorrach, agus gu'n dealaich i r'a cloinn, ach nach faigh i bàs¹³; cuirear gu cinnteach ùbhla air, a réir mar a chuireas fear na mnà air, agus bheir e seachd mar a dh'orduicheas na breitheamhna¹⁴.

23 Ach ma gheibh i bàs, an sin bheir thu anam air son anama,

24 Sùil air son sùla, fiacail air son fiacail, làmh air son làimhe, cos air son coise,

25 Losgadh air son losgaidh, lot¹⁵ air son lotaidh, buille air son buille.

26 Agus ma bhuail eas duine suil 'òglach, no suil a bhanoglaich, agus gu mill e i, leigidh e as saor e air son a shùla.

27 Agus ma chuireas e fiacail á 'òglach, no fiacail as a bhanoglaich, leigidh e as saor e air son 'fhiacail.

28 Agus ma reubas damh¹⁶ duine no bean le 'adhaire, agus gu'm faigh e bàs, gu cinnteach clachar an damh, agus cha 'n ithear 'fheoil; ach bithidh sealbhadair an daimh neòchiontach.

¹ do bhuar.

² do dhìomhaireachd.

³ seirbhiseach, tràill, daorsanach. ⁴ Tha gràdh agam air mo mhaighstir.

⁵ chreiceas.

⁶ ban-tràill.

⁷ dubharaidh; dowry. Sasg.

⁸ cha chuir e 'n lughad.

⁹ mur robh duine a'

feitheamh fàth.

¹⁰ dh'ionnsuidh a làimhe.

¹¹ sònruichidh, suidhichidh, orduichidh.

¹² ma sheasas e ris.

¹³ nach tig beud' na lorg.

¹⁴ breitheachan.

¹⁵ cneadh.

¹⁶ tarbh. Eabh.

29 Ach ma ghnàthaich an damh sàth-adh¹⁷ le 'adhaircibh san aimsir roimhe sin, agus gu'n do dhearbhadh sin d'a shealbh-adair, agus nach do ghléidh e stigh e, agus gu'n do mharbh e duine no bean, clachar an damh, agus cuirear mar au ceudna a shealbh-adair gu bàs.

30 Ma chuirear *airgiod*-réitich air, an sin bheir e mar éric 'anama ge b'e ni a chuirear air.

31 Ma's mac a reub e le 'adhairc, no ma's nighean a reub e, a réir a' bhreith-eanaís so nìthear ris.

32 Ma reubas an damh òglach no ban-oglach, bheir e deich secel 'ar fhichead airgid d'am maighstir, agus clachar an damh.

33 Agus ma dh'fhosgla duine slochd, no ma chladhaicheas duine slochd, agus nach còmhdaich se e, agus gu'n tuit damh no asal ann:

34 Ni esan d' am buin an slochd suas an calldach, bheir e airgid d'an sealbh-adair, agus is leis féin am *beathach* marbh.

35 Agus ma reubas damh neach air bith damh neach eile, agus gu'm faigh e bàs, an sin reicidh iad au damh beò, agus roinnidh iad an t-airgid *a fhuaradh* air a shon, agus roinnidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le 'adhaircibh san aimsir roimhe sin, agus nach do ghléidh a shealbh-adair a stigh e, gu cinnteach locaidh e damh air son daimh, agus is leis féin am marbh.

CAIB. XXII.

1 *Loghanna a thaobh gadachd, 5 a thaobh coimhleasachaidh air son gach gnè choire, 16 a thaobh diolanaís, &c.*

MA ghoideas duine damh no caora, agus gu marbh se e, no gu'n reic se e, diolaidh e² cuig daimh air son an daimh, agus ceithir caoraich air son na caorach.

2 Ma gheibhear gaduiche a' briseadh a stigh, agus gu'm buailear e, agus gu'm faigh e bàs, cha *dòrtear* fuil air a shon:

3 Ma bhios a' ghrian air éirigh air, *dòrtear* fuil air a shon. Ni esan a *ghoideas* dioladh iomlan³: mur bi ni sam bith aige, an sin reicear e air son a ghadachd.

4 Ma gheibhear gu cinnteach a' mheirle⁴ 'na làimh beò, ma's damh e, no asal, no caora; diolaidh e dùbailt⁵ e.

5 Ma bheir duine fa'near gu'n ithear suas fearann no fìon-lios⁶, agus gu'n cuir e' ainmhidh ann, agus gu'm biadhar e ann

am fearann duine eile; do'n chuid a's fearr d'a fhearann féin, agus do'n chuid a's fearr d'a fìon-lios féin, ni e dioladh⁷.

6 Ma bhriseas teine a mach, agus gu'n tachair e air droighinn⁸, agus gu'n loisgear na cruachan arbhair, no 'n t-arbhair 'na sheasamh, no'n t-achadh⁹; ni esan a rinn an losgadh gu cinnteach dioladh.

7 Ma bheir duine d'a choimhearsnach airgid, no airneis, g'a ghleidheadh, agus gu'n goidear á tigh an duine e; ma gheibhear an gaduiche, diolaidh e dùbailt¹⁰ e.

8 Mur faighear an gaduiche, an sin théid maighstir an tìghe a dh'ionnsuidh nam breitheamh, *a dh'fheuchainn* co ac' a shìn e mach a làmh gu cuid a choimhearsnaich.

9 Air son gach gnè choire, air son daimh, air son asal, air son caorach, air son eudaich, air son gach ni a chaidh a chall, a their *neach eile* gur leis féin; an làthair nam breitheamh thig cùis gach aoin duibh: *esan* a dh'ètas na breitheamhna, diolaidh e dùbailt d'a choimhearsnach.

10 Ma bheir duine d'a choimhearsnach asal, no damh, no caora, no ainmhidh sam bith g'a ghleidheadh, agus gu'm faigh e bàs, no gu'n ciurrar e, no gu'n iomainear air falbh e, gun neach air bith g'a fhaicinn;

11 *An sin* bithidh mionnan an Tighearn eatorra le chéile, nach do shìn e a làmh gu cuid a choimhearsnaich: agus gabhaidh a shealbh-adair *sin* uaith, agus cha dean esan dioladh.

12 Agus ma ghoideadh uaith e, diolaidh e d'a shealbh-adair.

13 Ma reubadh as a chéile e, thugadh e leis mar fhianuis e; air son an nì sin a chaidh reubadh, cha diol e.

14 Agus ma dh'iarras¹⁰ duine *ni* an coingheall¹¹ o' choimhearsnach, agus gu'n ciurrar e, no gu'm faigh e bàs, gun a shealbh-adair a *bhi* maille ris; gu cinnteach diolaidh e.

15 *Ach* ma *bhios* a shealbh-adair maille ris, cha diol e: ma's *ni* air son tuarasdail¹² e, thàinig e air son a thuarasdail.

16 Agus ma mheallas duine maighdean, nach 'eil fuidh cheangal-pòsaidh, agus gu'n luidh e leatha, gu cinnteach gabhaidh e i dha féin 'na mnaoi.

17 Ma dhùiltas a h-athair gu tur a tabhairt da, diolaidh e airgid a réir toclraidh nam maighdean¹³.

18 Cha leig thu le ban-fhiosaiche¹⁴ bhi beò.

19 Ge b'e neach a luidheas le h-ainmhidh, gu cinnteach cuirear gu bàs e.

¹ ma bha'n damh gunaideach, ma b'abhuist da purradh. ² bheir e uaith, a'isgidh e, cuithchuid e.

³ oir bu chòir dha dioladh iomlan a dheanamh.

⁴ an nì sin a ghoid e.

⁶ fion-ghàradh.

⁵ dà fhille.

⁷ coimhleasachadh.

⁸ gu'm faigh e droighinn. Eabh. ⁹ an raon.

¹⁰ ma ghabhas.

¹¹ air iasachd.

¹² luach-saoithreach.

¹³ a réir crodh nan òigh.

¹⁴ buidsich, ban-bhusdraich.

20 Esan a dh'ìobras do dhéibh *sam bith*, ach do'n Tighearn a mhàin, gearrar as e.

21 Air coigreach cha chuir thu doilgheas, nì mò a nì thu foirneart air; oir bha sibh féin 'nur coigreach ann an tìr na h-Eiphit.

22 Rì bantraich¹ sam bith, no dilleachdan², cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'n glaoth iad idir riumsa, éisdidh mise gu cinnteach r'an glaoth.

24 Agus lasaidh mo chorruich suas, agus marbhaidh mi sibh leis a' chlaidheamh; agus bithidh bhur mnàì 'nam bantraichibh, agus bhur clann 'nan dilleachdain.

25 Ma bheir thu airgid an coingheall do neach air bith do m' shluagh-sa a ta bochd làimh riut, cha bhì thu dha mar neach a chuireas airgid air riadh³; cha chuir thu riadh air.

26 Ma ghabhas tu idir eudach do choimhearsnaich ann an geall, mu dhòl fodha na gréine bheir thu air ais dha e:

27 Oir is e sin a chòmhach a mhàin, is e 'eudach d'a chroicinn e; cìod anns an coidil e? agus an uair a dh'éigheas e rium, éisdidh mise; oir a ta mi tròcaireach.

28 Air breitheamhnaibh⁴ cha labhair thu olc, agus uachdaran do shluaigh cha chàin⁵ thu.

29 Ceud-thoradh d'fhearainn, agus d'fhion-lios, gun dàil bheir thu seachad: ceud-ghin do mhac bheir thu dhomhsa.

30 Mar sin nì thu ri d' chrodh, agus ri d' chaoraich: seachd làithean bithidh e maille r'a mhàthair, air an ochdamh là bheir thu dhomhsa e.

31 Agus bithidh sibh 'nur daoine naomha dhomhsa, agus feoil *sam bith* a reubadh le fiadh-bheathaichibh sa' mhachair, cha'n ith sibh: chum nan con tilgidh sibh i.

CAIB. XXIII.

1 *Laghanna a thaobh tuairsegeil no fianuis bhréige,*
2 *a thaobh latha na sàbaid, &c.* 22 *Beannachadh*
air a ghealltuinn dhoibhsan a' chòimhideas reachd
Dhé.

CHA tog thu tuairsegeul⁶ bréige: na cuir do làmh maille ris an aingidh gu bhì d'fhianuis air an eucòir.

2 Cha lean thu a' mhòr-chuideachd a dh'ionnsuidh an uile, agus cha labhair⁷ thu ann an cùis, gu claothadh an déigh a' mhòrain, chum breth fhiaradh.

3 Agus ri duine bochd cha bhì thu bàigh-eil⁸ na chùis.

4 Ma thachaireas tu air damh do nàmhaid, no 'asal a' dol air seacharan⁹, bheir thu gu cinnteach air ais e d'a ionnsuidh.

5 Ma chi thu asal duine aig am bheil fuath dhuit a' luidhe fo h-eallaich, agus gu'n *smuainich* thu air fantuinn o chòmh-nadh a dheanamh rithe, nì thu gu cinnteach còmh-nadh rithe.

6 Cha chlaon¹⁰ thu breth do bhochd 'na chùis.

7 O chùis bhréige cum thu féin am fad; agus an neòchiontach agus an t-ionraic na marbh: oir cha 'n fhireanaich mise an t-aingidh.

8 Agus tiodhlac¹¹ cha ghabh thu; oir dallaidh tiodhlac na daoine glìce, agus claothaidh e briathra nan daoine ionraic.

9 Agus air coigreach ua dean foirneart: oir is aithne dhuibh inntinn¹² coigrich, do bhrìgh gu'n robh sibh féin 'nur coigrich ann an tìr na h-Eiphit.

10 Agus sè bliadhna cuiridh tu t'fhearann, agus cruinnichidh tu stigh a thoradh¹³.

11 Ach air an t-seachdamh fàgaidh tu mach¹⁴ e, agus leigidh tu leis luidhe 'na thàmh, a chum gu'n ith bochdan do shluaigh, agus na dh'fhàgas iadsan, gu'n ith beathaiche na macharach e. Air a' mhodh cheudna nì thu ri d' fhion-lios, agus ri d' lios-olaidh.

12 Sè làithean nì thu t'obair, agus air an t-seachdamh là gabhaidh tu fois; a chum gu faigh do dhamh agus d'asal fois, agus gu faigh mac do bhanoglaich agus an coigreach an anail.

13 Agus a thaobh nan uile nithe a labhair mi ribh, bithibh faicilleach; agus air ainm dhiathan eile na luaidhibh¹⁵: na chluinnear as bhur beul e.

14 Tri uaire cumaidh tu féill dhomhsa sa' bhliadhna.

15 Féill an arain neo-ghoirtichte cumaidh tu: seachd làithean ithidh tu aran neo-ghoirtichte, mar a dh'àithn mi dhuit, san àm *shuidichte* do'n mhìos Abib; oir anns a' mhìos sin thàinig thu mach as an Eiphit: agus cha tig neach air bith a'm' làthair-sa falamh:

16 Agus féill an fhogharaidh, ceud-thoraidh do shaoithreach, a chuir thu san fhearann: agus féill a' chruinneachaidh¹⁶ aig deireadh na bliadhna, 'nuair a chruinnicheas tu stigh toradh do shaoithreach as an fhearann.

17 Tri uairean sa' bhliadhna nochdar gach frìonn agad an làthair an Tigh-earna Dé.

18 Cha toir thu seachad¹⁷ fuil m' iobairt-sa le h-aran goirtichte, nì mò dh'fhanas¹⁸ saill m' iobairt gu maduinn.

19 Toiseach ceud-thoraidh d'fhearainn bheir thu do thigh an Tighearna do Dhé.

¹ bain-treabhaich.

² leanabh gun athair.

³ ocar. ⁴ déibh. Eabh.

⁵ cha mhallaich.

⁶ ionradh.

⁷ fhreagair. Eabh.

⁸ cha nochd thu iochd, cha ghabh thu leis.

⁹ nìidh thu leis, cha air faontradh.

¹⁰ Cha'n fhiar.

¹¹ tiodhlacadh, gibht.

¹² cridhe.

¹³ a bhàrr.

¹⁴ fàs.

¹⁵ na deanaibh ionradh.

¹⁶ an tarraigh, a'

chròdhaidh. ¹⁷ cha taig thu.

¹⁸ dh'fhàgar.

Cha bhruidh thu meann ann am bainne a mhàthar.

20 Feuch, cuiridh mise aingeal romhad, gu d' choimhead san t-slighe, agus gu d' thabhairt a steach do'n àit a dh'ulluich mi.

21 Bi faicilleach¹ 'na làthair, agus éisd r'a ghuth; na cuir 'na aghaidh²: oir cha lagh e bhur cionta; oir a ta m'ainm ann-san.

22 Ach ma dh'éisdeas tu da rìreadh r'a ghuth, agus ma ni thu gach ni a labhras mise, an sin bithidh mi a'm' nàmhaid do d' nàmhaid-sa³, agus claidhidh mi iad-san a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan Canaanach, nan Hibheach agus nan Iebusach; agus gearraidh mi as iad.

24 Cha chrom thu thu féin sìos d'an déibh, agus cha dean thu seirbhis doibh, ni mò a ni thu a réir an oibre: ach sgrìosaiddh tu gu tur iad, agus brisidh tu an dealbhan nam bloighdibh.

25 Agus ni sibh seirbhis do'n Tighearna bhuir Dia, agus beannaichidh esan t'aran, agus t-uisge, agus cuiridh mi euslaint air falbh o'r measg.

26 Cha tilg ni sam bith 'àl, ni mò a bhios e seasg a'd' thìr: àireamh dol làithean coimhlionaidh mise.

27 Cuiridh mi m' eagal romhad, agus sgrìosaiddh mi an sluagh uile dh'ionnsuidh an téid thu, agus bheir mi air do naimh-dibh gu léir an cùl a thionndadh riut.

28 Agus cuiridh mise cearnabhain⁴ romhad, agus fògraidh iad a mach an t-Hibheach, an Canaanach, agus an t-Hiteach, as do làthair.

29 Cha tilg mi mach iad as do làthair ann an aon bhliadhna, air eagal gu'm bi m' fearann air fhàsachadh, agus gu'm fàs fiadh-bheathaiche na macharach lìonmhor a'd' aghaidh.

30 A lion beag is beag⁵ tilgidh mi mach iad as do làthair, agus an sìolaich thu, agus gu'n sealbhaich thu am fearann.

31 Agus suidhichidh mi do chrìochan o'n mhuir ruaidh eadhon gu ruig fairge nam Philisteach⁶, agus o'n fhàsach gu ruig an amhainn⁷: oir bheir mi thairis nur làimh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an déibh coimhcheangal sam bith.

33 Cha ghabh iad còmhnuidh a'd' thìr, air eagal gu'n toir iad ort peacachadh a'm' aghaidh-sa le seirbhis a dheanamh d'an déibh; agus gu'm bi sin 'na ribe dhuit.

CAIB. XXIV.

1 Chaidh Maois suas do'n t-sliabh. 3 Gheall an sluagh gu'n d' thugadh iad géill do fhocal an Tighearna. 16 Glòir Dhé air a foillseachadh.

A GUS thubhairt e ri Maois, Thig a nìos a dh'ionnsuidh an Tighearna, thu féin agus Aaron, Nadab agus Abihu, agus tri fichead 'sa deich do sheanairibh Israeil: agus ni sibh aoradh fad o làimh⁸.

2 Agus thig Maois 'na aonar am fagus do'n Tighearn; ach cha tig iadsan am fagus, ni mò théid an sluagh suas maille ris.

3 Agus thàinig Maois agus dh'innis e do'n t-sluagh briathran an Tighearn uile, agus na breitheanais uile: agus fhreagair an sluagh gu léir le h-aon ghuth, agus thubhairt iad, Gach ni a labhair an Tighearna, ni sinne.

4 Agus sgrìobh Maois briathran an Tighearn uile, agus dh'éirich e gu moch sa' mhaduinn, agus thog e altair fuidh 'n t-sliabh, agus dà charragh⁹ dheug a réir dà thréibh dheug Israeil.

5 Agus chuir e uaith òganaich do chloinn Israeil, agus thug iad suas tabhartais-loisgte, agus dh'ìobair iad iobairte-sìth do dhaimh do'n Tighearn.

6 Agus ghabh Maois leth na fola, agus chuir e ann an cuachaibh i; agus leth na fola chrath e air an altair.

7 Agus ghabh e leabhar a' choimhcheangail, agus leugh e ann an éisdeachd an t-sluaigh; agus thubhairt iadsan, Gach ni a labhair an Tighearna, ni sinne, agus bheir sinn géill.

8 Agus ghabh Maois an fhuil, agus chrath e i air an t-sluaigh, agus thubhairt e, Feuch, fuil a' choimhcheangail a rinn an Tighearna ribh a thaobh nam briathra sin uile.

9 Agus chaidh Maois suas agus Aaron, Nadab agus Abihu, agus tri fichead 'sa deich do sheanairibh Israeil.

10 Agus chunnaic iad Dia Israeil: agus fuidh a chosaibh bha mar gu'm biodh obair¹⁰ do chloich shaphir, agus mar na nèamha féin¹¹ ann an soillse.

11 Agus air maithibh¹² chloinn Israeil cha do chuir e a làmh: agus chunnaic iad Dia, agus dh'ith iad agus dh'òl iad.

12 Agus thubhairt an Tighearna ri Maois, Thig a nìos a m' ionnsuidh-sa do'n t-sliabh, agus bi 'n sin: agus bheir mise dhuit clàir chloiche, agus lagh, agus na h-àitheantan a sgrìobh mi, chum iad-san a theagasg.

13 Agus dh'éirich Maois suas, agus Iosua 'òglach: agus chaidh Maois suas do shliabh Dhé.

¹ Thoir an àire dhuit féin. ² na brosnuich e, na cuir corruich air. ³ bithidh mi m' eascaraid do d' eascairdith. ⁴ conaichean, beachan-each mòra; hornets. Sasg. ⁵ A chuid, a chuid; a bheagan, a

bheagan. ⁶ Philistineach. ⁷ Euphrates. ⁸ fad as. ⁹ stac. ¹⁰ obair làir, obair shnaidhte. ¹¹ mar chorp nan nèamh. Eabh. ¹² air uaislibh, daoine mòra.

14 Agus thubhairt e ris na seanairibh, Fanaibh-sa ruinn an so, gus am pill sinn d'ur n-ionnsuidh: Agus, feuch, a *ta* Aaron agus Hur maille ribh: esan aig am bi cùis sam bith, thigeadh e d'an ionnsuidhsan.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich glòir an Tigh-earn¹ air sliabh Shinai, agus chòmhdaich an neul e sé làithean: Agus dh'éigh e ri Maois air an t-seachdamh là á meadhon an neoil.

17 Agus *bha* foillseachadh² glòire an Tighearna mar theine dian-loisgeach air mullach an t-sléibh, ann an sùilbhe chloinn Israeil.

18 Agus chaidh Maois a steach am meadhon an neoil, agus chaidh e suas do'n t-sliabh: agus bha Maois san t-sliabh dà fhichead là agus dà fhichead oidhche.

CAIB. XXV.

1 *Tabhartais air son a' phàilliuin.* 10 *Cumadh na h-àirce.* 17 *A' chaithir-thròcair.*

A GUS labhair an Tighearna ri Maois, ag ràdh,

2 Labhair ri cloinn Israeil, gu'n toir iad a m' ionnsuidh tabhartas: o gach duine a bheir seachad gu toileach e le 'chridhe, gabhaidh sibh mo thabhartas.

3 Agus *is* e so an tabhartas a ghabhas sibh uatha; òr, agus airgiod, agus umha³,

4 Agus gorm, agus corcur⁴, agus scar-laid, agus anart⁵ grinn, agus *fionnadh* ghabhar,

5 Agus croicne reitheachan air an dath dearg, agus croicne bhroc, agus fiodh sitim,

6 Oladh chum soluis, spiosraidh chum oladh-ungaidh, agus a chum tùise deadh-bholaidh,

7 Clachan onics, agus clachan ri 'n cur anns an ephoid, agus san uchd-éididh.

8 Agus ni iad dhomh *ionad* naomha, agus gabhaidh mise còmhnuidh 'nam measg.

9 A réir gach ni a leigeas mise dhuit fhaicim, a *réir* samhlaidh⁶ a' phàilliuin, agus samhlaidh 'airneis uile, eadhon mar sin ni sibh.

10 Agus ni iad àirc⁷ do fhiodh sitim: dà làmh-choille gu leth⁸ a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor-ghlan, a stigh agus a muigh còmhdaichidh tu thairis i; agus ni thu oirre coron⁹ òir mu'n cuairt.

12 Agus ni¹⁰ thu air a son ceithir failbheagan òir, agus cuiridh tu *iad* air a ceithir oisinnibh; agus *bithidh* dà fhailbheig air aon taobh dhi, agus dà fhailbheig air an taobh eile dhi.

13 Agus ni thu bataichean¹¹ do fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na failbheagaibh air taobhan na h-àirce, chum an àirc a ghiùlan leo.

15 Ann am failbheagaibh na h-àirce bithidh na bataichean: cha ghluaisear uaithe¹² iad.

16 Agus cuiridh tu san àirc an Fhianuis¹³ a bheir mise dhuit.

17 Agus ni thu caithir-thròcair¹⁴ a dh'òr fìor-ghlan; dà làmh-choille gu leth a fad, agus làmh-choille gu leth a leud.

18 Agus ni thu dà cherub òir: a dh'obair bhualte ni thu iad, aig dà cheann na caithir-thròcair.

19 Agus ni thu aon cherub aig aon cheann, agus cerub eile aig a' cheann eile do'n chaithir-thròcair: ni sibh na ceruban aig a dà cheann.

20 Agus bithidh na ceruban a' sìneadh a mach an sgiathan gu h-àrd, a' còmh-dachadh na caithir-thròcair le'n sgiath-aibh, agus an aghaidhean¹⁵ r'a chéile: ris a' chaithir-thròcair bithidh aghaidhean nan cerub.

21 Agus cuiridh tu a' chaithir-thròcair suas air an àirc, agus anns an àirc cuiridh tu an Fhianuis a bheir mise dhuit.

22 Agus còinnichidh mise thu an sin, agus labhraidh mi riut o uachdar na caithir-thròcair, o eadar an dà cherub a *ta* air àirc na Fhianuis, a thaobh gach ni a dh'àithneas mi dhuit do chloinn Israeil.

23 Agus ni thu bòrd do fhiodh sitim; dà làmh-choille 'fhad, agus làmh-choille a leud, agus làmh-choille gu leth 'àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir mu'n cuairt.

25 Agus ni thu dha iomall¹⁶ do leud boise mu'n cuairt, agus ni thu coron òir d'a iomall mu'n cuairt.

26 Agus ni thu dha ceithir failbheagan òir, agus cuiridh tu na failbheagan air na ceithir oisinnibh a *ta* aig a cheithir chos-aibh.

27 Fa chomhair an iomall bithidh na failbheagan, chum àitean do na bataichibh, gus am bòrd a ghiùlan.

28 Agus ni thu na bataichean do fhiodh sitim, agus còmhdaichidh tu thairis iad le h-òr, agus ghiùlainar am bord leo.

¹ ghabh glòir an Tighearna còmhnuidh.

² sealladh, cosamhlachd. ³ unga, prais.

⁴ purpur. ⁵ lion-eudach.

⁶ deilbh, cumaidh, saimpleir, coslais.

⁷ cobhan, ciste. ⁸ dà làmh-choille agus

leth làmh-choille.

¹⁰ tilgidh, leaghaidh.

¹² uaitpe.

¹⁴ uachdar, còmhach na h-àirce; suidhe-tròcair,

¹⁵ an eudanan.

⁹ crùin, fleasg.

¹¹ lunnan, maidean.

¹³ an Teistean.

¹⁶ imeall, fòir.

29 Agus ni thu a mhiasan¹, agus a thuiseirean², agus a chluachan³, agus a chopain, leis an toirear seachd⁴ iobairt-dibhe; a dh'òr fìor-ghlan ni thu iad.

30 Agus cuiridh tu air a' bhòrd aran taisbeanta romhams' an còmhnuidh.

31 Agus ni thu coinnleir a dh'òr fìor-ghlan; a dh'obair bhuaillte nìthcaran coinnleir. Bithidh a chos, agus a mheoir⁵, a chopain, a chnapan⁶, agus a bhlàthan, do'n obair cheudna.

32 Agus thig sè meoir a mach as a thaobhan; tri meoir a' choinnleir à h-aon taobh dheth, agus tri meoir a' choinnleir as an taobh eile dheth.

33 Tri copain air an deanamh cosmhuil ri almonaibh aon an aon mheur, *maille ri* cnap agus blàth; agus tri copain air an deanamh cosmhuil ri almonaibh anns a' mheur eile, *maille ri* cnap agus blàth; mar sin anns na sè meoir a thig a mach as a' choinnleir.

34 Agus anns a' choinnleir *bithidh* ceithir chopain air an deanamh cosmhuil ri almonaibh, *maille ri* 'n cnapaibh agus am blàthaibh.

35 Agus *bithidh* cnap fo dhà mheur dheth, agus cnap fo dhà mheur dheth, agus cnap fo dhà mheur dheth; *mar sin* do na sè meoir a thig a mach as a' choinnleir.

36 Bithidh an cnaip agus am meoir do'n obair cheudna: *bithidh* e uile 'na aon obair bhuaillte do òr fìor-ghlan.

37 Agus ni thu dha seachd lòchrain: agus cuirear suas⁷ a lòchrain, a chum gu'n toir iad solus thall fa chomhair.

38 Agus *bithidh* a chlobhachan, agus a smàl-shoithichean a dh'òr fìor-ghlan.

39 Do thallan a dh'òr fìor-ghlan nìthear e, maille ris na soithichibh sin uile.

40 Agus feuch gu'n dean thu *iad* a réir an t-samhlaidh, a chaidh leigeadh dhuit fhaicinn san t-sliabh.

CAIB. XXVI.

1 Deich cùirteinean a' phàilliuin. 31 Am brat air son na h-àirce.

A GUS ni thu am pàilliuin le deich cùirt-cinibh a dh' anart grunn toinnte, agus do ghorm, agus do chorcur, agus do scarlaid: *maille ri* cerubaibh a dh' obair calanta⁸ ni thu iad.

2 Fad aon chùirtein ochd làmha-coille thar fhichead, agus leud aon chùirtein, ceithir làmha-coille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chéile; agus na cùig cùirteinean eile air an ceangal gach aon r'a cheile.

4 Agus ni thu lùban do ghorm air foir aon chùirtein, o'n iomall anns a' choimh-

cheangal: agus, air a' mhodh cheudna, ni thu am foir a' chùirtein a's fhaide mach, ann an coimhcheangal an dara *aoin*.

5 Leth-cheud lùb ni thu ann an aon chùirtein, agus leth-cheud lùb ni thu am foira' chùirtein a *ta* ann an coimhcheangal an dara *aoin*; a chum's gu'n gabh na lùban greim d'a chéile.

6 Agus ni thu leth-cheud cromag⁹ òir, agus ceanglaidh tu na cùirteinean r'a chéile leis na cromagaibh: agus bithidh e 'na aon phàilliuin.

7 Agus ni thu cùirteine do *fhionnadh* ghabhar gu bhì 'nan còmhach air a' phàilliuin: aon chùirtein deug ni thu dhiubh.

8 Fad aon chùirtein deich làmha-coille thar fhichead, agus leud aon chùirtein ceithir làmha-coille: *bithidh* an t-aon chùirtein deug *uile* dh'aon tomhas.

9 Agus cuiridh tu ri chéile cùig cùirteine leo féin, agus sè cùirteine leo féin, agus dùblaichidh tu an seathadh cùirtein air taobh beoil a' bhùtha.

10 Agus ni thu leth-cheud lùb air foir aon chùirtein a's fhaide mach sa' choimhcheangal, agus leth-cheud lùb air foir a' chùirtein a tha coimhcheangal an dara *aoin*.

11 Agus ni thu leth-cheud cromag a dh' umha, agus cuiridh tu na cromagan anns na lùbaibh, agus cuiridh tu am bùth r'a chéile, air chor as gu'm bì e 'na aon.

12 Agus am fuigheall a dh'fhàgar do chùirteinibh a' bhùtha, leth a' chùirtein a dh'fhàgar, crochar e thar taobh cùil a' phàilliuin.

13 Agus làmh-choille air an taobh so, agus làmh-choille air an taobh eile do na dh'fhàgadh air *am* fad do chùirteinibh a' bhùtha, crochar e thar taobhan a' phàilliuin, air an taobh so, agus air an taobh eile, g'a chòmhdachadh.

14 Agus ni thu còmhach air son a' bhùtha do chroicnibh¹⁰ reitheachan air an dath dearg, agus còmhach do chroicnibh bhroc os a cheann.

15 Agus ni thu buird air son a' phàilliuin do fhiodh sitim, 'nan seasamh:

16 Deich làmha-coille fad buird, agus làmh-choille gu leth leud aon buird.

17 *Bithidh* dà làmh aig aon bhòrd, air an cur an ordugh fa chomhair a chéile; mar so ni thu do uile bhòrdaibh a' phàilliuin.

18 Agus ni thu na buird air son a' phàilliuin, fichead bòrd air an taobh deas, ris an àirde deas.

19 Agus ni thu dà fhichead cos¹¹ airgid, fuidh 'n fhichead bòrd: dà chois fuidh aon bhòrd a réir a dhà làimh, agus dà chois fuidh bhòrd eile a réir a dhà làimh.

¹ shoithichean.

² liaghan, ladair, spàinean.

³ a sgàlan. ⁴ an taomair a mach; an còmhdaichear.

⁵ a mheanglain.

⁶ a mhill.

⁷ lasar.

⁸ innleuchdaich.

⁹ clasp.

¹⁰ chraicnibh.

¹¹ bonn, pulag, socait.

20 Agus air son an dara taoibh do'n phàilliuin air an taobh tuath, fichead bòrd;

21 Agus an dà fhichead cosa *dh'* airgiod, dà chois fuidh aon bhòrd, agus dà chois fuidh bhòrd eile.

22 Agus air son taobhan a' phàilliuin air an làmh an iar, ni thu sè buird.

23 Agus ni thu dà bhòrd air son oisinn-ean a' phàilliuin san dà thaobh.

24 Agus bithidh iad air an coimhcheangal fuidhe, agus mar an ceudna bithidh iad air an coimhcheangal os a cheann ri aon fhailbheig: mar so nithear dhoibh le chéile; bithidh iad air son an dà oisinn.

25 Agus bithidh oehd buird ann, agus an cosan a *dh'* airgiod, sè cosa deug; dà chois fuidh aon bhòrd, agus dà chois fuidh bhòrd eile.

26 Agus ni thu croinn do fhiodh sitim; cuig air son nam bòrd air aon taobh do'n phàilliuin.

27 Agus cuig croinn air son nam bòrd air an taobh eile do'n phàilliuin, agus cuig croinn air son bhòrd taobh a' phàilliuin air son an dà thaobh an iar.

28 Agus ruigidh an crann meadhonach ann am meadhou nam bòrd o cheann gu ceann.

29 Agus còmhdaichidh tu thairis' na buird le h-òr, agus ni thu am failbheagan a *dh'* òr mar àiteachan do na craunaibh: agus còmhdaichidh tu thairis na croinn le h-òr.

30 Agus togaidh tu suas am pàilliuin a rèir a shamhlaidh², a nochdadh dhuist san t-sliabh.

31 Agus ni thu brat *do* ghorm, agus *do* chorcur, agus *do* scarlaid, agus a *dh'* anart grinn³ toimnte: a *dh'* obair ealanta nithear e, le cerubaibh.

32 Agus crochaidh tu e air ceithir puist *do fhiodh* sitim, air an còmhdachadh thairis le h-òr: agus *bithidh* an cromagan a *dh'* òr, air na ceithir bonnaibh⁴ airgid.

33 Agus crochaidh tu suas am brat fuidh na cromagaibh, agus bheir thu steach ann an sin àire na Fianuis, an taobh a stigh do'n bhrat: agus roinnidh am brat dhuibhsan eadar an *t-ionad* naomha agus an *t-ionad* ro naomha.

34 Agus cuiridh tu a' chaithir-thrècair air àire na Fianuis, san *ionad* ro naomha.

35 Agus cuiridh tu am bòrd an leth muigh do'n bhrat, agus an coimleir fa chomhair a' bhuird air taobh deas a' phàilliuin: agus cuiridh tu am bòrd air an taobh tuath.

36 Agus ni thu còmhdach⁵ air son doruis a' bhùtha, *do* ghorm, agus *do* chorcur, agus *do* scarlaid, agus *do* anart grinn toimnte, oibrichte le h-obair ghréise⁶.

37 Agus ni thu air son a' chòmhdaich cuig puist⁷ *do fhiodh* sitim, agus còmhdaichidh tu thairis iad le h-òr, agus *bithidh* an cromagan a *dh'* òr, agus tilgidh tu air an son cuig buinn umha⁸.

CAIB. XXVII.

1 *Altair na h-iobairt-loisgte, agus a soithichean.*
7 *Cùirt a' phàilliuin.* 20 *Oladh fhìor-ghlan a' chroinn-olaidh air a toirt air son soluis.*

A GUS ni thu altair *do fhiodh* sitim; cuig làmha-coille air fad, agus cuig làmha-coille air leud; bithidh an altair ceithir-chearnach, agus a h-àrde trì làmha-coille.

2 Agus ni thu a h-adhaircean⁹ air a ceithir oisinnibh: bithidh a h-adhaircean do'n ni cheudna: agus còmhdaichidh tu thairis i le h-umha.

3 Agus ni thu a h-aighnean a ghabhail a luatha, agus a sluasaidean, agus a cuachan¹⁰, agus a greimichean, agus a h-aighnean-teine: a soithichean uile ni thu a *dh'* umha.

4 Agus ni thu dh'i cliath do lìon-obair umha: agus uithu air an lìon ceithir failbheagan umha air a cheithir oisinnibh.
5 Agus cuiridh tu e fuidh chuairt na h-altarach gu h-ìosal, agus bithidh an lìon gu ruig meadhon na h-altarach.

6 Agus ni thu bataichean¹¹ do'n altair, bataichean *do fhiodh* sitim, agus còmhdaichidh tu thairis iad le h-umha.

7 Agus cuirear na bataichean anns na failbheagaibh, agus bithidh na bataichean air dà thaobh na h-altarach g'a giùlan.

8 Fàs le bòrdaibh ni thu i; mar a nochdadh dhuist san t-sliabh, mar sin nithear i.

9 Agus ni thu cùirt a' phàilliuin air an taobh deas, ri deas: *bithidh* cùirteinean air son na cùirte *do* anart grinn toimnte; ceud làmh-choille am fad, air aon taobh.

10 Agus *bithidh* a fichead post, agus am fichead bonn a *dh'* umha: *bithidh* cromagan nam post, agus an cuairteagan, a *dh'* airgiod.

11 Agus mar an ceudna air an taobh tuath air fad, *bithidh* cùirteine ceud làmh-choille air fad, agus a fichead post, agus am fichead bonn a *dh'* umha; cromagan nam post, agus an cuairteagan, a *dh'* airgiod.

12 Agus air leud na cùirte air an taobh an iar, *bithidh* cùirteine do leth-cheud làmh-choille: am puist deich, agus am buinn deich.

13 Agus *bithidh* leud na cùirte air an taobh an ear, ris an àird an ear, leth-cheud làmh-choille.

14 Agus *bithidh* na cùirteinean air aon

¹ cuiridh tu thairis.

³ caol, mìn, finealta.

⁵ brat.

² a chumachd.

⁴ bunaitibh.

⁶ obair shnàthaide.

⁷ trostain.

¹⁰ soithichean-crathaidh.

⁸ praise.

⁹ airicean.

¹¹ lunnan.

taobh cùig làmhha-coille deug: am puist tri, agus am buinn tri.

15 Agus air an taobh eile *bithidh* a cùirteine cùig làmhha-coille deug: am puist tri, agus am buinn tri.

16 Agus air son geata na cùirte *bithidh* brat a dh'fhichead làmh-choille, *do* ghorm, agus *do* chorcur, agus *do* scarlaid, agus *a dh'* anart grinn toinnte, oibrichte le h-obair shnàthaide: am puist ceithir, agus am buinn ceithir.

17 *Bithidh* na puist uile timchioll na cùirte air an ceangal mu'n cuairt¹ le h-airgiod: *bithidh* an cromagan a dh'airgiod, agus am buinn *a dh'* umha.

18 Fad na cùirte ceud làmh-choille, agus a leud leth-cheud làmh-choille sgach àite, agus *a h-*àirde cùig làmhha-coille, *a dh'* anart grinn toinnte; agus am buinn *a dh'* umha.

19 *Bithidh* uile shoithichean a' phàill-iuin, 'na sheirbhis uile, agus a phinneachan uile, agus pinneacha na cùirte uile *do* umha.

20 Agus àithnidh tu do chloinn Israeil, gu'n toir iad a t'ionnsuidh oladh fhior-ghlan a' chroinn-olaidh, brùite air son an t-soluis, a thoirt air an lòchran² lasadh an còmhuidh.

21 Ann am bùth a' choimhthionail an taobh a muigh do'n bhrat, a *ta* fa chomh-air na Fianuis, orduichidh Aaron e, agus a mhic, o fheasgar gu maduinn an làthair an Tighearna: *bithidh e'* na reachd sìorruidh d'an ginealachaidh, à leth chloinn Israeil.

CAIB. XXVIII.

1 *Chuireadh Aaron agus a mhic air leth air son dreuchd an t-sagairt.* 6 *An ephod.* 30 *An Urim agus an Tumim, &c.*

AGUS gabh a t'ionnsuidh Aaron do a bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt, *eadhon* Aaron, Nadab agus Abihu, Eleasar agus Itamar, mic Aaroin.

2 Agus ni thu éididh³ naomha do d' bhràthair Aaron, air son glòire, agus air son maise.

3 Agus labhraidh tu riu-san uile a *ta* glic an cridhe, a lion mise le spiorad a' ghliocais; agus ni iad éididh Aaroin, g'a choisreagadh, a chum gu fritheil e dhomhsa ann an dreuchd an t-sagairt.

4 Agus so an éididh a ni iad; uchd-éididh, agus ephod, agus falluinn, agus còta iomadh-dathach⁴, crùn-sagairt, agus crios: agus ni iad éididh naomha air son Aaroin do bhràthar, agus air son a mhae, a chum gu fritheil e dhomhsa ann an

dreuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grinn.

6 Agus ni iad an ephod *do* òr, *do* ghorm, agus *do* chorcur, agus *do* scarlaid, agus *do* anart grinn toinnte, le h-obair ealanta.

7 Bithidh an dà mhìr-guailne⁵ aice ceangailte r'a chéile aig a dà fhoir; agus *mar sin* cuirear ri chéile i.

8 Agus bithidh crios ròmhach⁶ na h-ephoid a *ta* air a h-uachdar, a réir a h-oibre féin, do'n *ni* cheudna⁷ *eadhon do* òr, *do* ghorm, agus *do* chorcur, agus *do* scarlaid, agus *a dh'* anart grinn toinnte.

9 Agus gabhaidh tu dà chloich onics, agus gearraidh tu orra ainmeanna chloinn Israeil.

10 Sè d'an ainmibh air aon chloich, agus sè ainmeanna chàich air a' chloich eile⁸, a réir an sinead⁹.

11 Le h-obair gearradair an cloich¹⁰, le gearradh seulaidh, gearraidh tu an dà chloich, le ainmibh chloinn Israeil: bheir thu fa' near an ceangal¹¹ ann am failibh òir¹².

12 Agus cuiridh tu an dà chloich air guailnibh na h-ephoid, *mar* chlach cuimhneachain do chloinn Israeil. Agus giùl-ainidh Aaron an ainmean ann an làthair an Tighearna air a dhà ghualáinn, mar chuimhneachan.

13 Agus ni thu failean òir;

14 Agus dà shlabhruidh *a dh'* òr fior-ghlan aig na cinn: ni thu iad *a dh'* obair fhighte, agus ceanglaidh tu na slabhruidhean fichte ris na failean:

15 Agus ni thu uchd-éididh a' bhreith-eanaise le h-obair ealanta; a réir oibre na h-ephoid ni thu i: *do* òr, *do* ghorm, agus *do* chorcur, agus *do* scarlaid, agus *a dh'* anart grinn toinnte ni thu i.

16 Ceithir-chearnach bithidh i, agus dà-fhillte¹³; réis a fad, agus réis a leud.

17 Agus cuiridh tu imte suidheachadh chlach¹⁴, *eadhon* ceithir sreathan¹⁵ chlach; a' cheud sreath, sardius, topas, agus carbuncle: *so a'* cheud sreath.

18 Agus an dara sreath; emerald, saphir, agus daoimein¹⁶.

19 Agus an treas sreath; ligur, agat, agus ametist.

20 Agus an ceathramh sreath; beril, agus onics, agus iasper: ceanglar iad le h-òr 'nan suidheachadh.

21 Agus bithidh na clachan le ainmibh chloinn Israeil, a dhà-dheug, a réir an ainmeanna; le gearradh seulaidh, bithidh gach aon aca le h-ainm féin a réir an dà thréibh dheug.

¹ cuairtiche. ² lamp. ³ eudaichean.

⁴ do obair ghréise, ròmhach, ainmeamh.

⁵ dà ghuaillachan, dà chlàr-guailne.

⁶ crios ainmeamh; obair ealanta. Eabh.

⁷ do'n stubh cheudna. ⁸ air an darna cloich.

⁹ a réir an breith; a réir an ginealach. Eabh.

¹⁰ clach-shnaidheadair. ¹¹ an cur, an suidheachadh.

¹² fàinnean, foirean òir.

¹³ air a dùblachadh. ¹⁴ àlach chloch.

¹⁵ sreudan. ¹⁶ diamond. Sasg.

22 Agus ni thu air an uchd-éididh slabhruidhean aig na cinn a dh'obair fhighte¹, a dh'òr fìor-ghlan.

23 Agus ni thu air an uchd-éididh dà fhàinne òir, agus cuiridh tu 'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir san dà fhàinne a ta air cinn na h-uchd-éididh.

25 Agus dà cheann eile na dà shlabhruidh fhighte daingnichidh tu anns an dà fhail, agus cuiridh tu iad air mìribh-guailne na h-ephoid air a beulaobh.

26 Agus ni thu dà fhàinne òir, agus cuiridh tu iad air dà cheann na h-uchd-éididh san fhoir sin dith, a ta aig taobh na h-ephoid a stigh.

27 Agus ni thu dà fhàinne eile do òr, agus cuiridh tu iad air dà thaobh na h-ephoid fuidhpe, làimh r'a cuid-thoisich, fa chomhair a' choimhcheangail eile, os ceann crìos rìomhach na h-ephoid.

28 Agus ceanglaidh iad an uchd-éididh leis a fàinnibh, ri fàinnibh na h-ephoid le h-éill² ghuirm, chum as gu'm bi i os ceann crìos rìomhach na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmcanna chloinn Israeil ann an uchd-éididh a' bhreitheanais, air a chridhe, 'nuair a théid e steach do'n ionad naomha, mar chuimhneachan ann an làthair an Tighearn a ghuàth.

30 Agus cuiridh tu ann an uchd-éididh a' bhreitheanais, an Urim, agus an Tummim; agus bithidh iad air cridhe Aaron, an uair a théid e steach an làthair an Tighearn: agus giùlainidh Aaron breitheanais chloinn Israeil air a chridhe, ann an làthair an Tighearn an còmhnuidh.

31 Agus ni thu falluinn na h-ephoid uile do ghorm.

32 Agus bithidh toll 'na mullach, 'na meadhon³: bithidh foir⁴ aice timchioll a tuill a dh'obair fhighte, mar tholl lùirich-mhàillich, a chum as nach reubar i.

33 Agus gu h-ìosal, air a h-iomall, ni thu pomgranata do ghorm, agus do chorcur, agus do scarlaid, air a h-iomall mu'n cuairt: agus cluig òir eatorra mu'n cuairt.

34 Clag òir agus pomgranat, clag òir agus pomgranat, air iomall na falluinn mu'n cuairt.

35 Agus bithidh i air Aaron gu frith-ealadh: agus cluinnear a fuaim, an uair a théid e steach do'n ionad naomh an làthair an Tighearn, agus an uair a thig e mach, a chum nach bàsaich e.

36 Agus ni thu leac⁵ a dh'òr fìor-ghlan, agus gearraidh tu oirre, cosmhuil ri gearr-

adh seulaidh, NAOMHACHD DO'N TIGHEARNA.

37 Agus cuiridh tu i air éill ghuirm, agus bithidh i air a' chrùn-shagairt: air taobh beoil a' chrùn-shagairt bithidh i.

38 Agus bithidh i air clàr eudain Aaron, agus giùlainidh Aaron cionta nan nithe naomha, a choisrigcas clann Israeil 'nan tiodhlacaibh naomha uile: agus bithidh i air clàr 'eudain an còmhnuidh, a chum as gu'm bi iad taitneach an làthair an Tighearn.

39 Agus ni thu 'n còta le h-obair ghrèise a dh'anart grunn, agus ni thu 'n crun-sagairt a dh'anart grunn, agus ni thu 'n crìos a dh'obair shnàthaide.

40 Agus do mhic Aaron ni thu còtaichean, agus ni thu dhoibh crìosan, agus boineidean ni thu dhoibh, air son glòire agus air son maise.

41 Agus cuiridh tu iad air Aaron do bhràthair, agus air a mhic maille ris: agus ungaidh tu iad, agus coisrigidh tu iad, agus naomhaichidh tu iad; agus frith-eilidh iad dhomhsa ann an dreuchd an t-sagairt.

42 Agus ni thu dhoibh briogais anairt a dh'fholach an nochd⁶: o'n leasruidh eadhon gus an sléisdean ruigidh iad.

43 Agus bithidh iad air Aaron, agus air a mhic, an uair a thig iad a stigh do phàillium a' choimhthionail, no 'nuair a thig iad an fagus do'n altair, a fhrith-ealadh san ionad naomha; chum as nach giùlain iad aingidheachd, agus nach faigh iad bàs: bithidh e 'na reachd sìorruidh dha féin, agus d'a shliochd 'na dhéigh.

CAIB. XXIX.

1 An iobairt, &c. aig coisreagadh nan sagart.

38 An iobairt-loisgte bithi-bhuan.

A GUS so an ni a ni thu riu chum an coisreagadh, gu frith-ealadh dhomhsa ann an dreuchd an t-sagairt: Gabh aon tarbh òg, agus dà reithe gun ghaid⁷.

2 Agus aran neo-ghoirtichte, agus breacagan neo-ghoirtichte, coimhmeasgta le h-oladh, agus gearragan⁸ neo-ghoirtichte, ungta le h-oladh: do phlùr⁹ a' chruithneachd ni thu iad.

3 Agus cuiridh tu iad ann an aon bhascaid, agus bheir thu iad leat sa' bhascaid, maille ris an tarbh òg agus an dà reithe.

4 Agus bheir thu Aaron agus a mhic gu doras pàillium a' choimhthionail, agus ionnlaidh¹⁰ tu iad le h-uisge.

5 Agus gabhaidh tu an éididh, agus cuiridh tu an còta air Aaron, agus falluinn na h-ephoid, agus an ephod, agus an uchd-éididh, agus crìoslaichidh¹¹ tu e le crìos rìomhach na h-ephoid.

¹ thoinnte.

² cordail; lace Sasg.

³ toll a mullaich 'na meadhon.

⁴ oir.

⁵ clàr, bonn; blàth. Eabh.

⁶ an lornochduidh.

⁷ gun ghò, gun aincamh.

⁸ abhlain; wafers. Sasg.

⁹ mhin.

¹⁰ nighidh.

¹¹ crìosraichidh.

ECSODUS, XXIX.

6 Agus cuiridh tu an crùn-sagairt air a cheann, agus an crùn naomh air a' chrùn-shagairt.

7 Agus gabhaidh tu 'n oladh-ungaidh, agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus crioslaichidh tu iad le criosaibh, (Aaron agus a mhic) agus cuiridh tu na boineidean orra: agus is leo-san dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu fa'near an tarbh a thoirt gu beulaobh pàilliuin a' choimhthionail: agus cuiridh Aaron agus a mhic làmhnan air ceann an tairbh.

11 Agus marbhaidh tu an tarbh an làthair an Tighearna, làmh ri dorus pàilliuin a' choimhthionail.

12 Agus gabhaidh tu do fhuil an tairbh, agus cuiridh tu i air adhaircibh na h-altarach le d' mheur, agus dòirtidh tu 'n fhuil uile aig bun na h-altarach.

13 Agus gabhaidh tu 'n t-saill uile a ta còmh-dachadh a' mhionaich, agus an scairt *ata* os ceann nan àinean¹, agus an dà àra², agus an t-saill a *ta* orra, agus loisgidh tu *iad* air an altair.

14 Ach feoil an tairbh agus a sheice³, agus 'aolach loisgidh tu le teine an taobh a muigh do'n champ: *is tabhartas*-peacaidh e.

15 Gabhaidh tu mar an ceudna aon reithe, agus cuiridh Aaron agus a mhic an làmhnan air ceann an reithe.

16 Agus marbhaidh tu an reithe, agus gabhaidh tu 'fhuil, agus crathaidh tu i mu'n cuairt air an altair.

17 Agus gearraidh tu an reithe 'na mhiribh, agus nighidh tu a mhionach, agus a chosan, agus cuiridh tu *iad* air a mhiribh, agus air a cheann.

18 Agus loisgidh tu an reithe uile air an altair; *is tabhartas*-loisgte e do'n Tighearna; fàile cùbhraidh, tabhartas air a thoirt suas le teine do'n Tighearna.

19 Agus gabhaidh tu an reithe eile, agus cuiridh Aaron agus a mhic an làmhnan air ceann an reithe.

20 An sin marbhaidh tu an reithe, agus gabhaidh tu d'a fhuil, agus cuiridh tu i air bàrr cluaise *deis* Aaron, agus air bàrr cluaise *deis* a mhac, agus air ordaig⁴ an làimhe *deise*, agus air ordaig an coise *deise*; agus crathaidh tu an fhuil air an altair mu'n cuairt.

21 Agus gabhaidh tu do'n fhuil a *ta* air an altair, agus do'n oladh-ungaidh, agus crathaidh tu *iad* air Aaron, agus air 'éididh, agus air a mhic, agus air éididh a mhac

maille ris: agus coisrigear e féin, agus 'éididh, agus a mhic, agus éididh a mhac maille ris.

22 Mar an ceudna, gabhaidh tu do'n reithe an t-saill, agus bun an earbaill, agus an t-saill a ta còmh-dachadh a' mhionaich, agus scairt nan àinean, agus an dà àra, agus an t-saill a *ta* orra, agus an slinnean *deas*; oir *is* reithe coisreagaidh e.

23 Agus aon bhuilinn⁵ arain, agus aon bhreacag arain le h-oladh, agus aon ghearrag á bascaid an arain neo-ghoirtichte a *ta* 'n làthair an Tighearna.

24 Agus cuiridh tu *iad* uile ann an làmhnan Aaron, agus ann an làmhnan a mhac; agus luaisgidh tu⁶ iad mar thabhartas-luaisgte an làthair an Tighearna.

25 Agus gabhaidh tu iad bhàrr an làmh, agus loisgidh tu *iad* air an altair mar thabhartas-loisgte, chum fàile cùbhraidh an làthair an Tighearna: *is* tabhartas e air a thoirt suas le teine do'n Tighearna.

26 Agus gabhaidh tu an t-uchd o reithe coisreagaidh Aaron, agus luaisgidh tu e mar thabhartas-luaisgte an làthair an Tighearna: agus bithidh sin agad-sa mar chuibhrionn.

27 Agus naomhaichidh tu uchd an tabhartais-luaisgte agus slinnean an tabhartais-thogta, a chaidh luasgadh, agus a thogail suas do reithe a' choisreagaidh, *eadhon do'n ni sin* a's le h-Aaron, agus do'n ni sin a *bhuineas* d'a mhic.

28 Agus bithidh e le h-Aaron⁷ agus le 'mhic le reachd bith-bhuan o chloinn Israeil; oir *is* tabhartas-togta e: agus bithidh e 'na thabhartas-togta o chloinn Israeil do iobairtibh an tabhartasan-sith, *eadhon* an tabhartas-togta do'n Tighearna.

29 Agus is le mic Aaron⁸ 'éididh naomhasan 'na dhéigh, gu bhí air an ungadh iunte, agus gu bhí air an coisreagadh innte.

30 Seachd làithean cuiridh e san d'a mhic air i, a bhios 'na shagart 'na àit, a théid a stigh do phàilliuin a' choimhthionail, a fhrithéaladh san *ionad* naomha.

31 Agus gabhaidh tu reithe a' choisreagaidh, agus bruichidh tu 'fheoil san *ionad* naomha.

32 Agus ithidh Aaron agus a mhic feoil an reithe, agus an t-aran a ta sa' bhascaid, aig dorus pàilliuin a' choimhthionail.

33 Agus ithidh iad na nithe sin leis an d'rinncadh an réite⁸, chum an coisreagadh agus an naomhachadh: ach cha 'n ith coigreach *dhuibh*, do bhrìgh gu *bheil* iad naomha.

34 Agus ma dh'fhàgar a bheag a dh'fheoil a' choisreagaidh, no bheag do'n

¹ àe, gràan.

² àrainn.

³ a sheiche.

⁴ ardaig.

⁵ mhuilinn.

⁶ crathaidh tu a null agus a nall.

⁷ a dh' Aaron.

⁸ buinidh e

⁸ réidhte.

aran, gus a' mhaduinn, an sin loisgidh tu am fuigheall¹ le teine: cha 'n ithear c, do bhrìgh gu *bheil* e naomha.

35 Agus ni thu mar so ri h-Aaron, agus r'a mhic, a réir nan uile *nithe* a dh'àithn mise dhuìt: seachd làithean coisrigidh tu iad.

36 Agus bheir thu seachad gach là tarbh òg *mar* thabhartas-peacaidh, chum réite²: agus glanaidh tu an altair, an uair a ni thu réite air a son, agus ungaidh tu i chum a naomhachadh.

37 Seachd làithean ni thu réite air son na h-altarach, agus naomhaichidh tu i; agus bithidh i³ na h-altair ro naomha: gach ni a bheanas ris an altair, naomhaichear c.

38 Agus so an ni a bheir thu seachad air an altair: dà uan a dh'aois bliadhna, o là gu là an còmhnuidh.

39 Aon uan bheir thu seachad sa' mhaduinn, agus an t-uan eile bheir thu seachad mu fheasgar.

40 Agus maille ris an aon uan, an deicheamh cuid do phlùr min³ measgta leis a' cheathramh cuid do hin a dh'oladh bhrùite; agus an ceathramh cuid do hin a dh'fhion, *mar* thabhartas-dìbhe.

41 Agus an t-uan eile bheir thu seachad mu fheasgar, *agus* ni thu ris a réir tabhartais bìdh na maidne, agus a réir a tabhartais dìbhe, mar fhàile cùblraidh, tabhartas air a thoirt suas le teine do'n Tighearna.

42 *Bithidh* so 'na thabhartas-loisgte bithbhuan⁴ air feadh bhur ginealach, aig dorus pàilliuin a' choimhthionail an làthair an Tighearna, far an coinnich mise sibh, a labhairt riut-sa an sin.

43 Agus an sin coinnichidh mise clann Israeil, agus naomhaichear *am pàilliuin* le m' ghloir.

44 Agus naomhaichidh mi pàilliuin a' choimhthionail, agus an altair: naomhaichidh mi, mar an ceudna, Aaron agus a mhic, gu frithealadhdhoinn ann an dreuchd an t-sagairt.

45 Agus gabhaidh mi còmhnuidh am measg chloinn Israeil, agus bithidh mi a'm' Dhia aca.

46 Agus bithidh fios aca gur mise an Tighearn an Dia, a thug a mach iad à tìr na h-Eiphit, a chum 's gu'n gabh mi còmhnuidh 'nam measg: *Is* mise an Tighearn an Dia.

CAIB. XXX.

1 *Altair na tùise.* 11 *Éiric gach duine air son 'anama.* 22 *An oladh-ungaidh naomha.* 34 *Am boltrachan cùblraidh.*

AGUS ni thu altair a losgadh tùise oirre: do fhiodh sitim ni thu i:

2 Làmh-choille a fad, agus làmh-choille a leud (ceithir-chearnach bithidh i,) agus dà làmh-choille a h-àirde; *bithidh* a h-adhaircean do'n *ni* cheudna.

3 Agus còmhdaichidh tu thairis i le h-òr fìor-ghlan, a mullach, agus a taobhan⁵ mu'n cuairt, agus a h-adhaircean: agus ni thu dh'i coron òir mu'n cuairt.

4 Agus dà fhaillbheig òir ni thu dh'i fuidh a coron: aig a dà oisim ni thu *iad*, air a dà thaobh: agus bitlidh iad air son àit-eachan do na bataichibh chum a giùlan leo.

5 Agus ni thu na bataichean *do* fhiodh sitim, agus còmhdaichidh tu thairis iad le h-òr.

6 Agus cuiridh tu i fa chomhair an roinn-bhrat, a ta làimh ri àire na Fianuis; air beulaobh na caithir-thròcair, a ta os ceann na Fianuis, far an coinnich mise thu.

7 Agus loisgidh Aaron tùis chùbhraidh oirre gach maduinn: an uair a dheasaicheas e na lòchrain, loisgidh e tùis oirre.

8 Agus an uair a lasas Aaron na lòchrain mu fheasgar, loisgidh e tùis oirre; tùis bhith-bhuan an làthair an Tighearn, air feadh blur ginealach.

9 Cha loisg sibh tùis choimheach sam bith oirre, no iobairt-loisgte, no tabhartas-bìdh: ni mò dhòirteassibh tabhartas-dìbhe oirre.

10 Agus ni Aaron réite air a h-adhaircibh aon uair sa' bhliadhna, le fuil iobairt-pheacaidh na réite: aon uair sa' bhliadhna ni e réite oirre, air fcaidh bhur ginealach: tha i ro naomha do'n Tighearn.

11 Agus labhair an Tighearna ri Maois, ag ràdh.

12 'Nuair a ghabhas tu cumantas chloinn Israeil a réir an àireimh, an sin bheir gach duine dhuibh éiric air son 'anama do'n Tighearna, 'nuair a dh'àirmheas tu iad; a chum nach bi plàigh 'nam measg, an uair a dh'àirmheas tu iad.

13 So bheir iad uathla, gach aon a théid seachad 'nam measg-san a dh'àirmhear: leth seceil, a réir seceil an *ionaid* naoimh ('s e seceil fìhead gèralh) leth seceil mar thabhartas do'n Tighearna.

14 Bheir gach aon a théid seachad 'nam measg-san a dh'àirmhear, o fhichead bliadhna dh'aois agus os a cheaun, tabhartas do'n Tighearna.

15 Cha toir an saobhir tuilleadh, agus cha toir am bochd ni's lugha na leth seceil, an uair a bheir *iad* tabhartas do'n Tighearn, a dheanamh réite air son bhur n-anamanna.

16 Agus gabhaidh tu airgiod na réite o chloinn Israeil, agus cuiridh tu air leth⁶ e fa chomhair seirbhis pàilliuin a' choimhthionail; agus bithidh e 'na chuimh-

¹ fuighealach.

² gu sìothachadh.

³ do mhin mhin a' chruithneachd. ⁴ na glànath-

ofrail loisgte.

⁵ a h-uachdar agus a sliosán.

⁶ orduichidh tu, builichidh tu.

neachan do chloinn Israeil an làthair an Tighearn, a dheanamh reite air son bhur n-anamanna.

17 Agus labhair an Tighearna ri Maois, ag ràdh,

18 Ni thu mar an ceudna soitheach-ionnlaid *a dh'umha*, agus a chos *a dh'umha*, chum ionnlaid: agus cuiridh tu e cadar pàilliuin a' choimhthionail agus an altair, agus cuiridh tu uisge ann.

19 Agus ionnlaidh Aaron agus a mhic an làmhan, agus an cosan as.

20 'Nuair a théid iad a steach do phàilliuin a' choimhthionail ionnlaidh siad iad féin le h-uisge, chum as nach faigh iad bàs; no 'nuair a thig iad am fagus do'n altair a fhrithealadh, a losgadh tabhartais a bheirar suas le teine do'n Tighearn.

21 Agus ionnlaidh iad an làmhan agus an cosan, a chum as nach faigh iad bàs: agus bithidh e 'na ordugh bith-bhuan dhoibh, *eadhon* dha féin agus d'a shliochd air feadh an ginealach.

22 Agus labhair an Tighearna ri Maois, ag ràdh,

23 Gabh-sa dhuit féin, mar an ceudna, spìosraidh thaghta do mhirr fìor-ghlan, cuig ceud *secel*, agus do chanal cùbhraidh a leth uiread, *eadhon* dà cheud agus leth-cheud *secel* agus do chalamus cùbhraidh da cheud agus leth-cheud *secel*.

24 Agus do chasias cuig ceud *secel*, a réir seceil an *ionaid* naoimh, agus hin do oladh a' chroinn-olaidh.

25 Agus ni thu dheth oladh-ungaidh naomha, oladh-ungaidh coimhmeasgta réir ealadhain an léigh¹; bithidh i 'na h-oladh-ungaidh naomha.

26 Agus ungaidh tu pàilliuin a' choimhthionail leatha, agus àirc na Fianuis,

27 Agus am bòrd agus a shoithichean uile, agus an coimleir agus a shoithichean, agus altair na tùise,

28 Agus altair na h-ìobairt-loisgte agus a soithichean uile, agus an soitheach-ionnlaid agus a chos.

29 Agus naomhaichidh tu iad, a chum as gu'm bi iad ro naomha: ge b'e ni a bheanas riù, bithidh e naomha.

30 Agus ungaidh tu Aaron agus a mhic, agus coisrigidh tu iad, gu fhrithealadh dhomhsa ann an dreuchd an t-sagairt.

31 Agus labhaird tu ri cloinn Israeil, ag ràdh, Bithidh i so 'na h-oladh-ungaidh naomha dhomhsa, air feadh bhur ginealach.

32 Air feoil duine cha dòirtear i, ni mò a ni sibh a leithid, a réir a measgaidh: *a ta* i naomha, agus naomha bithidh i dhuibh.

33 Ge b'e neach a mheasg *ni* cosmhuil rithe, agus ge b'e neach a chuireas *abheag* dhith air coigreach, gu deimhin gearrar as

o shluagh e.

34 Agus thubhairt an Tighearna ri Maois, Gabh dhuit spìosraidh chùbhraidh, stacte, agus onicha, agus galbanum; spìosraidh chùbhraidh maille ri tùis' fìor-ghloin: do gach aon diubh bithidh an t-aon tomhas.

35 Agus ni thu boltrachan deth, air a dheanamh suas a réir ealadhain an léigh, coimhmeasgta, fìor-ghlan, naomha.

36 Agus bruthaidh tu *cuid* deth ro mhìn, agus cuiridh tu *cuid* deth fa chomhair na Fianuis ann am pàilliuin a' choimhthionail, far an coinnich mise thu: ro naomha bithidh e dhuibh.

37 Agus am boltrachan a ni thu, cha dean sibh *a leithid* dhuibh féin, a réir a mheasgaidh: bithidh e dhuitse naomha do'n Tighearna.

38 Ge b'e neach a ni a choslas, a ghabhail fàile uaith, gearrar as o 'shluagh e.

CAIB. XXXI.

1 Besaleel agus Aholiab air an gairm a dh'ionnsuidh oibre a' phàilliuin. 12 An t-sàbaid gu bhì air a coinhead naomha. 18 Dà chlàr na Fianuis air an tabhairt do Mhaois.

A GUS labhair an Tighearna ri Maois, ag ràdh,

2 Feuch, ghairm mi air ainm Besaleel mac Uri, mhic Hur, do thréibh Iudah;

3 Agus lion mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghné oibre.

4 A dhealbhadh² oibre ealanta, a dh'oibreachadh ann an òr, agus ann an airgiod, agus ann an umha,

5 Agus ann an gearradh chlach a chum an ceangal, agus ann an gearradh fiodha, a dh'oibreachadh anns gach uile ghné oibre.

6 Agus mise, feuch, thug mi seachad maille ris Aholiab mac Ahisamaich, do thréibh Dhain; agus ann an cridhe gach neach a ta glic-chridheach chur mi gliocas, agus ni iad gach ni a dh'aitm mi dhuit;

7 Pàilliuin a' choimhthionail, agus àirc na Fianuis, agus a' chaithir-thròcair a *ta* oirre, agus uile uidheam³ a' phàilliuin.

8 Agus am bòrd agus a' uidheam, agus an coimleir fìor-ghlan le uidheam uile, agus altair na tùise,

9 Agus altair na h-ìobairt-loisgte le h-uidheam uile, agus an soitheach-ionnlaid agus a chos,

10 Agus éididh⁴ na seirbhais, agus éididh naomha air son Aaron an t-sagairt, agus éididh a chuid mac, gu fhrithealadh ann an dreuchd an t-sagairt,

11 Agus an oladh-ungaidh, agus tùis chùbhraidh air son an *ionaid* naoimh; a réir nan uile *nithe* a dh'aitm mi dhuit, ni iad.

¹ seò'tachd an lusragain.

² a thùir.

³ airneis.

⁴ eudach.

12 Agus labhair an Tighearna ri Maois, ag ràdh,

13 Labhair thusa mar an ceudna ri cloinn Israeil, ag ràdh, Gu deimhin coimhididh¹ sibh mo shàbaidean: oir is comharadh sin eadar mise agus sibhse, air feadh bhur ginealach; chum as gu'm bi fios agaibh gur mise an Tighearn, a naomhaicheas sibh.

14 Coimhididh sibh uime sin an t-sàbaid; oir a ta i naomha dhuibh. Esan a thruaill-eas² i, cuirear gu cinnteach gu bàs e; oir gach neach a ni obair oirre, gearrar an t-anam sin as o mheasg a shluaigh.

15 Sè làithean feudar obair a dheanamh, ach san t-seachdamh tha sàbaid fhois, naomha do'n Tighearna: gach neach a ni obair air là na sàbaid, cuirear gu cinnteach gu bàs e.

16 Uime sin coimhididh clann Israeil an t-sàbaid, a ghleidheadh na sàbaid air feadh an ginealach, mar choimhcheangal³ sìorruidh.

17 Eadar mise agus clann Israeil is comharadh i a chaidh; oir ann an sè làitheibh rinn an Tighearna na nèamhan agus an talamh, agus air an t-seachdamh là sguir e, agus ghabh e fois.

18 Agus thug e do Mhaois, an uair a sguir e do labhairt ris air sliabh Shinai, dà chlàr na Fianuis, clàir chloiche, sgrìobhta le meur Dhé.

CAIB. XXXII.

1 Thug an sluagh air Aaron laogh leaghta a dheanamh. 19 Las corruich Mhaois, agus bhris e clàir an tugh. 30 Rinn e urnaigh ri Dia air son an t-sluaigh.

AGUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad féin gu h-Aaron, agus thubhairt iad ris, Eirich suas, dean dhuinn dée a théid romhainn; oir a thaobh a' Mhaois so, an duine a thug a nìos sinn á tìr na h-Eiphit, cha 'n' eil fhios againn ciod a thàinig air⁴.

2 Agus thubhairt Aaron riu, Brisibh⁵ dhibh na cluas-fhailean òir a ta ann an cluasaibh bhur ban, bhur mac, agus bhur nigheana, agus thugaibh a m' ionnsuidhse iad.

3 Agus bhris an sluagh uile dhiubh na cluas-fhailean òir a bha 'uan cluasaibh, agus thug iad gu h-Aaron iad.

4 Agus ghabh e iad as an làimh; agus chun se e le inneal-gearraidh⁶, an déigh dha laogh leaghta dheanamh dheth, agus thubhairt iad, Sin do dhée, O Israeil, a thug a nìos thu á tìr na h-Eiphit.

5 Agus an uair a chunnaic Aaron e, thog e altair fa 'chomhair, agus thug Aaron

gairm, agus thubhairt e, Is là féille⁷ am maireach do'n Tighearn.

6 Agus dh'éirich iad suas gu moch air an là maireach⁸, agus thug iad suas tabhartais-loisgte, agus thug iad leo tabhartais-sith: agus shuidh an sluagh sìos a dh'itheadh agus a dh'òl, agus dh'éirich iad suas gu sùgradh⁹.

7 Agus thubhairt an Tighearna ri Maois, Imich, falbh sìos; oir thruaill do shluagh, a thug thu mach á tìr na h-Eiphit, iad féin.

8 Chlaon iad gu grad o'n t-slighe a dh'àithn mise dhoibh: rinn iad dhoibh féin laogh leaghta; agus rinn iad aoradh dha, agus thug iad suas ìobairtean dha, agus thubhairt iad, Sin do dhée, O Israeil, a thug a nìos thu á tìr na h-Eiphit.

9 Agus thubhairt an Tighearna ri Maois, Chunnaic mise an sluagh so, agus, feuch, is sluagh rag-mhuinealach¹⁰ iad.

10 A nìs uime sin leig leam, agus lasaidh mochorruch¹¹ nan aghaidh, agus claoidluidh mi iad: agus ni mi dhìotsa cinneach mòr.

11 Agus ghuidh Maois air an Tighearn a Dhia, agus thubhairt e, C'ar son, a Thighearn, a ta do chorruch a' lasadh an aghaidh do shluaigh, a thug thu mach á tìr na h-Eiphit le cumhachd mòr, agus le làimh thréin?

12 C'ar son a labhradh na h-Eiphitich, ag ràdh, Le droch rùn thug e mach iad, a chum am marbhadh sna beanntaibh, agus an claoidh bhàrr aghaidh na talmhainn? Pill o d' chorruch ghaire, agus gabh aithreachas do'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu mionnan ort féin, agus r'an d'thubhairt thu, Ni mi bhur sliochd Ìonmhor mar reulta nèimh, agus am fearann so uile mu'n do labhair mi, bheir mi d'ur sliochd-sa, agus sealbhaichidh iad e gu sìorruidh.

14 Agus ghabh an Tighearn aithreachas do'n olc a thubhairt e gu'n deanadh e air a shluagh.

15 Agus thionndaidh Maois, agus chaidh e sìos as an t-sliabh, agus dà chlàr na Fianuis na làimh: bha na clàir sgrìobhta air an dà thaobh; air an taobh so, agus air an taobh ud eile bha iad sgrìobhta.

16 Agus b'iad na clàir obair Dhé, agus b'e 'n sgrìobhadh sgrìobhadh Dhé, gearrta air na clàraibh.

17 Agus chuala Iosua toirm an t-sluaigh an uair a rinn iad gair¹¹, agus thubhairt e ri Maois, Tha toirm chogaidh sa' champ.

18 Agus thubhairt e, Cha'ne guth dhaoine a' deanamh gair air son na buadha, cha

¹ gleidhidh.² mhi-naomhaicheas.³ chunnradh, chùimhant.⁴ ciod is cor dha.⁵ Bristibh.⁶ inneal-dualaidh.⁷ féisde, cuirme.⁸ an làr na mhàireach.⁹ mireadh, cluiche, cleasachd.¹⁰ cruaidh-mhuinealach.¹¹ iolach.

mhò *is e* guth *dhaoine* ag éigheach a chionn gu'n d'thugadh buaidh orra, *ach* toirm luchd-gabhail ciùil a ta mi a' cluinntinn.

19 Agus co luath 'sa thàinig e 'm fagus do'n champ, chunnaic e 'n laogh, agus an danna: agus las corruich Mhaois, agus thilg e na clàir as a làimh, agus bhris e iad aig bun an t-sléibh.

20 Agus ghabh e 'n laogh a rinn iad, agus loisg e san teine e, agus mhéil e gu smùr¹ e, agus chrath e air an uisge e, agus thug e air cloinn Isracil òl *dheth*.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mhòr orra?

22 Agus thubhairt Aaron, Na lasadh fearg mo thighearna: is aithne dhuit an sluagh, gu'm bheil iad *so-aomaidh* a dh'ionnsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an duine a thug a mach sinn á tìr na h-Eiphit, cha 'n fhios duinn ciod a thàinig air.

24 Agus thubhairt mi riu, Gach neach aig am bheil a bheag a dh'òr, briseadh e dheth e: agus thug iad dhomh e, agus thilg mi san teine e, agus thàinig a mach an laogh so.

25 Agus an uair a chunnaic Maois gu'n robh an sluagh rùisgte², (oir rùisg Aaron iad a chum *an* nàire am measg an naimhdean,)

26 An sin sheas Maois ann an geata³ a' chaimp, agus thubhairt e, Cò tha leis an Tighearn? *thigeadh* e m'ionnsuidh-sa. Agus chruinnich mic Lebhi uile d'a ionnsuidh.

27 Agus thubhairt e riu, Mar so tha 'n Tighearna Dia Israeil ag ràdh, Cuireadh gach duine agaibh a chlaidheamh air a léis⁴, agus rachaibh a steach agus a mach o gheata gu geata air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a choimhearsnach.

28 Agus rinn clann Lebhi a réir focail Mhaois: agus thuit do'n t-sluagh san là sin mu thimchioll thri mìle fear.

29 Oir thubhairt Maois, Coisrigibh sibh féin an diugh do'n Tighearn, eadhon gach duine air a mhac, agus air a bhràthair, a chum as gu'm builich⁵ e oirbh beannachadh air an là 'n diugh.

30 Agus air an là màireach thubhairt Maois ris an t-sluagh, Pheacaich sibh peacadh mòr: agus a nis théid mise suas a dh'ionnsuidh an Tighearn, a dh'fheuchainn an dean mi réite air son bhuir peacaidh.

31 Agus phill Maois a dh'ionnsuidh an Tighearn, agus thubhairt e, Och! pheacaich an sluagh so peacadh mòr, agus rinn iad dhoibh féin diathan òir:

32 Gidheadh a nis, ma's toil leat, maith dhoibh am peacadh; ach mur *maith*, dubh mise, guidheam ort, a mach as do leabhar a sgrìobh thu.

33 Agus thubhairt an Tighearna ri Maois, Ge b'e a pheacaich a'm' aghaidh, esan dubhaidh mi mach as mo leabhar.

34 Uime sin a nis imich, treòraich⁶ an sluagh a chum *an ionaid* mu'n do labhair mi riut; feuch, théid m'aingear romhad: gidheadh, san là am fiosraich mi, leanaidh mi am peacadh orra.

35 Agus chlaoidh⁷ an Tighearn an sluagh, a chionn gu'n d'rinn iad an laogh⁸, a rinn Aaron.

CAIB. XXXIII.

1 *Dhiùlt an Tighearna dol leis an t-sluagh.* 9 *Labhair e ri Maois.* 18 *Ghuidh esan air Dia gu'm foillsicheadh e a ghlòir dha.*

A GUS thubhairt an Tighearna ri Maois, Imich, falbh suas as a so, thu féin agus an sluagh a thug thu mach á tìr na h-Eiphit, a dh'ionnsuidh na tìre a mhionnach mi do Abraham, do Isaac, agus do Iacob, ag ràdh, Do d' shìochd-sa bheir mi i:

2 Agus cuiridh mi aingear romhad; agus fuadaichidh mi mach an Canaanach, an t-Amorach, agus an t-Hiteach, agus an Peridseach, agus an t-Hibheach, agus an Iebusach;

3 A dh'ionnsuidh fearainn a ta sruthadh le bainne agus mil: oir cha téid misuas a' d'mheas⁹, oir is sluagh rag-mhuinealach thu; air eagal gu'n claidh mi thu san t-slighe.

4 Agus an uair a chual' an sluagh an droch sgeul so, rinn iad bròn; agus cha do chuir duine sam bith air a bhréaghadh¹⁰.

5 Oir thubhairt an Tighearna ri Maois, Abair ri cloinn Israeil, Is sluagh rag-mhuinealach sibh: ann am platha¹¹ théid mi suas 'nur measg, agus claidhidh mi sibh: a nis uime sin, cuiribh dhìbh bhuir bréaghadh, a chum as gu'm bi fios agam ciod a ni mi ribh.

6 Agus rùisg clann Israeil am bréaghadh dhiubh làimh ri sliabh Horeb.

7 Agus ghabh Maois am pàillion¹², agus shuidhich e 'n taobh a mach do'n champ e, fad o'n champ, agus thug e pàillion a' choimhthionail mar ainm air. Agus 'na lorg sin, chaidh gach neach a bhla' g'iarraidh an Tighearn a mach do phàillion a' choimhthionail, a bha 'n taobh a muigh do'n champ.

8 Agus an uair a chaidh Maois a mach

¹ fudar.

² lannochd.

³ doras.

⁴ a leth-taobh.

⁵ gu'm bàruig.

⁶ thoir leat.

⁷ thuail. Eabh.

⁸ air son an aoraidh a rinn

iad do'n laogh.

⁹ a'd' mheadhon.

¹⁰ cudach

riomhach.

¹¹ mionaid, tiota, athghacraid.

¹² bùth. Eaph.

do'n phaillium, dh'érich an sluagh gu léir suas, agus sheas gach duine aig dorus a bhùtha, agus dh'amhairc iad an déigh Mhaois, agus an deachaidh e stigh do'n phaillium.

9 Agus an uair a chaidh Maois a stigh do'n phaillium, thàinig am meall¹ neoil a nuas, agus sheas e aig dorus a' phaillium, agus labhair an Tighearna ri Maois.

10 Agus chunnaic an sluagh uile am meall neoil 'na sheasamh aig dorus a' phaillium: agus dh'érich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearna ri Maois aghaidh ri h-aghaidh, mar a labhras duine r'a charaid. Agus phill e ris do'n champ; ach cha deachaidh a sheirbhis each Iosua, mac Nuin, duine òg, a mach as a' phaillium.

12 Agus thubhairt Maois ris an Tighearna, Feuch, a ta thu 'g ràdh rium, Thoir suas an sluagh so; agus cha d'thug thu fios domh cò chuireas tu maille rium. Gidheadh thubhairt thu, Is aithne dhomh thu air t'aime, agus mar an ceudna fhuair thu deadh-ghean a'm' shùilbh².

13 A nis uime sin, guidheam ort, ma fluair mi deadh-ghean a'd' shùilbh, nochd dhomh do shlighe, a chum as gu'm bi aithne agam ort, agus gu'm faigh mi deadh-ghean a'd' shùilbh agus meas³ gur e 'n cùineach so do shluagh-sa.

14 Agus thubhairt e, Théid mo làthaireachd⁴ leat, agus bheir mi fois dhuit.

15 Agus thubhairt e ris, Mur téid do làthaireachd maille ruinn, na toir suas sinn a' so:

16 Oir ciod e leis an aithnìchean ann an so, gu'n d'fhuair mise agus do shluagh deadh-ghean a'd' shùilbh? Nach ann le d' dhol maille ruinn? Mar so dealaichear sinn, mise agus do shluagh, o gach uile shluagh a ta air aghaidh na talmhainn.

17 Agus thubhairt an Tighearna ri Maois, Au ni so mar an ceudna a thubhairt thu, ni mise; oir fhuair thu deadh-ghean a'm' shùilbh, agus is aithne dhomh thu air t'aime.

18 Agus thubhairt esan, Foillsich dhomh, guidheam ort, do ghlòir.

19 Agus thubhairt e, Bheir mi air mo mhaithreas uile dol seach a'd' làthair⁵, agus gairmidh mi ainm an TIGHEARN a'd' fhianuis; agus bithidh mi gràs-mhor dhà-san d'am bi mi gràs-mhor, agus nochdaidh mi tròcair dhà-san d'an nochd mi tròcair.

20 Agus thubhairt e, Cha'n fheud thu m'aghaidhs' fhaicinn; oir cha 'n fhaic

duine air bith mise, agus e beò⁶.

21 Agus thubhairt an Tighearna, Feuch, tha àite làimh rium, agus scasaidd tusa air carraig⁷:

22 Agus an uair a bhios mo ghlòir a' dol seachad, an sin cuiridh mi thu ann an sgolt-adh do'n charraig, agus còmhdaichidh mi le m' làimh thu gus an téid mi seachad.

23 Agus bheir mi air falbh mo làmh, agus chi thu mo chùlaobh: ach cha'n fhaic-eas m'aghaidh.

CAIB. XXXIV.

1 Dh'ath-nuadhachaidh clàir an lagha. 5 Ghaim-eadh air ainm an Tighearna. 10 Rinn Dia còimcheangal r'a shluagh.

AGUS thubhairt an Tighearna ri Maois, A' Snaidh dhuit féin dà chlàr chloiche cosmhuil ris na ceud chlàir; agus sgriobhaidh mis' air na clàir sin na focail a bha air na ceud chlàir a hhris thu.

2 Agus bi deas⁸ sa' mhaduinn, agus thig a nios sa' mhaduinn do shliabh Shinai, agus nochd thu féin an sin dhomhs' air mullach an t-sléibh.

3 Agus na tigeadh duine sam bith a nìs maille riut, agus na faicear duine san t-sliabh uile, agus na h-ionaltradh ua treudan no'm buar⁹ fa chomhair an t-sléibh sin.

4 Agus shnaidh e dà chlàr chloiche, cosmhuil ris na ceud chlàir; agus dh'érich Maois suas gu moch sa' mhaduinn, agus chaidh e suas do shliabh Shinai, mar a dh'aithn an Tighearna dha, agus thug e leis 'na làimh an dà chlàr chloiche.

5 Agus thàinig an Tighearna nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearna seachad¹⁰ fa' chomhair, agus ghairm e, an TIGHEARN, AN TIGHEARN DIA, iochd-mhor agus gràs-mhor, fad-fhulangach, agus pailt' ann an caoimhneas¹¹ agus an firinn.

7 A' gleidheadh tròcair do mhiltibh, a' maitheadh¹² aingidheachd agus eusaontais, agus peacaidh, agus nach saor air aon dòigh an ciontach; a' leantuinn aingidheachd nan aithrichean air a' chloinn, agus air cloim na cloinne, air an trcas¹³ agus air a' cheathramh ginealach.

8 Agus rinn Maois deifir¹⁴, agus cliom e a cheann ri làr, agus rinn e aoradh.

9 Agus thubhairt e, Ma fluair mi nis deadh-ghean a'd' shùilbh, O Thighearna, rachadh mo Thighearna, guidheam ort, 'nar measg, (oir is sluagh rag-mhuinealach iad,) agus maith dhuinn ar n-aingidheachd

¹ column, pillar. Sasg.

² tainneachd a'm' shealladh.

³ faire. Eabh.

⁴ m'aghaidh. Eabh.

⁵ gabhail seach romhad.

⁶ cha'n urrainn duin' air bith mise fhaicinn, agus a bhi beò.

⁷ air a' chreig sin.

⁸ u'annh.

⁹ na caorach, no 'n crodh.

¹⁰ seach.

¹¹ tròcair.

¹² a' maitheamh; a' t-oir air falbh aingidheachd. Eabh.

¹³ gu ruig an trcas.

¹⁴ cabhog.

agus ar peacadh, agus gabh sinn mar t'òighreachd féin.

10 Agus thubhairt e, Feuch, ni mise coimhcheangal; ann an làthair do shluaigh uile ni mi nithe iongantach, nithe nach d'rinneadh an leithid air an talamh uile, no ann an aon chinneach: agus chi an sluagh uile, an measg *am bheil* thu, obair an Tighearn: oir *is* ni uamhasach a ni mise riut.

11 Coimhid thusa an ni a *tha* mi 'g àithneadh dhuit an diugh: Feuch, fuad- aichidh mi mach¹ romhad an t-Amorach, agus an Canaanach, agus an t-Hiteach, agus an Peridseach, agus an t-Hibheach, agus an Iebusach.

12 Thoir an aire dhuit féin, air eagal gu'n dean thu coimhcheangal ri luchd- àiteachaidh na tíre d'am bheil thu dol, air eagal gu'm bi e 'na ribeadh a'd' mheadhon:

13 Ach sgrìosaidd sibh an altairean, agus brisidh sibh an dealbhan, agus gearraidh sibh sìos an doireachan².

14 Oir cha dean thu aoradh do dhia sam bith eile; oir an Tighearna, d'an ainm Eudmhor, *is* Dia eudmhor e:

15 Air eagal gu'n dean thu coimhcheangal ri luchd-àiteachaidh na tíre, agus gu'n téid iad le striopachas an déigh an diathan, agus gu'n toir iad ìobairt d'an dèibh, agus gu'n toir *neach* cuireadh dhuit, agus gu'n ith thu d'a ìobairt;

16 Agus gu'n gabh thu d'an nighean- aibh do d' mhic, agus gu'n téid an nigh- eana le striopachas an déigh an diathan³, agus gu'n toir iad air do mhic dol le striopachas an déigh an diathan.

17 Cha dean thu dhuit féin diathan leagla.

18 Féill⁴ an arain neo-ghoirtichte cum- aidd tu: seachd làithean ithidh tu aran neo-ghoirtichte, mar a dh'àithn mi dhuit ann an àm a' mhìos Abib⁵; oir anns a' mhìos Abib thàinig thu mach as an Eiphit.

19 Gach *ni* a dh'fhosgla *a' bhrù*⁶ *is* leams' e; agus gach ceud-ghin an measg do spréidhe, *ma's ann* do'n bhuar⁷ no do na caoraich e, *a bhios* *frionn*.

20 Ach ceud-ghin asail fuasglaidh tu le h-uain; agus mur fuasgail thu e, an sin brisidh tu 'amhach⁸. Uile cheud-ghin do mhac fuasglaidh tu; agus cha nochdar⁹ a h-aon a'm' làthair-sa falamh.

21 Sè làithean ui thu obair, ach air an t-seachdamh là gabhaidh tu fois: ann an àm an treabhaidh agus anns an fhoghar gabhaidh tu fois.

22 Agus cumaidh tu féill nan seachduin,

a' cheud toraidh do fhoghar a' chruith- neachd, agus féill a' chròdhaidh¹⁰ ann an deireadh na bliadhna.

23 Tri uairean sa' bhliadhna nochdar do mhic uile an làthair an Tighearna Iehobhah, Dé Israeil:

24 Oir tilgidh mi mach na cinnich romh- ad, agus ni mi do chrìocha ni's farsuinge; agus cha mhiannaich duine sam bith t'fhearann, an uair a théid thu suas g'ad nochdadh féin am fianuis an Tighearna do Dhé, tri uairean sa' bhliadhna.

25 Cha 'n ìobair thu fuil m'ìobairt-sa le taois ghoirt, cha mhò a dh'fhàgar gu maduinn ìobairt féill na càisege.

26 Toiseach ceud-thoraidh t'fheàrainn bheir thu do thigh an Tighearna do Dhé. Cha bhruidh thu meann am bainne a mhàthar.

27 Agus thubhairt an Tighearna ri Maois, Sgrìobh thusa na focail so: oir a réir brìgh nam focal so rinn mise coimh- cheangal riut féin agus ri h-Israel.

28 Agus bha e 'n sin maille ris an Tigh- earna dà fhichead là agus dà fhichead oidhche; cha d'ith e aran, ni mò dh'òl e uisge: agus sgrìobh e air na clàir focail a' choimhcheangail, na deich àith- eantan.

29 Agus an uair a thàinig Maois a nuas o shliabh Shinaì, (le dà chlàr na Fianuis ann an làimh Mhaois, an uair a thàinig e nuas o'n t-sliabh) cha robh fios aig Maois gu'u do dhealraich croicinn 'aghaidh, am feadh 'sa bha e còmhraidh ris.

30 Agus dh'amhairc Aaron agus clann Israeil uile air Maois; agus, feuch, dheal- raich croicinn 'aghaidh, agus bha eagal orra teachd am fagus da.

31 Agus ghairm Maois orra; agus phill Aaron agus uachdarain a' choimhthionail uile d'a ionnsuidh; agus rinn Maois còmh- radh riu.

32 Agus 'na dhéigh sin thàinig clann Israeil uile am fagus da; agus dh'àithn e dhoibh na h-uile *nithe* a labhair an Tighearna ris ann an sliabh Shinaì.

33 Agus sguir Maois a labhairt riu; agus chuir e gnùis-bhrat¹¹ air 'aghaidh.

34 Ach an uair a chaidh Maois a steach an làthair an Tighearn a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labh- air e ri cloinn Israeil *an ni sin* a dh'àith- neadh dha.

35 Agus chunnaic clann Israeil aghaidh Mhaois, gu'n do dhealraich croicinn agh- aidh Mhaois: agus chuir Maois an gnùis- bhrat air 'aghaidh a ris, gus an deachaidh e stigh a labhairt ris.

¹ tilgidh mi mach.

² badan-coille

³ dèc.

⁴ fèisd, fèadh, cuirm.

⁵ mìos a' cheud-thoraidh.

⁶ a' mhachlag.

⁷ chròdh.

⁸ a mhùineal.

⁹ taisbeanar.

¹⁰ fèisd a' chruinneachaidh, cuirm an deire-tharruing

¹¹ còmh-dach; veil. Sasg.

CAIB. XXXV.

1 *Tha'n t-sàbaid gu bhì air a coimhead naomha.*
 4 *Saor-thabhartais air son a' phàilliuin.* 20 *Thug an sluagh gu toileach seachad iad.*

AGUS chruinnich Maois coimhthional chloinn Israeil uile r'a chéile, agus thubhairt e riu, Sin na nithe¹ a dh'àithn an Tighearna gu'n deanadh sibh iad.

2 Sè làithean nìthear obair, ach bithidh an seachdamh là dhuibh 'na là naomha, 'na shàbaid thàimh do'n Tighearna: ge b'e neach a nì obair air, cuircar gu bàs e.

3 Cha'n fhadaidh sibh teine sam bith air feadh bhuir n-àiteacha-còmhnuidh air là na sàbaid.

4 Agus labhair Maois ri coimhthional chloinn Israeil uile, ag ràdh, So an ni a dh'àithn an Tighearna, ag ràdh,

5 Togaibh 'nur measg tabhartas do'n Tighearna: gach neach aig am bheil cridhe toileach, thugadh e leis e, tabhartas do'n Tighearna; òr, agus airgid, agus umha,

6 Agus gorm, agus corcur, agus scarlaid, agus anart grunn, agus *fionnadh* ghabhar,

7 Agus croicne reitheachan air an dath dearg, agus croicne bhroc, agus fiodh sitim.

8 Agus oladh air son soluis, agus spiosraidh air son oladh-ungaidh, agus air son tùise cùbhraidh,

9 Agus clachan onics, agus clachan a chum an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'nur measg, agus deanadh e gach ni a dh'àithn an Tighearna;

11 Am pàilliuin, a bhùth, agus a chòmhdach, a chromagan, agus a bhuird, a chroim, a phuist, agus a bhuinn;

12 An àire agus a bataichean, a' chaithir-thròcair agus roinn-bhrat a' chòmhdach;

13 Am bòrd agus a bhataichean, agus a shoithichean uile, agus an t-aran tais-beanta²;

14 Agus an coinnleira a chum an t-soluis, agus uidheam, agus a lòchrain, maille ri oladh chum an t-soluis;

15 Agus altair na tùise, agus a bataichean, agus an oladh-ungaidh, agus an tuis chùbhraidh, agus an cùrtein air son doruis a' phàilliuin³;

16 Altair na h-jobairt-loisgte agus a cliath umha⁴, a bataichean, agus a soithichean uile, an soitheach-ionnlaid agus a chos;

17 Cùrteinean na cùirte, a puist agus a buinn, agus cùrtein air son doruis na cùirte.

18 Pinneachan⁵ a' phàilliuin, agus pinn-eachan na cùirte, agus an cuird;

19 Eididh an fhrithealaidh, a fhrithealadh san ionad naomh; an éididh naomha air son Aaroin an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthional chloinn Israeil uile á làthair Mhaois.

21 Agus thàinig iad, gach duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàilliuin a' choimhthionail, agus air son a sheirbhis uile, agus air son na h-éididh naomha.

22 Agus thàinig iad, araon⁶ fir agus mnà, a mhead's aig an robh cridhe toileach, agus thug iad leo bràistean⁷ agus chuas-fhailean, agus fàinneachan, agus criosa muineil⁸, gach uidheam òir⁹: agus gach fear a thug seachad, *thug e seachad* tabhartas òir do'n Tighearna.

23 Agus gach fear aig an d'fhuaradh gorm, agus corcur, agus scarlaid, agus anart grunn, agus *fionnadh* ghabhar, agus croicne dearg reitheachan, agus croicne bhroc, thog iad leo iad.

24 Gach duine a thug seachad tabhartas airgid agus umha, thug e leis tabhartas an Tighearna: agus gach duine aig an d'fhuaradh fiodh sitim chum oibre sam bith do'n t-seirbhis, thug e leis e.

25 Agus shnìomh na mnà uile a bha glic-chridheach le'n làmhnan, agus thug iad leo an ni a shnìomh iad, an gorm, agus an corcur, an scarlaid, agus an t-anart grunn.

26 Agus na mnà uile a dhùisg an cridhe suas ann an gliocas, shnìomh iad *fionnadh* ghabhar.

27 Agus thug na h-uachdarain leo clachan onics, agus clacha chum an ceangal, air son na h-ephoid, agus air son na h-uchd-éididh;

28 Agus spiosraidh, agus oladh air son an t-soluis, agus air son na h-oladh-ungaidh, agus air son na tùise cùbhraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'àithn an Tighearna dheanamh le làmh Mhaois.

30 Agus thubhairt Maois ri cloinn Israeil, Faicibh, ghairm an Tighearna air ainm Besaleel mac Uri, mhic Hur, do thrèibh Iudah:

31 Agus lion se e le spiorad Dhé, ann an gliocas, ann an tuigse, agus ann an eòlas, agus anns gach gnè oibre;

32 Agus a dhealbladh¹⁰ oibre calanta, a dh'òibreachadh ann an òir, agus ann an airgid, agus ann an umha.

¹ briathra.² aran na Fianuis.³ brat an doruis air son doruis a' phàilliuin. Eabh.⁴ criathar praise.⁵ tairnean, seamaman.⁶ an dà chuid.⁷ dealgan.⁸ paidèirein.⁹ seudan òir gu léir¹⁰ a chumadh.

33 Agus ann an gearradh chlach chum an ceangal, agus ann an snaidheadh fiodha, a dheanamh gnè sam bith a dh'obair ealanta.

34 Agus chuir e 'na chridhe gu'n teagaisgeadh e, e féin agus Aholiab mac Ahisamaich do thréibh Dhain.

35 Lìon e iadsan le gliocas cridhe, a dh'oibreachadh gach gnè oibre, oibre a ghearradair, agus an oibriche ealanta, agus an oibriche le snàthaid ann an gorm, agus ann an corcur, ann an scarlaid, agus ann an anart grunn, agus an ffigheadair, a ni obair sam bith, agus a dhealbhas obair ealanta.

CAIB. XXXVI.

1 Thugadh na tabhartais do'n luchd-oibre. 6 Thoir-misgeadh do'n t-sluagh tuilleadh a thoirt leo. 8 Rinneadh cùirteinean agus buird air son a' phailliuin.

AGUS dh'oibrich Besaleel agus Aholiab, agus gach duine glic-chridheach d' an d'thug an Tighearna gliocas agus tìr¹, a thuigsinn cionnus a dheanadh iad gach gnè oibre air son seirbhis an ionaid naoimh, a réir gach ni a dh' àithn an Tighearn.

2 Agus ghairn Maois air Besaleel, agus air Aholiab, agus air gach duine glic-chridheach, d'an d'thug an Tighearna gliocas 'na chridhe, eadhon gach aon a dhùisg a chridhe suas, gu teachd a chum na h-oibre g'a deanamh.

3 Agus ghabh iad o Mhaois na tabhartasan uile a thug clann Israeil leo chum oibre seirbhis an ionaid naoimh, g'a deanamh. Agus thug iad fathast d'a ionnsuidh saor-thabhartasan gach aon mhaduinn.

4 Agus thàinig na daoine glic uile, a rinn uil' obair an ionaid naoimh, gach duine ac' o' obair féin a bha iad a' deanamh;

5 Agus labhair iad ri Maois, ag ràdh, Tha 'n sluagh a' toirt leo tuilleadh gu mòr na nì's leòr, a chum seirbhis na h-oibre a dh' àithn an Tighearn a dheanamh.

6 Agus dh' àithn Maois, agus thugadh gairm air feadh a' chaimp, ag ràdh, Na deanadh fear no bean sam bith tuilleadh oibre air son tabhartais an ionaid naoimh. Mar sin thoirmisgeadh² do'n t-sluagh ni sam bith a thoirt leo.

7 Oir bu leòr an t-uidheam³ a bh'aca air son na h-oibre uile, g'a deanamh, agus bu tuilleadh 's ni bu leòr e.

8 Agus rinn gach duine glic-chridheach 'nam measg-san a dh'oibrich obair a' phailliuin⁴, deich cùirteine do anart grunn toimnte, agus do ghorm, agus do chorcur,

agus do scarlaid; le cerubaibh a dh'obair ealanta rinn e iad:

9 Fad aon chùirtein ochd làmhha-coille thar fhichead, agus leud aon chùirtein ceithir làmhha-coille: na cùirteinean uile dh'aon tomhas.

10 Agus cheangail e cùig cùirteine gach aon r'a chéile: agus na cùig cùirteinean eile cheangail e gach aon r'a chéile.

11 Agus rinn e lùban do ghorm air foir aon chùirtein, o'n iomall sa' choimhcheangal; air a' mhodh cheudna rinn e ann am foir a' chùirtein eile's faide mach, ann an coimhcheangal an dara aoin.

12 Leth-cheud lùb rinn e ann an aon chùirtein, agus leth-cheud lùb rinn e ann an iomall a' chùirtein a bha ann an coimhcheangal an dara aoin; cheangail na lùban aon chùirtein ri cùirtein eile⁵.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis an cromagaibh. Mar sin rinneadh e 'na aon phailliuin.

14 Agus rinn e cùirteine do fhiionnadh ghabhar, air son a' bhùtha os ceann a' phailliuin⁶; aon chùirtein deug rinn e dhiubh:

15 B'e fad aon chùirtein deich làmhha-coille thar fhichead, agus ceithir làmhha-coille leud aon chùirtein; bha'n t-aon chùirtein deug a dh'aon tomhas.

16 Agus choimhcheangail e cùig cùirteine leo féin, agus sè cùirteine leo féin.

17 Agus rinn e leth-cheud lùb air an fhoir a b' fhaide mach do'n chùirtein sa' choimhcheangal, agus leth-cheud lùb rinn e air foir a' chùirtein a tha coimhcheangal an dara aoin.

18 Agus rinn e leth-cheud cromag a dh'umha, a cheangal a' bhùtha r'a chéile, chum as gu'm biodh e 'na aon.

19 Agus rinn e còmhach do'n bhùthl, do chroicnibh reitheachan air an dath dearg, agus còmhach do chroicnibh bhroc os a cheann.

20 Agus rinn e buird do'n phailliuin do fhiodh sìtim, 'nan seasamh:

21 Deich làmhha-coille fad bùird, agus làmh-choille gu leth leud aon bhùird.

22 Bha dà làimh⁷ aig aon bhòrd, air an cur an ordugh, aon fa chomhair aoin⁸: mar so rinn e ri bùird a phailliuin uile.

23 Agus rinn e buird do'n phailliuin: fichead bòrd air son an taoibh dheas, ris an àirde deas.

24 Agus dà fhichead cos⁹ airgid rinn e fuidh 'n fhichead bòrd: dà chois fuidh aon bhòrd a réir¹⁰ a dhà làimh, agus dà chois fuidh bhòrd eile a réir a dhà làimh.

25 Agus air son taoibh eile a' phailliuin a

¹ tuisge.

² bhacadh.

³ stubh; obair. Eabh.

⁴ a' phubhuill.

⁵ bha na lùban fa chomhair a chéile. Eabh.

⁶ gu bhì 'nan còmhach air a' phailliuin.

⁷ tharsannain; tenons. Sasg.

⁹ cas, pulag.

⁸ gach aon co airson.

ta ris an àirde tuath, rinn e fheadh bòrd,
26 Agus an dà fhichead cos a dh'air-
giod: dà chois fuidh aon bhòrd, agus dà
chois fuidh bhòrd eile.

27 Agus air son taobhan a' phàilliuin ris
an àird an iar, rinn e sè buird.

28 Agus rinu e dà bhòrd air son oisinn-
ean a' phàilliuin san dà thaobh.

29 Agus bha iad air an ceangal ri chèile
fuidhe, agus mar an ceudna bha iad air
an còmhcheangal aig a' cheann ri h-aon
fhaillbheig: mar so rinn e riu le chèile san
dà oisinn.

30 Agus bha ochd buird ann, agus an
cosan a dh'airgiod, *eadhon* sè cosa deug:
dà chois fuidh gach bòrd.

31 Agus rinn e croinn do fhiodh sitim,
cùig air son bhòrd aon taoibh do'n
phàilliuin.

32 Agus cùig croinn air son bhòrd an
taoibh eile do'n phàilliuin, agus cùig
croinn air son bhòrd a' phàilliuin a chum
uan taobh *a ta* ris an àird an iar.

33 Agus thug e air a' chrann mheadh-
onach dol troimh¹ na bùird o cheann gu
ceann.

34 Agus chòmhdach e thairis na bùird
le h-òr, agus rinn e'm failbheagan a *dh'òr*
gu bhi 'nan àitibh do na croinn, agus
chòmhdach e thairis na croinn le h-òr.

35 Agus rinn e roinn-bhrat do ghorm,
agus *do* chorcur, agus *do* scarlaid, agus *do*
anart grunn toinnte; a dh'obair ealanta
rinn se e, le cerubaibh.

36 Agus rinn e dha ceithirpuist do fhiodh
sitim, agus chòmhdach e thairis iad le
h-òr: *bha* 'n cromagan a *dh'òr*, agus
thilg² e dhoibh ceithir buinn airgid.

37 Agus rinn e air son doruis a' blùtha³
brat⁴ do ghorm, agus *do* choreur, agus *do*
scarlaid, agus *do* anart grunn toinnte,
dh'obair shuathaide:

38 Agus a chùig puist le 'n cromagaibh:
agus chòmhdach e thairis an cinn, agus
an cuairteagan le h-òr: ach *bha* 'n cùig
buinn a dh'umha.

CAIB. XXXVII.

1 An àire. 6 Caithir-thròcair le cerubaibh. 10 Am
bòrd le shòithicheibh. 17 An coinnleir òir. 25 Alt-
air na tàise. 29 An olaadh-ungaiddh.

AGUS rinn Besaleel an àire do fhiodh
sitim; dà làimh-choille gu leth a fad,
agus làmh-choille gu leth a leud, agus
làmh-choille gu leth a h-àirde:

2 Agus chòmhdach e thairis i le h-òr
fior-ghlan, a stigh agus a muigh; agus
rinn e coron òir dh'i mu'n cuairt.

3 Agus thilg e dh'i ceithir failbheagan
òir, *gu bhi* air a ceithir oisinnibh: cadhon
dà fhaillbheig air aon taobh dh'i, agus dà
fhaillbheig air aon taobh eile dh'i.

4 Agus rinn e bataichean do fhiodh sitim,
agus chòmhdach e thairis iad le h-òr.

5 Agus chuir e na bataichean anns na
failbheagaibh air taobhan na h-àirce,
chum an àire a ghiùlan.

6 Agus rinn e caithir thròcair a *dh'òr*
fior-ghlan: dà làimh-choille gu leth a fad,
agus làmh-choille gu leth a leud.

7 Agus rinn e dà cherub a *dh'òr*, buailte
mach á h-aon mhìr rinn e iad, aig dà
cheann na caithir-thròcair;

8 Aon cherub aig a' cheann air an taobh
so, agus cerub eile aig a' cheann air an
taobh ud: a mach as a' chaithir-thròcair
rinn e na ceruban aig a dà cheann.

9 Agus bha na ceruban a' sgaoileadh an
sgiathan gu h-àrd, a' còmhdachadh le 'n
sgiathaibh os ceann na caithir-thròcair,
agus an aghaidhean⁵ r'a chèile; ris a'
chaithir-thròcair bha aghaidhean nan ce-
rub.

10 Agus rinn e 'm bòrd do fhiodh sitim:
dà làimh-choille 'fhad, agus làmh-choille
a leud, agus làmh-choille gu leth 'àirde.

11 Agus chòmhdach e thairis e le h-òr
fior-ghlan, agus rinn e dha coton òir
mu'n cuairt.

12 Mar an ceudna rinn e dha iomall do
leud boise mu'n cuairt; agus rinn e coron
òir d'a iomall mu'n cuairt.

13 Agus thilg e dha ceithir failbheagan
òir, agus chuir e na failbheagan air na
ceithir oisinnibh e *bha* aig a cheithir
chosaibh.

14 Thall fa chomhair an iomaill bha na
failbheagan, na h-àiteachan do na bataich-
ibh gus am bòrd a ghiùlan.

15 Agus rinn e na bataichean do fhiodh
sitim, agus chòmhdach e thairis iad le
h-òr, gus am bòrd a ghiùlan.

16 Agus rinn e na soithichean a *bha* air
a' bhòrd, a mhiasan, agus a thùiseirean,
agus a' chopain, agus a chuachan leis an
toirear seachad tabhartas-dìble, a *dh'òr*
fior-ghlan.

17 Agus rinn e 'n coinnleir a *dh'òr* fior-
ghlan; a *dh'obair* bhuaillte rinn e 'n coinn-
leir: *bha* a chos, agus a mheur⁶, a chop-
ain, a chuapan, agus a bhlàthan, do'n *ni*
cheudna.

18 Agus sè meoir a' dol a mach as a
thaobhan: trì meoir a' choinnleir á h-aon
taobh dheth, agus trì meoir a' choinnleir
as an taobh eile dheth.

19 Trì copain air an deanamh cosmhuil
ri almonaibh ann an aon mheur, *maille* ri
enap agus blàth; agus trì copain air an
deanamh cosmhuil ri almonaibh ann an
meur eile, *maille* ri enap agus blàth: mar
sin anns na sè meoir a' dol a mach as a'
choinnleir.

¹ roimh; tre, trid. Eir.

² rinn.

³ a' phàilliuin, a' phubhuill.

⁴ còmhdach, cùirtcin.

⁵ aghaincan.

⁶ mheanglan

20 Agus anns a' choimhleir *bha* ceithir copain air an deanamh cosmhuil ri almonaibh, *maille r'a* chnaip agus a bhlàthan.

21 Agus cnap fuidh dhà mheur dheth, agus cnap fuidh dhà mheur dheth, agus cnap fuidh dhà mheur dheth, a réir nan sè meir a' dol a mach as.

22 Bha 'n cnaip agus am meoir do'n *ni* cheudna: *b'aon* obair bhuailte a dh'òr fìor-ghlan an t-iomlan deth.

23 Agus rinn e a sheachd lòchrain, agus a smàladairean¹, agus a smàl-shoithichean, a *dh'òr* fìor-ghlan.

24 *Do* thàlam òir fhìor-ghloin rinn se e, agus a shoithichean uile.

25 Agus rinn e altair na tùise *do* fhiodh sitim; làmh-choille a fad, agus làmh-choille a leud, (*bha i* ceithir-chearnach,) agus dà làmh-choille a h-àirde; *bha* a h-adhaircean do'n *ni* cheudna.

26 Agus chòmhdach e thairis i le h-òr fìor-ghlan, a mullach, agus a taobhan mu'n cuairt, agus a h-adhaircean; agus rinn e coron òir dh'i mu'n cuairt.

27 Agus rinn e dà fhailbheig òir dh'i fuidh a coron, aig² a dà oisim, agus dà thaobh, *gu bhi* 'nan àitibh do na bataichibh chum a giùlan leo.

28 Agus rinn e na bataichean *do* fhiodh sitim, agus chòmhdach e thairis iad le h-òr.

29 Agus rinn e an oladh-ungaidh naomh, agus an tùis fhìor-ghlan do spioraidh chùbhraidh, a réir oibre an léigh³.

CAIB. XXXVIII.

1 *Altair na h-ìobairt-loisgte.* 8 *An soitheach-ionnlaid umha.* 9 *A' chùirt.* 24 *Tomhas an òir a chuireadh am feum san obair.*

AGUS rinn e altair na h-ìobairt-loisgte *do* fhiodh sitim: cùig làmh-choille a fad, agus cùig làmh-choille a leud, (*bha i* ceithir-chearnach,) agus trì làmh-choille a h-àirde.

2 Agus rinn e a h-adhaircean air a ceithir oisinnibh: *bha* a h-adhaircean do'n *ni* cheudna; agus chòmhdach e thairis i le h-umha.

3 Agus rinn e uile shoithichean na h-altarach, na h-aighnean⁴, agus na shuasaid-eann, agus na cuachan, *agus* na greimichean, agus na h-aighnean teinc: a soitheichean uile rinn e a *dh'*umha.

4 Agus rinn e do'n altair cliath *do* lìon-obair umha, f'a cuairt gu h-ìosal, gu ruig a meadhon.

5 Agus thilg e ceithir failbheagan do cheithir oisinnibh⁵ na cléith umha, *gu bhi* 'nan àitibh do na bataichibh.

6 Agus rinn e na bataichean *do* fhiodh sitim, agus chòmhdach e thairis iad le h-umha.

7 Agus chuir e na bataichean anns na failbheagaibh air taobhan na h-altarach, chum a giùlan leo: fàs le bòrdaibh rinn e i.

8 Agus rinn e an soitheach-ionnlaid a *dh'*umha, agus a chos a dh'umha, do sgàth-anaibh *nam ban*, a chruinnich 'nam buidh-nibh aig dorus pàilliuin a' choimhthionail⁶.

9 Agus rinn e a' chùirt air an taobh mu dheas, ris an àirde deas: *bha* cùirteinean na cùirte *do* anart grinn toinnte, ceud làmh-choille *air fad*;

10 Am puist fichead, agus am buinn umha fichead; *bha* cromagan nam post agus an cuairteagan a *dh'*airgiod.

11 Agus air an taobh mu thuatl, *bha na cùirteine* do cheud làmh-choille; am puist fichead, agus am buinn umha fichead: cromagan nam post, agus an cuairteagan⁷ a *dh'*airgiod.

12 Agus air an taobh an iar *bha* cùirteine do leth-cheud làmh-choille; am puist deich, agus am buinn deich: cromagan nam post agus an cuairteagan a *dh'*airgiod.

13 Agus air an taobh an ear ris an àird an ear, leth-cheud làmh-choille.

14 *Bha* cùirteinean aon taobh *do'n gheata* cùig làmh-choille deug; am puist trì, agus am buinn trì.

15 Agus air son an taoibh cile do gheata na cùirte, air an làmh so agus air an làmh ud, *bha* cùirteine do chùig làmh-choille deug; am puist trì, agus am buinn trì.

16 *Bha* cùirteinean na cùirte uile mu'n cuairt a *dh'*anart grinn toinnte.

17 Agus *bha* buinn nam post a *dh'*umha; cromagan nam post, agus an cuairteagan a *dh'*airgiod, agus còmhdach an ceann a *dh'*airgiod; agus *bha* uile phuist na cùirte air an ceangal mu'n cuairt⁸ le h-airgiod.

18 Agus *bha* 'm brat air son geata na cùirte 'na obair shnàthaid do ghorm, agus do chorcur, agus do scarlaid, agus do anart grinn toinnte: agus *b'e* fichead làmh-choille 'fhad, agus *b'e* àirde san leud cùig làmh-choille, a' coimh-fhreagairt do chùirteinibh na cùirte:

19 Agus am puist ceithir, agus am buinn umha ceithir; an cromagan a *dh'*airgiod, agus còmhdach an ceann, agus an cuairteagan a *dh'*airgiod.

20 Agus *bha* uile phinneachan a' phàilliuin, agus na cùirte mu'n cuairt a *dh'*umha.

21 *Is* e sin àireamh *nithe* a' phàilliuin, pàilliuin na Fianuis, mar a dh' àirneadh iad, a réir àithne Mhaois, *air son* seirbhìs nan Lebhitheach, le làmh Itamar, mhic Aaroin an t-sagairt.

22 Agus rinn Besaleel mac Uri, mhic

¹ a chlobhachan.

lusragain.

⁵ chinn.

² ag.

³ an ollaidh, an

⁴ coireachan, poitean.

⁶ a bha cruinneachadh, a

chruinnich aig dorus bùtha a' choimhthionail. Eabh.

⁷ stòman.

⁸ cuairtiche, stòmaichte.

Shur, do thréibh Iudah, gach *ni* a dh'áithn an Tighearna do Mhaois;

23 Agus maille ris Aholiab, mac Ahisamaich, do thréibh Dhain, gearradair, agus oibriche calanta, agus fear oibre gréise¹ ann an gorm, agus ann an corcur, agus ann an scarlaid, agus ann an anart grinn.

24 B'e 'n t-òr uile a chuireadh am feum² san obair, ann an uil' obair an *ionaid* naoimh, eadhon òr an tabhartais, naoi tàlanna fichead, agus seachd ceud agus deich secel 'ar fhichead, a réir seceil an *ionaid* naoimh.

25 Agus b'e airgiod na muinntir a dh'àirmheadh do'n choimhthional, ceud tàlann, agus mìle agus seachd ceud agus cùig secel deug agus trì fichead, a réir seceil an *ionaid* naoimh.

26 Becah air son gach fir, 's e *sin* leth seceil, a réir seceil an *ionaid* naoimh, air son gach aon a chaidh gu bhì air an àir-eamh, o fhichead bliadh' a dh'aois agus os a cheann, air son shè ceud mìle agus thri mìle agus chùig ceud agus leth-cheud fear.

27 Agus do'n cheud tàlann airgid thilgeadh buinn an *ionaid* naoimh, agus buinn an roinn-bhrait; ceud bonn do'n cheud tàlann, tàlann do gach bonn.

28 Agus do'n mhìle agus sheachd ceud agus a' chùig secel deug agus trì fichead, rinn e cromagan do na puist, agus chòmh-daich e 'n cinn, agus chuir e cuarteagan mu'n tìmhchioll³.

29 Agus b'e umha an tabhartais deich agus trì fichead tàlann, agus dà mhìle agus ceithir cheud secel.

30 Agus rinn e le *sin* na buinn do dhorus pàilliuin a' choimhthionail, agus an altair umha, agus a' chliath umha aice, agus soithichean na h-altarach uile,

31 Agus buinn na cùirte mu'n cuairt, agus buinn geata na cùirte, agus uile phinn-eachan a' phàilliuin, agus uile phinn-eachan na cùirte mu'n cuairt.

CAIB. XXXIX.

- 1 Eudach na seirbhis, agus an t-eudach naomha.
2 An ephod. 8 An uchd-éididh. 22 Falluinn na h-ephod. 27 Na còtaichean, an crùn-sagairt, agus an crios a dh'anart grinn. 30 Leac a' chrìin naoimh. 43 Dh'amhairc Maois air an obair uile, agus thaitinn i ris.

A GUS do'n ghorm, agus do'n chorcur, agus do'n scarlaid, rinn iad éididh⁴ frithealaidh, gu frithealadh san *ionad* naomh, agus rinn iad éididh naomh do Aaron; mar a dh'áithn an Tighearna do Mhaois.

2 Agus rinn e 'n ephod do òr, do ghorm, agus do chorcur, agus do scarlaid, agus do anart grinn toinnte.

3 Agus bhuail iad a mach an t-òr 'na leacaibh⁵ tana, agus ghearr iad e 'na shnàithnibh⁶, a chum oibreachadh am measg a' ghuirm, agus am measg a' chorcur, agus am measg na scarlaid, agus am measg an anairt ghrinn le h-obair ealanta.

4 Rinn iad mìrean-guailne dh'i, ceangailte ri chéile⁷ air a dà fhoir: *mar sin* chuireadh ri chéile i.

5 Agus bha crios rìomhach na h-ephoid a bha air a h-uachdar, do'n *ni* cheudna, a réir a h-oibre féin; eadhon do òr, do ghorm, agus do chorcur, agus do scarlaid, agus do anart grinn toinnte: mar a dh'áithn an Tighearna do Mhaois.

6 Agus dh'oibrich iad clachan onics ceangailte ann am failibh òir, air an gearradh le gearradh seulaidh, le ainmibh chloinn Israeil *orra*.

7 Agus chuir e iad air guailnibh na h-ephoid, *gu bhì 'nan* clacha cuimhneachain do chloinn Israeil; mar a dh'áithn an Tighearna do Mhaois.

8 Agus rinn e 'n uchd-éididh le h-obair ealanta a réir oibre⁸ na h-ephoid, do òr, do ghorm, agus do chorcur, agus do scarlaid, agus do anart grinn toinnte.

9 Bha i ceithir-chearnach; rinn iad an uchd-éididh dà-fhillte: réis a fad, agus réis a leud; bha i dà-fhillte.

10 Agus chuir iad innte ceithir sreathan chlach: a' cheud sreath, sardius, topas, agus carbuncle: so a' cheud sreath.

11 Agus an dara sreath, emerald, saphir, agus daoimein.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: bha iad air an ceangal ann am failibh òir 'nan suidheachadh⁹.

14 Agus bha na clachan a réir ainmeanna chloinn Israeil, a dhà-deug a réir an ainmeanna, le gearradh seulaidh, gach aon aca le h-ainm féin, a réir an dà thréibh dheug.

15 Agus rinn iad air an uchd-éididh slabhruidhean aig na cinn, a dh'obair shnìomhta dh'òr fìor-ghlan.

16 Agus rinn iad dà fhail òir, agus dà fhàinne òir: agus chuir iad an dà fhàinne air dà cheann na h-uchd-éididh.

17 Agus chuir iad an dà shlabhruidh shnìomhta san dà fhàinne air cinn na h-uchd-éididh.

18 Agus dhainnich iad dà cheann na dà shlabhruidh shnìomhta san dà fhail, agus chuir siad iad air mìribh-guailne na h-ephoid, air a beulaobh.

19 Agus rinn iad dà fhàinne òir, agus

¹ gréiscar; embroiderer. Sasg. ² a chaitheadh.

³ stìmhic e iad. ⁴ trusgan, aodaichean.

⁵ lamnaibh. ⁶ theudaibh.

⁷ g'a ceangal ri chéile.

⁸ cosmhuil ri obair.

⁹ dànaidh, cur.

chuir siad iad air dà cheann na h-uchd-éididh, air an iomall dìth, a *bha* air taobh na h-ephoid a stigh.

20 Agus rinn iad dà fhàinne òir *eile*, agus chuir siad iad air dà thaobh na h-ephoid gu h-ìosal, leth ris a' chuid bheoil dìth fa chomhair a' choimhcheangail *eile*, os ceann crìos rìomhach na h-ephoid.

21 Agus cheangail iad an uchd-éididh leis a fàinnibh ri fàinnibh na h-ephoid le h-éill ghuirm, a chum gu'm bitheadh i os ceann crìos rìomhach na h-ephoid, agus nach biodh an uchd-éididh air a fuasgladh o'n ephoid; mar a dh'àithn an Tighearna do Mhaois.

22 Agus rinn e falluinn na h-ephoid a dh'obair fhighte, uile do ghorm.

23 Agus *bha* toll am meadhan na falluinn, mar tholl lùirich-mhàillich, agus foir¹ timchioll a tuill, a chum nach reub-tadh i.

24 Agus rinn iad air iomallaibh na falluinn pomgranata do ghorm, agus do chorcur, agus do scarlaid, agus do anart toinnte.

25 Agus rinn iad cluig a dh'òr fìor-ghlan, agus chuir iad na chuig eadar na pomgranatan, air iomall na falluinn mu'n cuairt eadar na pomgranata:

26 Clag agus pomgranat, clag agus pomgranat, air iomall na falluinn mu'n cuairt, a fhrithealadh *inn*te; mar a dh'àithn an Tighearna do Mhaois.

27 Agus rinn iad còtaichean a dh'anart grinn, a dh'obair fhighte, air son Aaroin agus a chuid mac,

28 Agus crùn-sagairt a dh'anart grinn, agus boineidean sgiamhach a dh'anart grinn, agus briogais anart a dh'anart grinn toinnte,

29 Agus crìos do anart grinn toinnte, agus do ghorm, agus do chorcur, agus do scarlaid, a dh'obair shnàthaide; mar a dh'àithn an Tighearna do Mhaois.

30 Agus rinn iad leac² a' chrùn naomh a dh'òr fìor-ghlan, agus sgrìobh iad oirre sgrìobhadh, *cosmhuil ri gearradh seulaidh*, NAOMHACHD DO'N TIGH-EARNA.

31 Agus cheangail iad rithe iall do ghorm, g'a daingneachadh air a' chrùn gu h-àrd; mar a dh'àithn an Tighearna do Mhaois.

32 Mar so chrìochnaicheadh uil' obair pàilliuin bùtha a' choimhthionail³; agus rinn clann Israeil a réir gach *ni* a dh'àithn an Tighearna do Mhaois; mar sin rinn iad.

33 Agus thug iad am pàilliu gu Maois, am bùth, agus a' airneis uile, a chromagan,

a bhuird, a chroinn, agus a pluist, agus a bhuinn;

34 Agus an còmhach do chroicnibh reitheachan air an dath dearg, agus an còmhach do chroicnibh bhroc, agus brat a' chòmhdach;

35 Air na Fianuis, agus a bataichean, agus a' chaithir-thròcair;

36 Am bòrd agus a shoithichean uile, agus an t-aran taisbeanta;

37 An coinnleir fìor-ghlan agus a lòch-rain, *eadhon* a lòchrain gu bhì air an cur ann an ordugh, agus a shoithichean uile agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilliuin;

39 An altair umha, agus a cliath umha, a bataichean, agus a soithichean uile, an soitheach-ionnlaid agus a chos;

40 Cùirteinean na cùirte, a puist, agus a buinn, agus am brat⁴ air son geata na cùirte, a cùird, agus a pinneachan⁵, agus uile shoithichean seirbhis a' phàilliuin, air son bùtha a' choimhthionail;

41 Eudach an fhrithealaidh⁶ gu frithealadh san *ionad* naomh, an t-eudach naomh air son Aaroin an t-sagairt, agus eudach a chuid mac, a fhrithealadh ann an dreuchd an t-sagairt.

42 A réir gach *ni* a dh'àithn an Tigh-carna do Mhaois, mar sin rinn clann Israeil an obair uile.

43 Agus dh'amhaire Maois air an obair uile, agus, feuch, rinn iad i mar a dh'àithn an Tighearna, cadhon mar sin rinn iad i: agus bheannaich Maois iad.

CAIB. XL.

1 Thugadh àithne do Mhaois gu'n cuireadh e suas pàilliuin bùtha a' choimhthionail, agus gu'n naomhaicheadh se e. 16 Rinn Maois gach *ni* a dh'àithn an Tighearna dha. 34 Chòmhdach neul bùth a' choimhthionail.

A GUS labhair an Tighearna ri Maois, ag ràdh,

2 Air a' cheud là do'n cheud mhìos cuiridh tu suas pàilliuin bùtha a' choimhthionail.

3 Agus cuiridh tu ann àire na Fianuis, agus folaichidh tu 'n àire leis an roinn-bhrat.

4 Agus bheir thu stigh am bòrd, agus cuiridh tu 'n ordugh na nithe a ta gu bhì air an cur an ordugh air; agus bheir thu stigh an coinnleir, agus lasaidh tu a lòch-rain.

5 Agus suidhichidh tu 'n altair òir a ta chum na tùise fa chomhair àirce na Fianuis, agus cuiridh tu brat an doruis ris a' phàilliuin.

¹ iomall, bann.

² fleasg, blàth.

³ uil' obair pàilliuin, eadhon bùtha a' chomh-

chruinnich.

⁴ croch-bhrat.

⁵ tairnean.

⁶ Trasan na seirbhis.

6 Agus suidhichidh tu altair u h-ìobairt-loisgte fa chomhair dorus pàilliuin bùtha a' choimhthionail.

7 Agus suidhichidh tu 'n soitheach-ionnlaid eadar bùth a' choimhthionail agus an altair, agus cuiridh tu uisge ann.

8 Agus cuiridh tu suas a' chùirt mu'n cuairt, agus crochaidh tu suas am brat aig geata na cùirte.

9 Agus ghabhaidh tu an oladh-ungaidh, agus ungaidh tu am pàilliuin, agus gach ni a ta ann, agus naomhaichidh tu e, agus a shoithichean uile: agus bithidh e naomh.

10 Agus ungaidh tu altair na h-ìobairt-loisgte, agus a soitheach uile, agus naomhaichidh tu an altair: agus bithidh an altair ro naomha.

11 Agus ungaidh tu an soitheach-ionnlaid agus a chos, agus naomhaichidh tu e.

12 Agus bheir thu Aaron agus a mhic gu dorus bùtha a' choimhthionail¹, agus ionnlaididh tu iad le h-uisge.

13 Agus cuiridh tu air Aaron an t-eudach naomha², agus ungaidh tu e, agus naomhaichidh tu e; agus fritheilidh e dhomhsa ann an dreuchd an t-sagairt.

14 Agus bheir thu leat a mhic, agus cuiridh tu còtaichean orra.

15 Agus ungaidh tu iad, mar a dh'ung thu 'n athair, agus fritheilidh³ iad dhomhsa ann an dreuchd an t-sagairt; oir bithidh gu deimhin an ungadh-san dhoibh a chum sagartachd sìorruidh air feadh an gin-ealachas.

16 Agus rinn Maois a réir gach ni a dh'àithn an Tighearna dha: mar sin rinn e.

17 Agus b' anns a' cheud mhìos, san dara bliadhna, air a' cheud là do'n mhìos, a chuireadh suas am pàilliuin.

18 Agus chuir Maois suas am pàilliuin agus dhaingnich e a bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaol e mach am bùth os ceann a' phàilliuin, agus chuir e còmhdach a' bhùtha air os a cheann; mar a dh'àithn an Tighearna do Mhaois.

20 Agus ghabh e agus chuir e an Fhianuis⁴ anns an àire, agus chuir e na bat-aichean air an àire, agus chuir e a' chaithir-thròcair air an àire os a ceann.

21 Agus thug e 'n àire a stigh do'n phàilliuin, agus chuir e suas brata' chòmhdach, agus chòmhdach e àire na Fianuis; mar a dh'àithn an Tighearna do Mhaois.

22 Agus chuir e 'm bòrd ann am bùth a' choimhthionail air taobh a' phàilliuin

mu thuath, an taobh a muigh do'n roinn-bhrat.

23 Agus chuir e 'n t-aran ann an ordugh air, ann an làthair an Tighearna; mar a dh'àithn an Tighearna do Mhaois.

24 Agus chuir e 'n coinnleir ann am bùth a' choimhthionail, thall fa chomhair a' bhuird, air taobh a' phàilliuin ris an àirde deas.

25 Agus las e na lòchraim ann an làthair an Tighearna; mar a dh'àithn an Tighearna do Mhaois.

26 Agus chuir e 'n altair òir ann am bùth a' choimhthionail, air beulaobh an roinn-bhrat.

27 Agus loisg e tùis chùbhraidh oirre; mar a dh'àithn an Tighearna do Mhaois.

28 Agus chuir e suas am brat⁵ aig dorus a' phàilliuin.

29 Agus chuir e altair na h-ìobairt-loisgte làimh ri dorus pàilliuin bùtha a' choimhthionail, agus thug e suas oirre an ìobairt-loisgte, agus an tabhartas-bidh; mar a dh'àithn an Tighearna do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge ann, a dh'ionnlaid leis.

31 Agus dh'ionnlaid Maois, agus Aaron, agus a mhic, an làmhan agus an cosan aige.

32 An uair a bha iad gu dol a stigh do bhùth a' choimhthionail, agus gu teachd am fagus do'n altair, dh'ionnlaid siad iad féin, mar a dh'àithn an Tighearna do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat geata na cùirte: mar sin chrìochnaich Maois an obair.

34 An sin chòmhdach neul bùth a' choimhthionail, agus lion glòir an Tighearn am pàilliuin.

35 Agus cha b' urrainn Maois dol a stigh do bhùth a' choimhthionail, a chionn gu'n do ghabh an neul còmhuidh air, agus gu'n do lion glòir an Tighearn am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh 'nan uile thurusaibh:

37 Ach mur d'éirich an neul suas, an sin cha do thriall iad gus an là san d'éirich e suas:

38 Oir bha neul an Tighearn air a' phàilliuin san là, agus bha teine air san oidhche, ann an sealladh thighe Israeil uile, air feadh an uile thurasan.

¹ pàilliuin a' choimhthionail. ² an trusgan, a' chulaidh naomha. ³ chum gu fritheil.

⁴ an Teistean

⁵ an còmhdach.

LEBHITICUS.

CAIB. I.

3 *Iobairtean-loisgte do'n bhuair, 18 do na treud-aibh, 14 agus do eunaibh.*

AGUS ghairm an Tighearn air Maois, agus labhair e ris á pàillium a' choimhthionail¹, ag ràdh,

2 Labhair ri cloinn Israeil, agus abair riu, Ma bheir duine *sam bith* agaibh tabhartas a dh'ionnsuidh an Tighearna, bheir sibh bhur tabhartas do'n spréidh, *eadhon* do'n bhuair agus do'n treud.

3 Ma *bhios* a thabhartas do'n bhuair 'na iobairt-loisgte², thugadh e seachad *beathach*, firionn gun ghaoid: aig dorus pàillium a' choimhthionail bheir e seachad e d'a shaor thoil féin, an làthair an Tighearn.

4 Agus cuiridh e a làmh air ceann na h-iobairt-loisgte; agus gabhar air a shon i, a dheanamh réite air a shon.

5 Agus marbhaidh e 'n tarbh òg³ an làthair an Tighearn: agus bheir na sagairt, mic Aaroin, leo an fhuil, agus crathaidh iad an fhuil mu'n cuairt air an altair, a *ta* aig dorus pàillium a' choimhthionail.

6 Agus fionnaidh e an iobairt-loisgte, agus gearraidh e i 'na mìribh⁴.

7 Agus cuiridh mic Aaroin an t-sagairt teine air an altair, agus leagaidh iad fiodh⁵ ann an ordugh air an teine.

8 Agus leagaidh na sagairt, mic Aaroin, na mìrean, an ceann, agus an t-saill, ann an ordugh air an fhiodh a *ta* air an teine, a *tha* air an altair.

9 Ach a mhionach⁶ agus a chosan nighidh e ann an uisge: agus loisgidh an sagart an t-iomlan⁷ air an altair, mar iobairt-loisgte, tabhartas a bheirear suas le teine, a dh'fhàile cùbhraidh⁸ do'n Tighearn.

10 Agus ma's ann do na treudaibh a *bhios* a thabhartas, *eadhon* do na caoraich, no do na gablraibh, chum iobairt-loisgte; 'na *bheathach* firionn gun ghaoid bheir e leis e.

11 Agus marbhaidh se e aig taobh na h-altarach mu thuath ann an làthair an Tighearn: agus crathaidh na sagairt, mic Aaroin, 'fhuil air an altair mu'n cuairt.

12 Agus gearraidh e 'na mìribh e, maille r'a cheann agus r'a shail; agus cuiridh an sagart iad ann an ordugh air an fhiodh a *ta* air an teine, a *tha* air an altair.

13 Ach nighidh e am mionach agus na cosan le h-uisge; agus bheir an sagart leis an t-iomlan, agus loisgidh e air an altair e, mar iobairt-loisgte, tabhartas a

bheirear suas le teine, a dh'fhàile cùbhraidh do'n Tighearn.

14 Agus ma's ann do eunaibh a *bhios* a thabhartas do'n Tighearna *chum* iobairt-loisgte, an sin bheir e a thabhartas do thurturaibh, no do cholumanaibh òga.

15 Agus bheir an sagart e chum na h-altarach, agus snìomhaidh⁹ e a cheann deth, agus loisgidh e air an altair e; agus fàisgear a mach 'fhuil air taobh na h-altarach.

16 Agus spionaidh¹⁰ e a gheuban as maille r'a chloimh¹¹, agus tilgidh e làimh ris an altair e, air an taobh an ear, a dh'àite na luatha.

17 Agus sgoltidh e maille r'a sgiathaibh e, *ach* cha roinn e o chéile e: agus loisgidh an sagart e air an altair, air an fhiodh a *ta* air an teine, mar iobairt-loisgte, tabhartas a bheirear suas le teine, a dh'fhàile cùbhraidh do'n Tighearn.

CAIB. II.

1 *An tabhartas-bidh do phlùr mìn maille ri h-oladh agus ri tùis. 12 Tabhartas ceud-thoraidh gach bliadhna. 13 Bheirear seachad gach tabhartas-bidh le salann.*

AGUS an uair a bheir neach air bith a thabhartas-bidh do'n Tighearna, bithidh a thabhartas do phlùr mìn: agus dòirtidh e oladh air, agus cuiridh e tùis air:

2 Agus bheir se e gu mic Aaroin, na sagartan, agus gabhaidh e as làn a dhùirn d'a phlùr, agus d'a oladh, maille r'a thùis uile; agus loisgidh an sagart a chuimhneachan air an altair, *gu bhi* 'na thabhartas air a thoirt suas le teine, a dh'fhàile cùbhraidh do'n Tighearn.

3 Agus fuigheall an tabhartais-bhìdh, *is* le Aaron agus le 'mhic e: *is* ni ro naomha e do thabhartasaibh an Tighearn air an toirt suas le teine.

4 Agus ma bheir thu seachad tabhartas-bidh air a dheasachadh¹² san àmhuinn, *is* breacagan neo-ghoirtichte do phlùr mìn measgta le h-oladh a *bhios* ann, no dearnagan¹³ neo-ghoirtichte, ungta le h-oladh.

5 Agus ma's tabhartas-bidh air a dheasachadh ann an aghann a *bhios* a' d' thabhartas, bithidh e do phlùr mìn neo-ghoirtichte, measgta le h-oladh.

6 Roinnidh tu e 'na mhèribh, agus dòirtidh tu oladh air: *is* tabhartas-bidh a t'ann.

7 Agus ma *bhios* do thabhartas 'na

¹ *buth a' choimhthionail.* ² *chum iobairt-loisgte.*

³ *gamhuinn.* ⁴ *'na bhoighdibh.* ⁵ *connadh.*

⁶ *a ghre lach.* ⁷ *na h-uile.*

⁸ *do bholadh cùbhraidh.*

¹⁰ *reubaidh*

¹² *bruichte.*

⁹ *spionaidh.*

¹¹ *ùteagan.*

¹³ *gearragan; wafers.* Sasg.

thabhartas-bìdh o'naghann-ròstaidh, nìth-ear e do phlùr mìn le h-oladh.

8 Agus bheir thu 'n tabhartas-bìdh, a nìthear do na nìthibh so, chum an Tigh-earn: agus an uair a thaisbeanar¹ do'n t-sagart e, bheir se e chum na li-atarach.

9 Agus gabhaidh an sagart as an tabhartas-bhìdh cuimhneachan dheth, agus loisgidh se e air an altair: *is* tabhartas *a th'ann* air a thoirt suas le teine, a dh'fhàile cùbhraidh do'n Tighearn.

10 Agus an ni a dh'fhàgar do'n tabhartas-bhìdh, *is* le Aaron agus le 'mhic e; *tha e* 'na ni ro naomha do thabhartais an Tighearn air an toirt suas le teine.

11 Cha deanar tabhartas-bìdh sam bith, a bheir sibh a dh'ionnsuidh an Tighearna, le taois ghoirt; oir cha loisg sibh a bheag do thaois ghoirt, no do mhil, ann an tabhartais an Tighearn a bheirear suas le teine.

12 A thaobh tabhartais a' cheud toraidh, bheir sibh seachad e do'n Tigh-earn: ach cha loisgear air an altair e chum fàile cùbhraidh.

13 Agus gach tabhartas-bìdh a bheir thu leat, ni thu blasda le salann: cha mhò a leigeas tu le salann coimhcheangail do Dhé bhi dh'easbhuidh air do thabhartas-bìdh: le d' thabhartais uile bheir thu seachad salann.

14 Agus ma bheir thu seachad tabhartas-bìdh do d' cheud-thoradh do'n Tighearna, bheir thu seachad mar an tabhartas-bìdh do d' cheud-thoradh, dìasa glasa do arbhar cruaidhichte leis an teine, *eadhon* sìol buailte as na dìasaibh ùra².

15 Agus cuiridh tu oladh air, agus leagaidh tu tùis air: *is* tabhartas-bìdh e.

16 Agus loisgidh an sagart a chuimhneachan, cuid d'a arbhar buailte, agus cuid d'a oladh, maille r'a thùis uile: *is* tabhartas e a bheirear suas le teinè do'n Tighearn.

CAIB. III.

1 An tabhartas-sìth do'n bhuar, 6 do'n treud, 7 uan, 12 no gabhar, gu'n ghaoid.

AGUS ma bhios a thabhartas *a chum* ìobairt tabhartasan-sìth, ma's ann do'n bhuar a bheir e seachad e, ma's fìrionn no boirionn e, bheir e seachad e gu'n ghaoid an làthair an Tighearn.

2 Agus cuiridh e a làmh air ceann a thabhartais, agus marbhaidh se e aig dorus pàilliuin a' choimhthionail: agus crathaidh mic Aaroin, na sagartan, an fhuil air an altair mu'n cuairt.

3 Agus bheir e seachad do ìobairt nan tabhartas-sìth, tabhartas a bheirear suas le teine do'n Tighearn: an t-saill a *ta*

còmhdachadh a' mhìonaich, agus an t-saill uile a *th'*air a' mhìonach,

4 Agus an dà àra, agus an t-saill a *ta* orra, a *ta* air an loch-'lèin, agus an sgairt a *ta* os ceann nan àinean; maille ris na h-airnibh, bheir e air falbh i.

5 Agus loisgidh mic Aaroin e air an alt-air, air an ìobairt-loisgte, a *ta* air an fhìodh a *th'*air an teine: *is* tabhartas e a bheirear suas le teine, a dh'fhàile cùbhraidh do'n Tighearn.

6 Agus ma's ann do'n treud a bhios a thabhartas chum ìobairt tabhartasan-sìth do'n Tighearn, fìrionn no boirionn; bheir e seachad e gun ghaoid.

7 Ma bheir e seachad uan mar a thabhartas, bheir e seachad e an làthair an Tighearn.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' choimhthionail: agus crathaidh mic Aaroin 'fhuil air an altair mu'n cuairt.

9 Agus bheir e seachad *cuid* do ìobairt nan tabhartas-sìth, mar thabhartas a bheirear suas le teine do'n Tighearn; a shaill *agus* an t-earball uile, teann air a' chnàimh-dhroma bheir e air falbhe; agus an t-saill a *ta* còmhdachadh a' mhìonaich, agus an t-saill uile a *ta* air a' mhìonach.

10 Agus an dà àra, agus an t-saill a *ta* orra, a *ta* làimh ris an loch-'lèin, agus an sgairt os ceann nan àinean; maille ris na h-airnibh, bheir e air falbh i.

11 Agus loisgidh an sagart e air an alt-air; *is e* biadh an tabhartais a bheirear suas le teine do'n Tighearn.

12 Agus ma's gabhar *a bhios* 'na thabhartas, bheir e seachad i an làthair an Tighearn.

13 Agus cuiridh e a làmh air a ceann, agus marbhaidh e i fa chomhair pàilliuin a' choimhthionail: agus crathaidh mic Aaroin a fuil air an altair mu'n cuairt.

14 Agus bheir e seachad dhith a thabhartas, *eadhon* tabhartas a bheirear suas le teine do'n Tighearn; an t-saill a *tha* còmhdachadh a' mhìonaich, agus an t-saill uile a *ta* air a' mhìonach,

15 Agus an dà àra, agus an t-saill a *ta* orra, a *tha* làimh ris an loch-'lèin, agus an sgairt os ceann nan àinean; maille ris na h-airnibh, bheir e air falbh i.

16 Agus loisgidh an sagart iad air an altair: *is iad* biadh an tabhartais a bheirear suas le teine, chum fàile cùbhraidh. An t-saill uile *is* leis an Tighearn.

17 *Bithidh e* 'na reachd³ bith-bhuan do'r ginealachaidh air feadh bhuir n' àiteacha-còmhnuidh uile, nach ith sibh saill no fuil sam bith.

CAIB. IV.

1 An iobairt-pheacaidh aineolais, 3 air son an t-sagairt, 13 air son a' choimhthionail, 22 air son uachdarain, 27 agus air son an t-sluaigh.

AGUS labhair an Tighearna ri Maois, ag ràdh,

2 Labhair ri cloinn Israeil, ag ràdh, Ma pheacaicheas anam trid aineolais¹ an aghaidh aoim sam bith a dh' àitheantaibh an Tighearn, (*a thaobh* nithe nach bu chòir a dheanamh,) agus gu'n dean e *ni* an aghaidh aoim diubh;

3 Ma pheacaicheas an sagart a chaidh ungadh, a réir peacaidh an t-sluaigh; an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chun iobairt-pheacaidh.

4 Agus bheir e an tarbh gu dorus pàilliuin a' choimhthionail an làthair an Tighearn; agus cuiridh e a làmh air ceann an tairbh, agus marbhaidh e 'n tarbh an làthair an Tighearn.

5 Agus gabhaidh an sagart a chaidh ungadh *cuid* do fhuil an tairbh, agus bheir e i gu pàillium a' choimhthionail.

6 Agus tumaidh an sagart a mheur san fhuil, agus crathaidh e *cuid* do'n fhuil seachd uairean an làthair an Tighearna, fa chomhair roinu-bhrait an *ionaid* naoimh.

7 Agus cuiridh an sagart *cuid* do'n fhuil air adhaireibh altarach na tùise cùbhairidh am fianuis an Tighearn, a *ta* ann am pàillium a' choimhthionail; agus dòrtidh e fuil an tairbh uile aig bun altarach na h-iobairt-loisgte, a *ta aig* dorus pàilliuin a' choimhthionail.

8 Agus uile shaill tairbh na h-iobairt-pheacaidh bheir e air falbh uath; an t-saill a *ta* còmhachadh a' mhionach, agus an t-saill uile a *ta* air a' mhionach.

9 Agus an dà àra, agus an t-saill a *ta* orra, a *tha* làimh ris an loch² léin³, agus an sgairt os ceann nan àinean; maille ris na h-airnibh bheir e' air falbh i,

10 Mar a thugadh air falbh i o tharbh iobairt nan tabhartas-sith; agus loisgidh an sagart iad air altair na h-iobairt-loisgte.

11 Agus seice⁴ an tairbh, agus 'fheoil uile, maille r'a cheann, agus maille r'a chosan, agus a mhionach, agus a ghaorr⁴,

12 Eadhon antarbh gu h-ionlangiùlaidh e mach an taobh a muigh do'n champ gu h-ionad glan, far an dòrtear⁵ a mach an luath, agus loisgidh e air an fhiodh e le teine: far au dòrtear a mach an luath, loisgear e.

13 Agus ma pheacaicheas coimhthional Israeil uile trid aineolais, agus gu bheil an ni folaichte o shùilbh a' chomhchruinnich, agus gu'n d'rinn iad *ni-eigin*⁶ an *agaidh*

aoim sam bith a dh' àitheantaibh an Tighearn, a *thaobh nithe* nach bu chòir a dheanamh, agus gu bheil iad ciontach;

14 An uair a bhios am peacadh, a pheacaich iad 'na aghaidh, aithnichte, an sin bheir an comhchruinneach seachd tarbh òg air son a' pheacaidh, agus bheir iad e fa chomhair pàilliuin a' choimhthionail.

15 Agus cuiridh seanairean a' choimhthionail an làmh air ceann an tairbh an làthair an Tighearn; agus marbhar an tarbh an làthair an Tighearn.

16 Agus bheir an sagart a chaidh ungadh *cuid* do fhuil an tairbh gu pàillium a' choimhthionail.

17 Agus tumaidh an sagart a mheur ann an *cuid* do'n fhuil, agus crathaidh e i seachd uairean an làthair an Tighearna, fa chomhair an roinn-bhrait.

18 Agus cuiridh e *cuid* do'n fhuil air adhaireibh na h-altarach a *ta* am fianuis an Tighearn, a *ta* ann am pàillium a' choimhthionail, agus dòrtidh e mach an fhuil uile aig bun altarach na h-iobairt-loisgte, a *ta aig* dorus pàilliuin a' choimhthionail.

19 Agus bheir e air falbh a shaill uile uath, agus loisgidh e i air an altair.

20 Agus ni e ris an tarbh mar a rinn e ri tarbh na h-iobairt-pheacaidh, mar sin ni e ris: agus ni an sagart réite air an son, agus bheirear maitheanas dhoibh.

21 Agus bheir e mach an tarbh an taobh a muigh do'n champ, agus loisgidh se e mar a loisg e 'n ceud tarbh: *is* iobairt-pheacaidh e air son a' chomhchruinnich.

22 'Nuair a pheacaicheas uachdaran, agus a ni e *ni-eigin* trid aineolais an aghaidh aoim sam bith a dh' àitheantaibh an Tighearn a Dhé, a *thaobh nithe* nach bu chòir a dheanamh, agus gu bheil e ciontach:

23 Ma thig a pheacadh, a pheacaich e, g'a fhios; bheir e leis *mar* a thabhartas meann do na gabhraibh *beathach* firionn gun ghaoid.

24 Agus cuiridh⁷ e a làmh air ceann a' mhinn, agus marbhaidh se e san ionad anns am marbh iad an iobairt-loisgte⁸ ann an làthair an Tighearn: *is* iobairt-pheacaidh e.

25 Agus gabhaidh an sagart *cuid* do fhuil na h-iobairt-pheacaidh le 'mheur, agus cuiridh e i air adhaireibh altarach na h-iobairt-loisgte, agus dòrtidh e mach a fuil aig bun altarach na h-iobairt-loisgte.

26 Agus loisgidh e a saill uile air an altair, mar a loisgear saill iobairt nan tabhartas-sith: agus ni an sagart réite air a shon a thaobh a pheacaidh, agus maith-ear dha e.

27 Agus ma pheacaicheas aon neach do

¹ ann an aineolas. Eabh.

² a' bhlian.

⁵ tilgear.

⁶ ni-'gin.

⁷ leagaidh.

³ seiche, craicinn.

⁴ aolach.

⁸ tabhartas-loisgte, ofrail-loisgte.

shluagh na dùthcha¹ tríd aincolais, an uair a ta e 'deanamh *ni-eigin an aghaidh* aoin sam bith a dh'aitheantaibh an Tighearn, a thaobh *ni the* nach bu chòir a dheanamh, agus gu bheil e ciontach:

28 Ma thig a pheacaidh, a pheacaich e g² a fhios; an sin bheir e leis mar a thabhartas meann do na gabhraibh, *beathach* boirionn gun ghaoid, air son a pheacaidh a pheacaich e.

29 Agus cuiridh e a làmh air ceann na h-ìobairt-pheacaidh, agus marbhaidh e an ìobairt-pheacaidh ann an ionad na h-ìobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

31 Agus bheir e aisde a saill uile, mar a bheirear an t-saill à h-ìobairt nan tabhartas-sith; agus loisgidh an sagart i air an altair, a chum fàile chùbhraidh do'n Tighearn: agus ni an sagart réite air a shon, agus bheirear maitheanas dha.

32 Agus mha bheir e leis uan mar a thabhartas air son peacaidh, bheir e leis uan boirionn gun ghaoid.

33 Agus cuiridh e a làmh air ceann an tabhartais-peacaidh³, agus marbhaidh se e mar ìobairt-pheacaidh san ionad anns am marbh iad an ìobairt-loisgte.

34 Agus gabhaidh an sagart *cuid* do fhuil na h-ìobairt-pheacaidh le 'mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

35 Agus bheir e aisde a saill uile, mar a bheirear air falbh saill an uain o ìobairt nan tabhartas-sith; agus loisgidh an sagart iad air an altair, a réir nan tabhartas a bheirear suas le teine do'n Tighearn: agus ni an sagart réite air a shon a thaobh a pheacaidh a rinn e, agus maithear dha e.

CAIB. V.

1 A thaobh an ti a cheileas 'eòlas, 2 mu neach a bheanas ri ni sam bith neòghlan, 4 no a bheir mionnan. 14 An ìobairt-eusaontais air son peacachaidh ann an nithibh naomha an Tighearn, 17 agus air son pheacanna aincolais.

AGUS ma pheacaicheas anam, agus gu'n cluinn e guth mionnachaidh³, agus gur fianuis e, a chumnaic no is fiosrach air a' chùis, mur cuir e 'n céill i, an sin giùlainidh e a chionta:

2 No ma bheanas anam ri ni sam bith neòghlan, ma's cairbh⁴ fiadh-bheathaich neòghloine, no cairbh spréidhe neòghloine, no cairbh ni neòghloine a shnàigeas⁵, agus e an-fhiosrach air; bithidh esan mar an ceudna neòghlan, agus ciontach:

3 No ma bheanas e ri neòghloine duine, ge b'e air bith an neòghloine leis an sal-aichear duine, agus gu bheil e an-fhiosrach air; an uair is fios da e, an sin bithidh e ciontach:

4 No ma mhionnaicheas anam⁶, ag ràdh le 'bhilibh gu'n dean e olc, no gu'n dean e maith, ge b'e air bith e a labhras duine le mionnaibh, agus gu bheil e an-fhiosrach air; an uair is fios da e, an sin bithidh e ciontach ann an aon diubhl sin.

5 Agus tachraidh, 'nuair a bhios e ciontach do aon do na nithibh sin, gu'n aidich⁷ e gu'n do pheacaich e san ni sin.

6 Agus bheir e leis 'ìobairt-eusaontais a dh'ionnsuidh an Tighearn air son a pheacaidh a pheacaich e, *beathach* boirionn o'n treud, uan, no meann o na gabhraibh, mar ìobairt-pheacaidh: agus ni an sagart réite air a shon a thaobh a pheacaidh.

7 Agus mur urrainn e uan a thoirt leis, an sin bheir e leis air son a chuire a rinn e, dà thurtur, no dà choluman òg, a dh'ionnsuidh an Tighearn; fear a chum ìobairt-pheacaidh, agus am fear cile chum ìobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear a ta* chum na h-ìobairt-pheacaidh air tùs, agus sniomhaidh e a cheann o' amhaich⁸, ach cha sgar e o chéile iad.

9 Agus crathaidh e *cuid* do fhuil na h-ìobairt-pheacaidh air thaobh na h-altarach, agus fàisgear a' chuid eile do'n fhuil a mach aig bun na h-altarach: is ìobairt-pheacaidh i.

10 Agus bheir e seachad an dara *eun* mar ìobairt-loisgte, a réir a' ghnàtha: agus ni an sagart réite air a shon a thaobh a pheacaidh a pheacaich e, agus maithear dha e.

11 Ach mur urrainn e dà thurtur, no dà choluman òg a thoirt leis; an sin bheir esan a pheacaich leis, mar a thabhartas, an deicheamh cuid do ephah do phlùr mìn, mar thabhartas-peacaidh: cha chuir e oladh air, ni mò a chuireas e tùis air, oir is tabhartas-peacaidh e.

12 An sin bheir e chum an t-sagairt e, agus gabhaidh an sagart làn a dhùim deth, *eadhon* cuimhneachan deth, agus loisgidh e air an altair e, a réir nan tabhartas a bheirear suas le teine do'n Tighearn: is tabhartas-peacaidh e.

13 Agus ni an sagart réite air a shon, a thaobh a pheacaidh a pheacaich e ann an aon diubhl sin, agus maithear dha e: agus bithidh *am fuigheall* leis an t-sagart, mar thabhartas-bidh.

14 Agus labhair an Tighearn ri Maois, ag ràdh,

¹ do'n tuà'-cheatharn, do'n phobull chumanta.

² an tabhartais air son peacaidh.

³ guth mionnan.

⁴ cìosach.

⁵ a shnàgas, a chrùbas.

⁷ aidmich.

⁶ ma bheir neach mionnan.

⁸ 'mhuineal.

LEBHITICUS, V. VI.

15 Ma ni anam coire, agus gu'm peac-aich e tríd aineolais ann an nithibh naomha an Tighearn; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas le secelibh airgid, a réir seceil an *ionaid* naomh, chum iobairt-eusaontais.

16 Agus air son an lochd a rinn e sau ni naomha ni e coimhleasachadh, agus cuiridh e ris an cuigeadh cuid, agus bheir e do'n t-sagart e: agus ni an sagart réite air a shon le reithe na h-iobairt-eusaontais, agus maithear dha e.

17 Agus ma pheacaicheas anam, agus gu'n dean e aon do na nithibh sin thoirmisgeadh le àitheantaibh an Tighearna bhi air an deanamh; ged nach b'fhios da e, gidheadh a ta e ciontach, agus giùlainidh e 'aingidheachd¹.

18 Agus bheir e leis reithe gun ghaoid o'n treud, a réir do mheas, chum iobairt-eusaontais, a dh'ionnsuidh an t-sagairt; agus ni an sagart réite air a shon a thaobh 'aineolais, leis an deachaidh e air seachar² agus gun fhios aig *air*; agus maith-eear dha e.

19 *Is* iobairt-eusaontais a th'ann; chiont-aich e gu deimhin an aghaidh an Tigh-earna.

CAIB. VI.

1 Na h-iobairtean-eusaontais air son pheacanna a rinneadh le daoineibh le 'm fìos. 19 An tabhartas a bheirear seachad nuair a dh'ungar sagart.

AGUS labhair an Tighearna ri Maois, ag ràdh,

2 Ma pheacaicheas anam, agus gu'n dean e eusaontas an aghaidh an Tighearn, agus gu'n dean e breug d'a choimhearsnach a thaobh an ni a thugadh dha r'a ghleidheadh, no ann an companas, no thaobh an ni a thugadh air falbh le h-ainneart, no ma mheall e a choimhearsnach;

3 No ma fhuair e an ni sin a chailleadh, agus gu'n d'rinn e breug uime, agus gu'n d'thug e mionnan eithich³; ann an aon ni dhiubh sin uile a ni duine, a' peacachadh anna:

4 An sin tachraidh, a chionn gu'n do pheacaich e, agus gu bheil e ciontach, gu'n toir e air ais⁴ an ni sin a thug e air falbh le h-ainneart, no an ni sin a fhuair e gu mealltach, no an ni sin a thugadh dha r'a ghleidheadh, no a chailleadh agus a fhuair e,

5 No ni sam bith m'an d'thug e mionnan eithich; bheir e air ais e san iomlan, agus cuiridh e 'n cuigeadh cuid a thuilleadh ris, agus bheir e dha-san e d'am buin e, ann an la 'iobairt-eusaontais.

6 Agus bheir e leis 'iobairt-eusaontais chum an Tighearna, reithe gun ghaoid o'n treud, a réir do mheas, mar iobairt-eusaontais, a dh'ionnsuidh an t-sagairt.

7 Agus ni an sagart réite air a shon an làthair an Tighearn: agus gheibh e maithleas a thaobh gach ni dhiubh sin uile a rinn e, a' ciontachadh anna⁵.

8 Agus labhair an Tighearna ri Maois, ag ràdh,

9 Thoir àithne do Aaron agus d'a mhic, ag ràdh, *Is e* so lagh na h-iobairt-loisgte: (*Is i* 'n iobairt-loisgte i, air son an losgaidh air an altair air feadh na h-oidhche uile gu maduinn, agus bithidh teine na h-altarach a' losgadh imte;)

10 Agus cuiridh an sagart trusgan⁶ anair uime, agus cuiridh e briogais anair air 'fheoil, agus togaidh e suas an luath a loisg an teine leis an iobairt-loisgte air an altair, agus cuiridh e i làimh ris an altair.

11 Agus cuiridh e a thrusgan dheth, agus cuiridh e trusgan eile uime, agus giùlainidh e 'n luath a mach an taobh a muigh do'n champ, gu h-ionad glan.

12 Agus bithidh an teine air an altair a' losgadh imte; cha chuirear as e: agus loisgidh an sagart fiodh oirre gach maduinn, agus cuiridh e an iobairt-loisgte ann an ordugh oirre, agus loisgidh e oirre saill nan iobairte-sith.

13 Bithidh an teine a' lasadh air an altair an còmhnuidh: cha téid e idir as.

14 Agus *is e* so lagh an tabhartas-bhìdh: Bheir mic Aaroin e an làthair an Tighearna, fa chomhair na h-altarach.

15 Agus gabhaidh e làn a dhùirn dheth, do phlùr an tabhartas-bhìdh, agus d'a oladh, agus an tùis uile a *ta* air an tabhartas-bhìdh, agus loisgidh e air an altair e, *chum* fàile chùbhraidh, *eadhon* cuimhneachan dheth do'n Tighearn.

16 Agus ithidh Aaron agus a mhic an fuigheall: maille ri aran neo-ghoirtichte ithear e san ionad naomh; ann an cùirt pàilliuin a' choimhthionail ithidh iad e.

17 Cha'n fhuinear e le taois ghoirt: thug mi *dhoibh* e *mar* an cuibhrionn do m' tabhartasaibh air an toirt suas le teine: *tha e* ro naomha, mar an iobairt-pheacaidh, agus mar an iobairt-eusaontais.

18 Ithidh gach fìrionnach ann measg chloimn Aaroin dheth: *bithidh e* na reachd sìorruidh air feadh blurginealach a thaobh tabhartasan an Tighearn air an toirt suas le teine: bithidh gach neach a bheanas ri naomh.

19 Agus labhair an Tighearna ri Maois, ag ràdh,

20 *Is e* so tabhartas Aaroin, agus a chuid mac, a bheir iad seachad do'n

¹ a chionta, a choire.

³ mionnan gu breugach.

² am mearachd.

⁴ aisig e.

⁵ air an d'fhuaradh ciontach e.

⁶ èididh, eudach, culaidh.

Tighearna, san là a dh'ungar e; an deich-eamh cuid do ephai do phlùr mìn mar tabhartas-bìdh an còmhuidh¹, a leth sa' mhaduinn, agus a leth san fheasgar.

21 Ann an agham² nìthear e le h-oladh, agus an uair a bhios e fuinte, bheir thu stigh e: agus na mìrean fuinte d'on tabhartas-bhìdh bheir thu seachad a chum fàile chùbhraidh do'n Tighearna.

22 Agus bheir an sagart d'a mhic, a dh'ungadh 'na àite, seachad e: is reachd sìorruidh e do'n Tighearna; loisgear gu h-ìomlan e.

23 Oir loisgear gach tabhartas-bìdh air son an t-sagart gu h-ìomlan: cha'n ith-ear e.

24 Agus labhair an Tighearna ri Maois, ag ràdh,

25 Labhair ri h-Aaron agus r'a mhic, ag ràdh, Is e so lagh na h-ìobairt-pheacaidh: san ionad anns am marbhar an ìobairt-loisgte, bithidh an ìobairt-pheacaidh air a marbhadh am fianuis an Tighearna: tha i ro naomh.

26 Itidh an sagart i, a bheir seachad i air son peacaidh: anns an ionad naomh ithear i, ann an cùirt pàilliuin a' choimhlionail.

27 Ge b'e ni a bheanas r'a feoil, bithidh e naomh; agus an uair a chrathar a bheag d'a fuil air eudach sam bith, nighidh tu an ni air an do chrathadh i anns an ionad naomh.

28 Agus bithidh an soitheach creadha anns an do bhrùichadh i air a bhriseadh; ach ma bhrùichadh i ann an coireadh umha³, glanar agus nighear⁴ e ann an uisge.

29 Itidh na firionnaich uile am measg nan sagart dhith: tha i ro naomh.

30 Ach cha 'n ithear ìobairt-pheacaidh sam bith, d'an d'thugadh a bheag do'n fhuil a steach do phàilliuin a' choimhlionail, a dheanamh rèite san ionad naomh: loisgear san teine i.

CAIB. VII.

1 Lagh na h-ìobairt-eusaontais, 11 agus lagh ìobairt nan tabhartas-sith. 22 An t-saill, 26 agus an fhuil, air an toirmeasg.

AGUS is e so lagh na h-ìobairt-eusaontais: tha i ro naomh.

2 Anns an ionad sam marbhadh an ìobairt-loisgte, marbhaidh iad an ìobairt-eusaontais; agus crathaidh e a fuil air an altair mu'n cuairt.

3 Agus bheir e seachad dhith a saill uile: an t-earball⁵, agus an t-saill a ta còmhachadh a' mhionaich,

4 Agus an dà àra, agus an t-saill a ta orra, a ta làimh ris an loch⁶ léin agus an scairt a ta os ceann nan àinean⁶; maille

ris na h-airnibh, bheir e air falbh i.

5 Agus loisgidh an sagart iad air an altair, mar thabhartas a bheirear suas le teine do'n Tighearna: is ìobairt-eusaontais i.

6 Itidh gach firionnach am measg nan sagart dhith: san ionad naomh ithear i; tha i ro naomh.

7 Mar an ìobairt-pheacaidh, is amhuil sin an ìobairt-eusaontais: is aon lagh dhoibh: leis an t-sagart a ni rèite leatha, bithidh i.

8 Agus an sagart a bheir seachad ìobairt-loisgte duine sam bith, is leis an t-sagart so croiciomh na h-ìobairt-loisgte a thug e seachad.

9 Agus buinidh an tabhartas-bìdh uile a dh'fhuinear ann an àmhuinn, agus gach ni a dheasaichear ann an agham-ròstaidh, agus ann am mèis⁷, do'n t-sagart a bheir seachad e.

10 Agus bithidh gach tabhartas-bìdh measgta le h-oladh, agus tioram, le mic Aaron uile, leis gach aon uiread r'a chèile.

11 Agus is e so lagh ìobairt nan tabhartas-sith, a bheir e seachad do'n Tighearna:

12 Ma's ann mar bhreith-buidheachais a bheir e seachad i, an sin bheir e seachad, maille ris an ìobairt-bhuidheachais, breacagan neo-ghoirtichte, measgta le h-oladh, agus dearnagan neo-ghoirtichte, ungta le h-oladh, agus breacagan measgta le h-oladh, do phlùr mìn, air a ròstadh.

13 A thuilleadh air na breacagaibh, bheir e seachad mar thabhartas, aran goirtichte, maille ri ìobairt-buidheachais a thabhartasan-sith.

14 Agus dh'i sin bheir e seachad aon as an tabhartas ìomlan, mar thabhartas-togta do'n Tighearna, agus bithidh e leis an t-sagart a chrathas fuil nan tabhartas-sith.

15 Agus ithear feoil ìobairt a thabhartasan-sith air son breith-buidheachais, san là sin fèin anns an toir e seachad i; cha 'n fhàg e bheag dhith gu maduinn.

16 Ach ma's bòid, no tabhartas deònach ìobairt a thabhartais, san là sin fèin anns an toir e seachad ìobairt, ithear i; agus air an là maireach, mar an ceudna, ithear a fuigheall.

17 Ach loisgear le teine fuigheall feòla na h-ìobairt air an treas là.

18 Agus ma dh'ithear idir a bheag do fheoil ìobairt a thabhartasan-sith air an treas là, cha ghabhar i, ni mò a mheasar i dha-san a bheir seachad i: bithidh i 'na gràineileachd, agus an t-anam a dh'ithcas dhith gùlainidh e 'aingidheachd.

19 Agus an fheoil a bheanas ri ni sam bith neòghlan, cha'n ithear i; loisgear i

¹ bith-bhuan, daonan. ² aigheann.

³ preis unga.

⁴ scùrar agus glan-nighear.

⁵ bun an earbail.

⁶ os cionn a' ghrùthain.

⁷ aigheann.

le teine: agus a thaobh na feòla, gach neach a bhios glan, ithidh e dhith.

20 Ach an t-anam a dh'itheas do' fheoil iobairt nan tabhartas-sith, a *bhuineas* do'n Tighearn, agus a neòghloine air, gearrar eadhon an t-anam sin as o' shluagh.

21 Agus an t-anam a bheanas ri *ni* sam bith neòghlan, ri neòghloine duine, no ri ainmhidh neòghlan, no ri gràineileachd neòghloin sam bith, agus a dh'itheas do' fheoil iobairt nan tabhartas-sith a *bhuineas* do'n Tighearn, gearrar eadhon an t-anam sin as o' shluagh¹.

22 Agus labhair an Tighearn ri Maois, ag ràdh,

23 Labhair ri cloinn Israeil, ag ràdh, Saill sam bith daimh, no caorach, no gaibhre, cha'n ith sibh.

24 Agus feudar saill ainmhidh a gheibh bàs leis féin², agus saill an ainmhidh sin a reubar le fiadh-bheathaichibh, a ghnàthachadh gu feum sam bith eile; ach cha'n ith sibh idir dhith:

25 Oir ge b'e dh'itheas saill o'n ainmhidh sin d'an toir daoine seachad iobairt a loisgear le teine do'n Tighearn, gearrar eadhon an t-anam sin a dh'itheas *dhith* as o' shluagh.

26 Agus cha'n ith sibh gnè sam bith fola, ma's ann do eunaibh no do ainmhidh, ann an aon air bith d'ur n-àiteachaibh-còmhnuidh.

27 Gach anam a dh'itheas gnè sam bith fola, gearrar eadhon an t-anam sin as o' shluagh.

28 Agus labhair an Tighearn ri Maois, ag ràdh,

29 Labhair ri cloinn Israeil, ag ràdh, Esan a bheir seachad iobairt a thabhartas-sith do'n Tighearn, bheir e leis a thabhartas a dh'ionnsuidh an Tighearn, do iobairt a thabhartas-sith.

30 Bheir a làmhnan féin leo thabhartasan an Tighearn a bheirear suas le teine; an t-saill maille ris an uchd, so bheir e leis, a chum gu'n luaisgear an t-uchd *mar* thabhartas-luaisgte an làthair an Tighearn.

31 Agus loisgidh an sagart an t-saill air an altair: ach bithidh an t-uchd le Aaron agus le 'mhic.

32 Agus an slinnean deas bheir sibh do'n t-sagart *mar* thabhartas-togta, do iobairtibh bhuir tabhartas-sith.

33 Aige-san do mhic Aaron a bheir suas fuil nan tabhartas-sith, agus an t-saill, bithidh an slinnean deas *mar a* chuibhrionn.

34 Oir ghabh mi an t-uchd luaisgte agus an slinnean togta o chloinn Israeil, do iobairtibh an tabhartas-sith, agus thug mi iad do Aaron an sagart, agus d'a mhic, le reachd siorruidh o mheasg chloinn Israeil.

35 *Is* e so *cuibhrionn* ungaidh Aaron, agus ungaidh a chuid mac, do thabhartas-aibh an Tighearn a bheirear suas le teine, san là anns an d'thug e a làthair iad a fhrithéaladh do'n Tighearn ann an dreuchd an t-sagairt;

36 A dh'àithn an Tighearn a thoirt dhoibh o chloinn Israeil, san là anns an d'ung e iad, le reachd siorruidh air feadh an ginealach.

37 *Is* e so lagh na h-iobairt-loisgte, an tabhartais-bhidh, agus na h-iobairt-pheacaidh, agus na h-iobairt-eusaontais, agus nan coisreagadh, agus iobairt nan tabhartas-sith,

38 A dh'àithn an Tighearn do Mhaois ann an sliabh Shinaì, san là anns an d'àithn e do chloinn Israeil an tabhartasan a thoirt seachad do'n Tighearn, ann am fàsach Shinaì.

CAIB. VIII.

1 *Choisrig Maois Aaron agus a mhic.* 14 *An iobairt-pheacaidh.* 18 *An iobairt-loisgte.* 22 *Reithe a' choisreagaidh.* 31 *Aite agus àm an coisreagaidh.*

A GUS labhair an Tighearn ri Maois, ag ràdh,

2 Thoir leat Aaron agus a mhic maille ris, agus an trusgan³ *naomh*, agus an oladh-ungaidh, agus tarbh mar an iobairt-pheacaidh, agus dà reithe, agus bascaid do aran neo-ghoirtichte.

3 Agus cruinnich an coimhthional uile an ceann a chèile gu dorus pàilliuin a' choimhthional.

4 Agus rinn Maois mar a dh'àithn an Tighearn dha; agus chruinnicheadh an coimhthional r'a chèile gu dorus pàilliuin a' choimhthional.

5 Agus thubhairt Maois ris a' choimhthional, *Is* e so an ni a dh'àithn an Tighearn a dheanamh.

6 Agus thug Maois Aaron agus a mhic leis, agus dh'ionnlaid e iad le h-uisge.

7 Agus chuir e air an còta, agus chrioslaich se e leis a' chrios, agus dh'eudaich se e leis an fhalluinn, agus chuir e 'n ephod air, agus chrioslaich se e le crios riomhaich na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tumim.

9 Agus chuir e 'n crùn-sagairt air a cheann; mar an ceudna air a' chrùn-sagairt, *eadhon* air a' chuid-beoil deth chuir e 'n leac òir, an crùn naomh, mar a dh'àithn an Tighearn do Mhaois.

10 Agus ghabh Maois an oladh-ungaidh, agus dh'ung e 'm pàilliuin, agus gach *ni a bha* ann, agus naomhaich e iad.

11 Agus chrath e *cuid* dhith air an altair seachd uairean, agus dh'ung e 'n altair,

¹ bho 'na phobull.² saill cairbh.³ éididh.

LEBHITICUS, VIII. IX.

agus a soithichean uile araon¹ an soith-each-ionmlaid agus a chos, a chum an naomhachadh.

12 Agus dhòirt e do'n oladh ungaidh air ceann Aaroin, agus dh'ung se e, chum a naomhachadh.

13 Agus thug Maois mic Aaroin leis, agus chuir e còtaichean orra, agus chrios-laich e iad le criosaibh, agus chuir e boineidean orra, mar a dh'àithn an Tighearna do Mhaois.

14 Agus thug e leis an tarbh air son na h-iobairt-pheacaidh, agus chuir Aaron agus a mhic an làmhlan air ceann an tarbh air son na h-iobairt-pheacaidh.

15 Agus marbh se e; agus ghabh Maois an fhuil, agus chuir e i air adhaircibh na h-altarach mu'n cuairt le'mheur, agus ghlan e 'n altair; agus dhòirt e 'n fhuil aig bun na h-altarach, agus naomhaich e i, a dhcanamh réite oirre.

16 Agus ghabh e 'n ìgh uile a bha air a' mhionach, agus an scairt os ceann nan àinean, agus an dà àra, agus an ìgh; agus loisg Maois iad air an altair.

17 Ach an tarbh agus a sheice, agus 'fheoil, agus 'aolach², loisg e le teine an taobh a muigh do'n champ, mar a dh'àithn an Tighearna do Mhaois.

18 Agus thug e leis an reithe air son na h-iobairt-loisgte: agus chuir Aaron agus a mhic an làmhlan air ceann an reithe.

19 Agus mharbh se e; agus chrath Maois an fhuil air an altair mu'n cuairt.

20 Agus ghearr e 'n reithe 'na mhiribh; agus loisg Maois an ceann, agus na mirean, agus an t-saill.

21 Agus nìgh e am mionach agus na cosan ann an uisge; agus loisg Maois an reithe uile air an altair: b'iobairt-loisgte e, chum fàile chùbhraidh: tabhartas air a thoirt suas le teine do'n Tighearna, mar a dh'àithn an Tighearna do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmhlan air ceann an reithe.

23 Agus mharbh se e; agus ghabh Maois cuid d'a fhuil, agus chuir e i air bàrr cluaise deise Aaroin, agus air ordaig a làimhe deise, agus air ordaig a choisreagaidh: agus chrath Maois an fhuil air an altair mu'n cuairt.

24 Agus thug e leis mic Aaroin, agus chuir Maois cuid do'n fhuil air bàrr an cluaise deise, agus air ordaig an choisreagaidh: agus chrath Maois an fhuil air an altair mu'n cuairt.

25 Agus ghabh e 'n t-saill, agus an t-earball, agus an ìgh uile a bha air a' mhionach, agus an scairt os ceann nan àinean, agus an dà àra⁴ agus an ìgh, agus

an slinnean deas.

26 Agus á bascaid an arain neo-ghoirtichte, a bha an làthair an Tighearna, ghabh e aon bhreacag neo-ghoirtichte, agus aon bhreacag do aran le h-oladh, agus aon dearnagan⁵, agus chuir e iad air an t-saill, agus air an t-slinnean deas:

27 Agus chuir e 'n t-ionlan air làmhlan Aaroin, agus air làmhlan a chuid mac⁶, agus luaisg e iad mar thabhartas-luaisgte an làthair an Tighearna.

28 Agus ghabh Maois iad bhàrr an làmh, agus loisg e iad air an altair os ceann na h-iobairt-loisgte; bu tabhartas-coisreagaidh iad a chum fàile chùbhraidh: tabhartas air a thoirt suas le teine do'n Tighearna.

29 Agus ghabh Maois an t-uchd, agus luaisg se e mar thabhartas-luaisgte an làthair an Tighearna: b'e cuibhrionn Mhaois e do reithe a' choisreagaidh; mar a dh'àithn an Tighearna do Mhaois.

30 Agus ghabh Maois cuid do'n oladh-ungaidh, agus do'n fhuil a bha air an altair, agus chrath e air Aaron i; air 'eudach, agus air a mhic, agus air eudach a mhac maille ris: agus naomhaich e Aaron, agus 'eudach, agus a mhic, agus eudach a mhac maille ris.

31 Agus thubhairt Maois ri h-Aaron, agus r'a mhic, Bruichibh an fheoil aig doras pàilliuin a' choimhthionail, agus ann an sin ithibh i leis an aran a ta ann am bascaid a' choisreagaidh⁷, mar a dh'àithn mise, ag radh, Ìthidh Aaron agus a mhic i.

32 Agus an nì sin a dh'fhàgar do'n fheoil agus do'n aran, loisgidh sibh le teine.

33 Agus air doras pàilliuin a' choimhthionail cha téid sibh a mach rè sheachd làithean, gus am bi làithean bhur coisreagaidh air an crìochnachadh⁸: oir rè sheachd làithean coisrigidh e sibh.

34 Mar a rinn e 'n diugh, mar sin dh'àithn an Tighearna bhì deanta, a dheanamh réite air bhur son.

35 Uime sin, aig doras pàilliuin a' choimhthionail fanaidh sibh a là agus a dh'oidhche, rè sheachd làithean, agus coimbididh⁹ sibh freasdal¹⁰ an Tighearna, chum nach faigh sibh bàs: oir is ann mar sin a thugadh àithne dhomhsa.

36 Agus rinn Aaron agus a mhic na h-uile nithe a dh'àithn an Tighearna le làimh Mhaois.

CAIB. IX.

1, 8 Iobairt-pheacaidh agus iobairt-loisgte Aaroin air a shon fèin, agus air son an t-sluaigh. 23 An sluagh air an beamnachadh. 24 Thàinig teine mach o'n Tighearna air an altair.

A GUS air an ochdamh là ghairm Maois air Aaron agus air a mhic, agus

¹ an dà chuid.

² inneir, a ghaorr.

³ air ordaigach an làmhla deasa, agus air ordaigaidh an cosa deasa.

⁴ an dà àrainn.

⁵ abhlán; wafér. Sasg. ⁶ air làmhlan a mhac.

⁷ nan nithe coisrigte. ⁸ gus an là anns an crìochnachd làithean bhur coisreagaidh. Eabh. ⁹ gleidhidh. ¹⁰ curam, ordugh.

air seanairibh Israeil;

2 Agus thubhairt e ri h-Aaron, Gabh dhuit féin laogh òg chum ìobart-pheacaidh, agus reithe chum ìobairt-loisgte, gun ghaoid, agus thoir seachad *iad* an làthair an Tighearn.

3 Agus labhraidh tu ri cloinn Israeil, ag ràdh, Gabhaibh-se meann do na gabhraibh chum ìobairt-pheacaidh; agus laogh, agus uan, *le chéile* do'n cheud bhliadhna¹, gun ghaoid, a chum ìobairt-loisgte;

4 Mar an ceudna tarbh agus reithe, mar thabhartasan-sith, a chum an ìobradh an làthair an Tighearn; agus tabhartas-bidh measgta le h-oladh: oir an diugh foillsichidh an Tighearn e féin dhuibh.

5 Agus thug iad *an ni sin* a dh'àithn Maois gu beulaobh pàilliuin a' choimhthionail: agus thàinig an coimhthional uile am fagus, agus sheas iad an làthair an Tighearn.

6 Agus thubhairt Maois, *Is* e so an ni a dh'àithn an Tighearna gu'n deanadh sibh: agus foillsichear glòir an Tighearna dhuibh.

7 Agus thubhairt Maois ri h-Aaron, Imich a dh'ionnsuidh na h-altarach, agus ìobair t'ìobairt-pheacaidh, agus t'ìobairt-loisgte, agus dean réite air do shon féin, agus air son an t-sluaigh: agus thoir suas tabhartas an t-sluaigh, agus dean réite air an son, mar a dh'àithn an Tighearna.

8 Chaidh Aaron uime sin a dh'ionnsuidh na h-altarach, agus mharbh e laogh na h-ìobairt-pheacaidh, a *bha* air a shon féin.

9 Agus thug mic Aaroin an fhuil d'a ionnsuidh; agus thum² e a mheur san fhuil, agus chuir e air adhaireibh na h-altarach *i*, agus dhòirt e mach an fhuil aig bun na h-altarach.

10 Ach an t-saill agus na h-airnean, agus an scairt os ceann àinean na h-ìobairt-pheacaidh, loisg e air an altair, mar a dh'àithn an Tighearna do Mhaois.

11 Agus an fheoil agus an t-seice loisg e le teine, an taobh a muigh do'n champ.

12 Agus mharbh e 'n ìobairt-loisgte; agus thug mic Aaroin an fhuil d'a ionnsuidh, agus chrath e i air an altair mu'n cuairt.

13 Agus thug iad an ìobairt-loisgte d'a ionnsuidh, maille r'a miribh, agus an ceann; agus loisg e *iad* air an altair.

14 Agus nìg e am mìonach agus na cosan, agus loisg e *iad* air an ìobairt-loisgte air an altair.

15 Agus thug e leis tabhartas an t-sluaigh, agus ghabh e meann na h-ìobairt-pheacaidh³ a *bha* air son an t-sluaigh, agus mharbh se e, agus thug e suas e air son peacaidh, mar a' cheud ìobairt.

16 Agus thug e leis an ìobairt-loisgte, agus dh'ìobair e i do réir a' ghnàtha⁴.

17 Agus thug e leis an tabhartas-bidh, agus lion e a dhorn as, agus loisg e air an altair *e*, a thuilleadh air ìobairt-loisgte na maidne.

18 Mharbh e mar an ceudna an tarbh, agus an reithe, mar ìobairt nan tabhartasan-sith, a *bha* air son an t-sluaigh; agus thug mic Aaroin d'a ionnsuidh an fhuil, agus chrath e i air an altair mu'n cuairt.

19 Agus saill an tairbh, agus earball an reithe, agus an *ni sin* a ta còmhdachadh a' *mhìonaich*, agus na h-airnean, agus an scairt os ceann nan àinean.

20 Agus chuir iad an t-saill air na h-uchdaibh, agus loisg e 'n t-saill air an altair.

21 Agus na h-uchdan agus an slinnean deas luaig Aaron mar thabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmha chum an t-sluaigh, agus bheannaich e iad; agus thàinig e nuas o ìobradh na h-ìobairt-pheacaidh, agus na h-ìobairt-loisgte, agus nan ìobairtean-sith.

23 Agus chaidh Maois agus Aaron a steach do phàilliuin a' choimhthionail, agus thàinig iad a mach, agus bheannaich iad an sluagh: agus dh'fhoillsicheadh glòir an Tighearna do'n t-sluaigh uile.

24 Agus thàinig teine a mach o làthair an Tighearn, agus loisg e air an altair an ìobairt-loisgte, agus ant-saill: agus chunnaic an sluagh uile *e*, agus rinn iad gàir, agus thuit iad air an aghaidh.

CAIB. X.

1 *Nadab agus Abihu air an losgadh.* 8 *Fion air a thoirmeasg do na sagairt, an uair a rachadh iad a steach do bhàth a' choimhthionail, &c.*

AGUS ghabh Nadab agus Abihu, mic Aaroin, gach fear diubh a thùiseir⁵, agus chuir iad teine ann, agus chuir iad tùis air, agus thug iad suas am fianuis an Tighearna teine coimheach, nach d'àitlm e dhoibh.

2 Agus chaidh teine mach o làthair an Tighearn, agus loisg e suas⁶ iad, agus fhuair iad bàs an làthair an Tighearn.

3 An sin thubhairt Maois ri h-Aaron, *Is* e so *an ni* a labhair an Tighearn, ag ràdh, Annta-san a thig am fagus dlomh naomhaichear mise, agus an làthair an t-sluaigh uile glòraichear mi. Agus dh'fhan Aaron 'na thosd.

4 Agus ghairm Maois air Misael agus air Elsaphan, mic Udsieil, bràthar athar Aaroin, agus thubhairt e riu, Thigibh am fagus, giùlainibh bhuir bràithrean o fhian-

¹ bliadhna dh'aois.

² thom, bhog.

³ a' ghabhar a bha 'na h-ìobairt-pheacaidh.

⁴ a reir an orduigh, mar bu chòir.

⁵ a shoitheach-tùise. ⁶ dh'it'h e suas. Eabh.

LEBHITICUS, X. XI.

uis an *ionaid* naoimh a mach as a' champ.

5 Agus chaidh iad am fagus, agus ghiùlain iad 'nan còtaichibh iad a mach as a' champ, mar a thubhairt Maois.

6 Agus thubhairt Maois ri h-Aaron, agus ri h-Eleasar, agus ri h-Itamar, a mhic, Na rùisgibh bhur cinn, agus na reubaibh bhur n-eudach, air eagal gu'm faigh sibh bàs, agus air eagal gu'n tig fearg air an t-sluagh uile; ach deanadh bhur bràithre, tigh Israeil uile, tuireadh¹ air son an losgaidh a las an Tighearn.

7 Agus cha téid sibh a mach air doras pàilliuin a' choimhthionail, air eagal gu'm faigh sibh bàs: oir a *ta* oladh-ungaidh an Tighearn oirbh. Agus rinn iad a réir focail Mhaois.

8 Agus labhair an Tighearna ri h-Aaron, ag ràdh,

9 Na h-òl fìon no deoch làidir², thu féin, no do mhic maille riut, an uair a théid sibh a steach do phàilliuin a' choimhthionail, air eagal gu'm faigh sibh bàs: *bithidh e* 'na reachd bith-bhuan air feadh bhur ginealach.

10 Agus a chum gu'n cuir sibh eadar-dhealachadh eadar naomha agus mi-naomha, agus eadar neòghlan agus glan;

11 Agus a chum gu'n teagaisg sibh do chloinn Israeil na h-orduighean³ uile a labhair an Tighearna ri u le làimh Mhaois.

12 Agus labhair Maois ri h-Aaron, agus ri h-Eleasar, agus ri h-Itamar, a mhic a dh'fhan *beò*, Gabhaibh an tabhartas-bidh a dh'fhàgadh do thabhartasaibh an Tighearn air an toirt suas le teine, agus ithibh e gun ghoirteachadh làimh ris an altair; oir a *ta* e ro naomha.

13 Agus ithidh sibh e san ionad naomh, a chionn *gur* e do dhlighe e⁴, agus dlighe do mhac, do thabhartasaibh an Tighearn air an toirt suas le teine: oir is ann mar sin a dh'àithneadh dhomhsa.

14 Agus an t-uchd luaisgte agus an slinnean togta ithidh sibh ann an ionad glan; thu féin, agus do mhic, agus do nìgeana maille riut: oir *is iad* do dhlighe iad, agus dlighe do mhac, a thugadh dhoibh á ìobairtibh tabhartasan-sìth chloinn Israeil.

15 An slinnean togta, agus an t-uchd luaisgte, maille ris na tabhartasaibh air an toirt suas le teine do'n t-saill, bheir iad leogas a luasgadh *mar* thabhartas-luaisgte an làthair an Tighearn; agus is leats⁵ e, agus le d' mhic maille riut, le reachd bith-bhuan, mar a dh'àithn an Tighearn.

16 Agus dh'iarr Maois gu dìchiollach meann na h-ìobairt-pheacaidh, agus, feuch, loisgeadh e: agus bha fearg aige ri

h-Eleasar agus ri h-Itamar, mic Aaron, a dh'fhàgadh *beò*, ag ràdh,

17 C'ar son nach d'ith sibh an ìobairt-pheacaidh san ionad naomh, do bhrìgh gu *bheil* i ro naomh, agus thug *Dia* dhuibh i a ghiùlan aingidheachd a' choimhthionail, a dheanamh réite air an son am fianuis an Tighearn?

18 Feuch, cha d'thugadh a fuil a steach an taobh a stigh do'n *ionad* naomh: bu chòir dhuibh gu deimhin a h-ithheadh san *ionad* naomh, mar a dh'àithn mise.

19 Agus thubhairt Aaron ri Maois, Feuch, an diugh thug iad suas an ìobairt-pheacaidh, agus an ìobairt-loisgte, an làthair an Tighearn; agus thachair an leithidean sin do nithibh dhomhsa; agus nam bithinn air itheadh na h-ìobairt-pheacaidh an diugh, an gabhta rithe an làthair an Tighearn?

20 Agus an uair a chuala Maois *sin*, bha e toilichte.

CAIB. XI.

1, 4 *Mu bheathaichibh glan*, 13 *agus mu bheathaichibh neòghlan*.

AGSUS labhair an Tighearna ri Maois, agus ri h-Aaron, ag ràdh ri u,

2 Labhraibh ri cloinn Israeil, ag ràdh, *Is iad* so na beathaichean a dh'ithcas sibh do na h-uile ainmhidhibh a *ta* air an talamh.

3 Gach aon a roinneas an ionga⁶, agus a sgoilteas an ladhar⁶, agus a chnàmhas⁷ a' chùr, am measg nan ainmhidh, sin ithidh sibh.

4 Ach iad so cha'n ith sibh, dhiubhsan a chnàmhas a' chùr, no dhiubhsan a roinneas an ionga: *mar* an càmhail, a chionn ged a chnàmh e a' chùr, nach roinn e an ionga⁸; neòghlan *tha* e dhuibh.

5 Agus an coinean, a chionn ged a chnàmh e a' chùr, nach roinn e an ionga; neòghlan *tha* e dhuibh.

6 Agus a' mhaigheach⁹, a chionn ged a chnàmh i a' chùr, nach roinn i an ionga; neòghlan *tha* i dhuibh.

7 Agus a' mhuc, a chionn ged a roinn i an ionga, agus ged a sgoilt i an ladhar, gidheadh nach cnàmh i a' chùr; neòghlan *tha* i dhuibh.

8 D'am feoil cha'n ith sibh, agus r'an cairbh¹⁰ cha bhean sibh; neòghlan *tha* iad dhuibh.

9 Iad so ithidh sibh, dhiubhsan uile a *ta* snah-uisgeachaibh: gach *ni* air am bheil itean¹¹ agus lannan anns na h-uisgeachaibh, anns na cuantaibh¹², agus anns na h-ainmhnichibh, iad sin ithidh sibh.

10 Agus gach *ni* air nach 'eil itean no lannan anns na cuantaibh, agus anns na

¹ caoidh. ² làdair. ³ stàtuìs, àitheantan.

⁴ chòir. ⁵ cradhan. ⁶ a sgoilteas sgoltadh

nan iongan. Eabh. ⁷ chagnas. Eir.

⁸ a chionn gu'n cnàmh e a' chùr, ach nach roinn

e 'n ionga. ⁹ a' mhoigheach, an gearr-fhiadh.

¹⁰ cìosach, conablach, corp marbh.

¹¹ sgìathan; eiteach. Eir. ¹² fairgibh.

LEBHITICUS, XI.

h-aimhnichibh, do gach *m* a ghluaiseas sna h-uisgeachaibh, agus do gach ni beò¹, a *ta* sna h-uisgeachaibh; 'nan gràineileachd bithidh iad dhuibh:

11 Eadhon 'nan gràineileachd bithidh iad dhuibh: d'am feoil cha'n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uisgeachaibh, 'na gràineileachd bithidh sin dhuibh.

13 Agus dhiubh so gabhaidh sibh gràin am measg nan eun²; cha'n ithear iad, 'nan gràineileachd *tha* iad: an iolair³, agus an cnaimh-bhriscach⁴, agus an iolair-uisge⁵,

14 Agus am fang⁶, agus an clamhan⁷ a réir a ghnè;

15 Gach fitheach a réir a ghnè;

16 Agus a' chailleach-oidhech⁸, agus an t-seabhag-oidhech⁹, agus a' chuach¹⁰, agus an t-seabhag¹¹ a réir a gnè,

17 Agus a' chailleach-oidhech bheag¹², agus an scarbh¹³, agus a' chailleach-oidhech mhòr¹⁴,

18 Agus an eala¹⁵, agus am pelican, agus an iolair-fhionn¹⁶,

19 Agus a' chorra-bhàn, agus a' chorra-ghlas¹⁷ a réir a gnè, agus an t-adharcan-luachrach¹⁸, agus an ialtag.

20 Bithidh gach ni snàigeach a dh'iteal- aicheas¹⁹, agus a dh'innicheas air cheithir *chosan*, 'na ghràineileachd dhuibh.

21 Ach iad so feudaidd sibh itheadh, do gach ni snàigeach²⁰ a dh'iteal- aicheas, agus a dh'innicheas air cheithir *chosan*, aig am bheil luirghean os ceann a throidhean²¹, gu leum leo air an talamh.

22 Eadhon iad so dhiubh feudaidd sibh itheadh: an locust a réir a ghnè, agus an locust maol a réir a ghnè, agus an daol²² a réir a ghnè, agus an leumnach-uaine²³ a réir a ghnè.

23 Ach bithidh gach ni eile snàigeach a dh'iteal- aicheas, aig am bheil ceithir *chosan*, 'na gràineileachd dhuibh.

24 Agus air an son sin bithidh sibh neòghlan: gach neach a bheanas r'an cairbh, bithidh e neòghlan gu feasgar.

25 Agus ge b'e air bith a ghiùlaineas a bheag d'an cairbh, uighidh e 'eudach, agus bithidh e neòghlan gu feasgar.

26 Bithidh cairbh gach ainmhidh a roinneas an ionga, agus nach sgoilt an ladhar, agus nach cnàmh a' chùr, neòghlan dhuibh: gach neach a bheanas riu, bith-

idh e neòghlan.

27 Agus ge b'e air bith a dh'innicheas air a mhàgaibh, am measg nan uile bheathaichean a dh'innicheas air cheithir *chosan*, bithidh e neòghlan dhuibh; gach neach a bheanas r'an cairbh bithidh e neòghlan gu feasgar.

28 Agus esan ghiùlaineas an cairbh, nighidh e 'eudach, agus bithidh e neòghlan gu feasgar; neòghlan *tha* iad dhuibh.

29 Agus bithidh iad so neòghlan dhuibh am measg nan nithe snàigeach a shnàigeas air an talamh: an neas²⁴, agus an luch, agus an crocodeil²⁵ a réir a ghnè,

30 Agus am firead²⁶, agus an camoleon²⁷, agus an dearc-luachrach²⁸, agus an t-seilch- eag²⁹, agus am famh³⁰.

31 *Tha* iad sin neòghlan dhuibh 'nam measg-san uile a shnàigeas: gach neach a bheanas riu, 'nuair a bhios iad marbh, bithidh e neòghlan gu feasgar.

32 Agus gach ni air an tuit a *h-aon* diubh, 'nuair a bhios e marbh, bithidh e neòghlan; co dhiubh is soitheach fiodha sam bith e, no eudach, no croicionn, no sac: feumaidh gach soitheach anns an deanar obair sam bith, a bhàir air a chur ann an uisge, agus bithidh e neòghlan gu feasgar; an sin bithidh e glan.

33 Agus a *thaobh* gach soitheach creadha, anns an tuit a *h-aon* diubh, bithidh gach ni a *ta* ann neòghlan; agus brisidh sibh e.

34 Do gach uile bhiadh a dh'ithear, bithidh am biadh sin air an tguisge, neòghlan; agus bithidh gach deoch a dh'òlar ann an soitheach sam bith, neòghlan.

35 Agus bithidh gach *ni* air an tuit a bheag d'an cairbh, neòghlan; *ma's* amhuinn e, no coireacha³¹, brisear sìos iad: neòghlan *tha* iad, agus neòghlan bithidh iad dhuibh.

36 Gidheadh bithidh fuaran no tobar³² anns am bi pailteas uisge, glan: ach bithidh an ni sin a bheanas r'an cairbh, neòghlan.

37 Agus ma thuiteas a bheag d'an cairbh air siol-cuir sam bith, a bhios r'a chur, bithidh e glan.

38 Ach ma chuirear uisge sam bith air an t-sìol, agus gu'n tuit a bheag d'an cairbh air, neòghlan bithidh e dhuibh.

39 Agus ma bhàsaicheas ainmhidh sam bith d'am feud sibh itheadh, bithidh esan a bheanas r'a cairbh neòghlan gu feasgar.

¹ anam beò. Eabh. ² eunlaith. ³ am fireun.

⁴ iolair mhòr na mara; ossifrage. Sarg. peres. Eabh.

⁵ an t-iagair cairneach; ghadshiah. Eabh.

⁶ preacan ingneach, preacan crìosach. Eir. vul-

ture. Sarg. doah. Eabh. ⁷ kite. Sarg. aiah. Eabh.

⁸ a' chomhachag. ⁹ tachmas. Eabh.

¹⁰ a' chluithag; shachaph. Eabh. ¹¹ an t-seabhag.

¹² coos. Eabh. ¹³ shalach. Eabh.

¹⁴ ianshuph. Eabh. ¹⁵ tinsmeth. Eabh. ¹⁶ iolair-

thimchiollach; gier-eagle. Sarg. rackam. Eabh.

¹⁷ a' chùrr; onaph. Eabh.

¹⁸ upupa; ducipath. Eabh.

¹⁹ gach creutair sgiathach a ghluaiseas.

²⁰ snàigeach. Eir. ²¹ throighean, spàgan.

²² calegham. Eabh. ²³ am fionnan fèir;

chagab. Eabh. ²⁴ an nas, an easag; choled. Eabh.

²⁵ uile bheist an fhàsaich; land-crocodile. Sarg.

tzab. Eabh. ²⁶ ferret. Sarg. anakah. Eabh.

²⁷ coach. Eabh. ²⁸ letaah. Eabh.

²⁹ chemet. Eabh. ³⁰ tinsmeth. Eabh.

³¹ àilcan air son phòitean no phriscan. ³² tiobar

sleachd.

40 Agus esan a dh'itheas d'a chairbh, nighidh e 'eudach, agus bithidh e neòghlan gu feasgar: esan mar an ceudna a ghiùlain-eas a' chairbh, nighidh e 'eudach, agus bithidh e neòghlan gu feasgar.

41 Agus *bithidh* gach nì snàigeach a shnàigeas air an talamh, 'na ghràineil-eachd: cha'n ithear e.

42 Gach nì a dh'imicheas air a' bhroinn, agus gach nì a dh'imicheas air cheithir *chosan*, no ge b'e air bith aig am bheil tuilleadh chosan am measg nan uile nithe snàigeach a shnàigeas air an talamh; cha'n ith sibh iad, oir is gràineileachd iad.

43 Cha dean sibh sibh féin gràineil le nì snàigeach sam bith a shnàigeas, cha mhò nì sibh sibh féin neòghlan leo, air chor is gu'n truaillear sibh leo.

44 Oir is mise an Tighearna bhur Dia: naomhaichidh sibh air an aobhar sin sibh féin, agus bithidh sibh naomha; oir *a ta* mise naomha: agus cha truaill sibh sibh féin¹ le nì snàigeach sam bith a shnàigeas air an talamh.

45 Oir is mise an Tighearna a thug sibhse a mach á tìr na h-Eiphit, gu bhì am Dhia agaibh; bithidh sibhse uime sin naomha, oir *a ta* mise naomha.

46 *Is e* so lagh nan ainmhidh, agus nan eunlaith, agus gach dùil² bheò a ghluaiseas anns na h-uisgeachaibh, agus gach dùil a shnàigeas air an talamh:

47 A chur dealachaidh eadar an neòghlan agus an glan, agus eadar am beathach a dh'fheudar itheadh, agus am beathach nach feudar itheadh.

CAIB. XII.

1 *Neòghloine bhan an dèigh breith cloinne*, 6 *agus an iobairtean*.

AGUS labhair an Tighearna ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac, an sin bithidh i neòghlan seachd làithean; a réir làithean *a* dealachaidh air son a h-anmhuinneachd³ bithidh i neòghlan.

3 Agus air an ochdamh là timchioll-ghearrar feoil a roimh-chroicinn.

4 Agus fanaidh i an sin trì làithe deug⁴ ar fhichead ann fuil a glanaidh: cha bhean i ri nì naomha sam bith, agus cha tig i steach do'n ionad naomha, gu's an coimhlionar làithean a glanaidh.

5 Ach ma bheireas i leanabh nighinn, an sin bithidh i neòghlan dà sheachdain, mar 'na dealachadh: agus fanaidh i ann am fuil a glanaidh trì fichead agus sè làithean.

6 Agus an uair a choimhlionar làithean a glanaidh air son mic, no air son nighinn, bheir i uan do'n cheud bhliadhna chum iobairt-loisgte, agus cùman òg, no *eun*

turtuir chum iobairt-pheacaidh, gu dorus pàilliuin⁵ choimhthionail, a dh'ionnsuidh an t-sagairt:

7 Agus bheir e seachad e an làthair an Tighearna, agus nì e réite air a son, agus glanar i o ruth⁶ a fola, *Is e* so an lagh air a son-sa a bheireas mac no nighean.

8 Agus mur urrainn i uan a thoirt leatha, an sin bheir i leatha dà thurtur, no dà choluman òg; fear dhiubh chum iobairt-loisgte, agus am fear eile chum iobairt-pheacaidh; agus nì an sagart réite air a son, agus bithidh i glan.

CAIB. XIII.

1 *Na riaghailtean agus na comharan leis an aithnich an sagart plàigh na luibhre*.

AGUS labhair an Tighearna ri Maois agus ri h-Aaron, ag ràdh,

2 'Nuair a bhios aig duine ann an croicinn 'fheòla atadh, no guirein⁷, no ball⁸ soiller, agus gu'm bì e ann an croicinn 'fheòla *cosmhuil* ri plàigh luibhre; an sin bheirear e gu h-Aaron an sagart, no gu h-aon d'a mhic, na sagartan.

3 Agus amhaircidh an sagart air a' phlàigh ann an croicinn 'fheòla; agus *an uair* a bhios am fionnadh sa' phlàigh air tionndadh⁹ gu bànn, agus *a bhios* a' phlàigh r'a faicinn nì's doimhne na croicinn 'fheòla; is plàigh luibhre a th'ann: agus amhaircidh an sagart air, agus gairmidh e⁸ neòghlan e.

4 Ach ma *tha* am ball soilleir ann an croicinn 'fheòla bànn, agus gun e bhì r'a fhaicinn nì's doimhne na 'n croicinn, agus gun 'fhionnadh bhì air tionndadh gu bànn; an sin druididh an sagart a stigh *esan air am bheil* a' phlàigh seachd làithean.

5 Agus amhaircidh an sagart air, air an t-seachdamh là; agus, feuch, *ma* tha phlàigh 'na shealladh air stad, agus gun a' phlàigh bhì sgaoileadh sa' chroicinn; an sin druididh an sagart a stigh e seachd làithean eile.

6 Agus amhaircidh an sagart air a rìs air an t-seachdamh là, agus, feuch, *ma bhios* a' phlàigh càil-éigin⁹ dorcha, agus nach 'eil a' phlàigh air sgaoileadh sa' chroicinn, gairmidh an sagart glan e: *cha'n' eil* ann ach guirein; agus nighidh e 'eudach, agus bithidh e glan.

7 Ach ma sgaoil an guirein gu mòr a mach sa' chroicinn, an dèigh dha bhì air 'fhaicinn leis an t-sagart a chum a ghlanaidh; chithear e rìs leis an t-sagart.

8 Agus amhaircidh an sagart air, agus, feuch, *ma* tha 'n guirein air sgaoileadh sa' chroicinn, an sin gairmidh an sagart e neòghlan: is luibhre a th' ann.

9 An uair a bhios plàigh luibhre air duine, an sin bheirear e chum an t-sagairt:

¹ *bhur n-anamanna*. Eabh.

² *creutair*.

³ *laigse*.

⁴ *ruidh, dhòrtadh*.

⁵ *scab*.

⁶ *leus*.

⁷ *iompochadh, atharrachadh, caochladh*.

⁸ *cuiridh e 'n cèill*.

⁹ *nì-éigin, raod-éigin*.

LEBHITICUS, XIII.

10 Agus amhaircidh an sagart *air*: agus, feuch, *ma tha* atadh bàn sa' chroic-ionn, agus gu'n do thionndaidh e am fionnadh gu bàn, agus *gu'm bheil* feoil bheò dhearg san atadh,

11 Is seann luibhre a th'ann, ann an croic-ionn¹ 'fheòla; agus gairmidh an sagart e neòghlan, agus cha druid e stigh e, oir *tha* e neòghlan.

12 Agus ma bhriseas luibhre gu mòr a mach sa' chroic-ionn, agus gu'n còmh-daich¹ an luibhre croic-ionn *an neach air am bheil* a' phlàigh uile o 'cheann gu 'throidh, ge b'e ball air an amhairc an sagart;

13 An sin bheir an sagart fa'near: agus, feuch, *ma* còmhdaich an luibhre 'fheoil uile, gairmidh e *esan* glan *air am bheil* a' phlàigh: thionndaidheadh e uile gu bàn; *tha* e glan.

14 Ach an uair a bhios feoil dhearg r'a faicinn air, bithidh e neòghlan.

15 Agus amhaircidh an sagart air an fheoil dheirg, agus gairmidh e neòghlan e; oir *tha* 'n fheoil dhearg neòghlan: *is* luibhre a th'ann.

16 Ach ma thig an fheoil dhearg air a h-ais a rìs, agus gu'n tionndaidhear gu bàn i, thig e chum an t-sagairt,

17 Agus amhaircidh an sagart air: agus, feuch, *ma* tha phlàigh air tionndadh gu bàn, an sin gairmidh an sagart *esan* glan *air am bheil* a' phlàigh: *tha* e glan.

18 An fheoil mar an ceudna anns an robh, *eadhon*² 'na croic-ionn, neascaid, agus a leighiseadh,

19 Agus aig am bheil ann an àite na neascaid atadh bàn, no ball soilleir bàn, càileigin dearg, nochdar² do'n t-sagart e;

20 Agus ma 'se 'nuair a chi an sagart e, feuch, gu bheil e r'a fhaicinn ni's doimhne na'n croic-ionn, agus 'fhionnadh air a thionndadh gu bàn; gairmidh an sagart neòghlan e: *is* plàigh luibhre a th'ann air briseadh a mach anns an neascaid.

21 Ach ma dh'amhairceas an sagart air, agus, feuch, *nach* 'eil fionnadh bàn air bith ann, agus gun e ni's doimhne na'n croic-ionn, ach càil-eigin dorchà; an sin druididh an sagart a stigh e seachd làithean.

22 Agus ma tha e air sgaoileadh a mach gu mòr sa' chroic-ionn, an sin gairmidh an sagart e neòghlan; *is* plàigh a th'ann.

23 Ach ma tha'm ball soilleir air stad 'na àite, gun e air sgaoileadh, *is* neascaid loisgeach a th'ann; agus gairmidh an sagart glan e.

24 No *ma* bhios feoil *air bith ann*, aig am bheil 'na croic-ionn losgadh teth, agus gu'm bi anns an *fheoil* bheò a ta losgadh

ball bàn soilleir, càil-eigin dearg, no bàn;

25 An sin amhaircidh an sagart air; agus, feuch, *ma tha* 'm fionnadh anns a' bhall soilleir air tionndadh gu bàn, agus e r'a fhaicinn ni's doimhne na'n croic-ionn; *is* luibhre a th'ann air briseadh a mach anns an losgadh: uime sin gairmidh an sagart neòghlan e; *is* plàigh luibhre a th'ann.

26 Ach ma dh'amhairceas an sagart air, agus, feuch, *nach* 'eil fionnadh bàn air bith air a' bhall soilleir, agus nach 'eil e ni's doimhne na'n croic-ionn *eile*, ach *gu bheil* e càil-eigin dorchà; an sin druididh an sagart a stigh e seachd làithean.

27 Agus amhaircidh an sagart air, air an t-seachdamh là, agus ma tha e air sgaoileadh a mach gu mòr sa' chroic-ionn, an sin gairmidh an sagart neòghlan e; *is* plàigh luibhre a th'ann.

28 Agus ma tha 'm ball soilleir air stad 'na àite, gun e air sgaoileadh sa' chroic-ionn, ach e càil-eigin dorchà; *is* atadh o'n losgadh a th'ann, agus gairmidh an sagart glan e; oir *is* leannachadh³ a th'ann o'n losgadh.

29 Ma tha aig duine no mnaoi plàigh air a' cheann, no air an fheusaig;

30 An sin amhaircidh an sagart air a' phlàigh: agus, feuch, *ma tha* i r'a faicinn na's doimhne na'n croic-ionn, agus fionnadh tana buidhe innte; an sin gairmidh an sagart neòghlan e: *is* càrr tioram a th'ann, *eadhon* luibhre air a' cheann, no air an fheusaig.

31 Agus ma dh'amhairceas an sagart air plàigh a' charra, agus, feuch, *nach* 'eil i r'a faicinn ni's doimhne na'n croic-ionn, agus nach 'eil fionnadh dubh sam bith innte; an sin druididh an sagart a stigh *esan* air *am bheil* plàigh a' charra, seachd làithean.

32 Agus amhaircidh an sagart air a' phlàigh air an t-seachdamh là, agus, feuch, mur 'eil an càrr air sgaoileadh, agus nach 'eil fionnadh buidhe sam bith ann, agus nach 'eil an càrr r'a fhaicinn ni's doimhne na'n croic-ionn;

33 An sin bearrar⁴ e, ach an càrr cha bhearr e; agus druididh an sagart a stigh *esan* air *am bheil* an càrr, seachd làithean eile.

34 Agus air an t-seachdamh là, amhaircidh an sagart air a' chàrr: agus, feuch, mur 'eil an càrr air sgaoileadh sa' chroic-ionn, no r'a fhaicinn ni's doimhne na'n croic-ionn; an sin gairmidh an sagart glan e: agus nighidh e 'eudach, agus bithidh e glan.

35 Ach ma tha an càrr air sgaoileadh gu mòr sa' chroic-ionn an déigh⁵ a ghlanaidh;

¹ cuibhrig, folach.

² feuchar, taisbeanar.

³ feargachadh, lasadh, teas.

⁴ lomar.

⁵ an deis.

LEBHITICUS, XIII. XIV.

36 An sin amhaircidh an sagart air, agus, feuch, ma tha an càrr air sgaoileadh sa' chroicinn, cha 'n iarr an sagart fionnadh buidhe: *tha* e neòghlan.

37 Ach ma tha an càrr 'na shealladh air stad, agus *ma tha* fionnadh dubh air fàs suas ann, leighiseadh¹ an càrr, tha e glan: agus gairmidh an sagart glan e.

38 Ma bhios, mar an ceudna, aig duine no aig mnaoi, ann an croicinn am feòla, buill shoilleir, *eadhon* buill bhàna shoilleir;

39 An sin amhaircidh an sagart: agus, feuch, ma tha na buill shoilleir ann an croicinn am feòla odhar-bhàn², is leus³ teas e air fàs sa' chroicinn: *tha* e glan.

40 Agus an duine aig am bheil a cheann air failleadh, *tha* e maol: *gidheadh tha* e glan.

41 Agus esan aig am bheil 'fholt air failleadh do'n chuid sin d'a cheann tha leth r'a eudan, *tha* e maol-bhathaiseach; *gidheadh tha* e glan.

42 Agus ma tha 'na cheann maol, no 'na bhathais mhaol creuchd bhàn càil-eigin dearg; is luibhre a th'ann air fàs suas 'na cheann maol, no 'na bhathais mhaol.

43 An sin amhaircidh an sagart air; agus, feuch, *ma tha* atadh no creuchda bàn-dhearg 'na mhaol-cheann, no 'na mhaol-bhathais, mar a nochdar an luibhre ann an croicinn na feòla;

44 Is duine lobhrach e, *tha* e neòghlan: gairmidh an sagart e neòghlan gu h-iomlan; *tha* a' phlàigh 'na cheann.

45 Agus an lobhar air am *bheil* a' phlàigh, reubar 'eudach, agus bithidh a cheann lomnochd, agus cuiridh e folach air a bhl⁴ a' uachdaraich, agus gladhaidh e, Neòghlan, neòghlan,

46 Rè nan uile làithean a *bhios* a' phlàigh air, bithidh e salach; *tha* e neòghlan: gabhaidh e comhnuidh 'na aonar; an taobh a muigh do'n champ *bithidh* 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, na ma's eudach lìn e.

48 Ma's ann a *tha* i san dlùth, no san inneach⁵, do lion no dh' olainn, ma's ann an croicinn, no ann an ni sam bith deanta do chroicinn:

49 Agus ma tha phlàigh uaine no dearg⁶ san eudach, no sa' chroicinn, aon chuid san dlùth no san inneach, no ann an ni sam bith deanta do chroicinn; is plàigh luibhre a th'ann agus feuchar⁷ i do'n t-sagart.

50 Agus amhaircidh an sagart air a' phlàigh agus druididh e stigh an ni anns am *bheil* a' phlàigh seachd làithean.

51 Agus amhaircidh e air a' phlàigh air

an t-seachdamh là: ma tha phlàigh air sgaoileadh san eudach, aon chuid san dlùth no san inneach, no ann an croicinn, no ann an obair sam bith deanta do chroicinn; is luibhre chnàmhanach a' phlàigh: *tha* e neòghlan.

52 Loisgidh e uime sin an t-eudach, ma's dlùth no inneach, ann an olainn no ann an lion, no ni air bith deanta do chroicinn, anns a' bheil a' phlàigh: oir is luibhre chnàmhanach a th'ann; loisgear e san teine.

53 Agus ma dh'amhairceas an sagart, agus, feuch, nach 'eil a' phlàigh air sgaoileadh san eudach, aon chuid san dlùth, no san inneach, no ann an ni sam bith deanta do chroicinn;

54 An sin àithnidh an sagart dhoibh an ni anns a' *bheil* a' phlàigh a nigheadh, agus druididh e stigh e seachd làithean eile.

55 Agus amhaircidh an sagart air a' phlàigh an déigh a nigheadh: agus, feuch, mur do mhùth a' phlàigh a dath, agus mur do sgaoil a' phlàigh, *tha* e neòghlan; loisgidh tu san teine e: is cnàmhan an leth stigh e, ma's lom a stigh no muigh e.

56 Agus ma dh'amhairceas an sagart, agus, feuch, *gu bheil* a' phlàigh càil-eigin dorch a déigh a nigheadh; an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast san eudach, aon chuid san dlùth, no san inneach, no ann an ni air bith deanta do chroicinn; is plàigh sgaoilteach a th'ann: loisgidh tu le teine an ni anns a' *bheil* a' phlàigh.

58 Agus an t-eudach, ma's dlùth, no inneach e, no ni air bith deanta do chroicinn, a nigheas tu, ma chaidh a' phlàigh asda, an sin nighear e an dara uair, agus bithidh e glan.

59 Is e so lagh plàigh na luibhre ann an eudach olla no lìn, anns an dlùth, no anns an inneach, no ann an ni sam bith deanta do chroicinn, chum a ghairm glan, no 'ghairm neòghlan.

CAIB. XIV.

1 An lagh agus na h-ìobairtean leis an glanar an lobhar. 33 Comharan luibhre ann an tigh: 48 mar a ghlanar an tigh sin.

AGUS labhair an Tighearna ri Maois, ag ràdh,

2 Bithidh so 'na lagh do'n lobhar, ann an là a ghlanaidh: Bheirear e chum an t-sagairt;

3 Agus théid an sagart a mach as a' champ; agus amhaircidh an sagart, agus feuch, *ma* leighiseadh plàigh na luibhre anns an lobhar:

¹ do leighiseadh.

² dorch bhàn.

³ pucoid.

⁴ lip.

⁵ sa' chur.

⁶ ro uaine no ro dhearg. Eabh.

⁷ nochdar.

LEBHITICUS, XIV

4 An sin àithnidh an sagart gu'n gabhar air a shon-san a tha gu bhli air a ghlanadh, dà eun bheò ghlàn, agus fiodh seudair, agus scarlaid, agus hiosop.

5 Agus àithnidh an sagart gu marbhar aon do na h-eunaibh ann an soitheach creadha, os ceann uisge ruith¹.

6 A thaobh an eoin bheò, gabhaidh se e, agus am fiodh seudair, agus an scarlaid, agus an hiosop, agus tumaidh e iad agus an t-eun beò, ann am fuil an eoina mharbhadh os ceann an uisge ruith.

7 Agus crathaidh e air-san a ta gu bhli air a ghlanadh o'n luibhre, seachd uairean, agus gairmidh e glàn e, agus leigidh e as an t-eun beò air aghaidh na macharach.

8 Agus nighidh esan a ta gu bhli air a ghlanadh² eudach, agus bearraidh e dheth³ fhionnadh uile, agus nighidh se e féin ann an uisge, chum gu'm bi e glàn: agus 'na dhéigh sin thig e steach do'n champ, agus fanaidh e mach as a' bhùth seachd làithean.

9 Ach air an t-seachdamh là, bearraidh e uile fholt a chinn, agus 'fheusag, agus mailghean a shùil, eadhon⁴ 'fhionnadh uile bearraidh e dheth: agus nighidh e 'eudach, nighidh e mar an ceudna 'fheoil ann an uisge, agus bithidh e glàn.

10 Agus, air an ochdamh là, gabhaidh e dà uan fhìrionn gun ghaoid, agus aon uan boirionn do'n cheud bhliadhnagun ghaoid, agus trì deich earrannan² do phlùr min mar thabhartas-bìdh, measgta le h-oladh, agus aon log³ olaidh.

11 Agus nochdaidh⁴ an sagart a ni glàn e, an duine a ta r'a ghlanadh, agus na nithe sin an làthair an Tighearn, aig dorus pàilliuin a' chloimhthionail:

12 Agus gabhaidh an sagart aon uan fìrionn, agus bheir e seachad e mar ìobairt-eusaontais, agus an log olaidh, agus luaisgidh e iad mar thabhartas-luaisgte am fianuis an Tighearn.

13 Agus marbhaidh e 'n t-uan anns an àite sam marbh e 'n ìobairt-pheacaidh agus an ìobairt-loisgte, anns an ionad naomh; oir mar is leis an t-sagart an ìobairt-pheacaidh, is amhuil sin an ìobairt-eusaontais: tha i ro naomh.

14 Agus gabhaidh an sagart cuid do fhuil na h-ìobairt-eusaontais, agus cuiridh an sagart i air bàrr cluaise deise an neach a ta r'a ghlanadh, agus air ordaig a làimhe deise, agus air ordaig a chois deise.

15 Agus gabhaidh an sagart cuid do'n log olaidh, agus doirtidh e i ann an glaic a làimhe clìthe féin.

16 Agus tumaidh an sagart a mheur deas san oladh a ta 'na làimh chli, agus crathaidh e cuid do'n oladh le 'mheur, seachd

uairean an làthair an Tighearn.

17 Agus do'n chuid eile do'n oladh a ta 'na làimh, cuiridh an sagart air bàrr cluaise deise an neach a ta r'a ghlanadh, agus air ordaig a làimhe deise, agus air ordaig a chois deise, air fuil na h-ìobairt-eusaontais.

18 Agus fuigheall na h-olaidh, a ta 'n làimh an t-sagairt, doirtidh e air ceann an neach a ta r'a ghlanadh: agus ni an sagart réite air a shon am fianuis an Tighearn.

19 Agus ìobraidh an sagart an ìobairt-pheacaidh, agus ni e réite air a shon-san a ta r'a ghlanadh o' neòghloine, agus 'na dhéigh sin marbhaidh e 'n ìobairt-loisgte.

20 Agus bheir an sagart seachad an ìobairt-loisgte, agus an tabhartas-bìdh air an altair: agus ni an sagart réite air a shon, agus bithidh e glàn.

21 Agus ma tha e bochd, agus nach urrainn e an uiread sin fhaghail⁵; an sin gabhaidh e aon uan chum ìobairt-eusaontais gu bhli air a huasgadh, a dheanamh réite air a shon, agus aon deicheamh earrann⁶ do phlùr min measgta le h-oladh, mar thabhartas-bìdh, agus log olaidh;

22 Agus dà thurtur, no dà choluman òg, mar is urrainn e⁷ fhaghail; agus bithidh fear dhiubh 'na ìobairt-pheacaidh, agus am fear eile 'na ìobairt-loisgte.

23 Agus bheir e iad air an ochdamh là, air son a ghlanaidh, chum an t-sagairt, gu dorus pàilliuin a' choimhthionail an làthair an Tighearn.

24 Agus gabhaidh an sagart uan na h-ìobairt-eusaontais, agus an log olaidh, agus luaisgidh an sagart iad mar thabhartas-luaisgte an làthair an Tighearn.

25 Agus marbhaidh e uan na h-ìobairt-eusaontais, agus gabhaidh an sagart cuid do fhuil na h-ìobairt-eusaontais, agus cuiridh e i air bàrr cluaise deise an fhir a ta r'a ghlanadh, agus air ordaig a làimhe deise, agus air ordaig a chois deise.

26 Agus doirtidh an sagart cuid do'n oladh ann an glaic a làimhe clìthe féin.

27 Agus crathaidh an sagart le 'mheur deas cuid do'n oladh a ta 'na làimh chli seachd uairean am fianuis an Tighearn.

28 Agus cuiridh an sagart cuid do'n oladh a ta 'na làimh, air bàrr cluaise deise an fhir a ta r'a ghlanadh, agus air ordaig a làimhe deise, agus air ordaig a chois deise, air ionad fola na h-ìobairt-eusaontais.

29 Agus a' chuid eile do'n oladh a ta an làimh an t-sagairt, cuiridh e air ceann an fhir a ta r'a ghlanadh, a dheanamh réite air a shon am fianuis an Tighearn.

30 Agus ìobraidh e fear do na turtuir, no do na columain òga, mar is urrainn e fhaghail;

¹ ruith uisge, fìor-uisge; uisge beò. Eabh.

² codacha.

³ tomhas trì cheithreanna pìnnle

shasgonach.

⁴ taisbeanaidh.

⁵ fhaigheil, fhaotainn.

⁶ cuid.

⁷ mar a thig leis; ni air an ruig a làmh. Eabh.

LEBHITICUS, XIV. XV.

31 *Eadhon* an ni is urrainn e fhaghail, fear mar iobairt-pheacaidh, agus am fear eile mar iobairt-loisgte, maille ris an tabhartas-blhìd. Agus ni an sagart réite air a shòn-san a ta r'a ghlanadh, am fianuis an Tighearn.

32 So lagh an *fhìr* anns a' *bheil* plàigh na luibhre, neach nach ruig a làmh air an *ni sin* a *bhuineas* d'a ghlanadh.

33 Agus labhair an Tighearna ri Maois, agus ri h-Aaron, ag ràdh,

34 An uair a thig sibh do thìr Chanaain, a bheir mise dhuibh mar sheilbh, agus a chuireas mi plàigh luibhre ann an tigh fearainn bhur seilbhe;

35 Agus gu'n tig esan d'am buin an tigh agus gu'n innis e do'n t-sagart, ag ràdh, A réir mo bharail-sa tha mar gu'n bu phlàigh *luibhre* san tigh:

36 An sin àithmidh an sagart dhoibh an tigh fhalmhachadh¹ mun téid an sagart a *stigh ann* a dh'fhaicinn na plàigh; chum nach deanar gach ni a *tha* san tigh neòghlan: agus 'na dhéigh sin, théid an sagart a steach a dh'fhaicinn an tigh.

37 Agus amhaircidh e air a' phlàigh, agus, feuch, *ma bhios* a' phlàigh ann am ballaibh an tigh, le stiallaibh domhain², càileigin uaine no dearga, a *tha* r'am faicinn³ nì's isle na 'm balla:

38 An sin théid an sagart a mach as an tigh gu dorus an tigh, agus bheir e fa' near an tigh a dhùnadh suas seachd làithean.

39 Agus thig an sagart a ris air an t-seachdamh là, agus amhaircidh e: agus, feuch, *ma bhios* a' phlàigh air sgaoileadh ann am ballaibh an tigh;

40 An sin àithnidh an sagart iad a thoirt air falbh nan clach, anns a' *bheil* a' phlàigh, agus tilgidh iad ann an àite neòghlan iad an taobh a mach do'n bhaile.

41 Agus bheir e fa' near an tigh a sgrìobadh air an taobh a stigh mu'n cuairt, agus tilgidh⁴ iad a mach an duslach a sgrìobas iad deth, an taobh a muigh do'n bhaile gu àite neòghlan.

42 Agus gabhaidh iad clachan eile, agus cuiridh iad ann an àite nan clach ud *iad*; agus gabhaidh e criadh⁵ eile, agus còmhdaichidh e thairis⁶ an tigh *leath*a.

43 Agus ma thig a' phlàigh a ris, agus *ma* bhriseas i mach san tigh, an déigh dha na clachan a thoirt air falbh, agus an déigh dha an tigh a sgrìobadh, agus an déigh *dha* a còmhhdachadh thairis *le creidh*;

44 An sin thig an sagart agus amhaircidh e, agus, feuch, ma tha phlàigh air sgaoileadh na luibhre, *is* luibhre chnàmhain i san tigh; *tha* e neòghlan.

45 Agus brisidh e sìos an tigh, a chlach-

an, agus 'fhiodh, agus criadh an tigh e uile: agus bheir e fa' near an giùlan a mach as a' bhaile gu h-ionad neòghlan.

46 Agus bithidh esan a théid a stigh do'n tigh rè na h-ùine a dhruidear suas e, neòghlan gu feasgar.

47 Agus nighidh esan a luidheas anns an tigh 'eudach: agus nighidh esan a dh'itheas anns an tigh 'eudach.

48 Agus ma théid an sagart a stigh, agus gu'n amhaire e *air*, agus, feuch, nach do sgaoil a' phlàigh san tigh, an déigh an tigh a còmhhdachadh thairis; an sin gairmidh an sagart an tigh glan, a chionn gu'n do leighiseadh a' phlàigh.

49 Agus gabhaidh e chum an tigh a ghlanadh dà eun, agus fiodh seudair, agus scarlaid, agus hiosop.

50 Agus marbhaidh e fear do na h-eun-
aibh ann an soithcach creadha, os ceann uisge ruith.

51 Agus gabhaidh e am fiodh seudair, agus an hiosop, agus an scarlaid, agus an t-eun beò, agus tumaidh e iad ann am fuil an eoin a chaidh mharbhadh, agus anns an uisge ruith; agus crathaidh e air an tigh seachd uairean.

52 Agus glanaidh e an tigh le fuil an eoin, agus leis an uisge ruith, agus leis an eun bheò, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beò an taobh a mach do'n bhaile, air aghaidh na macharach, agus ni e réite air son an tigh: agus bithidh e glan.

54 So an lagh air son gach gnè do phlàigh luibhre, agus do chàrr,

55 Agus air son luibhre eudaich, agus air son tigh,

56 Agus air son ataidh, agus air son guirein, agus air son buill shoilleir;

57 A theagasg c'uin a *bhios* e neòghlan, agus c'uin a *bhios* e glan: *is* e so lagh na luibhre.

CAIB. XV.

1, 19 *Nèd-ghloine* le *siltichibh*: 13, 28 *Mar a ghlanar iad*.

A GUS labhair an Tighearna ri Maois, agus ri h-Aaron, ag ràdh,

2 Labhraibh ri cloinn Israeil, agus abraibh riu, 'Nuair a bhios aig duine sam bith silteach o 'fheoil, air son a shiltich *bithidh* e neòghlan.

3 Agus is e so a neòghloine 'na shilteach: ma shileas 'fheoil a mach a sìleadh, no ma dhùinear 'fheoil suas o shilteach, *is* e so a neòghloine.

4 Gach leabadh air an luidh esan air am bheil silteach, bithidh i neòghlan: agus gach ni air an suidh e, bithidh e neòghlan.

5 Agus gach neach a bheanas r'a leab-

¹ fhàgail fulamh.

³ san amharc.

² claisichle.

⁴ dòirtidh. Eabh.

⁵ làthach, creuch; mortar. Sasg.

⁶ spairtidh; plaister. Sasg.

aìdh, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

6 Agus esan a shuidheas air ni sam bith air an do shuidh neach air am bheil silt-each, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

7 Agus esan a bheanas ri feoil ueach air am bheil silteach, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

8 Agus ma thilgeas esan air am bheil silteach smugaidh a' fàgail, an sin nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

9 Agus gach diollaid air am marcaich esan air am bheil silteach, bithidh i neòghlan.

10 Agus gach neach a bheanas ri ni sam bith a bha fuidhe, bithidh e neòghlan gu feasgar: agus esan a ghiùlaines a h-aon air bith do na nithibh sin, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

11 Agus gach neach ris am bean esan air am bheil silteach, agus nach d'ionnlaid a làmhnan ann an uisge, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

12 Agus an soitheach creadha ris am bean esan air am bheil silteach, brisear e; agus gach soitheach fiodha, nighear ann an uisge e.

13 Agus an uair a ghlanar esan air am bheil silteach o' shilteach, an sin àirmhidh e dha fèin seachd làithean air son a ghlanaidh, agus nìghidh e 'eudach, agus ionnlaididh e 'fheoil ann an uisge ruith, agus bithidh e glan.

14 Agus air an ochdamh là gabhaidh e dha fèin dà thurtur, no dà choluman òg, agus thig e an làthair an Tighearna, gu dorus pailliuin a' choimhlthionail, agus bheir e iad do'n t-sagart.

15 Agus ìobraidh¹ an sagart iad, aon diubh mar ìobairt-pheacaidh, agus an t-aon eile mar ìobairt-loisgte; agus ni an sagart rèite air a shon an làthair an Tigh eam a thaobh a shiltich.

16 Agus ma dh'fhalbhas a shìol-gin o dhuine sam bith, an sin nìghidh e 'fheoil uile ann an uisge, agus bithidh e neòghlan gu feasgar.

17 Agus gach eudach, agus gach croic-ionn air am bi an sìol-gin, nighear e ann an uisge, agus bithidh e neòghlan gu feasgar,

18 Mar an ceudna, a' bhean leis an luidh

fear le sìol-gin, nìghidh iad *araon iad fèin* ann an uisge, agus bithidh iad neòghlan gu feasgar.

19 Agus an uair a bhios silteach air mnaoi, agus gur fuil a bhios 'na silteach 'na feoil, seachd làithean cuirear air leth i; agus gach neach a bheanas rithe, bithidh e neòghlan gu feasgar.

20 Agus gach ni air an luidh i 'nuair a chuirear air leth i, bithidh e neòghlan: gach ni mar an ceudna air an suidh i, bithidh e neòghlan.

21 Agus gach neach a bheanas r'a leabaidh nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

22 Agus gach neach a bheanas ri ni sam bith air an do shuidh i, nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

23 Agus ma bhios e air a leabaidh, no air ni sam bith air an suidh i, 'nuair a bheanas e ris, bithidh e neòghlan gu feasgar.

24 Agus ma luidheas fear sam bith maille rithe, agus gu'm bi a fuil-mòs air, bithidh e neòghlan seachd làithean, agus bithidh gach leabadh air an luidh e neòghlan.

25 Agus an uair a bhios a silteach fola air mnaoi mòran do làithibh, cha 'n ann an am a dealachaidh, no ma shileas e an deigh am a dealachaidh, bithidh uile làithean silidh a neòghloine mar làithean a dealachaidh: bithidh i neòghlan.

26 Gach leabadh air an luidh i rè uile làithean a siltich, bithidh i dh'i mar leabaidh a dealachaidh: agus gach ni air an suidh i, bithidh e neòghlan, a réir neòghloine a dealachaidh.

27 Agus gach neach a bheanas ris na nithibh sin, bithidh e neòghlan; agus nìghidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

28 Ach ma ghlanar i o' silteach, an sin àirmhidh i dh'i fèin seachd làithean, agus an deigh sin bithidh i glan:

29 Agus air an ochdamh là gabhaidh i dh'i fèin dà thurtur, no dà choluman òg, agus bheir i iad a dh'ionnsuidh an t-sagart, gu dorus pailliuin a' choimhlthionail:

30 Agus ìobraidh an sagart aon diubh mar ìobairt-pheacaidh, agus an t-aon eile mar ìobairt-loisgte; agus ni an sagart rèite air a shon an làthair an Tighearn, air son siltich a neòghloine.

31 Mar so dealachidh sibh clann Israeil o'n neòghloine, chum as nach bàsaich iad 'nan neòghloine, 'nuair a thruaill² iad mo phailliuin-sa a ta 'nam measg.

32 Is e so lagh an fhir air am bheil silt-

¹ ni. Eabh.

² mhi-naomhaicheas.

each, agus an *fhìr* sin aig an téid a shìol uaidh, agus a shalaichear leis;

33 Agus na *mnà* a bhios gu tinn ann an àm a dealachaidh, agus an neach sin air am bi sìlteach, an *fhìr*, agus na *mnà*, agus an duine *sin* a luidheas leatha-sa a ta neòghlan.

CAIB. XVI.

11 *Iobairt-pheacaidh an àrd-shagairt.* 20 *Am boc-gaibhre a leigeadh as beo.* 29 *Féill a' ghlanaidh.*

AUS labhair an Tighearna ri Maois an déigh bàis dhithis mhac Aaroim, an uair a thug iad seachad tabhartas an làthair an Tighearna, agus a bhàsaich iad: 2 Agus thubhairt an Tighearna ri Maois, Labhair ri h-Aaron do bhràthair, a chum nach téid e anns gach àm a steach do'n *ionad* naomh an taobh a stigh do'n roinn-bhrat, an làthair na caithir-thròcair, a *ta* air an àire; a chum nach bàsaich e: oir foillsichidh¹ mise mi féin ann an neul air a' chaithir-thròcair.

3 Mar so théid Aaron a steach do'n *ionad* naomh: le tarbh òg chum iobairt-pheacaidh, agus reithe chum iobairt-loisgte.

4 An còta anairt naomha cuiridh e air, agus bithidh na brigisean anairt aige air² fheoil, agus leis a' chrìos anairt crìoslaichidh se e féin, agus cuiridh e an crùn-anairt air: is éididh naomha iad sin: air an aobhar sin ionnlaidh e³ fheoil ann an uisge, agus cuiridh e air iad.

5 Agus o choimhthional chloinn Israeil gabhaidh e dà bhoc⁴ o na gabhraibh chum iobairt-pheacaidh, agus aon reithe chum iobairt-loisgte.

6 Agus bheir Aaron seachad tarbh na h-iobairt-pheacaidh a *bhios* air a shon féin: agus ni e réite air a shon féin, agus air son a thighe.

7 Agus gabhaidh e an dà bhoc-gaibhre, agus nochdaidh e iad an làthair an Tighearna, aig dorus pàilluin a' choimhthionail.

8 Agus tilgidh Aaron croinn⁵ air an dà bhoc; aon chrann air son an Tighearna, agus crann eile air son a' bhuic a théid as.

9 Agus bheir Aaron leis am boc air an do thuit an crann air son an Tighearna, agus iobraidh se e mar iobairt-pheacaidh.

10 Ach am boc air an do thuit an crann gu'n leigeadh as e, nochdar beò e an làthair an Tighearna, gu réite a dheanamh leis, chum a leigeadh as saor do'n fhàsach.

11 Agus bheir Aaron leis tarbh na h-iobairt-pheacaidh, a *bhios* air a shon féin, agus ni e réite air a shon féin, agus air son a thighe; agus marbhaidh e tarbh na h-iobairt-pheacaidh, a *bhios* air a shon féin.

12 Agus gabhaidh e tuiseir làn a dh'èibh-

libh teine o'n altair an làthair an Tighearna, agus làn a ghlac do thùis dheadh-bholaidh prònta gu min, agus bheir e 'n taobh a stigh do'n roinn-bhrat e.

13 Agus cuiridh e an tùis air an teine an làthair an Tighearna, chum gu'n còmhdaich neul na tùise a' chaithir-thròcair, a *ta* air an Fhianuis, agus nach faigh e bàs.

14 Agus gabhaidh e do fhuil an tairbh, agus crathaidh e i le 'mheur air a' chaithir-thròcair chum na h-àird an ear: agus fa chomhair na caithir-thròcair crathaidh e do'n fhuil seachd uairean le 'mheur.

15 An sin marbhaidh e boc-gaibhre na h-iobairt-pheacaidh a *bhios* air son an t-sluaigh, agus bheir e⁶ fhuil an taobh a stigh do'n roinn-bhrat, agus ni e r'a fhuil-san mar a rinn e ri fuil an tairbh, agus crathaidh e i air a' chaithir-thròcair, agus fa chomhair na caithir-thròcair.

16 Agus ni e réite air son an *ionaid* naoimh thaobh neòghloine chloinn Israeil, agus a thaobh an seachrana⁷ nam peacannaibh gu léir: agus mar so ni e air son pàilluin a' choimhthionail a ta còmh-nuidh maille riu, ann am meadhon an neòghloine.

17 Agus duine sam bith cha bhi ann am pàilluin a' choimhthionail, an uair a théid e dheanamh réite san *ionad* naomh, gus an tig e mach, agus gu bheil e air deanamh réite air a shon féin, agus air son a thighe⁸, agus air son uile choimhthionail Israeil.

18 Agus théid e mach a dh'ionnsuidh na h-altarach a *ta* 'm fianuis an Tighearna, agus ni e réite air a son; agus gabhaidh e do fhuil an tairbh, agus do fhuil a' bhuic agus cuiridh e i air adhaircibh na h-altarach mu'n cuairt.

19 Agus crathaidh e oirre do'n fhuil le 'mheur seachd uairean, agus glanaidh e i, agus naomhaichidh e i o neòghloine chloinn Israeil.

20 Agus an uair a bhios e air deanamh réite⁶ air son an *ionaid* naoimh, agus air son pàilluin a' choimhthionail, agus air son na h-altarach, bheir e leis am boc-gaibhre beò:

21 Agus cuiridh Aaron a dhà làimh air ceann a' bhuic bheò, agus aoidichidh e os a cheann uile lochdan chloinn Israeil, agus an uile sheachrana⁷ nam peacannaibh gu léir, agus cuiridh e iad air ceann a' bhuic, agus cuiridh e iad air falbh e le làimh duine iomchuidh do'n fhàsach.

22 Agus giùlainidh am boc-gaibhre air féin an lochdan gu léir gu fearann air leth⁸: agus leigidh e air falbh am boc san fhàsach.

23 Agus théid Aaron a steach do phàilluin a' choimhthionail, agus cuiridh e dheth an éididh anairt, a chuir e air an uair a

¹ *taisbernaidh.*

² *dà mheann.*

³ *crannchur.*

⁴ *zusaonta.*

⁵ *a theaghlaich.*

⁶ *'nuair a chuireas e crìoch air réite dheanamh.* Eabh. ⁷ *eu-cearta.* ⁸ *gu fearann neo-àitichte.*

LEBHITICUS, XVI. XVII.

chaidh e steach do'n ionad naomh, agus fàgaidh e 'n sin i.

24 Agus ionnlaididh e 'fheoil ann an uisge san ionad naomh, agus cuiridh e air 'éididh, agus thig e mach, agus ìobairidh e 'ìobairt-loisgte féin, agus ìobairt-loisgte an t-sluaigh; agus ni e réite air a shon féin, agus air son an t-sluaigh.

25 Agus saill na h-ìobairt-pheacaidh loisgidh e air an altair.

26 Agus esan a leig as am boc-gaibhre mar bhoc saor, nighidh e 'eudach, agus ionnlaididh e 'fheoil ann an uisge; agus 'na dhéigh sin théid e do'n champ,

27 Agus an tarbh air son na h-ìobairt-pheacaidh, agus am boc-gaibhre air son na h-ìobairt-pheacaidh, d'an d'thugadh am fuil a steach a chum réite a dheanamh san ionad naomh, bheirear a mach iad an taobh a muigh do'n champ; agus loisgidh iad san teine an croicnean, agus am feoil, agus an aolach.

28 Agus esau a loisgeas iad, nighidh e 'eudach, agus ionnlaididh e 'fheoil ann an uisge, agus 'na dhéigh sin théid e do'n champ.

29 Agus bithidh so dhuibh 'na ordugh gu sìorruidh: Anns an t-seachdamh mìos, air an deicheadh là do'n mhìos, irioslaichidh¹ sibh bhur n-anaman, agus obair sam bith cha dean sibh, aon chuid esan a tha do mhuinntir bhur dùthcha féin, no 'n coigreach a ta air chuairt 'nur measg;

30 Oir air an là sin ni an sagart réite air bhur son, chum bhur glanaidh: o bhur peacannaibh gu léir an làthair an Tighearn glanar sibh.

31 Bithidh e 'na shàbaid tàimh dhuibh, agus irioslaichidh sibh bhur n-anaman, le ordugh sìorruidh.

32 Agus ni an sagart a dh'ungas e, agus a choisrigeas e gu frithealadh ann an àit 'athar, an réite: agus cuiridh e air an éididh anairt, eadhon an trusgan naomh.

33 Agus ni e réite air son an ionaid ro naoimh, agus air son pàilliuin a' choimhthionail, agus air son na h-altarach ni e réite; mar an ceudna air son nan sagart, agus air son uile shluaigh a' choimhthionail ni e réite.

34 Agus bithidh so dhuibh 'na ordugh sìorruidh, chum réite a dheanamh air son chloinn Israeil, as leth am peacanna gu léir aon uair sa' bhliadhna. Agus rinn e mar a dh'àithn an Tighearna do Mhaois.

CAIB. XVII.

1 Mu'n ionad anns an còir ìobairtean ìobradh. 10 Cha'n fheudar fuil itheadh, 15 no feoil a reubadh le fadh-bheathaichibh.

A GUS labhair an Tighearna ri Maois, ag ràdh,

2 Labhair ri h-Aaron, agus r'a mhic,

agus ri cloinn Israeil uile, agus abair riu, So an ni a dh'àithn an Tighearn, ag ràdh,

3 Ge b'e duine air bith do thigh Israeil, a mharbhas tarbh, no uan, no gabhar anns a' champ, no mharbhas e mach as a' champ,

4 Agus nach toir e gu dorus pàilliuin a' choimhthionail, gu tabhartas a thoirt seachad do'n Tighearn air beulaobh² pàilliuin an Tighearna, cuirear fuil as leth an duine sin, dhòirt e fuil; agus gearrar as an duine sin o mheasg a shluaigh:

5 Chum as gu'n toir clann Israeil an ìobairtean, a dh'ìobras iad a muigh sa' mhachair³, eadhon gu'n toir iad a chum an Tighearn iad, gu dorus pàilliuin a' choimhthionail a dh'ionnsuidh an t-sagairt, agus gu'n ìobair iad mar ìobairtean-sìth iad do'n Tighearn.

6 Agus crathaidh an sagart an fhuil air altair an Tighearn, aig dorus pàilliuin a' choimhthionail, agus loisgidh e 'n saill a chum fàile chùbhlaidh do'n Tighearn.

7 Agus cha 'n ìobair iad ni's mò an ìobairtean do dhiabhlaibh, an déigh an deachaidh iad le striopachas: Bithidh so 'na reachd dhoibh gu sìorruidh air feadh an ginealach.

8 Agus their thu riu, Ge b'e duine air bith do thigh Israeil, no do na coigrich a bhios air chuairt 'nur measg, a bheir seachad tabhartas-loisgte no ìobairt,

9 Agus nach toir e gu dorus pàilliuin a' choimhthionail, a chum ìobradh do'n Tighearna; gearrar eadhon an duine sin as o mheasg a shluaigh.

10 Agus ge b'e duine do thigh Israeil no do na coigrich a ta air chuairt 'nur measg, a dh'itheas gnè sam bith folà; cuiridh mise mo ghluais an aghaidh an anama sin a dh'itheas fuil, agus gearradh mi as e o mheasg a shluaigh.

11 Oir tha beatha na feòla san fhuil, agus thug mi dhuibh i air an altair, a dheanamh réite air son bhur n-anamanna: oir is i 'n fhuil a ni réite air son an anama.

12 Uime sin thubhairt mi ri cloinn Israeil, Cha 'n ith anam sam bith agaibh fuil, ni mò a dh'itheas an coigreach a bhios air chuairt 'nur measg.

13 Agus ge b'e duine air bith do chloinn Israeil, no do na coigrich a bhios air chuairt 'nur measg, a ni sealg agus a ghlacas beathach no eun a dh'fheudar itheadh; dòirtidh e mach 'fhuil, agus còmhdaichidh⁴ e le duslach i.

14 Oir is i beatha gach uile fheòla a fuil; tha i air son beatha dh'i: uime sin thubhairt mi ri cloinn Israeil, Cha 'n ith sibh fuil feòla sam bith; oir is i beatha gach feòla a fuil: gach neach a dh'itheas i gearrar as e.

¹ cràdhaidh. Eabh

² fa chomhair.

³ air aghaidh an fhearainn. Eabh

⁴ fòlchaidh.

LEBHITICUS, XVII. XVIII. XIX.

15 Agus gach anam a dh'itheas an nì a bhàsaicheas *dheth féin*, no a reubadh *le fiadh-bheathaichibh*, (ma's neach e a rugadh 'nur tìr féin, no coigreach) nìghidh e 'eudach, agus ionnlaididh se *e féin* aum an uisge, agus bithidh e neòghlan gu feasgar; an sin bithidh e glan.

16 Ach mur nìgh se *e*, agus mur ionnlaid e 'fheoil; an sin giùlainidh e 'aingidheachd.

CAIB. XVIII.

6 *Mu phòsadh mi-laghail.* 19 *Mu anamiannaibh gràineil.*

AGUS labhair an Tighearna ri Maois, ag ràdh.

2 Labhair ri cloinn Israeil, agus abair riu, *Is mise an Tighearna bhur Dia.*

3 A réir ghnìomhara tìre na h-Eiphit aums an robh sibh a chòmhnuidh, cha dean sibh; agus a réir ghnìomhara tìre Chanaain gus *am bheil* mise 'gur tabhairt, cha dean sibh; ui mò a ghluaiseas sibh 'nan ord-uiglibh.

4 Nì sibh mo bhreitheanais, agus gleidhidh sibh m'orduighean, gu gluasad annta: *Is mise an Tighearna bhur Dia.*

5 Uime sin gleidhidh sibh mo reachdan agus mo bhreitheanais; nìthe ma nì duine, bithidh e beò annta: *Is mise an Tighearna.*

6 Cha tig a h-aon agaibh am fagus a dh'aon neach a ta dlùth dha ann an dàimh, a chum a nàire a leigeadh ris: *Is mise an Tighearna.*

7 Nochd 't'athar, no nochd do mhàthar cha leig thu ris: *is i* do mhàthair i, cha leig thu ris a nochd.

8 Nochd mnà 't'athar cha leig thu ris: *is e* nochd 't'athar e.

9 Nochd do phealtair, nìghinn 't'athar, no nìghinn do mhàthar, co dhiubh a rugadh i aig au tigh, no 'rugadh a mach i, *eadhon* an nochd-san cha leig thu ris.

10 Nochd nìghinn do mhic, no uighinn do nìghinn, *eadhon* au nochd-san cha leig thu ris: oir *is e* au *nochd-san* do nochd féin.

11 Nochd nìghinn mnà 't'athar, a ghineadh le 't'athair, (*is i* do phiuthar i) cha leig thu ris a nochd-sa.

12 Cha leig thu ris nochd peathar 't'athar: *is i* banacharaid ro dhìleas 't'athar i.

13 Cha leig thu ris nochd peathar do mliàthar: oir *is i* banacharaid ro dhìleas do mhàthar i.

14 Cha leig thu ris nochd bràthar 't'athar, cha tig thu 'm fagus d'a mhnaoi: *is i* bean bhràthar 't'athar i.

15 Cha leig thu ris nochd do bhana-chleamlua; *is i* bean do mhic i, cha leig thu ris a nochd.

16 Cha leig thu ris nochd mnà do bhràthar: *is e* nochd do bhràthar e.

17 Cha leig thu ris nochd mna agus a h-ighinn², nì mò a ghabhas tu nighean a mic, no nighean a h-ighinn, a chum a nochd a leigeadh ris; *oir is* iad a bana-chairdean dileas iad: *is* aingidheachd e.

18 Nì mò a ghabhas tu bean maìlle r'a piuthair, a chum a buaireadh³, a leigeadh ris a nochd, a thuilleadh air an té eile, am feadh is beò i.

19 Mar an ceudna cha tig thu 'm fagus do mhnaoi a leigeadh ris a nochd, an uair a chuirear air leth i air son a neòghloine.

20 Agus cha luidh thu gu collaidh le mnaoi do choimhearsnaich, a chum thu féin a thruailleadh leatha.

21 Agus cha leig thu le neach air bith do d'shliochd dol troimh 'n *teine* do Mholech, nì mò a mhi-naomhaicheas tu ainm do Dhé: *Is mise an Tighearna.*

22 Cha luidh thu le firionnach mar le boirionnach: *is* gràineileachd e.

23 Nì mò a luidheas tu le h-ainmhidh sam bith gu d' thruailleadh féin leis; nì mò a sheasas bean sam bith roimh ainmhidh gu luidhe sios da: *is* amhladh⁶ e.

24 Na truaillibh sibh féin ann an aon sam bith do na nithibh sin: oir aums na nithibh sin uile thruaill na cinnich *sin* iad féin, a thilgeas mise mach roimhibh.

25 Agus slalaicheadh am fearann: uime sin leanaidh m' aingidheachd air, agus sgeithidh am fearann féin a mach a luchd-àiteachaidh.

26 Uime sin, gleidhidh sibh mo reachdan agus mo bhreitheanais, agus cha dean sibh *aon air bith* do na gràineileachdaibh sin; *aon chuid* neach air bith d'ur cinneach féin, no coigreach a blios air chuairt 'nur measg:

27 (Oir na gràineileachda sin uile rinn daoine na dùthcha, a *bha* roimhibh, agus tha 'm fearann air a thruailleadh.)

28 Chum nach sgeith am fearann sibhse mach mar an ceudna, 'nuair a thruaillleas sibh e, mar a sgeith e mach na cinnich a *bha* roimhibh.

29 Oir ge b'e neach a nì h-aon air bith do na gràineileachdaibh ud, *eadhon* na h-anaman a nì *iad*, gearrar as iad o mheasg an sluagh.

30 Uime sin gleidhidh sibh m'orduighean, a chum nach dean sibh *aon air bith* do na gnàthannaibh gràineil ud, a rinn-eadh roimhibh, agus nach truaill sibh sibh féin annta: *Is mise an Tighearna bhur Dia.*

CAIB. XIX.

Laghanna àraidh air am mìneachadh.

AGUS labhair an Tighearna ri Maois, ag ràdh,

2 Labhair ri coimhlithional chloinn Israeil uile, agus abair riu, Bithibh naomha:

¹ lomnoc 'duidh, nàire.

² inghinn.

³ brosnuchadh, cràdh. ⁴ ainlisg; confusion. Sasg.

LEBHITICUS, XIX.

oir a ta mise an Tighearna bhur Dia naomh.

3 Bitheadh eagal bhur màthar agus bhur n-athar air gach duine agaibh, agus gleidhibh mo shàbaidean: *Is* mise an Tighearna bhur Dia.

4 Na rachaibh a thaobh gu h-ìodhol-aibh, agus na deanaibh diathan¹ leaghta dhuibh féin: *Is* mise an Tighearna bhur Dia.

5 Agus ma dh'òbras sibh ìobairt thabhartasan-sìth do'n Tighearn, ìobraidh sibh i d'ur toil féin.

6 San là sin féin anns an ìobairt sibh i ithear i, agus air an là màireach: agus ma mhaireas a bheag dh'i agus an treas là, loisgear san teine e;

7 Agus ma dh'ithear e idir air an treas là, is gràineil e; cha ghabhar e.

8 Uime sin gach neach a dh'itheas e, giùlainidh e 'aingidheachd, a chionn gu'n do mhi-naomhaich e ni coisrigte an Tighearn: agus gearrar an t-anam sin as o 'shluaigh.

9 Agus an uair a bhuaineas sibh foghar bhur fearainn, cha bhuain thu gu buileach oisinnéan t'achaidh, ni mò a chruinnicheas tu dioghluim² t'fhogharaidh.

10 Agus cha tur-lom thu t'fhion-lìos³, ni mò a chruinnicheas tu uile fhion-dhearca t'fhion-lìos; do'n bhochd agus do'n choigreach fàgaidh tu iad: *Is* mise an Tighearna bhur Dia.

11 Cha ghoid sibh, ni mò a ni sibh breug⁴, no mheallas aon agaibh a chèile.

12 Agus cha mhionnaich sibh air m'ainmsa gu breugach, ni mò a mhi-naomhaicheas tu ainm do Dhé: *Is* mise an Tighearn.

13 Cha dean thu foimeart⁵ air do choimhearsnach, ni mò a ni thu reubainn air; cha'n fhan duais an fhir-thuarasdail maille riut rè na h-oidhche gu maduinn.

14 Cha mhallaidh thu 'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort; *Is* mise an Tighearn.

15 Cha dean sibh eucoir sam bith ann am breitheanas; cha bhi suim agad do ghnùis⁶ an duine bhochd, ni mò a bheir thu urram do ghnùis an duine chumhachdach; ann an ceartas bheir thu breth air do choimhearsnach.

16 Cha téid thu mu'n cuairt mar fhear tuailis⁷ am measg do shluaigh; ni mò a sheasas tu an aghaidh fola do choimhearsnaich: *Is* mise an Tighearn.

17 Cha bhi fuath agad do d' bhràthair ann ad chridhe: air gach aon chor cron aichidh tu do choimhearsnach, agus cha'n

fhuing thu peacadh air.

18 Cha dean thu dioghaltas, ni mò bhios falachd⁸ agad ri cloinn do shluaigh, ach gràdhaidh tu do choimhearsnach mar thu féin: *Is* mise an Tighearn.

19 Gleidhidh sibh mò reachda: Cha leig thu le d' spréidh siolachadh le gnè eile⁹; Cha chuir thu t'fhearann le siol measgta: ni mò a chuirear umad eudach measgta do olainn agus do lìon.

20 Agus ge b'e neach a luidheas gu collaidh le mnaoi a ta' na ban-tràill fuidh cheangal-pòsaidh aig fear, agus nach d'fhuasgladh idir, ni mò a thugadh saorsa dh'i, sgiursair i: cha chuirear gu bàs iad, a chionn nach robh i saor.

21 Agus bheir e 'ìobairt-eusaontais do'n Tighearn, gu dorus pàilliuin a' choimh-thionail, eadhon reithe mar ìobairt-eusaontais.

22 Agus ni an sagart réite air a shon le reithe na h-ìobairt-eusaontais an làthair an Tighearn, air son a pheacaidh a rinn e: agus maithear dha a pheacadh a rinn e.

23 Agus an uair a thig sibh do'n fhearann, agus a shuidhicheas sibh gach gnè chraobh air son bidh, an sin measaidh sibh an toradh mar ni neo-thimchioll-gheartta: tri bliadhna bithidh e dhuibh mar ni neo-thimchioll-gheartta: cha'n ithear dheth.

24 Ach air a' cheathramh bliadhna bithidh a thoradh uile naomha, chum cliu do'n Tighearn.

25 Agus air a' chùigeachd bliadhna ithidh sibh d'a thoradh, chum as gu'n toir e a chinneas¹⁰ duibh: *Is* mise an Tighearna bhur Dia.

26 Cha'n ith sibh ni sam bith leis an fhuil: ni mò a ghnàthaicheas sibh druidheachd¹¹, no sheallas sibh air amannaibh¹².

27 Cha bhearr sibh mu'n cuairt oisinnéan bhur ceann, ni mò a mhilleas tu oisinnéan t'fheusaig.

28 Cha dean sibh gearradh sam bith 'nur feoil air son nam marbh, ni mò a chuireas sibh comharadh sam bith oirbh: *Is* mise an Tighearn.

29 Na truail do nighean, a thoirt oirre bhi 'na striopaich; a chum as nach toir-e ar fearann gu striopachas agus nach lìonar an dùthaich le h-aingidheachd.

30 Gleidhidh sibh mò shàbaidean, agus bheir sibh urram do m'ionad naomh: *Is* mise an Tighearn.

31 Na biodh suim agaibh dhuibh-san aig am bheil leannain-shìth¹³, agus na h-iarraibh a dh'ionnsuidh luchd-fiosachd, gu bhi air bhur truailleadh leo: *Is* mise an Tighearna bhur Dia.

¹ dée. ² seasgana. ³ cha lom thu gu buileach

t'fhion-ghràdh.

⁴ a dh'àicheadhas sibh. Eabh.

⁵ eucoir, feall, cealg.

⁶ phearsa.

⁷ fhear cùl-chàineadh, fhear innseadh sgeoil.

⁸ mì-run.

⁹ fhàs.

¹⁰ manaibh.

¹¹ fiosachd.

¹² spiorada faisteachd.

⁹ le seòrsaibh eagsamhuil.

¹¹ fiosachd.

¹² spiorada faisteachd.

32 An làthair a' chinn léith éiridh tu suas, agus bheir thu urram do ghluais an duine aosda, agus bithidh eagál do Dhé ort: *Is* mise an Tighearn.

33 Agus ma bhios coigreach air chuairt maille riut 'nur tìr, cha bhuin sibh gu cruidh ris.

34 Mar neach a rugadh 'nur measg bithidh dhuibhse an coigreach a ta air chuairt maille ribh, agus gràdhaichidh tu e mar thu féin; oir bha sibh féin 'nur coigrich ann an tìr na h-Eiphit: *Is* mise an Tighearna bhuir Dia.

35 Cha dean sibh eucoir sam bith ann am breitheanas, ann an slait-thomhais, ann an cudthrom, no ann an tomhas.

36 Meidhean cearta¹, clacha-tomhais cearta, ephah cheart, agus hin cheart bithidh agaibh: *Is* mise an Tighearna bhuir Dia, a thug sibhse mach a tìr na h-Eiphit.

37 Uime sin gleidhidh sibh mo reachd-an uile, agus mo bhròitheanas uile, agus ni sibh iad: *Is* mise an Tighearn.

CAIB. XX.

1 *Mu shliochd a thabhairt do Mholech.* 6 *Mu mhuinntir aig am bheil leannain-shìth.* 9 *Mu neach a mhallachas 'athair no 'mhàthair, &c.*

A GUS labhair an Tighearna ri Maois, ag ràdh,

2 A ris, their thu ri cloinn Israeil, Ge b'e air bith e do chloinn Israeil, no do na coigrich a ta air chuairt ann an Israel, a bheir a bheag d'a shliochd do Mholech, cuirear gu cinnteach gu bàs e, clachaidh sluagh na dùthcha e le clachaidh.

3 Agus cuiridh mise mo ghluais an aghaidh an duine sin, agus gearraidh mi as e o mheasg a shluaigh; a chionn gu'n d'thug e d'a shliochd do Mholech, a shat-acbadh m'ionaid naoimh-sa, agus a thruaillleadh m'ainme naoimh.

4 Agus ma dh'fhòlaicheas sluagh na dùthcha air chor sam bith an sùilean o'n duine sin, an uair a bheir e d'a shliochd do Mholech, agus nach marbh iad e;

5 An sin cuiridh mise mo ghluais an aghaidh an duine sin, agus an aghaidh a theaghlach, agus gearraidh mi as e, agus adsan uile a théid le strìopachas² na dhéigh, a dheanamh strìopachais le Mholech, o mheasg an sluaigh.

6 Agus an t-anam a théid a thaobh a dh'ionnsuidh muinntir aig am bheil leannain-shìth, agus a dh'ionnsuidh luchd fiosachd, gu dol le strìopachas 'nan déigh, cuiridh mise mo ghluais an aghaidh an anama sin, agus gearraidh mi as e o mheasg a shluaigh.

7 Naomhaichibh sibh féin uime sin, agus bithibh naomha: oir *is* mise an Tighearna bhuir Dia.

8 Agus gleidhidh sibh mo reachdan, agus ni sibh iad: *Is* mise an Tighearn a naomhaicheas sibh.

9 Oir gach neach a mhallachas 'athair no 'mhàthair, cuirear gu cinnteach gu bàs e; mhallach e 'athair no 'mhàthair; *bithidh* 'fhuil air féin.

10 Agus an duine a ni adhaltrannas ri mnaoi fir *eile*, *eadhon esan* a ni adhaltrannas ri mnaoi a chomhhearsnaich, cuirear an t-adhaltranach agus a' bhan-adhaltranach gu cinnteach gu bàs.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le chéile gu bàs iad; *bithidh* am fuil orra féin.

12 Agus ma luidheas duine le mnaoi a mhic, cuirear gu deinihin le chéile gu bàs iad: dh'oibrich iad amhluchd²: *bithidh* am fuil orra féin.

13 Mar an ceudna ma luidheas duine le fear, mar a luidheas e le mnaoi, rinn iad le chéile gràineileachd: cuirear gu cinnteach gu bàs iad; *bithidh* am fuil orra féin.

14 Agus ma ghabhas duine d'a ionnsuidh bean agus a màthair, *is* aingidheachd e: loisgear le teine iad, eadhon esan agus iadsan: a chum nach bi aingidheachd 'nur measg.

15 Agus ma luidheas duine le h-ainmhidh, cuirear gu cinnteach gu bàs e: agus marbhaidh sibh an t-ainmhidh.

16 Agus ma thig bean am fagus a dh'ainmhidh sam bith, agus gu'n luidh i sìos da, marbhaidh tu a' bhean agus an t-ainmhidh: cuirear gu cinnteach gu bàs iad; *bithidh* am fuil orra féin.

17 Agus ma ghabhas duine a phiuthar, nighean 'athar, no nighean a mhàthar, agus gu'm faic e a nochd, agus gu'm faic ise a nochd-san; *is* ni maslach³ e; agus gearraras iad ann an sealladh an sluaigh⁴: leig e ris nochd a pheathar, giùlainidh e aingidheachd.

18 Agus ma luidheas duine le mnaoi agus a tinneas oirre, agus gu'n leig e ris a nochd, leig e ris a tobar, agus leig ise ris tobar a fola; agus gearrar as le chéile iad o mheasg an sluaigh.

19 Agus cha leig thu ris nochd peathar do mhàthar, no peathar t'athar; oir tha e a' rùsgadh 'fheòla féin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar: giùlainidh iad am peacadh; gheibh iad bàs gun chloinn.

21 Agus ma ghabhas duine bean a bhràthar, *is* ni neòghlan e: leig e ris nochd a bhràthar; bithidh iad gun chloinn.

¹ *Toimhsean fìrinneach.* ² *aimlisg, easordugh.*

³ *a'ingidh.* ⁴ *ann an sùilibh mhac an sluaigh.* Eabhl.

22 Uime sin gleidhidh sibh mo reachdan uile, agus mo bhreitheanais uile, agus ni sibh iad; a chum nach dean am fearann, g'am bheil mi¹ gur tabhairt gu còmhnuidh a ghabhail ann, bhur sgeith a mach.

23 Agus cha ghluais sibh ann an gnàth-annaibh¹ nan cinneach a *ta* mise a' tilgeadh a mach roimhibh: oir rinn iadsan na nithe sin uile, agus uime sin ghabh mi gràin diubh.

24 Ach thubhairt mi ribhse, Sealbhaichidh sibh am fearann, agus bheir mi dhuibh e chum a shealbhadh, fearann a ta sruthadh le bainne agus le mil: *Is* mise an Tighearna bhur Dia, a dhealaich sibhe o gach sluagh *eile*.

25 Cuiridh sibh uime sin eadar-dhealachadh eadar bheathaichibh glana agus neòghlan, agus eadar eunlaith neòghlan agus ghlan; agus cha dean sibh bhur n-anamanna gràineil le beathach no le h-eun, no le gnè air bith *do ni beò* a shnaigeas air an talamh, a sgar mise uaibh mar neòghlan.

26 Agus bithidh sibh naomha dhomhsa: oir *a ta* mise an Tighearna naomh, agus dhealaich mi sibhe o gach sluagh *eile*, chum as gu'm bu leam *féin* sibh.

27 Bean no duine, mar an ceudna, aig am bheil leannan-sith, no 'bhios ri fiosachd, cuirear gu deimhin gu bàs iad: clachaidh iad le clachaibh iad; *bithidh* am fuil orra féin.

CAIB. XXI.

Mu ghiulan nan sagart a thaobh nam marbh, agus mu'm pòsadh.

A GUS thubhairt an Tighearna ri Maois, agus abair riu, Air son nam marbh cha salaichear neach sam bith *dhibh* am measg a shluaigh.

2 Ach air son a dhilsean², a ta 'm fagus da, *eadhon* air son a mhàthar, agus air son 'athar, agus air son a mhic, agus air son a nighinn, agus air son a bhràthar,

3 Agus air son a pheathar a ta 'na h-òigh, a *ta* 'm fagus da, aig nach robh fear-pòsda; air a sonsa feudaidh e bhi air a shalachadh.

4 *Ach* cha salaich se e féin, *air bhi dha* 'nadhaine urramach³ am measg a shluaigh, gu 'thruaillleadh féin.

5 Cha dean iad maòile air an ceann⁴, agus cha bhearrad iad oisinn am feusaig, ni mò a ni iad gearradh 'nam feoil;

6 Bithidh iad naomha d'an Dia, agus cha truail iad ainm an Dé: oir tha iad a' toirt seachad tabhartais an Tighearna a bheircar suas le teine, *agus* arain an Dé: uime sin bithidh iad naomha.

7 Cha ghabh iad bean a ta 'na stròpaich,

nomi-naomha⁵; ni mò a ghabhas iad bean a chuireadh air falbh o 'fear: oir *tha* e naomha d'a Dhia.

8 Uime sin naomhaichidh tu e, oir tha e a' toirt seachad arain do Dhé; bithidh e naomha dhuut: oir *tha* mise an Tighearna naomh, a *ta* 'gur naomhachadh.

9 Agus ma thruaillleas nighean sagairt air bith i féin le stròpachas a dheanamh, tha i a' truailleadh a h-athar: loisgear le teine i.

10 Agus esan a tha 'na àrd-shagart o mheasg a bhràithrean, neach a dhòirteadh an oladh naomh air a cheann, agus a choisrigedh a chur na h-éididh⁶ uime, cha rùisg e a cheann. ni mò a reubas e 'eudach,

11 Ni mò a théid e steach a dh'ionnsuidh cuirp mhairbh sam bith: air son 'athar no air son a mhàthar cha salaich se e féin.

12 Agus as an ionad naomh cha téid e mach, ni mò a thruaillleas e ionad naomh a Dhé; oir *a ta* crùn oladh-ungaidh a Dhé air: *Is* mise an Tighearna.

13 Agus gabhaidh e bean 'na maighdeanas.

14 Bantrach no bean a chuireadh air falbh o 'fear, no bean mhi-naomha, no stròpach; iad sin cha ghabh e: ach oigh d'a shluaigh féin gabhaidh e 'na mnaoi.

15 Agus cha truail e a shliochd am measg a shluaigh: oir *a ta* mise an Tighearna 'ga naomhachadh.

16 Agus labhair an Tighearna ri Maois, ag ràdh.

17 Labhair ri h-Aaron, ag ràdh, Ge b'e air bith e do d' shliochd 'nan ginealach-aibh, anns am bi gaoid⁷ *sam bith*, na tigeadh e am fagus a thoirt seachad arain a Dhé:

18 Oir ge b'e air bith duine anns *am bi* gaoid, cha tig e 'm fagus: duine dall, no bacach, no aig am bheil sròn leachdach, no ni sam bith thuilleadh air a' chòir.

19 No duine aig am bi cos bhriste no làmh bhriste.

20 No crotach, no 'na throich, no aig am bheil leus⁸ air a shùil, no air am bheil càrr⁹, no cloimh¹⁰, no aig am bheil a chlochan brùite:

21 Cha tig duine sam bith do shliochd Aaron an t-sagairt; anns am bheil gaoid, am fagus a thoirt seachad tabhartasan an Tighearna a bheircar suas le teine: *tha* gaoid ann, cha tig e 'm fagus a thoirt seachad arain a Dhé.

22 Ithidh e aran a Dhé, *araon* do'n *aran* ro naomh, agus naomh.

23 Ach an taobh a steach do'n roinn-bhrat cha téid e, ni mò thig e 'm fagus do'n altair, a chionn gu *bheil* gaoid ann; a chum nach truail e m' ionaid naomha:

¹ reachdaibh, orduighibh. Eabh. ² shèdla féin. Eabh. ³ na àrd-dhuine. ⁴ Cha mhaolaich iad an ceann le spòsadh an gruaige.

⁵ air a truailleadh.

⁷ ciurram, aineamh.

⁹ tioram: scurvg. Sasg.

⁶ an trusgair naoinh.

⁸ ball geal.

⁹ tachas

¹⁰ sgrìobach; an fèdalan.

cir a ta mise an Tighearna 'gan naomhachadh.

24 Agus dh'inuis Maois so do Aaron, agus d'a mhic, agus do chloinn Israeil uile.

CAIB. XXII.

Feumaidh an sagart air am bi neòghloine sam bith, fantuinn o nithibh naomha, &c.

A Gus labhair an Tighearna ri Maois, ag ràdh,

2 Labhair ri h-Aaron, agus r'a mhic, iad 'gan sgaradh fèin o nithibh naomha chloinn Israeil, agus gun iad a thoirt easonoir do¹ m'ainm naomh-sa, anns na nithibh sin a naomhaicheas iad dhomh: Is mise an Tighearn.

3 Abair riu, Ge b'e air bith e d'ur sliochd uile am measg bhur ginealach, a théid a dh'ionnsuidh nan nithe naomha, a naomhaicheas clann Israeil do'n Tighearn, agus a neòghloine air, gearrar as an t-anam sin as mo làthair: Is mise an Tighearn.

4 Ge b'e air bith an dume do shliochd Aaroin a ta 'na lobhar, no air am bheil silteach², cha 'n ith e do na nithibh naomha, gus am bi e glan. Agus ge b'e bheanas ri ni air bith a ta neòghlan leis a' mharbh, no duine aig am bheil a shìol a' dol uath;

5 No ge b'e bheanas ri ni air bith a shnàigeas, leis an deanar neòghlan e, no ri duine o'm faigh e neòghloine, ge b'e air bith neòghloine a bhios air;

6 An t-anam a bheanas ri h-aon air bith d'an leithidibh sin, bithidh e neòghlan gu feasgar, agus cha 'n ith e do na nithibh naomha, mur nigh e 'fheoil le h-uisge.

7 Agus an uair a théid a' ghrian sìos, bithidh e glan, agus an déigh sin ithidh e do na nithibh naomha, a chionn gur e a bhiadh e.

8 An ni sin a bhàsaicheas leis fèin, no a reubar le *fiadh-bheathaichibh*, cha 'n ith e 'ga stalachadh fèin leis: Is mise an Tighearn.

9 Gleidhidh iad uime sin m'òrdugh³, air eagal gu'n giùlain iad peacadh air a shon, agus uime sin gu'm faigh iad bàs, ma thruaillleas iad e: Tha mise an Tighearna 'gan naomhachadh.

10 Cha 'n ith coigreach sam bith do'n ni naomh: cha 'n ith fear-cuairt⁴ an t-sagairt, no seirbhiseach tuarasdail do'n ni naomh.

11 Ach ma cheannaicheas an sagart duine le 'airgiod, ithidh e dheth, agus esan a rugadh 'na thigh; ithidh iad d'a bhiadh.

12 Agus ma bhios nighean an t-sagairt pòsda ri coigreach, cha 'n fheud i itheadh do thabhartas nan nithe naomha.

13 Ach ma bhios nighean an t-sagairt 'na bantraich, no dealaichte r'a fear, agus gun sliochd aice, agus i air piltinn gu tigh a h-athar, mar 'na h-òige, ithidh i do bhiadh h-athar; ach cha 'n ith coigreach sam bith dheth.

14 Agus ma dh'itheas duine do'n ni naomh gun fhios da, an sin cuiridh e an cuigeadh cuid deth ris, agus bheir e do'n t-sagart e, maille ris an ni naomh.

15 Agus cha truaill iad nithe naomha chloinn Israeil, a bheir iad suas do'n Tighearn;

16 Ni mò a leigeas iad leo cionta an eusantais a ghiulan an uair a dh'itheas iad an nithe naomha: oir a ta mise an Tighearna 'gan naomhachadh.

17 Agus labhair an Tighearna ri Maois, ag ràdh,

18 Labhair ri h-Aaron agus r'a mhic, agus ri cloinn Israeil uile, agus abair riu, Ge b'e air bith e do thigh Israeil, no do na coigrich ann an Israel, a bheir seachad a thabhartas air son a bhòidean uile, no air son a shaor-thabhartasan uile, a bheir iad seachad do'n Tighearna chum iobairt-loisgte;

19 Bheir sibh seachad d'ur toil fèin beathaich firionn gun ghaoid do'n bhuar, do na caoraich, no do na gabhraibh.

20 Ach ge b'e air bith ni anns am bi gaoid, sin cha toir sibh seachad: oir cha ghabhar air bhuar son e.

21 Agus ge b'e air bith e a bheir seachad iobairt thabhartasan-sìth do'n Tighearn, a choimhlionadh a bhòide, mar thabhartas saor-thoile, do'n bhuar, no do na caoraich⁵, bithidh e iomlan, a chum as gu'n gabhar ris: cha bhi gaoid sam bith ann.

22 Dall, no briste, no ciurramach, no air am bi fliodh⁶, no càrr⁷, no cloimh, cha toir sibh seachad iad sin do'n Tighearn, ni mò a bheir sibh tabhartas dhiubh a bheirear suas le teine air an altair do'n Tighearn.

23 Aon chuid tarbh no uan aig am bi ni sam bith thar a' chòir, no dh'uireasbluidh 'na bhallaibh, sin feudaidh tu thoirt seachad mar shaor thabhartas; ach air son bòide⁸ cha ghabhar ris.

24 Ni sam bith a ta brùite, no pronnta, no reubta⁹, no gearrta, cha toir sibh seachad do'n Tighearn; agus cha 'n iobairt¹⁰ sibh e 'nur tìr.

25 Agus o làimh coigrich cha toir sibh seachad aran bhuar Dé do h-aon diubh sin; a chionn gu'm bheil an truaillidheachd anna, agus gu'm bheil gaoidean anna: cha ghabhar riu air bhuar son.

26 Agus labhair an Tighearna ri Maois, ag ràdh,

¹ a thruaillleadh.

² creuchd shilteach.

³ m'fhàire.

⁴ eil-threach, aoidhe, aithnichim.

⁵ do'n mheanbh spréidh.

⁶ foinne; wren. Sasg.

⁷ scurvey. Sasg.

⁸ mòide.

⁹ briste. ¹⁰ cha lean.

27 'Nuair a bheirear tarbh, no caora, no gabhar, an sin bithidh e seachd làithean fuidh 'mhàthair; agus o'n ochdamh là agus á sin suas, gabhar ris mar thabhartas a bheirear suas le teine do'n Tighearn.

28 Agus *ma's* bò na caora a *bhios ann*, cha mharbh sibh i féin agus a h-àl san aon là.

29 Agus an uair a dh'ìobras sibh ìobairt-bhuidheachais do'n Tighearn, ìobraidh sibh i d'ur toil féin.

30 Air an là sin féin ithear suas i, cha 'n fhàg sibh a bheag dhith gu maduinn: *Is mise an Tighearn*.

31 Air an aobhar sin, gleidhidh sibh m'àitheantan, agus nì sibh iad: *Is mise an Tighearn*.

32 Agus cha truaille sibh m'ainm naomhasa, agus bithidh mi air mo naomhachadh am measg chloinn Israeil: *Is mise an Tighearn a ta 'gur naomhachadh*.

33 A thug a mach sibh á tìr na h-Eiphit gu bhì a'm' Dhia agaibh: *Is mise an Tighearn*.

CAIB. XXIII.

1 *Mu làithibh-féile an Tighearn.* 22 *Fàgar diogluim san fhearann air son nam bochd.* 26 *Mu latha na rèite.*

AGUS labhair an Tighearna ri Maois, ag ràdh,

2 Labhair ri cloinn Israeil, agus abair riu, *A thaobh féillean*¹ an Tighearn, a ghairmeas sibh *a bhì*² nan comhghairmibh naomha, *is iad eadhon* sin m'fhéillean-sa.

3 Sè làithean nìthear obair, ach san t-seachdamh là *bithidh* sàbaid fhoise, comhghairm naomh: obair sam bith cha dean sibh *air: is e* sàbaid an Tighearn e 'nur n-àiteachaibh-còmhnuidh uile.

4 *Is iad* sin féillean an Tighearn, *eadhon* comhghairmean naomha, a ghairmeas sibh 'nan amannaibh féin:

5 Anns a' cheud mhìos, air a' cheathramh là deug do'n mhìos air feasgar, *bithidh* càisg an Tighearn.

6 Agus air a' chùigeadh là dheug do'n mhìos sin féin *bithidh* féill an arain neo-ghoirtichte do'n Tighearn: seachd làithean ùidh sibh aran neo-ghoirtichte.

7 Air a' cheud là bithidh comhghairm naomh agaibh: obair thràilleil² sam bith cha dean sibh *air*.

8 Ach bheir sibh seachad tabhartas a bheirear suas le teine do'n Tighearna seachd làithean: air an t-seachdamh là *bithidh* comhghairm naomh; obair thràilleil sam bith cha dean sibh *air*.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair riu, 'Nuair a thig sibh a dh'ionnsuidh an fhearainn a bheir mise dhuibh, agus a bhuaineas sibh 'fhoghar, an sin bheir sibh

sguab do cheud thoradh bhur fogharaidh dh'ionnsuidh an t-sagairt:

11 Agus luaisgidh e 'n sguab an làthair an Tighearna, chum gu'n gabhar rithe air bhur son: air an là màireach an déigh na sàbaid luaisgidh an sagart i.

12 Agus ìobraidh sibh air an là sin, an uair a luaisgeas sibh an sguab, uan fìrionn gun ghaoid, do'n cheud bhliadhna, mar ìobairt-loisgte do'n Tighearn.

13 Agus *is e* a thabhartas-bidh dà dheicheamh earrann do phlùr mìn measgta le h-òladh, tabhartas a bheirear suas le teine do'n Tighearn, *chum* fáile chùbhraidh: agus *bithidh* a thabhartas-dibhe do fhìon, an ceathramh cuid do hin.

14 Agus cha'n ith sibh aran, no gràn cruaidhichte, no diasa glasa, gus an là sin féin anns an toir sibh tabhartas a chum bhur Dé: *bithidh e*³ na reachd bith-bhuan air feadh bhur ginealach, 'nur u-àiteachaibh-còmhnuidh uile:

15 Agus àirmhidh sibh dhuibh féin o'n là màireach an déigh na sàbaid, o'n là san d' thug sibh leibh sguab an tabhartais-luaisgte: bithidh seachd sàbaidean iomlan ann:

16 Eadhon gus an là màireach an déigh na seachdamh sàbaid, àirmhidh sibh leth-cheud là, agus bheir sibh seachad nuadh thabhartas-bidh do'n Tighearn.

17 Bheir sibh leibh as bhur n-àiteachaibh-còmhnuidh dà bhuilinn³ luaisgte, do dhà dheicheamh earrann; bithidh iad do phlùr mìn; fuinear iad le taois ghoirt; *bithidh iad*⁴ nan ceud thoradh do'n Tighearn.

18 Agus bheir sibh seachad maille ris an aran seachd uain gun ghaoid, do'n cheud bhliadhna, agus aon tarbh òg, agus dà reithe: bithidh iad 'nan ìobairt-loisgte do'n Tighearn, maille r'an tabhartas-bidh, agus an tabhartas-dibhe, *eadhon* tabhartas a bheirear suas le teine, a dh'fhàile cùbhraidh do'n Tighearn.

19 An sin ìobraidh sibh aon mheann do na gabhruibh mar ìobairt-pheacaidh, agus dà uan do'n cheud bhliadhna mar ìobairt-thabhartasan-sith.

20 Agus luaisgidh an sagart iad maille ri aran a' cheud toraidh, *mar* thabhartais-luaisgte an làthair an Tighearna, maille ris an dà uan: bithidh iad naomha do'n Tighearn chum an t-sagairt.

21 Agus gairmidh sibh air an là sin féin, *a chum gu'm bi e*³ na chomhghairm naomh dhuibh: obair thràilleil sam bith cha dean sibh *air: Bithidh e*⁴ na reachd sìorruidh 'nur n-àiteachaibh-còmhnuidh uile air feadh bhur ginealach,

22 Agus an uair a bhuaineas sibh foghar⁴ bhur fearainn, cha ghearr thu gu buil-each oisinnean t'achaidh 'nuair a bhuain

¹ féillean, làithean féille.² shaoithreachail.³ mh'ailionn.⁴ foghara.

eas tu, ni mò a thionailleas tu dioghluim t'fhogharaidh: fàgaidh tu iad do'n bhoich agus do'n choigreach; *Is* mise an Tighearna bhuir Dia.

23 Agus labhair an Tighearna ri Maois, ag ràdh,

24 Labhair ri cloinn Israeil ag ràdh, San t-seachdamh mìos air a' cheud là do'n mhìos, bithidh sàbaid agaibh, cuimhneachan shéideadh thrompaidean¹, comhghairm naomh.

25 Obair thràilleil sam bith cha dean sibh *air*; ach bheir sibh seachad tabhartas a bheirear suas le teine do'n Tighearna.

26 Agus labhair an Tighearna ri Maois, ag ràdh,

27 Mar an ceudna air an deicheadh là do'n t-seachdamh mìos so *bithidh* là réite; bithidh e 'na comhghairm naomh dhuibh, agus cràdhaidh sibh bhuir n-anam-an², agus bheir sibh seachad tabhartas a bheirear suas le teine do'n Tighearna.

28 Agus obair sam bith cha dean sibh air an là cheudna; oir *is* là réite e, a dheanamh réite air bhuir son an làthair an Tighearna bhuir Dé.

29 Oir ge b'e anam nach bi fo clràdh san là sin féin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin féin sgriosaidh mise o mheasg a shluaigh.

31 Obair sam bith cha dean sibh: *bithidh e* 'na reachd siorruidh air feadh bhuir ginealach, 'nurn-àiteachaibh còmhnuidh uile.

32 *Bithidh e* dhuibh 'na shàbaid fhoise, agus cràdhaidh sibh bhuir n-anam air an naothadh là do'n mhìos air feasgar: o fheasgar gu feasgar cumaidh sibh bhuir sàbaid.

33 Agus labhair an Tighearna ri Maois, ag ràdh,

34 Labhair ri cloinn Israeil, ag ràdh, Air a' chluigeadh là deug do'n t-seachdamh mìos so *bithidh* féill nam pàillium³ re sheachd làithean do'n Tighearna.

35 Air a' cheud là *bithidh* comhghairm naomh: obair thràilleil sam bith cha dean sibh *air*.

36 Seachd làithean bheir sibh seachad tabhartas a bheirear suas le teine do'n Tighearna: air an ochdamh là bithidh comhghairm naomh agaibh, agus bheir sibh seachad tabhartas a bheirear suas le teine do'n Tighearna; is àrd-choinnhthional e; obair thràilleil sam bith cha dean sibh *air*.

37 *Is* iad sin feillean an Tighearna, a ghairmeas sibh *gu bhi* 'nan comhghairmibh

naomha, a thoirt seachad tabhartais a bheirear suas le teine do'n Tighearna, tabhartas-loisgte, agus tabhartas-bìdh, iobairt, agus tabhartasan-dìbhe, gach ni air a là féin;

38 A thuilleadh air sàbaidibh an Tighearna, agus a thuilleadh air bhuir tiodhlac-aibh, agus a thuilleadh air bhuir bòidibh uile, agus a thuilleadh air bhuir saor-thabh-artais uile, a bheir sibh do'n Tighearna.

39 Mar an ceudna air a' chluigeadh là deug do'n t-seachdamh mìos, an uair a chruinnicheas sibh a stigh tioradh an fhearainn, cumaidh sibh féill do'n Tighearna seachd làithean: air a' cheud là *bithidh* sàbaid⁴, agus air an ochdamh là *bithidh* sàbaid.

40 Agus gabhaidh sibh dhuibh *féin* air a' cheud là meas⁵ chraobh àluinn, geugan chrann-pailme, agus geugan chraobh tiugha, agus seilceadh an t-srutha; agus ni sibh gairdeachas an làthair an Tighearna bhuir Dé seachd làithean.

41 Agus cumaidh sibh e 'na fhéill do'n Tighearna seachd làithean sa' bhliadhna: *bithidh e* 'na reachd siorruidh air feadh bhuir ginealach; cumaidh sibh e san t-seachdamh mìos.

42 Am an pàillunaibh⁶ gabhaidh sibh còmhnuidh seachd làithean; gabhaidh gach aon a rugadh 'na Israelach còmhnuidh ann am pàillunaibh;

43 Chum gu'm bi fios aig bhuir ginealach gu'n d'thug mise air cloinn Israeil còmhnuidh ghabhail ann am pàillunaibh, 'nuair a thug mi mach iad á tìr na h-Eiphit: *Is* mise an Tighearna bhuir Dia.

44 Agus chuir Maois an céill do chloinn Israeil féillean an Tighearna.

CAIB. XXIV.

1 *Mu'n oladh air son nan lòchran.* 13 *Mu pheanas gach neach a mhallaicheas Dia,* 17 *no blios ciontach do mhortadh.* 18 *Mu choimhleasachadh.*

A GUS labhair an Tighearna ri Maois, ag ràdh,

2 Aithn do chloinn Israeil iad a thoirt a t'ionnsuidh oladh fìor-ghlan a' chroinn-olaidh, brùite air son an t-soluis, a thoirt air na lòchrain lasadh an còmhnuidh.

3 An taobh a muigh do bhrat na Fianuis, ann am pàilluna' choimhthionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh e* 'na reachd siorruidh air feadh bhuir ginealach.

4 Orduichidh e na lòchrain air a' choimhleir fìor-ghlan an làthair an Tighearna an còmhnuidh.

5 Agus gabhaidh tu plùr mìn, agus fuinidh tu dà bhreacaig dheug dheth: dà

¹ stoc, adharc. ² cuiridh sibh bhuir n-anamanna fo àmhghar. ³ féisd nam bùth.

⁴ fois, tàmh. Eabh.

⁵ meanglain.

⁶ bùthaibh.

dheicheamh earrann bithidh ann an aon bhreacaig.

6 Agus suidhichidh tu iad ann an dà shreath, sè ann an sreath, air a' bhòrd fhìor-ghlan an làthair an Tighearn.

7 Agus cuiridh tu tùis fhìor-ghlan air gach sreath, eum gu'm bi i air an aran mar chuimhneachan, *eadhon* tabhartas a bheirear suas le teine do'n Tighearn.

8 Gach aon latha sàbaid cuiridh e 'n ordugh e an làthair an Tighearn an còmhnuidh, *air a gabhail* o chloinn Israeil le coimheangal sìorruidh.

9 Agus is le Aaron agus a mhic e, agus ithidh iad e san ionad naomh; oir *a ta* e ro naomh dha, do thabhartasaibh an Tighearn a bheirear suas le teine, le reachd¹ bith-bhuann.

10 Agus chaidh mac Ban-Israelich, aig an *robh* Eiphiteach 'na athair, a mach am measg chloinn Israeil: agus bha mac na Ban-Israelich agus duine do Israel a' comhstri sa' champ.

11 Agus mhaslaich² mac na Ban-Israelich ainm an *Tighearn*, agus mhallaich e: agus thug iad gu Maois e, (agus *b'e* ainm a mhàthar Selomit, nighean Dhubri, do thréibh Dhan;)

12 Agus euhir iad an làimh³ e, eum gu'n nochd tadh dhoibh inntinn an Tighearn.

13 Agus labhair an Tighearn ri Maois, ag ràdh,

14 Thoir a mach esan a mhallaich an taobh a muigh do'n champ, agus cuireadh iadsan uile a ehuil⁴ e an làmhnan air a eheann, agus elachadh an comhehruinneach uile e.

15 Agus labhraidh tu ri cloinn Israeil, ag ràdh, Ge b'e neach a mhallaicheas a Dhia, giùlainidh e a pheacaidh.

16 Agus esan a mhaslaicheas ainm an Tighearna, cuirear gu cinnteach gu bàs e; elachaidh gu deimhin an comhehruinneach uile e: an coigreach eo mhaith agus esan a rugadh san dùthaich, 'nuair a mhaslaicheas e ainm an *Tighearna*, cuirear gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, ni e dioladh air a shon; ainmhidh air son ainmhidh.

19 Agus ma bheir duine eurrann air a cìomhearsnach, mar a rinn e, mar sin nithear air:

20 Briseadh⁴ air son brisidh, sùil air son sùla, faicail air son fiacla; mar a thug e eurrann air duine, mar sin nithear air.

21 Agus esan a mharbhas ainmhidh,

diolaidh se⁵ e: agus an neach a mharbhas duine, cuirear gu bàs e.

22 Bithidh an t-aonghnè lagh agaibh eo mhaith air son a' choigreach, agus air son neach do mhuinntir bhur dùthcha féin: oir is mise an Tighearna bhur Dia.

23 Agus labhair Maois ri cloinn Israeil, iad a thoirt leo esan a mhallaich, an taobh a muigh do'n champ, agus a elachadh le elachaibh⁶: agus rinn clann Israeil mar a dh'àithn an Tighearna do Mhaois.

CAIB. XXV.

8 Mu bhliadhna na Iubile, no an Fhuasglaidh. 14 Mu fhòirneart, 35 Agus mu thruacantas a thaobh nam bochd.

A GUS labhair an Tighearna ri Maois ann an sliabh Shinaì, ag ràdh,

2 Labhair ri cloinn Israeil, agus abair riu, 'Nuair a thig sibh chum na tìre a bheir mise dhuibh, an sin gleidhidh an tìr sàbaid do'n Tighearn.

3 Sè bliadhna cuiridh tu t'fhearann⁷, agus sè bliadhna bearraidh⁸, tu t'fhion-lios, agus eruinnichidh tu stigh a thoradh.

4 Ach anns an t-seachdamh bliadhna bithidh sàbaid fhoise do'n tìr, sàbaid do'n Tighearn: t'fhearnaun cha chuir thu, agus t'fhion-lios cha bhearr thu.

5 An ni sin a dh'fhàsas dheth féin do t'fhoghar, cha bhuaith thu, agus fion-dhearc a t'fhionain⁹, neo-dheasaichte cha ehruinnich thu: 'na bliadhna fhoise bithidh i do'n tìr.

6 Agus bithidh sàbaid na tìre¹⁰ 'na biadh dhuibh: dhuit féin, agus do d'òglach, agus do d' bhanoglaich, agus do d' fheart-tuasadail, agus do d' choigreach a ta air ehuairt maille riut:

7 Agus do d' spréidh, agus do'n *fhiadh*-bheathaeh a ta ann ad fhearann; bithidh a cinneas uile eum bidh.

8 Agus àirmhidh tu dhuit féin seachd sàbaidean do bhliadhnaibh, seachd uairean seachd bliadhna; agus bithidh ùine nan seachd sàbaidean do bhliadhnaibh dhuit 'na naoi bliadhna 's dà fhichead.

9 An sin bheir thu fa'near trompaid na Iubile a shéideadh san t-seachdamh mìos, air an deicheamh là do'n mhìos: ann an là na réite bheir sibh fa'near an trompaid a shéideadh air feadh bhur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dùthcha, d'a luchd-àiteachaidh uile: bithidh i 'na Iubile dhuibh, agus pillidh sibh gach duine eum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead 'na Iubile dhuibh; cha

¹ lagh, ordugh.

² dh'ainmich. Eabh.

³ ann an gaintir, an priosun.

⁴ Briseadh.

⁵ bheir e air ais. Eabh.

⁶ a chlochadh le

clochaibh.

⁷ siol-chuiridh tu t'achadh.

⁸ deasaichidh.

⁹ do chraoibh-fìona; t'fhineamh-

air. Eir.

¹⁰ toradh sàbaid na tìre.

chuir sibh *siol*, ni mò a bhuaineas sibh an ni a dh'fhàsas dheth féin imte, ni mò a thionailas sibh *dearcan fìona* imte do d' fhionain neo-dheasaichte:

12 Oir is Iubile i, bithidh i naomh dhuibh; ithidh sibh a cinneas as an fhearann.

13 Ann am bliadhna na Iubile so pillidh gach duine agaibh a dh'ionnsuidh a sheilbhe féin.

14 Agus ma reiceas tu bheag ri d' choimhearsnach, no ma cheannaicheas tu *bheag* o làimh do choimhearsnaich; cha dean sibh eucoir¹ air a chéile.

15 A réir àireimh nam bliadhna an déigh na Iubile ceannaichidh tu o d' choimhearsnach, agus a réir àireimh bhliadhna nan toradh reicidh e riut.

16 A réir ìonmhoireachd nam bliadhna meudaichidh tu a luach, agus a réir teircid nam bliadhna beagaichidh tu a luach: oir a réir àireimh *bhliadhna* nan toradh tha e a' reiceadh riut.

17 Agus cha dean sibh eucoir air a chéile: ach bithidh eagal do Dhé ort; oir is mise an Tighearna bhur Dia.

18 Uime sin ni sibh mo reachdan, agus gleidhidh sibh mo bhreitheanaibh, agus ni sibh iad; agus gabhaidh sibh còmhnuidh san tìr ann an tèaruinteachd².

19 Agus bheir am fearann a mach a thoradh, agus ithidh sibh bhur sàth, agus gabhaidh sibh còmhnuidh ann gu tèaruinte.

20 Agus ma their sibh, Ciod a dh'itheas sinn air an t-seachdamh bliadhna? feuch, cha chuir sinn *siol*, ni mò a chruinnicheas sinn ar toradh;

21 An sin àithnidh mise mo bheannachadh oirbh san t-seathadh bliadhna, agus bheir i mach toradh air son thri bliadhna.

22 Agus cuiridh sibh air an ochdamh bliadhna, agus ithidh sibh *fathast* do'n t-seann toradh gus an naothadh bliadhna; gus an tig a toradh a stigh, ithidh sibh do'n t-seann toradh.

23 Cha reicear am fearann gu bràth; oir is leamsa am fearann: oir is coigrich agus luchd-cuairt sibhse maille rium.

24 Agus ann am fearann bhur seilbhe uile, bheir sibh saorsa³ do'n fhearann.

25 Ma dh'fhàs do bhràthair bochd, agus gu'n do reic e *cuid* d'a sheilbh, agus ma thig a h-aon air bith d'a dhillsibh g'a fhuasgladh, an sin fuasglaidh e an ni a bheir a bhràthair.

26 Agus mur 'eil aig an duine neach g'a fhuasgladh, agus gur urrainn e féin fhuasgladh;

27 An sin àirmheadh e bliadhanan a reicidh, agus thugadh e air ais an ni a ta

thairis do'n duine ris an do reic se e, a chum's gu'm pill⁴ e dh'ionnsuidh a sheilbhe féin.

28 Agus mur urrainn e *sin* a thoirt air ais da, an sin fanaidh an ni sin a reiceadh ann an làimh an neach a cheannaich e, gu bliadhna na Iubile: agus anns an⁵ Iubile théid e mach, agus pillidh e chum a sheilbhe.

29 Agus ma reiceas duine tigh-còmhnuidh ann am baile cuairtiche le balla, an sin feudaidh e 'fhuasgladh an taobh a stigh do bhliadhn' iomlain an déigh a reiceadh: an taobh a stigh do bhliadhn' iomlain feudaidh e 'fhuasgladh.

30 Agus mur fuasglar e gus an coimh-lonar bliadhn' iomlan, an sin daingnich-e ar an tigh, a *tha* 'n taobh a stigh do'n bhaile cuairtiche le balla, gu bràth dhasan a cheannaich e, air feadh a ghinealach: cha téid e mach san Iubile.

31 Ach measar tighean nam bailtean nach 'eil cuairtiche le balla, mar fhearann na tìre: feudar am fuasgladh, agus théid iad a mach san Iubile.

32 Gidheadh, bailtean nan Lebhith-each agus tighean bhailtean an seilbhe, feudaidh na Lebhithich am fuasgladh uair sam bith.

33 Agus ma cheannaicheas duine o na Lebhithich, an sin théid an tigh a reiceadh, agus baile a sheilbhe, mach san Iubile: oir is iad tighean bhailtean nan Lebhith-each an seilbh am measg chloinn Israeil.

34 Ach cha'n fheudar am fearann a tha'n taobh a muigh d'am bailtibh a reiceadh, oir is e sin an seilbh inhair-eannach⁶.

35 Agus ma dh'fhàsas do bhràthair bochd, agus gu'n téid e dhéigh-làimh agad, an sin fuasglaidh⁷ tu air: *seadh*, *ged is* coigreach no fear-cuairte e; agus bithidh e beò maille riut.

36 Na gabh riadh uaith, no tuille 's a thug thu dha⁸: ach biodhagal do Dhé ort, a chum's gu'm feud do bhràthair a bhi beò maille riut.

37 T'aingiod cha toir thu dha air riadh, agus air son buannachd cha toir thu dha do bhiaidh.

38 Is mise an Tighearna bhur Dia, a thug a mach sibh á tìr na h-Eiphit, a thoirt dhuibh tìre Chanaain, agus a bhi a'm' Dhia agaibh.

39 Agus ma dh'fhàs do bhràthair a ta làimh riut bochd, agus gu'n do reiceadh riut e; cha toir thu air seirbhis a dhean-amh mar thràill:

40 Mar sheirbhiseach tuarasdail, agus mar fhear-cuairte, bithidh e maille riut;

¹ fòirneart.

³ fuasgladh.

² tèaruntachd.

⁴ till.

⁵ ann san.

⁷ cabhairidh, fòiridh.

⁶ bhuan, shìorruidh.

⁸ teachd a mach, fàs.

gu bliadhna na Iubile ni e seirbhis dhuìt.

41 Agus *an sin* imichidh e uait, e féin agus a chlann maille ris, agus pillidh e chum a theaghlach féin, agus a chum seilbhe 'aithriche pillidh e:

42 Oir *is* iadsan mo sheirbhisich, a thug mi mach á tìr na h-Eiphit: cha reicear iad mar thràillibh.

43 Cha ghnàthaich thu uachdaranachd¹ os a cheann le h-an-ìochd, ach bithidh eagal do Dhé ort.

44 Agus *bithidh* do thràillean, agus do bhàn-tràillean, a bhios agad, do na cinn-ich a ta m'ur timchioll; uatha-san ceannaichidh sibh tràillean agus ban-tràillean.

45 Agus a thuilleadh air so, o chloinn nan coigreach a ta air chuairt² 'nur measg, uathasan ceannaichidh sibh, agus o'n teaghlachibh a ta maille ribh, a ghin iad 'nur fearann: agus bithidh iad 'nan seilbh dhuibh.

46 Agus gabhaidh sibh iad mar oighreachd d'ur cloinn 'nur déigh, a chum *an* sealbhachadh *mar* oighreachd; bithidh iad dhuibh 'nan tràillibh a chaoidh: ach os ceann bhur bràithre, cloinn Israeil *eadh-on* os ceann a chèile cha ghnàthaich sibh uachdaranachd² le h-an-ìochd.

47 Agus ma dh'fhàsas fear cuairte no coigreach saoi bhir³ làimh riut, agus ma dh'fhàsas do bhràthair làimh ris bochd, agus gu'n reic se e féin ris a' choigreach, ris an fhear-chuairte a tha maille riut, no ri gineal teaghlach a' choigrich:

48 An déigh a reiceadh, feudar 'fhuasgladh a ris; feudaidh aon d'a bhràithribh 'fhuasgladh;

49 Feudaidh aon chuid bràthair 'athar, no mac bhràthar 'athar 'fhuasgladh, no feudaidh aon neach a tha dlùth an dàimh dha d'a theaghlach féin 'fhuasgladh; no ma's urrainn e, feudaidh se e féin 'fhuasgladh.

50 Agus ni e cunntas ris-san a cheann-ich e o'n bhliadhna anns an do reiceadh ris e, gu bliadhna na Iubile: agus bithidh luach a reicidh a réir àireimh nam bliadhna; a réir aimsir seirbhisich tuarasdail bithidh e dha.

51 Ma *bhios* fathast mòran bhliadhnacha *ri teachd*, d'an réir sin bheir e a ris⁴ luach 'fhuasglaidh, as an airgid air son an do cheannaicheadh e.

52 Agus mur 'eil ri teachd ach beagan bhliadhnacha gu bliadhna na Iubile, an sin ni e cunntas ris, agus a réir a bliadhnacha bheir e dha a ris luach 'fhuasglaidh.

53 Mar sheirbhiseach *a ta* air thuarasd-

al o bhliadhna gu bliadhna bithidh e maille ris: cha ghnàthaichear uachdaranachd os a cheann le h-an-ìochd ann ad shealladh-sa.

54 Agus mur fuasglar e anns *na bliadhnai bh* sin, an sin théid e mach ann am bliadhna na Iubile, e féin agus a chlann maille ris.

55 Oir dhomhsa tha clann Israeil 'nan seirbhisich; *is* iadsan mo sheirbhisich, a thug mi mach á tìr na h-Eiphit: Is mise an Tighearna bhur Dia.

CAIB. XXVI.

1 *Mu ìodhol-aoradh.* 3 *Beannachadh air a ghealltainn.* 14 *Mallachadh air a bhagairt.*

CHA dean sibh dhuibh féin ìodholan⁵ no *coslas* snaidhte, agus cha chuir sibh suas ìomhaigh⁶ dhuibh féin, ni mò shuidhicheas sibh dealbh-cloiche 'nur fearann, gu cromadh sìos da; oir *is* mise an Tighearna bhur Dia.

2 Gleidhidh sibh mo shàbaidean, agus bheir sibh urram do m'ionad naomh: *Is* mise an Tighearna.

3 Ma ghluaiseas sibh a m' reachdaibh, agus *ma* ghleidheas sibh m'àitheantan; agus *ma* ni sibh iad;

4 An sin bheir mise dhuibh uisge⁷ 'na àm féin, agus bheir am fearann a mach a thoradh, agus bheir craobhan na macharach am meas uatha.

5 Agus ruigidh bhur bualadh an fion-fhoghar, agus ruigidh *bhur* fion-fhoghar àm an t-sil-chur, agus ithidh sibh bhur n-aran gu'r sàth, agus gabhaidh sibh còmhnuidh gu tèaruinte 'nur tìr.

6 Agus bheir mise sìth sin tìr, agus luidhidh sibh sìos, agus cha chuir neach sam bith eagal *oir bh*: agus sgriosaidh⁸ mi droch bheathaichean as an dùthaich, agus cha téid an claidheamh tre bhur fearann.

7 Agus ruaigidh sibh bhur naimhdean, agus tuitidh iad roimlibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich mìle: agus tuitidh bhur naimhdean roimhibh leis a' chlaidheamh.

9 Oir amlhairidh mise oirbh⁹, agus ni mi sìolmhor sibh, agus bheir mi oirbh fàs lìonmhor, agus daingnichidh mi mo chloimhcheangal ribh.

10 Agus ithidh sibh an seann *lòn*, agus bheir sibh a mach an seann *lòn* air son an *lòin* nomha¹⁰.

11 Agus suidhichidh mi mo phàillion 'nur measg: agus cha bhi gràin aig m'anam dhibh.

¹ *Cha riaghlaich thu.* ² *riaghladh, tighearnas, maighstireachd.* ³ *beartach.* ⁴ *aisgidh e.* ⁵ *dealbhan, cuspairean-aoraidh faoin.*

⁶ *standing image, statue.* Sasg. ⁷ *frasachd.* ⁸ *fàsaichidh, dìthichidh, fuadaichidh.* ⁹ *bithidh spéis agamsa dhuibh.* ¹⁰ *nuadha.*

12 Agus imichidh mi 'nur measg, agus bithidh mi a'm' Dhia dhuibh, agus bithidh sibhse 'nur sluagh dhomhsa.

13 Is mise an Tighearna bhur Dia a thug sibhse a mach á tìr na h-Eiphit, a chum nach bithheadh sibh 'nur tràillibh aca; agus bhris mi cuibhreach¹ bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-àitheanta sin uile;

15 Agus ma nì sibh tàir air mo reachdaibh, no ma ghabhas bhur n-anam gràin do m'bhreitheanas, air chor as nach dean sibh m'àitheantan uile, *ach* gu'm bris sibh mo choimhcheangal;

16 Nì mise mar an ceudna so ribhse; orduichidh mi oirbh uamhas, caitheamh, agus fiabhrus loisgeach, a chaitheas na suilean, agus a bheir cràdh do'n chridhe: agus cuiridh sibh bhur sìol ann an diomhanas, oir ithidh bhur uaimhdean e.

17 Agus cuiridh mise mo ghnais 'nur n-aghaidh, agus marbhar sibh an làthair bhur naimhdean: agus rioghaichidh a' mhuinntir air am bcag sibh oirbh, agus teichidh sibh an uair nach bì neach an tòir oirbh.

18 Agus mur éisd sibh rium fathast air a shon so uile, an sin nì mi peanas oirbh seachd uairean nì's mò air son bhur peacanna.

19 Agus brisidh mi uabhar bhur cumhachd; agus nì mi bhur nèamha mar iarunn, agus bhur talamh mar umha²:

20 Agus caithear bhur spionnadh ann an diomhanas; oir cha tòir bhur fearann fhàs uaith, nì mò a bheir craobhan na tìre am meas uatha.

21 Agus ma théid sibh a'm' aghaidh, agus nach éisd sibh rium; bheir mi seachd uairean tuille phlàighean oirbh, a réir bhur peacanna.

22 Cuiridh mi mar an ceudna fiadhbheathaichean na macharach 'nur measg, a bheir uaibh bhur clann, agus a chuireas as d'ur spréidh, agus a nì sibh tearc ann an àireamh, agus bithidh bhur rathaide³ mòra fàs.

23 Agus mur leasaichear leamsa sibh leis na nithibh sin, ach gu'n téid sibh a'nì' aghaidh;

24 An sin théid mise mar an ceudna 'nur n-aghaidh-sa, agus nì mi peanas oirbh seachd uairean fathast air son bhur peacanna.

25 Agus bheir mi claidheamh oirbh, a dhiolas cuis-ghearain mo choimhcheaugail; agus an uair a chruinnichear sibh an ceann a chéile an taobh a stigh d'ur bailtibh, cuiridh mi a' phlàigh 'nur measg;

agus bheirear thairis sibh do làimh naimhdean.

26 An uair a bhriseas mise lorg bhur n-arain, fùiuidh deich muài bhur n-aran ann an aon àmhuinn, agus bheir iad air ais *dhuibh* bhur n-aran air a thomhas, agus ithidh sibh agus cha bhi sibh sàthach.

27 Agus mur éisd sibh air son so *uile* rium, ach gu'n téid sibh a'm' aghaidh;

28 An sin théid mise 'nur n-aghaidh-sa mar an ceudna ann am fraoch feirge; agus smachdaichidh mise, eadhon mise, seachd uairean sibh air son bhur peacanna.

29 Agus ithidh sibh feoil bhur mac, agus feoil bhur nigheana ithidh sibh.

30 Agus cuiridh mise as d'ur n-ionadaibh àrda, agus gearraidh mi sìos bhur dealbhan, agus tilgidh mi bhur colannan⁴ air colannaibh bhur n-iodholan, agus gabhaidh m'anam gràin dhibh.

31 Agus cuiridh mi bhur bailtean fàs, agus bheir mi lom-sgrìob air⁵ bhur n-ionada naomha, agus cha ghabh mi fàile bhur boltraich chùbhraidh⁶.

32 Agus bheir mi lom-sgrìob air an fhearann; agus bithidh ioghnadh⁷ air bhur naimhdibh a ghabhas còmhuidh ann, mu'n nì sin.

33 Agus sgapaidh mi sibh am measg nan cinneach agus tairngidh⁸ mi claidheamh 'nur déigh; agus bithidh bhur fearann creachta, agus bhur bailtean fàs.

34 An sin mealaidh am fearann a shàbaidean, am fad 's a luidheas e fàs, agus a *bhios* sibhse ann am fearann bhur naimhdean; eadhon an sin gabhaidh am fearann fois, agus mealaidh e a shàbaidean.

35 Am fad 's a luidheas am fearann fàs, bithidh fois aige; do bhrìgh nach robh fois aige 'nur sàbaidh-sa, 'nuair a ghabh sibh còmhuidh ann⁹.

36 Agus orra-san a dh'fhàgar beò dhibh, cuiridh mise laigse¹⁰ 'nan cridheachaibh ann an dùthchaibh an naimhdean; agus cuiridh fuaim duilleig air chrith iad air theicheadh; agus teichidh iad, mar gu'm biodh iad a' teicheadh o'n chlaidheamh; agus tuitidh iad an uair nach bì neach an tòir orra.

37 Agus tuitidh iad air muin a chéile, mar gu'm b'ann roimh 'n chlaidheamh, 'nuair nach bì neach an tòir orra; agus cha bhi neart agaibh gu seasamh roimh bhur naimhdibh.

38 Agus théid as duibh am measg nan cinneach, agus ithidh talamh bhur naimhdean suas sibh.

39 Agus iadsan a dh'fhàgar dhibh, seargaidh iad as 'nan aingidheachd ann an dùthchaibh bhur naimhdean; agus

¹ bannan.

² unga.

³ ròide.

⁴ cuirp.

⁵ sgrìosaidh mi, fàsaichidh mi.

⁶ bhlasda.

⁷ uamhann.

⁸ rùisgidh.

⁹ air. Eabh.

¹⁰ laige.

mar an ceudna, ann an euceartaibh an aithriche seargaidh iad as maille riu.

40 Ma dh'aidicheas iad an aingidheachd féin, agus aingidheachd an aithriche, a réir an eusaontais a riun iad a'm' aghaidh, agus mar an ceudna gu'n do ghluais iad a'm' aghaidh;

41 Agus gu'n do ghluais mise mar an ceudna 'nan aghaidh-san, agus gu'n d'thug mi iad do dhùthaich an naimhdean; ma bhios an sin an cridhe neo-thimchioll-ghearrta air 'irioslachadh¹, air chor as gu'n gabh iad ri peanas an aingidheachd;

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi; agus cuimhnichidh mi am fearann.

43 Tréigear mar an ceudna am fearann leo, agus mealaidd e a shàbaidean, am feadh 's a ta e 'na luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bhreitheanais, agus a chionn gu'n do ghabh an anam gràin do m' reachdaibh.

44 Agus gidheadh air a shon so uile, 'nuair a bhios iad ann an tìr an naimhdean, cha tilg mi uam iad, ni mò a ghabhas mi gràin diubh, g'an sgrios gu tur, agus a bhriseadh mo choimhcheangail riu: oir is mise an Tighearn an Dia.

45 Ach air an sgàth-san cuimhnichidh mi choimhcheangal an sinnsirean, a thug mi mach á tìr na h-Eiphit, ann an sealladh nan cinneach, a chum gu'm bithinn a'm' Dhia aca: Is mise an Tighearn.

46 Is iad sin na h-orduighean, agus na breitheanais, agus na reachdan, a rinn an Tighearn eadar e féin agus clann Israeil ann an sliabh Shinai, le làimh Mhaois.

CAIB. XXVII.

1 Mu bhòidibh. 28 Cha'n fhuasglar ni sam bith coisrigte. 30 Buinidh uile dheachamh an fhearainn do'n Tighearn.

A GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a bheir duine bòid àraidh², buinidh na h-anamanna³ do'n Tighearn, a réir do mheas:

3 Agus bithidh do mheas, air an fhirionnach o fhichead bliadhna dh'aois, eadhon gu tri fichead bliadhna dh'aois; bithidh eadhon do mheas leth-cheud secel airgid, a réir secel an ionaid naoimh.

4 Agus ma's boirionnach a bhios ann, an sin bithidh do mheas deich secel 'ar fhichead.

5 Agus ma's gille o chùig bliadhna

dh'aois, eadhon gu fichead bliadhna dh'aois, a bhios ann, an sin bithidh do mheas air son an fhirionnach fichead secel, agus air son a' bhoirionnach deich secel.

6 Agus ma's ann o mhòs a dh'aois, eadhon gu cùig bliadhna dh'aois, an sin bithidh do mheas air son an fhirionnach cùig secel airgid, agus air son a' bhoirionnach bithidh do mheas tri secel airgid.

7 Agus ma's ann a bhios e o thri fichead bliadhna dh'aois agus os a cheann, ma's firionnach e, an sin bithidh do mheas cùig secel deug, agus air son boirionnach deich secel.

8 Ach ma bhios e ni's bochda na do mheas, an sin nochdaidh se e féin an làthair an t-sagairt, agus measaidh an sagart e: a réir a chomais-san a thug a' bhòid, measaidh an sagart e.

9 Agus ma's ainmhidhe, d'an toir daoine tabhartas a dh'ionnsuidh an Tighearna, bithidh gach ni a bheir duine d'an leithidibh sin do'n Tighearn, naomh.

10 Cha mhùth⁴ se e, ni mò a mhalairticheas se e, maith air son uile, no ole air son maith: ach ma mhalairticheas e, air chor sam bith, ainmhidh air son ainmhidh, an sin bithidh e féin, agus an ni a fhuaradh⁵ na mhalairt, naomh.

11 Agus ma's ainmhidh neòghlan sam bith e, do nach toir iad seachad tabhartas do'n Tighearn, an sin nochdaidh e 'n t-ainmhidh an làthair an t-sagairt:

12 Agus measaidh an sagart e, ma's maith no ole e; mar a mheasas tusa a bhios a' d' shagart e, mar sin bithidh e.

13 Ach ma dh'fhuasglas e air chor sam bith e, an sin cuireadh e an cùigeadh cuid deth ri d' mheas-sa.

14 Agus an nair a choisrigeas duine a thigh, gu bhi naomh do'n Tighearn, an sin measaidh an sagart e, ma's maith no ole e: mar a mheasas an sagart e, mar sin seasaidh e.

15 Agus ma dh'fhuasglas esan a choisrig e, a thigh, an sin cuiridh e an cùigeadh cuid a dh'airgiod do mheas-sa ris, agus bithidh e leis.

16 Agus ma choisrigeas duine do'n Tighearn cuid do fhearann a sheilbh, an sin bithidh do mheas a réir a shil⁶: measar homer do shìol eòrna aig leth-cheud secel airgid.

17 Ma choisrigeas e fhearann o bhliadhna na Iubile, a réir do mheas seasaidh e.

18 Ach ma choisrigeas e fhearann an déigh na Iubile, an sin àirmhidh⁷ an sagart an t-airgiod da a réir nam bliadhna a ta ri teachd⁸, eadhon gu bliadhna na Iubile, agus leigear sin sìos do d' mheas.

¹ irisreachadh.

³ pearsanna.

² shònraichte.

⁴ Cha'n atharraich, cha

chaochail.

⁵ churachd.

⁶ cunntaidh.

⁷ a mhaireas.

AIREAMH, I.

19 Agus ma dh'fhuasglas am fear a choisrig am fearann e air chor sam bith, an sin cuiridh e an cùigeadh *cuid* a dh'airgiod do mheas-sa ris, agus daing-nichear dha e.

20 Agus mur fhuasgail e 'm fearann, no ma reic e 'm fearann ri duine eile, cha 'n fhuasglar ni's mò e.

21 Ach bithidh am fearann, an uair a theid e mach san Iubile, naomh do'n Tighearn, mar fhearann coisrigte¹: buinidh a shealbh do'n t-sagart.

22 Ach ma choisrigeas *duine* do'n Tighearn fearann a cheannaich e, nach ann do fhearann a sheilbh;

23 An sin àirmhidh an sagart dha luach do mheas, *eadhon* gu bliadhna na Iubile, agus bheir e seachad do mheas *féin* san là sin, mar ni naomh do'n Tighearn.

24 Ann am bliadhna na Iubile pillidh am fearann d'a ionnsuidh-san o'n do cheannaicheadh e, *eadhon* d'a ionnsuidh-san d'*am buineadh* sealbh an fhearainn.

25 Agus bithidh do mheas-sa uile a réir seceil an ionaid naoinmh; bithidh fichead gearal san t-secel.

26 Ach ceud-ghin nan ainmhidh, bu chòir a bhi 'na cheud-ghin do'n Tighearn, cha choisrig duine air bith sin, co dhiubh is tarbh, no caora e: *is* leis an Tighearn e.

27 Ach ma's ann do bheathach neòghlan

¹ air a chur air leth.

e, an sin fuasglaidh se e a réir do mheas sa, agus cuiridh e an cùigeadh *cuid* deth ris; no mur fuasglar e, an sin reicear e a réir do mheas.

28 Gidheadh, cha reicear agus cha 'n fhuasglar ni sam bith coisrigte a choisrigeas duine do'n Tighearn, do gach ni a ta aige, araon do dhuine agus do ainmhidh, agus do fhearann a sheilbh: tha gach ni coisrigte ro naomh do'n Tighearn.

29 Cha 'n fhuasglar ni sam bith coisrigte, a choisrigear le daoineibh: *ach* cuirear gu cinnteach gu bàs e.

30 Agus uile dheachamh an fhearainn, *ma's ann* do shìol an fhearainn, no do mheas na craobhe, *is* leis an Tighearn e; *tha e* naomha do'n Tighearn.

31 Agus ma dh'fhuasglas duine idir a bheag d'a dheachamh, cuiridh e an cùigeadh *cuid* deth ris.

32 Agus a thaobh uile dheachaimh a' chruidh, no an treuda, *eadhon* gach uir air bith a dh'imicheas fo'n t-slait; bithidh an deachamh dheth naomha do'n Tighearn.

33 Cha rannsaich e am bi e maith no olc, ni mò a mhalairticheas se e: agus ma mhalairticheas e idir e, an sin bithidh an dà chuid e féin agus a mhalairt naomh; cha'n fhuasglar e.

34 *Is* iad sin na h-àitheantan a dh'àithn an Tighearna do Mhaois, air son chloinn Israeil ann an sliabh Shinaì.

AIREAMH.

CAIB. I.

1, 17 Na fir uile ann an Israel a 'urrainn dol a mach gu cogadh air an àireamh, 47 saor o na Lebhithich.

AGUS labhair an Tighearna ri Maois ann am fàsach Shinaì, ann am pàillion a' choimhthionail, air a' cheud là do'n dara mìos, san dara bliadhna an déigh dhoibh teachd a mach à tìr na h-Eiphit, ag ràdh,

2 Gabhaibh *àireamh*¹ cheann comh-chruinnich chloinn Israeil uile, a réir² an teaghlaichean, a réir tighe an aithriche, maille ri àireamh an ainmeanna, gach firionnach a réir an ceann:

3 O fhichead bliadhna dh'aois, agus os a cheann, gach aon a's urrainn dol a mach gu cogadh ann an Israel: àirmhidh tusa agus Aaron iad a réir am buidhnean³.

4 Agus maille ribhshe bithidh duine do gach uile thréibh: gach aon diubh 'na cheann tighe aithriche.

5 Agus *is* iad so ainmeanna nan daoine

a sheàsas maille ribh: Do thréibh Reuben; Elisur mac Shedeuir.

6 Do Shimeon; Selumiel mac Shurisadai.

7 Do Iudah; Nahson mac Aminadaib.

8 Do Isachar; Nataneel mac Shuair.

9 Do Shebulun; Eliab mac Heloin.

10 Do chloinn Ioseiph; do Ephraim, Elisama mac Amihuid; do Mhanaseh, Gamaliel mac Pheadahsur.

11 Do Bheniamin; Abidan mac Ghid-eoni.

12 Do Dhan; Ahieser mac Amisadai.

13 Do Aser; Pagiell mac Ocrain.

14 Do Ghad; Eliasaph mac Dheueil.

15 Do Naphtali; Ahira mac Enain.

16 *B'* iad sin *daoin'* ainmeil⁴ a' chomh-chruinnich, cinn-fheadhna treubhan an aithriche, ceannardan mhiltean ann an Israel.

17 Agus ghabh Maois agus Aaron na daoine sin, a ghairmeadh air an ainmibh.

18 Agus thionail iad an comhchruinn-

each uile an ceann a chéile air a' cheud là do'n dara mìos, agus chuir iad an céill an ginealach a réir an teaghlaichean, a réir tighe an aithriche, a réir àireimh¹ nan ainmean, o fhichead bliadhna dh'aois agus thairis, a réir an ceann.

19 Mar a dh'àithn an Tighearna do Mhaois, mar sin dh'àireamh e iad ann am fàsach Shinai.

20 Agus bha clann Reubein, a' mliic bu slíne a bh'aig Israel, a réir an ginealach, a réir an teaghlaichean, a réir tighe an aithriche, a réir àireimh nan ainmean, a réir an ceann, gach frionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

21 Bha iadsan a dh'àirmheadh dhiubh, eadhon do thréibh Reubein, 'nan dà fhichead agus sè mìle agus cùig ceud.

22 Do chloinn Shimeoin, a réir an ginealach, a réir an teaghlaichean, a réir tighe an aithriche, iadsan a chaidh àireamh dhiubh, a réir àireimh nan ainmean, a réir an ceann, gach frionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

23 B' iadsan a chaidh àireamh dhiubh, eadhon do thréibh Shimeoin, leth-cheud agus naoi mìle agus trì cheud.

24 Do chloinn Ghad, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

25 B' iadsan a chaidh àireamh dhiubh, eadhon do thréibh Ghad, dà fhichead agus cùig mìle agus sè ceud agus leth-cheud.

26 Do chloinn Iudah, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

27 B' iadsan a chaidh àireamh dhiubh, eadhon do thréibh Iudah, trì fichead agus ceithir mìle deug agus sè ceud.

28 Do chloinn Isachair, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

29 B' iadsan a chaidh àireamh dhiubh, eadhon do thréibh Isachair, leth-cheud agus ceithir mìle agus ceithir cheud.

30 Do chloinn Shebuluin, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus

os a cheann, gach aon a b'urrainn dol a mach gu cogadh;

31 B' iadsan a chaidh àireamh dhiubh, eadhon do thréibh Shebuluin, leth-cheud agus seachd mìle agus ceithir cheud.

32 Do chloinn Ioseph, eadhon do chloinn Ephraim, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

33 B' iadsan a chaidh àireamh dhiubh, eadhon do thréibh Ephraim, dà fhichead mìle agus cùig ceud.

34 Do chloinn Mhanaseh, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

35 B' iadsan a chaidh àireamh dhiubh, eadhon do thréibh Mhanaseh, dà mhìle dheug 'ar fhichead agus dà cheud.

36 Do chloinn Bheniamin a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

37 B' iadsan a chaidh àireamh dhiubh, eadhon do thréibh Bheniamin, cùig mìle deug 'ar fhichead agus ceithir cheud.

38 Do chloinn Dhan, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

39 B' iadsan a chaidh àireamh dhiubh, eadhon do thréibh Dhan, trì fichead agus dà mhìle agus seachd ceud.

40 Do chloinn Aseir, a réir an ginealach, a réir an teaghlaichean, a réir tighe an aithriche, a réir àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

41 B' iadsan a chaidh àireamh dhiubh, eadhon do thréibh Aseir, aon mhìle agus dà fhichead agus cùig ceud.

42 Do chloinn Naphtali, a réir an ginealach, a réir an teaghlaichean, a réir tighe an aithriche, a réir àireimh nan ainmean o fhichead bliadhna dh'aois agus os a cheann, gach aon a b'urrainn dol a mach gu cogadh;

43 B' iadsan a chaidh àireamh dhiubh, eadhon do thréibh Naphtali, trì mìle deug agus dà fhichead agus ceithir cheud.

44 Sin iadsan a chaidh àireamh, a dh'àireamh Maois agus Aaron, agus ceannardan Israeil, eadhon dà fhear dheug: bha gach fear dhiubh air son tighe aithriche.

45 Mar sin bha iadsan uile a chaidh

¹ ann an àireamh. Eabh.

àireamh do chloinn Israeil, a réir tighe an aithriche, o fhichead bliadhna dh'aois agus os a cheann, gach aon a b'urrainn dol a mach gu cogadh ann an Israeil;

46 Eadhon iadsan uile a chaidh àireamh, b' iad sè ceud mìle agus trì mìle agus cùig ceud agus leth-cheud.

47 Acl cha deachaidh na Lebhithich, a réir tréibh an aithriche, àireamh 'nam measg:

48 Oir labhair an Tighearna ri Maois, ag ràdh,

49 A mhàin cha'n àireamh thu treubh Lebhì, nì mò a ghabhas tu an *cunntas* cheann am measg chloinn Israeil:

50 Ach orduichidh tu na Lebhithich os ceann pàilliuin na Fianuis, agus os ceann nau uile nithe a *bhuineas* da: giùlainidh iad am pàillium, agus a shoithichean uile; agus fritheilidh iad da, agusampaichidh iad mu'n cuairt air a' phàillium.

51 Agus an uair a bhios am pàillium gu dol air 'aghaidh, leagaidh na Lebhithich a nuas e: agus an uair a bhios am pàillium r'a shuidheachadh, togaidh na Lebhithich suas e: agus cuirear an coigreach a thig am fagus gu bàs.

52 Agus suidhichidh clann Israeil am bùthan, gach duine làimh r'a chuideachd¹ fén, agus gach duine làimh r'a bhrataich fén, air feadh an armailtean².

53 Agus suidhichidh na Lebhithich am bùthan mu'n cuairt air pàillium na Fianuis; a chum's nach bi corruich air comh-chruinneach chloinn Israeil, agus gleidhidh³ na Lebhithich curam pàilliuin na Fianuis.

54 Agus rinn clann Israeil a réir nan uile nithe a dh'àithn an Tighearna do Mhaois; mar sin rinn iad.

CAIB. II.

Suidheachadh nan treubh 'nam bùthailh.

A GUS labhair an Tighearna ri Maois, agus ri h-Aaron, ag ràdh,

2 Suidhichidh gach duine do chloinn Israeil làimh r'a bhrataich fén, maille ri suaichiontas⁴ tighe an aithriche: fad as mu'n cuairt air pàillium a' choimhlithionail suidhichidh iad.

3 Agus air taobh na h-àirde 'n ear, leth ri éirigh na gréine, suidhichidh luchd brataich chaimp Iudah, a réir an armailtean: agus *bithidh* Nahson mac Aminadaib 'na cheannard⁵ air cloinn Iudah.

4 Agus b' iad 'armailt-san, eadhon iadsan a chaidh àireamh dhiubh, trì fichead agus ceithir mìle deug agus sè ceud.

5 Agus an fagus da suidhichidh treubh Isachair: agus *bithidh* Nataneel mac Shuair 'na cheannard air cloinn Isachair.

6 Agus b' iad 'armailt-san, agus iadsan

a chaidh àireamh dhith, leth-cheud agus ceithir mìle agus ceithir cheud.

7 An sin treubh Shebuluin: agus *bithidh* Eliab mac Heloin 'na cheannard air cloinn Shebuluin.

8 Agus b' iad 'armailt-san, agus iadsan a chaidh àireamh dhith, leth-cheud agus seachd mìle agus ceithir cheud.

9 Na h-uile a chaidh àireamh ann an camp Iudah, b' iad ceud mìle agus ceithir fichead mìle agus sè mìle agus ceithir cheud, a réir an armailtean: théid iad so a mach air thùs.

10 Air taobh na h-àirde deas *bithidh* bratach chaimp Reubein, a réir an armailtean: agus 'na cheannard air cloinn Reubein *bithidh* Elisur mac Shedeuir.

11 Agus b' iad 'armailt-san, agus iadsan a chaidh àireamh dhith, dà fhichead agus sè mìle agus cùig ceud.

12 Agus làimh ris suidhichidh treubh Shimeoin; agus *bithidh* Selumiel mac Shurisadaì 'na cheannard air cloinn Shimeoin.

13 Agus b' iad 'armailt-san, agus iadsan a chaidh àireamh dhith, leth-cheud agus naoi mìle agus trì cheud.

14 An sin treubh Ghad: agus 'na cheannard air mic Ghad, *bithidh* Eliasaph mac Reneil.

15 Agus b' iad 'armailt-san, agus iadsan a chaidh àireamh dhiubh, dà fhichead agus cùig mìle agus sè ceud agus leth-cheud.

16 Na h-uile a chaidh àireamh ann an camp Reubein, b' iad ceud mìle agus leth-cheud, agus aon mhìle, agus ceithir cheud agus leth-cheud, a réir an armailtean: agus théid iadsan a mach san dara ordugh⁶.

17 An sin théid pàillium a' choimhlithionail air 'aghaidh, maille ri camp nan Leblitheach ann meadhon a' chaimp: mar a champaicheas iad, mar sin théid iad air an aghaidh, gach duine 'na àite fén, làimh r'am brataichibh.

18 Air taobh na h-àirde 'n iar *bithidh* bratach chaimp Ephraim, a réir an armailtean; agus *bithidh* Elisama mac Amihuid 'na cheannard air mic Ephraim.

19 Agus b' iad 'armailt-san, agus iadsan a chaidh àireamh dhiubh, dà fhichead mìle agus cùig ceud.

20 Agus làimh ris-san *bithidh* treubh Mhanaseh: agus *bithidh* Gamaliel mac Phedabsuir 'na cheannard air cloinn Mhanaseh.

21 Agus b' iad 'armailt-san, agus iadsan a chaidh àireamh dhiubh, dà mhìle dheug 'ar fhichead agus dà cheud.

22 An sin treubh Bheniamin: agus *bithidh* Abidan mac Ghideoni 'na cheannard air mic Bheniamin.

¹ *champ*. Eabh. ² *slò'gh*. ³ *coimhididh*.

⁴ *suaicheantas*. ⁵ *chaimptin*. ⁶ *san dara h-àite*.

AIREAMH, II. III.

23 Agus *b'iad* 'armailt-san, agus iadsan a chaidh àireamh dhiubh, cùig mìle deug 'ar fhichead agus ceithir cheud.

24 *B' iadsan* uile a dh'àirmheadh do champ Ephraim, ceud mìle, agus ochd mìle agus ceud a réir an armailtean: agus théid iadsan air an aghaidh san treas ordugh.

25 *Bithidh* bratach chaimp Dhan air taobh na h-àirde tuath a réir an armailtean: agus *bithidh* Abieser mac Amisadai 'na cheannard air chloinn Dhan.

26 Agus *b'iad* 'armailt-san, agus iadsan a chaidh àireamh dhiubh, trì fichead agus dà mhìle agus seachd ceud.

27 Agus làimh ris campaichidh treubh Aseir: agus *bithidh* Pagiél mac Ocrain 'na cheannard air cloinn Aseir.

28 Agus *b'iad* 'armailt-san, agus iadsan a chaidh àireamh dhiubh, dà fhichead agus aon mhìle agus cùig ceud.

29 An sin treubh Naphtali: agus *bithidh* Ahira mac Enain 'na cheannard air cloinn Naphtali.

30 Agus *b'iad* 'armailt-san, agus iadsan a chaidh àireamh dhiubh, leth-cheud agus trì mìle agus ceithir cheud.

31 *B' iadsan* uile a chaidh àireamh ann an camp Dhan, ceud mìle, agus leth-cheud agus seachd mìle agus sè ceud: Imichidh iadsan fa dheireadh le 'm brataichibh.

32 *Is iad sin iadsan* a dh'àirmheadh do chloinn Israeil, a réir tighe an aithriche: *b' iadsan* uile a chaidh àireamh do na caimp, a réir an armailtean, sè ceud mìle, agus trì mìle agus cùig ceud agus leth-cheud.

33 Ach cha d'àirmheadh na Lebhithich am measg chloinn Israeil, mar a dh'àithn an Tighearna do Mhaois.

34 Agus rinn clann Israeil a réir gach nì a dh'àithn an Tighearna do Mhaois: mar sinampaich iad làimh r'am brataichibh, agus mar sin eaidh iad air an aghaidh, gach aon a réir an teaghlaichean, a réir tighe an aithriche.

CAIB. III.

1 *Ginealaich Aroin agus Mhaois.* 3 *Frithealadh agus àireamh nan Lebhithich.*

IS iad so mar an ceudna ginealaich Aroin agus Mhaois, san là anns an do labhair an Tighearna ri Maois ann an sliabh Shinai.

2 Agus *is iad* so ainmean mhac Aroin; Nadab an ceud-ghin, agus Abihu, Eleasar, agus Itamar.

3 *Is iad sin ainmean* mhac Aroin, na sagairt a dh'ungadh, a choisrig e gu frithealadh ann an dreuchd an t-sagairt.

4 Agus fhuair Nadab agus Abihu bàs an làthair an Tighearna, 'nuair a thug iad

suas teine coimheach an làthair an Tigh-carn, ann am fàsach Shinai, agus cha robh clann aca: agus fhritheil Eleasar agus Itamar ann an dreuchd an t-sagairt, ann an sealladh Aroin an athar.

5 Agus labhair an Tighearna ri Maois, ag ràdh,

6 Thoir treubh Lebhi am fagus, agus taisbein iad an làthair Aroin an t-sagairt, a chum gu'm fritheil iad dha.

7 Agus gleidhidh iad a chùram-san, agus cùram a' choimhthionail uile, air beul-aobh pàilliuin a' choimhthionail, a dheanamh seirbhis¹ a' phàilliuin.

8 Agus gleidhidh iad uile shoithichean² pàilliuin a' choimhthionail, agus cùram chloinn Israeil, a dheanamh seirbhis a' phàilliuin.

9 Agus bheir thu na Lebhithich do Aaron, agus d'a mhic: *tha* iad air an tabhairt da gu h-iomlan a mach á cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus cuirear an coigreach a thigh am fagus gu bàs.

11 Agus labhair an Tighearna ri Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, an àit a' cheud-ghin uile a dh'fhosglaas a' bhrn am measg chloinn Israeil: agus is leamsa na Lebhithich;

13 A chionn gur leamsa gach uile cheud-ghin; *oir* air an là anns an do bhuail mi gach ceud-ghin ann an tìr na h-Eiphit, naomhaich mi dhomh féin gach ceud-ghin ann an Israel, eadar dhuine agus ainmhidh; is leamsa iad: *Is* mise an Tighearna.

14 Agus labhair an Tighearna ri Maois ann am fàsach Shinai, ag ràdh,

15 Aireamh clann Lebhi a réir tighe an aithriche, a réir an teaghlaichean: gach firionnach o mhìos a dh'aois agus os a cheann àirmhidh tu iad.

16 Agus dh'àireamh Maois iad a réir focail an Tighearna, mar a thugadh àithne dha.

17 Agus *b'iad* so mic Lebhi a réir an ainmean; Gerson, agus Cohat, agus Merari.

18 Agus *is iad* so ainmean mhac Ghersoin a réir an teaghlaichean; Libni agus Simeil.

19 Agus mic Cohat a réir an teaghlaichean; Amram, agus Idsar, Hebron, agus Udsiel.

20 Agus mic Mherari a réir an teaghlaichean; Mahli, agus Musi: *is iad sin* teaghlaichean nan Lebhithich, a réir tighe an aithriche.

¹ frithealaidh.

² airneis.

21 O Gherson *bha* teaghlach Libni, agus teaghlach Shimei: *is* iad sin teaghlaichean nan Gersonach.

22 Iadsan a chaidh àireamh dhiubh, a réir àireimh nam frionnach uile, o mhìos a dh'aois agus os a cheann, *eadhon* iadsan a chaidh àireamh dhiubh, *b'iad* seachd mìle agus cùig ceud.

23 Suidhichidh teaghlaichean nan Gersonach air cùlaobh a' phàilliuin air taobh na h-àirde 'n iar.

24 Agus *bithidh* Eliasaph mac Laeil, 'na cheann tìghe athar nan Gersonach.

25 Agus air cùram¹ mhac Ghersoin, ann am pàillium² a' choimhthionail, *bithidh* am pàillium, agus am bùth, a chòmhdach, agus am brat air son doruis pàilliuin a' choimhthionail,

26 Agus cùrteinean na cùirte, agus am brat air son doruis na cùirte, a ta làimh ris a' phàillium, agus làimh ris an altair mu'n cuairt, agus a cùird, air son a seirbhis uile.

27 Agus o Chohat *bha* teaghlach nan Amramach, agus teaghlach nan Idseharach, agus teaghlach nan Hebronach, agus teaghlach nan Udsielach: *is* iad sin teaghlaichean nan Cohatach.

28 Ann an àireamh nam frionnach uile o mhìos a dh'aois agus os a cheann, *bha* ochd mìle agus sè ceud, a bha gleidheadh cùraim³ an ionaid naoimh.

29 Suidhichidh teaghlaichean mhac Chohait an taobh a' phàilliuin mu dheas.

30 Agus *bithidh* Elisaphan mac Udsiel 'na cheann tìghe athar teaghlaichean nan Cohatach.

31 Agus air an cùram-san *bithidh* an àire, agus am bòrd, agus an coinleir, agus na h-altairean, agus soithichean an ionaid naoimh, leis am fritheil iad, agus am brat, agus a sheirbhis uile.

32 Agus *bithidh* Eleasar, mac Aaroin an t-sagairt, 'na cheannard air ceannardaibh⁴ nan Lebhitheach, agus *bithidh* sùil aig orrasan a bhios a' gleidheadh cùraim an ionaid naoimh.

33 O Mherari *bha* teaghlach nam Mahlach, agus teaghlach nam Musitheach: *is* iad sin teaghlaichean Mherari.

34 Agus iadsan a chaidh àireamh dhiubh, a réir àireimh nam frionnach uile, o mhìos a dh'aois agus os a cheann, *b'iad* sè mìle agus dà cheud.

35 Agus *b'e* Suriel mac Abihail ceann tìghe athar teaghlaichean Mherari; suidhichidh iadsan air taobh a' phàilliuin mu thuath.

36 Agus *fa* choimhead agus cùram mhac Mherari *bithidh* buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach ni a

fhritheileas da,

37 Agus puist na cùirte mu'n cuairt, agus am buinn, agus am pinneachan, agus an cùird.

38 Ach iadsan a champaicheas air beulaobh a' phàilliuin air taobh na h-àirde 'n ear, *eadhon* air beulaobh pàilliuin a' choimhthionail leth ri éirigh na gréine, *is iad* Maois, agus Aaron, agus a mhic, a' gleidheadh cùraim an ionaid naoimh, air son cùraim chloinn Israeil; agus cuir-e ar an coigreach a thig am fagus gu bàs.

39 Iadsan uile a chaidh àireamh do na Lebhithich, a dh'àireamh Maois [agus Aaron] a réir àithne an Tighearn, a réir an teaghlaichean, na frionnaich uile o mhìos a dh'aois agus os a cheann, *b'iad* dà mhìle thar fhichead.

40 Agus thubhairt an Tighearna ri Maois, Aireamh gach ceud-ghin a ta 'na fhrionnach do chloinn Israeil o mhìos a dh'aois agus os a cheann, agus gabh àireamh an ainmean.

41 Agus gabhaidh tu na Lebhithich dhomhsa (*Is mise an Tighearn*) an àite nan ceud-ghin uile am measg chloinn Israeil; agus spréidh nan Lebhitheach an àite nan ceud-ghin uile am measg spréidhe chloinn Israeil.

42 Agus dh'àireamh Maois, mar a dh' àithn an Tighearna dha, gach ceud-ghin am measg chloinn Israeil.

43 Agus gach ceud-ghin a *bha* 'na fhrionnach, a réir àireimh nan ainmean, o mhìos a dh'aois agus os a cheann, dhiubhsan a chaidh àireamh dhiubh, *b' iad* dà mhìle thar fhichead dà cheud agus tri fichead agus tri-deug.

44 Agus labhair an Tighearna ri Maois, ag ràdh,

45 Gabh na Lebhithich an àite nan ceud-ghin uile am measg chloinn Israeil, agus spréidh nan Lebhitheach an àite an spréidhe-san, agus bithidh na Lebhithich leamsa: *Is mise an Tighearn*.

46 Agus air an son-san a ta gu bli air am fuasgladh do'n dà cheud agus an tri fichead agus an tri-deug, do cheud-ghin chloinn Israeil, a tha nì's lionmhoire na na Lebhithich;

47 Gabhaidh tu eadhon cùig seceil am fear air an ceann; a réir seceil an ionaid naoimh gabhaidh tu *iad*: *is e* 'n secel fichead gerah.

48 Agus bheir thu 'n t-airgiod, leis am fuasglar an t-àireamh còrr dhiubh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh orra-san a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle tri cheud agus tri

¹ *fa* choimhead.

² *bùth*. Eabh.

³ *a'* gleidheadh faire. ⁴ uaislibh, daoine urramach.

fichead agus cùig *seceil*, a réir *seceil* an ionaid naomh.

51 Agus thug Maois airgiod na muinntir sin a dh'fhuasgladh, do Aaron, agus d'a mhic, a réir focail an Tighearna, mar a dh'athn an Tighearna do Mhaois.

CAIB. IV.

1 *Aois agus àm frithealaidh nan Lebhithcean.*
17 *Dreuchd nan sagart.*

AGUS labhair an Tighearna ri Maois, agus ri h-Aaron, ag ràdh,

2 Gabh àireamh mhac Chohait o mheasg mhac Lebhi, a réir an teaghlaichean, a réir tighe an aithriche;

3 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach neach a théid a steach do'n armailt, a dheanamh na h-oibre ann am pàillium a' choimhthionail.

4 So an t-seirbhis a bhios aig mic Chohait, ann am pàillium a' choimhthionail, *ma thimchioll* nan nìtle ro naomha.

5 Agus an uair a bhios an camp gu dol air 'aghaidh¹, thig Aaron agus a mhic, agus bheir iad a nuas brat a' chòmhdach, agus còmhdachidh iad àire na Fianuis leis;

6 Agus cuiridh iad oirre an còmhdachadh do chroicnibh bhroc, agus sgaoilidh iad os a ceann eudach uile do ghorm, agus cuiridh iad a bataichean innte.

7 Agus air bòrd arain na Fianuis sgaoilidh iad eudach do ghorm, agus cuiridh iad air na miasan², agus na tùiseirean³, agus na copain⁴, agus na cuachan leis an toirear seachad tabhartas-dìbhe⁵: agus bithidh an t-aran an còmhnuidh air.

8 Agus sgaoilidh iad orra eudach scar-laid, agus còmhdachidh iad sin le còmhdachadh do chroicnibh bhroc, agus cuiridh iad a bhataichean ann.

9 Agus gabhaidh iad eudach do ghorm, agus còmhdachidh iad coinleir an t-soluis, agus a lòchrain, agus a chlobhachan⁶, agus a smàl-shoithichean, agus a shoithichean-olaidh uile, leis am fritheil iad da.

10 Agus cuiridh iad e *fèin*, agus a shoithichean uile, ann an còmhdachadh do chroicnibh bhroc, agus cuiridh iad air lunn e.

11 Agus air an altair òir sgaoilidh iad eudach do ghorm, agus còmhdachidh iad i le còmhdachadh do chroicnibh bhroc, agus cuiridh iad *rithe* a bataichean.

12 Agus gabhaidh iad na h-innill fhrith-ealaidh uile leis am fritheil iad san ionad naomh, agus cuiridh iad ann an eudach do ghorm *iad*, agus còmhdachidh iad le còmhdachadh do chroicnibh bhroc *iad*, agus cuiridh iad air lunn *iad*.

13 Agus bheir iad air falbh an luath o'n altair, agus sgaoilidh iad eudach corcuir⁷ oirre;

14 Agus cuiridh iad oirre a soithichean uile, leis am fritheil iad m'a timelioll, *eadhon* na tùiseirean⁸, na greimichean-feòla, agus na sluasaidean, agus na cuachan⁹, soithichean na h-altarach uile; agus sgaoilidh iad oirre còmhdachadh do chroicnibh bhroc, agus cuiridh iad *rithe* a bataichean.

15 Agus crìochnaichidh Aaron agus a mhic còmhdachadh an ionaid naomh, agus uile shoithichean an ionaid naomh, 'nuair a bhios an camp gu dol air 'aghaidh; agus an déigh sin thig mic Chohait g'an giùlan: achi cha bhean iad ri ni naomha *sambith*, air eagal gu'm bàsaich iad. *Is iad na nithe* sin eallach mliac Chohait ann am pàillium a' choimhthionail.

16 Agus do dhreuchd Eleasair, mhic Aaron an t-sagairt *buinidh* an oladh chum an t-soluis, agus an tùis chùbhraidh, agus an tabhartas-bidh lathail, agus an oladh-ungaidh, agus eùram¹⁰ a' phàillium uile, agus nan uile nithe a *ta* ann, san ionad naomha, agus 'na shoithichibh.

17 Agus labhair an Tighearna ri Maois, agus ri h-Aaron, ag ràdh,

18 Na gearraibh as treubh theaghlaichean nan Còhatach o mheasg nan Lebhithcean.

19 Achi so ni sibh riut, chum gu'm bi iad beò agu nach bàsaich iad, an uair a thig iad am fagus do na nithibh ro naomha; théid Aaron agus a mhic a steach, agus orduichidh siad iad gach aon d'a sheirbhis *fèin*, agus d'a eallach.

20 Achi cha téid iad a steach a dh'fhaicinn an uair a chòmhdachear na nithe naomha, air eagal gu'm faigh iad bàs.

21 Agus labhair an Tighearna ri Maois, ag ràdh,

22 Gabh mar an ceudna àireamh mhac Ghersein, a réir tighe an aithriche, a réir an teaghlaichean:

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a théid a steach a dheanamh na h-oibre ann am pàillium a' choimhthionail.

24 *Is i* so seirbhis theaghlaichean nan Gersonach, seirbhis a dheanamh, agus eallach a ghiùlan¹¹.

25 Agus giùlainidh iad cùirteinean a' phàillium, agus pàillium a' choimhthionail, a chòmhdach, agus an còmhdach do chroicnibh bhroc, a ta shuas thairis air,

¹ *r'a atharrachadh.*

² *soithichean.*

³ *liaghan, spàinean.*

⁴ *cupain.*

⁵ *na còmhdachan g'a chòmhdachadh.*

⁶ *a theanchairean.*

⁷ *purpur.*

⁸ *tùis-shoithichean.*

⁹ *soithichean-crathaidh.*

¹⁰ *sùil-bheachd.*

¹¹ *air son uallach.*

agus brat doruis pàilliuin a' choimhthionail,

25 Agus cùirteinean na cùirte, agus brat doruis geata na cùirte, a *ta* làimh ris a' phàilliuin, agus ris an altair mu'n cuairt, agus an cùird, agus innil am frithealaidh uile, agus gach ni a rinneadh air an son: mar so ni iad seirbhis.

27 A réir focail Aaroin agus a mhac bithidh uile sheirbhis mhac nan Gersonach, 'nan eallachaibh uile, agus 'nan seirbhis uile; agus orduichidh sibh dhoibh mar an cùram an eallachan uile.

28 *Is i* so seirbhis theaghlaichean mhac Ghersoin, ann am pàilliuin a' choimhthionail; agus *bithidh* an cùram fuidh làimh Itamair mhic Aaroin an t-sagairt.

29 A thaobh mhac Mherari, àirmhidh tu iad a réir an teaghlaichean, a réir tighe an aithriche:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, àirmhidh tu iad, gach aon a théid a steach do'n t-seirbhis, a dheanamh oibre pàilliuin a' choimhthionail.

31 Agus *is e* so cùram an eallaich, a réir an seirbhis uile ann am pàilliuin a' choimhthionail; bùird a' phàilliuin, agus a chroim, agus a phuist, agus a bhuinn,

32 Agus puist na cùirte mu'n cuairt, agus am buinn, agus am pinneachan¹, agus an cuird, maille r'an innealaibh uile, agus maille r'an seirbhis uile; agus air an ainm àirmhidh sibh innil cùram an eallaich.

33 *Is i* so seirbhis theaghlaichean mhac Mherari, a réir an seirbhis uile ann am pàilliuin a' choimhthionail, fuidh làimh Itamair mhic Aaroin an t-sagairt.

34 Agus dh'àireamh Maois agus Aaron agus ceannardan a' chomhchruinnich mic nan Cohatach, a réir an teaghlaichean, agus a réir tighe an aithriche:

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàilliuin a' choimhthionail.

36 Agus iadsan a chaidh àireamh dhiubh, a réir an teaghlaichean, b'iad dà mhìle seachd ceud agus leth-cheud.

37 B'iad so iadsan a chaidh àireamh do theaghlaichibh nan Cohatach, gach neach a dh'fheudadh seirbhis a deanamh ann am pàilliuin a' choimhthionail, a dh'àireamh Maois agus Aaron, a réir àithne an Tighearna le làimh Mhaois.

38 Agus iadsan a chaidh àireamh do mhic Ghersoin, a réir an teaghlaichean, agus a réir tighe an aithriche:

39 O dheich bliadhna fichead a dh'aois

agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàilliuin a' choimhthionail;

40 Eadhon iadsan a chaidh àireamh dhiubh, a réir an teaghlaichean, a réir tighe an aithriche, b'iad dà mhìle agus sè ceud agus deich 'ar fhichead.

41 So iadsan a chaidh àireamh do theaghlaichibh mhac Ghersoin, do gach neach a dh'fheudadh seirbhis a dheanamh ann am pàilliuin a' choimhthionail a dh'àireamh Maois agus Aaron a réir àithne an Tighearna.

42 Agus iadsan a chaidh àireamh do theaghlaichibh mhac Mherari a réir an teaghlaichean, a réir tighe an aithriche;

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàilliuin a' choimhthionail;

44 Eadhon iadsan a chaidh àireamh dhiubh, a réir an teaghlaichean, b'iad trì mìle agus dà cheud.

45 So iadsan a chaidh àireamh do theaghlaichibh mhac Mherari, a dh'àireamh Maois agus Aaron, a réir focail an Tighearna le làimh Mhaois.

46 Iadsan uile a chaidh àireamh do na Lebhitich, a dh'àireamh Maois agus Aaron, agus ceannardan Isracil, a réir an teaghlaichean, agus a réir tighe an aithriche;

47 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithealaidh, agus seirbhis na h-eallaich ann am pàilliuin a' choimhthionail;

48 Eadhon iadsan a chaidh àireamh dhiubh b'iad ochd mìle agus cùig ceud agus ceithir fichead.

49 A réir àithne an Tighearna dh'àirmheadh iad le làimh Mhaois, gach aon a réir a sheirbhis, agus a réir eallaich: mar so dh'àirmheadh iad leis, mar a dh'àithn an Tighearna do Mhaois.

CAIB. V.

1 An coimh-leasachadh air son eucorach. 11 Dèul-ainm Èdaich.

A GUS labhair an Tighearna ri Maois, ag ràdh,

2 Aithn do chloimn Israeil, iad a chur a mach as a' champ gach lobhar, agus gach neach air am bheil silteach, agus gach neach a ta air a shalachadh leis a' mharbh:

3 Aaron firionnach agus boirionnach cuiridh sibh a mach, an taobh a muigh do'n champ cuiridh sibh iad; a chum as nach truail iad an campan, anns am bheil mise gabhail còmhuidh.

4 Agus rinn clann Israeil mar so, agus chuir iad a mach iad an taobh a muigh

¹ *tairnean, tairgean.*

do'n champ; mar a labhair an Tighearna ri Maois, mar sin rinn clann Israeil.

5 Agus labhair an Tighearna ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusaontais¹ an aghaidh an Tighearn, agus gu'm bheil an t-anam sin ciontach;

7 An sin aidichidh iad am peacadh a rinn iad: agus ni e coimh-leasachadh² air son 'eucorach³ san iomlan, agus cuiridh e an cuigeadh *cuid* deth ris, agus bheir e *sin dhasan* air an d'rinn e 'n eucoir.

8 Ach mur bi aig an duine caraid sam bith⁴ gucoimh-leasachadh a thoirt da saneucoir, thugar an coimh-leasachadh a nìthear do'n Tighearn air son na h-eucorach, do'n t-sagart; a thuilleadh air reithe na réite, leis an deanar réite air a shon.

9 Agus gach tabhartas donithibh naomha chloinn Israeil uile, a bheir iad chum an t-sagairt, is leis-san iad.

10 Agus nithe coisrigte gach duine, is leis-san iad: ge b'e ni a bheir duine sam bith do'n t-sagart, is leis e.

11 Agus labhair an Tighearna ri Maois, ag ràdh,

12 Labhair ri cloinn Israeil, agus abair riu, Ma théid bean fir sam bith a thaobh, agus gu'n ciontaich i 'na aghaidh,

13 Agus gu'n luidh fear gu collaidh leatha, agus gu'm bi sin folaichte o shùilibh a fir-phòsda, agus gu'm bi e ceilte⁵, agus gu'm bi i air a thruaillleadh, agus nach bi fianuis sam bith 'na h-aghaidh, agus gun i air a glacadh *sa' chùis*.

14 Agus gu'n tig spiorad èud air, agus gu'm bheil e 'g èudach air a mhuaioi, agus gu'n do thruaillleadh i; no ma thàinig spiorad èud air, agus gu'm bheil e èudmhor m'a mhnaoi, agus nach do thruaillleadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheamh *cuid* a dh'ephah do mhin eòrna; cha dòirt e oladh air, ni mò a chuireas e tùis air, oir is tabhartas èudaich⁶ a t'ann, tabhartas cuimhneachain, a' toirt aingidheachd ann an cuimhne.

16 Agus bheir an sagart am fagus i, agus cuiridh e i an làthair an Tighearn.

17 Agus gabhaidh an sagart uisge naomh ann an soitheach creadha, agus gabhaidh an sagart *cuid* do'n duslach⁷ a bhios air ùrlar a' phailliuin, agus cuiridh e san uisge e.

18 Agus cuiridh an sagart a' bhean ann an làthair an Tighearn, agus rùisgidh e ceann na mnà, agus cuiridh e'n tabhartas

cuimhneachain 'na làmhaidh, eadhon an tabhartas èudaich; agus bithidh aig an t-sagart 'na làmh an t-uisge searbh a mhallachas.

19 Agus gabhaidh an sagart mionnan dhith, agus their e ris a' mhnaoi, Mur do luidh fear sam bith leat, agus mur deachaidh tu thaobh gu neòghloine *maille ri neach eile* an àite t'fhir-phòsda, bi-sa saor o an uisge shearbh so a mhallachas:

20 Ach ma chaidh thu thaobh *gu neach eile* an àite t'fhir-phòsda, agus gu'n do thruaillleadh thu, agus gu'n do luidh fear eile leat a thuilleadh air t'fhear-phòsda;

21 An sin gabhaidh an sagart mionnan mallachaidh do'n mhnaoi, agus their an sagart ris a' mhnaoi, Gu'n deanadh an Tighearn a'd' mhallachadh agus a'd' mionnan thu am measg do shluaigh, 'nuair a bheir an Tighearn air do shliasaid⁸ lobhadh, agus air do bhroinn atadh;

22 Agus théid an t-uisge so a mhallachas a stigh a'd' mnibh⁹, a thoirt air do bhroinn atadh, agus air do shliasaid lobhadh: Agus their a' bhean, Anien, amen.

23 Agus sgrìobhaidh an sagart na mallachdan sin ann an leabhar, agus dubhaidh e mach *iad* leis an uisge shearbh;

24 Agus bheir e air a' mhnaoi an t-uisge searbh a bheir am mallachadh, òl: agus théid an t-uisge a mhallachas a steach innte, *agus fàsaidh* e searbh.

25 An sin gabhaidh an sagart an tabhartas èudaich á làmh na mnà, agus luaisgidh e 'n tabhartas an làthair an Tighearn, agus bheir e seachad e air an altair.

26 Agus gabhaidh an sagart làn glaice do'n tabhartas, *eadhon* a chuimhneachan, agus loisgidh e air an altair e, agus an déigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh ma thruaillleadh i, agus ma rinn i coire an aghaidh a fir-phòsda, gu'n téid an t-uisge a mhallachas a steach innte, *agus fàsaidh* e searbh, agus ataidh a brù, agus lobhaidh a shiasaid: agus bithidh a' bhean 'na mallachadh am measg a sluaigh.

28 Agus mur do thruaillleadh a' bhean, ach gu'm bheil i glan; an sin bithidh i saor, agus fàsaidh i torrach.

29 Is e so lagh nan ènd, an uair a thèid bean a thaobh *gu fear eile* an àit a fir-phòsda, agus a thruailllear i;

30 No 'nuair a thig spiorad èud air fear, agus a tha e èudmhor m'a mhnaoi, agus a chuireas e a' bhean an làthair an Tighearn, agus a chuireas an sagart an gnìomh oirre an lagh so uile;

¹ euceirt.

² dìoladh, éiric

³ a chionta.

⁴ dìoghaltuir. Eabh.

⁵ am folach.

⁶ an offering of jealousy. Sasg.

⁷ luaithe.

⁸ leas.

⁹ mhinach.

31 An sin bithidh an duine saor o'n chionta, agus giùlainidh a' bhean so a cionta.

CAIB. VI.

1 *Lagh nan Nasarach.* 22 *Modh beannachaidh chloinn Israeil.*

AGUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a dhealaicheas aon chuid bean no fear *iad féin* a bhòideachadh bòide Nasaraich, a chum *iad féin* a dhealachaidh¹ do'n Tighearna;

3 O fhion, agus o dhibh làidir sgaraidh se e féin; fìon-geur fìona, no fìon-geur dibhe làidir cha'n òl e, ni mò a dh'òlas e bheag do shùgh nam fìon-dhearcan, ni mò a dh'itheas e fìon-dhearcan ùr no tioram.

4 Uile làithean a dhealachaidh cha'n ith e bheag a nìhear do'n chraoibh-fhìona, o na h-eiteanaibh gus am plaosg.

5 Uile làithean bòide a dhealachaidh, cha tig ealtainn air a cheann: gus an coinhlìonar na làithean anns an dealaich se e *féin* do'n Tighearna, bithidh e naomh; agus leigidh e le ciabhaibh gruaige a chinn fàs.

6 Sna làithibh sin uile anns an dealaich se e *féin* do'n Tighearna, cha tig e 'm fagus do chorp² marbh sam bith,

7 Cha dean se e féin neòghlan air son 'athar, no air son a mhlàthar, air son a bhràthar, no air son a pheathar, an uair a gheibh iad bàs; do bhrìgh gu *bheil* coisreagadh a Dhé air a cheann.

8 Uile làithean a dhealachaidh *tha* e naomha do'n Tighearna.

9 Agus ma gheibh duine gu h-obann bàs làimh ris, agus gu'n do shalaich e ceann a choisreagaidh; an sin bearraidh³ e a cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur⁴, no dà choluman òg, a dh'ionnsuidh an t-sagart, gu dorus pàilliuin a' choimhthionail.

11 Agus iobraidh an sagart fear diubh mar iobairt-pheacaidh, agus am fear eile mar iobairt-loisgte, agus ni e réite air a shon, do bhrìgh gu'n do pheacaidh e thaobh a' mhairbh, agus naomhaichidh e a cheann san là sin féin.

12 Agus coisrigidh e do'n Tighearna làithean a dhealachaidh, agus bheir e leis uan do'n cheud bhliadhna chum iobairt-eusaontais: ach bithidh na làithean a chaidh seachad caillte, do bhrìgh gu'n do shalaicheadh a dhealachadh.

13 Agus is e so lagh an Nasaraich: 'Nuair a choimhlìonar làithean a dhealachaidh, bheirear e⁵ gu dorus pàilliuin a' choimhthionail:

14 Agus bheir e seachad a thabhartas

do'n Tighearna, aon uan fìonn do'n cheud bhliadhna gun ghaoid a chum iobairt-loisgte, agus aon uan boirionn do'n cheud bhliadhna gun ghaoid a chum iobairt-pheacaidh, agus aon reithe gun ghaoid a chum iobairt-shìth;

15 Agus bascaid do aran neo-ghoirtichte, breacagan do phlùr mìn measgta le h-oladh, agus dearnagana do aran neo-ghoirtichte ungta le h-oladh, agus an tabhartas-bidh, agus an tabhartasan-dibhe.

16 Agus bheir an sagart *iad* an làthair an Tighearna, agus iobraidh e 'iobairt-pheacaidh, agus 'iobairt-loisgte.

17 Agus iobraidh e'n reithe mar iobairt thabhartasan-sìth do'n Tighearna, maille ris a' bhascaid do arau neo-ghoirtichte: bheir an sagart seachad mar an ceudna a thabhartas-bidh, agus a thabhartas-dibhe.

18 Agus bearraidh an Nasarach ceann a dhealachaidh, aig dorus pàilliuin a' choimhthionail; agus gabhaidh e gruag cinn a dhealachaidh, agus cuiridh e i san teine a *ta* suidh iobairt nan tabhartasan-sìth.

19 Agus gabhaidh an sagart slinnean bruich an reithe, agus aon bhreacag neo-ghoirtichte as a' bhascaid, agus aon dearnagan⁶ neo-ghoirtichte; agus cuiridh e *iad* air làmhaibh an Nasaraich, an deigh do *ghruaig* a dhealachaidh bhi air a bearradh.

20 Agus luaisgidh an sagart *iad* mar thabhartas-luaisgte an làthair an Tighearna; *tha* so naomha do'n t-sagart maille ris an uchd luaisgte, agus *maille ris* an t-slinnean thogta: agus an deigh sin feudaidh an Nasarach fìon òl.

21 Is e so lagh an Nasaraich, a thug bòid, *agus lagh* a thabhartais do'n Tighearna air son a dhealachaidh, a thuilleadh air na gheibh a làmh: a réir a bhòide a bhòidich e, mar sin is éigin da dheanamh, a réir lagha a dhealachaidh.

22 Agus labhair an Tighearna ri Maois, ag ràdh,

23 Labhair ri h-Aaron agus r'a mhic, ag ràdh, air a' mhodh so beannaichidh sibh clann Israeil, ag ràdh riu,

24 Gu'm beannaicheadh an Tighearna thu, agus gu'n gleidheadh e thu:

25 Gu'n tugadh an Tighearna air' aghaidh dealrachadh ort, agus bitheadh e gràs mhor dhuit.

26 Gu'n togadh an Tighearna suas a ghnùis ort, agus gu'n tugadh e sìth dhuit.

27 Agus cuiridh iad m'ainm air cloinn Israeil, agus beannaichidh mise iad.

CAIB. VII.

2, 10 *Tabhartais cheamardan Israeil.* 89 *Labhair Dia ri Maois.*

AGUS tharladh air an là anns an do chuir Maois suas am pàilliuin gu

¹ sgaradh.

² cholann.

³ lomaidh.

⁴ fhearann. Eir.

⁵ bheir se e

⁶ abhlann.

h-iomlan, agus san d'ung se e, agus san do naomhaich se e, agus 'uidheam¹ uile, araon² an altair agus a soithichean uile, agus san d'ung e iad, agus san do naomhaich e iad;

2 Gu'n d'thug ceannardan³ Israeil, cinn tighe an aithriche, (eadhon ceannardan nan treubh, a bha os ceann na muinntir a chaidh àireamh) seachad tabhartas:

3 Agus thug iad an tabhartas an làthair an Tighearna, sè feunan còmhdaichte, agus dà dhamh dheug: fenn⁴ air son dithis do na ceannardaibh, agus damh air son gach fir dhiubh, agus thug iad air beulaobh a' phàilliuin iad.

4 Agus labhair an Tighearna ri Maois, ag ràdh,

5 Gabh uatha iad, a chum gu'm bi iad a dheanamh seirbhis pàilliuin a' choimh-thionail; agus bheir thu iad do na Lebhithich, do gach fear a réir an sheirbhis.

6 Agus ghabh Maois na feunan agus na daimh, agus thug e do na Lebhithich iad.

7 Dà fheun agus ceithir daimh thug e do mhic Ghersoin, a réir an seirbhis⁵.

8 Agus ceithir feunan agus ochd daimh thug e do mhic Mherari, a réir an seirbhis, fuidh làimh Itamair mhic Aaroin an t-sagairt.

9 Ach do mhic Chohait cha d' thug e h-aon air bith; a chiom gu'm b'i seirbhis an ionaid naoimh a bhuineadh dhoibhsan, gu'n giùlaineadh iad air an gtuailibh.

10 Agus thug na ceannardan seachad tabhartas a chum coisreagaidh na h-altarach, air an là anns an d'ungadh i; thug eadhon na ceannardan seachad an tabhartas air beulaobh na h-altarach.

11 Agusthubhairt an Tighearna ri Maois, Bheir gach ceannard seachad a tabhartas air a là féin, chum coisreagaidh na h-altarach.

12 Agus esana thug seachad a tabhartas air a' cheud là, b'e Nahson mac Aminadaib, do thréibh Iudah.

13 Agus b'e a tabhartas aon mhias⁶ airgid, d'am bu chudthrom ceud agus deich seceil⁷ ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

14 Aon spàin do dheich seceil òir, làn do thùis:

15 Aon tarbh òg, aon reithe, aon uan do'n cheud bhliadhna, chum ìobairt-loisgte:

16 Aon mheann do na gabhraibh chum ìobairt-pheacaidh:

17 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain do'n cheud

bhliadhna. B'e so tabhartas Nahsoin mhic Aminadaib.

18 Air an dara là thug Nataneel mac Shuair, ceannard Isachair, seachad tabhartas.

19 Thug e seachad mara thabhartas aon mhias airgid, d'am bu chudthrom ceud agus deich seceil⁷ ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

20 Aon spàin òir do dheich seceil, làn do thùis:

21 Aon tarbh òg, aon reithe, aon uan do'n cheud bhliadhna, chum ìobairt-loisgte:

22 Aon mheann do na gabhraibh chum ìobairt-pheacaidh:

23 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain do'n cheud bhliadhna. B'e so tabhartas Nataneil mhic Shuair.

24 Air an treas là thug Eliab mac Heloin, ceannard chloinn Shebuluin, seachad tabhartas.

25 B'e a tabhartas-sanaon mhias airgid, d'am bu chudthrom ceud agus deich seceil⁷ ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

26 Aon spàin òir do dheich seceil, làn do thùis:

27 Aon tarbh òg, aon reithe, aon uan do'n cheud bhliadhna, chum ìobairt-loisgte:

28 Aon mheann do na gabhraibh chum ìobairt-pheacaidh:

29 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain do'n cheud bhliadhna. B'e so tabhartas Eliab mhic Heloin.

30 Air a' cheathramh là thug Elisur mac Sheudeir, ceannard chloinn Reubein, seachad tabhartas.

31 B'e a tabhartas aon mhias airgid do cheud agus deich seceil⁷ ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

32 Aon spàin òir do dheich seceil, làn do thùis:

33 Aon tarbh òg, aon reithe, aon uan do'n cheud bhliadhna, chum ìobairt-loisgte:

34 Aon mheann do na gabhraibh chum ìobairt-pheacaidh:

35 Agus a chum ìobairt nan tabhartas-

¹ innil, a shoitichean.

² agus. Eabh.

³ cinn-fheadhna, mailhean.

⁴ waggon. Sasg.

⁵ am frithealaidh, am foghnaidh.

⁶ chlùr.

⁷ chopan, shoitheach-crathaidh.

sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Elisuir mhic Shedeuir.*

36 Air a' chùigeadh là *thug* Selumiel mac Shurisadai, ceannard chloinn Shim-eoin, *seachad tabhartas.*

37 *B'e a thabhartas-sa aon mhias airgid, d'am bu chudthrom ceud agus deich seceil* 'ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

38 Aon spàin òir do dheich *seceil*, làn do thùis:

39 Aon tarbh òg, aon reithe, aon uan do'n cheud bhliadhna, chum ìobairt-loisgte:

40 Aon mheann do na gabhraibh chum ìobairt-pheacaidh:

41 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Shelumieil mhic Shurisadai.*

42 Air ant-seathadh là *thug* Eliasaph mac Dheueil, ceannard chloinn Ghad, *seachad tabhartas.*

43 *B'e a thabhartas-sa aon mhias airgid, d'am bu chudthrom ceud agus deich seceil* 'ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

44 Aon spàin òir do dheich *seceil*, làn do thùis:

45 Aon tarbh òg, aon reithe, aon uan do'n cheud bhliadhna, chum ìobairt-loisgte:

46 Aon mheann do na gabhraibh chum ìobairt-pheacaidh:

47 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Eliaiph mhic Dheueil.*

48 Air an t-seachdamh là *thug* Elisama mac Amihuid, ceannard chloinn Ephraim, *seachad tabhartas.*

49 *B'e a thabhartas-sa aon mhias airgid, d'am bu chudthrom ceud agus deich seceil* 'ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

50 Aon spàin òir do dheich *seceil*, làn do thùis:

51 Aon tarbh òg, aon reithe, aon uan do'n cheud bhliadhna, chum ìobairt-loisgte:

52 Aon mheann do na gabhraibh chum ìobairt-pheacaidh:

53 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Elisama*

mhic Amihuid.

54 Air an ochdamh là *thug* Gamaliel mac Phedahsuir, ceannard chloinn Mhanaseh, *seachad tabhartas.*

55 *B'e a thabhartas-sa aon mhias airgid do cheud agus deich seceil* 'ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

56 Aon spàin òir do dheich *seceil*, làn do thùis:

57 Aon tarbh òg, aon reithe, aon uan do'n cheud bhliadhna, chum ìobairt-loisgte:

58 Aon mheann do na gabhraibh chum ìobairt-pheacaidh:

59 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Ghamalieil mhic Phedahsuir.*

60 Air an naothadh là *thug* Abidan mac Ghideoni, ceannard chloinn Bheniamin, *seachad tabhartas.*

61 *B'e a thabhartas-sa aon mhias airgid, d'am bu chudthrom ceud agus deich seceil* 'ar fhichead, aon chuach airgid do dheich agus trì fichead secel, a réir secel an ionaid naoimh, iad le chéile làn do phlùr mìn measgta le h-oladh, chum tabhartais-bidh:

62 Aon spàin òir do dheich *seceil*, làn do thùis:

63 Aon tarbh òg, aon reithe, aon uan do'n cheud bhliadhna, chum ìobairt-loisgte:

64 Aon mheann do na gabhraibh chum ìobairt-pheacaidh:

65 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Abidain mhic Ghideoni.*

66 Air an deicheamh là *thug* Ahieser mac Amisadai, ceannard chloinn Dhan, *seachad tabhartas.*

67 *B'e a thabhartas-sa aon mhias airgid, d'am bu chudthrom ceud agus deich seceil* 'ar fhichead, aon chuach airgid do dheich agus trì fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

68 Aon spàin òir do dheich *seceil*, làn do thùis:

69 Aon tarbh òg, aon reithe, aon uan do'n cheud bhliadhna, chum ìobairt-loisgte:

70 Aon mheann do na gabhraibh chum ìobairt-pheacaidh:

71 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e so tabhartas Ahieser mhic Amisadai.*

72 Air an aon là deug *thug* Pagiel mac Ocrain, ceannard chloinn Aseir, *seachad tabhartas.*

73 *B'e* a thabhartas-sanaon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

74 Aon spàin òir do dheich *seceil*, làn do thùis:

75 Aon tarbh òg, aon reithe, aon uan do'n cheud bhliadhna, chum ìobairt-loisgte:

76 Aon mheann do na gabhraibh chum ìobairt-pheacaidh:

77 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e* so tabhartas Phagieil mhic Òcrain.

78 Air an dara là dheug *thug* Ahira mac Enain, ceannard chloinn Naphtali, *seachad tabhartas*.

79 *B'e* a thabhartas-sanaon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel, a réir seceil an ionaid naoimh, iad le chéile làn do phlùr mìn measgta le h-oladh, chum tabhartais-bidh:

80 Aon spàin òir do dheich *seceil*, làn do thùis:

81 Aon tarbh òg, aon reithe, aon uan do'n cheud bhliadhna, chum ìobairt-loisgte:

82 Aon mheann do na gabhraibh chum ìobairt-pheacaidh:

83 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain do'n cheud bhliadhna. *B'e* so tabhartas Ahira mhic Enain.

84 *B'e* so coisreagadh na h-altarach (san là anns an d'ungadh i) le ceannardaibh Israeil: dà mhias dheug airgid, dà chuach dheug airgid, dà spàin dheug òir:

85 *B'e cudthrom* gach meise airgid ceud agus deich *seceil* 'ar fhichead, agus gach cuaiche deich agus tri fichead: *B'e cudthrom* nan soithichean airgid uile, dà mhìle agus ceithir cheud *seceil*, a réir seceil an ionaid naoimh.

86 *Bha* dà spàin dheug òir ann, làn do thùis, cudthrom gach aon fa leth deich seceil, a réir seceil an ionaid naoimh: *b'e* òr nan spàinean uile ceud agus fichead *secel*.

87 *B'iad* na tairbh uile chum ìobairt-loisgte dà tharbh dheug, na reitheachan a dhà-dheug, na h-uain do'n cheud bhliadhna dhà-dheug, maille r'an tabhartas-bidh: agus na mìn do na gabhraibh chum ìobairt-pheacaidh a dhà-dheug.

88 Agus *b'iad* na tairbh uile, chum ìobairt nan tabhartas-sith, ceithir tairbh 'ar fhichead, na reitheachan tri fichead, na buic-ghaibhre tri fichead, na h-uain do'n cheud

bhliadhna tri fichead. *B'e* so coisreagadh na h-altarach, an déigh dh'i bhí air a h-ungadh.

89 Agus an uair a chaidh Maois a steach do phàillium a' choimhthionail, a labhairt ris¹: an sin chual' e guth *aoin* a' labhairt ris o uachdar na caithir-thrócair a *bha* os ceann àirce na Fianuis, o eadar an dà che-rub; agus labhair e ris.

CAIB. VIII.

1 *Mar a lasadh na lòchrain.* 5 *Coisreagadh nan Lebhithich: 23 an aois agus àm am frithleaidh.*

A GUS labhair an Tighearna ri Maois, ag ràdh,

2 Labhair ri h-Aaron, agus abair ris, 'Nuair a lasas tu na lòchrain, bheir na seachd lòchrain solus uatha thall fa chomhair a' choimhleir.

3 Agus rinn Aaron mar sin; las e a lòchrain thall fa chomhair a' choimhleir; mar a dh'àithn an Tighearna do Mhaois.

4 Agus *b'e* so obair a' choimhleir: *bha* e dh'òr buailte gu ruig a chos, gu ruig a bhlàthan *bha* e dh'obair bhuailte: a réir an t-samhlaidh a nochd an Tighearna do Mhaois, mar sin rinn e 'n coimhleir.

5 Agus labhair an Tighearna ri Maois, ag ràdh,

6 Gabh na Lebhithich o mheasg chloinn Israeil, agus glan iad.

7 Agus mar so ní thu riu, chum an glanadh: crath uisge glanaidh orra, agus thugadh iad ealtainn thar² am feoil uile, agus nigheadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bidh, *eadhon* plùr mìn measgta le h-oladh, agus gabhaidh tu tarbh òg eile chum ìobairt-pheacaidh.

9 Agus bheir thu na Lebhithich air beulaobh pàilliuin a' choimhthionail: agus cruinnichidh tu coimhthional chloinn Israeil uile an ceann chéile:

10 Agus bheir thu na Lebhithich an làthair an Tighearna, agus cuiridh clann Israeil an làmhan air na Lebhithich:

11 Agus luaisgidh Aaron na Lebhithich ann an làthair an Tighearna, *mar* thabhartas-luaisgte o chloinn Israeil; a chum gu'n dean iad seirbhís an Tighearna.

12 Agus cuiridh na Lebhithich an làmhan air cinn nan tarbh; agus ìobraidh tu h-aon *diubh* *mar* ìobairt-pheacaidh, agus am fear eile *mar* ìobairt-loisgte do'n Tighearna, a dheanamh réite air son nan Lebhithich.

13 Agus cuiridh tu na Lebhithich an làthair Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearna.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa.

¹ ri Dia.

² bearradh iad.

15 Agus 'na dhéigh sin théid na Lebhithich a steach a dheanamh seirbhis pàilliuin a' choimhthionail; agus glanaidh tuaid, agus luaisgidh tu iad *mar* thabhartas-luaisgte:

16 Oir thugadh dhomhsa guh-iomlan iad o mheasg chloinn Israeil; an àite gach aon a dh'fhosgla a' bhrù, *eadhon an àite* ceud-ghin chloinn Israeil uile, ghabh mi dhomh féin iad.

17 Oir is leamsa uile cheud-ghin chloinn Israeil, *araon* duine agus ainmhidh: san là air an do bhuail mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich an àit uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic, o mheasg chloinn Israeil, a dheanamh seirbhis chloinn Israeil ann am pàillium a' choimhthionail, agus a dheanamh réite air son chloinn Israeil; a chum as nach bi plàigh sam bith am measg chloinn Israeil, an uair a thig clann Israeil am fagas do'n ionad naomh.

20 Agus rinn Maois agus Aaron, agus comhchruinneach chloinn Israeil uile, ris na Lebhithich a réir gach nì a dh'àithn an Tighearna do Mhaois a thaobh nan Lebhithich, mar sin rinn clann Israeil riu.

21 Agus ghlanadh na Lebhithich agus nigh iad an eudach; agus thug Aaron suas¹ iad *mar* thabhartas an làthair air an Tighearn; agus rinn Aaron réite air an son a chum an glanadh.

22 Agus an déigh sin chaidh na Lebhithich a steach, a dheanamh an seirbhis ann am pàillium a' choimhthionail, an làthair Aaron agus an làthair a mhac: mar a dh'àithn an Tighearna do Mhaois a thaobh nan Lebhithich, mar sin rinn iad riu.

23 Agus labhair an Tighearna ri Maois, ag ràdh,

24 *Is e so an nì a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheithamh air seirbhis pàilliuin a' choimhthionail:

25 Agus o aois leth-cheud bliadhna sguiridh iad a dh'fheithamh air a sheirbhis, agus cha dean iad seirbhis nì's mò.

26 Ach fritheilidh iad maille r' am bràithribh ann am pàillium a' choimhthionail a ghleidheadh a' chùrain, agus cha dean iad seirbhis sam bith *eile*. Mar so nì thu ris na Lebhithich a thaobh an cùrain.

CAIB. IX.

1 *A' chàisg air a h-orduachadh.* 15 *Thredraich neul a bha air a' phàillium clann Israeil air an turus.*

AGUS labhair an Tighearna ri Maois ann am fàsach Shinai, sa' cheud

mhios do'n dara bliadhna an déigh dhoibh teachd a mach á tìr na h-Eiphit, ag ràdh, 2 Cumadh, mar an ceudna, clann Israeil a' chàisg 'na h-àm suidhichte féin.

3 Sa' cheathramh là deug do'n mhios so, air feasgar², cumaidh sibh i 'na h-àm suidhichte féin, a réir a h-orduighean uile, agus a réir a deas-ghnàthan uile, cumaidh sibh i.

4 Agus labhair Maois ri cloinn Israeil, iad a chumail na càisge.

5 Agus chum iad a' chàisg air a' cheathramh là deug do'n cheudmhios air feasgar, ann am fàsach Shinai: a réir gach nì a dh'àithn an Tighearna do Mhaois, mar sin rinn clann Israeil.

6 Agus bha daoine àraidh a shalaicheadh le corp duine mhairbh, air chor as nach b'urrainn iad a' chàisg a chumail air an là sin; agus thàinig iad an làthair Mhaois, agus an làthair Aaron air an là sin.

7 Agus thubhairt na daoine sin ris, *Tha sinne air ar salachadh le corp duine mhairbh: c'ar son a chumar air ar n-ais sinn, a chum as nach feud sinn tabhartas an Tighearn a thoirt seachad 'na àm suidhichte féin am measg chloinn Israeil?*

8 Agus thubhairt Maois riu, Seasaidh *an sin*, agus cluinidh mise ciod a dh'àithneas an Tighearna d'ur taobh.

9 Agus labhair an Tighearna ri Maois, ag ràdh,

10 Labhair ri cloinn Israeil, ag ràdh, Ma bhios duine sam bith dhibh, no d'ur sliochd, air a shalachadh le corp marbh, no *ma bhios e* air thurus fad air astar, gidheadh cumaidh e a' chàisg do'n Tighearn.

11 Sa' cheathramh là deug do'n dara mios air feasgar cumaidh iad i: le h-aran neo-ghoirtichte, agus le *lusaibh* searbhathaidh iad.

12 Cha 'n fhàg iad a bheag dhith gu maduinn, nì mò a bhriseas iad cnàimh dhith: a réir uile orduighean na càisge cumaidh iad i.

13 Ach an duine a *tag* glan, agus nach 'eil air thurus, agus a dhearmadas a' chàisg a chumail; gearradh cadhnan t-anam sin féin as o 'shluagh, a chiomnach d'fhuge seachad tabhartas an Tighearna 'na àm suidhichte: giùlainidh an duine sin a pheacadh.

14 Agus ma bhios coigreach air cluairt 'nur measg, agus gu'n cum e a' chàisg do'n Tighearn, a réir orduigh na càisge, agus a réir a gnàtha, mar sin nì e: bitheadh aon ordugh agaibh araon air son a' choigreich, agus air a shon-san a rugadh san tìr.

15 Agus air an là anns an do thogadh suas am pàillium, chomhdaich an neul am pàillium, *eadhon* bùth na Fianuis; agus

¹ dh'ofrail.

² cadar an dà fheasgar. Eabh.

air fcasgar bha air a' phàillium mar gu'm bu choslas¹ teine gus a' mhaduinn.

16 Mar sin bha e ghnàth: chòmhaich an neul e *san là*, agus coslas teine san oidliche.

17 Agus an uair a thogadh an neul suas o'n phàillium, an sin gun dàil ghabh clann Israeil an turus: agus san ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul, air a' phàillium, dh'fhan iad 'nam bùthaibh.

19 Agus an uair a dh'fhan an neul air a' phàillium mòran do làithibh, an sin ghléidh clann Israeil freasdal² an Tighearna, agus cha d'imich iad.

20 Agus an uair a bha an neul beagan do làithibh air a' phàillium, a réir àithne an Tighearna dh'fhan iad 'nam bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o fheasgar gu maduinn, agus a thogadh an neul suas sa' mhaduinn, an sin ghabh iad an turus: ma b'ann sau là no san oidhech' a thogadh an neul suas, ghabh iad an turus.

22 No co dhiubh a b'ann dà là, no mìos, no bliadhna, dh'fhan an neul air a' phàillium, a' fuireach air, dh'fhan clann Israeil 'nam bùthaibh, agus cha d'imich iad: ach an uair a thogadh suas e, ghabh iad an turus³.

23 A réir àithne an Tighearna dh'fhan iad 'nam bùthaibh, agus a réir àithne an Tighearna ghabh iad an turus: ghléidh iad freasdal an Tighearna a réir àithne an Tighearna le làimh Mhaois.

CAIB. X.

1 Mar a ghnàthaicheadh na trompaidan. 33 Beannachadh Mhaois an uair a bha 'n àire gu dol air a h-aghaidh, agus an uair a stad i.

AGUS labhair an Tighearna ri Maois, ag ràdh,

2 Dean dhuit féin dà thrompaid airgid; a dh'aon mhir ni thu iad; agus gnàthaichidh tu iad a ghairm a' choimhthionail, agus a chum turuis⁴ nau camp.

3 Agus an uair a shéideas iad leo, cruinnichidh an coimhthional uile iad féin a t'ionnsuidh aig dorus pàillium a' choimhthionail.

4 Agus mur séid iad *ach* le h-aon trompaid, an sin cruinnichidh na ceannardan a ta 'nan cinn-fheadhna air mhiltibh Israeil, iad féin a t'ionnsuidh.

5 'Nuair a shéideas sibh caismeachd⁵,

an sin théid na campan a ta 'nan luidhe air taobh na h-àirde 'n ear air an aghaidh.

6 'Nuair a shéideas sibh caismeachd an dara uair, an sin théid na campan a ta 'nan luidhe air taobh na h-àirde deas air an aghaidh: séididh iad caismeachd a chum an turusan,

7 Ach an uair a tha 'n coimhthional gu bli air a chruinneachadh an eann a chéile, séididh sibh, ach cha séid sibh caismeachd.

8 Agus séididh mic Aaroin, na sagartan, leis na trompaidibh; agus bithidh iad dhuibh⁶ mar reachd siorruidh air feadh bhur ginealach.

9 Agus ma théid sibh gu cogadh 'nur dùthaich an aghaidh an nàmhaid a ta deanamh foirneart oirbh, an sin séididh sibh caismeachd leis na trompaidibh; agus cuimhnichear sibh an làthair an Tighearna bhur Dé, agus saorar sibh o bhur naimhidh.

10 Mar an ceudna ann an là bhur subhachais, agus 'nur n-àrd làithibh féille, agus ann an toiseach bhur mìosan, séididh sibh leis na trompaidibh os ceann bhur n-ìobairte-loisgte, agus os ceann ìobairte bhur tabhartasan-sith; agus bithidh iad dhuibh mar chuimhneachan an làthair bhur Dé: *Is mise an Tighearna bhur Dia*.

11 Agus tharladh, air an fhicheadamh là do'n dara mìos, san dara bliadhna, gu'n do thogadh suas an neul o uachdar pàillium na Fianuis.

12 Agus ghabh clann Israeil an turusan a fàsach Shinai; agus stad an neul ann am fàsach Pharain.

13 Agus ghabh iad air tùs an turus, a réir àithne an Tighearna le làimh Mhaois.

14 Sa' cheud àite dh'imich bratach chaimp chloinn Iudal, a réir an armaitcan; agus air ceann a shlòigh bha Nahson mac Aminadab.

15 Agus air ceann slòigh thréibh chloinn Isachair bha Nataneel mac Shuair.

16 Agus air ceann slòigh thréibh chloinn Shebuluin bha Eliab mac Heloin.

17 Agus thugadh a nuas am pàillium; agus chaidh mic Ghersein, agus mic Mherari air an aghaidh, a' giùlan a' phàillium.

18 Agus ghluais bratach chaimp Reubein air a h-aghaidh, a réir an armaitcan: agus air ceann a shlòigh bha Elisur mac Shedeur.

19 Agus air ceann slòigh thréibh chloinn Shimeoin bha Selumiel mac Shurisadai.

20 Agus air ceann slòigh thréibh chloinn Ghad bha Eliasaph mac Dheueil.

21 Agus chaidh na Cohataich air an aghaidh, a' giùlan an ionaid naoimh, agus

¹ chosamlas.

² circum, carbaidh.

³ thrial iad.

⁴ gluasad.

⁵ cath-fhuaim.

⁶ bithidh e dhuibh.

chuireadh suas am pàillium air cheann doibh teachd.

22 Agus ghluais bratach chaimp chloinn Ephraim air a h-aghaidh, a réir an armailtean: agus air ceann a shlòigh *bha* Elisama mac Amihuid.

23 Agus air ceann slòigh thréibh chloinn Mhanaseth *bha* Gamaliel mac Phedahsnir.

24 Agus air ceann slòigh thréibh chloinn Bheniamin *bha* Abidan mac Ghideoni.

25 Agus chaidh bratach thréibh chloinn Dhan air a h-aghaidh, *a bha* air deireadh nan camp uile air feadh an slògh: agus air ceann a shlòigh *bha* Ahieser mac Amisadai.

26 Agus air ceann slòigh thréibh chloinn Aseir *bha* Pagiel mac Ocrain.

27 Agus air ceann slòigh thréibh chloinn Naphtali *bha* Ahira mac Enain.

28 B' iad sin turusan chloinn Israeil, a réir an armailtean, 'nuair a ghluais iad air an aghaidh.

29 Agus thubhairt Maois ri Hobab, mac Ragueil a' Mhidianaich, athar-céile Mhaois, Tha sinn air ar turus a chum an àite mu'n dubhairt Dia, Bheir mi dhuibh e: thig thusa maille ruinn, agus ni sinn maith dhuit; oir labhair an Tighearna maith a thaobh Israeil.

30 Agus thubhairt e ris, Cha téid mi maille ribh: ach inichidh mi chum mo dhùthcha féin, agus a chum mo dhilscan¹ féin.

31 Agus thubhairt e, Na fâg sinn, guidheam ort; oir tha fhios agad cionnus a champaicheas sinn anns an fhàsach, agus bithidh tu dhuinn an àite shùl².

32 Agus tarlaidh, ma théid thu maille ruinn, seadh, tarlaidh, ge b'e maith a ni Dia dhuinne, gu'n dean sinne am maith ceudna dhuitse.

33 Agus dh'imich iad oshliabh³ an Tighearn astar thrì làithean: agus chaidh àirc coimheangail an Tighearna rompa astar thrì làithean, a rannsachadh a mach àite-tàimh dhoibh.

34 Agus *bha* neul an Tighearn orra san là, 'nuair a chaidh iad a mach as a' champ.

35 Agus tharladh, 'nuair a bha 'n àire gu dol air a h-aghaidh, gu'n dubhairt Maois, Eirich suas, a Thighearna, agus biodh do naimhdean air an sgapadh, agus teicheadh a' mhuinntir leis am fuathach thu romhad.

36 Agus an uair a stad i, thubhairt e, Pill, a Thighearna, chum nam mìlte⁴ do mhiltibh Israeil.

CAIB. XI.

4 Tha'n sluagh a' talach nach robh aca ach am mana mar bhìadh. 16 Tha trì fichead 'sa deich seanair air an orduchadh gu bhì 'nan luchd-

riaghlaidh os an ceann. 34 Gearra-goirt air an tabhairt dhoibh am feigr.

AGUS an uair a rinn an sluagh gearan, a mhi-thaitim e ris an Tighearn: agus chual' an Tighearn e; agus las 'thearg; agus loisgteine an Tighearna 'nam measg, agus chuir e as doibhsan a bha 'n iomall a' chaimp:

2 Agus ghlaoth an sluagh ri Maois; agus an uair a rinn Maois urnuigh ris an Tighearna, choisgeadh⁵ an teine.

3 Agus thug e Taberah mar ainm air an àite sin; a chionn gu'n do loisg teine an Tighearna 'nam measg.

4 Agus ghlac ciocras⁶ an cumasg shnaigh⁷ a bha 'nam measg: agus ghuil mar an ceudna clann Israeil a ris, agus thubhairt iad, Cò bheir dhuinn feoil r'a h-iththeadh?

5 Is cuimhne leimn an t-iasg a dh'ith sinn san Eipht gu saor⁸; na cularain⁹, agus na mealbhucain¹⁰, agus na léicis, agus na h-uinneinean, agus an creamh¹¹:

6 Ach a nis tha ar n-anam air tiorrachadh; cha 'n'eil ni air bith againn; ach am mana so, 'nar sealladh.

7 Agus *bha* am mana cosmhuil ri frois coriandeir, agus a dhath mar dhath bdellium.

8 Chaidh an sluagh mu'n cuairt, agus thionail iad e agus mheil¹² iad e ann am muilnibh, no phronn iad e ann am mort-air¹³, agus bhruidh iad e ann an aighnibh, agus rinn iad breacagan deth: agus bha 'bhlas mar bhlas olaidh ùir.

9 Agus an uair a thuit an drùchd¹⁴ air a' champ san oidheche, thuit am mana air.

10 An sin chuala Maois an sluagh a' gul air feadh an teaghlach, gach duine ann an dorus a bhùtha: agus las fearg an Tighearna gu mòr; bha Maois mar an ceudna diomach¹⁵.

11 Agus thubhairt Maois ris an Tighearna, C'ar son a bhuin thu gu h-olc ri d' sheirbhiseach? agus c'ar son nach d'fhuair mi deadh-ghean¹⁶ a'd' shealladh, gu'n do leag thu eircadh¹⁷ an t-sluaigh so uile orm?

12 Am mise a ghlin an sluagh so uile? an ann domh a rugadh iad, gu'n abradh tu rium, Giùlain a'd' uchd iad (mar a ghiùl-aineas oid'-altruim leanabh na cìche) chum an fhearainn a mhionnaich thu d'an aithrichibh?

13 Cia as a gheibhinn-sa feoil gu tabh-airt do'n t-sluaigh so uile? oir tha iad a' gul rium, ag ràdh, Thoir dhuinn feoil, a chum as gu'n ith sinn?

14 Cha'n urrainn mise cudthrom an t-sluaigh so uile a ghiùlan a'm' aonar, a chionn gu bheil e ro throm air mo shon.

¹ mo chinnich. ² cionnus a champaich sinn ann an fhàsach, agus bha thu dhuinne an àite shùl. ³ bheinn. ⁴ nan deich mìlte. Eabhl. ⁵ mhùchadh. ⁶ miann. ⁷ 'n sluagh measgta.

⁸ a nasgaidh. ⁹ cucumbers. Sasg. ¹⁰ melons. Sasg. ¹¹ gartick. Sasg. ¹² bhleath. ¹³ brath-spioraidh. ¹⁴ drùchd. ¹⁵ diom-buidheach. ¹⁶ fadhbor. ¹⁷ eallach, cudthrom.

15 Agus ma bhuineas tu rium mar so, marbh mi, guidheam ort, as an làimh, ma fhuair mi dcadh-ghean, a'd' shealladh; agus na faiceam mo thruaighe.

16 Agus thubhairt an Tighearna ri Maois, Cruinnich dhomhsa deich agus tri fichead fear do sheanairibh Israeil, muinntir a's aithne dhuit a bhi 'nan seanairibh an t-sluaigh, agus 'nan luchd-riaghlaidh os an ceann; agus thoir iad gu pàillion a' choimhthionail, chum gu'n seas iad an sin maille riut.

17 Agus thig mise nuas agus labhraidh miriut an sin: agus gabhaidh mi do'n spiorad a ta ortsa, agus cuiridh mi orra-san e; agus giùlainidh iad eallach an t-sluaigh maille riut, a chum as nach giùlain thu féin e a'd' aonar.

18 Agus abair ris an t-sluaigh, Naomhaichibh sibh féin air cheann an là maireach, agus ithidh sibh feoil (oir ghuil sibh ann an éisdeachd¹ an Tighearn, ag ràdh, Cò bheir dhuinn feoil r'a h-ithheadh? oir bu nuaith ar cor san Eiphit) uime sin bheir an Tighearna feoil dhuibh, agus ithidh sibh.

19 Cha'n ith sibh aon là, no dà là, no cùig làithean, no deich làithean, no fichead là,

20 Ach eadhon mìos iomlan, gus an tig i mach à cuinneibh bhur sròn, agus gu'm bi i gràineil duibh; a chionn gu'n d'rinn sibh tair air an Tighearn a ta 'nur measg, agus gu'n do ghuil sibh 'na làthair, ag ràdh, C'ar son a thàinig sinn a mach as an Eiphit?

21 Agus thubhairt Maois, Tha'n sluagh am measg am bheil mise, 'nan sè ceud mìle coisiche; agus thubhairt thu, Bheir mi dhoibh feoil, chum gu'n ith iad rè mìosa iomlain:

22 Am marbhar na caoraich agus am buar dhoibh, chum an sàsachadh? no an cruinnichear iasg na mara uile r'a chéile dhoibh, chum an sàsachadh.

23 Agus thubhairt an Tighearna ri Maois, Am bheil làmh an Tighearn air fàs goirid? chi thusa nis an tig no nach tig m'fhocal gu crìch dhuit.

24 Agus chaidh Maois a mach, agus dh'innis e do'n t-sluaigh focail an Tighearn, agus chruinnich e an deich agus an tri fichead do sheanairibh an t-sluaigh, agus thug e orra seasamh mu thimchioll a' phàillion.

25 Agus thàinig an Tighearn a nuas ann an ncuil, agus labhair e ris, agus ghabh e do'n spiorad a bha air, agus thug se e do'n deich agus an tri fichead seanair: agus tharladh, an uair a ghabh an spiorad còmhnuidh orra, gu'n d'rinn iad fàidheadaireachd, agus nach do sguir iad².

26 Ach dh'fhan dithis do na daoineibh sa' champ; b'e ainm aoin diubh Eldad, agus ainm an fhir cile Medad: agus ghabh an spiorad còmhnuidh orra, (agus bha iad dhiubhsan a chaidh a sgriobhadh, ach cha deachaidh iad a mach do'n phàillion) agus rinn iad fàidheadaireachd sa' champ.

27 Agus ruith òganach, agus dh'innis e do Mhaois, agus thubhairt e, Tha Eldad agus Medad ri fàidheadaireachd sa' champ.

28 Agus fhreagair Iosua mac Nuin, seirbhiseach Mhaois, aon d'a òganaich, agus thubhairt e, Mo thighearn, a Mhaois, bac iad.

29 Agus thubhairt Maois ris, Am bheil farmad ort air moshon-sa? Ise moghuidhe ri Dia gu'm biodh sluagh an Tighearn uile 'nam fàidhibh, agus gu'n cuireadh an Tighearn a spiorad orra!

30 Agus chaidh Maois do'n champ, e féin agus seanairean Israeil.

31 Agus chaidh gaoth a mach o'n Tighearn, agus thug i gearra-goirt³ o'n fhairge, agus leig i leo tuiteam làimh ris a' champ, mar astar là air an taobh so, agus mar astar là air an taobh eile, mu'n cuairt air a' champ, agus mar dhà làimh-choille air àirde, air aghaidh na talmhainn.

32 Agus sheas an sluagh suas air an là sin uile, agus air an oidhche sin uile, agus air an là a b'fhaisge uile, agus thionail iad na gearra-goirt: esan bu lugha a thionail, thionail e deich homeir, agus sgaol iad gu farsuing doibh féin iad mu thimchioll a' chaimp.

33 'Nuair a bha 'n fheoil fathast eadar am fiacra, mun do chagnadh i, las fearg an Tighearn an aghaidh an t-sluaigh, agus bhuail an Tighearn an sluagh le plàigh ro mhòir.

34 Agus thug e Cibrot-hataabhah mar ainm air an àite sin; a chionn ann an sin gu'n d'adhlac iad an sluagh a mhiannaich.

35 Agus dh'imich an sluagh o Chibrot-hataabhah gu Haserot: agus dh'fhan iad ann an Haserot.

CAIB. XII.

1 Ceannaire Mhìriaim agus Aaroin an aghaidh Mhaois air a cronachadh. 10 Luibhre Mhìriaim.

A GUS labhair Miriam agus Aaron an aghaidh Mhaois air son na mnà o Etiopia, a phòs e: oir bha e air pòsadh mnà o Etiopia.

2 Agus thubhairt iad, An do labhair an Tighearna da rìreadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis bha 'n duine Maois ro chiùin⁴, thar nan uile dhaoine a bha air aghaidh na talmhainn,)

¹ ann an cluasaibh. Eabh.

² nach d'rinn ni

b'fhaide.

³ quails. Sasg.

⁴ ro shèimh.

4 Agus labhair an Tighearna gu grad ri Maois, agus ri h-Aaron, agus ri Miriam, Thigibh a mach sibhse 'nur triuir gu pàilliuin a' choimhthionail. Agus thàinig iad 'nan triuir a mach.

5 Agus thàinig an Tighearna nuas ann am meall neoil, agus sheas e ann an dorus a' phàilliuin, agus ghairm c'air Aaron agus Miriam: agus thàinig iad le chèile mach.

6 Agus thubhairt e, Eisdibh a nis ri m' bhriathraibh-sa: Ma tha fàidh 'nurmeasg, ni mise an Tighearna mi féin aithnichte dha ann an taisbeanadh¹, agus labhraidh mi ris ann am brudair.

7 Cha 'n 'eil mo sheirbhiseach Maois mar sin, a tha fìrinneach² ann am thigh uile.

8 Beul ri beul labhraidh mi ris-san, eadhon gu soilleir, agus cha 'n ann am briathraibh dorch, agus chi e coslas an Tighearna: c'ar son ma ta nach robh eagal oirbh labhairt an aghaidh mo sheirbhisich Mhaois?

9 Agus las fearg an Tighearna 'nan aghaidh, agus dh'fhalbh e.

10 Agus dh'fhalbh an neul bhàrr a' phàilliuin, agus, feuch, rinneadh Miriam na lobhar, geal mar shneachda: agus dh'amhaire Aaron air Miriam, agus, feuch, bha i 'na lobhar.

11 Agus thubhairt Aaron ri Maois, Och! mo thighearna, guidheam ort, na cuir am peacadh as ar leth³, leis an d'rinn sinn gu h-amaideach, agus leis an do pheacaich sinn.

12 Na biodh i mar aon marbh, d'am bheil an fheoil air a leth-chaitheamh, 'nuair a thig e mach á broinn a mhàthar.

13 Agus ghlaodh Maois ris an Tighearn, ag ràdh, Leighis i nis, O Dhé, guidheam ort.

14 Agus thubhairt an Tighearna ri Maois, Nan tilgeadh a h-athair ach smugaid 'na h-eudan, nach bu chòir dh'i bhi fo nàire seachd làithean? druidear a mach o'n champ i rè sheachd làithean, agus 'na dhéigh sin gabhar a steach i ris.

15 Agus dhruideadh Miriam a mach o'n champ seachd làithean: agus cha do ghabh an sluagh an turas, gus an d'thugadh Miriam a steach a ris.

16 Agus 'na dhéigh sin dh'imich an sluagh o Haserot, agus champaich iad ann am fasach Pharaìn.

CAIB. XIII.

1 Luchd-rannsachaidh tire Chanaain. 17 Seòlanna air an tabhairt dhoibh. 21 Na rinn iad: 26 an aithris.

A GUS labhair an Tighearna ri Maois, ag ràdh,

2 Cuir daoine uait, a chum gu'n ranns-

aich iad tìr Chanaain, a bheir mise do chloinn Israeil; as gach uile thréibh d'an aithrichibh cuiridh sibh duine, gach aon *diubh* 'na cheannard 'nan measg.

3 Agus chuir Maois iad o fhàsach Pharaìn, a réir àithne an Tighearna: *bu* cheannardan na daoine sin uile air cloinn Israeil.

4 Agus is iad so an ainmeanna: Do thréibh Reubein, Samua mac Shacuir.

5 Do thréibh Shimeoin, Saphat mac Hori.

6 Do thréibh Iudah, Caleb mac Iephuneh.

7 Do thréibh Isachair, Igal mac Ioseph.

8 Do thréibh Ephraim, Hosca mac Nuin.

9 Do thréibh Bheniamin, Palti mac Raphu.

10 Do thréibh Shebuluin, Gadiel mac Shodi.

11 Do thréibh Ioseph, eadhon, do thréibh Mhanaseh, Gadi mac Shusi.

12 Do thréibh Dhan, Amiel mac Ghemali.

13 Do thréibh Aseir, Sctur mac Mhichaeil.

14 Do thréibh Naphtali, Nahbi mac Uopsi.

15 Do thréibh Ghad, Geuel mac Mhachi.

16 Is iad sin ainmeanna nan daoine a chuir Maois a ghabhail beachd air an fhearann: Agus thug Maois Iehosua mar ainm air Hosea, mac Nuin.

17 Agus chuir Maois iad a ghabhail beachd air talamh Chanaain, agus thubhairt e riu, Rachaidh suas *san t-slighe* so mu dheas, agus gabhaidh suas a chum na beinne;

18 Agus faicibh am fearann, ciod e, agus an sluagh a ta 'nan còmhnuidh ann, am *bheil* iad làidir no anmhunn, tearc no lìonmhor;

19 Agus ciod e am fearann anns am bheil iad a chòmhnuidh, am *bheil* e maith no olc; agus ciod iad na bailtean anns am *bheil* iad 'nan còmhnuidh, an ann am bùthaibh, no ann an daingneachaidh⁴ làidir;

20 Agus ciod e an talamh⁵, am *bheil* e reamhar no bochd⁶, am bheil coille ann no nach 'eil. Agus biodh agaibh deadh mhisneach, agus thugaibh leibh do thoradh an fhearainn. (A nis b'e 'n t-àm àm nan ceud dhearca-fìona abuibh).

21 Mar sin chaidh iad suas, agus rannsaich iad ann fearann o fhàsach Shìn gu Rehob, mar a théid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmái, mic Anaic. (A nis thogadh Hebron seachd bliadhna roimh Shoa'n san Eiphit.)

23 Agus thàinig iad gu sruth⁷ Escoil,

¹ foillseachadh, taibhse.

² tairis, dileas.

³ na leig, na càirich am peacadh oirnn.

⁴ àitibh daingnihte.

⁶ truagh, caol

⁵ fonn, fearann.

⁷ srath, gleann.

agus ghearr iad sìos as a sin geug le aon bhagaide fhìon-dhearc, agus ghiùlain iad i eadar dlhithis air luing: agus *thug iad* leo do na pomgranataibh, agus do na figibh.

24 Thugadh sruth Escoil mar ainm air an àite sin, air son a' bliagaide fhìon-dhearcan a ghearr clann Israeil sìos as a sin.

25 Agus phill iad o rannsachadh an fhearainn an déigh dhà fhichead là.

26 Agus dh'imich iad, agus thàinig iad gu Maois, agus gu h-Aaron, agus gu comhchruinneach chloinn Israeil uile, gu ràsach Pharaon, gu Cades; agus thug iad leo fios d'an ionnsuidh, agus a dh'ionnsuidh a' chomhchruinnich uile, agus dh'fheuch iad dhoibh toradh na tire.

27 Agus dh'innis iad dha, agus thubhairt iad, Thàinig sinne a dh'ionnsuidh an fhearainn gus an do chuir thu sinn, agus gu deimhin tha e a' sruthadh le bainne agus le mìl; agus is e so a thoradh.

28 Gidheadh, *tha* 'n sluagh làidir a tha 'nan còmhnuidh san fhearann, agus *tha* na bailtean air an cuairteachadh le ball-achaibh, agus ro mhòr: agus os bàrr, chunnaic sinn clann Anaic an sin.

29 Tha na h-Amaleich 'nan còmhnuidh am fearann na h-àirde deas; agus *tha* na Hitich, agus na Iebusaich, agus na h-Amoraich, 'nan còmhnuidh sna beanntaibh; agus *tha* na Canaanaich 'nan còmhnuidh làimh ris an fhaire, agus ri taobh Iordain.

30 Agus chiùinich² Caleb an sluagh an làthair Mhaois, agus thubhairt e, Rachamaid suas a dh'aon fheachd, agus sealbhaicheamaid e; oir is urrainn sinn gu cinnteach a cheannsachadh³.

31 Ach thubhairt na daoine a claidh suas maille ris, Cha 'n urrainn sinn dol suas an aghaidh an t-sluaigh; oir *is* treise iad na sinne.

32 Agus thug iad droch sgeul⁴ air an fhearann a rannsachadh iad gu cloinn Israeil, ag ràdh, Am fearann troimh 'n deachaidh sinne g'a rannsachadh, *is* fearann e a tha 'g itheadh suas a luchd-àiteachaidh, agus an sluagh uile a chunnaic sinn ann, *is* daoine iad do mheudachd mhòir⁵.

33 Agus chunnaic sinn na fahairean⁶ an sin, mic Anaic, a thàinig o na fahaireau; agus bha sinne 'nar sealladh féin mar fhionnain-feoir⁷, agus bha sinn mar sin 'nan sealladh-san.

CAIB. XIV.

1 *Tha'n sluagh ri gearan 'nuair a chual' iad aithris an luchd-rannsachidh.* 29 Chronaich an Tighearn iad.

AGUS tlog an comhchruinneach uile suas an guth, agus ghlaodh iad; agus

ghuil an sluagh air an oidhche sin.

2 Agus riun clann Israeil uile gearan an aghaidh Mhaois, agus an aghaidh Aaron; agus thubhairt an comhchruinneach uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus c'ar son a thug an Tighearna sinn do'n fhearann so, a thuiteam leis a' chlaidheamh, a chum gu'm biodh ar mnàì agus ar clann bheag 'nan cobhart-aich⁸? nach b'fhearr dhuinn pilltinn do'n Eiphit?

4 Agus thubhairt iad gach fear r'a chéile⁹, Deanamaid dhuinn féin ceannard, agus pilleamaid do'n Eiphit.

5 An sin thuit Maois agus Aaron air an aghaidh an làthair coimhthionail comhchruinnich chloinn Israeil uile.

6 Agus reub Iosua mac Nuin, agus Caleb mac Iephuneh, a bha dhiubhsan a rannsach am fearann, an eudach.

7 Agus labhair iad ri cuideachd chloinn Israeil uile, ag ràdh, Am fearann a chaidh sinne troimhe g'a rannsachadh, *is* fearann ro mhaith e.

8 Ma tha tlachd aig an Tighearn ann-ainn, an sin bheir e sinn a dh'ionnsuidh an fhearainn so, agus bheir e dhuinn e; fearann a tha sruthadh le mìl agus le bainne.

9 A mhàin na deanaibh ceannaire¹⁰ an aghaidh an Tighearn, agus na biodh eagall sluaigh an fhearainn oirbh; oir *is* aran duinn iad: dh'fhalbh an dìon uatha, agus *tha* 'n Tighearna maille ruinne; na biodh eagall oirbh rompa.

10 Ach dh'iarr an comhchruinneach uile an clachadh le clachaibh. Agus dh'fhoillsicheadh glòir an Tighearn ann am pàillium a' choimhthionail, an làthair chloinn Israeil uile.

11 Agus thubhairt an Tighearna ri Maois, Cia fhad a bhrosnaicheas an sluagh so mi? agus cia fhad a bhitheas e mun creid iad mi, air son nan comharan uile a nochd¹¹ mi 'nam measg?

12 Buailidh mi iad leis a' phlàigh, agus fògraidh mi iad¹², agus ni mi thusa a' d' chinneach ni's mò, agus ni's cumhachdaiche na iadsan.

13 Agus thubhairt Maois ris an Tighearn, An sin cluinnidh na h-Eiphitich e, (oir thug thusa nìs an sluagh so le d'chumhachd o bhi 'nam measg¹³.)

14 Agus innsidh iad e do luchd-àiteachaidh an fhearainn so: oir chual' iad gu bheil thusa, a' Thighearn, am measg an t-sluaigh so; gu bheil thusa, a' Thighearn, air t-fhaic-

¹ nochd. ² shìthich, chaisg. ³ oir gu cinnteach buadhachidh sinn air.

⁵ daoine garbha, mòr 'nam pearsa. ⁶ h-athaich. ⁷ leumnaich-uaine.

⁸ nan creich.

⁹ r'a bhràthair. Eabh.

¹⁰ ar a mach.

¹¹ rinn. Eabh. ¹² arfuntaidh mi iad; bheir mi an oighreachd dhuibh. Eabh. ¹³ as meadhan an d'thug thu nìs an sluagh so le d' chumhachd.

AIREAMH, XIV.

inn aghaidh ri h-aghaidh; agus *gu bheil* do neul a' seasamh os an ceann; agus *gu bheil* thu ag imeachd rompa, ann am meall neoil san là, agus ann am meall teime san oidhche.

15 A nis, *ma* mharbhas tu an sluagh so uile mar aon duine, an sin labhraidh na cinnich a chual' iomradh ort, ag ràdh,

16 A chionn nach b'urrainn an Tighearn an sluagh so thoirt do'n fhearann a mhionnaich e dhoibh, uime sin mharbh e iad san fhàsach.

17 Agus a nis, guidheam ort, biodh cumhachd mo Thighearna mòr, a réir mar a labhair thu, ag ràdh,

18 *Tha* 'n Tighearna fad-fhulangach, agus mòr-thròcaireach, a' toirt maithheanas ann an aingidheachd, agus *ann an* eusaontas, agus air chor sam bith nach saor¹ *an ciontach*; a' leantuinn aingidheachd nan aithriche air a' chloinn, air an treas, agus air a' cheathramh *ginealach*.

19 Maith, guidheam ort, aingidheachd an t-sluaigh so, a réir meud do thròcair, agus a réir mar a thug thu maithheanas do'n t-sluaigh so o'n Eiphit gus a nis.

20 Agus thubhairt an Tighearna, Mhaith mi, a réir t'fhocail:

21 Ach co fhìor 's a ta mi beò, lionar an talamh uile le glòir an Tighearn.

22 Oir na daoine sin uile a chunnaic mo ghloir, agus mo chomharan² a rinn mi san Eiphit, agus anns an fhàsach, agus a bhuair mi nis na deich uairean so, agus nach d'éisd ri m' gluth;

23 Gu cinnteach cha'n fhaic iadsan am fearann a mhionnaich mi d'an aithrichibh, ni mò a chi neach air bith dhiubhsan a broснаich mi e:

24 Ach mo sheirbhiseach Caleb, a chionn gu'n robh aige-san spiorad eile maille ris, agus gu'n do lean e mi gu h-iomlan, esan bheir mi do'n fhearann d'an deachaidh e; agus sealbhaichidh a shìochd e.

25 (A nis bha na h-Amalecich, agus na Canaanaich 'nan còmhnuidh sa' ghleann.) An màireach pillibh, agus rachaibh do'n fhàsach, air slighe na mara ruaidhe.

26 Agus labhair an Tighearna ri Maois, agus ri h-Aaron, ag ràdh,

27 Cia fhad a *ghiùlaineas* mi leis an droch chomhchruinneach so, a *tha* ri gearan a'm' aghaidh? chuala mi gearain chloinn Israeil, leis *am bheil* iad ri gearan a'm' aghaidh.

28 Abair riu, Co fhìor 's a ta mi beò, ars' an Tighearna, mar a labhair sibh a'm' éisdeachd³, mar sin ni mi ribh.

29 San fhàsach so tuitidh bhur colannan: agus a' mheud 's a chaidh àireamh dhibh, a réir bhur n-àireimh iomlain, o fhichead

bliadhna dh'aois agus os a cheann, a rinn gearan a'm' aghaidh,

30 Gun amharus sam bith cha tig sibh a steach do'n fhearann a mhiounaich mise gu'n tugainn oirbh còmhnuidh a ghabhail ann, saor o Caleb mac Iephuneh, agus Iosua mac Nuin.

31 Ach bhur clann bheag, a thubhairt sibh a bhiodh 'nan cobhartaich, iadsan bheir mi steach, agus gabhaidh iad eòlas air an fhearann air an d'rinn sibhse tàir.

32 Agus air bhur son-sa dheth, tuitidh bhur colannan⁴ anns an fhàsach so.

33 Agus bithidh bhur clann air seacharan san fhàsach dà fhichead bliadhna, agus giùlainidh iad bhur striopachais, gus an caithear bhur colannan san fhàsach.

34 A réir àireimh nan làithean anns an do rannsaich sibh am fearann, *eadhon* dà fhichead là, (gach là air son bliadhna) giùlainidh sibh bhur n-euceartan, eadhon dà fhichead bliadhna, agus bithidh fios agaibh air mo bhriseadh-geallaidh-sa.

35 Thubhairt mise an Tighearn *e*, agus gu cinnteach ni mi e do'n chomhchruinneach olc so uile, a chruinnich a'm' aghaidh. anns an fhàsach so claoidhear iad, agus an sin gheibh iad bàs.

36 Agus na daoine a chuir Maois a rannsachadh an fhearainn, a phill, agus a thug air a' chomhchruinneach uile gearan a dheanamh 'na aghaidh, le droch sgeul⁵ a thoirt seachad air an fhearann,

37 Fluair eadhon na daoine sin, a thug seachad droch sgeul air an fhearann, bàs leis a' phlàigh an làthair an Tighearn.

38 Ach do na daoineibh sin a chaidh a rannsachadh an fhearainn, mhair Iosua mac Nuin, agus Caleb mac Iephuneh beò.

39 Agus dh'innis Maois na briathra sin do chloinn Israeil uile: agus rinn an sluagh caoidh mhòr.

40 Agus dh'éirich iad gu moch sa' mhaduinn, agus chaidh iad suas⁶ gu mullach an t-sléibh, ag ràdh, Feuch, *tha* sinne *an so*, agus theid sinn suas do'n àit a gheall an Tighearn; oir pheacaich sinn.

41 Agus thubhairt Maois, C'ar son a nis a tha sibh a' briseadh àithne an Tighearn? ach cha soirbhich *an ni so leibh*.

42 Na rachaibh suas, oir *cha 'n eil* an Tighearna 'nur measg; a chum as nach buailear sibh an làthair bhur naimhde.

43 Oir *tha* na h-Amalecich agus na Canaanaich an sin roimhibh, agus tuitidh sibh leis a' chlaidheamh: a chionn gu'n do chlaon sibh o'n Tighearn, uime sin cha bhi an Tighearna maille ribh.

44 Ach ghabh iad do dhànas orra dol suas gu mullach an t-sléibh: gidheadh

¹ glan.

² mo mhòrbhuilean.

³ a'm' chluasaibh Eabh.

⁴ cuirp mharbha, cloaichean.

⁵ tuaileas.

⁶ b'àill leo dol suas.

cha deachaidh àirc coimhcheangail an Tighearna, no Maois, a mach as a' champ. 45 An sin thàinig na h-Amaleich a nuas, agus na Canaanaich, a bha 'nan còmhnuidh san t-sliabh sin, agus bhual siad iad, agus chuir iad an ruaig orra, eadhon gu Hormah.

CAIB. XV.

1 *Lagh thabhartasan àraidh.* 32 *Chlachadh gu bàs fear-brìsidh na sàbaid.*

AGUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a thig sibh a chum fearainn bhrù n-àiteacha còmhnuidh, a *tha* mise a' tabhairt dhuibh,

3 Agus a bheir sibh suas tabhartas le teine do'n Tighearna, tabhartas-loisgte no ìobairt, gu bòid a choimhlionadh, no mar thabhartas saor-thoile, no 'nur n-àrd fhéillibh¹, a dheanamh fàile chùbhraidh do'n Tighearna, do'n spréidh no do'n trend.

4 An sin bheir esan a bheir seachad a thabhartas do'n Tighearna, seachad tabhartas-bìdh do'n deicheamh cuid do phlùr, measgta maille ris a' cheathramh cuid do lìn olaidh.

5 Agus bheir thu seachad² an ceathramh cuid do hin fìona mar thabhartas-dìbhe, maille ris an tabhartas-loisgte no'n ìobairt, air son aon uain.

6 No air son reithe, bheir thu seachad mar thabhartas bìdh, dà dheicheamh cuid do phlùr, measgta leis an treas cuid do hin olaidh.

7 Agus a chum tabhartais-dìbhe, bheir thu seachad an treas cuid do hin fìona, *chum* fàile chùbhraidh do'n Tighearna.

8 Agus an uair a bheir thu seachad tarbh òg *mar* ìobairt-loisgte, no *mar* ìobairt gu bòid a choimhlionadh, no *mar* ìobairt-shìdh do'n Tighearna,

9 An sin bheirear³ maille ris an tarbh òg, tabhartas-bìdh do thri deich codaichibh do phlùr, measgta le leth hin olaidh.

10 Agus bheir thu seachad a chum tabhartais-dìbhe leth hin fìona, *chum* tabhartais a bheirear suas le teine, dh'fhàile cùbhraidh do'n Tighearna.

11 Marso nìhear air son aon tairbh, no air son aon reithe, no air son uain, no minn.

12 A réir an àireimh a bheir sibh seachad, mar siu ni sibh do gach aon, a réir an àireimh.

13 Gach neach a rugadh san dùthaich, ni e na uithe sin air a' mhodh so, anu an tabhartas a thoirt seachad a bheirear suas le teine, dh'fhàile cùbhraidh do'n Tighearna.

14 Agus ma bhios coigreach air chuairt maille ribh, no cò air bith e *bhios* 'nur measg 'nur ginealachaidh, agus gu'n toir

e seachad tabhartas a bheirear suas le teine, dh'fhàile cùbhraidh do'n Tighearna; mar a ni sibhse, mar sin ni esan.

15 *Bithidh* aon reachd dhuibhse a ta do'n chomhchruinneach, agus mar an ceudna do'n choigreach a ta air chuairt *maille ribh*, reachd sìorruidh 'nur ginealachaidh: mar a ta sibhse, mar sin bithidh an coigreach an làthair an Tighearna.

16 Aon lagh, agus aon mhodh, bithidh agaibhse, agus aig a' choigreach a ta air chuairt maille ribh.

17 Agus labhair an Tighearna ri Maois, ag ràdh,

18 Labhair ri cloinn Israeil, agus abair riu, 'Nuair a thèid sibh a steach do'n fhearann d'am bheil mise 'gur tabhairt,

19 An sin tarlaidh, 'nuair a dh'itheas sibh a dh'aran an fhearainn, gu'n toir sibh suas tabhartas-togta do'n Tighearna.

20 Bheir sibh suas breacag do'n cheud chuid d'ur taois, *mar* thabhartas-togta; mar a *thogas sibh* tabhartas-togta an urlair-bhualaidh, mar sin togaidh sibh i.

21 Do'n cheud chuid d'ur taois bheir sibh do'n Tighearna tabhartas-togta, 'nur ginealachaidh.

22 Agus ma rinn sibh mearachd, agus nach do ghléidh⁴ sibh na h-àitheanta sin uile a labhair an Tighearna ri Maois,

23 *Eadhon* gach *ni* a dh'àithn an Tighearna dhuibh le làimh Mhaois, o'n là sin anns an d'thug an Tighearna àithne do *Mhaois*, agus o sin suas air feadh bhrù ginealachaidh;

24 An sin tarlaidh, ma rinneadh *ni sam bith* ann an aineolas, gun fhios do'n chomhchruinneach, gu'n toir an comhchruinneach uile seachad aon tarbh òg a chum ìobairt-loisgte, chum fàile chùbhraidh do'n Tighearna, maille a' tabhartas-bìdh, agus a thabhartas-dìbhe, a réir a' ghnàtha, agus aon mheann do na gabhraibh chum ìobairt-pheacaidh.

25 Agus ni an sagart réite air son comhchruinnich chloinn Israeil uile, agus maith-ear dhoibh e, oir is aineolas a t'ann: agus bheir iad leo an tabhartas, ìobairt a bheirear suas le teine do'n Tighearna, agus an ìobairt-pheacaidh an làthair an Tighearna, air son an aineolais.

26 Agus maith-ear e do chomhchruinneach chloinn Israeil uile, agus do'n choigreach a ta air chuairt 'nam measg; do bhrìgh, gu'n robh an sluagh uile ann an aineolas.

27 Agus ma pheacaicheas anam sam bith trid aineolais, an sin bheir e leis gabhar a' cheud bhliadhna chum ìobairt-pheacaidh.

28 Agus ni an sagart réite air son an anama a pheacaicheas gu h-aineolach, an

¹ fhéisdibh sònruichte.

² ulluichidh tu, ni

thu. Eabh.

³ bheir e. Eabh.

⁴ rinn. Eabh.

uair a pheacaicheas e le h-aineolas an làthair an Tighearn, a dheanamh réite air a shon; agus maithear dha e.

29 Bithidh aon lagh agaibh air a shon-san a pheacaicheas tríd aineolais, *araon air* a shonsan a rugadh am measg chloinn Israeil, agus air son a' choigrich a ta air chuairt 'nam measg.

30 Ach an t-anam a ni bheag gu h-an dàna¹, (*co dhiubh* a rugadh e san tìr, no 's coigreach e) tha esan a' toirt easurraim do'n Tighearn; agus gearrar an t-anam sin as o mheasg a shluaigh.

31 Do bhrìgh gu'n d'rinn e tàir air focal an Tighearn, agus gu'n do bhris e àithne, gearrar an t-anam sin as gu tur: *bithidh* a' aingidheachd air féin.

32 Agus an uair a bha clann Israeil san fhàsach, fhuair iad duine a' tional mhaidean² air là na sàbaid.

33 Agus thug iadsan a fhuair e a' tional mhaidean a dh'ionnsuidh Mhaois e, agus a dh'ionnsuidh Aaron, agus a dh'ionnsuidh a' chomhchruinneach uile.

34 Agus chuir iad an làimh e, a chionn nach d'innseadh ciod bu chòir a dheanamh ris.

35 Agus thubhairt an Tighearna ri Maois, Cuirear an duine gu cinn-teach gu bàs; clachaidh an comhchruinneach uile e le clachaibh an taobh a muigh do'n champ.

36 Agus thug an comhchruinneach uile mach as a' champ e, agus chlach iad e le clachaibh, agus fhuair e bàs; mar a dh'àithn an Tighearna do Mhaois.

37 Agus labhair an Tighearna ri Maois, ag ràdh,

38 Labhair ri cloinn Israeil, agus abair riu, iad a dheanamh fàbhra³ dhoibh féin air iomallaibh an eudaich air feadh an ginealach, agus iad a chur air fàbhra nan iomall iall⁴ do ghorm.

39 Agus bithidh e dhuibh mar fhàbhra, agus amhaircidh sibh air, a chum gu'n cuimhnich sibh uile àitheantan an Tighearn, agus gu'n dean sibh iad; agus nach iarr sibh an déigh bhur cridhe agus bhur sìl féin, nithe a's àbhaist duibh dol 'nan déigh le h-ana-miann⁵:

40 A chum gu'n cuimhnich, agus gu'n dean sibh m'àitheantan uile, agus gu'm bi sibh naomha d'ur Dia.

41 *Is* mise an Tighearna bhur Dia, a thug a mach sibh a' tìr na-Eiphit, gu bhi a'm⁶ Dhia dhuibh: *Is* mise an Tighearna bhur Dia.

CAIB. XVI.

1 Ceannaire Chorah, Dhatain, agus Abiraim.

31 Shluig an talamh suas iad.

A GUS ghabh Corah mac Idsair, mhic Chohait, mhic Lebhi, agus Datán

¹ le làimh àird. Eabh.

² fringes. Sasg.

³ fiodha, connaidh.

⁴ ribein, snàthainn.

agus Abiraim mic Eliaib, agus On mac Pheleit, mic Reubein, *daoine*:

2 Agus dh'éirich iad suas an làthair Mhaois⁶, maille ri daoim⁷ àraidh do chloinn Israeil, dà cheud, agus leth-cheud, ceamard do'n choimhthional, inbheach⁸ sa' chomhchruinneach, daoine iomraideach⁸.

3 Agus chruinnich siad iad féin an ceann a chéile an aghaidh Mhaois agus an aghaidh Aaron, agus thubhairt iad riu, *Tha sibh a' gabhail* tuille's a chòir oirbh féin, do bhrìgh gu bheil an comhchruinneach uile naomha gach aon diubh, agus *tha* 'n Tighearna 'nam measg: c'ar son uime sin a tha sibh 'gur togail féin suas os ceann comhchruinnich an Tighearn?

4 Agus an uair a chuala Maois e, thuit e air 'aghaidh:

5 Agus labhair e ri Corah, agus r'a chuideachd uile, ag ràdh, Eadhon am màireach nochdaidh an Tighearna cò iad a's leis, agus cò a ta naomh, agus bheir e air teachd am fagus da: bheir e eadhon air-san a ròghnaich e, teachd am fagus da.

6 Deanaibh-se so; gabhaibh dhuibh féin tùiseirean, Corah, agus a chuideachd uile;

7 Agus cuiribh teime annta, agus cuiribh tùis orra an làthair an Tighearn air an là màireach; agus an duine sin a ròghnaicheas an Tighearna, *bithidh* esan naomh. *Tha sibh a' gabhail* tuille's a chòir oirbh féin, sibhse a mhaca Lebhi.

8 Agus thubhairt Maois ri Corah, Eisdibh, guidheam oirbh, sibhse a mhaca Lebhi:

9 An ni beag e 'nur *barail-sa*, gu'n do sgar Dia Israeil sibh o chomhchruinneach Israeil gu'r toirt am fagus da féin, a dheanamh seirbhis pàilliuin an Tighearn, agus a sheasamh am fianuis a' chomhchruinnich, a fhrithealadh dhoibh?

10 Agus thug e thus' am fagus *da féin*, agus do bhràithrean uile mic Lebhi maille riut; agus am bheil sibh ag iarraidh na sagartachd mar an ceudna?

11 Air an aobhar sin *tha* thusa, agus do chuideachd uile, air bhur cruinneachadh an ceann a chéile an aghaidh an Tighearn: agus a *thaobh* Aaron, ciod e, gu bheil sibh ri gearan 'na aghaidh-san?

12 Agus chuir Maois *teachdairean uath* a ghairm Dhatain agus Abiraim mhac Eliaib, a thubhairt, Clia téid sinn suas.

13 An ni beag e gu'n d'thug thu nios sinn á talamh a tha sruthadh le bainne agus le mil, gu'r marbhadh san fhàsach, mur dean thu thu féin gu h-iomlan a'd' uachdaran os ar ceann?

14 A thuilleadh air so, cha d'thug thu sinn gu fearann a ta sruthadh le mil agus le bainne, ni mò thug thu dluinn oighreachd mhacharach agus fhòn-liosan: an

⁵ striopachas.

⁷ gairmte. Eabh.

⁶ an aghaidh Mhaois.

⁸ ainmeil.

cuir thu mach sùilean nan daoine sin? cha téid sinne suas.

15 Agus bha Maois ro dhiomach, agus thubhairt e ris an Tighearna, Na biodh meas agad d'an tabhartas; cha do ghabh mise aon asal uatha, ni mò a rinn mi cron air a h-aon diubh.

16 Agus thubhairt Maois ri Corah, Bi thusa agus do chuideachd uile an làthair an Tighearn, thusa, agus iadsan, agus Aaron am màireach:

17 Agus gabhaibh gach duine a thùiseir, agus cuiribh tùis annta, agus thugaibh an làthair an Tighearna gach duine a thùiseir, dà cheud agus leth-cheud tùiseir; thusa mar an ceudna, agus Aaron, gach aon *dhiibh* a thùiseir.

18 Agus ghabh gach duine *dhiubh* a thùiseir, agus chuir iad teine annta, agus chuir iad tùis orra, agus sheas iad ann an doras pàilliuin a' choimhthionail maille ri Maois agus ri h-Aaron.

19 Agus chruinnich Corah an comhchruinneach uile 'nan aghaidh gu dorus pàilliuin a' choimhthionail: agus thaisbeineadh glòir an Tighearna do'n chomhchruinneach uile.

20 Agus labhair an Tighearna ri Maois, agus ri h-Aaron, ag ràdh,

21 Sgaraidh sibh féin o mheasg a' chomhchruinnich so, agus sgriosaidh mi iad mar ann am priobadh na sula¹.

22 Agus thuit iad air an aghaidh, agus thubhairt iad, O Dhé, a Dhé spiorad gach uile fheòla, am peacaich aon duine, agus am bi fearg agad ris a' chomhchruinneach uile?

23 Agus labhair an Tighearna ri Maois, ag ràdh,

24 Labhair ris a' chomhchruinneach, ag ràdh, Rachaidh suas o thimchioll pàilliuin Chorah, Dhatain agus Abiraim.

25 Agus dh'éirich Maois suas, agus chaidh e dh'ionnsuidh Dhatain agus Abiraim; agus lean seanairean Israeil e.

26 Agus labhair e ris a' chomhchruinneach, ag ràdh, Sgaraidh sibh féin, guidheam oirbh, o bhùthaibh nan daoine aingidh ud, agus na beanaibh ri ni sam bith a 's leo, air eagal gu'u sgriosar sibh 'nam peacannaibh uile.

27 Mar sin chaidh iad suas o phàilliuin Chorah, Dhatain, agus Abiraim, air gach taobh: agus thàinig Dan agus Abiram a mach, agus sheas iad ann an doras am bùthan, agus am mnà, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearna mise a dheanamh nan oibre sin uile; oir cha d'rinn mi iad as mo cheann féin².

29 Ma gheibh na daoine sin bàs mar na

h-uile dhaoine' eile, no ma dh'fhiosraichear iad a réir fiosrachaidh nan uile dhaoine, an sin cha do chuir an Tighearn mise *uaith*.

30 Ach ma ni an Tighearna gnìomh nuadh, agus gu'm fosgail an talamh a bheul, agus gu'n sluig e suas iad maille ris gach ni a's leo, agus gu'n téid iad sìos beò do'n t-slochd; an sin tuigidh sibh gu'n do bhrosnaich na daoine sin an Tighearn.

31 Agus tharladh, an uair a sguir e do labhairt nam briathra sin uile, gu'n do sgoilt an talamh a *bha* fodhpà³ o chéile:

32 Agus dh'fhosgail an talamh a bheul, agus shluig e suas iad, agus an tighean, agus na daoine' uile a *bhuin* do Chorah, agus *am* maoin uile.

33 Chaidh iad féin, agus gach ni a *bhuin* doibh, beò sìos do'n t-slochd, agus dhruid an talamh orra: agus chaidh as doibh o mheasg a' chomhchruinnich.

34 Agus theich Israel uile a *bha* mu'n timchioll, r'an glaoth; oir thubhairt iad, Air eagal gu'n sluig an talamh sinne suas *mar* an ceudna.

35 Agus thàinig teine a mach o'n Tighearn, agus loisg e 'n dà cheud agus an lethcheud fear a thug seachad tùis.

36 Agus labhair an Tighearna ri Maois, ag ràdh,

37 Labhair ri h-Eleasar mac Aaroin an sagart, e thogail suas nan tùiseirean á meadhon an losgaidh, agus sgap thusa an teine an sud; oir tha iad coisrigte,

38 Tùiseirean nam peacach ud an aghaidh an anama féin, agus deanadh iad dhiubh leacan leathan *mar* chòmhdach do'n altair: oir thug iad seachad iad an làthair an Tighearn, air an aobhar sin tha iad coisrigte; agus bithidh iad 'nan comharadh do chloinn Israeil.

39 Agus ghabh Eleasar an sagart na tùiseirean umha, leis an d'thug iadsan a chaidh losgadh seachad tabhartas; agus rinneadh iad 'nan *leacaibh* leathan *mar* chòmhdach do'n altair.

40 *Gu bhi* 'nan cuimhneachan do chloinn Israeil, air chor as nach tig coigreach, nach *'eil* do shliochd Aaroin, am fagus a losgadh tùise an làthair an Tighearna; chum as nach bi e mar Chorah, agus mar a chuideachd; mar a thubhairt an Tighearna ris le làimh Mhaois.

41 Ach air an là màireach, rinn comhchruinneach chloinn Israeil uile gearan an aghaidh Mhaois agus an aghaidh Aaroin, ag ràdh, Mharbh sibh sluagh an Tighearna.

42 Agus tharladh, an uair a chruinnicheadh an comhchruinneach an aghaidh Mhaois agus an aghaidh Aaroin, gu'n do

¹ ann am platha.

² o ri'chridhe féin. Eabh.

³ fodha.

sheall iad air pàillium a' choimhthionail : agus, feuch, chòmhdach an neul e, agus dh'fhoillsicheadh glòir an Tighearn.

43 Agus thàinig Maois agus Aaron gu beulaobh pàillium a' choimhthionail.

44 Agus labhair an Tighearna ri Maois, ag ràdh,

45 Rachaibh suas o mheasg a' chomhchruinnich so, agus sgrìosaich mi iad mar ann am prìobadh na sula : agus thuit iad air an eudannaibh.

46 Agus thubhairt Maois ri h-Aaron, Glac tuiseir, agus cuir teine ann bhàrr na h-altarach, agus cuir tùis air, agus imich gu grad a dh'ionusuidh a' chomhchruinnich, agus dean rèite air an son ; oir chaidh fearg a mach o'n Tighearn¹: thòisich a' phlàigh.

47 Agus ghlac Aaron e, mar a dh'àithn Maois, agus ruith e gu meadhon a' chomhchruinnich; agus, feuch, bha phlàigh air tòiseachadh am measg an t-sluaigh: agus chuir e tùis air, agus rinn e rèite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich sa' phlàigh ceithir mìle deug agus seachd ceud, a thuilleadh orra-san a bhàsaich an aobhar Choram.

50 Agus phill Aaron a dh'ionnsuidh Mhaois, gu dorus pàillium a' choimhthionail: agus choisgeadh a' phlàigh.

CAIB. XVII.

1 *Slat Aaron fo bhlàth: 10 tha i air a gleidheadh mar chomharadh an aghaidh nan ceannairceach.*

AGUS labhair an Tighearna ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tìghe an aithriche, o'n ceannardaibh uile, a réir tìghe an aithriche, dà shlait deug: sgrìobh ainm gach duine air a shlait féin.

3 Agus sgrìobhaidh tu ainm Aaron air slait Lebhi: oir *bithidh* aon slat air son cinn tìghe an aithriche.

4 Agus cuiridh tu suas iad ann am pàillium a' choimhthionail, an làthair na Fianuis, far an coinnich mise thu.

5 Agus tarlaidh, *gu'n tìg* slat an duine a thaghas mise fo bhlàth²; agus bheir mi air gearain chloinn Israeil sgru uam, leis am bheil iad ri gearan 'nur n-aghaidh-sa.

6 Agus labhair Maois ri cloinn Israeil agus thug gach aon d'an ceannardaibh dha slat am fear, aon air son gach ceannaird, a réir tìghe an aithriche, *eadhon* dà shlait deug: agus *bha* slat Aaron am measg an slat.

7 Agus chuir Maois suas na slatan an làthair an Tighearn, ann am pàillium na Fianuis.

8 Agus air an là maireach chaidh Maois a steach do phàillium na Fianuis; agus, feuch, bha slat Aaron, air son tìghe Lebhi, air briseadh a mach, agus air cur maoth dhuille aisde, agus air teachd fo bhlàth, agus air giùlan almona.

9 Agus thug Maois a mach na slatan uile o làthair an Tighearna gu cloinn Israeil uile; agus dh'amhairc iad orra, agus ghabh gach duine a slat féin.

10 Agus thubhairt an Tighearna ri Maois, Thoir slat Aaron a ris an làthair na Fianuis, gu bhì air a gleidheadh mar chomharadh an aghaidh nan ceannairceach; agus bheir thu air falbh gu tur an gearain uamsa, chum nach bàsaich iad.

11 Agus rinn Maois *mar sin*: mar a dh'àithn an Tighearna dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, thèid as duinn, thèid as duinn uile.

13 Ge b'e air bith a thig am fagus do phàillium an Tighearna, gheibh e bàs; an claoidhear sinn le bàsachadh?

CAIB. XVIII.

1 *Cùram nan sagart. 6 Frithealadh nan Lebhitheach. 8 Cuibhrionn nan sagart, 21 agus nan Lebhitheach. 25 Mu'n tabhartas-thogta.*

AGUS thubhairt an Tighearna ri h-Aaron, Giùlainidh tusa agus do mhic, agus tigh t'athar maille riut, euceart³ an ionaid naoimh; agus giùlainidh tusa agus do mhic maille riut euceart bhur sagartachd.

2 Agus do bhraithre mar an ceudna do thréibh Lebhi, tréibh t'athar, bheir thu leat maille riut, chum gu'n ceanglar riut iad, agus gu'm fritheil iad dhuit: ach *fritheilidh* tusa agus do mhic maille riut air beulaobh pàillium na Fianuis.

3 Agus gleidhidh iad do chùram-sa, agus cùram a' phàillium uile: a mhàin cha tig iad am fagus do shoithichibh an ionaid naoimh agus do'n altair, a chum nach faigh aon chuid iadsan no sibhse bàs.

4 Agus ceanglar riut iad, agus gleidhidh iad cùram pàillium a' choimhthionail, air son uile sheirbhis a' phàillium: agus cha tig coireach am fagus duibh.

5 Agus gleidhidh sibh cùram an ionaid naoimh, agus cùram na h-altarach; a chum nach bi fearg nì's mò air cloinn Israeil.

6 Agus mise, feuch, thug mi bhur bràithre na Lebhithich o mheasg chloinn Israeil: dhuibhse thugadh iad *mar* tabhartas do'u Tighearn, a dheanamh seirbhis pàillium a' choimhthionail.

7 Uime sin gleidhidh tusa, agus do mhic maille riut, bhur sagartachd anns gach

¹ o ghnùis an Tighearn. Eabh. ² gu'm bris slat
151

an duine a thaghas mise mach. ³ peacanna.

ni a *bhuineas* do'n altair, agus an taobh a stigh do'n roinn-bhrat, agus ni sibh seirbhis: thug mi *dhuibh* bhur sagart-achd, *mar* sheirbhis tabhartais; agus cuirear an coigreach a thig am fagus gu bàs.

8 Agus labhair an Tighearna ri h-Aaron, Feuch, thug mi dhuit mar an ceudna cùram mo thabhartasan-togta, do uile nithibh coisrigte chloinn Israeil; dhuitse thug mi iad, air son an ungaidh, agus do d' mhic le reachd sìorruidh.

9 Bithidh so leatsa do na nithibh ro naomha, a *ghleidheadh* o'n teine: gach tabhartas leo-san gach tabhartas-bidh leo, agus gach ìobairt-pheacaidh leo, agus gach ìobairt-eusaoutais leo, a bheir iad dhomhsa, bithidh e ro naomha dhuitse, agus do d' mhic.

10 San ionad ro naomh ithidh tu e, ithidh gach firionnach e: bithidh e naomh dhuitse.

11 Agus *is* leat so; tabhartas-togta an tabhartais, maille ri uile thabhartas-luaisgte chloinn Israeil: thug mi dhuitse iad, agus do d' mhic, agus do d' nigh-eanaibh maille riut, le reachd sìorruidh: gach neach a tha glan a'd' thigh, ithidh e dheth.

12 A' chuid a's fearr¹ uile do'n oladh, agus a' chuid a's fearr uile do'n fhion, agus do'n chruithneachd, an ceud thoradh leo-san a bheir iad seachad do'n Tighearna, iad sin thug mi dhuit.

13 Gach ni a's luaithe bhios abuich 'nam fearann, a bheir iad chum an Tighearna, bithidh e leatsa; gach aon a ta glan a'd' thigh, ithidh e dheth.

14 Gach ni a choisrigear ann an Israel, bithidh e leatsa.

15 Gach ni a dh'fhosglaas a' bhrù do gach feoil, a bheir iad a dh'ionnsuidh an Tighearna, *ma's* ann do dhuine, no dh'ainmhidh, bithidh e leatsa: gidheadh gu cinnteach fuasglaidh tu ceud-ghin duine, agus ceud-ghin an ainmhidh uèd-ghloin fuasglaidh tu.

16 Agus iadsan a dh'fhuasglar, o mhios a dh'aois fuasglaidh tu *iad* a réir do mheas, air son airgid chùig seceilean, a réir seceil an ionaid naoimh: *is e 'n secel* fichead gerah.

17 Ach ceud-ghin boin², no ceud-ghin caorach, no ceud-ghin gaibhre, cha'n fuasgail thu; *tha* iad naomha: crathaidh tu am fuil air an altair, agus loisgidh tu 'n saill *mar* thabhartas a bheirear suas le teine, chum faile chùbhraidh do'n Tighearna.

18 Agus bithidh am feoil leatsa, mar a bhitheas an t-uchd luaisgte agus an sinnean deas leat.

19 Uile thabhartasan-togta nan nithe naomha, a bheir clann Israeil seachad do'n Tighearna, thug mi dhuitse, agus do d' mhic, agus do d' nigheanaibh maille riut, le reachd sìorruidh: *is* coimhcheangal salainn e gu bràth an làthair an Tighearna, dhuitse agus do d' shliochd maille riut.

20 Agus labhair an Tighearna ri h-Aaron, 'Nam fearann cha bhi oighreachd agad, ni mò bhios roinn agad 'nam measg: *is* mise do roinn-sa agus t'oighreachd am measg chloinn Israeil.

21 Agus, feuch, do chloinn Lebhi thug mi an deachamh uile ann an Israel mar oighreachd, air son an seirbhis a ni iad, *eadhon* seirbhis pàilliuin a' choimhthionail.

22 Agus cha 'n fheud clann Israeil o so suas teaclad am fagus do phàilliuin a' choimhthionail, air eagal gu'n giùlain iad peacadh, agus gu'm faigh iad bàs.

23 Ach ni na Lebhithich seirbhis pàilliuin a' choimhthionail, agus giùlainidh iad an cionta: *bithidh e* 'na reachd sìorruidh air feadh bhur ginealach, nach bi oighreachd sam bith aca am measg chloinn Israeil.

24 Ach deachamh chloinn Israeil a bheir iad seachad *mar* thabhartas-togta do'n Tighearna, thug mi do na Lebhithich mar oighreachd: uime sin thubhairt mi riu, Am measg chloinn Israeil cha bhi oighreachd aca.

25 Agus labhair an Tighearna ri Maois, ag ràdh,

26 Mar so labhair ris na Lebhithich, agus abair riu, 'Nuair a thogas sibh o chloinn Israeil an deachamh a thug mise dhuibh uatha mar bhur n-oighreachd, an sin bheir sibh suas tabhartas-togta dheth do'n Tighearna, *eadhon* an deicheamh *cuid* do'n deachamh.

27 Agus measar an tabhartas-togta *so* dhuibh, mar *gu'm b'e* arbhar an urlair-bhualaidh, agus mar làine amar-bruthaidh an fhiona.

28 Mar so mar an ceudna bheir sibh seachad tabhartas-togta do'n Tighearna, d'ur n-uile dheachamh a thogas sibh o chloinn Israeil: agus bheir sibh dheth tabhartas-togta an Tighearna do Aaron an sagart.

29 As bhur n-uile thiodhlacaibh, bheir sibh seachad uile thabhartas-togta an Tighearna do'n chuid a's fearr dheth uile, *eadhon* a' chuid sin deth a tha coisrigte.

30 Uime sin their thu riu, 'Nuair a thogas sibh suas uaith a' chuid a's fearr dheth, an sin measar e do na Lebhithich mar thoradh³ an urlair-bhualaidh, agus mar thoradh amar-bruthaidh an fhiona.

¹ Smior, reamhrachd. Eabh.

² botha.

³ fhàs, phiseach.

31 Agus ithidh sibh e anns gach àite, sibh féin agus bhuir teaghlaichean: oir is e bhuir duais air son bhuir seirbhis ann am pàilliuin a' choimhthionail.

32 Agus cha ghiùlain sibh peacadh sam bith air a shon, an uair a thogas sibh suas as a' chuid a's fearr dheth: nì mò a thruaillleas sibh nithe naomha chloinn Israeil, air eagal gu'm faigh sibh bàs.

CAIB. XIX.

1 An t-uisge dealachaidh: 11 mar a ghlàthaicheadh e chum iadsan a bha neòghlan a ghlanadh.

AGUS labhair an Tighearna ri Maois, agus ri h-Aaron, ag ràdh,

2 Is e so ordugh an lagha a dh'àithn an Tighearna, ag ràdh, Labhair ri cloinn Israeil, iad a thoirt a d' ionnsuidh agh ruadh gun ghaoidh¹, air nach 'eil smal, agus nach robh riamh fuidh chuing.

3 Agus bheir sibh i dh'ionnsuidh Eleasair an t-sagairt; agus bheirear i² an taobh a muigh do'n champ, agus marbhar i 'na fhianuis.

4 Agus gabhaidh Eleasar an sagart cuid d'a fuil le 'mheur, agus crathaidh e cuid d'a fuil dìreach fa chomhair pàilliuin a' choimhthionail seachd uairean.

5 Agus loisgidh neach an t-agh 'na shealladh; a seice, agus a fcoil, agus a fuil, maille r'a h-aolach, loisgidh e.

6 Agus gabhaidh an sagart fiodh seudair, agus hiosop, agus scarlaid, agus tighidh e sin ann meadhan losgaidh an aighe.

7 An sin nighidh an sagart 'eudach, agus ionnlaididh³ e 'fheoil ann an uisge, agus an déigh sin thig e steach do'n champ, agus bithidh an sagart neòghlan gu feasgar.

8 Agus nighidh esan a loisg i 'eudach ann an uisge, agus ionnlaididh e 'fheoil ann an uisge, agus bithidh e neòghlan gu feasgar.

9 Agus cruinnichidh duine a ta glan luath an aighe, agus taisgidh e i 'n taobh a muigh do'n champ ann an àite glan; agus gleidhear i air son comhchruinnich chloinn Israeil, mar uisge dealachaidh: is glanadh air son peacaidh i.

10 Agus nighidh esan a thionailleas luath an aighe 'eudach, agus bithidh e neòghlan gu feasgar: agus bithidh e do chloinn Israeil, agus do'n choigreach a th'air chuairt 'nam measg, 'na reachd sìorruidh.

11 Esana bheanas ri corp duine mhairbh sam bith, bithidh e neòghlan seachd làithean.

12 Glanaidh se e féin leis air an treas là, agus air an t-seachdamh là bithidh e glan: ach mur glan se e féin air an treas là, an s'n air an t-seachdamh là cha bhi e glan.

13 Ge b'e neach a bheanas ri corp duine sam bith a ta marbh, agus nach glan e féin, tha e a' truailleadh pàilliuin an Tighearna; agus gearrar an t-anam sin as o Israel: a chionn nach do chrathadh an t-uisge dealachaidh air, bithidh e neòghlan; tha a neòghloine fathast air.

14 Is e so an lagh, an uair a bhàsaicheas duine ann am bùth: Gach neach a thig a stigh do'n bhùth, agus gach neach a thia sa' bhùth, bithidh iad neòghlan seachd làithean.

15 Agus gach soitheach fosgailte aig nach 'eil comhdach ceangailte air, tha e neòghlan.

16 Agus ge b'e bheanas ri neach a mharbhadh le claidheamh sa' mhachair⁴, no ri corp marbh, no ri cnàimh duine, no ri h-uaign, bithidh e neòghlan seachd làithean.

17 Agus air son an duine neòghloin gabhaidh iad do luaith an aighe, a loisgeadh air son glanaidh peacaidh, agus cuiridh iad uisge ruith oirre ann an soitheach.

18 Agus gabhaidh duine glan hiosop, agus tumaidh e san uisge e, agus crathaidh e air a' bhùth e, agus air na soitheichibh uile, agus air a' mhuinntir a bha 'n sin, agus airsan a bhean ri cnàimh, no ri neach a mharbhadh, no ri aon marbh, no ri h-uaign:

19 Agus crathaidh an duine glan air an neòghlan air an treas là, agus air an t-seachdamh là; agus glanaidh se e féin air an t-seachdamh là, agus nighidh e 'eudach, agus ionnlaididh se e féin ann an uisge, agus bithidh e glan air feasgar⁵.

20 Ach an duine a bhios neòghlan, agus nach glan e féin, gearrar an t-anam sin as o mheasg a' chomhchruinnich, a chionn gu'n do thruaill e ionad naomh an Tighearna: cha do chrathadh uisge dealachaidh air; tha e neòghlan.

21 Agus bithidh e 'na reachd sìorruidh dhoibh, gu'n nigh esan a chrathas an t-uisge dealachaidh 'eudach, agus bithidh esan a bheanas ris an uisge dealachaidh neòghlan gu feasgar.

22 Agus ge b'e nì ris am bean an duine neòghlan, bithidh e neòghlan: agus an t-anam a bheanas ris, bithidh e neòghlan gu feasgar.

CAIB. XX.

1 Bàs Mhiriain. 7 Thug Maois uisge do'n t-sluagh as a' charraig. 22 Bàs Aaroin.

AN sin thàinig clann Israeil, eadhon an comhchruinneach uile gu fàsach Shin, anns a' cheud mhìos: agus dh'fhàin⁶ an sluagh ann an Cades; agus fluair

¹ follain.

² bheir e i. Eabh.

³ ionnlaididh.

⁴ air aghaidh na macharach.

⁵ san fheasgar.

⁶ chòmhnuich.

Miriam bàs an sin, agus dh'adhlacaidh an sin i.

2 Agus cha robh uisge ann do'n choimhthional: agus chruinnich siad iad féin an aghaidh Mhaois agus an aghaidh Aaron.

3 Agus throid an sluagh ri Maois, agus labhair iad, ag ràdh, B'fhearr gu'm bith-eamaid air faghail bàis an uair a bhàsaich ar bràithrean an làthair an Tighearn!

4 Agus c'ar son a thug sibh a nìos comhchruinneach an Tighearna do'n fhàsach so, gu bàs fhaghail an sin, sinn féin agus ar spréidh?

5 Agus c'ar son a thug sibh oirme teachd a nìos as an Eiphit, g'ar toirt a steach do'n droch àite so? cha'n àite sìl e, no fhigis, no chrann-fìona, no phomgranata; ni mò ta uisge ann r'a òl.

6 Agus chaidh Maois agus Aaron o làthair a' chomhchruinnich gu dorus pàilliuin a' choimhthional, agus thuit iad air an aghaidh; agus dh'fhoillsicheadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thu' an coimhthional an ceann a chéile, thu féin agus Aaron do bhràithair, agus labhairibh ris a' charraig fa chomhair an sùl, agus bheir i seachad a h-uisge; agus bheir thusa mach uisge dhoibh as a' charraig, agus bheir thu deoch do'n choimhthional, agus d'an spréidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an comhchruinneach an ceann a chéile fa chomhair na carraig, agus thubhairt e riu, Eisdibh a nis, a luchd-ceannaire; as a' charraig so am feum sinne uisge thoirt duibh?

11 Agus thog Maois suas a làmh, agus bhuail e a' charraig le 'shlait dà uair; agus thàinig an t-uisge mach gu pailt: agus dh'òl an comhchruinneach, agus an spréidh.

12 Agus labhair an Tighearna ri Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloinn Israeil, uime sin cha toir sibh a steach an comhchruinneach so do'n fhearann a thug mise dhoibh.

13 Is e so uisge Mheribah, a chionn gu'n d'rinn clann Israeil strì ris an Tighearn, agus naomhaicheadh e annta.

14 Agus chuir Maois teachdairean o Chades gu rìgh Edoim, Mar so tha do bhràithair Israel ag ràdh, Tha fios agad air an t-saothair sin uile a thàinig oirme;

15 Mar a chaidh ar n-aithriche sìos do'n Eiphit, agus a ghabh sinn còmhnuidh san

Eiphit aimsir fhada¹; agus bhuin na h-Eiphitich gu h-òle ruinne, agus r'ar n-aithrichibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaith, agus thug e mach sinn as an Eiphit; agus, feuch, *tha* sinn ann an Cades, baile sa' chuid a's iomallaiche do d' chrich.

17 Leig leinn, guidheam ort, dol troimh do dhùthaich: cha téid sinn troimh achadh sam bith, uo troimh fhion-lios, ni mò dh'òlas sinn uisge nan tobar; imichidh sinn air rathad mòr an rìgh, cha tionndaidh sinn a dh'ionnsuidh na làimhe deise, no na làimhe clithe, gus an téid sinn seach do chriochean.

18 Agus thubhairt Edom ris, Cha téid thu seachad orm², air eagall leis a' chlaidheamh gu'n tig mi mach a't' aghaidh.

19 Agus thubhairt clann Israeil ris, Imichidh sinn air an rathad mhòr; agus ma dh'òlas mi féin agus mo spréidh do d' uisge bheir mi luach air a shon: a mha'n gun tuille *dheanamh*, théid mi troimhe do m' chois.

20 Agus thubhairt e, Cha téid thu troimhe. Agus thàinig Edom a mach 'na aghaidh le mòr-shluagh, agus le làimh thréin.

21 Mar so dhiùlt Edom do Israel comas dol troimh a chrich: uime sin thionndaidh Israel uaith.

22 Agus ghabh clann Israeil, *eadhon* an comhchruinneach uile, an turas o Chades, agus thàinig iad gu sliabh Hor.

23 Agus labhair an Tighearna ri Maois agus ri h-Aaron ann an sliabh Hor, làimh ri crìch fearainn Edoim, ag ràdh,

24 Cruinnichear Aaron a chum a shluaigh; oir cha téid e steach do'n fhearann a thug mise do chloinn Israeil, a chionn gu'n robh sibh ceannairceach an aghaidh m'fhocail-sa aig uisge Mheribah.

25 Gabh Aaron agus Eleasar a mhac, agus thoir suas iad gu sliabh Hor.

26 Agus buin 'eudach do Aaron, agus cuir air a mhac Eleasar e: agus cruinnichear Aaron a chum a mhuinntir, agus gheibh e bàs an sin.

27 Agus rinn Maois mar a dh'àithn an Tighearn: agus chaidh iad suas gu sliabh Hor, ann an sealladh a' chomhchruinnich uile.

28 Agus bhuin Maois 'eudach do Aaron, agus chuir e air Eleasar a mhac e; agus fhuair Aaron bàs an sin air mullach an t-sléibh: agus thàinig Maois agus Eleasar a nuas o'n t-sliabh.

29 Agus an uair a chunnaic an comhchruinneach uile gu'n d'fhuair Aaron bàs,

¹ iomadh là. Eabh.

² troimh mo chrioche,

rinn iad bròn air son Aaroin deich làithean 'ar fhichead, eadhon tigh Israeil uile.

CAIB. XXI.

1 Sgrìos clann Israeil na Canaanach. 4 Lotadh iad le nathraichibh loisgeach. 7 Dh'aidich iad am peacadh, agus leighis eadh iad le amhare air nathair umha. 21 Thug iad buaidh air Sihon agus air Og.

AGUS an uair a chuala rìgh Arad an Canaanach, a bha chòmhnuidh san àirde deas, gu'n d'thàinig Israel air slighe an luchd-brathaidh, an sin chog e 'n aghaidh Israeil, agus rinn e cuid diubh 'nan ciomaich¹.

2 Agus bhòidich Israel bòid² do'n Tighearn, agus thubhairt iad, Ma bheir thu da rìreadh an sluagh so thairis d'ar làimh, an sin sgrìosaidh sinn gu tur am bailtean³.

3 Agus dh'èisd an Tighearna ri guth Israeil, agus thug e na Canaanach suas doibh: agus sgrìos iad gu tur iad féin agus am bailtean: agus thug iad Horma mar ainm air an àite.

4 Agus ghabh iad an turus o shliabh Hor, air slighe na mara ruaidhe, a dhol mu'n cuairt air tìr Edoim; agus bha anam an t-sluaigh fuidh mhi-mhisnich san t-slighe⁴.

5 Agus labhair an sluagh an aghaidh Dhé, agus an aghaidh Mhaois, C'ar son a thug sibh a nìos sinn as an Eiphit, gu bàs fhaghail san fhàsach? oir cha 'n 'eil aran, no uisge ann, agus tha ar n-anam a' gabhail gràin do'n aran eutrom so.

6 Agus chuir an Tighearna nathraichean loisgeach⁵ am measg an t-sluaigh; agus lot⁶ iad an sluagh, agus fhuair mòr-shluagh do Israel bàs.

7 Uime sin thàinig an sluagh a dh'ionnsuidh Mhaois, agus thubhairt iad, Pheacaidh sinn, oir labhair sinn an aghaidh an Tighearn, agus a't' aghaidh-sa; guidh air an Tighearna gu'n toir e air falbh uainn na nathraichean. Agus ghuidh Maois air son an t-sluaigh.

8 Agus thubhairt an Tighearna ri Maois, Dean dhuit féin nathair loisgeach, agus cuir i air crann; agus tarlaidh, gach neach a lotar, an uair a dh'amhairceas e oirre, gu mair e beò.

9 Agus rinn Maois nathair umha, agus chuir e air crann i: agus tharladh, ma lot nathair duine sam bith, agus gu'n d'amhairc e air an nathair umha, gu'n d'fhan e beò.

10 Agus chaidh clann Israeil air an aghaidh, agus champaich iad ann an Obot.

11 Agus ghabh iad an turus o Obot, agus champaich iad aig Iie-abarim san fhàsach a ta fa chomhair Mhoib, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile do Arnon, a ta san fhàsach a tha teachd a mach á crìochaibh nan Amorach: oir is e Arnon crìoch Mhoib, eadar Moab agus na h-Amoraich.

14 Uime sin innsear ann an leabhar chog-anna an Tighearn, Cìod a rinn e⁷ sa' mhuir ruaidh, agus ann an sruthaibh Arnoin,

15 Agus aig ruith nan sruth a tha dol sìos gu àite-còmhnuidh Ar, agus a' luidhe air crìch Mhoib.

16 Agus o sin chaidh iad gu Beer: is e sin an tobar mu'n do labhair an Tighearna ri Maois, Cruinnich an sluagh r'a chéile, agus bheir mise uisge dhoibh.

17 An sin chan⁸ Israel an laoidh so, Sruth a nìos, O thobair; canaibhse dha:

18 Chladhaich na h-uachdarain an tobar, chladhaich uaislean an t-sluaigh e, le seòladh fhir thabhairt an lagha, le 'n lorgaibh. Agus o'n fhàsach chaidh iad gu Matana;

19 Agus o Mhatana gu Nahaliel; agus o Nahaliel gu Bamot;

20 Agus o Bhamot sa' ghleann a ta ann an dùthaich Mhoib, gu mullach Phisgah, a ta 'g amharc ri Iesimon.

21 Agus chuir Israel teachdairean gu Sihon rìgh nan Amorach, ag ràdh,

22 Leig dhomh do troimh d'fhearann; cha tionndaidh sinn a dh'ionnsuidh raoin no dh'ionnsuidh fion-lios sam bith⁹; cha'n òl sinn uisgeachan an tobar: rathad an rìgh gabhaidh sinn, gu an téid sinn seachad air do chrìch.

23 Agus cha leigeadh Sihon le Israel dol troimh a chrìch: agus chluinnich Sihon a shluagh uile r'a chéile, agus chaidh e mach an aghaidh Israeil do'n fhàsach: agus thàinig e gu Jahas, agus chog e 'n aghaidh Israeil.

24 Agus bhuail Israel e le faobhar a' chlaideimh, agus ghabh e sealbh air 'fhearann o Arnon gu Iaboc, eadhon gu cloinn Amoin: oir bha crìoch chloinn Amoin làidir.

25 Agus ghlac Israel na bailte mòra¹⁰ sin uile: agus ghabh Israel còmhnuidh ann am bailtibh mòra nan Amorach uile, ann an Hesbon, agus 'na bhailtibh beaga uile;

26 Oir b'e Hesbon baile mòr Shihoin rìgh nan Amorach, a chog an aghaidh rìgh Mhoib a bh'ann roimhe sin, agus a bhuin 'fhearann uile as a làimh, eadhon gu h-Arnon.

27 Uime sin their iadsan, a labhras ann an gnàth-fhoclaibh, Thigibh do Hesbon: biodh baile mòr Shihoin air a thogail agus air a dheasachadh:

¹ priosanaich.² moid.³ an cathraichean.⁴ air son na slighe.⁵ nathraiche teine.⁶ theum.⁷ Vaheb. Eabh.⁸ sheinn.⁹ chum nam machairean no chum nam fion-ghàradh.¹⁰ cathraiche.

28 Oir chaidh teine mach à Hesbon, las-
aìro bhaile mòr Shihoin; loisge Ar Mhoib,
agus tighearnan iouadan àrda Arnoin.

29 Mo thruaigh thu, a Mhoib! thàinig
sgrios ort, O shluagh Chemois! thug e
'mhic a chaidh as, agus a nigheanan, am
braighdeanas¹ do Shihon rìgh nan Amor-
ach.

30 Thilg sinn saighdean orra; chaidh as
do Hesbon eadhon gu Dibon, agus dh'fhàs-
aich sinn iad eadhon gu Nopha, a *tha*
ruigheachd gu Medeba.

31 Mar so ghabh Israel còmhnuidh ann
am fearann nan Amorach.

32 Agus chuir Maois *daoine* uaith a
ghabhail beachd air Iaser, agus ghlac iad
a bhailtean, agus dh'fhògair iad a mach
na h-Amoraich a *bha* 'n sin.

33 Agus phill iad agus chaidh iad suas
air slighe Bhasain: agus chaidh Og rìgh
Bhasain a mach 'nan aghaidh, e féin, agus
a shluagh uile, gu cath aig Edrei.

34 Agus thubhairt an Tighearna ri
Maois, Na gabh eagal roimhe; oir do d'
làimh-sa thug mi thairis e féin, agus a
shluagh uile, agus 'fhearann; agus uì thu
air mar a rinn thu air Shihon rìgh nan
Amorach, a *bha* còmhnuidh aig Hesbon.

35 Mar sin bhuail iad e féin agus a mhic,
agus a shluagh uile, gus nach d'fhlàgadh
aon beò aige: agus ghlabh iad sealbh air
'fhearann.

CAIB. XXII.

1 Dhiùlt Balaam air ceud iarrtas Bhalaic teachd d'a
ionnsuidh; ach an uair a chuir e ath-theachdair-
ean d'a ionnsuidh, dh'imich e air a thurus:
28 labhair 'asal ris air a shlighe.

AGUS chaidh clann Israeil air an agh-
aidh, agus champaich iad ann an
còmhnrdaibh Mhoib, air an taobh so do
Iordan làimh ri Iericho.

2 Agus chunnaic Balac mac Shipoir gach
ni a rinn Israel air na h-Amoraich.

3 Agus bha eagal ro mhòr air Moab
roimh 'n t-sluagh, a chionn gu'n robh iad
lìomhor; agus bha Moab ann an teinn a
thaobh chloinn Israeil.

4 Agus thubhairt Moab ri seanairibh
Mhidiaìn, A nis imlichidh a' chuideachd²
so suas gach ni a *ta* mu'r timchioll, mar
a dh'imlicheas an damh suas feur na
maclarach. Agus *bha* Balac mac Shipoir
'na rìgh air na Moabaich san àm sin.

5 Chuir e teachdairean uime sin gu Ba-
laam mac Bheoir, gu Petor, a ta làimh ri
amhainn dùthcha cloinne a shluaigh, g'a
ghairm, ag ràdh, Feuch, tha sluagh air
teachd a mach as an Eiphit: feuch, tha
iad a' còmhachadh aghaidh³ na tal-
mhainn, agus tha iad 'nan còmhnuidh thall
fa m' chomhair.

6 Thig a nis uime sin, guidheam ort,
mallaich dhomhs' an sluagh so, oir *tha* iad
tuilleadh 's cumhachdach air mo shon.
theagamh gur urrainn mi am bualadh,
agus gu'm fuadaich mi iad a mach as an
dùthaich; oir tha fios agam gu'm *bheil*
esan a bheannaicheas tusa, beannaichte,
agus esan a mhallaicheas tu, mallaichte.

7 Agus dh'imich seanairean Mhoib
agus seanairean Mhidiaìn, le *duais na*
druidheachd⁴ 'nan làimh; agus thàinig
iad gu Balaam, agus dh'innis iad dha
briathra Bhalaic.

8 Agus thubhairt e riu, Fanaibh an so
an nochd, agus bheir mise fios⁵ duibh a
ris, a réir mar a labhras an Tighearna
rium. Agus dh'fhan ceannardan Mhoib
maille ri Balaam.

9 Agusthàinig an Tighearna gu Balaam,
agus thubhairt e, Cò iad na daoine so
maille riut?

10 Agus thubhairt Balaam ri Dia, Chuir
Balac mac Shipoir, rìgh Mhoib, *teachd-
aire* a m' ionnsuidh, *agràdh*,

11 Feuch, *tha* sluagh air teachd a mach
as an Eiphit, a ta còmhachadh aghaidh
na talmhainn: thig a nis, mallaich dhomh
iad; theagamh gur urrainn mi buaidh
thoirt orra, agus gu'm fuadaich mi mach
iad.

12 Agus thubhairt Dia ri Balaam, Cha
téid thu maille riu; cha mhallaich thu 'n
sluagh; oir *tha* iad beannaichte.

13 Agus dh'éirich Balaam sa' mhaduinn,
agus thubhairt e ri ceannardaibh Bhalaic,
Imichibh d'ur dùthaich féin; oir tha 'n
Tighearna a' diùltadh cead a thoirt dhomh-
sa dol maille ribh.

14 Agus dh'éirich ceannardan Mhoib
suas, agus chaidh iad a dh'ionnsuidh
Bhalaic, agus thubhairt iad, Tha Balaam
a' diùltadh teachd maille ruinn.

15 Agus chuir Balac uaith a ris ceann-
ardan bu lìomhoire⁶, agus a b'urrmaiche
na iadsan.

16 Agus thàinig iad gu Balaam, agus
thubhairt iad ris, Mar so tha Balac, mac
Shipoir, ag ràdh, Na bacadh ni sam bith
thu, guidheam ort, o theachd a m' ionn-
suidh;

17 Oir àrdaichidh mi thu gu h-inbhe ro
mhòir, agus ge b'e ni a their thu rium, ni
mi e: thig uime sin, guidheam ort, mall-
aich dhomh an sluagh so.

18 Agus fhreagair Balaam, agus thubh-
airt e ri seirbhisich Bhalaic, Ged a bheir-
eadh Balac dhomhsa làn a thighe a dl'air-
giod agus a dl'òr, cha 'n fheudainn dol
thar focal an Tighearna mo Dhé, a dhean-
amh bheag no mhòr.

19 A nis uime sin, guidheam oirbh,

¹ ann an daorsa, 'nan ciomaich.

² an còmhchrinneach. ³ sùla Eabh.

⁴ fiosachd.

⁵ fr: agradh.

⁶ maithean bu liutha.

fanaibhise mar an ceudna an so an nochd, a chum gu'm bi fios agam ciod tuilleadh a their an Tighearna rium.

20 Agus thàinig Dia dh'ionnsuidh Bhalaaime san oidhche, agus thubhairt e ris, Ma thig¹ na daoine gu d' ghairm, éirich suas, agus imich maille riut: gidheadh am focal a their mise riut, sin ni thu.

21 Agus dh'éirich Balaam suas sa' mliadainn, agus chuir e diollaid air 'asal, agus chaidh e maille ri ceannardaibh Mhoab.

22 Agus las corruich Dhé a chionn gu'n d'imich e; agus sheas aingeal an Tighearna san t-slighe mar eascaraid² 'na aghaidh. A nis bha e marcachd air 'asal féin, agus a dhà òglach maille ris.

23 Agus chunnaic an asal aingeal an Tighearna 'na sheasamh san t-slighe, agus a chlaidheamh tairngte 'na làimh: agus thionndaidh an asal a leth taobh as an t-slighe, agus chaidh i air feadh an fhearainn; agus bhuail Balaam an asal, g'a tionndadh dh'ionnsuidh na slighe.

24 Agus sheas aingeal an Tighearna ann an cos-cheum nam fion-lios: bha balla air an taobh so, agus balla air an taobh ud.

25 Agus an uair a chunnaic an asal aingeal an Tighearna, theannaich si i féin ris a' bhalla; agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clithe.

27 Agus an uair a chunnaic an asal aingeal an Tighearna, luidh³ i sìos fuidh Bhalaaime: agus las corruich Bhalaaime, agus bhuail e 'n asal le bata.

28 Agus dh'fhosgail an Tighearna beul na h-asail, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm: b'fhearr leam gu'm biodh claidheamha'm⁴ làimh, oir a nis mharbhainn thu.

30 Agus thubhairt an asal ri Balaam, Nach mise t'asal féin, air an do mharcaich thu riamh o bu leat mi, agus an là 'n diugh? am b' àbhaist domh riamh a dheanamh mar so riut? Agus thubhairt e, Cha b' àbhaist.

31 An sin dh'fhosgail an Tighearna sùilean Bhalaaime, agus chunnaic e aingeal an Tighearna 'na sheasamh san t-slighe, agus a chlaidheamh tairngte 'na làimh; agus chrom e sìos a cheann, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu t'asal na tri uairean so? Feuch, chaidh mi mach gu bhi a'm' eascaraid duit, a chionn gu'm bheil do shlighe fiar a'm' fhanuis.

33 Agus chunnaic an asal mi, agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beò.

34 Agus thubhairt Balaam ri aingeal an Tighearna, Pheacaich mi; oir cha robh fios agam gu'n do sheas thu san t-slighe a'm' aghaidh: a nis uime sin, ma's mi-thaiteach leat e⁵, pillidh mi air m'ais a ris.

35 Agus thubhairt aingeal an Tighearna ri Balaam, Imich leis na daoineibh; ach a mhàin am focal a labhras mise riut, sin labhraidh tusa. Mar sin chaidh Balaam le ceannardaibh Bhalaaime.

36 Agus an uair a chuala Balac gu'n d'fhàinig Balaam, chaidh e mach 'na choinneamh gu baile do Mhoab, a tha làimh ri comh-chrìch Arnoin, a tha sa' chrìch a's faide mach.

37 Agus thubhairt Balac ri Balaam, Nach do chuir mise gu cinnteach fios a t'ionnsuidh g'ad ghairm? C'ar son nach d'fhàinig thu a m' ionnsuidh? Nach 'eil mise gu deimhin comasach air d'àrdachadh gu li-ùbhe.

38 Agus thubhairt Balaam ri Balac, Feuch, tha mi air teachd a t'ionnsuidh: am bheil agam a nis cumhachd idir ni sam bith a ràdh? Am focal a chuireas Dia a'm' bheul, sin labhraidh mi.

39 Agus chaidh Balaam maille ri Balac, agus thàinig iad gu Ciriath-husot.

40 Agus dh'ìobair Balac daimh agus caoraich, agus chuir e fios a dh'ionnsuidh Bhalaaime, agus a dh'ionnsuidh nan ceannard a bha maille ris.

41 Agus air an là màireach, ghabh Balac Balaam, agus thug e suas e gu àitibh àrda Bhaail, a chum gu faicheadh e o sin a' chuid a b'iomallaiche do'n t-sluagh.

CAIB. XXIII.

1, 14, 28 Iobairtean Bhalaaime. 7, 18 Cosamhlachdun Bhalaaime.

A GUS thubhairt Balaam ri Balac, Tog domh an so seachd altairean, agus ulluich dhomh an so seachd tairbh òga, agus seachd reitheachan.

2 Agus rinn Balac mar a thubhairt Balaam; agus dh'ìobair Balac agus Balaam air gach altair tarbh òg agus reitle.

3 Agus thubhairt Balaam ri Balac, Seas làimh ri d'ìobairt-loisgte, agus imichidh mise; theagamh gu'n tìgan Tighearna a'm' choinneamh: agus ge b'e ni a nochdas⁶ e dhomh, innsidh mi dhuit. Agus chaidh e gu h-ionad àrd.

4 Agus choinnich Dia Balaam, agus thubhairt Balaam ris, Dheasaich mi seachd altairean, agus dh'ìobair mi air gach altair tarbh òg agus reitle.

5 Agus chuir an Tighearna focal ann

¹ O thàinig.

² Gu cur 'na aghaidh.

³ thuit.

⁴ ma's olc ann do shùilibh. Eabh. ⁵ dh'fhoillsicheas.

am beul Bhalaaim, agus thubhairt e, Pill a dh'ionnsuidh Bhalaic, agus mar so labhaird tu.

6 Agus phill e d'a ionnsuidh, agus, feuch, sheas e làimh r'a ìobairt-loisgte, e féin, agus ceannardan Mhoib uile.

7 Agus thog e suas a chosamhlachd¹, agus thubhairt e, Thug Balac righ Mhoib mise á h-Aram, o bheantaibh na h-àird² an ear, ag ràdh, Thig, mallaich dhomhsa Iacob; agus thig, thoir dùbhlán do Israel³.

8 Cionnus a mhallicheas mi esan nach do mhallich Dia? agus cionnus a bheir mi dùbhlán dhasan do nach d'thug an Tighearn dùbhlán?

9 Oir o mhullach nan creag tha mi 'g fhaicinn, agus o na sléibhtibh tha mi 'g amharc air: feuch, gabhaidh an sluagh comhnuidh air leth, agus cha mheasar iad am measg nan cinneach.

10 Co dh'áirmheas dulsach Iacob, no àireamh na ceathramh cuid do Israel? Faigheam-sa bàs an ionracain⁴, agus bith-eadh mo chrìoch dheireannach cosmhuil r'a chrìch-san!

11 Agus thubhairt Balac ri Balaam, Ciod e so a rinn thu orm? a mhallachadh mo namhdean thug mi thu, agus feuch, da rìreadh bheannaich thu iad⁵.

12 Agus fhreagair agus thubhairt e, An ni sin a chuir an Tighearn a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit eile, o'm faic thu iad: cha 'n fhaic thu ach a' chuid a's iomallaiche dhiubh, agus cha 'n fhaic thu iad uile; agus mallaich dhomh as a sin iad.

14 Agus thug e gu fearann Shophim e, gu mullach Phisgah⁶, agus thog e seachd altairean, agus dh'ìobair e tarbh òg agus reithe air gach altair.

15 Agus thubhairt e ri Balac, Seas an so làimh ri d'ìobairt-loisgte, gus an coinnich mis' an Tighearn an sud.

16 Agus choinnich an Tighearna Balaam, agus chuir e focal 'na bheul, agus thubhairt e, Imich a rìs a dh'ionnsuidh Bhalaic, agus abair mar so.

17 Agus an uair a thàinig e d'a ionnsuidh, feuch sheas e làimh r'a ìobairt-loisgte, agus ceannardan Mhoib maille ris. Agus thubhairt Balac ris, Ciod a labhair an Tighearna?

18 Agus thog e suas a chosamhlachd, agus thubhairt e, Eirich suas, a Bhalaic, agus cluinn; éisd riumsa, thus' a mhic Shipoir:

19 Cha duine Dia, gu'n deanadh e breug; no mac duine, gu'n gabhadh e aithreachas: an dubhairt e, agus nach dean e? agus an do

labhair e, agus nach coimhlon se e?

20 Feuch, fhuair mi àithne beannachadh; agus bheannaich esan, agus cha'n urrainn mise 'atharrachadh.

21 Cha d'thug e fa'near euceart ann an Iacob, agus cha'n fhac e cealg ann an Israel: tha'n Tighearn a Dhia leis, agus caithream righ 'nam measg.

22 Thug Dia mach iad as an Eiphit; tha aige amhuil neart an aon-adharcaich⁷.

23 Gu cinnteach cha 'n'eil druidheachd an aghaidh Iacob, ni mò ta fiosachd an aghaidh Israel: a réir na h-aimsir so theirear mu Iacob, agus mu Israel, Ciod a dh'oibrich Dia!

24 Feuch, éiridh an sluagh suas mar leòmhán mòr, agus mar leòmhán òg togaidh e suas e féin: cha luidh e sìos gus an ith e a' chreach, agus gus an òl e fuil nam marbh.

25 Agus thubhairt Balac ri Balaam, Na dean aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'innis mi dhuit, ag ràdh, Gach ni a labhras an Tighearna, sin is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Dia⁸ thu 'g am mallachadh dhomh as a sin.

28 Agus thug Balac Balaam gu mullach Pheoir, a tha 'g amharc ri Iesimon.

29 Agus thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

30 Agus rinn Balac mar a thubhairt Balaam, agus dh'ìobair e tarbh agus reithe air gach altair.

CAIB. XXIV.

1 Fàisneachd Bhalaaim a thaobh soirbheis Israeil. 15 Mu reul Iacob, &c. 20 Mu sgrìos nan Amaleceach.

AGUS an uair a chunnaic Balaam gu'm bu toil leis an Tighearn Israel a bheannachadh, cha deachaidh e, mar air uairibh eile, a dh'iarraidh manaidean⁹, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn 'nam bìthaibh a réir an treubhan, agus thàinig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

4 Thubhairt esan, a chuala briathra Dhé, a chunnaic taisbeanadh¹⁰ an Uile-chumhachdaich, a' tuiteam agus a shùilean air am fosgladh¹⁰:

¹ *parable*. Sasg.

² *càin* Israeil.

³ *nan*

ionracan. Eabh.

⁴ *le beannachadh bheannaich*

thu iad. Eabh.

⁵ *beinne*.

⁶ *reem*. Eabh.

unicorn. Sasg.

⁷ *Dhé*. Eabh.

⁸ *gu'm bi e ccart ann an sùilibh*

⁹ *clum fiosachd, druidheachd*.

¹⁰ *a shùilean dùinte*.

5 Cì a'luinn do bhùthan, O Iacoib! do phàillìuna, O Israeil!

6 Mar na gleannta tha iad sìnte mach, mar liosan¹ ri taobhaimhne, mar chraobhan fiodh-alois² a shuidhich an Tighearna, mar chraobhan seudair làimh ris na h-uisgeachuibh.

7 Sruthaidh an t-uisge mach as a shoithichibh, agus *bithidh* a shliochd ann am mòra uisgeachan, agus bithidh a rìgh nì's àirde na Agag, agus àrdaichear a rìoghachd.

8 Thug Dia mach as an Eiphite; tha aige amhuil neart an aon-adharcaich: ithidh e suas na cinnich a naimhdean, agus brisidh e 'n cnàmhan, agus le 'shaighdibh troimh-lotaiddh e iad.

9 Chrùb e, luidh e sìos mar leòmhann, agus mar leòmhann mòr: cò dhùisgeas suas e? *Is* beannaichte gach neach a bheannaicheas thusa, agus is mallaichte gach neach a mhallacheas thu.

10 Agus las corruich Bhalaic an aghaidh Bhalaaim, agus bhuail e 'bhasan air a chèile: agus thubhairt Balac ri Balaam, A mhallachadh mo naimhdean ghairm mi thu, agus, feuch, da rìreadh bheannaich thu *iad* na trì uairean so.

11 Uime sin teich a nise do d' àite féin: shaoil mi t'àrdachadh gu h-inbhe mhòir, ach, feuch, chum an Tighearna air t'ais thu o inbhe.

12 Agus thubhairt Balaam ri Balac, Nach do labhair mi eadhon ri d' theachdairibh, a chuir thu a'm' ionnsuidh, ag ràdh,

13 Ged a bheireadh Balac dhomhsa làn a thighe dh'airgiod agus a dh'òr, cha b'urrainn mi dol thar àithne an Tighearna, a dheanamh maith no uile o m'inntinn féin; *ach* ge b'e ni a their an Tighearna, sin labhraidh mise?

14 Agus a nis, feuch, tha mi dol a dh'ionnsuidh mo dhaoine féin: thig *uime sin*, bheir mi rabhadh³ dhuit, ciod a ni 'n sluagh so air do shluagh-sa anns na làithibh deireannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

16 Thubhairt esan a chuala briathra Dhé, agus d'an aithne eòlas an Ti a's ro-àirde, a chunnaic taisbeanadh an Uile-chumhachdaich, a' tuiteam agus a shùilean air an fosgladh:

17 Chi mi e, ach ni h-ann a nis; amhaircidh mi air, ach ni h-ann am fagus: thig reul⁴ a mach á Jacob, agus éiridh slat rìoghail á h-Israel, agus buailidh i ois-innean Mhoib, agus cuiridh i as do chloinn Shet uile.

18 Agus bithidh Edom 'na sheilbh, bith-

idh Seir mar an ceudna 'na sheilbh aig a naimhdibh; agus ni Israel gaisge.

19 A mach á Jacob thig esan a bhios 'na uachdaran, agus sgriosaidh e'n ti a mhair-eas do'n bhaile mhòr.

20 Agus an uair a dh'amhairc e air Amalec, thog e suas a chosamhlachd, agus thubhairt e, Tùs nan cinneach Amalec, ach *is* e dheireadh *bhi* air a sgrios gu sìorruidh.

21 Agus dh'amhairc e air na Cenich; agus thog e suas a chosamhlachd, agus thubhairt e, Is làidir t-àite-còmhnuidh, agus tha thu cur do nid ann an carraig:

22 Gidheadh, fàsaichear na Cenich, gus an toir Asur leis thu ann am bairghdeanas.

23 Agus thog e suas a chosamhlachd, agus thubhairt e, Mo thruaigh! cò bhios beò 'nuair a ni Dia so?

24 Agus *thig* longan o iomall⁵ Chitim, agus ni iad olc air Asur, agus ni iad olc air Eber, agus sgriosar esan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite féin: agus dh'fhalbh Balac mar an ceudna air a shlighe féin.

CAIB. XXV.

1 *Strìopachas agus òdhol-aoradh chloinn Israeil.*
6 *Simri agus Cosbi air am marbhadh.*

AGUS dh'fhan Israel ann an Sitim, agus thòisich an sluagh air strìopachas a dheanamh le nigheanaibh Mhoib.

2 Agus ghairm iad an sluagh gu òbairtibh an diathan: agus dh'ith an sluagh, agus chrom iad sìos d'an diathaibh.

3 Agus cheangail Israel e féin ri Baal-peor: agus las corruich an Tighearna an aghaidh Israeil.

4 Agus thubhairt an Tighearna ri Maois, Glac cinn-fheadhna an t-sluaigh uile, agus croch suas iad an làthair an Tighearna fa chomhair na gréine, chum gu'm pill corruich gharg an Tighearna o Israel.

5 Agus thubhairt Maois ri breitheamhaibh Israeil, Marbhaibh gach aon agaibh a dhaoine, a cheangail iad féin ri Baal-peor.

6 Agus, feuch, thàinig fear do chloinn Israeil, agus thug e chum a bhràithre Ban-mhidianach, ann an sealladh Mhois, agus ann an sealladh comhchrumich chloinn Israeil uile, agus iad a' gul aig doras pàilluin a' choimhthionail.

7 Agus an uair a chunnaic Phinehas mac Eleasair, mhic Aaroin an t-sagairt e, dh'éirich e suas o mheasg a' chomhchruinnich, agus ghabh e sleagh 'na làimh;

8 Agus chaidh e'n déigh an duine do Israeil a steach do'n bhùth, agus throimh-lot

¹ ghàraichean. ² phàillìuna. ³ fios, sanas.

⁴ reult. ⁵ o làimh. Eabh.

e iad¹ le chéile, an duine do Israel, agus a' bhean troimh a broinn: mar sin choisgeadh a' phlàigh o chloinn Israeil.

9 Agus blàsaich sa' phlàigh ceithir mìle thar fhichead.

10 Agus labhair an Tighearna ri Maois, ag ràdh,

11 Phil Phíneas mac Eleasair, mhic Aaroin an t-sagairt, mo chorruien air falbh o chloinn Israeil, an uair a bha e èudmhor² as mo leth 'nam measg, air chor as nach do chuir mi as do chloinn Israeil a'm' èud.

12 Air an aobhar sin abair, Feuch, bheir mise dha mo choimhcheangal³ sìthe.

13 Agus bithidh e aige, agus aig a shliochd 'na dhéigh, eadhon coimhcheangal sagartachd shìorruidh; a chionn gu'n robh e èudmhor as leth a Dhé, agus gu'n d'rinn e réite air son chloinn Israeil.

14 A nis b'e ainm an Israelich a mharbhadh, eadhon a mharbhadh maille ris a' Bhan-mhidianaich, Simri mac Shalu, ceannard prìomh⁴ thighe am measg nan Simeonach.

15 Agus b'e ainm na Ban-mhidianaich a mharbhadh, Cosbi nighean Shur; bu cheann cinnich e, agus do phrìomh thigh ann am Midian.

16 Agus labhair an Tighearna ri Maois, ag ràdh,

17 Buin gu naimhdeil ris⁵ na Midianaich, agus buailibh iad:

18 Oirtha iadsan a' buntuinng gu naimhdeil ri bhise le'n as-innleachdaibh, leis an do mheall iad sibh ann an aobhar⁶ Pheoir, agus ann an aobhar Chosbi, nighean ceannaird do Mhidian, am peathar, a mharbhadh ann an là na plàighe ann an aobhar Pheoir⁷.

CAIB. XXVI.

1 Clann Israeil air an àireamh an dara uair. 52 Am fearann gu bhì air a roinn doibh le crannehur. 64 Caleb agus Iosua mhàin bed do na dh'àirmheadh air tùs.

A GUS tharladh na déigh na plàighe, gu'n do labhair an Tighearna ri Maois, agus ri Eleasar mac Aaroin an t-sagairt, ag ràdh,

2 Gabhaibh àireamh comhchruinnich chloinn Israeil uile, o fhichead bliadhna dh'aois agus os a cheann, trid thighe an aithriche, iadsan uile a's urrainn dol a mach gu cogadh ann an Israel.

3 Agus labhair Maois agus Eleasar an sagart riu ann an còmhnradaibh⁸ Mhoaiù, làimh ri Iordan am fagus do Iericho, ag ràdh,

4 Gabhaibh àireamh an t-sluaigh, o fhichead bliadhna dh'aois agus os a cheann; mar a dh'àithn an Tighearna do Mhoais agus do chloinn Israeil, a chaidh

a mach á tìr na h-Eiphit.

5 Reuben, am mac bu shine aig Israel: clann Reubein: Hanoah, o'm bheil teaghlach nan Hanoachach: o Phalu, teaghlach nam Paluthach:

6 O Hesron, teaghlach nan Hesronach: o Charmi, teaghlach nan Carmach.

7 Is iad sin teaghlaichean nan Reuben-each: agus b'iadsan a chaidh àireamh dhiubh, dà fhichead agus trì mìle agus seachd ceud agus deich 'ar fhichead.

8 Agus mic Phalu; Eliab.

9 Agus mic Eliaib; Nemuel, agus Datan, agus Abiram. Is iad so an Datan agus an t-Abiram a bha ainmeil sa' chomhchruinnicach, a rinn strì an aghaidh Mhoais agus an aghaidh Aaroin ann an cuideachd Chorah, 'nuair a rinn iad strì an aghaidh an Tighearna;

10 Agus dh'fhosgail an talamh a bleul, agus shluig e suas iad maille ri Corah, 'nuair a bhàsaich a' chuideachd sin, an uair a loisg an teine suas dà cheud agus leth-cheud fear: agus rinneadh iad 'nan comharadh⁹.

11 Gidheadh, cha do bhàsaich clann Chorah.

12 Mic Shimeoin, a réir an teaghlaich-can: o Nemuel, teaghlach nan Nemuel-each: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarhach: o Shaul, teaghlach nan Saulach.

14 Is iad sin teaghlaichean nan Simeonach, fichead agus dà mhìle agus dà cheud.

15 Clann Ghad, a réir an teaghlaichean: o Shephon, teaghlach nan Sephonach: o Hagi, teaghlach nan Hagitheach: o Shuni, teaghlach nan Sunitheach:

16 O Osni, teaghlach nan Osnitheach: o Eri, teaghlach nan Eritheach:

17 O Arod, teaghlach nan Arodach: o Areli, teaghlach nan Arelitheach:

18 Is iad sin teaghlaichean chloinn Ghad, a réir na dh'àirmheadh dhiubh, dà fhichead mìle agus cùig ceud.

19 B'iad mic Iudah, Er agus Onan: agus fhuair Er agus Onan bàs ann an tìr Chanaian.

20 Agus b'iad mic Iudah, a réir an teaghlaichean; o Shelah, teaghlach nan Selanach: o Pharets, teaghlach nam Pharetsach: o Sherah teaghlach nan Sarhach:

21 Agus b'iad mic Pharets; o Hesron, teaghlach nan Hesronach: o Hamul teaghlach nan Hamulach.

22 Is iad sin teaghlaichean Iudah, a réir na dh'àirmheadh dhiubh, trì fichead agus sè mìle dcug agus cùig ceud.

¹ shàth e trid iad.

³ chàmhnant.

² teas-ghràdhach.

⁴ ceud, àrd.

⁵ Teannaich. Eabh.

⁶ cùis.

⁷ air son Pheoir.

⁸ rèileanaibh.

⁹ ball-sampuil.

23 Do mhic Isachair, a réir an teaghlachian: o Tholach, teaghlach nan Tolach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 *Is* iad sin teaghlaichean Isachair, a réir na chaidh àireamh dhiubh, trì fichead agus ceithir mìle agus trì cheud.

26 Do mhic Shebuluin, a réir an teaghlaichean: o Shered, teaghlach nan Sardach: o Elon, teaghlach nan Elonach: o Iahleel, teaghlach nan Iahleeleach.

27 *Is* iad sin teaghlaichean nan Sebulunach, a réir na chaidh àireamh dhiubh, trì fichead mìle agus cùig cheud.

28 *B'iad* mic Ioseiph, a réir an teaghlaichean, Manaseh agus Ephraim.

29 Do mhic Mhanaseh: o Mhachir, teaghlach nam Machireach; agus ghin Machir Gilcad: o Ghilead *thàinig* teaghlach nan Gileadach.

30 *Is* iad so mic Ghilead: o Ieser, teaghlach nan Iesereach: o Helec, teaghlach nan Heleceach:

31 Agus o Asriel, teaghlach nan Asrieach: agus o Shechem, teaghlach nan Sechemcach:

32 Agus o Shemida, teaghlach nan Semideach: agus o Hepher, teaghlach nan Hephereach.

33 Agus cha robh aig Selophehad mac Shepheir mic sam bith, ach nigheanan: agus *b'iad* ainmean nigheana Shelopheaid, Mahlah, agus Noah, Hoglah, Milcaph, agus Tirsah.

34 *Is* iad sin teaghlaichean Mhanaseh, agus iadsan a chaidh àireamh dhiubh, leth-cheud agus dà mhìle agus seachd ceud.

35 *Is* iad so mic Ephraim, a réir an teaghlaichean: o Shutelah, teaghlach nan Suteleach: o Bhecher, teaghlach nan Bechereach: o Thahan, teaghlach nan Tahanach.

36 Agus *is* iad so mic Shutelah: o Eran, teaghlach nan Eranach.

37 *Is* iad sin teaghlaichean mhac Ephraim, a réir na chaidh àireamh dhiubh, dà mhìle dheug 'ar fhichead agus cùig cheud. *Is* iad sin mic Ioseiph a réir an teaghlaichean.

38 Mic Bheniamin, a réir an teaghlaichean: o Bhelah, teaghlach nam Belachach: o Asbel, teaghlach nan Asbelcach: o Ahiram, teaghlach nan Ahiramach:

39 O Shupham, teaghlach nan Suphamach: o Hupham, teaghlach nan Huphamach.

40 Agus *b'iad* mic Bhelah Ard agus Naaman: o *Ard*, teaghlach nan Ardach: agus o Naaman, teaghlach nan Naamanach.

41 *Is* iad sin mic Bheniamin, a réir an teaghlaichean: agus *b'iadsan* a chaidh

àireamh dhiubh, dà fhichead agus cùig mìle agus sè ceud.

42 *Is* iad so mic Dhan, a réir an teaghlaichean: o Shubam, teaghlach nan Suhmach. *Is* iad so teaghlaichean Dhan, a réir an teaghlaichean.

43 *B'iad* teaghlaichean nan Suhmach uile, a réir na chaidh àireamh dhiubh, trì fichead agus ceithir mìle agus ceithir cheud.

44 Do chloinn Aseir, a réir an teaghlaichean: o Imma, teaghlach nan Immathach: o Iesui, teaghlach nan Iesuiteach: o Bheriah, teaghlach nam Beritheach.

45 Do mhic Bheriah: o Heber, teaghlach nan Hebereach: o Mhalchiel, teaghlach nam Malchieleach.

46 Agus *b'e* aium nighinn Aseir, Sarah.

47 *Is* iad sin teaghlaichean mhac Aseir, a réir na chaidh àireamh dhiubh, leth-cheud agus trì mìle agus ceithir cheud.

48 Do mhic Naphtali, a réir an teaghlaichean: o Iahseel, teaghlach nan Iahseeleach: o Ghuni, teaghlach nan Gunitheach:

49 O Ieser, teaghlach, nan Iesereach: o Shillem, teaghlach nan Sillemeach.

50 *Is* iad sin teaghlaichean Naphtali, a réir an teaghlaichean: agus *b'iadsan* a dh'àirmheadh dhiubh, dà fhichead agus cùig mìle agus ceithir cheud.

51 *B'iad* sin iadsan a dh'àirmheadh do chloinn Israeil, sè ceud mìle agus aon mhìle seachd ceud agus deich 'ar fhichead.

52 Agus labhair an Tighearna ri Maois, ag ràdh,

53 Dhoibh sin roinnear am fearann mar oighreachd, a réir àireimh nan ainm.

54 Do mhòran bheir thu nì's mò dh'oighreachd, agus do bheagan bheir thu nì's lugha dh'oighreachd: bheirear 'oighreachd fèin do gach aon, a réir an àireimh.

55 Gidheadh, roinnear am fearann le crannchur: a réir ainmean threubhan an aithriche gheibh iad an oighreachd.

56 A réir a' chrannchuir roinnear a shealb eadar mhòran agus bheagan.

57 Agus *is* iad so iadsan a dh'àirmheadh do na Lebhitich, a réir an teaghlaichean: o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nan Meraritheach.

58 *Is* iad so teaghlaichean nan Lebhitheach: teaghlach nan Libnitheach, teaghlach nan Hebronach, teaghlach nam Mahlahach, teaghlach nam Muisitheach, teaghlach nan Corahach: agus ghin Cohat Amram.

59 Agus *b'e* aium muà Amram Iochbed, nighean Lebhi, a rug a màthair do Lebhi san Eiphit: agus rug i do Amram, Aaron, agus Maois, agus Miriam an piuthar.

60 Agus do Aaron rugadh Nadab, agus Ahihu, Eleasar agus Itamar.

61 Agus fhuir Nadab agus Abihu bàs, an uair a thug iad suas teine coinneach an làthair an Tighearn.

62 Agus b'iadsan a chaidh àireamh dhiubh, fichead agus trì mìle, fìrionnaich uile o mhios a dh'aois agus os a cheann; oir cha d'àirmheadh iad ann measg chloinn Israeil, a chionn nach d'thugadh oighreachd dhoibh ann measg chloinn Israeil.

63 Is iad sin iadsan a chaidh àireamh le Maois agus Eleasar an sagart, a dh'àireamh clann Israeil ann an còmh-nardaibh Mhoab, làimh ri Iordan *am fagus* do Iericho.

64 Ach 'nam measg sin cha robh aon duine dhiubhsan a dh'àireamh Maois agus Aaron an sagart, an uair a dh'àireamh iad clann Israeil ann an fasach Shìnai:

65 Oir thubhairt an Tighearn umpasan, Gheibh iad gu deimhin bàs ann an fhàsach. Agus cha d'fhàgadh duine dhiubh, saor o Chaleb mac Iephuneh, agus Iosua mac Nuin.

CAIB. XXVII.

1 *An lagh a thaobh oighreachdan chloinn Israeil.*
2 *Fhuair Maois fios a bhàis, 15 agus ghuidh e air an Tighearn gu'n cuirheadh e duine ion-chuidh os ceann a' chomhchruinnich 'na àite;*
3 *18 dh'ordugh ean dha Iosua mac Nuin a ghabhail, agus a chur air leth chum na crìche sin.*

AN sin thàinig nigheana Shelopheaid, mhic Hepheir, mhic Ghilead, mhic Mhachir, mhic Mhanaseh do theaghlachibh Mhanaseh mhic Ioseiph: agus is iad so ainmean a' nigheana, Mahlah, Noali, agus Hoglah, agus Milcah, agus Tirsah.

2 Agus sheas iad an làthair Mhaois, agus an làthair Eleasair an t-sagairt, agus an làthair nan ceamard, agus a' chomhchruinnich uile, làimh ri doras pàill-iuin a' choimhthionail, ag ràdh,

3 Dh'eug ar n-athair ann an fhàsach, agus cha robh e ann an cuideachd na muinntir a chruinnich iad féin r'a chéile an aglaidh an Tighearn ann an cuideachd Chorah, ach dh'eug e 'na pheacadh féin; agus cha robh mic sam bith aige.

4 C'ar son a chaillear ainm ar n-athar o mheasg a theaghlach a chionn nach 'eil mac aige? Thugaibh dhuinn *uime sin* seallb ann measg bhràithrean ar n-athar.

5 Agus thug Maois an cùis an làthair an Tighearn.

6 Agus labhair an Tighearna ri Maois, ag ràdh,

7 Labhair nigheana Shelopheaid gu ceart: bheir thu dhoibh gu cinnteach seallb oighreachd ann measg bhràithrean an athar; agus bheir thu fa'near gu'n

tig oighreachd an athar d'an ionnsuidh.

8 Agus labhaird tu ri cloinn Israeil ag ràdh, Ma gheibh duine bàs, agus gun mhiac aige, an sin bheir sibh fa'near, gu'n tig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh 'athar.

11 Agus mur bi bràithrean aig 'athair, an sin bheir sibh 'oighreachd d'a fhear-dàimh¹ a's faigse dha d'a theaghlach, agus seallbhaidh e i: agus bithidh e do chloinn Israeil 'na reachd² breitheanais, mar a dh'àithn an Tighearna do Mhaois.

12 Agus thubhairt an Tighearna ri Maois, Inich sinas do'n t-slabhso Abarim, agus gabh sealladh do'n fhearann a thug mise do chloinn Israeil.

13 Agus an uair a chi thu e, cruinnich-car thusa mar an ceudna chum do dhaoine, mar a chruinnichadh Aaron do bhràithair,

14 A chionn gu'n d'ruinn sibh ceannairc an aghaidh m'aithe-sa ann am fàsach Shìn, ann an comhstri a' chomhchruinnich, agus nach do naomhaich sibh mi³ aig an uisge ann an sealladh an sùl: is e sin uisge Mheribah ann an Cades, ann am fàsach Shìn.

15 Agus labhair Maois ris an Tighearn, ag ràdh,

16 Cuirheadh an Tighearna⁴, Dia spiorad na h-uile fheòla, duine os ceann a' chomhchruinnich,

17 A théid a mach rompa, agus a thig a steach rompa, agus a threòraicheas a muigh iad, agus a bheir a stigh iad; a chum nach bi comhchruinneach an Tighearna mar chaoraich aig nach 'eil buachaille.

18 Agus thubhairt an Tighearna ri Maois, Gabh a t'ionnsuidh Iosua mac Nuin, duine annas *an bheil* an spiorad, agus cuir do làmh air.

19 Agus cuir e an làthair Eleasair an t-sagairt, agus an làthair a' chomhchruinnich uile; agus thoir àithne dha 'nam fianuis.

20 Agus cuiridh tu *cuid* do t'urram air, a chum gu'm bi comhchruinneach chloinn Israeil uile ùmhal dha⁵.

21 Agus seasaidh e'n làthair Eleasair an t-sagairt, a dh'iarras *comhairl'* air a shon, a réir breitheanais na h-Urim an làthair an Tighearn: air 'fhocal-san théid iad a mach, agus air 'fhocal thig iad a steach, e féin, agus clann Israeil uile maille ris, eadhon an comhchruinneach uile.

¹ d'a fheoil. Eabh.

² lagh, ordugh.

³ chum mo naomhachadh.

⁴ Ichothah. Eabh.

⁵ cuiridh tu do t' onoir air, chum gu'n éisd comhchruinneach chloinn Israeil uile ris.

22 Agus rinn Maois mar a dh'àithn an Tighearna dha; agus ghabh e Iosua, agus chuir e 'n làthair Eleasair an t-sagairt e, agus an làthair a' chomhchruinnich uile.

23 Agus chuir e a làmhnan air, agus thug e àithne dha, mar a labhair an Tighearna le làmh Mhaois.

CAIB. XXVIII.

Mu thabhartas agus ìobairtean àraidh, gu bhì air an toirt seachad 'nan àm suidhichte.

A GUS labhair an Tighearna ri Maois, ag ràdh,

2 Aithn do chloinn Israeil, agus abair riu, Mo thabhartas, agus m'aran air son m'ìobairtean a bheirear suas le teine *chum* fàile chùbhraidh dhomh, bheir sibh an aire gu'n toir sibh seachad dhomhsa 'nan àm iomchuidh fèin.

3 Agus their thu riu, *Is* e so an tabhartas a bheirear suas le teine, a bheir sibh seachad do'n Tighearna; dà uan do'n cheud bhliadhna gun ghaoid gach là, *chum* ìobairt-loisgte ghnàthaichte.

4 Aon uan bheir thu seachad sa' mhaduinn, agus an t-uan eile bheir thu seachad air feasgar;

5 Agus an deicheamh earrann do ephah phlùir mar thabhartas-bidh, measgta leis a' cheathramh earrann do hin a dh'oladh bhrùite.

6 *Is* ìobairt-loisgte ghnàthaichte a t'ann, a dh'orduicheadh ann an sliabh Shinai chum fàile chùbhraidh, ìobairt a bheirear suas le teine do'n Tighearn.

7 Agus *is* i a tabhartas-dibhe an ceathramh earrann do hin air son aon uain: ams an ionad naomh bheir thu fa' near fion làidir a dhòrtadh do'n Tighearna mar thabhartas-dibhe.

8 Agus an t-uan eile bheir thu seachad air feasgar: mar thabhartas-bidh na maidne, agus mar a tabhartas-dibhe, bheir thu seachad e, ìobairt e bheirear suas le teine, a dh'fhàile cùbhraidh do'n Tigh-earn.

9 Agus air là na sàbaid, dà uan do'n cheud bhliadhna gun ghaoid, agus dà dheicheamh earrann phlùir measgta le h-oladh mar thabhartas-bidh, agus a tabhartas-dibhe¹.

10 *Is* e so ìobairt-loisgte gach sàbaid, a thuilleadh air an ìobairt-loisgte ghnàthaichte, agus a tabhartas-dibhe.

11 Agus ann an toiseach bhur mìos bheir sibh seachad *chum* ìobairt-loisgte do'n Tighearna, dà tharbh òg, agus aon reithe, seachd uain do'n cheud bhliadhna gun ghaoid,

12 Agus trì deicheamh earranna phlùir measgta le h-oladh mar thabhartas-bidh air son gach tairbh, agus dà dheicheamh

earrann phlùir measgta le h-oladh mar thabhartas-bidh air son gach reithe;

13 Agus aon deicheamh earrann phlùir air leth measgta le h-oladh mar thabhartas-bidh air son gach uain, *chum* ìobairt-loisgte deadh fhàile, ìobairt a bheirear suas le teine do'n Tighearn.

14 Agus mar an tabhartas-dibhe bithidh leth hin do fhion air son tairbh, agus an treas earrann do hin air son reithe, agus an ceathramh earrann do hin air son uain: *is* i so ìobairt-loisgte gach mìosa air feadh mhiosan na bliadhna.

15 Agus ìobairt aon mheann do na gabh-raibh mar ìobairt-pheacaidh do'n Tigh-earn, a thuilleadh air an ìobairt-loisgte ghnàthaichte, agus a tabhartas-dibhe.

16 Agus air a' cheathramh là deug do'n cheud mhios *tha* càisg² an Tighearn.

17 Agus air a' chùigeadh là deug do'n mhios so *tha* 'n fhéill: seachd làithean ithear aran neo-ghoirtichte.

18 Air a' cheud là *bithidh* comhghairm naomh; obair thràilleil³ sam bith cha dean sibh air:

19 Ach bheir sibh seachad a *chum* ìobairt a bheirear suas le teine, mar ìobairt-loisgte do'n Tighearna, dà tharbh òg, agus aon reithe, agus seachd uain do'n cheud bhliadhna: gun ghaoid bithidh iad duibh.

20 Agus bithidh an tabhartas-bidh do phlùir measgta le h-oladh: trì deicheamh earranna bheir sibh seachad air son tairbh, agus dà dheicheamh earrann air son reithe.

21 Deicheamh earrann air leth bheir thu seachad air son gach uain, air feadh nan seachd uan:

22 Agus aon bhoc-gaibhre *chum* ìobairt-pheacaidh, a dheanamh réite air bhur son.

23 Iobraidh sibh iad sin a thuilleadh air an ìobairt-loisgte sa' mhaduinn, a *tha* mar ìobairt-loisgte ghnàthaichte.

24 Mar so bheir sibh seachad⁴ gach là air feadh nan seachd làithean, biadh na h-ìobairt a bheirear suas le teine, *chum* fàile chùbhraidh do'n Tighearn: bheirear seachad e thuilleadh air an ìobairt-loisgte ghnàthaichte, agus a tabhartas-dibhe.

25 Agus air an t-seachdamh là bithidh comhghairm naomh agaibh; obair thràilleil sam bith cha dean sibh air.

26 Mar an ceudna air là nan ceud thoradh, 'nuair a bheir sibh seachad tabhartas-bidh nuadh⁵ do'n Tighearn, aig ceann bhur seachduinean, bithidh comhghairm naomh agaibh; obair thràilleil sam bith cha dean sibh:

27 Ach bheir sibh seachad mar ìobairt-loisgte, *chum* fàile chùbhraidh do'n Tigh-earna, dà tharbh òg, aon reithe, seachd uain do'n cheud bhliadhna;

28 Agus an tabhartas-bidh do phlùir

¹ deoch-òfrail.

² gabhail-thairis.

³ shaoithreachail.

⁴ nì sibh. Eabh.

⁵ noma.

measgta le h-oladh, tri deicheamh earrann-
an air son gach tairbh, dà dheicheamh
earrann air son gach reithe,

29 Deicheamh earrann air leth air son
gach uain, air feadh nan seachd uan;

30 Agus aonmheann¹ do na gabhraibh,
a dheanamh réite air bhur son.

31 Iobraidh sibh *iad* a thuilleadh air an
ìobairt-loisgte ghnàthaichte, agus a tabh-
artas-bidh, (gun ghaoid bithidh iad duibh,)
agus an tabhartasan-dibhe.

CAIB. XXIX.

1 *An ìobairt-loisgte gu bhi air a toirt seachad air
latha sèididh nan trompaid, 7 air latha cràdhaidh
an anamanna, 12 agus air oedh làithibh féille nam
pàillinn.*

AGUS auns an t-seachdamh mìos, air
a' cheud là do'n mhìos, bithidh comh-
ghairm naomh agaibh; obair thràilleil
sam bith cha dean sibh: is là sèididh nan
trompaid dhuibh e.

2 Agus bheir sibh seachad mar ìobairt-
loisgte, chum fàile chùbhraidh do'n Tigh-
earn, aon tarbh òg, aon reithe, *agus*
seachd uain do'n cheud bhliadhna gun
ghaoid:

3 Agus *bithidh* an tabhartas-bidh do
phlùr measgta le h-oladh, tri deicheamh
earrannan air son tairbh, *agus* dà dheich-
eamh earrann air son reithe,

4 Agus aon deicheamh earrann air son
gach uain, air feadh nan seachd uan;

5 Agus aon mheann do na gabhraibh
chum ìobairt-pheacaidh, a dheanamh réite
air bhur son:

6 A thuilleadh air ìobairt-loisgte a'
mhiosa, agus a tabhartas-bidh, agus an
ìobairt-loisgte ghnàthaichte, agus a tabh-
artas-bidh, agus an tabhartasan-dibhe, a
réir an gnàtha, chum fàile chùbhraidh,
ìobairt a bheirear suas le teine do'n Tigh-
earn.

7 Agus bithidh agaibh air an deicheamh
là do'n t-seachdamh mìos so comhghairm
naomh: agus cràdhaidh sibh bhur n-anam-
anna: obair sam bith cha dean sibh *air*.

8 Ach bheir sibh seachad *chum* ìobairt-
loisgte do'n Tighearn a dh'fhàile cùbh-
raidh, aon tarbh òg, aon reithe, *agus*
seachd uain do'n cheud bhliadhna; gun
ghaoid bithidh iad duibh.

9 Agus *bithidh* an tabhartas-bidh do
phlùr measgta le h-oladh, tri deicheamh
earrannan air son *gach* tairbh, *agus* dà
dheicheamh earrann air son gach reithe,

10 Deicheamh earrann air leth air son
gach uain, air feadh nan seachd uan;

11 Aon mheann do na gabhraibh *chum*
ìobairt-pheacaidh, a thuilleadh air ìobairt-
pheacaidh na réite, agus an ìobairt-loisgte
ghnàthaichte, agus a tabhartas-bidh, agus

an tabhartasan-dibhe.

12 Agus air a' chùigeadh là deug do'n
t-seachdamh mìos, bithidh comhghairm
naomh agaibh; obair thràilleil sam bith
cha dean sibh; agus gleidhidh sibh féill
do'n Tighearn seachd làithean.

13 Agus bheir sibh seachad *chum* ìobairt-
loisgte, ìobairt a bheirear suas le teine, a
dh'fhàile cùbhraidh² do'n Tighearn, tri
tairbh dheug òga, dà reithe, *agus* ceithir
uain deug do'n cheud bhliadhna; gun
ghaoid bithidh iad.

14 Agus *bithidh* an tabhartas-bidh do
phlùr measgta le h-oladh, tri deicheamh
earrannan air son gach tairbh do na tri
tairbh dheug, dà dheicheamh earrann air
son gach reithe do'n dà reithe,

15 Agus deicheamh earrann air leth air
son gach uain do na ceithir uain deug;

16 Agus aon mheann do na gabhraibh
chum ìobairt-pheacaidh, a thuilleadh air
an ìobairt-loisgte ghnàthaichte, a tabh-
artas-bidh, agus a tabhartas-dibhe.

17 Agus air an dara là *bheir sibh seachad*
dà tharbh dheug òg, dà reithe, ceithir uain
deug do'n cheud bhliadhna gun ghaoid:

18 Agus *bithidh* an tabhartas-bidh, agus
an tabhartasan-dibhe air son nan tarbh, air
son nan reitheachan, agus air son nan uan,
a réir an àireimh, a réir a' ghnàtha;

19 Agus aon mheann do na gabhraibh
chum ìobairt-pheacaidh, a thuilleadh air
an ìobairt-loisgte ghnàthaichte, agus a
tabhartas-bidh, agus an tabhartasan-
dibhe.

20 Agus air an treas là aon tarbh deug,
dà reithe, ceithir uain deug do'n cheud
bhliadhna gun ghaoid:

21 Agus *bithidh* an tabhartas-bidh, agus
an tabhartasan-dibhe, air son nan tarbh,
air son nan reitheachan, agus air son nan
uan, a réir an àireimh, a réir a' ghnàtha;

22 Agus aon bhoc-gaibhre *chum* ìobairt-
pheacaidh, a thuilleadh air an ìobairt-
loisgte ghnàthaichte, agus a tabhartas-
bidh, agus a tabhartas-dibhe.

23 Agus air a' cheathramh là deich
tairbh, dà reithe, *agus* ceithir uain deug
do'n cheud bhliadhna gun ghaoid:

24 *Bithidh* an tabhartas-bidh, agus an
tabhartasan-dibhe, air son nan tarbh, air
son nan reitheachan, agus air son nan uan,
a réir an àireimh, a réir a' ghnàtha;

25 Agus aon mheann do na gabhraibh
chum ìobairt-pheacaidh, a thuilleadh air
an ìobairt-loisgte ghnàthaichte, a tabh-
artas-bidh, agus a tabhartas-dibhe.

26 Agus air a' chùigeadh là naoi tairbh,
dà reithe, *agus* ceithir uain deug do'n
cheud bhliadhna gun ghaoid:

27 Agus *bithidh* an tabhartas-bidh, agus
an tabhartasan-dibhe, air son nan tarbh,

¹ bhoc òg.

² cùmhraidh.

air son nan reitheachan, agus air son nan uan, a réir an àireimh, a réir a' ghnàtha;

28 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartas-dìbhe.

29 Agus air an t-seathadh là ochd tairbh, dà reithe, agus ceithir uain deug do'n cheud bhliadhna gun ghaoid:

30 Agus *bithidh* an tabhartas-bidh, agus an tabhartasan-dìbhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

31 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartas-dìbhe.

32 Agus air an t-seachdamh là, seachd tairbh, dà reithe, agus ceithir uain deug do'n cheud bhliadhna gun ghaoid:

33 Agus *bithidh* an tabhartas-bidh, agus an tabhartasan-dìbhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

34 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartas-dìbhe.

35 Agus air an ochdamh là bithidh àrd-choimhthional agaibh: obair thràilleil sam bith cha dean sibh air:

36 Ach bheir sibh seachd *chum* iobairt-loisgte, iobairt a bheirear suas le teine, a dh'fhàile cùbhraidh do'n Tighearn, aon tarbh, aon reithe, seachd uain do'n cheud bhliadhna gun ghaoid:

37 *Bithidh* an tabhartas-bidh, agus an tabhartasan-dìbhe, air son an tairbh, air son an reithe, agus air son nan uan, a réir an àireimh, a réir a' ghnàtha;

38 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartas-dìbhe.

39 Na *nithe* sin ni sibh do'n Tighearna 'nur féillibh suidhichte¹, thuilleadh air bhur bòidibh, agus bhur tabhartasan saor-thoile, air son bhur n-iobairtean-loisgte, agus air son bhur tabhartasan-bidh, agus air son bhur tabhartasan-dìbhe, agus air son bhur tabhartasan-sith.

40 Agus dh'innis Maois do chloinn Israeil a réir gach ni a dh'àithn an Tighearna do Mhaois.

CAIB. XXX.

1 *Cha'n fheud bòidean a bhì air am briseadh.* 9 *Mu bhòid bantraich, agus mna a dhealaicheadh r'a fear-pòsda.*

AGUS labhair Maois ri ceannardan nan treubh a thaobh chloinn Israeil², ag ràdh, Is e so an ni a dh'àithn an Tighearn.

2 Ma bhòidicheas duine bòid dò'n Tigh-earn, no ma mhionnaicheas e mionnan a cheangal 'anama le ceangal³, cha bhris⁴ e 'fhocal; a réir gach ni a thig a mach as a bheil, ni e.

3 Mar an ceudna, ma bhòidicheas bean bòid do'n Tighearn, agus gu'n ceangail si *i fèin* le ceangal, agus i ann an tigh a h-athar 'na h-oige;

4 Agus gu'n cluinn a h-athair a bòid, agus a ceangal leis an do cheangail i h-anam, agus gu'm fan a h-athair 'na thosd rithe, an sin seasaidh a bòidean uile, agus seasaidh gach ceangal leis an do cheangail i a h-anam.

5 Ach ma chuireas a h-athair 'na h-aghaidh san là anns an cluinn e, cha seas aon d'a bòidibh, no d'a ceanglaichibh, leis an do cheangail i a h-anam; agus maithidh an Tighearna dh'i, a chionn gu'n do chuir a h-athair 'na h-aghaidh⁵.

6 Agus ma bha idir fear-pòsda aice 'nuair a bha bòidean oirre, no 'nuair a labhair i ni as a beul, leis an do cheangail i a h-anam,

7 Agus gu'n cual' a fear e, agus gu'n d'fhan e 'na thosd rithe san là anns an cual' e i; an sin seasaidh a bòidean, agus seasaidh a ceanglaichean leis an do cheangail i a h-anam.

8 Ach ma chuireas a fear-pòsda 'na h-aghaidh san là anns an cluinn e i, an sin bheir e gu neò-bhrìgh a bòid a bhòidich i, agus an ni a labhair i le 'bilibh, leis an do cheangail i a h-anam; agus bheir an Tighearna maitheanas dh'i.

9 Ach gach bòid bantraich, agus mna dealaichte, leis an do cheangail i a h-anam, seasaidh i 'na h-aghaidh.

10 Agus ma bhòidich i ann an tigh a fir, no ma cheangail i a h-anam le ceangal maille ri mionnaibh,

11 Agus gu'n cual' a fear e, agus gu'n d'fhan e 'na thosd rithe, agus gu'n do chuir e 'na h-aghaidh; an sin seasaidh a bòidean uile, agus seasaidh gach ceangal leis an do cheangail i a h-anam.

12 Ach ma chuir a fear gu tur air chùl iad⁶ san là anns an cual' e iad, an sin ge b'e ni a thàinig a mach as a beul a thaobh a bòidean, no thaobh ceangail a h-anama, cha seas e: chuir a fear air chùl iad, agus bheir an Tighearna maitheanas d'i.

13 Na bòidean, agus na mionnan sin uile a cheanglas a chum an t-anam a chràdh, feudaidh a fear an daingneachadh, no feudaidh a fear an cur air chùl.

14 Ach ma dh'fhanas a fear gu tur 'na thosd rithe, o là gu là; an sin tha e a' daingneachadh a bòidean uile, no a ceanglaichean uile, a ta oirre: tha e g'an

¹ òrdùichte ² cinn-fheadhna threubh chloinn Israeil. ³ le cuibhreach, bann. ⁴ truaill.

⁵ gu'n d'thug a h-athair a bòid gu neò-bhrìgh. ⁶ rinn a fear faoin iad, thug e gu neò-bhrìgh iad.

deanamh seasmhach, a chionn gu'n d'fhan e 'na thosd rithe san là anns an cual' e *iad*.

15 Ach ma chuireas e air chor sam bith air chùl iad, an dèigh dha 'n cluinntinn; an sin giùlainidh e a h-aingidheachd-san.

16 *Is* iad sin na reaclan a dh'àithn an Tighearna do Mhaois, eadar duine agus a bhean, eadar athair agus a nighean, *agus i fathast* 'na h-òighe ann an tigh a h-athar.

CAIB. XXXI.

1 *Chreachadh na Midianaich, agus mharbhadh Balaam.* 14 *Bha corruich aig Maois ris na ceannardaibh, a chionn gu'n do ghléidh iad na mnàì beò.*

AGUS labhair an Tighearna ri Maois, ag ràdh,

2 Dìol clann Israeil¹ air na Midianaich; 'na dhéigh sin cruinnichear chum do dhaoine thu.

3 Agus labhair Maois ris an t-sluagh, ag ràdh, Rachadh cuid dibh fo'n armaibh chum a' chogaidh, agus imicheadh iad *a chogadh* an agbaidh nam Midianach, agus dìoladh iad an Tighearna air Midian.

4 Cuiridh sibh mìle do gach tréibh, air feadh uile threubhan Israeil, chum a' chogaidh.

5 Mar sin thugadh a mach á mìltibh Israeil, mìle do gach tréibh, dà mhìle dheug armaiche chum cogaidh.

6 Agus chuir Maois iad a chum a' chogaidh, mìle do gach tréibh, iadsan agus Phinchas mac Eleasair an t-sagairt, a chum a' chogaidh, leis na h-innealaibh naomha 'na làimh, agus na trompaidean gu séideadh.

7 Agus chog iad an agbaidh nam Midianach, mar a dh'àithn an Tighearna do Mhaois; agus mharbh iad na firionnach uile.

8 Agus mharbh iad rìghrean Mhidiain, a thuilleadh air a' chuid eile dhiubh a mharbhadh; *eadhon* Ebhi, agus Recem, agus Sur, agus Hur, agus Reba, cùig rìghrean Mhidiain: Balaam mac Bhcoir mar an ceudna mharbh iad leis a' chlàidheamh.

9 Agus thug clann Israeil leo mnàì Mhidiain 'nam braighdibh, agus an clann bheag, agus thug iad leo creach an spréidh uile, agus an treudan uile, agus am maoin uile.

10 Agus loisg iad am bailtean uile anns an robh iad a chòmhnuidh, agus an dùin² uile le teine.

11 Agus thug iad leo a' chreach uile, agus an cobhartach³ uile, eadar dhaoine agus ainmhidhean.

12 Agus thug iad na braighdean⁴, agus a' chreach, agus an cobhartach, gu Maois agus Eleasar an sagart, agus gu comhchruinneach chloinn Israeil, a chum a'

chaimp aig còmhnardaibh Mhaois, a *ta* làimh ri Iordan *am fagus do* Ierichlo.

13 Agus chaidh Maois agus Eleasar an sagart, agus ceannardan a' chomhchruinnich uile mach 'nan coinneamh, an taobh a muigh do'n champ.

14 Agus bha corruich air Maois ri luchd-riaghlaidh an t-sluaigh, *ris* na ceannardaibh air mhiltibh, agus na ceannardaibh air cheudaibh, a thàinig o'n chogadh.

15 Agus thubhairt Maois riu, An do ghléidh sibh na mnàì uile beò?

16 Feuch, thug iad sin air cloinn Israeil, le comhairle Bhalaam, peacachadh an agbaidh an Tighearna ann an aobhar Phcoir; agus bhia plàigh air feadh comhchruinnich an Tighearna.

17 A nis uime sin, marbhaibh gach firionnach am measg na cloinne bige, agus marbhaibh gach bean d'am b'aithne fear le luidhe leis.

18 Ach a' chlann bhan uile do nach b'aithne fear le luidhe leis, gleidhibh beò dhuibh féin.

19 Agus fanaibh-se an taobh a muigh do'n champ seachd làithean: ge b'e mharbh neach air bith, agus ge b'e bhean ri neach a mharbhadh, glanaibh sibh féin, agus bhur braighdean air an treas là, agus air an t-seachdamh là;

20 Agus glanaibh *bhur* n-eudach uile agus gach ni rinneadh do chroicnibh, agus gach obair do *fhionnadh* ghabhar, agus gach ni a rinncadh do fhiodh.

21 Agus thubhairt Eleasar an sagart ris na fir-chogaidh a chaidh a mach a dh'ionnsuidh a' chatha, *Is* e so ordugh an lagha a dh'àithn an Tighearna do Mhaois:

22 A mhàin an t-òr, agus an t-airgiod, an t-umha, an t-iarunn, an staoin, agus an luaidh,

23 Gach ni a dh'fhuilgeas an teine, bheir sibh fa'near e dhol troimh 'n teine, agus glanar e; gidheadh le uisge an sgaraidh glanar e: agus gach ni nach fulaing an teine, bheir sibh fa'near e dhol troimh 'n uisge.

24 Agus nighidh sibh bhur n-eudach air an t-seachdamh là, agus bithidh sibh glan, agus 'na dhéigh sin thig sibh a stigh do'n champ.

25 Agus labhair an Tighearna ri Maois, ag ràdh,

26 Gabh àireamh na creich a thogadh, eadar dhuine agus ainmhidh, thu féin, agus Eleasar an sagart, agus prìomh-aithriche a' chomhchruinnich;

27 Agus roinn a' chreach 'na dà earrainn; eadar a' mhuinntir a ghabh an cogadh orra féin, a chaidh mach do'n chath, agus eadar an comhchruinneach uile:

¹ *Their aicheabail chloinn Israeil a mach.*

² *an caistealan, an daingnichean.*

³ *a' chobhartach.*

⁴ *ciomaich, prìosanaich.*

28 Agus tog cìs¹ do'n Tighearn o na fir-chogaidh, a chaidh mach do'n chath: aon anam a cuig ceud, *araon* do na daoineibh, agus do'n bhuar, agus do na h-asail, agus do na caoraich.

29 Gabh *e* as an leth-sar, agus thoir *e* do Eleasar an sagart, *mar* thabhartas-togta do'n Tighearn.

30 Agus a leth chloinn Israeil, gabhaidh tu aon chuibhrionn a leth-cheud, do na daoineibh, do'n bhuar, do na h-asail, agus do na treudaibh, do gach ainmhidh, agus bheir thu iad do na Lebhithich, a tha gleidheadh cùrain pàilluin an Tighearn.

31 Agus rinn Maois agus Eleasar an sagart mar a dh'àithn an Tighearna do Mhaois.

32 Agus b'e an cobhartach, *eadhon* a' chuid eile do'n clireich a ghlac na fir-chogaidh, sè ceud mìle, agus deich is trì fichead mìle, agus cuig mìle caora,

33 Agus trì fichead agus dà mhìle dheug bò,

34 Agus trì fichead agus aon mhìle asal,

35 Agus dà mhìle dheug 'ar fhichead anam san iomlan, do mhnaihb do nach b'aithne fear le luidhe leis.

36 Agus bha 'n leth bu chuibhrionn doibhsan a chaidh mach a chum a' chogaidh, ann an àireamh trì cheud mìle, agus seachd mìle deug 'ar fhichead agus cuig ceud caora;

37 Agus b'i cìs an Tighearna do na caoraich sè ceud agus trì fichead agus cuig deug.

38 Agus *b'iad* am buar sè mìle deug 'ar fhichead: dhiubh so *b'i* cìs an Tighearna trì fichead 's a dhà-dheug.

39 Agus *b'iad* na h-asail deich mìle thar fhichead agus cuig ceud: dhiubh so *b'i* cìs an Tighearna trì fichead agus a h-aon.

40 Agus *b'iad* anama nan daoine² sè mìle deug: dhiubh so *b'i* cìs an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearn, do Eleasar an sagart, mar a dh'àithn an Tighearna do Mhaois.

42 Agus do leth chloinn Israeil, a roinn Maois o'n luchd-chogaidh,

43 (A nis *b'i* 'n leth a *bhuineadh* do'n chomhchruinneach, trì cheud mìle, agus seachd mìle deug 'ar fhichead agus cuig ceud caora,

44 Agus sè mìle deug 'ar fhichead bò,

45 Agus deich mìle thar fhichead asal agus cuig ceud,

46 Agus sè mìle deug anam³,

47 Eadhon do'n leth a *bhuineadh* do chloinn Israeil, ghabh Maois aon chuibhrionn a leth-cheud eadar dhuine agus ainmhidh, agus thug e iad do na Le-

bhithich, a bha gleidheadh cùrain pàilluin an Tighearna, mar a dh'àithn an Tighearna do Mhaois.

48 Agus thàinig an luchd-riaghaidh a bha os ceann mhiltèan an t-sluaigh, na ceannardan air mhiltibh, agus na ceannardan air cheudaibh, am fagus do Mhaois:

49 Agus thubhairt iad ri Maois, Ghabh do sheirbhhisich àireamh nam fear-cogaidh a tha f'or làimh, agus cha 'n eil duine dhinn air chall.

50 Uime sin, thug sinn tabhartas a chum an Tighearna, gach fear na fhuair e do sheudaibh⁴ òir, *eadhon* slabhraidhean, agus usgraichean⁵, fàinnean, cluas-fhaillean, agus criosan, a dhcanamh rèite air son ar n-anaman an làthair an Tighearn.

51 Agus ghabh Maois agus Eleasar an sagart an t-òr uatha, uile 'na sheudaibh oibrichte.

52 Agus b'e òr an tabhartais uile a thug iad seachd do'n Tighearn, o na ceannardaibh air mhiltibh, agus o na ceannardaibh air cheudaibh, sè mìle deug, seachd ceud agus leth-cheud secel.

53 (Oir ghabh na fir-chogaidh cobhartach, gach duine dha féin.)

54 Agus ghabh Maois agus Eleasar an sagart an t-òr o na ceannardaibh air mhiltibh, agus air cheudaibh, agus thug iad e gu pàilluin a' choimhthionail, mar chuimhneachan do chloinn Israeil an làthair an Tighearn.

CAIB. XXXII.

Dh'iarr clann Reubein agus clann Ghad sealbh san fhearann air an taobh an ear do Iordan.

ANIS bha aig cloinn Reubein agus a' cloinn Ghad ro mhòran spréidhe: agus an uair a chunnaic iad fearann Iascir, agus fearann Ghilead, feuch, *bha* 'n t-àite 'na àite spréidhe:

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaran-aibh a chomhchruinnich, ag ràdh,

3 Atarat, agus Dibon, agus Iaser, agus Nimrah, agus Hesbon, agus Elealeh, agus Sebam, agus Nebo, agus Beon;

4 *Eadhon* an dùthaich a bhuail an Tighearna roinn chomhchruinneach Israeil, is fearann e air son spréidhe, agus tha spréidh aig do sheirbhhisich.

5 Uime sin, ars' iadsan, ma fhuair sinn deadh-ghean⁶ a' d' shealladh, thugar am fearann so do d' sheirbhisich mar sheilbh agus na toir sinn a null thar Iordan.

6 Agus thubhairt Maois ri cloinn Ghad, agus ri cloinn Reubein, An téid bhrh bràithreangu cogadh, agus an suidh sibhse an so?

¹ cuibhrionn.

² nam pearsanna.

³ anamanna dhaoine. Eabh. *persons*. Sasg.

⁴ innil, uidheam.

⁵ bracelets. Sasg.

⁶ làmh-fhaillean;

⁶ fahlhor.

7 Agus c'ar son a bheir sibh mi-mhisneach do chridhe chloinn Israeil, a dhòla null do'n fhearann a thug an Tighearna dhoibh?

8 Mar so rinn bhuir n-aithriche, 'nuair a chuir mi iad o Chades-barnea a dh'amlharc na tìre :

9 'Nuair a chaidh iad suas gu gleann Escoil, agus a chunnaic iad am fearann, thug iad mi-mhisneach do chridhe chloinn Israeil, a chum nach rachadh iad a steach do'n fhearann a thug an Tighearna dhoibh.

10 Agus las corruich an Tighearna san àm sin féin, agus mhiomnaich e, ag ràdh,

11 Gu cinnteach cha 'n fhaic a h-aon do na daoibh a thàinig a nìos as an Eiphit, o fhichead bliadhna dh'aois agus os a cheann, am fearann a mhiomnaich mi do Abraham, do Isaac, agus do Jacob, a chionn nach do lean iad mi gu h-iomlan ;

12 Saor o Chaleb mac Iephuneh an Ceniseach, agus Iosua mac Nuin : oir lean iadsan an Tighearna gu h-iomlan.

13 Agus las corruich an Tighearna an aghaidh Israeil, agus chuir e air seacharan¹ iad san fhàsach dà fhichead bliadhna, gus an deachaidh as do'n ghinealach sin uile a rinn olc an sealladh an Tighearna.

14 Agus, feuch, tha sibhe air éirigh suas an àite bhuir n-aithriche, gineal dhroch dhaoine, a mheudachadh fathast mòrchorruich an Tighearna ri h-Israel.

15 Oir ma thionndaidheas sibh air falbh o 'leantuinn-san fàgaidh e fathast uair eile san fhàsach iad, agus sgriosaidh sibh an sluagh so uile.

16 Agus thàinig iad am fagus da, agus thubhairt iad, Togaidh sinn mainnrean chaorach an so d'ar spréidh, agus bailtean² d'ar cloinn bhig :

17 Ach théid sinn féin deas-armaichte roimh chloinn Israeil, gus an toir sinn iad d'an àite; agus ni ar clann bheag còmh-nuidh sna bailtibh daingnichte air sgàth³ luchd-àiteachaidh na tìre.

18 Cha phill sinn d'ar tighibh, gus an sealbhaich clann Israeil gach duine dhiubh 'oighreachd féin :

19 Oir cha sealbhaich sinne maille riusan an taobh eile do Iordan, no thall o sin ; a chionn gu'n do thuit ar n-oighreachd dhuinne air an taobh so do Iordan a làimh na h-àird' an ear.

20 Agus thubhairt Maois riu, Ma ni sibh an ni so, na théid sibh fo'r⁴ n-armaibh roimh an Tighearna gu cogadh,

21 Agus gu'n téid sibh uile armaichte thar Iordan roimh an Tighearna, gus am fuadaich e mach a naimhdean as a làthair.

22 Agus gu'n ceannsaichear⁵ am fearann am fianuis an Tighearna ; 'na dhéigh sin

pillidh sibh, agus bithidh sibh neò-choir-each an làthair an Tighearna, agus an làthair Israeil, agus bithidh am fearann so 'na sheilbh agaibh am fianuis an Tighearn.

23 Ach mur dean sibh mar so, feuch, pheacaich sibh an aghaidh an Tighearna ; agus bithibh cinnteach gu'm faigh bhuir peacadh a mach sibh.

24 Togaidh bailtean d'ur cloinn bhig, agus mainnrean d'ur caoraich ; agus dean aibh an ni a chaidh mach as bhuir beul.

25 Agus labhair clann Ghad agus clann Reubein ri Maois, ag ràdh, Ni do sheirbhisich mar a ta mo Thighearna ag àithneadh.

26 Bithidh ar clann bheag, ar mnà, ar treudan agus ar spréidh uile an sin ann am bailtibh Ghilead :

27 Ach théid do sheirbhisich thairis, gach fear dhiubh armaichte chum cogaidh, roimh an Tighearna gu cath, mar a tha mo thighearna ag ràdh.

28 Agus thug Maois àithne d'an taobh do Eleasar an sagart, agus do Iosua mac Nuin, agus do phrìomh-aithrichibh⁶ threubha chloinn Israeil :

29 Agus thubhairt Maois riu, Ma théid clann Ghad, agus clann Reubein a null maille ribh thar Iordan, gach fear dhiubh armaichte gu cath an làthair an Tighearna, agus gu'n ceannsaichear an tìr roimhibh⁷, an sin bheir sibh dhoibh fearann Ghilead mar sheilbh :

30 Ach mur téid iad thairis maille ribh armaichte, bithidh seilbh aca 'nur measg fèin ann an tìr Chanaain.

31 Agus fhreagair clann Ghad, agus clann Reubein, ag ràdh, Mar a thubhairt an Tighearna ri d' sheirbhisich, mar sin ni sinne.

32 Théid sinn a null armaichte roimh an Tighearna do thìr Chanaain, a chum gu'm bi sealbh ar n-oighreachd againn air an taobh so do Iordan.

33 Agus thug Maois dhoibh, eadhon do chloinn Ghad, agus do chloinn Reubein, agus do leth thréibh Mhanaseli, mic Ioseiph, rioghachd Shihoin rìgh nan Amorach, agus rioghachd Og rìgh Bhasain, an tìr maille r'a bailtibh anns na crìochaibh, eadhon bailte na dùthcha mu'n cuairt.

34 Agus thog clann Ghad Dibon, agus Atarat, agus Aroer.

35 Agus Atrot, Sophan, agus Iaser, agus Iogbelah,

36 Agus Bet-nimrah, agus Bet-haran, bailte daingnichte ; agus mainnrean air son chaorach.

37 Agus thog clann Reubein Hesbon, agus Elealeh, agus Ciriataim,

¹ iomroll, allaban.

² caithriche.

⁵ cìosnaichear.

⁶ aithreachaibh.

³ o aghaidh. Eabh.

⁴ fuaidh bhuir.

⁷ romhaibh.

38 Agus Nebo, agus Baal-meon, (air d'an ainmean a bhi air an atharrachadh,) agus Sibmah: agus thug iad ainmean eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad á scilbh an t-Amorach a bha ann.

40 Agus thug Maois Gilead do Mhachir mac Mhanasch; agus ghabh e còmhnuidh ann.

41 Agus chaidh Iar mac Mhanaseh, agus ghlac e a bhailte beaga, agus thug e Aabhotiair mar ainm orra.

42 Agus chaidh Nobah agus ghlac e Cenat, agus a bhailte beaga, agus thug e Nobah mar ainm air, a réir ainme féin.

CAIB. XXXIII.

1 *Turasan chloinn Israeil ann an fàsach. 50 Na Canaanaich agus an dealbhan agus an coslais leaghta uile air an sgrios.*

IS iad so turusan chloinn Israeil, a chaidh mach á tìr na h-Eiphit, a réir an armailtean¹, fuidh làimh Mhaois agus Aaron.

2 Agus sgrìobh Maois an dol a mach a réir an turusan, air àithne an Tighearn: agus is iad so an turusan, a réir an dol a mach.

3 Agus dh'imich iad o Rameses anns a' cheud mhìos, air a' chùigeadh là deug do'n cheud mhìos: air an là màireach an dèigh na cùige chaidh clann Israeil a mach le làimh àird ann an sealladh nan Eiphiteach uile.

4 (Oir dh'adhlaic na h-Eiphitich an ceud-ghin uile, a bhuail an Tighearn nam measg: air an diathan mar an ceudna chuir an Tighearn breitheanas an gnìomh.)

5 Agus dh'imich clann Israeil² o Rameses, agus champaich iad ann an Sucot.

6 Agus dh'imich iad o Shucot, agus champaich iad ann an Etam, a tha ann an iomall an fàsach.

7 Agus dh'imich iad o Etam, agus phill iad a ris gu Pihahiroth, a ta fa chomhair Bhaal-sephoim: agus champaich iad fa chomhair Mhigdol.

8 Agus dh'imich iad o chomhair Phihahiroth, agus chaidh iad troimh mheadhon na fairge do'n fhàsach, agus dh'imich iad astar trì làithean ann am fàsach Etaim, agus champaich iad ann am Marah.

9 Agus dh'imich iad o Mhàrah, agus thàinig iad gu h-Elim: agus ann an Elim bha dà thobar³ dheug uisge, agus deich agus trì fichead craobh phailme: agus champaich iad an sin.

10 Agus dh'imich iad o Elim, agus champaich iad làimh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann am fàsach Shin.

12 Agus dh'imich iad á fàsach Shin, agus champaich iad ann an Dopheah.

13 Agus dh'imich iad o Dhopheah, agus champaich iad ann an Egipt.

14 Agus dh'imich iad o Alus, agus champaich iad ann an Rephidim, far nach robh uisge aig an t-sluagh r'a òl.

15 Agus dh'imich iad o Rephidim, agus champaich iad ann am fàsach Shinai.

16 Agus dh'imich iad o fhàsach Shinai, agus champaich iad ann an Cibrot-hata-abhah.

17 Agus dh'imich iad o Chibrot-hata-abhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritmah, agus champaich iad ann an Rimon-pares.

20 Agus dh'imich iad o Rimon-pares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cchelatah.

23 Agus dh'imich iad o Cchelatah, agus champaich iad ann an sliabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Machelot, agus champaich iad ann an Tahat.

27 Agus dh'imich iad o Thahat, agus champaich iad ann an Tarah.

28 Agus dh'imich iad o Tharah, agus champaich iad ann am Mitcah.

29 Agus dh'imich iad o Mhitcah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Bene-iaacan.

32 Agus dh'imich iad o Bene-iaacan, agus champaich iad ann an Hor-hagidgad.

33 Agus dh'imich iad o Hor-hagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fàsach Shin: is e so Cades.

37 Agus dh'imich iad o Chades, agus champaich iad ann an sliabh Hor, ann an iomall fearainn Edoim.

38 Agus chaidh Aaron an sagart suas gu sliabh Hor, air àithne an Tighearn, agus fhuair e bàs an sin, anns an dà fhichead-ann bliadhna an dèigh do chloinn Israeil

¹ le'n armailtibh. ² thriall, ghabh clann Israeil

an turus.

³ shùil. Eabh.

teachd a mach á tìr na h-Eiphit, air a' cheud là do'n chùigeadh mìos.

39 Agus bha Aaron, ceud agus fichead agus trì bliadhna dh'aois, an uair a dh'eug e ann an sliabh Hor.

40 Agus chuala rìgh Arad an Canaanach (a bha chòmhnuidh san àrde deas ann an ar Chanaain) mu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Plunon, agus champaich iad ann an Obot.

44 Agus dh'imich iad o Obot, agus champaich iad ann an Iie-abarim, ann an crìch Mhoab.

45 Agus dh'imich iad o Iim, agus champaich iad ann an Dibon-gad.

46 Agus dh'imich iad o Dhibon-gad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmh-nardaibh Mhoab, làimh ri Iordan *am fagus do Iericho*.

49 Agus champaich iad làimh ri Iordan, o Bhct-iesimot *eadhon* gu Abel-sitim, ann an còmh-nardaibh Mhoab.

50 Agus labhair an Tighearna ri Maois ann an còmh-nardaibh Mhoab, làimh ri Iordan *am fagus do Iericho*, ag ràdh,

51 Labhair ri cloinn Israeil, agus abair riu, 'Nuair a théid sibh a null thar Iordan, do thìr Chanaain;

52 An sin fògraidh sibh a mach uile luchd-àiteachaidh na tìre as blur fianuis, agus cuiridh sibh as d'an dealbhan uile, agus sgriosaidh sibh an coslais¹ leaghta uile, agus fàsaichidh sibh² an ionadan àrda uile.

53 Agus cuiridh sibh á seilbh *luchd-àiteachaidh* an fhearainn, agus ni sibh còmhnuidh ann: oir thug mise dhuibh am fearann r'a shealbhachadh.

54 Agus roinnidh sibh am fearann le crannchur mar oighreachd am measg bhur teaghlaichean: dhoibhsan a's lìon-mhoire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gach duine san àit anns an tuit a chrannchur; a réir treubha bhur n-aithriche scalbhaichidh sibh.

55 Ach mur fògair sibh a mach luchd-àiteachaidh an fhearainn as blur fianuis, an sin bithidh iadsan diubh d'an leig sibh fuireach, 'nan scolbaibh³ 'nur suilean,

agus 'nam bioraibh 'nur taobhan, agus cuiridh iad campar oirbh⁴ san fhearann anns am bi sibh a chòmhnuidh.

56 Os bàrr tarlaidh, mar a smuainich mi a dheanamh riu-san, gu'n dean mi ribhse.

CAIB. XXXIV.

1 Crìochan fearainn Chanaain. 16 Ainmean nan daoine a bha gu a roinn mar oighreachd.

A GUS labhair an Tighearna ri Maois, ag ràdh,

2 Aithn do chloinn Israeil, agus abair riu, 'Nuair a thig sibh do thalamh Chan-aain, (is e so am fearann a thuiteas oirbh mar oighreachd, *eadhon* fearann Chanaain maille r'a chrìochaibh,)

3 An sin bithidh bhur cearn⁵ deas o fhàsach Shin, leth ri crìch Edoim, agus is i bhur crìoch mu dheas fìor iomall na fairge sailte a làimh na h-àird' an ear.

4 Agus pillidh bhur crìoch o'n taobh mu dheas gu dreadh Aerabim, agus théid i air a h-aghaidh gu Sin; agus bithidh a dol a mach o'n taobh mu dheas gu Cades-barnea, agus gabhaidh i roimpe gu Hasar-adar, agus théid i air a h-aghaidh gu h-Asmon:

5 Agus bheir a' chrìoch cuairt o Asmon gu anhainn na h-Eiphit, agus bithidh a dol a mach aig an fhaighe.

6 Agus a thaobh na crìch' an iar, bithidh agaibh eadhon an fhaighe mhòr mar chrich: bithidh a' chrìoch so 'na crìch dhuibh air an làimh an iar.

7 Agus is i so bhur crìoch air an làimh mu thuath: o'n fhaighe mhòir comhar-aichidh sibh dhuibh fèin gu sliabh Hor.

8 O shliabh Hor comharaichidh sibh *blur crìoch* gu dol a stigh Hamait; agus bithidh dol a mach na crìche gu Sedad.

9 Agus gabhaidh *blur crìoch* roimpe gu Siphron, agus bithidh a dol a mach aig Hasarenan; is i so bhur crìoch mu thuath.

10 Agus comharaichidh sibh bhur crìoch air an taobh an ear o Hasar-enan gu Sepham.

11 Agus théid a' chrìoch sìos o Shepham gu Riblah, air an taobh an ear do Ain; agus théid a' chrìoch sìos, agus ruigidh i gu taobh fairge Chineret a làimh na h-àird' an ear.

12 Agus théid a' chrìoch sìos gu Iordan, agus bithidh a dol a mach aig a' mhuir shailte: is e so bhur fearann le 'chrìoch-aibh mu'n cuairt.

13 Agus dh'àithn Maois do chloinn Israeil, ag ràdh, *Is* e so am fearann a shealbhachas sibh le crannchur, a dh'àithn an Tighearna thoirt do na naoi trenbhan, agus do'n leth thréibh.

14 Oir fhuair treubh chloinn Reubein an *oighreachd*, a réir tìghe an aithriche, agus

¹ òmhaghean, dreachan, riochdan.

² tilgidh sibh sìos. ³ dealgaibh, gathaibh.

⁴ bithidh iad 'nan naimhdean duibh.

⁵ cearna, oisinn.

treubh chloinn Ghad a réir tighe an aithriche : agus fhuair leth thréibh Mhanaseh an oighreachd.

15 Fhuair an dà threubh agus an leth thréibh an oighreachd air an taobh so do Iordan *am fagus do Iericho*, a làimh na h-àird' an ear, leth ri éirigh na gréine.

16 Agus labhair an Tighearna ri Maois, ag ràdh,

17 *Is iad* so ainmeanna nan daoine a roinneas am fearann duibh: Eleasar an sagart, agus Iosua mac Nuin.

18 Agus gabhaidh sibh aon cheannard do gach tréibh, a roinn an fhearainn mar oighreachd.

19 Agus *is iad* so ainmeanna nan daoine: Do thréibh Iudah, Caleb mac Iephuneh.

20 Agus do thréibh chloinn Shimeoin, Semuel mac Amihuid.

21 Do thréibh Bheniamin, Elidad mac Chisloin.

22 Agus ceannard tréibhe chloinn Dhan, Buci mac Iogli.

23 Ceannard chloinn Ioseiph, air son tréibhe chloinn Mhanaseh, Haniel mac Ephoid.

24 Agus ceannard tréibhe chloinn Ephraim, Cemuel mac Shiphtain.

25 Agus ceannard tréibhe chloinn Shebuluin, Elisaphan mac Pharnaich.

26 Agus ceannard tréibhe chloinn Isachair, Paltiel mac Asain.

27 Agus ceannard tréibhe chloinn Aseir, Alihud mac Shelomi.

28 Agus ceannard tréibhe chloinn Naphthali, Pedahel mac Amihuid.

29 *Is iad* sin iadsan d'an d'àithn an Tighearna an oighreachd a roinn do chloinn Israeil ann an tìr Chanaain.

CAIB. XXXV.

1 *Ochd agus dà fhichead baile air an toirt do na Lebhitich; 6 Sè bailte dhiubh chum dèidin.*

9 *Na laghanna a thaobh mortaidh.*

A Gus labhair an Tighearna ri Maois ann an còmhnrdaibh Mhoib, làimh ri Iordan *am fagus do Iericho*, ag ràdh,

2 Aithn do chloinn Israeil, iad a thabhairt do na Lebhitich, do oighreachd an seilbh, bailte¹ gu còmhnuidh a ghabhail annta : agus bheir sibh mar an ceudna do na Lebhitich fearann comh-roinn² d'am bailtibh mu'n cuairt orra.

3 Agus bithidh na bailtean aca gu còmhnuidh a ghabhail annta, agus bithidh am fearann comh-roinn air son an spréidhe, agus air son am maoin, agus air son an ainmhidhean uile.

4 Agus *ruigidh* fearann comh-roinn nam bailtean, a bheir sibh do na Lebhitich, a mach o bhalla a' bhaile, mìle làmh-choille mu'n cuairt.

5 Agus tomhaisidh sibh o'n leth a muigh do'n bhaile air an taobh an ear dà mhìle làmh-choille, agus air an taobh mu dheas dà mhìle làmh-choille, agus air an taobh an iar dà mhìle làmh-choille, agus air an taobh mu thuath dà mhìle làmh-choille; agus *bithidh* am baile sa' mheadhon: bithidh so dhoibh 'na fhearann comh-roinn d'am bailtibh.

6 Agus am measg nam bailtean a bheir sibh do na Lebhitich, bithidh sè bailte chum dèidin³, a dh'orduicheas sibh air a shon-san a mharbhas duine, chum gu'n teich e an sin: agus riu-san cuiridh sibh dà bhaile 's dà fhichead.

7 Mar so *is iad* na bailte sin uile a bheir sibh do na Lebhitich, ochd agus dà fhichead baile: iad sin *bheir sibh seachad* agus am fearann comh-roinn.

8 Agus *bithidh* na bailtean a bheir sibh seachad do sheilbh chloinn Israeil: uathas an aig *am bheil* mòran, bheir sibh mòran; ach uathas an aig *am bheil* beagan, bheir sibh beagan: bheir gach aon d'a bhailtibh do na Lebhitich, a réir 'oighreachd a ta e a' sealblachadh.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair riu, 'Nuair a bhios sibh air teachd thar Iordan do thìr Chanaain.

11 An sin orduichidh sibh dhuibh féin bailte, gu bhì 'nam bailtibh dèidin dhuibh, a chum gu'n teich am marbhaiche an sin, a mharbhas neach an ain-fhios⁴.

12 Agus bithidh iad duibh 'nam bailtibh a chum dèidin o'n dìoghaltair⁵; a chum uach bàsaich esan a mharbhas duine, agus an seas e an làthair a' chomhchruinnich ann am breitheanas.

13 Agus do na bailtibh sin a bheir sibh seachad, bithidh sè bailtean agaibh a chum dèidin.

14 Bheir sibh seachad tri bailtean air an taobh so do Iordan, agus tri bailte bheir sibh seachad ann an tìr Chanaain, a bhios 'nam bailtibh dèidin.

15 Bithidh na sè bailte sin 'nan dèidin, *araon* do chloinn Israeil, agus do'n choigreach, agus dhasan a bhios air chuairt 'nam measg; a chum gu'n teich gach neach an sin, a mharbhas duine gun fhios.

16 Agus ma bhuaileas se e le h-inneal iaruin, (air chor as gu'm bàsaich e,) *is* mortair e: cuirear gu cinnteach am mortair gu bàs.

17 Agus ma bhuaileas se e le clach a thilgeadh (a dh'fheudas a bhàs a thoirt,) agus gu'm bàsaich e, *is* mortair e: cuirear gu cinnteach am mortair gu bàs.

18 No *ma* bhuaileas se e le làmh-bhall⁶

¹ caithriche. chroibhtean.

² iomallan fearainn, bail'-
³ comruich, girt.

⁴ am mearachd.
⁵ làmh-arm.

⁶ o fhear na folachd.

fiodha (a dh'fheudas a bhàs a thoirt), agus gu'm faigh e bàs, is mortair e: cuirear gu cinnreach am mortair gu bàs.

19 Marbhaidh dioghaltair na fola a féin am mortair: an uair a choimnicheas e¹, marbhaidh se e.

20 Ach ma bheir e urchuir dha tre fhuath², no ma thilgeas e *ni sam bith* air am plaid-luidhe³, air chor as gu'm faigh e bàs;

21 No ma bhuailas se e le a làimh ann an naimhdeas, air chor as gu'm faigh e bàs; cuirear esan a bhuail e gun teagamh gu bàs; oir is mortair e: marbhaidh dioghaltair na fola am mortair, an uair a choimnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun phlaid-luidhe;

23 No le cloich sam bith, a dh'fheudas bàs duine a thabhairt, gun e⁴ g'a fhaicinn, agus gu'n do thilg e air i, air chor as gu'm faigh e bàs, agus nach bu namhaid da e, agus nach d'iarr e a chrun;

24 An sin bheir an comhchruinneach breth eadar an marbhaiche agus dioghaltair na fola, a réir nam breitheanas sin:

25 Agus saoraidh an comhchruinneach am marbhaiche á làimh dioghaltair na fola, agus cuiridh an comhchruinneach air ais⁴ e do bhaile a dhèidin, gus an do theich e: agus fanaidh e ann gu bàs an àrd-shagairt, a dh'ungadh leis an oladh naomh.

26 Ach ma thig am marbhaiche uair air bith an taobh a mach do chrich baile a dhèidin, gus an do theich e;

27 Agus gu'm faigh dioghaltair na fola e an taobh a mach do chriochaibh baile a dhèidin, agus gu'm marbh dioghaltair na fola am marbhaiche; cha bhi e ciontach do fhuil:

28 A chionn gu'm bu chòir dha fuireach ann am baile a dhèidin gu bàs an àrd-shagairt: ach an déigh bàis an àrd-shagairt, pillidh am marbhaiche gu fearann a sheilbhe féin.

29 Agus bithidh na *nithe* sin 'nan reachd breitheanais dhuibh, air feadh bhuir ginealach, 'nur n-àitibh-còmhnuidh uile.

30 Ge b'e mharbhas neach sam bith, cuirear am mortair gu bàs le beul⁵ fhianuisean: ach cha toir aon fhianuis teistean an aghaidh neach sam bith a *chum a chur* gu bàs.

31 Agus cha ghabh sibh éiric sam bith air son anama mortair, a tha ciontach do bhàs, ach cuirear gu cinnreach gu bàs e.

32 Agus cha ghabh sibh éiric sam bith air a shon-san a theicl do bhaile a dhèidin, a chum gu'n tigeadh e ris a ghabhail

còmhnuidh san fhearann, gu bàs an t-sagairt.

33 Mar sin cha truaill sibh am fearann anns am bheil sibh; oir truaillidh fuil am fearann, agus cha 'nèil e 'n comas am fearann a ghlanadh do'n fhuil a dhòirt eadh ann, ach le fuil an ti a dhòirt i.

34 Na salaichibh, uime sin, am fearann anns am bi sibh a chòmhnuidh, anns am bheil mise a'm' chòmhnuidh: a chionn gu bheil mise an Tighearn a'm' chòmhnuidh am meadhon chloinn Israeil.

CAIB. XXXVI.

Nigheana chloinn Israeil aig an robh oighreachd, gu pòsadh 'nan tréibh féin.

A GUS thàinig prìomh-aithriche theaghlach chloinn Ghilead, mhic Mhachir, mhic Mhanaseh, do theaghlachibh mhac Ioseiph, am fagus, agus labhair iad an làthair Mhaois, agus an làthair nan ceannard, eadhon prìomh-aithriche chloinn Israeil;

2 Agus thubhairt iad, Dh'àithn an Tighearn do m' thighearn am fearann a thoirt mar oighreachd le crannchur do chloinn Israeil, agus dh'àithneadh do m' thighearn leis an Tighearn, oighreachd ar bràthar Shelopheaid a thoirt d'a nigh-eanaibh.

3 Agus ma phòsar iad ri h-aon do mhic nan treubh *eile* do chloinn Israeil, an sin bheirear an oighreachd-san o oighreachd ar n-aithriche, agus cuirear i ri oighreachd na tréibhe d'an gabhar iad: mar sin bheirear i o chrannchur ar n-oighreachd-ne.

4 Agus an uair a bhios an iubile⁶ ann do chloinn Israeil, an sin cuirear an oighreachd ri oighreachd na tréibhe gus an do ghabhadh iad: mar sin bheirear an oighreachd-san air falbh o oighreachd thréibhe ar n-aithriche.

5 Agus dh'àithn Maois do chloinn Israeil, a réir focail an Tighearn, ag ràdh, Is ceart a labhair treubh mhac Ioseiph.

6 *Is* e so an ni a dh'àithn an Tighearn a thaobh nigheana Shelopheaid, ag ràdh, Pòsadh iad an neach a's àill leo; a mhàin ri teaghlach thréibhe an aithriche pòsadh iad.

7 Mar sin cha'n atharraich oighreachd chloinn Israeil o thréibh gu tréibh: oir dlùth-leanaidh gach duine do chloinn Israeil ri oighreachd tréibhe 'aithriche.

8 Agus bithidh gach nighean, a shealbhaicheas oighreachd ann an tréibh sam bith do chloinn Israeil, 'na mnaoi aig aon do theaghlach thréibhe a h-athar, a chum gu meal clann Israeil, gach duine dhiubh, oighreachd 'aithriche.

9 Ni mò dh'atharraicheas an oighreachd

¹ thachaireas e air.

² o ghalltanais.

³ le fàth-fheitheamh, le rian mealltach.

⁴ ais-iocaidh an comhchruinneach.

⁵ o bhriathraibh.

⁶ bliadhna mhaithcanais.

o aon tréibh gu tréibh eile; ach dlùth-leanaidh gach duine do threubhaibh chloinn Israeil r'a oighreachd féin.

10 Eadhon mar a dh'àithn an Tighearna do Mhaois, mar sin rinn nigheana Shelophehaid:

11 Oir phòsadh Mahlah, Tirsah, agus Hoglah, agus Milcah, agus Noah, nigheana Shelophehaid ri mic bhràthar an athar.

12 Phòsadh iad ri fir do theaghlaichibh mhac Mhanaseh mhic Ioseiph, agus dh'fhan an oighreachd ann an tréibh teaghlaich an athar.

13 Is iad sin na h-àitheantan, agus na breitheanais, a dh'àithn an Tighearna le làimh Mhaois, do chloinn Israeil ann an còmhnradaibh Mhoais, làimh ri Iordan an fagus do Iericho.

DEUTERONOMI.

CAIB. I.

1 *Ath-aithris le Maois air na thachair do chloinn Israeil anns an fhàsach.* 34 *Geur-smuchdachadh an Tighearna dhoibh air son am mi-chreidimh.*

1 S iad so na briathran a labhair Maois ri h-Israeil uile, air an taobh so do Iordan san fhàsach, anns a' chòmhnard fa chomhair na mara ruaidhe, eadar Paran, agus Tophel, agus Laban, agus Haserot, agus Disahab.

2 (*Tha asdar aon là deug o Horeb, rathad sléibh Sheir, gu Cades-barnea.*)

3 Agus anns an dà fhicheadamh bliadhna, anns an aon mhìos deug, air a' cheud là do'n mhìos, labhair Maois ri cloinn Israeil, a réir nan uile nithe a dh'àithn an Tighearna dha d'an taobh;

4 An déigh dha Sihon rìgh nan Amorach a mharbhadh, a bha chòmhnuidh ann an Hesbon, agus Og rìgh Bhasain, a bha chòmhnuidh aig Astarot ann an Edrei,

5 Air an taobh so do Iordan, ann an tìr Mhoais, thòisich Maois air an lagh so chur an céill, ag ràdh,

6 Labhair an Tighearna ar Dia ruinn ann an Horeb, ag ràdh, Ghabh sibh còmhnuidh fada gu leòr san t-sliabh so:

7 Pillibh agus gabhaibh bhur turas, agus rachaibh a chum sléibh nan Amorach, agus a chum nan *ionadan* uile am fagus da anns a' chòmhnard¹, anns a' mhonadh, agus anns an t-srath, agus mu dheas, agus ri taobh na fairge, gu fearann nan Canaanach, agus gu Lebanon, a dh'ionnsuidh na h-aimhne mòire, aimhne Euphrates.

8 Feuch, chuir mi 'n tìr roimhibh; rachaidh a steach, agus sealbhaichibh am fearann a mhiannaich an Tighearna d'ur n-aithrichibh, Abraham, Isaac, agus Iacob, gu'n tugadh e dhoibh e, agus d'an sliochd 'nan déigh.

9 Agus labhair mi ribh san àm sin, ag ràdh, Cha 'n urrainn mise bhur giùlan a'm' aonar:

10 Rinn an Tighearna bhur Dia lionmhor sibh, agus, feuch, *tha* sibh an diugh mar reulta nèimh a thaobh lionmhoir-eachd.

11 (Gu deanadh an Tighearna, Dia bhur n-aithriche sibh mìle uair ni's lionmhoire na *tha* sibh, agus gu'm beannaicheadh e sibh, mar a gheall e dhuibh!)

12 Cionnus is urrainn mise leam féin bhur dragh a ghiùlan, agus bhur n-eallach, agus bhur comhstri?

13 Gabhaibh-se dhuibh féin daoine glic agus tuigseach², agus aithnichte 'nur treubhaibh, agus ni mise iad 'nan ceannardaibh oirbh.

14 Agus fhreagair sibh mi, agus thubhairt sibh, *Tha* an ni a labhair thu maith dhuinne r'a dheanamh.

15 Agus ghabh mi cinn bhur treubhan, daoine glic, agus aithnichte, agus rinn mi iad 'nan ceannardaibh oirbh, 'nan uachdaranaibh mhìlte, agus 'nan uachdaranaibh cheuda, agus 'nan uachdaranaibh leth-cheuda, agus 'nan uachdaranaibh dheichnear, agus 'nan luchd-riaghlaidh am measg bhur treubhan.

16 Agus dh'àithn mi d'ur breitheamhaibh san àm sin, ag ràdh, Eisdibh ris na *cùisean a bhios* eadar bhur bràithrean, agus thugaibh breth cheart eadar gach duine agus a bhràthair, agus an coigreach *ata* maille ris.

17 Cha bhi suim agaibh do neach seach a cheile ann am breitheanas; ris a' bheag éisdidh sibh co mhaith is ris a' mhòr; cha bhi athadh³ oirbh roimh ghuùis duine, oir is le Dia a' bhreth: agus a' chùis a bhios ro chruaidh oirbh, bheir sibh a m' ionnsuidh-se, agus éisdidh mise rithe.

18 Agus dh'àithn mi dhuibh san àm sin na h-uile nithe bu chòir dhuibh a dheanamh.

19 Agus an uair a dh'fhàibh sinn o Horeb, chaidh sinn troimh an fhàsach mhòr agus uamhasach sin uile, a chumnaic sibh air slighe sléibh nan Amorach, a réir mar

¹ anns an fhàsach. ² maithean, àrd-dhaoine.

³ agal.

a dh'àithn an Tighearn ar Dia dhuinn; agus thàinig sinn gu Cades-barnea.

20 Agus thubhairt mi ribh, Tha sibh air teachd gu sliabh nan Amorach, a *tha* 'n Tighearn ar Dia a' tabhairt dhuinn.

21 Feuch, chùir an Tighearna do Dhia am fearann romhad, imich suas, sealbhaich e, a réir mar a thubhairt an Tighearna Dia t'aithriche riut; na biodh eagal ort, agus na biodh faicheadh¹ ort.

22 Agus thàinig sibh am fagus domhsa, gach aon agaibh, agus thubhairt sibh, Cuireamaid daoine romhainn, agus ranns-aicheadh iad a mach dhuinn am fearann, agus thugadh iad fios d'ar n-ionnsuidh a ris ciod an t-slighe air an téid sinn suas, agus ciod na bailte gus an tig sinn.

23 Agus thaitinn a' chainnt rium gu maith; agus ghabh mi dà fhear dheug dhìbh, aon fhear as *gach* tréibh.

24 Agus thionndaidh iad, agus chaidh iad suas do'n t-sliabh, agus thàinig iad gu gleann Escoil, agus ransaich iad a mach e.

25 Agus ghabh iad 'nan làimh do thoradh an fhearainn, agus thug iad a nuas e d'ar n-ionnsuidh-ne, agus thug iad fios duinn a ris, agus thubhairt iad, *Is* maith am fearann a tha 'n Tighearn ar Dia a' tabhairt dhuinn.

26 Gidheadh, cha b'àill leibh² dol suas, ach chuir sibh³ an aghaidh àithne an Tighearna bhur Dé.

27 Agus rinn sibh gearan 'nur bùthaibh, agus thubhairt sibh, A chionn gu'm b'fhuathach leis an Tighearna sinn, thug e mach sinn a tìr na h-Eiphit, gu'r toirt thairis do làimh nan Amorach, a chur as duinn.

28 C'àit an téid sinn suas? Chuir ar bràithrean ar cridhe fuidh mhi-mhisnich, ach ràdh, *Tha* 'n sluagh uis' mò agus ni's àirde na sinne; *tha* na bailtean mòra, agus daingnichte suas gu nèamh, agus os bàrr⁴, chunnaic sinn mic nan Anacach an sin.

29 An sin thubhairt mi ribh, Na biodh geilt oirbh, no eagal rompa.

30 An Tighearna bhur Dia, a tha dol roimhibh, cogaidh esan air bhur son, a réir nan uile nithe a rinn e air bhur son san Eiphit fa chomhair bhur sùl.

31 Agus anns an fhàsach, far am faca tu cionnas a ghiùlain an Tighearna do Dhia thu, mar a ghiùlainas duine a mhac, san t-slighe sin uile air an deachaidh sibh, gus an d'thàinig sibh do'n àite so.

32 Gidheadh san ni so cha do chreid sibh an Tighearn bhur Dia,

33 A dh'imich roimhibh san t-slighe, a

rannsachadh a mach àite dhuibh gus ar bùthan a shuidheachadh ann, ann an teine san oidhche, a nochdadh dhuibh ciod an t-slighe air an imicheadh sibh, agus ann an neul san là.

34 Agus chual' an Tighearna fuaim bhur briathran, agus bha corruich air, agus mhionnaich e, ach ràdh,

35 Gu cinnteach cha'n fhaic a h-aon do dhaoibh⁵ a' ginealaich uile so am fearann maith sin, a mhionnaich mise gu'n tugainn d'ur n-aithrichibh.

36 Saor o Chaleb mac Iephuneh; chi esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearna gu h-iomlan.

37 Mar an ceudna, bha fearg air an Tighearna riumsa air bhur sgàth, ach ràdh, Cha téid thusa féin a steach an sin.

38 *Ach* Iosua mac Nuin, a tha 'na sheasamh a' d' làthair, théid esan a steach an sin. Thoir misneach dha; oir bheir e air Israel a shealbhachadh.

39 Agus bhur leanbana⁶ a thubhairt sibh gu'm biodh iad 'nan creich, agus bhur clann⁷, aig nach robh san là ud eòlas air maith seach ole, théid iadsan a steach an sin, agus dhoibhsan bheir mi e, agus sealbhaichidh iad e.

40 Ach air bhur sonsa, pillibh, agus gabhaibh bhur turus do'n fhàsach, air slighe na mara ruaidhe.

41 An sin fhreagair sibh agus thubhairt sibh rium, Pheacaich sinn an aghaidh an Tighearn, théid sinu suas agus cogaidh sinn, a réir uan uile nithe a dh'àithn an Tighearn ar Dia dhuinn. Agus chrìoslaich sibh oirbh gach fear agaibh 'airm chogaidh, agus bha sibh ullamh gu dol suas do'n t-sliabh.

42 Agus thubhairt an Tighearna rium, Abair riu, Na rachaibh suas, agus na cogaibh, oir cha 'n'eil mise 'nur measg; air eagal gu'm buailear⁸ sibh an làthair bhur naimhdean.

43 Mar so labhair mi ribh, agus cha'n éisdeadh sibh, ach rinn sibh ceannairc an aghaidh àithne an Tighearn; agus chaidh sibh gu h-an-dàna suas do'n t-sliabh.

44 Agus thàinig na h-Amoraich, a bha chòmhnuidh san t-sliabh sin, a mach 'nur n-aghaidh, agus ruaig iad sibh mar a ni beachan, agus chuir iad as dhuibh ann an Seir, eadhon gu Hormah.

45 Agus phill sibh, agus ghuil sibh an làthair an Tighearn; ach cha 'n éisdeadh an Tighearna ri'r guth, agus cha tugadh e cluas duibh.

46 Mar sin dh'fhan sibh ann an Cades

¹ mi-mhisneach.

² cha bu toil leibh.

³ sheas sibh a mach, rinn sibh ar' a mach.

⁴ a bhàrr air sin.

⁵ do dhaoibh sin. Eabh.

⁶ clann bheag.

⁷ mic. Eabh.

⁸ gu'n leagar.

mòran làithean, a réir nan làithean a dh'fhan sibh *an sin*.

CAIB. II.

1 *Mu chloinn Esau, 9 mu na Moabaich, 16 agus mu na h-Amonaich 24 Sìon an t-Amorach agus a shlugh uile air an sgrios.*

AN sin phill sinn, agus ghabh sinn ar turus do'n fhàsach, air slighe na mara ruaidhe, mar a labhair an Tighearna riumsa; agus chluaitrich sinn sliabh Sheir mòran làithean.

2 Agus labhair an Tighearna rium, ag ràdh,

3 Chnairtich sibh an sliabh so fada gu leòr: pillibh ri tuath.

4 Agus àitlm thusa do'n t-sluagh, ag ràdh, *Tha* sibh gu dol troimh chrìch bhur bràithre cloinn Esau, a ta chòmhnuidh ann an Seir, agus bithidh eagal orra roimhibh: ach thugaibh aire mhaith dhobh fén.

5 Na beanaibh riu¹; oir cha toir mi *bheag* d'am fearann duibh, *cha toir* uir-eas a leud troidhe: a chionn gu'n d'thug mi sliabh Sheir a dh'Esau mar sheilbh.

6 Ceannaichidh sibh biadh uatha le h-airgid, a chum gu'n ith sibh; agus mar an ceudna, ceannaichidh sibh uisge uatha le h-airgid, a chum gu'n òl sibh.

7 Oir bheannaich an Tighearna do Dhia thu ann an uile oibribh do làimhe: is aithne dha do thrìall troimh 'n fhàsach mhòr so: rè an dà fhichead bhliadhna so *bha* 'n Tighearna do Dhia maille riut, cha robh uireasbhuidh ni sam bith ort.

8 Agus an uair a chaidh sinn seachad o'r bràithribh cloinn Esau, a bha chòmhnuidh ann an Seir, trid shlighe a' chòmhnaird o' Elat, agus o' Esion-gaber, phill sinn, agus chaidh sinn seachad air slighe fàsaich Mhoaiib.

9 Agus thubhairt an Tighearna rium, Na buin gu naimhdeil ris na Moabaich², agus na dean strì riut ann an cath: oir cha toir mi dhuìt *a bheag* d'am fearann mar sheilbh, a chionn gu'n d'thug mi Ar do chloinn Lot mar sheilbh.

10 Bha na h-Emich roimhe a chòmhnuidh ann, sluagh mòr, agus lionmhor, agus àrd mar na h-Anaich;

11 A mheasadh mar an ceudna 'nam fahairean³ mar na h-Anaich, ach thug na Maobaich Emich mar ainm orra.

12 Bha, mar an ceudna, na Horaich a chòmhnuidh roimhe sin ann an Seir; ach thàinig clann Esau 'nan dèigh, agus chuir iad as doibh as an sealladh, agus ghabh iad còmhnuidh 'nan àite, mar a rinn Israel ri fearann a sheilbh-san, a thug an Tighearna dhoibh.

13 A nis éiribh suas, *thubhairt mise*,

agus rachaibh thar sruth Shereid; agus chaidh sinn thar sruth Shereid.

14 Agus b'i 'n ùin' anns an d'thàinig sinn o Chades-barnea, gus an deachaidh sinn thar sruth Shereid, oclid bliadhna deug thar fhichead; gus an robh ginealach an t-sluaigh-chogaidh uile air an caitheamh a mach o mheasg an t-slòigh⁴, mar a mhionnaich an Tighearna dhoibh.

15 Oir, da rìreadh, bha làmh an Tighearna 'nan aghaidh, gu'n sgrios o mheasg an t-slòigh, gus an do chlaoidheadh iad.

16 Agus tharladh, 'nuair a bha na fìr-chogaidh uile air an claidh, agus air bàsachadh o mheasg an t-sluaigh,

17 Gu'n do labhair an Tighearna rium, ag ràdh,

18 Tha thu gu dol thairis an diugh troimh Ar, crìoch Mhoaiib.

19 Agus *an uair* a thig thu 'm fagus thall fa chomhair chloinn Amoin, na buin gu naimhdeil riu, ni mò a bheanas tu riu: oir cha toir mi dhuìt sealbh sam bith do fhearann chloinn Amoin, a chionn gu'n d'thug mi e do chloinn Lot mar sheilbh.

20 (Mheasadh sin mar an ceudna 'na fhearann fhamhairean; ghabh fhamhairean còmhnuidh ann san t-scan aimsir, agus thug na h-Amonaich Samsumaich mar ainm orra,

21 Sluagh mòr agus lionmhor, agus àrd mar na h-Anaich; ach sgrios an Tigh-earn iad rompa; agus thàinig iad 'nan dèigh agus ghabh iad còmhnuidh 'nan àite:

22 Mar a rinn e ri cloinn Esau a bha chòmhnuidh ann an Seir, an uair a sgrios e na Horaich rompa; agus thàinig iad 'nan dèigh, agus ghabh iad còmhnuidh 'nan àite, eadhon gus an là 'n diugh:

23 Agus na Habhaich a bha chòmhnuidh ann an Haserim, *eadhon* gu Hadsah, sgrios na Caphtoraich a thàinig a mach a' Caphtor iad, agus ghabh iad còmhnuidh 'nan àite.

24 Éiribh suas, gabhaibh bhur turus, agus rachaibh thar sruth⁵ Arnoin: feuch, thug mi do' làimh Sìhon an t-Amorach, rìgh Hesboin, agus f'fhearann; tòisich air a shealbhachadh, agus dean strì ris ann an cath.

25 Air an là 'n diugh tòisichidh mi air t'uamhann-sa, agus t'eagal, a chur air na cinnich *a ta* fuidh nèamh uile, a chluinn-cas iomradh ort: agus crìothnaichidh iad, agus bithidh cràdh⁶ orra a' d' làthair.

26 Agus chuir mi teachdairean a' fàsach Chedemoit gu Sìhon rìgh Hesboin, le briathraibh sìth, ag ràdh,

27 Leig dhomh gabhail troimh t'fhearann: imichidh mi romham air an rathad mhòr, cha tionndaidh mi aon chuid a chum

¹ Na cogaibh riu. ² Na dean tuair-eigneachd air na Moabaich.

³ athaich, curaidhean.

⁴ a' chainp. Eabh.

⁶ àmhghar, ionghuin.

⁵ amhainn.

na làimhe deise, no chum na làimhe clìthe.

28 Biadh air son airgid reicidh tu rium, a chum gu'n ^h mi, agus uisge air son airgid bheir thu dhomh, a chum gu'n òl mi; a mhàin imichidh mi romham do m' chois.

29 (Mar a rinn clann Esau rium, a tha chòmhnuidh ann an Seir, agus na Moab-aich a tha chòmhnuidh ann an Ar) gus an tèid mi thar Iordan, do'n fhearann a *tha* 'n Tighearn air Dia a' toirt duinn.

30 Ach cha leigeadh Sihon Rìgh Hesboin leinn dol troimh *fhearann*: oir chruaidh-ich an Tighearna do Dhia a spiorad, agus rinn e a chridhe rag¹, a chum gu'n tugadh e thairis e do d' làimh, mar a *chithear* air an là 'n diugh.

31 Agus thubhairt an Tighearna rium, Feuch, thòisich mi air Sihon agus *fhearann* a thoirt thairis a'd' fhianuis: gabh sealbh², a chum gu'm bi *fhearann* agad mar oighreachd.

32 An sin thàinig Sihon a mach 'nar n-aghaidh, e féin, agus a shluagh uile, a chogadh aig Ialias.

33 Agus thug an Tighearn ar Dia thairis e romhainn, agus bhuail sinn e féin, agus a mhic, agus a shluagh uile.

34 Agus ghlac sinn a bhailtean³ uile san àm sin, agus sgrios sinn gu tur fir, agus mnà, agus clann bheag gach baile; cha d'fhàg sinn a h-aon a làthair⁴:

35 A mhàin ghabh sinn duinn féin an spréidh mar chobhartach, agus creach nam bailtean a ghlac sinn.

36 O Aroer, a *ta* air bruaich shruth Arnoin, agus o'n bhaile a *ta* làimh ris an t-sruth, eadhon gu Gilead, cha robh aon bhaile tuille 's làidir air ar son: thug an Tighearn ar Dia *iad* uile thairis duinn.

37 A mhàin gu fearann chloinn Amoin cha d'fhàinig thu, no gu àite sam bith *am fagus* do shruth⁵ Iaboic, no gus na bailtibh *am measg* nam beann, no gu *àite* sam bith a thoirmisg an Tighearn ar Dia dhuinn.

CAIB. III.

1 *Bhuadhaich clann Israèil air Og rìgh Bhasain.*
2 *Crancheur shliochd Reuben agus Ghad.*
3 *Ghuidh Maais dol a steach do fhearann Chanaain; 27 ach fhuair e a mhàin sealladh dheth o mhullach Phisgah.*

AN sin phill sinn, agus chaidh sinn suas air an t-slighe gu Basan: agus thàinig Og rìgh Bhasain a mach 'nar n-aghaidh, e féin agus a shluagh uile, gu cath aig Edrei.

2 Agus thubhairt an Tighearna riumsa, Na biodh eagal ort roimhe: oir do d' làimh-sa bheir mise thairis e féin, agus a

shluagh uile, agus *fhearann*; agus ni thu ris mar a rinn thu ri Sihon rìgh nan Amorach, a bha chòmhnuidh aig Hesbon.

3 Mar sin thug an Tighearn ar Dia thairis d'ar làimh-ne mar an ceudna Og rìgh Bhasain, agus a shluagh uile: agus bhuail sinn e, gus nach d' fhàgadh a h-aon beò aige.

4 Agus ghlac sinn a bhailtean uile san àm sin; cha robh baile nach d' thug sinn uatha, trì fichead baile, dùthaich Argoib uile, rioghachd Og ann an Basan.

5 *Bha* na bailte sin uile air an daingneachadh le balla àrd, le geataibh agus le crannaibh, a thuilleadh air bailtibh gun bhalla, ro mhòran.

6 Agus sgrios sinn gu tur iad, mar a rinn sinn air Sihon rìgh Hesboin, a' léir-sgrios *fhear*, bhan, agus chloinne gach baile.

7 Ach ghabh sinn an spréidh uile, agus creach nam bailte mar chobhartach dhuinn féin.

8 Agus thug sinn, san àm sin, á làimh dà rìgh nan Amorach, an fearann a *ta* air an taobh so do Iordan, o shruth Arnoin gu sliabh Hermon:

9 (Thug na Sidonaich Sirion mar ainm air Hermon: agus thug na h-Amoraich Senir mar ainm air):

10 Bailtean a' chòmhnaid⁶ uile, agus Gilead uile, agus Basan uile, gu Salcha agus Edrei, bailtibh rioghachd Og ann an Basan:

11 Oir bha Og rìgh Bhasain a mhàin a làthair do fhuigheall nam fàmhairean; feuch, a leaba, *bu* leaba iarunn i: nach *'eil* i ann an Rabat chloinn Amoin? b'iad naoi làmha-coille a fad, agus ceithir làmha-coille a leud, a réir làmh-choille duine.

12 Agus am fearann so, a shealbhaich sinn san àm sin, o Aroer, a *ta* làimh ri sruth Arnoin, agus leth sléibh Ghilead, agus a bhailte, thug mi do na Reubenich, agus do na Gadaich.

13 Agus a' chuid eile do Ghilead, agus Basan uile, eadhon rioghachd Og, thug mi do leth thréibh Mhanaseh; dùthaich Argoib uile, maille ri Basan uile, d'an ainm⁷ fearann nam fàmhairean.

14 Ghabh Iair, mac Mhanaseh, dùthaich Argoib uile gu crìochaibh Ghesuri, agus Mhaachati; agus thug e Basan-Habhot-Iair mar ainm oirre a réir 'ainme féin, gus an là 'n diugh.

15 Agus thug mi Gilead do Mhachir.

16 Agus do na Reubenich, agus do na Gadaich, thug mi o Ghilead eadhon gu sruth Arnoin, leth a' ghlinne, agus an t-ìomall, eadhon gus an sruth Iaboc, crìoch chloinn Amoin:

¹ reasgach, do-lubaidh. ² tòisich, sealbhaich. Eabh.
³ a mhòr-bhailtean, a chathraichean. ⁴ beò.

⁵ amhainn.

⁶ a' chònaid.

⁷ d'an goirear.

17 An còmhnaid mar an ceudna, agus Iordan, agus a chriochan, o Chineret, eadhon gu muir a' chòmhnaird, a' mhuir shailhte, fuidh Asdot-pisgah a làimh na h-àird' an ear.

18 Agus dh'àithn mi dhuibh san àm sin, ag ràdh, Thug an Tighearna bhuir Dia dhuibh am fearann so r'a shealbhachadh: thèid sibh a null fo'r n-arnaibh roimh bhuir bràithre clann Israeil, gach neach a ta foghainteach a chum cogaidh.

19 Ach fanaidh bhuir muài, agus bhuir clann bheag, agus bhuir sprèidh, (oir is aithne dhomh gu'm bheil mòran sprèidhe agaibh,) 'nur bailtibh a thug mi dhuibh,

20 Gus an toir an Tighearna fois d'ur bràithribh, co mhaith agus dhuibhse, agus gus an sealbhaich iadsan mar an ceudna am fearann a thug an Tighearna bhuir Dia dhoibh an taobh thall do Iordan: agus an sin pillidh gach duine agaibh g'a sheilbh, a thug mi dhuibh.

21 Agus dh'àithn mi do Iosua san àm sin, ag ràdh, Chumnaic do shùile na h-uile nithe a riun an Tighearna bhuir Dia ris an dà rìgh sin: mar sin ui an Tighearna ris na rìoghachdaibh uile gus am bheil thu dol.

22 Cha bhi eagal oirbh rompa: oir cogaidh an Tighearna bhuir Dia e fèin air bhuir son.

23 Agus ghuidh mi air an Tighearna san àm sin, ag ràdh,

24 O Thighearna Dhé, thoisich thu air do mhòrachd, agus do làmh chumhaehd-ach a nochdadh do d' òglach: oir cò an Dia air nèamh no air talamh, a's urrainn a dheanamh a réir t'oibre-sa, agus a réir do chumhachd-sa?

25 Guidheam ort, leig dhomh dol thairis, agus am fearann maith sin fhaicinn a tha'n taobh thall do Iordan, an sliabh maith sin, agus Lebanon.

26 Ach bha fearg air an Tighearna rium air bhuir son-sa, agus cha d'éisd e rium: agus thubhairt an Tighearna rium, Gu ma leor leat e; na labhair ni's mò rium mu'n chùis so.

27 Falbh suas gu mullach Phisgah, agus tog suas do shùile ris an àird' an iar, agus ris an àrde tuath, agus ris an àrde deas, agus ris an àrd an ear, agus amhaire le d' shùilibh¹; oir cha téid thu thar Iordan so.

28 Ach thoir àithne do Iosua, agus thoir misneach dha, agus neartaich e: oir thèid esan thairis roimh an t-sluagh so, agus bheir e orra am fearann sin a chi thusa, a shealbhachadh mar oighreachd.

29 Mar sin ghabh sinn còmhnuidh sa' ghleann thall fa chomhair Bhetpeoir.

CAIB. IV.

1 Earail chum àmhachd do lagh Dhé. 41 Chuir Maois air leth trì bailte dèid air an taobh an ear do Iordan.

ANIS uime sin éisd, O Israeil, ris na reachdaibh, agus ris na breitheanais, a thamise a' teagasg dhuibh a dheanamh, a chum gu'm bi sibh beò, agus gu'n téid sibh a steach agus gu'n scalbhaich sibh am fearann a bheir an Tighearna Dia bhuir n-aithriche dhuibh.

2 Cha chuir sibh a bheag ris an fhocal a tha mise ag àithneadh dhuibh, ni mò a bheir sibh ni sam bith uaithe, a chum gu'n gléidh sibh àitheantan an Tighearna bhuir Dé, a tha mise ag àithneadh dhuibh.

3 Chumnaic bhuir suile ciod a riun an Tighearna thaobh Bhaal-peoir: oir na daoine sin uile a lean Baal-peor, sgrios an Tighearna bhuir Dia iad as bhuir measg.

4 Ach tha sibhse a lean ris an Tighearna bhuir Dia, beò gach aon agaibh air an là'n diugh.

5 Feuch, theagaisg mi dhuibh reachdan agus breitheanais, eadhon mar a dh'àithn an Tighearna mo Dhia dhomh, a chum gu'n deanadh sibhse mar sin anns an fhearann gus am bheil sibh a' dol g'a shealbhachadh.

6 Uime sin gléidhibh agus deanaibh iad; oir is e so bhuir gliocas agus bhuir tuigse ann an sealladh nan cinneach, a chluinn-eas na reachda sin uile, agus a theiv, Gu cinnteach is sluagh glic agus tuigseach an cinneach mòr so.

7 Oir cia e an cinneach co mhòr, aig am bheil Dia am fagus doibh, mar a ta 'n Tighearna ar Dia-ne sna h-uile nithibh air son am bheil sinne a' gairm air?

8 Agus cia an cinneach co mhòr, aig am bheil reachdan agus breitheanais co cheart ris an lagh so uile, a tha mise a' cur roimhlibh air an là'n diugh?

9 A mhàin thoir an aire dhuit fèin, agus gléidh t'anam gu dìchiollach, air eagal² gu'n dìcheumhnaich thu na nithe sin a chumnaic do shùilean, agus air eagal gu'n dealaich iad ri d' chridhe uile làithean do bheatha; ach teagaisg iad do d' mhic, agus do mhic do mhac:

10 Gu h-àraidh an là a sheas thu an làthair an Tighearna do Dhé ann an Horeb, an uair a thubhairt an Tighearna riumsa, Tionail thugam³ an sluagh r'a chéile, agus bheir mi orra mo bhriathran a chluinntinn, a chum gu foghlum iad eagal a ghabhail romham re nan uile làithean a bhios iad beò air an talamh, agus gu'n teagaisg iad an clann.

11 Agus thàinig sibh am fagus, agus sheas sibh fuidh 'n t-sliabh⁴; agus bha

¹ seall, beachdaich air.

² an t-eagal.

³ chugam.

⁴ fuidh 'n bheinn.

DEUTERONOMI, IV.

n sliabh a' osgadh le teine gu meadhon nèimh, maille ri duibhre, neoil, agus dubh-dhorchadas.

12 Agus labhair an Tighearna ribh á meadhon an teine: chuala sibh guth nam briathran, ach coslas sam bith cha 'n fhaca sibh; a mhàin *chuala sibh* guth.

13 Agus chuir e 'n céill duibh a choimhcheangal, a dh' àithn e dhuibh a choimh-lionadh, *cadhòn* deich àitheantan; agus sgriobh e iad air dà chlàr chloiche.

14 Agus dh' àithn an Tighearna dhomh-sa san àm sin, reachdau agus breitheanais a theagasg dhuibh, a chum gu'n deanadh sibh iad anns an fhearann a théid sibh a null g'a shealbhachadh.

15 Thugaibh uime sin an aire mhaith dhuibh féin, (oir cha 'n fhaca sibh gnè coslais sam bith anns an là *air* an do labhair an Tighearna ribh ann an Horeb, á meadhon an teine.)

16 Air eagal gu'n truaill sibh sibh féin, agus gu'n dean sibh dhuibh féin dealbh snaidhte, coslas riochd air bith, coslas fir no mnà.

17 Coslas aiumhidh sam bith a *tha* air an talamh, coslas coin sgiathaich air bith a dh' itealaicheas san athar,

18 Coslas ni sam bith a shnàigeas air an làr, coslas éisg air bith a *tha* sna h-uisgibh fuaidh 'n talamh;

19 Agus air eagal gu'n tog thu suas do shùilean ri nèamh, agus an uair a chi thu a' ghrian, agus a' ghealach, agus na reultan, *cadhòn* slòigh nèimh uile, gu'n tairn-gear thu gu cromadh sìos dhoibh, agus gu aoradh a dheanamh dhoibh, a roinn¹ an Tighearna do Dhia ris gach cinneach a ta fuaidh nèamh uile.

20 Ach ghabh an Tighearna sibhse, agus thug e mach sibh as an àmhuinn iarum, as an Eiphit, gu bhli 'nur sluagh air son oighreachd dha féin, mar air an là 'n diugh.

21 Agus bha fearg aig an Tighearna riumsa air bhuir sonsa², agus mhionnaich e nach rachainn thar Iordan, agus nach rachainn a steach do'n fhearann mhaith sin a *tha* 'n Tighearna do Dhia a' tabhairt duit mar oighreachd.

22 Ach is éigin domh bàs fhaotaim san fhearann so, cha téid mi thar Iordan; ach théid sibhse null, agus sealbhaichidh sibh am fearann maith sin.

23 Thugaibh an aire dhuibh féin, air eagal gu'n dicheumhnicheas sibh coimhcheangal an Tighearna bhuir Dé, a rinn e ribh, agus gu'n dean sibh dhuibh féin dealbh snaidhte, coslas *ni* air bith a thoirmisg an Tighearn do Dhia dhuit:

24 Oir *is* teine dian-loisgeach an Tighearna do Dhia; *is* Dia eudmhor e.

25 'Nuair a ghineas tu clann, agus clann cloinne, agus a dh' fhanas sibh fada san fhearann, agus a thruaillleas sibh *sibh féin*, agus a ni sibh dealbh snaidhte, coslas *ni* sam bith, agus a ni sibh olc ann an sealladh an Tighearna do Dhé, agus a bhros-naicheas sibh e gu feirg;

26 Gairmeam nèamh agus talamh mar fhianuis 'nur n-aghaidh air an là 'n diugh, gu'n tig léir-sgrìos oirbh gu h-aithghearr as an fhearann a chum am bheil sibh dol thar Iordan g'a shealbhachadh: cha bhuaanaich sibh bhuir làithean air, ach sgrìosar sibh gu tur.

27 Agus sgapaidh an Tighearna sibh am measg nan cinneach, agus fàgar sibh tearc an àireamh am measg nan cinneach, far an toir an Tighearna sibh.

28 Agus an sin ni sibh seirbhis do dhiath-aibh, obair làmhha dhaoine, fiodh agus clach, nach faic, agus nach cluinn, agus nach ith, agus nach gabh fàile.

29 Ach ma dh' iarras tu 'n Tighearna do Dhia as a sin, amaisidh tu air, ma dh' iarras tu e le d' uile chridhe, agus le d' uile anam.

30 'Nuair a bhios tu ann an àmhghar, agus a thig na nithe sin uile ort sna làithibh deireannach, ma philleas tu chum an Tighearna do Dhé, agus ma bhios tu ùmhal d'a ghuth;

31 (Oir *is* Dia tròcaireach an Tighearna do Dhia-sa,) cha tréig e thu, ni mò a sgrìosas e thu, no dhichuimhnicheas e coimhcheangal t' aithriche, a mhionnaich e dhoibh.

32 Oir fiosraich a nis do na làithibh a chaidh seachad, a bha romhad, o'n là air an do chruthaich Dia an duine air an talamh, agus *fiosraich* o aon iomall do nèamh gus an t-iomall eile, an robh rianh *ni sam bith* ann mar an ni mòr so, no'n cualas *ni* cosmhuil ris?

33 An cuala sluagh *sam bith* guth Dhé a' labhairt á meadhon an teine, mar a chuala tusa, agus an do nhair iad beò?

34 No 'n d' fheuch Dia³ ri dol gu cinn-each a ghabhail da féin o mheasg cinnich *eile*, le deuchainnibh⁴, le comharaibh, agus le h-iongantasaibh, agus le cogadh, agus le làimh chumhachdaich, agus le gàirdean sinte mach, agus le h-uamhasaibh mòra, a réir nan uile nithe a rinn an Tighearna bhuir Dia air bhuir son saoi Eiphit fa chomhair bhuir sùl?

35 Dhuitse nochdadh e, chum gu'm biodh fios agad gur e 'n Tighearn *a's* Dia ann; cha 'n eil ann ach e.

¹ a phàirtich, a thug.

² air son bhuir

briathra-sa, Eabh. ³ Dia sam bith. ⁴ buairibh.

36 A nèamh thug e ort a ghuth a chluinn-tinn, a clum gu'n teagaisgeadh e thu; agus air talamh nochd e dhuit a theine mòr, agus chuala tu a bhriathran á meadhon au teine.

37 Agus a chionn gu'n do ghràdhaich e t'aithriche, nìme sin thagh e an sliochd 'nan déigh, agus thug e thusa mach 'na shealladh, le 'chumhachd mòr, as an Eiphit;

38 A dh'fhuadachadh a mach chinneach romhad, a's mò agus a's cumhachdaiche na thusa, g'ad thoir-sa stigh a thabhairt dhuit an fearainn 'na oighreachd, mar air an là an diugh.

39 Biodh agad fios uime sin an diugh, agus thoir fa' near ann ad chridhe, gur e'n Tighearn a's Dia ann air nèamh shuas, agus air an talamh a bhos¹: cha 'n'eil ann ach e.

40 Gleidhidh tu uime sin a reachdan, agus 'aithéantan, a tha mise ag 'aithneadh dhuit an diugh, a chum gu'n éirich gu maith dhuit, agus do d' chloinn a'd' dhéigh, agus a chum gu 'm buanaich thu do làithean air an fhearann, a bheir an Tighearna do Dhia dhuit gu bràth.

41 An sin chuir Maois air leth tri bailtean air an taobh so do Iordan, leth ri éirigh na gréine;

42 A chum gu'n teicheadh am marbhaiche an sin, a mharbh a choimhearsnach gun fhios da, agus gun fhuath aige dha san aimsir a chaidh seachad: agus gu'n teicheadh e gu h-aon do na bailtibh sin, agus gu maireadh e beò:

43 Eadhon Beser san fhàsach, ann an dùthaich a' chòmhnaidh², do na Reubenich; agus Ramot ann an Gilead, do na Gadaich; agus Golan ann am Basan, do na Manasaich.

44 Agus is e so an lagh a chuir Maois roimh chloinn Israeil.

45 Is iad so na teisteis³, agus na reachdan, agus na breitheanais, a labhair Maois ri cloinn Israeil, an uair a thàinig iad a mach as an Eiphit,

46 Air an taobh so do Iordan sa' ghleann thall fa chomhair Bhct-peoir, ann am fearann Shihoin righ nan Amorach, a bha chòmhnuidh ann an Hesbon, a bhuail Maois agus clann Israeil, an déigh dhoibh teachd a mach as an Eiphit:

47 Agus shealbhaich iad 'fhearam, agus fearann Og righ Blasain, dà righ nan Amorach, a bha air an taobh so do Iordan, leth ri éirigh na gréine;

48 O Aroer, a ta làimh ri bruaich sruth Arnoin, eadhon gu sliabh Shihoin, a's e Hermon,

49 Agus an còmhnaidh uile air an taobh so do Iordan a làimh na h-àird⁴ an ear, eadhon gu muir a' chòmhnaidh, fuidh thobraichibh Phisgah.

CAIB. V.

1 *Aithris a' choimhcheangail a rinn Dia ri cloinn Israeil ann an Horeb.* 6 *Na deich àitheantan.* 23 *Air iarrtus an t-sluaigh fhuair Maois an lagh o Dhia.*

AGUS ghairm Maois air Israel uile, agus thubhairt e riu, Eisd, O Israeil, ris na reachdaibh agus na breitheanais a labhras mi 'nur cluasaibh air an là'n diugh, a chum gu fòghlum⁴ sibh iad, agus gu'n gléidh agus gu'n dean sibh iad.

2 Rinn an Tighearna ar Dia coimhcheangal⁵ ruinn ann an Horeb.

3 Cha d' rinn an Tighearn an coimhcheangal so' ar n-aithrichibh, ach ruinne, eadhon ruinne a tha nìle beò an so air an là'n diugh.

4 Aghaidh ri h-aghaidh labhair an Tighearna ribh san t-sliabh, á meadhon au teine,

5 (Sheas mise eadar an Tighearn agus sibhse san àm sin, a nochdadh dhuibh focal an Tighearn: oir bha eagal oirbh roimh an teine, agus cha deachaidh sibh suas do'n t-sliabh,) ag ràdh,

6 Is mise an Tighearna do Dhia, a thug a mach thusa á tìr na h-Eiphit, á tigh na daorsa⁶.

7 Na biodh dée sam bith eile agad a'm' fhuianuis.

8 Na dean dhuit féin dealbh snaidhte⁷, no coslas air bith a dh'aon nì a ta shuas air nèamh, no a ta shìos air an talamh, no a ta sna h-uisgeachaibh fuidh 'n talamh.

9 Na crom thu féin sìos doibh, agus na dean seirbhìs⁸ doibh: oir mise an Tighearna do Dhia, is Dia èudmhor mi, a' leantuinn aingidheachd nan aithrichean air a' chloinn, agus air an treas agus air a' cheathramh ginealach dhiubhsan a dh'fhuathaicheas mi,

10 Agus a' deanamh⁹ tròcair do mhiltibh dhiubhsan a ghràdhaicheas mi, agus a ghléidheas m' àitheantan.

11 Na tabhair ainm an Tighearna do Dhé an diomhanas: oir cha mheas an Tighearna neo-chiontach esan a bheir ainm an diomhanas.

12 Thoir an aire là na sàbaid a naomhachadh¹⁰, mar a dh'àithn an Tighearn do Dhia dhuit.

13 Sè làithean saothraichidh tu, agus nì thu t'obair uile;

14 Ach air an t-seachdamh là tha sàbaid an Tighearna do Dhé: air an là so cha dean thu obair sam bith, thu féin, no do

¹ shìos. ² anns an tìr réidh. ³ fianuiséan.

⁴ gu'n ionnsuich. ⁵ cùradh, cùmhnant.

⁶ tigh nan tràilleam. ⁷ gearra, gràbhata.

⁸ aoradh.

⁹ a' nochdadh.

¹⁰ Coimhid là na sàbaid chum a naomhachadh.

mhac, no do nighean, no t'òglach, no do bhanoglach, no do dhamh, no t'asal, no aon air bith do d' spréidh, no do choigreach a *tha* 'n taobh a stigh do d' gheataibh; a chum gu'n gabh t'òglach agus do bhauglach fois co mhaith riut féin.

15 Agus cuimhnich gu'n robh thu féin a'd' sheirbhiseach ann an tìr na h-Eiphit, agus gu'n d'thug an Tighearna do Dhia mach as a sin thu, le làimh chumhachdaich agus le gàirdean sìnte mach: uime sin dh'àithn an Tighearna do Dhia dhuit an t-sàbaid a choimhead¹.

16 Tabhair urram² do t'athair agus do d' mhàthair, mar a dh'àithn an Tighearna do Dhia dhuit; a chum gu'm buanaichear do làithean, agus gu'n éirich gu maith dhuit, san fhearann a bheir an Tighearna do Dhia dhuit.

17 Na dean mortadh.

18 Nì mò a nì thu adhaltrannas.

19 Nì mò a ghoideas tu.

20 Nì mò a bheir thu fianais bhréige an aghaidh do choimhearsnaich.

21 Nì mò a mhiannaicheas tu bean do choimhearsnaich, nì mò a shanntaicheas tu tigh do choimhearsnaich, 'fhearann, no 'òglach, no 'bhanoglach, no 'dhamh, no 'asal, no *nì* air bith a's le do choimhearsnach.

22 Na briathra sin labhair an Tighearna r'ur coimhthional uile san t-sliabh, á meadhon an teine, an neoil agus an dubh-dhorchadais, le guth mòr; agus cha do chuir e tuilleadh ris: agus sgrìobh e iad air dà chlàr chloiche, agus thug e dhomhsa iad.

23 Agus an uair a chuala sibh an guth á meadhon an dorchadais, agus an t-sléibh a' losgadh le teine³, an sin thàinig sibh am fagus domhsa, *eadhon* uile cheannardan bhur treubhan, agus bhur seanairean,

24 Agus thubhairt sibh, Feuch, dh'fhoillsich an Tighearn ar Dia dhuinn a ghlòir, agus a mhòrachd, agus chuala sinn a ghuth á meadhon an teine: chunnaic sinn an diugh gu'n labhair Dia ri duine, agus gu mair e beò.

25 A nis uime sin c'ar son a gheibheamaid bàs? oir loisgidh an teine mòr so sinn. Ma chluinneas sinn guth an Tighearn ar Dé tuilleadh, an sin bàsaichidh sinn.

26 Oir cò do'n uile fheoil a chuala guth an Dé bheò a' labhairt á meadhon an teine, mar a rinn sinne, agus a mhair beò?

27 Thairg-sa am fagus, agus éisd ris na h-uile nithibh a thair an Tighearn ar Dia; agus labhair thusa runne gach *nì* a thair an Tighearn ar Dia riut, agus éisdidh sinne ris, agus nì sinn e.

28 Agus chual' an Tighearna guth bhur briathra, 'nuair a labhair sibh rium: agus thubhairt an Tighearna rium, Chuala mi guth bhriathran an t-sluaigh so, a labhair iad riut: *is* maith a thubhairt iad gach nì a labhair iad.

29 O gu'm biodh an gnè cridhe so ann-ta, gu'm biodh m'eagais' orra, agus gu'n gleidheadh iad m'àitheantan uile a ghnàth, a chum gu'n éireadh gu maith dhoibh, agus d'an cloim gu bràth!

30 Imich, abair riu, Rachaibh d'ur bùth-aibh a ris.

31 Ach do d' thaobh-sa, seas an so làimh riumsa, agus labhairidh mi riut na h-àitheantan uile, agus na reachdan, agus na breitheanais, a theagaisgeas tu dhoibh, a chum as gu'n dean siad *iad* anns an fhearann a *tha* mise a' tabhairt dhoibh r'a shealbhachadh.

32 Bheir sibh an aire, uime sin, gu'n dean sibh mar a dh'àithn an Tighearna bhur Dia dhuibh: cha chlaon sibh a thaobh a chum na làimhe deise no clithe.

33 Anns gach slighe a dh'àithn an Tighearna bhur Dia dhuibh gluaisidh sibh, a chum gu'm bi sibh beò, agus gu'n éirich gu maith dhuibh, agus gu'm buanaich sibh bhur làithean anns an fhearann a shealbh-aicheas sibh.

CAIB. VI.

1 *Is i ìmhlachd do thoil Dhé crìoch an lagha.*
3 *Earail do'n t-sluagh chum na crìche so.*

A NIS *is* iad so na h-àitheantan, na reachdan, agus na breitheanais, a dh'àithn an Tighearna bhur Dia a theagaisg dhuibh, a chum gu'n deanadh sibh *iad* san fhearann d'am bheil sibh a' dol g'a shealbhachadh:

2 A chum gu'm biodh eagal an Tighearna do Dhé ort, gu'n gleidheadh tu a reachdan uile, agus 'àitheantan, a *tha* mise ag àithneadh dhuit, thu féin, agus do mhac, agus mac do mhic, uile làithean do bheatha, agus a chum gu'm buanaichear do làithean.

3 Eisd uime sin, O Israeil, agus thoir an aire gu'n dean thu so, a chum gu'n éirich gu maith dhuit, agus gu'm fàs sibh ro lionmhor, mar a gheall an Tighearna Dia t'àithriche dhuit, ann am fearann a tha sruthadh le bainne agus mil.

4 Eisd, O Israeil: An Tighearn ar Diane, *is* aon Tighearn e.

5 Agus gràdhaichidh tu an Tighearna do Dhia le d' uile chridhe, agus le d' uile anam, agus le d' uile neart.

6 Agus bithidh na briathra so, a *tha* mi ag àithneadh dhuit an diugh, ann ad chridhe;

7 Agus teagaisgidh tu iad⁴ do d' chloinn,

¹ a dheanamh. Eabh.

² onoir.

³ oir bha a' bheinn a' losgadh le teine.

⁴ cuiridh tu 'n céill iad gu minic.

agus labhraidh tu orra 'nuair a shuidheas tu a d' thigh, agus an uair a dh'imicheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chomhar-adh air do làimh, agus bithidh iad mar eudanain eadar do shùilibh.

9 Agus sgrìobhaidh tu iad air ursainmibh do thighe, agus air do gheataibh.

10 Agus an uair a bheir an Tighearna do Dhia thu do'n fhearann a mhionnaich e do d' aithrichibh, do Abraham, do Isaac, agus do Jacob, gu'n tugadh e dhuit bailtean mòra agus maithe, nach do thog thu féin.

11 Agus tighean làn do gach nì maith nach do lìon thu, agus tobraiche cladh-aichte nach do chladhaich thu, fion-liosan agus liosan-olaidh nach do shuidhich¹ thu, 'nuair a dh'itheas tu agus a bhios tu air do shàsachadh;

12 An sin thoir an aire air eagal gu'n dìchiuinnich thu an Tighearn, a thug a mach thu á tìr na h-Eiphit, á tigh na daorsa.

13 Bithidh eagal an Tighearna do Dhé ort, agus nì thu seirbhìs dha, agus mionnaichidh tu air 'ainm.

14 Cha téid sibh an déigh dhiathan² eile, do dhiathaibh an t-sluaigh a tha mu'n cuairt oirbh;

15 (Oir tha 'n Tighearna do Dhia 'na Dhia eudmhor 'nur measg;) air eagal gu'n las fearg an Tighearna do Dhé a d' aghaidh, agus gu'n sgrios e thu o aghaidh na talmhainn.

16 Cha bhrosnaich³ sibh an Tighearna bhur Dia, mar a bhrosnaich sibh e ann am Masah.

17 Gleidhidh sibh gu dìchiollach àith-eantan an Tighearna bhur Dé, agus a theisteis, agus a reachdan, a dh'àitlin e dhuit.

18 Agus nì thu an nì sin a ta ceart agus maith ann an sealladh an Tighearn; a chum gu'n éirich gu maith dhuit, agus gu'n téid thu steach, agus gu'n sealbhaich thu an fearann maith a mhionnaich an Tighearna do d' aithrichibh;

19 A thilgeadh a mach do naimhdean uile romhad, mar a labhair an Tighearna.

20 'Nuair a dh'fhiosraicheas do mhac dhìot san aimsir ri teachd, ag ràdh, Ciod is ciall do na teistesaibh, agus do na reachdaibh, agus do na breitheanasaibh a dh'àithn an Tighearn ar Dia dhuibh?

21 An sin their thu ri d' mhac, Bha sinn 'nar tràillibh aig Pharaoh an Eiphit, agus thug an Tighearn a mach sinn as an Eiphit le làimh chumhachdaich.

22 Agus nochd an Tighearna comliaran agus iongantasan mòra agus doilgheasach

san Eiphit, air Pharaoh, agus air a theaghlach uile, fa chomhair ar sùl;

23 Agus thug e mach sinn as a sin, a chum gu'n tugadh e sinn a stigh, a thoirt dhuinn an fhearann a mhionnaich e d'ar n-aithrichibh.

24 Agus dh'àithn an Tighearna dhuinn na reachda sin uile a dheanamh, eagal an Tighearn ar Dé bli oirn a chum ar maith a ghuàth, a chum gu'n gleidheadh e beò sinn, mar air an là'n diugh.

25 Agus bithidh e 'na fhìreantachd dhuinn, ma bheir sinn fa'near na h-àith-eantan so uile a dheanamh, an làthair an Tighearn ar Dé, mar a dh'àithn e dhuinn.

CAIB. VII.

1 Uile chomh-chomunn ris na Cinnich air a thoirm-easg, 4 air eagal gu'n tairngeadh siad iad gu h-ìodhol-aozadh.

'NUAIR a bheir an Tighearna do Dhia thu stigh do'n fhearann a chum am bheil thu dol g'a shealbhadh, agus a thilgeas e mach romhad mòran chinneach, na Hitich, agus na Girsasach, agus na h-Amoraich, agus na Cananaich, agus na Peridsich, agus na Hibhich, agus na Iebusach, seachd cinnich a's mò agus a's cumhachdaiche na thusa;

2 Agus an uair a bheir an Tighearna do Dhia iad thairis a d' làthair, buailidh tu iad, agus cuiridh tu gu tur as doibh; cha dean thu coimhcheangal sam bith riu, nì mò a nochdas tu tròcair dhoibh;

3 Nì mò a nì thu cleamhnas⁴ riu; do nighean cha toir thu d'a mhac-san, nì mò a ghabhas tu a nighean-san do d' mhac-sa.

4 Oir tionndaidh iad do mhac o mise a leantuinn, a chum gu'n dean iad seirbhìs do dhiathaibh eile: mar sin lasaidh fearg an Tighearna 'nur n-aghaidh, agus sgriosaidh e thu gu h-obann.

5 Ach mar so buinidh sibh riu: sgriosaidh sibh an altairean, agus brisidh sibh an dealbhan, agus gearraidh sibh sìos an doireachan, agus loisgidh sibh an coslais shnaidhte le teine.

6 Oir is sluagh naomha do'n Tighearna do Dhia thusa: thagh an Tighearna do Dhia thu gu bhi d' shluagh araidh⁵ dha féin, os ceann gach sluaigh a ta air aghaidh na talmhainn.

7 Cha do ghràdhaich an Tighearna sibh, nì mò a thagh e sibh, a chionn gu'n robh sibh nì bu lìonmhoire na sluagh sam bith eile; (oir is sibh bu teirce do gach uile shluagh;)

8 Ach a chionn gu'n do ghràdhaich an Tighearna sibh, agus a chum gu'n gleidheadh e na mionnan a mhionnaich e d'ur n-aithrichibh, thug an Tighearna mach sibh le làimh chumhachdaich, agus shaor

¹ phlann-daich.

² dhée.

³ bhuair.

⁴ ceanglaiche-pòsaidh.

⁵ sònruichte.

e thu á tigh nan tràilleán, á làimh Pharaoh righ na h-Eiphit.

9 Bìodh fios agad uime sin, an Tighearna do Dhia gur esan Dia, an Dia fìrinn-each, a chumas coimhcheangal agus tròc-air riu-san a ghlràdhaicheas e, agus a ghleidheas àitheantan, gu mìle ginealach;

10 Agus a dhìolas orra-san¹ a dh'fhuathaicheas e, r'an eudain, a chum an sgrios: cha dean e moille d'a thaobh-san aig am bheil fuath dha; dìolaidh e air r'a eudain.

11 Gleidhidh tu uime sin na h-àitleanant-an, agus na reachdan, agus na breitheanais, a tha mi 'g àithneadh dhuit an diugh a dheanamh.

12 Uime sin, ma dh'éisdeas sibh ris na breitheanais sin, agus ma choimhlideas agus ma ni sibh iad, cumaidh an Tighearna do Dhia riutsa an coimhcheangal agus an tròc-air a mhionnaich e do d' aithrichibh.

13 Agus gràdhaichidh e thu, agus beannaicidh e thu, agus ni e lìonmhor thu: mar an ceudna beannaichidh e toradh do bhrom, agus toradh t'fhearainn, t'arbar, agus t'fhion, agus t'oladh, fàs do chruidh, agus treuda do chaorach, san fhearann a mhionnaich e do d' aithrichibh a thabhairt duit.

14 Bithidh tu beannaichte os ceann gach shuaigh; cha bhì fìrionnach no boirionnach neo-thorrach 'nur measg, no measg bhur sprìdhe.

15 Agus bheir an Tighearn uait gach eucail, agus cha chuir e ort h-aon air bith do dhroch ghalaraidh na h-Eiphit, a's aithne dhuit, ach cuiridh e iad orra-san uile le 'm fuathach thu.

16 Agus sgriosaidh tu an sluagh sin uile a bheir an Tighearna do Dhia *thairis* dhuit; cha ghabh do shùil truas riu: ni mò a ni thu seirbhis d'an diathaibh, oir *bithidh* sin 'na ribe dhuit.

17 Ma their thu ann ad chridhe, *Is* mò na cinnich sin na mise, cionnus is urrainn mise an cur á seilbh?

18 Cha bhì eagal ort rompa; *ach* cuimh-nichidh tu gu maith ciod a rinn an Tighearna do Dhia ri Pharaoh, agus ris na h-Eiphitich uile;

19 Na deuchainnean mòra a chunnaic do shùilean, agus na comharan, agus na h-iongantais, agus an làmh chumhachdach, agus an gairdean sìnte mach, leis an d'thug an Tighearna do Dhia mach thu: mar sin ni an Tighearna do Dhia ris an t-sluagh uile roimh am bheil eagal ort.

20 Os bàrr, cuiridh an Tighearna do Dhia an consbeach² nam measg, gus am bi iadsan a dh'fhàgar, agus a dh'fhol-aicheas iad féin o d' ghnùis, air an sgrios.

21 Cha bhì uamhann ort rompa; oir *tha* 'n Tighearna do Dhia 'nur measg, Dia mòr, agus uamhasach.

22 Agus cuiridh an Tighearna do Dhia a mach na cinnich sin romhad a lìon beagain is beagain: cha 'n fheud thu an sgrios a dh'aon bheum, air eagal gu'm fàs fiadh-bheathaiche na macharach lìonmhor ort.

23 Ach bheir an Tighearna do Dhia iad thairis duit, agus sgriosaidh e iad le sgrios mòr, gus an cuirear as doibh.

24 Agus bheir e an rìghre thairis do d' làimh, agus sgriosaidh tu an ainm o bhì fuidh nèamh: cha seas duine sam bith a d' aghaidh, gus an cuir thu as doibh.

25 Dealbhan snaidhte an dèe loisgidh sibh le teine: cha mhiamnaich thu 'n t-airgid no 'n t-òr a ta orra³, ni mò ghabhas tu e dhuit féin, air eagal gu'n ribear thu leis: oir *is* gràineileachd e do'n Tighearna do Dhia.

26 Ni mò bheir thu gràineileachd do d' thigh, air eagal gu'm bi thu a d' ni mallaichte cosmhuil ris: *ach* bheir thu fuath iomlan da, agus gabhaidh tu gràin deth gu tur, oir *is* ni mallaichte e.

CAIB. VIII.

1 *Earrail do chloinn Israeil gu'n tugadh iad géill a dh'àitheantaibh Dé, agus nach d'chuirimhneachadh iad a mhaithes agus a fhreasdal d'an taobh.*

NA h-àitheantan uile a tha mi ag àithneadh dhuit an diugh, bheir sibh an aire gu'n dean sibh *iad*, a chum gu'm bi sibh beò, agus gu'm fàs sibh lìonmhor, agus gu'n téid sibh a stigh, agus gu'n sealbhaich sibh am fearann, a mhionnaich an Tighearna d'ur n-aithrichibh.

2 Agus cuimhnichidh tu an t-slighe sin uile air an do threòraich an Tighearna do Dhia thu rè an dà fhichead bhliadhna so anns an fhàsach, gu d'rioslachadh, gu d' dhearbhadh, a chum gu'm biodh fios⁴ ciod a bh'ann ad chridhe, an gleidheadh tu 'àitheantan, no nach gleidheadh.

3 Agus dh'irioslaich e thu, agus thug e ort ocras fhulang, agus bheathaich e thu le mana, (ni nach b'aithne dhuit féin, ni mò a b'aithne do d'aithrichibh e,) a chum gu'n tugadh e ort fios a bhì agad nach ann le h-aran a mhàin a bheathaichear duine, ach leis gach *focal* a thig a mach á beul an Tighearna bithidh duine beò.

4 Cha do chaitheadh t'eudach dhìot le h-aois⁵, ni mò a dh'at do chos rè an dà fhichead bhliadhna-sa.

5 Bheir thu mar an ceudna fa'near ann ad chridhe, mar a smachdaicheas duine a mhac, gur ann *mar sin* a tha 'n Tighearna do Dhia 'g ad smachdachadh-sa.

¹ a chui'ticheas, a dh'ais-iocas dhoibhsan.

² ceannabhann, eirc-bheach; hornet; Sasg.

³ anna.
eadh ris.

⁴ a dheanamh aithnichte, a leig-eadh ris.
⁵ cha d' fhàs t' eudach sean ort.

DEUTERONOMI, VIII. IX.

6 Uime sin gleidhidh tu àitheantan an Tighearna do Dhé, a chum gu'n gluais thu 'na shlighibh, agus gu'm bi 'eagal-san ort.

7 Oir tha'n Tighearna do Dhia 'gad thabhairt gu fearann maith, fearann shruthan uisgeacha, thobraichean, agus dhòimhneachdan a tha 'g éirigh suas air feadh ghleann agus air feadh bheann;

8 Fearann cruithneachd, agus eòrna, agus fhìonairean, agus chraobhan figis, agus phomgranat¹, fearann oladh na craoibh-olaidh, agus meala;

9 Fearann anns an ith thu aran gun ghoinne, cha bhi uireasbhuidh *ni* sam bith ort ann; fearann aig *am bheil* a chlachan 'nan iarum², agus as a bheanntaibh cladh-aichear umha.

10 'Nuair a dh'itheas tu agus a shàsuichear thu, an sin beannaichidh tu an Tighearna do Dhia air son an fhearainn mhaith a thug e dhuit.

11 Thoir an aire nach dìchuimhnich thu an Tighearna do Dhia, air chor as nach gléidh thu 'àitheantan, agus a bhreitheanaise, agus a reachdan, a *tha* mise ag àithneadh dhuit an diugh.

12 Air eagal, *an uair* a dh'itheas tu, agus a shàsuichear thu, agus a thogas tu tighean maith, agus a chòmhnuiheas tu *annta*;

13 Agus a dh'fhàsas do bhuar³ agus do chaoraich, agus a mheudaichear t'airgid agus t'òr, agus a mheudaichear gach *ni* a ta agad;

14 Gu'm bi an sin do chridhe air a thogail suas, agus gu'n dichuimhnich thu 'n Tighearna do Dhia, a thug a mach thu á tìr na h-Eiphit, agus á tigh na daorsa;

15 A thrèoraich thu troimh 'n fhàsach mhòr agus uamhasach sin, *far an robh* nathraichean loisgeach, agus scorpiona, agus ionada tartmhor, far nach *robh* uisge; a thug a mach dhuit uisge as a' charraig aillbhinn;

16 A bheathaich thusan fhàsach le mana, nach b'aitime do d' aithrichibh, a chum gu'n irioslaicheadh e thu, agus gu'n dearbhadh e thu, a dheanamh maith dhuit ann ad *làithibh* deireannach;

17 Agus gu'n abair thu ann ad chridhe, Fhuair mo chumhachd, agus neart mo làimhe, an saobhbreas so dhomh.

18 Ach cuimhnichidh tu 'n Tighearn do Dhia: oir *is* esan a bheir comas dhuit beartas fhaghail, a chum gu'n daingnich e a choimheangal a mhionnaich e do d' aithrichibh, mar *air* an là'n diugh.

19 Agus tarlaidh, ma dhìchuimhniches tu air chor sam bith an Tighearna do Dhia, agus gu'n gluais thu an déigh

dhiathan eile, agus gu'n dean thu seirbhis doibh, agus gu'n dean thu aoradh dhoibh, tha mi a' toirt fianuis 'nur n-aghaidh an diugh, gu'n sgriosar gu tur sibh.

20 Mar na cinnich a tha 'n Tighearn a' sgrios roimh bhur gnùis, is amhuil sin a theid as duibhse; a chionn nach b'àill leibh bhi ùmhla do ghuth an Tighearna bhur Dé.

CAIB. IX.

Tha Maois a' deanamh a dhìchill gu barail an t-sluaigh isleachadh a thaobh am fireantachd agus an ionracais féin, le'n ceannaire, an gearan, agus an eas-ùmhachadh a chur an cuimhne dhoibh.

EISD, O Israel: *tha* thu gu gabhail thar Iordan an diugh, gu dol a steach a shealbhachadh chiumeach a's mò agus a's treise na thu féin, bailtean mòra agus daingnichte suas gu nàmh;

2 Sluagh mòr agus àrd⁴, clann nan Anacach, a's aithne dhuit, agus *mu'n* cual' thu *air a radh*, Cò is urrainn seasamh roimh chloimh Anaic?

3 Uime sin tuig thusa an diugh, gur e 'n Tighearna do Dhia an tì a theid thairis romhad 'na theine caithteach⁵: cuiridh esan as doibh, agus cuiridh e sìos iad a'd' fhianuis: mar sin fògraidh tu mach iad, agus sgriosaidh tu iad gu grad, mar a thubhairt an Tighearna riut.

4 Na labhair ann ad chridhe, an déigh do'n Tighearna do Dhia an tilgeadh a mach romhad, ag ràdh, Air son m'fhìreantachd féin thug an Tighearna steach mi a shealbhachadh an fhearainn so; ach air son aingidheachd nan cinneach sin tha'n Tighearna 'g am fògradh a mach o d' làthair.

5 Cha 'n ann air son t'fhìreantachd, no air son ionracais do chridhe, tha thu dol a shealbhachadh am fearainn; ach air son aingidheachd nan cinneach sin tha 'n Tighearn do Dhia 'g am fògradh a mach o d' làthair-sa, agus a chum gu'n coimh-lion e 'm focal a mhionnaich an Tighearna do t'aithrichibh, Abraham, Isaac, agus Iacob.

6 Tuig, uime sin, nach ann air son t'fhìreantachd-sa a *tha'n* Tighearna do Dhia a' toirt duit an fhearainn mhaith so r'a shealbhachadh; oir *is* sluagh ragmhuinealach thu.

7 Cuimhnich, na dìchuimhnich cionnus a bhrosnaich thu 'n Tighearna do Dhia gu feirg san fhàsach: o'n là san deachaidh tu mach á tìr na h-Eiphit, gus an d'thàinig sibh do'n àite so, bha sibh ceann-airceach an aghaidh an Tighearn.

8 Mar an ceudna ann an Horeb bhros-naich sibh an Tighearna gu feirg, air chor

¹ ghran-abhal.
chlachaibh.

² aig an tairngear iarum á
³ chrodh.

⁴ barrachdail.

⁵ dian-loisgeach.

DEUTERONOMI, IX. X.

as gu'n robh corruich air an Tighearna ribh, a chum bhur sgrìos.

9 'Nuair a chaidh mise suas do'n t-sliabh a ghabhail nan clàr chloiche, *eadhon* chlàr a' choimhcheangail a rinu an Tighearna ribh, an sin dh'fhan mi san t-sliabh dà fhichead là agus dà fhichead oidhche; cha d'ith mi aran, ni mò a dh'òl mi uisge:

10 Agus thug an Tighearna dhomh dà chlàr chloiche, sgrìobhta le meur Dhé; agus orra *bha sgrìobhta* réir nan uile bhriathran a labhair an Tighearna ribh san t-sliabh, á meadhon an teine, am an là a' chomhchruinnich.

11 Agus tharladh, an ceann dhà fhichead là agus dhà fhichead oidhche, *gu'n* d'thug an Tighearna dhomhs' an dà chlàr chloiche, *eadhon* clàir a' choimhcheangail.

12 Agus thubhairt an Tighearna rium, Eirich, imich sìos gu luath as a so; oir thruaill do shluagh a thug thu mach as an Eiphit *iad féin*; chlaon iad gu grad o'n t-slighe a dh'àithn mise dhoibh; rinn iad dhoibh féin dealbh leaghta.

13 A bhàrr air so, labhair an Tighearna rium, ag ràdh, Chunnac mi an sluagh so, agus, feuch, *is* sluagh rag-mhuinealach iad.

14 Leig dhomh, a chum gu'n sgrìos mi iad, agus gu'n dubh mi mach an ainm o bli fuidh néamh; agus ni mi dhìotsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-sliabh, agus bha an sliabh a' losgadh le teine; agus bha dà chlàr a' choimhcheangail a'm' dhà làimh.

16 Agus dh'amhaire mi, agus, feuch, bha sibh air peacachadh¹ an aghaidh an Tighearna bhur Dé, rinn sibh laogh leaghta dhuibh féin: bha sibh air tionndadh a thaobh gu grad as an t-slighe a dh'àithn an Tighearna dhuibh.

17 Agus ghlac mi an dà chlàr, agus thilg mi as mo dhà làimh iad, agus bhris mi iad fa chomhair bhur sùl.

18 Agus thuit mi sìos² am fianuis an Tighearna, mar air tùs, dà fhichead là agus dà fhichead oidhche; cha d'ith mi aran, ni mò dh'òl mi uisge, air son bhur peacanan uile a pheacach sibh, le olc a dheanadh ann an sealladh an Tighearna, 'ga bhrosnachadh gu feirg.

19 (Oir bha eagal na feirge orm, agus ua ro-chorruich leis an robh an Tighearna feargach 'nur n-aghaidh-sa chum bhur sgrìos.) Ach dh'éisd an Tighearna rium san àm sin mar an ceudna.

20 Agus bha ro-fhearg air an Tighearna ri h-Aaron a chum a sgrìos: agus rinn mi

urnuigh, mar an ceudna, air son Aaron san àm sin féin.

21 Agus ghabh mi bhur peacadh, an laogh a rinn sibh, agus loisg mi e le teine, agus phronn mi e, *agus* mheil mi gu min e, *eadhon* gus an d'rinneadh min e mar dhuslach; agus thilg mi a dhuslach³ san t-sruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabhah, bhrosnach sibh an Tighearna gu feirg.

23 Mar an ceudna, 'nuair a chuir an Tighearna sibh o Chades-barnea, ag ràdh, Rachaidh suas, agus sealbhaichibh am fearann a thug mise dhoibh; an sin rinn sibh ceannairc an aghaidh àithne an Tighearna bhur Dé, agus cha do chreid sibh e, ni mò a dh'éisd sibh r'a ghuth.

24 Bha sibh ceannairceach an aghaidh an Tighearna, o'n là a b'àithne dhomhsa sibh.

25 Mar so, thuit mi sìos am fianuis an Tighearna dà fhichead là agus dà fhichead oidhche, mar a thuit mi sìos *air tùs*⁴; a chionn gu'n dubhairt an Tighearna gu'n sgrìosadh e sibh.

26 Uime sin, rinn mi urnuigh ris an Tighearna, agus thubhairt mi, O Thighearna Dhé, na sgrìos do shluagh féin, agus t'òighreachd, a shaor thu trid do mhòrachd, a thug thu mach as an Eiphit le làimh chumhachdaich.

27 Cuimhnich dosheirbhisich, Abraham, Isaac, agus Jacob; na h-amhaire air reasgachd an t-sluaigh so, no air an aingidheachd, no air am peacadh;

28 Air eagal gu'n abair am fearann as an d'thug thu mach sinn, A chionn nach b'urrainn an Tighearna an toirt a steach do'n fhearann a gheall e dhoibh, agus a chionn gu'n robh fuath aige dhoibh, thug e mach iad g'am marbhadh san fhàsach.

29 Gidheadh *is* iad do shluagh iad, agus t'òighreachd, a thug thu mach le d' thrém ncart, agus le d' ghairdean sìnte mach.

CAIB. X.

1 *Maitheas agus tràicair Dhé air a nochdadh le dà chlàr an Lagha ath-nuadhachadh.* 8 *Treubh Lebhi air a cur air leth, &c.*

SAN àm sin thubhairt an Tighearna rium, Snaidh dhuith féin dà chlàr chloiche cosmhuil ris na ceud chlàir, agus thig a nìos a m' ionnsuidh-sa do'n t-sliabh⁵, agus dean dhuith àire fhiodha.

2 Agus sgrìobhaidh mise air na clàir na focal a bh'air na ceud chlàir a bhris thu, agus cuiridh tu iad san àire.

3 Agus rinn mi àire do fhiodh sìtim, agus shnaidh mi dà chlàr chloiche cosmhuil ris na ceud chlàir, agus chaidh mi

¹ bha sibh an dèigh peacachaidh.

² dh'istich mi mi féin, rinn mi aoradh.

³ smùr.

⁴ anns an d'istich mi mi féin.

⁵ do'n bheinn.

DEUTERONOMI, X. XI.

suas do'n t-sliabh, agus an dà chlàr a'm làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearna ribh san t-sliabh, á meadhon an teine, ann an là a' chomh-chruinnich: agus thug an Tighearn iad dhomhsa.

5 Agus phill mise, agus thàinig mi nuas o'n t-sliabh, agus chuir mi na clàir san àir a rinn mi. agus an sin tha iad, mar a dh'àithn an Tighearna dhomh.

6 Agus dh'imich clann Israeil o Bherot chloimn Iaacain gu Mosera: an sin fhuair Aaron bàs, agus dh'adhlaicadh e an sin; agus fhrithheil Eleasar a mhac ann an dreuchd an t-sagairt 'na àite.

7 As a sin dh'imich iad gu Gudgodah, agus o Ghudgodah gu Iotbat, fearann shruthan¹ uisge.

8 San àm sin chuir an Tighearn air leth treubh Lebhi, a ghiùlan àirce coimh-cheangail² an Tighearn, a sheasamh an làthair an Tighearna gu frithealadh dha, agus a bheannachadh 'na ainm, gus an là'n diugh.

9 Uime sin cha 'n eil aig Lebhi roimh no oighreachd maille r'a bhràithribh: *is e 'n Tighearn a's oighreachd dha, a réir mar a gheall an Tighearn do Dhia dha.*

10 Agus dh'fhan mi san t-sliabh, a réir na ceud ùine³, dà fhichead là agus dà fhichead oidhche, agus dh'éisd an Tighearna rium mar an ceudna san àm sin, agus cha bu toil leis an Tighearn thusa a sgrios.

11 Agus thubhairt an Tighearna rium, Eirich, imich roimh 'n t-sluagh, a chum gu'n téid iad a steach, agus gu'n sealbh-aich iad am fearann, a mhionnaich mi d'an aithrichibh gu'n tugainn doibh.

12 Agus a nis, Israeil, ciod a tha 'n Tighearna do Dhia ag iarraidh ort, ach eagal an Tighearna do Dhé a bhi ort, gluasad 'na uile shlighibh, a ghràdhachadh, agus seirbhis a dheanamh do'n Tighearna do Dhia le d' uile chridhe, agus le d' uile anam;

13 Aitheantan an Tighearn a ghleidheadh, agus a reachdan, a tha mise ag àithneadh dhuit an diugh air son do leas?

14 Feuch, *is leis an Tighearna do Dhia nàmh, agus nàmh nan nàmh, an talamh mar an ceudna, agus gach nì a ta ann.*

15 A mhàin bha tlachd aig⁵ an Tighearn a' d' aithrichibh g'an gràdhachadh, agus thag e 'u sliochd nan déigh, *eadhon* sibhse os ceann gach sluagh, mar air an là'n diugh.

16 Timchioll-ghearraibh, uime sin,

roimhchroicionn bhur cridhe, agus na bithibh rag-mhuinealach ni's mò.

17 Oir an Tighearna bhur Dia, *is esan Dia nan Dia, agus Tighearna nan Tighearna, Dia mòr, cunhachdach, agus uamhasach, aig nach 'eil bàigh ri neach seach a chéile*, agus nach gabh duais⁶.

18 Tha e a' cur an gnìomh breitheanais an dilleachdain agus na bantraich, agus is toigh leis an coigreach, a' toirt dha bidh agus eudaich.

19 Uime sin gràdhaichidh sibh an coigreach; oir bha sibh féin 'nur coigrich ann an tìr na h-Eiphit.

20 Bithidh eagal an Tighearna do Dhé ort; dhasan ni thu seirbhis, agus ris-san dlùth-leanaidh tu, agus air 'ainm mionnaichidh tu.

21 *Is esan do chliù, agus is esan do Dhia, a rinn air do shon na nithe mòr agus uamhasach ud, a chumnaic do shùilean.*

22 Le tri fichead agus deich anamanna⁶ chaidh t'aithriche sìos do'n Eiphit; agus a nis rinn an Tighearna do Dhia thu mar reulta nèimh a thaobh lìomhoireachd.

CAIB. XI.

1 *Earrail do'n t-sluagh gu géilleachdainn do lagh Dhé. 8 Dhoibh-san a bhios ùmhal dha tha soch-airean mòra air an gealltainn. 26 Tha beannachadh agus mallachadh air an cur fa'n comhair.*

AIR an aobhar sin, gràdhaichidh tu 'n Tighearna do Dhia, agus gleidhidh tu a chùram⁷, agus a reachdan, agus a bhreitheanais, agus aitheantan a ghnàth.

2 Agus biodh fios agaibhse an diugh: oir ni 'n labhran r'ur cloim do nach b'aithne, agus nach faca smachdachadh an Tighearna bhur Dé, a mhòrachd, a làmh chumhachdach, agus a ghairdean sìnte mach,

3 Agus a chomharan, agus a ghnìomharan, a rinn e ann am meadhon na h-Eiphit, ri Pharaoh rìgh na h-Eiphit, agus r'a fhearann uile;

4 Agus ciod a rinn e ri armailt nan Eiphiteach, r'an eich, agus r'an carbad-aibh; cionnus a thug e air uisge na mara ruaidhe dol tharta 'nuair a bha iad an tòir oirbh, agus cionnus a sgrios an Tighearn iad gus an là'n diugh;

5 Agus ciod a rinn e dhuibhse san fhàsach, gus an d'thàinig sibh do'n àite so;

6 Agus ciod a rinn e ri Datan agus Abiram, mic Eliab, mhic Reubein; cionnus a dh'fhosgail an talamh a bheil, agus a shluig e sìos iad, agus an teaghlachain, agus am buthan, agus a mhaoin uile a bha 'nan seilbh, am meadhon Israeil uile.

7 Ach chumnaic bhur sùilean-sa gnìomh-ara mòra an Tighearn uile, a rinn e.

¹ aimhnichean.

² cinraidh.

⁵ ceannach.

⁶ pearsanna.

³ làithean. Eabh.

⁴ ròghnuich.

⁷ thaisgeach, na dh'earb e riut.

8 Uime sin, gleidhuidh sibh na h-àitheanta sin uile a *tha* mi ag àithneadh dhuibh air an là'n diugh, a chum gu'm bi sibh làidir, agus gu'n téid sibh a stigh agus gu'n sealbhaich sibh am fearann, gus am bheil sibh a' dol g'a shealbhachadh;

9 Agus gu'm buanaich sibh *bhur* làithean anns an fhearann a mhionnaich an Tighearna d'ur n-aithrichibh gu'n tugadh e dhoibh e, agus d'an sliochd, fearann a tha sruthadh le bainne agus mil.

10 Oir cha 'n eil am fearann d'am bheil thu dol a stigh g'a shealbhachadh, mar fhearann na h-Eiphit, o'n d' thàinig sibh a mach, far an robh thu cur do shil, agus g' a uisgeachadh le d' chois, mar lios lusan¹:

11 Ach am fearann gus am bheil sibh a' dol g'a shealbhachadh, is fearann bheann agus ghleann e: do fhrasachd² nèimh òlaidh e uisge:

12 Fearann d'am bheil an Tighearna do Dhia a' gabhail cùraim; *tha* sùilean an Tighearna do Dhé air a ghnàth, o thois-each na bliadhna eadhon gu deire³ na bliadhna.

13 Agus tarlaidh, ma dh'éisdeas sibh gu dùrachdach ri m' àitheantaibhs⁴, a *tha* mi ag àithneadh dhuibh air an là 'n diugh, an Tighearna bhur Dia a ghràdhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n toir mise *dhuibh* uisge bhur fearainn⁵ na àm féin, an ceud uisge, agus an t-uisge deireannach, agus cruinnichidh tu stigh t'arbhar, agus t'fhòn, agus t'-oladh.

15 Agus cuiridh mi feur a'd' mhachair do d' spréidh, agus ithidh tu, agus sàs-aichear thu.

16 Thugaibh an aire dhuibh féin, air eagal gu meallair bhur cridhe, agus gu'n clao sibh a leth-taobh, agus gu'n dean sibh seirbhis do dhiathaibh eile, agus gu'n dean sibh aoradh dhoibh;

17 Agus gu'n las fearg an Tighearna 'nur n-aghaidh, agus gu'n druid e suas nèamh, air chor as nach bi uisge sam bith ann, agus nach toir am fearann a thoradh uaith, agus gu'n sgriosar gu grad sibh as an fhearann mhaith a *tha* 'n Tighearna a' tabhairt duibh.

18 Uime sin taisgidh sibh suas iad so mo bhriathra 'nur cridhe, agus 'nur n-anam, agus ceanglaidh sibh iad mar chomharadh air bhur làimh; agus bithidh iad mar eudanain eadar bhur sùilibh.

19 Agus teagaisgidh sibh iad d'ur cloinn, a' labhairt orra 'nuair a shuidheas tu a'd' thigh, agus an uair a dh'imicheas tu air an t-slighe, agus an uair a luidh-

eas tu sìos, agus an uair a dh'éireas tu suas.

20 Agus sgrìobhaidh tu iad air ursainnean doruis do thighe, agus air do gheataibh:

21 A chum gu'm bi bhur làithean lionmhor, agus làithean bhur cloinne, san fhearann a mhionnaich an Tighearna d'ur n-aithrichibh a thoirt doibh, mar làithean nèimh air an talamh.

22 Oir ma ghleidheas sibh gu dùrachdach na h-àitheantan so uile a *tha* mise ag àithneadh dhuibh a dheanamh, an Tighearna bhur Dia a ghràdhachadh, gluasad 'na uile shlighibh, agus dlùth-leantuinn ris;

23 An sin tilgidh an Tighearna a mach na cinnich sin uile roimhibh, agus sealbh-aichidh sibh cinnich a's mò agus a's cumhachdaiche na sibh féin.

24 Gach àit air an saltair buinn bhur cos, is libhse: o'n fhàsach agus Lebanon, o'n amhainn, an amhainn Euphrates, eadhon gus an fhairge a's faide mach, bithidh bhur crìoch.

25 Cha seas duine 'nur n-aghaidh: air gach fearann air an saltair sibh, cuiridh an Tighearna bhur Dia eagal agus geilt-chrith roimhibh, a réir mar a thubhairt e ribh.

26 Feuch, *tha* mise a' cur fa'r comhair air an là'n diugh beannachadh agus mallachadh;

27 Beannachadh, ma bheir sibh géill⁶ a dh'àitheantaibh an Tighearna bhur Dé, a *tha* mi ag àithneadh dhuibh air an là'n diugh;

28 Agus mallachadh, mur toir sibh géill⁶ a dh'àitheantaibh an Tighearna bhur Dé, ach gu'n clao sibh o'n t-slighe a *tha* mi ag àithneadh dhuibh an diugh, a dhol an deigh dhiathan eile, nach b' àithne dhuibh.

29 Agus tarlaidh, 'nuair a bheir an Tighearna do Dhia thu stigh do'n fhearann d'am bheil thu dol g'a shealbhachadh, gu'n cuir thu am beannachadh air sliabh Gheridsim, agus am mallachadh air sliabh Ebal.

30 Nach 'eil iad air an taobh eile do Iordan, leth ri slighe dol fuidhe na gréine, ann an tìr nan Canaanach, a tha g' àit-eachadh a' chòmhnaird fa chomhair Ghilgail, làimh ri còmhnradaibh⁶ Mboreh?

31 Oir théid sibh thar Iordan, a dhol a stigh a shealbhachadh an fhearainn a tha 'n Tighearna bhur Dia a' tabhairt duibh, agus sealbhaichidh sibh e, agus gabhaidh sibh còmhnuidh ann.

32 Agus bheir sibh an aire gu'n dean sibh na reachdan uile agus na breithneais, a tha mi cur roimhibh air an là'n diugh.

¹ mar ghàradh lus.

² deireadh.

³ fheurthuinn.

⁴ bhios sibh àmhail.

⁵ éisd sibh ri. Eabh. ⁶ réidhleinnibh; daraigaibh.

CAIB. XII.

1 *Aitean-uoraidh agus altairean nan ìodhol gu bhì air an sgrìos.* 5 *An t-ionad anns an deanar seirbhìs do Dhia gu bhì air a choinhead naomha.* 16, 23 *Fuil air a toirmeach.*

IS iad so na reachdan agus na breith-eanaibh a bheir sibhse fa'near gu'n dean sibh san fhearann a tha 'n Tighearna, Dia t'athriche, a' toirt duit g'a shealbhadhachd, uile làithean bhur beatha air an talamh.

2 Lèir-sgrìosaidh sibh na h-àiteachan uile anns an d'riun na cinnich a shealbhaicheas sibh, seirbhìs d'an diathaibh, air na beamtaibh àrda, agus air na cnocaibh, agus fuidh gach craoibh ghlàis.

3 Agus leagaidh sibh sìos an altairean, agus brisidh sibh an carraighean¹, agus loisgidh sibh an doireachan le teine, agus gearraidh sibh sìos dealbhan suaidhte an dèe, agus sgrìosaidh sibh au ainm a mach as an àite sin.

4 Cha dean sibh mar sin ris an Tighearna bhur Dia.

5 Ach a dh'ionnsuidh an àite a rògh-naicheas an Tighearna bhur Dia as bhur treubhaibh uile, chum 'ainm a chur an sin, *eadhon* a dh'ionnsuidh 'àite-còmhnuidh-san iarraidh sibh, agus gu sin thug thu.

6 Agus bheir sibh gu sin bhur tabhartais-loisgte², agus bhur n-ìobairtean, agus bhur deachamh, agus tabhartais-thogta bhur làimhe, agus bhur bòidean, agus bhur saor-thabhartais, agus ceud-ghin bhur cruith agus bhur caorach.

7 Agus ithidh sibh an sin an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlaichean, anns an do bheannaich an Tighearna do Dhia thu.

8 Cha dean sibh a réir nan uile *nithe* a tha sinu a' deanamh an so an diugh, gach duine an ni a *tha* ceart 'na shùilbh féin.

9 Oir cha d'fhàinig sibh fathast a dh'ionnsuidh na foise, agus a dh'ionnsuidh na h-oighreachd a *tha* 'n Tighearna bhur Dia a' tabhairt duibh.

10 Ach *an uair* a thèid sibh thar Iordan, agus a ghabhas sibh còmhnuidh san fhearann a bheir an Tighearna bhur Dia dhuibh r'a shealbhadhachd, agus *an uair* a bheir e fois dhuibh o'r naimhdibh uile mu'n cuairt, agus a ghabhas sibh còmhnuidh gu tèaruinte.

11 An sin bithidh àit ann a thaghas an Tighearna bhur Dia, a thoirt air 'ainm còmhnuidh a ghabhail ann: gu sin bheir sibh na h-uile *nithe* a *tha* mise ag àithneadh dhuibh; bhur tabhartais-loisgte,

agus bhur n-ìobairte, bhur deachamh, agus tabhartais-thogta bhur làimhe, agus taghadh bhur bòidean uile a bhòidicheas sibh do'n Tighearna.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigheanan, agus bhur n-òglach, agus bhur banoglaich, agus an Lebhith-each a *tha* 'n taobh a stigh d'ur geataibh; do bhrìgh nach 'eil roinn no oighreachd aige maille ribh.

13 Thoir an aire dhuit féin, nach ìobair³ thu t'ìobairtean-loisgte anns gach àit a chi thu.

14 Ach anns an àit a thaghas an Tighearna as aon do d' threubhaibh, an sin ìobraidh tu t'ìobairtean-loisgte, agus an sin ni thu na h-uile *nithe* a *tha* mise ag àithneadh dhuit.

15 Gidheadh, feudaidh tu feoil a mharbhadh agus itheadh a'd' gheataibh uile, ge b'e ni air am bheil miann aig t'anam, a réir beannachaidh an Tighearna do Dhé a thug e dhuit: feudaidh an neòghlan agus an glan itheadh dheth; mar do'n bhoc-earba, agus do'n fhiadh.

16 A mhàin cha 'n ith sibh an fhuil; air an talamh dòirtidh sibh i mar uisge.

17 Cha 'n fheud thu deachamh t'arbh-air itheadh an taobh a stigh do d' gheataibh no t'fhìona, no t'olaidh, no ceudghin do chruith no do chaorach, no h-aon air bith do d' bhòidibh a bhòidicheas tu, no do shaor-thabhartais, no tabhartais-thogta do làimhe:

18 Ach an làthair an Tighearna do Dhé ithidh tu iad anns an àit a thaghas an Tighearna do Dhia, thu féin, agus do mhac, agus do nighean, agus t'òglach, agus do bhanoglach, agus an Lebhith-each a *tha* 'n taobh a stigh do d' gheataibh; agus ni thu gairdeachas an làthair an Tighearna do Dhé anns gach ni ris an cuir thu do làmhnan.

19 Thoir an aire dhuit féin, nach tréig thu an Lebhith-each am feadh is beò thu air t'fhearann⁴.

20 'Nuair a leudaichas an Tighearna do Dhia do chrìoch, mar a gheall e dhuit, agus a their thu, Ithidh mi feoil, (a chionn gu bheil t'anam a' miannachadh feoil itheadh,) a réir uile mhìann t'anama feudaidh tu feoil itheadh.

21 Ma bhios an t-àit a thagh an Tighearna do Dhia a chur 'ainme an sin, ro fhada uait; an sin marbhadh tu do d'-bhuar, agus do d' threud, a thug an Tighearna dhuit, mar a dh'àitlm mise dhuit, agus ithidh tu an taobh a stigh do d' gheataibh gach ni is miannach le t'anam.

¹ dealbhan-cloiche.

² ofrailean-loisgte.

³ ofrail, tiodhlaic, tairg.

⁴ rè do làithean uile air an talamh.

DEUTERONOMI, XII. XIII.

22 Eadhon mar a dh'ithear an ruadh-bloc, agus am fiadh, mar sin ithidh tu e: ithidh an neòghlan agus an glan deth air an aon dòigh:

23 A mhàin thoir an ro-aire nach ith thu 'n fhuil: oir is i 'n fhuil a' bheatha; agus cha 'n fheud thu a' bheatha itheadh maille ris an fheoil.

24 Cha 'n ith thu i; air an talamh dòirtidh tu i mar uisge.

25 Cha 'n ith thu i, chum gu'n éirich gu maith dhuìt, agus do d' chloinn a'd' dhéigh, 'nuair a ni thu *an ni a ta* ceart ann an sùilbh an Tighearn.

26 A mhàin gabhaidh tu do nithe naomha a tha agad, agus do bhòidean, agus dhéid thu do n' àit a thaghas an Tighearn.

27 Agus iobraidh tu t'ìobairtean-loisgte, an fheoil agus an fhuil, air altair an Tighearna do Dhé; agus dòirtear a mach fuil t'ìobairtean air altair an Tighearna do Dhé, agus ithidh tu 'n fheoil.

28 Thoir an aire¹, agus éisd ris na briathraibh sin uile a *tha* mi ag àithneadh dhuìt, a chum gu'n éirich gu maith dhuìt féin, agus do d' chloinn a'd' dhéigh gu bràth, an uair a ni thu *an ni a tha* maith agus ceart ann an sùilbh an Tighearna do Dhé.

29 'Nuair a ghearras an Tighearna do Dhia as na cinnich romhad, a tha thu dol a steach an sud a chum an scalbhachadh, agus a thig thu 'nan àite, agus a ghabhas tu còmhnuidh 'nam fearann;

30 Thoir an aire dhuìt féin nach ribear thu le'n leantuinn, an déigh dhoibh bhì air an sgrios as do làthair, agus nach fiosraich thu mu thimchioll an dée, ag ràdh, Cionnus a rinn na cinnich sin seirbhis d'an diathaibh? ni mise mar sin mar an ceudna.

31 Cha dean thusa mar sin ris an Tighearna do Dhia: oir gach gràineileachd do'n Tighearn a's fuathach leis, rinn iad-san d'an diathaibh; oir eadhon am mic agus an nigheana loisg iad san teine d'an diathaibh.

32 Gach ni a *tha* mise ag àithneadh dhuibh, thugaibh an aire gu'n dean sibh e: cha chuir thu ris, ni mò bheir thu ni sam bith uaith.

CAIB. XIII.

1 Clochar gu bàs iadsan a mheallas daoine gu dol an déigh dhiathan eile, 6 ged a robh iad fagus an dàimh dhuìt. 12 Cha chaomhnar na baillean anns am bi òrdhol-aoradh.

MA dh'éireas suas 'nur measg fàidh, no fear a chi aisling², agus gu'n toir e dhuìt comharadh³ no iongantas,

2 Agus gu'n tig an comharadh no'n

t-iongantas gu crìch, air an do labhair e rut, ag ràdh, Rachamaid an déigh dhiathan eile, nach b'aithe dhuìt, agus deanamaid seirbhis doibh:

3 Cha 'u éisd thu ri briathraibh an fhàidh sin, no ris an fhear sin a chi aising: oir tha 'n Tighearna bhur Dia 'gur dearbhadh, a dh'fheuchainn am bheil sibh a' gràdhachadh an Tighearna blur Dé le'r n-uile chridhe, agus le'r n-uile anam.

4 An déigh an Tighearna blur Dé ghluaisidh sibh, agus bithidh 'eagal-san oirbh, agus gleidhidh sibh àitheantan, agus éisdidh sibh r'a ghuth, agus ni sibh seirbhis da, agus dlùth-leanaidh sibh ris.

5 Agus cuirear am fàidh sin, no am fear sin a chi aising, gu bàs; a chionn gu'n do labhair e chum *sibhse* chur air seacharan o'n Tighearna bhur Dia, a thug a mach sibh á tìr na h-Eiphit, agus a dh'fhuasgail sibh á tigh na daorsa, chum t'iomain a mach⁴ as an t-slighe anns an d'àithn an Tighearna do Dhia dhuìt imeachd; mar sin cuiridh tu air falbh an t-olc as do mheadhon⁵.

6 Ma chuireas do bhràthair, mac do mhàthar, no do mhac féin, no do nighean, no bean-phòsda t'uchd, no do charaid, a *tha dhuìt* mar t'anam, impidh ort ann an uaigneas, ag ràdh, Rachamaid agus deanamaid seirbhis do dhiathaibh eile, nach b'aithe dhuìt féin, no do t'athrichibh:

7 Eadhon do dhiathaibh nan cinneach a *tha* mu'n cuairt oirbh, am fagus duit, no fada uait, o'n *dara* ceann do'n talamh eadhon gus an ceann eile do'n talamh;

8 Cha 'n aontaich thu leis, ni mò a dh'éisdeas tu ris; ni mò a ghabhas do shùil truas ris, ni mò a chaomhnas no cheileas tu e:

9 Ach cuiridh tu gu cinnteach gu bàs e; bithidh do làmh féin an tús air g'a mharbhadh, agus an déigh sin làmh an t-sluaigh uile.

10 Agus clachaidh tu e le clachaibh, a chum gu'm bàsaich e; a chionn gu'n d'iarr e do tharruing⁶ o'n Tighearna do Dhia, a thug a mach thu á tìr na h-Eiphit, á tigh na daorsa.

11 Agus chuinnidh Israel uile, agus bithidh eagall orra, agus cha dean iad ni's mò a leithid so do ghnìomh aingidh 'nur measg.

12 Ma chluinneas tu ann an aon do d' bhailltibh, a thug an Tighearna do Dhia dhuìt gu còmhnuidh a ghabhail ann, *neach air bith* ag ràdh,

13 Chaidh daoine àraidh, clann Bheliail, a mach as bhur measg, agus bhuair⁷ iad luchd-àiteachaidh am baile, ag ràdh,

¹ Gleidh.

³ sain-fhios.

² a bhruadaireas brúadar.

⁴ do chur air seacharan.

⁵ as bhur measg.

⁶ do sgaradh, t'fhuadach.

⁷ tharruing, mheall

Rachamaid agus deanamaid seirbhis do dhiathaibh eile, nach b'aithne dhuibh;

14 An sin fiosraichidh tu, agus ranns-aichidh tu, agus feòraichidh tu gu dùrachdach; agus, feuch, *ma's* fìrinn *e*, agus gu'm bheil a' chùis deirbhte, *gu'n* do rinneadh a' ghràineileachd sin 'nur measg;

15 Gu cinnteach buailidh tu luchd-àit-eachaidh a' bhaile sin le faobhar a' chlaidheimh, 'ga sgrios gu tur, agus gach nì a *ta* ann, agus a spréidh, le faobhar a' chlaidheimh.

16 Agus cruinnichidh tu a chreach¹ uile gu meadhon a shràide, agus loisgidh tu le teinc am baile, agus a chreach uile gu h-iomlan, air son an Tighearna do Dhé: agus bithidh e 'na thòrr² a' chaoidh; cha togar suas e nì's mò.

17 Agus cha lean ri d' làimh-sa a bheag do'n nì mhallachte; a chum gu'm pill an Tighearn o lasair 'fheirge, agus gu nochd e tròcar dhuìt, agus gu'n dean e iochd riut, agus gu'n toir e ort fàs lionmhor, mar a mhionnaich e do t'aithrichibh;

18 'Nuair a dh'éisdeas tu ri guth an Tighearna do Dhé, a ghleidheadh 'àith-eantan uile a *tha* mi ag àithneadh dhuit an diugh, a dheanamh *an nì a ta* ceart ann an sùilbh an Tighearna do Dhé.

CAIB. XIV.

1 *Cha ghearr agus cha lom clann Dé iad fèin, an uair a nì iad bròn air son mairbh.* 3 *Na beathaichean a dh'fheadar ithcadh, agus nach feudar.*

IS sibhse clann an Tighearna bhur Dé: cha ghearr sibh sibh fèin, nì mò a nì sibh lomadh *air bith* eadar bhur sùilean air son mairbh:

2 Oir *is* sluagh naomha thu do'n Tighearna do Dhia, agus thagh an Tighearn thu gu bhi a'd' shluagh sònraichte dha fèin, thar gach uile chinneach a *tha* air aghaidh na talmhainn.

3 Cha 'n ith thu nì gràineil sam bith.

4 Is iad so na beathaichean a dh'itheas sibh: an damh, a' chaora, agus a' ghabhar,

5 Am fiadh, agus an ruadh-bhoc, agus an dathais³, agus a' ghabhar fhiadh-aich, agus an t-earr-gheall⁴, agus an damh fiadhaich, agus an somer⁵.

6 Agus gach beathach a roinneas an ionga, agus a sgòlteas sgoltadh an dà ionga, agus a chnàmhas a' chìr am measg nan ainmhidhean, sin ithidh sibh.

7 Gidheadh, iad so cha'n ith sibh dhiubhsan a chnàmhas a' chìr, no dhiubhsan a roinneas an ionga sgòlte, mar an camhal, agus a' mhaigheach, agus an coinean; oir cnàmhaidh iad a' chìr, ach cha roinn iad an ionga: neòghlan *tha* iad dhuibh.

8 Agus a' mhuc, a chionn ged a roinn i

'n ionga, nach cnàmh i a' chìr, *tha* i neòghlan dhuibh: d'am feoil cha 'n ith sibh, agus r'an cairbh cha bhean sibh.

9 Iad so ithidh sibh dhiubhsan uile a *ta* sna h-uisgeachaibh: gach nì air am bheil itean agus lannan, ithidh sibh;

10 Agus gach nì air nach 'eil itean agus lannan, cha'n ith sibh: *tha* e neòghlan dhuibh.

11 Gach eun glan ithidh sibh.

12 Ach *is* iad so *iadsan* do nach ith sibh: an iolair, agus an cnàimh-bhristeach, agus an iolar-uisge.

13 Agus an croman-gabhlach⁶, agus an clamhan, agus am fang⁷ a réir a ghnè,

14 Agus gach fitheach a réir a ghnè,

15 Agus a' chailleach-oidheche, agus an t-seabhag-oidheche, agus a' chuach, agus an t-seabhag a réir a ghnè,

16 Agus a' chailleach-oidheche bheag, agus a' chailleach-oidheche mhor, agus an eala,

17 Agus am pelican, agus an iolair-fhionn, agus an sgarbh,

18 Agus a' chorra-bhàn, agus a' chorrach, agus a réir a ghnè, agus an t-adharcan-luachrach, agus an ialtag.

19 Agus *tha* gach nì snàigeach a dh'italaicheas, neòghlan dhuibh: cha'n ithear iad.

20 Gach eun glan ithidh sibh.

21 Cha'n ith sibh nì sam bith a bhàsaicheas dheth fèin⁸: bheir thu e do'n choigreach a *tha* 'n taobh a stigh do d' gheataibh⁹, chum gu'n ith se e, no reic e ris an eilthreach¹⁰: oir *is* sluagh naomha thu do'n Tighearna do Dhia. Cha bhruidh thu meann ann am bainne a mhàthar.

22 Bheir thu seachad gu ceart deachamh uile chinnis do shìl, a bheir am fear-ann uath o bhliadhna gu bliadhna.

23 Agus ithidh tu 'm fianuis an Tighearna do Dhé, san àit a thaghas e chum 'ainm a chur an sin, deachamh t'arbhair, t'fhiona, agus t'olaidh, agus ceud-ghin do chruidh, agus do chaorach; a chum gu fòglilum thu eagal an Tighearna do Dhé a bhi ort a ghnàth.

24 Agus ma bhios an t-slighe ro fhada dhuit, air chor as nach urrainn thu a ghiùlan, a chionn an t-àite bhi fada uait, a thaghas an Tighearna do Dhia a chur 'ainm an sin, an uair a bheannaicheas an Tighearna do Dhia thu;

25 An sin nì thu airgiod *deth*, agus ceanglaidh tu suas an t-airgiod a'd' làimh, agus thèid thu chum an àit a thaghas an Tighearna do Dhia:

26 Agus bheir thu an t-airgiod sin air son gach nì a mhiannaicheas t'anam, air

¹ spùinneadh. ² 'na charn. ³ buabhl; iachmur. Eabh.

⁴ pigarg; dishon. Eabh.

⁵ Jerassa; chamois. Sasg. ⁶ raah. Eabh.

⁷ daiah. Eabh.

⁹ a tha ann do gheataibh.

eile, allmharach, atharrach.

⁸ cairble sam bith.

¹⁰ fear-dùthcha

¹¹ cruiddh

son buair¹, no air son chaorach, no air son fìona, no air son dibhe làidir, no air son gaeh ni a mhiannaicheas t'anam: agus ithidh tu ansin an làthair an Tighearna do Dhé, agus ni thu gardeachas, thu féin, agus do theaghlach.

27 Agus an Lebhitheach a *tha* 'n taobh a stigh do d' gheataibh, cha tréig thu e: oir cha 'n eil roinn no oighreachd aige maille riut.

28 Aig erioch thri bliadhna bheir thu maeh uile dheachamh do chinnis air a' bhliadhna sin féin, agus taisgidh tu suas e an taobh a stigh do d' gheataibh:

29 Agus thig an Lebhitheach, (a chionn naeh 'eil roinn no oighreachd aige maille riut), agus an eoirgeach, agus an dilleaehd-*ac* agus a' bhantraeh, a *tha* 'n taobh a stigh do d' gheataibh, agus ithidh iad, agus sàsuichear iad; a chum gu'm beannaich an Tighearna do Dhia thu ann an uile oibribh do làimhe a ni thu.

CAIB. XV.

1 An seachdamh bliadhna 'na bliadhna fuasglaidh do'n bhoehd. 7 Bheirear dha air iasachd, agus builichear air an ni a tha dh'easbhuidh air.

AN ceann gach seachd bliadhna ni thu fuasgladh.

2 Agus is e so modh an fhuasglaidh: Gach fear fiacha a bheir *ni sam bith* air iasachd¹ d'a choimhearsnach, fuasglaidh² se e; cha 'n iarr e air ais e o' choimhearsnach, no o' bhràthair, a chionn gu'n eoirgear fuasgladh an Tighearna dheth³.

3 O eilthireach feudaidd tu 'iarraidh air ais; ach an ni a's leat féin a ta aig do bhràthair, fuasglaidh do làmh e;

4 Ach a mhàin an uair uach bi⁴ uireasbhuidheach sam bith 'nur measg: oir beannaichidh an Tighearna gu mòr thu san fhearann a tha 'n Tighearna do Dhia a' toirt dhuit mar oighreachd, r'a shealbhachadh:

5 A mhàin madh' eisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àitheantan so uile a *tha* mi 'g àithneadh dhuit air an là 'n diugh.

6 Oir beannaichidh an Tighearna do Dhia thu, mar a gheall e dhuit: agus bheir thu air iasachd do mhòran chinn-each, aeh cha ghabh thu air iasachd; agus bithidh uachdaranachd agad air mòran chinneach, aeh cha bhi uachdaranachd aca-san ort-sa.

7 Ma bhios 'nur measg duine boehd, aon do d' bhràithribh, an taobh a stigh aoin do d' gheataibh, ann ad fhearann a *tha* 'n Tighearna do Dhia a' tabhairt duit, cha chruaidhich thu do chridhe, ni mò a

dhruideas tu do làmh o d' bhràthair boehd,

8 Ach fosglaidh tu do làmh gu farsaing dha, agus gu cinnteach bheir thu air iasachd dha ni's leòr air son 'fheuma, do'n ni a tha dh'easbhuidh air.

9 Thoir an aire nach bi smuain a'd' ehidhe aingidh, ag ràdh, Tha 'n t-seachdamh bliadhna, bliadhna an fhuasglaidh, am fagus; agus gu'm bi do shùil ole an aghaidh do bhràthair boehd, agus nach toir thu bheag dha, agus gu'n glaoth e ris an Tighearna a't' aghaidh, agus gu'm bi e 'na pheacadh dhuit.

10 Bheir thu dha gu deimhin, agus cha bhi doilgheas air do chridhe 'nuair a bheir thu dha; a chionn air sou an ni so gu'm beannaich an Tighearna do Dhia thu a't' oibribh uile, agus anns gach ni ris an cuir thu do làmh.

11 Oir cha bhi 'n tìr a chaoidh gun bhoehd⁵: uime sin tha mi 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bhoehd, agus do d' uireasbhuidheach, a'd' dhùthach.

12 Ma reicear riut do bhràthair Eabhruidheach, no Ban-Eabhruidheach, agus gu'n dean e seirbhis duit sè bliadhna; an sin anns an t-seachdamh bliadhna leigidh tu leis dol saor uait.

13 Agus an uair a ehuireas tu e mach saor uait, cha chuir thu air falbh e falamh:

14 Bheir thu dha gu pailt as do threud, agus á t'urlar, agus á t'fhion-amar; *as na nithibh sin* leis an do bheannaich an Tighearna do Dhia thu, bheir thu dha.

15 Agus cuimhnicidh tu gu'n robh thu féin a'd' thràill ann an tìr na h-Eiphit; agus shaor an Tighearna do Dhia thu: uime sin tha mi ag àithneadh so dhuit an diugh.

16 Ach ma their e riut, Cha'n fhalbh mi uait; (a chionn gur toigh leis thu agus do thigh, do bhrìgh gu bheil e gu maith agad:)

17 An sin gabhaidh tu minidh, agus cuiridh tu troimh a chluais e anns an dorus, agus bithidh e 'na sheirbhiseach dhuit gu bràth: agus mar an ceudna ri d' bhanog-laich ni thu mar sin.

18 Na measar e eruaidh leat, an uair a chuireas tu uait saor e; oir bla e dà uair eo mhaith *dhuitse* ri seirbhiseach tuarsdail, le seirbhis a dheanamh dhuit sè bliadhna: agus beannaichidh an Tighearna do Dhia thu anns gach ni a ni thu.

19 Gacheud-ghin frionn a bheirear am measg do ehruidh⁶, agus am measg do threud, naomhaichidh tu do'n Tighearna do Dhia: cha dean thu obair sam bith le

¹ an coingheall.

² mathaidh, saoraidh.

³ chionn gu'n abrar fuasgladh an Tighearna ris.

⁴ A chum nach bi.

⁵ cha teirig,

cha'n fhàilingich am boehd a chaoidh as an tìr,

⁶ a thig a'd' chrodh.

ceud-ghin do bhoin¹, ni mò a lomas tu ceud-ghin do ehaorach.

20 An fianuis an Tighearna do Dhé ithidh tu e o bhliadhna gu bliadhna, san ionad a thaghas an Tighearna, thu féin agus do theaghlach.

21 Agus ma bhios gaoid *sam bith* ann, erùbaiche, no doille, no droch ghaoid sam bith, cha 'n iobair thu e do'n Tighearna do Dhia.

22 An taobh a stigh do d' gheataibh ithidh tu e; *ithidh* an glan agus an neòghlan comh-ionnan *deth*, mar do'n ruadh-bhoc, agus mar do'n fhiadh.

23 A mhàin 'fhuil eha 'n ith thu: air an talamh dòirtidh tu i mar uisge.

CAIB. XVI.

1 Féill na càise, 9 nan seachduin, 13 nam pàillium. 16 Na tabhartais a bheirar seachad. 18 Mu bhreitheamhaibh agus mu cheartas. 21 Doir-eachan agus òmhazighean air an toirmeasg.

COIMHID mìos Abib, agus cumaidh tu a' chàisg do'n Tighearna do Dhia: oir sa' mhìos Abib thug an Tighearna do Dhia thu naeh as an Eiphit san oidhehe.

2 Uime sin iobraidh tu a' chàisg do'n Tighearna do Dhia, do'n treud agus do'n bhuar, san ionad a thaghas an Tighearna chuni' ainm a chur an sin.

3 Cha'n ith thu aran goirtichte² sam bith leatha: seachd làithean ithidh tu aran neo-ghoirtichte leatha, *eadhon* aran àmhghair; (oir le cabhaig thàinig thu mach á tìr na h-Eiphit:) a chum gu cuimhnich thu 'n là air an d'thàinig thu mach á tìr na h-Eiphit, uile làithean do bheatha.

4 Agus eha'n fhaicear agad *aran* goirtichte a'd' chrìoehaibh uile rè sheachd làithean: ni mò a mhaireas a *bheag* do'n fheoil a dh'ìobras tu air feasgar sa' cheud là, rè na h-oidhehe gu maduinn.

5 Cha 'n fheud thu a' chàisg iobradh an taobh a stigh aoin air bith do d' gheataibh, a bheir an Tighearna do Dhia dhuit:

6 Aeh aig an àit a thaghas an Tighearna do Dhia a chur 'ainme ann, an sin iobraidh tu a' chàisg air feasgar, aig dol fuidhe na gréine, san àm an d'thàinig thu mach as an Eiphit.

7 Agus roistidh agus ithidh tu i san àit a thaghas an Tighearna do Dhia: agus pillidh tu sa' mhaduinn, agus théid thu do d' bhùthaibh.

8 Sè làithean ithidh tu *aran* gun ghoirt-eachadh; agus air an t-seachdamh là *bithidh* àrd ehomhehrinneach do'n Tighearna do Dhia: cha dean thu obair sam bith *air*.

9 Seachd seachduinean àirmhidh tu dhuit féin: o'n àm *san* tòisich thu air a' ehorran a chur san arbhar, tòisichidh tu air na

seachd seachduinean àireamh.

10 Agus cumaidh tu féill³ nan seachduin do'n Tighearna do Dhia, le tiodhlac saorthoil thabhartaids do làimhe a bheir thu *seachad* a réir mar a bheannaich an Tighearna do Dhia thu.

11 Agus ni thu gairdeachas an làthair an Tighearna do Dhé, thu féin, agus do mhae, agus do nighean, agus t'òglach, agus do bhanoglaeh, agus an Lebhithach a *tha'n* taobh a stigh do d' gheataibh, agus an coigreach, agus an dilleachdan, agus a' bhant-rach, a *tha'n*ur measg, san ionad a thagh an Tighearna do Dhia a chur 'ainme ann.

12 Agus cuimhnichidh tu gu'n robh thu féin a'd' thràill san Eiphit: agus coimhididh tu, agus ni thu na reachdan so.

13 Cumaidh tu féill⁴ nam pàillium seachd làithean an déigh dhuit t'arbhar a chruinneachadh a stigh, agus t'fhion.

14 Agus ni thu gairdeachas a'd' fhéill, thu féin, agus do mhae, agus do nighean, agus t'òglach, agus do bhanoglaeh, agus an Lebhithach, agus an coigreach, agus an dilleachdan, agus a' bhantrach, a *tha'n* taobh a stigh do d' gheataibh.

15 Seachd làithean cumaidh tu féill àraidh⁵ do'n Tighearna do Dhia, san ionad a thaghas an Tighearna: a ehionn gu'm beannaich an Tighearna do Dhia thu a'd' ehinneas uile, agus ann an oibrigh do làmh uile; uime sin ni thu gu deimhin gairdeachas.

16 Tri uairean sa' bhliadhna taisbeinear⁶ t'fhirionnaich uile an làthair an Tighearna do Dhé, san ionad a thaghas e; ann am féill an arain neo-ghoirtichte, agus ann am féill nan seachduin, agus ann am féill nam pàillium: agus eha taisbeinear iad an làthair an Tighearna falamh.

17 Bheir gach duine *seachad* mar is urrainn e, a réir beannachaidh an Tighearna do Dhé, a thug e dhuit.

18 Breitheamhan, agus uachdarain ni thu dhuit féin, an taobh a stigh do d' gheataibh uile, a bheir an Tighearna do Dhia dhuit, air feadh do thruabh: agus bheir iad breth air an t-sluagh le ceart bheitheanas.

19 Cha dean thu breitheanas fhiaradh; cha bhi bàigh agad ri neach seach a chéile, ni mò a ghabhas tu tiodhlac⁷: oir dallaidh an tiodhlac suile nan daoine glic, agus fiaraidh⁸ e briathra nan ionraean.

20 An ni sin a ta uile-cheart leanaidh tu, a chum gu'm bi thu beò, agus gu'n seallbh-aich thu 'm fearann a *tha* an Tighearna do Dhia a' tabhairt dhuit.

21 Cha suidhich thu dhuit féin doire⁹ chraobhan sam bith làimh ri altair an Tighearna do Dhé, a ni thu dhuit féin.

¹ bhòtha, mhairt. ² làbhainte. ³ féisd, cuirm. ⁴ féisd, ⁵ àrd, shonruichte.

⁶ nochdar. ⁷ gibht. ⁸ truallidh, ⁹ bad.

22 Nì mò a chuireas tu suas dhuit féin dealbh' *sam bith*, nì a's fuathach leis an Tighearna do Dhia.

CAIB. XVII.

1 *Fèumaidh gach nì a dh'ìobrar a bhi fallain.*
2 *Cuirear luchd ìodhol-aoraidh gu bàs.* 14 *Taghadh agus dleasdanas rìgh.*

CHA 'n ìobair thu do'n Tighearna do Dhia tarbh, no caora, anns am bheil gaoid, no mi-mhaise sam bith: oir is gràin-eileachd sin do'n Tighearna do Dhia.

2 Ma gheibhear 'nur measg, an taobh a stigh aon do d' gheataibh a bheir an Tighearna do Dhia dhuit, fear no bean a rinn aingidheachd ann an suilibh an Tighearna do Dhé, le 'choimhcheangal a bhris-eadh,

3 Agus gu'n deachaidh e agus gu'n d' rinn e seirbhis do dhiaitlaibh eile, agus gu'n d' rinn e aoradh dhoibh, aon chuid do'n ghréin, no do'n ghealach, no do uile armailt nèimh², nach d' àitln mise;

4 Agus gu'n d' innseadh dhuit e, agus gu'n cuala tu e, agus gu'n do ramnaich thu gu maith, agus, feuch, *gur fìor e, agus gu bheil a' chuist deirbhte, gu'n do rinneadh a' ghràineileachd sin ann an Israel;*

5 An sin bheir thu mach am fear sin no a' bhean sin, a rinn an nì aingidh sin, chum do gheatachan, *eadhon* am fear sin no a' bhean sin, agus clachaidh tu iad le clach-aibh agus am bàsaich iad.

6 Aig beul dà fhianuis, no trì fhianuis-ean, cuirear gu bàs esan a tha toillteanach air bàs: cha chuirear gu bàs e aig beul aon fhianuis.

7 Bithidh làmhan nam fianuis-ean air an toiseach, g'a chur gu bàs; agus 'na dhéigh sin, làmhan an t-sluaigh uile: mar sin cuiridh tu 'n t-òlc air falbh o bhur measg.

8 Ma dh'éircas cùis a bhios ro chruaidh ort ann am breitheanas, eadar fuil agus fuil, eadar breth³ agus breth, agus eadar buille agus buille, *eadhon* cùisean conspoid an taobh a stigh do d' gheataibh; an sin éiridh tu, agus théid thu suas do'n ionad a thaghas an Tighearna do Dhia:

9 Agus thig thu chum nan sagart nan Lebhith-each, agus a chum a' bhreitheimh a bhios anns na làithibh sin, agus fiosraichidh tu; agus nochdaidh iad dhuit focal⁴ a' bhreithcanais:

10 Agus nì thu a réir na breithe a nochdas muinntir an àite sin (a thaghas an Tighearna) dhuit, agus bheir thu 'n aire gu'n dean thu a réir gach nì a theagaisgeas iad duit;

11 A réir breth an lagha a theagaisgeas iad duit, agus a réir a' bhreitheanais a

dh'innseas iad duit, nì thu: cha chlaon thu o'n bhreth a nochdas iad duit, a chum na làimhe deise no na làimhe clìthe.

12 Agus an duine a nì⁵ gu h-amndàna⁶, agus nach éisd ris an t-sagart, a sheasas gu frithleadh an sin an làthair an Tighearna do Dhé, no ris a' bhreitheamh, bàsaichidh eadhon an duine sin, agus cuiridh tu 'n t-òlc air falbh o Israel.

13 Agus chuimnidh an sluagh uile, agus bithidh eagal orra, agus cha dean iad gu h-amndàna nì's mò.

14 'Nuair a thig thu chum an fhearainn a bheir an Tighearna do Dhia dhuit, agus a shealbhaicheas tu e, agus a ghabhas tu còmhnuidh ann, agus a their thu, Cuiridh nì rìgh os mo cheann, mar na cinnich uile a ta mu'n cuairt orm:

15 Cuiridh tu, air gachaon chor, esan 'na rìgh os do cheann a thaghas an Tighearna do Dhia; *aon* o mheasg do bhràithre cuiridh tu 'na rìgh os do cheann: cha 'n fheud thu coigreach a chur os do cheann, nach 'eil 'na bhràithair dhuit.

16 Ach cha chuir e eich an lìonmhoireachd dha féin, nì mò a bheir e air an t-sluaigh pillinn do'n Eiphit, a chum gu'n cuir e eich an lìonmhoireachd: do bhrìgh gu'n dubhairt an Tighearna so ribh, Cha phill sibh á so a mach nì's mò air an t-slighe sin.

17 Nì mò a chuireas e mnàin an lìonmhoireachd dha féin, a chum nach claon a chridhe air falbh; nì mò a mheudaicheas e gu mòr dha féin airgid agus òr.

18 Agus an uair a shuidheas e air rìgh-chaitir a rìoghachd, an sin ath-sgrìobhaidh e dha féin an lagh so⁷ ann an leabhar, as an *leabhar sin a tha* 'n làthair nan sagart nan Lebhith-each.

19 Agus bithidh e aige, agus leughaidh e ann uile làithean a bheatha: chum gu fòghlum e agus an Tighearna a Dhé a bhi air, uile bhriathran an lagha so a ghleidh-eadh, agus na reachdan so, chum an deanamh:

20 A chum nach bi 'chridhe air a thogail suas os ceann a bhràithrean, agus nach claon e o'n àithne chum na làimhe deise no na làimhe clìthe; air chor as gu'm buanaich e a làithean 'na rìoghachd, e féin agus a chlann am meadhon Israeil.

CAIB. XVIII.

1 *Is e 'n Tighearna oighreachd nan sagart agus nan Lebhith-each.* 15 *Éisdear ris an Fhàidh cosmhuil ri Maois, a bha Dia gus a thogail suas 'nam measg.*

CHA bhi aig na sagartaibh na Lebhith-each, *eadhon* uile thréibh Lebhì, roinn sam bith no oighreachd maille ri h-Israel:

¹ Ìomhaigh, coslas. ² do h-aon do shìdhg nèimh.

³ tagartas, cuis-lagha,

⁴ binn,

⁵ ghiùlainneas e féin.

⁶ dalma.

⁷ sgrìobhaidh

e dha féin dàbhlachadh an lagha so.

ithidh iad tabhartais an Tighearna a bheir-ear suas le teine, agus 'oighreachd-san.

2 Uime sin cha bhi oighreachd sam bith aca ann measg am bràithrean: is e'n Tighearna féin an oighreachd, mar a thubhairt e riu.

3 Agus is e so dlighe nan sagart o'n t-sluagh, uatha-san a dh'ìobras iobairt, ma's tarbh no caora e; agus bheir iad do'n t-sagart an slinnean, agus na gialan, agus a' mhaodail.

4 Mar an ceudna ceud thoradh t'arbhair, t'fhiona, agus t'olaidh, agus ceud lomradh do chaorach bheir thu dha:

5 Oir thagh an Tighearna do Dhia e mach as do threubhaibh uile, gu seasamh chum frithealaidh ann an ainm an Tighearna, e féin agus a mhic gu bràth.

6 Agus ma thig Lebhitheach o h-aon do d' gheataibh a mach á h-Israel uile, far am bheil e air chuairt, agus ma thig e le uile thogradh imtinn do'n ionad a thigheas an Tighearna;

7 An sin fritheilidh e ann an ainm an Tighearna a Dhé, mar a bhràithrean uile na Lebhitich, a tha 'nan seasamh an sin an làthair an Tighearna.

8 Bithidh ac' uiread ri chéile r'a itheadh, a bhàrr air na thig air o reiccadh a chuid duine-cloinne.

9 'Nuair a thig thu do'n fhearann a tha 'n Tighearna do Dhia a' tabhairt duit, cha 'n fhoghlum thu dheanamh a réir gràineil-eachd nan cinneach sin.

10 Cha'n fhaighear 'nur measg neach air bith a bheir air a mhac, no air a nigh-inn dol troimh'n teine, no a ghnàthaicheas fiosachd, no speuradair², no fear-fàistineachd, no a ghnàthaicheas droch inn-leachdan³.

11 No seunadair⁴, no neach a dh'fhios-raicheas do leannan-sith⁵, no druidh, no neach a dh'iarras eòlas o na mairbh.

12 Oir is gràineileachd do'n Tighearna iadsan uile a ni na nithe sin; agus air son nan gràineileachd sin, tha'n Tighearna do Dhia 'gam fuadachadh a mach romhad.

13 Bithidh tusa coimhlionta maille ris an Tighearna do Dhia.

14 Oir dh'éisd na cinnich sin a shealbhaicheas tusa ri speuradairean, agus ri fiosaichibh: ach air do shonsa, cha do leig an Tighearna do Dhia leat mar sin a dheanamh.

15 Togaidh an Tighearna do Dhia suas fàidh dhuit o d' mheadhon féin, o d' bhràithribh, cosmhuil riumsa; ris-san éisdidh sibh;

16 A réir nan uile nithe a dh'iarr thu o'n Tighearna do Dhia ann an Horeb, ann an là a' chomhchruinnich, ag ràdh, Na

chumeam-sa ris guth an Tighearna mò Dhé, agus na faiceam an teine mòr so nì's mò, a chum nach bàsaich mi.

17 Agus thubhairt an Tighearna riumsa, Is maith a labhair iad an nì a labhair iad.

18 Togaidh mise suas fàidh dhoibh o mheasg am bràithre, cosmhuil riutsa, agus cuiridh mi mo bhriathra 'na bheul, agus labhraidh e riu gach nì a dh'àithneas mi dha.

19 Agus tarlaidh, an duine nach éisd ri m' bhriathraibh-se a labhras e a'm ainm, iarraidh mi uaith e:

20 Ach am fàidh aig am bi dhànadas focal a labhairt a'm ainm, nach d'àithn mise dha a labhairt, no a labhras ann an ainm dhiathan eile, gu cinnteach bàsaichidh am fàidh sin.

21 Agus ma their thu ann ad chridhe, Cionnusa a dh'àithnieheas sinn am focal nach do labhair an Tighearna?

22 'Nuair a labhras fàidh ann an ainm an Tighearna, mur tachair an nì, agus mur tig e gu crìch, is e sin an nì nach do labhair an Tighearna; gu h-ann dàna labhair am fàidh e: cha bhi eagal ort roimhe.

CAIB. XIX.

1 Na bailtean didein. 16 Peanas fianuis bhréige.

NUAIR a ghearras an Tighearna do Dhia as na cinnich, aig an robh am fearann a tha 'n Tighearna do Dhia a' tabhairt duit, agus a thig thu 'nan àit, agus a ghabhas tu còmhnuidh 'nam bailtibh⁶, agus 'nan tighibh;

2 Cuiridh tu air leth dhuit féin trì bailtean am meadhon t'fhearainn, a bheir an Tighearna do Dhia dhuit r'a shealbhachadh.

3 Deasaichidh tu dhuit féin slighe, agus roinnidh tu crìoch⁷ t'fhearainn a bheir an Tighearna do Dhia dhuit r'a shealbhachadh, 'nan trì earrannaibh, a chum gu feud gach marbhaiche teicheadh an sin.

4 Agus is e so còr⁸ a' mharbhaiche, a theicheas an sin, a chum gu'm bi e beò: Ge b'e a mharbhas a choimhearsnach guà fhios da, do nach robh fuath aige roimhe⁹:

5 Mar a ta 'nuair a théid duine maille r'a choimhearsnach do'n choille a ghearradh fiodha, agus a bheir a làmh buille leis an tuaidh a ghearradh sìos na craoibhe, agus a leumas an ceann bhàrr na coise¹⁰, agus a thuiteas c air a choimhearsnach, air chor as gu'm bàsaich e; teichidh e chum aoin do na bailtibh sin, agus bithidh e beò:

6 Air eagal gu'n lean dioghaltair na fola am marbhaiche, am feadh 's a ta 'ehridhe teth, agus gu'm beir e air, a chionn gu

¹ rùsgadh. ² mheasas aimsire nì's amhartan-
aiche na chéile. ³ buitiseachas. ⁴ charmer. Sasg.

⁵ spiorad fiosachd. ⁶ cathraichibh. ⁷ iomall. ⁸ cùis.
⁹ an dé no air a' bhòd dé. Eabh. ¹⁰ samhacha.

bheil an t-slighe fada, agus gu marbh se e, ged nach robh e toilleach air bàs, do bhrìgh nach robh fuath aige dha san àm a chaidh seachad.

7 Uime sin tha mi ag àithneadh dhuit, ag ràdh, Cuiridh tu air leth dhuit féin tri bailtean.

8 Agus ma leudaicheas an Tighearna do Dhia do chrìoch, mar a mhionnaich e do t'aithrichibh, agus ma bheir e dhuit am fearann uile a gheall e thoirt do t'aithrichibh;

9 Ma bheir thu an aire na h-àitheantan sin uile a dheanamh, a tha mise ag àithneadh dhuit an diugh, an Tighearna do Dhia a ghràdhachadh, agus ghuasad a ghnàth 'na shlighibh; an sin cuiridh tu air leth dhuit féin tri bailtean eile a thuilleadh air an tri sin;

10 A chum nach dòirtear fuil neo-chiontach a'd' fhearann, a bheir an Tighearna do Dhia dhuit mar oighreachd, agus nach bi mar sin fuil ort.

11 Ach ma tha aig duine sam bith fuath d'a choimhearsnach, agus gu'n luidh e d'm plaid air a shon¹, agus gu'n éirich e suas 'na aghaidh, agus gu'm buail e gu marbhtach e, air chor as gu'm faigh e bàs, agus gu'n teich e gu h-aon do na bailtibh sin;

12 An sin cuiridh seanairean a bhaile féin *fios* uatha, agus bheir iad as a sin e, agus bheir iad thairis e do làimh dioghaltair na fola, a chum gu'm bàsaich e.

13 Cha ghabh do shùil truas ris: ach cuiridh tu air falbh *cionta* fola neo-chiontaich o Israel, a chum gu'n éirich gu maith dhuit.

14 Cha 'n atharraich thu crìoch *fearainn* do choimhearsnaich, a shuidhich na sinnsir a't' oighreachd a shealbhachas tu, anns an fhearann a bheir an Tighearna do Dhia dhuit r'a shealbhachadh.

15 Cha 'n éirich aon fhianuis a *mhàin* suas an aghaidh duine air son eucorach sam bith, no air son peacaidh sam bith, ann am peacadh sam bith a pheacaicheas e; aig beul dà fhianuis, no aig beul thri fhianuis ean daingnichear a' chùis.

16 Ma dh'éireas fianuis bhréige suas an aghaidh duine sam bith, a thoirt fianuis 'na aghaidh air an euceirt;

17 An sin seasaidh an dithis dhaoine aig *am bheil* an comsachadh, am fianuis an Tighearn, an làthair nan sagart, agus nam breitheamhna a bhios anns na làithibh sin:

18 Agus ni na breitheamhna rannsachadh geur: agus, feuch, *ma's* fianuis bhréige an fhianuis, agus gu'n d'thug e fianuis bhréige an aghaidh a bhràthar,

19 An sin ni sibh ris, mar a shaoil esan

a dheanamh r'a bhràthair: mar sin cuiridh tu air falbh an t-olc as bhur measg.

20 Agus chuinnidh iadsan a mhaireas agus bithidh eagal orra, agus cha dean iad o sin a mach a shamhuil so do ole, 'nur measg.

21 Agus cha ghabh do shùil truas; ach *theidanam* air son anama, sùil air son sùla, fiacail air son fiacla, làmh air son làimhe, cos air son coise.

CAIB. XX.

1 Brosnachadh catha an t-sagairt do'n t-sluagh.

12 Mar a bhuinear ris na bailtibh a ghabhas no dhiùltas tairgsean sìthe. 16 Na baillean a bha gu bhì air an sgrios.

NUAIR a théid thu mach gu cath² an aghaidh do naimhdean, agus a chi thu eich agus carbaid, agus sluagh a's lìonmhoire na thu féin, na biodh eagal ort rompa: oir tha 'n Tighearna do Dhia maille riut, a thug a mach thu á tìr na h-Eiphit.

2 Agus an uair a dhlùthaicheas sibh ris a' chath, an sin thig an sagart am fagus, agus labhraidh e ris an t-sluagh,

3 Agus their e riu, Eisd, O Israel, tha sibh an diugh a' dol gu cath an aghaidh bhur naimhdean: na biodh bhur cridhe fann, na biodh eagal oirbh, agus na criothnaichibh, agus na biodh uamhann oirbh air an son;

4 Oir tha 'n Tighearna bhur Dia a' dol maille ribh, a chogadh air bhur son an aghaidh bhur naimhdean, a chum bhur tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh nomha³, agus nach do choisrig e? rachadh e agus pilleadh e chum a thighe, air eagal gu'm bàsaich e sa' chath, agus gu'n coisrig fear eile e.

6 Agus cia an duine a shuidhich fionlios, agus nach d'ith *fathast* dheth? rachadh esan mar an *ceudna*, agus pilleadh e g'a thigh, air eagal gu'm bàsaich e sa' chath, agus gu'n ith neach eile dheth.

7 Agus cia an duine a rinne ceangal-pòsaidh ri mnaoi, agus nach do ghlabh *d'a ionnsuidh* i? rachadh e agus pilleadh e d'a thigh, air eagal gu'm bàsaich e sa' chath, agus gu'n gabh neach cile i *d'a ionnsuidh*.

8 Agus labhraidh an luchd-riaghlaidh, a bhàrr air sin, ris an t-sluagh, agus their iad, Cia an duine a ta gealtach, agus lag-chridheach? rachadh e agus pilleadh e d'a thigh, a chum nach dean e cridhe a bhràithre lag mar a chridhe féin.

9 Agus tarlaidh, 'nuair a chuireas an luchd-riaghlaidh crìoch air labhairt ris an t-sluagh, gu'n cuir iad ceannardan air na

¹ gu'n caith e feall air.

² cogadh.

³ nuadh.

DEUTERONOMI, XX. XXI.

h-armailtibh gus an sluagh a thoirt air an aghaidh¹.

10 'Nuair a thig thu 'm fagus do bhaile² gu cogadh 'na aghaidh, an sin gairmidh tu sìth dha.

11 Agus tarlaidh, ma bheir e freagradh na sìthe dhuit, agus ma dh'fhosglas e dhuit, an sin tarlaidh, gu'm bi 'n sluagh uile a gheibhear ann fuidh chis dhuit, agus gu'n dean iad seirbhis dhuit.

12 Agus mur dean e sìth riut, ach gu'n cog e riut, an sin cuiridh tu gu cruaidh 'na aghaidh³.

13 Agus an uair a bheir an Tighearna do Dhia thairis do d' làimh e, buailidh tu gach fionnach ann le faobhar a' chlaich-eimh:

14 Ach na mnàì, agus a' chlann bheag, agus an spréidh, agus na h-uile nithe a tha sa' bhaile, eadhon a chreach uile, gabhaidh tu dhuit féin; agus ithidh tu creach do naimhdean, a thug an Tighearna do Dhia dhuit.

15 Mar so ni thu ris na bailtibh sin uile a tha ro fhada uait, nach 'eil do bhailtibh nan cinneach sin.

16 Ach do bhailtibh an t-sluaigh sin a tha 'n Tighearna do Dhia a' toirt duit mar oighreachd, cha ghléidh thu ni sam bith beò anns am bheil anail:

17 Ach sgriosaidh tu gu tur iad, eadhon na Hitich, agus na h-Amoraich, na Canaanaich, agus na Peridsich, na Hibhich, agus na Iebusaich, a réir mar a dh'àithn an Tighearna do Dhia dhuit:

18 A chum nach teagaisg iad duit a dheanamh a réir an uile ghràineileachd, a rinn iad d'an diathaibh; mar sin pheac-aicheadh sibh an aghaidh an Tighearna bhur Dé.

19 'Nuair a chuireas tu gu cruaidh an aghaidh⁴ baile rè ùine fhada, a' deanamh cogaidh 'na aghaidh chum a ghlacadh, cha chuir thu as d'a chraobhaibh le tuadh a bhualadh orra: oir feudaidh tu itheadh dhiubh, agus cha ghearr thu sìos iad, (oir is i craobh na macharach beatha duine) chum an gnàthachadh ann an cur an aghaidh a' bhaile.

20 A mhàin na craobhan a's aithne dhuit féin nach craobhan bidh iad, sgriosaidh agus gearraidh tu sìos iad; agus togaidh tu daingnichean⁵ an aghaidh a' bhaile a chogas riut, gus an ceannsaich thu e⁶.

CAIB. XXI.

1 Mu mhortadh duine sa' mhachair, gun fhios co mharbh e. 10 O mheasg nam braighdean dh'fheadhadh fear bean a ghabhail dha féin.

15 Còir a' cheud-ghin mhic. 18 Am mac reasgach gu bhì air a chlachadh gu bàs.

MA gheibhear neach air a mharbhadh san fhearann a bheir an Tighearna do Dhia dhuit r'a shealbhachadh, 'na luidhe sa mhachair, agus gun fhios co mharbh e;

2 An sin thig do sheanairean agus do bhreitheamhnan a mach, agus tomhaisidh iad a chum nam bailtean a tha mu'n cuairt airsan a mharbhadh:

3 Agus tarlaidh gu'n gabh am baile a's faigse do'n duine a mharbhadh, eadhon seanairean a' bhaile sin agh leis nach d'rinneadh obair, nach do tharruing riamh ann an cuing;

4 Agus bheir seanairean a' bhaile sin an t-agh sìos do ghleann garbh, nach do threabhadh agus nach do shìol-chuir-eadh, agus gearraidh iad an sin amhach⁷ an aighe dheth sa' ghleann;

5 Agus thig na sagairt mic Lebhi am fagus; (oir iadsan thagh an Tighearna do Dhia gu frithealadh dha féin, agus gu beannachadh ann an ainm an Tighearna;) agus a réir am focail-san crìoch-naichear⁸ gach uile chonnsachadh, agus gach uile bhuille.

6 Agus nighidh uile sheanairean a' bhaile sin a's faigse do'n duine a mharbhadh, an làmhan os ceann an aighe d'au do ghearradh an amhach sa' ghleann:

7 Agus freagraidh iad agus their iad, Cha do dhòirt ar làmhan an fhuil so, ni mò a chunnaic ar sùilean i.

8 Bì tròcaireach, O Thighearna, do d' shluaigh Israel, a shaor thu, agus na cuir fuil neò-chiontach á leth do shluaigh Israeil. Agus maithean an fhuil dhoibh.

9 Mar sin cuiridh tu air falbh cionta na fola neò-chiontaich o bhur measg, do bhrìgh gu'n dean thu an ni a ta ceart ann an sùilbhan an Tighearna.

10 'Nuair a theid thu mach gu cogadh an aghaidh do naimhdean, agus gu'n toir an Tighearna do Dhia thairis iad do d' làimh, agus gu'n dean thu braighdean dhiubh,

11 Agus gu'm faic thu am measg nam braighde bean sgiamhach, agus gu bheil déigh agad oirre. agus gu'm bu mhaith leat agad i 'na mnaoi;

12 An sin bheir thu dhachaidh i do d' thigh, agus bearraidh i a ceann, agus bheir i dhith a h-inean;

13 Agus cuiridh i dhith a h-eudach braighdeanaìs, agus fanaidh i a d' thigh, agus ni i caoidh⁹ air son a h-athar agus a màthar mìos iomlan: agus an déigh sin

¹ gu'n àireamh ceannardan nan armaillean an sluagh fa leth. ² chathair.

³ cuiridh tu sèisde ris, dubhaidh is teannaidh tu e.

⁴ sèisde ri.

⁶ gus an glacar e.

⁸ bìthidh. Eabh.

⁵ dùin-chatha.

⁷ muineal.

⁹ caoinidh i.

DEUTERONOMI, XXI. XXII.

théid thu steach d'a h-ionnsuidh, agus bithidh tu a't' fhear-pòsda¹ aice, agus bithidh ise 'na mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgiod i, ni mò a ni thu ain-tighearnas oirre², a chionn gu'n d'islich thu i.

15 Ma bhios aig duine dà mhnaoi, aon diubh gràdhachichte agus an aon eile fuathlachichte, agus ma rug iad clann da, *araon a' bhean* ghràdhachichte agus a' *bhean* fuathlachichte; agus ma's leis a' mhnaoi fuathlachichte an ceud-ghin mic,

16 An sin tarlaidh, 'nuair a bheir e sealbh d'a mhic air *an* ni a ta aige, nach fheud e ceud-ghin a dheanamh do mhac na *mnà* gràdhachichte roimh mhac na *mnà* fuathlachichte, *a's e da rìreadh* an ceud-ghin:

17 Ach gabhaidh e ri³ mac na *mnà* fuathlachichte mar an ceud-ghin, le roinn dhlùbailte a thoirt da do gach ni a ta aige: oir *is* esan toiseach a neirt, *is* leis còir a' cheud-ghin.

18 Ma bhios aig duine mac reasgach⁴ agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach éisd riu:

19 An sin beiridh 'athair agus a mhàthair air, agus bheir iad a mach e gu sean-airean a bhaile, agus gu geata 'àite féin;

20 Agus their iad ri seanairibh a bhaile, *Tha* ar mac so reasgach agus ceannairceach, cha toir e géill d'ar guth; *tha e* 'na gheòcair agus 'na mhiseir.

21 Agus clachaidh uile dhaoine a bhaile e le clachaibh, a chum gu'm bàsaich e: mar sin cuiridh tu ole air falbh as bhur measg, agus chuimhidh Israel uile, agus bithidh eagal orra.

22 Agus ma rinn duine peacadh a tha toiltcanach air bàs, agus gu'm bi e r'a chur gu bàs, agus gu'n croch thu ri craoibh e:

23 Cha 'n fhan a chorp rè na h-oidheche air a' clraoibh, ach air gach aon chor adhlacaidh tu e air an là sin féin; (oir mallaichte le Dia *tha* esan a chrochadh: agus cha salaich thu t'fhearann, a *tha* 'n Tighearna do Dhia a' toirt duit mar oigh-racadh.

CAIB. XXII.

Mu chaoimhneas a nochdadh do bhràithribh, agus mu riaghailtibh àraidh eile.

NUAIR a chi thu damh do bhràthar, no a chaora dol air seacharan, cha'n fholaich thu thu féin uatha; bheir thu air gach aon chor air an ais iad a ris a

dh'ionnsuidh do bhràthar.

2 Agus mur bi do bhràthair làimh riut, no mur aithne dhuit e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air ais dha e.

3 Air a' mhodh cheudna ni thu r'a asal, agus mar so ni thu r'a eudach, agus mar so ni thu ris na h-uile nithibh caillte le d' bhràthair, a chaill e, agus a fhuair thusa: cha 'n fheud thu thu féin fholaich.

4 'Nuair a chi thu asal do bhràthar, no a dhamh a' tuiteam sìos air an t-slighe, cha'n fholaich thu thu féin uatha: gu cinnteach togaidh tu suas *iad* maille ris a ris.

5 Cha chaith bean an ni sin a's le fear, ni mò a chuireas fear uime eudach mnà: oir is gràineileachd do'n Tighearna do Dhia iadsan uile a ni so.

6 Ma tharlas do nead coim a bhi romhad san t-slighe ann an craoibh sam bith, no air làr, *ma's* eoin òga *iad*, no uibhean, agus a' mhàthair 'na suidhe air an àlach⁵, no air na h-uibhean, cha ghlac thu a' mhàthair maille ris an àlach:

7 Air gach aon chor leigidh tu leis a' mhàthair dol as, agus an t-àlach gabhaidh tu dhuit féin; a chum gu'n éirich gu maith dhuit, agus gu'm buanaich thu do làithean.

8 'Nuair a thogas tu tigh nomha, an sin togaidh tu barr-bhalla d'a mhullach, a chum nach toir thu fuil air do thigh, ma thuiteas duine sam bith o sin.

9 Cha chuir thu t'fhion-lios le h-ìomadh gnè *sùl*, air eagal gu'n truaillear toradh do shìl a chuir thu, agus meas t'fhion-lios.

10 Cha dean thu ar⁶ le damh agus le h-asal maille ri chéile.

11 Cha chuir thu umad eudach measgta, *mar* do olainn agus do lion le cléile.

12 Ni thu dhuit féin fàlbran⁷ air ceithir cheithreanaibh t'eudaich leis an còmhdaich thu *thu féin*.

13 Ma ghabhas duine bean, agus gu'n téid e steach d'a h-ionnsuidh, agus gu'n fuathach e i,

14 Agus gu'n toir e aobhar cainnte 'na h-aghaidh, agus gu'n tog e suas droch ainm oirre, agus gu'n abair e, Ghabh mi a' bhean so, agus an uair a thàinig mi d'a h-ionnsuidh, cha d'fhuair mi 'na maighdinn i:

15 An sin gabhaidh athair na h-ighinn⁸, agus a màthair, agus bheir iad a mach *comharan* maighdeanaid na h-ighinn gu seanairibh a' bhaile anns a' gheata:

16 Agus their athair na h-ighinn ris na seanairibh, Thug mi mo nighean do'n

¹ na t'fhear-pòsda.

² marsantachd dhùth.

⁵ na h-eunaibh òga, is eanaibh.

⁶ treabhadh.

³ aidmheichidh e gur e.

⁴ casamhal.

⁷ faimcan, oirean.

⁸ na nighinn; na h-inghin. Eir.

DEUTERONOMI, XXII. XXIII.

duine so 'na mnaoi, agus tha fuath aige dh'i;

17 Agus, feuch, thug e aobhar cainnte 'na h-aghaidh, ag ràdh, Cha d'fhuair mi do nighean 'na maighdinn; agus gidheadh is iad sin *comharan* maighdeanais mo nighinn; agus sgaoilidh iad an t-eudach an làthair sheanairean a' bhaile.

18 Agus gabhaidh seanairean a' bhaile sin an duine, agus smachdaichidh iad e;

19 Agus cuiridh iad ùmhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air òigh do *chloinn* Israeil; agus bithidh i 'na mnaoi aige: cha 'n fheud e a cur uaith r'a bheò.

20 Ach ma tha an nì so fìor, *agus* nach 'eil *comharan* maighdeanais r'am faghail do'n nighinn;

21 An sin bheir iad a mach an nighean gu dorus tighe a h-athar, agus clachaidh daoine a baile i le clachaibh gus am bàsaich i; a chionn gu'n d'oibrich i amaid eachd ann an Israel, le striopachas a dheanamh ann an tigh a h-athar: mar sin cuiridh tu air falbh ole as bhur measg.

22 Ma gheibhear duine a' luidhe le mnaoi a tha pòsda ri fear, an sin cuirear gu bàs iad le chéile, an duine a luidh leis a' mnaoi, agus a' bhean; mar sin cuiridh tu ole air falbh o Israel.

23 Ma tha nighean *agus* i 'na h-òigh, fuidh cheangal-pòsaidh aig fear, agus gu'm faigh duine i sa' bhaile, agus gu'n luidh e leatha;

24 An sin bheir sibh a mach iad le chéile gu geata a' bhaile sin, agus clachaidh sibh iad le clachaibh gus am bàsaich iad; an nighean, a chionn nach do ghlaodh i, *agus i bhi* sa' bhaile; agus am fear a chionn gu'n d'islich e bean a choimhearsnaich: mar sin cuiridh tu air falbh ole as bhur measg.

25 Ach ma gheibh fear sa' mhachair nighean a tha fuidh cheangal-pòsaidh, agus gu'n éignich an duine i, agus gu'n luidh e leatha, an sin cuirear a mhàin an duine a luidh leatha gu bàs.

26 Ach air an nighinn cha dean thu bheag sam bith; cha 'n'eil sin nighinn coire bàis: oir mar an uair a dh'éireas duine suas an aghaidh a choimhearsnaich, agus a mharbhas se e, mar sin a ta cluis so:

27 Oir fhuair e sa' mhachair i, *agus* dh'éigh an nighean a bha fuidh cheangal-pòsaidh, agus cha robh neach ann g'a teasairginn.

28 Ma gheibh dume nighean a tha 'na h-òigh, nach 'eil fuidh cheangal-pòsaidh, agus gu'n dean e greim oirre, agus

gu'n luidh e leatha, agus gu'm faighear iad;

29 An sin bheir am fear a luidh leatha do athair na h-ighinn leth-cheud *secel* airgid, agus bithidh i 'na mnaoi aige; a chionn gu'n d'islich e i, cha 'n fheud e a cur uaith r'a bheò.

30 Cha ghabh duine d'a ionnsuidh bean 'athar, nì mò a leigeas e ris còmh-dach-adh 'athar.

CAIB. XXIII.

1 *Cò dh'fheadadh agus nach feudadh dol a steach do choimhthional an Tighearna. 9 Neòghloine sa' champ gu bhi air a seachnadh.*

CHA téid esan aig a bheil a chlochan air am bruthadh¹, no 'bhall diomhair a ghearradh dheth, a steach do chomhchruinneach an Tighearna.

2 Cha téid fear diolain a steach do chomhchruinneach an Tighearna; eadhon gu ruig an deicheamh ginealach cha téid e steach do chomhchruinneach an Tighearna.

3 Cha téid Amonach no Moabach a steach do chomhchruinneach an Tighearna; cadhon gus an deicheamh ginealach cha téid iad a steach do chomhchruinneach an Tighearna a chaoidh;

4 A chionn nach do choimnich iad sibh le h-aran agus le h-uisge air an t-slighe, 'nuair a thàinig sibh a mach as an Eiphit, agus a chionn gu'n do thuarasdalaich iad a'd' aghaidh Balaam mac Bheoir, o Phetor na Mesopotamia, chum do mhallachadh.

5 Gidheadh, cha 'n éisdeadh an Tighearna do Dhia ri Balaam; ach thionndaidh an Tighearna do Dhia dhuit am mallachadh gu beannachadh, a chionn gu'm bu toigh leis an Tighearna do Dhia thu.

6 Cha 'n iarr thu an sìth, no an sonas rè t'ùile làithean gu bràth.

7 Cha ghabh thu gràin do Edomach, oir is e do bhràthair e: cha ghabh thu gràin do Eiphiteach, a chionn gu'n robh thu a'd' choigreach 'na fhearann.

8 Théid a' chlann a ghincar leo-san, a steach do chomhchruinneach an Tighearna, 'nan treas ginealach.

9 'Nuair a théid t'fheachd² a mach an aghaidh do naimhdean, an sin gléidh thu féin o gach droch nì.

10 Ma bhios 'nur measg duine sam bith nach 'cil glan, a thaobh neòghloine a tharlas da san oidhche, an sin théid e mach as a' champ, cha tig e steach do mheadhon a' chaamp:

11 Ach an uair a bhios e dlùth do'n fheasgar, an sin nighidh se e féin le h-uisge, agus an uair a théid a' ghrian

¹ air an loladh.

² t'armailt, do champ.

fodha¹, thig e steach do mheadhon a' chainp.

12 Bithidh agad àite mar an ceudna na taobh a muigh do'n champ, far an téid thu mach.

13 Agus bithidh pleadhag² agad air do chrìos³, agus an uair a shuidheas tu a muigh, cladaichidh tu leatha, agus tionndaidh tu air t'ais, agus folaichidh tu an ni a thig uait.

14 Oir tha 'n Tighearna do Dhia ag imeachd am meadhon do chainp, chum do shaoradh, agus a chum do naimhdean a thoirt thairis romhad: uime sin bithidh do champ naomha, chum nach faic e ni sam bith neòghlan annad, agus nach pill e air falbh uait.

15 Cha toir thu suas d'a mhaighstir an seirbhiseach a chaidh as⁴ a t' ionnsuidh o 'mhaighstir.

16 Maille riut gabhaidh e còmhnuidh 'nur measg, anns an àit a thaghas e, an taobh a stigh aoin do d' gheataibh far an taitniche leis: cha dean thu fòirneart air.

17 Cha bhi striopach air bith do nigh-eanaibh Israeil, ni mò bhios Sodomach do mhacaibh Israeil.

18 Cha toir thu tuarasdal strìopaich, no luach coin, do thigh an Tighearna do Dhé air son bòid sam bith; oir tha iad sin eadhon le chéile 'nan gràineileachd do'n Tighearna do Dhia.

19 Cha toir thu *ni sam bith* an coingheall⁵ do d' bhràthair air riadh⁶; riadh airgid, riadh bidh, riadh ni sam bith a bheirear an coingheall air riadh.

20 Do choigreach feudaidd tu *ni* a thoirt an coingheall air riadh, ach do d' bhràthair cha toir thu ni sam bith an coingheall air riadh; a chum gu'm beannaich an Tighearna do Dhia thu anns gach ni ris an cuir thu do làmh, san fhearann d'am bheil thu dol g'a shealbhachadh.

21 'Nuair a bheir thu bòid do'n Tighearna do Dhia, cha dean thu moille 'na h-ìocadh: oir gu cinnteach iarraidh an Tighearna do Dhia uait i; agus bhiodh e 'na pheacadh dhuit.

22 Ach ma dh'fhanas tu gun bhòid a thabhairt, cha bhi e 'na pheacadh dhuit⁷.

23 An ni sin a chaidh mach as do bhlìbh, coimhididh agus coimhlionaidh tu; a réir mar a bhòidich thu do'n Tighearna do Dhia, eadhon tabhartas saor-thoile, a gheall thu le d' bheul.

24 'Nuair a théid thu steach do fhìon-lìos do choimhearsnaich, an sin feudaidd tu fìon-dhearc an itheadh mar is miann leat, eadhon do shàth; ach cha chuir thu bheag a'd' shoitheach.

25 'Nuair a théid thu steach a dh'arbhair do choimhearsnaich, an sin feudaidd tu na diasan a spionadh le d' làimh; ach corran cha chuir thu ann an arbhar do choimhearsnaich.

CAIB. XXIV.

1 Mu litir-dhealaich do mhnai-phòsda. 6, 10 Mu gheall. 7 Mu ghaduiche dhaoine. 8 Mu phlàigh na luibhre. 14 Tuarasdal seirbhiseach gu bhi air ìocadh san là air am bi e dligeach. 17 Mu cheartas.

NUAIR a ghabhas fear bean agus a phòsas e i, agus gu'n tachair nach faigh i deadh-ghean 'na shùilbh, a chionn gu'n d'fhuair e neòghloine éigin innte; an sin sgrìobhadh e litir-dhealaich⁸ dh'i, agus thugadh e 'na làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidd i dol agus a bhi 'na mnaoi aig fear eile.

3 Agus ma dh'fhuathaicheas am fear-pòsda ma dheireadh so i, agus gu'n sgrìobh e litir-dhealaich dh' i, agus gu'n toir e 'na làimh i, agus gu'n cuir e mach as a thigh i; no ma gheibh am fear ma dheireadh bàs, a ghabh i 'na mnaoi dha féin;

4 Cha 'n fheud a ceud fhear-pòsda a chuir uait i, a gabhail a ris gu bhi 'na mnaoi dha, an déigh dh'i bhi air a truailleadh; oir is gràineileachd sin an làthair an Tighearn: agus cha toir thu air an fhearann⁹ peacachadh, a tha 'n Tighearna do Dhia a' toirt duit mar oighreachd.

5 'Nuair a ghabhas duine bean nuadh, cha téid e mach gu cogadh, ni mò a chuirear cùram gnothuich sam bith air: fanaidh e saor aig a thigh féin aon bhliadhna, agus bheir e subhachas d'a mhnai a ghabh e.

6 Cha ghabh duine sam bith a' chlach-mhuilinn ìochdarach no uachdarach mar gheall: oir tha e gabhail anama duine mar gheall.

7 Ma gheibhear duine a' goideadh aoin neach d'a bhràithribh do chloinn Israeil, agus ma ni e ain-tighearnas air¹⁰, no ma reiceas se e; an sin cuirear gu bàs an gaduiche sin; agus cuiridh tu ole air falbh as bhur measg.

8 Thoir an aire, ann am plàigh na luibhre, gu'n toir thu fa' near gu dùrachdach, agus gu'n dean thu a réir nan uile nithe a theagaisgeas na sagartan na Lebhithich dhuibh: a réir mar a dh'aithn mi dhoibh, bheir sibh fa' near gu'n dean sibh.

9 Cuimhnich ciod a rinn an Tighearna do Dhia ri Miriam air an t-slighe, an

¹ fuidhe.

³ air do bhall-airm.

⁵ iasachd.

² sluasaid.

⁴ theich.

⁶ ann-riadh, ocar.

⁷ annad. Eabh.

⁹ sluagh an fhearainn.

leis.

⁸ litir-dhealachaidh.

¹⁰ ma ni e marsantachd

déigh dhuibh teachd a mach as an Eiphit.

10 'Nuair a bheir thu do d' choimhearsnach nì sam bith an coingheall, cha téid thu steach d'a thigh a ghabhail a ghill.

11 A mach seasaidh tu, agus bheir an duine d'am bheil thu toirt an coingheall, an geall a mach dhuit.

12 Agus ma bhios duine bochd, cha choidil thu le 'gheall.

13 Air gach aon chor bheir thu air ais¹ dha 'n gcall a ris, 'nuair a théid a' ghrian fodha, chum gu'n coidil e 'na eudach féin, agus gu'm beannaich e thu: agus bithidh so 'na ionracas dhuit an làthair an Tighearna do Dhé.

14 Cha dean thu foirneart air seirbhis-each tuarasdail a tha bochd agus uireas-bhuidheach, *co dhuibh a tha e do d' bhràithribh*, no do d' choigrich, a tha ann a t' fhearann an taobh a stigh do d' gheataibh.

15 Air a là bheir thu dha a thuarasdail, agus cha téid a' ghrian sìos air, oir tha e bochd, agus a' suidheachadh a chridhe air; air cagal gu'n glaoth e a t' aghaidh ris an Tighearn, agus gu'm bi e 'na pheacadh dhuit.

16 Cha chuirear na h-aithriche gu bàs air son na cloinne, nì mò a chuirear a' chlam gu bàs air son nan aithriche: cuirear gach duine gu bàs air son a pheacaidh féin.

17 Cha chlaon² thu breitheanas a' choigrich, no an dilleachdain, nì mò a ghabhas tu eudach bantraich mar gheall.

18 Ach cuimhnichidh tu gu'n robh thu féin a d' thràil san Eiphit, agus gu'n do shaor an Tighearna do Dhia thu as a sin: uime sin tha mi ag àithneadh dhuit an nì so a dheanamh.

19 'Nuair a bhuaineas tu³ t'fhoghar a d' achadh, agus a dhìchuimhnicheas tu sguab san achadh, cha phill thu g'a togail: air son a' choigrich, air son an dilleachdain, agus air son na bantraich bithidh i; a chum gu'm beannaich an Tighearna do Dhia thu ann an uile oibribh do làmh.

20 'Nuair a chrathas tu do chrann-oladh, cha téid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e.

21 'Nuair a chruinnicheas tu fion-dhearcan t'fhion-lios, cha ghlan thu gu buileach a d' dhéile e: air son a' choigrich, air son an dilleachdain, agus air son na bantraich bithidh e.

22 Agus cuimhnichidh tu gu'n robh thu a d' thràil⁴ ann an tìr na h-Eiphit: uime sin tha mi ag àithneadh dhuit an nì so a dheanamh.

1 Mu smachdachadh a' chiontaich. 4 Cha chuirear ceangal air beul an daime an uair a tha e saltairt an arbhair. 5 Mushol a thogail suas do bhràthair. 11 Mu'n mnaoi gun nàire. 13 Mu chothromaibh ceart. 17 Mu léir-sgrìos Amaleic.

MA bhios connsachadh eadar dhaoine, a chum as gu'n tig iad gu breitheanas, a chum as gu'n toir na breitheamhna breth orra⁵; an sin saoraidh iad an t-ionracan, agus ditidh iad⁶ an ciontach.

2 Agus tarlaidh, ma 's airidh an duine aingidh bhì air a bhualadh, gu'n toir am breitheamh air luidhe sìos, agus a bhì air a bhualadh 'na làthair, a réir a choire, ann an àireamh àraidh do bhuillibh.

3 Dà fhichead buille bheir e dha: cha téid e thairis, air eagal nan rachadh e thairis, agus gu'm buaileadh se e os an ceann sin le mòran bhuillibh, an sin gu'm biodh do bhràthair tàireil a d' shùilbh.

4 Cha chuir thu ceangal air beul an daime an uair a tha e saltairt⁷ an arbhair.

5 'Nuair a ghabhas bràithrean còmhnuidh maille ri chéile, agus gu'm faigh aon diubh bàs, agus gun duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin i 'na mnaoi, agus nì e dlighe⁸ bràthar-céile rithe⁹.

6 Agus éiridh an ceud-ghin mic a bheir eas i, suas ann an ainm a bhràthar a ta marbh, a chum nach dubhar a mach 'ainm á h-Israel.

7 Agus mur toil leis an duine bean a bhràthar a ghabhail, an sin théid bean a bhràthar suas do'n gheata chum nan scan-airean, agus their i, Tha mo bhràthair-céile a' diùltadh ainm a thogail suas d'a bhràthair ann an Israel, cha 'n àill leis dlighe bràthar-céile a dheanamh rium.

8 An sin gairmidh seanairean a' bhaile air, agus labhraidh iad ris: agus ma sheasas e mach, agus gu'n abair e, Cha 'n àill leam a gabhail;

9 An sin thig bean a bhràthar d'a ionnsuidh an làthair nan seanairean, agus fuasglaidh i a bhròg bhàrr a chois, agus tilgidh i snugaid 'na eudain, agus freagraidh agus their i, Mar so nìthear ris an duine nach tog suas tigh a bhràthar.

10 Agus goirear 'ainm ann an Israel, Tigh an fhir aig am bheil a bhròg fuasgailete.

11 'Nuair a bhios daoine ri comhstri cuideachd, neach ri neach eile, agus gu'n tig bean aon diubh an fagus a dh'fhuasgladh a fir-pòsda á lùimh an fhir a tha 'ga bhualadh, agus gu'n sìn i mach a làmh,

¹ ais-iocaidh tu.

³ ghearras tu sìos.

² Cha'n fhiar.

⁴ a d' dhuine daor.

⁵ eatorra.

⁸ dleasdanas.

⁶ fàgaidh iad shìos.

⁹ ria.

⁷ bualadh.

agus gu'n gabh i greim air a bhuill diomhair;

12 An sin gearraidh tu dhith a làmh; cha ghabh do shùil truas *rithe*.

13 Cha bhi agad ann ad mhàla¹ *aon* chothrom² agus cothrom *eile*; *cothrom* mòr agus beag.

14 Cha bhi agad ann ad thigh *aon* soitheach³, agus soitheach *eile* tomhais; *soitheach* mòr agus beag.

15 Cothrom iomlan agus ceart bithidh agad, soitheach-tomhais iomlan agus ceart bithidh agad; a chum gu'm buanaichear do làithean anns an fhearann a *tha* 'n Tighearna do Dhia a' tabhairt duit.

16 Oir *tha* iadsan uile a ni na nithe sin, iadsan uile a ni gu h-eucorach, 'nan gràin-eileachd do'n Tighearna do Dhia.

17 Cuimhnich ciod a rinn Amalec ort san t-slighe, 'nuair a thàinig sibh a mach as an Eiphit,

18 Cionnus a choinniche thusan t-slighe, agus a bhual e chuid bu deireanaiche dhìot, *eadhon* iadsan uile a *bha* lag a'd' dhéigh, an uair a *bha* thu fann agus sgith, agus nach robh eagal Dé air.

19 Uime sin an uair a bheir an Tighearna do Dhia fois duit o d' naimhdeibh uile mu'n cuairt, anns an fhearann a bheir an Tighearna do Dhia dhuit màr oighreachd r'a shealbhachadh, dubhaidh tu as cuimhne Amaleic o *bhi* fuidh nèamh; cha d'cuimhnich thu e.

CAIB. XXVI.

1 *Aideachadh an ti a thug seachad do'n t-sagart bascaid le ceud thoradh an fhearainn.* 12 *Mu dheachamh na treas bliadhna.* 16 *An coimh-changal eadar Dia agus a shluagh.*

AGUS an uair a thèid thu stigh do'n fhearann a *tha* 'n Tighearna do Dhia a' toirt dhuit mar oighreachd, agus a shealbhacheas tu e, agus a ghabhas tu comhnuidh ann,

2 An sin gabhaidh tu do'n cheud chuid do uile thoradh na talmhainn, a bheir thu leat do t'fhearann a *tha* 'n Tighearna do Dhia a' tabhairt duit, agus cuiridh tu ann am bascaid *e*, agus thèid thu chum an àite a thaghas an Tighearna do Dhia, a chur 'ainne an sin.

3 Agus thèid thu dh'ionnsuidh an t-sagairt a bhios anns na làithibh sin, agus their thu ris, Tha mi ag aideachadh air an là 'n Dih do'n Tighearna do Dhia, gu'n d'thàinig mi do'n dùthaich a mhionnaich an Tighearna d'ar n-aithrichibh gu'n nìgadh e dhuinn.

4 Agus gabhaidh an sagart a' bhascaid as do làimh, agus cuiridh e sìos i air beulaobh altarach an Tighearna do Dhé.

5 Agus freagraidh tu agus their thu an

làthair an Tighearna do Dhé, Bu Shirian ach air sheòl a bhi cailte m'athair, agus chaidh e sìos do'n Eiphit, agus bha e air chuairt an sin le beagan cuideachd, agus dh'fhàs e 'n sin 'na chinneach mòr, cumhachdach, agus lìonmhor.

6 Agus bhuin na h-Eiphitich gu h-olc ruinn⁴, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tighearna, Dia ar n-aithriche, agus dh'éisd an Tighearna r'ar guth, agus dh'amhairc e air ar n-àmhghar, agus ar saothair, agus ar foirmeart:

8 Agus thug an Tighearna mach sinn as an Eiphit le làimh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-ìong-antasaibh:

9 Agus thug e sinn do'n àite so, agus thug e dhuinn am fearann so, fearann a tha sruthadh le bainne agus mìl.

10 Agus a nis, feuch, thug mi leam ceud thoradh an fhearainn a thug thusa, a Tighearna, dhomh. Agus cuiridh tu e am fianuis an Tighearna do Dhé, agus ni thu aoradh⁵ am fianuis an Tighearna do Dhé.

11 Agus ni thu gairdeachas anns gach *ni* maith a thug an Tighearna do Dhia dhuit, agus do d' thigh, thu féin, agus an Lebhitheach, agus an coigreach a *bhios* 'nur measg.

12 'Nuair a chuireas tu crìoch air deachamh a thoirt seachad, *eadhon* uile dheachamh do chinneis⁶ air an treas bliadhna, bliadhna an deachaimh, agus a bheir thu e do'n Lebhitheach, do'n choigreach, do'n dilleachdan, agus do'n bhantraich, a chum gu'n ith iad an taobh a stigh do d' gheataibh agus gu'n sàsùichear iad:

13 An sin their thu am fianuis an Tighearna do Dhé, Thug mi leam na nithe naomha as *mo* thigh, agus mar an ceudna thug mi iad do'n Lebhitheach, agus do'n choigreach, do'n dilleachdan, agus do'n bhantraich, a réir t'aitheantain uile a dh'àitlu thu dhomh: cha do bhris mi *h-aon* do t'aitheantaibh, ni mò a dhù-chuimhnich mi *iad*.

14 Cha d'ith mi *bheag* dhiubh a'm' bhròn, ni mò a ghabh mi *bheag* dhiubh gu *feum* neòghlan *sam bith*, ni mò a thug mi *bheag* dhiubh air son a' mhairbh: dh'éisd mi ri guth an Tighearna mo Dhé; rinn mi a réir nan uile nithe a dh'àitlu thu dhomh.

15 Amhairc a nuas o ionad-còmhnuidh do naombachd, o nèamh, agus beannaich do shluagh Israel, agus am fearann a thug thu dhuinn, mar a mhionnaich thu

¹ *bhàlg.* ² *chlach.* Eabh. ³ *eathar-* tomhais; *ephah.* Eabh. ⁴ *reinn.*

⁵ *adhradh.* ⁶ *phisich, fhàis.*

d'ar n-aithrichibh, fearann a tha sruthadh le bainne agus mil.

16 Air an là'n diugh dh'àithn an Tighearna do Dhia dhuit na reachdan agus na breitheanais sin a dheanamh: uime sin coimhididh agus ni thu iad le d' uile chridhe agus le d' uile anam.

17 Rinn thu roghainn' an diugh do'n Tighearna gu bhì 'na Dhia dhuit, agus gu gluasad 'na shligheibh, agus gu 'reachdan a ghleidheadh, agus 'àitheantan, agus a bhreitheanais, agus gu éisdeachd r'a ghuth.

18 Agus thagh' an Tighearna thusa an diugh gu bhì a'd' shluagh sònraichte dha fèin, mar a gheall³ e dhuit, agus a chum gu'n gleidheadh tu 'àitheantan uile;

19 Agus a chum gu'n deanadh e àrd thu os ccam nan uile chimeach a rinn e, ann an cliu, agus ann an ainm, agus ann an urram; agus a chum gu'm bitheadh tu a'd' shluagh naomha do'n Tighearna do Dhia, mar a labhair e.

CAIB. XXVII.

1 Dh'àithn Maois do'n t-sluagh an lagh a sgrìobhadh air clachaibh mòra; agus altair a thogail suas do chlachaibh slàna. 11 Mu bheannachdaibh agus mu mhallachdaibh.

AGUS dh'àithn Maois agus seanairean Israeil do'n t-sluagh, ag ràdh, Gleidhibh na h-àitheantan uile a tha mi ag àithneadh dhuibh an diugh.

2 Agus tarlaidh, air an là anns an téid sibh thar Iordan do'n fhearann a bheir an Tighearna do Dhia dhuit, gu'n cuir thu suas dhuit fèin clacha mòra, agus còmhdaichidh tu thairis le h-aol iad.

3 Agus sgrìobhaidh tu orra uile, bhriathran an lagha so, 'nuair a théid thu thairis, a chum gu'n téid thu steach do'n fhearann a bheir an Tighearna do Dhia dhuit, fearann a tha sruthadh le bainne agus le mil; mar a gheall an Tighearna Dia t'aithriche dhuit.

4 Uime sin an uair a théid sibh thar Iordan, cuiridh sibh suas na clachan sin, a tha mi ag àithneadh dhuibh air an là'n diugh, ann an sliabh Ebail, agus còmhdaichidh tu thairis le h-aol iad.

5 Agus an sin togaidh tu suas altair do'n Tighearna do Dhia, altair do chlachaibh: cha tog thu suas inneal iarunn sam bith orra.

6 Do chlachaibh slàna togaidh tu altair an Tighearna do Dhé, agus bheir thu suas oirre ìobairte-loisgte do'n Tighearna do Dhia.

7 Agus ìobraidh tu ìobairte-sìth, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaibh

uile bhriathran an lagha so gu ro shoilleir.

9 Agus labhair Maois, agus na sagartan na Lebhithich, ri h-Israel uile, ag ràdh, Thoir an aire, agus éisd, O Israeil; airan là'n diugh rinneadh thu a'd' shluagh⁴ do'n Tighearna do Dhia.

10 Uime sin éisdidh tu ri guth an Tighearna do Dhé, agus ni thu 'àitheantan, agus a reachdan, a tha mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin fèin, ag ràdh,

12 Seasaidh iad so air sliabh Gheridsim a bheannachadh an t-sluaigh, 'nuair a théid sibh thar Iordan; Simeon, agus Lebli, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh; Reuben, Gad, agus Aser, agus Sebulun, Dan, agus Naphtali.

14 Agus labhairdh na Lebhithich, agus their iad ri daoineibh Israeil uile le guth àrd.

15 Mallaichte gu robh an duine a ni dealbh snaidht⁵ no leaghta, gràineileachd do'n Tighearna, obair làmh an fhir-cheird, agus a chuireas e ann an ionad diomhair: agus freagraidh an sluagh uile, agus their iad, Amen.

16 Mallaichte gu robh esan a ni tàir air 'athair no air a mhàthair: agus their an sluagh uile, Amen.

17 Mallaichte gu robh esan a dh'atharraicheas crìoch⁶ fearainn a choimhearsnaich⁷: agus their an sluagh uile, Amen.

18 Mallaichte gu robh esan a chuireas an dall air seacharan san t-slighe: agus their an sluagh uile, Amen.

19 Mallaichte gu robh esan a chlaonas breitheanas a' choigrich, an dilleachdain, agus na bantraich: agus their an sluagh uile, Amen.

20 Mallaichte gu robh esan a luidheas le mnaoi 'athar, a chionn gu bheil e a' leigeadh ris còmhdaich 'athar: agus their an sluagh uile, Amen.

21 Mallaichte gu robh esan a luidheas le h-ainmhidh sam bith: agus their an sluagh uile, Amen.

22 Mallaichte gu robh esan a luidheas le 'phiuthar, nighean 'athar, no nighean a mhàthar: agus their an sluagh uile, Amen.

23 Mallaichte gu robh esan a luidheas le 'mhàthair-cheile: agus their an sluagh uile, Amen.

24 Mallaichte gu robh esan a bhuaiclas a choimhearsnach gu h-uaigneach⁸: agus their an sluagh uile, Amen.

25 Mallaichte gu robh esan a ghabhas duais⁹ air son duine neo-chiontach a

¹ dh'aicidh thu.

² labhair, Eabh.

³ roghnuich.

⁴ nad phobull.

⁵ òmhaghaigh ghràbhailta.

⁶ comhara; tèòran. Eir.

⁷ a nàbuidh. ⁸ am fèill. ⁹ ceannach.

mharbhadh¹: agus their an sluagh uile, Amen.

26 Mallaichte *gu robh* esan nach daingnich uile bhriathran an lagha so chum an deanamh: agus their an sluagh uile, Amen.

CAIB. XXVIII.

1 *Beannachdan air an gealltainn dhoibhsan a bhios ùmhal do lagh Dhé. 15 Mallachdan dhoibhsan a bhios eas-ùmhal.*

AGUS tarlaidh, ma dh'éisdeas tu gu dùrachdach ri guth an Tighearna do Dhé, a choimhead agus a dheanamh àitheantan uile, a *tha* mi ag àithneadh dhuit air an là'n diugh, gu'n cuir an Tighearna do Dhia suas thu os ceann uile chinn eacha na talmhainn.

2 Agus thig na beannachdan so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu sa' bhaile, agus beannaichte *bithidh* tu sa' mhachair.

4 Beannaichte *bithidh* toradh do chuirp, agus toradh t'fhearainn, agus toradh do spréidhe, fàs do chruidh², agus treuda do chaorach.

5 Beannaichte *bithidh* do bhascaid agus do chuibhrionn³.

6 Beannaichte *bithidh* tu 'nuair a thig thu stigh, agus beannaichte *bithidh* tu 'nuair a théid thu mach.

7 Bheir an Tighearna fa' near gu'm bi do naimhdean, a dh'éireas suas a't' aghaidh, air am bualadh roimh do gluais: thig iad a mach a't' aghaidh air aon slighe, agus teichidh iad romhad air seachd slighibh.

8 Aithnidh an Tighearna am beannachadh ort a'd' thighibh-tasgaidh⁴, agus anns gach nì ris an cuir thu do làmh; agus beannaichidh e thu san fhearann a bheir an Tighearna do Dhia dhuit.

9 Daingnichidh an Tighearna thu a'd' shluagh naomha dha féin, mar a mhionnaich e dhuit, ma ghleidheas tu àitheantan an Tighearna do Dhé, agus *ma* ghluaiseas tu 'na shlighibh.

10 Agus chì uile chinnich na talmhainn gu'n goirear ainm an Tighearna ort, agus bithidh eagal orra romhad.

11 Agus nì an Tighearna saoiibhir⁵ thu ann am maoin, ann an toradh do chuirp, agus ann an toradh do spréidhe, agus ann an toradh do thalmhainn, anns an talamh a mhionnaich an Tighearna do t'aithrichibh a thabhairt duit.

12 Fosglaidh an Tighearna dhuit a dheadh ionmhas⁶, na nèamhan a thoirt uisge do t'fhearann 'na àm, agus a bheannachadh uile oibre do làimhe; agus

bheir thu 'n iasachd⁷ do mhòran chinnich, agus cha ghabh thu 'n iasachd.

13 Agus nì an Tighearna an ceann dhìot, agus nì e an t-earball⁸; agus bithidh tu mhàin an uachdar, agus cha bhi thu 'n iochdar; ma dh'éisdeas tu ri àitheantaibh an Tighearna do Dhé, a *tha* mi ag àithneadh dhuit air an là'n diugh, gu'n coimhead agus gu'n dean thu iad.

14 Agus cha téid thu thaobh o aon air bith do na briathraibh a *tha* mi ag àithneadh dhuit an diugh, a chum na làimhe deise no chum na làimhe clìthe, a dhol an déigh dhiathan eile a dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt fa' near gu'n dean⁹ thu àitheantan agus a reachdan uile, a *tha* mi ag àithneadh dhuit an diugh, gu'n tig na mallachdan so uile ort, agus gu'm beir iad ort.

16 Mallaichte *bithidh* tu sa' bhaile, agus mallaichte *bithidh* tu sa' mhachair.

17 Mallaichte *bithidh* do bhascaid agus do chuibhrionn.

18 Mallaichte *bithidh* toradh do chuirp, agus toradh t'fhearainn, fàs do chruidh¹⁰, agus treudan do chaorach.

19 Mallaichte *bithidh* tu 'nuair a thig thu stigh, agus mallaichte *bithidh* tu 'nuair a théid thu mach.

20 Cuiridh an Tighearna ort mallachadh, mi-shuaimhneas¹¹, agus achmhasan, anns gach nì ris an cuir thu do làmh gu' dheanamh, gus an sgriosar thu, agus gus an téid as duit gu h-obann, air son aingidheachd do ghnìomhara leis an do thréig thu mise.

21 Bheir an Tighearna air a' phlàigh leantuinn riut, gus an claoidh e thu bhàrr an fhearainn, d'am bheil thu dol a steach g'a shealbhachadh.

22 Buailidh an Tighearna thu le caithreamh¹² agus le fiabhirus¹³, agus le h-ain teas, agus le h-àrd-logadh, agus leis a' chhlaidheamh, agus le seargadh¹⁴, agus le fuar-dhealt¹⁵; agus leanaidh iad thu gus an téid as duit.

23 Agus bithidh do speuran a *ta* os do cheann 'nan umha¹⁶, agus an talamh a *ta* fodhad 'na iarunn.

24 Nì an Tighearna uisge t'fhearainn 'na luathre agus 'na dhuslach: o nèamh thig e nuas ort, gus an sgriosar thu.

25 Bheir an Tighearna fa' near gu'm buailear thu air beulaobh do naimhdean: théid thu mach air aon slighe¹⁷ 'nan aghaidh, agus teichidh tu rompa air seachd slighibh; agus atharraichear thu chum uile rioghachda na talmhainn.

¹ air son fuil nèd-chiontach a dhòrtadh.

² do bhò. ³ stòr. ⁴ thighibh stòir, shaibhlhibh.

⁵ pailt. ⁶ thaisgeach. ⁷ coingheall.

⁸ iorball. ⁹ gu'n coimhion. ¹⁰ àl do bhò.

¹¹ carraid. ¹² éitich. ¹³ teasaich, cuartaich.

¹⁴ gaisceadh, losgadh-dealanaich. ¹⁵ crith-reodh.

¹⁶ prais. ¹⁷ ròd, rathad.

DEUTERONOMI, XXVIII.

26 Agus bithidh do chlosach¹ 'na biadh aig uile eunlaith an athair, agus aig beatha-aichibh na talmhainn, agus cha 'n fhuadaich duine sam bith air falbh iad.

27 Buailidh an Tighearn thu le neasgaid na h-Eiphit, agus le ruith fola², agus le càrr, agus le cloimh³, do nach bi e'n comas do leigheas.

28 Buailidh an Tighearn thu le cuthach, agus le doille, agus le h-uamhann cridhe.

29 Agus smeuraichidh tu⁴ mu mheadh-on-là, mar a smeuraicheas an dall san dorchadas, agus cha soirbhich leat a'd' shligheibh: agus bithidh tu mhàin fuidh fhoirneart, agus air do chreachadh a ghnàth, agus cha teasaig duine sam bith thu.

30 Nì thu ceangal-pòsaidh⁶ ri mnaoi, agus luidhidh fear eile leatha: togaidh tu tigh, agus cha ghabh thu còmhnuidh ann: suidhicidh tu fìon-lios, agus cha tionail thu fìon-dhearcan.

31 Marbhar do dhamh fa chomhair do shùil, agus cha'n ith thu dheth: bheirear air falbh t'asal a dh'aindeoin as do làth-air, agus cha toirear air a h-ais⁶ dhuit i: bheir car do chaoraich do d' naimhdbh, agus cha bhi neach agad a bheir uatha iad.

32 Bheirear do mhic agus do nighcana do shluagh eile, agus chi do shùilean, agus fàilnichidh iad le fadal air an son⁷ rè an là: agus cha bhi neart sam bith a'd' làimh.

33 Toradh t'fhearainn, agus do shaoth-air uile, ithidh cinneach suas, nach b'aithne dhuit; agus bithidh tu mhàin fuidh fhoirneart agus air do bhruthadh an còmhnuidh:

34 Air chor as gu'm bi thu air mhi-chèill, air son seallaidh do shùil a chi thu.

35 Buailidh an Tighearn thu sna glùinibh, agus anns na cosaibh, le neasgaid chràitich nach gabh leigheas, o bhonn do chois gu mullach do chinn.

36 Bheir an Tighearn thu fèin, agus do rìgh a chuireas tu os do cheann, gu cinneach nach b'aithne aon chuid duit fèin no do t'athrichibh; agus ansin nì thu seirbhis do dhiathaibh eile, do fhiodh agus do chloich.

37 Agus bithidh tu a't' uamhas⁸, a'd' shamhladh⁹, agus a'd' leth-fhocal¹⁰, am measg nan uile chinncach gus an treòraich an Tighearn thu.

38 Bheir thu mòran sìl a mach do'n fhearann, ach is beag a chruinnicheas tu stighe: oir ithidh an locust suas e.

39 Suidhicidh tu fìon-liosan agus deas-aichidh tu iad, ach cha'n òl thu do'n fhìon, nì mò a chruinnicheas tu na dearcan: oir ithidh a chnuimh iad.

40 Bithidh croinn-oladh air feadh do chrìochan uile, ach cha'n ung thu thu fèin leis an oladh: oir tilgidh do chrann-oladh a thoradh.

41 Gineidh tu mic agus nigheanan, ach cha mheal thu iad; oir théidiad am braighdeanas.

42 Do chraobhan uile agus toradh t'fhearainn, millidh¹¹ an locust.

43 Eiridh an coigreach a tha 'nur measg suas gu rò àrd os do cheann; agus thig thusa nuas gu rò ìosal.

44 Bheir e 'n iasachd duit, agus cha toir thusa an iasachd dha: bithidh esan 'na cheann, agus bithidh tusa a'd' earball.

45 Agus thig na mallachdan sin uile ort, agus leanaidh¹² iad thu, agus beiridh iad ort, gus an sgriosar thu; a chionn nach d'éisd thu ri guth an Tighearna do Dhé, a ghleidheadh àitheantan agus a rcachdan a dh'àithn e dhuit.

46 Agus bithidh iad ort mar chomhar agus mar iongantais, agus air do shliochd a chaoidh.

47 A chionn nach d'rinn thu seirbhis do'n Tighearna do Dhia le gairdeachas, agus le subhachas cridhe, air son pailteis nan uile nithe;

48 Uime sin nì thu seirbhis do d' naimhdbh, a chuireas an Tighearn a't' aghaidh, ann an ocra, agus ann an tart, agus ann an lomnochdaidh, agus ann an uireasbhuidh nan uile nithe: agus cuiridh e cuing iaruirinn air do mhùineal, gus an cuir e as duit.

49 Bheir an Tighearn cinneach a't' aghaidh o ionad fad o làimh, o iomall na talmhainn, mar an iolair air iteig; cinneach nach tuig thu 'n caimnt;

50 Cinneach aig am bheil aghaidh bhorb¹³, nach toir urram do ghnùis an aosmhoir, agus nach dean iochd ris an òg.

51 Agus ithidh e toradh do spréidhe, agus toradh t'fhearainn, gus an sgriosar thu: neach nach fàg agad arbhar, fìon, no oladh, fàs do chruidh, no treudan do chaorach, gus an cuir e as duit.

52 Agus teannaichidh e thu¹⁴ ann ad gheataibh uile, gus am brisear sìos¹⁵ do bhallachan àrda agus daingichte, anns an robh do dhòigh, air feadh t'fhearainn uile; agus teannaichidh e thu ann ad gheataibh, air feadh t'fhearainn uile a thug an Tighearna do Dhia dhuit.

53 Agus ithidh tu toradh do chuirp fèin,

¹ do chairbh, do chorp marbh. ² hemor-rhoids. Sasg. ³ claimh. Eir. ⁴ iarraidh tu fo làimh. ⁵ réitcachadh-pòsaidh. ⁶ cha 'n ais-iccar. ⁷ le deigh orra. ⁸ uamhann. ⁹ ghnath-fhocal.

¹⁰ fhor-fhocal, ath-dhàn, fhrith-ainm. ¹¹ sealbhaichidh. ¹² ruagaidh. ¹³ gharg. ¹⁴ cuiridh e seids riut, suidhidh e umad, cuairtichidh e thu. ¹⁵ an tuit sìos.

feoil do mhac agus do nigheanan, a thug an Tighearna do Dhia dhuit, anns a' ehogadh, agus anns an teinn¹, leis an teannaich do naimhdean thu :

54 *Air chor as an duine a ta maoth*² 'nur measg, agus ro shòghar³, gu'm bi a shùil ole a thaobh a bhràthar, agus a thaobh mnà 'ueld féin, agus a thaobh iarmaid⁴ a chloinne a dh'fhàgas e :

55 *Air chor as nach toir e do h-aon diubh a bheag* do fheoil a ehloinne a dh'itheas e; a cliomn nach fàgar a bheag aige sa' chogadh⁵, agus anns an teinn, leis an teannaich do naimhdean thu a'd' gheataibh uile.

56 *A' bhean mhaoth agus shòghar*⁶ 'nur measg, nach dùraigeadh bonna coise a chur air an talamh a thaobh muirn⁷ agus maothalaehd⁸, bithidh a sùil ole a thaobh fir-pòsda a h-uehd, agus a thaobh a mic, agus a thaobh a h-ighinn,

57 Agus a thaobh a mhaothrain a thig a mach o eadar a cosaibh, agus a thaobh a eloinne a bheireas i: oir ithidh i iad a dh'uireasbhuidh nan uile *nithe* an diomhaireachd anns a' ehogadh, agus anns an teinn, leis an teannaich do naimhdean thu a'd' gheataibh.

58 *Mur toir thu an aire uile bhriathran an lagha so a dheanamh, a tha sgrìobhta san leabhar so, a chum gu'm bi eagal an ainm ghlòrmhoir agus uamhasaich so ort, AN TIGHEARNA DO DHIA;*

59 *An sin ni an Tighearna do phlàighean iongantach, agus plàighean do shìochd, eadhon plàighean mòra agus maireannaich, agus eucaillean cràiteach agus fadalaich.*

60 *A bhàrr air so, bheir e ort uile ghalaran na h-Eiphit, roimh an robh eagal ort; agus leanaidh iad riut.*

61 *Mar an ceudna gach tinneas, agus gach plàigh, nach 'eil sgrìobhta ann an leabhar an lagha so, iad sin bheir a Tigh-eam ort, gus an sgriosar thu.*

62 *Agus fàgar sibh teara ann an àireamh, an àite gu'n robh sibh mar reulta nèimh an lìonmhoireachd; a ehionn nach d'éisd thu ri guth an Tighearna do Dhé.*

63 *Agus tarlaidh, mar a rinn an Tighearna gairdeachas os bhur ceann a dheanamh maith dhuibh, agus gu'r deanamh lìonmhor, mar sin gu'n dean an Tighearna gairdeachas os bhur ceann gu'r sgrios, agus gu'r toirt gu neo-ni; agus spionar sibh as an fhearann d'am bheil thu a' dol g'a shealbhachadh.*

64 *Agus sgapaidh an Tighearn thu am measg nan uile chinneach, o'n dara ceann do'n talamh eadhon gus an ceann eile do'n talamh; agus an sin ni thu seirbhis do*

dhiathaibh eile, nach b'aithne aon chuid duit féin no do t'aithrieibh, eadhon do fhìodh agus do ehloich.

65 *Agus am measg nan einneach sin cha'n fhaigh thu suaimhneas sam bith, ni mò bhios fois aig bonn do chois: aeh bheir an Tighearna dhuit an sin cridhe gealtach, agus fàilneachadh shùl, agus doilgheas⁹ inntinn.*

66 *Agus bithidh do bheatha crochta ann an amharas¹⁰ fa d' eomhair; agus bithidh eagal ort a là agus a dh'oidhche, agus cha bhi cinnte air bith agad do d' bheatha.*

67 *Sa' mhaduinn their thu, Oeh! nach b'e m'feasgar e; agus san fheasgar their thu, Oeh! nach b'ia' mhaduinn e; air son eagail do ehridhe leis am bi eagal ort, agus air son seallaidh do shùl a ehi thu.*

68 *Agus bheir an Tighearna ris thu do'n Eiphit ann an longaibh, air ant-slighe mu'n dubhairt mi riut, Cha 'n fhaie thu ris i tuilleadh: agus an sin reicear sibh ri'r naimhdeibh mar thràilean agus mar bhan-tràilean, agus cha bhi neach ann gu'r ceannach.*

CAIB. XXIX.

2 *Earrail do chloinn Israeil an coimheangal ri Dia a choimhead. 29 Buinidh nithe diomhair do'n Tighearn.*

IS iad sin briathran a' ehoimheangail a dh'àithn an Tighearna do Mhaois a dheanamh ri eloinn Israeil, ann an tìr Mhoais, a thuilleadh air a' ehoimheangal a rinn e riu ann an Horeb.

2 *Agus thug Maois gairm do Israel uile, agus thubhairt e riu, Chunnaie sibh gach ni a rinn an Tighearna fa eomhair bhur sùl ann an tìr na h-Eiphit, ri Pharaoh, agus r'a sheirbhisich uile, agus r'a fhearann uile;*

3 *Na deuchainnean⁹ mòra a chunnaie do shùilean, na comharan agus na h-iongantasan mòra sin;*

4 *Gidheadh cha d'thug an Tighearna dhuibh cridhe a thuigsinn¹⁰, agus sùilean a dh'fhaicinn, agus eluasan a chluinntinn, gus an là'n diugh.*

5 *Agus theòraich mise sibh dà fhichead bliadhna san fhàsach: eha do ehatheadh bhur n-eudach dhiubh le h-aois¹¹, agus eha do ehatheadh do bhrèg le h-aois bhàrr do chois.*

6 *Cha d'ith sibh aran, ni mò dh'òl sibh fion, no deoch làidir; a eum gu'm biodh fios agaibh gur mise an Tighearna bhur Dia.*

7 *Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhasain, a mach 'nar n-aghaidh eum eatha, agus bhuail sinn iad.*

¹ teamntachd, cumhainge. ² delicate, luxurious. Sasg.

³ fuigheall. ⁴ san t-éisd. ⁵ grinneis, sògh.

⁶ maothachd. ⁷ bròn, dubhachas.

⁸ an teagamh.

⁹ dearbhan, buaircanna.

¹⁰ a mhothachadh.

¹¹ cha d'fhàs bhur

n-eudach sean umailh.

Agus ghlac sinn am fearann, agus thug sinn e mar oighreachd do na Reubenich, agus do na Gadaich, agus do leth thréibh Mhanaseh.

9 Gleidhibh uime sin briathran a' choimhcheangail so, agus deanaibh iad, a chum gu soirbhich leibh anns gach nì a nì sibh.

10 Tha sibh uile 'nur seasamh an diugh an làthair an Tighearna bhur Dé; ceannardan bhur treubha¹, bhur scanairean, agus bhur luchd-riaghlaidh, fir Israeil uile,

11 Bhur clann bheag, bhur mnà, agus do choigreach a tha ann ad champ o fhear-gearraidh t'fhiodha gu fear-tarruing t'uisge;

12 A chum gu'n rachadh tu ann an coimhcheangal ris an Tighearna do Dhia, agus 'na mhionnaibh-san, a tha 'n Tighearna do Dhia a' deanamh riut air an là 'n diugh:

13 A chum gu'n dainguich e thu an diugh mar shluagh dha féin, agus gu'm bi esan dhuitse 'na Dhia, mar a thubhairt e riut, agus mar a mhionnaich e do t'aithrichibh, do Abraham, do Isaac, agus do Iacob.

14 Agus cha'n ann ribhse mhàin a tha mise a' deanamh a' choimhcheangail so, agus nam mionna so;

15 Ach ris-san a tha 'n so maille ruinn 'na sheasamh an diugh an làthair an Tighearna ar Dé, agus mar an ceudna ris-san nach 'eil an so maille ruinn an diugh:

16 (Oir is aithne dhuibh cionnus a bha sinn a chòmhnuidh ann an tìr na h-Eiphit, agus cionnus a thàinig sinn troimh mheadhan nan cinncach air an deachaidh sibh seachad;

17 Agus chunnaic sibh an gràineileachd-an, agus an iodholan², fiodh agus clach, airgid agus òr, a bha 'nam measg:)

18 Air eagalgubh biodh 'nur measg fear, no bean, no teaghlach, no treubh, a chlaon-as a chridhe air falbh an diugh o'n Tighearna ar Dia, a dhol a dheanamh seirbhis do dhiathaibh nan cinncach sin; air cagal gu'm biodh 'nur measg freumh a bheir uaith mar thoradh nimh³ agus searbhas⁴,

19 Agus an uair a chluinneas e briathran a' mhallachaidh so, an sin gu'm beannaich se e féin 'na chridhe, ag ràdh, Bithidh sith agam, ged a ghluais mi ann an anamiam⁵ mo chridhe féin, a chur misge ri pathadh:

20 Cha chaomhain an Tighearn e, ach an sin cuiridh fearg an Tighearn, agus 'eud, smùid dubh an aghaidh an duine sin, agus luidhidh gach mallachadh air a tha sgrìobhta san leabhar so, agus dubhaidh an Tighearn mach a'aim o bhi fuidh nèamh.

21 Agus sgaraidh an Tighearn e chum uile, a mach a treubhaibh Israeil uile, a réir uile mhallachdan a' choimhcheangail, a tha sgrìobhta ann an leabhar an lagha so:

22 Air chior as gu'n abair an ginealach ri teachd, bhur clann a dh'éireas suas 'nur déigh, agus an coigreach a thig o thìr fad o làimh, 'nuair a chi iad plàighean an fhearainn sin, agus 'eucaille an leig an Tighearn air;

23 Agus gu bheil a thalamh uile 'na phromnag, agus 'na shalann, agus 'na losgadh, nach 'eil e air a chur, no toirt toraidh⁶ uaith, agus nach 'eil feur sam bith a' fàs ann, cosmhuil ri sgrios Shodom agus Gomorrah, Admah agus Sheboim, a sgrios an Tighearna 'na fheirg, agus 'na chorruih;

24 Their cadhon na h-uile chinich, C'ar son a bhuin an Tighearna mar so ris an fhearann so? Ciod is ciall do theas na corruiche mòire so?

25 An sin their daoine, A chionn gu'n do thréig iad coimhcheangal an Tighearna Dé an aithriche a rinn e riut, 'nuair a thug e mach iad a tìr na h-Eiphit.

26 Oir chaidh iad agus rinn iad seirbhis do dhiathaibh eile, agus rinn iad aoradh⁷ dhoibh, dée nach b'aithne dhoibh, agus nach d'thug esan doibh⁸.

27 Agus las corruich an Tighearn an aghaidh an fhearainn so, a thoirt nam mallachdan sin uile air a tha sgrìobhta san leabhar so.

28 Agus spion an Tighearn a mach iad as am fearann ann am feirg, agus ann an corruich, agus ann an lasan⁹ ro mhòr, agus thilg e iad do dhùthaich cile, mar air an là 'n diugh.

29 Buinidh na nithe dìomhair do'n Tighearn ar Dia, ach na nithe a ta foillsichte dhuinne, agus d'ar cloinn a chaidh, a chum gu'n dean sinn uile bhriathran an lagha so.

CAIB. XXX.

1 Maitheas agus trècair air an gealltainn dhoibhsan a bheir géill a dh'aitheantaibh an Tighearna.

13 Beatha agus bàs air an cur fa'n comhair.

AGUS an uair a thig na nithe so uile A ort, am beannachadh agus am mallachadh, a chuir mise romhad, agus a chuimhnichas tu orra am measg nan cinncach uile chum an d'fhogair an Tighearna do Dhia thu,

2 Agus a philleas tu dh'ionnsuidh an Tighearna do Dhé, agus a bheir thu géill d'a ghruth, a réir nan uile nithe a tha mise ag àithneadh dhuit air an là 'n diugh, thu féin agus do chlainn, le t'uile chridhe, agus le t'uile anam;

¹ bhur cinn-fheadhna agus bhur treubha.

² diathan brèige.

³ neimh, puinsion, domblas.

⁴ burmaid.

⁵ aingidheachd, smuaintibh.

⁶ cinneis.

⁷ shleuchd iad.

⁸ nach do bhuilich a bhuag orra.

⁹ fraoch feirge.

3 An sin bheir an Tighearna do Dhia air ais do bhraighdeanas, agus ni e iochd riut, agus pillidh e agus cruinnichidh e thu as na h-uile chimnich a chum an do sgap an Tighearna do Dhia thu.

4 Mà dh'fhògradh *neach* agad gus a' *chuid* a' s'iomallaiche do nèamh, as a sin cruinnichidh an Tighearna do Dhia thu, agus as a sin bheir e thu :

5 Agus bheir an Tighearna do Dhia thu do'n fhearann a shealbhaich t'aithriche, agus sealbhaichidh tu e ; agus ni e maith dhuit, agus bheir e ort fàs lionmhor os ceann t'aithriche.

6 Agus timchioll-ghearraidh an Tighearna do Dhia do chridhe, agus chridhe do shliochd, a ghràdhachadh an Tighearna do Dhé le t'uile chridhe, agus le t'uile anam, a chum gu'm bi thu beò.

7 Agus cuiridh an Tighearna do Dhia na mallachdan sin uile air do naimhaidibh, agus orra-san aig am bheil fuath dhuit, a rinn geur-leanmhuinn ort.

8 Agus pillidh tu agus bheir thu géill do ghuth an Tighearn, agus ni thu 'aith-eantann uile a tha mise ag àithneadh dhuit an diugh.

9 Agus ni an Tighearna do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh t'fhearainn, a chum maith : oir ni an Tighearna ris gairdeachas os do cheann chum maith, mar a rinn e gairdeachas os ceann t'aithriche ;

10 Ma dh'éisdeas tu ri guth an Tighearna do Dhé, a ghleidheadh 'aith-eantann, agus a reachdan, a tha sgrìobhta ann an leabhar an lagha so, agus ma philleas tu chum an Tighearna do Dhé le t'uile chridhe, agus le t'uile anam.

11 Oir an àithne so a *tha* mise ag àithneadh dhuit an diugh, cha 'n 'eil i 'm folach ort, ni mò a *ta* i fada uait.

12 Cha 'n 'eil i sna nèamhaibh, air chor as gu'n abradh tu, Cò théid suas air ar son do na nèamhaibh, agus a bheir i d'ar n-ionnsuidh, a chum gu'n cluinn sinn i, agus gu'n dean sinn i ?

13 Ni mò a *tha* i 'n taobh thall do'n fhainge, air chor as gu'n abradh tu, Cò théid a null air ar son thar an fhainge, agus a bheir i d'ar n-ionnsuidh a chum gu'n cluinn sinn i, agus gu'n dean sinn i ?

14 Ach *tha* 'm focal ro fhagus duit, ann do bheul, agus ann do chridhe, chum gu'n dean thu e.

15 Feuch, chuir mi romhad an diugh beatha agus maith, agus bàs agus olc ;

16 A mbeud gu bheil mi ag àithneadh dhuit an diugh an Tighearna do Dhia a ghràdhachadh, gluasad 'nashlighibh, agus 'aith-eantann a ghleidheadh, agus a reachdan, agus a bhreitheanais, a chum gu'm

bi thu beò, agus gu'm fàs thu lionmhor, agus gu'm beannaich an Tighearna do Dhia thu san fhearann d'am bheil thu dol g'a shealbhadh.

17 Ach ma thionndaidheas do chridhe air falbh agus nach éisd thu, ach gu'n tairngear air falbh thu, agus gu'n dean thu aoradh do dhiathaibh eile, agus gu'n dean thu seirbhis dhoibh ;

18 Tha mi ag innseadh dhuibh air an là'n diugh, gu'n sgriosar gu cinnteach sibh, agus nach buanaich sibh bhur làithean air an fhearann, d'am bheil thu dol thar Iordan, gu gabhail a steach g'a shealbhadh.

19 Tha mi a' gairm nan nèamh agus na talmhainn mar fhiauisèan 'nur n-aghaidh air an là'n diugh, gu'n do chuir mi beatha agus bàs f'ar comhair, beannachadh agus mallachadh : uirne sin ròghnuich beatha, chum gu'm bi thu féin agus do shliochd beò :

20 A chum gu'n gràdhaich thu'n Tighearna do Dhia, agus gu'n toir thu géill d' a ghuth, agus gu'n lean thu ris : (oir is esan do bheatha, agus fad do làithean ;) a chum gu'n gabh thu còmhnuidh san fhearann a mhionnaich an Tighearna do t'aithrichibh, do Abraham, do Isaac, agus do Jacob, gu'n tugadh e dhoibh.

CAIB. XXXI.

1 *Thug Maois misneach do Iosua agus do'n t-sluagh.*

9 *Thug e 'n lagh do na sagartaibh, agus dh'àithn e dhoibh aig ceann gach seachd bliadhna a leughadh an éisdeachd an t-sluagh.* 19 *Thug Dia laoidh do Mhaois mar fhianuis 'nan aghaidh.*

A GUS chaidh Maois agus labhair e na briathra so ri h-Israel uile.

2 Agus thubhairt e riu, *Tha* mise ccud agus ficeadh bliadhna dh'aois air an là'n diugh ; cha 'n urrainn mi tuilleadh dol a mach agus teachd a steach : agus thubhairt an Tighearna rium, Cha téid thu thar an Iordan so.

3 Théid an Tighearna do Dhia e féin a null romhad ; sgriosaidh esan na cinnich sin o d' làthair, agus sealbhaichidh tu iad : agus théid Iosua null romhad, mar a thubhairt an Tighearn.

4 Agus ni an Tighearna riu mar a rinn e ri Sihon, agus ri h-Og, rìghre nan Amorach, agus ri fearann na muinntir sin a sgrios e.

5 Agus bheir an Tighearna thairis iad roimh bhur gnùis, a chum gu'n dean sibh riu a réir gach àithne a dh'àithn mise dhuibh.

6 Bituibh làidir, agus biodh deadh mhisneach agaibh, na biodh eagal oirbh, agus na gabhaibh geilt rompa : oir is e 'n Tighearna do Dhia e féin a théid leat ; cha d'ibir e thu, ni mò a thréigeas e thu.

7 Agus ghairm Maois air Iosua, agus thubhairt e ris ann an sealladh Isracil

uile, Bi làidir, agus biodh deadh mhisneach agad: oir is tusa a théid a stigh leis ant-sluagh so do'n fhearanna mhionnaich an Tighearna d'an aithrichibh gu'n tugadh e dhoibh; agus bheir thu orra a shealbhachadh mar oighreachd.

8 Agus théid an Tighearna e féin romhad; bithidh esan maille riut, cha dibir e thu, ni mò a thréigas e thu: na gabh eagal, agus na biodh geilt ort.

9 Agus sgrìobh Maois an lagh so, agus thug se e do na sagartaibh mic Lebhi, a tha giùlan àirce coimhcheangail an Tighearna, agus do sheanairibh Israeil uile.

10 Agus dh'àithn Maois dhoibh, ag ràdh, Aig ceann *gach* seachd bliadhna, ann an àm òrduichte bliadhna an fhuasglaidh, aig féill nam pàillium,

11 'Nuair a thig Israeil uile g'an taisbeanadh féin an làthair an Tighearna do Dhé, san ionad a thaghas e; leughaidh tu 'n lagh so an làthair Israeil uile 'nan éisdeachd.

12 Cruinnich an sluagh r'a chéile, fir, agus mnà, agus clann, agus do choigreach a tha 'n taobh a stigh do d' gheataibh, a chum gu'n cluinn iad, agus gu'm foghlum iad, agus gu'm bi eagal an Tighearna bhur Dé orra, agus gu'n toir iad fa'near uile bhriathran an lagha so a dheanamh;

13 Agus gu'n cluinn an clann do nach b'aithne *bheag*, agus gu foghlum iad eagal an Tighearna bhur Dé a bhiorra, am fad's is beò dhuibh san fhearann d'am bheil sibh dol thar Iordan g'a shealbhachadh.

14 Agus thubhairt an Tighearna ri Maois, Feuch, tha do làithean a' dlùthachadh anns am feum thu bàs fhaghail: gairm air Iosua, agus nochdaibh sibh féin ann am pàillium a' choimhthionail, a chum gu'n toir mise aithne dha. Agus chaidh Maois agus Iosua, agus nochd siad iad féin ann am pàillium a' choimhthionail.

15 Agus dh'fhoillsich an Tighearna e féin sa' phàillium ann am meall¹ neoil: agus sheas am meall neoil os ceann doruis a' phàillium.

16 Agus thubhairt an Tighearna ri Maois, Feuch, coidlidh tusa maille ri t'aithrichibh; agus éiridh an sluagh so suas, agus théid iad le striopachas an déigh dhiathan na tìre coimhich sin d'am bheil iad a' dol a steach gu *fantuinn* 'na meadhon, agus tréigidh iad mise, agus brisidh iad mo choimhcheangal a rinn mi rin.

17 Agus lasaidh mo chorruih 'nan aghaidh san là sin, agus tréigidh mi iad, agus folaichidh mi mo ghnùis uatha, agus ithear suas iad, agus thig mòran olc agus àmhgharan² orra, air chor as gu'n abair iad san là sin, Nach ann a chionn nach

'eul ar Dia 'nar measg a thàinig na h-uile so oirn?

18 Agus gu cinnteach folaichidh mise mo ghnùis san là sin, air son gach uile a dh'oibrich iad, a chionn gu'n do thionndaidh iad an déigh dhiathan eile.

19 A nis uime sin sgrìobhaibh-se dhuibh féin an laoidh³ so, agus teagaisgibh i do chloinn Israeil: cuir i 'nam beul, a chum gu'm bi 'n laoidh so mar fhianuis dhomh-sa an aghaidh chloinn Israeil.

20 Oir an uair a bheir mi stigh iad do'n fhearann a mhionnaich mi d'an aithrichibh, a tha sruthadh le bainne agus le mil, agus a dh'itheas iad agus a shàsuichear iad, agus a dh'fhàsas iad reamhar; an sin tionndaidh iad gu dhiathan eile, agus ni iad seirbhis doibh, agus brosnuichidh iad mi, agus brisidh iad mo choimhcheangal.

21 Agus tarlaidh, an uair a thig mòran olc agus àmhgharan orra, gu'n labhair⁴ an laoidh so mar fhianuis 'nan aghaidh; oir cha d'ichuimhnichear i á beul an sliochd: oir is aithne dhomh an smuaintean a tha iad a' dealbh an diugh *féin*, mun d'thug mi steach iad do'n fhearann a mhionnaich mi.

22 Sgrìobh uime sin Maois an laoidh so air an là sin féin, agus theagaisg e i do chloinn Israeil.

23 Agus dh'àithn e do Iosua mac Nuin, agus thubhairt e, Bi làidir, agus biodh deadh mhisneach agad: oir bheir thu clann Israeil do'n fhearann a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar, gus an do chrìochnaicheadh iad,

25 An sin dh'àithn Maois do na Lebhithich, a tha giùlan àirce coimhcheangail an Tighearn, ag ràdh,

26 Gabhaibh leabhar an lagha so, agus cuiribh e aig taobh àirce coimhcheangail an Tighearna bhur Dé, chum gu'm bi e 'n sin mar fhianuis a't' aghaidh.

27 Oir is aithne dhomh do cheannairc, agus do mhuineal rag: feuch, am feadh 's a ta mi fathast beò maille ribh an diugh, bha sibh ceannairceach an aghaidh an Tighearn; agus cia's mò na sin a *bhitheas sibh* an déigh mo bhàis?

28 Cruinnichibh a'm ionnsuidh seanaire bhur treubhan uile, agus bhur luchd-riaghlaidh, a chum gu'n labhair mi 'nan cluasaibh na briathra so, agus gu'n gairm mi na nèamhan agus an talamh mar fhianuisan 'nan aghaidh.

29 Oir tha fhios agam, an déigh mo bhàis gu'n truaill sibh *sibh féin* gu tur, agus gu'n téid sibh a thaohh o'n t-slighe

¹ stuadh. ² thrioblaidean, theanntachdan.

³ òran.

⁴ freagair.

a dh'àithn mi dhuibh; agus thug olc oirbh anns na làithibh dcireannach, a chionn gu'n dean sibh olc ann an sealladh an Tighearna, 'ga bhrosnachadh gu feirg le h-obair bhur làmh.

30 Agus labhair Maois ann an cluasaibh uile chomhchruinnich Israeil briathra na laoidhe so, gus an do chrìochnaich eadhb iad.

CAIB. XXXII.

1 *Laoidh Mhaois.* 46 *Tha e a' toirt carail do'n t-sluagh, gu'n socraicheadh iad an cridhe air na nìibh a bha air an cur an cèill dhoibh imte.*

CLUINNIBH, O a nèamhan, agus labhraidh mi; agus éisdeadh an t-alamh ri briathraibh¹ mo bheoil.

2 Silidh mar an t-uisge mo theagasg, tuitidh mar an drùchd mo chainnt; mar mhìn-uisge air an lus mhaoth, agus inar fhrasan air an fheur;

3 A chionn gu'm foillsich mi,² ainm an Tighearna: thugaibh-se mòrachd d'ar Dia-ne.

4 *Is esan a' charraig, tha 'obair iomlan; oir is breitheanas a shlighean uile: Dia na firinn, agus gun eucoir, cothromach agus ceart tha esan.*

4 Thruaill siad iad féin, cha 'n e an smal smala chloinne-san: is ginealach coirbte³ agus fiar iad.

6 An ann mar so a dh'ìocas sibh⁴ do'n Tighearn, O a shluagh amaideach agus gun chéill? nach esan t'athair a cheannaich thu? nach d'rinne e thu, agus nach do dhaignich e thu?

7 Cuimhnich na làithean o chian, thoir fa'near bliadhnacha nan iomadh ginealach: fiosraich do t'athair, agus nochdaidh⁵ e dhuit; do d' sheanairibh, agus innsidh iad dhuit.

8 'Nuair a roinn an Ti a's ro-àirde do na cinnich an oighreachd, an uair a sgar e mic Adhaimh o chéile, shuidhich e crìochan nan sluagh a réir àireimh chloinn Israeil:

9 Oir is e 'shluagh cuibhrionn an Tigh-eann; is e Iacob crannchur 'oighreachd-san.

10 Fhuair e ainm an fearann fàs e, eadhon ann am fàsach falamh lán ulfhartaich⁶: threòraich e mu'n cuairt e, theagaisg se e, glhléidh e mar ubhal a shùla e.

11 Mar a charaicheas⁷ iolar suas a nead, a dh'itealaicheas i os ceann⁸ a li-àlaich, a sgaoileas i mach a sgiathan, a ghabhas i iad, a ghiùlaineas i iad air a sgiathaibh;

12 *Mar sin threòraich an Tighearna 'na*

anar esan, agus cha robh Dia coigreach maille ris.

13 Thug e air marcachd air àitibh àrda na talnhaime, a chum gu'n itheadh e toradh an fhearainn, agus thug e air mil a dheothal⁹ as a' charraig, agus oladh as a' charraig aibhinn;

14 Im cruith, agus bainne chaorach, maille ri saill uan agus reitheachan do shìol¹⁰ Bhasain, agus ghabhar, maille ri reamhrachd airnean a' chruithneachd; agus dh'òl thu fuil fhìor-ghlan nam fion-dhearc.

15 Ach dh'fhàs Iesurun reamhar, agus bhreab e; tha thu air cinntinn reamhar, tha thu air fàs tiugh, tha thu còmhdaichte le saill: an sin thréig e an Dia a riun e, agus rinn e dìmeas air carraig a shlàinte.

16 Bhrosnaich iad e gu h-eud le *d'ath-aibh eile*¹¹, le gràineileachdaibh chuir iad corruich air.

17 Dh'ìobair iad do dheamhnaibh cha 'n ann do Dhia; do dhiathaibh nach b'aithe dhoibh, do dhiathaibh nuadh a dh'ùr-éirich suas, roimh nach robh eagal air bhur n-aithriclibh.

18 Air a' charraig a ghin thu tha thu mi-chuimhneachail, agus tha thu dearmadach air an Dia a dhealbh thu.

19 Agus an uair a chunnaic an Tigh-eann e, ghabh e gràin diubh¹², air son brosnachaidh a mhac agus a nigheana.

20 Agus thubhairt e, Folaichidh mi mo ghnùis uatha, chi mi cìod is crìoch dhoibh: oir is ginealach ro choirbte¹³ iad, clann anns nach 'eil creidimh.

21 Rinn iad eudmhor mise¹⁴ leis an nì nach Dia, bhrosnaich¹⁵ iad mi gu feirg le 'n diomhanais. agus nì mise eudmhor iadsan leo-san nach 'eil 'nan sluagh, brosnachidh mi iad gu feirg le cinneach amaideach.

22 Oir tha teine air fhadadh a'm' fheirg, agus loisgidh e gu li-ifrinn ìoch-draich¹⁶, agus cuiridh e as do¹⁷ 'n talamh le 'thoradh, agus cuiridh e ri theine bun-aite nam beann.

23 Carnaidh mi suas uile¹⁸ orra, mo shaighdean caithidh mi orra.

24 Claidhear¹⁹ iad le h-ocras²⁰, agus cuirear as doibh le teas loisgeach, agus le sgrios searbh: fìaclan fhiadh-bheath-aiche mar an ceudna cuiridh mi orra, maille ri nìmh nathraichean an duslaich.

25 O'n leth a muigh sgriosaidh an claidheamh, agus o'u leth a stigh uamhann, araon an t-òig-fhear agus an òigh, an crìochan agus fear na gruaige léithe.

¹ éisd, O thalaimh, ri briathraibh.

² cuir mi an cèill, gairm mi air.

³ Ain e so an éric a bheir sibh?

⁴ fàsach uamhora gun àiteach.

⁵ ghabhas iolar càram d'a nead.

⁶ gu cuomh air.

⁷ shùghadh.

⁸ cuir mi aingidh.

⁹ taisbeanaidh.

¹⁰ ghleidheas.

¹¹ a' huidheas i

¹² shlichd.

¹³ coimheach.

¹⁴ ro chrosta.

¹⁵ phrosnaich.

¹⁶ ìthidh e suas.

¹⁷ gortadh.

¹⁸ rinn e tàir orra.

¹⁹ Dhùisg iad gu h-eud mise.

²⁰ gus an doimhne a's ìochdraiche.

²¹ dòrainnean.

²² Loisgear.

26 Thubhairt mi, Sgapaidh mi iad gu cùilthibh, bheir mi air an cuimhne sgur o mheasg dhaoine:

27 Mur bhitheadh gu'n robh eagal orm roimh chorruich an nàmhaid, air eagal gu'n giùlaineadh an eascairdean iad féin gu mi-chubhaidh, air eagal gu'n abradh iad, *Is i ar làmh àrd-ne*¹, agus cha 'n e an Tighearn a rinn so uile.

28 Or *is cinneach* gun chomhairle iad, ni mò a *tha* tuigse annta.

29 O gu'm biodh iad glic, *gu'n* tuigeadh iad so, *gu'n* tugadh iad fa'near an crìoch dheireannach!

30 Cionnus a chuireadh a h-aon ruaig air mìle, agus a chuireadh dìthis deich mìle air theicheadh, mur biodh an carraig air an reiceadh, agus mur biodh an Tighearn air an druideadh suas?

31 Oir mar ar carraig-ne cha 'n *eil* an carraig-san, air bhì d'ar naimhaidibh féin 'nam breitheamhnaibh.

32 Oir do fhìonain Shodoim *tha* 'm fìonain-san, agus do mhacharaibh Ghomorrah: *is* fìon-dhearcan mharbhtach² am fìon dhearcan, *tha* 'm bagaidean searbh:

33 *Is* e nimh nan dràgon am fìon, agus puinsion³ an-ìochdmhor nan nathraichean nimhe⁴.

34 Nach *eil* so air a thasgaidh suas agam, air a sheulachadh a'm ionmhasaibh?

35 Dhomhsa *buinidh* dioghaltas, agus luaigheachd; ri h-ùine sleamhnaichidh an cos: oir *tha* là an sgrios am fagus, agus tha na nithe a thig orra a' deanamh deifir.

36 Oir bheir an Tighearna breth air a shluagh, agus gabhaidh e aithreachas a thaobh a sheirbhiseach, 'nuair a chi e gu'n d'fhalbh an neart, agus nach *eil* neach dhiubh air a dhruideadh suas, no air fhàgail⁵.

37 Agus their e, C'ait *am bheil* an diathan, a' charraig as an d'earb iad.

38 A dh'ith saill an ìobairtean, a dh'òl fìon an tabhartais-dìbhe? éireadh iad suas, agus cuideicheadh iad leibh; bith-eadh iad dhuibh 'nan didean.

39 Faicibh a nis gur mise, *eadhon* mise e, agus nach *eil* Dia sam bith maille riom: marbhaidh mi, agus beothaichidh mi; lotaidh mi, agus leighisidh mi: agus cha 'n *eil* neach ann a shaoras as mo làimh.

40 Oir togaidh mi suas mo làmh gu nèamh, agus their mi, *Is* beò mise gu sìorruidh.

41 Ma gheuraichcas mi mo chlàidheamh lasarach⁶, agus ma ni mo làmh greim air

breitheanas, locaidh mi dioghaltas do m' naimhaidibh, agus bheir mi luaigheachd dhoibhsan aig am bheil fuath orm.

42 Cuiridh mi air mhisg mo shlaighdean le fuil, agus ithidh mo chlàidheamh suas feoil; *eadhon* le fuil nam marbh, agus nam braighdean, o thoiseach uan dioghaltas air an nàmhaid.

43 Deanaibh gairdeachas, O chinn-eacha, *maille r'*a shluagh-san: oir diolaidh e fuil a sheirbhiseach, agus ni e dioghaltas air 'eascairidibh, agus bithidh e tròcaireach d'a thìr, agus d'a shluagh féin.

44 Agus thàinig Maois, agus labhair e uile bhriathra na laoidh so ann an éisd-eachd an t-sluaigh, e féin agus Hosea mac Nuin.

45 Agus chuir Maois crìoch air na briathra sin uile a labhairt ri h-Israel uile.

46 Agus thubhairt e riu, Socraichibh bhur cridhe air na focail uile air am bheil mise a' toirt fianuis 'nur measg air an là'n diugh, a dh'àithneas sibh d'ur cloinn a choimhead, a chum gu'n dean iad uile bhriathran an lagha so.

47 Oir cha ni diomhain e dhuibh, a chionn gur e bhur beatha e; agus leis an ni so buanaichidh sibh *bhur* làithean san fhearann a tha sibh a' dol a null thar Iordan g'a shealbhachadh.

48 Agus labhair an Tighearna ri Maois san là sin féin, ag ràdh,

49 Imich suas do'n bheinn so Abarim, do shliabh Nebo, a *tha* ann an tìr Mhoai, a *tha* fa chomhair Iericho, agus gabh sealladh do thìr Chanaain, a *tha* mi a' toirt do chloinn Israel mar sheilbh;

50 Agus gheibh thu bàs san t-sliabh d'an téid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm' aghaidh-sa am measg chloinn Israeil, aig uisgeachaibh Mheribah-Cades, ann am fàsach Shìn; do bhrìgh nach do naomhaich sibh mi am meadhon chloinn Israeil.

52 Gidheadh chi thu am fearann fa d' chomhair; ach cha téid thu steach do'n fhearann a *tha* mi tabhairt do chloinn Israeil.

CAIB. XXXIII.

1 Mòrachd Dhé. 6 Beannachadh an dà theubh d'heug.

AGUS *is* e so am beannachadh leis an do bheannaich Maois, òglach⁷ Dhé, clann Israeil roimh a bhàs.

2 Agus thubhairt e, Thàinig an Tighearn o Shinaì, agus dh'èirich e suas dhoibh

¹ Tha ar làmh àrd.

³ nimh, gath.

² nimhe, domblais.

⁴ asp.

⁶ a làthair.

⁷ duine. Eabh.

⁶ dealrach, òbhlta.

DEUTERONOMI, XXXIII.

o Sheir; dhealraich e mach o shliabh Pharain, agus thàinig e le deich mìle do naoimh: o 'dheas làimh *chaidh* lagh teine mach dhoibh.

3 Seadh, ghràdhaich e 'n sluagh; *tha* a naoimh uile a'd' làimh: agus shuidh iad sìos aig do chosaibh; gheibh *gach neach* do d' bhriathraibh.

4 Dh'àithn Maois lagh dhuinn, *mar oighreachd* do chomhchruinneach Iacob.

5 Agus bha e 'na rìgh ann an Iesurun, an uair a chruinnich ceannardan¹ an t-sluaigh agus treubhan Israeil an ceann a chéile.

6 Biodh Reuben beò, agus na faigh-eadh e bàs; agus bitheadh a dhaoine *lionmhor* an àireamh.

7 Agus *is* e so *beannachadh* Iudah: agus thubhairt e, Eisd, a Thighearna, ri guth Iudah, agus thoir e chum a shluaigh: biodh a làmhnan foghainteach dha, agus bi-sa a'd' chòmhlanadh² *aige* o 'naimh-dibh.

8 Agus mu Lebhi thubhairt e, *Biodh* do Thumim agus t'Urim aig t'aon naomh, a dhearbhu thu aig Masah, ris an d' rinn thu strì aig uisgeachaibh Mheribah;

9 A thubhairt r'a athair agus r'a mhàthair, Cha 'n fhaca mi e; agus cha do ghabh e³ r'a bhràithribh, agus cha d'aithnich e a chlann féin: oir choimhid iad t'fhocail, agus ghléidh iad do choimh-cheangal.

10 Teagaisgidh iad do bhreitheanais do Iacob, agus do lagh do Israel: cuiridh iad tùis fa d' chomhair, agus làn ìob-airt-loisgte air t'altair.

11 Beannaich, O Thighearna, a mhaoin⁴, agus gabh ri obair a làmh: buail troimh leasraidh na muinntir a dh'éireas 'na aghaidh, agus na muinntir le 'm fuathach e, chum nach éirich iad a ris.

12 Mu Bheniamin thubhairt e, Gabhaidh aon gràdhach an Tighearna còmh-nuidh ann an tèaruinteachd làimh ris; *agus còmhdaichidh an Tighearna* e rè an là uile, agus gabhaidh e còmhnuidh eadar a ghuaillibh.

13 Agus mu Ioseph thubhairt e, Beannaichte o'n Tighearna *gu robh* 'fhearann, a thaobh nithe luachmhor nèimh, a thaobh an drùchd, agus a thaobh na doimhne tha 'na luidhe shìos,

14 Agus a thaobh nan toradh luachmhor *a bheirear a mach* leis a' ghréin, agus a thaobh nan nithe luachmhor a chuirear a mach leis gach mìos⁵,

15 Agus a thaobh prìomh⁶ nithe nam

beann aosda⁷, agus a thaobh nithe luachmhor nan sliabh sìorruidh.

16 Agus a thaobh nithe luachmhor na talmhainn, agus a làin, agus deadh-ghean an Tì sin a bha chòmhnuidh sa' plireas: thigeadh *am beannachd* airceann Ioseiph, agus air mullach a chinu-san a sgaradh o 'bhràithribh.

17 Mar cheud-ghin a thairbh *tha* a sgèimh⁸, agus *mar* adhaircean nan aon-adharcach⁹ *tha* 'adhaircean-sa: leo so purraidh¹⁰ e 'n sluagh le chéile, gu h-ìomallaibh na talmhainn: agus *is* iad so deich mìltean Ephraim, agus *is* iad so mìltean Mhanaseh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùth-aibh.

19 Gairmidh iad an sluagh a chum na beinne; an sin ìobraidh iad ìobairtean, ionracais: oir pailteas nan cuan sùgaidh¹¹ iad suas, agus ionmhais fholaichte na gaineimh.

20 Agus mu Ghad thubhairt e, Beannaichte *gu robh* esan a leudaicheas¹² Gad: mar leomhan tha e gabhail còmhnuidh, agus reubaidh e 'n gairdean maille ri mullach a' chinn.

21 Agus dheasaich e a' cheud chuid dha féin, a chionn an sin, *ann an* cuibhrionn an lagh-thabhartair, gu'n dò shuidhich-eadh e; agus thàinig e *maille ri* ceannardaibh an t-sluaigh; ceartas an Tigh-earna chuir e 'n gnìomh, agus a bhreitheanais ri h-Israel.

22 Agus mu Dhan thubhairt e, *Is* cuilean leòmhain Dan: leumaidh e o Bhasau.

23 Agus mu Naphtali thubhairt e, O Naphtali, sàsuichte le deadh-ghean, agus làn do bheannachadh an Tighearna, sealbhaich thusa an àird¹³ an iar agus an àirde deas.

24 Agus mu Aser thubhairt e, *Biodh* Aser beannaichte le cloinn: biodh e taitneach d'a bhràithribh, agus tumadh¹⁴ e a chos ann an oladh.

25 *Bithidh* do bhrògan 'nan iarunn agus 'nan umha¹⁵; agus mar do làithean *is amhluidh bhios* do neart¹⁶.

26 Cha 'n'èil neach cosmhuil ri Dia Iesurun, a tha marcachd air nèamh a'd' chòmhlanadh, agus 'na mìlòrachd¹⁷ air na speuraibh.

27 *Is* e 'n Dia bith-bhuan do thear-munn, agus fuidhe *tha* na gairdeana sìorruidh: agus fuadaichidh e mach an nàmhaid romhad, agus their e, Cuir as *da*.

¹ cinn. Eabh.

² chongnamh. Eir.

³ cha d'aicid e 'bhràithrean.

⁴ a neart, a shluaigh.

⁵ leis a' ghealach.

⁶ ceud, àrd.

⁷ beannan an àirde 'n ear. Eabh.

⁸ a ghàird, a mhaise.

⁹ an t-sròn-adharcach;

Rhinoceros. Sasg.

¹⁰ sàthaidh.

¹¹ sùghaidh, deothalaidh.

¹² dh'fharsaingicheas.

¹³ tomadh, bogadh.

¹⁴ Bithidh iarunn

agus umha fo d' chosaibh; bithidh do chroinn no do ghlasan a dh'iarunn agus a dh'umha.

¹⁵ do shìth.

¹⁶ oirdheirceas.

23 An sin gabhaidh Israel còmhnuidh gu tèaruinte 'na aonar: *bithidh* tobar la-coib air fearann arbhair agus fiona; mar an ceudna silidh a nèamha nuas drùchd.

29 *Is* sonadh thu, O Israeil: cò *tha* cosmhuil riut, O shluagh, a shaoradh leis an Tighearna, sgiath do chòmhnaidh, agus neach is e claidheamh do mhòrachd? agus gheibhear do naimhde 'nam breug-airibh dhuit, agus saltraidh tu air an àitibh àrda.

CAIB. XXXIV.

1 O shliabh Nebo fhuair Maois sealladh do thìr Chanaan. 5 A bhàs agus 'adhlac. 7 Aois. 8 An tuireadh air a shon. 10 A chliu.

AGUS chaidh Maois suas o chòmhnardaibh Mhoais gu sliabh Nebo, gu mullach Phisgah¹, a *tha* thall fa chomhair Iericho: agus nochd an Tighearna dha fearann Ghilead uile gu Dan,

2 Agus Naphtali uile, agus tìr Ephraim, agus Mhanaseh, agus tìr Iudah uile, gu ruig an fhairge a's faide mach,

3 Agus an taobh deas, agus còmhnaidh glinne Iericho, baile nan craobh pailm, gu ruig Soar.

4 Agus thubhairt an Tighearna ris, *Is* e so am fearann a mhionnaich mi do Abraham, do Isaac, agus do Jacob, ag ràdh, Do d' shliochd-sa bheir mi e: thug mi ortsa 'fhaicinn le d' shùilibh, ach d' a ionnsuidh cha téid thu thairis.

¹ na beinne. Eabh.

² robh a shùil dall.

5 Agus fhuair Maois, òglach an Tighearna, bàs an sin, ann am fearann Mhoais, a réir focail an Tighearna.

6 Agus dh'adhlac e ann an gleann e, ann am fearann Mhoais, thall fa chomhair Bhet-peoir: ach cha 'n aithne do dhuine sam bith 'uaigh gus an là'n diugh.

7 Agus *bha* Maois ceud agus fichead bliadhna dh'aois an uair a fhuair e bàs: cha d'fhàilnich a shùil², ni mò a thréig a neart e³.

8 Agus ghul clann Israeil air son Mhaois ann an còmhnaidh Mhoais deich làithean 'ar fhichead: mar so chrìochnaicheadh làithean a' ghul agus a' bhròin air son Mhaois.

9 Agus bha Iosua mac Nuin làn do spiorad a' ghliocais; oir chuir Maois a làmhnan air: agus dh'éisd clann Israeil ris, agus rinn iad mar a dh'àithn an Tighearna do Mhaois.

10 Agus cha d'éirich fàidh o sin ann an Israel cosmhuil ri Maois, neach a b'aithne do'n Tighearna aghaidh ri h-aghaidh;

11 Anns na h-uile chomharaibh, agus iongantasaibh a chuir an Tighearna e a dheanamh ann an tìr na h-Eiphit, air Pharaoh⁴, agus air a sheirbhisich uile, agus air 'fhearann uile,

12 Agus anns an làimh chumhachdaich sin uile, agus anns an uamhas mhòr uile, a dh'oiбрич Maois ann an sealladh Israeil uile.

³ lùghdaicheadh a chàil. ⁴ an aghaidh Pharaoh.

IOSUA.

CAIB. I.

1 Dh'orduich an Tighearna Iosua an àite Mhaois. 5, 7 Gheall e bhì maille ris: 8 thug e riaghailtean dha a thaobh a ghiùlain.

ANIS, an déigh bàis Mhaois, òglaich an Tighearna, labhair an Tighearna ri Iosua, mac Nuin, fear-frithealaidh Mhaois, ag ràdh,

2 Tha m'òglach Maois marbh: a nis uime sin éirich, gabh thairis air Iordan so, thu féin, agus an sluagh so uile, dh'ionnsuidh na tìre a tha nise a' tabhairt dhoibh, *eadhon* do chloinn Israeil.

3 Gach ionad air an saltair bonn bhuir coise, sin thug mi dhuibh, mar a' thubhairt mi ri Maois.

4 O'n fhàsach, agus Lebanon so, eadhon gus an amhainn mhòir, amhainn Euphrates, tìr nan Hiteach uile, agus gus an fhaireg mhòir, leth ri dol fuidhe na gréine, bithidh 'na chrìch dhuibh.

5 Cha'n urrainn duine sam bith seasamh

a'd' aghaidh uile làithean do bheatha. Mar a bha mi le Maois, *mar sin* bithidh mi leatsa: cha dibir mi thu, agus cha tréig mi thu.

6 Bì làidir, agus ro mhisneachail; oir do'n t-sluagh so roinnidh tu mar oighreachd an tìr a mhionnaich mi d'an aithrichibh¹ a thabhairt doibh.

7 A mhàin bì-sa làidir agus ro misneachail, a chum gu'n toir thu 'n aire gu'n dean thu a réir an lagha uile a dh'àithn m'òglach Maois dhuit: na tionndaidh uaidh dh'ionnsuidh na làimhe deise no dh'ionnsuidh na làimhe clìthe, a chum gu'n soirbhich leat anns gach àite d'an téid thu.

8 Cha téid leabhar an lagha so as do bheul; ach beachd-smuainichidh tu air a là agus a dh'oidheche, chum gu'n toir thu 'n aire gu'n dean thu a réir gach *m a ta*

¹ aithreachaibh.

sgriobhta ann: oir an sin bheir thu air do shluhe soirbheachadh leat, agus an sin iiii thu gu glic¹.

9 Nach d'àithn mise dhuit? Bi làidir agus ro mhisneachail; na bi fo eagal, agus na biodh faitheas ort: oir *tha* 'n Tighearna do Dhia leat anns gach *ionad* d'an téid thu.

10 An sin dh'àithn Iosua doluchd-riaghlaidh an t-sluaigh, ag ràdh,

11 Rachaibh tromh'n champ, agus àithnibh do'n t-sluaigh, ag ràdh, Deasaichibh dhuibh féin lòn; oir an ceann thriláithean théid sibh thar Iordan so, a dhol a stigh a shealbhadh na tíre a *tha* 'n Tighearna bhur Dia a' toirt duibh r'a sealbhadh.

12 Agus ris na Reubenich, agus ris na Gadaich, agus ri leth thréibh Mhanaseh, labhair Iosua, ag ràdh,

13 Cuimhnichibh am focal a dh'àithn Maois oglach an Tighearna dhuibh, ag ràdh, Thug an Tighearna bhur Dia fois dhuibh, agus thug e dhuibh an tìr so.

14 Fanaidh bhur mnà, bhur clann bheag, agus bhur spréidh, san tìr a thug Maois dhuibh air an taobh so do Iordan; ach théid sibh féin thairis fo'r n-armaibh roimh bhur bràithrean, sibhse uile a tha treun ann an neart, agus cuidichidh sibh leo;

15 Gus an toir an Tighearna fois d'ur bràithribh, mar a *thug e* dhuibhse, agus gu'n sealbhaich iadsan mar an ceudna an tìr a *tha* 'n Tighearna bhur Dia a' tabhairt doibh: an sin pillidh sibh gu tìr bhur seilbhe, agus sealbhaichidh sibh i, *eadhon an tìr* a thug Maois oglach an Tighearna dhuibh air an taobh so do Iordan, leth ri éirigh na gréine.

16 Agus fhreagair iad Iosua, ag ràdh, Na h-uile *nìthe* a dh'àithn thu dhuinne, nì sinn; agus ge b'e taobh a chuireas tu sinn, théid sinn.

17 A réir mar a dh'éisd sinn ri Maois anns na h-uile *nìthibh*, mar sin éisdidh sinn riutsa: a mhàin biodh an Tighearna do Dhia maille riut, mar a bha e maille ri Maois.

18 Gach duine a chuireas an aghaidh t'àithne, agus nach éisd ri d' bhrìathraibh, anns na h-uile *nìthibh* a dh'àithncas tu dha, cuirear gu bàs e: a mhàin bi làidir, agus ro mhisneachail.

CAIB. II.

1 Thug Rahab aoidheachd do'n dithis dhaoine a thàinig á Sitim a rannsachadh na tíre. 8 An coimheangal eadar ise agus iadsan.

AGUStim dithis dhaoine a rannsachadh a mach gu h-uaigneach, ag ràdh, Imichibh, rannsachibh a mach an tìr, agus Iericho:

agus dh'imich iad, agus chaidh iad a steach do thigh strìopaich, d'am b'ainm Rahab, agus luidh iad an sin.

2 Agus dh'innseadh do rìgh Iericho, ag ràdh, Feuch, thàinig daoine an so an nochd, do chloim Israeil, a rannsachadh a mach na tíre.

3 Agus chuir rìgh Iericho *teachdaire* gu Rahab, ag ràdh, Thoir a mach na daoine a thàinig a t'ionnsuidh, a chaidh steach do d' thigh: oir is ann a rannsachadh a mach na tíre uile a thàinig iad.

4 Agus ghabh a' bhean an dàithis dhaoine, agus dh'fholaich i iad, agus thubhairt i mar so, Thàinig gun amharus daoine a m' ionnsuidh, ach cha robh fhios agam cia as a thàinig iad:

5 Agus thachair *mu àm* druididh a' gheata 'nuair a bha e dorcha, gu'n deachaidh na daoine mach: c'àit a ghabh na daoine, cha'n fhios domh: leanaibh gu luath air an tòir, oir beiridh sibh orra.

6 Ach bha i air an toirt suas gu mullach an tighe, agus air am folach le cuiseag-aibh an lìn, a leag i an ordugh air mullach an tighe.

7 Agus lean na daoine air an tòir san t-slighe gu Iordan, gu ruig² na h-àthanna agus co luath as a chaidh a' mhuinntir a bh'air an tòir a mach, dhruid iad an geata.

8 Agus mun robh iad air luidhe sìos, chaidh i suas d'an ionnsuidh air mullach an tighe;

9 Agus thubhairt i ris na daoineibh, Tha fios agam gu bheil an Tighearna air toirt duibh na tíre, agus gu bheil bhur n-uamhas air tuiteam oirne, agus gu bheil luchd-àiteachaidh na tíre uile air leaghadh as le h-eagal³ roimhibh:

10 Oir chuala sinne cionnus a thiormaich an Tighearna suas uisge na mara ruaidhe roimhibh, 'nuair a thàinig sibh a mach as an Eiphit; agus ciod a rinn sibh air dà rìgh nan Amorach, a bh'air an taobh eile do Iordan, Sihon agus Og, a sgrios sibh gu tur.

11 Agus co luath as a chuala sinne *na nìthe sin*, leagh ar cridheachan, agus cha d'fhan tuilleadh a bheag do mhisnich ann an duine sam bith air bhur sonsa: oir an Tighearna bhur Dia, is esan Dia anns na n-èamlaibh shuas, agus air an talamh bhos⁴.

12 A nis uime sin guidheam oirbh, mionnaichibh dhomh air an Tighearna, a chionn gu'n do nochd mi caoimheas dhuibh, gu'n nochd sibhse mar an ceudna caoimheas do thigh m'athar-sa, agus gu'n toir sibh dhomh comhara cinnteach⁵;

13 Agus gu'n gléidh sibh beò m'athair, agus mo bhràithrean,

¹ éiridh gu màith dhuit.

² gu nuig.

³ air fannachadh.

⁴ shìos.

⁵ fìrinn. Eabh.

agus mo pheathraichean, agus na h-uile a ta aca, agus gu'n saor sibh ar n-anamanna¹ o'n bhàs.

14 Agus fhreagair na daoine i, Ar n-anam-ne air bhur son-sa gu bàs, mur foillsich sibh an gnothuch so againn. Agus tarlaidh, nuair a bheir an Tighearna dhuinn an tìr, gu'm buin sinn gu caoimhneil agus gu fìrinneach riutsa.

15 An sin leig i sìos iad air cord troimh² 'n uinneig: oir bha a tigh air balla a' bhaile³, agus bha i chòmhnuidh air a' bhalla.

16 Agus thubhairt i riu, Thugaibh am monadh⁴ oirbh, air eagal gu'n coinnich an luchd tòrachd sibh; agus folaichibh sibh féin an sin trì làithean, gus am bi'n luchd tòrachd air pilltinn, agus an déigh sin feudaidh sibh imeachd air bhur slighe.

17 Agus thubhairt na daoine rithe⁵, *Bithidh* sinne neò-chiontach a thaobh iad so do mhionnan a thug thu oirnn a mhionnachadh.

18 Feuch, 'nuair a thig sinn do'n tìr, ceanglaidh tu an stiom⁶ so do shnàth scarlait anns an uinneig troimh an do leig thu sìos sinn: agus bheir thu t'athair, agus do mhàthair, agus do bhràithrean, agus teaghlach t'athar uile, dhachaidh a' t'ionnsuidh.

19 Agus tarlaidh, ge b'e neach a théid a mach air dorsaibh do thighe do'n t-sràid, gu'm bi' fhuil air a cheann féin, agus *bithidh* sinne neò-chiontach: agus ge b'e neach a bhios maille riut anns an tigh, *bithidh* f'huil air ar ceann-ne, ma bheanas làmh ris.

20 Agus ma dh'fhoillsicheas tu an gnothuch so againn, an sin bithidh sinne saor o d' mhionnaibh a thug thu oirnn a mhionnachadh.

21 Agus thubhairt ise, A réir bhur briathra, mar sin *bitheadh* e. Agus chuir i air falbh iad, agus dh'imich iad: agus cheangail i an stiom scarlait anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì làithean, gus an do phill an luchd tòrachd. Agus dh'iarr an luchd tòrachd iad air feadh na slighe uile, ach cha d'fhuair siad iad.

23 Mar sin phill an dithis dhaoine, agus chaidh iad sìos o'u mhonadh, agus chaidh iad thairis, agus thàinig iad gu Iosua mac Nuin, agus dh'innis iad da gach *ni* a thachair dhoibh.

24 Agus thubhairt iad ri Iosua, Gu fìrinneach thug an Tighearna thairis d'ar làimh am fearann uile: oir tha eadhon luchd-àiteachaidh na tìre uile air leaghadh as fa'r comhair.

1 *Thàinig Iosua gu Iordan.* 7 *Thug Dia misneach dha,* 9 *agus thug esan misneach do'n t-sluagh.*

A GUS dh'éirich Iosua gu moch sa' mhadaoin; agus dh'imich iad o Shitim, agus thàinig iad gu Iordan, e féin agus clann Israeil uile, agus ghabh iad tàmh an sin mun deachaidh iad thairis.

2 Agus an ceann thrì làithean, chaidh an luchd-riaghlaidh troimh 'n champ⁷;

3 Agus dh'àithn iad do'n t-sluagh, ag ràdh, 'Nuair a chi sibh àirc coimhcheangail an Tighearna bhur Dé, agus na sagairt na Lebhithich 'ga giùlan, an sin gluaisidh sibh o'r n-àit, agus théid sibh 'na déigh.

4 Gidheadh bithidh astar eadar sibh agus i, mu thimchioll dà mhìle làmh-choille do thomhas: na tigibh am fagus di, a chum gu'm bi fios na slighe agaibh air am feum sibh imeachd; oir cha do ghabh sibh riamh roimhe an rathad so.

5 Agus thubhairt Iosua ris an t-sluagh, Naomhaichibh sibh féin; oir am maireach ni 'n Tighearna *nithe* iongantach 'nur measg.

6 Agus labhair Iosua ris na sagartaibh, ag ràdh, Togaibh suas àirc a' choimhcheangail, agus rachaibh thairis roimh 'n t-sluagh. Agus thog iad suas àirc a' choimhcheangail agus chaidh iad roimh 'n t-sluagh.

7 Agus thubhairt an Tighearna ri Iosua, An diugh tòisichidh mi air thusa dheanamh mòr ann an sealladh Israeil uile, a chum gu'm bi fios aca, mar a bha mi le Maois, gu'm bi mi leatsa.

8 Agus bheir thu àithne do na sagartaibh a tha giùlan àirc a' choimhcheangail, ag ràdh, 'Nuair a bhios sibh air teachd gu foir uisge Iordain, ann an Iordan seasaidh sibh.

9 Agus thubhairt Iosua ri cloinn Israeil, Thigibh an so, agus éisdibh ri briathraibh an Tighearna bhur Dé.

10 Agus thubhairt Iosua, Le so bithidh fios agaibh gu *bheil* an Dia beò 'nur measg, agus gu'm fuadaich e gun teagamh a mach roimhibh na Cananaich, agus na Hitich, agus na Hibhich, agus na Peridsich, agus na Girgasaich, agus na h-Amoraich, agus na Iebusaich.

11 Feuch, tha àirc coimhcheangail Tighearna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug á treubhan Israeil, fear as gach tréibh.

13 Agus co luath 'sa shocraicheas na sagairt a ta giùlan àirc an Tighearna, Tighearna na talmhainn uile, buinn an cos ann an uisgeachaibh Iordain, bithidh nìsg-eachan Iordan air an sgaradh o na h-uisgeachaibh a thig a nuas o'n àirde; agus seasaidh iad 'nan torr.

¹ beatha. ² trid. ³ na cathrach. ⁴ a' bheinn.

⁵ ria.

⁶ cordan

⁷ tre'n fheuchd.

IOSUA, III. IV.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagairt a' giùlan àirce a' choimhcheangail roimh 'n t-sluagh;

15 Agus an uair a bha iadsan a ghiùlain an àirce air teachd gu Iordan, agus a bha cosa nan sagarta a ghiùlain an àirce air an tumadhann an foir an uisge, (oir tha Iordan a' sruthadh thar a bruachan uile rè an fhogaraidh uile,)

16 An sin sheas na h-uisgeachan a thàinig a nuas o'n àirde, agus dh'èirich iad suas 'nan torr ro fhad o'n bhaile Adam, a ta làimh ri Saretan: agus theirig iadsan a chaidh sìos rathad mara a' chòmhnaird, eadhon na mara salainn, agus ghearradh as iad; agus chaidh an sluagh thairis dìreach fa chomhair Iericho.

17 Agus sheas na sagairt, a ghiùlain àirce coimhcheangail an Tighearna gu daingean¹ air talamh tioram am meadhon Iordain, agus chaidh na h-Israelich uile thairis air talamh tioram gus an robh an sluagh uile air dol thar Iordan².

CAIB. IV.

1 *Dà chloich dheug air an toirt mar chuimhneachan à meadhon amlaie Iordain: 9 dà chloich dheug eile air an cur suas 'na meadhon. 19 Chaidh an sluagh thairis.*

AGUS an uair a bha 'n sluagh uile air dol thar Iordan, an sin labhair an Tighearna ri Iosua, ag ràdh,

2 Gabhaibh dhuibh féin dà fhear dheug as an t-sluagh, duine as gach tréibh;

3 Agus àithnibh dhoibh, ag ràdh, Thugaibh leibh o so á meadhon Iordain, as an àit anns an do sheas cosa nan sagart gu daingean, dà chloich dheug; agus bheir sibh iad thairis leibh, agus cuiridh sibh iad anns an àite-tàimh anns an gabh sibh fois an nochd.

4 An sin ghairm Iosua air an dà fhear dheug, a dheasaich e á cloinn Israeil, fear as gach tréibh.

5 Agus thubhairt Iosua riu, Rachaiibh thairis roimh àirce an Tighearna bhuir Dé gu meadhon Iordain, agus togadh gach fear dhibh clach air e ghualainn, a réir àireimh threubha chloinn Israeil.

6 A chum gu'm bi so 'na chomhara 'nur measg, a chum 'nuair a dh'fhiosraicheas bhurclann san àm ri teachd³, ag ràdh, Ciod is ciall duiibh leis na clachaibh so?

7 An sin gu'm freagair sibh iad, Gu'n robh uisgeachan Iordain air an sgaradh o chéile roimh àirce coimhcheangail an Tighearna; 'nuair a chaidh i thar Iordan, gu'n robh uisgeachan Iordain air an sgaradh o chéile: agus bithidh na clachan so 'nan cuimhneachan do chloinn Israeil gu bráth.

8 Agus rinn clann Israeil amluil mar a dh' àithn Iosua, agus thog iad suas dà

chloich dheug á meadhon Iordain, mar a labhair an Tighearna ri Iosua, a réir àireimh threubha chloinn Israeil, agus ghiùlain iad leo thairis iad do'n àit anns an do ghabh iad tàmh, agus chuir iad sìos an sin iad.

9 Agus chuir Iosua suas dà chloich dheug am meadhon Iordain, san ionad anns an do sheas cosa nan sagart a ghiùlain àirce a' choimhcheangail: agus tha iad an sin gus an là 'n diugh.

10 Oir sheas na sagart a ghiùlain an àirce am meadhon Iordain, gus an do chrìochnaicheadh gach ni a dh' àithn an Tighearna do Iosua a labhairt ris an t-sluagh, a réir nan uile nithe a dh' àithn Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àirce an Tighearna thairis, agus na sagairt, an làthair an t-sluaigh.

12 Agus chaidh clann Reubein, agus clann Ghilad, agus leth thréibh Mhanaseh, thairis fo'n armaibh roimh chloinn Israeil, mar a labhair Maois riu:

13 Chaidh thairis mu thimchioll dà fhichead mìle, deas air son cogaidh, an làthair an Tighearna gu cath, do chòmhnardaibh Iericho.

14 Air an là sin dh' àrdaich an Tighearna Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile làithean a bheatha.

15 Agus labhair an Tighearna ri Iosua, ag ràdh,

16 Aithn do na sagartaibh a tha giùlan àirce na Fianuis, iad a theachd a nìos á Iordan.

17 Agus dh' àithn Iosua do na sagartaibh, ag ràdh, Thigibh a nìos á Iordan.

18 Agus an uair a bha na sagairt a ghiùlain àirce coimhcheangail an Tighearna air teachd a nìos á meadhon Iordain, agus a bha buinn chos nan sagart air an togail suas air an talamh thioram, an sin phill uisgeachan Iordain d' an àite féin, agus chaidh iad thar a bruachan uile, mar a rinn iad roimhe.

19 Agus thàinig an sluagh a nìos á Iordan air an deicheamh là do'n cheud mhìos, agus champaich iad ann an Gilgal, san iomall a làimh na h-àirde 'n ear do Iericho.

20 Agus an dà chloich dheug sin, a thug iad a mach á Iordain, chuir Iosua suas ann an Gilgal.

21 Agus labhair e ri cloinn Israeil, ag ràdh, 'Nuair a dh'fhiosraicheas bhurclann d' an aithricheibh san àm ri teachd, ag ràdh, Ciod is ciall do na clachaibh so?

22 An sin bheir sibh fios d'ur cloinn, ag

¹ deas. ² gus an do chuir an sluagh uile crìoch

air dol thar Iordan. Eabh. ³ am màireach. Eabh.

ràdh, Thàinig Israel thar Iordan so air talamh tioram.

23 Oir thiomhaich an Tighearna bhur Dia suas uisgeachan Iordain roimh-lubh-se, gus an deachaidh sibh thairis, mar a rinn an Tighearna bhur Dia air a' mhuir ruaidh, a thiomhaich e suas roimhainn, gus an robh sinn air dol thairis ;

24 A chum gu'n aithnich sluagh na talmhainn uile làmh an Tighearna, gu bheil i cumhachdach : a chum gu'm bi eagal an Tighearna bhur Dé oirbh am feasd¹.

CAIB. V.

1 *Ghabh na Canaanach eagal. 2 An timchioll-ghearradh air 'ath-orduchadh. 10 Chumadh a' chàisg aig Gilgal. 13 Làimh ri Iericho chunnaic Iosua aingal.*

AGUS an uair a chual' uile rìghre nan Amorach, a bh' air an taobh thall do Iordan a làimh na h-àirde 'n iar, agus uile rìghre nan Canaanach, a bha làmh ris an fhaighe, gu'n do thiomhaich an Tighearna suas uisgeachan Iordain roimh chloinn Israeil, gus an deachaidh sinn thairis, leaghl an cridhe, agus cha robh spiorad tuilleadh anna, air son chloinn Israeil.

2 Annsan àm sin thubhairt an Tighearna ri Iosua, Dean duit féin sgeinean geura², agus timchioll-ghearr clann Israeil a ris an dara uair.

3 Agus rinn Iosua dha féin sgeinean geura, agus thimchioll-ghearr e clann Israeil aig cnoc nan roimh-chroicinn.

4 Agus is e so an t-aobhar mu'n do thimchioll-ghearr Iosua : Fhuair an sluagh uile a thàinig a mach as an Eiphit, a bha 'nam firionnaich, *eadhon* na fir-chogaidh uile, bàs anns an fhàsach air an t-slighe, an dèigh dhoibh teachd a mach as an Eiphit.

5 A nis bha 'n sluagh uile a thàinig a mach, air an timchioll-ghearradh ; ach an sluagh uile a rugadh san fhàsach air an t-slighe, 'nuair a thàinig iad a mach as an Eiphit, *iadsan* cha do thimchioll-ghearr iad.

6 Oir dh'imich clann Israeil anns an fhàsach dà fhichead bliadhna, gus an deachaidh as³ do'n luchd-cogaidh uile a thàinig a mach as an Eiphit, a chionn nach d'thug iad géill do ghuth an Tighearna : d'an do mhionnaich an Tighearna nach nochdadh e dhoibh a'm fearann, a mhionnaich an Tighearna d'an aithrichibh gu'n tugadh e dhuinn, fearann a tha sruthadh le bainne agus le mil.

7 Agus an clann-san, a thog e suas 'nan àit, iadsan thimchioll-ghearr Iosua : oir bha iad neo-thimchioll-ghearrta, a chionn nach do thimchioll-ghearradh iad air an t-slighe.

8 Agus an uair a bha 'n sluagh uile air

an timchioll-ghearradh, dh'fhan iad 'nan àitibh anns a' champ, gus an robh iad slàn.

9 Agus thubhairt an Tighearna ri Iosua, Air an là 'n diugh bhuin mi air falbh uaibh masladh na h-Eiphit : uime sin thugadh Gilgal mar ainm air an àite sin gus an là 'n diugh.

10 Agus champaich clann Israeil ann an Gilgal, agus chum iad a' chàisg, air a' cheathramh là deug do'n mìlios anns an fheasgar, ann an còmhnradaibh Iericho.

11 Agus dh'ith iad do shean bhàrr⁴ an fhearainn air an là màireach an dèigh na càisge, breacagan neo-ghoirtichte, agus *siol* cruaidhichte air an là sin féin.

12 Agus guirair mana air an là màireach an dèigh dhoibh itheadh do shean bhàrr an fhearainn ; ni mò a bha mana tuilleadh aig cloinn Israeil, ach dh'ith iad do thoradh fearainn Chanaan air a' bhliadhna sin.

13 Agus an uair a bha Iosua làmh ri Iericho, thog e suas a shùilean agus dh'amhairc e, agus, feuch, sheas duine thall fa 'chomhair, agus a chlaidheamh rùisgte 'na làimh : agus chaidh Iosua d'a ionnsuidh, agus thubhairt e ris, An ann leinne a tha thu, no le'r n-eascairidibh?

14 Agus thubhairt e, Cha 'n ann : ach mar cheannard slòigh an Tighearna tha mi a nis air teachd. Agus thuit Iosua air 'aghaidh air an talamh, agus rinn e aoradh, agus thubhairt e ris, Ciod a tha mo thighearn ag ràdh r'a sheirbhiseach?

15 Agus thubhairt ceannard slòigh an Tighearna ri Iosua, Fuasgail do bhròg bhàrr do chois, *oir tha* 'n t-ionad air am bheil thu a'd' sheasamh, naomh. Agus rinn Iosua mar sin.

CAIB. VI.

1 *Dhruideadh Iericho suas. 20 Thuit a bhalla. 22 Shaoiradh Rahab agus a dìlsean.*

ANIS bha Iericho air a dhruideadh agus gu team, roimh chloinn Israeil ; cha deachaidh neach air bith a mach, agus cha d'thàinig neach air bith a stigh.

2 Agus thubhairt an Tighearna ri Iosua, Feuch, thug mi do d' làimh Iericho, agus a rìgh, agus na daoine treun ann an neart.

3 Agus cuairtichidh sibh am baile, *sibhse* fheara-cogaidh uile, agus théid sibh mu thimchioll a' bhaile aon uair : mar so ni thu air sè làithibh.

4 Agus giùlainidh seachd sagairt roimh an àirc seachd trompaidean a dh'adhaireibh reitheachan : agus air an t-seachdamh là théid sibh mu thimchioll a' bhaile seachd uairean, agus séididh na sagairt leis na trompaidibh.

5 Agus an uair a ni iad *fuaim* fhada le

¹ gach là. Eabh. ² sgeinean do chlochaibh cruaidh. Eabh. ³ do chaitheadh, do blàsaich.

⁴ arblar, siol, toradh.

adhaircibh nan reitheachan, agus an uair a chluinneas sibh fuaim na trompaid, an sin éighidh an sluagh uile le h-iolaich mhòir, agus tuitidh balla a' bhaile sìos o' bhunadh, agus théid an sluagh suas gach duine díreach roimhe.

6 Agus ghairm Iosua mac Nuin air na sagartaibh, agus thubhairt e riu, Togaibh suas àire a' choimhcheangail, agus giùlaineadh seachd sagairt seachd trompaid-ean a dh'adhaircibh reitheachan roimh àire an Tighearn.

7 Agus thubhairt e ris an t-sluagh, Gabhaibh air bhuir n-aghaidh, agus cuairtichibh am baile, agus gabhadh esan a tha fo armaibh air aghaidh roimh àire an Tighearn.

8 Agus an uair a labhair Iosua ris an t-sluagh, ghabh na seachd sagairt, a' giùlan sheachd trompaidean a dh'adhaircibh reitheachan, air an aghaidh roimh 'n Tighearn, agus shéid iad leis na trompaidibh; agus lean àire coimhcheangail an Tighearn iad.

9 Agus chaidh na daoine armaichte roimh na sagartaibh a shéid leis na trompaidibh, agus thàinig a' chuid eile do'n t-sluagh¹ an déigh na h-àirce, na sagartan a' gabhail air an aghaidh, agus a' séideadh leis na trompaidibh.

10 Agus dh'àithn Iosua do'n t-sluagh, ag ràdh, Cha dean sibh iolach, agus cha dean sibh fuaim sam bith le'r guth, ni mò théid focal sam bith a mach as bhuir beul, gus an là anns an abair mise ribh, Deanaibh iolach; an sin ni sibh iolach.

11 Mar sin chuairtich àire an Tighearn am baile, a' dol m' a thimchioll aon uair: agus thàinig iad do'n champ, agus ghabh iad tàmh anns a' champ.

12 Agus dh'éirich Iosua gu moch sa' mhaduinn, agus thog na sagairt suas àire an Tighearn.

13 Agus dh'imich air an aghaidh a ghnàth seachd sagairt, a' giùlan sheachd trompaidean a dh'adhaircibh reitheachan roimh àire an Tighearn, agus shéid iad leis na trompaidibh: agus dh'imich an sluagh armaichte rompa, ach thàinig a' chuid eile do'n t-sluagh an déigh àirce an Tighearn, na sagairt a' gabhail air an aghaidh, agus a' séideadh leis na trompaidibh.

14 Agus air an dara là chuairtich iad am baile aon uair, agus phill iad do'n champ: mar so rinn iad air sè làithibh.

15 Agus air an t-seachdamh là dh'éirich iad gu moch mu bhriseadh na fàire², agus chuairtich iad am baile air an dòigh cheudua, seachd uairean: a mhàin air an là sin chuairtich iad am baile seachd uairean.

16 Agus air an t-seachdamh uair shéid na sagairt leis na trompaidibh, agus thubhairt Iosua ris an t-sluagh, Deanaibh iolach; oir thug an Tighearna dhuibh am baile.

17 Agus bithidh am baile mallaichte, e féin agus gach *ni* a th'ann, do'n Tighearn: a mhàin bithidh Rahab an striopach beò, i féin agus iadsan uile a tha maille rithe san tigh, a chionn gu'n d'fhòlaich i na teachdairean a chuir sin uainn.

18 Agus sibhse, air gach aon chor gleidhibh sibh féin o'n ni mhallaichte, air eagal gu'n dean sibh sibh féin mallaichte, 'nuair a gabhas sibh do'n ni mhallaichte, agus gu'n dean sibh camp Israeil 'na mhallachadh, agus gu'n cuir sibh e fuidh bhuaireas³.

19 Ach tha 'n t-airgiod uile, agus an t-òr, agus na soithichean umha agus iar-uinn, coisrigte do'n Tighearna: thig iad a steach do ionmhas⁴ an Tighearn.

20 Agus rinn an sluagh iolach an uair a shéid na sagairt leis na trompaidibh: agus an uair a chual' an sluagh fuaim na trompaid, agus a dh'éigh an sluagh le h-iolaich mhòir, an sin thuit am balla sìos gu làr; agus chaidh an sluagh suas do'n bhaile, gach duine díreach roimhe, agus ghlac iad am baile.

21 Agus léir-sgrìos iad gach *ni* a bha sa' bhaile, eadar fhear agus bhean, òg agus shean, agus dhamh, agus chaora, agus asal, le faobhar a' chlaideimh.

22 Ach ris an dithis fhear a rannsaich a mach an tìr thubhairt Iosua, Rachaidh a steach do thigh na striopach, agus thugaibh a mach as a sin a' bhean, agus gach *ni* a th'aice, mar a mhionnaich sibh dhi.

23 Agus chaidh na h-òganaich a bha 'nan luchd-rannsaich⁵ a stigh, agus thug iad a mach Rahab, agus a h-athair, agus a màthair, agus a bràithrean, agus gach *ni* a bh'aice; agus thug iad a mach a dilsean uile, agus chuir iad an taobh a muigh do champ Israeil iad.

24 Agus loisg iad am baile le teine, agus gach *ni* a bh'ann: a mhàin an t-airgiod, agus an t-òr, agus na soithichean umha agus iar-uinn, chuir iad ann an ionmhas tighe an Tighearn.

25 Agus ghléidh Iosua Rahab an striopach beò, agus teaghlach a h-athar, agus gach *ni* a bh'aice: agus tha i 'na còmh-nuidh ann an Israel gus an là 'n diugh, a chionn gu'n d'fhòlaich i na teachdairean a chuir Iosua a rannsachadh a mach Iericho.

26 Agus chuir Iosua fuidh mhionnaibh iad san àm sin, ag ràdh, Mallaichte gu robh an duine an làthair an Tighearn, a

¹ iadsan a bh'air dheireadh. ² chamhanaich, scarthanaich an là. ³ mhì-shuaimhneas.

⁴ thaisgeach.

⁵ luchd-brathaidh.

dh'éireas agus a thogas am baile so Iericho: 'na cheud-ghin leagaidh e a bhunachar, agus 'na *mhac* a's òige cuiridh e suas a gheatacha.

27 Mar so bha'n Tighearna maille ri Iosua, agus sgaoidleadh 'iomradh-san air feadh na tìre uile.

CAIB. VII.

1 *Chuireadh an ruaig air cloinn Israeil aig Ai.*
6 *Gearan Iosua.* 10 *Nochd an Tighearna dhachod a bhuineadh dha a dheanamh.* 19 *Aidmheil Achain.*

ACH rinn clann Israeil cionta san ni mhallaichte: oir ghabh Achan mac Charmi, mhic Shabdi, mhic Sherah, do thréibh Iudah, *cuid* do'n ni mhallaichte: agus las fearg an Tighearn an aghaidh chloinn Israeil.

2 Agus chuir Iosua daoine o Iericho gu h-Ai, a *tha* làimh ri Bet-abhen, air an taobh an ear do Bhet-el, agus labhair e ri, ag ràdh, Rachaibh suas, agus rannsachibh a mach an tìr. Agus chaidh na daoine suas, agus rannsach iad a mach Ai.

3 Agus phill iad gu Iosua, agus thubhairt iad ris, Na rachadh an sluagh uile suas; ach rachadh mu thimchioll dà mhìle no trì mìle fear suas, agus buailleadh iad Ai: na toir air an t-sluagh uile saothreachadh an sin; oir *cha 'n' eil ann* diubh *ach* beagan.

4 Agus claidh suas an sin do'n t-sluagh mu thimchioll trì mìle fear; agus theich iad roimh fhèara Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad an ruaig orra o chomhair a' gheata *eadhon* gu Sebarim, agus bhuail iad san dol sios iad; uime sin leagh cridhe an t-sluaigh, agus dh'fhàs e mar uisge.

6 Agus reub Iosua 'eudach, agus thuit e gu làr air 'aghaidh roimh àirc an Tighearna, gu tràth feasgair, e féin agus seanairean Israeil, agus chuir iad duslach air an cinn.

7 Agus thubhairt Iosua, Och! a Thighearna Dhé, c'ar son a thug thu idir an sluagh so thar Iordan, g'ar thoir thairis do làimh nan Amorach, a chum ar sgrios? O b'fhèarr gu'm biomaid toilichte, agus gu'm biomaid air gabhail còmhnuidh air an taobh eile do Iordan!

8 O Thighearna, ciod a their mi 'nuair a thionndaidheas Israel an cùl r'an naimhdibh?

9 Oir chuinnidh na Canaanaich, agus uile luchd-àiteachaidh na tìre, agus iadhaidh iad mu'n cuairt oirn, agus gearraidh iad as ar n-ainm o'n talamh: agus ciod a ni thu ri d'ainm mòr?

10 Agus thubhairt an Tighearna ri Io-

sua, Eirich suas; c'ar son a luidheas tu mar so air t'aghaidh?

11 Pheacaich Israel, agus bhris iad mar an ceudna mo choimhcheangal a dh'àithn mi dhoibh; oir ghabh iad eadhon do'n ni mhallaichte, agus mar an ceudna ghoid iad, agus mar an ceudna cheil¹ iad, agus chuir iad eadhon am measg an aimeis féin e.

12 Uime sin cha b'urrainn clann Israeil seasamh roimh an naimhdean, *ach* thionndaidh iad an cùl r'an naimhdibh, a chionn gu'n robh iad mallachite. Cha bhi mise maille ribh tuille, mur sgrios sibh an ni mallachite as bhur measg.

13 Eirich suas, naomhaich an sluagh, agus abair, Naomhaichibh sibh féin air son an là maireach; oir mar so tha an Tighearna Dia Israeil ag ràdh, *Tha* ni mallachite a'd' mheadhon, O Israeil: cha'n urrainn thu seasamh roimh do naimhdibh, gus an cuir sibh air falbh an ni mallachite as bhur measg.

14 Anns a' mhaduinn, uime sin, bheirear cuideachd sibh a réir bhuir treubhan: agus an treubh a ghabhas an Tighearna, thig i a réir a teaghlach; agus thig an teaghlach a ghabhas an Tighearn, a réir a thighean; agus thig an tigh a ghabhas an Tighearn, a lion fear is fear.

15 Agus esan a ghlacar leis an ni mhallachite, loisgear le teine e féin agus gach *ni* a *th'aige*; a chionn gu'n do bhris e coimhcheangal an Tighearn, agus gu'n d'rinn e amaideachd² ann an Israel.

16 Uime sin dh'éirich Iosua gu moch sa' mhaduinn, agus thug e leis Israeil a réir an treubhan; agus ghabhadh treubh Iudah.

17 Agus thug e leis teaghlach Iudah; agus ghabh e teaghlach nan Sarhith-each: agus thug e leis teaghlach nan Sarhith-each a lion fear is fear; agus ghabhadh Sabdi.

18 Agus thug e leis a thigh, a lion fear agus fear; agus ghabhadh Achan mac Charmi, mhic Shabdi, mhic Sherah, do thréibh Iudah.

19 Agus thubhairt Iosua ri Achan, A mhic, thoir, guidheam ort, glòir do'n Tighearna Dia Israeil, agus dean aidmheil da; agus innis domh a nis ciod a rinn thu, na folach uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tighearna Dé Israeil, agus mar so agus mar so rinn mi.

21 'Nuair a chunnaic mi am measg na creiche earradh³ bhreagha Bhabilonach, agus dà cheud secel airgid, agus geinn oir anns an robh leth-cheud secel do chudthrom, an sin shanntaich mi iad, agus

¹ dh'àicheadh iad.

² lochd.

³ trusgan, culaidh, falluing.

ghabh mi iad; agus, feuch, *tha* iad fòlaichte san talamh am meadhon mò bhùtha, agus an t-airgiod fuidhe.

22 Mar sin chuir Iosua teachdairean uait, agus ruith iad do'n bhùth, agus, feuch, *bha e* folaichte 'na bhùth, agus an t-airgiod fuidhe.

23 Agus thug iad *leo* iad á meadhon a' bhùtha, agus thug iad gu Iosua iad, agus gu clann Israeil uile, agus sgaoil¹ iad a mach iad am fianuis an Tighearna.

24 Agus ghabh Iosua agus Israel uile maille ris, Achan mac Sherah, agus an t-airgiod, agus an earradh, agus an geinn òir, agus a mhic, agus a nigheanan, agus a dhaimh, agus asail, agus a chaoraich, agus a bhùth, agus gach *ni* a *bh'*aige; agus thug iad do ghleam Achoir iad.

25 Agus thubhairt Iosua, C'ar son a chuir thu dragh oirn? cuiridh an Tighearna dragh ortsa an diugh. Agus chlach clann Israeil uile c le clachaibh, agus loisg iad le teine iad, an déigh dhoibh an clachadh le clachaibh.

26 Agus thog iad suas carn mòr chlach air a mhuin gus an là'n diugh: Agus phill an Tighearna o ghairge a chorruich: uime sin thugadh gleann Achoir mar ainm air an àite sin, gus an là'n diugh.

CAIB. VIII.

1 *Thug an Tighearna misneach do Iosua.* 3 *An dòigh air an do ghlacadh baile Ai.* 29 *Chrochadh a rìgh.* 30 *Thog Iosua altair do Dhia.* 32 *Scriobh e an lagh air clachaibh, agus leugh e a bhriathran uile.*

AGUS thubhairt an Tighearna ri Iosua, Na gabh eagal, agus na bi fo gheilt; gabh an sluagh cogaidh uile maille riut, agus éirich, imich suas gu h-Ai: feuch, thug mi thairis do d' làimh rìgh Ai, agus a shluagh, agus a bhaile, agus 'fhearann.

2 Agus ni thu ri h-Ai agus r'a rìgh, mar a rinn thu ri Iericho, agus r'a rìgh: a mhàin a chreach, agus a sprèidh, gabhaidh sibh mar chobhartach dhuibh féin. Cuir *daoine* ann am feall-fholach² an aghaidh a' bhaile air a chùlaobh.

3 Agus dh'éirich Iosua agus an sluagh cogaidh uile, a dhol suas an aghaidh Ai: agus thagh Iosua mach deich mìle fichead a dh'fhearaibh treun ann an neart, agus chuir e air falbh iad san oidhche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, *eadhon* air cùl a' bhaile: na rachaidh ro fhad o'n bhaile, ach bithibh uile deas:

5 Agus théid mise, agus an sluagh uile a *tha* maille rium, dlùth do'n bhaile: agus an uair a thig iad a mach 'nar coinneamh, mar air tùs, teichidh sinne rompa.

6 (Oir thig iad a mach 'nar déigh) gus an tarruing sinn iad o'n bhaile: oir their iad, *Tha* iad a' teicheadh romhainn, mar air tùs: uime sin teichidh sinne rompa.

7 An sin éiridh sibhse o'n fheall-fholach, agus glacadh sibh am baile: oir bheir an Tighearna bhur Dia 'nur làimh e.

8 Agus an uair a ghlasas sibh am baile, cuiridh sibh am baile ri theine: a réir àithne an Tighearna ni sibh. Feuch, dh'àithn mise dhuibh.

9 Uime sin chuir Iosua mach iad; agus dh'fhalbh iad a dheanamh feall-fholach, agus dh'fhan iad eadar Bet-el agus Ai, air an taobh an iar a dh'Ai: ach dh'fhan Iosua an oidhche sin am measg an t-sluaigh.

10 Agus dh'éirich Iosua gu moch sa' mhaduinn, agus dh'àireamh e'n sluagh³, agus chaidh e suas, e féin agus seanair-ean Israeil, roimh 'n t-sluagh gu h-Ai.

11 Agus chaidh an sluagh cogaidh uile suas, a *bha* maille ris, agus chaidh iad am fagus, agus thàinig iad fa chomhair a' bhaile, agus champaich iad air an taobh mu thuath do Ai: a nis *bha* gleann eadar iad agus Ai.

12 Agus ghabh e mu thimchioll chùig mìle fear, agus chuir e iad a dheanamh feall-fholach eadar Bet-el agus Ai, air an taobh an iar do'n bhaile.

13 Agus an uair a shuidhich iad an sluagh, *eadhon* am feachd uile a *bh'*air an taobh mu thuath do'n bhaile, agus an luchd feall-fholach air an taobh an iar do'n bhaile, chaidh Iosua san oidhche sin do mheadhon a' ghlinne.

14 Agus an uair a chunnaic rìgh Ai *sin*, rinn iad cabhag agus dh'éirich iad gu moch; agus chaidh fir a' bhaile a mach gu cath an aghaidh Israeil, e féin agus a shluagh uile, ann an àm suidhichte, fa chomhair a' chòmhnaid: ach cha robh fhios aige gu'n *robh* luchd feall-fholach 'na aghaidh air cùl a' bhaile.

15 Agus rinn Iosua agus Israel uile mar gu'm buailte iad rompa, agus theich iad rathad an fhàsaich.

16 Agus ghairmeadh an sluagh uile a *bha* ann an Ai⁴ an ceann a chèile gu dol air an tòir, agus chaidh iad air tòir Iosua, agus thairngeadh o'n bhaile iad.

17 Agus cha d'fhàgadh duine ann an Ai, no ann am Bet-el, nach deachaidh a mach an déigh Israeil: agus dh'fhàg iad am baile fosgailte, agus chaidh iad air tòir Israeil.

18 Agus thubhairt an Tighearna ri Iosua, Sin a mach an t-sleagh a *tha* 'n ad làimh rathad Ai; oir bheir mise a'd' làimh⁵ e. Agus shìn Iosua mach an

¹ chuir.

² plaid-luidhe.

³ ghabh e beachd do'n t-sluaigh.

⁴ anns a' bhaile.

⁵ 'n ad làimh.

t-sleagh a bh'aige 'na làimh, a dh'ionnsuidh a' bhaile.

19 Agus dh'èirich na daoine a bha ris an fheall-fholach gu grad as an àit, agus ruith iad co luath 'sa shìn e mach a làmh: agus chaidh iad a stigh do'n bhaile, agus ghlac iad e, agus rinn iad cablag, agus chuir iad am baile ri theine.

20 Agus an uair a sheall fir Ai 'nan déigh, chunnaic iad, agus, feuch, chaidh deatach a' bhaile suas gu nèamh, agus eha robh comas aea teicheadh an taobh so no'n taobh ud: agus thionndaidh an sluagh a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israel uile gu'n do ghlac luchd na feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile 'nan aghaidh; mar sin bha iad am meadhon Israeil, cuid air an taobh so, agus cuid air an taobh ud: agus bhuail siad iad, gus nach d'fhàgadh aon diubh beò, no aon gu dol as.

23 Agus ghlac iad rìgh Ai beò, agus thug iad e gu Iosua.

24 Agus an uair a chuir Israel crìoch air uile luchd-àiteachaidh¹ Ai a mharbhadh, anns a' mhachair, anns an fhàsach d'an do chuir iad an ruaig orra, agus an uair a thuit iad uile le faobhar a' ehlaidheimh, gus an do chuireadh as doibh, an sin phill na h-Israelich uile gu h-Ai agus bhuail iad e le faobhar a' chlaidheimh.

25 Agus bha ann dhiubhsan uile a thuit air an là sin, eadar fheara agus mhnà, dà mhìle dheug, eadhon muinntir Ai uile:

26 Oir cha do tharruing Iosua a làmh air a h-ais, a shìn e mach leis an t-sleagh, gus an do léir-sgrìos e luchd-àiteachaidh Ai uile.

27 A mhàin spréidh agus creach a' bhaile sin ghabh Israel mar chobhartach dhoibh féin, a réir fòcail an Tighearn a dh'àithn e do Iosua.

28 Agus loisg Iosua Ai, agus rinn e 'na charn e gu bràth, 'na fhàsach gus an là 'n diugh.

29 Agus rìgh Ai chroch e air erann gu àm an fheasgair: agus mu dhol fuidhe na gréine dh'àitlm Iosua, agus thug iad a nuas a chorp o'n chrann, agus thilg iad e aig dol a stigh geata a' bhaile, agus thog iad air carn mòr ehlach, a tha làthair gus an là 'n diugh.

30 An sin thog Iosua altair do'n Tighearna Dia Israeil air sliabh Ebail,

31 Mar a dh'àithn Maois, òglach an Tighearna, do chloinn Israeil, a réir mar

a ta e sgrìobhta ann an leabhar lagha Mhaois, altair do chlachaihb slàna, air nach do thog duine sam bith suas iarunn; agus thug iad suas oirre iobairtean-loisgte do'n Tighearn, agus dh'ìobair iad tabh-artais-shith.

32 Agus sgrìobh e 'n sin air na clachaihb dublachadh lagha Mhaois, a sgrìobh e an làthair chloinn Israeil.

33 Agus sheas Israel uile, agus an sean-airean, agus an luchd-riaghlaidh, agus am breitheamhna, air an taobh so do'n àire, agus air an taobh ud, an làthair nan sagart nan Lebbitheach, a ghiùlan àirc coimhceangail an Tighearn, an coigreach co mhaith ris-san a rugadh 'nam measg; leth dhiubh thall fa chomhair sléibh Gheridsim, agus leth dhiubh thall fa chomhair sléibh Ebail: mar a dh'àithn Maois, òglach an Tighearna, chum sluagh Israeil a bheannachadh air tús².

34 Agus an déigh sin leugh³ e uile bhriathran an lagha, na beannachdan agus na mallachdan, a réir nan uile nithe a ta sgrìobhta ann an leabhar an lagha.

35 Cha robh focal do na h-uile nithibh a dh'àithn Maois, nach do leugh Iosua an làthair eomhchrùinnich Israeil uile, agus nam ban, agus na cloinne bige, agus nan coigreach a bha fantuinn 'nam measg.

CAIB. IX.

1 Rinn na rìghrean coimhceangal an aghaidh Israeil. 3 Cealg nan Gibeonach. 20 Rinneadh tràillean dhiubh.

A GUS an uair a chuala na rìghrean uile a bh'air an taobh so do Iordan, anns na beanntaibh, agus anns a' chòmh-nard, agus ann an uile oirthir⁴ na fàirge mòire thall fa ehomhair Lebanon, an Hiteach, agus an t-Amorach, an Canaanach, am Peridseach, an Hibheach, agus an Iebusach so;

2 Chruinnich iad an ceann a ehéile a chogadh ri Iosua, agus ri h-Israel, le aon rùn.

3 Agus an uair a chuala luchd-àiteachaidh Ghìbeoin eiod a rinn Iosua ri Iericho, agus ri h-Ai;

4 Rinn iadsan mar an ceudna gu seòlta, agus chaidh iad agus leig iad orra gu'm bu teachdairean iad, agus ghabh iad seann saie air an asalaibh, agus fion-shearragan⁵ a bha sean agus reubta, agus eangailte suas,

5 Agus brògan a bha sean agus càirichte air an eosaibh, agus sean eudach orra; agus bha aran an lòn uile tioram agus liath.

6 Agus chaidh iad a dh'ionnsuidh Iosua do'n ehamp gu Gilgal, agus thubhairt iad ris, agus ri fir Israeil, Thàinig sinne o

¹ luchd-còmhnuidh. ² mar a dh'àithn Maois roimhe, a chum gum beannaicheadh iad

sluagh Israeil. ⁴ shlios.

³ dh'èigh Eabh. ⁵ fion-bhuideil.

dhùthaich fad as; a nis uime sin dean-
aibh coimhcheangal ruinn.

7 Agus thubhairt fir Israeil ris na Hibh-
ich, Theagamh gu bheil sibh a chòmh-
nuidh 'nar measg, agus cionnus a dh'-
fheudas sinne coimhcheangal a dheanamh
ribh?

8 Agus thubhairt iad ri Iosua, *Is* sinne
do sheirbhisich. Agus thubhairt Iosua
riu, Cò sibh? agus cia as a thàinig sibh?

9 Agus thubhairt iad ris, O dhùthaich
ro fhad air astar thàinig do sheirbhisich,
air sgàth ainme an Tighearna do Dhé:
oir chuala sinn 'iomradh-san, agus gach
ni a rinn e san Eiphit,

10 Agus gach *ni* a rinn e ri dà rìgh nan
Amorach, a *bha* 'n taobh thall do Iordan,
ri Sihon rìgh Hesboin, agus ri h-Og rìgh
Bhasain, a *bha* aig Astarot;

11 Uime sin labhair ar seanairean agus
uile luchd-àiteachaidh ar dùthcha ruinn,
ag ràdh, Gabhaibh lòn 'nur làimh air son
an turuis, agus rachaibh 'nan coinneamh,
agus abraibh riu, *Is* sinne bhur seirbh-
isich: agus a nis deanaibh coimhcheangal
ruinn.

12 An t-aran so againn ghabh sinn teth
air son ar lòn a mach as ar tighibh, san
là anns an d'thàinig sinn a mach gu dol
d'ur n-ionnsuidh-sa; ach a nis, feuch, tha
e tioram, agus liath:

13 Agus na searragan fìona so a lìon
sinn, *bha iad* nuadh¹, agus, feuch, tha
iad reubta: agus tha ar n-eudach so agus
ar brògan air fàs sean, le ro fhad na
slighe.

14 Agus ghabh na daoine d'am biadh,
agus clia d'iarr iad *comhairle* o bheul an
Tighearn.

15 Agus rinn Iosua sìth riu, agus rinn e
coimhcheangal riu, a leigeil leo bhi beò:
agus mhionnaich uachdarain a' chomh-
chruinnich dhoibh.

16 Agus thachair an ceann thri làithean,
an déigh dhoibh coimhcheangal a dhean-
amh riu, gu'n cual' iad gu'm *b'iad* an
coimhearsnach iad, agus gu'n robh iad a
chòmhnuidh 'nam measg.

17 Agus chaidh clann Israeil air an agh-
aidh, agus thàinig iad a dh'ionnsuidh am
bailtean² air an treas là: a nis *b'iad* am
bailte Gibeon, agus Chephirah, agus
Beerot, agus Ciriath-jearim.

18 Agus cha do bhuail clann Israeil iad
a chionn gu'n do mhionnaich uachdarain
a' chomhchruinnich dhoibh air an Tigh-
earna Dia Israeil. Agus rinn an comh-
chruinneach uile gearan³ an aghaidh nan
uachdaran.

19 Ach thubhairt na h-uachdarain uile
ris a' chomhchruinneach uile, Mhionnaich
sinn dhoibh air an Tighearna Dia Israeil;

agus uime sin cha 'n fheud sinn bean-
tuinn riu.

20 So ni sinn riu; leigidh sinn eadhon
leo a bhi beò, a chum nach bi fearg *Dhé*
'nar n-aghaidh, air son nam mionnan a
mhionnaich sinn dhoibh.

21 Agus thubhairt na h-uachdarain riu,
Leigibh leo bhi beò; ach biodh iad 'nan
luchd-gearraidh fiodha, agus 'nan luchd-
tarruing uisge do'n chomhchruinneach
uile, mar a gheall na h-uachdarain
dhoibh.

22 Agus ghairm Iosua orra, agus labhair
e riu, ag ràdh, C'ar son a mheall sibh sinn,
ag ràdh, *Tha* sinn ro fhada uaibh, an uair
a tha sibh a chòmhnuidh 'nar measg;

23 A nis uime sin *tha* sibh mallachte,
agus cha saorar neach air bith dhibh o
bhi 'nur tràillibh, agus 'nur luchd-gearr-
aidh fiodha, agus 'nur luchd-tarruing
uisge air son tighe mo Dhé.

24 Agus fhlreagair iad Iosua, agus thubh-
airt iad, Do bhrìgh gu'n d'iniseadh gu
cinnteach do d' sheirbhisich cionnus a
dh'àithn an Tighearna do Dhia d'a òg-
lach Maois am fearann uile a thoirt
duibh, agus luchd-àiteachaidh na tìre uile
a sgrios roimhibh, uime sin bha eagal
mòr ar n-anama oirnn roimhibh, agus
rinn sinn an ni so.

25 Agus a nis, feuch, *tha* sinn a'd'
làimh: mar a mheasar maith agus ceart
leatsa a dheanamh ruinn, dean.

26 Agus mar so rinn e riu, agus shaor e
iad á làimh chloinn Israeil; agus cha do
mharbh siad iad.

27 Agus rinn Iosua iad san là sin féin
'nan luchd-gearraidh fiodha, agus 'nan
luchd-tarruing uisge do'n chomhchruinn-
each, agus do altair an Tighearn, eadhon
agus an là 'n diugh, anns an ionad a rògh-
naicheadh.

CAIB. X.

1 *Chog cùig rìghrean nan Amorach an aghaidh
baile Ghibeoin.* 9 Shaor Iosua e. 12 *Air focal
Iosua sheas a' ghrian agus a' ghealach sna speur-
aibh.*

A GUS an uair a chual' Adonisedec
rìgh Ierusalem gu'n do ghlac Iosua
Ai, agus gu'n do léir-sgrios se e; mar a
rinn e ri Iericho agus r'a rìgh, mar sin
gu'n d'rinn e ri h-Ai agus r'a rìgh; agus
gu'n d'rinn luchd-àiteachaidh Ghibeoin
sith ri h-Israel, agus gu'n robh iad 'nam
measg;

2 Ghabh iad eagal mòr, do bhrìgh gu'm
bu bhaile mòr Gibeon, mar aon do na
bailtibh rioghail, agus do bhrìgh gu'm *bu*
mhò e na Ai, agus *gu'n robh* a dhaoine
uile treun.

3 Uime sin chuir Adonisedec, rìgh Ie-
rusaleim, *fios* gu Hoham rìgh Hebroin,

¹ nomha. ² caithrichean, bailtean cuairtiche

le balla.

³ duarman, monmhor; murmur. Sasg.

agus gu Piram rìgh Iarmuit, agus gu Iaphia rìgh Lachis, agus gu Debir rìgh Eglain, ag ràdh,

4 Thigibh a nìos a m'ionnsuidh-sa, agus cuidichibh leam, a chum gu'm buail sinn Gibeon: oir rinn e sìth ri Iosua, agus ri clòinn Israeil.

5 Uime sin chruinnich cùig rìghre nan Amorach, rìgh Ierusalem, rìgh Hebroin, rìgh Iarmuit, rìgh Lachis, rìgh Eglain, iad féin an ceann a chéile, agus chaidh iad suas, iad féin agus an slòigh uile, agus champaich iad fa chomhair Ghibeoin, agus chog iad 'na aghaidh.

6 Agus chuir fir Ghibeoin *fios* gu Iosua, do'n champ gu Gilgal, ag ràdh, Na deanadh do làmh moille o d' sheirbhisich: thig a nìos d'ar n-ionnsuidh gu grad, agus saor sinn, agus cuidich leinn: oir tha rìghre nan Amorach uile a tha 'nan comhnuidh sna beanntaibh, air cruinneachadh ri chéile 'nar n-aghaidh.

7 Agus chaidh Iosua suas o Ghilgal, e féin agus an sluagh cogaidh uile maille ris, agus na fir threuna uile.

8 Agus thubhairt an Tighearna ri Iosua, Na gabh eagall rompa; oir thug mise thairis do d' làimh iad: cha seas duine dhiubh romhad.

9 Uime sin thàinig Iosua orra gu h-obann: rè na h-oidhche chaidh e suas o Ghilgal.

10 Agus chlaoidh an Tighearn iad roimh Israel, agus mharbh¹ e iad le h-àr² mòr aig Gibeon, agus chuir e'n ruaig orra rathad uchdaich Bheth-horoin, agus bhuail e iad gu Hasekah, agus gu Macedah.

11 Agus an uair a bha iad a' teicheadh roimh Israel, agus iad air leathad Bheth-horoin, thilg an Tighearna clacha mòra orra nuas o nèamh gu Hasekah, agus fhuair iad bàs: *bu* lìonmhoire iadsan a bhàsaich leis na clacha-meallain, na *iad-san* a mharbh clann Israeil leis a' chlaoidheamh.

12 An sin labhair Iosua ris an Tighearna, san là anns an d'thug an Tighearna suas na h-Amoraich roimh chloinn Israeil, agus thubhairt e'm fianuis Israeil, A ghrian, air Gibeon stad, agus thusa, a ghealach, air gleann Aialoin.

13 Agus stad a' ghrian, agus sheas a' ghealach, gus an do dhiol an sluagh iad féin air an naimhdibh. Nach *'eil* so sgrìobhta ann an leabhar Iaseir? Agus stad a' ghrian am meadhon nèimh, agus cha d'rinn i cabhag gu dol fuidhe mu thimchioll là iomlain.

14 Agus cha robh là *sam bith* cosmhuil ris an là sin, roimhe no 'na dhéigh, anns an d'éisd an Tighearna ri guth duine; oir chog an Tighearn air son Israeil.

[15 Agus phill Iosua, agus Israel uile maille ris, do'n champ gu Gilgal;]

16 Ach theich na cùig rìghrean ud, agus dh'fhòlaich siad iad féin ann an uaimh ann am Macedah.

17 Agus dh'innseadh do Iosua, ag ràdh, Fhuaradh na cùig rìghre folaichte ann an uaimh ann am Macedah.

18 Agus thubhairt Iosua, Caruiclibh clacha mòra air beul na h-uamha, agus cuiribh daoine làimh rithe g'an gleidheadh.

19 Agus na stadaibh-se, *ach* rachaibh air tòir bhuir naimhdean, agus buailibh iadsan a's deireannaiche dhiubh, na leigibh leo dol a stigh d'am bailtibh; oir thug an Tighearna bhuir Dia iad thairis d'ur làimh.

20 Agus an uair a chuir Iosua agus clann Israeil crìoch air am marbhadh le h-àr ro mhòr, gus an do chuireadh as doibh, chaidh a' chuid a mhair dhiubh a steach do na bailtibh daingnichte.

21 Agus phill an sluagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith do chloinn Israeil.

22 An sin thubhairt Iosua, Fosglaibh beul 'na h-uamha, agus thugaibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroin, rìgh Iarmuit, rìgh Lachis, agus rìgh Eglain.

24 Agus an uair a thug iad a mach na rìghre sin gu Iosua, ghairm Iosua air fearaibh Israeil uile, agus thubhairt e ri ceannardaibh nam fear-cogaidh a chaidh maille ris, Thigibh am fagus, cuiribh bhuir cosan air muinealaibh nan rìgh sin. Agus thàinig iad am fagus, agus chuir iad an cosan air am muinealaibh.

25 Agus thubhairt Iosua riu, Na biodh eagall oirbh agus na bitlibh fuidh gheilt, bitlibh làidir agus biodh deadh mhisneach agaibh; oir mar so ni 'n Tighearna ri'r naimhdibh uile ris am bheil sibh a' cogadh.

26 Agus an déigh sin bhuail Iosua iad, agus mharbh e iad, agus chroch e iad air cùig crannaibh: agus bha iad an crochadh air na crannaibh gu feasgar.

27 Agus an àm dol fuidhe³ na gréine d'àithn Iosua, agus thug iad a nuas iad o na crannaibh, agus thilg siad iad san uaimh anns an d'fhòlaich siad iad féin, agus chuir iad clacha mòra am beul na h-uamha, a tha làthair gus a' cheart là so.

28 Agus air an là sin féin ghilac Iosua

¹ bhuail.
221

² mharbhadh.

³ fiodha.

Macedah, agus bhuail se e le faobhar a' chlaidheimh, agus a rìgh sgrios e gu tur, iadsan agus gach anam a *bh'* ann; cha d'fhàg e neach air bith beò: agus rinn e ri rìgh Mhacedah, mar a rinu e ri rìgh Iericho.

29 An sin chaidh Iosua, agus Israel uile maille ris, thairis o Mhacedah gu Libnah, agus chog e 'na aghaidh Libnah.

30 Agus thug an Tighearna thairis e mar an ceudna, agus a rìgh, do làimh Israeil, agus bhuail se e le faobhar a' chlaidheimh, agus na h-anaman uile a *bha* ann: cha d'fhàg e neach air bith beò ann, ach rinn e r'a rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e 'na aghaidh, agus chog e 'na aghaidh.

32 Agus thug an Tighearna thairis Lachis do làimh Israeil, agus ghlac se e air an dara là, agus bhuail se e le faobhar a' chlaidheimh, agus gach anam a *bha* ann, a réir nan uile *nithe* a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beò aige.

34 Agus chaidh Iosua agus Israel uile maille ris, o Lachis gu h-Eglon, agus champaich iad 'na aghaidh, agus chog iad 'na aghaidh:

35 Agus ghlac iad e air an là sin féin, agus bhuail iad e le faobhar a' chlaidheimh, agus gach anam a *bha* ann sgrios e gu tur san là sin, a réir nan uile *nithe* a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad 'na aghaidh:

37 Agus ghlac iad e, agus bhuail iad e le faobhar a' chlaidheimh, agus a rìgh, agus a bhailtean uile, agus gach anam a *bha* ann: cha d'fhàg e h-aon air bith beò, a réir nan uile *nithe* a rinn e ri h-Eglon, ach sgrios e gu tur e, agus gach anam a *bha* ann.

38 Agus phill Iosua, agus Israel uile maille ris, gu Debir, agus chog e 'na aghaidh:

39 Agus ghlac se e, agus a rìgh, agus a bhailtean uile, agus bhuail siad iad le faobhar a' chlaidheimh, agus léir-sgrios iad gach anam a *bha* ann; cha d'fhàg e h-aon air bith beò: mar a rinn e ri Hebron, mar sin rinn e ri Debir, agus r'a rìgh: agus mar a rinn e ri Libnah, agus r'a rìgh.

40 Agus bhuail Iosua tìr nam beann uile, agus na h-àirde deas, agus a' chòmhn-

naird, agus nan tobar, agus an rìghrean uile: cha d'fhàg e h-aon air bith beò, ach léir-sgrios e gach neach anns an robh anail, mar a dh'àithn an Tighearna Dia Israeil.

41 Agus bhuail Iosua iad o Chades-barnea gu ruig Gasa, agus tìr Ghosein uile gu ruig Gibeon.

42 Agus na rìghre sin uile, agus am fearann, ghlac Iosua dh'aon tarraing¹, do bhrìgh gu'n do chog an Tighearna Dia Israeil air son Israeil.

43 Agus phill Iosua, agus Israel uile maille ris, do'n champ gu Gilgal.

CAIB. XI.

1 *Aig uisgeachailh Mheroim thugadh buaidh air rìghribh a dh'èirich suas an aghaidh Israeil.*
10 *Ghlacadh agus loisgeadh Hasor.* 21 *Ghearradh as na h-Anacaich.*

A GUS an uair a chuala Iabin rìgh A Hasoir na *nithe* sin, chuir e fios gu Iobab rìgh Mhadoin, agus gu rìgh Shimroin, agus gu rìgh Achsaiph.

2 Agus a dh'ionnsuidh nan rìgh a *bha* mu thuath anns na beanntaibh, agus anns a' chòmhnard mu dheas do Chinerot, agus anns a' ghleann, agus ann an crìoch-aibh Dhoir, air an làimh an iar;

3 *Agus a dh'ionnsuidh a' Chanaanaich* air an làimh an ear agus an làimh an iar, agus a *dh'ionnsuidh* an Amoraich, agus an Hìtich, agus a' Pheridsich, agus an Iebusaich anns na beanntaibh, agus a *dh'ionnsuidh* an Hìbhich fuidh Hermon, ann an tìr Mhispeh.

4 Agus chaidh iad a mach, iad féin agus am feachd uile maille riu, sluagh lionmhor, eadhon mar a' ghaineamh a *ta* air tràigh na fairge thaobh lionmhoireachd, le h-eachaibh agus carbadaibh ro lionmhor.

5 Agus an uair a *bha* na rìghre sin uile air coinneachadh a chèile, thàinig iad agus champaich iad cuideachd aig uisgeachailh Mheroim, a chogadh an aghaidh Israeil.

6 Agus thubhairt an Tighearna ri Iosua, Na biodh eagail ort rompa; oir am màireach, mu'n àm so, bheir mise suas iad uile marbh am fianuis Israeil: gearraidh tu iosgaidean² an each, agus loisgidh tu an carbadan le teine.

7 Agus thàinig Iosua, agus an sluagh cogaidh uile maille ris, orra aig uisgeachailh Mheroim gu h-obann, agus bhuail iad orra.

8 Agus thug an Tighearna thairis iad do làimh Israeil, a bhuail iad, agus a chuir an ruaig orra gu Sidon mòr, agus gu Misrephot-maim, agus gu còmhnard Mhispeh air an làimh an ear, agus bhuail

¹ san aon àm.

² casgaidean.

siad iad, gus nach d'fhàg iad aon diubh beò.

9 Agus rinn Iosua riu mar a dh'iarr an Tighearn air: ghearr e iosgaidean an each, agus loisg e 'u carbadan le teine.

10 Agus phill Iosua san àm sin air ais, agus ghlac e Hasor, agus bhuail e a rìgh leis a' chlaidheamh: oir b' e Hasor roimhe sin ceann nan rìoghachda sin uile.

11 Agus bhuail iad na h-anaman uile a bha ann le faobhar a' chlaidheimh 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhailte nan rìgh sin, agus an rìghrean uile ghlac Iosua, agus bhuail e iad le faobhar a' chlaidheimh, agus sgrìos e gu tur iad, mar a dh'àithn Maois, òglach an Tighearn.

13 Ach a thaobh nam bailte sin uile a sheas a ghnàth 'nan neart¹, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chreach nam bailte sin, agus an spréidh, ghabh clann Israel mar chobhartach dhoibh féin; ach bhuail iad gach duine le faobhar a' chlaidheimh, gus an do chuir iad as doibh; cha d'fhàg iad neach air bith anns an robh anail.

15 Mar a dh'àithn an Tighearn a' d'òglach Maois, mar sin dh'àithn Maois do Iosua, agus mar sin rinn Iosua: cha d'fhàg e nì gun deanamh do na h-uile a dh'àithn an Tighearn do Mhaois.

16 Mar sin ghlac Iosua am fearann sin uile, na sléibhtean, agus an tìr mu dheas uile, agus fearann Ghosein uile, agus an gleann, agus an còmhnaidh, agus sliabh Israel, agus a ghleann;

17 O shliabh Halaic, a tha dol suas gu Seir, eadhon gu Baal-gad ann an gleann Lebanoin, fuidh shliabh Hermoin: agus an rìghrean uile ghlac e, agus bhuail e iad, agus mharbh e iad.

18 Rè ùine fhada² rinn Iosua cogadh ris na rìghribh sin uile.

19 Cha robh baile mòr³ air bith a rinn sith ri cloinn Israel, saor o na Hibhich, luchd-àiteachaidh Ghibeoin; càch uile ghlac iad ann an cath.

20 Oir b'ann o'n Tighearn a bha e an cridheachan a chruadhachadh, chum gu'n tìgeadh iad an aghaidh Israel ann an cath, a chum gu'n sgrìosadh e iad gu tur, agus nach biodh iochd sam bith air a nochdadh dhoibh, ach gu'n cuireadh e as doibh, mar a dh'àithn an Tighearn do Mhaois.

21 Agus anns an àm sin thàinig Iosua, agus ghearr e as na h-Anacaich⁴ o na sléibhtibh, o Hebron, o Dhebir, o Anab, agus o bheanntaibh Iudah uile, agus o

bheanntaibh Israel uile: sgrìos Iosua gu tur iad le am bailtibh.

22 Cha d'fhàgadh aon do na h-Anacaich ann am fearann chloinn Israel: a mhàin ann an Gasah, ann an Gat, agus ann an Asdod, dh'fhàgadh iad.

23 Mar sin ghlac Iosua an ùr uile, a réir nan uile a thubhairt an Tighearn a ri Maois, agus thug Iosua i mar oighreachd do chloinn Israel, ann an earrannaibh a réir an treubhan. Agus fhuair an tìr fois o chogadh.

CAIB. XII.

1 An dà rìgh a bhuail Maois an taobh an ear do Iordan. 7 Aon rìgh deng thar fhichead air am bualaich le Iosua air an taobh an iar do Iordan.

ANIS is iad so rìghrean air fhearainn a bhuail clann Israel; agus shealbhaich iad am fearann air taobh eile Iordain leth ri éirigh na gréine, o shruth⁵ Arnoin gu sliabh Hermoin, agus an còmhuard uile air an làimh an ear.

2 Sihon rìgh nan Amorach, a bha chòmh-nuidh ann an Hesbon, agus a riaghlach o Aroer, a tha air bruaich sruth Arnoin, agus o mheadhon an t-srutha, agus leth Ghilead eadhon gus an sruth Iaboc, crìoch chloinn Amoin:

3 Agus an còmhuard gu muir Chinerait a làimh na h-àirde 'n ear, agus gu muir a' chòmhnaidh, eadhon a' mhuir shalaim a làimh na h-àirde 'n ear, an t-slighe gu Bet-iesimot; agus o'n àirde deas, fuidh Asdot-pisgah.

4 Agus crìoch Og rìgh Bhasain, a bha dh'iarmaid nam fahairean⁶ a bha chòmh-nuidh ann an Astarot, agus ann an Edrei,

5 Agus a rìghaich ann an sliabh Hermoin, agus ann an Salcah, agus ann am Basan uile, gu crìch nan Gesurach agus nam Maachatach, agus leth Ghilead, crìoch Shihoin rìgh Hesboin.

6 Iadsan bhuail Maois, òglach an Tighearn, agus clann Israel; agus thug Maois, òglach an Tighearn, e mar sheilbh do na Reubenich, agus do na Gadaich, agus do leth-thréibh Mhanaseh.

7 Agus is iad so rìghre na tìre a bhuail Iosua agus clann Israel air an taobh so do Iordan air an làimh an iar, o Bhaalgad ann an gleann Lebanoin, eadhon gu sliabh Halaic, a tha dol suas gu Seir; a thug Iosua do threubhan Israel mar sheilbh, a réir an roinnean:

8 Anns na beanntaibh, agus anns na gleanntaibh, agus anns na còmhnaidh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Cananaich, na Peridsich, na Hibhich, agus na Iebusaich.

¹ a sheas air an dùn, air an cnoc. Eabh.

² iomadh là. Eabh. ³ cathair, baile cuairtiche

le balla.

⁴ clann Anaic.

⁵ amhainn.

⁶ fomhairean, athach.

9 Rìgh Iericho, aon; rìgh Ai, a *tha* làimh ri Bet-el, aon;
 10 Rìgh Ierusalem, aon; rìgh Hebroin, aon;
 11 Rìgh Iarmuit, aon; rìgh Lachis aon;
 12 Rìgh Egloin, aon; rìgh Gheseir, aon;
 13 Rìgh Dhebir, aon; rìgh Ghedeir, aon;
 14 Rìgh Hormah, aon; rìgh Araid aon;
 15 Rìgh Libnah, aon; rìgh Adulaim, aon;
 16 Rìgh Mhacedah, aon; rìgh Bhet-eil, aon;
 17 Rìgh Thapuah, aon; rìgh Hepheir, aon;
 18 Rìgh Apheic, aon; rìgh Lasaroin, aon;
 19 Rìgh Mhadoin, aon; rìgh Hasoir, aon;
 20 Rìgh Shimron-meroin, aon; rìgh Achsaiph, aon;
 21 Rìgh Thaanaich, aon; rìgh Mhegido, aon;
 22 Rìgh Chedeis, aon; rìgh Iocneaim o Charmel, aon;
 23 Rìgh Dhoir, ann an crìch Dhoir, aon; rìgh Chinneacha Ghilgail, aon;
 24 Rìgh Thirsah, aon; na rìghrean uile, deich thar fhichead agus aon.

CAIB. XIII.

1 Crìochan an fhearainn air nach d' thugadh fathast buaidh. 14, 33 Is iad iobairtean an Tighearn oighreachd nan Lebhitheach. 22 Mharbhadh Balaam.

ANIS bha Iosua sean agus air teachd air aghaidh ann am bliadhnaibh¹; agus thubhairt an Tighearna ris, Tha thusa sean agus air teachd air t' aghaidh am bliadhnaibh, agus tha fathast ro mhòran fearainn r'a shealbhadh.

2 Is e so am fearann a *tha* fathast a làthair; uile chrìocha nam Philisteach, agus Gesuri uile,

3 O Shihar, a *ta* fa chomhair na h-Eiphit, eadhon gu crìch Ecroin mu thuath, a mheasar do'n Chanaanach: cùig tigh-earnan nam Philisteach; na Gasataich, agus na h-Asdodaich, na h-Escalonaich, na Gitich, agus na h-Ecronaich, agus na Habaich:

4 O'n taobh mu dheas, uile fhearann nan Canaanach, agus Mearah a *ta* làimh ris na Sidonaich, gu Aphec, gu crìch nan Amorach;

5 Agus fearann nan Gibleach, agus Lebanon uile leth ri éirigh na gréine, o Bhaal-gad fuidh shliabh Hermoin, gu ruig an dol a stigh do Hamat;

6 Uile luchd-àiteachaidh nam beann o Lebanon gu Misrephot-maim, agus na Sidonaich uile, iadsan fògraidh mi mach

roimh chloinn Israeil; a mhàin roinn e le crannchur do na h-Israelich mar oighreachd, mar a dh' àithn mise dhuit.

7 A nis uime sin, roinn am fearann so mar oighreachd do na naoi treubhan, agus do leth-thrèibh Mhanaseh;

8 Maille ris an leth-thrèibh eile fhuair na Reubenich agus na Gadaich an oighreachd-san a thug Maois doibh, an taobh thall do Iordan a làimh na h-àirde 'n ear, eadhon mar a thug Maois, òglach an Tighearna, dhoibh:

9 O Aroer, a *ta* air bruaich sruth² Ar-noin, agus am baile³ a *tha* ann am meadhon an t-srutha, agus còmhnaid Mhedebah uile gu Dibon;

10 Agus uile bhailte Shihoin, rìgh nan Amorach, a rìoghaich ann an Hesbon, gu crìch chloinn Amoin;

11 Agus Gilead, agus crìoch nan Gesurach, agus nam Maachatach, agus sliabh Hermoin uile, agus Basan uile gu Salcah;

12 Uile rìoghachd Og ann am Basan, a rìoghaich ann an Astarot agus ann an Edrei, a mhair do iarmad⁴ nam fahair-ean: oir iad sin bhuail Maois, agus dh' fhògair e mach iad.

13 Gidheadh, cha d' fhògair clann Israeil a mach na Gesuraich, no na Maachataich; ach tha na Gesuraich agus na Maachataich 'nan còmhnuidh am measg nan Israeleach agus an là'n diugh.

14 A mhàin do thrèibh Lebhi cha d' thug e oighreachd sam bith; is iad iobairtean an Tighearna Dé Israeil a bheirear suas le teine, an oighreachd-san, mar a thubhairt e riu.

15 Agus thug Maois do thrèibh chloinn Reuben oighreachd a réir an teaghlaich-ean:

16 Agus bha 'n crìoch o Aroer a *ta* air bruaich sruth Amoin, agus am baile a *tha* ann am meadhon an t-srutha, agus an còmhnaid uile gu⁵ Medebah:

17 Hesbon, agus a bhailtean uile a *tha* sa' chòmhnaid; Dibon, agus Bamot-baal, agus Bet-baal-meon,

18 Agus Iahasa, agus Cedemot, agus Mephaat,

19 Agus Ciriataim, agus Sibmah, agus Saretsah ann an sliabh a' ghlinne,

20 Agus Bet-peor, agus Asdod-pisgah, agus Bet-esimot.

21 Agus uile bhailtean a' chòmhnaid, agus uile rìoghachd Shihoin rìgh nan Amorach, a rìoghaich ann an Hesbon, a bhuail Maois maille ri ceannardaibh Mhidiaim, Ebhi, agus Recem, agus Sur, agus Hur, agus Rebah, cium-fheadhna Shihoin, a bha chòmhnuidh san tìr.

22 Balaam mar an ceudna, mac Bheoir, am fiosaiche⁶, mharbh clann Israeil leis

¹ làithibh. Eabh. ² ainne. ³ a' ckaithir.

⁴ fhuigheal. ⁵ làimh ri. ⁶ fear-fàstineachd.

a' chlàidheamh 'nam measg-sana mharbhadh leo.

23 Agus b'i crìoch chloinn Reubein, Iordan agus a crìoch-san. B'i sin oighreachd chloinn Reubein a réir an teaghlachian, na bailte mòra¹ agus am bailte beaga².

24 Agus thug Maois oighreachd do thréibh Ghad, eadhon do chloinn Ghad a réir an teaghlachian.

25 Agus b'i an crìoch Iaser, agus uile bhailte Ghilead, agus leth fearainn chloinn Amoin, gu Aroer a ta fa chomhair Rabah:

26 Agus o Hesbon gu Ramat-nhispeh, agus Betonim; agus o Mhahanaim gu crìch Dhebir;

27 Agus anns a' ghleann, Betaram, agus Bet-nimrah, agus Sucot, agus Saphou, a' chuid eile do rìoghachd Shihoin rìgh Hesboin, Iordan agus a crìoch, eadhon gu foin³ fairge Chineret, air taobh eile Iordain a làimh na h-àirde 'n car.

28 B'i sin oighreachd chloinn Ghad, a réir an teaghlachian, na bailte mòra agus am bailte beaga.

29 Agus thug Maois oighreachd do leth-thréibh Mhanaseh: agus b'i so sealbh leth-thréibh chloinn Mhanaseh, a réir an teaghlachian:

30 Agus bha 'n crìoch o Mhahanaim, Basan uile, uile rìoghachd Og rìgh Bhasain, agus uile bhailtean Iair, a ta ann am Basan, trì fichead baile mòr:

31 Agus leth Ghilead, agus Astarot, agus Edrei, bailte rìoghachd Og ann am Basan, bhuin iad do chloinn Mhachir mhic Mhanaseh, eadhon do leth chloinn Mhachir, a réir an teaghlachian.

32 Is iad sin na dùchanna a roinn Maois mar oighreachd ann an còmhardaibh Mhoais, air an taobh eile do Iordan làimh ri Iericho, air an taobh an ear.

33 Ach do thréibh Lebhi cha d'thug Maois oighreachd: b'e 'n Tighearna Dia Israeil e féin an oighreachd-san, mar a thubhairt e riu.

CAIB. XIV.

1 Thugadh an oighreachd le crannchur do na naoi treubhan agus an leth-thréibh. 6 Fhuair Caleb Hebron.

AGUS is iad so na dùchanna a fhuair clann Israeil mar oighreachd ann an tìr Chanaain, a roinn Elcasar an sagart, agus Iosua mac Nuin, agus cinn-fheadhna aithriche threubha chloinn Israeil mar oighreachd dhoibh.

2 Le crannchur bha an oighreachd, mar a dh'àithn an Tighearna le làimh Mhaois, do na naoi treubhan agus an leth-thréibh.

3 Oir bha Maois air tabhairt oighreachd do dhà thréibh, agus do leth-thréibh, air an taobh eile do Iordan: ach do na

Lebhithich cha d'thug e oighreachd sam bith 'nam measg.

4 Oir bha clann Ioseiph 'nan dà thréibh, Manaseh agus Ephraim: uime sin cha d'thug iad roinn sam bith do na Lebhithich san fhearann, saor o bhailtibh gu còmhluidh ghabhail anna, maille r'am fearann comhroinn d'an spréidh, agus d'am maoin.

5 Mar a dh'àithn an Tighearna do Mhaois, mar sin rinn clann Israeil, agus roinn iad am fearann.

6 An sin thàinig clann Iudah gu Iosua ann an Gilgal; agus thubhairt Caleb mac Iephuneh an Ceniseach ris, Tha fios agad air an nì a thubhairt an Tighearna ri Maois, òglach Dhé, a m' thaobhs' agus a d' thaobh féin, ann an Cades-barnea.

7 Dà fhichead bliadhna dh'aois bha mise 'nuair a chuir Maois, òglach Dhé, mi o Chades-barnea, a ramnsachadh a mach an fhearainn; agus thug mi air ais fios d'a ionnsuidh, mar a bha e ann an chridhe.

8 Gidheadh, thug mo bhràithrean a chaidh suas maille rium, air cridhe an t-sluaigh leaghadh: ach lean mise gu h-ìomlan an Tighearna mo Dhia.

9 Agus mhionnaich Maois air an là sin, ag ràdh, Gu cinnteach bithidh ann fearann air an do shaltair do chos, agad féin mar oighreachd, agus aig do chloinn gu bràth; a chionn gu'n do lean thu gu h-ìomlan an Tighearna mo Dhia.

10 Agus a nis, feuch, ghléidh an Tighearna mi beò, mar a thubhairt e, na cuig agus an dà fhichead bliadhna so, eadhon o labhair an Tighearna am focal so ri Maois, am feadh a dh'imich clann Israeil anns an fhàsach; agus a nis, feuch, tha mi 'n diugh ceithir fichead agus cuig bliadhna dh'aois.

11 Fathast tha mi co làidir an diugh as a bha mi san là anns an do chuir Maois uaith mi: mar a bha mo neart an sin, mar sin tha mo neart a nis, chum cogaidh, agus a dhol a mach, agus a theachd a steach.

12 A nis uime sin thoir dhomh a' bhcinns, mu'n do labhair an Tighearna san là ud; (oir chuala tu san là ud cionnus a bha na h-Anacaich an sin, agus gu'n robh na bailte mòr agus daingnichte;) ma tharlas gu'm bi 'n Tighearna leam, an sin fògraidh mi mach iad, mar a thubhairt an Tighearna.

13 Agus bheannaich Iosua e, agus thug e do Chaleb, mac Iephuneh, Hebron mar oighreachd.

14 Rinneadh uime sin Hebron 'na oighreachd do Chaleb, mac Iephuneh, an Ceniseach, gus an là 'n diugh; a chionn

gu'n do lean e gu h-ìomlan an Tighearna Dia Israeil.

15 Agus *b'e* ainm Hebroin roimhe Ciriatarba; *bha'n t-Arba* so 'na dhuine mòr am measg nan Anacach. Agus bha fois aig an tìr o chogadh.

CAIB. XV.

1 Crìocha crannchuir chloinn Iudah. 13 Roinn Chaleib. 16 Treubhantas agus duais Othneil. 18 Athcheuinge Achsah.

B'E so uime sin crannchur tréibhe chloinn Iudah a réir an teaghlaichean, *eadhon* gu crìch Edoim, *gu* fàsach Shin ri deas o'n chuid a's fhaide mach do'n ìomall dheas.

2 Agus bha 'n crìoch mu dheas o thràigh na mara salainn, o 'n luib¹ a tha 'g amhare ri deas.

3 Agus chaidh i mach a dh'ionnsuidh an taoibh mu dheas gu h-uchdaich² Acrabim, agus ghabh i air a h-aghaidh gu Sin, agus chaidh i suas air an taoibh mu dheas gu Cades-bamea, agus chaidh i air a h-aghaidh gu Hesron, agus chaidh i suas gu h-Adar, agus ghabh i mu'n cuairt gu Carcaa.

4 *Uaith sin* ghabh i dh'ionnsuidh Asmoin, agus chaidh i mach gu amhainn na h-Eiphit, agus bha dol a mach na crìche sin aig a' mhuir: bithidh so agaibh 'na crìch³ mu dheas.

5 Agus *b'i* a' chrìoch an ear a' mhuir shalainn, *eadhon* gu ceann Iordain: agus *bha* a' chrìoch air an taoibh mu thuath o luib na mara, aig a' chuid a b'fhaide mach do Iordan.

6 Agus chaidh a' chrìoch suas gu Beth-hoglah, agus ghabh i air a h-aghaidh air an taoibh mu thuath do Bhct-arabah; agus chaidh a' chrìoch suas gu cloich Bhohain mhic Reubain.

7 Agus chaidh a' chrìoch suas gu Debir o ghleann Achoir, agus ri tuath ag amhare ri Gilgal, a *ta* fa chomhair uchdaich Adumim, a *ta* airtaobh deas na h-aimhne. agus chaidh a' chrìoch thairis gu uisgeachaidh En-semeis, agus bha a dol a mach aig En-rogel.

8 Agus chaidh a' chrìoch suas gu gleann mhic Hinoim, gu taoibh deas an Iebusaich; (*is e sin* Ierusalem:) agus chaidh a' chrìoch suas gu mullach na beinne, a *tha* roimh ghleann Hinoim, air an làimh an iar, a *ta* aig ceann glinne nam fambairean ri tuath.

9 Agus thairngeadh⁴ a' chrìoch o mhullach an t-sléibh gu tobar uisge Nephtoah, agus chaidh i mach gu bailtibh sléibh Ephroin, agus thairngeadh a' chrìoch gu Baalah; (*is e sin* Ciriatarim.)

10 Agus chaidh a' chrìoch mu 'n cuairt

o Bhaalah air an làimh an iar gu sliabh Sheir, agus ghabh i thairis gu taoibh sléibh Iearim, (*is e sin* Chesalon,) air an taoibh mu thuath, agus chaidh i sìos gu Betsemes, agus ghabh i air a h-aghaidh gu Timnah:

11 Agus chaidh a' chrìoch a mach gu taoibh Ecroin ri tuath; agus thairngeadh a' chrìoch gu Sicon, agus ghabh i thairis air sliabh Bhaalah, agus chaidh i mach gu Iabneel; agus bha dol a mach na crìche aig a' mhuir.

12 Agus *bha* a' chrìoch an iar gus an fhainge mhòir, agus a *h-oirthir*⁵: *b'i* sin crìoch chloinn Iudah mu'n cuairt, a réir an teaghlaichean.

13 Agus do Chaleb, mac Iephuneh, thug e roinn am measg chloinn Iudah, a réir àithne an Tighearna do Iosua, *eadhon* baile Arbah, athar Anaic: (*is e sin* Hebron.)

14 Agus dh'fhògair Caleb a mach as a sin trìùirmhac Anaic, Sesai, agus Ahiman, agus Talmai, clann Anaic.

15 Agus chaidh e suas o sin gu luchd-àiteachaidh Dhebir: agus *b'e* ainm Dhebir roimhe Ciriat-sepher.

16 Agus thubhairt Caleb, Esan a bhuail-eas Ciriat-sepher, agus a ghilacas e, dhasan bheir mi Achsah mo nighean 'na mnaoi.

17 Agus ghlac Othniel, mac Chenais, bràthar Chaleib e; agus thug e dha Achsah a nighean 'na mnaoi.

18 Agus tharladh, 'nuair a thàinig i *d'a ionnsuidh*, gu'n do bhrosnuich i e gu achadh iarraidh air a h-athair: agus theirinn i bhàrr a h-asail; agus thubhairt Caleb rithe, Ciod a b'àill leat?

19 Agus fhreagair ise, Thoir dhomh beannachadh; oir thug thu dhomh fearann mu dheas, thoir dhomh mar an ceudna tobar uisge; agus thug e dhi na tobar uachdarach, agus na tobar iochdarach.

20 *B'i* sin oighreachd tréibhe chloinn Iudah, a réir an teaghlaichean.

21 Agus b'iad na bailtean a b'fhaide mach, le tréibh chloinn Iudah, leth ri crìch Edoim mu dheas, Cabseel, agus Eder, agus Iagur,

22 Agus Cinah, agus Dimonah, agus Adadah,

23 Agus Cedec, agus Hasor, agus Itnan, 24 Siph, agus Telem, agus Bealot,

25 Agus Hasor, Hadatah, agus Ceriot, agus Hesron, (*is e sin* Hasor.)

26 Amam, agus Sema, agus Moladah,

27 Agus Hasar-gadah, agus Hesmon, agus Bet-palet,

28 Agus Hasar-sual, agus Beerseba, agus Bis-iotiah,

29 Baalah, agus Iim, agus Asem,

¹ teanga. Eabh. ² dìreadh; Maaleh. Eabh.

³ b'i so bu chrìoch dhoibh.

⁴ chomharachaidh.

⁵ cìrthir.

30 Agus Eltolad, agus Chesil, agus Hormah,
 31 Agus Siclag, agus Madmanah, agus Sansanah,
 32 Agus Lebaot, agus Silhim, agus Ain, agus Rimón: *b'i*ad na mòr-bhailtean¹ uile naoi thar fhichead, maille r'am bailtibh beaga.
 33 Agus anns a' chòmhnard, Estaol, agus Soreah, agus Asnah,
 34 Agus Sanoah, agus Enganim, Tapuah, agus Enam,
 35 Iarmut, agus Adulam, Sochoh, agus Asecah,
 36 Agus Saraim, agus Aditaim, agus Gederah, agus Gederotaim; ceithir mòr-bhailte deug le'm bailtibh beaga.
 37 Senan, agus Hadasah, agus Migdal-gad,
 38 Agus Dilean, agus Mispel, agus Ioc-teel,
 39 Lachis, agus Boscat, agus Eglon,
 40 Agus Cabon, agus Lahmas, agus Citlis,
 41 Agus Gederot, Bet-dagon, agus Naamah, agus Macedah; sè mòr-bhailte deug le'm bailtibh beaga.
 42 Libnah, agus Eter, agus Asan,
 43 Agus Iiphtah, agus Asnah, agus Nesib,
 44 Agus Ceilah, agus Achsib, agus Maresah; naoi bailte mòra le'm bailtibh beaga.
 45 Ecron le 'bhailtibh a's mò², agus a bhailtibh beaga.
 46 O Ecron, eadhon gus an fhairge, iad-san uile a *bha* làimh ri Asdod, le'm bailtibh beaga.
 47 Asdod le 'bhailtibh a's mò agus a bhailtibh beaga, Gasah le 'bhailtibh a's mò agus a bhailtibh beaga, gu amhainn na h-Eiphit, agus an fhairge mhòir, eadhon a crìch.
 48 Agus anns na beanntaibh, Samir, agus Iatir, agus Socoh,
 49 Agus Danah, agus Ciriata-sanah, eadhon Debir,
 50 Agus Anab, agus Estemoh, agus Anim,
 51 Agus Gosen, agus Holon, agus Giloh; aon mhòr-bhaile deug le'm bailtibh beaga.
 52 Arab, agus Dumah, agus Esean,
 53 Agus Ianum, agus Bet-tapuah, agus Aphecah,
 54 Agus Humtah, agus Ciriata-arbah, (*is e sin* Hebron,) agus Sior; naoi bailte mòra le'm bailtibh beaga.
 55 Maon, Carmel, agus Siph, agus Iutah,
 56 Agus Iesreel, agus Iocdeam, agus Sanoah,

57 Cain, Gibeah, agus Timnah; deich bailte mòra le'm bailtibh beaga.
 58 Halhul, Bet-sur agus Gedor,
 59 Agus Maarat, agus Betanot, agus Eltecon; sè bailte mòra le'm bailtibh beaga.
 60 Ciriata-baal, (*is e sin* Ciriata-earim,) agus Rabah; dà bhaile mòr le'm bailtibh beaga.
 61 San flàsach, Bet-arabah, Midin, agus Secacah,
 62 Agus Nibsan, agus baile an t-salaim³, agus En-gedi; sè bailte mòra le'm bailtibh beaga.
 63 A thaobh nan Iebusach luchd-àiteachaidh Ierusalem, cha b'urrainn clann Iudah am fògradh a mach: ach tha na Iebusaich 'nan còmhnuidh maille ri cloinn Iudah ann an Ierusalem gus an là'n diugh.

CAIB. XVI.

1 Crannchur chloinn Ioseph. 5 Crìoch oighreachd Ephraim.

AGUS chaidh⁴ crannchur chloinn Ioseph a mach o Iordan làimh ri Iericho gu uisgeachaibh Iericho air an làimh an ear, dh'ionnsuidh an flàsaich a' dol suas o Iericho gu sliabh Bhet-eil.

2 Agus tha e dol a mach o Bhet-el gu Luds agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-àirde 'n iar gu crìch Iaphleti, gu crìch Bhet-horoin iochdaraich, agus gu Geser: agus tha a dhòl a mach aig an fhairge.

4 Mar sin ghabh clann Ioseph, Manaseh, agus Ephraim, an oighreachd.

5 Agus bha crìoch chloinn Ephraim, a réir an teaghlaichean, *mar so*: b'i eadhon crìoch an oighreachd air an làimh an ear Atarot-adar, gu Bet-horon uachdarach:

6 Agus chaidh a' crìoch a mach a dh'ionnsuidh na fairge, gu Michmetah air an taobh mu thuath; agus chaidh a' chrìoch mu 'n cuairt a làimh na h-àirde 'n ear gu Taanot-siloh, agus ghabh i seachad air an taobh an ear gu Ianoah:

7 Agus chaidh i sìos o Ianoah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-àirde 'n iar gu sruth⁵ Clanaah: agus bha a dol a mach aig an fhairge. *B'i sin* oighreachd tréibhe chloinn Ephraim, a réir an teaghlaichean.

9 Agus *bha* na bailtean mòra a chuir eadh air leth do chloinn Ephraim, am measg oighreachd chloinn Mhanaseh, na bailtean mòra uile le'm bailtibh beaga.

10 Agus cha d'fhogair iad a mach na Cananaich a bha chòmhnuidh ann an

¹ caithriche, bailte daingnichte.

² a nigheana. Eabh.

³ Air-mele. Eabh.

⁵ amhainn.

⁴ thuit.

Geser: ach tha na Canaanaich 'nan còmh-nuidh am measg nan Ephraimeach gus an là 'n diugh; agus tha iad a' deanamh seirbhis dhoibh fuidh chis.

CAIB. XVII.

1 Crannchur tréibhe Mhanaseh: 7 a chrìoch. 12 Cha d'fhògradh na Canaanaich a mach. 14 Fhuair clann Ioseiph crannchur eile.

BHA mar an ceudna crannchur aig tréibh Mhanaseh, (oir b'esan ceudghin Ioseiph,) eadhon aig Machir ceudghin Mhanaseh, athair Ghilead; a chionn gu'm b'fhear cogaidh e: uime sin bha Gilcad agus Basan aige.

2 Bha mar an ceudna crannchur aig a' chuid eile do chloinn Mhanaseh a réir an teaghlachain; aig cloinn Abieseir, agus aig cloinn Heleic, agus aig cloinn Asreil, agus aig cloinn Shecheim, agus aig cloinn Hepheir, agus aig cloinn Shemida: b'iad sin clann-mhac Mhanaseh, mhic Ioseiph, a réir an teaghlachain.

3 Ach aig Selophehad mac Hepheir, mhic Ghilead, mhic Mhachir, mhic Mhanaseh, cha robh mic, ach nigheanan: agus is iad so ainmean a nigheana, Mahlah, agus Noah, Hoglah, Milcah, agus Tirsah.

4 Agus thàinig iad am fagus an làthair Eleasair an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'àithn an Tighearna do Mhaois oighreachd a thoirt duinne am measg ar bràithrean: uime sin a réir àithne an Tighearna, thug e dhoibh oighreachd am measg bhràithrean an athar.

5 Agus thuit air Manaseh deich cuibhriannan, thuilleadh air fearann Ghilead, agus Bhasain, a bh'air an taobh eile do Iordan;

6 A chionn gu'n robh aig nigheana Mhanaseh oighreachd am measg a chuid mac; agus bha fearann Ghilead aig a' chuid eile do mhacaibh Mhanaseh.

7 Agus bha crìoch Mhanaseh o Aser gu Michmetah, a tha fa chomhair Shecheim, agus chaidh a' chrìoch air a h-aghaidh air an làimh dheis gu luchd-àiteachaidh Entapuah.

8 A nis bha aig Manaseh fearann Thapuah: ach Tapuah air crìch Mhanaseh bu le cloinn Ephraim.

9 Agus chaidh a' chrìoch sìos gu sruth¹ Chanah mu dheas do'n t-sruth: bha bailte sin Ephraim am measg bhailte Mhanaseh; bha mar an ceudna crìoch Mhanaseh air an taobh mu thuath do'n t-sruth, agus bha a dol a mach aig an fhairege.

10 An taobh mu dheas bu le Ephraim, agus an taobh mu thuath bu le Manaseh, agus b'i an fhairege a chrìoch, agus choinnich iad a chèile ann an Aser air an taobh mu thuath, agus ann an Isachar

air an taobh an ear.

11 Agus bha aig Manaseh ann an Isachar agus ann an Aser, Bet-sean agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh Endoir agus a bhailtean, agus luchd-àiteachaidh Thaanaich agus a bhailtean, agus luchd-àiteachaidh Mhegido agus a bhailtean; eadhon tri dìchanna.

12 Gidheadh cha b'urrainn clann Mhanaseh luchd-àiteachaidh nam bailte sin fhògradh a mach; ach b'àill leis na Canaanaich còmhnuidh ghabhail san tìr sin.

13 Gidheadh tharladh, 'nuair a dh'fhàs clann Israeil làidir, gu'n do chuir iad na Canaanaich fuidh chis; ach cha d'fhògair iad gu tur a mach iad.

14 Agus labhair clann Ioseiph ri Iosua, ag ràdh, C'ar son nach d'thug thu dhomhsa ach aon chrannchur agus aon chuibhriom r'an scalbhachadh, agus gur sluagh mòr mi, agus gu'n do bheannaich an Tighearna mi gus a so?

15 Agus fhreagair Iosua iad, Ma's sluagh mòr thu, imich suas do'n choilltich, agus gearr sìos² dhuit féin àit an sin ann am fearann nam Peridseach, agus nam fahairean, ma tha sliabh Ephraim ro chumhainn duit.

16 Agus thubhairt clann Ioseiph, Cha leòr an sliabh dhuinne: agus tha aig na Canaanaich uile a tha còmhnuidh ann am fearann a' ghlinne, carbadan iaruin, an dà chuid aca-san a tha ann am Bet-sean agus 'na bhailtibh, agus aca-san a tha ann an gleann Isreel.

17 Agus labhair Iosua ri tigh Ioseiph, ri h-Ephraim, agus ri Manaseh, ag ràdh, Is sluagh mòr thu, agus tha cumhachd mòr agad; cha bhì agad aon chrannchur a mhaìn.

18 Ach bithidh an sliabh agad-sa, oir is coille e; agus gearraidh tu sìos i: agus bithidh a dhol a mach agad: oir fògraidh tu mach na Canaanaich, ged a tha carbadan iaruin aca, agus ged a tha iad làidir.

CAIB. XVIII.

1 Chuireadh suas bàth a' choimhthionail aig Siloh. 2 Roinneadh a' chuid eile do'n fhearann 'na sheachd earrannaibh.

AGUS chruinnich coimhthional chloinn Israeil uile an ceann a chèile aig Siloh, agus chuir iad suas pàillion a' choimhthionail an sin, agus cheannsaich-eadh an tìr rompa.

2 Agus bha fathast am measg chloinn Israeil seachd treubha, nach d'fhuair an oighreachd.

3 Agus thubhairt Iosua ri cloinn Israeil, Cia fhad a tha sibh mall a dhol a shealbh-

¹ amhainn.

² réitich.

achadh an fhearainn, a thug an Tighearna Dia bhuir n-aithriche dhuibh?

4 Thugaibh a mach *dhomh-sa* as bhuir measg triùir dhaoine as *gach* tréibh; agus cuiridh mi nam iad, agus éiridh iad, agus théid iad troimh 'n fhearann, agus tairngidh¹ iad e a réir an oighreachd-san, agus thig iad a m' ionnsuidhs² a rìs.

5 Agus roinnidh iad e 'na sheachd earrannaibh: fanaidh Iudah 'na chrìch féin air an taobh mu dheas, agus fanaidh tigh Ioseph 'na chrìch féin air an taobh mu thuath.

6 Uime sin tairngidh sibh am fearann 'na sheachd earrannaibh, agus bheir sibh an *tarruing*² an so a m' ionnsuidhse, chum gu'n tilg mi croinn air bhuir son an so an làthair an Tighearn ar Dé.

7 Ach cha n'éil aig na Lebhithich roinn sam bith 'nur measg, oir is i sagartachd an Tighearn, an oighreachd-san: agus fhuair Gad, agus Reuben, agus leth-thréibh Mhanaseh, an oighreachd-san an taobh thall do Iordan air an làimh an ear a thug Maois, òglach an Tighearna, dhoibh.

8 Agus dh'éirich na daoine, agus dh'fhalbh iad: agus dh'aithn Iosua dhoibhsan a chaidh a tharruing an fhearainn, ag ràdh, Imichibh, agus rachaibh troimh 'n fhearann, agus tairngibh e, agus thigibh a ris a m' ionnsuidh-se, chum gu'n tilg mi an so croinn air bhuir son, an làthair an Tighearn ann an Siloh.

9 Agus dh'ìmhich na daoine, agus chaidh iad troimh 'n fhearann, agus tharruing iad e a réir a bhailte 'na sheachd earrannaibh, ann an leabhar, agus thàinig iad gu Iosua do'n champ aig Siloh.

10 Agus thilg Iosua croinn air an son ann an Siloh, an làthair an Tighearn: agus an sin roinn Iosua am fearann do chloinn Israeil, a réir an roinnean.

11 Agus thàinig crannchur tréibhe chloinn Bheniamin a mach a réir an teaghlaichean: agus chaidh crìoch an crannchur a mach eadar clann Iudah agus clann Ioseph.

12 Agus bha 'n crìoch air an taobh mu thuath o Iordan; agus chaidh a' chrìoch suas gu taobh Iericho air an taobh mu thuath, agus chaidh i suas troimh 'n mbonadh a làimh na h-àirde 'n iar, agus bha a dol a mach aig fàsach Bhet-abhen.

13 Agus chaidh a' chrìoch thairis o sin gu Luds, gu taobh Luds, (*is e sin Bet-el*), ri deas, agus chaidh a' chrìoch sìos gu Atarot-adar, am fagus do'n t-sliabh a *tha* air an taobh dheas do Bhet-horon ìochd-arach.

14 Agus thairngeadh a' chrìoch o sin, agus chuairtich i oisinn na mara ri deas, o'n t-sliabh a *tha* fa chomhair Bhet-horoin

ri deas: agus bha a dol a mach aig Ciriat-baal, (*is e sin Ciriat-earim*), baile le cloinn Iudah. *B'i sin a' chearna an iar.*

15 Agus bha a' chearna mu dheas o cheann Chiri-earim, agus chaidh a' chrìoch a mach air an làimh an iar, agus ghabh i mach gu tobar uisgeacha Neph-toah.

16 Agus chaidh a' chrìoch sìos gu ceann na beinne, a *tha* fa chomhair glinne mhic Hinoim, a *tha* ann an gleann nam famhair-ean air an taobh mu thuath, agus chaidh i sìos gu gleann Hinoim, gu taobh Iebusi air an làimh dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-semes, agus chaidh i mach a dh'ionnsuidh Ghelilot, a *ta* thall fa chomhair uehdaich Adumim, agus ghabh i sìos gu cloich Bhohain mhic Reubein,

18 Agus ghabh i air a h-aghaidh chum na taobh thall fa chomhair Arabah mu thuath, agus chaidh i sìos gu Arabah;

19 Agus ghabh a' chrìoch thairis gu taobh Bhet-hoglah mu thuath; agus bha dol a mach na crìche aig an luib mu thuath do'n mhuir shalainn, aig ceann Iordain mu dheas. *B'i sin a' chrìoch mu dheas.*

20 Agus b'i Iordan a chrìoch air an làimh an ear. *B'i sin oighreachd chloinn Bheniamin, le a crìochaibh mu'n cuairt, a réir an teaghlaichean.*

21 A nis b'iad bailtean mòra³ tréibhe chloinn Bheniamin, a réir an teaghlaichean, Iericho, agus Bet-hoglah, agus gleann Ches-sis,

22 Agus Bet-arabah, agus Semaraim, agus Bet-el,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Beerot,

26 Agus Mispah, agus Chephirah, agus Mosah,

27 Agus Rechem, agus Irpeel, agus Taralah,

28 Agus Selah, Eleph, agus Iebusi, (*is e sin Ierusalem*), Gibeat, agus Ciri-earim; ceithir mòr-bhaile deug le'm bailtibh beaga. *B'i sin oighreachd chloinn Bheniamin, a réir an teaghlaichean.*

CAIB. XIX.

1 Crannchur Shimeoin, 10 Shebuluin, 17 Isochair 24 Aseir, 32 Naphtali, 40 Dhain 49 Thug clann Israeil oighreachd do Iosua 'nam measg.

AGUS thàinig an dara crannchur a mach do Shimeon, eadhon do thréibh chloinn Shimeoin, a réir an teaghlaichean:

¹ sgrìobhadh no comharaichidh iad sìos.

² an samhladh, an coslas.

³ cailtriche.

IOSUA, XIX.

agus bha 'n oighreachd-san am meadhon oighreachd chloinn Iudah.

2 Agus bha aca 'nan oighreachd, Beersebah, agus Sebah, agus Moladah,

3 Agus Hasar-sual, agus Balah, agus Asem,

4 Agus Eltolad, agus Betul, agus Hormah,

5 Agus Siclag, agus Bet-marcabot, agus Hasar-susah,

6 Agus Bet-Iebaot, agus Saruhen; tri mòr-bhailte deug agus am bailte beaga.

7 Ain, Remon, agus Eter, agus Asan; ceithir bailte mòra le'm bailtibh beaga.

8 Agus na bailtean beaga uile *a bha* mu thimchioll nam bailte mòra sin, gu Balat-beer-ramat, mu dheas. *B'i* sin oighreachd tréibhe chloinn Shimeoin, a réir an teaghlaichean.

9 A mach á crannchur chloinn Iudah *bha* oighreachd chloinn Shimeoin: oir bha cuibhrionn chloinn Iudah ro mhòr dhoibh; uime sin bha aig cloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlaichean: agus bhla crìoch an oighreachd-san gu Sarid.

11 Agus chaidh an crìoch suas a dh'ionn-suidh na fairge, agus Maralah, agus ràinig i gu Dabaset, agus ràinig i gu ruig an sruth a tha fa chomhair Iocneaim,

12 Agus phill i o Shared a làimh na h-àirde 'n ear, leth ri éirigh na gréine, gu crìch Chislot-tabor: agus an sin tha i dol a mach gu Dabarat, agus a' dol suas gu Iaphia,

13 Agus o sin a' gabhail thairis air an làimh an ear gu Githah-hepher, gu Itah-casin, agus a' dol a mach gu Remon-metoar gu Neah;

14 Agus tha a' chrìoch a' dol mu'n cuairt mu thuath gu Hanaton: agus tha a dol a mach ann an gleann Iiphtah-el;

15 Agus Catat, agus Nàhalal, agus Simron, agus Idalah, agus Bet-lehem; dà mhòr-bhaile dhcug le'm bailtibh beaga.

16 *B'i* sin oighreachd chloinn Shebuluin, a réir an teaghlaichean, na bailte mòra sin le'm bailtibh beaga.

17 Thàinig an ceathramh crannchur a mach do Isachar, air son chloinn Isachair, a réir an teaghlaichean.

18 Agus b'i an crìoch Iesreel, agus Chesulot, agus Sunem,

19 Agus Hapharim, agus Sihon, agus Anaharat,

20 Agus Rabit, agus Cision, agus Abes,

21 Agus Remet, agus Enganim, agus Enhadah, agus Bet-pases;

22 Agus tha a' chrìoch a' ruigheachd gu

Tabor, agus Sahasimah, agus Bet-semes, agus bha dol a mach an crìche aig Iordan; sè mòr-bhailte deug le'm bailtibh beaga.

23 *B'i* sin oighreachd tréibhe chloinn Isachair, a réir an teaghlaichean, na bailte mòra agus am bailte beaga.

24 Agus thàinig an cuigeamh crannchur a mach do thréibh chloinn Aseir, a réir an teaghlaichean.

25 Agus b'i an crìoch Helcat, agus Hali, agus Beten, agus Achsaph,

26 Agus Alamelech, agus Amad, agus Miseal; agus tha i a' ruigheachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iiphtah-el, leth ris an taobh mu thuath do Bhet-emec, agus Neiel, agus a' dol a mach gu Cabul air an làimh chli,

28 Agus Hebron, agus Rehob, agus Hamon, agus Canah, *cadh*on gu Sidon mòr;

29 Agus *an sin* tha a' chrìoch a' pilltinn gu Ramah, agus gu am mòr-bhaile daing-nichte¹ Tirus, agus tha a' chrìoch a' pilltinn gu Hosah; agus tha a dol a mach aig an fhairge o'n oirthir² gu Achsib;

30 Umah mar an ceudna, agus Aphec, agus Rehob; dà mhòr-bhaile thar fhich-ead le 'm bailtibh beaga.

31 *Is i* sin oighreachd tréibhe chloinn Aseir, a réir an teaghlaichean, na bailte mòra sin le 'm bailtibh beaga.

32 Thàinig an seathadh crannchur a mach do chloinn Naphtali, *eadh*on do chloinn Naphtali, a réir an teaghlaichean.

33 Agus bha 'n crìoch o Heleph, o Alon gu Sahananim, agus Adami, Neceb, agus Iahnecl, gu Lacum; agus bha a dol a mach gu Iordan.

34 Agus *an sin* tha a' chrìoch a' pilltinn an iar gu Asnot-tabor, agus a' dol a mach o sin gu Hsot, agus *tha i* a' ruigheachd gu Sebulun air an taobh mu dheas, agus a' ruigheachd gu Aser air an taobh an iar, agus gu bruchaibh Iordain³ leth ri éirigh na gréine.

35 Agus *is iad* na mòr-bhailte daing-nichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Ceddes, agus Edrei, agus Enhasor,

38 Agus Iron, agus Migdalel, Horem, agus Bet-lhanat, agus Bet-semes; naoi mòr-bhailte deug le'm bailtibh beaga.

39 *Is i* sin oighreachd tréibhe chloinn Naphtali, a réir an teaghlaichean, na bailte mòra agus am bailte beaga.

40 Agus thàinig an seachdamh crannchur

¹ a' chaitir làidir.

² eirthir.

³ gu Iudah air Iordan.

a mach do thréibh chloinn Dhain, a réir an teaghlaichean.

41 Agus b'i crìoch an oighreachd Sora, agus Estaol, agus Ir-semes,

42 Agus Saalabin, agus Aialon, agus Ictlah,

43 Agus Elon, agus Timnatah, agus Ecron,

44 Agus Elteceli, agus Gibeton, agus Baalat,

45 Agus Iehud, agus Bene-berac, agus Gatrimon,

46 Agus Me-iarcon, agus Racon, maille ris a' chrìch fa chomhair Iapho.

47 Agus chaidh crìoch chloinn Dhain a mach *ro ghan* doibh: uime sin chaidh clann Dhain suas agus chog iad anaghaidh Leseim, agus ghlac iad e, agus bhuail iad e le faobhar a' chhlaidheimh, agus shealbhaich iad e, agus ghabh iad còmhnuidh ann, agus thug iad Dan a dh'ainm air Leseim, a réir ainme an athar Dan.

48 *Is i* sin oighreachd tréibhe chloinn Dhain, a réir an teaghlaichean, na bailte mòra sin le 'm bailtibh beaga.

49 'Nuair a chuir iad crìoch air an fhearann a roinn mar oighreachd a réir an crìocha, thug clann Israeil oighreachd do Iosua mac Nuin, 'nam measg:

50 A réir focail an Tighearna, thug iad da am baile a dh'iarr e, *eadhon* Timnaterah ann an sliabh Ephraim, agus thog e am baile, agus ghabh e còmhnuidh ann.

51 *Is iad* sin na h-oighreachdan a roinn Eleasar an sagart, agus Iosua mac Nuin, agus cinn aithriche threubha chloinn Israeil, mar oighreachd le crannchur, ann an Siloh an làthair an Tighearna, agus dorus pàilluin a' choimhthionail. Mar sin chuir iad crìoch air an fhearann a roinn.

CAIB. XX.

1 *A réir àithne Dhé do Iosua,* 7 chuir clann Israeil air leth sè bailte didein.

A GUS labhair an Tighearna ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailte didein, mu'n do labhair mi ribh le làimh Mhaois;

3 A chum gu'n teich am marbhaiche a mharbhas neach ann an aineolas agus gun fhios da, an siu: agus bithidh iad nan didein duibh o dhioghaltair na fola.

4 Agus an uair a sheas esan a theicheas a dh'ionnsuidh aoin do na bailtibh sin, aig dol a stigh geata a' bhaile, agus a chuir-eas e a chuìs an céill ann an cluasaibh sheanairean a' bhaile sin, gabhaidh iad a steach e do'n bhaile d'an ionnsuidh, agus bheir iad àite dha chum gu'n gabh e còmhnuidh 'nam measg.

5 Agus an uair a theid dìoghaltair na fola an tòir air, an sin cha toir iad suas am marbhaiche d'a làimh; a chionn gu'n do bhuail e 'choimhearsnach gun fhios

da, agus gun fhuath aige dha san aimsir roimhe sin.

6 Agus gabhaidh e còmhnuidh sa' bhaile sin, gus an seas e an làthair a' chomhchruinnich chum breitheanais, agus gu bàs an àrd-shagairt a bhios anns na làithibh sin: an sin pillidh am marbhaiche, agus thig e d'a bhaile féin, agus d'a thigh féin, do'n bhaile o'n do theich e.

7 Agus chuir iad air leth Cedès ann an Galilee ann an sliabh Naphtali, agus Sechem ann an sliabh Ephraim, agus Ciriath-arba (eadon Hebron) ann an sliabh Iudah.

8 Agus air taobh eile Iordain, làimh ri Iericho air an làimh an ear, shònruich iad Beser anns an fhàsach air a' chòmhnaidh a tréibh Reubein, agus Ramot ann an Gilead a tréibh Ghad, agus Golan ann am Basan a tréibh Mhanaseh.

9 B'iad sin na bailtean a shònraicheadh air son chloinn Israeil uile, agus air son a' choigrich a tha air chuairt 'nam measg, a chum ge b'e mharbhadh neach ann an aineolas, gu'n teicheadh e an sin, agus nach bàsaicheadh e le làimh dìoghaltair na fola, gus an seasadh e an làthair a' chomhchruinnich.

CAIB. XXI.

1 *Thugadh ochd bailtean agus dà fhichead le crannchur as na treubhan eile do na Lebhithich.*

43 *Thug an Tighearna fois do chloinn Israeil.*

A N sin thàinig cinn aithriche nan Lebhithich am fagus do Eleasar an sagart, agus do Iosua mac Nuin, agus do cheannaibh aithriche threubhan chloinn Israeil;

2 Agus labhair iad ri uig Siloh ann an tìr Chanaain, ag ràdh, Dh'àithn an Tighearna le làimh Mhaois, bailtean a thoirt duinn gu còmhnuidh ghabhail anna, le'm fearann comh-roinn d'ar sprèidh.

3 Agus thug clann Israeil do na Lebhithich, as an oighreachd, air àithne an Tighearna, na bailte so agus am fearann comh-roinn.

4 Agus thàinig an crannchur a mach air son teaghlaichean nan Cohatach; agus bha aig cloinn Aaroin an t-sagairt, a bha do na Lebhithich, le crannchur a tréibh Iudah, agus a tréibh Shimeoin, agus a tréibh Bheniamin, trì bailte deug.

5 Agus bha aig a' chuid eile do chloinn Cohait le crannchur a teaghlaichibh thréibh Ephraim, agus a tréibh Dhain, agus a leth-thréibh Mhanaseh, deich bailtean.

6 Agus bha aig cloinn Ghersein le crannchur, a teaghlaichibh thréibh Isachair, agus a tréibh Aseir, agus a tréibh Naphtali, agus a leth-thréibh Mhanaseh ann am Basan, trì bailte deug.

7 Bha aig cloinn Mherari, a réir an teaghlaichean, a tréibh Reubein, agus a tréibh Ghad, agus a tréibh Shebuluin, dà bhaile dheug.

8 Agus thug clann Israeil le crannchur do na Lebhithich na bailte sin le'm fearann comh-roinn, mar a dh'àithn an Tigh-earna le làimh Mhaois.

9 Agus thug iad a mach á tréibh chloinn Iudah, agus á tréibh chloinn Shimeoin, na bailte so a tha air an ainmeachadh,

10 A bha aig cloinn Aaroin do theaghlaichibh nan Cohatach *muinntir* a bha do chloinn Lebhi: (oir bu leo-san an ceud chrannchur.)

11 Agus thug iad dhoibh mòr-bhaile Arba, athar Anaic, (eadhon Hebron) ann an sliabh Iudah, maille r'a fhearann comh-roinn mu'n cuairt air.

12 Ach fearann a' mhòr-bhaile, agus a bhaile beaga, thug iad do Chaleb mac Iephunch mar a sheibh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, *gu bhi* 'na bhaile dèidein do'n mharbhaiche, agus Libnah le 'fhearann comh-roinn.

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holon le 'fhearann comh-roinn, agus Debir le 'fhearann comh-roinn.

16 Agus Ain le 'fhearann comh-roinn, agus Iutah, le 'fhearann comh-roinn, agus Bet-semes le 'fhearann comh-roinn: naoi bailtean as an da thréibh sin.

17 Agus á tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn: ceithir bailte.

19 *B'iad* uile bhaile chloinn Aaroin nan sagart, tri bailte deug le'm fearann comh-roinn.

20 Agus bha aig teaghlaichibh chloinn Chohait, na Lebhithich, a mhair do chloinn Chohait, eadhon aca-san, bailtean an crannchuir á tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, *gu bhi* 'na bhaile dèidein do'n mharbhaiche; agus Geser le 'fhearann comh-roinn.

22 Agus Cibsaim le 'fhearann comh-roinn, agus Bet-horon le 'fhearann comh-roinn: ceithir bailtean.

23 Agus á tréibh Dhain, Elteceh le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gatrimon le 'fhearann comh-roinn: ceithir bailtean.

25 Agus á leth-thréibh Mhanaseh, Taanach le 'fhearann comh-roinn, agus Gatrimon le 'fhearann comh-roinn: da bhaile.

26 *B'iad* na bailtean uile le'm fearann comh-roinn deich, air son theaghlaichean chloinn Chohait a mhair *gun an oigh-*

reachd fhaghail'.

27 Agus do chloinn Ghersein, do theaghlaichibh nan Lebhitheach, á leth *eile* thréibh Mhanaseh, *thug iad* Golan ann am Basan le 'fhearann comh-roinn, *gu bhi* 'na bhaile dèidein do'n mharbhaiche, agus Bees-terah le 'fhearann comh-roinn: dà bhaile.

28 Agus á tréibh Isachair, Cison le 'fhearann comh-roinn, Dabareh le 'fhearann comh-roinn,

29 Iarmut le 'fhearann comh-roinn, Engaim le 'fhearann comh-roinn: ceithir bailtean.

30 Agus á tréibh Aseir, Misal le 'fhearann comh-roinn, Abdon le 'fhearann comh-roinn.

31 Helcat le 'fhearann comh-roinn, agus Rehob le 'fhearann comh-roinn: ceithir bailtean.

32 Agus á tréibh Naphtali, Cedès ann an Galilee le 'fhearann comh-roinn, *gu bhi* 'na bhaile dèidein do'n mharbhaiche: agus Hamotdor le 'fhearann comh-roinn, agus Cartan le 'fhearann comh-roinn: tri bailtean.

33 *B'iad* uile bhaile nan Gersonach a réir an teaghlaichean, tri bailte deug le'm fearann comh-roinn.

34 Agus do theaghlaichibh chloinn Mherari, a' chuid eile do na Lebhithich, á tréibh Shebuluin, Iocneam le 'fhearann comh-roinn, agus Cartah le 'fhearann comh-roinn.

35 Dimnah le 'fhearann comh-roinn, Nahalal le 'fhearann comh-roinn: ceithir bailtean.

36 Agus á tréibh Reubein, Beser le 'fhearann comh-roinn, agus Iahasah le 'fhearann comh-roinn.

37 Cedemot le 'fhearann comh-roinn, agus Mephaat le 'fhearann comh-roinn: ceithir bailtean.

38 Agus á tréibh Ghad, Ramot ann an Gilead le 'fhearann comh-roinn, *gu bhi* 'na bhaile dèidein do'n mharbhaiche; agus Mahanaim le 'fhearann comh-roinn,

39 Hesbon le 'fhearann comh-roinn, Iaser le 'fhearann comh-roinn: ceithir bailte san iomlan.

40 Mar sin b'iad na bailtean uile air son chloinn Mherari, a réir an teaghlaichean, a mhair do theaghlaichibh nan Lebhitheach, a réir an crannchuir, dà bhaile dheug.

41 *B'iad* uile bailtean nan Leblithich, an taobh a stigh do sheibh chloinn Israeil, ochd bailtean agus dà fhichead le'm fearann comh-roinn.

42 Bha na bailte sin gach aon le'm fearann comh-roinn mu'n timchioll: mar so *bha* na bailte sin uile.

43 Agus thug an Tighearna do Israel am fearann uile a mhionnaich e thoirt d'an aithrichibh; agus shealbhaich iad e, agus ghabh iad còmhnuidh ann.

44 Agus thug an Tighearna dhoibh fois mu'n cuairt, a réir nan uile *nithe* a mhionnaich e d'an aithrichibh; agus cha do sheas duine d'an naimhdibh uile rompa; thug an Tighearna thairis an naimhdean uile d'an làimh.

45 Cha d'fhàilnich¹ a' bheag do gach ni maith a labhair an Tighearna ri tigh Israel: thàinig an t-iomlan gu crìch.

CAIB. XXII.

1 *An da thréibh agus an leth-thréibh air an cur d'am bùthaibh: 10 thog iad altair na fannais' nan turus, &c.*

AN sin ghairm Iosua na Reubenich, agus na Gadaich, agus leth-thréibh Mhanaseh,

2 Agus thubhairt e riu, Ghléidh sibh na h-uile *nithe* a dh'àithn Maois òglach an Tighearna dhuibh, agus thug sibh géill do m' ghuth-sa anns na h-uile *nithibh* a dh'àithn mi dhuibh

3 Cha d'fhàg sibh bhuir bràithre rè mhòrain do làithibh gus an là'n diugh, ach ghléidh sibh cùram àithne an Tighearna bhuir Dé.

4 Agus a nis thug an Tighearna bhuir Dia fois d'ur bràithribh, mar a gheall e dhoibh: a nis uime sin pillibh, agus rachaibh d'ur pàillunaibh, agus gu fearann bhuir seilbhe, a thug Maois, òglach an Tighearna, dhuibh air an taobh thall do Iordan.

5 Ach thugaibh ro aire gu'n coimhlion² sibh an àithne agus an lagh, a dh'àithn Maois, òglach an Tighearna, dhuibh, gràdh a thoirt do'n Tighearna bhuir Dia, agus gluasad' na uile shligheibh, agus àitheantan a ghleidheadh, agus dlùth-leantuinn ris, agus seirbhis a dheanamh dha le'r n-uile chridhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàillunaibh.

7 A nis do *aon* leth-thréibh Mhanaseh, thug Maois *sealbh* ann am Basan: ach do'n leth-thréibh *eile* dhuibh thug Iosua *sealbh* ann measg am bràithrean air an taobh so do Iordan air an làimh an iar. Agus cuideachd, an uair a chuir Iosua air falbh iad d'am pàillunaibh, an sin bheannaich e iad,

8 Agus labhair e riu, ag ràdh, Le mòr shaoibhreas pillibh d'ur pàillunaibh, agus le ro mhòran spréidhe, le h-airgiod, agus le h-òr, agus le h-umha, agus le h-iarunn, agus le ro mhòran eudaich; roinnibh creach bhuir naimhde r'ur bràithribh.

9 Agus phill clann Reubein, agus clann Ghad, agus leth-thréibh Mhanaseh, agus

dh'fhalbh iad o chloinn Israel á Siloh, a *tha* ann an tìr Chanaain, gu dol do thìr Ghilead, gu fearann an seilbhe, a shealbhaich iad, a réir focail an Tighearna le làimh Mhaois.

10 Agus an uair a thàinig iad gu crìochaibh Iordain, a *tha* ann an tìr Chanaain, thog clann Reubein, agus clann Ghad, agus leth-thréibh Mhanaseh altair an sin làimh ri Iordan, altair mhòr ri amharc oirre.

11 Agus chuala clann Israel air a ràdh, Feuch, thog clann Reubein, agus clann Ghad, agus leth-thréibh Mhanaseh, altair thall fa chomhair tìre Chanaain, ann an crìochaibh Iordain, far an d'thàinig clann Israel thairis.

12 Agus an uair a chuala clann Israel so, chruinnich coimhthional chloinn Israel uile iad féin an ceann a chéile aig Siloh, gu dol suas a chogadh 'nan aghaidh.

13 Agus chuir clann Israel a dh'ionnsuidh cloinn Reubein, agus a dh'ionnsuidh cloinn Ghad, agus gu leth-thréibh Mhanaseh, do thìr Ghilead, Phinehas mac Eleasair an t-sagairt;

14 Agus deich ceannardan³ maille ris, ceannard do gach prìomh-thigh⁴, air feadh uile threubhan Israel, agus b'e gach fear dhiubh ceann tìghe an aithriche, air feadh mhiltean Israel.

15 Agus thàinig iad gu cloinn Reubein, agus gu cloinn Ghad, agus gu leth-thréibh Mhanaseh, gu tìr Ghilead, agus labhair iad riu, ag ràdh,

16 Mar so tha comhchruinneach an Tighearn uile ag ràdh, Ciod e an cionta so a rinn sibh an aghaidh Dé Israel, pilltinn air falbh an diugh o leantuinn an Tighearna, le altair a thogail dhuibh féin, chum ceannaire a dheanamh an diugh an aghaidh an Tighearn?

17 An ro bheag dhuinn cionta Pheoir, o nach 'eil sinn air ar glanadh gus an là'n diugh, (agus *air son* an robh plàigh ann an comhchruinneach an Tighearn.)

18 Ach gu'm pilleadh sibh air falbh an diugh o'n Tighearn a leantuinn? agus tarlaidh, *dobhrigh* gu bheil sibh a' deanamh ceannaire an diugh an aghaidh an Tighearn, am màireach gu'n las 'thearg an aghaidh uile chomhchruinnich Israel.

19 Gidheadh, ma tha fearann bhuir seilbhe neòghlan, rachaibh thairis a dh'fhearann seilbhe an Tighearn, far am bheil pàillium an Tighearn a chòmhnuidh, agus gabhaibh sealbh 'nar measg-ne: ach na deanaibh ceannaire an aghaidh an Tighearn, no ceannaire 'nar n-aghaidh-ne, le altair a thogail duibh féin, a thuilleadh air altair an Tighearn ar Dé.

20 Nach d'riun Achan mac Sherah cionta san ni mhallaichte, agus thuit fearg

¹ do thuit. Eabh.

² dean. Eabh.

³ uachdarain.

⁴ as gach tigh àrd-athar.

air uile chomhchruinneach Israeil ? agus cha b'e 'n duine sin 'na aonar a bhàsaich 'na chionta.

21 An sin fhreagair clann Reubein, agus clann Ghad, agus leth-thréibh Mhanaseh, agus thubhairt iad ri ceannardaibh mhilt-ean Israeil,

22 Aig an Tighearna Dia nan dée, aig an Tighearna Dia nan dée e féin a ta fios, agus aig Israel bithidh fios, ma's ann an ceannaire, no ann an eusaontas an aghaidh an Tighearna, (*ma's ann*, na saor sinn an diugh.)

23 A thog sinne dhuinn féin altair, gu pilltinn air falbh o'n Tighearn a leantuinn, no ma's ann a thoirt suas oirre iobairt-loisgte, no tabhartais-bidh, no ma's ann a thoirt suas oirre iobairtean thabhartasasithe, an sin agradh an Tighearna féin e;

24 Agus mur ann air eagal an ni so a rinn sinn e, ag ràdh, Anns an àm ri teachd dh'fheudadh bhur clann-sa labhairt ri 'r cloinn-ne, ag ràdh, Ciod bhur gnothuchsa ris an Tighearna Dia Israeil ?

25 Oir rinn an Tighearna Iordan 'na crìch eadar sinne agus sibhse, a chlann Reubein, agus a chlann Ghad; cha 'n'eil agaibhse cuibhrionn air bith san Tighearna: mar so bheir bhur clann-sa air ar cloinn-ne sgur do eagal an Tighearn a bhi orra.

26 Uime sin thubhairt sinn, Gabhamaid a nis mu altair a thogail dhuinn féin, cha'n ann air son tabhartais-loisgte, no air son iobairt;

27 Ach a chum gu'm bi i 'na fianuis eadar sinne agus sibhse, agus ar sliochd 'nar déigh, a chum gu'n dean sinn seirbhis an Tighearna 'na làthair le'r tabhartais-loisgte, agus le'r n-iobairtibh, agus le'r tabhartais-sith, a chum nach abair bhur clann-sa r'ar cloinn-ne san àm ri teachd, Cha 'n'eil cuibhrionn agaibhsan Tighearn.

28 Uime sin thubhairt sinn, gu'n tachair e, 'nuair a their iad so ruinne, no r'ar sliochd san àm ri teachd, gu'm bi againn ri ràdh a ris, Faicibh samhldh altair an Tighearn, a rinn ar n-aithriche, cha 'n ann air son thabhartasan-loisgte, no air son iobairtean; ach 'is fianuis i eadar sinne agus sibhse.

29 Gu ma fada robh e uainne ceannaire a dheanamh an aghaidh an Tighearn, agus pilltinn an diugh o leantuinn an Tighearna, le altair a thogail air son thabhartasan-loisgte, air son thabhartasan-bidh, no air son iobairtean, seach altair an Tighearn ar Dé, a tha air beulaobh a phailliuin.

30 Agus an uair a chuala Phinehas an sagart, agus ceannardan a' chomhchruinnich, agus cinn mhiltéan Israeil a bha maille ris, na briathran a labhair clann Reubein,

agus clann Ghad, agus clann Mhanaseh, thaitinn e riu.

31 Agus thubhairt Phinehas mac Eleasair an t-sagart ri cloinn Reubein, agus ri cloinn Ghad, agus ri cloinn Mhanaseh, An diugh tha fhios againn gu'm bheil an Tighearna 'nar measg, a chionn nach d'rinn sibh an cionta so an aghaidh an Tighearn: a nis shaor sibh clann Israeil á làimh an Tighearn.

32 Agus phill Phinehas mac Eleasair an t-sagart, agus na ceannardan, o chloinn Reubein, agus o chloinn Ghad, á tìr Ghilead gu tìr Chanaain, gu cloinn Israeil, agus thug iad fios d'an ionnsuidh a ris.

33 Agus thaitinn a' chùis ri cloinn Israeil, agus bheannaich clann Israeil Dia, agus cha robh rùn aca dol² suas 'nan aghaidh gu cath, a sgrios na tìre auns an robh clann Reubein agus Ghad 'nan còmlnuidh.

34 Agus thug clann Reubein, agus clann Ghad Ed mar ainm air an altair: oir bithidh i 'na fianuis eadarunn, gur e'n Tighearn a's Dia ann.

CAIB. XXIII.

Thug Iosua, roimh a bhàs, earail do chloinn Israeil gu lagh Dhé a choimhead gu cìramach.

AGUS an ceann uine fhada, an déigh do'n Tighearna fois a thoirt do Israel o'n naimhaidibh uile mu'n cuairt, dh'fhàs Iosua sean, agus thàinig e air 'aghaidh ann am bliadhnaibh.

2 Agus ghairm Iosua d'a ionnsuidh Israeil uile, an seanairean, agus an ceannardan, agus am breitheamhna, agus an luchd-riaghlaidh, agus thubhairt e riu, Tha mise sean, agus air teachd air m'aghaidh ann am bliadhnaibh:

3 Agus chunnaic sibh gach ni a rinn an Tighearna bhur Dia ris na cinnich sin uile air bhur sonsa; oir is e 'n Tighearna bhur Dia e féin a cluag air bhur son.

4 Faicibh, roinn mi dhuibh le crannchur na cinnich sin a mhaireas, gu bhi 'nan oighreachd d'ur treubhan, o Iordan, maille ris na cinnich uile a ghearr mi as, eadhon gus an fhainge mhòir air an taobh an iar.

5 Agus an Tighearna bhur Dia, fuadaichidh esan iad as bhur fianuis, agus iomainidh e iad a mach as bhur sealladh; agus seallbhaiclidh sibh am fearann, mar a gheall an Tighearna bhur Dia dhuibh.

6 Bithibh-se uime sin ro mhisneachail a ghleidheadh agus a dheanamh nan uile nithe a ta sgrìobhta ann an leabhar lagha Mhaois, a chum nach pill sibh a leth-taobh uaith, a dh'ionnsuidh na làimhe deise, no dh'ionnsuidh na làimhe clìthe;

7 A chum nach tig sibh air feadh nan cinneach sin, nan cinneach sin a mhaireas 'nur measg, agus nach luadh sibh ainm an dée, agus nach mionnaich sibh orra,

agus nach dean sibh seirbhis dhoibh, agus nach crom sibh sibh féin doibh :

8 Ach dlùth-leanaibh ris an Tighearna bhur Dia, mar a rinn sibh gus an là 'n diugh.

9 Oir dh'fhuadaich an Tighearna a mach as bhur fianuis cinnich mhòr agus threun : ach d'ur taobh-sa, cha b'urrainn duine sam bith seasamh roimhibh gus an là 'n diugh.

10 Cuiridh aon fhear dhibh an teich-eadh air mìle : oir is e'n Tighearna bhur Dia e féin a chogas air bhur son, mar a gheall e dhuibh.

11 Thugaibh, uime sin, airc mhaith dhuibh féin, gu'n gràdhaich sibh an Tighearna bhur Dia.

12 No ma théid sibh air chor sam bith air bhur n-ais, agus ma leanas sibh ri fuigheall nan cinneach sin eadhon nan cinneach sin a mhaireas 'nur measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ur n-ionnsuidh-sa :

13 Biodh fios cinnteach agaibh, nach fuadaich an Tighearna bhur Dia tuilleadh aon air bith do na cinnich sin a mach roimhibh ; ach bithidh iad dhuibh 'nan ribe, agus 'nan ceap-tuislidh, agus 'nan sgiursadh, 'nur taobhan, agus 'nam bioraibh 'nur suilibh, gus an téid as duibh bhàrr an fhearainn mhaith so a thug an Tighearna bhur Dia dhuibh.

14 Agus, feuch, a ta mise an diugh a' dol air slighe na talmhainn uile, agus tha fhios agaibh féin 'nur n-uile chridhe, agus 'nur n-uile anam, nach d'fhàilnich aon ni do na nithibh maithes sin uile a labhair an Tighearna bhur Dia d'ur taobh ; thàinig iad gu léir gu crìch dhuibhse, cha d'fhàilnich aon ni dhuibh.

15 Uime sin tarlaidh, mar a thàinig na h-uile nithe maithes oirbh, a gheall an Tighearna bhur Dia dhuibh, mar sin gu'n toir an Tighearna oirbh na h-uile nithe olc, gus an sgrios e sibh bhàrr an fhearainn mhaith so a thug an Tighearna bhur Dia dhuibh.

16 'Nuair a bhriseas sibh coimhcheangal an Tighearna bhur Dé, a dh'àithn e dhuibh, agus a théid sibh, agus a ni sibh seirbhis do dhiathaibh eile, agus a chromas sibh sibh féin doibh ; an sin lasaidh fearg an Tighearna 'nur n-aghaidh, agus théid as duibh gu grad bhàrr an fhearainn mhaith a thug e dhuibh.

CAIB. XXIV.

1 Chruinnich Iosua treubhan Israeil gu Sechem.
2 Dh'aithris e tiodhlacan Dé : 14 dh'athnuadh-
aich e coimhcheangal eadar Dia agus iad.

AGUS chruinnich Iosua treubhan Israeil uile gu Sechem, agus ghairm e air seanairibh Israeil, agus air an ceann-

ardaibh, agus air am breitheamhnaibh, agus air an luchd-riaghlaidh ; agus nochd siad iad féin am fianuis Dé.

2 Agus thubhairt Iosua ris an t-sluagh uile, Mar so tha 'n Tighearna Dia Israeil ag ràdh, Air taobh thall na h-aimhne¹, anns an t-sean aimsir, chòmhnuich blur n-aithriche, eadhon Terah, athair Abraham, agus athair Nachoir : agus rinn iad seirbhis do dhiathaibh eile.

3 Agus thug mi bhur n-athair Abraham o thaobh thall na h-aimhne, agus threòraich mi e troimh thìr Chanaana uile, agus rinn mi a shliochd lìonmhor, agus thug mi dha Isaac.

4 Agus thug mi do Isaac, Iacob agus Esau : agus thug mi do Esau sliabh Sheir r'a shealbhachadh ; ach chaidh Iacob agus a chlann sìos do'n Eiphit.

5 Chuir mi Maois mar an ceudna agus Aaron a mach, agus bhuail mi an Eiphit, a réir an nì sin a rinn mi 'na meadhon : agus an déigh sin thug mi sibhse mach.

6 Agus thug mi bhur n-aithriche as an Eiphit : agus thàinig sibh a dh'ionnsuidh na fairge ; agus lean na h-Eiphitich bhur n-aithriche le carbadaibh agus marcshluagh gus a' mhuir ruaidh.

7 Agus an uair a ghlaodh iad ris an Tighearna, chuir e dorchadas cadarsibhse agus na h-Eiphitich, agus thug e a' mhuir orrasan, agus dh'fholaich e iad ; agus chunnaic bhur suile ciod a rinn mi san Eiphit : agus ghabh sibh còmhnuidh san fhàsach uine fhada.

8 Agus thug mi sibh do fhearann nan Amorach, a bha còmhnuidh air an taobh thall do Iordan ; agus chog iad ribh : agus thug mi thairis iad d'ur làimh, agus shealbhach sibh am fearann : oir sgrios mise iad as bhur fianuis.

9 An sin dh'érich Balac mac Shipoir, righ Mhoab, agus chog e 'n aghaidh Israeil, agus chuir e fios, agus ghairm e Balaam mac Bhcoir, chum sibhse a mhallachadh.

10 Ach cha 'n éisdinn-sa ri Balaam ; uime sin da rìreadh bheannaich e sibh : mar sin shaor mi sibh as a làimh.

11 Agus chaidh sibh thar Iordan, agus thàinig sibh gu Iericho : agus chog fir Iericho 'nur n-aghaidh, na h-Amoraich, agus na Peridsich, agus na Canaanaich, agus na Hitich, agus na Girsaisich, na Hibhich, agus na Iebusaich ; agus thug mi thairis iad d'ur làimh.

12 Agus chuir mi a' chonnasbeach² roimhibh, a dh'fhuadaich iad a mach as bhur fianuis, eadhon dà righ nan Amorach ; ach cha 'n ann le d' chlaidheamh, no le d' bhogha.

13 Agus thug mi dhuibh fearann anns nach do shaothraich sibh, agus bailte nach do thog sibh, agus ghabh sibh còmh-

¹ an t-srutha.

² an ceannabhan ; hornet. Sarg.

nuidh annta; do fhìon-liosaibh agus do liosaibh-olaidd nach do shuidhich sibh, tha sibh ag itheadh.

14 A nis uime sin biodh eagal an Tighearn oirbh, agus deanaibh seirbhis dha ann an treibhdhireas agus am fìrinn, agus cuirbh uaibh na dèe d'an d'rinn bhur n-aithriche seirbhis air taobh thall na h-aimbne, agus anns an Eiplhit, agus deanaibh seirbhis do'n Tighearn.

15 Agus ma mheasar e olc leibh seirbhis a dheanamh do'n Tighearna, roghnaichibh an diugh cò d'an deau sibh seirbhis; an ann do na diathaibh d'an d'rinn bhur n-aithriche seirbhis, a bh'air taobh thall na h-aimbne, no do dhiathaibh nan Amoraich, muinntir a tha sibh a chòmhnuidh 'nan tìr: ach air mo shon-sa, agus airson mo thighe, ni sinne seirbhis do'n Tighearn.

16 Agus fhreagair an sluagh, agus thubhairt iad, Gu ma fada robh e uainne an Tighearn a thrègsinn, gu seirbhis a dheanamh do dhiathaibh eile;

17 Oir an Tighearna ar Dia, *is esan* a thug a nìos sinne, agus ar n-aithrichean á tìr na h-Eiphit, á tigh na daorsa, agus a rinn na comharan mòra sin 'nar sealladh, agus a ghléidh sinn anns an uile shlighe air an d'imich sinn, agus am measg nan uile shlògh trid an deachaidh sinn:

18 Agus dh'fhògair an Tighearn a mach romhainn na sloigh uile, eadhon na li-Amoraich a bha chòmhnuidh san tìr; *uime sin* ni sinne mar an ceudna seirbhis do'n Tighearn, oir *is esan* ar Dia.

19 Agus thubhairt Iosua ris an t-sluagh, Cha'n urrainn sibh seirbhis a dheanamh do'n Tighearn; oir *is Dia* ro naomh e; *is Dia* eudmhor e; cha lagh e bhur n-cus-aontais, no bhur peacanna.

20 Ma thrègeas sibh an Tighearn, agus ma ni sibh seirbhis do dhiathaibh coimheach¹, an sin pillidh e agus ni e olc oirbh, agus elaidhidh e sibh, an déigh dha maith a dheanamh dhuibh:

21 Agus thubhairt an sluagh ri Iosua, Ni h-eadh, ach ni sinne seirbhis do'n Tighearn.

22 Agus thubhairt Iosua ris an t-sluagh,

¹ do dhiathaibh dùcha eile, do dhiathaibh choigreach.

Is fianuisean sibh 'nur n-aghaidh féin, gu'n do thagh sibh dhuibh féin an Tighearna, gu seirbhis a dheanamh dha. Agus thubhairt iad, Is fianuisean sinn.

23 A nis uime sin cuiribh air falbh (*ars' esan*) na diathan coimheach a ta 'nur measg, agus aomaibh bhur cridhe ris an Tighearna Dia Israeil.

24 Agus thubhairt an sluagh ri Iosua, Do'n Tighearn ar Dia ni sinn seirbhis, agus r'a ghuthsan éisdidh sinn.

25 Mar sin rinn Iosua coimhcheangal ris an t-sluagh air an là sin: agus shuidhich e dhoibh reachd, agus riaghailt ann an Sechem.

26 Agus sgrìobh Iosua na briathra so ann an leabhar lagha Dhé, agus ghabh e clach mhòr, agus chuir e suas i an sin fuidh dharaig, a bha làimh ri ionad naomh an Tighearna.

27 Agus thubhairt Iosua ris an t-sluagh uile, Feuch, bithidh a' chlach so 'na fianuis duinn; oir chual' i uile bhriathran an Tighearn a labhair e ruinn: bithidh i uime sin 'na fianuis 'nur n-aghaidh-sa, air eagal gu'n àicheadh sibh bhur Dia.

28 Agus leig Iosua leis an t-sluagh imeachd, gach duine d'a oighreachd féin.

29 Agus an déigh nan nithe sin, fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

30 Agus dh'adhlaic iad e ann an erich 'oighreachd féin ann an Timnat-serah, a tha ann an sliabh Ephraim, air an taobh mu thuath do shliabh Ghaais.

31 Agus rinn Israel seirbhis do'n Tighearn uile làithean Iosua, agus uile làithean nan seanair a mhair bcò an déigh Iosua, agus d'am b'aithne uile oibre an Tighearn, a rinn e air son Israeil.

32 Agus dh'adhlaic iad cnàmhan Ioseiph, a thug clann Israeil a nìos as an Eiphit, ann an Sechem, ann am mìr fearainn a cheannaich Jacob o mhacaibh Hamoir, athlar Shechem, air son ceud bonn airgid; agus bha e 'ua oighreachd aig cloinn Ioseiph.

33 Agus fhuair Eleasar mac Aaroin bàs, agus dh'adhlaic iad e ann an sliabh le Phinehas a mhac, a thugadh dha ann an sliabh Ephraim.

BREITHEAMHNA.

CAIB. I.

¹ Chaidh Iudah agus Simeon suas a chogadh an aghaidh nan Canaanach. 6 Lean iad, agus ghlac iad Andoni-besec. 8 Ghlacadh Ierusalem, 10 agus Hebron.

A NIS an déigh bàis Iosua, dh'fhiosraich¹ clann Israeil do'n Tighearn,

¹ dh'fhedraich.

ag ràdh, Cò a théid suas air ar son an aghaidh nan Canaanach air tìs, a chogadli 'nan aghaidh?

2 Agus thubhairt an Tighearna, Théid Iudah suas: feuch, thug mi 'n tìr thairis d'a làimh.

3 Agus thubhairt Iudah ri Simeon a bhràthair, Thig a nìos maille riumsa do

BREITHEAMHNA, I.

m' ehrannchur, a chum gu'n cog sinn an aghaidh nan Canaanach, agus theid mise mar an ceudna maille riutsa do d' chrannchur-sa. Agus chaidh Simeon maille ris.

4 Agus ehaidh Iudah suas; agus thug an Tighearna na Canaanach, agus na Peridsich, thairis d'an làimh: agus mharbh iad diubh ann am Besec deich mìle fear.

5 Agus fhuair iad Adoni-besec ann am Besec; agus chog iad 'na aghaidh, agus bhuail iad na Canaanach agus na Peridsich.

6 Ach theich Adoni-besec, agus lean iad e, agus ghlac iad e, agus ghearr iad dheth ordagan a làmh agus a chos.

7 Agus thubhairt Adoni-besec, Thionail tri fichead agus deich rìghrean, aig an robh ordagan an làmh agus an cos air an gearradh dhiubh, *am biadh* fuidh m' bhòird-sa: mar a rinn mi, mar sin dhìol Dia orm. Agus thug iad e gu l-Ierusalem, agus fhuair e bàs an sin.

8 A nis chog clann Iudah an aghaidh Ierusalem, agus ghlac iad e, agus bhuail iad e le faobhar a' chlàidheimh, agus chuir iad am baile ri theine.

9 Agus an dèigh sin, ehaidh clann Iudah sìos a ehogadh an aghaidh nan Canaanach, a bha chòmhnuidh sa' mhonadh, agus anns an àirde deas, agus anns a' chòmhnard.

10 Agus ehaidh Iudah an aghaidh nan Canaanach a bha chòmhnuidh ann an Hebron, (a nis b'e ainm Hebroin roimhe Ciri-at-arba;) agus mharbh iad Sesai, agus Ahiman, agus Talmi.

11 Agus á sin ehaidh e an aghaidh luchd-àiteachaidh Dhebir: (agus b'e ainm Dhebir roimhe Ciri-at-sepher:)

12 Agus thubhairt Caleb, Esan a bhuail-eas Ciri-at-sepher, agus a ghlacas e, dhasan bheir mi Achsah mo nighean 'na mnaoi.

13 Agus ghlac Otniel mae Chenais bràthar a b'òige Chaleib e: agus thug e dha Achsah a nighean 'na mnaoi.

14 Agus an uair a thàinig i d'a ionnsuidh, bhrosnaich i e gu achadh iarraidh o h-athair: agus theirinn i bhàrr a h-asail: agus thubhairt Caleb rithe, Ciod is àill leat?

15 Agus thubhairt i ris, Thoir dhomh beannachadh: oir thug thu dhomh fearann ri deas¹; thoir dhomh mar an ceudna tobair uisge. Agus thug Caleb dh'i na tobair uachdaraeh, agus na tobair iohd-arach.

16 Agus ehaidh elann a' Chenich, athar-eéile Mhaois, suas á baile nan craobh-pailme, maille ri cloinn Iudah, do fhàsach Iudah, a tha air an taobh mu dheas do Arad; agus chaidh iad agus ghabh iad còmhnuidh am measg an t-sluaigh.

17 Agus chaidh Iudah maille ri Simeon a bhràthair, agus bhuail iad na Canaanach a bha 'nan còmhnuidh ann an Sephat, agus sgrios iad gu tur e: (agus thugadh Hormah mar ainm air a' bhaile:)

18 Agus ghlac Iudah Gasa agus a chrìochan, agus Ascelon agus a chrìochan, agus Ecron agus a chrìochan.

19 Agus bha'n Tighearna maille ri Iudah; agus ghabh e sealbh air a' mhonadh, ach cha b'urraim e luchd-àiteachaidh an t-sratha fhògradh a mach, a elionn gu'n robh carbaid iarunn aca.

20 Agus thug iad Hebron do Chaleb, mar a thubhairt Maois: agus dh'fhuadaich e as a sin triuir² mhac Anaic.

21 Agus eha do chuir clann Bheniamin a mach na Iebusaich a bha 'nan còmhnuidh ann an Ierusalem; ach tha na Iebusaich 'nan còmhnuidh maille ri cloinn Bheniamin ann an Ierusalem gus an là'n diugh.

22 Agus ehaidh tigh Ioseph mar an ceudna suas an aghaidh Bhet-eil: agus bha'n Tighearna maille ri u.

23 Agus chuir tigh Ioseph daoine a rannsachadh a mach Bhet-eil: (a nis b'e ainm a' bhaile roimhe Luds.)

24 Agus chunnaic an luchd-bratha duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinn trècar dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chlàidheimh: ach leig iad air falbh an duine agus a theaghlach uile.

26 Agus chaidh an duine do fhearann nan Hiteach, agus thog e baile, agus thug e Luds mar ainm air: is e so 'ainm gus an là'n diugh.

27 Cha mhò a dh'fhogair Manaseh a mach *luchd-àiteachaidh* Bhet-seain agus a bhailte, no Phaanaich agus a bhailte, no luchd-àiteachaidh Dhoir agus a bhailte, no luchd-àiteachaidh Ibleaim agus a bhailte, no luchd-àiteachaidh Mhegido agus a bhailte: ach b'àill leis na Canaanach còmhnuidh a ghabhail san fhearann sin.

28 Agus tharladh, an uair a dh'fhàs Israel làidir, gu'n do chuir iad na Canaanach fuidh ehis; ach eha d'fhuadaich iad gu buileach a mach iad.

29 Cha mhò a dh'fhuadaich Ephraim a mach na Canaanach a bha chòmhnuidh ann an Geser: ach ghabh na Canaanach còmhnuidh 'nam measg ann an Geser.

30 Cha mhò a dh'fhuadaich Sebulun a mach *luchd-àiteachaidh* Clitroin, no *luchd-àiteachaidh* Nahaloil: ach ghabh

¹ fearann tioram, leth.

² triùr.

na Canaanach còmhnuidh 'nam measg, agus bha iad fuidh chis *dhoibh*.

31 Cha mhò a dh'fhuadaich Aser a mach luchd-àiteachaidh Acho, no luchd-àiteachaidh Shidoin, no Achlaib, no Achsib, no Helbah, no Aphic, no Rehoib:

32 Ach ghabh na h-Aserich còmhnuidh am measg nan Canaanach, luchd-àiteachaidh na tìre; oir cha d'fhuadaich iad a mach iad.

33 Cha mhò a dh'fhuadaich Naphtali a mach luchd-àiteachaidh Bhet-semeis, no luchd-àiteachaidh Bhet-anait; ach ghabh e còmhnuidh am measg nan Canaanach, luchd-àiteachaidh na tìre: gidheadh bha luchd-àiteachaidh Bhet-semeis agus Bhet-anait fuidh chis doibh.

34 Agus dh'èignich na h-Amoraich clann Dhaim do'n t-sliabh: oir cha leigeadh iad leo teachd a nuas do'n ghleann.

35 Ach b'àill leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbim: gidheadh bhuadhaich làmh tighe Ioseiph, agus bha iad fuidh chis doibh.

36 Agus *bha* crìoch nan Amorach o uchdaich Acrabim, o'n charraig, agus suas o sin.

CAIB. II.

1 *Chronaich aingeal an sluagh aig Bochim.*

10 *Aingidheadh a' ghinealach an déigh Iosua.*

A GUS thàinig aingeal an Tighearna an nìos o Ghilgal gu Bochim, agus thubhairt e, Thug mi nìos sibh as an Eiphit, agus thug mi steach sibh do'n fhearann a mhionnaich mi d'ur n-aithrichibh; agus thubhairt mi, Cha bhris mi mo choimhcheangal ribh gu bràth.

2 Agus cha dean sibh coimhcheangal sam bith ri luchd-àiteachaidh na tìre so; tilgidh sibh sìos an altairean: ach cha d'thug sibh géill do m' ghuth: c'ar son a rinn sibh so?

3 Uime sin mar an ceudna thubhairt mi, Cha'n fhuadaich mi mach iad roimhibh; ach bithidh iad mar *bhiora* 'nur taobhan, agus bithidh an dèe 'nan ribe dhuibh.

4 Agus an uair a labhair aingeal an Tighearna na briathra sin ri cloinn Israeil uile, thog an sluagh suas an guth, agus ghuil iad.

5 Agus ghairm iad ainm an àite sin Bochim: agus dh'ìobair iad an sin do'n Tighearn.

6 Agus an uair a leig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbhe air an fhearann.

7 Agus rinn an sluagh seirbhis do'n Tighearna rè uile làithean Iosua, agus uile làithean nan seanair a mhair beò an déigh Iosua, a chunnaic uile oibre mòra an

Tighearn, a rinn e air son Israeil.

8 Agus fhuair Iosua mac Nuin, ògiach an Tighearna, bàs, agus e ceud agus deich bliadhna dh'aois.

9 Agus dh'adhlaic iad e ann an crìch 'òighreachd féin ann an Timnat-heres, ann an sliabh Ephraim, air an taobh mu thuath do shliabh Ghaais.

10 Agus chrùinnicheadh mar an ceudna an ginealach sin uile chum an aithriche: agus dh'èirich ginealach eile suas 'nan déigh, do nach b'aithne an Tighearna, no na h-oibre a rinn e air son Israeil.

11 Agus rinn clann Israeil olc ann an sealladh an Tighearn, agus rinn iad seirbhis do Bhaalim.

12 Agus thréig iad an Tighearna Dia an aithriche, a thug a mach iad á tìr na h-Eiphit, agus lean iad diathan eile, do dhiathaibh an t-sluaigh a *bha* mu'n cuairt orra, agus chrom siad iad féin sìos doibh, agus bhrosnaich iad an Tighearna gu corr-uich.

13 Agus thréig iad an Tighearn, agus rinn iad seirbhis do Bhaal agus do Astarot.

14 Agus las corr-uich an Tighearn an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urrainn iad ni b'fhaide seasamh an làthair an naimhde.

15 Ge b'e taobh a chaidh iad a mach, bha làmh an Tighearna 'nan aghaidh chum uile, mar a thubhairt an Tighearn, agus mar a mhionnaich an Tighearna dhoibh: agus bha iad ann an teinn ro mhòir.

16 Gidheadh thog an Tighearna suas breitheamhna, a shaor iad á làimh na muinntir sin a chreach iad.

17 Gidheadh cha'n éisdeadh iad r'am breitheamhaibh, ach chaidh iad le striopachas an déigh dhiathan eile, agus chrom siad iad féin doibh: phill iad gu grad as an t-slighe anns an d'imich an aithriche, a' toirt géill a dh'aitheantaibh an Tighearna: cha d'rinn iadsan mar sin.

18 Agus an uair a thog an Tighearna suas doibh breitheamhna, an sin bha 'n Tighearna leis a' bhreitheamh, agus shaor e iad á làimh an naimhde, rè uile làithean a' bhreitheimh: oir ghabh an Tighearna truas *diubh* air son an osnaich o làthair¹ na muinntir sin a rinn ainneart orra, agus a shàraich iad².

19 Agus an uair a bha 'm breitheamh marbh, phill iad, agus thruaill siad iad féin nì's mò na 'n aithriche, ann an leant-uinn dhiathan eile, gu seirbhis a dheanamh dhoibh, agus gu cromadh sìos doibh; cha do gsuir iad o'n gnìomharaibh féin, no o'n slighe eas-ùmhail.

¹ air son,

² a theannaich iad. Eabh,

20 Agus las fearg an Tighearn an aghaidh Israeil; agus thubhairt e, A chionn gu'n do bhris an sluagh so mo choimhcheangal a dh'àithu mi d'an aithrichibh, agus nach d'éisd iad ri m' ghuth,

21 Cha chuir mise mar an ceudna, á so suas, duine sam bith a mach roimpe, do na cinnich a dh'fhàg Iosua 'nuair a fhuair e bàs;

22 Chum leo-san gu'n dearbh mi Israel, an gléidh iad slighe an Tighearn, a dh'im-eachd innte, mar a ghléidh an aithrichean i, no nach gléidh.

23 Uime sin dh'fhàg an Tighearna na cinnich sin, gun am fuadachadh a mach gu grad; agus cha d'thùg e thairis iad do làmh Iosua.

CAIB. III.

1 Na cinnich a dh'fhàgadh chum clann Israeil a dhearbhadh. 5 Le còmhnuidh a ghabhail nam measg, thairngeadh iad gu h-ole a dheanamh am an sealladh an Tighearn.

ANIS is iad so na cinnich a dh'fhàg an Tighearn a dhearbhadh Israeil leo; (eadhon a mheud do Israel do nach b'aithne cogaidh Chanaana uile;

2 A mhàin a chum gu'm b'aithne do ghinealaich chloinn Israeil cogadh iunnachadh dhoibh, air bheag sam bith dhoibhsan do nach b'aithne a bheag dheth roimhe;)

3 Eadhon cùig tighearnan nam Philist-each, agus na Canaanach uile, agus na Sidonaich, agus na Hibhich a bha còmhnuidh ann an sliabh Lebanon, o shliabh Bhaal-hermoim gu dol a stigh Hamait.

4 Agus bha iad gu Israel a dhearbhadh leo, a dh'aithneachadh an éisdeadh iad ri àitheantaibh an Tighearn, a dh'àithn e d'an aithrichibh le làmh Mhaois.

5 Agus ghabh clann Israeil còmhnuidh am measg nan Canaanach, nan Hiteach, agus nan Amorach, agus nam Peridseach, agus nan Hibheach, agus nan Iebusach;

6 Agus ghabh iad an nigheana gu bhi nam mnaibh aca, agus thug iad an nigh-eana féin d'am macaibh-san; agus rinn iad seirbhis d'an diathaibh.

7 Agus rinn clann Israeil olc ann an sùilbh an Tighearn, agus dhù-chuimhnich iad an Tighearn an Dia, agus rinn iad seirbhis do Bhaalim, agus do Astarot¹.

8 Uime sin, las fearg an Tighearn an aghaidh Israeil, agus reic e iad do làmh Chusan-risataim rìgh Mhesopotamia: agus rinn clann Israeil seirbhis do Chusan-risataim ochd bliadhna.

9 Agus an uair a ghlaodh clann Israeil ris an Tighearna, thog an Tighearna suas fear-saoraidh do chloinn Israeil, a shaor iad, eadhon Otniel mac Chenais, bràthar

a b'òige Chaleib.

10 Agus bha spiorad an Tighearn air, agus thug e breth air Israel, agus chaidh e mach a chogadh: agus thug an Tighearna thairis d'alàimh Cusan-risataim rìgh Mhesopotamia; agus bhuadhaich a làmh an aghaidh Chusan-risataim.

11 Agus bha fois aig an tìr rè dhà fhichead bliadhna: agus fhuair Otniel mac Chenais bàs.

12 Agus rinn clann Israeil olc a ris ann an sùilbh an Tighearn: agus neartaich an Tighearn Eglon rìgh Mhoab an aghaidh Israeil, a chionn gu'n d'rinn iad olc ann an sùilbh an Tighearn.

13 Agus chruinnich e d'a ionnsuidh clann Amoin, agus Amalec, agus chaidh e agus bhuail e Israel, agus shealbhaich iad baile² nan craobh-pailme.

14 Agus rinn clann Israeil seirbhis do Eglon rìgh Mhoab ochd bliadhna deug.

15 Ach an uair a ghlaodh clann Israeil ris an Tighearna, thog an Tighearna suas doibh fear-saoraidh, Ehud mac Ghera, Beniamineach, duine ciotach³: agus leis-san chuir clann Israeil tiodhlac gu h-Eglon rìgh Mhoab.

16 Ach rinn Ehud dha féin claidheamh, aig an robh dà fhaobhar, làmh-choille air fad; agus cheangail se e fuidh 'eudach, air a shliasaid dheis.

17 Agus thug e 'n tiodhlac gu h-Eglon rìgh Mhoab: agus bha Eglon 'na dhuine ro reamhar.

18 Agus an uair a chuir e crìoch air an tiodhlac a thoirt seachad, chuir e air falbh an sluagh a ghiùlain an tiodhlac.

19 Ach phill e féin a ris o na clach-shloc-aibh⁴ a bha làmh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bi d' thosd. Agus chaidh iadsan uile a sheas làmh ris a mach uath.

20 Agus chaidh Ehud a steach d'a ionnsuidh; agus bha e 'na shuidhe ann an seòmar-samhraidh⁵, a bh'aige dha féin a mhàin: agus thubhairt Ehud, Tha teachd-aireachd agam o Dhia a d' ionnsuidh. Agus dh'éirich e suas as a chathair.

21 Agus chuir Ehud a mach a làmh chlì, agus thug e 'n claidheamh o 'shliasaid dheis, agus shàth e 'na bìroinn e.

22 Agus chaidh an dorn-chur a stigh mar an ceudna an déigh na loinne, agus dhùin an t-saill air an loinn; oir cha do tharruing e 'n claidheamh⁶ as a bhroinn: agus thàinig an salchar a mach.

23 An sin claidh Ehud a mach troimh 'n fhor-dhorus⁷, agus dhùin e dorsan an t-seòmair air, agus ghlais e iad.

24 'Nuair a chaidh e mach, thàinig a

¹ do na doireachaibh,

² cathair.

³ cù-lànach.

⁴ quarries. Sasg.

⁵ fionnfhuaircachd. ⁶ air chor as nach b' urrainn e 'n claidheamh a tharruing.

⁷ porch. Sasg.

sheirbhisich; agus an uair a chunnaic iad, feuch, gu'n robh dorsan an t-seòmair glaiste, thubhairt iad, Gu cinnteach *tha* e còmhachadh a chos 'na sheòmar-samhraidh.

25 Agus dh'fheith iad gus an robh nàire orra: agus, feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad *iad*: agus, feuch, *bha* 'n tighearn air tuiteam sìos marbh air an talamh.

26 Agus chaidh Ehud as, an uair a bha iadsan fuidh amhluidh¹; agus chaidh e seachad air na clach-shlocaibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus esan rompa.

28 Agus thubhairt e riu, Leanaibh mise; oir thug an Tighearna bhur naimhde na Moabaich thairis d'ur làimh. Agus chaidh iad sìos 'na dhéigh, agus ghlac iad àthanna Iordain leth ri Moab, agus cha do leig iad duine thairis.

29 Agus mharbh iad do Mhoab, san àm sin, mu thimchioll deich mìle fear, sult-mhor² uile, agus 'nan daoineibh gaisgeil uile: agus cha deachaidh duine air bith as.

30 Mar sin cheannsaicheadh Moab air an là sin fuidh làimh Israeil. Agus bha fois aig an tìr ceithir fichead bliadhna.

31 Agus 'na dhéigh-san bha Samgar mac Anait, a mharbh do na Philistich se ceud fear le luirg-iomain³ dhamh: agus shaor esan Israel mar an ceudna.

CAIB. IV.

1 *Shaor Deborah agus Barac clann Israeil o Iabin agus o Shisera.* 18 *Mharbh Iael Sisera.*

AGUS rinn clann Israeil olc a ris ann an sùilbhan an Tighearna, 'nuair a bha Ehud marbh.

2 Agus reic an Tighearn iad do làimh Iabin rìgh Chanaain, a rìghich ann an Hasor; agus b'e ceannard a shluaigh Sisera, a bha chòmhluaidh ann an Haroset nan cinneach.

3 Agus ghlaodh clann Israeil ris an Tighearn: oir bha naoi ceud carbad iar-uina aige; agus rinn e ainneart air cloinn Israeil gu ro mhòr rè fhichead bliadhna.

4 Agus thug Deborah ban-fhàidh, bean Lapidoit, breth air Israel san àm sin.

5 Agus *bha* i chòmhluaidh fuidh craoibh-phailme Dheborah, eadar Ramah agus Bet-el, ann an sliabh Ephraim: agus chaidh clann Israeil suas d'a h-ionnsuidh air son breitheanais.

6 Agus chuir i *fios*, agus ghairm i Barac, mac Abinoaim, a mach a Cedese-naph-

tali, agus thubhairt i ris, Nach d'àithn an Tighearna Dia Israeil, *ag ràdh*, Imich, agus tarrauing gu sliabh Thaboir, agus thoir leat deich mìle fear do chloinn Naph-tali, agus do chloinn Shebuluin?

7 Agus tairngidh mis' a t'ionnsuidh gu sruth Chisoin, Sisera ceannard armailte Iabin, le 'charbadaibh, agus a mhòr shluaigh; agus bheir mi thairis e do d' làimh.

8 Agus thubhairt Barac rithe, Ma théid thusa leam, an sin théid mi; ach mur téid thu leam, cha téid.

9 Agus thubhairt i, Gu cinnteach théid mi leat: gidheadh cha bbi 'n turus a ghabhas tu chum do chliù; oir do làimh mnà reicidh an Tighearna Sisera. Agus dh'éirich Deborah, agus chaidh i maille ri Barac gu Cedese.

10 Agus ghairm Barac Sebulun agus Naph-tali gu Cedese; agus chaidh e suas d'a chois *le* deich mìle fear⁴: agus chaidh Deborah suas maille ris.

11 A nis sgar Heber an Ceneach, *a bha* do chloinn Hobaib, athar-céile Mhaois, e féin o na Cenich, agus shuidhich⁵ e a bhùth gu ruig còmharn Shanaim, *a tha* làimh ri Cedese.

12 Agus dh'innis iad do Shisera gu'n deachaidh Barac mac Abinoaim suas gu sliabh Thaboir.

13 Agus chruinnich Sisera r'a chéile a charbaid uile, *eadhon* naoi ceud carbad iar-uinn, agus an sluagh uile a *bha* maille ris, o Haroset nan cinneach, gu sruth Chisoin.

14 Agus thubhairt Deborah ri Barac, Eirich; oir *is* e so an là san d'thug an Tighearna Sisera thairis do d' làimh: nach 'eil an Tighearna air dol a mach romhad? Agus chaidh Barac sìos o sliabh Thaboir, agus deich mìle fear 'na dhéigh.

15 Agus sgrìos an Tighearna Sisera, agus a charbadan uile, agus *a* shluaigh uile, le faobhar a' chlaidheimh roimh Bharac: agus theirinn Sisera sìos o 'charbad, agus theich e as d'a chois.

16 Ach lean Barac an déigh nan carbad, agus an déigh an t-sluaigh, gu Haroset nan cinneach: agus thuit sluagh Shisera uile le faobhar a' chlaidheimh: cha d'fhàgadh uiread as a h-aon *diubh*.

17 Gidheadh theich Sisera d'a chois gu bùth Iael, mnà Hebeir a' Chenich; oir *bha* sìth eadar Iabin rìgh Hasoir agus tigh Hebeir a' Chenich.

18 Agus chaidh Iael a mach an coim-eamh Shisera, agus thubhairt i ris, Tionndaidh a steach, mu thighearna, tionndaidh a steach a m' ionnsuidhse; na biodh eagal ort. Agus an uair a thionn-

¹ a' fuireach.² saoi-bhir.³ slait-iomain, bior-greasaidh.⁴ chaidh e suas le deich mìle fear aig a chois.⁵ shìn, sgaol. Eabh.

daidh e steach d'a h-ionnsuidh do'n bhùth, chòmhaich i e le brat¹.

19 Agus thubhairt e rithe, Thoir dhomh, guidheam ort, beagan uisge r'a òl, oir tha tart² orm: agus dh'fhosgail i searrag bhaimhe, agus thug i deoch dha, agus chòmhaich i e.

20 A rìs thubhairt e rithe, Seas ann an dorus a' bhutha, agus ma thig duine agus gu'm feòraich e dhìot, agus gu'n abair e, Am bheil duine sam bith an so? an sin their thusa, Cha'n 'eil.

21 An sin ghabh Iael, bean Hebeir, tarrann³ do'n phàillinn, agus ghlac i ord 'na làimh, agus chaidh i gu sàmlach a steach d'a ionnsuidh, agus bhuail i 'n tarrann 'na leth-cheam, agus shàth i san talamh i; (oir bha e trom 'na chodal agus sgith:) agus fhuair e bàs.

22 Agus, feuch, an nair a bha Barac an tòir air Sisera, thàinig Iael a mach 'na choinneamh, agus thubhairt i ris, Thig, agus feuchaidh mise dhuit am fear a tha thu 'g iarraidh. Agus an uair a chaidh e steach d'a bùth, feuch, bha Sisera 'na luidhe marbh, agus an tarrann 'na leth-cheamh.

23 Mar sin cheannsaich Dia air an là sin Iabin rìgh Chanaain am fianuis chloinn Israeil.

24 Agus shoirbhich le làimh chloinn Israeil, agus bha i trom⁴ air Iabin rìgh Chanaain, gus an do chuir iad as do Iabin rìgh Chanaain.

CAIB. V.

Oran Dheborah agus Bharaic.

A GUS chan Deborah, agus Barac mac Abinoaim, air an là sin, ag ràdh,

2 A chionn gu'n do ghabh Israel dìogh-altas, a chionn gu'n do thairig an sluagh iad féin gu toileach, molaibh-se an Tighearn.

3 Eisidibh, a rìghre: thugaibh aire, a cheannarda; canaidh mise, mise féin, do'n Tighearna; canaidh mi do'n Tighearna Dia Israeil.

4 A Tighearna, 'nuair a chaidh thu mach á Seir, 'nuair a shiubhail thu mach á tìr Edoim, chrìochnaich an talamh, agus shìl na neamha; shìl na neoil mar an ceudna uisge.

5 Leagh na sléibhtean o làthair an Tighearna, Sinai sin féin o làthair an Tighearna Dé Israeil.

6 Ann an làithibh Shamgair mhic Anait, ann an làithibh Iael, bha na rathaide mòra gun tathuich, agus dh'imich an luchd turuis air rathaidibh seachranach.

7 Sguir luchd-àiteachaidh nam bailtean ann an Israel, sguir iad gus an d'éirich

mise Deborah, gus an d'éirich mise a'm' mhàthair ann an Israel.

8 Thagh iad dée nuadha; an sin bha cogadh anns na geataibh: an robh sgiath no sleagh ri'm faicinn am measg dhà fhichead mhìle ann an Israel?

9 Tha mo chridhe le uachdaranaibh Israeil, a thairg iad féin gu toileach am measg an t-sluaigh. Beannaichibh an Tighearna.

10 Sibhse a ta marcachd air asalaibh geala, sibhse a ta 'nur suidhe am breitheanas, agus a' siubhal an ròid, labhraibh.

11 *Iadsan a tha air an saoradh* o fhuaim nam fear-bogha ann an ionadaibh tarruing an uisge, an sin airisidh iad gnìomhara cothromach an Tighearna, eadhon na gnìomhara cothromach a thaobh luchd-àiteachaidh a bhailtean ann an Israel: an sin théid sluagh an Tighearna sìos a dh'ionnsuidh nan geatacha.

12 Dùisg, dùisg, a Dheborah: dùisg, dùisg; can òran: éirich, a Bharaic, agus thoir do bhruid⁵ am braighdeanas, thusa a mhic Abinoaim.

13 An sin thug e air-san a mhaireas tighearnas a bhi aige air na li-uaislibh am measg an t-sluaigh: thug an Tighearna ormsa tighearnas a bhi agam os ceann nan cumhachdach.

14 A h-Ephraim bha freumh dhiubh an aghaidh Amaleic; a'd' dhéigh-sa, a Bheniamin, am measg do shluaigh: á Machir thàinig a nuas lagh-thabhartairean, agus á Sebulun iadsan a laimhsicheas peann an sgrìobhair.

15 Agus bha ceannardan Isachair le Deborah, eadhon Isachar, agus mar an ceudna Barac: do'n gleann chuireadh esan sìos d'a chois. Air son roinnean Reubein bha smuaintean mòra cridhe.

16 C'ar son a dh'fhuirich thu am measg chrò nan caorach, a chluinntinn méilich nan treud? Air son roinnean Reubein bha smuaintean⁶ mòra cridhe.

17 Dh'fhan Gilead an taobh thall do Iordan: agus c'ar son a dh'fhuirich Dan ann an longaibh? dh'fhan Aser air traigh⁷ na fairge, agus 'na bhearnaibh ghabh c còmhnuidh.

18 Bu shluagh Sebulun agus Naphtali, a chuir an anaman ann an cunnart gu bàs ann an àitibh àrda an fhearainn.

19 Thàinig na rìghrean agus chog iad; an sin chog rìghre Chanaain ann an Taanach làimh ri uisgibh Mhegido; cha do ghabh iad buannachd air bith airgid.

20 O nèamh chog na reultan; o'n sligheannaibh àrda chog iad an aghaidh Shisera.

21 Sguab sruth Chisoim air falbh iad, an

¹ falluing.

³ tarrang.

² pathadh.

⁴ bha i cruaidh. Eabh.

⁵ do bhraghdeanas.

⁷ ann an càladh.

⁶ rannsachadh.

seann sruth sin, sruth Chisoin. O m'anam, shaltair thu sìos neart.

22 An sin bhruthadh iongana nan each le leumnaich, leumnaich an *aona* cumhachdach.

23 Mallaichibh-se Meros, (thubhairt ain-geal an Tighearna;) mallaichibh gu mòr a luchd-àiteaclaidh; a chionn nach d'fhàinig iad gu còmhnaidh¹ an Tighearna, gu còmhnaidh an Tighearna an aghaidh nan cumhachdach.

24 Beannaichte os ceann bhan bithidh Iael bean Hebeir a' Chenich; beannaichte bithidh i os ceann bhan anns a' bhùth.

25 Dh'iarr e uisge, thug i *dha* bainne; ann an soitheach uasal thug i a làthair im.

26 Chuir i a làmh² ris an tarrainn, a làmh dheas ri ord nan oibrichean: agus leis an ord bhuail³ i Sisera; bhuail i a cheann, agus lot i, agus shàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhairc màthair Shisera, agus ghlaodh i troimh 'n chléith⁴, C'ar son a ta 'charbad co fhad a' teachd? c'ar son a ta rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, *nach* 'eil iad a' roinn na creiche? maighdean no dhà do gach fear? creach iomadh-dathach do Shisera, creach iomadh-dathach a dh'obair snàthaidhe, iomadh-dathach a dh'obair snàthaidhe air gach taobh, air son mhuinealan na muinntir sin a ghlacas a' chreach.

31 Mar sin rachadh as do d' naimhdebh uile, a Tighearna: ach *biodh* iadsan leis an ionmhuinn e mar a' ghrian an uair a théid i mach 'na neart. Agus bha fois aig an tìr rè dhà fhichead bliadhna.

CAIB. VI.

1 Air sgàth am peacaidh shàruicheadh clann Israeil le Midian. 8 Chuireadh fàidh d'an ionnsuidh, a thug achmhasan dhoibh. 11 Chuir aingeal an Tighearna Gideon g'an saoradh.

AGUS rinn clann Israeil olc ann an Aislibh an 'Tighearna; agus thug an Tighearna thairis iad do làimh Mhidiain rè sheachd bliadhna.

2 Agus bhuadhaich làimh Mhidiain an aghaidh Israeil: agus air sgàth nam Midianach rinn clann Israeil dhoibh féin na sluic a *tha* sna beanntaibh, agus na h-uamhan, agus ua daingnichean làidir.

3 Agus thachair, an uair a chuir clann Israeil sìol, gu'n d'fhàinig na Midianaich a nìos, agus na h-Amalecich, agus clann na h-àird¹ an ear, thàinig eadhon iadsan

a nìos 'nan aghaidh;

4 Agus champaich iad 'nan aghaidh, agus mhill iad toradh na talmhainn, gus an tig thu gu Gasa: agus cha d'fhàg iad teachdan-tìr sam bith do Israeil, aon chuid caora, no bò, no asal.

5 Oir thàinig iad a nìos le'n spréidh, agus am bùthaibh, agus thàinig iad mar na locuist air lìonmhoireachd; oir bha 'n dà chuid iad féin agus an càmhail gun àireamh: agus chaidh iad a steach do'n tìr a chum a milleadh.

6 Agus thugadh Israeil gu bochdainn ro mhoir leis na Midianaich; agus ghlaodh clann Israeil ris an Tighearna.

7 Agus an uair a ghlaodh clann Israeil ris an Tighearna air son nam Midianach,

8 Chuir an Tighearna fàidh dh'ionnsuidh chloinn Israeil, agus thubhairt e riu, Mar so tha'n Tighearna Dia Israeil ag ràdh, Thug mi nìos sibh o'n Eiphit, agus thug mi mach sibh á tigh na daorsa;

9 Agus shaor mi sibh á làimh nan Eiphiteach, agus á làimh nan uile a rinn foirneart oirbh, agus dh'fhuadaich mi mach iad roimhibh, agus thug mi dhuibh am fearann:

10 Agus thubhairt mi ribh, *Is* mise an Tighearna bhuir Dia; na biodh eagall dhé nan Amorach oirbh, muinntir a *tha* sibh a chòmhnuidh 'nam fearann: ach cha d'éisd sibh ri m' ghuth.

11 Agus thàinig aingeal an Tighearna, agus shuidh e fuidh dharaig a *bha* ann an Ophrah, a *bhuir* do Ioas an t-Abi-esrach: agus *bha* a mhac Gideon a' bualadh arbh-air ann an² amar bruthaidh an fhiona, gu 'fholach o na Midianaich.

12 Agus dh'fhoillsich aingeal an Tighearna e féin da, agus thubhairt e ris, *Tha'n* Tighearna maille riut, a dhuine thréin ann an neart.

13 Agus thubhairt Gideon ris, Och mo thighearna, ma tha'n Tighearna maille riunn, c'ar son a thàinig so uile oirn? agus c'ait am bheil a mhiorbhuilean uile a dh'innis ar n-aithriche dhuinn, ag ràdh, Nach d'thug an Tighearna sinn a nìos o'n Eiphit? ach anis thréig an Tighearna sinn, agus thug e thairis sinn do làimh nam Midianach.

14 Agus dh'amhairc an Tighearna air, agus thubhairt e, Imich ann do neart so, agus saoraidh tu Israel o làimh nan Midianach: nach do chuir mise *uam* thu?

15 Agus thubhairt e ris, Och mo Thighearna, cia leis a shaoras mise Israel? feuch, *tha* mo theaghlach bochd ann am Manaseh, agus *is* mise a's lugha ann an tigh m'athar.

16 Agus thubhairt an Tighearna ris, Gu cinnteach bithidh mise maille riut, agus

¹ congnamh. Eir. ² a làmh chùl. ³ blàrlh.

⁴ lattice. Sasg.

⁵ làimh ri.

BREITHEAMHNA, VI.

buailidh tu na Midianaich mar aon duine.

17 Agus thubhairt e ris, Ma fhuair mi nis deadh-ghean a'd' shùilibh, an sin nochd comhara dhomh gur tusa a ta labhairt rium.

18 Na falbh á so, guidheam ort, gus an tig mi a' d' ionnsuidh, agus gun toir mi mach mo thiodhlac, agus gu'n cuir mi a'd' làthair e. Agus thubhairt e, Fanaidh mi gus an tig thu a ris.

19 Agus chaidh Gideon a stigh, agus dheasaich e meann do na gabhraibh, agus ephah phlùir¹ 'na bhreacagaibh neo-ghoirtichte: an fheoil chuir e ann am bascaid, agus an sùgh chuir e ann am poit, agus thug e mach *iad* d'a ionnsuidh fuaidh 'n daraig, agus chuire 'na làthair *iad*².

20 Agus thubhairt aingeal Dé ris, Gabh an fheoil, agus na breacagan neo-ghoirtichte, agus cuir *iad* air a' charraig so, agus taom a mach an sùgh. Agus rinn e mar sin.

21 An sin chuir aingeal an Tighearna mach bàrr a' bhata a *bha* 'na làimh, agus bhean e ris an fheoil, agus ris na breacagaibh neo-ghoirtichte; agus dh'éirich teine suas as a' charraig, agus loisg e 'n fheoil, agus na breacagan neo-ghoirtichte. An sin chaidh aingeal an Tighearna a shealladh.

22 Agus an uair a thuing Gideon gu'm b'e aingeal an Tighearna a bh'ann, thubhairt Gideon, Och, a Thighearna Dnè! a chionn gu'm faca mi aingeal an Tighearna aghaidh ri h-aghaidh.

23 Agus thubhairt an Tighearna ris, Sìth dhuìt; na biodh eagal ort: cha 'n fhaigh thu bàs.

24 Agus thog Gideon altair an sin do'n Tighearna, agus thug e Iehobhah-salom mar ainm oirre: gus an là'n diugh *tha* i fathast ann an Ophrah nan Abi-esrach.

25 Agus air an oidhche sin féin thubhairt an Tighearna ris, Gabh an tarbh òg aig t'athair, agus an dara tarbh a *tha* seachd bliadhna dh'aois, agus tilg sios altair Bhaail a th'aig t'athair, agus gearr sìos an doire a *tha* làimh rithe;

26 Agus tog altair do'n Tighearna do Dhia air mullach na carraige so, ann an ordugh³, agus gabh an dara tarbh, agus thoir suas iobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mar a thubhairt an Tighearna ris: agus tharladh, a chionn gu'n robh eagal teaghlach 'athair air, agus dhaoine a' bhaile, air chor as nach b'urraim e 'dheanamh san là, gu'n d'rinn e san oidhche e.

28 Agus an uair a dh'éirich daoine a bhaile gu moch anns a' mhaduinn, feuch,

bha altair Bhaail air a tilgcadh sìos, agus bha 'n doire a *bha* làimh rithe air a ghearradh sìos, agus bha 'n dara tarbh air 'iobradh air an altair a thogadh.

29 Agus thubhairt iad gach aon r'a chéile, Co a rinn an ni so? agus an uair a dh'fhiosraich agus a rannsaich iad, thubhairt iad, Is e Gideon mac Ioais a rinn an ni so.

30 An sin thubhairt daoine a' bhaile ri Ioas, Thoir a mach do mhac, a chum gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire a *bha* làimh rithe.

31 Agus thubhairt Ioas rusan uile a sheas 'na aghaidh, An tagair sibh air son Bhaail? an saor sibh e? esan a thagras air a shon, cuirear gu bàs e, am feadh is i mhaduinn a *tha fathast ann*: ma's dia e, tagradh e air a shon féin, a chionn gu'n do thilgcadh sìos 'altair.

32 Uime sin, air an là sin féin thug e Ierubaal mar ainm air, ag ràdh, Tagradh Baal 'na aghaidh, a chionn gu'n do thilgcadh sìos 'altair.

33 An sin bha na Midianaich uile, agus na h-Amaleich, agus clann na h-àirde 'n ear air cruinnicheadh r'a chéile, agus chaidh iad a null, agus champaich iad ann an gleann Iesreeil.

34 Ach thàinig spiorad an Tighearna air Gideon, agus shéid e trompaid, agus ghairm e Abieser 'na dhéigh.

35 Agus chuir e teachdairean air feadh Mhanaseh uile, a chruinnicheadh mar an ceudna 'na dhéigh: agus chuir e teachdairean gu h-Aser, agus gu Sebulun, agus gu Naphtali; agus thàinig iad a mios 'nan coinneamh.

36 Agus thubhairt Gideon ri Dia, Ma shaoras tu Israel le m' làimh-sa, mar a thubhairt thu,

37 Feuch, cuiridh mi lomradh olla air an urlar-bhualaidh; agus ma bhios an drùchd air an lomradh a mhàin, agus tiormachd air an talamh uile, an sin bithidh fios agam gu'n saor thu Israel le m' làimh, mar a thubhairt thu.

38 Agus bha e mar sin: oir dh'éirich e gu moch air an là maireach, agus theann e 'n lomradh cuideachd, agus dh'fhàisg e 'n drùchd as an lomradh, làn cuaiche dh'uisge.

39 Agus thubhairt Gideon ri Dia, Na biodh do chorroich tetha m' aghaidh, agus labhraidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bithheadh a nis tiormachd air an lomradh a mhàin, agus air an talamh uile bithheadh drùchd.

40 Agus rinn Dia mar sin air an oidhche sin: agus bha tiormachd air an lomradh

¹ mine.

² thairg e dha iad.

³ anns an ionad shònraichte.

a mhàin, agus air an talamh uile bha drùchd.

CAIB. VII.

1 *Armailt Ghideoin: 9 Thugadh misneach dha le h-aisling, agus a h-eadar-mhìneachadh. 16 Ghlacadh Oreb agus Seeb*

AN sin dh'éirich Ierubaal, (eadhon Gideon,) agus an sluagh uile a *bha* maille ris, suas gu moch, agus champaich iad làimh ri tobar Haroid: agus bha feachd nam Midianaich air an taobh mu thuath dhiubh, làimh ri sliabh Mhoreh, anns a' ghleann.

2 Agus thubhairt an Tighearna ri Gideon, *Tha* 'n sluagh a tha maille riut tuille 's lìon-mhor gu mise a thoirt nam Midianaich 'nan làimh, air eagal gu'n deanadh Israel uail a'm' aghaidh, ag ràdh, Shaor mo làmh féin mi.

3 Agus a nis uime sin gairm ann an cluasaibh an t-sluaigh, ag ràdh, Ge b'e neach air am bheil eagal agus geilt, pill-eadh e, agus imicheadhe gu moch o shliabh Ghilead. Agus phill do'n t-sluaigh dà mhìle thar fhichead, agus dh'fhan deich mìle.

4 Agus thubhairt an Tighearna ri Gideon, *Tha* 'n sluagh fathast *tuille* 's lìon-mhor; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e *fear* mu'n abair mise riut, Théid am *fear* so maille riut, gu'n téid esan inaille riut; agus ge b'e *fear* mu'n abair mi riut, Cha téid am *fear* so maille riut, nach téid esan ann.

5 Mar sin thug e sìos an sluagh a dh'ionnsuidh an uisge: agus thubhairt an Tighearna ri Gideon, Gach aon a dh'imlicheas¹ an t-uisge le 'theangaidh, mar a dh'imlicheas cù, cuiridh tu esan air leth; mar an ceudna gach aon a chromas sìos air a ghlùinibh a dh'òl.

6 Agus b'e àireamh na muinntir a dh'imlich, *a' cur* an làimh r'am beul, tri cheud fear: ach chrom a' chuid eile uile do'n t-sluaigh sìos air an glùinibh a dh'òl uisge.

7 Agus thubhairt an Tighearna ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do d' làimh: agus rachadh am mòr-shluaigh uile, gach duine d'a àite féin.

8 Agus ghabh an sluagh lòn 'nan làimh, agus an trompaidean: agus gach fear *eile* do Israel chuir c' air falbh, gach aon d'a bhùth, agus ghléidh e an tri cheud fear so. Agus bha sluagh Mhidiain fuidhe anns a' ghleann.

9 Agus air an oidhche sin féin thubhairt an Tighearna ris, Eirich, falbh sìos a

dh'ionnsuidh an fheachd, oir thug mise thairis e do d' làimh.

10 Ach ma ta eagal ort dol sìos, falbh-sa agus Phurah t'òglach sìos a dh'ionnsuidh an fheachd:

11 Agus cluinnidh tu ciod a their iad; agus 'na dhéigh sin neartaichear do làmh-an, agus théid thu sìos a dh'ionnsuidh an fheachd. An sin chaidh e sìos maille ri Phurah 'òglach, gu taobh a muigh nan daoine armaichte a *bha* san fheachd.

12 Agus bha na Midianaich, agus na h-Amaleicich, agus clann na h-àird' an ear uile 'nan luidhe sa' ghleann mar na locuist air lìonmhoireachd; agus *bha* an càmhail gun àircamh, mar a' ghaineamh a *tha* air tràigh na fairge air lìonmhoireachd.

13 Agus an uair a thàinig Gideon, feuch, *bha* duine ag innseadh aislinge d'a chompanach, agus thubhairt e, Feuch, chunnaic mi aisling, agus, feuch, thàinig breacag a dh'aran eorna car air char a stigh do champ Mhidiain, agus thàinig i gu bùth, agus bhuail i e, agus thuit e, agus thilg i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha ni sam bith so ach claidheamh Ghideoin mhic Ioais, duine do Israel: thug Dia thairis d' a làimh-san Midian, agus an sluagh uile.

15 Agus an uair a chuala Gideon aithris na h-aislinge, agus a h-eadar-mhìneachadh, rinn c' aoradh; agus phill e gu feachd Israeil, agus thubhairt e, Eiribh, oir thug an Tighearna thairis d'ur làimh feachd Mhidiain.

16 Agus roinn e 'n tri cheud fear 'nan tri chuideachdaibh, agus chuir e trompaid ann an làimh gach aoin diubh, maille ri soithichibh falanah, agus lòchranuibh anns na soithichibh.

17 Agus thubhairt e riu, Amhaireibh ormsa, agus deanaibh-se mar an ceudna: agus, feuch, an uair a thig mi gu taobh a mach a' chaimp, tarlaidh, mar a ni mise, mar sin gu'n dean sibhse.

18 'Nuair a shéideas mise le trompaid, mi féin agus iadsan uile a *tha* maille rium, an sin séidibh-se na trompaidean mar an ceudna mu thimcheall a' chaimp uile, agus abraibh, *Claidheamh* an Tighearn agus Ghideoin.

19 Mar sin thàinig Gideon agus an ceud fear a *bha* maille ris, gu taobh a mach a' chaimp, ann an toiseach na faire meadhonach; agus cha robh iad ach air ùr-shuidh-eachadh na faire: agus shéid iad na trompaidean, agus bhris iad na soithichean a *bha* 'nan làimh.

20 Agus shéid na tri chuideachdan na trompaidean, agus bhris iad na soithichean, agus chum iad na lòchrain 'nan làimh chli, agus na trompaidean 'nan làimh dheis

¹ a ligheas. Eir.

gu séideadh *leo*: agus ghlaodh iad, Claidheamh an Tighearn agus Ghideoin.

21 Agus sheas iad gach duine 'na àite féin nu' thimchioll a' chaimp: agus bhriseadh¹ an feachd uile, agus ghlaodh iad, agus theich iad.

22 Agus shéid an tri cheud na trompaid-ean, agus chuir an Tighearna claidheamh gach duine an aghaidh a chompanaich, eadhon air feadh an fheachd uile; agus theich an sluagh gu Betsitah ann an Serrah, agus gu crìch Abeil-meholah, làimh ri Tabat.

23 Agus chruinnicheadh fir Israeil r'a cheile à Naphtali, agus à h-Aser, agus à Manashe uile, agus chaidh iad air tòir nam Midianach.

24 Agus chuir Gideon teachdairean air feadh sléibh Ephraim uile, ag ràdh, Thigibh a uas an aghaidh nam Midianach, agus glacaibh rompa ua h-uisgeacha gu Bet-barah agus Iordan. An sin chruinnicheadh fir Ephraim uile ri chéile, agus ghlac iad ua h-uisgeacha gu Bet-barah agus Iordan.

25 Agus ghlac iad dà cheannard nam Midianach, Oreb agus Seeb; agus mharbh iad Oreb air carraig Oreib, agus Seeb, mharbh iad aig amar-bruthaidh fìona Sheeib, agus chaidh iad air tòir Mhidiaim, agus thug iad cinn Oreib agus Sheeib gu Gideon air an taobh eile do Iordan.

CAIB. VIII.

1 Shiotheicheadh fir Ephraim. 10 Ghlacadh Seba agus Salmuna. 33 Iodhol-aoradh chloinn Isracil.

A GUS thubhairt fir Ephraim ris, Ciod e an ni so a rinn thu oirn, nach do ghairm thu oirn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e ri, Ciod a nis a rinn mise mar a rinn sibhse? Nach fearr dòghluin² fhion-dhearc an Ephraim na fìon-fhoghar Abieseir?

3 Thug Dia thairis d'ur làimh ceannardan Mhidiaim, Oreb agus Seeb: agus ciod a b'urrainn mis' a dheanamh mar a rinn sibhse? An sin throgh an searg ris, an uair a thubhairt e sin.

4 Agus thàinig Gideon gu Iordan, agus chaidh e thairis, e féin, agus an tri cheud fear a bha maille ris, sgith, gidheadh air an tòir.

5 Agus thubhairt e ri fir Shucoit, Thugaibh, guidheam oirbh, builinnean arain do'n t-sluagh a tha 'gam leantuinn³; oir tha iad sgith, agus tha mi air tòir Sheba agus Shalmuna, rìghre Mhidiaim.

6 Agus thubhairt ceannardan Shucoit, Am bheil làmhnan Sheba agus Shalmuna nis ann ad làimh, gu'n tugamaid aran do

d'armailt?

7 Agus thubhairt Gideon, Uime sin an uair a bheir an Tighearna Seba agus Salmuna thairis do m' làimh, an sin reubaidh mi blur feoil le sgiothach an fhàsaich, agus le drisibh.

8 Agus chaidh e suas á sin gu Penueil, agus labhair e rìusan air a' mhodh cheudna: agus fhreagair daoine Phenueil e, mar a fhreagair daoine Shucoit.

9 Agus labhair e cuideachd ri daoineibh Phenueil, ag ràdh, 'Nuair a thig mi a ris ann an sìth, brisidh mi sìos an tùr so.

10 A nis bha Seba agus Salmuna ann an Carcor, agus an slòigh maille ri, nu' thimchioll cùig mìle deug fear, an t-iomlan a dh'fhàgadh do shlòigh cloinne ua h-àird' an ear uile: oir thuit ceud agus fichead mìle fear a tharruing claidheamh.

11 Agus chaidh Gideon suas air slighe na muinntir a tha 'nan còmhnuidh ann am bùthaibh, air an làimh an ear do Nobah, agus do fogbeiah, agus bhuail e 'n sluagh: oir bha 'n sluagh gun umhaill.

12 Agus an uair a theich Seba agus Salmuna, chaidh e air an tòir, agus ghlac e dà rìgh Mhidiaim, Seba agus Salmuna, agus chuir e geilt air an t-sluagh uile.

13 Agus phill Gideon mae Ioais o'n chath roimh Èirigh na gréine⁴,

14 Agus ghlac e òig-fhear do dhaoineibh Shucoit, agus dh'fhiosraich e dheth: agus sgrìobh e dha ainmean cheannardan Shucoit, agus a sheanairean, trì fichead agus seachd fir dheug.

15 Agus thàinig e gu fir Shucoit, agus thubhairt e, Feuchaibh, Seba agus Salmuna a thilg sibh suas orm, ag ràdh, Am bheil làmhnan Sheba agus Shalmuna nis a'd' làimh, gu'n tugamaid aran do d' dhaoineibh a tha sgith?

16 Agus ghlac e sheanairean a' bhaile, agus ghabh e sgiothach an fhàsaich, agus drisean, agus leo so reub⁵ e fir Shucoit.

17 Agus leag e sìos tùr Phenueil, agus mharbh e fir a' bhaile.

18 An sin thubhairt e ri Seba agus ri Salmuna, Ciod a' ghnè dhaoine a mharbh sibh ann an Tabor? Agus fhreagair iad, Mar a tha thusa, is amhuil a bha iadsan; gach aon cosmhuil ri cloinn rìgh.

19 Agus thubhairt e, B'iad sin mo bhràithrean-sa, mic mo mhàthar: mar is beò an Tighearna, nan gleidheadh sibh beò iadsan, cha mharbhaibh sibhse.

20 Agus thubhairt e ri Ieter a cheudghin, Èirich, marbh iad: ach cha do tharruing an t-òganach a chaidheamh; oir bha eagal air, a chionn gu'n robh e fathast 'na òganach.

21 An sin thubhairt Seba agus Salmuna, Èirich féin, agus buail oirn: oir mar an

¹ ruith. ² gleaning. Sasg. ³ aig mo chois. Eabh. 245

⁴ Hares. Eabh. ⁵ smachdaich, theagaisg.

dhùine, *tha* a neart. Agus dh'érich Gideon, agus mharbh e Seba agus Salmuna, agus thug e leis na h-usgraichean a *bh'* air amhaichibh an càmhalan.

22 An sin thubhairt fir Israeil ri Gideon, Bi-sa a d' uachdaran oirnn, thu féin, agus do mhac, agus mac do mhic mar an ceudna; oir shaor thu sinn á làimh Mhid-iain.

23 Agus thubhairt Gideon riu, Cha bhi mis' a'm' uachdaran oirbh, ni mò a bhios mo mhac 'na uachdaran oirbh; bithidh an Tighearn 'na uachdaran oirbh.

24 Agus thubhairt Gideon riu, Dh'iarrainn aon atcheuinge oirbh, gu'n tugadh gach duine dhìbh chuas-fhàinnean a chreiche dhomh: (oir bha cuas-fhàinnean oir aca, a chionn gu'm b' Ismaelich iad.)

25 Agus fhreagair iad, Bheir sinne gu toileach *dhuit iad*. Agus sgaoil iad eudach, agus thilg iad an sin, gach duine cuas-fhàinnean a chreiche.

26 Agus b'e cothrom nan cuas-fhàinnean oir a dh'iarr e mìle agus seachd ceud *secel* oir, a thuilleadh air usgraichibh, agus cluigeinibh, agus eudach corcuir a *bh'* air rìghribh Mhidian, agus a thuilleadh air na slabhraidhibh a *bh'* air amhaichibh an càmhalan.

27 Agus rinn Gideon ephod dheth, agus chuir e i 'na bhaile féin, *eadhon* ann an Ophrah; agus chaidh Israel uile an sin le striopachas 'na déigh; agus rinneadh *sin* 'na ribe do Ghideon agus d'a thigh.

28 Mar so chòisnaicheadh Midian roimh chloinn Israeil, agus cha do thog iad an ceann tuilleadh: agus bha fois aig an tìr rè dhà fhichead bliadhna ann an làithibh Ghideoin.

29 Agus chaidh Ierubaal mac Ioais, agus ghabh e còmhnuidh 'na thigh féin.

30 Agus bha aig Gideon deichnear agus trì fichead mac a thàinig o'leasraidh féin; oir bha mòran bhan aige.

31 Agus a choimhleabach¹ a *bha* ann an Sechem, rug ise mar an ceudna mac dha, air an d'thug e Abimelech mar ainm.

32 Agus fhuair Gideon mac Ioais bàs ann an deadh shean aois, agus dh'adhlacaidh e ann an uaigh Ioais 'athar, ann an Ophrah nan Abiesrach.

33 Agus co-luath 'sa fhuair Gideon bàs, phill clann Israeil a ris, agus chaidh iad le striopachas an déigh Bhaalim, agus rinn iad Baal-berit 'na dhia dhoibh féin.

34 Agus cha do chuimhnich clann Israeil an Tighearn an Dia, a shaor iad á làimh an naimhdean uile air gach taobh:

35 Ni mò a nochd iad caoimhneas do thigh Ierubaaill, *eadhon* Ghideoin, a réir a' mhaithis *sin* uile a nochd e do Israel.

1 *Rinneadh Abimelech 'na rìgh.* 7 *Thug Iotam, le cosmhalachd, achmhasan do mhaithcan Shecheim, agus roimh-innis e an sgrìos.*

A GUS chaidh Abimelech mac Ierubaaill do Shechem, gu bràithribh a mhàthar, agus labhair e riu, agus ri teaghlach tighe 'athar a mhàthar uile, ag ràdh,

2 Labhraibh, guidheam oirbh, ann an cluasaibh mhaithcan² Shecheim uile, Cia dhiubh *is* fearr dhiubh trì fichead agus deichnear fhear (*eadhon* mic Ierubaaill uile) a bli 'nan uachdaran oirbh, no aon fhear a bhi 'na uachdaran oirbh? cuimhnichibh mar an ceudna gur mise bhur cnàimh agus bhur feoil.

3 Agus labhair bràithrean a mhàthar uime ann an cluasaibh mhaithcan Shecheim uile na briathra sin uile: agus dh'aom an cridheachan an déigh Abimelech; oir thubhairt iad, *Is* e ar bràthair e.

4 Agus thug iad dhà trì fichead agus deich *buinn* airgid á tigh Bhaail-bherit; leis an do thuarasdalaich Abimelech daoine faoin³ agus entrom, a lean e.

5 Agus chaidh e gu tigil 'athar ann an Ophrah, agus mharbh e a bhràithre, mic Ierubaaill, *eadhon* deichnear agus trì fichead fear, air aon chloich: gidheadh, dh'fhàgadh Iotam am mac a b'òige aig Ierubaal; oir dh'fholaich se e féin.

6 Agus chrùinnich maithean Shecheim uile r'a chéile, agus tigh Mhilo uile, agus chaidh iad agus rinn iad Abimelech 'na rìgh, làimh ri còmhnaidh⁴ a' charraigh⁵ a *bha* ann an Sechem.

7 Agus an uair a dh'innis iad so do Iotam, chaidh e agus sheas e air mullach sléibh Gheridsim, agus thog e suas a ghuth, agus ghlaodh e, agus thubhairt e riu, Eisdibh riumsa, sibhse a mhaithcan Shecheim, a chum gu'n éisd Dia ribhse.

8 Chaidh na craobhan a mach *air àm àraidh* a dh'ungadh rìgh os an ceann féin, agus thubhairt iad ris a' chrann-olaidh, Bi-sa a d' rìgh oirnn.

9 Ach thubhairt an crann-olaidh riu, Am fàgainn-se mo camhrachd, leis am bheil iad leam-sa toirt urrainn do Dhia agus do dhuine, agus an rachainn gu bhi air m'ardachadh⁶ os ceann nan craobh?

10 Agus thubhairt na craobhan ris a' chrann-fhìge, Thig-sa, agus bi d' rìgh oirnn.

11 Ach thubhairt an crann-fìge riu, Am fàgainn-se mo mhillseachd, agus mo dheadh mheas, agus an rachainn gu bhi air m'ardachadh os ceann nan craobh?

12 Agus thubhairt na craobhan ris an fhìonain⁷, Thig-sa, agus bi d' rìgh oirnn.

13 Agus thubhairt an fhìonain riu, Am

¹ leannan.

² dhaoine, luchd-àiteachaidh.

³ falamh. Eabh.

⁴ daraig, doire.

⁵ an fhreiceadain.

⁶ gu mi féin a chrath-

⁷ ris a' chrann-fhìona.

fàgainn-se m'fhòn, a tha toirt subhachais do Dlià agus do dhuine, agus an rachainn gu bhì air m'àrdachadh os ceann nan craobh?

14 An sin thubhairt na craobhan uile ris an dris¹, Thig-sa, agus bi d' rìgh oirn.

15 Agus thubhairt an dris ris na craobhan, Ma's e is da rìreadh gu'n ung sibh nùise a'm' rìgh oirbh, thigibh, cuiribh blùr dòchas² a'm' sgàile-sa: agus mur *dean sibh so*, thigeadh teine mach as an dris, agus loisgeadh e seudair³ Lebanoin.

16 A nis uime sin, ma rinn sibh gu firinneach agus gu trèibhdhireach an uair a rinn sibh Abimelech 'na rìgh, agus ma bhuin sibh gu maith ri Ierubaal agus r'a thigh, agus ma rinn sibh ris a réir toillteanais a làmh;

17 (Oir chog m'athair-sa air bhur son, agus chuir e anam ann an cunnart mòr, agus shaor e sibh á làimh Mhidiain;

18 Agus tha sibh air éirigh suas an aghaidh tighe m'athar-sa an diugh, agus mharbh sibh a mhic, tri fichead agus deichnear fhear, air aon chloich, agus rinn sibh Abimelech, mac a bhanoglaich, 'na rìgh os ceann mhaithéan Shechem, a chionn gur e bhur bràthair e:)

19 Uime sin, ma bhuin sibh gu firinneach agus gu trèibhdhireach ri Ierubaal agus r'a thigh an diugh, deanaibh gairdeachas ann an Abimelech, agus deanadh esan mar an ceudna gairdeachas annaibh-se;

20 Ach mur do rinn sibh mar sin, thigeadh teine a mach o Abimelech, agus loisgeadh e maithean Shechem, agus tigh Mhilo; agus thigeadh teine a mach o mhaithibh Shechem, agus o thigh Mhilo, agus loisgeadh e Abimelech.

21 Agus ruith Iotam air falbh, agus theich e, agus chaidh e gu Beer, agus ghabh e còmhnuidh an sin, air eagal Abimeleich a bhràthar.

22 Agus rìghich Abimelech tri bliadhna air Israel,

23 Agus chuir Dia droch spiorad eadar Abimelech agus maithean Shechem; agus bhuin maithean Shechem gu fealltach ri Abimelech:

24 A chum gu'n tìgeadh an ainneart⁴ a rinneadh air deichnear agus tri fichead mac Ierubaaib, agus gu'n luidheadh am fuil air Abimelech ann bràthair, a mharbh iad; agus air maithibh Shechem, a neartaich a làmhan ann am marbhadh a bhràithrean.

25 Agus chuir maithean Shechem luchd feall-fholach air a shon air mullaichibh nam beann, agus rinn iad reubainn air gach neach a chaidh seachad orra san

t-slighe sin: agus dh'innseadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithean Shechem an dòchas ann.

27 Agus chaidh iad a mach do'n fhearann, agus chruinnich iad toradh am fìon-liosan, agus bhrùth iad na fìon-dhearcan, agus rinn iad gairdeachas⁵, agus chaidh iad a steach do thigh an dé, agus dh'ith agus dh'òl iad, agus mhallaich iad Abimelech.

28 Agus thubhairt Gaal mac Ebeid, Cò e Abimelech, agus cò e Sechem, gu'n deanamaid-ne seirbhis da? nach e mac Ierubaaib e, agus Sebul ceannard a shlòigh? deanaibh seirbhis do dhaoibh Hamoir athar Shechem; oir c'ar son a dheanamaid seirbhis dhasan?

29 Agus b'e mo ghuidhe gu'n tugtadh an sluagh so do m' làimh -sa! an sin dh'atharraichinn Abimelech. Agus thubhairt e ri Abimelech, Meudaich t'armailt, agus thig a mach.

30 Agus an uair a chuala Sebul, uachdaran a' bhaile, briathra Ghaail mhic Ebeid, las a chorruich.

31 Agus chuir e teachdairean gu Abimelech os ìosal, ag ràdh, Feuch, thàinig Gaal mac Ebeid, agus a bhràithre, do Shechem; agus, feuch, *tha* iad a' tcannachadh a' bhaile a'd' aghaidh.

32 A nis uime sin, éirich suas san oidhche, thu féin agus an sluagh a *ta* maille riut, agus dean feall-fholach anns an fhearann:

33 Agus anns a' mhaduinn mu éirigh na gréine, éiridh tu gu moch, agus bheir thu ionnsuidh air a' bhaile: agus, feuch, *nuair* a thig e féin agus an sluagh a *tha* maille ris a mach a'd' aghaidh, an sin ni thu orra mar a bhios a'd' chomas⁶.

34 Agus dh'éirich Abimelech suas, agus an sluagh uile a *bha* maille ris, san oidhche, agus rinn iad feall-fholach an aghaidh Shechem, 'nan ceithir chuid-eachdaibh.

35 Agus chaidh Gaal mac Ebeid a mach, agus sheas e ann an dol a stigh geata a' bhaile. Agus dh'éirich Abimelech, agus an sluagh a *bha* maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, *tha* sluagh a' teachd a nuas o mhullach nam beann. Agus thubhairt Sebul ris, *Tha* thu faicinn sgàile nam beann mar dhaoine.

37 Agus labhair Gaal a ris, agus thubhairt e, Feuch, *tha* sluagh a' teachd a nuas

¹ droighinn; atad. Eabh.

² earbsadh, muinghin.

³ ceudair.

⁴ an t-ain-ìochd.

⁵ cantaireachd; elulim. Eabh.

⁶ mar a gheibh do làmh. Eabh.

o mheadhon na tìre, agus *tha* cuideachd eile a' teachd air an aghaidh rathad còmhnaidh 'Mhehonenim.

38 An sin thubhairt Sebul ris, C'àit a nis *am bheil* do bheul, leis an dubhairt thu, Cò e Abimelech, gu'n deanamaid seirbhis da? nach e so an sluagh air an d'rinn thu tair? falbh a mach, guidheam ort a nis, agus cog riu.

39 Agus chaidh Gaal a mach roimh mhaithlean Shecheim, agus chog e ri Abimelech.

40 Agus chuir Abimelech an ruaig air, agus theich e roimhe; agus thuit mòran a chaidh leònadh, *eadhon* gu ruig dol a stigh a' gheata.

41 Agus ghabh Abimelech còmhnuidh ann an Arumah: agus dh'fhuadaich Sebul a mach Gaal agus a bhràithrean, a eum nach gabhadh iad còmhnuidh ann an Sechem.

42 Agus air an là màireach chaidh an sluagh a mach do'n mhachair; agus dh'innis iad *sin* do Abimelech.

43 Agus ghabh e'n sluagh, agus roinn e iad 'nan trì chuideachdaibh, agus rinn e feall-fholach sa' mhachair, agus dh'amhairc e, agus, feuch, *bha'n* sluagh air dol a mach as a' bhaile; agus dh'èirich e 'nan aghaidh, agus bhuail e iad.

44 Agus thug Abimelech agus a' chuideachd a *bha* maille ris ionnsuidh, agus sheas iad ann an dol a stigh geata a' bhaile; agus thug an dà chuideachd eile ionnsuidh orra-san uile a *bha* sa' mhachair, agus bhuail siad iad.

45 Agus ehog Abimelech an aghaidh a' bhaile rè an là sin; agus ghlac e 'm baile, agus mharbh e 'n sluagh a *bh'*ann, agus leag e sìos am baile, agus chuir e le salann e.

46 Agus an nair a chual' uile mhuinntir² tùir Shecheim *sin*, chaidh iad a steach do dhaingneach tighe an dé Bherit.

47 Agus dh'innseadh do Abimelech, gu'n robh uile mhuinntir tùir Shecheim air cruinneachadh r'a chéile.

48 Agus chaidh Abimelech suas gu sliabh Shalmoim, e féin agus an sluagh uile a *bha* maille ris; agus ghlac Abimelech tuagh 'na làimh, agus ghearr e sìos geug o na craobhan, agus ghabh e i, agus chuir e air a ghualainn *i*, agus thubhairt e ris an t-sluagh a *bha* maille ris, An nì a chunnaic sibh mise a' deanamh, greasaibh, deanaibh mar a rinn mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach *iad*, agus chuir iad an daingneach ri theine orra: mar sin fhuair

daoine tùir Shecheim bàs uile mar an ceudna, mu thimchioll mìle fear agus bean.

50 An sin chaidh Abimelech gu Tebes, agus champaich e 'n aghaidh Thebeis, agus ghlac se e.

51 Ach bha tùr làidir ann am meadhon a' bhaile, agus gu sin theich na fir agus na mnàil uile, agus muinntir a' bhaile uile, agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùr, agus chog e 'na aghaidh, agus dhluthaich e ri doras an tùir a chum a losgadh le teine.

53 Agus thilg bean àraidh mìr do chloich-mhuilinn air ceann Abimelech, agus bhris i a chlaiginn.

54 An sin ghairm e gu luath air an òganach a bha 'g iomchar 'arm, agus thubhairt e ris, Tarruing do chlaidheamh, agus marbh mi, air eagal gu'n abair iad umam, Mharbh bean e. Agus shàth an t-òganach aige troimhe e, agus fhuair e bàs.

55 Agus an uair a chunnaic fir Israeil gu'n d'fhuair Abimelech bàs, dh'imich iad *gach* fear d'a àite féin.

56 Agus dhìol Dia olc Abimelech, a rinn e air 'athair, le 'thri fichead agus a dheichnear bhràithrean a mharbhadh.

57 Agus uile olc dhaoine Shecheim dhìol Dia air an ceann féin: agus thàinig orra mallachadh Iotaim mhic Ierubabail.

CAIB. X.

1 Thug Tola breth air Israel. 7 Rinn na Philistich agus na h-Amonaich foirneart air Israel. 10 Dh'aicidh iad ann peacadh; 15 ghabh iad aithreachas, agus shaor Dia iad.

A GUS dh'èirich an déigh Abimelech, a shaoradh Israeil, Tola mac Phuah, mhic Dhodo, duine do Isachar; agus *bha* e còmhnuidh ann an Samir, ann an sliabh Ephraim.

2 Agus thug e breth air Israel trì bliadhna fichead: agus fhuair e bàs, agus dh'adhlacaidh e ann an Samir.

3 Agus 'na dhéigh-san dh'èirich Iair, Gileadach, agus thug e breth air Israel dà bhliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus *bha* deich thar fhichead baile aca, air an d'thugadh Hahhot-iair mar ainm gu ruig an là'n diugh, a *tha* ann an tìr Ghilead.

5 Agus fhuair Iair bàs, agus dh'adhlacaidh e ann an Camon.

6 Agus rinn clann Israeil a ris olc ann an suilbhl an Tighearn, agus rinn iad seirbhis do Bhaalim, agus do Astarot, agus do dhéibh Shiria, agus do dhéibh Shidoin, agus do dhéibh Mhoab, agus do dhéibh chloim Anoin, agus do dhéibh

¹ daraige.² dhaoine.

nam Philisteach; agus thréig iad an Tigh-carn, agus cha d'rinn iad seirbhís dha.

7 Agus las fear an Tighearn an aghaidh Israeil, agus thug e thairis¹ iad do làimh nam Philisteach, agus do làimh chloinn Amoin.

8 Agus chlaoidh agus rinn iad² foirneart air cloinn Israeil anns an àm sin rè ochd bliadhna deug, air cloinn Israeil uile a bh'air an taobh eile do Iordan, ann an tìr nan Amorach, a *tha* ann an Gilead.

9 Agus chaidh clann Amoin thar Iordan a chogadh mar an ceudna an aghaidh Iudah, agus an aghaidh Bheniamin, agus an aghaidh tìghe Ephraim; agus bha Israel ann an teanntachd ro mhòir.

10 Agus ghlaoidh clann Israeil ris an Tighearn, ag ràdh, Pheacaich sinn a'd' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhís do Bhaalim.

11 Agus thubhairt an Tighearn ri cloinn Israeil, Nach do shaor mise sibh o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sidonaich, agus na h-Amalccich, agus na Maonaich³ foirneart oirbh, agus ghlaodh sibh riumsa, agus shaor mi sibh as an làimh.

13 Gidheadh thréig sibh mi, agus rinn sibh seirbhís do dhiathaibh eile: uime sin cha saor mi sibh ni's mò.

14 Rachaibh agus gairmibh air na déibh a ròghnuich sibh: saoradh iad sibh ann an àm bhuir teanntachd.

15 Agus thubhairt clann Israeil ris an Tighearn, Pheacaich sinn; dean-sa ruim a réir gach *ni* a *ta* maith a'd' shùilibh; a mhàin saor sinn, guidheamaid ort, air an là'n diugh.

16 Agus chuir iad air falbh na diathan coimheach as am measg, agus rinn iad seirbhís do'n Tighearn: agus bha doilgheas air 'anam air son truaighe Israeil.

17 An sin ghairmeadh clann Amoin cuideachd, agus champaich iad ann an Gilead: agus chruinnich clann Israeil iad féin an ceann a chèile, agus champaich iad ann am Misphe.

18 Agus thubhairt an comhchruinneach⁴, uachdarain Ghilead, gach aon ri chèile, Cia am fear sin a thòisicheas ri cogadh an aghaidh chloinn Amoin? bithidh esan 'na cheann air uile luchd-àiteachaidh Ghilead.

CAIB. XI.

1 Coimhcheangal Iephtah ri seanairibh Ghilead: 29 a bhòid; 34 choimhlean a bhòid air a nighinn.

ANIS bha Iephtah an Gileadach treun annan neart, agus bu mhaic striopaich e: agus ghin Gilead Iephtah.

2 Agus rug bean Ghilead mic dha; agus dh'fhàs mic a mhà suas, agus thilg iad a mach Iephtah, agus thubhairt iad ris, Cha'n fhaigh thu oighreachd ann an tigh ar n-athar-ne, oir is mac muà coimhich⁵ thu.

3 An sin theich Iephtah o 'bhràithribh⁶, agus ghabh e comhnuidh ann an tìr Thòib: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann làithean àraidh, chog clann Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah a tìr Thòib:

6 Agus thubhairt iad ri Iephtah, Thig agus bi a'd' cheannard oirnn, agus cogaiddh sinn an aghaidh chloinn Amoin.

7 Agus thubhairt Iephtah ri seanairibh Ghilead, Nach d'fhuathaich sibh mi, agus nach do thilg sibh a mach mi á tigh m'athar? agus c'ar son a thàinig sibh a m'ionnsuidh a nis, an uair a *tha* sibh ann an teanntachd?

8 Agus thubhairt seanairean Ghilead ri Iephtah, Uime sin phill sinn a nis a d'ionnsuidh, a chum gu'n téid thu maille ruinn, agus gu'n cog thu n' aghaidh chloinn Amoin, agus gu'm bi thu a'd' cheann oirnn, *eadhon* air uile luchd-àiteachaidh Ghilead.

9 Agus thubhairt Iephtah ri seanairibh Ghilead, Ma bheir sibh air m'ais mi a chogadh an aghaidh chloinn Amoin, agus gu'n toir an Tighearn thairis a m' flianus, am bi mise a'm' cheann oirbh?

10 Agus thubhairt seanairean Ghilead ri Iephtah, Bitheadh an Tighearn 'na fhianuis cadaruum, gu'n dean sinne mar sin, a réir t'fhocail.

11 Agus chaidh Iephtah maille ri seanairibh Ghilead, agus rinn an sluagh⁷ e 'na cheann orra, agus 'na cheannard. Agus labhair Iephtah a bhriathran uile an làthair an Tighearn ann am Misphe.

12 Agus chuir Iephtah teachdairean a dh'ionnsuidh rìgh chloinn Amoin, ag ràdh, Ciod e do ghnothuch-sa rium-sa, gu'n d'thàinig thu a'm' aghaidh a chogadh ann am thìr?

13 Agus thubhairt rìgh chloinn Amoin ri teachdairibh Iephtah, A chiom gu'n do ghlac Israel m'fhearann an uair a thàinig iad a mios as an Eiphit, o Arnon gu ruig Iaboc, agus gu ruig Iordan: a nis uime sin thoir thusa air ais e⁸ ann an sìth.

14 Agus chuir Iephtah a ris teachdairean a dh'ionnsuidh rìgh chloinn Amoin;

15 Agus thubhairt e ris, Mar so tha Iephtah ag ràdh, Cha do ghlac Israel

¹ reic e. Eabh.

² clann Amoin.

³ Canaanaich.

⁴ slugh. Eabh.

⁵ mac màthar eile. ⁶ o ghnàis a bhràithrean. Eabh.

⁷ an comhchruinneach.

⁸ iad. Eabh.

BREITHEAMHNA, XI.

fearann Mhoàib, no fearann chloinn Amoin:

16 Ach an uair a thàinig Israe! a nìos as an Eiphùt, agus a ghluais iad troimh 'n fhàsach gu ruig a' nuhvir ruadh, agus a thàinig iad gu Cades;

17 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh t'fhearann: ach cha'n éisdeadh rìgh Edoim. Agus mar an ceudna chuir iad teachdairean gu rìgh Mhoàib: ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairt iad tìr Edoim, agus tìr Mhoàib, agus thàinig iad o thaobh na h-àirde 'n ear do thìr Mhoàib, agus champaich iad air an taobh eile do Arnon, ach cha d'thàinig iad an taobh a stigh do chrìch Mhoàib; oir b'e Arnon crìoch Mhoàib.

19 Agus chuir Israel teachdairean gu Sihon rìgh nan Amorach, rìgh Hesboin; agus thubhairt Israel ris, Leig dhuinn, guidheamaid ort, gabhail troimh t'fhearann do'r n-àite fèin.

20 Ach cha d'earb Sihon ri h-Israel gabhail troimh a chrìch: ach chruinnich Sihon a shlugh uile cuideachd, agus champaich iad ann an Iahas; agus chog e ri h-Israel.

21 Agus thug an Tighearna Dia Israeil Sihon agus a shlugh uile thairis do làimh Israeil, agus bhuail siad iad: agus shealbhaich Israel uile fhearann nan Amorach, luehd-àiteachaidh na tìre sin.

22 Agus shealbhaich iad uile chrìocha nan Amorach, o Arnon gu ruig Iaboc, agus o'n fhàsach gu ruig Iordan.

23 Agus a nis thilg an Tighearna Dia Israeil a mach na h-Amoraich á fianuis a shluaigh Israeil, agus am bu chòir dhuitse dol 'nan seilbh-san?

24 An nì sin a bheir do dhia Chemos dhuit r'a shealbhachadh, nach sealbhaich thusa e? agus ge b'e neach a thilg an Tighearn ar Dia-ne mach romhainn, 'na sheilbh-san théid sinne.

25 Agus a nis am bheil thusa nì's fearn na Balac, mac Shipoir, rìgh Mhoàib? an do rinn esan riamh strì ri h-Israel, agus an do chog e riamh 'nan aghaidh?

26 'Nuair a ghabh Israel còmhnuidh ann an Hesbon agus 'na bhailtibh, agus ann an Aroer agus 'na bhailtibh, agus anns na bailtibh uile a tha làimh ri Arnon, rè thrì ceud bliadhna? agus c'ar son nach do bhuin sibh air an ais iad anns an àm sin?

27 Uime sin cha do pheacaich mise a'd' aghaidh, ach tha thusa a' deanamh eucoir

ormsa! le cogadh a'm' aghaidh: thugadh an Tighearn am Breitheamh breth an diugh eadar clann Israeil agus clann Amoin.

28 Gidheadh cha d'éisd rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearn air Iephtah; agus chaidh e thairis gu Gilead agus Manaseh, agus o sin chaidh e thairis gu Mispheh Ghilead, agus o Mhispeh Ghilead chaidh e thairis gu cloinn Amoin.

30 Agus bhòidich Iephtah bòid² do'n Tighearn, agus thubhairt e, Ma bheir thu gu cinnteach clann Amoin thairis do m' làimh,

31 An sin tarlaidh, ge b'e nì a thig a mach á dorsaibh mo thighe a'm' choinneamh, 'nuair a philleas mi ann an sìth o chloinn Amoin, gu cinnteach gur leis an Tighearn e, agus³ iobraidh mi e dha 'na iobairt-loisgte⁴.

32 Agus chaidh Iephtah thairis gu cloinn Amoin a chogadh 'nan aghaidh; agus thug an Tighearna thairis iad d'a làimh.

33 Agus bhuail e iad o Aroer, eadhon gus an tig thu gu Minit, fichead baile⁵, agus gu còmhnaid nam fìon-lios, le àr⁶ ro mhòr. Mar so dh'ìroslaieheadh clann Amoin am fianuis chloinn Israeil.

34 Agus thàinig Iephtah gu Mispheh d'a thigh, agus, feuch, thàinig a nighean a mach 'na choinneamh le tiompanaibh agus le danusaibh, agus b'i 'aon leanabh cloinne i: cha robh aige mac no nighean ach i.

35 Agus an uair a chunnaic e i, reub e 'eudach, agus thubhairt e, Och, mo nighean! is ro ìosal a leag thu mi, agus is aon thu dhiubh-san a ta 'gam chlaoidh: oir dh'fhosgail mi mo bheul do'n Tighearn, agus cha'n fheud mi dol air m'ais.

36 Agus thubhairt ise ris, Athair, ma dh'fhosgail thu do bheul do'n Tighearna, dean riumsa a réir an nì a thàinig a mach as do bheul, o rinn an Tighearna dìoghaltas air do shonsa air do naimhdibh, eadhon air cloinn Amoin.

37 Agus thubhairt i r'a h-atlhair, Deanar an nì so air mo shonsa: Leigear leam dà mhìos a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi fèin agus mo bhan-chompanacha.

38 Agus thubhairt e, Imich. Agus leig e air falbh i ré dà mhìos: agus chaidh i maille r'a ban-chompanachaibh, agus rinn i caoidh air son a h-òigheachd air na beanntaibh.

39 Agus ann ceann dà mhìos, phill i

¹ a' buntainn gu h-olc riumsa. Eabh. ² mòid.
³ no. ⁴ bheir mi suas e mar iobairt-loisgte.

⁵ caithir, baile cuairtiche le balla.
⁶ marbladh.

dh'ionnsuidh a h-athar, agus rinn e rithe a réir a bhòide a bhòidich e : agus cha robh aithne aice air fear. Agus bha e 'na ghnàth ann an Israel,

40 Gu'n rachadh nigheana Israeil o bhliadhna gu bliadhna a dheanamh caoidh air son 'nighinn Iephtah, a' Ghileadaich, ceithir làithean sa' bhliadhna.

CAIB. XII.

1 Rinn na Ephraimich comhstri ri Iephtah agus ris na Gileadaich. 4 Chug iadsan 'nan aghaidh, agus mharbh iad mòran diubh. 7 Fhuair Iephtah bàs.

AGUS chruinnicheadh fir Ephraim an ceann a chéile, agus chaidh iad thairis mu thuath², agus thubhairt iad ri Iephtah, C'ar son a chaidh thu thairis a chogadh an aghaidh chloinn Amoin, agus nach do ghairm thu oirne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agam-sa agus aig mo shluagh comhstri mhór ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi nach do shaor sibh³ mi, chuir mi m'anam a'm' làimh, agus chaidh mi a null⁴ an aghaidh chloinn Amoin, agus thug an Tighearna thairis iad do m' làimh: c'ar sou ma ta tha sibh air teachd a nìs a m' ionnsuidhs' an diugh, a chogadh a'm' aghaidh?

4 An sin chruinnich Iephtah cuideachd fir Ghilead uile, agus chòg e ri h-Ephraim: agus bhuail fir Ghilead Ephraim, a chionn gu'n dubhairt iad, Is luchd-fuadain do Ephraim, sibhshe a Ghileadacha, am measg Ephraim agus am measg Mhanaseh.

5 Agus ghlac na Gileadaich àthanna Iordain air na Ephraimich: agus an uair a thubhairt na h-Ephraimich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha 'n eadh;

6 An sin thubhairt iadsan ris, Abair a nis Schiboleth; agus thubhairt esan Siboleth: oir cha b'urraim e a ràdh mar sin⁵. An sin ghabh iad e, agus mharbh iad e aig àthannaibh Iordain; agus thuit anns an àm sin do na h-Ephraimich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhlaicheadh e ann an aon do bhàiltibh⁶ Ghilead.

8 Agus 'na dhéigh-san thug Ibsan o Bhethlehem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uath, agus ghabh e deich

thar fhichead nighean a stigh d'a ionn suidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adhlaicheadh e ann am Bet-lehem.

11 Agus 'na dhéigh-san thug Elon, an Sebulonach, breth air Israel: agus thug e breth air Israel deich bliadhna.

12 Agus fhuair Elon an Sebulonach bàs, agus dh'adhlaicheadh e ann an Aialon, ann an tìr Shebuloin.

13 Agus 'na dhéigh-san thug Abdon mac Hileil, Pironach, breth air Israel.

14 Agus bha dà fhichead mac aige, agus deich thar fhichead mac a mhac, a mharcaich air deich agus trì fichead asal òg: agus thug e breth air Israel ochd bliadhna.

15 Agus fhuair Abdon mac Hileil am Pironach bàs, agus dh'adhlaicheadh e ann am Piron, ann an tìr Ephraim, ann an sliabh nan Amaleceach.

CAIB. XIII.

1 Thugadh clann Israeil thairis do làimh nam Philisteach. 2, 8 Dh'fhoillsich aingeal an Tighearn e féin do mhnaoi Mhanoah, agus d'a fear. 19 Iob-air-loisgte Mhanoah. 24 Rugadh Samson.

AGUS rinn clann Israeil olc a ris ann an sùilbh an Tighearn; agus thug an Tighearna thairis iad do làimh nam Philisteach dà fhichead bliadhna.

2 Agus bha duine àraidh do Shorah, do theaghlach nan Danach, d'am b'ainm Manoah agus bha a bhean neo-thorrach, agus cha d'rug i clann.

3 Agus dh'fhoillsich aingeal an Tighearn e féin do'n mhnaoi⁷, agus thubhairt e rithe, Feuch a nis, tha thu neo-thorrach, agus cha d'rug thu fathast clann; ach ginidh tu, agus beiridh tu mac.

4 A nis ma ta thoir an aire, guidheam ort, agus na h-òl fion no deoch làidir, agus na h-ith nì air bith neòghan:

5 Oir, feuch, ginidh tu, agus beiridh tu mac; agus cha tig ealtainn sam bith air a cheann: oir bithidh an leanabh 'na Nasarach do Dhia o'n bhroinn; agus tòisichidh e air Israel a shaoradh á làimh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach⁸ Dhé a m'ionnsuidh, agus a ghuais mar ghuais aingil Dé, ro uamhasach: ach cha d'fheòraich mi dheth cia as a bha e, agus cha d'innis e dhomh 'ainm.

7 Ach thubhairt e rium, Feuch, ginidh tu, agus beiridh tu mac; agus a nis na h-òl fion no deoch làidir, agus na h-ith nì air bith neòghan: oir bithidh an lean-

¹ a thoirt comhfhurtachd do. ² gu Sephon.

³ thu. Eabh. ⁴ a nunn; a nonn. Eir.

⁵ gu ceart.

⁶ ann am baile.

⁷ chunncas aingeal an Tighearna leis a' mhnaoi. Eabh.

⁸ duine. Eabh.

abh 'na Nasarach do Dhlia o'n bhroimn gu là a bhàis.

8 An sin ghuidh Manoah air an Tighearn, agus thubhairt e, O mo Thighearna, thigeadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn ciod a ni sinn ris an leanabh a bheirear.

9 Agus dh'éisd Dia ri guth Mhanoah; agus thàinig aghaidh Dhé a ris a dh'ionnsuidh na mnà, agus i 'na suidhe anns an aghaidh: ach cha robh Manoah a fear maille rithe.

10 Agus rinn a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m' ionnsuidh air an là roimhe.

11 Agus dh'éirich Manoah, agus chaidh e 'n déigh a mhna, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, Is mi.

12 Agus thubhairt Manoah, A nis thigeadh do bhriathra gu crìch: cionnus a dh'orduicheas sinn mu'n leanabh, agus ciod a ni sinn ris?

13 Agus thubhairt aingeal an Tighearna ri Manoah, O gach nì a thubhairt mise ris a' mhnaoi coimhheadh¹ si i fèin.

14 Do nì sam bith a thig o'n chrann-fhiona na h-ithheadh i, agus fion no deoch làidir na h-òladh i, agus nì sam bith neòghlan na h-ithheadh i: gach nì a dh'àithn mise dh'i, coimhheadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d' chomhair meann do na gabhraibh.

16 Agus thubhairt aingeal an Tighearna ri Manoah, Ged ghléidh thu mi, cha'n ith mi do t'aran; agus ma bheir thu suas ìobairt-loisgte, do'n Tighearn bheir thu suas i: oir cha robh fios aig Manoah gu'm b'e aingeal an Tighearna e.

17 Agus thubhairt Manoah ri aingeal an Tighearna, Ciod is ainm dhuit; a chum 'nuair a thig do bhriathra gu crìch, gu'n toir sinn urram dhuit?

18 Agus thubhairt aingeal an Tighearna ris, C'ar son a tha thu mar so a' fiosrachadh a thaobh m'ainme-sa, agus gu bheil e dìomhair?²

19 Agus ghabh Manoah meann do na gabhraibh, maille ri tabhartas-bidh, agus dh'ìobair se e air carraig do'n Tighearn: agus b'iongantach an nì a rinn an t-aingeal, agus Manoah agus a bhean ag amhairc air:

20 Oir an uair a dh'éirich an lasair bhàrr na h-altarach suas gu nèamh, chaidh

aingeal an Tighearna suas ann an lasair na h-altarach: agus an uair a chunnaic Manoah agus a bhean sin, thuit iad air an aghaidh a dh'ionnsuidh na tal-mhainn.

21 (Ach cha d'fhoillsich aingeal an Tighearna e fèin tuilleadh do Mhanoah agus d'a mhnaoi.) An sin bha fios aig Manoah gu'm b'e aingeal an Tighearna e.

22 Agus thubhairt Manoah r' a mhnaoi, Gu cinnteach gheibh sinn bàs oir chunnaic sinn Dia.

23 Ach thubhairt a bhean ris, Nam bu toil leis an Tighearna ar marbhadh, cha ghabhadh e o'r làimh ìobairt-loisgte agus tabhartas-bidh, agus cha nochdadh e dhuinn na nìthe so uile, agus mar air an àm so, cha chuireadh e 'n céill duinn a leithid so do nithibh.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearna e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaol.

CAIB. XIV.

1 Dh'iarr Samson bean do na Philistich. 10 A chuirmbainnse agus a thoinhsachan. 19 Mharbh e deich 'ar fhichead Philisteach, agus bhuin e diubh an eudach. 20 Thugadh a bhean do fhear eile.

A GUS chaidh Samson sìos gu Timnat; agus chunnaic e bean ann an Timnat do nigheanaibh nam Philisteach.

2 Agus thàinig e nìs, agus dh'innis e d'a athair agus d'a mhàthair, agus thubhairt e, Chunnaic mi bean ann an Timnat do nigheanaibh nam Philisteach: agus a nis faighibh i dhomhsa 'na mnaoi.

3 An sin thubhairt 'athair agus a mhàthair ris, Nach 'eil bean air bith am measg nigheana do bhràithre, no am measg mo shluaigh uile, gu'n rachadh tu a ghabhail mnà do na Philistich neo-thùchdigh-ehearra? Agus thubhairt Samson r' a athair, Faigh dhomh i; oir tha i taitneach³ a'm' shùilibh.

4 Ach cha robh fhios aig 'athair agus a mhàthair gu'm b'ann o'n Tighearna bha e, gu'n d'iarr e fàth an aghaidh nam Philisteach: oir anns an àm sin bha uachdaranachd aig na Philistich os ceann Israeil.

5 Uime sin chaidh Samson sìos, agus 'athair agus a mhàthair, gu Timnat, agus thàinig iad gu fion-liosaibh Thimnait: agus, feuch, bha leòman òg a' beuchdaich 'na aghaidh.

6 Agus thàinig spiorad an Tighearna air gu treun, agus reub se e mar a reubadh e meann, agus cha robh ni air bith 'na làimh:

¹ gleidheadh.² iongantach. Eabh.³ dìreach, ceart. Eabh.

aeh eha d'innis e d'a athair no d'a mhàthair ciod a rinn e.

7 Agus chaidh e sìos, agus labhair e ris a' mhnaoi; agus bha i taitneach ann an sùilibh Shamsoin.

8 Agus an dèigh làithean àraidh, phill e ehum a gabhail, agus chaidh e a lethtaobh a dh'fhaicinn elosaich an leomhain; agus, feuch, bha sgaoth bheach ann an elosaich an leomhain, agus mil.

9 Agus ghabh e dhith 'na làmhaidh, agus chaidh e air 'aghaidh ag itheadh, agus thàinig e dh'ionnsuidh 'athar agus a mhàthar, agus thug e dhoibh, agus dh'ith iad: aeh eha d'innis e dhoibh gu'm b'ann ù elosaich an leomhain a thug e a' mhil.

10 Agus chaidh 'athair sìos a dh'ionnsuidh na mnà: agus rinn Samson an sin euirm¹; oir mar sin bu ghnàth leis na daoineibh òga a dheanamh.

11 Agus an uair a ehunnaic iad e, thug iad deich thar fhichead companach gu bhi maille ris.

12 Agus thubhairt Samson riu, Cuiridh mi nis toimhseachan a mach dhuibh: ma chuireas sibh gu cimteach an eéill domh e an taobh a stigh do sheachd làithibh na euirme, agus gu'm faigh sibh a mach e, an sin bheir mise dhuibh deich thar fhichead brat-lìn², agus deich thar fhichead eulaidh eudaich:

13 Aeh mur urrainn sibh a chur an eéill domh, an sin bheir sibhse dhomh-sa deich thar fhichead brat-lìn, agus deich thar fhichead eulaidh eudaich. Agus thubhairt iad ris, Cuir a mach do thoimhseachan, agus gu'n ehuinn sinn e.

14 Agus thubhairt esan riu, As an fhear a dh'itheas thàinig a mach biadh, agus as an fhear gharg³ thàinig a mach millsead. Agus cha b'urrainn iad an toimhseachan fhuasgladh ann an trì làithibh.

15 Agus air an t-seachdamh là thubhairt iad ri mnaoi Shamsoin, Meall t'fhear, a ehum gu'n innis e dhuinn⁴ an toimhseachan, air eagal gu'n loisg sinn thu féin agus tigh t'athar le teine: an ann gu sealbh a ghabhail anns na bheil againn a ghairm thu oirm? nach ann?

16 Agus ghuil bean Shamsoin 'na fhianuis, agus thubhairt i, Tha mhàin fuath agad orm, agus cha 'n'eil gràdh agad domh: chuir thu mach toimhseachan do chloinn mo shluaigh⁵ agus eha d'innis thu dhomh-sa e. Agus thubhairt esan rithe, Feuch, eha d'innis mi e do m'athair no do'm mhàthair, agus an innis mi dhuitse e?

17 Agus ghuil i 'na làthair rè nan seachd làithean a bha ehuirm aea: agus air an t-seachdamh là dh'innis e dh'i, a ehionn gu'n do ehuir i gu teann ris: agus dh'

innis ise an toimhseachan do chloinn a shluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod is milse na mil, agus ciod is gairge⁶ na leomhan? Agus thubhairt esan riu, Mur bitheadh sibh air treabhadh⁷ le m'agh-sa⁸, cha'n fhaigheadh sibh a mach mo thoimhseachan.

19 Agus thàinig spiorad an Tighearn air gu treun, agus chaidh e sìos gu Ascelon, agus mharbh e dhiubh deich thar fhichead fear, agus ghabh e ain faobh⁹, agus thug e eulaidhean eudaich dhoibhsan a dh'fhuasgail an toimhseachan: agus las 'fhearg, agus chaidh e suas gu tigh 'athar.

20 Aeh thugadh¹⁰ bean Shamsoin d'a chompanach, a bha mar eharaid aige.

CAIB. XV.

1 Dhiultadh a bhean do Shamson. 3 Loisg e arbhair nam Philisteach. 9 Cheangladh e le fir Iudah, agus thugadh thairis e do na Philistich.

14 Mharbh e le cnàimh-peirceill mìle fear.

A GUS an dèigh làithean àraidh, ann an àm fogharaidh a' echruidhnaeaidh, chaidh Samson a dh'fhaicinn a mhàin le meann do na gabhraibh; agus thubhairt e, Théid mi stigh a dh'ionnsuidh mo mhàin do'n t-seòmar. Aeh eha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuathaich thu gu tur i, agus thug mi i do d' ehompanach: nach 'eil a piuthar a's òige nì's maisiehe na i? bitheadh i nis agad 'na h-àite.

3 Agus thubhairt Samson mu'n timchioll, Anis bitheadh mi nì's neo-ehiontaiche na na Philistich, ged ni mi olc orra.

4 Agus chaidh Samson, agus ghlaic e trì eheud sionnach, agus ghabh e leusan-teine, agus thionnadaidh e earball ri h-earball, agus ehuir e leus teine anns a' mheadhon eadar dà earball.

5 Agus an uair a chuir e na leusan ri theine, leig e air falbh iad am measg arbhair nam Philisteach, agus loisg e 'n dà ehuid na h-adagan agus mar an ceudna an t-arbhar a bha 'na sheasamh, maille ris na fion-liosaibh agus ris na liosaibh-olaidh.

6 An sin thubhairt na Philistich, Cò rinn so? Agus dh'innseadh dhoibh, Samson eliamhuin an Timnataich, a ehionn gu'n do ghabh esan a bhean, agus gu'n d'fhug e i d'a ehompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson rin, Ge do rinn sibh mar so, gidheadh dìolaidh mise mi féin oirbh, agus 'na dhéigh sin sguiridh mi.

¹ feisd rè sheachd làithean.

³ làidir.

⁴ dhuit.

² lèine-lìn.

⁵ mo dhaoine.

⁶ làidire.

⁷ air ar.

⁸ le m' cholpaich-sa.

⁹ an éididh, an creach.

¹⁰ bha. Eabh.

8 Agus bhuail e iad eos gu leis¹ le h-àr mòr: agus ehaidh e sìos agus ghabh e còmhnuidh ann an uaimh² carraige Etaim.

9 Agus chaidh na Philistich suas, agus champaich iad ann an Iudah, agus sgaoil siad iad fèin ann an Lehi.

10 Agus thubhairt fir Iudah, C'ar son a thàinig sibh a nìos 'nar n-aghaidh-ne? Agus thubhairt iadsan, A cheangal Shamsoin thàinig sinn a nìos, a dheanamh air mar a rinn esan oirnne.

11 Uime sin chaidh trì mìle fear do Iudah sìos gu uaimh carraige Etaim, agus thubhairt iad ri Samson, Nach 'eil fhios agad gu *bheil* na Philistich 'nan uachd-arain oirnne? agus ciod e so a rinn thu oirnne? agus thubhairt esan riu, Mar a rinn iadsan ormsa, mar sin rinn mise orra-san.

12 Agus thubhairt iad ris, A chum thusa a cheangal tha sinn air teachd a nuas, a chum gu'n toir sinn thairis thu do làimh nam Philisteach. Agus thubhairt Samson riu, Thugaibh bhuir mionnan dhomh, nach buail sibh fèin orm.

13 Agus fhreagair iad e, ag ràdh, Cha *bhuail*: ach ceanglaidh sinn thu gu teann, agus bheir sinn thairis thu d'an làimh, ach gu cinnteach cha mharbh sinn thu. Agus cheangail iad e le dà chord nomha, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach a' dol³ na choinneamh: agus thàinig spiorad an Tighearn air gu treun, agus dh'fhàs na cuird a *bha* air a ghairdeanaibh mar lìon a loisgeadh le teine, agus dh'fhuasgladh a cheanglaichean bhàrr a làmha.

15 Agus fhuair e cnàimh-peircill³ ùr asail, agus chuir e mach a làmh, agus ghlac se e, agus bhuail e leis mìle fear.

16 Agus thubhairt Samson, Le cnàimh-peircill asail, dùn air dhùn⁴, le cnàimh-peircill asail mharbh mi mìle fear.

17 Agus an uair a sguir e do labhairt, thug e 'n cnàimh-peircill as a làimh, agus dh'ainnich e 'n t-àite sin Ramat-lehi.

18 Agus bha tart mòr air, agus ghairm e air an Tighearn, agus thubhairt e, Thug thu an t-saorsa mhòr so do làimh do sheirbhisich: agus a nìs am faigh mi bàs le tart, agus an tuit mi ann an làimh nan neo-thimchioll-ghearrta?

19 Agus sgoilt Dia lag⁵ a *bha* ann an Lehi⁶, agus thàinig uisge as; agus dh'òl e, agus thàinig a spiorad a ris, agus dh'ath-bheothaieheadh e: uime sin thug e En-hacore mar ainm air, a *tha* ann an Lehi gu ruig an là 'n diugh.

20 Agus thug e breth air Israel ann an làithibh nam Philisteach fìthead bliadhna.

1 Thug Samson leis còmhlaichean geata Ghasa.
4 Mheall Delilah e, 15 agus thugadh buaidh air.
21 Chuir na Philistich a mach a shùilean.

AGUS chaidh Samson gu Gasa, agus chaidh e stigh d'a h-ionnsuidh.

2 Agus dh'innseadh do na Gasaich, ag ràdh, Thàinig Samson an so. Agus chuairtich iad e, agus rinn iad feall-fholaeh air a shon rè na h-oidhche ann an geata a' bhaile, agus bha iad tosdach⁷ rè na h-oidhche, ag ràdh, Nuair a thig solus na maidne, marbhaidh sinn e.

3 Agus luidh Samson gu mcadhon-oidhehe, agus dh'èirich e mu mheadhon-oidhehe, agus ghabh e còmhlaichean geata a' bhaile, agus an dà phost, agus thug e leis iad maille ris na crannaibh, agus chuir e air a ghuaillibh iad, agus thug e suas iad gu mullach sléibhe a *tha* fa chomhair Hebroin.

4 Agus 'na dhéigh sin ghràdhaich e bean ann an gleann Shoreic, d'am b'ainm Delilah.

5 Agus chaidh tighearnan nam Philisteach suas d'a h-ionnsuidh, agus thubhairt iad rithe, Meall e, agus faie e àit *am bheil* a neart mòr a' luidhe, agus cionnus a bhuaidhaicheas sinn air, air chor as gu'n ceangail sinn e chum a cheannsaeadh⁸; agus bheir sinn dhuit, gach aon againn, mìle agus ceud *bonn* airgid.

6 Agus thubhairt Delilah ri Samson, Innis dhomh, guidheam ort, e àit *am bheil* do neart mòr a' luidhe, agus cionnus a dh'fheudas tu bhì air do cheangal chum do cheannsaeadh.

7 Agus thubhairt Samson rithe, Ma ehenglas iad mi le seaehd goid ùra nach do thiormaicheadh, an sin bithidh mi annhuun, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seaehd goid ùra nach do thiormaicheadh, agus cheangail i e leo.

9 (A nis *bha* daoine ri feall-fholach a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhrisear snàthainn ascaird⁹ an uair a bheanas e ri teine¹⁰: agus eha d' fhuaras fios a neirt.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam ort, cionnus a dh'fheudas tu bhì air do cheangal.

11 Agus thubhairt esan rithe, Ma cheang-

¹ cos air leis.

³ cnàimh-géil.

asail chlaoidh mi iad.

² air mullach.

⁴ le cnàimh-peircill

⁵ àite falamh.

⁶ anns a' ghial.

⁸ a phianadh, a chlaoidh.

¹⁰ a ghabhas e fàile an teine.

⁷ sàmhach.

⁹ barraich.

Eabh.

las iad mi gu teann le cordaibh ùra nach do ghnàthaicheadh riamh, an sin bithidh mi anmhumn, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thubhairt i ris, Na Philistich ort, a Shamsoin. (Agus *bha* luchd feall-fholach a' fantuinn anns an t-seòmar.) Agus bhris e iad bhàrr a ghairdeana mar shnàthainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan: innis dhomh cionnus a dh'fheudas tu bhì air do cheangal. Agus thubhairt esan rithe, Ma dh'fhigh-eas tu seachd duail¹ mo chinn maille ris an eige.

14 Agus dhaingnich i *iad* leis a' phinne², agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis pinne na garm-ainn agus an eige.

15 Agus thubhairt ise ris, Cionnus is urrainn thu a ràdh, Tha gràdh agam dhuìt, an uair nach *'eil* do chridhe leam? na tri uairean so mheall thu mi, agus cha d'innis thu dhomh c'ait *am bheil* do neart mòr *a' luidhe*.

16 Agus an uair a chuir i gu teann ris gach aon là le a briathraibh, agus a choimh-éignich i e, bha 'anam air a chràdh gu bàs.

17 An sin dh'innis e dh'i a chridhe uile, agus thubhairt e rithe, Ealtainn cha d'thàinig riamh air mo cheann; oir *bu* Nasarach do Dhia mi o bhroimn mo mhàthar: ma bhearrar mi, an sin falbhaidh mo neart uam, agus fàsaidh mi anmhumn, agus bithidh mi mar gach duine *eile*.

18 Agus an uair a chunnaic Delilah g'un d'innis e dh'i a chridhe uile, chuir i fios, agus ghairm i air tighearnaibh nam Philisteach, ag ràdh, Thigibh a nìos an aon uair so, oir dh'innis e dhomh a chridhe uile. An sin thàinig tighearnan nam Philisteach a nìos d'a h-ionnsuidh, agus thug iad airgid a nìos 'nan làimh.

19 Agus thug i air codal air a glùinibh; agus ghairm i air fear, agus thug i air seachd duail a chinn a bhearradh dheth; agus thòisich i air a cheannsachadh, agus dh'fhalbh a neart uachan.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Théid mi mach, mar air uairibh eile, agus crathaidh mi mì féin: oir cha robh fhios aige gu'n d'imich an Tighearn uaith.

21 Ach ghlac na Philistich e, agus chuir iad a mach a shùilean; agus thug iad sìos e gu Gasa, agus cheangail iad e le

geimhlibh umha, agus bha e a' bleth ann an tigh a' phriosain³.

22 Gidheadh thòisich folt a chinn air fàs a ris, an déigh dha bhì air a bhearradh.

23 Agus chruinnich tighearnan nam Philisteach iad féin an ceann a chéile a dh'ìobradh ìobairte mòire d'an dia Dagon, agus a dheanamh gairdeachais: oir thubhairt iad, Thug ar dia thairis Samson ar nàmhaid d'ar làimh.

24 Agus an uair a chunnaic an sluagh e, mhol iad an dia: oir thubhairt iad, Thug ar dia thairis d'ar làmh ar nàmhaid, agus fear-millidh ar dùthcha, a mharbh mòran dhinn.

25 Agus an uair a bha'n cridheacha subhach, thubhairt iad, Gairmibh air Samson, a chum gu'n dean e fearas-chuideachd⁴ dhuinn. Agus ghairm iad air Samson á tigh a' phriosain; agus rinn e fearas-chuideachd 'nan làthair: agus chuir iad e eadar na puist.

26 Agus thubhairt Samson ris an òganach a ghabh greim d' a làimh, Leig dhomh na puist a làimhseachadh air am bheil an tigh 'na sheasamh, a chum gu'n leig mi mo thaic riu.

27 A nis bha'n tigh làn dhaoine agus bhan; agus *bha* uile tighearnan nam Philisteach an sin: agus *bha* air mullach an tighe mu thimchioll trì mìle fear agus bean, a bha 'g amharc an uair a rinn Samson fearas-chuideachd.

28 Agus ghairm Samson air an Tigh-earn, agus thubhairt e, O Thighearna Dhé, cuimhnich orm, guidheam ort, agus neartaich mi, guidheam ort, a mhàin an aon uair so, O Dhé, a chum gu'm bì mi diolta dh'aon tarraing air na Philistich air son mo dhà shùl.

29 Agus ghabh Samson greim do'n da phost mheadhonach air an robh an tigh 'na sheasamh, agus ris an robh e 'n taic, do h-aon *diubh* le a làimh dheis, agus do 'n aon eile le a làimh chli.

30 Agus thubhairt Samson, Faigheam bàs⁵ maille ris na Philistich. Agus chrom se e féin⁶ le uile neart; agus thuit an tigh air na tighearnaibh, agus air an t-sluagh uile a *bha* ann: agus bha na mairbh a mharbh e aig a bhàs ni bu lionmhoire na *iadsan* a mharbh e 'na bheatha.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlac iad e eadar Sorah agus Estaol, ann an àit-adhlac Mhanoah 'athar: agus thug e breth air Israel fichead bliadhna.

CAIB. XVII.

1 Thug Micah air ais d'a mhàthair an t-airgid a ghoideadh, agus rinn i dealbh snaidhte agus dealbh

¹ ciabhan.

² tarrainn.

³ ann an tigh nan daoine ceangailte. Eabh.

⁴ spòrs, sùgradh. ⁵ Bàsaicheadh m'anam. Eabh

⁶ tharruing e sìos na puist.

leaghta dheth. 7 Thuarasdalaich Micah Le-
bhitheach gu bhi 'na shagart aige.

AGUS bha duine do shliabh Ephraim,
d'am b'ainm Micah.

2 Agus thubhairt e r'a mhàthair, Am
mìle agus an ceud *secel* airgid, a thugadh
air falbh uait, mu'n do mhallaich thu,
agus mu'n do labhair thu cuideachd ann
am chluasaibh-sa, feuch, *tha* 'n t-airgid
agam-sa; ghabh mise e. Agus thubh-
airt a mhàthair, Gu ma bcannachte thusa
o'n Tighearn, a mhic.

3 Agus an uair a thug e air ais am mìle
agus an ceud *secel* airgid d'a mhàthair,
thubhairt a mhàthair, Naomlaich mi gu
h-ìomlan¹ an t-airgid do'n Tighearn o
m' làimh air son mo mhic, a dhcanamh
deilbh shnaidhte, agus deilbh leaghta: a
nis ma ta bheir mi air ais dhuit e.

4 Agus thug e air ais an t-airgid d'a
mhàthair; agus ghabh a mhàthair dà
cheud *secel* airgid, agus thug i iad do'n
òr-cheard, agus rinn esan dhiubh dealbh
snaidhte agus dealbh leaghta: agus bha
iad ann an tigh Mhìcach.

5 Agus *bha* aig an duine Micah tigh
dhiathan², agus rinn e ephod, agus tera-
phim, agus choisrig³ e aon d'a mhic, agus
bha e aige 'na shagart.

6 Anns na làithibh sin cha *robh* rìgh air
bith ann an Israel: rinn *gach* fear an *nì*
sin a bha ceart 'na shùilbh fein.

7 Agus bha òganach o Bhet-lehem Iu-
dah, do theaghlach Iudah, a *bha* 'na Le-
bhitheach, agus bha e air chuairt an sin.

8 Agus dh'imich an duine as a' blaile o
Bhet-lehem Iudah, a dhol air chuairt far
am faigheadh e *àit*: agus thàinig e gu
sliabh Ephraim, gu tigh Mhìcach, a' dol
air aghaidh air a thurus.

9 Agus thubhairt Micah ris, Cia as a
tha thu air teachd? Agus thubhairt esan
ris, *Is* Lebhitheach mise o Bhet-lehem Iu-
dah, agus *tha* mi a' triall air chuairt far
am faigh mi *àite*.

10 Agus thubhairt Micah ris, Fan maille
riumsa, agus bi dhomhsa a'd' athair agus
a'd' shagart, agus bheir mi dhuit deich
seceil airgid sa' bliadhna⁴ agus culaidh
eudaich, agus do bhiadh. Agus chaidh
an Lebhitheach a sìghl.

11 Agus bha'n Lebhitheach toilichte
còmhnuidh ghabhail maille ris an duine,
agus bha'n t-òganach dha mar aon d'a
mhic.

12 Agus choisrig Micah an Lebhitheach;
agus bha 'n t-òganach aige 'na shagart,
agus bha e ann an tigh Mhìcach.

13 Agus thubhairt Micah, A nis tha fios
agam gu'n dean an Tighearna maith

dhomh, a chionn gu bheil Lebhitheach
agam 'na shagart.

CAIB. XVIII.

1 *Chuir na Danaich cùigear fhear a dh'iarraidh*
oighreachd dhoibh fein. 27 *Ghlac iad Lais.*

ANNS na làithibh sin cha *robh* rìgh
air bith ann an Israel: agus anns na
làithibh sin dh'ìarr treubh⁵ nan Danach
dhoibh féin oighreachd anns an gabhadh
iad còmhnuidh; oir gu ruig an là sin cha
do thuit an oighreachd uile orra am
measg threubhan Israeil.

2 Agus chuir clann Dhain cùigear d' an
teaghlach o'n crìochaibh, daoine treun, o
Shorah agus o Estaol, a ghabhail beachd
air an tìr, agus g'a rannsachadh a mach;
agus thubhairt iad riu, Imichibh, ranns-
aichibh a mach an tìr. Agus thàinig iad
gu sliabh Ephraim, gu tigh Mhìcach, agus
dh'fhan iad an sin rè na h-oidhche.

3 An uair a *bha* iad aig tigh Mhìcach,
dh'aithnich iad guth an òganaich, an Le-
bhithich; agus thionndaidh iad a stigh an
sin, agus thubhairt iad ris, Cò thug an so
thu? agus ciod a *tha* thu deanamh an so?
agus ciod a *th'*agad an so?

4 Agus thubhairt esan riu, Mar so agus
mar so rinn Micah rium, agus thuarasdala-
ich e mi, agus tha mi aige a'm' shagart.

5 Agus thubhairt iad ris, Iarr comhairle,
guidheamaid ort, air Dia, chum gu'm bi
fios againn an soirbhich leinn 'nar slighe
air am bheil sinn ag imeachd.

6 Agus thubhairt an sagart riu, Imich-
ibh an sìth: an làthair an Tighearna *tha*
bhur slighe, air am bheil sibh ag imeachd.

7 Agus dh'imich an cùigear fhear, agus
thàinig iad gu Lais, agus chunnaic iad an
sluagh a *bha* ann, a' gabhail còmhnuidh
gun umhaill, a réir gnàtha nan Sidonach,
sàmhach agus neo-umhaileach⁶; agus
cha *robh* uachdaran air bith anns an tìr,
a chuireadh gu nàire iad ann an nì *air*
bith: agus *bha* iad fada o na Sidonaich,
agus cha *robh* gnotlucl aca ri duine *air*
bith.

8 Agus thàinig iad a dh'ionnsuidh am
bràithrean gu Sorah agus Estaol; agus
thubhairt am bràithrean riu, Ciod a *tha*
sibh ag ràdh?

9 Agus thubhairt iad, Eiribh agus rach-
amaid suas 'nan aghaidh: oir chunnaic
sinn an tìr, agus, feuch, *tha* i ro mhaith:
agus am bheil sibhse 'nur tàmh? na
bithibh leasg gu imeachd, agus gu dol a
steach a shìalbhadh na tìre.

10 'Nuair a théid sibh, thig sibh a steach
a dh'ionnsuidh sluagh neo-umhaillich,
agus do thìr ro fharsaing; oir thug Dia

¹ Le naomhachadh naomhaich mì. Eabh.

² tigh do Dhia. ³ Ìon e làmh. Eabh.

⁴ an ceann làithean. Eabh. ⁵ fine.

⁶ an sluagh a bha ann, baile a bha fannuinn
neo-umhaileach a réir gnàtha nan Sidonach,
sàmhach agus neo-umhaileach. ⁷ 'nur tosd. Eabh.

thairis d'ur laimh i; àit anns nach 'eill uireasbhuidh ni air bith a *th'* air an talamh.

11 Agus chaidh a sin do theaghlach nan Danach, á Sorah agus á Estaol, sè ceud fear, crioslaichte le innealaibh cogaidh.

12 Agus chaidh iad suas, agus champ-ach iad ann am Ciriati-earim, ann am Iudah: uime sin thugadh Mahaneh-dan mar ainm air an àite sin gu ruig an là'n diugh; feuch, *tha e* air cùlaobh Chiriati-earim.

13 Agus chaidh iad seachad o sin gu sliabh Ephraim, agus thàinig iad gu tigh Mhìcah.

14 An sin fhreagair an cùigear fhear a chaidh a ghabhail beachd air tìr Lais, agus thubhairt iad r'am bràithribh, Am bheil fhios agaibh gu bheil anns na tighibh sin ephod, agus teraphim, agus dealbh snaidhte, agus dealbh leaghta? a nis ma ta smuainichibh ciod a ni sibh.

15 Agus thionndaidh iad gus a sin, agus thàinig iad gu tigh an òganach, an Lebhithich, *eadhon* gu tigh Mhìcah, agus chuir iad fàilte air.

16 Agus sheas an sè ceud fear crioslaichte le innealaibh cogaidh, a *bha* do chloinn Dhain, aig dol a steach a' gheata.

17 Agus chaidh an cùigear fhear suas a chaidh ghabhail beachd air an tìr, agus thàinig iad a stigh an sin, agus ghabh iad an dealbh snaidhte, agus an ephod, agus an teraphim, agus an dealbh leaghta: agus sheas an sagart aig dol a stigh a' gheata, agus an sè ceud fear a *bha* crioslaichte le innealaibh cogaidh.

18 Agus an uair a chaidh iad sin a steach do thigh Mhìcah, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riut, Ciod a *tha* sibh a' deanamh?

19 Agus thubhairt iadsan ris, Bi d' thosd, cuir do làmh air do bheul, agus falbh maille ruinne, agus bi dhuinn a' d' athair agus a' d' shagart: am fearr dhuitt a bhi d' shagart do thigh aoin duine, na thu bhi d' shagart do thréibh agus do theaghlach ann an Israel?

20 Agus bha cridhe an t-sagairt subhach; agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlann bheag, agus an spréidh, agus gach ni trom¹ rompa.

22 Agus an uair a bha iad astar fada o thigh Mhìcah, chruinnich na fir a *bh'* anns na tighibh a *bha* làimh ri tigh Mhìcah iad féin an ceann a chéile, agus chaidh iad air tòir² chloinn Dhain.

23 Agus ghlaodh iad ri cloinn Dhain:

agus thionndaidh iadsan an aghaidh, agus thubhairt iad ri Micah, Ciod a *tha teachd* riut, gu bheil thu teachd le leithid so do chuideachd³?

24 Agus thubhairt esan, Mo dhiathan a rinn mi thug sibh leibh, agus an sagart, agus dh'fhalbh sibh roimhibh; agus ciod a th'agamsa tuilleadh? agus ciod e so a tha sibh ag ràdh rium, Ciod a *tha teachd* riut?

25 Agus thubhairt clann Dhain ris, Na chuinnear do ghuth 'nar measg, air eagal gu'm buail daoine feargach 'nan spiorad ort, agus gu'n caill thu t'anam féin, agus anama do theaghlach.

26 Agus dh'imich clann Dhain air an slighe; agus an uair a chunnaic Micah gu'n *robh* iad tuilleadh 's làidir air a shon, thionndaidh e agus phill e d'a thigh.

27 Agus ghabh iad na *nithe* a rinn Micah, agus an sagart a bh'aige, agus thàinig iad gu Lais, a dh'ionnsuidh sluagh a *bha* samhach agus neo-umbailleadh: agus bhuail siad iad le faobhar a' chlaideimh, agus loisg iad am baile le teine.

28 Agus cha *robh* fear-saoraidh ann, a chionn gu'n *robh* e fada o Shidon, agus nach *robh* gnothuch aca ri duine *sam bith*; agus *bha* e anns a' ghleann a *tha* làimh ri Bet-rehob: agus thog iad baile, agus ghabh iad còmhnuidh ann;

29 Agus thug iad Dan mar ainm air a' bhaile, a réir ainme Dhain an athar, a rugadh do Israel: gidheadh *b'e* Lais ainm a' bhaile an toiseach.

30 Agus chuir clann Dhain suas dhoibh féin an dealbh snaidhte: agus bha Ionatan mac Ghersaim, mhic Mhanaseh, e féin agus a mhic, 'nan sagartaibh do thréibh Dhain, gu ruig là braidhdeanais na tìre.

31 Agus chuir iad suas dhoibh féin dealbh snaidhte Mhìcah, a rinn e, rè na h-uine a bha tigh Dhé ann an Siloh.

CAIB. XIX.

1 Chaidh Lebhithich gu Bet-lehem a thoirt dhachaidh a mhnà. 16 Thug seann duine aoidheachd dha aig Gibeath. 22 Mhì-ghnàthaich daoine Ghì-beah a choimhleabach.

A GUS anns na làithibh sin, an uair nach *robh* rìgh air bith ann an Israel, bha Lebhithich àraidh air chuairt air taobh sléibh Ephraim, a ghabh d'a ionnsuidh coimhleabach o Bhet-lehem Iudah.

2 Agus rinn a choimhleabach siùrtachd 'na aghaidh, agus dh'fhalbh i uaith gu tigh a h-athar gu Bet-lehem Iudah, agus bha i 'n sin ceithir mìosan ionlan.

3 Agus dh'éirich a fear, agus chaidh e 'na déigh, a chum gu'n labhradh e r'a cridhe, agus gu'n tugadh e air a h-ais i, agus 'òganach⁴ maille ris, agus dà asal:

¹ luachmhor.

² rug iad air.

³ gu bheil thu air do chruinneachadh. Eabh.

⁴ a òganach.

agus thug i steach e do thigh a h-athar; agus an uair a chunnaic athair na h-ighinn¹ e, chaidh e le gairdeachas² 'na choimneamhl.

4 Agus ghléidh 'athair-céile, athair na h-ighinn e, agus dh'fhan e maille ris tri làithean: agus dh'ith agus dh'òl iad, agus dh'fhan iad rè na h-oidhche an sin.

5 Agus air a' cheathramh là, 'nuair a dh'éirich iad gu moch annas a' mhaduinn, dh'éirich esan suas gu imeachd: agus thubhairt athair na h-ighinn r'a chliamhuin, Neartaich do chridhe le greim arain, agus 'na dhéigh sin imichidh sibh.

6 Agus shuidh iad sìos le chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bì toilichte, guidheam ort, agus fan rè na h-oidhche, agus bitheadh do chridhe subbach.

7 Agus an uair a dh'éirich an duine suas gu imeachd, rinn 'athair-céile dian-earail air; uime sin dh'fhan e 'n sin an oidhche sin a ris.

8 Agus dh'éirich e gu moch anns a' mhaduinn air a' chùigeachd là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu déigh mheadhon-là³, agus dh'ith iad le chéile.

9 Agus an uair a dh'éirich an duine suas gu imeachd, e féin, agus a choimhleabach, agus 'òganach, thubhairt 'athair-céile, athair na h-ighinn ris, Feuch, a nis tha 'n là a' tarraing gu feasgar, fanaibh, guidheam ort, rè na h-oidhche: feuch, tha'n là a' dlùthachadh r'a crìch, fan an so rè na h-oidhche, agus bitheadh do chridhe subbach; agus am màireach éiridh sibh gu moch a chum bhuir turuis⁴, agus théid thu dhachaidh.

10 Ach cha b' àill leis an duine fantuinn an oidhche sin, ach dh'éirich e suas agus dh'imich e, agus thàinig e air aghaidh fa chomhair Iebuis, (is e sin Ierusalem); agus bha maille ris dà asal le'n diallaidibh; bha mar an ceudna a choimhleabach maille ris.

11 Agus an uair a bha iad làimh ri Iebus, chaitheadh an là gu mòr; agus thubhairt an t-òganach r'a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na h-oidhche ann.

12 Agus thubhairt a mhaighstir ris, Cha tionndaidh sinn a stigh an so gu baile coigrich, nach 'eil do chloinn Israeil, ach gabhaidh sinn thairis gu Gibeal.

13 Agus thubhairt e r'a òganach, Thig, agus tairgeamaid am fagus do aon do na h-aitibh sin gu fantuinn rè na h-oidhche,

ann an Gibeah, no ann an Ramah.

14 Agus ghabh iad thairis, agus dh'imich iad; agus chaidh a' ghrian sìos orra làimh ri Gibeah, a bhuineas do Bheniamin.

15 Agus thionndaidh iad a leth-taobh an sin, gu dol a stigh a dh'fhanuinn rè na h-oidhche ann an Gibeah; agus an uair a chaidh e stigh, shuidh e sìos ann an sràid a' bhaile; oir cha robh duine sam bith a ghabh iad d'a thigh gu fantuinn rè na h-oidhche.

16 Agus, feuch, thàinig seann duine o 'obair a mach as an fhearrann mu fheasgar, a bha mar an ceudna o shliabh Ephraim, agus bha e air chuairt ann an Gibeah; ach bu Bheniaminich daoine an àite.

17 Agus an uair a thog e suas a shùilean, chunnaic e duine a bha air thurus ann an sràid a' bhaile: agus thubhairt an seann duine, C'ait a tha thu dol? agus cia as a tha thu air teachd?

18 Agus thubhairt e ris, Tha sinn a' gabhail thairis o Bhet-lehem Iudah dh'ionnsuidh taoibh sléibh Ephraim, as am bheil mise: agus chaidh mi do Bhet-lehem Iudah, ach tha mi nis a' dol gu tighe an Tighearn; agus cha 'n eil duine air bith ann a ghabhas mi d'a thigh.

19 Gidheadh, tha 'n dà chuid fodar agus innlinn ann air son ar n-asal, agus tha mar an ceudna aran agus fion ann air mo shon-sa, agus air son do bhanoglaich, agus air son an òganaich a tha maille ri d' sheirbhisich: cha 'n eil easbhuidh⁵ ni air bith oir.

20 Agus thubhairt an seann duine, Sìth gu robh maille riut: gidheadh, biodh t'easbhuidh gu léir ormsa; a mhàin na fan anns an t-sràid rè na h-oidhche.

21 Agus thug e steach e d'a thigh, agus thug e innlinn do ua h-asalaibh: agus nigh iad an cosan, agus dh'ith agus dh'òl iad.

22 Ach an uair a bha iad a' deanamh an cridhe subbach, feuch, chuairtich daoine a' bhaile, daoine bu mhiic do Bhe-lial, an tigh mu'n cuairt, agus bhuail iad aig an dorus, agus labhair iad ri maighstir an tighe, an seann duine, ag ràdh, Thoir a mach an duine a thàinig a dh'ionnsuidh do thighe, a chum gu'n aithnich sinn e.

23 Agus chaidh an duine, maighstir an tighe, mach d'an ionnsuidh, agus thubhairt e riu, Na deanaibh, mo bhràithre, na deanaibh, guidheam oirbh, cho olc; an déigh do'n duine so teachd a dh'ionnsuidh mo thighe-sa, na deanaibh an ni gràineil⁶ so.

24 Feuch, mo nighean, maighdean, agus a choimhleabach, iadsan bheir mi mach a nis, agus islichibh-se iad, agus deanaibh riu

¹ h-ighinn, cailin. ² rinn e gairdeachas, Eabh.
³ agus an do thionndaidh an là. Eabh.

⁴ slighe.

⁶ aingidh, amaideach.

⁵ uircasbhuidh, dìth.

BREITHEAMHNA, XIX. XX.

an *ni sin a ta* maith 'nur sùilbh : ach air an duine so na deanaibh ni cho gràineil.

25 Ach cha'n éisdeadh na daoine ris : agus rug an duine air a choimhleabach, agus thug e mach i d'an ionnsuidh ; agus dh'aithnich iad i, agus mhi-ghnàthaich iad i ré na h-oidhche gu maduinn : agus aig briseadh na fàire leig iad air falbh i.

26 Agus thàinig a' bhean ann an scarthanaich¹ an là, agus thuit i sìos aig dorus tìghe an duine, far *an robh* a tighearna, gus an robh solus ann.

27 Agus dh'éirich a tighearn anns a' mhaduinn, agus dh'fhosgail e dorus an tìghe, agus chaidh e mach gu imeachd air a shlighe : agus, feuch, blia a' bhean a choimhleabach air tuiteam sìos aig dorus an tìghe, agus a làmbhan air an stairsnich.

28 Agus thubhairt e rithe, Eirich, agus imicheamaid ; ach cha d'thug i freagradh air bith. Agus ghabh e i air asail, agus dh'éirich an duine suas, agus chaidh e d'a àite féin.

29 Agus an uair a thàinig e d'a thigh, ghabh e sgian, agus rug e air a choimhleabach, agus roinn e i, maille r'a cnaimhibh, 'na dà mhrì dheug, agus chuir e i gu uile chrìochaibh Israeil.

30 Agus thubhairt gach neach a chunn- aic e, Cha d'rinneadh agus cha'n fhacas *ni air bith* cosmhuil ri so, o'n là anns an d'thàinig clann Israeil a nìos á tìr na h-Eiphit gus an là'n diugh : beachdaich- ibh² air, gabhaibh comhairle, agus labh- raibh.

CAIB. XX.

Ann an coimhthional an t-sluaigh chuir an Le- bhitheach an cèill an eucoir a rinneadh air.
8 Shonruich clann Israeil air dol suas gu cath an aghaidh Ghìbeah. 29 Sgrìosadh na Beniaminich.

AN sin chaidh clann Israeil uile mach, agus chruinnicheadh an coimhthional ri chéile mar aon duine, o Dhan gu Beer- seba, agus o thìr Ghilead, a dh'ionnsuidh an Tighearna gu Mispeh.

2 Agus nochd prìomh-dhaoine³ an t-sluaigh uile, eadhon threubhan Israeil uile, iad féin ann an coimhthional sluaigh Dhé, ceithir cheud mìle coisiche a tharr- ving claidheamh.

3 (A nis chuala clann Bheniamin gu'n deachaidh clann Israeil suas gu Mispeh.) Agus thubhairt clann Israeil, Innsibh cionnus a bha'n t-olc so?

4 Agus fhreagair an Lebhitheach, fear na mnà a mharbhadh, agus thubhairt e, Gu Gibeah a *bhuineas* do Bheniamin thàinig mise agus mo choimhleabach, gu fantuinn ann ré na h-oidhche :

5 Agus dh'éirich fir Ghìbeah a'm' agh- aidh, agus chuairtich iad an tìgh mu'n

cuart orm anns an oidhche : mi féin b'àill leo a mharbhadh, agus air mo choimh- leabach rinn iad éigin, agus tha i marbh.

6 Agus rug mi air mo choimhleabach, agus ghearr mi i 'na mìribh, agus chuir mi i air feadh uile fhearaian oighreachd Israeil : oir rinn iad cionta agus gràineil- eachd ann an Israel.

7 Feuch, *is* clann Israeil sibh uile ; thug- aibh seachad an so blur focal agus bhur comhairle.

8 Agus dh'éirich an sluaigh uile mar aon duine, ag ràdh, Cha téid neach air bith dhinn d'a bhùth, agus cha tionndaidh neach air bith dhinn a steach d'a thigh :

9 Ach a nis so an ni a ni sinn ri Gibeah : *théid sinn suas* le crannchur 'na aghaidh.

10 Agus gabhaidh sinn deich fir as a' cheud air feadh uile threubhan Israeil, agus ceud as a' mhìle, agus mìle as na deich mìle, a thoirt lòn a dh'ionnsuidh an t'sluaigh, a chum gu'n dean *iad*, an uair a thig iad gu Gibeah Bheniamin, a réir na gràineileachd uile a rinn iadsan ann an Israel.

11 Mar sin chruinnicheadh fir Israeil uile an aghaidh a' bhaile, ceangailte ri chéile mar aon duine.

12 Agus chuir treubhan Israeil daoine air feadh uile thréibhe Bheniamin, ag ràdh, Ciod é an t-olc so a rinneadh 'nur measg?

13 A nis ma ta thugaibh thairis *dhuinn* na daoine, clann Bheliail, a *tha* ann an Gibeah, a chum gu'n cuir sinn gu bàs iad, agus gu'n cuir sinn air falbh olc o Israel. Ach cha 'n éisdeadh clann Bheniamin ri guth an bràithre cloinn Israeil :

14 Ach chruinnich clann Bheniaminn iad féin an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm⁴ sin as na bailtibh, sé mìle thar fhichead fear a tharruing claidheamh, a bhàrr air luchd-àiteachaidh Ghìbeah.

16 Dh'àirmheadh seachd ceud fear tagh- ta am measg an t-sluaigh so uile, seachd ceud fear taghta cli-làmhach⁵ : thilgeadh gach aon diubh so clach a crann-fàbhuill air *leud* ròineige, agus cha mhearachd- aicheadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh : b'fhìr chogaidh iad so uile.

18 Agus dh'éirich clann Israeil, agus chaidh iad suas gu tìgh Dhé⁶, agus dh'- fhiosraich iad do⁷ Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus

¹ camhanaich ; dawn. Sasg. ² cuiribh blur
rìdhe air. ³ maithean ; uaislean. ⁴ là, Eabh.

⁵ cearr-làmhach.

⁶ Bet-el. Eabh.

⁷ dh'iarr iad comhairle air.

thubhairt an Tighearna, *Théid* Iudah suas air tús.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin; agus chuir fir Israeil iad féin ann an ordugh catha 'nan aghaidh aig Ghibeah.

21 Agus thàinig clann Bheniamin a mach á Ghibeah, agus sgrìos iad sìos gu làr do chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh, far an do chuir siad iad féin an ordugh air a' cheud là.

23 (Agus chaidh clann Israeil suas, agus ghuil iad am fianuis an Tighearna gu feasgar, agus dh'fhiosraich iad do'n Tighearna, ag ràdh, An téid mi suas a ris gu cath an aghaidh chloinn Bheniamin mo bhràthar? Agus thubhairt an Tighearna, Rachaibh suas 'na aghaidh.)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Benjamin a mach 'nan aghaidh á Ghibeah an dara là, agus sgrìos iad do chloinn Israeil a ris oich mìle deug fear sìos gu làr; tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhé, agus ghuil iad, agus shuidh iad an sin am fianuis an Tighearna, agus throisg iad air an là sin gu feasgar, agus dh'ìobair iad ìobairte-loisgte agus ìobairte-sìth¹ am fianuis an Tighearna.

27 Agus dh'fhiosraich clann Israeil do'n Tighearna, (oir bha àirc coimhcheangail Dé an sin anns na làithibh sin;

28 Agus shcas Phinehas, mac Eleasair, mhic Aaroin, 'na làthair anns na làithibh sin,) ag ràdh, An téid mi fathast a ris a mach gu cath an aghaidh chloinn Bheniamin mo bhràthar, no an sguir mi? Agus thubhairt an Tighearna, Rachaibh suas; oir am màircach bheir mise thairis iad do d' làimh.

29 Agus chuir Israel luchd feall-fholach mu'n cuairt air Ghibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh eile.

31 Agus chaidh clann Bheniamin a mach an aghaidh an t-sluaigh, agus thairngeadh air falbh iad o'n bhaile; agus thòisich iad air cuid do'n t-sluaigh a bhualadh agus a mharbhadh, mar air uairibh eile, anns na rathaidibh mòra, d'am bheil aon a' dol

suas gu tigh Dhé, agus aon gu Ghibeah anns an fhearann, mu thimchioll deich fir fhichead do Israel.

32 Agus thubhairt clann Bheniamin, Tha iad air am bualadh sìos romhainn, mar air tús. Ach thubhairt clann Israeil, Teicheadaibh, agus taimgeamaid iad o'n bhaile gu ruig na rathaidibh mòra.

33 Agus dh'éirich clann Israeil uile suas as an àit, agus chuir siad iad féin ann an ordugh catha ann am Baal-tamar: agus thàinig luchd feall-fholach Israeil a mach as an àitibh, eadhon o uchdaich² Ghibeah.

34 Agus thàinig an aghaidh Ghibeah deich mìle fear taghta mach á h-Israel uile, agus bha'n cath cruaidh: ach cha robh fhios aca gu'n robh olc am fagus dhoibh.

35 Agus bhuail an Tighearna Benjamin am fianuis Israeil: agus sgrìos clann Israeil do Bheniamin air an là sin, cùig mìle fichead agus ceud fear; tharruing iad so uile claidheamh.

36 Agus chunnaic clann Bheniamin gu'n do bhuail iad: oir thug fir Israeil àite do na Benjaminich, a chionn gu'n d' earb iad ris an luchd feall-fholach a shuidhich iad làimh ri Ghibeah.

37 Agus rinn an luchd feall-fholach cabhag, agus ruith iad a stigh air Ghibeah; agus tharruing an luchd feall-fholach air an aghaidh, agus bhuail iad am baile uile le faobhar a' chladheimh.

38 A nis bha comhara³ suidhichte eadar fir Israeil agus an luchd feall-fholach, gu'n tugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Benjamin air fir Israeil a bhualadh, agus mharbh iad diubh mu thimchioll deich thar fhichead fear; oir thubhairt iad, Gu cinnteach tha iad air am bualadh sìos romhainn, mar anns a' cheud chath.

40 Agus an uair a thòisich an lasair air éirigh suas as a' bhaile, maille ri meall⁴ deataich dh'amhairc na Benjaminich air an cùlaobh, agus, feuch, dh'éirich deatach a' bhaile suas gu nêamh.

41 Agus an uair a phill fir Israeil a ris, bha uamhas air fir Bheniamin; oir chuanaic iad gu'n robh olc air teachd orra.

42 Uime sin thionndaidh iad an aghaidh am fianuis chloinn Israeil ri slighe an fhàsaich; ach rug an cath orra: Agus iadsan a thàinig a mach as na bailtibh sgrìos iad 'nam meadhon.

43 Chuairtich iad na Benjaminich air gach taobh, ruaig siad iad, shaltair iad orra gun sbairn thall fa chomhair Ghibeah, leth ri éirigh na gréine.

44 Agus thuit do Bheniamin oich mìle

¹ tabhartasa-sìth.

² à làintibh; maalch no

maareh. Eabh.

³ àm.

⁴ pillar. Sasg.

deug fear; iad uile 'nan daoibh treuna.

45 Agus phill iad, agus theich iad a dh'ionnsuidh an fhàsaich gu carraig Rimoin; agus dh'ìoghlum iad diubh air na rathaidibh mòra cuig mìle fear; agus lean iad gu cruaidh iad gu ruig Gidom, agus mharbh iad dhiubh dà mhìle fear.

46 Agus b'iadsan uile a thuit do Bheniamin air an là sin, cuig mìle thar fhichead fear a tharruing claidheamh; iad uile nan daoibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhual iad iad le faobhar a' chlaidheimh, araon daoine gach baile, agus an spréidh, agus gach nì air bith a fhuaradh ann: mar an ceudna chuir iad ri theine na bailtean uile d'an d'fhàinig iad.

CAIB. XXI.

1 *Rinn an sluagh caoidh air son sgrios nam Beniamineach. 16 Thug iad comhairle dhoibhsan diubh a mhair beò, mnà a' ghlacadh dhoibh féin do nigheanaibh Shiloh, 'nuair a thigeadh iad a mach a dhannasadh.*

A NIS mhionnaich fir Israeil ann am Misphe, ag ràdh, Cha toir fear air bith againn a nighean do Bheniamin 'na mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar am fianuis Dhé, agus thog iad suas an guth, agus ghuil iad gu goirt;

3 Agus thubhairt iad, C'ar son, O Thighearna Dhé Israel, a thàinig an nì so gu crìch ann an Israel, gu'm biodh an diugh aon treubh a dh'èasbhuidh air Israel?

4 Agus air an là màireach dh'éirich an sluagh gu moch, agus thog iad an sin alt-air, agus dh'ìobair iad ìobairte-loisgte agus ìobairte-sith.

5 Agus thubhairt clann Israeil, Cò am measg uile treubhan Israeil, nach dh'fhàinig a nìos maille ris a' choimhthional a dh'ionnsuidh an Tighearna? oir rinn iad mìonnan mòra mu thimchioll-san nach tigeadh a nìos a dh'ionnsuidh an Tighearna gu Misphe, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin ann bràthar, agus thubhairt iad, Ghearradh air falbh an diugh aon treubh o Israel.

7 Cionnus a nì sinn air son bhan dhoibhsan a mhair, agus gu'n do mhionnaich sinn air an Tighearna, nach toir sinn dhoibh d'ar nigheanaibh mar mnaibh?

8 Agus thubhairt iad, Cia an aon do threubhaibh Israeil, nach d'fhàinig a nìos a dh'ionnsuidh an Tighearna gu Misphe? agus, feuch, cha d'fhàinig duine do'n champ o Iabes-ghilead a dh'ionnsuidh a' choimhthional.

9 Oir dh'àirmheadh an sluagh, agus, feuch, cha robh neach air bith an sin do luchd-àiteachaidh Iabes-ghilead.

10 Agus chuir an coimhthional an sin dà mhìle dheug fear dhiubhsan bu tréine, agus dh'àithn iad dhoibh, ag ràdh, Falbh-aibh agus buailibh luchd-àiteachaidh Iabes-ghilead le faobhar a' chlaidheimh, maille ris na mnaibh agus ris a' chloinn.

11 Agus so an nì a nì sibh, Sgriosaidh sibh gu tur gach frionnach, agus gach bean a luidh le frionnach.

12 Agus fhuair iad am measg luchd-àiteachaidh Iabes-ghilead ceithir cheud maighdean òg, aig nach robh aithne air fear le luidhe le frionnach sam bith: agus thug iad do'n champ iad gu Siloh, a tha ann an tìr Chanaain.

13 Agus chuir an coimhthional uile daoine uatha, agus labhair iad ri cloinn Bheniamin a bha ann an carraig Rimoin, agus ghairm iad orra ann an sìth.

14 Agus thàinig Beniamin a ris anns an àm sin; agus thug iad dhoibh mnà a' ghléidh iad beò do mnaibh Iabes-ghilead: gideadh cha d'fhuair iad na bu leòr mar sin.

15 Agus ghabh an sluagh aithreachas a thaobh Bheniamin, a chionn gu'n d'rinn an Tighearna briseadh ann an treubhan Israeil.

16 Agus thubhairt seanairean a' choimhthional, Cionnus a nì sinn air son bhan dhoibhsan a mhair, oir sgriosadh na mnà mach à Beniamin?

17 Agus thubhairt iad, Tha oighreachd ann air an son-san a chaidh as do Bheniamin: agus cha sgriosar treubh á h-Israel.

18 Gideadh, cha'n fheud sinn mnà a thoirt doibh d'ar nigheanaibh féin; oir mhionnaich clann Israeil, ag ràdh, Mall-aichte gu robh e san a bheir bean do Bheniamin.

19 An sin thubhairt iad, Feuch, tha féill an Tighearna ann an Siloh gach bliadhna, anns an àit a tha air an taobh mu thuath do Bhet-el, air an taobh an ear do'n rathad mhòr a tha dol suas o Bhet-el gu Sechem, agus air an taobh mu dheas do Lebonah.

20 Uime sin dh'àithn iad do chloinn Bheniamin, ag ràdh, Falbh-aibh, agus deanaibh feall-fholach anns na fion-lìosaibh;

21 Agus seallaibh, agus, feuch, ma thig nigheana Shiloh a mach a dhannasadh ann an cannaibh, an sin thigibh-sa mach as

RUT, I.

na fion-liosaibh, agus glacaibh gach fear dhibh a bhean do nigheanaibh Shiloh, agus rachaibh gu tìr Bheniamin.

22 Agus tarlaidh, 'nuair a thig an aithriche na am bràithre d'ar n-ionnsuidh ne a dheanamh gearain, gu'n abair sinne riu, Bithibh bàigheil riu air ar soin-ne, a chionn nach do ghléidh¹ sinn do gach fear a bhean anns a' chogadh; oir cha d'thug sibhse dhoibh anns an àm so, air chor as gu'm biodh sibh ciontach.

23 Agus rinn clann Bheniamin mar sin, agus ghabh iad mnàì dhoibh féin a réir

¹ ghabh. Eabh.

an aireimh, dhiubhsan a bha dannsadh, a ghlac iad; agus chaidh iad agus phill iad a dh'ionnsuidh an oighreachd, agus thog iad suas na bailtean, agus ghabh iad còmhnuidh anna.

24 Agus dh'imich clann Israeil as a sin san àm sin, gach duine a dh'ionnsuidh a thréibhe, agus a dh'ionnsuidh a theaghlach, agus chaidh iad a mach as a sin gach duine a dh'ionnsuidh 'oighreachd féin.

25 Anns na làithibh sin cha robh rìgh air bith ann an Israel: rinn gach duine an nì sin a bha ceart 'na shùilbh féin.

RUT.

CAIB. I.

1 Chaidh Elimelech agus a theaghlach gu bhì air chuairt ann am Moab, air son na gorta a bha ann an tìr Iudah. 6 An déigh a bhàis, phill a bhean Naomi dhachaidh, maille r'a ban-chliamhuin Rut.

ANIS ri linn nam breitheamhna¹, bha gorta san tìr: agus chaidh duine àraidh do Bhet-lehem Iudah gu bhì air chuairt ann am fearann Mhoab, e féin agus a bhean, agus a dhithis mhac.

2 Agus b'e ainm an duine Elimelech, agus ainm a mhnà Naomi, agus ainm a dhithis mhac Mahlon agus Chilion, Ephrataich do Bhet-lehem Iudah: agus thàinig iad gu fearann Mhoab, agus dh'fhan² iad an sin.

3 Agus fhuaire Elimelech fear Naomi bàs; agus dh'fhàgadh ise agus a dithis mhac.

4 Agus ghabh iad dhoibh féin mnàì do na Ban-mhoabaich: be ainm aoin diubh Orpah, agus ainm na mnà eile Rut; agus ghabh iad còmhnuidh an sin mu thimchioll deich bliadhna.

5 Agus fhuaire mar an ceudna Mahlon agus Chilion le chéile bàs; agus dh'fhàgadh a' bhean as eugmhais a dithis mhac, agus as eugmhais a fir.

6 Agus dh'éirich i suas maille r'a ban-chliamhuinibh³, a chum gu'm pilleadh i o fhearann Mhoab: oir chual⁴ i ann am fearann Mhoab, gu'n d'amhairc an Tighearn air a shluagh le aran a thabhairt doibh.

7 Uime sin chaidh i mach as an àite san robh i, agus a dà bhan-chliamhuin maille rithe; agus dh'imich iad air an t-slighe gu dol air an ais do thìr Iudah.

8 Agus thubhairt Naomi r'a dà bhan-

chliamhuin, Falbhaibh, pilleadh gach aon agaibh do thigh a màthar: gu'm buineadh an Tighearna gu caoimheal ribh, mar a bhuin sibhse riutha-san nach maireann⁴, agus riumsa.

9 Gu'n tugadh an Tighearna dhuibh gu'm faigh sibh fois, gach aon dhibh ann an tigh a fir. An sin phòg i iad: agus thog iad suas an guth, agus ghuil iad.

10 Agus thubhairt iad rithe, Gu cinnteach maille riutsa pillidh sinne dh'ionnsuidh do shluaigh.

11 Agus thubhairt Naomi, Pillibh, mo nigheana; c'ar son a théid sibh maille riumsa? am bheil fathast mic agam-sa a'm' innibh⁵, gu bhì agaibh 'nam fir?

12 Pillibh, mo nigheana; imichibh; oir tha mise tuille's sean gu fear a bhi agam: nan abrainn, Tha dòchas agam, nam biodh fear agam eadhon an nochd, agus mar an ceudna gu'm beirinn mic,

13 Am feitheadh sibh riu gus an cinnteadh iad? am fanadh sibh air an son gun fhir a bhi agaibh? na deanaibh sin, mo nigheana; oir tha mi ro dhoilich air bhrùsonsa, gu'n deachaidh làmh an Tighearn a mach a'm' aghaidh-sa.

14 Agus thog iad suas an guth, agus ghuil iad a ris: agus phòg Orpah a màthair-chéile, ach dhlùth-lean Rut rithe.

15 Agus thubhairt i, Feuch, tha do phiuthar-chéile air pillinn a dh'ionnsuidh a sluaigh, agus a dh'ionnsuidh a diathan⁶; pill thusa 'n déigh do pheathar-chéile.

16 Agus thubhairt Rut, Na h-tarr orm t'fhàgail, no pillinn o bhi 'gad leantunn: oir ge b'e taobh a théid thusa, théid mise; agus far an gabh thusa tàmh, gabhaidh

¹ anns na làithibh anns an d'thug na breitheamhna na breth. Eabh.

² bha. Eabh.

³ mmaibh a dà mhac.

⁵ a'm' bhroinn.

⁴ ris na mairbh. Eabh.

⁶ dée.

mise tàmh: *is e do shluagh-sa mo shluagh-sa*, agus do Dhia-sa mo Dhia-sa.

17 Far am faigh thusa bàs, gheibh mise bàs, agus an sin adhlaicear mi. Gu'n deanadh an Tighearna mar sin ormsa, agus tuille mar an ceudna, *ma* chuireas ach am bàs dealachadh eadar mise agus thusa.

18 'Nuair a chunnaic i gu'n robh i suidhichte¹ air dol maille rithe, an sin sguir i do labhairt rithe.

19 Agus dh'imich iad le chéile gus an dh'thàinig iad gu Bet-lehem. Agus an uair a bha iad air teachd gu Bet-lehem, ghluaisedh am baile uile mu'n timchioll, agus thubhairt iad, An i so Naomi?

20 Agus thubhairt ise riu, Na h-abraibh Naomi rium: abraibh Mara rium; oir bhuin an t-Uile-chumhachdach gu ro gheur rium.

21 Chaidh mi mach làn, agus thug an Tighearn air m'ais mi falamh. C'ar son ma ta their sibh Naomi rium, agus gu'n d'thug an Tighearna fianuis a'm' aghaidh, agus gu'n do chuir an t-Uile-chumhachdach fo àmhghar mi?

22 Mar sin phill Naomi, agus Rut a' Bhan-mhoabach, bean a mic, maille rithe, a phill á fearann Mhoab: agus thàinig iad gu Bet-lehem ann an toiseach na buain eorna².

CAIB. II.

1 Chaidh Rut a dhìoghlum ann an achadh Bhoais
4 Chuir esan eolas oirre, 8 agus nochd e caomh-neas dhi.

A GUS bha aig Naomi caraid a thaobh a fir, duine cumhachdach aig an robh mòr-bheartas, do theaghlach Elim-eileich, agus b'e 'ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus diasan arbhair a dhìoghlum³ an déigh an ti sin, aig am faigh mi deadh-ghean⁴ 'na shùilbh. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dhìoghlum i san achadh an déigh nam buanaichean; agus thachair dhi dol air earrann do'n achadh *bu* le Boas, a *bha* do theaghlach Elim-eileich.

4 Agus, feuch, thàinig Boas o Bhet-lehem, agus thubhairt e ris na buanaichibh, Gu robh an Tighearna maille ribh: agus thubhairt iadsan ris, Gu'm beannaicheadh an Tighearn thusa.

5 An sin thubhairt Boas r'a òglach a chuireadh os ceann nam buanaichean, Cò leis an òg-bhean⁵ so?

6 Agus fhreagair an t-òglach a chuireadh os ceann nam buanaichean, agus

thubhairt e, *Is i* so an òg-bhean Mhaobach, a thàinig air a h-ais maille ri Naomi á fearann Mhoab:

7 Agus thubhairt ise, Guidheam ort, leig dhomh dìoghlum, agus tional am measg nan sguab an déigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach chuinn thu, mo nighean? Na gabh a dhìoghlum ann an achadh eile, agus na falbh á so, ach fan an so làimh ri m' ghrugaichibh-sa.

9 *Bitheadh* do shùilean air an achadh a bhuaineas iad, agus falbh thusa 'nan déigh. Nach d'àithn mise do na h-òganaich gun bheantuinn riut? agus an uair a bhios iotadh⁶ ort, falbh a dh'ionnsuidh nan soithichean, agus òl do'n uisge a tharruing na h-òganaich.

10 An sin thuit i air a h-aghaidh, agus chrom si i féin gu làr, agus thubhairt i ris, C'ar son a fhuair mi deadh-ghean a'd' shùilbh, gu'n cuireadh tu eòlas orm, agus mi a'm' choigreach?

11 Agus fhreagair Boas, agus thubhairt e rithe, Dh'innsadh gu h-ionlan dhomh-sa gach *ni* a rinn thu do d' mhàthair-chéile an déigh bàis t'fhir, agus mar a dh'fhàg thu t'athair agus do mhàthair, agus an tìr anns an d'rugadh tu, agus a tha thu air teachd a dh'ionnsuidh sluaigh nach b'àithne dhuit roimhe so.

12 Gu'n dioladh an Tighearna do shaoth air, agus gu robh do dhuais iomlan o'n Tighearna Dia Israeil, fuidh a sgiathaibh an d'thàinig thu a chur do dhòchais⁷.

13 Agus thubhairt ise, Faigheam deadh-ghean a'd' shùilbh, mo Thighearna, do bhrìgh gu'n d'thug thu sòlas dhomh, agus gu'n do labhair thu gu caomhneil ri d' bhanoglaich⁸, ged nach 'eil mi cosmhuil ri h-aon do d' ghrugaichibh-sa.

14 Agus thubhairt Boas rithe, Aig am bidh thig thusa an so, agus ith do'n aran, agus tum do ghreim anns an fhion-gheur, Agus shuidh i ri taobh nam buanaichean: agus shìn e dhi *siol* cruaidhichte, agus dh'ith i, agus shàsuicheadh i, agus dh'fhàg i fuigheall.

15 Agus an uair a dh'éirich i suas gu dìoghlum, dh'àithn Boas d'a òganaich, ag ràdh, Eadhon am measg nan sguab dìoghluimeadh i, agus na cuiribh nàire oirre⁹.

16 Agus cuideachd leigibh d'ur deoin le *cuid* do na draghaibh¹⁰ tuiteam air a son, agus fàgaibh *iad* a chum gu'n dìoghlum i *iad*, agus na tugaibh achmhasan dhi.

17 Mar sin dhìoghlum i san achadh gu

¹ leagta.

² a thional.

³ tart, pathadh.

⁴ fogharaidh an eorna.

⁵ caomhneas.

⁶ cailin.

⁷ earbhsaidh.

⁸ gu'n do labhair thu ri cridhe do bhanoglaich.

⁹ Eabh.

¹⁰ na maslaichibh i.

¹¹ glacaidibh.

feasgar, agus bhuail i as na dhìoghluim i; agus bha ann mu thimchioll ephah eorna.

18 Agus thog i suas e, agus chaidh i do'n bhaile, agus chunnaic a màthair-chéile na dhìoghluim i; agus chuir i a làthair, agus thug i dhi na dh'fhàg i, an dèigh dhi bhi sàsuichte.

19 Agus thubhairt a màthair chéile rithe, C'ait an do dhìoghluim thu'n diugh? agus c'ait an do shaothraich thu? beannaichte gu robh an ti a chuir eòlas ort. Agus dh'innis i d'a màthair-chéile co aig a shaothraich i, agus thubhairt i, *Is* e ainm an duine aig an do shaothraich mi 'n diugh, Boas.

20 Agus thubhairt Naomi r'a ban-chliamhuin, Beannaichte gu robh esan o'n Tighearna, nach do leig dheth a chaoimhneas do na beòthaibh, agus do na marbhaibh. Agus thubhairt Naomi rithe, *Tha* 'n duine dlùth an dàimh dhuinn; is aon e d'ar dilsibh a's faigse¹.

21 Agus thubhairt Rut a' Bhan-mhoabach, Mar an ceudna thubhairt e riumsa, Làimh ri m'òganaich-sa fanaidh tu, gus an crìochnaich iad m'fhoghar uile.

22 Agus thubhairt Naomi ri Rut a ban-chliamhuin, *Is* fearr dhuit, mo nighean, dol a mach maille r'a ghruagaichibh, a chum nach coinnich iad thu ann an achadh sam bith eile.

23 Dh'fhan i uime sin làimh ri gruagaichibh Bhoais a dhìoghluim, gus an do chrìochnaich iad foghar² an eorna, agus foghar a' chruihneachd; agus ghabh i còmhnuidh maille r'a màthair-chéile.

CAIB. III.

1 *Air comhairle Naomi, 5 chaidh Rut agus luidh i aig còsaibh Bhoais. 13 Gheall Boas gu'n deanadh e rithe dlìghe fir-dàimh.*

AN sin thubhairt Naomi a màthair-chéile rithe, Mo nighean, nach iarr mise suaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Feuch, *bithidh* e a' fasnadh eorna an nochd air an urlar-bhualaidh.

3 Uime sin nìgh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach* na dean thu féin aithnichte³ do'n duine, gus an sguir e dh'itheadh agus a dh'òl.

4 Agus an uair a luidheas e sìos, bheir thu fa'near an t-àit anns an luidh e, agus théid thu agus rùisgidh tu a chosan, agus luidhidh tu sìos; agus innsidh e dhuit ciod a nì thu.

5 Agus thubhairt i rithe, Gach *ni* a tha

thu ag ràdh rium, nì mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dl'òl Boas, agus a bha a chridhe subhach, chaidh e a luidhe sìos aig ceann an dùin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mheadhonoidhe, bha eagal air an duine, agus thionndaidh se e féin; agus, feuch, bean 'na luidhe aig a chosaibh.

9 Agus thubhairt e, Cò thusa? Agus fhreagair i, *Is* mise Rut do bhanoglach: sgaol uime sin iomall t'èudaich air do bhanoglaich, oir *is* fear-dàimh⁴ thu.

10 Agus thubhairt e, Beannaichte gu robh thusa o'n Tighearna, mo nighean; nochd thu tuille caomhneis mu dheireadh na an toiseach, do bhrìgh nach deachaidh tu 'n dèigh òigfheara, bochd no beartach.

11 Agus a nis, mo nighean, na biodh eagal ort; gach *ni* a tha thu ag iarraidh, nì mi dhuit; oir tha fios aig uile bhaile mo shluaigh gur bean shubhailceach⁵ thu.

12 Agus a nis tha e fìor gur fear-dàimh *dhuit* mise; gidheadh tha fear-dàimh a's faigse *dhuit* na mi.

13 Fan an nochd, agus anns a' mhaduinn ma nì e riut dlìghe fir-dàimh⁶, *tha* sin gu maith, deanadh e dlìghe fir-dàimh; ach mur bi e toileach dlìghe fir-dàimh a dheanamh riut, an sin nì mise dlìghe fir-dàimh riut, *mar* is beò an Tighearna: luidh sìos gu maduinn.

14 Agus luidh i sìos aig a chosaibh gu maduinn: agus dh'éirich i mu'n robh e 'n comas do dhuine duin' eile aithneachadh. Agus thubhairt e, Na biodh fios *aig neach air bith* gu'n d'thàinig bean a steach do'n urlar-bhualaidh.

15 Mar an ceudna thubhairt e, Thoir *an so* am brat *a tha* agad umad, agus cum e. Agus chum i e, agus thomhais e sè *toimhsean* eorna, agus chuir e oirre *iad*; agus chaidh i a steach do'n bhaile.

16 Agus an uair a thàinig i dh'ionnsuidh a màthair-chéile, thubhairt i, Cò thusa, mo nighean? agus dh'innis i dhi gach *ni* a rinn an duine dhi.

17 Agus thubhairt i, Na sè *toimhsean* eorna so thug e dhomh; oir thubhairt e rium, Na imich falamh a dh'ionnsuidh do mhàthair-chéile.

18 Agus thubhairt ise, Fuirich, mo nighean, gus am bi fios agad cionnus a dh'èireas do'n chùis: oir cha bhi an duine

¹ d'ar luchd-fuasglaidh. Eabh. ² foghlmar. Eir.

³ na nochd, na feuch, na leig ris thu féin.

⁴ aon d'ar dilsibh; fear-fuasglaidh. Eabh.

⁵ aig am bheil deadh bheusan.

⁶ ma dh'fhuasgaileas e thu. Eabh.

aig fois gus an crìochnaich e 'n gnothluch an diugh.

CAIB. IV.

1 *Ghairm Boas air an fhear-dàimh a b'fhuigse, chum gu'm fuasgladh e fearann Elimelech.*
 6 *Dhiult esan 'fhuasgladh.* 13 *Phòs Boas Rut.*
 17 *Rug ise, Obed, sean-athair Dhaibhidh.*

AN sin chaidh Boas suas a dh'ionn-suidh a' gheata, agus shuidh e sìos an sin: agus, feuch, bha 'm fear-dàimh mu'n do labhair Boas a' dol seachad, agus thubhairt e ris, Ho, a leithid so a dh'fhear! thig a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine do sheanairibh a' bhaile, agus thubhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais á fearann Mhoib, gu earrann do'n achadh bu le ar bràthair Elimelech reiceadh.

4 Agus smuainich mi air fios a thoirt duit, ag ràdh, Ceannaich e am fianuis an luchd-àiteachaidh, agus am fianuis shean-airean mo shluaigh: ma dh'fhuasgail-eas tu e, fuasgail e; ach mur fuasgail thu e, innis dhomh, a chum gu'm bi fios agam: oir cha 'n'eil neach air bith ann gu 'fhuasgladh ach thusa, agus mise a'd' dhéigh-sa. Agus thubhairt esan, Fuasgailidh mise e.

5 An sin thubhairt Boas, San là anns an ceannaich thu 'n t-achadh o làimh Naomi, feumaidh tu cuideachd a cheannach o Rut a' Bhan-mhoabach, bean a' mhairbh, a thogail suas ainme a' mhairbh air 'oighreachd-san.

6 Agus thubhairt am fear-dàimh, Cha 'n fheud mi 'fhuasgladh dhomh féin, air eagal gu mill mi m' oighreachd féin: fuasgail thusa mo chòir dhuit féin, oir cha 'n fheud mise a fuasgladh.

7 A nis b'e so o shean¹ an gnàth ann an Israel a thaobh fuasglaidh, agus a thaobh iomlaid², a dhaingneachadh gach *ni*: chuireadh duine dheth a bhròg, agus bheireadh e d'a choimhearsnach *i*: agus bha so mar fhianuis ann an Israel.

8 Uime sin thubhairt am fear-dàimh ri Boas, Ceannaich air do shon féin e: agus chuir e dheth a bhròg.

9 Agus thubhairt Boas ris na seanairibh, agus ris an t-sluagh uile, *Is fianuisean*

sibhse an diugh, gu'n do cheannaich mise gach *ni bu* le Elimelech, agus gach *ni bu* le Chilion, agus le Mahlon, o làimh Naomi.

10 Agus mar an ceudna Rut a' Bhan-mhoabach, bean Mhahloin, cheannaich mi dhomh féin gu bli 'na mnaoi agam, a thogail suas ainme a' mhairbh air 'oighreachd, a chum nach gearrar as ainm a' mhairbh á meadhon a bhràithrean, agus o gheata 'àite féin: *is* fianuisean sibhse an diugh.

11 Agus thubhairt an sluagh uile a bha sa' gheata, agus na seanairian *Is* fianuisean sinn: gu'n deanadh an Tighearn a' bhean a tha teachd a dh'ionnsuidh do thighe, mar Rachel agus mar Leah, a thog suas le chéile tigh Israeil: agus dean thusa gu cubhaidh³ ann an Ephratah, agus bi cliùiteach ann am Bethlehem;

12 Agus bitheadh do thigh mar thigh Phareis, (a rug Tamar do Iudah,) do'n t-sliochd a bheir an Tighearna dhuit o'n mnaoi òig so.

13 Agus ghabh Boas Rut, agus bha i aige 'na mnaoi: agus chaidh e stigh d'a h-ionnsuidh, agus thug an Tighearna toirrechas dhi, agus rug i mac.

14 Agus thubhairt na mnà ri Naomi, Beannaichte gu robh an Tighearna nach d'fhàg thusa an diugh gun fhear-dàimh, a chum gu'm bi 'ainm cliùiteach⁴ ann an Israel.

15 Agus bithidh e dhuit 'na fhear athnuadhachaidh do bheatha⁵, agus 'na fhear-altrum do shean aois: oir is i do bhan-chliamhuin, aig am bheil gràdh dhuit, a's fearr dhuit na seachd mic, a rug e.

16 Agus ghabh Naomi an leanabh, agus chuir i na h-uchd e, agus bha i 'na ban-altrum aige.

17 Agus thug na ban-choimhearsnaich ainm air, ag ràdh, Rugadh mac do Naomi; agus thug iad Obed mar ainm air: *Is* esan athair Iese, athar Dhaibhidh.

18 A nis *is* iad so gincalaich Phareis: Ghin Phares Hesron,

19 Agus ghin Hesron Ram, agus gliu Ram Aminadab,

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.

¹ roimh.

² feartail, buadhar.

² malairt.

⁴ gu'n goirear 'ainm. Eabh.

⁵ na fhear-aisig l'anama. Eabh.

CEUD LEABHAR SHAMUEIL,

D'AN AINM, AIR MHODH EILE,

CEUD LEABHAR NAN RIGH.

CAIB. I.

1 *Elcanah agus a dhà mhnaoi.* 9 *Urnuigh Hanah.*
20 *Rugadh Samuel.*

ANIS bha duine àraidh o Ramataim-sophim, o shliabh Ephraim, agus *b'e* ainm Elcanah, mac Ierohaim, mhic Elihu mhic Tholhu, mhic Shuph, Ephratach.

2 Agus bha dithis bhan aige: ainm mnà dhiubh Hanah, agus ainm ra *mnà* eile Peninah. Agus aig Peninah bha clann, ach aig Hanah cha *robh* clann.

3 Agus thàinig an duine so nìos as a bhaile gach bliadhna¹, a dheanamh aoraidh agus a dh'ìobradh do Thighearna nan sluagh ann an Siloh: agus *bha* dà mhac Eli, Hophni agus Phinehas, sagartan an Tighearn, an sin.

4 Agus an uair a thàinig an t-àm anns an d'ìobair Elcanah, thug e d'a mhnaoi Peninah, agus d'a mic uile agus d'a nigh-eanaibh, cuibhrionnan.

5 Ach do Hanah thug e cuibhrionn dhù-bailte²; oir ghràdhaich e Hanah: ach dhruid an Tighearn a brù.

6 Agus bhrosnaich a h-eascaraid i mar an ceudna gu feirg, a thoirt oirre gearan a dheanamh³, a chionn gu'n do dhruid an Tighearn a brù.

7 Agus mar sin rinn e gach bliadhna, 'nuair a thàinig i nìos do thigh an Tighearna, mar sin bhrosnaich si i. Uime sin ghuil i, agus cha'n itheadh i.

8 An sin thubhairt Elcanah a fear rithe, A Hanah, c'ar son a tha thu a' gul⁴? agus c'ar son nach 'eil thu ag itheadh? agus c'ar son a tha do chridhe air a chràdh? nach fearr mise dhuit na deich mic?

9 Agus dh'èirich Hanah suas an déigh dhoibh itheadh ann an Siloh, agus an déigh dhoibh òl: (a nis bha Eli an sagart 'na shuidhe air caithir làimh ri ursainn ann an teampull an Tighearn:)

10 Agus bha i air a cràdh 'na h-anam, agus rinn i urnuigh ris an Tighearn, agus ghuil i gu goirt.

11 Agus bhòidich i bòid, agus thubhairt i, O Thighearna nan sluagh, ma dh'amhairceas tu da rìreadh air àmhghar do bhan-oglaich, agus gu'n cuimhnich thu orm, agus nach dìchuimhnich thu do bhanoglach, ach gu'n toir thu do d' bhan-oglaich, leanabh gille, an sin bheir mi e do'n Tighearna rè uile làithean a bheatha,

agus cha téid ealtainn air a cheann.

12 Agus an uair a bhuaanaich i ri h-urnuigh an làthair an Tighearna, thug Eli fa' near a beul.

13 A nis bha Hanah a' labhairt 'na cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhisg.

14 Agus thubhairt Eli rithe, Cia fad a bhios tu air mhisg? cuir air falbh t'fhion uait.

15 Agus fhreagair Hanah agus thubhairt i, Ni h-eadh, mo thighearn; *is* bean mise a tha tuirseach a'm spiorad; aon chuid fion no deoch làidir cha d'òl mi, ach dhoirt mi mach m'anam an làthair an Tighearna.

16 Na meas do bhanoglach mar nighean do Bhelial: oir is ann á ro mheud mo ghearain agus mo dhoilgheis a labhair mi gus a nis.

17 An sin fhreagair Eli agus thubhairt e, Imich an sìth: agus gu'n tugadh Dia Israeil *dhuit* t'iarrtas a dh'ìarr thu air.

18 Agus thubhairt ise, Faigheadh do bhanoglach deadh-ghean a'd' shùilb. Agus dh'imich a' bhean roimpe, agus dh'ith i, agus cha robh a gnùis ni b'fhaide *dubhach*.

19 Agus dh'èirich iad gu moch anns a' mhaduinn, agus rinn iad aoradh an làthair an Tighearn, agus phill iad, agus thàinig iad a dh'ionnsuidh an tighe gu Ramah: agus dh'aithnich Elcanah a bhean Hanah, agus chuimhnich an Tighearn oirre.

20 Uime sin tharladh, an uair a thàinig an t-àm mu'n cuairt, an déigh do Hanah fàs torrach, gu'n d'rug i mac; agus thug i Samuel mar ainm air, *agràdh*, Do bhrìgh gu'n d'ìarr mi e air an Tighearn.

21 Agus chaidh an duine Elcanah, agus a thigh uile, suas a dh'ìobradh do'n Tighearna na h-ìobairt bliadhnaile, agus a *choimhlonadh* a bhòide.

22 Agus cha deachaidh Hanah suas: oir thubhairt i r'a fear, *Cha téid mise suas* gus an cuirear an leanabh bhàrr na cìche, agus an sin bheir mi leam e, chum gu'n taisbeanar e am fianuis an Tighearn, agus gu'm fan e 'n sin gu bràth.

23 Agus thubhairt Elcanah a fear rithe, Dean mar is maith leat; fan gus an cuir thu bhàrr na cìche e; a mhàin daingnich-

¹ o làithibh gu làithibh. Eabh.

² thaitneach.

³ 'ga cur fo champar

⁴ a' gal.

I. SAMUEL, I. II.

eadh an Tighearn 'fhocal. Agus dh'fhan a' bhean, agus thug i crìoch d'a leanabh, agus an do chuir i bhàrr na cìche e.

24 Agus an uair a chuir i bhàrr na cìche e, thug i suas leatha e, maille ri tri-bliadh-nach tairbh¹, agus aon ephah do mhin mhin², agus searrag fhiona, agus thug i e do thigh an Tighearn ann an Siloh: agus bha 'n leanabh òg.

25 Agus mharbh iad an tarbh, agus thug iad an leanabh a dh'ionnsuidh Eli.

26 Agus thubhairt i, Mo thighearna, mar is beò t'anam, mo thighearna, is mis³, a' bhean a sheas làimh riut an so, a' deanamh urnuigh ris an Tighearn.

27 Air son an leinibh so rinn mi urnuigh; agus thug an Tighearna dhomh m'iarrtus a dh'iarr mi air:

28 Agus uime sin thug mi seachad gu saor e³ do'n Tighearna: rè uile làithean a bheatha thugadh seachad e⁴ do'n Tighearn ainm. Agus rinn e aoradh do'n Tighearn an sin.

CAIB. II.

1 *Laoidh Hanah.* 12 *Aingidheachd mhac Eli.*

18 *Fhrithheil Samuel an làthair an Tighearna.*

27 *Fàistneachd an aghaidh tighe Eli.*

AGUS rinn Hanah urnuigh, agus thubhairt i, Tha mo chridhe a' deanamh gàirdreachais anns an Tighearna; dh'àrd-achaidh m'adharc anns an Tighearna; rinneadh mo bheul farsaing os ceann mo naimhde, do bhrìgh gu bheil mi aoibhneach ann do shlàinte-sa.

2 Cha 'n'eil neach air bith naomha mar an Tighearn; oir cha 'n'eil neach ann ach thu, agus cha 'n'eil carraig ann mar ar Dia-ne.

3 Na labhraibh nì's mò cho ro uaibhreach; na tigeadh àrdan⁵ a mach as bhur beul; oir is Dia eòlais an Tighearn, agus leisean tha gnìomharan air an cothromachadh⁶.

4 Tha boghanna nan daoine treuna air am briseadh, agus tha iadsan a thuislich air an crioslachadh le neart.

5 *Iadsan a bha làn*, air son arain thuar-asdalaich siad iad féin; agus *iadsan a bha* ocrach, sguir iad *do bhì mar sin*: ise a bha roimhe neo-thorrach, rug i seachdnar; agus ise aig an robh mòran cloinne, dh'fhàs i fann.

6 'Se 'n Tighearn a mharbhas agus a bheothaicheas: bheir e sìos a dh'ionnsuidh na h-uaghe, agus bheir e nìos.

7 'Se 'n Tighearn a nì bochd, agus a nì beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òtrach togaidh e suas am feumach, g'an

cur 'nan suidhe maille ri uachdaranaibh⁷, agus a thoirt orra caithir glòire a shealbhadh; oir is leis an Tighearna bunaite na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aingidh tosdach ann an dorchadas; oir le neart cha bhuadhaich duine sam bith.

10 Brisear 'nam bloighdibh eascairdean an Tighearn: as na nèamhaibh nì e tairn-eanach orra: bheir an Tighearna breth air crìochaibh na talmhainn; agus bheir e neart d'a rìgh, agus àrdaichidh e adharc 'Aoin ungta féin.

11 Agus dh'imich Elcanah gu Ramah d'a thigh; agus fhrithheil an leanabh do'n Tighearn am fianuis Eli an t-sagairt.

12 A nis *bu* mhic do Bhelial mic Eli; cha b'àithne dhoibh an Tighearn.

13 Agus *b'e* gnàth nan sagart leis an t-sluagh, an uair a dh'ìobradh duine sam bith ìobairt, gu'n tigeadh òglach an t-sagairt, an uair a bha 'n fheoil 'ga bruicheadh, agus greimiche-feòla thri meur 'na làimh;

14 Agus bhuaileadh e san aghann e, no sa' choire bheag, no sa' choire mhòr, no sa' phoit; gach nì a bheireadh an greimiche-feòla suas, ghabhadh an sagart air a shon féin: mar sin rinn iad ann an Siloh, ris na h-Israelich uile a thàinig an sin.

15 Mar an ceudna mun loisgeadh iad an t-saill, thigeadh òglach an t-sagairt, agus theireadh e ris an duine a dh'ìobairt, Thoir feoil g'a ròstadh do'n t-sagart: oir cha ghabh e uait feoil bhuirich, ach amh.

16 Agus *nan* abradh duine sam bith ris, Na dearmadadh iad an t-saill a losgadh air ball, agus an *sin* gabh dhuit féin mar is miann le t'anam; an sin fhreagradh e, *Nì h-eadh*, ach bheir thu *dhomh* a nis; agus mur tabhair, gabhaidh mi a dh'aindeoin.

17 Uime sin bha peacadh nan òganach ro mhòr am fianuis an Tighearn; oir rinn daoine tarcuis air ìobairt an Tighearn.

18 Ach fhrithheil Samuel an làthair an Tighearn, agus e 'na leanabh, air a chrìoslachadh le ephod do lion-eudach.

19 Agus rinn a mhàthair dha cota beag, agus thug i d'a ionnsuidh e o bhliadhna gu bliadhna, 'nuair a chaidh i suas maille r'a fear a dh'ìobradh na h-ìobairt bliadh-nail.

20 Agus bheannaich Eli Elcanah, agus a bhean, agus thubhairt e, Gu'n tugadh an Tighearna dhuit sliochd o'n mhnai so, air son an tiodhlaic a thug i seachad⁸

¹ eugmhais-san.

⁷ uaislibh.

⁸ air son an iarrtuis a dh'iarr i, air son a' choin-ghill a thugadh no thug thu.

¹ maille ri tri tairbh òga.

² do phlùr, do mhin chruithneachd.

³ thug mi 'n coingheall e.

⁴ dh'iarradh e, bheirear an coingheall e.

⁵ seann nìthe.

⁶ cha stiùar gnìomhara as

I. SAMUEL, II. III.

do'n Tighearn. Agus chaidh iad d'an àite féin.

21 Agus dh'amhaire an Tighearn air Hanah, agus dh'fhàs i torrach, agus rug i trì mic, agus dà nighinn. Agus dh'fhàs an leanabh Samuel suas an fianuis an Tighearn.

22 A nis bha Eli ro shean, agus chual' e gach ni a rinn a mhic ri h-Israela uile, agus cionnus a luidh iad leis na mnaibh a chruinnich aig dorus pàilliuin a' choimhthionail.

23 Agus thubhairt e riu, C'ar son a tha sibh a' deanamh a leithid so do nithibh? oir tha mi a' cluinntinn a thaobh bhur droch ghniomhara o'n t-sluagh so uile.

24 Na *deanaibh mar so*, mo mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan¹.

25 Ma pheacaicheas duine an aghaidh duin' eile, bheir am breitheamh² breth air³; ach ma pheacaicheas duine an aghaidh an Tighearna, cò a ghuidheas air a shon? gidheadh cha d'èisd iadsan ri guth an athar, do bhrìgh gu'm bu toil leis an Tighearn am marbhadh.

26 (Agus dh'fhàs an leanabh Samuel suas, agus bha e taitneach araon do'n Tighearn, agus do dhaoibh.)

27 Agus thàinig duine⁴ le Dia dh'ionnsuidh Eli, agus thubhairt e ris, Mar so tha'n Tighearn ag ràdh, An d'fhoillsich mise gu soilleir mi féin do thigh t'athar, an uair a bha iad san Eiphit, ann an tigh Pharaoh?

28 Agus an do thagh mi e á treubhaibh Israeil uile *gu bhi*⁵ na shagart agam, a dh'ìobradh⁶ air m'altair, a losgadh tùis, a dh'iomchar ephoid a'm' fhianuis? agus an d'thug mi do thigh t'athar na tabhartasan uile a bheirear suas le teine le cloinn Israeil.

29 C'ar son a tha sibh a' deanamh tàir air⁶ m'ìobairt, agus air mo thabhartas a dh'àithn mi *ann am* àite-còmhnuidh, agus a tha thu a' toirt urrainn do d' mhic os mo cheann-sa, gu sibh féin a dheanamh reamhar le roghadh⁷ uile thabhartasa mo shluaigh Israeil?

30 Uime sin tha 'n Tighearna Dia Israeil ag ràdh, Thubhairt mi gu deimhin, *gu'n* gluaiseadh do thigh-sa agus tigh t'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uam-sa; oir dhoibhsan a bheir urrainn dhomhsa bheir mise urram, agus iadsan a ni tàir ormsa, is beag am meas a bliitheas dhiubh.

31 Feuch, *tha* na làithean a' teachd anns an gearr mi dhìot do ghàirdcan, agus gàirdcan tighe t'athar, air chor as nach bi seann duine a'd' thigh.

32 Agus chi thu nàmhaid⁸ *ann am* àite-còmhnuidh-sa anns an uile shaoibhreas a bheir *Dia* do Isracl: agus cha bhi seann duine a'd' thigh-sa gu bràth.

33 Agus an duine sin agad nach gearr mi as o m' altair, *bithidh e* a chlaoidh do shùl, agus a chràdh do chridhe: agus bàsaichidh uile ghineal⁹ do thighe ann an trèin¹⁰ an neart¹⁰.

34 Agus *bithidh* so 'na chomhara dhuit, a thig air do dhithis mhac, air Hophni agus Phinehas, ann an aon là bàsaichidh iad le chèile.

35 Agus togaidh mi suas dhomh féin sagart dileas, *a* ni mar *a tha e* ann am chridhe, agus ann am inntinn; agus togaidh mi dha tigh seasmach¹¹, agus imichidh e am fianuis m' Aoin ungta gu bràth.

36 Agus tarlaidh gu'n tig gach neach a dh'fhàgar a'd' thigh a chromadh sìos da air son mìr airgid, agus greim arain; agus their e, Cuir mi, guidheam ort, ann an aon do dhreuchdaibh nan sagart, a chum gu'n ith mi greim arain.

CAIB. III.

1 Dh' fhoillsicheadh focal an Tighearna do Shamuel.

11 Chuir Dia an cèill do Shamuel an sgrìos a bha gu teachd air tigh Eli.

AGUS fhritheil an leanabh Samuel do'n Tighearn ann fianuis Eli: agus bha focal an Tighearna luachmhor anns na làithibh sin; cha robh taisbean follais-each ann.

2 Agus tharladh anns an àm sin, an uair a bha Eli 'na luidhe 'na àite; (agus thòisich a shùilean air fàilneachadh¹²: cha b'urrainn e faicinn *gu maith*;))

3 Agus mun deachaidh lòchran Dhé as, an uair a bha Samuel 'na luidhe ann an teampull an Tighearna, far an robh àire Dhé;

4 Gu'n do ghairm an Tighearn air Samuel; agus fhreagair esan, *Tha* mi 'n so.

5 Agus ruith e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thubhairt esan, Cha do ghairm mise ort; pill, luidh sìos. Agus dh'fhalbh e agus luidh e sìos.

6 Agus ghairm an Tighearn a ris air Samuel. Agus dh'éirich Samuel, agus chaidh e dh'ionnsuidh Eli, agus thubhairt e, *Tha* mi 'u so, oir ghairm thu orm. Agus fhreagair esan, Cha do ghairm mise ort, a mhic; pill, luidh sìos.

¹ clannadh, dol a leth-taobh, peacachadh.

² Dia; Elohim. Eabh. ³ guidhidh daoine ri Dia as a leth. ⁴ òglach. ⁵ gu dol suas.

⁶ a' breabadh an aghaidh. Eabh.

⁷ toiseach. Eabh.

⁸ chi thu le doilgheas agus farmad neach cile.

⁹ shlichd, fhàs.

¹⁰ nan daoibh.

¹¹ cinnteach.

¹² chaidh air a léirsinn.

I. SAMUEL, III. IV.

7 An nis cha b'aithne do Shamuel fathast an Tighearn, agus cha d'fhoillsich-eadh focal an Tighearna fathast da.

8 Agus ghairm an Tighearna fathast air Samuel an treas uair. Agus dh'éirich e, agus chaidh e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thuig Eli gu'm b'e 'n Tighearn a ghairm air an leanabh.

9 Uime sin thubhairt Eli ri Samuel, Falbh, luidh sìos; agus ma ghairmeas e ort, an sin their thu, Labhair, a Thighearn, oir *tha* do sheirbhiseach a' cluinntinn. Agus dh'fhalbh Samuel, agus luidh e sìos 'na àite féin.

10 Agus thàinig an Tighearn, agus sheas e, agus ghairm e mar air na h-uairibh eile, A Shamueil, a Shamueil. An sin fhreagair Samuel, Labhair, oir *tha* do sheirbhiseach a' cluinntinn.

11 Agus thubhairt an Tighearna ri Samuel, Feuch, ni mi ni ann an Israel, a ni gaoid¹ ann an dà chluais gach neach a chluinneas e.

12 Anns an là sin, coimhlionaidh² mi an aghaidh Eli na *nithe sin* uile a labhair mi mu thimchioll a thighe: tòisichidh mi agus crìochnaichidh mi.

13 Oir dh'innis mi dha gu'n toir mi breth air a thigh gu bràth, air son na h-aingidheachd air am bheil e fiosrach; a chionn gu 'n d'thug a mhic masladh dhomhsa³, agus nach do chaisg⁴ esan iad.

14 Agus uime sin mhionnaich mi do thigh Eli, nach glanar as aingidheachd tighe Eli le h-ìobairt, no le tabhartas gu bràth.

15 Agus luidh Samuel gu maduinn, agus dh'fhosgail e dorsan tighe an Tighearn: agus *bha* eagal air Samuel an taisbean innseadh do Eli.

16 An sin ghairm Eli air Samuel, agus thubhairt e, A Shamueil a mhic. Agus thubhairt esan, *Tha* mi 'n so.

17 Agus thubhairt e, Ciod an ni a chaidh ràdh⁵, riut? na ceil ormsa e, guidheam ort: gu'n deanadh Dia mar sin riut, agus tuilleadh mar an ceudna, ma cheileas tu ni *air bith* orm, do gach ni a chaidh ràdh riut.

18 Agus dh'innis Samuel dha na h-uile nithe, agus cha do cheil e *ni sam* bith air. Agus thubhairt esan, *Is* e 'n Tighearn a th'ann; an ni sin a ta maith 'na shùilbhih ni e.

19 Agus dh'fhàs Samuel suas, agus bha 'n Tighearna maille ris, agus cha do leig e do h-aon air bith d'a fhoclaibh tuit-eam a dh'ionnsuidh an làir.

20 Agus bha fios aig Israel uile, o Dhan

gu ruig Beer-seba, gu'n d'orduicheadh⁶ Samuel 'na fhàidh do'n Tighearn.

21 Agus thaisbeineadh an Tighearn a ris ann an Siloh; oir dh'fhoillsich an Tighearn e féin do Shamuel ann an Siloh, le focal an Tighearna.

CAIB. IV.

1 *Bhuaileadh clann Israeil roimh na Philistich.*

11 *Ghlacadh àirc Dhé, agus mharbhadh Hophni agus Phinehas.* 18 *Bàs Eli.*

A GUS thàinig focal Shamueil a dh'ionnsuidh Israeil uile. A nis chaidh Israeil a mach an aghaidh nam Philisteach gu cath, agus champaich iad làimh ri Ebeneser: agus champaich na Philistich ann an Aphec.

2 Agus tharruing na Philistich iad féin suas an ordugh blàir an aghaidh Israeil: agus chuireadh an cath, agus bhuaileadh Israel roimh na Philistich: agus mharbh iad anns a' chath sa' mhachair mu thimchioll ceithir mìle fear.

3 Agus an uair a thàinig an sluagh do'n champ, thubhairt seanairean Israeil, C'ar son a bhuaill an Tighearna sinn an diugh an làthair nam Philisteach? Thugamaid d'ar n-ionnsuidh á Siloh àirc coimhcheangail an Tighearna, chum 'nuair a thig i 'nar measg gu'n saor i sinn á làimh ar naimhde.

4 Agus chuir an sluagh *daoine* gu Siloh, a chum gu'n tugadh iad á sin àirc coimhcheangail Tighearna nan sluagh, a tha chòmhnuidh *eadar* na Cheruban: agus *bha* dithis mhac Eli, Hophni agus Phinehas, an sin maille ri àirc coimhcheangail Dé.

5 Agus an uair a thàinig àirc coimhcheangail an Tighearna do'n champ, dh'éigh Israel uile le h-iolaich⁷ mhòir, agus fhreagair an talamh do'n fhuaim.

6 Agus chuala na Philistich fuaimean na h-iolaich, agus thubhairt iad, Ciod *is ciall* do fhuaim na h-iolaiche mòire so ann an camp nan Eabhruidheach? Agus thuig iad gu'n robh àirc an Tighearn air teachd do'n champ.

7 Agus bha eagal air na Philistich, oir thubhairt iad, Tha diathan⁸ air teachd do'n champ: agus thubhairt iad, Mo thruaighe sinne! oir cha robh a leithid so do ni riamh roimhe ann:

8 Mo thruaighe sinne! cò a shaoras sinn á làimh nan diathan cumhachdach sin? *is* iad sin na diathan a bhuaill na h-Eiphitic léis gach plàigh, agus a rinn *nithe iongantach* anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'nur tràillibh aig na h-Eabhruidhich, mar

¹ fuaime. ² dùisgidh. ³ gu d' rinn a mhic iad féin mallachte. ⁴ chaisg, thoirmsig.

⁵ a thubhairt an Tighearna. ⁶ do dhaingnichadh. ⁷ gair. ⁸ Dia.

I. SAMUEL, IV. V.

a bha iadsan 'nan tràillean agaihse: bithibh ma ta fearail, agus cogaibh.

10 Agus chog na Philistich; agus bhuail eadh Israel, agus theich gach duine dhìubh a dh'ionnsuidh a bhùtha: agus bha àr ro mhòr ann; oir thuit do Israel deich mìle fichead coisiche.

11 Agus ghlacadh àirc Dhé; agus fhuair dithis mhac Eli, Hophni agus Phinehas, bàs.

12 Agus ruith duine do Bheniamin a mach as au armailt¹, agus thàinig e gu Siloh air an là sin féin, agus 'eudach air a reubadh², agus duslach air a cheann.

13 Agus an uair a thàinig e, feuch, bha Eli 'na shuidhe air caithir làimh ris an t-slighe, a' coimhead³: oir bha a chridhe air chrith air son àirc Dhé. Agus an uair a thàinig an duine do'n bhaile, agus a dh'innis se e, dh'éigh am baile uile.

14 Agus an uair a chual' Eli fuaim na h-éighich, thubhairt e, Ciod is *ciall* do fhuaim na conghair so? agus rinn an duine cablag, agus thàinig e, agus dh'innis e do Eli.

15 A nis *bha* Eli ochd bliadhna deug agus ceithir fichead a dh'aois; agus bha a shùilean mall⁴, air chor as nach faiceadh e gu *maith*.

16 Agus thubhairt an duine ri Eli, *Is* mise esan a thàinig a mach as an armailt, agus theich mise 'n diugh as an armailt. Agus thubhairt esan, Ciod a thachair, a mhic?

17 Agus fhreagair an teachdair agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àirc Dhé.

18 Agus an uair a dh'ainmich e àirc Dhé, thuit e bhàrr na cathrach an comhair a chùil làimh ris a' gheata, agus bhriseadh 'amhach, agus fhuair e bàs; oir bha e 'na sheann duine, agus trom. Agus thug e breth air Israel dà fhichead bliadhna.

19 Agus bha a bhan-chliamhuin, bean Phinehas, torrach, *dlùth* do bhi air a h-aisead⁵: agus an uair a chual' i 'n sgeul gu'n do ghlacadh àirc Dhé, agus gu'n robh a h-athair-céile marbh, agus a fear, chrom si i féin, agus rug i *mac*; oir thàinig a saothair-chloinne oirre.

20 Agus mu àm a bàs, thubhairt na *mnà* a bhaseasamh làimh rithe, Na biodh eagal ort, oir rug thu mac. Ach cha do fhreagair ise, ni mò a thug i fa' near e.

21 Agus thug i Ichabod mar ainm air an leanabh, ag ràdh, Dh'fhalbh a' ghloir

o Israel: (do bhrìgh gu'n do ghlacadh àirc Dhé, agus air son a h-athair-céile agus a fir:)

22 Agus thubhairt i, Dh'fhalbh a' ghloir o Israel; oir ghlacadh àirc Dhé.

CAIB. V.

1 *Chuir na Philistich àirc Dhé ann an tigh Dhagoin ann an Asdod.* 6 *Bhuail an Tighearna muinntir Asdoid le neasgaidean fola.* 8 *Thug na Philistich àirc Dhé gu Gat, agus à sin gu Hebron.*

A GUS ghabh na Philistich àirc Dhé, agus thug iad leo i o Ebeneser gu Asdod.

2 An sin ghabh na Philistich àirc Dhé, agus thug iad i do thigh Dhagoin, agus shuidhich iad i làimh ri Dagon.

3 Agus an uair a dh'éirich muinntir Asdoid gu moch air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearn: agus ghabh iad Dagon, agus chuir iad a ris e ua àite féin.

4 Agus an uair a dh'éirich iad gu moch sa' mhaduinn air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearn: agus *bha* ceann Dhagoin, agus dà bhois a làmh air an gearradh dheth aig an stairsnich: dh'fhàgadh a mhàin com Dhagoin aige.

5 Uime sin cha saltair sagairt Dhagoin, no neach air bith a théid a steach do thigh Dhagoin, air stairsnich Dhagoin ann an Asdod, gus an là 'n diugh.

6 Ach bha làmh an Tighearna trom air muinntir Asdoid, agus sgrios⁶ e iad, agus bhuail e iad le neasgaidean fola⁷, eadhon Asdod agus a chrìochan.

7 Agus an uair a chunnaic daoine Asdoid gu'n robh e mar sin, thubhairt iad, Cha'n fhan àirc Dhé Israeil maille ruime; oir *tha* a làmh trom⁸ oirnn, agus air Dagon ar Dia.

8 Uime sin chuir iad *fios* uatha, agus chruinnich iad uile thighearnan⁹ nam Philisteach d'an ionnsuidh, agus thubhairt iad, Ciod a ni sinn ri àirc Dhé Israeil? Agus fhreagair iadsan, Thugar àirc Dhé Israeil mu'n cuairt gu Gat. Agus thug iad mu'n cuairt àirc Dhé Israeil *gu Gat*.

9 Agus an uair a thug iad mu'n cuairt i, bha làmh an Tighearn an aghaidh a' bhaile le sgrios ro mhor, agus bhuail e daoine a' bhaile eadar bheag agus mhòr; agus bha neasgaidean fola aca 'nan àitibh dhiomhair.

10 Uime sin chuir iad air falbh àirc Dhé gu Hebron; agus an uair a bha àrc Dhé air teachd gu Hebron, dh'éigh na Hebronaich, ag ràdh, Thug iad mu'n cuairt d'ar n-ionnsuidh-ne àirc Dhé Is-

¹ as a' chath.

² slrachdadh.

³ a' faire.

⁴ rag, trom; sheas a shùilean. Eabh.

⁵ asaid.

⁶ dh'fhàsaich.

⁷ hemorrhoids. Sasg

⁸ cruaidh.

⁹ uachdarana.

I. SAMUEL, V. VI.

raeil, gu sinn fein a mharbhadh, agus ar sluagh.

11 Uime sin chuir iad *fios* uatha, agus chruinnich iad uile thighearnan nam Philisteach, agus thubhairt iad, Cuiribh air falbh àirc Dhé Israeil, agus rachadh i air a h-ais d'a h-àite féin, a chum nach marbh i sinn féin agus ar sluagh: oir bha sgrìos bàis anns a' bhaile uile; bha làmh Dhé ro throm an sin.

12 Agus na daoine nach do bhàsaich, bhuaileadh iad le neasgaidean fola; agus chaidh éigheach¹ a' bhaile suas gu nèamh.

CAIB. VI.

1 Chuir na Philistich àirc Dhé air feun nomha, agus ghiulain iad i gu Bet-semes. 17 An tabhartas a thug iad seachad. 19 Bhuaill Dia daoine Bhet-semeis a chionn gu'n do sheall iad air an àirc.

AGUS bha àirc an Tighearn ann am fearann nam Philisteach seachd mìosan.

2 Agus ghairm na Philistich air na sagartaibh, agus air na fiosaichibh, ag ràdh, Ciod a nì sinn ri àirc an Tighearna? thugaibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àirc Dhé Israeil, na cuiribh uuibh falamh i; ach air gach uile chor ìocaibh² dha tabhartas-eusaontais: an sin slànuichear sibh, agus bithidh fios agaibh c'ar son nach do phill a làmh uuibh.

4 An sin thubhairt iad, Ciod an tabhartas-eusaontais a dh'ìocas sinn da? Agus fhreagair iadsan, Cùig neasgaidean òir, agus cùig luchaidh òir, a *rèir* àireimh thighearnan nam Philisteach; oir bha aon phlàigh oirbh uile, agus air bhur tigh-earnaibh.

5 Uime sin nì sibh dealbhan bhur neasgaidean, agus dealbhan bhur luchaidh, a tha milleadh na tìre; agus bheir sibh glòir do Dhia Israeil: theagamh gu'n eutromaich e a làmh dhibh, agus do bhur diathaibh, agus do bhur tìr.

6 C'ar son uime sin a chruaidhicheas sibh bhur cridhe, mar a chruaidhich na h-Eiphitich agus Pharaoh an cridhe? an uair a rinn e gu h-ìongantach nam measg, nach do leig iad an sluagh air falbh, agus dh'imich iad?

7 A nis uime sin deanaibh feun nomha³, agus gabhaibh dà mhart-bhainne, air nach deachaidh cuing; agus ceanglaidh sibh na mairt ris an fheun, agus bheir sibh an laogh dhachaidh uatha.

8 Agus gabhaidh sibh àirc an Tighearn, agus cuiridh sibh i air an fheun; agus cuiridh sibh na seudan òir, a dh'ìocas sibh dha *mar* thabhartas-eusaontais, ann

an cobhan⁴ r'a taobh; agus cuiridh sibh air falbh i, a chum gu'n imich i.

9 Agus chì sibh, ma théid i suas rathad a crìche féin gu Bet-semes, *an sin* rinn e an t-òlc mòr so oirn: ach mur téid, an sin bithidh fios againn nach i a làmh-san a bhuail sinn; is tuiteamas a thàinig oirn.

10 Agus rinn na daoine mar sin; agus ghabh iad dà mhart-bhainne, agus cheangail iad ris an fheun iad, agus dhruid⁵ iad an laogh a stigh.

11 Agus chuir iad àirc an Tighearn air an fheun, agus an cobhan leis na luchaidh òir, agus dealbhan an neasgaidean fola.

12 Agus ghabh na mairt an rathad dìreach gu slighe Bhet-semes; air an rathad mhòr dh'imich iad, a' geumnaich mar a dh'imich iad, agus cha do thionndaidh iad a leth-taobh a dh'ionnsuidh na làimhe deise no na làimhe clithe; agus chaidh thighearnan nam Philisteach nan déigh gu crìch Bhet-semeis.

13 Agus bha *muinntir* Bhet-semeis a' buain an cruithneachd anns a ghleann; agus thog iad suas an sùilean, agus chunnaic iad an àirc, agus rinn iad gairdeachas 'nuair a chunnaic iad i.

14 Agus thàinig am feun gu achadh Iosua a' Bhet-semesich agus sheas e 'n sin, far *an robh* clach mhòr? agus sgoilt iad fiodh an fheuna, agus thug iad suas na mairt 'nan iobairt-loisgte do'n Tighearn.

15 Agus thug na Lebhithich sìos àirc an Tighearn agus an cobhan a bha maille rithe, anns *an robh* na seudan òir, agus chuir iad air a' chloich mhòir iad: agus thug daoine Bhet-semeis suas tabhartais-loisgte, agus dh'ìobair iad iobairte san là sin féin do'n Tighearn.

16 Agus an uair a chunnaic cùig tigh-earnan nam Philisteach e, phill iad gu Hebron san là sin féin.

17 Agus is iad so na neasgaidean òir, a dh'ìoc na Philistich *mar* thabhartas-eusaontais do'n Tighearn: air son Asdoid aon, air son Ghasa aon, air son Asceloin aon, air son Ghat aon, air son Heceiroin aon:

18 Agus na luchaidh òir, a *rèir* àireimh uile bhailte nam Philisteach, a *bhuineadh* do na cùig tigh-earnaibh, arzon bhailte daingnichte agus bhailte gun bhalla, eadhon gu ruig a' chlach mhòr, air an do chuir iad sìos àirc an Tighearna, *clach a tha làthair* gu an là 'n diugh ann an achadh Iosua a' Bhet-semesich.

19 Ach bhuail e daoine Bhet-semeis, a chionn gu'n do sheall iad air àirc an Tighearna; bhuail e eadhon do'n t-sluagh trì fichead agus deichnear fhear⁶: agus rinn

¹ glaoth.

² thugaibh air ais.

³ cairt nuadh.

⁴ ciste.

⁵ ghléidh.

⁶ trì fichead agus deichnear fhear, agus leth-cheud mìle fear.

an sluagh caoidh, do bhrìgh gu'n do bhuail an Tighearna *cuid* do'n t-sluagh le plàigh¹ mhòir.

20 Agus thubhairt daoine Bhet-semeis, Cò is urrainn seasamh an làthair an Tighearna Dé naomh so? agus cia dh'ionnsuidh a théid i² suas uainne?

21 Agus chuir iad teachdairean a dh'ionnsuidh luchd-àiteachaidh Chiriat-earim, ag ràdh, Thug na Philistich air a h-ais àir an Tighearna; thigibh a nuas, thugaibh suas i d'ur n-ionnsuidh.

CAIB. VII.

1 *Thug daoine Chiriat-earim an àir gu Gibeah, agus naomhaich iad Eliasar mac Abinadaib g'a ghlèidheadh. 18 Bhuailleadh na Philistich roimh chloinn Israeil.*

A GUS thàinig daoine Chiriat-earim, agus thug iad suas àir an Tighearna, agus thug iad a steach i do thigh Abinadaib ann an Gibeah³, agus naomhaich iad a mhac Eliasar, a ghlèidheadh àir an Tighearna.

2 Agus tharladh, o'n là a dh'fhan an àir ann an Ciriat-earim, gu'n robh an aimsir fad; (oir bha fichead bliadhna ann;) agus rinn tigh Israeil uile caoidh an dèigh an Tighearna.

3 Agus labhair Samuel ri uile thigh Israeil, ag ràdh, Ma philleas sibh a dh'ionnsuidh⁴ an Tighearna le'r n-uile chridhe, an sin cuiribh air falbh na diathan coimheadh as bhur measg, *Baalim* agus *Astarot*: agus ulluichibh bhur cridhe a chum an Tighearna, agus deanaibh seirbhis dhasan a mhàin, agus saoraidh e sibh à làimh nam Philisteach.

4 An sin chuir clann Israeil air falbh *Baalim* agus *Astarot*, agus rinn iad seirbhis do'n Tighearna a mhàin.

5 Agus thubhairt Samuel, Cruinnichibh Israel uile gu Misphe, agus ni mise urnuigh air bhur son ris an Tighearna.

6 Agus chruinnich iad an ceann a chèile gu Misphe, agus tharruing iad uisge, agus dhòirt iad a mach e an làthair an Tighearna, agus throisg iad air an là sin, agus thubhairt iad an sin, Pheacaich sinn an aghaidh an Tighearna. Agus thug Samuel breth air cloinn Israeil ann am Misphe.

7 Agus chuala na Philistich gu'n robh clann Israeil air cruinneachadh an ceann a chèile gn Misphe, agus chaidh tighearnan nam Philisteach suas an aghaidh Israeil; agus an uair a chuala clann Israeil e, bha eagal orra roimh na Philistich.

8 Agus thubhairt clann Israeil ri Samuel, Na sguir do ghlaodhaich ris an Tighearna ar Dia air ar son, a chum gu'n saor e sinn

à làimh nam Philisteach.

9 Agus ghabh Samuel uan deothail⁵, agus thug e suas e uile mar ìobairt-loisgte do'n Tighearna; agus ghlaodh Samuel ris an Tighearna air son Israeil, agus chual⁶ an Tighearna e.

10 Agus an uair a bha Samuel a' toirt suas na h-ìobairt-loisgte, tharruing na Philistich ann fagus gu cath an aghaidh Israeil: ach rinn an Tighearna tairneanach le fuaime⁷ mhòir san là sin air na Philistich, agus chlaoidh e iad: agus bhuailleadh iad roimh Israel.

11 Agus chaidh fir Israeil a mach à Misphe, agus ruaig⁸ iad na Philistich, agus bhuail siad iad, gus an d'thàinig iad fuidh Bhet-car.

12 An sin ghabh Samuel clach, agus shuidhich e i eadar Misphe agus Sen; agus thug e Ebeneser⁹ mar ainm oirre, agus thubhairt e, Gu ruige so cluidich an Tighearna leimn.

13 Agus dh'ìros-laicheadh¹⁰ na Philistich, agus cha d'thàinig iad tuille gu crìch Israeil: agus bha làmh an Tighearna an aghaidh nam Philisteach uile làithean Shamueil.

14 Agus thugadh na bailtean a ghlaic na Philistich o Israel, air an ais do Israel, o Hebron eadhon gu Gat; agus shaor Israel an crìochan à làimh nam Philisteach; agus bha sìth eadar Israel agus na h-Amoraich.

15 Agus thug Samuel breth air Israel ré uile làithean a bheatha.

16 Agus chaidh e o bhliadhna gu bliadhna mu'n cuairt gu Bet-el, agus Gilgal, agus Misphe, agus thug e breth air Israel anns na h-àitibh sin uile.

17 Agus bha¹¹ theachd air ais gu Ramah; oir an sin bha a thigh; agus an sin thug e breth air Israel, agus an sin thog e altair do'n Tighearna.

CAIB. VIII.

1 *Dh'iarr seanairean Israeil rìgh gu breth a thoirt orra. 6 Mhi-thaitinn an nì so ri Samuel; 9 ach dh'orduich Dia dha eisdeachd r'an Guth, agus fìos a thoirt doibh air seòl an rìgh a rìogaicheas os an ceann.*

A NIS an uair a bha Samuel aosda, chuir e a mhic¹² nam breitheamhnaibh os ceann Israeil.

2 Agus b'e ainm a cheud-ghin mic Ioel, agus ainm a dhara mic Abiah: bha iad nam breitheamhnaibh ann am Beer-seba.

3 Agus cha do ghluais a mhic na shligheibh-sau, ach chlaon iad an dèigh tairbhe¹³, agus ghabh iad duais¹⁴, agus dh'fhiar iad breitheanas.

4 An sin chruinnich uile sheanairean Israeil iad fèin an ceann a chèile, agus

¹ àr, sgrìos.

² anns a' chnoc.

³ torainn.

⁴ i. e. an airc.

⁵ bainne. Eabh.

⁶ lean.

⁷ i. e. clach a' chuideachaidh. ⁸ cheannsaicheadh.

⁹ sannt.

¹⁰ tiòdlalach.

I. SAMUEL, VIII. IX.

thàinig iad a dh'ionnsuidh Shamueil gu Ramah.

5 Agus thubhairt iad ris, Feuch, tha thu-sa air fàs aosda, agus cha 'n eil do mhic a' gluasad ann ad shligibh: a nis ma ta dean dhuinne rìgh gu breth a thoirt oirn, mar na cinnich uile.

6 Ach mhi-thaitinn an ni ri Samuel¹, an nair a thubhairt iad, Thoir dhuinn rìgh gu breth a thoirt oirn: agus rinn Samuel urnuigh ris an Tighearn.

7 Agus thubhairt an Tighearna ri Samuel, Eisd ri guth an t-sluaigh anns gach mì a their iad riut: oir riut-sa cha do chuir iad cùl, ach rium-sa chuir iad cùl, a chum nach rioghaichinn os an ceann.

8 A réir nan uile oibre a rinn iad o'n là anns an d'thug mi nìos iad as an Eiphit, gu ruig an là n diugh, leis an do thréig iad mi, agus an d'rinn iad seirbhis do dhiathaidh eile, mar so tha iad a' dean-amh mar an ceudna riutsa.

9 A nis uime sin éisd r'an guth: gidheadh bheir thu gu cinnteach fianuis² nan aghaidh, agus cuiridh tu 'n céill dhoibh lagh³ an rìgh a rioghaicheas os an ceann.

10 Agus dh'innis Samuel uile bhriathran an Tighearna do'n t-sluaigh, a bha 'g iarraidh rìgh air.

11 Agus thubhairt e, So mar a blitheas lagh an rìgh a rioghaicheas os blur ceann: Gabhaidh e bhur mic, agus orduichidh e dha féin iad a chum a charbadan, agus gu bhi 'nam marcaich aige, agus gu ruith roimh a charbadaibh;

12 Agus gu'n cur 'nan ceannardaibh dha féin air mhiltibh, agus 'nan ceannardaibh air leth-cheudaibh, agus a dh'ar 'fhearainn³, agus a bhuain 'fhogharaidh, agus a dheanamh innil cogaidh air a shon, agus innil air son a charbadan.

13 Agus gabhaidh e bhur nigheana a dheanamh olaidhungaidh cùbhraidh, agus gu bhi 'nam ban-chòcàiribh, agus 'nam ban-fhuineadairibh.

14 Agus gabhaidh e bhur n-achaidh, agus bhur fion-lìosan, agus bhur lìosan-olaidh, eadhon a' chuid a's fearr dhiubh, agus bheir e iad d'a òglachaidh.

15 Agus gabhaidh e an deachamh d'ur sìol, agus d'ur fion-lìosaibh, agus bheir e d'a luchd-dreuchd e, agus d'a òglachaidh.

16 Agus gabhaidh e bhur n-òglach-sa, agus bhur banoglaich, agus na h-òganaich a s'fearr agaibh, agus bhur n-asail, agus cuiridh e chum 'oibre féin iad.

17 Gabhaidh e an deachamh d'ur caor-aidh: agus bithidh sibh 'nur seirbhisich aige.

18 Agus gladhaidh sibh a mach san là sin o làthair bhur rìgh a thagh sibh dhuibh

féin; agus cha'n éisd an Tighearna ribh san là sin.

19 Gidheadh, dhiùlt an sluaigh éisdeachd ri guth Shamueil, agus thubhairt iad, Ni h-eadh; ach bithidh rìgh againne os ar ceann:

20 Agus bithidh sinne mar an ceudna mar na cinnich uile, agus bheir ar rìgh breth oirn, agus théid e mach romhainn, agus cuiridh⁴ e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an cluasaibh an Tighearn.

22 Agus thubhairt an Tighearna ri Samuel, Eisd r'an guth, agus dean rìgh dhoibh. Agus thubhairt Samuel ri fir Israeil, Rachaibh gach duine dhibh d'a bhaile féin.

CATB. IX.

1 Chailleadh asail Chis, agus chaidh Saul a mhac g'an iarraidh. 6 Air comhairle 'òganaich thàinig e a dh'ionnsuidh Shamueil a dh'fhiosrachadh a shlighe. 22 Thug Samuel cuireadh dha chum na cuirme anns an ionad àrd.

AGUS bha duine do Bhenianin, d'am b'ainm Cis, mac Abieil, mhic Sheroir, mhic Bhechorait, mhic Aphiah, Beniaminich, duine treun ann an ncart.

2 Agus bha mac aige, d'am b'ainm Saul, roghadh òig-fhir, agus e tlachdmhor⁵; agus cha robh am measg chloinn Israeil fear bu tlachdmhoire na e: o 'ghuailibh agus o sin suas b'airde e na 'n sluaigh uile.

3 Agus chailleadh asail Chis, athar Shaul; agus thubhairt Cis r'a mhac Saul, Thoir leat a nis aon do na h-òganaich, agus éirich, falbh, iarr na h-asail.

4 Agus chaidh e troimh mhonadh Ephraim, agus chaidh e troimh thìr Shalasa, ach cha d'fhuair siad iad: an sin chaidh e⁶ troimh thìr Shalim, agus cha robh iad an sin: agus chaidh e troimh thìr nam Beniamineach, ach cha d'fhuair siad.

5 Agus an uair a thàinig iad gu tìr Shuph, thubhairt Saul r'a òganach a bha maille ris, Thig agus pilleamaid, air eagal gu'n leig m'athair dheth a chùram mu na h-asail, agus gu'm bi smuaircan air m'ar timchioll-ne.

6 Agus thubhairt esan ris, Feuch a nis, tha duine le Dia anns a' bhaile so, agus is duine urramach e; thig gach ni a their e gu cinnteach gu crìch: a nis ma ta rachamaid an sin; theagamh gu'n innis e dhuinn ar slighe, air an coir dhuinn gluasad.

7 An sin thubhairt Saul r'a òganach, Ach, feuch, ma théid sinn, ciod a bheir sinn a dh'ionnsuidh òglach⁷ Dhé? oir chaitheadh an t-aran 'nar soithichibh, agus

¹ bha an nì olc ann an sùilibh Shamueil.

² riaghailt, seòl. ³ chum a threabhadh.

⁴ cogaidh.

⁶ iad.

⁵ maith, àluinn.

⁷ duine. Eabh.

I. SAMUEL, IX. X.

cha 'n eil tiodhlac ann ri thoirt a dh'ionnsuidh òglach Dhé : ciod ma ta a ni sinn?

8 Agus fhreagair an t-òganach Saul a ris, agus thubhairt e, Feuch, tha agam an so a' m' làimh an ceathramh cuid do shecel airgid : *sin* bheir mi do òglach Dhé, agus innsidh e dhuinn ar slighe.

9 (O shean¹ ann an Israel, an uair a rachadh duine a dh'fhiosrachadh do Dhia, mar so labhradh e, Thigibh, agus rachamaid a dh'ionnsuidh an fhir-sheallaidh² : oir esan *ris an abrar* a nis fàidh, o shean theirte fear-seallaidh ris.)

10 An sin thubhairt Saul r'a òganach, Is maith a labhair thu ; thig, imicheamaid : agus dh'imich iad do'n bhaile, far *an robh* òglach Dhé.

11 Agus an uair a chaidh iad suas uchdach a' bhaile, fhuair iad gruagaichean a' dol a mach a tharruing uisge, agus thubhairt iad riu, Am bheil am fear-seallaidh an so?

12 Agus fhreagair iadsan iad, agus thubhairt iad, Tha ; feuch, *tha e* roimh-ibh³ : deanaibh cabhag⁴ a nis, oir an diugh tha e air teachd do'n bhaile ; oir *tha* iobairt aig an t-sluagh an diugh anns an ionad àrd.

13 An uair a théid sibh a steach do'n bhaile, air ball gheibh sibh e, mun téid e suas do'n ionad àrd a dh'itheadh : oir cha 'n ith an sluagh gus an tig e, a chionn gu'm beannaich e an iobairt, agus an déigh sin ithidh iadsan a chuireadh. A nis uime sin raclaibh suas, oir mu'n àm so gheibh sibh e.

14 Agus chaidh iad suas do'n bhaile : agus an uair a bha iad a' dol a steach gu meadhon a' bhaile, feuch, thàinig Samuel a mach 'nan coinneamh, gu dol suas do'n ionad àrd.

15 A nis dh'innis⁵ an Tighearn ann an cluais Shamueil, là mun d'thàinig Saul, ag ràdh,

16 Mu'n àm so am màireach cuiridh mi a d'ionnsuidh duine á tìr Bheniamin, agus ungaidh tu e 'na cheannard air mo shluagh Israel, agus saoraidh e mo shluagh á làimh nam Philisteach ; oir dh'amhairc mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a chunnaic Samuel Saul, thubhairt an Tighearna ris, Feuch an duine mu'n do labhair mi riut : rìoghaichidh esan os ceann mo shluagh.

18 An sin thàinig Saul am fagus do Samuel anns a' gheata⁶, agus thubhairt e, Innis dhomh, guidheam ort, c'ait *am bheil* tigh an fhir-sheallaidh?

19 Agus fhreagair Samuel Saul, agus

thubhairt e, Is mise am fear-seallaidh : gabh suas romham do'n ionad àrd, agus ithidh sibh⁷ maille riumsa an diugh ; agus leigidh mi leat falbh sa' mhaduinn, agus gach ni a *ta* ann ad chridhe innsidh mi dhuit.

20 Agus a thaobh nan asal agad a chaill-eadh o cheann trì lùithean, na suidhich t'intinn orra, oir fhuaradh iad : agus cò air *am bheil* uile dhéigh Israeil⁸ ? nach ann ortsa, agus air uile thigh t'athar?

21 Agus fhreagair Saul agus thubhairt e, Nach Beniamineach mise do'n treubh as lugha ann an Israel ? agus *nach e* mo theaghlach a's lugha do uile theaghlach-ibh tréibhe Bheniamin ? c'ar son uime sin a tha thu labhair riumsa air an dòigh so?

22 Agus ghabh Samuel Saul agus òganach, agus thug e steach iad do'n t-seòmarchuirm, agus thug e àite-*suidhe* dhoibh aig ceann-toisich nan daoina a chaidh chuireadh, agus iad mu thimchioll deich fir fhichead.

23 Agus thubhairt Samuel ris a' chòcaire, Thoir *dhomh* a' chuibrionn a thug mi dhuit mu'n dubhairt mi riut, Cuir làimh riut i.

24 Agus thog an còcaire an slinnean, agus *an ni a bha* air, agus chuir e fa chonhair Shaul e, agus thubhairt Samuel, Feuch, cuir an ni sin a dh'fhàgadh air do bheulaobh, agus ith ; oir dh'ionnsuidh an àm so ghleidheadh dhuit e, o thubhairt mi, Thug mi cuireadh do'n t-sluagh. Agus dh'ith Saul maille ri Samuel air an là sin.

25 Agus an uair a thàinig iad a nuas o'n ionad àrd do'n bhaile, labhair Samuel ri Saul air mullach an tighe.

26 Agus dh'éirich iad gu moch : agus mu bhreiseadh na fàire, ghairm Samuel air Saul gu mullach an tighe, ag ràdh, Eirich, a chum gu'n leig mi air falbh thu. Agus dh'éirich Saul, agus chaidh iad a mach le chéile, e féin agus Samuel.

27 Agus an uair a bha iad a' dol sìos gu ìomall a' bhaile, thubhairt Samuel ri Saul, Abair ris an òganach dol air aghaidh romhainn, (agus chaidh e air aghaidh,) ach seas thusa tamull, agus cuiridh mi 'n céill dhuit focal Dé.

CAIB. X.

1 Dh'ung Samuel Saul, agus neartaich se e le trì comharaibh. 10 Thubhling spiorad Dhé air Saul agus rim e fàidheadhoireachd. 17 Shonraicheadh e gu bhì 'na rìgh os ceann Israeil.

AN sin ghabh Samuel corn⁹ oladh, agus dhóirt e air a cheann e, agus phòg se e, agus thubhairt e, Nach ann a

¹ Roimhe.

² an fheuchadair.

³ romhad. Eabh.

⁴ dean cabhag. Eabh.

⁵ thaisbean, dh'fhoillsich. Eabh.

⁶ am meadhon a' bhaile.

⁷ tu.

⁸ d'am buine uile nithe taitneach Israeil.

⁹ gloin.

I. SAMUEL, X.

chionn gu'n d'ung an Tighearn thu gu bhi d'cheannard air 'oighreachd féin?

2 'Nuair a dh'imichas tu 'n diugh uam-sa, an sin gheibh thu dithis dhaoine làimh ri uaigh Racheil, ann an crìch Bheniamin ann an Selsah: agus their iad riut, Fhuaradh na h-asail a chaidh thu a dh'iarraidh; agus, feuch, leig t'athair dheth cùram nan asal, agus tha smuatairean air mu'r tim-chioll-sa, ag ràdh, Ciod a ni mi air son mo mhic?

3 An sin théid thu air t'aghaidh as a sin, agus thig thu dh'ionnsuidh còmlmaird¹ Thaboir, agus coinnichidh tu 'n sin triuir dhaoine a' dol suas a dh'ionnsuidh Dhé gu Bet-cl, aon *diubh* a' giùlan thri meann, agus aon *eile* a' giùlan thri builinnean arain, agus aon *eile* a' giùlan searraig fhìona.

4 Agus cuiridh iad fàilte ort, agus bheir iad dluit dà *bhuilinn* arain, agus gabhaidh tu as an làimh *iad*.

5 'Na dhéigh sin thig thu gu cnoc Dhé, far am bheil freiceadain nam Philisteach: agus tarlaidh, 'nuair a thig thu an sin do'n bhaile, gu'n coinnich thu cuideachd fhàidhean a' teachd a nuas o'n ionad àrd, le saltair, agus tiompan, agus pìob, agus clàrsach rompa, agus iad ri fàidheadoir-eachd:

6 Agus tuirlingidh² spiorad an Tighearn ort, agus ni thu fàidheadoireachd maille riu-san, agus tionndaidhear³ thu a'd' dhuine eile.

7 Agus an uair a thig na⁴ comharan sin ort, ni thu mar a fhreagras a' chùis duit⁴, oir bithidh Dia maille riut.

8 Agus théid thu sìos romham-sa gu Gilgal; agus, feuch, théid mise sìos a d'ionnsuidh, a thoirt suas thabhartas-loisgte, agus a dh'ìobradh ìobairtean thabhartas-sith; seachd làithean fanaidh tu, gus an tig mise a d'ionnsuidh, agus gu'n toir mi fios dhuìt ciod a ni thu.

9 Agus an uair a thionndaidh e a chùl gu falbh o Samuel, thug Dia dha cridhe eile; agus thàinig na comharan sin uile gu crìch air an là sin féin.

10 Agus thàinig e o sin⁵ do'n chnoc; agus, feuch, choinnich cuideachd fhàidhean e; agus thuirling spiorad Dhé air, agus rinn e fàidheadoireachd 'nam measg.

11 A nis an uair a chunnaic iadsan uile a ghabh eòlas air roimhe, feuch, gu'n d'rinn e fàidheadoireachd maille ris na fàidhibh, an sin thubhairt an sluagh gach aon ri chèile, Ciod e so thàinig air mac Chis? Am bheil Saul cuideachd am measg nam fàidhean?

12 Agus fhreagair duine as an àite sin, agus thubhairt e, Ach cò e an athair⁶? uime sin bha e 'na ghnàth-fhocal, Am

bheil Saul cuideachd am measg nam fàidhean?

13 Agus an uair a chuir e crìoch air fàidheadoireachd a dheanamh, thàinig e do'n ionad àrd.

14 Agus thubhairt bràthair-athar Shaul ris, agus r'a òganach, C'àite chaidh sibh? agus thubhairt esan⁷, A dh'iarraidh nan asal: agus an uair a chunnaic sinn nach robh iad r'am faghail, thàinig sinn gu Samuel.

15 Agus thubhairt bràthair-athar Shaul, Innis dhomh, guidheam ort, ciod a thubhairt Samuel ribh.

16 Agus thubhairt Saul ri bràthair-'athar, Dh'innis e dhuinn gu cinnteach gu'n d'fhuaradh na h-asail; ach a thaobh na rìoghachd, cha d'innis e dhia ciod a thubhairt Samuel.

17 Agus ghairm Samuel an sluagh r'a chèile a dh'ionnsuidh an Tighearna gu Misphe;

18 Agus thubhairt e ri cloinn Israeil, mar so tha'n Tighearna Dia Israeil agràdh, Thug mi nìos Israel as an Eiphit, agus shaoir mi sibh á làimh nan Eiphiteach, agus á làimh nan rìoghachdan uile, a bha deanamh ainneirt oirbh.

19 Gidheadh chuir sibhse an diugh cùl ri'r Dia, esan a shaor sibh o bhuir n-uile agus bhuir teamntachdaibh gu léir; agus thubhairt sibh, Ni h-eadh, ach cuiridh tu rìgh os ar ceann. A nis uime sin, nochdaibh sibh féin am fianuis an Tighearn a réir bhuir treubhan, agus a réir bhuir mìltean.

20 Agus an uair a thug Samuel air uile treubhan Israeil teachd am fagus, ghabhadh⁸ treubh Bheniamin.

21 Agus an uair a thug e air tréibh Bheniamin teachd am fagus a réir an teaghlach-ean, ghabhadh teaghlach Mhatri: agus an uair a thug e air teaghlach Mhatri teachd am fagus a lion fear agus fear, ghabhadh Saul mac Chis: agus an uair a dh'iarr iad e, cha d'fhuaradh e.

22 Uime sin dh'fhiosraich iad fathast do'n Tighearn, an tigeach an duine fathast an sin; agus fhreagair an Tighearna, Fcuch, dh'fhòlaich se e féin am measg na h-airneis.

23 Agus ruith iad, agus thug iad á sin e: agus an uair a shcas c am meadhan an t-sluaigh, bha e ni b' àirde na 'n sluagh uile, o 'ghuaillibh agus o sin suas.

24 Agus thubhairt Samuel ris an t-sluagh uile, Am faic sibh esan a thagh an Tighearna, nach 'eil neach cosmhuil ris am measg an t-sluaigh uile? agus rinn an sluagh uile iolach⁹, agus thubhairt iad, Gu ma fada beò an rìgh.

¹ doire. ² thig. ³ iompaichear.

⁴ an ni sin a gheibh do làimh. Eabh.

⁵ iad an sin.

⁶ cò e 'athair?

⁷ iadsan.

⁸ i. c. le crannchur.

⁹ gàir.

25 An sin dh'innis Samuel do'n t-sluagh lagh' na rioghachd, agus sgriobh e ann an leabhar e, agus thaisg e suas am fianuis an Tighearn e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh gu Gibeath, agus chaidh maille ris daoine treun, aig an do bhean Dia r'an cridhe.

27 Ach thubhairt mic Bheliail, Cionnus a shaoras am fear so sinn? agus rinn iad dimeas air, agus cha d'thug iad tiodhlac sam bith d'a ionnsuidh: ach dh'fhan esan 'na thosd.

CAIB. XI.

1 *Champaich Nahas an t-Amonach an aghaidh Iabeis-ghilead. 4 Chuir luchd-muinntir an àite sin teachdairean a dh'ionnsuidh Shaul a dh'iarraidh còmh-naidh. 7 Chrùinnich esan sluagh Israeil ri chèile, agus bhuail e na h-Amonaich. 14 Dh'athnuadh-achheadh a rioghachd ann an Gilgal.*

AN sin chaidh Nahas an t-Amonach suas, agus champaich e an aghaidh Iabeis-ghilead: agus thubhairt uile dhaoine Iabeis ri Nahas, Dean coimh-cheangal ruinn, agus nì sinne seirbhìs dhuit.

2 Agus fhreagair Nahas an t-Amonach iad, Air a' chumha so nì mi coimhcheangal ribh, gu'n spion mi mach gach suil dheas agaibh, agus gu'n cuir mi am mas-ladh² so air Israel uile.

3 Agus thubhairt seanairean Iabeis ris, Thoir dhuinn dàil sheachd làithean, a chum gu'n cuir sinn teachdairean gu uile chrìochaibh Israeil: agus mur bi neach sam bith gu'r saoradh, an sin théid sinn a mach a d'ionnsuidh.

4 An sin thàinig na teachdairean gu Gibeath Shaul, agus dh'innis iad an sgeul ann an cluasaibh an t-sluagh: agus thog an sluagh uilesuas an t-sluagh, agus ghuil iad.

5 Agus, Feuch, thàinig Saul an déigh a' bhuair as a' mhachair; agus thubhairt Saul, Oid a thàinig air an t-sluagh, gu bheil iad a' gul? agus dh'innis iad da sgeul dhaoine Iabeis.

6 Agus thuirling spiorad Dhé air Saul an uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus ghearr e sìos 'nam mùribh iad, agus chuir e iad air feadh uile chrìochan Israeil le làimh theachdairean, ag ràdh, Ge b'e nach tig a mach an déigh Shaul, agus an déigh Shamueil, mar son nìhear r'adhaimh: agus thuit eagal an Tighearn air an t-sluagh, agus thàinig iad a mach mar aon duine³.

8 Agus an uair a dh'àireamh e iad ann

am Besec, bha ann do chloinn Israeil trì cheud mìle, agus do fhir Iudah deich mìle fichead.

9 Agus thubhairt iad ris na teachdairibh a thàinig, Mar so their sibh ri fir Iabeis-ghilead, Am màireach, an uair a dh'fhàsas a' ghrian teth, bithidh cabhair⁴ agaibh. Agus thàinig na teachdairean, agus dh'innis iad sin do fhir Iabeis; agus bha aoibhneas orra.

10 Uime sin thubhairt fir Iabeis⁵, Am màireach théid sinn a mach d'ur n'ionnsuidh, agus nì sibh ruinn a réir gach nì a's àill leibh⁶.

11 Agus air an là màireach chuir Saul an sluagh 'nan trì buidhneibh; agus thàinig iad gu meadhon an fheachd ann am faire na maidne, agus bhuail iad na h-Amonaich gus an d'fhàs an latha teth: agus sgapadh iadsan a mhair, air chor as nach d'fhàgadh dithis diubh cuideachd.

12 Agus thubhairt an sluagh ri Samuel, Cò a thubhairt, Cha⁷ rìghich Saul os ar ceann? thugaibh an so na daoine a chum gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so; oir an diugh dh'òibrich an Tighearna saorsa ann an Israeil.

14 An sin thubhairt Samuel ris an t-sluagh, Thigibh, agus rachamaid do Gilgal, agus ath-nuadhaicheadh ann sin an rioghachd.

15 Agus chaidh an sluagh uile gu Gilgal, agus rinn iad Saul an sin 'na rìgh am fianuis an Tighearn ann an Gilgal; agus dh'ìobair iad an sin iobairtean thabharta-sa-sith am fianuis an Tighearn: agus rinn Saul an sin agus fir Israeil uile gairdeachas mòr.

CAIB. XII.

1 *Dh'aicidh an sluagh neo-chiontas Shamueil. 6 Chuir esau an cèill doibh na nithe iongantach a rinn Dia air an son, agus an eas-àmhachd dhasan le rìgh iarraidh dhoibh fèin.*

AGUSthubhairt Samuel ri h-Israel uile, Feuch, dh'éisd mi ri'r guth anns gach nì a thubhairt sibh rium, agus rinn mi rìgh os bhur ceann.

2 Agus a nis, feuch, tha'n rìgh ag imeachd roimhlibh⁸: agus tha mise aosmhor agus ceannliath, agus, feuch, tha mo mhùc maille ribh: agus ghluais mise⁹ 'nur fianuis o m' òige gus an là 'n diugh.

3 Feuch, tha mi 'n so; thugaibh fianuis a'm' aghaidh an làthair an Tighearn agus an làthair 'Aoin ungta: cò esan o'n d'thug mi a dhamh? agus cò esan o'n d'thug mi 'asal? agus cò esan air an d'rinn mi feall? cò esan air an d'rinn mi ainneart?

¹ riaghailt, seòl.

² spid.

³ le aon rùn.

⁴ còmhmadh, saorsa.

⁵ fir Iabeis ri Nahas rìgh

nan Amonach.

⁶ a bhios maith 'nur suilibh.

⁷ An.

⁸ 'na cheannard oirbh.

⁹ chaith mi mo bheatha.

I. SAMUEL, XII. XIII.

agus cò esan o' làimh an do ghabh mi duais a chum mo shùilean a dhalladh leatha? agus aisgidh mi¹ dhuibh.

4 Agus thubhairt iadsan, Cha d'rinn thu feall oirne, ni mò a rinn thu ainneart oirne, ui mò a ghabh thu ni air bith o làimh aoin duine.

5 Agus thubhairt e riu, Tha 'n Tighearna 'na fhianuis 'nur n-aghaidh, agus tha 'Aon ungta 'na fhianuis an diugh, nach d'fhuair sibh a'm' làimh-sa ni sam bith. Agus fhreagair iadsan *Tha e 'na fhianuis*.

6 Agus thubhairt Samuel ris an t-sluagh, *Is e 'n Tighearna a thog suas² Maois agus Aaron, agus a thug bhur n-aithriche mios á ùr na h-Eiphit.*

7 A nis uime sin seasaibh, a chum gu'n toir mi breth oirbh³ an làthair an Tighearn, a thaobh uile ghnòmhara ceart an Tighearn, a rinn e dhuibhse agus do bhur n-aithrichibh.

8 An uair a thàinig Jacob a steach do'n Eiphit, agus a ghlaodh bhur n-aithriche ris an Tighearna, an sin chuir an Tighearna *d'an ionnsuidh* Maois agus Aaron, a thug bhur n-aithriche mach as an Eiphit, agus a thug orra còmhnuidh ghabhail anns an àite so.

9 Agus an uair a dhìchuimhnich iad an Tighearn an Dia, thug e thairis iad do làimh Shisera, ceannaird armaile Hasoir, agus do làimh nam Philisteach, agus do làimh rìgh Mhoab; agus chog iad 'nan aghaidh.

10 Agus gluaodh iad ris an Tighearn, agus thubhairt iad, Pheacaich sinn, do bhrìgh gu'n do thréig sinn an Tighearn, agus gu'n d'rinn sinn seirbhis do Bhaalim agus Astarot; ach a nis saor sinn á làimh ar naimhdean, agus ni sinn seirbhis dhuith.

11 Agus chuir an Tighearn uath Ierubaal, agus Barac⁴, agus Iephtah, agus Samuel⁵, agus shaor e sibh á làimh bhur naimhdean air gach taobh, agus ghabh sibh còmhnuidh gu tèaruimte.

12 Agus an uair a chunnaic sibh gu'n d'thàinig Nalas rìgh chloinn Amoin 'nur n-aghaidh, thubhairt sibh riumsa, Ni h-eadh, ach rioghaichidh rìgh os ar ceann: an uair a b'e an Tighearna bhur Dia bhur rìgh.

13 A nis uime sin feuch an rìgh a thagh sibh, agus a dh'iarr sibh: agus, feuch, chuir an Tighearna rìgh os bhur ceann.

14 Ma bhios eagal an Tighearn oirbh, agus ma ni sibh seirbhis dha, agus ma dh'èisdeas sibh r'a ghuth, agus nach dean sibh ceannairc an aghaidh àitline an Tighearn⁶, an sin bithidh sibh féin tèar-

uinte⁷, agus mar an ceudna an rìgh a rioghaicheas os bhur ceann an déigh an Tighearna bhur Dé⁸.

15 Ach mur éisd sibh ri guth an Tighearn, agus gu'n dean sibh ceannairc an aghaidh àitline an Tighearn, an sin bithidh làmh an Tighearna 'nur n-aghaidh-sa, mar a bha i 'n aghaidh bhur n-aithriche.

16 A nis uime sin seasaibh agus faicibh an ni mòr so, a ni an Tighearna fa chomhair bhur sùl.

17 Nach 'eil foghar a' chruithneachid ann an diugh? gairmidh mise air an Tighearn, agus cuiridh e *nuas* tairneanach agus uisge; a chum gu'n tuig agus gu'm faic sibh gu *bheil* bhur n-olc mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearn; agus chuir an Tighearn a nuas tairneanach agus uisge air an là sin: agus ghabh an sluagh uile eagal mòr roimh an Tighearn, agus roimh Shamul.

19 Agus thubhairt an sluagh uile ri Samuel, Dean urnuigh air son do sheirbhis each ris an Tighearna do Dhia, a chum nach bàsaich sinn: oir chuir sinn r'ar peacannaibh uile an t-olc so, rìgh iarraidh dhuinn féin.

20 Agus thubhairt Samuel ris an t-sluagh, Na biodh eagal oirbh: (rinn sibh an t-olc so uile: gidheadh na tionndaidhibh a thaobh o'n Tighearn a leantuinn, ach deanaibh seirbhis do'n Tighearn le'r n-uile chridhe:

21 Agus na tionndaidhibh a thaobh an déigh *nithe* faoin⁹, nach bi chum tairbhe dhuibh, agus nach saor sibh; oir *is* faoin-eas¹⁰ iad:)

22 Oir cha tréig an Tighearn a shluagh, air sgàth a mhoir àinne féin; do bhrìgh gu'm bu toil leis an Tighearna bhur deanamh 'nur sluagh dha féin.

23 Ach air mo shon-sa, nar leigeadh Dia gu'm peacaichinn an aghaidh an Tighearna, le sgar do urnuigh a dheanamh air bhur son: ach teagaisgidh mi dhuibh an t-slighe mhaith agus cheart.

24 A mhàin biodh eagal an Tighearn oirbh, agus deanaibh seirbhis dha ann am firinn le bhur n-uile chridhe: oir faicibh cia mòr na nithe a rinn e air bhur son.

25 Ach ma bhuanaicheas sibh ann an droch dheanadas, sgriosar arann sibh féin agus bhur rìgh.

CAIB. XIII.

1 *Bhuail Ionatan frciceadan nam Philisteach ann an Gaba.* 5 *Chruinnicheadh iadsan an ceann a chèile ann am Michmas gu cogadh ri Israel.* 6 *Teanntachd nan Israelach.* 9 *Thug Saul suas*

¹ *bheir mi air ais.* ² *a chruithnich, a rinn.*

³ *gu'n tagair, gu'n reusonaich mi ribh.*

⁴ *Bedan.*

⁵ *Samson.*

⁶ *nach brosnach sibh an Tighearna gu féirg.*

⁷ *bed.* Eabh. ⁸ *an déigh do'n Tighearna bhur Dia bhi 'na rìgh agaibh.* ⁹ *dhiathan bréige.* ¹⁰ *neo-ni.*

I. SAMUEL, XIII.

lobairt-loisgte. 11 Chroaich Samuel e. 17 Chuir na Philistich a mach trì cuideachdan do luchd-creiche.

B*H*A Saul deich bliadhna fichead a dh'aois an uair a thòisich e air rioghachadh; agus rìghich e dà bliadhna os ceann Israeil.

2 An sin thagh Saul dha féin trì mìle fear do Israel; d'an robh dà mhìle maille ri Saul ann am Michmas, agus ann an sliabh Bhet-eil, agus bha mìle maille ri Ionatan ann an Gibeah Bheniamin: agus a' chuid eile do'n t-sluagh chuir e gach duine dhiubh dh'ionnsuidh a bhùtha.

3 Agus bhual Ionatan freiceadan nam Philisteach a bha ann an Geba¹; agus chuala na Philistich sin: agus shéid Saul an trompaid air feadh na tìre uile, ag ràdh, Chuinneadh na h-Eabhruidhich.

4 Agus chual' Israel uile iomradh gu'n do bhual Saul freiceadan nam Philisteach, agus mar an ceudna gu'n robh Israel air am meas gràineil leis na Philistich: agus ghairmeadh an sluagh an ceann a chéile an déigh Shaul gu Gilgal.

5 Agus chruinnicheadh na Philistich an ceann a chéile gu cogadh ri h-Israel, deich mìle fichead carbad², agus sè mìle marcach, agus sluagh mar a' gheineamh a ta air tràigh na fairge thaobh lìonmhoir-eachd: agus thàinig iad a nìs, agus champaich iad ann am Michmas, a làimh na h-àirde 'n ear o Bhet-abhen.

6 An uair a chunnaic fir Israeil gu'n robh iad ann an teanntachd, a chionn gu'n do dhlùthaich an armaite³ riu, an sin dh'fhlaich an sluagh iad féin ann an uamhaibh, agus ann an droighnich⁴, agus ann an creagaibh, agus ann an daingneachaibh⁵, agus ann an slochdaibh.

7 Agus chaidh cuid do na h-Eabhruidhich thar⁶ Iordan gu tìr Ghad, agus Ghilead: ach bha Saul fathast ann an Gilgal, agus bha'n sluagh 'na dhéigh uile air chrith.

8 Agus dh'fheith e seachd làithean, gu ruig an t-àm àraidh a shuidhich⁷ Samuel: ach cha d'fhàinig Samuel gu Gilgal: agus sgapadh an sluagh uath.

9 Agus thubhairt Saul, Thugaibh am' ionnsuidh an so lobairt-loisgte, agus tabhartasan-sìth. Agus thug e suas an lobairt-loisgte.

10 Agus co luath as a chuir e crìoch air an lobairt-loisgte a thoirt suas, feuch, thàinig Samuel; agus chaidh Saul a mach 'na choinneamh a chum gu'm beannaicheadh e dha.

11 Agus thubhairt Samuel, Cìod a rinn

thu? Agus fhreagair Saul, A chionn gu'm faca mi gu'n robh an sluagh air an sgapadh uam, agus nach d'fhàinig thu an taobh a stigh do'n àm shuidhichte, agus gu'n do chruinnich na Philistich iad féin an ceann a chéile gu Michmas;

12 Uime sin thubhairt mi, A nis thig na Philistich a nuas orm gu Gilgal, agus cha do chuir mi athchuinge dh'ionnsuidh an Tighearna: rinn mi éigin uime sin orm féin⁸, agus thug mi suas an lobairt-loisgte.

13 Agus thubhairt Samuel ri Saul, Rinn thu gu h-amaideach: cha do ghléidh thu àithne an Tighearna do Dhé, a dh'àithn e dhuit; oir a nis dhaingnicheadh an Tighearna do rioghachd air Israel gu bràth.

14 Ach a nis cha seas do rioghachd: dh'iarr an Tighearna dha féin duine a réir a chridhe féin, agus dh'àithn an Tighearna dha bhi 'na cheannard air a shluagh, a chionn nach do ghléidh thuas an nì a dh'àithn an Tighearna dhuit.

15 Agus dh'éirich Samuel⁹, agus chaidh e suas o Ghilgal gu Gibeah Bheniamin: agus dh'àireamh Saul an sluagh a bha làthair¹⁰ maille ris, mu thimchioll se ceud fear.

16 Agus dh'fhan Saul, agus a mhac Ionatan, agus an sluagh a bha làthair maille riu, ann an Gibeah Bheniamin: ach champaich na Philistich ann am Michmas.

17 Agus thàinig an luchd-millidh¹¹ a mach à camp nam Philisteach 'nan trì cuideachdaibh: thionndaidh aon chuideachd dhiubh do 'n t-slighe dh'ionnsuidh Ophrah, gu tìr Shaul:

18 Agus thionndaidh cuideachd eile do'n t-slighe dh'ionnsuidh Bhet-horoin: agus thionndaidh cuideachd eile do shlighe na crìche, a tha 'g amharc ri gleann Sheboim, a dh'ionnsuidh an fhàsaich.

19 A nis cha d'fhuaradh gobha ann an tìr Israeil uile: (oir thubhairt na Philistich, Air eagal gu'n dean na h-Eabhruidhich dhoibh féin claidhean no sleagh-an:)

20 Uime sin chaidh 'na h-Israelich uile sìos a dh'ionnsuidh nam Philisteach, gach duine a gheurachadh a shuic, agus a chaibe, agus a thuaighe, agus a phicaid.

21 Gidheadh bha eighe¹² aca air son nam picaidean, agus air son nan soc, agus air son nan trì-mheurach¹³, agus air son nan tuaghan, agus a gheurachadh nam bior.

22 Mar sin thachair e ann an là a' chatha, nach d'fhuaradh aon chuid

¹ Gibeah.

³ sluagh an naimhdean.

⁵ thraibh, ionadaibh àrda.

⁷ thubhairt. Eabh.

² trì mìle carbad.

⁴ dùslaimibh.

⁶ thair, thairis air.

⁸ ghabh mi misneach.

⁹ Saul.

¹¹ luchd-creiche.

¹³ nan gabhal; forks, tridents. Sasg.

¹⁰ a fhuaradh. Eabh.

¹² liobhan; file. Sasg.

claidheamh no sleagh ann an làimh neach sam bith do'n t-sluagh, a *bha* maille ri Saul agus Ionatan: ach fhuaradh aig Saul agus aig a mhac Ionatan.

23 Agus chaidh freiceadan nam Philisteach a mach gu bealach¹ Mhichmais.

CAIB. XIV.

1 *Bhuail Ionatan agus fear iomchair'arm freiceadan nam Philisteach. 17 Thàinig Saul agus f'heachd a dh'ionnsuidh a' chatha. 21 Cluir e an sluagh fo mhionnaibh nach itheadh iad biadh gu feasgar, a chum gu'n diolar e air a naimhidh. 27 Shaoradh Ionatan leis an t-sluagh.*

ANIS air là àraidh thubhairt Ionatan mac Shuail ris an òganach a dh'iomchair² 'arm, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d'a athair.

2 Agus dh'fhan Saul anns a' chuid a b'fhaid mach do Ghibeah, fuidh chraoibh pomgranait, a *tha* ann am Migron: agus *bha'n* sluagh a *bha* maille ris mu thimchioll sè ceud fear.

3 Agus *bha* Ahiah mac Ahituib, bhràthar Ichaboid, mhic Phinehais, mhic Eli sagairt an Tighearn ann an Siloh, ag iomchar ephoid. Ach cha robh fios aig an t-sluagh gu'n d'fhalbh Ionatan.

4 Agus cadar na bealaichean, air an d'iarr Ionatan dol thairis a dh'ionnsuidh freiceadain nam Philisteach, *bha* creag gheur³ air aon taobh, agus creag gheur air an taobh eile: agus *b'e* ainm creige dhiubh Boses, agus ainm na creige eile Seneh.

5 Bha suidheachadh creige dhiubh o thuath⁴ fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach a dh'iomchair⁵ 'arm, Thig, agus rachamaid thairis a dh'ionnsuidh freiceadain nan daoine neo-thimchioll-ghearra ud: theagamh gu'n oibrich an Tighearn air ar son: oir cha 'n'eil bacadh air an Tighearna saoradh le mòran no le beagan.

7 Agus thubhairt fear iomchair⁶ 'arm ris, Dean gach *ni* a th'ann ad chridhe; tionndaidh thu féin⁷; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan daoine ud, agus nochdaidh sinn sinn féin doibh.

9 Ma their iad mar so ruinn, Fanaibh gus an tig sinn d'ur n-ionnsuidh; an sin seasaidh sinne 'nar n-àite, agus cha téid sinn suas d'an ionnsuidh.

10 Agus ma their iad mar so, Thigibh a mios d'ar n-ionnsuidh-ne; an sin théid

sinn suas, oir thug an Tighearna thairis iad d'ar làimh: agus *bithidh* so 'na chomh-ara dhuinn.

11 Agus nochd iad le chéile iad féin do fhreiceadan nam Philisteach: agus thubhairt na Philistich, Feuch, *tha* na h-Eabh-ruidhich a' teachd a mach as na tollaibh⁸, anns an d'fholaich siad iad féin.

12 Agus fhreagair fir an fhreiceadain Ionatan agus fear iomchair⁹ 'arm, agus thubhairt iad, Thigibh a mios d'ar n-ionnsuidh-ne, agus nochdaidh sinne dhuibh ni. Agus thubhairt Ionatan ri fear iomchair¹⁰ 'arm, Thig a mios a'm' dhéigh; oir thug an Tighearna thairis iad do làimh Israeil.

13 Agus chaidh⁷ Ionatan suas air a làmhnan agus air a chosan, agus fear iomchair⁸ 'arm 'na dhéigh: agus thuit iad roimh Ionatan; agus mharbh fear iomchair⁹ 'arm 'na dhéigh.

14 Agus bha an ceud àr sin a rinn Ionatan agus fear iomchair¹⁰ 'arm, mu thimchioll fichead fear, an taobh a stigh mar gu'm b'ann do leth-acair fhearainn, a dh'fheudadh cuing dhamh ar ann an là.

15 Agus bha ball-chrith anns an fheachd, sa' mhachair, agus am measg an t-sluaigh uile: bha crith mar an ceudna air an fhreiceadan agus air an luchd-millidh féin, agus chrìochnaich an talamh; agus bha i 'na crith ro mhòir⁸.

16 Agus dh'amhairc luchd-faire Shauil ann an Gibeah Bheniamin; agus, feuch, leagh am mòr-shluagh as, agus dh'fhalbh iad a' bualadh sìos⁹ a chéile.

17 An sin thubhairt Saul ris an t-sluagh a *bha* maille ris, Gabhaibh àireamh a nis, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomchair¹⁰ 'arm an sin.

18 Agus thubhairt Saul ri Ahiah, Thoir an so àire Dhé; oir bha àire Dhé san àm sin maille ri cloinn Israeil.

19 Agus an uair a bha Saul a' labhairt ris an t-sagart, chaidh a' chonghair a bha ann am feachd nam Philisteach air a h-aghaidh, agus mheudaich i; agus thubhairt Saul ris an t-sagart, Tarruing air a h-ais do làmh.

20 Agus chruinnich Saul agus an sluagh uile a *bha* maille ris iad féin an ceann a chéile, agus thàinig iad a dh'ionnsuidh a' chatha; agus, feuch, bha claidheamh gach fir an aghaidh a choimhearsnaich, agus *bha* amhladh¹⁰ ro mhòr ann.

21 Agus na h-Eabhruidhich a bha maille ris na Philistich roimhe sin, a chaidh suas maille riu do'n champ o'n tìr mu'n-cuairt,

¹ slighe chumhainn; dol thairis. Eabh.

² ghùlain. ³ scor chreige; fiacail chreige. Eabh.

⁴ bha aghaidh aoin charrage ri tuath.

⁵ imich ge b'e taobh is miann leat.

⁶ còsaibh, frègaibh.

⁷ streap, dhìr.

⁸ 'na crith Dhé. Eabh. ⁹ an so agus an sin

¹⁰ dioghbhail, sgrios.

I. SAMUEL, XIV.

thionndardh iadsan mar an ceudna gu bhli leis na h-Israelich, a *bha* maille ri Saul agus Ionatan.

22 Agus an uair a chuala na fir sin uile do Israel, a dh'fholaich iad féin ann an sliabh Ephraim, gu'n do theich na Philistich, dh'lùth-lean iadsan mar an ceudna 'nan déigh anns a' chath.

23 Mar sin shaor an Tighearn Israel air an là sin: agus chaidh an cath thairis gu Bet-abhen.

24 Agus thàinig fir Israeil am fagus¹ air an là sin, agus chuir Saul an sluagh fo mhionnaibh, ag ràdh, Mallaichte gu *robh* am fear a dh'itheas biadh² gu feasgar, a chum gu'n dìolar mi air mo naimhdbh: agus cha do bhlaiss neach air bith do'n t-sluagh biadh.

25 Agus thàinig an sluagh uile³ gu coille, agus bha mìl air aghaidh na macharach.

26 Agus an uair a thàinig an sluagh do'n choille, feuch, shìl a' mhil sìos; ach cha do chuir duine sam bith a làmh a dh'ionnsuidh a bheoil; oir bha eagal nam mionnan air an t-sluagh.

27 Ach cha chuala Ionatan an uair a chuir 'athair an sluagh fuidh na mionnaibh: uime sin shìl e mach bàrr na slait a *bha* 'na làmh, agus thum e i ann an cìr mheala, agus chuir⁴ e a làmh gu 'bheul, agus shoillsicheadh⁵ a shùilean.

28 An sin fhreagair fear do'u t-sluagh, agus thubhairt e, Chuir t'athair an sluagh fuidh mhionnaibh teann, ag ràdh, Mallaichte gu *robh* an duine a dh'itheas biadh an diugh. Agus bha'n sluagh air fannachadh.

29 An sin thubhairt Ionatan, Chuir m'athair an tìr fo bluairesas: faicibh, guidheam oirbh, cionnas a ta mo shùilean air an soillseachadh, do bhrìgh gu'n do bhlaiss mi beagan do 'u mhil so.

30 Cia mò gu mòr, nam biodh an sluagh air itheadh gu saor an diugh do chreic an naimhdean, a fhuair iad? oir nach bith-eadh a nis àr ni bu mhò am measg nam Philisteach?

31 Agus bhuail iad air an là sin na Philistich o Mhichmas gu Aialon: agus bha 'n sluagh air fannachadh gu mòr.

32 Agus leum an sluagh air a' chreic, agus ghabh iad caoraich, agus buar, agus laogh, agus mharbh iad air an talamh iad: agus dh'ith an sluagh iad leis an fhuil.

33 Agus dh'innis iad do Shaul, ag radh, Feuch, tha'n sluagh a' peacachadh an aghaidh an Tighearna, le itheadh maille

ris an fhuil⁶. Agus thubhairt csan, Pheac-aich sibh: caruichibh a m' ionnsuidh an diugh clach mhòr⁷.

34 Agus thubhairt Saul, Sgaoilbh sibh féin am measg an t-sluaigh, agus abraibh riu, Thugaibh a m' ionnsuidh an so gach duine a mhart⁸, agus gach duine a chaora, agus marbhaibh iad an so agus ithibh; agus na peacaichibh an aghaidh an Tighearna le 'theadh maille ris an fhuil. Agus thug an sluagh uile gach duine a mhart leis⁹ air an oidhche sin, agus mharbh iad an sin iad.

35 Agus thog Saul altair do'n Tighearna: B'i sin, a' cheud altair a thog e¹⁰ do'n Tighearn.

36 Agus thubhairt Saul, Rachamaid sìos an déigh nam Philisteach san oidhche, agus creachamaid iad gu solus na maidne, agus na fàgamaid fear dhiubh. Agus thubhairt iadsan, Dean gach ni a's maith leat¹¹. An sin thubhairt an sagart, Thigearmaid am fagus an so dh'ionnsuidh Dhe.

37 Agus dh'iarr Saul comhairle air Dia, An téid mi sìos an déigh nam Philisteach? an toir thu thairis iad do làmh Israeil? ach cha do fhreagair se e air an là sin.

38 Agus thubhairt Saul, Thigibh am fagus an so, sibhse uile mlaithcan¹² an t-sluaigh, agus biodh fios agaibh, agus faicibh, c'ait an robh am peacadh so an diugh.

39 Oir mar is beò an Tighearn, a shaor Israel, ged robh e ann mo mhac Ionatan, gu cinnteach gheibh e bàs. Ach cha do fhreagair duine e do'n t-sluagh uile.

40 An sin thubhairt e ri h-Israel uile, Bithibh-se air aon taobh, agus bithidh mise agus mo mhac Ionatan air an taobh eile. Agus thubhairt an sluagh ri Saul, Dean an ni a's maith leat.

41 Uime sin thubhairt Saul ris an Tighearna Dia Israeil, Thoir scachd *crann-chur* cothromach¹³. Agus ghabhadh Saul agus Ionatan; ach chaidh an sluagh as.

42 Agus thubhairt Saul, Tilgibh *crann-chur* eadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh ciod a rinn thu. Agus dh'innis Ionatan da, agus thubhairt e, Gu deimhin le bàrr na slait a *bha* a'm' làmh, bhlaiss mi beagan meala; agus, feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuille mar an ceudna: oir gu cinnteach gheibh thu bàs, a Ionatan¹⁴.

¹ bha fir Israeil ann an airc.

² aran. Eabh.

³ uile shluagh na tìre. ⁴ phill, thionndaidh. Eabh.

⁵ chunnaic.

⁶ air an fhuil. Eabh.

⁷ i. e. chum altarach.

⁸ a tharbh.

⁹ 'na làmh. Eabh.

mar altair. Eabh.

¹² oisinnan.

¹⁰ I sin thòisich e 'a togail

¹¹ a'd' shùilb. Eabh.

¹³ Tumim. Eabh.

¹⁴ bàsaichidh Ionatan.

I. SAMUEL, XIV. XV.

45 Agus thubhairt an sluagh ri Saul, Am faigh Ionatan bàs, a dh'oirbich an t-saorsa mhòr so ann an Israel? Nar leig-eadh Dia: *mar* is beò an Tighearna, cha tuit *aon ròineag*¹ do fholt a chinn gu làr; oir maille ri Dia dh'oirbich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantuinn nam Philisteach: agus dh'fhalbh na Philistich d'an àite féin.

47 Agus ghabh Saul an rìoghachd os ceann Israeil, agus chog e air gach làimh an aghaidh a naimhde gu léir, an aghaidh Moab, agus an aghaidh chloinn Amóin, agus an aghaidh Edoim, agus an aghaidh rìghre Shobah, agus an aghaidh nam Philisteach: agus ge b'e taobh a thionndaidh e, chlaoidh e *iad*².

48 Agus thog e sluagh, agus bhuail e na h-Amalecich, agus shaor e Israeil á làimh na muinntir a bha 'gam milleadh³.

49 A nis b'iad mic Shaul Ionatan, agus Isui, agus Melchisua: agus *b'iad* so ainmean a dhithis nighean; ainm na ceudghin Merab, agus ainm na *h-ighinn* a b'òige Michal.

50 Agus *b'e* ainm mnà Shaul Ahinoam, nighean Ahimahaib: agus *b'e* ainm ceannaird a shluaigh Abner mac Neir, bràthair-athar Shaul.

51 Agus *b'e* Cis athair Shaul: agus *b'e* Ner athair Abneir, mac Abieil.

52 Agus bha cogadh dian an aghaidh nam Philisteach rè uile làithean Shaul: agus an uair a chitheadh Saul fear làidir sam bith no fear treun sam bith, ghabhadh⁴ e d'a ionnsuidh e.

CAIB. XV.

1 *Chuireadh Saul a sgrios Amaleic.* 6 *Nochd e caoimhneas do na Cenich.* 7 *Bhuail e na h-Amaleicich, ach chaomhain e na caoraich agus am buar.* 10 *Air son 'eas-ùmhachd bha corruich air Dia 'na aghaidh, agus chuir e cul ris o bhi 'na rìgh.* 32 *Mharbh Samuel Agag.*

AGUS thubhairt Samuel ri Saul, Chuir an Tighearna mi gu thusa ungradh a d' rìgh os ceann a shluaigh, os ceann Israeil: a nis uime sin éisd ri briathraibh⁵ an Tighearna.

2 Mar so tha Tighearna nan sluagh, ag ràdh, Is cuimhne leam⁶ ciod a rinn na h-Amalecich air na h-Israelich, cionnus a chuir iad 'nan aghaidh san t-slighe, 'nuair a thàinig iad a nìos as an Eiphit.

3 A nis fhalbh, agus buail na h-Amalecich, agus sgrios⁷ gu tur gach *ni* a *th'*aca, agus na caomhain iad; ach marbh araon fear agus bean, leanabh agus ciochran⁸, damh agus caora, càmhal agus asal.

4 Agus chruinnich Saul an sluagh an ceann a chéile, agus dh'àireamh e iad ann an Telaim, dà cheud mìle coisiche, agus deich mìle fear do Iudah.

5 Agus thàinig Saul gu baile le Amalec, agus rinn e feall-fholach anns a' ghleann⁹.

6 Agus thubhairt Saul ris na Cenich, Falbhaibh, imichibh á so, rachaibh sìos o mheasg nan Amaleceach, air eagal gu'n sgrios mi sibh maille riu: oir nochd sibhse caoimhneas do chloinn Israeil uile 'nuair a thàinig iad a nìos as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecich o Habbilah *gus* an tig thu gu Sur, a *tha* fa chomhair na h-Eiphit.

8 Agus ghlac e Agag rìgh nan Amaleceach beò, agus sgrios e 'n sluagh uile le faobhar a' chlaidheimh.

9 Agus chaomhain Saul agus an sluagh Agag, agus a' chuid a b'fhearr do na caoraich, agus do'n bhuar, agus do na *beathaichibh* reamhra, agus do na h-uanaibh, agus do gach *ni* a bha maith, agus cha b'àill leo an sgrios gu tur; ach gach *ni* a bha tàireil agus suarrach¹⁰, sin sgrios iad gu tur.

10 An sin thàinig focal an Tighearna dhr'ionnsuidh Shamuel, ag ràdh,

11 Is aithreach leam gu'n d'rinn mi Saul 'na rìgh; oir thionndaidh e air ais o m' leantuinn, agus cha do choimhlion e m' àitheantan¹¹. Agus chuir sin doilghcas air Samuel, agus ghlaodh e ris an Tighearna rè na h-oidheche.

12 Agus an uair a dh'éirich Samuel gu moch a choinneachadh Shaul sa' mhaduinn, dh'innseadh do Shamuel, ag ràdh, Thàinig Saul gu Carmel, agus, feuch, chuir e suas dha féin clach-chuimhneach-ain¹², agus dh'imich e mu'n cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul; agus thubhairt Saul ris, Beannaichte *gu'n robh* thusa o'n Tighearna; choimhlion mis' àithne an Tighearn.

14 Agus thubhairt Samuel, Ciod *is ciall* ma ta *do* mhéilich nan caorach so ann am chluasaibh, agus *do* gheumnaich a chruidh a tha mi a' cluinntinn?

15 Agus thubhairt Saul, o na h-Amalecich thug siad iad; oir chaomhain an sluagh a' chuid a b'fhearr do na caoraich, agus do'n bhuar, a chum *an* iobradh do'n Tighearna do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich¹³, agus innsidh mi dhuit ciod a

¹ fhuiltean. ² bhuin e riu mar dhaoine ciontach.

³ 'gam fàsachadh, 'gan aitheachadh.

⁴ chruinnicheadh. Eabh.

⁵ guth bhriath-

ran. Eabh.

⁶ Tha e ann am bheachd.

⁷ sgriosaidh. Eabh.

⁸ naoidhean na cìche.

⁹ agus chaidh e sìos do 'n ghleann.

¹⁰ seargta.

¹¹ mo bhriathran. Eabh.

¹² àite; làmh. Eabh.

¹³ Leig dhomh.

I. SAMUEL, XV. XVI.

thubhairt an Tighearna rium¹ an nochd. Agus thubhairt e ris, Abair romhad.

17 Agus thubhairt Samuel, An uair a bha thu beag a' d'shùilibh féin nach d'rinn-eadh thu a' d' cheann air treubhaibh Israeil? agus dh'ung an Tighearn thu a' d' righ os ceann Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich na h-Amalecich, agus cog 'nan aghaidh gus an cuir thu¹ as doibh.

19 C'ar son ma ta nach d'éisd thu ri guth an Tighearn, ach a leum thu air a' chreich², agus a rinn thu ole ann an sùilbh an Tighearn?

20 Agus thubhairt Saul ri Samuel, Seadh, dh'éisd mi ri guth an Tighearn, agus dh'imich mi air an t-slighe air an do chuir an Tighearna mi, agus thug mi leam Agag, righ Amaleic, agus sgrios mi gu tur na h-Amalecich:

21 Ach ghabh an sluagh do'n chreich, caoraich agus buar, toiseach³ nan nithe bu chòir a bhi air an sgrios gu tur, a chum an iobradh do'n Tighearna do Dhia ann an Gilgal.

22 Agus thubhairt Samuel, Am bheil tlaclid aig an Tighearn ann an tabhartas-aibh-loisgte agus an iobairtibh, mar ann an ùmhlachd do ghuth an Tighearna? Feuch, is fearr ùmhlachd na iobairt, agus aire a thabhairt na saill reitheachan.

23 Oir mar pheacadh na druidheachd tha ceannair, agus mar aingidheachd iodhol-aoraidh⁴ tha rag-mhuineileachd⁵: a chionn gu'n do chuir thusa cùl ri⁶ focal an Tighearna, chuir esan mar an ceudna cùl riutsa o bhi d' righ.

24 Agus thubhairt Saul ri Samuel, Pheacaich mi, oir bhris mi àithne an Tighearn, agus do bhriathra-sa; a chionn gu'n robh eagall orm roimh 'n t-sluagh agus gu'n d'éisd mi r'an guth.

25 A nis uime sin, guidheam, ort lagh mo pheacadh, agus pill maille rium, a chum gu'n dean mi aoradh do'n Tighearn.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearn, agus chuir an Tighearna cùl riutsa o bhi d' righ air Israeil.

27 Agus an uair a thionndaidh Samuel mu'n cuairt gu falbh, rug e air foir 'fhall-uinne, agus reubadh i.

28 Agus thubhairt Samuel ris, Reub an Tighearna rìoghachd Israeil dhìot-sa an diugh, agus thug e i do d' choimhearsnach, a's fearr na thusa.

29 Agus mar an ceudna cha dean Neart⁷ Israeil breug, agus cha ghabh e aith-

reachas; oir cha duine e gu'n gabhadh e aithreachas.

30 An sin thubhairt e, Pheacaich mi; gidheadh a nis thoir urram dhomh, guidheam ort, am fianuis sheanairean mo shluaigh, agus am fianuis Israeil, agus pill maille rium, a chum gu'n dean mi aoradh do'n Tighearna do Dhia.

31 Agus phill Samuel an déigh Shaul; agus rinn Saul aoradh do'n Tighearn.

32 An sin thubhairt Samuel, Thugaibh an so a m' ionnsuidh-sa Agag righ nan Amaleaceach: agus thàinig Agag d'a ionnsuidh gu suilbhir⁸. Agus thubhairt Agag, Gu cinnteach chaidh searbhas⁹ a bhàis seachad.

33 Agus thubhairt Samuel, Mar a rinn do chlaidheamh-sa mnàigun chlam¹⁰, mar sin bithidh do mhàthair gun chlann am measg bhan. Agus thug Samuel fa' near Agag a ghearradh sìos 'na mhrìbh am fianuis an Tighearn ann an Gilgal.

34 An sin dh'imich Samuel gu Ramah; agus chaidh Saul suas d'a thigh gu Gibeah Shaul.

35 Agus cha d'thàinig Samuel tuilleadh a dh'fhaicinn Shaul gu latha a bhàis; gidheadh, rinn Samuel bròn air son Shaul: agus b'aithreach leis an Tighearna gu'n d'rinn e Saul 'na righ air Israeil.

CAIB. XVI.

1 Chaidh Samuel gu Bet-lehem, agus dh'ung e Daibhidh mac Iese. 14 Chuir droch spiorad o'n Tighearn dragh air Saul. 19 Thugadh Daibhidh¹¹ na làthair.

AGUS thubhairt an Tighearn ri Samuel, Cia fhad a ni thu bròn air son Shaul, agus gu'n do chuir mise cùl ris o rìoghachadh os ceann Israeil? lìon do chorn¹¹ le h-oladh, agus falbh, cuiridh mise thu gu Iese am Bet-lehemeach; oir fhuair mi mach¹² am measg a chuid mac rìgh dhomh féin.

2 Agus thubhairt Samuel, Cionnus a dh'fhalbhas mi? oir cluinidh Saul, agus marbhaidh e mi. Agus thubhairt an Tighearna, Thoir agh leat, agus abair, A dh'ìobradh do'n Tighearna thàinig mi.

3 Agus gairm air Iese dh'ionnsuidh na h-iobairte, agus bheir mise fios dhuit ciod a ni thu; agus ungaidh tu dhomhsa esan a dh'ainmicheas mi dhuit.

4 Agus rinn Samuel an ni sin a labhair an Tighearn, agus thàinig e gu Bet-lehem: agus chrìochnaich seanairean a' bhaile r'a theachd, agus thubhairt iad, An ann an sìth a tha thu teachd?

5 Agus thubhairt esan, Ann an sìth: a dh'ìobradh do'n Tighearna thàinig mi:

¹ sibh. ² a thionndaidh thu dh'ionnsuidh na creiche. ³ roghadh. ⁴ aingidheachd agus iodhol-aoradh. ⁵ reasgachd. ⁶ gu'n d'rinn thu dìmeas air. ⁷ Buaidh, don sìorruidh.

⁸ o gheimhlibh. ⁹ searbhadas, seirbhe. ¹⁰ chloim. ¹¹ t'adharc. ¹² chunnaic mi. Eabh.

naomhaichibh sibh féin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhairc e air Eliab, agus thubhairt e, Gu cinnteach an fianuis an Tighearna *tha* 'aon ungatasan.

7 Ach thubhairt an Tighearna ri Samuel, Na h-amhairc air a ghnùis, no air àirde a phearsa, a chionn gu'n do chuir mise cùl ris; oir cha'n *fhaic an Tighearna*¹ mar a chi duine; oir amhaircidh an duine air coslas an taobh a muigh², ach amhaircidh an Tighearna steach air a' chridhe.

8 An sin ghairm Iese air Abinadab, agus thug e air gabhail seachad fa chomhair Shamueil: agus thubhairt e, Ni mò a thagh an Tighearna e so.

9 An sin thug Iese air Samah dol seachad: agus thubhairt e, Ni mò a thagh an Tighearna e so.

10 An sin thug Iese air seachdnar d'a mhic dol seachad fa chomhair Shamueil: agus thubhairt Samuel ri Iese, Cha do thagh an Tighearna *iad* so.

11 Agus thubhairt Samuel ri Iese, Am bheil do mhic uile an so? Agus thubhairt esan, Dh'fhàgadh fathast *am mac* a's òige, agus, feuch, *tha* e ag ionaltradh³ nan caorach. Agus thubhairt Samuel ri Iese, Cuir *fios air*, agus thoir an so e; oir cha suidh sinn sìos⁴ agus an tig e 'n so.

12 Agus chuir e *fios air*, agus thug e steach e: a nis *bha* e ruiteach, agus sgiamhach 'na ghnùis⁵, agus maiscach ri amharc air. Agus thubhairt an Tighearna, Eirich, ung e; oir *is* e so esan.

13 Agus ghabh Samuel an corn oladh, agus dh'ung se e am measg a bhràithrean: agus thuirling spiorad an Tighearna air Daibhidh, o'n là sin a mach. Agus dh'éirich Samuel, agus chaidh e gu Ramah.

14 Ach dh'fhalbh spiorad an Tighearna o Shaul, agus chuir droch spiorad o'n Tighearna buaireas⁶ air.

15 Agus thubhairt seirbhisich Shaul ris, Feuch a nis, *tha* droch spiorad o Dhia a' cur buaireas ort.

16 Thugadh a nis ar tighearna àithne do d' sheirbhisich *a tha* ann ad fianuis, gu'n iarr iad a mach duine a chluicheas⁷ gu h-ealanta air clàrsaich: agus an uair a bhios an droch spiorad o Dhia ort, an sin cluichidh esan le a làimh, agus bithidh tusa gu maith,

17 Agus thubhairt Saul r'a sheirbhisich,

Faighibh a nis dhomh duine a chluicheas gu maith, agus thugaibh a m' ionnsuidh e.

18 An sin fhreagair aon do na h-òglaich, agus thubhairt e, Feuch, chunnaic mi mac le Iese am Bet-lehemeach, a chluicheas gu h-ealanta⁸, agus *a tha* treun ann an neart, agus 'na fhear cogaidh, agus glic ann an gnothuichibh⁹, agus na dhuine maiscach; agus *tha* 'n Tighearna maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a m' ionnsuidh Daibhidh do mhac, a *tha* maille ris na caoraich.

20 Agus ghabh Iese asal *luchdaichte le* h-aran¹⁰, agus searrag fhìona, agus meann do na gabhraibh, agus chuir e *iad* le làimh Daibhidh a mhic a dh'ionnsuidh Shaul.

21 Agus thàinig Daibhidh a dh'ionnsuidh Shaul, agus sheas e 'na fhianuis; agus ghràdhaich e gu mòr e, agus bha e aige 'na fhear iomchair 'arm.

22 Agus chuir Saul teachdaire dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fhuair e deadh-ghean a'm' shùilibh¹¹.

23 Agus an uair a bha'n droch spiorad o Dhia air Saul, an sin ghabh Daibhidh clàrsach, agus chluich e le a làimh: agus bha fois¹² aig Saul, agus bha e gu maith; oir dh'fhalbh an droch spiorad uath.

CAIB. XVII.

1 Chruinnichadh slòigh nam Philisteach an ceann a chèile gu cath an aghaidh Israeil. 4 Thug Goliath dùbhan do chloinn Israeil. 38 Mharbh Daibhidh e.

ANIS chruinnich na Philistich an slòigh an ceann a chèile gu cath, agus chruinnichadh iad aig Sochoh, a *bhuineas* do Iudah; agus champaich iad eadar Sochoh agus Asecah, ann an Ephesdamim¹³.

2 Agus chruinnichadh Saul agus fir Israeil an ceann a chèile, agus champaich iad ann an gleann Elah¹⁴, agus chuir iad an cath an ordugh¹⁵, an aghaidh nam Philisteach.

3 Agus sheas na Philistich air sliabh air aon taobh, agus sheas Israel air sliabh air an taobh eile: agus *bha* gleann eatorra.

4 Agus thàinig curaidh¹⁶ a mach á camp nam Philisteach, d'am b'ainm Goliath o Ghat, *anns an robh* sè¹⁷ làmhan-coille agus réis air àirde.

5 Agus *bha* clogaid¹⁸ umha air a cheann, agus *bha* e air 'éideadh le lùirich mhàilich¹⁹: agus *b'e* cothrom na lùiriche cuig mìle secel umha.

¹ oir cha'n fhaic mise. ² air a' ghnùis; air na sùilibh. Eabh. ³ a' biadhadh, a' gleidheadh.

⁴ i. e. mu'n cuairt air a' bhòrd.

⁵ sùilean àluinn aige. Eabh. ⁶ dragh, uamhann.

⁷ sheinneas. ⁸ a tha eòlach air cluicheadh.

⁹ am focal, an comhairle.

¹⁰ homer arain.

¹¹ is taitneach leam e. ¹² fèith, anail, lasachadh.

¹³ ann an crìch Dhamin. ¹⁴ gleann an daraich.

¹⁵ eagar. ¹⁶ fear-còmhlaig. ¹⁷ ceithir.

¹⁸ ceann-bheirt. ¹⁹ lùirich lannaich. Eabh.

6 Agus *bha* coisbheirt¹ umha air a chosaibh, agus targaid² umha eadar a ghuaillibh.

7 Agus *bha* crann a shleagha mar gharmain³ figheadair; agus *bha ann an* ceann a shleagha sè ceud secel iaruin: agus *bha fear* a' giùlan sgéithe ag imeachd roimhe.

8 Agus sheas e, agus ghlaodh e ri slòigh⁴ Israeil, agus thubhairt e riu, C'ar son a tha sibh a' teachd air-sach, agus gu' cath a chur an ordugh? Nach Philisteach mise, agus *nach* seirbhisich sibhse do Shaul? taghaibh dhuibh féin fear, agus thigeadh e nuas a m' ionnsuidh-sa.

9 Ma's urrainn e còmhrag riumsa, agus *ma* mharbhas e mi, an sin bithidh sinn 'uar seirbhisich agaibhse; ach ma bheir mise buaidh air-sach, agus gu marbh mi e, an sin bithidh sibhse 'nur seirbhisich againne, agus ni sibh seirbhis dluinn.

10 Agus thubhairt am Philisteach, Tha mi a' toirt dùbhlain do shlòigh Israeil an diugh; faighibh dhomhsa fear, a chum gu'n dean sinn còmhrag ri chéile.

11 An uair a chuala Saul agus Israeil uile bhriathra sin an Philistich, *bha iad* fo uamhas, agus fo eagal mòr.

12 A nis *b'e* Daibhidh mac an Ephratich sin o Bhet-lehem Judah, d'am b'ainm Iese; agus *bha* ochdnar mhac aige; agus *bha* an duine ann an làithibh Shaul 'na sheann duine, air teachd air aghaidh ann an aois⁵.

13 Agus dh'imich an triuir mhac bu shine aig Iese, agus chaidh iad an déigh Shaul a chum a' chogaidh; agus *b'iad* ainmean a thriuir mhac a chaidh dh'ionnsuidh a' chogaidh, Eliab an ceud-ghin, agus 'na dheigh-sann Abinadab, agus an treas *mac* Samah.

14 Agus *b'e* Daibhidh am *mac* a b'òige: agus chaidh an triuir bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach athar ann am Bet-lehem.

16 Agus tharruing am Philisteach am fagus sa' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephah do'n *t-sìol* chruaidhichte so, agus na deich builinnean so, agus ruith do'n cliamp a dh'ionnsuidh do bhràithrean;

18 Agus giùlain na deich mulchagan càise so dh'ionnsuidh ceannaird am mile-san, agus seall cionnus a tha do bhràithrean, agus gabh an geall.

19 A nis *bha* Saul, agus iadsan, agus fir

Israeil uile ann an gleann Elah, a' cogadh ris na Philistich.

20 Agus dh'éirich Daibhidh gu moch sa' mhaduinn, agus dh'fhàg e na caoraich aig fear-gleidhidh, agus thug e leis, agus dh'imich, e, mar a dh'àithn Iese dha; agus thàinig e do'n chlais-bhlàir⁶ an uair a bha 'n armailt a' dol a mach a dh'ionnsuidh a' chatha, agus a rinn iad iolach a chum a' chatha:

21 Oir chuir Israeil agus na Philistich iad féin an ordugh catha, armailt an aghaidh armailt.

22 Agus dh'fhàg Daibhidh an t-uidheam⁷ a' chuir e dheth ann an làimh fìr-gleidhidh an uidheam, agus ruith e dh'ionnsuidh na h-armailt, agus thàinig e, agus chuir e fàilt air a bhràithribh.

23 Agus an uair a bha e a' labhairt riu, feuch, thàinig an curaidh d'am b'ainm Goliath, am Philisteach o Ghat, a nìos á armailt⁸ nam Philisteach, agus labhair e a réir nam briathra ceudna: agus chuala Daibhidh iad.

24 Agus an uair a chunnaic fir Israeil uile an duine, theich iad roimhe, agus *bha* eagal mòr orra.

25 Agus thubhairt fir Israeil⁹, Am faca sibh am fear so a tha air teachd a nìos? gu cinnteach *is ann* a thoirt dùbhlain do Israeil¹⁰ a tha e air teachd a nìos: agus ge b'e fear a mharbhas e, ni an rìgh saoi bhir e le mòr shaoibhreas, agus bheir e dha a nighean, agus ni e tigh athar saor ann an Israeil.

26 Agus thubhairt Daibhidh ris na daoineibh a sheas làimh ris, ag ràdh, Ciod a nithear do'n duine a mharbhas am Philisteach so, agus a bheir air falbh am masladh o Israeil? oir cò e am Philisteach neo-thinchioll-ghearrta so, gu'n tugadh e dùbhlain do armailtibh an Dé bheò?

27 Agus fhreagair an sluagh e air an dòigh so ag ràdh, Mar so nithear do'n duine a mharbhas e.

28 Agus chuala Eliab a bhràthair bu shine, nuair a labhair e ris na daoineibh: agus las fearg Eliab an aghaidh Daibhidh, agus thubhairt e, C'ar son a thàinig thu nuas an so? agus cò aig a dh'fhàg thu am beagan chaorach sin anns an fhàsach? tha mi fiosrach air t-uabhar agus olcas do chridhe; oir is ann a dh'fhaicinn a' chatha a thàinig thu nuas.

29 Agus thubhairt Daibhidh, Ciod a rinn mi a nis? nach briathran iad¹¹?

30 Agus thionndaidh e uathsan a dh'ionnsuidh *fir* eile, agus labhair e air an dòigh cheudna: agus fhreagair an sluagh e a ris a réir na ceud dòigh.

¹ eudanain.

² sgiath.

³ shail.

⁴ armailtibh; sreathaibh. Eabh.

⁵ am measg dhaoine.

⁶ chlais-dhionaidh, daing-

neach; trench. Sasg.

⁷ na thug e leis.

⁸ slòigh.

⁹ duine do Israeil.

¹⁰ a mhaslachadh Israeil.

¹¹ nach eil aobhar ann?

I. SAMUEL, XVII.

31 Agus an uair a chualas na briathran a labhair Daibhidh, dh'aithris iad am fianuis Shaul *iad*: agus chuir e fios air¹.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: théid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha'n urrainn thusa dol an aghaidh an Philistich so a chogadh ris: oir *cha 'n'eil* annad-sa *ach* òganach, agus *tha* esan 'na fhear cogaidh o'òige.

34 Agus thubhairt Daibhidh ri Saul, Bha do sheirbhiseach ag ionaltradh chaorach 'athar, agus thàinig leòmhnan, agus math-ghamhuin, agus thug e uan as an treud:

35 Agus chaidh mi mach 'na dhéigh, agus bhuail mi e, agus shaor mi as a bheul e. Agus an uair a dh'éirich e a'm' aghaidh, rug mi air fheusaig *air*, agus bhuail mi e, agus mharbh mi e.

36 Araon an leòmhnan agus am math-ghamhuin mharbh do sheirbhiseach: agus bithidh am Philisteach neo-thimchiollghearrta so mar aon diubhsan, do bhrìgh gu'n d'thug e dùbhlán do armaitibh an Dé bheò.

37 Mar an ceudna thubhairt Daibhidh, An Tighearn a shaor mise á màg² an leòmhain, agus á màg a' math-ghamhuin, saoraidh esan mi á làmh an Philistich so. Agus thubhairt Saul ri Daibhidh, Falbh, agus gu robh an Tighearna maille riut.

38 Agus chuir Saul 'éididh féin air Daibhidh, agus chuir e clogaidumha air a cheann; mar an ceudna chuire lùireach air.

39 Agus chrìoslaich Daibhidh a chlaidheamh air uachdar 'éididh, agus b'àill leis³ imeachd, oir cha do chleachd e *iad*: agus thubhairt Daibhidh ri Saul, Cha'n urrainn mi imeachd leo so, oir cha do chleachd mi *iad*. Agus chuir Dhaibhidh dheth *iad*.

40 Agus ghabh e a bhata 'na làmh, agus thagh e dha féin cùig clacha mìne o'n t-sruth, agus chuir e iad ann am màla buachaille⁴ a bha aige, eadhon ann an sporan, agus *bha* a chrann-tàbhuill 'na làmh: agus tharruing e 'm fagus do'n Philisteach.

41 Agus thàinig am Philisteach air aghaidh agus tharruing e 'm fagus do Dhaibhidh; agus fear iomchlaire a sgéithe roimhe.

42 Agus an uair a dh'amhaire am Philisteach agus a chunnaic e Dhaibhidh, rinn e dìmeas air, a chionn gu'n robh e 'na òganach, agus ruiteach, agus sgiamhach

'na ghnùis.

43 Agus thubhairt am Philisteach ri Daibhidh, An cù mise, gu'n tigeadh tu a m' ionnsuidh le bataibh? agus mhallaich am Philisteach Daibhidh ann an *ainm* a dhée⁵.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi t'fheoil do eunlaith an athair, agus do bheathaichibh na macharach.

45 An sin thubhairt Daibhidh ris an Philisteach, *Tha* thusa a' teachd a m' ionnsuidh-sa le claidheamh, agus le sleagh, agus le sgéith; ach *tha* mise a' teachd a d' ionnsuidh-sa ann an ainm Thighearna nan sluagh, Dhé armaitlean Israeil, d'an d'thug thusa dùbhlán.

46 Air an là 'n diugh bheir an Tighearna thairis thu do m' làmh-sa, agus buailidh mi thu, agus buinidh mi dhìot do cheann, agus bheir mi ciosaichean fheachd nam Philisteach air an là 'n diugh do eunlaith an athair, agus do fhìadh-bheathaichibh na talmhainn; a chum gu'm bi fios aig an talamh uile gu bheil Dia ann an Israel⁶.

47 Agus bithidh fios aig a' choimhthional so uile, nach ann le claidheamh no le sleagh a shaoras an Tighearn: oir *is* leis an Tighearn an cath, agus bheir e sibhse d'ar làmh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus an coinneamh Dhaibhidh, an sin rinn Daibhidh cabhag, agus ruith e dh'ionnsuidh na h-armait an coinneamh an Philistich.

49 Agus chuir Daibhidh a làmh 'na mhàla, agus ghabh e as a sin clach, agus thìg e as a chrann-tàbhuill, agus bhuail e 'm Philisteach an clàr 'eudain: agus chaidh a' chlach a stigh⁷ ann an clàr eudain, agus thuit e air 'aghaidh dh'ionnsuidh an làir.

50 Mar sin thug Daibhidh buaidh air an Philisteach le crann-tàbhuill agus le cloich; agus bhuail e 'm Philisteach, agus mharbh se e: ach cha robh claidheamh ann an làmh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chlaidheamh agus tharruing e as a thruaill e, agus mharbh se e, agus ghearr e dheth a cheann leis. Agus an uair a chunnaic na Philistich gu'n robh an gaisgeach marbh, theich iad.

52 Agus dh'éirich fir Israeil agus Iudah, agus rinn iad iolach, agus chaidh iad air tòir nam Philisteach, agus an tig thu gu gleann, agus gu geataichibh Ecroin: agus thuit iadsan a bha leònta do na Philistich air an

¹ ghabh se e. Eabh.

² dh'fheuch e ri.

³ cròdh; làmh. Eabh.

⁴ aodhaire,

⁵ le dh'iaithaibh.

⁷ an sàs.

⁶ aig Israel.

t-slighe gu Saraim, cadhon gu ruig Gat, agus gu ruig Ecron.

53 Agus phill clann Israeil o ruagadh nam Philisteach, agus chreach iad an camp¹.

54 Agus ghabh Daibhidh ceann an Philistich, agus thug e leis e gu h-Ierusalem: ach chuir e 'armachd' na bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Mar is beò t'anam, O a rìgh, cha 'n'eil fhios agam.

56 Agus thubhairt an rìgh, Feòraich² thusa cò d'am mac an t-òganach so.

57 Agus an uair a phill Daibhidh o mharbhadh an Philistich, ghabh Abner e, agus thug e am fianuis Shauil e le ceann an Philistich 'na làimh.

58 Agus thubhairt Saul ris, Cò d'am mac thu, òganach? Agus fhreagair Daibhidh, *is mi* mac do sheirbhisich Iese, a' Bheth-lehenich.

CAIB. XVIII.

▲ *Ghràdhaich Ionatan Daibhidh. 10 Dh'fhuathach Saul e, agus dh'iarr e a mharbhadh. 22 Thug e Michal a nighean dha 'na mnaoi.*

AGUS tharladh an uair a chuir e chrioche air labhairt ri Saul, gu'n do cheangladh anam Ionatan ri anam Daibhidh, agus ghràdhaich Ionatan e mar 'anam féin.

2 Agus ghabh Saul *d' a ionnsuidh* e air an là sin, agus cha do leig e leis pilltinn ni's mò gu tigh 'athar.

3 An sin rinn Ionatan agus Daibhidh coimhcheangal, do bhrìgh gu'n do ghràdhaich se e mar 'anam féin.

4 Agus chuir Ionatan dheth féin an fhalluinn³ a *bh'* air, agus thug e do Daibhidh i, agus 'éididh eadhon gu' chlaidheamh, agus gu' bhogha, agus gu' chrìos.

5 Agus chaidh Daibhidh mach gach taobh a chuir Saul e, agus ghiùlain se e féin gu glic: agus chuir Saul e os ceann nam fear cogaich; agus bha e taitneach ann an sùilbhan an t-sluaigh uile, agus mar an ceudna ann an sùilbhan sheirbhiseach Shauil.

6 Agus an uair a bha iad a' teachd, an déigh do Daibhidh pilltinn o mharbhadh an Philistich, thàinig na mnà a mach á uile bhaitibh Israeil, a' seinn agus a' damnsadh an coimeamh rìgh Shauil, le tiompanaibh, le gairdeachas, agus le h-innealaibh ciuil tri-theudach.

7 Agus fhreagair na mnà a *chéile an uair a bha iad* a' seinn, agus thubhairt iad,

Mharbh Saul a mhìltean, agus Daibhidh a dheich mìltean.

8 Agus bha Saul ro fheargach, agus mhi-thàitinn an ràdhsin ris⁴; agus thubhairt e, Thug iad do Dhaibhidh deich mìltean, agus dhomhsa cha d'thug iad ach mìltean: agus *ciod* tuille *dh'fheudas bhi* aige ach an rìoghachd?

9 Agus chum Saul sùil⁵ air Daibhidh o'n là sin agus o sin a mach.

10 Agus air an là màireach thàining an droch spiorad o Dhia air Saul, agus rinn e fàidheadoireachd⁶ ann am meadhan an tighe; agus chluich⁷ Daibhidh le a làimh, mar air uairibh⁸ eile: agus *bha* sleagh ann an làimh Shauil.

11 Agus thilg Saul an t-sleagh, agus thubhairt e, Buailidh mi Daibhidh *leatha* gu ruig am balla: ach tharruing Daibhidh as a làthair dà uair.

12 Agus bha eagal air Saul roimh Daibhidh⁹, do bhrìgh gu'n robh an Tighearna maille ris, agus gu'n d'imich e o Shaul.

13 Uime sin chuir Saul air falbh uaith e, agus rinn e 'na cheannard dha féin os ceann mìle e; agus chaidh e mach, agus thàinig e stigh roimh 'n t-sluaigh¹⁰.

14 Agus ghiùlain Daibhidh e féin gu glic 'na shligheibh uile; agus *bha* 'n Tighearna maille ris.

15 Agus an uair a chunnaic Saul gu'n do ghiùlain se e féin gu ro ghlic, bha eagal air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d' thàinig e stigh rompa.

17 Agus thubhairt Saul ri Daibhidh, Feuch, mo nighean a's siue Merab, ise bheir mi dhuit 'na mnaoi: a mhàin bi thusa gaisgeil air mo shon-sa, agus cuir cathan an Tighearn: oir thubhairt Saul, Na biodh mo làmh-sa air, ach biodh làmh nam Philisteach air.

18 Agus thubhairt Daibhidh ri Saul, Cò mise? agus ciod i mo bheatha, no teaghlach m'athar¹¹ ann an Israel, gu'm bithinn a'm' chliamhuin aig an rìgh?

19 Ach anns an àm sam bu chòir do Mherab nighean Shauil a bhi air a tabhairt do Dhaibhidh, thugadh i do Adriel am Meholatach 'na mnaoi.

20 Agus ghràdhaich Michal, nighean Shauil, Daibhidh; agus dh'innis iad *sin* do Shaul, agus thàitinn an ni ris¹².

21 Agus thubhairt Saul, Bheir mi dha i, a chum gu'm bi i dha 'na rìbeadh, agus *gu'm bi* làmh nam Philisteach 'na aghaidh. Uime sin thubhairt Saul ri Daibh-

¹ am bùthan.

² Fiosraich.

³ trusan. ⁴ bha 'n ràdh sin o' na shùilbhan. Eabh.

⁵ sheall Saul gu mì-runach.

⁶ bha e air boile.

⁷ bhuaill.

⁸ làithibh.

⁹ roimh ghnùis Dhaibhidh. Eabh.

¹⁰ air ceann an t-sluaigh.

¹¹ ciod i beatha teaghlach m'athar.

¹² bha an ni ceart na shùilbhan. Eabh.

idh, Le aon do'n dithis bithidh tu a'd' chliamhuin agams' an diugh.

22 Agus dh'àithn Saul d'a sheirbhisich, ag ràdh, Labhraibh ri Daibhidh an uaigheas, ag ràdh, Feuch, tha tlachd aig an rìgh annad, agus tha gràdh aig a sheirbhisich uile dhuit: a nis uime sin bi-sa a'd' chliamhuin aig an rìgh.

23 Agus labhair seirbhisich Shaul na briathra so ann an clusaibh Dhaibhidh: agus thubhairt Daibhidh, An ni faoin 'nur sùilibh-sa bhì ann an cleamhnas ri rìgh, agus nach 'eil annam-sa ach duine bochd, agus fo dhìmeas?

24 Agus dh'innis seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha 'n'eil an rìgh ag iarraidh dubharaidh¹ sam bith, ach ceud roimh-chroicinn do na Philistich, gu bhì diolta air naimhdbh an rìgh. Ach shaoil Saul gu'n tugadh e air Daibhidh tuiteam le làimh nam Philisteach.

26 Agus an uair a dh'innis a sheirbhisich do Dhaibhidh na briathra sin, thaitinn e ri Daibhidh a bhì 'na chliamhuin aig an rìgh: agus cha do chrìochnaicheadh² na làithean.

27 Uime sin dh'érich Daibhidh, agus dh'imich e féin agus a dhaoine, agus mharbh e do na Philistich dà cheud fear; agus thug Daibhidh leis an roimh-chroicinn, agus thug iad 'nan làn àireamh iad do'n rìgh, a chum gu'm biodh e 'na chliamhuin aig an rìgh: agus thug Saul dha Michal a nighean 'na mnaoi.

28 Agus chunnaic Saul, agus bha fios aige gu'n robh an Tighearna maille ri Daibhidh, agus gu'n do ghràdhaich Michal nighean Shaul e.

29 Agus bha fathast an tuilleadh cagail air Saul roimh Dhaibhidh; agus bha Saul 'na nàmhaid do Dhaibhidh an còmhuidh.

30 An sin chaidh ceannardan nam Philisteach a mach: agus an déigh dhoibh dol a mach, ghiùlain Daibhidh e féin ni bu ghlice na uile sheirbhisich Shaul: agus bha 'ainm ro urramach.

CAIB. XIX.

1 Dh'innis Ionatan do Dhaibhidh gu'n robh 'athair ag iarraidh a mharbhadh. 11 Chuir Saul teachdairean a dh'ionnsuidh a thighe g' a chur gu bàs.

12 Leig Michal sìos troimh uinneig e agus theich e dh'ionnsuidh Shamuel gu Ramah.

A GUS labhair Saul r'a mhac Ionatan, agus r'a sheirbhisich uile, iad a mharbhadh Dhaibhidh.

2 Ach bha tlachd mòr aig Ionatan mac Shaul ann an Daibhidh: agus dh'innis

Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis uime sin, guidhean ort, thoir an aire dhuit féin sa' mhaduinn, agus fan ann an àite dìomhair, agus folaich thu féin.

3 Agus theid mise mach, agus seasaidh mi làimh ri m'athair sa' mhachair anns am bi thu, agus labhairidh mi mu d' thimchioll ri m'athair; agus an ni a chi mi, sin innsidh mi dhuit³.

4 Agus labhair Ionatan maith mu Dhaibhidh r'a athair Saul, agus thubhairt e ris, Na peacaicheadh an rìgh an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh 'oibre do d' thaobh-sa ro mhaith:

5 Oir chuir e 'anam⁴ 'na làimh, agus mharbh e am Philisteach; agus dh' oibrich an Tighearna saorsa mhòr air son Israeil uile: chunnaic thu e agus rinn thu gairdeachas: c'ar son ma ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh' éisd Saul ri guth Ionatain; agus mhionnaich Saul, Mar is beò an Tighearna, cha mharbhar e.

7 Agus ghairm Ionatan air Daibhidh, agus chuir Ionatan an céill dha na briathra sin uile: agus thug Ionatan Daibhidh a dh'ionnsuidh Shaul, agus bha e 'na fhianuis mar a bha e roimhe.

8 Agus bha cogadh a rìs ann: agus chaidh Daibhidh a mach, agus chog e ris na Philistich, agus bhuail e iad le h-àr mòr; agus theich iad roimhe.

9 Agus bha'n droch spiorad o'n Tigh earn air Saul, an uair a shuidh e 'na thigh, agus a shleagh 'na làimh: agus chluich Daibhidh le a làimh.

10 Agus dh'iarr Saul Daibhidh a bhuail gu ruig am balla leis an t-sleagh; ach tharuing e air falbh a làthair Shaul, agus bhuail e 'n t-sleagh a stigh sa' bhalla: agus theich Daibhidh, agus chaidh e as air an oidheche sin.

11 Agus chuir Saul teachdairean⁵ a dh'ionnsuidh tighe Dhaibhidh, g'a choimhead⁶ agus g'a mharbhadh sa' mhaduinn: agus dh'innis Michal a bhean do Dhaibhidh, e, ag ràdh, Mur teasaig thu t'anam an nochd, am màireach cuirear gu bàs thu.

12 Agus leig Michal sìos Daibhidh troimh uinneig: agus dh'fhalbh e, agus theich e, agus chaidh e as.

13 Agus ghabh Michal dealbh, agus chuir i san leabaidh e, agus chuir i adhartan⁷ do fhionnadh ghabhar f'a cheann, agus chòmhdaich i le eudach e.

¹ crodh.

² choimhleadh.

³ chi mi. ciod a tha 'na chridhe, no their e, agus innsidh mi dhuit. Eabh.

⁴ a bheatha.

⁵ mair.

⁶ fhaicheadh.

⁷ cluasag; cèbir. Eabh.

14 Agus an uair a chuir Saul teachdair-ean a ghlacadh Dhaibhidh, thubhairt i, *Tha e tinn.*

15 Agus chuir Saul na teachdairean a rìs a dh'fhaicinn Dhaibhidh, ag ràdh, Thugaibh a mìos san leabaidh a m' ionnsuidhs¹ e, a chum gu marbh mi e.

16 Agus an uair a thàinig na teachdairean a stigh, feuch, *bha* dealbh anns an leabaidh, agus adhartan do *fhionnadh* ghabhar f'a cheann.

17 Agus thubhairt Saul ri Michal, C'ar son a mheall thu mi mar so, agus a chuir thu aì falbh mo nàmhaid, air chor as gu'n deachaidh e as? Agus fhreagair Michal Saul, Thubhairt e rium, Leig dhomh imeachd; c'ar son a mharbhainn thu?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach *ni* a rinn Saul ris: agus dh'imich esan agus Samuel, agus ghabh iad còmhnuidh ann an Naiot.

19 Agus dh'innseadh do Shaul, ag ràdh, Feuch, *tha* Daibhidh aig Naiot ann an Ramah.

20 Agus chuir Saul teachdairean a ghlacadh Dhaibhidh: agus an uair a chunnaic iad cuideachd¹ nam fàidhean ri fàidheadoireachd, agus Samuel 'na sheasamh *mar* air a shuidheachadh os an ceann, bha spiorad Dhé air teachdairibh Shaul, agus rinn iadsan fàidheadoireachd mar an ceudna.

21 Agus an uair a dh'innseadh *sin* do Shaul, chuir e uaith mar an ceudna teachdairean eile, agus rinn iadsan cuideachd² fàidheadoireachd. Agus chuir Saul teachdairean a rìs an treas uair, agus rinn iadsan cuideachd fàidheadoireachd.

22 An sin chaidh e féin mar an ceudna gu Ramah, agus thàinig e gu tobar mòr a *tha* ann an Sechu, agus dh'fheadraich e, agus thubhairt e, C'ait *am bheil* Samuel agus Daibhidh? agus thubhairt *eon*, Feuch, *tha iad* aig Naiot ann an Ramah.

23 Agus chaidh e 'n sin gu Naiot ann an Ramah: agus bha spiorad Dhé air-san mar an ceudna, agus chaidh e air aghaidh agus rinn e fàidheadoireachd, agus an d'thàinig e gu Naiot ann an Ramah.

24 Agus chuir esan cuideachd 'endach dheth, agus rinn e fàidheadoireachd am fianuis Shamueil air an dòigh cheudna: agus luidh³ e sìos lomnochd rè an là sin agus rè na h-oidheche. Uime sin their iad, Am '*bheil* Saul mar an ceudna am measg nam fàidhean?

1 *Dh'athnuadhach Daibhidh agus Ionatan an coimhcheangal a bha eatorra.* 24 *Dh'iarr Saul Ionatan a mharbhadh, a chionn gu'n do leig e Daibhidh air falbh.* 35 *Dh'innis Ionatan a chumart do Dhaibhidh;* 41 *agus dhealaich iad.*

A GUS theich Daibhidh o Naiot ann an Ramah, agus thàinig e, agus thubhairt e am fianuis Ionatan, Ciod a rinn mi? ciod i m'eucairt⁴, agus ciod e mo pheacadh am fianuis t'athar, gu bheil e g'iarraidh m'anama?

2 Agus thubhairt esan ris, Nar leigeadh Dia; cha'n fhaigh thu bàs: feuch, cha dean m'athair ni air bith mòr no beag, nach foillsich e dhomh-sa; agus c'ar son a dh'fholaicheadh m'athair uamsa an ni so? cha *bhi* e mar sin.

3 Agus mhionnaich Daibhidh cuideachd, agus thubhairt e, Tha gu cinnteach fios aig t'athair gu'n d'fhuair mise deadh-ghean a'd' shùilibh, agus their e, Na biodh fios aig Ionatan air so, air eagal gu'm bi doilgheas air: ach gu deimhin *mar* is beò an Tighearn, agus *mar* is beò t'anam, cha '*n'eil* ach ceum eadar mise agus am bàs.

4 An sin thubhairt Ionatan ri Daibhidh, Ge b'e ni a dh'iarras t'anam, eadhon *sin* ni mise dhuit.

5 Agus thubhairt Daibhidh ri Ionatan, Feuch, *tha* a' ghlacach nuadh ann am màireach, agus bu chòir dhomh-sa suidhe maille ris an rìgh gu biadh; ach leig air falbh mi, a chum gu'm folaic mi mi féin anns a mhachair gu feasgar an treas là.

6 Ma dh'ionndraineas t'athair idir mi⁵, an sin their thu, Dh'iarr Daibhidh gu dùrachdach *cead* ormsa gu ruith do Bhetlehem a bhaile féin; oir *tha* iobairt bhliadhnail⁶ an sin air son an teaghlach uile.

7 Ma their e mar so, *Ro* mhaith; *bithidh* sìth aig do sheirbhiseach: ach ma bhios fearg ro mhòr air, an *sin* bi cinnteach gu bheil olc air a shonrachadh leis⁷.

8 Uime sin buinidh tu gu caoimheil ri d' sheirbhiseach; oir thug thu air do sheirbhiseach coimhcheangal an Tighearna dlèauamh riut: gidheadh, ma tha olc annamsa, marbh féin mi; oir c'ar son a bheireadh tu mi dh'ionnsuidh t'athar?

9 Agus thubhairt Ionatan, Gu ma fada sin uait; oir ma bhitheas fios gu cinnteach agamsa gu bheil olc air a shonrachadh le m'athair gu teachd ortsa, an sin nach innis mise dhuit e?

10 An sin thubhairt Daibhidh ri Ionatan, Cò dh'innseas dhomh, ma fhreagras t'athair thu gu garg?

11 Agus thubhairt Ionatan ri Daibhidh,

¹ *comh-chruinneachadh.*

² *mar an ceudna.*

³ *thuit.* Eabh.

⁴ *lochd.*

⁵ *Ma mhothaicheas t'athair mi air falbh.*

⁶ *laithean.* Eabh.

⁷ *gu bheil e cur roimhe an uile; gu bheil olc air a choimhionadh leis.* Eabh.

I. SAMUEL, XX

Thig, agus rachamaid a mach do'n mhachair. Agus chaidh iad a mach le chéile do'n mhachair.

12 Agus thubhairt Ionatan ri Daibhidh, *Gu'n deanadh* an Tighearna Dia Israeil¹, an uair a dh'fhidreas mi m'athair² mu'n àm so am màireach, no air an treas là, agus, feuch, *ma bhios* maith ann a thaobh Dhaibhidh, agus nach cuir mi an sin *fios* a d' ionnsuidh-sa, agus nach foillsich mi dhuit e;

13 Gu'n deanadh an Tighearna mar sin, agus ni's ro mhò ri Ionatan: ach ma's toil le m'athair olc a *dheanamh* ort, an sin foillsichidh mi dhuit e, agus cuiridh mi air falbh thu, agus imichidh tu an sìth; agus gu robh an Tighearna maille riut, mar a bha e maille ri m'athair-sa.

14 Agus cha'n e mhàin, ma bhios³ mi fathast beò, gu'n nochd thu dhomh caoimhneas an Tighearna, chum nach faigh mi bàs:

15 Ach *cuideachd* cha ghearr thu as do chaoimhneas o m' thigh gu bràth: cha *ghearr*, eadhon an uair a ghearras an Tighearn as naimhdean Dhaibhidh, gach aon diubb bhàrr aghaidh na talmhainn.

16 Mar sin rinn Ionatan *coimhcheangal* ri tigh Dhaibhidh, *ag ràdh*, Gu'n agradh an Tighearn e eadhon o làimh naimhde Dhaibhidh.

17 Agus thug Ionatan air Daibhidh mionnachadh a rìs, a chionn gu'n do ghràdhaich se e: oir ghràdhaich se e mar a ghràdhaich e 'anam féin.

18 An sin thubhairt Ionatan ris, Am màireach *tha* a' ghealach nuadh ann; agus ionndrainear thu, a chionn gu'm bi d' àite-suidhe falamh.

19 Agus an uair a dh'fhanas tu gus an treas là, théid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch⁴ an làimh, agus fanaidh tu aig a' chloich Esel.

20 Agus tilgidh mise tri saighdean r'a taobh, mar gu'n tilginn air comhara.

21 Agus, feuch, cuiridh mi òganach uam, *ag ràdh*, Falbh, faigh a mach na saighdean. Ma their mi gu cinnteach ris an òganach, Feuch, *tha* na saighdean air an taobh so dhìot, gabh iad⁵; an sin thig thusa: oir *tha* sìth ann dhuit, agus cha 'n eil olc sam bith, mar is beò an Tighearn.

22 Ach ma their mí mar so ris an òganach, Feuch, *tha* na saighdean air an taobh thall dìot; imich thusa, oir chuir an Tighearn air falbh thu.

23 Agus a thaobh a' ghnòthuich mu'n do labhair mise agus thusa, feuch, gu

robh an Tighearn eadar mise agus thusa gu bràth.

24 Uime sin dh'fholaich Daibhidh e féin anns a' mhachair: agus an uair a thàinig a' ghealach nuadh, shuidh an rìgh sìos gu biadh itheadh.

25 Agus shuidh an rìgh air a chaithir féin, mar air uairibh eile, *eadhon* air caithir làimh ris a' bhalla: agus dh'éirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e *leis féin*⁶, Thàinig ni-eigin air, cha 'n eil e glan; gu cinnteach cha 'n eil e glan.

27 Agus thachair air an là màireach, an dara là do'n mhìos, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d' thàinig mac Iese gu biadh, aon chuid an dé no'n diugh?

28 Agus fhreagair Ionatan Saul, Dh'iarr Daibhidh gu dùrachdach *cead* ormsa dol do Bhet-lehem:

29 Agus thubhairt e, Leig air falbh mi, guidheam ort, oir *tha* lobairt aig ar teaghlach anns a' bhaile; agus dh' àithn mo bhràthair dhomh a *bhi 'n sin*: agus a nis ma fhuir mi deadh-ghean a'd' shùilibh, leig dhomh imeaclid, guidheam ort, agus mo bhràithrean fhaicinn: uime sin cha d' thàinig e gu bord an rìgh.

30 An sin las fearg Shaul an aghaidh Ionatain, agus thubhairt e ris, A mhic na mnà crosta ceannaircigh⁷, nach 'eil fhios agamsa gu'n do thagh thu mac Iese chum do mhaslaidh⁸ féin, agus a chum maslaidh lomnochduigh do mhàthar?

31 Oir co fhad 'sa bhios mac Iese beò air an talamh, cha daingnichear thusa, no do rioghachd: uime sin a nis cuir *fios* air, agus thoir a m' ionnsuidh e, oir gu cinnteach gheibh e bàs⁹.

32 Agus fhreagair Ionatan 'athair Saul, agus thubhairt e, C'ar son a chuirear gu bàs e? cìod a rinn e?

33 Agus thig Saul sleagh air, chum a bhualadh: le sin bha fios aig Ionatan gu'n robh e suidhichte le 'athair Daibhidh a chur gu bàs.

34 Uime sin dh' éirich Ionatan o'n bhord ann am feirg ro mhòir, agus cha d' ith e biadh sam bith air an dara là do'n mhìos: oir bha e fo dhoilgheas air son Dhaibhidh, a chionn gu'n d' thug 'athair masladh dha.

35 Agus anns a' mhaduinn chaidh Ionatan a mach do'n mhachair aig an àm a shuidhicheadh ri Daibhidh, agus òganach beag maille ris.

¹ O Tighearna Dhé Israeil! Tha'n Tighearna Dia Israeil 'na fhianuis. ² rannsaicheas mi m'athair, ni mi dìchioll air inntinn m'athair fhaotainn a mach. ³ an feadh a ta. ⁴ ann an là a'

ghnòthuich. Eabhl. ⁵ gabh e. Eabhl. ⁶ shaoil e. ⁷ A mhic chrosta na ceannairce. ⁸ l' amhtuadh. ⁹ is mac do'n bhàs e. Eabhl.

36 Agus thubhairt e r'a òganach, Ruith, faigh a nìsa mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde a thilg Ionatan, ghlaodh Ionatan an dèigh an òganaich, agus thubhairt e, Nach 'eil an t-saighid air do thaobh thall?

38 Ghlaodh Ionatan mar an ceudna an dèigh an òganaich, Luathaich, dean cabhag, na stad. Agus thionaid òganach Ionatain suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air nì sam bith; bha fios a mhàin aig Daibhidh agus Ionatan air a' chùis.

40 Agus thug Ionatan 'armachd d'a òganach, agus thubhairt e ris, Falbh, thoir do'n bhaile iad.

41 Agus co luath 'sa dh'fhalbh an t-òganach, dh'èirich Daibhidh á àite mu dheas, agus thuit e air 'aghlaidh dh'ionnsuidh na talmhainn, agus chlom se e féin trì uairean: agus phòg iad a chéile, agus ghuil iad le chéile; ach ghuil¹ Daibhidh nì bu mhò.

42 Agus thubhairt Ionatan ri Daibhidh, Imich an sìth, do bhrìgh gu'n do mhionnaich sinn le chéile ann an aium an Tighearn, ag ràdh, Gu robh an Tighearn eadar mise agus thusa, agus eadar mo shliochd-sa agus do shliochd-sa gu bràth. Agus dh'èirich e agus dh'imich e: agus chaidh Ionatan do'n bhaile.

CAIB. XXI.

1 *Fhuair Daibhidh aran coisrigte o Ahimelech.*
8 *Ghabh e claidheamh Gholiath, agus theich e gu Gat.* 10 *Aig Gat leig e air féin a bhi air a' chuthach.*

AN sin thàinig Daibhidh gu Nob, a dh'ionnsuidh Ahimelech an t-sagairt: agus bha eagal air Ahimelech ag coinn-eachadh Dhaibhidh, agus thubhairt e ris, C'ar son a tha thu a'd' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'àithn an rìgh gnothuch dhomhsa, agus thubhairt e rium, Na biodh fios aig duine sam bith a thaobh a' ghnothuich mu'm bheil mise 'gad chur uam, agus a dh'àithn mi dhuit: agus dh'orduich mi² do m' òganaich dol a dh'ionnsuidh a leithid so agus a leithid sud a dh'àite.

3 A nis uime sin ciod a tha fo d' làimh? thoir dhomh cùig builinnean arain a'm' làimh, no ge b'e nì a tha làthair.

4 Agus fhreagair an sagart Daibhidh,

agus thubhairt e, Cha 'n'eil aran coitcheann³ sam bith fo m' làimh, ach tha aran coisrigte⁴ ann; ma ghléidh na h-òganaich iad féin air bheag sam bith o mhnaibh.

5 Agus fhreagair Daibhidh an sagart, agus thubhairt e ris, Gu deimhin chumadh mnà uainne na trì làithe so, o thàinig mise mach, agus tha⁵ soithiche nan òganach naomha; agus tha 'n t-aran coitcheann air chor, eadhon ged naomhaich-eadh e an diugh anns an t-soitheach⁶.

6 Uime sin thug an sagart dha aran naomh; oir cha robh aran sam bith an sin ach aran na fianuis⁷, a thugadh á fianuis an Tighearna, gu aran teth a chur sìos anns an là san d'thugadh air falbh e.

7 A nis bha duine àraidh do sheirbhishich Shaul an sin air an là sin, air a chumail an làthair an Tighearn; agus b'e⁸ a'aimm Doeg, Edomach, an fear a b'àirde do na buachaillibh a bhuineadh do Shaul.

8 Agus thubhairt Daibhidh ri Ahimelech, Agus nach 'eil an so fo d' làimh sleagh no claidheamh? oir cha d'thug mi aon chuid mo chladheamh no m'airm eile leam, a chionn gu'n robh gnothuch an rìgh cabhagach.

9 Agus thubhairt an sagart, Claidheamh Gholiath an Philistich, a mharbh thu ann an gleann Elah, feuch, tha e 'n so paisgte ann an eudach air cùlaobh na h-Ephoid: ma ghabhas tu sin dhuit féin, gabh e; oir cha 'n'eil claidheamh sam bith eile ach e an so. Agus thubhairt Daibhidh, Cha 'n'eil a leithid eile ann, thoir dhomh e.

10 Agus dh'èirich Daibhidh, agus theich e air an là sin á fianuis Shaul, agus chaidh e gu Achis rìgh Ghat.

11 Agus thubhairt seirbhishich Achis ris, Nach e so Daibhidh rìgh na tìre? nach ann m'a thimchioll-san a chan iad le chéile⁹ ann an dannsaibh, ag ràdh, Mharbh Saul a mhlitean, agus Daibhidh a dheich milt-ean?

12 Agus thaisg Daibhidh suas na briathra sin 'na chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan 'nam fianuis, agus leig e air féin a bhi air a' chuthach 'nan làmhaibh, agus scriob e air comblaichibh⁹ a gheata, agus leig e le 'shileadh tuiteam sìos air 'fheusaig.

14 An sin thubhairt Achis r'a sheirbhishich, Feuch, chì sibh gu bheil an duine air a' chuthach: c'ar son ma ta thug sibh a m' ionnsuidhs⁹ e?

15 Am bheil feum agamsa air daoineibh air a' chuthach, gu'n tugadh sibh am fear so gu bhi air a' chuthach a'm' làthair? an tig am fear so a steach do m' thigh-sa?

¹ gus an do ghuil. Eabh. ² thug mi fios. Eabh.

³ cumanta.

⁴ naomhaichte.

⁵ bha.

⁶ agus na bha neòghloine sam bith air an t-slighe,

gidheadh gu cinnteach an diugh bithidh na soithichean glan. ⁷ aran taisbeanta. ⁸ fhreagair iad a chéile. ⁹ dorsaibh.

i. SAMUEL, XXII.

CAIB. XXII.

1 *Chaidh a luchd-dàimh agus sluagh eile a dh'ionnsuidh Dhaibhidh gu Adulam.* 6 *Gearan Shaul an aghaidh a sheirbhiseach.* 11 *Dh'orduch e Ahimelech agus sagairt an Tighearn a chur gu bàs.* 20 *Theich Abiatar.*

DH'IMICH Daibhidh air an aobhar sin as a sin, agus chaidh e as gu uaimh Adulam: agus an uair a chual¹ a bhràithrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh gach duine *a bha*² n teanntachd, agus gach duine *a bha* fo fhiachaibh, agus gach duine *a bha* fuidh smuairin¹ 'na inntinn; agus bha e 'na cheannard orra: agus bha maille ris mu thimchioll ceithir cheud fear.

3 Agus chaidh Daibhidh as a sin gu Misphe Mhoib, agus thubhairt e ri rìgh Mhoib, Thigeadh, guidheam ort, m'athair agus mo mhàthair a mach, *agus bitheadh iad* maille ribh, gus am bi fios agam ciod a ni Dia air mo shon.

4 Agus thug e iad am fianuis rìgh Mhoib; agus dh'fhan iad maille ris rè nan làithean uile a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu coillteach Hareit.

6 Agus chuala Saul gu'm facas² Daibhidh, agus na daoine *a bha* maille ris, (a nis dh'fhan Saul ann an Gibeah fuidh chraoibh ann an Ramah, agus a shleagh 'na làimh, agus a sheirbhiseich uile 'nan seasamh làimh ris,)

7 Agus thubhairt Saul r'a sheirbhiseich a sheas làimh ris, Eisdibh a nis, a Bheniamineach; eadhon dhuibh-se uile an toir mac Iese achanna agus fion-liosan, *agus* an dean e sibh uile 'nur ceannardaibh air mhiltibh, agus 'nur ceannardaibh air cheudaibh;

8 Gu'n deachaidh sibh uile ann an comhbhoinn³ a'm' aghaidh-sa, agus nach 'eil neach ann a chuireas an cèill domh gu bheil mo mhac air deanamh coimhcheangail ri mac Iese; agus nach 'eil neach agaibh a tha doilich air mo shon, no chuireas an cèill domh gu'n do dhùisg mo mhac mo sheirbhiseach a'm' aghaidh, a dheanamh feall-fholach, mar air an là 'n diugh?

9 An sin fhreagair Doeg an t-Edomach, (a bha 'na sheasamh maille ri seirbhiseich Shaul⁴), agus thubhairt e, Chunnaic mi mac Iese a' teachd gu Nob, a dh'ionnsuidh Ahimelech mhic Ahituib.

10 Agus dh'fhiosraich e air a shon do'n Tighearn, agus thug e biadh dha, agus thug e dha claidheamh Gholiath an Philistich.

11 An sin chuir an rìgh fios air Ahimelech an sagart, mac Ahituib, agus tigh 'athar uile na sagairt a *bha* ann an Nob: agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, *Tha* mi 'n so, mo thighearn.

13 Agus thubhairt Saul ris, C'ar son a chaidh sibh ann an comhbhoinn a'm' aghaidh sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu do Dhia air a shon, a chum gu'n éireadh e suas a'm' aghaidh, a dheanamh feall-fholach, mar air an là 'n diugh.

14 An sin fhreagair Ahimelech an rìgh, agus thubhairt e, Agus cò am measg do sheirbhiseach uile a tha cò firinneach ri Daibhidh, a tha 'na chliamhuin aig an rìgh, agus a dh'imicheas air t'iarrtus, agus a *tha* urramach ann ad thigh?

15 An do thòisich mi air an là sin⁵ air Dia fhiosrachadh air a shon? gu ma fada sin uam: na cuireadh an rìgh ni *sam bith* as leth a sheirbhiseich, *no as* leth tighe m'athar uile; oir cha robh fios aig do sheirbhiseach air ni *sam bith* dheth so uile, beag no mòr:

16 Agus thubhairt an rìgh, Gu cinnteach gheibh thu bàs, Ahimelech, thu féin agus uile thigh t'athar.

17 Agus thubhairt an rìgh ris na gillibhruith a sheas làimh ris, Tionndaidhibh agus marbhaibh sagartan an Tighearn; a chionn gu bheil mar an ceudna an làimh san maille ri Daibhidh, agus a chionn gu'n robh fios aca gu'n do theich e, agus nach do chuir iad an cèill domhsa e. Ach cha b'àill le seirbhiseich an rìgh an làmh a shineadh a mach gu bualadh air sagartaibh an Tighearn.

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bhuail e air na sagartaibh; agus marbh e air an là sin ceithir fichead agus cùig fir a dh'iomchair ephod do lìon-eudach⁶.

19 Agus bhuail e Nob baile nan sagart le faobhar a' chlaidheimh, eadar fhear agus bhean, leanabh agus chlochan, agus dhamh, agus asal, agus chaora, le faobhar a' chlaidheimh.

20 Agus chaidh aon do mhic Ahimelech mhic Ahituib as, d'am b'ainm Abiatar, agus theich e 'n déigh Dhaibhidh.

¹ neo-thoilichte; searbh. Eabh. ² gu'n d' aithnicedh. Eabh. ³ gu'n d'rinn sibh uile ceannaire, chuir sibh uile bhuir comhairle ri chèile.

⁴ a chuireadh os ceann sheirbhiseach Shaul. ⁵ an diugh. ⁶ anart.

21 Agus dh'innis Abiatar do Dhaibhidh gu'n do mharbh Saul sagartan an Tighearn.

22 Agus thubhairt Daibhidh ri Abiatar, Bha fios agam air an là anns an robh Doeg an t-Èdomach an sin, gu cinnteach gu'n innseadh e do Shaul: is mise b'aobhar *bàis* gach neach do thigh t'athar.

23 Fan thusa maille riumsa; na biodh eagal ort: oir esan a dh'iarras m'anam-sa, iarraidh e t'anam-sa: ach maille riumsa *bithidh* tu fuidh dhidean.

CAIB. XXIII.

1 *Chog na Philistich an aghaidh Cheilah. 5 Bhuaill Daibhidh iad. 9 Dh'innseadh dha gu'n robh Saul a' teachd air a thòir gu Ceilah. 13 Theich e gu Siph. 19 Thug na Siphich fios do Shaul gu'n robh e a' gabhail còmhnuidh maille riu, agus gheall iad a thoirt thairis d'a làimh.*

AN sin dh'innis iad do Dhaibhidh, ag ràdh, Feuch, *tha* na Philistich a' cogadh an aghaidh Cheilah, agus tha iad a' creachadh nan urlar-bualaidh.

2 Uime sin dh'fhiosraich Daibhidh do'n Tighearn, ag ràdh, An téid mise, agus am buail mi na Philistich sin? Agus thubhairt an Tighearna ri Daibhidh, Falbh, agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, *tha* eagal oirpne an so ann an Iudah; cia mò gu mòr ma ta, ma théid sinn gu Ceilah an aghaidh armailtean nam Philisteach?

4 An sin dh'fhiosraich Daibhidh a ris do'n Tighearn. Agus fhreagair an Tighearn e, agus thubhairt e, Eirich, falbh sios gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an spréidh, agus bhuaill e iad le h-àr mòr; mar sin shaor Daibhidh luchd-àiteachaidh Cheilah.

6 (A nis an uair a theich Abiatar mac Ahimelech a dh'ionnsuidh Dhaibhidh gu Ceilah, chaidh e sìos le ephod 'na làimh.)

7 Agus dh'innseadh do Shaul gu'n d' thàinig Daibhidh gu Ceilah; agus thubhairt Saul, Thug Dia thairis do m' làimh e: oir dhruideadh a stigh e le dol a steach do bhaile gheatachan agus chram.

8 Agus ghairm Saul an sluagh uile chum cogaidh, a dhol sìos gu Ceilah a chuariteachadh¹ Dhaibhidh agus a dhaoine.

9 Agus bha fios aig Daibhidh gu robh Saul gu diomhair a' dealbhadh uile 'na aghaidh; agus thubhairt e ri Abiatar an sagart, Thoir an so an ephod.

10 Agus thubhairt Daibhidh, A Thigh-

earna Dhé Israeil, chuala do sheirbhiseach gu cinnteach gu *bheil* Saul ag iarraidh teachd gu Ceilah, a sgrios a' bhaile air mo shon-sa.

11 An toir luchd-àiteachaidh² Cheilah mise thairis d'a làimh? an tig Saul a nuas mar a chuala do sheirbhiseach? A Thighearna Dhé Israeil, guidheam ort, innis do d' sheirbhiseach. Agus thubhairt an Tighearna, Thig e nuas.

12 An sin thubhairt Daibhidh, An toir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearna, Bheir iad thairis *thu*.

13 An sin dh'éirich Daibhidh agus a dhaoine, a bha mu thimchioll sè ceud, agus chaidh iad a mach á Ceilah, agus dh'imich iad an taobh a dh'fheadadh iad imeachd³. Agus dh'innseadh do Shaul gu'n deachaidh Daibhidh as á Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus dh'fhan e ann an sliabh ann fàsach Shiph: agus dh'iarr Saul e gach aon là, ach cha d'thug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh anama; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus neartaich e a làmh ann an Dia.

17 Agus thubhairt e ris, Na biodh eagal ort; oir cha'n fhaigh làmh Shaul m'athar-sa *thu*, agus rioghaichidh tu os ceann Israeil, agus is mise a's faigse bhios dhuit; agus cuideachd tha fios aig m'athair Saul air sin.

18 Agus rinn iadsan nan dītliis coimheangal ann fianuis an Tighearn: agus dh'fhan Daibhidh anns a' choille, agus dh'imich Ionatan d' a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach *eil* Daibhidh 'ga fholach féin maille ruinne ann an daingneachaibh sa' choille, ann an sliabh Hachilah, a tha air an taobh deas do Iesimon?

20 A nis uime sin, a réir uile mhiann t'anama, O a rìgh, thig da rìreadh a nuas, agus is i ar cuid-ne a thoirt thairis do làmh an rìgh.

21 Agus thubhairt Saul, Beannaichte gu robh sibhse o'n Tighearn, oir ghabh sibh truas rium.

22 Imichibh, guidheam oirbh, ulluichibh fathast, agus biodh fios agaibh, agus faicibh 'àit anns an gnàth leis a bhi⁴,

¹ a theannachadh. Eabh. ² daoine.

³ dh'imich iad an taobh a dh'imich iad. Eabh.

⁴ anns am bheil a chos.

agus cò a chunnaic an sin e: oir dh'inn-seadh dhomh gu bheil e deanamh gu ro sheòlta.

23 Faicibh ma ta, agus biodh fios agaibh air gach àite-folaich anns am bheil e 'ga fholach féin, agus thigibh a m'ionnsuidh a ris le fios cinnteach, agus théid mise maille ribh: agus an sin, ma bhitheas e anns an tìr, rannsaichidh mise mach e air feadh uile mhiltean Iudah.

24 Agus dh'éirich iad, agus chaidh iad gu Siph roimh Shaul: acli bha Daibhidh agus a dhaoine ann am fàsach Mhaoin, anns a' chòmhnard air an taobh deas do Iesimon.

25 Agus chaidh Saul agus a dhaoine g'a iarraidh; agus dh'innis iad sin do Dhaibhidh: uime sin thàinig e nuas gu carraig, agus dh'fhan e ann am fàsach Mhaoin. Agus an uair a chuala Saul sin, chaidh e air tòir Dhaibhidh ann am fàsach Mhaoin.

26 Agus chaidh Saul air an taobh so do'n t-sliabh, agus Daibhidh agus a dhaoine air an taobh eile do'n t-sliabh: agus rinn Daibhidh cabhag gu imeachd air falbh roimhe Shaul: oir chuairtich Saul agus a dhaoine Daibhidh agus a dhaoine, chum an glacadh.

27 Ach thàinig teachdair a dh'ionnsuidh Shaul, ag ràdh, Dean cabhag agus thig; oir bhris na Philistich a stigh air an tìr.

28 Uime sin phill Saul o dhol air tòir Dhaibhidh, agus chaidh e an aghaidh nam Philisteach: air an aobhar sin thug iad Selah-hamah-lecot² mar ainm air an àite sin.

29 Agus chaidh Daibhidh suas as a sin, agus ghabh e còmhnuidh ann an daingneachaibh làidir Engedi.

CAIB. XXIV.

1 Ann an uaimh Engedi ghearr Daibhidh air falbh iomall falluinne Shaul. 8 Dh'fheuch e so do Shaul mar chomhar air 'ionracas. 16 Dh'aidich Saul a chionta: 21 ghabh e mionnan do Dhaibhidh, agus phill e.

A GUS an uair a bha Saul air pilltinn o leantuinn nam Philisteach, dh'inn-seadh dha, ag ràdh, Feuch, tha Daibhidh ann am fàsach Engedi.

2 An sin ghabh Saul trì mìle fear taghta á h-Israel uile, agus chaidh e dh'iarraidh Daibhidh agus a dhaoine air aghaidh chreag nan fiadh-ghabhar.

3 Agus thàinig e dh'ionnsuidh mainnir-eàn³ nan caorach làimh ris an t-slighe, far an robh uaimh: agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhan na h-uamha.

4 Agus thubhairt daoine Dhaibhidh ris,

Feuch, an là mu'n d'thubhairt an Tighearna riut, Feuch, bheir mi thairis do nàmhaid do d' làimh, a chum gu'n dean thu ris mar is àill leat. An sin dh'éirich Daibhidh, agus ghearr e air falbh iomall falluinne Shaul os iosal.

5 Agus 'na dhéigh sin bhuail cridhe Dhaibhidh e, a chionn gu'n do ghearr e air falbh iomall falluinne Shaul.

6 Agus thubhairt e r'a dhaoineibh, Nar leigeadh Dia gu'n deannain-se an ni so ri m' thighearn, aon ungta an Tighearna, mo làmh a shineadh a mach 'na aghaidh, o's e aon ungta an Tighearn e.

7 Agus choisg Daibhidh a dhaoine leis na briathraibh sin, agus cha do leig e leo éirigh an aghaidh Shaul. Ach dh'éirich Saul suas as an uaimh, agus dh'imich e air a shlighe.

8 Agus dh'éirich Daibhidh suas an déigh sin, agus chaidh e mach as an uaimh, agus ghlaodh e 'n déigh Shaul, ag ràdh, Mo thighearn, a rìgh. Agus an uair a dh'amhaire Saul 'na dhéigh, chrom Daibhidh e féin air 'aghaidh dh'ionnsuidh na talmhainn, agus rinn e ùmhlachd⁴.

9 Agus thubhairt Daibhidh ri Saul, C'ar son a tha thu ag éisdeachd ri briathraibh dhaoine, ag ràdh, Feuch, tha Daibhidh ag iarraidh do chron?

10 Feuch, air an là 'n diugh chunnaic do shùilean cionnus a thug an Tighearna thairis thu an diugh do m' làimh anns an uaimh: agus dh'iarr cuid orm do mharbhadh, ach chaomhain mo shùil thu, agus thubhairt mi, Cha chuir mi mo làmh a mach an aghaidh mo thighearn; oir is e aon ungta an Tighearn e.

11 Agus faic, O athair, eadhon faic iomall t'fhalluinne a'm' làimh: do bhrìgh an uair a ghearr mi air falbh iomall t'fhalluinne, nach do mharbh mi thu, biodh fios agad agus faic nach 'eil aon chuid ole no eusaontas⁵ a'm' làimh, agus nach do pheacaich mi a'd' aghaidh; gidheadh tha thu a' sealg air m'anam, a chum a ghilacadh.

12 Gu'n tugadh an Tighearna breth eadar mise agus thusa, agus gu'n dioladh an Tighearna mise ort: ach cha bhi mo làmh-sa ort.

13 Mar a their gnàth-fhocal nan scan-fhear, O na h-aingidh thig aingidheachd: ach cha bhi mo làmh-sa ort.

14 Cò an déigh an d'thàinig rìgh Israeil a mach? cò air an bheil thu 'n tòir? an déigh coin mhairbh, an déigh deargainne.

15 Uime sin bitheadh an Tighearna 'na bhreitheamh, agus thugadh e breth eadar mise agus thusa, agus faiceadh e, agus tagradh e mo chùis, agus saoradh e mi as do làimh.

¹ air eagal Shaul.
293

² i. e. creag nan sgaradh.

³ chro. ⁴ chrom se e féin. ⁵ eu-ceart, aingidheachd.

I. SAMUEL, XXIV. XXV.

16 Agus an uair a chuir Daibhidh crìoch air na briathra sin a labhairt ri Saul, an sin thubhairt Saul, An e so do ghuth, a mhic, a Dhaibhidh? Agus thog Saul suas a ghuth, agus ghuil e.

17 Agus thubhairt e ri Daibhidh, Is tusa a's firinniche na mise; oir dhìol thusa maith dhomhsa, ach dlìol mise ole dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearna thairis mi do d' làimh, nach do mharbh thu mi.

19 Oir an uair a gheibh duine a nàmhaid, an leig e as gu maith¹ e? uime sin gu'n dìoladh an Tighearna maith dhuitse air son na rinn thu dhomhsa an diugh.

20 Agus a nis, feuch, tha fios agam gu'm bi thu gu cinnteach a'd' rìgh, agus gu'n daingnichear rioghachd Israeil a'd' làimh:

21 Uime sin mionnaich dhomhsa air an Tighearna, nach gearr thu as mo shìochd a'm' dhéigh, agus nach sgrìos thu m'ainm á tigh m'athar.

22 Agus mhlionnaich Daibhidh do Shaul: agus chaidh Saul dhachaidh; ach chaidh Daibhidh agus a dhaoine suas do'n daingneach.

CAIB. XXV.

1 *Fhuair Samuel bàs. 4 Bhrosnaich Nabal Daibhidh le 'iargallas. 18 Shìochaich Abigail e. 36 Bàs Nabail. 39 Ghabh Daibhidh Abigail agus Ahinoam gu bhì 'nam mnaibh aige. 44 Thugadh Michal, bean Daibhidh, do Phaltì.*

AGUS fhuair Samuel bàs; agus chruinnich na h-Israelich uile an ceann a chéile, agus rinn iad caoidh air a shon, agus dh'adhlac iad e 'na thigh ann an Ramah. Agus dh'éirich Daibhidh, agus chaidh e sìos gu fàsach Pharain.

2 Agus bha duine ann am Maon, aig an robh a shealbh² ann an Carmel; agus bha 'n duine ro mhòr, agus bha trì mìle caora aige, agus mìle gabhar: agus bha e a' lomaire³ a chaorach ann an Carmel.

3 A nis b'e ainm an duine Nabal, agus aium a mhnà Abigail; agus bha i 'na mnaoi aig an robh deadh thuigse, agus maiseach 'na dealbh; ach bha 'n duine iargalta⁴, agus ole 'na ghnìomharaibh; agus bha e do thigh Chaleib⁵.

4 Agus chuala Daibhidh san fhàsach gu'n robh Nabal a' lomaire a chaorach.

5 Agus chuir Daibhidh uaith deichnear òganaich; agus thubhairt Daibhidh ris na h-òganaich, Gabhaibh suas gu Carmel, agus rachaibh a dh'ionnsuidh Nabail, agus cuiribh fàilte air a'm' ainm-sa.

6 Agus mar so their sibh, Slàn gu robh

thu⁶: agus sìth gu robh dhuit féin, agus sìth do d'thìgh, agus sìth do gach ni a th'agad.

7 Agus a nis chuala mi gu bheil luchd-lomairt chaorach agad: a nis do bhuachailllean-sa, a bha maille ruinn, cha d'rinn sinn cron orra, ni mò a dh'ionndraineadh⁷ ni sam bith leò rè na h-aimsira bha iad ann an Carmel.

8 Feòraich do d' òganaich, agus innsidh iad dhuit: faigheadh ma ta na h-òganaich deadh-ghean a'd' shùilbh, oir air là maith⁸ thàinig sinn: thoir, guidheam ort, do d' sheirbhisich, agus do d' mhac Daibhidh, ge b'e ni a thig a dh'ionnsuidh do làimhe⁹.

9 Agus an uair a thàinig òganaich Dhaibhidh, labhair iad ri Nabal a réir nam briathra sin uile ann an ainm Dhaibhidh, agus bha iad 'nan tosd¹⁰.

10 Agus fhreagair Nabal seirbhisich Dhaibhidh, agus thubhairt e, Cò e Daibhidh? agus cò e mac Iese? is lòn-mhor seirbhisich sna làithibh so a tha briseadh air falbh gach duine dhiubh o 'mhaighstir.

11 An gabh mise ma ta m'aran, agus m'uisge, agus m'fheoil a mharbh mi air son mo luchd-lomairt, agus an tabhair mi e do dhaoineibh nach aithne dhomh cia as a tha iad?

12 Uime sin thionndaidh òganaich Dhaibhidh air an slighe, agus phill iad, agus thàinig iad agus dh'innis iad dha do réir nam briathra sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air; agus chuir Daibhidh mar an ceudna a chlaidheamh air: agus chaidh suas an déigh Dhaibhidh mu thimchioll ceithir cheud fear, agus dh'fhan dà cheud maille ris an airneis.

14 Ach dh'innis fear do na h-òganaich do Abigail bean Nabail, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e anacaint dhoibh.

15 Ach bha na daoine ro mhaith ruinn, agus cha d' rinneadh cron oirnn, ni mò a dh'ionndrain¹¹ sinn ni sam bith rè na h-aimsir a bha¹² sinn maille riu, 'nuair a bha sinn san fhearann.

16 Bha iad 'nam balla dhuinn araon a dh'oidhche agus a là, rè na h-aimsir a bha sinn maille riu ag ionaltradh nan caorach.

17 A nis, air an aobhar sin biodh fios agad agus smuainich ciod a ni thu; oir

¹ air slighe mhaith. Eabh.

² abair. Eabh.

³ ainmeineach; cruaidh. Eabh.

⁴ bu Chaleibeach e. Eabh.

⁵ a ni, a spréidh;

⁶ rùsgadh.

⁷ mar so their

sibh ris-san a tha beò ann an saoihbheas.

⁸ chailleadh.

⁹ gheibh do làmh. Eabh.

¹⁰ chaill.

¹¹ subhach.

¹² sguir iad, stad iad

¹³ a ghluais. Eabh.

I. SAMUEL, XXV.

shonraicheadh olc an aghaidh ar maighstir, agus an aghaidh a thighe uile : agus is mac do Bhelial esan, air chor as nach feud *neach* labhairt ris.

18 An sin rinn Abigail cabhag, agus ghabh i dà cheud *bullionn* arain, agus dà shearrag fhiona, agus cuig caoraich air an deasachadh, agus cuig toimhsean do shìol cruaidhichte¹, agus ceud bagaide² do fhìon-dhearcaibh tiormaichte, agus dà cheud meall do fhigibh; agus chuir i air asalaibh *iad*.

19 Agus thubhairt i r'a h-òganaich, Rachaidh air bhur n-aghaidh romham : feuch, *tha* mi teachd 'nur dèigh : ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fasgath an t-sléibh, feuch, thàinig Daibhidh agus a dhaoine a nuas 'na còdhail; agus choinnich i iad.

21 A nis thubhairt Daibhidh, Gu cinnteach is ann gu diomhain a ghléidh mise gach *ni* a bh'aig an *fhear* so san fhàsach, air chor as nach d'ionndraicheadh ni air bith do gach *ni* a *bhuineadh* dha; oir dhòil esan olc dhomhsa an éiric maith.

22 Gu'n deanadh Dia mar sin ri naimh-dibh Daibhidh, agus tuille mar an ceudna, ma dh'fhàgas mise dhiubhsan uile a *tha* aige gu ruig a' mhaduinn, aon air bith a ni uisge ri balla.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh am fianuis Dhaibhidh, agus chroim si i féin gu làr.

24 Agus thuit i aig a chosaibh, agus thubhairt i, Ormsa, *eadhon* ormsa mo thighearna, *bitheadh* an cionta so, agus labhradh, guidheam ort, do bhanoglach ann ad éisdeachd, agus cluinn briathra do bhanoglaich.

25 Na tugadh mo thighearna, guidheam ort, fa'near an duine so³ le Belial, eadhon Nabal; oir a réir 'ainme, mar sin *tha* e : is e Nabal⁴ 'ainm, agus *tha* amaideachd maille ris : ach cha'n fhaca mise, do bhanoglach, òganaich mo thighearn, a chuir thu uait.

26 A nis uime sin, mo thighearna, *mar* is beò an Tighearn, agus *mar* is beò t'anam, a chionn gu'n do chum an Tighearn thusa o theachd a dhòrtadh fola, agus o thu féin a dhìoladh le d' làimh féin; a nis uime sin mar Nabal bitheadh do naimhdean, agus iadsan a dh'iarraas olc do m' thighearn.

27 Agus a nis am beannachadh⁵ so, a thug do bhanoglach a dh'ionnsuidh mo

thighearna, thugar e eadhon do na h-òganaich a tha siubhal an cois⁶ mo thighearna.

28 Maith, guidheam ort, cionta do bhanoglaich; oir ni an Tighearna gu cinnteach tigh seasmhach do m' thighearna do bhrìgh gu bheil mo thighearn a' cur cathan an Tighearn, agus nach d'fhuaradh olc annad o *thùs* do làithean.

29 Gidheadh dh'éirich duine gu dol air do thòir, agus a dh'iarraidh t'anama : ach bithidh anam mo thighearn air a cheangal suas ann an ceanglachan na beatha aig an Tighearna do Dhia; agus anaman do naimhdean, iadsan tilgidh e mach, *mar* á meadhon croinn-tàbhuill⁷.

30 Agus an uair a ni an Tighearna do m' thighearn a réir gach maith a labhair e mu d' thimchioll, agus a dh'orduicheas e thu a'd' uachdaran os ceam Israeil;

31 Cha bhì so chum doilgheis⁸ dhuit, no chum oibheim cridhe do m' thighearna, gu'n do dhòirt thu fuil gun aobhar, agus gu'n do dhòil mo thighearn e féin : ach an uair a bhuineas an Tighearna gu maith ri m' thighearn, an sin cuimhnich air do bhanoglaich.

32 Agus thubhairt Daibhidh ri Abigail, Beannaichte *gu robh* an Tighearna Dia Israeil, a chuir thusa an diugh a'm' choinneamh-sa :

33 Agus beannaichte *gu robh* do chomhairle, agus beannaichte *gu robh* thu féin, a chum mise an diugh o theachd a dhòrtadh fola, agus o mi féin a dhìoladh le m' làimh féin.

34 Oir gu deimhin, *mar* is beò an Tighearna Dia Israeil, a chum mis' o chron a dheanamh ort, mur bitheadh tu air deanamh cabhaig, agus air teachd a'm' choinneamh, gu cinnteach cha'n fhàgta do Nabal gu solus na maidne neach sam bith a ni uisge ri balla.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe : faic, dh'éisd mi ri d' ghuth, agus ghabh mi ri d' ghnùis.

36 Agus thàinig Abigail a dh'ionnsuidh Nabal; agus, feuch, *bha* cuirm aige 'na thigh mar chuir m' rìgh; agus *bha* cridhe Nabal subhach an taobh a stigh dheth, oir *bha* e gu mòr air mhisg : uime sin cha d'innis i dha a bheag no mhòr, gu solus na maidne.

37 Ach anns a' mhaduinn, an uair a chaidh am fion á Nabal⁹, agus a dh'innis a bhean dha na nithe sin, bhàsaich a chridhe an taobh a stigh dheth, agus bha e mar chloich.

¹ do ghràn gradain.

² badan; triopall. Eir.

clusters; Sasg. ³ Na cuireadh mo thighearn a chridhe air an duine so, Eabh.

⁴ i. e. amadan.

⁵ an tiodhlac.

⁶ a' leantuinn.

⁷ á meadhon glaice croinn-tabhuill. Eabh.

⁸ tuistidh.

⁹ an uair a thàinig Nabal gu 'chéill.

I. SAMUEL, XXV. XXVI.

38 Agus mu thumchioll deich làithean 'na dhéigh sin bhual an Tighearna Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearna a thagair cùis mo mhaslaidh o làmh Nabal, agus a chum a sheirbhiseach o olc: oir thionndaidh an Tighearna aingidheachd Nabail air a cheann féin. Agus chuir Daibhidh *teachdairean* uaith, agus labhair e ri Abigail, a chum a gabhail dha féin 'na mnaoi.

40 Agus an uair a thàinig seirbhisich Dhaibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a d' ionnsuidh a chum do ghabhail thuige¹ a d' mhnai.

41 Agus dh'éirich i, agus chrom si i féin air a h-aghaidh dh'ionnsuidh na talmhainn, agus thubhairt i, Feuch, bitheadh do bhanoglach 'na h-innilt² a nigheadh chos sheirbhiseach mo thighearna.

42 Agus rinn Abigail cabhag, agus dh'éirich i, agus mharcaich i air asail, agus cùighear ghruagach aice ag imeachd 'na déigh; agus lean i teachdairean Dhaibhidh, agus bha i 'na mnaoi aige.

43 Ghabh Daibhidh cuideachd Ahinoam o Iesreel; agus bha iad mar an ceudna le chéile 'nam mnaibh aige.

44 Oir thug Saul a nighean Michal, bean Dhaibhidh, do Phalti mac Lais, a *bha* do Ghalim.

CAIB. XXVI.

1 Chaidh Saul gu Hachilah air tòir Dhaibhidh. 5 Thàinig Daibhidh do'n chlais-bhlàir far an robh Saul 'na luidhe, agus thug e air falbh a shleagh agus a shoitheach-uisge. 13 Thug Daibhidh achmhasan do Abner. 21 Dh'aidich Saul a pheacadh.

AGUS thàinig na Siphich a dh'ionnsuidh Shaul, gu Gibeah, ag ràdh, Nach 'eil Daibhidh 'ga fholach féin ann an sliabh Hachilah fa chomhair Iesimoin?

2 An sin dh'éirich Saul, agus chaidh e sìos gu fàsach Shiph, agus maille ris trì mìle fear taghta do Israel, a dh'iarraidh Dhaibhidh ann am fàsach Shiph.

3 Agus champaich Saul ann an sliabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chunnaic e gu'n d'thàinig Saul 'na dhéigh do'n fhàsach.

4 Uime sin chuir Daibhidh mach luchd-rannasachaidh, agus thuig e gu'n d'thàinig Saul da rìreadh.

5 Agus dh'éirich Daibhidh, agus thàinig e dh'ionnsuidh an àite anns au do champaich Saul; agus chunnaic Daibhidh an t-àit anns an robh Saul 'na luidhe, agus Abner mac Neir, ceannard 'armailte:

agus luidh Saul an taobh a stigh do'n chlais-bhlàir³, agus champaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, mac Shernaiah, bràthair Ioaib, ag ràdh, Cò théid sìos maille riunsa dh'ionnsuidh Shaul do'n champ? Agus thubhairt Abisai, Théid mise sìos maille riut.

7 Uime sin thàinig Daibhidh agus Abisai dh'ionnsuidh an t-sluaigh san oidhche; agus, feuch, luidh Saul 'na chodal an taobh a stigh do'n chlais-bhlàir, agus a shleagh sàthta san talamh aig a cheann-adhairt: ach luidh Abner agus an sluagh mu'n cuairt àir.

8 An sin thubhairt Abisai ri Daibhidh, Thug Dia thairis do nàmhaid an diugh do d' làmh: a nis uime sin, leig leam a bhualadh, guidheam ort, leis an t-sleagh a dh'ionnsuidh na talmhainn aon uair, agus cha *bhuail* mi e an dara uair.

9 Agus thubhairt Daibhidh ri Abisai, Na marb e; oir cò a shùneas a mach a làmh an aghaidh aoin ungta an Tighearna, agus a bhios neo-chiontach?

10 Thubhairt Daibhidh mar an ceudna, *Mar* is beò an Tighearna, buailidh an Tighearna e, no thig a là anns am faigh e bàs, no théid e sìos do'n chath agus tuitidh e.

11 Nar leigeadh an Tighearna gu'n sìnnse mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a cheann-adhairt, agus an soitheach-uisge, agus biomaid ag imeachd.

12 Agus ghabh Daibhidh an t-sleagh agus an soitheach-uisge o cheann-adhairt Shaul, agus dh'imich iad rompa, agus cha robh neach ann a chunnaic sin, no aig an robh fios air, no a mhosgail; oir *bha* iad uile 'nan codal, do bhrìgh gu'n do thuit codal trom o'n Tighearna orra.

13 An sin chaidh Daibhidh thairis do'n taobh eile, agus sheas e air mullach sléibh fad as, *le astar mòr eatorra*.

14 Agus ghlaodh Daibhidh ris an t-sluaigh, agus ri Abner mac Neir, ag ràdh, Nach freagair thu, Abneir? Agus fhreagair Abner, agus thubhairt e, Cò thusa, a *tha* glaochaidh ris an rìgh?

15 Agus thubhairt Daibhidh ri Abner, Nach fear *treun* thusa? agus cò *a's* cosmhuil riut ann an Israel? c'ar son na ta nach do choimhid thu do thighearna an rìgh? oir thàinig aon do'n t-sluaigh a steach a mharbhadh an rìgh do thighearna.

16 Cha 'n'eil an ni so maith a rinn thu, *mar* is beò an Tighearna, *tha* sibh a'

¹ chuige. Eir.
296

² 'na seirbhisich.

³ an taobh a stigh do chuairt nan carbad.

toilltinn a' bhàis¹, do bhrìgh nach do ghhléid sibh blur maighstir, aon ungta an Tighearn: agus a nis faic c'ait am bheil sleagh an rìgh, agus an soitheach-uisge, a bha aig a cheann-adhairt?

17 Agus dh'athnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Is e mo ghuth-sa a th'ann*, mo thighearn, a rìgh.

18 Agus thubhairt e, C'ar son a tha mo thighearn air tòir a sheirbhisich? oir ciod a rinn mi? no ciod an t-olc a th'ann am làimh?

19 A nis uime sin, guidheam ort, éisd-eadh mo thighearn an rìgh ri briathraibh a sheirbhisich: ma's e an Tighearn a bhrosnuich thu a'm' aghaidh, gablaidh e tabhartas²: ach ma's iad clann nan daoine, mallaichte tha iad am fianuis an Tighearn; oir dh'fhuadaich iad mise mach an diugh o fhantuin ann an oighreachd an Tighearn, ag ràdh, Falbh, dean seirbhis do dhiaithaibh eile.

20 A nis ma ta, na tuiteadh m'fhuil a dh'ionnsuidh na talmhainn ann am fianuis an Tighearn; oir thàinig rìgh Israeil a mach a dh'iarraidh deargaimne, mar a ruigeas fear cearc-choille³ anns na beanntaibh.

21 An sin thubhairt Saul, Pheacaich mi: pill, a mhic, a Dhaibhidh, oir cha dean mi cron ort tuilleadh, a chionn gu'n robh m'anam luachmhor a'd' shùilibh an diugh: feuch, rinn mi gu h-amaideach, agus chaidh mi air seacharan gu ro mhòr.

22 Agus fhreagair Daibhidh agus thubhairt e, Feuch, sleagh an rìgh: agus thig-eadh aon do na h-òganaich a nall agus gabhadh e i.

23 Agus iocadh an Tighearna do gach neach a réir 'ionracais agus 'fhireantachd: oir thug an Tighearna thairis thu an diugh do m' làimhsa, ach cha b'àill leam mo làmh a shineadh a mach an aghaidh aoin ungta an Tighearn.

24 Agus, feuch, mar a mheasadh t'anam-sa gu mòr leamsa an diugh, mar sin bith-eadh m'anam-sa air a mheas gu mòr leis an Tighearn, agus saoradh e mi as gach gabhadh.

25 Agus thubhairt Saul ri Daibhidh, Beannaichte gu robh thusa, a mhic, a Dhaibhidh: an dà chuid ni thu *nithe* mòra, agus mar an ceudna bheir thu gu cinnteach buaidh. Agus dh'imich Daibhidh air a shlighe, agus phill Saul do 'àite féin.

1 *Chuala Saul gu'n do theich Daibhidh a dh'ionnsuidh rìgh Ghat, agus cha d'iarr e tuille air a shon.* 5 *Thug Achis Siclag do Dhaibhidh* 8 *Bhuail Daibhidh na Gesuraich, &c.*

AGUS thubhairt Daibhidh na chridhe, A nis tuitidh mi là éigin an làimh Shaul⁴: cha 'n'èil ni air bith a's fearr dhomh na mì dhòl as gu luath do dhùthaich nam Philisteach, a chum gu'n leig Saul dheth⁵ mise iarraidh nì's mò ann an crìch air bith do Israel, agus gu'n téid mi as o' làimh.

2 Agus dh'éirich Daibhidh, agus chaidh e thairis agus an sè ceud fear a bha maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmhnuidh maille ri Achis ann an Gat, e féin agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreleach, agus Abigail a' Bhan-charmeleach, bean Nabail.

4 Agus dh'innsadh do Shaul gu'n do theich Daibhidh gu Gat; agus cha d'iarr e nì's mò air a shon.

5 Agus thubhairt Daibhidh ri Achis, Ma fhuair mi nis deadh-ghean a'd' shùilibh, thugar dhomh àit ann am baile éigin san dùthaich, a chum gu'n gabh mi còmhnuidh an sin: oir c'ar son a ghabhadh do sheirbhiseach còmhnuidh anns a' bhaile rìoghail maille riutsa?

6 An sin thug Achis dha Siclag air an là sin: uime sin buinidh Siclag do rìgh-ribh Iudah gus an là 'n diugh.

7 Agus b'e fad na h-aimsir⁶ a dh'fhan Daibhidh ann an dùthaich nam Philisteach, bliadhna iomlan⁷ agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesuraich⁸, agus na Geserich, agus na h-Amaleich: oir b'iadsan o shean luchd-àiteachaidh na tìre, mar a théid thu gu Sur, eadhon gu tìr na h-Eiphit.

9 Agus bhuail Daibhidh an tìr, agus cha d'fhag e fear uo bean beò; agus thug e leis na caoraich, agus am buar, agus na h-asail, agus na càmhail, agus an t-eudach; agus phill e, agus thàinig e gu Achis.

10 Agus thubhairt Achis, C'ait an do bhris sibh a stigh an diugh? Agus thubhairt Daibhidh, Air an taobh deas do Iudah, agus air an taobh deas do na Ierameelich, agus air an taobh deas do na Cenich.

11 Agus fear no bean cha do leig Daibh-

¹ is mic do'n bhàs sibh. Eabh.

² gabhaidh e faile tabhartais. Eabh.

³ cearc-thomàn; core. Eabh.

⁴ cuirear gu bàs mì là éigin le làimh Shaul.

⁵ gu'n caill Saul a dlòchas a'm' thaobh-sa.

⁶ àireamh nan làithean. Eabh.

⁷ làithean. Eabh.

⁸ chaidh iad a chreachadh nan Gesurach.

I. SAMUEL, XXVII. XXVIII.

idh as beò, a thoirt *sgeula* gu Gat, ag ràdh, Air eagal gu'n inuseadh iad oirm, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chreid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e 'na sheirbhiseach agam-sa gu bràth.

CAIB. XXVIII.

1 *Chruinnicheadh na Philistich an ceann a chèile aig Sunem.* 5 *Bha eagal air Saul rompa, agus chaidh e dh'ionnsuidh mnà ann an Endor aig an robh leannan-sith.* 11 *Air 'iarrtus thog i Samuel a nìs dha.* 15 *Dh'innis Samuel do Shaul gu'n tuiteadh e fèin agus Israel an làimh an naimh-dean.*

AGUS anns na làithibh sin chruinnich na Philistich an armailtean an ceann a chèile chum cogaidh, a chur catha ri h-Israel: agus thubhairt Achis ri Daibhidh, Biodh fios gu cinnteach agad gu'n téid thu mach maille riumsa chum catha, thu féin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciod a ni do sheirbhiseach. Agus thubhairt Achis ri Daibhidh, Uime sin ni mi fear-gleidhidh mo chinn dìot gu bràth.

3 A nis fhuair Samuel bàs, agus rinn Israel uile caoidh air a shon, agus dh'adhlac iad e ann an Ramah 'na bhaile féiu: agus chuir Saul air falbh iadsan aig an robh leannan-sith, agus na fiosaichean, as an tìr.

4 Agus chruinnicheadh na Philistich an ceann a chèile, agus thàinig iad agus champach iad ann an Sunem: agus chruinnich Saul Israel uile an ceann a chèile, agus champach iad ann an Gilboa.

5 Agus an uair a chunnaic Saul feachd nam Philisteach, bha eagal air, agus chrothnaich a chridhe gu mòr.

6 Agus an uair a dh'fhiosraich Saul do'n Tighearna, cha do fhreagair an Tighearn e, aon chuid le aislingibh, no le Urim, no le fàidhibh.

7 An sin thubhairt Saul r'a sheirblisich, Iarraibh dhomh-sa bean aig am bheil leannan-sith, agus théid mi d'a h-ionnsuidh, agus fiosraichidh mi dhith. Agus thubhairt a sheirbhisich ris, Feuch, *tha* bean aig am bheil leannan-sith ann an Endor.

8 Agus chuir Saul e fèin ann an riochd eile, agus chuir e air eudach eile agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidhche; agus thubhairt e, Dean

fiosachd' dhomh-sa, guidheam ort, leis an leannan-shith, agus tog suas dhomh esan a dh'ainmicheas mi dhuìt.

9 Agus thubhairt a' bhean ris, Feuch, tha fios agad ciod a rinn Saul, cionnus a ghearr e as iadsan aig an robh leannan-sith, agus na fiosaichean, as an tìr: c'ar son ma ta a tha thu a' leagadh ribidh air son m'anama, chum mo chur gu bàs?

10 Agus mhionnaich Saul dhi air an Tighearn, ag ràdh, *Mar* is beò an Tighearna, cha tachair olc sam bith dhuìt air son an ni so.

11 An sin thubhairt a' bhean, Cò thogas mi nìs dhuìt? Agus thubhairt esan, Tog a nìs dhomh Samuel.

12 Agus an uair a chunnaic a' bhean Samuel, ghlaodh i le guth àrd; agus labhair a' bhean ri Saul, ag ràdh, C'ar son a mheall thu mi? oir is tu Saul.

13 Agus thubhairt an rìgh rithe, Na biodh eagal ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a nìs as an talamh.

14 Agus thubhairt e rithe, Ciod e a choslas? Agus thubhairt ise, *Tha* seann duine air teachd a nìs, agus e còmhdaichte le falluinn¹. Agus dh'aithnich Saul gu'm b'e Samuel a *bh'ann*, agus chom se e fèin air aghaidh dh'ionnsuidh na talmhainn, agus rinn e ùmhlachd *dha*.

15 Agus thubhairt Samuel ri Saul, C'ar son a chuir thu dragh orm, le m' thoirt a nìs? Agus fhreagair Saul, Tha mi ann an teanntachd mhòir; oir tha na Philistich a' cogadh a'm' aghaidh, agus dhealaich Dia rium, agus cha 'n eil e toirt freagraidh dhomh m's mò, aon chuid le fàidhibh no le aislingibh: uime sin ghairm mi ortsa gu fios a thoirt domh ciod a ni mi.

16 An sin thubhairt Samuel, C'ar son ma ta a tha thu a' fiosrachadh dhiom-sa, agus gu'n do dhealaich an Tighearna riut, agus gu bheil e *nìs* air fàs 'na naimhaid duit²?

17 Agus rinn an Tighearna dha, mar a labhair e tromham-sa³; oir reub an Tighearn an rioghachd as do làimh, agus thug e i do d' choimhearsnach, do Dhaibhidh.

18 Do bhrìgh nach d'éisd thu ri guth an Tighearn, agus nach do chuir thu an gnìomh a chorruidh gharg an aghaidh Amaleic; uime sin rinn an Tighearn an ni so riut air an là 'n diugh.

19 Agus bheir an Tighearna mar an ceudna Israel maille riutsa thairis do làimh nam Philisteach: agus am màir-each *bithidh* tusa agus do mhic maille

¹ fàisteachd.

² agus falluinn uime.

³ gu bheil e nìs maille ri d' choimhearsnach,

⁴ le m' làimh-sa. Eabh.

riumsa : bheir an Tighearna mar an ceudna feachd Israeil thairis do làimh nam Philisteach.

20 An sin air ball thuit Saul sìnte air an talamh, agus bha e fo eagal ro mhòr air son bhriathra Shamuil, agus cha robh neart air bith ann; oir cha d'ith e aran rè an latha, no rè na h-oidhche sin.

21 Agus thàinig a' bhean a dh'ionnsuidh Shaul, agus chunnaic i gu'n robh e fo uamham mòr, agus thubhairt i ris, Feuch, thug do bhanoglach géill do' d' ghuth, agus chuir mi m'anam a'm' làimh, agus dh'éisd mi ri d' bhriathraibh a labhair thu rium :

22 A nis uime sin, guidheam ort, éisd thusa mar an ceudna ri guth do bhanoglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha'n ith mi: ach choimh-éignich a sheirbhisich agus mar an ceudna a' bhean e; agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadhtha san tigh, agus rinn i cabhag, agus mharbh i e; agus ghabh i min mhìn², agus dh'fhuin si i, agus rium i aran neo-ghoirichte dhith :

25 Agus chuir i iad fa chomhair Shaul, agus fa chomhair a sheirbhiseach, agus dh'ith iad: an sin dh'éirich iad suas, agus dh'imich iad air an oidhche sin féin.

CAIB. XXIX.

1 Bha fearg air ceannardaibh nam Philisteach do bhrìgh gu'n d'thug Achis Daibhidh maille ris.

6 Chuir Achis air falbh e.

ANIS chruinnich na Philistich am feachd uile gu Aphec: agus champaich na h-Israelich làimh ri tobar, a th'ann an Iesreel.

2 Agus chaidh tighearnan nam Philisteach air an aghaidh 'nan ceudaibh agus 'nam mìtibh: ach chaidh Daibhidh agus a dhaoine air an aghaidh 'nan deireadh maille ri Achis.

3 An sin thubhairt ceannardan nam Philisteach, Ciod a tha na h-Eabhruidhich sin a' deanamh an so? Agus thubhairt Achis ri ceannardaibh nam Philisteach, Nach e so Daibhidh seirbhiseach Shaul rìgh Israeil, a bha maille riumsa na làithean so, no na bliadhnan so, agus cha d'fhuair mi cron sam bith ann o'u là anns an d'thàinig e a m' ionnsuidh gus an là 'n diugh?

4 Agus bha fearg air ceannardaibh nam Philisteach ris; agus thubhairt ceannardan nam Philisteach ris, Thoir air an

fhear so pilltinn, a chum gu'n téid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e 'na namhaid againn sa' chath: oir cia leis a dheanadh e a réite r'a mhaighstir? nach ann le cinn nan daoine sin?

5 Nach e so Daibhidh, mu'n do chan iad le chéile³ ann an dannsaibh, ag ràdh, Mharbh Saul a mhiltean, agus Daibhidh a dheich miltean?

6 An sin ghairm Achis air Daibhidh, agus thubhairt e ris, Gu deimhin, mar is beò an Tighearna, bha thu dìreach, agus is taitneach a'm' shùilibh-sa do dhol a mach agus do theachd a steach maille rium anns a' champ; oir cha d'fhuair mi olc annad, o'n là anns an d'thàinig thu a m'ionnsuidh gus an là 'n diugh: gidheadh, ann an sùilibh nan tighearnan cha'n 'eil thu taitneach.

7 A nis ma ta pill, agus imich ann an sìth, a chum nach dean thu *ni a ta* olc ann an sùilibh thighearnan nam Philisteach.

8 Agus thubhairt Daibhidh ri Achis, Ach ciod a rinn mi, agus ciod a fhuair thu ann do sheirbhiseach o'n cheud là a bha mi maille riut gu ruig an là 'n diugh, nach feud mi dol a chogadh an aghaidh naimhdean mo thighearnan a rìgh?

9 Agus fhreagair Achis agus thubhairt e ri Daibhidh, Tha fios agam gu bheil thu maith; ann am shùilibh-sa *tha thu* mar aingeal Dé: gidheadh, thubhairt tighearnan nam Philisteach, Cha téid e suas maille ruinne do'n chath.

10 A nis ma ta éirich gu moch sa' mhaduinn maille ri seirbhisich do mhaighstir, a thàinig maille riut; agus cò luath 'sa dh'éireas sibh sa' mhaduinn, agus a blios solus agaibh, imichibh.

11 Uime sin rinn Daibhidh agus a dhaoine moch-eirigh chum gu'm falbh-adh iad anns a' mhaduinn, agus gu'm pilleadh iad gu tìr nam Philisteach; agus chaidh na Philistich suas gu Iesreel.

CAIB XXX.

1 Chreach na h-Amalechich Siclag. 9 Chaidh Daibhidh air an tìr: 16 bhuail e iad, agus shaor e gach ni a thug iad leo. 26 Chuir e tiodhlacan a dh'ionnsuidh a chairdean do chreich a naimh-dean.

AGUS an uair a bha Daibhidh agus a dhaoine air teachd gu Siclag air an treas là, bhris ua h-Amalechich a stigh air an taobh deas, agus air Siclag; agus bluail iad Siclag, agus loisg iad e le teine.

2 Agus thug iad leo 'nam braighdibh na mnàì a bha ann: cha do mharbh iad neach air bith, aon chuid beag no mòr,

¹ dh'éisd do bhanoglach ri. Eabh.

² plùr; flour. Sasg.

³ fhreagair iad a chéile.

I. SAMUEL, XXX.

ach thug iad leo *iad*, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus, feuch, *bha e* loisgte le teine; agus thugadh am mnà, agus am maic, agus an nigheana air falbh ann am braighdeanas.

4 An sin thog Daibhidh agus an sluagh a *bha* maille ris an guth, agus ghuil iad, gus nach robh neart anna gu gul ni b'fhaide.

5 Agus thugadh dà mhnaoi Dhaibhidh air falbh 'nam braighdibh, Ahinoam a' Bhan-icsreelach, agus Abigail bean Nabail a' Charmelich.

6 Agus bha Daibhidh aim an teanntachd mhòir; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigh-eana: ach ghabh Daibhidh misneach dha fèin anns an Tighearn a Dhia.

7 Agus thubhairt Daibhidh ri Abiatar an sagart, mac Ahimelech, Thoir a m' ionnsuidh an so, guidheam ort, an ephod; agus thug Abiatar an ephod an sin a dh'ionnsuidh Dhaibhidh.

8 Agus dh'fhiosraich Daibhidh do'n Tighearn, ag ràdh, An téid mi air tòir na buidhne so? am beir mi orra? Agus fhreagair esan e, Falbh air an tòir; oir gu cinnteach beiridh tu orra, agus saoraidh tu an t-ìomlan.

9 Agus dh'imich Daibhidh, e fèin agus an sè ceud fear a *bha* maille ris, agus thàinig iad gu ruig an sruth Besor, far an d'fhan iadsan a dh'fhàgadh 'nan déigh.

10 Agus chaidh Daibhidh air an tòir, e fèin agus ceithir cheud fear: ach dh'fhan dà cheud fear 'nan déigh, a bha cho sgith as nach b'urraim iad dol thar an t-sruth Besor.

11 Agus fhuair iad Eiphiteach anns a' mhachair, agus thug iad e dh'ionnsuidh Dhaibhidh, agus thug iad dha aran, agus dh'ith e; agus thug iad air uisge òl;

12 Agus thug iad dha mìr do mheall¹ fhigean, agus dà bhagaide do fhion-dhearcaibh tiormaichte; agus an uair a dh'ith e, thàinig a spiorad a ris d'a ionnsuidh: oir cha d'ith e aran, agus cha d'òl e uisge rè thrì làithean agus thrì oidhchean.

13 Agus thubhairt Daibhidh ris, Co leis thu, agus cia as a thàinig thu? Agus thubhairt esan, Is òganach Eiphiteach mi, seirbhiseach do Amaleceach; agus dh'fhàg mo mhaighstir mi, do bhrìgh gu'n robh mi tinn o cheann trì làithean.

14 Bhri sinn a steach air taobh deas nan Ccreteach, agus air a' chrìch a bhuin-

ead do Iudah, agus air taobh deas Cha-leib; agus loisg sinn Siclag le teine.

15 Agus thubhairt Daibhidh ris, An toir thu sìos mi dh'ionnsuidh na buidhne sin? Agus thubhairt esan, Mionnaich dhomh air Dia, nach marbh thu mi, agus nach toir thu thairis mi do làimh mo mhaighstir, agus bheir mi sìos thu dh'ionnsuidh na buidhne sin. Agus mhinnaich Daibhidh dha.

16 Agus an uair a thug e sìos e, feuch, sgaoileadh iad air aghaidh na tìre uile, ag itheadh agus ag òl, agus a' damnsadh, air son na creiche mòire uile a thug iad leo a tìr nam Philisteach, agus a tìr Iudah.

17 Agus bhuail Daibhidh iad o bhriseadh na faire gu ruig feasgar an là màireach²; agus cha deachaidh duine dhiubh as, ach ceithir cheud òganach a mharc-aich air càmhalaibh, agus a theich.

18 Agus shaor Daibhidh gach *ni* a thug na h-Amaleich leo: agus shaor Daibhidh a dhà mhnaoi.

19 Agus cha robh *ni* air bith a dhìth orra³, aon chuid beag no mòr, mic no nigheana, no creach, no *ni* air bith a thug iad leo: bhuin Daibhidh gach *ni* air ais.

20 Agus ghabh Daibhidh an treud uile, agus am buar: agus dh'imich iad⁴ roimh an spréidh so, agus thubhairt iad, Is i so creach Dhaibhidh.

21 Agus thàinig Daibhidh a dh'ionnsuidh an dà cheud fear, a bha cho sgith as nach b'urraim iad Daibhidh a lean-tuinn, agus air an d'thug iad fantuinn aig an t-sruth Besor: agus chaidh iad a mach an coimeamh Dhaibhidh, agus an coimeamh an t-sluaigh a *bha* maille ris: agus an uair a thàinig Daibhidh am fagus do'n t-sluaigh, chuir e fàilt⁵ orra.

22 An sin fhreagair na droch dhaoine uile, agus daoine Bheliail, dhiubhsan a chaidh maille ri Daibhidh, agus thubhairt iad, Do bhrìgh nach deachaidh iad maille ruinne, cha toir sinn dhoibh a' bheag do'n chreich a shaor sinn, ach a mhàin do gach duine a bhean, agus a chlann, a chum gu'n toir iad leo *iad*, agus gu'n imich iad.

23 An sin thubhairt Daibhidh, Cha dean sibh mar sin, mo bhràithre, ris na thug an Tighearna dhuin, a ghleidh⁶ sinn, agus a thug a' bhuidheann a thàinig 'nar n-aghaidh thairis d'ar làimh.

24 Agus cò a dh'éisdeas ribh sa' chùis so? ach mar chuibhrionn an ti a théid sìos do'n chath, mar sin *bithidh* cuibhrionn an ti a dh'fhanas maille ris an airneis; roinnidh iad air an aon dòigh.

25 Agus bha e mar sin o'n là sin a mach,

¹ bhreacaig. ² an là 'r na mhàireach.
³ cha d'iomdraineadh *ni* air bith leo.

⁴ an treud uile agus am buar a dh'iomain iad.
⁵ ghuidh e sìth dhoibh. Eabh. ⁶ dhion, dhàin.

gu'n d'rinn e 'na lagh e agus 'na riagh-
ailt aig Israel gus an là 'n diugh.

26 Agus an uair a thàinig Daibhidh gu
Siclag chuir e *cuid* do'n chreich a dh'ionn-
suidh sheanairean Iudah, *eadhon* a
dh'ionnsuidh a chairdean, ag ràdh, Feuch,
tiodhlac¹ dhuibh do chreich naimhdean
an Tighearna :

27 Dhoibhsan a *bh'*ann am Bet-el, agus
dhoibhsan a *bh'*ann an Ramot mu dheas,
agus dhoibhsan a *bh'*ann an Iater,

28 Agus dhoibhsan a *bh'*ann an Aroer,
agus dhoibhsan a *bh'*ann an Siphmot,
agus dhoibhsan a *bh'*ann an Estemoa,

29 Agus dhoibhsan a *bh'*ann an Rachal,
agus dhoibhsan a *bh'*ann am bailtibh nan
Ierahmeeleach, agus dhoibhsan a *bh'*ann
am bailtibh nan Ceneach.

30 Agus dhoibhsan a *bh'*ann an Hormah,
agus dhoibhsan a *bh'*ann an Cor-asan, agus
dhoibhsan a *bh'*ann an Atach,

31 Agus dhoibhsan a *bh'*ann an Hebron,
agus do na h-àitibh sin uile anns am bu
ghnàth le Daibhidh agus a dhaoine tath-
uich².

CAIB. XXXI.

1 *Bhuail na Philistich fir Israeil, agus nharbh iad
thriuir mhac Shaul.* 5 *Mharbh Saul agus fear
iomchair 'arm iad fèin.* 10 *Sparr na Philistich
cuirp Shaul agus a chuid mac ri balla Bhet-sain.*
12 *Thug daoine Iabeis-ghilead air falbh iad,
agus dh'athlaic siad iad.*

ANIS chog na Philistich an aghaidh
Israeil; agus theich fir Israeil o fhian-
uis nam Philisteach, agus thuit iad sìos
marbh ann an sliabh Ghilboa.

2 Agus lean na Philistich Saul agus a
mhic gu teann; agus bhuail³ na Philist-
ich Ionatan, agus Abinadab, agus Malchi-
sua mic Shaul.

3 Agus dh'fhàs an cath cruaidh an agh-
aidh Shaul, agus bhuail na fir-bhogha
air⁴; agus lotadh gu mòr e leis na fir-
bhogha.

4 An sin thubhairt Saul ri fear iomchair
'arm, Rùisg do chladheamh agus sàth
tronham e, air eagal gu'n tig na daoine

neo-thimchioll-ghearrta sin, agus gu'n
sàth iad tromham, agus gu'n toir iad
masladh dhomh⁵. Ach cha b'àill le fear
iomchair 'arm sin a *dheanamh*, oir bha
eagal mòr air: uime sin ghabh Saul
claidheamh, agus thuit e air.

5 Agus an uair a chunnaic fear iomchair
'arm gu'n robh Saul marbh, thuit esan
mar an ceudna air a chladheamh, agus
fhuair e bàs maille ris.

6 Mar sin fhuair Saul bàs, agus a thriuir
mhac, agus fear iomchair 'arm, agus a
dhaoine uile air an là sin fèin maille ri
chéile.

7 Agus an uair a chunnaic fir Israeil, a
bha air taobh a' ghlinne, agus *iadsan* a
*bh'*air air taobh so do Iordan, gu'n do
theich fir Israeil, agus gu'n robh Saul
agus a mhic marbh, thrèig iad na bailt-
ean, agus theich iad; agus thàinig na
Philistich, agus ghabh iad còmhnuidh
annta.

8 Agus air an là maireach, an uair a
thàinig na Philistich a dh'fhaobhachadh
nam marbh, fhuair iad Saul agus a
thriuir mhac air tuiteam ann an sliabh
Ghilboa.

9 Agus ghearr iad dheth a cheann, agus
rùisg iad 'armachd dheth, agus chuir iad
fios gu tìr nam Philisteach mu'n cuairt,
g'a chur an céill ann an tigh an diathan-
bréige, agus am measg an t-sluaigh.

10 Agus chuir iad 'armachd ann an tigh
Astaroit: agus sparr iad a chorp ri balla
Bhet-sain.

11 Agus an uair a chuala luchd-àiteach-
aidh Iabeis-ghilead an nì sin a rinn na
Philistich ri Saul.

12 Dh'éirich na daoine treuna uile, agus
dh'imich iad rè na h-oidhche, agus thug
iad corp Shaul, agus cuirp a chuid mac, o
bhalla Bhet-sain, agus thàinig iad gu
Iabes, agus loisg iad an sin iad.

13 Agus ghabh iad an cnaimhean, agus
dh'adhlac siad *iad* fuidh chraoibh ann
an Iabes, agus thraisg iad seachd làithean.

¹ tiodhlacadh; beannachadh. Eabh. ² taohall.
³ mharbh. ⁴ fhuair na fir-bhogha e. Eabh.

⁵ gu'n dean iad fanaid orm.

DARA LEABHAR SHAMUEIL,

D'AN AINM, AIR MHODH EILE,

DARA LEABHAR NAN RIGH.

CAIB. I.

1 *Mharbhadh an t-Amaleceach a dh'innis do Dhaibh-
idh gu'n do bhuailleadh clann Israeil, agus a thug
fianuis 'na aghaidh fèin gu'n do mharbh e Saul.*
17 *Caoidh Dhaibhidh air son Shaul agus air son
Ionatan.*

ANIS an dèigh bàis Shaul, phill Daibh-
idh o àrnan Amaleceach, agus dh'fhan
Daibhidh ann an Siclag dà latha.

2 Agus air an treas là, feuch, thàinig
duine as a' champ o Shaul, agus 'eudach
reubta, agus ùir air a cheann: agus an
uair a thàinig e dh'ionnsuidh Daibhidh,
thuit e air an talamh, agus rinn e ùmh-
lachd.

3 Agus thubhairt Daibhidh ris, Cia as a
tha thu air teachd? Agus thubhairt esan
ris, A camp Israeil theich mi.

II. SAMUEL, I. II.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha mòran do'n t-sluagh air tuiteam agus marbh; agus mar an ceudna tha Saul agus a mhac Ionatan marbh.

5 Agus thubhairt Daibhidh ris an òganach a dh'innis dha, Cionnus a tha fios agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomhsa bhì air sliabh Ghilboa, agus, feuch, bha Saul a' leigeil a thaice r'a shleagh, agus, feuch, lean na carbadan agus am marc-shluagh gu dian 'na dhéigh.

7 Agus an uair a dh'amhairc e 'na dhéigh, chumnaic e mise, agus ghairm e orm: agus fhreagair mi, Tha mi 'n so.

8 Agus thubhairt e rium, Cò thusa? Agus fhreagair mise e, Is Amaleceach mi.

9 Thubhairt e rium a ris, Seas orm, guidheam ort, agus marbh mi: oir ghlac teanntachd mi, do bhrìgh gu bheil mo bheatha fathast gu h-iomlan annam.

10 Agus sheas mi air, agus mharbh mi e, a chionn gu'n robh fios agam nach biodh e beò an déigh dha tuiteam; agus ghabh mi 'n crùn a bha air a cheann, agus an làmh-fhàil a bha air a ghairdean, agus thug mi 'n so iad a dh'ionnsuidh mo thighearn.

11 An sin rug Daibhidh air 'eudach, agus reub se e, agus mar an ceudna na daoine uile a bha maille ris.

12 Agus rinn iad caoidh, agus ghuil iad, agus thraisg iad gu feasgar, air son Shaul, agus air son a mhic Ionatain, agus air son sluagh an Tighearn, agus air son tighe Israeil, do bhrìgh gu'n do thuit iad leis a' chlaidheamh.

13 Agus thubhairt Daibhidh ris an òganach a dh'innis dha, Cia as duitse? Agus fhreagair esan, Is mac coigrich, Amalecich mi.

14 Agus thubhairt Daibhidh ris, Cionnus nach robh eagal ort do làmh a shineadh a mach a mharbhadh¹ aoin ungta an Tighearn?

15 Agus ghairm Daibhidh air aon do na h-òganaich, agus thubhairt e, Thig am fagus, agus leum air. Agus bhuail se e, agus fhuair e bàs.

16 Agus thubhairt Daibhidh ris, Biodh t'fhuil air do cheann féin, oir thug do bheul fianuis a'd' aghaidh, ag ràdh, Mharbh mi aon ungta an Tighearn.

17 Agus rinn Daibhidh caoidh leis a' chumhadh² so os ceann Shaul, agus os ceann a mhic Ionatain:

18 (Agus dh'àithn e gu'n iunsaicheadh iad do chloinn Iudah tilgeadh le bogha³: feuch, tha e sgriobhta ann an leabhar Iaseir:)

19 O mhaise Israeil, air do lotadh air t'àitibh àrda! cionnus a thuit na cumhachdaich?

20 Na h-innsibh e ann an Gat, na cuiribh an céill e ann an sràidibh Asceloin; air eagal gu'm bi nigheana nam Philisteach aobhneach, air eagal gu'n dean nigheana nan neo-thimchioll-ghearrta luath-ghàire.

21 A shléibhte Ghilboa, na biodh drùchd no uisge oirbh; no oirbhe, achanna thabhartasa⁴; oir an sin thilgeadh gu tàireil air falbh sgiath nan cumhachdach, sgiath Shaul, mar nach bitheadh e ungta le h-oladh.

22 O fhuil nam marbh, o shail nan cumhachdach, cha do thionndaidh bogha Ionatain air ais; agus cha do phill claidheamh Shaul gu faoin⁵.

23 Bha Saul agus Ionatan gràdhach agus taitneach 'nam beatha, agus 'nam bàs cha do sgaradh iad: bu luaithe iad na iolairéan, bu treise iad na leòmhain.

24 A nigheana Israeil, guilibh air son Shaul, a dh'eudaich sibh ann an scarlad le aobhneas⁶, a chuir òir-ghreus air bhur n-eudach.

25 Cionnus a thuit na cumhachdaich am meadhan a' chatha! O a Ionatain, air t'àitibh àrda mharbhadh thu!

26 Tha cràdh orm air do shon, mo bhràthair a Ionatain: ro thaitneach bha thu dhomhsa: b'iongantach do ghràdh dhomhsa, a' toirt barrachd air gràdh nam ban.

27 Cionnus a thuit na cumhachdaich, agus a chaidh as do airm a' chogaidh?

CAIB. II.

1 Chaidh Daibhidh suas gu Hebron, agus an sin rinneadh rìgh dheth os ceann Iudah. 8 Rinn Abner Isboset 'na rìgh air Isruel. 17 Bhuailleadh Abner agus fìr Israeil roimh sheirbhisich Dhaibhidh.

A GUS 'na dhéigh so dh'fhiosraich Daibhidh do'n Tighearn, ag ràdh, An téid mi suas gu aon do bhaitibh Iudah? Agus thubhairt an Tighearna ris, Falbh suas. Agus thubhairt Daibhidh, C'àit a théid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar an ceudna a dhà mhnaoi, Ahinoam a' Bhan-iesreeleach, agus Abigail bean Nabail a' Charmelich.

3 Agus a dhaoine a bha maille ris thug Daibhidh suas leis, gach fear le 'theagh-

¹ a mhilleadh, a sgrios.

² tuireadh.

³ gu'n teagaisgeadh iad do chloinn Iudah an cumh-

adh so d' an ainm am bogha. ⁴ achanna tarbhach.

⁵ falamh.

⁶ maille ri nithibh taitneach.

II. SAMUEL, II.

lach; agus ghabh iad còmhnuidh ann am bailtibh Hebroin.

4 Agus thàinig daoine Iudah, agus dh'ung iad an sin Daibhidh 'na rìgh os ceann tìghe Iudah. Agus dh'innis iad do Dhaibhidh, ag ràdh, *B' iad* daoine Iabeis-ghilead a dh'adhlac Saùl.

5 Agus chuir Daibhidh teachdairean a dh'ionnsuidh dhaoine Iabeis-ghilead, agus thubhairt e riu, Beannaichte *gu* robh sibh o'n Tighearn, a thaobh gu'n do nochd sibh an caoimhneas so do'r tìghearna, do Shaul, agus gu'n d'adhlac sibh e.

6 Agus a nis gu nochdadh an Tighearna caoimhneas dhuibhe, agus firinn: agus diolaidh mise mar an ceudna am maithreas so dhuibh, do bhrìgh gu'n d'rim sibh an ni so.

7 A nis uime sin biodh bhuir lànhan air an neartachadh, agus bithibh gaisgeil, oir tha bhuir tìghearna Saul marbh, agus mar an ceudna dh'ung tìgh Iudah mise a'm' rìgh os an ceann.

8 Ach ghabh Abner mac Neir, ceannard armailte Shaul, Isboset mac Shaul, agus thug e thairis e gu Mahanaim;

9 Agus rinn se e 'na rìgh air Gilead, agus air na h-Asuraich, agus air Iesreel, agus air Ephraim, agus air Benjamin, agus air Israel uile.

10 Dà fhichead bliadhna dh'aois *bha* Isboset mac Shaul an uair a thòisich e air rìoghachadh os ceann Israeil, agus rìghich e dà bhliadhna: ach lean tìgh Iudah Daibhidh.

11 Agus b'e àireamh nan làithean a bha Daibhidh 'na rìgh ann an Hebron air tìgh Iudah, seachd bliadhna agus sè mìosan.

12 Agus chaidh Abner mac Neir, agus seirbhisich Isboset mhic Shaul, a mach o Mahanaim gu Gibeon.

13 Agus chaidh Ioab mac Sheruah, agus seirbhisich Dhaibhidh a mach, agus choimnich iad a chèile aig lochan Ghibeoin: agus shuidh iad sìos, iad so air aon taobh do'n lochan, agus iad sud air an taobh eile do'n lochan.

14 Agus thubhairt Abner ri Ioab, Eir-eadh na h-òganaich a nis, agus deanadh iad lùchleas¹ nar fianuis. Agus thubhairt Ioab, Eireadh iad.

15 An sin dh'èirich suas agus chaidh thairis dà fhear dheug an àireamh do Bheniamin, a *bhuineadh* do Isboset mac Shaul, agus dà fhear dheug do sheirbhisich Dhaibhidh.

16 Agus rug gach fear dhiubh air ceann a chompanach², agus *shàth e* a chlaideamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a *tha* ann an Gibeon.

17 Agus bha cath ro chruaidh ann air an là sin; agus bhuailleadh Abner agus fir Israeil fa chomhair sheirbhiseach Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus *bha* Asahel co luath d'a chois ri boc earba na macharach.

19 Agus chaidh Asahel air tòir Abneir; agus cha do chlaon e 'na shìubhal a dh'ionnsuidh na làimhe deise no na làimhe clìthe, o *dhol* an déigh Abneir.

20 An sin dh'amhairc Abner 'na dhéigh, agus thubhairt e, An tusa Asahel? Agus fhreagair esan, *Is mi*.

21 Agus thubhairt Abner ris, Tionndaidh a dh'ionnsuidh do làimhe deise no dh'ionnsuidh do làimhe clìthe, agus glac aon do na h-òganaich, agus gabh a d'ionnsuidh 'fhaobh³. Ach cha b'àill le Asahel tionndadh o esan a leantuinn.

22 Agus thubhairt Abner a ris ri Asahel, Tionndaidh o mise a leantuinn: c'arson a bhuailinn thu gu làr? cionnus an sin a thogainn suas m'aghaidh ri Ioab do bhràthair?

23 Gidheadh dhiùlt esan tionndadh; uime sin bhuail Abner e le earr na sleagha fuidh 'n chùigeadh *aisne*, agus thàinig an t-sleagh a mach air a chulaobh; agus thuit e 'n sin, agus fhuair e bàs san àite sin féin: agus iadsan uile a thàinig a dh'ionnsuidh an àite anns an do thuit Asahel sìos agus anns an d'fhuair e bàs, dh'fhan iad 'nan seasamh.

24 Chaidh Ioab mar an ceudna agus Abisai air tòir Abneir: agus luith a' ghrian an uair a thàinig iad gu sliabh Amah, a *tha* fa chomhair Ghiah, air slighe fàsaich Ghibeoin.

25 Agus chruinnich clann Bheniamin iad féin an ceann a chèile *gu dol* an déigh Abneir, agus bha iad 'nan aon bhuidhinn, agus sheas iad air mullach cnoic.

26 An sin ghlaodh Abner ri Ioab, agus thubhairt e, An sgrios an claidheamh gu bràth? nach 'eil fios agad gu'm bi searbas ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantuinn am bràthrean?

27 Agus thubhairt Ioab, *Mar* is beò Dia, mur⁴ bitheadh tu air labhairt, gu deimhin an sin anns a' mhaduinn⁵ rachadh an sluagh suas, gach fear o leantuinn a bhràthair.

28 Uime sin shéid Ioab trompaid, agus stad an sluagh uile, agus cha deachaidh iad ni's mò air tòir Israeil, agus cha do chog iad ni's mò.

29 Agus dh'imich Abner agus a dhaoine air feadh a' chòmhnaird rè na h-oidhche sin, agus chaidh iad thar Iordan, agus

¹ cluicheadh iad.

² choimh-ghleacair.

³ éideadh, 'armachd. ⁴ nam. ⁵ o'n mhaduinn. Eabh.

chaidh iad troimh Bhithron uile, agus thàinig iad gu Mahanaim.

30 Agus phill Ioab o *dhol* an déigh Abneir; agus an uair a chruinnich e 'n sluagh uile an ceann a chéile, dh'ionndraineadh do sheirbhisich Dhaibhidh naoi fir dheug agus Asahel.

31 Ach bhuail seirbhisich Dhaibhidh do Bheniamin, agus do dhaoibh Abneir, tri cheud agus trì fichead fear, a fhuair bàs.

32 Agus thog iad leo Asahel, agus dh'adhlac iad e ann an àit-adhlacaidh athar, a *bha* ann am Bet-lehem: agus dh'imich Ioab agus a dhaoine rè na h-oidhche, agus thàinig iad gu Hebron mu bhriseadh na fàire.

CAIB. III.

1 *Rugadh séanar mhac do Dhaibhidh ann an Hebron. 6 Tha fearg air Abner ri Isboset, agus bhagair e an rioghachd atharrachadh o thigh Shaul. 14 Chuir Daibhidh fios air Michal a mhnai. 22 Mharbh Ioab Abner. 28 Rinn Daibhidh caoidh air a shon.*

ANIS bha cogadh fada eadar tigh Shaul agus tigh Dhaibhidh: ach *bha* Daibhidh a' sìr-dhol air aghaidh ann an neart, agus tigh Shaul a' sìr-dhol an laige.

2 Agus rugadh do Dhaibhidh mic ann an Hebron: agus b'e a cheud-ghin Amnon, ri Ahinoam a' Bhan-iesreeleach:

3 Agus a dhara mac Chiliab, ri Abigail bean Nabail a' Charmelich: agus an treas mac Absalom, mac Mhaacah, nighinn Thalmai, righ Ghesuir:

4 Agus an ceathramh mac Adoniah, mac Hagit: agus an cùigeadh mac Sephatiah, mac Abitail:

5 Agus an seathadl mac Itream, ri Eglah bean Dhaibhidh. Rugadh iad sin do Dhaibhidh ann an Hebron.

6 A nis an uair a bha cogadh eadar tigh Shaul agus tigh Dhaibhidh, rinn Abner e féin làidir ann an tigh Shaul.

7 Agus *bha* coimhleabach aig Saul, d'am b'ainm Rispah, nighean Aiah: agus thubhairt Isboset ri Abner, C'ar son a chaidh thu stigh a dh'ionnsuidh coimhleabaich m'athar?

8 An sin bha fearg mhòr air Abner air son bhriathran Isboseit, agus thubhairt e, An ceann coin mise, a *bhuineas* do Iudah? tha mi a' nochdadh caoimhneis an diugh¹ do thigh Shaul t'athar, d'a bhràithribh, agus d'a chaidribh, agus cha d'thug mi thairis thusa do làimh Dhaibhidh; gidheadh tha thusa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuille mar an ceudna, mar a mhionnaich an Tighearna do Dhaibhidh, mur dean mise eadhon mar sin ris-san;

10 An rioghachd atharrachadh o thigh

Shaul, agus righ-chuithir Dhaibhidh a chur suas os ceann Israeil, agus os ceann Iudah, o Dhan eadhon gu Beerseba.

11 Agus cha b'urrainn e Abner a fhreagairt aon fhocal a ris, a chionn gu'n robh eagal air roimhe.

12 Agus chuir Abner teachdairean a dh'ionnsuidh Dhaibhidh 'na àite féin², ag ràdh, Cia leis an tìr? ag ràdh *mar an ceudna*, Dean do choimhcheangal riumsa, agus, feuch, *bithidh* mo làmh leat, gu Israeil uile a thionndadh a' d' ionnsuidh.

13 Agus thubhairt esan, *Ro* mhaith; ni mise coimhcheangal riut: ach aon ni *tha* mi ag iarraidh ort, eadhon, Nach faic thu mo ghluist, mur toir thu leat air sus Mìchal nighean Shaul, an uair a thig thu g'am fhacinn.

14 Agus chuir Daibhidh teachdairean gu Isboset mac Shaul, ag ràdh, Tabhair *dhomh* mo bhean Michal, a cheangail mi rium féin ann pòsadh air son ceud roimh-chroicinn do na Philistich.

15 Agus chuir Isboset *fios oirre*, agus thug e o a fear i, *eadhon* o Phaltiel mac Lais.

16 Agus dh'imich a fear maille rithe, a' gul 'na déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmhradh ri sean-airbh Israeil, ag ràdh, Anns an aimsir roimhe so dh'iarr sibh Daibhidh a *bhi* 'na righ os bhuir ceann.

18 A nis ma ta deanaibh e; oir labhair an Tighearna mu Dhaibhidh, ag ràdh, Le làimh mo sheirbhisich Dhaibhidh saoraidh mi mo shluagh Israeil á làimh nam Philisteach, agus á làimh an naimhdean uile.

19 Agus labhair Abner mar an ceudna ann an cluasaibh Bheniamin: agus chaidh Abner mar an ceudna a labhairt ann an cluasaibh Dhaibhidh ann an Hebron, gach ni a *bha* taitneach ann an sùilbh Israeil, agus ann an sùilbh tighe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus fichead fear maille ris: agus rinn Daibhidh cuirm do Abner agus do na daoibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus cruinnichidh mi Israeil uile dh'ionnsuidh mo thighearn an righ, a chum gu'n dean iad coimhcheangal riut, agus gu'n rìghich thu os ceann gach ni a's miann le t'anam: agus chuir Daibhidh Abner air falbh, agus dh'imich e ann an sìth.

22 Agus, feuch, thàinig seirbhisich Dhaibhidh agus Ioab o *ruagadh* buidhne, agus thug iad creach mhòr leo: (ach cha robh Abner maille ri Daibhidh, ann an Hebron; oir chuir e air falbh e, agus dh'imich e ann an sìth.)

¹ a nochdas caoimhneas an diugh an aghaidh Iudah.

² as a leth féin, air ball.

II. SAMUEL, III. IV

23 Agus an uair a thàinig Ioab agus an armailt uile a *bha* maille ris, dh'innis iad do Ioab, ag ràdh, Thàinig Abner mac Neir a dh'ionnsuidh an rìgh, agus chuir e air falbh e, agus dh'imich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Ciod c a rinn thu? feuch, thàinig Abner a d'ionnsuidh; c'ar son so a chuir thu air falbh e, agus gun amharus dh'imich e?

25 Is aithne dhuit Abner mac Neir, gur ann gu d' mhealladh a thàinig e, agus gu fios fhaghail air do dhol a mach agus do theachd a steach, agus gu fios fhaghail air gach *ni* a *tha* thu a' deanamh.

26 Agus an uair a thàinig Ioab a mach o Dhaibhidh, chuir e teachdairean an déigh Abneir, a thug air ais e o thobar Shihah: acli cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheata a labhairt ris ann an sìth¹; agus bhuail e 'n sin e fuidh 'n chùigeadh *aisne*, agus fhuair e bàs air son fola a bhràthar Asahel.

28 Agus 'na dhéigh sin an uair a chuala Daibhidh e, thubhairt e, *Tha* mise agus mo rioghachd neò-chiontach an làthair an Tighearna gu bràth o fhuil Abneir mhic Neir.

29 Fanadh i air ceann Ioaib, agus air tigh 'athar uile, agus na bitheadh a dhèith air tigh Ioaib neach air am bi silteach, no *bhios* 'na lobhar, no d'an éigin siubhal le bata, no thuiteas air claidheamh, no air am bi easbhuidh arain.

30 Mar sin mharbh Ioab agus a bhràthair Abisai Abner, a chionn gu'n do chuir esan gu bàs an bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reubaibh bhuir n-eudach, agus cuiribh saic-eudach umaibh, agus deanaibh caoidh roimh Abner. Agus lean rìgh Daibhidh *féin* an giùlan.

32 Agus dh' adhlaic iad Abner ann an Hebron: agus thog an rìgh suas a ghuth, agus ghuil e aig uaigh Abneir; agus ghuil an sluagh uile.

33 Agus rinn an rìgh caoidh os ceann Abneir, agus thubhairt e, An ann mar a bhàsaicheas amadan², a bhàsaich Abner?

34 Cha do cheangladh do làmhan, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thusa. Agus ghuil an sluagh uile a ris os a cheann.

35 Agus an uair a thàinig an sluagh uile a thoirt air Daibhidh biadh itheadh,

am feadh 'sa b'e 'n là fatlast a bh'ann, mhionnaich Daibhidh, ag ràdh, Mar sin gu deanadh Dia riumsa, agus tuille mar an ceudna, ma bhlaiseas mi aran no ni air bith eile, gus an téid a' ghrian fuidhe.

36 Agus thug an sluagh uile fa'near e, agus bha e taitneach 'nan suilb; mar a bha gach *ni* a rinn an rìgh taitneach ann an suilb an t-sluagh uile:

37 Oir thuig an sluagh uile agus Israel uile air an là sin, nach ann o'n rìgh a bha e Abner mac Neir a chur gu bàs.

38 Agus thubhairt an rìgh r'a sheirbhishich, Nach 'eil fhios agaibh gu'n do thuit uachdaran agus *duine* mòr an diugh ann an Israel?

39 Agus tha mise an diugh anmhunn³, ged⁴ *tha* mi ungta a'm' rìgh; agus tha na daoine sin, mic Sheruah, ro chruaidh air mo shìon: dìolaidh an Tighearna do fhear deanamh an uile a réir 'aingidh-eachd.

CAIB. IV.

1 Mharbh Baanah agus Rechab Isboset, agus thug iad cheann a dh'ionnsuidh Dhaibhidh gu Hebron.

9 Dh'aithn Daibhidh an cur gu bàs.

AGUS an uair a chuala mac Shaul gu'n d'fhuair Abner bàs ann an Hebron, dh'fhàs a làmhan fann, agus bha Israel uile fo bhuaireas.

2 Agus bha aig mac Shaul dithis fhear a *bha* 'nan ceannardaibh air buidhnibh; b'e ainm aoin diubh Baanah, agus ainm an *fhir* eile Rechab, mic Rimoin a' Bheerotaich, do chloinn Bheniamin: (oir mheasadh Beerot mar an ceudna do Bheniamin:

3 Agus theich na Beerotaich gu Gitaim, agus tha iad 'nan luchd-cuairt an sin gu ruig an là 'n diugh:)

4 Agus bha aig Ionatan mac Shaul mac a *bha* bacach⁴, agus a bha cùig bliadhna dh'aois an uair a thàinig an sgeul mu Shaul agus Ionatan a Iesreel; agus thog a bhanaltrum leatha e, agus theich i: agus an uair a rinn i cabhag gu teicheadh, thuit esan, agus rinneadh bacach e; agus b'e 'ainm Mephiboset.

5 Agus dh'imich mic Rimoin a' Bheerotaich, Rechab agus Baanah, agus thàinig iad mu theas an là gu tigh Isboset, a bha 'na luidhe air leabaidh mu mheadhon-là.

6 Agus, feuch, thàinig iad air an aghaidh gu meadhan an tìghe, *mar gu'm biodh iad* gu cruithneachd a thoirt leo, agus bhuail iad e fuidh 'n chùigeadh *aisne*: agus chaidh Rechab agus a bhràthair Baanah as:

7 Oir an uair a thàinig iad a steach do'n tigh, bha esan 'na luidhe air a leabaidh 'na sheòmar-codail, agus bhuail iad e,

¹ gu h-uaigneach.

³ maoth. Eabh.

² duine aingidh.

⁴ agus. Eabh.

⁵ ciurrmach 'na chosaibh. Eabh.

agus mharbh iad e, agus chuir iad an ceann deth, agus thug iad leo a ccaun, agus dh'imich iad rompa air slighe an fhàsaich¹ rè na h-oidhche.

8 Agus thug iad ceann Isboseit a dh'ionnsuidh Dhaibhidh gu Hebron, agus thubhairt iad ris an rìgh, Feuch, ceann Isboseit mhic Shaul do nàmhaid, a dh'iarr t'anam; agus thug an Tighearna do m' thighearn an rìgh dìoghaltas air an là n' diugh air Saul agus air a shliochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, *Mar is beò an Tighearn*, a shaor m'anam as gach uile airc,

10 An uair a dh'innis neach dhomh, ag ràdh, Feuch, tha Saul marbh, (agus e a meas gu'n robh e toirt deadh sgeoil leis,) rug mi air, agus mharbh mi e ann an Siciag, an uair a *shaoil* e gu'n tugainn luigheachd dha air son a sgeoil:

11 Nach mò gu mòr, an uair a mharbh daoine aingidh duine ionraic 'na thigh féin air a leabaidh? agus a nis nach iarr mi 'fhuil-san air bhur làimh-sa, agus nach toir mi bhàrr na talmhainn sibh?

12 Agus dh'àithn Daibhidh d'a ògan-aich, agus mharbh siad iad, agus ghearr iad dhiubh an làmhnan agus an cosan, agus chroch iad suas iad os ceann an tobair ann an Hebron; ach ghabh iad ceann Isboseit, agus dh'adhlaic iad e ann an àit-adhlacaidh Abneir ann an Hebron.

CAIB. V.

1 *Thàinig treubhan Israeil, a dh'ionnsuidh Dhaibhidh gu Hebron, agus dh'ung iad e 'na rìgh os an ceann. 6 Ghlac e Sion, agus ghabh e còmhnuidh ann. 17 Bhuail e na Philistich aig Baal-perasim, agus a ris aig craobhaibh nan smeur.*

AN sin thàinig uile treubhan Israeil a dh'ionnsuidh Dhaibhidh gu Hebron, agus labhair iad, ag ràdh, Feuch, *is sinne do chnàimh agus t'fheoil.*

2 Mar an ceudna roimhe so, 'nuair a bha Saul 'na rìgh os ar ceann, bu tusa an ti a thèoraich a mach agus a thug a steach Israel: agus thubhairt an Tighearna riu, Beathaichidh tu mo shluagh Israel, agus bithidh tu a'd' cheannard air Israel.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn rìgh Daibhidh coimhcheangal riu ann an Hebron am fianuis an Tighearn: agus dh'ung iad Daibhidh 'na rìgh air Israel.

4 *Bha* Daibhidh deich bliadhna fichead a dh'aois an uair a *thòisich* e air rìoghachadh; agus rìghich e dà fhichead bliadhna.

5 Ann an Hebron rìghich e os ceann Iudah seachd bliadhna agus sè mìosan;

agus ann an Ierusalem rìghich e trì bliadhna deug thar fhichead os ceann Israeil uile agus Iudah.

6 Agus dh'imich an rìgh agus a dhaoine gu h-Ierusalem, a dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha tig thu a steach an so mur toir thu air falbh na doill agus na bacaich; ag ràdh, Cha tig Daibhidh a steach an so.

7 Gidheadh, ghlac Daibhidh daingneach Shioin: *is e sin baile Dhaibhidh.*

8 Agus thubhairt Daibhidh air an là sin, Ge b'e neach a ruigeas a' chlais-uisge², agus a bhuail na Iebusaich, agus na bacaich, agus na doill, aig am bheil fuath air anam Dhaibhidh, *bithidh esan 'na cheannard*: uime sin thubhairt iad, Cha tig an dall agus am bacach a steach do'n tigh.

9 Agus ghabh Daibhidh còmhnuidh anns an daingneach, agus dh'ainmich se e, Baile Dhaibhidh; agus thog Daibhidh *aitreabh* mu'n cuairt, o Mhilo agus air an taobh a stigh.

10 Agus chaidh Daibhidh air 'aghaidh, a' fàs mòr; agus *bha* 'n Tighearna Dia nan sluagh maille ris.

11 Agus chuir Hiram rìgh Thiruis teachdairean a dh'ionnsuidh Dhaibhidh, agus fiodh seudair, agus saoir, agus clachairean; agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearn e 'na rìgh air Israel, agus gu'n d'ardaich e a rìoghachd air son a shluaigh Israeil.

13 Agus ghabh Daibhidh *dha féin* tuille choimhleabach agus bhan á h-Ierusalem, an déigh dha teachd á Hebron: agus rugadh fathast mic agus nigheana do Dhaibhidh.

14 Agus *is* iad so an ainmean-san, a rugadh dha ann an Ierusalem; Samuah, agus Sobab, agus Natan, agus Solamh.

15 Agus Ibhar, agus Elisua, agus Nepheg, agus Iaphia.

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh 'na rìgh air Israel, thàinig na Philistich uile mios a dh'iarraidh Dhaibhidh; agus chuala Daibhidh *sin*, agus chaidh e sìos do'n daingneach.

18 Agus thàinig na Philistich, agus sgaoil siad iad féin ann an gleann Rephaim.

19 Agus dh'fhiosraich Daibhidh do'n Tighearn, ag ràdh, An téid mi suas a dh'ionnsuidh nam Philisteach? an toir thu thairis iad a' m' làimh? Agus thubhairt an Tighearna ri Daibhidh, Gabh suas;

¹ a' chòmhnaird.

² am feadan uisge.

oir gu cinnteach bheir mi thairis na Philistich a'd' làimh.

20 Agus thàinig Daibhidh gu Baal-perasim, agus bhuail Daibhidh iad an sin, agus thubhairt e, Bliris an Tighearn o chéile mo naimhdean a'm' fhianuis, mar bhriseadh uisgeachan. Uime sin thug e Baal-perasim mar ainm air an àite sin.

21 Agus dh'fhàg iad an sin an dcalbhan¹, agus loisg² Daibhidh agus a dhaoine iad.

22 Agus thàinig na Philistich a nìos a rìs, agus sgaoil siad iad féin ann an gleann Rephaim.

23 Agus an uair a dh'fhiosraich Daibhidh do'n Tighearna, thubhairt e, Cha téid thu suas; ach gabh mu'n cuairt air an cùlaobh, agus thig orra fa chomhair chraobh nan smeur³.

24 Agus an uair a chluinneas tu fuaim siubhail ann am mullach⁴ chraobh nan smeur, an sin gluaisidh tu thu féin; oir an sin théid an Tighearna mach romhad, a bhuailadh feachd nam Philisteach.

25 Agus rinn Daibhidh mar sin, mar a dh'àithn an Tighearna dha: agus bhuail e na Philistich o Gheba, gus an tig thu gu Gaser.

CAIB. VI.

1 *Thug Daibhidh an àire o Chiriat-iearim gu Sion.*
6 *Bhuail Dia Usah a chionn gu'n do ghabh e greim dhith.* 16 *Rinn Michal tàir air Daibhidh.*

AGUS chruinnich Daibhidh fathast an ceann a chéile fir thaghta Israeil uile, deich mìle fichead.

2 Agus dh'éirich Daibhidh, agus chaidh e, agus an sluagh uile a bha maille ris, o Bhaal Iudah, a thabhairt suas á sin àire Dhé, air an gairmear ainm Thighearna nan sluagh, a ghabhas còmhnuidh eadar na Cheruban.

3 Agus chuir iad àire Dhé air feun⁵ nomha, agus thug iad i á tigh Abinadaib a bha ann an Gibeah: agus dh'iomain Usah agus Ahio, mic Abinadaib, am feun nomha maille ri àire Dhé.

4 Agus dh'imich Ahio roimh 'n àire.

5 Agus chluich Daibhidh agus tigh Israeil uile am fianuis an Tighearn air gach inneal-ciuil do fhiodh giumhais, eadhon air clàrsaichibh, agus air saltairibh, agus air nabalaibh⁶, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usah a mach a làmh a dh'ionnsuidh àire Dhé, agus ghabh e greim dhith; oir chuir na daimh air chrith i.

7 Agus las corruich an Tighearn an aghaidh Usah, agus bhuail Dia an sin e air son a dhànadais⁷; agus fhuir e bàs an sin làimh ri àire Dhé.

8 Agus bha doilgheas air Daibhidh⁸, do bhrìgh gu'n d'rinn an Tighearna briseadh air Usah: agus dh'aumich e an t-àite sin Peres-usah gu ruig an là 'n diugh.

9 Agus bha eagal air Daibhidh roimh 'n Tighearn air an là sin, agus thubhairt e, Cionnus a thig àire an Tighearn a'm' ionnsuidh-sa?

10 Agus cha b'àill le Daibhidh àire an Tighearn a thionndadh d'a ionnsuidh féin gu baile Dhaibhidh: ach thug Daibhidh a leth-taobh i gu tigh Obed-edoim a' Ghitich.

11 Agus dh'fhan àire an Tighearn ann an tigh Obed-edoim a' Ghitich trì mìosan: agus bheannaich an Tighearn Obed-edom, agus a thigh uile.

12 Agus dh'imuseadh do rìgh Daibhidh, ag ràdh, Bheannaich an Tighearna tigh Obed-edoim, agus gach nì a bhuineas da, air son àire Dhé. Uime sin dh'fhalbh Daibhidh, agus thug e nìos àire Dhé á tigh Obed-edoim gu baile Dhaibhidh, le gairdeachas.

13 Agus an uair a dh'imich iadsan a ghiùlain àire an Tighearna sè ceuman, dh'ìobair e tairbh agus beathaichean reabhra.

14 Agus dhannas Daibhidh le 'uile neart am fianuis an Tighearn, agus bha Daibhidh crioslaichte le ephod lin-eudaich.

15 Agus thug Daibhidh agus uile thigh Israeil a nìos àire an Tighearna le h-iol-aich, agus le fuaim trompaide.

16 Agus an uair a bha àire an Tighearn a' teachd a steach gu baile Dhaibhidh, dh'amhairc Michal uighean Shaul troimh uinneig, agus chunnaic i rìgh Daibhidh a' leumnaich agus a' dawnsadh am fianuis an Tighearn, agus rinn i tàir air 'na cridhe.

17 Agus thug iad a steach àire an Tighearn, agus chuir iad suas i 'na h-àit, ann am meadhon a' phàilliuin a shuidhich Daibhidh air a son: agus thug Daibhidh suas ìobairtean-loisgte am fianuis an Tighearn, agus ìobairtean-sith.

18 Agus an uair a chuir Daibhidh crìoch air ìobairtean-loisgte a thoirt suas, agus ìobairtean-sith, bheannaich e an sluagh ann an ainm Thighearna nan sluagh.

19 Agus roinn e air an t-sluagh uile, eadhon air uile chomhechruinneachadh Israeil, eadar fheara agus mhuàil, do gach neach breacag arain, agus mìr maith, fèda, agus copan⁹ fiona: agus dh'fhalbh an sluagh uile, gach neach d'a thigh féin.

20 Agus phill Daibhidh a bheannachadh a theaghlach: agus thàinig Michal nigh-ean Shaul a mach an còinneamh Dhaibhidh, agus thubhairt i, Cia urramach¹⁰ a bha rìgh Israeil an diugh, a ruigs e féin

¹ an ìodholan.
² ghabh.

³ chraobh nam

⁴ ann am toiseach.

⁵ cairt, carbad.

⁶ neabalm, Eabh.

timbrels, Sasg.

mach a làmh.

⁹ soitheach.

⁷ a chionn gu'n do chuir e

⁸ bha Daibhidh diombach.

¹⁰ glòrmhor.

II. SAMUEL, VI. VII.

an diugh ann an sùilibh bhanoglach a sheirbhiseach, mar a rùisgeas aon do na daoineibh eutrom e féin¹!

21 Agus thubhairt Daibhidh ri Michal, *Is ann a bha e* am fianuis an Tighearn, a thagh mise roimh t'athair, agus roimh a thigh uile, chum m'orduchadh a'm' cheannard air sluagh an Tighearn, air Israel: uime sin chluich mise² am fianuis an Tighearn.

22 Agus bithidh mi fathast nì's tàireile na so, agus bithidh mi losal a'm' shùilibh féin; agus aig na banoglaich mu'n do labhair thu, aca-san gheibh mi urram.

23 Agus cha robh duine-cloinne aig Michal nighean Shaul gu là a bàis.

CAIB. VII.

1 *Thoir misg Natan do Dhaibhidh tigh a thogail do Dhia.* 12 *Gheall Dia dha sochairean agus beannachadh 'na shliochd.* 18 *Urnuigh agus buidheachas Dhaibhidh.*

AGUS an uair a shuidh an rìgh 'na thigh, agus a thug an Tighearna fois dha o na naimhdbh uile mu'n cuairt,

2 Thubhairt an rìgh ri Natan am fàidh, Feuch a nis, tha mise a'm' còmhnuidh ann an tigh seudair, ach tha àirc Dhé 'na còmhnuidh an taobh a stigh do chùirteinibh.

3 Agus thubhairt Natan ris an rìgh, Falbh, dean gach ni a ta ann ad chridhe; oir tha'n Tighearna maille riut.

4 Agus air an oidhche sin fèin thàinig focal an Tighearna gu Natan, ag ràdh,

5 Falbh agus iuinis do m' òglach Daibhidh, Mar so tha'n Tighearn ag ràdh, An tog thusa tigh dhomh-sa, a chum gu'n gabhainn còmhnuidh ann?

6 Oir cha do ghabh mise còmhnuidh ann an tigh o'n là anns an d'thug mi nìos clann Israeil as an Eiplit, eadhon gus an là 'n diugh, ach bha mi ag imeachd ann am bùth agus ann am pàillìun.

7 Anns gach àit d'an d'imich mi maille ri cloinn Israeil uile, an do labhair mi focal ri h aon air bith do bheirtheamh-naibh³ Israeil, d'an d'àithn mi mo shluagh Israel a bheathachadh, ag ràdh, C'ar son nach tog sibh dhomh-sa tigh seudair?

8 A nis uime sin, mar so their thu ri m' sheirbhiseach Daibhidh. Mar so tha Tighearna nan sluagh ag ràdh, Thug mise thu o mhainnir nan caorach, o bhi leantuinn nan caorach, gu bhi d' cheannard air mo shluagh, air Israel:

9 Agus bha mi maille riut anns gach àite d'an deachaidh tu, agus ghearr mi as do naimhdean uile o t'fhianuis, agus rinn mi dhuìt ainm mòr, mar ainm nan daoine mòra a tha air an talamh.

10 (Agus orduichidh⁴ mi àit air son mo shluagh Israeil, agus suidhichidh mi iad, agus gabhaidh iad còmhnuidh 'nan àite féin, agus cha ghluaisear iad nì's mò: agus cha sàraich clann na h-aingidheachd iad tuille mar air tùs⁵,

11 Agus o'n àm anns an d'àithn mi breitheamhna bli os ceann mo shluagh Israeil: agus bheir mi dhuìt fois o d' naimhdbh gu léir.) Mar an ceudna tha'n Tighearn ag innseadh dhuìt, gu'n dean an Tighearna tigh dhuìt.

12 Agus an uair a choimhlionar do làithean, agus a choidileas tu maille ri t'athrichibh, togaidh mi suas do shliochd a'd' dhéigh, a thigh a mach á t'innibh; agus daingnichidh mi a rìoghachd.

13 Togaidh esan tigh do m'ainmsa, agus daingnichidh mise rìgh-chaitir a rìoghachd gu bràth.

14 Bithidh mi a'm' athair aige-san, agus bithidh esan 'na mhac agamsa: ma ni e aingidheachd, smachdaichidh mi e le slait dhaoine, agus le buillibh chloinn nan daoine:

15 Ach cha 'n imich mo thròcair air falbh uaith, mar a thug mi air falbh i o Shaul, a chuir mi air falbh o t'fhianuis-sa.

16 Agus bithidh do thigh seasmhach, agus do rìoghachd gu bràth a'm' fhianuis-sa⁶: bithidh do rìgh-chaitir daingean gu bràth.

17 A réir nam briathra so uile, agus a réir an taisbein⁷ so uile, mar sin labhair Natan ri Daibhidh.

18 An sin chaidh rìgh Daibhidh a stigh, agus shuidh e am fianuis an Tighearn, agus thubhairt e, Cò mise, O Thighearna Dhé? agus ciod e mo thigh, gu'n d'thug thu mi gu ruige so.

19 Agus bu bheag an ni so fathast a'd' shùilibh-sa, a Thighearna Dhé: ach labhair thu mar an ceudna thaobh tighe do sheirbhisich rè aimsir fhada ri teachd: agus an e so gnàth duine, a Thighearna Dhé.

20 Agus ciod tuilleadh a dh'fheudas Daibhidh a ràdh riut? oir is aithne dhuìt do sheirbhiseach, a Thighearna Dhé.

21 Air son t'fhocail, agus a réir do chridhe féin, rinn thu na nìthe mòra so uile, a thoirt air do sheirbhiseach eòlas a ghabhail orra.

22 Uime sin a ta thu mòr, a Thighearna Dhé: oir cha 'n'èil neach ann cosmhuil riut, agus cha 'n'èil Dia ann ach thusa, a réir gach ni a chuala sinn le'r cluasaibh.

23 Agus cia an cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha féin, agus a dheanamh ainme

¹ e féin gu beag-narach.

² threubhaibh.

³ rinn mi aoibhneas.

⁴ dh'orduich.

⁵ mar a rinn iad roimhe.

⁶ a'd' fhianuis.

⁷ an t-seallaidh, an fhoillsachaidh.

II. SAMUEL, VII. VIII.

dha féin, agus a dheanamh air an¹ son nìthe mòra, agus uamhasach, air son do thìre, am fianuis do shluaigh a shaor thu dhuit féin as an Eiphit, o na cinneachaibh agus o'n diathaibh?

24 Oir dhaingnich thu dhuit féin do shluaigh Israel, *gu bhi* 'nan sluagh dhuit gu bráth; agus tha thusa, a Thighearn, a'd' Dhia aca.

25 Agus a nis, a Thighearna Dhé, am focal a labhair thu a thaobh do sheirbhiseach, agus a thaobh a thighe, dean seas-mhach e gu bráth; agus dcan mar a thubhairt thu.

26 Agus àrdaichear² t'ainm gu bráth, ag ràdh, *Is* e Tighearna nan sluagh a's Dia os ceann Israel: agus bitheadh tigh do sheirbhiseach Dhaibhidh daingean a'd' fhianuis:

27 Oir dh'fhoillsich thusa, a Thighearna nan sluagh, a Dhé Israel, do d' sheirbhiseach, ag ràdh, Togaidh mi tigh dhuit; uime sin fhuair do sheirbhiseach 'na chridhe an urnuigh so a dheanamh riut.

28 Agus a nis, a Thighearna Dhé, *is* tu féin Dia³, agus is iad do bhriathran an fhirinn; agus gheall thu am maithreas so do d' sheirbhiseach:

29 A nis uime sin gu ma toil leat tigh do sheirbhiseach a bheannachadh, a chum gu mair e gu bráth a'd' fhianuis: oir labhair thusa e, a Thighearna Dhé, agus le d' bheannachadh beannaichear tigh do sheirbhiseach gu bráth.

CAIB. VIII.

1 Bhuail Daibhidh na Philistich, agus thug e na Moabaich fo chis. 3 Bhuail e Hadadeser agus na Sirianaich. 9 Chuir Toi a mhac le tiodhlacaibh d'a ionnsuidh. 11 Choisrig e iad do'n Tighearn. 14 Shuidhich e freiceadain ann an Edom.

AGUS an déigh so bhuail Daibhidh na Philistich, agus cheannsaich⁴ e iad: agus ghlac Daibhidh Meteg-amah⁵ á làimh nam Philisteach.

2 Agus bhuail e na Moabaich, agus thomhais e iad le cord⁶, 'gan tilgeadh sìos gu làr: eadhon le dà chord thomhais e a thabhairt bàis, agus le aon chord iomlan a ghleidheadh beò. Agus bha na Moabaich 'nan seirbhiseach aig Daibhidh, agus thug iad tiodhlaca leo.

3 Bhuail Daibhidh mar an ceudna Hadadeser mac Rehoib, rìgh Shobah, 'nuair a chaidh e a chosnadh a chrìche air a h-ais⁷ aig amhainn Euphrates.

4 Agus thug Daibhidh uaith mìle carbad, agus seachd ceud⁸ marcach, agus fichead mìle coisiche: agus ghearr Daibhidh speireacha *each* nan carbad uile, ach

dh'fhàg e dhlubh *dìol* cheud carbad.

5 Agus anuair a thàinig Sirianaich Dhamascuis a chuideachadh le Hadadeser rìgh Shobah, bhuail Daibhidh do na Sirianaich dà mhìle thar fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich 'nan seirbhiseach aig Daibhidh, agus thug iad leo tiodhlacan: agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan⁹ òir a bh'aig seirbhiseach Hadadeser, agus thug e iad gu h-Ierusalem.

8 Agus o Bhetah, agus o Bherotai, bailtibh Hadadeser, thug rìgh Daibhidh ro mhòran umha.

9 An uair a chuala Toi rìgh Hamait gu'n do bhuail Daibhidh sluagh Hadadeser uile,

10 An sin chuir Toi a mhac Ioram gu rìgh Daibhidh, a chur fàilte air, agus g'a bheannachadh, a chionn gu'n do chog e ri Hadadeser, agus gu'n do bhuail se e: (oir bha cogadh aig Hadadeser ri Toi¹⁰): agus 'na làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig¹¹ rìgh Daibhidh do'n Tighearna, maille ris an airgid agus ris an òr a choisrig e o na h-uile chinneachaibh a cheannsaich e;

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, rìgh Shobah.

13 Agus fhuair¹² Daibhidh ainm *dha féin*, an uair a phill e o bhualadh nan Edomach¹³ ann an gleann an t-salainn, o chd mìle deug fear.

14 Agus chuir e freiceadain ann an Edom: air feadh Edoim uile chuir e freiceadain; agus bha na h-Edomaich uile 'nan seirbhiseach aig Daibhidh: agus ghléidh an Tighearna Daibhidh gach taobh a chaidh e.

15 Agus rìghich Daibhidh air Israel uile; agus rinn Daibhidh breitheanas agus ceartas d'a shluaigh uile.

16 Agus bha Ioab mac Sheruah os ceann na h-armailte; agus bha Iehosaphat mac Ahilnid 'na sheanachaidh¹⁴;

17 Agus bha Sadoc mac Ahituib, agus Ahimlech mac Abiatair 'nan sagartaibh; agus Seraiah 'na sgrìobhaiche;

18 Agus bha Benaiah mac Ichoiada os ceann nan Cereteach agus nam Peleteach: agus bha mic Dhaibhidh 'nan àrd uachd-aranaibh.

¹ bhuir. ² mòraichear, deantar mòr. Eabh.

³ Is tusa an Dia sin. ⁴ dh'istich.

⁵ Gat agus a bhailte beaga. ⁶ snàithne-tomhais.

⁷ a shuidheachadh a làimhe. Eabh. ⁸ mìle.

⁹ targaidan.

an aghaidh Thoi. Eabh.

¹⁰ b'fhear cogaidh Hadadeser

¹¹ namhaich.

¹² rinn. Eabh.

¹³ nan Sìianach.

¹⁴ eachdraiche.

CAIB. IX.

1 *Chuir Daibhidh fios air Mephiboset, agus nochd e caoimhneas da air son 'athar Ionatán. 7 Dh'aisig e dha am fearann a bhuineadh do Shaul. 9 Dh'òraich e do Shiba a threabhadh air a shon.*

AGUS thubhairt Daibhidh, Am bheil fathast neach air bith a dh'fhàgadh do thigh Shaul, a chum gu nochd mi dha caoimhneas air son Ionatán?

2 Agus bha aig thigh Shaul seirbhiseach, d'am b'ainm Siba: agus an uair a ghairm iad e chum Dhaibhidh, thubhairt an righ ris, An tusa Siba? Agus thubhairt esan, *Is e do sheirbhiseach a th'ann.*

3 Agus thubhairt an righ, Nach 'eil fathast neach air bith do thigh Shaul, a chum gu nochd mi dha caoimhneas Dhé? Agus thubhairt Siba ris an righ, *Tha fathast mac aig Ionatán, a tha bacach¹.*

4 Agus thubhairt an righ ris, C'ait am bheil e? Agus thubhairt Siba ris an righ, Feuch, *tha e ann an tigh Mhachir, mhic Amieil, ann an Lodebar.*

5 Agus chuir righ Daibhidh *fios air*, agus thug se e a tigh Mhachir, mhic Amieil, o Lodebar.

6 A nis an uair a thàinig Mephiboset², mac Ionatán, mhic Shaul, a dh'ionnsuidh Daibhidh, thuit e air 'aghaidh, agus rinn e ùmhlachd. Agus thubhairt Daibhidh, A Mephiboset! Agus fhreagair esan, Feuch, do sheirbhiseach.

7 Agus thubhairt Daibhidh ris, Na biodh eagal ort; oir gu cinnteach nochdaidh mise dhuit caoimhneas air son t'athar Ionatán, agus aisgidh mi dhuit uile fhearann t'athar Shaul, agus ithidh tu aran aig mo bhòrd-sa an còmhnuidh.

8 Agus chrom se e féin, agus thubhairt aig, Cò e do sheirbhiseach, gu'n amhaireadh tusa air cù marbh, cosmhuil riumsa?

9 An sin ghairm an righ air Siba òglach Shaul, agus thubhairt e ris, Gach ni a bhuineadh do Shaul, agus d'a thigh uile, thug mi do mhac do mhaighstir.

10 Agus treabhaidh tusa am fearann air a shon, thu féin, agus do mhic, agus do sheirbhisich, agus bheir thu a stigh *an toradh* a chum gu'm bi biadh aig mac do mhaighstir a dh'itheas e: ach ithidh Mephiboset mac do mhaighstir aran an còmhnuidh aig mo bhòrd-sa. A nis bha aig Siba cuig mic dheug agus fichead seirbhiseach.

11 An sin thubhairt Siba ris an righ, A réir gach ni a dh'àithn mo thighearn an righ d'a sheirbhiseach, mar sin ni do sheirbhiseach: a thaobh Mephiboset, ithid esan aig a³ bhòrd-san, mar aon do mhic an righ.

12 Agus bha aig Mephiboset mac òg,

d'am b'ainm Micah: agus bha iadsan uile a ghabh còmhnuidh ann an tigh Shiba 'nan seirbhisich do Mephiboset.

13 Agus chòmhnuich Mephiboset ann an Ierusalem; oir dh'ith e an còmhnuidh aig bord an righ: agus bha e bacach air a dhà chois.

CAIB. X.

1 *Bhuin Hanan gu h-olc ri teachdairibh Dhaibhidh.*

6 *Bhuail Ioab agus Abisai na h-Amonaich.*

15 *Cheannaich Daibhidh na Sirianaich.*

AGUS 'na dhéigh so fhuair righ chloinn Amoin bàs, agus rìghich a mhac Hanun 'na àit.

2 An sin thubhairt Daibhidh, Nochdaidh mi caoimhneas do Hanun mac Nahais, mar a nochd 'athair-san caoimhneas dhomh-sa. Agus chuir Daibhidh uatha a sheirbhisich, a thoirt solais da air son 'athar. Agus thàinig seirbhisich Dhaibhidh a steach do thir chloinn Amoin.

3 Agus thubhairt ceannardan chloinn Amoin ri Hanun an tighearn, An saoil thu gur ann a chum urram a thabhairt do t'athair, a chuir Daibhidh a d'ionnsuidh luchd-solais? nach ann a rannsachadh a' bhaile, agus a ghabhail beachd air, agus g'a sgrìos, a chuir Daibhidh a sheirbhisich a d'ionnsuidh?

4 Uime sin ghlac Hanun seirbhisich Dhaibhidh, agus bhearr e *dhiubh* leth am feusaig, agus ghearr e an eudach sa' mheadhon, gu ruig am màsan; agus chuir e air falbh iad.

5 Agus an uair a dh'innseadh sin do Dhaibhidh, chuir e *daoine*⁴ 'nan coinneamh, a chionn gu'n robh nàire mhòr air na daoineibh: agus thubhairt an righ, Fanaibh ann an Iericho gus am fàs bhuir feusag, agus *an sin* pillibh.

6 Agus an uair a chunnaic clann Amoin gu'n robh iad gràineil⁴ am fianuis Dhaibhidh, chuir clann Amoin *teachdairean* uatha, agus thuarasdalaich iad Sirianaich Bhet-rehoib, agus Sirianaich Shoba, fichead mìle coisiche⁵, agus o righ Mhaacah mìle fear, agus o Istob dà mhìle dheug fear.

7 Agus an uair a chuala Daibhidh *sin*, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath an ordugh aig dol a stigh a' gheata⁶: agus bha Sirianaich Shoba, agus Rehoib, agus Istoib, agus Mhaacah, leo féin anns a' mhachair.

9 Agus an uair a chunnaic Ioab gu'n robh aghaidh a' chatha ris air a bheulaobh agus air a chùlaobh, thagh e mach *cuid* do uile *dhaoinibh* taghta Israeil, agus chuir e ann an ordugh catha *iad* an aghaidh nan Sirianach:

¹ ciurrmach 'na chosaibh. Eabh.

² Merib-baal. ³ mo. ⁴ breun.

⁵ fear-coise. ⁶ geata Mhedeba.

II. SAMUEL, X. XI.

10 Agus a' chuid eile do'n t-sluagh thug e thairis do làimh a bhràthar Abisai, a chum gu'n cuireadh e an ordugh *iad* an aghaidh chloinn Amoin.

11 Agus thubhairt e, Ma bhios na Sirianaich nìs treise na mise, an sin nì thusa còmhnaidh riumsa; ach ma bhios clann Amoin nìs treise na thusa an sin thig mise a dheanamh còmhnaidh riutsa.

12 Bi misneachail, agus biomaid gaisgeil air son ar sluaigh, agus air son bhailtean ar Dé; agus deanadh an Tighearn an *nì a ta* maith 'na shùilbh.

13 Agus thàinig Ioab am fagus, agus an sluagh a *bha* maille ris, gu cath an aghaidh nan Sirianach: agus theich iad roimhe.

14 Agus an uair a chunnaic clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh iad a steach do'n bhaile: agus phill Ioab o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuailleadh iad roimh Israel, chruinnich siad iad féin an ceann a chéile.

16 Agus chuir Hadadeser¹ *fios uath*, agus thug e mach na Sirianaich a *bh'* air an taobh thall do'n amhainn, agus thàinig iad gu Helam; agus *chaidh* Sobach ceannard armailte Hadareseir rompa.

17 Agus an uair a dh'innseadh sin do Dhaibhidh, chruinnich e Israel uile an ceann a chéile, agus chaidh e thar Iordan, agus thàinig e gu Helam; agus chuir na Sirianaich iad féin an ordugh catha an aghaidh Dhaibhidh, agus chog iad ris.

18 Agus theich na Sirianaich roimh Israel; agus mharbh Daibhidh do na Sirianaich *fir* sheachd ceud carbad, agus dà fhichead mìle marcach; agus bhuail e Sobach ceannard an armailte, a fhuair bàs an sin.

19 Agus an uair a chunnaic na rìghrean uile, a *bha* 'nan seirbhisich aig Hadadeser, gu'n do bhuailleadh iad roimh Israel, rinn iad sìth ri h-Israel, agus rinn iad seirbhis dhoibh. Agus bha eagal air na Sirianaich còmhnaidh a dheanamh tuille ri cloinn Amoin.

CAIB. XI.

1 Luidh Daibhidh le Batseba mnaoi Uriah an Hiteh, agus dh'fhàs i torrach. 14 Chuireadh Uriah gu bàs. 26 Ghabh Daibhidh Batseba gu bhì 'na mnaoi aige.

AGUS aig teachd mu'n cuairt² na bliadhna, mu'n àm anns an téid rìghrean a mach *gu cath*, chuir Daibhidh uath Ioab, agus a sheirbhisich maille ris, agus Israel uile, agus sgrìos iad clann Amoin, agus theannaich iad³ Rabah: ach dh'fhan Daibhidh ann an Ierusalem.

2 Agus thachair e mu fheasgar, gu'n

d'érich Daibhidh bhàrr a leapach, agus gu'n robh e a' spaisdearachd air mullach tighe an rìgh: agus o'n mhullach chunnaic e bean 'ga nigheadh féin: agus *bha* a' bhean ro mhaiseach ri sealltuinn oirre.

3 Agus chuir Daibhidh *fios*, agus dh'fhèoraich e mu thimchioll na mnà: agus thubhairt *neach*, Nach i so Batseba uigh-ean Eliam, bean Uriah an Hiteh.

4 Agus chuir Daibhidh uath teachdair-ean, agus ghabh e i; agus thàinig i stigh d'a ionnsuidh, agus luidh e leatha; (oir bha i air a glanadh o a neoghloime;) agus phill i d'a tigh féin.

5 Agus dh'fhàs a' bhean torrach, agus chuir i *fios* uath⁴, agus dh'innis i do Dhaibhidh, agus thubhairt i, *Tha* mi torrach.

6 Agus chuir Daibhidh *fios* uath gu Ioab, *ag ràdh*, Cuir a m' ionnsuidh Uriah an Hiteach. Agus chuir Ioab Uriah a dh'ionnsuidh Dhaibhidh.

7 Agus an uair a thàinig Uriah d'a ionnsuidh, dh'fhèoraich Daibhidh *dhe*th cionnus a bha Ioab, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Uriah, Imich sios do d' thigh, agus nig do chosan. Agus chaidh Uriah a mach á tigh an rìgh, agus chuireadh 'na dhéighl lòn *béidh* o'n rìgh.

9 Ach luidh⁵ Uriah aig dorus tighe an rìgh, maille ri uile sheirbhisich a thighearn, agus cha deachaidh e sios d'a thigh.

10 Agus an uair a dh'innis iad do Dhaibhidh, *ag ràdh*, Cha deachaidh Uriah sios d'a thigh, thubhairt Daibhidh ri Uriah, Nach ann o d' thurus a thàinig thu? c'ar son *ma ta* nach deachaidh tu sios do d' thigh?

11 Agus thubhairt Uriah ri Daibhidh, *Tha* 'n àir, agus Israel, agus Iudah a' fantuinn am pàillunaibh; agus *tha* mo thighearn Ioab, agus sheirbhisich mo thighearn air campachadh air aghaidh na macharach; an téid mise *ma ta* a stigh do m' thigh, a dh'itheadh, agus a dh'òl, agus a luidhe le m' mhnai? *mar* is beò thusa, agus *mar* is beò t'anam, cha dean mi an nì so.

12 Agus thubhairt Daibhidh ri Uriah, Fan an so mar an ceudna an diugh, agus am màireach leigidh mi leat imeachd. Agus dh'fhan Uriah ann an Ierusalem an là sin, agus an là màireach.

13 Agus ghairm Daibhidh air, agus dh'ith agus dh'òl e 'na flianus, agus chuir e air mhìsg e; ach chaidh e mach mu fheasgar a luidhe 'na leabaidh maille ri seirbhisich a thighearn, agus d'a thigh féin cha deachaidh e sios.

¹ Hadareser.
311

² ath-philleadh.

³ chog iad an aghaidh,

⁴ uaipe.

⁵ choidil.

II. SAMUEL, XI. XII.

14 Agus anns a' mhaduinn sgrìobh Daibhidh litir a dh'ionnsuidh Ioaib, agus chuir e i le làimh Uriah.

15 Agus sgrìobh e anns an litir, ag ràdh, Cuiribh Uriah mu choinneamh a' chatha a's déine, agus pillibh féin o' chùlaobh, a chum gu'm buailear e, agus gu'm faigh e bàs.

16 Agus an uair a ghabh Ioaib beachd air a' bhaile, dh'orduich e Uriah a dh'ionnsuidh àite anns an robh fios aige gu'n robh daoine gaisgeil.

17 Agus chaidh fir a' bhaile a mach, agus chog iad ri Ioaib; agus thuit cuid do'n t-sluagh, do sheirbhiseich Dhaibhidh; agus fhuair Uriah an Hiteach bàs mar an ceudna.

18 An sin chuir Ioaib fios uaith, agus dh'innis e do Dhaibhidh gach ni a thachair sa' chath¹:

19 Agus dh'àitlin e do'n teachdair, ag ràdh, An uair a chuireas tu crìoch air gach ni a thachair sa' chath innseadh do'n rìgh,

20 Agus ma thachaireas gu'n éirich fearg an rìgh, agus gu'n abair e riut, C'ar son a chaidh sibh teann air a' bhaile a chathachadh? nach robh fios agaibh gu'n tilgeadh iad o'n bhalla?

21 Cò a bhuail Abimelech mac Ierubeseit²? nach do thilg bean mìr do chloich-mhuilinn air o'n bhalla, air chor as gu'n d'fhuair e bàs ann an Tebes? c'ar son a chaidh sibh teann air a' bhalla? an sin their thusa, Tha do sheirbhiseach Uriah an Hiteach marbh mar an ceudna.

22 Agus dh'imich an teachdair, agus thàinig agus dh'innis e do Dhaibhidh gach ni mu'n do chuir Ioaib air falbh e.

23 Agus thubhairt an teachdair ri Daibhidh, Gu deimhin bhuadhaich na daoine oirn, agus thàinig iad a mach d'ar n-ionnsuidh sa' mhachair, agus chuir sinn an ruaig orra³ eadhon gu dol a stigh a' gheata.

24 Agus thilg na fir-bhogha air do sheirbhiseich o'n bhalla, agus tha cuid do sheirbhiseich an rìgh marbh, agus tha do sheirbhiseach Uriah an Hiteach marbh mar an ceudna.

25 An sin thubhairt Daibhidh ris an teachdair, Mar so their thu ri Ioaib, Na biodh an ni so olc a'd' shùilbh; oir cuiridh an claidheamh as do aon duine co mhaith as do dhuin' eile: dean do chath ni's treise an aghaidh a' bhaile, agus sgrìos e; agus thoir misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

27 Agus an uair a bha 'm bròn thairis, chuir Daibhidh fios oirre, agus thug e i dh'ionnsuidh a thighe, agus bha i 'na mnaoi aige, agus rug i mac dha: ach bha an ni a rinn Daibhidh olc ann an sùilbh an Tighearna.

CAIB. XII.

1 Thug Natan achmhasan do Dhaibhidh a chionn gu'n do mharbh e Uriah. 13 Dh'aidich Daibhidh a pheacadh, agus fhuair e maitheanas. 24 Rugadh Solamh. 26 Ghlac Daibhidh Rabah.

A GUS chuir an Tighearna Natan a dh'ionnsuidh Dhaibhidh; agus an uair a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear cile bochd.

2 Aig an duine bheartach bha ro mhòran chaorach agus cruidh:

3 Ach aig an duine bhochd cha robh ni sam bith ach aon uan beag boirionn, a cheannaich e, agus a bheathaich e: agus dh'fhàs e suas maille ris féin, agus maille r'a chloinn; dh'ith e d'a ghreim⁴ féin, agus dh'òl e as a chopan féin, agus luidh e 'na uchd, agus bha e dha mar nighinn.

4 Agus thàinig fear-turuis⁵ a dh'ionnsuidh an duine bheartaich, agus chaomhain e gabhail d'a chaoraich féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasaich se e do'n fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is beò an Tighearna, gu cinnteach cuirear gu bàs⁶ am fear a rinn an ni so:

6 Agus dìolaidh e⁷ 'n t-uain ceithir uaircan⁸, do bhrìgh gu'n d'rinn e an ni so, agus a chionn nach do chaomhain e⁹.

7 Agus thubhairt Natan ri Daibhidh, Is tusa an duine. Mar so tha'n Tighearna Dia Israeil ag ràdh, Dh'ung mise thu a'd' rìgh os ceann Israeil, agus shaor mi thu á làimh Shaul:

8 Agus thug mi dhuit tigh do mhaighstir, agus mnàì do mhaighstir ann ad uchd, agus thug mi dhuit tigh Israeil agus Iudah; agus nam bu bheag sin, bheirinn dhuit cuideachd an leithide so agus an leithide sud do nithibh.

9 Car son a rinn thu táir air àithne an Tighearna, le olc a dheanamh 'na fhianuis? Uriah an Hiteach bhuail thu leis a' claidheamh, agus a bhean ghabh thu 'na mnaoi dhuit féin, agus esan mharbh thu le claidheamh chloinn Amòin.

10 A nis uime sin cha dealaich an claidh-

¹ uile bhriathra, na uile nithe a' chatha. Eabh.
² Ierubaail. ³ chuir sinn 'nan aghaidh; bha sinn orra. Eabh. ⁴ aran, bhiaidh. ⁵ aoidhe.

⁶ tha e toilltinn a' bhàis; is mac do'n bhàs e. Eabh.

⁷ aaisgidh e, bheir e air ais.

⁸ ceithir-fille.

⁹ nach robh iuchd aige.

II. SAMUEL, XII. XIII.

eamh ri d'thig gu bràth, do bhrìgh gu'n d'rinn thu tàir orm, agus gu'n do ghabh thu bean Uriah an Hìtich gu bi 'na mnaoi dhuit féin.

11 Mar so tha'n Tighearn ag ràdh, Feuch, togaidh mise suas ole ann ad aghaidh as do thigh féin; agus gabhaidh mi do mhnà fa chomhair do shùl, agus bheir mi iad do d' choimhearsnach, agus luidhidh e le d' mhnaihbh ann an sealladh na gréine so:

12 Oir rinn thusa e gu dìomhair; ach ni mise an ni so am fianuis Israeil uile, agus am fianuis na gréine.

13 Agus thubhairt Daibhidh ri Natan, Pheacaich mi an aghaidh an Tighearn. Agus thubhairt Natan ri Daibhidh, Mar an ceudna chuir an Tighearn air falbh do pheacadh¹: cha'n fhaigh thu bàs.

14 Gidheadh, a chionn leis a' ghnòmh so gu'n d'thug thu air naimhidh an Tighearn mòr-thàir a dheanamh air, gheibh mar an ceudna am mac a rugadh dhuit gu cinnteach bàs.

15 Agus dh'fhalbh Natan d'a thigh féin: agus bhuail an Tighearn an leanabh a rug bean Uriah do Dhaibhidh, agus bha e ro thinn.

16 Uime sin ghuidh Daibhidh air Dia air son an leinibh; agus thraisg Daibhidh, agus chaidh e stigh, agus luidh e ré na h-oidhche air an talamh.

17 Agus thàinig² seanairean a thighe d'a ionnsuidh, g'a thogail suas o'n talamh: ach cha b'àill leis, ni mò a dh'ith e aran maille riu.

18 Agus air an t-seachdamh là fhuair an leanabh bàs; agus bha eagal air seirbhisich Dhaibhidh innseadh dha gu'n robh an leanabh marbh: oir thubhairt iad, Feuch, an uair a bha an leanabh fathast beò, labhair sinn ris, agus cha 'n èisdeadh e r'ar Guth: cionnus ma ta, ma dh'innseas sinn dha gu bheil an leanabh marbh, a chràidheas se e féin³?

19 Ach an uair a chunnaic Daibhidh gu'n robh a sheirbhisich ri cogarsaich, thuig Daibhidh gu'n robh an leanabh marbh: uime sin thubhairt Daibhidh r'a sheirbhisich, Am bheil an leanabh marbh? Agus thubhairt iadsan, Tha e marbh.

20 An sin dh'èirich Daibhidh o'n talamh, agus dh'iomlaid agus dh'ung se e féin, agus mhùth⁴ e 'endach, agus chaidh e steach do thigh an Tighearn, agus rinn e aoradh: an sin thàinig e d'a thigh féin, agus an uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhisich ris, Ciod e an ni so a rinn thu? air son an leinibh, an uair a bha e beò, thraisg thu

agus, ghuil thu; ach an uair a dh'eug an leanabh, dh'èirich thu agus dh'ith thu aran.

22 Agus thubhairt csan, An uair a bha'n leanabh fathast beò, thraisg mi agus ghuil mi: oir thubhairt mi, Cò aig am bheil fios nach gabh Dia truas rium, agus nach mair an leanabh beò?

23 Ach a nis o fhuair e bàs, e'ar son a thraisginn? an urrainn mi a thubhairt air ais tuilleadh? théid mise d'a ionnsuidh-san, ach cha phill csan a m'ionnsuidh-sa.

24 Agus thug Daibhidh sòlas d'a mhuaoi Bateba, agus chaidh e steach d'a h-ionnsuidh, agus luidh e leatha: agus rug i mac, agus thug e Solamh mar ainm air; agus ghràdhaich an Tighearn e.

25 Agus chuir e fios le làimh an fhàidh Natain, agus thug e Iedidiah mar ainm air, air son an Tighearn.

26 Agus chog Ioab an aghaidh Rabah chloinn Amoin, agus ghlac e am baile rioghaill.

27 Agus chuir Ioab teachdairean a dh'ionnsuidh Dhaibhidh, agus thubhairt e, Chog mi an aghaidh Rabah, agus ghlac mi baile nan uisgeachan.

28 A nis uime sin cruinnich a' chuid cile do'n t-sluagh, agus campaich an aghaidh a' bhaile, agus glac e, air eagal gu'n glac mise am baile, agus gu'n toirear m'ainm féin air.

29 Agus chruinnich Daibhidh an sluagh uile cuideachd, agus chaidh e gu Rabah, agus chog e'na aghaidh, agus ghlac se e.

30 Agus thug e crùn an rìgh bhàr a chinn, (agus b'e a chothrom⁵ talann òir, maille ris na clachaibh luachmhor⁶;) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach an sluagh a bha ann, agus chuir e iad fuidh slàbhan, agus fuidh innealan-bualaidh⁷ iaruin, agus fuidh thuagan iaruin, agus thug e orra dol troimh àth nan clacha-creadh; agus mar so rinn e ri uile bhailtibh chloinn Amoin. Agus phill Daibhidh agus an sluagh uile gu h-Ierusalem.

CAIB. XIII.

1 Dh'èignich Amnon Tamar piuthar Absalom.

28 Mharbh Absalom Amnon, agus theich e do Ghesur. 39 Mhiannaich Daibhidh an deigh Absalom.

A GUS thachair an deigh so, gu'n robh Aig Absalom mac Dhaibhidh piuthar mhaiseach, d'am b'ainm Tamar; agus ghràdhaich Amnon mac Dhaibhidh i.

2 Agus bha Amnon ann an aire co mhòr, as gu'n d'fhàs e tinn air son a pheathar Tamar; oir b'òigh i, agus bha e cruaidh

¹ thug an Tighearn air do pheacadh dol thairis. Eabh.
² dh'èirich. Eabh. ³ a ni e ole. Eabh.

⁴ dh'atharraich.
⁶ priscil.

⁵ a luach, 'fhiach.
⁷ chliathan.

II. SAMUEL, XIII.

ann an sùilbha Amnoin ni sam bith a dheanamh oirre.

3 Ach bha aig Amnon caraid, d'am b'ainm Ionadab, mac Shimeah, bràthar Dhaibhidh: agus bha Ionadab 'na dhuine ro sheòlta¹.

4 Agus thubhairt e ris, C'ar son a ta thusa, agus gur mac d'on rìgh thu, tana² mar so o là gu là? nach innis thu dhomhsa? Agus thubhairt Amnon ris, Tha gràdh agam air Tamar, piuthar mo bhràthar Absaloim.

5 Agus thubhairt Ionadab ris, Luidh sios air do leabaidh, agus leig ort a bhi tinn; agus an uair a thig t'athair g'ad fhaicinn, their thu ris, Thigeadh, guidheam ort, mo phiuthar Tamar, agus thugadh i biadh dhomh, agus deasaicheadh i am biadh a'm' fhianuis, a chum gu'm faic mi e, agus gu'n ith mi as a laimh e.

6 Agus luidh Amnon sios, agus leig e air a bhi tinn; agus an uair a thàinig an rìgh g'a fhaicinn, thubhairt Amnon ris an rìgh, Thigeadh, guidheam ort, mo phiuthar Tamar, agus deanadh i dà bhreacaig a'm' fhianuis, a chum gu'n ith mi as a laimh.

7 An sin chuir Daibhidh fios dhachaidh a dh'ionnsuidh Thamair, ag ràdh, Imich a nis gu tigh do bhràthar Amnoin, agus deasaich dha biadh.

8 Agus chaidh Tamar do thigh a bràthar Amnon, agus ghabh ean 'na luidhe, agus ghabh i min mhìn, agus thaoisinn³ si i, agus rinn i breacagan 'na fhianuis, agus bhruidh i na breacagan.

9 Agus ghabh i aghann, agus thaom i mach iad 'na fhianuis, ach dhiùlt esan itheadh. Agus thubhairt Amnon, Thug-aibh a mach gach duine uam; agus thug⁴ iad a mach gach duine uaith.

10 Agus thubhairt Amnon ri Tamar, Thoir am biadh a steach do'n t-seòmar, a chum gu'n ith mi as do làimh. Agus ghabh Tamar na breacagan a rinn i, agus thug i iad do'n t-seòmar a dh'ionnsuidh a bràthar Amnoin.

11 Agus an uair a thug i iad d'a ionnsuidh chum an itheadh, rug e oirre, agus thubhairt e rithe, Thig, luidh leam, a phiuthar.

12 Agus fhreagair i e, Ni h-eadh, a bhràthair, na h-èignich mi; oir cha chòir a leithid so a bhi air a dheanamh ann an Israel: na dean-sa an amaideachd so.

13 Agus mise, c'ait an cuir mi air falbh mo mhasladh? agus air do shonsa, bithidh tu mar aon do na h-amadanaibh⁵ ann an Israel: a nis uime sin labhair, guidheam ort, ris an rìgh; oir cha chum e uait mi.

14 Gidheadh, cha'n èisdeadh esan r'a guth; ach a chionn gu'm bu làidire e na ise, dh'èignich e i, agus luidh e leatha.

15 An sin dh'fhuathaich Amnon i le fuath ro mhòr, air chor as gu'm bu mhò am fuath leis an dh'fhuathaich e i; agus gràdh leis an do ghràdhaich e i; agus thubhairt Amnon rithe, Eirich, bi 'g im-eachd.

16 Agus thubhairt, ise ris, Na bitheadh e mar sin, a bhràthair; oir is mò an t-olc so 'nam chur air falbh, na'n t-olc eile a rinn thu orm: ach cha'n èisdeadh esan rithe.

17 An sin ghairm e air 'òglach a fhritheil dha, agus thubhairt e, Cuir a nis a' bhean so a mach uam, agus cuir an crann air an dorus 'na dèigh.

18 Agus bha trusan⁶ iomadh-dathach oirre; oir le leithid so do dheise bha nigh eanan an rìgh, a bha 'nan òighibh, air an sgeadachadh. An sin thug a sheirbhis-each a mach i, agus chrann e an dorus 'na dèigh.

19 Agus chuir Tamar luath air a ceann, agus reub i an trusan iomadh-dathach a bha oirre, agus chuir i a làmh air a ceann, agus chaidh i air falbh a' glaothaich.

20 Agus thubhairt a bràthair Absalom rithe, An robh do bhràthair Amnon maille riut? ach a nis, a phiuthar, bi d' thosd; is e do bhràthair e; na cuireadh an ni so smuairan ort⁷. Agus dh'fhan Tamar gu h-aonaranach⁸ ann an tigh a bràthar Absaloim.

21 Ach an uair a chuala rìgh Daibhidh na nithe so uile, bha fearg ro mhòr air.

22 Agus cha do labhair Absalom ri Amnon aon chuid olc no maith: oir dh'fhuathaich Absalom Amnon, a chionn gu'n d'èignich e a phiuthar Tamar.

23 Agus thachair an dèigh dà bhliadhna iomlan, gu'n robh aig Absalom luchd-lomairt chaorach ann am Baal-hasor, a tha làimh ri Ephraim: agus thug Absalom cuireadh do mhic an rìgh uile.

24 Agus thàinig Absalom a dh'ionnsuidh an rìgh, agus thubhairt e, Feuch a nis, tha luchd-lomairt chaorach aig do sheirbhis-each; thigeadh, guidheam ort, an rìgh agus a sheirbhisich maille ri d' sheirbhis-each.

25 Agus thubhairt an rìgh ri Absalom, Ni h-eadh, a mhic, na rachamaid uile a nis, a chum nach bi sinn trom ort⁹. Agus chuir e impidh air: gidheadh cha b' àill leis imeachd, ach bheannaich se e.

26 An sin thubhairt Absalom, Mur tig thu féin, thigeadh, guidheam ort, mo bhràthair Amnon maille ruinn. Agus thubhairt an rìgh, C'ar son a rachadh e maille riut?

¹ rò ghlic.

² a' dol as an t-sealladh.

³ dh'fhuain. ⁴ chaidh. ⁵ do na daoinibh aingidh.

⁶ còta.

⁷ na cuir do chridhe air an ni so. Eabh.

⁸ gu h-uaigneach, dubhach.

⁹ costail dhuit.

II. SAMUEL, XIII. XIV.

27 Ach chuir Absalom impidh air; agus leig e le Amnon agus mic an rìgh uile dol maille ris.

28 A nis dh'àithn Absalom d'a òglach-aibh, ag ràdh, Thugaibh fa'near a nis an uair a bhios cridhe Amnoin subhlach le fion, agus an uair a their mise ribh, Buailibh Amnon, an sin marbhaibh e. Na biodh eagal oirbh: nach d'àithn mise dhuibh? bithibh misneachail, agus bithibh treun.

29 Agus rinn òglaich Absaloim ri h-Amnon mar a dh'àithn Absalom: an sin dh'èirich mic an rìgh uile, agus chaidh gach fear dhiubh air a mhùileid, agus theich iad.

30 Agus an uair a bha iad air an t-slighe, thàinig sgeul a dh'ionnsuidh Dhaibhidh, ag ràdh, Bhual Absalom mic an rìgh uile, agus cha d'fhàgadh aon diubh beò.

31 An sin dh'èirich an rìgh, agus reub e 'eudach, agus luidh e air an talamh; agus sheas a sheirbhisich uile làimh ris le 'n eudach reubta.

32 Agus fhreagair Ionadab mac Shimeah, bràthar Dhaibhidh, agus thubhairt e, Na smuainicheadh¹ mo thighearna gu'n do mharbh iad na h-òganaich uile, mic an rìgh; oir tha Amnon a mhàin marbh: oir le Absalom² shuidhicheadh an ni so, o'n là anns an d'éignich e a phiuthar Tamar.

33 Agus a nis na gabhadh mo thighearn an rìgh an ni thuige d'a chridhe, a' smuainicheadh gu bheil mic an rìgh uile marbh; oir tha Amnon a mhàin marbh.

34 Ach theich Absalom: agus thog an t-òganach a bha gleidheadh na faire a shùilean, agus dh'amhaire e, agus, feuch, bha mòran sluagh a' teachd air an t-slighe air a chùlaobh o thaobh an t-sleibh.

35 Agus thubhairt Ionadab ris an rìgh, Feuch, tha mic an rìgh a' teachd: a réir focail do sheirbhisich, mar sin tha e.

36 Agus co luath as a sguir e do labhairt, feuch, thàinig mic an rìgh, agus thog iad suas an guth agus ghuil iad: agus ghuil mar an ceudna an rìgh, agus a sheirbhisich uile, le gul ro mhòr.

37 Ach theich Absalom, agus chaidh e dh'ionnsuidh Thalmair, mhic Amihuid, rìgh Ghesuir: agus chuala Daibhidh sin, agus rinn e caoidh air son a mhic gach aon là.

38 Mar sin theich Absalom, agus chaidh e do Ghesur, agus bha e 'n sin trì bliadhna.

39 Agus mhiannaich anam rìgh Daibhidh dol a mach a dh'ionnsuidh Absa-

loim³: oir fhuair e comhfhurtachd a thaobh bàis Amnoin.

CAIB. XIV.

1 Chuir Ioab fios air mnaoi ghille o Thecoah, agus chuir e focail 'na beul a bhrosnachadh Dhaibhidh gu Absalom a thoirt dhachaidh. 23 Thug Ioab Absalom gu Ierusalem.

A GUS thuig Ioab, mac Sheruah, gu'n robh cridhe an rìgh air⁴ Absalom.

2 Agus chuir Ioab fios gu Tecoa, agus thug e as a sin bean ghlic, agus thubhairt e rithe, Leig ort a bhà ri bròn, guidheam ort, agus cuir ort a nis eudach bròn, agus na h-ung thu féin le h-oladh, ach bi mar mhnaoi a tha nis fada ri bròn air son mairbh:

3 Agus théid thu a dh'ionnsuidh an rìgh, agus labhairidh tu ris air an dòigh so. Agus chuir Ioab na focail 'na beul.

4 Agus thàinig a' bhean o Thecoah a dh'ionnsuidh an rìgh, agus thuit i air a h-aghaidh gu làr, agus rinn i ùmh-lachd, agus thubhairt i, Cabhair orm, a rìgh.

5 Agus thubhairt an rìgh rithe, Ciod a tha teachd riut? Agus fhreagair ise, Gu deimhin is bantrach⁵ mi; oir fhuair m'fhear bàs.

6 Agus bha aig do bhanoglaich dithis mhac, agus chuir iad a mach air a chèile san achadh, agus chla robh neach ann a chuireadh eatorra: agus bhual fear dhiubh am fear eile, agus mharbh se e.

7 Agus, feuch, dh'èirich an teaghlach uile an aghaidh do bhanoglaich, agus thubhairt iad, Thoir seachad esan a bhual a bhràthair, a chum gu 'm marbh sinn e air son anama a bhràthar a mharbh e, agus gu'm marbh sinn an t-oighre mar an ceudna: agus mar sin mùchaidh iad m' eibhleag a dh'fhàgadh, air chor as nach fàg iad aig m'fhear aon chuid ainm, no iarmad air aghaidh na talmhainn.

8 Agus thubhairt an rìgh ris a' mhnaoi, Imich a dh'ionnsuidh do thighe, agus bheir mise àithne mu d' thimchioll.

9 Agus thubhairt a' bhean o Thecoah ris an rìgh, Ormsa, a thighearn, a rìgh, bitheadh am peacadh, agus air tigh m'athar; agus bitheadh an rìgh agus a rìgh-chaitheir neo-chiontach.

10 Agus thubhairt an rìgh, Ge b'e neach a their ni sam bith riut, thoir a m' ionnsuidhs' e, agus cha bhean e riut ni's mò.

11 An sin thubhairt ise, Cuimhnichidh, guidheam ort, an rìgh an Tighearna do Dhia, a chum nach bi dioghaltairean na fola lìonmhor gu sgrios, agus nach marbh iad mo mhac. Agus thubhairt esan, Mar is beò an Tighearn, cha tuit aon ròinneag⁶ do fholt do mhic gu làr.

¹ Na h-abradh. Eabh. ² le beul Absaloim. Eabh.
³ sguir rìgh Daibhidh do dhol air tòir Absaloim.

⁴ an aghaidh.

⁵ baintreabhach.

⁶ fhuiltean.

II. SAMUEL, XIV.

12 An sin thubhairt a' bhean, Labhradh, guidheam ort, do bhanoglach aon fhocal ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so do ni an aghaidh sluagh Dhé? oir tha'n rìgh a' labhairt an ni so mar neach a tha ciontach, a chionn nach 'eil an rìgh a' toirt fhògaraich air ais.

14 Oir bàsaichidh sinn gu deimhin, agus tha sinn mar uisge a dhòirteadh air an talamh, agus nach cruinnichear a ris: gidheadh cha'n àill le Dia beatha¹ a thoirt air falbh, ach smuainichidh e air meadhonaibh a chum nach fògair e' fhògarach gu tur uaidh.

15 Agus a nis gu bheil mi air teachd a labhairt ri m' thighearn an rìgh mu'n ni so, is ann a chionn gu'n do chuir an sluagh eagal orm: agus thubhairt do bhanoglach, Labhraidh mi uis ris an rìgh: theagamh gu'n dean an rìgh iarrtus a bhanoglaich.

16 Oir éisdidh an rìgh, a shaoradh a bhanoglaich á làimh an duine, leis am b'àill mi féin agus mo uhac a sgrios le chéile a mach á oighreachd Dhé.

17 An sin thubhairt do bhanoglach, Bithidh focal mo thighearn an rìgh a nis solasach: oir mar aingeal Dé, mar sin tha mo thighearn an rìgh, a thuigsinn maith agus uile: agus bithidh an Tighearna do Dhia maille riut.

18 Agus fhreagair an rìgh, agus thubhairt e ris a' mhnaoi, Na ceil orm, guidheam ort, an ni a dh'fheoraicheas mi dhiot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, Nach 'eil làmh Ioaib maille riut anns an ni so uile? Agus fhreagair a' bhean agus thubhairt i, Mar is beò t'anam, a thighearn, a rìgh, cha 'n'eil clonadh sam bith a dh'ionnsuidh na làimhe deise, no dh'ionnsuidh na làimhe clìthe, ann an ni air bith² a labhair mo thighearn an rìgh; oir do sheirbhiseach Ioaib, is esan a dh'iarr orm-sa, agus is esan a chuir ann am beul do bhanoglaich na briathra so uile:

20 A thoirt mu'n cuairt a leithid so do chainnt, rinn do sheirbhiseach Ioaib an ni so: agus tha mo thighearna glic, a réir gliocais aingil Dé, a thuigsinn gach ni a ta air an talamh.

21 Agus thubhairt an rìgh ri Ioaib, Feuch a nis, rinn mi an ni so: imich ma ta, thoir air ais an t-òganach Absalom.

22 Agus thuit Ioaib air 'aghaidh gu làr, agus chrom se e féin, agus bhcannaich e³

do'n rìgh: agus thubhairt Ioaib, An diugh tha fios aig do sheirbhiseach gu'n d'fhuair mi deadh-ghean a'd' shùilibh, mo thighearn, a rìgh; oir rinn an rìgh iarrtus a sheirbhiseach.

23 Agus dh'éirich Ioaib agus chaidh e gu Gesur, agus thug e Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe féin, agus na faic-eadh e mo ghnùis-sa. Agus phill Absalom a dh'ionnsuidh a thighe féin, agus cha 'n fhac e gnùis an rìgh.

25 Ach ann an Israel uile cha robh duine co mhaiseach ri Absalom: bha e ri mholadh gu mòr: o bhonn a choisge gu ruig mullach a chinn cha robh smal air bith air.

26 Agus an uair a bhearr e folt a chinn, (oir b'ann aig ceann gach bliadhna⁴ a bhearr se e; a chionn gu'n robh e trom air, uime sin bhearr se e,) chothromaich e folt a chinn aig dà cheud secel, a réir tomhais⁵ an rìgh.

27 Agus rugadh do Absalom trì mic, agus aon nighean, d' am b'ainm Tamar: bha i 'na mnaoi sgiamhaich 'na gnùis.

28 Agus ghabh Absalom còmhuidh ann an Ierusalem dà bhliadhna iomlan, agus cha'n fhac e gnùis an rìgh.

29 Uime sin chuir Absalom fios air Ioaib, a chum a chur a dh'ionnsuidh an rìgh; ach cha b'àill leis teachd d'a ionnsuidh: agus an uair a chuir e fios a ris an dara uair, cha b'àill leis teachd.

30 Uime sin thubhairt e r'a sheirbhiseich, Faicibh achadh Ioaib làmh ri m'achadh-sa⁶, agus eorna aig an sin; rachaibh, agus cuiribh ri theine e. Agus chuir seirbhiseich Absalom an t-achadh ri theine.

31 An sin dh'éirich Ioaib, agus thàinig e dh'ionnsuidh Absalom d' a thigh, agus thubhairt e ris, C'ar son a chuir do sheirbhiseich m' achadh ri theine?

32 Agus fhreagair Absalom Ioaib, Feuch, chuir mi fios a d'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? bu mhaith dhonhsa gu'm bithinn fathast an sin: a nis ma ta faiceam gnùis an rìgh; agus ma tha eu-ceart sam bith annam, thugadh e fa' near mo mharbhadh.

33 Uime sin thàinig Ioaib a dh'ionnsuidh an rìgh, agus dh'innis e sin da: agus ghairm e air Absalom, agus thàinig e dh'ionnsuidh an rìgh, agus chrom se e féin air aghaidh gu làr an fianuis an rìgh; agus phòg an rìgh Absalom.

¹ anam. ² cha'n fheud duine sam bith tionndadh a dh'ionnsuidh na làimhe deise, no na làimhe clìthe, o ni air bith.

³ thug e buidheachas. ⁴ o cheann làithean gu làitheibh. Eabh.

⁵ cloich. Eabh. ⁶ Faicibh cuibhrionn Ioaib aig mo làimh-sa. Eabh.

II. SAMUEL, XV.

CAIB. XV.

1 *Ghoid Absalom cridheacha chloinn Israeil, agus rinn e ceannairc làidir an aghaidh Dhaibhidh.*
13 *Theich Daibhidh o Ierusalem.* 34 *Chuireadh Sùdòc agus Abiatar air an ais leis an àire.*

AGUS an dèigh so dh'ulluich¹ Absalom dha fèin carbadan, agus eich, agus leth-cheud fear gu ruith roimhe.

2 Agus dh'èirich Absalom gu moch, agus sheas e làimh ri sliغه a' gheata: agus an uair a thigeadh neach air bith aig an robh comhstri² a dh'ionnsuidh an rìgh chum breitheanaid, an sin ghairmeadh Absalom air, agus theireadh e, Cìod am baile as *am bheil* thu? Agus theireadh esan, O aon do threubhan Israeil *tha* do sheirbhiseach.

3 Agus theireadh Absalom ris, Feuch, *tha* t'fhocail maith agus ceart; ach cha 'n'èil neach air bith ann air *orduchadh* leis an rìgh gu èisdeachd riut.

4 Theireadh Absalom cuideachd, O nach robh mise air mo shuidheachadh a'm' bhreitheamh anns an tìr, a chum a m' ionnsuidh-sa gu'n tìgeadh gach duine aig am bheil comhstri no cùis-lagha, agus dheanainn ceartas dha!

5 Agus an uair a thigeadh duine sam bith am fagus *da* a dheanamh ùnhlachd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absalom ri Israeil uile a thàinig a chum breitheanaid a dh'ionnsuidh an rìgh: agus ghoid Absalom cridheacha dhaoine Israeil:

7 Agus an ceann cheithir³ bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhìoladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' chòmhnuidh ann an Gesur ann an Siria, ag ràdh, Ma bheir an Tighearna mi gu dearbh a ris gu h-Ierusalem, an sin ni mi seirbhis do'n Tighearn.

9 Agus thubhairt an rìgh ris, Imich ann an sìth. Agus dh'èirich e, agus chaidh e gu Hebron.

10 Ach chuir Absalom luchd-brathair air feadh uile threubhan Israeil, ag ràdh, Co luath as a chluinneas sibh fuaim na trompaide, an sin their sibh, Tha Absalom 'na rìgh ann an Hebron.

11 Agus maille ri Absalom chaidh dà cheud fear a mach á h-Ierusalem, a ghairmeadh, agus dh'imich iad ann an treibhdhìreas an *cridhe*, agus cha robh fios ni sam bith aca.

12 Agus chuir Absalom *fios* air Ahito-

phel an Gilonach, comhairliche Dhaibhidh, o a bhaile, *eadhon* o Ghiloh, an uair a bha e ag òbradh òbairtean: agus bha a' cheannairc làidir; oir bha'n sluagh a' sir-dhol an ònmhoireachd maille ri Absalom.

13 Agus thàinig teachdair a dh'ionnsuidh Dhaibhidh, ag ràdh, Tha cridheacha fhear Israeil an dèigh Absalom.

14 Agus thubhairt Daibhidh r'a sheirbhisich uile a *bha* maille ris ann an Ierusalem, Eiribh, agus teicheamaid; oir *mur dean sinn sin*, cha bhì dol as againn o aghaidh Absalom; luathaichibh agus imichibh, air eagal gu'n dean e cabhag, agus gu'm beir e oirnn, agus gu'n tarruing e olc oirnn, agus gu'm buail e 'm baile le faobhar a' chlaidheimh.

15 Agus thubhairt seirbhisich an rìgh ris an rìgh, A réir gach nì a's àill le m' thighearn⁴ an rìgh, feuch, *ni* do sheirbhisich.

16 Agus chaidh an rìgh a mach, agus a theaghlach uile 'na dhéigh⁵: a mhàin dh'fhàg an rìgh deichnear bhan a *bha* 'nan coimhleabachaibh *aige*, a ghleidheadh an tìghe.

17 Agus chaidh an rìgh a mach, agus an sluagh uile 'na dhéigh, agus dh'fhan iad ann an àit a bha fad as⁶.

18 Agus chaidh a sheirbhisich uile thairis làimh ris; agus chaidh na Ceretich uile, agus na Peletich uile, agus na Gitich uile, sè ceud fear a thàinig 'na dhéigh o Ghat, thairis roimh an rìgh.

19 Agus thubhairt an rìgh ri Itai an Giteach, C'ar son a tha thusa mar an ceudna dol maille ruinne? pill gu d'àit, agus fan maille ris an rìgh; oir *is* coigreach thu, agus mar an ceudna fògarach o d' àite féin⁷.

20 An dé a mhàin thàinig thu, agus an diugh an toir mise ort dol air faontradh⁸ maille ruinne? oir thèid mise an taobh a *tha* mi gu dol: pill thusa, agus thoir air an ais do bhràithrean leat; agus gu nochdadh an Tighearna dhuit tròcair agus firinn.

21 Agus fhreagair Itai an rìgh, agus thubhairt e, *Mar* is beò an Tighearn, agus *mar* is beò mo thighearn an rìgh, gu cinnteach ge b'è àit ann am bi mo thighearn an rìgh, ma's ann a chum bàis no chum beatha, eadhon an sin bìthidh do sheirbhiseach.

22 An sin thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlann bheag uile a *bha* maille ris.

¹ rinn. Eabh. ² comsachadh, cùis-lagha.

³ dhà fhichead bliadhna, dhà fhichead là.

⁴ a roghnaicheas, a dh'orduicheas mo thighearn.

⁵ d'an cois.

⁶ Bet-morcc. Eabh.

⁷ agus pillidh tu do d' àite féin.

⁸ dol sìos agus suas.

II. SAMUEL, XV. XVI.

23 Agus ghuil an tìr uile le guth àrd, agus chaidh an sluagh uile thairis; chaidh an rìgh cuideachd thairis air sruth Chid-roin, agus chaidh an sluagh uile thairis a làimh na slighe do'n fhàsach.

24 Agus, feuch, *bha* Sadoc mar an ceudna, agus na Lebhithich uile maille ris, a' giùlan àirc còmhcheangail Dé, agus shuidhich iad¹ àirc Dhé; agus chaidh Abiatar suas, gus an do sguir an sluagh uile do dhol a mach as a' bhaile.

25 Agus thubhairt an rìgh ri Sadoc, 'Thoir air a h-ais àirc Dhé do'n bhaile; ma gheibh mi deadh-ghean ann an sùilbh an Tighearna bheir e air m'ais mi, agus nochdaidh e dhomh e féin, agus 'àite-còmhnuidh.

26 Ach ma their e mar so, Clia 'n 'eil tlachd agam annad; feuch, *tha* mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thusa²? pill do'n bhaile ann an sìth, agus Ahimaas do m'ac féin, agus Ionatan mac Abiatar, bhur dithis mhac maille ribh.

28 Faicibh, fanaidh mise ann an còmh-nardaibh³ an fhàsaich, gus an tig focal uaibhse a thoirt fios domh.

29 Uime sin thug Sadoc agus Abiatar àirc Dhé a ris gu h-Ierusalem; agus dh'fhan iad an sin.

30 Agus chàidh Daibhidh suas ri uchdaich⁴ sléibh nan oladh, a' dol suas agus a' gul, agus a cheann còmhdaichte, agus e g'imeachd cos-ruisgte: agus còmhdaich an sluagh uile a *bha* maille ris, gach fear *dhiubh* a cheann, agus chaidh iad suas, ag imeachd agus a' gul.

31 Agus dh'innis *neach* do Dhaibhidh, ag ràdh, *Tha* Ahitophel an measg an luchd-ceannairc maille ri Absalom. Agus thubhairt Daibhidh, Tionndaidh, a Thighearna, guidheam ort, comhairle Ahitophel gu h-amaideachd.

32 Agus an uair a thàinig Daibhidh gu mullach an t-sléibh, far an d'rinn e aoradh do Dhia, feuch, thàinig Husai an t-Arcach 'na choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma théid thu thairis maille riumsa, an sin bithidh tu a'd' eallaich orm.

34 Ach ma philleas tu do'n bhaile, agus ma their thu ri Absalom, Bithidh mise a'm' sheirbhiseach dhuit, a rìgh; *bu* sheirbhiseach do t'athair mi gu ruige so⁵, agus a nis *bithidh* mi mar an ceudna a'm' sheirbhiseach dhuitse; an sin bheir thu air mo shonsa comhairle Ahitophel gu neo-ni.

35 Agus nach 'eil maille riut an sin Sa-

doc agus Abiatar na sagairt? agus gach focal a chluinneas tu á tigh an rìgh, inn-sidh tu e do Shadoc agus do Abiatar na sagairt.

36 Feuch, *tha* 'n sin maille riut an dithis mhac, Ahimaas mac Shadoic, agus Ionatan mac Abiatar: agus le'n làimh-san cuiridh sibh a m' ionnsuidh-sa gach focal a chluinneas sibh.

37 Uime sin thàinig Husai caraid Dhaibhidh do'n bhaile, agus thàinig Absalom gu h-Ierusalem.

CAIB. XVI.

1 *Le casaid ùhréige fhuair Siba oighreachd a mhaighstir.* 5 *Mhallaich Simeì Daibhidh.* 20 *Comhairle Ahitophel.*

A GUS an uair a chaidh Daibhidh a beagan thar mullach an t-sléibh, feuch, thàinig Siba òglach Mhephiboset 'na choinneamh le dà asail air an diollaid-eachadh⁶, agus dà cheud buillionn arain orra, agus ceud bagaide do fhion-dhearc-aibh tiormaichte; agus ceud do mheas samhraidh, agus searrag fhiona.

2 Agus thubhairt an rìgh ri Siba, Ciod is ciall duit leo sin? Agus thubhairt Siba, *Tha* na h-asail air son teaghlach an rìgh chum marcachd; agus an t-aran agus am meas samhraidh air son nan òganach chum an itheadh; agus am fion, a chum gu'n òl esan a bhios sgith⁷ anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, *tha* e fantuinn ann an Ierusalem: oir thubhairt e, An duigh aisgidh tigh Israeil dhomhsa rioghachd m'athar.

4 An sin thubhairt an rìgh ri Siba, Feuch, is leatsa gach *ni* a *bha* aig Mephiboset. Agus thubhairt Siba, 'Tha mi le mòr-ùmhachd a' guidhe ort gu'm faigh mi deadh-ghean a'd' shùilbh, a thighearna, a rìgh.

5 Agus an uair a thàinig rìgh Daibhidh gu Bahurim, feuch, á sin thàinig a mach duine do theaghlach tìghe Shauil, d'am b'ainm Semeì, mac Ghera: thàinig e mach, a' teachd air aglaidh agus a' mallachadh.

6 Agus thilg e clachan air Daibhidh, agus air seirbhisich rìgh Daibhidh uile; agus *bha* 'n sluagh uile, agus na daoine treuna uile, air a làimh dheis agus air a làimh chlì.

7 Agus mar so thubhairt Simeì an uair a mhallaich se e, Thig a mach, thig a mach, thus' a dhuine fhuileachdaich, agus a dhuine le Belial:

8 Dhol an Tighearna ortsa uile fhuil tìghe Shauil, an àit an do rìghlich thu;

¹ leig iad sìos. ² Nach 'eil thu a' fuicinn?

³ ann am bealaichibh. ⁴ bruthach, dìreachd.

⁵ o cheann fada.

⁶ le'n aefuinn orra.

⁷ lag, fann.

II. SAMUEL, XVI. XVII.

agus thug an Tighearn an rìoghachd do làimh do mhic Absaloin: agus, feuch, *ghlacadh* thu ann ad olc féin, a chionn gur duine fuileachdach thu.

9 An sin thubhairt Abisai mac Shernuah ris an rìgh, C'ar son a mballaicheadh an cù marbh so mo thughearn an rìgh? leig dhomh dol a null, guidheam ort, agus a cheann a thoirt deth.

10 Agus thubhairt an rìgh, Ciod e mo ghnothuch-sa ribhse¹, a mhaca Shernuah? leigibh leis mallachadh, a chionn gu'n d'thubhairt an Tighearna ris, Mallaich Daibhidh: agus cò a their, C'ar son a rinn thu mar so?

11 Agus thubhairt Daibhidh ri Abisai, agus r'a sheirbhisich uile, Feuch, mo mhac, a thàinig a mach á m'innibh, ag iarraidh m'anama; agus cia mòr is mò a nis a *dh'fheadas* am Beniamineach so? Leigibh leis, agus mallaicheadh e, oir dh'iarr an Tighearn air.

12 Theagamh gu'n amhairc an Tighearn air m'ámhghar, agus gu'n dìol an Tighearna dhomh maith air son a mhallachaidh air an là 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simeì air slios² an t-sléibh làimh ris³, a' dol air aghaidh agus a' mallachadh, agus thilg e clachan agus ùir air.

14 Agus thàinig an rìgh agus an sluagh uile a *bha* maille ris, sgith; agus leig iad an anail an sin.

15 Agus thàinig Absalom agus uile shluagh fhear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arcach, caraid Dhaibhidh, a dh'ionnsuidh Absaloin, thubhairt Husai ri Absalom, Gu ma fada beò an rìgh, gu ma fada beò an rìgh.

17 Agus thubhairt Absalom ri Husai, An e so do chaoimhneas ri d'charaid? c'ar son nach deachaidh tu maille ri d'charaid?

18 Agus thubhairt Husai ri Absalom, Ni h-eadh; ach ge b'e neach a thaghas an Tighearn, agus an sluagh so, agus fir Israeil uile, leis-san bithidh mise, agus maille ris fanaidh mi.

19 Agus san dara àite, cò dha a dheanainn seirbhis? nach ann an làthair a mhic? mar a rinn mi seirbhis ann an làthair t'athair, mar sin bithidh mi a'd' làthair-sa.

20 An sin thubhairt Absalom ri Ahitophel, Thugaibh comhairle 'nur measg ciod a ni sinn.

21 Agus thubhairt Ahitophel ri Absalom,

Gabh a stigh a dh'ionnsuidh choimhleab-ach t'athair, a dh'fhàg e a ghleidheadh an tighe; agus cluinidh Israel uile gu bheil thu air fàs gràineil do t'athair, agus neartaichear làmhan gach neach a *tha* maille riut.

22 Agus sgaoil iad bùth do Absalom air mullach an tighe; agus chaidh Absalom a steach a dh'ionnsuidh choimhleabach 'athair ann an sealladh Israeil uile.

23 Agus *bha* comhairle Ahitophel a thug e seachad anns na làithibh sin, mar gu'm fiosraicheadh duine do fhocal Dhé: mar sin *bha* uile chomhairle Ahitophel, araon aig Daibhidh agus aig Absalom.

CAIB. XVII.

1 *Dh'iarr Ahitophel dol air tòir Dhaibhidh.*

15 *Chuir Husai fios a dh'ionnsuidh Dhaibhidh os ìosal air gach nì a chomhairlich Ahitophel.*

23 *Chroch Ahitophel e féin.* 25 *Rinn Absalom Amasa 'na cheannard air an t-sluagh.*

AGUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus théid mi air tòir Dhaibhidh an nochd:

2 Agus thig mi air an uair a tha e sgith agus lag-lámhach, agus cuiridh mi eagal air: agus teichidh an sluagh uile a *tha* maille ris, agus buailidh mi an rìgh a mhàin.

3 Agus bheir mi air an ais an sluagh uile a t'ionnsuidh-sa: *tha* 'n duine a *tha* thu ag iarraidh mar gu'm pilleadh an t-ìomlan: agus bithidh an sluagh uile ann an sìth.

4 Agus thaitinn a' chainnt ri Absalom⁴, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an t-Arcach, agus cluinneamaid mar an ceudna ciod a their esan⁵.

6 Agus thàinig Husai a dh'ionnsuidh Absaloin, agus labhair Absalom ris, ag ràdh, Air an dòigh so labhair Ahitophel: an dean sinn a *réir* 'fhocail, no nach *dean*? labhair thusa.

7 Agus thubhairt Husai ri Absalom, Cha 'n'eil a' chomhairle a thug Ahitophel maith air an uair so.

8 Oir, arsa Husai, is aithne dhuit t'athair agus a dhaoine, gur *daoine* treun iad agus air am feargachadh 'nan spiorad⁶, mar mhath-ghamhainn o'n d'thugadh a cuileana anns a' mhachair: agus is fear-cogaidh⁷ t'athair, agus cha ghabh e tàmh maille ris an t-sluagh.

9 Feuch, tha e nis am folach ann an slochd éigin, no ann an àit éigin eile: agus tachairidh, an uair a thuiteas cuid diubh

¹ Ciod e dhomhsa agus dhuibhse. Eabh.

² taobh.

³ fa chomhair.

⁴ bha am focal ceart ann an sùilibh Absaloin. Eabh.

⁵ ciod a tha 'na bheul-san. Eabh.

⁶ garg 'nan inninn. ⁷ fear deanta ri cogadh.

II. SAMUEL, XVII. XVIII.

an toiseach, ge b'e neach a chluinneas e, gu'n abair e, Tha àr am measg an t-sluaigh a tha leantuin Absalom.

10 Agus esan mar an ceudna a tha 'ua dhuine treun, aig am bheil a chridhe mar chridhe leòmhain, leaghaidh e gu tur: oir tha fios aig Israel uile gur duine treun t'athair, agus gur daoine treun iadsan a tha maille ris.

11 Air an aobhar sin is i mo chomhairle-sa, Gu'n cruinnichear Israel uile a t'ionnsuidh, o Dhan eadhon gu Beer-seba, mar a' ghaineamh a tha làimh ris an fhaire air lionmhoireachd, agus gu'n téid thu féin¹ maille riu do'n chath.

12 Agus thig sinn air ge b'e àit am faighear e, agus tuitidh sinn air mar a thuiteas an drùchd air an talamh: agus cha'n fhàgar dheth féin, agus do na fir uile a tha maille ris, eadhon aon.

13 Agus ma théid e a steach do bhaile, an sin bleir fir Israeil uile cùird leo a dh'ionnsuidh a' bhaile sin, agus tairngidh sinn e do'n amhainn², gus nach fàgar an sin aon chlach bheag.

14 Agus thubhairt Absalom, agus fir Israeil uile, Is fearr comhairle Husai an Araich na comhairle Ahitopheil: oir dh'orduich an Tighearna comhairle mhaith Ahitopheil a thoirt gu neo-ni, a chum gu'n tugadh an Tighearna olc air Absalom.

15 An sin thubhairt Husai ri Sadoc agus ri Abiatar na sagairt, Mar so agus mar so chomhairlich Ahitopheil Absalom agus seanairean Israeil: agus mar so agus mar so chomhairlich mise.

16 A nis uime sin cuiribh fios gu grad, agus innsibh do Dhaibhidh ag ràdh, Na fan an nochd ann an còmhnrdaibh an fhàsaich, ach gabh thairis gu luath, air eagal gu'n sluigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri En-rogel; (oir cha'n fheudadh iad a bhì air am faicinn a' dol a stigh do'n bhaile:) agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le chèile gu luath, agus thàinig iad gu tigh duine ann am Bāhurim, aig an robh tobar 'na chùirt³, agus chaidh iad sìos an sin.

19 Agus ghabh a' bhean còmhach agus sgaol i e air beul an tobair, agus chuir i gràn meilte⁴ air; agus cha d'aithnicheadh an ni.

20 Agus an uair a thàinig seirbhiseich Absalom a dh'ionnsuidh na mnà do'n

tigh, thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruth-an uisge. Agus an uair a dh'iarr iad, agus uach d'fhuair iad, phill iad gu h-Ierusalem.

21 Agus an uair a dh'fhalbh iad, thàinig iadsan a nìos as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rachaibh gu grad thar an uisge; oir mar so chomhairlich Ahitopheil 'nurn-n-aghaidhsa.

22 Agus dh'éirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon duibh nach deachaidh thar Iordan.

23 Agus an uair a chunnaic Ahitopheil nach do ghabhadh a chomhairle, chuir e diollaid air 'asail, agus dh'éirich e, agus dh'imich e dh'ionnsuidh a thighe, d'a bhaile féin, agus thug e àitheanta d'a theaghlach⁵, agus chroch se e féin, agus fhuair e bàs, agus dh'adhlacaidh e ann an àit-adhlacaidh 'athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israeil uile maille ris.

25 Agus rinn Absalom Amasa 'na cheannard air an t-sluagh an àit Ioab: agus b'e Amasa mac duine, d'am b'ainm Itra Israeleach⁶, a chaidh a steach gu Abigail nighean Nahais, piuthar Sheruiah, màthar Ioab.

26 Agus champaich Israel agus Absalom ann am fearann Ghilead.

27 Agus an uair a thàinig Daibhidh gu Mahanaim, thug Sobi mac Nahais o Rabah chloinn Amoin, agus Machir mac Amieil o Lodebar, agus Barsillai an Gileadach o Rogelim,

28 Leapaichean, agus cuachan, agus soithichean creadh, agus cruithneachd, agus eorna, agus min mhìn, agus gràn cruaidhichte, agus pònair⁷, agus gallpheasair, agus peasair chruaidhichte,

29 Agus mil, agus im, agus caoraich, agus càise cruith air son Dhaibhidh, agus air son an t-sluaigh a bha maille ris, a chum an itheadh: oir thubhairt iad, Tha'n sluagh ocrach, agus sgèth, agus òtmhor⁸ anns an fhàsach.

CAIB. XVIII.

1 Chuir Daibhidh a mach'armailt fo laimh Ioab, Abisai, agus Itai, agus dh'orduich e dhoibh buinntin gu min ri Absalom. 6 Bhuaicadh fir Israeil. 9 Mharbh Ioab Absalom. 33 Rinn Daibhidh caoidh air a shon.

AGUS dh'àireamh Daibhidh an sluagh a bha maille ris, agus chuir e ceann-

¹ do ghmùis féin. Eabh.

³ loinn; court. Sasg.

² do'n t-sruth.

⁴ bleithe.

⁵ chuir e a theaghlach an ordugh.

⁶ Israeleach. ⁷ pònair. ⁸ pàiteach

II. SAMUEL, XVIII.

ardan mhiltean, agus ceannardan cheud-an os an ceann.

2 Agus chuir Daibhidh a mach trian do'n t-sluagh fuidh làimh Ioaib, agus trian fuidh làimh Abisai, mhic Sheruah bhràthar Ioaib, agus trian fuidh làimh Itai a' Ghitich: agus thubhairt an rìgh ris an t-sluagh, Gu deimhin théid mi féin mar an ceudna mach maille ribh.

3 Ach fhreagair an sluagh, Cha téid thu mach: oir ma theicheas sinne, cha ghabh iad suim dhinn¹: agus ma bhàsaicheas ar leth, cha ghabh iad suim dhinn: ach a nis *a ta thusa* mar dheich mìle dhinn: uime sin a nis *is* fearr gu'n deanadh tusa còmhnaidh² ruinn a mach as a' bhaile.

4 Agus thubhairt an rìgh riu, *An ni sin* a tha ceart 'nur suilibh, ni mise. Agus sheas an rìgh làimh ris a' gheata, agus thàinig an sluagh uile a mach 'uan ceudaibh agus 'nam mìtibh.

5 Agus dh'àithn an rìgh do Ioaib, agus do Abisai, agus do Itai, ag ràdh, *Buinibh* gu min air mo sgàth-sa ris an òganach, ri Absalom. Agus chual' an sluagh uile 'nuair a dh'àithn an rìgh do na ceannardaibh uile a thaobh Absalom.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhisich Dhaibhidh; agus bha'n sin air an là sin àr mòr fhichead mìle *fear*:

8 Oir bha'n cath an sin air sgaoileadh air aghaidh na tìre uile; agus chuir a' choille as do thuilleadh sluaigh air an là sin na chuir an claidheamh.

9 Agus thachair Absalom air seirbhisich Dhaibhidh; agus *bha* Absalom a' marachd air muileid, agus chaidh a' mhuileid a steach fuidh gheuga tìgha craoibhe mòire daraich, agus ghlacadh a cheann anns a' chraoibh dharaich, agus chrochadh e eadar nèamh agus talamh; agus dh'imich a' mhuileid a *bha* fuidhe roimpe.

10 Agus chunnaic duine àraidh *so*, agus dh'innis e do Ioaib, agus thubhairt e, Feuch, chunnaic mi Absalom crochta ann an craoibh dharaich.

11 Agus thubhairt Ioaib ris an duine a dh'innis dha, Agus, feuch, chunnaic thu e, agus c'ar son nach do bhuail thu e 'n sin gu làr³, agus bheirinn-se dhuit deich *seccil*, airgid⁴ agus crios?

12 Agus thubhairt an duine ri Ioaib,

Ged gheibhinn-se mìle *seccil* airgid ann mo làimh, cha chuirinn mo làmh a mach an aghaidh mic an rìgh: oir 'nar u-éisdeachd dh'àithn an rìgh dhuitse, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanaim eucoir⁵ an aghaidh m'anama⁶ féin: oir cha 'n eil ni air bith am folach air an rìgh, agus sheasadh tusa féin a'm' aghaidh.

14 An sin thubhairt Ioaib, Cha'n fhcad mise fuireach mar so maille riut. Agus ghabh e trì gathan 'na làimh, agus shàth e iad an chridhe Absaloim, an uair *a bha* e fathast beò ann am meadhon⁷ na craoibhe daraich.

15 Agus chuairtich deichnear òganach *a bha* g'iomchar arm Ioaib, agus bhuail iad Absalom, agus mharbh iad e.

16 Agus shéid Ioaib an trompaid, agus phill an sluagh o ruagadh Israeil; oir chum Ioaib air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bheò e, agus chuir e suas dha féin carragh, a *tha* ann an gleann an rìgh: oir thubhairt e, Cha 'n eil mac agam a chumail m'ainme air chuimhne: agus thug e 'ainm féin air a' charragh; agus theirear ris gu ruig an là 'n diugh, Clach-chuimhneachain Absaloim⁸.

19 An sin thubhairt Ahimaas mac Shadoic, Leig dhomh ruith a nis, agus sgeul⁹ a thoirt a dh'ionnsuidh an rìgh, gu'n do shaor an Tighearn e á làimh a naimh-dean¹⁰.

20 Agus thubhairt Ioaib ris, Cha toir thu sgeul leat an diugh, ach bheir thu sgeul leat là eile: ach an diugh cha toir thu sgeul leat, a chionn gu bheil mac an rìgh marbh.

21 Agus thubhairt Ioaib ri Cusi, Falbh, innis do'n rìgh ciod a chunnaic thu. Agus chom Cusi e féin do Ioaib, agus ruith e.

22 An sin thubhairt Ahimaas mac Shadoic a ris ri Ioaib, Ach gidheadh¹¹, leig dhomhsa, guidheam ort, ruith mar an ceudna an déigh Chusi. Agus thubhairt Ioaib, C'ar son a ruitheadh tusa, a mhic, agus nach d'fhuaradh sgeul sam bith dhuit¹²?

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus

¹ cha chuir iad an cridhe oirm. Eabh.

² congnamh. Eir. ³ c'ar son nach do bhuail thu e, agus nach do thilg thu e sìos gu làr.

⁴ agus bhiodh e mar fhiacha ormsa deich seccil airgid a thoirt duit. Eabh. ⁵ breug, cealg.

⁶ mo bheatha.

⁷ ann an cridhe. Eabh. ⁸ Aite; làmh. Eabh. ⁹ deadh sgeul, teachd-air eachd mhaith. ¹⁰ gu'n do dhòil an Tighearn e air a naimhidh. ¹¹ ciod air bith a thachaireas.

¹² agus gun sgeul sam bith deas agad.

II. SAMUEL, XVIII. XIX.

CAIB. XIX.

ruith Ahimaas rathad a' chòmhuard, agus chaidh e seachad air Cusi.

24 Agus shuidh Daibhidh eadar an dà gheata : agus chaidh am fear-faire suas gu mullach a' gheata, air a' bhalla ; agus thog e suas a shùilean, agus dh'amhairc e, agus, feuch, duine a' ruith 'na aonar.

25 Agus ghlaodh am fear-faire, agus dh'innis e do'n rìgh. Agus thubhairt an rìgh, Ma tha e 'na aonar, tha sgeul aige 'na bheul. Agus dh'innich e air aghaidh, agus thàinig e am fagus.

26 Agus chunnaic am fear-faire duine eile a' ruith ; agus ghlaodh am fear-faire ris an dorsair, agus thubhairt e, Feuch, tha duine eile a' ruith 'na aonar. Agus thubhairt an rìgh, Tha esan mar an ceudna a' toirt sgéil.

27 Agus thubhairt am fear-faire, Tha mi a' faicinn ruith a' cheud duine mar ruith Ahimaas, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd.

28 Agus ghlaodh Ahimaas, agus thubhairt e ris an rìgh, Tha gach nì gu maith¹. Agus chrom se e féin sìos do'n rìgh air aghaidh dh'ionnsuidh na talmhainn, agus thubhairt e, Gu ma beannaichte an Tighearna do Dhia, a thug thairis na daoine a thog an làmhnan suas an aghaidh mo thighearn an rìgh.

29 Agus thubhairt an rìgh, Am bheil an t-òganach Absalom tèaruinte ? Agus fhreagair Ahimaas, An nair a chuir Ioab air falbh seirbhiseach an rìgh, agus mise do sheirbhiseach², chunnaic mi bnaireas mòr, ach cha robh fios agam ciod e.

30 Agus thubhairt an rìgh ris, Tionndaidh a leth-taobh, agus seas an so. Agus thionndaidh e a leth-taobh, agus sheas e.

31 Agus, feuch, thàinig Cusi ; agus thubhairt Cusi, Bheirear sgeul do m' thighearn, an rìgh, gu'n do shaor an Tighearn thusa an diugh à làimh nan uile³ a dh'éirich suas a'd' aghaidh.

32 Agus thubhairt an rìgh ri Cusi, Am bheil an t-òganach Absalom tèaruinte ? Agus fhreagair Cusi, Gu robh naimhdean mo thighearn an rìgh, agus iadsan uile a dh'éirich suas a'd' aghaidh a dheanamh do chroin, mar a tha an t-òganach sin.

33 Agus ghluaisedh an rìgh gu mòr⁴, agus chaidh e suas do'n t-seòmar os ceann a' gheata, agus ghul e : agus ag imeachd dha, thubhairt e mar so. A mhic Absalom ! a mhic, a mhic Absalom ! O nach mise féin a fhuair bàs air do shon, Absalom, a mhic, a mhic !

¹ Thug Ioab air Daibhidh sgur o bhròn a dheanamh air son Absalom. Dh'iarr na h-Israelich an rìgh a thoirt air ais. 16 Fhuair Simeì maitheanas. 24 Ghabh Mephiboset a leisgeul féin. 31 Phill Barsillai o Daibhidh a leantuin.

AGUS dh'innseadh do Ioab, Feuch, tha'n rìgh a' gul agus a' caoidh air son Absalom.

2 Agus bha a' bhuaidh air an là sin air a tionndadh gu caoidh do'n t-sluagh uile ; oir chual' an sluagh 'ga ràdh air an là sin, Tha 'n rìgh fo thuirse air son a mhic.

3 Agus ghoid an sluagh air an là sin a steach do'n bhaile, mar a ghoideas sluagh air falbh agus iad fo nàire, an uair a theicheas iad ann an catl.

4 Ach dh'fholaich an rìgh 'aghaidh, agus ghlaodh an rìgh le guth àrd, A mhic Absalom ! Absalom, a mhic, a mhic !

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidh bh do sheirbhiseach uile, a shaor t'anam an diugh, agus anaman do mhiac, agus do nighean, agus anaman do bhan, agus anaman do choimhleachach :

6 A chionn gu bheil gràdh agad dhoibhsan aig am bheil fuath dhuith, agus gu bheil fuath agad dhoibhsan aig am bheil gràdh dhuith : oir nochd thu an diugh nach 'eil suim agad do cheannardaibh, no do sheirbhisich : oir tha mi tuigsinn an diugh, nam biodh Absalom beò, agus nam bitheamaid-ne uile marbh an diugh, an sin gu'm bitheadh e ceart a'd' shùilibh.

7 A nis uime sin éirich, falbh a mach, agus labhair gu caomhneil ri d' sheirbhisich⁵ : oir bheiream-sa mo mhionnan air an Tighearna, mur téid thu mach, nach fan duine maille riut an nochd : agus bitheadh sin nì's mìosa dhuith na gach oile a thàinig ort o t'òige gus a nis.

8 An sin dh'éirich an rìgh, agus shuidh e anns a' gheata. Agus dh'innis iad do'n t-sluagh uile, ag ràdh, Feuch, tha'n rìgh 'na shuidhe anns a' gheata : agus thàinig an sluagh uile am fianuis an rìgh. Agus theich Israel, gach fear a dh'ionnsuidh a bhùtha.

9 Agus bha'n sluagh uile ri connsachadh air feadh uile threubhan Israeil, ag ràdh, Theasairg an rìgh sinn à làimh ar naimhdean, agus shaor e sinn à làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar ceann, bàs anns a' chath : a nis ma ta c'ar son a tha sibh tosdach mu'n rìgh a thoirt air ais ?

¹ sìth. Eabh.

² An uair a chuir seirbhiseach an rìgh Ioab air falbh do sheirbhiseach.

³ oir dh'oil an Tighearn thusa an diugh orra-san uile.

⁴ bha'n rìgh fo thuirse mhòir.

⁵ labhair ri cridhe do sheirbhiseach. Eabh.

II. SAMUEL, XIX.

11 Agus chuir rìgh Daibhidh *fios* gu Sadoe agus gu Abiatar na sagairt, ag ràdh, Labhraibh ri seanairibh Iudah, ag ràdh, C'ar son a tha sibhse air dheireadh a thoirt an rìgh air ais d'a thigh? (agus gu'n d'fhàinig cainnt Israeil uile dh'ionnsuidh an rìgh d'a thigh.)

12 *Is* sibhse mo bhràithrean, *is* sibh mo chnàmhan agus m'fheoil: c'ar son ma ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tusa mo chnàimh, agus m'fheoil? Mar sin gu'n deanadh Dia riumsa, agus tuilleadh mar an ceudna, mur bi thusa a'd' cheannard air an t-sluagh a'm' làthairs' an còmhuidh an àit Ioaib.

14 Agus dh'aom e chridheacha fhear Iudah uile, mar *chridhe* aoin duine; *air chor as* gu'n do chuir iad *am fios* so dh'ionnsuidh an rìgh, Pìll féin, agus do sheirbhiseach uile.

15 Uime sin phill an rìgh, agus thàinig e gu Iordan: agus thàinig Iudah gu Gilgal, a dhol an coinneamh an rìgh, gus an rìgh a thoirt thar Iordan.

16 Agus luathaich Simeì mac Ghera, Beniamineach, a bha o Bhahurim, agus thàinig e nuas maille ri fearaibh Iudah an coinneamh rìgh Daibhidh.

17 Agus *bha* mìle fear do Bheniamin maille ris, agus Siba òglach tìghe Shaul, agus a chùig mic dheug, agus 'fhichead seirbhiseach maille ris; agus chaidh iad thar Iordan roimh an rìgh.

18 Agus chaidh bàt-aisig a null¹ a thoirt teaghlach an rìgh thairis, agus a dheanamh an *ni* bu mhaith leis. Agus thuit Simeì mac Ghera, sìos am fianuis an rìgh, 'nuair a thàinig e thar Iordan;

19 Agus thubhairt e ris an rìgh, Na cuireadh mo thighearn eu-ceart as mo leth, agus na cuimhnich an *ni* a rinn do sheirbhiseach gu h-an-dligheach air an là anns an deachaidh mo thighearn an rìgh a mach á h-Ierusalem, air chor as gu'n gabhadh an rìgh g'a chridhe e.

20 Oir tha fios aig do sheirbhiseach gu'n do pheacaich mi: uime sin, feuch, thàinig mi an diugh an ceud duine do thigh Ioseiph uile, a dhol sìos an coinneamh mo thigh-carn an rìgh.

21 Ach fhreagair Abisai mac Sheruiah, agus thubhairt e, Nach cuirear air a shon so Simeì gu bàs, a chionn gu'n do mhallach e *aon* ungta an Tighearn.

22 Agus thubhairt Daibhidh, Ciod e mo ghnòthuch-sa ribhse, a mhaca Sheruiah, gu'm bitheadh sibh an diugh 'nur n-eascairdibh dhomh? an cuirear an diugh duine

sam bith gu bàs ann an Israel? oir nach 'eil fhios agam gu bheil mi an diugh a'm' rìgh os ceann Israeil?

23 Agus thubhairt an rìgh ri Simeì, Cha'n fhaigh thu bàs: agus mhionnaich an rìgh dha.

24 Agus thàinig Mephiboset, mac Shaul², a nuas an coinneamh an rìgh, agus cha do dheasaich³ e a chosan, agus cha do chuir e snas air⁴ 'fheusaig, agus cha do nìghe e 'eudach o'n là anns an do thrìall an rìgh, gus an là anns an d'fhàinig e ris ann an sìth.

25 Agus an uair a thàinig e gu h-Ierusalem an coinneamh an rìgh, an sin thubhairt an rìgh ris, C'ar son nach deachaidh tu maille riumsa, a Mephiboset?

26 Agus fhreagair esan, A thighearn, a rìgh, mheall mo sheirbhiseach mi: oir thubhairt do sheirbhiseach, Cuiridh mi diollaid dhomh féin air asail⁵, agus maraichidh mi oirre, agus thèid mi dh'ionnsuidh an rìgh, a chionn gu bheil do sheirbhiseach bacach.

27 Agus chùl-chàin esan do sheirbhiseach ri m' thighearn an rìgh; ach *tha* mo thighearn an rìgh mar aingeal Dè: dean uime sin an *ni* sin a ta maith a'd' shùilibh.

28 Oir cha robh teaghlach m'athar uile ach 'nan daoineibh marbha⁶ am fianuis mo thighearn an rìgh; gidheadh chuir thu do sheirbhiseach 'nam measg-san a dh'ith aig do bhord féin: ciod ma ta a' chòir a th'agamsa tuilleadh air glaochaich nìs mò ris an rìgh?

29 Agus thubhairt an rìgh ris, C'ar son a labhras tu nìs mò mu d'ghnòthuchibh? thubhairt mise, Roimidh tusa agus Siba am fearann.

30 Agus thubhairt Mephiboset ris an rìgh, Seadh, gabhadh e an t-iomlan, o thàinig mo thighearn an rìgh *a ris* ann an sìth d'a thigh féin.

31 Agus thàinig Barsillai an Gileadach a nuas o Rogelim, agus chaidh e thar Iordan maille ris an rìgh, chum a chur thar Iordan.

32 A nis *bha* Barsillai 'na dhuine ro shean, ceithir fichead bliadhna dh'aois: agus thug esan lòn do'n rìgh⁷ an uair a dh'fhan e ann am Mahanaim; oir *bu* duine ro mhòr e.

33 Agus thubhairt an rìgh ri Barsillai, Thigsa thairis maille rium, agus beathaichidh mi thu maille rium féin ann an Ierusalem.

34 Agus thubhairt Barsillai ris an rìgh, Cia fad a th'agam-sa ri bli beò⁸, gu'n rachainn suas maille ris an rìgh gu h-Ierusalem?

¹ rinn iad gach nì deas. ² mac Ionatain, mhic Shaul. ³ cha do nìghe. ⁴ dheasaich e.

⁵ Cuir diollaid dhomh air asail. ⁶ buailteach

do'n bhàs.

⁷ a labhras tu nìs mò do bhriathra?

⁸ bheathaich esan an rìgh. ⁹ Cia lòn iad làith-ean bhliadhnaich mo bheatha-sa. Eabh.

II. SAMUEL, XIX. XX.

35 *Tha* mi an diugh ceithir fichead bliadhna dh'aois: an urrainn mise aithneachadh eadar maith agus olc? an urrainn do sheirbhiseach na dh'itheas no na dh'òlas mi a bhlasadh? an urrainn mise tuilleadh guth fhear agus bhan a sheinneas a chluinntinn? c'ar son ma ta a bhiodh do sheirbhiseach fathast na eire¹ air mo thighearn an righ?

36 Thèid do sheirbhiseach ré uine bhi ghar Iordan maille ris an righ: agus c'ar son a dhioladh an righ sin dhomhsa le leithid so do luaigheachd?

37 Leig le d' sheirbhiseach, guidheam ort, pillinn air ais, a chum gu'm faigh mi bàs ann mo bhaile féin, làimh ri uaigh m'athar, agus mo mhàthar: ach, feuch, rachadh do sheirbhiseach Chimham thairis maille ri m' thighearn an righ, agus dean ris na *bhios* maith a'd' shùilbh.

38 Agus fhreagair an righ, Thèid Chimham thairis maille rium, agus ni mi dha na *bhios* maith a'd' shùilbh; agus ge b'e ni a dh'farras tusa orm, ni mi e dhuith.

39 Agus chaidh an sluagh uile thar Iordan, agus chaidh an righ thairis: agus phòg an righ Barsillai, agus bheannaich se e; agus phill e d'a àite féin.

40 An sin chaidh an righ airghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an righ, agus mar an ceudna leth sluagh Israeil.

41 Agus, feuch, thàinig fir Israeil uile dh'ionnsuidh an righ, agus thubhairt iad ris an righ, C'ar son a ghoid ar bràithrean fir Iudah thu air falbh, agus a thug iad an righ agus a theaghlach, agus daoine Dhaibhidh uile maille ris thar Iordan?

42 Agus fhreagair fir Iudah uile fir Israeil, A chionn gu bheil an righ fagus an dàinnh dhuinne: c'ar son ma ta a tha fearg oirbhe air son an ni so? an d'ith sinn a' bheag o'n righ? no'n d'thug e tiodhlac sam bith dhuinn?

43 Agus fhreagair fir Israeil fir Iudah, agus thubhairt iad, *Tha* deich earrannan² againne anns an righ, agus *tha* mar an ceudna tuilleadh *còir* againn ann an Daibhidh na *th'* againhse: c'ar son ma ta a rinn sibh tàir oirne? agus nach b'e ar gnothuch-ne an toiseach ar righ a thabhairt air ais³? Agus bu ghairge briathran fhear Iudah na briathran fhear Israeil.

CAIB. XX.

1 Rinn Seba agus fir Israeil ceannaire an aghaidh Dhaibhidh. 10 Mharbh Iobab Amasa; 14 agus chaidh e air tòir Sheba gu Abel. 16 Shaor bean

ghlic am baile le ceann Sheba a thoirt do Iobab. 23 Luchd-dreuchd Dhaibhidh.

A GUS thachair gu'n robh duine an sin le Belial, do'm b'ainm Seba, mac Bhichri, Beniamineach; agus shéid e trompaid, agus thubhairt e, Cha 'n eil againne cuibhrionn sam bith ann an Daibhidh, agus cha 'n eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine do Israel suas o *bhi* n déigh Dhaibhidh, agus lean iad Seba mac Bhichri: ach dhlùth-lean daoine Iudah r'an righ, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem; agus ghabh an righ an deichnear bhan, a choimhleabacha, a dh'fhàg e a ghleidheadh an tighe, agus chuir e ann an gaintir⁴ iad, agus bheathaich e iad, ach cha deachaidh e stigh d'an ionnsuidh; agus bha iad air an druidealh suas gu là am bàis, a' caitheamh am beatha ann am bantrachas.

4 An sin thubhairt an righ ri Amasa, Cruinnich dhomhsa fir Iudah an ceann thri làithean, agus seas féin an so.

5 Agus dh'fhalbh Amasa a chruinneachadh fhear Iudah: ach dh'fhan e ni b'fhaide na'n t-àm suidhichte a shonraich esan dha.

6 Agus thubhairt Daibhidh ri Abisai, A nis ni Seba, mac Bhichri, tuille croin duinn na rinn Absalom: gabh thusa seirbhisich do thighearn, agus falbh air a thoir, air eagal gu'm faigh e dha féin bailte daing-nichte, agus gu'n téid e as uainn.

7 Agus chaidh a mach 'na dhéigh fir Iobab, agus na Ceretich, agus na Peletich, agus na *fir* threuna uile: agus chaidh iad a mach a h-Ierusalem, a dhol air tòir Sheba, mhic Bhichri.

8 An uair a bha iad aig a' chloich mhòir a tha ann an Gheon, thàinig Amasa rompa. Agus bha Iobab crioslaichte le falluinn a chuir e uime, agus oirre sin crios le claidheamh ceangailte air a leis 'na thruaill; agus an uair a chaidh e air aghaidh, thuit e aiste.

9 Agus thubhairt Iobab ri Amasa, Am bheil thu slàn, a bhràthair? Agus ghlaic Iobab le 'dheas làimh Amasa air 'fheusaig, a thabhairt pòige dha.

10 Ach cha d'thug Amasa fa'near an claidheamh a bha ann an làimh Iobab: agus bhuail e leis e fuidh 'n chùigeadh aise, agus leig e mach a mhionach a dh'ionnsuidh an làir, agus cha do bhuail e ris e; agus fhuair e bàs. Agus chaidh Iobab, agus a bhràthair Abisai, air tòir Sheba, mhic Bhichri.

¹ eallaich. ² cuibhrionnan. ³ nach d'iarradh ar comhairle air tús a thabhairt ar righ air ais.

⁴ prìosan.

II. SAMUEL, XX. XXI.

11 Agus sheas fear do òganaich Ioaib làimh ris, agus thubhairt e, Esan leis an iomhuinn Ioaib, agus esan a *tha* le Daibhidh, leanadh e Ioaib.

12 Agus bha Amasa 'ga aonairt¹ am fuil am meadhon an rathaid mhòir. Agus an uair a chunnaic an duine gu'n d'fhan an sluagh uile 'nan seasamh, dh'atharraich e Amasa o'n rathad mhòr do'n achadh, agus thilg e eudach air, an uair a chunnaic e gu'n d'fhan gach neach a thàinig làimh ris 'nan seasamh.

13 An uair a dh'atharraicheadh e o'n rathad mhòr, chaidh an sluagh uile air an aghaidh an dèigh Ioaib, a dhol air tòir Sheba mhic Bhichri.

14 Agus chaidh e air feadh uile threubhan Israeil gu h-Abel-Bhetmaacah, agus na Berich uile: agus chruinnicheadh iad an ceann a chéile, agus chaidh iad mar an ceudna 'na dhéigh.

15 Agus thàinig iad, agus theannaich² iade, ann an Abel-Bhetmaacah, agus chuir iad suas tòrr³ an aghaidh a' bhaile, agus sheas e làimh ris a' bhalla⁴: agus rinn an sluagh uile a *bha* maille ri Ioaib an dìchioll air a' bhalla a leagadh sìos.

16 An sin ghlaodh bean ghlic a mach as a' bhaile, Eisdibh, éisdibh; abraibh, guidheam oirbh, ri Ioaib, 'Thig am fagus an so, agus labhairidh mi riut.

17 Agus an uair a thàinig e 'm fagus d'i, thubhairt a' bhean, An tu Ioaib? Agus fhreagair esan, *Is mi*. An sin thubhairt i ris, Eisd ri briathraibh do bhanoglaich. Agus fhreagair esan, *Tha mi ag éisd-eachd*.

18 An sin labhair i, ag ràdh, Gu cinnteach labhair iad an toiseach, ag ràdh, Gu deimhin iarraidh iad *sìth* air Abel: agus mar sin crìochnaichidh iad an *gnothuch*⁵.

19 *Is aon* mise dhiubhsan a *tha* sìochail agus fìrinn each⁶ ann an Israel: ach *tha* thusa ag iarraidh baile a sgrios, agus màthair ann an Israel. C'ar son a shluigcas tu suas oighreachd an Tighearn?

20 Agus fhreagair Ioaib agus thubhairt e, Gu ma fada, fada sin uamsa, gu'n sluiginn suas, no gu'n sgriosainn.

21 Cha 'n ann mar sin a *tha* an gnothuch: ach thog duine do shliabh Ephraim, d'an ainm Seba mac Bhichri, a làmh suas an aghaidh an rìgh, an aghaidh Dhaibhidh: thugaibh esan a mhàin thairis, agus imichidh mi o'n bhaile. Agus thubhairt a' bhean ri Ioaib, Feuch, tilgear a cheann a d' ionnsuidh thar a' bhalla.

22 An sin chaidh a' bhean a dh'ionnsuidh an t-sluaigh uile 'na gliocas⁷: agus ghearr iad ceann Sheba mhic Bhichri dheth, agus thilg iad a mach e dh'ionnsuidh Ioaib: agus shéid e trompaid, agus chaidh iad air falbh o'n bhaile, gach fear a dh'ionnsuidh a bhùtha. Agus phill Ioaib do Ierusalem a dh'ionnsuidh an rìgh.

23 A uis bha Ioaib os ceann armailte Israeil uile: agus *bha* Benaiah mac Iehoiada os ceann nan Cereteach, agus os ceann nam Peleteach:

24 Agus bha Adoram os ceann na cìse: agus *bha* Iehosaphat mac Ahiluid 'na sheanachaidh:

25 Agus *bha* Sebha 'na sgrìobhaiche: agus b'iad Sadoc agus Abiatar na sagairt:

26 Agus mar an ceudna bha Ira an Iair-each 'na àrd riaghlair⁸ aig Daibhidh.

CAIB. XXI.

¹ *Sguir a' ghorta a bha san tìr 'nuair a chroch na Gibeonaich seachdnar do mhic Shaul.* ¹² *Dh'adhlac Daibhidh cnàmhan Shaul agus Ionatain.* ¹³ *Chog seirbhìsich Dhaibhidh an aghaidh nam Philisteach.*

AGUS bha gorta ann an làitlibh Dhaibhidh, rè thri bliadhna, bliadhna 'n dèigh bliadhna. Agus dh'fhiosraich Daibhidh do'n Tighearn⁹, agus fhreagair an Tighearn, *Is ann* air son Shaul, agus air son a thighe fluileachdaich *a tha i*, a chionn gu'n do mharbh e na Gibeonaich.

2 Agus ghairm an rìgh air na Gibeonaich, agus thubhairt e rin; (a nis cha robh na Gibeonaich do chloinn Israeil, ach do iarmad¹⁰ nan Amorach; agus thug clann Israeil mionnan doibh: agus dh'iarr Saul am marbhadh, 'na eud¹¹ air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air blur son? agus cia leis a ni mian réite, a chum gu'm beannaich sibh oighreachd an Tighearn?

4 Agus thubhairt na Gibeonaich ris, Cha bhi againne airgid no òr o Shaul, no o a thigh¹²; agus air ar soinne cha mharbh thu duine sam bith ann an Israel. Agus thubhairt esan, *An ni* a their sibh, ni mise dhuibh¹³.

5 Agus fhreagair iad an rìgh, An duine chuir as duinn, agus a smuainich 'nar n-aghaidh sinn a bhi air ar sgrios, air chor as nach fanamaid ann an crìch air bith do Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearn, ann an Gibeath Shaul, a thagh

uachdaran.

Iehobhak. Eabh.

¹¹ *'na theas-ghràdh.*

maillle r'a thigh. Eabh.

¹³ *Ciod ma ta a b'àill leibh gu'n deanainn-sa dhuibh?*

⁹ *dh'iarr Daibhidh gnùis*

Iehobhak. Eabh.

¹⁰ *fluigheal: iarsma. Eir.*

¹² *maillle ri Saul, no*

¹³ *Ciod ma ta a b'àill*

¹ *aoineagran.*

² *besieged. Sasg.*

³ *dùn.*

⁴ *anns a' chlais.*

⁵ *labhair i, ag ràdh, Bu*

ghnàth leo labhairt san t-sean aimsir, ag ràdh, Gu

deimhin iarraidh iad comhairle ann an Abel: agus

mar sin chrìochnaich iad a' chùis.

⁶ *dileas.*

⁸ *'na àrd*

⁷ *agus labhair i 'na gliocas.*

II. SAMUEL, XXI. XXII.

an Tighearn. Agus thubhairt an rìgh, Bheir mi *dhuibh iad*.

7 Ach chaomhain an rìgh Mepliboset mac Ionatain, mhic Shaul, air son mhionnan an Tighearn a *bha* eatorra, eadar Daibhidh agus Ionatan mac Shaul.

8 Ach ghabh an rìgh dà mhac Rispah nighinn Aiah, a rug i do Shaul, Armoni agus Mepliboset; agus cuignear mhac Mheroib¹ nighinn Shaul, a rug i do Adriel mac Bharsillai a' Mheholataich;

9 Agus thug e thairis iad do làimh nan Gibeonach, agus chroch siad iad anns an t-sliabh ann fianuis an Tighearn: agus thuit an t-seachdnar sin cuidcachd, agus chuireadh gu bàs iad ann an ceud làithibh an fhogharaidh, ann an toiseach fogharaidh an eorna.

10 Agus ghabh Rispah nighean Aiah saic-eudach, agus sgaoil i dhi féin e air a' charraig, o thoiseach an fhogharaidh gus an do shil uisge orra o nèamh: agus cha do leig i le eunlaith an athair fois a ghabhail orra san là, no do fhiadh-bheathaichibh na macharach san oidheche.

11 Agus dh'innseadh do Daibhidh ciod a rinn Rispah, nighean Aiah, coimhleabach Shaul.

12 Agus dh'fhalbh, Daibhidh, agus thug e o dhaoineibh Iabeis-ghilead cnàmhnan Shaul, agus cnàmhan a mhic Ionatain, a ghoid iad o shràid Bhet-sain, far an do chroch na Philistich iad, anns an là air an do mharbh na Philistich Saul ann an Gilboa:

13 Agus thug e nìos as a sin cnàmhan Shaul, agus cnàmhan Ionatain, a mhic: agus chruinnich iad cnàmhan na muinntir a chrochadh.

14 Agus dh'adhlac iad cnàmhan Shaul, agus a mhic Ionatain, ann an tìr Bheniamin ann an Selah, ann an àit-adhlacaidh Chis 'athar. Agus rinn iad gach nì a dh'àithn an rìgh: agus 'na dhéigh sin bha Dia réidh ris an tìr².

15 Agus bha cogadh aig na Philistich fathast ri Israel; agus chaidh Daibhidh sìos agus a sheirbhisich maille ris, agus chog iad ris na Philistich; agus dh'fhàs Daibhidh sgìth.

16 Agus thubhairt Isbi-benob³, a bha do shliochd an fhamhair, (agus aig am b'e cothrom cinn a shleagha trì cheud secel umha, agus e crioslaichte le crios⁴ nomha,) gu'm marbhadh e Daibhidh.

17 Ach rinn Abisai mac Sheruaich còmh-nadh ris, agus bhual e am Philisteach, agus mharbh se e. An sin mhionnaich fir Dhaibhidh dha, ag ràdh, Cha téid thu mach nì's mò maille ruinne gu cath, chum

nach cuir thu as lòchran Israel.

18 Agus 'na dhéigh so bha cath a rìs ann an Gob⁵ ris na Philistich: an sin bhual Sibechai an Husatach Saph⁶, a *bha* do shliochd an fhamhair.

19 Agus bha rìs cath ann an Gob ris na Philistich: agus bhual Elhanan mac Isareoregim Lahmi⁷ bràthair Gholiath a' Ghitich; agus *bha* crann a shleagha mar gharainn figheadair.

20 Agus bha fathast cath ann an Gat, far an robh fear do mheud *mhòir*, agus sè meoir aige air gach làimh, agus sè meoir air gach cois, ceithir thar fhichead an àireamh; agus rugadh esan mar an ceudna do'n fhamhair.

21 Agus an uair a thug e dùbhlàn⁸ do Israel, mharbh Ionatan, mac Shimeah, bràthar Dhaibhidh e.

22 Rugadh a' cheathrar sin do'n fhamh air ann an Gat, agus thuit *iad* le làimh Dhaibhidh, agus le làimh a sheirbhiseach.

CAIB. XXII.

1 *Laoidh bhuidheachais le Daibhidh do bhrìgh gu'n do shaor an Tighearn e á làimh a naimhdean.*

A GUS labhair Daibhidh ris an Tighearn briathra na laoidhe so, anns an là air an do shaor an Tighearn e á⁹ làimh a naimhdean uile, agus á làimh Shaul:

2 Agus thubhairt e, *Is e'n* Tighearna mo charraig, agus mo dhaingneach, agus mo shlànùighear.

3 *Is e* Dia mo charraig; earbaidh mi as: mo sgìth agus adharc mo shlàinte, mo thùr àrd agus mo dhìdean: m'fhear-saoraidh; o ainneart saoraidh tusa mi.

4 Gairmidh mi air an Tighearn, *a's* airidh air cliu; agus o m' naimhdibh saorair mi.

5 Oir chuairtich tonnan a' bhàis mi: chuir tuilte dhroch dhaoine eagal mu.

6 Dh'iadh cuird¹⁰ ifrinn m' m' thimchioll: ghabh lìontan¹¹ a' bhàis romham.

7 A'm' airc ghairm mi air an Tighearn, agus ri m' Dhia ghlaodh mi, agus chual' e o 'theampull mo ghuth, agus ràinig mo ghlaodh a chluasan.

8 Agus chrathadh agus chrìothnach an talamh: ghluaiseadh bunaite na nèamh¹² agus chrathadh iad, a chionn gu'n robh fearg air.

9 Chaidh deatach suas o 'shròn, agus loisg teine as a bheul: lasadh eibhlean leis.

10 Agus lùb e a nèamhan, agus thàinig e nuas; agus dorchadas fo' chlosaibh.

11 Agus mharcaich e air cherub, agus chaidh e air iteig: agus dh'itealaich¹³ e air sgiathaibh na gaoithe.

12 Agus rinn e dorchadas 'na phàill-

¹ *Mhichail.*

² *dh'èisd Dia ri athcheuinge*

muinntir na tìre.

³ *shaol Isbi-benob, chuir e*

roimhe.

⁴ *claidheamh.*

⁵ *Gesar.*

⁶ *Sipoì.*

⁷ *mac Iare-oregim Betlehemach. Faic I. Eachdr.*

Caib. XX. r. 5.

⁸ *masladh.*

⁹ *as.*

¹⁰ *pianta.*

¹¹ *ribeacha.*

¹² *nam beann.*

¹³ *chumcas.*

II. SAMUEL, XXII.

iunaibh m'a thimchioll, comh-chruinn-eachadh nan uisgeacha¹, neoil thiugha nan speur.

13 Leis an dealradh a bha fa 'chomhair lasadh eibhlean teine.

14 Rinn an Tighearna tairneanach o na n-èamhaibh, agus leig an Tì a's àird' a ghuth a mach.

15 Agus chuir e mach saighdean, agus sgape iad; dealanach agus chlaoidh e iad².

16 Agus leigeadh ris aigean na fairge, nochdadh bunaite an domhain, le ach-mhasan an Tighearna, le séideadh anaile a shroine.

17 Chuir e nuas o'n àird, ghlac e mi; tharruing e mi á mórán uisgeacha.

18 Shaor e mi o m' naimhaid làidir, uathasan a dh'fhuathaich mi; oir bu treise iad na mise.

19 Ghabh iad romham ann an là m'àmghair: ach b'e 'n Tighearna mo chluì-taice.

20 Agus thug e mach mi gu ionad farsaing: shaor e mi, a chionn gu'n do ghabh e tlachd annam.

21 Thug an Tighearna luaigheachd dhomh a réir m'ionracais: a réir gloine mo làmh dhiol e dhomh.

22 Oir ghléidh mi slighean an Tighearn, agus o m' Dhia cha do chlaon mi gu h-aingidh.

23 Oir bha a bhreitheanais uile a'm' fhianuis: agus a reachdan cha do chuir mi uam³.

24 Agus bha mi ionraic 'na fhianuis, agus ghléidh mi mi féin o m' aingidh-eachd⁴.

25 Uime sin dhiol an Tighearna dhomh a réir m'ionracais, a réir mo ghloine ann an sealladh a shùil.

26 Do'n duine thròcaireach nochdadh tu thu féin thròcaireach, agus do'n duine ionraic nochdadh tu thu féin ionraic.

27 Do'n duine ghlan nochdadh tu thu féin glan, agus do'n duine reasgach nochdadh tu thu féin reasgach.

28 Agus an sluagh a ta fo àmhghar saoraidh tu: ach a ta do shùilean an aghaidh nan uaibhreach; bheir thu nuas iad⁵.

29 Oir lasaidh tusa mo lòchran⁶, a Thighearna: agus soillsichidh an Tighearn mo dhorchadas.

30 Oir leatsa ruith mi troimh bhuidhinn: le m' Dhia leum mi thar balla.

31 A thaobh Dhé, tha a shlighe iomlan; tha focal an Tighearn air a dhearbhadh: is sgiath e dhoibhsan uile a chuireas an dòchas ann⁷.

32 Oir cò a's Dia ann ach an Tighearn?

agus cò a's carraig ann ach ar Dia-ne?

33 Is e Dia mo neart agus mo chumhachd⁸; agus tha e deanamh mo shlighe iomlan.

34 Tha e deanamh mo chos mar chosan eilde: agus air m'aitibh àrda socraichidh e mi.

35 Tha e 'g iunnsachadh mo làmh gu cath, air chor as gu'm brisear bogha umha le m' ghairdeinibh.

36 Agus thug thu dhomh sgiath do shlàinte: agus rinn do chaoimhneas mòr mi.

37 Rinn thu mo cheum farsaing fodham, air chor as nach do shleamhnaich mo chosan.

38 Lean mi mo naimhdean, agus rug mi orra⁹; agus cha do phill mi air m'ais gus an do chuir mi as doibh.

39 Agus lot mi iad¹⁰, agus cha 'n éirich iad; agus thuit iad fo m' chosaibh.

40 Oir chrìosaidh thu mi le neart chum catha: leag thu iadsan a dh'éirich suas a'm' aghaidh, sìos fodham,

41 Agus mo naimhde thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; eadhon a dh'ionnsuidh an Tighearn, ach cha do fhreagair e iad.

43 An sin mhin-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaor thu mi o chomhstri¹¹ mo shluagh; ghléidh thu mi gu bhi 'm cheann¹² air na cinnich: ni sluagh nach b'aithne dhomh seirbhis dhomh.

45 Strìochdaidh coigrich sìos dhomh¹³; co luath 'sa chluinneas iad, géillidh iad dhomh.

46 Seargaidh coigrich as, agus bithidh eagall orra a mach as an àitibh daingne.

47 Is beò an Tighearn, agus gu na beannaichte mo charraig-sa: agus air 'ardachadh gu robh Dia, carraig mo shlàinte.

48 Is e Dia a ni dìoghaltas air mo shon-sa, agus a chuireas sìos an sluagh fodham.

49 Agus a bheir a mach mi o m' naimhidh: agus os an ceann-san a dh'éirich suas a'm' aghaidh thog thu suas mi; o fhear an ainneirt shaor thu mi.

50 Uime sin clùthaichidh mi thu¹⁴ a Thighearn, am measg nan cinneach, agus do t'ainm seinnidh mi.

51 Bheir esan saorsa mòr d'a rìgh¹⁵, agus nochdaidh e tròcair d'a aon ungta féin, do Dhaibhidh, agus d'a shliochd gu bràth.

¹ uisgeacha dorch. ² chuir e gu h-amhladh iad.

³ cha do dhealaich mi riù. ⁴ o m' pheacannaibh.

⁵ ach na sùilean àrda bheir thu nuas.

⁶ is tu mo lòchran. ⁷ a dh'earbas as.

⁸ a tha 'gam chrìoslachadh le neart.

⁹ sgrìos mi iad.

¹⁰ lot mi iad. ¹¹ strìbh. ¹² ni thu mi a'm' cheann.

¹³ ni coigrich brùg dhomh. Eabh.

¹⁴ aidichidh mi dhuit, bheir mi buidheachas dhuit.

¹⁵ Is esan tìr slàinte a rìgh.

CAIB. XXIII.

1 'Na bhrìathraibh deireannach chair Dailbhidh an cèill sonas an duine ionraic, agus sgrìos an aingidh. 8 Ainmean a dhaoine treun.

ANIS is iad so briathra deireannach Dhaibhidh. Thubhairt Daibhidh mac Iese, agus thubhairt an duine a chuir eadh suas gu h-àrd, aon ungta Dhé la-coib, agus salmadair binn Israeil;

2 Labhair spiorad an Tighearna tromham-sa, agus fhocal air mo theangaidh.

3 Thubhairt Dia Israeil, labhair carraig Israeil riumsa: *Bithidh* esan a riaghlas os ceann dhaoine ceart, a' riaghladh ann an eagal Dé:

4 Agus mar sholus na maidne 'nuair a dh'éireas a' ghrian¹, maidne gun neoil; mar am fear a' fàs as an talamh le dealradh an déigh uisge.

5 Ged nach 'eil mo thigh mar sin aig Dia, gidheadh rinn e coimhcheangal sìorruidh riumsa, air a shuidheachadh anns gach nì, agus a choimhdear²: oir is e so mo shlàinte uile, agus mo mhian uile, ged nach 'eil e toirt air fàs.

6 Ach *bithidh mic* Bheliail uile mar dlùroighionn a thilgear air falbh, a chionn nach glacar le làimh iad:

7 Ach am fear a bheanas riu, dìonar³ e le h-iarunn, agus le crann sleagha; agus le teine loisgear gu tur iad far am fàs iad⁴.

8 Is iad so ainmean nan daoine treuna a bha aig Daibhidh: Iasobeam, mac Hachmoni, 'na cheann air triuir; thog esan a shleagh an aghaidh thri ceud, a mharbhadh leis san aon àm⁵.

9 Agus 'na dhéigh-san bha Eleasar mac Dhodo an t-Ahohach, aon do'n triuir dhaoine treuna a bha maille ri Daibhidh, an uair a thug iad dubhlán⁶ do na Philistich⁷ a chruinnicheadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gus an robh a làmh sgèth, agus gu'n do lean a làmh ris a' chlàidheamh. Agus dh'oibrich an Tighearna saorsa mhòr air an là sin; agus phill an sluagh 'na dhéigh a mhàin a dh'fhaobhachadh⁸.

11 Agus 'na dhéigh-san bha Samah, mac Agee, an Hararach. Agus chruinnicheadh an Philistich 'nam buidhinn, far an robh mìr fèaraim làn do ghall-pheasair: agus theich an sluagh roimh na Philistich.

12 Ach sheas esan am meadhon an fhear-

ainn, agus dhòn se e, agus bhuail e na Philistich: agus dh'oibrich an Tighearna saorsa mhòr.

13 Agus chaidh triuir do na deich ceann-arda fichead sìos, agus thàinig iad an àm an fhogharaidh a dh'ionnsuidh Dhaibhidh, do uaimh Adullaim: agus champaich buidheann nam Philisteach ann an gleann Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bet-lehem.

15 Agus mhiannaich Daibhidh, agus thubhairt e, O gu'n tugadh fear-éigin dhomh deoch uisge o thobar Bhet-lehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharuing iad uisge a tobar Bhet-lehem, a bha làimh ris a' gheata, agus ghabh iad e, agus thug iad leo e dh'ionnsuidh Dhaibhidh: gidheadh cha b'àill leis òl deth, ach thaom e mach e do'n Tighearna.

17 Agus thubhairt e, Gu ma fada uamsa, a Tighearna, so a dheanamh: an *dàinn-se* fìil nan daoine a chaidh ann an cunnart⁹ an anama? uime sin cha b'àill leis òl deth. Na nithe sin rinn an triuir dhaoine treuna.

18 Agus bha Abisai bràthair Ioaib, mac Sheruah, 'na cheann air triuir; agus thog e suas a shleagh an aghaidh thri ceud, a mharbh e; agus fhuair e ainm am measg thriuir.

19 Do'n triuir nach b'e a b'urramaiche? uime sin bha e 'na cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah mac Iehoiada, mhic duine ghaigseil, o Chabseel, a rinn mòran ghnìomhara, mharbh esan dìthis fhèar leòmhanta¹⁰ do Mhoab: chaidh e sìos mar an ceudna, agus mharbh e leòmhnan ann am meadhon sluichd an àm sneachdaidh.

21 Agus mharbh e Eiphiteach, duine comharaichte¹¹: agus ann an làimh an Eiphitich bha sleagh; ach chaidh esan sìos d'a ionnsuidh le luig, agus spion e 'n t-sleagh a làimh an Eiphitich agus mharbh e le 'shleagh féin e.

22 Na nithe sin rinn Benaiah mac Iehoiada; agus bha ainm aige am measg triuir dhaoine treuna.

23 Do'n triuir¹² b'e a b'urramaiche, ach cha d'ràinig e gu ruig a' cheud triuir:

¹ Agus mar sholus na maidne éiridh Ichobah a' ghrian.

³ Ìonar. Eabh.

⁵ Na àite-taibh. Eabh.

daoine treuna a bha aig Daibhidh: Au Tachmonach a shuidhe anns a' chaithir, ceann nan ceannard; (b'e so Adino an t-Eseach); thog e suas a shleagh an

² cinn-teach.

⁴ anns an àite cheudna;

⁶ Is iad so ainmean nan

aghaidh ochd ceud, a mharbh e san aon àm. Faic I. Eachdr. Caib. XI. r. 11.

⁷ ann am Pas-damin. I. Eachdr. Caib. XI. r. 13.

⁸ chreacadh.

¹⁰ treun mar leòmhain.

¹² do'n deich thar flichead.

⁶ masladh.

⁹ cunnart.

¹¹ mòr, tlachdmhor.

II. SAMUEL, XXIII. XXIV.

agus chuir Daibhidh e os ceann a fhreic-eadain.

24 *Bha* Asahel bràthair Ioaib am measg an deich thar fhichead, Elhanan mac Dhodo o Bhet-lehem,

25 Samah an Harodach, Elica an Harodach,

26 Heles am Paltach, Ira mac Iceis an Tecoach,

27 Abieser an t-Antetotach, Mebunai an Husatach,

28 Salmon an t-Ahohach, Maharai an Netophatach,

29 Heleb mac Bhaanah, an Netophatach, Itai mac Ribai o Ghibeah chloinn Bheniamin,

30 Benaiah am Piratonach, Hidai o shruthaibh Ghaais,

31 Abialbon an t-Arbatach, Asmabhet an Barhumach,

32 Eliabha an Saalbonach: do mhacaibh Iasein, Ionatan,

33 Samah an Hararach, Ahiam mac Sharair an Hararach,

34 Eliphelet mac Ahasbai, mhic a' Mhaachataich, Eliam mac Ahitopheil an Gilonach,

35 Hesrai an Carmeach, Paarai an t-Arbach,

36 Igal mac Natain o Shobah, Bani an Gadach,

37 Selec an t-Amonach, Naharai am Beerotach, fear iomchair arm Ioaib, mhic Sheraiah,

38 Ira an t-Iteach, Gareb an t-Iteach.

39 Uriah an Hiteach: seachd deug thar fhichead uile.

CAIB. XXIV.

1 Chuir Daibhidh Ioaib a ghabhail àireimh Israeil.

13 *Air son so tha plàigh am measg an t-sluaigh.*

15 *Bhàsaich deich agus trì fichead mìle fear leis a' phlàigh.* -18 *Thug Daibhidh altair ann an urlar buailidh Araunah.*

AGUS a rìs las fearg an Tighearn an aghaidh Israeil, agus bhrosnaich e¹ Daibhidh 'nan aghaidh, a ràdh, Falbh, gabh àireamh Israeil agus Iudah.

2 Oir thubhairt an rìgh ri Ioaib ceannard an t-slàigh, a *bha* maille ris, Imich a nis air feadh uile threubhan Israeil, o Dhan eadhon gu Beerseba, agus gabh² àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearna do Dhia ris an t-sluaigh, (ge b'e ciod an t-àireamh a th'ann diubh,) fathast a' cheud uibhir, agus gu'm faicheadh sùilean mo thighearn an rìgh e: ach car son tha mo thighearn an rìgh a' gabhail tlachd anns an ni so?

4 Gidheadh, bhuadhaich focal an rìgh an aghaidh Ioaib, agus an aghaidh cheannardan an t-slàigh, agus chaidh Ioaib agus ceannardan an t-slàigh a mach á fianuis an rìgh, a ghabhail àireimh sluaigh Israeil.

5 Agus chaidh iad a null thar Iordan, agus champaich iad ann an Aroer, air taobh mu dheas a' bhaile, a *tha* ann am meadhon aimhne³ Ghad, agus leth ri Gaser:

6 An sin thàinig iad gu Gilcad, agus gu fearann ìochdarach⁴ Hodsi; agus thàinig iad gu Dan-iaan, agus mu'n cuairt gu Sidon,

7 Agus thàinig iad gu daingneach Thiruis, agus gu uile bhailtibh nan Hibheach, agus nan Canaanach; agus chaidh iad a mach do'n taobh mu dheas do Iudah, gu Beerseba.

8 Agus an uair a chaidh iad air feadh na tìre uile, thàinig iad gu h-Ierusalem an ceann naoi mìos agus fhichead là.

9 Agus thug Ioaib suas làn àireamh⁵ an t-sluaigh do'n rìgh: agus bha ann do Israell ochd ceud mìle fear gaisgeil a tharruing claidheamh, agus do fhearaibh Iudah cùig ceud mìle fear.

10 Agus bhual cridhe Daibhidh e, an dèigh dha'n sluagh àireamh: agus thubhairt Daibhidh ris an Tighearna, Pheacaich mi gu mòr anns an ni a rinn mi: agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro amaideach.

11 Agus dh'èirich Daibhidh anns a' mhaduinn, agus thàinig focal an Tighearna dh'ionnsuidh an fhàidh Ghad, ùr-seallaidh Dhaibhidh, ag ràdh,

12 Falbh agus abair ri Daibhidh, Mar so tha'n Tighearna, ag ràdh, Tha mi cur thri *ni*the fa d' chomhair: ròghnaich dhuit féin aon diubh, a chum gu'n dean mi dhuite e.

13 Agus thàinig Gad a dh'ionnsuidh Dhaibhidh, agus dh'innis e dha, agus thubhairt e ris, An tig tri⁶ bliadhna gortaidh ort ann ad thir? no an teich thu tri mìosan roimh do naimhdeibh, agus iad an tòir ort? no am bi tri làithean plàigh ann ad thir? A nis smuainich, agus faic ciod a fhreagaireas mi dhasan a chuir uath mi.

14 Agus thubhairt Daibhidh ri Gad, Tha mi ann an teinn⁷ mhòir: tuiteamaid a nis ann an làimh an Tighearn, oir is lionmhor a thròcairean, ach ann an làimh duine na tuiteam.

15 Agus chuir an Tighearna plàigh air Israel, o'n mhaduinn eadhon gu ruig an t-àm suidhichte⁸: agus bhàsaich do'n

¹ agus sheas Satan an aghaidh Israeil agus bhrosnaich e. I. Eachdr. Caib. XXI. r. 1. ² gabhaibh.

³ srutha, glinne. ⁴ Tachtim. Eabh.

⁵ uibhir àircimh.

Caib. XXI. r. 12.

⁶ seachd. Faic I. Eachdr.

⁷ teanntachd, àirc.

⁸ àm a' chomh-chruimeachaidh.

t-sluagh o Dhan gu Beer-seba, deich agus trì fichead mìle fear.

16 Agus an uair a chuir an t-aingéal a mach a làmh gu h-Ierusalem g'a sgrìos, ghabh an Tighearn aithreachas a thaobh an uile, agus thubhairt e ris an aingéal a sgrìos an sluagh, *Is leòr e*: cum a nis air do làimh. Agus bha aingéal an Tighearna làimh ri urlar-bualaidh Araunah an Iebusaich.

17 Agus labhair Daibhidh ris an Tighearna 'nuair a chunnaic e'n t-aingéal a bhuail an sluagh, agus thubhairt e, Feuch, is mise a pheacaich, agus is mise a rinn gu h-aingidh; ach na caoraich sin, ciod a rinn iad? bitheadh do làmh, guidheam ort, a'n' aghaidh-sa, agus an aghaidh tighe m'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e ris, Gabh' suas, tog altair do'n Tighearn ann an urlar-bualaidh Araunah an Iebusaich.

19 Agus chaidh Daibhidh suas, a réir focail Ghad, mar a dh'àithn an Tighearn.

20 Agus dh'amhairc Araunah, agus chunnaic e'n rìgh agus a sheirbhisich a' teachd air an aghaidh d'a ionnsuidh: agus chaidh Araunah a mach, agus chrom se e féin do'n rìgh air 'a'ghaidh gu làr.

21 Agus thubhairt Araunah, C'ar son a thàinig mo thighearn an rìgh a dh'ionnsuidh a sheirbhisich? Agus thubhairt Daibhidh, a cheannach uait an urlair-bhualaidh, a thogail altarach do'n Tighearn, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus iòbradh² mo thighearn an rìgh an *ni sin a bhios* maith na shùilb: feuch, *tha* buar an so chum iobairt-loisgte, agus inncalan-bualaidh, agus acfuinn *eile* a bhuineas do'n bhuair air son comaidh.

23 Iad sin uile thug Araunah do'n rìgh³. Agus thubhairt Araunah ris an rìgh, Gu'n gabhadh an Tighearna do Dhia riut.

24 Agus thubhairt an rìgh ri Araunah, Ni h-eadh; ach gu deimhin ceannaichidh mi uait *iad* air luach; agus cha'n iobair mi iobairte-loisgte do'n Tighearna mo Dhia do'n ni sin a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearn, agus dh'ìobair e iobairte-loisgte, agus iobairte-sùil: agus bha'n Tighearna réidh ris an tìr, agus choisgeadh a' phlàigh o Israel.

¹ Rach.

² ofraileadh.

³ thug Araunah mar rìgh do'n rìgh.

CEUD LEABHAR NAN RIGH,

D' AN AINM, GU COITCHEANN,

TREAS LEABHAR NAN RIGH.

AIB. I.

1 Dh'eiridinn Abisag Daibhidh 'na shean aois.

5 Le còmhmadh Ioaib ghlac Adoniah an rìoghachd.

11 Chuir Natan Batseba dh'ionnsuidh Dhaibhidh

gu fìos a thoirt da mu'n chùis so. 38 Le ordugh

Dhaibhidh dh'ung Sadoc agus Natan Solamh.

41 Theich Adoniah, &c.

ANIS bha rìgh Daibhidh sean, agus air teachd air a'ghaidh ann am bliadhnaibh: agus chòmhdaich iad e le h-eudach, gidheadh cha do ghabh e blàthas.

2 Uime sin thubhairt a sheirbhisich¹ ris, Iarradh iad do m' thighearn an rìgh gruagach a ta 'na h-òigh, agus seasadh i am fiannis an rìgh, agus eiridneadh i e, agus luidheadh i ann ad uchd, a chum gu'n gabh an tighearna mo rìgh blàthas.

3 Uime sin dh'iarr iad gruagach mhaiseach air feadh uile chrìoch Israeil, agus fhuair iad Abisag, Ban-sunamach, agus

thug iad i a dh'ionnsuidh an rìgh.

4 Agus bha a' ghruagach ro mhaiseach, agus dh'eiridinn i an rìgh, agus fhritheil i dha; ach cha d'aithnich an rìgh i.

5 An sin dh'ardaich Adoniah mac Hagit e féin, ag ràdh, Rìoghaichidh mise: agus dh'ulluich e dha féin carbaid, agus mars-sluagh, agus leth-cheud fear a ruith roimhe.

6 Agus cha do chuir 'athair doilgheas² air uair sam bith³, ag ràdh, C'ar son a rinn thu mar so? Agus bha ean mar an ceudna ro mhaiseach 'na dhealbh; agus rugadh e an dèigh Absaloim.

7 Agus bha comhludard⁴ aige ri Ioaib mac Sheruah, agus ri Abiatar an sagart: agus a leantuinn Adoniah, rinn iad còmh-nadh ris.

8 Ach cha robh Sadoc an sagart, agus Benaiah mac Iehoiada, agus Natan am fàidh, agus Simci, agus Rei, agus na fir

¹ a mhuinntir.

² mìothlachd.

³ o a làithibh. Eabh.

⁴ còmhradh; focail. Eabh.

I. RIGH, I.

threuna, a *bhuineadh* do Dhaibhidh, maille ri Adoniah.

9 Agus dh'ìobair Adoniah caoraich agus buar, agus *spréidh* reamhar làimh ri cloich Shohélet, a *tha* làimh ri Enrogel; agus thug e cuireadh d'a bhràithribh uile, mic an rìgh, agus do fhearaibh Iudah uile, seirbhisich an rìgh.

10 Ach do Natan am fàidh, agus do Bhenaiah, agus do na fir threuna, agus do Sholamh a bhràthair, cha d'thug e cuireadh.

11 Uime sin Iabhair Natan ri Batseba màthair Sholaimh, ag ràdh, Nach cuala tu gu bheil Adoniah mac Hagit a' rioghachadh, agus cha 'n'eil fhios aig ar tigh-earna Daibhidh *air*?

12 A nis ma ta, leig dhomhsa, guidheam ort, comhairle a thabhairt ort, a chum gu'n saor thu t'anam féin, agus anam Sholaimh do mhic.

13 Inich, agus gabh a steach gu rìgh Daibhidh, agus abair ris, Nach d'thug thusa, mo thighearn, a rìgh, mionnan do d' bhanoglaich, ag ràdh, Gu deimhin rioghaichidh Solamh do mhac a'm' dhéigh-sa, agus suidhidh e air mo rìgh-chaitheir sa? c'ar son ma seadh a tha Adoniah a' rioghachadh?

14 Feuch, am feadh a bhios tusa fathast a' labhairt an sin ris an rìgh, thug mise mar an ceudna steach a'd' dhéigh¹, agus daingnichidh² mi do bhriathran.

15 Agus chaidh Batseba a steach a dh'ionnsuidh an rìgh, do'n t-seòmar: agus bha'n rìgh ro shean; agus fhrithheil Abisag a' Bhan-sunamach do'n rìgh.

16 Agus chrom Batseba sìos³, agus rinn i ùmhlachd do'n rìgh. Agus thubhairt an rìgh, Ciod a's àill leat?

17 Agus thubhairt ise ris, Mo thigh-earna, mhionnaich thu air an Tighearna do Dhia do d' bhanoglaich, ag ràdh, Gu cinnteach rioghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa:

18 Agus a nis, feuch, tha Adoniah a' rioghachadh, agus agad-sa, mo thigh-earna, a rìgh, cha 'n'eil fios *air*.

19 Agus dh'ìobair e buar, agus *spréidh* reamhar, agus caoraich gu lìonmhor, agus thug e cuireadh do mhic an rìgh uile, agus do Abiatar an sagart, agus do Iob ceannard an t-sloigh: ach do t'òglach Solamh cha d'thug e cuireadh.

20 Agus a nis mo thighearn, a rìgh, *tha* sùilean Israeil uile ort, a chum gu'n innseadh tu dhoibh cò a shuidheas air rìgh-chaitheir mo thighearn an rìgh 'na dhéigh féin.

21 Oir, *mur innis*, tarlaidh 'nuair a

choidheas mo thighearn an rìgh maille r'a aithrichibh, gu'm measar mise agus mo mhac Solamh 'nar ciontaich.

22 Agus, feuch, am feadh a bha i fathast a' labhairt ris an rìgh, thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an uair a thàinig e steach am fianuis an rìgh, chrom se e féin do'n rìgh le 'aghaidh gu làr.

24 Agus thubhairt Natan, Mo thigh-earna, a rìgh, an d'thubhairt thusa, Rìogh-aichidh Adoniah a'm' dhéigh-sa, agus suidhidh esan air mo rìgh-chaitheir?

25 Oir chaidh e sìos an diugh, agus dh'ìobair e buar, agus *spréidh* reamhar, agus caoraich gu lìonmhor; agus thug e cuireadh do mhic an rìgh uile, agus do cheannardaibh an t-sloigh, agus do Abiatar an sagart; agus, feuch, *tha* iad ag itheadh agus ag òl 'na làthair, agus their iad, Gu ma fada beò an rìgh Adoniah.

26 Ach dhomhsa, *eadhon*⁴ dhomhsa do sheirbhiseach, agus do Shadoc an sagart, agus do Bhenaiah mac Iehoiada, agus do t'òglach Solamh cha d'thug e cuireadh.

27 An ann le m' thighearn an rìgh a rinneadh an ni so, agus nach d'thug thu fios do d' sheirbhiseach cò a shuidheas air rìgh-chaitheir mo thighearn an rìgh 'na dhéigh féin?

28 Agus fhreagair rìgh Daibhidh, agus thubhairt e, Gairmibh a m' ionnsuidh Batseba, Agus thàinig i an làthair an rìgh, agus sheas i am fianuis an rìgh.

29 Agus mhionnaich an rìgh, agus thubhairt e, *Mar* is beò an Tighearn, a shaor m'anam as gach airc¹,

30 Amhuil mar a mhionnaich mi dhuith air an Tighearna Dia Israeil, ag ràdh, Gu deimhin rioghaichidh do mhac Solamh a'm' dhéigh-sa, agus suidhidh e air mo rìgh-chaitheir a'm' àite; gu cinnteach is ann mar sin a ni mi an diugh.

31 An sin chrom Batseba sìos le h-aghaidh gu làr, agus rinn i ùmhlachd do'n rìgh agus thubhairt i, Maireadh mo thigh-earna rìgh Daibhidh gu bràth.

32 Agus thubhairt rìgh Daibhidh, Gairmibh a m' ionnsuidh Sadoc an sagart, agus Natan am fàidh, agus Benaiah mac Iehoiada. Agus thàinig iad am fianuis an rìgh.

33 Agus thubhairt an rìgh riu, Thugaibh leibh seirbhisich blur thighearn, agus thugaibh air Solamh mo mhac marcachd air mo mhuileid féin, agus thugaibh sìos e gu Gilon;

34 Agus ungadh Sadoc an sagart, agus Natan am fàidh, an sin e 'na rìgh air Is

¹ a' d' dhiaigh.

² coimhlionaidh.

³ dh'aom Batseba a ceann,

⁴ teanntachd.

I. RIGH, I. II.

rael : agus séidibh se an trompaid¹, agus abraibh, Gu ma fada beò righ Solamh.

35 An sin thig sibh a nìos 'na dhéigh, agus thig esan, agus suidhidh e air mo righ-chaithir-sa, agus rioghaichidh e a'n' àite : agus dh'àithn mise e bhì 'na cheannard air Israel, agus air Iudah.

36 Agus fhreagair Benaiah mac Iehoiada an righ, agus thubhairt e, Amen² : gu'n abradh an Tighearna Dia mo thighearna an righ mar sin *cuideachd*.

37 Mar a bha'n Tighearna maille ri m' thighearnu an righ, gu ma h-amhluidh blios e le Solamh, agus gu'n àrdaich-eadh³ e a righ-chaithir thar righ-chaithir mo thighearna righ Daibhidh.

38 Agus chaidh Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh marcachd air muileid righ Daibhidh ; agus thug iad e gu Gihon.

39 Agus thug Sadoc an sagart corn⁴ oladh as a' phàilliu, agus dh'ung e Solamh ; agus shéid iad an trompaid, agus thubhairt an sluagh uile, Gu ma fada beò righ Solamh.

40 Agus thàinig an sluagh uile a nìos 'na dhéigh, agus bha'n sluagh a' pìobaireachd le pìobaibh, agus a' deanamh gairdeachais le mòr-ghairdeachas, air chor as gu'n do reubadh an talamh le'm fuaim.

41 Agus chual' Adoniah, agus na h-aoidhean⁵ uile a bha maille ris e, 'nuair a sguir iad a dh'itheadh : agus an uair a chual' Ioab fuaim na trompaide, thubhairt e, C'ar son a tha fuaim so a' bhaile, agus e làn comhghàir⁶ ?

42 Agus am feadh a bha esan fathast a' labhairt, feuch, thàinig Ionatan mac Abiatair an t-sagairt, agus thubhairt Adoniah ris, Thig a steach, oir is duine treun⁷ thu, agus bheir thu sgeul maith leat.

43 Agus fhreagair Ionatan, agus thubhairt e ri Adoniah, Gu dcimhin rinn ar tighearna righ Daibhidh Solamh 'na righ.

44 Agus chuir an righ leis Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich ; agus thug iad air marcachd air muileid an righ.

45 Agus dh'ung⁸ Sadoc an sagart, agus Natan am fàidh, e 'na righ ann an Gihon : agus thàinig iad a nìos as a sin a' deanamh gairdeachais, air chor as gu bheil am baile ri comh-ghàir⁸ : is i so an fhuaim a chuala sibh.

46 Agus mar an ceudna tha Solamh 'na shuidhe air caithir na rioghachd.

47 Agus os bàrr, thàinig seirbhisich an righ a bheannachadh ar tighearna righ Daibhidh, ag ràdh, Gu'n deanadh Dia ainm Sholaimh nì's fearr na t'ainmsa, agus gu'n àrdaicheadh e a righ-chaithir os ceann do righ-chaithir-sa : agus chrom an righ e féin air an leabaidh.

48 Agus cuideachd mar so thubhairt an righ, Gu ma beannaicht' an Tighearna Dia Israeil, a thug an diugh *duine* a shuidhe air mo righ-chaithir, agus mo shùilean féin 'ga fhaicinn.

49 Agus ghlac uamhas⁹ na h-aoidhean uile a bha maille ri Adoniah, agus dh'éirich iad, agus dh'imich iad gach fear air a shlighe féin,

50 Agus bha eagal air Adoniah roimh Sholamh, agus dh'éirich e, agus chaidh e, agus ghabh e greim do adharcaibh na h-altarach.

51 Agus dl'innseadh do Sholamh, ag ràdh, Feuch, tha eagal air Adoniah roimh righ Solamh, agus, feuch, ghabh e greim a dh'adharcaibh na h-altarach, ag ràdh, Thugadh righ Solamh a mhionnan dhomhsa an diugh, nach marbh e a sheirbhiseach leis a' chlaidheamh.

52 Agus thubhairt Solamh, Ma bhios e 'na dhuine maith¹⁰, cha tuit ròineag d'a fholt gu làr ; ach ma gheibhear olc ann, cuircar gu bàs e.

53 Agus chuir righ Solamh *fios air*, agus thug iad air teachd a nuas o'n altair, agus thàinig e agus chrom se e féin do righ Solamh. Agus thubhairt Solamh ris, Imich do d' thigh.

CAIB. II.

1 Thug Daibhidh àithne do Sholamh, agus fhuair e bàs. 12 Rìghich Solamh 'na àite. 23 Chuireadh Adoniah gu bàs. 26 Thig Solamh a mach Abiatar o bhi 'na shagart. 29 Mharbhadh Ioab aig adharcaibh na h-altarach.

ANIS thàinig làithean Dhaibhidh am fagus anns am faigheadh e bàs, agus dh'àithn e do Sholamh a mhac, ag ràdh,

2 Tha mise a' dol air slighe na talmhainn uile : bi thusa uime sin làidir, agus dean gu fearail :

3 Agus coimhid cùram an Tighearna do Dhé, a dh'imeachd 'na shligheibh, a ghleidheadh a rcachdan, agus 'àitheantan, agus a bhreitheanaidh, agus a theisteis, mar a tha e sgrìobhta ann an lagh Mhaois, a chum gu'n soirbhich leat¹¹ anns gach nì a ni thu, agus anns gach àite d'an tionndaidh tu thu féin ;

4 Chum gu'n daingnich an Tighearn 'fhocal féin, a labhair e a m' thaobh-sa, ag ràdh, Ma choimhideas do chlann an slighe, gu imeachd a m' fhianuis-sa ann am firinn, le'n uile chridhe, agus le'n uile

foghainteach.

⁸ air a lìonadh le fuaim.

⁹ uamham.

¹⁰ subhailteach, deadh-bheusach.

¹¹ gu'n dean thu gu glic.

¹ adharc, stoc.

² Bithheadh e mar sin.

³ gu'm meudaichadh.

⁴ adharc.

⁵ an luchd-cuiridh.

⁶ conghàir.

⁷ gaisgil,

I. RIGH, II.

anam, cha bhi (ars' esan) duine dh'eas-
bluaidh ort¹ air righ-chaithir Israeil.

5 Os barr, tha fhios agad ciod a rinn
Ioab mac Sherniah ormsa, agus ciod a
rinn e air dà cheannard slòigh Israeil, air
Abner mac Neir, agus air Amasa mac
Ieteir; oir mharbh e iad, agus dhòirt e
fuil a' chogaidh anns an t-sìth, agus chuir
e fuil a' chogaidh air a chrìos a *bha* m'a
leasraidh, agus air a' bhrògaibh a *bh'* air
a chosaibh.

6 Dean thusa ma ta a réir do ghliocais,
agus na leig le 'cheann liath dol sìos do'n
uaigh ann an sìth.

7 Ach nochd caoimhneas do mhacaibh
Bharsillai a' Ghileadaich, agus bitheadh
iad ann meas; an dream a dh'itheas aig
do bhord; oir is ann mar so a thàinig iad
a m' ionnsuidh-sa 'nuair a theich mi roimh
Absalom do bhràthair.

8 Agus, feuch, maille riut *tha* Simeì,
mac Ghera, Beniamineach o Bhahurim, a
mhallaich mise le mallachadh geur, anns
an là san deachaidh mi do Mhahanaim:
ach thàinig e a nuas a'm' choimneamh gu
Jordan, agus ionnuaich mi dha air an
Tighearn, ag ràdh, Cha chuir mi gu bàs
leis a' chhlaidheamh thu.

9 A nis ma ta na meas neo-chiontach
e²; oir is duine glic thu, agus tha fhios
agad ciod is còir dhuit a dheanamh ris;
ach thoir a cheann liath sìos do'n uaigh
le fuil.

10 An sin choidil Daibhidh maille r'a
aithrichibh, agus dh'adhlacaidh e ann am
baile Dhaibhidh.

11 Agus *b'iad* na làithean a rìghich
Daibhidh os ceann Israeil dà fhichead
bliadhna: ann an Hebron rìghich e seachd
bliadhna, agus ann an Ierusalem rìghich
e trì bliadhna deug thar fhichead.

12 An sin shuidh Solamh air righ-
chaithir Dhaibhidh 'athar, agus dhaing-
nicheadh a rioghachd gu mòr.

13 Agus thàinig Adoniah mac Hagit gu
Batseba màthair Sholaimh; agus thubhairt
i, An ann an sìth a tha thu teachd?
agus thubhairt esan, Ann an sìth.

14 Thubhairt e os barr, Tha ni agam ri
ràdh riut. Agus thubhairt ise, Abair
romhad.

15 Agus thubhairt esan, Tha fhios agad
gu'm bu lcamsa an rioghachd, agus gu'n
do chuir Israel uile an aghaidh orm, chum
gu'n rioghaichinn: gidheadh, thionn-
daidheadh an rioghachd mu'n cuairt, agus
fhuair mo bhràthair i; oir bu leis-san o'n
Tighcarn i.

16 Agus a nis, aon athchuinge *tha* mi
'g iarraidh ort, na diùlt mi³. Agus thubhairt
ise ris, Abair romhad.

17 Agus thubhairt esan, Labhair, guidh,
eam ort, ri Solamh an righ, (oir cha diùlt
e thusa,) gu'n tugadh e dhomh Abisag a'
Bhansunamach 'na mnaoi.

18 Agus thubhairt Batseba, Ro mhaith;
labhraidh mise air do shon ris an righ.

19 Chaidh Batseba uime sin a dh'ionn-
suidh righ Solamh, a labhairt ris air son
Adoniah. Agus dh'éirich an righ suas
'na coinneamh, agus chrom se e féin d'i,
agus sluaidh e air a righ-chaithir, agus
thug e fa' near caithir⁴ a chur sìos do
mhàthair an righ; agus sluaidh i air a
làimh dheis.

20 An sin thubhairt i, *Tha* mi 'g iar-
raidh aon athchuinge bige ort, na diùlt mi,
guidheam ort. Agus thubhairt an righ
rithe, Iarr, a mhàthair, oir cha diùlt mi
thu.

21 Agus thubhairt ise, Thugar Abisag
a' Bhan-sunamach do Adoniah do bhràth-
air 'na mnaoi.

22 Agus fhreagair righ Solamh, agus
thubhairt e r'a mhàthair, Agus c'ar son a
dh'iarraas tu Abisag a' Bhan-sunamach do
Adoniah? iarr dha an rioghachd mar an
ceudna; (oir is e mo bhràthair a's sine e;) eadhon
dha-san, agus do Abiatar an sagart, agus do
Ioab mac Sherniah.

23 An sin mhionnaich righ Solamh air
an Tighearn, ag ràdh, Gu'n deanadh Dia
mar sin riumsa, agus tuilleadh mar an
ceudna, mur ann an aghaidh 'anama⁵
féin a labhair Adoniah am focal so.

24 A nis uime sin, *mar* is beò an Tighearn,
a dhaingnich mise, agus a chuir a'm'
shuidhe mi air righ-chaithir Dhaibhidh
m'athar, agus a rinn tigh dhomh, mar a
labhair e⁶, cuirear Adoniah gu bàs an
diugh.

25 Agus chuir righ Solamh le làimh
Bhenaiah mhic Iehoiaa, agus bhuail⁷ e
air, air chor as gu'n d'fhuair e bàs.

26 Agus ri Abiatar an sagart thubhairt
an righ, Imich gu Anatot, a dh'ionnsuidh
t'fhearainn féin, oir *tha* thu toilltinn a'
bhàis⁸: ach an diugh cha mharbh mi thu,
a chionn gu'n do ghiùlain thu àire an
Tighearna Iehobhah am fianuis Dhaibhidh
m'athar, agus a chionn gu'n d'fhuiling
thu àmhghar anns gach *ni* san d'fhuiling
m'athair àmhghar.

27 Mar so thilg Solamh a mach Abiatar
o bhi 'na shagart do'n Tighearn, a
choimhionadh focail an Tighearna, a
labhair e do thaobh tighe Eli ann an
Siloh.

28 An sin thàinig tuairesgeul gu Ioab;
(oir thionndaidh Ioab an dèigh Adoniah,
ged⁹ nach do thionndaidh e 'n dèigh
Absaloin :) agus theich Ioab gu pàillium

¹ cha ghearrar as uait duine. Eabh. ² na leig
as gun dioghallas e. ³ na tabhair orm m'agh-
aidh thionndadh uait. Eabh. ⁴ righ-chaithir.

⁵ a bheatha. ⁶ gheall e. ⁷ leum.
⁸ is duine buailteach do'n bhàs thu.
⁹ giodh. Eir.

an Tighearn, agus ghabh e greim a dh'-adharcaibh na h-altarach.

29 Agus dh'innseadh do rìgh Solamh gu'n do theich Iob gu pàilliu an Tighearn, agus gu'n robh e làimh ris an altair¹: an sin chuir Solamh uaith Benaiah mac Ichoiada, ag ràdh, Falbh, buail air.

30 Agus thàinig Benaiah gu pàilliu an Tighearn, agus thubhairt e ris, Mar so tha'n rìgh ag ràdh, Thig a mach. Agus thubhairt esan, Cha téid, ach gheibh mi bàs an so. Agus thug Benaiah sgeul air ais a dh'ionnsuidh an rìgh, ag ràdh, mar so labhair Iob, agus mar so fhreagair e mi.

31 Agus thubhairt an rìgh ris, Dean mar a labhair e, agus buail air, agus adhlac e, a chum gu'n toir thu air falbh an fhuil neo-chiontach, a dhòirt Iob, uamsa agus o thigh m'athar.

32 Agus pillidh² an Tighearna 'fhuil air a cheann féin, do bhrìgh gu'n do bhuail e air dithis dhaoine a b'ionraice agus a b'fhearr na e féin, agus gu'n do mharbh e leis a' chlaidheamh iad, gun fhios do m'athair Daibhidh, eadhon Abner mac Neir, ceannard slòigh Israeil, agus Amasa mac Ieter ceannard slòigh Iudah.

33 Pillidh uime sin am fuil-san air ceann Iob, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a rìgh-chaitheir, bithidh sìth gu bràth o'n Tighearn.

34 Agus chaidh Benaiah mac Ichoiada suas, agus bhuail e air, agus mharbh se e: agus dh'adhlac ead e 'na thigh féin anns an fhàsach.

35 Agus chuir an rìgh Benaiah mac Ichoiada 'na àit os ceann an t-slòigh: agus Sadoc an sagart chuir an rìgh an àit Abiatair.

36 Agus chuir an rìgh fìos, agus ghairm e air Simeì, agus thubhairt e ris, Tog dhuìt féin tigh ann an Ierusalem, agus gabh còmhnuidh an sin, agus na falbh a mach as a sin taobh sam bith³.

37 Oir tachairidh air an là anns an téid thu mach, agus an gabh thu thar sruth Chidroin, gu'm bi fios gu cinnteach agad gu'm faigh thu gu deimhin bàs: bithidh t'fhuil air do cheann féin.

38 Agus thubhairt Simeì ris an rìgh, Is maith an ràdh⁴: mar a labhair mo thigh-earn an rìgh, is amlhuidh a nì do sheirbhiseach. Agus ghabh Simeì còmhnuidh ann an Ierusalem mòran do làithibh.

39 Agus thachair an ceann thri bliadhna, gu'n do theich dà sheirbhiseach le Simeì dh'ionnsuidh Achis, mhic Mhaachah, rìgh Ghat: agus dh'innis iad do Shimeì,

ag ràdh, Feuch, tha do sheirbhiseach ann an Gat.

40 Agus dh'éirich Simeì, agus chuir e diollaid air 'asail⁵, agus chaidh e do Ghat a dh'ionnsuidh Achis, a dh'iarraidh a sheirbhiseach: agus dh'fhalbh Simeì, agus thug e leis a sheirbhiseach o Ghat.

41 Agus dh'innseadh do Sholamh gu'n deachaidh Simeì o Ierusalem gu Gat, agus gu'n d'thàinig e air ais.

42 Agus chuir an rìgh fìos, agus ghairm e air Simeì, agus thubhairt e ris, Nach d'thug mise ortsa mionnachadh air an Tighearn, agus nach d'thug mi fianuis a' d' aghaidh, ag ràdh, Air an là anns an téid thu mach, agus am falbh thu taobh sam bith, biodh fios gu cinnteach agad gu'm faigh thu gu deimhin bàs? agus thubhairt thu rium, Is maith am focal a chuala mi.

43 C'ar son ma ta nach do ghléidh thu mionnan an Tighearn, agus an àithne a dh'àithn mise dhuìt?

44 Thubhairt an rìgh cuideachd ri Simeì, Is aithne dhuìt féin gach uile olc air am fiosrach do chridhe, a rinn thu air Daibhidh m'athairsa: uime sin phill⁶ an Tighearna t'olc air do cheann féin:

45 Ach bithidh rìgh Solamh beannaichte, agus bithidh rìgh-chaitheir Dhaibhidh daingean am fianuis an Tighearna gu bràth.

46 An sin dh'àithn an rìgh do Benaiah mac Ichoiada; agus chaidh e mach, agus bhuail e air, agus fhuair e bàs. Agus dhaingnicheadh an rìoghachd ann an làimh Sholaimh.

CAIB. III.

1 Ghabh Solamh nighean Pharaoh dha féin 'na mnaoi. 5 Thaisbean an Tighearn e féin do Sholamh ann an aistìng, agus dh'fhearraich e dheth ciod a b'ail leis e thabhairt da. 9 Ròghnaich esan gliocas. 11 Gheall Dia sin dha, maille ri saobhreas agus urram. 16 Thug e breth cadar dà stròpaich.

A GUS rinn Solamh cleamhnas ri Pharaoh aoh rìgh na h-Eiphùt, agus ghabh e nighean Pharaoh, agus thug e i do bhaile Dhaibhidh, gus an do chuir e crìoch air a thigh féin a thogail, agus tigh an Tighearn, agus balla Ierusalem mu'n cuairt.

2 Ach⁷ dh'ìobair an sluagh air àitibh àrda⁸, do bhrìgh nach do thogadh tigh do ainm an Tighearna gus na làithibh sin.

3 Agus ghràdhaich Solamh an Tighearn, ag imcachd ann an orduighibh Dhaibhidh 'athar: ach⁹ ann an àitibh àrda dh'ìobair e agus loisg e tùis.

4 Agus chaidh an rìgh do Ghibeon a dh'ìobradh an sin, oir b'e sin am mòr àit

¹ agus, feuch, e làimh ris an altair. Eabh.

² diollaidh.

⁴ am focal.

³ a null no a nall. Eabh.

⁵ a asail.

⁶ pillidh.

⁸ air àrdaibh, tulaichibh,

⁷ A mhàin.

⁹ a mhàin.

I. RIGH, III.

àrd; mìle iobairt-loisgte thug Solamh suas air an altair sin.

5 Ann an Gibeon thaisbein an Tighearn e fèin do Sholamh¹ ann an aisling na h-oidhche; agus thubhairt Dia, Iarr ciod is àill leat mi thabhairt duit.

6 Agus thubhairt Solamh, Nochd² thu do t'òglach Daibhidh m'athair caoimhneas mòr, a réir mar a dh'imich e a'd' fhianuis ann am firinn, agus ann an ionracas, agus ann an tréibhdhìreas cridhe maille riut; agus ghléidh thu dhia an caoimhneas mòr so, gu'n d'thug thu dha mar a shuidhe air a rìgh-chaitheir, mar a tha e 'n diugh.

7 Agus a nis a Thighearna mo Dhia, rinn thu t'òglach 'na rìgh an àite Dhaibhidh m'athair; agus mise a'm' leanabh³ beag, do nach aithne dol a mach no teachd a steach.

8 Agus tha t'òglach am meadhan do shluagh a thagh thu, sluagh lionmhor, nach 'eil e 'n comas àireamh no mheas aig an lionmhoireachd.

9 Thoir uime sin do t'òglach cridhe tuigseach a thoirt breth air do shluagh, gu dealachadh chur⁴ eadar am maith agus an t-olc; oir cò a's urrainn breth a thabhairt air do shluagh so a tha co mhor?

10 Agus bha e 'na ni taitneach leis an Tighearna, gu'n d'iarr Solamh an ni so.

11 Agus thubhairt Dia ris, A chionn gu'n d'iarr thu an ni so, agus nach d'iarr thu dhuit fèin saoghal fada⁵, agus nach d'iarr thu dhuit fèin saoihbheas, agus nach d'iarr thu anam do naimhdean, ach gu'n d'iarr thu dhuit fèin tuigse a dheanamh breitheanais.

12 Feuch, rinn mise a réir do bhriathra: feuch, thug mi dhuit cridhe glic agus tuigseach, air chor as nach robh neach air bith romhad cosmhuil riut, agus nach mò a dh'éireas a'd' dhéigh neach air bith cosmhuil riut.

13 Agus mar an ceudna, thug mi dhuit an ni nach d'iarr thu, araon⁶ saoihbheas agus cliù, air chor as nach bi duine cosmhuil riut am measg nan rìgh ré do laithcan uile.

14 Agus ma dh'imicheas tu ann mo shlighibh-sa, a ghleidheadh mo reachdan, agus m'aitheantan, mar a dh'imich Daibhidh t'athair, an sin ni mi do làithean fada.

15 Agus mhosgail Solamh, agus, feuch, b'aisling a bh'ann: agus thàinig e gu h-Ierusalem, agus sheas e am fianuis àire coimhcheangail an Tighearn, agus thug e suas iobairtean-loisgte, agus dh'ìob-air e iobairtean-sith, agus rinn e cuirm d'a

sheirbhisich uile.

16 An sin thàinig dithis bian, a bha 'nan strìopachaibh, a dh'ionnsuidh an rìgh, agus sheas iad 'na làthair.

17 Agus thubhairt bean diubh, O mo thighearna, tha mise agus a' bhean so a' gabhail còmhnuidh ann an aon tigh, agus dh'aiseadadh mise⁷ maille ri the san tigh.

18 Agus air an treas là 'n déigh dhomh-sa bhi air m' aisead, dh'aiseadadh a' bhean so mar an ceudna, agus bha sinn cuid-eachd; cha robh coigreach sam bith maille ruinn san tigh, ach sinn fèin 'nar dithis anns an tigh.

19 Agus dh'eug mac na mnà so san oidhche, a chionn gu'n do luidh i air.

20 Agus dh'éirich i mu mheadhon-oidhche, agus thug i mo mhac-sa o m' thaobh, am feadh a bha do bhanoglach 'na codal, agus chuir i 'na luidhe e 'na h-uchd fèin, agus chuir i a mac marbh fèin 'na luidhe ann am uchd-sa.

21 Agus dh'éirich mi anns a' mhaduinn a thoirt cìche do m' mhac, agus, feuch, bha e marbh. Ach an uair a thug mi an aire dha sa' mhaduinn, feuch, cha b'e mo mhac-sa bh'ann, a rug mi.

22 Agus thubhairt a' bhean eile, Ni h-eadh; ach is e mo mhac-sa tha beò, agus is e do mhac-sa tha marbh: agus thubhairt ise⁸, Ni h-eadh; ach is e do mhac-sa tha marbh, agus is e mo mhac-sa tha beò. Mar so labhair iad⁹ am fianuis an rìgh.

23 An sin thubhairt an rìgh, Tha i so ag ràdh, Is e so mo mhac-sa tha beò, agus is e do mhac-sa tha marbh: agus tha i sud ag ràdh, Ni h-eadh; ach is e do mhac-sa tha marbh, agus is e mo mhac-sa tha beò.

24 Agus thubhairt an rìgh, Thugaibh dhomh claidheamh. Agus thug iad claidheamh am fianuis an rìgh.

25 Agus thubhairt an rìgh, Roinnibh am mac beò 'na dhà leth¹⁰, agus thugaibh leth dh'aon mhnai, agus leth do'n mhnai eile.

26 An sin labhair a' bhean le'm bu leis am mac beò ris an rìgh, (oir theòdh i cridhe¹¹ r'a mac,) agus thubhairt i, O mo thighearna, thugaibh dh'ise an leanabh beò, agus na marbhaibh idir e: ach thubhairt a' bhean eile, Na biodh e agam-sa no agad-sa, ach roinnibh e.

27 An sin fhreagair an rìgh, agus thubhairt e, Thugaibh dh'ise an leanabh beò, agus na marbhaibh idir e: is ise a mhlàthair.

28 Agus chual' Israel uile a' bhreth a thug an rìgh, agus bha eagal orra roimh

¹ chunncas an Tighearna le Solamh. Eabh.

² Rinn. Eabh. ³ òganach. ⁴ air chor as

gu'n tuig, gu moshach e. ⁵ mòran làithean. Eabh.

⁶ an dà chuid.

⁷ dh'aiseadadh, rug mi leanabh.

⁸ i so. Eabh.

⁹ rinn iad coimsachadh.

¹⁰ earrann.

¹¹ a h-innidh, a truas.

an righ; oir chunnaic iad gu *n robh* gliocas Dhé ann¹, a dheanamh breitheanais.

CAIB. IV.

1 *Uachdarain Sholaimh.* 28 *Meud a rìoghachd, agus sonas a shluaigh.* 22 *A lòn air son aoin là.* 29 *A gliocas, agus a sgrìobhadh.*

AGUS bha rìgh Solamh 'na rìgh air Israel uile.

2 Agus is iad so na h-uachdarain² a bh'aige: Asariah mac Shadoic an t-sagairt:

3 Elihoreph agus Ahiah mic Shisa, sgrìobhaichean: Iehosaphat mac Ahiluid, an seanachaidh³:

4 Agus Benaiah mac Iehoiada air ceann an t-sloigh: agus Sadoc agus Abiatar, na sagairt:

5 Agus Asariah mac Natain os ceann an luchd-dreuchd⁴: agus Sabud mac Natain, an t-àrd fhear-dreuchd, 'na charaid⁵ aig an righ:

6 Agus Ahisar os ceann an teaghlach: agus Adoniram mac Abda os ceann na cise.

7 Agus bha aig Solamh dà fhear dheug dreuchd os ceann Israel uile, a bheathaich an rìgh agus a theaghlach: rè a mhìosa féin sa' bhliadhna bha e mar fhiachlaibh air gach fear dhiubh a bheathachadh.

8 Agus is iad so an ainmean: mac Huir ann an sliabh Ephraim:

9 Mac Dhecair ann am Macas, agus ann an Saalbm, agus ann am Bet-semes, agus ann an Elon, agus ann am Bet-hanan:

10 Mac Heseid ann an Arubot; aig-san bha Sochoh, agus uile thir Hepheir:

11 Mac Abinadaib, aig an robh uile thir Dhoir; bha Taphat nighean Sholaimh aige 'na mnaoi:

12 Baanah mac Ahiluid; aige-san bha Taanach, agus Megido, agus Bet-sean uile, a tha làimh ri Sartanah sìos o Iesreel, o Bhet-sean gu Abel-meholah, gu ruig an taobh thall do Iocneam:

13 Mac Ghebeir ann an Ramot-gilead; dhasan bhuineadh bailtean Iair mhic Mhanaseli, a tha ann an Gilead; dhasan mar an ceudna bhuineadh tìr Argoib, a tha ann am Basan, trì fichead baile mòr le ballachaibh agus le crannaibh umha:

14 Ahinadab mac Ido ann am Mahanaim:

15 Ahimaas ann an Naphtali; ghabh esan mar an ceudna Basmat nighean Sholaimh 'na mnaoi:

16 Baanah mac Husai ann an Aser, agus ann am Balot:

17 Iehosaphat mac Pharuah ann an Isachar:

18 Simeì mac Elah ann am Benjamin:

19 Geber mac Uri ann an tìr Ghilead, ann an tìr Sihoin rìgh nan Amorach, agus Og rìgh Bhasain; ag s b'esan an t-aon fhear-dreuchd a bha san tìr.

20 Bha Iudah agus Israel lìonmhor, mar a' ghaineamh a tha ri taobh na fairge air lìonmhoireachd, ag itheadh, agus ag òl, agus a' deanamh subhachais.

21 Agus rìghich Solamh os ceann nan rìoghachdan uile, o'n amhainn gu tìr nam Philisteach, agus gu ruig crìoch na h-Eiphit: thug iad leo tiodhlacan, agus rinn iad seirbhis do Sholamh rè uile làithean a bheatha.

22 Agus b'e lòn⁶ Sholaimh air son aoin là, deich tomlais⁷ fhichead do mhìn mhìn⁸ chrùithneachd, agus trì fichead tommas mine eile,

23 Deich dàimh bhìadhta, agus fichead damh bhàrr an fheoir, agus ceud caora, a thuilleadh air féidh, agus ruadh-bhuic, agus dathais, agus eoin bhìadhta.

24 Oir bha uachdaranachd aige os ceann na tìre uile air an taobh so do'n amhainn, o Thiphsah eadhon gu Asah, os ceann nan rìgh uile air an taobh so do'n amhainn: agus bha sìth aige o gach taobh mu'n cuairt da.

25 Agus ghabh Iudah agus Israel còmh-nuidh gu tèaruinte, gach fear fo a chrann-fiona, agus fo a chrann-fige féin, o Dhan eadhon gu Beer-seba, rè uile làithean Sholaimh.

26 Agus bha aig Solamh ceithir mìle⁹ prasach each air son a charbad, agus dà mhìle dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bòrd rìgh Solamh, gach duine 'na mhìos féin: cha d'fhuiling iad ni air bith a bli dh'easbhuidh.

28 Eorna mar an ceudna agus conlach do na h-eachaibh, agus do na dromedairibh, thug iad a dh'ionnsuidh an àit anns an robh an luchd-dreuchd, gach fear a réir 'orduigh féin.

29 Agus thug Dia gliocas do Sholamh, agus tuigse ro mhòr, agus farsaingeachd cridhe mar a' ghaineamh a tha air tràigh na mara.

30 Agus bu mhò gliocas Sholaimh na gliocas uile chloinne na h-àird¹⁰ an ear, agus na uile ghliocas na h-Eiphit.

31 Agus bha e glic thar gach duine, thar Etan an t-Esrahach¹⁰, thar Heman, agus Chalcol, agus Darda, mic Mhaloìl¹¹: agus bha a chliù¹² anns gach dùthaich mu'n cuairt.

32 Agus labhair e trì mìle gnàth-fhocal;

¹ na chridhe.
³ cuimhnicheoir.
fhrithid do'n rìgh.

² ceannardan, prìomsaidh.
⁴ os ceann nan daoine a
⁵ na fhear-rùn.

⁷ cor. Eabh. measures. Sasg.

⁸ phlùr.
Eachdr. Caib. IX. r. 23.
Eachdr. Caib. II. r. 6.
⁹ dà fhichead mìle. Faic. II.
¹⁰ mac Sherah. Faic. I.
¹¹ luchd dàim.

¹² ainm. Eabh.

1. RÌGH, IV. V. VI.

agus b'è àireamh a dhàn mìle agus cùig.

33 Agus labhair e air craobhan, o'n chrann-seudair a tha ann an Lebanon, eadhon gu ruig an hisop a dh'fhàsas a mach as a' bhalla: labhair e mar an ceudna air ainmhidhibh, agus air eunlaith, agus air nithibh a shnàigeas, agus air iasgaibh.

34 Agus thàinig cuid do na h-uile chinn-eachaibh a dh'èisdeachd ri gliocas Sholaimh, o uile rìghribh na talmhainn, a chual' iomradh a ghliocais.

CAIB. V.

1 Thug Solamh fios do Hiram gu'n robh e gu teampull a thogail do Dhia, agus dh'iarr e fiodh uaith air son na h-oibre. 7 Gheall Hiram da gu'n deanadh e 'uile thoil a thaobh an fhiodha. 13 Aireamh luchd-oibre Sholaimh.

A GUS chuir Hiram rìgh Thiruis¹ a sheirbhisich a dh'ionnsuidh Sholaimh, an nair a chual' e gu'n d'ungadh e 'na rìgh an àit 'athar: oir bha spéis aig Hiram do Dhaibhidh rè 'uile làithean.

2 Agus chuir Solamh fios gu Hiram, ag ràdh,

3 Tha fhios agad cionnus nach b'urrainn m'athair Daibhidh tigh a thogail do ainm an Tighearn a Dhé, air son a' chogaidh leis an do chuairtich a naimhdean e, gus an do chuir an Tighearn iad fuidh bhounaibh a chos.

4 Ach a nis thug an Tighearn a mo Dhia fois dhomhsa air gach taobh: cha 'n'èil nàmhaid air bith ann, no droch thuiteamas.

5 Agus, feuch, tha mi a' cur romham tigh a thogail do ainm an Tighearna mo Dhé, mar a labhair an Tighearn ri m'athair Daibhidh, ag ràdh, Do mhac a chuir-eas mise a' d' àit air do rìgh-chaithir, togaidh esan tigh do m'ainm-sa.

6 A uis nime sin, àithn thusa gu'n gearr iad dhomhsa craobhan seudair² á Lebanon: agus bithidh mo sheirbhisich-sa maille ri d' sheirbhisich-sa: agus tuarasdal do sheirbhisich bheir mise dhuith, a réir gach ni a dh'ainmicheas³ tu: oir tha fhios agad nach 'èil 'nar measgne duine d'an aithne fiodh a ghearradh, mar na Sidonaich.

7 Agus an uair a chuala Hiram briathra Sholaimh, bha aoibhneas mòr air, agus thubhairt e, Gu na beannaicht' an Tighearn an diugh, a thug do Dhaibhidh mac glic os ceann an t-sluaigh lionmhoir so.

8 Agus chuir Hiram fios gu Solamh, ag ràdh, Chuala mi⁴ na nithe mu'n do chuir thu fios do m'ionnsuidh: ni mi d'uile thoil a thaobh nan craobh seudair agus a thaobh nan craobh giuthais.

9 Bheir mo sheirbhisich sìos iad o Le-

banon a dh'ionnsuidh na mara: agus cuiridh mi air falbh iad 'nan ràthaibh⁵ air muir, gu ruig an t-àit a shònraicheas tu dhomh, agus cuiridh mi air tìr⁶ iad an sin, agus bheir thusa leat iad; agus ui thu mo riar ann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a réir 'uile thoil.

11 Agus thug Solamh do Hiram fichead mìle tomhas⁷ cruithneachd mar lòn d'a theaghlach, agus fichead tomhas do oladh fhior-ghloin: mar so thug Solamh do Hiram o bhliadhna gu bliadhna.

12 Agus thug an Tighearna gliocas do Sholamh, mar a gheall e dha⁸: agus bha sìth eadar Hiram agus Solamh, agus rinn iad coimheangal ri chèile.

13 Agus rinn rìgh Solamh togail dhaoiné á h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle sa⁹ mhìos mu'n seach: mìos bha iad ann an Lebanon, agus dà mhìos 'nan tighibh féin¹⁰: agus bha Adoniram air ceann na togail.

15 Agus bha aig Solamh deich agus trì fichead mìle fear-iomchar eallaich, agus ceithir fichead mìle fear-gearraidh anns a' bheinn:

16 A thuilleadh air àrd luchd-dreuchd Sholaimh, a bha os ceann na h-oibre, trì mìle agus trì cheud¹¹, aig an robh nachd-aranachd air an t-sluaigh a bha deanamh na h-oibre.

17 Agus dh'àithn an rìgh, agus thug iad leo clacha mòra, clacha luachmhora, a shuidheachadh bunait an tighe, clacha snaidhte.

18 Agus shnaidh clachairean Sholaimh, agus clachairean Hiram, agus na gearradairean-chlach¹² iad: mar sin rè thri bliadhna dheasaich iad fiodh agus clach-an a thogail an tighe.

CAIB. VI.

1 Thog Solamh teampull do'n Tighearn. 11 Gealladh Dhé a thaobh an teampaill. 23 Rinn Solamh dà cherub. 37 An aimsir a ghabh e a thogail an tighe.

A GUS [anns a' cheathramh ceud agus an ceathramh fichead bliadhna o theachd chloin Israel a mach á tìr na h-Eiphit,] anns a' cheathramh bliadhna [do rìoghachadh Sholaimh os ceann Israel,] anns a' mhìos Siph, (is e sin an dara mìos,) thòisich e air tigh a thogail do'n Tighearn.

2 Agus an tigh a thog rìgh Solamh do'n Tighearna, b'iad trì fichead lùmh-cheille

¹ Thior. ² ceudair. ³ their. Eabh.

⁴ Smuainich mi air. ⁵ 'nan suàmhachean.

⁶ cuiridh mi o chéile. Eabh. ⁷ cor. Eabh.

⁸ mar a labhair e ris. Eabh.

⁹ gach fear 'na thigh féin. Eabh. ¹⁰ sè ceud. II. Eachdr. Caib. II.

¹¹ gibelim. Eabh.

I. RIGH, VI.

⁷fhad, agus fichead làmh-choille a leud, agus deich thar fhichead làmh-choille ⁷àirde.

3 Agus an sgàth-thigh¹ air beulaobh teampull an tighe, b'iad fichead làmh-choille ⁷fhad, a réir leoid² an tighe ; agus deich làmhan-coille a leud, air beulaobh an tighe.

4 Agus rinn e do'n tigh uinneagan soluis air an tarruing cumhainn.

5 Agus thog e ri³ balla an tighe seòmraiche mu'n cuairt, ri ballachaibh an tighe mu'n cuairt, *araon* an teampull agus a' ghuth-àit⁴ ; agus rinn e frith-sheòmraiche mu'n cuairt.

6 Bha'n seòmair ìochdrach cùig làmh-an-coille air leud, agus an seòmair meadhonach sè làmhan-coille air leud, agus an treas seòmair seachd làmhan-coille air leud, oir thug e steach balla an tighe⁵ mu'n cuairt o'n taobh a muigh, air chor as nach rachadh na sailthean an greim ann am balla an tighe.

7 Agus an uair a bha'n tigh 'ga thogail, thogadh e do chlachairibh air an cumadh mun d'thugadh d'a ionmsuidh iad⁶ : agus cha chualas ord no tuagh, no inneal iarunn sam bith, anns an tigh, an uair a bha e 'ga thogail.

8 Bha doras an t-seòmair mheadhonaich air taobh deas an tighe : agus air staidh-richeibh snìomhain chaidh iad suas do'n t-seòmair mheadhonach, agus as an t-seòmair mheadhonach do'n treas seòmair.

9 Mar so thog e an tigh, agus chrìochnaich se e ; agus chòmhaich e⁷ an tigh le sailthibh agus le clàraibh seudair.

10 Agus thog e seòmraiche ris an tigh uile, cùig làmhan-coille air àirde : agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 A thaobh an tighe so a tha thu a' togail, ma ghluaiseas tu ann am reachdaibh-sa, agus ma chuireas tu mo bhreitheanais an gnìomh, agus ma ghleidheas tu m'aitheantan uile le gluasad anna ; an sin coimhlionaidd⁸ mise m'fhocal duit, a labhair mi ri Daibhidh t'athair :

13 Agus gabhaidh mi còmhnuidh am meadhon chloimn Israeil, agus cha tréig mi mo shluagh Israel.

14 Mar sin thog Solamh an tigh agus chrìochnaich se e.

15 Agus thog e ballachan an tighe air an taobh a stigh le clàraibh seudair, o urlar an tighe gu ruig mullach nam ballacha⁹ chòmhaich e iad le fiodh a stigh : agus

chòmhaich e urlar an tighe le clàraibh¹⁰ giuthais.

16 Agus thog e fichead làmh-choille ri taobhan an tighe, le clàraibh seudair, o'n urlar gu ruig mullach nam ballachan ; agus thog e dha iad air an taobh a stigh, *eadhon* do'n ghuth-àit, do'n ionad ro naomh.

17 Agus bha'n tigh, sin ri ràdh, an teampull air a bheulaobh, dà fhichead làmh-choille air fad.

18 Agus bha seudair an tighe air an taobh a stigh gearra¹¹ le cnapaibh, agus blàthaibh fosgailte : bu sheudair an t-ionmhan ; cha robh clach r'a faicinn.

19 Agus dh'ulluich e an guth-àit anns an tigh a steach, a chur an sin àire coimhcheangail an Tighearna.

20 Agus ann an taobh-beoil a' ghuth-àit¹² bha fichead làmh-choille air fad, agus fichead làmh-choille air àirde : agus chòmhaich e le h-òr fìor-ghlan : chòmhaich e cuideachd an altair le seudair.

21 Agus chòmhaich Solamh an tigh a steach le h-òr fìor-ghlan : agus rinn e balla-dealachaidh¹³ le slabhraidhibh òir air beulaobh a' ghuth-àit, agus chòmhaich e le h-òr e.

22 Agus chòmhaich e an tigh uile le h-òr, gus an do chrìochnaicheadh an tigh uile : mar an ceudna an altair uile, a bha làmh ris a' ghuth-àit, chòmhaich e le h-òr.

23 Agus rinn e anns a' ghuth-àit dà cherub do chrann-olaidh, gach aon diubh deich làmhan-coille air àirde.

24 Agus bha cùig làmhan-coille ann an aon sgèith a' cheruib, agus cùig làmhan-coille ann an sgèith eile a' cheruib : bha deich làmhan-coille o bhàrr aoin sgèith aige gu bàrr a' sgèith eile.

25 Agus bha deich làmhan-coille anns a' cherub eile : bha'n t-aon tomhas agus an aon mhead anns an dà cherub.

26 B'e àirde aoin cheruib deich làmhan-coille, agus mar sin bha àirde a' cheruib eile.

27 Agus chuir e na cheruban anns an tigh a b'fhaide a steach ; agus shin na cheruban an sgiathan a mach, air chor as gu'n do bhean sgiath aoin cheruib ri aon bhalla, agus sgiath a' cheruib eile ris a' bhalla eile ; agus bhean an sgiathan ri chéile ann an meadhon an tighe.

28 Agus chòmhaich e na cheruban le h-òr.

29 Agus bhreac e ballachan an tighe uile mu'n cuairt le dealbhaibh gearra

¹ àilear, for-dhorus ; porch. Sàs.

² air beulaobh. Eabh.

³ air.

⁴ àit an

De-fhlegraidh ; dabir. Eabh. oracle. Sàs.

⁵ rinn e socairean cumhainn ann am balla an tighe.

⁶ do chloich ìomlain, do chloich dhcasaichte roimh

làimh. ⁷ chuir e ceann air.

⁸ daingnichidh.

⁹ gu ruig ballacha cinn an tighe.

¹⁰ bòrdaibh.

¹¹ breacta, air a ghràbhaladh.

¹² anns a' chuid-thoisich do'n oracul.

¹³ lantaoir. Eir. partition. Sàs.

cheruban, agus chraobhan-pailme, agus bhlàth fosgailte¹, a stigh agus a muigh

30 Agus urlar an tighe chòmhdach e le h-òr, a stigh agus a muigh.

31 Agus do dhorus a' ghuth-àit rinn e còmhlaichan do chrann-olaidh: *bha'n* t-àrd-dhorus *agus* na h-ursainnean cùig-oisneach.

32 *Bha'n* dà chòmhlach mar an ceudna do chrann-olaidh; agus ghearr e orra dealbhan² cherub, agus chraobh-pailme, agus bhlàth fosgailte, agus chòmhdach e le h-òr *iad*: agus sgaol e òr air na cheruban, agus air na craobhan-pailme.

33 Agus air an doigh cheudna rinn e do dhorus an teampull ursainnean do chrann-olaidh, ceithir-chearnach.

34 Agus *bha'n* dà chòmhlach do fhiodh giuthais; *bha* dà dhuilleag aoin chòmhlach a' filleadh, agus dà dhuilleag a' chòmhlach eile a' filleadh.

35 Agus ghearr e orra cheruban, agus craobhan-pailme, agus blàthan-fosgailte: agus chòmhdach e *iad* le h-òr, cumta ris an obair ghearrta.

36 Agus thog e a' chùirt a stigh le trì sreathan³ do chlachaihb snaidhte, agus sreath do shailthibh seudair.

37 Anns a' cheathramh bliadhna shuidh-icheadh bunait tighe an Tighearn, anns a' mhìos Siph.

38 Agus anns an aon bhliadhna dheug, anns a' mhìos Bul, (*is* e sin an t-ochdamh mìos,) chrìochnaicheadh an tigh ann a earrannaibh uile, agus a réir a chumaidh uile. Agus bha e seachd bliadhna 'ga thogail.

CAIB. VII.

1 *Thog Solamh tigh dha féin*; 2 *tigh frithe Lebanon*; 8 *agus tigh do nighinn Pharaoh*. 15 *Obair nam post*; 23 *agus na mura leaghta*.

ACH bha Solamh trì bliadhna deug a' togail a thighe féin, agus chrìochnaich e a thighe uile.

2 Thog e mar an ceudna tigh frithe⁴ Lebanon; ceud làmh-choille 'fhad, agus leth-cheud làmh-choille a leud, agus deich thar fhichead làmh-choille 'àirde; air ceithir⁵ sreathaibh do phuist seudair, agus sailthean seudair air na puist.

3 Agus chòmhdacheadh e le seudar os a cheann air na sailthibh, *bha* air dà fhichead agus cùig puist, cùig-deug anns gach sreath.

4 Agus *bha* trì sreathan uinneag⁶ ann, agus solus fa chomhair soluis trì uairean.

5 Agus *bha* na dorsan uile agus na h-ursainnean ceithir-chearnach, maille ris na h-uinneagaibh: agus *bha* solus fa chomhair soluis trì uairean.

6 Agus rinn e sgàth-thigh do phuist; leth-cheud làmh-choille 'fhad, agus deich làmhan-coille thar fhichead a leud; agus *bha'n* sgàth-thigh rompa sin; agus *bha* na puist eile agus na sailthean garbha rompa.

7 Rinn e, mar an ceudna, sgàth-thigh na righ-chaithearch far am biodh e a' tabh airt breth, *eadhon* sgàth-thigh a' bhreitheanais: agus chòmhdacheadh e le seudar o aon taobh do'n urlar gu ruig an taobh eile.

8 Agus aig a thigh féin anns an do chòmhnuich e, *bha* cùirt⁷ eile an taobh a stigh do'n sgàth-thigh, a bha do'n obair cheudna. Rinn e cuideachd tigh do nighinn Pharaoh, a ghabh Solamh dha féin 'na mnaoi, cosmhuil ris an sgàth thigh so.

9 *Bha* iad sin uile do chlachaihb luachmhora, a réir tomhais chlach snaidhte, air an gearradh⁸ le sàbhaibh a stigh agus a muigh, eadhon o'n bhunait gu ruig na clacha-mullaich⁹, agus mar sin air an taobh a mach gu ruig a' chùirt mhòr.

10 Agus *bha* a' bhunait do chlachaihb luachmhora, do chlachaihb mòra; clacha san robh deich làmhan-coille, agus clacha san robh ochd làmhan-coille.

11 Agus gu h-àrd *bha* clacha luachmhora, (a réir tomhais chlach snaidhte,) agus seudair.

12 Agus aig a' chùirt mhòir mu'n cuairt *bha* trì sreathan do chlachaihb snaidhte, agus sreath do shailthibh seudair: air an doigh cheudna aig cùirt a steach tighe an Tighearn, agus aig sgàth-thigh an tighe.

13 Agus chuir righ Solamh *fìos*, agus thug e Hiram o Thirus.

14 *Bu* mhac bantraich e do thréibh¹⁰ Naphtali, agus b'fhear o Thirus 'athair, ceard umha; agus bha e làn do ghliocas, agus do thuigse, agus do eòlas a dheanamh gach oibre ann an umha: agus thàinig e dh'ionnsuidh righ Solamh, agus rinn e obair uile.

15 Oir dhealbh e dà phost umha: ochd làmhan-coille deug àirde gach puist dhiubh, agus chaidh snàthainn anns an robh dà làmh-choille dheug mu'n cuairt air gach¹¹ post dhiubh.

16 Agus rinn e dà cheann do umha leaghta, chum an cur air mullach nam post: cùig làmhan-coille àirde aoin chinn, agus cùig làmhan-coille àirde a' chium eile.

17 Lìonta do lìon-obair¹², stioman do obair shlabhraidh, do na cinn a *bha* air mullach nam post: seachd do aon cheann, agus seachd do'n cheann eile.

¹ fosgladh bhàthan. Eabh.

² gearradh.

³ breathan. ⁴ coille.

⁵ trì.

⁶ leusan, sholusan.

⁷ lann, lìos.

⁸ sàbhadh.

⁹ clachan-iomchair.

¹⁰ do fhìneadh, do chloinn.

¹¹ an dara. Eabh.

¹² do obair tharsuinn.

18 Agus rinn e pomgranatan, dà shreath¹ mu'n cuairt air aon lion-obair, a chòmhdachadh nan ceann a *bha* air mullach nam post²: agus mar sin rinn e ris a' cheann eile.

19 Agus *bha* na cinn a *bh'*air mullach nam post do obair lili anns an sgàth-thigh, ceithir làmh-an-coille.

20 Agus *bha* cinn³ air an dà phost mar an ceudna gu h-àrd, làmh ris a' bhalg a *bha* air an taobh thall do'n lion-obair: agus *bha* dà cheud pomgranat ann, 'nan sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampuill: agus chuir e suas am post deas, agus thug e lachin mar ainm air; agus chuir e suas am post clì, agus thug e Boas mar ainm air.

22 Agus air mullach nam post *bha* obair lili: mar so chrìochnaich e obair nam post.

23 Agus rinn e muir leaghta, deich làmh-an-coille o bliùle⁴ gu bile; cruinn mu'n cuairt, agus cùig làmh-an-coille a h-àirde: agus chuairtich snàthainn dheich làmh-an-coille thar fhichead i air gach taobh.

24 Agus *bha* mill fuidh a bile⁵ ga cuairt-eachadh mu'n cuairt, deich anns an làmh-choille, a' dol mu thimchioll na mara: thilgeadh dà shreath mheall an uair a thilgeadh i fèin.

25 Sheas i air dà dhamhl dheug, tri ag amharc gu tuath, agus tri ag amharc an iar⁶, agus tri ag amharc gu deas, agus tri ag amharc an ear⁷: agus chuireadh a' mhair orra gu h-àrd, agus *bha* a' chuid a' d'fheicidh dhiubh uile a stigh.

26 Agus *bha* leud boise air tiughaidh iunte, agus *bha* a bile air a dheanamh mar bhile copain, le blàthaibh lili: chum i dà mhìle bat.

27 Agus rinn e deich buinn⁸ umha: ceithir làmh-an-coille fad gach⁹ buinn, agus ceithir làmh-an-coille a leud, agus tri làmh-an-coille 'àirde.

28 Agus *bha* obair nam bonn air an dòigh so: *bha* iomaill¹⁰ aca, agus *bha* na h-iomaill eadar na tàdhacha¹¹.

29 Agus air na h-iomaill a *bha* eadar na tàdhacha *bha* leòmhain, daimh, agus cherubain: agus air na tàdhachaibh *bha* mar sin¹² gu h-àrd: agus fuidh na leòmhain agus na daimh *bha* ath-leasachadh a dh'-obair thana¹³.

30 Agus *bha* ceithir rothan umha aig gach bonn, agus clàir¹⁴ umha; agus aig a' ceithir oisnibh *bha* guailne¹⁵: fuidh'n t-soitheach-ionnlaid *bha* guailne leaghta,

aig taobh gach ath-leasachaidh.

31 Agus *bha* a bheul an taobh a stigh do'n cheann, agus shuas, làmh-choille air leud: ach *bha* a bheul cruinn, a réir oibre a' bhuinn, làmh-choille gu leth: agus mar an ceudna air a bheul *bha* gearraidhean¹⁶, agus an iomaill ceithir-chearnach, clia'n ann cruinn.

32 Agus *bha* ceithir rothan fuidh na h-iomallaibh; agus *bha* mulan¹⁷ nan roth an greim anns a' bhonn: agus *b'e* àirde gach rotha làmh-choille gu leth.

33 Agus *bha* obair nan roth cosmhuil ri obair rotha carbaid: *bha* am mulan, agus an cìochan, agus an cuairsgeinean, agus an tarsanain uile leaghta.

34 Agus *bha* ceithir guailne ri ceithir oisnibh gach buinn; na guailne do'n bhonn fèin.

35 Agus ann am mullach a' bhuinn, leth làmh-choille air àirde, *bha* cuairt mu thimchioll: agus air mullach a' bhuinn *bha* a làmh-an¹⁸ agus 'iomaill dheth fèin.

36 Agus air clàraibh a làmh, agus air 'iomallaibh, ghearr e cheruban, leòmhain, agus craobha-pailme, a réir riochd gach aoin diubh, agus ath-leasachadh mu'n cuairt.

37 Mar so rinn e na deich buinn: an t-aon tilgeadh, an t-aon tomhas, an t-aon ghearradh¹⁹ aca uile.

38 Agus rinn e deich soithichean-ionnlaid umha: chumadh²⁰ gach soitheach-ionnlaid dhiubh dà fhichead bat: *bha* ceithir làmh-an-coille anns gach soitheach ionnlaid: chuireadh aon soitheach-ionnlaid air gach aon do na deich buinn.

39 Agus chuir e cùig buinn air taobh²¹ na làimhe deise do'n tigh, agus cùig air taobh na làimhe clithe dheth: agus chuir e a' mhuir air taobh na làimhe deise do'n tigh, a làmh na h-àirde 'n ear, fa chomh-air na h-àirde deas.

40 Agus rinn Hiram na soithichean-ionnlaid, agus na sluasaidean, agus na cuachan: agus chuir Hiram crìoch air deanamh na h-oibre uile a rinn e do rìgh Solamh air son tighe an Tighearn:

41 An dà phost, agus dà chuairt²² nan ceann a *bh'*air mullach an dà phuist; agus an dà lion-obair a chòmhdachadh dà chuairt nan ceann a *bh'*air mullach nam post:

42 Agus ceithir cheud pomgranat do'n dà lion-obair: dà shreath phomgranat do gach lion-obair, a chòmhdachadh dà chuairt nan ceann a *bh'*air na puist:

43 Agus na deich buinn, agus na deich soithichean-ionnlaid air na buinn:

¹ na puist, agus dà shreath. ² air a' mhullach, maille ri pomgranataibh. ³ Bha pomgranatan aig na cinn. ⁴ fhoir. ⁵ siar. ⁶ sìor. ⁷ bunail. ⁸ aoin. Eabh. ⁹ foirean. ¹⁰ ceumanna. ¹¹ bonn. ¹² obair shànte.

¹³ lannan. ¹⁴ prùip, casan, buill-icmhair. ¹⁵ gravings. Sasg. ¹⁶ aisilean; làmh-an. Eabh. ¹⁷ tarsanain. ¹⁸ mheud. ¹⁹ ghabhadh. ²⁰ gualainn. Eabh. ²¹ soitheach cruinn.

I. RIGH, VII. VIII.

44 Agus aon mhuir, agus dà dhamh dheug fuidh 'n mhuir:

45 Agus na h-aighnean¹, agus na sluasaidean, agus na cuachan: agus na soithiche sin uile a rinn Hiram do rìgh Solamh air son tighe an Tighearna, *bha iad* do umha òbhta².

46 Ann an còmhnaord Iordain thilg an rìgh iad, anns an talamh chreadha eadar Sucot agus Sartan.

47 Agus dh'fhàg Solamh na soithichean³ uile *gun chothromachadh*, air son an lìonmhoireachd anbarraich; cha d'fhuaradh a mach⁴ cothrom an umha.

48 Agus rinn Solamh an t-uidheam⁵ uile a *bhuineadh* do thigh an Tighearn: an altair do òr, agus am bòrd, air an robh aran na fianuis, do òr:

49 Agus na coinnleirean, cùig air an làimh dheis, agus cùig air an làimh chlì, air beulaobh a' ghuth-àite, do òr fìor-ghlan; agus na blàthan, agus na lòchrain, agus na clobhachan⁶, do òr.

50 Agus na cuachan, agus na smàladair-ean, agus na copain, agus na spàinean, agus na tùiseirean, do òr fìor-ghlan: agus na lùdagan do òr, an dà chuid do dhorsaibh an tighe a steach, *eadhon* an *ionaid* ro naomh, *agus* do dhorsaibh an tighe, *eadhon* an teampuill.

51 Agus chrìochnaicheadh an obair uile a rinn rìgh Solamh air son tighe⁷ an Tighearn: agus thug Solamh a stigh nithe naomhaichte⁸ Dhaibhidh 'athar; *eadhon* an t-airgiod, agus an t-òr, agus an t-uidheam⁹, chuir e am measg ionmhais tighe an Tighearna.

CAIB. VIII.

1 *Thug Solamh agus seanairean Israeil an àire suas do'n ionad naomh.* 14 *Bheannaich Solamh an coimhthional.* 22 *Rinn e urnuigh ri Dia.* 62 *Thug e seachd ìobairtean thabhartasa-sith.*

AN sin chruinnich Solamh seanairean Israeil, agus cinn nan treubh uile, ceannardan aithriche chloinn Israeil, gu rìgh Solamh ann an Ierusalem, chum gu'n tugadh iad a mìos àirc coimhcheangail an Tighearn, á baile Dhaibhidh: *is* e sin Sion.

2 Agus chruinnich fir Israeil uile iad fèin a dh'ionnsuidh rìgh Solaimh, air an fhéill¹⁰ ann am mìos Ètanim; *is* e sin an seachdamh mìos.

3 Agus thàinig uile sheanairean Israeil, agus thog na sagairt an àirc.

4 Agus thug iad suas àire an Tighearn, agus pàillun a' choimhthionail, agus an t-uidheam naomh uile a *bha* sa' phàillun; *eadhon* iad sin thug na sagairt agus na Lebhithich suas.

5 Agus *bha* rìgh Solamh, agus coimhthional Israeil uile, a thionail d'a ionnsuidh, maille ris roimh an àirc, ag iobradh chaorach, agus cruidh, nach robh e'n comas àireamh, no mheas, a thaobh lìonmhoireachd.

6 Agus thug na sagairt a steach àirc coimhcheangail an Tighearna d'a h-àite fèin, do ghuth-àit an tighe, do'n *ionad* a's ro naomh, *eadhon* fuidh sgiathaibh nan cherub.

7 Oir sgaoil na cheruban a mach an sgiathan os ceann àite na h-àirce, agus chòmhdaich na cheruban an àirc, agus a lunnan¹¹ gu h-àrd.

8 Agus tharruing iad a mach na lunnan, air chor as gu'm faicte cinn nan lunn as an *ionad* naomh fa chomhair a' ghuth-àite, ach cha'n fhaicte a mach iad: agus tha iad an sin gus an là'n diugh.

9 Cha robh ni air bith anns an àirc ach an dà chlàr chloiche, a chuir Maois an sin ann an Horeb, an uair a rinn an Tighearna *coimhcheangal* ri cloinn Israeil, ag teachd a mach dhoibh á tìr na h-Eiphit.

10 Agus an uair a thàinig na sagairt a mach as an *ionad* naomh, lìon an neul tigh an Tighearn,

11 Air chor as nach b'urrainn na sagairt seasamh a fhrithealadh leis an neul: oir lion glòir an Tighearn tigh an Tighearn.

12 An sin thubhairt Solamh, Thubhairt an Tighearna gu'n gabhadh e còmhnuidh ann an dorchadas tigh.

13 Gu dearbh thog mise tigh-còmhnuidh dhuit, àite deas¹² chum thu dh'fhantuinn ann gu bràth.

14 Agus thionndaidh an rìgh 'aghaidh, agus bheannaich e uile choimhthional Israeil: (agus uile choimhthional Israeil 'nan seasamh:)

15 Agus thubhairt e, Gu ma beannaichte an Tighearna Dia Israeil, a labhair le 'bheul fèin ri m'athair Daibhidh, agus a choimhllion e le 'làimh¹³, ag ràdh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith á uile treubhan¹⁴ Israeil a thogail tighe, chum gu'm biodh m'ainm an sin: ach thagh mi Daibhidh gu bhi os ceann mo shluaigh Israeil.

17 Agus *bha* e ann an cridhe Dhaibhidh m'athar, tigh a thogail do ainm an Tighearna Dé Israeil.

18 Agus thubhairt an Tighearna ri Daibhidh m'athair, A chionn gu'n robh e ann do chridhe tigh a thogail do m'ainm-sa, is maith a rinn thu gu'n robh e ann do chridhe:

19 Gidheadh, cha tog thusa an tigh, ach

¹ poitean.

² dealrach, fìor-ghlan.

³ an t-uidheam.

⁴ cha de rannsachadh.

⁵ an airneis, na soithiche.

⁶ teanchaircan.

341

⁷ ann an tigh.

⁸ nithe coisrigte.

⁹ na soithiche.

¹⁰ fhéisd.

¹¹ bataichean.

¹² suidhichte.

¹³ le' chumhachd.

¹⁴ theaghtaichibh, fhuincachibh.

I. RIGH, VIII.

do mhac a thig a mach as do leasraidh, togaidh esan an tigh do m'ainm-sa.

20 Agus choimhlon¹ an Tighearna fhocal a labhair e; agus dh'éirich mise suas an àite Dhaibhidh m'athar, agus tha mi a'm shuidhe air rìgh-chaitheir Israeil, mar a labhair² an Tighearna, agus thog mi tigh do ainm an Tighearna Dé Israeil.

21 Agus shuidhich m' n sin àite do'n àire, anns *am bheil* coimhcheangal an Tighearna, a rinn e r'ar n-aithrichibh, an uair a thug e mach iad á tìr na h-Eiphit.

22 Agus sheas Solamh air beulaobh altair an Tighearna, ann an làthair uile choimhthionail Israeil, agus sgaoil e mach a làmhnan gu nèamh:

23 Agus thubhairt e, A Thighearna Dhé Israeil, cha 'n eil Dia ann cosmhuil riutsa, anns na nèamhaibh sluas, no air an talamh a bhos³, a chumas coimhcheangal agus tròcair ri d' sheirbhiseach a ghluais-eas a d' fhluanuis le n uile chridhe:

24 A clum ri t'òglach Daibhidh m'athair an ni a labhair thu ris; oir labhair thu le d' bheul, agus le d' làimh choimhlon thu, mar air an là n diugh.

25 A nis uime sin, a Thighearna Dhé Israeil, cum ri t'òglach Daibhidh m'athair an ni a labhair thu ris, ag ràdh, Cha bhi duine dhith ort a'm fhluanuis-sa, a shuidheas air rìgh-chaitheir Israeil; ma bheir a mhàin do chlànn an aire d'an slighe, le ghuasad a'm fhluanuis-sa, mar a ghluais thusa a'm fhluanuis.

26 Agus a nis, a Dhé Israeil, daingnich-e⁴, guidheam ort, t'fhocal, a labhair thu ri t'òglach Daibhidh m'athair.

27 Ach an gabh Dia da rreadh còmhnuidh air an talamh? feuch, cha chum na nèamhan agus nèamhan nan nèamh thusa; cia gu mòr as lugha na sin an tigh so a thog mise?

28 Gidheadh amhaire air⁵ urnuigh do sheirbhiseach, agus air 'athchuinge⁶, a Thighearna mo Dhia, a dh'éisdeachd ris a' ghlaodh agus ris an urnuigh, a tha do sheirbhiseach a' deanamh a d' fhluanuis an diugh:

29 A chum gu'm bi do shùilean fosgailte ris an tigh so a dh'oidheche agus a là; eadhon ris an àite mu'n dubhairt thu, Bithidh m'ainm an sin: a chum gu'n éisd thu ris an urnuigh a ni do sheirbhiseach a dh'ionnsuidh an àite so⁷.

30 Agus éisd thusa ri athchuinge do sheirbhiseach, agus do shluaigh Israeil, an uair a ui iad urnuigh a dh'ionnsuidh an àite so: agus éisd thusa o d' àite-còmhnuidh, o na nèamhaibh⁸, agus an uair a

dh'éisdeas tu, maith⁹ dhoibh.

31 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n tig na mionnan air beulaobh t'altarach anns an tigh so;

32 An sin éisd thusa o na nèamhaibh, agus dean, agus thoir breth air do sheirbhiseach, a' diteadh an aingidh, gu 'shlighe a thabhairt air a cheann féin; agus a' fìreanachadh¹⁰ an fhèin, a thabhairt da a réir 'fhireantachd¹¹.

33 An uair a bhuailear do shluagh Israeil an làthair an nàmhaid, a chionn gu'n do pheacaich iad a d' aghaidh, agus a philleas iad riut, agus a dh'aidicheas iad t'ainm, agus a ni iad urnuigh, agus a ghuidheas iad ort anns an tigh so;

34 An sin éisd thusa o na nèamhaibh, agus maith peacadh do shluaigh Israeil, agus thoir a ris iad do'n fhearann a thug thu d'an aithrichibh.

35 An uair a dhruidear na nèamhan, agus nach bi uisge ann, a chionn gu'n do pheacaich iad a d' aghaidh-sa, agus a ni iad urnuigh a dh'ionnsuidh an àite so, agus a dh'aidicheas iad t'ainm, agus a dh'iompaichear iad o'm peacadh, an uair a chuireas tu fuaidh àmhghar iad;

36 An sin éisd thusa o na nèamhaibh, agus maith peacadh do sheirbhiseach, agus do shluaigh Israeil, a chum gu'n teagaisg thu dhoibh an t-slighe mhaith anns an còir dhoibh gluasad, agus gu'n cuir thu uisge air t'fhearann, a thug thu do d' shluagh mar oighreachd.

37 Ma bhios gorta anns an tìr, ma bhios plàigh ann, seargadh, fuar-dhealt¹², locuist, ma bhios burruis¹³ ann; ma theann-aicheas¹⁴ a nàmhaid e ann an tìr a bhailte, ciod air bith plàigh, ciod air bith euslaint a bhios ann:

38 Ge b'e urnuigh, ge b'e athchuinge a chuirear suas le duine sam bith, no le d' shluagh Israel uile, ma bhios fios aig gach aon air plàigh a chridhe féin, agus ma sgaoileas e mach a làmhnan a dh'ionnsuidh an tìghe so;

39 An sin éisd thusa o na nèamhaibh t'àite-còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaidh uile chloinn nan daoine:)

40 A chum gu'm bi eagal orra romhadsa rè na n uile làithean a bhios iad beò anns an fhearann¹⁵, a thug thu d'ar n-aithrichibh.

¹ dhaingnich. Eabh.

² gheall.

³ shìos.

⁴ fìrinnichear.

⁵ biodh suim agad do.

⁶ aslach.

⁷ a làimh an àite so, anns an àite so.

⁸ ann ad àite-còmhnuidh, ann ann fìatheanas.

⁹ lagh. ¹⁰ a' saoradh, glanadh. ¹¹ ionracais.

¹² crith-leadh, mill-cheo, carc-dhrùchd.

¹³ lus-chuach; caterpillar. Sasg. hasil. Eabh.

¹⁴ chumhainnicheas, chuairticheas.

¹⁵ air aghaidh an fhearainn. Eabh.

¹⁶ A thuill' air sin.

I. RIGH, VIII.

41 Os bàrr¹⁶, a thaobh coigrich nach 'eil do d' shluagh Israel, ach a thig á tìr chéin¹ air sgàth t'ainm-sa;

42 (Oir chuinnidh iad mu t'ainm mòr-sa, agus mu d'làimh làidir, agus do ghairdean sìnte mach:) an uair a thig e agus a ni e urnuigh a dh'ionnsuidh an tighe so;

43 Eisd thusa o na nèamhaibh t-àite-còmhnuidh, agus dean a réir nan uile *nithe* mu'n glaoth an coigreach riut: air chor as gu'm bi eòlas aig uile shlòigh na talmhainn air t-ainmsa, chum gu'm bi eagal orraromhad mar *a ta air* do shluagh Israel, agus gu'm bi fios aca gu bheil an tigh so a thog mise air 'ainmeachadh ort.

44 Ma théid do shluagh a mach a chogadh an aghaidh an naimhde, ge b'e rathad a chuireas tu iad, agus gu'n dean iad urnuigh ris an Tighearn a làmh² a' bhaile a ròghnaich thusa, agus an tighe a chuir mise suas do t'ainm;

45 An sin éisd thusa o na nèamhaibh r'an urnuigh agus r'an athchuinge, agus seas³ an coir.

46 Ma pheacaicheas iad a'd' aghaidh, (oir cha *n'eil* duine ann nach peacaich,) agus gu'n las t'fhearg 'nan aghaidh, agus gu'n toir thu thairis iad d'an naimhdibh, agus gu'n toir iad leo 'nam braighdibh iad do thir *an* naimhdean, am fad no'm fagus;

47 *Gidheadh*, ma ni iad aithreachas 'nan cridhe⁴ anns an tìr d'an d'thugadh 'nam braighdibh iad, agus ma dh'iompaichear iad, agus ma ghuidheas iad ort ann an tìr na muinntir a thug leo 'nam braighdibh iad, ag ràdh, Pheacaich sinn, rinn⁵ sinn gu h-eucorach, rinn sinn gu h-aingidh;

48 Agus *mar so* ma philleas iad a d' ionnsuidh-sa le'n⁶ uile chridhe, agus le'n uile anam, ann an tìr an naimhdean, a thug leo 'nam braighdibh iad, agus *ma* ni iad urnuigh riutsa rathad an tìre féin, a thug thu d'an aithrichibh, *rathad* a' bhaile a ròghnaich thu, agus an tighe a thog mi do t'ainm;

49 An sin éisd thusa o na nèamhaibh, t-àite-còmhnuidh, r'an urnuigh agus r'an athchuinge, agus seas an coir,

50 Agus maith do d' shluagh a pheacaich a'd' aghaidh, agus an eusaontais uile a rinn iad a'd' aghaidh, agus faigh truas dhoibh an làthair na muinntir a thug leo 'nam braighdibh iad, a chum gu'n gabh iad truas riu:

51 Oir *is iad* do shluagh-sa agus t'oighreachd iad, a thug thu mach as an Eiphit, á meadhon na h-àmhuinne iaruin:

52 A chum gu'm bi do shùilean fosgaichte ri athchuinge do sheirbhisich, agus ri

athchuinge do shluaigh Israeil, a dh'éisd-eachd riu anns gach nì mu'n gairm iad ort.

53 Oir dhealaich thu iad chum oighreachd dhuit féin o uile shluagh na talmhainn, mar a labhair thu le làimh Mhaois t'òglaich féin, an uair a thug thu ar n-aithriche mach as an Eiphit, a Thigh-earna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athchuinge so, dh'éirich e o bheulaobh altarach an Tighearn, o e féin a lùbadh air a ghluinibh, agus a làmhan sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le guth mòr, ag ràdh,

56 Gu ma beannaichte an Tighearn a thug suaimhneas⁷ d'a shluagh Israel, a réir nan uile *nithe* a labhair⁸ e: cha do thuit⁹ aon fhocal *gu làr* d'a bhrìathraibh maith uile, a labhair e le làimh Mhaois, 'òglaich féin.

57 Gu'n robh an Tighearn ar Dia maille ruinne, mar a bha e maille ri'r n-aithrichibh: na fàgadh e sinn, agus na tréigeadh e sinn;

58 A chum gu'n aom e ar cridhe thuige¹⁰ féin, a ghluasad 'na shlighibh uile, agus a ghleidheadh 'aith-eantan, agus a reachd-an, agus a bhreitheanas, a dh'àithn e d'ar n-aithrichibh.

59 Agus gu'n robh na briathra so agam-sa, leis an do chuir mi suas athchuinge am fianuis an Tighearn, am fagus do'n Tighearn ar Dia a là agus a dh'oidheche, a chum gu'n seas e coir a sheirbhisich, agus coir a shluaigh Israeil, anns gach àm, mar a dh'iarraas a' chùis¹¹:

60 A chum gu'm bi fios aig uile shluagh na talmhainn gur e'n Tighearn a's Dia ann, agus nach *eil* ann ach e.

61 Bithheadh bhur cridhe uime sin iomlan leis an Tighearn ar Dia, a ghluasad 'na reachdaibh, agus a ghleidheadh 'aith-eantan, mar air an là'n diugh.

62 Agus dh'ìobair an rìgh, agus Israel uile maille ris, ìobairt am fianuis an Tighearn.

63 Agus dh'ìobair Solamh ìobairt thabh-artasa-sith, a dh'ìobair e do'n Tighearna, dà mhìle thar fhichead bò, agus ceud agus fichead mìle caora: mar sin chois-rig¹² an rìgh, agus clann Israeil uile, tigh an Tighearn.

64 Air an là sin féin naomhaich an rìgh meadhon na cùirte a *bh'*air beulaobh tighe an Tighearn: oir thug e suas an sin ìobairte-loisgte, agus tabhartasa-bidh, agus saill nan tabhartas-sith; a chionn

¹ fad as.

² a dh'ionnsuidh.

⁷ fois, tàmh.

⁸ gheall.

⁹ cha d'fhàillnich

³ cum suas; dean. Eabh.

⁴ ma philleas iad

¹⁰ chuige.

¹¹ gnothuch gach là 'na làthas

d'an cridhe. Eabh.

⁵ agus rinn.

⁶ nan. Eabh.

féin. Eabh.

¹² naomhaich.

gu' *robb* an altair umha a *bha*'m fianuis an Tighearna, ro bheag a ghabhail nan lobairt-loisgte, agus nan tabhartas-bìdh, agus saill nan tabhartas-sith.

65 Agus chum Solamh anns an àm sin féill¹, agus Israel uile maille ris, coimh-thional mòr, o dhol a stigh Hamait gu ruig amhaìnn na h-Eiphit, am fianuis an Tighearn ar Dé, seachd làithean agus seachd làithean, *eadhon* ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh am bùth, subhach agus aoibhinn 'nan cridhe, air son a' mhaith uile a rinn an Tighearna do Dhaibhidh a sheirbhiseach agus d'a shluagh Israel.

CAIB. IX.

1 Rinn Dia, an dara uair, coimheangal ri Solamh.

11 Thug Solamh fichead baile do Hiram air son a sheirbhis dha. 20 Rinneadh tràillean do na Canaanich.

A GUS an uair a chuir Solamh crìoch air tigh an Tighearn, agus tigh an rìgh a thogail, agus uile mhiann Sholaimh bu taitneach leis a dheanamh,

2 Dh'fhoillsich an Tighearn e féin do Sholamh an dara uair, mar a dh'fhoillsich se e féin da ann an Gibeon.

3 Agus thubhairt an Tighearna ris, Chuala mi t'urnuigh agus t'athchuinge a chuir thu suas a'm' fhianuis: naomhaich mi an tigh so a thog thu, a chur m'ainme an sin gu bràth; agus bithidh mo shùilean agus mo cluridhe an sin gach là².

4 Agus na ghluaiseas tusa ann am fhianuis, mar a ghluais Daibhidh t'athair, ann an iomlaine cridhe, ann an ionracas, a dheanamh a réir nan uile *nithe* a dh'-àithn mise dhuit, agus gu'n gléidh thu mo reachdan agus mo bhreitheanaidh,

5 An sin daingnichidh mise caithir do rìoghachd air Israel gu bràth, mar a labhair mi ri Daibhidh t'athair, ag ràdh, Cha bli duine dhith ort air rìgh-chaitir Israel.

6 Ach ma thionndaidheas sibh da rìreadh o m' leantuinn-sa sibh *féin* agus bhu clann, agus nach gléidh sibh m' àitheantan agus mo reachdan a chuir mi roimhibh, ach gu'm falbh sibh agus gu'n dean sibh seirbhis do dhiathaibh eile, agus gu'n sleuchd sibh³ dhoibh;

7 An sin gearraidh mise Israel as bhàrr aghaidh an fhearainn a thug mi dhoibh: agus an tigh so a naomhaich mi do m'ainm féin, tilgidh mi as mo shealladh; agus bithidh Israel 'na ghnàth-fhocal, agus 'na leth-fhocal⁴ am measg nan uile shluagh:

8 Agus an tigh so a bha⁵ co àrd, gach neach a ghabhas seachad air, bithidh

iongnadh air, agus nì e sgeig⁶; agus their iad, C'ar son a rinn an Tighearna mar so ris an tìr so, agus ris an tigh so?

9 Agus freagraidh⁷ iad, A chionn gu'n do thréig iad an Tighearn an Dia, a thug a mach an aithriche á tìr na h-Eiphit, agus gu'n do ghabh iad d'an ionnsuidh⁸ diathan eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thu an Tighearn orra an t-olc so uile.

10 Agus an ceann fhichead bliadhna, anns an do thog Solamh an dà thugh, tigh an Tighearn agus tigh an rìgh,

11 *A chionn gu'n* d'thug Hiram rìgh Thiruis seachd do Sholamh fiodh seud-air, agus fiodh giuthais, agus òr, gu' uile thoil, an sin thug rìgh Solamh do Hiram fichead baile ann an tìr Ghalile.

12 Agus thàinig Hiram a mach á Tirus a dh'fhaicinn nam bailtean a thug Solamh dha; ach cha do thaitinn iad ris.

13 Agus thubhairt e, Cìod iad na bailte sin a thug thu dhomh, a bhràthair? Agus thugadh fearann Chabuil mar ainm orra agus an là'n diugh.

14 Agus chuir Hiram a dh'ionnsuidh an rìgh sè fichead tàlann òir.

15 Agus *is e* so aobhar na cìse a thog rìgh Solamh a thogail tighe an Tighearn, agus a thighe féin, agus Mhilo, agus balla Ierusalem, agus Hasoir, agus Mhegido, agus Gheseir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teime, agus mharbh e na Canaanach a bha chòmhnuidh sa' bhaile, agus thug se e *mar* thiodhlac d'a nighinn, mnaoi Sholaimh.

17 Agus thog Solamh Geser, agus Bethoron iochdarach,

18 Agus Baalat, agus Tadmor san fhàsach, anns an tìr,

19 Agus na h-uile bhailte ionmhais a bh'aig Solamh, agus bailtean a charbad, agus bailtean a mharc-shluaigh, agus miann Sholaimh a mhianuach e thogail ann an Ierusalem, agus ann an Lebanon, agus ann an tìr a thighearnais⁹ uile.

20 Agus an sluagh uile a dh'fhagadh beò do na h-Amoraich, do na Hitich, do na Peridsich, do na Hibhich, agus do na Iebusaich, nach *robb* do chloinn Israel,

21 An clann a dh'fhagadh 'nan dèigh san tìr, nach b' urrainn clann Israeil a sgrios gu tur, dhiubhsan thog Solamh daor-chis gus an là'n diugh.

22 Ach do chloinn Israeil cha d'rinn Solamh tràill sam bith: ach *bha* iad 'nam fir-chogaidh, agus 'nan seirbhisich aige, agus 'nan uachdaranuibh, agus 'nan ceann-

¹ cuirm, féisd.

² an còmhnuidh.

³ crom sibh sìos. Eabh. ⁴ fhocal-fochaìd. ⁵ tha.

⁶ feadaidh e; he will hiss. Sasg. ⁷ their. Eabh.

⁸ rinn iad greim air. ⁹ uachdaranachd.

I. RIGH, IX. X.

ardaibh, agus 'nan riaghlairibh a charbad agus a mliarc-shluaigh.

23 B'iad so uachdarain an luchd-dreuchd a bha os ceann oibre Sholaimh, cùig ceud agus leth-cheud, a riaghail os ceann an t-sluaigh a dh'oibrich san obair.

24 Ach chaidh nighean Pharaoh suas á baile Dhaibhidh d'a tigh féin, a thog Solamh dhi: an sin thog e Milo.

25 Agus dh'ìobair Solamh trì uaire sa bhliadhna iobairte-loisgte, agus iobairt-sith air an altair a thog e do'n Tighearn, agus loisg e tùis air an altair a bha 'm fianuis an Tighearn: agus chrìochnaich e 'n tigh.

26 Agus rinn rìgh Solamh loingear² ann an Esion-geber, a tha làimh ri Eilot, air tràigh na mara ruaidhe, ann an tìr Edoin.

27 Agus chuir Hiram anns an loingear òglaich féin, maraichean³ aig an robh eòlas na fairge, maille ri òglaich Sholaimh.

28 Agus thàinig iad gu h-Ophir, agus thug iad as sin òr, ceithir cheud agus fichead tàlann, agus thug iad gu rìgh Solamh e.

CAIB. X.

1 Ghabh ban-rìghinn Sheba iongantais ri gliocas Sholaimh. 14 Cothrom an òir a thàinig d'a ionnsuidh gach bliadhna. 18 A rìgh-chaitheir. 21 A shoithichean. 26 A charbaid agus a mharc-shluaigh.

AGUS an uair a chuala ban-rìghinn⁴ Sheba cliu Sholaimh ann an ainm⁵ an Tighearna, thàinig i g'a dhearbhadh le ceisidibh cruaidhe⁶.

2 Agus thàinig i do h-Ierusalem le cuid-eachd ro mhòir, le càmhalaibh a' giùlan spìosraidh⁷, agus ro mhòran òir agus chlacha luachmhor⁸: agus thàinig i dh'ionnsuidh Sholaimh, agus labhair i ris gach ni a bha 'na cridhe.

3 Agus mhinich Solamh dhi a briathran⁹ uile: cha robh ni air bith am folach air an rìgh nach do mhinich e dhi.

4 Agus an uair a chunnaic ban-rìghinn Sheba uile ghliocas Sholaimh, agus an tigh a thog e,

5 Agus biadh a bhùird, agus suidhe¹⁰ a sheirbhisich, agus feitheamh a luchd-frithealaidh, agus an trusgan¹¹, agus a ghillean-cupain, agus a dhol suas air an deachaidh e agus gu¹² tigh an Tighearna, cha robh spiorad innte ni's mò.

6 Agus thubhairt i ris an rìgh, B'fhir an t-iomradh¹³ a chuala mise ann am thir féin air do ghnìomharaibh¹⁴, agus air do ghliocas.

7 Gidheadh, cha do chreid mi na briathra, gus an d'thàinig mi, agus gu'm faca mo shùilean féin e; agus, feuch, cha d'innseadh a leth dhomh: chaidh do ghliocas agus do shoirbheachadh thar¹⁵ an iomradh a chuala mi.

8 Is sona do dhaoine, is sona iad so do sheirbhisich, a sheasas a'd' fhianuis an còmhnuidh, ag èisdeachd ri d' ghliocas.

9 Gu ma beannaichte an Tighearna do Dhia, a ghabh tlachd annad gu d' chur air rìgh-chaitheir Israeil: a chiomn gu'm bheil gràdh aig an Tighearna do Israel gu bràth, uime sin rinn e thusa a'd' rìgh, a dheanamh breitheanas agus ceartais.

10 Agus thug i do'n rìgh sè fichead tàlann òir, agus ro mhòran do spìosraidh, agus clachan luachmhor: (cha d'thàinig riamh tuilleadh a leithid so do phailteas spìosraidh, as a thug ban-rìghinn Sheba do rìgh Solamh.

11 Agus mar an ceudna loingear¹⁶ Hiram a ghùilain òr o Ophir, thug i o Ophir ro mhòran do fhiodh¹⁷ almuig, agus clacha luachmhor.

12 Agus rinn an rìgh do'n fhiodh almuig puist do thigh an Tighearn, agus do thigh an rìgh, clàrsaichean mar an ceudna agus saltairean do'n luchd-ciùil: cha d'thàinig a leithid so do fhiodh almuig, agus cha'n fhacas a leithid gus an là'n diugh.)

13 Agus thug rìgh Solamh do bhan-rìghinn Sheba a h-uile mhiann a dh'iarr i, a thuilleadh air na thug e dhi a réir 'fhiailidheachd rìghail féin¹⁸: agus phill i, agus dh'fhalbh i d'a tìr, i féin agus a seirbhisich.

14 A nis b'e cothrom¹⁹ an òir a thàinig gu Solamh ann an aon bhliadhna, sè ceud, trì fichead, agus sè talannan òir;

15 A thuilleadh air na fhuair e o na ceannaichibh, agus o mhalairt²⁰ an luchd-spìosraidh, agus o uile rìghribh Arabia, agus o uachdaranaibh na tìre.

16 Agus rinn rìgh Solamh dà cheud sgiath do òr buailte²¹: sè ceud secel òir chuir e chum gach sgèithe.

17 Agus rinn e trì cheud targaid do òr buailte: trì puind òir chuir e chum gach targaid: agus chuir an rìgh iad ann an tigh frithe Lebanoir.

18 Rinn an rìgh mar an ceudna rìgh-chaitheir mhòr do fhiacalibh elephant, agus chòmhdaich e i leis an òr bu ghloime.

19 Bha sè ceuman aig an rìgh-chaitheir, agus bha sè mullach na rìgh-chaitheir cruinn o'cùl: agus bha làmh an rìgh chum

¹ oirre-san a bha. ² long. ³ sciopairean.

⁴ ban-rìgh. ⁵ agus ainm. ⁶ toimhseachanaibh.

⁷ nithe càbhraidh. ⁸ leug. ⁹ ceisdean.

¹⁰ còmhnuidh. ¹¹ carraidh, eudach.

¹² na h-iobairte-loisgte a dh'ìobair e ann.

¹³ B'fhir ann focal. ¹⁴ do bhriathraibh, do

ràdhaibh. ¹⁵ chuir thu gliocas agus maith ris. Eabh.

¹⁶ long. ¹⁷ chrannaibh.

¹⁸ a rèir làimhe rìgh Solaimh. Eabh.

¹⁹ eudthrom.

²⁰ cheannaigheachd, ghnothachail.

²¹ fìor-ghlan.

taobh do'n àite-shuidhe, agus dà leòmhann a' seasamh làimh ris na làmhann.

20 Agus sheas dà leòmhann dheug an sin air na sè ceumaibh, air an taobh so agus air an taobh ud: cha d'rinneadh a leithid ann an rìoghachd air bith eile.

21 Agus bha uile shoithichean òil rìgh Sholaimh do òr, agus uile shoithiche tighe frìthe Lebanoin do òr fìor-ghlan: cha robhaon diubh do airgid; cha robh meas air bith dheth ann an làithibh Sholaimh.

22 Oir bha loingeas Tharsis aig an rìgh air muir maille ri loingeas Hiram: aon uair anns na trì bliadhnaibh thàinig loingeas Tharsis, a' giùlan òir, agus airgid, fhìacal elephant, agus apa, agus pheucag¹.

23 Mar so thug rìgh Solamh barrachd air uile rìghribh an domhain ann an saobhreas, agus ann an gliocas.

24 Agus dh'iarr an talamh uile teachd an làthair² Sholaimh, a dh'éisdeachd r'a ghliocas, a chuir Dia 'na chridhe.

25 Agus thug iad leo gach fear a thiodhlac; soithichean airgid agus soithichean òir, agus trusgana, agus airm, agus spiosraidh, eich agus muileidean; cuibhrionn³ bliadhna anns gach bliadhna.

26 Agus chruinnich Solamh carbaid agus marc-shluagh: agus bha mìle agus ceithir cheud carbad aige, agus dà mhìle dheug marcach; a chuir e ann am bailtibh nan carbad⁴, agus maille ris an rìgh ann an Ierusalem.

27 Agus thug an rìgh air airgid a bhi ann an Ierusalem mar chlachan, agus air na crannaibh seudair thug e bhi mar na croinn shicomoir a tha anns an t-srath, air lionmhoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceannaichean an rìgh an snàth-lìn air luach.

29 Agus thàinig carbad a nìos agus chaidh e mach as an Eiphit air shè ceud secel airgid, agus each air cheud gu leth: agus mar sin do uile rìghribh nan Hiteach, agus do rìghribh Shiria, thug iadsan a mach iad le'n làimh.

CAIB. XI.

1 Chlaon mnàì Sholaimh a chridhe 'na shean aois an dèigh dhiathan coimheach. 9 Bhagair Dia gu'n reubadh e a rìoghachd uait. 14 Dhùisg an Tighearna naimhdean suas da. 43 A bhàs.

A GUS bha gaol aig rìgh Solamh air a mòran do mhnaibh coimheach⁵, a thuilleadh air nìghinn Pharaoh, Ban-mhoabaich, Ban-amonaich, Ban-edomach, Ban-shidonaich, agus Ban-hitich;

2 Do na cinneachaibh mu'n d' thubhairt an Tighearna ri cloinn Israeil, Cha téid

sibhse a steach d'an ionnsuidh-san, cha mhò a thig iadsan a steach d'ur n-ionnsuidh-sa; oir gu deimhin bheir iad air bhuir cridhe clàonadh an dèigh an dèe: riu so dh'lùth-leàn Solamh ann an gaol.

3 Agus bha seachd ceud bean aige, mar bhan-rìghinnean, agus trì cheud coimhleabach: agus thug a mhnàì air a chridhe clàonadh.

4 Oir thachair, ann an àm sean aois Sholaimh, gu'n do chlaon a mhnàì a chridhe an dèigh dhiathan eile; agus cha robh a chridhe iomlan leis an Tighearna a Dhia, mar a bha cridhe Dhaibhidh 'athar.

5 Oir chaidh Solamh an dèigh Astaroit ban-dé nan Sidonach, agus an dèigh Mhil-coim gràineileachd nan Amonach.

6 Agus rinn Solamh olc ann an sùilibh an Tighearn; agus cha do lean e gu coimhlionta an Tighearna, mar a rinn Daibhidh 'athair.

7 An sin thog Solamh ionad àrd do Che-mos, gràineileachd Mhoab, anns an t-sliabh a tha mu choinneamh Ierusalem; agus do Mholech, gràineileachd chloinn Amoin.

8 Agus air an dòigh cheudna rinn e d'a mlnaibh coimheach uile, a loisg tuis agus a thug suas iobairt d'an diathaibh.

9 Agus bha fearg air an Tighearna ri Solamh, a chionn gu'n do chlaon a chridhe o'n Tighearna Dia Israeil, a dh'fhoillsich e fèin dha dà uair.

10 Agus a dh'àithn dha a thaobh an ni so, nach racladh e'n dèigh dhiathan eile: ach cha do ghléidh esan an ni a dh'àithn an Tighearn.

11 Uime sin thubhairt an Tighearna ri Solamh, A chionn gu'n d'rinneadh so leat⁶, agus nach do ghléidh thu mo choimhcheangal-sa, agus mo reachdan a dh'àithn mi dhuit, gu deimhin reubaidh mise an rìoghachd uait, agus bheir mi do d' sheirbhiseach i.

12 Gidheadh ann ad làithibh-sa cha dean mi so, air sgàth Dhaibhidh t'athar: à làimh do mhic reubaidh mi i.

13 Ach cha reub mi an rìoghachd uile: bheir mi aon treubh⁷ do d' mhac air sgàth Dhaibhidh m'òglaich, agus air sgàth Ierusalem a thagh mi.

14 Agus dhùisg an Tighearna nàmhaid suas do Sholamh, Hadad an t-Edomach: bha e do'n t-sliochd rìoghail ann an Edom.

15 Oir an uair a bha Daibhidh ann an Edom, agus a chaidh Iob ceannard an t-slòigh suas a dh'adhlacadh nam marbh, an dèigh dha gach fìrionnach ann an Edom a bhualadh,

16 (Oir dh'fhan Iob sè mìosan an sin,

¹ pheabh-eun. gnùis. Eabh.

² dh'iarr an talamh uile ³ nì. Eabh. ⁴ air son charbad.

⁵ a bha 'nan coigrich. riut. Eabh.

⁶ gu'n robh so maille ⁷ fhineadh.

I. RIGH, XI.

agus Israel uile, gus an do ghearr e as gach fìrionnach ann an Edom.)

17 Theich Adad, e fèin agus Edomaich àraidh do sheirbhisich 'athar maille ris, gu dol a stigh do'n Eiphit; agus Hadad fathast 'na leanaban òg.

18 Agus dh'èirich iad á Midian, agus thàinig iad gu Paran, agus thug iad daoine leo á Paran, agus thàinig iad do'n Eiphit, gu Pharaoh rìgh na h-Eiphit; agus thug esan dha tigh, agus dh'orduiche lòn dha, agus thug e fearann dha.

19 Agus fhuair Hadad deadh-ghean¹ mòr ann an sùilb Pharaoh, air chor as gu'n d'thug e dha 'na mnaoi piuthar a mhnà fèin, piuthar Thahpeneis na ban-rìghinn.

20 Agus rug piuthar Thahpeneis dha Genubat a mhac, a chuir Tahpenes bhàrr na cìche ann an tigh Pharaoh: agus bha Genubat ann an teaghlach Pharaoh am measg mhac Pharaoh.

21 Agus an uair a chuala Hadad san Eiphit gu'n do choidil² Daibhidh maille r'a aithrichibh, agus gu'n robh Ioab ceannard an t-sloigh marbh, thubhairt Hadad ri Pharaoh, Leig dhomh imeachd, a chum gu'n tèid mi do m' thìr fèin.

22 Agus thubhairt Pharaoh ris, Ach ciod a tha dh'easbhuidh ort maille riumsa, gu'n iarradh tu, feuch, dol do d' thìr fèin? Agus fhreagair esan, Cha 'n'eil ni air bith, gidheadh leig dhomh falbh air gach aon chor.

23 Agus dhùisg Dia suas nàmhaid eile dha, Reson mac Eliadah, a theich o Hadar-eser³, rìgh Shobah, a thighearn.

24 Agus chruinnich e daoine thuige⁴, agus bha e 'na cheannard air buidhinn, an uair a mharbh Daibhidh iadsan o Shobah: agus chaidh iad do Dhamascus, agus chòmhnuich iad ann, agus rinn iad e 'na rìgh⁵ ann an Damascus.

25 Agus bha e 'na nàmhaid do Israel rè uile làithean Sholaimh, a thuilleadh air an olc a rinn Hadad: agus dh'fhuathaich e Israel, agus rìghich e os ceann Edoim⁶.

26 Agus Ieroboam mac Nebait, Ephrat-ach o Shereda, seirbhiseach do Sholamh, (agus b'e ainm a mhàthar Seruah, ban-trach,) thog eadhon esan a làmh an aghaidh an rìgh.

27 Agus b'e so an t-aobhar mu'n do thog e a làmh an aghaidh an rìgh: Thog Solamh Milo, agus chàirich e bearnan⁷ bhaile Dhaibhidh 'athar.

28 Agus bha'n duine Ieroboam treun ann an gear: agus an uair a chunnaic Solamh gu'n robh an t-òganach deanadach, chuir se e os ceann uile luchd-giùlain uallach⁸ tìghe Ioseiph.

29 Agus thachair anns an àm sin, air dol do Ieroboam a mach á h-Ierusalem, gu'n d'fhuair am fàidh Ahiah an Silonach e san t-slighe, agus e sgeadaichte le trusgan⁹ ùr: agus bha iad 'nan dithis leo fèin anns a' mhachair.

30 Agus rug Ahiah air an trusgan ùr a bha air, agus reub e 'na dhà mhìr dheug e.

31 Agus thubhairt e ri Ieroboam, Gabh dhuit fèin deich mìrean; oir mar so tha'n Tighearna Dia Israeil ag ràdh, Feuch, reubaidh mise an rìoglachd á làimh Sholaimh, agus bheir mi deich treubhan dhuitse:

32 (Ach bithidh aon treubh aige-san air sgàth Dhaibhidh m'òglaich, agus air sgàth Ierusalem, am baile a thagh mi á uile treubhan Israeil:)

33 A chionn gu'n do thréig iad mise, agus gu'n do shleuchd iad¹⁰ do Astarot ban-dia nan Sidonach, do Chemos dia nam Moabach, agus do Mhilcom dia chloinn Amoin, agus nach do ghluais iad ann am shlighibh-sa, a dheanamh an *ni a ta* ceart a m' shùilibh, agus a ghlèidheadh mo reachdan agus mo bhreitheanasa, mar a rinn Daibhidh 'athair.

34 Gidheadh, cha toir mi'n rìoghachd uile as a làmh, ach ni mi e 'na uachdaran¹¹ rè uile làithean a bheatha, air sgàth Dhaibhidh m'òglaich, a thagh mi, a chionn gu'n do ghléidh e m'àitheantan agus mo reachdan.

35 Ach bheir mi'n rìoghachd á làimh a mhic, agus bheir mi dhuitse i, eadhon deich treubhan.

36 Agus d'a mhac-san bheir mi aon treubh, a chum gu'm bi lòchran aig Daibhidh m'òglach an còmhnuidh a m' fhiannais ann an Ierusalem, am baile a thagh mi dhomh fèin a chur m'ainne an sin.

37 Agus gabhaidh mi thusa, agus rìogh-aichidh tu a réir nan uile *nithe* a mliam-aicheas t'anam, agus bithidh tu a d' rìgh air Israel.

38 Agus ma dh'éisdeas tu ris na h-uile *nithibh* a dh'àithneas mise dhuit, agus gu'n gluais thu ann am shlighibh, agus gu'n dean thu an *ni a ta* ceart a m' shùilibh, a ghlèidheadh mo reachdan agus m'àitheantan, mar a rinn Daibhidh m'òglach; an sin bithidh mise maille riut, agus togaidh mi dhuit tigh daingean, mar a thog mi do Dhaibhidh, agus bheir mi Israel dhuit.

39 Agus cràdhaidh mi¹² sliochd Dhaibhidh air a shon so, ach cha'n ann gu bràth.

40 Uime sin dh'iarr Solamh Ieroboam a mharbhadh. Ach dh'èirich Ieroboam,

¹ bàigh.

² luidh.

³ Hadadeser.

⁴ chuige.

⁵ rìghich iad.

⁶ Shìria.

⁷ dhùin e suas briseadh.

⁸ uile chùraim.

⁹ cudach-vachdair, falluinn.

¹⁰ chrom siad iad

fèin. Eabh.

¹¹ 'na cheannard, 'na phrionnsa-th.

¹² cuiridh mi fo àmhghar.

I. RIGH, XI. XII.

agus theich e do'n Eiphit, a dh'ionnsuidh Shisaic righ na h-Eiphit, agus bha e san Eiphit gu bàs Sholaimh.

41 Agus a' chuid eile do ghnìomharaibh¹ Sholaimh, eadhon² na h-uile *nithe* a rinn e, agus a ghliocas, nach *'eil* iad sgrìobhta ann an leabhar ghnìomhara Sholaimh?

42 Agus *b'i* an uine³ a rìghich Solamh ann an Ierusalem os ceann Israeil uile, dà fhlichead bliadhna.

43 Agus choidil⁴ Solamh maille r'a aithrichibh, agus dh'adhlaiceadh e ann am baile Dhaibhidh⁵ athar: agus rìghich Rehoboam a mhac 'na àit.

CAIB. XII.

1 *Chruinnich na Israelich aig Sechem gu Rehoboam a dheanamh 'na righ. 16 Rinn deich treubhan ceannaire 'na aghaidh, agus dh'ung iad Rehoboam gu bhì 'na righ os an ceann. 26 Chuir Ieroboam suas dà laogh òir ann am Bet-el agus ann an Dan.*

AGUS chaidh Rehoboam do Shechem: oir thàinig Israel uile gu Sechem gu 'dheanamh 'na righ.

2 Agus an uair a chuala Ieroboam, mac Nebait, a bha fathast anns an Eiphit *sin*, (far an do theich e o ghnùis righ Solaimh,) phill Ieroboam as an Eiphit⁶.

3 Agus chuir iad *fios* agus ghairm iad air: agus thàinig Ieroboam, agus comh-chruinneachadh Israeil uile, agus labhair iad ri Rehoboam, ag ràdh,

4 Dh'antromaich t'athair ar cuingne, ach eutromaich thus' a nis seirbhis⁷ chruaidh t'athar, agus a chuing throm a chuir e oirnn, agus nì sinn seirbhis dhuit.

5 Agus thubhairt e riu, Falbhaibh fathast *gu ceann* thri làithean, an sin thigibh a ris a m'ionnsuidh. Agus dh'fhalbh an sluagh.

6 Agus chuir righ Rehoboam a chomhairle ris na seann daoineibh a sheas an làth-air Sholaimh⁸ athar, an uair bu bheò e, ag ràdh, Cionnus a tha sibh a' comhairleachadh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tusa an diugh a'd' sheirbhiseach aig an t-sluagh so, agus gu'n dean thu seirbhis dhoibh, agus gu'm freagair thu iad, agus gu'n labhair thu focail mhaithe rin, an sin bithidh iadsan agadsa 'nan seirbhisich gu bràth⁹.

8 Ach thréig esan comhairle nan seann daoine, a thug iad air; agus chuir e 'comhairle ris na daoineibh òga a dh'fhàs suas maille ris *féin*, agus a sheas 'na làth-air.

9 Agus thubhairt e riu, Ciod *a tha* sibhse a' comhairleachadh, a chum gu'n toir sinn

freagradh do'n t-sluagh so, a labhair rium, ag ràdh, Eutromaich a' chuing a chuir t'athair oirnn?

10 Agus labhair na daoine òga a dh'fhàs suas maille ris *féin* ris, ag ràdh, Mar so their thu ris an t-sluagh so a labhair riut, ag ràdh, Dh'antromaich t'athair ar cuing-ne, ach eutromaich thusa dhuinn *i*; mar so labhraidh tu riu, *Tha am meur* a's lugha agamsa nì's gairbhe na leasraidh m'athar.

11 Agus a nis chuir m'athair gun amharas oirbh cuing throm, ach cuiridh mise ri bhur cuing: smachdaich m'athair sibh le slataibh⁸, ach smachdaichidh mise sibh le scorpionaibh⁹.

12 Uime sin thàinig Ieroboam agus an sluagh uile gu Rehoboam air an treas là, mar a dh'àithn an righ, ag ràdh, Thigibh a m' ionnsuidh a ris air an treas là.

13 Agus fhreagair an righ an sluagh gu garbh; agus thréig e comhairle nan seann daoine a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, agus cuiridh mise ri bhur cuing: smachdaich m'athair sibh le slataibh, ach smachdaichidh mise sibh le scorpionaibh.

15 Mar so cha d'éisd an righ ris an t-sluagh; oir bha'n t-aobhar o'u Tighearna, chum gu'n coimhleanadh e 'fhèal féin a labhair an Tighearna le làimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an righ riu, fhreagair an sluagh an righ, ag ràdh, Ciod a' chuibhrionn *a th'* againne ann an Daibhidh? agus cha *'n'eil* oighreachd againne ann am mac Iese: do d' bhùthaibh, O Israeil; a nis amhaire air do thigh féin, a Dhaibhidh. Agus dh'fhalbh Israel d'am bùthaibh.

17 Ach *a thaobh* chloinn Israeil a bha chòmhnuidh ann am bailtibh Iudah, rìghich Rehoboam os an ceann.

18 An sin chuir righ Rehoboam Adoram *d'an ionnsuidh* a bha os ceann na cìse; agus chlach Israel uile e le clachaibh, agus fhuair e bàs: uime sin rinn righ Rehoboam cabhag gu dol suas¹⁰ d'a charbad, chum gu'n teicheadh e do h-Ierusalem.

19 Agus rinn Israel ceannaire an aghaidh tìghe Dhaibhidh¹¹ gus an là'n diugh.

20 Agus an uair a chuala Israel uile gu'n d'thàinig Ieroboam a ris, chuir iad *fios*, agus ghairm iad air do'n chomh-chruinneachadh, agus rinn iad e 'na righ air Israel

¹ bhriathraibh. ² agus. ³ h'iad na làithean. Eabh. ⁴ luidh. ⁵ agus chòmhnuich Ieroboam anns an Eiphit. Faic II. Eachdr. Caib. X. r. 2. ⁶ tràillidheachd. ⁷ gach uile là. Eabh.

⁸ seùrsaibh. ⁹ le slataibh ealgaich cosmhuil ri scorpionaibh. ¹⁰ chaidh righ Rehoboam le 'uile neart suns. ¹¹ thréig, dhealaich Israel ri tìgh Dhaibhidh.

nile: cha do lean aon tigh Dhaibhidh ach treubh Iudah a mhàin.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, ceud agus ceithir fichead mìle fear taghta a bha deanta ri cogadh, a chogadh ri tigh Israeil, a thoirt na rìoghachd air a h-ais gu Rehoboam mac Sholaimh.

22 Ach thàinig focal Dé gu Semaiah duine le Dia, ag ràdh,

23 Labhair ri Rehoboam mac Sholaimh, rìgh Iudah, agus ri tigh Iudah agus Bheniamin uile, agus ri fuigheall an t-sluaigh, ag ràdh,

24 Mar so tha'n Tighearn, ag ràdh, Na rachaibh suas, agus na cogaibh ri r' bràithribh eòinn Israeil: pillibh gach duine d'a thigh féin, oir is ann leamsa a rinneadh an nì so. Agus dh'èisd iad ri focal an Tighearn, agus phill iad gu imeachd a réir focail an Tighearn.

25 Agus thog Ieroboam Sechem ann an sliabh Ephraim, agus chòmhnuich e ann; agus chaidh e mach as a sin, agus thog e Penuel.

26 Agus thubhairt Ieroboam 'na chridhe, A nis pillidh an rìoghachd gu tigh Dhaibhidh a nis:

27 Ma théid an sluagh sò suas a dheanamh iobairtean ann an tigh an Tighearn ann an Ierusalem, an sin pillidh eridhe an t-sluaigh so r'an tighearna, ri Rehoboam rìgh Iudah: agus marbhaidh iad mise, agus pillidh iad gu Rehoboam rìgh Iudah.

28 Uime sin ghabh an rìgh comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem: feuch do dhé, O Israeil, a thug a nios thu á tìr na h-Eiphit.

29 Agus shuidhich e aon *diubh* ann am Betel, agus an *laogh* cile chuir e ann an Dan.

30 Agus rinneadh an nì so 'na pheacadh: oir chaidh an sluagh a *shleuchdadh* an làthair aoin *diubh*, gu ruig Dan.

31 Agus rinn e tigh àitean àrda, agus rinn e sagairt do'n chuid a b'isle do'n t-sluaigh¹, nach robh do chloinn Lebhì.

32 Agus rinn Ieroboam féill² anns an ochdamh mìos, air a' chùigeadh là deug do'n mhìos, cosmhuil ris an fhéill a bha ann an Iudah, agus dh'ìobair e³ air an altair: mar sin rinn e ann am Bet-el, ag òbradh do na laoghaibh a rinn e: agus shuidhich e ann am Bet-el sagairt nan àitean àrda a rinn e.

33 Agus dh'ìobair e air an altair a rinn e ann am Bet-el, air a' chùigeadh là deug do'n ochdamh mìos, anns a' mhìos air au do smuainich e 'na chridhe féin: agus

rinn e féill do chloinn Israeil, agus dh'ìobair e air an altair, agus loisg e tùis⁴.

CAIB. XIII.

1 Dh'èigh fàidh an aghaidh na h-altarach ann am Bet-el. 4 Shearg làmh Ieroboam, ach air iarrtus an fhàidh dh'aisgeadh dha i a ris. 11 Bha am fàidh cas-àmhal do fhocal Dé, agus mharbhadh e le leòmhnan air an t-slighe. 26 Dh'adhlac sean fhàidh e.

AGUS, feuch, thàinig duine le Dia á Iudah le focal an Tighearna gu Bet-el: agus bha Ieroboam 'na sheasamh làimh ris an altair, a losgadh tùise.

2 Agus dh'èigh e an aghaidh na h-altarach ann am focal an Tighearn, agus thubhairt e, O altair, altair! mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus òbraidh e ortsa sagairt nan àitean àrda a loisgeas tùis ort, agus loisgear cnàmha dhaoine ort.

3 Agus thug e air an là sin féin comhara seachad, ag ràdh, Is e so an comhara a labhair an Tighearna: Feuch, reubar an altair, agus dòirtear a mach an luath a tha oirre.

4 Agus an uair a chuala rìgh Ieroboam focal an duine le Dia, a dh'èigh e an aghaidh na h-altarach ann am Bet-el, sliu e a làmh a mach o'n altair, ag ràdh, Beiribh air: agus shearg⁵ a làmh a shìn e mach 'na aghaidh, air chor as nach b'urrainn e a tabhairt air a h-ais thuige⁶.

5 Agus reubadh an altair, agus dhòirt-eadh an luath a mach o'n altair, a réir a' chomharaidh a thug an duine le Dia le focal an Tighearn.

6 Agus shreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisgear mo làmh dhomh a ris. Agus dh'aslaich an duine le Dia gnùis an Tighearn, agus dh'aisgeadh làmh an rìgh dha a ris, agus bha i mar air tùs.

7 Agus thubhairt an rìgh ris an duine le Dia, Thig maille riumsa do m' thigh, agus neartaich thu féin: agus bheir mi tiodhlac dhuit.

8 Agus thubhairt an duine le Dia ris an rìgh, Ged bheircadh tu dhomhsa leth do thighe, cha rachainn a stigh maille riu, cha mhò a dh'ithinn aran, no dh'òlainn uisge anns an àite so:

9 Oir mar so dh'àithneadh dhomh-sa le focal an Tighearn, ag ràdh, Na h-ith aran, agus na h-òl uisge, agus na pill air an t-slighe air an d'thàinig thu.

10 Agus dh'fhalbh e air slighe eile, agus cha do phill e air an t-slighe air an d'thàinig e do Bhet-el.

¹ do dheircadh an t-sluaigh.

² chaidh e suas.

³ féisd.

⁴ chaidh e suas air an altair, a losgadh tùise.

⁵ thiormaich

⁶ chuige.

11 A nis bha sean fhàidh 'na chòmh-nuidh ann am Bet-el; agus thàinig a mhic, agus dh'innis iad da na h-oibre uile a rium an duine le Dia air an là sin ann am Bet-el: na briathran a labhair e ris an righ, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch¹ a mhic *dha* an t-slighe air an d'fhalbh an duine le Dia, a thàinig á Iudah.

13 Agus thubhairt e r'a mhic, Cuiribh diollaid dhomh air an asail. Agus chuir iad diollaid dha air an asail, agus mharcaich e oirre.

14 Agus chaidh e'n déigh an duine le Dia, agus fhuair e 'na shuidhe e fuidh dharaig; agus thubhairt e ris, An tusa an duine le Dia, a thàinig á Iudah? Agus thubhairt esan, *Is mi*.

15 An sin thubhairt e ris, Thig maille riumsa do m' thigh, agus ith aran.

16 Agus thubhairt esan, Cha'n fheud mi pilltim maille riut, no dol a steach maille riut: cha mhò a dh'itheas mi aran, no dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha'n ith thu aran, agus cha'n òl thu uisge an sin; cha mhò philleas tu gu imeachd air an t-slighe air an d'fhàidh thu.

18 Agus thubhairt e ris, *Is* fàidh mise mar an ceudna mar thu féin, agus labhair aingeal rium le focal an Tighearna, ag ràdh, Thoir air ais leat e do d'thig, a chum gu'nith e aran, agus gu'n òl e uisge. *Ach* rinn e breug dha.

19 Agus phill e maille ris, agus dh'ith e aran 'na thigh, agus dh'òl e uisge.

20 Agus an uair a bha iad 'nan suidhe aig a' bhord, thàinig focal an Tighearna a dh'ionnsuidh an fhàidh a thug air ais e:

21 Agus ghlaodh e ris an duine le Dia a thàinig á Iudah, ag ràdh, Mar so tha'n Tighearna ag ràdh, A chionn gu'n robh thu eas-ùmhail do fhocal² an Tighearna, agus nach do ghléidh thu an àithne a dh'àithn an Tighearna do Dhia dhuit,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na h-ith aran, agus na h-òl uisge; cha téid do chorp³ a steach do uaigh t'aithriche.

23 Agus an déigh dha aran itheadh, agus an déigh dha òl, chuir e diollaid dha air an asail, *eadhon* do'n fhàidh a thug e air ais.

24 Agus an uair a dh'fhalbh e, thachair leòmhann air san t-slighe, agus mharbh se e; agus thilgeadh a chorp air an t-slighe, agus sheas an asal làimh ris: sheas an

leòmhann mar an ceudna làimh ris a' chorp.

25 Agus, feuch, *bha* daoine a' gabhail seachad, agus chunnaic iad an corp tilgte air an t-slighe, agus an leòmhann 'na sheasamh làimh ris a' chorp: agus thàinig iad, agus dh'innis iad e anns a' bhaile, anns an robh an sean fhàidh 'na chòmhnuidh.

26 Agus an uair a chual' am fàidh a thug air ais e o'n t-slighe *sin*, thubhairt e, *Is* esan an duine le Dia, a bha eas-ùmhail do fhocal an Tighearna: uime sin thug an Tighearna thairis e do'n leòmhann, a reub e, agus a mharbh e, a réir focail an Tighearna, a labhair e ris.

27 Agus labhair e r'a mhic, ag ràdh, Cuiribh diollaid dhomh air an asail. Agus chuir iad diollaid oirre.

28 Agus dh'fhalbh e, agus fhuair e a chorp tilgte air an t-slighe, agus an asal agus an leòmhann 'nan seasamh làimh ris a' chorp: cha d'ith an leòmhann an corp; cha mhò a reub e an asal.

29 Agus thog am fàidh corp an duine le Dia, agus cluir e air an asail e, agus thug e air ais e: agus thàinig an sean fhàidh do'n bhaile⁴, gu caoidh a dheanamh, agus gu 'adhlacadh⁵.

30 Agus chuir e a chorp 'na uaigh féin; agus rinn iad caoidh os a cheann, *ag ràdh*, Mo thruaighe mo bhràthair!

31 Agus an déigh dha esan adhlacadh, labhair e r'a mhic, ag ràdh, 'Nuair a gheibh mise bàs, an sin adhlacibh mi anns an uaigh anns *am bheil* an duine le Dia adhlacte; làimh r'a chnàmhaibh-san cuiribh mo chnàmha-sa:

32 Oir gu deimhin thig e gu crìch an nì a dh'éigh e le focal an Tighearna an aghaidh na h-altarach ann am Bet-el, agus an aghaidh uile thighean nan àitean àrda, a *tha* ann am bailtibh Shamaria.

33 An déigh an nì so, cha do phill Ieroboam o 'dhroch shlighe, ach rinn e a ris⁶ do'n chuid a b'isle do'n t-sluagh sagartan do na h-àitibh àrda: ge b'e leis am b'àill, choisrig se e, agus bha e 'na aon do shagartaibh nan àitean àrda.

34 Agus bha an nì so 'na pheacadh do thigh Ieroboaim, agus a chum a ghearradh as, agus a chum a sgrìos bhàrr aghaidh na talmhainn.

CAIB. XIV.

1 Chaidh bean Ieroboaim a dh'ionnsuidh an fhàidh Abiah a dh'fhiosrachadh dheth a thaobh a mic. 5 Dh'innis Abiah dhì am breitheanas a bha gu teachd air tigh Ieroboaim. 21 Rìoghachadh aingidh Rehoboaim. 25 Chreach Sisac Ierusalem. 29 Fhuair Rehoboaim bàs, agus rìghich Abiam a mhac 'na àit.

ANNS an àm sin bha Abiah, mac Ieroboaim, gu tinn.

¹ oir chunnaic. ² bheil.

³ chlosach, mharbhan.

⁴ thàinig e do bhaile an t-sean fhàidh. ⁵ 'adhlac.

⁶ phill e agus rinn e. Eabh.

2 Agus thubhairt Ieroboam r'a mhnaoi, Eirich a nis, agus cuir thu féin ann an coslas eile¹, air chor as nach aithnich iad gur tu bean Ieroboaim; agus imich do Shiloh: feuch, an sin *tha* Ahiah am faidh, a dh'innis dhomhsa *gu'm bithinn* a m' righ air an t-sluagh so.

3 Agus thoir² leat a'd' làimh deich buil-innean, agus breacagan, agus soitheach meala, agus falbh d'a ionnsuidh: innsidh esan duit ciod a dh'éireas do'n leanabh.

4 Agus rinn bean Ieroboaim mar sin, agus dh'éirich i, agus chaidh i do Shiloh, agus thàinig i gu tigh Ahiah: ach cha b'urrainn Ahiah *ni* fhacinn, oir dhorch-aicheadh³ a shùilean le aois.

5 Agus thubhairt an Tighearna ri Ahiah, Feuch, tha bean Ieroboaim a' teachd a dh'iarraidh ni ort a thaobh a mic, oir *tha* e gu tinn: mar so agus mar so labhraidh tu rithe⁴; oir tarlaidh⁵ 'nuair a thig i a steach, gu'n gabh i oirre féin *gur bean* eile i.

6 Agus tharladh, an uair a chual' Ahiah fuaim a cos⁶, agus i a' teachd a steach air an doras, gu'n dubhairt e, 'Thig a steach, a bhean Ieroboaim: c'ar son a tha thu a' gabhail ort *gur bean* eile thu? ach chuireadh mise a d' ionnsuidh *le teachd-aircheadh* chruaidh.

7 Falbh, innis do Ieroboam, Mar so tha'n Tighearna Dia Israeil ag ràdh, A chionn gu'n d'ardaich mise thu á meadh-on an t-sluaigh, agus gu'n do chuir mi thu a'd' cheannard air mo shluagh Israel,

8 Agus gu'n do reub mi an rìoghachd o thigh Dhaibhidh agus gu'n d'thug mi dhuitse i; agus *gidheadh* nach robh thu mar m'òglach Daibhidh, a ghléidh m' àith-eant, agus a lean mi le 'uile chridhe, a dheanamh *an ni sin* a mhàin *a bha* ceart ann mo shùilbh-sa;

9 Ach gu'n d'rinn thu olc os ceann nan uile a bha romhad, agus gu'n deachaidh tu agus gu'n d'rinn thu dhuit féin diathan eile⁷, agus dealbhan leaghta, gu fearg a chur ormsa; agus gu'n do thig thu mi air do chùlaobh;

10 Uime sin, feuch, bheir mise olc air tigh Ieroboaim, agus gearraidh mi as o Ieroboam esan a ni uisge ri balla, esan a dhruideadh a steach agus a dh'fhàgadh ann an Israel; agus bheir mi air falbh fuigheall tighe Ieroboaim, mar a bheir nach air falbh aolach gus an teirig e.

11 Esan a gheibh bàs do Ieroboam anns a' bhaile, ithidh na madraidh e; agus esan a gheibh bàs anns a' mhachair, ithidh eunlaith an athair e: oir labhair an Tighearn e.

12 Uime sin éirich thusa, imich do d' thigh féin: an uair a théid do chosan⁸ a steach do'n bhaile, gheibh an leanabh bàs.

13 Agus ni Israel uile caoidh air a shon, agus adhlaidh iad e: oir théid esan a mhàin o Ieroboam a dh'ionnsuidh na h-uaigne; a chionn gu'n d'fhuaradh ann ni maith a thaobh an Tighearna Dé Israeil, aun an tigh Ieroboaim.

14 Os bàrr, togaidh an Tighearna suas dha féin righ air Israel, a ghearras as tigh Ieroboaim air an là sin: ach ciod? a nis féin.

15 Agus buailidh an Tighearn Israel, mar a ghluaisear cuile anns an uisge, agus spionaidh e Israel as an fhearann mhaith so, a thug e d'an aithrichibh, agus sgapaidh e iad air an taobh thall do'n amhainn; a chionn gu'n d'rinn iad an doireachan, a' cur feirge air an Tighearn.

16 Agus bheir e thairis Israel, air son pheacanna Ieroboaim, a pheacaich, agus a thug air Israel peacachadh.

17 Agus dh'éirich bean Ieroboaim, agus dh'imich i, agus thàinig i gu Tirsah: agus an uair a chaidh i steach air stairs-nich an tighe, fhuair an leanabh bàs.

18 Agus dh'adhlaidh iad e, agus rinn Israel uile caoidh air a shon, a réir focail an Tighearn, a labhair e le làimh 'òglaich féin Ahiah an fhàidh.

19 Agus a' chuid eile do ghnìomharaibh Ieroboaim, mar a chog, agus mar a righ-ich e, feuch, *tha* iad sgrìobhta ann an leabhar eachdraidh⁹ rìghrean Israeil,

20 Agus *b'iad* na làithean a rìghich Ieroboam dà bhliadhna thar fhichead: agus choidil e maille r'a aithrichibh, agus rìghich Nadab a mhac 'na àit.

21 Agus rìghich Rehoboam mac Sholaimh ann an Iudah. *Bha* Rehoboam bliadhna agus dà fhichead a dh'aois an uair a thòisich e air rìoghachadh; agus rìghich e seachd bliadhna deug ann an Ierusalem, am baile a thagh an Tighearn á uile threubhan Israeil, a chur 'ainme an sin: agus *b'e* ainm a mhàthar Naamah, Ban-amonach.

22 Agus rinn Iudah olc ann an sùilbh an Tighearn, agus bhrosnaich iad e gu h-eud le'm peacannaibh, a rinn iad os ceann nan uile a rinn an aithriche:

23 Oir thog iadsan mar an ceudna àit-ean àrda dhoibh féin, agus dealbhan, agus doireachan, air gach cnoc àrd, agus fùidh gach craoibh uaine.

24 Agus bha mar an ceudna Sodomaich anns an tìr: rinn iadsan a réir uile ghràin-eileachda nan cinneach, a thilg an Tigh-earn a mach roimh chloinn Israeil.

¹ atharraich thu féin. Eabh.

² sheas. Eabh.

³ bithidh e. Eabh.

⁴ beir.

⁵ ria.

⁶ cas.

⁷ coimheach.

⁸ do chos.

⁹ leabhar thràth-eachdraidh; leabhar fhocla làith-ean. Eabh. chronicles. Sasg.

I. RIGH, XIV. XV.

25 Agus anns a' chùigeadh bliadhna do righ¹ Rehoboam, thàinig Sisac righ na h-Eiphit a nìos an aghaidh Ierusalem:

26 Agus thug e leis ionmhais tighe an Tighearn, agus ionmhais tighe an righ; bhuin e leis eadhon an t-ìomlan: agus thug e leis na sgiathan òir uile a rinn Solamh.

27 Agus rinn righ Rehoboam sgiathan umha 'nan àit, agus thug e thairis iad gu làimh cheannard an fhreiceadain² a ghléidh dorus tighe an righ.

28 Agus an uair a chaidh an righ a steach do thigh an Tighearna, dh'iomchair am freiceadan iad, agus thug iad air an ais iad gu seòmar an fhreiceadain.

29 Agus a' chuid eile do ghlòimhar-aibh³ Rehoboam, agus na h-uile nithe a rinn e, nach 'eil iad sgriobhta ann an leabhar eachdraidh rìghrean Iudah?

30 Agus bha cogadh eadar Rehoboam agus Ieroboam rè an làithean uile.

31 Agus choidil Rehoboam maille r'a aithrichibh, agus dh'adhlacaidh e maille r'a aithrichibh ann am baile Dhaibhidh: agus b'e ainm a mhàthar Naamah, Banamonach. Agus rìghich Abiam a mhac na àit.

CAIB. XV.

1 Rìghachadh aingidh Abiam: 7 a bhàs: 8 rìghich Asa 'na dhèigh. 23 Fhuair Asa bàs, agus rìghich Iehosaphat 'na àit. 25 Rìghachadh aingidh Nadataib: 27 mharbhadh e le Baasa: 28 rìghich Baasa 'na dhèigh, agus choimhlean e fàistneachd Ahiah an aghaidh tighe Ieroboam.

ANIS anns an ochdamh bliadhna deug do righ Ieroboam mac Nebait, rìghich Abiam os ceann Iudah.

2 Tri bliadhna rìghich e ann an Ierusalem: agus b'e ainm a mhàthar Maachah, nighean Abisaloim.

3 Agus ghluais e ann an uile pheacaibh 'athar, a rinn e roimhe: agus cha robh a chridhe iomlan leis an Tighearn a Dhia, mar a bha cridhe Dhaibhidh 'athar.

4 Gidheadh, air sgàth Dhaibhidh thug an Tighearn a Dhia lòchran dha ann an Ierusalem, a chur a mhic suas 'na dhèigh, agus a dhaingneachadh Ierusalem:

5 A chionn gu'n d'rinn Daibhidh an *ni a bha* ceart ann an suilbhan an Tighearn, agus nach do chlaon e o na h-uile *nithibh* a dh'aithean e dha rè uile làithean a bheatha, ach a mhàin an cùis Uriah an Hitich.

6 Agus bha cogadh eadar Rehoboam agus Ieroboam rè uile làithean a bheatha.

7 A nis a' chuid eile do ghlòimhar-aibh⁴ Abiam, agus na h-uile *nithe* a rinn e, nach 'eil iad sgriobhta ann an leabhar eachdraidh rìghrean Iudah? agus bha cogadh eadar Abiam agus Ieroboam.

8 Agus choidil Abiam maille r'a aithrichibh; agus dh'adhlacaidh e ann am baile Dhaibhidh: agus rìghich Asa a mhac 'na àit.

9 Agus anns an fhicheadamh bliadhna do Ieroboam rìgh Israeil, rìghich Asa os ceann Iudah?

10 Agus bliadhna agus dà fhichead rìghich e ann an Ierusalem: agus b'e ainm a mhàthar Maachah, nighean Abisaloim.

11 Agus rinn Asa an *ni a bha* ceart ann an suilbhan an Tighearna, mar a rinn Daibhidh 'athar.

12 Agus dh'fhuadaich e na Sodomaich as an tìr, agus chuir e air falbh na dealbhan uile a rinn 'aithriche.

13 Agus mar an ceudna Maachah a mhàthar, chuir e eadhon ise o *bhi* na ban-rìghinn, a chionn gu'n d'rinn i dealbhan uamhasach ann an doire: agus sgrios Asa a dealbhan uamhasach, agus loisg se e aig sruth Chidroin.

14 Ach cha do chuireadh as do⁵ na h-àitibh àrda: gidheadh, bha cridhe Asa iomlan leis an Tighearna rè a làithean uile.

15 Agus thug e steach na nithe a naomhaich 'athair, agus na nithe a naomhaich e féin, do thigh an Tighearn, airgid, agus òr, agus soithichean.

16 Agus bha cogadh eadar Asa agus Baasa rìgh Israeil, rè an làithean uile.

17 Agus chaidh Baasa rìgh Israeil suas an aghaidh Iudah, agus thog e Ramah, a chum nach leigeadh e le neach air bith dol a mach no teachd a steach gu Asa rìgh Iudail.

18 Agus ghabh Asa an t-airgid agus an t-òr uile a dh'fhàgadh ann an ionmhasaibh tighe an Tighearn, agus ann an ionmhasaibh tighe an righ, agus thug e iad an làimh a sheirbhiseach: agus chuir rìgh Asa iad gu Ben-hadad mac Thabrimoin, mhic Hesioin rìgh Shiria, a bha chòmhnuidh ann an Damascus, ag ràdh,

19 *Tha* coimhcheangal eadar mise agus thusa, agus eadar m'athair-sa agus t'athair-sa: feuch, chuir mi a d'ionnsuidh tiodhlac airgid agus òir; thig agus bris do choimhcheangal ri Baasa rìgh Israeil, a chum gu'm falbh e uam⁶.

20 Agus dh'èisd Ben-hadad ri rìgh Asa, agus chuir e ceannardan nan armailtean a bha aige, an aghaidh bhailtean Israeil, agus bluail e Iion, agus Dan, agus Abilbet-maacah, agus Cinerot uile, maille ri tìr Naphtali uile.

21 Agus an uair a chuala Baasa sin, sguir e do thogail Ramah, agus ghabh e còmhnuidh ann an Tirsah.

22 An sin thug rìgh Asa gairm air feadh

¹ rìghachadh.

² nan gillcan-ruith.

³ bhriathraibh, sgeul.

⁴ bhriathraibh.

⁵ cha do chuireadh air falbh, cha d'atharraich eadh.

⁶ gu'n tog e dhìom.

I. RIGH, XV. XVI.

Iudah uile, (cha robh neach air bith saor;) agus thug iad leo clacha Ramah, agus 'fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile do uile ghnìomh-araibh¹ Asa, agus a neart uile, agus gach nì a rinn e, agus na bailtean a thog e, nach 'eil iad sgrìobhta ann an leabhar eachdraidh rìghrean Iudah? Gidheadh, an àm a shean aois bha eucail 'na chosaibh.

24 Agus choidil Asa maille r'a aithrichibh, agus dh'adhlaicheadh e maille r'a aithrichibh ann am baile Dhaibhidh² athar: agus rìghich a mhac Iehosaphat 'na àit.

25 Agus thòisich Nadab mac Ieroboaim air rìoghachadh os ceann Israeil anns an dara bliadhna do Asa rìgh Iudah; agus rìghich e os ceann Israeil dà bhliadhna.

26 Agus rinn e ole ann an sùilbhan an Tighearn, agus ghluais e ann an slighe athar, agus 'na pheacadh leis an d'thug e air Israel peacachadh.

27 Agus rinn Baasa mac Ahiah, do thigh Isachair, ceannairc² 'na aghaidh: agus bhuail Baasa e làimh ri Gibeton, a bhuineas do na Philistich, an uair a bha Nadab agus Israel uile a' teannachadh³ Ghibetoin.

28 Mar so mharbh Baasa e anns an treas bliadhna do Asa rìgh Iudah, agus rìghich e 'na àit.

29 Agus an uair a rìghich e, bhuail e tigh Ieroboaim uile; cha d'fhàg e neach air bith anns an robh anail aig Ieroboaim, gus an do sgrios se e, a réir focail an Tighearn, a labhair e le làimh a sheirbh-isch Ahiah an t-Silonaich:

30 Air son pheacanna Ieroboaim a pheacaich e, agus leis an d'thug e air Israel peacachadh; air son a' bhrosnachaidh leis an do bhrosnach e'n Tighearna Dia Israeil gu feirg.

31 Agus a' chuid eile do ghnìomharaibh Nadaib, agus na h-uile *nithe* a rinn e, nach 'eil iad sgrìobhta ann an leabhar eachdraidh rìghrean Israeil?

32 Agus bha cogadh eadar Asa agus Baasa rìgh Israeil rè an làithean uile.

33 Anns an treas bliadhna do Asa rìgh Iudah, thòisich Baasa mac Ahiah air rìoghachadh os ceann Israeil uile ann an Tirsah; agus rìghich e ceithir bliadhna fichead.

34 Agus rinn e ole ann an sùilbhan an Tighearn, agus ghluais e ann an slighe Ieroboaim, agus 'na pheacadh leis an d'thug e air Israel peacachadh.

CAIB. XVI.

1 Fàisteachd Iehu an aghaidh tìghe Bhaasa, 5 Fhuair Baasa bàs, agus rìghich Elah 'na àit.

8 Mharbh Simri Elah. 18 Loisg Simri e féin 'nuair a theannaich Omri e ann an Tirsah. 22 Bhuadhaich Omri air Tibni. 27 Fhuair Omri bàs, agus rìghich Ahab 'na àit.

UIME sin thàinig focal an Tighearna gu Iehu mac Hanani an aghaidh Bhaasa, ag ràdh,

2 A chionn gu'n d'ardaich mise thu o'n duslach, agus gu'n d'rinn mi thu a'd' cheannard air mo shluagh Israel, ach gu'n do ghluais thusa ann an slighe Ieroboaim, agus gu'n d'thug thu air mo shluagh Israel peacachadh, g' am bhrosnachadh gu feirg le 'm peacaibh:

3 Feuch, gearraidh mi as sliochd Bhaasa, agus sliochd a thighe; agus nì mi do thighsa mar thigh Ieroboaim mhic Neb-aìt.

4 Esan a dh'eugas do Bhaasa anns a' bhaile ithidh na madraidh e; agus esan a dh'eugas leis anns an fhearann, ithidh eunlaith an athair⁴ e.

5 Agus a' chuid eile do ghnìomharaibh Bhaasa, agus *na nithe* a rinn e, agus a neart, nach 'eil iad sgrìobhta ann an leabhar eachdraidh rìghrean Israeil?

6 Agus choidil Baasa maille r'a aithrichibh, agus dh'adhlaicheadh e ann an Tirsah: agus rìghich Elah a mhac 'na àit.

7 Agus mar an ceudna le làimh an fhàidh Iehu mhic Hanani, thàinig focal an Tighearn an aghaidh Bhaasa, agus an aghaidh a thighe, air son an uile uile a rinn e ann an sùilbhan an Tighearna, 'ga bhrosnachadh gu feirg le obair a làmh, gu bhi mar thigh Ieroboaim, agus a chionn gu'n do mharbh se e.

8 Anns an t-sèathadh bliadhna fichead do Asa rìgh Iudah, thòisich Elah mac Bhaasa air rìoghachadh os ceann Israeil ann an Tirsah; agus rìghich e dà bhliadhna.

9 Agus rinn a sheirbhiseach Simri, ceannard leth a charbad, ceannairc 'na aghaidh 'nuair a bha e ann an Tirsah, ag òl gus an robh e air mliag ann an tigh Arsah, a bha os ceann a thighe ann an Tirsah.

10 Agus chaidh Simri steach, agus bhuail se e, agus mharbh se e, anns an t-seachdamh bliadhna fichead do Asa rìgh Iudah agus rìghich e 'na àit.

11 Agus an uair a thòisich e air rìoghachadh, co luath as a shuidh e air a rìgh-chaitir, bhuail e tigh Bhaasa uile: cha d'fhàg e neach air bith aige a dheanadh uisge ri balla, d'a luchd-dàimh no d'a chairidibh.

12 Mar so sgrios Simri tigh Bhaasa uile, a réir focail an Tighearn, a labhair e an aghaidh Bhaasa le làimh Iehu an fhàidh;

13 Air son uile pheacanna Bhaasa, agus pheacanna Elah a mhic, leis an do

¹ bhriathraibh.

² coimhchealg.

³ cuairteachadh, luidhe mu.

⁴ an aidheir.

I. RIGH, XVI. XVII.

pheacaich iad, agus leis an d'thug iad air Israel peacachadh, a' brosnachadh an Tighearna Dé Israeil gu feirg le'n dìomhanasaibh.

14 Agus a' chuid eile do ghnìomharaibh Elah, agus na h-uile *nìthe* a rinn e, nach *'eil* iad sgrìobhta ann an leabhar eachdraidh rìghrean Israeil?

15 Anns an t-seachdamh bliadhna fich-ead do Asa rìgh Iudah, rìghich Simri seachd làithean ann an Tirsah: agus *bha*'n sluagh air campachadh¹ an aghaidh Ghibeton, a *bhuineadh* do na Philistich.

16 Agus chual' an sluagh a *bha* air campachadh, 'ga ràdh, Rinn Simri ceann-airc, agus mar an ceudna bhuail e'n rìgh: uime sin rinn Israel uile Omri, ceannard an t-slàigh, 'na rìgh air Israel an là sin féin anns a' champ.

17 Agus claidh Omri, agus Israel uile maille ris, suas o Ghibeton, agus theannaich iad² Tirsah.

18 Agus an uair a chunnaic Simri gu'n do ghlacadh ann baile, chaidh e steach do luchairt tìghe an rìgh, agus loisg e tìgh an rìgh os a cheann féin le teine, agus dh'cug e.

19 Air son a pheacanna leis an do pheacaich e, a' deanamh uile ann an sùilbhan an Tighearn, a' gluasad ann an slighe Ieroboaim, agus 'na pheacadh a rinn e, ann an tabhairt air Israel peacachadh.

20 Agus a' chuid eile do ghnìomharaibh Shimri, agus a' cheannairc a rinn e, nach *'eil* iad sgrìobhta ann an leabhar eachdraidh rìghrean Israeil?

21 An sin roinneadh sluagh Israeil 'nan dà leth: lean leth an t-sluaigh Tibni mac Ghinait, gu'dheanamh 'na rìgh; agus lean an leth eile Omri.

22 Ach bhuadhaich an sluagh a lean Omri air an t-sluaigh a lean Tibni mac Ghinait: agus fhuair Tibni bàs, agus rìghich Omri.

23 Anns an aon bhliadhna deug thar fhichead do Asa rìgh Iudah, thòisich Omri air rioghachadh os ceann Israeil³; agus rìghich e dà bhliadhna dheug: ann an Tirsah rìghich e sè bliadhna.

24 Agus cheannaich e sliabh Shamaria⁴ o Shemer air dhà thàlann airgid, agus thog e *aitreabh* air an t-sliabh, agus ghoir e ainm a' bhaile a thog e, a réir ainme Shemeir, seallbhadair slèibh Shamaria.

25 Ach rinn Omri olc ann an sùilbhan an Tighearn, agus rinn e nì's miosa na iadsan uile a bha roimhe:

26 Oir ghluais e ann an uile shlighe Ieroboaim mhic Nebait, agus 'na pheacadh leis an d'thug e air Israel peacachadh, a'

brosnachadh an Tighearna Dé Israeil gu feirg le'n dìomhanasaibh.

27 Agus a' chuid eile do ghnìomharaibh Omri, a rinn e, agus a neart a dh'fheuch e, nach *'eil* iad sgrìobhta ann an leabhar eachdraidh rìghrean Israeil?

28 Agus choidil Omri maille r'a aithrichibh, agus dh'adhlaiceadh e ann an Samaria: agus rìghich Ahab a mhac 'na àit.

29 Agus thòisich Ahab mac Omri air rioghachadh os ceann Israeil, anns an ocldamh bliadhna deug thar fhichead do Asa rìgh Iudah: agus rìghich Ahab mac Omri os ceann Israeil ann an Samaria, dà bhliadhna thar fhichead.

30 Agus rinn Ahab mac Omri olc ann an sùilbhan an Tighearn, os ceann nan uile a bha roimhe.

31 Agus mar gu'm bu ni faoin⁵ dhasan gluasad ann am peacaibh Ieroboaim mhic Nebait, ghabh e 'na mnaoi Iesebel, nigh-ean Etbaail, rìgh nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal ann an tìgh Bhaail, a thog e ann an Samaria.

33 Agus rinn Ahab doire; agus rinn Ahab nì's mò a bhrosnachadh an Tighearna Dé Israeil gu feirg na uile rìghrean Israeil a bha roimhe.

34 'Na làithibh-san thog Hiel am Betel-each Iericho: ann an Abiram⁶ a cheudghin shuidhich e a bhunait, agus ann an Segub a mhac a b'òige chuir e suas a gheatachan, a réir focail an Tighearn, a labhair e le làimh Iosua mhic Nuin.

CAIB. XVII.

1 Fàistneachd an aghaidh Ahab. 6 Bheathaich fithich am fàidh Eliah aig sruth Cherit. 8 'Nuair thiomraich an sruth chuir Dia e dh'ionnsuidh bantraich ann an Sarephat. 17 Fhuair mac na bantraich bàs, agus dh'ath-bheothaich e a ris.

A Gus thubhairt Eliah an Tisbitheach, a *bha* do luchd-àiteachaidh Ghilead⁷, ri Ahab, *Mar* is beò an Tighearna Dia Israeil, an làthair am bheil mise a'm sheasamh, cha bhi sna bliadhnaibh os drùchd no uisge ann, ach a réir m'fhocail-sa.

2 Agus thàinig focal an Tighearna d'a ionnsuidh, ag ràdh,

3 Imich as a so, agus tionndaidh thu féin a làimh na h-àirde 'n ear, agus folaich thu féin aig sruth Cherit, a *tha* fa chomhair Iordain.

4 Agus òlaidh tu do'n t-sruth, agus dh'àithn mise do na fitheachaibh do bheathachadh an sin.

5 Agus dh'imich e, agus rinn e a réir focail an Tighearn; oir chaidh e, agus

¹ 'nan suidhe. ² shuidh iad mu'n cuairt air. ³ os ceann Israeil uile. ⁴ Someron. Eabh.

⁵ eutrom, suarach. ⁶ ann am bàs Abiram. ⁷ a bha o Thisbi Ghilead.

ghabh e còmhnuidh aig sruth Cherit, a tha fa choinhair Iordain.

6 Agus thug na fithich d'a ionnsuidh aran agus feoil sa' mhaduinn, agus aran agus feoil san fheasgar; agus dh'òl e as an t-sruth.

7 Ach an ceann tamuill¹ thiormaich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin: feuch, dh'àithu mise do mhnai *a ta*'na bant-raich an sin do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geata a' bhaile, feuch, bha a' bhantrach an sin a' tional bhioran²; agus ghairm e oirre, agus thubhairt e, Thoir a m' ionnsuidh, guidheam ort, beagan uisge ann an soitheach, a chum gu'n òl mi.

11 Agus an uair a bha i a' dol g'a thoirt leatha, ghlaodh e rithe, agus thubhairt e, Thoir a m' ionnsuidh, guidheam ort, greim arain a'd' làimh.

12 Agus thubhairt ise, *Mar* is beò an Tighearna do Dhia, cha 'n'eil breacag agam, ach làn an dùirn do mhin ann an soitheach³, agus begann olaidh ann an corn⁴: agus, feuch, *tha* mi a' tional biorain no dhà, a chum gu'n téid mi steach, agus gu'n deasaich mi e dhomh féin agus do m' mhac, agus gu'n ith sinn e, agus gu'm faigh sinn bàs.

13 Agus thubhairt Eliah rithe, Na biodh eagal ort; falbh, dean a réir t'fhocail: ach dean dhomhsa dhiubh sin breacag bheag an toiseach, agus thoir a m' ionnsuidh i, agus dhuil féin agus do d'mhac deasaich⁵ na dhéigh sin.

14 Oir mar so tha'n Tighearna Dia Israeil ag ràdh, Cha chaithear an soitheach mine, agus cha teirig an corn olaidh, gus an là san cuir an Tighearn uisge air aghaidh na talmhainn.

15 Agus dh'fhalbh i, agus rinn i a réir focail Eliah: agus dh'ith ise, agus esan, agus a tigh rè mòrain do làithibh.

16 Cha do chaitheadh an soitheach mine, agus cha do theirig an corn olaidh, a réir focail an Tighearn, a labhair e le làimh Eliah.

17 Agus thachair an déigh nan nithe sin, gu'n d'fhàs mac na mnà, *eadhon* mnà an tìghe, gu tinn; agus bha a thinn-eas cho trom as nach d'fhàgadh anail ann.

18 Agus thubhairt i ri Eliah, Ciod e mo ghnòthuch-sa riut⁶, a dhuine le Dia? an

d'thàinig thu a m' ionnsuidh a chur mo pheacaidh an cuimhne, agus a mharbhadh mo mhic?

19 Agus thubhairt esan rithe, Thoir dhomhsa do mhac. Agus ghlac e as a h-uchd e, agus thug e suas e do sheòmar uachdarach⁷, anns *an robh* e féin a' fannuinn, agus chuir e 'na luidhe air a leabaidh féin e.

20 Agus dh'éigh e ris an Tighearn, agus thubhairt e, A Tighearna mo Dhia, an d'thug thu mar an cendna olc air a' bhant-raich aig am *bheil* mi air aoidheachd⁸, le a mac a mharbhadh?

21 Agus shìn se e féin air an leanabh tri uairean, agus dh'éigh e ris an Tighearn, agus thubhairt e, A Tighearna mo Dhia, thigeadh, guidheam ort, anam an leinibh so a steach ann a ris.

22 Agus dh'éisd an Tighearna ri guth Eliah; agus thàinig anam an leinibh a steach ann a ris, agus dh'ath-bheothaichead e.

23 Agus ghlac Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do mhac beò.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur firinn focal an Tighearn ann do bheul.

CAIB. XVIII.

1 Nochd Eliah e féin do Ahab, 18 agus thug e achmhasan dha air son a dhroch ghniomhara.

40 Mharbh e fàidhean Bhaail aig sruth Chisoin.

41 Thug e fios do Ahab gu'n tigeadh puilteas uisge air aghaidh na talmhainn.

A GUS an déigh mòrain do làithibh, thàinig focal an Tighearna gu Eliah anns an treas bliadhna, ag ràdh, Falbh, nochd⁹ thu féin do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh féin do Ahab: agus bha gorta mhòr ann an Samaria.

3 Agus ghairm Ahab air Obadiah, a bha os ceann a thìghe: (a nis bha eagal an Tighearna gu mòr air Obadiah:

4 Oir an uair a thug Iesebel fa'ncar fàidhean an Tighearn a ghearradh as, ghabh Obadiah cend fàidh, agus dh'fhol-aich e iad 'nan leth-cheudaibh¹⁰ ann an uaimh, agus bheathaich e iad le h-aran agus uisge:)

5 Agus thubhairt Ahab ri Obadiah, Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'fheuchainn am faigh sinn feur a chum gu'n glèidh sinn ar n-eich, agus ar

¹ an ceann bliadhna; ceann làithean. Eabh.

² mhaidean, connaidh. ³ barailh, cuimheig.

⁴ cruiseigin. ⁵ dean.

⁶ Ciod dhomhsa agus dhuilte. Eabh.

⁷ lobhta.

⁸ maille ris am bheil mi air chuairt. ⁹ taisbein, feuch.

¹⁰ a lìon leth-cheud agus leth-cheud.

muileidean beò, agus nach caill sinn an spréidh uile.

6 Agus roinn iad an tìr eatorra gu dol troimpe : chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah san t-slighe, feuch, thachair Eliah air : agus dh'athnich se e, agus thuit e air 'aghaidh, agus thubhairt e, An tusa *tha'n* so, mo thighearn Eliah ?

8 Agus thubhairt esan ris, *Is* mi : imich, innis do d' thighearna, Feuch, *tha* Eliah *an so*.

9 Agus thubhairt esan, Ciod am peacadh a rinn mi, gu'n tugadh tu do sheirbhiseach an làimh Ahaib, g'am mharbhadh ?

10 *Mar* is beò an Tighearna do Dhia, cha 'n'eil cinneach no rioghachd, do nach do cluir mo thighearna g'ad iarraidh : agus an uair a thubhairt iad, Cha 'n'eil *e'n so*, ghabh e mionnan do'n rioghachd agus do'n chinneach, nach d'fhuair e¹ thu.

11 Agus a nis *tha* thu ag ràdh, Imich, innis do d' thighearna, Feuch, *tha* Eliah *an so*.

12 Agus tacharaidh, an uair a dh'imich-eas mise uait, gu'n tog spiorad an Tighearna leis thusa far nach 'eil fhios agamsa ; agus an uair a thig mise a dh'innseadh do Ahab, agus nach faigh e thu, gu'm mharbh e mise : gidheadh *tha* eagal an Tighearn ormsa do sheirbhiseach o m'òige.

13 Nach d'innseadh do m'tighearna ciod a rinn mi 'nuair a mharbh Iesebel fàidhean an Tighearna, mar a dh'fholaich mi ceud fear a dh'fhàidhibh an Tighearna, 'nan leth-cheudaibh ann an uaimh, agus a bheathaich mi iad le h-aran agus le h-uisge ?

14 Agus a nis *tha* thu ag ràdh, Imich, innis do d' thighearna, Feuch, *tha* Eliah *an so* : agus marbhaidh e mi.

15 Agus thubhairt Eliah, *Mar* is beò Tighearna nan slògh, an làthair am bheil mi a'm² sheasamh, gu deimhin nochdaidh mi mi féin da an diugh.

16 Uime sin chaidh Obadiah an coinneamh Ahaib, agus dh'innis e dha : agus chaidh Ahab an coinneamh Eliah.

17 Agus an uair a chumnaic Ahab Eliah, thubhairt Ahab ris, An tusa esan a tha cur Israeil fo bhuaireas² ?

18 Agus thubhairt esan, Cha m'ise a chuir Israel fo bhuaireas, ach thusa agus tigh t'athar, a thaobh gu'n do thréig sibh àith-eantan an Tighearn, agus gu'n do lean sibh³ Baalim.

19 A nis uime sin cuir *fios*, cruinnich a

m' ionnsuidh-sa Israel uile gu sliabh Char-meil, agus fàidhean Bhaail, ceithir cheud agus leth-cheud, agus fàidhean nan doire, ceithir cheud, a tha 'g itheadh aig bòrd Iesebeil.

20 Agus chuir Ahab *fios* a dh'ionnsuidh chloinn Israeil uile, agus chruinnich e na fàidhean an ceann a chéile gu sliabh Char-meil.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhlitheas sibh san iom-chomhairl' eadar dhà bharail ? Ma's e'n Tighearn a's Dia an, leanaibh e ; ach ma's e Baal, leanaibh esan. Ach cha do fhreagair an sluagh e aon fhocal.

22 An sin thubhairt Eliah ris an t-sluaigh, Dh'fhàgadh mise, eadhon mise a mhàin a'm² fhàidh leis an Tighearn ; ach *tha* fàidhean Bhaail ceithir cheud agus leth-cheud fear an àireamh.

23 Thugadh iad dhuinne ma ta dà tharbh òg, agus taghadh iadsan dhoibh féin aon tarbh òg, agus gearradh iad 'na mhrìbh e, agus cuireadh iad air connadh e ; ach na cuireadh iad teine fuidhe : agus deasaichidh mise an tarbh òg eile, agus cuiridh mi air connadh e, ach cha chuir mi teine fuidhe.

24 An sin gairmibh-sa air ainm bhur dée féin, agus gairmidh mise air ainm an Tighearn⁴ : agus an Dia a fhreagras le teine, bithidh esan 'na Dhia. Agus fhreagair an sluagh uile agus thubhairt iad, *Is* maith a labhair *thu*.

25 Agus thubhairt Eliah ri fàidhibh Bhaail, Taghaibh-sa dhuibh féin aon tarbh òg, agus deasaichibh an toiseach e, oir tha sibh lionmhor ; agus gairmibh air ainm bhur dée, ach na cuiribh teine fuidhe.

26 Agus ghabh iad an tarbh òg a thugadh dhoibh, agus dheasaich iad e, agus ghairm iad air ainm Bhaail o mhaduinn eadhon gu meadhon-là, ag ràdh, A Bhaail, éisd ruinne ! Ach cha *robh* guth, no neach air bith a fhreagradh ann : agus leum iad air an altair a rinn iad⁵.

27 Agus an uair a bha e mu mheadhon-là, rinn Eliah fanoid orra, agus thubhairt e, Eighibh le guth àrd ; oir *is* dia e : an dara cuid *tha* e a' beachd-smuaineachadh⁶, *no tha* e air tòir, *no tha* e air thurus, *no* theagamh gu'm bheil e 'na chodal, agus gu'm feumar a dhùsgadh.

28 Agus dh'éigh iadsan le guth àrd, agus ghearr siad iad féin a réir an gnàtha le claidhibh⁷ agus le lannaibh, gus an do thaom an fhuil a mach orra.

29 Agus an uair a chaidh meadhon-là thairis, agus a rinn iad fàidheadaireachd gu àm toirt suas na h-ìobairt-*fheasgair*,

¹ iad.

² thusa.

² a' tuairgheadh Israeil.

⁴ Ichobab. Eabh.

⁵ rinneadh.

⁷ sgeanaibh.

⁶ ri bruidhinn.

I. RIGH, XVIII. XIX.

cha *robh* guth ann, no aon air bith a fhreagradh, no bheireadh fa' near *iad*.

30 Agus thubhairt Eliah ris an t-sluagh uile, Thigibh am fagus domh-sa. Agus thàinig an sluagh uile am fagus da; agus chàirich e altair an Tighearn a *bha* air a briseadh sìos.

31 Agus ghabh Eliah dà chloich dheug, a réir àireimh threubh mhac Iacoib, chum an d'thàinig focal an Tighearn, ag ràdh, Bithidh Israel mar ainm ort.

32 Agus thog e leis na clachaibh altair ann an ainm an Tighearn; agus rinn e clais co mhòr as gu'n cumadh i dà thomhas sìl, mu'n cuairt air an altair.

33 Agus shuidhich e'n connadh, agus ghearr e'n tarbh òg 'na mhùiribh, agus chuir e air a' chonnadh e.

34 An sin thubhairt e, Lìonaibh ceithir soithichean le h-uisge, agus dòirtibh e air an ìobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair; agus lìon e mar an ceudna a' chlais le h-uisge.

36 Agus an àm toirt suas na h-ìobairt-fheasgair, thàinig Eliah am fàidh am fagus, agus thubhairt e, A Thighearna Dhia Abraham, Isaac, agus Israel, biodh fhios an diugh gur tusa a's Dia ann an Israel, agus *gur* mise t'òglach, agus *gur* ann air t'fhocal-sa rinn mi na nithe so uile.

37 Eisd rium, A Thighearna, éisd rium; agus biodh fios aig an t-sluagh so gur tusa an Tighearna Dia, agus gu'n do phill thu an cridhe air ais a ris.

38 An sin thuit teine an Tighearn, agus chaith e¹ an ìobairt-loisgte, agus an connadh, agus na clachan, agus an luathre; agus an t-uisge *bha* sa' chlais dh'imlich e suas.

39 Agus an uair a chunnaic an sluagh uile e, thuit iad air an aghaidh, agus thubhairt iad, *Is* e'n Tighearna féin a's Dia ann, *is* e'n Tighearna féin a's Dia ann.

40 Agus thubhairt Eliah riu, Glacaibh fàidhean Bhaail; na rachadh duine dhiubh as. Agus ghlac siad iad; agus thug Eliah sìos iad gu sruth Chisoìn, agus mharbh e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'itheadh agus a dh'òl: agus chaidh Eliah suas gu mullach Charmeil, agus thilg se e féin sìos

air an talamh, agus chuir e 'aghaidh eadar a ghluinibh;

43 Agus thubhairt e r'a òglach, Falbh suas a nis, anhaire a dh'ionnsuidh na fairge. Agus chaidh esan suas, agus dh'amhairc e, agus thubhairt e, Cha 'n'eil ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosmhuil ri bois² duine ag éirigh as an fhairege. Agus thubhairt e, Falbh suas, abair ri Ahab, Ulluich do charbad, agus gabh sìos, a chum nach bac an t-uisge thu.

45 Agus anns a' cheart àm sin, dhorch-aicheadh na speuran le neulaibh agus le gaoith; agus bha uisge mòr ann. Agus mharcaich Ahab, agus chaidh e do Iesreel.

46 Agus bha làmh an Tighearn air Eliah; agus chrìoslaich e a leasraidh, agus ruith e roimh Ahab, gus an d'thàinig e do Iesreel³.

CAIB. XIX.

1 *Theich Eliah o làthair Iesebeil, agus thàinig e gu Beer-seba.* 4 *San fhàsach dh'iarr e dha féin bàs fhaghail;* 5 *ach rinn aingeal an Tighearn cabhair air.* 9 *Ann an Horeb dh'fhoillsich Dia e féin dha, agus chuir se e a dh'ungadh Hasaël, Iehu, agus Èlisa.*

A GUS dh'imnis Ahab do Iesebel na h-uile *nithe* a rinn Eliah, agus cionnus a mharbh e na fàidhean uile leis a' chlàidheamh.

2 Agus chuir Iesebel teachdair a dh'ionnsuidh Eliah, ag ràdh, Mar sin deanadh na dée *riumsa*, agus tuilleadh mar an ceudna, mur dean⁴ mise mu'n am so am màireacht t'anam-sa⁵ mar anam aoin diubhsan.

3 Agus bha eagal air, agus⁶ dh'éirich e, agus dh'fhalbh e air sgàth 'anam, agus thàinig e gu Beer-seba, a *bhuineas* do Iudah, agus dh'fhàg e 'òglach an sin.

4 Ach chaidh e féin astar latha⁷ do'n fhàsach, agus thàinig e agus shuidh e fuidh chraoibh aiteil, agus dh'iarr e dha féin⁸ bàs fhaghail⁹, agus thubhairt e, Is leòr e; a nis a Thighearna, thoir leat m'anam; oir cha'n fhearr mise na m'aithriche.

5 Agus an uair a luidh e agus a choidil e fuidh chraoibh aiteil, feuch an sin bhean aingeal ris, agus thubhairt e ris, Eirich, ith.

6 Agus dh'amhairc e, agus feuch, *bha* aig a cheann, breacag a blruicheadh air a' ghriosach, agus soitheach uisge: agus dh'ith agus dh'òl c, agus luidh e sìos a ris.

7 Agus thàinig aingeal an Tighearn air ais an dara h-uair, agus bhean e ris, agus

¹ dh'ith e suas, loisg e.

³ gu dol a steach Iesreel

² làimh.

⁴ cuir.

⁵ do bheatha-sa.

⁷ là. ⁸ d'a anam. Eabh.

⁶ Agus an uair a chunnaic e sin.

⁹ fhaotainn.

thubhairt e, Eirich, ith; oir tha'n turus mòr air do shon.

8 Agus dh'èirich esan, agus dh'ith agus dh'òl e, agus dh'imich e ann an neart a' bhìdh sin dà fhichead là, agus dà fhichead oidhche, gu ruig Horeb sliabh Dhé.

9 Agus chaidh e steach an sin do uaimh, agus ghabh e tàmh innte; agus, feuch, thàinig focal an Tighearna d'a ionnsuidh, agus thubhairt e ris, Ciod e do ghnothuch an so, Eliah?

10 Agus thubhairt esan, Bha mi ro eudmhor air son an Tighearna Dé nan slògh: oir thréig clann Israeil do choimhcheangal, thilg iad sìos t'altairean, agus mharbh iad t'fhàidhean leis a' chlaidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

11 Agus thubhairt e, Falbh a mach, agus seas air an t-sliabh an làthair an Tighearn. Agus, feuch, ghabh an Tighearna seachad, agus reub gaoth mhòr agus làidir na beanntan, agus bhris i na creaga 'nam bloighdibh roimh an Tighearn, *ach cha robh* an Tighearn anns a' ghaoith; agus an déigh na gaoithe crith-thalmhainn, *ach cha robh* an Tighearn anns a' chrith-thalmhainn;

12 Agus an déigh na crith-thalmhainn teine, *ach cha robh* an Tighearn anns an teine; agus an déigh an teine guth ciuin caol.

13 Agus an uair a chuala Eliah e, chòmhdaich e 'aghaidh le 'fhalluinn, agus chaidh e mach, agus shcas e am beul na h-uamha; agus, feuch, thàinig guth d'a ionnsuidh, agus thubhairt e, Ciod e do ghnothuch an so, Eliah?

14 Agus thubhairt esan, Bha mi ro eudmhor air son an Tighearna Dé nan slògh: oir thréig clann Israeil do choimhcheangal, thilg iad sìos t'altairean, agus mharbh iad t'fhàidhean leis a' chlaidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

15 Agus thubhairt an Tighearna ris, Falbh, pill air do shlighe gu fàsach Dhamaiscuis: agus an uair a thig thu, ung Hasael 'na righ air Siria.

16 Agus Iehu mac Nimsi¹ ungaidh tu 'na righ air Israel: agus Elisa mac Shaphait o Abel-meholah ungaidh tu 'na fhàidh a'd' àite féin.

17 Agus tacharaidh, esan a théid as o chlaidheamh Hasaail, gu marbh Iehu e; agus esan a théid as o chlaidheamh Iehu, gu marbh Elisa e.

18 Gidheadh dh'fhàg mi *dhomh* féin ann an Israel seachd mìle, na glùinean

uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as a sin, agus fhuair e Elisa mac Shaphait, agus e ag ar le dà chuing dheug *dhamh* roimhe, agus e féin leis an dara *cuing* deug: agus chaidh Eliah thairis d'a ionnsuidh², agus thilg e 'fhalluinn air.

20 Agus dh'fhàg esan na daimh, agus ruith e 'n déigh Eliah, agus thubhairt e, Leig dhomh, guidheam ort, m'athair agus mo mhàthair a phògadh, agus *an sin* leanaidh mi thu. Agus thubhairt esan ris, Falbh, pill; oir ciod a rinn mise ort?

21 Agus phill e uaith, agus ghabh e cuing dhamh, agus mharbh e iad, agus le acfuinn nan damh bhruch e am feoil, agus thug e do'n t-sluagh i, agus dh'ith iad. An sin dh'èirich e, agus chaidh e'n déigh Eliah, agus fhrithheil e dha.

CAIB. XX.

1 *Theannaich Ben-hadad agus na Sirianaich Samaria.* 13 *Bhuail Ahab agus òganaich uachdarana Israeil iad.* 22 *Thàinig na Sirianaich a chogadh ri Israel aig Aphec, agus bhuileadh iad a ris le h-àr mòr.* 31 *Rinn Ahab coimhcheangal ri Ben-hadad.*

A GUS chruinnich Ben-hadad righ A Shiria a shluagh uile an ceann a chèile; agus *bha* dà righ dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog e 'na aghaidh.

2 Agus chuir e teachdairean gu Ahab righ Israeil do'n bhaile, agus thubhairt e ris, Mar so tha Ben-hadad ag ràdh,

3 T'airgiod agus t'òr is leamsa; do mhnà mar an ceudna agus do chlann, *eadhon a' chuid* a's fearr dhiubh, *is* amsa iad.

4 Agus fhreagair righ Israeil, agus thubhairt e, A réir t'fhocail, mo thighearn a righ, *is* leat mise, agus gach *ni* a ta agam.

5 Agus phill na teachdairean, agus thubhairt iad, Mar so labhair Ben-hadad, ag ràdh, Ge do chuir mi fios a d' ionnsuidh, ag ràdh, T'airgiod, agus t'òr agus do mhnà, agus do chlann bheir thu dhomhsa;

6 Gidheadh mu'n tràsh so am màireach cuiridh mi mo sheirbhisich a d' ionnsuidh, agus rannsaichidh iad do thigh, agus tigheandoseirbhisich: agus tacharaidh e, gach *ni* a ta taitneach do d' shùilb, *gu'n* cuir iad 'nan làimh, agus *gu'n* toir iad leo e.

7 Agus ghairm righ Israeil air uile shean-airibh na tìre, agus thubhairt e, Thugaibh fa'near³, guidheam oirbh, agus faicibh cionnus a *tha'm fear* so ag iarraidh uile; oir chuir e *fios* a m' ionnsuidh, ai mo

¹ Iehu mac Iehosaphait, mhic Nimsi. II. Righ Caib. IX, r. 2.

² ghabh Eliah seachad air.

³ comharaichibh.

I. RIGH, XX.

mhnaibh, agus air mo chloinn, agus air m'airgid, agus air m'òr, agus cha do dh'iùlt mi e.

8 Agus thubhairt na seanairean uile agus an sluagh uile ris, Na éisd ris, agus na aontaich leis.

9 Uime sin thubhairt e ri teachdairibh Bhen-hadad, iunsibh do m' thighearn an righ, Gach *ni* air an do chuir thu *fios* gu t'òglach an toiseach, ni mi; ach an ni so cha'n urrainn mi dheanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad *fios* d'a ionnsuidh, agus thubhairt e, Mar sin deanadh na dée riumsa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile a *tha*'gam leantuinn-sa.

11 Agus fhreagair righ Israeil, agus thubhairt e, Abraibh ris, Na deanadh an tì sin uail, a ta crioslachadh *'armachd* uime, mar an tì a chuir dheth i.

12 Agus an uair a chuala Ben-hadad an teachdaireachd so, agus e féin agus na righrean ag òl anns na pàillionaibh, thubhairt e r'a sheirbhisich, Cuiribh sibh *féin an ordugh*¹. Agus chuir iadsan iad *féin an ordugh* an aghaidh a' bhaile.

13 Agus, feuch, thàinig fàidh àraidh gu Ahab righ Israeil, agus thubhairt e, Mar so tha'n Tighearn ag ràdh, Am faca tusa an sluagh mòr so uile? feuch, bheir mise a'd' làimh iad an diugh, agus bithidh fios agad gur mise an Tighearn.

14 Agus thubhairt Ahab, Co leis? Agus thubhairt esan, Mar so tha'n Tighearn ag ràdh, Le òganaich uachdarana nan dùch-anna². An sin thubhairt e, Cò chuireas an cath an ordugh? Agus thubhairt esan, Thusa.

15 An sin dh'àireamh e òganaich uachdarana nan dùchanna, agus bha ann diubh dà cheud agus a dhà dheug thar fhichead: agus 'nan déigh-san dh'àireamh e an sluagh uile, *eadhon* uile *shluagh* chloinn Israeil, seachd mìle.

16 Agus chaidh iad a mach mu mheadhon-là: ach *bha* Ben-hadad ag òl agus an robh e air mhisg anns na pàillionaibh, e féin agus na righrean, eadhon an dà righ dheug thar fhichead a bha 'ga chòmhnadh.

17 Agus chaidh òganaich uachdarana nan dùchanna mach an toiseach: agus chuir Ben-hadad *daoine* a mach, agus dh'innis iad da, ag ràdh, Thàinig daoine a mach a Samaria.

18 Agus thubhairt esan, Ma's ann gu sìth a thàinig iad a mach, glacaibh beò iad; no ma's ann gu cogadh a thàinig iad a

mach, glacaibh beò iad.

19 Agus thàinig iad a mach as a' bhaile, òganaich uachdarana nan dùchanna, agus an armailt a lean iad.

20 Agus mharbh gach fear diubh 'fhear: agus theich na Sirianaich, agus ruaig Israeil iad; agus chaidh Ben-hadad righ Shiria as air muin eich, maille ris a' mharc-shluagh.

21 Agus chaidh righ Israeil a mach, agus bhuail e na h-eich, agus na carbaid, agus mharbh e na Sirianaich le h-àr mòr.

22 Agus thàinig am fàidh gu righ Israeil, agus thubhairt e ris, Falbh, neartaich thu féin, agus thoir fa'near, agus faic ciod a ni thu; oir aig teachd mu'n cuairt³ ua bliadhna thig righ Shiria nìos a'd' aghaidh.

23 Agus thubhairt seirbhisich righ Shiria ris, *Is* dée bheann an dée-san; uime sin bhuadhaich iad oirnn: ach cogamaid riu anns a' chòmhnaid, agus gun teagamh buadhaichidh sinne orrasan.

24 Agus dean an ni so, Thoir na righrean air falbh, gach fear as 'àit, agus cuir ceannardan 'nan àit.

25 Agus àireamh dhuit féin armailt, mar an armailt a thuit agad⁴, each air an each, agus carbad air a' charbad; agus cogaidh sinn riu anns a' chòmhnaid, agus gu cinnteach buadhaichidh sinn orra⁵. Agus dh'éisd e r'an guth, agus rinn e mar sin.

26 Agus aig teachd mu'n cuairt na bliadhna dh'àireamh Ben-hadad na Sirianaich, agus chaidh e suas gu h-Aphec a chogadh ri h-Israel.

27 Agus dh'àirmheadh clann Israeil, agus bha iad uile a làthair, agus chaidh iad 'nan coinneamh: agus champaich clann Israeil fa'n coinhair, mar dhà threud bheaga ghabhar: ach lìon na Sirianaich an tìr.

28 Agus thàinig duine le Dia, agus labhair e ri righ Israeil, agus thubhairt e, Mar so tha'n Tighearn ag ràdh, Achionn gu'n dubhairt na Sirianaich, Is Dia bheann an Tighearn, ach cha 'n e Dia nan gleann e; air an aobhar sin bheir nìse an sluagh lìonmhor so uile ann ad làimh-sa, agus bithidh fios agaibh gur mise an Tighearn.

29 Agus champaich iad mu choinneamh a chéile seachd làithean: agus air an t-seachdamh là chuireadh an cath: agus mharbh clann Israeil do na Sirianaich ceud mìle coisiche ann an aon là.

30 Ach theich a' chuid eile gu h-Aphec, do'n bhaile; agus an sin thuit balla air seachd mìle fichead fear do na dh'fhàg-adh. Agus theich Ben-hadad, agus thàinig e do'n bhaile, do sheòmar-cùil⁶.

¹ Suidhichibh na h-innealan-cogaidh.

² tìr

³ ath-phillcadh.

⁴ a chaill thu.

⁵ bithidh sinn n'is treise na iad.

⁶ do sheòmar ann an seòmar. Eabh.

31 Agus thubhairt a sheirbhisich ris, Feuch a nis, chuala sinn mu rìghrean tighe Israeil, gur rìghrean iochdmhor iad: cuireamaid ma ta saic-eudach air ar leas-raidh, agus cùird¹ air ar cinn, agus rachamaid a mach gu rìgh Israeil; theagamh gu'n saor e t'anam.

32 Agus cheangail iad saic-eudach air an leasraidh, agus chuir iad cùird air an cinn, agus thàinig iad gu rìgh Israeil, agus thubhairt iad, Tha do sheirbhisich Ben-hadad ag ràdh, Leig dhomh, guidheam ort, a bhi beò. Agus thubhairt esan, *Am bheil e fathast beò? is e mo bhràthair e.*

33 Agus thug na daoine an aire gu furachar a *dh'fheuchainn an tigeaidh ni air bith* uath, agus ghrad-ghlac iad e; agus thubhairt iad, Do bhràthair Ben-hadad. An sin thubhairt esan, Rachaidh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o t'athair-sa, bheir mise air an ais, agus ni thusa sràide dhuit fèin ann an Damascus, mar a rinn m'athair-sa ann an Samaria. An sin *thubhairt Ahab*, Leigidh mise air falbh thu leis a' choimhcheangal so. Mar so rinn e coimhcheangal ris, agus leig e air falbh e.

35 Agus thubhairt duine àraidh do mhae-aibh nam fàidh r'a choimhearsnach ann am focal an Tighearna, Buail mi, guidheam ort. Agus dhiùlt an duine a bhualadh.

36 An sin thubhairt esan ris, A chionn nach d'èisd thu ri guth an Tighearna, feuch, co luath as a dh'fhalbhas tu uam-sa, marbhaidh leòman thu. Agus co luath as a dh'fhalbh e uath, fhuair leòman e, agus mharbh se e.

37 'Na dhéigh sin fhuair e duine eile, agus thubhairt e, Buail mi, guidheam ort. Agus bhuail gu deimhin an duine² e, agus lot se e.

38 Agus dh'fhalbh am fàidh, agus dh'fheith e air an rìgh làimh ris an t-slighe, agus chuir se e fèin ann an coslas³ eile le luath⁴ air 'aghaidh⁵.

39 Agus an uair a bha'n rìgh a' gabhail seachad, dh'éigh e ris an rìgh, agus thubhairt e, Chaidh t'òglach a steach gu meadhon a' chatha, agus, feuch, thionndaidh duine a leth-taobh, agus thug e duine a m' ionnsuidh-sa, agus thubhairt e, Gléidh am fear so: mur bi e r'a fhaotainn⁶ air chor sam bith, bithidh t'anam-sa air son 'anama-san, no dìolaidh⁷ tu tàlann airgid.

40 Agus am feadh a bha t'òglach a'

bith-dheanambh an so agus an sud, cha robh esan r'a faghail⁸. Agus thubhairt rìgh Israeil ris, is ann mar so a *bhitheas* do bhreitheanas-sa; dh'orduich thu fèin e.

41 Agus rinn e cabhag, agus chuir e'n luath air falbh o 'aghaidh; agus dh'aithnich rìgh Israeil e, gu'm b'ann do na fàidhibh e.

42 Agus thubhairt e ris, Mar so tha'n Tighearn ag ràdh, A chionn gu'n do leig thu as do làimh duine a dh'orduich mise gu léir-sgrìos, uime sin bithidh t'anam-sa air son 'anama-san, agus do shluagh-sa air son a shluagh-san.

43 Agus dh'fhalbh rìgh Israeil a dh'ionnsuidh a thighe dubhach⁹ agus feargach¹⁰, agus thàinig e gu Samaria.

CAIB. XXI.

1 *Bha Ahab dubhach 'na spiorad a chionn gu'n do dhiùlt Nabol 'fhion-lios a thoirt da. 8 Chuir Iesebel Nabol gu bàs. 17 Thug Eliah fos do Ahab air a' bhreitheanas a labhair Dia d'a thaobh air son a dhroch ghnìomhara. 27 Ghabh Ahab aithreachas.*

AGUS thachair an déigh nan nithe sin gu'n robh fion-lios aig Nabol an t-Iesreleach, a bha ann an Iesreel, làimh ri lùchairt Ahaib rìgh Shamaria.

2 Agus labhair Ahab ri Nabol, ag ràdh, Thoir dhomhsa t'fhion-lios, gu bhi agam 'na lios¹¹ luibhean, a chionn gu bheil e fagus do m' thigh, agus bheir mise dhuitse air a shon fion-lios a's fearr na e; no ma's e a's tainnighe leat¹², bheir mi dhuit a luach an airgid.

3 Agus thubhairt Nabol ri Ahab, Nar leigeadh Dia dhomhsa, gu'n tugainn oighreachd m'aithriche dhuitse.

4 Agus thàinig Ahab d'a thigh dubhach agus feargach, air son an fhocail a labhair Nabol an t-Iesreleach ris: oir thubhairt e, Cha toir mi dhuit oighreachd m'aithriche: agus luidh e sìos air a leabaidh, agus thionndaidh e 'aghaidh air falbh, agus cha'n itheadh e aran.

5 Ach thàinig Iesebel a bhean d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan rithe, Air son gu'n do labhair mi ri Nabol an t-Iesreleach, agus gu'n dubhairt mi ris, Thoir dhomhsa t'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha toir mi dhuit m'fhion-lios.

7 Agus thubhairt Iesebel a bhean ris, Tha thus' a nis a' stiùradh rìoghachd Israeil! Eirich, ith aran, agus biodh do chridhe subhach: bheir mise dhuit fion-lios Naboit an Iesreleach.

¹ taoid. ² bhuail an duine e le bualadh. Eabh.

³ duaineachadh.

⁴ gnùis-bhrat.

⁵ a shùilb. Eabh.

⁶ ma dh'ionndruinear e.

⁷ cudthromaichidh. Eabh.

⁸ fhaotainn.

⁹ tuirseach.

¹⁰ fo mhi-ghean.

¹¹ ghàradh.

¹² fearr a'd' shùilb. Eabh.

8 Agus sgriobh i litrichean ann an ainm Ahaib, agus sheulaich i *iad* le 'sheula; agus chuir i na litriche dh'ionnsuidh nan seanair, agus a dh'ionnsuidh nan uaislean a *bha* chòmhnuidh maille ri Nabot 'na bhaile.

9 Agus sgriobh i anns na litrichibh, ag ràdh, Gairmibh trasgadh, agus thugaibh air Nabot suidhe an toiseach an t-sluaigh:

10 Agus cuiribh dithis dhaoine, mic Bheliail, mu 'choinneamh, a thoirt fianuis 'na aghaidh, ag ràdh, Mhaslaich thu¹ Dia agus an rìgh: agus *an sin* thugaibh a mach e, agus clachaibh e, a chum gu'm faigh e bàs.

11 Agus rinn daoine a' bhaile *eadhon* na seanairean, agus na h-uaislean a chòmhnuidh 'na bhaile, a réir *an fhios* a chuir Iesebel d'an ionnsuidh, a réir *an ni* a *bha* sgriobhta anns na litrichibh a chuir i d'an ionnsuidh.

12 Ghairm iad trasgadh, agus tluag iad air Nabot suidhe an toiseach an t-sluaigh.

13 Agus thàinig dithis dhaoine, mic Bheliail, agus shuidh iad mu 'choinneamh: agus rinn fir Bheliail fianuis 'na aghaidh, *eadhon an aghaidh* Nabot, an làthair an t-sluaigh, ag ràdh, Mhaslaich Nabot Dia agus an rìgh. An sin thug iad a mach as a' bhaile e, agus chlach iad e le clachaibh, agus fhuair e bàs.

14 'Na dhéigh sin chuir iad *teachdair* gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh sealbh ann am fion-lios Nabot an Iesreelich, a dhiùlt e thoirt duit air airgid: oir cha 'n'eil Nabot beò, ach marbh.

16 Agus an uair a chual' Ahab gu'n robh Nabot marbh, dh'éirich Ahab a dhol sìos gu fion-lios Nabot an Iesreelich, a ghabhail seilbh ann.

17 Agus thàinig focal an Tighearna dh'ionnsuidh Eliah an Tisbithich, ag ràdh,

18 Eirich, falbh sìos a choinneachadh Ahaib rìgh Israeil, a *tha* ann an Samaria: feuch, tha e ann am fion-lios Nabot, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so tha'n Tighearn ag ràdh, An do mharbh thu, agus mar an ceudna an do ghabh thu sealbh? Agus labhraidh tu ris, ag ràdh, Mar so tha'n Tighearn ag ràdh, Anns an àit anns an d'imlich na madraidh fuil Nabot, imlichidh na madraidh t'fhuil-sa, eadhon t'fhuil-sa.

20 Agus thubhairt Ahab ri h-Eliah, An d'fhuair thu mi, O mo nàmhaid? Agus thubhairt esan, Fhuair mi *thu*; a chionn

gu'n do reic thu thu féin a dheanamh uile ann an sùilbhan an Tighearna.

21 Feuch, bheir mise olc ort, agus cuiridh mi as do d' shliochd, agus gearraidh mi air falbh o Ahab esan a ni uisge ri balla, agus esan a dhruidear a stigh, agus a dh'fhàgar ann an Israel.

22 Agus ni mi do thigh-sa mar thigh Ieroboaim mhic Nebait, agus mar thigh Bhaasa mhic Ahiah, air son a' bhrosnachaidh leis an do bhrosnach thu *mi* gu feìrg, agus leis an d'thug thu air Israel peacachadh.

23 Agus mar an ceudna mu Iesebel labhair an Tighearn, ag ràdh, Ithidh na madraidh Iesebel aig balla² Iesreeil.

24 Esan a gheibh bàs do Ahab anns a' bhaile ithidh na madraidh; agus esan a gheibh bàs anns a' mhachair³ ithidh eunlaith an athair.

25 Ach cha robh *neach* ann cosmhuil ri Ahab, a reic e féin a dheanamh uile ann an sùilbhan an Tighearna, do blrigh gu'n do tharruing a bhean Iesebel thuige⁴ e.

26 Agus rinn e nithe ro ghràineil ann an leantuinn dhée bréige⁵, a reir nan uile *nithe* a rinn na h-Amoraich, a thilg an Tighearn a mach roimh⁶ chloinn Israeil.

27 Agus an uair a chuala Ahab na briathra sin, reub e 'eudach, agus chuir e saic-eudach air 'fheoil, agus thraisg e, agus luidh e ann an saic-eudach, agus ghluais e gu mall⁷.

28 Agus thàinig focal an Tighearna gu Eliah an Tisbithich, ag ràdh,

29 Am faic thusa mar a tha Ahab 'ga ùmhlachadh féin a'm' fhianuis-sa? a chionn gu bheil e 'ga ùmhlachadh féin a'm' fhianuis, cha toir mi an t-olc 'na làithibh-san: *ach* ann an làithibh a mhic bheir mi an t-olc air a thigh.

CAIB. XXII.

1 Mhealladh Ahab le fàidhibh bréige, agus mharbhadh e aig Ramot-gilead: 40 rìghich Ahasiah 'na àit. 50 Fhuair Iehosaphat ri Iudah bàs, agus rìghich Iehoram a mhac 'na dhéigh.

AGUS dh'fhan iad trì bliadhna gun chogadh eadar Siria agus Israel.

2 Agus anns an treas bliadhna thàinig Iehosaphat rìgh Iudah a nuas gu rìgh Israeil.

3 (Agus thubhairt rìgh Israeil r'a sheirbhisich, Nach 'eil fhios agaibh gur leinne Ramot ann an Gilead? agus *gidheadh tha* sinn gun ghuth againn air a ghlacadh⁸ á làimh rìgh Shiria.)

4 Agus thubhairt e ri Iehosaphat, An téid thu maille riumsa gu cath do Ramot-gilead? Agus thubhairt Iehosaphat ri rìgh Israeil, *Tha* mise mar a *ta* thusa, mo

¹ Mhallaich thu, thug thu toibheum do.

² ann an daingneach.

³ anns an fhearann.

⁴ chuige.

⁵ dhealbha, iòdhola.

⁶ o aghaidh. Eabh.

⁷ gu fàill.

⁸ 'nar tosd o a ghlacadh. Eabh.

shluagh-sa mar do shluagh-sa, m'èich-sa mar t'èich-sa.

5 Agus thubhairt Iehosaphat ri rìgh Israeil, Fiosraich¹, guidheam ort, an diugh do fhocal an Tighearn.

6 Uime sin chruinnich rìgh Israeil na fàidhean an ceann a chèile, mu thimchioll ceithir cheud fear, agus thubhairt e riu, An tèid mi an aghaidh Ram t-gilead gu cath, no'n leig mi leis? Agus thubhairt iadsan, Falbh suas, oir bheir an Tighearn an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

8 Agus thubhairt rìgh Israeil ri Iehosaphat, *Tha* fathast aon fhear ann, Micaiah mac Imlah, leis am feud sinn fiosrachadh do'n Tighearn; ach tha fuath agam dha, oir cha mhaith a chuireas e air mo mhanadh-sa², ach olc. Agus thubhairt Iehosaphat, Na abradh an rìgh mar sin.

9 Agus ghairm rìgh Israeil air maor³, agus thubhairt e, Greas an so Micaiah mac Imlah.

10 Agus shuidh rìgh Israeil, agus Iehosaphat rìgh Iudah, gach fear air a rìgh-chaitheir féin, le'n earradh rìoghail orra, ann an àite rèidh, ann an dol a steach geata Shamaria, agus na fàidhean uile ri fàidheadaireachd nam fianuis.

11 Agus rinn Sedeciah mac Chenaanah adhaircean iarumh dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich, gus an cuir thu as doibh.

12 Agus rinn na fàidhean uile fàidheadaireachd⁴ mar so, ag ràdh, Falbh suas gu Ramot-gilead, agus soirbhich; oir bheir an Tighearn an làimh an rìgh e.

13 Agus an teachdair a chaidh a ghairm Mhicaiah, labhair e ris, ag ràdh, Feuch a nis, *tha* briathra nam fàidh le h-aon bheul a' foillseachadh maith do'n rìgh: bitheadh t'fhocal-sa, guidheam ort, mar fhocal aoin diubhsan, agus labhair an nì a ta maith.

14 Agus thubhairt Micaiah, *Mar* is beò an Tighearn, an nì a their an Tighearna rium, sin labhraidh mise.

15 Agus thàinig e dh'ionusuidh an rìgh, agus thubhairt an rìgh ris, A Mhicaiah, an tèid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearn an làimh an rìgh e.

16 Agus thubhairt an rìgh ris, Cia lìon uair a mhionnaicheas mi thu, nach innis thu dhomh ach an fhàirinn an ainn an Tighearn?

17 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach 'eil aodhaire⁵: agus thubhairt an Tighearna, Cha 'n'eil maighstir orra so: pilleadh gach fear dhiubh d'a thigh féin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit nach cuireadh e maith sam bith air mo mhanadh-sa⁶, ach olc?

19 Agus thubhairt esan, Uime sin éisd thusa⁷ ri focal an Tighearna: Chunnaic mise an Tighearna na shuidhe air a rìgh-chaitheir, agus uile shlòigh nan nèamh 'nan seasamh làimh ris, air a làimh dheis agus air a làimh chhl.

20 Agus thubhairt an Tighearna, Cò a chuireas impidh⁸ air Ahab, a chum gu'n tèid e suas, agus gu'n tuit e ann an Ramot-gilead? Agus thubhairt aon mar so, agus aon eile mar sud.

21 Agus thàinig spiorad a mach, agus sheas e am fianuis an Tighearn, agus thubhairt e, Cuiridh mise impidh air.

22 Agus thubhairt an Tighearna ris, Co leis? Agus thubhairt esan, Tèid mi mach, agus bithidh mi a'm' spiorad bréige ann am beul 'fhàidhean uile. Agus thubhairt e, Cuiridh tu impidh air, agus mar an ceudna buadhaichidh tu: falbh a mach, agus dean mar sin.

23 A nis uime sin, feuch, chuir an Tighearna spiorad bréige ann am beul nam fàidh sin agad uile, agus labhair an Tighearn olc mu d' thimchioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearn uamsa a labhairt riut-sa?

25 Agus thubhairt Micaiah, Feuch, chi thu san là air an tèid thu steach do sheòmar cùil⁹ gu t'fholachadh féin.

26 Agus thubhairt rìgh Israeil, Glac aibh¹⁰ Micaiah, agus thugaibh air ais e gu Amon uachdaran a' bhaile, agus gu Iosaf mac an rìgh;

27 Agus abraibh, Mar so thubhairt an rìgh, Cuiribh am fear so anns a' phrìosan¹¹, agus beathaichibh e le aran airce¹², agus le uisge airce, gus an tig mise ann an sìth.

28 Agus thubhairt Micaiah, Ma philleas tusa idir ann an sìth, cha do labhair an Tighearna leamsa. Agus thubhairt e, Eisidibh, a shlòigh uile.

29 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

¹ Fèdraich. ² cha tairgìr e maith mu m' thimchioll-sa. ³ caillteanach; eunuch. Sasg. ⁴ fàisteachd, manadairachd. ⁵ treudaiche, buachaille. ⁶ nach roimh-innseadh e maith sam

bith mu m' thimchioll-sa. ⁷ éisdibh. ⁸ a dh'aomas, a mheallas. ⁹ do sheòmar ann an seòmar. Eabh. ¹⁰ Glac. ¹¹ ghainntir; tigh a' phrìosain. ¹² àmhghair, gainne.

I. RIGH, XXII.

30 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi a steach do'n chath; ach cuir thusa t'earradh *rìoghail* ort. Agus chuir rìgh Israeil e féin ann an coslas eile, agus chaidh e steach do'n chath.

31 Ach dh'àithn rìgh Shiria do'n dà cheannard deug thar fhichead a bha os ceann a charbad, ag ràdh, Na cogaibh ris a' bheag no ris a' mhòr, ach ri rìgh Israeil 'na aonar.

32 Agus an uair a chunnaic ceannardan nan carbad Iehosaphat, thubhairt iad, Gu cinnteach is e so rìgh Israeil. Agus thionndaidh iad a leth-taobh a chogadh 'na aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad nach b'e rìgh Israeil a bh'ann, phill iad o a leantuinn.

34 Agus tharruing fear a bhogha a thaobh tuairmeis¹, agus bhuail e rìgh Israeil eadar altaibh na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo lotadh.

35 Agus mheudaich² an cath air an là sin: agus chumadh an rìgh suas 'na charbad an aghaidh nan Sirianach, agus fhuair e bàs mu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slòigh mu luidhe na gréine, ag ràdh, Gach fear d'a bhaile, agus gach fear d'a thìr féin.

37 Agus dh'eug an rìgh, agus thugadh do Shamaria e: agus dh'adhlaic iad an rìgh ann an Samaria.

38 Agus nìgh *neach* an carbad ann an lochan Shamaria, agus dh'imlich na madraidh 'fhuil; agus nìgh iad 'armachd, a réir fòcail an Tighearn, a labhair e.

39 Agus a' chuid eile do ghnìomharaibh Ahaib, agus na h-uile *nithe* a rinne, agus an tigh do fhiacailbh *elephant* a thog e, agus ua bailtean uile a thog e, nach 'eil iad sgriobhta ann an leabhar eachdraidh rìghrean Israeil?

40 Agus choidil Ahab maille r'a aithrichibh, agus rìghich Ahasiah a mhac 'na àit.

41 Agus thòisich Iehosaphat mac Asa air ròghachadh os ceann Iudah anns a'

cheathramh bliadhna do Ahab rìgh Israeil.

42 Bha Iehosaphat cùig bliadhna deug thar fhichead a dh'aois an uair a thòisich e air ròghachadh, agus rìghich e cùig bliadhna fichead ann an Ierusalem; agus b'e ainm a mhàthar Asubah, nighean Shilhi.

43 Agus ghluais e ann an uile shlighe Asa 'athar; cha do chlaon e uaithe, a' deanamh an *ni a bha* ceart ann an sùilbh an Tighearna: gidheadh, cha d'thugadh air falbh na h-àitean àrda, oir fathast dh'ìobair an sluagh, agus loisg iad tùis anns na h-àitibh àrda.

44 Agus rinn Iehosaphat sìth ri rìgh Israeil.

45 Agus a' chuid eile do ghnìomharaibh Iehosaphait, agus a thréine³ a dh'fheuch e, agus cionnus a chog e, nach 'eil iad sgriobhta ann an leabhar eachdraidh rìghrean Iudah?

46 Agus fuigheall nan Sodomach a dh'fhan ann an làithibh Asa 'athar, chuir e as an tìr.

47 San àm sin cha *robh* rìgh ann an Edom: b'fhear-riaghlaidh a *bha* 'na rìgh⁴.

48 Rinn Iehosaphat longa do Tharsis⁵ gu dol do Ophir air son òir: (ach cha deachaidh iad *ann*; oir bhriseadh na longa ann an Esiongeber.)

49 Agus thubhairt Ahasiah mac Ahaib ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'àill le Iehosaphat *sin*.

50 Agus choidil Iehosaphat maille r'a aithrichibh, agus dh'adhlaic e maille r'a aithrichibh ann am baile Dhaibhidh 'athar: agus rìghich Iehoram a mhac 'na àit.

51 Thòisich Ahasiah mac Ahaib air ròghachadh os ceann Israeil ann an Samaria san t-seachdamh bliadhna deug do Iehosaphat rìgh Iudah, agus rìghich e os ceann Israeil dà bhliadhna.

52 Agus rinn e oile ann an sùilbh an Tighearn, agus ghluais e ann an slighe 'athar, agus ann an slighe a mhàthar, agus ann an slighe Ieroboam mhic Nebaìt, a thug air Israel peacachadh:

53 Oir rinn e seirbhis do Bhaal, agus shleuchd e dha, agus bhrosnaich e an Tighearna Dia Israeil gu feirg, a réir na h-uile *nithe* a rinn 'athair.

¹ tuairim, teagmhuis.

² dh'éirich. Eabh.

³ neart.

⁴ bha'n àite rìgh.

⁵ longa fairge.

DARA LEABHAR NAN RIGH.

D'AN GOIRREAR, GU COITCHEANN

CEATHRAMH LEABHAR NAN RIGH.

CAIB. I.

1 *Bha Ahasiah tinn, 4 agus fhuaire e fìos o Dhia gu'm faigheadh e bàs. 9 Dà uair thug Eliah teine o na nèamhaibh a losgadh an t-sluaigh a chuireadh g'a ghlacadh. 17 Fhuair Ahasiah bàs, agus rìghich Iehoram 'na àit.*

AGUS rinn Moab ceannairc an aghaidh Israeil an déigh bàis Ahaib.

2 Agus thuit Ahasiah sìos troimh chliath-uinneig 'na sheòmar uachdarach a bha ann an Samaria, agus bha e tinn; agus chuir e teachdairean uaith, agus thubhairt e riu, Rachaibh, fiosaichibh do Bhaal-sebub dia Ecroin, an tig mi beò o'n tinneas so.

3 Ach thubhairt aingeal an Tighearn ri Eliah an Tisbitheach, Eirich, falbh suas an coinneamh teachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh do Bhaal-sebub dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs. Agus dh' fhalbh Eliah.

5 Agus an uair a phill na teachdairean d'a ionnsuidh, thubhairt e riu, C'ar son a tha sibh air pillinn?

6 Agus thubhairt iadsan ris, Thàinig duine a nìos 'nar coinneamh, agus thubhairt e ruinn, Rachaibh, pillibh a dh'ionnsuidh an rìgh a chuir uaith sibh, agus abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur teachdairean a dh'fhiosrachadh do Bhaal-sebub dia Ecroin? Uime sin o'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs.

7 Agus thubhairt e riu, Ciod e eugas¹ an duine a thàinig a nìos 'nur coinneamh, agus a labhair ribh na briathra sin?

8 Agus thubhairt iadsan ris, Duine molach, agus e crioslaichte le crios leathair m'a leasraidh. Agus thubhairt esan, Is e Eliah an Tisbitheach a bh' ann.

9 Agus chuir an rìgh d'a ionnsuidh ceannard leth-cheud, maille r'a leth-cheud: agus chaidh e suas d'a ionnsuidh, (agus, feuch, bha e 'na shuidhe air mull-

ach sléibh,) agus labhair e ris, A dhuine le Dia, thubhairt an rìgh, Thig a nuas.

10 Agus fhreagair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nèamhaibh, agus loisgeadh e suas thusa agus do leth-cheud. Agus thàinig teine a nuas o na nèamhaibh, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-cheud; agus labhair e, agus thubhairt e ris, A dhuine le Dia, mar so thubhairt an rìgh, Thig a nuas gu grad².

12 Agus fhreagair Eliah agus thubhairt e riu, Ma's duine le Dia mise, thigeadh teine a nuas o na nèamhaibh, agus loisgeadh e suas thusa agus do leth-cheud. Agus thàinig teine Dhé a nuas o na nèamhaibh, agus loisg e suas esan agus a leth-cheud.

13 Agus a ris chuir e uaith ceannard an treas leth-cheud, maille r'a leth-cheud: agus chaidh an treas ceannard leth-cheud suas, agus thàinig e, agus leig se e féin air a ghluinibh fa chomhair Eliah, agus dh'aslaich e air, agus thubhairt e ris, A dhuine le Dia, bitheadh, guidheam ort, m'anamsa, agus anam an leth-cheud òglach so agad, luachmhor a'd' shùilibh.

14 Feuch, thàinig teine a nuas o na nèamhaibh, agus loisg e suas an dà cheud cheannard leth-cheud, maille r'an leth-cheudaibh; ach a nis bitheadh m'anamsa luachmhor a'd' shùilibh.

15 Agus thubhairt aingeal an Tighearna ri Eliah, Falbh sìos maille ris; na biodh cagal ort roimhe. Agus dh'éirich e, agus chaidh e sìos maille ris a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do chuir thu teachdairean a dh'fhiosrachadh do Bhaal-sebub dia Ecroin, mur nach biodh Dia ann an Israel a dh'fhiosrachadh d'a fhocal³, uime sin o'n leabaidh sin air an deachaidh tu suas, cha tig thu nuas, ach gu cinnteach gheibh thu bàs.

17 Agus fhuaire e bàs, a réir focail an Tighearna a labhair Eliah: agus rìghich Iehoram 'na àit⁴, anns an dara bliadhna

dh'fhèdrach d'a fhocal? Eabh.

⁴ rìghich Iehoram, a bhràthair, 'na àit.

¹ aogas, coslas. ² Greas ort, thig a nuas. Eabh.

³ an ainm a chionn nach 'eil Dia ann an Israel a

do Iehoram mac Iehosaphait rìgh Iudah, a chionn nach robh mac aige.

18 Agus a' chuid eile do ghlomhar-aibh Ahasiah a rinn e, nach 'eil iad sgrìobhta ann an leabhar eachdraidh rìgh-rean Israeil?

CAIB. II.

1 *Dhùilt Elisa dealachadh ri Eliah. 11 Thogadh Eliah suas le h-ìom-ghaoith do na nèamhaibh. 14 Roinn Elisa uisge Iordain le falluinn a mhaighstir. 23 Mharbh dà mhath-ghamhuin a' chlam a rinn fanoir air.*

AGUS thachair an uair a bha'n Tighearna gu Eliah a thogail suas le h-ìom-ghaoith do na nèamhaibh, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort; oir chuir an Tighearna mise gu Bet-el. Agus thubhairt Elisa ris, *Mar* is beò an Tighearn, agus *mar* is beò t'anam, cha'n fhàg mi thu. Agus chaidh iad sìos gu Bet-el.

3 Agus thàinig mic nam fàidh a *bha* ann am Bet-el a mach gu Elisa, agus thubhairt iad ris, Am bheil fhios agad gu'n toir an Tighearn an diugh do mhaighstir air falbh o d'cheann? Agus thubhairt esan, Seadh, tha fhios agam air; bithibh-se 'nur tosd.

4 Agus thubhairt Eliah ris, Elisa, fan an so, guidheam ort; oir chuir an Tighearna mise gu Iericho. Agus thubhairt esan, *Mar* is beò an Tighearn, agus *mar* is beò t'anam, cha dealaich mi riut. Agus thàinig iad gu Iericho.

5 Agus thàinig mic nam fàidh a *bha* ann an Iericho gu Elisa, agus thubhairt iad ris, Nach 'eil fhios agad-sa gu'n toir an Tighearn an diugh do mhaighstir air falbh o d'cheann? Agus fhreagair esan, Seadh, tha fhios agam air; bithibh-se 'nur tosd.

6 Agus thubhairt Eliah ris, Fan, guidheam ort, an so: oir chuir an Tighearna mise gu Iordan. Agus thubhairt esan, *Mar* is beò an Tighearn, agus *mar* is beò t'anam, cha'n fhàg mi thu. Agus chaidh iad 'nan dithis air an aghaidh.

7 Agus chaidh leth-cheud fear do mhac-aibh nam fàidh, agus sheas iad fa'n comh-air fad as: agus sheas iadsan 'nan dithis làimh ri Iordan.

8 Agus ghabh Eliah 'fhalluinn, agus dh'fhill e cuideachd i, agus bhuail e na h-uisgeachan, agus roinneadh iad a null agus a nall; agus chaidh iadsan 'nan dithis thairis air *talamh* tioram.

9 Agus an uair a bha iad air dol thairis, thubhairt Eliah ri Elisa, iarr ciod as àill leat mise a dheanamh air do shon, mun toirear mi air falbh uait. Agus thubhairt Elisa, Bitheadh, guidheam ort, cuibh-

rionn dhùbailte do d' spiorad orm.

10 Agus thubhairt esan, Is cruaidh an ni a dh'iarr thu: *gidheadh*, ma chi thu mise 'nuair a bheirear air falbh uait mi, bithidh e dhuit mar sin; ach mur *faic*, cha bhi e *mar sin*.

11 Agus an uair a bha iad a' gabhail air an aghaidh, agus a' còmhradh, feuch, carbad teine, agus eich theine, agus dhealaich iad o chéile iad: agus chaidh Eliah suas le h-ìom-ghaoith do na nèamhaibh.

12 Agus chunnaic Elisa *sin*, agus ghlaodh e, M'athair, m'athair! carbad Israeil, agus a mharc-shluagh. Agus cha'n fhac' e ni's mò e: agus rug e air 'eudach féin, agus reub e 'na dhà mhir¹ e.

13 Agus thog e suas falluinn Eliah a thuit uaithe, agus phill e, agus sheas e làimh ri bruaich Iordain;

14 Agus ghabh e falluinn Eliah a thuit uaithe, agus bhuail e na h-uisgeachan. agus thubhairt e, C'ait a nis *am bheil* an Tighearna Dia Eliah? Agus an uair a bhuail e na h-uisgeacha, roinneadh iad a null agus a nall, agus chaidh Elisa thairis.

15 Agus an uair a chunnaic mic nam fàidh e, a *bha* ann an Iericho fa' chomhair, thubhairt iad, Dh'fhan spiorad Eliah air Elisa. Agus thàinig iad 'na choinn-eamh, agus chrom siad iad féin dha² gu làr.

16 Agus thubhairt iad ris, Feuch a nis, tha maille ri d' sheirbhisich leth-cheud fear treun³; rachadh iad, guidheamaid ort, agus iarradh iad do mhaighstir, air eagal gu'n do thog spiorad an 'Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cha chuir sibh uaibh *iad*.

17 Agus an uair a chuir iad impidh air gu an robh nàire air, thubhairt e, Cuiribh uaibh *iad*. Agus chuir iad uatha leth-cheud fear; agus dh'iarr iad e rè thri làithean, ach cha d'fhuair iad e.

18 Agus an uair a thàinig iad a ris d'a ionnsuidh, agus e a còmhnuidh ann an Iericho, thubhairt e riù, Nach dubhairt mise ribh, Na rachaibh?

19 Agus thubhairt fir a' bhaile ri Elisa, Feuch a nis, tha suidheachadh a' bhaile so taitneach, *mar a tha* mo thighearn a' faicinn; ach *tha'n* t-uisge olc, agus an talamh neo-thorach.

20 Agus thubhairt esan, Thugaibh a m' ionnsuidh soitheach⁴ nomha, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionnsuidh tobair⁵ nan uisgeachan, agus thilg e salann an sin, agus thubhairt e, Mar so tha'n Tighearn ag ràdh, Shlànuich mi na

¹ reubadh. Eabh.

² na làthair.

³ mic neart. Eabh.

⁵ teachd a mach, màthar.

⁴ corn, gloin.

II. RIGH, II. III.

h-uisgeacha sin: cha bhi o sin ni's mò bàs, no *talamh* neo-thorach.

22 Agus shlànuicheadh na h-uisgeacha agus an làn dìngh, a réir focail Elisa a labhair e.

23 Agus chaidh e suas as a sin gu Bet-el: agus an uair a bha e a' dol suas air an t-slighe, thàinig clann bheag¹ a mach as a' bhaile, agus rinn iad fanoid air, agus thubhairt iad ris, Gabh suas, fhir mhaoil; gabh suas, fhir mhaoil.

24 Agus sheal e 'na dhéigh, agus chunn-aic e iad, agus mhallaich e iad ann an ainm an Tighearn: agus thàinig dà mhath-ghamhuin bhoirionn a mach as a' choille, agus reub iad a dhà agus dà fhichead duine cloinne dhiubh.

25 Agus chaidh e as a sin gu sliabh Charmeil: agus as a sin phill e gu Samaria.

CAIB. III.

1 *Rìoghachadh aingidh Iehoram.* 4 *Rinn Mesa rìgh Mhoib ceannairc 'na aghaidh.* 24 *Bhuail-eadh na Moabaich.* 26 *Dh'ìobair rìgh Mhoib a cheud-ghn mic, agus phill sluagh Israeil uait.*

A NIS thòisich Iehoram mac Ahaib air a rìoghachadh os ceann Israeil ann an Samaria, anns an ochdamh bliadhna deug do Iehosaphat rìgh Iudah, agus rìghich e dà bhliadhna dheug.

2 Agus rinn e olc ann an sùilbhan an Tighearn, ach cha *b'ann* cosmhuil r'a athair, agus cosmhuil r' a mhàthair; oir chuir e air falbh dealbh Bhaail, a rinn 'athair.

3 Gidheadh, ri peacaibh Ieroboam mhic Nebait a thug air Israel peacachadh, dhlùth-lean e: cha do dhealaich e riu sin.

4 Agus bha Mesa rìgh Mhoib 'na shealbhadair chaorach, agus dh'ìoc e do rìgh Israeil ceud mìle uan, agus ceud mìle reithe le'n olainn.

5 Agus an uair a dh'eug Ahab, rinn rìgh Mhoib ceannairc an aghaidh rìgh Israeil.

6 Agus chaidh rìgh Iehoram a mach air an là sin á Samaria, agus dh'àireamh e Israel uile.

7 Agus chaidh e, agus chuir e *teachdair-ean* gu Iehosaphat rìgh Iudah, ag ràdh, Rinn rìgh Mhoib ceannairc a'm' aghaidh: an téid thu maille rium an aghaidh Mhoib gu cath? Agus thubhairt esan, Théid mi suas: *tha* mise mar *a ta* thusa, mo shluagh-sa mar do shluagh-sa m'eich-sa mar t'eich-sa.

8 Agus thubhairt e, Cia an rathad a théid sin suas? Agus fhreagair esan, Rathad fàsaich Edoim.

9 Agus dh'imich rìgh Israeil, agus rìgh Iudah, agus rìgh Edoim, agus chaidh iad mu'n cuairt astar sheachd là; agus cha

robh uisge *aca* do'n t-sluagh, agus do'n spréidh a lean iad.

10 Agus thubhairt rìgh Israeil, Mo thruaighe, gu'n do ghairm an Tighearna na trì rìghrean so cuideachd, chum an toirt thairis do làimh Mhoib.

11 Agus thubhairt Iehosaphat, Nach 'eil an so fàidh leis an Tighearna, a chum gu'm fiosraich sinn do'n Tighearna leis? Agus fhreagair aon do sheirbhisich rìgh Israeil, agus thubhairt e, *Tha'n* so Elisa mac Shaphait, a thaom uisge air làmh an Eliah.

12 Agus thubhairt Iehosaphat, Tha focal an Tighearna maille ris. Agus chaidh rìgh Israeil, agus Iehosaphat, agus rìgh Edoim, sìos d'a ionnsuidh.

13 Agus thubhairt Elisa ri rìgh Israeil, Ciod e mo ghnothuch-sa riut-sa? imich a dh'ionnsuidh fhàidhean t'athar, agus a dh'ionnsuidh fhàidhean do mhàthar. Agus thubhairt rìgh Israeil ris, Ni h-eadh: oir ghairm an Tighearna na trì rìghrean so cuideachd, chum an toirt thairis do làimh Mhoib.

14 Agus thubhairt Elisa, *Mar* is beò Tighearna nan slògh, an làthair am bheil mi a'm' sheasamh, gu cinnteach mur biodh meas agam-sa do làthaireachd² Iehosaphait rìgh Iudah, cha scallainn ort-sa, ni mò a chithinn thu.

15 Ach a nis thugaibh a m' ionnsuidh fear-ciùil. Agus an uair a bha 'm fear-ciùil a' cluicheadh, bha làmh an Tighearn air.

16 Agus thubhairt e, Mar so tha'n Tighearn ag ràdh, Dean an gleann so làn do chlaisibh³.

17 Oir mar so tha'n Tighearn ag ràdh, Cha'n fhaic sibh gaoth, ni mò a chi sibh uisge; gidheadh lìonar an gleann so le h-uisge, agus òlaidh sibh, sibh féin agus bhur spréidh, agus bhur n-ainmhidhean.

18 Agus is beag⁴ so ann an sùilbhan an Tighearna: bheir e mar an ceudna na Moabaich thairis d'ur làimh.

19 Agus buailidh sibh gach baile daing-nichte, agus gach baile taghta, agus leagaidh sibh sìos gach craobh mhaith, agus dùinidh sibh suas na tobair uisge uile, agus millidh sibh gach mìr maith *fearainn* le clachaibh.

20 Agus anns a' mhaduinn, mu àm toirt suas an tabhartais-bhìdh, feuch, thàinig uisge rathad Edoim, agus lìonadh an tìr le h-uisge.

21 Agus an uair a chual a na Moabaich uile gu'n d'thàinig na rìghrean a nìos a chogadh 'nan aghaidh, ghairmeadh cuid-eachd iadsan uile a thàinig gu aois airm

¹ giullain bheaga.

² do ghnùis.

³ na chlaisibh, chlaisibh. Eabh.

⁴ eutrom, suarach.

II. RIGH, III. IV.

iomchar', agus os a cheann *sin*, agus sheas iad aig a' chrìch.

22 Agus dh'éirich iad gu moch anns a' mhadaunn, agus dhealraich a' ghrian air na h-uisgeachaidh, agus chunnaic na Moabaich thall fa'n comhair na h-uisgeachaidh dearg mar fhùil:

23 Agus thubhairt iad, *Is* fuil so: sgriosadh gun teagamh na rìghrean, agus bhuail iad a chéile: a nis ma ta, dh'ionnsuidh na creiche, a Mhoib.

24 Agus an uair a thàinig iad gu camp Israeil, dh'éirich na h-Israelich, agus bhual iad na Moabaich, agus theich iad rompa: ach chaidh iadsan air an aghaidh a' bualadh nam Moabach, eadhon 'nan tìr féin.

25 Agus leag iad sìos na bailtean, agus air gach mìr maith fearainn thilg gach fear a chlach, agus lìon iad e; agus dhùin iad suas gach tobar uisge, agus leag iad sìos gach craobh mhaith: a mhàin ann an Cìr-haraset dh'fhàg iad a chlachan: ach chuairtich luchd nan crann-tàbhuill e, agus bhuail iad e.

26 Agus an uair a chunnaic rìgh Mhoib gu'n do bhuadhaich an cath air, thug e leis seachd ceud fear a tharruing claidheamh, a chum briseadh a steach gu rìgh Edoim; ach cha b'urrainn iad.

27 An sin ghabh e a cheud-ghin mic, a bha gu rìoghachadh 'na àit, agus dh'ìobair se e mar ìobairt-loisgte air a' bhalla: agus bha corruich mhòr an aghaidh Israeil: agus dh'ìmhich iad uaith, agus phill iad d'an tìr féin.

CAIB. IV.

1 Mheudaich Elisa oladh na bantraich. 8 Aig Sunam thug bean àraidh aoidheachd dha. 18 Fhuair a mac bàs, agus dh'ath-bheothaich Elisa e. 42 Bheathaich e ceud fear le fichead buillinn.

ANIS ghlaidh bean àraidh do mhnaibh mhac nam fàidh ri Elisa, ag ràdh, Fhuair t'òglach m'fhear bàs; agus tha fios agad gu'n robh eagal an Tighearn air t'òglach: agus tha fear nani fiach air teachd a thoirt mo dhithis mhac leis gu bhi 'nan tràillibh aige.

2 Agus thubhairt Elisa rithe, Ciod a ni mise air do shon? iunis dhomh ciod a th'agad san tigh? Agus thubhairt ise, Cha 'n'eil aig do bhanoglaich ni air bith san tigh, ach soitheach olaidh.

3 An sin thubhairt esan, Falbh, iarr dhuit féin soitheiche an coingheall a muigh o d' choimhearsnaich uile, eadhon soitheiche falamh: na dean le beagan.

4 Agus an uair a théid thu a steach, druididh tu an dorus ort féin, agus air do mhacaibh, agus taomaidh tu anns na soitheichibh sin uile, agus cuiridh tu'n

soitheach làn a leth-taobh.

5 Agus dh'fhalbh i uaith, agus dhruid i an dorus oirre féin, agus air a macaibh; agus thug iadsan na soitheiche d'a h-ionnsuidh, agus thaom ise a mach.

6 Agus an uair a bha na soitheiche làn, thubhairt i r'a mac, Thoir a m' ionnsuidh fathast soitheach. Agus thubhairt esan rithe, Cha 'n'eil soitheach ann tuilleadh. Agus stad an oladh.

7 An sin thàinig i agus dh'innis i *sin* do'n duine le Dia: agus thubhairt esan, Falbh, reic an oladh, agus diol' t'fhiachan; agus thig féin agus do mhic beò air a' chuid eile.

8 Agus thachair air là àraidh gu'n deachaidh Elisa thairis gu Sunam, far an robh bean mhòr; agus chuir i impidh air³ aran itheadh. Agus ge b'e uair a rachadh e seachad, thionndaidheadh e stigh an sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomh le Dia e so, a tha gabhail seachad oirnn cho tric⁴.

10 Deanamaid, guidheam ort, scòmar beag balla⁵, agus cuireamaid da an sin leabadh, agus bord, agus caithir, agus coinnleir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh⁶ air là àraidh gu'n d'thàinig e'n sin, agus thionndaidh e steach do'n t-seòmar, agus luidh e'n sin.

12 Agus thubhairt e ri Gehasi 'òglach, Gairm air a' Bhan-sunamaich so. Agus ghairm esan oirre, agus sheas i 'na fhianuis.

13 Agus thubhairt e ris, Abair a nis rithe, Feuch, ghabh thu cùram d'ar taobh-ne leis a' chùram so uile; ciod a tha ri dheanamh air do shon? an àill leat labhairt air do shon ris an rìgh, no ri ceannard an t-sìogh? Agus fhreagair ise, Am measg mo shluaigh féin tha mi a'm' chòmhnuidh.

14 Agus thubhairt esan, Ciod ma ta a tha ri dheanamh air do shon? Agus thubhairt Gehasi, Gu deimhin cha 'n'eil mac aice, agus tha a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, bithidh mac agad a'd' ghlaicibh. Agus thubhairt ise, Na dean, mo thighearn, a dhuinc le Dia, na dean breug do d' bhanoglaich.

17 Agus dh'fhàs a' bhean torrach, agus rug i mac aig an àm shuidhichte sin mu'n do labhair Elisa rithe, a réir àm na beatha.

¹ gach neach a chrìostaich e féin le crìos. Eabh.

² pàigh.

³ choimh-éignich i e.

⁴ an còmhnuidh.

⁶ thachair.

⁵ le balla.

II. RIGH, IV.

18 Agus dh'fhàs an leanabh suas : agus thachair air là *uraidh* gu'n deachaidh e mach a chum 'athar, a dh'ionnsuidh nam buanaichean.

19 Agus thubhairt e r'a athair, Mo cheann, mo cheann ! Agus thubhairt esan ri òglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e : agus shuidh e air a glùinibh gu meadhon-là, agus an sin dh'eug e.

21 Agus chaidh i suas, agus chuir i 'na luidhe e air leabaidh an duine le Dia, agus dhruid i an *dorus* air, agus chaidh i mach.

22 Agus ghairm i air a fear, agus thubhairt i, Cuir a m' ionnsuidh, guidheam ort, aon do na h-òglachaibh, agus aon do na h-asalaibh, a chum gu'n ruith mi a dh'ionnsuidh an duine le Dia, agus gu'n tig mi a ris.

23 Agus thubhairt esan, C'ar son a théid thu d'a ionnsuidh? an diugh cha 'n'eil gealach nomha, no sàbaid ann. Agus thubhairt ise, *Bithidh gach nì* gu maith¹.

24 An sin chuir i dìollaid air asail, agus thubhairt i r'a h-òglach, Tarruing, agus bi 'g imeachd : na cuir moille orm a' marcachd², mur iarr mi ort.

25 Agus dh'imich i, agus thàinig i dh'ionnsuidh an duine le Dia gu sliabh Charneil : agus an uair a chunnaic an duine le Dia i fa 'chomhair³, thubhairt e ri Gehasi 'òglach, Feuch, is i sud a' Bhan-sunamach.

26 Ruith a nis, guidheam ort, 'na coinn-eamh, agus abair rithe, Am bheil thu féin gu maith? am bheil t'fhear gu maith? am bheil an leanabh gu maith? Agus fhreagair ise, *Tha* gu maith.

27 Agus an uair a thàinig i a dh'ionnsuidh an duine le Dia chum an t-sléibh, rug i air a chosaibh; ach thàinig Gehasi am fagus gus a cur air falbh. Agus thubhairt an duine le Dia, Leig dhi, oir *tha* a h-anam air a chràdh innte; agus cheil an Tighearn ormsa e, agus cha d'innis e dhomh.

28 Agus thubhairt ise, An d'iarr mise mac o m' thighearna? nach dubhairt mi, Na meall mi?

29 An sin thubhairt e ri Gehasi, Crìos-laich do leasraidh, agus glac mo bhata-sa⁴ ann do làimh, agus bi 'g imeachd : ma thachaireas tu air duine sam bith, na beannaich dha; agus ma bheannaicheas duine sam bith dhuì, na freagair e a ris : agus cuir mo bhata air aghaidh an leinibh.

30 Agus thubhairt màthair an leinibh, *Mar* is beò an Tighearn, agus *mar* is

beò t'anam-sa cha'n fhàg mi thu. Agus dh'èirich e, agus lean e i,

31 Agus chaidh Gehasi air aghaidh rompa, agus chuir e 'm bata air aghaidh an leinibh; ach cha robh cainnt no clàist-eachd aige : uime sin phill e 'na choinn-eamh, agus dh'innis e dha, ag ràdh, Cha 'n'eil an leanabh air dùsgadh.

32 Agus an uair a thàinig Elisa a steach do'n tigh, feuch, bha'n leanabh marbh, agus 'na luidhe air a leabaidh-san.

33 Uime sin chaidh e stigh, agus dhùin e 'n dorus orra 'nan dithis, agus rinn e urnuigh ris an Tighearn.

34 Agus chaidh e suas agus luidh e air an leanabh, agus chuir e a bheil air a bheil, agus a shùilean air a shùilibh, agus a làmhnan air a làmhnaibh, agus shìn se e féin sìos air, agus dh'fhàs feoil an leinibh blàth.

35 Agus a ris, dh'imich e⁵ anns an tigh a null agus a nall⁶, agus chaidh e suas, agus shìn se e féin sìos air; agus rinn an leanabh sreothartaich seachd uairean, agus dh'fhosgail an leanabh a shùilean.

36 Agus ghairm e air Gehasi, agus thubhairt e, Gairm air a' Bhan-sunamaich so, Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chrom si i féin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal; agus bha gorta san tìr, agus bha mic nam fàidh 'nan suidhe fa'chomhair : agus thubhairt e r'a òglach, Cuir air a' phoit mhòr, agus bruich brochan do mhacaibh nam fàidh.

39 Agus chaidh aon a mach do'n ach-adh a thional luibhean, agus fhuair e fionain⁷ fhiadhaich, agus thionail e dhith dearcain⁸ fìadhaich, làn 'fhalluinne, agus thàinig e agus ghearr e sìos iad anns a' phoit bhrochain; oir cha b'aithne dhoibh iad.

40 Agus thaom iad a mach do na daoineibh gu itheadh; agus an uair a bha iad ag itheadh do'n bhrochan, ghlaodh iad, agus thubhairt iad, Bàs anns a' phoit, a dhuine le Dia. Agus cha b'urrainn iad itheadh *dheith*.

41 Agus thubhairt esan, Thugaibh ma ta min a m' ionnsuidh. Agus thilg e anns a' phoit i; agus thubhairt e, Taom a mach air son an t-sluaigh, a chum gu'n ith iad : agus cha robh nì air bith olc anns a' phoit.

42 Agus thàinig duine o Bhaal-salisa, agus thug e dh'ionnsuidh an duine le Dia

¹ *Sith*. Eabh. ² *na dean air mo shon-sa moille ann am marcachd.* ³ *fad uait.*

⁴ *mo lorg-sa.* ⁵ *Agus phill e, agus dh'imich e.* Eabh.

⁶ *aon uair an so agus aon uair an sud.* Eabh.

⁷ *fineamhain, crann-fìona.*

⁸ *meallain chruinne; gowds.* Sasg.

II. RIGH, IV. V.

aran do'n cheud toradh, fichead buillion eorna, agus làn dhiasan arbhair 'nan càith-leach¹; agus thubhairt e, Thoir do'n t-sluagh, a chum gu'n ith iad.

43 Agus thubhairt 'fhear-frithealaidh² ris, C'ar son a chuirinn so an làthair cheud fear? Agus thubhairt esan a rìs, Thoir do'n t-sluagh, a chum gu'n ith iad: oir mar so tha'n Tighearn ag ràdh, Ithidh iad, agus bithidh fuigheall ann.

44 Uime sin chuir e 'nan làthair e, agus dh'ith iad, agus bha fuigheall aca, a réir focail an Tighearna.

CAIB. V.

1 *Leighis Elisa Naaman an Sirianach o 'luibhre.*

15 *Dhiùlt Elisa tiodhlac a ghabhail uath.*

20 *Fhuair Gehasi an tiodhlac le ceilg, agus bhual-eadh e le luibhre.*

ANIS bha Naaman ceannard slòigh rìgh Shìria 'na dhuine mòr aig a thighearn, agus urramach; a chionn leis-san³ gu'n d'thug an Tighearna saorsa do Shìria: bha e mar an ceudna treun ann an neart, *ach bu* lobhar e.

2 Agus chaidh na Sirianaich a mach 'nam buidhnibh, agus thug iad leo am braighdeanas à ùr Israeil caileag bheag; agus bha i a' feitheamh air mnaoi Naamain.

3 Agus thubhairt i r'a ban-mhaighstir, B'fhearr leam gu'm biodh mo thighearna maille ris an fhàidh a *tha* ann an Samaria; an sin leighiseadh e o 'luibhre e.

4 Agus chaidh esan⁴ a stigh, agus dh'innis e d'a thighearn, ag ràdh, Mar so agus mar so thubhairt a' chaileag a *tha* o thìr Israeil.

5 Agus thubhairt rìgh Shìria, Imich romhad, agus cuiridh mise litir a dh'ionnsuidh rìgh Israeil. Agus dh'imich e, agus thug e leis⁵ deich tàlannan airgid, agus sè mìle *bonn* òir, agus deich culaidhean eudach.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a d' ionnsuidh, feuch, chuir mi a d' ionnsuidh *leatha* Naaman mo sheirbhisich, a chum gu'n leighis thu e o 'luibhre⁶.

7 Agus an uair a leugh rìgh Israeil an litir, reub e 'eudach, agus thubhairt e, An Dia mise, a mharbadh agus a dheanamh beò, gu'n cuireadh am fear so *fios* a m' ionnsuidh duine a leigheas o 'luibhre? uime sin thugaibh fa'near, guidheam oirbh, agus faicibh cionnus a tha e 'g' iarraidh aobhair a'm' aghaidh⁷.

8 Agus an uair a chual' Elisa an duine

le Dia gu'n do reub rìgh Israeil 'eudach, chuir e *fios* a dh'ionnsuidh an rìgh, ag ràdh, C'ar son a reub thu t'eudach? thigeadh e nis a m' ionnsuidh-sa, agus bithidh fios aige gu bheil fàidh ann an Israel.

9 Agus thainig Naaman le 'eachaibh agus le 'charbad, agus sheas e aig dorus tighe Elisa.

10 Agus chuir Elisa teachdair d'a ionnsuidh, ag ràdh, Imich, agus nigh thu féin seachd uairean ann an Iordan, agus thig t'fheoil a ris a d' ionnsuidh, agus bithidh tu glan.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi⁸, gu cinnteach gu'n tigeadh e mach a m' ionnsuidh, agus gu'n seasadh e, agus gu'n gairmeadh e air ainm an Tighearn a Dhé, agus gu'n cuir-eadh e a làmh air an àit, agus gu'n leighiseadh e an lobhar.

12 Nach 'eil Abana agus Pharpar, aimhnichean Dhamascuis, nì's fearr na uile uisgeachan Israeil? nach feud mi mi féin a nigheadh anntasan, agus a bhì glan? Agus thionndaidh e, agus dh'fhalbh e roimhe ann an corruich.

13 Agus thainig a sheirbhisich am fagus, agus labhair iad ris, agus thubhairt iad, Oathair, *nam* biodh am fàidh air iarraidh ort nì mòr a dheanamh, nach deanadh tu e? nach ro mhò na sin ma ta, 'nuair a tha e 'g' ràdh riut, Nigh agus bhì glan?

14 An sin chaidh e sìos, agus thlum se e féin ann an Iordan seachd uairean, a réir focail an duine le Dia; agus thainig 'fheoil a ris mar fheoil leinibh bhig, agus ghlanadh e.

15 Agus phill e a dh'ionnsuidh an duine le Dia, e féin agus a chuideachd uile, agus thainig e, agus sheas e 'na làthair; agus thubhairt e, Feuch, a nis tha fios agam nach 'eil Dia anns an talamh uile ach ann an Israel: a nis ma ta, guidheam ort, gabh tiodhlac⁹ o d' sheirbhisich.

16 Ach thubhairt esan, *Mar* is beò an Tighearn, an làthair am bheil mi a'm' sheasamh, cha ghabh mi e. Agus chuir e impidh air a ghabhail, ach dhiùlt esan e.

17 Agus thubhairt Naaman, Nach toir-eam ma ta, guidheam ort, do d' sheirbhisich eire¹⁰ dhà mhùileid do thalamh¹¹? oir cha toir do sheirbhisich suas á so a mach tabhartas-loisgte, no iobairt do dhiathaibh air bìth eile, ach do'n Tighearn.

18 Anns an nì so gu'n tugadh an Tighearna maitheanas do d' sheirbhisich, an uair a théid mo thighearn a steach do

¹ 'nan caitheanaibh, 'nan cogall; ² 'na mhùla.

³ a sheirbhisich. ⁴ le a làmh-san.

⁵ i.e. Naaman. ⁶ 'na làmh. Eabh.

⁷ o a luibhre.

⁷ ag iarraidh aobhair cur a mach orm.

⁸ thubhairt mi. Eabh.

⁹ beannachadh. Eabh.

¹⁰ callach, luchd, sac.

¹¹ ùir.

II. RIGH, V. VI.

tligh Rimoin a dheanamh aoraidh¹ an sin, agus a leigeas e a thaic² air mo làimhsa, agus a chromas mise mi féin sìos ann an tigh Rimoin: an uair a chromas mise mi féin sìos ann an tigh Rimoin, gu'n tugadh an Tighearna maitheanas do d'sheirbhiseach anns an nì so.

19 Agus thubhairt esan ris, Imich ann an sìth. Agus dh'imich e uaith beagan astair.

20 Agus thubhairt Gehasi òglach Elisa an duine le Dia, Feuch, chaomhain mo mhaighstir Naaman an Sirianach so, a thaobh nach do ghabh e as a làmh an nì sin a thug e leis: ach mar is beò an Tighearna, ruithidh mise 'na dhéigh, agus gabhaidh mi nì éigin uaith.

21 Agus lean Gehasi Naaman: agus an uair a chummaic Naaman e a' ruith 'na dhéigh, leum e nuas as a charbad 'na choinneamh, agus thubhairt e, Am bheil gach nì gu maith?

22 Agus thubhairt esan, *Tha gach nì gu maith*: chuir mo mhaighstir uaith mi, ag ràdh, Feuch, a nis thàinig a m' ionnsuidh dà òganach o shliabh Ephraim do mhac-aibh nam fàidh: thoir dhoibh, guidheam ort, tàlann airgid, agus dà chulaidh eudaich.

23 Agus thubhairt Naaman, *Ma's toil leat*, gabh dà thàlann. Agus choimhéiginich se e agus cheangail e dà thàlann airgid ann an dà mhàla, agus dà chulaidh eudaich, agus chuir e iad air dithis d'a òglachaibh; agus ghiùlain iadsan roimhe iad.

24 Agus an uair a thàinig e do'n dùn³, ghabh e as an làmh iad, agus thaisg e anns an tigh iad: agus leig e na daoine air falbh, agus dh'fhalbh iad.

25 Agus chaidh esan a steach, agus sheas e an làthair a mhaighstir, agus thubhairt Elisa ris, Cia as a thàinig *thusa*, a Ghehasi? Agus thubhairt esan, Cha deachaidh do sheirbhiseach taobh air bith.

26 Agus thubhairt esan ris, Nach deachaidh mo chridhe-sa *maille riut*, an uair a phill an duine o 'charbad a'd choinneamh? an àm so a ghabhail airgid, agus a ghabhail eudaich, agus liosan-olaidh, agus fhòn-liosan, agus chaorach, agus buair⁴, agus òglach, agus bhan-oglach?

27 Uime sin dlùth-leanaidh luibhre Naa-main riutsa, agus ri d' shliochd gu bràth. Agus chaidh e mach à 'fhianuis, 'na lobhar, *geal* mar shneachda.

CAIB. VI.

1 *Thug Elisa air iarum snàmh.* 8 *Leig e ris comhairle rìgh Shìria, agus thug e gu neo-nì i.* 11 *Chuir rìgh Shìria armaill g'a ghlacadh.* 18 *Bhuailcadh*

iad le doille. 24 *Theannaich Ben-hadaad Samaria.* 25 *Bhuadhric a' ghorta sa' bhaile.*

A GUS thubhairt mic nam fàidh ri Elisa, Feuch a nis, *tha'n t-àit* anns am bheil sinn a chòmhnuidh maille riut ro chumhainn air ar son.

2 Leig dhuinn dol, guidheamaid ort, gu Iordan, agus bheir gach fear againn sail as a sin, agus nì sinn dhuinn féin an sin àite gu còmhnuidh a ghabhail ann. Agus fhreagair esan, *Rachaibh.*

3 Agus thubhairt aon *diubh*, Ma's i do thoil a nis, falbh féin maille ri d' sheirbhisich. Agus fhreagair esan, *Théid mi.*

4 Agus chaidh e maille riu: agus an uair a thàinig iad gu Iordan, ghearr iad sìos fiodh.

5 Ach an uair a bha aon *diubh* a' leagadh saile, thuit iarunn *na tuaighe* anns an uisge: agus dh'éigh e agus thubhairt e, Mo thruagh, a mhaighstir! agus *gur* ann an coingheall *a bha* e.

6 Agus thubhairt an duine le Dia, C'ait an do thuit e? Agus dh'fheuch esan da an t-àit. Agus ghearr e sìos maide, agus thilg e 'n sin e, agus thug e air an iarunn snàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shìria a' cogadh ri h-Israel: agus chuir e a chomhairle r'a sheirbhisich, ag ràdh, Ann an leithid so dh'àite *bithidh* mo champ.

9 Agus chuir an duine le Dia *fios* a dh'ionnsuidh rìgh Israeil, ag ràdh, Feuch nach téid thu thairis a dh'ionnsuidh⁵ a leithid so dh'àite; oir an sin tha na Sirian-aich air teachd a nuas.

10 Agus chuir rìgh Israeil *daoine* a dh'ionnsuidh an àite mu'n d'innis an duine le Dia dha, agus mu'n d'thug e rabhadh dha, agus dhion se e féin an sin, cha b'ann aon uair no dà uair.

11 Agus bha cridhe rìgh Shìria fo bhuairesas mòr air son an nì so; agus ghairm e air a sheirbhisich, agus thubhairt e riu, Nach innis sibh dhomh cò 'nar measg-ne *tha* le rìgh Israeil?

12 Agus thubhairt aon d'a sheirbhisich, Cha 'n' *eil neach air bith*, a thighearn, a rìgh: ach Elisa am fàidh, a *tha* ann an Israel, innsidh *esan* do rìgh Israeil na briathran a labhras tu ann do sheòmar-leapach.

13 Agus thubhairt esan, *Rachaibh* agus seallaibh c'ait *am bheil* e, a chum gu'n cuir mi *daoine* uam, agus gu'n glac mi e⁶. Agus dh'innseadh dha, ag ràdh, Feuch, *tha* e ann an Dotan.

14 Uime sin chuir e eich an sin, agus carbad, agus sluagh mòr: agus thàinig iad

¹ a shleuchdadh.

² a chudthrom.

³ tìr, àit àrd; ophel. Eabh. ⁴ cruaidh.

⁵ seachad air. ⁶ gu'n toir mi 'n so e.

II. RIGH, VI. VII.

sau oidhche, agus chuairtich iad am baile.

15 Agus dh'éirich seirbhiseach an duine le Dia gu moch sa' mhaduinn, agus chaidh e mach, agus, feuch, *bha* armailt a' cuairteachadh a' bhaile, maille ri eachaibh agus ri carbadaibh; agus thubhairt 'òglach ris, Mo thruaigh, a mhaighstir! cionnus a ni sinn?

16 Agus fhreagair esan, Na biodh eagail ort; oir is lionnhoire iad a *tha* leinne na iadsan a *tha* leo-san.

17 Agus rinn Elisa urnuigh, agus thubhairt e, A Thighearna, fosgail, guidheam ort, a shùilean, a chum gu'm faic e. Agus dh'fhosgail an Tighearna sùilean an òganaich, agus chunnaic e; agus, feuch, *bha* n' sliabh làn do eachaibh, agus do charbadaibh teine mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tighearn, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha'n i so an t-slighe, agus cha'n e so am baile; leanaibh mise, agus bheir mi sibh a dh'ionnsuidh an duine a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Shamaria, thubhairt Elisa, A Thighearna, fosgail sùilean nan daoine so, chum gu'm faic iad, Agus dh'fhosgail an Tighearn an sùilean, agus chunnaic iad, agus, feuch, *bha* iad am meadhon Shamaria.

21 Agus thubhairt righ Israeil ri Elisa, an uair a chunnaic e iad, Am buail, am buail mi iad?, athair?

22 Agus fhreagair esan, Cha bhuail thu iad: am buaileadh tu iadsan a ghlac thu 'nam braighidibh le d' chlaidheamh, agus le d'bhogha? cuir aran agus uisge fa'n comhair, a chum gu'n ith agus gu'n òl iad, agus gun téid iad a dh'ionnsuidh an tighearna féin.

23 Agus rinn e deasachadh mòr air an son; agus an uair a dh'ith agus a dh'òl iad, leig e air falbh iad, agus chaidh iad a dh'ionnsuidh an tighearn. Agus cha d'thàinig buidhne Shiria ni's mò do thir Israeil.

24 Agus 'na dhéigh so chruinnich Benhadad righ Shiria 'armailt uile, agus chaidh e suas agus theannaich e Samaria.

25 Agus bha gorta mhòr ann an Samaria; agus, feuch, theannaich iad e, agus an robh ceann asail air a reiceadh air cheithir fichead *bonn* airgid, agus an ceathramh cuid do chab do aolach choluman³ air

cluìg *bonnaibh* airgid.

26 Agus an uair a bha righ Israeil a' gabhail seachad air a' bhalla, ghlaodh bean ris, ag ràdh, Dean cabhair orm, mo thighearn a righ.

27 Agus thubhairt esan, Mur dean an Tighearna cabhair ort, cionnus a ni mise cabhair ort? an ann as urlar an t-sabhail, no as an fhìon-amar?

28 Agus thubhairt an righ rithe, Ciod a *tha* teachd riut? Agus fhreagair ise, Thubhairt a' bhean so rium, Thoir seachad do mhac-sa, chum gu'n ith sinn an diugh e, agus mo mhac-sa ithidh sinn am maireach.

29 Agus bhruidh sinn mo mhac-sa, agus dh'ith sinn e: agus thubhairt mise rithe-sa air an ath là, Thoir seachad do mhac-sa, chum gu'n ith sinn e: ach dh'fholaich ise a mac.

30 Agus an uair a chual' an righ briathra na mnà, reub e 'eudach, agus ghabh e seachad air a' bhalla, agus dh'amhairc an sluagh, agus, feuch, *bha* saic-eudach air 'fheoil air an taobh a stigh.

31 An sin thubhairt e, Gu'n deanadh Dia mar sin riumsa, agus tuilleadh mar an ceudna, ma sheasas ceana Elisa mhic Shaphait air an diugh.

32 Ach *bha* Elisa 'na shuidhe 'na thigh, agus na seannairean 'nan suidhe maille ris: agus chuir an righ duine uatha as a làthaireachd féin⁴: ach mu'n d'thàinig an teachdair d'a ionnsuidh thubhairt e ris na seanairibh, Am faic sibhse mar a chuir mac so a' mhortair duine a thoirt mo chinn diomsa? thugaibh an aire⁵ nuair a thig an teachdair, druidibh an dorus, agus cumaidh gu daingean e aig an dorus: nach 'eil fuaim chos a thighearna 'na dhéigh?

33 An uair a bha e fathast a' labhairt riu, feuch, thàinig an teachdair muas d'a ionnsuidh: agus thubhairt e, Feuch, tha'n t-òl so o'n Tighearna; c'ar son a dh'fheithinn-se air an Tighearna ni's faide?

CAIB. VII.

1 Roimh-innis Elisa gu'm bitheadh mòr-phailteas ann an Samaria. 3 Thug ceathrar dhaoine a chaidh a mach do'n camp fios seachad gu'n do theich na Sirianaich. 12 Chreac righ Israeil agus an sluagh camp nan Sirianaich.

AN sin thubhairt Elisa, Eisidibh ri focal an Tighearna: Mar so tha'n Tighearn ag ràdh, Mu'n tràth so an maireach reicear tomhas do mhin mhin air shecel, agus dà thomhas eorna air shecel, ann an geata Shamaria.

2 Agus fhreagair ceannard⁶, a leig an

¹ Le bualadh am buail mi iad? Eabh.

² An ann a chionn gu'n do ghlac thu iad le d' chlaidheamh, agus le d' bhogha, a mharbhadh tu iad?

³ do ghall-pheasair.

⁴ dh'ubhsan a bha fèilteamh air.

⁵ seallaidh.

⁶ mòir-shear, duine san treas àite fuidh n' rìgh.

II. RIGH, VII.

rìgh a thaic air a làimh, an duine le Dia, agus thubhairt e, Feuch, *ged* dheanadh an Tighearna tuil-dhorsan¹ anns na n-èamhaibh, am feudadh an nì so bli? agus thubhairt esan, Feuch, chì thusa le d' shùilibh e, ach cha'n ith thu dheth.

3 Agus bha ceathrar do dhaoineibh air an robh an luibhre aig dol a steach a' gheata; agus thubhairt iad gach fear r'a chéile, C'ar son a dh'fhanas sinn an so agus am bàsaich sinn?

4 Ma their sinn, Rachamaid a steach do'n bhaile, *tha* a' ghorta anns a' bhaile, agus bàsaichidh sinn an sin; agus ma dh'fhanas sinn an so, bàsaichidh sinn mar an ceudna. A nis ma ta thigibh, agus teicheamaid gu camp² nan Sirianach: ma chaomhnas iad beò sinn, bithidh sinn beò; ach ma mharbhas iad sinn, cha 'n fhaigh sinn ach am bàs.

5 Agus dh'éirich iad anns an dùthra³ gu dol a dh'ionnsuidh caimp⁴ nan Sirianach: agus an uair a thàinig iad gus a' chuid a b'fhaide mach do champ nan Sirianach, feuch, cha robh duine air bith an sin:

6 Oir thug an Tighearna air feachd nan Sirianach fuaim charbad a chluinntinn, agus fuaim each, *eadhon* fuaim slòigh mhòir: agus thubhairt iad gach fear r'a chéile, Feuch, thuarasdalaich rìgh Israeil 'nar n-aghaidh rìghrean nan Hiteach, agus rìghrean nan Eiphiteach, gu teachd oirn.

7 Uime sin dl'éirich iad, agus theich iad anns an dùthra, agus dh'fhàg iad am bùthan, agus an eich, agus an asail, *eadhon* an camp mar a bha e, agus theich iad air son an anama.

8 Agus an uair a thàinig na lobhair sin gus a' chuid a b'fhaide mach do'n champ, chaidh iad a steach do aon bhùth, agus dh'ith iad, agus dh'òl iad, agus thug iad leo as a sin airgid, agus òr, agus eudach, agus chaidh iad agus dh'fholaich siad iad; agus thàinig iad air an ais, agus chaidh iad a steach do bhùth eile, agus thug iad leo as a sin mar an ceudna, agus chaidh iad agus dh'fholaich siad iad.

9 Agus thubhairt iad gach fear r'a chéile, Cha 'n-eil sinn a' deanamh gu ceart: is là deadh sgéil an là so, agus *tha* sinne 'nar tosd: ma dh'fhanas sinn gu solus na maidne, thig olc éigin oirn: a nis ma ta thigibh, agus rachamaid agus innsamaid do theaghlach an rìgh.

10 Agus thàinig iad agus ghlaodh iad ri dorsairibh⁵ a' bhaile, agus dh'innis iad dhoibh, ag ràdh, Chaidh sinne gu camp

nan Sirianach, agus, feuch, cha robh duine air bith an sin, no guth duine, ach eich ceangailte, agus asail ceangailte, agus na bùthan mar a bha iad.

11 Agus ghlaodh na dorsairean⁶, agus dh'innis iadsan do theaghlach an rìgh a stigh.

12 Agus dh'éirich an rìgh anns an oidhe, agus thubhairt e r'a sheirblisich, Innsidh mi dhuibh a nis ciod a rinn na Sirianaich oirn: tha fios aca gu bheil sinne ocrach, agus chaidh iad a mach as a' champ gu'm folach féin anns a' mhach-air, ag ràdh, An uair a thig iad a mach as a' bhaile, glacadh sinn beò iad, agus théid sinn a steach do'n bhaile.

13 Agus fhreagair aon d'a sheirbhisich, agus thubhairt e, Gabhar a nis cùig do na h-eachaibh a tha air am fàgail, a dh'fhan anns a' bhaile, (feuch, *tha* iad mar uile shluagh Israeil⁷ d'an do chuir-eadh as,) agus cuireamaid teachdairean uaim agus faicamaid.

14 Ghabhadh uime sin dà each carbaid⁸; agus chuir an rìgh teachdairean an déigh feachd nan Sirianach, ag ràdh, Rachaibh agus faicibh.

15 Agus chaidh iad 'nan déigh gu ruig Jordan, agus, feuch, bha'n t-slighe uile làn do eudach, agus do shoithichibh, a thilg na Sirianaich uatha 'nan cabhaig: agus phill na teachdairean, agus dh'innis iad do'n rìgh.

16 Agus chaidh an sluagh a mach, agus chreach iad camp⁹ nan Sirianach: agus reiceadh tomhas do mhin mhin air shecel, agus dà thomhas eorna air shecel, a réir focail an Tighearn.

17 Agus chuir an rìgh cùram a' gheata air a' cheannard, a leig e a thaic air a làimh: agus shaltair an sluagh air anns a' gheata, agus dh'eug e, mar a thubhairt an duine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair an duine le Dia ris an rìgh, ag ràdh, Bithidh dà thomhas eorna air shecel, agus tomhas do mhin mhin air shecel, mu'n tràth so am màireach ann an geata Shamaria:

19 Agus fhreagair an ceannard sin an duine le Dia, agus thubhairt e, Feuch a nis, *ged* dheanadh an Tighearna tuil-dhorsan anns na n-èamhaibh, am feudadh a' leithid so do ni a bhi? agus thubhairt esan, Feuch, chì thu le d' shùilibh e, ach cha'n ith thu dheth.

20 Eadhon mar sin thachair e dha: oir shaltair an sluagh air anns a' gheata, agus dh'eug e.

¹ uinneagan.

² an-moch, duibhre.

³ dorsair.

⁴ feachd.

⁵ camp.

⁶ ghlaodh e ris na dorsairibh.

⁷ mar uile shluagh Israeil a dh'fhàgadh ann; feuch tha mi 'g ràdh, *tha* iad mar uile shluagh Israeil.

⁸ da charbad le'n eachaibh.

⁹ bùthan.

II. RIGH, VIII.

CAIB. VIII.

3 *Phill a' Bhan-sunamach a tìr nam Philisteach.*
10 *Thug Elisa fios do Hasael gu'm faigheadh Ben-hadad bàs, agus gu'm bitheadh e fèin 'na rìgh air Siria.* 28 *Rinn Edom agus Libnah ceannaire an aghaidh Iudah.* 23 *Rìghich Ahasiah an àit Iehoraim.*

AN sin labhair Elisa ris a' mhnaoi, d'an d'ath-bheothaich e a mac, ag ràdh, Eirich, agus imich thusa agus do theaghlach, agus falbh air chuairt ge b'e àit am feud thu bhì air chuairt: oir ghairm an Tighearn air gorta, agus mar an ceudna thig i air an tìr rè sheachd bliadhna.

2 Agus dh'érich a' bhean, agus rinn i a rèir focail an duine le Dia: agus dh'fhalbh i féin agus a teaghlach, agus bha i air chuairt ann an tìr nam Philisteach rè sheachd bliadhna.

3 Agus aig ceann nan seachd bliadhna phill a' bhean a tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi, òglach an duine le Dia, ag ràdh, Innis dhomh, guidheam ort, ua m'ithe mòra uile a rinn Elisa.

5 Agus an uair a bha e ag innseadh do'n rìgh mar a dh'ath-bheothaich e *neach* a bha marbh, feuch, ghlaodh a' bhean, d'an d'ath-bheothaich e a mac, ris an rìgh air son a tighe, agus air son a fearainn. Agus thubhairt Gehasi, Mo thighearn, a rìgh, so a' bhean, agus so a mac, a dh'ath-bheothaich Elisa.

6 Agus an uair a dh'fheòraich an rìgh do'n mhnaoi, dh'innis i dha. Agus dh'orduich an rìgh dhi maor àraidh, ag ràdh, Thoir air ais gach *ni* bu leatha, agus uile thoradh an fhearainn, o'n là a dh'fhàg i an tìr, eadhon gus a nis.

7 Agus thàinig Elisa gu Damascus; agus *bha* Ben-hadad rìgh Shiria tinn: agus dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlac, agus falbh an coinneamh an duine le Dia, agus fiosraich do'n Tighearna leis ag ràdh, An tig mi beò o'n tinneas so?

9 Agus dh'fhalbh Hasael 'na choim-eamh, agus ghabh e tiodhlac 'na làimh, eadhon *do* gach *ni* math a *bha* 'na Damascus, eire¹ dhà fhichead chamhal: agus thàinig e, agus sheas e 'na làthair, agus thubhairt e, Chuir do mhac Ben-hadad, rìgh Shiria, mise a d'ionnsuidh, ag ràdh, An tig mi beò o'n tinneas so?

10 Agus thubhairt Elisa ris, Falbh abair ris, Feudaidd tu gun teagamh

teachd uaith: gidheadh, nochd an Tighearna dhomhsa gu'm faigh e gu cinnteach bàs.

11 Agus shocraich e a ghnùis gu seasmhach, gus an robh nàire air: agus ghuil an duine le Dia.

12 Agus thubhairt Hasael, C'ar son a *tha* mo thighearn a' gul? Agus fhreagair esan, A chionn gu bheil fios agam air an olc a ni thusa do chloinn Israeil: an daingneacha làidir cuiridh tu ri theine, agus an daoine òga marbhaidh tu leis a' chlaidheamh, agus an clann bheag bruthaidh tu², agus am mnathan torrach reubaidh tu suas.

13 Agus thubhairt Hasael, Ach ciod, an cù do sheirbhiseacl, gu'n deanadh e an ni mòr so? Agus fhreagair Elisa, Nochd an Tighearna dhomhsa *gu'm bi* thu a' d' rìgh air Siria.

14 Agus dh'fhalbh e o Elisa, agus thàinig e dh'ionnsuidh a thighearn, a thubhairt ris, Ciod a thubhairt Elisa riut? Agus fhreagair esan, Dh'innis e dhomh *gu'n tig* thu gu cinnteach *o'n tinneas so*.

15 Agus air an là maireach ghabh e eudach tiugh, agus thum e ann an uisge e, agus sgaoil e air 'aghaidh e, air chor as gu'n d'fhuir e bàs: agus rìghich Hasael na àit.

16 Agus anns a' chùigeachd bliadhna do Ioram mac Ahaib, rìgh Israeil³, thòisich Iehoram, mac Iehosaphat rìgh Iudah, air rioghachadh.

17 Dà bhliadhna dheug thar fhichead a dh'aois bha e 'nuair a thòisich e air rioghachadh, agus rìghich e ochd bliadhna ann an Jerusalem.

18 Agus ghluais e ann an slighe rìghrean Israeil, mar a rinn tigh Ahaib; oir bha nighean Ahaib 'na mnaoi aige: agus rinn e olc ann an sùilbhan Tighearna.

19 Gidheadh cha b'àill leis an Tighearn Iudah a sgrios, air sgàth Dhaibhidh 'òglaich, mar a gheall e dha solus⁴ a thubhairt da fèin agus d'a mhacaibh an còmhnuidh.

20 'Na làithibh-san dh'érich Edom⁵ o *bhi* fuidh làimh Iudah, agus rinn iad rìgh os an ceann fèin.

21 Agus chaidh Ioram thairis gu Sair, agus na carbadan uile maille ris; agus dh'érich e san oidheadh, agus bhuail e na h-Edomaich a bha mu'n cuairt air, agus ceannarda nan carbad: agus theich an sluagh d'am bùthaibh.

22 Gidheadh dh'érich Edom o *bhi* fuidh làimh Iudah gus an là'n diugh: agus dh'érich Libnah san àm cheudna.

23 Agus a' chuid eile do ghuimhar-aibh Ioram, agus gach *ni* a rinn e, nach

¹ callach, luchd.

² buailidh tu ris an làr.

³ rìgh Israeil, 'nuair a bha Iehosaphat 'na rìgh air Iudah.

⁴ lòchran.

⁵ rinn Edom ar' a nàch.

II. RIGH, VIII. IX.

'eil iad sgriobhta ann an leabhar eachdraidh rìghrean Iudah?

24 Agus choidil Ioram maille r'a aithrichibh, agus dh'adhlacaidh e maille r'a aithrichibh ann am baile Dhaibhidh: agus rìghich Ahasiah a mhac 'na àit.

25 Anns an dara bliadhna deug do Ioram mac Ahaib, rìgh Israeil, thòisich Ahasiah mac Iehoraim, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah an uair a thòisich e air rìoghachadh, agus rìghich e aon bhliadhna ann an Ierusalem: agus b'e ainm a mhàthar Ataliah, nighean Omri¹ rìgh Israeil.

27 Agus ghluais e ann an slighe tighe Ahaib, agus rinn e ole ann an sùilibh an Tighearna, mar a rinn tigh Ahaib: oir bu chliamhuin do thigh Ahaib e.

28 Agus chaidh e maille ri Ioram mac Ahaib, gu cogadh an aghaidh Hasaeil rìgh Shiria ann an Ramot-gilead; agus lot na Sirianaich Ioram.

29 Agus chaidh rìgh Ioram air ais gu bhi air a leigheas ann an Iesreel o na lotaibh a thug na Sirianaich dha ann an Ramot, an uair a chog e an aghaidh Hasaeil rìgh Shiria: agus chaidh Ahasiah mac Iehoraim, rìgh Iudah, sìos a dh'fhaicinn Ioraim mhic Ahaib ann an Iesreel, a chionn gu'n robh e tinn.

CAIB. IX.

1 Chuir Elisa fàidh gu Ramot-gilead a dh'ungadh Iehu. 11 Rinneadh Iehu 'na rìgh le ceannardaibh an t-slàigh. 24 Mharbh e Iehoram agus Ahasiah. 39 Thàinig cailleanaich Iesebel a nuas o uinneig, agus dh'ith na madraidh a feoil a réir focail an fhàidh Eliah.

AGUS ghairm Elisa am fàidh air aon do mhacaibh nam fàidh, agus thubhairt e ris, Crioslaich do leasraidh, agus gabh an corn olaidh so ann do làimh, agus imich gu Ramot-gilead.

2 Agus an uair a thig thu 'n sin, seallaidh tu an sin air son Iehu mhic Iehosaphait, mhic Nimsi; agus théid thu a stigh, agus bheir thu air éirigh suas o mheasg a bhràithrean, agus bheir thu e do sheòmar cuil:

3 Agus gabhaidh tu an corn olaidh, agus taomaidh tu air a cheam e, agus their thu, Mar so tha'n Tighearn ag ràdh, Dh'ung mi thu a'd' rìgh air Israel; an sin fosgailidh tu an dorus, agus teichidh tu, agus cha 'n fhan thu.

4 Agus dh'imich an t-òganach² am fàidh, gu Ramot-gilead.

5 Agus an uair a thàinig e, feuch, bha ceannardan an t-slàigh 'nansuidhe; agus thubhairt e, Tha ni agam ri ràdh riut³, a

cheannaird. Agus thubhairt Iehu, Cia ris dhinn uile? Agus thubhairt esan, Riutsa, a cheannaird.

6 Agus dh'éirich e, agus chaidh e steach do'n tigh, agus thaom e an oladh air a cheam, agus thubhairt e ris, Mar so tha'n Tighearna Dia Israeil ag ràdh, Dh'ung mi thusa a'd' rìgh air sluagh an Tighearn, eadhon air Israel.

7 Agus buailidh tu tigh Ahaib do thighearn, agus diolaidh mise fuil mo sheirbhisich nam fàidh, agus fuil uile sheirbhisich an Tighearn, air làimh Iesebeil.

8 Agus sgriosar tigh Ahaib uile, agus gearraidh mi as o Ahab esan a ni uisge ri balla, agus esan a dhruidear suas agus a dh'fhàgar an ann Israel.

9 Agus ni mi tigh Ahaib mar thigh Ieroboam mhic Nebait, agus mar thigh Bhaasa mhic Abiah.

10 Agus ithidh na madraidh Iesebel ann an cuibhrionn Iesreil, agus cha bhineach air bith ann a dh'adhlacais i. Agus dh'fhosgail e'n dorus, agus theich e.

11 An sin thàinig Iehu a mach a dh'ionnsuidh sheirbhisich a Tighearn, agus thubhairt iad⁴ ris, Am bheil gach ni gu maith? c'ar son a thàinig am fear cuthaich so a d' ionnsuidh? Agus thubhairt esan ri, Is aithne dhuibh an duine, agus a chaint.

12 Agus thubhairt iadsan, Is breug e; innis dhuinn a nis. Agus thubhairt esan, Mar so agus mar so labhair e rium, ag ràdh, Mar so tha'n Tighearn ag ràdh, Dh'ung mi thu a'd' rìgh air Israel.

13 An sin rinn iad cabhag, agus ghabh iad gach fear dhiubh 'thalluinn⁵, agus chuir iad fuidhe i air mullach na staidhreach⁶, agus shéid iad le trompaid, agus thubhairt iad, Is e Iehu an rìgh.

14 Uime sin rinn Iehu mac Iehosaphait, mhic Nimsi, ceannairc⁷ an aghaidh Ioraim: (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil rìgh Shiria:

15 Ach phill rìgh Ioram gu bhi air a leigheas ann an Iesreel o na lotaibh a thug na Sirianaich dha, 'nuair a chog e ri Hasael rìgh Shiria.) Agus thubhairt Iehu, Ma's e bhur toil e, na rachadh neach air bith a mach, agus na teicheadh e as a' bhaile, gu dol g'a innseadh ann an Iesreel.

16 Agus mharcaich Iehu ann an carbad, agus chaidh e gu Iesreel; oir bha Ioram 'na luidhe an sin: agus thàinig Ahasiah rìgh Iudah a nuas a dh'fhaicinn Ioraim.

17 Agus sheas fear-faire air an tùr ann an Iesreel, agus chunnaic e buidheann⁸

¹ nighean Ahaib, mhic Omri. Faic I. Rìgh Caib. XVI. r. 28. ² an t-òganach, eadhon an t-òganach.

³ Tha gnothuch agum riut.

⁴ thubhairt neach.

⁵ nan ceum.

⁶ cuidcachd.

⁷ a bhrat.

⁸ coimh-chealg.

Iehu 'nuair a bha e a' teachd, agus thubhairt e, *Tha mi faicinn buidhne*. Agus thubhairt Ioram, Gabh marcach, agus cuir 'nan coinneamh e, agus abradh e, An sìth a *th'ann?*

18 Agus chaidh fear a' marcachd air each 'na choinneamh, agus thubhairt e, Mar so tha'n righ ag ràdh, An sìth a *th'ann?* Agus thubhairt Iehu, Ciod do ghnothuch-sa ri sìth? tionndaidh air mo chùlaobh. Agus dh'innis am fear-faire, ag ràdh, Thàinig an teachdair d'an ionnsuidh, ach cha 'n eil e teachd air ais.

19 Agus chuir e uaith fear eile a' marcachd air each, agus thàinig e d'an ionnsuidh, agus thubhairt e, Mar so tha'n righ ag ràdh, An sìth a *th'ann?* Agus fhreagair Iehu, Ciod do ghnothuch-sa ri sìth? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha 'n eil e teachd air ais: agus tha 'n siubhal cosmhuil ri siubhal Iehu mhic Nimsi¹; oir tha e a' siubhal gu dian.

21 Agus thubhairt Ioram, Ulluich². Agus dh'ulluich e a charbad. Agus chaidh Ioram righ Israeil, agus Ahasiah righ Iudah, a mach, gach fear dhiubh 'na charbad, agus chaidh iad a mach an coinneamh³ Iehu, agus thachair iad air ann an cuibhrionn Naboit an Iesreelich.

22 Agus an uair a chunnaic Ioram Iehu, thubhairt e, An sìth a *th'ann*, a Iehu? Agus thubhairt esan, Ciod an t-sìth, fhad 's a *bhios* striopachas Iesebeil do mhàthar, agus a druidheachda co lionmhòr?

23 An sin thionndaidh Ioram a làmh an agus theich e, agus thubhairt e ri Ahasiah, *Tha feall ann*, O Ahasiah.

24 Agus tharruing Iehu bogha le 'uile neart, agus bhual e Ioram eadar a ghairdeana, agus chaidh an t-saighead a mach troimh a chridhe, agus chrom e sìos 'na charbad.

25 An sin thubhairt Iehu ri Bidcar a cheannard, Tog agus tilg e ann an cuibhrionn fearainn Naboit an Iesreelich: oir is cuimhe leam⁴, an uair a bha mise agus thusa a' marcachd cuideachd an déigh Ahaib 'athar, gu'n do chuir an Tighearn an eallach so air⁵.

26 Gu cinnteach chunnaic mi an dé fuil Naboit, agus fuil a mhac, ars' an Tighearn, agus dlòlaidh mi ort anns a' chuibhrionn⁶ so, ars' an Tighearn. A uis ma ta tog agus tilg e anns a' chuibhrionn *fhearainn*, a réir focail an Tighearn.

27 Agus an uair a chunnaic Ahasiah righ Iudah so, theich e ratlad tighe an

liosa⁷: agus lean Iehu 'na dhéigh, agus thubhairt e, Buailibh esan mar an ceudna 'na charbad. *Agus bhual iad e aig uchdaich Ghuir, a tha làimh ri Ibleam*: agus theich e gu Megido, agus fhuair e bàs an sin.

28 Agus thug a sheirbhisich leo e ann an carbad gu h-Ierusalem, agus dh'adhlac iad e 'na àit-adhlacaidh, maille r'a aithrichibh ann am baile Dhaibhidh.

29 Agus anns an aon bhliadhna deug do Ioram mac Ahaib, thòisich Ahasiah air rioghachadh os ceann Iudah.

30 Agus an uair a thàinig Iehu gu Iesreel, chuala Iesebel e; agus chuir i dath mu a sùilibh⁸, agus sgeadaich i a ceann, agus dh'amhairc i mach air uinneig.

31 Agus an uair a bha Iehu a' teachd a stigh air a' gheata, thubhairt i, An robh sìth aig Simri, a mharbh a thighearn?

32 Agus thog esan 'aghaidh suas a dh'ionnsuidh na h-uinneig, agus thubhairt e, Cò a ta leamsa, cò? agus dh'amhairc a mach air dithis no triuir do chailteanaich.

33 Agus thubhairt e, Tilgibh a nuas i. Agus thilg iadsan sìos i; agus chrathadh cuid d'a fuil air a' bhalla, agus air na h-eachaibh, agus shaltair iad⁹ fo 'n cosaibh i.

34 Agus chaidh e stigh, agus dh'ith agus dh'òl e, agus thubhairt e, Rachaibh a nis a dh'fhaicinn na mnà mallaichte sin, agus adhlacibh i; oir is nighean righ i.

35 Agus chaidh iad g'a h-adhlacadh, ach cha d'fhuair iad dith ach an cloigean, agus na cosan, agus basan a làmh.

36 Agus phill iad, agus dh'innis iad da: agus thubhairt esan, *Is e so focal an Tighearn*, a labhair e le làimh 'òglaich Eliah an Tisbithich, ag ràdh, Ann an cuibhrionn Iesreel, ithidh na madraidh feoil Iesebeil:

37 Agus bithidh closach Iesebeil mar aolach air aghaidh an fhearainn ann an cuibhrionn Iesreel, *air chor* as nach abair iad, *Is i so Iesebel*.

CAIB. X.

1 Chuir Iehu mic Ahaib gu bàs. 12 Air a shlighe gu Samaria mharbh e bràithrean Ahasiah. 18 Le a sheòltach sgrìos e uile luchd-aoaraidh Bhuail, agus loisg e an dealbhan. 32 Bhual Hasael Israeal. 34 Fhuair Iehu bàs, agus righich Iehoahas 'na àit.

A GUS bha aig Ahab deich agus trì fichead mac ann an Samaria. Agus sgrìobh Iehu litrichean, agus chuir e do Samaria iad, a dh'ionnsuidh uachdarana Iesreil¹, a dh'ionnsuidh nan seanair, agus d'an ionnsuidh-san a thog clann Ahaib, ag ràdh,

¹ Iehu mhic Iehosaphait, mhic Nimsi. Faic. r. 2.

² Beartaich. ³ an aghaidh. ⁴ cuimhnich.

⁵ gu'n do chuir an Tighearn an cèill an fhàist-neachd so 'na aghaidh.

⁶ bhall, 'aite, achadh.

⁷ a' ghàraidh.

⁸ chuir i lith air a h-aghaidh; chuir i a sùilean ann an dath. Eabh.

⁹ shaltair e.

¹⁰ uachdarana Samaria.

II. RIGH, X.

2 A nis an uair a thig an litir so d'ur n-ionnsuidh, o tha mic bhur tighearna maille ribh, agus carbaid agaibh, agus eich, agus baile daingnicht, agus airm,

3 Amhaircibh a mach eadhon air a shon-san a's fearr agus a's iomchuidh do mhac-aibh bhur tighearn, agus cuiribh e air righ-chathir¹ athar, agus cogaibh air son tighe bhur tighearn.

4 Ach bha eagal ro mhòr orra-san, agus thubhairt iad, Feuch, cha do sheas dà righ roinne, agus cionnus a sheasas sinne?

5 Agus chuir *esan* a *bha* os ceann an tighe, agus *esan* a *bha* os ceann a' bhaile, agus na seanairean, agus iadsan a thog a' *chlann*, *teachdairean* gu Iehu, ag ràdh, *Is sinne* do sheirbhisich, agus ni sinn gach *ni* a dh'iarras tu oirnn; cha dean sinn righ air bith: an *ni a ta* taitneach a d' shùilbh-sa, dean e.

6 Agus sgrìobh e d'an ionnsuidh litir an dara uair, ag ràdh, Ma's leamsa sibh, agus *ma* dh'èisdeas sibh ri m' ghuth, gabhaibh cinn mhiac¹ bhur tighearn, agus thigibh a m'ionnsuidh-sa mu'n tràth so am màireach gu Iesreel: (a nis *bha* mic an righ, deich agus trì fichead fear, maille ri daoineibh mòra a' bhaile a thog iad.)

7 Agus an uair a thàinig an litir d'an ionnsuidh, ghabh iad mic an righ, agus mharbh iad deich agus trì fichead fear, agus chuir iad an cinn ann am bascaidibh, agus chuir iad d'a ionnsuidh *iad* gu Iesreel.

8 Agus thàinig teachdair, agus dh'innis e dha, ag ràdh, Thug iad leo cinn mhac an righ. Agus thubhairt *esan*, Cuiribh iad² nan dà dhùn aig dol a stigh a' gheata gu maduinn.

9 Agus anns a' mhaduinn chaidh e mach agus sheas e, agus thubhairt e ris an t-sluagh uile, Tha sibhse ionraic: feuch, rinn mise ceannairc an aghaidh mo thighearn, agus mharbh mi e; ach cò a bhuail iad so uile?

10 Biodh fios agaibh a nis, nach tuit *lìde* do fhocal an Tighearna gu làr, a labhair an Tighearn mu thigh Ahaib; oir rinn an Tighearn an *ni sin* a labhair e le làmh a sheirbhisich Eliah.

11 Mar sin bhuail Iehu iadsan uile a mhair do thigh Ahaib ann an Iesreel, agus a dhaoine mòra uile, agus a luchd-dàimh, agus a shagairt, gus nach d'fhàg e duine beò² aige.

12 Agus dh'éirich e, agus dh'imich e, agus chaidh e do Shamaria. Agus an uair a *bha* e aig tigh-bearraidh nam buachaille³ air an t-slighe,

13 Thachair Iehu air bràithribh Ahasiah

righ Iudah, agus thubhairt e, Cò sibhse? Agus thubhairt iadsan, *Is sinne* bràithrean Ahasiah, agus tha sinn a' dol sìos a chur fàilte air cloinn an righ, agus air cloinn na ban-righinn⁴.

14 Agus thubhairt *esan*, Glacaibh beò iad. Agus ghlac iad beò iad, agus mharbh siad iad aig slochd an tigh-bhearraidh, dà fhichead agus dithis fhear; agus cha d'fhàg e duine beò dhiubh.

15 Agus an uair a dh'fhalbh e as a sin, thachair e air Iehonadab mac Rehaib a' teachd⁵ na choinneamh; agus chuir e fàilte air, agus thubhairt e ris, Am bheil do chridhe-sa dìreach⁵, mar a tha mo chridhe-sa le d' chridhe-sa? Agus thubhairt Iehonadab, Tha. Ma tha, *ars' esan*, thoir *dhomh* do làmh. Agus thug e dha a làmh, agus thog e suas e d'a ionnsuidh do'n charbad.

16 Agus thubhairt e, Thig maille rium-sa, agus faic m'eud air son an Tighearn. Agus thug e⁶ air marcachd⁶ na charbad.

17 Agus thàinig e do Shamaria, agus bhuail e iadsan uile a mhair do Ahab ann an Samaria, gus an do sgrìos se e, a réir focail an Tighearn, a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagan seirbhis do Bhaal, *ach* ni Iehu mòran seirbhis dha.

19 A nis ma ta gairmibh a m' ionnsuidh-sa fàidhean Bhaail uile, a sheirbhisich uile, agus a shagairt uile; na biodh duine dhiubh air chall⁷; oir *tha* ìobairt mhòr agam *r'a deanamh* do Bhaal: ge b'e neach a bhios air chall, cha mhair e beò. Ach rinn Iehu so ann an seòltachd, a chum gu'n sgrìosadh e luchd-aoraidh Bhaail.

20 Agus thubhairt Iehu, Gairmibh féill naomh do Bhaal. Agus ghairm iad i.

21 Agus chuir Iehu *fios* air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'fhàgadh: agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san a *bha* os ceann seòmair nan culaidh, Thoir a mach culaidhean do uile luchd-aoraidh Bhaail. Agus thug e mach dhoibh culaidhean.

23 Agus chaidh Iehu agus Iehonadab mac Rehaib a steach do thigh Bhaail, agus thubhairt e ri luchd-aoraidh Bhaail, Rannsaichibh agus faicibh nach bi an so maille ribh *neach air bith* do sheirbhisich an Tighearn, ach luchd-aoraidh Bhaail a mhaìn.

24 Agus an uair a chaidh iad a steach a thoirt suas ìobairtean agus thabhartasan-

¹ nan daoine eadhon mhiac. Eabh.

² a mhair.

³ nan aodhair.

⁴ ban-righ.

376

⁵ Am bheil do chridhe-sa dìreach le m' chridhe-sa.

⁶ iad.

⁷ air ionndruin.

⁸ fèisd, comh-chruinneachadh.

II. RIGH, XI.

loisgte, shuidhich Iehu ceithir fichead fear leis a muigh, agus thubhairt e, *Ma théid fear air bith as do na daoineibh a thug mise thairis d'ur làimh, théid anam an neach a leigeas as e air son 'anama-san.*

25 Agus co luath as a chuir e crìoch air an òbair-loisgte ìobradh, thubhairt Iehu ris an fhreiceadan, agus ris na ceannard-aibh, Rachaibh a steach, buailibh iad, na tigeadh duine dhiubh mach. Agus bhuaill siad iad le faobhar a' chlaidheimh, agus thilg am freiceadan agus na ceannardan a mach iad; agus chaidh iad gu baile tìghe Bhaail.

26 Agus thug iad a mach na dealbhan á tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e 'na thigh-salchair gus an là'n diugh.

28 Mar so sgrios Iehu Baal a mach á h-Israel.

29 Gidheadh ri peacaibh Ieroboaim mhic Nebait, a thug air Israel peacachadh, cha do dhealaich Iehu, eadhon ris na laogh-aibh òir a bha ann am Bet-el, agus a bha ann am Dan.

30 Agus thubhairt an Tighearna ri Iehu, A chionn gu'n do rinn thu gu maith *anns an nì sin* a dheanamh a tha ceart ann mo shùilibh-sa, agus gu'n d'rinn thu ri tigh Ahaib a réir gach *nì a bha* ann am chridhe-sa, suidhidh do mhic do'n cheathramh *ginealach* air rìgh-chaithir Israel.

31 Ach cha d'thug Iehu an aire air im-eachd ann an lagh an Tighearna Dé Israeil le 'uile chridhe; oir cha do dhealaich e ri peacaibh Ieroboaim, a thug air Israel peacachadh.

32 Anns na làithibh sin thòisich an Tighearna air Israel a ghearradh goirid: agus bhuaill Hasael iad ann an uile chrìoch-aibh Israeil;

33 O Iordan a làimh na h-àird e 'n ear, fearann Ghilead uile, na Gadaich, agus na Reubenich, agus na Manasaich, o Aroer, (a tha làimh ri sruth¹ Arnoin,) eadhon Gilead agus Basan.

34 Agus a' chuid eile do ghlìomharaibh Iehu, agus gach *nì* a rinn e, agus a thréine uile, nach 'eil iad sgrìobhta ann an leabhar eachdraidh rìghrean Israeil?

35 Agus choidil Iehu maille r'a aithrichibh; agus dh'adhlaic iad e ann an Samaria: agus rìghich Iehoahas a mhac 'na àit.

36 Agus *b'i* 'n ùin' a rìghich Iehu os ceann Israeil ann an Samaria, ochd bliadhna fichead.

CAIB. XI.

1 Dh'fholaich Iehoseba Ioas rè shè bliadhna ann an tigh an Tighearna. 4 Air an t-seachdamh bliadhna

dh'ung Iehoiada e 'na rìgh air Iudah. 13 Mharbhadh Ataliah. 18 Bhriscadh altairean agus dealbhan Bhaail.

AGUS an uair a chunnaic Ataliah màth-air Ahasiah gu'n robh a mac marbh, dh'èirich i, agus sgrios i an sìochd rìgh-aile uile.

2 Ach ghabh Iehoseba nighean rìgh Ioraim, piuthar Ahasiah, Ioas mac Ahasiah, agus ghoid i e á measg mhac an rìgh a mharbhadh, agus chuir i e féin agus a bhanaltrum ann an seòmar nan leab-aichean²: agus dh'fholaich iad e o Ataliah³ air chor as nach do mharbhadh c.

3 Agus bha e maille rithe am folach ann an tigh an Tighearna rè shè bliadhna: agus rìghich Ataliah os ceann na tìre.

4 Agus air an t-seachdamh bliadhna chuir Iehoiada *fios* uath, agus ghabh e iadsan a bha os ceann cheudan⁴, agus na ceannardan, agus am freiceadan, agus thug e steach d'a ionnsuidh iad do thigh an Tighearna, agus rinn e coimhcheangal riu, agus ghabh e miomnan dinbh ann an tigh an Tighearna, agus dh'fhuch e dhoibh mac an rìgh.

5 Agus dh'àithn e dhoibh, ag ràdh, So an nì a nì sibh: *Bithidh* an treas cuid dhibhse a théid a steach air an t-sàbaid, a' gleidheadh faire tìghe an rìgh:

6 Agus *bithidh* trian aig geata Shuir, agus trian aig a' gheata air cùlaobh an fhreiceadain: mar so gleidhidh sibh faire an tìghe, a chum nach brisear a steach air⁵.

7 Agus *gleidhidh* dà chuid dhibhse uile a théid a mach air an t-sàbaid, gleidhidh eadhon iadsan faire tìghe an Tighearna mu'n cuairt air an rìgh.

8 Agus cuartichidh sibh an rìgh air gach taobh, gach fear le 'airm' na làimh: agus esan a thig an taobh a stigh do na sreatha-aibh⁶, marbhar e; agus bithibh-se maille ris an rìgh 'nuair a théid e mach, agus an uair a thig e steach.

9 Agus rinn na ceannarda-cheud a réir gach *nì* a dh'àithn Iehoiada an sagart, agus ghabh iad gach fear dhiubh a dhaoine a bha dol a steach air an t-sàbaid, maille riuthasan a bha dol a mach air an t-sàbaid, agus thàinig iad a dh'ionnsuidh Iehoiada an t-sagairt.

10 Agus thug an sagart do na ceannarda-aibh-cheud sleaghanna agus sgiathan rìgh Daibhidh, a bha ann an tigh⁷ an Tighearna.

11 Agus shcas am freiceadan, gach fear le 'airm' na làimh, mu'n cuairt air an rìgh, o thaobh⁸ deas an tìghe gu ruig taobh clì an tìghe, làimh ris an altair agus an tigh.

¹ amhaim. ² Faic II. Eachdr. Caib. XXII. r. 11. ³ o ghnèis Ataliah. Eabh. ⁴ nan ceannardan-cheud.

⁵ a chum nach brisear sìos e. ⁶ rangaibh. ⁷ teampull. ⁸ oisinn, ghualainn.

12 Agus thug e mach mac an rìgh, agus chuir e 'n crùn air, agus *thug e dha* an fhianuis; agus rinn iad 'na rìgh e, agus dh'ung iad e, agus bhuail iad am basan, agus thubhairt iad, Gu ma fada beò an rìgh.

13 Agus an uair a chual' Ataliah fuaim an t-sluaigh a' ruith cuideachd¹, thàinig i dh'ionnsuidh an t-sluaigh, a steach do thigh an Tighearn.

14 Agus an uair a dh'amhaire i, feuch, sheas an rìgh làimh ri post, mar bu ghnàth, agus na h-uachdarain, agus na trompadairan làimh ris an rìgh; agus rinn sluagh na tìre uile gairdeachas, agus shéid iad le trompaidibh: agus reub Ataliah a h-eudach, agus dh'éigh i, Feall, feall!

15 Ach dh'àithn Iehoiada an sagart do na ceannardaibh-cheud, a chuireadh os ceann an t-slàigh, agus thubhairt e riu, Thugaibh a mach i an taobh a muigh do na sreathaibh; agus ge b'e neach a leanas i, marbhar leis a' chlaidheamh e: oir thubhairt an sagart, Na cuirear gu bàs i ann an tigh an Tighearn.

16 Agus thug iad comas d'i² agus dh'imich i air an t-slighe air an tig na h-eich gu tigh an rìgh, agus mharbhadh an sin i.

17 Agus rinn Iehoiada coimhcheangal eadar an Tighearn agus an rìgh agus an sluagh gu'm biodh iad 'nan sluagh air an Tighearna; mar an ceudna eadar an rìgh agus an sluagh.

18 Agus chaidh sluagh na tìre uile a steach do thigh Bhaail, agus l'cag iad sìos e; 'altairean agus a dhealbhan bhris iad gu tur; agus mharbh iad Matan sagart Bhaail fa chomhair nan altair: agus chuir an sagart luchd-nàghlaidh³ os ceann tìghe an Tighearn.

19 Agus ghabh e iadsan a bha os ceann cheudan, agus na ceannardan, agus am friceadan, agus sluagh na tìre uile; agus thug iad a nuas an rìgh o thigh an Tighearn, agus thàinig iad ratlad geata an fhreiceadain gu tigh an rìgh: agus shuidh e air caithir nan rìgh.

20 Agus rinn sluagh na tìre uile gairdeachas, agus bha 'm baile sàmhach: agus mharbh iad Ataliah leis a' chlaidheamh làimh ri tigh an rìgh.

21 Seachd bliadhna dh'aois bha Iehoas an uair a thòisich e air rioghachadh.

CAIB. XII.

1 Dh'orduich Iehoas do na sagartaibh tigh an Tighearn a chàradh. 16 Ghlac Hasael Gat, agus chuir e 'aghaidh ri dol suas gu Ierusalem. 18 Air dha tiodhlac fhaghail phill e air ais. 20 Chuireadh Iehoas gu bàs, agus rìghich Amasiah 'na àit.

ANNS an t-seachdamh bliadhna do Iehu thòisich Iehoas air rioghachadh, agus rìghich e dà fhichead bliadhna ann an Ierusalem: agus b'e ainm a mhiàthar Sibiah o Bheerseba.

2 Agus rinn Iehoas an *ni a bha* ceart ann an sùilibh an Tighearna rè a làithean uile, anns an do theagaisg Iehoiada an sagart e.

3 Ach cha d'thugadh air falbh na h-àitean àrda: *bha* 'n sluagh fathast ag iobradh, agus a' losgadh tuis anns na h-àitibh àrda.

4 Agus thubhairt Iehoas ris na sagartaibh, Uile airgid nan nithe coisrigte a bheirear a steach do thigh an Tighearn, airgid gach duine a thèid seachad *san àireamh*, airgid meas⁴ gach duine, an t-airgid uile a thig e ann an cridhe duine sam bith a thoirt a steach do thigh an Tighearna,

5 Gabhadh na sagairt d'an ionnsuidh e, gach duine o 'fhear-eòlais; agus càireadh iad briseadh an tìghe, eadhon gach bris-cadh a gheibhear ann.

6 Gidheadh, anns an treas bliadhna fichead do rìgh Iehoas, cha do chàraich na sagairt briseadh an tìghe.

7 An sin ghairm rìgh Iehoas air Iehoiada an sagart, agus air na sagartaibh *eile*, agus thubhairt e riu, C'ar son nach 'eil sibh a' càradh brisidh an tìghe? a nìs ma ta na gabhaibh airgid *tuilleadh* o luchd bhuir n-eòlais, ach thugaibh air son brisidh an tìghe e.

8 Agus dh'aontaich na sagairt gun airgid a ghabhail *tuilleadh* o'n t-sluaigh, agus gun bhriseadh an tìghe a chàradh.

9 Ach ghabh Iehoiada an sagart ciste, agus rinn e toll 'na h-uachdar⁵, agus chuir e i ri taobh na h-altarach air an làimh dheis, mar a thig duine a steach do thigh an Tighearn: agus ann an sin chuir na sagairt a bha gleidheadh an doruis, an t-airgid uile a thugadh a steach do thigh an Tighearn.

10 Agus an uair a chunnaic iad gu'n robh mòran airgid anns a' chiste, chaidh sgrìobhaich an rìgh suas, agus an t-àrd shagart, agus cheangail iad suas, agus dh'àireamh iad⁶ an t-airgid a fhuaradh ann an tigh an Tighearn.

11 Agus thug iad an t-airgid, an uair a dh'àirmheadh e, ann an làimh nan daoine a rinn an obair, a chuireadh os ceann tìghe an Tighearn; agus thug iadsan a mach e do na saoraibh, agus do'n luchd-togail, a rinn obair air tigh an Tighearn.

12 Agus do chlacharaibh, agus do luchd-snaidhidh chlach, agus a cheannach fiodha agus chlach a snaidhte a chàradh

¹ fuaim an fhriceadain agus an t-sluaigh.

² chuir iad làmh innte. ³ luchd-frithealaidh.

⁴ airgid meas anama. Eabh. ⁵ na clàr-beoil.

⁶ chuir iad ann am mèladh, agus dh'àireamh iad.

brisidh tighe an Tighearn, agus air son gach nì a chuireadh a mach air an tigh g²a chàradh.

13 Gidheadh cha d' rinneadh do thigh an Tighearna copain airgid, smàladairean, cuachan, trompaidean, soithichean òir air bith, no soithichean airgid air bith, do'n airgiod a thugadh a steach do thigh an Tighearn :

14 Ach thug iad e do'n luchd-oibre, agus chàraich iad leis tigh an Tighearn.

15 Os bàrr, cha d' thug iad air na daoineibh, an làimh an d' thug iad an t-airgiod chum a thoirt do'n luchd-oibre, cunntas a thoirt seachad : oir rinn iadsan gu firinneach.

16 Cha d' thugadh an t-airgiod eusaontais agus an t-airgiod peacaidh a steach do thigh an Tighearna : bu leis na sagairt e.

17 An sin chaidh Hasael righ Shiria suas, agus chog e an aghaidh Ghat, agus ghilac se e : agus chuir Hasael 'aghaidh ri dol suas gu h-Ierusalem.

18 Agus ghabh Iehoas righ Iudah na nithe coisrigte uile a choisrig Iehosaphat, agus Iehoram, agus Ahasiah 'aithriche, righrean Iudah, agus a nithe coisrigte féin, agus an t-òr uile a fhuairadh ann an ionmhasaibh tighe an Tighearn, agus tighe an righ, agus chuir e dh'ionnsuidh Hasael righ Shiria e; agus dh'imich e o Ierusalem.

19 Agus a' chuid eile do ghnìomharaibh Iehoais, agus gach nì a rinn e, nach 'eil iad sgrìobhta ann an leabhar eachdraidh righrean Iudah?

20 Agus dh'èirich a sheirbhiseich, agus rinn iad ceannairc, agus bhuail¹ iad Iehoas ann an tigh Mhilo, a tha san dol sìos gu² Sila :

21 Oir bhuail Iosachar mac Shimeat, agus Iehosabad mac Shomair a sheirbhiseich e, agus fhuair e bàs ; agus dh'adhlaic iad e maille r'a aithrichibh ann am baile Dhaibhidh : agus rìghich Amasiah a mhac 'na àit.

CAIB. XIII.

1 Rìghachadh aingidh Iehohais. 5 Shaoradh Israel o fhuirneart nan Sirianach. 9 Fhuair Iehoahas bàs, agus rìghich a mhac 'na àit. 14 Roimh-innis Elisa do Ios gu'm buadhaicheadh e air na Sirianach. 20 Fhuair Elisa bàs. 22 Bhuail Ios na Sirianach trì uairean.

ANNS an treas bliadhna fichead do Ios mac Ahasiah righ Iudah, thòisich Iehoahas mac Iehu air rìghachadh os ceann Israeil ann an Samaria; agus rìghich e seachd bliadhna deug.

2 Agus rinn e olc ann an sùilbh an Tighearn, agus lean e peacanna Ieroboaim

mhic Nebait, a thug air Israel peacachadh : cha do dhealaich e riu.

3 Agus las fearg an Tighearn an aghaidh Israeil, agus thug e thairis iad do làimh Hasael righ Shiria, agus do làimh Bhen-hadaid mhic Hasael, rè a³ làithean uile.

4 Agus ghuidh Ichoahas air an Tighearn, agus dh'èisd an Tighearna ris ; oir chunnaic e fòirneart⁴ Israeil, oir rinn righ Shiria fòirneart orra.

5 (Agus thug an Tighearna fear-saoraidh do Israel, agus chaidh iad a mach o bli fuidh làimh nan Sirianach : agus ghabh clann Israeil còmhnuidh 'nam bùthaibh, mar a rinn iad roimhe.

6 Gidheadh, cha do dhealaich iad ri peacaidh tighe Ieroboaim, a thug air Israel peacachadh, ach ghluais iad annta : agus dh'fhan an doire cuideachd ann an Samaria.)

7 Agus cha d'fhàgadh⁵ aig Iehoahas do'n t-sluagh ach leth-cheud marcach, agus deich carbaid, agus deich mìle coisiche ; oir sgrìos righ Shiria iad, agus rinn eiad mar an duslach⁶ le bualadh.

8 Agus a' chuid eile do ghnìomharaibh Iehoahas, agus gach nì a rinn e, agus a thréine⁷, nach 'eil iad sgrìobhta ann an leabhar eachdraidh righrean Israeil ?

9 Agus choidil Iehoahas maille r'a aithrichibh, agus dh'adhlaic iad e ann an Samaria, agus rìghich Ios⁸ a mhac 'na àit.

10 Anns an t-seachdamh bliadhna deug thar fhichead do Iehoas righ Iudah, thòisich Ios mac Iehoahais air rìghachadh os ceann Israeil ann an Samaria; agus rìghich e se bliadhna deug.

11 Agus rinn e olc ann an sùilbh an Tighearna : cha do dhealaich e ri uile pheacaidh Ieroboaim mhic Nebait, a thug air Israel peacachadh, ach ghluais e annta.

12 Agus a' chuid eile do ghnìomharaibh Iois, agus gach nì a rinn e, agus a thréine leis an do chog e an aghaidh Amasiah righ Iudah, nach 'eil iad sgrìobhta ann an leabhar eachdraidh righrean Israeil ?

13 Agus choidil Ios maille r'a aithrichibh, agus shuidh Ieroboaim air a rìgh-eathair : agus dh'adhlaicheadh Ios ann an Samaria maille ri rìghribh Israeil.

14 A nis bha Elisa tinn d'a thinneas d'an d'fhuair e bàs, agus thàinig Ios righ Israeil a nuas d'a ionnsuidh, agus ghlu e os a cheann⁹, agus thubhairt c, O athair, athair, carbad Israeil agus a mharcshluagh.

15 Agus thubhairt Elisa ris, Gabh bogha agus saighdean : agus ghabh e d'a ionnsuidh bogha agus saighdean.

¹ mharbh. ² a théid sìos gu. ³ an.
⁴ sàruchadh, àmhghar. ⁵ cha d'fhàg e.

⁶ luathre.

⁸ Iehoas.

⁷ a ghaisge, a neart.

⁹ air 'aghaidh. Eabh.

II. RIGH, XIII. XIV

16 Agus thubhairt e ri righ Israeil, Cuir do làmh air a' bhogha. Agus chuir e a làmh air; agus chuir Elisa a làmh air làmh an righ.

17 Agus thubhairt e, Fosgail an uinneag a làmh na h-àirde 'n ear: agus dh'fhosgail e i. An sin thubhairt Elisa, Tilg: agus thilg esan. Agus thubhairt e, Saighead shaoraidh an Tighearn, agus saighead shaoraidh o' Shiria: oir buailidh tu na Sirianaich ann an Aphec, gus an cuir thu as doibh.

18 Agus thubhairt e, Gabh na saighdean. agus ghabh esan iad. Agus thubhairt e ri righ Israeil, Buail air an talamh: agus bhuail e trì uairean, agus stad e.

19 Agus bha fearg air an duine le Dia ris, agus thubhairt e, Bu chòir dhuit bualadh cuig no sè uairean, an sin bhuailleadh tu Siria gus an cuireadh tu as dith: ach a nis buailidh tu Siria a mhàin trì uairean.

20 Agus fhuair Elisa bàs, agus dh'adhlaid e iad e: agus thàinig buidhean nam Moabach a stigh do'u tìr² aig teachd a steach na bliadhna.

21 Agus an uair a bha iad ag adhlacadh duine, feuch, chunnaic iad buidhean dhaoine, agus thilg iad sìos an duine do àit-adhlacaidh Elisa: agus an uair a leigeadh an duine sìos, agus a bhean e ri cnàmhan Elisa, dh'ath-bheothaicheadh e, agus dh'éirich e air a chosaibh.

22 A nis rinn Hasael righ Shìria fòirneart air Israel rè uile làithean Iehohais.

23 Ach bha 'n Tighearna bàigheil riu, agus ghabh e truas riu, agus dh'amhairc e orra air sgàth a choimhcheangail ri Abraham, Isaac, agus Jacob, agus cha b'àill leis an sgrìos, cha mhò a thilg e as a làthair iad gus a nis.

24 Agus fhuair Hasael righ Shìria bàs, agus righich Ben-hadad a mhac 'na àit.

25 Agus thug Ios mac Iehohais air an ais as làmh Bhen-hadaid mhic Hasael, na bailtean a thug esan as làmh Iehohais 'athar anns a' chogadh: trì uairean bhuail Ios³ e, agus thug e air an ais bailtean Israeil.

CAIB. XIV.

1 Chuir Amasiah gu bàs na daoine a mharbh' athair.

7 Bhuail e na h-Edomaich ann an gleann an t-salainn. 11 Chog Iehoas righ Israeil 'na aghaidh, agus chreach e Ierusalem. 17 Chuireadh Amasiah gu bàs, agus righich Asariah 'na àit.

A NNS an dara bliadhna do Iehoas⁴ mac Iehohais righ Israeil, righich Amasiah mac Iois righ Iudah.

2 Cùig bliadhna fichead a dh'aois bha e an uair a thòisich e air rìoghachadh, agus righich e naoi bliadhna fichead ann an

Ierusalem: agus b'e ainm a mhàthar Iehoodan o Ierusalem.

3 Agus rinn e an *ni a bha* ceart ann an sùilibh an Tighearn; ach cha b'ann cosmhuil ri Daibhidh 'athair: a réir gach *ni* a rinn Ios 'athair, rinn esan.

4 Ach cha d'thugadh air falbh na h-àitean àrda: fathast bha'n sluagh ag iobradh, agus a' losgadh tuis air na h-àitibh àrda.

5 A nis an uair a dhaingnicheadh an rìoghachd 'na làmh, mharbh e a sheirbhisich a mharbh an righ 'athair.

6 Ach mic nam mortair⁵ cha do mharbh e; mar a tha e sgrìobhta ann an leabhar lagha Mhaois, anns an d'àithn an Tighearn, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche: ach cuirear gach duine gu bàs air son a pheacaidh féin⁶.

7 Bhuail e do Edom ann an gleann an t-salainn deich mìle, agus ghlac e Selah anns a' chogadh, agus thug e Iocteel mar ainm air gus an là'n diugh.

8 An sin chuir Anasiah teachdairean a dh'ionnsuidh Iehoais mhic Iehohais, mic Iehu righ Israeil, ag ràdh, Thig, seallamaid air a chéile san aghaidh.

9 Agus chuir Iehoas righ Israeil teachdairean a dh'ionnsuidh Amasiah righ Iudah, ag ràdh, Chuir am foghannan⁷ a bha ann an Lebanon fios a dh'ionnsuidh an t-seudair a bha ann an Lebanon, ag ràdh, Thoir do nighean do mo mhac-sa 'na mnaoi: agus chaidh fiadh-bheathach seachad a bha ann an Lebanon, agus shaltair e sìos am foghannan.

10 Bhuail thu gun amharus Edom, agus thog do chridhe suas thu: dean uail a so, agus fan aig do thigh: oir c'ar son a bhiodh làmh agad ann an ni chum t'ainmleis, air chor as gu'n tuiteadh tu féin agus Iudah maille riut?

11 Ach cha d'éisd Amasiah ris: uime sin chaidh Iehoas righ Israeil suas, agus dh'amhairc e féin agus Amasiah righ Iudah air aghaidh a chéile aig Betsemes, a bhuineas do Iudah.

12 Agus bhuailleadh Iudah roimh Israel, agus theich iad gach fear a dh'ionnsuidh am bùthan.

13 Agus ghlac Iehoas righ Israeil Amasiah righ Iudah, mac Iehoais mhic Ahasiah, aig Betsemes, agus thàinig e gu h-Ierusalem, agus bhris e sìos balla Ierusalem o gheata Ephraim gu geata na h-oisne, ceithir cheud làmh-choille.

14 Agus ghabh e an t-òragus an t-airgiod uile, agus na soithichean⁸ uile a fhuar-

¹ an aghaidh. ² thug buidhean nam Moabach ionnsuidh air an tìr. ³ Iehoas.

⁴ Ios.

⁵ nan daoine marbhta.

⁶ 'na pheacadh féin. Eabh.

⁷ cluaran.

⁸ na h-innill, an t-uidheam.

II. RIGH, XIV. XV.

adh ann an tigh an Tighearn, agus ann an ionn' hasaibh tighe an righ, agus braidh-ean-gill¹, agus phill e gu Samaria.

15 Agus a' chuid eile do ghnìomharaibh Iehoais a rinn e, agus a thréine, agus mar a chog e ri Amasiah righ Iudah, nach 'eil iad sgrìobhta ann an leabhar eachdraidh rìghrean Israeil?

16 Agus choidil Iehoas maille r'a aithrichibh, agus dh'adhlaiceadh e ann an Samaria maille ri rìghribh Israeil, agus rìghich Ieroboam a mhac 'na àit.

17 Agus bha Amasiah mac Ioais righ Iudah beò an dèigh bàis Iehoais, mhic Iehoais righ Israeil, cùig bliadhna deug.

18 Agus a' chuid eile do ghnìomharaibh Amasiah, nach 'eil iad sgrìobhta ann an leabhar eachdraidh rìghrean Iudah?

19 Agus rinn iad ceannairc 'na aghaidh ann an Ierusalem; agus theich e gu Lachis: ach chuir iad *daoine* 'na dhéigh gu Lachis, agus mharbh iad e an sin.

20 Agus thug iad leo air eachaibh e; agus dh'adhlaiceadh e ann an Ierusalem maille r'a aithrichibh ann am baile Dhaibhidh.

21 Agus ghabh sluagh Iudah uile Asariah², agus e sè bliadhna deug a dh'aois, agus rinn iad 'na righ e an àit 'athar Amasiah.

22 Thog esan Elat, agus dh'aisig se³ e do Iudah, an dèigh do'n righ codal maille r'a aithrichibh.

23 Anns a' chùigeadh bliadhna deug do Amasiah mac Ioais, righ Iudah, thòisich Ieroboam mac Ioais righ Israeil, air rìoghachadh ann an Samaria; agus rìghich e bliadhna agus dà fhichead.

24 Agus rinn e olc ann an sùilbhan Tighearna: cha do dhealaich e ri uile pheacaibh Ieroboaim mhic Nebait, a thug air Israel peacachadh.

25 Dh'aisig e crìoch Israeil o dhòl a stach Hamait gu ruig muir a' chòmh-naird, a réir focail an Tighearna Dé Israeil, a labhair e le làimh a sheirbhìsich Ionah, mhic Amitai an fhàidh, a *bha* o Ghat-hepher.

26 Oir chunnaic an Tighearn àmhghar Israeil, *gu'n robh e* ro shearbh; oir cha *robh* neach air bith air a dhruideadh suas, agus cha d'fhàgadh neach air bith, agus cha *robh* fear-còmhnaidh⁴ ann aig Israel.

27 Agus cha dubhairt an Tighearna gu'n dubhadh e mach⁵ ainm Israeil o *bhi* fuidh nèamh: ach shaer e iad le làimh Ieroboaim mhic Ioais.

28 Agus a' chuid eile do ghnìomharaibh Ieroboaim, agus gach *ni* a rinn e, agus a thréine, mar a chog e, agus mar a dh'aisig e Damascus, agus Hamat, [*bu le Iudah,*]

do Israel, nach 'eil iad sgrìobhta ann an leabhar eachdraidh rìghrean Israeil?

29 Agus choidil Ieroboam maille r'a aithrichibh, maille ri rìghribh Israeil; agus rìghich Sachariah a mhac 'na àit.

CAIB. XV.

⁷ *Fluair Asariah bàs, agus rìghich Iotam 'na àit.*

¹⁰ *Mharbh Salum Sachariah righ Israeil.*

¹⁴ *Chuir Menahem Salum gu bàs, agus rìghich e 'na àit.*

²⁹ *Rinn Tiglat-pileser fòirneart air Israeil, &c.*

ANNS an t-seachdamh bliadhna fìch-ead do Ieroboam righ Israeil, thòisich Asariah⁶ mac Amasiah righ Iudah air rìoghachadh.

2 Sè bliadhna deug a dh'aois bha e 'nuair a thòisich e air rìoghachadh; agus rìghich e dà bhliadhna dheug agus dà fhichead ann an Ierusalem: agus b'e ainm a mhàthar Iecholia o Ierusalem.

3 Agus rinn e an *ni* a *bha* ceart ann an sùilbhan Tighearn, a réir gach *ni* a rinn Amasiah 'athair.

4 Gidheadh, cha d'thugadh air falbh na h-àitean àrda: fathast *bha* 'n sluagh ag iobradh, agus a' losgadh tiùs anns na h-àitibh àrda.

5 Agus bhuail an Tighearn an righ, agus bha e 'na lobhar gu là a bhàis, agus ghabh e còmhnuidh ann an tigh air leth: agus *bha* Iotam mac an righ os ceann an tighe, a' toirt breth air sluagh na tìre.

6 Agus a' chuid eile do ghnìomharaibh Asariah, agus gach *ni* a rinn e, nach 'eil iad sgrìobhta ann an leabhar eachdraidh rìghrean Iudah?

7 Agus choidil Asariah maille r'a aithrichibh, agus dh'adhlaic iad e maille r'a aithrichibh ann am baile Dhaibhidh: agus rìghich Iotam a mhac 'na àit.

8 Anus an ochdamh bliadhna deug thar fhichead do Asariah righ Iudah, rìghich Sachariah mac Ieroboaim os ceann Israeil ann an Samaria se miosan.

9 Agus rinn e olc ann an sùilbhan Tighearna, mar a rinn 'aithriche: cha do dicalaich e ri peacaibh Ieroboaim mhic Nebait, a thug air Israel peacachadh.

10 Agus rinn Salum mac Iabeis ceann-airc 'na aghaidh, agus bhuail se e am fianuis an t-sluaigh, agus mharbh se e, agus rìghich e 'na àit.

11 Agus a' chuid eile do ghnìomharaibh Shachariah, feuch, *tha* iad sgrìobhta ann an leabhar eachdraidh rìghrean Israeil.

12 B'e so focal an Tighearn, a labhair e ri Iehu, ag ràdh, Suidhidh do mhic air rìgh-claithir Israeil, gu ruig an ceathramh *ginealach*. Agus bha e mar sin.

13 Thòisich Salum mac Iabeis air rìoghachadh anns an naothadh bliadhna deug

¹ *hostages.* Sasg.

² *Udsiah.*

³ *thug e air ais.*

⁴ *fear-cuidich.*

⁵ *gu'n sgriosadh e.*

⁶ *Udsiah.*

thar fhichead do Udsial¹ rìgh Iudah, agus rìghich e mìos iomlan² ann an Samaria :

14 Oir chaidh Menahem mac Ghadi suas o Thirsah, agus thàinig e gu Samaria, agus bhuail e Salum mac Iabeis ann an Samaria, agus mharbh se e, agus rìghich e 'na àit.

15 Agus a' chuid eile do ghnìomharaibh Shalum, agus a cheannairc a rinn e, feuch, *tha* iad sgrìobhta ann an leabhar eachdraidh rìghrean Israeil.

16 An sin bhuail Menahem Tiphseh, agus iadsan uile a *bha* ann, agus a chrìochan o Thirsah ; a chionn nach d'fhosgail iad *dha*, uime sin bhuail se e : a mhnathan torrach uile reub e suas.

17 Anns an naothadh bliadhna deug thar fhichead do Asariah rìgh Iudah thòisich Menahem mac Ghadi air rìoghachadh os ceann Israeil ; agus rìghich e deich bliadhna ann an Samaria.

18 Agus rinn e olc ann an sùilbìh an Tighearna : cha do dhealaich e rè 'uile làithean ri peacaibh Ieroboam mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre ; agus thug Menahem do Phul mìle tàlann airgid, a chum gu'm biodh a làmh leis, a dhaingneachadh na rìoghachd 'na làimh.

20 Agus thog Menahem an t-airgid o Israel, *eadhon* uathasan uile a bha comasach ann an saoihbheas, leth-cheud secel airgid o gach duine, chum a thabhairt do rìgh Asiria : agus phill rìgh Asiria air ais, agus cha d'fhan e 'n sin anns an tìr.

21 Agus a' chuid eile do ghnìomharaibh Mhenahem, agus gach *ni* a rinn e, nach 'eil iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh ; agus rìghich Pecahiah a mhac 'na àit.

23 Anns an deicheamh bliadhna agus dà fhichead do Asariah rìgh Iudah, thòisich Pecahiah mac Mhenahem air rìoghachadh os ceann Israeil ann an Samaria ; agus rìghich e dà bhliadhna.

24 Agus rinn e olc ann an sùilbìh an Tighearna : cha do dhealaich e ri peacaibh Ieroboam mhic Nebait, a thug air Israel peacachadh.

25 Ach rinn Pecah mac Remaliah, ceannard leis féin, ceannairc 'na aghaidh, agus bhuail se e ann an Samaria, ann an luchairt tìghe an rìgh, maille ri Argob, agus ri Arieah, agus maille ris leth-cheud fear do na Gileadaich : agus mharbh se e, agus rìghich e 'na àit.

26 Agus a' chuid eile do ghnìomharaibh Pecahiah, agus gach *ni* a rinn e, feuch,

tha iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhichead do Asariah rìgh Iudah, thòisich Pecah mac Remaliah air rìoghachadh os ceann Israeil ann an Samaria ; agus rìghich e fichead bliadhna.

28 Agus rinn e olc ann an sùilbìh an Tighearna ; cha do dhealaich e ri peacaibh Ieroboam mhic Nebait, a thug air Israel peacachadh.

29 Ann an làithibh Phecah rìgh Israeil thàinig Tiglat-pileser rìgh Asiria, agus ghlac e Iion, agus Abel-bet-maachah, agus Ianoah, agus Cedec, agus Hasor, agus Gilead, agus Galile, uile thir Naphthali, agus thug e 'nam braighdibh iad gu Asiria.

30 Agus rinn Hoseah mac Elah ceannairc an aghaidh Phecah mhic Remaliah, agus bhuail se e, agus mharbh se e, agus rìghich e 'na àit, anns an fhicheadamh bliadhna do Iotam mac Udsiah³.

31 Agus a' chuid eile do ghnìomharaibh Phecah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna do Phecah mac Remaliah rìgh Israeil, thòisich Iotam mac Udsiah rìgh Iudah air rìoghachadh.

33 Cùig bliadhna fichead a dh'aois bha e 'nuair a thòisich e air rìoghachadh ; agus rìghich e sè bliadhna deug ann an Ierusalem : agus b'e ainm a mhàthar Ierusa, nighean Shadoic.

34 Agus rinn e an *ni* a bha ceart ann an sùilbìh an Tighearna : a réir nan uile *nìthe* a rinn Udsiah 'athair, rinn esan.

35 Gidheadh cha d'thugadh air falbh na h-àitean àrda : fathast *bha* 'n sluagh ag iobradh agus a' losgadh tuis anns na h-àitibh àrda. Chuir e suas an geata a b'àirde do thugh an Tighearna.

36 Agus a' chuid eile do ghnìomharaibh Iotam, agus gach *ni* a rinn e, nach 'eil iad sgrìobhta ann an leabhar eachdraidh rìghrean Iudah?

37 (Anns na làithibh sin thòisich an Tighearna air Resin rìgh Shiria, agus Pecah mac Remaliah a chur an aghaidh Iudah.)

38 Agus choidil Iotam maille r'a aithrichibh, agus dh'adhlaiceadh e maille r'a aithrichibh ann am baile Dhaibhidh 'athar : agus rìghich Ahas a mhac 'na àit.

CAIB. XVI.

1 Rìoghachadh aingidh Ahas. 5 Chog Resin agus Pecah 'na aghaidh. 10 Rinn Ahas altair a réir samhlaidh altarach a bha ann an Damascus, agus dh'ìobair e airre. 20 Fhuair e bàs, agus rìghich Hesechiah 'na àit.

SAN t-scachdamh bliadhna deug do Phecah mac Remaliah, thòisich Ahas

¹ Asariah.

² mìos do làithibh.

³ Asariah.

mac Iotaim rìgh Iudah air rìoghachadh.

2 Fìchead bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem; agus cha do rinn e an *ni a bha* ceart ann an stùilbì an Tighearn a Dhé, mar a rinn Daibhidh 'athair.

3 Ach dh'imich e ann an slighe rìgh-rean Israeil, agus mar an ceudna thug e air a mhac dol troimh 'n teine, a réir ghràineileachd nan cinneach, a thilg an Tighearn a mach roimh chloinn Israeil.

4 Agus dh'ìobair e agus loisg e tùis anns na h-àitibh àrda, agus air na cnoic, agus fuidh gach craoibh uaine.

5 An sin thàinig Resin rìgh Shiria, agus Pecah mac Remaliah rìgh Israeil, a nìos gu h-Ierusalem a chogadh: agus theannaich iad Ahas, ach cha b'urrainn iad buaidh a thoirt air.

6 San àm sin choisinn Resin rìgh Shiria Elat air ais do Shiria, agus dh'fhògair e na h-Iudhaich á h-Elat: agus thàinig na Sirianaich do Elat, agus ghabh iad còmhnuidh ann gus an là 'n diugh.

7 Agus chuir Ahas teachdairean gu Tiglat-pileser rìgh Asiria, ag ràdh, *Is mise t'òglach agus do mhac; thig a nìos agus saor mi á làimh rìgh Shiria, agus á làimh rìgh Israeil, a dh'èirich a'm' aghaidh.*

8 Agus ghabh Ahas an t-airgid agus an t-òr a fhuaradh ann an tigh an Tighearn, agus ann an ionmhasaibh tìghe an rìgh, agus chuir se e mar thiodhlac gu rìgh Asiria.

9 Agus dh'éisd rìgh Asiria ris; oir chaidh rìgh Asiria suas an aghaidh Dhamascuis, agus ghlac se e, agus thug e a *shluagh* leis ann braidheanas gu Cir, agus mharbh e Resin.

10 Agus chaidh rìgh Ahas an coinneamh Thiglat-pileser rìgh Asiria gu Damascus, agus chunnaic e altair a *bha* ann an Damascus; agus chuir rìgh Ahas gu h-Uriah an sagart samhladh na h-altarach, agus a cumadh a réir a h-uile oibre.

11 Agus thog Uriah an sagart altair a réir gach nì a chuir Ahas an rìgh o Dhamascus: mar sin rinn Uriah an sagart i air cheann do rìgh Ahas teachd o Dhamascus.

12 Agus an uair a thàinig an rìgh o Dhamascus, chunnaic an rìgh an altair: agus thàinig an rìgh am fagus agus dh'ìobair e oirre.

13 Agus loisg e a thabhartas-loisgte¹, agus a thabhartas-bìdh, agus thaom e a thabhartas-dìbhe, agus chrath e fuil a thabhartasan-sìth air an altair.

14 Agus thug e mar an ceudna an altair umha, a *bha* 'm fianuis an Tighearn o

bheulaobh an tìghe, o eadar an altair agus tigh an Tighearn, agus chuir e i air taobh tuath na h-altarach.

15 Agus dh'àithn rìgh Ahas do Uriah an sagart, ag ràdh, Air an altair mhòir loisg tabhartas-loisgte na maidne, agus tabhartas-bìdh an fheasgair, agus tabhartas-loisgte an rìgh, agus a thabhartas-bìdh, agus tabhartas-loisgte uile shluagh na tìre, agus an tabhartas-bìdh, agus an tabhartas-dìbhe; agus crath oirre uile fhuil an tabhartais-loisgte, agus uile fhuil na h-ìobairte: agus bìthidh an altair umha agamsa gu fìosrachadh *leatha*.

16 Mar so rinn Uriah an sagart a réir gach nì a dh'àithn rìgh Ahas.

17 Agus ghearr rìgh Ahas iomaill nam bonn diubh, agus dh'atharraich e dhiubh an soitheach-ionnlaid, agus thug e nuas an fhaige bhàrr nan damh umha a bha foipe², agus chuir e i air urlar chlach.

18 Agus an còmhdachadh³ sàbaid a thog iad san tigh, agus slighe an rìgh a steach o'n leth muigh, thionndaidh e o thigh an Tighearn air son⁴ rìgh Asiria.

19 A nis a' chuid eile do ghlìomharaibh Ahas a rinn e, nach 'eil iad sgrìobhta ann an leabhar eachdraidh rìghrean Iudah?

20 Agus choidil Ahas maille r'a aithrichibh, agus dh'adhlac e maille r'a aithrichibh ann am baile Dhaibhidh; agus rìghich Hececiah a mhac 'na àit.

CAIB. XVII.

1 Rìoghachadh aingidh Hoseah. 4 Rinn Hoseah agus So rìgh na h-Eiphit ceannaire an aghaidh Shalmaneser. 6 Ghlac Salamaneser Samaria. 24 Chuir Dia leòmhain am measg an t-sluagh choirich a dh'aitich Samaria.

ANNS an dara bliadhna deug do Ahas air rìoghachadh ann an Samaria air Israel; agus rìghich e naoi bliadhna.

2 Agus rinn e olc ann an sealladh an Tighearn, ach cha b'ann mar rìghribh Israeil a bha roimhe.

3 'Na aghaidh-san thàinig a nìos Salmaneser rìgh Asiria; agus bha Hoseah 'na sheirbhiseach aige, agus thug e tiodhlac⁵ dha.

4 Agus fhuair rìgh Asiria ceannaire⁶ ann an Hoseah; oir chuir e teachdairean gu So rìgh na h-Eiphit, agus cha d'thug e tiodhlac air bith gu rìgh Asiria, mar a *chleachde* o bhliadhna gu bliadhna: uime sin dhruid rìgh Asiria suas e, agus cheangail e ann am prìosan e.

5 An sin thàinig rìgh Asiria nìos troimh 'n fhearann uile, agus chaidh e suas gu Samaria, agus theannaich se e trì bliadhna.

6 Anns an naothadh bliadhna do Hoseah ghlac rìgh Asiria Samaria, agus thug e leis Israel do Asiria, agus shuidhich e iad

¹ ìobairt-loisgte. ² fuidhc. ³ pàillùn.

⁴ air eagal.

⁵ cis.

⁶ feall.

II. RIGH, XVII.

ann an Halah, agus ann an Habor *làimh ri* amhainn Ghosain, agus ann am bailtibh nam Medeach.

7 Oir tharladh gu'n do pheacaich clann Israeil an aghaidh an Tighearn an Dé, a thug a nìos iad á tìr na h-Eiphit, o bhi fuidh làimh Pharaoh rìgh na h-Eiphit, agus bha eagal dhiathan eile orra,

8 Agus dh'imich iad ann an reachdaibh nan cinneach, (a thilg an Tighearn a mach roimh chloinn Israeil,) agus ann an reachdaibh rìghrean Israeil a rinn iad.

9 Agus rinn clann Israeil gu dìomhair nithe nach robh ceart an aghaidh an Tighearn an Dé, agus thlog iad dhoibh féin àitean àrda 'nam mòr-bhailtibh uile, o thùrait an luchd-faire gus a' bhlàile dhaingnichte.

10 Agus chuir iad suas dhoibh féin dcalbh an agus doireachan¹ air gach uile chnoc àrd, agus fuidh gach uile chraoibh uaine.

11 Agus an sin loisg iad tùis anns na h-àitibh àrda uile, mar na cinnich a thug Dia air falbh rompa; agus rinn iad nithe ole a bhrosnachadh an Tighearna gu corruich;

12 Oir rinn iad seirbhis do ìodholaibh, mu'n d'thubhairt an Tighearna riu, Cha dean sibh an ni so.

13 Gidheadh thug an Tighearna fianuis an aghaidh Israeil, agus an aghaidh Iudah, leis na fàidhibh uile, agus leis an luchd-scallaidh uile, ag ràdh, Pillibh o bhur droch shlighibh, agus gleidhibh m'àitheantan agus mo reachdan, a rìr an lagha uile a dh'àithn mi d'ur n-aithrichibh, agus a chuir mi d'ur n-ionnsuidh le m' sheirbhisich² na fàidhean.

14 Gidheadh cha b'àill leo éisdeachd, ach chrudhaich iad am muineal, cosmhuil ri muineal an aithriche, nach do chreid anns an Tighearn an Dia.

15 Agus rinn iad tàir air a reachdaibh, agus air a choimhcheangal a rinn e r'an aithrichibh, agus air a theisteis leis an d'thug e fianuis 'nan aghaidh; agus lean iad diomhanas, agus dh'fhàs iad diomhain, agus chaidh iad an déigh nan cinneach a bha mu'n cuairt orra, mu'n d'thug an Tighearna sparradh dhoibh, nach deanadh iad cosmhuil riu.

16 Agus thréig iad uile àitheantan an Tighearn an Dé, agus rinn iad dhoibh féin dealbhan leaghta, eadhon dà laogh, agus rinn iad doire, agus rinn iad aoradh do uile armaill nèimh, agus rinn iad seirbhis do Bhaal.

17 Agus thug iad air am macaibh agus air an nigheanaibh dol troimh 'n teine, agus ghnàthaich iad fiosachd agus druiddh-

eachd, agus reic siad iad féin a dheanamh uile ann an sealladh an Tighearna, chum a bhrosnachadh gu feigr.

18 Uime sin bha fearg ro mhòr aig an Tighearna ri h-Israel, agus dh'atharraich e iad as a shealladh: cha d'fhàgadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearn an Dé, ach dh'imich iad ann an reachdaibh Israeil a riun iad.)

20 Agus chuir an Tighearna cùl ri uile shliochd Israeil, agus chuir e fuidh àmhghar iad, agus thug e thairis iad do làimh chreachadairean, gus an do thilg e as a shealladh iad.

21 Oir scar Israel e féin o thigh Dhaibhidh³, agus riun iad Ieroboam mac Nebait 'na rìgh; agus dh'fhuadaich Ieroboam Israel o'n Tighearn a leantuin, agus thug e orra peacadh mòr a pheacachadh.

22 Agus dh'imich clann Israeil ann an uile pheacaibh Ieroboaim a rinn e: cha do dhealaich iad riu;

23 Gus an d'atharraich an Tighearn Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gus an là 'n diugh.

24 Agus thug rìgh Asiria daoine o Babilon, agus o Chutah, agus o Abha, agus o Hamat, agus o Shepharbhaim, agus shuidhich e iad ann am bailtibh Shamaria, an àite chloinn Israeil; agus shealbhaich iad Samaria, agus ghabh iad còmhuidh 'na bailtibh.

25 Agus tharladh, 'nuair a ghabh iad an toiseach còmhuidh an sin, nach robh eagal an Tighearn orra; uime sin chuir an Tighearna leòmhain 'nam measg, a mharbh cuid diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha 'n aithne dhoibh gnàth Dhé na tìre: uime sin chuir e leòmhain 'nam measg, agus, feuch, tha iad 'gam marbhadh, a chionn nach aithne dhoibh gnàth Dhé na tìre.

27 An sin dh'àithn rìgh Asiria, ag ràdh, Thugaibh leibh an sin aon do na sagartaibh a thug sibh as a sin; agus rachadh e⁴ agus gabhadh e còmhuidh an sin, agus teagaisgeadh e dhoibh gnàth Dhé na tìre.

28 An sin thàinig aon do na sagartaibh a thug iad leo á Samaria, agus ghabh e còmhuidh ann am Bet-el, agus theagaisg e dhoibh cionnus bu choir dhoibh eagal an Tighearn a bhi orra.

29 Gidheadh, rinn gach cinneach dce

¹ ìodholan; asherim. Eabh.

² le làimh mo sheirbhiseach, Eabh.

³ reub e Israel o thigh Dhaibhidh.

⁴ iad.

II. RÍGH, XVII. XVIII.

dhoibh féin, agus chuir siad *iad* ann an tighibh nan àitean àrda a rinn na Samarítich, gach cinneach nam bailtibh féin anns an do ghabh iad còmhuidh.

30 Agus rinn daoine Bhabiloín Sucot-Benot, agus rinn daoine Chuit Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Sepharbaich an clann san teine do Adramelech agus Anamelech, dée Shepharbhaim.

32 Agus bha eagal an Tighearn orra, agus rinn iad doibh féin do'n chuid a b'isle dhiubh sagairt nan àitean àrda, agus thug iad suas iobairtean air an son ann an tighibh nan àitean àrda.

33 Bha eagal an Tighearn orra, agus rinn iad seirbhís d'an diathaibh féin, a réir gnátha nan cinneach a thug iad leo as a sin.

34 Gus an là 'n diugh tha iad a' deanamh a réir nan ceud ghnáth: cha 'n'eil eagal an Tighearn orra, cha mhò tha iad a' deanamh a réir an reachda, no do réir an ordughéan, no do réir an lagha, no do réir na h-àithne a dh'àithn an Tighearna do chloinn Iacoib, air an d'thug e Israel mar ainm:

35 Ris an d'rinn an Tighearn, coimhcheangal, agus d'an d'thug e sparradh¹, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhís doibh, agus cha 'n iobair sibh doibh:

36 Ach an Tighearn, a thug a nìos sibh á tir na h-Eiphit le mòr chumhachd, agus le gairdean sint² a mach, 'eagal-san bithidh oirbh, agus dha-san lùbaidh sibh an glùn, agus dha-san iobraidh sibh.

37 Agus na reachdan, agus na h-ordughéan, agus an lagh, agus an àithne a sgrìobh e dhuibh, bheir sibh an aire gu'n dean sibh iad gu bràth; agus cha bhi eagal dhiathan eile oirbh.

38 Agus an coimhcheangal a rinn mise ribh cha d'chuimhnich sibh; agus cha bhi eagal dhiathan eile oirbh.

39 Ach bithidh eagal an Tighearna bhur Dé oirbh, agus saoraidh esan sibh á làimh bhur naimhdean uile.

40 Gidheadh cha d'éisd iad, ach rinn iad a réir an ceud ghnátha.

41 Agus bha eagal an Tighearn air na cinnich sin, gidheadh rinn iad seirbhís d'an dealbhaibh snaidhte féin, araon an clann, agus clann an cloinne: mar a rinn an aithriche, is amhuil a ta iadsan a' deanamh gus an là 'n diugh.

CAIB. XVII.

1 Rìoghachadh agus treubhantas Hesechia. 9 Ghlac Salmanser Samaria. 13 Thàinig Senacherib a nìas an aghaidh bhailtean Iudah, agus thog e cis o Hesechia. 17 Chàin Rabsacch Hesechia.

A GUS anns an treas bliadhna do Hoseah mac Elah rìgh Israeil, thòisich Hesechia mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'nuair a thòisich e air rìoghachadh; agus rìghich e naoi bliadhna fichead ann an Ierusalem: agus b'e ainm a mhàthar Abi, nighean Shechariah.

3 Agus rinn e an *ni a bha* ceart ann an sùilibh an Tighearn, a réir nan uile nìthe a rinn Daibhidh 'athair.

4 Chuir e air falbh na h-àitean àrda, agus bhris e na dealbhan, agus ghearr e sìos na doireachan, agus mhìn-phrom e an nathair umha a rinn Maois; oir gus na làithibh sin bha clann Israeil a' losgadh tuis dhi: agus thugadh² Nchustan mar ainm oirre.

5 As an Tighearna Dia Israeil bha 'earbsadh: agus 'na dhéigh cha robh neach sam bith cosmhuil ris am measg uile rìghrean Iudah, no *aon* a bha roimhe.

6 Oir dhlùth-lean e ris an Tighearna, cha do chlaon e o a leantuinn; ach ghléidh e 'àitheantan, a dh'àithn an Tighearn do Mhaois.

7 Agus bha 'n Tighearna maille ris: anns gach àite d'an deachaidh e, shoirbhich e. Agus dh'éirich e 'n aghaidh rìgh Asiria, agus cha d'rinn e seirbhís dha.

8 Bhuail e na Philistich gu ruig Gasa, agus a chrìochan, o thur an fhreiceadain gu ruig am baile daingnichte.

9 Agus anns a' cheathramh bliadhna do rìgh Hesechia, agus san t-seachdamh bliadhna³ do Hoseah mac Elah rìgh Israeil, thàinig Salmanser, rìgh Asiria, a nìos an aghaidh Shamaria, agus theann aich se e.

10 Agus ghlac iad e an ceann thri bliadhna: anns an t-sèathadh bliadhna do Hesechia, agus san naothadh bliadhna do Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* amhainn Ghosain, agus ann am bailtibh nam Medeach:

12 A chiomh nach d'éisd iad ri guth an Tighearn an Dé, ach gu'n do bhris iad a choimhcheangal, na h-uile *nìthe* a dh'àithn Maois òglach an Tighearna: nach d'éisd iad *riu*, agus nach mò a rinn siad *iad*.

13 Agus anns a' cheathramh bliadhna deug do rìgh Hesechia thàinig Senacherib rìgh Asiria a nìos an aghaidh uile bhailte daingnichte Iudah, agus ghlac e iad.

14 Agus chuir Hesechia rìgh Iudah *teachdairean* gu rìgh Asiria do Lachis, ag ràdh, Chiontaich mi; pill uam: *an nì* a chuireas tu orm, giùlainidh mi. Agus

- ¹ ordugh teann.

² thug e.

³ b'i sin an seachdamh bliadhna. Eabh,

II. RIGH, XVIII.

chuir rìgh Asiria air Heseciah rìgh Iudah tri cheud tàlann airgid, agus deich tàlanna fìthead òir.

15 Agus thug Heseciah *dha* an t-airgid uile a fhuaradh ann an tigh an Tighearn, agus ann an ionmhasaibh tìge an rìgh.

16 Ann an àm sin ghearr Heseciah air falbh còmhlaich teampuill an Tighearn, agus na h-ursainnean a chòmhdaich Heseciah rìgh Iudah, agus thug e iad¹ do rìgh Asiria.

17 Agus chuir rìgh Asiria Tartan, agus Rabсарis, agus Rabсaceh, o Lachis gu rìgh Heseciah le sluagh mòr an aghaidh Ierusalem: agus air teachd a nìos doibh², thàinig iad agus sheas iad aig sruth-chlais na linne a's àirde, a *tha* air slighe achaidh an luadhaidair.

18 Agus an uair a dh'éigh iad ris an rìgh, thàinig a mach d'an ionnsuidh Eliacim mac Hilciah, a *bha* os ceann an teaghlaich, agus Sebna an sgrìobhaich, agus Ioas mac Asaiph an seanachaidh.

19 Agus thubhairt Rabсaceh riu, Ab-raibh a nis ri Heseciah, Mar so tha 'n rìgh mòr, rìgh Asiria, ag ràdh, Ciod an t-earbsadh³ mòr so a th'agad?

20 Tha thu ag ràdh, (ach *is* briathra faoin *iad*.) *Tha* comhairle agus neart *agam* chum a' chogaidh: a nis ma ta cò as am bheil thu ag earbsadh, gu'n deanadh tu cogadh a'm' aghaidh-sa?

21 A nis, feuch, tha thu 'g earbsadh as an luìg bhrìste chuilce sin, as an Eiphit, a thèid, ma leigeas duine a chudthrom oirre, a steach 'na làimh, agus a thollas troimhe⁴ i. *Is ann* mar so a *tha* Pharaoh rìgh na h-Eiphit dhoibhsan uile a dh'earbas as.

22 Ach ma their sibh rium, As an Tighearn ar Dia tha ar n-earbsadh: nach e so esan, a chuir Heseciah air falbh 'aitcan àrda, agus 'altairean, agus a thubhairt ri Iudah agus ri Ierusalem, Fa chomhair na h-altarach so sleuchdaidh sibh ann an Ierusalem?

23 A nis uime sin, guidheam ort, thoir gill do m' thighearna rìgh Asiria, agus bheir mise dhuit dà mhìle each, ma's urrainn thusa air do thaobh féin marcaich a chur orra.

24 Cionnus ma ta bheir thu air aon channard, do na seirbhisich a's lugha a tha air mo thighearna-sa, 'aghaidh a thionndadh uait, agus a dh'earbas tu as an Eiphit air son charbad agus marcshluaigh?

25 *Ach* a nis, an ann as eugmhais an Tighearn a thàinig mis' a nìos an aghaidh an àite so, g'a sgrios? Is e 'n Tighearn

a thubhairt riumsa, Falbh suas an aghaidh na tìre so, agus sgrios i.

26 An sin thubhairt Eliacim mac Hilciah, agus Sebna, agus Ioah, ri Rabсaceh, Labhair, guidheam ort, ri d' sheirbhisich anns a' chainnt Shìrianaich, oir tuigidh sinn *i*; agus na labhair ruinn anns a' chainnt Iudhaich, an cluasaibh an t-sluaigh a *tha* air a' bhalla.

27 Ach thubhairt Rabсaceh riu, An ann a dh'ionnsuidh do thighearna-sa, agus a d' ionnsuidh-sa, a chuir mo thighearna mise a labhairt nam briathra so? nach ann a dh'ionnsuidh nan daoine a tha 'nan suidhe air a' bhalla, a chum gu'n ith iad an salchar féin, agus gu'n òl iad an uisge féin maille ribhise?

28 An sin sheas Rabсaceh, agus dh'éigh e le guth àrd anns a' chainnt Iudhaich, agus labhair e, ag ràdh, Eisdibh ri focal an rìgh mhòir, rìgh Asiria:

29 Mar so tha 'n rìgh ag ràdh, Na mealladh Heseciah sibh, oir cha 'n urrainn e bhuir saoradh á m' làimh-sa⁵:

30 Agus na tugadh Heseciah oirbh bhuir dòchas a chur san Tighearn, ag ràdh, Gu deimhin saoraidh an Tighearna sinne, agus cha toirear thairis am baile so do làimh rìgh Asiria.

31 Na h-éisdibh ri Heseciah: oir mar so tha rìgh Asiria ag ràdh, Deanaibh suas càirdeas riumsa⁶, agus thigibh a mach a'm' ionnsuidh, agus ithibh gach fear d'a chrann-fiona, agus gach fear d'a chrann-fìge féin, agus òlaibh gach fear uisge a thobair féin;

32 Gus an tig mise, agus gu'n toir mi air falbh sibh do thìr cosmhuil r'ur tìr féin, tìr arbhair agus fiona, tìr arain agus fhion-lios, tìr olaidh a' chroinn-olaidh agus meala, a chum gu'm bi sibh beò, agus nach faigh sibh bàs: agus na h-éisdibh ri Heseciah, an uair a chuircas e impidh oirbh, ag ràdh, Saoraidh an Tighearna sinn.

33 An do shaor riamh dée nan cinncach, gach aon a thìr féin, á làimh rìgh Asiria?

34 C'àit *am bheil* dée Hamait, agus Arphaid? c'àit *am bheil* dée Shepharbhaim, Hena, agus Ibbah? an do shaor iad Samaria as mo làimh-sa?

35 Cò an measg uile dhée nan dùchan-na, a shaor an tìr féin as mo làimh-sa, gu'n saoradh an Tighearn Ierusalem as mo làimh?

36 Ach bha 'n sluagh 'nan tosd, agus cha do fhreagair iad aon fhocal da: oir b'i àithne an rìgh dhoibh, Na tugaibh freagradh air.

37 An sin thàinig Eliacim mac Hilciah,

¹ an t-òr a *bha* orra.

² agus chaidh iad suas, agus thàinig iad gu Ierusalem: agus an uair a thàinig iad a nìos,

³ an dòchas.

⁴ trid.

⁵ as a làimh-san.

⁶ Deanaibh coimhcheangal riumsa le tìodhlac.

a *bha* os ceann an teaghlach, agus Sebna an sgrìobhaich, agus Ioah mac Asaiph an seanachaidh, gu Hesechia le'n eudach reubta, agus dh'innis iad da briathra Rabsaceh.

CAIB. XIX.

1 Chuir Hesechia fios a dh'iommsuidh Isaia gu urnuigh a dheanamh air a shon. 20 Fàistneachd Isaia a thaobh Shenacherib. 33 Bhual aingeal an Tighearn armailt nan Asirianach. 37 Chuir a mhic Senacherib gu bàs.

A GUS an uair a chual' Hesechia an rìgh e, reub e 'eudach, agus chòmhdaich se e fèin le saic-eudach, agus chaidh e do thigh an Tighearn.

2 Agus chuir e Eliacim, a *bha* os ceann an tighe, agus Sebna an sgrìobhaich, agus seanaire nan sagart, còmhdaichte le saic-eudach, gu Isaia am fàidh, mac Amois.

3 Agus thubhairt iad ris, Mar so tha Hesechia ag ràdh, *Is* là teinn, agus ach-mhasain, agus maslaidh an là so: oir tha clann air teachd gu innhe breith, agus neart gu'm breith cha 'n'èil ann.

4 Theagamh gu'n chuinn' an Tighearna do Dhia uile bhriathra Rabsaceh, a chuir a thighearna rìgh Asiria a mhaslachadh an Dé bheò; agus gu'n cronaich e na briathran a chual' an Tighearna do Dhia: tog suas t'urnuigh ma ta air son an fhuighill a dh'fhàgadh.

5 Uime sin an uair a thàinig seirbhisich rìgh Hesechia gu h-Isaia,

6 Thubhairt Isaiah riu, Mar so their sibh r'ur tighearn, Mar so tha'n Tighearn ag ràdh, Na biodh eagail ort roimh na briathraibh a chuala tu, leis an d'thug seirbhisich rìgh Asiria masladh dhomhsa.

7 Feuch, cuiridh mise spiorad ann², agus cluinidh e tuairesgeul, agus pillidh e d'a thìr fèin; agus bheir mise air tuit-eam leis a' chlaidheamh 'na thìr fèin.

8 Agus phill Rabsaceh, agus fhuair e rìgh Asiria a' cogadh an' aghaidh Libnah: oir chual' e gu'n d'fhalbh e o Lachis.

9 Agus an uair a chual' e 'ga ràdh mu Thirhacah rìgh Etiopia³, Feuch, thàinig e mach a chogadh riut; chuir e teachdaircean a ris gu Hesechia, ag ràdh,

10 Mar so labhraidh sibh ri Hesechia rìgh Iudah, ag ràdh, Na mealladh do Dhia thu, as am bheil thu 'g earbsadh, ag ràdh, Cha toirear Ierusalem thairis do làimh rìgh Asiria.

11 Feuch, chuala tu ciod a rinn rìghrean Asiria ris gach uile thìr, g' an sgrios gu tur; agus an saorar thusa?

12 An do shaor dée nan cinneach iadsan a sgrios m'aithriche-sa, eadhon Gosan, agus Haran, agus Reseph, agus clann Edein a *bha* ann an Telasar?

13 C'àit am bheil rìgh Hamait, agus rìgh Arpaid, agus rìgh mòr-bhaile⁴ Shepharbhaim, Hena, agus Ibhah?

14 Agus ghaba Hesechia an litir á làimh nan teachdaircean, agus leugh e i; agus chaidh Hesechia suas do thigh an Tighearn, agus sgaoil e i am fianuis an Tighearn.

15 Agus rinn Hesechia urnuigh an làthair an Tighearn, agus thubhairt e, O Thighearna Dhé Israeil, a tha d' chòmhnuidh eadar na cheruban, is tu fèin Dia, thusa a'd' aonar, *Dia* uile rìoghachda na talmhainn: is tu a rinn na nèamhan agus an talamh.

16 Crom, a Thighearn, a nuas do chluas, agus éisd; fosgail, a Thighearna, do shùilean, agus faic: seadh cluinn briathra Shenacherib, a chuir e a mhaslachadh an Dé bheò.

17 Gu deimhin, a Thighearna, sgrios rìghrean Asiria an cinnich agus an tìre;

18 Agus thilg iad an dée san teine; oir cha *bu* dée iad, ach oibre làmhha dhaoine, fiodh agus clach: uime sin sgrios siad iad.

19 A nis ma ta, O Thighearn ar Dia, saor sinn, guidheam ort, as a làimh, chum gu'm bi fios aig uile rìoghachdaibh na talmhainn gur tusa an Tighearna Dia, thu fèin a'd' aonar.

20 An sin chuir Isaiah mac Amois teachd-air gu Hesechia, ag ràdh, Mar so tha'n Tighearna Dia Israeil ag ràdh, An urnuigh a rinn thu riumse mu thimchioll Shenacherib rìgh Asiria, chuala mi.

21 So am focal a labhair an Tighearna mu 'thimchioll: Rinn òigh nighean Shìoin tàir ort; rinn i gaire fanoid riut; chrath nighean Ierusalem a ceann air do chùl-laobh.

22 Cò d'an d'thug thu masladh agus toibheum? agus cò a dh'àrdaich thu do ghuth 'na aghaidh, agus a thog thu do shùilean gu h-àrd? an aghaidh Tì naomh Israeil.

23 Le làimh do theachdaircean mhaslach thu an Tighearn, agus thubhairt thu, Le òmhhoireachd mo charbad dhirich mi àirde nan beann, sliosann Lebanon; agus gearraidh mi sìos a chraobhan seudair a's àirde⁵, agus roghadh a chraobhan giuthais, agus théid mi stigh a dh'àitibh-tàimh a chrìche, frith a Charmeil.

24 Chladhaich mi agus dh'òl mi uisgeach a coimheach, agus le bonn mo chos thiormaich mi suas uile ainhniche nan daingneach.

25 Nach cuala tu o cheann fada *cionnus* a rinn mi e, agus o'n aimsir chéin gu'n do dhealbh mi e? a nis thug mi gu crìch e, gu'm bitheadh tusa chum bailtean daing-

¹ O gu'n cluinneadh.

² osag air.

³ Chuis. Eabh.

⁴ caithreach.

⁵ àird a chraobh seud air. Eabh.

nichte fhàsachadh 'nan carnaibh sgrios.

26 Uime sin bha 'n luchd-àiteachaidh air bheag neirt: bha crith-eagail orra agus amhladh; bha iad mar fheur na macharach, agus mar an luibh ghlas¹, mar fheur mullaich nan tighean, agus mar arbhar seargta mu'm fàs e suas.

27 Aeh is aithne dhomh t'àite còmh-nuidh, agus do dhòl a mach, agus do theachd a steach, agus fraoch t'fheirge a'm' aghaidh.

28 A chionn gu bheil fraoch t'fheirge a'm' aghaidh, agus t'ofhadh air teachd a nìs gu m' chluasaibh, uime sin cuiridh mi mo dhubhan a'd' shroin, agus mo shrian a'd' bheul², agus pillidh mi air t'ais thu san t-slighe air an d' thàinig thu.

29 Agus *bithidh* so 'na chomhara dhuit: Ithidh tu air a' bhliadhna so na nithe a dh'fhàsas leo féin, agus anns an dara bliadhna na nithe a ehinneas asda sin; agus anns an treas bliadhna cuiridh agus buainidh sibh, agus suidhichidh sibh fion-lìosan, agus ithidh sibh d'an toradh.

30 Agus gabhaidh am fuigheall a théid as do thigh Iudah, fathast freumh sìos, agus cuiridh e toradh suas.

31 Oir á Ierusalem thèid fuigheall³ a mach, agus iadsan a théid as o shliabh Shìoin: nì eud Thighearna nan sluagh so⁴.

32 Uime sin mar so tha'n Tighearna, ag ràdh mu thùinchioll rìgh Asiria, Cha tig e do'n blaile so, agus cha tilg e saighead ann, agus cha tig e fa' chomhair le sgéith agus cha chuir e suas tòrr⁵ 'na aghaidh.

33 Air an t-slighe air an d' thàinig e, air an t-slighe cheudna pillidh e, agus cha tig e steach do'n bhaile so, ars' an Tighearna:

34 Oir dìonaidh mise am baile so chum a shaoradh, air mo shon féin, agus air son Dhaibhidh m'òglaich.

35 Agus air an oidhche sin féin chaidh aingeal an Tighearna mach, agus bhuail e ann an camp nan Asirianach eud agus ceithir fichead agus cùig mìle: agus an nair a dh'éirich iad gu moch anns a' mhaduinn, feuch, bha iad uile 'nan cor-paibh marbha.

36 Agus dh'ímich Senacherib rìgh Asiria, agus chaidh e agus phill e, agus ghabh e còmhnuidh ann an Ninebheh.

37 Agus an uair a bha e ri aoradh ann an tigh Nisroich a dhé, bhuail Adrame-lech agus Sareser a mhic e leis a' chlaidheamh; agus theich iad do thir Armenia: agus rìghich Esarhadon a mhac 'na àit.

CAIB. XX.

1 'Nuair bha Hesechia tinn gu bàs, rinn e urnuigh ri Dia, agus fhuair e gealladh gu'n tìgeadh e beò.

12 *Chuir Berodachbaladan teachdairean d'a ionnsuidh, agus dh'fheuch e dhoibh na h-uile nithe a bha 'na thigh.* 21 *Fhuair Hesechia bàs, agus rìghich Manaseh 'na àit.*

A NNS na làithibh sin bha Hesechia tinn gu bàs: agus thàinig am fàidh Isaiah mac Amois d'a ionnsuidh, agus thubhairt e ris, Mar so tha'n Tighearna ag ràdh, Cuir do thigh an ordugh, oir gheibh thu bàs, agus cha bhì thu beò.

2 An sin thionndaidh e 'aghaidh ris a' bhalla, agus rinn e urnuigh ris an Tigh-earn, ag ràdh,

3 Guidheam ort, O Thighearna, cuimh-nich a nis cionnas a ghluais mi a' d' làthair ann am fìrinn, agus le cridhe iomlan, agus a rinn mi an *nì a tu* maith a' d' shùilibh. Agus ghul Hesechia gu goirt.

4 Agus mu'n deachaidh Isaiah mach do'n chùirt mheadhonaich, thàinig focal an Tighearna d'a ionnsuidh, ag ràdh,

5 Pill, agus abair ri Hesechia ceannard mo shluaigh, Mar so tha'n Tighearna, Dia Dhaibhidh t'athar, ag ràdh, Chuala mise t'urnuigh, chunnaic mi do dheoir: feuch, slànuchidh mi thu; air an treas là thèid thu suas do thigh an Tighearna.

6 Agus cuiridh mi ri d' làithibh cùig bliadhna deug; agus saoraidh mi thusa, agus am baile so, á làimh rìgh Asiria; agus dìonaidh mi am baile so air mo shon féin, agus air son Dhaibhidh m'òglaich.

7 Agus thubhairt Isaiah, Gabhaibh meall fhèg. Agus ghabh agus chuir iad e air an neascaid, agus shlànucheadh e⁶.

8 Agus thubhairt Hesechia ri Isaiah, Cìod an comhara gu'n leighis an Tigh-earn mi, agus gu'n téid mi suas air an treas là do thigh an Tighearna?

9 Agus thubhairt Isaiah, *Bithidh* so 'na chomhara dhuit o'n Tighearna, gu'n dean an Tighearna an *nì a labhair e*: An téid an dubhar air aghaidh deich ceumanna, no'n téid e air ais deich ceumanna?

10 Agus fhreagair Hesechia, Is suarach an *nì do'n dubhar dol sìos*⁷ deich ceumanna; nì h-eadh, ach pillaidh an dubhar air ais deich ceumanna.

11 Agus ghlaodh Isaiah am fàidh ris an Tighearna; agus thug e air ais an dubhar deich ceumanna, a chaidh e sìos⁸ air ceumannaibh Ahais⁹.

12 San àm sin chuir Berodach-baladan¹⁰ mac Bhaladain, rìgh Bhabiloin, *teachdairean* le litricheibh agus tiodhlac gu Hesechia: oir chual⁷ e gu'n robh Hesechia tinn.

13 Agus rinn Hesechia gairdeachas os an ceann¹¹, agus dh'fheuch e dhoibh uile

¹ uaine. ² à'd' bhilibh. ³ iarmad.

⁴ nì eud an Tighearna sa. ⁵ dìn talmhainn, daingeach. ⁶ Faic Isaiah, Caib. XXXVIII, r. 21.

⁷ air aghaidh. ⁸ air aghaidh.

⁹ uaireadair-gréine Ahais.

¹⁰ Merodach-baladan Isaiah, Caib. XXXIX. r. 1.

¹¹ dh'éisd Hesechia riu. Faic Isaiah, Caib. XXXIX. r. 2.

thigh-tasgaidh a nithe luachmhor, an t-air-
giod, agus an t-òr, agus na spìosraidh, agus
an oladh luachmhor, agus a thigh arm-
achd, agus na nithean uile a fhuaradh 'na
ionmhasaibh: cha robh ni 'na thigh, no
'na rioghachd uile, nach d'fheuch Hese-
ciah dhoibh.

14 An sin thàinig Isaiah an fàidh gu
righ Heciah, agus thubhairt e ris, Ciod
a thubhairt na daoine so? agus cia as a
thàinig iad a d' ionmsuidh? agus thubh-
airt Heciah, Thàinig iad o thùr chéin, o
Bhabylon.

15 Agus thubhairt e, Ciod a chunnaic
iad a'd thigh? agus fhreagair Heciah,
Na h-uile *nithe a ta* a'm' thigh chunnaic
iad: cha 'n'eil ni ann am ionmhasaibh
nach d'fheuch mi dhoibh.

16 Agus thubhairt Isaiah ri Heciah,
Eisd ri focal an Tighearna:

17 Feuch, tha na làithean a' tacadh,
anns am bi na h-uile *nithe a tha* ann ad
thigh, agus na h-ionmhasan a thaig t'aith-
riche suas gus an là'n diugh, air an giùlan
gu Babilon: cha'n fhàgar ni air bith, ars'
an Tighearn.

18 Agus *cuid* do d' mhacaibh a thig
uait, a ghineas tu, bheir iad leo, agus
bithidh iad 'nan caillteanaich ann an lùch-
airt righ Bhabylon.

19 An sin thubhairt Heciah ri Isaiah,
Is maith focal an Tighearna a labhair thu:
thubhairt e mar an ceudna, Nach *maith*,
ma bhios sìth agus firinn a'm' làithibh-sa?

20 Agus a' chuid eile do ghnìomhar-
aibh Heciah, agus a thréine uile, agus
mar a rinn e lochan¹, agus sruth-chlais,
agus a thug e uisge steach do'n bhaile,
nach 'eil iad sgrìobhta ann an leabhar
eachdraidh rìghrean Iudah?

21 Agus choidil Heciah maille r'a aith-
richibh: agus rìghich Manaseh a mhac
'na àit.

CAIB. XXI.

1 *Rìoghachadh aingidh agus iodhol-aoirad Mhanaseh.*

10 *Fàistneachd an aghaidh Iudah.* 17 *Fhuair*

Manaseh bàs, agus rìghich Amon 'na àit.

23 *Mharbh a sheirbhiseach Amon: 26 rìghich Io-*

DA bhliadhna dheug a dh'aois bha
Manaseh 'nuair a thòisich e air
rìoghachadh, agus rìghich e cùig bliadhna
deug agus dà fhichead ann an Ierusalem:
agus b'e ainm a mhàthar Hephzibah.

2 Agus rinn e ole ann an sùilbhan
Tighearna, a réir ghràincileachd nan cinn-
each, a thilg an Tighearna mach roinn
chloinn Israeil.

3 Oir thog e suas a ris na h-àitean àrda
a sgrìos Heciah 'athair; agus chuir e
suas altairean do Bhaal, agus rinn e doire,

mar a rinn Ahab rìgh Israeil; agus
shleuchd e do uile armait nèimh, agus
rinn e seirbhis doibh.

4 Agus thog e altairean ann an tigh an
Tighearna, mu'n dubhairt an Tighearn,
Ann an Ierusalem cuiridh mi m'ainm.

5 Agus thog e altairean do uile armait
nèimh, ann an dà chùirt tìghe an Tighearn.

6 Agus thug e air a mhae dol troimh 'n
teine, agus thug e fa'near àmanna, agus
ghnàthaich e druidheachd, agus chuir e
air chois leannain-shith, agus luchd-fios-
achd: dh'oibrich e mòr aingidheachd ann
an sùilbhan an Tighearna, g'a bhrosnach-
adh gu feirg.

7 Agus chuir e dealbh snaidhte an doire
a rinn e, anns an tigh mu'n dubhairt an
Tighearna ri Daibhidh, agus ri Solamh
a mhac, Anns an tigh so, agus ann an
Ierusalem, a thagh mi á uile threubhan
Israeil, cuiridh mi m'ainm gu bràth.

8 Cha mhò a bheir mi air cosaibh Israeil
caruchadh² tuilleadh a mach as an fhear-
ann a thug mi d'an aithrichibh; a mhàin
ma bheir iad an aire gu'n dean iad a réir
nan uile *nithe* a dh'àithn mise dhoibh,
agus a réir an lagha uile a dh'àithn m'òg-
lach Maois dhoibh.

9 Ach cha d'èisd iad: agus tharruing
Manaseh iad gu tuilleadh uile a dheanamh
na rinn na cinnich, a sgrìos an Tighearna
roimh chloinn Israeil.

10 Agus labhair an Tighearna le 'sheirbh-
isich³ na fàidhean, ag ràdh,

11 A chionn gu'n d'rinn Manaseh rìgh
Iudah na gràineileachda so, agus gu'n
d'rinn e m'is miosa na na h-uile *nithe* a
rinn na h-Amoraich a bha roimhe, agus
gu'n d'thug e air Iudah mar an ceudna
peacachadh le ìodholaibh:

12 Uime sin mar so tha'n Tighearna Dia
Israeil ag ràdh, Feuch, *tha* mi tabhairt
uile air Ierusalem agus Iudah, a bheir air
gach neach a chluinneas e, gu'm bi gaor⁴
'na dhà chluais.

13 Agus sìnidh mi mach os ceann Ieru-
saleim sreang-thomhais Shamaria, agus
sreang-riaghailt⁵ tìghe Ahaib: agus glan-
aidh mi as Ierusalem mar a ghlanas *neach*
sòitheach, g'a ghlanaidh, agus a' tionn-
dadh a bheoil fuidh⁶.

14 Agus tréigidh mi fuigheall m'òigh-
reachd, agus bheir mi iad do làimh an
naimhdean; agus bithidh iad 'nan creich
agus 'nan còbhartach d'an naimhdibh
uile;

15 A chionn gu'n d'rinn iad olc a'm'
shùilbhan, agus gu'n do bhrosnaich iad
mi gu feirg o'n là san d'thàinig an aith-
riche mach as an Eiphit, eadhon gus an
là 'n diugh.

¹ poll-éig. ² corrachadh. Eir.

³ le làimh a sheirbhiseach. Eabh.

⁴ glaoim.

⁵ cudthrom. Eabh.

⁶ foidh.

16 Os bàrr, dhòirt Manaseh fuil nèò-chiontach gu ro mhòr, gus an do lìon e Ierusalem o cheann gu ceann, a thuilleadh air a pheacadh féin leis an d'thug e air Iudah peacachadh, le olc a dheanamh ann an sùilbh an Tighearn.

17 Agus a' chuid eile do ghnìomharaibh Mhanaseh, agus na h-uile *nìthe* a rinn e, agus a pheacadh a rinn¹ e, nach *'eil* iad sgrìobhta ann an leabhar eachdraidh rìghrean Iudah?

18 Agus choidil Manaseh maille r'a aithrichibh, agus dh'adhlaiceadh e ann an lios a thìge féin, ann an lios Udsa: agus rìghich Amon a mhac 'na àit.

19 Dà bhliadluna thar fhichead a dh'aois *bha* Amon an uair a thòisich e air rìoghachadh; agus rìghich e dà bhliadluna ann an Ierusalem: agus *b'e* ainm a mhàthar Mesulemet, nighean Haruis o Iotbah.

20 Agus rinn e olc ann an sùilbh an Tighearna, mar a rinn Manaseh 'athair.

21 Agus dh'imich e anns an uile shlighe san d'imich 'athair, agus rinn e seirbhis do na h-iodholaibh d'an d'rinn 'athair seirbhis, agus rinn e aoradh dhoibh:

22 Agus thréig e 'n Tighearna Dia 'aithriche, agus cha do ghluais e ann an slighe an Tighearn.

23 Agus rinn seirbhisich Amon ceannaire 'na aghaidh, agus mharbh iad an rìgh 'na thigh féin.

24 Agus mharbh² sluagh na tìre iadsan uile a rinn ceannaire an aghaidh rìgh Amon; agus rinn sluagh na tìre Iosiah a mhac 'na rìgh 'na àit.

25 Agus a' chuid eile do ghnìomharaibh Amon a rinn e, nach *'eil* iad sgrìobhta ann an leabhar eachdraidh rìghrean Iudah?

26 Agus dh'adhlaic iad e 'na uaigh féin ann an lios Udsa; agus rìghich Iosiah a mhac 'na àit.

CAIB. XXII.

1 Dh'orduich Iosiah tìgh an Tighearn a chàradh.

8 Fhuair Hileciah leabhar an lagha, agus leugh Saphan e an làthair an rìgh. 12 Dh'fhiosraich Iosiah do Dhia thaobh bhriathran an lagha.

15 Roimh-innis Huldah sgrìos Ierusalem.

OCHD bliadna dh'aois *bha* Iosiah 'nuair a thòisich e air rìoghachadh, agus rìghich e aon bhliadna deug thar fhichead ann an Ierusalem: agus *b'e* ainm a mhàthar Iedidah, nighean Adaiah o Bhoscat.

2 Agus rinn e an *ni a bha* ceart ann an sùilbh an Tighearn, agus dh'imich e ann an uile shlighe Dhaibhidh 'athar, agus cha do chlaon e dh'ionnsuidh na làimhe deise no na làimhe clithe.

3 Agus anns an ochdamh bliadna deug

do rìgh Iosiah, chuir an rìgh Saphan mac Asaliah, mhic Mhesulaim, an sgrìobhaiche, do thigh an Tighearn, ag ràdh,

4 Falbh suas gu Hileciah an t-àrd shagart, chum gu'n àireamh e an t-airgiod a thugadh do thigh an Tighearn, a chruinnich luchd-gleidhidh an doruis o'n t-sluagh:

5 Agus thugadh iad e do làimh luchd deanamh na h-oibre, dhoibhsan a tha os ceann tìghe³ an Tighearn: agus thugadh iadsan e do luchd deanamh na h-oibre, a *tha* ann an tìgh an Tighearn, a chàradh brisidh an tìghe;

6 Do shaoraibh, agus do luchd togail, agus do chlachairibh, agus a cheannach fiodha, agus chlach snaidhte, a chàradh an tìghe.

7 Gidheadh cha d'rinneadh cunntas riu thaobh an airgid a thugadh d'an làimh, a chionn gu'n d'rinn iad gu h-ionraic.

8 Agus thubhairt Hileciah an t-àrd shagart ri Saphan an sgrìobhaiche, Fhuair mi leabhar an lagha ann an tìgh an Tighearn: agus thug Hileciah an leabhar do Shaphan, agus leugh se c.

9 Agus thàinig Saphan an sgrìobhaiche dh'ionnsuidh an rìgh, agus dh'aithris e 'n gnothuch do'n rìgh, agus thubhairt e, Chruinnich do sheirbhisich an t-airgiod a fhuaradh anns an tìgh, agus thug iad e do làimh luchd deanamh na h-oibre, a bha os ceann tìghe an Tighearn.

10 Agus dh'imis Saphan an sgrìobhaiche do'n rìgh, ag ràdh, Thug Hileciah an sagart leabhar dhomh: agus leugh Saphan e an làthair an rìgh.

11 Agus an uair a chual' an rìgh briathra leabhair an lagha, reub e 'eudach.

12 Agus dh'àithn an rìgh do Hileciah an sagart, agus do Ahicam mac Shaphain, agus do Achbor mac Mhicaiah, agus do Shaphan an sgrìobhaiche, agus do Asahiah seirbhiseach an rìgh, ag ràdh,

13 Rachaibh, fìsraichibh do'n Tighearn air mo shon-sa, agus air son an t-sluagh, agus air son Iudah uile, thaobh bhriathran an leabhair so a fhuaradh: oir is mòr fearg an Tighearn a tha air lasadh 'nar n-aghaidh, a chionn nach d'èisd ar n-aithriche ri briathraibh an leabhair a, a dheanamh a réir *gach ni* a ta sgrìobhta d'ar taobh.

14 Uime sin chaidh Hileciah an sagart, agus Alicam, agus Achbor, agus Saphan, agus Asahiah, dh'ionnsuidh Huldah a' bhan-fhàidh, mnà Shalum mhic Thiebbah, mhic Harhais, fir-gleidhidh an eudach, (a nis *bha* i chòmhuidh ann an Ierusalem anns an oil-thigh⁴), agus labhair iad rithe.

¹ pheacach. Eabh.

² bhuaill.

³ os ceann na h-oibre ann an tìgh.

⁴ tìgh an fhlòghluim; misena. Eabh.

15 Agus thubhairt i riu, Mar so tha'n Tighearna Dia Israeil, ag ràdh, Innsibh do'n duine a chuir a m' ionnsuidh-sa sibh,

16 Mar so tha'n Tighearna, ag ràdh, Feuch, bheir mise olc air an àite so, agus air a luchd-àiteachaidh, *eadhon* uile bhriathran an leabhair a leugh rìgh Iudah:

17 A chionn gu'n do thréig iad mise, agus gu'n do loisg iad tùs do dhiaithaibh eile, chum mo bhrosnachadh gu corruich le uile oibribh an làmh: uime sin lasaidh m'fhearg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh do'n Tighearna, mar so their sibh ris, Mar so tha'n Tighearna Dia Israeil, ag ràdh, *A thaobh* nam briathran a chual' thu,

19 A chionn gu'n robh do chridhe tiom¹, agus gu'n d'irislich thu thu féin an làthair an Tighearna, 'nuair a chual' thu ciod a labhair mise an aghaidh an àite so, agus an aghaidh a luchd-àiteachaidh, gu'm biodh iad 'nam fàsach, agus 'nam mallachadh, agus gu'n do reub thu t'eudach, agus gu'n do ghuil thu a'm' fhiannais; chuala mise mar an ceudna *thusa*, ars' an Tighearna.

20 Feuch uime sin, cruinnichidh mise thu chum t'aitheiriche, agus cruinnichear thu do d' uagh an sìth, agus cha 'n fhaic do shùilean an t-olc sin uile a bheir mise air an àite so. Agus thug iad fios a ris a dh'ionnsuidh an rìgh.

CAIB XXIII.

1 *Leugh Iosiah leabhar an lagha an éisdeachd an t-sluaigh*: 3 Rinn e coimhcheangal am fianuis an Tighearn: 4 Chuir e air falbh iodhol-aoradh, 24 Iannain-slith, agus luchd-fiosachd. 29 Mharbh Pharaoh-necho Iosiah aig Megido, agus rìghich Jehoahas 'na àit.

AGUS chuir an rìgh teachdairean uath, a agus chruinnich d'a ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearn, agus daoine Iudah uile, agus uile luchd-àiteachaidh Ierusalem maille ris, agus na sagartan, agus na fàidhean, agus an sluagh uile eadar bheag agus mhòr²: agus leugh e 'nan éisdeachd³ uile bhriathra leabhair a' choimhcheangail, a fhuaradh ann an tìgh an Tighearn.

3 Agus sheas an rìgh làmh ri post; agus rinn e coimhcheangal am fianuis an Tighearna, gu'n gluaisidh iad an dèigh an Tighern, agus gu'n gleidheadh iad 'aiteantan, agus a theisteis, agus a reachdan le'n uile chridhe, agus le'n uile anam, a choimhionadh bhriathran a' choimhcheangail so, a *ta* sgrìobhta san

leabhar so: agus sheas an sluagh uile ris a' choimhcheangal.

4 Agus dh'aithn an rìgh do Hilciah an t-àrd shagart, agus do shagartaibh an dara *orduigh*, agus do luchd-gleidhidh an doruis, na soithichean uile a rinneadh do Bhaal, agus do'n doire⁴, agus do uile armailt uèmh, a thoirt a mach á tcampull an Tighearn: agus loisg e iad an taobh a muigh do Ierusalem ann am macharaibh Chidroin, agus ghiùlain e'n luath gu Bet-el.

5 Agus chuir e as do shagartaibh an iodhol-aoraidh, a dh'orduich rìghrean Iudah a losgadh tùs anns na h-àitibh àrda, ann am mòr-bhailtibh Iudah, agus anns na h-àitibh mu thimchioll Ierusalem; iadsan mar an ceudna a loisg tùs do Bhaal, do'n ghréin, agus do'n ghealaich, agus do na reultaibh seachranach, agus do uile armailt nèmh.

6 Agus thug e'n doire⁵ o thigh an Tighearn, an taobh a mach do Ierusalem, gu sruth Chidroin, agus loisg se e aig sruth Chidroin, agus mhin-phronne gu luathre e, agus thilg e a luathre air uaighibh cloinne an t-sluaigh.

7 Agus bhris e sìos tighean nau Sodomaich a *bha* làmh ri tìgh an Tighearna, far an robh na mnà a' figheadh chùirteine⁶ do'n doire.

8 Agus thug e mach na sagairt uile á bailtibh Iudah, agus thruaill⁷ e na h-àitean àrda far an do loisg na sagairt tùs, o Gheba gu Beer-seba, agus bhris e sìos àitean àrda nan geata, a *bha* ann an dol a stigh geata Iosua uachdarain a' bhaile, a *bha* air làmh chlì duine ann an geata a' bhaile.

9 Gidheadh, cha deachaidh sagairt nan àitean àrda suas gu altair an Tighearn ann an Ierusalem, ach dh'ith iad aran neo-ghoirtichte am measg am bràithrean.

10 Agus thruaill e Tophet a *tha* ann an gleam mhic⁸ Hinnoin, a chum uach feudadh duine air bith toirt air a mhac uo air a uighinn dol troimh 'n teine do Mholech.

11 Agus thug e air falbh na h-eich a thug rìghrean Iudah do'n ghréin, o dhol a steach tighe an Tighearna, làmh ri seòmar⁹ Natan-melech a' chaillteanaich, a *bha* sa' mhach-bhaile¹⁰, agus loisg e carbada na gréine le teine.

12 Agus na h-altairean a *bha* air mullach seòmair uachdaraich Ahais, a rinn rìghrean Iudah, agus na h-altairean a rinn Mauaseh ann an dà chùirt tighe an Tighearna, thilg an rìgh sìos, agus bhris e o sin iad¹¹, agus thilg e 'n luathre ann an sruth Chidroin.

¹ maoh. ² o'n bheag gus a' mhòr. Eabh.

³ cluasibh. Eabh. ⁴ do iodhol an doire;

asherah, Eabh. ⁵ dealbh snaidhte an doire;

asherah. Eabh. Faic. Caib. XXI. r. 7. ⁶ bhàthan

⁷ shalaich. ⁸ chloinn. ⁹ tigh, àite-còmhnaidh.

¹⁰ Pharurim. Eabh. ¹¹ ruith e leo as a sin.

13 Agus na h-àitean àrda a *bha* fa chomhair Ierusalem, a *bh'air* an làimh dheis do shliabh na truaillidheachd¹, a thog Solamh rìgh Israeil do Astarot gràineileachd nan Sidonach, agus do Chemos gràineileachd nam Moabach, agus do Mhileom gràineileachd chloinn Amoin, thruaill an rìgh.

14 Agus bhris e 'nam bloighdibh na dealbhan, agus ghearr e sìos na doireachan, agus lion e 'n àitean le cnàmhaibh dhaoine.

15 Os bàrr, an altair a *bh'aig* Bet-el, agus an t-àit àrd a rinn Ieroboam mac Nebait, a thug air Israel peacachadh, araon an altair agus an t-àit àrd bhris e sìos, agus loisg e 'n t-àit àrd; agus mhìn-phrom e gu luaithe e, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaighean a *bha* 'n sin san t-sliabh, agus chuir e daoine uaith, agus thug e na cnàmhan as na h-uaighibh, agus loisg e iad air an altair, agus thruaill e i, a réir focail an Tighearn, a labhair òglach Dhé² a chuir an céill na briathra so.

17 An sin thubhairt e, Ciod e an carr-agh³ so a *tha* mi faicinn? Agus thubhairt daoine a' bhaile ris, *Is i* uaigh òglaich Dhé a th'ann, a thàinig o Iudah, agus a chuir an céill⁴ na nìthe sin a rinn thusa an aghaidh altarach Bheth-el.

18 Agus thubhairt e, Leigibh leis; na gluaisceadh duine sam bith a chnàmhasan: agus leig iad tàmh d'a chnàmhaibh maille ri cnàmhaibh an fhàidh a thàinig á Samaria.

19 Agus mar an ceudna, uile thighean nan àitean àrda a *bha* ann am bailtibh Shamar, a rinn rìghrean Israeil a bhrosnachadh an Tighearna gu feirg, thug Iosiah air falbh, agus rinn e a réir nan uile ghnìomh a rinn e ann am Bet-el.

20 Agus mharbh e uile shagairt nan àitean àrda a *bha* 'n sin air na h-altairibh, agus loisg e cnàmhan dhaoine orra, agus phill e gu h-Ierusalem.

21 Agus dh'àithn an rìgh do'n t-sluagh uile, ag ràdh, Cumaibh a' chàisg do'n Tighearna bhur Dia, mar a *tae* e sgrìobhta ann an leabhar a' choimheangail so.

22 Gu cinnteach cha do chumadh a leithid so do chàisg, o làithibh nam breitheamh a thug breth air Israel, no ann an uile làithibh rìghrean Israeil, no rìghrean Iudah:

23 Ach anns an ochdamh bliadhna deug do rìgh Iosiah, chumadh a' chàisg so do'n Tighearn, ann an Ierusalem.

24 Os bàrr, na leannain-shìth, agus an luchd-fiosachd, agus na dealbhan, agus na h-iodholan, agus gach uile ghràineileachd a chunneas ann an tìr Iudah, agus ann an Ierusalem, chuir Iosiah air falbh, a chum gu'n coimhlionadh e briathran an lagha, a bha sgrìobhta san leabhar a fhuair Hileciah an sagart ann an tigh an Tighearn.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le 'uile anam, agus le 'uile neart, a réir lagha Mhaois uile; agus 'na dhéigh cha d'éirich a shamhuil.

26 Gidheadh, cha do phill an Tighearn o theas 'fheirge mòire, leis an do las 'fhearg an aghaidh Iudah, air son nan uile bhrosnachadh⁵ leis an do bhrosnaich Manaseh e.

27 Agus thubhairt an Tighearn, Atharraichidh mi Iudah mar an ceudna as mo shealladh, mar a dh'atharraich mi Israel, agus cuiridh mi cùl gu tur ris a' mhòr-bhaile so Ierusalem, a thagh mi, agus ris an tigh mu'n dubhairt mi, Bithidh m'ainm an sin.

28 Agus a' chuid eile do ghnìomharaibh Iosiah, agus na h-uile nìthe a rinn e, nach 'eil iad sgrìobhta ann an leabhar eachdraidh rìghrean Iudah?

29 'Na làithibh-san chaidh Pharaoh-necho rìgh na h-Eiphit suas an aghaidh rìgh Asiria gu amhainn Euphrates: agus chaidh rìgh Iosiah 'na aghaidh, agus mharbh esan e aig Megido 'nuair a chunn-
aic se e.

30 Agus ghiùlain a sheirbhisich e marbh⁶ ann an carbad o Mbegido, agus thug iad e gu h-Ierusalem, agus dh'adhlac iad e 'na uaigh féin: agus ghabh sluagh na tìre Iehoahas mac Iosiah, agus dh'ung iad e, agus rinn iad 'na rìgh e an àit 'athar.

31 Tri bliadhna fichead a dh'aois *bha* Iehoahas an uair a thòisich e air rìoghachadh; agus rìghich e trì mìosan ann an Ierusalem: agus b'e ainm a mhàthar Hamutal, nighean Jeremiah o Libnah.

32 Agus rinn e ole ann an shùilbh an Tighearn, a réir nan uile nìthe a rinn 'aithriche.

33 Agus chuir Pharaoh-necho e ann an cuibhreachaibh aig Riblah, ann an tìr Hamait, a chum nach rìghaicheadh e ann an Ierusalem; agus chuir e ceud tàlann airgid agus tàlann òir, mar chis air an tìr.

34 Agus rinn Pharaoh-necho Eliacim mac Iosiah 'na rìgh an àit Iosiah 'athar, agus thionndaidh e 'ainm gu Iehoiaim,

¹ shliabh nan olaidh.

² a labhair òglach Dhé, 'nuair a sheas Ieroboam air là na féill air an altair. Agus an uair a thionndaidh e mu'n cuairt, thug e suas a shùilean air uaigh òglaich Dhé.

³ comhara, sgrìobhadh.

⁴ a ghairm.

⁵ phrosnachadh.

⁶ 'nuair a bha e faghail a' bhàis.

agus thug e air falbh Iehoahas; agus thàinig e do'n Eiphit, agus dh'eug e an sin.

35 Agus thug Iehoiacim an t-airgiod agus an t-òr do Pharaoh: ach thug e fa'ncar an t-ira mheas a chum gu'n iocadh iad an t-airgiod a réir àithme Pharaoh; dh'iarr e 'n t-airgiod agus an t-òr o shluagh na tìre, o gach neach a réir a mhcas, gus a thabhairt do Pharaoh-necho.

36 Cùig bliadhna fheadh a dh'aois bha Iehoiacim an uair a thòisich e air rioghachadh, agus rìghich e aon bhliadhna deug ann an Ierusalem; agus b'e ainm a mhàthar Sebudah, nighean Phedaiah o Rumah.

37 Agus rinn e olc ann an sùilbhan an Tighearn, a réir nan uile *nìthe* a rinn 'aithriche.

CAIB. XXIV.

1 Rinn Iehoiacim ceannaire an aghaidh Nebuchadnesair. 5 Phuair e bàs, agus rìghich Iehoiachin 'na àit. 7 Bhuadhaich rìgh Bhabiloìn air rìgh na h-Eiphit. 10 Ghlac Nebuchadnesair Ierusalem, agus thug e leis Iehoiachin am braighdeanas do Bhabilon. 17 Rinneadh Sedeciah 'na rìgh 'na àit.

NA làithibh-san thàinig Nebuchadnesair rìgh Bhabiloìn a nìos, agus bha Iehoiacim 'na sheirbhiseach aige trì bliadhna: an sin phill e agus rinn e ceannaire 'na aghaidh.

2 Agus chuir an Tighearna 'na aghaidh buidhnean do na Caldeanaich, agus buidhnean do na Sirianaich, agus buidhnean do na Moabaich, agus buidhnean do chloim Amoin, agus chuir e iad an aghaidh Iudah g'a sgrìos, a réir focail an Tighearn, a labhair e le 'sheirbhisich¹ na fàidhean.

3 Gu cinn-teach air àithme an Tighearna thàinig *so* air Iudah, chum an atharrachadh as a shealladh air son pheacanna Mhanaseh, a réir nan uile *nìthe* a rinn e:

4 Agus mar an ceudna air son na fola neò-chiontaich a dhòirt e; oir lìon e Ierusalem le fuil neò-chiontaich, nach maith-eadh an Tighearn.

5 Agus a' chuid eile do ghluimharaibh Iehoiacim, agus na h-uile *nìthe* a rinn e, nach 'eil iad sgrìobhta ann an leabhar eachdraidh rìghrean Iudah?

6 Agus choidil Iehoiacim maille r'a aithricheibh: agus rìghich Iehoiachin a mhac 'na àit.

7 Ach cha d'thàinig rìgh na h-Eiphit nì's mò as a thìr féin: oir ghlac rìgh Bhabiloìn o amhainn na h-Eiphit gus an amhainn Euphrates, gach nì bu le rìgh na h-Eiphit.

8 Ochd bliadhna deug a dh'aois bha Ie-

hoiachin an uair a thòisich e air rioghachadh; agus rìghich e ann an Ierusalem trì mìosan: agus b'e ainm a mhàthar Nehusta, nighean Elnatain o Ierusalem,

9 Agus rinn e olc ann an sùilbhan an Tighearn, a réir nan uile *nìthe* a rinn 'athair.

10 Anns an àm sin thàinig seirbhisich Nebuchadnesair rìgh Bhabiloìn a nìos an aghaidh Ierusalem, agus theannaicheadh am baile.

11 Agus thàinig Nebuchadnesair rìgh Bhabiloìn an aghaidh a' bhaile, agus theannaich a sheirbhisich e.

12 Agus chaidh Iehoiachin rìgh Iudah a mach a dh'ionnsuidh rìgh Bhabiloìn, e féin, agus a mhàthair, agus a sheirbhisich, agus a cheannardan², agus a chailteanaich³: agus ghlac rìgh Bhabiloìn e san ochdamh bliadhna d'a rioghachadh.

13 Agus thug e mach as a sin uile ionmlais tighe an Tighearn, agus ionmhais tighe an rìgh, agus ghearr e 'nam bloighdibh na soithichean oir uile a rinn Solamh rìgh Israeil ann an teampull an Tighearn, mar a labhair an Tighearn.

14 Agus thug e leis Ierusalem uile, agus na ceannardan uile, agus na daoine treuna uile, deich mìle do bhraighdibh, agus an luchd-ceirde uile, agus na gaibhne⁴: cha d'fhan a h-aon ach bochdan sluaigh na tìre.

15 Agus thug e leis Iehoiachin do Bhabilon, agus màthair an rìgh, agus mnà an rìgh, agus a chailteanaich, agus daoine cumhachdach na tìre; iad sin thug e leis am braighdeanas, o Ierusalem do Bhabilon:

16 Agus na daoine gaisgeil uile, seachd mìle, agus an luchd-ceirde, agus na gaibhnean, mìle, iadsan uile a bha comasach agus a dheanadh cogadh, eadhon iadsan thug rìgh Bhabiloìn am braighdeanas leis do Bhabilon.

17 Agus rinn rìgh Bhabiloìn Mataniah bràthair 'athar 'na rìgh 'na àit, agus thionndaidh e 'ainm gu Sedeciah.

18 Bliadhna thar fhichead a dh'aois bha Sedeciah 'nuair a thòisich e air rioghachadh; agus rìghich e aon bhliadhna deug ann an Ierusalem: agus b'e ainm a mhàthar Hamutal, nighean Jeremiah o Libnah.

19 Agus rinn e olc ann an sùilbhan an Tighearn, a réir nan uile *nìthe* a rinn Iehoiacim.

20 Oir troimh⁵ chorruih an Tighearna bha e mar sin ann an Ierusalem agus ann an Iudah, gus an do thilg e as a làthair iad: agus rinn Sedeciah ceannaire an aghaidh rìgh Bhabiloìn.

¹ le làimh a sheirbhiseach. Eabh.

² uchd-rain, a mhaithcan, a dhaoine mòra.

³ luchd-dreuchd.

⁴ gaibhne. ⁵ tre, trid,

CAIB. XXV.

1 *Theannaich Nebuchadnesar Ierusalem. 4 Ghlac e Sedeciah, agus chair e mach a shùilean. 8 Loisg Nebusar-adan Ierusalem. 18 Mharbhadh uaislean Iudah aig Riblah. 23 Chuir Ismael Gedaliah gu bàs. 27 Nochd Ehbil-merodach caoimhneas do Iehoiachin.*

A GUS anns an naothadh bliadhna d'a rìoghachadh, san deicheamh mìos, air an deicheamh là do'n mhìos, thàinig Nebuchadnesar rìgh Bhabiloin, e fèin agus 'armailt uile, an aghaidh Ierusalem, agus champaich e 'na h-aghaidh; agus thog iad daingnichean¹ 'na h-aghaidh mu'n cuairt.

2 Agus bha am baile air a theannachadh agus an aon bhliadhna deug do rìgh Sedeciah.

3 Agus air an naothadh là do'n cheathramh mìos, bhuadhaich a' ghorta sa' bhaile, agus cha robh aran ann do shluagh na tìre.

4 Agus bhriseadh sìos am baile, agus theich na fir chogaidh uile san oidhehe, air slighe a' gheata, eadar an dà bhalla, a tha làimh ri lios an rìgh; (a nis bha na Caldeanaich an aghaidh a' bhaile mu'n cuairt;) agus dh'imich iad² air an t-slighe dh'ionnsuidh a' chòmhnaird.

5 Agus lean armailt nan Caldeanach an rìgh, agus rug iad air ann an còmhnard-aibh Iericho; agus sgapadh 'armailt uile uath.

6 Mar sin ghlac iad an rìgh, agus thug iad suas e dh'ionnsuidh rìgh Bhabiloin gu Riblah; agus thug csan³ breth air.

7 Agus mharbh e⁴ mic Shedeciah fa chomhair a shùil, agus chuir e a shùilean á Sedeciah, agus cheangail se e le geimhlibh⁵ umha, agus thug e leis e do Bhabilon⁶.

8 Agus anns a' chùigeamh mìos, air an t-seachdamh là do'n mhìos, (b'i sin an naothadh bliadhna deug do rìgh Nebuchadnesar, rìgh Bhabiloin,) thàinig Nebusar-adan ceannard an fhreiceadain, seirbhiseach rìgh Bhabiloin, gu h-Ierusalem:

9 Agus loisg e tìgh an Tighearn, agus tìgh an rìgh, agus tighean Ierusalem uile; agus gach uile thigh mòr loisg e le teine.

10 Agus leag uile armailt nan Caldeanach, a bha maille ri ceannard an fhreiceadain, sìos ballacha Ierusalem, mu'n cuairt.

11 Agus a' chuid eile do'n t-sluagh a dh'fhàgadh sa' bhaile, agus an luchd-teichidh a chaidh thairis gu rìgh Bhabiloin, maille ri fuigheall an t-sluaigh, thug

Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain cuid do bhochdaibh na tìre, gu bhith nan luchd-deasachaidh fhionainean agus 'nan treabhaichibh⁷.

13 Agus na puist umha a bha ann an tìgh an Tighearn, agus na buinn, agus an fhainge umha a bha ann an tìgh an Tighearna, bhris na Caldeanaich 'nam bloighdibh, agus thug iad leo an umha do Bhabilon.

14 Agus na poitean, agus na sluasaidean, agus na smàladairean, agus na spàinean, agus na soithichean umha uile leis an d'rinn iad frithealadh, thug iad leo.

15 Agus ua h-aighnean teime⁸, agus na cuachan, na nithe a bha do òr⁹ na òr, agus a bha do airgid¹⁰ na airgid, thug ceannard an fhreiceadain air falbh.

16 Dà phost, aon fhainge, agus na buinn a rinn Solamh air son tìghe an Tighearna; bha umha nan soithiche sin uile gun tomhas:

17 Ochd làmhnan-coille deug àirde aoin phuist, agus an ceann-mullaich a bh'air do umha; agus àirde a' chinn-mhullaich trì làmhnan-coille: agus an lìon obair, agus na pomgranatan air a' cheann-mhullaich mu'n cuairt, iad sin uile do umha: agus an leithide sin bha aig an dara post, maille ri lìon-obair.

18 Agus ghlac ceannard an fhreiceadain Seraiah an t-àrd shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillteanach, a bha os ceann nam fear cogaidh, agus cuignear⁹ fhear dhiubhsan a bha 'n làthair an rìgh, a fhuaradh sa' bhaile, agus àrd sgrìobhaiche na h-armailt, a bha 'g ionnsachadh cogaidh do shluagh na tìre¹⁰, agus trì fichead fear do shluagh na tìre a fhuaradh sa' bhaile.

20 Agus ghlac Nebusar-adan ceannard an fhreiceadain iad sin, agus thug e iad gu rìgh Bhabiloin do Riblah.

21 Agus bhuail rìgh Bhabiloin iad, agus mharbh e iad aig Riblah, ann an tìr Hamait. Agus thugadh Iudah air falbh as an tìr fèin.

22 Agus os ceann an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabiloin, eadhon os an ceann-san chair e Gedaliah mac Ahicaim, mhic Shaphain.

23 Agus an uair a chual¹⁰ uile cheann arda nan armailt, iad fèin agus an daoine, gu'n do rinn rìgh Bhabiloin Gedaliah 'na uachdaran, thàinig gu Gedaliah do Mhispah, eadhon Ismael mac Netaniah, agus

¹ tùir. ² dh'imich an rìgh. ³ iad.

⁴ iad. ⁵ slabhraidhlibh.

⁶ Faic Ieremiah, Caib. XXXIX. r. 6, 7.

⁷ tuathannaich.

⁸ tìiseircan.

⁹ cuignear.

¹⁰ a thairngeadh suas, a ghabhadh àireamh sluaigh na tìre.

Iohanan mac Chareah, agus Seraiah mac Thanhumeit an Netophatach, agus Iaasaniah mac Mhaachataich, iad féin agus an daoine.

24 Agus mhionnaich Gedaliah dhoibh, agus d'an daoineibh, agus thubhairt e riu, Na biodh eagal oirbh a bhi 'nir seirbhísich do na Caldeanaich : gabhaibh còmhnuidh san tír, agus deanaibh seirbhís do righ Bhabiloín, agus éiridh gu maith dhuibh.

25 Ach anns an t-seachdamh míos, tháinig Ismael mac Netaniah, mhic Elisama, do'n t-sliocht rioghail, agus deichnear fhear maille ris, agus bhuaill iad Gedaliah air chor as gu'n d'eug e, agus na h-Iudhaich agus na Caldeanaich a bha maille ris aig Mispah.

26 Agus dh'éirich an sluagh uile eadar bheag agus mhór, agus ceannarda nan armait, agus tháinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deug thar fhichead do bhraighdeanas Iehoiachin righ Iudah, anns an dara míos deug, air an t-seachdamh lá fichead do'n mhíos, thog Ebbil-merodach righ Bhabiloín, air a' bhliadhna anns an do thóisich e air rioghachadh, suas ceann Iehoiachin righ Iudah á príosán¹.

28 Agus labhair e gu caoimhneil ris, agus chuir e suas a righ-chaithir os ceann righ-chaithir nan righ, a bha maille ris ann am Babilon:

29 Agus mhùth e 'eudach-príosain; agus dh'ith e aran a ghnáth 'na láthair ré uile láithean a bhacatha.

30 Agus bu chuibhrionn ghnáthaichte a chuibhrionn a thugadh dha o'n righ, cuid laitheil fa chomhair gach lá, ré uile láithean a bheatha.

¹ á tigh a' phríosain. Eabh.

CEUD LEABHAR

NAN

EACHDRAIDH.

CAIB. I.

1 *Sliocht Adhaimh gu Noah.* 5 *Mic Iapheit.*
8 *Mic Ham.* 17 *Mic Sheim.* 24 *Sliocht Sheim gu Abraham.* 29 *Mic Ismaeil.* 32 *Mic Cheturah.* 36 *Sliocht Abraham le Esau, &c.*

A DHAMH, Set, Enos,
2 Cenan, Mahaleel, Iered,
3 Henoch, Metuselah, Lamech,
4 Noah, Sem, Ham, agus Iaphet.
5 Mic Iapheit; Gomer, agus Magog, agus Madai, agus Iabhan, agus Tubal, agus Mesech, agus Tiras.
6 Agus mic Ghomeir; Aschenas, agus Riphath, agus Tegarmah.
7 Agus mic Iabhain; Elisah, agus Tarsis, Citim, agus Dodanaim.
8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habhilah, agus Sabta, agus Raamah, agus Sabtecha: agus mic Raamah; Seba agus Dedan.

10 Agus ghlin Cus Nimrod: thóisich esan air a bhi cumhachdach air an talamh.

11 Agus ghlin Misraim na Ludaich¹, agus na h-Anamaich, agus na Lchabaich, agus na Naphtuhaich,

12 Agus na Patrusaich, agus na Casluhaich, (o'n d'tháinig na Philistich,) agus na Caphtoraich.

13 Agus ghlin Canaan Sidon a cheudghlin, agus Het,

14 Agus an Iebusach, agus an t-Amorach, agus an Girgasach,

15 Agus an t-Ibheach, agus an t-Archach, agus an Sineach,

16 Agus an t-Arbhadach, agus an Semarach, agus an t-Hamatach.

17 Mic Sheim; Elam, agus Asur, agus Arphacsad, agus Lud, agus Aram; agus mic Aram Us², agus Hul, agus Geter, agus Mesech.

18 Agus ghlin Arphacsad Selah, agus ghlin Selah Eber.

19 Agus do Eber rugadh dithis mhac: b'e ainm aon diubh Peleg, a chionn 'na láithibh-san gu'n do roinncadh an talamh; agus ainm a bhráthar Ioctan.

20 Agus ghlin Ioctan Ahnodad, agus Seleph, agus Hasarmabhet, agus Ierah,

21 Agus Hadoram, agus Usal, agus Diclah.

22 Agus Ebal³, agus Abimael, agus Seba,

23 Agus Ophir, agus Habhilah, agus Iobab. B'iad sin uile mic Ioctain.

24 Sem, Arphacsad, Selah,

25 Eber, Peleg, Reu,

26 Scrug, Nahor, Terah.

¹ Ludim. Eabh.

² Faic Gen. Caib. X. r. 23.

³ Obal.

I. EACHDRAIDH, I. II.

27 Abram, *is e sin Abraham*,
 28 Mic Abraham; Isaac agus Ismael.
 29 *Is iad* so an ginealaich: Ceud-ghin Ismaeil, Nebaiot; an sin Cedar, agus Adbeel, agus Mibsam,
 30 Misma, agus Dumah, Masa, Hadad, agus Tema,
 31 Ietur, Naphis, agus Cedemah. *Is iad sin mic Ismaeil*.
 32 Agus mic Cheturah, coimhleabaich¹ Abraham: rug ise Simran, agus Iocsan, agus Medan, agus Midian, agus Isbac, agus Suah. Agus mic Iocsain; Seba, agus Dedan.
 33 Agus mic Mhidiain; Ephah, agus Ephar, agus Henoch, agus Abida, agus Eldaah. *Is iad sin uile mic Cheturah*.
 34 Agus ghin Abraham Isaac. Mic Isaac; Esau agus Israel.
 35 Mic Esau; Eliphaz, Reuel, agus Ieus, agus Iaalam, agus Corah.
 36 Mic Eliphais; Teman, agus Omar, Sephi, agus Gatam, agus Cenas: agus rug Timna, coimhleabach Eliphais, dha Amalec².
 37 Mic Reueil; Nahat, Serah, Samah, agus Midsah.
 38 Agus mic Sheir; Lotan, agus Sobal, agus Sibeon, agus Anah, agus Disor, agus Eser, agus Disan.
 39 Agus mic Lotain; Hori, agus Homam: agus *b'i* Timna piuthar Lotain.
 40 Mic Shobail; Alian, agus Manahat, agus Ebal, Sephi, agus Onam. Agus mic Shibeoin; Aiah, agus Anah.
 41 Mic Anah; Dison. Agus mic Dhisoin; Amram, agus Esban, agus Itran, agus Cheran.
 42 Mic Eseir; Bilhan, agus Sabhan, agus Iacan. Mic Dhisain; Us, agus Aran.
 43 A nis *is iad* so na rìghrean a rìghich ann an tìr Edoim, mun do rìghich rìgh air bith os ceann chloinn Israeil; Bela mac Bheoir: agus *b'e ainm a bhaile*³ Dinhabah.
 44 Agus dh'eug Bela; agus rìghich Iobab, mac Sherah o Bhosrah, 'na àit.
 45 Agus dh'eug Iobab; agus rìghich 'na àit Husam o thìr nan Temanach.
 46 Agus dh'eug Husam; agus rìghich Hadad mac Bhedaìd (a bhuail Midian ann am machair Mhoab) 'na àit: agus *b'e ainm a bhaile* Abhit.
 47 Agus dh'eug Hadad; agus rìghich Samlah o Mhasrecah 'na àit.
 48 Agus dh'eug Samlah; agus rìghich Saul o Rehobot làimh ris an amhainn 'na àit.
 49 Agus dh'eug Saul; agus rìghich Baal-hanan mac Achboir 'na àit.
 50 Agus dh'eug Baal-hanan; agus

rìghich Hadad 'na àit: agus *b'e ainm a bhaile* Pau⁴; agus *b'e ainm a mhnà* Mehetabel, nighean Mhatreid, nighinn Mhesahaib.
 51 Dh'eug Hadad mar an ceudna. Agus *b'i ad cinn-fheadhna*⁵ Edoim; ceann-feadhna Timnah, ceann-feadhna Aluah⁶, ceann-feadhna Ietet,
 52 Ceann-feadhna Aholibamah, ceann-feadhna Elah, ceann-feadhna Pinon,
 53 Ceann-feadhna Cenas, ceann-feadhna Teman, ceann-feadhna Mibsar,
 54 Ceann-feadhna Magdiel, ceann-feadhna Iram. *Is iad sin cinn-fheadhna Edoim*

CAIB. II.

1 *Mic Israeil*. 3 *Sliochd Iudah le Tamar*. 13 *Mic Iese*. 18 *Sliochd Chaleib mhic Hesroin*. 25 *Sliochd Ierahmeel*. 34 *Sliochd Shesain*. 50 *Sliochd Chaleib mhic Huir*.

IS iad so mic Israeil; Reuben, Simeon, Lebhi, agus Iudah, Isachar, agus Sebulun,
 2 Dan, Ioseph, agus Benjamin, Naphtali, Gad, agus Aser.
 3 Mic Iudah; Er, agus Onan, agus Selah: an triuir so rugadh dha le nighinn Shuah a' Bhan-chanaanaich. Agus bha Er ceud-ghin Iudah ole ann an suilbhan Tighearn, agus mharbh se e.
 4 Agus rug Tamar a bhan-chliamhuin dha Phares agus Serah. *B'i ad uile mhic Iudah cuignear*.
 5 Mic Phareis; Hesron agus Hamul.
 6 Agus mic Sherah; Simri, agus Etan, agus Heman, agus Calcol, agus Dara: cuignear diubh uile.
 7 Agus mic Charmi; Achar, fear-buair-cis⁷ Israeil, a chiontaich anns an nì mhall-aichte.
 8 Agus mic Etain; Asariah.
 9 Agus mic Hesroin, a rugadh dha; Ierahmeel, agus Ram, agus Chelubai.
 10 Agus ghin Ram Aminadab, agus ghin Aminadab Nahson, ceannard chloinn Iudah;
 11 Agus ghin Nahson Salma, agus ghin Salma Boas,
 12 Agus ghin Boas Obed, agus ghin Obed Iese.
 13 Agus ghin Iese a cheud-ghin Eliab, agus Abinadab an dara *mac*, agus Sima an treas,
 14 Netaneel an ceathramh, Radai an cuigeadh,
 15 Osem an seathadh, Daibhidh an seachdamh⁸:
 16 Agus *b'i ad* am peathraiche-san Se-ruiah agus Abigail. Agus mic Sheruah; Abisai, agus Ioab, agus Asahel, triuir.
 17 Agus rug Abigail Amasa: agus *b'e athair* Amasa, Ieter an t-Ismeelach.

¹ Ieannain. ² Cenas, agus Timna, agus Amalec. Faic Gen. Caib. XXXVI.

³ a chathreach, a bhaile mhòir.

⁴ Pai.

⁶ Aiah.

⁷ fear-tuairgnadh.

⁸ Elihu an seachdamh, Daibhidh an t-echdamh.

I. EACHDRAIDH, II. III.

18 Agus ghin Caleb mac Hesroin ri Asubah a mhnaoi, Ieriot¹: *b'iad* so mar an ceudna a mic, Ieser, agus Sobab, agus Ardon.

19 Agus an uair a bha Asubah marbh, ghabh Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus 'na dhéigh sin chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'nuair a bha e tri fichead bliadhna dh'aois; agus rug i dha Segub.

22 Agus ghin Segub Iair, aig an robh tri thar fhichead do bhailtibh mòra² ann an tìr Ghilead.

23 Agus thug e Gesur agus Aram le bailtibh Iair uatha, maille ri Cenat agus a bhailtibh, *eadhon* tri fichead baile mòr: *bhuin* iad sin uile do mhacaibh Mhachir, athar Ghilead.

24 Agus an déigh do Hesron bàs fhaghaill ann an Caleb-ephatah, an sin rug Abiah bean Hesroin Asur athair Thecoah dha.

25 Agus b'iad mic Ierahmeel ceud-ghin Hesroin, Ram an ceud-ghin, agus Bunah, agus Oren, agus Osem, agus Ahiah.

26 Bha mar an ceudna bean eile aig Ierahmeel d'am b'ainm Atarah: b'ise màthair Onaim.

27 Agus b'iad mic Ram ceud-ghin Ierahmeel, Maas, agus Iamin, agus Ecce.

28 Agus b'iad mic Onaim, Samai, agus Iada. Agus mic Shamai; Nadab agus Abisur.

29 Agus *b'e* ainm mnà Abisuir, Abihail; agus rug i dha Ahban agus Molid.

30 Agus mic Nadaib; Seled agus Apaim: ach fhuair Seled bàs gun chlann.

31 Agus mic Apaim; Isi. Agus mic Isi; Sesan. Agus mic Shesain; Ahlai.

32 Agus mic Iada bràthar Shamai; Ieter, agus Ionatan: agus fhuair Ieter bàs gun chlann.

33 Agus mic Ionatain; Pelet, agus Sasa. B'iad sin mic Ierahmeel.

34 A nis cha robh aig Sesan mic ach nigheana: agus bha aig Sesan òglach, Eiphiteach, d'am b'ainm Iarha.

35 Agus thug Sesan a nighean d'a òglach Iarha 'na mnaoi; agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad Ephlal, agus ghin Ephlal Obed,

38 Agus ghin Obed Iehu, agus ghin Iehn Asariah,

39 Agus ghin Asariah Heles, agus ghin

Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis *b'iad* mic Chaleib bràthar Ierahmeel, Mesa a cheud-ghin; *b'esan* athair Shiph; agus mic Mharsah athar Hebroin³.

43 Agus mic Hebroin; Corah, agus Tapuah, agus Recem, agus Sema.

44 Agus ghin Sema Raham, athair Iorcoaim: agus ghin Recem Samai.

45 Agus *b'e* mac Shamai Maon: agus *b'e* Maon athair Bhet-suir.

46 Agus rug Ephah coimhleabach Chaleib Haran, agus Mosa, agus Gases: agus ghin Haran Gases.

47 Agus mic Iahdai; Regem, agus Iotam, agus Gesan, agus Pelet, agus Ephah, agus Saaph.

48 Rug Maachah coimhleabach Chaleib Seber agus Tirhanah.

49 Rug i mar an ceudna Saaph athair Mhadmanah, Sebhah athair Mhachbenah, agus athair Ghibeah: agus *b'e* nighean Chaleib Achsa.

50 B'iad so mic Chaleib mhic Huir, ceud-ghin Ephrata; Sobal athair Chiriat-iearim,

51 Salma athair Bhet-lehem, Hareph athair Bhet-gadeir.

52 Agus bha aig Sobal athair Chiriat-iearim mic; Haroeh, Hatsi; Hameniot⁴.

53 Agus teaghlaichean Chiriat-iearim; na h-Itrich, agus na Puthich, agus na Sumataich, agus na Misraich: uatha-san thàinig na Sareataich, agus na h-Estaulaich.

54 Mic Shalma; Bct-lehem, agus na Netophataich, Atarot, tigh Ioab, agus leth nam Manaheteach, na Soraich.

55 Agus teaghlaichean nan sgrìobhaich a bha chomhnuidh aig Iabes; na Tirataich, na Simcataich, agus na Suchataich. *Is iad* sin na Cènich a thàinig o Heinat, athair tìghe Rechaib.

CAIB. III.

1 Mic Dhaibhidh. 10 Sliochd Sholaimh gu Sede-
ciah. 17 Sliochd Ieconiah.

ANIS b'iad so mic Dhaibhidh, a rugadh dha ann an Hebron: an ceud-ghin Amnon o Ahinoam a' Bhan-iesreel-each: an dara *mac*, Daniël o Abigail a' Bhan-charmeleach:

2 An treas *mac*, Absalom mac Mhaachah, nighinn Thalmair rìgh Ghesuir: an ceathramh, Adoniah mac Hagit:

3 An cùigeadh, Sephatiah o Abital: an sèthadh, Iream le Eglah a mhnaoi.

4 Rugadh an sèathnar *sin* dha ann an

¹ agus Ieriot.

² chaithricibh, bhailtibh daingnichte.

³ agus mic Shiph; Maresah athair Hebroin,

⁴ agus leth nam Manaheteach.

I. EACHDRAIDH, HL IV.

Hebron; agus am an sin rìghich e seachd bliadhna agus sè mìosan: agus ann an Ierusalem rìghich e trì bliadhna deug thar fhichead.

5 Agus rugadh iad so dha ann an Ierusalem; Simeon, agus Sobab, agus Natan, agus Solomon, ceathrar, o Bhatseba¹ nighinn Amieil;

6 Ibhar mar an ceudna, agus Elisama², agus Eliphelet,

7 Agus Nogah, agus Nepheg, agus Iaphia,

8 Agus Elisama, agus Eliada, agus Eliphelet³, naonar.

9 *B'iad sin mic Dhaibhidh uile*, a bhàrr air macaibh nan coimhleabach, agus Tammar am piuthar.

10 Agus *b'e mac Sholomoin Rehoboam*, Abia a mhac-san, Asa a mhac-san, Iehosaphat a mhac-san,

11 Ioram a mhac-san, Ahasiah a mhac-san, Ioas a mhac-san,

12 Amasiah a mhac-san, Asariah⁴ a mhac-san, Iotam a mhac-san,

13 Ahas a mac-san, Hesechia a mhac-san, Manaseh a mhac-san,

14 Amon a mhac-san, Iosiah a mhac-san.

15 Agus *b'iad mic Iosiah*; an ceud-ghin Iohanan, an dara *mac Iehoiacim*, an treas *mac Sedeciah*, an ceathramh Sathum.

16 Agus mic Iehoiacim; Ieconiah a mhac, Sedeciah a mhac.

17 Agus mic Ieconiah; Asir, Salatiel a mhac,

18 Agus Malchiram, agus Pedaiah, agus Senasar, Iecamiah, Hosama, agus Nedabiah.

19 Agus *b'iad mic Phedaiah Serubabel*, agus Simeil: agus mic Sherubabeil; Mesulam, agus Hananiah, agus Selomit am piuthar:

20 Agus Hasubah, agus Ohel, agus Berechiah, agus Hasadiah, Iusab-hesed, cùignear.

21 Agus mic Hananiah; Pelatiah, agus Iesiah a mhac-san, Rephaiah a mhac-san, Arnan a mhac-san, Obadiah a mhac-san, Sechaniah a mhac-san⁵.

22 Agus mic Sechaniah; Semaiah: agus mic Shemaiah; Hatus, agus Igeal, agus Bariah, agus Neariah, agus Saphat, seathnar.

23 Agus mic Neariah: Elieoenai, agus Hesechia, agus Asricam, triuir.

24 Agus *b'iad mic Elieoenai*; Hodaiah, agus Eliasib, agus Pelaiah, agus Acub, agus Iohanan, agus Dalaiah, agus Anani, seachdnar.

CAIB. IV.

1 *Sliochd Iudah le Caleb mac Huir.* 5 *Sliochd Asuir.*
2 *Sliochd Shelah.*

MIC Iudah; Phares, Hesron, agus Carmi, agus Hur, agus Sobal.

2 Agus ghin Reaiah mac Shobail Iahat, agus ghin Iahat Ahumai, agus Lahad. *Is iad sin teaghlachan nan Soratach.*

3 Agus *thàinig iad so o athair Etain*; Iesreel, agus Isma, agus Idbas: agus *b'e ainm am peathar Haseleponi.*

4 Agus Penuel athair Ghedoir, agus Eser athair Husah. *Is iad sin mic Huir*, ceud-ghin Ephratah, athar Bhet-lehem.

5 Agus bha aig Asur athair Thecoah dà mhnaoi, Helah agus Naarah.

6 Agus rug Naarah dha Ahusam, agus Hephher, agus Temeui, agus Haahastari. *B'iad sin mic Naarah.*

7 Agus *b'iad mic Helah*, Seret, agus Iesoar, agus Etnan.

8 Agus ghin Cos Anub, agus Sobebah, agus teaghlachan Aharheil, mhic Haruim.

9 Agus bha Iabes ni b'urrmaiche na a bhràithrean: agus thug a mhàthair Iabes a dh'ainm air, ag ràdh, A chionn gu'n d'rug mi e le doilgheas.

10 Agus ghairm Iabes air Dia Israeil, ag ràdh, O gu'm beannaicheadh tu mi da rìreadh, agus gu'n cuireadh tu mo chrìochan am farsaingeachd, agus gu'm biodh do làmh leam, agus gu'n gleidheadh tu mi o ole, a chum nach cràidh e mi! Agus dheònaich Dia dha an ni sin a ghuidh e.

11 Agus ghin Chelub bràthair Shuah Mehir: *b'esan athair Estoin.*

12 Agus ghin Eston Betrapha, agus Paseah, agus Tehinah athair Imahais. *Is iad sin fir Rechah.*

13 Agus mic Chenais; Otniel, agus Seraiah: agus mic Otniel; Hatat.

14 Agus ghin Meonotai Ophrah: agus ghin Seraiah Ioab, athair *muinntir* glinne Charasaim; oir bu luchd-ceirde iad.

15 Agus mic Chaleib mhic Iephuneh; Iru, Elah, agus Naam; agus mic Elah; Cenas.

16 Agus mic Iehaleleel; Siph, agus Siphah, Tiria, agus Asareel.

17 Agus *b'iad mic Esra*, Ieter, agus Mered, agus Ephher, agus Ialon: agus rug i Miriam, agus Samai, agus Isbah athair Estemoa.

18 Agus rug a bhean Iehudiah Iered athair Ghedoir, agus Heber athair Shocho, agus Iecutiel athair Shanoah. Agus *is iad sin mic Bhitiah nighinn Pharaoh*, a ghabh Mered *'na mnaoi.*

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a' Mhaachataich.

20 Agus *b'iad mic Shimoim*, Ammon,

¹ Bhetsua.

³ Eliphata.

² Elisua.

⁴ Udsiah.

⁵ Pelatiah, agus Iesiah: mic Rephaiah, mic Ar-naim, mic Obadiah, mic Shechaniah.

agus Rinah, Ben-hanan, agus Tilon. Agus *b'iad* mic Isi, Sohet, agus Ben-sohet.

21 *B'iad* mic Shelah mhic Indah, Er athair Lecah, agus Laadali athair Mhar-esah, agus teaghlaichean tighie na muinntir a dh'oibrich anart grinn do thigh Asbea.

22 Agus Iocim, agus daoine Choseba, agus Ioas, agus Saraph, aig an robh an uachdaranachid ann am Moab, agus Iasubilehem. Agus *is* seann nithe *iad sin*.

23 *B'iad sin* na criadhadaircan, agus iadsan a chòmhnuich am measg lusan agus ghàraichean: maille ris an rìgh 'na obair dh'fhan iad an sin.

24 *B'iad* mic Shimeoin, Nemuel, agus Iamin, Iarib, Serah, agus Saul:

25 Salum a mhac-san, Mibsam a mhac-san, Misma a mhac-san.

26 Agus mic Mhisma; Hamuel a mhac, Sachur a mhac-san, Simeì a mhac-san.

27 Agus *bha* aig Simeì sè mic deug agus sèathnar¹ nighean; ach aig a bhràithribh cha *robh* mòran cloinne, agus cha deachaidh an teaghlaichean uile an lionmhoir-eachd, cosmhuid ri cloinn Iudah.

28 Agus chòmhnuich iad ann am Beer-seba, agus Moladah, agus Hasarsual,

29 Agus ann am Bilhah, agus ann am Esen, agus ann an Tolad,

30 Agus ann am Betuel, agus ann am Hormah, agus ann an Siclag,

31 Agus ann am Bet-marcabot, agus ann am Hasar-susim, agus ann am Bet-birei, agus ann an Saaraim. *B'iad sin* am bailte mòra, agus an do righich Daibhidh, maille ri^m bailtibh beaga.

32 Etam mar an ceudna, agus Ain, Rimon, agus Tochen, agus Asan, cùig bailte mòra;

33 Agus am frith-bhailtean uile a *bha* mu'n cuairt air na mòr-bhailtibh sin gu ruig Baal. *B'iad sin* an ionaid-tàimh, agus an sloinnteachd.

34 Agus Mesobab, agus Iamlech, agus Iosah mac Amasiah,

35 Agus Ioel, agus Iehu mac Iosibiah, mhic Sheraiah, mhic Asiell,

36 Agus Elioenai, agus Iacobah, agus Iesohaiah, agus Asaiah, agus Adiel, agus Iesimiel, agus Benaiah,

37 Agus Sisa mac Shiphì, mhic Aloin, mhic Iedaiah, mhic Shimri, mhic She-maiah.

38 *Bha iad sin a tha* air an aithris air an ainmibh 'nan ceannardaibh 'nan teaghlaichibh féin: agus ann an tigh an aithriche mheudaich iad gu mòr².

39 Agus chaidh iad gu ruig dol a steach Ghedoir, eadhon gu ruig taobh an ear a'

ghlinne, a dh'iarraidh ionaltraidh d'an treudaibh.

40 Agus fhuair iad ionaltradh reamhar agus maith, agus *bha* an tìr farsaing, agus sàmhach, agus sìochail; oir *bha sìochd* Ham a chòmhnuidh an sin roimhe.

41 Agus thàinig iadsan a tha sgrìobhta air an ainm, ann an làithibh Heseciah rìgh Iudah, agus bhuail iad am bùthian, agus na h-ionada-còmhnuidh³ a fhuaradh⁴ an sin, agus chuir iad as doibh gu tur agus an là'n diugh, agus ghabh iad còmhnuidh 'nan àite; a chionn gu'n robh ionaltradh an sin d'an treudaibh.

42 Agus chaidh *cuid* diubh, eadhon do mhiacaibh Shimeoin, cùig ceud fear, gu sliabh Sheir; agus Pelatiah, agus Near-iah, agus Rephaiah, agus Udsiel, mic Isi air an ceann.

43 Agus bhuail iad am fuigheall a chaidh as do Amalec, agus chòmhnuich iad an sin agus an là'n diugh.

CAIB. V.

1 *Sìochd* Reubein (a chail a chòir-bhreith) agus an d'thugadh air falbh iad ann am braigheanas.

11 Cinn-fheadhna Ghad. 18 Aireamh agus treubh-antas mhac Reubein, Ghad, agus leth-thrèith Mhanasch.

ANIS *b'iad* mic Reubein, ceud-ghin Israeil, (oir *b'esan* an ceud-ghin; ach a chionn gu'n do thruaill e leabadh 'athar, thugadh a chòir-bhreith do mhac-aibh Ioseph mhic Israeil: agus cha 'n eil na ginealaich gu bhi air an àireamh réir na coir-bhreithe.

2 Oir bhuadhaich Iudah air a bhràithribh, agus uaidh-san *thàinig* an t-àrd riaghladair, ach bu le Ioseph a' chòir-bhreith:)

3 Mic Reubein, ceud-ghin Israeil; Han-och, agus Palu, Hesron, agus Carmi.

4 Mic Ioel; Semaiah a mhac, Gog a mhac-san, Simeì, a mhac-san,

5 Micah a mhac-san, Reaia a mhac-san, Baal a mhac-san,

6 Beerah a mhac-san, a thug Tilgat-pilneser, rìgh Asiria air falbh leis⁵: *b'esan* uachdaran nan Reubeneach.

7 Agus *bha* 'bhràithrean a réir an teaghlaiche, ('nuair a dh'airmheadh an slointe a réir an ginealach,) 'nan cinn-fheadhna, Teiel, agus Sechariah,

8 Agus Bela mac Asais, mhic Shema, mhic Ioel, aig an robh a chòmhnuidh ann an Aroer, eadhon gu ruig Nebo, agus Baalmeon:

9 Agus a làimh na h-àirde 'n ear, chòmhnuich e gu ruig dol a steach an fhàsach o'n amhainn Euphrates; a chionn gu'n d'fhàs an spréidh ro lionmhor ann an fearann Ghilead.

¹ seiscar. ² mheudaich tigh an aithriche gu mòr.

³ meunim. Eabh,

⁴ fhuaras.

⁵ air falbh leis ann am braigheanas.

I. EACHDRAIDH, V. VI.

10 Agus ann an làithibh Shaul rinn iad cogadh ris na Hagaraich, a thuit le'n làimh: agus chòmhnuich iad 'nam bùth-aibh-san air feadh uile aghaidh na h-àird' an ear do Ghilead.

11 Agus chòmhnuich clann Ghad thall fa'n comhair, ann an tìr Bhasain gu ruig Salcah:

12 Ioel an ceann¹, agus Saphan a b'fhaigse², agus Iaanai, agus Saphat ann am Basan.

13 Agus *b'iad* am bràithre do thigh an aithriche, Michael, agus Mesulam, agus Seba, agus Iorai, agus Iachan, agus Sia agus Heber, seachdnar.

14 *Is iad* sin clann Abihail mhic Huri, mhic Ieroah, mhic Ghilead, mhic Mhi-chael, mhic Iesiai, mhic Iabdo mhic Bhuis:

15 Ahi mac Abdieil, mhic Ghuni, ceann tighe an aithriche.

16 Agus ghabh iad còmhnuidh ann an Gilead, ann am Basan, agus 'na bhaitibh, agus ann an uile fhearam chomh-roimh³ Sharoin, air an crìochaibh.

17 Dh'àirmheadh iad sin uile le sloim-teireachd ann an làithibh Iotaim rìgh Iudah, agus ann an làithibh Ieroboaim rìgh Israèil.

18 *Bha* mic Reubein, agus na Gadaich, agus leth-thrèibh Mhanaseh, do fhear-aibh treuna⁴, fir chomasach gu sgiath agus claidheamh iomchar, agus gu tilg-eadh le bogha, agus teòma air cogadh, ceithir agus dà fhichead mìle, agus seachd ceud agus trì fichead an ùireamh, a chaidh a mach gu cogadh.

19 Agus rinn iad cogadh ris na Hagaraich, agus ri Ietur, agus Nephis, agus Nodab;

20 Agus chuidicheadh leo 'nan aghaidh, agus thugadh thairis 'nan làimh na Hagaraich, agus iadsan uile a *bha* maille ri: oir dh'éigh iad ri Dia anns a' chath, agus dh'aontaich esan le'n guidhe, a chionn gu'n d'carb iad as.

21 Agus thug iad leo ann feudail; d'an càmhalaibh deich agus dà fhichead mìle, agus do chaoiribh dà cheud agus leth cheud mìle, agus do asualaibh dà mhìle, agus do dhaoinibh⁵ ceud mìle:

22 Oir thuit mòran sìos air am marbhadh⁶, a chionn gu'n robh an cogadh o Dhia. Agus ghabh iad còmhnuidh 'nan àite gu ruig am braighdeanas.

23 Agus chòmhnuich clann leth-thrèibh Mhanaseh anns an tìr, o Bhasan gu Baalhermon, agus Senir, agus gu sliabh Her-moin; agus dh'fhàs iad lìonmhor.

24 Agus b'iad so cinn tighe an aithriche, eadhon Ephraim, agus Isi, agus Eliel, agus

Asriel agus Jeremiah, agus Hodabiah, agus Iahdiel, daoine treumhor, daoine allail⁷, cinn tighe an aithriche.

25 Ach chiontaich iad an aghaidh Dhé an aithriche, agus chaidh iad le striopachas an déigh dhée muinntir na tìre, a sgrios Dia rompa.

26 Agus dhùisg Dia Isracil suas spiorad Phul rìgh Asiria, agus spiorad Thilgat-pilneseir rìgh Asiria, agus thug e leis iad, (eadhon na Reubenich agus na Gadaich, agus leth-thrèibh Mhanaseh, agus thug e iad gu Halah, agus Habor, agus Hara, agus gu amhainn Ghosain, gus an là'n diugh.

CAIB. VI.

1 *Mic Lebhi*. 4 *Sliochd Eleasair gu ruig am braighd-canas*. 20 *Mic Ghersein, Chohait, agus Merari*. 49 *Dreuchd Aaron*: 58 *A sliochd gu ruig Ahimaas*.

MIC Lebhi; Gerson, Cohat, agus Merari.

2 Agus mic Chohait; Amram, Ishar, agus Hebron, agus Udsiel.

3 Agus mic Amrain; Aaron, agus Ma-ois, agus Miriam. Agus mic Aaron; Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinehas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Abitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan,

10 Agus ghin Iohanan Asariah, (esan a bha frithealadh ann an dreuchd an t-sagairt anns an tigh a thog Solamh ann an Ierusalem,)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hileciah, agus ghin Hileciah Asariah,

14 Agus ghin Asariah Seraiah, agus ghin Seraiah Iehosadac,

15 Agus chaidh Iehosadac *am braighd-canas*, an uair a thug an Tighearn air falbh Iudah agus Ierusalem le làimh Nebuchadnesair.

16 Mic Lebhi; Gerson, Cohat, agus Merari.

17 Agus is iad so ainmean mhac Gher-soim, Libni agus Simei.

18 Agus *b'iad* mic Chohait, Amram, agus Ishar, agus Hebron, agus Udsiel.

¹ ceann-feadlana, ceannard, prìomh-fhear.

² an t-ath-fhear.

³ ann an uile mhach-bhailtibh, iomall-bhailtibh.

⁴ do mhic gaisge. Eabh.

⁵ anamaibh dhaoinè. Eabh.

⁶ chaidh leònadh.

⁷ ainmeil

I. EACHDRAIDH, VI.

19 Mic Mherari; Mahli, agus Musi. Agus is iad so teaghlaidhean nan Lebhith-each, a réir an aithriche :

20 O Gherson; Libni a mhac, Iahat a mhac-san, Simah a mhac-san,

21 Ioah a mhac-san, Ido a mhac-san, Serah a mhac-san, Ieaterai a mhac-san,

22 Mic Chohait: Aminadab a mhac, Corah a mhac-san, Asir a mhac-san,

23 Elcanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san, Udsiah a mhac-san, agus Saul a mhac-san.

25 Agus mic Elcanah; Amasai, agus Ahimot:

26 Elcanah a mhac-san¹, Sophai a mhac-san, agus Nahat a mhac-san,

27 Eliab a mhac-san, Ieroham a mhac-san, Elcanah a mhac-san.

28 Agus mic Shamueil; an ceud-ghin Ioeil, agus an dara Abiah².

29 Mic Mherari; Mahli, Libni a mhac-san, Simeai a mhac-san, Udsa a mhac-san,

30 Simeai a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os ceann seirbhís a' chiui³ ann an tigh an Tighearn, an déigh do'n àire fois fhaghaill.

32 Agus bha iad a' frithealadh fa chomh-air pàilliuin bitha a' choimhthionail le ceòl⁴, agus an do thog Solamh tigh an Tighearn ann an Ierusalem; agus an sin dh'fheith iad air an dreuchd a réir an ord-ùigh.

33 Agus is iad so iadsan a bha feith-eamh, le'n cloinn: do mhacaibh nan Cohatach; Heman am fear-ciùil⁵, mac Ioeil, mhic Shemueil,

34 Mhic Elcanah, mhic Ierohaim, mhic Elieil mhic Thoah,

35 Mhic Shuph, mhic Elcanah, mhic Mhahait, mhic Amasai,

36 Mhic Elcanah, mhic Ioeil, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi mhic Israeil.

39 Agus a bhràthair Asaph, (a sheas air a làimh dheis.) *cadhon* Asaph mac Bherachiah, mhic Shimea,

40 Mhic Mhichaeil, mhic Bhaaseiah, mhic Mhalchiah,

41 Mhic Etni, mhic Sherah, mhic Adah,

42 Mhic Etain, mhic Shimah, mhic She-meil,

43 Mhic Iahait, mhic Ghersoin, mhic Lebhi.

44 Agus am bràithrean mic Mherari air an làimh chli; Etan mac Chisi, mhic Abdi, mhic Mhalaich,

45 Mhic Hasabiah, mhic Amasiah, mhic Hileiah,

46 Mhic Amsi, mhic Bhani, mhic Shamair,

47 Mhic Mhahli, mhic Mhusi, mhic Mherari, mhic Lebhi.

48 Dh'orduicheadh mar an ceudna am bràithre na Lebhithich chum gach uile ghnè sheirbhís pàilliuin tighe Dhé.

49 Ach thug Aaron agus a mhic suas tabhartais air altair na h-òbairt-loisgte, agus air altair na tiùse; agus dh'orduich-eadh iad chum uile oibre an ionaid ro naoimh, agus a chum réite a dheanamh air son Israeil, a réir gach ni a dh'àithn Maois òglach Dhé.

50 Agus is iad so mic Aaron; Eleasar a mhac, Phinehas a mhac-san, Abisua a mhac-san,

51 Buci a mhac-san, Udsi a mhac-san, Serahiah a mhac-san,

52 Meraiot a mhac-san, Amariah a mhac-san, Ahitub a mhac-san.

53 Sadoc a mhac-san, Ahimaas a mhac-san.

54 Agus is iad so an àiteacha-còmh-nuidh, air feadh an ùichairte⁶ 'nan crìoch-aibh, do mhacaibh Aaron, do theaghlaidhean nan Cohatach; oir bu leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn⁷ mu'n cuairt air.

56 Ach achanna a' bhaile, agus a fhrith-bhailte⁸ thug iad do Chaleb mac Iephuneh.

57 Agus do mhacaibh Aaron thug iad bailte; Hebron am baile dèidein⁹, agus Libna le 'fhearainn comh-roinn, agus Iatir, agus Estemoa le 'fhearainn comh-roinn:

58 Agus Hilen le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn:

60 Agus o thréibh Bheniamin; Geba le 'fhearann comh-roinn, agus Alemet le 'fhearann comh-roinn, agus Anatot le 'fhearann comh-roinn. B'iad am bailtean¹⁰ uile, air feadh an teaghlaidhean, trì bailte deug.

61 Agus do mhacaibh Chohait a dh'fhàgadh do theaghlach an thréibh sin, thugadh o'n leth-thréibh, *cadhon* leth-thréibh Mhanasch, le crannchur, deich bailtean.

62 Agus do mhacaibh Ghersoin air feadh an teaghlaidhe, thugadh o thréibh Isachair, agus o thréibh Aseir, agus o

¹ Elcanah: mic Elcanah.

² mic Shamueil; an ceud-ghlin Bhasni, agus Abiah.

³ na cantaireachd.

⁴ le seinn.

⁵ an t-dranaich, am fear-seinn.

⁶ caistcalan.

⁷ iomall-bhailte, a dlùth-bhailte, 'fho-bhailte; suburbs, Sasg.

⁸ a bhailte beaga.

⁹ thug iad bailte Iudah, eadhon Hebron am baile dèidein.

¹⁰ an caithriche, am mòr-bhailte.

I. EACHDRAIDH, VI. VII.

thréibh Naphtali, agus o thréibh Mhanaseh ann am Basan, tri bailte deug.

63 Do mhacaibh Mherari air feadh an teaghlaichean, o thréibh Reubain, agus o thréibh Ghad, agus o thréibh Shebuluin, *thugadh* le crannchur dà bhaile dheug.

64 Agus thug clann Israeil do na Lebhithich na bailte *sin* le'm fearann comh-roinn.

65 Agus thug iad le crannchur o thréibh chloinn Iudah, agus o thréibh chloinn Shimeoin, agus o thréibh chloinn Bheniamin, na bailte sin a ghairmear air an ainmibh.

66 Agus bha *aig a' chuid eile* do theaghlachibh mhac Chohait bailtean an crìch o thréibh Ephraim.

67 Agus thug iad dhoibh *do* na bailtibh didein, Sechem ann an sliabh Ephraim, le 'fhearann comh-roinn: Geser mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth-thréibh Mhanaseh; Aner le 'fhearann comh-roinn, agus Bileam le 'fhearann comh-roinn, air son teaghlaich chloinn Chohait a dh'fhàgadh.

71 Do mhacaibh Ghersoim *thugadh* o theaghlach leth-thréibh Mhanaseh, Golan ann am Basan le 'fhearann comh-roinn, agus Astarot le 'fhearann comh-roinn:

72 Agus o thréibh Isachair; Cedès le 'fhearann comh-roinn, Daberat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn;

74 Agus o thréibh Aseir; Masal le 'fhearann comh-roinn, agus Abdon le 'fhearann comh-roinn,

75 Agus Hucoc le 'fhearann comh-roinn, agus Rehob le 'fhearann comh-roinn:

76 Agus o thréibh Naphtali; Cedès ann an Galilee le 'fhearann comh-roinn, agus Hamon¹ le 'fhearann comh-roinn, agus Ciriataim le 'fhearann comh-roinn.

77 Do'n chuid eile do chloinn Mherari, *thugadh* o thréibh Shebuluin, Rimon le 'fhearann comh-roinn, Tabor le 'fhearann comh-roinn:

78 Agus air taobh thall Iordain làimh ri² Iericho, air an taobh an ear do Iordan *thugadh dhoibh* o thréibh Reubain, Bèser anns an fhàsach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn:

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

CAIB. VII.

1 Mic Isachair, 6 Bheniamin, 13 Naphtali, 14 Mhanasch, 20 agus Ephraim. 21 Bròn Ephraim, &c.

A NIS *b'iad* mic Isachair, Tola, agus Pual, Iasub, agus Simron, ceathrar.

2 Agus mic Thola; Udsi, agus Rephaiah, agus Ieriel, agus Iahmai, agus Ibsam, agus Semiel, cinn tighe an aithriche, *eadhon* Thola: daoine treuna 'nan ginn ealachaibh d'am b'aireamh ann an làithibh Dhaibhidh dà mhìle thar fhichead agus sè ceud.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùigear; iad uile 'nan ceannaibh *tighe*:

4 Agus aca-san, a réir an ginealach, a réir tighe an aithriche, *bha* buidhnean shaighdeir³ gu cogadh, sé mìle deug thar fhichead *fear*: oir bha iomadh bean agus mac aca.

5 Agus *bha* am bràithrean am measg uile theaghlach Isachair 'nan daoineibh treuna⁴, air an àireamh san iomlan a réir an ginealach 'nan seachd agus ceithir fichead mìle.

6 Mic Bheniamin; Bela, agus Becher, agus Iediael, triuir.

7 Agus mic Bhela; Esbon, agus Udsi. agus Udsiel, agus Ierimot, agus Iri, cùigear; cinn tighe an aithriche, daoine treuna, agus dh'airmheadh iad a réir an ginealach 'nan dà mhìle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. *Is* iad sin uile mic Bhecheir.

9 Agus *b'e* an àireamh a réir an sloimte, a réir an ginealach, cinn tighe an aithriche, daoine treuna, fichead mìle agus dà cheud.

10 Agus mic Iediaeil; Bilhan: agus mic Bhilhain; Ieus, agus Benjamin, agus Ehud, agus Cnaanah, agus Setan, agus Tarsis, agus Ahisahar.

11 *Bha* iad sin nìle mic Iediaeil, a réir cheann an aithriche, daoine treuna, 'nan seachd mìle deug agus dà cheud *fear*, iomchuidh gu dol a mach chum cogaidh agus catha.

12 Supim mar an ceudna, agus Hupim mic Ir, agus Husim mic Aheir.

¹ Hamot. Iosua, Caib. XXI. r. 32.

² fa chomhair.

³ shaighd-fhear.

⁴ treun an neart, comasach, gaisgeil.

I. EACHDRAIDH, VII. VIII.

13 Mic Naphtali; Iahsiel, agus Guni, agus Ieser, agus Salum, mic Bhilhalh.

14 Mic Mhanasch; Asriel, a rug i: (*ach rug a choimhleabach*, a' Bhan-aramach, Machir athair Ghilead.

15 Agus ghabh Machir mar mhnaoi *piuthar* Hupim agus Shupim, agus *b'e* ainm a peathar Maachah:) agus *b'e* ainm an dara *mic* Selophehad: agus bha aig Selophehad nigheanan.

16 Agus rug Maachah bean Mhachir mae, agus thug i Peres mar ainm air; agus *b'e* ainm a bhràthar Seres; agus *b'iad* a mhic-san Ulam agus Racem.

17 Agus mic Ulaim; Bedan. *B'iad* sin mic Ghilead, mhic Mhachir, mhic Mhanasch.

18 Agus rug a phiuthar Hamolecet Isod, agus Abieser, agus Mahalah.

19 Agus *b'iad* mic Shemida, Ahian, agus Sechem, agus Lichi, agus Aniam.

20 Agus mic Ephraim; Sutehah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san,

21 Agus Sabad a mhac-san, agus Sutehah a mhac-san, agus Eser, agus Elead, a mharbh fir Ghat a rugadh san tìr *sin*, a chionn gu'n d'fhàinig iad a nuas a thogail an creich¹.

22 Agus rinn an athair Ephraim bròn rè iomadh là, agus thàinig a bhràithre gu comhfhurtachd a thoirt da.

23 Agus chaidh e stigh a dh'ionnsuidh a mhna, agus dh'fhàs i torrach, agus rug i mae, agus thug e Beriah mar ainm air, a chionn gu'n d'èirich gu h-òle le 'thigh.

24 (Agus *b'i* a nighean Serah, ise a thog Bet-horon iochdarach, agus uachdarach, agus Udsen-serah.)

25 Agus *b'e* Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihud a mhac-san, Elisama a mhac-san,

27 Non a mhac-san, Iehosua a mhac-san.

28 Agus *b'iad* an seilbh agus an àiteachacòmhnuidh Bet-el agus a bhailtean, agus a làimh na h-àirde 'n ear Naaran, agus a làimh na h-àirde 'n iar Geser le 'bhailtibh, Sechem mar an ceudna agus a bhailte, gu ruig Gasa agus a bhailtean.

29 Agus làimh ri cloinn Mhanasch, Betsean agus a bhailte, Taanach agus a bhailte, Megido agus a bhailte, Dor agus a bhailte. Annta sin ghabh clann Ioseiph mhic Israeil còmhnuidh.

30 Mic Aseir: Imnah, agus Isuah, agus Isui, agus Beriah, agus Serah am piuthar.

31 Agus mic Bheriah; Heber, agus

Malchiel: *b'esan* athair Bhirsabbith.

32 Agus ghin Heber Iaphlet, agus Somer, agus Hotam, agus Suah am piuthar.

33 Agus mic Iaphleit; Pasach, agus Bimhal, agus Asbhat: *is iad* sin mic Iaphleit.

34 Agus mic Shameir; Ahi, agus Rohgah, Iehubah, agus Aram.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Sual, agus Beri, agus Imrah,

37 Beser, agus Hod, agus Sama, agus Silsah, agus Itran, agus Beera.

38 Agus mic Ieteir; Iephunch, agus Pispah, agus Ara.

39 Agus mic Ula; Ara, agus Haniel, agus Resia.

40 *B'iad* sin uile mic Aseir, cinn tighe an aithriche, daoine taghta, treun an neart, roghadh² nan uachdaran. Agus an uair a dh'àirmheadh iad a réir an ginealach chum cogaidh agus catha, *b'e* an àireamh sè mìle fichead fear.

CAIB. VIII.

1 Mic agus cinn-fheadhna Bheniamin. 33 *Slioched Shaul agus Ionatan.*

ANIS ghin Benjamin Bela a cheud-ghin, Asbel an dara, agus Ahia an treas,

2 Nohah an ceathramh, agus Raphah an cùigeadh.

3 Agus *b'iad* mic Bhela, Adar, agus Gera, agus Abihud,

4 Agus Abisua, agus Naaman, agus Ahoah.

5 Agus Gera, agus Sephuphan, agus Huram.

6 Agus *is iad* so mic Ehuid: *is iad* so cinn aithriche³ luchd-àiteachaidh Gheba, agus dh'atharraich siad iad gu Manahet:

7 Agus Naaman, agus Ahiah, agus Gera, dh'atharraich e iad, agus ghin e Udsa, agus Ahihud.

8 Agus ghin Saharaim clann ann an tìr Mhoab, an dèigh dha Husim agus Baara a mhnai a chur air falbh⁴.

9 Agus ghin e ri Hodes a mhnaoi, Iobab, agus Sibia, agus Mesa, agus Malcham,

10 Agus Ieus, agus Sachia, agus Mirra. *B'iad* sin a mhic, cinn nan aithriche.

11 Agus ri Husim ghin e Ahitub agus Elpaal.

12 Mic Elpaail; Eber, agus Misam, agus Samed, a thog Ono, agus Lod le 'bhailtibh.

13 Agus Beriah agus Sema: *b'iadsan* cinn aithriche luchd-àiteachaidh Aialoin, a ruag luchd-àiteachaidh Ghat:

14 Agus Ahio, Sasac, agus Ierimot,

¹ a thoirt leo am feudalach.

² cinn. Eabh.

³ theaghlach.

⁴ an dèigh an cur air falbh, Husim agus Baara a mhnai. Eabh.

I. EACHDRAIDH, VIII. IX.

15 Agus Sebadiah, agus Arad, agus Ader,

16 Agus Michael, agus Ispah, agus Ioha, mic Bheriah;

17 Agus Sebadiah, agus Mesulam, agus Heseai, agus Heber,

18 Agus Ismerai, agus Iesliah, agus Iobab, mic Elpaail;

19 Agus Iacim, agus Sichri, agus Sabdi,

20 Agus Elioenai, agus Siltai, agus Eliel,

21 Agus Adaiah, agus Beraiah, agus Simrat, mic Slimhi;

22 Agus Ispan, agus Heber, agus Eliel,

23 Agus Abdon, agus Sichri, agus Hanan,

24 Agus Hananiah, agus Elam, agus Antotiah,

25 Agus Iphedeiah, agus Penuel, mic Shasaic;

26 Agus Samserai, agus Sehariah, agus Ataliah,

27 Agus Iaresiah, agus Eliah, agus Sichri, mic Ierohaim.

28 Sin cinn nan aithrichean, a réir an ginealach, cinn-fheadhna. Bha iad sin a chòmhnuidh ann an Ierusalem.

29 Agus ann an Gibeon bha *Iehiel*, athair Ghibeoin, a chòmhnuidh; agus *b'e* ainm a mhnà Maachah;

30 Agus a cheud-ghin mic Abdon, agus Sur, agus Cis, agus Baal, agus Ner, agus Nadab,

31 Agus Gedor, agus Ahio, agus Sacher, agus Miclot¹.

32 Agus ghin Miclot Simeah. Agus chòmhnuich iad sin mar an ceudna fa chomhair am bràithrean ann an Ierusalem maille r'am bràithribh.

33 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

34 Agus *b'e* mac Ionatann Merib-baal; agus ghin Merib-baal Micah.

35 Agus *b'iad* mic Mhicah, Piton, agus Melech, agus Tarea, agus Ahas.

36 Agus ghin Ahas Iehoadah; agus ghin Iehoadah Alemet, agus Asmabhet, agus Simri; agus ghin Simri Mosa,

37 Agus ghin Mosa Binea: *b'e* Rapha a mhac-san, Eleasah a mhac-san, Asel a mhac-san.

38 Agus *bha* aig Asel seàthnar mhac; agus *is* iad so an ainmean, Asricam, Bocheru, agus Ismael, agus Scariah, agus Obadiah, agus Hanan. *B'iad* sin uile mic Aseil.

39 Agus *b'iad* mic Esei a bhràthar, Ulam a cheud-ghin, Iehus an dara, agus Eliphelet an treas.

40 Agus bha mic Ulaim 'nau daoineibh treuna, 'nam fir-bhogha²; agus bha mòran

mhac aca, agus mhac am mac, ceud agus leth-cheud: iad sin uile do mhacaibh Bheniamin.

CAIB. IX.

1 *Toiseach gheinealach Israeil agus Iudah. 2 Na h-Israelich, 10 na sagairt, 14 agus na Lebhithich, a ghabh còmhnuidh ann an Ierusalem. 27 Cìram nan Lebhithreach. 35 Stiòchd Shaul agus Ionatan.*

AGUS dh'àirmheadh Israel uile a réir an ginealach, agus, feuch, *bha* iad sgrìobhta ann an leabhar rìghrean Israeil. Ach thugadh Iudah³ air falbh do Bhabylon air son an eusaontais.

2 Agus *b'iad* an ceud luchd-àiteachaidh a ghabh còmhnuidh 'nan sealbh 'nam bailtibh, na h-Israelich, na sagairt, na Lebhithich, agus na Netinich.

3 Agus ann an Ierusalem ghabh còmhnuidh do chloinn Iudah, agus do chloinn Bheniamin, agus do chloinn Ephraim, agus Mhanaseh;

4 Utai mac Amihuid, mhic Omri, mhic Imri, mhic Bhani, do chloinn Phareis mhic Iudah.

5 Agus do na Silonaich; Asaiah an ceud-ghin, agus a mhic.

6 Agus do mhacaibh Sherah; Ieuel, agus am bràithre, sè ceud agus ceithir fichead agus a deich.

7 Agus do mhacaibh Bheniamin; Salu mac Mhesulaim, mhic Hodabhiiah, mhic Hasenuah;

8 Agus Ibneiah mac Ierohaim, agus Elah mac Udsi, mhic Mhichri, agus Mesulam mac Shephathiah, mhic Reueil, mhic Ibneiah;

9 Agus am bràithrean, a réir an ginealach, naoi ceud agus sè deug agus dà fhichead. *Bu* chinn aithriche na daoine sin uile ann an tigh an aithriche.

10 Agus do na sagartaibh; Iedaiah, agus Iehoiarib, agus Iachin;

11 Agus Asariah mac Hileciah, mhic Mhesulaim, mhic Shadoic, mhic Mheraiot, mhic Ahituib, riaghladair tighe Dhé;

12 Agus Adaiah mac Ierohaim, mhic Phasuir, mhic Mhalchiah; agus Maasai mac Adieil, mhic Iahserah, mhic Mhesulaim, mhic Mhesulemit, mhic Imeir;

13 Agus am bràithre, cinn tighe an aithriche, mìle agus seachd ceud agus trì fichead, daoine ro fhoghainteach fa chomhair oibre seirbhìs tighe Dhé.

14 Agus do na Lebhithich; Semaiah mac Hasuib, mhic Asricaim, mhic Hasabiah, do mhacaibh Mherari;

15 Agus Bacbacar, Heres, agus Galal, agus Mataniah mac Mhicah, mhic Shichri, mhic Asaiph;

16 Agus Obadiah mac Shemaiah, mhic

¹ Faic. Caib. IX. r. 36, 37.

² a thairngeadh bogha, a thilgeadh gu maith le

bogha. — ³ leabhar rìghrean Israeil agus Iudah, a thugadh.

I. EACHDRAIDH, IX. X.

Ghalail, mhic Jedutuinn, agus Berechiaih mac Asa, mhic Elcanah, a bha chòmh-nuidh ann am frith-bhailtibh¹ nan Ne-tophatach.

17 Agus *b'iad* na dorsairean Salum, agus Acub, agus Talmon, agus Ahiman, agus am bràithre: *b'e* Salum an ceumard;

18 A *bha* gus an àm so aig geata an rìgh air an taobh an ear, 'nan dorsairibh ann an cuideachdaibh chloinn Lebhi.

19 Agus *bha* Salum mac Chore, mhic Ebiasaiph, mhic Chorah, agus a bhràithre, (do thigh 'athar,) na Corahaich os ceann oibre na seirbhìs, 'nan luchd-gleidhidh gheatacha a' phàilliuin; agus an aithriche os ceann slòigh an Tighearna, 'nan luchd-gleidhidh air dol a stigh a' phàilliuin.

20 Agus *b'e* Phinehas mac Eleasair bu cheann-riaghlaidh orra *o shean* am fian-nis an Tighearna².

21 Maille ris *bha* Sechariah, mac Mhe-selemiah, 'na dorsair doruis pàilliuin a' choimhluthonail.

22 Iad sin uile a thaghadh gu bhi 'nan dorsairibh anns na geataibh, bu dà cheud agus dà fhear dheug iad. Dh'àirmh-eadh iad sin a réir an ginealach³ 'nam frith-bhailtibh, a shuidhich Daibhidh agus Samuel ann fear-seallaidh 'nan dreuchd suidhichte.

23 Mar sin *bha* iadsan, agus am mic, os ceann gheatacha tighe an Tighearna, *agus* tighe a' phàilliuin chum an gleidheadh⁴.

24 Ann an ceithir chearnaibh *bha* na dorsairean, a làimh na h-àirde 'n ear, na h-àirde 'n iar, na h-àirde tuath, agus na h-àirde deas.

25 Agus ambràithre 'nam frith-bhailtibh, gu teachd an déigh sheachd làithean o am gu h-àm maille ri u.

26 Oir *bha* na Lebhitich sin, na ceithir àrd dorsairean, 'nan dreuchd suidhichte, agus *bha* iad os ceann sheòmraichean, agus os ceann ionmhasan tighe Dhé.

27 Agus *bha* iad a' gabhail tàimh mu'n cuairt air tigh Dhé, a chionn gu'm b'ann orra-san *a bha a chùram*, agus gu'm buineadh dhoibh 'fhosgladh gach mad-uinn.

28 Agus *bha cuid* diubh os ceann nan soithiche⁵ frithealaidh, chum an toirt a stigh agus a mach air àireamh.

29 Chuireadh *cuid* diubh mar an ceud-na os ceann nan soithiche, agus os ceann uile innealan an ionaid naoimh, agus os ceann na mine mine, agus an fhìona, agus na li-oladh, agus na tùise, agus nan spios-raidh⁶.

30 Agus *bha cuid* do mhacaibh nan

sagart a' deanamh na h-oladh-ungaidh do na spiosraidh.

31 Agus b'ann aig Matitiah *aon* do na Lebhitich, cadhon ceud-ghin Shaluim a' Chorahaich, *a bha* dreuchd suidhichte os ceann⁷ nan nithe a rinneadh ann an aigh-nibh.

32 Agus *bha cuid eile* d'am bràithribh, do mhacaibh nan Cohatach, os ceann arain na fianuis⁸, gu dheasachadh gach sàbaid.

33 Agus *is iad* sin an luchd-ciùil⁹, cinn aithriche nan Lebhitheach, *a bha* anns na seòmraichibh, saor *o gach cùram eile*; oir a là agus a dh'oidhche *bha* orra *bhì r'an* obair-san.

34 *Bha* cinn aithriche sin nan Lebhitheach 'nan cinn a réir an ginealach: *bha* iad a chòmhnuidh ann an Ierusalem.

35 Agus ann an Gibeon chòmhnuich athair Ghibeoin, Iehiel; agus *b'e* ainm a mhnà Maachah:

36 Agus a cheud-ghin mic Abdon, an sin Sur, agus Cis, agus Baal, agus Ner, agus Nadab,

37 Agus Gedor, agus Ahio, agus Sechariah, agus Miclot.

38 Agus ghin Miclot Simeam: agus ghabh iadsan mar an ceudna còmhnuidh fa chomhair am bràithrean ann an Ierusalem, maille r'am bràithribh.

39 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

40 Agus *b'e* mac Ionataim Merib-baal; agus ghin Merib-baal Micah.

41 Agus *b'iad* mic Mhichah, Piton, agus Melech, agus Tahrea, agus Ahas.

42 Agus ghin Ahas Iehoadah¹⁰, agus ghin Iehoadah Alemet, agus Asmabhet, agus Simri; agus ghin Simri Mosa;

43 Agus ghin Mosa Binea: agus *b'e* Rephaiah a mhac-san, Eleasah a mhac-san, Asel a mhac-san.

44 Agus *bha* aig Asel sèathnar mhac, agus *is iad* so an ainmean: Asricam, Bocheru, agus Ismael, agus Seariah, agus Obadiah, agus Hanan. *B'iad* sin mic Aseil.

CAIB. X.

1 *Bhuail na Philistich clann Israeil, agus mharbh iad Saul.* 11 *Nochd ri Iubeis-ghilead caomhneas do Shaul agus d'a mhic.* 14 *Thugadh an rìoghachd do Daibhidh.*

ANIS chog na Philistich an 'aghaidh A Israeil; agus theich fir Israeil o fhianuis nam Philisteach, agus thuit iad sìos marbhata ann an sliabh Ghilboa.

2 Agus lean na Philistich gu teann an déigh Shaul, agus an déigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

¹ bailtibh beaga. ² an Tighearna, a bha maille ris.

³ an slòinte. ⁴ seal m'an seuch. ⁵ air cuid diubh *bha cùram* nan soithiche. ⁶ nithe càbhraidh.

⁷ ri Matitiah *bha'n earbsadh* bhì os ceann.

⁸ an arain thaibcantu. ⁹ luchd-scinn.

¹⁰ Iarah. Faic Caib. VIII. r. 36.

I. EACHDRAIDH, X. XI.

3 Agus dh'fhàs an cath cruaidh an aghaidh Shaul, agus chuimsich¹ na fir-bhogha e, agus lotadh e leis na fir-bhogha.

4 An sin thubhairt Saul ri fear iomchair² arm, Rùisg do chlaidheamh agus sàth tromham e, air eagal gu'n tig na daoine neo-thimehioll-ghearrta sin, agus gu'n gnàthaidh iad gu maslach mi. Ach cha deanadh fear iomchair arm sin, oir bha eagal mòr air. Uime sin ghlac Saul elaidheamh, agus thuit e air.

5 Agus an uair a chunnaic fear iomchair arm gu'n robh Saul marbh, thuit esan mar an ecudna air a' ehlaidheamh, agus fhuaire e bàs.

6 Mar sin fhuaire Saul bàs, agus a thriuir mhae, agus dh'eug a thigh uile san aon àm.

7 Agus an uair a chunnaic uile fhir Israeil a bha sa' ghleann gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistiech, agus còmhnuich iad anna.

8 Agus air an là màireach, an uair a thàinig na Philistiech a dh'fhaobhaich nam marbh, fhuaire iad Saul agus a mhic air tuiteam ann an siabhadh Ghilboa.

9 Agus an uair a dh'fhaobhaich iad e, ghlac iad a cheann, agus 'airm, agus chuir iad *fios* do thìr nam Philisteach mu'n cuairt, gu sgeul a thoirt do thigh an diathan bréige³, agus do'n t-shluagh,

10 Agus chuir iad 'airm ann an tigh an dèe, agus dhaingnich iad a cheann ann an teampull Dhagoin.

11 Agus an uair a chual' uile luchd-àiteachaidh Iabeis-ghilead na h-uile nìthe a rinn na Philistiech ri Saul,

12 Dh'éirich na fir threuna uile, agus thug iad leo corp Shaul, agus cuirp a chuid mac, agus thug iad gu Iabes iad, agus dh'adhlac iad an cnàmhnan fuidh 'n daraig ann an Iabes, agus thraisg iad seachd làithean.

13 Mar so dh'cug Saul air son a clionta a rinn e 'n aghaidh an Tighearn, an aghaidh focail an Tighearna nach do ghléidh e, agus mar an ceudna a chionn gu'n d'iarr c *bean* aig an robh leannan-sith, a dh'fhiosrachadh dhith.

14 Agus nach d'fhiosraich e do'n Tighearn: uime sin mharbh se e, agus thionndaidh e 'n rìoghachd a dh'ionnsuidh Dhaibhidh mhie Iesc.

CAIB. XI.

1 Rimeadh Daibhidh 'na rìgh air Israel aig Hebron. 5 Ghlac e tìr Shioin. 10 Àireamh a dhaoine treuna.

AN sin chruinnich Israel uile iad féin a dh'ionnsuidh Dhaibhidh gu Hebron,

ag ràdh, Feuch is sinne do ehnàimh agus t'fheoil.

2 Agus a bhàrr air so, san ùine chaidh seachad, eadhon an uair a bha Saul 'na rìgh, bu tusa a threòraich a mach, agus a thug a steach Israel; agus thubhairt an Tighearna do Dhia riut, Bcataichidh tusa mo shluagh Israel, agus bithidh tu a'd' cheannard air mo shluagh Israel.

3 Agus thàinig uile sheanairean Israeil a dh'ionnsuidh an rìgh gu Hebron; agus rinn Daibhidh coimheangal riu ann an Hebron ann fannais an Tighearn: agus dh'ung iad Daibhidh 'na rìgh air Israel, a réir focail an Tighearn, le làimh Shamuel.

4 Agus chaidh Daibhidh agus Israel uile gu h-Ierusalem, (is e sin Iebus,) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebuis ri Daibhidh, Cha tig thu 'n so. Gidheadh, ghlac Daibhidh tìr Shioin; is e sin baile³ Dhaibhidh.

6 Agus thubhairt Daibhidh, Ge b'e bhuailcas na Iebusaich an toiseach, bithidh esan 'na cheannard agus 'na uachdaran. Agus chaidh Ioab mac Sheruah suas an toiseach, agus bha e 'na cheannard.

7 Agus ghabh Daibhidh còmhnuidh san tìr; uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhilo mu'n euairt: agus chuir Ioab snas a ris a' ehuid eile do'n bhaile.

9 Agus dh'fhàs Daibhidh ni bu mhò, agus ni bu mhò; oir bha Tighearna nan sluagh leis.

10 Agus is iad so roghadh nan daoine treuna a bha aig Daibhidh, a neartaich iad féin leis 'na rìoghachd, agus le h-Israel uile, gu rìgh a dheanamh dheth, a réir focail an Tighearna mu thimchioll Israeil.

11 Agus is e so àireamh nan daoine treuna a bha aig Daibhidh; Iasobeam, mac Haehmoni, 'na cheann air triuir⁴; thog esan a shleagh an aghaidh thri ceud, a mharbhadh leis san aon àm.

12 Agus 'na dhéigh-san bha Eleasar, mac Dhodo, an t-Ahohach: b'aon esan do na trì gaisgich.

13 Bha esan maille ri Daibhidh ann am Pasmam, agus an sin bha na Philistiech air cruinneachadh an ceann a chéile gu eath; [agus dh'imich fir Israeil rompa:

Dh'éirich esan, agus bhuail e na Philistiech gus an robh a làimh sgìth, agus gu'n do lean a làmh ris a' chlaidheamh. Agus dh'oibrich an Tighearna saorsa mhòr air

¹ fhuaire. Eabh.

² gu sgeul a thoirt d'an

iodholaibh.

³ caithir.

⁴ ceann nan ceannard.

an là sin; agus phill an sluagh 'na dhéigh a mliàn a dh'fhaobhachadh.

Agus 'na dhéigh-san bha Samah, mac Agec, an Hararach: agus chruinnich-eadh na Philistich 'nam buidhinn¹; far an robh dail² fhearaim làn eorna³; agus theich an sluagh roimh na Philistich.

14 Agus shuidhich iadsan iad féin am meadhon na dalach *sin*, agus dhion iad i, agus mharbh iad na Philistich: agus shaor an Tighearn *iad* le saorsa mhóir.

15 A nis chaidh triuir do na deich ceannaird fhlichead sìos do'n charraig a dh'ionnsuidh Dhaibhidh, gu uaimh Adulaim: agus champaich feachd nam Philisteach ann an gleann Rephaim.

16 Agus *bha* Daibhidh an sin san daingneach; agus *bha* freiceadan nam Philisteach an sin ann am Bet-lehem.

17 Agus mhiannaich Daibhidh, agus thubhairt e, Onach tugadh neach dhomh deoch uisge o thobar Bhet-lehem, a *tha* aig a' gheata!

18 Agus bhris an triuir troimh fheachd nam Philisteach, agus tharruing iad uisge á tobar Bhet-lehem a *bha* aig a' gheata agus ghabh iad *e*, agus thug iad *e* gu Daibhidh: ach cha 'n òladh Daibhidh *e*, ach thaom e mach e do'n Tighearn.

19 Agus thubhairt e, Nar leigeadh mo Dhia dhomh gu'n deanainn an ni so: an òlainn-se fuil nan daoine so a chuir an anaman ann an cunnart? oir le cunnart an anaman thug iad leo e: uime sin cha 'n òladh e dheth. Na nithe sin rinn an triuir dhaoine treuna.

20 Agus bha Abisai, bràthair Ioaib, 'na cheann air triuir: agus thog e a shleagh an aghaidh tri cheud, a mharbh e; agus *bha* ainm aige am measg triuir.

21 Do'n triuir *b'e* a b'urramaiche na an dithis, agus *bha* e 'na cheannard orra: gidheadh, cha d'ràinig e gu ruig a' *cheud* triuir.

22 *Mharbh* Benaiah, mac Iehoiada, mhic duine ghaisgeil o Chabsceal, a rinn mòran ghniomhara, mharbh esan dithis fhear leòmhanta do Moab: chaidh e sìos mar an ceudna, agus mharbh e leòmhann ann am meadhon sluichd air latha sneachdaidh.

23 Agus mharbh e Eiphitcach, duine do mheudachd mhóir, cuig làmhan-coille air àirde; agus ann an làimh an Eiphitich *bha* sleagh cosmhuil ri garmain⁴ figheadair; ach chaidh esan sìos d'a ionnsuidh le luirg, agus spion e 'n t-sleagh á làimh an Eiphitich, agus mharbh e le 'shleagh féin c.

24 Na nithe sin rinn Benaiah mac Iehoiada, agus *bha* ainm aige am measg triuir dhaoine treuna.

25 Feuch, do'n triuir⁵ *b'e* a b'urramaiche, ach cha d'ràinig e gu ruig a' *cheud* triuir: agus chuir Daibhidh e os ceann a fhreiceadain.

26 Mar an ceudna *b'iad* daoine treuna nan armailt, Asahel bràthair Ioaib, Elhanan mac Dhodo o Bhet-lehem,

27 Samot an t-Harorach, Heles am Pelonach,

28 Ira mac Ieais an Tecoach, Abieser an t-Anatotach,

29 Sibecai an t-Husatach, Itai an t-Aho-hach,

30 Maharari an Nctophatach, Heled mac Bhaanah an Netophatach,

31 Itai mac Ribai o Ghibeah chloinn Bheniamin, Benaiah am Piratonach,

32 Hurai o shruthaibh⁶ Ghaais, Abiel an t-Arbatach,

33 Asmabhet am Baharumach, Eliabha an Saalbonach.

34 Mic Haseim a' Ghisonaich; Ionatan mac Shage an t-Hararach,

35 Ahiam mac Shacair an t-Hararach, Eliphal mac Uir,

36 Hephcr am Mecheratach, Ahiah am Pelonach,

37 Hesro an Carmeach, Naarai mac Esbai,

38 Ioel bràthair Natain, Mibchar mac Hageri,

39 Selec an t-Amonach, Naharai am Berotach, fear iomchair arm Ioaib mhic She-ruiah,

40 Ira an t-Itreach, Gareb an t-Itreach,

41 Uriah an t-Hiteach, Sabad mac Ahlai,

42 Adina mac Shisa an Reubcneach, ceannard do na Reubenich, agus dcich thar fhlichead maille ris,

43 Hanan mac Mhaacah, agus Iosaphat am Mitneach,

44 Udsia an t-Asteratach, Sama agus Iehiel mic Hotaim an Aroerich,

45 Iediael mac Shimri, agus Ioha a bràthair an Tidscach,

46 Eliel am Mahabhach, agus Ieribai agus Iosabliah mic Elnaaim, agus Itmah am Moabach,

47 Eliel, agus Obed, agus Iasiel o Mhesobia.

CAIB. XII.

1 Na buidhnean a thàinig a dh'ionnsuidh Dhaibhidh gu Siclag. 23 Na daoine armaichte a thàinig d'ionnsuidh gu Hebron.

ANIS is iad so iadsan a thàinig a dh'ionnsuidh Dhaibhidh gu Siclag, nuair a bha e fathast 'ga chumail féin a stigh air eagal Shaul mhic Chis: agus *bha* iad am measg nam fear treuna, 'nan luchd-cuideachaidh sa' ehogadh.

2 *Bha iad* armaichte le boghannaibh,

¹ II. Samuel, Caib. XXIII. r. 9, 10, 11.

² mir.

³ lan do ghall-pheasair. II. Samuel, Caib. XXIII.

⁴ sail.

⁵ do'n deich thar fhlichead.

⁶ ainmnickibh.

agus teòma leis an làimh dheis agus chli air clachan a *thùlgadh*, agus saighdean á bogha, *eadhon* do bhràithribh Shaul do Bheniamin.

3 *B'e* Ahieser bu bharraichte¹ *dhiubh*, an sin Ioas, mic Shernaah a' Ghibeataich; agus Iesiel agus Pelet mic Asmabheit; agus Jeremah, agus Iehu an t-Anatotach,

4 Agus Ismaiah an Gibeonach, duine treun am measg an deich thar fhichead; agus os ceann an deich thar fhichead; agus Jeremah, agus Iehasiel, agus Iohanan, agus Iosabad an Gederatach,

5 Elusai, agus Ierimot, agus Bealiah, agus Semariah, agus Sephatiah an t-Haruphach,

6 Elcanah, agus Iesia, agus Asareel, agus Ioeser, agus Iasobeam, na Corhaich,

7 Agus Ioelah, agus Sebadiah, mic Ierohaim o Ghedor.

8 Agus do na Gadaich chaidh thairis² a dh'ionnsuidh Dhaibhidh, do'n daingneach anns an fhàsach, daoine treuna, fir chlogaidh *iomchuidh* chum catha, d'am b'aithne sgiath agus targaid a làimhseachadh, aig an robh an gnùisean mar ghnùisibh leòmhnan, agus iad co luath ris na h-eildibh air na beanntaibh.

9 Eser an ceud fhear, Obadiah an dara, Eliab an treas,

10 Mismanah an ceathramh, Iercmiah an cùigeadh,

11 Atai an seathadh, Eliel an seachdamh,

12 Iohanan an t-ochdamh, Elsabad an naothadh,

13 Iercmiah an deicheamh, Machbanai an t-aon fhear deug.

14 *Bha* iad sin do mhacaibh Ghad 'nan ceannardaibh an t-slàigh: an t-aon bu lugha dhiubh os ceann cheud, agus an t-aon bu mhò os ceann mhìle.

15 Sin iadsan a chaidh thairis air Iordan sa' cheud mhìos, an uair a bha 'sruth cur thairis air a bruachaibh uile; agus chuir iad an ruaig air *muinntir* nan gleann uile, a làimh na h-àirde 'n ear, agus na h-àirde 'n iar.

16 Thàinig mar an ceudna *cuid* do chloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach 'nan coinneamh, agus fhreagair e, agus thubhairt e riu, Ma thàinig sibh gu sìochail a m' ionnsuidh-sa a chuideachadh leam, bithidh mo chridhe leibh le aon rùn: ach ma thàinig sibh a chum mo bhrath do m' naimhdebh, 'nuair nach 'eil eucoir air bith a m' làmhaidh, gu'n amhairceadh Dia ar n-aithriche air sin, agus gu'n cronaicheadh se e.

18 An sin thàinig an spiorad air Amasai, am fear a b'innbiche do na ceannardaibh, agus thubhairt e, Leatsa tha sinne, a Dhaibhidh, agus air do thaobh, a mhic Iese: sìth, sìth dhuibh, agus sìth do d' luchd-cuideachaidh: oir tha do Dhia a' comhnadh³ leat. Agus ghabh Daibhidh iad, agus rinn e iad 'nan ceannardaibh na buidhne.

19 Agus chaidh *cuid* do Mhanaseh thairis⁴ a dh'ionnsuidh Dhaibhidh, 'nuair a thàinig e leis na Philistich an aghaidh Shaul gu cath, ach cha do chuidich iad⁵ leo; oir, le comhairle, chuir tighearnan nam Philisteach air falbh e, ag ràdh, Le *cunnart* ar ceann-ne thèid e thairis a dh'ionnsuidh Shaul a thighearna.

20 'Nuair a bha e dol gu Siclag, chaidh thairis d'a ionnsuidh do Mhanaseh, Adnah, agus Iosabad, agus Iediel, agus Michael, agus Iosabed, agus Elihu, agus Siltai, cinn-fheadhna nam mìltean a *bha* do Mhanaseh.

21 Agus chuidich iad le Daibhidh an aghaidh buidhne nan creachadairean: oir bu daoine treuna iad uile, agus bha iad 'nan ceannardaibh nan fheadh.

22 Oir mu'n àm sin là 'n déigh là, thàinig iad a dh'ionnsuidh Dhaibhidh a chomhnadh⁶ leis, gus an robh feachd mòr ann, mar fheadh Dhé.

23 Agus is e so àireamh⁷ nan daoine armaichte chum cogaidh, a thàinig a dh'ionnsuidh Dhaibhidh gu Hebron, a thionndadh rioghachd Shaul d'a ionnsuidh-san, a réir focail an Tighearna:

24 Mic Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 Do mhacaibh Shimeoin, fir threuna gu cogadh, seachd mìle agus ceud.

26 Dho mhacaibh Lebhi, ceithir mìle agus sè ceud.

27 Agus Iehoiada ceannard nan Aaronach, agus maille ris trì mìle agus seachd ceud.

28 Agus Sadoc òganach ro threun, agus do thigh 'athar dà cheannard thar fhichead.

29 Agus do mhacaibh Bheniamin, luchd-dàimh Shaul, trì mìle; oir fathast *bha* chuid bu mhò dhiubh 'nam freiceadan air tigh Shaul.

30 Agus do mhacaibh Ephraim, fichead mìle agus ochd ceud, fir threuna, ainmeil ann an tigh an aithriche.

31 Agus do leth-thréibh Mhanaseli, ochd mìle deug, a dh'ainmicheadh air an ainmibh, gu teachd a dheanamh Dhaibhidh 'na rìgh.

¹ an ceann. Eabh.

² chuir air leth, dheulaich, thearbaidh iad fèin.

³ cungnamh. Eir.

⁴ thuit do Mhanaseh. Eabh.

⁵ e.

⁶ chuideachadh.

⁷ cumntas cheann. Eabh.

'32 Agus do mhacaibh Isachair, aig an robh aithne¹ air na h-aimsiribh, a thuig-sinn ciod bu chòir do Israel a dheanamh, bu dà cheud an ceannardan; agus am bràithrean uile aig an ordugh-sa.

33 Do Shebulun a' mheud 'sa chaidh mach gu cath, daoine teòma ann an cogadh, le uil' innealaibh cogaidh, deich agus dà fhichead mìle, a chuideachadh *Dhaibhidh*² gun cheilg 'nan cridhe.

34 Agus do Naphtali mìle ceannard, agus maille riu-san, le sgéith agus sleagh, seachd mìle deug thar fhichead.

35 Agus do na Danaich, teòma ann an cogadh, ochd mìle fichead agus sè ceud.

36 Agus do Aser, a' mheud 'sa rachadh a mach gu cath, teòma ann an cogadh, dà fhichead mìle.

37 Agus air an taobh cile do Iordan, do na Reubenich, agus do na Gadaieh, agus do leth-thréibh Mhanaseh, le uil' innealaibh cogaidh chum catha, ceud agus fichead mìle.

38 Na fir chogaidh sin uile, d'am b'aithne dol an ordugh *blàir*, le cridhe iomlan thàinig iad gu Hebron a dheanadh Daibhidh 'na rìgh os ceann Israeil uile: agus mar an ceudna *bha* chuid eile do Israel gu léir do aon chridhe chum Daibhidh a dheanamh 'na rìgh.

39 Agus bha iad an sin maille ri Daibhidh trì làithean, ag itheadh agus ag òl: oir dh'ulluich am bràithrean air an son.

40 A bhàrr air sin, thug iadsan a bha fagus doibh, gu ruig Isachar, agus Sebulun, agus Naphtali, aran leo air asalaibh, agus air chàmhalaibh, agus air mhùileidibh, agus air dhamhaibh, biadh, min, mill fhìge, agus bagaidean do fhion-dhearc-aibh tiormaichte, agus fion, agus oladh, agus daimh, agus caoraich ann am pailteas; oir *bha* aobhneas ann an Israel.

CAIB. XIII.

1 Thug Daibhidh an àire o Chiriat-iearim. 9 Bhuail Dia Usa agus fhuaire e bàs. 13 Dh'fhàgadh an àire aig tigh Obed-eòim.

A GUS chuir Daibhidh a chomhairle A riusan a bha os ceann mhiltean agus cheud, ris gach uile cheannard.

2 Agus thubhairt Daibhidh ri uile chomh-chruinneachadh Israeil, Ma *chithear* iomchuidh dhiubh, agus *gur ann* o'n Tighearn ar Dia *a tha chùis*, cuireamaid fios a mach a dh'ionnsuidh ar bràithrean auns gach àit, a dh'fhàgadh ann an uile thir Israeil, agus maille riu-san a dh'ionnsuidh nan sagart agus nan Lebhithreach *a tha* 'nam bailtibh *le'm* fearann comh-roinn³, iad g'an cruinneachadh féin thugainn⁴.

3 Agus thugamaid a rìs àire ar Dé d'ar n-ionnsuidh: oir cha d'fhiosraich sinn

dheth ann an làithibh Shaul.

4 Agus thubhairt an comhchruinneachadh gu léir, gu'm bu chòir sin a dheanamh⁵: oir bha an nì ceart ann an sùilibh an t-sluaigh uile.

5 Uime sin chruinnich Daibhidh Israel uile an ceann a chèile, o Shihor na h-Eiphit gu dol a steach Hamait, chum àire Dhé a thoirt o Chiriat-iearim.

6 Agus chaidh Daibhidh suas, agus Israel uile do Bhaalat, *eadhon* gu Cariat-iearim a *bhuineadh* do Iudah, a thabhairt leo as a sin àire Dhé an Tighearn, a tha clòmhnuidh *eadar* na cheruban, air an gairmeas 'ainm.

7 Agus ghiùlan iad àire Dhé air feum⁶ nomha o thigh Abinadaib: agus dh'iom-ain Usa agus Ahio am feum.

8 Agus chluich Daibhidh agus Israel uile am fianuis Dhé le 'n uile neart, eadhon le laoidhibh⁷, agus le clàrsaichibh, agus le saltairibh, agus le tiompanaibh, agus le ciombalaibh, agus le trompaidibh.

9 Agus an uair a thàinig iad gu h-urlarbualaidh Chidoim, chuir Usa a mach a làmh a ghabhail greim do'n àire, oir chuir na daimh air chrith i.

10 Agus las fearg an Tighearn an aghaidh Usa, agus bhuail se e, a chionn g'un do chuir e a làmh ris an àire: agus dh'eug e 'n sin an làthair Dhé.

11 Agus bha doilgheas air Daibhidh⁸ a chionn gu'n d'rinn an Tighearna briseadh air Usa: agus dh'ainmich e 'n t-àite sin Peres-usa gu ruig an là 'n diugh.

12 Agus bha eagal air Daibhidh roimh Dhia air an là sin, agus thubhairt e, Cionnus a bheir mise àire Dhé dhachaidh a m' ionnsuidh?

13 Uime sin cha d'thug Daibhidh an àire d'a ionnsuidh féin gu baile Dhaibhidh; ach thug e a leth-taobh i gu tigh Obed-eòim a' Ghithich.

14 Agus dh'fhan àire Dhé maille ri teaghlach Obed-eòim 'na thigh trì mìosan. Agus bheannaich an Tighearna tigh Obed-eòim, agus gach nì a bh'aige.

CAIB. XIV.

1 Chuir Hiram fiodh agus clachairean a dh'ionnsuidh Daibhidh. 4 Ainmean a chloinne a rugadh dha ann an Ierusalem. 8 Bhuail Daibhidh na Philistich dà uair le h-àr mòr.

A NIS chuir Hiram rìgh Thiruis teachd-airean a dh'ionnsuidh Daibhidh, agus fiodh seudair, agus clachairean, agus saoir, a thogail tighe dha.

2 Agus dh'aithnich Daibhidh gu'n do dhàgnich an Tighearn e 'na rìgh air Israel, agus gu'n d'ardaicheadh gu mòr a rìoghachd air son a shluaigh Israeil.

3 Agus ghabh Daibhidh tuille bhan

¹ còlas. ² a rachadh an ordugh blàir.

³ 'nam bailtibh agus 'nam mach-bhailtibh.

⁴ chugainn.

⁵ gu'n deanadh iad mar sin.

⁶ fèana, cairt.

⁷ air gach inneal-ciùil do fhiodh giumhais. II. Sam. Caib. VI. r. 3.

⁸ bha Daibhidh fo mhi-ghean.

ann an Ierusalem; agus ghlu Daibhidh fathast mic agus nigheana.

4 Agus is iad so ainmean a chloinne a bha aige ann an Ierusalem; Samua, agus Sobab, Natan, agus Solamh,

5 Agus Ibhar, agus Elisua, agus Elphalel,

6 Agus Nogah, agus Nepheg, agus Iaphia,

7 Agus Elisama, agus Bcllada, agus Eliphalel.

8 Agus an uair a chuala na Philistich gu'n d'ungadh Daibhidh 'na rìgh air Israel uile, thàinig na Philistich gu léir a nìos a dh'iarraidh Dhaibhidh: agus chuala Daibhidh sin, agus chaidh e mach 'nan aghaidh.

9 Agus thàinig na Philistich, agus sgaoil siad iad féin ann an glèann Rephaim.

10 Agus dh'fhiosraich Daibhidh do Dhia, ag ràdh, An téid mi suas an aghaidh nam Philisteach, agus an toir thu thairis iad a'm' làimh? Agus thubhairt an Tighearna ris, Gabh suas, agus bheir mise thairis iad a'd' làimh.

11 Agus thàinig iad gu Baal-perasim; agus bhuail Daibhidh an sin iad. Agus thubhairt Daibhidh, Bhriis Dia mo naimhdean o chéile le m' làimh-sa, mar bhriseadh uisgeachan: uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àithne, agus loisgeadh iad le teine.

13 Agus thàinig na Philistich a ris, agus sgaoil siad iad féin anns a' ghleann.

14 Uime sin dh'fhiosraich Daibhidh a ris do Dhia; agus thubhairt Dia ris, Na gabh suas 'nan déigh; tionndaidh air falbh uatha, agus thug orra fa chomhair craobh nan smeur.

15 Agus an uair a chluinneas tu fuaim siubhail ann am barraibh chraobh nan smeur, an sin théid thu mach chum catha; oir théid Dia a mach romhad, a bhualadh feachd nam Philisteach.

16 Agus rinn Daibhidh mar a dh'àithn Dia dha: agus bhuail iad¹ feachd nam Philisteach o Ghibeon eadhon gu Gaser.

17 Agus chaidh ainm² Dhaibhidh a mach do gach tìr, agus thug an Tighearn 'eagal-san air na h-uile cluinnreachaibh.

CAIB. XV.

1 Dh'orduich Daibhidh do na Lebhithich an àire a thoirt suas do'n àit a dh'ulluich e air a son.
29 Rinn Michal tàir air 'na cridhe 'nuair chunn-
aic i e a' d'annadh agus a' cluicheadh.

A GUS rinn Daibhidh dha féin tighean ann am baile Dhaibhidh, agus dh'ulluich e àite do àire Dhé, agus shuidhich e bùth dhi.

2 An sin thubhairt Daibhidh; cha chòir

do neach air bith àire Dhé iomchar, ach do na Lebhithich: oir iadsan ròghnaich an Tighearna gu àire Dhé iomchar, agus gu frithealadh dha gu bràth.

3 Agus chruinnich Daibhidh Israel uile an ceann a chéile gu h-Ierusalem, gu àire an Tighearna a thoirt suas a dh'ionnsuidh a h-àite, a dh'ulluich e air a son.

4 Agus chruinnich Daibhidh mic Aaron agus na Lebhithich:

5 Do mhacaibh Chohait; Uriel an ceann, agus a bhràithre ceud agus fichead.

6 Do mhacaibh Mherari; Asaiah an ceann, agus a bhràithre dà cheud agus fichead.

7 Do mhacaibh Ghersoim; Ioel an ceann, agus a bhràithre ceud agus deich thar fhichead.

8 Do mhacaibh Elisaphain; Semaiah an ceann, agus a bhràithre dà cheud.

9 Do mhacaibh Hebroin; Eliel an ceann, agus a bhràithre ceithir fichead.

10 Do mhacaibh Udsieil; Aminadab an ceann, agus a bhràithre ceud agus dà fhear dheug.

11 Agus ghairm Daibhidh air Sadoc agus Abiatar na sagairt, agus air na Lebhithich, air Uriel, Asaiah, agus Ioel, Semaiah, agus Eliel, agus Aminadab,

12 Agus thubhairt e riu, Is sibhse cinn aithriche nan Lebhithich: naomhaichibh sibh féin, sibhse agus bhur bràithre, chum gu'n toir sibh suas àire an Tighearna Dé Israel, a dh'ionnsuidh an àit a dh'ulluich mise dhi:

13 Oir a chionn nach robh sibh a lathair roimhe, rinn an Tighearna ar Dia briseadh oirne, do bhrìgh nach d'iarr sinn e air mhodh dligeach.

14 Uime sin naomhaich na sagairt agus na Lebhithich iad féin, a thabhairt suas àire an Tighearna Dé Israel.

15 Agus ghiùlain mic nan Lebhithich àire Dhé air an guailnibh, leis na lunn-aibh³ orra, mar a dh'àithn Maois a réir focail an Tighearna.

16 Agus labhair Daibhidh ri h-uachd-aranaibh⁴ nan Lebhithich, am bràithrean orduchadh bhi 'nan luchd-ciuil le h-innealaibh ciuil, saltairibh, agus clàrsaichibh, agus ciombalaibh, a' deanamh fuaim, a' togail suas a' ghutha le h-aobh-necas.

17 Uime sin dh'orduich na Lebhithich Heman mac Ioel; agus d'a bhràithribh, Asaph mac Bherechiah; agus do mhacaibh Mherari am bràithribh, Etan mac Chusaiah:

18 Agus maille riu am bràithrean do'n dara ceum, Sechariah, Ben, agus Iaasiel, agus Semiramot, agus Iehiel, agus Uni, Eliab, agus Benaiah agus Maaseiah, agus

¹ e.

² alladh, cliù.

³ bataichibh.

⁴ prìomh-shearaibh.

Matitiah, agus Elipheleh, agus Mieneiah, agus Obed-edom, agus Ieiel, na dorsairean.

19 Agus bha'n luchd-ciùil, Heman, Asaph, agus Etan, gu fuaim a dheanamh le eimbalaibh umha;

20 Agus Sechariah, agus Asiel, agus Semiramot, agus Iehiel, agus Uni, agus Eliab, agus Maaseiah, agus Benaiah, le saltairibh air Alamot;

21 Agus Matitiah, agus Elipheleh, agus Mieneiah, agus Obed-edom, agus Ieiel, agus Asaph, le clàrsaichibh air Seminit a thoirt barraehd.

22 Agus bha Cenaniah uachdaran do na Lebhithich fa eomhair na laoidh: sheòl e mu thimehioll na laoidh, a chionn gu'n robh e eòlach.

23 Agus bha Berechiah agus Elcanah 'nan dorsairibh do'n àire.

24 Agus bha Sebaniah, agus Iehosaphat, agus Nataneel, agus Amasai, agus Sechariah, agus Benaiah, agus Elieser na sagairt, a' séideadh leis na trompaidibh roimh àire Dhé: agus bha Obed-edom agus Iehiah 'nan luchd-gleidhidh dorùis na h-àire.

25 Mar sin chaidh Daibhidh agus sean-àirean Israel, agus na ceannardan mhilt-ean, a thoirt suas àire coimheangail an Tighearn á tigh Obed-edom le h-aobhneas.

26 Agus an uair a ehuidich Dia leis na Lebhithich a ghiùlan àire coimheangail an Tighearna, dh'ìobair iad seachd tairbh òga agus seachd reitheachan.

27 Agus bha Daibhidh sgeadaichte le falluim do anart grinn, agus na Lebhithich uile a bha giùlan na h-àire, agus an luchd-ciùil, agus Chenaniah an t-àrd fhear-seinn am measg an luchd-ciùil: air Daibhidh mar an ceudna bha ephod an-airt.

28 Mar so thug Israel uile suas àire coimheangail an Tighearna le h-iol-aich, agus le fuaim a' bhuabhuill¹, agus le trompaidibh, agus le eimbalaibh a' deanamh eomhsheirm le saltairibh agus clàrsaichibh.

29 Agus an uair a thàinig àire coimheangail an Tighearna seachd do bhaile Dhaibhidh, bha Michal nighean Shuaì ag amharc a mach air uinneig, agus ehumnaic i rìgh Daibhidh a' damnsadh agus a' eluicheadh; agus rinn i tàir air 'na eridhe.

CAIB. XVI.

1 Thug Daibhidh suas ìobairtean, agus bheannaich e an sluagh. 7 A laoidh mholaidh. 37 Dh'orduich e cuid do'n t-sluagh a flurithealadh roimh an àire.

A GUS thug iad a steach àire Dhé, agus ehuir iad i ann am meadhon a'

bhùtha a shuidhich Daibhidh air a son: agus thug iad seachad ìobairtean-loisgte agus ìobairtean-sith am fianais Dhé.

2 Agus an uair a ehuir Daibhidh erioch air na h-ìobairtean-loisgte thoirt suas, agus na h-ìobairtean-sith, bheannaich e 'n sluagh an ainm an Tighearn.

3 Agus roinn e air gach aon do Israel, eadar fhear agus bhean, do gach aon buillionn arain, agus mìr maith feòla, agus eopan fìona.

4 Agus dh'orduich e cuid do na Lebhithich a flurithealadh roimh àire an Tighearn, agus a chur air ehumhne, agus a thoirt buidheachais² agus cliù do'n Tighearna Dia Israeil:

5 Asaph an ceann³, agus 'na dhéigh-san Sechariah, an sin Ieiel, agus Semiramot, agus Iehiel, agus Matitiah, agus Eliab, agus Benaiah, agus Obed-edom; agus Ieiel le saltairibh agus clàrsaichibh; agus Asaph le ciombalaibh a' deanamh fuaim:

6 Benaiah mar an ceudna agus Iahasiel na sagairt, le trompaidibh a ghnàth roimh àire coimheangail Dhé.

7 An sin air an là sin, thug Daibhidh seachad a' eheud uair an laoidh mholaidh so do'n Tighearn, ann an làimh Asaph agus a bhràithre:

8 Molaibh an Tighearna⁴, gairmibh air 'ainm, deanaibh a ghnìomharan aithniehte am measg nan sluagh.

9 Seinnibh dha-san, seinnibh sailm dha, labhraibh air 'uile oibribh iongantach-sa.

10 Deanaibh-se uail 'na ainm naomh: deanadh eridhe na muinntir a tha 'g iarraidh an Tighearna gairdeachas.

11 Iarraibh an Tighearn agus a neart, iarraibh a ghnùis a ghnàth.

12 Cuimhnichibh 'oibrean iongantach a rinn e, a chomharan⁵ agus breitheanais a bhéil;

13 O sibhse a shlioehd Israeil 'òglaich-san, sibhse a chlann Iacoib, a dhaoine taghta-san.

14 Is ean an Tighearn ar Dia-ne; air feadh na talmhainn uile tha a bhreith-eana-san.

15 Cuimhnichibh an còmhnuidh⁶ a eòimheangail, am focal a dh'àithn e do mhìle ginealach;

16 A rinn e ri h-Abraham, agus a mhiannan do Isaac:

17 Agus dhaingnich e sin do Iacob mar lagh, do Israel mar eòimheangail bìth-bhuan,

18 Ag ràdh, Dhuitse bheir mi fearann Chanaain, erannchur bhur n-oighreachd.

19 An uair nach robh iad⁷ ael ro thearc an àireamh, agus 'nan coigriche ann.

¹ na gall-triump. fhear.

² molaiddh.

³ am prìomh-

⁴ Thugaibh buidheachas, aidichibh do'n

Tighearna.

⁶ gu bràth. Eabh.

⁵ 'iongantasan.

⁷ sibh.

20 Agus a chaidh iad o chinneach gu cinncach, agus o rìoghachd gu sluagh cile;

21 Cha do leig e le duine sam bith euc-oir¹ a dheanamh orra; agus smachdaich e rìghrean air an son-sa:

22 *Ag ràdh*, Na beanaibh ri m' dhaoinibh ungta, agus air m' fhàidhlibh na dean-aibh cron sam bith.

23 Seinnibh do'n Tighearn, gach uile thir²; foillsichibh o là gu là a shlàinte.

24 Cuiribh a ghloir an céill am measg nan cinneach; 'oibre iongantach am measg nan uile shluagh:

25 Oir is mòr an Tighearn, agus ro airidh air cliù; agus is aobhar eagail esan os ceann nan uile dhée:

26 Oir is ìodhoil³ uile dhée nan cinn-each⁴; ach is e 'n Tighearn a rinn na nèamha.

27 *Tha* glòir agus mòralachd 'na làthair; neart agus subhachas 'na ionad-san.

28 Thugaibh do'n Tighearna, sibhse fhineacha nan sluagh; thugaibh do'n Tighearn urram agus neart.

29 Thugaibh do'n Tighearn an t-urram a's cubhaidh d'a ainm: thugaibh tabhartas leibh, agus thigibh 'na làthair; sleuchdaibh do'n Tighearn ann am maise na naomhachd.

30 Biodh eagal oirbh 'na fhianuis-san, gach uile thir: daingnichear an domhan leis, air chor as nach gluaisear e⁵.

31 Biodh na nèamhan ait, agus deanadh an talamh gairdeachas; agus abradh iad am measg nan cinneach, Tha 'n Tighearn a' rìoghachadh.

32 Beucadh an fhairge, agus a làn; deanadh a' nhachair gairdeachas, agus gach ni a ta iunte.

33 An sin seinnidh craobhan na coille gu h-àrd-ghuthach an làthair an Tighearn, a chionn gu bheil e teachd a thoirt breth air an talamh.

34 Molaibh an Tighearn⁶, oir *tha* e maith; oir gu bràth *mairidh* a thròcair.

35 Agus abraibh-sc, Tèaruinn sinn, O Dhé ar slàinte, agus cruinnich r'a chéile sinn, agus saor sinn o na cinnich, a chum gu'n teir sinn moladh do t'ainm naomhsa, agus gu'n dean sinn uail ann ad chliù.

36 Beannaichte gu robh an Tighearna Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearn.

37 Agus dh'fhàg e an sin fa chomhair àirce còmhcheangail an Tighearn, Asaph agus a bhràithrean, a flurithealadhair beul-aobh na h-àirce an còmhnuidh, mar a

dh'iarraidh obair gach là:

38 Agus Obed-edom, agus am bràithrean, ochd agus trì-fichead: Obed-edom mar an ceadna, mac Iedutuinn, agus Hosah, 'nan dorsairibh:

39 Agus Sadoc an sagart, agus a bhràithrean na sagairt, fa chomhair pàilliun an Tighearn, anns an àit àrd a *bh'* ann an Gibeon,

40 A dh'ìobradh ìobairte-loisgte do'n Tighearn air altair na h-ìobairte-loisgte a ghnàth, sa' mhaduinn agus san fheasgar, agus a *dheanamh* a réir gach ni a ta sgriobhta ann an lagh an Tighearn, a dh'àithn e do Israel:

41 Agus maille riu-san Heman agus Iedutun, agus a' chuid eile a thaghadh, a ghairmear⁷ air an ainmibh, a thoirt cliù⁸ do'n Tighearn, a chionn gu *bheil* a thròcair bith-bhuan:

42 Eadhon maille riu-san Heman agus Iedutun le trompaidibh, agus le ciombal-aibh, a' deanamh fuaim⁹, agus le h-inne-ealaibh ciuil Dé: agus *bha* mic Iedutuinn 'nan dorsairibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bheannachadh a thighe féin.

CAIB. XVII.

1 *Thoirmsig Natan do Dhaibhidh tigh a thogail do Dhia.* 11 *Fhuair Daibhidh gealladh air beannachdaibh àraidh 'na shliochd.* 16 *'Urnuigh agus a laoidh mhòlaidh.*

ANIS an uair a bha Daibhidh 'na A shuidhe 'na thigh, thubhairt Daibhidh ri Natan am fàidh, Feuch, *tha* mise a'm' còmhnuidh ann an tigh seudair¹⁰, ach *tha* àirce còmhcheangail an Tighearna fuidh chùirteibh.

2 Agus thubhairt Natan ri Daibhidh, Dean gach ni a *tha* ann ad chridhe; oir *tha* Dia leat.

3 Agus air an oidheche sin féin thàinig focal Dhé gu Natan, ag ràdh,

4 Falbh agus innis do m'òglach Daibhidh, Mar so tha'n Tighearn, ag ràdh, Cha tog thu sa dhomhsa tigh gu còmhnuidh ghabhail ann:

5 Oir cha do ghabh mise còmhnuidh ann an tigh o'n là air an d'thug mi nìos Israel as an Eiphit¹¹ gus an là'n diugh, ach bha mi o bhùth gu bùth, agus o phàilliun gu pàilliun.

6 Ge b'e taobh a chaidh mi le h-Israel uile, an do labhair mi focal ri h-aon do bhreitheamhaibh Israeil, (d'an d'àithn mi mo shluagh a bheathachadh,) ag ràdh, C'ar son nach do thog sibh dhomh tigh seudair?

¹ foirneart.

² a thalaimh.

³ faoin.

⁴ nan sluagh.

⁵ Faic Salm, XCVI. r. 9, 10.

⁶ Thugaibh buidheachas do'n Tighearn.

⁷ a dh'ainmicheadh, a shònraicheadh.

⁸ buidheachais.

⁹ fa'n chomhair-san d'am

buidheach fuaim a dheanamh.

¹⁰ ceudair.

¹¹ H. Samuël, Caib. VII. r. 6.

I. EACHDRAIDH, XVII. XVIII.

7 A nis uime sin mar so their thu ri m' sheirbhiseach Daibhidh, Mar so tha Tighearna nan sluagh ag ràdh, thug mi thu o chrò nan caorach, o leantuinn nan caorach, gu bhì d' cheannard air mo shluagh Israel:

8 Agus bha mi leat gach taobh a chaidh thu, agus ghearr mi as do naimhdean uile romhad, agus rinn mi dhuit ainm cosmhuil ri ainm nan daoine mòra a tha air an talamh.

9 Agus dh'orduich¹ mi àite do m' shluagh Israel, agus shuidhich mi iad, agus gabhaidh iad còmhnuidh 'nan àit, agus cha ghluaisear iad tuilleadh; cha mhò a chlaoidheas clann na h-aingidheachd iad tuilleadh, mar an toiseach,

10 Agus o'n àm san d'àithn mi do bhreitheamhnaibh *bhì* os ceann mo shluagh Israel: agus ceannsaichidh mi do naimhdean uile. Mar an ceudna tha mi 'g innseadh dhuit gu'n tog an Tighearna tigh dhuit.

11 Agus an uair a choimhlonar do làithean, agus gur éigin duit triall maille ri d'aithrichibh, togaidh mise suas do shliochd a'd' dhéigh, a bhios do d' mhac-aibh; agus daingnichidh mi a rioghachd-san.

12 Togaidh esan tigh dhomh, agus daingnichidh mi a righ-chaithir gu bràth. 13 Bithidh mi a'm' athair dha, agus bithidh esan 'na mhac dhomhsa, agus cha toir mi mo thròcair air falbh uath, mar a thug mi uaithsan a bha romhad-sa.

14 Agus suidhichidh mi e ann am thigh agus ann am rioghachd gu bràth; agus bithidh a righ-chaithir daingean gu bràth.

15 A réir nam briathra so uile, agus a réir an taisbein so uile, mar sin labhair Natan ri Daibhidh.

16 An sin chaidh righ Daibhidh a stigh, agus shuidh e am fianuis an Tighearn, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

17 Agus bu bheag so a'd' shuilibh-sa, O Dhé, oir labhair thu *mar an ceudna* mu thigh do sheirbhisich rè aimsir fhada ri teachd, agus thug thu meas² orm a réir staid duine àrd-inbhich, a Thighearna Dhé.

18 Ciod tuilleadh is urrainn Daibhidh a ràdh³ riut, air son urrainn do sheirbhisich? ach is aithme dhuit do sheirbhiseach.

19 A Thighearn, is ann air son do sheirbhisich⁴, agus a réir do chridhe féin a rinn thu na nithe mòra so uile, a chum

gu'n deanadh tu na nithe mòra so gu léir aithnichte.

20 O Thighearna, cha 'n'èil neach an cosmhuil riutsa, agus cha 'n'èil Dia ann ach thusa, a réir gach nì a chuala sinn le'r cluasaibh.

21 Agus cia an cinneach air thalamh cosmhuil ri d' shluagh Israel, a chaidh Dia a shaoradh mar shluagh dha féin, a dheanamh ainme dhuit féin, a *dheanamh* nithe mòra agus uamhasach le cinnich fhògradh roimh do shluagh, a shaor thu as an Eiphit⁵?

22 Oir rinn thu do shluagh Israel 'nan sluagh dhuit féin gu bràth; agus tha thusa, a Thighearn, a'd' Dhia aca.

23 A nis ma ta, a Thighearn, am focal a labhair thu mu thimchioll do sheirbhisich, agus mu thimchioll a thighe, daing-nichear e gu bràth, agus dean mar a thubhairt thu.

24 Biodh e eadhon air a dhaingneachadh, agus àrdaichear t'ainm-sa gu bràth, ag ràdh, *Is e* Tighearna nan sluagh Dia Israeil, *is* Dia do Israel: agus *biodh* tigh Dhaibhidh do sheirbhisich air a dhaingneachadh a'd' fhianuis.

25 Oir dh'fhoillsich⁶ thusa, O mo Dhia, do d' sheirbhiseach, gu'n togadh tu tigh dha: uime sin fhuair do sheirbhisich *'na chridhe* urnuigh a dheanamh a'd' làthair.

26 Agus a nis, a Thighearn, *is* tu féin Dia, agus gheall thu do d' sheirbhiseach am maithreas so.

27 A nis uime sin, gu ma toil leat tigh do sheirbhisich a bheannachadh, a chum gu'm bi e gu bràth a'd' fhianuis: oir an uair a bheannaicheas thusa, a Thighearna, beannaichte *bithidh* e gu bràth.

CAIB. XVII.

1 *Ceannsaich Daibhidh na Philistich, agus thug e na Moabaich fo chàis.* 3 *Bhuail e Hadadeser agus na Sirianaich.* 9 *Chuir Tou a mhac le tioldlacuibh a dh'ionnsuidh Dhaibhidh.* 13 *Chuir Daibhidh freiceadain ann an Edom.* 15 *A luchd-dreuchd.*

AGHUS an déigh so bhuail Daibhidh na Philistich, agus cheannsaich e iad; agus ghlac e Gat agus a bhaile beaga à làimh nam Philisteach.

2 Agus bhuail e Moab; agus bha na Moabaich 'nan seirbhisich aig Daibhidh, agus thug iad tabhartais leo⁷.

3 Agus bhuail Daibhidh Hadadeser⁸ righ Shobah gu ruig Hamat, an uair a chaidh e a dhaingneachadh a thighearnais⁹ aig amhainn Euphrates.

4 Agus thug Daibhidh uath mìle carbad, agus seachd mìle marach, agus fichead mìle coisiche: agus ghearr Daibhidh

¹ orduichidh. ² dh'amhaire thu. Eabh.

³ Faic II. Samuel, Caib. VII. r. 20.

⁴ air son t'fhocail. II. Samuel, Caib. VII. r. 21.

⁵ II. Samuel, Caib. VII. r. 23.

⁶ dh'innis.

⁷ dh'ic iad cìs dha.

⁸ Hadadeser.

⁹ a làimhe. Eabh.

I. EACHDRAIDH, XVIII. XIX.

speireacha *each* nan carbad uile, ach dh'fhàg e dhiubh *diol* cheud carbad.

5 Agus an uair a thàinig Sirianaich Dhamascuis a chuideachadh le Hadareseir rìgh Shobah, mharbh Daibhidh do na Sirianaich dà mhìle fichead fear.

6 An sin chuir Daibhidh freiceadain¹ ann an Siria Dhamascuis; agus bha na Sirianaich 'nan seirbhisich aig Daibhidh, agus thug iad tabhartais leo. Agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'air seirbhisich Hadareseir, agus thug e iad gu h-Ierusalem.

8 Agus o Thibat agus o Chum, bailtibh Hadareseir, thug Daibhidh ro mhòran umha, leis an d'rinn Solamh an fhairge umha, agus na puist, agus na soithichean umha.

9 Agus an uair a chuala Tou² rìgh Hamait gu'n do bhuail Daibhidh uile shluagh Hadareseir ribh Shobah,

10 Chuir e Hadoram a mhac gu rìgh Daibhidh, a chur fàilte air, agus g'a bheannachadh, a chionn gu'n do chog e 'n aghaidh Hadareseir, agus gu'n do bhuail se e; (oir bha Hadareseir a' cogadh ri Tou:) agus leis-san gach uile ghnè shoithichean òir, agus airgid, agus umha.

11 Iad sin mar an ceudna choisrig rìgh Daibhidh do'n Tighearna, maille ris an airgid agus an òr a thug e o na cinn-eachaibh so uile; o Edom, agus o Mhoab, agus o chloim Amoin, agus o na Philistich, agus o Amalec.

12 Os bàrr, mharbh Abisai mac Sheruiah do na h-Edomaich ann an gleann an t-salainn ochd mìle deug.

13 Agus chuir e freiceadain ann an Edom; agus bha na h-Edomaich uile 'nan seirbhisich aig Daibhidh. Agus ghléidh an Tighearna Daibhidh gach taobh a chaidh e.

14 Agus rìghich Daibhidh air Israel uile; agus bha e a' cur an gnìomh breitheanaidh agus ceartais d'a shluagh uile.

15 Agus bha Ioab mac Sheruiah os ceann na h-armailte; agus Iehosaphat mac Ahiluid 'na sheanachaidh;

16 Agus Sadoc mac Ahitub, agus Ahimelech³ mac Abiatair 'nan sagartaibh; agus Sabhsa 'na sgrìobhaiche;

17 Agus Benaiah mac Iehoiada os ceann nan Cereteach, agus nam Peleteach. Agus b'iad mic Dhaibhidh bu mhò inbhe mu thimchioll an rìgh.

CAIB. XIX.

1 Bhui Hanun gu h-aingidh ri teachdairibh Dhaibhidh. 6 Bhuail Ioab clann Amoin agus na Sirian-

aich a thainig g'an còmhnaidh. 17 Cheannsaich Daibhidh na Sirianaich.

A GUS an déigh so shuair Nahas rìgh A' chloinn Amoin bàs, agus rìghich a mhac 'na àit.

2 Agus thubhairt Daibhidh, Nochdaidh⁴ mi caoimhneas do Hanun mac Nahais, a chionn gu'n do nochd 'athair-san caoimhneas dhomhsa. Uime sin chuir Daibhidh teachdairean gu comhfhurtachd⁵ a thoirt da mu thimchioll 'athar: agus thàinig seirbhisich Daibhidh do fhearann chloinn Amoin gu Hanun, chum comhfhurtachd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do t'athair a chuir Daibhidh a d' ionnsuidh luchd comhfhurtachd? nach ann a rannsachadh, agus a ghabhail beachd air an fhearann, agus g'a sgrios⁶, a thàinig a sheirbhisich a d' ionnsuidh?

4 Uime sin ghlac Hanun seirbhisich Dhaibhidh, agus bhearr e iad, agus g'hearr e an eudach sa' mheadhon, gu ruig am màsan; agus chuir e air falbh iad.

5 Agus chaidh daoine, agus dh'innis iad do Dhaibhidh mar a bhuineadh ris na fearaibh; agus chuir esan teachdairean 'nan coimeamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs bhur feusag, agus an sin pillibh.

6 Agus an uair a chunnaic clann Amoin gu'n d'rinn siad iad féin gràineil⁷ do Dhaibhidh, chuir Hanun agus clann Amoin mìle tàlann airgid a thuarasdalachadh charbad agus marc-shluaigh dhoibh á Mesopotamia, agus á Siria-maachah, agus á Sobah.

7 Agus thuarasdalaich iad dà mhìle dheug-thar fhichead fear, agus carbadan⁸, agus rìgh Mhaachah agus a shluagh; agus thàinig iadsan agus champaich iad fa chomhair Mhedeba. Agus chruinnich clann Amoin iad féin an ceann a chéile as am bailtibh, agus thàinig iad chum catha.

8 Agus an uair a chuala Daibhidh sin, chuir e mach Ioab, agus uile fheachd⁹ nan daoine treuna.

9 Agus thàinig clann Amoin a mach, agus chuir iad an cath an ordugh fa chomhair geata a' bhaile: agus bha na rìghrean a thàinig, leo féin anns a' mhach-air.

10 Agus an uair a chunnaic Ioab gu'n robh aghaidh a' chatha ris air a bheul-aobh, agus air a chùlaobh, thagh e mach cuid do uile dhaoineibh taghta Israeil, agus chuir e ann an ordugh catha iad an aghaidh nan Sirianach.

¹ II. Samuel, Caib. VIII. r. 6.

² Toi. ³ Abimelech.

⁴ Feuchaidh. ⁵ sòlas.

⁶ g'a chur bun os ceann. II. Samuel, Caib. X. r. 3.

⁷ fuathach.

⁸ dà mhìle dheug-thar fhichead carbad.

⁹ armailt, shluagh.

11 Agus a' chuid eile do'n t-sluagh thug e thairis do làimh Abisai a bhràthar, agus chuir iadsan *iad féin* an ordugh an aghaidh chloinn Amoin. 2

12 Agus thubhairt e, Ma bhios na Sirianaich nì's treise na mise, an sin cuidichidh tusa leansa: ach ma bhios clann Amoin nì's treise na thusa, an sin cuidichidh mise leatsa.

13 Bi misneachail, agus biomaid gaisgeil air son ar sluagh, agus air son bhailtean ar Dé: agus deanadh an Tighearn an *ni a ta* maith 'na shùilibh.

14 Agus thàinig Ioab am fagus, agus an sluagh a *bha* maille ris, an aghaidh nan Sirianach gu cath; agus theich iad roimhe.

15 Agus an uair a chunnaic clann Amoin gu'n do theich na Sirianaich, theich iadsan mar an ceudna roimh Abisai a bhràthair, agus chaidh iad a steach do'n bhaile. An sin thàinig Ioab gu h-Ierusalem.

16 Agus an uair a chunnaic na Sirianaich gu'n do bhuailleadh iad roimh Israel, chuir iad teachdairean uatha, agus thug iad a mach na Sirianaich a *bh'*air an taobh thall do'n amhainn; agus chaidh Sophach ceannard armailte Hadarescir rompa.

17 Agus an uair a dh'innseadh sin do Dhaibhidh, chruinnich e Israel uile, agus chaidh e thar Iordan, agus thàinig e orra, agus chuir e'n *cath* an ordugh 'nan aghaidh. Agus an uair a chuir Daibhidh an cath an ordugh an aghaidh nan Sirianach, chog iad ris.

18 Agus theich na Sirianaich roimh Israel; agus mharbh Daibhidh do na Sirianaich *fir* sheachd mìle carbad, agus dà fhiehead mìle coisiche, agus mharbh e Sophach ceannard-na h-armailte.

19 Agus an uair a chunnaic seirbhisich Hadarescir gu'n do bhuailleadh iad roimh Israel, rinn iad sìth ri Daibhidh, agus rinn iad seirbhis da: agus cha chuidicheadh na Sirianaich le cloinn Amoin tuilleadh.

CAIB. XX.

1 *Theannaich Ioab Rabah*: 2 *Chreach Daibhidh am baile, agus bhuin e gu cruaidh r'a shluagh.* 4 *Mharbhadh trìuir fhamhairean.*

AGUS aig teachd mu'n cuairt na bliadhna, mu'n àm anns an téid righean a mach *gu cogadh*, tharruing Ioab a mach near an airm, agus chuir e fàs dùthaich chloinn Amoin, agus thàinig e agus theannaich e Rabah; (ach dh'fhan Daibhidh ann an Ierusalem;) agus bhuail Ioab Rabah, agus gsrìos se e.

2 Agus thug Daibhidh crùn an rìgh bhàrr a chinn, agus fhuair e cudthrom tàlainn òir ann, agus *bha* clacha luachmhor ann; agus chuireadh e air ceann Dhaibhidh; agus thug e mach ro mhòran creiche as a' bhaile.

3 Agus thug e mach an sluagh a *bha* ann, agus ghearr e *iad* le sàbhaibh, agus le h-innealaibh-bualaidh¹ iarunn, agus le tuaghaibh: agus mar so bhuin Daibhidh ri uile bhailtibh chloinn Amoin. Agus phill Daibhidh agus an sluagh uile gu h-Ierusalem.

4 Agus 'na dhéigh so dh'éirich cogadh ann an Geser ris na Philistich: an sin bhuail Sibeichai an t-Husatach Sipai a *bha* do shliochd an fhamhair; agus cheannsaicheadh iad.

5 Agus bha ris cogadh ris na Philistich; agus bhuail Elhanan mac Iair Lahmi, bràthair Gholiath a' Ghithich, aig an robh crann a shleagha mar gharmain² fighead-air.

6 Agus bha fathast cogadh ann an Gat, far an robh fear do mheudachd, *mhoir*, agus sè meoir aige *air gach làimh*, agus sè *air gach cois*, ceithir thar fhichead an àireamh: agus rugadh esan mar an ceudna do'n fhamhair.

7 Ach an uair a thug e dùbhlán do Israel, mharbh Ionatan mac Shimca, bràthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a sheirbhiseach.

CAIB. XXI.

1 *Chuir Daibhidh Ioab gu Israel àireamh*: 7 *Mhithaitinn an nì so ri Dia*: 8 *Dh'aidich Daibhidh a pheacadh.* 10 *Do na trì nithibh a chuir Dia fa' chomhair ròghnaich e a' phlàigh.* 16 *Rinn Daibhidh cadar-ghuidhe air son a t-sluagh.* 18 *Cheannaich e urlar-bualaidh Ornain.*

AGUS sheas Satan suas an aghaidh gu Isracil, agus bhrosnuich e Daibhidh gu Israel àireamh.

2 Agus thubhairt Daibhidh ri Ioab, agus ri uachdaranaibh an t-sluaigh, Rachaidh, àirmhibh Israel o Bheer-seba eadhon gu Dan; agus thugaibh an àireamh a m' ionnsuidh-sa, chum gu'm bi fios agam air.

3 Agus fhreagair Ioab, Gu'n deanadh an Tighearn a shluagh féin ceud uair nì's lionmhoire na *tha* iad. Ach, mo thighearn a rìgh, nach iad seirbhisich mo thighearn iad uile? C'ar son ma seadh a tha mo thighearn ag iarraidh an nì so? C'ar son a bhios e 'na aobhar cionta do Israel?

4 Gidheadh, bhuaidhaich focal an rìgh an aghaidh Ioab: uime sin dh'imich Ioab, agus chaidh e air feadh Israeil uile, agus thàinig e gu h-Ierusalem.

5 Agus thug Ioabuibhir àireimh an t-sluaigh do Dhaibhidh: agus bha ann do Israel uile, mìle do mhiltibh agus ceud mìle fear a tharruing claidheamh; agus do Iudah, ceithir cheud agus deich agus trì fichead mìle fear a tharruing claidheamh.

6 Ach Lebhi agus Benjamin cha d'àir-

¹ cliathaibh.

² shail.

I. EACHDRAIDH, XXI.

eamh e 'nam measg; oir bha focal an rìgh gràineil do Ioab.

7 Agus mhi-thaitinn an nì so ri Dia; uime sin bhuaile e Israel.

8 Agus thubhairt Daibhidh ri Dia, Pheacaich mi gu mòr, a chionn gu'n d'rinn mi an nì so; ach a nis, guidheam ort, thoir air falbh cionta do sheirbhisich; oir rinn mi gu ro amaideach.

9 Agus labhair an Tighearna ri Gad, fear-seallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearna, ag ràdh, Tri *nìthe* tha mi cur fa d' chomhair; roghnaich dhuit féin aon diubh, chum gu'n dean mi dhuit *e*.

11 Agus thàinig Gad a dh'ionusuidh Dhaibhidh, agus thubhairt e ris, Mar so tha'n Tighearna ag ràdh, Gabh do rogh-ainn.

12 Aon chuid trì bliadhna gortaidh; no bhì trì mìosan a' teicheadh¹ roimh do naimhdbh, agus claidheamh do naimh-dean a' breith ort; no trì làithean do chlaidheamh an Tighearna, eadhon do'n phlàigh, anns an fhearann, agus aingeal an Tighearna a' sgrios air feadh uile chrìoch-an Israeil: a nis uime sin faic cìod a fhreagaireas mi dhàsan a chuir uaithi mi.

13 Agus thubhairt Daibhidh ri Gad, *Tha* mi ann an teinn mhòir: tuiteam a nis ann an làimh an Tighearna, oir is ro lìonmhor a thròcairean; ach ann an làimh duine na tuiteam.

14 Agus chuir an Tighearna plàigh air Israel: agus thuit do Israel deich agus trì fichead mìle fear.

15 Agus chuir Dia aingeal gu h-Ierusalem, chum a sgrios: agus an uair a bha e a' sgrios, dh'amhairc an Tighearna, agus ghabh e aithreachas a thaobh an uile, agus thubhairt e ris an aingeal a bha ri sgrios, *Is leòr e*; cum a nis air do làimh. Agus sheas aingeal an Tighearna làimh ri urlar-bualaidh Ornain² an Iebusaich.

16 Agus thog Daibhidh suas a shùilean agus chunnaic e aingeal an Tighearna 'na sheasamh eadar talamh agus nèamh, agus a chlaidheamh rùisgte 'ua làimh, sìute mach os ceann Ierusalem: agus thuit Daibhidh agus sèanairean *Israeil*, còmh-daichte le saic-eudach, sìos air an aghaidh.

17 Agus thubhairt Daibhidh ri Dia, Nach mise a dh'àithn an sluagh àireamh? Is mise féin a pheacaich, agus a rinn gu ro olc; ach na caoraich so, cìod a rinn iadsan? Bitheadh do làmh, guidheam ort, a Thighearna mo Dhia, a m' aghaidh-sa, agus an aghaidh tighe m'athar; ach an aghaidh do shluaigh na *bitheadh i*, gu plàigh a chur orra.

18 An sin dh'àithn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n Tighearna ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tigh-earna.

20 Agus thionndaidh Ornain air ais, agus chunnaic e an t-aingeal³; agus dh'fholaich a cheathrar mhac, a *bha* maille ris, iad féin. A nis bha Ornain a' bualadh cruith-neachd.

21 Agus an uair a thàinig Daibhidh a dh'ionnsuidh Ornain, dh'amhairc Ornain agus chunnaic e Daibhidh, agus chaidh e mach as an urlar-bhualaidh, agus chrom se e féin do Dhaibhidh le 'aghaidh gu làr.

22 An sin thubhairt Daibhidh ri Ornain, Thoir dhomhsa àit an urlar-bhualaidh so, a chum gu'n tog mi altair ann do'n Tighearna: air a làn luach⁴ bheir thu dhomh e, a chum gu'n caisgear a' phlàigh o'n t-sluagh.

23 Agus thubhairt Ornain ri Daibhidh, Gabh thugad⁵ e, agus deanaidh mo thùgh-carn an rìgh an *nì a ta* maith 'na shùilbh: feuch, tha mi toirt a' bhuair *dhuit* chum iobairtean-loisgte, agus nan innealan-bualaidh chum connaidh, agus a' chruith-neachd chum tabhartais-bidh; sin uile tha mi toirt *duit*.

24 Agus thubhairt rìgh Daibhidh ri Ornain, Nì h-eadh, ach gu deimhin ceannaichidh mi *iad* air an làn luach; oir cha ghabh mi an *nì a's* leatsa *gu thoirt* do'n Tighearna, agus cha toir mi suas iobairtean-loisgte gun chostus.

25 Uime sin thug Daibhidh do Ornain air an àite, sè ceud secel òir air thomhas.

26 Agus thog Daibhidh an sin altair do'n Tighearna, agus dh'ìobair e iobairte-loisgte agus iobairte-sith, agus ghairm e air an Tighearna; agus fhreagair se e le teine o nèamh air altair na h-iobairte-loisgte.

27 Agus dh'àithn an Tighearna do'n aingeal; agus chuir e suas a chlaidheamh a ris 'na thruaill.

28 San àm sin, an uair a chunnaic Daibhidh gu'n do fhreagair an Tighearna e ann an urlar-bualaidh Ornain an Iebusaich, dh'ìobair e an sin:

29 Oir *bha* pàillinn an Tighearna a rinn Maoissan fhàsach, agus altair na h-iobairte-loisgte san àm sin anns an àit àrd ann an Gibeon.

30 Ach cha b'urraim Daibhidh dol 'na làthair, a dh'fhiosrachadh do Dhia; oir bha e fuidh eagal air son claidheimh aingil an Tighearna.

¹ air do chlaoidh. Faic II. Samuel, Caib. XXIV. r. 13.

² Araunah. II. Samuel, Caib. XXIV. r. 16.

³ an rìgh.

⁵ chugad.

⁴ làn airgid. Eabh,

I. EACHDRAIDH, XXII. XXIII.

CAIB. XXII.

1 *Dh'ulluich Daibhidh gu pàilt air son tìghe an Tighearn.* 6 *Theagatg e do Sholamh a dhleasdanas, agus geallama Dhé d'a thaobh.* 17 *Thug e àithne do uachdaranaibh Israeil iad a chuideachadh le Solamh.*

AGUS thubhairt Daibhidh, *Is e so*¹ tigh an Tighearna Dé, agus *is i so* altair na h-ìobairt-loisgte do Israel.

2 Agus dh'àithn Daibhidh na coigrich a bha ann am fearann Israeil a chruinneachadh an ceann a chèile; agus chuir e clachairean a ghearradh chlach snaidhte a thogail tìghe Dhé.

3 Agus sholair Daibhidh iarunn ann am pailteas chum tairngean do chomhlaidh² nan geata, agus a chum nan dlùth-adh; agus unha ann am pailteas, gun tomhas;

4 Agus fiodh seudair gun àireamh, oir thug na Sidonaich agus muinntir Thiruis fiodh seudair am pailteas a dh'ionnsuidh Dhaibhidh.

5 Agus thubhairt Daibhidh, Tha Solamh mo mhac òg agus maoth; agus an tigh *a tha ri* thogail do'n Tighearn, *is còir* a dheanamh mòr agus àrd³, a chum gu'm bi e ainmeil agus 'na aobhar uail air feadh gach uile thir: uime sin ulluichidh mise fa chomhair. Agus dh'ulluich Daibhidh gu pàilt roimh a bhàs.

6 Agus ghairm e air Solamh a mhac, agus dh'àithn e dha tigh a thogail do'n Tighearna Dia Israeil.

7 Agus thubhairt Daibhidh ri Solamh, A mhic, air mo shonsa dheth, bha ann am aire tigh a thogail do ainm an Tighearna mo Dhé:

8 Ach thàinig focal an Tighearn a m'ionnsuidh, ag ràdh, Dhòirt thu mòran fola, agus rinn thu coganna mòra: cha tog thu tigh do m'ainmsa, a chionn gu'n do dhòirt thu mòran fola air an talamh a m'fhianuis.

9 Feuch, beirear mac dhuìt: bithidh esan 'na dhuine foistinneach, agus bheir mise fois dha o'naimhdbh uile mu'n cuairt; oir bithidh Solamh mar ainm air, agus sìth agus suaimhneas bheir mise do Israel r'a linn-san.

10 Togaidh esan tigh do m'ainm-sa; agus bithidh e 'na mhac dhomh, agus *bithidh* mise a m'athair dha-san; agus daingnichidh mi rìgh-chaitir a rìoghachd os ceann Israeil gu bràth.

11 A nis uime sin, a mhic, gu'n robh an Tighearna maille riut, chum gu'n soirbhich thu, agus gu'n tog thu tigh an Tighearna do Dhé, mar a labhair e mu d' thimchioll.

12 A mhàin gu'n tugadh an Tighearna

dhuìt gliocas agus tuigse, agus gu'n tugadh e dhuìt àithne a thaobh Israeil, chum gu'n gléidh thu lagh an Tighearna do Dhé.

13 An sin soirbhichidh tu ma bheir thu 'n aire gu'n coimhlion thu na reachdan agus na breitheanas a dh'àithn an Tighearna do Mhaois a thaobh Israeil: bi làidir, agus biodh deadh mhisneach agad; na gabh eagal agus na bi fo uamhann.

14 A nis, feuch, ann am theanntachd⁴ dh'ulluich mise fa chomhair tìghe an Tighearna ceud mìle tàlann òir, agus mìle do mhùltibh tàlann airgid, agus do umha agus do iarunn gun tomhas: (oir a ta ro phailteas ann:) fiodh mar an ceudna agus clachan dh'ulluich mi; ach feudaidh tusa cur riut.

15 Mar an ceudna *tha* luchd-oibre am pailteas agad, snaidheadairean agus luchd saothreach cloiche agus fiodha, agus gach uile ghnè dhaoine tùrail⁵ fa chomhair gach gnè oibre.

16 Air an òr, an airgid, agus an umha, agus an iarunn, cha 'n *eil* àireamh. Eirich agus dean romhad, agus gu robh an Tighearna maille riut.

17 Dh'àithn Daibhidh mar an ceudna do uachdaranaibh Israeil gu léir, iad a chuideachadh le Solamh a mhac, *ag ràdh*,

18 Nach 'eil an Tighearna bhur Dia maille ribh? agus nach d'thug e dhuibh suaimhneas⁶ air gach taobh? oir thug e luchd-àiteachaidh na tìre a m' àimh-sa; agus tha'n tìr air a cìosnachadh roimh an Tighearn, agus roimh a shluagh.

19 A nis uime sin socrachibh bhur cridhe agus bhur n-anam a dh'iarraidh an Tighearna bhur Dé: éiribhse agus togaibh ionad naomh an Tighearna Dé, chum gu'n toir sibh steach àire coimhcheangail an Tighearn, agus soithichean naomha Dhé, do'n tigh a tha r'a thogail do ainm an Tighearna.

CAIB. XXIII.

1 *Rinn Daibhidh, 'na shean aois, Solamh 'na rìgh.* 3 *Àireamh nan Lebhitheach.* 7 *Teaghlachan nan Gersonach.* 12 *Mic Chohait.* 21 *Mic Mhe-rari.* 24 *Dreuchd nan Lebhitheach.*

ANIS an uair a bha Daibhidh sean agus làn do làithibh, rinn e Solamh a mhac 'na rìgh air Israel.

2 Agus chruinnich e 'n ceann a chèile ceannardan⁷ Israeil, uile, agus na sagairt agus na Lebhitheach.

3 Agus dh'àirmheadh na Lebhitheach o aois dheich bliadhna fichead agus os a cheann: agus b'e an àireamh air an cinn, duin' air dhuine, ochd mìle deug thar fhichead.

¹ an so bithidh.

² dhorsaibh.

³ dheanamh ro mhòr.

⁴ bheachdainn, àmhghar.

⁵ glie, seòlta.

⁶ fois.

⁷ uachdarain.

4 Dhiubh sin *bha* ceithir mìle fichead gu obair tìghe an Tighearn a chur air a h-aghaidh, agus sè mìle 'nan luchd-riaghlaidh agus 'nam breitheamhnaibh :

5 Agus ceithir mìle 'nan dorsairibh; agus ceithir mìle a' clùthachadh an Tighearna leis na h-innealaibh a rinn *Daibhidh*¹ gu clùthachadh.

6 Agus roinn Daibhidh iad 'nan roinnibh² cadar mhacaibh Lebhi, *eadhon* Ghersoin, Chohait, agus Mherari.

7 Do na Gersonaich; Laadan agus Simeì.

8 Mic Laadain; Iehiel an ceann, agus Setam, agus Ioel, triuir.

9 [Mic Shimeì; Selomit, agus Hasiel, agus Haran, triuir.] B'iad sin cinn aithriche Laadain.

10 Agus mic Shimeì; Iahat, Sidsa³, agus Ieus, agus Beriah. B'iad sin mic Shimeì, ceathrar.

11 Agus b'e Iahat an ceann, agus Sidsa an dara fear: ach cha robh mòran mhac aig Ieus agus Beriah; uime sin bha iad ann an aon àireamh, a réir tìghe an aithriche.

12 Mic Chohait; Amram, Itsar, Hebron, agus Udsiel, ceathrar.

13 Mic Amram; Aaron agus Maois; agus dhealaicheadh Aaron chum gu'n naomhaicheadh e na nithe ro naomha, e féin agus a mhic gu bràth, gu'n loisgeadh e tùis an làthair an Tighearna, gu'm frith-eileadh e dha, agus gu'm beannaicheadh e 'aunm gu bràth.

14 A nis *mu thimchioll* Mhaois òglaich Dhé, bha a mhic air an ainmeachadh do thréibh Lebhi.

15 Mic Mhaois; Gersom agus Elieser.

16 Mic Ghersoin; Sebul an ceann.

17 Agus b'iad mic Elieser, Rehabiah an ceann. Agus cha robh aig Elieser mic sam bith eile; ach bha mic Rehabiah ro lionmhor.

18 Mic Itsar; Selomit an ceann.

19 Mic Hebroin: Ieriah an ceud *fhear*⁴, Amariah an dara, Iahasiel an treas, agus Iecameam an ceathramh.

20 Mic Udsiel; Micah an ceud *fhear*, agus Iesiah an dara.

21 Mic Mherari; Machli agus Musi: mic Mhachli; Eleasar agus Cis.

22 Agus fhuair Eleasar bàs, agus cha robh mic aige, ach a mhàin nighcanan: agus ghabh am bràithre mic Chis iad.

23 Mic Mhusi; Machli, agus Eder, agus Ieremot, triuir.

24 B'iad sin mic Lebhi, a réir tìghe an aithriche, cinn nan aithriche, mar a dh'àirmheadh iad le àireamh an ainmean air an cinn, a rinn obair seirbhis tìghe an Tighearn, o aois fhichead bliadhna agus os a cheann.

25 Oir thubhairt Daibhidh, Tha'n Tighearna Dia Israeil air toirt fois d'a shluagh, agus gabhaidh iad còmhuidh ann an Ierusalem gu bràth.

26 Agus mar an ceudna a thaobh nan Lebhitheach, cha *bhi* 'm pàilliu aca *ni's mò* r'a iomchar, agus uile shoithichean a sheirbhis.

27 Oir le briathraibh deireannach Dhaibhidh dh'àirmheadh na Lebhitich o aois fhichead bliadhna agus os a cheann:

28 A chionn gu'm *b'e* an dreuchd-san bhi fuidh làimh mhac Aaroin, fa chomhair seirbhis tìghe an Tighearn, anns na cuirtibh, agus anns na seòmraichibh, agus ann an glanadh nan uile nithe naomha, agus ann an obair seirbhis tìghe Dhé;

29 Araon fa chomhair an arain thais-beanta, agus fa chomhair na mine mine chum tabhartais-bidh, agus fa chomhair nam breacagan neo-ghoirtichte, agus fa chomhair nan nithe a dheasaichear san aghann agus a ròistear, agus fa chomhair gach uile ghnè tomhais agus meud;

30 Agus a chum seasamh gach maduinn a thoirt buidheachais agus clù do'n Tighearn, agus mar an ceudna mu fheasgar;

31 Agus a chum gach iobairt-loisgte thoirt suas do'n Tighearn, air na sàbaidibh, agus air na gealaichibh nuadh⁵, agus air na féilibh suidhichte, ann an àireamh, a réir na riaghailt a dh'àithneadh dhoibh a ghnàth an làthair an Tighearn.

32 Agus a chum gu'n gleidheadh iad cùram pàilliu a' choimhthionail, agus cùram an ionaid naomh, agus cùram mhac Aaroin am bràithrean, ann an seirbhis tìghe an Tighearna.

CAIB. XXIV.

1 Roinneadh mic Aaroin le crannchur 'nan ceithir buidhneibh thar fhichead. 20 Roinneadh a' chuid eile do mhacaibh Lebhi le crannchur.

A GUS is iad so roinnean mhac Aaroin. Mic Aaroin; Nadab, agus Abihu, Eleasar, agus Itamar.

2 Ach fhuair Nadab agus Abihu bàs roimh an athair, agus cha robh clann aca: uime sin fhrith-eil Eleasar agus Itamar ann an dreuchd an t-sagairt.

3 Agus roinn Daibhidh iad, araon Sado do mhacaibh Eleasair, agus Ahimelech do mhacaibh Itamair, a réir an àireimh 'nan seirbhis.

4 Agus fhuaradh⁶ mic Eleasair ni's lion-mhoire 'nam prìomh-dhaoineibh⁷ na mic Itamair; agus mar so roinneadh iad: Do mhacaibh Eleasair *bha* sè prìomh-dhaoine⁸ deug, a réir tìghe an aithriche; agus do mhacaibh Itamair ochdnar, a réir tìghe an aithriche.

¹ a rinn mise, (arsa Daibhidh.)
² nam buidhneibh mu'n seach.

³ Sina.

⁴ an ceann. Eabh.

⁵ nomha.

⁶ fhuaras.

⁷ nan ceannaibh dhaoine. Eabh.

⁸ ceanna.

I. EACHDRAIDH, XXIV. XXV.

5 Agus roinneadh iad le crannchur, iad so leo sin; oir bha uachdarain an ionaid naoimh, agus uachdarain nam breitheamh¹, do mhacaibh Eleasair agus do mhacaibh Itamair.

6 Agus sgrìobh Semaiah mac Netaneeil an sgrìobhaiche, *duine* do na Lebhithich iad, am fianuis an rìgh, agus nan uachdaran, agus Shadoic an t-sagairt, agus Ahimeleich mhic Abitair, agus cheann aithriche nan sagart agus nan Lebhith-each; aon plìomh-thigh² air a ghabhail air son Eleasair, agus aon air a ghabhail air son Itamair.

7 Agus thàinig a' cheud chrann a mach do Iehoiarib, an dara do Iedaiah,

8 An treas do Harim, an ceathramh do Sheorim,

9 An cùigeadh do Mhalchiah, an sèthadhadh do Mhiamin,

10 An seachdamh do Hacots, an t-ochdamh do Abiah,

11 An naothadh do Iesua, an deicheamh do Shecaniah,

12 An t-aon deug do Eliasib, an dara crann deug do Iacim,

13 An treas deug do Chupah, an ceathramh deug do Iesebeab,

14 An cùigeadh deug do Bhiilgah, an sèthadhadh deug do Imer,

15 An seachdamh deug do Hedsir, an t-ochdamh deug do Aphoneses,

16 An naothadh deug do Phctahiah, am ficheadamh do Iehesecel,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhelaiah, an ceathramh thar fhichead do Mhaasiah.

19 *B'e* sin an àireamh a réir an seirbhis chum teachd a steach do thigh an Tighearn, a réir an gnàtha, fuidh làimh Aaroin an athar, mar a dh'àithn an Tighearna Dia Israeil dha.

20 Agus a thaobh a' chuid eile do mhacaibh Lebhi: do mhacaibh Amrain; Subael³: do mhacaibh Shubaeil; Iehdeiah.

21 A thaobh Rehabiah: do mhacaibh Rehabiah, an ceud fhear⁴ Isiah.

22 Do na h-Itsaraich; Selomot: do mhacaibh Shelomoti; Iahat.

23 Agus mic Hebroin; Ieriah *an ceud fhear*, Amariah an dara, Iahasiel an treas, Iecameam an ceathramh.

24 Do mhacaibh Udsieil; Michah: do mhacaibh Mhichah; Samir.

25 *B'e* bràthair Mhichah Isiah: do mhacaibh Isiah; Sechariah.

26 *B'iad* mic Mherari, Machli agus Musi: [mic Iaasiah; Beno.

27 Mic Mherari le Iaasiah: Beno, agus

Soham, agus Sachur, agus Ibrì.]

28 O Mhachli *thàinig* Eleasair, aig nach robh mic sam bith.

29 A thaobh Chis: mic Chis; Ierahmeel.
30 Agus mic Mhusi; Machli, agus Eder, agus Ierimot. *B'iad* sin mic nan Lebhith-each, a réir tighe an aithriche.

31 Agus chuir iad sin mar an ceudna crannchur fa chomhair am bràithre mhac Aaroin, am fianuis Dhaibhidh an rìgh, agus Shadoic, agus Ahimeleich, agus cheann aithriche nan sagart agus nan Lebhith-each, *eadhon* cinn nan aithriche fa chomhair am bràithrean a b'òige.

CAIB. XXV.

1 *Aireamh agus dreuchd an luchd-frithealaidh.*
8 Roinneadh iad le crannchur 'nan ceithir buidhneibh thar fhichead.

OS bàrr, chuir Daibhidh agus ceannardan an t-sluaigh air leth fa chomhair na seirbhis do mhacaibh Asaiph, agus Hemain, agus Iedutuinn, *daoine* an rìgh. agus fàidheadaireachd⁵, le clàrsaichibh, le saltairibh, agus le ciombalaibh. Agus b'e àireamh an luchd-frithealaidh, a réir an seirbhis:

2 Do mhacaibh Asaiph: Sachur, agus Ioseph, agus Netaniah, agus Asarelah, mic Asaiph, fuidh làimh Asaiph, a bha ri fàidheadaireachd a réir àithne an rìgh.

3 O Iedutun: mic Iedutuinn; Gedaliah, agus Seri, agus Iesaiah, *agus Simeì, agus Hasabiah*, agus Matitiah, seàthnar fuidh làimh an athar Iedutuinn, a bha ri fàidheadaireachd le clàrsaich a thoirt buidheachais agus cliù do'n Tighearn.

4 O Heman: mic Hemain; Buciah, Mataniah, Udsiel, Sebul, agus Ierimot, Hananiah, Hanani, Eliatah, Gidalti, agus Romamti-eser, Iosbecasah, Maloti, Hotir, Mahasiot:

5 *B'iad* sin uile mic Hemain, fhir seallaidh an rìgh, ann am briathraibh Dhé, chum an adharc a thogail suas. Agus thug Dia do Heman ceithir mic dheug agus trì nigheana.

6 Bha iad so uile fuidh làimh an athar, fa chomhair laoidhean tighe Dhé, le ciombalaibh, saltairibh, agus clàrsaichibh, chum seirbhis tighe Dhé, fuidh làimh an rìgh, Asaiph, Hemain, agus Iedutuinn⁶.

7 Agus b'e an àireamh maille r'am bràithrean, a fhuair iunnasachadh air laoidhibh an Tighearn, *eadhon* iadsan uile a bha tìrail, dà cheud ceithir fichead agus ochdnar.

8 Agus chuir iad crannchur, buidheann an aghaidh *buidhne*, ann beag co maith ris a' mhòr, an t-oid-iunsaich co mhaith ris an fhoghlumach.

¹ uachdarain Dhé. Eabh. ² thigh athar. Eabh.

³ Sebul. Caib. XXIII. r. 16.

⁴ ann ceann. Eabh.

⁵ a sheinneadh laoidhean faistneachd.

⁶ a réir àithne an rìgh do Asaph, Iedutun, agus Heman.

9 Agus thàinig an ceud crannchur a mach air Asaph, do Ioseph; an dara do Ghedaliah, dha féin agus d'a bhràithribh, agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isri¹, d'a mhacaibh agus d'a bhràithribh, dà fhear dheug:

12 An cùigeadh do Netaniah, d'a mhacaibh agus d'a bhràithribh, dà fhear dheug:

13 An sèathadh do Bhuciah, d'a mhacaibh agus d'a bhràithribh, dà fhear dheug:

14 An seachdamh do Iesarel², d'a mhacaibh agus d'a bhràithribh, dà fhear dheug:

15 An t-ochdamh do Icsaiah, d'a mhacaibh agus d'a bhràithribh, dà fhear dheug:

16 An naothadh do Mhataniah, d'a mhacaibh agus d'a bhràithribh, dà fhear dheug:

17 An deicheamh do Shimei, d'a mhacaibh agus d'a bhràithribh, dà fhear dheug:

18 An t-aon deug do Asareel³, d'a mhacaibh agus d'a bhràithribh, dà fhear dheug:

19 An dara crannchur deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhacaibh agus d'a bhràithribh, dà fhear dheug:

21 An ceathramh deug do Mhatitiah, d'a mhacaibh agus d'a bhràithribh, dà fhear dheug:

22 An cùigeadh deug do Ierimot, d'a mhacaibh agus d'a bhràithribh, dà fhear dheug:

23 An sèathadh deug do Hananiah, d'a mhacaibh agus d'a bhràithribh, dà fhear dheug:

24 An seachdamh deug do Iosbecasah, d'a mhacaibh agus d'a bhràithribh, dà fhear dheug:

25 An t-ochdamh deug do Hanani, d'a mhacaibh agus d'a bhràithribh, dà fhear dheug:

26 An naothadh deug do Mhaloti, d'a mhacaibh agus d'a bhràithribh, dà fhear dheug:

27 An ficheadamh do Eliatali, d'a mhacaibh agus d'a bhràithribh, dà fhear dheug:

28 An t-aon thar fhichead do Hotir, d'a mhacaibh agus d'a bhràithribh, dà fhear dheug:

29 An dara thar fhichead do Ghidalti, d'a mhacaibh agus d'a bhràithribh, dà fhear dheug:

30 An treas thar fhichead do Mhasiot, d'a mhacaibh agus d'a bhràithribh, dà fhear dheug:

31 An ceathramh thar fhichead do Romanti-eser, d'a mhacaibh agus d'a bhràithribh, dà fhear dheug.

¹ Roinnean nan dorsair. ¹³ Thilgeadh croinn air son nan geatacha. ²³ Ghabh na Leblithich eiram ionmhasa tighe Dhé, agus ionmhasa nan nithe naomha.

ATHAOBH roinnean nan dorsair: do na Corhaich, Meselemiah mac Chore, do mhacaibh Asaiph.

2 Agus mic Mheselemiah; Sechariah an ceud-ghin, Iediaci an dara, Sebadiah an treas, Iatniel an ceathramh,

3 Elam an cùigeadh, Iehohanan an sèathadh, Elioenai an seachdamh.

4 Agus mic Obed-edoim; Semaiah an ceud-ghin, Iehosabad an dara, Ioah an treas, agus Sacar an ceathramh, agus Netaneel an cùigeadh,

5 Amiel an sèathadh, Isaehar an seachdamh, Peultai an t-ochdamh: oir bheannaich Dia e.

6 Agus do Shemaiah a mhac rugadh mic, a bha riaghladh tighe an athar: oir bu daoine treuna iad.

7 Mic Shemaiah; Otni, agus Rephael, agus Obed, Elsabad: agus b'iad am bràithre, daoine gaisgeil⁴, Elihu agus Semachiah.

8 Iad sin uile do mhacaibh Obed-edoim: iad féin, agus am mic, agus am bràithrean, daoine comasach an neart fa chomhair na seirbhis, 'nan tri fichead agus a dhà, o Obed-edom.

9 Agus bha aig Meselemiah mic agus bràithrean, daoine gaisgeil, ochd fir dheug.

10 Agus bha aig Hosah, do chloinn Mhe-rari, mic; Simri an ceann: (oir ged nach b'e an ceud-ghin, gidheadh rinn 'athair e 'na cheann:

11 Hilciah an dara fear, Tebaliah an treas, Sechariah an ceathramh: uile mhic agus bràithrean Hosah tri dheug.

12 Dhiubh sin bha roinnean nan dorsair, eadhon do na prìomh-dhaoineibh a bha ri faire fa chomhair am bràithrean, gu frith-ealadh ann an tigh an Tighearn.

13 Agus thilg iad croinn, am beag co mhaith ris a' mhòr, a réir tighe an aithriche, air son gach geata.

14 Agus thuit an crannchur a làimh na h-àird⁵ an ear air Selemiah: agus thilg iad croinn air son a mhic Sechariah, (eomhairliche glic,) agus thàinig a crannchur-sau a mach mu thuath.

15 Do Obed-edom mu dheas, agus d'a mhacaibh tigh Asupim⁵.

16 Do Shupim agus do Hosah a làimh na h-àird⁵ an iar, maille ris a' gheata Salechet, làimh ri cruaidh-rathad⁶ na h-uchdaich, faire fa chomhair faire.

17 Air an taobh an ear bha seathnar Leblitheach, air an taobh mu thuath

¹ Seri, r. 3.

² Asarelah, r. 2.

³ Udsiel, r. 4.

⁴ Mic gaisge. Eabh.

⁵ tigh an tionail.

⁶ causey. Sasg.

I. EACHDRAIDH, XXVI. XXVII.

ceathrar gach là, air an taobh mu dheas ceathrar gach là, agus air taobh Asupin dithis agus dithis.

18 Aig Parbar a làimh na h-àird' an iar, ceathrar aig a' chruaidh-rathad, agus dithis aig Parbar.

19 Is iad sin roinnean nan 'dorsair do mhacaibh Chore, agus do mhacaibh Mhe-rari.

20 Agus do na Lebhitich, *bha* Ahiah os ceann ionmhasan tighe Dhé, agus os ceann ionmhasan nan nithe naomha.

21 *A thaobh* mhac Laadain: mica' Gher-sonaich Laadain, prìomh-aithriche, *eadhon* o Laadan an Gersonach *bha* Iehieli.

22 Mic Iehieli; Setam, agus Ioel a bhràthair, *a bha* os ceann ionmhasan tighe an Tighearna.

23 Do na Hamramaich, do na h-Idsaraich, do na Hebronaich, agus do na h-Udsielich.

24 Agus *bha* Sebul mac Ghersoim, mhic Mhaois, 'na àrd riaghlair air na h-ionmhasaibh.

25 Agus a bhràithre le Elieser; Rehabiah a mhac, agus Iesaiach a mhac-san, agus Ioram a mhac-san, agus Sichri a mhac-san, agus Selomit a mhac-san.

26 B'e Selomit so agus a bhràithrean, *a bha* os ceann uile ionmhasa nan nithe cois-riche, a choisrig Daibhidh an rìgh, agus cinn nan aithriche, agus na ceannarda mhilltean agus cheud, agus ceannardan an t-slàigh.

27 As na cathaibh agus as na creachaibh choisrig iad *tabhartais* a chàradh tighe an Tighearna.

28 Agus gach uile *ni* a choisrig Samuel am fear-seallaidh, agus Saul mac Chis, agus Abner mac Ncir, agus Ioab mac Sheruah; agus ge b'e neach a choisrig *ni air bith*, *bha sin* fo làimh Shelomit agus a bhràithrean.

29 Do na h-Idsaraich, *bha* Chenaniah agus a mhic fa chomhair nan gnothuichean o'n leth muigh os ceann Israeil, 'nan luchd-riaghlaidh' agus 'nam breitheamhaibh.

30 Do na Hebronaich, *bha* Hasabiah agus a bhràithrean, daoine gaisgeil, mìle agus seachd ceud fear, 'nan luchd-riaghlaidh air Israel air an taobh so do Iordan a làimh na h-àirde 'n iar, ann an uile gnothuichibh an Tighearna, agus ann an seirbhis an rìgh.

31 Do na Hebronaich, b'e Ieriah ceann nan Hebronach a réir ghinealach 'aithriche. Anns an dà fhicheadamh bliadhna do rìoghachadh Dhaibhidh dh'iarradh iad, agus fhuaradh 'nam measg daoine treuna ann an Iaser Ghilead.

32 Agus a bhràithrean, daoine gaisgeil,

dà mhìle agus seachd ceud, cinn nan teaghlach: agus rinn Daibhidh iad 'nan riaghladairibh os ceann nan Reubeneach, agus nan Gadach, agus leth-thréibh Mhianaseh, anns gach *ni* a bhuineadh do Dhia, agus ann an gnothuichibh an rìgh.

CAIB. XXVII.

1 *An dà cheannard dheug a fhrithheil do'n rìgh mìos air mìos air feadh uile mhìos na bliadhna.* 16 *Ceannardan thruibh Israeil.* 25 *Luchd-dreuchd Dhaibhidh.*

ANIS *bha* clann Israeil, a réir an àir-eimh, *eadhon* cinn nan aithriche², agus na ceannarda mhilltean agus cheud, agus an luchd-riaghlaidh, a' frithealadh do'n rìgh anns gach cùis *a bhuineadh* do na roinnibh, a *bha* teachd a steach agus a' dol a mach mìos air mhìos, air feadh uile mhìos na bliadhna: anns gach roinn *bha* ceithir mìle fichead fear.

2 Os ceann na ceud roinne, fa chomhair a' cheud mhìos, *bha* Iasobeam mac Shab-dieil: agus 'na roinn-san *bha* ceithir mìle fichead.

3 Do chloinn Pheres *bha* ceann uile cheannardan an t-slàigh fa chomhair a' cheud mhìos.

4 Agus os ceann roinn an dara mìos *bha* Dodai an t-Ahohach, agus air a roinn-san b'e Miclot am fear-riaghlaidh: agus 'na roinn-san mar an ceudna *bha* ceithir mìle fichead.

5 B'e treas ceannard an t-slàigh, fa chomhair an treas mìos Benaiah mac Iehoiada, àrd shagairt: agus 'na roinn-san *bha* ceithir mìle fichead.

6 So am Benaiah ud a *bha* treun am measg an deich thar fhichead, agus os ceann an deich thar fhichead: agus 'na roinn-san *bha* Amisabad a mhac.

7 B'e 'n ceathramh ceannard, fa chomhair a' cheathramh mìos, Asahel bràthair Ioab, agus Sebadiach a mhac 'na dhéigh: agus 'na roinn-san *bha* ceithir mìle fichead.

8 B'e 'n cùigeadh ceannard, fa chomhair a' chùigeadh mìos, Samhut an t-Israhach: agus 'na roinn-san *bha* ceithir mìle fichead.

9 B'e 'n sèathadh ceannard, fa chomhair an t-sèathadh mìos, Ira mac Iecis, an Tecothach: agus 'na roinn-san *bha* ceithir mìle fichead.

10 B'e 'n seachdamh ceannard, fa chomhair an t-seachdamh mìos, Heles am Pelonach do chloinn Ephraim; agus 'na roinn-san *bha* ceithir mìle fichead.

11 B'e 'n t-ochdamh ceannard, fa chomhair an t-ochdamh mìos, Sibecai an t-Husatach do na Sarhaich: agus 'na roinn-san *bha* ceithir mìle fichead.

12 B'e 'n naothadh ceannard, fa chomhair an naothadh mìos, Abieser an t-Auct-

¹ *luchd-dreuchd.*

² *cinn nan teaghlach, na prìomh-aithriche.*

I. EACHDRAIDH, XXVII. XXVIII.

otach do chloinn Iamin: agus 'na roinn-san *bha* ceithir mìle fichead.

13 *B' e* 'n deicheamh *ceannard*, fa chomhair an deicheamh mìos, Maharai an Netoplatach do na Sarhaich: agus 'na roinn-san *bha* ceithir mìle fichead.

14 *B' e* 'n t-aon *cheannard* deug, fa chomhair an aon mhìos deug, Benaiah am Pìratonach do chloinn Ephraim: agus 'na roinn-san *bha* ceithir mìle fichead.

15 *B' e* 'n dara *ceannard* deug, fa chomhair an dara mìos deug, Heldai an Netophatach o Otnel: agus 'na roinn-san *bha* ceithir mìle fichead.

16 Os bàrr, os ceann thruabh Israeil: *b' e* ceannard nan Reubeneach, Elieser mac Shichri: nan Simeonach, Sephatiah mac Mhaachah:

17 Nan Lebhithreach, Hasabiah mac Chemuël: nan Aaronach, Sadoc:

18 *Ceannard* Iudah, Elihu¹, aon do bhràithribh Dhaibhidh; *ceannard* Isachair, Omri mac Mhichaeil:

19 Shebuluin, Ismaiah mac Obadiah: *ceannard* Naphtali, Ierimot mac Asriel:

20 *Ceannard* chloinn Ephraim, Hosea mac Asasiah: leth-thréibh Mhanaseh, Ioel mac Phedaiah.

21 *Ceannard* leth-thréibh Mhanaseh ann an Gilead, Ido mac Shechariah: Bheniamin, Iasiel mac Abneir:

22 Dhain, Asareel mac Ierohaim. *B' iad* sin ceannarda thruabh Israeil.

23 Ach cha do ghabh Daibhidh an àireamh o aois fhichead bliadhna agus fuidh; a chionn gu'n dubhairt an Tighearn, gu'n deanadh e Israel lionmhor mar reulta nan nèamh.

24 'Thòisich Ioab mac Sheruah air àireamh, ach cha do chrìochnaich e, a chionn gu'n robh air a shon so fearg an aghaidh Israeil; cha mhò chuireadh sìos an uibhir² ann an àireamh³ eachdraidh rìgh Daibhidh.

25 Agus os ceann iomhasan an rìgh *bha* Asmabhet mac Adieil: agus os ceann nan tigh-tasgaidh anns na machairibh, anns na mòr-bhailtibh, agus anns na frith-bhailtibh, agus anns na tùraibh⁴, *bha* Iehonatan mac Udsiah.

26 Agus os an ceann-san a rinn obair na macharach, ann an creabhadh an fhearainn, *bha* Esri mac Cheluib.

27 Agus os ceann nam fìon-lios *bha* Simeil an Ramatach: os ceann toraidh nam fìon-lios, fa chomhair nam fìon-thaisgeach, *bha* Sabdi an Siphmitheach.

28 Agus os ceann nan craobh oladh agus nan craobh sicmoir a *bha* sna còmhnard-aibh ìosal, *bha* Baal-hanan an Gedereach: agus os ceann nan taisgeach oladh *bha* Ioas.

29 Agus os ceann a' chruidh a *bha* air

feurach ann an Saron *bha* Sitrai an Saronach: agus os ceann a' chruidh auns na gleanntaibh *bha* Saphat mac Adlai.

30 Os ceann nan càmhail mar an ceudna *bha* Obil an t-Ismaeleach: agus os ceann nan asal *bha* Iehdeiah am Meronotach.

31 Agus os ceann nan treud *bha* Iasis an t-Hagereach. *B' iad* sin uile luchd-riaghlaidh na maoin bu le rìgh Daibhidh.

32 Mar an ceudna *bha* Ionatan, bràthair-athar Dhaibhidh 'na chomhairleach, 'na dhuine glic, agus 'na sgrìobhaiche: agus *bha* Iehiel mac Hachmoni maille ri mic an rìgh.

33 Agus *b' e* Ahitophel comhairleach an rìgh, agus Husai an t-Architheach companach⁵ an rìgh.

34 Agus an dèigh Ahitopheil *bha* Iehoiada mac Bhenaiah, agus Abiatar. Agus *b' e* Ioab ceannard armailt an rìgh.

CAIB. XXVIII.

1 *Chruinnich* Daibhidh uile *cheannardan* Israeil gu Ierusalem, agus thug e carail doibh àiteantan an Tighearn a ghlèidheadh. 9 Dh'orduich e do Sholamh tigh a thogail do Dhia. 11 Thug e dha samhlaidh an tìghe, agus òr agus airgid air son na h-oibre.

A GUS chruinnich Daibhidh gu h-Ierusalem uile *cheannardan* Israeil, ceannarda nan treubh, agus ceannarda nan roinn⁶ a *bha* frithealadh do'n rìgh, agus na ceannarda mhilltean, agus na ceannarda cheud, agus an luchd-riaghlaidh os ceann uile mlaoin agus spréidh an rìgh agus a mhac, leis an luchd-dreuchd, agus na daoinibh cumhachdach, agus na daoinibh gaisgheil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riumsa, mo bhràithrean, agus mo shluagh: *Bha* e agamsa a'm chridhe tigh-còmhnuidh a thogail do àire coimlicheangail an Tighearn, agus do stòl-chos ar Dé-ne, agus dh'ulluich mi fa chomhair na h-oibre:

3 Ach thubhairt Dia rium, Cha tog thu tigh do m'ainm-sa, a chionn gu'n robh thu a'd' fhear-cogaidh, agus gu'n do dhòirt thu fuil.

4 Gidheadh ròghnaich an Tighearna Dia Israeil mi roimh uile thigh m'athar, gu bhì a'm' rìgh air Israel gu bràth: oir ròghnaich e Iudah mar riaghlair, agus á tigh Iudah, tigh m'athar-sa, agus am measg mhac m'athar bu toil leis mise a dheanamh a'm' rìgh os ceann Israeil uile.

5 Agus do m' mhacaibh uile, (oir thug an Tighearna mòran mhac dhomh,) ròghnaich e Solamh mo mhac gu suidhe air rìgh-chaitir rioghachd an Tighearn os ceann Israeil.

6 Agus thubhairt e rium, Togaidh So-

¹ Eliab.

² àireamh.

³ a réir àireimh.

⁴ caistealaibh. ⁵ caidreach, caraid. ⁶ nam buidheann.

I. EACHDRAIDH, XXVIII. XXIX.

lamh do mhac mo thigh-sa agus mo lùch-airtean; oir thagh mi e gu bhì 'na mhac agam, agus bithidh mise a'm' athair aige-san.

7 Os bàrr, daingnichidh mi a rìoghachd gu bràth, ma bhios esan seasmhach a chòimhlionadh m' àitheantan agus mo bhreitheanais, mar air an là'n diugh.

8 A nis uime sin *guidheam oirbh* ann an sealladh Israeil uile, comhchruinneachaidh an Tighearn, agus ann an éisdeachd ar Dé-ne, gleidhibh agus iarraibh uile àitheantan an Tighearna blur Dé: chum gu sealbhaich sibh ann fearann maith so, agus gu fàg sibh e mar oighreachd d'ur cloinn 'nur déigh gu bràth.

9 Agus thusa a Sholaimh, a mhic, biodh aithne agad air Dia t'athar, agus dean seirbhis da le crìdhe iomlan, agus le inntinn thoilich: oir tha'n Tighearn a' rannsachadh nan uile chridhe, agus a' tuigsinn uile dhealbhadh nan smuain: madh' iarras tus' esan, gheibhear e leat; ach ma thréigas tu e, tilgidh e uaith thu gu bràth.

10 Thoir an aire a nis, oir thagh an Tighearn thu gu tigh a thogail do'n ionad naomh; bi làidir agus dean e.

11 An sin thug Daibhidh do Sholamh a mhac samhladh an sgàth-thigh, agus a thighean, agus 'ionadan-ionmhais, agus a sheòmraichean uachdarach, agus a sheòmraichean an leth stigh, agus àite na caithir-throair.

12 Agus samhladh nan uile nithe a bha aige 'na inntinn¹, a thaobh lùchairtean tighe an Tighearn, agus a thaobh nan uile sheòmraiche mu'n cuairt, a thaobh ionadan-ionmhais tighe Dhé, agus a thaobh ionada-taisgidh nan nithe coisrigte.

13 Mar an ceudna thaobh roinnean nan sagart agus nan Lebhitheach, agus a thaobh uile oibre seirbhis tighe an Tighearn, agus a thaobh nan uile shoithiche seirbhis ann an tigh an Tighearn.

14 A thaobh òir air chudthrom chum *nithe* òir, chum uile inneala gach uile ghnè sheirbhis; a thaobh *airgid* chum uile inneala airgid air chudthrom, chum uile inneala gach uile ghnè sheirbhis:

15 Eadhon an cudthrom chum nan coinnleir òir, agus a chum an lòchran òir, air chudthrom chum gach coinnleir agus a lòchranan: agus a chum nan coinnleir airgid air chudthrom, chum a' coinnleir agus a lòchranan, a réir feuma gach coinnleir.

16 Agus òr air chudthrom chum bhord an arain thaisbeanta, chum gach bùird, agus airgid chum nam bord airgid:

17 Mar an ceudna òr glan chum nan greimichean feòla, agus nan cuach, agus nan copan: agus a chum nan soitheach-

ionmlaid òir, òr air chudthrom fa chomhair gach soitheich-ionmlaid; agus *airgid* air chudthrom fa chomhair gach soitheich-ionmlaid airgid:

18 Agus a chum altair na tùise òr fìorghlan air chudthrom; agus òr fa chomhair samhlaidh carbaid nan cherub, a sgaoil a mach an *sgiathan*, agus a chòmhdachaidh àire coimhcheangail an Tighearna.

19 So uile, *arsa Daibhidh*, thug an Tighearn orm a thuigsinn ann an sgrìobhadh le a làimh orm, *eadhon* uile oibre an t-samhlaidh so.

20 Agus thubhairt Daibhidh ri Solamh a mhac, Bi làidir agus gabh misneach, agus dean e: na biodh eagal ort, agus na bi fo uamhas, oir bithidh an Tighearna Dia, mo Dhia-sa, leat; cha 'n fhàilnich e thu, cha mhò a thréigas e thu, agus an crìochnaich thu an obair uile fa chomhair seirbhis tighe an Tighearn.

21 Agus, feuch, roinnean nan sagart agus nan Lebhitheach *maille riut* chum uile sheirbhis tighe Dhé, agus maille riut a chum gach uile ghnè oibre, gach duine toileach fàil fa chomhair gach uile ghnè sheirbhis; agus na ceannardan agus an sluagh gu h-ionlan freagarrach do d' àith eantaibh uile.

CAIB. XXIX.

6 *Thug uachdarain threubh Israeil tabhariais uatha gu toileach fa chomhair tighe Dhé.* 10 *Urnuigh Daibhidh.* 20 *Bheannaich an sluagh an Tighearn, agus rinn iad Solamh an dara uair 'na rìgh.* 26 *Rìoghachadh agus bàs Daibhidh.*

A GUS thubhairt Daibhidh an rìgh ris a' chomhchruinneach uile, Tha Solamh mo mhac d'an d'rinn Dia a nhlàn roghainn, òg agus maoth, agus *tha* 'n obair mòr: oir cha 'n ann air son duine ach air son an Tighearna Dé *tha* an lùchairt.

2 A nis le m' uile neart dh' ulluich mise fa chomhair tighe mo Dhé, an t-òr chum *nithe* do òr, agus an t-airgid chum *nithe* do airgid, agus an t-umha chum *nithe* do umha, agus an t-iarunn chum *nithe* do iarunn, agus am fiodh chum *nithe* do fhiodh; clachan onics, agus clachan r'an cur, clachan lonrach agus do iomadh dath, agus gach uile ghnè clach luachmhor, agus clacha marmoir am pailteas.

3 Os bàrr, a chionn gu'n do shoeraich mi m' aigne air tigh mo Dhé, tha agam do m' sheilbh àraidh féin, do òr agus do airgid a thug mi seachad do thigh mo Dhé, a bhàrr air na dh' ulluich mi uile fa chomhair an tìghe naoimh.

4 Tri mìle tàlann òir, do òr na h-Ophir, agus seachd mìle tàlann do airgid fìorghlan, a chòmhdachadh bhallachan an tìghe²:

5 An t-òr fa chomhair *nithe* do òr, agus

¹ o'n Spiorad.

² nan tighean.

an t-airgiod fa chomhair *nithe* do airgiod, agus fa chomhair gach uile ghnè oibre a *nithear* le làmhaidh luchd-ceirde. Agus cò a tha toileach air a sheirbhis a chois-reagadh an diugh do'n Tighearn?

6 An sin thug cinn nan aithriche¹ agus uachdarain threubh Israeil, agus na ceannarda mhìltean agus cheud, maille ris an luchd-riaghlaidh os ceann oibre an rìgh, tabhartais uatha gu toileach.

7 Agus thug iad seachad fa chomhair seirbhis tighe Dhé, do òr cùig mìle tàlann agus deich mìle darcon, agus do airgiod deich mìle tàlann, agus do umha ocd mìle deug tàlann, agus ceud mìle tàlann iaruin.

8 Agus ge b'e aig an d'fhuaradh clacha *luachmhor*, thug iad seachad *iad* do ion-mhas tighe an Tighearn, le làimh Iehiel a' Ghersonaich.

9 Agus rinn an sluagh gairdeachas a chionn gu'n d'thug iad uatha gu toileach, a chionn le cridhe iomlan gu'n d'thug iad tabhartas uatha gu toileach do'n Tighearn: agus rinn Daibhidh an rìgh mar an ceudna gairdeachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' choimh-chruinnich uile: agus thubhairt Daibhidh, Gu ma beannaicht' thu, a Thighearna Dhia Israeil ar n-athar, gu saoghal nan saoghal.

11 *Is* leatsa, O Thighearn, a' mhòrachd, agus an cumhachd, agus a' ghloir, agus a' bhuaidh, agus a' mhòralachd; oir is leat na h-uile a ta air nèamh agus air talamh: *is* leat an rìoghachd, O Thighearn, agus tha thu air t'ardachadh mar cheann thar na h-uile.

12 Uaitse *tha teachd* araon saoihbheas agus urram, agus *tha* thu a' rìoghachadh os ceann gach uile, agus ann ad làimh *tha* cumhachd agus neart; agus ann ad làimh *tha e neach* a dheanamh mòr, agus neart a thoirt do gach uile.

13 A nis uime sin, ar Dia-ne, tha sinn a' toirt buidheachais duit, agus a' cliùthachadh t'ainm urramaich.

14 Ach cò mise, agus ciod iad mo shluagh, gu'm biodh e 'nar comas tabhartais a thoirt seachad cho toileach air an dòigh so? oir *is* ann uaitse *tha* na h-uile *nithe*, agus *is* ann do d' chuid féin a thug sinn duit:

15 Oir *is* coigrich sinne a'd' fhiannuis agus luchd-cuairt, mar ar n-aithrichean uile; mar fhaileas *tha* ar làithean air thalamh, agus cha 'n eil buanas² ann.

16 O Thighearn ar Dia, *tha* 'm pailteas so uile a dh'ulluich sinne a thogail tighe dhuit fa chomhair t'ainm naoimh a'

teachd o d' làimh féin, agus *is* leat féin e gu léir.

17 Tha fios agam mar an ceudna, mo Dhia, gu'n dearbh thusa an cridhe, agus gu bheil tlachd agad ann an treibhdhireas. Do m' thaobh-sa, ann an treibhdhireas mo chridhe thug mi gu toileach uam mar thabhartas na *nithe* so uile: agus a nis chuimaic mi le h-aoibhneas do shluagh, a tha 'n so a làthair, a' tòirt seachad gu toileach an tabhartais dhuitse.

18 O Thighearna Dhia Abraham, Isaac, agus Israeil ar n-aithriche, gléidh so gu bràth ann am breithneachadh smuainte cridhe do shluagh, agus ulluich an cridhe dhuit féin;

19 Agus thoir do Sholamh mo mhac cridhe iomlan, a ghleidheadh t'aitheantan, do theisteis, agus do reachdan, agus a dheanamh nan *nithe* so uile, agus a thogail na lùchairt fa chomhair an d'ulluich mise.

20 Agus thubhairt Daibhidh ris a' chomhchruinneachadh uile, A nis beannaichibh an Tighearna bhuir Dia. Agus bheannaich an comhchruinneachadh gu léir an Tighearna Dia an aithriche, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearn, agus thug iad seachad ìobairte-loisgte do'n Tighearn air an là màireach an dèigh an là sin, eadhon mìle tarbh, mìle reithe, agus mìle uan, le'n tabhartais-dibhe, agus ìobairtean am pailteas air son Israeil uile;

22 Agus dh'ìth agus dh'òl iad an làthair an Tighearn air an là sin le mòr shubhachas; agus rinn iad Solamh mac Dhaibhidh 'na rìgh an dara uair, agus dh'ung iad e do'n Tighearna 'na àrd uachdaran, agus Sadoc 'na shagart.

23 Agus shuidh Solamh ann an caithir rìoghail an Tighearna mar rìgh an àite Dhaibhidh 'athar, agus shoirbhich leis, agus bhla Israel uile ùmhal dha.

24 Agus strìoedh na h-uachdarain uile, agus na daoine cumhachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearna Solamh gu ro mhòr an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìghich Daibhidh mac Iese os ceann Israeil uile.

27 Agus b' 'n ùine a rìghich e os ceann Israeil dà fhichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhichead.

¹ nan teaghlach.

² fùireach.

28 Agus fhuair e bàs ann an deadh shean aois, làn do làithibh, do shaoibhreas, agus do urram; agus rìghich Solamh a mhac 'na àit.

29 A nis gnìomhara Dhaibhidh an rìgh, eadar thoiseach agus dheireadh, feuch, *tha* iad sgriobhta ann an leabhar Sha-

muel an fhìr-sheallaidh, agus ann an leabhar Natain an fhàidh, agus ann an leabhar Ghad an fhìr-sheallaidh.

30 Maille r'a rìoghachadh gu léir, agus a chumhachd, agus na h-aimsirean a chaidh thairis air, agus thar Israel, agus thar uile rìoghachda nan dùchanna.

DARA LEABHAR

NAN

EACHDRAIDH.

CAIB. I.

1 *Dh'iarr Solamh agus coimhthional Israeil an Tighearn ann an Gibeon.* 7 *Dh'fhoillsich Dia e fèin do Sholamh ann an aistling.* 8 *Ròghnaich Solamh gliocas: 13 A charbaid agus a mharc-sluagh.*

AGUS dhaingnicheadh Solamh mac Dhaibhidh 'na rìoghachd, agus bha'n Tighearn a Dhia maille ris, agus dh'ard-aich se e gu mòr.

2 Agus dh'àithn Solamh do¹ Israel uile, do na ceannardaibh mhìltean agus cheud, agus do na breitheamhnaibh, agus do gach uachdaran air Israel uile, cinn nan aithriche².

3 Agus chaidh Solamh agus an coimhthional uile maille ris do'n àit àrd a *bha* ann an Gibeon; oir an sin bha pàillion coimhthionail Dé, a rinn Maois, òglach an Tighearn, anns an fhàsach.

4 Ach àirc Dhé thug Daibhidh a nìos o Chiriat-iearim do 'n àit a dh'ulluich Daibhidh dhi; oir shuidhich e pàillion air a son ann an Ierusalem.

5 Mar an ceudna, *bha'n* altair umha, a rinn Besaleel mac Uri, mliic Huir, an sin fa chomhair pàillion an Tighearn; agus dh'iarr Solamh agus an coimhthional e³.

6 Agus chaidh Solamh suas an sin a dh'ionnsuidh na h-altair umha am fianuis an Tighearn, a *bha* aig pàillion a' choimhthionail, agus dh'ìobair e oirre⁴ mìle ìob-airt-loisgte.

7 Air an oidheche sin dh'fhoillsich Dia e fèin do Sholamh, agus thubhairt e ris, Iarr ciod a bheir mi dhuit.

8 Agus thubhairt Solamh ri Dia, Nochd thu do Dhaibhidh m'athair caomhneas mòr, agus rinn thu mise a'm' rìgh 'na àit⁵.

9 A nis, a Thighearna Dhé, coimhlionar⁶ do ghealladh⁷ do Dhaibhidh m'athair: oir rinn thu mise a'm' rìgh air sluagh, lìonmhor mar dhuslach na talmhainn.

10 Thoir⁸ dhomh a nis gliocas agus

eòlas, a chum gu'n téid mi mach agus gu'n tig mi steach roimh an t-sluagh so: oir cò a's urrainn breth a thabhairt air do shluagh so a *tha* cho mòr?

11 Agus thubhairt Dia ri Solamh, A chionn gu'n robh so a'd' chridhe, agus nach d'iarr thu beartas, maoin, no clin, no anam do naimhdean, agus mar an ceudna nach d'iarr thu saoghal fada; ach gu'n d'iarr thu dhuit fèin gliocas agus colas, leis an tugadh tu breth air mo shluaghsa, air an d'rinn mi thu a'd' rìgh;

12 *Tha* gliocas agus eòlas air an tabh-airt duit, agus bheir mise dhuit beartas, agus maoin, agus cliù, air chor as nach robh a leithid aig na rìghrean a *bha* romhad, agus a'd' dhéigh nach bi a leithid.

13 Agus thàinig Solamh o'n àit àrd⁹ a *bha* ann an Gibeon gu h-Ierusalem, o làthair pàillion a' choimhthionail, agus rìghich e os ceann Israeil.

14 Agus chruinnich Solamh carbaid agus marc-sluagh: agus bha mìle agus ceithir cheud carbaid aige, agus dà mhìle dheug marcach; agus chuir e iad ann am bailtibh nan carbad, agus maille ris an rìgh ann an Ierusalem¹⁰.

15 Agus thug an rìgh air airgiod agus air òr a *bhi* ann an Ierusalem mar na clachan, agus air na crannaibh seudair¹¹ thug e *bhi* mar na croinn shìcomoir a *tha* anns an t-srath, air lìonmhoireachd.

16 Agus thugadh eich do Sholamh a mach as an Eiphit, agus snàth-lìn: ghabh ceannaichean an rìgh an snàth-lìn air luach.

17 Agus thàinig iad a nìos, agus thug iad a mach as an Eiphit carbad air shè ceud *secel* airgid, agus each air cheud agus leth-cheud: agus mar sin do uile rìghribh nan Hiteach, agus do rìghribh Shiria, le'n làimh san thugadh a mach iad.

¹ labhair Solamh ri. ² cinn nan teaghlach, na h-àrd aithriche.

⁴ uirre.

³ d'a h-ionnsuidh.

⁵ Faic I. Rìgh, Caib. III. r. 6.

⁶ daingnichear, fìrinnichear.

⁸ Tabhair.

¹⁰ I. Rìgh, Caib. X. r. 26.

⁷ t'fhocal Eabh.

⁹ o 'thurus do'n àit àrd.

¹¹ ceudair.

CAIB. II.

1 *Aircamh an luchd-oibre chum tigh Dhé a thogail.*
 3 *Chuir Solamh fios a dh'ionnsuidh Hiram air son duine teòma air oibreachadh ann an òr, agus air son fiodha.* 11 *Freagradh càirdeil Hiram.*

AGUS shonraich Solamh¹ tigh a thogail do ainm an Tighearn, agus tigh d'a rioghachd.

2 Agus dh'àireamh Solamh a mach deich agus tri fichead mìle fear-ìomchair eallaich, agus ceithir fichead mìle fear-gearraidh anns a' bheinn, agus tri mìle agus sè ceud a shealltuinn thairis orra.

3 Agus chuir Solamh *teachdair* gu Huram² righ Thiruis, ag ràdh, Mar a rinn thu ri Daibhidh m'athair, agus a chuir thu d'a ionnsuidh craobhan seudair a thogail tighe dha gu còmhnuidh a ghabhail ann, *dean riumsa*:

4 Feuch, *tha* mi gu tigh a thogail do ainm an Tighearna mo Dhé, chum a choisreagadh³ dha, gu tùis chùbhraidh a losgadh 'na fhianuis, agus air son an arain thaisbeanta bhith-bhuain⁴, agus air son ìobairtean-loisgte air maduinn agus air feasgar, air na sàbaidibh, agus air na gealaichibh nomha, agus air àrd fhéillibh an Tighearn ar Dé: gu bràth *tha* so ceangailte air Israel.

5 Agus *bithidh* an tigh a thogas mise mòr: oir is mòr ar Dia-ne os ceann nan uile dhé.

6 Ach cò a's urrainn tigh a thogail dha, 'nuair nach cum na nèamha, no nèamha nan nèamhe? Agus cò mise gu'n togainn dha tigh, ach a mhàin a losgadh ìobairtean 'na fhianuis?

7 A nis ma ta cuir a m' ionnsuidh duine, teòma⁵ air oibreachadh ann an òr, agus ann an airgiod, agus ann an umbha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grunn maille ris na daoineibh ealanta⁶ a *tha* maille riumsa ann an Iudah, agus ann an Ierusalem, a sholair Daibhidh m'athair.

8 Cuir a m' ionnsuidh mar an ceudna craobhan seudair, craobhan giuthais, agus craobhan alguim o Lebanon: or tha fhios agam gu bheil do sheirbhisich eòlach air fiodh a ghearradh ann an Lebanon: agus, feuch, *bithidh* mo sheirbhisichsa maille ri d'sheirbhisich-sa.

9 Eadhon a dheasachadh dhomh fiodha ann ar pailteas; oir *bithidh* an tigh a tha mise gus a thogail mòr agus iongantach.

10 Agus, feuch, bheir mi do d' sheirbhisich, na gearradaircan a ghearras fiodh, fichead mìle tomhas do chruithneachd

buaillte, agus fichead mìle tomhas eorna, agus fichead mìle bat fiona, agus fichead mìle bat oladh.

11 Agus fhreagair Huram righ Thiruis ann an sgrìobhadh, a chuir e dh'ionnsuidh Sholaimh, A chionn gu bheil gràdh aig an Tighearna d'a shluagh, rinn e thusa a d' righ os an ceann.

12 Thubhairt Huram mar an ceudna, Beannaichte *gu robh* an Tighearna Dia Israel a rinn nèamh agus talamh, a thug do Dhaibhidh an righ mac glic, aig am bheil eòlas agus tuigse, a thogadh tigh do'n Tighearn, agus tigh d'a rioghachd.

13 Agus a nis chuir mi a d' ionnsuidh duine eòlach, aig am bheil tuigse, a *bha* aig Huram m'athair⁷:

14 Mac mnà do nigheanaibh Dhain, agus 'athair 'na dhuine o Thirus, teòma⁸ air oibreachadh ann an òr, agus ann an airgiod, ann an umbha, ann an iarunn, ann an cloich, agus ann am fiodh, ann an corcur, ann an gorm, agus ann an anart grinn, agus ann an dearg; agus air gearradh gach gnè gearraidh, agus air dealbhadh gach ni inleachdaich a chuirear fa' chomhair, maille ri d' dhaoineibh ealanta-sa, agus daoineibh ealanta mo thighearna Dhaibhidh t'athar.

15 A nis air an aobhar sin an cruithneachd, agus an t-eorna, an oladh, agus am fion, air an do labhair mo thighearn, cuireadh e *iad* a dh'ionnsuidh a sheirbhisich:

16 Agus gearraidh sinne fiodh á Lebanon, a réir gach feum a bhios agad; agus bheir sinn a d'ionnsuidh e 'na ràthaibh air muir gu Iopa; agus bheir thusa suas e gu h-Ierusalem.

17 Agus dh'àireamh Solamh na coigriche uile a *bha* ann an tìr Israel, an déigh an àireimh leis an d'àireamh Daibhidh 'athair iad; agus fhuaradh ann diubh ceud agus leth-cheud mìle agus tri mìle agus sè ceud.

18 Agus rinn e tri fichead agus deich mìle dhiubh 'nan luchd-ìomchair eallach, agus ceithir fichead mìle 'nan gearradairibh anns an t-sliabh, agus tri mìle agus sè ceud 'nan luchd-amhairc thairis a thoirt air an t-sluagh obair a dheanadh.

CAIB III.

1 *An t-àit agus an t-àm san do thòisich Solamh air togail an teampuill.* 3 *Tomhas agus uidheam an teampuill.* 8 *Tomhas an tighe ro naoimh.* 14 *Am brat, 15 agus na puist.*

AGUS thòisich Solamh air togail tighe an Tighearn ann an Ierusalem air sliabh Mhoriah, far an d'fhoillsicheadh an Tighearna do Dhaibhidh 'athair, anns

¹ *chuir Solamh ròimhe.*

² *Hiram. I. Righ, Caib. V. r. 1.*

³ *naomhachadh.*

⁴ *làthail.*

⁵ *eòlach, glic.*

⁶ *glice.*

⁷ *duine eòlach aig am bheil tuigse, eadhon Huram-abì.*

⁸ *scòla.*

II. EACHDRAIDH, III, IV.

an àit a dh'ullutch Daibhidh ann an ural-bualaidh Ornain an Iebusaich.

2 Agus thòisich e air togail air an dara mìos¹, anns a' cheathramh bliadhna d'a rioghachadh.

3 Agus is iad so na nithe a shuidhicheadh le Solamh² chum tigh Dhé a thogail: am fad ann an làmhaidh-coille, a réir a' cheud tomhais, trì fichead làmh-choille, agus an leud fichead làmh-choille.

4 Agus an sgàth-thigh a bha air beulaobh an tìghe, fichead làmh-choille³ fhad, a réir leoid an tìghe, agus ceud agus fichead làmh-choille⁴ àirde: agus chòmhdach e thairis e air an taobh a stigh le h-òr fìor-ghlan.

5 Agus an tigh mòr chòmhdach e le fiodh giuthais, agus chòmhdach e thairis e le h-òr fìor-ghlan, agus thug e air craobhan-pailme éirigh suas air, agus slabhraidhean.

6 Agus sgeadaich⁵ e an tigh le clachaibh uaisle air sgàth sgeimhe; agus b'e an t-òr òr Pharbham.

7 Agus chòmhdach e thairis an tigh, na sailean, na puist, agus a bhallachan, agus a dhorsan, le h-òr; agus ghearr e cheruban air na ballachaibh.

8 Agus rinn e 'n tigh ro naomh: fhad a réir leoid an tìghe, fichead làmh-choille, agus a leud fichead làmh-choille: agus chòmhdach e thairis e le h-òr fìor-ghlan, a thàinig gu sè ceud tàlann.

9 Agus b'e cothrom nan tairngean leth-cheud secel òir: agus chòmhdach e thairis na seòmraichean uachdarach le h-òr.

10 Agus anns an tigh ro naomh rinn e dà cherub do obair sho-ghluaiste, agus chòmhdach e thairis le h-òr iad.

11 Agus bha sgiathan nan cherub fichead làmh-choille air fad: aon sgiath cùig làmh-choille, a' ruigheachd gu balla an tìghe; agus an sgiath eile cùig làmh-choille, a' ruigheachd gu sgiath a' cheruib eile:

12 Agus sgiath a' cheruib eile cùig làmh-choille, a' ruigheachd gu balla an tìghe; agus an sgiath eile cùig làmh-choille, tàthta ri sgiath a' cheruib eile.

13 Sgaoil sgiathan nan cherub sin iad féin a mach fichead làmh-choille: agus sheas iad air an cosaibh, agus an aghaidhean ris an taobh a stigh.

14 Agus rinn e am brat⁴ do ghorm, agus do chorcur, agus do dhearg, agus do anart grunn, agus dh'oibrich e cheruban air.

15 Agus rinn e air beulaobh an tìghe dà phost cùig làmh-choille deug thar fhichead⁵ air àirde, agus an ceann a bha air

mullach gach aoin diubh cùig làmh-choille.

16 Agus rinn e slabhraidhean, mar anns a' ghuth-àit, agus chuir e iad air mullach nam post; agus rinn e ceud pomgranat, agus chuir e iad air na slabhraidhibh.

17 Agus chuir e suas na puist air beulaobh an teampull, aon air an làimh dheis, agus aon air an làimh chlì. Agus thug e Iachin mar ainm air a' phost air an làimh dheis, agus Boas mar ainm air a' phost air an làimh chlì.

CAIB. IV.

1 An altair umha. 2 A' mhuir leaghta. 6 Na soithichean-ionnlaid, 7 na coinnleircean, 8 agus na bùird. 19 An t-uidheam a rinneadh do òr.

A GUS rinn e altair umha: fichead làmh-choille a fad, agus fichead làmh-choille a leud, agus deich làmh-choille a h-àirde.

2 Agus rinn e muir leaghta, deich làmh-choille o bhile gu bile, cruinn mu'n cuairt, agus cùig làmh-choille a h-àirde; agus chuairtich snathainn dheich làmh-choille thar fhichead i mu'n cuairt.

3 Agus fuidhe⁶ bha coslas dhamh⁷, a chuairtich i mu'n cuairt, deich anns an làmh-choille a' dol mu thimchioll na mara mu'n cuairt. Thilgeadh dà shreath dhamh an uair a thilgeadh i féin.

4 Sheas i air dà dhamh dheug, trì ag amharc gu tuath, agus trì ag amharc an iar, agus trì ag amharc gu deas, agus trì ag amharc an ear: agus chuireadh a' mhuir orra gu h-àrd, agus bha a' cluid-dheiridh dhiubh uile a stigh.

5 Agus bha leud boise air tiuighead innte, agus bha a bile air a dheanamh mar bhile copain, le blàthaibh lili: ghabh i agus chum i trì mìle⁸ bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chlì, a dh'-ionnlad anna: nithe na h-jobairt-loisgte nigh iad anna; ach bha a' mhuir air son nan sagart, a dh'-ionnlad innte.

7 Agus rinn e deich coinnleircean òir, a réir an cumaidh, agus chuir e iad anns an teampull, cùig air an làimh dheis, agus cùig air an làimh chlì.

8 Agus rinn e deich bùird, agus chuir e iad anns an teampull, cùig air an làimh dheis, agus cùig air an làimh chlì: agus rinn e ceud cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdach e an dorsan thairis le h-umha.

10 Agus chuir e a' mhuir air an taobh

¹ air an dara là do'n dara mìos.

² na nithe anns an do sheòladh Solamh.

³ chòmhdach.

⁴ an roinn-bhrat.

⁵ o'hd làmh-choille deug. I. Rìgh, Caib. VII. r. 15.

⁶ fuidhe, foipe.

⁷ mheall. I. Rìgh, Caib. VII. r. 24.

⁸ dà mhìle. I. Rìgh, Caib. VII. r. 26.

II. EACHDRAIDH, IV. V.

deas do'n cheann an ear, fa chomhair na h-àirde deas.

11 Agus rinu Hiram na h-aighlean¹, agus na sluasaidean, agus na cuachan; agus chuir Hiram eirich air deanamh na h-oibre a rinn e do rìgh Solamh ann an tìgh Dhé:

12 Eadhon an dà phost, agus na cuairtean, agus na cinn a bh' air mullach an dà phuist, agus an dà lion-obair a chòmh-dachadh dà chuairt nan ceann a bh' air mullach nam post:

13 Agus ceithir cheud pomgranat do'n dà lion-obair; dà shreath phomgranat do gach lion-obair, a chòmh-dachadh dà chuairt nan ceann, a bh' air na puist.

14 Agus rinn e buinn, agus rinn e soithichean-ionmlaid air na buinn:

15 Aon mhuir, agus dà dhamh dheug fuidhe²:

16 Agus na h-aighnean, agus na sluasaidean, agus na greimichean³ feòla, agus an uidheam⁴ uile, rinn Hiram⁵ do rìgh Solamh ann an tìgh an Tighearna do umha lìobhta.

17 Ann an còmh-nard Iordain thilg an rìgh iad, anns an talamh chreadha⁶ eadar Sucot agus Seredath.

18 Agus rinn Solamh an t-uidheam so uile ann am mòr-phailteas; oir cha robh e comasach cothrom an umha fhaghail a mach.

19 Agus rinn Solamh an t-uidheam uile a bhuineadh do thigh Dhé, agus an altair oir, agus na bùird air an robh aran na fianuis;

20 Agus na coinneirean maille r'an lòchranaibh, chum gu'n loisgeadh iad a réir a' ghnàtha air beulaobh a' ghuth-àite, do òr fìor-ghlan;

21 Agus na blàthan, agus na lòchraim, agus na clobhachan, do òr, eadhon do'n òr bu ghloine;

22 Agus na smàladairean, agus na cuachan, agus na spàinean, agus na tùiscirean, do òr fìor-ghlan;

23 Agus dol a steach an tighe, a dhorsan a b'fhaide a stigh aig an ionad ro naomh, agus dorsan tighe an teampull, do òr.

CAIB. V.

1 Thug Solamh na nithe naomhaichte a stigh do'n teampull. 2 Thug na Lebhithich a nìos an àire a baile Dhaibhidh. 11 'Nuair bha na Lebhithich, &c. a' moladh Dhé tionadh an teampull le neul.

AGUS chrìochnaich eadhon obair uile a rinu Solamh air son tighe an Tighearn: agus thug Solamh a stigh nithe naomhaichte Dhaibhidh athar: an t-airgiod, agus an t-òr, agus na h-innealan

uile, chuir e am measg ionmhasan tighe Dhé.

2 An sin chruinnich Solamh seanairean Israeil, agus cinn nan treubh uile, ceannardan aithriche chloinn Israeil, gu h-Ierusalem, chum gu'n tugadh iad a nìos àire coimhcheangail an Tighearn a baile Dhaibhidh, a's e Sion.

3 Agus chruinnich fir Israeil uile iad féin a dh'ionnsuidh an rìgh air an fhéill, [ann am mìos Etanim,] is e sin⁷ an seachdamh mìos.

4 Agus thàinig uile sheanairean Israeil; agus thog na Lebhithich an àire.

5 Agus thug iad suas an àire, agus pàillion a' chòimhthionail, agus na soithichean⁸ naomha uile a bha sa' pàillion: thug na sagairt agus na Lebhithich iad sin suas.

6 Agus dh'ìobair rìgh Solamh, agus coimhthional Israeil uile a chruinnich d'a ionnsuidh roimh an àire, caoraich agus crodh, nach robh c'n comas àireamh no mheas, a thaobh lionmhoireachd.

7 Agus thug na sagairt a steach àire coimhcheangail an Tighearna d'a h-àite féin, do ghuth-àit an tighe, do'n ionad a's ro naomh, eadhon fuidh sgiathaibh nan cherub:

8 Oir sgaoil na cheruban a mach an sgiathan os ceann àite na h-àirce, agus chòmhdaich na cheruban an àire agus a lunnan gu h-àrd.

9 Agus tharruing iad a mach na lunnan, air chor as gu'm faicte cinn nan lunn o'n àire fa chomhair a' ghuth-àite; ach cha'n fhaicte a mach iad: agus tha iad⁹ an sin agus an là'n diugh.

10 Cha robh ni air bith anns an àire ach an dà chlàr a chuir Maois an sin ann an Horeb, an uair a rinn an Tighearna coimhcheangal ri cloim Israeil, ag teachd a mach dhoibh as an Eiphit.

11 Agus an uair a thàinig na sagairt a mach as an ionad naomh; (oir naomhaich eadhon na sagairt uile a bha làthair: cha robh iad a' feitheamh san àm sin a réir an roinnean¹⁰:

12 An sin bha na Lebhithich, an luchd-seinn, agus iad uile do Asaph, do Heman, do Jedutum, maille r'am macaibh agus am bràithribh, air dhoibh bhì air an sgeadachadh ann an lion-eudach geal, le ciombalaibh, agus le saltairibh, agus le clàrs-aichibh, 'nan seasamh aig a' cheann an ear do'n altair, agus maille ri u ceud agus fichead sagart a' deanamh fuaim le trompaidibh.)

13 Agus bha iad mar aon a' deanamh fuaim le trompaidibh, agus a' seinn, a

¹ poitean.

² fuidhe, foipe.

³ gramuichean.

⁴ innealan.

⁵ Hiram athair; Hiram-abiu. Eabh.

⁶ chreudhaich.

⁷ Faic I. Rìgh, Caib. VIII. r. 2.

⁸ na h-inn-

ealan, an t-uidheam.

⁹ i.

¹⁰ a réir an seal.

II. EACHDRAIDH, V. VI.

thoirt air aon ghuth a bhi air a chluinntinn a mholadh agus a thoirt buidheachais do'n Tighearn. Ach an uair a thog iad suas an guith leis na trompaidibh, agus na ciombalaibh, agus na h-innealaibh ciuil, agus a bha iad a' moladh an Tighearn, a chionn gu *bheil* e maith, a chionn gu *mair* a thròcair gu bràth; an sin lìonadh an tigh le neul, tigh an Tighearn.

14 Agus cha b'urrainn na sagairt seasamh a fhrithealadh air sgàth an neoil: oir lìon glòir an Tighearn tigh Dhé.

CAIB. VI.

1 *Bheannaich Solamh an sluagh, agus mhol e Dia.*
2 *Urnuigh agus athchuinge Sholaimh 'nuair choisrig e an teampull.* 19 *Ghuidh e gu'n tugadh Dia éisdeachd d'a ùrnuigh, agus gu'm bitheadh a làthaireachd maille ris a ghnàth.*

AN sin thubhairt Solamh, Thubhairt an Tighearna gu'n gabhadh e còmhnuidh ann an dorchadas tigh.

2 Ach thog mise tigh-còmhnuidh dhuit, agus àite chum thu dh'fhantuinn ann gu bràth.

3 Agus 'thiomndaidh an rìgh 'aghaidh, agus bheannaich e uile choimhthional Israeil, (agus uile choimhthional Israeil 'nan seasamh,)

4 Agus thubhairt e, Gu ma beannaichte an Tighearna Dia Israeil, a choimhlion le a làimh na labhair e le 'bheul ri m'athair Daibhidh, ag ràdh,

5 O'n là air an d'thug mi mo shlugh a mach á tìr na h-Eiphit, cha do thagh mi baile sam bith á uile threubhan Israeil a thogail tìghe, chum gu'm biodh m'ainm an sin, agus cha do thagh mi duine sam bith gu bhi 'na uachdaran os ceann mo shluaigh Israeil.

6 Ach a nis thagh mi Ierusalem, a chum gu'm biodh m'ainm an sin; agus thagh mi Daibhidh gu bhi os ceann mo shluaigh Israeil.

7 Agus bha e ann an cridhe Dhaibhidh m'athar tigh a thogail do ainm an Tighearna Dé Israeil.

8 Agus thubhairt an Tighearna ri Daibhidh m'athair, A chionn gu'n robh e ann ad chridhe tigh a thogail do m' ainm-sa, is maith a rinn thu gu'n robh e ann do chridhe:

9 Gidheadh, cha tog thusa an tigh, ach do mhac a thig a mach as do leasraibh, togaidd esan an tigh do m'ainm-sa.

10 Agus choimhlion an Tighearn fhocal a labhair e, agus dh'éirich mise suas an àite Dhaibhidh m'athar, agus tha mi a'm' shuidhe air rìgh-chaitir Israeil, mar a labhair an Tighearn, agus thog mi an tigh do ainm an Tighearna Dé Israeil:

11 Agus shuidhich mi an sin an àire, annsam bheil coimhcheangal an Tighearn, a rinn e ri cloinn Israeil.

12 Agus sheas e roimh altair an Tigh-

earn, an làthair uile choimhthional Israeil, agus sgaoil e mach a làmhan,

13 (Oir rinn Solamh bonn umha, agus chuir se e ann am meadhon na cùirt, cùig làmhan-coille air fad, agus cùig làmhan-coille air leud, agus trì làmhan-coille air àirde; agus sheas e air, agus leig se e féin air a ghluinibh an làthair choimhthional Israeil uile, agus sgaoil e mach a làmhan gu nèamh,)

14 Agus thubhairt e, A Thighearna Dhé Israeil, cha 'n'eil Dia ann cosmhuil riutsa anns na nèamhaibh, no air an talamh, a chumas coimhcheangal agus tròcair ri d' sheirbhiseach, a ghluaiseas a'd' fhianuis le 'n uile chridhe:

15 A chum ri t'òglach Daibhidh m'athair an ni a labhair thu ris; oir labhair thu le d' bheul, agus le d' làimh choimhlion thu, mar air an là'n diugh.

16 A nis uime sin, a Thighearna Dhé Israeil, cum ri t'òglach Daibhidh m'athair an ni a labhair thu ris, ag ràdh, Cha bhi duine dhèth ort a'm' fhianuis-sa, a shuidheas air rìgh-chaitir Israeil, ma choimhdeas a mhàin do chlann an slighe, a gluasad ann am lagh, mar a ghluais thusa a'm' fhianuis.

17 Agus a nis, a Thighearna Dhé Israeil, daingnichear t'fhocal a labhair thu ri t'òglach Daibhidh.

18 Ach an gabh Dia d'a rìreadh còmhnuidh maille ri daoineibh air an talamh? feuch, cha chum na nèamhan agus nèamha nan nèamh thusa; cia is ro lugha na sin an tigh so a thog mise?

19 Gidheadh, amhaire air urnuigh do sheirbhiseach, agus air 'athchuinge, a Thighearna mo Dhia, a dh'éisdeachd ris a' ghlaodh agus ris an urnuigh, a tha do sheirbhiseach a' deanamh a' d'fhianuis;

20 A chum gu'm bi do shùilean fosgailte ris an tigh so a dh'oidheche agus a là, eadhon ris an àite mu'n dubhairt thu gu'n cuireadh tu t'ainm an sin, a dh'éisdeachd ris an urnuigh a ni do sheirbhiseach a dh'ionnsuidh an àite so.

21 Eisd air an aobhar sin ri athchuinge do sheirbhiseach, agus do shluaigh Israeil, an uair a ni iad urnuigh a dh'ionnsuidh an àite so; agus éisd thusa o t'àite-còmhnuidh, o na nèamhaibh; agus an uair a dh'éisdeas tu, maith *dhòibh*.

22 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n tig na mionnan an làthair t'altarach anns an tigh so;

23 An sin éisd thusa o na nèamhaibh, agus dean, agus thoirt breth air do sheirbhiseach, ag locadh do'n aingidh, a' toirt a shlighe air a cheann féin; agus a' fìreanachadh an fhìrean, a' tabhairt da a réir 'fhìreantachd.

24 Agus ma bhuailear do shluagh Israel an làthair an nàmhaid, a chionn gu'n do pheacaich iad a'd' aghaidh, agus ma philleas iad agus gu'n aidich iad t'ainm, agus gu'n dean iad urnuigh, agus gu'n guidh iad a'd' làthair anns an tigh so ;

25 An sin éisd thusa o na nèamhaibh, agus maith peacadh do shluaigh Israeil, agus thoir a ris iad do'n fhearann a thug thu dhoibh féin agus d'an aithrichibh.

26 An uair a dhruidear na nèamhan, agus nach bi uisge ann, a chionn gu'n do pheacaich iad a'd' aghaidh-sa, agus a ni iad urnuigh a dh'ionsuidh an àite so, agus a dh'aidicheas iad t'ainm, agus a dh'iompaichear iad o'm peacadh, an uair a chuireas tu fuidh àmhghar iad ;

27 An sin éisd thusa o na nèamhaibh, agus maith peacadh do sheirbhiseach, agus do shluaigh Israeil, a chum gu'n teagaisg thu dhoibh an t-slighe mhaith air an còir dhoibh ghlasad, agus gu'n cuir thu uisge air an fhearann a thug thu do d' shluagh mar oighreachd.

28 An uair a bhios gorta anns an tìr, an uair a bhios plàigh ann, an uair a bhios seargadh ann, no fuar-dhealt, locust, no burruis ; an uair a theamaicheas a nàmhaid e ann an tìr a bhailte, ciod air bith plàigh, agus ciod air bith euslaint a bhios ann ;

29 Ge b'e urnuigh, ge b'e athchuinge a chuirear suas le duine sam bith, no le d' shluagh Israel uile, an uair a bhios fios aig gach aon air a phlàigh féin, agus a dhoilgheas féin, agus a sgaoileas e mach a làmhan a dh'ionsuidh an tighe so ;

30 An sin éisd thusa o na nèamhaibh, o t'àite-còmhnuidh, agus maith, agus thoir do gach duine a réir a shlighean uile, a tha fios agad air a chridhe ; (oir is ann agadsa, agadsa mhàin a tha fios air cridheachaidh chloinn nan daoine ;)

31 A chum gu'm bi eagal orra romhad-sa, a ghluasad ann ad shligheibh rè an làithean uile a bhios iad beò anns an tìr a thug thu d'ar n-aithrichibh.

32 Os bàrr, a thaobh a' choigreach, nach 'eil do d' shluagh Israel, ach a thig á tìr chéin air sgàth do mhòir-ainme-sa, agus do làimhe làidir, agus do ghairdein sìnte mach, agus a thig agus a ni urnuigh anns an tigh so ;

33 An sin éisd thusa o na nèamhaibh, o t'àite-còmhnuidh, agus dean a réir nan uile *nithe* mu'n glaodh an coigreach riut ; a chum gu'm bi eòlas aig uile shlàigh na talmhainn air t'ainm, agus gu'm bi eagal orra romhad, mar a *ta air* do shluagh Israel, agus gu'm bi fios aca gu'n goirear t-ainm-sa air¹ an tigh so a thog mise.

34 An uair a théid do shluagh a mach a chogadh an aghaidh an naimhdean air an t-slighe air an cuir thu iad, agus a ni iad urnuigh riut a làimh² a' bhaile³ so a ròghnaich thusa, agus an tigle a thog mise do t'ainm ;

35 An sin éisd thusa o na nèamhaibh r'an urnuigh agus r'an athchuinge, agus cum ceartas riut.

36 An uair a pheacaicheas iad a'd' aghaidh, (oir cha 'n'eil duine ann nach peacaich,) agus a lasas t'fhearg 'nan aghaidh, agus a bheir thu thairis iad d'an naimh-dibh, agus a bheir iad leo 'nam braighdibh iad do thìr am fad no am fagus ;

37 Gidheadh *ma* thig iad gu ìomtinn cheart⁴ anns an tìr d'an d'thugadh 'nam braighdibh iad, agus *ma* dh'iompaichear iad, agus *ma* ni iad urnuigh riut ann an tìr am braighdeanais, ag ràdh, Pheacaich sinn, rinn sinn gu h-eucorach, agus rinn sinn gu h-aingidh ;

38 Ma philleas iad a d' ionsuidh-sa le'n uile chridhe, agus le'n uile anam, ann an tìr am braighdeanais, d'an d'thugadh iad 'nam braighdibh, agus ma ni iad urnuigh a làimh an tìre féin a thug thu d'an aithrichibh, agus a làimh a' bhaile a ròghnaich thu, agus a làimh an tighe a thog mise do t'ainm ;

39 An sin éisd thusa o na nèamhaibh, o t'àite-còmhnuidh, r'an urnuigh agus r'an athchuinge, agus cum ceartas riut, agus maith do d' shluagh a pheacaich a'd' aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do urnuigh an àite so.

41 Ach a nis éirich thusa, a Thighearna Dhé, do d' àite suaimhneis, thu féin, agus àire do neirt. Bitheadh do shagairt, a Thighearna Dhé, air an sgeadachadh le slàinte, agus deanadh do naoimh gairdeachas ann am maithes.

42 A Thighearna Dhé, na tionndaidh air falbh gnùis t'ainn ungtà : cuimhnich tròcairean Dhaibhidh do sheirbhisich.

CAIB. VII.

1 Lìon glòir an Tighearn an teampull. 5 Choisrig Solamh agus clann Israeil tigh Dhé, 10 agus an sin phill an slugh d'am bùthaibh aoibhinn agus subhach 'nan cridhe. 12 Dh'fhoillsich Dia e féin a ris do Sholamh, agus rinn e còmhcheangal ris.

A GUS an uair a chuir Solamh crìoch air urnuigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-iobairtean ; agus lìon glòir an Tighearn an tigh.

2 Agus cha b'urram na sagairt dol a steach do thigh an Tighearn, a chionn

¹ gu'n ainmichear ortsa.

² rathad. Eabh.

³ na caithreach.

⁴ ma philleas iad d'an cridhe. Eabh.

II. EACHDRAIDH, VII. VIII.

gu'n do lìon glòir an Tighearn tigh an Tighearn.

3 Agus an uair a chunnaic clann Israeil uile mar a thàinig an teine nuas, agus glòir an Tighearn, air an tigh, chrom siad iad féin le'n aghaidhibh chum na talmhainn air an urlar, agus rinn iad aoradh, agus mhol iad an Tighearn, a chionn *gu bheil* e maith, *gu mair* a thròcair gu bràth.

4 An sin dh'ìobair an rìgh agus an sluagh uile ìobairtean am fianuis an Tighearn.

5 Agus dh'ìobair rìgh Solamh mar ìobairt dà mhìle fichead bò, agus ceud agus fichead mìle caora: agus choisrig an rìgh agus an sluagh uile tigh Dhé.

6 Agus dh'fheith na sagairt air an dreuchd; na Lebhithich mar an ceudna le innealaibh-ciuil an Tighearn, a rinn Daibhidh an rìgh a mholadh an Tighearn, a chionn gu *mair* a thròcair gu bràth, an uair a bha Daibhidh a' cliùthachadh le 'n làimh-san: agus shéid na sagairt trompaidean rompa, agus sheas Israel uile.

7 Agus naomhaich Solamh meadhon na cùirte a *bha* fa cliomhair tighe an Tighearn: oir thug e suas an sin ìobairtean-loisgte, agus saill nan tabhartas-sìth, a chionn nach b'urraim an altair umha a rinn Solamh na h-ìobairtean-loisgte, agus na tabhartasan-bidh, agus an t-saill, a ghabhail.

8 Agus chum Solamh anns an àm sin an fhéill seachd làithean, agus Israel uile maille ris, combhcrinneachadh ro mhòr, o dhol a stigh Hamait gu ruig amhainn na h-Eiphit.

9 Agus air an ochdamh là chum iad àrd choimhthional; oir chum iad coisreagadh na h-altarach seachd làithean, agus an fhéill seachd làithean.

10 Agus air an treas là fichead do'n t-seachdamh mìos leig e an sluagh air falbh d'am bùthaibh, aoibhinn agus subhach 'nan cridhe airson a' mhaitheis a nochd an Tighearna do Dhaibhidh, agus do Sholamh, agus do Israel a shluagh.

11 Agus chrìochnaich Solamh tigh an Tighearn, agus tigh an rìgh; agus gach ni a thàinig ann an cridhe Sholaimh a dheanamh ann an tigh an Tighearn, agus 'na thigh féin, shoirbhich leis 'na dheanamh.

12 Agus dh'fhoillsich an Tighearn e féin do Sholamh san oidhche, agus thubhairt e ris, Chuala mi t'urruigh, agus thagh mi 'n t-àite so dhomh féin air son tighe ìobairte.

13 Ma dhruideas mi na nèamhan, agus nach bi uisge ann, no ma dh'àithneas mi do na locuist am fearann itheadh suas, no

ma chuireas mi plàigh am measg mo shluaigh;

14 Ma dh'ìrioslaicheas mo shluagh air an goirear¹ m'ainm iad féin, agus gu'n dean iad urnuigh, agus gu'n iarr iad mo ghnùis, agus gu'm pill iad o'n droch shligheibh, an sin cluinnidh mise o na nèamhaibh, agus maithidh mi am peacadh, agus leighisidh mi am fearann.

15 A nis bithidh mo shùilean fosgailte, agus bheir mo chluasan an aire do urnuigh an àite so:

16 Oir a nis thagh mi agus naomhaich mi an tigh so, chum gu'm bi m'ainm an sin gu bràth; agus bithidh mo shùilean agus mo chridhe an sin gach là.

17 Agus ma ghluaisas tusa ann am fhianuis, mar a ghluais Daibhidh t'athair, agus ma ni thu a réir gach *ni* a dh'àithn mi dhuit, agus gu'n gléidh thu mo reachdan agus mo bhreitheanais;

18 An sin daingnichidh mise rìgh-chathair do rìoghachd, mar a rinn mi coimhcheangal ri Daibhidh t'athair, ag ràdh, Cha bhi duine dhith ort gu bhi 'na uachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantan a chuir mi roimhibh, agus gu'n téid sibh agus gu'n dean sibh seirbhis do dhiathaibh eile, agus gu'n sleuchd sibh dhoibh;

20 An sin spionadh mise sibh² á m'fhearann a thug mi dhuibh³; agus an tigh so a naomhaich mi do m'ainm, tilgidh mi as mo shealladh, agus ni mi e 'na shannhladh⁴ agus 'na leth-fhocal⁵ am measg nan uile chinneach.

21 Agus an tigh so a bha co'àrd, bithidh iongantais air gach neach a théid seachad air, agus their e, C'ar son a rinn an Tighearna mar so ris an tìr so, agus ris an tigh so?

22 Agus freagar⁶, A chionn gu'n do thréig iad an Tighearna Dia an aithriche, a thug a mach iad á tìr na h-Eiphit, agus gu'n do ghabh iad d'an ionnsuidh⁷ diathan eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug e an t-olc so uile orra

CAIB. VIII.

1 Na baillean a thog Solamh. 7 Rinneadh tràillean do na Cananaich. 11 Thug Solamh suas nighean Pharaoh a dh'ionnsuidh a tighe féin. 14 Shuidhich e roinnean nan sagart, agus nan Lebhitheach. 17 Thug longa Sholaimh òr o Ophir.

A GUS tharladh an ceann fhichead bliadhna, anns an do thog Solamh tigh an Tighearn agus a thigh féin,

2 Na baillean a thug Hiram do Sholamh, gu'n do thog Solamh iad, agus thug

¹ gairmear.

² iad.

³ dhoibh.

⁴ ghnàth-fhocal.

⁵ bhall-magaidh.

⁶ their iad. Eabh.

⁷ gu'n d'rinn iad greim air.

II. EACHDRAIDH, VIII. IX.

e air cloinn Israeil còmhnuidh a ghabhail an sin.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean ionmhais uile a thog e ann an Hamat.

5 Mar an ceudna thog e Bet-horon uachdarach, agus Bet-horon ìochdarach, bailte daingnichte, le ballachaibh, geat-aibh agus crannaibh:

6 Agus Baalat, agus na h-uile bhailtean ionmhais a bha aig Solamh, agus uile bhailte nan carbad, agus bailtean a' mharc-shluaigh, agus uile mhiann Sholaimh a mhiannaich e thogail ann an Ierusalem, agus ann an Lebanon, agus ann an uile thir a thighearnais.

7 *A thaobh* an t-sluaigh uile a dh'fhàgadh do na Hitich, agus *do* na h-Amoraich, agus *do* na Peridsich, agus *do* na Hibhich, agus *do* na Iebusaich, nach robh do Israeil,

8 D'an cloinn a dh'fhàgadh 'nan déigh anns an tìr, nach do sgrios clann Israeil, dhiubhsan thog Solamh cis gus an là'n diugh.

9 Ach do chloinn Israeil cha d' rinn Solamh tràill sam bith air son 'oibre; oir bha iad 'nam fir-chogaidh, agus 'nan uachdaranaibh, agus 'nan ceannardaibh¹ aige, agus 'nan riaghlairibh a charbad agus a mharc-shluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud² a riaghail os ceann an t-sluaigh.

11 Agus thug Solamh suas nighean Pharaoh á baile Dhaibhidh a dh'ionnsuidh an tìghe a thog e dhi: oir thubhairt e, Cha ghabh mo bhean-sa còmhnuidh ann an tìgh Dhaibhidh rìgh Israeil; oir is naomh na *h-àitean* d'an d'fhàinig àire an Tighearna steach.

12 An sin dh'ìobair Solamh ìobairtean-loisgte do'n Tighearn, air altair an Tighearn, a thog e fa chomhair an sgàth-thighe;

13 A dhlighe féin air gach là, ag ìobradh a réir àithne Mhaois, air na sàbaidibh, agus air na gealachibh nomha, agus air na féilibh³ sonraichte, trì uairean sa' bhliadhna, air féil an arain neo-ghoirtichte, agus air féil nan seachdain, agus air féil nam pàillium.

14 Agus shuidhich e, a réir riaghailt Dhaibhidh 'athar, roinnean nan sagart chum an seirbhis, agus na Lebhithich chum an cùrain, a mholadh agus a fhrithealadh am fianuis nan sagart, a réir

dlighe gach là; agus ná dorsairean a réir an roinnean aig gach geata: oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh mu na sagairt agus na Lebhithich, a thaobh nì air bith, no thaobh nan ionmhas.

16 Agus dheasaicheadh obair Sholaimh uile gu ruig an là anns an do leagadh bunait⁴ tìghe an Tighearn, agus gus an do chrìochnaicheadh e. *Mar sin* rinn-eadh tìgh an Tighearna gu h-iomlan.

17 An sin chaidh Solamh gu h-Esiongeber, agus gu h-Elot, air taobh na mara ann an tìr Edoim.

18 Agus chuir Huram d' a ionnsuidh le làimh a sheirbhiseach longa, agus seirbhisich aig an robh eòlas na faire; agus chaidh iad maille ri seirbhisich Sholaimh gu h-Ophir, agus thug iad as a sin ceithir cheud agus leth-cheud tàlann òir, agus thug iad gu rìgh Solamh iad.

CAIB. IX.

1 *Thàinig ban-rìghinn Sheba gu-Ierusalem a dhearbhadh Sholaimh.* 3 *Ghabh i iongantas r'a ghliocas.* 13 *Cothrom an òir a thàinig dh'ionnsuidh Sholaimh ann an aon bhliadhna.* 16 *A rìgh-chaitìr.* 20 *A shoithiechan òil.* 29 *A bhàs.*

AGUS an uair a chuala ban-rìghinn Sheba cliù Sholaimh, thàinig i a dhearbhadh Sholaimh le ceisidibh cruaidhe gu h-Ierusalem, le cuideachd ro mhòir, agus le càmhalaibh a' giùlan spiorsaidh agus òir ann am pailteas, agus chlacha luachmhor: agus an uair a thàinig i dh'ionnsuidh Sholaimh, labhair i ris gach nì a bha 'na cridhe.

2 Agus fhreagair⁵ Solamh dhi a ceisdean⁶ uile; agus cha robh nì air bith am folach air Solamh nach d'innis e dhi.

3 Agus an uair a chunnaic ban-rìghinn Sheba gliocas Sholaimh, agus an tìgh a thog e.

4 Agus biadh a bhùird, agus suidhe a sheirbhiseach, agus feitheamh a luchd-frithealaidh agus an trusgan, agus a ghille-ean-cupain agus an trusgan, agus a dhol-suas air an deachaidh e suas gu⁷ tìgh an Tighearna; cha robh spiorad innte nì's mò.

5 Agus thubhairt i ris an rìgh, *B'fhior* an t-iomradh a chuala mi ann am thùr féin air do ghnìomharaibh, agus air do ghliocas:

6 Gidheadh cha do chreid mi am briàthra, gus an d'fhàinig mi, agus gu'm faca mo shùilean; agus, feuch, cha d'innseadh dhoinn leth meud do ghliocais: chaidh thu thar an iomradh a chuala mi.

7 *Is* sona do dhaoine, agus *is* sona iad so do sheirbhisich, a sheasas a'd' fhian

¹ I. Rìgh, Caib. IX. r. 22.

agus leth-cheud. I. Rìgh, Caib. IX. r. 23.

³ fèisidibh.

⁴ stéidh.

² cùig ceud

⁵ dh'fhuasgail, mlànich.

⁶ briathran. Eabh.

⁷ na h-ìobairte-loisgte a dh'ìobair e ann.

II. EACHDRAIDH, IX. X.

uis an còmhuidh, agus a chluinneas do ghliocas.

8 Gu ma beannaichte an Tighearna do Dhia a ghabh tlachd annad gu d' chur air a rìgh-chathair, gu bhì d' rìgh air son an Tighearna do Dhé: a chionn gu'n do ghràdhaich do Dhia Israel, chum an daingneachadh gu bràth, uime sin rinn e thusa a'd' rìgh os an ceann, a dheanamh breitheanais agus ceartais.

9 Agus thug i do'n rìgh ceud agus fichead tàlann òir, agus ro mhòran do spìosraidh, agus clacha luachmhor: Agus cha robh riamh a leithid so do spìosraidh, as a thug ban-rìghinn Sheba do rìgh Solaimh.

10 Agus mar an ceudna thug seirbhisich Huraim, agus seirbhisich Sholaimh, a thug òr o Ophir, fiodh alguim¹ leo, agus clacha luachmhor.

11 Agus rinn an rìgh do'n fhiodh alguim staidhrichean² do thigh an Tighearn, agus do thigh an rìgh, agus clàrsaichean agus saltairean do'n luchd-ciùil: agus cha 'n fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-nìle mhiann a dh'ìarr i, a thuilleadh air na thug i dh'ionnsuidh an rìgh³: agus thionndaidh i agus dh'imich i d'a tìr, i féin agus a seirbhisich.

13 A nis b'e cothrom an òir a thàinig a dh'ionnsuidh Sholaimh annaon bhliadhna, sè ceud agus trì fichead agus sè tàlannan òir:

14 A thuilleadh air na thug na ceann-aichean agus an luchd malairt, agus uile rìghrean Arabia, agus uachdarain na tìre; a thug òr agus airgid a dh'ionnsuidh Sholaimh⁴.

15 Agus rinn rìgh Solamh dà cheud sgiath do òr buailte; chaidh sè ceud *secel* do òr buailte chum gach sgeithe.

16 Agus *rinn e* trì cheud targaid do òr buailte: chaidh trì cheud *secel* òir chum gach targaide: agus chuir an rìgh iad ann an tigh frithe Lebanoin.

17 Rinn an rìgh mar an ceudna rìgh-chathair mhòr do fhiacailbh *elephant*, agus chòmhdach e i leis an òr bu ghloine.

18 Agus *bha* sè ceuman aig an rìgh-chathair agus cos-stòl òir, air an tàthadh ris an rìgh-chathair, agus làmban air gach taobh do'n àite-shuidhe, agus dà lèomhan a' seasamh làimh ris na làmban.

19 Agus sheas dà lèomhan dheug an sin air na sè ceumaibh, air an taobh so agus air an taobh ud. Cha d' rinneadh a leithid ann an rìoghachd air bith eile.

20 Agus *bha* uile shoithichean òil rìgh Solaimh do òr, agus uile shoithiche tìghe

frithe Lebanoin do òr fìor-ghlan: cha robh meas do airgid ann an làithibh Sholaimh chum nì sam bith.

21 Òir chaidh loingeas an rìgh gu Tarsis maille ri seirbhisich Huraim: aon uair anns na trì bliadhnaibh thàinig loingeas Tharsis a' giùlan òir agus airgid, fhiacal elephant, agus apa, agus pheucag.

22 Agus thug rìgh Solamh barrachd air uile rìghribh an domhain ann an saobh-reas agus gliocas.

23 Agus dh'ìarr uile rìghrean na talmhainn teachd an làthair Sholaimh, a chluinntinn a ghliocais a chuir Dia 'na chridhe.

24 Agus thug iad leo gach fear a thiodhlac, soithichean airgid, agus soithichean òir, agus trusganan, agus airm, agus spìosraidh, agus eich agus muileidean, cuibhrionn bliadhna anns gach bliadhna.

25 Agus bha aig Solamh ceithir mìle prasach each air son a charbad⁵, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìghich e os ceann nan rìgh uile, o'n amhainn gu ruig tìr nan Philisteach, agus gu ruig crìoch na h-Eiphit.

27 Agus thug an rìgh air airgid a *bhi* ann an Ierusalem mar chlachan, agus air na cranuaibh seudair thug e *bhi* mar na croinn shìomoir, a *tha* anns an t-srath, air lìonmhoireachd.

28 Agus thugadh eich a dh'ionnsuidh Sholaimh as an Eiphit, agus as gach uile tìr.

29 Agus a' chuid eile do ghìomharaibh Sholaimh, an toiseach agus mu dheireadh⁶, nach 'eil iad sgrìobhta ann an leabhar Natain an fhàidh, agus ann am fàidheadaireachd Ahiah an t-Silonaich, agus ann an seallannaibh Ido an fhuir-sheallaidh an aghaidh Ieroboam mhic Nebait?

30 Agus rìghich Solamh ann an Ierusalem os ceann Israeil uile, dà fhichead bliadhna.

31 Agus chaidh Solamh maille r'a aithrichibh, agus dh'adhlaiseadh e ann am baile Dhaibhidh 'athar: agus rìghich Rehoboam a mhac 'na àit.

CAIB. X.

1 Thàinig clann Israeil do Shechem gu Rehoboam a dheanamh 'na rìgh. 6 Dhiùlt esan comhairle nan seann daoine, agus labhair e gu garg ris an t-sluagh, a rèir comhairle nan daoine òga. 16 Rinn clann Israeil ceannaire 'na aghaidh.

AGUS chaidh Rehoboam do Shechem: a' òir thàinig Israel uile do Shechem g'a dheanamh 'na rìgh.

¹ almuig. I. Rìgh, Caib. X. r. 11.

² àrd-shlighean. ³ a thuilleadh air na thug an rìgh dhi d'a fhiadhlaidheachd féin. I. Rìgh, Caib. X. r. 13.

⁴ Faic I. Rìgh, Caib. X. r. 15.

⁵ I. Rìgh, Caib. IV. r. 26.

⁶ o thoiseach gu deireadh.

II. EACHDRAIDH, X. XI.

2 Agus an uair a chuala Ieroboam mac Nebait *sin*, a *bha* anns an Eiphit, far an do theich e o ghnùis rìgh Solaimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehoboam, ag ràdh,

4 Dh'antromaich t'athair ar cuing-ne, ach eutromaich thus' a nis seirbhis chruaidh t'athar, agus a chuing throm a chuir e oirmn, agus nì sinn seirbhis dhuit.

5 Agus thubhairt e riu, An ceann thrì làithean thigibh a ris a m' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh a sheas an làthair Sholaimh 'athar, an uair bu bheò e, ag ràdh, Cionnus a chomhairlicheas sibh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tusa caomhneil ris an t-sluagh so, agus gu'n toilich thu iad, agus gu'n labhair thu riu briathra maithe, bithidh iadsan agadsa 'nan seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris féin agus a sheas 'na làthair.

9 Agus thubhairt e riu, Ciod a tha sibhse a' comhairleachadh, a chum gu'n toir sinn freagradh do'n t-sluagh so, a labhair rium, ag ràdh, Eutromaich a' chuing a chuir t'athair oirmn?

10 Agus labhair na daoine òga a dh'fhàs suas maille ris féin ris, ag ràdh, Mar so their thu ris an t-sluagh a labhair riut, ag ràdh, Dh'antromaich t-athair ar cuing-ne, ach eutromaich thusa dhuinn i; mar so their thu riu, *Is* gairbhe mo lùghdag-sa na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhur cuing; smachdaich m'athair sibh le slataibh, ach *smachdaichidh* mise sibh le scorpionaibh.

12 Agus thàinig Ieroboam agus an sluagh uile gu Rehoboam air an treas là, mar a dh'àithn an rìgh, ag ràdh, Thigibh a ris a m' ionnsuidh air an treas là.

13 Agus fhreagair an rìgh iad gu garbh; agus thréig rìgh Rehoboam comhairle nan seann daoine.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, ach cuiridh mise rithe; smachdaich m'athair sibh le slataibh, ach *smachdaichidh* mise sibh le scorpionaibh.

15 Mar so cha d'éisd an rìgh ris an

t-sluagh; oir bha'n t-aobhar o Dhia, chum gu'n coimhlionadh an Tighearn 'fhocal féin, a labhair e le làimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne aim an' Daibhidh? agus cha n'eil oighreachd againn ann am mac Iese: gach fear do d' bhùthaibh, O Israeil; a nis thoir an aire² air do thigh féin, a Daibhidh. Agus dh'fhalbh Israel uile d'am bùthaibh.

17 Ach a thaobh chloinn Israeil a bha chòmhnuidh ann am bailtibh Iudah, rìgh-ich Rehoboam os an ceann.

18 An sin chuir rìgh Rehoboam Adoram a bha os ceann na cìse d'an ionnsuidh; agus chlach clann Israeil e le clachaibh, agus fhuair e bàs: agus rinn Rehoboam cabhag gu dòlsuas d'a charbad, chum gu'n teicheadh e do h-Ierusalem.

19 Agus rinn Israel ceannairc an aghaidh tighe Dhaibhidh gus an là'n diugh.

CAIB. XI.

1 Chruinnich Rehoboam armailt a chogadh an aghaidh Israeil. 6 Na bailte daingnichte a thog e. 13 Thàinig na sagairt agus na Lebhithich gu Ierusalem, a chionn gu'n do chuir Ieroboam iad o fhrithleadh 'nan dreuchd. 18 Mnaì agus clann Rehobaime.

A GUS an uair a thàinig Rehoboam gu h-Ierusalem, chruinnich e do thigh Iudah agus Bhieniamin, ceud, agus ceithir fiahead mìle fear taghta, deanta ri cogadh, a chogadh an aghaidh Israeil, a chum an rìghachd a thoirt a ris gu Rehoboam.

2 Ach thàinig focal an Tighearna gu Semaiah òglach³ Dhé, ag ràdh,

3 Labhair ri Rehoboam, mac Sholaimh, rìgh Iudah, agus ri h-Israel uile ann an Iudah agus ann am Benjamin, ag ràdh,

4 Mar so tha'n Tighearn ag ràdh, Cha téid sibh suas, agus cha chog⁴ sibh ri'r bràitlribh: pillibh, gach fear a dh'ionnsuidh a thighe; oir leamsa rinneadh an nì so. Agus dh'éisd iad ri briathraibh an Tighearn, agus phill iad o dhol an aghaidh Ieroboaim.

5 Agus ghabh Rehoboam còmhnuidh ann an Ierusalem, agus thog e bailte daingnichte ann an Iudah:

6 Thog e eadhon Bet-lehem, agus Etam, agus Tecoa,

7 Agus Bet-sur, agus Socho, agus Adullam,

8 Agus Gat, agus Maresah, agus Siph,

9 Agus Adoraim, agus Lachis, agus Asceah,

10 Agus Sorah, agus Aialon, agus He-

¹ maille ri.
434

² seall.

³ duine. Eabh.

⁴ chòmhraig.

bron; a *tha* ann an Iudah, agus ann am Benjamin, nam bailtibh daingnichte.

11 Agus neartaich e na daingnichte, agus chuir e eannardan anna, agus taisgeacha bidh, agus olaidh, agus fìona.

12 Agus anns gaeh baile¹ fa leth *chuir* e sgiathan agus sleaghan, agus rinn e ro làidir iad; oir bha Iudah agus Benjamin aige air a thaobh.

13 Agus thàinig na sagairt agus na Lebhithich, a *bha* ann an Israel uile, d'a ionnsuidh as an eriochaibh uile:

14 (Oir dh'fhàg na Lebhithich am fo-bhailtean², agus an sealbh, agus thàinig iad gu Iudah agus gu h-Ierusalem; a chionn gu'n do chuir Ieroboam agus a mhie iad o fhrithealadh ann an drenchd nan sagart do'n Tighearn.)

15 Agus rinn e dha fèin sagairt air son nan àitean àrda, agus air son dhiabhol, agus air son nan laogh a rinn e.)

16 Agus 'nan déigh-san thàinig a mach á uile threubhan Israeil, iadsan a shocraich an cridhe a dh'iarraidh an Tighearna Dé Israeil, gu h-Ierusalem a dh'ìobradh do'n Tighearna Dia an aithriche.

17 Agus dhaingnich iad rìoghachd Iudah, agus rinn iad Rehoboam mac Sholaimh làidir rè thri bliadhna; oir rè thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat nighean Ierimoit, mhie Dhaibhidh, dha fèin 'na mnaoi; Abihail mar an ceudna, nighean Eliaib, mhie Iese:

19 Agus rug ise dha clann; Ieus, agus Semariah, agus Saham.

20 Agus 'na déigh-san ghabh e Maachah, nighean Absaloim, a rug dha Abiah, agus Atai, agus Sisa, agus Selomit.

21 Agus ghràdhaich Rehoboam Maachah, nighean Absaloim, os ceann a bhan agus a choimhleabaichean uile; oir ghabh e dha fèin ochd mnàid dheug, agus tri fhead coimhleabach, agus ghin e ochd mie fhichead, agus tri fichead nighean.)

22 Agus rinn Rehoboam 'na cheannard Abiah, mac Mhaacah, gu bhi 'na riaghlair am measg a bhràithrean; oir smuainich e air a dheanamh 'na rìgh.

23 Agus rinn e gu glie, agus sgaoil e a' *chuid eile* d'a mhacaibh uile air feadh uile thìre Iudah agus Bheniamin, anns na bailtibh daingnichte uile; agus thug e dhoibh pailteas bidh: agus dh'iarr e mòr-an bhan.

CAIB. XII.

1 *Thréig Rehoboam lagh an Tighearn.* 2 *Thàinig Sisac rìgh na h-Eiphit a nìos 'na aghaidh, agus ghlac e bailtean daingnichte Iudah.* 5 *Dh'ìros-laich Rehoboam e fèin, agus thug Dia càil-eigin do shaorsa dha.* 13 *A rìoghachadh agus a bhàs.*

¹ caithir. ² dù-bhailtean, fearann comh-roim; suburbs. Sasg.

A *AGUS* an uair a dhaingnicheadh rìoghachd Rehoboam, agus a dh'fhàs e eumhachadach³, thréig e lagh an Tighearn, agus Israel uile maille ris.

2 Agus anns a' chùigeadh bliadhna do rìgh Rehoboam, thàinig Sisac rìgh na h-Eiphit a nìos an aghaidh Ierusalem, (a chionn gu'n do pheacaich iad an aghaidh an Tighearn.)

3 Le mìle agus dà cheud carbad, agus le tri fichead mìle marcach: agus *bha* 'n sluagh gun àireamh a thàinig maille ris as an Eiphit; na Lubaich, na Sucaich, agus na h-Etiopaich,

4 Agus ghlac e na bailte daingnichte a *bhuineadh* do Iudah, agus thàinig e gu h-Ierusalem.

5 An sin thàinig Semaiah am fàidh gu Rehoboam, agus gu h-uachdaranaibh Iudah, a bha air cruinneachadh gu h-Ierusalem air eagal Shisaie, agus thubhairt e riu, Mar so tha'n Tighearn ag ràdh, Dh'fhàg⁴ sibhse mise, agus air an aobhar sin dh'fhàg mise sibhse ann an làimh Shisaie.

6 An sin dh'ìros-laich uachdarain Israeil agus an rìgh iad fèin, agus thubhairt iad, *Tha'n* Tighearna ceart.

7 Agus an uair a chunnaic an Tighearn gu'n d'ìros-laich siad iad fèin, thàinig focal an Tighearna gu Semaiah, ag ràdh, Dh'ìros-laich siad iad fèin; cha sgrios mi iad, ach bheir mi dhoibh càil-eigin do shaorsa; agus cha taomar mo chorruch a mach air Ierusalem le làimh Shisaie.

8 Gidheadh, bithidh iad 'nan seirbhisich aige, agus bithidh aithne aea air mo sheirbhis-sa, agus air seirbhis rìoghachd-an nan dùchauna.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearn, agus ionmhais tighe an rìgh; bhuin e leis an t-ionlan: thug e leis mar an ceudna na targaidean oir a rinn Solamh.

10 Agus rium rìgh Rehoboam targaid-eann umha 'nan àit, agus thug e thairis iad do làimh dheannard an fhreiceadain, a ghléidh dorus tighe an rìgh.

11 Agus an uair a chaidh an rìgh a steach do thigh an Tighearna, thàinig am freiceadan agus thog siad iad, agus thug iad air an ais iad gu seòmar an fhreiceadain.

12 Agus an uair a dh'ìros-laich se e fèin, thionndaidh corruich an Tighearn uaith, chum nach sgriosadh se e gu tur. Agus mar an ceudna ann an Iudah bha nithe gu maith.

13 Agus dhaingnich rìgh Rehoboam e fèin ann an Ierusalem, agus rìghich e. A nis *bha* Rehoboam aon agus dà fhic-

³ neartaich se-fèin.

⁴ Thréig.

II. EACHDRAIDH, XII. XIII.

ead bliadhna dh'aois, an uair a thòisich e air rioghachadh, agus rìghich e seachd bliadhna deug ann an Ierusalem, am baile a thagh an Tighearn a mach á uile thruathan Israeil a chur 'ainme an sin: agus b'e ainm a mhàthar Naamah, Ban-amonach.

14 Agus rinn e ole, a chionn nach d'ull- uich e a chridhe a dh'iarraidh an Tighearn.

15 A nis gnìomhara Rehoboam, an toiseach agus mu dheireadh, nach 'eil iad sgrìobhta ann an leabhar Shemaiah an fhàidh, agus Ido an fhir-sheallaidh, mu thimchioll ghinealach? Agus bha cogadh eadar Rehoboam agus Ieroboam rè an làithean uile.

16 Agus choidil Rehoboam maille r'a aithricibh, agus dh'adhlacaidh e ann am baile Dhaibhidh: agus rìghich Abiah a mhiac 'na àit.

CAIB. XIII.

1 Bha cogadh eadar Abiah agus Ieroboam. 5 Chuir Abiah an cèill ceartas a chùis. 13 Bhuadhaich e air Ieroboam, agus mharbh e Israel le h-àr mòr. 21 A mhnai agus a chlann.

ANIS anns an ochdamh bliadhna deug do rìgh Ieroboam, thòisich Abiah¹ air rioghachadh os ceann Iudah.

2 Tri bliadhna rìghich e ann an Ierusalem: agus b'e ainm a mhàthar Maachah, nighean [Abisaloim, mhic] Urieil o Ghibeah². Agus bha cogadh eadar Abiah agus Ieroboam.

3 Agus chuir Abiah an cath an ordugh le armailt do dhaoineibh treuna ann an cogadh, ceithir cheud mìle fear taghta: agus chuir Ieroboam an cath an ordugh 'na aghaidh le ochd ceud mìle fear taghta, daoine treuna gaisgeil.

4 Agus sheas Abiah suas air sliabh Shemaraim, a tha ann an sliabh Ephraim, agus thubhairt e, Eisdibh rium, a Ieroboam, agus Israeil uile.

5 Nach bu chòir dhuibhse fios a bhi againn gu'n d'thug an Tighearna Dia Israeil an rioghachd os ceann Israeil thairis do Dhaibhidh gu bràth, eadhon dha-san agus d'a mhacaibh le coimhcheangal salainn?

6 Gidheadh, dh'érich Ieroboam, mac Nebait, seirbhiseach Sholaimh mhic Dhaibhidh suas, agus rinn e ceannairc an aghaidh a thighearn:

7 Agus chrùinnich d'a ionnsuidh daoine faoine, mic Bheliail, agus neartaich siad iad féin ann aghaidh Rehoboam, mhic Sholaimh, 'nuair a bha Rehoboam òg agustais-chridheach³, agus nach b'urraim e cur 'nan aghaidh.

8 Agus a nis tha sibh a' smuaineachadh air cur an aghaidh rioghaclid an Tigh-

earn ann an làimh mhac Dhaibhidh; agus tha sibh 'nur⁴ shuagh mòr, agus tha agaibh laogha òir, a rinn Ieroboam dhuibh mar dhée.

9 Nach do thilg sibh a mach sagairt an Tighearna, mic Aaroin, agus na Lebhithich, agus nach d'rinn sibh dhiubh féin sagairt mar chinnich eile an domhain? Gach neach a thig g'a choisreagadh féin le tarbh òg: agus le seachd reitheachaibh, bithidh esan air ball 'na shagart dhoibhsan nach 'eil 'nan diathaibh.

10 Ach d'ar taobh-ne, is e'n Tighearn ar Dia, agus cha do thréig sinn e: agus is iad mic Aaroin na sagairt a tha frith-ealadh do'n Tighearn, agus tha na Lebhithich a' feitheamh air an obair féin:

11 Agus tha iad a' losgadh do'n Tighearn iobairte-loisgte air gach maduinn agus air gach feasgar, agus tùis chùbhraidh; agus tha aran na fianuis air a' bhord fhior-ghlan, agus an coinneir òir maille r'a lòchranaihb a lasadh air gach feasgar: oir tha sinne a' gleidheadh cùraim an Tighearn ar Dé; ach thréig sibh-se e.

12 Agus, feuch, maille ruinne tha Dia féin 'na cheannard oirnn, agus a shagairt le trompaidibh fuaimneach a thoirt caismeachd 'ur n-aghaidh-sa. A chlann Israeil, na cogaibh-se an aghaidh an Tighearna Dé blur n-aithriche; oir cha soirbhich sibh.

13 Ach thug Ieroboam air luchd feall-fholaich⁵ teachd mu'n cuairt air an cùlaobh, air chor as gu robh iad féin fa chomhair Iudah, agus an luchd feall-fholaich air an cùlaobh.

14 Agus an uair a sheall Iudah 'nan déigh, feuch, bha'n cath air am beulaobh agus air an cùlaobh: agus ghlaodh iad ris an Tighearn, agus rinn na sagairt fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israel uile roimh Abiah agus Iudah.

16 Agus theich clann Israeil roimh Iudah; agus thug Dia thairis iad 'nan làimh.

17 Agus mharbh Abiah agus a shluagh iad le h-àr mòr; oir thuit sìos marbhta do Israel, cùig ceud mìle fear taghta.

18 Agus dh'irioslaicheadh clann Israeil air an àm sin, agus neartaicheadh⁶ clann Iudah, a chionn gu'n d'earb iad as an Tighearna Dia an aithriche.

19 Agus lean Abiah an ruaig air Ieroboam, agus ghlac e uaith mòr-bhailte⁷; Bet-el le 'bhailtibh beaga, agus Iesanah le 'bhailtibh beaga, agus Ephron le 'bhailtibh beaga.

¹ Abiam. L Rìgh, Caib. XV. r. 1.

² Faic I, Rìgh, Caib. XV. r. 2.

³ maoth-chridheach.

⁴ ann blur.

⁵ plaid-luidhe.

⁶ bhuadhaich.

⁷ caithriche.

II. EACHDRAIDH, XIII. XIV. XV.

20 Agus cha d'fhuair Ieroboam neart nì's mò ann an làithibh Abiah: agus bhuail an Tighearn e, agus fhuair e bàs.

21 Ach dh'fhàs Abiah cumhachdaeh, agus phòs e¹ ceithir mnàì dheug, agus ghluin e dà mhac thar fhlichead, agus sè nigheana deug.

22 Agus a' chuid eile do ghnìomharaibh Abiah, agus a shlighean, agus a bhriathra, *tha iad sgrìobhta ann an eachdraidh an fhàidh Ido.*

CAIB. XIV.

1 *Fhuair Abiah bàs, agus rìghich Asa 'na àit.*

3 *Chuir Asa air falbh altairean nan dèc coimheach.*

9 *Bhuail e na h-Etiopaich aig Maresah, agus thug e mòran creiche uatha.*

AGUS choidil Abiah maille r'a aithrichibh, agus dh'adhlac iad e ann am baile Dhaibhidh; agus rìghich Asa a mhac 'na àit. 'Na làithibh-san bha'n tìr sàmhach² deich bliadhna.

2 Agus rinn Asa an *ni a bha* maith agus ceart ann an sùilibh an Tighearn a Dhé:

3 Oir chuir e air falbh altairean nan *dèc* coimheach, agus na h-àitean àrda, agus bliris e sìos na dealbhan, agus ghearr e sìos na dòireachan;

4 Agus dh'àithn e do Iudah an Tighearna Dia an aithriche iarraidh, agus an lagh a ghleidheadh³, agus an àithne.

5 Chuir e air falbh mar an ceudna á uile bhailtibh Iudah na h-àitean àrda, agus na dealbhan⁴. Agus bha 'n rìoghachd sàmhach 'na làthair.

6 Agus thog e bailte daingnichte ann an Iudah: oir bha'n tìr sìochail, agus cha *robh* cogadh aige anns na bliadnaibh sin; oir thug an Tighearna fois da.

7 Uime sin thubhairt e ri Iudah, Togamaid na bailte so, agus deanamaid mu' cuairt *orra* ballachan, le tùraibh, geatach-aibh, agus crannaibh, an uair a *tha'n* tìr fathast romhainn: oir dh'iarr sinne an Tighearn ar Dia; dh'iarr sinn e, agus thug e fois dhuinn air gach taobh. Uime sin thog e iad, agus shoirbhich leo.

8 Agus bha aig Asa armailt do *dhaoinibh* a dh'iomchair sgiath agus sleagh, á Iudah trì cheud mìle, agus á Benjamin, a dh'iomchair targaid agus a tharruing bogha, dà cheud agus ceithir fichead mìle; iad sin uile 'nan daoineibh treuna gaisgeil.

9 Agus thàinig a mach 'nan aghaidh Serah an t-Etiopach le armailt mìle do mhiltibh, agus trì cheud carbad, agus thàinig e gu Maresah.

10 Agus chaidh Asa mach 'na aghaidh, agus ehuir iad an cath an ordugh ann an gleann Shephatah aig Maresah.

11 Agus ghlaodh Asa ris an Tighearna a Dhia, agus thubhairt e, A Thighearna, cha *'neil* ann ach an aon chuid duitse cuideachadh le mòran, no leo-san a *ta* gun neart: cuidich leinne, a Thighearn ar Dia; oir asad-sa earbaidh sinn, agus ann ad ainm-sa théid sinn an aghaidh na mòrchuideachd so: a Thighearn, *is* tusa ar Dia; na buadhaicheadh duine a'd' aghaidh.

12 Agus bhuail an Tighearn na h-Etiopaich roimh Asa, agus roimh Iudah; agus theich na h-Etiopaich.

13 Agus lean Asa agus an sluagh a *bha* maille ris iad gu Gerar: agus thuit dona h-Etiopaich uiread⁵ as nach robh tuilleadh neirt aca⁶; oir sgriosadh iad roimh an Tighearn agus roimh 'fheadh: agus thug iad leo ro mhòran creiche.

14 Agus bhuail iad na bailtean uile mu'n cuairt air Gerar, oir bha eagal an Tighearn orra: agus chreach iad na bailtean uile, oir bha mòran creiche annta.

15 Agus bhuail iad mar an ceudna bùth-an na spréidh, agus thug iad leo caoraich ann am pailteas, agus càmhail; agus phill iad gu h-Ierusalem.

CAIB. XV.

1 *Fàidheadaireachd Asariah.* 8 *Chuir Asa air falbh na h-iodhola gràineil á tìr Iudah.* 12 *Rinn e féin agus an sluagh uile coimheachal ris an Tighearn.* 16 *Chuir e Maachah a mhàthair o bhi 'na ban-rìghinn a chionn gu'n d'rinn i dealbh ann an dòire.*

AGUS thàinig spiorad Dhé air Asariah mac Odeid:

2 Agus chaidh e suas an coinneamh Asa, agus thubhairt e ris, Eisidibh riumsa, Asa, agus Iudah uile, agus a Bheniamin; *Tha 'n* Tighearn maille ribh, am feadh a tha sibhse maille ris-san: agus ma dh'iarras sibh e, gheibhear leibh e; ach ma thréig-eas sibhse esan, tréigidh esan sibhse.

3 A nis rè iomadh là *bithidh* Israel as eugmhais Dhé na frinn, agus as eugmhais sagairt a theagaisgeas, agus as eugmhais lagha.

4 Ach an uair a philleas iad 'nan airc a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Agus anns na h-amannaibh sin, cha *bhi* sìth ann dha-san a théid a mach, no dha-san a thig a steach, ach buaireas⁷ mòr air uile luchd-àiteachaidh nan dùchanna.

6 Agus sgriosar cinneach le cinneach, agus baile le baile; oir claidhidh Dia iad leis gach airc.

7 Ach bithibh-se làidir, agus na biodh bhur làmhan lag; oir tha duais ann air son bhur n-oibre.

¹ *ghabh e d'a ionnsuidh.* Eabh.

² *aig fois.*

³ *a dheanamh.* Eabh.

⁴ *grian-riochdan.*

⁵ *oiread.* Eir. ⁶ *nach robh a' bhac b'èd dhiubh.*

⁷ *tuairgnc, cràdh-shìal.*

II. EACHDRAIDH, XV. XVI.

8 Agus an uair a chual' Asa na briathra sin, agus fàidheadaireachd [Asariah nìic] Odeid an fhàidh, ghabh e misneach, agus chuir e air falbh na *h-ìodhola* gràineil á tír Iudah agus Bheniamin uile, agus as na bailtibh a ghlac e do shliabh Ephraim, agus dh'ath-nuadaich e altair an Tighearn, a *bha* air beulaobh sgàth-thighe an Tighearn.

9 Agus chruinnich e Iudah uile agus Beniamin, agus na coigrich maille riu á h-Ephraim, agus á Manasch, agus á Simeon; oir thàinig iad thairis d'a ionnsuidh á h-Israel ann am pailteas, an uair a chumnaic iad gu'n *robh* an Tighearn a Dhia maille ris.

10 Agus chruinnich iad an ceann a chéile aig Ierusalem anns an treas mìos, anns a' chùigeadh bliadhna deug do rìoghachadh Asa.

11 Agus dh'ìobair iad do'n Tighearna san àm sin do'n chreich a thug iad leo, seachd ceud bò, agus seachd mìle caora.

12 Agus rinn iad coimhcheangal gu'n iarradh iad an Tighearna Dia an aithriche le'n uile chridhe, agus le'n uile anam;

13 Agus gu'n rachadh gach neach nach iarradh an Tighearna Dia Israeil a chur gu bàs, co dhiubh bu bheag no mòr, fear no bean, e.

14 Agus mhiomnaich iad do'n Tighearna le guth àrd, agus le gàir, agus le trompaidibh, agus le buabhullaibh.

15 Agus rinn Iudah uile gairdeachas a thaobh nam mìonnan sin: oir mhiomnaich iad le'n uile chridhe, agus dh'iarr iad e le'n uile rùn; agus fhuaradh e leo. Agus thug an Tighearna fois dhoibh air gach taobh.

16 Agus mar an ceudna *thaobh* Mhaachah màthar rìgh Asa, chuir e i o *bhi* 'na ban-rìghinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loisg se e aig sruth Chidroin.

17 Ach cha do chuireadh na h-àitean àrda air falbh á h-Israel: gidheadh, bha cridhe Asa iomlan rè a làithean uile.

18 Agus thug e steach na nithean a naomhaich 'athair, agus na nithean a naomhaich e féin, do thigh an Tighearn, airgid, agus òr, agus soithichean.

19 Agus cha robh cogadh tuilleadh ann gu ruig an cùigeadh bliadhna deug thar fhichead do rìoghachadh Asa.

CAIB. XVI.

1 Rinn Asa coimhcheangal ri Benhadad an aghaidh Bhaasa. 7 Thug Hanani achmhasan do Asa a chionn gu'n d'earb e as na Sìrionach. 12 Dh'fhàs eucail 'na chosaibh. 13 A bhàs.

ANNS an t-seathladh bliadhna deug thar fhichead do rìoghachadh Asa,

thàinig Baasa rìgh Israeil a mìos an aghaidh Iudah, agus thog e Ramah, chum nach leigeadh e le neach air bith dol a mach no teachd a stigh gu Asa rìgh Iudah.

2 An sin thug Asa mach airgid agus òr á ionmhasaibh tighe an Tighearn agus tighe an rìgh, agus chuir e *teachd-airean* gu Benhadad rìgh Shiria a bha chòmhnuidh aig Damascus, ag ràdh,

3 *Biodh* coimhcheangal eadar mise agus thusa, mar a *bha* eadar m'athair-sa agus t'athair-sa: feuch, chuir mi a d'ionnsuidh airgid agus òr; falbh, bris do choimhcheangal ri Baasa rìgh Israeil, a chum gu'n imich e uam.

4 Agus dh'éisd Benhadad ri rìgh Asa, agus chuir e ceannardan nan armait a *bha* aige, an aghaidh bhailtean Israeil; agus bhuail iad Ion, agus Dan, agus Abelmaim, agus uile bhailtean ionmhais Naph-tali.

5 Agus an uair a chuala Baasa *sin*, leig e dheth Ramah a thogail, agus sguir e d'a obair.

6 An sin thug Asa an rìgh leis Iudah uile; agus thug iad leo clacha Ramah, agus 'fhiodh, leis an robh Baasa a' togail; agus thog e leo Geba, agus Mispah.

7 Agus anns an àm sin thàinig Hanani am fear-seallaidh gu h-Asa rìgh Iudah, agus thubhairt e ris, A chionn gu'n d'earb thu á rìgh Shiria, agus nach d'earb thu as an Tighearna do Dhia, uime sin tha armait rìgh Shiria air dol as o d' làimh.

8 Nach robh na h-Etiopaich agus na Lubaich 'nan sluagh lionmhor, le ro mhòr-an charbad agus marc-shluaigh? gidheadh a chionn gu'n d'earb thu as an Tighearn, thug e thairis do d' làimh iad.

9 Oir *tha* sùilean an Tighearn ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am *bheil* cridhe iomlan d'a thaobh. Rinn thu gu h-amaideach an so; air an aobhair sin o so a mach bitlidh cogadh a d' aghaidh.

10 An sin bha fearg air Asa ris an fhear-sheallaidh, agus chuir e ann an tigh prìs-ain e, a chionn gu'n *robh* e ann an corruich ris a thaobh an *ni* so. Agus rinn Asa ainneart air *cuid* do'n t-sluagh san àm sin.

11 Agus, feuch, gnìomharan Asa, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

12 Agus dh'fhàs eucail air Asa 'na ciosaibh anns an naothadh bliadhna deug thar fhichead d'a rìoghachadh, *agus an d' thàinig* eucail gu h-àirde mhoir: gidheadh, 'na eucail cha d'iarr e an Tighearn, ach na lighichean.

13 Agus choidil Asa maille r'a aith-

richibh, agus dh'eug e anns a' cheud bliadhna agus dà fhichead d'a rioghlachadh.

14 Agus dh'adhlaid iad e 'na uaigh fèin, a rinn e air a shon fèin ann am baile Dhaibhidh, agus chuir iad 'na luidhe e ann an leabaidh, a lìonadh le nithibh cùbhairaidh¹, agus le h-ìomadh gnè olaidh² air an dcasachadh le h-ealadhan an lèigh: agus rinn iad dha losgadh ro mhòr.

CAIB. XVII.

1 *Ghluais Iehosaphat ann an slighibh an Tighearn.*
7 *Chuir e cuid d'a uachdaranaibh a theagasg ann am bailtibh Iudah.* 11 *Thug na Philistich agus na h-Araibich tiodhlacan d'a ionnsuidh.* 13 *A cheannardan agus armaithean.*

A GUS rìghich Iehosaphat a mhac 'na àit, agus neartaich se e fèin ann aghaidh Israeil.

2 Agus chuir e feachd ann an uile bhailtibh daingnichte Iudah, agus chuir e freiceadain ann an tìr Iudah, agus ann am bailtibh Ephraim, a ghlac Asa³ athair.

3 Agus bha 'n Tighearna maille ri Iehosaphat, a chionn gu'n do ghluais e ann an ceud shlighibh Dhaibhidh⁴ athar, agus nach d'iarr e dh'ionnsuidh Bhaalim⁵;

4 Ach gu'n d'iarr e dh'ionnsuidh (an Tighearna) Dé⁶ athar, agus gu'n do ghluais e 'na àitheantaibh, agus cha b'ann a réir deánadais Israeil:

5 Uime sin dhaingnich an Tighearn an rioghlachd 'na làimh; agus thug Iudah uile tiodhlacan gu Iehosaphat; agus bha aige beartas agus urram ann am pailteas.

6 Agus dh'àrdaicheadh a chridhe ann an slighibh an Tighearn; agus mar an ceudna chuir e air falbh na h-àitcan àrda agus na dòireachan à Iudah.

7 Agus anns an treas bliadhna d'a rìoghachadh chuir e cuid d'a uachdaranaibh¹, Benhail, agus Obadiah, agus Sechariah, agus Netaneel, agus Micaiah, a theagasg ann am bailtibh Iudah.

8 Agus maille riu-san na Lebhithich, Semaiah, agus Netaniah, agus Sebadiah, agus Asahel, agus Semiramot, agus Iehonatan, agus Adoniah, agus Tobiah, agus Tob-adoniah, Lebhithich uile; agus maille riu-san Elisama, agus Iehoram, na sagairt.

9 Agus theagaisg iad ann an Iudah, agus leabhar lagha an Tighearn aca, agus chaidh iad mu'n cuairt air feadh uile bhailtean Iudah, agus theagaisg iad an sluagh.

10 Agus bha eagal an Tighearn air uile rioghlachdaibh nan tìr a bha mu'n cuairt air Iudah, agus cha do chog iad ri Iehosaphat.

11 Agus thug cuid do na Philistich

tiodhlacan do Iehosaphat, agus argiod cise: mar an ceudna thug na h-Araibich d'a ionnsuidh spréidh, seachd mìle agus seachd ceud reithe, agus seachd mìle agus seachd ceud boc-gaibhre.

12 Agus dh'fhàs Iehosaphat gu h-anbarrach mòr; agus thog e ann an Iudah caistealan⁵ agus bailtean ionmhaiss.

13 Agus bha mòran oibre aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus so 'an àireamh, a réir tighe an aithriche: Do Iudah, ceannarda mhiltean; Aduah an ceannard, agus maille ris daoine comasach gaisgeil, trì cheud mìle.

15 Agus na dhéigh-san Iehohanan an ceannard, agus maille ris dà cheud agus ceithir fichead mìle.

16 Agus 'na dhéigh-san Amasiah mac Shichri, a thug e fèin suas do'n Tighearn, agus maille ris dà cheud mìle fear comasach gaisgeil.

17 Agus do Bheniamin; Eliada fear comasach gaisgeil, agus maille ris daoine armaichte le bogha agus le targaid, dà cheud mìle.

18 Agus 'na dhéigh-san Iehosabad, agus maille ris ceud agus ceithir fichead mìle, deas gu cogadh.

19 Bha iad sin a' feitheamh air an rìgh, a bhàrr orra-san a chuir an rìgh anns na bailtibh daingnichte air feadh Iudah uile.

CAIB. XVIII.

1 *Chaidh Iehosaphat maille ri Ahab an aghaidh Ramot-gilead.* 4 *Dh'fiosraich iad do fhocal an Tighearn, agus thug na fàidhean bréige lán-dearbhadh dhoibh gu'n soirbhlìceadh leo.* 6 *Chuir eadh fios air Micaiah: 15 Roimh-innis e às Ahab.*

A GUS bha aig Iehosaphat beartas agus cliù ann am pailteas; agus rinn e cleamhnas ri Ahab.

2 Agus an ceann bhliadhnan àraidh chaidh e sìos a dh'ionnsuidh Ahaib do Shamaria; agus mharbh Ahab coraich agus crodh ann am pailteas air a shon, agus air son an t-sluaigh a bha maille ris, agus chuir e impidh air dol suas gu Ramot-gilead.

3 Agus thubhairt Ahab rìgh Israeil ri Iehosaphat rìgh Iudah, An téid thu maille riumsa do Ramot-gilead? Agus fhreagair ean e, Tha mise mar a ta thusa, agus mo shluagh-sa mar do shluagh-sa agus bithidh sinn leat anns a' chogadh.

4 Agus thubhairt Iehosaphat ri rìgh Israeil, Fiosraich⁶, guidheam ort, an diugh do fhocal an Tighearn.

5 Uime sin chruinnich rìgh Israeil na fàidhean an ceann a chéile, ceithir cheud fear, agus thubhairt e riu, An téid sinn do Ramot-gilead gu cath, no'n leig mi leis?

¹ spioraidh deadh-bholaidh.

² oinmeid.

³ dhiathan bréige.

⁴ chuir e fios a dh'ionnsuidh uachdaran.

⁵ tùir.

⁶ Fèraich.

II. EACHDRAIDH, XVIII.

Agus thubhairt iadsan, Falbh suas; oir bheir Dia an làimh an rìgh *iad*.

6 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

7 Agus thubhairt rìgh Israeil ri Iehosaphat, *Tha* fathast aon fhear *ann*, leis am feud sinn fiosrachadh do'n Tighearn; ach tha fuath agam dha, oir cha 'n'eil e deanamh fàistueachd mu m' thimchioll idir air maith, ach an còmhnuidh air olc: *is* e so Micaiah. mac Imla. Agus thubhairt Iehosaphat, Na h-abradh an rìgh mar sin.

8 Agus ghairm rìgh Isracil aon *d'a* mhaoraibh, agus thubhairt e, Greas *an so* Micaiah mac Imla.

9 Agus shuidh rìgh Isracil, agus Iehosaphat rìgh Iudah, gach fear air a rìgh-chaitheir féin, le'n earradh *rìoghail* orra, agus shuidh iad ann an àite rèidh, aig dol a steach geata Shamaria; agus *bha* na fàidhean uile ri fàidheadaireachd 'nan làthair.

10 Agus rinn Sedeciah, mac Chenaanah, adhaircean iarunn dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich¹, agus an cuirear as doibh.

11 Agus rinn na fàidhean uile fàidheadaireachd mar sin, ag ràdh, Falbh suas gu Ramot-gilead, agus soirbhich; oir bheir an Tighearn an làimh an rìgh *iad*.

12 Agus an teachdair a chaidh a ghairm Micaiah, labhair e ris, ag ràdh, Feuch, *tha* briathra nam fàidh le h-aon bheul *a' foillseachadh* maith do'n rìgh: bitheadh t'fhocal-sa, guidheam ort, mar *fhocal* aoin duibhsan, agus labhair maith.

13 Agus thubhairt Micaiah, *Mar is* beò an Tighearn, eadhon, *an nì* a their mo Dhia, sin labhraidh mise.

14 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an téid sinn do Ramot-gilead gu cath, no'n leig mi leis? agus thubhairt esan, Rachaidh suas, agus soirbhichibh, oir bheir an bhur làimh *iad*.

15 Agus thubhairt an rìgh ris, Cia lìon uair a mbionnaicheas mi thu, nach innis thu dhomh ach an fhùrinn ann an ainm an Tighearn?

16 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach 'eil aodhaire: agus thubhairt an Tighearna, Cha 'n'eil maighstir² orra so; pilleadh gach fear d'a thigh féin ann an sìth.

17 (Agus thubhairt rìgh Israeil ri Iehosaphat, Nach d'innis mi dhuit, nach dean-

adh e fàistueachd mu m' thimchioll-sa air maith, ach air olc?)

18 A ris thubhairt e, Uime sin éisdibh ri focal an Tighearna: Chunnaic mise an Tighearna 'na shuidhe air a rìgh-chaitheir, agus uile shlòigh nan nèamh 'nan seasamh air a làimh dheis agus air a làimh chlì.

19 Agus thubhairt an Tighearna, Cò a chuireas impidh³ air Ahab rìgh Israeil, a chum gu'n téid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e am fianuis an Tighearn, agus thubhairt e, Cuiridh mise impidh air. Agus thubhairt an Tighearna ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhàidhean uile. Agus thubhairt an Tighearna, Cuiridh tu impidh air, agus mar an ceudna buaidhichidh tu: imich, agus dean mar sin.

22 A nis uime sin, feuch, chuir an Tighearna spiorad bréige ann am beul nam fàidh sin agad, agus labhair an Tighearn olc mu d' thimchioll.

23 An sin chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia an taobh a chaidh spiorad an Tighearn uamsa a labhair riutsa?

24 Agus thubhairt Micaiah, Feuch, chi thu san là sin air an téid thu steach do sheòmar-cùil gu d'fhalachadh féin.

25 An sin thubhairt rìgh Israeil, Glacaidh Micaiah, agus thugaibh air ais e gu h-Amon uachdaran a' bhail, agus gu loas mac an rìgh;

26 Agus abraibh, Mar so thubhairt an rìgh, Cuiribh am fear so anns a' phrìosan, agus beathaichibh e le aran airce⁴, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, cha do labhair an Tighearna leamsa. Agus thubhairt e, Eisdibh, a shlòigh uile⁵.

28 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

29 Agus thubhairt rìgh Isracil ri Iehosaphat, Cuiridh mise mi féin ann an eòlas eile, agus théid mi steach do'n chath; ach cuir thusa t'earradh *rìoghail* ort. Agus chuir rìgh Israeil e féin ann an eòlas eile, agus chaidh e⁶ steach do'n chath.

30 A nis dh'àithn rìgh Shiria do cheannardaibh nan carbad a *bha* aige, ag ràdh,

¹ purraidh tu Siria.

³ a dh'aomas, a mheallas.

² tighearn.

⁴ teamtachd.

⁵ Eisdadh gach uile shluagh.

⁶ iad.

Na cogaibh ris a' bheag, no ris a' mhòr, ach ri rìgh Israeil a mhàin.

31 Agus an uair a chunnaic ceannardan nan carbad Iehosaphat, thubhairt iad, *Is* e so rìgh Israeil: uime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearn leis, agus dh'aom Dia iad gu *faibh* uaith.

32 Oir an uair a chunnaic ceannardan nan carbad nach b'e rìgh Israeil a bha ann, phill iad o a leantuinn.

33 Agus tharuing fear *a* bhogha a thaobh tuairmise¹, agus bhuail e rìgh Israeil eadar alta na lùirich: uime sin thubhairt e r'a charbadair, Tionndaidh do làmh, agus thoir a mach as au fheachd² mi; oir tha mi leòite.

34 Ach mheudaich an cath air an là sin: uime sin dh'fhan rìgh Israeil suas 'na charbad an aghaidh nan Sirianach gu ruig am feasgar; agus fhuair e bàs mu àm dol fodha³ na grèine.

CAIB. XIX.

1 *Thug Iehu achmhasan do Iehosaphat a chionn gu'n do chuidich e le Ahab.* 4 *Chaidh Iehosaphat a mach air feadh an t-sluaigh, agus shuidhich e breitheamhna anns an tìr.* 6 *Theagaisg e dhoibh an dleasdanas.*

AGUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mac Hanani am fear-seallaidh a mach 'na choinneamh, agus thubhairt e ri rìgh Iehosaphat, Am buineadh dhuitse an t-aingidh a chuideachadh, agus iadsan a ghràdhachadh a dh'fhuathaicheas an Tighearn? uime sin *tha* fearg riut o làthair an Tighearn.

3 Ach fhuaradh nithe maithe annad, a thaobh gu'n do chuir thu air falbh na doireachan as an tìr, agus gu'n d'ulluich thu do chridhe a dh'iarraidh Dhé.

4 Agus ghabh Iehosaphat còmhnuidh ann an Ierusalem: agus chaidh e mach a ris air feadh an t-sluaigh, o Bheer-seba gu sliabh Ephraim, agus thug e air an aisead a dh'ionnsuidh an Tighearna Dé an aithriche.

5 Agus shuidhich e breitheamhna anns an tìr, air feadh uile bhailte daingnichte Iudah, anns gach baile fa leth.

6 Agus thubhairt e ris na breitheamhnaibh, Thugaibh an aire ciod a ni sibh, oir cha 'n ann air son duine a tha sibh a' tabhairt breth, ach air son an Tighearn; agus *tha e féin* maille ribh anns a' bhreitheanas⁴.

7 A nis ma ta bitheadh eagal an Tigh-

earn oirbh: thugaibh an aire agus bithibh a' deanamh; oir maille ris an Tighearn ar Dia cha 'n 'eil euceart, no baigh ri neach seach a chéile, no gabhail duaise.

8 Agus mar an ceudna ann an Ierusalem shuidhich Iehosaphat *cuid* do na Lebhithich, agus do na sagartaibh, agus do cheannaibh theaghlach⁵ Israeil, air son breitheanais an Tighearn, agus gu conn-sachadh *a chrìochnachadh* an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearn, ann an ionracas⁶, agus le cridhe iomlan.

10 Agus ge b'e cùis a thig d'ur n-ionnsuidh o bhur bràithribh a tha chòmhnuidh 'nam bailtibh, eadar fuil agus fuil, eadar lagh agus àithe, reachdan agus breitheanais, bheir sibh rabhadh dhoibh nach dean iad eusaontas an aghaidh an Tighearn, agus gu'n tig fearg oirbhse agus air bhur bràithribh: deanaibh mar so, agus cha chiontaich sibh.

11 Agus, feuch, *tha* Amariah an t-àrd shagart os bhur ceann ann an uile ghnòthuichibh an Tighearn; agus Sebadiah mac Ismaeil 'na cheannard air tigh Iudah ann an uile ghnòthuichibh an rìgh; agus na Lebhithich 'nan luchd-riaghlaidh 'nur⁷ fianuis. Bithibh misneachail, agus deanaibh; agus bithidh an Tighearna maille ris a' mhaith.

CAIB. XX.

1 *Thàinig na Moabaich agus na h-Amonaich gu cath an aghaidh Iudah.* 5 *Urnuigh Iehosaphat.* 14 *Fàisneachd Iakaseil.* 22 *Bhuailleadh clann Amon agus Mhoab le h-àr mòr.* 26 *Bheannaich an sluagh an Tighearn, agus phill iad gu h-Ierusalem.*

AGUS an déigh nan nithe so thàinig clann Mhoab, agus clann Amon, agus maille riu cuid do na h-Edomaich⁸, an aghaidh Iehosaphat gu cath.

2 Agus thàinig *teachdairean*, agus dh'innis iad do Iehosaphat, ag ràdh, Tha sluagh mòr a' teachd ort a nall thar fairge, agus o Edom⁹; agus, feuch, *tha* iad ann an Hasason-tamar; *is* e sin Engedi.

3 Agus bha eagal air Iehosaphat, agus chuir e 'aghaidh a dh'iarraidh an Tighearn, agus ghairm e trasgadh air feadh Iudah uile.

4 Agus chruinnicheadh Iudah an ceann a chéile a dh'iarraidh *còmhnaidh*¹⁰ o'n Tighearn: eadhon á uile bhailtibh Iudah thàinig iad a dh'iarraidh an Tighearn.

5 Agus sheas Iehosaphat ann an coimh-thional Iudah agus Ierusalem, ann an

¹ tuairmeis, teagmhuis, tuitimeis.

² as an t-sluaigh.

³ fuidh.

⁴ ann am focal no ghnòthach a' bhreitheanais. Eabh.

⁵ aithrichean. Eabh.

⁶ firinn.

⁷ ann bhur.

eile thuilleas air na h-Amonaich.

⁹ air an taobh so do Shiria.

¹⁰ congnainn. Eir.

⁸ agus maille riu daoine

II. EACHDRAIDH, XX.

tigh an Tighearna, fa chomhair na òirte nomha,

6 Agus thubhairt e, a Thighearna Dhé ar n-àithriche, nach tusa Dia anns na n-èamhaibh? agus *nach 'eil* thu a' riaghladh os ceann uile rioghachda nan cinn-each? agus ann ad làimhsa *nach 'eil* neart agus cumhachd, air chor as nach 'eil neach air bith comasach air seasamh a'd' aghaidh?

7 Nach tusa ar Dia-ne, a dh'fhògair a mach luchd-àiteachaidh na tìre so roimh doshlugh Israel, agus a thug i do shliochd¹ Abraham do charaid gu bràth?

8 Agus ghabh iad còmhnuidh innte, agus thog iad air do shonsa innte ionad naomh, air son t'ainme-sa, ag ràdh,

9 Ma thig olc air bith oirnn, claidheamh, breitheanas², no plàigh, no gorta, seasaidh sinn fa chomhair an tìghe so, agus ann ad fhianuis-sa, (oir *tha* t'ainm anns an tìgh so,) agus gladhaidh sinn riut 'nar teinn³, agus éisdidh tusa, agus saoraidh tu *sinn*.

10 Agus a nis, feuch, *tha* clann Amoin, agus Mhoaid, agus sléibh Sheir, aig nach do leig thu le h-Israel dol troimh an crìocha, 'nuair a thàinig iad á tìr na h-Eiphit, ach thionndaidh iad uatla, agus cha do sgrios siad iad:

11 Feuch a nis, *mar a ta* iad a' toirt luigheachd dhuinn, le teachd gus ar tilgeadh a mach á t'òighreachd, a thug thu dhuinn r'a seallbhachadh.

12 O ar Dia, nach toir thu breth orra? oir cha 'n *eil* neart againne an aghaidh an t-sluaigh mhòir so, a tha teachd oirnn: agus cha 'n *eil* fhios againn cìod a ni sinn; ach orts *tha* ar suilean.

13 Agus sheas Iudah uile am fianuis an Tighearna; mar an ceudna an òigrìdh, am mnàì, agus an clann.

14 Agus air Iahasiel, mac Shechariah, mhic Bhenaniah, mhic Iehiele, mhic Mhataniah, Lebhithheach do mhacaibh Asaiph, bha spiorad an Tighearna, ann am meadhon a' choimhthionail:

15 Agus thubhairt e, Eisdibh *riumsa*, a Iudah uile, agus a luchd-àiteachaidh Ierusalem, agus thusa a rìgh Iehosaphait: Mar so tha'n Tighearna ag ràdh ribh, Na biodh cagal no faitheas oirbh air son an t-sluaigh mhòir so; oir cha leibhse an cath, ach le Dia.

16 Am màireach rachaibh sìos 'nan aghaidh: feuch, *tha* iad a' teachd a nìos rathad uchdaich Shids; agus gheibh sibh iad aig ceann an t-srutha, fa chomhair fàsaich Ierueil.

17 Cha *bhi* cath agaibh r'a chur an so; a mhàin thigibh a làthair, seasaidh, agus

faicibh saorsa an Tighearna maille ribh, a Iudah, agus a Ierusalem: na biodh eagal no faitheas oirbh; am màireach rachaibh a mach 'nan aghaidh, agus *bithidh* an Tighearna maille ribh.

18 Agus chrom Iehosaphat a cheann, le 'aghaidh gu làr; agus thuit Iudah uile, agus luchd-àiteachaidh Ierusalem, sìos am fianuis an Tighearna, a' deanamh aoraidh do'n Tighearna.

19 Agus dh'érich na Lebhitich do chloinn nan Cohatach, agus do chloinn nan Corbach, suas a mholadh an Tighearna Dé Israel le guth mòr, gu h-àrd.

20 Agus dh'érich iad gu moch anns a' mhaduinn, agus chaidh iad a mach gu fàsach Thecoa: agus an uair *abha* iad a' dol a mach, sheas Iehosaphat agus thubhairt e, Eisdibh riumsa, a Iudah, agus a luchd-àiteachaidh Ierusalem; Creidibh anns an Tighearna bhur Dia, agus daingnichear sibh; creidibh 'fhàidhean, agus soirbhichidh sibh.

21 Agus an uair a thuge comhairle do'n t-sluaigh⁴, dh'orduich e luchd-seinn do'n Tighearna, agus daoine a mholadh maise na naomhachd⁵, an uair a thigeadh iad a mach roimh an armait, agus a theireadh⁶, Thugaibh buidheachas do'n Tighearna, oir gu bràth *mairidh* a thròcair.

22 Agus an uair a thòisich iad air seinn agus air moladh, chuir an Tighearna luchd feall-fholaich an aghaidh chloinn Amoin, agus Mhoaid, agus sléibh Sheir, a thàinig an aghaidh Iudah; agus bhuaileadh iad:

23 Oir sheas clann Amoin agus Mhoaid suas an aghaidh luchd-àiteachaidh sléibh Sheir, chum *am* marbhadh agus *an* sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chéile a sgrios.

24 Agus an uair a thàinig Iudah làimh rì tur na faire anns an fhàsach, dh'amhair iad air an t-sluaigh mhòir, agus, feuch, *bha* iad 'nan corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluaigh a thoirt leo an creiche; agus fhuir iad 'nam measg ann am pailteas araon beartas maille ris na corpaibh marbha, agus seudan luachmhor⁷ a thug iad dhiubh air an son féin, tuilleadh as a b'urram iad iomchar leo: agus bha iad trì làithean ann an cruinneachadh na creiche; oir *bha* i mòr.

26 Agus air a' cheathramh là chruinn-icheadh iad an ceann a chéile ann an gleann Bherachah; oir an sin bheannaich iad an Tighearna: uime sin thugadh mar

¹ shìol. claidheamh a' bhreitheanas.

² 'nar n-àire.

⁴ chuir e 'chomhairle ris an t-sluaigh.

⁵ chum maise na naomhachd, ann am maise an ionaid naomh.

⁶ deireadh. Eir.

⁷ taitheach.

ainm air an àite sin gleann Bherachah, agus an là'n diugh.

27 An sin phill fir Iudah agus Ierusalem uile, agus Iehosaphat air an ceann, a dhiol air an ais gu h-Ierusalem le gairdeachas; oir thug an Tighearn orra gairdeachas a dheanamh os ceann an naimhdean.

28 Agus thàinig iad gu h-Ierusalem le saltairibh, agus le clàrsaichibh, agus le trompaidibh, a dh'ionnsuidh tighe an Tighearn.

29 Agus bha eagal Dé air uile rìoghachdaibh nan dùchanna sin, an uair a chual' iad gu'n do chog an Tighearn an aghaidh naimhdean Israeil.

30 Agus bha rìoghachd Iehosaphait sàmhach; oir thug a Dhia fois dha air gach taobh.

31 Agus rìghich Iehosaphat os ceann Iudah: cùig bliadhna deug thar fhichead do aois bha e 'nuair a thòisich e air rìoghachadh, agus rìghich e cùig bliadhna fichead ann an Ierusalem: agus b'e ainm a mhàthar Asubah, nighean Shilhi.

32 Agus ghluais e ann an slighe Asa 'athar, agus cha do dhealaich e rithe, a' deanamh an *ni a bha* ceart ann an sùilbh an Tighearn.

33 Ach cha d'thugadh air falbh na h-àitcan àrda; oir fathast cha d'ulluich an sluagh an cridhe air son Dhé an aithriche.

34 A nis a' chuid eile do ghnìomharaibh Iehosaphait, an toiseach agus mu dheireadh, feuch, *tha* iad sgrìobhta ann am briathraibh Iehu mhic Hanani, a chuir e sìos ann an leabhar rìghrean Israeil¹.

35 Agus 'na dhéigh so rinn Iehosaphat rìgh Iudah coimhcheangal² ri Ahasiah rìgh Israeil, a bha olc 'na dheanadas.

36 Agus rinn e coimhcheangal ris longan a dheanamh a rachadh gu Tarsis; agus rinn iad na longan ann an Esion-geber.

37 Ach rinn Elieser, mac Dhodabbah o Mhahesah, faistneachd an aghaidh Iehosaphait, ag ràdh, A chionn gu'n d'rinn thu coimhcheangal ri Ahasiah, bhris an Tighearna t'oire. Agus bhriseadh na longan, agus cha b'urraim iad dol gu Tarsis.

CAIB. XXI.

1 *Fhuair Iehosaphat bàs, agus rìghich Iehoram 'na àit. 4 Mharbh Iehoram a bhràithrean. 8 Rinn Edom agus Libnah ceannaire 'na aghaidh. 16 Chreach na Philistich e agus rinn iad ainneart air. 18 A bhàs, agus 'adhlac.*

A GUS choidil Iehosaphat maille r'a aithrichibh, agus dh'adhlacaidh e maille r'a aithrichibh ann am baile Dhaibhidh: agus rìghich Iehoram a

¹ air am bheil iomradh ann an leabhar rìghrean Israeil. ² chaidh Iehosaphat rìgh Iudah ann an comh-chuideachd. ³ Israeil.

mhac na àit.

2 Agus bha bràithrean aige-san, mic Iehosaphait, Asariah, agus Iehiel, agus Sechariah, agus Asariah, agus Michael, agus Septhiah: b'iad sin uile mic Iehosaphait, rìgh Iudah³.

3 Agus thug an athair dhoibh iomadh tiodhlac airgid agus òir, agus nithe luachmhor, maille ri bailtibh daingnichte ann an Iudah; ach thug e an rìoghachd do Iehoram, a chionn gu'm b'e an ceudghin e.

4 Agus an uair a dh'éirich Iehoram suas gu rìoghachd 'athar, agus a dhaingnichte se e féin, mharbh e a bhràithrean uile leis a' chhlaidheamh, agus mar an ceudna cuid do uachdaranaibh Israeil.

5 Dà bhliadhna dheug thar fhichead a dh'aois bha Iehoram an uair a thòisich e air rìoghachadh, agus rìghich e ochd bliadhna ann an Ierusalem.

6 Agus ghluais e ann an slighe rìghrean Israeil, mar a rinn tigh Ahaib; oir bha nighean Ahaib 'na mnaoi aige: agus rinn e olc ann an sùilbh an Tighearna.

7 Gidheadh, cha b'àill leis an Tighearna tigh Dhaibhidh a sgrìos, air sgàth a' choimhcheangail a rinn e ri Daibhidh, agus gu'n do gheall e solus a thabhairt da féin agus d'a mhacaibh gu bràth⁴.

8 'Na làithibh-san dh'éirich na h-Edomaich o bhi fuidh làimh Iudah⁵, agus rinn iad rìgh os an ceann féin.

9 Agus chaidh Iehoram a mach le 'cheannardaibh, agus a charbadan uile maille ris: agus dh'éirich e san oidhche, agus bhuail e na h-Edomaich a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o bhi fuidh làimh Iudah gus an là'n diugh. Agus dh'éirich Libnah san àm cheudna o bhi fuidh a làimh, a chionn gu'n do thréig e an Tighearna Dia 'aithriche.

11 Mar an ceudna rinn e àitcan àrda ann an sléibhtibh Iudah, agus thug e air luchd-àiteachaidh Ierusalem strìopachas a dheanamh, agus tharruing⁶ e Iudah a dh'ionnsuidh sin.

12 Agus thàinig sgrìobhadh d'a ionnsuidh o Eliah am fuidh, ag ràdh, Mar so tha'n Tighearna, Dia Dhaibhidh t'athar, ag ràdh, A chionn nach do ghluais thu ann an slighibh Iehosaphait t'athar, no ann an slighibh Asa rìgh Iudah,

13 Ach gu'n do ghluais thu ann an slighe rìghrean Israeil, agus gu'n d'thug thu air Iudah agus luchd-àiteachaidh Ierusalem strìopachas a dheanamh, cosmhuil ri

⁴ an comhnuidh; gach là. Eabh.

⁵ rinn Edom aradh a mach an aghaidh Iudah.

⁶ choimh-èignich.

striopachas tighe Ahaib, agus mar an ceudna gu'n do mharbh thu do bhràithrean do thigh t'athar, a b'fhearr na thu féin:

14 Feuch, buailidh an Tighearna le plàigh¹ mhòir do shluagh, agus do chlamn, agus do mhnà, agus do mhaoin uile.

15 Agus *bithidh* tu ann an tinneas mòr le eucail do mhionaich, gus an tuit do mhionach a mach leis an eucail, o là gu là.

16 Uime sin bhrosnaich an Tighearna an aghaidh Iehoraim spioradnam Philisteach, agus nan Arabach, a bha làinnh ris na h-Etiopaich:

17 Agus thàinig iad a nòs gu Iudah, agus bhris iad a steach innte, agus thug iad leo a' mhaoin uile a fhuaradh ann an tigh an rìgh, agus mar an ceudna a mhic agus a mhnà; air chor as nach d'fhàgadh mac aige ach Ahasiah² a mhac a b'òige.

18 Agus 'na dhéigh so uile, bhuail an Tighearna e 'na mhionach le h-eucail nach gabhadh leigheas.

19 Agus an déigh làithean àraidh, an ceann dà bhliadhna, thuit a mhionach a mach le 'eucail, agus fhuair e bàs le droch ghalaraidh; agus cha d'rinn a shluagh losgadh air a shon cosmhuil ri losgadh 'aithriche.

20 Dà bhliadhna dheug thar fhichead a dh'aois bha e 'nuair a thòisich e air riogachadh, agus rìghich e ochd bliadhna ann an Ierusalem, agus shiubhlail e gun déidh sam bith air; agus dh'adhlaid e ann an baile Dhaibhidh, ach cha b'ann an àitibh-adhlaid nan rìgh.

CAIB. XXII.

1 Rìoghachadh aingidh Ahasiah. 5 Rinn e coimheangal ri Iehoram, agus mharbhadh e le Iehu mac Nimsi. 10 Chuir Ataliah an slìochd rìoghail gu bàs, agus rìghich i os ceann na tìre.

AGUS rinn luchd-àiteachaidh Ierusalem leim Ahasiah a mhac a b'òige 'na rìgh 'na àit: oir mharbh a' bhuidheann a thàinig maille ris na h-Arabaich do'n champ na mic bu shine uile. Agus rìghich Ahasiah mac Iehoraim, rìgh Iudah.

2 Dà bhliadhna thar fhichead³ a dh'aois bha Ahasiah 'nuair a thòisich e air riogachadh, agus rìghich e aon bhliadhna ann an Ierusalem: agus b'e ainm a mhàthar Ataliah, nighean Omri.

3 Ghluais esan mar an ceudna ann an slighibh tighe Ahaib; oir b'i 'mhàthair a chomhairliche⁴ a dheanamh uile.

4 Air an aobhar sin rinn e olc ann an sùilbhan an Tighearna, cosmhuil ri tigh Ahaib, oir b'iad sin a chomhairlichean an déigh bàis 'athar, chum a sgrios.

5 Ghluais e mar an ceudna a réir an comhairle, agus chaidh e maille ri Iehoram, mac Ahaib rìgh Israeil, a chogadh an aghaidh Hasaeil rìgh Shiria ann an Ramot-gilead: agus lot⁵ na Sirianaich Ioram⁶.

6 Agus phill e gu bhli air a leigheas ann an Iesreel o' na lotaibh⁷ a thug iad dha ann an Ramah⁸, an uair a chòmhraig e⁹ an aghaidh Hasaeil rìgh Shiria. Agus chaidh Ahasiah¹⁰ mac Iehoraim, rìgh Iudah, sìos a dh'fhaicinn Ioram mhic Ahaib ann an Iesreel, a chionn gu'n robh e tinn.

7 Agus b'ann o Dhia bha sgrios Ahasiah, le 'theachd gu Ioram: oir an uair a thàinig e, chaidh e mach maille ri Iehoram an aghaidh Iehu mhic Nimsi, a dh'ung an Tighearna a ghearradh as tighe Ahaib.

8 Agus an uair a bha Iehu a' deanamh breitheanais air tigh Ahaib, agus a fhuair e uachdarain Iudah, agus mic bhràithrean Ahasiah, a fhrithcil do Ahasiah, mharbh e iad.

9 Agus dh'iarr e Ahasiah; agus ghlac iad e, agus e am folach ann an Samaria: agus thug iad e dh'iomraidh Iehu, agus mharbh iad e, agus dh'adhlaid e, a chionn, thubhairt iad, gur e mac Iehosaphait e, a dh'iarr an Tighearna le 'uile chridhe. Agus cha robh e 'u comas do thigh Ahasiah an rìoghachd a ghleidh eadh ni b'fhaide.

10 Agus an uair a chunnaic Ataliah, màthair Ahasiah, gu'n robh a mac marbh, dh'éirich i, agus sgrios i uile shliochd rìoghail tighe Iudah.

11 Agus ghabh Iehosabet¹¹, nighean an rìgh, Iosac mac Ahasiah, agus ghoid i e á measg mhac an rìgh a mharbhadh, agus chuir i e féin agus a bhanaltrum ann an seòmar nan leapaiche. Mar sin dh'fhol-aich Iehosabet, nighean rìgh Iehoraim, bean Iehoiada an t-sagairt e (oir b'i piuthar Ahasiah i) o Ataliah, air chor as nach do mharbh i e.

12 Agus bha e maille riu am folach ann an tigh Dhé rè shè bliadhna; agus Ataliah a' rìoghachadh os ceann na tìre.

CAIB. XXIII.

1 Rinn Iehoiada Iosac 'na rìgh. 12 Chuireadh Ataliah gu bàs. 16 Bhrisadh altairan agus dealbhan Bhaail. 20 Shuidhich Iehoiada Iosac air an rìgh-chaithir.

AGUS aims an t-seachdamh bliadhna neartaich Iehoiada e féin, agus ghabh e na ceannardan cheud, Asariah mac Iehoraim, agus Ismael mac Iehohanain, agus Asariah mac Obeid, agus Maaseiah

¹ buille.

² Iehoahas.

³ Dà bhliadhna agus dà fhichead. Faic II. Rìgh, Caib. VIII. r. 26.

⁴ chomhairlicheach.

⁵ bhuail.

⁶ Iehoram.

⁷ a thaobh nan lot.

⁸ Ramot. I. Rìgh, Caib. VIII. r. 29.

⁹ chuir e cath.

¹⁰ Asariah.

¹¹ Iehoseba. II. Rìgh, Caib. XI. r. 2.

mac Adaiah, agus Elisaphat mac Shichri, a steach ann an coimhcheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach a' uile bhaitibh Iudah, agus cinn aithrichean¹ Israeil, agus thàinig iad gu h-Ierusalem.

3 Agus rinn an coimhthional uile coimhcheangal ris an rìgh ann an tigh Dhé: agus thubhairt e riu, Feuch, rìghaichidh mac an rìgh, mar a thubhairt an Tighearna mu mhacaibh Dhaibhidh.

4 So an ni a ni sibh: *Bithidh* an treas cuid dhibhs a théid a steach air an t-sàbaid do na sagartaibh agus do na Lebhithich nan luchd-gleidhidh nan dorus:

5 Agus *bithidh* trian aig tigh an rìgh; agus trian aig geata na bunaite; agus *bithidh* an sluagh uile ann an cùirtibh tighe an Tighearna.

6 Ach na tigeadh a steach do thigh an Tighearna ach na sagairt, agus iadsan do na Lebhithich a fhritheileas; théid iadsan a steach, oir *tha* iad naomha: ach coimhididh² an sluagh uile faire an Tighearna.

7 Agus cuairtichidh na Lebhithich an rìgh air gach taobh, gach fear le 'airm' na làimh; agus ge b'e neach a thig a steach do'n tigh, cuirear gu bàs e: ach bithibh-se maille ris an rìgh, 'nuair a thig e steach, agus an uair a théid e mach.

8 Agus rinn na Lebhithich, agus Iudah uile, a réir nan uile *nithe* a dh'àithn Iehoiada an sagart, agus ghabh iad gach fear a dhaoine féin a bha gu teachd a steach air an t-sàbaid, maille riu-san a bha gu dol a mach air an t-sàbaid; oir cha do leig Iehoiada an sagart air falbh na roinnean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a *bh'* aig rìgh Daibhidh, a *bha* ann an tigh Dhé.

10 Agus chuir e an sluagh uile, gach fear le 'ghath³ na làimh, o thaobh deas an tighe gu ruig taobh clì an tighe, làimh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus *thug iad dha* an fhianuis, agus rinn iad 'na rìgh e: agus dh'ung Iehoiada agus a mhic e, agus thubhairt iad, Gu ma fada beò an rìgh.

12 Agus an uair a chual' Ataliah fuaim an t-sluaigh a' ruith cuideachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'amhaire i, agus, feuch, sheas an rìgh làimh r'a phost aig an dol a steach, agus na h-uachdarain agus na

trompaidean làimh ris an rìgh; agus rinn uile shluagh na tìre gairdeachas, agus rinn iad fuaim le trompaidibh, agus an luchd-seinn le h-innealaibh-ciùil, agus iadsan a bha eòlach air moladh: agus reub Ataliah a h-eudach, agus thubhairt i, Feall, feall!

14 An sin dh'àithn Iehoiada an sagart do na ceannardaibh-cheud⁴ a chuireadh os ceann an t-slàigh, agus thubhairt e riu, Thugaibh a mach i an taobh a muigh do na sreathaibh; agus ge b'e neach a leanas i, marbhar leis a' chladheamh e: oir thubhairt an sagart, Na cuiribh gu bàs i ann an tigh an Tighearna.

15 Agus thug iad comas di⁵; agus an uair a thàinig i gu dol a stigh geata nan each aig tigh an rìgh, mharbh iad an sin i.

16 Agus rinn Iehoiada coimhcheangal eadar e féin, agus an sluagh gu léir, agus an rìgh, gu'm biodh iad nan sluagh aig an Tighearna.

17 Agus chaidh an sluagh uile a stigh do thigh Bhaail, agus leag iad sìos e, agus bhris iad 'altairean agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shuidhich Iehoiada luchd-riaghlaidh tighe an Tighearna le làimh nan sagart agus nan Lebhithich, a roinn Daibhidh ann an tigh an Tighearna, chum iobairtean-loisgte an Tighearna iobradh, mar a *ta* e sgrìobhta ann an lagh Mhaois, le gairdeachas agus le seinn, a réir ordugh⁶ Dhaibhidh.

19 Agus shuidhich e na dorsairean aig geataibh tighe an Tighearna, chum nach rachadh neach air bith a stigh, a *bha* neò-ghlan ann an ni air bith.

20 Agus ghabh e na ceannardan-cheud, agus na h-àrd uaislean, agus uachdarain an t-sluaigh, agus uile shluagh na tìre, agus thug iad a nuas an rìgh o thigh an Tighearna; agus thàinig iad troimh 'n gheata àrd a steach do thigh an rìgh, agus chuir iad an rìgh 'na shuidhe air rìgh-chaitir na rìoghachd.

21 Agus rinn uile shluagh na tìre gairdeachas: agus bha'm baile sàmhach, an déigh dhoibh Ataliah a mharbhadh leis a' chladheamh.

CAIB. XXIV.

1 Dh'ordugh *Ioas* do na sagartaibh agus do na Lebhithich tigh an Tighearna a chàradh. 15 Bàs Iehoiada. 17 Thàinig *Ioas* lagh Dhé agus mharbh e Sechariah mac Iehoiada. 23 Chreach na Sirianach Ierusalem. 25 Mharbh a sheirbhiseich *Ioas*, agus rìghich Amasiah a mhac 'na àit.

SEACHD bliadhna dh' aois *bha* *Ioas*⁷ an uair a thòisich e air rìoghachadh, agus rìghich e dà fhichead bliadhna ann

¹ theaghlachean.

² gleidhidh.

³ le 'bhail-airm, le 'chladheamh.

⁴ thug Iehoiada an sagart a mach na ceannardan-

cheud. Faic II. Rìgh, Caib. XI. r. 15.

⁵ chuir iad làimh innte. ⁶ làimhe. Eabh.

⁷ Iehoas. II. Rìgh, Caib. XII. r. 1.

an Ierusalem: agus *b'e* ainm a mhàthar Sibia o Bheerseba.

2 Agus rinn Ioas an *ni a bha* ceart ann an sùilbhan an Tighearna rè uile làithean Iehoiada an t-sagairt.

3 Agus ghabh Iehoiada air a shon dà mhnai, agus ghin e mic agus nigheanan.

4 Agus 'na dhéigh so bha e ann an inn-tinn¹ Ioais tigh an Tighearna a chàradh².

5 Agus chruinnich e ri chèile na sagairt agus na Lebhithich, agus thubhairt e riu, Rachaibh a mach do bhailtibh Iudah, agus cruinnichibh o Israel uile airgid a chàradh tìge bhuir Dé o bhliadhna gu bliadhna, agus faicibh gu'n dean sibh cabhag³ sa' ghnothuch. Gidheadh cha d'rinn na Lebhithich cabhag.

6 Agus ghairm an rìgh Iehoiada an t-àrd-shagart, agus thubhairt e ris, C'ar son nach d'iarr thu air na Lebhithich cìs Mhaois⁴, òglaich an Tighearna, a thoirt a steach o Iudah, agus o Ierusalem, agus⁵ o choimhthional Israeil, air son pàilliuin na fianais?

7 Oir bliris mic na droch mhnà Ataliah sìos tigh Dhé; agus mar an ceudna uile nithe coisrigte⁶ tìge an Tighearna thug iad seachad⁷ do Bhaalim.

8 Ansin air àithne an rìgh rinn iad ciste, agus chuir iad i aig geata tìge an Tighearna air an taobh a muigh.

9 Agus thug iad gairm air feadh Iudah agus Ierusalem, cìs Mhaois òglaich Dhé, a chuir e air Israel anns an fhàsach, a thoirt a steach do'n Tighearna.

10 Agus rinn na h-uachdarain uile agus an sluagh uile gairdeachas, agus thug iad leo, agus thilg iad anns a' chiste, gus an do lìonadh i⁸.

11 Agus an uair a thugadh a' chiste steach a dh'ionnsuidh luchd-riaghlaidh⁹ an rìgh le làimh nan Lebhithich, agus a chunnaic iad gu'n robh mòran airgid *inntè*, an sin thàinig sgrìobhaich an rìgh agus fear-riaghlaidh an àrd-shagairt, agus dh'fhalamhuich iad a' chiste, agus ghabh iad i, agus thug iad air a h-ais i d'a h-àite féin. Mar sin rinn iad o là gu là, agus chruinnich iad airgid ann am pailteas.

12 Agus thug an rìgh agus Iehoiada e dhoibhsan a rinn obair¹⁰ seirbhìs tìge an Tighearna, agus thuarasdalaich iad luchd-snaithidh *chlach* agus saoir a chàradh tìge an Tighearna, agus mar an ceudna luchd-oibre ann an iarann agus an umha a dheanamh suas¹¹ tìge an Tighearna.

13 Agus dh'oibrich an luchd-oibre, agus choimhlionadh an obair le'n làimh; agus

rinn iad suas tigh an Tighearna co cheart as a bhia e roimhe, agus dhaingnich iad e.

14 Agus an uair a chrìochnaich iad an obair, thug iad na dh'fhàgadh do'n airgid an làthair an rìgh agus Iehoiada, agus rinn iad soithichean deth do thigh an Tighearna, soithichean frithealaidh nan ìobairt-loisgte, agus spàinean, agus soithichean òir agus airgid: agus dh'ìobairt iad ìobairt-ean-loisgte a ghnàth ann an tigh an Tighearna, rè uile làithean Iehoiada.

15 Ach dh'fhàs Iehoiada sean, agus bha e làn do làithibh, agus fhuair e bàs: ceud agus deich bliadhna fichead a dh'aois bha e nuair a fhuair e bàs.

16 Agus dh'adhlac iad e ann am baile Dhaibhidh maille ris na rìghribh, a chionn gu'n d'rinn e maith ann an Israel, a' riann¹² a thaobh Dhé, agus a thaobh a thìge.

17 Agus an déigh bàis Iehoiada, thàinig uachdarain Iudah, agus rinn iad ùmhlachd do'n rìgh. An sin dh'éis an rìgh riu.

18 Agus thréig iad tigh an Tighearna Dé an aithriche, agus rinn iad seirbhìs do dhoireachaibh agus do dhealbhaibh¹³: agus thàinig fearg air Iudah agus Ierusalem air son an cionta.

19 Gidheadh chuir e fàidhean d'an ionnsuidh, gu'n toirt air an ais a dh'ionnsuidh an Tighearna; agus rinn iad fianuis 'nan aghaidh, ach cha d'éisd iadsan riu.

20 Agus thàinig spiorad an Tighearna air Sechariah mac Iehoiada an t-sagairt, agus sheas e os ceann an t-sluaigh, agus thubhairt e riu, Mar so tha Dia ag ràdh, C'ar son a tha sibh a' briseadh àitheantan an Tighearna? uime sin cha soirbhich sibh. A chionn gu'n do thréig sibhse an Tighearna, thréigidh esan sibhse.

21 Agus chaidh iad ann an combhòinn 'na aghaidh, agus chlach iad le clachaibh e, air àithne an rìgh, ann an cuirt tìge an Tighearna:

22 Oir cha do chuimhuich Ioas an rìgh an caoimheas a rinn Iehoiada a' thair ris, ach mharbh e a mhac: agus an uair a bha esan a' faghail a' bhàis, thubhairt e, Chi an Tighearna, agus agraidh¹⁴ e.

23 Agus aig ceann¹⁵ na bliadhna thàinig armait Shìria nòs 'na aghaidh; agus thàinig ad gu Iudah agus gu Ierusalem, agus grios iad uile uachdarain an t-sluaigh o mheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armait Shìria, agus thug an Tighearna thairis 'nan làimh sluagh ro mhòr, a chionn gu'n do thréig iad an Tighearna Dia an aith

¹ cridhe. Eabh. ² a leasachadh, ath-nuadhachadh.

³ deifir. ⁴ a' chis a dh'aithean Mhaois bhi air a togail. ⁵ eadhon. ⁶ naomha.

⁷ rinn iad. Eabh.

⁸ gus an do chuir iad crìoch air a' ghnothuch.

⁹ luchd amhaire thairis, luchd ghnothùichean.

¹⁰ air an robh cìram oibre. Faic II. Rìgh, Caib, XII. r. 11. ¹¹ a chàradh. ¹² an dà chuid.

¹³ bodholaibh. ¹⁴ iarraidh, diolaidh.

¹⁵ teachd mu'n cuairt. Eabh.

riche: uime sin rinn iad breitheanas an aghaidh Ioaïs.

25 Agus an uair a dh'imich iad uaith, a chionn gu'n d'fhàg iad e ann an eucailibh mòra, rinn a sheirbhisich féin ceann-airc 'na aghaidh air son fola mhic¹ Ie-hoiada an t-sagairt, agus mharbh iad e air a leabaidh, agus an uair a fhuair e bàs, dh'adhlaic iad e ann am baile Dhaibhidh, ach cha d'adhlaic iad e ann an àitibh-adhlaic nan rìgh.

26 Agus *is* iad so iadsan a rinn ceann-airc 'na aghaidh; Sabad mac Shimeait na Ban-amonaich, agus Iehosabad mac Shimrit na Ban-mhoabaich, agus a mhic.

27 A nis *a thaobh* meud na cìse a thog e², agus mar a rinn e suas tigh Dhié, feuch, *tha* iad sgriobhta ann an eachdraidh leabhar nan rìgh. Agus rìghich Amasiah a mhac 'na àit.

CAIB XXV.

3 Chuir Amasiah gu bàs na daoine a mharbh 'athair.

6 Thuarasdalaich e armailt a h-Israel an aghaidh nan Edomach. 11 Bhuail e na h-Edomach ann an gleann an t-salainn. 22 Chog Ioaïs 'na aghaidh, agus bhuadhaich e air. 27 Bas Amasiah.

CUIG bliadhna fìhead a dh'aois bha Amasiah 'nuair a thòisich e air rìoghachadh, agus rìghich e naoi bliadhna fìhead ann an Ierusalem: agus b'e ainm a mhàthar Iehoodan o Ierusalem.

2 Agus rinn e an *ni a bha* ceart ann an sùilibh an Tighearn, ach cha b'ann le cridhe iomlan.

4 A nis an uair a dhaingnicheadh an rìoghachd dha, mharbh e a sheirbhisich a mharbh an rìgh 'athair.

4 Ach an clann cha do mharbh e, a réir mar a ta e sgriobhta anns an lagh ann an leabhar Mhaois, far an d'àithn an Tighearn, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche; ach cuirear gach duine gu bàs air son a pheacaidh féin.

5 Agus chrùinnich Amasiah Iudah r'a chéile, agus rinn e iad, a réir tighe an aithriche, 'nan ceannardaibh mhiltean agus 'nan ceannardaibh cheud, ann an Iudah agus ann am Benjamin uile: agus dh'àireamh e iad o fhìthead bliadhna dh'aois agus os a cheann, agus fhuair e ann diubh trì cheud mìle fear taghta, a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna á h-Israel ceud mìle fear comasach gaisgeil³ air cheud tàlann airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israeil maille riut; oir cha 'n eil an

Tighearna maille ri h-Israel, *eudhon maille ri cloinn Ephraim uile.*

8 Ach ma's àill leat inneachd, dean, bi làidir air son a' chatha; bheir Dia ort tuiteam roimh an nàmhaid; oir tha Dia comasach air còmhnaidh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a ni sinn mu'n cheud tàlann a thug mi do àrmailt Israeil? Agus fhreagair an duine le Dia, Tha'n Tighearna comasach air mòran tuilleadh na sin a thabhairt duitse.

10 An sin sgaoil Amasiah iadsan do'n armailt a thàinig d'a ionnsuidh á h-Ephraim, a chum gu'n rachadh iad d'an àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir,

11 Agus neartaich Amasiah e féin, agus thug e mach a shluagh, agus chaidt e gu gleann an t-salainn, agus bhuail e do chloinn Sheir deich mìle.

12 Agus deich mìle dhiubh ghlac clann Iudah beò, agus thug iad leo iad gu mullach carraig, agus thilg iad sìos iad o mhullach na carraig, agus bhriseadh iad gu tur.

13 Ach bhris fir⁴ na h-armailt a chuir Amasiah air an ais, a chum nach rachadh iad maille ris gu cath, a stigh air bailtibh Iudah, o Shamaria cadhon gu ruig Bet-horon, agus bhuail iad trì mìle dhiubh, agus thug iad leo creach mhòr.

14 A nis, an déigh do Amasiah teachd o àr nan Edomach, thug e leis dée chloinn Sheir, agus chuir e suas iad dha féin mar dhiathaibh, agus chom se e féin sìos rompa, agus loisg e tùis dhoibh.

15 Uime sin las fearg an Tighearn an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh dhiathan an t-sluaigh, nach b'urrainn an sluagh féin a shaoradh as do làimh-sa?

16 Agus an uair a bha e a' labhairt ris, fhreagair esan e, An d'rinneadh thusa a'd' chomhairliche⁵ do'n rìgh? leig dhìot⁶; c'ar son a bhiodh tu air do bhualadh? Agus leig am fàidh d'fheuch, agus thubhairt e, Tha fios agam gu'n do shònraich⁷ Dia ar do sgrios, a chionn gu'n d'rinn thu so, agus nach d'éisd thu ri m' chomhairle-sa.

17 An sin ghabh Amasiah rìgh Iudah comhairle, agus chuir e teachdairean a dh'ionnsuidh Ioaïs, mhic Iehoahais, mhic Iehu rìgh Israeil, ag ràdh, Thig, faiceamaid aghaidh e chéile.

18 Agus chuir Ioaïs rìgh Israeil teachdairean gu Amasiah rìgh Iudah, ag ràdh,

¹ mhac. ² meud na h-callaich a chuireadh air.

³ gaisgeach làidir.

⁴ mic. Eabh.

⁵ chomhairleach.

⁶ bi d'fhosd.

⁷ shuidhich.

II. EACHDRAIDH, XXV. XXVI.

Chuir am foghannan a *bha* ann an Lebanon *teachdair* a dh'ionnsuidh an t-seud-air¹ a *bha* ann an Lebanon, ag ràdh, Thoir do nighean do m' mhac-sa 'na mnaoi: agus chaidh fiadh-bheathach seachad a *bha* ann an Lebanon, agus shaltair e sìos am foghannan.

19 Thubhairt thu, Feuch, bhmail mi² Edom, agus thog do chridhe suas thu chum uail a dheanamh; fan a nis aig do thigh: c'ar son a bhiodh làmh agad ann an nì chum t'aimhleis, air chor as gu'n tuiteadh tu féin agus Iudah maille riut?

20 Ach cha d'éisd Amasiah ris; oir *bha* e o Dhia an toirt thairis 'na làmh, a chionn gu'n d'iarr iad an déigh dhiathan Edoim.

21 Uime sin chaidh Ioas rìgh Israeil suas, agus chunnaic e féin agus Amasiah rìgh Iudah aghaidh a chéile aig Bet-emes, a *bhuineas* do Iudah.

22 Agus bhuaileadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Ioas rìgh Israeil Amasiah rìgh Iudah mac Ioas, mhic Ahasiah³, aig Bet-emes, agus thug se e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud làmh-choille.

24 Agus [ghabh e] an t-dòr agus an t-airgiod uile, agus na soithichean uile a fhuaradh ann an tigh Dhé aig Obed-edom, agus ionmhasan tìghe an rìgh, agus braighde-gill, agus phill e gu Samaria.

25 Agus mhair Amasiah mac Ioas, rìgh Iudah, beò an déigh bàis Ioais mhic Iehoahais rìgh Israeil, cùig bliadhna deug.

26 Agus a' chuid eile do ghnòmharaibh Amasiah, an toiseach agus mu dheireadh, feuch, nach 'eil iad sgròbhta ann an leabhar rìghrean Iudah agus Israeil?

27 Ach o'n àm anns an do thionndaidh Amasiah o leantuinn an Tighearn, rinn iad ceannaire⁴ 'na aghaidh ann an Ierusalem, agus theich e gu Lachis: ach chuir iad *daoine* 'na dhéigh gu Lachis, agus mharbh iad e an sin.

28 Agus thug iad leo air eachaibh e, agus dh'adhlac iad e maille r'a aithrichibh ann am baile Dhaibhidh⁵.

CAIB. XXVI.

1 *Soirbheachadh Udsiah*: 9 *Na tùir a thog e ann an Ierusalem*: 11 *'Armailt, agus 'innil-chogaidh*. 16 *Bhuaileadh e le tuibhre air son a pheacanna*. 22 *A bhàs*.

AGUS ghabh sluagh Iudah uile Udsiah⁶, agus e sè bliadhna deug a

dh'aois, agus rinn iad e 'na rìgh an àit 'athar Amasiah.

2 Thog esan Elat⁷, agus dh'aisig se e do Iudah, an déigh do'n rìgh codal maille r'a aithrichibh.

3 Sè bliadhna deug a dh'aois *bha* Udsiah 'nuair a thòisich e air rìoghachadh, agus rìghich e dà bhliadhna dheug agus dà fhichead ann an Ierusalem: agus b'e ainm a mhàthar Iecoliah o h-Ierusalem.

4 Agus rinn e an *ni a bha* ceart ann an sùilibh an Tighearn, a réir gach *ni* a rinn Amasiah 'athair.

5 Agus dh'iarr e Dia ann an làithibh Shechariah, a theagaisg e ann an cagal⁸ Dé: agus fhad 'sa dh'iarr e an Tighearna, thug Dia air soirbheachadh.

6 Agus chaidh e mach, agus chog e 'n aghaidh nam Philisteach, agus bhris e sìos balla Ghait, agus balla Iabneith, agus balla Asdoid; agus thog e bailtean ann an Asdoid⁹, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nan Arabach a bha 'nan còmhnuidh ann an Gur-baal, agus nam Amonach¹⁰.

8 Agus thug na h-Amonach tìodhlacan do Udsiah; agus chaidh 'ainm a mach gu ruig dol a' steach na h-Eiphit, oir dh'fhàs e ro chumhachdach.

9 Agus thog Udsiah tùir ann an Ierusalem aig geata na h-oisne, agus aig geata a' ghlinne, agus aig an oisim¹¹, agus dhaingnich e iad.

10 Agus thog e tùir anns an fhàsach, agus chladhaich e mòran thobar; oir bha mòran spréidh aige, agus anns an *tìr* ìosal agus anns a' chòmhnard treabh-aichean, agus fion-liosadairean¹² anns na sléibhtibh agus ann an Carmel, a chionn gu'm bu toigh leis tuathanachd.

11 Bha aig Udsiah mar an ceudna armailt do *dhaoinibh* a dheanadh cogadh, a rachadh a mach gu cath 'nam buidhnibh, a réir uibhir an àireimh¹³, le làimh Ieicil an sgrìobhaiche, agus Mhaaseiah an fhir-riaghlaidh, fuidh làimh Hananiah *aon* do uachdarananibh an rìgh.

12 *B'e* àireanhi iomlan phrìomh¹⁴-aithriche nan daoine comasach gaisgeil, dà mhìle agus sè ceud.

13 Agus fuidh 'n làimh-san *bha* armailt, trì cheud mìle agus seachd mìle agus cùig ceud, a dhcanadh cogadh le treun neart, a chuideachadh leis an rìgh an aghaidh an nàmhaid.

14 Agus dheasaich Udsiah air an son, eadhon do'n fheachd uile, targaidean,

¹ a' cheudair. ² thu. ³ Iehoahais.

⁴ còmhchealg.

⁵ Iudah.

⁶ Asariah. II. Rìgh, Caib. XIV. r. 21.

⁷ Elot.

⁸ a bha tuigseach ann an seallanaibh.

⁹ mu thimchioll Asdoid.

¹⁰ nam Melunach.

¹¹ tionndadh a' bhalla.

¹² fion-ghàrdairean.

¹³ an cunntais, am meas.

¹⁴ cheann. Eabh.

agus sleaghan, agus clogaidean, agus luirichean, agus boghanna, agus cranna-tabhuill a thilgeadh chlach.

15 Agus rinn e ann an Ierusalem innil-chogaidh, a dhealbhadh le daoineibh ealanta¹, gu bhi air na tùraibh agus air oisnibh nam ballacha, a thilgeadh shaighead agus chlach mòra leò; agus chaidh 'ainm a mach an céin, oir b'iongantach an dòigh air an do chuidicheadh leis gus an d'fhàs e cumhachdach.

16 Ach an uair a dh'fhàs e cumhachdach, thogadh a chridhe suas a chum aimhleis, agus pheacaich e an aghaidh an Tighearn a Dhé: oir chaidh e steach do theampull an Tighearn, a losgadh tùise air altair na tùise.

17 Agus chaidh Asariah an sagart a steach 'na dhéigh, agus maille ris ceithir fichead sagart leis an Tighearna, fir threuna;

18 Agus sheas iad an aghaidh Udsiah an rìgh, agus thubhairt iad ris, Cha bhuin e dhuitse, Udsiah, tùis a losgadh do'n Tighearn, ach do na sagartaibh, mic Aaroin, a tha air an naoinhachadh a losgadh tùise: imich a mach as an ionad naomh, oir pheacaich thu, agus cha bhi e dhuist a chum urraim o'n Tighearna Dia.

19 Agus bha fearg air Udsiah, agus tùiseir aige 'na làimh a losgadh tùise: agus an uair a bha fearg air ris na sagartaibh, air ball dh'éirich luibhre suas ann an clàr 'eudain, am fianuis nan sagart ann an tigh an Tighearn, os ceann² altair na tùise.

20 Agus dh'amhairc Asariah an t-àrd shagart, agus na sagairt uile air, agus, feuch, bha luibhre air ann an clàr 'eudain, agus ghreas iad a mach as a sin e; agus rinn e féin mar an ceudna cabhag gu dol a mach, a chionn gu'n do bhuail an Tighearn e.

21 Agus bha Udsiah an rìgh 'na lobhar gu là a bhàis, agus ghabh e còmhnuidh ann an tigh air leth, mar fhear a bha 'na lobhar, an nair a dhruideadh a mach e á tigh³ an Tighearn; agus bha Iotam a mhac os ceann tìghe an rìgh, a' toirt breth air sluagh na tìre.

22 Agus a' chuid eile do ghnìomharaibh Udsiah, an toiseach agus mu dheireadh, sgrìobh Isaiah am fàidh, mac Amois.

23 Agus choidil Udsiah maille r'a aithrichibh, agus dh'adhlaid iad e maille r'a aithrichibh ann am magh àit-adhlacaidh nan rìgh: oir thubhairt iad, Tha e 'na lobhar. Agus rìghich Iotam a mhac 'na àit.

CAIB. XXVII.

1 Rìoghachadh Iotam: 5 Bhuadhaich e air na h-Amonaich. 9 Fhuair e bàs, agus rìghich Ahas 'na àit.

CUIG bliadhna fichead a dh'aois bha Iotam an uair a thòisich e air rìoghachadh, agus rìghich e sè bliadhna deug ann an Ierusalem; agus b'e ainm a mhàthar Ierusa, nighean Shadoic.

2 Agus rinn e an ni a bha ceart ann an suilbìh an Tighearn, a réir nan uile nìthe a rinn Udsiah 'athair; gidheadh cha deachaidh e steach do theampull an Tighearn, agus bha 'n sluagh fathast truaillidh.

3 Thog e geata àrd tìghe an Tighearn, agus air balla Opheil thog e mòran.

4 Agus thog e bailtean ann an sléibhtibh Iudah, agus anns na coilltibh thog e caist-ealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin féin ceud tálann airgid, agus deich mìle tomhas⁴ cruithneachd, agus deich mìle tomhas eorna. So thug clann Amoin seachad da, araon air an dara bliadhna, agus air an treas.

6 Agus dh'fhàs Iotam cumhachdach, a chionn gu'n do dheasaich e a shlighean am fianuis an Tighearn a Dhé.

7 Agus a' chuid eile do ghnìomharaibh Iotam, agus a choganna uile, agus a shlighean, feuch, tha iad sgrìobhta ann an leabhar rìghrean Israeil agus Iudah.

8 Cuig bliadhna fichead a dh'aois bha e 'nuair a thòisich e air rìoghachadh, agus rìghich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlaid iad e ann am baile Dhaibhidh: agus rìghich Ahas a mhac 'na àit.

CAIB. XXVIII.

1 Rìoghachadh aingidh Ahas. 5 Thug Dia thairis e do làimh rìgh Shiria agus rìgh Israeil. 9 Chuir clann Israeil braighdean Iudah air an ais. 20 Shàraich rìgh Asiria Ahab. 22 'Na theanntachd chiontaich e nì bu mhò an aghaidh Dhé.

FICHEAD bliadhna⁵ dh'aois bha Ahas an uair a thòisich e air rìoghachadh, agus rìghich e sè bliadhna deug ann an Ierusalem: agus cha d'rinn e an ni a bha ceart ann an suilbìh an Tighearna, mar a rinn Daibhidh 'athair.

2 Ach dh'innich e ann an slighibh rìghrean Israeil, agus mar an ceudna rinn e dealbhan leaghta do Bhaalim.

3 Agus loisg e tùis ann an gleann Bhenhinoim⁶, agus loisg e a chlann amis an teine, a réir ghràineileachd nan cinneach a

¹ innleachdach.

² o thaobh.

³ oir ghearradh as e o thigh.

⁴ cor. Eabh.

⁵ Cuig bliadhna fichead.

⁶ gleann mhic Hinoim.

II. EACHDRAIDH, XXVIII.

thilg an Tighearna mach roimh chloinn Israeil.

4 Agus dh'ìobair e agus loisg e tùis anns na h-àitibh àrda, agus air na cnoic, agus fuidh gach craoibh uaine.

5 Uime sin thug an Tighearna a Dhia thairis e an làimh rìgh nan Sirianach¹; agus bhuail iad e, agus thug iad leo mòr-an diubh² nam braighdibh, agus thug siad iad gu Damascus: agus thugadh mar an ceudna thairis e an làimh rìgh Israeil, a bhuail e le h-àr mòr.

6 Agus mharbh Pecah mac Remaliah ann an Iudah ceud agus fichead mìle ann an aon là, fir threuna³ uile; a chionn gu'n do thréig iad an Tighearna Dia an aithriche.

7 Agus mharbh Sichri, duine treun do Ephraim, Maaseiah mac an rìgh, agus Asricam uachdaran an tighe, agus Elcanah a b'fhaigse do'n rìgh.

8 Agus thug clann Israeil leo 'nam braighdibh d'am bràithribh dà cheud mìle bean, mac agus nighean, agus thog iad mar an ceudna creach mhòr uatha, agus thug iad a' chreach gu Samaria.

9 Ach bha fàidh leis an Tighearna an sin d'am b'ainm Oded, agus chaidh e mach am fianuis an t-slàigh a thàinig gu Samaria, agus thubhairt e riu, Feuch, a chionn gu robh fearg air an Tighearna Dia bhur n-aithriche ri Iudah, thug e thairis iad ann bhur làimh-sa, agus mharbh sibh iad le buirbe a ràinig suas gu nèamh.

10 Agus a nis *tha* sibh a' cur roimhìbh clann Iudah agus Ierusalem a chur fuidhìbh mar thràillibh agus mar bhan-tràillibh agaibh. Nach 'eil idir agaibh-se, *eadhon* agaibh-se peacanna an aghaidh an Tighearna bhur Dé?

11 A nis ma ta éisdibh rium-sa, agus thugaibh air an ais na braighdean a thug sibh leibh ann am braighdeanas o bhur bràithribh; oir tha fearg laiste an Tighearna ribh.

12 An sin dh'éirich daoine àraidh do cheannaibh³ chloinn Ephraim, Asariah mac Iohanain, Berechiah mac Mhesilemoit, agus Iehischiah mac Shaluim, agus Amasa mac Hadlai, suas 'nan aghaidhsan a thàinig o'n chogadh.

13 Agus thubhairt iad riu, Cha toir sibh na braighdean a steach an so; oir *bhiodh sin* 'na chionta an aghaidh an Tighearna oirne. *Tha* sibhse a' cur roimhìbh tuilleadh a chur r'ar peacannaibh, agus r'ar cionta, 'nuair a ta ar cionta *cheana* mòr agus fearg laiste ri h-Israel.

14 An sin dh'fhàg na daoine a bha fo 'n armaibh⁴ na braighdean agus a' chreach

am fianuis nan uachdaran agus a' chomhchrùinnich uile.

15 Agus dh'éirich na daoine a ghairmeadh air an ainm, agus ghabh iad na braighdean, agus dh'eudaich iad leis a' chreich iadsan uile a bha lomnochd dhiubh, agus an uair a chuir iad eudach agus brògan orra, thug iad orra itheadh agus òl, agus dh'ung siad iad, agus chuir iad air asalaibh iadsan uile a bha annmhunn dhiubh, agus thug siad iad gu Iericho, baile nan craobh pailme, a dh'ionnsuidh am bràithrean; agus phill iad gu Samaria.

16 San àm sin chuir rìgh Ahas *fios* a dh'ionnsuidh rìgh⁵ Asiria, a chuideachadh leis.

17 Oir thàinig na h-Edomaich a rìs, agus bhuail iad Iudah, agus thug iad leo braighdean.

18 Thug na Philistich mar an ceudna ionnsuidh⁶ air bailtibh a' chòmhnaird, agus air an taobh deas do Iudah, agus ghlac iad Bet-semes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gimso le 'bhailtibh beaga; agus ghabh iad còmhnuidh an sin.

19 Oir rinn an Tighearna Iudah òsal air son Ahas rìgh Iudah⁷, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser rìgh Asiria d'a ionnsuidh, agus shàrach⁸, ach cha do neartaich se e.

21 Oir ghabh Ahas cuibhrionn á tigh an Tighearna, agus á tigh an rìgh, agus o na h-uachdaranaibh, agus thug e *sin* do rìgh Asiria; ach cha do chuidich e leis.

22 Agus an àm a theanntachd rinn e fathast tuilleadh cionta an aghaidh an Tighearna, an rìgh so féin Ahas.

23 Oir dh'ìobair e do dhiathaibh Dhamascuis a bhuail e, agus thubhairt e, A chionn gu'n cuidich dée rìghrean Shìria leo, ìobraidh mise dhoibh a chum gu'n cuidich iad leamsa: ach is ann a bha iad 'nan aobhar sgrios dha féin, agus do Israel uile.

24 Agus chrùinnich Ahas soithichean tighe Dhé, agus ghearr e 'nam mìribh soithichean tighe Dhé, agus dhruid e dorsan tighe an Tighearna. Agus rinn e dha féin altairean anns gach cearn do h-Ierusalem.

25 Agus anns gach baile fa leth do Iudah rinn e àitean àrda, chum tuis a losgadh do dhiathaibh coimheach, agus bhrosnaich e gu feirg an Tighearna Dia 'aithriche.

26 Agus a' chuid eile d'a ghnìomhar-

¹ rìgh Shìria. ² mic neirt. Eabh.

³ do phrìomh-dhaoineibh, àrd-uaislibh.

⁴ na daoine armaichte.

⁵ rìghrean, Faic II. Rìgh, Caib XVI. r. 7.

⁶ Bh'is na Philistich a stigh.

⁷ Israeil.

⁸ theannaich, chuir e 'na éiginn.

aibh agus d'a shlighibh uile, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

27 Agus choidil Ahas maille r'a aithrichibh, agus dh'adhlaic iad e anns a' bhaile, ann an Ierusalem; ach cha d'thug iad e do àitibh-adhlaic rìghrean Israeil: agus rìghich Hesechia a mhac 'na àit.

CAIB. XXIX.

1 Rìoghachadh Hesechia. 5 Thug e carail do na Lebhithich iad a naomhachadh tigh Dhé. 12 Naomhaich na Lebhithich iad féin, agus ghlan iad an teampull. 20 Iobairtean Hesechia.

THOISICH Hesechia air rìoghachadh 'nuair a bha e cuig bliadhna fichead a dh'aois, agus rìghich e naoi bliadhna fichead ann an Ierusalem: agus b'e ainm a mhàthar Abiah¹, nighean Shechariah.

2 Agus rinn e an *ni a bha* ceart ann an sùilbh an Tighearn, a rèir nan uile *nithe* a rinn Daibhidh 'thair.

3 Anns a' cheud bhliadhna d'a rìoghachadh, air a' cheud mhìos, dh'fhosgail e dorsan tighe an Tighearn, agus chàirich e iad.

4 Agus thug e stigh na sagairt agus na Lebhithich, agus chruinnich e iad do'n t-sràid an ear,

5 Agus thubhairt e riu, Eisdibh rium, a Leblitheacha; a nis naomhaichibh sibh féin, agus naomhaichibh tigh an Tighearna Dé bhuir n-aithriche, agus thugaibh a mach an salchar as an *ionad* naomh:

6 Oir pheacaich ar n-aithriche, agus rinn iad an *ni a bha* olc ann an sùilbh an Tighearn ar Dé, agus thréig iad e, agus thionndaidh iad an aghaidhean o phàillium an Tighearn, agus chuir iad cùl ris.

7 Mar an ceudna dhruid iad dorsan an sgàth-thighe, agus chuir iad as na lòchrain, agus cha do loisg iad tùis, agus cha d'thug iad iobairtean-loisgte suas anns an *ionad* naomh, do Dhia Israeil.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do thuarirge², do uamhann³, agus do sgeic, mar a chi sibh le'r sùilbh.

9 Oir feuch, thuit ar n-aithriche leis a' chlaidheamh, agus *tha* air mic, agus ar nigheanan, agus ar mnàin ann am braighdeanas air son so.

10 A nis *tha* e ann am chridhe coimh-cheangal a dheanamh ris an Tighearna Dia Israeil, a chum gu'n tionndaidh fhearg laiste uainn.

11 Mo mhic, na bithibh a nis dearmadach; oir thagh an Tighearna sibh gu seasamh 'na làthair a dheanamh seirbhis da, agus gu bhi a' frithealadh dha agus a' losgadh tùise.

12 An sin dh'éirich na Lebhithich,

Mahat mac Amasai, agus Ioel mac Asariah, do mhacaibh nan Cohatach: agus do mhacaibh Mherari, Cìs mac Abdi, agus Asariah mac Iehaleileil: agus do na Gersonaich, Ioah mac Shimah, agus Eden mac Ioah:

13 Agus do mhacaibh Elisaphain, Simri agus Iehiel: agus do mhacaibh Asaiph, Sechariah agus Mataniah:

14 Agus do mhacaibh Hemain, Iehiel agus Simei: agus do mhacaibh Iedutuinn, Semaiah agus Udsiel.

15 Agus chruinnich iad ann bràithrean, agus naomhaich siad iad féin, agus thàinig iad a réir àithne an rìgh ann am briathraibh an Tighearn, a ghlanadh tighe an Tighearn.

16 Agus chaidh na sagairt do'n chuid a b' fhaide steach do thigh an Tighearna g'a ghlanadh, agus thug iad a mach gach salchar a fhuair iad ann an teampull an Tighearna, gu cùirt tighe an Tighearn. Agus thog na Lebhithich leo e, gu 'thoirt a mach gu sruth Chidroin.

17 A nis thòisich iad air a' cheud là do'n cheud mhìos air naomhachadh⁴, agus air an ochdamh là do'n mhìos thàinig iad gu sgàth-thigh an Tighearn, agus naomhaich iad tigh an Tighearn ann an ochd làithibh, agus air an t-sèathadhl là deug do'n cheud mhìos chrìochnaich iad an obair.

18 An sin chaidh iad a steach a dh'ionnsuidh Hesechia an rìgh, agus thubhairt iad, Ghlan sinn tigh an Tighearn uile, agus altair na h-iobairt-loisgte maille r'a soithichibh uile, agus bord an arain thaisbeanta maille r'a shoithichibh uile.

19 Agus na soithiche sin uile a chuir rìgh Ahas, an uair a rìghich e, air falbh 'na eusaontas, dheasaich sinne agus naomhaich sinn, agus, feuch, *tha* iad fa chomhair altair an Tighearn.

20 An sin dh'éirich Hesechia an rìgh gu moch, agus chruinnich e uachdarain a' bhaile, agus chaidh e suas do thigh an Tighearn.

21 Agus thug iad leo seachd tairbh òga, agus seachd reitheachan, agus seachd uain, agus seachd buic-ghaibhre mar iobairt-pheacaidh air son na rìoghachd, agus air son an *ionaid* naomh, agus air son Iudah: agus dh'àithn e do na sagartaibh, mic Aaroin, an iobradh air altair an Tighearn.

22 Uime sin mharbh iadsan na tairbh, agus ghabh na sagairt an fhuil, agus chrath iad i air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuid-cachd na h-uain, agus chrath iad an fhuil air an altair.

¹ Abi. II. Rìgh, Caib. XVIII. r. 2.

² theinn, amhludh.

³ iongantais.

⁴ glanadh.

II. EACHDRAIDH, XXIX. XXX.

23 Agus thug iad leo na buic-ghaibhre air son na h-ìobairt-pheacaidh an làthair an rìgh agus a' choimhthionail, agus chuir iad an làmh an orra :

24 Agus mharbh na sagairt iad, agus chrath iad am fuil¹ air an altair chum réite dheanamh air son Israeil uile : oir dh'àithn an rìgh an ìobairt-loisgte agus an ìobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le salt-airibh, agus le clàrsaichibh, a réir àithne Dhaibhidh, agus Ghaid fhir-sheallaidh an rìgh, agus Natain an fhàidh : oir b'i sin àithne an Tighearna le làimh² fhàidhean.

26 Agus sheas na Lebhithich le h-inneal-aibh Dhaibhidh, agus na sagairt leis na trompaidibh.

27 Agus dh'àithn Hesechia an ìobairt-loisgte ìobradh air an altair : agus an uair a thòisich an ìobairt-loisgte, thòisich *mar an ceudna* laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthional uile aoradh, agus shcinn an luchd-scinn, agus shéid na trompadairean : *mhair* so uile agus an do chrìochnaich iad an ìobairt-loisgte.

29 Agus an uair a chuir iad crìoch air ìobradh, chrom an rìgh agus iadsan uile a bha maille ris iad féin², agus rinn iad aoradh.

30 Agus dh'àithn Hesechia an rìgh agus na h-uachdaraibh do na Lebhithich gu moladh iad an Tighearna am briathraibh Dhaibhidh, agus Asaiph an fhir-sheallaidh : agus mhol iad le subhachas, agus chrom iad an cinn, agus rinn iad aoradh.

31 An sin fhreagair Hesechia, agus thubhairt e, A nis choisrig sibh sibh féin do'n Tighearna : thigibh am fagus, agus thugaibh leibh ìobairtean, agus tabhartais-buidheachais do thigh an Tighearna. Agus thug an coimhthional a steach ìobairtean, agus tabhartais-buidheachais, agus iadsan uile a bha toileach 'nan cridhe, tabhartais-loisgte.

32 Agus b'e àireamh nan tabhartais-loisgte a thug an coimhthional lco, trì fichead agus deich tairbh òga, ceud reithe, dhà cheud uan ; iad sin uile chum ìobairt-loisgte do'n Tighearna.

33 Agus na nithe coisrigte, sè ceud bò, agus trì mìle caora.

34 Ach bha na sagairt tearc, agus cha b'urrainn iad na tabhartais-loisgte uile fhionnadh : uime sin chuidich am bràithre na Lebhithich leo, agus an do chrìochnaich iad an obair, agus gus an do

naomhaich na sagairt iad féin ; oir *bha* na Lebhithich ni bu deise³, 'nan cridhe chum iad féin a naomhachadh na na sagairt.

35 Agus mar an ceudna *bha* na tabhartais-loisgte am pailteas, maille ri saill nan tabhartas-sìth agus nan tabhartas-dìbhe, chum na h-ìobairt-loisgte. Agus dheas-aicheadh⁴ seirbhis tìghe an Tighearna.

36 Agus rinn Hesechia agus an sluagh uile gairdeachas, a chionn gu'n do dheas-aich Dia air son an t-sluaigh : oir rinneadh an ni gu grad.

CAIB. XXX.

1 *Thug Hesechia fa' near gairm a thabhairt air feadh Israeil uile iad a chumail na càisge ann an Ierusalem.* 13 *Thug an comhchruinneach air falbh altairean nan deò coimheach, agus chum iad a' chàisg ceithir là deug.*

A GUS chuir Hesechia *fios* gu h-Israel a uile agus gu Iudah, agus mar an ceudna sgrìobh e litrichean gu h-Ephraim agus gu Manaseh, iad a theachd gu tigh an Tighearna ann an Ierusalem, a chumail na càisge do'n Tighearna Dia Israeil.

2 Agus ghabh an rìgh comhairle, agus 'uachdarain, agus an coimhthional uile ann an Ierusalem, a' chàisg a chumail air an dara mìos.

3 Oir cha b'urrainn iad a cumail san àm sin, a chionn nach do naomhaich na sagairt iad féin gu leòr, agus nach robh an sluagh air cruinneachadh gu h-Ierusalem.

4 Agus thaitinn an ni ris an rìgh, agus ris a' choimhthional uile.

5 Agus shuidhich iad reachd, gairm a thabhairt air feadh Israeil uile o Bheer-seba eadhon gu Dan, iad a theachd a chumail na càisge do'n Tighearna Dia Israeil ann an Ierusalem ; oir cha do chum mòran i⁵ mar a bha e sgrìobhta.

6 Agus chaidh na gillea-ruithe le litricheibh o'n rìgh agus o 'uachdaraibh air feadh Israeil uile agus Iudah, agus a réir àithne an rìgh, ag ràdh, A chlann Israeil, pillibh a dh'ionnsuidh an Tighearna Dé Abraham, Isaac, agus Israeil, agus pillidh esan a dh'ionnsuidh an fhuighill dèibh a chaidh as o làimh rìghrean Asiria.

7 Agus ua bithibh cosmhuil ri'r n-aithrichibh, agus cosmhuil ri'r bràithribh a pheacaidh an aghaidh an Tighearna Dé an aithriche, agus thug esan thairis iad gu léir-sgrìos, mar a chi sibh.

8 A nis na bithibh-se cruaidh-mhuineil each cosmhuil ri'r n-aithrichibh : thugaibh sibh féin thairis do'n Tighearna, agus rachaibh a steach d'a ionad naomh, a naomhaich e gu bràth ; agus deanaibh seirbhis do'n Tighearna bhur Dia, a chum gu tionndaidh lasan 'fheirge air falbh uaibh.

¹ rinn iad réite le'm fuil. ² iad féin air an glùinibh.

³ ni bu dìriche, ionraice.

⁴ shuidhicheadh, chuireadh an ordugh.

⁵ cha do chum iad a' rèine fhada.

II. EACHDRAIDH, XXX. XXXI.

9 Oir ma philleas sibh a dh'ionnsuidh an Tighearna, [gheibh] bhur bràithrean agus bhur clann iochd 'nam fianuis-san a thug leò am braighdeanas iad, air chor as gu pill iad a dh'ionnsuidh na tire so: oir gràsmhor agus trócaireach *tha'n* Tighearna bhur Dia, agus cha tionndaidh e a ghnùis air falbh uaibh, ma philleas sibh d'a ionnsuidh.

10 Agus chaidh na gillea-ruithe thairis o bhaile gu baile, air feadh tire Ephraim agus Mhanaseh, eadhon gu ruig Sebulun; ach bha iad a' fanoid orra, agus a' dean-amh ball-magaidh dliubh.

11 Gidheadh, dh'irioslaich daoine àraidh do Aser, agus do Mhanaseh, agus do Shebulun iad féin, agus thàinig iad gu h-Ierusalem.

12 Mar an ceudna ann an Iudah bha làmh Dhé a thoirt aon chridhe dhoibh, a dheanamh àithean an rìgh agus nan uachdaran, a réir focail an Tighearn.

13 Agus chruinnich ann an Ierusalem mòran sluagh, a chumail féill an arain neo-ghoirtichte anns an dara mìos, comh-chruinneachadh ro mhòr.

14 Agus dh'éirich iad, agus thug iad air falbh na h-altairean a bha ann an Ierusalem, agus na h-altairean uile air son tuisge thug iad air falbh, agus thilg siad iad ann an sruth Chidroin.

15 Agus mharbh iad a' chàisg air a' cheathramh là deug do'n dara mìos; agus bha nàir air na sagairt agus air na Lebhithich, agus naomhaich siad iad féin, agus thug iad a steach iobairtean-loisgte do thigh an Tighearn.

16 Agus sheas iad 'nan àit a réir an riaghailt¹, a réir lagha Mhaois òglaich Dhé; agus chrath na sagairt an fhuil a ghabh iad o làimh nan Lebhitheach.

17 Oir bha mòran anns a' choimhthional nach robh air an naomhachadh: uime sin bha cùram marbhaidh na càisge air na Lebhithich, air son gach neach nach robh glan, a chum an naomhachadh do'n Tighearn.

18 Oir cha do ghlan mòran do'n t-sluagh, mòran do Ephraim, agus do Mhanaseh, do Isachar, agus do Shebulun iad féin; gidheadh, dh'ith iad a' chàisg, cha b'ann mar a ta e sgrìobhta.

19 Ach rinn Heseciah urnuigh air an son, ag ràdh, Gu tugadh an Tighearna maith maiteanas do gach aon, a dheas-aich a chridhe a dh'iarraidh an Tighearna Dé² aithriche, ged nach 'eil e glan a réir glanaidh an ionaid naoimh.

20 Agus dh'òis an Tighearna ri Heseciah, agus leighis e an sluagh.

21 Agus chum clann Israeil a bha làthair

ann an Ierusalem féill an arain neo-ghoirtichte seachd làithean le mòr-ghairdeachas: agus mhol na Lebhithich agus na sagairt an Tighearn o là gu là, a' seinn le h-innealaibh fuaimneach do'n Tighearn.

22 Agus labhair Heseciah gu caoimh-neil³ ris na Lebhithich uile, a theagaisg eòlas maith⁴ an Tighearn; agus dh'ith⁵ iad air an fhéill rè sheachd làithean, ag iobradh iobairte-sith, agus a' cliùthachadh an Tighearna Dé an aithriche.

23 Agus ghabh au coimhthional uile comhairle seachd làithean eile a chumail: agus chum iad seachd làithean eile le h-aobhneas.

24 Oir thug Heseciah rìgh Iudah suas do'n choimhthional mìle tarbh òg, agus seachd mìle caora; agus thug na h-uachd-arain suas do'n choimhthional mìle tarbh òg, agus deich mìle caora: agus naomhaich mòran shagart iad féin.

25 Agus rinn coimhthional Iudah uile gairdeachas, agus na sagairt, agus na Lebhithich, agus an coimhthional uile a thàinig á h-Israel, agus na coigrich a thàinig á tìr Israeil, agus a bha chòmh-nuidh ann an Iudah.

26 Mar sin bha mòr-aobhneas ann an Ierusalem; oir o làithibh Sholaimh, mhie Dhaibhidh rìgh Israeil, cha robh a leithid ann an Ierusalem.

27 An sin dh'éirich na sagairt agus na Lebhithich, agus bheannaich iad an sluagh: agus chuala [Dia] an guth, agus thàinig an urnuigh suas d'a àite-comh-nuidh naomha-san, do nèamh.

CAIB. XXXI.

2 Shuidhich Heseciah roinnean nan sagart agus nan Lebhitheach. 3 Thug clann Israeil seachd gu toileach ceud thoradh an fhearainn. 11 An luchd-dreuchd a bha os ceann nan tabhartas.

A GUS an uair a chrìochnaicheadh so uile, chaidh Israel uile a bha làthair a mach do bhailtibh Iudah, agus bhris iad na dealbhan, agus ghearr iad sìos na doireachan, agus thilg iad sìos na h-ionadan àrda agus na h-altairean á Iudah uile agus á Benjamin, agus ann an Ephraim agus Manaseh, agus an do sgrios gu tur iad. An sinn phill clann Israeil uile, gach duine a dh'ionnsuidh a sheilbhe féin, d'am bailtibh féin.

2 Agus shuidhich Heseciah roinnean nan sagart agus nan Lebhitheach a réir an roinnean, gach duine a réir a sheirbhis féin, na sagairt agus na Lebhitheach air son nan iobairt-loisgte, agus air son nan iobairt-shith, a fhrithealadh, agus a thabhairt buidheachais, agus a chliùth

¹ am modha. ² Dhé, an Tighearna Dé.

³ ri'n cridhe. Eabh.

⁴ a bha tuigsinn eòlais mhaith.

⁵ choimhlean, chum.

II. EACHDRAIDH, XXXI. XXXII.

achadh ann an geatachaibh chaimp an Tighearna:

3 Cuibhrionn an rìgh mar an ceudna d'a mhaoin, air son nan ìobairt-loisgte, air son ìobairt-loisgte na maidne, agus an fheasgair, agus ìobairt-loisgte nan sàbaid, agus nan gealach nomha, agus nam féill suidhichte, mar a *ta e* sgriobhta ann an lagh an Tighearna.

4 Dh'àithn e cuideachd do'n t-sluagh a bha chòmhnuidh ann an Ierusalem, gu'n tugadh iad seachad cuibhrionn nan sagart agus nan Lebhithiach, chum gu'm biodh iad air an daingneachadh ann an lagh an Tighearn.

5 Agus co luath as a thàinig an àithne mach, thug clann Israeil seachad gu pailt ceud thoradh an arbhair, an fhiona, agus na h-oladh¹, agus na meala, agus uile fhàis² an fhearainn; agus deachamh nan uile *nithe* thug iad a stigh ann am pailteas.

6 Agus a thaobh chloinn Israeil agus Iudah a bha chòmhnuidh ann am bailtibh Iudah, thug iadsan mar an ceudna stigh deachamh a' bhuaire agus nan caorach, agus deachamh nan nithe naomha a bha air an naomhachadh do'n Tighearn an Dia, agus rinn iad mòran chruach *diubh*.

7 Anns an treas mìos thòisich iad air bunaitean nan cruach a leagadh, agus anns an t-seachdamh mìos chrìochnaich siad iad.

8 Agus thàinig Hececiah agus na h-uachdarain, agus chunnaic iad na cruachan, agus bheannaich iad an Tighearn agus a shluagh Israel.

9 Agus dh'fhiosraich Hececiah do na sagairt agus na Lebhithich mu thimchioll nan cruach.

10 Agus fhreagair Asariah an t-àrd shagart do thigh Shadoic e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn gus an do shàsuicheadh sinn, agus dh'fhàg sinn pailteas: oir bheannaich an Tighearn a shluagh, agus dh'fhàgadh am pailteas mòr so.

11 An sin dh'àithn Hececiah seòmraichean³ ulluchadh ann an tigh an Tighearn; agus dh'ulluich siad iad;

12 Agus thug iad a stigh na tabhartais, agus an deachamh, agus na *nithe* naomhaichte gu fìrinneach; agus os an ceann bha Cononiah an Lebhithiach 'na riaghlair, agus Simeì a bhràthair san àit a b'fhaigse.

13 Agus bha Iehiel, agus Asariah, agus Nahat, agus Asahel, agus Ierimot, agus Iosabad, agus Eliel, agus Ismahiah, agus Mahat, agus Benaiah, 'nan luchd-amhairc

thairis fuidh làimh Chononiah, agus Shimeì a bhràthar, air àithne Hececiah an rìgh, agus Asariah uachdarain tìghe Dhé.

14 Agus bha Core mac Innah an Lebhithiach, an dorsair a làimh na h-àird⁴ an ear, os ceann shaor-thiodhlac Dhé, chum gu'n tugadh e seachad tabhartais an Tighearn, agus na nithe ro naomha.

15 Agus làimh ris-san Eden, agus Beniamin⁵, agus Iesua, agus Semajah, agus Amariah, agus Secaniah, ann am bailtibh nan sagart 'nan cùram⁶, a thabhairt d'am bràithribh 'nan roinnibh⁶, mar do'n mhòr mar sin do'n bheag.

16 A thuilleadh air àireamh nan fìrionnach a réir an ginealach o thri bliadhna dh'aois agus os a cheann, do gach neach a théid a steach do thigh an Tighearn, a chuibhrionn lathail, air son an seirbhis 'nan cùram, a réir an roinnean;

17 Aaron do àireamh nan sagart a réir an ginealach, a réir tìghe an aithriche, agus nan Lebhithiach o fhichead bliadhna dh'aois agus os a cheann, 'nan cùram, a réir an roinnean;

18 Agus do àireamh an cloinne bige uile a réir an ginealach, am ban, agus am mac, agus an nigheana, do'n choimhthional uile; oir 'nan cùram naomhaich siad féin gu mòr:

19 Agus do mhacaibh Aaron na sagartaibh ann am fearann comh-roinn am bailtean, anns gach baile fa leth, na daoine a dh'ainmicheadh air an ainm, a thabhairt an cuibhrionna do gach fìrionnach am measg nan sagart, agus dhoibhsan uile a bha air an àireamh a réir an ginealach am measg nan Lebhithiach.

20 Agus rinn Hececiah mar so air feadh Iudah uile: agus rinn e an *ni sin a bha* maith, agus ceart, agus fìrinneach ann am fianuis an Tighearn a Dhé.

21 Agus a thaobh gach oibre air an do thòisich e ann an seirbhis tìghe Dhé, agus anns an lagh, agus anns na h-àitheantaibh, a dh'iarraidh a Dhé, rinn e i le 'uile chridhe, agus shoirbhich e.

CAIB. XXXII.

1 *Dhaingnich Hececiah baile Ierusalem an aghaidh rìgh Asiria. 9 Teachdaireachd mhaslach Senacherib. 20 Bhuail aingeal an Tighearn feachd nan Asirianach. 32 Bàs agus adhlac Hececiah.*

AN dèigh nan nithe so agus an uair a bha iad air an suidheadh, thàinig Senacherib rìgh Asiria, agus chaidh e steach do Iudah, agus champaich e an aghaidh nan baile daingnichte, agus shonraich⁷ e air an cosnadh dha féin.

2 Agus an uair a chunnaic Hececiah gu'n d'thàinig Senacherib, agus gu'n robh

¹ an olaidh.

² chinnis.

³ àitean-tasgaidh.

⁴ Miniamin.

⁵ 'nan dreuchd shuidhichte.

⁶ 'nan sealaibh.

⁷ shaoil; thubhairt, Eabh.

e cur roimhe cogadh an aghaidh Ierusalem.

3 Chuir e a chomhairle r'a uachdaran-aibh agus r'a dhaoinibh cumhachdach, uisgeacha nan tobar a *bha'n* taobh a muigh do'n bhaile a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraichean uile, agus na sruthain a bha ruith ann am meadhon na tìre, ag ràdh, C'ar son a thigeadh rìgh-rean Asiria, agus a gheibheadh iad mòran uisge?

5 Agus dhaingnich se e féin, agus thog e am balla uile a chaidh bhriseadh, agus chuir e suas tùir air¹, agus balla eile air an taobh a muigh, agus dhaingnich e Milo baile Dhaibhidh, agus rinn e gathanna agus targaidean ann am pailteas.

6 Agus chuir e ceannardan cogaidh os ceann an t-sluaigh, agus chruinnich e iad d'a ionnsuidh ann an sràid geata a' bhaile, agus labhair e r'an cridhe, ag ràdh,

7 Bithibh làidir agus bithibh misneachail, na biodh eagal agus na biodh faitcheas oirbh roimh rìgh Asiria, no roimh an t-sluaigh mhòr so uile a *tha* maille ris; oir is mò a *ta* leinne na leis-san.

8 Leis-san *tha* gairdean feòla, ach leinne *tha'n* Tighearn ar Dia, a chuideachadh leinn, agus a chur ar catha. Agus dh'earb an sluagh á briathraibh Heseciah rìgh Iudah.

9 'Na dhéigh so chuir Senacherib rìgh Asiria a sheirbhisich gu h-Ierusalem, (oir *bha* e féin aig Lachis, agus a neart uile maille ris,) a dh'ionnsuidh Heseciah rìgh Iudah, agus a dh'ionnsuidh Iudah uile, a *bha* aig Ierusalem, ag ràdh,

10 Mar so *tha* Senacherib rìgh Asiria ag ràdh, Cia as a *tha* sibh ag earbsadh, agus sibh a' fantuinn 'nur daingneach ann an Ierusalem?

11 Nach 'eil Heseciah 'gur comhairleachadh sibh féin a thoirt thairis gu bàs le gorta agus le tart, ag ràdh, Saoraidh an Tighearn ar Dia sinn á làimh rìgh Asiria?

12 Nach do chuir Heseciah so féin air falbh àitean àrda, agus 'altairean, agus nach d'àitinn e do Iudah agus do Ierusalem, ag ràdh, Fa chomhair aoin altarach sleuchdaidh sibh, agus loisgidh sibh tùis oirre?

13 Nach 'eil fhios agaibh ciod a rinn mise agus m'aithriche ri uile shluaigh nan dùchanna? an robh dée chinneach nan tìr sin comasach air an tìr féin a shaoradh as mo làimh-sa?

14 Cò am measg uile dhée nan cinneach sin a sgrios m'aithriche-sa gu tur, a b'urrainn a shluaigh a shaoradh as mo làimh-sa,

gu'm biodh bhuir Dia-sa comasach air bhuir saoradh as mo làimh?

15 A nis ma ta na mealladh Heseciah sibh, agus na comhairlicheadh² e sibh mar so, agus na creidibh e; oir cha robh dia air bith cinnich no rìoghachd sam bith comasach air a shluaigh a shaoradh as mo làimh-sa, agus á làimh m'aithriche; nach lugha gu mòr na sin is urrainn bhuir Dia-sa bhuir saoradh as mo làimh?

16 Agus labhair a sheirbhisich tuilleadh as so an aghaidh an Tighearna Dé, agus an aghaidh a sheirbhisich Heseciah.

17 Sgrìobh e mar an ceudna litrichean a chàineadh an Tighearna Dé Israeil, agus a labhairt 'na aghaidh, ag ràdh, Mar nach do shaor dée chinneach nan dùchanna an sluagh as mo làimh-sa, mar sin cha saor Dia Heseciah a shluaigh as mo làimh.

18 Ghlaodh iad cuideachd le guth àrd sa' chàinain Iudhaich ri sluagh Ierusalem a *bha* air a' bhalla, gu eagal agus buaireas a chur orra, chum gu'n glacadh iad am baile.

19 Agus labhair iad an aghaidh Dhé Ierusalem, mar an aghaidh dhée shluaigh na talmhainn, oibre làmhan dhaoine.

20 Agus rinn Heseciah an rìgh, agus an fàidh Isaiah mac Amois, urnuigh air son so, agus ghlaodh iad gu nèamh.

21 Agus chuir an Tighearn aingeal uaith, a sgrìob na daoine comasach gaisgeil uile, agus na ceannardan, agus na h-uachdaran ann an camp rìgh Asiria: uime sin phill e le nàire gnùise d'a thìr féin. Agus an uair a chaidh e steach do thigh a dhé, mharbh iadsan a thàinig a mach as 'innibh féin e 'n sin leis a' chlaidheamh.

22 Mar so shaor an Tighearna Heseciah agus luchd-àiteachaidh Ierusalem á làimh Shenacherib rìgh Asiria, agus á làimh nan uile, agus stiùir e iad air gach taobh.

23 Agus thug mòran tabhartais a dh'ionnsuidh an Tighearna gu h-Ierusalem, agus tiodhlacan a dh'ionnsuidh Heseciah rìgh Iudah: agus dh'àrdaicheadh e ann an sùilibh nan uile chinneach 'na dhéigh sin.

24 Anns na làithibh sin bha Heseciah tinn gu bàs, agus rinn e urnuigh ris an Tighearn: agus dh'éisd³ esan ris, agus thug e comhara dha.

25 Ach cha d'ìoc Heseciah a ris a réir mar a bhuilicheadh air; oir thogadh a chridhe suas: agus bha fearg ris, agus ri Iudah agus Ierusalem.

26 Gidheadh dh'ìorlaich Heseciah e féin air son uabhair a chridhe; *araon* e féin agus luchd-àiteachaidh Ierusalem:

¹ chuir e suas e gu ruig na tùir.

² na h-aomadh.

³ labhair. Eabh.

II. EACHDRAIDH, XXXII. XXXIII.

uime sin cha d'fhàinig fearg an Tighearna orra ann an làithibh Heseciah.

27 Agus bha aig Heseciah beartas agus urram ro mhòr: agus rinn e dha féin ionmhasan do airgid, agus do òr, agus do chlachaidh luachmhor, agus do spioraidh, agus do thargaidibh, agus do gach seud¹ taitneach;

28 Agus tighean-tasgaidh air son toraidh² an arbhair, agus an fhìona, agus na h-oladh; agus tighean air son gach gnè ainmhidh, agus mainneirean air son nan treud.

29 Agus rinn e dha féin bailtean: agus bha sealbh chaorach agus buar aige ann am bailteas, oir thug Dia dha maoin ro mhòr.

30 Chuir Heseciah so féin mar an ceudna stad air sruth uisge uachdarach Ghìhoin, agus thug e sìos dìreach e a làimh na h-àirde 'n iar do bhaile Dhaibhidh. Agus shoirbhich Heseciah 'na oibrìbh uile.

31 Gidheadh, a thaobh theachdairean uachdarana Bhabìloin, a chuireadh d'a ionnsuidh a dh'fhiosrachadh mu'n iongantais a bha san tìr, thréig Dia e g'a dhearbhadh, chum gu'm biodh fios aige air gach *ni a bha* 'na chrìdhe.

32 Agus a' chuid eile do ghnìomharaibh Heseciah, agus a mhaithreas, feuch, *tha* iad sgrìobhta ann am fàistneachd³ Isaiah an fhàidh, mhic Amois, agus ann an leabhar rìghrean Iudah agus Israeil.

33 Agus choidil Heseciah maille r'a aithrichibh, agus dh'adhlac iad e ann an àrd àit-adhlacaidh mhac Dhaibhidh: agus thug Iudah uile agus luchd-àiteachaidh Ierusalem urram dha 'nuair a fhuair e bàs. Agus rìghich Manaseh a mhac 'na àit.

CAIB. XXXIII.

1 Rìoghachadh aingidh Mhanaseh. 10 Thug ceannarda rìgh Asiria am braighdeanas e gu Babilon.

12 Dh'ìoslaich se e féin an sin, agus thug Dia air ais e d'a rìoghachd. 14 A ghnìomhara. 24 Fhuair e bàs, agus rìghich Amon 'na àit.

DA bhliadhna dheug a dh'aois bha Manaseh 'nuair a thòisich e air rìoghachadh, agus rìghich e cùig bliadhna deug agus dà fhichead ann an Ierusalem.

2 Ach rinn e olc ann an sùilbh an Tighearna, a réir ghràineileachd nan cinneach, a thilg an Tighearna a mach roimh chloinn Israeil.

3 Oir thog e suas a rìs na h-àitean àrda a sgrìos Heseciah athair, agus chuir e suas altairean do Bhaalim, agus rinn e doireachan, agus shleuchd e do uile shlòigh⁴ nan nèamh, agus rinn e seirbhìs doibh.

4 Agus thog e altairean ann an tigh an

Tighearna, mu'n dubhairt an Tighearna, Ann an Ierusalem bithidh m'ainm-sa gu bràth.

5 Agus thog e altairean do uile shlòigh nan nèamh ann an dà chùirt tìghe an Tighearna.

6 Agus thug e air a chloinn dol troimh 'n teine ann an gleann mhic Hinoim; agus thug e fa'near àmanna, agus ghnàthaich e geasachd⁵ agus druìdh-eachd, agus chuir e air chois leannain-shìth agus luchd-fiosachd: dh'oibrich e mòr-aingidheachd ann an sùilbh an Tighearna, g'a bhrosnachadh gu fèirg.

7 Agus chuir e dealbh snaidhte, ìodhol⁶ a rinn e, ann an tigh Dhé, mu'n dubhairt Dia ri Daibhidh, agus ri Solamh a mhac, Anns an tigh so, agus ann an Ierusalem, a thagh mi á uile threubhan Israeil, cuiridh mi m'ainm gu bràth.

8 Agus cha charuich mi cos Israeil ni's mò as an fhearann a dh'orduich mi do bbur n-aithrichibh; ma bheir iad a mhàin an aire gu'n dean iad gach *ni* a dh'àithn mi dhoibh, a réir an lagha uile, agus nan reachd, agus nan riaghailt le làimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seachàran, gu tuilleadh uile a dheanamh na rinn na cinnich, a sgrìos an Tighearna roimh chloinn Israeil.

10 Agus labhair an Tighearna ri Manaseh, agus r'a shluagh; ach cha'n éisdeadh iad.

11 Uime sin thug an Tighearna orra ceannarda feachd rìgh Asiria; agus ghlac iad Manaseh ann an droighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an àmhghar dh'iarr e an Tighearna a Dhia, agus dh'ìoslaich se e féin gu mòr am fianuis Dhé 'aithriche,

13 Agus rinn e urnuigh ris, agus rinn-eadh esan réidh ris, agus dh'éisd e r'a athchuinge, agus thug e air ais e gu h-Ierusalem d'a rìoghachd. Agus dh'aithnich Manaseh gur e'n Tighearna a's Dia ann.

14 Agus 'na dhéigh so thog e balla an taobh a muigh do bhaile Dhaibhidh, air an taobh an iar do Ghìhon anns a' ghleann, eadhon gu ruig dol a stigh geata an éisg, agus thug e mu'n cnairt air Ophel e, agus thog e suas e gu ro àrd; agus chuir e ceannardan cogaidh⁷ ann an uile bhailtibh daingnichte Iudah.

15 Agus chuir e air falbh na diathan coimheach agus an ìodhol á tigh an Tighearna, agus na h-altairean uile a thog e

¹ uidheam, inneal.

² sealladh. Eabh.

³ fàis, cinnis.

⁴ armailt.

⁵ geasadaireachd. ⁶ cosamhlachd; semel. Eabh.

⁷ ceannardan na h-armailt.

ann an sliabh tighe an Tighearn, agus ann an Ierusalem, agus thilg e mach as a' bhaile iad.

16 Agus chàirich e altair an Tighearn, agus dh'ìobair e oirre iobairtean-sithe agus buidheachais, agus dh'àithn e do Iudah seirbhis a dheanamh do'n Tighearna Dia Israeil.

17 Gidheadh, dh'ìobair an sluagh fathast anns na h-àitibh àrda, ach a mhlàin do'n Tighearn an Dia.

18 Agus a' chuid eile do ghnìomharaibh Mhanaseh, agus 'urnuigh r'a Dhia, agus briathra nam fear-seallaidh a labhair ris ann an ainm an Tighearna Dé Israeil, feuch, *tha* iad sgriobhta ann an Icabhar rìghrean Israeil.

19 'Urnugh mar an ceudna, agus mar a dh'éisdeadh ris, agus a pheacadh uile, agus 'eusaontas, agus na h-àitean anns an do thog e ionadan àrda, agus an do chuir e suas doireachan agus dealbhan snaidhte, mu'n d'ìroslaicheadh e, feuch, *tha* iad sgriobhta am measg bhriathar nam fear-seallaidh.

20 Agus choidil Manaseh maille r'a aithrichibh, agus dh'adhlac iad e 'na thigh féin: agus rìghich a mhac Amon 'na àit.

21 Dà bhliadhna fichead a dh'aois *bha* Amon an uair a thòisich e air rìoghachadh, agus rìghich e dà bhliadhna ann an Ierusalem.

22 Agus rinn e olc ann an sùilbh an Tighearna, mar a rinn Manaseh 'athair: oir dh'ìobair Amon do na dealbhaibh snaidhte uile a rinn Manaseh 'athair, agus rinn e seirbhis doibh:

23 Agus cha d'ìroslaich se e féin am fianuis an Tighearna, mar a dh'ìroslaich Manaseh 'athair e féin; ach mheudaich Amon eusaontas.

24 Agus rinn a sheirbhisich ceannairc 'na aghaidh, agus mharbh iad e 'na thigh féin.

25 Ach inharbh sluagh na tìre iadsan uile a rinn ceannairc an aghaidh rìgh Amoin, agus rinn sluagh na tìre Iosiah a mhac 'na rìgh 'na àit.

CAIB. XXXIV.

1 *Ghlan Iosiah Iudah agus Ierusalem o na h-àitibh àrda.* 8 *Chuir e luchd oibre a chàradh tighe an Tighearn.* 14 *Fluair Hìliciah leabhar an lagha, agus leugh Saphan e an éisdeadh an rìgh.* 23 *Ròimh-innis Huldah sgrios Ierusalem.*

OCHD bliadhna dh'aois *bha* Iosiah, 'nuair a thòisich e air rìoghachadh, agus rìghich e ann an Ierusalem aon bhliadhna deug thar fhichead.

2 Agus rinn e an *ni a bha* ceart ann an sùilbh an Tighearn, agus dh'imich e ann an slighibh Dhaibhidh 'athar, agus cha

do chlaon e dh'ionnsuidh na làimhe deise no na làimhe clìthe.

3 Oir anns an ochdamh bliadhna d'a rìoghachadh, 'nuair a bhla e fathast òg, thòisich e air Dia Dhaibhidh 'athar iarraidh, agus anns an dara bliadhna deug thòisich e air Iudah, agus Ierusalem a ghlanadh o na h-àitibh àrda, agus na doireachaibh, agus na dealbhaibh snaidhte, agus na dealbhaibh leaghta.

4 Agus bhris iad sìos altairean Bhaalim 'na fhianuis, agus na dealbhan grianach a *bha* gu h-àrd os an ceann ghearr e sìos, agus na doireachan; agus na dealbhan snaidhte, agus na dealbhan leaghta bhris e 'nam mìribh, agus phronn e gu luathre, agus chrath e *i* air uaighibh na muinntir a dh'ìobair dhoibh.

5 Agus loisg e cnàmhan nan sagart air an altairibh, agus ghlan e Iudah agus Ierusalem.

6 Mar an ceudna ann am bailtibh Mhanaseh, agus Ephraim, agus Shimeoin, eadhon gu ruig Naphtali, 'nan àitibh fàs-aichte mu'n cuairt.

7 Agus an uair a bhris e sìos na h-altairean agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianach¹ uile air feadh tìre Israeil uile, phill e gu h-Ierusalem.

8 Agus anns an ochdamh bliadhna deug d'a rìoghachadh, 'nuair a ghlan e an tìr, agus an tìgh, chuir e Saphan mac Asaliah, agus Maaseiah uachdaran a' bhaile, agus Ioah mac Ioahais an seanachaidh, a chàradh tighe an Tighearn a Dhé.

9 Agus thàinig iad gu Hìliciah an t-àrd shagart, agus thugadh *dhoibh* an t-airgiod a thugadh steach do thigh Dhé, a chruinnich na Lebhitich a ghléidh na dorsan o làimh Mhanaseh agus Ephraim, agus o uile fhuigheall Israeil, agus o Iudah uile, agus o Bheniamin, agus o luchd-àiteachaidh Ierusalem².

10 Agus thug iad e do làimh luchd deanamh na h-oibre, a chuireadh os ceann tighe³ an Tighearn, agus thug iadsan e do'n luchd-oibre a dh'oibrich ann an tìgh an Tighearn, a chàradh agus a leasachadh an tìgh e:

11 Thug iad e eadhon do na saoraibh agus do'n luchd-togail, a cheannach chlach snaidhte, agus fiodha chum nan ceangal⁴, agus gu ùrlar a chur sna tighibh a mhill rìghrean Iudah.

12 Agus rinn na daoine an obair gu fir inneach; agus *b'iad* an luchd amhaire thairis orra Iahat agus Obadiah, na Lebhitich, do mhacaibh Mherari; agus Sechariah agus Mesulam, do mhacaibh

¹ na h-iodholan.

² agus phill iad gu h-Ierusalem.

³ a bha 'nan luchd amhaire thairis ann an tìgh.

⁴ tàdhachn.

II. EACHDRAIDH, XXXIV.

nan Conatach, a chur *na h-oibre* air a h-aghaidh; mar an ceudna do na Lebhithich gach neach a bha eòlach¹ air innealaibh-ciuil.

13 *Bha iad* cuideachd os ceann an luchd-ìomchair eallach, agus 'nan luchd amhaire thairis orra-san uile a rinn obair ann an gnè seirbhis air bith: agus do na Lebhithich *bha* sgrìobhaichean, agus riaghladairean, agus dorsairean.

14 Agus an uair a bha iad a' toirt a mach an airgid a thugadh a steach do thigh an Tighearna, fhuair Hilciah an sagart leabhar lagha an Tighearna an làimh² Mhaois.

15 Agus fhreagair Hilciah, agus thubhairt e ri Saphan an sgrìobhaiche, Fhuair mi leabhar an lagha ann an tigh an Tighearna. Agus thug Hilciah an leabhar do Shaphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnòthueh do'n rìgh, ag ràdh, Gach *ni* a dh'àithneadh do d' sheirbhisich, *tha* iad a' deanamh.

17 Chruinnich iad an t-airgiod a fhuaradh ann an tigh an Tighearna, agus thug iad e do làimh an luchd amhaire thairis, agus do làimh luchd deanamh na h-oibre.

18 Agus dh'innis Saphan an sgrìobhaiche do'n rìgh, ag ràdh, Thug Hilciah an sagart leabhar dhomh. Agus leugh Saphan e an làthair an rìgh.

19 Agus an uair a chual' an rìgh briathran an lagha, reub e 'eudach.

20 Agus dh'àithn an rìgh do Hilciah, agus do Ahicam mae Shaphain, agus do Abdon³ mac Mhìcach, agus do Shaphan an sgrìobhaiche, agus do Asaiah seirbhisich an rìgh, ag ràdh,

21 Rachaibh, fiosraichibh do'n Tighearna air mo shon-sa, agus air an son-san a dh'fhàgadh ann an Israel agus ann an Iudah, thaobh bhriathar an leabhair a fhuaradh: oir *is* mòr fearg an Tighearna, a tha air a taomadh a mach oirnn, a chionn nach do choimhid ar n-aithriche focal an Tighearna, a dheanamh a réir gach *ni a ta* sgrìobhta anns an leabhar so.

22 Agus chaidh Hilciah agus *iad-san* a dh'orduich an rìgh gu Huldah a' bhan-fhàidh, bean Shaluum, mhic Thicbblah, mhic Hasrah⁴ fhir-ghleidhidh an eudaich; (a nis bha i chòmhnuidh ann an Ierusalem ann an oil-thigh⁵;) agus labhair iad rihte mar sin.

23 Agus fhreagair i iad, Mar so tha'n Tighearna Dia Israel ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearna ag ràdh, Feuch, bheir mise olc air an àite so, agus

air a luchd-àiteachaidh, *eadhon* gach mallachadh a *ta* sgrìobhta anns an leabhar a leugh iad am fianuis rìgh Iudah;

25 A chionn gu'n do thug iad mise, agus gu'n do loisg iad tuis do dhiathaibh eile, chum mo bhrosnachadh gu corruich le uile oibrich an làmh; uime sin taomar m'fhearg a mach air an àite so, agus cha mhùchar i.

26 Ach a thaobh rìgh Iudah, a chuir sibh a dh'fhiosrachadh do'n Tighearna, mar so their sibh ris, Mar so tha'n Tighearna Dia Israel ag ràdh, *A thaobh* nam briathar a chual' thu,

27 A chionn gu'n do thiomaidh do chridhe, agus gu'n d'ìrìslaich thu thu féin an làthair Dhé, 'nuair a chual' thu a bhriathran an aghaidh an àite so, agus an aghaidh a luchd-àiteachaidh, agus gu'n d'ìrìslaich thu thu féin a'm' làthair-sa, agus gu'n do reub thu t'eudach, agus gu'n do ghuil thu a'm' làthair, chuala mise mar an ceudna *thusa*, ars' an Tighearna.

28 Feuch, cruinnichidh mi thu chum t'aithriche, agus cruinnichear thu do d'uaigh an sìth, agus cha'n fhaic do shùilean an t-olc sin uile a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus chuir an rìgh *teachdairean* uaith, agus chruinnich e r'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearna, agus fir Iudah uile, agus luchd-àiteachaidh Ierusalem, agus na sagairt agus na Lebhithich, agus an sluagh uile eadar bheag agus mhòr; agus leugh e 'nan éisdeachd uile bhriathran leabhair a' choimheangail, a fhuaradh ann an tigh an Tighearna.

31 Agus sheas an rìgh 'na àite féin, agus rinn e coimheangal am fianuis an Tighearna, gu'n gluaisheadh e'n déigh an Tighearna, agus gu'n gleidheadh e àith-eantan, agus a theisteis agus a reachdan, le 'uile chridhe agus le 'uile anam, a choimhlionadh bhriathar a' choimheangail, *a tha* sgrìobhta anns an leabhar so.

32 Agus thug e orra-san uile a fhuaradh ann an Ierusalem agus Benjamin, seasamh: agus rinn luchd-àiteachaidh Ierusalem a réir coimheangail Dé, Dé an aithriche.

33 Agus chuir Iosiah air falbh na gràin-eileachdan uile as na tìrìbh uile a *bhuin-eadh* do chloimn Israel, agus thug e orra-san uile a fhuaradh ann an Israel seirbhis a dheanamh do'n Tighearna an Dia. Rè a làithean uile cha do chlaon iad o lean-tuinn an Tighearna, Dé an aithriche.

¹ seòlta, teòda.

² làimh-sgrìobhaidh.

³ Achbor. II. Rìgh, Caib. XXII. r. 12.

⁴ Harhais. II. Rìgh, Caib. XXII. r. 14.

⁵ tigh fòghluim; misena. Eabh.

II. EACHDRAIDH, XXXV.

CAIB. XXXV.

1 *Chum Iosiah càisg do'n Tighearn ann an Ierusalem.* 20 *Chaidh e a chogadh ri rìgh na h-Eiphit, agus mharbhadh e aig Megido.* 25 *Rinn Ieremiah tuireadh air a shon.* 26 *A ghnìomhara.*

AGUS chum Iosiah ann an Ierusalem càisg do'n Tighearn: agus mharbhadh iad a' chàisg air a' cheathramh là deug do'n cheud mhios.

2 Agus shuidhich e na sagairt 'nan cùram, agus thug e misneach dhoibh chum seirbhis tighe an Tighearn.

3 Agus thubhairt e ris na Lebhithich a theagaisg Israel uile, a bha naomha¹ do'n Tighearna, Cuiribh an àirc naomh anns an tigh a thog Solamh, mac Dhaibhidh, rìgh Israeil; cha *bhi i* 'na h-eallaich air bhur guaillibh: deanaibh seirbhis a nis do'n Tighearna bhur Dia, agus d'a shluagh Israel;

4 Agus deasaichibh sibh féin a réir tighe bhur n-aithriche, a réir bhur roinnean, mar a sgrìobh Daibhidh rìgh Israeil, agus mar a sgrìobh Solamh a mhac;

5 Agus seasaibh anns an *ionad* naomh a réir roinnean theaghlach aithriche bhur bràithre do'n t-sluaigh², agus a *réir* roinne theaghlach aithriche nan Lebhitheach;

6 Agus marbhaibh a' chàisg, agus naomhaichibh sibh féin, agus deasaichibh bhur bràithrean, chum gu'n dean iad a réir focail an Tighearna le làimh Mhaois.

7 Agus thug Iosiah do'n t-sluaigh caoraich, uain agus minn, iad uile air son ìobairtean càisge dhoibhsan uile a bha làthair, gu ruig deich mìle fichead an àireamh, agus trì mìle bò: iad sin do mhaoin an rìgh.

8 Agus thug na h-uachdarain aige gu toileach do'n t-sluaigh, do na sagartaibh, agus do na Lebhithich. Thug Hilciah, agus Sechariah, agus Iehiel, uachdarain tighe Dhé, do na sagartaibh, air son ìobairtean na càisge, dà mhìle agus sè ceud [caora,] agus trì cheud bò.

9 Agus thug Conaniah, agus Semaiah, agus Netaneel agus a bhràithrean, agus Hasabiah, agus Iehiel, agus Iosabad, uachdarain nan Lebhithich, do na Lebhithich air son ìobairtean na càisge, cuig mìle [caora,] agus cuig ceud bò.

10 Agus dh'ulluicheadh an t-seirbhis, agus sheas na sagairt 'nan àit, agus na Lebhithich 'nan roinnibh, a réir àithne an rìgh.

11 Agus mharbhadh iad³ a' chàisg, agus chrath na sagairt [an fhuil] le'n làimh, agus dh'fhionn na Lebhithich.

12 Agus thug iad air falbh na h-ìobairtean-loisgte, chum gu'n tugadh iad seachad a réir roinnean theaghlach an t-sluaigh, a

dh'ìobradh do'n Tighearna, mar a *ta e* sgrìobhta ann an leabhar Mhaois: agus mar sin *rinn iad* ris a' bhuar⁴.

13 Agus ròist iad a' chàisg le teine, a réir na riaghailt; ach bhruidh⁵ iad na *tabhartais* naomha ann am poitibh, agus aun an coireachaibh, agus ann an aighnibh, agus roinn siad iad gu grad am measg an t-sluaigh uile.

14 Agus 'na dhéigh sin dheasaich iad dhoibh féin agus do na sagartaibh. A chionn gu'n robh na sagairt, mic Aaroin, ag ìobradh ìobairtean-loisgte agus na saill gu h-oidhche, uime sin dheasaich na Lebhithich dhoibh féin agus do na sagairt, mic Aaroin.

15 Agus bha'n luchd-seinn, mic Asaiph, 'nan àite féin, a réir àithne Dhaibhidh, agus Asaiph, agus Hemain, agus Iedutuinn fhear-seallaidh⁶ an rìgh, agus na dorsairean aig gach geata: cha'n fheumadh iad an seirbhis fhàgail, oir dheasaich ann bràithrean na Lebhithich air an son.

16 Agus dheasaicheadh uile sheirbhis an Tighearn air an là sin féin, chum a' chàisg a chumail, agus ìobairtean-loisgte ìobradh air altair an Tighearn, a réir àithne an rìgh Iosiah.

17 Agus chum clann Israeil, a bha làthair, a' chàisg san àm sin, agus féill⁷ an arain neo-ghoirtichte, seachd làithean.

18 Agus cha do chumadh a leithid sin do chàisg ann an Israel o làithibh Shamueil an fhàidh; ni mò a chum uile rìghrean Israeil a leithid do chàisg as a chum Iosiah, agus na sagairt, agus na Lebhithich, agus Iudah agus Israel uile a bha làthair, agus luchd-àiteachaidh Ierusalem.

19 Anns an ochdamh bliadhna deug do rìoghachadh Iosiah chumadh a' chàisg so.

20 'Na dheigh so uile 'nuair a dheasaich Iosiah an teampull thàinig Necho rìgh na h-Eiphit a nìos a chogadh an aghaidh Charchemis, làimh ri Euphrates: agus chaidh Iosiah a mach 'na aghaidh.

21 Ach chuir esan teachdairean d'a ionnsuidh, ag ràdh, Ciod e mo ghnothuch-sa riutsa, a rìgh Iudha? Cha'n ann a'd aghaidh-sa *tha* mise teachd an diugh, ach an aghaidh tighe ris am bheil mi a' cogadh; agus dh'àithn Dia dhomh mi dheanamh cablaig; leig dhìot a *bhi ri* Dia, a *tha* maille riumsa, chum nach sgrios e thu.

22 Gidheadh cha do thionndaidh Iosiah 'aghaidh uaith, ach dh'fhàs e ni bu déine⁸ gu cogadh 'na aghaidh, agus cha déis e ri briathraibh Necho o bheul Dé, agus chaidh e teachd a chur catha ann an gleann Mhegido.

23 Agus thug na fir-bhogha air rìgh Iosiah; agus thubhairt an rìgh r'a sheirbh-

¹ iad féin a naomhachadh.

² mhac an t-sluaigh. Eabh.

³ chuir iad air leth.

⁴ chrodh.

⁵ bhruidh. Eir.

⁶ fhir-sheallaidh.

⁷ cuir, féisd.

⁸ chuir se e féin ann an atharrachadh crutha.

II. EACHDRAIDH, XXXV. XXXVI.

isich, Beiribh leibh mi, oir tha mi air mo lotadh gu mòr.

24 Agus thug a sheirbhisich e as a' charbad sin, agus chuir iad e anns an dara carbad a *bha* aige; agus thug iad e gu h-Ierusalem, agus fhuaireadh e bàs, agus dh'adhlacadh e ann an àit-adhlacaidh aithriche: agus rinn Iudah agus Ierusalem uile caoidh air son Iosiah.

25 Agus rinn Ieremiah tuireadh¹ air son Iosiah; agus labhair na fir-sheinn agus na mnàir-sheinn uile mu thimchioll Iosiah 'nan tuireannaibh gu ruig an là 'n diugh, agus rinn siad iad 'nan reachd ann an Israel. Agus, feuch, *tha* iad sgrìobhta ann an leabhar nan tuireadh.

26 Agus a' chuid eile do ghnìomhar-aibh Iosiah, agus a mhaithreas mar a *ta* e sgrìobhta ann an lagh an Tighearn,

27 Eadhon a ghnìomharan an toiseach agus mu dheireadh, feuch, *tha* iad sgrìobhta ann an leabhar rìghrean Israeil agus Iudah.

CAIB. XXXVI.

1 Chuir rìgh na h-Eiphit Iehoahas o rìoghachadh ann an Ierusalem. 4 Rinneadh Iehoachim 'na rìgh 'na àit. 6 Cheangail Nebuchadnesar Iehoachim chum a thoirt do Bhabylon. 14 Sgrìobh na Caldeanaich Ierusalem. 22 Gairm Chiruis.

AGUS ghabh sluagh na tìre Iehoahas mac Iosiah, agus rinn iad 'na rìgh e an àit 'athar ann an Ierusalem.

2 Tri bliadhna fichead a dh'aois *bha* Iehoahas an uair a thòisich e air rìoghachadh, agus rìghich e trì mìosan ann an Ierusalem.

3 Agus chuir rìgh na h-Eiphit e [o rìoghachadh] ann an Ierusalem², agus chuir e ceud tàlann airgid, agus tàlann òir, mar ùbhla³ air an tìr.

4 Agus rinn rìgh na h-Eiphit Eliacim a bhràthair 'na rìgh air Iudah agus Ierusalem, agus thionndaidh e 'ainm gu Iehoachim. Agus ghabh Necho Iehoahas a bhràthair, agus thug e do Eiphit e.

5 Cùig bliadhna fichead a dh'aois *bha* Iehoachim an uair a thòisich e air rìoghachadh, agus rìghich e aon bhliadhna deug ann an Ierusalem: agus rinn e olc ann an sùilbh an Tighearn a Dhé.

6 'Na aghaidh-san thàinig Nebuchadnesar rìgh Bhabylon a nìos, agus cheangail e ann an geimhlibh umha e, chum a thoirt do Bhabylon.

7 Thug Nebuchadnesar mar an ceudna leis *cuid* do shoithichibh tighe an Tighearna do Bhabylon, agus chuir e iad 'na theampull⁴ ann am Babilon.

8 Agus a' chuid eile do ghnìomharaibh Iehoachim, agus a ghràineileachdan a rinn e, agus na fhuaradh ann, feuch, *tha* iad

sgrìobhta ann an leabhar rìghrean Israeil agus Iudah. Agus rìghich Iehoiachin a mhac 'na àit.

9 Ochd bliadhna deug⁵ a dh'aois *bha* Iehoiachin an uair a thòisich e air rìoghachadh, agus rìghich e trì mìosan agus déich làithean ann an Ierusalem; agus rinn e olc ann an sùilbh an Tighearn.

10 Agus aig ceann na bliadhna⁶ chuir rìgh Nebuchadnesar daoine uaith, agus thug e do Bhabylon e, maille ri soithichibh taitneach⁷ tighe an Tighearn; agus rinn e Sedeciah a bhràthair⁸ 'na rìgh air Iudah agus Ierusalem.

11 Bliadhna thar fhichead a dh'aois *bha* Sedeciah 'nuair a thòisich e air rìoghachadh, agus rìghich e aon bhliadhna deug ann an Ierusalem.

12 Agus rinn e olc ann an sùilbh an Tighearn a Dhé; agus cha d'irioslaich se e féin ann fianuis Ieremiah an fhàidh, a labhair o bheul an Tighearn.

13 Agus mar an ceudna rinn e ceann-airc an aghaidh rìgh Nebuchadnesar, a thug air mionnachadh air Dia: ach rag-aich e a mhùineal, agus chruaidhibh e a chridhe o thionndadh a dh'ionnsuidh an Tighearna De Israeil.

14 Mar an ceudna pheacaich iadsan uile a b'airde do na sagartaibh agus do'n t-sluagh gu ro mhòr, a réir uile ghràineileachd nan cinneach, agus thruaill iad tigh an Tighearn, a naomhaich e ann an Ierusalem.

15 Agus chuir an Tighearna Dia an aithriche *fios* d'an ionnsuidh le làimh a theachdairean, ag éirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmh-nuidh.

16 Ach rinn iadsan fanoid air teachd-airibh Dhé, agus rinn iad dèimeas air a bhriathraibh, agus rinn iad tarcuis⁹ air 'fhàidhibh, agus an d'éirich fearg an Tighearn an aghaidh a shluagh air chor as nach *robh* leigheas ann.

17 Uime sin thug e orra rìgh nan Caldeanach, a mharbh an daoine òga leis a' chlaidheamh ann an tigh an *ionaid* naoimh, agus nach do chaomhain òig-fhear no òigh, seann duine no esan a *bha* air a chromadh leis an aois: thug e thairis iad uile 'na làimh.

18 Agus uile shoithichean tighe Dhé, mòr agus beag, agus ionmhais tighe an Tighearn, agus ionmhais an rìgh agus 'uachdarana, thug e leis uile do Bhabylon.

19 Agus loisg iad tigh Dhé, agus bhris iad sìos balla Ierusalem, agus loisg iad a luchartean uile le teine, agus mhill iad a shoithichean taitneach uile.

¹ cumhadh. ² Faic II. Rìgh, Caib. XXIII. r. 33.

³ mar chis. ⁴ luchairt.

⁵ Faic II. Rìgh, Caib. XXIV. r. 8.

⁶ teachd mu'n càirt na bliadhna.

⁷ maiseach, luachmhor.

⁸ bràthair 'athar.

⁹ magadh.

II. EACHDRAIDH, XXXVI.

20 Agus iadsan a chaidh as o'n chlàidheamh thug e leis do Bhabìlon, far an robh iad 'nan seirbhìsich aige fèin agus aig a mhacaibh, gus an do rìghich rìgh¹ Phersia:

21 Chum gu'm biodh focal an Tighearna la beul Jeremiah air a choimhlionadh, gus am mealladh an tìr a sàbaidean: rè na h-ùine a bha i fàs, chum i sàbaidean², gus an do choimhlionadh tri fichead agus deich bliadhna.

22 A nis ann an ceud bhliadhna Chiruis rìgh Phersia, chum gu'm biodh focal an Tighearna le beul Jeremiah air a choimh-

lionadh, dhùisg an Tighearna suas spiorad Chiruis rìgh Phersia, agus thug e fa'near gairm a bhì air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

23 Mar so tha Cyrus rìgh Phersia ag ràdh, Uile rìoghachdan an domhain thug an Tighearna Dia nan nèamh dhomhsa, agus dh'àithn e dhomh tigh a thogail dha ann an Ierusalem, a *ta* am an Iudah: ge b'e neach a *ta*³ nur³ measg d'a shluagh uile, gu robh an Tighearn a Dhia maille ris, agus rachadh e suas.

¹ rìoghachd.

² rinn i tàmh.

³ ann bhur.

E S R A.

CAIB. I.

1 *Dh'orduich Cyrus an teampull a thogail. 7 Dh'aisig e soithichean tìghe an Tighearn do Shesbadsar uachdaran Iudah. 9 Aireamh nan soithichean.*

A NIS ann an ceud bhliadhna Chiruis rìgh Phersia, chum gu'm biodh focal an Tighearna le beul Jeremiah air a choimhlionadh, dhùisg an Tighearna suas spiorad Chiruis rìgh Phersia, agus thug e fa'near gairm a bhì air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

2 Mar so tha Cyrus rìgh Phersia ag ràdh, Uile rìoghachdan an domhain thug an Tighearna Dia nan nèamh dhomhsa, agus dh'àithn e dhomh tigh a thogail dha ann an Ierusalem, a *ta* ann an Iudah.

3 Ge b'e neach a *ta*¹ nur measg-sa d'a shluagh uile, gu robh a Dhia maille ris, agus rachadh e suas gu h-Ierusalem a *ta* ann an Iudah, agus togadh e tigh an Tighearna Dé Israeil; *isesan* an Dia, a *ta* ann an Ierusalem.

4 Agus ge b'e neach a dh'fhàgadh¹ ann an àite sam bith far *am bheil* e air chuairt, cuidicheadh daoine 'àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saor-thoile air son tìghe Dhé a *ta* ann an Ierusalem.

5 An sin dh'éirich cinn aithriche Iudah agus Bheniamin, agus na sagairt agus na Lebhithich, gach neach aig an do dhùisg Dia a spiorad gu dol suas a thogail tìghe an Tighearn, a *ta* ann an Ierusalem.

6 Agus neartaich iadsan uile a *bha* mu'n cuairt doibh an làmhnan le soithichibh airgid, le h-òr, le maoin, agus le h-ainmhidhibh, agus le nithibh luachmhor,

a thuilleadh air gach *ni* a thugadh seach ad le saor-thoil.

7 Thug mar an ceudna an rìgh Cyrus a mach soithichean² tìghe an Tighearn, a thug Nebuchadnesar a mach á h-Ierusalem, agus a chuir e ann an tigh a dhée:

8 Eadhon iad sin thug Cyrus rìgh Phersia mach le làimh Mhitredait fhir-ghleiddidh an ionmhais, agus dh'àireamh e iad do Shesbadsar uachdaran Iudah.

9 Agus *is* e so an àireamh: Deich cuacha fichead òir, mìle cuach airgid, naoi sgeana fichead,

10 Deich thar fhichead soitheach-ionn laid òir, ceithir cheud agus deich soithichean-airgid do'n dara *seòrsa*, mìle do shoithichibh eile.

11 Na soithichean òir agus airgid uile, cùig mìle agus ceithir cheud; *iad sin* uile thug Sesbadsar suas maille ris na braighdibh³, a thugadh suas o Bhabìlon gu h-Ierusalem.

CAIB. II.

1 *Aireamh an t-sluaigh a phill gu h-Ierusalem. 36 Aireamh nan sagart, 40 nan Lebhithich, 43 nan Netineach, 55 agus mhac sheirbhiseach Sholaimh. 68 Na tabhartasan air son togail an teampull.*

A GUS *is* iad so clann na mòr-roinne, a chaidh suas do na braighdibh, dhiubhsan a thugadh air falbh, a thug Nebuchadnesar rìgh Bhabìlon air falbh leis do Bhabìlon, agus a phill gu h-Ierusalem agus Iudah, gach fear d'a bhaile fèin;

2 A thàinig maille ri⁴ Serubabel, Iesua, Nehemiah, Seraiah, Realaiah, Mordecai, Bilsan, Mispar, Bigbhai, Rehun, Baannah.

AIREAMH DHAONE SLUAIGH ISRAEIL.

3 Mic Pharois, dà mhìle ceud tri fichead agus a dhà-dheug.

¹ dh'fhanas.

² airnise.

³ a' bhraighdeanas. Eabh.

⁴ marri, le.

4 Mic Shephatiah, tri cheud tri fichead agus a dhà-dheug.

5 Mic Arah, seachd ceud tri fichead agus cùig-deug.

6 Mic Phahat-mhoaib, do chloinn Iesua [agus] Ioaib, dà mhìle ochd ceud agus a dhà-dheug.

7 Mic Elaim, mìle dà cheud leth-cheud agus a ceithir.

8 Mic Shatu, naoi ceud dà fhichead agus a cùig.

9 Mic Shacai, seachd ceud agus tri fichead.

10 Mic Bhani, sè ceud dà fhichead agus a dhà.

11 Mic Bhebai, sè ceud fichead agus a tri.

12 Mic Asgaid, mìle dà cheud fichead agus a dhà.

13 Mic Adonicaim, sè ceud tri fichead agus a sè.

14 Mic Bhigbhai, dà mhìle dà fhichead agus sè-deug.

15 Mic Adin, ceithir cheud leth-cheud agus a ceithir.

16 Mic Ateir o Heseciah, ceithir fichead agus ochd-deug.

17 Mic Bhesai, tri cheud fichead agus a tri.

18 Mic Iorah, ceud agus a dhà-dheug.

19 Mic Hasuim, dà cheud fichead agus a tri.

20 Mic Ghibair, ceithir fichead agus cùig-deug.

21 Mic Bhet-leheim, ceud fichead agus a tri.

22 Daoine Netophah, dà fhichead agus sè-deug.

23 Daoine Anatoit, ceud fichead agus a h-ochd.

24 Mic Asmabheit, dà fhichead agus a dhà.

25 Mic Chiriat-arim, Chephirah, agus Bheeroit, seachd ceud agus dà fhichead agus a tri.

26 Mic Ramah agus Gheba, sè ceud fichead agus a h-aon.

27 Daoine Mhichmais, ceud fichead agus a dhà.

28 Daoine Bhet-eil agus Ai, dà cheud fichead agus a tri.

29 Mic Nebo, dà fhichead agus dhà-dheug.

30 Mic Mhagbis, ceud leth-cheud agus a sè.

31 Mic Elaim eile¹, mìle dà cheud leth-cheud agus a ceithir.

32 Mic Harim, tri cheud agus fichead.

33 Mic Loid, Hadid, agus Ono, seachd ceud fichead agus a cùig.

34 Mic Iericho, tri cheud dà fhichead agus a cùig.

35 Mic Shenaah, tri mìle agus sè ceud agus deich thar fhichead.

36 Na sagairt: Mic Iedaiah, do thigh Iesua, naoi ceud tri fichead agus tri-deug.

37 Mic Imeir, mìle dà fhichead agus a dhà-dheug.

38 Mic Phasuir, mìle dà cheud dà fhichead agus a seachd.

39 Mic Harim, mìle agus seachd-deug.

40 Na Lebhithich: Mic Iesua agus Chadmiel, do chloinn Hodabiah, trì fichead agus ceithir-deug.

41 An luchd seinn: Mic Asaph, ceud fichead agus a h-ochd.

42 Mic nan dorsair; Mic Shaluim, mic Ateir, mic Thalmoin, mic Acuib, mic Hatita, mic Shobai, iad uile ceud agus naoi-deug thar fhichead.

43 Na Netinich: Mic Shiha, mic Hasupha, mic Thabaoit,

44 Mic Cherois, mic Shiaha, mic Phadoin,

45 Mic Lebanah, mic Hagabah, mic Acuib,

46 Mic Hagaib, mic Shalmal, mic Hanain.

47 Mic Ghideil, mic Ghahair, mic Reaiah,

48 Mic Resin, mic Necoda, mic Ghadsaim,

49 Mic Udsa, mic Phaseah, mic Bhesai,

50 Mic Asnah, mic Mhehunim, mic Nephusim,

51 Mic Bhacbuic, mic Hacupha, mic Harhuir,

52 Mic Bhashuit, mic Mhehida, mic Harsa,

53 Mic Bharcois, mic Shisera, mic Thamah,

54 Mic Nesiah, mic Hatipha,

55 Mic sheirbhiseach Sholaimh: Mic Shotai, mic Shophereit, mic Pheruda,

56 Mic Iaalah, mic Dharcoim, mic Ghid-eil,

57 Mic Shephatiah, mic Hatil, mic Phochereit o Sheboim, mic Ami.

58 Na Netinich uile, agus clann sheirbhiseach Sholaimh, tri cheud ceithir fichead agus a dhà-dheug.

59 Agus so iadsan a chaidh suas o Thel-melah, Telharsa, Cherub, Adan, agus Imer; ach cha b'urraim iad tigh an athar a nochdadh agus an sliochd, am b'ann do Israel iad:

60 Mic Dhelaiah, mic Thobiah, mic Necoda, sè ceud leth-cheud agus a dhà.

61 Agus do mhacaibh nan sagart: Mic Habaiah, mic Chois, mic Bharsillai, a ghabh bean do nigheanaibh Bharsillai a' Ghileadaich, agus a ghoireadh air an ainm.

62 Dh'iarr iadsan an clàr-sgrìobhaidh 'nam measg-san a bha air an àireamh le sloinntaireachd, ach cha d'fhuaradh iad:

¹ mic Elam-air.

uime sin ghearradh as o'n t-sagartachd iad¹.

63 Agus thubhairt an Tirsata riu, nach feudadh iad itheadh do na nithibh ro naomha, gus an seasadh sagart suas le Urim agus le Tumim.

64 An coimhthional nìle cuideachd, dà fhichead agus dà mhìle trì cheud agus trì fichead;

65 A thuilleadh air an seirbhisich agus am banoglaich, d'an robh ann seachd mìle trì cheud agus seachd-deug thar fhichead; agus dhiubh-san dà cheud 'nam fearaibh agus 'nam muiaibh-seinn.

66 An eich, seachd ceud agus sè-deug thar fhichead: am muileidean², dà chend dà fhichead agus a cùig:

67 An càmhail, ceithir cheud agus cùig-deug thar fhichead: an asail, sè mìle seachd ceud agus fichead.

68 Agus thug cuid do chinn nan aithriche, nuair a thàinig iad do thigh an Tighearn a tha ann an Ierusalem, seachad d'an saor-thoil air son tighe Dhé, chum a chur suas 'na àite féin.

69 A réir an comais thug iad, gu h-ionmhas na h-oibre, trì fichead agus aon mhìle darcon³ òir, agus cùig mìle pund airgid, agus ceud culaidh sagairt.

70 Agus ghabh na sagairt agus na Lebhithich, agus cuid do'n t-sluagh, agus an luchd-seinn, agus na dorsairean, agus na Netinich, còmhnuidh 'nam bailtibh, agus Israel uile 'nam bailtibh.

CAIB. III.

1 Thog an sluagh altair Dhé Israeil, 4 agus thug iad seachad an ìobairt-loisgte làthail. 10 'Nuair a leagadh bunait an teampuill mhol na sagairt agus na Lebhithich an Tighearn.

AGUS an uair a thàinig an seachdamh mìos, agus clann Israeil 'nam bailtibh, chruinnich an sluagh an ceann a chéile mar aon duine gu h-Ierusalem.

2 Agus sheas Iesua mac Iosadaic suas, agus a bhràithrean na sagairt, agus Serubabel mac Shealtiel, agus a bhràithrean, agus thog iad altair Dhé Israeil, a dh'ìobradh ìobairtean-loisgte oirre, mar a ta e sgrìobhta ann an lagh Mhaois òglaich Dhé.

3 Agus shuidhich iad an altair air a bonnaibh, oir⁴ bha eagal orra roimh shluagh nan tìr sin; agus dh'ìobair iad ìobairte-loisgte do'n Tighearn, ìobairte-loisgte air maduinn agus airfeasgar.

4 Agus chum iad féil nam pàillun, mar a ta e sgrìobhta, agus dh'ìobair iad an ìobairt-loisgte làthail ann an àireamh, a

réir na riaghailt, a dhlighe féin air gach là;

5 Agus 'na dhéigh sin an ìobairt-loisgte ghnàthaichte, araon air na gèalaichibh nomha, agus air nìle fhéillibh naomhaichte an Tighearn, agus o gach neach a thug seachad gu toileach tabhartas saor-thoile do'n Tighearn.

6 O'n cheud là do'n seachdamh mìos thòisich iad air ìobairtean-loisgte ìobradh do'n Tighearna, 'nuair nach do leagadh fathast bunait teampuill an Tighearn.

7 Ach thug iad airgid do na snaidheadairibh agus do'n luchd-ceirde⁵; agus biadh, agus deoch, agus losadaic, agus Sidonaich agus do na Tioraich⁶, a chum gu'n tugadh iad fiodh seudair o Lebanon gu muir Iopa, a réir a' chomais⁷ a fhuair iad o Chirus rìgh Phersia.

8 Agus anns an dara bliadhna an déigh dhoibh teachd gu tigh Dhé aig Ierusalem, anns an dara mìos, thòisich Serubabel mac Shealtiel, agus Iesua mac Iosadaic, agus fuigheall am bràithrean na sagairt agus na Lebhithich, agus iadsan uile a thàinig o'n bhraighdeanas⁸ gu h-Ierusalem; agus dh'orduich iad na Lebhithich, o fhichead bliadhna dh'aois agus os a cheann, a chur oibre tighe an Tighearn air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah⁹ mar aon duine, a ghreasadh an luchd-oibre ann an tigh Dhé: mic Henadai [agus] am mic agus am bràithrean na Lebhithich.

10 Agus an uair a leag an luchd-togail bunait teampuill an Tighearna, sheas na sagairt 'nan culaidhibh le trompaidibh, agus na Lebhithich, mic Asaiph, le ciombalaibh, a mholadh an Tighearna le làimh¹⁰ Dhaibhidh rìgh Israeil.

11 Agus fhreagair iad a chéile ann am moladh, agus ann an tabhairt buidheachais do'n Tighearn, A chionn gu bheil e maith, gu mair a thròcad do Israel gu bràth. Agus rinn an sluagh uile gàir mhòr, an uair a mhol iad an Tighearn, a chionn gu'n do leagadh bunait tighe an Tighearn.

12 Ach bha mòran do na sagairt agus do na Lebhithich, agus do chinn nan aithriche, seann daoine a chunnaic an ceud thigh, 'nuair a leagadh bunait an tighe so fa chomhair an sùl, a' gul le guth àrd; agus bha mòran a' deanamh gàir gu h-àrd le h-aobhneas:

13 Air chor as nach b'urrainn an sluagh fuaim gàir an aobhneis aithneachadh,

¹ mar dhaoine truaillidh chuireadh iad o'n t-sagartachd.

² muileidean; mules. Sagg.

³ drachm. Sagg. Faic I. Eachdr. Caib. XXIX. r. 7.

⁴ ged.

⁵ do na clachairibh agus do na saoraibh.

⁶ dhoibhsan á Sidon agus á Tirus.

⁷ an ordugh.

⁸ Lhruid.

⁹ Hodabhiach. Caib. II. r. 40.

¹⁰ a réir riaghailt, no, ann am briathraibh.

seach fuaim guì an t-sluaigh; oir rinn an sluagh gàir mhiòr, agus chualas an fhuaime an cèin.

CAIB. IV.

1 *Ann an togail an teampuill dh'annhunaich sluagh na tìre lànhan sluagh Iudah. 7 Sgrìobh iad litir gu Artacserces. 17 Freagradh Artacserces. 23 Sguir obair tìghe Dhè.*

AGUS chuala naimhdean Iudah agus Bheniamin gu'n robh clann a' bhraighdeanais a' togail an teampuill do'n Tighearna Dia Israeil:

2 Agus thàinig iad gu Serubabel, agus gu cinn nan aithriche, agus thubhairt iad riu, Togaidh sinne maille ribh; oir tha sinne ag iarraidh bhur Dé-sa mar sibh féin, agus dha-san tha sinn ag iòbradh o làithibh Esar hadoin rìgh Asiria, a thug a nìos an so sinn.

3 Ach thubhairt Serubabel agus Iesua agus a' chuid eile do cheannuibh aithriche Israeil riu, Cha bhuin e dhuibhse tìgh a thogail maille ruinne d'ar Dia-ne; oir togaidh sinn féin 'nar n-aonar do'n Tighearna Dia Israeil, mar a dh'àithn Cirus¹ rìgh Phersia dhuinn.

4 Uime sin dh'annhunaich² sluagh na tìre lànhan sluagh Iudah, agus chuir iad dragh orra anns an togail;

5 Agus thuarasdalaich iad comhairlich 'nan aghaidh, a bhacadh an rùin rè uile làithean Chiruis rìgh Phersia, eadhon gus an do rìghlich Darius rìgh Phersia.

6 Agus an uair a rìghich Ahasuerus, ann an toiseach a rìoghachaidh, sgrìobh iad litir-chasaid an aghaidh luchd-àiteachaidh Iudah agus Ierusalem.

7 Agus ann an làithibh Artacserces sgrìobh Bislam, Mitridat, Tabeel, agus a' chuid eile d'an cuideachd, gu Artacserces rìgh Phersia; agus bha sgrìobhadh na litreach ann an sgrìobhadh nan Sirianach, agus air a mhìneachadh³ anns a' chàin Shìrianaich.

8 Sgrìobh Rehum an t-àrd-chomhairleach, agus Simsai an sgrìobhaiche, litir an aghaidh Ierusalem gu h-Artacserces an rìgh anns na briathraibh so⁴;

9 An sin sgrìobh Rehum an t-àrd-chomhairleach, agus Simsai an sgrìobhaiche, agus a' chuid eile do'n cuideachd, na Dinathaich, na h-Aphasachaich, na Tarpelaich, na h-Apharsaich, na h-Arch-ebhich, na Babilonaich, na Susanachaich, na Dehabhaich, na h-Elamaich,

10 Agus a' chuid eile do na cinnich a thug Asnapar mòr agus urramach a nall, agus a shuidhich e ann am bailtibh Samaria, agus a' chuid eile air an taobh so

do'n amhainn⁵, agus ann an leithid so do àm.

11 Is e so dùblachadh⁶ na litreach a chuir iad d'a ionnsuidh: Guh-Artacserces an rìgh, do sheirbhisich, na daoine air an taobh so do'n amhainn, agus aig a leithid so do àm.

12 Biodh fios aig an rìgh gu bheil na h-Iudhaich a thàinig a nìos uait d'ar n-ionnsuidh air teachd gu h-Ierusalem, a' togail a' bhaile cheannaircìch agus uile sin, agus a' eur suas a bhallachan, agus a' ceangal r'a chèile nam bunait.

13 Bitheadh a nìs fios aig an rìgh, ma thogar am baile so, agus ma chuirear suas a bhallachan, nach ioc iad gearradh⁷, cis, no càin, agus gu'n toir thu call air teachd-a-steach nan rìgh.

14 A nis a chionn gu bheil sinne air ar beathachadh o'n lùchairt⁸, agus nach 'eil e iomchuidh dhuinn eas-urram an rìgh fhaicinn, uime sin chuir sinn litir uainn, agus thug sinn fios do'n rìgh,

15 Chum gu'n rannsaichear ann an leabhar eachdraidh⁹ t'aithriche, agus gu'm faigh thu anns an leabhar eachdraidh, agus gu'm bi fios agad gu bheil am baile so 'na bhaile ceannairceach, agus diùbhalach¹⁰ do rìghribh agus do mhòr-roinnibh, agus gu'n robh iad a' deanamh duaireachais¹¹ 'na mheadhon san t-seau aimsir: air son so sgrìosadh am baile so.

16 Tha sinn a' toirt fios do'n rìgh, ma thogar am baile so, agus ma chuirear suas a bhallachan, an sin nach bi cuibh-rionn air bith agad air an taobh so do'n amhainn.

17 Chuir an rìgh freagradh gu Rehum an t-àrd chomhairleach, agus Simsai an sgrìobhaiche, agus a' chuid eile d'an cuideachd a bha chomhnuidh ann an Samaria, agus a' chuid eile an taobh thall do'n amhainn, Sith, agus aig a leithid so do àm.

18 An litir a chuir sibh a m' ionnsuidh, leughadh gu soilleir a'm' làthair i.

19 Agus thugadh àithne leam, agus rannsaicheadh, agus fhuaradh a mach gu'n robh am baile so o shean ag éirigh an aghaidh rìghrean, agus gu'n d'rinn-eachd ceannaire agus duaireachas ann.

20 Agus bha rìghrean cumhachdach ann an Ierusalem, a riaghlaich os an ceann-san uile air an taobh thall do'n amhainn; agus dh'ìocadh gearradh, cis, agus càin doibh.

21 Thugaibh-se nis àithne, a thoirt air na daoine sin sgar, agus nach togar am baile sin gus an tig ordugh uam-sa.

22 Thugaibh an aire ma ta nach dean

¹ an rìgh Cirus. ² dh'fhannaich. ³ a' thuig-sinn, air a dheachdadh. ⁴ air a' mhodh so. ⁵ abhuinn. ⁶ samhladh, leithbreac.

⁷ dlighe.

⁹ cuimhne.

¹¹ aithreite, buaireis.

⁸ o thigh an rìgh.

¹⁰ cronail; dìoghbalach.

sibh mearachd an so. C'ar son a dh'fhàsadh calldach ann gu cron nan rìgh?

23 An sin an uair a leughadh dùblachadh litreach Artacerseis an rìgh an làthair Rehuim, agus Shimsai an sgrìobhaiche, agus an cuideachd, chaidh iad le cabhaig suas gu if-Ierusalem a dh'ionnsuidh nan Iudhach, agus thug iad orra sgur leis an làimh làidir.

24 An sin sguir obair tighe Dhé, a *ta* ann an Ierusalem. Sguir i gus an dara bliadhna do rìoghachadh Dhariuis rìgh Phersia.

CAIB. V.

1 *Le brosnachadh Hagai thòisich Scrubabel agus Iesua air tigh Dhé a thogail.* 3 *Dh'fheuch Tatnai agus Setar-bosnai ri'm bacadh:* 5 *Thugadh a' chùis a dh'ionnsuidh Dhariuis.*

ACH rinn Hagai am fàidh, agus Sechariah mac Ido an fàidh, fàidheadair-eachd do na h-Iudhaich a *bha* ann an Iudah agus ann an Ierusalem, fàidheadaireachd dhoibh ann an ainm an Tighearna Dé Israeil.

2 An sin dh'érich Scrubabel mac Shealtiel, agus Iesua mac Josadaic, agus thòisich iad air tigh Dhé a thogail, a *tha* ann an Ierusalem: agus maille riu-san *bha* fàidhean Dhé a' cuideachadh leo.

3 Anns an àm sin féin thàinig d'an ionnsuidh Tatnai, an t-uachdaran air an taobh so do'n amhainn, agus Setar-bosnai, agus an cuideachd¹, agus mar so thubhairt iad riu, Cò thug ordugh dhuibhse an tigh so a thogail, agus na ballacha so a dhean-amh suas?

4 An sin thubhairt iad² riu air an dòigh so, C'ainm a *th'* air na daoineibh a *tha* togail na h-aitreabh³ so?

5 Ach *bha* stùl an Dé air seanairibh nan Iudhach, agus cha d'thug iad orra sgur, gus an d'thàinig a' chùis a dh'ionnsuidh Dhariuis; agus an sin thugadh freagradh le litir mu thimchioll so:

6 Dùblachadh na litreach a chuir Tatnai an t-uachdaran air an taobh so do'n amhainn, agus Setar-bosnai agus a chuideachd na h-Arphasachaich, a *bha* air an taobh so do'n amhainn, a dh'ionnsuidh Dhariuis an rìgh:

7 Chuir iad litir d'a ionnsuidh, anns an robh sgrìobhta mar so: Gu Darius an rìgh, gach uile shìochaint.

8 Biodh fios aig an rìgh gu'n deachaidh sinn gu mòr-roinn⁴ Iudea, a dh'ionnsuidh tighe an Dé mhòir, a *tha* 'ga thogail le clachaibh mòra, agus *tha* fiodh air a chur anns na ballachaibh, agus *tha* u obair so a' dol gu luath air a h-aghaidh, agus a' soirbheachadh 'nan làmhaibh.

9 An sin dh'fheòraich sinn do na sean-airibh sin, [agus] mar so thubhairt sinn riu, Cò thug dhuibh ordugh an tigh so a thogail, agus na ballacha so chur suas?

10 Agus mar an ceudna dh'fheòraich sinn an ainmean diubh, a thoirt fios duit, a chum gu'n sgrìobhamaid ainmean nan daoine a *bh'* air an ceann.

11 Agus mar so thug iad freagradh dhuinn, ag ràdh, *Is* sinne seirbhiseich Dhé nan nèamh agus na talmhainn, agus *tha sinn* a' togail tighe a chaidh thogail iomadh bliadhna roimhe so, a thog agus a chrìochnaich⁵ rìgh mòr a bh'air Israel.

12 Ach an uair a bhrosnaich ar n-aithriche Dia nèmh gu feirg, thug e thairis iad do làimh Nebuchadnesair rìgh Bhabiloin a' Chaldeanaich, a sgrìos an tigh so, agus a thug an sluagh leis do Bhabilon.

13 Ach ann an ceud bliadhna Chiruis rìgh Bhabiloin, thug rìgh Cyrus ordugh⁶ tigh so Dhé a thogail.

14 Agus mar an ceudna soithichean òir agus airgid tighe Dhé, a thug Nebuchadnesar as an teampull a *bha* ann an Ierusalem, agus a thug e leis do theampull Bhabiloin, iad sin thug rìgh Cyrus a mach á teampull Bhabiloin, agus thugadh iad do *fhear d'am b'ainm* Sesbadsar, a rinn e 'na uachdaran;

15 Agus thubhairt e ris, Gabh na soithiche so, imich, thoir leat iad do'n teampull a *ta* ann an Ierusalem, agus biodh tigh Dhé air a thogail 'na àit.

16 An sin thàinig Sesbadsar sin, agus leag e bunait tighe Dhé a *ta* ann an Ierusalem: agus o'n àm sin gus a nis *tha e* 'ga thogail, agus cha 'n'eil e *fathast* crìochnaichte.

17 A nis uime sin, ma's maith leis an rìgh, deanar rannsachadh ann an tigh ionmhais an rìgh a *ta* ann am Babilon, a dh'fheuchainn an d'thugadh an d-ordugh so le rìgh Cyrus, tigh so Dhé a thogail ann an Ierusalem, agus cuireadh an rìgh fios d'ar n-ionnsuidh *ciod i* a thoil a thaobh an ni so.

CAIB. VI.

1 *Thug Darius ordugh do Thatnai agus Shtar-bosnai iad a chuideachadh le seanairibh nan Iudhach chum tigh Dhé a thogail.* 13 *Chrìochnaich na h-Iudhaich an teampull.* 16 *Choirig iad e le gairdeachas.*

AN sin thug Darius an rìgh ordugh a seachad⁷, agus ramsaich iad ann an tigh nan labhar, far an robh na h-ionmhais air an tasgaidh ann am Babilon.

2 Agus fhuaradh ann an Achmeta, anns an lùchairt a *ta* ann am mòr-roinn nan Medach, clàr⁸, agus mar so *bha* sgrìobhta ann gu bhli air a chumail air chuimhne⁹.

¹ an compenach.

² sinn.

³ deanamh na h-òibre.

⁴ mòr-carrann.

⁵ a choimhlion, a dheasaich.

⁶ àithne.

⁷ rinn Darius an rìgh reachd.

⁸ rola; roll. Sasg.

⁹ cuimhneachan.

3 Ann an ceud bhliadhna Chiruis an rìgh, thug Cirus an rìgh ordugh seachad a thaobh tighe Dhé ann an Ierusalem, Biodh an tigh air a thogail, an t-àit anns an d'ìobair iad ìobairtean, agus a bhunaitèan air an suidheadhadh gu làidir: 'àirde, trì fichead làmh-choille; a leud, trì fichead làmh-choille:

4 Tri sreathan do chlachaibh mòra, agus sreath do fhiodh nomha; agus luas-aichear an costus¹ á tigh an rìgh.

5 Agus mar an ceudna aisigear² soithichean òir agus airgid tighe Dhé, a thug Nebuchadnesar as an teampull a ta ann an Ierusalem, agus a thug e leis do Bhabylon, agus thugar a ris iad do'n teampull a ta ann an Ierusalem, gach aon d'a àit féin, agus suidhich iad ann an tigh Dhé.

6 A nis a Thatnai, uachdarain air an taobh thall do'n amhainn, a Shetar-bosnai, maille rìr cuideachd na h-Arphasachich a tha air an taobh thall do'n amhainn, bithibh-se fada o sin:

7 Leigibh le obair tighe so Dhé: togadh uachdaran nan Iudhach, agus seanairean nan Iudhach, tigh so Dhé na àit.

8 Agus tha mise a' toirt ordugh a thaobh na nì sibh ri seanaireibh nan Iudhach sin, chum tigh so Dhé a thogail: eadhon gu'n tugar do mhaoin an rìgh, do'n chis air an taobh thall do'n amhainn, costus air ball do na daoineibh sin, a chum nach cuirear bacadh orra.

9 Agus na tha dh'easbhuidh orra³, araon tairbh òga, agus reitheachan, agus uain, air son ìobairte-loisgte Dhé nèimh, cruithneachd, salann, fìon, agus oladh, a réir ordugh nan sagart a ta ann an Ierusalem, thugar gu cinnteach dhoibh o là gu là, gu'n fhàilingeadh;

10 A chum gu'n toir iad seachad tabhartais deadh-bholaich do Dhia nèimh, agus gu'n dean iad ùrnuigh air son beatha an rìgh agus a mhac.

11 Mar an ceudna thug mi seachad ordugh, ge b'e neach a dh'atharraicheas am focal so, gu'n spionar sìos fiodh as a thigh, agus an uair a chuirear suas e, gu'n crochar air e, agus gu'n deanar a thigh na òtrach⁴ air son so.

12 Agus an Dia a thug air ainm còmh-nuidh a ghabhail an sin, gu'n sgriosadh esan na rìghrean sin uile, agus an sluagh a shìneas a mach an làmh a dh'atharrachadh agus a sgrios tighe Dhé a ta ann an Ierusalem. Thug mise Darius ordugh seachad; deanar an nì gu luath.

13 An sin rinn Tatnai an t-uachdaran air an taobh so do'n amhainn, Setar-bosnai,

agus an cuideachd, gun dàil a réir an fhios a chuir Darius an rìgh uaith.

14 Agus thog seanairean nan Iudhach, agus shoirbhich leo a réir fàidheadaireachd Hagai an fhàidh, agus Shechariah mhic Ido; agus thog iad agus chrìochnaich iad, a réir àithne Dé Israeil, agus a réir àithne Chiruis agus Dhariuis, agus Artacserseis rìgh Phersia.

15 Agus chrìochnaich eadh an tigh so air an treas là do'n mhìos Adar, a bha anns an t-seathadh bliadhna do rìoghachadh Dhariuis an rìgh.

16 Agus chum clann Israeil, na sagairt agus na Lebhithich, agus a' chuid eile do chloinn a' bhraighdeanais, coisreagadh⁵ tighe so Dhé le gairdeachas;

17 Agus dh'ìobair iad aig coisreagadh tighe so Dhé, ceud tarbh òg, dà cheud reithe, ceithir cheud uan; agus mar ìobairt-pheacaidh air son Israeil uile, dà bhoc dheug ghaibhre, a réir àireimh threubh Israeil.

18 Agus shuidhich iad na sagairt 'nan roinnibh, agus na Lebhithich 'nan sealaibh, air son seirbhis Dhé, a ta ann an Ierusalem; mar a ta e sgrìobhta ann an leabhar Mhaois.

19 Agus chum clann a' bhraighdeanais a' chàisg air a' cheathramh là deug do'n cheud mhìos.

20 Oir ghlanadh na sagairt agus na Lebhithich le chèile: bha iad uile glan, agus mharbh iad a' chàisg do chloinn a' bhraighdeanais uile, agus d'am bràithribh na sagartaibh, agus dhoibh féin.

21 Agus dh'ith⁶ clann Israeil a thàinig air an ais o'n bhraighdeanas, agus iadsan uile a dhealaich⁷ iad féin d'an ionnsuidh o shalchar chinneach na tìre, a dh'iarraidh an Tighearna Dé Israeil.

22 Agus chum iad féill an arain neo-ghoirtichte seachd làithean le h-aobhneas: oir rinn an Tighearna aobhinn iad agus thiomdaidh e cridhe rìgh Asiriah d'an ionnsuidh, a neartachadh an làmhan ann an obair tighe Dhé, Dhé Israeil.

CAIB. VII.

1 Ginealach Esra o Aaron. 6 Chaidh Esra suas o Bhabylon gu h-Ierusalem. 11 Dùblachadh na litreach a thug Artacserceses dha. 27 Bheannach Esra Dia.

A GUS an déigh nan nithe sin, ri linn⁸ Artacserseis rìgh Phersia, chaidh Esra mac Sheraiah, mhic Asariah, mhic Hilciah,

2 Mhic Shaluim, mhic Shadoic, mhic Ahituib.

3 Mhic Amariah, mhic Asariah, [mhic Iohanain, mhic Asariah, mhic Ahimaaais,

¹ an cur a mach, an caitheamh.

² thugar air an ais.

³ gach nì air am bheil

feum aca.

⁴ na dhùnan.

⁵ naomhachadh, tionnadh suas.

⁶ dh'ich.

⁷ scar.

⁸ ann an rìoghachadh.

mhic Shadoic, mhic Ahituib, mhic Amariah¹, mhic Mheraoit.

4 Mhic Sheraiah, mhic Udsi, mhic Bhuci, 5 Mhic Abisua, mhic Phinehais, mhic Eleasair, mhic Aaroin an àrd-shagairt:

6 Chaidh Esra so suas o Bhabilon, agus e 'na sgrìobhaiche deas ann an lagh Mhaois, a thug an Tighearna Dia Israeil seachad: agus thug an rìgh dha, a chionn gu'n robh làmh an Tighearna a Dhé air, iarrtus uile.

7 Agus chaidh *cuid* do chloinn Israeil, agus do na sagartaibh, agus do na Lebhithich, agus do'n luchd-seinn, agus do na dorsairibh, agus do na Netinich, suas gu h-Ierusalem, anns an t-seachdamh bliadhna do Artacserces an rìgh.

8 Agus thàinig e gu h-Ierusalem anns a' chùigeadh mìos, a *bha* anns an t-seachdamh bliadhna do'n rìgh.

9 Oir air a' cheud là do'n cheud mhìos thòisich e air dol suas o Bhabilon, agus air a' cheud là do'n chùigeadh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a chridhe a dh'iarraidh lagha an Tighearna, agus g'a dheanamh, agus a theagasg ann an Israel reachdan agus bhreitheanas.

11 Agus is e so dùblachadh na litireach a thug rìgh Artacserces do Esra an sagart, an sgrìobhaiche, sgrìobhaiche bhriathar àitheantan an Tighearna, agus a reachdan do Israel:

12 Artacserces rìgh nan rìgh, gu Esra an sagart, sgrìobhaiche lagha Dhé nan nèamh, gach uile *shith*², agus 'na leithid so do àm.

13 Tha mi a' toirt orduigh, iadsan uile ann an rìoghachd do shluagh Israeil, agus d'a shagartaibh, agus d'a Lebhithich, leis an àill triall do h-Ierusalem, gu'n tèid iad maille riutsa:

14 A thaobh gu'n do chuireadh thu leis an rìgh, agus le 'sheachd comhairleach aibh, a dh'fhiosrachadh mu thimchioll Iudah agus Ierusalem, a réir lagha do Dhé a *ta* ann ad làimh;

15 Agus a thoirt leat an airgid agus an òir, a thug an rìgh agus a chomhairlich d'an toil féin do Dhia Israeil, aig *am bheil* 'àite-còmhnuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabilon, maille ri tabhartas saor-thoile an t-sluaigh agus nan sagart, a' toirt seachad d'an saor-thoil air son tighe an Dé, a *ta* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan,

uain, agus an tabhartais-bidh, agus an tabhartais-dibhe, agus gu'n òibair thu iad air altair tighe bhuir Dé a *ta* ann an Ierusalem:

18 Agus ge b'e ni a's maith leat féin agus le d' bhràithribh a dheanamh leis a' chuid eile do'n airgid agus do'n òr, a réir toile bhuir Dé deanaibh.

19 Na soithiche mar an ceudna a tha air an tabhairt duit, air son seirbhais tighe do Dhé, thoir seachad am fianuis Dé Ierusalem.

20 Agus ge b'e ni tuilleadh a bhios feumail air son tighe do Dhé, a chi thu aobhar air a bhuileachadh³, builich e á tigh-ionmhais an rìgh.

21 Agus tha mise, mise féin Artacserces an rìgh, a' toirt orduigh do uile luchd-coimhead an ionmhais a *ta* air an taobh thall do'n amhainn, ge b'e ni a dh'iarra Esra an sagart, sgrìobhaiche lagha Dhé nan nèamh oirbh, gu'n deanar air ball e:

22 Gu ruig ceud tàlann airgid, agus gu ruig ceud tomhas cruithneachd, agus ruig ceud bat fiona, agus gu ruig ceud bat olaidh, agus salann gu àireamh⁴.

23 Gach ni a *ta* a réir àithne Dhé uan nèamh deanar gu cùramach e do thigh Dhé nan nèamh, air eagal gu'm bi fearg an aghaidh rìoghachd an rìgh agus a mhac.

24 Mar an ceudna *tha* sinn a' toirt fios duibh a thaobh nan sagart uile agus nan Lebhithich, an luchd-seinn, nan dorsair, nan Netineach, no sheirbhiseach tighe so Dhé, nach feudar gearradh⁵, cìs, no càin a chur orra.

25 Agus suidhich thusa, Esra, a réir gliocais do Dhé, a *ta* ann ad làimh, uachdarain, agus breitheamhna, a bheir breth air an t-sluaigh uile a *ta* air an taobh thall do'n amhainn, orra-san uile d'an aithne laghamna do Dhé; agus teagaisgibh iadsan do nach aithne *iad*.

26 Agus gach neach nach dean a réir lagha do Dhé agus lagha an rìgh, deanar breitheanas air ball air, ma's ann a chum bàis, no chum fògraidh, na chum ùbhlaidh⁶, no chum prìosain⁷.

27 Beannaichte *gu robh* an Tighearna Dia air n-aithriche, a chuir mar so ann an cridhe an rìgh, a dheanamh tighe an Tighearna, a *ta* ann an Ierusalem maiseach;

28 Agus a fhuair tròcair dhomhsa am fianuis an rìgh agus a chomhairleach, agus am fianuis uile uachdarana cumhachdach an rìgh; agus neartaicheadh mi a chionn gu'n robh làmh an Tighearna mo Dhé orm; agus chruinnich mi á h-Israel daoine taghta⁸ gu dol suas maille rium.

¹ Faic Eachdr. Caib. VI. r. 7, 8, 9.

² sìth iomlan. ³ a thoirt seachad, a chaitheamh.

gun a bhi air a sgrìobhadh. Eabh.

dlighe.

⁶ call a mhaoin.

⁷ gu geimhlibh.

⁸ cinn. Eabh.

CAIB. VIII.

1 *Aireamh an t-sluaigh a phill maille ri Esra o Bhabilon.* 15 *Chuir Esra fios gu Ido air son sheirbhiseach a fhriththeadh do thigh Dhé.* 24 *Chuir e ionmhasan an teampuill fo làimh nan sagart.*

AGUS is iad so cinn an aithriche, agus an àireamh a réir an ginealach, a chaidh suas maille riom o Bhabilon, ri linn Artacserseis an rìgh:

2 Do mhacaibh Phinchais; Gersom: do mhacaibh Itamair; Daniel: do mhacaibh Dhaibhidh; Hatus.

3 Do mhacaibh Shechaiah: ****: do mhacaibh Pharois; Sechariah: agus maille ris-san *bha* air an àireamh a réir an ginealach do fhirionnach ceud agus leth-cheud.

4 Do mhacaibh Phahat-mhoaib; Elieonai mac Seraliah, agus maille ris dà cheud firionnach.

5 Do mhacaibh [Shatu:] Sechaniah mac Iahaseil, agus maille ris tri cheud-firionnach.

6 Agus do mhacaibh Adin; Ebed mac Ionatain, agus maille ris leth-cheud firionnach.

7 Agus do mhacaibh Elaim; Iesiah mac Ataliah, agus maille ris tri fichead agus deich firionnach.

8 Agus do mhacaibh Shephatiah; Sebadiah mac Mhichail, agus maille ris ceithir fichead firionnach.

9 Do mhacaibh Ioaib; Obadiah mac Iehiel, agus maille ris dà cheud agus ochd firionnach deug.

10 Agus do mhacaibh [Bhani:] Selomit mac Iosiphiah, agus maille ris ceud agus tri fichead firionnach.

11 Agus do mhacaibh Bhebai; Sechariah mac Bhebai, agus maille ris fichead agus ochd firionnach.

12 Agus do mhacaibh Asa'id; Iohan-an, mac Hacatain, agus maille ris ceud agus deich firionnach.

13 Agus do mhacaibh deireannach Adoncaim; agus *is* iad so an ainmean, Eliphelet, Ieiel, agus Semaiah, agus maille ri tri fichead firionnach.

14 Agus do mhacaibh Bhigbhai; Utai agus Sabud, agus maille ri tri fichead agus deich firionnach.

15 Agus chruinnich mi iad a dh'ionnsuidh na h-aimhne a tha teachd gu Ahabiah, agus an sin d'fhau sinn ann am bùth-aibh tri làithean, agus ghabh mi beachd do'n t-sluagh, agus do na sagairt, agus cha d'fhuair mi'n sin a h-aon do mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan',

agus air Natan, agus air Sechariah, agus air Mesulam, prìomh-dhaoine; agus air Sechariah, agus air Mesulam, prìomh-dhaoine; agus air Ioiarib, agus air Elnatan, daoine tuigseach.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh chod² a theireadh iad ri Ido, [agus] r'a bhràithribh na Netinich aig àit Chasiphia, gu'n tugadh iad d'ar n-ionnsuidh seirbhisich air son tighe ar Dé.

18 Agus le làimh mhaith ar Dé oirnn thug iad d'ar n-ionnsuidh Is-sechel³ do mhacaibh Mahli, mhic Lebhi, mhic Israeil, agus Serebiah agus a mhic agus a bhràithrean, ochd *fir* dheug;

19 Agus Hasabiah, agus maille ris Iesiah do mhacaibh Mherari, a bhràithrean, agus am mic, fichead;

20 Agus do na Netinich a dh'orduich Daibhidh agus na h-uachdarain air son seirbhis nan Lebhithiach, dà cheud agus fichead Netineach: ghoireadh⁴ iad uile air an ainm.

21 An sin ghairm mi trasgadh san àite sin aig amhainn Ahabha, chum gu'n irios-laicheamaid⁵ sinn féin am fianuis ar Dé, a dh'iarraidh air slighe cheirt dhuinn féin, agus d'ar cloinn bhig, agus d'ar maoin uile.

22 Oir bu nàir leam buidheann shaighdearan agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile a dh'iarraas e, ach a chumhachd agus fhearg 'nan aghaidh-san uile a thrèig-eas e.

23 Uime sin thraisg sinn, agus dh'iarr sinn ar Dia air son so, agus dh'éisd e ri'n n-athcuinge.

24 An sin chuir mi air leth dà fhear dheug dhiubhsan a b'àirde do na sagartaibh, Serebiah, Hasabiah, agus deich mear d'am bràithribh maille ri u;

25 Agus thomhais⁶ mi dhoibh an t-airgiod, agus an t-òr, agus na soithichean, tabhartas tighe ar Dé, a thug an rìgh, agus a chomhairlich⁷, agus a dhaoine mòra, agus Israel uile a bha làthair, seachad;

26 Thomhais mi eadhon d'an làimh sè ceud agus leth-cheud tàlann airgid, agus do shoithichibh airgid ceud tàlann, agus ceud tàlann òir;

27 Agus fichead cuach òir do mhùle darcon; agus dà shoitheach do umha buidh maith, luachmhor mar òr.

28 Agus thubhairt mi ri u, *Tha sibhse*

¹ air Elnatan, agus air Iarib, agus air Elnatan.

² chuir mi nam bual na briathra. Eabh.

³ duine tuigseach.

⁴ dh'ainmicheadh.

⁵ cràdhamaid, ⁶ chothromaic. ⁷ chomhairlichean.

naomha do'n Tighearn, agus na soithichean naomha, agus an t-airgid agus an t-òr 'na thabhartas saor-thoile do'n Tighearna Dia bhuir n-aitheirliche.

29 Deanaibh faire, agus coimheadaibh, agus an cothromaich sibh iad am fianuis uachdarana nan sagart, agus nan Lebhithich, agus uachdarana aithrichean Israeil ann an Ierusalem, ann an seòmraichibh tìghe an Tighearn.

30 Uime sin ghabh na sagairt agus na Lebhithich cothrom an airgid agus an òir, agus nan soitheach, chum an tabhairt gu h-Ierusalem a dh'ionnsuidh tìghe ar Dé.

31 Agus dh'imich sinn o amhainn Ahabha air an dara là deug do'n cheud mhios, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n làimh-san a bha deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì làithean.

33 Agus air a' cheathramh là thomhais-eadh an t-airgid agus an t-òr agus na soithichean ann an tìgh ar Dé, le làimh Mheremot mhic Uriah an t-sagairt, agus maille ris bha Eleasar mac Phinehais, agus maille riu-san Iosabad mac Iesua, agus Noadiah mac Bhinui, Lebhithich:

34 A réir àireimh agus a réir tomhais nan uile: agus sgrìobhadh an tomhas uile san àm sin.

35 Thug clann na muinntir a thugadh air falbh, agus a thàinig o'n bhraighdeanas, seachad iobairtean-loisgte do Dhia Israeil, dà tharbhadh dheug òg air son Israeil uile, ceithir fichead agus sè reithe deug, trì fichead agus seachd uain dheug, dà bhoc dheug ghaibhre mar iobairt-phacaidh: iad uile 'nan iobairt-loisgte do'n Tighearn.

36 Agus thug iad seachad orduighean an rìgh do àrd-riaghlairibh an rìgh, agus do na h-uachdaranaibh air an taobh so do'n amhainn; agus chuir iadsan an sluagh agus tìgh Dhé air an aghaidh.

CAIB. IX.

1 Rinn Esra caoidh a chionn gu'n do ghabh sluagh Israeil d' an ionnsuidh muàl choimheach. 5 Dh'ìrosalach se e féin, agus rinn e urnuigh ri Dia.

A GUS an uair a rinneadh na nithe sin, thàinig na h-uachdarain a m' ionnsuidh; ag ràdh, Cha do dhealaich sluagh Israeil, agus na sagairt, agus na Lebhithich iad féin o shluagh na tìre a' deanamh a réir an gràineileachd, eadhon nan Canaanach, nan Hiteach, nam Peridseach, nam Iebusach, nam Amonach, nam Maobach, nan Eiphiteach, agus nan Amorach.

2 Oir ghabh iad d'an nigheanaibh dhoibh féin agus d'am macaibh, agus

mhiasg an sliochd naomh iad féin ri sluagh nan tìr; agus bha làmh nan uachdaran agus nan riaghlair air thoiseach anns a' clionta so.

3 Agus an uair a chuala mi an ni so, reub mi m'eudach, agus m'fhalluinn, agus spion mi cuid do ghruaig mo chinn agus m'fheusag, agus shuidh mi sìos fo uamhan¹.

4 An sin chruinnicheadh a m' ionnsuidh iadsan uile a chriothnaich roimh bhriathraibh Dhé Israeil, air son euceirt na muinntir a thugadh air falbh; agus shuidh mi fo uamhan gu ruig an iobairt-fheasgair.

5 Agus aig an iobairt-fheasgair dh'éirich mi o m' thuirse, le m'eudach agus m'fhalluinn reubta umam, agus leag mi mi féin air mo ghluinibh, agus sgaol mi mach mo làmh an a dh'ionnsuidh an Tighearna mo Dhé,

6 Agus thubhairt mi, O mo Dhia, tha nàir orm agus rudhadh gruaidh m'aghaidh thogail riutsa, mo Dhia: oir tha ar n-eucearta air fàs lionmhor os ar ceann, agus tha ar cionta air éirigh suas gu nàmh.

7 O làithibh ar n-aithriche bha sinn ann an cionta mòr gu ruig an là 'n diugh, agus air son ar n-eucearta thugadh thairis sinn féin, ar rìghrean, ar sagairt do làmh rìghrean nan tìr, do'n chlaidheamh, do dhaorsa, agus do chreachadh, agus do nàire gnùise, mar air an là 'n diugh.

8 Agus a nis car tamuill bhig nochdadh gràs² o'n Tighearn ar Dia, a dh'fhàgail duinn fuighill³, agus a thabhairt tairnge dhuinn 'na ionad naomh, chum gu'n soillsicheadh ar Dia ar suilean, agus gu'n tugadh e dhuinn beagan beothachaidh 'nar daorsa:

9 Oir bha sinne 'nar tràillibh, gidheadh 'nar daorsa cha do thréig ar Dia sinn, ach fhuair e tròcair dhuinn ann an suilbìh rìghrean Phersia, a thoirt duinn ath-bheothachaidh a chur snas tìghe ar Dé, agus a leasachadh na mhillleadh ann⁴, agus a thoirt duinn balla ann an Iudah agus ann an Ierusalem.

10 Agus a nis, O ar Dia, ciod a their sinn an déigh so? oir thréig sinn t-àith-eantan,

11 A dh'àithn thu le d' sheirbhisich na fàidhean, ag ràdh, Tha'n talamh d'am bheil sibh a' dol g'a shealbhachadh, 'na thalamh neòghlan le neòghloine shluaigh nan tìr, le'n gràineileachdaibh, a lion e o cheann gu ceann le'n salchar.

12 A nis ma ta na tugaibh bhuir nìgh-eana d'am macaibh, agus an nigheana-san na gabhaibh do bhuir macaibh-sa, agus na h-iarraibh an sìth, no an saobhbheas gu bràth: chum gu'm bi sibh làidir, agus gu'n

¹ ioghnaidh.

² bàigh.

³ dol as.

⁴ fhuàisichean.

ith sibh maith an fhearainn, agus gu'm fàg sibh e 'na oighreachd do'r cloinn gu bràth.

13 Ach an déigh gach *ni* a thàinig oirnn air son ar droch oibre, agus air son ar cionta mhòir, o nach d'rinn thusa ar Dia peanas oirnn a réir ar droch thoillteanais¹, agus gu'n d'thug thug dhuinn a leithid so do shaorsa;

14 Nam briseamaid a rìs t-àitheantan, agus nan deanamaid cleamhnas ri sluagh nan gràineileachd sin, nach biodh fearg ort ruinn gus an cuireadh tu as *duinn*, air chor as nach *biodh* fuigheall no dol as ann?

15 A Thighearna Dhé Israeil, *is* ceart thusa, oir tha sinn a làthair a thàinig as², mar air an là'n diugh. Feuch, *tha* sinn a'd' fhianuis 'nar peacannaibh: oir cha'n urrainn sinn seasamh a'd' fhianuis air son so.

CAIB. X.

1 *Thug Sechaniah misneach do Esra, agus chomhairlich e na mnàì choimheach a chur air falbh.*
7 *Chruinnicheadh an sluagh gu h-Ierusalem,*
9 *agus dh'aidich iad an peacanna.* 18 *Aircaim na muinntir a ghabh dhoibh fèin mnàì choimheach.*

A NIS an uair a rinn Esra urnuigh, agus a dh'aidich e, a' gul, agus 'ga thilgeadh fèin sìos fa chomhair tighe Dhé, chruinnich d'a ionnsuidh à h-Israel comhchruinneachadh ro mhòr do fhearaidh, agus do mhnaibh, agus do chloinn; oir ghuil an sluagh gu mòr³.

2 Agus labhair⁴ Sechaniah mac Iehieil, aon do mhacaibh Elaim, agus thubhairt e ri h-Esra, Pheacaich sinn an aghaidh ar Dé, agus ghabh sinn d'ar n-ionnsuidh mnàì choimheach⁵ do shluagh na tìre: ach a nis tha dòchas aig Israel a thaobh an nì so.

3 A nis uime sin deanamaid coimheangal ri'r Dia, na mnàì uile a chur uainn, agus iadsan a rugadh leo, a réir comhairle mo thighearn, agus na muinntir a chrìochnaicheas ri àithne ar Dé, agus deanar a réir an lagha.

4 Eirich; oir dhuitse *buinidh* an nì so, agus *bithidh* sinne maille riut: gabh misneach, agus dean.

5 Agus dh'éirich Esra, agus thug e air na h-àrd shagartaibh, na Lebhithich, agus Israel uile miomnachadh, gu'n deanadh iad a réir an fhocail so; agus mhionnaich iad.

6 An sin dh'éirich Esra o làthair tighe Dhé, agus chaidh e do sheòmar Iohanain, mhic Eliasis: agus an uair a thàinig e'n sin, cha d'ith e aran, agus cha d'òl e uisge; oir rinn e bròn air son cionta na muinntir a thugadh air falbh.

7 Agus thug iad gairm air feadh Iudah agus Ierusalem, do uile chloinn a' bhraighdeanais, iad a chruinneachadh ri chèile gu h-Ierusalem;

8 Agus ge b'e neach nach tigeadh an ceann thri làithean, a réir comhairle nan uachdaran agus nan seanair, gu'n tugadh uaith⁶ a mhaoin uile, agus gu'm biodh e fèin air a dhealachadh o chomhchruinneachadh na muinntir a thugadh air falbh.

9 Agus chruinnicheadh fir Iudah agus Bheniamin uile gu h-Ierusalem an ceann thri làithean: *bha* e *anns* an naothadh mìos, air an fhlicheadamh là do'n mhìos: agus shuidh an sluagh uile ann an sràid tighe Dhé, air chrith air son an nì so, agus air son an uisge mhòir.

10 Agus dh'éirich Esra an sagart, agus thubhairt e riu, Pheacaich sibh, agus ghabh sibh dhuibh fèin mnàì choimheach a mheudachadh peacaidh Israeil.

11 A nis ma ta deanaibh aidmheil⁷ do'n Tighearna Dia bhur n-aithriche, agus coimhlionaibh a thoil; agus dealaichibh sibh fèin o shluagh na tìre, agus o na mnàibh coimheach.

12 Agus fhreagair an coimhthional uile, agus thubhairt iad le guth ard, Mar sin, a réir t-fhocail, *tha e ceangailte* oirnn a dheanamh.

13 Ach *tha'n* sluagh lìonmhor, agus *is* àm mòr uisge e, agus cha'n urrainn sinn seasamh a muigh, agus cha'n obair aoin là, no dà là so; oir tha sinn lìonmhor a pheacaich anns an nì so.

14 Seasadh a nis an n-uachdarain do'n coimhthional uile, agus aig àmannaibh suidhichte, thigeadh iadsan uile 'nar bailtibh a ghabh dhoibh fèin mnàì choimheach, agus maille riu seanairean gach baile agus a bhreitheamhna, gus an tionndaidhear fearg laiste ar Dé uainn a thaobh an nì so.

15 Sheas a mhàin Ionatan mac Asaheil, agus Iahasiah mac Thichbah, air son so: agus chuidich Mesulam agus Sabetai an Lebhithich leo.

16 Agus rinn clann a' bhraighdeanais mar sin: agus dhealaicheadh Esra an sagart, agus cinn àraidh nan àithriche a réir tighe an aithriche, agus iad uile a réir an ainmean, agus shuidh iad sìos air a' cheud là do'n deicheamh mìos a rannsachadh na cùise.

17 Agus chrìochnaich iad a thaobh nan daoine uile a ghabh dhoibh fèin mnàì choimheach, air a' cheud là do'n cheud mhìos.

18 Agus am measg mhac nan sagart fhuaradh a ghabh dhoibh fèin mnàì choimheach: Do mhacaibh Iesua, mhic

¹ gu'n do chaomhain thu sinn *thar* mar a thoill ar peacanna. ² *tha* fuigheall a làthair dhinn.

³ le gul mòr. Eabh.

⁴ fhreagair.

⁵ choigreach. ⁶ gu'n cailleadh e. ⁷ thugaibh glòir.

Iosadaic, agus a bhràithrean; Maaseiah, agus Elieser, agus Iarib, agus Gedaliah.

19 Agus thug iad an làmh gu'n cuir-eadh iad uatha am mnà: agus air dhoibh bhi ciontach, *thug iad* reithe do'n treud air son an cionta.

20 Agus do mhacaibh Imeir; Hanani, agus Sebadaiah.

21 Agus do mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus do mhacaibh Phasuir; Elioenai, Maaseiah, Ismael, Netaneel, Iosabad, agus Elasa.

23 Agus do na Lebhithich; Iosabad, agus Simeil, agus Celaiah, (*is e sin Celita*.) Petahiah, Iudah, agus Elieser.

24 Agus do'n luchd-seinn; Eliasib: agus do na dorsairibh; Salum, agus Telem, agus Uri.

25 Agus do Israel: Do mhacaibh Pharois; Ramaiah, agus Iesiah, agus Malchiah, agus Miamin, agus Eliaser, agus Malchiah, agus Benaiah.

26 Agus do mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus do mhacaibh Shatu; Elioenai, Eliasib, Mataniah, agus Ieremot, agus Sabad, agus Asisa.

28 Agus do mhacaibh Bhebai; Ieho-

hanan, Hananiah, Sabai, *agus* Atlai.

29 Agus do mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus do mhacaibh Phahat-mhoajb: Adna, agus Chelal, Benaiah, Maaseiah, Mataniah, Besaleel, agus Binui, agus Manaseh.

31 Agus do mhacaibh Hariun; Elieser, Isiah, Malchiah, Semaiah, Simcon,

32 Benjamin, Maluch, *agus* Semariah.

33 Do mhacaibh Hasuim; Matenai, Matatah, Sabad, Eliphelet, Ieremai, Manaseh, *agus* Simeil.

34 Do mhacaibh Bhani; Maadai, Amram, agus Uel,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iasau,

38 Agus Bani, agus Binui, Simeil,

39 Agus Selemiah, agus Natan, agus Adaiah,

40 Machnadebai, Sasai, Sarai,

41 Asareel, agus Selemiah, Semariah,

42 Salum, Amariah, *agus* Ioseph.

43 Do mhacaibh Nebo; Ieiel, Matitiah, Sabad, Sebina, Iadau, agus Ioel, Benaiah,

44 Ghabh iad sin uile dhoibh féin mnà choimheach: agus aig *cuid* diubh bha mnà ris an robh clann aca.

NEHEMIAH.

CAIB. I.

1 *'Nuair a chual' Nehemiah iomradh air doilgheas nan Iudhach a dh'fhàgadh do'n bhraighdeanas, thraisg e, agus rinn e bròn am fianuis Dhé. 5 Urnuigh Nehemiah.*

BRIATHRA Nehemiah mhic Hachaliah¹. Agus tharladh anns a' mhìos Chisleu, anns an fhlicheadamh bliadhna, 'nuair a bha mi ann an Susan an lùchairt,

2 Gu'n d' thàinig Hanani, aon do m' bhràithribh, e féin agus daoine do Iudah; agus dh'fheòraich mi dhiubh a thaobh nan Iudhach a chaidh as, a dh'fhàgadh do'n bhraighdeanas, agus mu thimchioll erusalem.

3 Agus thubhairt iad rium, *Tha'm fuigheall a dh'fhàgadh do'n bhraighdeanas an sin anns a' mhòr-roinn, ann an àmhghar mòr agus ann am m-chliù*²; agus bhriseadh balla Ierusalem sìos, agus loisgeadh a geatacha le teine.

4 Agus an uair a chuala mi na briathra so, shuidh mi sìos, agus ghuill mi, agus rinn mi bròn làithean *araidh*, agus thraisg mi, agus rinn mi urnuigh am fianuis Dhé nan nèamh.

5 Agus thubhairt mi, Guidheam ort, a Thighearna, Dhé nan nèamh; an Dia mòr agus uamhasach, a ghleidheas coimheangal agus tròcair dhoibhsan a ghràdh-aicheas e, agus a choimheadas 'àith-eantan;

6 Biodh do chluas a nis furachar, agus do shùilean fosgailte, chum gu'n èisd thu ri urnuigh t-òglach, a *tha* mi a' dean-amh a'd' fhianuis a nis, a là agus a dh'oidhche, air son chloinn Israeil t'òglach: agus *tha mi* 'g aideachadh pheacanna chloinn Israeil, a pheacaich sinn a'd' aghaidh: pheacaich araon mise agus tigh m'athar.

7 Rinn sinn gu ro thruaillidh a'd' thaobhsa, agus cha do ghléidh sinn na h-àitheanta, no na reachda, no na breitheanais a dh'àithn thu do t'òglach Moais.

8 Cuimhnich, guidheam ort, am focal a dh'àithn thu do t'òglach Moais, ag ràdh, *Ma* pheacaicheas sibh, sgapaidh mise sibh am measg nan cinneach.

9 Ach *ma* phillleas sibh a m'ionnsuidh, agus gu'n coimhid sibh m'àitheantan,

¹ *Hilciah.*

² *fo thasart.*

NEHEMIAH, II.

agus gu'n dean sibh iad, ged robh iad dhiubh air an tilgeadh a mach do'n chuid a's iomallaiche do nèamh, cruinn-ichidh mi as a sin iad, agus bheir mi iad do'n àit a thagh mi, a chur m'ainme an sin.

10 A nis is iad so do sheirbhisich agus do shluagh, a shaor thu le d'mhòr-chumhachd, agus le d' làimh thréin.

11 A Thighearna, guidheam ort, biodh do chluas a nis furachar ri h-urnuigh do sheirbhisich, agus ri h-urnuigh t'òglach, le'm miann eagal t'ainme bhi orra: agus soirbhich, guidheam ort, le d'sheirbhiseach an diugh, agus thoir dha tròcair ann an sealladh an duine so. A nis bha mise a'm' ghille-cupain aig an rìgh.

CAIB. II.

1 *Thug Artacserces comas do Nehemiah dol a thogail balla Ierusalem.* 9 *Thàinig e gu Ierusalem, agus dh'fheuch e litrichean an rìgh do na uachdaran aibh.* 17 *Bhrosnaich e an sluagh gus am balla a thogail.*

A GUS tharladh ann am mìos Nisain, anns an fhicheadamh bliadhna do Artacserces an rìgh, gu'n robh fion roimhe; agus ghabh mi am fion, agus thug mi e do'n rìgh. Agus cha robh mise roimhe sin dubhach 'na fhianuis¹.

2 Uime sin thubhairt an rìgh rium, C'ar son a tha do ghnùis dubhach², agus gun thu bhi tinn? cha ni eile so ach cradh cridhe. Agus bha eagal mòr orm;

3 Agus thubhairt mi ris an rìgh, Gu maireadh an rìgh gu bràth: c'ar son nach biodh mo ghnùis dubhach, an uair a tha 'm baile, àit-adhlacaidh m'aithriche, air 'fhàsachadh, agus a gheatachan air an caithheadh le teine?

4 Agus thubhairt an rìgh rium, Ciod e so a tha thu ag iarraidh? Agus rinu mi urnuigh ri Dia nan nèamh:

5 Agus thubhairt mi ris an rìgh, Ma's maith leis an rìgh, agus ma gheibh do sheirbhiseach deadh-ghean a'd' fhianuis, gu'u cuireadh tu mi dh'ionnsuidh Iudah, gu baile àit-adhlacaidh m'aithriche, agus gu'n tog mi e.

6 Agus thubhairt an rìgh rium, agus a' bhan-rìghinn 'na suidhe làimh ris, Cia fad an ùine bhios tu air do thurus; agus e'uin a philleas tu? Agus bu toil leis an rìgh mo chur air falbh, agus shuidhich mi am ris.

7 Agus thubhairt mi ris an rìgh, Ma's toil leis an rìgh, thugar litrichean dhomh a dh'ionnsuidh nan uachdaran air an taobh thall do'n amhainn, chum gu'n cuir iad thairis mi gus an tig mi gu Iudah;

8 Agus litir gu Asaph fear-gleidhidh fìrthe an rìgh, chum gu'u toir e dhomh

fiodh a dheanamh sailean air son gheat-achan na lùchairt a' bhuineas do'n tigh, agus air son balla a' bhaile, agus air son an tighe d'antéid mi. Agus thug an rìgh dhomh, a réir làimhe mhaith mo Dhé orm.

9 Agus thàinig mi dh'ionnsuidh nan uachdaran air an taobh eile do'n amhainn, agus thug mi dhoibh litrichean an rìgh. A nis chuir an rìgh maille rium ceannard-an do'n armaill agus marc-shluagh.

10 An uair a chuala Sanbalat an t-Horonach, agus Tobiah an seirbhiseach an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu li-Ierusalem, agus bha mi 'n sin tri làithean.

12 Agus dh'éirich mi san oidhche, mi féin agus beagan dhaoine maille rium; ach cha d'innis mi do dhuine ciod a chuir mo Dhia ann am chridhe a dheanamh ann an Ierusalem: agus cha robh ainmhidh maille rium, ach an t-ainmhidh air an do mharaich mi.

13 Agus chaidh mi mach san oidhche air geata a' ghlinne, agus fa chomhair tobair an dragon, agus gu geata an aolaich, agus ghabh mi sealladh do bhallaich Ierusalem, a bha air am briseadh sìos, agus d'a geataich a bha air an caith-eadh le teine.

14 Agus chaidh mi air m'aghaidh gu geata an tobair, agus gu lochan an rìgh: ach cha robh àit ann do'n ainmhidh a bha fodham gu dol thairis.

15 An sin chaidh mi suas san oidhche làimh ris an t-sruth, agus ghabh mi sealladh do'n bhalla, agus thionndaidh mi air m'ais, agus chaidh mi steach air geata a' ghlinne, agus phill mi.

16 Agus cha robh fios aig na riaghlairibh c'ait an deachaidh mi, no ciod a rinn mi, agus cha d'innis mi e do na h-ludhaich, no do na sagartaibh, no do na h-àrd uaislibh, no do na riaghlairibh, no do'n chuid eile a rinn an obair.

17 Agus thubhairt mi riu, Tha sibh a' faicinn a' chruaidh-chais anns am bheil sinn, mar a ta Ierusalem air a fàsachadh, agus a geatachan air an losgadh le teine: thigibh agus togamaid balla Ierusalem, chum nach bi sinn ni's mò 'nar masladh.

18 Agus dh'innis mi dhoibh a thaobh làimhe mo Dhé, a bha maith orm, agus mar an ceudna briathran an rìgh a labhair e rium. Agus thubhairt iad, Eireamaid agus togamaid. Agus neartaich iad an làmhnan chum maith.

19 Ach an uair a chuala Sanbalat an t-Horonach, agus Tobiah an seirbhiseach

¹ cha bu ghnàth leamsa bhi dubhach 'na fhianuis;

cha robh mi olc 'na fhianuis. Eabh. ² olc. Eabh.

an t-Amouach, agus Gesem an t-Arabach e, rinn iad gàire fanoide oirnn, agus rinn iad tùir oirnn, agus thubhairt iad, Ciod an ni so a tha sibh a' deanamh? an dean sibh ceannaire an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhichidh esan leinn: a chionn gur sinne a sheirbhiseich, èiridh sinn agus togaidh sinn: ach agaibhse cha 'n'eil cuibhrionn, no còir, no cuimhneachan ann an Ierusalem.

CAIB. III.

1 Ainmean agus orduigh an t-sluaigh a thog balla Ierusalem.

AGUS dh'éirich Eliasib an t-àrd shagart maille r'a bhràithribh na sagairt, agus thog iad geata nan caorach: naomhaich iad e, agus chuir iad suas a chomhlachan: eadhon gu ruig tùr Mheah naomhaich iad e, agus gu ruig tùr Hana-neil.

2 Agus làimh ris-san thog fir Iericho: agus làimh riu-san¹ thog Sacur mac Imri.

3 Ach geata an éisg thog mic Hasen-aah: leag iad a shailean, agus chuir iad suas a chomhlachan, a ghlasan, agus a chroinn.

4 Agus làimh riu-san leasaich² Meremot mac Uriah, mhic Chois: agus làimh ris-san³ leasaich Mesulam mac Bhrechiah, mhic Mhesesabeil: agus làimh riu-san leasaich Sadoc mac Bhaanah.

5 Agus làimh riu-san leasaich na Tecoaich: ach cha do chuir an àrd uaislean am muineal ri seirbhis an Tighearn.

6 Agus an seann gheata leasaich Iehoia-da mac Phaseah, agus Mesulam mac Bhesodeiah: leag iad a shailean, agus chuir iad suas a chomhlachan, agus a ghlasan, agus a chroinn.

7 Agus làimh riu-san leasaich Melatiah an Gibeonach, agus Iadon am Meronotach, fir Ghibeoin agus Mhispah, gu ruig rìgh-chaitir an uachdarain air an taobh so do'n amhainn.

8 Làimh ris-san leasaich Udsiel mac Harhaiah, do na h-òr-cheardaibh: agus làimh ris-san leasaich Hananiah, mac aoin do na léghibh, agus neartaich iad Ierusalem gu ruig am balla leathann.

9 Agus làimh riu-san leasaich Rephaiah mac Huir, riaghlair leth-roinne⁴ Ierusalem.

10 Agus làimh ris-san⁵ leasaich Iedaiah mac Harumaiph, eadhon fa chomhair a thighe: agus làimh ris-san leasaich Hatus, mac Hasabniah.

11 An t-ath-thomhas leasaich Malchiah mac Harim, agus Hasub mac Phahat-

mhoaib, agus tùr nan àmhuinn.

12 Agus làimh ris-san leasaich Salum mac Haloheis, riaghlair leth-roinne Ierusalem, e fèin agus a nigheana.

13 Geata a' ghlinne leasaich Hanun, agus luchd-àiteachaidh Shanoah: thog iad e, agus chuir iad suas a chomhlachan, a ghlasan, agus a chroinn, agus mìle làmh-choille do'n bhalla, gu ruig geata an aolaich.

14 Ach geata an aolaich leasaich Malchiah mac Rechaib, riaghlair roinne Bhet-hacereim: thog se e, agus chuir e suas a chomhlachan, a ghlasan, agus a chroinn.

15 Ach geata an tobair leasaich Salum mac Chol-hoseh, riaghlair roinne Mhispah: thog se e, agus chuir e dion air, agus chuir e suas a chomhlachan, a ghlasan, agus a chroinn, agus balla lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 'Na dhéigh-san leasaich Nehemiah mac Asbuic, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a rinneadh, agus gu ruig Bet-agbarim⁶.

17 'Na dhéigh-san leasaich na Lebhithich, Rehun mac Bhani: làimh ris-san leasaich Hasabiah, riaghlair leth-roinne Cheilah, 'na roinn fèin.

18 'Na dhéigh-san leasaich am bràithrean, Babhai mac Henadaid, riaghlair leth-roinne Cheilah.

19 Agus làimh ris-san leasaich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tionndadh.

20 'Na dhéigh-san leasaich⁷ Baruch mac Shabai an t-ath-thomhas, o'n tionndadh gu ruig dorus tighe Eliasib an àrd-shagairt.

21 'Na dhéigh-san leasaich Meremot mac Uriah, mhic Acois⁸, an t-ath-thomhas, o dhorus tighe Eliasib gu ruig ceann tighe Eliasib.

22 Agus 'na dhéigh-san leasaich na sagairt, daoine a' chòmhnaid.

23 'Nan déigh-san⁹ leasaich Beniamin agus Hasub, fa chomhair an tighe: 'na dhéigh-san leasaich Asariah mac Mhaaseiah, mhic Ananiah, làimh r'a thigh.

24 'Na dhéigh-san leasaich Binui, mac Henadaid, an t-ath-thomhas, o thigh Asariah gu ruig an tionndadh, agus gu ruig an oisim.

25 Palal mac Udsai, fa chomhair an tionndaidh, agus an tùir a tha dol a mach o thigh àrd an rìgh, a bha làimh ri cùirt

¹ ris-san. ² chàirich. ³ riu-san.
fìre. ⁵ riu-san. ⁶ tigh nan gaisgeach.

⁷ leasaich gu dìchiollach.
⁸ Chois, ⁹ 'Na dhéigh-san.

a' phrìosain: 'na dhéigh-san Pedaiah mac Pharois.

26 Mar an ceudna na Netinich a bha chòmhnuidh ann an Ophel, gu ruig fa chomhair geata an uisge a làimh na h-àirde 'n ear, agus an tuir a tha dol a mach.

27 'Nan déigh-san leasaich na Tecoaich an t-ath-thomhas, fa chomhair an tùir mhòir a tha dol a mach, gu ruig balla Ophel.

28 O thaobh shuas geata nan each leasaich na sagairt, gach aon fa chomhair a thighe.

29 'Nan déigh-san¹ leasaich Sadoc mac Imeir, fa chomhair a thighe: agus 'na dhéigh-san leasaich Semaiah, mac Shechaniah, fear-gleidhidh an doruis an ear.

30 'Na dhéigh-san leasaich Hananiah, mac Shelemiah, agus Hanun, seathadh mac Shalaiph, an t-ath-thomhas: 'na dhéigh-san leasaich Mesulam mac Bhe-rechiah, fa chomhair a sheòmar féin.

31 'Na dhéigh-san leasaich Malchiah, mac an òr-cheird, gu àit nan Netineach, agus nan ceannaiche fa chomhair geata Mhiphcaid, agus gu dol suas na h-òisinn.

32 Agus o² dhol suas na h-òisinn gu geata nan caorach, leasaich na h-òr-cheird agus na ceannaichean.

CAIB. IV.

1 'Nuair a bha an naimhdean a' deanamh fanoid air na Iudhaich rinn Nehemiah urnuigh, agus bhuanaich e ann an togail a' bhalla. 9 Shuidhich e freiceadan, 13 agus dh'armaich e an luchd-oibre.

AGUS an uair a chuala Sanbalat gu'n robh sinn a' togail a' bhalla, bha fearg air, agus bha e ann an corruich ro mhòir, agus rinn e fanoid air na h-Iudhaich.

2 Agus labhair e am fianuis a bhràithrean agus armait Shamaria, agus thubhairt e, Ciod a ni na h-Iudhaich annhunn³ so? an daingnich siad iad féin? an iobair iad? an crìochnaich iad ann an là? an tog iad suas a ris⁴ na clachan as na dùnaibh luathre a chaidh losgadh?

3 Agus bha Tobiah an t-Amonach làimh ris, agus thubhairt e, Eadhon an ni a tha iad a' togail, ma théid sìonnach suas, brisidh e sìos am balla cloiche.

4 Eisd, O ar Dia, oir tha tàir air a dheanamh oirnn, agus tionndaidh am maslach air an ceann féin, agus tabhair iad 'nan cobhartach ann an tìr a' bhraighdeanais:

5 Agus na còmhdaich an euceart, agus na dubhar a mach am peacadh⁵ á d'fhianuis; oir bhrosnaich iad thu gu feirg an làthair an luchd-togail.

6 Agus thog sinn am balla; agus chean-gladh am balla uile ri chéile gu ruig a leth: oir bha toil aig an t-sluagh obair a dheanamh.

7 Ach an uair a chuala Sanbalat, agus Tobiah, agus na h-Arabaich, agus na h-Amonaich, agus na h-Asdodaich, gu'n robh uile bhallacha Ierusalem 'gan cur suas, gu'n do thòisich na bearnan ri bhì air an dùnadh, an sin bha fearg mhòr orra.

8 Agus chuir iad uile an comhairle ri chéile iad a theachd a chogadh an aghaidh Ierusalem, agus g'a bhacadh.

9 Ach rinn sinne urnuigh r'ar Dia, agus shuidhich sinn freiceadan 'nan aghaidh a là agus a dh'oidhche fa'n comhair.

10 Agus thubhairt Iudah, Tha neart luchd-iomchair nan eallach air fàiling-eadh, agus mòran luathre ann, air chor as nach urrainn sinn am balla a thogail.

11 Agus thubhairt ar naimhdean, Cha bhì fios aca, agus cha'n fhaic iad gus an tig sinn a stigh 'nam meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bha chòmhnuidh làimh riu, thubhairt iad ruinn deich uairean, As gach àit o'm pill sibh d'ar n-ionnsuidh-ne, *bithidh iad oirbh*⁶.

13 Uime sin shuidhich mi anns na h-àit-ibh a b'isle air cùlaobh a' bhalla, agus air na h-àitibh a b'àirde, shuidhich mi eadhon an sluagh a réir an teaghlaichean le'n claidhibh, le'n sleaghannaibh, agus le'm boghannaibh.

14 Agus dh'amhairc, agus dh'éirich mi, agus thubhairt mi ris na h-àrd uaislibh, agus ris na riaghlairibh, agus ris a' chuid eile do'n t-sluagh, Na biodh eagal oirbh rompa: cuimhnichibh an Tighearna mòr agus uamhasach, agus cogaibh⁷ air son bhuir bràithre, bhuir mac, agus bhuir nigh-eana, bhuir ban, agus bhuir tighean.

15 Ach an uair a chual' ar naimhdean gu'n d'fhuair sinn fios air, agus a thug Dia an comhairle gu neo-nì, phill sinn uile dh'ionnsuidh a' bhalla, gach aon a dh'ionnsuidh oibre féin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghanna, na sgiathan, agus na boghanna, agus na lùirichean; agus bha na riaghlairan air cùlaobh uile thighe Iudah.

17 Dh'oibrich iadsan a thog air a bhalla, agus iadsan a ghiùlain eallacha, maille riu-san a luchdaich, *gach aon le aon làimh anns an obair, agus leis an làimh eile chum e gath*⁸.

¹ Na dheigh-san.

² eadar. Eabh.

³ an leig iad leo?

⁴ an ath-bheothaich iad?

⁵ peacanna.

⁶ O gach uile àit d'an tionndaidh sibh, bithidh iad oirnn.

⁷ còmhraigibh.

⁸ ball-tìlgidh.

NEHEMIAH, IV. V.

18 Agus *bha* aig gach aon do'n luchd-togail a chlàidheamh crìoslaichte air a léis, an uair a thog iad : agus *bha* esan a shéid an trompaid làimh riumsa :

19 Agus thubhairt mi ris na h-àrd uaislibh, agus ris na riaghlairibh, agus ris a' chuid eile do'n t-sluagh, *Tha*'n obair mòr agus farsaing¹, agus tha sinn air ar dealachadh air a' bhalla gach aon fada o chéile :

20 Ge b'e àit anns an cluinn sibh fuaim na trompaid, cruinnichibh an sin d'ar n-ionnsuidh-ne: cogaidh ar Dia air ar son.

21 Agus shaothraich sinn anns an obair: agus chum leth dhiubh na sleaghanna o éirigh na maidne gus am facas² na rionnagan.

22 Mar an ceudna san àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm bi iad 'nam freiceadan dhuinn san oidhche, agus san là 'nan oibrichibh.

23 Agus cha do chuir mise no mo bhràithrean, no m'òglaich, no fir an fhreiceadain a lean mi, dhinn ar n-eudach; *ach a mhàin* gu'n do chuir gach duine dheth e air son 'ionnlaid³.

CAIB. V.

1 *Rinn an sluagh gearan an aghaidh cìse an rìgh, agus daorsa an cloinne.* 6 *Chrònaich Nehemiah na h-àrd uaislean a chionn gu'n robh iad togail ocair o'm bràithribh.*

A GUS *bha* gàir mhòr aig an t-sluagh, agus aig am mnàibh, an aghaidh am bràithre nan Iudhach.

2 Agus *bha* ann a thubhairt, *Le* ar mic agus ar nigheana *tha* sìme lionmhor; agus gabhaidh sinn sìol *air an son*, chum gu'n ith sinn, agus gu'm bi sinn beò.

3 Agus *bha* ann a thubhairt, Ar fearann, agus ar fìon-liosan, agus ar tighean bheir sinn an geall, chum gu'm faigh sinn sìol anns a' ghorta.

4 Agus *bha* ann a thubhairt, Ghabh sinn airgid an coingheall air son cìse an rìgh *air* ar fearann agus ar fìon-liosaibh.

5 Agus a nis mar fheoil ar bràithre *tha* ar feoil-ne, mar am mic-sau ar mic-ne; ach feuch, *tha* sinn a' toirt thairis ar mac agus ar nigheana gu bhì 'nan tràillibh, agus *tha* cuid d'ar nigheanaibh air an toirt thairis a *cheana*, agus gun chomas againn *am fuasgladh*, an uair a ta ar fearann agus ar fìon-liosan aig daoineibh eile.

6 Agus *bha* fearg mhòr orm an uair a chuala mi an gàir, agus na briathra sin.

7 Agus chuir mi mo chomhairle ri m' chridhe féin, agus chrònaich mi na h-àrd uaislean, agus na riaghlairan, agus

thubhairt mi riu, *Tha* gach aon agaibh a' togail ocair⁴ o a bhràithair. Agus chuir mi comhchruinneachadh mòr 'nan aghaidh.

8 Agus thubhairt mi riu, Shaor sinne, a réir ar comais, ar bràithre na h-Iudhaich a reiceadh ris na cinnich, agus an reic sibhse mar an ceudna bhur bràithrean, agus an reicear iad ruim féin? Ach *bha* iad 'nan tosd, agus cha d'fhuair iad nì air bith ri ràdh,

9 Mar an ceudna thubhairt mi, Cha mhaith an nì a *tha* sibh a' deanamh: nach buineadh dhuibh gluasad ann an eagal ar Dé, air son maslaidh nan cinneach ar naimhde?

10 Dh'fheudainn-se cuideachd, mo bhràithre, agus m'òglaich, airgid agus sìol a thogail uatha. Leigeamaid dhinn, guidheam oirbh, an t-ain-dlighe so⁵.

11 Aisigibh dhoibh, guidheam oirbh, mar air an là 'n diugh, am fearann, am fìon-liosan, an liosan-olaidh, agus an tigh-ean; mar an ceudna *cuid* do'n airgid⁶, agus do'n t-sìol, do'n fhìon, agus do'n oladh, a *tha* sibh a' togail uatha.

12 Agus thubhairt iadsan, Aisigidh sinn, agus cha'n iarr sinn uatha; mar sin nì sinn mar a *ta* thu 'g ràdh. An sin ghairm mi na sagairt, agus ghabh mi miannan diubh gu'n deanadh iad a réir a' gheallaidh so:

13 Mar an ceudna chrath mi m'uchd, agus thubhairt mi, Mar so crathadh Dia gach duine nach coimhlion an gealladh so, a mach as a thigh, agus a 'obair, eadhon mar so crathar a mach agus falmhaichear e. Agus thubhairt an coimhthional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os bàrr, o'n là air an d'thugadh ordugh dhomh mi bhì m'uachdaran orra ann an tìr Iudah, o'n fhicheadamh bliadhna, eadhon gus an dara bliadhna deug thar fhichead do Artacsereses an rìgh, dà bhliadhna dheug, cha d'ith mise no mo bhràithrean aran an uachdarain.

15 Ach *bha* na ceud uachdarain a *bha* romham trom air an t-sluagh, agus ghabh iad uatha aran agus fìon, a thuilleadh air dà fhichead secel⁷ airgid; rinn eadhon an òglaich ain-tighearnas air an t-sluagh: ach cha d'rinn mise mar sin air eagal Dé.

16 Agus mar an ceudna ann an obair a' bhalla so bhuanach mi, agus cha do cheannaich sinn fearann; agus chruinnicheadh m'òglaich uile an sin a dh'ionnsuidh na h-oibre.

17 Agus *bha* aig mo bhord ceud gu leth

¹ sgaoilleach.

² an d'éirich.

³ aig gach duine *bha* a ghath agus uisge.

⁴ ain-dlighe.

⁵ an callach so chur orra.

⁶ mar an ceudna an ceudamh *cuid* do'n airgid.

⁷ ghabh iad air son arain agus fìona o gae' eon dà fhichead secel.

Iudhach agus riaghlair, a bhàrr orra-san a thàinig d'ar n-ionnsuidh o na cinnich a ta mu'n cuairt oirnn.

18 Agus so na dheasaicheadh air son gach là, aon damh, sè caoraich thaghta: mar an ceudna dheasaicheadh eoin dhomh, agus aon uair anns na deich làithibh pailteas do gach gné¹ fiona: gidheadh air son so cha d'iarr mi aran an uachd-arain, a chiom gu'n robh an daorsa trom air an t-sluaigh so.

19 Cuimhnich ormsa, mo Dhia, chum maith, a thaobh gach nì a rinn mi air son an t-sluaigh so.

CAIB. VI.

1 Dh'fheuch Sanbalat ri Nehemiah a mhaslachadh le bhith togail droch sgeoil air. 15 Chrìochnaich eadh balla Ierusalem. 17 Chuir uaislean Iudah litrichean fealltach a dh'ionnsuidh Thobiah.

ANIS an uair a chuala Sanbalat, agus Tobiah, agus Gesem an t-Arabach, agus a' chuid eile d'ar naimhdbh gu'n do thog mi am balla, agus nach d'fhàgadh briseadh ann, (ged nach do chuir mi suas san àm sin comhlachan air na geataibh.)

2 Chuir Sanbalat agus Gesem teachdairean a m' ionnsuidh, ag ràdh, Tha mi a' deanamh oibre mòire, agus cha'n urrainn mi dol sìos: c'ar son a sguireadh an obair, an uair a dh'fhàgaimse i, agus a rachainn sìos d'ur n-ionnsuidh?

3 Agus chuir mi teachdairean d'an ionnsuidh, ag ràdh, Tha mi a' deanamh oibre mòire, agus cha'n urrainn mi dol sìos: c'ar son a sguireadh an obair, an uair a dh'fhàgaimse i, agus a rachainn sìos d'ur n-ionnsuidh?

4 Gidheadh chuir iad teachdairean a m' ionnsuidh air an dòigh so ceithir uairean; agus fhreagair mi iad air an dòigh cheudna.

5 An sin chuir Sanbalat a m' ionnsuidh air an dòigh so an cùgeadh uair 'òglach féin, agus litir fhosgailte 'na làimh;

6 Anns an robh sgrìobhta; Am measg nan cinneach tha e air aithris, agus tha Gesem³ ag ràdh, gu bheil thusa agus na h-Iudhaich a' samuineachadh air ceann-àire a dheanamh: uime sin tha thu a' togail a' bhalla, a chum gu'm bi thu a' d' rìgh orra a réir nam briathar so.

7 Agus mar an ceudna dh'orduich thu fàidhean a ghairm mi d' thimchioll ann an Ierusalem, ag ràdh, Is rìgh e ann an Iudah: agus a nis aithrisear do'n rìgh a réir nam briathar so. A nis na ta thig, agus cuireamaid ar comhairle ri chéile.

8 An sin chuir mi fios d'a ionnsuidh, ag ràdh, Cha d'rinneadh nithe sam bith mar a ta thu 'g ràdh, ach is ann as do chridhe féin a tha thu 'gan dealbh.

9 Oir bha iad uile a' cur eagail oirnn, ag ràdh, Anmhuinnachear an làmhan o'n obair, agus cha deanar i: ach a nis neartaich mise⁴ mo làmhan.

10 An sin chaidh mi steach do thigh Shemaiah, mhic Dhelaiah, mhic Mhehetabeil, agus e air a dhruideadh suas; agus thubhairt e, Coinnicheamaid a chéile ann an tigh Dhé, ann am meadhan an teampuill, agus dùineamaid dorsan an teampuill, oir thig iad g'ad mharbhadh, eadhon anns an oidhche thig iad g'ad mharbhadh.

11 Agus thubhairt mi, An teich duine mar a ta mise? agus cò mar a ta mise a rachadh a steach do'n teampull, a chum gu maireadh e beò? Cha téid mi steach.

12 Agus, feuch, dh'aithnich mi nach do chuir Dia uaith e, ach gu'n do labhair e an fhàidhcadairachd so a'm' aghaidh: oir thug Tobiah agus Sanbalat duais dha.

13 Air an aobhar so thugadh duais dha chum gu'm biodh eagal ormsa, agus gu'n deanainn mar so, agus gu'm peacaichinn, agus gu'm biodh fàth droch sgeoil aca, chum gu maslaicheadh iad mi.

14 Cuimhnich thusa, mo Dhia, air Tobiah agus Sanbalat a réir an oibre sin, agus mar an ceudna air a' bhan-fhàidh Noadiah, agus a' chuid eile do na fàidhibh leis am b' àill eagal a chur orm.

15 Ach chrìochnaich eadh am balla air a' chùigeadh là fichead do'n mhìos Elul, ann an dà là dheug agus dà fhichead.

16 Agus an uair a chual' ar naimhdean uile e, agus a chunnaic na cinnich uile a bha mu'n cuairt duinn e, thilgeadh gu mòr sìos iad 'nan sùilbhe féin; oir dh'aithnich iad gu'm b'ann le'r Dia-ne a rinneadh an obair so.

17 Os bàrr, anns na làithibh sin chuir àrd uaislean Iudah mòran litrichean gu Tobiah, agus thàinig litriche Thobiah d'an ionnsuidh-san:

18 Oir bha mòran ann an Iudah air toirt am mìonnan da, a chiom gu'm bu chliamhuin e do Shechaniah mac Arah; agus gu'n do ghabh Iohanan a mhac nighean Mhesulaim, mhic Bherechiah, 'na mnaoi.

19 Mar an ceudna dh'aithris iad a dheadh bhuadhanna⁵ a'm' fhianuis, agus dh'innis iad mo bhriathra-sa dha. Agus chuir Tobiah litriche uaith e gu cagal a chur orm.

CAIB. VII.

1 Thug Nehemiah àithne d'a bhràthair agus do uachdaran na lùchairt a thaobh Ierusalem.

5 Fhuaradh teabhar ginealaich na muinntir a phill gu h-Ierusalem. 8 Aircaim an t-sluaigh, 39 nan

¹ seòrsa. ² ann an aon do na baillibh beaga.

³ Gasmu. Faic r. I.

⁴ a nis uime sin neartaich, a Dhé.

⁵ ghnìomhara.

sagart, 43 nan Lebhithiach, 46 agus nan Netin-each, &c. 70 Na tabhartais a thugadh seachad.

ANIS an uair a thogadh am balla, agus a chuir mi suas na comhlachan, agus a dh'orduicheadh na dorsairean, agus an luchd-seinn, agus na Lebhithich,

2 Thug mi àithne do m' bhràthair Hanani, agus Hananiah uachdaran na luch-airt, a thaobh Ierusalem; (oir *bha* e 'na dhuine fhrinneach, agus eagal Dé air os ceam mhòrain;)

3 Agus thubhairt mi riu, Na fosgailear geatacha Ierusalem gus am fàs a' ghrian teth: agus ag seasamh doibh fathast aig làimh, druicheadh iad na comhlachan, agus erannadh iad *iad*: agus shuidhich mi¹ freiceadain do luchd-àiteachaidh Ierusalem, gach aon 'na fheiceadan, agus gach aon fa chomhair a thighe féin.

4 A nis *bha* 'm baile farsaing agus mòr: ach *bha* 'n sluagh tearc ann, agus cha *robh* na tighean air an togail.

5 Agus chuir mo Dhia ann am ehridhe gu'n cruinnichinn ri chéile na h-àrd uaislean, agus na riaghlairean, agus an sluagh, gu bhi air an àireamh a réir an ginealach: agus fhuair mi leabhar ginealach² na muinntir a thàinig a nòs an toiseach, agus fhuair mi sgrioblta ann,

6 *Is* iad so clann na mòr-roinne, a chaidh suas do na braighdibh, dhiubhsan a thugadh air falbh, a thug Nebuchadnesar rìgh Bhabiloìn air falbh leis, agus a phill gu h-Ierusalem agus gu Iudah, gach fear d'a bhaile féin;

7 A thàinig maille ri Serubabel, Iesua, Nehemiah, Asariah, Raamiah, Nahamani, Mordecai, Bilsan³, Misperet, Bigbhai, Nehum, Baanah.

AIREAMH DHAOINE SLUAIGH ISRAEL.

8 Mic Pharois, dà mhìle ceud tri fichead agus a dhà-dheug.

9 Mic Shephathiah, tri cheud tri fichead agus a dhà-dheug.

10 Mic Arah, sè ceud dà fhichead agus a dhà-dheug.

11 Mic Phahat-mhoaib, do chloinn Iesua agus Ioaib, dà mhìle ochd ceud agus ochd-deug.

12 Mic Elaim, mìle dà cheud leth-cheud agus a ceithir.

13 Mic Shatu, ochd ceud dà fhichead agus a cùig.

14 Mic Shacai, seachd ceud agus tri fichead.

15 Mic Bhinui, sè ceud dà fhichead agus a h-ochd.

16 Mic Bhebai, sè ceud fichead agus a h-ochd.

17 Mic Asgaid, dà mhìle tri cheud fichead agus a dhà.

18 Mic Adoniceaim, sè ceud tri fichead agus a seachd.

19 Mic Bhigbhai, dà mhìle tri fichead agus a seachd.

20 Mic Adin, sè ceud leth-cheud agus a cùig.

21 Mic Ateir o Heseciah, ceithir fichead agus ochd-deug.

22 Mic Hasuim, tri cheud fichead agus a h-ochd.

23 Mic Bhesai, tri cheud fichead agus a ceithir.

24 Mic Hariph, ceud agus a dhà-dheug.

25 Mic Ghibeoin, ceithir fichead agus cùig-deug.

26 Fir Bhet-leheim agus Netophah, ceud ceithir fichead agus a h-ochd.

27 Fir Anatoit, ceud fichead agus a h-ochd.

28 Fir Bhet-asmabheit, dà fhichead agus a dhà.

29 Fir Chiriat-iearim, Chephirah, agus Bhceeroit, seachd ceud dà fhichead agus a tri.

30 Fir Ramah agus Ghaba, sè ceud fichead agus a h-aon.

31 Fir Mhichmais, ceud agus fichead agus a dhà.

32 Fir Bhet-eil agus Ai, ceud fichead agus a tri.

33 Fir Nebo-air⁴, leth-cheud agus a dhà.

34 Mic Elaim-air⁵, mìle dà cheud leth-cheud agus a ceithir.

35 Mic Harim, tri cheud agus fichead.

36 Mic Iericho, tri cheud dà fhichead agus a cùig.

37 Mic Loid, Hadid agus Ono, seachd ceud fichead agus a h-aon.

38 Mic Shenaah, tri mìle naoi ceud agus deich thar fhichead.

39 Na sagairt: Mic Iedaiah, do thigh Iesua, naoi ceud tri fichead agus tri-deug.

40 Mic Imeir, mìle leth-cheud agus a dhà.

41 Mic Phasuir, mìle dà cheud dà fhichead agus a seachd.

42 Mic Harim, mìle agus seachd-deug.

43 Na Lebhithich: Mic Iesua agus⁶ Chadmeil, do chloinn Hodebhah, tri fichead agus ceithir-deug.

44 An luchd-seinn: Mic Asaiph, ceud dà fhichead agus a h-ochd.

45 Na dorsairean: Mic Shaluum, mic Ateir, mic Thalmoin, mic Aeuib, mic Hattai, mic Shobai, ceud agus ochd-deug thar fhichead.

46 Na Netinich: Mic Shiha, mic Hasupha, Mic Thabaoit,

47 Mic Cherois, mic Shia, mic Phadoin,

48 Mic Lebana, mic Hagaba, mic Shalmai,

¹ suidhich thusa.

² sloinntaireachd.

³ Faic Esra, Caib. II.

⁵ Elaim-cile.

⁴ Nebo-cile.

⁶ Esra, Caib. II. r. 40.

49 Mic Hanain, mic Ghideil, mic Gha-
hair,
50 Mic Reaiah, mic Resin, mic Necoda,
51 Mic Ghadsaim, mic Udsa, mic Phas-
eah,
52 Mic Bheaila, mic Mheunim, mic Ne-
phisesim,
53 Mic Bhacbuic, mic Hacupha, mic
Harhuir,
54 Mic Bhaslit, mic Mhelida, mic Harsa,
55 Mic Bharcois, mic Shisera, mic Tha-
mah,
56 Mic Nesiah, mic Hatipha.
57 Mic sheirbhiseach Sholaimh: mic
Shotai, mic Shophereit, mic Plerida,
58 Mic Iaala, mic Dharcoin, mic Ghid-
eil,
59 Mic Shephathiah, mic Hatil, mic Pho-
cherit o Shebaim, mic Amoin:
60 Na Netinich uile, agus clann sheirbh-
iseach Sholaimh, tri cheud ceithir fichead
agus a dhà-dheug.
61 Agus so iadsan a chaidh suas o Thel-
nelah, Telharsa, Cherub, Adon agus
Imer: ach cha b'urrainn iad tigh an athar
a nochdadh agus an sliochd, am b'ann do
Israel iad.
62 Mic Dhelaiah, mic Thobiah, mic Ne-
coda, sè ceud dà fhichead agus a dhà.
63 Agus do na sagartaibh: mic Habaiah,
mic Chois, mic Bharsillai, a' ghabh bean
do nigheanaibh Bharsillai a' Ghileadaich,
agus a ghoireadh air an ainm.
64 Dh'iarr iadsan an clàr-sgrìobhaidh
'nam measg-san a bha air an àireamh a
réir an ginealach, ach cha d'fhuaradh e:
uime sin ghearradh as o'n t-sagartachd
iad.¹
65 Agus thubhairt an Tirsata riu, nach
feudadh iad itheadh do na nithibh ro
naomha, gus an seasadh sagart suas le
Urim agus Tumim.
66 An coimhthional uile cuideachd, dà
fhichead agus dà mhìle tri cheud agus tri
fichead;
67 A thuilleadh air an òglaich agus am
banoglaich, d'an robh ann seachd mìle tri
cheud agus seachd-deug thar fhichead,
agus dhiubhsan dà cheud agus dà fhich-
ead agus a cuig 'nam fearaibh agus 'nam
mnaibh-seinn.
68 An eich, seachd ceud agus sè deug
thar fhichead: am muileidean, dà cheud
dà fhichead agus a cuig:
69 [An] càmhail, ceithir cheud agus
cuig-deug thar fhichead: [an] asail, sè
mìle seachd ceud agus fichead.
70 Agus thug cuid do chinn nan aith-
riche seachad air son na h-oibre. Thug
an Tirsata seachad do'n ionmhas, mìle
darcon òir, leth-cheud cuach, cuig ceud
agus deich thar fhichead culaidh sagairt.

71 Agus thug cuid do chinn nan aith-
riche seachad do ionmhas na h-oibre,
fichead mìle darcon òir, agus dà mhìle
agus dà cheud pund airgid.
72 Agus so na thug a' cluid eile do'n
t-sluagh: fichead mìle darcon òir, agus
dà mhìle pund airgid, agus tri fichead
agus seachd culaidh sagairt.
73 Agus ghabh na sagairt, agus na
Lebhithich, agus na dorsairean, agus an
luchd-seinn, agus cuid do'n t-sluagh, agus
na Netinich, agus Israel uile, còmhnuidh
'nam bailtibh; agus an uair a thàinig an
seachdamh mìos, bha clann Israeil 'nam
bailtibh.

CAIB. VIII.

1 Leugh Esra leabhar an lagha an éisdeachd a'
choimhthionail. 9 Shìochaintich na Lebhithich an
sluagh. 15 Chum iad feill nam pàillium.

A GUS chruinnich an sluagh uile an
ceann a chéile mar aon duine do'n
t-sràid a tha fa chomhair geata an uisge;
agus dh'iarr iad air² Esra an sgrìobhaiche
e thoirt a làthair leabhair lagha Mhaois,
a dh'àithn an Tighearna do Israel.

2 Agus thug Esra au sagart an lagh an
làthair a' choimhthionail, araon fhear agus
bhan, agus gach uile a thuigeadh 'nuair
a chluinneadh iad e, air a' cheud là do'n
t-seachdamh mìos.

3 Agus leugh e ann fa chomhair na
sràide a tha fa chomhair geata an uisge,
o mhaduinn gu meadhon-là, an làthair
nam fear agus nam ban, agus na muinntir
a thuigeadh; agus bha cluasan an t-sluaigh
uile ri leabhar an lagha.

4 Agus sheas Esra an sgrìobhaiche air
crannaig fhiodha, a rinn iad air son a'
ghnothuch, agus làimh ris sheas Matia-
hah, agus Sema, agus Anaiah, agus Uria-
hah, agus Hilciah, agus Maaseiah, air a làimh
dheis; agus air a làimh chli Pedaiah,
agus Misael, agus Malchia, agus Hasum,
agus Hasbadana, Sechariah [agus] Me-
sulam.

5 Agus dh'fhosgail Esra an leabhar ann
an sealladh an t-sluaigh uile, oir bha e os
ceann an t-sluaigh uile; agus an uair a
dh'fhosgail se e, sheas an sluagh uile.

6 Agus bheannaich Esra an Tighearn,
an Dia mòr: agus fhreagair an sluagh
uile, Amen, Amen, a' togail suas an làmh.
Agus chrom iad an cinn, agus rinn iad
aoradh do'n Tighearn le 'n aghaidhibh ris
an talamh.

7 Mar an ceudna thug Iesua, agus Bani,
agus Serebiah, Iamin, Acub, Sabetai,
Hodiah, Maaseiah, Celita, Asariah. Iosa-
bad, Hanan, Pelaiah, agus na Lebhithich,
air an t-sluagh an lagh a thuigsinn: agus
sheas an sluagh 'nan àit.

8 Agus leugh iad ann an leabhar lagha

¹ Faic Esra, Caib. II. r. 62.

² thubhairt iad ri. Eabh.

Dhé gu soilleir, agus thug iad an seadh seachad¹; agus thuig iadsan an uair a leughadh.

9 Agus thubhairt Nehemiah, neach a's e an Tirsata, agus Esra an sagart an sgrìobhaiche, agus na Lebhithich a theagaisg an sluagh, ris an t-sluagh uile, *Tha* n là so naomh do'n Tighearna bhur Dia; na deanaibh caoidh no gul: oir ghuil an sluagh uile, 'nuair a chual' iad briathran an lagha.

10 An sin thubhairt e riu, Imichibh, ithibh *nithe* reamhra, agus òlaibh *nithe* milse, agus cuiribh cuibhrionna d'an ionnsuidh-san do nach d'ulluicheadh ni air bith; oir *tha* n là so naomh d'ar Tighearn: agus na bithibh ri bròn, oir *is* e gairdeachas an Tighearna bhur neart.

11 Agus chiùinich² na Lebhithich an sluagh uile ag ràdh, Bithibh 'nur tosd, oir *a ta* 'n là naomh, agus na bithibh ri bròn.

12 Agus dh'imich an sluagh uile a dh'ith-eadh agus a dh'òl, agus a chur chuibhrionn uatha, agus a dheanamh aoibhneis mhòir, a chionn gu'n do thuig iad na briathran a chuir iad an céill doibh.

13 Agus air an dara là chruinnicheadh cuideachd cinn aithriche an t-sluaigh uile, na sagairt agus na Lebhithich gu h-Esra an sgrìobhaiche, chum gu'n tuigeadh iad briathran an lagha.

14 Agus fhuair iad sgrìobhta anns an lagh a dh'èithn an Tighearn le làimh Mhaois, gu'n gabhadh clann Israeil còmh-nuidh ann am pàillionaibh³ air an fhéill air an t-seachdamh mìos.

15 Agus an uair a chual' iad so, thug iad gairm⁴ nam bailtibh uile, agus ann an Ierusalem, ag ràdh, Rachaibh a mach do'n t-sliabh, agus thugaibh leibh geuga⁵ chrann-olaidh, agus geuga giuthais, agus geuga miorail, agus geuga pailme, agus geuga chraobh tiugh, a dheanamh phàill-iun, mar *a ta e* sgrìobhta.

16 Agus chaidh an sluagh a mach, agus thug iad leo *iad*, agus rinn iad dhoibh féin pàilliona, gach fear air mullach a thighe, agus 'nan cùirtibh, agus ann an cùirtibh tighe Dhé, agus ann an sràid geata an uisge, agus ann an sràid geata Ephraim.

17 Agus rinn uile choimhthional na muinntir a thàinig air an ais o'n bhraighdeanas pàilliona, agus shuidh iad fuidh na pàillionaibh: oir o làithibh Iosua⁶ mhic Nuin, gu ruig an là sin, cha d'rinn clann Israeil mar sin; agus bha gairdeachas ro mhòr ann.

18 Agus leugh e ann an leabhar lagha

Dhé là'n déigh là, o'n cheud là gu ruig an là mu dheireadh: agus chum iad an fhéill seachd làithean, agus air an ochdamh là àrd-choimhthional a réir a' ghnàthla.

CAIB. IX.

1 *Dh'aicidh sluagh Israeil am peacanna féin, agus euceartan an aithriche.* 4 *Labhair na Lebhithich air maitheas agus truacantas Dhé d'a shluagh Israeil.*

A GUS air a' cheathramh là fichead do'n mhìos so chruinnicheadh clann Israeil ann an trasgadh, agus ann an saic-eudach, agus ùir orra.

2 Agus dhealaich siol Israeil iad féin o uile chloinn choigreach, agus sheas iad, agus dh'aicidh iad am peacanna, agus euceartan an aithriche.

3 Agus dh'éirich iad 'nan àit, agus leugh iad ann an leabhar lagha an Tighearn an Déan ceathramh cuid do'n là; agus ceathramh eile dh'aicidh iad, agus rinn iad aoradh do'n Tighearn an Dia.

4 An sin dh'éirich air cheumaibh nan Lebhithich, Iesua, agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth àrd ris an Tighearn an Dia.

5 Agus thubhairt na Lebhithich, Iesua agus Cadmiel, Bani, Hasabiah, Serebiah, Hodiah, Sebaniah, agus Petahiah, Eiribh, beannaichibh an Tighearna bhur Dia gu saoghal nan saoghal: agus beannaichte gu robh t'ainm glòrmhor-sa, a ta air 'àrd-achadh os ceann gach beannachaidh agus cliù.

6 Is tusa, *is* tusa a'd' aonar an Tighearn: rinn thu na nèamha, nèamha nan nèamh agus an slòigh uile, an talamh agus gach *ni a ta* air, na cuanta agus gach *ni a ta* anna, agus *tha* thu 'gan cumail suas⁷ uile; agus *a ta* slòigh nan nèamh a' deanamh aoraidh dhuit.

7 *Is* tu féin an Tighearn an Dia, a thagh Abram, agus a thug a mach e á h-Ur nan Caldeanach, agus a thug Abraham mar ainm air.

8 Agus fhuair thu a chridhe ffrinneach a'd' fhianuis, agus rinn thu coimhcheangal ris, gu'n tugadh tu tìr nan Canaanach, nan Hiteach, nan Amorach, agus nam Peridsach, agus nan Iebusach, agus nan Gargasach, gu'n tugadh tu so d'a shliochd: agus choimhilion thu do bhriathran, oir *tha* thu ceart:

9 Agus chunnaic thu àmhghar ar n-aithriche anns an Eiphit, agus chuala tu an glaadh aig a' mhuir ruaidh:

10 Agus nochd thu comharan agus iongantais air Pharaoh, agus air a sheirbhisich uile, agus air uile shluagh a thighe.

¹ dh'innis iad ciod bu chiall da.

² shìochaintich. ³ bùthaibh.

⁴ agus gu'n cuireadh iad an céill, agus gu'n tug-

adh iad gairm.

⁵ duilleach. Eabh.

⁷ a' tìr beatha dhoibh.

⁵ geugan le'n duilleach;

⁶ Iesua.

oir bha fios agad gu'n d'rinnu iad gu h-uabhrach 'nan aghaidh: agus fhuaire thu dhuit féin ainm, mar air an là 'n diugh.

11 Agus roinn thu a' mhuir rompa, agus claidh iad troimh mheadhlon na mara air talamh tioram; agus an luchd-tòrachd thilg thu anns an doimhne, mar chloich anns na h-uisgeachaibh làidir.

12 Agus le meall¹ neoil thrèoraich thu ad san là; agus le meall teine san oidhche, a shoillscachadh dhoibh-na slighe air an imicheadh iad.

13 Agus thàinig thu nuas air sliabh Shinai, agus labhair thu riu o nèamh, agus thug thu dhoibh breitheanaid chearta, agus laghanna fìrinn, reachdan agus àitheanta maith.

14 Agus do shàbaid naomh dh'fhoillsich thu dhoibh; agus àitheantan, agus reachdan, agus lagh, dh'àithn thu dhoibh le làimh Mhaois t'òglaich:

15 Agus aran o nèamh thug thu dhoibh 'nan ocras², agus uisge as a' charraig thug thu mach dhoibh 'nan tart: agus thubhairt thu riu³ dol a steach a shealbhadh an fhearainn a mhionnaich thu⁴ gu'n tugadh tu dhoibh.

16 Ach rinn iad féin agus ar n-aithriche gu h-uabhrach, agus chruaidhich iad am muineal, agus cha d'éisd iad ri t'àitheantaibh,

17 Agus dhiùlt iad eisdeachd, agus cha do chuimhnich iad t'iongantasan a rinn thu 'nam measg; ach chruaidhich iad am muineal, agus dh'orduich iad ceannard, chum pilltinn d'an daorsa san Eiphit⁵: ach is Dia thusa a tha ealamh gu maith-eanas a thoirt seachad, grasmhor agus tròcaireach, mall a chum feirge, agus pailt ann an truacantas⁶, agus cha do thréig thu iad.

18 Eadhon an uair a rinn iad dhoibh féin laogh leaghta, agus a thubhairt iad, So do dhia a thug a nios thusa an Eiphit, agus a dh'oibrich iad mòran brosnachaidh;

19 Gidheadh a'd' thruacantas mòr cha do thréig thu iad san fhàsach: cha do dhcalaich am meall neoil riu san là, gu'n trèorachadh air an t-slighe; no am meall teine san oidhche, a shoillscachadh na slighe dhoibh air an imicheadh iad.

20 Agus do spiorad maith thug thu seachad gu'n teagasg, agus do mhana cha do chum thu o'm beul, agus uisge thug thu dhoibh 'nan tart.

21 Eadhon dà fhichead bliadhna bheathaich thu iad san fhàsach: cha robh dìth orra: cha d'fhàs an eudach sean, agus cha d'at an cosan.

22 Agus thug thu dhoibh rìoghachdan

agus slòigh, agus roinn thu iad ann an cearnaibh; agus shealbhaich iad tìr Shihoin, agus tìr rìgh Hesboin, agus tìr Og rìgh Bhasain.

23 Agus rinn thu an clann lìonmhor mar reulta nan nèamh, agus thug thu iad do'n tìr mu'n dubhairt thu r'an aithrichibh, gu'n rachadh iad a steach g'a sealbhachadh.

24 Agus chaidh an clann a steach, agus shealbhaich iad an tìr, agus chiosnaich thu rompa luchd-àiteachaidh na tìre, na Canaanaich, agus thug thu thairis 'nan làimh iad féin agus an rìghrean, agus sluagh na tìre, a dheanamh riu mar bu mhianu leo.

25 Agus ghlac iad bailte daingnichte⁷, agus talamh reamhar, agus shealbhaich iad tighean làn do gach ni maith, tobraiche cladhaichte, fion-liosan agus liosan-olaidh, agus craobhan meas ann am pailteas: agus dh'ith iad, agus shàsuicheadh iad, agus dh'fhàs iad reamhar, agus bhia toil-inntinn aca ann ad mhòr mhaith-eas-sa.

26 Gidheadh, bha iad eas-umhal, agus rinn iad ceannaire a'd' aghaidh, agus thilg iad do lagh air an cùlaobh, agus inharbh iad t'fhàidhean a thug fianuis 'nan aghaidh, chum am pilltinn a d'ionnsuidh; agus dh'oibrich iad mòran brosnachaidh.

27 Air an aobhar sin thug thu thairis iad do làimh an naimhdean, a shàraich iad: agus ann an àm an airce ghlaodh iad riut, agus o na nèamhaibh chuala tu, agus a'd' mhòr-thròcair thug thu dhoibh luchd-saoraidh, a shaor iad à làimh an naimhdean.

28 Ach an uair a bha fois aca, rinn iad olc a rìs a'd' fhianuis; uime sin dh'fhàg thu iad ann an làimh an naimhdean, agus bha uachdaranachd aca orra. Gidheadh, an uair a phill iad agus a ghlaodh iad riut, chuala tu o na nèamhaibh, agus shaor thu iad a'd' mhòr-thròcair iomadh uair:

29 Agus thug thu fianuis 'nan aghaidh, chum an toirt air an ais a dh'ionnsuidh do lagha: gidheadh, rinu iadsan gu h-uabhrach, agus cha d'éisd iad ri t'àitheantaibh, ach pheacaich iad an aghaidh do bhreitheanasa, nìthe ma ni duine, bithidh c beò anna; agus tharruing iad air falbh an gualainn, agus chruaidhich iad am muineal, agus cha 'n éisdeadh iad.

30 Agus ghiùlain thu leo rè iomadh bliadhna, agus rinu thu fianuis 'nan aghaidh le d' spiorad le làimh t'fhàidhean: ach cha 'n éisdeadh iad, agus thug thu thairis iad do làimh shluagh nan tìr.

¹ tìrribh, stuaidh, stac; pillar. Sasg.

² air son an ocras. ³ dh'àithn thu dhoibh.

⁴ a thog thu suas do làmh. Eabh. ⁵ 'nan ceannaire.

⁶ caomhneas.

⁷ làidir

31 Gidheadh ann ad mhòr thròcair cha do chuir thu as doibh gu tur, agus cha do thréig thu iad; oir *is* Dia gràs-mhor agus tròcaireach thusa.

32 A nis ma ta, O ar Dia-ne, a Dhé mhòir, chumhachdaich, agus uamhasaich¹, a chumas coimhcheangal agus tròcair, na measar beag a' d'fhianuis an sàrachadh so uile a thàinig oirnn, air ar rìghribh, air ar n-uachdaranaibh, agus air ar sagartaibh, agus air ar fàidhibh, agus air ar n-aithrichibh, agus air do shluagh uile, o làithibh rìghrean Asiria gu ruig an là'n diugh.

33 Ach *a ta* thusa cothromach anns gach nì a thàinig oirnn; oir rinn thusa gu fìr-inneach, ach rinn sinne gu h-aingidh.

34 Cha do ghléidh ar rìghrean, ar n-uachdarain, ar sagairt, no ar n-aithriche do laghsa, agus cha d'éisd iad ri d'àitheantaibh, agus ri d'heistean leis an d'thug thu teistean 'nan aghaidh:

35 Oir cha do rinn iad seirbhis dhuit 'nan rìoghachd², agus anns a' mhòr mhaith a thug thu dhoibh, agus anns an fhearann fharsaing agus reamhar a chuir thu fa'n comhair; agus cha do phill iad o'n droch oibribh.

36 Feuch, *is* seirbhisich sinn an diugh, agus am fearann a thug thu d'ar n-aithrichibh a dh'itheadh a thoraidh agus a mhaith, feuch, *is* seirbhisich sinn ann.

37 Agus *is* mòr a thoradh do na rìghribh a chuir thu os ar ceann air son ar peacanna; agus *a ta* uachdaranachd aca os ceann ar corpa, agus os ceann ar spréidhe, a réir an toile, agus tha sinn ann an àmhghar mòr.

38 Agus air son so uile nì sinn coimhcheangal cinnteach, agus sgrìobhaidh sinn *e*; agus cuiridh ar n-uachdarain, ar Lebhithich, agus ar sagairt an seula air.

CAIB. X.

1 *Ainmean an t-sluaigh a chuir an seula air a' choimhcheangal.* 28 *Chuidh a' chuid eile do'n t-sluagh fo mhionnaibh gluasad ann an lagh Dhé.*

AGUS so iadsan a chuir an seula air: Nehemiah an Tirsata, mac Hachaliah, agus Sedeciah,

2 Seraiah, Asariah, Jeremiah,

3 Pasur, Amariah, Malchiah,

4 Hatus, Sebaniah, Maluch,

5 Harim, Meremot, Obadiah,

6 Daniel, Gineton, Baruch,

7 Mesulam, Abiah, Miamin,

8 Maasiah, Bilgai, Semaiah: b'iad sin na sagairt.

9 Agus na Lebhithich; Iesuah mac Asaniah, Binui do mhacaibh Henadaid, Cadmiel;

10 Agus am bràithrean, Sebaniah, Hodiah, Celita, Pelaiah, Hanan,

11 Micha, Rehob, Hasabiah,

12 Sacur, Serebiah, Sebaniah,

13 Hodiah, Bani, Beninu.

14 Cinn an t-sluaigh: Paros, Pata¹ moab, Elam, Satu, Bani,

15 Buni, Asgad, Bebai,

16 Adoniah, Bigbhai, Adin,

17 Ater, Hisciah, Adsar,

18 Hodiah, Hasum, Besai,

19 Hariph, Anatot, Nebai,

20 Magpias, Mesulam, Hesir,

21 Mesesabeel, Sadoc, Iadua,

22 Pelatiah, Hanan, Anaiah,

23 Hosea, Hananiah, Hasub,

24 Halohes, Pileha, Sobec,

25 Rehun, Hasabnah, Maaseiah,

26 Agus Ahiah, Hanan, Anau,

27 Maluch, Harim, Baanah.

28 Agus a' chuid eile do'n t-sluagh, na sagairt, na Lebhithich, na dorsairean, an luchd-scinn, na Netinich, agus iadsan uile a dhealaich iad féin o shluagh nan tìr a chum lagha Dhé, am mnà, am mic, agus an nigheana, gach aon aig an robh eòlas agus tuigse;

29 Dh'lùth-lean iad r'am bràithribh, an àrd-uaislean, agus chaidh iad fo mhallachadh, agus fo mhionnaibh, gluasad ann an lagh Dhé, a thugadh seachad le làimh Mhaois òglaich Dhé, agus a choimhead agus a dheanamh uile àitheantan Iehobhah ar Tighearn, agus a bhreitheanas, agus a reachdan:

30 Agus nach toir sinn ar nigheana do shluagh na tìre, agus nach gabh sinn an nigheana-san d'ar macaibh:

31 Agus na bheir sluagh na tìre leo bathar, no biadh air bith air là na sàbaid, g'a reiceadh, nach ceannaich sinn e uatha air an t-sàbaid no air là naomh: agus gu'n leig sinn leis an t-seachdamh bliadhna, agus le togail nam fiach uile.

32 Mar an ceudna rinn sinn reachdan dhuinn féin, an treas cuid do shechel a chur a dh'fhiachaibh oirnn féin gach bliadhna, air son seirbhis tighe ar Dé;

33 Air son an arain thaisbeanta, agus air son an tabhartais-blùdh ghnàthaichte, agus air son ìobairt-loisgte ghnàthaichte nan sàbaid agus nan gealach nomha, air son nam féill suidhichte, agus air son nan *nìthe* naomha, agus air son nan ìobairt-pheacaidh, a dheanamh réite air son Israeil, agus *air son* uile oibre tighe ar Dé.

34 Agus thilg sinn croinn, na sagairt, na Lebhithich, agus an sluagh mu'n tabhartas-fhiodha, chum *a* thabhairt gu tigh ar Dé, a réir tighe ar n-aithriche, air àm-annaibh suidhichte, o bhliadhna gu bliadhna, a losgadh air altair an Tighearn ar Dé, mar *a ta e* sgrìobhta anns an lagh:

¹ eagalaich.

² a' d'rìoghachd.

35 Agus a thabhairt ceud-thoraidh ar fearainn, agus ceud-thoraidh uile mheas gach uile clraoibh, o bhliadhna gu bliadhna, gu tigh an Tighearn:

36 Agus a thabhairt ceud-ghin. ar mac, agus ar n-ainmhidhean, mar *a ta e* sgrìobhta anns an lagh, agus ceud-ghin ar cruidh agus ar caorach, gu tigh ar Dé, dh'ionnsuidh nan sagart a fhrithcheilais ann an tigh ar Dé:

37 Agus gu'n tugamaid ceud-thoradh ar taoise, agus ar tabhartasan, agus meas gach gnè craoibhe, fìona agus olaidh, dh'ionnsuidh nan sagart, gu seòmraichibh tìghe ar Dé; agus deachamh ar fearainn do na Lebhithich, air chor a's gu faigh-eadh na Lebhithich sin an deachamh ann an uile bhaitibh ar treabhachais.

38 Agus bithidh an sagart mac Aaron maille ris na Lebhithich, an uair a thogas na Lebhithich an deachamh: agus bheir na Lebhithich suas leo deachamh an deachaimh gu tigh ar Dé, a steach do na seòmraichibh, do thigh an ionmhais:

39 Oir bheir clann Israeil, agus clann Lebhì leo tabhartas an arbhair, an fhìona nuaidh, agus na h-olaidh¹, steach do na seòmraichibh, far *am bheil* soithichean an ionaid naomh, agus na sagairt, [agus] an luchd-frithealaidh, agus na dorsairean, agus an luchd-scinn. Agus clia tréig sinne tigh ar Dé.

CAIB. XI.

1 *Chòmhnuich uachdarain an t-sluaigh, agus na daoine a thairg iad féin gu toileach, ann an Ierusalem: 20 Ghabh a' chuid eile do'n t-sluagh còmhnuidh gach duine 'na sheilbh féin.*

Agus chòmhnuich uachdarain an t-sluaigh ann an Ierusalem; agus thilg a' chuid eile do'n t-sluagh croinn, a thoirt aoin as an deichnear a ghabhail còmhnuidh ann an Ierusalem ann baile naomh, agus *gu'm biodh* naoi earrannan anns na bailtibh eile.

2 Agus bheannaich an sluagh na daoine uile, a thairg iad féin gu toileach gu còmhnuidh ghabhail ann an Ierusalem.

3 Agus *is* iad so cinn na mòr-roinne, a chòmhnuich ann an Ierusalem, agus ann am bailtibh Iudah: ghabh gach aon còmhnuidh 'na sheilbh féin, 'nam bailtibh, na h-Israelich, na sagairt, agus na Lebhithich, agus ua Netinich, agus mic sheirbhisich Sholaimh.

4 Agus chòmhnuich ann an Ierusalem do chloinn Iudah, agus do chloinn Bheniamin: do chloinn Iudah: Ataiah mac Udsiah, mhic Shechariah, mhic Amariah, mhic Shephatiah, mhic Mahalaleil, do chloinn Phereis:

5 Agus Maaseiah mac Bharuich, mhic

Cholhoseh, mhic Hasaiah, mhic Adaiah, mhic Ioairib, mhic Shechariah, mhic Shiloni.

6 Mic Phereis uile a chòmhnuich ann an Ierusalem, ceithir cheud trì fichead agus ochd fir threuna.

7 Agus *is* iad so mic Bheniamin; Salu mac Mhesulaim, mhic Ioeid, mhic Phe-daiah, mhic Cholaiah, mhic Mhaaseiah, mhic Itiel, mhic Iesaiah.

8 Agus 'na dhéigh-san Gabai, Salai, naoi ceud fichead agus a h-ochd.

9 Agus Ioel mac Shichri 'na fhear-amhairc thairis orra; agus Iudah mac Shenuah an dara *fear* os ceann a' bhaile.

10 Do na sagartaibh: Iedaiah, Ioairib², Iachin,

11 Seraiah mac Hilciah, mhic Mhesulaim, mhic Shadoic, mhic Mheraioit, mhic Ahituib, riaghlair tìghe Dhé.

12 Agus am bràithrean a rinn obair an tìghe, ochd ceud fichead agus a dhà: agus Adaiah mac Ierohaim, mhic Phelaliah, mhic Amsi, mhic Shechariah, mhic Phasuir, mhic Mhalchiah;

13 Agus a bhràithre, cinn nan aithriche dà cheud dà fhichead agus a dhà: agus Amasai mac Asareel, mhic Ahasai, mhic Mhesilemoit, mhic Imeir.

14 Agus am bràithrean, fir chomasach ghaisgeil, ceud fichead agus a h-ochd: agus 'na fhear-amhairc thairis orra Sabdiel, mac *aoin* do na daoineibh mòra³.

15 Agus do na Lebhithich: Semaiah mac Hasuib, mhic Asricaim, mhic Hasabiah, mhic Bluni;

16 Agus Sabetai, agus Iosabad, do cheannaibh nan Lebhithich, os ceann oibre tìghe Dhé o'n leth muigh.

17 Agus Mataniah mac Mhicha, mhic Shabdi, mhic Asaiph, an ceud fhear a thòisicheadh air buidheachas a thoirt⁴ ann an urnuigh; agus Bacbuciah, an dara *fear* am measg a bhràithre, agus Abda mac Shamua, mhic Ghalail, mhic Iedu-tuin.

18 Na Lebhithich uile anns a' bhaile naomh, dà cheud ceithir fichead agus a ceithir.

19 Agus na dorsairean, Acub, Talmon, agus am bràithrean a bha ri faire aig na geataibh, ceud trì fichead agus a dhà dheug.

20 Agus *bha* chuid eile do Israel, na sagairt, agus na Lebhithich, ann an uile bhailtibh Iudah, gach fear 'na sheilbh féin.

21 Ach ghabh na Netinich còmhnuidh ann an Ophel; agus *bha* Siha agus Gispas os ceann nan Netineach.

22 Agus *b'e* fear-amhairc thairis nan

¹ an olaidh. ² Iedaiah mac Ioairib. Faic I. Eachdr. Caib. IX. r. 10.

³ mac Ghedeloim. ⁴ an ceud fhear gu moladh agus buidheachas a thabhairt.

Lebhitheach ann an Ierusalem Udsi mac Bhani, mhic Hasabiah, mhic Mhatahiah, mhic Mhicah. Do mhacaibh Asaiph, *bha'n* luchd-seinn, fa chomhair¹ oibre tìghe Dhé:

23 Oir *b'i* àithne an rìgh mu'n tìmhchioll, gu'm biodh cuibhriomh araidh air son an luchd-seinn, a dhlighe fèin air gach là.

24 Agus *bha* Petaiah mac Mhesesabeeil, do chloimh Sherah mhic Iudah, aig làimh an rìgh anns gach cùis a thaobh an t-sluaigh.

25 Agus a thaobh nam bailte beaga 'nam fèarann², chòmhnuich *cuid* do mhacaibh Iudah ann an Ciriath-arba agus 'na bhailtibh beaga, agus ann an Dibon agus 'na bhailtibh beaga, agus ann an Iecabseel agus 'na bhailtibh beaga,

26 Agus ann an Iesua, agus ann am Moladah, agus ann am Bet-pelet,

27 Agus ann an Hasar-sual, agus ann am Beer-seba agus 'na bhailtibh beaga,

28 Agus ann an Siclag, agus ann am Meconah agus 'na bhailtibh beaga,

29 Agus ann an En-rimon, agus ann an Sareah, agus ann an Iarmut,

30 Sanoah, Adulam, agus 'nam bailtibh beaga, ann an Lachis agus 'na fhearann, ann an Asecah agus 'na bhailtibh beaga. Agus chòmhnuich iad o Bheer-seba gu ruig gleann Hinoim;

31 Agus mic Bheniamin o Gheba, ann am Michmas, agus Aia, agus Bet-el agus 'na bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim, Nebalat,

35 Lod, agus Ono, gleann an luchd-cèirde.

36 Agus do na Lebhithich *bha* roinnean, ann an Iudah, agus ann am Beniamin.

CAIB. XII.

1 Na sagairt agus na Lebhithich a chaidh suas maille ri Serubabel. 12 Cinn aithriche nan sagart. 27 Coisreagadh balla Ierusalem. 44 Dreuchd nan sagart agus nan Lebhithich a shuidheachadh anns an teampull.

A GUS is iad so na sagairt agus na Lebhithich a chaidh suas maille ri Serubabel mac Shealtieil, agus Iesua: Seraiah, Jeremiah, Esra,

2 Amariah, Maluch, Hatus,

3 Sechaniah, Rehum, Meremot,

4 Ido, Gineto, Abiah,

5 Miamin, Maadiah, Bilgah,

6 Semaiah, agus Ioarib, Iedaiah,

7 Salu, Amoc, Hilciah, Iedaiah: *b'i* iad sin cinn nan sagart agus am bràithrean ann an làithibh Iesua.

8 Agus na Lebhithich: Iesua, Binui, Cadmiel, Serebiah, Iudah, agus Mataniah, *a bha* os ceann nan laoidh-mholaidh³, e fèin agus a bhràithrean;

9 Agus Bacbuciah, agus Uni, agus am bràithrean, *a bha* thall fa'n comhair-san anns na fairibh.

10 Agus ghlin Iesua Ioiacim, agus ghlin Ioiacim Eliasib, agus ghlin Eliasib Ioiada,

11 Agus ghlin Ioiada Ionatan, agus ghlin Ionatan Iadua.

12 Agus ann an làithibh Ioiacim *bha* sagairt, cinn nan aithriche: o Sheraiah, Meraiah: o Jeremiah, Hananiah:

13 O Esra, Mesulam: o Amariah, Iehohanan:

14 O Mhelicu⁴, Ionatan: o Shechaniah⁵, Ioseph:

15 O Harim, Adnah: o Mheraiot, Helcai:

16 O Ido, Sechariah: o Ghineton, Mesulam:

17 O Abiah, Sichri: o Mhiamin⁶,***: o Mhoadiah, Piltai:

18 O Bhilgah, Samua: o Shemaiah, Iehonatan:

19 O Ioarib, Matenai: o Iedaiah, Udsi:

20 O Shalai, Calai: o Amoc, Eber:

21 O Hilciah, Hasabiah: o Iedaiah, Netaneel.

22 Sgrìobhadh sìos na Lebhithich ann an làithibh Eliasib, Ioiada, agus Iehonain, agus Iadua, cinn nan aithriche; agus na sagairt gu ruig rìoghachadh Dharius a' Phersaich.

23 Sgrìobhadh sìos mic Lebhi, cinn nan aithriche, ann an leabhar nan eachdraidh, gu ruig làithean Iohanain mhic Eliasib.

24 Agus cinn nan Lebhithich: Hasabiah, Serebiah, agus Iesua mac Chadmeil, agus am bràithre thall fa'n comhair, a mholadh *agus* a thabhairt buidheachais a réir àithne Dhaibhidh òglaich Dhé, faire fa chomhair faire.

25 Mataniah, agus Bacbuciah, Obadiah, Mesulam, Talmon, Acub, 'nan dorsairibh a' coimhead na faire aig stairsueachaibh⁷ nan geata.

26 Iad sin ann an làithibh Ioiacim mhic Iesua, mhic Iosadaic, agus ann an làithibh Nehemiah an uachdarain, agus Esra an t-sagairt, an sgrìobhaiche.

27 Agus aig coisreagadh balla Ierusalem dh'iarr iad na Lebhithich as an àithibh uile, chum an tabhairt gu h-Ierusalem, a chumail a' choisreagaidh le h-aobhneas, agus le breth-buidheachais, agus le seinn, le ciombalaibh, saltairibh, agus le clàrsaichibh.

¹ os ceann.

² le'n acaibh.

os ceann an tabhairt buidheachais.

⁴ Mhaluch. r. 2.

⁵ Shebaniah.

⁶ Mhiamin.

⁷ sgàth-thigheibh, tighibh-tionail; asupim. Eabh. Faic I. Eachdr. Caib. XXVI. r. 15. 17.

28 Agus chruinnich mic an luchd-seinn an ceann a chéile, araon as an t-ùr réidh mu thimchioll Ierusalem, agus á bailtibh beaga Netophati;

29 Agus á tigh Ghilgail, agus á mach-airibh Gheba agus Asmabheit; oir thog an luchd-seinn bailte beaga dhoibh féin mu thimchioll Ierusalem.

30 Agus ghlan na sagairt agus na Lebhithich iad féin, agus ghlan iad an sluagh, agus na geatachan, agus am balla.

31 An sin thug mi suas uachdarain Iudah air a' bhalla, agus dh'orduich mi dà chuideachd mhòr chum molaidh, agus gu'n imicheadh *aon* a dh'ionnsuidh na làimhe deise air a' bhalla gu geata an aolaich:

32 Agus 'nan déigh-san chaidh Hosaiah, agus leth uachdarana Iudah,

33 Agus Asariah, Esra, agus Mesulam,

34 Iudah, agus Benjamin, agus Semaiah, agus Ieremiah:

35 Agus *cuid* do mhacaibh nan sagart le trompaidibh; Sechariah mac Ionatain, mhic Shemaiah, mhic Mhataniah, mhic Mhichaiiah, mhic Shacuiri, mhic Asaiph;

36 Agus a bhràithre Semaiah, agus Asareel, Milalai, Gilalai, Maai, Netaneel, agus Iudah, agus Hanani, le innealaibh-ciuil Dhaibhidh òglaich Dhé, agus Esra an sgrìobhaiche rompa.

37 Agus aig geata an tobair a bha fa'n comhair, chaidh iad suas air ceumaibh¹ baile Dhaibhidh, aig dol suas a' bhalla, os ceann tighe Dhaibhidh, gu ruig geata an uisge a làimh na h-àirde 'n ear.

38 Agus dh'imich a chuideachd eile a bha chum molaidh thall fa'n comhair, agus mise 'nan déigh, agus leth an t-sluaigh air a' bhalla, o thaobh shuas tùir nan àmhuinn gu ruig am balla leathan;

39 Agus o thaobh shuas geata Ephraim, agus os ceann an t-sean gheata, agus os ceann geata an éisg, agus tùir Hananeeil, agus tùir Mheah, gu ruig geata nan caorach; agus shuas iad ann an geata a' phrìosain².

40 An sin sheas an dà chuideachd a bha chum molaidh ann an tigh Dhé, agus mise agus leth nan riaghlair maille rium:

41 Agus na sagairt, Eliacim, Maaseiah, Miniamin, Michaiiah, Elioenai, Sechariah, Hananiah le trompaidibh;

42 Agus Maaseiah, agus Semaiah, agus Eleasar, agus Udsi, agus Iehohanan, agus Malchiah, agus Elam, agus Eser: agus seinn an luchd-seinn gu h-àrd, agus Iesraiah 'na fhear-amhair thairis orra.

43 Agus dh'ìobair iad air an là sin ìobairtean mòra, agus rinn iad gairdeachas;

oir thug Dia orra gairdeachas a dheanamh le h-aoibhneas mòr: rinn na mnàir mar an ceudna agus a' chlànn gairdeachas, agus chuallas gairdeachas Ierusalem an cèin.

44 Agus shuidhicheadh air an là cheudna daoine os ceann nan seòmar air son uan iomhas, air son nan tabhartas, air son nan ceud thoradh, agus air son nan deachamh, chum gu'n cruinnicheadh iad annta á achannaibh nam bailte cuibhriannan an lagha do na sagairt agus do na Lebhithich: oir *bha* aoibhneas air Iudah air son nan sagart agus air son nan Lebhithich a bha a' feitheamh³.

45 Agus choimhid iad faire an Dé, agus faire a' ghlanaidh, araon an luchd-seinn agus na dorsairean, a réir àithne Dhaibhidh agus Sholaimh a mhuic:

46 Oir ann an làithibh Dhaibhidh agus Asaiph o shean *bha* cinn ann air an luchd-seinn, agus air na laoidhibh molaidh agus buidheachais do Dhia.

47 Agus thug Israel uile seachad ann an làithibh Sherubabeil, agus ann an làithibh Nehemiah, cuibhriannan an luchd-seinn agus nan dorsair, dlìge gach là air a là féin; agus naomhaich iad *nìthe* do na Lebhithich; agus naomhaich na Lebhithich do chloinn Aaroin.

CAIB. XIII.

1 *Air leughadh an lagha dhoibh dhealaicheadh Israel o'n t-sluagh mhcasgta.* 4 *'Nuair a phill Nehemiah thug e fa'near na seòmraichean a ghlanadh.* 10 *Thagair e cùis nan Lebhithich.* 15 *Mu bhriseadh na sàbaid.* 23 *Mu na h-Iudhaich a phòs mnàir choimheach.*

AIR an là sin leughadh ann an leabhair A' Mhaois ann an éisdeachd⁴ an t-sluaigh, agus fhuaradh sgrìobhta ann, nach tìgeadh an t-Amonach agus am Moabach a steach do choimhthional Dhé gu bràth;

2 A chionn nach do choimich iad clann Israeil le h-aran agus le h-uisge, agus gu'n do thuarasdalaich iad Balaam 'nan aghaidh chum am mallachadh: ach thionndaidh ar Dia am mallachadh gu beannachadh.

3 A nis an uair a chual' iad an lagh, dhealaich iad an sluagh measgta⁵ uile o Israel.

4 Agus roimhe so *bha* aig Eliasib an sagart, a chuireadh os ceann seòmair tighe ar Dé, cleamhas ri Tobiah.

5 Agus rinn e dha seòmar mòr, far an robh iad roimhe a' cur an tabhartais bhidh, na tùise, agus nan soitheach, agus deachaimh an arbhair, an fhìona nuaidh, agus na h-olaidh, (a dh'orduicheadh do na Lebhithich, agus do'n luchd-seinn,

¹ staidhrichibh. ² aig geata na gaintir.

³ a' frithealadh, 'nan seasamh an sin.

⁴ ann an cluasaibh. Eabh.

⁵ na coigrich, iadsan do shìochd eile.

NEHEMIAH, XIII.

agus do na dorsairibh,) agus tabhartais nan sagart.

6 Ach an uair a thachair so uile¹ cha robh mise ann an Ierusalem; oir anns an dara bliadhna deug thar fhichead do Artacserces rìgh Bhabiloìn, thàinig mi dh'ionnsuidh an rìgh, agus an dèigh làith-ean àraidh fhuair mi mo chead o'n rìgh:

7 Agus thàinig mi gu h-Ierusalem, agus thug mi an t-olc a rinn Eliasib air son Thobiah, seòmar a dheanamh dha ann an cùirtibh tighe Dhé.

8 Agus ghabh mi gu ro olc e; agus thilg mi uile airmeis-tighe Thobiah mach as an t-seòmar.

9 Agus dh'àithn mi, agus ghlan iad na seòmraichean: agus thug mi air an ais an sin soithichean tighe Dhé, an tabhartas-bidh agus an tùis

10 Agus dh'àithnich mi nach d'thugadh seachad cuibhriannan nan Lebhiteach; oir theich na Lebhithich agus an luchd-seinn a rinn an obair, gach duine a dh'ionnsuidh 'fhearainn féin.

11 Agus thug mi achmhasan do na riaghlairibh², agus thubhairt mi, C'ar son a thréigeadh³ tigh Dhé? Agus chruinnich mi iad ri chèile, agus shuidhich mi iad 'nan àit.

12 Agus thug Iudah uile deachamh an arbhair, agus an fhìona nuaidh, agus na h-olaidh a steach do na h-ionmhasaibh.

13 Agus chuir mi luchd-coimhid os ceann nan ionmhas, Seleemiah an sagart, agus Sadoc an sgrìobhaiche; agus do na Lebhithich, Pedaiah; agus làimh riu-san Hanan mac Shacuir, mhic Mhatanah: oir mheasadh fìrinneach iad, agus bha orra-san roinn air am bràithribh.

14 Cuimhnich orm, O mo Dhia, air son so, agus na cuir as do shealladh⁴ mo dheadh glùnìomharan a rinn mi a thaobh tighe mo Dhé agus a thaobh 'fhairean⁵.

15 Anns na làithibh sin chunnaic mi ann an Iudah daoine a' saltairt fhìon-amar air an t-sàbaid, agus a' toirt a stigh sguab, agus a' cur luchd air asalaibh; agus mar an ceudna fion, fion-dhearcan, agus fìgean, agus gach gnè eallaich, a thug iad a stigh do h-Ierusalem air là na sàbaid: agus thug mi fianuis 'nan aghaidh air an là air an do reic iad biadh.

16 Ghabh mar an ceudna Tìoraich còmhnuidh ann, a thug a stigh iasg agus gach gnè bathair; agus reic iad air an t-sàbaid ri clann Iudah, agus ann an Ierusalem.

17 Agus thug mi achmhasan do àrd uaislibh Iudah, agus thubhairt mi riu, Ciod an ni olc so a tha sibh a' deanamh,

agus sibh a' briseadh⁶ là na sàbaid?

18 Nach d'rinn bhur n-aithriche mar so, agus nach d'thug ar Dia an t-olc so uile oirne, agus air a' bhaile so? agus tha sibhse a' toirt tuilleadh feirge air Israel leis an t-sàbaid a bhriseadh.

19 Agus an uair a thòisich geatachan Ierusalem air a bhi dorcha roimh 'n t-sàbaid, dh'àithn mi, agus dhruideadh na comhlachan; agus dh'àithn mi nach bitheadh iad air am fosgladh gus an dèigh na sàbaid: agus cuid do m'òglachaibh shuidhich mi aig na geataibh, chum nach tigeadh eallach a stigh air là na sàbaid.

20 Agus ghabh na ceannaichean, agus luchd-reicidh gach gnè bathair, tàmh na taobh a muigh do Ierusalem uair no dhà.

21 Agus thug mi fianuis 'nan aghaidh, agus thubhairt mi riu, C'ar son a tha sibh a' gabhail tàmh fa chomhair a' bhalla? ma ni sibh a ris e, leagaidh mi làmh oirbh. O'n àm sin cha d'thàinig iad tuilleadh air an t-sàbaid.

22 Agus dh'àithn mi do na Lebhithich, a bha 'gan glanadh féin, agus a thàinig a ghleidheadh nan geata, gu'n naomhaicheadh iad là na sàbaid. Cuimhnich orm, O mo Dhia, thaobh so mar an ceudna, agus caomhain mi a réir meud do thròcair.

23 Mar an ceudna, anns na làithibh sin chunnaic mi Iudhaich a phòs mnàì do Asdod, do Amon, agus do Mhoab.

24 Agus labhair an clann leth ann an cainnt Asdoid, agus cha b'urrainn iad labhairt ann an cainnt nan Iudhach, ach a réir cainnte an dà shluaigh⁷.

25 Agus thug mi achmhasan dhoibh, agus mhallach mi iad, agus bhual mi cuid diubh, agus spion mi dhiubh am falt, agus thug mi orra miomnachadh air Dia, nach tugadh iad an nigheana⁸ d'am macaibh-san, agus nach gabhadh iad an nigheana-san d'am macaibh, no dhoibh féin.

26 Leis na nithibh sin nach do pheacaich Solamh rìgh Israel? gidheadh an measg mhòrain chinneach cha robh rìgh ann cosmhuil ris, a bha air a ghràdhachadh le 'Dhia, agus a rinn Dia 'na rìgh air Israel uile: ach thug mnàì choimheach⁹ air-san féin peacachadh.

27 An éisd sinn ribh ma ta gus an t-olc mòr so uile a dheanamh, gu peacachadh an aghaidh ar Dé, le mnàì choimheach a phòsadh?

28 Agus bha aon do mhacaibh Iojada, mhic Eliasib an àrd-shagairt, 'na chliamhuin aig Sanbalat an t-Horonach: uime sin dh'fhògair mi nam e.

29 Cuimhnich orra, O mo Dhia, chionn

¹ ann an so uile. Eabh.

² thagair mi a' chùis ris na riaghlairibh.

³ a thréig sinn. ⁴ na dubh a mach, na dì-chuimhnich.

⁵ air son tighe mo Dhé, agus air son a fhrithcheallidh.

⁶ a' truailleadh, a' mì-naomhachadh.

⁷ sluaigh agus sluaigh. Eabh.

⁸ Cha toir sibh bhur nigheana, &c.

⁹ a bha 'nan coigrich, o thiribh cile.

gu'n do thruaill iad an t-sagartachd, agus coimhcheangal na sagartachd agus nan Lebhitheach.

30 Mar so ghlan mi iad o gach coigreach, agus dh'orduich mi fairean nan sagart agus nan Lebhitheach, gach aon

'na ghnòthuch féin:

31 Agus air son nan tabhartas-fiodha, aig àmannaibh suidhichte, agus air son nan ceud thoradh. Cuimhnich orm, O mo Dhia, chum maith.

E S T E R.

CAIB. I.

1 Rinn Ahasuerus cuirm d'a uachdaranaibh agus d'a sheirbhisich. 10 Dhiùlt Bhasti teachd an làthair an rìgh 'nuair a chuir e fios oirre. 16 Le comhairle Mhemucain chuir an rìgh air falbh Bhasti.

ANIS ann an làithibh Ahasueruis, (is e so an t-Ahasuerus a rìghich o India gu ruig Etiopia, os ceann ceud agus seachd thar fhichead mòr-roinn:)

2 Anns na làithibh sin, an uair a shuidh rìgh Ahasuerus air rìgh-chaithir a rioghachd, a bha ann an Susan an luchairt;

3 Anns an treas bliadhna d'a rioghachadh, rinn e fleadh¹ d'a uachdarain uile, agus d'a sheirbhisich; agus cumbhachd Phersia agus Mhedia, àrd uaislean agus uachdarain nam mòr-roinn 'na làthair;

4 An uair a nochd e saoihbreas a rioghachd ghlòrmhoir, agus urram a mhòrachd òirdheire, rè ceud² agus ceithir fichead là.

5 Agus an uair a chrìochnaicheadh na làithe sin, rinn an rìgh do'n t-sluagh uile a bha làthair ann an Susan an luchairt, eadar mhòr agus bheag, fleadh sheachd làithean, ann an cùirt lios³ tighe an rìgh.

6 Bha na cùirteine geal, uaine, agus gorm air an crochadh le cordaibh do anart grinn agus do chorcur, air failbh-eagaibh airgid, agus puist marmoir: na leabaiche do òr agus do airgid, air leacurair do marmor dearg, agus gorm, agus geal, agus dubh.

7 Agus thug iad deoch seachad ann an soithichibh òir, agus na soithicheau eacomsmluil r'a chéile⁴, agus fion rioghail ann am pailteas, mar a thigeadh do'n rìgh⁵.

8 Agus bha 'n t-òl a réir an lagha, gun neach ann a dh'èignicheadh; oir mar sin dh'àithn an rìgh do uile dhaoineibh mòra a thighe, gu'n deanadh iad mar a b'àill leis gach duine

9 Mar an ceudna rinn Bhasti a' bhan-rìghinn fleadh do na mnaibh anns an tigh rioghail a bhuineadh do rìgh Ahasuerus.

10 Air an t-seachdamh là, 'nuair a bha

crìdhe an rìgh subhach le fìon, dh'àithn e do Mhehuman, do Bhista, do Harbona, do Bhigta, agus do Abagta, do Shetar, agus do Charcas, na seachd cailteanaich a fhrithel ann an làthair an rìgh Ahasueruis,

11 Bhasti a' bhan-rìghinn a thoirt an làthair an rìgh leis a' chrùn rioghail, a nochdadh do'n t-sluagh agus do na h-uachdaranaibh a sgéimhe; oir bha i maiseach ri amhaire oirre.

12 Ach dhiùlt a' bhan-rìghinn Bhasti teachd air àithne an rìgh a thug e seachad le làimh nan cailteanach: agus bha corruich mhòr air an rìgh, agus las 'fhearg an taobh a stigh dheth.

13 An sin thubhairt an rìgh ris na daoine glìce, d'am b'aithne na h-aimsirean, (oir b'e sin gnàth an rìgh d'an taobhsan uile a bha eòlach air lagh agus breitheanas;

14 Agus làimh ris bha Carsena, Setar, Admata, Tarsis, Meres, Marseua, [agus] Memucan, seachd uachdarain Phersia agus Mhedia, a bha faicinn gnùise an rìgh, agus a shuidh air thoiseach san rioghachd.)

15 A réir an lagha ciod a ni sinn ris a' bhan-rìghinn Bhasti, a chionn nach d'rinn i iarrtas an rìgh Ahasueruis le làimh nan cailteanach?

16 Agus thubhairt Memucan an làthair an rìgh agus nan uachdaran, Cha'n ann air an rìgh a mhàin a rinn Bhasti a' bhan-rìghinn eucoir, ach mar an ceudna air na h-uachdaranaibh uile, agus air an t-sluagh uile, a tha ann an uile mhòr-roinneibh rìgh Ahasueruis:

17 Oir thèid gnòmh na ban-rìghinn a mach a dh'ionnsuidh nam ban uile, air chor as gu'n dean iad tàir air am fir nan sùilb, 'nuair a their iad, Dh'àithn an rìgh Ahasuerus a' bhan-rìghinn Bhasti a thoirt a steach 'na làthair, ach cha d'fhàinig i.

18 Mar an ceudna air an là'n diugh their bain-tighearnan Phersia agus Mhedia, a chluinneas mu ghnìomh na ban-rìghinn, ri uile uachdaranaibh an rìgh:

¹ cuirm, féisd.

³ gàraidh.

² iomadh latha, eadhon ceud.

⁴ agus mhùth iad na soithiche.

⁵ mar bu chubhaidh do'n rìgh; a réir làimhe an rìgh. Eabh.

mar so *éiridh suas* pailteas tàire agus feirge.

19 Ma's maith leis an rìgh, thigeadh àithne rìoghail amach uaith, agus sgrìobhar i am measg laghanna nam Persach agus nam Medach, chum nach atharraichear i, Nach tig Bhasti ni's mò an làthair an rìgh Ahasueruis, agus gu'n toir an rìgh a h-inbhe rìoghail do mhnaoi eile a's fearr na ise.

20 Agus an uair a chluinnear àithne an rìgh a bheir e seachad air feadh a rìoghachd uile, (oir *tha* i mòr,) bheir na mnàid uile urram d'am fearaibh, eadar mhòr agus bheag.

21 Agus thaitinn am focal ris an rìgh agus r'a uachdaranaibh; agus rinn an rìgh a réir focail Mhemucain:

22 Agus chuir e litrichean a dh'ionnsuidh uile mhòr-roinnean an rìgh, dh'ionnsuidh gach mòr-roinne a réir a sgrìobhaidh, agus a dh'ionnsuidh gach sluagh a réir an càin¹, gu'm bitheadh gach fear 'na uachdaran 'na thigh féin; agus gu'm biodh *so* air fhoillsicheadh² a réir càin gach sluagh.

CAIB. II.

1 Chomhairlich 'òglaich do'n rìgh ban-rìghinn eile iarraidh an àit Bhasti. 5 Dh'àraich Mordecai Ester. 15 Thaitinn Ester ri Ahasuerus, agus rinneadh i 'na ban-rìghinn.

AN déigh nan nithe sin, an uair a *thraogh*³ fearg an rìgh Ahasueruis, chuimhnich e air Bhasti, agus na rinn i, agus na dh'àithneadh 'na h-aghaidh.

2 An sin thubhairt òglaich an rìgh a fhrithail da, Iarrar do'n rìgh òighean òga sgiambhach:

3 Agus orduicheadh an rìgh luchd-riaghlaidh⁴ ann an uile mhòr-roinnibh a rìoghachd, agus cruinnicheadh iad na h-òighean òga sgiambhach uile gu Susan an lùchairt, gu tigh nam ban, fuaidh làimh Hegai, chaillteanaich an rìgh, fhirghleidhidh nam ban; agus thugar *dhoibh* na nithe air son an glanaidh.

4 Agus bitheadh an òigh a thaitneas ris an rìgh⁵, 'na ban-rìghinn an àite Bhasti. Agus thaitinn an ni ris an rìgh, agus rinn e mar sin.

5 Bha Iudhach àraidh ann an Susan an lùchairt, d'am b'ainm Mordecai, mac Iair, mhic Shimei, mhic Chis, duine do Bheniamin,

6 A thugadh air falbh o Ierusalem leis a' bhraighdeanas a thugadh air falbh maille ri Ieconiah rìgh Iudah, a thug Nebuchadnesar rìgh Babiloin air falbh.

7 Agus dh'àraich⁶ e Hadasah, (b'i sin

Ester,) nighean bràthar-'athar, oir cha robh athair no màthair aice; agus bha'n òigh maiseach 'na cruth, agus sgiambhach 'na gnùis: agus an uair a dh'eug a h-ath air agus a màthair, ghabh Mordecai d'a ionnsuidh i mar a nighean féin.

8 Agus an uair a chualas àithne an rìgh agus 'ordugh, agus an uair a chruinnicheadh iomadh òigh gu Susan an lùchairt, gu bhi fuaidh làimh⁷ Hegai, thugadh Ester mar an ceudna gu tigh an rìgh, gu bhi fuaidh làimh Hegai, fhir-ghleidhidh nam ban.

9 Agus thaitinn an òigh ris, agus fhuair i caoimheas 'na làthair, agus rinn e deifir gus a nithe air son glanaidh, agus na bhuineadh dhi, a thabhairt d'a h-ionnsuidh, agus gu seachd maighdeanan iomchuidh a thabhairt di á tigh an rìgh; agus chuir e i féin agus a maighdeanan do'n àit a b'fhearr do thigh nam ban.

10 Cha d'innis Ester a sluagh, no a luchd-daimh: oir dh'àithn Mordecai dhi gun innseadh.

11 Agus gach là *bha* Mordecai ag imeachd fa chomhair cuirte tighe nam ban, a dh'fhiosrachadh cionnus a bha Ester, agus ciod a dh'éireadh dhi.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an déigh dhi bhi dà mhios dheug a réir gnàtha nam ban, (oir mar sin choimhlionadh làithean an glanaidh, sè miosan le h-oladh mirr, agus sè miosan le luibhibh cùbhraidh, agus le nithibh eile chum glanaidh nam ban,)

13 An sin mar so thàinig gach òigh a dh'ionnsuidh an rìgh: gach ni⁸ a dh'iarr i thugadh dhi gu dol a steach leatha á tigh nam ban gu tigh an rìgh.

14 Air feasgar chaidh i steach, agus a' mhaduinn plùil i gu dara tigh nam ban, fuaidh làimh Shaasgais, chaillteanaich an rìgh, fhir-ghleidhidh nan coimhleabach: cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dhi, agus gu'n do ghairmeadh i air a h-ainm.

15 Agus an uair a thàinig àm⁹ Esteir, nighean Abihail, bràthar-athar Mhordecai, (a ghabh d'a ionnsuidh i mar a nighean féin,) gu dol a steach a dh'ionnsuidh an rìgh, cha d'iarr i ni air bith ach na dh'orduich Hegai, caillteanaich an rìgh, fear-ghleidhidh nam ban: agus fhuair Ester gean-maith 'nan sùilbhan-san uile a dh'amhairc oirre.

16 Agus thugadh Ester a dh'ionnsuidh an rìgh Ahasueruis, a dh'ionnsuidh a thighe rìoghail, anns an deiccamh mìos,

¹ cànamhain, còimnte.

² air a dheanamh aithnichte.

³ a dh'èislich, a sguir. ⁴ luchd-amhairc thairis.

⁵ a bhios maith ann an sùilbhan an rìgh. Eabh.

⁶ thog.

⁷ fuaidh chùram, ann an coimhead.

⁸ gach neach.

⁹ ar, scal.

(*is e sin mìos Thebeit*.) anns an t-seachdamh bliadhna d'a rioghachadh.

17 Agus ghràdhaich an rìgh Ester os ceann nam ban uile, agus fhuair i geamaith agus caomhneas 'na làthair os ceann nan òighean uile; agus chuir e an crùn rioghail air a ceann, agus rinn e 'na ban-rìghinn i an àite Bhasi.

18 An sin rinn an rìgh fleadh mòr d'a uachdaranaibh uile agus d'a sheirbhisich, fleadh Esteir; agus thug e saorsa do na mòr-roinibh, agus thug e seachad tiodhlacan, mar bu chubhaidh do'n rìgh.

19 Agus an uair a chruinnicheadh na h-òighean an dara uair, an sin shuidh Mordecai ann an geata an rìgh.

20 Cha d'innis Ester *fathast* a luchd-dàimh, no a sluagh, mar a dh'àithn Mordecai dhi; oir rinn Ester iartus Mhordecai, mar a rinn i 'nuair a dh'àraicheadh i maille ris.

21 Anns na làithibh sin, an uair a bha Mordecai 'na shuidhe ann an geata an rìgh, bha fearg air Bigtan agus Teres, dithis do chaillteanaich an rìgh, dhiubhsan a bha coimhead an doruis, agus dh'iarr iad làmh a chur anns an rìgh Ahasuerus.

22 Agus fhuair Mordecai fios air an ni sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus raunsaicheadh an nì, agus fhuaradh mach e, agus chrochadh suas iad le chèile air crann: agus sgrìobhadh e ann an leabhar nan eachdraidh am fianuis an rìgh.

CAIB. III.

1 Dh'ardaich Ahasuerus Haman, agus thug a sheirbhisich uile urram da, ach Mordecai an t-Iudhach 'na aonar: 5 Air an aobhar sin dh'iarr Haman na h-Iudhaich gu léir a sgrìos.

AN déigh nan nìthe sinn rinn an rìgh Ahasuerus Haman, mac Hamedata an Agagaich, 'na dhuine mòr, agus dh'ardaich se e, agus chuir e 'àite-suidhe os ceann nan uachdaran uile a bha maille ris.

2 Agus chroim na seirbhisich uile a bha ann an geata an rìgh iad féin, agus thug iad urram do Haman, oir dh'àithn an rìgh mar sin d'a thaobh; ach cha do chroim Mordecai e féin, agus cha d'thug e urram dha.

3 Agus thubhairt seirbhisich an rìgh, a bha ann an geata an rìgh, ri Mordecai, C'ar son a tha thu a' briseadh àithne an rìgh?

4 Agus an uair a labhair iad ris la'n déigh là, agus nach d'éisd e riu, an sin dh'innis iad e do Haman, a dh'fheuchainn an seasadh briathra Mhordecai; oir dh'innis e dhoibh gu'm b'Iudhach e.

5 Agus chunnaic Haman nach do chroim Mordecai e féin, agus nach d'thug e urram dha, agus bha Haman làn feirge.

6 Agus cha b'fhiù leis làimh a chur ann am Mordecai 'na aonar, oir nochd iad da sluagh Mhordecai; uime sin dh'iarr Haman na h-Iudhaich uile sgrìos a bha ann an uile rioghachd Ahasueruis, sluagh Mhordecai.

7 Anns a' cheud mhìos, (*is e sin mìos Nisain*) anns an dara bliadhna deug do rìgh Ahasuerus, thilgeadh¹ Pur, is e *sin* an crannchur, an làthair Hamain, o là gu là, agus o mhìos gu mìos, *gus* an dara mìos deug, *is e sin mìos Adair*.

8 Agus thubhairt Haman ri rìgh Ahasuerus, Tha sluagh àraidh ann air an sgaoileadh agus air an roinn am measg an t-sluaigh ann an uile mhòr-roinnibh do rioghachd, agus tha laghanna air leth aca seach gach sluagh, agus cha 'n'eil iad a' coimhead laghanna an rìgh; uime sin cha 'n'eil e air son leas an rìgh am fulang.

9 Ma's toil leis an rìgh, sgrìobhar gu'm bi iad air an sgrìos, agus iocaidh nuise deich mìle tàlann airgid d'an làimh-san a nì an gnothuch², chum a thabhairt do ionmhasaibh an rìgh,

10 Agus thug an rìgh 'fhàinne bhàrr a làimhe, agus thug se e do Haman, mac Hamedata an Agagaich, nàmhaid nan Iudhach.

11 Agus thubhairt an rìgh ri Haman, Tha'n t-airgid air a thabhairt duit, agus an sluagh, a dheanamh riu mar *is* àill leat.

12 Agus ghairmeadh sgrìobhaichean an rìgh air an treas là deug do'n cheud mhìos agus sgrìobhadh, a réir gach nì a dh'àithn Haman, chum àrd-riaghalairan an rìgh, agus a chum nan uachdaran a bha os ceann gach mòr-roinne, agus a chum cheann-feadhna³ gach sluaigh, *chum* gach mòr-roinne a réir an sgrìobhaidh, agus a *chum* gach sluaigh a réir an càinain: ann an ainm an rìgh Ahasueruis sgrìobhadh e, agus sheulaicheadh e le fàinne an rìgh.

13 Agus chuireadh na litrichean le làimh ghillea-ruithe gu uile mhòr-roinnibh an rìgh, a sgrìos, a mharbhadh, agus a chur as do na h-Iudhaich uile, eadar òg agus shean, chloinn bhig agus mhnaibh, ann an aon là, air an treas là deug do'n dara mìos deug, (*is e sin mìos Adair*), agus am fendail⁴ a thogail mar chreic.

14 B'e dùblachadh an sgrìobhaidh, Gu'n tugta àithne seachad anns gach mòr-roinn, air a foillseachadh do gach sluagh, iad a bhi deas fa chomhair an là sin.

15 Chaidh na gillea-ruithe a mach, air an greasadh le h-àithne an rìgh; agus thugadh an t-ordugh seachad ann an Su-

¹ thilg e. ² do làimh an luchd-ghnothuiche.

³ cheannard.

⁴ am maoin,

san an luchairt: agus shuidh an rìgh agus Haman sìos a dh'òl; ach bha m baile Susan fo amhladh¹.

CAIB. IV.

1 Rinn Mordecai agus na h-Iudhaich bròn air son àithne an rìgh d'an taobh. 4 Thugadh fios do Ester air an nì so, agus chomhairlicheadh dhi eadar-ghuidhe a dheanamh air son nan Iudhach. 15 Ghairm i trasgadh.

AN uair a dh'aithnich Mordecai gach nì a rinneadh, reub e² eudach, agus chuir e saic-eudach air agus luathre, agus chaidh e mach gu meadhon a' bhaile, agus ghlaodh e le glaodh àrd agus searbh.

2 Agus thàinig e eadhon fa chomhair geata an rìgh: oir cha'n fheudadh neach air bith dol a stigh d'gheata an rìgh le saic-eudach air.

3 Agus anns gach uile mhòr-roinn d'an d'fhàinig focal an rìgh agus 'ordugh, bha bròn mòr an measg nan Iudhach, agus trasgadh, agus gul, agus caoidh; agus luadh mòran ann an saic-eudach agus an luathre.

4 Agus thàinig maighdeanan Estèir agus a cailteanaich, agus dh'innis iad sin di. Agus bhia a' bhan-rìghinn ro dhoilgh-easach, agus chuir i eudach gu bhì air a chur air Mordecai, agus gu'n tugta 'eudach-saice d'heath: ach cha glabhadh esan e.

5 An sin ghoir Ester air Hatach, aon do chailteanaich an rìgh, d'an d'orduich e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar son so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a bha fa chomhair geata an rìgh.

7 Agus dh'innis Mordecai dha gach nì a thachair dha, agus an t-suim airgid a gheall Haman a thomhas a stigh do ionmhasaibh an rìgh air son³ nan Iudhach, chum an sgrios.

8 Agus thug e dha dùblachadh sgriobhadh an orduigh, a thugadh ann an Susan agus an sgrios, chum 'fheuchainn do Ester, agus a chur an cèill di, agus a dh'àithneadh dhi gu'n rachadh i stigh a dh'ionnsuidh an rìgh, a dh'aslachadh air, agus a ghuidheadh air⁴ as leth a sluagh.

9 Agus thàinig Hatach, agus dh'innis e do Ester briathra Mhordecai.

10 Agus labhair Ester ri Hatach, agus thug i àithne dha gu Mordecai:

11 Tha fios aig seirbhiseich an rìgh uile, agus aig sluagh mhòr-roinnean an rìgh, ge b'e air bith fear no bean a théid a steach a dh'ionnsuidh an rìgh do'n chùirt a's faide a stigh, air nach goirear, gu bheil aon lagh aige a chur gu bàs, ach a mhàin esan d'an sin an rìgh a mach a shlat-òir rioghail, a chum gu'm bi e beò; ach cha

do ghoireadh ormsa teachd a steach a dh'ionnsuidh an rìgh na deich latha fichead so.

12 Agus dh'innis iad do Mhordecai briathran Estèir.

13 Agus dh'aithn Mordecai freagradh a thoirt do Ester, Na smuainich agad féin gu'n téid thu as ann an tigh an rìgh nì's mò na na h-Iudhaich uile:

14 Oir ma bhitheas tusa gutur a' d' thosd san àm so, thig lasachadh agus saorsa do na h-Iudhaich o àit eile; ach sgrìosar thusa agus tigil t'athar: agus cò aig am bheil fios nach ann air son a leithid so do àm a thàinig thu do'n rioghachd⁴?

15 An sin dh'iarr Ester am freagradh so a thoirt do Mhordecai;

16 Falbh, cruinnich r' a chéile na n-Iudhaich uile a gheibhear ann an Susan, agus traigibh air mo shon-sa, agus na h-ithibh agus na h-òlaibh rè thrì làithean, a là no dh'oidheche: traigidh mise agus mo mhaighdeanan air an dòigh cheudna; agus an sin théid mi a stigh a gh'ionnsuidh an rìgh, nì nach 'eil a réir an lagha; agus mar sin ma bhàsaicheas mi, bàsaicheam.

17 Agus dh'imich Mordecai, agus rinn e a réir gach nì a dh'àithn Ester dha.

CAIB. V.

1 Fhuair Ester deadh-ghean an sealladh an rìgh.

4 Thug i cuireadh do'n rìgh agus do Haman a dh'ionnsuidh fleadha. 9 Bha Haman làn fèirge an aghaidh Mhordecai. 14 Le comhairle a mhnà agus a chairdean rinn e croich air a shon.

ANIS air an treas là chuir Ester oirre a [culaidh] rioghail, agus sheas i anns a' chùirt a b'fhaide steach do thigh an rìgh, fa chomhair tìghe an rìgh: agus bha'n rìgh 'na shuidhe air a rìgh-chait-thir anns an tigh rioghail, fa chomhair geata an tìghe.

2 Agus an uair a chunnaic an rìgh Ester a' bhan-rìghinn 'na seasamh anns a' chùirt, fhuair i deadh-ghean 'na shealladh: agus shìn an rìgh a mach gu Ester an t-slat-òir rioghail a bha 'na làimh; agus thàinig Ester am fagus, agus bhean i ri bàrr na slaite.

3 An sin thubhairt an rìgh rithe, Ciod a's àill leat, a bhan-rìghinn Ester? agus ciod e t'iarrtus? gu ruig leth na rioghachd bheirear dhuit e.

4 Agus fhreagair Ester, Ma's maith leis an rìgh, thigeadh an rìgh agus Haman an diugh a dh'ionnsuidh na fleadha a dheasaich mi dha.

5 Agus thubhairt an rìgh, Greasaibh Haman a dheanamh mar a thubhairt Ester. Agus thàinig an rìgh agus Haman a dh'ionnsuidh na fleadha a dheasaich Ester.

6 Agus thubhairt an rìgh ri Ester aig

¹ ioncheist. ² Mordecai, Eabh. ³ an aghaidh.

⁴ 'na làthair.

⁵ inbhe rioghail

fleadh an fhìona, Cìod i t'athchuinge? agus bheirear dhuit i: agus cìod e t'iarrtus? agus gu ruig leth na rìoghachd nìthear e.

7 Agus fhreagair Ester, agus thubhairt i, Is i m'athchuinge agus m'iarrtus;

8 Ma fhuair mi deadh-ghean ann an sealladh an rìgh, agus ma's maith leis an rìgh m'athchuinge a dheònachadh, agus m'iarrtus a dheanamh, thigeadh an rìgh agus Haman a dh'ionnsuidh na fleadh a dheasaicheas mi dhoibh, agus am màireach ni mi a réir focail an rìgh.

9 Agus chaidh Haman a mach air an là sin aoibhneach agus subhach 'na chridhe: ach an uair a chunnaic Haman Mordecai ann an geata an rìgh, agus nach d'éirich e, agus nach do charuich e air a shon, bha e¹ làn feirge an aghaidh Mhordecai.

10 Gidheadh chum Haman air féin, agus chaidh e dhachaidh; agus chuir e fios uath, agus thug e air a chairdibh teachd d'a ionnsuidh, agus air Seres a mhnaoi.

11 Agus chuir Haman an céill doibh mòralachd a bheartais, agus lìonmhoir-eachd a mhac, agus gach nì leis an d'rinn an rìgh mòr e, agus mar a dh'ardaich se e os ceann nan uachdaran agus sheirbhis-each an rìgh.

12 Thubhairt Haman mar an ceudna, Os bàrr, cha d'thug Ester a' blian-rìghinn duine air bith a stigh maille ris an rìgh a dh'ionnsuidh na fleadh a dheasaich i, ach mi féin; agus mar an ceudna am màireach, tha mi air mo chuireadh leatha maille ris an rìgh.

13 Gidheadh cha dean so uile a bheag do mhaith dhomh, am feadh a chi mi Mordecai an t-Iudhach 'na shuidhe ann an geata an rìgh.

14 Agus thubhairt Seres a bhean ris, agus a chairdean uile, Deanar croich leth-cheud làmh-choille air àirde, agus anns a' mhaduim labhair ris an rìgh gu'n crochar Mordecai oirre; agus gabh a steach maille ris an rìgh dh'ionnsuidh na fleadh gu subhach. Agus thaitim an nì ri Haman, agus thug e fa'ncar a' chroich a bhi air a deanamh.

CAIB. VI.

1 Smuainich Ahasuerus air urram a chur air Mordecai a chionn gu'n d'innis e air Bigtana agus air Teres: 10 Shonraicheadh Haman gu so a dheanamh. 13 Roimh-innis a chairdean do Haman gu'n tuileadh e roimh Mhordecai.

AIR an oidhche sin theich codal an rìgh uath; agus dh'iarr e leabhar-cuimhne nan eachdraidh lathail a bhi air a thabh-

airt d'a ionnsuidh; agus leughadh iad am fianuis an rìgh.

2 Agus fhuaradh sgrìobhta, gu'n d'innis Mordecai air Bigtana² agus air Teres, dithis do chailleanaich an rìgh, dhiubhsan a bha còimhead an doruis, a dh'iarr làmh a chur ann an rìgh Ahasuerus.

3 Agus thubhairt an rìgh, Cìod an t-urram agus an inbhe a thugadh do Mhordecai air son so? Agus thubhairt òglaich an rìgh a fhritheil dha, Cha d'rinneadh nì air bith air a shon.

4 Agus thubhairt an rìgh, Cò a tha sa' chùirt? (a nis bha Haman air teachd do chùirt tighe an rìgh a b'fhaide a mach, a labhairt ris an rìgh, gu'm biodh Mordecai air a chrochadh air a' chroich a dheasaich e dha;)

5 Agus thubhairt òglaich an rìgh ris, Feuch, tha Haman 'na sheasamh anns a' chùirt. Agus thubhairt an rìgh, Thigeadh e stigh.

6 Agus thàinig Haman a stigh; agus thubhairt an rìgh ris, Cìod a nìthear do'n duine air an toil leis an rìgh urram a chur? (A nis thubhairt³ Haman 'na chridhe, Cò air an toil leis an rìgh urram a chur nì's mò na orm féin?)

7 Agus fhreagair Haman an rìgh, Air son an duine air an toil leis an rìgh urram a chur,

8 Thugar a làthair a' chulaidh⁴ rìoghail a chuireas an rìgh air, agus an t-each air am marcaich an rìgh, agus an crùn rìoghail a chuirear air a cheann:

9 Agus thugar a' chulaidh agus an t-each do làmh aoin do uachdaranaibh ro urramach an rìgh, agus sgeadaicheadh iad an duine air an toil leis an rìgh urram a chur, agus thugadh iad air marcachd air an each air sràid a' bhaile mhòir⁵, agus gairmeadh iad roimhe, Mar so nìthear do'n duine air an toil leis an rìgh urram a chur.

10 Agus thubhairt an rìgh ri Haman, Greas⁶ ort, gabh a' chulaidh agus an t-each mar a thubhairt thu, agus dean mar sin do Mhordecai an t-Iudhach, a tha 'na shuidhe ann an geata an rìgh: na dearmaid nì air bith do na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcachd air an each air sràid a' bhaile mhòir, agus ghairm e roimhe, Mar so nìthear do'n duine air an toil leis an rìgh urram a chur.

12 Agus phill Mordecai gu geata an rìgh: ach ghreas Haman d'a thigh féin ri bròn, agus a cheann còmhdaichte⁷.

13 Agus dh'innis Haman do Sheres a

¹ Haman.

² Bigtan. Caib. II. r. 21.

³ smuainich,

⁴ an trusgan, deise.

⁵ tre shràid na cailhreach.

⁶ Luathaich.

⁷ folach air a cheann.

bhean, agus d'a chaidibh uile gaeh *ni* a thachair dha. Agus thubhairt a dhaoine gliee agus Seres a bhean ris, Ma's ann do shlioehd nan Iudhaeh Mordecai, roimh an do thòisich thu air tuiteam, cha bhuadh-
aich thu 'na aghaidh, aeh gun teagamh tuitidh tu roimhe.

14 An uair a bha iad fathast a' labhairt ris, thàinig eallteanaich an rìgh, agus rinn iad deifir gu Haman a thabhairt a dh'ionnsuidh na fleadh a dheasaich Ester.

CAIB. VII.

1 Aig an fhleadh dh'iarr Ester air an rìgh gu'n tearnadh e i fèin agus a shuagh o ais-innleachd Hamain. 2 Bha fearg air an rìgh ri Haman, agus dh'orduich e a chur gu bàs.

AGUS thàinig an rìgh agus Haman ehum na fleadh maille ri Ester a' bhan-rìghinn¹.

2 Agus thubhairt an rìgh ri Ester mar an ceudna air an dara là aig fleadh an fhìona, Ciod i t'atbheuinge, a bhan-rìghinn Ester? agus bheirear dhuit i: agus ciod e t'iartrus? agus gu ruig leth na rìogh-
aehd nìthear e.

3 Agus fhreagair Ester a' bhan-rìghinn, agus thubhairt i, Ma fhuair mi deadh-ghean a'd' shùilb, a rìgh, agus ma's maith leis an rìgh, thugar dhomh m'anam air m' athcheuinge, agus mo shluagh air m'iartrus:

4 Oir reiceadh sinn, mise agus mo shluagh, gu bhì air ar dìtheachadh², air ar marbhadh, agus air ar léir-sgrìos: aeh nam b'ann mar thràillibh agus mar bhan-tràillibh a reiceadh sinn, bhithinn a'm' thosd, ged naeh b'urrainn an nàmhaid call³ an rìgh a dheanamh suas.

5 Agus fhreagair rìgh Ahasuerus, agus thubhairt a ri Ester a' bhan-rìghinn, Cò e so? agus c'ait am bheil esan, aig an robh a dhànadas 'na ehridhe deanamh mar sin?

6 Agus thubhairt Ester, Is e'n t-eascaraid agus an nàmhaid Haman an droeh dhume so. Agus bha eagal air Haman an làthair an rìgh agus na ban-rìghinn.

7 Agus dh'éirich an rìgh 'na fheirg o fhleadh an fhìona agus chaidh e do lios na làthair⁴; agus sheas Haman gu'anam a ghuidhe o Ester a' bhan-rìghinn; oir chunnaic e gu'n do shònraieheadh ole 'na aghaidh leis an rìgh.

8 Agus phill an rìgh o lios na làthair gu tigh fleadh an fhìona; agus bha Haman air tuiteam air an leabaidh air an robh Ester, Agus thubhairt an rìgh, An éignich e a' bhan-rìghinn mar an ceudna a'm' làthair ann am thigh? An uair a chaidh am foal á beul an rìgh, chòmh-

daieh iad aghaidh Hamain.

9 Agus thubhairt Harbonah, aon 'o na eallteanaich, an làthair an rìgh, Feuch, tha mar an ceudna a' chroich a rinn Haman do Mhordecai, a labhair maith air son an rìgh, 'na seasamh ann an tigh Hamain, leth-cheud làmh-ehuille air àirde.

Agus thubhairt an rìgh, Crochaidh e oirre. 10 Agus chroeh iad Haman air a' chroich a dheasaich e do Mhordecai. Agus through fearg an rìgh.

CAIB. VIII.

1 Dh'ardaich Ahasuerus Mordecai os ceann tìghe Hamain. 3 Thugadh comas do Ester na litrichean a sgrìobh Haman an aghaidh nan Iudhaeh a ghairm air an ais. 15 Inbhe Mordecai.

AIR an là sin thug an rìgh Ahasuerus a tigh Hamain, eacsaaid nan Iudhaeh, do Ester a' bhan-rìghinn; agus thàinig Mordecai an làthair an rìgh: oir dh'innis Ester ciod e dhi⁵.

2 Agus thug an rìgh dheth 'fhàinne a thug e o Haman, agus thug se e do Mhordecai. Agus chuir Ester Mordecai os ceann tìghe Hamain.

3 Agus labhair Ester a ris an làthair an rìgh, agus thuit i sìos aig a' ehosaibh, agus ghuih i, agus ghuidh i air gu'n euir-eadh e air falbh ole Hamain an Agagaich, agus 'ais-innleachd a dhealbhe⁶ an aghaidh nan Iudhaeh.

4 Agus shìn an rìgh a mach an t-slat-òir rìoghail gu h-Ester. Agus dh'éirich Ester, agus sheas i an làthair an rìgh.

5 Agus thubhairt i, Ma's maith leis an rìgh, agus ma fhuair mise deadh-ghean 'na làthair, agus ma ta an ni ceart am fianuis an rìgh, agus ma ta mi taitneach 'na shùilb, sgrìobhar a ghairm air an ais nan litrichean a dhealbhadh le Haman mac Hamedata an Agagaich, a sgrìobh e ehum na h-Iudhaich a ta ann an uile mhòr-roinnibh an rìgh a sgrìos.

6 Oir eionnus is urrainn mi amhare air an ole a thig air mo shluagh? agus eionnus is urrainn mi amhare air sgrìos mo luehd-dàimh?

7 An sin thubhairt an rìgh Ahasuerus ri Ester a' bhan-rìghinn, agus ri Mordecai an t-Iudhaeh, Feuch, tigh Hamain thug mi do Ester, agus esan chroch iad air a' chroich, a ehionn gu'n do ehuir e a làmh anns na h-Iudhaich.

8 Sgrìobhaibh-se mar an ceudna air son nan Iudhaeh, mar is maith leibh, ann an ainm an rìgh, agus seulaichibh le fàinne an rìgh: oir an sgrìobhadh a sgrìobhar ann an ainm an rìgh, agus a sheulaich ear le fàinne an rìgh, cha 'n fheudar a ehur air ais.

9 Uime sin ghairmeadh sgrìobhaichean

¹ bhan-rì'n.

² milleadh, sgrìos.

³ calladh.

⁴ do lios an tìghe, do'n lios a

b'fhaide stigh.

⁵ mar a bha e dhi.

⁶ a dhroch smuainte a smuaintich e.

an rìgh air an àm sin anns an treas mìos, (*is e sin mìos Shibhain,*) air an treas là fichead dhieth; agus sgrìobhadh, a réir gach nì a dh'àithn Mordecai, chum nan Iudhach, agus a chum nan àrd-riaghlair¹, agus nan ceannard agus uachdaran nam mòr-roinn² a tha o India gu h-Etiopia, ceud fichead agus seachd mòr-roinn chum gach mòr-roinne a réir an sgrìobhaidh, agus a chum gach sluagh a réir an càin³, agus a chum nan Iudhach a réir an sgrìobhaidh, agus a réir an càin.

10 Agus sgrìobh e ann an ainm an rìgh Ahasueruis, agus sheulaich e le fàinne an rìgh, agus chuir e litrichean le làimh theachdairean⁴ air eachaibh, a' marcachd air eachaibh luatha, agus air muileidibh, mic nan cabull⁵.

11 Anns an d'thug an rìgh cead do na h-Iudhaich, a bha anns gach baile, cruinn-eachadh an ceann a chèile, agus seasamh air son an anama, a sgrios, a mharbhadh, agus a chur as do uile neart sluaigh agus mòr-roinne a theigeadh 'nan aghaidh⁶, *araon an clann bhac* agus *am mnà*, agus an creach a thogail.

12 Air aon là ann an uile mhòr-roinnibh an rìgh Ahasueruis, air an treas là deug do'n dara mìos deug, (*is e sin mìos Adair.*)

13 B'e dùblachadh an sgrìobhaidh, Gu'n tugta àithne seachad anns gach mòr-roinn, air a foillseachadh do gach sluagh, gu'm biodh na h-Iudhaich deas air an là sin gu'n dioladh féin⁷ air an naimhdebh.

14 Chaidh na teachdairean⁸ a mach, a' marcachd air eachaibh luatha, [agus] air muileidibh⁹, le cabhaig, agus iad air an greasadh le àithne an rìgh: agus thugadh an t-ordugh seachad ann an Susan an luchairt.

15 Agus chaidh Mordecai mach á làth-air an rìgh ann an eudach rioghail do ghorm agus do gheal, agus le crim mòr oir, agus le trusan do anart grinn agus do chorcur: agus rinn baile Shusain gairdeachas, agus bha c aoibhinn.

16 Aig na h-Iudhaich bha solus, agus aoibheas, agus gairdeachas, agus urram.

17 Agus anns gach mòr-roinn, agus anns gach baile, ge b'e àit d'an d'thàinig àithne an rìgh agus 'ordugh, bha aoibheas agus gairdeachas aig na h-Iudhaich, cuirm, agus là maith. Agus dh'fhàs mòran do shluagh na tìre 'nan Iudhaich; oir thuit eagal nan Iudhach orra.

CAIB. IX.

1 Le còmhlad nan uachdaran mharbh na h-Iudhaich an naimhdean, agus chroch iad mic Hamain.
2 Skaidhich Mordecai an ceathramh agus an

cùigeadh là deug do mhìos Adair gu bhì 'nan làithibh-fèille do na h-Iudhaich.

A NIS anns an dara mìos deug, (*is e sin mìos Adair,*) air an treas là deug do'n mhìos, air an robh àithne an rìgh agus 'ordugh gu bhì air an còimhlionadh, air an là anns an robh dùil aig naimhdebh nan Iudhach cumhachd fhaghail os an ceann, (ged thachair, air a' chaochladh, gu'n robh aig na h-Iudhaich cumhachd os an ceann-san a dh'fhuathaich iad.)

2 Chruinnich na h-Iudhaich iad féin an ceann a chèile 'nam bailtibh, ann an uile mhòr-roinnibh an rìgh Ahasueruis, gu làmh a chur annta-san a dh'iarra an cron; agus cha b'urrainn duine air bith seasamh 'nan aghaidh, oir thuit an eagal air gach uile shluagh.

3 Agus thug uile uachdarana nam mòr-roinn agus na h-àrd riaghlair, agus na ceannardan, agus iadsan a rinn gnòthuichean an rìgh, urram do na h-Iudhaich¹⁰; oir thuit eagal Mhordecai orra:

4 Oir bha Mordecai mòr ann an tìgh an rìgh, agus chaidh 'iomradh a mach air feadh nam mòr-roinn uile; oir dh'fhàs an duine so Mordecai nì bu mhò agus nì bu mhò.

5 Agus bhuail na h-Iudhaich an naimhdean uile le buille a' chlaidheimh, agus àir, agus sgrios; agus rinn iad mar b' mhiann leo orrasan a dh'fhuathaich iad.

6 Agus ann an Susan an luchairt mharbh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspata,

8 Agus Porata, agus Adalia, agus Aridata,

9 Agus Parmasta, agus Arisai, agus Aridai, agus Bhaicsata,

10 Deich mic Hamain mhic Hamedata, nàmhaid nan Iudhach, mharbh iad: ach air a' chreich cha do chuir iad an làmh.

11 Air an là sin thugadh àireamh na muinntir a mharbhadh ann an Susan an luchairt an làthair an rìgh.

12 Agus thubhairt an rìgh ri Ester a bhan-righinn, Mharbh na h-Iudhaich agus sgrios iad cùig ceud fear ann an Susan an luchairt, agus deich mic Hamain: agus anns a' chuid eile do mhòr-roinnibh an rìgh ciod a rinn iad? ach ciod i tath-chuinge? agus bheirear dhuit: agus ciod a t'iarra os bàrr? agus nìhear e.

13 Agus thubhairt Ester, Ma's maith leis an rìgh, thugar coimas do na h-Iudhaich a tha ann an Susan, deanamh mar an ceudna am màireach a réir orduigh an là'n diugh, agus crochar deich nìc Hamain air a' chreich.

¹ fear-àite an rìgh.

² mòr-carrunn.

³ cainnte.

⁴ ghillecan-rùithe, phost.

⁵ agus marcachd air muileidibh, càmhalaibh, agus dromedairibh òga.

⁶ a bheireadh ionnsuidh orra.

⁷ gu dioghallas a dheanamh.

⁸ gillecan-rùithe.

⁹ air muileidibh agus càmhalaibh.

¹⁰ dh'ardaich iad, chuidich iad leis na h-Iudhaich.

14 Agus dh'àithn an rìgh a dheanamh marsin; agus thugadh an t-ordugh ann an Susan; agus chroch iad deich mic Hamain.

15 Agus chruinnich na h-Iudhaich a *bha* ann an Susan an ceann a chéile mar an ceudna air a' cheathramh là deug do mhìos Adair, agus mharbh iad ann an Susan trì cheud fear; ach air a' chreic cha do chuir iad an làmh.

16 Agus chruinnich a' chuid eile do na h-Iudhaich a *bha* ann am mòr-roinnibh an rìgh an ceann a chéile, agus sheas iad air son an anama, agus bha fois aca o'n naimhdebh, agus mharbh iad d'an eascairdibh cùig-deug agus trì fichead mìle; ach air a' chreic cha do chuir iad an làmh.

17 Air an treas là deug do mhìos Adair *rinn iad mar so*; agus bha fois aca air a' cheathramh là deug do'n mhìos cheudna, agus rinn iad e 'na là cuirme agus aoibhneis.

18 Ach chruinnich na h-Iudhaich a *bha* ann an Susan iad féin an ceann a chéile air an treas là deug, agus air a' cheathramh là deug do'n mhìos; agus bha fois aca air a' chuigeadh là deug do'n mhìos cheudna, agus rinn iad e 'na là cuirme agus aoibhneis.

19 Uime sin rinn Iudhaich nam bailte beaga, a bha 'nan còmhnuidh ann am bailtibh nam mòr-roinn¹, an ceathramh là deug do mhìos Adair 'na là aoibhneis, agus cuirme, agus 'na là maith, agus a chur chuibhrionn a chum a chéile.

20 Agus sgrìobh Mordecai na nìthe so, agus chuir e litriche chum nan Iudhach uile a *bha* ann an uile mhòr-roinnibh an rìgh Ahasueruis, am fad 's am fagus;

21 Chum a shuidheachadh nam measg, gu'n cumadh iad an ceathramh là deug do mhìos Adair, agus an cùigeadh là deug dheth gach bliadhna,

22 A réir nan làithean anns an d'fhuair na h-Iudhaich fois o'n naimhdebh, agus a' mhìos a dh'iompaicheadh dhoibh o thuirse gu h-aoibhneas, agus o bhròn gu h-àm² maith; gu'n deanadh siad iad 'nan làithibh cuirme, agus aoibhneis, agus a chur chuibhrionn chum a chéile, agus thiodhlacau chum nam bochd.

23 Agus ghabh na h-Iudhaich os làimh deanamh mar a thòisich iad, agus mar a sgrìobh Mordecai d'an ionnsuidh;

24 A chionn gu'n do smuainich³ Haman, mac Hamedata an Agagaich, nàmhaid nan Iudhach uile, an aghaidh nan Iudhach chum an sgrìos, agus gu'n do thilg e Pur, (*is e sin, crannchur*), chum

an ditheachadh agus an sgrìos.

25 Ach an uair a thàinig [Ester] an làthair an rìgh, dh'orduich e le litir, gu'm pilleadh 'ais-innleachd donadh⁴ a dhcalbh e an aghaidh nan Iudhach air a cheann féin, agus gu'm biodh esan agus a mhic air an crochadh air a' chroich.

26 Uime sin dh'ainmich iad na làithean sin Purim, a réir ainme Phuir: Air an aobhar sin, air son uile bhriathar na litir-each sin, agus na chunnaic iad a thaobh an nì so, agus na thachair dhoibh,

27 Shuidhich⁵ na h-Iudhaich, agus ghabh iad orra féin, agus air an sliochd, agus orra-san uile a leanadh riu, air chor as nach rachta thairis air, gu'n cumadh iad an dà là sin a réir an sgrìobhaidh, agus a réir an àm, anns gach bliadhna:

28 Agus *gu'm biodh* na làithean sin air an cuimhneachadh, agus air an cumail air feadh gach àil, gach teaghlaich, gach mòr-roinne, agus gach baile; agus nach leigte sìos⁶ na làithean sin Phurim am measg nan Iudhach, agus nach rachadh as d'an cuimhne o'n sliochd.

29 Agus sgrìobh a' bhan-rìghim Ester nighean Abihail, agus Mordecaiant-Iudhach, leis an uile ùghdarras, a dhaingneachadh na dara litir-each so Phurim.

30 Agus chuir e litriche chum nan Iudhach uile, chum a' cheud agus nan seachd mòr-roinn fhichead do rìoghachd Ahasueruis, le briathraibh sìth agus firinn,

31 A dhaingneachadh làithean sin Phurim 'nan amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an son féin, agus air son an sliochd nìthe nan trasgadh agus an éighich.

32 Agus dhaingnich ordugh Ester nìthe Phurim sin; agus sgrìobhadh e ann an leabhar.

CAIB. X.

1 Mòrachd agus cumhachd Ahasueruis. 3 Dli'arr Mordecai maith d'a shluagh.

AGUS chuir an rìgh Ahasuerus cìs air an tìr, agus air eileanaibh na mara.

2 Agus uile ghnìomharan a thréine agus a chumhachd, agus foillseachadh mòrachd Mhordecai chum an⁷ d'àrdaich an rìgh e, nach 'eil iad sgrìobhta ann an leabhar eachdraidh rìghrean Mhedia agus Phersia?

3 Oir b'e Mordecai an t-Iudhach a b'fhagse do rìgh Ahasuerus; agus bha e mòr am measg nan Iudhach, agus taitneach do mhòr-chuideachd a bhràithrean, ag iarraidh maith⁸ d'a shluagh, agus a' labhairt sìth r'a shliochd uile.

¹ anns na bailtibh gun bhallachaibh.

² là. Eabh.

³ thir.

⁴ an t-aimhneis, a dliroch smuaint.

⁵ dh'orduich.

⁶ rachar thairis air.

⁷ leis an. ⁸ soirbheis, beartais.

CAIB. I.

1 *Ionracas, teaghlach, agus maoin Iob.* 6 *Rinn Satan casaid bhrèige na aghaidh.* 13 *Dh'innseadh do Iob gu'n d'thugadh a mhaoin air falbh, agus gu'n d'fhuair a chlamn bàs.* 20 *'Na theannt-achd bheannaich e Dia.*

BHA duine ann an tìr Uis d'am b'ainm Iob; agus bha'n duine sin coimhlionta¹ agus dìreach², agus 'na neach air an robh eagal Dé, agus a sheachainn olc.

2 Agus rugadh dha seachd mic, agus trì nigheanan.

3 Agus b' i a mhaoin³ seachd mìle caora, agus trì mìle càmhail, agus cùig ceud cuing dhamh, agus cùig ceud asal bhoirionn⁴, agus teaghlach ro mhòr: agus bha 'n duine sin mòr os ceann uile dhaoine na h-àirde 'n ear.

4 Agus chaidh a mhic agus rinn iad cuirm aig an tigh, gach fear air a là féin; agus chuir iad *fios*, agus thug iad cuire d'an trì peathraichibh a dh'itheadh agus a dh'òl maille ri u.

5 Agus an uair a chaidh làithean na cuirme mu'n cuairt, chuir Iob *fios orra*, agus naomhaich e iad; agus dh'éirich e moch sa' mhaduinn, agus dh'ìobair e ìobair-loisgte a *réir* an àireimh uile: oir thubhairt Iob, Theagamh gu'n do pheacaich mo mhic, agus gu'n do mhallaich iad Dia 'nan cridhe. Mar so rinn Iob gach là.

6 A nis bha là air an d'thàinig mic Dhé gu seasa mh an làthair an Tighearn; agus thàinig mar an ceudna Satan 'nam measg.

7 Agus thubhairt an Tighearna ri Satan, Cia as a thàinig thu? Agus fhreagair Satan an Tighearn, agus thubhairt e, O imeachd mu'n cuairt air an talamh, agus o shìubhal sìos agus suas air.

8 Agus thubhairt an Tighearna ri Satan, An d'thug thu fa' near m'òglach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dé, agus a' seachnadh uile?

9 Agus fhreagair Satan an Tighearn, agus thubhairt e, An ann a nasgaidh a tha eagal Dhé air Iob?

10 Nach do chuir thu gàradh mu'n cuairt air féin, agus mu'n cuairt air a thigh, agus mu'n cuairt air gach *ni a ta* aige air gach taobh? Obair a làmh bheannaich thu, agus dh'fhàs a mhaoin mòr san tìr:

11 Ach cuir a nis a mach do làmh, agus bean ris gach *ni a ta* aige, agus as an eudan mallaichidh e thu.

12 Agus thubhairt an Tighearna ri Satan, Feuch, *tha* gach *ni a ta* aige a'd' làimh-sa: a mhàin air féin na cuir do làmh. Agus chaidh Satan a mach o làthair an Tighearn.

13 Agus bha là air an robh a mhic agus a nigheana ag itheadh, agus ag òl fiona ann an tigh am bràthar bu shine:

14 Agus thàinig teachdair gu Iob, agus thubhairt e, Bha na dàimh ag ar, agus na h-asail ag ionaltradh làimh ri u;

15 Agus leum⁵ na Sabeanaich⁶ *orra*, agus thug iad leo iad, agus mharbh iad na h-òglaich le faobhar a' chlaidheimh; agus thàinig mise a'm' aonar as a dh'innseadh dhuit.

16 An uair a bha e fathast a' labhairt, thàinig mar an ceudna *fear* eile, agus, thubhairt e, Thuit teine Dhé o na nàmh-aibh, agus loisg e na caoraich, agus na h-òglaich, agus chuir e as doibh; agus thàinig mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna fear eile, agus thubhairt e, Rinn na Caldeanaich suas trì buidhnean, agus thug iad ionnsuidh air na càmhalaibh, agus thug iad leo iad, agus mharbh iad na h-òglaich le faobhar a' chlaidheimh; agus thàinig mise a'm' aonar a dh'innseadh dhuit.

18 An uair a bha e fathast a' labhairt, thàinig mar an ceudna *fear* eile, agus thubhairt e, *Bha* do mhic agus do nigheana ag itheadh, agus ag òl fiona ann an tigh am bràthar bu shine:

19 Agus, feuch, thàinig gaoth mhòr o'n fhàsach, agus bhuail i air ceithir oisinnibh an tìghe, agus thuit e air na h-ògan-aich, agus tha iad marbh; agus thàinig mise a'm' aonar as a dh'innseadh dhuit.

20 An sin dh'éirich Iob, agus reub e 'fhalluin, agus bhearr e a chleann, agus thuit e sìos air an talamh, agus rinn e aoradh,

21 Agus thubhairt e, Lomnochd thàinig mi á broinn mo mhàthar, agus lomnochd pillidh mi an sin: thug an Tighearn uaithe, agus thug an Tighearn leis: beannaichte gu robh ainm an Tighearn.

22 An so uile cha do pheacaich Iob,

¹ *foirfe.*

² *a nì, a sprèidh, 'eudail.*

³ *colhromach.*

⁴ *bhainiunn.*

⁵ *thuit.*

⁶ *creachadairean.*

agus cha do labhair e gu h-amaideach an aghaidh Dhé¹.

CAIB. II.

1 *Fluair Satan comas Iob a bhuaireadh: 7 bhuaile se e le neasgaidibh cràiteach. 9 Thug Iob ach-mhasan d'a mnaoi. 11 Thàinig a chairdean a dheanamh bròin maille ris.*

ARIS bha là air an d'fhàinig mic Dhé gu seasamh an làthair an Tighearn, agus thàinig mar an ceudna Satan 'nam measg gu seasamh an làthair an Tighearn.

2 Agus thubhairt an Tighearn ri Satan, Cia as a thàinig thu? Agus fhreagair Satan an Tighearn, agus thubhairt e, O imcachd mu'n cuairt air an talamh, agus o shìubhal sìos agus suas air.

3 Agus thubhairt an Tighearn ri Satan, An d'thug thu fa'near m'òglach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dé, agus a' seachnadh uile? agus fathast tha e gleidheadh 'ion-racais, ge do ghluais² thusa mi 'na aghaidh chum a sgrìos gun aobhar.

4 Agus fhreagair Satan an Tighearn, agus thubhairt e, Croiciom air son croicinn, eadhon gach *ni* a *ta* aig duine bheir e air son 'anama.

5 Ach cuir a nis a mach do làmh, agus bean r'a chnàimh agus r'a fheoil, agus as an cùdan mallachaidh e thu.

6 Agus thubhairt an Tighearn ri Satan, Feuch, *tha* e a' d' làimh-sa; ach caomhain 'anam.

7 Agus chaidh Satan a mach o làthair an Tighearn, agus bhuaile e Iob le neasgaidibh cràiteach, o bhonn a chois gu mullach a chinn.

8 Agus ghabh e slige-chreadha g'a sgrìobadh féin leatha; agus shuidh e am measg na luathre.

9 An sin thubhairt a bhean ris, Am *bheil* thu fathast a' cumail t'ionracais? mallaich Dia, agus faigh bàs.

10 Ach thubhairt esan rithe, Mar a labhras aon do na mnaibh amaideach tha thu a' labhairt: seadh, an gabh sinn maith o làimh Dhé, agus nach gabh sinn olc? An so uile cha do pheacaich Iob le 'bhilibh.

11 A nis an uair a chuala trì chairdean Iob an t-olc so uile a thàinig air, thàinig iad gach fear o 'àite féin; Eliphas an Temanach, agus Bildad an Suhach, agus Sophar an Naamatach; oir shuidh iad eatorra³ féin teachd a dheanamh bròin⁴ maille ris, agus a thabhairt comhfhurtachd dha.

12 Agus an uair a thog iad an sùilean⁵ fad as, agus nach d'aithnich iad e, thog iad an guth agus ghuil iad; agus reub iad gach fear 'fhalluin, agus chrath iad duslach air an cinn a làimh nan nàmh.

13 Agus shuidh iad sìos maille ris air an talamh seachd làithean agus seachd oidhchean, agus cha do labhair neach focal ris; oir chunnaic iad gu'n robh a dhoilgheas ro mhòr.

CAIB. III.

1 *Mhallaich Iob an là air an d' rugadh e. 20 Ann an searbhias 'anama tha e a' caoidh gu'n do dhruid Dia suas e air gach taobh.*

NA dhéigh so dh'fhosgail Iob a bheul, agus mhallaich e a là.

2 Agus labhair Iob, agus thubhairt e, 3 Rachadh as do'n là air an d'rugadh mi, agus do'n oidhche *anns* an dubhradh, Ghineadh leanabh mic.

4 Biodh an là sin 'na dhorchadas; na h-iarraidh Dia e⁶ o'n àirde, agus na deal-raicheadh solus air.

5 Dubhadh an dorchadas agus sgàile a' bhàis e; gabhadh neul còmhnuidh air; deanadh iad uamhasach e mar na làithean a's seirbhe⁷.

6 An oidhche sin, glacadh dorchadas i; na cuirear i ri làithibh na bliadhna; ann an àireamh nam mìos na tigeachd i.

7 Feuch, biodh an oidhche sin anaranach⁸; na tigeachd fonn aoibhinn oirre⁹.

8 Mallaicheadh iadsan i a mhallaicheas an là, a tha deas a thogail Lebhiatain¹⁰.

9 Dorchaicheadh reultan a dùthra¹¹; amhairceadh i air son soluis, ach na tigeachd e; agus na faiceadh i rosga na maidne¹².

10 A chionn nach do dhruid i dorsa mo bhronn¹³, agus nach d'fholaich i bròn¹⁴ o m' shùilibh.

11 C'ar son nach d'eug mi o'n bhroinn? c'ar son, an uair a thàinig mias a' bholg, nach d'thug mi suas an deò?

12 C'ar son a ghabh na glùinean romham? agus c'ar son na ciocha, gu'n deothailinn?

13 Oir a nis luidhinn sìos, agus gheibhinn fois; choidlinn, an sin bhiodh tàmh agam;

14 Maille ri rìghribh agus comhairlichibh na talmhainn, a thog àitean anaranach¹⁵ dhoibh féin;

15 No maille ri h-uachdaranaibh aig an robh òr, a lion an tighean le h-airgid:

16 No mar thorraicheas anabuih¹⁶ fol-aichte cha bhithinn ann; mar naoidheana nach faca solus.

17 An sin sguiridh na h-aingidh do

¹ cha do chuir e amaideachd as leth Dhé. dhàisg, bhrosnach. ³ rinn iad coimcamh ri chèile. ⁴ comh-dhoilgheis.

⁵ an uair a dh'amhairc iad. ⁶ na h-amhairceadh Dia air a shon, na biodh seadh aig Dia dheth.

⁷ cuireadh duibhne an là oilt air.

⁸ anarach. ⁹ na tigeachd guth aoibhinn innte.

¹⁰ na h-uile-bheiste, ann bròin. ¹¹ seasgair.

¹² briseadh na fàire. ¹³ bronn mo mhàthar.

¹⁴ docair, doilgheas. ¹⁵ fasail. ¹⁶ neo-inbhich.

bhuaires¹⁷ agus an sin gheibh iadsan a ta sgìth le saothair fois:

18 Cuideachd bithidh tàmh aig na prìosanaich; eha chluinn iad guth an fhìrshàrachaidh.

19 Tha am beag agus am mòr an sin; agus an seirbhiseach saor o' mhaighstir.

20 C'ar son a thug e do'n truagh solus, agus beatha dhoibhsan a ta ann an searbh-as anama?

21 A tha gabhail fadail air son a' bhàis, aeh eha 'n' eil e a' teachd; agus a chladhaicheas air a shon nì's mò na air son ionmhasa folaichte:

22 A ni aoibhneas ro mhòr, a ni luathghaire 'nuair a gheibh iad an uaigh:

23 Do'n duine aig am bheil a shlighe folaichte, agus a dhruid Dia suas air gach taobh.

24 Oir roimh mo bhiadh thig m'osnaich, agus taomar a mach mar uisge mo bhùir-eadh.

25 Oir an ni roimh an robh eagal mòr orm, thachair e dhomh; agus an ni roimh an robh mi fo uamhann, thàinig e orm.

26 Cha robh mi an sìth, agus eha d'fhuair mi fois, agus cha robh tàmh agam; oir thàinig buaires¹⁸.

CAIB. IV.

1 Thug Eliphas achmhasan do Iob a chionn gu'n robh e dh'easbhuidh dòchais dhìadhaidh. 7 Dh'innis e dha gu'n sgriosadh Dia an t-aingidh, ach gu'n gleidheadh e an t-ionracan beò. 12 Tha e ag islicheadh feodhas an duine an làthair Dhè.

AN sin fhreagair Eliphas an Teman- aeh, agus thubhairt e,

2 Ma dh'fheuchas sinn ri labhairt riut, an gabh thu gu h-ole e³? aeh cò a's urrainn e fèin a elumail o labhairt?

3 Feuch, theagaisg thusa mòran, agus neartaich thu na làmhnan laga.

4 Esan a bha tuiteam chum do bhriathra suas, agus na glùine anmhunn⁴ neartaich thu.

5 Ach a nis thàinig e ort, agus ghabh thu gu h-ole e⁵; bhean e riut, agus tha thu fo amhladh.

6 Nach e t'eagal diadhaidh t'earbsa, agus ionraas do shlighean do dhòchas?

7 Cuimhnich, guidheam ort, cò e an neò-ehiontaeh a sgriosadh, no c'ait an do ghearradh as na h-ionraean.

8 A réir mar a ehunnaie mise, iadsan a threabhas⁶ euceart, agus a chuireas aingidheachd, buainidh iad e.

9 Le séideadh⁷ Dhé sgriosar iad, agus le anail a shròine euirear as doibh.

10 Tha beucaich an leòmhain, agus guth an leòmhain ghaire⁸, agus fìacla nan leòmhain òga air am briseadh.

11 Tha 'n seann leòmhain a' bàsachadh dhith cobhartaich, agus sgarar o chéile cuileana an leòmhain bhoirinn⁹.

12 Aeh a m' ionnsuidh-sa thugadh focal¹⁰ gu h-uaignidheach, agus ghabh mo ehluas beagan deth.

13 Ann an smuaintibh o aisingibh na h-oidhehe, 'nuair a thuiteas codal trom air daoibh,

14 Thàinig eagal orm agus crith, a thug air mo ehàmhha gu léir¹¹ eriothnaeadh:

15 Agus ghabh spiorad seachad roimh mo ghnuis; sheas falt mo ehuirp:

16 Sheas e, aeh eha d'aithnich mi a ehruth: dealbh fa ehomhair mò shùl—tòsd, agus ehuala mi guth:

17 Am bi duine nì's eeerie na Dia? am bi fear nì's gloine na 'Chruthi-fhear?

18 Feuch, as a sheirbhishich eha'n earb e; agus as leth 'aingle euiridh e amaid-eachd:

19 Nach lugha na sin asda-san¹², a tha 'nan còmhnuidh ann an tighibh ereadha, aig am bheil am bunadh anns an duslaeh, a bhruthar roimh an leòman¹³?

20 O mhaduinn gu feasgar bruthar¹⁴ iad; gun neach ann 'ga thoirt fa'near, théid as doibh gu bràth.

21 Nach siubhail am feodhas air falbh maille ri? bàsaichidh iad, agus eha'n ann le gliocas.

CAIB. V.

1 Tha Eliphas a' nochdadh gu bheil crìoch an aingidh truagh; 6 gu bheil an duine air a bhrèth chum trioblaid: 8 gur còir iarraidh a dh'ionnsuidh Dhé anns gach teanntachd: 17 agus gu bheil smachdachadh an Tighearna chum maith an duine.

GAIRM a nis, ma ta e ann a fhreagaireas thu; agus cia do na naomhaibh ris an tionndaidh thu?

2 Oir marbhaidh fearg an t-amaideach, agus bheir tù bàs an duine shuaraiech.

3 Chunnaie mi an t-amaideach a' freumhachadh; ach mhallaiech mi 'àite-còmhnuidh air ball.

4 Is fhad a bhios a mhie o thèaruin-teachd, agus bruthar iad anns a' gheata, gun neach ann gu'n teasairginn.

5 Agus ithidh an t-oeraeh suas 'fhoghlara, agus eadhon as na droighnibh gabhaidh se e¹⁵: sluigidh an creachadar suas am maoin.

6 Ged nach tig àmhghar a maeh as an duslach, agus nach fàs carraid¹⁶ as an talamh,

¹ aisith.

² fearg, trioblaid.

³ am bi thu doilich?

⁴ laga, fanna.

⁵ tha thu a' fannachadh.

⁶ dh'aireas.

⁷ anail, osaig.

⁸ sachal, Eabh.

⁹ bhaininn.

¹⁰ nì.

¹¹ Bonnhoireachd mo ehàmh. Eabh.

¹² Mar an ceudna nach cuir e sin as an leth-san.

¹³ reudan.

¹⁴ sgriosar.

¹⁵ Na ghearras iad

sìos san fhoghara iùidh an t-ocrach suas; agus o bhioraibh eha saorar iad.

¹⁶ teinn, trioblaid.

7 Gidheadh, rugadh an duine chum carraid, mar a dh'èireas na srada¹ suas.

8 Ach dh'iarraimn-se dh'ionnsuidh Dhé, agus a chum Dhé chuirinn mo ghuth²:

9 A tha deanamh *nithe* mòra agus doramsachaidh; *nithe* iongantach gun àir-eamh:

10 A tha toirt fhras uisge³ air aghaidh na talmhainn, agus a' cur uisgeacha air aghaidh nam machair;

11 A chum iadsan a tha òsala a chur an àird, agus iadsan a tha dubhach a thogail suas an tèaruinteachd:

12 A tha toirt innleachda nan cuil-bheartach gu neo-ni, air chor as nach coimhlion an lāmhan *an* gnìomh:

13 A tha glacadh nan daome glise 'nan cuilbheartachd⁴ féin, air chor as gu tilgear sios comhairle nan daoine fiara⁵.

14 San là coinnichidh iad dorchadas; agus mar anns an oidhche smeuraichidh iad⁶ mu mheadhon-là.

15 Agus saoraidh e am bochd o'n chhlaidheamh, o'm beul⁷, agus o làimh a' chumhachdaich.

16 Agus aig a' bhochd bithidh dòchas, agus druididh aingidheachd a beul.

17 Feuch, *is* nìarachd⁸ an duine a smachdaicheas Dia: air cronachadh an Uile-chumhachdaich ma ta na dean-sa tair.

18 Oir cràdhaidh e, agus ceanglaidh e suas; lotaidh e, agus leighisidh a lāmhan.

19 Ann an sè⁹ teanntachdaibh¹⁰ saoraidh e thu, agus anns an t-seachdamh cha tig olc an gar dhuit.

20 Ann an gorta tèarnaidh e thu o'n bhàs; agus ann an cogadh, o chumhachd¹¹ a' chhlaidheimh.

21 O sgiùrsadh na teanga folaichear thu; agus cha bhi eagal ort roimh sgrios an uair a thig e.

22 Ri sgrios agus ri gorta¹² gàiridh tu; agus roimh fhìadh-bheathaichibh na talmhainn cha bhi eagal ort.

23 Oir ri clachaibh na macharach *bithidh* tu ann an coimhcheangal; agus bithidh fìadh-bheathaiche na macharach ann an sìth riut.

24 Agus aithnichidh tu gu'm *bi* do phàillun ann an sìth; agus amhaircidh tu air t-àite-còmhnuidh, agus cha dean thu gu h-olc¹³.

25 Aithnichidh tu mar an ceudna gu'm *bi* do shliochd lionmhor, agus do ghineal mar fheur na talmhainn.

26 Thig thu ann an làn aois chum na

h-uaigne, mar a chuircar suas cruach¹⁴ arbhair 'na h-àm.

27 Feuch, so an ni a rannsaich sinn; mar sin a ta e: èisd ris, agus biodh fios agad air, air do shon féin.

CAIB. VI.

1 Tha Iob a' leigeadh ris meudachd a dhoilgheis: 8 agus ag iarraidh gu'm bu toil le Dia a ghearradh as: 14 Thug e achmhasan d'a chaidribh.

ACH fhreagair Iob, agus thubhairt e, 2 O nach robh mo dhoilgheas¹⁵ air a làn-chothromachadh, agus mo dhòruinn¹⁶ togta anns na meidhibh le chéile!

3 Oir a nis bhiodh e ni bu truime na gaineamh na fairge: uime sin tha mo bhrìathran air an slugadh suas.

4 Oir tha saighdean an Uile-chumhachdaich annam, agus tha an nìmh ag òl suas mo spioraid: tha uamhasan Dhé gan cur féin an ordugh catha a'm' aghaidh.

5 An dean am fiadh-asal sìtirich os ceann feoir? an dean an damh geum os ceann 'innlinn?

6 An gabh an ni a ta neo-bhlasta itheadh gun salann? am bheil blas air gealagan an uibhe?

7 Tha m'anam a' diùltadh beantuinn *riu*: tha iad sin mar mo bhìadh bròin¹⁷.

8 O nach tugta dhomh m'athchuinge; agus gu'n deònaicheadh Dia dhomh mo mhian!

9 Agus gu'm bu toil le Dia mo sgrios; gu'n cuireadh e mach a làmh¹⁸, agus gu'n gearradh e as mi!

10 An sin bhiodh furtachd agam fathast, ged bhithinn air mo chruadhachadh ann an do-bhròn, agus nach caomhnadh e; oir cha do cheil mi briathran an Aoin naoimh.

11 Ciod e mo neart, gu'm biodh dòchas agam? agus ciod i mo chrìoch, gu'n sìnninn mo bheatha?

12 An e neart nan clach mo neart? am bheil m'fheoil do umha?

13 Nach 'eil mo chabhair annam féin? agus an d'fhuadaicheadh gliocas uam?

14 Dha-san a thréigeas a charaid is mòr am masladh e¹⁹; tréigidh e mar an ceudna eagal an Uile-chumhachdaich.

15 Mheall mo bhràithre mi mar shruth: mar neart nan sruth ghabh iad seachad:

16 A blios dubh le h-eigh; anns am folaichear an sneachda:

17 An uair a leaghas iad, théid as doibh; an uair a dh'fhàsas e teth, caithear as an àit iad.

18 Tha ceuman an slighe air claonadh: thig iad gu neo-ni, agus sgriosar iad.

¹ mic an teine. Eabh. mo chùis.

² ri Dia dh'earbainn ³ feurthuin.

⁴ 'nan innleachdaibh. Faic I. Cor. III. r. 19.

⁵ corach, aingidh.

⁶ ri iarraidh fo làimh bithidh iad.

⁷ o chhlaidheamh am beul.

⁸ is ro-shona.

⁹ sea.

¹⁰ cruaidh-chàsaibh, cunnartaibh.

¹¹ o làmhaidh. Eabh.

¹² mu fhàsachadh agus nu' ghorta.

¹³ cha pheacaich thu.

¹⁴ mar a chuirear a stigh adug.

¹⁵ m'fhearg.

¹⁶ m'olc, m'aingidheachd.

¹⁷ d'am bheil mi gabhail gràin.

¹⁸ gu'n leigeadh e a làmh sgaoille.

¹⁹ Dha-san a tha ann an àmhghar dlighear truacantlas o charaid.

19 Dh'amhair buidhnean Thema, dh'fheith cuideachdan¹ Sheba orra.

20 Bha iad fo amhladh, a chionn roimh sin gu'n robh dòchas aca: thàinig iad an sin, agus bha nàire orra.

21 Ach a nis tha sibhse 'nur neo-ni; chi sibh mo bhriseadh-cridhe, agus tha eagal oirbh.

22 An dubhairt mi, Thugaibh a m' ionnsuidh? no d'ur maoin thugaibh tiodhlac air mo shon?

23 No tèarnaibh mi o làimh an nàmhaid? no o làimh nan cumhachdach saor-aibh mi?

24 Teagaisgibh mi, agus bithidh mi a'm' thosd; agus ma chaidh mi bheag am mearachd, thugaibh orm a thuigsinn.

25 Nach neartmhor briathran ceart? ach ciod a chronaicheas esan a chronaicheas 'nur measg²?

26 An smuainich sibh air briathran a chronachadh, agus cainnt an eu-dòchasaich, a tha mar ghaoith³?

27 Seadh, tha sibh a' leum air an dilleachdan, agus a' cladhachadh sluichd d'ur caraid.

28 A nis, uime sin, ma's toil leibh, amhaircibh orm; agus bithidhe soilleir dhuibh, ma nì mi breug.

29 Pillibh, guidheam oirbh, na biodh euceart ann; seadh, pillibh fathast, tha m' fhìreantachd-sa ann.

30 Am bheil ann am theangaidh euceart? nach aithnich mo bhlas nìthe fiara?

CAIB. VII.

1 Tha Iob a' caoidh gu bheil a thrioblaid ro throm air a shon; 11 agus ann an searbbhas a spioraid a' deanamh gearain ri Dia. 26 Dh'aidich e 'cus-aontas am fianuis Dhè.

NACH 'eil àm suidhichte aig an duine air thalamh? agus mar làithean fhir-tuasadail a làithean?

2 Mar a mhiannaicheas an seirbhiseach an sgàile, agus mar a bhios suil aig an fhear-tuasadail ri duais 'oibre;

3 Mar sin fhuair mise mar sheilbh dhomh féin miosan dìomhanais, agus àirmhear⁴ dhomh oidhchean cràidh⁵.

4 Ma luidheas mi sìos, their mi, C'uin a dh'èireas mi, agus a théid an oidhche thairis? agus tha mi làn luasgaidh a null agus a nall gu briseadh na faire.

5 Tha m'fheoil air a còmhachadh le cuimhribh agus spairtibh ùire; bhris mo chroicinn, agus tha e breun.

6 Tha mo làithean nì's laithe na spàl figheadair, agus tha iad air an caitheadh gun dòchas.

7 Cuimhnich gur gaoth mo bheatha: cha

phill mo shùil a dh'fhaicinn maith.

8 Sùil an ti a chunnaic mi, cha'n fhaic i mi: bithidh do shùilean orm, agus cha bhi mi ann.

9 Caithear an neul, is théid e as; mar sin esan a théid sìos do'n uaigh, cha tig e nìos.

10 Cha phill e nì's mò dh'ionnsuidh a thighe; agus cha'n aithnich 'ait e nì's mò.

11 Uime sin cha chum mi mo bheil; labhraidh mi ann an teanntachd⁶ mo spioraid; gearainidh mi ann an searbbhas m'anama.

12 Am muir mi, no muc-mhara⁷, gu'n cuireadh tu faire orm?

13 Ma their mi, Bheir mo leaba firtachd dhomh; eutromaichidh m'uirigh no ghearan;

14 An sin cuiridh tu fuathas orm le h-aislingibh, agus uamhas le seallanun-aibh:

15 Agus is fearr le m'anam tachdadh, bàs na beatha⁸.

16 Tha mi gabhail gràin deth; cha b'ail leam bhi beò gu bràth: leig leam, oir is dìomhanas mo làithean.

17 Ciod e an duine, gu'n àrdaicheadh tu e? agus gu'n suidhicheadh tu do chridhe air?

18 Agus gu'm fiosraicheadh tu e gach maduinn? gach mionaid gu'n dearbhadh tu e?

19 Cia fhad a bhios tu gun dealachadh rium? agus nach leig thu leam gus an sluig mi sìos mo shìle?

20 Pheacaich mi; ciod a nì mi dhuit, O fhir-còimhid dhaoine? c'ar son a chuir thu mi a d'aghaidh⁹, agus a ta mi a'm' èire¹⁰ orm féin?

21 Agus c'ar son nach maith thu m'eus-aontas, agus nach cuir thu air falbh m'euceart? oir a nis anns an duslach coidlidh mi; agus iarraidh tu mi anns a' mhaduinn, ach cha bhi mi ann.

CAIB. VIII.

1 Tha Bildad a' nochdadh gu'n gléidh an t-Uille-chumhachdach breitheanas; 4 gu'n diol e do gach neach a rèir a ghluimhara; 8 agus gu'm bàsaich dòchas a' chealgair mar a sheargas luibh na macharach.

AN sin fhreagair Bildad an Suhach, agus thubhairt e,

2 Cia fhad a labhras tu mar sin, agus a bhios briathra do bheoil mar ghaoith làidir?

3 Am fiar Dia breitheanas, agus am fiar an t-Uile chumhachdach ceartas?

4 Ma pheacaich do chlam 'na aghaidh,

¹ luchl-turuis. ² ciod a tha bhuir comh-reusonaichadh a' cronachadh. ³ air a' ghaoith an tilg sibh gu fàin bhuir cainnt? Faic Caib. VIII. r. 2.

⁴ oràichear, suidhichear. ⁵ oidhchean piant-

achail, fadalach. ⁶ cràdh. ⁷ uile-bheist.

⁸ cnaimhean slàna; mo chnàmha. Eabh.

⁹ c'ar son a chuir thu fa d' chomhair mar chusp-air mi? ¹⁰ a m' callaich.

agus gu'n d'thug e thairis iad do'n eus-aontas¹;

5 Nan iarradh tu gu moch a dh'ionn-suidh Dhé, agus air an Uile-chumhachd-ach nan aslaicheadh tu;

6 Nam *biodh* tu glan agus ionraic, gu cinnteach a nis mhosgaileadh e air do shon, agus dheanadh e àite-còmhnuidh t'fhìreantachd sìochail.

7 Ged bhiodh do thoiseach beag, dh'fhàsadh do chrìoch gu mòr.

8 Oir fiosraich, guidheam ort, do'n linn roimhe, agus deasaich thu fèin chum rannsachaidh an aithriche:

9 (Oir o'n dé tha sinne, agus cha 'n aithne dhuinn, a chionn gur sgàile ar làith-ean air thalamh:)

10 Nach teagaisg iad thu, nach innis iad duit, agus o'n cridhe nach labhair iad briathra.

11 Am fàs an luachair gun làthach? am fàs am mìn-fheur² gun uisge?

12 'Nuair a bhios e fathast³ na ghlaise³, cha ghearrar sìos e; gidheadh, roimh gach luibh seargaidh e.

13 Mar sin ceuma nan uile a dhi-chuimhnichas Dia; agus bàsaichidh dòchas a' chealgair:

14 Aig an gearrar a dhòchas as, oir *is* e lìon⁴ an damhain-allaidh⁴ carbasa.

15 Leigidh e 'thaic ri 'thigh, ach cha seas e: cumaidh se gu daingean e, ach cha mhair e.

16 Uaine *tha* e fa' chomhair na gréine; agus 'na lios⁵ fàsaidh a mheanglan suas.

17 Air a' charn bithidh a fhreumhan air am figheadh air feadh a chéile, agus fiosraichidh e àit nan clach⁶.

18 Ma ghearras e as⁷ o àit e, an sin àicheadhaidh se e, *ag ràdh*, Cha'n fhaca mi thu.

19 Feuch, *is* e so aoibhneas a shlighe-san; ach as an ùir fàsaidh aon eile.

20 Feuch, cha tilg Dia air falbh an *duine* foirfe, agus cha ghabh e greim do làimh nan daoine aingidh:

21 Gus an lìon e do bheul le gàire, agus do bhilean le gairdeachas.

22 Iadsan a dh'fhuathaicheas thu, còmh-daichear iad le nàire; agus cha *bhi* pàill-iun nan aingidh ann.

CAIB. IX.

1 *Tha Iob ag àicheadh ceartais Dé; 14 a' nochdadh nach eil e 'g iarraidh e fèin fhìreanachadh; 20 agus nach còir breth thoirt air neach air bith a rèir an dòigh air am bheil Dia buinidh ris.*

¹ *chuir e iad ann an làimh an eusaontais.* Eabh.
² *an gall-sheitisdeir, fear a' chladaich.* Faic Gen. Caib. XII. r. 2.
³ *'na ghuirme, uaine.*
⁴ *tigh.* Eabh.
⁵ *ghràdh.*
⁶ *chi e tigh nan clach.* Eabh.
⁷ *Ma sgrìosar.*
⁸ *a bhios duine ceart?*
⁹ *Ma nì e strì ris.* ¹⁰ *Ias.* Eabh.

A GUS fhreagair Iob, agus thubhairt e, 2 Gu deimhin tha fhios agam gu *bheil* e mar sin: oir cionnus a shaoras duine e fèin¹ aig Dia?

3 M'as àill leis a chùis a thiagradh 'na làthair², cha fhreagair se e aon *uair* as a' mhìle.

4 Glic an cridhe, agus treun an neart, cò a chruaidhich e fèin 'na aghaidh, agus a shoirbhich?

5 A dh'atharraicheas na beanntan, agus cha bhi fios ac' *air*; a thilgeas bun os ceann iad 'na fheirg;

6 A chrathas an talamh as 'àit, agus crìothnaichidh a phuist:

7 A dh'àithneas do'n ghréin, agus cha'n éirich i; agus air na reultaibh a chuireas seula:

8 A sgaoileas a mach na nèanha 'na aonar, agus a shaltaireas air tonnaibh na fairge:

9 A tha deanamh Arcturis¹⁰, Orioin¹¹, agus Phleides¹², agus shcòmraiche na h-àirde deas:

10 A tha deanamh *nithe* mòra, nach bi e 'n comas fhagbail a mach, agus *nithe* iongantach nach gabh àireamh.

11 Feuch, théid e seachad orm, agus cha 'n fhaic mi e; agus gabhaidh e thairis, ach cha mhothaich mi e.

12 Feuch, ma bheir e air falbh, cò a bhacas e¹³? cò a their ris, Cìod a tha thu a' deanamh?

13 Cha tionndaidh Dia air falbh 'fhearg: fuidhe cromaidh fir-chuideachaidh an àrdain.

14 Nach ro lugha na sin a fhreagaireas mise e, a thaghas mi mo bhriathra ris?

15 Oir ged bhithinn ionraic¹⁴, cha fhreagairinne; air mo bhreitheamh dh'aslaichinn.

16 Nan gairmim, agus gu'm freagair-eadh e mi, cha chreidinn¹⁵ gu'n d'éisd e ri m' ghuth:

17 Oir le doinnionn tha e 'gam bhruth-adh, agus a' deanamh mo lot lìonmhor gun aobhar.

18 Cha leig e leam m'anail a tharruing, ach lionaidh e mi le searphas¹⁶.

19 Ma *labhrar* mu neart, feuch, *tha* e làidir; agus ma *labhrar* mu bhreitheanas, cò a shuidhicheas àm¹⁷ air mo shon?

20 Ma dh'fhìreanaicheas mi mi fèin, dèidh mo bheul fèin mi; agus foirfe *ma nì* mi mi fèin, nochdaidh e sìar mi.

21 Foirfe ged bhithinn, cha'n aithnichinn e; a'm' anam¹⁸ dheanainn tàir air mo bheatha.

¹¹ *Chesil.* Eabh.
¹² *nan seachd rionnag; China.* Eabh.
¹³ *ma bheir e leis, cò a bheir air aiseag?*
¹⁴ *ccart, cothromach, neo-chiontach.*
¹⁵ *is gam a chreidinn.* ¹⁶ *le searphasàibh.*
¹⁷ *am-tagraidh.*
¹⁸ *Foirfe ged bhithinn, cha'n aithnichinn m'anam*

22 *Is aon ni e: uime sin thubhairt mi, Am foirfe agus an t-aingidh tha e a' sgrios.*

23 *Ma mharbhas an t-slat gu h-obann, ri deuchainn nan neò-chiontach g'àirdh e.*

24 *Thugadh an talamh an làimh an aingidh: aghaidhean a bhreitheamhna còmhdaichidh e; mar dean e mar so, c'ait, cò esan a ni?*

25 *Bha mo làithean ni bu luaithe na gille-ruithe: theich iad air falbh, cha u fhac iad maith.*

26 *Ghabh iad seachad mar na longaibh luatha; mar an iolaire a' dol air iteig¹ a chum cobhartaich.*

27 *Ma their mi, Di-chuimhnichidh mi mo ghearan, leigidh mi dhìom mo dhubhachas², agus bheir mi comhfhurtachd dhomh féin;*

28 *Tha eagal orm roimh mo dhoilghcasaibh uile; tha fios agam nach meas thu neò-chiontach mi.*

29 *Ma bhios mi aingidh³, c'ar son ma ta a shaothraichinn gu dìomhain?*

30 *Ma nigheas mi mi féin ann an uisgibh sneachdaidh, agus ma ghlanas mi gu glan mo làmhan;*

31 *Am sin tumaidh tu mi san t-slochd⁴, agus gabhaidh m'eudach féin gràin diom.*

32 *Oir cha duine e mar a ta mise, gu'm freagairinn e, gu'n tigeamaid cuideachd gu breitheanas.*

33 *Cha 'n'eil fear-réite⁵ eadaruin, a chuireadh a làmh oirnn le chéile.*

34 *Thugadh e air falbh a slat dhìom, agus na cuireadh eagal roimhe uamhas orm.*

35 *An sin labhrainn, agus cha bhiodh eagal orm roimhe: ach cha 'n'eil mi mar sin agam féin⁶.*

CAIB. X.

1 *Ann an searbhias 'anama thagair Iob a chèis an làthair Dhé: 18 tha e a' caoidh nach d'thug e suas an deò gun sùil 'ga fhaicinn. 20 Ghuidh e air Dia beagan comhfhurtachd a thaibhairt da.*

THA m'anam sgith do m' bheatha; fàgaidh mi mo ghearan orm féin; labhraidh mi ann an searbhias m'anama.

2 *Their mi ri Dia, Na dìt mi; thoir fios dhomh c'ar son a tha thu a' cur a'm aghaidh.*

3 *Am maith leat gu'n sàraicheadh tu? gu'n deanadh tu tàir air obair do làmh? agus gu'n dealraicheadh tu air combhairle nan aingidh?*

4 *Am bheil sùilean feòla agad? an ann mar a chi duine, a chi thusa?*

5 *An ann mar làithibh duine a tha do làithean-sa? am bheil do bhliadhnacha*

mar làithibh duine,

6 *Gu'n sìreadh tu air son⁷ m'eucèirt. agus gu'n rannsaicheadh tu air son mo pheacaidh?*

7 *Tha fhios agad nach d'rinn mi gu h-aingidh: agus cha 'n'eil neach ann a shaoras o d' làimh.*

8 *Shaothraich do làmha-sa mi, agus rinn iad mi comhcheart mu'n cuairt; agus an sgrios thu mi?*

9 *Cuimhnich, guidheam ort, gur ann mar chriadh a rinn thu mi; agus gu duslach an tionndaidh thu mi a ris?*

10 *Mar bhainne nach do thaom thu mi mach, agus mar chàise nach do dhaingnich thu mi?*

11 *Le croicinn agus le feoil chòmhdach thu mi, agus le cnàmhaibh agus féithibh-luthaidh dhion⁸ thu mi.*

12 *Beatha agus caoimhneas dheònaich thu dhomh, agus choimhid do fhreasdal⁹ mo spiorad.*

13 *Agus na nithe so dh'fholaich thu a'd' chridhe: tha fios agam gu bheil so agad¹⁰.*

14 *Ma pheacaicheas mi, bheir thu fa'near mi, agus o m'eucèart cha saor¹¹ thu mi.*

15 *Ma bhios mi aingidh, mo thruaigh mi! agus ma bhios mi ionraic, cha tog mi mo cheann. Làn maslaidh¹² a ta mi, agus faic féin m' àmhghar;*

16 *Oir tha e a' meudachadh; mar leòmhann garg tha thu a' sealg orm; agus a ris tha thu 'gad nochdadh féin iongantach orm¹³.*

17 *Tha thu ag ath-nuadhachadh t'fhianuisean a'm' aghaidh, agus a' meudachadh do chorruih rium; tha caochlaidh agus cogadh a'm' aghaidh.*

18 *C'ar son ma ta a thug thu mach as a' bhroinn mi? Oeh nach d'thug mi suas an deò, gun sùil 'gam fhaicinn!*

19 *Bhithinn mar nach bithinn ann; o'n bhroinn a dh'ionnsuidh na h-uaigne bhithinn air mo ghiùlan.*

20 *Nach tearc mo làithean? sguir ma ta, agus leig leam, agus gu faigh mi beagan comhfhurtachd,*

21 *Mun siubhail mi, agus nach pill mi tuilleadh, gu tìr an dorchadais agus sgàile a bhàis;*

22 *Tìr dorchadais mar dhuibhre sgàile a bhàis; agus as eughmais gach riaghailt, agus far am bheil an solus mar dhorchadas¹⁴.*

CAIB. XI.

1 *Thug Sophar geur-achmhasan do Iob a chionn gu'n d'fhìrinnich se e féin: 7 tha e a' nochdadh nach fheud duine mòrachd Dhé a rannsachadh;*

¹ mar an iolaire a dh'itealaicheas.

² mo thuisre; mo ghiùis. Eabh.

³ ciontach. ⁴ san t-salchar, san dig.

⁵ fear-tagraidh, fear-cadraiginn, breitheamh.

⁶ ni h-ann mar a ta agamsa.

⁷ an dèigh.

⁸ t'fhiosrachadh.

⁹ cha ghlan.

¹⁰ a' t'aighe.

¹¹ cha ghlan. ¹² amhluaidh.

¹³ tha do làmh iongantach trom orm.

¹⁴ agus a bhios doircha mar an dorchadas féin.

13 agus nach bi dòchas aig neach fhad 's a bhios euceart 'na làimh.

AN sin fhreagair Sophar an Naamat-ach, agus thubhairt e,

2 Do lìonmhoireachd bhriathar nach toirear freagradh? agus an saorar fear na mòr-bhruidhne?

3 An toir do bheugan-sa air daoineibh a bhi 'nan tosd? agus an uair a ni thu fanoid, nach cuir duin' air bith nàir ort?

4 Oir thubhairt thu, Glan a ta mò theag-asg, agus neò-chiontach¹ tha mi ann ad shuilibh.

5 Ach, O nach labhradh Dia, agus nach fosgaileadh e a bhilean riut²;

6 Agus nach nochdadh e dhuit *nithe* dìomhair a' ghliocais, gu bheil iad dub-aile na ta ann³! Biodh fios agad uime sin gu bheil Dia 'gad agairt air son t'eu-ceirt⁴.

7 An urrainn thusa le rannsachadh Dia fhaghail a mach? an urrainn thu an t-Uile-chumhachdadh fhaghail a mach gu h-iomlan?

8 Ard mar na nèamha; ciod a ni thu? ni's doimhne na ifrinn; ciod is aithne dhuit?

9 Ni's faide na'n talamh a thomhas, agus ni's leithne na'n fhaireg.

10 Ma ghearras e as⁵, no ma dhùineas e suas, no ma chruinnicheas e ri chéile, cò a bhacas e?

11 Oir is aithne dha daoine faoine⁶; agus an uair a chi e euceart, nach toir e fa' near i?

12 Agus b'àill leis an duine fholamh⁷ a bhi glic, ged is ann mar loth asail fhiadh-aiach a bheirear duine.

13 Ma dheasaicheas tu do chridhe, agus gu'n sin thu d'a ionnsuidh do làmhnan;

14 Ma bhios euceart a'd' làimh, cuir fada uait i, agus na leig le aingidheachd còmhachadh a'd' phàillunaibh.

15 Oir an sin togaidh tu suas do ghnùis gun smal, agus bithidh tu seasmhach, agus cha bhi eagal ort:

16 Oir di-chuimhnichidh tu do dhoch-air⁸; mar na h-uisgeachaibh a chaidh seachad cuimhnichidh tu i.

17 Agus ni's soilleire na meadhon-là fàsaidh t'aois; ged robh thu ann an dorchadas, mar a' mhaduinn bithidh tu.

18 Agus earbaidh tu⁹, oir bithidh dòchas agad; agus cladaichidh tu, [agus] gu tèarainte gabhaidh tu tàmh.

19 Agus an uair a luidheas tu sìos, cha chuir neach air bith eagal ort; agus iarraidh mòran do ghnùis.

20 Ach fàilnichidh sùilean nan aingidh; agus dol as cha bli aca; agus bithidh an dòchas mar thoirt suas an deo.

CAIB. XII.

1 *Chronaich Iob a chairdean: 6 Dh'fheuch e dhoibh gu bheil an t-aingidh soirbheachadh sa bheatha so. 13 Neart agus gliocas an Uile-chumhachdaich.*

AGUS fhreagair Iob, agus thubhairt e, 2 Cha 'n'eil teagamh nach sibhse an sluagh, agus maille ribhse bàsaichidh gliocas.

3 Ach agamsa *tha* tuisge¹⁰, mar a ta agaibhse¹¹; cha'n isle mise na sibhse: agus cò aig nach 'eil fios air an leithide sin?

4 Mar neach 'a ta 'na bhall-magaidh aig a charaid tha mise, a ghairmeas air Dia, agus freagairidh se e: 'na bhall-fochaidd *tha* an duine ceart ionraic.

5 Mar lòchran fuidh thàir ann an smuaintibh an ti a ta aig fois, *bithidh* esan a bhios ullamh¹² gu sleamhnachadh le 'chois.

6 Sìochail bithidh pàilluna chreachad-airean; agus tèarainte *bithidh* iadsan a bhrosnaicheas Dia; d'an d'thug Dia ni 'nan làimh.

7 Ach feòraich a nis do na h-ainmhidh-ibh, agus teagaisgidh iad thu; agus do eunlaith nan speur, agus innsidh iad dhuit:

8 No labhair ris an talamh, agus teagaisgidh e thu; agus cuiridh iasg na mara an cèill duit.

9 Cò aig nach 'eil fios a thaobh nan *nithe* so uile, gur i làmh an Tighearn a rinn so?

10 Aig am bheil 'na làimh anam gacli ni beò, agus anail gach uile fheòla dhaoine.

11 Nach dearbh a' chluas briathra? agus nach blais am beul a bhiadh?

12 Anns na h-aosda tha gliocas; agus am fad làithean tuisge.

13 Maille ris-san tha gliocas agus neart; aige-san *tha* comhairle agus tuisge.

14 Feuch, brisidh e sìos, agus cha togar suas: druididh e suas duine, agus cha'n fhosgailear.

15 Feuch, cumaidh e na h-uisgeachan air an ais, agus tiormaichidh iad suas; agus cuiridh e mach iad, agus tilgidh iad bun os ceann an talamh.

16 Aige-san tha neart agus gliocas: is leis-san esau a mheallar, agus esan a mheallas.

17 Cuiridh e air falbh comhairlich creachta, agus do bhreitheamhnaibh ni e amadain.

¹ glan.

² a'd' aghaidh.

³ na ta air am foillseachadh do dhaoineibh.

⁴ gur lugha a tha Dia a' togail uait na tha t'eu-ceart a' foilltinn.

⁵ Ma chaochaileas e.

⁶ breugach.

⁷ fhàs, fhaoin.

⁸ do thruaighe.

⁹ bithidh tu tèarainte.

¹⁰ cridhe. Eabh.

¹¹ co mailh ribhse.

¹² ealamh.

18 Cuibhreach rìghrean sgaoilidh e, agus crioslaichidh e crios air an leasraibh.

19 Cuiridh e air falbh uachdarain¹ creachta, agus tilgidh e sìos na cumhachdaich.

20 Atharraichidh e cainnt nam firinn-each, agus bheir e air falbh tuigse nan aosmhor.

21 Taomaidh e tàir air àrd-uaislibh², agus anmhunnaichidh e neart nan daoine treuna.

22 Taisbeanaidh e nithe doimhne á dorchadas, agus bheir e sgàile a' bhàis gu solus.

23 Meudaichidh e na cinnich, agus sgriosaidh se iad: fairsinnichidh e na cinnich, agus cumhannaichidh se iad.

24 Bheir e air falbh cridhe cheannard sluaigh na talmhainn, agus cuiridh e air seacharan iad ann am fàsach as eugmhaïs slighe.

25 Smeuraichidh iad san dorchadas, agus iad gun solus; agus bheir e orra tuisleachadh mar dhuine air mhisg³.

CAIB. XIII.

¹ Chronaich Iob a chairdean do bhrìgh gu'n do labhair iad gu h-aingidh as leth Dhè: ¹⁴ Ged nach do thuig e aobhar a thrioblaid cha d'fhàilnich a dhòchas: ²⁰ Dh'iarr e fios fhaghaill air a pheacannaibh.

THEUCH, chunnaic mo shùil so uile; chuala mo chluas, agus mhothaich⁴ i e.

2 Mar is aithne dhuibh-se, is aithne dhomh-sa mar an ceudna: clia 'n isle mise na sibhse.

3 Ach labhrainn-se ris an Uile-chumhachdach, agus b'àill leam tagradh⁵ ri Dia.

4 Oir is luchd cumadh⁶ bhreug sibhse, léighean nach fìu sibh uile.

5 O nach robh sibh gu tur 'nur tosd! agus b'e sin bhuir gliocas.

6 Cluinnibh a nis mo thagradh⁷, agus éisdibh ri deasboireachd mo bhilean.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis⁸? air son Dhé an dean sibh comhstri?

9 Am bheile maith gu'n ramsaicheadh e mach sibh? mar a nithear fanoid air duine, an dean sibh fanoid air-san?

10 Gu cinnteach cronaichidh e sibh, ma ghabhas sibh an uaignidheas ri ghnùis.

11 Nach cuir 'òirdhearcas-san eagail oirbh? agus nach tuit 'uamhann-san oirbh?

12 Tha bhuir cuimhne cosmhuil ri luaithe,

mar chuirp creadha bhuir cuirp.

13 Bithibh 'nur tosd a m' thaobh-sa, agus labhraidh mi, agus thigeadh⁹ orm na dh'fheadas.

14 C'ar son a tha mi gabhail m'fheòla a'm' fhiacilaibh, agus a' cur mo blicathia a'm' làimh¹⁰?

15 Ged mharbh e mi, gidheadh earbaidh mi as¹¹: ach tagraidh¹² mi moshligh-ean 'na fhianuis.

16 Mar an ceudna bithidh e dhomhsa chum slàinte; oir cha tig cealgair 'na làthair¹³.

17 Eisidibh gu furachar ri m' chainnt, agus ri m' sgeul le'r cluasaibh.

18 Feuch a nis, chuir mi mo chùis an ordugh: tha fios agam gu'n saorar mi,

19 Cò esan a thagras rium? oir a nis, ma bhithas mi a'm' thosd, bheir mi suas an deò.

20 A mhàin dà ni na dean rium; an sin o d' ghnùis cha 'n fholaich mi mi féin.

21 Tarruing do làmh fada uam? agus na cuireadh t'uamhann eagail orm.

22 An sin gairm thusa, agus freagairidh mise: no labhraidh mise, agus freagair thusa mi.

23 Cia lìonmhor m'euceartan agus mo pheacanna? air m'eusaontas agus mo pheacadh thoir fios domh.

24 C'ar son a tha thu a' folachadh do ghnùise, agus 'gam mheas mar nàmhaid duit?

25 Am bris thu an duilleag a thilgear a null agus a nall? agus an ruaig thu an asbhuain thioram?

26 Oir tha thu a' sgrìobhadh nithe searbha a'm' aghaidh, agus a' toirt orm eucearta m'òige a shealbhachadh.

27 Agus tha thu a' cur mo chos anns a' cheap, agus a' geur-amharc air mo shligh ibh gu léir, agus a' cur chomhar air bonnaibh mo chos.

28 Agus mar ni breun cuirear as da¹⁴, mar thrusgan a dh'itheas an leomann¹⁵.

CAIB. XIV.

¹ Dh'asluich Iob fad-fhulangas Dhé, do bhrìgh gu bheil an duine air bheag làithean agus làn àmhghair. ¹³ Dh'iarr e àite tàimh gus an tigeadh crìoch 'àimsire suidhichte.

THA 'n duine a rugadh o mhnai, gearr-shaoghalach¹⁶, agus làn àmhghair.

2 Mar bhlàth thig e mach, agus gearr sios e: agus teichidh e mar sgàile, agus cha'n fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breitheanas maille riut.

¹ sagairt. ² uachdaraibh, ceannardaibh.

³ mheisg. ⁴ thuig. ⁵ reusonachadh.

⁶ luchd-dealbh. ⁷ m'achmhasan.

⁸ Am bi sibh leth-bhreitheach air a thaobh-san?

⁹ gabhadh thairis. ¹⁰ ann an cunntart.

¹¹ cha 'n eil duil agam ri ni eile.

¹² dearbhaidh, seasaidh. ¹³ 'na shlàinte

dhomhsa, ged nach tig cealgair 'na làthair.

¹⁴ domh. ¹⁵ an ceudan, a' chnuimh.

¹⁶ air bheag làithean.

4 Cò a bheir glan á neòghlan? cha *tabhair* a h-aon.

5 Gu deimhin tha' a làithean suidhichte, *tha* àireamh a mhìos agad-sa; dh'orduich thu a chrìochan, agus cha téid e thairis orra.

6 Tionndaidh uaith chum gu bi fois aige, gus an coimhilion e mar fhear-tuarasdail a là.

7 Oir tha dòchas á craoibh, ma ghearrar sìos i, gu'm fàs i a rìs, agus nach fàilnich a faillean² òg.

8 Ged fhàs a freumh sean anns an talamh, agus anns an ùir ged bhàsaich a stoc;

9 Trid fhàile an uisge ùr-fhàsaidh i, agus bheir i mach geuga mar òg-chraoibh.

10 Ach bàsaichidh fear, agus théid gu tur as da; agus bheir duine suas an deò, agus c'ait *am bheil e?*

11 Fàilnichidh na h-uisgeacha o'n mhuir, agus caithear an amhainn, agus tiorraichidh i suas³:

12 Mar sin luidhidh an duine sìos, agus cha'n éirich e; gus nach bi na nèamhan ann, cha mhosgail iad, agus cha dùisgear as an codal iad.

13 Och nach folaicheadh tu mi anns an uaigh, nach gleidheadh tu mi an uaigh-nidheas, gus am biodh t'fhearg thairis! nach suidhicheadh tu dhomh àm àraidh, agus gu'n cuimhnichheadh tu mi!

14 Ma bhàsaicheas duine, an tige e beò? uile làithean m'aimsire suidhichte feithidh mi, gus an tig mo chaochladh.

15 Gairmidh⁴ tusa, agus freagairidh mise thu: air obair do làmh bithidh déigh agad.

16 Oir a nis tha thu ag àireamh mo cheum: agus nach 'eil thu ri faire air mo pheacadh?

17 Seulaichte ann an ceanglachan *tha* m'eusaontas, agus fuaighidh tu suas m'eucairt.

18 Agus gu deimhin tuitidh a' bheinn, agus théid as di; agus atharraichear a' charraig as a h-àit.

19 Caithidh na h-uisgeacha na clacha: bheir thu tuil air na nithibh a dh'fhàsas á h-ùir na talmhainn, agus sgriosaidh tu dòchas an duine.

20 Buadhaichidh tu gu bràth 'na aghaidh, agus siùbhlaidh e: caochailidh tu a ghnùis, agus cuiridh tu air falbh e.

21 Urramach fàsaidh a mhic, agus cha bhi fios aig air; agus ìslichear iad, ach cha toir e fa' near iad⁵.

22 Ach bithidh 'fheoil an taobh a stigh

dheth⁶ cràiteach, agus ni 'anam an taobh a stigh dheth bròn.

CAIB. XV.

1 *Chronaich Eliphas Iob air son a dhànadais 'na fhìreantachd féin.* 17 *Nochd e gu'n cràdhar an t-aingidh rè a làithean uile.*

AN sin fhreagair Eliphas an Teman ach, agus thubhairt e,

2 An luadh duine glic air còlas na gaoithe⁷, agus an lìon e a chliabh leis a' ghaoith an ear?

3 An tagair e le briathraibh gun tairbhe, agus le caint leis nach dean e maith?

4 Seadh, tha thu a' tilgeadh dhìot cagail⁸, agus a' léigeadh urnuigh dhìot an làthair Dhé.

5 Oir teagaisgidh t'aingidheachd do bheul⁹, agus ròghnaichidh tu teanga nan cuilbheartach.

6 Dìthidh do bheul féin thu, agus cha mhise; agus bheir do bhilean féin fianuis a'd' aghaidh,

7 An tusa an ceud duine a rugadh? no roimh na cnocaibh an do rinneadh thu?

8 An cuala tu bliag ann an comhairle dhìomhair Dhé? agus a d'ionnsuidh féin a mhàin an do tharruing thu gliocas¹⁰?

9 Cìod is aithne dhuìte, nach aithne dhuinne? a thuigear tusa, nach tuig sinne¹¹?

10 *Tha* aron an ceann-liath agus an t-aos-mhor 'nar measg-ne, ni's sine gu mòr na t'athair.

11 Am beag leat sòlasa Dhé? agus am bheil ni dhìomhair agad¹²?

12 C'ar son a tha do chridhe 'gad thoirt air falbh? agus c'ar son a tha do shùil-ean a' caogadh.

13 Gu bheil thu a' tionndadh do spioraid an aghaidh Dhé, agus a' leigeadh an leithide sin do bhriathraibh a mach as do bheul?

14 Cò e an duine, gu'm biodh e glan? agus gu'n saoradh esan e féin, a rugadh o mhnai?

15 Feuch, as a naomhaibh cha'n earb e; agus cha'n 'eil na nèamha glan 'na shùilibh.

16 Nach gràineile agus nach sailche gu mòr an duine, a dh'òlas euccart mar uisge?

17 Innsidh mi dhuit, éisd rium; agus na chunnaic mi, cuiridh mi 'n céill;

18 A dh'aithris daoine glíce, agus nach do cheil an aithriche orra¹³:

19 D'an d'thugadh 'nan aonar an talamh, agus cha d'imich coigreach 'nam measg.

¹ *A thaobh gu bheil.*

² *meanglan.*

³ *Faic Isaiah, Caib. XIX. r. 5.*

⁵ *Goiridh.*

⁵ *cha mhothaich e sin d' an taobh.*

⁶ *a shon féin.*

⁷ *edlas faoin.*

⁸ *eagail dhiaidhaidh.*

⁹ *nochdaidh do bheul*

t'aingidheachd.

¹⁰ *a d'ionnsuidh féin an toir thu air falbh gliocas; riut féin a mhàin an cum thu gliocas?*

¹¹ *nach eil againne. Eabh.*

¹² *an dh'fhoilaich e focal agad?* ¹³ *dh'aithris daoine glíce o'n aithrichibh, agus nach do cheil iad.*

20 Rè a làithean uile cràdhar an t-aingidh; agus folaichear àireamh a bhliadhnan air an fhear-shàrachaidh.

21 Tha fuaim eagalach 'na chluasaibh: 'na shoirbheachadh thig am fear-millidh air.

22 Cha chreid e gu'm pill e as an dorchadas; agus feithear air leis a' chlàidheamh.

23 Tha e ag imeachd mu'n cuairt air son arain, *ag ràdh C'ait am bheil e?* tha fios aige gu bheil là an dorchadais deas aig a làimh.

24 Cuiridh teanntachd agus àmlghar¹ uamhas air: buadhaichidh iad air, mar rìgh deas a chum catha.

25 Oir sinidh e mach a làmh an aghaidh Dhé, agus an aghaidh an Uile-chumhachdaich neartaichidh se e féin.

26 Ruithidh e air, air a mhuineal, air copaidh tiugha a sgiath;

27 A chionn gu'n do chòmhdach e a ghnùis le a shult², agus gu'n d'rinn e fill-ean³ saille air a leasaibh.

28 Agus còmhnuichidh e ann am bailtibh fàsaichte⁴, ann an tighibh nach 'eil air an àiteachadh, a tha ullamh gu bhì 'nan carnaibh.

29 Cha bhì e beartach, agus cha mhair a mhaoin; agus cha sìn e mach a fhreumh san talamh⁵.

30 Cha triall e á dorchadas; tiormaichidh lasair a mheanglan⁶; agus siubhlaidh e le anail a bheoil.

31 Na h-earbadh esan a mheallar á dìomhanas; oir dìomhanas bithidh aige mar luigteachd.

32 Roimh a là coimhlionar e; agus cha bhì a gheug uaine.

33 Crathaidh e dheth mar an fhionain 'fhion-dhearcan anabaich, agus tilgidh e dheth mar an crann olaidh a bhlàth.

34 Oir bithidh coimhlithional nan cealgair aonarach, agus caithidh teine pàilliuna na duais-bhratha⁷.

35 Ginidh iad donas, agus beiridh iad droch-bheart⁸, agus ulluichidh an com cealg.

CAIB. XVI.

1 Chronaich Iob a chairdean do bhrìgh gu'n robh iad 'nan luchd-comhfhurtachd truagh. 7 Chuir e an cèill an doilgheas a thàinig air; 17 agus thagair e a nòd-chiontas.

ACH fhreagair Iob, agus thubhairt e, 2 Chuala mi mòran d'an leithidibh sin: is luchd-comhfhurtachd truagh sibh uile.

3 Am bi crìoch air briathraibh gaoithe⁹? no ciod a tha toirt an dàndais duit gu bheil thu a' freagairt?

4 Dh'fheudainn-se mar an ceudna labhairt cosmhuil ribhse: nam biodh bhuir n-anam an àit m'anama-sa, dh'fheudainn briathra chur cuideachd 'nur n-aghaidh agus mo cheann a chrathadh ribh:

5 [Ach] neartaichinn sibh le m' bheul, agus lughdaicheadh gluasad mo bhilean bhuir doilgheas.

6 Ged labhair mise, cha lughdaichear mo dhoilgheas; agus *ma* bhios mi a'm' thosd, ciod am fuasgladh a gheibh mi?

7 Ach a nis sgèithich e mi: sgap thu¹⁰ mo chuideachd uile.

8 Agus rinn thu mi làn phreasag-eudain¹¹; mar fhianuis tha sin: agus dh'éirich mo chaoile a'm' aghaidh¹²; ri m'eudan freagairidh i.

9 Reub a chorruch mi¹², agus tha fuath aige dhomh: chas e 'fhiaclan rium; tha mo nàmhaid a' geurachadh a shùl orm.

10 Chas iad am beul rium; le masladh bhuaill iad mo ghiala; cuideachd chruinnich iad a'm' aghaidh.

11 Thug Dia mi thairis do'n ain-diadhaidh, agus an làimh nan aingidh thilg e mi.

12 An sìth bha mi, ach phronn e mi: agus rug e air mo mhuineal, agus chrath e as a chèile mi, agus chuir e suas mi dha féin mar chuspair.

13 Tha a luchd-shaighead¹⁴ gam chuairt-eachadh air gach taobh: sgoiltidh e m'airnean o chèile, agus cha chaomhain e; taomaidh e mach mo dhombblas air an talamh.

14 Brisidh e mi le briseadh air bhriseadh; ruithidh e orm mar churaiddh¹⁵.

15 Dh'fhuair mi saic-eudach air mo chroicionn, agus shalaich mi m'adharc san duslach.

16 Tha m'eudan air a h-atadh¹⁶ le gal¹⁷, agus air mo rosgaibh¹⁸ tha sgàile à' bhàis;

17 Cha'n ann air son euceirt a'm' làmh-aibh: mar an ceudna tha m'urnuigh glan.

18 A thalamh, na còmhdaich thusa m' fhuil, agus na biodh àit aig mo ghlaodh.

19 Mar an ceudna nis, feuch, anns na nàmhaidibh tha m' fhianuis, agus esan a bheir teistean orms anns na h-àirdibh.

20 A' fanoid orm tha mo chàirdean; chum Dhé tha mo shùil a' taomadh dheur.

21 O nach feudadh duine tagradh ri Dia, mar a thagras mac an duine r'a choimhearsnach¹⁹!

¹ cruaidh-chàs. ² reamhrad. ³ staoigean.

⁴ fàsaill. ⁵ cha sìn e an coimhliontachd air an talamh; cha chuir e mach sgàile air an talamh.

⁶ fhàilean. ⁷ duais na h-eucorach.

⁸ dìomhanas. ⁹ briathraibh faoin.

¹⁰ rinn thu aonarach. ¹¹ chasaidh.

¹² annam.

¹⁴ a shaighde.

¹⁵ salchadh.

¹⁶ air fàbhraidhibh mo shùil.

¹⁷ gal, caoinneadh.

¹⁸ tagradh air son duine ri Dia.

¹⁹ mar a thagras duine air son a choimhearsnach.

22 An uair a thig beagan da bhliadhnaibh, an sin san t-slighe air nach phill mi siubhlaidh mi.

CAIB. XVII.

1 Rinn Iob gearan an aghaidh a chairdean, agus thug e a chèis an làthair Dhé. 11 Chaidh a dhòchas a' bhcattha so thairis.

THRUAILLEADH m'anail; ghearradh as mo làithean; *tha* na h-uaignean air mo shon-sa.

2 Nach 'eil luchd-fanoid maille rium? agus 'nam brosnachadh nach 'eil mo shùil a' buanachadh?

3 Cuir sìos a nis, thoir dhomh urras maille riut: cò esan a ghlacas mo làmh?

4 Oir dh'fholuich thu an cridhe o thuigse: uime sin cha'n àrdaich thu iad.

5 Esan an nì miodal r'a chàirdibh¹, fàilnichidh sùilean a chloinne.

6 Agus rinn e mi a'm' ghnàth-fhocal an t-sluaigh; agus tha mi mar bhall-fochaid rompa².

7 Agus dh'orchaidh mo shùil le bròn³, agus *tha* mo bhuill uile mar sgàile.

8 Bithidh uamhas air na h-ionracain air son so; agus dùisgidh⁴ an neò-chiontach an aghaidh a' chealgair.

9 Agus cumaidh an duine cothromach a shlighe; agus gheibh esan a ta glan 'na làmhaidh tuilleadh neirt.

10 Ach air bhur son-sa uile, pillibh agus thigibh a nis; agus cha'n fhaigh mi duine glic 'nur measg.

11 Chaidh mo làithean thairis, bhriseadh mo smuainte⁵ air falbh, seilbh⁶ mo chridhe.

12 An oidhche tionndadhaidh iad gu là: *tha'n* solus goirid a thaobh dorchadais.

13 Ma dh'fheitheas mi, is i'n uaigh mo thigh: san dorchadas rinn mi mo leaba.

14 Ri truailidheachd thubhairt mi, *Is* tu m'athair; ris a' chnuimh, *Is* tu mo mhàthair, agus mo phiuthar.

15 Agus c'ait a nis *am bheil* mo dhòchas⁷? seadh, mo dhòchas-sa, cò chi e?

16 *Gu* crannaibh an t-sluichd théid iad sìos: an sin *bithidh ar* fois cuideachd anns an duslach.

CAIB. XVIII.

1 Thug Bildad achmhasan do Iob a chionn gu'n robh e dh'casbluidh foighidinn. 5 Dh'innis e gu'n cuirear solus an aingidh as, agus gu'n sgriosar a chnuimhe bhàrr aghaidh na talmhainn.

AN sin fhreagair Bildad an Suhach, agus thubhairt e,

2 Cia fhada gus an cuir sibh crìoch air briathraibh? tuigibh⁸, agus 'na dhéigh sin labhramaid.

3 C'ar son a mheasar sinne mar ain-

mhidhibh, agus a tha sinn tàireil⁹ a'd' shùilibh-sa?

4 *Tha e a'* reubadh 'anama 'na chorr- uich: air do shon-sa an tréigear an tal- amh? agus an atharraichear a' charraig as a h-àit?

5 Seadh, cuirear solus an aingidh¹⁰ as: agus cha dealraich lasair¹¹ a théine.

6 Dorchaichear an solus 'na phàillium, agus cuirear as a lòchran aige.

7 Cumhannaichear ceuman a neirt, agus tilgidh a chomhairle féin sìos e:

8 Oir cuirear ann an lion e le a chosaibh féin¹², agus air ribe¹³ imichidh e.

9 Glacaidh an cord air shàil e; buadh- aichidh am fear-reubainn 'na aghaidh.

10 Fòllichte anns an talamh tha ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagal air, agus fuadaichidh iad air a chos- aibh e.

12 Bithidh a neart air a chlaoidh le h-ocras, agus léir-sgrios deas aig a thaobh.

13 Ithidh e suas neart¹⁴ a chroicinn; ithidh ceud-ghin a' bhàis suas a neart.

14 Spionar as a phàillium, a dhòchas; agus bheir se e gu rìgh nan uamhann.

15 Gabhaidh e còmhnuidh 'na phàillium, a chionn nach leis-san e; crathar pron- nasg air àite-còmhnuidh.

16 Shìos tiormaichear a fhreumhan, agus shuas gearrar air falbh a bhàrr.

17 Sgriosar a chuimhne as an talamh, agus cha *bhi* ainm aige air an t-sràid.

18 Fògairear e o sholus gu dorchadas, agus as an t-saoghal tilgear e.

19 Cha *bhi* mac aige, no mac a mhic am measg a shluaigh, no neach a mhair- eas 'na àitibh-còmhnuidh.

20 R'a là bithidh iongnadh orra-san a thig 'na dhéigh, mar a ghlac uamhas¹⁵ iadsan a thàinig roimhe.

21 Gu deimhin *is* iad sin ionada-còmh- nuidh an aingidh; agus is e so 'àite-san, do nach aithne Dia.

CAIB. XIX.

1 *Tha Iob a'* gearau gu'n d'àrdaich a chairdean iad féin 'na aghaidh 'nuair a bhean làmh an Tighe- rana ris. 23 A dhòchas ann an ais-eivigh o na marbhaibh.

ACH fhreagair Iob, agus thubhairt e, 2 Cia fhada chuireas sibh doilgheas air m'anam, agus a bhriseas sibh mo chridhe le briathraibh?

3 Na deich uairean so mhaslaich sibh mi: cha nàir leibh *gu bheil* sibh cho coimh- each rium¹⁶.

4 Agus gu deimhin ma chaidh mi air

¹ a gheallas creach d'a chàirdibh.

² roimhe bhà mi mar thiompan.

³ doilgheas, àrdan.

⁴ dùisgear.

⁵ rùna.

⁶ smuainte.

⁷ mo dhùil.

⁸ thuagibh fa' near.

⁹ gràineil, neò-ghlan.

¹⁰ nan aingidh.

¹¹ srad.

¹² cuirear ann an lion a chos.

¹³ hon, painteir.

¹⁴ maisie.

¹⁵ fuathas.

¹⁶ air bhur cruadhachadh a'm' aghaidh.

seacharan, fauaidh mo sheacharan agam féin.

5 An àrdaich¹ sibhse d'a rìreadh sibh féin a'm' aghaidh, agus an tagair sibh mo mhasladh a'm' aghaidh?

6 Biodh fios agaibh a nis gu'n do thilg Dia thairis mi, agus gu'n do chuir e a lion mu'n cuairt orm.

7 Feuch, gladhaidh mi, Eucoir, ach cha'n éisdear rium; éighidh mi gu h-àrd, ach cha'n'eil breitheanas ann.

8 Chuir e suas mo shlighe air chor as nach urrainn mi dol seachad, agus chuir e dorchadas air mo cheumaibh.

9 Bhàin e mo ghloir dhìom, agus thug e an crùn bhàrr mo chinn.

10 Sgrìos e mi air gach taobh, agus claidh as domh²; agus chuir e air falbh, mar chraoibh, mo dhòchas.

11 Agus las 'fhearg a'm' aghaidh, agus mheas e mi mar *aon* d'a naimhdeibh.

12 Cuideachd thàinig a bhuidhnean, agus chuir iad suas an slighe a'm' aghaidh, agus champaich iad mu'n cuairt air mo phàillium.

13 Chuir e mo bhràithrean fad uam; agus tha mo luchd-eòlais gu deimhin air fàs coimheach rium.

14 Thréig mo dhilsean, agus dhi-chuimhnich mo luchd-eòlais³ mi.

15 Mheas muinntir mo thighe, agus mo bhanaglaich mi mar choigreach: a'm' eilthireach⁴ bha mi 'nan suilibh.

16 Air mo sheirbhiseach ghairm mi, agus cha do fhreagair e: le m' bheul féin ghluidh mi air.

17 Bha m'anail coimheach do m' mhaoi, ge do ghluidh mi as leth⁵ cloinne mo cheuir féin⁶.

18 Rinn eadhon clann òg tàir orm: dh'érich mi, agus labhair iad a'm' aghaidh.

19 Ghabh mo luchd-rùin uile gràin dhìom; agus tha iadsan a ghràdhaich mi air tionndadh a'm' aghaidh.

20 Rì m' chroicinn agus rì m'fheoil dhlùth-lean mo chnàmh; agus chaidh mi as le croicinn m'fhuicail.

21 Gabhaibh truas dhìom, gabhaibh truas dhìom, O mo chairdean, oir bhean làmh Dhé rium.

22 C'ar son a gheur-leanas sibhse mi mar a *ni* Dia, agus le m'fheoil nach sà suichear sibh?

23 O nach robh mo bhriathra nis air an sgriobhadh! O nach robh iad air an cur sìos ann an leabhar!

24 Le peann iaruin agus luaidh gu bràth

ann an carraig nach robh iad air an gearradh.

25 Oir a ta fios agam gu bheil m'fhear-saoraidh beò, agus ma dheireadh gu seas e air an talamh⁷:

26 Agus an déigh dhoibh so mo chroicinn a chnàmh⁸, gidheadh ann am fheoil gu'm faic mi Dia:

27 Neach a chi mise air mo shon féin, agus air an amhaire mo shùilean-sa, agus ni h-e neach eile: so uile chuir mi suas a'm' chom féin⁹.

28 Ach their sibhse, C'ar son a gheur-leanamaid e, agus gu'n d'fhuaradh freumh a' ghnothuich ann¹⁰?

29 Biodh eagal oirbh roimh 'n chlaidheamh; oir fàsaidh an claidheamh teth [an aghaidh] eucearta¹¹, chum gu'm bi fios agaibh gu'm bi breitheanas ann.

CAIB. XX.

1 *Tha Sophar a' nochdadh gur gearr caitheamh nan aingidh, agus nach mair soirbheas a' chealgair ach car tiota.*

AN sin fhreagair Sophar an Naamat-ach, agus thubhairt e,

2 Uime sin tha mo smuainte toirt orm freagairt, agus air a shon so ni mi deifir.

3 Achmhasan mo mhaslaidh cluinn-eam¹², agus tha spiorad mo thuisge a' toirt orm freagairt.

4 Nach aithne dhuit so o chian, o shuidhicheadh an duine air thalamh,

5 Gur gearr caitheamh¹³ nan aingidh, agus nach 'eil gairdeachas a' chealgair ach car tiota?

6 Ged éirich 'airde¹⁴ suas gus na nèamh aibh, agus ged ruig a cheann na neoil;

7 Mar 'aolach féin gu bràth théid as da: their iadsan a chunnaic e, C'ait am bheil e?

8 Mar aisling grad-shiubhlaidh¹⁵ e, agus cha'n fhaighear e; agus teichidh e mar shealladh na h-oidliche.

9 An t-suil a chunnaic e, cha'n fhaic i e tuilleadh; agus ni's mò cha'n amhaire 'àite féin air.

10 Iarraidh a m'hic na bochdan a thoil-eachadh, agus aisgidh a làmh an maoin.

11 Tha a chnàmha làn do pheacadh 'dige¹⁶, agus maille ris anns an duslach luidhidh e.

12 Ged robh an t-olc milis 'na bheul, ged fholaich se e fuidh a theangaidh;

13 Ged chaomhain se e, agus nach tréig se e, ach gu'n gléidh se e an-taobh a stigh a bheoil;

14 Tionndaidhear a bhiadh 'na mhion-

chruinnag so. ⁹ ged chaithear m'airnean an taobh a stigh dhìom. ¹⁰ annam.

¹¹ oir bheil fearg peanas a' chuaidheirnn.

¹² Mo chreachadh maslach chuala mi.

¹³ luathghaire. ¹⁴ uail.

¹⁵ iteilichidh. ¹⁶ d'a pheacannaibh dìomhair.

¹ Ma dh'àrdaicheas.

² siubhlam.

³ mo chàirdean.

⁴ allmharach.

⁵ agus tha mi ri caoidh air son.

⁶ m'innidh; mo bhronna. Eabh.

⁷ gu'n éirich e air an duslach.

⁸ an déigh mo chroicinn ged chnàmh iad a'

ach, gu domblas nan nathair an taobh a stigh dheth.

15 Shluig e sìos beartas, agus sgeithidh e nìos e: tilgidh Dia mach as a bhroinn e.

16 Sùgaidh e nìmh nan nathair¹: marbhaidh teanga na nathrach milltich e.

17 Cha 'n fhaic e na h-aimhniche 'nan roinnibh², na sruthain meala agus ime.

18 Aisigidh e an nì air son an do shaothraich e, agus cha sluig e sìos e; a réir a shaoibhris³ bithidh 'aiseag⁴, agus cha dean e gairdeachas ann:

19 A chionn gu'n d'rinn e fòireigin, gu'n do thréig e na bochdan, le h-ainneart gu'n d'thug e air falbh tigh nach do thog e.

20 Oir cha mhothaich e suaimhneas 'na chom⁵, cha tèaruinn e bheag do na mhiannaich e.

21 Cha 'n fhàgar a bheag d'a bhiadh; uime sin cha bhi sùil aig duine air bith r'a mhaoin⁶.

22 Ann an iomlaine a' phailteis bithidh e ann an teanntachd: thig gach aobhar dragha air⁷.

23 An uair a bhios e gus a bhrù a lìonadh, tilgidh Dia fraoch⁸ 'fheirge air, agus frasaidd e air e 'nuair a bhios e ag itheadh.

24 Teichidh e roimh na h-armaibh iar-uinn: buailidh am bogha umha⁹ troimhe e.

25 Tairngear, agus thig a mach as a' chorp, thig an claidheamh loinneair¹⁰ mach as a dhomblas: thig uamhas air.

26 Bithidh gach uile dhorchadas folaichte 'na ionadaibh dìomhair: loisgidh teine gun séideadh e: éiridh gu h-olc dhàsan a dh'fhàgar 'na phàillion.

27 Foillsichidh na nèamhan 'aingidh-eachd; agus éiridh an talamh 'na aghaidh.

28 Triallaidh fàs a thighe; sruthaidh nìthe as ann an là 'fheirge.

29 Is e so cuibhrionn an duine aingidh o Dhia, agus an oighreachd a dh'orduich-eadh dha le Dia.

CAIB. XXI.

1 Dh'iarr Iob gu'n éisdeadh a chàirdean gu furachar r' a chainnt: 7 tha e a' nochdadh gu bheil na h-aingidh air uairibh a' soirbheachadh; 16 agus air uairibh eile gu bheil an sgrios soilleir. 30 Tha an t-aingidh air a ghleidheadh chum là an sgrios.

ACH fhreagair Iob, agus thubhairt e, 2 Eisdibh gu furachar ri m' chainnt, agus biodh so mar¹¹ bhur comhfhurtachd.

3 Fuilgibh dhomh, agus labhraidh mi; agus an déigh dhomh labhairt, cuiribh ri r' fanoid.

¹ asp. Sarg. petan. Eabh. ² meuraibh, sruth-chlaisibh. ³ a neirt. ⁴ ath-dhioladh.

⁵ 'na bhroinn. ⁶ cha mhair a shoirbheas. ⁷ buaidh làmh gach duine dhroch-mhuinnte air.

⁸ Iusan. ⁹ stailinn, cruadhach. ¹⁰ liobhta, dealrach. ¹¹ an àit.

4 A'm' thaobh sa, an ann ri duine a tha mo ghearan? agus nam b'ann, c'ar son nach biodh mo spiorad fo bhuaireas¹²!

5 Amhaircibh orm, agus biodh long-nadh¹³ oirbh, agus cuiribh bhur làmh air bhur beul.

6 Oir an uair a chuimhniceas mi, tha eagal¹⁴ orm: agus glacadh geilt-chrith m'fheoil.

7 C'ar son a ta na h-aingidh beò, a dh'fhàsas iad sean, agus a bhios iad àrd¹⁵ ann an cumhachd?

8 Tha'n sliochd air a dhaingneachadh 'nam fianuis maille riu, agus an gineal fa chomhair an sùl.

9 Tha'n tighean saor o eagal¹⁶; agus cha 'n eil slat Dhé orra.

10 Ginidh an tarbh, agus cha'n fhàilnich e; beiridh am bò laogh, agus cha tilg i e.

11 Cuiridh iad a mach an clann bheag mar threud; agus daunsaidh an gineal.

12 Togaidh iad an tiompan agus a' chlàrsach; agus nì iad gairdeachas ri fuaim an orgain,

13 Caithidh iad an làithean ann an saobhras, agus ann an tiota¹⁷ thiéid iad sìos do'n uaigh.

14 Agus their iad ri Dia, Imich uainu; oir cha'n àill leinn eòlas do shlighean,

15 Cò e an t-Uile-chumhachdach, gu'n deanamaid seirbhis dha? agus ciod an tairbhe bhios ann duinn, ma nì sium urnuigh ris?

16 Feuch, cha 'n eil am maith 'nan làimh: tha comhairle nan aingidh fada uam-sa.

17 Cia minic a chuirear coinneal nan aingidh as? agus a thig an sgrios orra: roimhidh Dia doilgheasan 'na fheirg.

18 Bithidh iad mar asbhuain roimh 'n ghaoith, agus mar mholh a bheir an iomghaoth leatha.

19 Taisgidh Dia suas 'cuheart-san¹⁸ d'a chloinn: diolaidh e dha, agus bithidh fios aig air.

20 Chi a shùilean a sgrios, agus do fheirg an Uile-chumhachdaich diolaidh e.

21 Oir ciod an tlachd a bhios aige 'na thigh 'na dhéigh, 'nuair a ghearrar as àireamh a mhìos 'nam meadhon?

22 Do Dhia an teagaisg neach air bith còlas, agus gur e féin a bheir breth orrasan a ta àrda?

23 Bàsaichidh e so 'na làn neart, agus e uile aig fois agus an sìth.

24 Tha 'innidh làn saill¹⁹, agus a chnàmhan air an taiseachadh le smior.

¹² air a theannachadh, air a bhrosnachadh.

¹³ namhas. ¹⁴ namhas.

¹⁵ barrachd, treun.

¹⁶ tearuinte, agus as eugmhas eagail.

¹⁷ ann an gradaig.

¹⁸ cuheart an duine aingidh, a thruaighe.

¹⁹ a chlocha làn bainne.

25 Agus bàsaichidh e sin ann an searbh-as 'anama, agus cha 'n ith e idir le toil-inninn.

26 Cuideachd anns an duslach luidhidh iad, agus còmhdaichidh enuimhean iad.

27 Feuch, is aithne dhomh bhuir smuainte, agus na h-innleachdan a tha sibh a' dealbhadh gu h-eucorach a'm' aghaidh:

28 Oir their sibh, C'ait am bheil tigh an duine mhòir, agus c'ait am bheil ionada-còmhnuidh nan aingidh?

29 Nach d'fheòraich sibh dhiubh-san a ghabhas seachad air an t-slighe? agus nach aithne dhuibh an comharan?

30 Gu'n gleidhear an t-aingidh chum là an sgrios: chum là na feirge gu'n toirear a mach iad.

31 Cò a chuireas an céill a shlighe as an eudan: agus cò a dh'ìocas dha na rinn e?

32 Ach a chum na h-uaigne bheirear e, agus anns an àit-adhlacaidh fanaidh e.

33 Bithidh fòidean a' ghlinne milis dha, agus tairnidh gach duine 'na dhéigh, mar a ta iad do-àireamh roimhe.

34 Cionnus ma ta a tha sibh a' tabhairt comhfhurtachd dhomh gu dìomhain, an uair a ta cealg 'nur freagradh?

CAIB. XXII.

1 Thug Eliphas fa'near nach urrainn duine bhith tarbhach do Dhia. 5 Chuir e mòran aingidheachd as leth Iob. 21 Dh'earail e air gu'n dlùth-leanadh e ris an Tighearn, agus gu'n dìoladh e a bhòidean da.

AN sin fhreagair Eliphas an Temanach, agus thubhairt e,

2 Do Dhia am feud duine a bhi tarbhach, mar a dh'fheudas esan a ta glic bhi tarbhach dha féin?

3 An toil-inninn do'n Uile-chumhachdach gu'n saor thusa thu féin? agus am buannachd e dha-san, gu'n dean thu do shlighean iomlan?

4 Air eagal romhad an cronaich e thu? an téid e chum breitheanais leat?

5 Nach 'eil t'aingidheachd mòr? agus t'eucearta gun chrìoch?

6 Oir ghabh thu geall o d' bhràithribh gun aobhar, agus eudach nan lomnochd bhuin' thu dhiubh.

7 Cha d'thug thu uisge do'n sgèth r'a òl, agus o'n ocrach chum thu aran.

8 Ach aig fear a' ghairdean làidir bha an talamh; agus ghabh an duine urramach còmhnuidh ann.

9 Chuir thu bantraichean uait falamh, agus bhriseadh gairdeana nan dilleachdan.

10 Air an aobhar sin mu'n cuairt ort bha ribeathan, agus ghlac² geilt obann thu;

11 No dorchadas air chor as nach faic-

eadh tu; agus còmhdaich pailteas uisge eachan thu.

12 Nach 'eil Dia ann an àirde nan neamh? agus faic mullach³ nan rionnag, cia àrd a ta iad.

13 Agus their thusa, Cionnus a ta fios aig Dia? troimh an dorchadas⁴ am breith-nich e?

14 Tha neoil 'nan còmhdachadh dha, agus cha'n fhaic e; agus ann an cuirt nan neamh siubhlaidh e.

15 An d'thug thu fa'near an t-slighe o shean, air an d'imich daoine aingidh?

16 A ghearradh sìos roimh an àm, agus thaom tuil thar am bunait;

17 A thubhairt ri Dia, Imich uainn; agus ciod is urrainn an t-Uile-chumhachdach a dheanamh air a' son?

18 Gidheadh lion e an tighean le nithibh maith: ach gu ma fada bhios comhairle nan aingidh uamsa!

19 Chi na h-ionraic, agus bithidh aobh-neas orra; agus ni an neo-chiontach gàire-fanoid ri.

20 An àit, nach do ghearradh ar maoinne sìos; ach loisgidh teine am fuigheall-san.

21 Gabh-sa nis eòlas air-san, agus bi an sìth: mar sin thig maith a d' ionnsuidh.

22 Gabh, guidheam ort, an lagh o' bheil, agus cuir suas a bhriathran, ann ad chrìdhe.

23 Ma philleas tu dh'ionnsuidh an Uile-chumhachdach, togar suas thu; cuiridh tu euceart am fad o d' phàilliuinaibh.

24 Agus cuiridh tu suas òr mar dhuslach, agus òr Ophir mar chlachaidh nan sruth.

25 Agus bithidh an t-Uile-chumhachdach 'na dhìdean agad, agus bithidh neart⁶ airgid agad.

26 Oir an sin bithidh do thlachd anns an Uile-chumhachdach, agus togaidh tu suas do ghnùis a dh'ionnsuidh Dhé.

27 Ni thu urnuigh ris, agus éisdidh e riut, agus dìolaidh tu do bhòidean.

28 Agus cuiridh tu ni romhad, agus daingnichear dhuut e; agus air do shligheibh dealraichidh solus.

29 An uair a dh'ìslichear daoine, an sin their thu, Bithidh àrdachadh ann; agus saoraidh e an t-iriosal.

30 Saoraidh se esan nach 'eil neo-chiontach⁷, agus saorar e le gloine do⁸ làmh-sa.

CAIB. XXIII.

1 Mhiannaich Iob teachd a dh'ionnsuidh àite-còmhnuidh Dhé, agus a chùis a thagraidh 'na làthair. 8 Ged tha Dia neo-fhaicsinneach is aithne dha slighe an duine. 11 Ionracas Iob. 13 Tha comhairle Dhé neo-chaohlaidheach.

ACH fhreagair Iob, agus thubhairt e, 2 An diugh féin is searbh mo ghearan: is truime mo bhuille na m'osna.

¹ rùisg.

³ àirde; ceann. Eabh.

² glacadh.

⁴ an neul dorchas.

⁵ an.

⁶ pailteas

⁷ an neo-chiontach, cilean an neo-chiontaich. ⁸ a.

3 Och gun fhios agam c'ait am faighinn esan, agus gu'n tiginn a dh'ionnsuidh a'aithe!

4 Chuirinn mo chùis an ordugh 'na làthair, agus lìonaim mo bheul le h-argu-maidibh.

5 Bhiodh fios agam air na briathraibh leis an freagaireadh e mi, agus thuiginn ciod a theireadh e rium.

6 Le a mhòr chumhachd an tagaireadh e a'm' aghaidh? ni h-eadh; ach chuir-eadh e neart annam.

7 An sin thagaireadh am firean ris, agus bhithinn air mo shaoradh gu bràth o m' bhreitheamh.

8 Feuch, théid mi air m'aghaidh, ach cha 'n'eil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha 'n fhaic mi e; fol-aichidh se e féin air an làimh dheis, agus cha léir dhomh e.

10 Ach is aithne dha an t-slighe agam: an uair a dhearbhas e mi, mar òr thig mi a mach.

11 Air a cheumaibh chum mo chos; ghléidh mi a shlighe, agus cha do chlaon ni.

12 O àithne a bhilean cha deachaidh mi air m'ais; ni's mò na mo dhlighe bith mheas mi briathran a bheoil¹.

13 Ach tha e san aon bheachd², agus cò a dh'iompaicheas³ e? agus an ni is miann le 'anam, sin ni e.

14 Oir coimhlionaidh e an ni a dh'ord-uicheadh dhomhsa: agus tha mòran d'an leithidibh sin aige.

15 Uime sin tha fiamh orm 'na fhianuis; an uair a bheir mi fa'near, tha eagal orm roimhe:

16 Oir mhaothaich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o m' ghnùis nach d'fholaich e an dorchadas.

CAIB. XXIV.

1 Nochd Iob gu bheil na h-aingidh gu minic a' soirbheachadh 'nan aingidheachd, agus a' bàsachadh mar shluagh eile.

C'AR son, o nach d'fholaicheadh aim-sirean o'n Uile-chumhachdach, nach faic iadsan d'an aithne e a làithean;

2 Atharraichidh iad na comharan tal-mhainn; bheir iad treudan leo le foir-neart, agus biadhaidh siad iad.

3 Iomainidh iad air falbh asal nan dill-eachdan; mar gheall glacaidh iad damh na bantraich.

4 Tionndaidh iad na feumaich as an

t-slighe: le chéile folaichidh bochdan na talmhainn iad féin.

5 Feuch, mar asalaibh fiadhaich anns an fhàsach théid iad a mach a chum an oibre, ag éirigh gu moch a chum creiche: bheir am fàsach biadh dhoibh d'an òig-ridh⁴.

6 Anns an fhearann buainidh iad arbh-ar; agus cruinnichidh iad fion-fhoghara an aingidh.

7 Bheir iad air an lomnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad flùch, agus a dhùth fasgaidh⁵ gabhaidh iad 'nan glacaibh a' charraig.

9 Spionaidh iad an dilleachdan o'n chich, agus o'n bhoichd gabhaidh iad geall.

10 Bheir iad air imeachd lomnochd, gun eudach; agus o na h-ocraich bheir iad leo an sguab.

11 An taobh a stigh d'am ballachaibh fàisgidh⁶ iad oladh; bruthaidh iad am fion-amair, agus fuilingidh iad tart.

12 As a' bhaile tha daoine ag osnaich, agus éighidh anam nan daoine leònta; gidheadh cha chuir Dia amaideachd as an leth.

13 Tha iad dhiubhlisan a dh'éireas suas an aghaidh an t-soluis; cha 'n aithne dhoibh a shlighean, agus cha ghluais iad 'na cheumaibh.

14 Leis an t-solus éiridh am mortair⁷, [agus] marbhaidh e am boichd agus am feumach; agus anns an oidhech bithidh e mar ghaduiche.

15 Mar an ceudna feithidh sùil an adh-altranaich ris an dubh-thra⁸, ag ràdh, Cha'n fhaic sùil mi; agus cuiridh e fol-ach air 'aghaidh.

16 Cladhaichidh iad anns an dorchadas troimh thighibh, a chomharaich iad dhoibh féin san là; cha'n aithne dhoibh an solus:

17 Oir tha mhaduinn dhoibh-san mar sgàile a' bhàis: ma dh'aithnicheas neach iad, bithidh iad ann an uamhasaibh sgàile a' bhàis.

18 Luath tha c mar na h-uisgeacha⁹; mallaichear an cuibhrionn air an talamh: cha'n fhaic e slighe nam fion-lios.

19 Bheir tiormachd agus teas leo uisg-eachan an t-sneachdaidh; an uagh iad-san a pheacaich.

20 Di-chuimhnichidh a' bhrù e; biadhaidh a' chnuimh gu milis air; ni's mò cha chuimhnich e; agus brisear aingidh-eachd mar chrann.

21 Bithidh e olc ris a' mhnaoi neo-

¹ a'm' chridhe thaig mi briathran a bheoil.

² tha e 'na aon. ³ tionndaidheas, philleas.

⁴ d'an cloinn. ⁵ a chion tearmuinn.

⁶ ni.

⁷ murtair.

⁸ fheasgar, anmoch.

⁹ air aghaidh nan uisgeacha. Eabh.

thorraich, nach beir clann; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha 'n eil neach air bith cinnteach d'a bheatha.

23 Bheir e dha a bhi ann an téaruinteachd, agus as a sin earbaidh e; ach a ta a shuilean air an slighibh.

24 Ardaichear iad rè tamuill, ach cha bhi iad ann; islichear iad, agus mar na h-uile bheirear air falbh iad, agus mar cheann déise gearrar as iad.

25 Agus mur 'eil e mar sin a nis, cò a ni breugair dhiom, agus a bheir gu neo-ni mo chainnt?

CAIB. XXV.

1 Nochd Bildad tighearnas an Uile-chumhachdach, agus truaillidheachd an duine.

AN sin fhreagair Bildad an Suhach, agus thubhairt e,

2 Tha tighearnas agus eagal maille ris-san: ni e sith 'na ionadaibh arda.

3 Am bheil àireamh air bith air a shloigh? agus cò air nach éirich a sholus.

4 Cionnus ma ta a shaorar duine aig Dia? agus cionnus a bhios esan glan a rugadh o mhaoi?

5 Amhaire eadhon air a' ghealaich, agus cha dealraich i; agus cha 'n eil na rionnaga glan 'na shealladh.

6 Cia is ro lugha na sin an duine a ta 'na chnuimh; agus mac an duine a ta 'na chnuimh?

CAIB. XXVI.

1 Chronaich Iob Bildad: 5 Dh'aicidh e gu bheil cumhachd agus gliocas Dhé gun chrìoch, agus do-rannsaichidh.

ACH fhreagair Iob, agus thubhairt e,

2 Cionnus a chuidich thu leis an ti a ta gun chumhachd? cionnus a shaor thu an gairdean a ta gun neart?

3 Cionnus a chomhairlich thu esan aig nach 'eil gliocas, agus a dh'fhoillsich thu gu pailte an ni mar a ta e?

4 Cia ris a labhair thu briathran? agus cia leis an spiorad a thàinig uait?

5 Dealbhar nìthe marbha fuidh na h-uisgeachaibh, agus an luchd-àiteachaidh.

6 Lomnochd tha ifrinn 'na làthair, agus cha 'n eil còmhachadh aig léir-sgrìos.

7 Tha e a' sìneadh na h-àirde tuath os ceann an ionaid fhalaimeh, a' crochadh na talmhainn air neo-ni;

8 A' ceangal suas nan uisgeacha 'na neulaibh, agus cha reubar an neul fopa;

9 A' cumail a stigh¹ aghaidh a righ-chaitheach, a' sgaoileadh a neoil oirre.

10 Chuairtich e na h-uisgeacha le crìochaibh, gus an teirig² an là maille ris an oidhche.

11 Crìothnaichidh puist³ nan nèamh,

agus bithidh uamhas orra r'a achmhasan.

12 Le 'chumhachd roinnidh e an fhaire, agus le 'thuigse buailidh e an t-uabhair reach.

13 Le a spiorad sgeadaich e na nèamha; dhealbh a làmh an nathair lùbach.

14 Feuch, is iad sin cuid d'a shlighibh; ach cia beag a' cluibhrionn a chuala sinn deth? agus cò a dh'fheudas tairneanach a chumhachd a thuigsinn?

CAIB. XXVII.

1 Tha Iob a' cur roimhe buanachadh 'na ionracas, agus 'na fhìreantachd, 8 a chionn gu bheil an cealgair gun dòchas.

AGUS bhuaich Iob 'na chosamhlachd a labhairt a mach, agus thubhairt e,

2 Mar is beò Dia a thug air falbh mo bhreitheanas, agus an t-Uile-chumhachdach a chràidh m'anam,

3 Co fhad as a bhios m'anail annam, agus spiorad Dhé ann am chuinneibh⁴,

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh: gus am bàsaich mi, cha'n atharraich mi n'ionracas uam.

6 Ann am fhìreantachd fanaidh mi, agus cha leig mi uam i; cha mhaslaich mo chridhe mi rè mo làithean.

7 Mar an t-aingidh biodh mo nàmhaid; agus esan a dh'èireas suas a'm' aghaidh mar an t-eucorach.

8 Oir ciod e dòchas a' chealgair, ge do bhuaich e, 'nuair a bheir Dia air falbh 'anam?

9 An éisd Dia r'a ghlaodh, 'nuair a thig àmhghar air?

10 Anns an Uile-chumhachdach an gabh e tlachd? an gairm e air Dia gach àm?

11 Teagaisgidh mi sibh le làimh Dhé; an ni a ta aig an Uile-chumhachdach, cha cheil mi.

12 Feuch, chunnaic sibh féin uile è; c'ar son ma ta a tha sibh cho ro fhaoin?

13 Is i so cuibhrionn an duine aingidh aig Dia, agus oighreachd luchd-foirneart a gheibh iad o'n Uile-chumhachdach.

14 Ma dh'fhàsas a mhic lionmhor, is ann air son a' chlaidheimh; agus cha sàsaichear a shliochd le h-aran.

15 Adhlaicear iadsan a mhaireas 'na dhéigh⁵ anns a' bhàs; agus cha ghuil a bhantraichean.

16 Ged charn e suas airgid mar an duslach, agus ged dheasaich e eudach mar an làthair;

17 Deasaichidh se e, ach cuiridh an t-ionracan air e; agus roinnidh an neò-chiontach an t-airgid.

18 Togaidh e mar an leomann a thigh,

¹ air a h-ais.

² tig crìoch air

³ tuiridhean; pillars. Sasg.

⁴ choimhlionaibh.

⁵ iarmad.

agus mar bhothan *a* ni am fear-coimhid.
19 Luidhidh an saoi bhir sìos, ach cha chruinnichear e: fosgailidh e a shùilean, agus cha *'n eil* e ann.

20 Glacaidh uamhasan e mar uisgeacha: san oidhche goididh doinionn air falbh e.

21 Bheir a' ghaoth an ear leatha e, agus siubhlaidh e; agus le h-ìomghaoith grad-ghluaisidh i as *'ait* e.

22 Oir caithidh¹ Dia air, agus cha chaomhain e: bu mhiann leis teicheadh as a làimh.

23 Buailidh daoine am basan ris, agus le sgeic fuadaichidh iad as *'ait* e.

CAIB. XXVIII.

1 *Tha Iob a' nochdadh, ged rannsaich duine nithe domhain an t-saoghail so, nach urrain e luach gliocas a thuigsinn; 23 Aig Dia a mhàin tha eòlas air gliocas.*

GU cinnteach tha dol a mach² aig an airgid, agus *ait* aig an òr *anns* an leagh iad e.

2 Bheirear iarum as an talamh, agus leaghar a' chlach 'na h-umha.

3 Chuir e crìoch air an dorchadas; agus rannsaichidh e mach gach iomlaine, clachan duibhre agus sgràile a' bhàis.

4 Brisidh an sruth³ a mach o'n luchd-àiteachaidh; dearmadar⁴ iad leis a' chois; tiormaichear suas iad; o dhaoibh siubhlaidh iad.

5 *A thaobh* na talmhainn, aisde thig aran; agus fuidhe⁵ tionndaidhear suas amhuil teime:

6 *Is iad* a clachan *ait* na saphir; agus *tha* duslach òir aice:

7 Ceum nach aithne do'n eunlaith, agus nac faca sùil na fainge⁶.

8 Cha do shaltair cuileana an leòmhain⁷ air, agus cha deachaidh an leòmhain garg seachad air.

9 Air a' charraig cuiridh e mach a làmh: tilgidh e bun os ceann na beanntan.

10 Anns na creagaibh bheir e air aimh-nichibh briseadh a mach; agus chi a shùil gach ni luachmhor.

11 Ceanglaidh e na h-aimhnichean o dhol thairis; agus *an ni* a *ta* folaichte bheir e gu solus.

12 Ach cia as a gheibhear gliocas? agus c'*ait* am bheil ionad na tuigse?

13 Cha'n aithne do dhume a luach⁸; agus cha'n fhaighear i ann an tìr nam beò.

14 Their an doimhne, Cha *'n eil* i annam-sa; agus their a' mhuir, Cha *'n eil* i maille rium-sa.

15 Cha toirear òr air a son, agus cha tomhaisear airgid mar a luach.

16 Cha mheasar i le h-òr na h-Ophir, leis an Onics luachmhoir, no leis an t-saphir.

17 Cha choimeasar òr no leug rithe; agus cha *bhi* a malairt le seudaibh do'n òr fhior-ghlan.

18 Air coireal no neamhnuidibh⁹ cha luadhar; oir tha luach gliocais os ccamn nan clach a's uaisle¹⁰.

19 Cha choimeasar topas na h-Etiopia rithe: leis an òr fhior-ghlan cha nheasar i.

20 Cia as ma ta a thig gliocas? agus c'*ait* am bheil ionad na tuigse?

21 Oir a ta i am folach o shùilibh nan uile bheò; agus o eunlaith an athair tha i an cleith.

22 Thubhairt léir-sgrìos agus am bàs, Le'r clusaibh chuala sinn a cliù.

23 Thuigidh Dia a slighe, agus is aithne dha a h-*ait*:

24 Oir gu crìochaibh na talmhainn amh-aicridh esan; fuidh na neamhaibh uile chi e:

25 Chum gu dean e cudthrom do'n ghaoith, agus *gu* tomhais e na h-uisgeacha le tomhas.

26 An uair a rinn e reachd do'n uisge, agus slighe do dhealanach na tairneanaich;

27 An sin chunnaic e i, agus dh'fhoillsich e i; dheasaich e i, seadh, agus rannsaich e mach i.

28 Agus thubhairt e ris an duine, Feuch, eagal an Tighearn, *is* e sin gliocas; agus an t-òle a thrèigsinn, tuigse.

CAIB. XXIX.

1 *Chuimhnich Iob air na làithibh san do dhealraich Iochran Dhé air a cheann: 11 Bha e 'na charaid do'n àilleuchdan, agus do'n bhantraich.*

AGUS bhuaicheadh Iob 'na chosamh-lachd a labhairt a mach, agus thubhairt e,

2 Och nach robh mi mar anns na mìosaibh a chaidh tharum, mar anns na làithibh *air* an do choimhid¹¹ Dia mi!

3 'Nuair a thug e air a lòchran dealrachadh air mo cheann, agus le a sholus a ghluais mi san dorchadas;

4 Mar a bha mi ann an làithibh m'òige, 'nuair a *bha* rùn-dìomhair Dhé air mo bhàillinn;

5 An uair a *bha* 'n t-Uile-chumhachdach fathast maille rium, agus m'òganaich¹² mu m' thimchioll;

6 An uair a nìgh mi mo cheuma le h-im, agus a thaom a' charraig a mach dhomh sruthain olaidh;

7 'Nuair a chaidh mi mach gu geata a' bhaile, a dheasaich mi m'àite-suidhe anns an t-sràid.

8 Chunnaic na daoine òga mi, agus dh'fholaich siad iad féin; agus dh'érich na daoine aosda, agus sheas iad.

9 Sguir na h-uachdarain do labhairt, agus chuir iad *an* làmh air am beul.

¹ tilgidh. ² cuisle. ³ na sruthain, an tuil.

⁴ di-chuimhnichear. ⁵ fuipe, o a h-ìochdar.

⁶ na seabhag; Aiah. Eabh.

⁷ mic an àrdain.

⁸ a riaghailt, a slighe.

⁹ gabis. Eabh.

¹⁰ rubics. Sasg.

peninim. Eabh.

¹¹ ghléidh.

¹² mo chlamn.

10 Dh'fhan na h-àrd-uaislean 'nan tosd, agus lean an teanga r'an gial.

11 An uair a chual' a' chluas, bheannaich i mi; agus an uair a chunnaic an t-sùil, thug i fianuis leam:

12 A chionn gu'n do shaor mi am bochd a bha 'g éigheach, agus an dilleachdan aig nach robh fear-cuideachaidh¹.

13 Thàinig beannachadh an ti a bha ullamh gu bàsachadh orm; agus thug mi air cridhe na bantraich seinn le h-aobhneas.

14 Chuir mi ionracas orm, agus dh'eud-aich e mi: mar fhalluinne agus mar choron bha mo bhrèitheanas.

15 Bu shùilean mi do'n dall, agus bu chosan mi do'n bhacach.

16 Bha mi a'm' athair do na bochdaibh; agus á' chùis nach b' aithne² dhomh rannsaich mi mach.

17 Agus bhris mi gial an droch dhuine, agus á' fhiacailbh spion mi a' chreach.

18 Agus thubhairt mi, Ann am nead gheibh mi bàs, agus mar a' ghaineamh ni mi mo làithean lìomhor.

19 Bha³ mo fhreumh air a sgaoileadh a mach làimh ris na h-uisgeachaibh, agus luidh⁴ an drùchd rè na h-oidhche air mo mheangan.

20 Bha mo ghlòir ùr agam, agus dh'ath-nuadhaicheadh mo bhogha ann am làimh.

21 Rium-sa dh'éisd daoine, agus dh'fheith iad, agus bha iad 'nan tosd ri m' chomhairle.

22 An déigh mo bhriathra cha do labhair iad a ris; agus shil mo chainnt orra.

23 Agus bha sùil aca rium, mar ris an uisge; agus dh'fhosgail iad am beul gu farsuin, mar air son an uisge dheireannaich.

24 Ma glàir mi riu, cha do chreid iad; agus solus mo ghnùise cha do thilg iad sios.

25 Thagh mi mach an slighe, agus shuidh mi mar cheannard, agus chòmh-nuich mi mar rìgh ann an armailt, mar aon abheir comhfhurtachd do luchd-bròin.

CAIB. XXX.

1 Tha Iob a' caoidh gu'n robh a mheas agus a' chliù air an tionndadh gu maslach; 15 agus gu'n robh a shoirbheachadh air atharrachadh gu àmhghar.

ACH a nis tha iadsan a's òige na mise a' deanamh fanoid orm, muinntir nach b'fhiù leam an aithrichean a chur maille ri conaibh mo threuda.

2 Seadh, ciod an tairbhe a bhiodh dhomh-sa ann an neart an làmh, aig an deachaidh as d'an sean aois?

3 Le dith agus le gorta bha iad uaig-

neach, a' teicheadh do'n fhasach, a bha san àm a chaidh seachad 'na fhàsalachd agus 'na léir-sgrìos:

4 A' gearradh sìos maloinh⁵ làimh ris na preasaibh, agus freumhan-aiteil mar bhiadh.

5 O mheasg dhaoine dh'fhògradh a mach iad: dh'éigh iad 'nan aghaidh, mar an aghaidh gaduiche.

6 Bha iad a' chòmhnuidh ann an sgaradh nan gleann, ann an uamhaibh na tal-mhainn agus nan creag.

7 Am measg nam preasrinn iad gearan⁶: fuidh an eanntagaich chruinnicheadh iad ri chèile:

8 Clann nam amadan, seadh, clann dhaoine gun chliù: bha iad ni bu tàireile na 'n talamh.

9 Agus a nis is mise a's òran doibh, agus a ta mi a'm' leth-fhocal aca.

10 Tha iad a' gabhail gràin diom, tha iad a' teicheadh fad as uam, agus cha chaomhain iad smugaid a thilgheadh a'm' eudan.

11 A chionn gu'n d'fhuasgail e mo chord, agus gu'n do shàraich e mi, leig iadsan mar an ceudna an t-srian sgaoilte romham.

12 Air mo dheas làimh dh'éirich an òigridh; thug iad air mo chosaibh sleamh-nachadh uam, agus thog iad suas a'm' aghaidh slighean an sgrìos.

13 Mhill iad mo cheuma, chuir iad m' aimhleas air aghaidh, gun fhear-cuid-eachaidh aca.

14 Mar bhriseadh a steach leathan tlàin-ig iad, mar ann an léir-sgrìos thaom iad a stigh.

15 Thionndaidh uamhasan a'm' aghaidh; ruaig iad m'anam mar a' ghaoth; agus mar neul chaidh mo thèaruinteachd seachad.

16 Agus a nis tha m'anam air a dhòrtadh a mach orm; ghlac làithean amh-ghair mi.

17 San oidhche tha mo chnàghan air an tolladh annam: agus clia bhi m'fhéithean aig fois.

18 Le meud a neirt mhùth e m'eudach⁷: mar bhile mo chòta chuairtich e mi.

19 Thilg e mi anns an làthaich, agus tha mi air fàs cosmhuil ri duslach agus ri luaith.

20 Dh'éigh mi riut, agus cha d'éisd thu rium; sheas mi suas, agus [cha] d'thug thu fa'near mi.

21 Tha thu air fàs an-ìochdmhor rium; le neart do làimhe tha thu 'gad chur fén a'm' aghaidh.

22 Tha thu 'gam thogail ris a' ghaoith:

¹ agus esan aig nach robh fear-cuideachaidh.

² cùis an ti nach b' aithne dhomh.

³ Bithidh.

⁴ luidhidh.

⁵ gropis; maluch. Eabh.

⁶ ciurrulan; sitirich. Eabh. 7 orm.

⁸ le neart m'eucalach chaochaileadh m'eudach.

tha thu toirt orm marcachd *oirre*, agus a' leaghadh as mo bhrìgh.

23 Oir a ta fhios agam gu'n toir thu mi gu bàs, agus a chum an tìge a dh'ord-uicheadh do gach uile bheò.

24 Gidheadh cha sin e mach a làmh a chum na h-uaigne, ged ghlaodh iad 'na sgrios.

25 Nach do ghluil mise air a shon-san a bha ann an àmhghar? nach robh m'anam doilich air son an *duine* bhoichd?

26 An uair a bha sùil agam ri maith, an sin thàinig olc; agus an uair a bha dùil agam ri solus, thàinig dorchadas.

27 Bha m'innigh air ghoil, agus cha robh fois aca: chuir làithean àmhghair romham.

28 Rì bròn dh'imich mi as eugmhais na grèine: dh'éirich mi, anns a' chomh-chruinneachadh dh'èigh mi.

29 Is bràthair mi do na dragonaibh, agus is companach mi do na cumhach-agaibh¹.

30 Dhubhadh mo chroicinn orm, agus loisgeadh mo chnàmhan le teas.

31 Agus tha mo chlàrsach air tionndadh gu bròn, agus m'organ gu guth na muinntir a ghuileas.

CAIB. XXXI.

1 *Tha Iob a' nochdadh gu'n do ghluais e ann an tréibhdhìreas a chridhe; 16 agus gu'n robh e coimhneil ris an dilleachdan agus ris na bochdaibh.*

RINN mi coimhcheangal ri m'shùil-ibh: c'ar son ma ta a smuainichinn air maighdinn?

2 Oir ciod e cuibhrionn Dhé o'n *ionad* shuas, agus oighreachd an Uile-chumhachdaich o'n àirde?

3 Nach 'eil sgrios ann do'n droch *dhuine*, agus coimhichead² do luchd-deanamh na h-euceirt?

4 Nach 'eil e a' faicinn mo shlighean, agus ag àireamh mo cheumanna gu léir?

5 Ma ghluais mi le dìomhanas, agus ma ghreas mo chos a chum ceilge;

6 Cudthromaichear mi ann am meidhibh a' cheartaibh, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agus an déigh mo shùil gu'n do ghluais mo chridhe, agus ri m'làmhaibh gu'n do lean smal air bith;

8 Cuiream, agus itheadh neach eile; seadh, biodh mo shliochd air an spionadh as am frèimh.

9 Ma mhealladh mo chridhe le mnaoi, agus aig dorns mo choimhearsnaich ma rinn mi feall-fholach;

10 Meileadh mo bhean do neach eile, agus cromadh daoine eile oirre:

11 Oir is cionta mòr so, agus is euceart e air son nam breitheamh³.

12 Oir is teine e a loisgeas chum sgrios, agus a spionadh as m'fhàs uile.

13 Ma rinn mi tàir air cùis m'òglaich, no mo bhanoglaich, an uair a thagair iad⁴ rium;

14 Ciod ma ta a ni mi 'nuair a dh'éireas Dia? agus an uair a dh'fhiosraicheas e, ciod a fhreagairas mi dha?

15 Nach e'n ti a rinn mise anns a' bhroinn, a rinn esan? agus nach aon a dhealbh sinn anns a' bhroinn?

16 Ma chum mi na bochdan o'm miann, agus ma thug mi air sùilibh na bantraich fàilneachadh;

17 No ma dh'ith mi mo ghreim a'm' aonar, agus nach d'ith an dilleachdan dheth;

18 Oir o m'òige dh'fhàs e suas maille rium, mar aig 'athair: agus o bhroinn mo mhàthar thèoraich mi ise;

19 Ma chuunaic mi neach a' bàsachadh a dhith eudaich agus nach robh còmhachadh aig a' bhoichd;

20 Mur do bheannaich a leasraidh mi, agus mur do bhlàthaichheadh e le lomradh mo chaorach.

21 Ma thog mi mo làmh an aghaidh an dilleachdain, an uair a chuunaic mi mo chòmhndadh anns a' gheata;

22 Tuiteadh mo ghairdean o'n t-slinnean, agus brisear mo righe o'n chuaimh⁵.

23 Oir bha sgrios o Dhia 'na uamhas dhomhsa, agus a thaobh 'àirde-san cha robh e'n comas domh fulang.

24 Ma chuir mi san òr mo dhòchas, agus ma thubhairt mi ris an òr thiorghlan, *Is tu* m'earbsa;

25 Ma rinn mi gairdeachas a chionn gu'n robh mo bheartas mòr, agus a chionn gu'n d'fhuair mo làmh mòran;

26 Ma dh'amhaire mi air a' ghréin an uair a dhealraich i, no air a' ghealaich a' gluasad an soillse,

27 Agus gu'n do mhealladh mo chridhe os ìosal, agus gu'n do phòg mo bheul mo làmh:

28 Is cionta so mar an ceudna air son a' bhreitheimh; oir dh'àicheadhainn an Dia a ta shuas.

29 Ma rinn mi gairdeachas ri sgrios an ti a dh'fhuathaich mi, agus ma thog mi mi féin suas a chionn gu'n d'thàinig olc air:

30 Oir cha do leig mi le m' bheul peacachadh le mallachadh iarraidh air 'anam.

31 Mur dubhairt fir mo phàilliuin, Och

¹ coileachaibh-oidhche.

² peanas iongantach.

³ gu bhì air a smachdachadh leis na breitheamhaibh.

⁴ a rinn iad strì rium.

⁵ o'n uillan.

nach robh sinn air ar sàsachadh le 'fheoil!¹

32 Am nuigh cha do luidh an coigreach: mo dhorus dh'fhosgail mi do'n fhear-turuis.

33 Ma cheil mi, mar Adhamh, m'eu-saontais, le m'euceart fholachadh a'm' uchd:

34 An uair a bha eagal orm² roimh mhòr-shluagh, no chuir tarcuis theaghlach uamhas orm, agus a bha mi a'm' thosd, agus nach deachaidh mi mach air dorus.

35 Och nach éisdeadh aon rium! feuch, *is e* mo mhiann *gu'm* freagaireadh an t-Uile-chumhachdach mi, agus *gu'n* sgriobhadh m'fhear-casaid³ leabhar.

36 Gu deimhin air mo ghualaimh ghabhainn e; cheanglainn e mar choron orm.

37 Aireamh mo cheumanna chuirinn an céill da; mar cheannard rachainn am fagus da.

38 Ma dh'éigheas m'fhearann 'am' aghaidh, no ma ghearaicneas mar an ceudna a chlaisean:

39 Ma dh'ith mi a thoradh gun airgid, no ma thug mi air a luchd-seilbh an anam a chall:

40 An àit cruithneachd fàsadh droighneach, agus, an àit eorna, iontagach⁴. Chrìochnaicheadh briathran Iob.

CAIB. XXXII.

1 *Las fearg Elihu an aghaidh Iob agus a thriuir chairdean.* 6 *Chronaich e a chairdean a chionn nach do dhearbhadh iad an aghaidh Iob.* 16 *Nochd e 'eud gu labhairt.*

AN sin sgair an triuir dhaoine so do thoirt freagraidh air Iob, a chionn *gu'n robh* e ionraic 'na shùilibh féin.

2 Agus las fearg Elihu mhic Bharacheil a' Bhusithich, do chinneadh Ram; an aghaidh Iob las 'fhearg, a chionn *gu'n* d'fhreanaich⁵ se e féin ni's mò na Dia.

3 Mar an ceudna an aghaidh a thriuir chairdean las 'fhearg, a chionn nach d'fhuair iad freagradh, agus *gu'n* do dhìt iad Iob.

4 A nis dh'fheith Elihu gus an do labhair Iob, a chionn *gu'm* bu shine iad na esan.

5 An uair a chunnaic Elihu nach robh freagradh air bith ann am beul an triuir dhaoine so, an sin las 'fhearg.

6 Agus fhreagair Elihu mac Bharachail a' Bhusithich, agus thubhairt e, *Tha* mise òg, agus sibhse aosmhor; nime sin bha eagal orm, agus bha mi sgàthach mu m' bharail a nochdadh dhuibh.

7 Thubhairt mi, Labhradh làithean, agus teagaisgeadh Ìomhoireachd bhliadhnach gliocas.

8 Ach *a ta* spiorad san duine, agus bheir anail an Uile-chumhachdaich tuigse dha⁶.

9 Cha bhi daoine mòra *a ghnàth* glic; agus *cha* tuig na h-aosmhoir breitheanas.

10 Uime sin thubhairt mi, Eisidibh rium; nochdaidh mise mar an ceudna mo bharail.

11 Feuch, dh'fheith mi ri'r briathraibh; dh'éisd mi ri 'r reusonaibh, gus an do rannsaich sibh cìod a theireadh sibh.

12 Seadh, thug mi fa'near sibh; agus, feuch, *cha robh* aon agaibh a dhearbhadh an aghaidh Iob, no a thug freagradh air a bhriathraibh;

13 Aireagal *gu'n* abradh sibh, Fhuair sinn a mach gliocas: *is e* Dia a thilgeas sìos e, cha 'n e duine.

14 A nis cha do chuir e a bhriathranan ordugh a'm' aghaidh-sa; agus le bhur foclaibh-sa⁷ cha fhreagair mise e.

15 Bha uamhas orra; cha do fhreagair iad ni bu mhò; sguir iad do labhairt.

16 Agus dh'fheith mi, ach cha do labhair iad; ach sheas iad, agus cha do fhreagair iad ni bu mhò.

17 Freagairidh mise mar an ceudna mo chuid féin; nochdaidh mise mar an ceudna mo bharail.

18 Oir a ta mi làn do bhriathraibh; a ta spiorad mo chum 'gam éigheachadh.

19 Feuch, *a ta* mo chom mar fhìoi gun dol as aige; mar shearraga nuadha, tha e ullamh gu bhi air a reubadh.

20 Labhraidh mi, agus bithidh lasachadh⁸ agam; fogaillidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bith; agus ri duine na labhran gu mìodalach.

22 Oir cha'n aithne dhomh-sa cainnt mhìodalach; mar *b'aithne*, gu h-aithghearr bheireadh mo Chruith-fhear air falbh mi.

CAIB. XXXIII.

1 *Thairg Elihu e féin a thagradh ri Iob.* 8 *Chronaich se e a chionn gu'n robh dòchas aig 'na neò-chiontas.* 14 *Le aising na h-oidheche bheir Dia eòlas do'n duine.*

UIME sin, a Iob, cluinn, guidheam ort, mo bhriathran⁹, agus éisd ri m'fhuoclaibh uile.

2 Feuch, a nis dh'fhosgail mi mo bheul; labhair mo theanga ann am bheul.

3 O ionracas mo chridhe *thig* mo bhriathran; agus labhraidh mo bhilean eòlas gu soilleir.

¹ Och nach robh againn d'a fheoil! cha sàsach-ear sinn. ² An robh eagal orm, &c.

³ m'eascaraidh. ⁴ canntagach, luibh toibheach.

⁵ gu'n do shaor.

⁷ uirghiol-sa.

⁹ mo chainnt, m'uirghiol.

⁶ dhoibh.

⁸ anail fois.

4 Rinn spiorad Dhé mi, agus thug anail an Uile-chumhachdaich beatha dhomh.

5 Ma's urrainn thu, freagair mi, cuir do bhriathran an ordugh a'm' làthair, seas suas.

6 Feuch, a ta mise, mar a ta thu féin o Dhia¹; as a' chréidh dhealbhadh mise mar an ceudna.

7 Feuch, cha chuir m'uamhas-sa eagal ort, agus cha bhi mo lámh mar ort.

8 Gu cunntasach labhair thu a'm' éisd-eachd, agus chuala mi guth [do] bhriathar, ag ràdh,

9 Glan a ta mi, gun easaontas; neò-chiontach a ta mi, agus cha 'n eil euceart annam.

10 Feuch, tha e faghail chùisean² a'n' aghaidh; tha e 'gam mheas mar a nàmhaid;

11 Tha e a' cur mo chos anns a' cheap; tha e a' geur-amharc air mo cheumaibh gu léir.

12 Feuch, an so cha 'n eil thu ceart; freagairidh mi thu gur mò Dia na duine.

13 C'ar son a chuireas tu 'na aghaidh? oir ann an aon air bith d'a nithibh cha toir e cunntas³.

14 Oir aon uair labhraidh Dia, agus an dara uair cha'n amhairc e thairis air⁴.

15 Ann an aisling, ann an sealladh⁵ na h-oidhche, 'nuair a thuiteas codal trom air daoineibh, 'nuair a bhios iad 'nan suain air an leabaidh;

16 An sin fosgailidh e cluasan dhaoine, agus seulaichidh e an teagasg,

17 Chum gu tarruing e duine o a dheanadas⁶, agus gu'm folaich e uabhar o dhuine;

18 Gu'n cum e 'anam o'n t-slochd, agus a bheatha o sgrìos leis a' chlaidheamh.

19 Oir smachdaichear e le péin air a leabaidh, agus lìonmhoireachd a chnàmh le péin làidir:

20 Air chor as gu'n gabh a bheatha gràin do aran, agus 'anam do bhiadh deadh-bhlasda.

21 Caithcar 'fheoil air chor as nach faiceir i; agus a chnàmhan nach facas, seasaidh a mach.

22 Agus tairngidh 'anam am fagus do'n uaigh, agus a bheatha do na milltearaibh.

23 Ma bhios teachdair aige, eadar-theangair, aon am measg mhìle, a nochdadh 'ionracais do dhuine;

24 An sin gabhaidh e truas deth, agus thair e, Saor e o dhol sìos do'n t-slochd, fhuair mi éiric⁷.

25 Bithidh 'fheoil ni's ùire na feoil leinibh; thig e air ais gu làithibh 'òige;

26 Ni e urnuigh ri Dia, agus gabhaidh

e gu caomhneil⁸ ris; agus chi e a ghnuis le gairdeachas; oir iocaidh e do dhuine 'ionracas.

27 Amhaircidh e air daoineibh, agus ma thair aon duine⁹, Pheacaich mi, agus chlaon mi an nì a bha ceart, agus cha robh e chum tairbhe dhomh;

28 Saoraidh e 'anam¹⁰ o dhol sìos do'n t-slochd, agus chi a' bheatha solus.

29 Feuch, na nithe sin uile oibrichidh Dia gu minic¹² a thaobh duine,

30 A thoirt 'anama air ais o'n t-slochd, gu bhi air a shoillseachadh le solus uam beò.

31 Thoir fa'near, a Iob, eisd rium; bi d'thosd, agus labhraidh mi.

32 Ma ta bheag agad r'a ràdh, freagair mi. labhair, oir bu mhian leam do shaoradh¹³.

33 Mur 'eil, éisd thusa riumsa; bi d'thosd, agus teagaisgidh mise dhuit gliocas.

CAIB. XXXIV.

1 Rinn Elihu casaid air Iob a chionn gu'n dubhairt e gu'n robh e ionraic, agus gu'n d'thug Dia air falbh a bhreitheanas. 10 Cha chòmhnuich aingidheachd maille ri Dia. 34 Chronaich Elihu Iob.

A THUILLEADH air so fhreagair Elihu, agus thubhairt e,

2 Chluinnibh mo bhriathra, a dhaoine glìce, agus éisdibh rium, sibhse aig am bheil eòlas:

3 Oir dearbhaidh a' chluas briathran, agus blaisidh am beul biadh.

4 Ròghnaicheamaid dhuinn féin breitheanas: biodh fios againn eadarunn féin ciod an nì a ta maith.

5 Oir thubhairt Iob, A ta mi ionraic; agus thug Dia air falbh mo bhreitheanas.

6 Ann am bhreitheanas tha mi air mo mhealladh¹⁴: tha mo lot do-leighis, as eugmhaì eusaontais.

7 Cia an duine a ta cosmhuil ri Iob, a dh'òlas suas magadh mar uisge?

8 A dh'imicheas ann an cuideachd luchd-deanamh na h-euceirt, agus a shiubhlas le droch dhaoineibh.

9 Oir thubhairt e, Cha 'n eil tairbhe ann do dhuine tlachd a ghabhail ann an Dia.

10 Uime sin éisdibh rium, sibhse a dhaoine tuigseach: Fada gu robh aingidheachd o Dhia, agus euceart o'n Uile-chumhachdach.

11 Oir gnòmh duine iocaidh e dha, agus bheir e air gach duine gu faigh e a réir a shligne.

12 Seadh, gu cinnteach cha dean Dia gu h-aingidh, agus cha chlaon an t-Uile-chumhachdach breitheanas.

13 Cò a chuir an talamh fuidh a chùram? agus cò a shuidhich an domhan uile?

¹ a ta mise, a réir do ghuidhe, an àit Dhé.

² chion-fàth.

³ cha fhreagair e.

⁴ seadh, dà uair, ged nach toir duine fa'near e.

⁵ taisbean.

⁶ a run.

⁷ luach-saoraidh, fuasgladh.

⁸ bàigheil.

⁹ agus thair e.

¹⁰ Shaor e m'anam.

¹¹ mo,

¹² trì uairean. Eabh.

¹³ do ghlanadh.

¹⁴ An deanaim breug an aghaidh mo cheirt?

14 Ma chuireas e a chridhe air¹, ma chruinnicheas e d'a ionnsuidh féin as pìorad agus 'anail;

15 Bàsaichidh gach uile fheoil le chéile, agus pillidh an duine a ris do'n duslach.

16 A nis ma tha tuisge *agad*, cluinm so; éisd ri guth mo bhriathar:

17 An riaghail esan féin aig am bheil fuath do cheartas? agus an dit thu esan a's ro cheirte?

18 An abrar ri rìgh, *Tha thu* aingidh? ri daoineibh urramach², *Tha sibh* ain-diadhaidh?

19 *Ris-san* nach gabh ri gnùis uachdaran, agus nach meas an saoi bhir ni's mò na'm bochd? *oir is* iad uile oibre a làmh.

20 Gu h-obann gheibh iad bàs, agus mu mheadhon-oidhche cuirèar an sluagh fo bhuaireas³, agus siubhlaidh iad: agus bheirear an cumhachdach air falbh gun làmh.

21 Oir *a ta* a shùilean air slighibh duine, agus chi e a cheumanna gu léir.

22 Cha 'n *eil* dorchadas no sgàile bàis ann, far am folaich luchd-deanamh na h-aingidheachd iad féin.

23 Oir cha leig e tuilleadh 'sa chòir air duine, chum gu'n rachadh e am breitheanas ri Dia.

24 Brisidh e sìos *daoine* cumhachdach gun àireamh, agus cuiridh e suas *daoine* eile 'nan àit.

25 Uime sin is aithne dha an gnìomharan, agus tilgidh e bun os ceann *iad* san oidhche, agus sgriosar iad.

26 Mar dhroch dhaoineibh buailidh e iad ann an sealladh soilleir dhaoine eile:

27 A chionn gu'n do thionndaidh iad air an ais uaith, agus nach d'thug iad fa' near aon air bith d'a shlighibh;

28 Air chor as gu'n d'thug iad air glaoth nam bochd teachd d'a ionnsuidh, agus gu'n cual' e glaoth nan truaghan.

29 An uair a bheir esan fois, cò a ni buaireas⁴? agus an uair a dh'fholaicheas e a ghnùis, cò a chi e? ma's ann a thaobh cinnich, no a thaobh duine a mhàin.

30 A chum nach rìghich duine a bhios 'na chealgair, air eagal gu'm biodh an sluagh air an ribeadh.

31 Gu cinnteach ri Dia tha e iomluaidh r'a ràdh, Ghiùlain mi *smachdachadh*, cha chiontaich mi *ni's mò*.

32 An *ni* nach léir domh, teagaisg thusa dhomh: ma rinn mi aingidheachd, cha dean mi *sin* ni's mò.

33 An ann a réir do thoile-sa *bu chòir an ni a bhi*? diolaidh se e, ma dhiùltas tusa, oir is tu féin a ròghnaicheas, agus cha mhise; uime sin an ni a's aithne dhuit labhair.

34 Innscadh daoine tuisgeach dhomh,

agus éisdeadh duine glic rium.

35 Labhair Iob gun eòlas, agus *bha* a bhriathran as eugmhais gliocais.

36 *Is e* mo mliann Iob a bhi air a dhearbhadh chum na crìche, air son a fhreagraidhean le daoineibh aingidh.

37 Oir tha'e a' cur ceannaire r'a pheacadh, a' bualadh a bhas 'nar measg, agus a' deanamh a bhriathra lionmhor an aghaidh Dhé.

CAIB. XXXV.

1 *Chronaich Elihu* *is* a chiom gu'n dubhairt e gu'n robh 'fhrèantachd os ceann fireantachd Dhé.
2 *Glaodh* *adh mòran a tha air an sàrachadh ri Dia, ach cha'n fhaigh iad éisdeadh, do bhrìgh gu bheil iad as eugmhais creideimh.*

FHREAGAIR Elihu a ris, agus thubhairt e,

2 An saoi thusa so a bhi ceart, gu'n dubhairt thu, *Tha m'fhèantachd-sa os ceann fireantachd* Dhé.

3 Oir thubhairt thu, Cìod an tairbhe bhios ann dhuith-se? *Agus*, cìod a' bhuannachd a bhios ann dhomh-sa, *ma shaorar mi o m' pheacadh*?

4 Freagairidh mise thu, agus do chompanaich maille riut.

5 Amhaire air na nèamhaibh, agus, feuch; agus faic na neoil a's àirde na thu.

6 Ma pheacaicheas tu, cìod a ni thu 'na aghaidh-san? agus *ma* dh'fhàsas t'eus-aontais lionmhor, cìod a ni thu air-san?

7 Ma bhios tu ionraic, cìod a bheir thu dhasan? no cìod a gheibh e o d' làimh?

8 Feudaidh t'aingidheachd *cron adhean-amh* do dhuine mar a ta thusa, agus t'fhèantachd *a bhi tarbhach* do mhac an duine.

9 Glaodhaidh iadsan a tha air an sàrachadh le mòran, éighidh iad air son gairdein na mòir-chuideachd⁵.

10 Ach cha 'n abair aon neach, C'ait am bheil Dia mo Chruith-fhear, a tha tabhairt dhàn seachad san oidhche?

11 A tha 'gar teagasg ni's mò na ainmhidhean na talmhainn, agus 'gar deanamh ni's glìce na eunlaith nan speur.

12 An sin éighidh iad, ach cha fhreagair *neach air bith iad*, air son uabhair dhroch dhaoine.

13 Gu cinnteach cha 'n éisd Dia ri dìomh-anas, agus cha bhi meas aig an Uile-clumhachdach air.

14 Ged their thu nach faic thu e, tha breitheanas 'na làthair; uime sin earb thusa as.

15 Ach a nis a chionn nach 'eil e mar *sin*, dh'fhiosraich e 'na chorruich, gidheadh ni h-aithne dha *sin* ann an deuch-ainn⁶ mhoir.

¹ air duine. ² uachdaranaihb, àrd-uaislibh.
³ fo thrioblaid.

⁴ a chuireas tuairgne. ⁵ nan daoine mòra.
⁶ cionta.

16 Uime sin fosgailidh Iob a bheul gu diomhain: ni e briathra lionmhor gun eòlas.

CAIB. XXXVI.

1 Nochd Elìhu gu bheil Dia ceart 'na uile shligheibh. 8 Criche smachdaidh Dhé. 24 Tha oibre an Tighearn iongantach agus do-thuigsinn.

AGUS chaidh Elìhu air aghaidh, agus a thubhairt e,

2 Leig dhomh beagan, agus nochdaidh mi dhuit gu bheil fathast ni *agam* ri labhairt air son Dhé.

3 Tairngidh¹ mi m'eòlas o chéin, agus do m' Chruith-fhear² bheir mi ceartas.

4 Oir gu cinnteach cha *bhi* mo bhriathra breugach. *tha* esan a ta iomlan ann an eolas maille riut.

5 Feuch, *tha* Dia cumhachdach, agus cha dean e tàir; cumhachdach ann an neart *le* gliocas.

6 Cha ghléidh e beò an t-aingidh; ach bheir e ceartas do na boehdaibh.

7 Cha taruing e a shùilean o'n ionracan; ach *a ta iad* le rìghribh air an rìgh-eaithir, agus daingnichidh e iad gu bràth, agus àrdaichear iad.

8 Agus ma *bhios* iad ceangailte an geimhlìbh, *ma* ghlacar iad ann an eord-aibh àmhghair;

9 An sin nochdaidh e dhoibh an obair agus an eusaontais, gu'n robh iad ana-barrach.

10 Agus fosgailidh e an cluas chum fòghluim, agus àithnidh e dhoibh pilltinn o euceart.

11 Ma dh'éisdeas iad *ris* agus ma ni iad seirbhis *da*, caithidh iad an làithean ann an saobhbreas, agus am bliadhnan ann an subhachas.

12 Ach mur éisd³ iad, cuirear as doibh leis a' chlaidheamh, agus gheibh iad bàs gun eòlas.

13 Ach carnaidh na cealgairean sa' chridhe suas fearg; cha 'n éigh iad an uair a cheanglas e iad.

14 Gheibh iad bàs 'nan òige, agus *tha* am beatha am measg nan neòghlan.

15 Saoraidh e am bochd 'na àmhghar; agus fosgailidh e an cluasan 'nan sàrach-adh.

16 Eadhon mar sin dh'atharraicheadh e thusa á meadhan, teanntachd gu àite far-suinn, far nach 'eil *teanntachd* air bìth; agus *bhiodh* na chùirte air do bhord làn do shail.

17 Ach choimhlion thu breitheanas an aingidh: gabhaidh brcitheanas agus ceartas greim *dhìot*.

18 A chionn gu bheil fearg riut, tabhair an aire nach toir e air falbh thu le *a* bhuille: an sin cha saor éiric⁴ mhòr thu.

19 Am meas e do shaoibhreas? cha *mheas*, no òr, no uile neart cumhachd.

20 Na miannaich an oidliche 'nair a ghearrar as sluagh 'nan àit.

21 Tabhair an aire nach claon thu gu euceart⁵; oir so ròghnaich thu thar àmhghar.

22 Feuch, àrdaichidh Dia le a chumhachd; cò a theagaisgeas cosmluìl risan?

23 Cò a dh'fhiosraich⁶ a shlighe? agus cò a dh'fheudas a ràdh, Rinn thu euceart

24 Cuimhnich gu'n àrdaich thu 'obair san, a chi daoine.

25 Chi na h-uile dhaoine i: chi duine i o chéin.

26 Feuch, *tha* Dia mòr, agus cha'n aithne dhuinne e; agus cha ramasaichear a mach àireamh a bhliadhnaeha.

27 Oir ni e meanbh na braoin uisge taomaidh iad a nuas uisge a réir a cheò,

28 A shileas na neoil; frasaidd iad air an duine gu pailt.

29 A bhàrr air so, an urrainn *neach* air *bith* sgaoileadh nan neul a thuigsinn, no fuaime a phàilliuin?

30 Feuch, sgaoilidh e a sholus air, agus còmhdaichidh e iochdar na fairge.

31 Oir leo sin bheir e breth air an t-sluagh; bheir e biadh seachad am pailteas.

32 Le a làmhaidh⁷ còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas⁸.

CAIB. XXXVII.

1 *Tha* Dia namhasach 'na oibribh; 15 agus 'na *gliocas* do-rannsachaidh. 23 Is còir do dhaoine *cagal* bhi orra roimhe.

MAR an ceudna uime so chrìothnaich 'a mo chridhe, agus charaichidh as 'a e.

2 Eisdibh gu furachar ri fuaime a ghutha, agus an torman *a* théid a mach as a bheul.

3 Fuidh na nèamhaibh uile stiùblraidh se e, agus a dhealanach gu crìochaibh na talmhainn.

4 'Na dhéigh sin beucaidh guth: ni e faireanach⁹ le guth a mhòralachd; agus cha chum e air an ais iad an uair a chluinnear a ghuth.

5 Ni Dia tairneanach le a ghuth gu h-iongantach; ni e nithe mòra do-thuigsinn.

6 Oir ris an t-sneachda their e, Bi-sa air an talamh; mar an ceudna ris an uisge mheanbh, agus ri uisge mòr a neirt.

7 Air làimh gach duine cuiridh e seula,

¹ Togaidh.

² Cruthadair.

³ géill.

⁴ fuasgladh.

⁵ na tabhair spéis do euceart.

⁶ a dh'orduich.

⁷ neulaibh.

⁸ a' cheò.

⁹ tairneanachidh, no tairneachidh e.

chum gu'n aithnich na h-uile dhaoine 'obair-san.

8 Agus théid na fiadh-bhcathaiche steach d'an garaidh, agus 'nan àitibh-tàmh luidhidh iad.

9 As an àirde deas thig an ioma-ghlaoth¹, agus fuachd as an àirde tuath.

10 Le h-anail Dhé bheirear reodhadh; cumhainnichear leud nan uisgeacha.

11 Mar an ceudna le h-uisgeachadh sgithichidh e an neul tiugh: sgaoilidh e a neul soillseach.

12 Agus tionndaidhear mu'n cuairt e le a chomhairle; chum gu'n dean iad ge b'e ni a dh'àithneas e dhoibh air aghaidh a' chruinne-ché.

13 Bheir e air teachd, ma's ann a chum smachdachaidh, no air son 'fhearainn, no air son tròcair.

14 Eisd ris o, a Iob; seas, agus tabhair fa'near oibre iongantach Dhé.

15 Am bheil fios agad c'uin a dh'ord- uich Dia iad, agus a thug e air solus a neoil dealrachadh?

16 Am bheil fios agad air cothromach- adh nan neul, air oibribh iongantach an ti a ta iomlan ann an eòlas?

17 Cionnus a ta t'eudach blàth, 'nuair a chiùnichear² an talamh leis a' ghaoith á deas?

18 An do sgaoil thu mach maille ris-san naspeura, a ta làidir, marsgàthan leaghta?

19 Nochd dhuinn ciod a their sinn ris: cha'n urrainn sinn ar cainnt a chur an ordugh a thaobh dorchadais.

20 An innsear dha 'nuair a labhras mi? Ma labhras duine, gu cinnteach sluigear suas e.

21 Agus a nis cha'n fhaic daoine an solus dealrach a ta anns na neulaibh: ach siubhlaidh a' ghaoth, agus glanaidh i iad.

22 As an àirde tuath thig soimionn³: aig Dia tha mòrachd uamhasach.

23 An t-Uile-chumhachdach, cha 'n urrainn sinn fhagail a mach: tha e òirdheire ann an cumhachd, agus am breitheanas, agus an làn cheartas: cha sàraich e.

24 Uime sin bithidh eagal air daoineibh roimhe: cha bhi meas aige air duine sam bith a bhios glic an cridhe.

CAIB. XXXVIII.

1 Ghairm Dia air Iob as a' chuairt-ghaoith, agus dh'iarr e reusanachadh ris: 4 Le bhi 'g àireamh nìthe iongantach a chumhachd nochd Dia dha gu bheil an duine a dhith eòlais agus neirt.

AN sin fhreagair an Tighearn Iob as a chuairt-ghaoith⁴, agus thubhairt e,

2 Cò e so a tha dorchachadh comhairle le briathraibh gun eòlas?

3 Crìoslaich a nis mar fhear do leas-raidh, agus feòraichidh mi dhìot, agus freagair thusa mi.

4 C'ait an robh thu 'nuair a leag mise bunaitean na talmhainn? innis, ma tha tuigse agad.

5 Cò a shuidhich a thoimhsean, ma's aithne dhuit? no cò a shìn an snàithne- tomhais air?

6 Ciod air am bheil a bhunaitean air an daingneachadh? no cò a leag chlach-ois- inn;

7 'Nuair a sheinn reulta na maidne cuideachd, agus a rinn uile mhic Dhé gairdeachas?

8 No cò a dhruid a stigh an fhairge le dorsaibh, 'nuair a bhris i mach mar gu'n tigeadh i as a' bhroinn?

9 An uair a rinn mi neul 'na thrusgan di, agus tiugh dhorchadas 'na chrìos- spaoilidh⁵ di?

10 Agus a bhris mi suas di m' àite suidhichte, agus a rinn mi dhi crannan agus dorsan;

11 Agus a thubhairt mi, Gu ruig so thig thu, ach cha tig nì's faide, agus an so coisgear do thonna uaibhreach!

12 O thoiseach do làithean an d'thug thu aithne do'n mhaduinn? an d'thug thu fios a h-àite do'n scarthanaich⁶?

13 A chum greim a ghabhail⁷ do chrìochaibh na talmhainn, agus gu'n crathta na h-aingidh as.

14 Tionndaidhear e mar chriadh ris an t-seula; agus seasaidh iadsan mar eud- ach.

15 Agus cumar an solus o na h-aingidh, agus brisear an gairdean àrd.

16 An deachaidh tu steach gu tobraich- ibh na fairge? no ann an rannsachadh an dubhaigein⁸ an d'imich thu?

17 An d'fhosgladh geatachan a' bhàis duit? no m' faca tu dorsan sgàile a' bhàis?

18 An d'thug thu fa'near leud na tal- mhainn? innis, ma's aithne dhuit e uile.

19 C'ait am bheil an t-slighe anns an còmhnuich an solus? agus an dorchadas, c'ait am bheil 'ionad-san?

20 Gu'n gabhadh tu e g'a chrìch, agus gu'm b'àithne dhuit na ceuman a dh'ionn- suidh a thighe?

21 An aithne dhuit e, a chionn gu'n d' rugadh tu an sin, no gu bheil àireamh do bhliadhnacha mòr?

22 An deachaidh tu steach gu ionmlias- aibh an t-sneachdaidh? no'm faca tu ion- mhasan na cloiche-meallain⁹?

23 A thaisg mise fa chomhair aimsir na teanntachd, fa chomhair là a' chatha agus a' chogaidh.

¹ a' chuairt-ghaoth.

² 'nuair a shìothaicheas e.

³ deadh-aimsir; òr.

⁴ ioma-ghaoith.

⁵ 'na chrìos-pasgaidh.

⁶ chamhair.

⁷ gus an gabh thu greim.

⁸ na doimhne.

⁹ cloich-sheachdaidh.

24 Cia an rathad a dhealaichear an solus, *a* sgaoileas a' ghaoth an ear air an talamh?

25 Cò a roinn sruth-chlais air son na tuile, agus slighe air son dealanaich¹ na tairneanaich;

26 A thoirt air frasadh air an talamh far nach 'eil duine; air an fhàsach gun duine ann;

27 A shàsachadh an fhàsaich agus an dìthreabh, agus a thoirt air cinneas² an lus mhaoth fàs suas?

28 An bheil athair aig an uisge? no cò a gluin braoin an drùchda?

29 A broinn cò an d' thàinig an eigh³? agus liath-reodhadh nan speur, cò a ghin e?

30 Mar chloich tha na h-uisgeachan air an cruadhachadh⁴, agus aghaidh na doimhne air reodhadh.

31 Am feud thusa cumhachda milse Phleiaides⁵ a cheangal, no ceanglaichean Orioin⁶ fhuasgladh?

32 An toir thu mach Madsarot 'na àm? no an stiùir thu Arctùrus maille r'a mhacaibh?

33 An aithne dhuìt reachda nan nèamh? an suidhich thu an uachdaranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich pailteas uisgeacha thu?

35 An cuir thu uait dealanaich, agus an téid iad, agus an abair iad riut, *Tha sinn an so!*

36 Cò a chuir gliocas san taobh a stigh⁷? no cò a thug tuigse do'n chridhe?

37 Cò a dh'àirmheas na neoil an gliocas? no cò a choisgeas searraga nan nèamh;

38 'Nuair a dh'fhàsas an duslach 'na mheall cruaidh, agus a dhlùth-leanas na fòidean ri chéile?

39 An sealg thusa cobhartach do'n leòmhann bhoirionn, agus an sàsaich thu cìocras⁸ nan leòmhann òga;

40 'Nuair a chrùbas iad 'nan garaidh, a dh'fhanas iad ann an sgàile chum feall-fheitheamh?

41 Cò a sholaras do'n fhitheach a lòn? an uair a dh'éigheas an t-àl òg aige ri Dia, théid iad air iomroll⁹ a chion bidh.

CAIB. XXXIX.

1 Nochd Dia a chumhachd féin, agus amhuinneachd agus aineolas an duine, le e bhí coimhead agus a' riughadh fhiadh-bheathaiche na macharach air dòigh neo-aithnichte do chreutair cruthaichte.

AN aithne dhuìtse an t-àm auns am beir gabhair fhiadhaich na carraig?

an toir thu fa'near c'uin a bheireas na h-eilde laoiigh?

2 An urrainn thu na mìosan àireamh *a* choimhlionas iad, agus an aithne dhuìt an t-àm auns am beir iad?

3 Cromaidh siad iad féin, beiridh iad an àl, tilgidh iad dhiubh an do-bliròn.

4 Tha an àl an culaidh mhaith, tha iad a' fàs suas anns na cluainibh¹⁰; théid iad a mach, agus cha phill iad d'an ionnsuidh.

5 Cò a chuir a mach an t-asal fiadhaich saor, agus cò a dh'fhuasgail ceanglaichean an asail fhiadhaich?

6 D'an d'rinn mi a thigh do'n fhàsach, agus 'àite-còmhnuidh do'n fhearann neo-thorach.

7 Nì e tarceis air mòr-shluagh a' bhaile, ri éigheach an fhir-ghreasaidh cha 'n éisd e.

8 Rannsaichidh e na sléibhtean chum ionaltraidh, agus siridh e 'n déigh gach *ni* uaine¹¹.

9 Am bi an t-aon-adharcach¹² toileach air seirbhis a dheanamh dhuìt? am fan e aig do phrasaich?

10 An ceangail thu an t-aon-adharcach le 'chuing anns a' chlais? no'n cliath e na gleanntan a'd' dhéigh?

11 An earb thu as, a chionn gur mòr a neart? no 'm fàg thu t'obair dha?

12 An creid thu e gu'n aisig e¹³ do shìol, agus gu'n cruinnich se *e do* d' urlar-bualaidh¹⁴?

13 An tusa thug sgiathan breagha do na peucagaibh¹⁵? no sgiathan agus iteach¹⁶ do'n struth¹⁷;

14 A dh'fhàgas a h-uibhean san talamh, agus a blàthaicheas iad san duslach,

15 Agus a dhì-chuimhnicheas gu'm feud cos am bruthadh, no fiadh-bheathach na macharach am briseadh?

16 Cruadhaichear i an aghaidh a h-àlaich mar nach bu leatha iad: dìomhaìn *tha* a saothair gun eagal;

17 A chionn gu'n do dhiùlt Dia dhì gliocas, agus nach do roinn e tuigse rithe.

18 Ge b'e uair a thogas si i féin an àird, nì i tàir air an each, agus air a mharcach.

19 An d'thug thusa neart do'n each? an d'eudaich thu a mhuineal le tairneanaich?

20 An dean thu gealtach e mar an leum-nach-uaine¹⁸? is uamhasach glòir a chuim-eine¹⁹.

21 Bùraichidh²⁰ e le chois anns a' ghleann, agus nì e gairdeachas 'na neart: théid e air aghaidh an coinneamh an airm.

22 Nì e magadh air eagal, agus cha bhi

¹ theintich.

² deigh.

³ Chìmah. Eabh.

⁴ sna h-airuibh.

⁵ seacharan.

⁶ ùras.

⁷ air am folachadh.

⁸ Chesil. Eabh.

⁹ miann; anam. Eabh.

¹⁰ le h-arbhar.

¹¹ glas.

¹² an sròn-adharcach, am buabhall.

¹³ gu'n tabhair e stigh.

¹⁴ do d' shabhal.

¹⁵ renanin. Eabh.

¹⁶ cleiteach. Eabh.

¹⁷ ostrich. Sasg.

¹⁸ fionnan feoir, drcolan

teasbuidh.

¹⁹ a phollairean.

²⁰ Cladhaichidh.

uamhann air, agus cha phill e air ais o fhaobhar¹ a' chlaidheimh.

23 Ni 'm balg-saighid torman 'na aghaidh, an t-sleagh lònraich agus an gath².

24 Le gairge agus feirg cladhaidhidh³ e 'n talamh; agus cha chreid e gur i fuaim na trompaid *a ta ann*.

25 Am meadhon *fuaim* na trompaid their e, Ha, ha! agus fad as gabhaidh e boladh a' chatha, tairneanaich nan ceannard, agus na h-iolaich.

26 An ann le d' ghliocas-sa a dh'iteal-aicheas an t-seabhag, a shìneas i a sgiath-an a làimh na h-àirde deas?

27 An ann air t' àithne-sa a dh'éireas an iolaire suas, agus a nì i a nead gu h-àrd?

28 Gabhaidh i còmhnuidh anns a' charr-aig, agus fanaidh i air scor⁴ na carraig, agus *anns* an daingneach.

29 As sin iarraidh i còbhartach; chi a sùilean fad as.

30 Agus sùgaidh, a h-àlach⁵ suas fuil; agus far *am bi* na mairbh, an sin *bithidh* ise.

CAIB. XL.

1 Dh'irioslaich Iob e fèin an làthair Dhé. 6 Labhair an Tighearna ris as a' chuairt-ghaoith. 15 Dh'fhoillsich Dia a chumhachd ann an cruthachadh Behemot.

A THUILLEADH air so fhreagair an Tighearna Iob, agus thubhairt e,

2 An teagaisg esan a nì strì ris an Uile-chumhachdach? esan a thagras ri Dia, freagrachd e air a shon.

3 Agus fhreagair Iob an Tighearna, agus thubhairt e,

4 Feuch, tha mi gràineil; ciod a fhreagras mi dhuit? cuiridh mi mo làmh air mo bheul.

5 Aon uair labhair mi, ach cha fhreagair mi; seadh, dà uair, ach cha 'n abair mi tuilleadh.

6 An sin fhreagair an Tighearna Iob as a' chuairt-ghaoith, agus thubhairt e,

7 Crioslaich a nis mar dhuine do leasraidh: feòraichidh mi dhìot, agus freagair thu sa mi⁶.

8 An toir thusa mo bhreitheanas-sa gu neo-ni? an d'it thu mise, chum gu saorar thu fèin?

9 Am bheil gairdean agad cosmhuil ri Dia? no'n dean thu tairneanach le guth cosmhuil ris-san?

10 Sgeadaich thu fèin a nis le mòrachd agus le h-òirdheirceas, agus eudaich thu fèin le glòir agus maise.

11 Taom? a mach fraoch t'fheirge, agus faic gach neach a ta uaibhreach, agus irioslaich e.

12 Faic gach neach a ta uaibhreach, islich e, agus saltair sìos na droch dhaoine 'nan àit.

13 Folaich iad san duslach le chéile, ceangail an aghaidhean an dìomhaireachd.

14 An sin mar an ceudna aidichidh mise dhuit, gu'n saor do dheas làmh fèin thu.

15 Feuch a nis, Behemot, a rinn mise maille riut; ithidh e feur mar dhamh.

16 Feuch a nis, *tha* a neart 'na leasraidh, agus a spionnadh ann an iomlaig a bhronn.

17 Ghuaisidh e 'earball mar sheudar: tha fèithean-luthaidh a shléisdean ceangailte r'a chéile.

18 *Tha* a chnàmha làidir *mar* umha; *tha* a chnàmha mar chrannaibh iarunn.

19 Is e tùs shlighean Dhé e: an ti a chruthaich e, feudaidh esan a chlaidheamh a thoirt am fagus *da*.

20 Gu cinnteach bheir na sléibhte dha feur, far am bi uile bheathaiche na mach-arach ri sùgradh⁸.

21 Fuidh na crannaibh dubharach luidhidh c, ann am folach na cuilce agus na làthaich.

22 Còmhdaichidh na cranna duhbarach e le'n sgàile: cuartichidh seileach an t-sruthan e.

23 Feuch, thig amhainn gu cruaidh air, agus cha dean e deifir: bithidh dòchas aige 'nuair a thig Iordan a mach g'a bheul⁹.

24 'Na shùilb¹⁰ an glac *duine* e? le dubhanaibh¹¹ an toll e a shròn?

CAIB. XLI.

Cumhachd Dhé mar a ta e air a nochdadh ann an Lebhiatan.

AN tarruing thu mach Lebhiatan le dubhan, no a theanga le cord *a leig*-eas tu sìos?

2 An cuir thu cromag 'na shròin, agus le deilg¹² an toll thu a ghial?

3 An dean e mòran aslachaidh ort? an labhair e *briathra* mine riut?

4 An dean e coimhcheangal riut? an gabh thu e mar sheirbhiseach gu bràth?

5 An dean thu cluicheadh ris mar *ri* h-eun? no'n ceangail thu e do d' ghruag-achaibh?

6 An dean na companaich cuirm dheth? ann roinn iad e am measg nan ceannaiche?

7 An lìon thu le gathaibh a chroicinn, no le mòr-ghathaibh éisg a cheann?

8 Cuir do làmh air, cuimhnich an cath, na dean tuilleadh.

9 Feuch, is dìomhain a dhòchas-san: eadhon aig a shealladh nach tilgear *duine* sìos?

10 Nach borbe e 'nuair a dhùisgeas *neach*

¹ aghaidh. Eabh.

³ shligidh easuas.

⁵ coimhcheangal.

⁷ Tilg.

² an sgiath.

⁴ facail. Eabh.

⁶ thoir thusa sìos domh.

⁸ mire, cluicheadh.

⁹ d'laidh e suas amhainn, agus cha bhi cablag air: is dòigh leis gu'n tarruing e suas Iordan 'na bheul.

¹⁰ 'na shealladh.

¹¹ ann an ribeachaibh.

¹² bior.

e¹? agus cò esan a sheasas 'na làthair²?

11 Cò a ghabh romham³, agus gu'n diolainn? *gach ni a ta* fuidh na nèamhaibh uile, is leam-sa e.

12 Cha cheil mi a bhuill, no a neart, no a dhealbh sgiamhach.

13 Cò a dh'fhoillsicheas aghaidh 'eud-aich? cò a thig d'a ionasuidh le a shrian dùbailte?

14 Cò a dh'fhosgailas dorsan 'aghaidh? *tha* 'fhiacalan uamhasach mu'n cuairt.

15 *Is iad a lannan* 'uaill, dùinte suas le chéile *mar le* seula daingean;

16 Aon air a cur ri h-aon eile, air chor as nach tig deò eatorra.

17 Tha iad air an tàdhadh ri chéile, tha iad a' dlùth-leantuin ri chéile, agus cha ghabh iad dealachadh.

18 Le a shitrìch soillsichidh solus; agus *tha* a shùilean cosmhuil ri rosgaibh na maidne.

19 As a bheul théid leusan⁴; leumaidh srada teine a mach.

20 A cuinneanaibh a shròine thig deatach a mach, mar a' poit air ghoil no coire.

21 Lasaidh 'anail gual, agus théid lasair a mach as a bheul.

22 'Na mhuineal còmhnuichidh neart, agus roimhe ruithidh bròn⁵.

23 Tha fillichean⁶ 'fheòla a' leantuin ri chéile: *tha* iad daingean annta féin; cha ghabh iad ghlasad.

24 *Tha* a chridhe cruaidh mar chloich, cruaidh eadhon mar chloich-mhuilinn iochdaraich.

25 An uair a thogas se e féin suas, bithidh na cumhachdaich fo gheilt: air eagal brisidh glanaidh siad iad féin.

26 Cha seas claidheamh an ti a bheanas ris; an t-sleagh, an gath, no'n lùreach⁷.

27 Measaidh e mar chonlaich ant-iarunn, mar fhiodh grod an t-umha.

28 Cha toir an t-saighead⁸ airteicheadh; 'nan conlaich tionndaidhear leis clachan a' chroinn-tàbhuill.

29 Mar chonlaich measar gathan⁹; agus ni e gàire ri crathadh sleagha.

30 Fuidhe *tha* clacha geura: sgaoididh e *ni*the geura air an làthaich.

31 Bheir e air an doimhne bhì air ghoil mar choire: an fhaighe ni e mar phoit olaidh-ungaidh.

32 'Na dhéigh bheir e air a shlighe soill-seachadh: saoidh *neach* an t-aigean a bhì liath.

33 Air thalamh cha 'n'èil a shamhuil, a rinneadh as eugmhais eagainil.

34 Chi e gach *ni* àrd: *tha* e 'na rìgh os ceann uile chloinne an uabhair.

CAIB. XLII.

1 *Dh'umhlaich Iob e féin fo làimh Dhé. 7 Chronaich Dia a thrìuir chairdean a chionn nach do labhair iad an ni a bha ceart d'a thaobh. 9 Ghabh an Tighearna ri Iob, agus thug e da a dhà uiread 'sa bha aige roimhe. 13 Clann Iob: 16 'Aois agus a bhàs.*

AN sin fhreagair Iob an Tighearn, agus thubhairt e,

2 Tha fios agam gur urrainn thusa gach *ni* a dheanamh, agus nach ceilear smuain air bith ort.

3 Cò esan a cheileas comhairle gun eol-as? uime sin chuir mi 'n céill *ni*the nach do thug mi; *ni*the tuilleadh 's iongantach air mo shonsa, nach b'aithne dhomh.

4 Eisd, guidheam ort, agus labhraidh mi: feòraichidh mi dhìot, agus foillsich thusa dhomh.

5 Le éisdeachd na cluaise chuala mi thu; ach a nis chumnaic mo shùil thu.

6 Uime sin gabhaidh mi gràin dhom féin, agus ni mi aithreachas ann an duslach agus an luaith.

7 Ach an déigh do'n Tighearn na briathra sin a labhair ri Iob, thubhairt an Tighearn ri Eliphas an Temanach, Tha m'fhearg air a lasadh a'd' aghaidh-sa, agus an aghaidh do dhithis chairdean, a chionn nach do labhair sibh a'm' thaobh-sa¹⁰ an *ni* a bha ceart, mar a labhair m'òglach Iob.

8 Agus uime sin gabhaibh dhuibh féin seachd tairbh òga agus seachd reitheach-an, agus rachaibh a dh'ionnsuidh m'òglach Iob, agus iobraibh iobairt-loisgte air bhur son féin; agus ni m'òglach Iob ùrnuigh air bhur son, oir ris-san¹¹ gabhaidh mi: chum nach buin mi ribh a réir *bhur* n-amaideachd, a chionn nach do labhair sibh a'm' thaobh-sa an *ni* a bha ceart, mar a labhair m'òglach Iob.

9 Agus chaidh Eliphas an Temanach, agus Bildad an Suhach, agus Sophar an Naamatach, agus rinn iad mar a dh'aithn an Tighearna dhoibh: agus ghabh an Tighearn ri Iob.

10 Agus thionndaidh an Tighearn braighdeanas Iob, an uair a rinn e ùrnuigh air son a chairdean: agus thug an Tighearn do Iob a dhà uiread 'sa bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris 'na thigh: agus bha truas aca dheth, agus thug iad comhfhurtachd dha thaobh an uile uile a thug an Tighearn air: agus thug iad dha gach aon diubh bonn airgid, agus gach aon diubh cluas-fhàinne òir.

¹ Cha 'n'èil *neach* am cho borb as gu'n dùisg se e.

² a'm làthair. ³ a chuidich leam.

⁴ lèchraìn lasarra. ⁵ ni bròn gairdeachas, tionndaidhear bròn gu gairdeachas 'na làthair.

⁶ sleantach.

⁷ uchd-èilidh.

⁸ mac a' bhogha. Eabh. ⁹ totach. Eabh.

¹⁰ uiam-sa, a'm' làthair-sa.

¹¹ r'a ghnùis-san. Eabh

12 Agus bheannaich an Tighearn deir-eadh Iob nì's mò na a thoiseach, agus bha aige ceithir mìle deug caora, agus se mìle càmhal, agus mìle euìng dhamh, agus mìle asal bhoirionn.

13 Agus bha aige seachd mic, agus trìùir nighean.

14 Agus thug e Iemima mar ainm air a' cheud *nighinn*, agus Cesiah mar ainm air an dara, agus Ceren-hapuch mar ainm air an treas *nighinn*.

15 Agus cha d'fhuaradh mnàì cho sgiamhach ri nigheanaibh Iob anns an tìr uile; agus thug an athair dhoibh oighreachd am measg am bràitlrean.

16 Agus bha Iob beò 'na dhéigh so ceud agus dà fhichead bliadhna; agus chunnaic e a mhic, agus mic a mhac, ceithir ginealach.

17 Agus fhuair Iob bàs 'na sheann duine, agus làn do làithibh.

LEABHAR

NAM

S A L M.

SALM I.

1 *Son as fhùirein.* 4 *Sgrìosar na h-aingidh ann am breitheanas.*

IS beannaichte an duine sin nach gluais ann an comhairle nan aingidh, agus nach seas ann an slighe nam peacach, agus nach suidh ann an eathir luchd fanoid:

2 Ach aig *am bheil* tlachd ann an lagh¹ an Tighearn, agus a smuainicheas air a lagh-san a là agus a dh'oidhche.

3 Bitluidh e mar chraoibh suidhichte làimh ri sruthaibh uisge, a bheir a mach a toradh 'na h-aimsir, agus nach caill a duille: agus soirbhiclidh leis gach nì a nì e.

4 Cha'n ann mar sin a *bhios* na h-aingidh; ach mar mholl a sgapas a' ghaoth.

5 Air an aobhar sin cha seas na h-aingidh ann am breitheanas, no peacaich ann an coimhlthional nam firean.

6 Oir is aithne do'n Tighearna² slighe nan firean; ach sgrìosar slighe nan aingidh.

SALM II.

1 *Cumhachd agus oighreachd Chrìosd: 10 Thugadh earail do bhrèitheamhnaibh na talmhainn iad a dheanadh seirbhis dha.*

C'AR son a ghabh na einnich boile, agus a smuainich na slòigh nì dìomhain?

2 *C'ar son* a dh'éirich rìghrean na talmhainn, agus a ghabh na h-uachdarain comhairle le chéile, an aghaidh an Tighearn, agus an aghaidh 'Aoin uingta-san, *ag ràdh*,

3 Briseamaid o chéile an cuibhreach, agus tilgeamaid dhinn an cuing³?

4 An tì a ta 'na shuidhe air nèamh, nì e gàire; nì an Tighearna fochaid orra.

5 An sin labhraidh e riu 'na fheirg;

agus 'na chorruich euiridh e uamhann orra.

6 Gidheadh dh'ung⁴ mise mo Rìgh air Sion, mo shliabh naomh-sa.

7 Cuiridh mi an céill ordugh an Tighearn: thubhairt e rium, *Is* tu mo mhac-sa; an diugh ghin mi thu.

8 Iarr orm, agus bheir mi dhuit na cinnich mar oighreachd, agus crìocha na talmhainn mar sheilbh.

9 Brisidh tu iad le slait iarunn; mar shoitheach criadhaidair, pronnaidh tu iad nam bhoighdibh.

10 A nis ma ta, a rìghrean, bithibh glie; gabhaibh fòghlum, a bhrèitheamhna na talmhainn.

11 Deanaibh seirbhis do'n Tighearna le h-eagal, agus deanaibh gairdeachas le ball-chrith.

12 Pògaibh am mac⁵, air eagal gu'm bi fearg air, agus gu sgrìosar sibh san t-slighe, 'nuair a lasas ach gu beag a chorruich. *Is* beannaichte iadsan uile a dh'earbas as.

SALM III.

1 *Tha Dia 'na sgéith agus 'na dhèan dhoibhsan a dh'earbas as.*

Salm le Daibhidh, 'nuair a theich e roimh Absalom a mhac.

A THIGHEARN, nach lionmhor a dh'fhàs mo naimhdean? *is* iomadh iad a tha 'g éirigh a'm' aghaidh.

2 *Is* iomadh iad a their ri m'anam, nach 'eil furtachd aige ann an Dia. Selah.

3 Ach a ta thusa, a Thighearn, a'd' sgéith dliomhsa; mo glòir, agus fear-togalach mo chinn.

4 Ie m' ghuth dh'éigh mi ris an Tighearn, agus dh'éisd e rium a shliabh naomh. Selah.

¹ reachd. ² is taitneach leis an Tighearn. ³ an cùird. 522

⁴ shuidhich. ⁵ Thugaibh ùmhachd do'n mhac.

5 Luidh mi sìos, agus choidil mi: dhuig mi, oir chum an Tighearna suas mi.

6 Cha'n eagal leam deich mìle sluagh, a chuir iad fèin a'm' aghaidh air gach taobh.

7 Eirich, a Thighearn; saor mi, O mo Dhia: oir bhuail thu mo naimhdean uile air an gial; bhris thu fiacra nan aingidh.

8 *Is leis an Tighearn an fhurtachd:* air do shluagh *tha* do bheannachd. Selah.

SALM IV.

1 *Thug Daibhidh achmhasan d'a naimhaidh, agus chomhairle e iad.* 6 *Nochd e gu bheil sonas an duine, cha'n ann am mòr phailteas nithe tal-mhaidh, ach ann an deadh-ghean an Tighearna.*

Do'n àrd fhear-ciuil air Neginot. Salm le Daibhidh.

NUAIR a dh'éigheas mi, éisd rium, a Dhé m'ionracais; 'nuair a bha mi ann an teinn, dh'fhuasgail thu orm; dean trècair orm, agus éisd ri m'urnuigh.

2 A chlann nan daoine, cia fhad a thionndaidheas sibh mo ghloir chum naire? a ghràdhaicheas sibh diomhanas, a shireas sibh an déigh bhreug? Selah.

3 Ach biodh fios agaibh gu'n do ròghnuich an Tighearn an duine naomh dha fèin; éisdidh an Tighearn an uair a dh'éigheas mi ris.

4 Biodh eagal oirbh, agus na peacaichibh: labhraibh r'ur cridhe air bhuir leabaidh, agus bithibh tosdach.

5 Iobraibh iobairtean ionracais, agus earbaibh as an Tighearn.

6 *Tha mòran ag ràdh, Cò nochdas dhuinn ni maith? Tog oirme solus do ghlùise, a Thighearna.*

7 Chuir thu aoibhneas ann am chridhe, ni's mò na 'nuair is pailte an arbhar agus am fion-san.

8 An sìth araoon luidhidh mi, agus coidlidh mi; oir is tusa mhàin, a Thighearn, a bheir orm còmhnuidh ghabhail gu tèaruinte.

SALM V.

1 *Dh'iarr Daibhidh gu'n tugadh Dia éisd eachd d'a urnuigh.* 4 *Is fuathach leis an Tighearn luchd-deanamh an uile.* 8 *Ghuidh Daibhidh gu'n trèraicheadh Dia e 'na fhìreantachd.*

Do'n àrd fhear-ciuil air Nechilot. Salm le Daibhidh.

RI m'bhriathraibh éisd, a Thighearn; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir riut-sa ni mi urnuigh.

3 A Thighearn, air maduinn chuinnidh tu mo ghuth; air maduinn deasaichidh mi mi fèin a'd' làthair², agus amhaireidh mi suas.

4 Oir cha Dia thusa aig am bheil tlachd

an aingidheachd, agus cha chòmhnuich an t-aingidh³ maille riut.

5 Cha seas na h-amadain a'd' làthair: is fuath leat luchd-deanamh an uile.

6 Sgrìosaidd tu luchd-labhairt bhreug: is gràin leis an Tighearn an duine fuil-eachdach agus cealgach.

7 Ach air mo shon-sa, ann an lìonmhoir-eachd do thròcair, thig mi steach do d' thigh; sleuchdaidh mi aig do theampull naomh⁴, ann ad eagal.

8 A Thighearn, treòraich mi ann ad fhìreantachd: air sgàth mo naimhde, dean do shlighe dìreach romham:

9 Oir cha 'n'eil ceart⁵ nam beul; is fìor aingidheachd an taobh a stigh dhiubh; is uagh fhosgailte an sgorran; ni iad mìodal le 'n teangaidh.

10 Sgrìos⁶ iad, a Dhe; tuiteadh iad le'n comhairle fèin: air son lìonmhoireachd an eucearta tilg a mach iad; oir rinn iad ceannaire a'd' aghaidh.

11 Ach deanadh iadsan uile aoibhneas a chuireas an dòigh annad: gu bràth deanadh iad iolach, a chionn gu'n dìon thu iad: agus deanadh iadsan luathghaire annad, leis an ionmhuinn t'ainn.

12 Oir beannaichidh tusa am fìrean, a Thighearna: le deadh-ghean cuairtichidh tu e, mar le sgéith.

SALM VI.

1 *'Na theanntachd rinn Daibhidh gearan ri Dia.*

8 *Chuir e a dhòchas, agus rinn e gairdeachas, ann an trècair an Tighearna.*

Do'n àrd fhear-ciuil air Neginot air Seminit. Salm le Daibhidh.

A THIGHEARN, ann ad chorruich na cronuich mi, agus ann ad fheirg na smachdaich mi.

2 Gabh truas diom, a Thighearn, oir a ta mi lag: slànuih mi, a Thighearn, oir a ta mo chnàmhan air an cràdh;

3 Agus a ta m'anam air a chràdh gu mòr: ach thusa, a Thighearn, cia fhad?

4 Pill, a Thighearna, fuasgail m'anam: saor mi, air sgàth do thròcair.

5 Oir anns a' bhàs cha 'n'eil cuimhne ort: anns an uagh cò bheir dhuit cliù?

6 Tha mi sgèth le m'osnaich; rè na h-oidiche tha mi cur mo leabaidh air snàmh; le m' dheuraibh uisgicheam m'uirigh.

7 Caithear le dubhachas mo shùil; fàsaidd i sean, air son m' eascairde gu léir.

8 Ìmichibh uam, sibhse uile a luchd-deanamh na h-euceirt, oir chual' an Tighearn guth mo chaoidh.

9 Chual' an Tighearn m'athchuinge: gabhaidh an Tighearn ri m'urnuigh.

10 Cuirear gu nàire agus gu mòr amh-

¹ cia fhad a bhios sibh trom an cridhe? c'ar son.

² stiùraidh mi m'urnuigh a d'ionnsuidh.

³ olc.

⁵ fìrinn.

⁴ le m'aghaidh ri d' lùchairt naomh.

⁶ Dù.

⁷ buidheachas.

luadh mo naimhde gu léir: pillleadh iad, cuirear gu h-obann gu nàire iad.

SALM VII.

1 *Ghuidh Daibhidh air Dia gu'n saoradh se e o làmh a naimhdean. 9 Tha e a' nochdadh gu'n dearbh Dia cridhe an duine, agus gu'n tig an t-aingidh gu bochduinn.*

Sigàon le Daibhidh, a sheinn e do'n Tighearna, thaobh bhriathar Chuis a' Bheniaminich.

A THIGHEARNA mo Dhia, annad cuiream mo dhòigh: saor mi uathas an uile a tha'n tòir orm, agus teasaig mi:

2 Air eagal mar leòmhann gu'n reub e m'anam, *'ga* liodairt, gun neach a shaoras.

3 A Thighearna mo Dhia, ma rinn mi so; ma tha lochd a'm làmhaidh;

4 Ma dh'òc mi olc do'n fhear a bha an sìth rium, no ma rinn mi fòirneart air-san a bha 'na eascaraid domh gun aobhar¹;

5 Geur-leanadh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliù san duslach. Selah.

6 Eirich, a Thighearna, a'd' fheirg; tog suas thu féin air son corruich mo naimhdean; agus mosgail air mo shon chum na breth a dh'èithn thu.

7 An sin cuairtichidh coimhthional an t-sluaigh thu; air an son-san uime sin pill gu h-ionad àrd.

8 Bheir an Tighearna breth air an t-sluaigh: thoir breth orm, a Thighearna, a réir m'fhèantachd, agus a réir m'ion-racaib a *ta* annam.

9 Thigeadh crìoch air aingidheachd nan aingidh; ach daingnich thusa am firean: oir dearbhaidh tu na cridheachan agus na h-airmean, a Dhé chothromaich².

10 *Is e* Dia mo sgiath, a shaoras iadsan a tha ceart an cridhe.

11 *Is* breitheamh cothromach Dia, agus bithidh Dia am feirg *ris a' chiontach* gach là.

12 Mur pill e, geuraichidh e a chlaideamh: chuir e a bhogha air lagh, agus dheasaich se e.

13 Agus dh'ulluich e air a shon innil bàis: dhealbh e a shaighdean an aghaidh luchd geur-leanmhuinn³.

14 Feuch, tha e ri saothair le h-euccart; ghin e olc, agus rug e brug.

15 Dh'fhosgail e slochd, agus chladhaich se e, agus thuit e féin anns a' chlais a rinn e.

16 Pillidh 'olc air a cheann féin, agus thig 'fhoirneart a nuas air a chloigionn féin.

17 Molaidh mise an Tighearna a réir a

cheartais; agus seinnidh mi cliù do ainm an Tighearna a's ro àirde.

SALM VIII.

1 *Tha glòir Dhé air a h-àrdachadh le oibribh iongantach a làmh, 5 agus le 'mhaitheas do mhac an duine.*

Do'n àrd fhear-ciuil air Gitis. Salm le Daibhidh.

O IEHOBAHAH ar Tighearna, cia òir-dheirc t'ainm air feadh na talmhainn uile? a shiocraich do ghloir os ceann nan nèamh.

2 A beul naoidhean agus chòchran dh'-orduich thu neart, air son do naimhde, chum gu coisgeadh tu an nàmhaid agus an dioghaltach.

3 'Nuair a dh'amhairceas mi air do nàmhaidh, obair do mheur; air a' gheal-aich agus na reultaibh, a shuidhich⁴ thu;

4 Cò e an duine gu'm biodh tusa cuimhneachail air, agus mac an duine gu'm fios-raicheadh tu e?

5 Rinn thu e beagan ni b'isle na na h-aingil, agus chrùn thu e le gloir agus le h-urram.

6 Thug thu uachdaranachd dha air oibribh do làmh: chuir thu gach ni fo 'chos-aibh:

7 Coaraidh agus buar uile, agus mar an ceudna ainmhidhean na macharach;

8 Eunlaith nan speur, agus iasg na mara, a shiubhlas air slighibh nan cuan.

9 O Iehobah, ar Tighearna, cia òir-dheirc t'ainm air feadh na talmhainn uile?

SALM IX.

1 *Mhol Daibhidh an Tighearna do bhrìgh gu'n d'thug e breth air a naimhidh. 13 Ghuidh e gu'n deanadh Dia tràcàir air 'na àmhghar, agus gu'n saoradh e an t-ainnis à làmh an aingidh.*

Do'n àrd fhear-ciuil air Mut-laben. Salm le Daibhidh.

MOLAIDH mi thu, a Thighearna, le m' uile chridhe; cuiridh mi'n céill t'òibre iongantach gu léir.

2 Ni mi aoibhneas agus gairdeachas annad; seinnidh mi cliù do t'ainm, O Thi a's àirde.

3 'Nuair a phillcar mo naimhdean air an ais, tuitidh iad agus theid as doibh a'd' fhianais:

4 Oir sheas thu dhomh mo chòir agus mo chùis: shuidh thu air do rìgh-chaithir, a' toirt breth le ceartas.

5 Smachdaich thu na cinnich, sgrios thu na h-aingidh; chuir thu as d'an ainm gu saoghal nan saoghal.

6 Chaidh crìoch air sgrios an nàmhaid am feasd; leag thu sìos am bailte mòra: theid as d'an cuimhne maille riu féir.

¹ agus na h-airnean.

² luchd tòrach, luchd dòibhargaidh.

³ dh'orduich, dheasaich.

7 Ach mairidh an Tighearna gu sìor-
uidh: dheasaich e a rìgh-claithir chum
breitheana¹.

8 Agus bheir esan breth air an t-saogh-
ear ann fireantachd, ni e breitheanas do'n
t-sluagh an ceartas.

9 Agus bithidh an Tighearna 'na dhaing-
neach do'n tì a shàruichear, 'na dhaing-
neach ann an aimsiribh teamntachd.

10 Agus cuiridh iadsan d'an aithne
t'ainm an dòigh annad: oir cha tréig
thusa, a Thighearn, iadsan a dh'iarras
thu.

11 Seinnibh cliù do'n Tighearn a chòm-
huicheas ann an Sion; aithrisibh am measg
nan cinneach a ghlòmhara.

12 'Nuair a ni e rannsachadh air fuil,
cuimhnichidh e orra: cha dichuimhnich
e glaoth nam bochd.

13 Dean tròcair orm, a Thighearn: amh-
aire air m'àmghar *a tha mi fulang*
uatha-san le'm fuathach mi, O thusa a tha
ga m' thogail suas o gheataibh a' bhàis;

14 Chum gu foillsich mi do chliù uile
ann an geataibh nighinn Shìoin: ni mi
gairdeachas ann ad shlàinte.

15 Thuit na cinnich sìos anns an t-slochd
a rinn iad: anns an lìon a dh'fholaich
iad, chaidh an cos fèin an sàs.

16 Aithnuichear an Tighearna sa' bhreith-
eanas a rinn e: ann an gnìomh a làmh
fèin ribear an t-aingidh. Higaion. Selah.

17 Cuirear na h-aingidh gu h-ìfrinn¹,
na cinnich uile nach cuimhnich Dia.

18 Oir cha dichuimhnichear an t-ainnis²
gu bràth: cha téid as do dhòchas nam
bochd gu sìoruidh.

19 Eirich, a Thighearn, na buadhaich-
eadh duine; thugar breth air na cinnich
a'd' fhianuis.

20 Cuir a Thighearn, eagal orra; chum
gu'n aithnich na cinnich nach 'eil anata
fèin ach daoine. Selah.

SALM X.

1 *Tha Daibhidh a' nochdadh gu-bheil slighean nan*
aingidh doilgheasach an còmhnuidh. 12 *Cuidich-*
idh Dia leis an duine bochd, 14 *agus cumaidh*
e ceartas ris an dilleachdon.

C'AR son, a Thighearn, a sheasas tu
fad o làimh? a dh'fholaicheas tu thu
fèin ann an aimsiribh teamntachd?

2 'Na uabhar gear-leanaidh an t-aingidh
am bochd³: glacar iad sna h-innleachd-
aibh a dhealbh iad.

3 Oir ni an t-aingidh ràiteachas á miann
a chridhe; agus molaidh e an duine
samtach, a's beag air Dia.

4 Ann an uabhar a ghnùise cha'n iarr
an t-aingidh *Dia*: cha 'n'eil Dia 'na uile
sinuaintibh.

5 Tha a shlighean doilgheasach anns

gach àm; *tha* do breitheanais àrd as a
shealladh: *thaobh* a naimhdean uile, ni
e tarcuis orra⁴.

6 Thubhairt e 'na chridhe, Cha ghluais-
ear mi; gu bràth cha *bhi* mi ann an àmh-
ghar.

7 Tha a bheul làn do mhallachadh,
agus do chéilg, agus do mhealltaireachd:
fo 'theangaidh *tha* donas agus diomhanas.

8 Suidhidh e ann an ionadaibh-folaich
nam bailte beaga; ann an àitibh diomhair
mortaigh e an neò-chiontach: tha a shùil-
ean ann an uaignidheas a' dearcadh air a
bhochd.

9 Ni e feall-fholach gu diomhair, mar
lèomhan 'na gharaidh: ni e feall-fholach
chum gu'n glac e an duine bochd: glac-
aidh e an duine bochd, 'ga tharruing 'na
lìon.

10 Crùbaidh e, cromaidh e sìos, agus
tuitidh am bochd le 'dhaoinibh làidir⁵.

11 Thubhairt e 'na chridhe, Dhichuimh-
nich Dia: dh'fholaich e a ghlùis; cha
léir dha *sud* am feasd.

12 Eirich, a Thighearna Dhé, tog suas
do làmh: na dichuimhnich na daoine
bochd⁶.

13 C'ar son a rinn an t-aingidh tàir air
Dia? a thubhairt e 'na chridhe, Cha'n
iarr thu e?

14 Chumnaic thu e; oir is léir dhuist donas
agus mì-run, chum an dioladh le d'
làimh: ortsa fàgaidh an duine bochd e
fèin; is tu fear-cuideachaidh an dilleachd-
ain.

15 Bris thusa gairdean an aingidh, agus
an droch dhuine; ransaich a mach 'ain-
gidheachd gus nach faigh thu i.

16 *Tha'n* Tighearna 'na Rìgh gu saogh-
al nan saoghal: sgriosadh⁷ na cinnich a
mach as a thìr.

17 A Thighearna, chuala tu miann nan
daoine bochd⁸: deasaichidh tu an cridhe;
bheir thu air do chluais éisdeachd:

18 A chumail ceirt ris an dilleachdan
agus ris an truaghan, chum nach dean
duine o'n ùir foirneart ni's mò.

SALM XI.

1 *Chuir Daibhidh a dhòchas ann an Dia.* 4 *Freasal*
ad agus ceartas an Uile-chumhachdaich.

Do'n àrd fhear-ciùil. Salm le Daibhidh.

AS an Tighearn earbam: c'ar son a
their sibh ri m'anam, Teich as mar
eun, gu d' shliabh⁹?

2 Oir feuch, chuir na h-aingidh bogha
air lagh; ghleus iad an saighead air
sreing, chum tilgeadh san dorchas orra-san
a ta ceart 'nan cridhe.

3 Ma sgriosar na bunaitean, ciod a ni
am firean?

4 *Tha'n* Tighearna 'na theampull naomh;

¹ Pillear na h-aingidh do'n uaigh.

² an t-uireasbhuidheach. ³ an truaghan.

⁴ séididh e orra. ⁵ 'na ionadaibh làidir.

⁶ truogh, iriosal.

⁷ sgriosar.

⁸ truogh, iriosal.

⁹ Teich as do na beanntaibh, mar eun.

tha righ-chaithir an Tighearn anns na nèamhaibh: chi a shùilean, rannsaichidh¹ a rosgan clann nan daoine.

5 Rannsaichidh an Tighearn am firean; ach an t-aingidh, agus esan a thug spéis do fhòirneart, is fuath le 'anam.

6 Frasaidd e air na h-aingidh, ribeach-an², teine agus pronnuse, agus doinnion uamhasach, mar chuibhrionn an cupain.

7 Oir is ionmhuinn leis an Tighearna cheart ceartas: amhaireidh a ghnùis air an duine iouraic.

SALM XII.

1 Dh'iarr Daibhidh còmhaidh o Dhia. 3 Tha c' gabhail misnich dha fèin do bhrìgh gu'n toir Dia an t-aingidh gu breitheanas, agus gu'n teasairg e na h-ionracan.

Do'n àrd fhear-ciùil air Seminit. Salm le Daibhidh.

CUIDICH leam, a Thighearn, oir cha'n 'eil duine diadhaidh ann; oir theirig³ na h-ionraic o mheasg chloinn nan daoine.

2 Labhraidh iad dìomhanas⁴ gach neach r'a choimhearsnach; le bilibh mìodalach, le cridhe dùbailte⁵ labhraidh iad.

3 Sgathaidh an Tighearna na bilean mìodalach uile, an teagadh a labhras nìthe mòra;

4 Iadsan a thubhairt, Le'r teagaidh bnaidhichidh sinn; is leinn fèin ar bilean; cò a ta 'na thighearn os ar ceann?

5 Air son fòirneirt nam bochd,¹ air son osnaich nan ainnis⁶, a nis éiridh mi, ars' an Tighearn: cuiridh mi e ann an tèaruinteachd uaithe-san a bhagras 'na aghaidh⁷.

6 Is briathra fìor-ghlan briathran an Tighearna; mar airgid air a dhearbhadh ann an àmhuinn chreadha, air a ghlanadh seachd uairean.

7 Gleidhidh tusa sinn⁸, a Thighearn; dìonaigh tu sinn⁹ o'n ghinealach so gu bràth.

8 Gluaisidh na h-aingidh air gach taobh, 'nuair a dh'àrduichear iadsan a's suar-aiche do chloinn nan daoine.

SALM XIII.

1 Tha Daibhidh a' coaidh gu'n do dhìchuimhnich Dia e: 3 a' guidhe gu'n soillsicheadh e 'inntinn: 5 agus ag earbsadh rì slàinte à tròcair an Tighearn.

Do'n àrd fhear-ciùil. Salm le Daibhidh.

CIA fhad, a Thighearn, a dhìchuimhnicheas tu mi? an ann gu bràth? Cia fhad a dh'fholaicheas tu do ghnùis uam?

2 Cia fhad a ghabhas mi comhairle ann am anam, bròu ann am chridhe gach là?

Cia fhad a dh'àrduichear mo nàmhaid os mo chean?

3 Amhairc orm, éisd rium, a Thighearna mo Dhia: soillsich mo shùilean, air eagal gu'n coidil mi chum bàis¹⁰:

4 Air eagal gu'n abair mo nàmhaid, Bhuadhaich mi 'na aghaidh; gu'n dean m'earcaderan gairdeachas an uair a dh'aomair mi.

5 Ach dh'earb mise á do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliù do ainm an Tighearn a's ro àirde.]

SALM XIV.

1 Chuir Daibhidh an cèill truaillidhcachd a' chinne-daoine; 4 agus dhearbhb e an aghaidh nan aingidh o sholus an coguis fèin.

Do'n àrd fhear-ciùil. Salm le Daibhidh.

THUBHAIRT ant-amadan 'na chridhe, Cha 'n'eil Dia ann. Tha iad truaillidh; rinn iad oibre gràineil; cha 'n'eil neach ann a ni maith.

2 Dh'amhairc an Tighearn a nuas o nèamh air cloinn nan daoine, a dh'fheuchainn an robh neach ann a bha glic, a bha 'g iarraidh Dhé.

3 Chlaon iad uile; tha iad gu léir air fàs salach: cha 'n'eil neach ann a ni maith, cha 'n'eil eadhon aon.

4 Nach 'eil eòlas aca-san uile a tha deanamh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air an Tighearn?

5 An sin ghabh iad eagal mòr, a chionn gu bheil Dia ann an ginealach nam firean.

6 Nàirich iad¹¹ comhairle an duine bhochd, a chionn gur e'n Tighearn a thearmunn.

7 O gu tigeadh slàinte Israeil a mach a Sion! An uair a bheir an Tighearn air ais braighdeanas¹² a shluaigh, ni Iacob gairdeachas, ni Israel aoibhneas.

SALM XV.

1 Còmhnuichidh an t-ionracan, agus an neach a labhras an fhàrrinn 'na chridhe, ann am pàillinn Dhé.

Salm le Daibhidh.

ATHIGHEARN, cò dh'fhanas ann ad phàillinn? cò chòmhnuicheas air do shliabh naomh?

2 Esan a ghluaiseas gu h-ionraic, agus a ni ceartas, agus a labhras an fhàrrinn 'na chridhe:

3 Nach dean cùl-chàineadh le 'theangaidh, nach dean olc d'a charaid¹³, agus nach tog droch sgeul air a choimhearsnach:

¹ dearbhaidh. ² cìbhean.

³ dh'fhàinich. ⁴ breug.

⁵ le cridhe dà fhille; cridhe agus cridhe. Eabh.

⁶ air son glaoidh nam feumach.

⁷ le'm b'àill a ribeadh. ⁸ iad.

⁹ e, iad. ¹⁰ gu'n coidil mi codal a' blàis.

¹¹ sibh. ¹² braighdean.

¹³ chompanach, choimhearsnach.

4 Leis an suarach an droch dhuine¹, ach a bheir urram dhoibhsan air am bi eagal an Tighearn; a mhionnaicheas chum a chailldaich féin², agus nach caochail:

5 Nach cuir 'airgiod a mach air ocar³, agus nach gabh duais an aghaidh an neòchiontaich. Esan a ni na nithe sin, cha ghluaisear gu bràth e.

SALM. XVI.

1 *Tha Daibhidh a' cur a dhòigh ann an Dia: 4 a' gabhail gràin do luchd iudhail-aoraidh; 8 agus a' deanamh gairdeachais do bhrìgh gu bheil dòchas aig ann an aiseirigh o na marbhaibh.*

Michtam le Daibhidh.

GLEIDH mi, a Dhé, oir chuir mi mo dhòigh annad.

2 Thubhairt mi⁴ ri Iehobhah, *Is* tu mo Thighearn: cha ruig mo mhaithreas ortsa.

3 A thaobh nan naomh⁵ a ta air thalamh, agus nam flath; *tha* mo thlachd uile anna.

4 Meudaichear an doilgheasan dhoibhsan a ni deifir⁶ an déigh *dhée* eile: cha'n iobair mi an iobairtean-dìble do fhuil, agus cha luadh mi air an ainmibh le m' bhlilbh⁷.

5 *Is* e an Tighearna cuibhrionn m'oighreachd agus mo chupain: is tusa a chumas suas mo chrannchur.

6 Thuit mo roinn⁸ dhomhsa ann an *ion-adaibh* aoibhneach; seadh, *tha* oighreachd thaitneach agam.

7 Beannaichidh mise an Tighearn, a thug comhairle orm: tha m'airnean mar an ceudna 'gam theagasg an àm na h-oidhche.

8 Chuir mi an Tighearna romham a ghnàth: a chionn gu *bheil* e air mo dheas làimh, cha ghluaisear mi.

9 Uime sin ni mo chridhe aoibhneas, agus ni mo ghlòir gairdeachas: gabhaidh m'fheoil mar an ceudna fois ann an dòchas.

10 Oir cha'n fhàg thu m'anam⁹ anns an uaigh: cha leig thu le t'aon naomh truailidheachd fhaicinn.

11 Fenchaidh tu dhomh slighe na beatha: *tha* lànachd aoibhneis a'd' làthair-sa: *tha* mòr-shubhachas aig do dheas làimh gu sìorruidh.

SALM XVII.

1 Chuir Daibhidh an céill ionracas a chridhe féin, 8 agus ghuidh e gu'n teasaigeadh Dia e o ghnais nan aingidh.

Urnuigh le Daibhidh.

EISD ri ceartas, a Thighearn, tabhair aire do m' ghlaodh; cluinn m'ur-

nuigh, *a thig a mach* cha'n ann o bhlilbh cealgach.

2 O d'fhianuis thigeadh mo bhreth: faiceadh do shùilean nithe cothromach.

3 Dhearbh thu mo chridhe; dh'fhiosraich thu mi san oidheche; rannsaich thu mi, cha d'fhuair thu *a bheag*: is e mo rùn nach ciontaich mo bheul.

4 A thaobh ghnìomhara dhaoine, le focal do bhilean sheachainn mi ceumanna¹⁰ a' mhillteir.

5 Cum suas mo cheumanna ann ad shligheibh, chum nach sleamhuich mo chosan.

6 Ghairm mi ort, oir éisdidh tu rium, a Dhé; aom do chluas a m' ionnsuidh, cluinn mo chaint.

7 Taisbein do chaoimhneas iongantach, O thusa a shaoras le d' dheas làimh iad-san a dh'earbas asad, uatha-san a dh'éir-eas suas '*nan aghaidh*'

8 Gléidh mi mar chloich na sùla, fuidh sgàile do sgiathan foluich mi.

9 O ghnùis uan droch dhaoine a tha ri fòirneart orm, naimhdean m'anama a tha ga m' chuairteachadh air gach taobh.

10 'Nan saill tha iad air an druidealh suas; le'm beul labhraidh iad gu h-uaibhreach.

11 'Nar ceum a nis chuairtich iad sinn: shuidhich iad an sùilean, a' cromadh sìos gu làr.

12 Cosmhuil ri leòmhann a tha gionach chum cobhartaich, agus ri leòmhann òg a' feitheamh ann an ionadaibh dhair.

13 Eirich, a Thighearn, cuir roimhe, leag sìos e, saor m'anam o'n aingidh le d' chlaidheamh¹¹.

14 O dhaoinibh le d' làimh, a Thighearn, o dhaoinibh an t-saoghail, *d'am bheil* an cuibhrionn sa' bheatha so, agus d'an do lìon thu am brù le t'ionmhas foluichte: sàsuichear an clann¹², agus fàgaidh iad am fuigheall d'an naoidhean-aibh.

15 Air mo shon-sa, ann am fireantachd cli mi do ghnuis: sàsuichear mi, 'nuair a dhùisgeas mi, le d' chosamhlachd.

SALM XVIII.

1 *Laoidh bhuidheachais le Daibhidh air son na saorsa mhòir, agus nam beannachdan Ìonmhor a dhèanaich Dia dha.*

Do'n àrd fhear-ciuil, [Salm] le Daibhidh, òglach on Tighearn, a labhair ris an Tighearna briathra na laoidh so, san là air an do shaor an Tighearn e as làimh a naimhdean uile, agus as làimh Shaul: agus an dubhairt e,

GRADHAICHIDH mi thu, a Thighearn, mo neart.

¹ Na shùilibh am bi an droch dhuine tàireil. Eabh.

² a mhionnaicheas d'a charaid. ³ air riadh.

⁴ Thubhairt thu, O m'anam.

⁵ Ach air na naomh.

⁶ cabhag.

⁷ cha gabh mi an ainmean air mo bhlilbh.

⁸ na crìocha; na sreanga-tomhais. Eabh.

⁹ mo phearsa, mise.

¹⁰ thug mi fa'near ceumanna.

¹¹ a tha 'na chlaidheamh dhuil. ¹² tha iad làn cloinne.

2 *Is* e an Tighearna mo charraig, agus mo dhaingneach, agus m'fhear-saoraidh: mo Dhia, mo chreag¹ anns an cuiream mo dhòchas; mo sgiath, agus adharc mo shlàinte, mo thùr àrd.

3 Gairmidh mi air an Tighearna a's airidh air cliù, agus o m' naimhidh saor-air mi.

4 Chuairtich piantan a' bhàis² mi, agus chuir tuilte dhroch dhaoine eagal orm.

5 Chuairtich piantan ifrinn³ mi; ghabh lìontan a' bhàis romham.

6 A'm⁴ éigin ghairm mi air an Tighearna, agus ri m' Dhia ghlaodh mi: chual' e as a theampull mo ghuth, agus thàinig mo ghlaodh 'na làthair d'a chluasaibh.

7 An sin chrathadh agus chrìothnuich an talamh, agus ghluaisleadh bunaitean nam beann agus chrathadh iad, a chionn gu'n robh corruich air.

8 Chaidh deatach suas as a shròn⁴, agus dhian-loisg⁵ teine as a bheul: lasadh eibhlean leis.

9 Agus lùb e na nèamhan, agus thuirling e nuas: agus *bha* dorchadas fuidh a chosaibh.

10 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

11 Chuir e dorchadas mar ionad dìomhair mu'n cuairt air: *bu* phàillion da, duibhre uisgeacha, neoil nan speur⁶.

12 O'n dealradh a bha fa chomhair chaidh a neoil thairis; clacha-meallain agus eibhlean teine⁷.

13 Agus rinn an Tighearna tairnean-ach sna speuraibh, agus chuir an Ti a's àirde a mach a ghuth⁸.

14 Agus chuir e mach a shaighdean, agus sgap e iad; agus thilg e mòran tein'-athair, agus chlaoidh e iad.

15 Agus chunneas aigein nan uisge⁹, agus nochdadh bunaitean an domhain, le d' aghmhasan-sa, a 'Thighearna, le séideadh anail¹⁰ t'fheirge¹¹.

16 Chuir e nuas o'n àirde, ghlac e mi, tharruing e mi á h-uisgeachaibh lìonmhor¹².

17 Shaor e mi o m' nàmhaid làidir, agus uatha-san a dh'fhuathaich mi; oir bu treise iad na mise.

18 Ghabh iad romham ann an là m' àmhghair: ach bha'n Tighearna 'na chùltaice dhomh.

19 Agus thug e mach mi gu ionad farsuinn: shaor e mi, a chionn gu'n do ghabh e tlachd annam.

20 Thug an Tighearna luigheachd

dhomh a réir m'ionracais: a réir gloine mo làmh dhiol e dhomh.

21 Oir ghléidh mi slighean an Tighearna, agus cha do chlaon mi gu h-aingidh o m' Dhia.

22 Oir *bha* a bhreitheanais uile a'm' fhianuis; agus a reachdan cha do chuir mi uam.

23 Agus bha mi ionraic 'na fhianuis, agus ghléidh mi mi féin o m' aingidheachd.

24 Uime sin dhiol an Tighearna dhomh a réir m'ionracais, a réir gloine mo làmh ann an sealladh a shùil.

25 Do'n duine thròcaireach nochdadh tu thu féin thròcaireach; do'n duine ionraic nochdadh tu thu féin ionraic.

26 Do'n duine ghlan nochdadh tu thu féin glan; agus do'n duine reasgach¹³ nochdadh tu thu féin reasgach.

27 Oir saoraidh tu an sluagh a ta fo àmhghar; ach na sùilean àrda bheir thu nuas.

28 Oir lasaidh tusa mo lòchran, a Thighearna: soillsichidh mo Dhia mo dhorchadas.

29 Oir leatsa ruth¹⁴ mi troimh bhuidhinn; agus le m' Dhia leum mi thar balla.

30 *A thaobh* Dhé, *tha* a shlighe iomlan: *tha* focal an Tighearna air a dhearbhadh: *is* sgiath e dhoibhsan uile a chuireas an dòchas ann¹⁵.

31 Oir cò a's Dia ann ach an Tighearna? agus cò a's carraig ann ach ar Dia-ne?

32 *Is* e Dia a tha 'gam chrìoslachadh le neart, agus a' deanamh mo shlighe iomlan.

33 *Tha* e deanamh mo chos mar *chosaibh* eilde, agus ga m' shocrachadh air m'aitibh àrda.

34 *Tha* e 'g iunnsachadh mo làmh gu cath, air chor as gu'm brisear bogha umha¹⁶ le m' ghairdeinibh.

35 Agus thug thu dhomh sgiath do shlàinte: agus chum do dheas làmh suas mi, agus rinn do chaoimhneas mòr mi.

36 Rinn thu mo cheuma farsuinn fodham, air chor as nach do shleamhuich mo chosa.

37 Lean mi mo naimhdean, agus rug mi orra; agus cha do phill mi air m'ais gu an do chuir mi as doibh.

38 Lot mi iad, agus cha bhi e 'n comas doibh éirigh: thuit iad fo m' chosaibh.

39 Oir chrìoslaich thu mi le neart chum catha: leag thu sìos fodham iadsan a dh'éirich suas a'm' aghaidh.

40 Agus thug thu dhomh mo naimh-

¹ mo neart, mo dhèidean.

² tonnan a' bhàis.

II. Samuel, Caib. XXII. r. 5.

³ na h-uaigne.

⁴ na fheirge.

⁵ chnàmh, chaith, sgrios.

⁶ ann an neulaibh tiugh nan speur.

⁷ lasadh

eibhlean teine. II. Samuel, Caib. XXII. r. 13.

⁸ a ghuth, le clochaibh-meallain agus eibhlibh teine.

⁹ na faire.

¹⁰ analach.

¹¹ do shròine.

¹² mòra.

¹³ dhoirbh, fhìata.

¹⁴ bhris.

¹⁵ dh'earbas as.

¹⁶ stàitinn, cruadhach.

dean air mhuineal; iadsan a dh'fhuath-
aich mi, agus ghearr mi as iad.

41 Ghlaoth iad, ach cha robh fear-saor-
aidh ann; eadhon air an Tighearn, ach
cha do fhreagair e iad.

42 An sin mhìn-phronn mi iad mar
dhuslach¹ fa chomhair na gaoithe: mar
chlàbar nan sràid bhruth mi iad².

43 Shaor thu mi o chomh-stri an
t-sluaigh; rinn thu mi a'm' cheann air na
cinnich: ni sluagh nach b'aithne dhomh,
seirbhis domh.

44 Co luath 'sa chluinneas iad, géill-
idh iad dhomh: strìochdaidh coigrich
dhomh³.

45 Seargaidh coigrich as, agus bithidh
eagal orra mach⁴ as an àitibh daingne.

46 Is beò an Tighearn, agus gu ma
beannaichte mo charraig-sa! agus air
'àrdachadh gu robh Dia mo shlàinte!

47 Is e Dia a ni dioghaltas air mo shon,
agus a chuireas an sluagh fodham;

48 A shaoras mi o m' naimhdebh. Seadh,
os an ceann-san a dh'èireas suas a'm'
aghaidh togaidh tusa suas mi: o fhear an
ainneart saoraidh tu mi.

49 Uime sin clùthaichidh mi thu, a
Thighearn, am measg nan cinneach, agus
seinnidh mi do d'ainm.

50 Bheir esan saorsa mòr d'a rìgh, agus
nochdaidh e tròcàir d'a aon ungta féin, do
Dhaibhidh agus d'a shliochd gu bràth.

SALM XIX.

1 Tha oibre Dhé sna nàmhaidh a' cur an cèill glòir
an Cruithfir. 7 Oirdheirceas lagha Dhé.

12 Gluidh Daibhidh gu'n glanadh Dia e o pheac-
aibh diomhair agus dànadais.

Do'n àrd fhear-ciùil. Salm le Daibhidh.

CUIRIDH na nàmhaidh an cèill glòir
Dhé, agus nochdaidh na speura
gnìomh a làmh.

2 Tha là a' deanamh sgéil do là, agus
oidheche a' foillseachadh còlais a dh'oidh-
che.

3 Cha 'n'eil cainnt, cha 'n'eil briathra,
anns nach cluinnear an guth.

4 Air feadh na talmhainn uile chaidh
am fuaim⁵ a mach, agus am focail gu
h-iomlan an domhain.

5 Do'n ghrèin chuir e pàillion anna;
agus tha i mar nuadh fhear-pòsda a'
teachd a mach á'sheòmar; ni i gaird-
cachas mar ghaisgeach a ruith na shlighe⁶.

6 Tha a dol a mach o chrìch nan speur,
agus a cuairt gu ruig an crìochaibh; agus
cha 'n'eil ni air bith a dh'fholaichear o a
teas.

7 Is iomlan lagh an Tighearn, ag iom-

pachadh an anama; tha fiannis⁷ an
Tighearna cinnteach, a' deanamh a'
bhaoghalta⁸ glic.

8 Tha reachdan an Tighearna ceart, a'
deanamh a' chridhe aoibhneach; tha
àithne an Tighearna glan, a' soillsach-
adh nan sùl.

9 Tha eagail an Tighearna fìor-ghlan,
a' maireachduinn am feasd; is fìrinn
breitheanaidh an Tighearna; tha iad gu
h-iomlan cothromach.

10 Nì's mò r'an iarraidh tha iad na'n
t-òr, seadh, na mòran do'n òr fhìor-ghlan;
agus nì's milse na a' mhill, seadh, na a'
mhill a shileas as na cìribh-meala.

11 Os bàrr, tha do sheirbhiseach a'
factainn⁹ rabhaidh uatha: 'nan coimhead
tha mòr dhuais.

12 Cò thuigcas a sheacharain? o lochd-
aibh diomhair glan thusa mi.

13 Mar an cendna o pheac-aibh dànadais
cum air aist'òglach; na biodh àrd-cheann-
as¹⁰ aca orm: an sin bithidh mi ionraic,
agus bithidh mi neò-chiontach o cusaontas¹¹
mòr.

14 Bitheadh briathra mo bheoil, agus
smuainte mo chridhe, taitneach a'd' làth-
air, a Thighearna, mo charraig¹², agus
m'fhear-saoraidh.

SALM XX.

1 Urnuigh air son tèaruinteachd ann an là teann-
tachd. 6 Tha Daibhidh a' cur an cèill gu'n saor
Dia 'aon ungta le neart-saoraidh a dheas làimh.

Do'n àrd fhear-ciùil. Salm le Daibhidh.

GU'N éisdeadh an Tighearna riut ann
an là teanntachd! gu cumadh ainm
Dhé Iacoib suas thu!

2 Gu cuireadh e cabhair thugad¹³ as
'ionad naomh! agus á Sion gu neart-
aicheadh e thu!

3 Gu cuimhniceadh e do thabhartasan
uile, agus gu'n gabhadh e gu taitneach
uait t'ìobairt-loisgte! Selah.

4 Gu tugadh e dhuìt a réir do chridhe
féin, agus gu coimhlionadh e do chomh-
airle uile!

5 Nì sinne aoibhneas ann ad shlàinte
agus ann an ainm ar Dé-ne togaidh sinn
suas ar bratach. Gu coimhlionadh Dia
t'iarrtuis uile!

6 A nis tha fics agam gu'n saor an Tigh-
earn 'aon ungta féin: éisdidh e ris o
nàmhaidh a naomhachd, le neart-saoraidh
a dheas làimh.

7 Earbaidh cuid á carbadaibh, agus cuid
á h-eachaibh; ach cuimhnichidh sinne
ainm an Tighearn ar Dé.

8 Dh'ìslichadh iadsan, agus thuit iad;
ach dh'èirich sinne, agus sheas sinn.

¹ luathre. ² thilg mi mach iad.

³ ni coigrich breug dhomh. Eabh.

⁴ thig iad a mach le h-cagal.

⁵ an crìoch. Faic Rom. Caib. X. r. 18.

⁶ coimhlionga, réise.

⁷ teistear.

⁸ an duine eu-cèillidh, aon-fhillt, shimplidh.

⁹ faghail. Eir. ¹⁰ uachdaranachd. ¹¹ pheacadh.

¹² mo neart.

¹³ chugad, a d' ionnsuidh.

9 Saor an rìgh, a Thighearn; agus éisd ruinn san là a ghairmeas sinu¹.

SALM XXI.

1 *Laoidh bhuideachais le Daibhidh air son maith-eis Dhé d'a thaobh.* 7 *Sgrìosaiddh an Tighearn iadsan le'm fuathach e.*

Do'n àrd fhear-ciuil. Salm le Daibhidh.

ANN ad ncart, a Thighearn, nì an rìgh aoibhneas; agus ann ad slùinte cia mòr an gairdeachas a nì e?

2 Miann a chridhe thug thu dha; agus athchuinge a blùilean cha do dhiùlt thu dha. Selah.

3 Oir ghabh thu roimhe le beannachadh do mbaitheis; chuir thu m'a cheann coron do òr fìor-ghlan.

4 Dh'iarr e beatha ort: thug thu dha fad làithean gu saoghal nan saoghal.

5 Is mòr a ghloir trid do shlàinte-sa: urram agus mòralachd chuir thu air.

6 Oir rinn thu e ro bheannaichte gu bràth; rinn thu e ro aoibhneach le d' ghnùis.

7 Oir earbaidh an rìgh as an Tighearn; agus trid thròcair an Ti a's àirde, cha ghluaisear e.

8 Gheibh do làmh a mach do naimhdean uile; gheibh do dheas làmh a mach iadsan le'm fuathach thu.

9 Nì thu iad mar àmhuinn² theintich ann an àm t'fheirge: sluigidh an Tighearna sìos iad 'na chorruih, agus caithidh³ an teine iad.

10 An toradh sgrìosaiddh tu o'n talamh, agus an sliochd o chloinn nan daoine.

11 Oir dhealbh iad olc a'd' aghaidh; smuainich iad droch smuainte, nach b'urrainn iad a choimhlionadh.

12 Uime sin bheir thu orra an cùl a thionndadh; air sreangaibh do bhogha gleusaidh⁴ tu do shaighdean 'nan aghaidh.

13 Bì air t'àrdachadh, a Thighearn, ann ad neart; seinnidh sìune agus molaiddh sinn do chumhachd.

SALM XXII.

1 *'Na theanntachd ghairm Daibhidh air Dia, 6 agus leig e ris da an trioblaid a thàinig air.* 22 *Gheall e buidheachas follaiseach agus cliù a thabhairt da.*

Do'n àrd fhear-ciuil air Ailet-sachar. Salm le Daibhidh.

MO Dhia, mo Dhia, c'ar son a thréig thu mi? fad o m' ghlaodh⁵ o bhriathraibh mo bhùiridh.

2 O mo Dhia! gairmeam san là, ach cha fhreagair thu; agus san oidhche, ach cha 'n'eil fois agam.

3 Ach a ta thusa nàomh, a'd' chòmh-

nuidh *far am bheil cliù Israeil* ⁶.

4 Asad-sa dh'earbar n-aithriche; dh'earb iad, agus shaoir thu iad.

5 Riut-sa ghlaodh iad, agus theasaireadh iad; asad-sa dh'carb iad, agus chua robh nàire orra.

6 Ach is cnuimh mise⁷ agus cha duine: masladh dhaoine, agus tàir an t-sluaigh.

7 Nì iadsan uile a chì mi, gàire-fanoid rium; casaiddh iad am beul, crathaidh iad an ccann, *ag ràdh*,

8 Chuir e a dhòigh anns an Tighearn, fuasgladh e air; saoradh se e, a chionn gu bheil tlachd aige ann.

9 Ach is tusa an Ti a thug a mach as a bhroinn mi; bu tu aobhar mo dhòchais, air cìh mo mhàthar.

10 Orta thilgeadh mi o'n bhroinn: o bhroinn mo mhàthar is tusa mo Dhia.

11 Na bi-sa fad uam, oir a ta àmhghar dlùth dhomh, agus gun neach ann gu m' chuideachadh.

12 Chuairtich mòran tharbh mi; dh'iadhdh tairbh làidir Bhasain umam.

13 Dh'fhosgail iad orm am beul, mar leòmhnan reubach⁸ agus beucach.

14 Mar uisge dhòirteadh mach mi, agus sgàin mo chnàmhan uile o chéile: tha mo chridhe mar chéir, air leaghadh am meadhon mo chuinn.

15 Air tiormachadh mar shoitheach creadha tha mo neart; agus tha mo theangadh a' leantuinn ri m' ghial; agus gu h-uir bhàis thug thu mi.

16 Oir chuairtich madraidh mi; dh'iadhdh coimhthional dhroch dhaoine umam: lot iad mo làmhnan agus mo chosan.

17 Feudaiddh mi mo chnàmhan uile àir-eamh: tha iadsan a' sealltuinn, tha iad a' geur-amharc orm.

18 Roinn iad mo thrusgan eatorra, agus air mo bhrat thilg iad crannclur.

19 Ach na bi-sa, a Thighearn, fad uam: O thusa mo neart, greas gu m' chabhair.

20 Teasaig m'anam o'n chlaidheamh; m'aon ghràdh⁹ o neart¹⁰ a' mhadaidh.

21 Saor mi o bheul an leòmhain, agus o adharcaibh nam buabhull¹¹ teasaig mi¹².

22 Cuiridh mi'n céill t'ainm do m'bhàithribh; ann am meadhon a' choimhlithionail molaiddh mi thu.

23 Sibhse air am bheil eagal Dé, molaibh e: sibhse uile, a shìol Iacòib, thugaibh glòir dha; agus biodh 'eagal-san oirbh, sibhse uile a shìol Israeil.

24 Oir cha do rinn e tàir air, agus cha do ghabh e gràin do àmhghar an truagh-

¹ Fòir, a Thighearn; éisdeadh an rìgh ruinn, 'nuair a ghairmeas sinn. ² Cuiridh tu iad ann an àmhuinn. ³ millidh.

⁴ deas richidh. ⁵ o m'fhuairtichd.

⁶ Ach e thusa, a tha d' chòmhuidh san ionad

naomh, cliù Israeil.

⁷ mar chnuimh a ta mise.

⁸ fuileachdach. ⁹ mo bheatha, mo phearsa.

¹⁰ o làmh. Eabh.

¹¹ nan aon-adharcach, nan sròin-adharcach.

¹² dh'èisd thu rium.

ain¹, agus eha d'fholuieh e a ghnùis air; aeh an uair a ghlaodh e ris, dh'èisd e.

25 Orsa *bithidh* mo mholadh anns a' mhòr-choimhthional: mo bhòidean òe-aidh mi 'nan làthair-san d'an eagal e.

26 Ithidh na daoine macanta, agus sàs-uichear iad: molaiddh iadsan an Tighearn a dh'iarraas e: bithidh an eridhe² beò gu bràth.

27 Cuimhnichidh air, agus pillidh a dh'ionnsuidh an Tighearn uile eiriocha na talmhainn; agus strìochdaidh uile theaghlaihe nan einneach 'na làthair.

28 Oir *is* leis an Tighearn an rìogh-achd; agus *tha* esan 'na uachdaran air an einnich.

29 Ithidh daoine reamhra³ na talmhainn uile, agus nì iad aoradh; 'na làthair-san sleuehdaidh iadsan uile a theid sìos do'n duslach; oir cha ehum neach 'anam beò⁴.

30 Nì sliochd⁵ seirbhis dha: measar e do'n Tighearna mar ghinealach.

31 Thig iad, agus cuiridh iad an eèill 'fhireantachd do'n àl ri teachd, gu'm b'esan a rinn sud⁶.

SALM XXIII.

1 Dh'earb Daibhidh á freasdal agus á mailtheas Dé.

Salm le Daibhidh.

IS e'n Tighearna mo bhuachaille: cha bhi mi ann an dìth.

2 Ann an cluainibh glas bheir e orm luidhe sìos: làimh ri h-uisgeachaibh ciùin treòraichidh e mi.

3 Aisigidh⁷ e m'anam, treòraichidh e mi air slighibh na fireantachd air sgàth 'ainme fèin.

4 Seadh, ged shiubhail mi troimh ghleann sgàile a' bhàis, cha bhi eagal uile orm; oir *a ta* thusa maille rium: bheir do shlat agus do lorg eomhfhurtachd dhomh.

5 Deasaiehidh tu bord fa m' eomhair air fianuis mo naimhde: d'ung thu le h-oladh mo eheann; tha mo chupan a' cur thairis.

6 Gu cinnteach leanaidh maith agus tròear mi uile làithean mo bheatha; agus còmhnuichidh mi ann an tigh an Tighearna fad mo làithean⁸.

SALM XXIV.

1 Ard-uachdaranachd Dhè os eicann na talmhainn.

3 Seasaidh am firean ann an ionad naomh an Tighearn. 7 Dol a steach Rìgh na glòire d'á àite-còmhnuidh.

Salm le Daibhidh.

IS leis an Tighearn an talamh, agus a làn: an domhan, agus iadsan a tha 'nan còmhnuidh ann.

2 Oir shuidhich e air na cuantaibh e,

agus shoeraich e air na sruthaibh e.

3 Cò theid suas gu shlabh an Tighearn? agus eò sheasas 'na ionad naomh-san?

4 Esan aig am bheil làmhnan neò-chiont-ach agus eridhe glan, naeh do thog 'anam ri diomhanas, agus naeh do mhionnaieh ehum eeilge.

5 Gheibh esan beannaehadh o'n Tigh-earn, agus fireantachd o Dhia a shlàinte.

6 *Is* i so ginealach na droinge a dh'iarraas e, a dh'iarraas do ghnùis, a Dhia Iaeoib. Selah.

7 Togaibh, a gheataeha, bhur einn, agus bithibh air bhur togail suas, a dhorsa siornuidh; agus thig Rìgh na glòire steach.

8 Cò e so Rìgh na glòire? An Tighearna làidir agus treun, an Tighearna treun an eath.

9 Togaibh suas bhur einn, a gheataeha, agus bithibh air bhur togail suas, a dhorsa siornuidh, agus thig Rìgh na glòire steach.

10 Cò e so Rìgh na glòire? Tighearna nan slògh, *is* esan Rìgh na glòire. Selah.

SALM XXV.

1 Ghuidh Daibhidh gu'n treòraicheadh Dia e ann an slighe na fìrinn; 7 gu'm mailtheadh e peacanna 'òige; 16 agus gu'n deanadh e cabhair air ann an àm a thrioblaid.

Le Daibhidh.

RIUTSA, a Thighearn, togam m'anam suas.

2 Annad-sa, mo Dhia, cuiream mo dhòeh-as; na nàraichear mi, agus na deanadh mo naimhdean gairdeachas os mo eheann.

3 Seadh, na nàraichear neach sam bith a dh'fheitheas ortsa; biodh nàire orrasan a chiontaicheas gun aobhar.

4 Noehd dhomh do shlighean, a Thigh-earn; teagaisg dhomh do cheumanna.

5 Treòraich mi ann ad fhìrinn, agus teagaisg mi; oir *is* tusa Dia mo shlàinte, agus ortsa tha mi feitheamh gach là.

6 Cuimhnich do ehaomh-thròeairean, a Thighearn, agus do ehaomhneasan gràdh-ach; oir *tha* iad ann o ehian nan eian.

7 Peacanna m'òige, agus m'eusaontais, na euimhnich thusa: a réir do thròeair bi-sa euimhneachail orm, air sgàth do mhaitheis, a Thighearn.

8 *Is* maith agus *is* dìreach an Tighearn; uime sin teagaisgidh e peacaich san t-slighe.

9 Treòraichidh e na daoine ciùin⁹ ann am breitheanas; agus teagaisgidh e do na daoineibh eùin a shlighe.

10 *Is* tròeair agus fìrinn uile shlighean an Tighearna, dhoibhsan a ghleidheas a choimheangal agus a theisteis.

11 Air sgàth t'ainme, a Thighearn, lagh mo chionta; oir *a ta* i mòr.

· an duine bhoehd. 2 bhur eridhe. 3 beartach.
4 agus bithidh mi 'anam beò dha-san. 5 mo shliochd.

6 oir rinn esan e. 7 ionpaichidh.
8 gu bràth. 9 truagh, iriosal.

12 Cò e am fear air am bheil eagal an Tighearna? seòlaidh e esan san t-slighe a ròghnuicheas¹ e.

13 Nì 'anam tàmh ann am maith²; agus mealaiddh a shliochd an tìr.

14 *Tha rùn* an Tighearna aig an dream d'an eagal e; agus foillsichidh e dhoibh a choimheangal.

15 *Tha* mo shùilean a ghuàth ris an Tighearn; oir bheir esan mo chosan as an lìon.

16 Amhaire orm³, agus gabh truas diom; oir *a ta* mi a'm aonar, agus fo àmhghar.

17 *Tha* teinn mo chridhe a' dol am meud: o m' amhgharaibh saor thusa mi⁴.

18 Amhaire air m' àmhghar, agus air mo phéin⁵, agus lagh mo pheacanna gu léir.

19 Amhaire air mo naimhaidibh, oir tha iad lionmhor; agus le fuath anabarrach⁶ tha iad ga m' fhuathachadh.

20 Gléidh m'anam, agus saor mi; na leig fo naire mi, oir chuir mi mo dhòigh annad.

21 Dionadh ionracas agus ceartas mi; oir tha mi feitheamh ortsa.

22 Saor Israeil, a Dhé, as 'amhgharaibh uile.

SALM XXVI.

1 Chuir Daibhidh an céill 'ionracas féin, agus ghuidh e gu'n rannsaicheadh Dia 'airnean agus a chridhe. 8 Dh'iarr e bhí air a shaoradh o dhaoineibh fuileachdach.

Le Daibhidh.

THoir breth orm, a Thighearn, oir ghluais mi ann an ionracas; o chuir mi mò dhòigh anns an Tighearn, cha ghluaisear mi.

2 Fidir mi, a Thighearn, agus dearbh mi; rannsaich⁷ m'airnean agus mo chridhe.

3 Oir *tha* do chaoimheas gràdhach fa chomhair mo shùl; agus ghluais mi ann ad fhlirinn.

4 Cha do shuidh mi le daoineibh mealltach⁸, agus maille ri luchd-ceilge cha téid mi steach.

5 Is beag orm coimhthional luchd-uile, agus le daoineibh aingidh cha suidh mi.

6 Nighidh mi mo làmhann ann an neòchionta, agus cuairtichidh mi t'altair, a Thighearn;

7 Chum gu foillsich mi le guth molaidh, agus gu cuir mi an céill t'òibre iongantach gu léir.

8 A Thighearn, is ionmhuinn leam còmhnuidh do theach-sa⁹, agus ionad pàilliuin do ghloire.

9 Na cruinnich m'anam le peacachaibh, no mo bheatha le daoineibh fuileachdach:

10 Aig am bheil lochd¹⁰ 'nan làmhaidh, agus an lùmh dheas làn do dhuais-bhratha.

11 Ach gluaisidh mise ann am ionracas: saor mi, agus dean tròcair orm.

12 Tha mo chos 'na seasamh ann an ionad còlmard: anns na coimhthionalaibh beannaichidh mi an Tighearn.

SALM XXVII.

1 *Cha robh eagal air Daibhidh roimh a naimhaidibh do bhrìgh gu'n robh Dia 'na shlàinte dha.* 7 Ghuidh e air an Tighearn tròcair a nochdadh dha, agus a theàrnadh o thoil luchd-foircirt.

Le Daibhidh.

ISe an Tighearna mo sholus, agus mo shlàinte; cò chuireas eagal orm? Is e an Tighearna neart mo bheatha; cò chuireas geilt orm?

2 'Nuair a thàinig luchd-uile orm a dh'itheadh suas m'fheòla, mo naimhdean agus m'escalairdean, thuislich iad féin, agus thuit iad.

3 Ged champaicheadh feachd a'm aghaidh, cha bhiodh eagal air mo chridhe: ged éireadh cogadh a'm aghaidh, á so ni mi mo bhun.

4 Aon ni ghuidh mi air an Tighearna, sin iarraidh mi, a bhí m' chòmhnuidh ann an tigh an Tighearna rè uile làithean mo bheatha, chum gu faicinn maise an Tighearn, agus gu fiosraichinn 'na theampull.

5 Oir folaichidh e mi 'na sgàth-thigh¹¹ ann an là an uile; folaichidh e mi ann an dìomhaireachd a phàilliuin¹²; air carraig togaidh e suas mi.

6 Agus a nis togar suas mo cheann os ceann mo naimhdean mu'n cuairt orm; agus iobraidh mi 'na phàilliuin iobairtean aoibhneis; seinuidh mi, agus canaidh mi cliù do'n Tighearn.

7 Eisd, a Thighearna, ri m' ghuth, 'nuair a dh'éigheas mi; dean tròcair orm, agus freagair mi.

8 'Nuair a thubhairt thusa, iarraidh-se mo ghnùis; thubhairt mo chridhe riut, Do ghnùis a Thighearn iarraidh mi.

9 Na folaich do ghnùis uam; na cuir air falbh t'òglach an fèirg: bu tusa mo chabhair; na fàg mi, agus na tréig mi, a Dhia mo shlàinte.

10 'Nuair a thréigear m'athair agus mo mhàthair mi, an sin togaidh an Tighearna suas mi.

11 Teagaisg dhomh do shlighe, a Thighearn, agus treòraich mi air slighe dhirich, air sgàth mo naimhdean.

12 Na tabhair thairis mi do thoil mo

¹ a thaghas e, d'an còir dharòghuinn a dheanamh.

² socair, seasgaireachd. ³ Tionndaidh rium.

⁴ Lasaich teanntachda mo chridhe, agus o m' amhgharaibh saor thusa mi. ⁵ mo shaothair.

⁶ eucorach.

⁷ glan.

⁸ faoin, dìomhain.

⁹ aite-còmhnuidh do naomhachd-sa.

¹⁰ aingidhachadh, donas.

¹¹ 'na phubull, 'na

phàilliuin. ¹² bhùtha.

naimhdean: oir dh'érich fianuisean bréige a'm' aghaidh, agus luchd bagairt fóir-neirt.

13 Gidheadh chreid mise' gu'm faicinn maithas an Tighearn ann an tìr nam beò.

14 Feith air an Tighearna; glac misneach², agus neartaichidh esan do chridhe: feith, tha mi 'g ràdh, air an Tighearn.

SALM XXVIII.

1 *Ghuidh Daibhidh gu'n cuidicheadh Dia leis an aghaidh a naimhdean.* 6 *Bheamaich e Dia: 9 agus rinn e urnuigh air son an t-sluigh.*

Le Daibhidh.

RIUTSA, a Thighearn, éigheam, mo charraig: na bi-sa a'd thosd³ a m' thaobh, air eagal, ma bhios tu a'd' thosd a m' thaobh gu fàs mi cosmhuil riu-san a théid sìos do'n uaigh⁴.

2 Eisd ri guth m'athchuingean an nair a ghlaodhas mi riut, an uair a thogas mi mo làmhnan chum do ghuth-àite naomh-sa⁵.

3 Na tarraing mi inach leis na h-aingidh, agus le luchd-deanamh na h-eucorach, a tha làbhairt sìth r' an coimhearsnaich, agus ole aca 'nan cridhe.

4 Thoir dhoibh a réir an oibre, agus a réir aingidheachd an gnìomharan; a réir oibre an làmh thoir dhoibh; ioc an luigh-eachd⁶ dhoibh.

5 A chionn nach toir iad an aire do ghnìomharaibh an Tighearna, no do obair a làmh, sgrìosaidd e iad, agus cha tog e snas iad.

6 Beannaichte gu robh an Tighearn a chionn gu'n d'éisd e ri guth m'athchuinge.

7 *Is e an Tighearna mo neart, agus mo sgiath; ann-san chuir mo chridhe a dhòchas, agus chuidicheadh leam; uime sin rinn mo chridhe gairdeachas; agus le m' laoidh molaidh mi e.*

8 *Is e an Tighearna neart a shluaigh; agus is esan neart slàinte 'aoin ungt a féin.*

9 Saor do shluaigh, agus beannaich t'oighbreachd: beathaich iad, agus àrd-aich iad gu bràth.

SALM XXIX.

1 *Thug Daibhidh carail do uachdavanaibh glòir a thabhairt do Dhia, 3 a chionn gu bheil a chumhachd mòr, 11 agus gu bheil e 'na dhìcean d'a shluaigh.*

Salm le Daibhidh.

THUGAIBH do'n Tighearn, a chlann nan cumhachdach, thugaibh do'n Tighearna glòir agus neart.

2 Thugaibh do'n Tighearn a' ghloir a's eubhaidh d'a ainm; sleuchdaibh do'n Tighearna ann am maise na naomhachd.

3 *Tha* guth an Tighearna os ceann nan

uisgeacha: rinn Dia na glòire tairneanach, an Tighearn, os ceann nan uisgeacha mòra.

4 *Tha* guth an Tighearna cumhachdach; *tha* guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearn seudair Lebanon.

6 Agus bheir e orra leum mar laogh; Lebanon agus Sirion, mar bhuabhull⁷ òg.

7 Sgoiltidh guth an Tighearna lasraiche an teine⁸.

8 Crathaidh guth an Tighearn am fàsach; crathaidh an Tighearna fàsach Chadeis.

9 Bheir guth an Tighearn air na h-cildibh an laogh a thilgeadh⁹, agus lomaiddh e na coillte: agus 'na theampall cuiridh gach neach an céill a ghloir.

10 Suidhidh an Tighearn air tuil; agus suidhidh an Tighearna 'na Rìgh gu sìorruidh.

11 Bheir an Tighearn neart d'a shluaigh; beannaichidh an Tighearn a sluagh le sìth.

SALM XXX.

1 *Mhoi Daibhidh Dia a chionn gu'n do theasairg se e.* 4 *Chomhairlich e do gach neach buidheachas a thabhairt do'n Tighearn.*

Salm; laoidh coisreagaidh tìghe Dhaibhidh.

MOLAIDH mi thu, a Thighearn; moir thog thu snas mi, agus cha d'thug thu air m'easeaidibh gairdeachas a dheanamh os mo cheann.

2 A Thighearna mo Dhia, ghlaodh mi riut, agus shlànuich thusa mi.

3 A Thighearna, thog thu m'anam a nìos as an uaigh; ghléidh thu beò mi, chum nach rachainn sìos do'n t-sloehd.

4 Seinnibh do'n Tighearna, sibhse a naomh-san, agus thugaibh buidheachas ri cuimhneachadh air a naomhachd.

5 Oir *cha n'èil ach* tiota 'na fheirg; *tha* beatha 'na dheadh-ghean: rè oidheche mairidh bròn, ach air maduinn *thig* gairdeachas.

6 Thubhairt mise a'm' shocair¹⁰, Cha ghluaisear mi am feasd.

7 A Thighearna, le d' dheadh-ghean thug thu air mo bheinn seasamh gu daingean¹¹: dh'fholuich thin do ghnùis; bha mi fo amhladh.

8 Ghlaodh mi riutsa, a Thighearn; agus air an Tighearn dh'asluich mi.

9 Ciod an tairbhe a *tha* ann am fhuil, 'nuair a théid mi sìos do'n t-sloehd? An mol an ùir thu? an cuir i an céill t'fhirinn?

¹ Rachadh mo mhisneach air cùl mur creidhin.

² bi daingean; bi làidir. Eabh. ³ bodhar.

⁴ do'n t-sloehd. ⁵ gu ionad-còmhnuidh do

naomhachd-sa. ⁶ an diol, an dlìghe.

⁷ aon-adharcach.

⁸ an dealanaich.

⁹ Crathaidh guth an Tighearna na daragan.

¹⁰ shuaimhneas, shoirbheas.

¹¹ thug thu neart do m' urram, do m' mhaise.

10 Eisd rium, a Thighearn, agus dean tròcair orm; A Thighearna, bi-sa a'd' fhear-cuidich leam.

11 Thionndaidh thu dhomh-sa mo bhròn gu dannsadh: chuir thu dlhom n' eudach-aich, agus chrioslaich thu mi le h-aobhneas;

12 Chum gu seinneadh mo ghlòir clù dhuit, agus nach bitheadh i 'na tosd. A Thighearna mo Dhia, gu bràth molaidd mise thu¹.

SALM XXXI.

¹ Chuir Daibhidh a dhòchas ann an Dia, 7 agus rinn e gairdeachas 'na thròcair. ⁹ 'Na thrioblaid dh'earb e as an Tighearn. ¹⁹ Mhol e maitheas Dhé.

Do'n àrd fhear-ciùil. Salm le Daibhidh.

A NNAD-SA, a Thighearn, cuircam mo dhòigh; na nàraichear mi gu bràth: trid t'fhìreantachd saor mi.

2 Aom a m' ionnsuidh do chluas; gu grad furtaich orm: bi-sa a'd' charraig làidir dhomh, a'd' thigh-tearmuinn chum mo dhionadh.

3 Oir is tusa mo charraig, agus mo dhaingneach; agus air sgàth t'ainne treòraichidh agus stiùraidh tu mi.

4 Bheir thu mi as an lìon a dh'fholuich iad fa m' chomhair: oir is tusa mo neart.

5 Ann ad làimh-sa tiomnam mo spiorad: saor mi², a Thighearna Dhé na firinn.

6 Is fuath leat³ iadsan a bheir fa'near dìomhanasa breugach: ach anns an Tighearna chuir mise mo dhòchas.

7 Ni mi aobhneas agus gairdeachas ann ad thròcair: oir chunnaic thu m' àmhghar; b'aithne dhuit m'anam ann an teanntachdaibh;

8 Agus cha do dhruid thu suas mi ann an làimh an nàmhaid; shocraich thu mo chosan ann an àite farsuinn.

9 Gabh truas dìom, a Thighearn, oir tha mi ann an teinn; tha mo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus mo bhliadhan le h-osnaich; air son n'euceirt thuit mo neart, agus chaitheadh mo chnàmhan.

11 Am measg mo naimhdean gu léir bha mi a'm' mhasladh, agus gu h-àraidh do m' choimhearsnaich, agus a'm' aobhar eagail do m' luchd eòlais: iadsan a chunnaic mi a muigh, theich iad uam.

12 Dhì-chuimhnichheadh mi mar dhuine marbh air dol à cuimhne; tha mi mar shoitheach briste.

13 Oir chuala mi cùl-chàineadh mòrain dhaoine; bha eagal air gach taobh, 'nuair

a ghabh iad combairle le chéile a'm' aghaidh, a dhealbh iad mo bheatha thoirt uam.

14 Ach dh'earb mise asad-sa, a Thighearn: thubhairt mi, *Is tu mo Dhia*.

15 Ann ad làimh-sa tha m' ainsirean: saor mi á làimh mo naimhdean, agus uatha-san a tha 'n tòir orm.

16 Thoir air do ghnùis dealrachadh air t'òglach: saor mi air sgàth do thròcair.

17 Na nàraichear mi, a Thighearn, oir ghairm mi ort; nàire biodh air na h-aingidh, 'nan tosd bitheadh iad san uaigh!

18 Deanar balbh na bilean breugach, a labhras an aghaidh an fhìrein gu cruaidh, le h-uabhar agus tarcuis.

19 Cia nìòr do mhaithneas, a thaisg thu dhoibh-san do'n eagal thu; a rinn thu dhoibh-san a dh'earbas asad, an fianuis chloinn nan daoine!

20 Folaichidh tu iad ann an dìomhair-eachd do làthaireachd⁴ o àilgheas dhaoine; folaichidh tu iad ann am pàillion o strì nan teangadh.

21 Beannaichte gu robh an Tighearn; oir nochd e gu h-iongantach a chaoimhneas dhomh-sa ann am baile daingnichte⁵.

22 Thubhairt mise a'm' dheifir, Ghearradh as mi o fhianuis do shùl: gidheadh dh'èisd thusa ri guth m'asluchaidh, 'nuair a dh'èigh mi riut.

23 Gràdhaichibh na daoimh-san: gleidhidh an Tighearn na daoine tréibhdhireach, agus dìolaidh e gu pailt dhasan a ni gu h-uabhbreach.

24 Bithibh-se misneachail, agus neart-achidh esan bhur cridhe, sibhse uile a chuir bhur dòchas anns an Tighearn.

SALM XXXII.

¹ Beannachadh an duine d'an do mhaithheadh 'eusaontas. ³ Bheir aidmheil peacaidh fois do'n choguis. ⁸ Dh'earail Daibhidh air an t-sluagh gluacadh gu cothromach.

Le Daibhidh Maschil.

IS beannaichte esan d'an do mhaithheadh⁶ 'eusaontas, d'am bheil a pheacadh air 'fholachadh.

2 Is beannaichte an duine, nach cuir an Tighearn eucart as a leth, agus aig nach 'eil eagal 'na spiorad.

3 'Nuair a bha mi a'm' thosd⁷, luidh aois air mo chnàmhaibh⁸, le m' bhùireadh fad an là.

4 Oir a là agus a dh'oidheche bha do làmh trom orm: tha mo bhrìgh air a h-atharrachadh gu tiormachd an t-samhraidh. Selah.

5 Dh'aidich mi mo pheacadh dhuit,

¹ bheir mise buidheachas dhuit.

² shaor thu mi.

³ leam.

⁴ ao ghnùisc. Eabh.

⁵ ann an caithir làidir.

⁶ dhì-chuimhnichheadh.

⁷ a thaobh mo pheacaidh.

⁸ chaitheadh mo chnàmhan.

agus cha do cheil mi m'enceart : thubhairt mi, Aidichidh mi m'eusaontais do'n Tighearn; agus mhaith thusa cionta mo pheacaidh. Selah.

6 Air an aobhar sin, ni gach duine diadhaidh¹ urnuigh riut-sa, san àm am faighear thu: gu cinnteach ann an tuil nan uisgeacha mòra, cha tig iad am fagus da.

7 Tha thusa a'd' ionad-foluich dhomh; o theinn gleidhidh tu mi; le h-òranaibh saorsa cuartichidh tu mi. Selah.

8 Fìor-theagaisgidh mi thu, agus nochdaidh mi dhuit an t-slighe air an tigeachd dhuit triall; seòlaidh mi dhuit le m' shùil².

9 Na bi mar each, no mar mhuileid³, agus nach 'eil ciall; d'an cuirear sparrag agus srian 'nam beul, chum nach tig iad an gar dhuit⁴.

10 Is ìonmhor doilgheasan do'n aingidh; ach cuartichidh tròcair esan a dh'earbas as an Tighearn.

11 Bithibh aoibhneach anns an Tighearn, agus deanaibh gairdeachas, sibhse fhìreana; agus deanaibh luathghaire, sibhse uile a tha ceart an cridhe.

SALM XXXIII.

1 Is còir do'n fhìrean Dia a mholadh, 4 air son a mhaithéis, 6 a chumhaichd, 12 agus a fhreasdail. 18 Tha sùil an Tighearn orra-san a chuireas an dòigh 'na thròcair.

DEANAIBH gairdeachas san Tighearn, sibhse fhìreana; do na h-ionraic tha cliù ciatach.

2 Molaibh an Tighearn air clàrsaich: air an t-saltair, inneal-ciuil nan deich teud, seinnibh dha.

3 Canaibh dha òran nuadh; seinnibh fonn gu h-ealanta, le fuaim àrd.

4 Oir tha focal an Tighearna ceart, agus tha 'oibre uile deanta ann am fìrinn.

5 Is ìonmhuinn leis ceartas agus breitheanas; do mhaithreas an Tighearna tha'n talamh làn.

6 Le focal an Tighearna rinneadh na nìamha, agus le h-anail a bheoil an slòigh uile.

7 Carnaidh e suas mar thòrr uisgeacha na fairge; cuiridh e an doimhne suas 'na thighibh-tasgaidh.

8 Roimh an Tighearna biodh eagail air an talamh uile; roimhe-san biodh fiamh air nìle luchd-àiteachaidh an domhain:

9 Oir labhair e, agus bha e ann; dh'àithn e, agus sheas e⁵.

10 Rinn an Tighearna comhairle nan cinneach faoin; thug e innleachdan an t-sluaigh gu neo-ni.

11 Seasaidh comhairle an Tighearna

gu sìorruidh, smuaintean a chridhe o linn gu linn.

12 Is beannaichte an cinneach sin, 'gam bheil an Tighearna 'na Dhia dhoibh; an sluagh a ròghnaich e mar oighreachd dha féin.

13 O na nìamhaibh amhaircidh an Tighearn a nuas; chi e uile chlann nan daoine.

14 O ionad seasmhach a chòmhuidh beachdaichidh e air uile luchd-àiteachaidh na talmhainn.

15 Chum esan an cridhe air aon dòigh: bheir e fa'near an gnìomharan uile.

16 Cha tearnar rìgh le meud 'fheachd⁶; cha saorar laoch le meud a neirt.

17 Is dìomhain an t-each chum tèaruinteachd; agus le meud a neirt cha saor e.

18 Feuch, tha suil an Tighearn orra-san d'an eagail e; orra-san a chuireas an dòchas 'na thròcair;

19 Chum an anam a theasairginn o'n bhàs, agus an cumail beò anns a' ghorta.

20 Feithidh ar n-anam air an Tighearn; is esan ar cabhair, agus ar sgiath.

21 Oir ann-san ni ar cridhe gairdeachas, a chionn 'na ainm naomh-san gu'n do chuir sinn ar dòigh.

22 Gu robh do thròcair, a Thighearn, oirnn, a réir mar a chuir sinn ar dòchas annad.

SALM XXXIV.

1 Dh'earail Daibhidh air an t-sluaigh Dia a mholadh, 8 Is beannaichte an duine a dh'earbas as an Tighearn. 15 Saoraidh Dia am fìrean as gach teanntachd.

Le Daibhidh, 'nuair a dh'atharraich e a ghiùlan an làthair Abimeleich, agus a chuir esan uaith e, agus a dh'imich e.

BEANNAICHDH mi an Tighearna gach àm: an còmhuidh bithidh a mholadh ann am bheul.

2 Anns an Tighearna ni m'anam uaill; cluinidh na daoine sèimhe, agus ni iad aoibhneas.

3 Molaibh an Tighearna leamsa, agus àrdaicheamaid 'ainm le chéile.

4 Dh'iarr mi an Tighearn, agus dh'éisd e rium; agus shaor e mi o gach aobhar eagail a bha agam.

5 Dh'amhairc iad air, agus shoillsich-eadh iad; agus cha robh nàire air an gnùis⁷.

6 Ghlaodh an duine bochd so, agus dh'éisd an Tighearna ris; agus as a theanntachdaibh gu léir shaor se e.

7 Campaichidh aingeal an Tighearna mu'n timchioll-san d'an eagail e, agus teasairgidh e iad.

¹ naomh, maith. ² bheir mi comhairle dhuit le

m' shùil a bh' ort; socraichidh mi mo shùil ort.

³ mhuilidh; mule. Sasg.

⁴ no cha tig iad am fagus duit.

⁵ bha e air buil.

⁶ a shlàigh.

⁷ Amhaircibh-se air, agus bithidh air bhuir seall-seachadh; agus cha bh' nàire air bhuir gruaidh.

8 O blaisibh agus faicibh gur maith an Tighearn: *is* beannaichte an duine sin a dh'earbas as.

9 Bìodh eagal an Tighearn oirbh, a naoimh-san; oir cha *bhi* dìth air a luchd-cagail-san.

10 Bithidh easbhuidh air na leòmhanaibh òga¹, agus bithidh ocras orra; ach orra-san a dh'iarras an Tighearn cha bhi maith air bith a dhith.

11 Thigibh, a chlànn, éisdibh rium; teagaisgidh mi dhuibh eagal an Tighearna.

12 Cò e am fear a mhiannaicheas beatha, a ghràdhacheas làithean a dh'fhaicinn maith?

13 Gléidh do theangadh o olc, agus do bhilean o labhairt ceilg.

14 Seachainn an t-olc, agus dean am maith; iarr sìochaint agus lean i.

15 Tha sùilean an Tighearn air na fir-eanaibh, agus a chluas r'an glaoth.

16 Tha gnùis an Tighearn an aghaidh luchd-deanamh uile, chum an cuimhe a ghearradh as o'n talamh.

17 Ghlaodh na [fìreana,] agus dh'éisd an Tighearn; agus as an teanntachdaibh gu léir shaor e iad.

18 *Is* dlùth an Tighearna dhoibh-san a tha briste 'nan cridhe; agus saoraidh e iadsan a tha brùite 'nan spiorad.

19 *Is* lìonmhor àmhgharan an fhìrean; ach asda air fad saoraidh an Tighearn e.

20 Gleidhidh an Tighearn a chuàmhnan uile: cha bhi h-aon diubh briste.

21 Marbhaidh olc na h-aingidh²; agus iadsan a tha toirt fuath do'n fhìrean lom-sgrìosar iad.

22 Saoraidh an Tighearn anam a sheirbheiseach; agus cha sgrìosar aon air bith dhiubhsan a chuireas an dòigh ann.

SALM XXXV.

1 Chuir Daibhidh suas athcheuinge air son tèaruin-teachd da fèin, agus sgrìos d'a naimhdibh. 11 Ghearrain e gu'n do dhìol a naimhdean dha olc an etric maith. 22 Ghuidh e gu'n tagradh Dia a chiùis.

Le Daibhidh.

TAGAIR, a Thighearn, riu-san a thagras a'm' aghaidh; cog 'nan aghaidh-san a chogas a'm' aghaidh.

2 Glac targaid agus sgiath, agus éirich chum mo chuidcachaigh.

3 Agus tarruing a mach an t-sleagh, agus druid an t-slighe 'nan aghaidh-san³ a tha 'n tòir orm: abair ri m'anam, *Is* mi do shlàinte.

4 Nàire agus maslaidh gu robh orra-san

a tha. 'g iarraidh m'anama: gu pillear iadsan air an ais, agus gu robh anhlaidh orra, a tha smuaineachadh uile dhomh.

5 Bitheadh iad mar mholl fa chomhair na gaoithe, agus aingeal an Tighearna 'gan ruagadh.

6 Bitheadh an slighe dorch agus sleamhuinn, agus aingeal an Tighearn an tòir orra,

7 Oir gun aobhar dh'fholuich iad air mo shon an lion; slochd gun aobhar chladhaich iad air son m'anama.

8 Thigeadh sgrios air gun fhios da, agus a lion a dh'fholuich e, glacadh se e fèin: san sgrios sin tuiteadh e.

9 Ach ni m'anam-sa gairdeachas anns an Tighearn; ni e aobhneas 'na shlàinte.

10 Their mo chnàmhan uile, A Thighearn, cò *is* cosmhuil riut-sa, a theasaing-eas am bochd⁴ uaith-san a's treise na e, agus am bochd agus an t-aimis⁵ uaith-san a chreachadh e?

11 Dh'éirich fianuisan eucorach; chuir iad as mo leth⁶ *nithe* air nach robh fios agam.

12 Dhìol iad dhomh olc an éiric maith, a' cur rompa mo bheatha a thoirt uam.

13 Ach a m' thaobh-sa, 'nuair a bha iad-san gu tinn, b'e eudach-saic mo chulaidh; dh'ìriosaich mi m'anam le trasgadh⁷, agus phill m'urnuigh a'm' uchd fèin.

14 Mar gu'm bu charaid no bràthair dhomh a bhiodh ann, ghluais mi; mar fhear caoidh a mhàthar, gu dubhach chrom mi sìos.

15 Ach air bhi dhomh-sa ann an àmhghar, bha iadsan ait, agus chruinnich iad le chéile; chruinnich daoine suarach nach b'aithne dhomh le chéile a'm' aghaidh; reub iad, agus cha do sguir iad.

16 Le luchd dian-mhagaidh⁸ cealgach, chas iad am fiacra rium.

17 Cia fhad, a Thighearn, a dh'amhairceas tu air so? saor m'anam o am milleadh, m'aon ghràdh⁹ o na leòmhanaibh.

18 Cluthaichidh mi thu¹⁰ anns a' mhòr-choimhthional; am measg sluagh lìonmhoir molaidd mi thu.

19 Na deanadh iadsan a ta 'nan naimhdibh dhomh gu h-eucorach, gairdeachas os mo cheann: iadsan aig am bheil fuath dhomh gun aobhar, na caogadh iad le'n sùil:

20 Oir cha labhair iad sìtl; ael an aghaidh dhaoine ciùin na tìre dealbhaidh iad dìthe cealgach.

21 Dh'fhosgail iad am beul gu farsuinn

¹ Bithidh daoine cumhachdach bochd.

² an t-aingidh.

³ tarruing an t-sleagh agus an claidheamh 'nan aghaidh-san.

⁴ an duine tragh, amhgharach.

⁵ am feumach. ⁶ dh'fhèdrach iad dhomh.

⁷ trosgadh.

⁸ luchd-magaidh air cuirmibh.

⁹ mo sheircein, mo phearsa.

¹⁰ Bheir mi buidheachas duit.

a'm' aghaidh; thubhairt iad, Aha, aha! chunnaic ar sùil.

22 Chunnaic thusa so, a Thighearn, na bi a'd' thosd: a Thighearn, na bi fad nam.

23 Tog ort, agus mosgail chum mo cheirt¹; chum mo chùise, mo Dhia agus mo Thighearn.

24 Thoir breth orm a réir do cheartais, a Thighearna mo Dhia, agus na deanadh iad gairdeachas os mo cheann.

25 Na h-abradh iad 'nan cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhladh gu robh orrasan le chéile, a tha deanamh gairdeachas ri m'olc: còmhdaichear le nàire agus masladh iadsan a dh'àrdaicheas iad féin a'm' aghaidh!

27 Deanadh iadsan iolach, agus bith-eadh iad aobhneach, a sheasas mo chòir dhomh²; agus abradh iad a ghnàth, Mòr chliù gu robh do'n Tighearn, aig am bheil tlachd ann an sìth a sheirbhisich!

28 An sin cuiridh mo theangadh an céill do cheartas, air feadh an là do chliù.

SALM XXXVI.

1 Euceart agus cealg nan aingidh. 5 Oirdheirecas tròcair Dhé. 10 Dh'asluich Daibhidh air Dia gu'm buanaicheadh e a chaoimheas dhoibhsan a bha ionraic 'nan cridhe.

Do'n àrd fhear-ciuil, Le Daibhidh òglach a Tighearna.

SE thear an t-aingidh an taobh a stigh d'a chridhe³, gu'm peacaich e: cha 'n'eil eagal Dé fa chomhair a shùil.

2 Oir nì e bàigh⁴ ris féin 'na shùilbhih féin, gu'm faighear a mach a chionta mar aobhar fuatha⁵.

3 Is euceart agus cealg briathran a bheoil: leig e dheth bhì glic, maith a dheanamh.

4 Dealbhaidh e euceart air a leabaidh; suidhichidh se e féin air slighe nach 'eil maith; cha'n oilteil leis an t-olc.

5 A Thighearn, anns na nèamhaibh tha do thròcair; tha t'fhìrinn gu ruig na neoil.

6 Tha t'fhìreantachd mar na beanntan àrda, do bhreitheanais 'nan doimhne mhòir: ghleidhidh tusa, a Thighearn, duine agus ainmhidh.

7 Cia luachmhor do chaoimheas gràdhach, a Dhé! uime sin earbaidh clann nan daoine à sgaile do sgiathan.

8 Sàsuichear iad gu mòr le sail⁶ do thighe; agus à amhainn do shòlasan bheir thu orra ol.

9 Oir agadsa tha tobar na beatha: ann ad sholus-sa chi sinne solus.

10 Buanaich do chaoimheas gràidh dhoibhsan a chuir eòlas ort, agus t'fhìreantachd dhoibhsan a tha ionraic 'nan cridhe.

11 Na tigeadh cos an àrdam orm, agus na gluaiseadh làmh nan aingidh mi.

12 An sin thuit luchd-deanamh na h-cuceirt sìos; leagadh sìos iad, agus cha'n urrainn iad éirigh.

SALM XXXVII.

1 Chomhairlich Daibhidh do gach neach fèithcamh air an Tighearn, 10 do bhrìgh gu'n sgrìos e an t-aingidh, 28 agus gu'n gleidh e an t-ionracan bed.

Le Daibhidh.

NA biodh campar⁷ ort mu dhaoimibh aingidh, agus na gabh farmad ri luchd-deanamh na h-euceirt:

2 Oir mar am fear gearar gu grad sìos iad, agus mar an luibh ghlas⁸ seargaidh iad.

3 Earb thusa as an Tighearn, agus dean maith; mar sin gabhaidh tu còmhnuidh san tìr, agus beathaichear thu gu cinnteach⁹.

4 Mar an ceudna gabh tlachd anns an Tighearn, agus bheir e dhuit iarrtuis do chridhe.

5 Tabhair suas do shlighe do'n Tighearn; agus earb as, agus nì se e:

6 Agus bheir e mach t'fhìreantachd mar an solus, agus do bhreitheanas mar am meadhon-là.

7 Bì d' thosd an làthair an Tighearn¹⁰, agus feith le foighidin air: na biodh campar ort mu'n tì a shoirbhicheas 'na shlighe, mu'n fhear a bheir a dhroch inn-leachda gu buil.

8 Leig fearg dhìot, agus tréig cornuich; na biodh campar ort air aon chor¹¹ chum uile.

9 Oir gearras droch dhaoine; ach iadsan a dh'fheitheas air an Tighearn, buan-mhealaidh iad an talamh¹².

10 Oir fathast tamull¹³ beag, agus cha bhi an t-aingidh ann; seadh, bheir thu fa'near 'àitsan, agus cha bhi e ann.

11 Ach mealaidh daoine macanta¹⁴ an talamh, agus gabhaidh iad tlachd ann am meud na sìth.

12 Tha'n t-aingidh a' cumadh uile do'n ionraic, agus a' casadh 'fhiacal ris,

13 Nì Dia fanoid air, oir is léir dha gu bheil a là a' teachd.

14 Tharruing na h-aingidh an claidheamh, agus chuir iad am bogha air

¹ mo chòir, mo bhreithcanais. ² leis an ionmhuim mo cheartas. ³ do m' chridhe. ⁴ mìodal, brìonnal.

⁵ 'nuis a gheibhear a mach a chionta gràineil. ⁶ pailteas. ⁷ lasan, fèarg.

⁸ uaine.

⁹ le pailteas.

¹⁰ Fan gu sàmach ris an Tighearn. ¹¹ a mhàin,

¹² seallbaichidh iad an talamh mar oighreachd.

¹³ tiota, sealan.

¹⁴ ciùin, sèimh.

ghleus, a leagadh sìos a' bhochd agus an ainmis, a mharbhadh luchd deadh-bheus¹.

15 Théid an claidheamh a steach 'nan crìoch féin, agus brisear am bogha.

16 *Is* fearr beagan aig an duine ionraic na saobhbheas mhòrain dhroch dhaoine.

17 Oir briseargairdeana dhroch dhaoine; ach cumaidh Dia suas na fireana.

18 *Is* fiosrach Dia air làithibh nan daoine ionraic, agus bithidh an oighreachd gu sìorruidh.

19 Cha chuirear gu uaire iad ann an àm an uile, agus ann an làithibh na gorta sàsuichear iad.

20 Ach sgriosar droch dhaoine, agus *bithidh* naimhdean an Tighearna mar shailh uan: théid as doibh, mar dheat-aich théid as doibh.

21 Gabhaidh an t-aingidh air iasachd², agus cha diol e ris; ach tha'm firean trócaireach, agus bheir e uaith.

22 Oir iadsan a bheannaichear leis, meal aith iad an talamh; agus iadsan a mhall-aichear leis, gearrar as iad.

23 Leis an Tighearna tha ceumanna duine air an orduchadh, agus gabhaidh e tlachd 'na shlighe:

24 Ged thuit e, cha tilgear gu tur sìos e; oir cumaidh an Tighearna suas air làimh e.

25 Bha mi òg, agus a nis tha mi sean; gidheadh cha'n fhaca mi am firean air a thréigsinn, agus a shliochd ag iarraidh arain.

26 *Tha* e ghnàth truacanta agus coingheallach; agus *bithidh* a shliochd beannaichte.

27 Seachainn an t-olc, agus dean am maith, agus gabh còmhnuidh gu bràth.

28 Oir is toigh leis an Tighearna breitheanas, agus cha tréig e a naoimh: gu bràth coimhideas³ iadsan; ach gearrar as sliochd nan aingidh.

29 Meallaidh na fireana an tìr, agus gabhaidh iad còmhnuidh innte gu bràth.

30 Cuiridh beul an fhèin an cèill gliocas, agus labhraidh a theangadh breitheanas.

31 *Tha* lagh a Dhé 'na chridhe: cha sleamhuich a cheumanna.

32 Bithidh an droch dhuine ri faire air an fhìrean, agus iarraidh e a mharbhadh.

33 Cha'n fhàg an Tighearna e 'na làimh; agus cha dìt se e, 'nuair a bheirear breth air.

34 Feith air an Tighearna, agus gléidh a shlighe; agus àrdaichidh e thu, chum an tìr a mhealltuinn: 'nuair a ghearrar as droch dhaoine, chi thu e.

35 Chunnaic mi an duine aingidh am

mòr-chumhachd, agus e 'ga sgaoileadh féin a mach mar ùr-chraoibh⁴ uaine.

36 Ach chaidh e seachad⁵, agus, feuch, cha robh e ann; agus dh'iarr mi e, ach cha d'fhuaras e.

37 Thoir fa' near an duine foirfe⁶, agus amhairc air an duine ionraic; oir *is* i sìth a's crìoch do'n duine *sin*.

38 Ach sgriosar luchd eusaontais far-aon; gearrar as crìoch⁷ dhroch dhaoine.

39 *Tha* slàinte nam firean o'n Tighearna; *is esan* an neart ann an àm teanutachd:

40 Agus cuidichidh an Tighearna leo, agus teasaigridh e iad: teasaigridh e iad o dhroch dhaoineibh, agus saoraidh e iad, a chionn gu'n d'earb iad as.

SALM XXXVIII.

1 *Ghuidh Daibhidh air Dia gu'n gabhadh e truas deth, 21 agus gu'n cuidicheadh e leis.*

Salm le Daibhidh a chur an cuimhne.

A THIGHEARNA, na cronuich mi annad chorruih, agus na smachdaich mi an teas t'fheirge:

2 Oir shàthadh do shaighdean annam, agus tha do làmh trom orm.

3 Cha 'n'eil fallaineachd a'm' fheoil air son t'fheirge: cha 'n'eil sìth a'm' chnàmhaibh air son mo pheacaidh:

4 Oir chaidh m'eucearta thar mo cheann: mar eire⁸ thruim tha iad ro throm air mo shon:

5 Tha mo chreuchdan lobhta, breun, air son m'amaideachd.

6 Tha mi cràiteach; chromadh sìos mi gu mòr; air feadh an là uile tha mi 'g imeachd gu dubhach:

7 Oir tha mo leasraidh làn do *ghalar* granda; agus cha 'n'eil fallaineachd a'm' fheoil.

8 Tha mi lag, agus ro bhrùite: tha mi a' bùireadh trid mi-shuaimhneis mo chridhe.

9 A Tighearna, *tha* mo mhian nìle a'd' làthair; agus cha 'n'eil m'osnaich foluichte ort.

10 Tha mo chridhe a' ploscartaich⁹; thréig mo ncart mi: a thaobh fradhaire¹⁰ mo shùl, sin mar an ceudna cha 'n'eil agam.

11 Tha luchd mo ghaoil agus mo chaird ean a' seasamh fa chomhair mo leoin; agus tha mo dhilsean a' seasamh fad uam.

12 Agus tha luchd-iarraidh m'anama a' cur ribeacha *romham*, agus luchd-iarraidh m'uile a' labhairt nithe aimhleasach, agus a' smuaineachadh ceilge air feadh an là uile.

13 Ach mar dhuine bodhar, cha chluina

¹ nan daoine dìrcach 'nan slighe.

² an coingheall. ³ gléidheach.

⁴ mar sheudar edsre. Eabh. ⁵ chaidh mi seach.

⁶ coimhlionta, iomlan.

⁸ uallaich, callaich.

¹⁰ radhaire, soluis.

⁷ fuigheall, slìochd.

⁹ luaimhneach.

mise: agus *tha* mi mar dhuine balbh, nach fogsail a bheul.

14 *Tha* mi eadhon mar fhear nach cluinn, agus aig nach *'eil* achmhasain *'na* bheul.

15 Oir annad-sa, a Thighearn, chuir mi mo dhòchas: éisdidh tusa, a Thighearna mo Dhia.

16 Oir thubhairt mi, Air eagal gu'n dean iad gairdeachas a'm' aghaidh; 'nuair a shleamhuicheas mo chos, gu'n àrdaich siad iad féin a'm' aghaidh.

17 Oir *tha* mi ealamh gu tuisleachadh, agus *tha* mo dhoilgheas¹ a'm' fhianuis a ghnàth.

18 Oir aidichidh mi m'eucairt; bithidh mi doilich air son mo pheacaidh.

19 Ach a *ta* mo naimhdean beothail, *tha* iad làidir²; agus *tha* iadsan aig am bheil fuath dhomh gu h-eucorach, air fàs lionmhor.

20 Agus *tha* iadsan a dhìolas olc air son maith a' cur a'm' aghaidh, a chionn gu bheil mi leantuinn a' mhaith.

21 Na tréig mi, a Thighearn, mo Dhia; na bi-sa fad uam.

22 Greas chum mo chuideachaidh, a Thighearn, mo shlàinte.

SALM XXXIX.

1 *Thug Daibhidh aire nach peacaicheadh e le 'theangaidh. 4 Tha beatha an duine mar sgàile, agus mar leud boise a làithean. 8 Dh'iarr Daibhidh gu'n saoradh Dia e o 'eusaontas.*

Do'n àrd fhear-ciuil, do Iedutun. Salm le Daibhidh.

THUBHAIRT mi, Bheir mi 'n aire do m' shlighibh, nach peacaidh mi le m' theangaidh: gleidhidh mi srian air mo bheul, an uair a bhios an *duine* aingidh a'm' fhianuis.

2 Bha mi balbh tosdach; dh'fhan mi o labhairt maith *féin*; ach dhùisgeadh mo dhoilgheas.

3 Dh'fhàs mo chridhe teth an taobh a stigh dhìom; 'nuair a bha mi a' beachd-smuaineachadh, las an teine; labhair mi le m' theangaidh:

4 Thoir fios dhomh, a Thighearn, air mo chrìch, agus tomhas mo làithean ciod e, chum gu bi fios agam cia gearr mo rè.

5 Feuch, mar leud boise rinn thu mo làithean, agus *tha* m'aois mar neo-ni a'd' fhianuis: gu deimhin *is* dìomhanas gach duine d'a fheabhas. Selah.

6 Gu deimhin *tha* gach duine a' siubhal ann an samhladh dhomhain³: gu deimhin cuirear mi-shuaimhneas orra gu faoin: carnaidh *neach* suas *beartas*, gun fhios aig cò mhealas⁴ e.

7 Agus a nis ciod ris am feitheam, a Thighearn? *tha* mo dhòchas annad-sa.

8 Saor mi o m'eusaontasaibh uile; na dean ball-maslaidh an amadain dhìom.

9 Bha mi a'm' thosd, cha d'fhosgail mi mo bheul, a chionn gur tusa a rinn e.

10 Tog dhìom do bhuille: le beum do làimh-sa chlaoidheadh mi.

11 Le achmhasanaibh air son euceirt 'nuair a chronaicheas tu duine, bheir thu air a shnuadh caitheadh mar leomann: gu deimhin *is* dìomhanas gach duine. Selah.

12 Chuinn m'urnuigh, a Thighearn, agus éisd ri m' ghlaodh; ri m'dheoir na bi a'd' thosd: oir *is* coigreach mi maille riut, agus fear-cuairt, mar m'aithriche uile.

13 O! caomhain mi⁵, chum gu faigh mi neart⁶, mun siubhail mi, agus nach bi mi ann ni's mò.

SALM XL.

1 Nochd Daibhidh sonas an duine a chuireas a dhòchas anns an Tighearn 6 'Se ìmhlaichd d'a thoil an ìobairt a's taitneach le Dia. 11 Dh'as-tuich Daibhidh air an Tighearn slàinte dha féin agus amhladh d'a naimhdebh.

Do'n àrd fhear-ciuil. Salm le Daibhidh.

DH'FHEITH mi le foighidinn ris an Tighearn, agus chrom e thugam⁷: agus chual⁸ e mo ghlaodh.

2 Agus thug e nìos á slochd uamhuinn mi, á clàbar làthaich, agus chuir e mo chosan air carraig; shoeraich e mo cheum-anna.

3 Agus chuir e òran nuadh ann am bheul, òran-molaidh d'ar Dia: chi mòran e, agus bithidh eagal orra, agus earbaidh iad as an Tighearn.

4 *Is* beannaichte an duine sin a chuireas a dhòchas anns an Tighearn, agus nach seall an déigh nan uaibhreach⁹, no 'nan déigh-san a chlaonas chum bréige.

5 *Is* lionmhor, a Thighearna mo Dhia, na nithe a rinn thu! t'òibre iongantach, agus do smuainte d'ar taobh-ne, cha 'n eil e 'n comas a chur sìos an ordugh dhuit, nochdainn agus chuirinn an céill iad; ach *tha* iad uis' lionmhoire na gu'n gabh iad àireamh.

6 Ann an ìobairt agus an tabhartas cha do ghabh thu tlachd: dh'fhosgail thu mo chluasan⁹: ìobairt-loisgte agus ìobairt-peacaidh cha d'iarr thu.

7 An sin thubhairt mi, Feuch, *tha* mi teachd; ann an rola an leabhair *tha* e sgrìobhta ormsa;

8 *Is* e mo thlachd do thoil a dheanamh, a Dhé; seadh, *tha* do lagh an taobh a stigh do m' chridhe.

¹ mo bhròn. ² *tha* iadsan a *tha* 'nan naimhdebh dhomh gun aobhar làidir.

³ mar sgàile shuaimhneach duine.

⁴ chruinniceas.

⁵ tionndaidh uam.

⁶ fois, comhlhùrtachd.

⁷ chugam.

⁸ nach tionndaidh chum nan uaibhreach, naci gabh tlachd anns na h-uaibhrich.

⁹ dheasaich thu corp dhomh.

9 Rinn mi sgeul air t'fhìreantachd sa' choimhthional mhòr: feuch, cha do choisg mi mobhilean, a Thighearn, is aithne dhuil.

10 Cha d'fholuieh mi t'fhìreantaehd ann am meadhon mo chridhe: ehuir mi'n cèill t'fhìrinn, agus do shlàinte: cha do cheil mi do chaoimhneas gràdhach, agus t'fhìrinn, o'n choimhthional mhòr.

11 A Thighearn, na cum-sa do chaoimh-thròcairean uam: gleidheadh do chaoimhneas gràdhach agus t'fhìrinn a ghnàth mi.

12 Oir dh'iadh uile gun àireamh mu'n euairt orm; ghlac m'eucearta¹ mi, agus cha 'nèil e 'n comas dhomh sealltuinn suas; ni's hionmhoire tha iad na falt mo chiun, agus thrèig mo ehridhe mi.

13 Gu ma toil leat, a Thighearn, mo theasairginn; greas, a Thighearn, chum mo ehuideachaidh.

14 Nàire agus amhludh gu robh² orrasan le ehléile, a tha 'g iarraidh m'anama g'a sgrìos: ruagar air an ais agus nàraichear iadsan a tha guidhe uile dhomh.

15 Aonaranach gu robh iadsan³ mar thuarasdal an nàire, a their rium-sa, Aha, Aha!

16 Deanadh iadsan uile a dh'iarraas thusa, gairdeachas agus aoibhneas annad: abradh iadsan an còmhnuidh, a ghràdhaicheas do shlàinte, Mòr-mholadh gu robh do'n Tighearn.

17 Tha mise boehd agus uireasbhuidheach, ach smuainiehidh an Tighearn orm: is tusa m'fhear-eabhair, agus m'fhear-saoraidh; a Dhé, na dean moille.

SALM XL.

1 Tuarasdal an duine chaoimhneil. 4 Ghuidh Daibhidh gu'n nochdadh Dia trèair dha. 11 Dh'aicidh e mailleas Dhé d'a thaobh.

Do'n àrd fhear-ciùil. Salm le Daibhidh.

IS beannaichte esan a bheir an aire do'n duine bhoehd⁴: ann an là an uile⁵ saoraidh an Tighearn e.

2 Gleidhidh an Tighearn e, agus eumaidh e beò e, agus bithidh e beannaichte air thalamh: na tabhair thusa e do thoil a naimhdean⁶.

3 Bheir an Tighearna neart dha air leabaidh a thinneis iarganaich: a leabadh uile ni thusa dha 'na euslainte.

4 Thubhairt mi, A Thighearn, dean trèair orm: leighis m'anam, oir pheacaich mi a'd' aghaidh.

5 Tha mo naimhdean a' labhairt uile orm, ag ràdh, C'uin a gheibh e bàs agus a sgriosar ainm?

6 Agus ma thig neach g'am shealltuinn, labhraidh e diomhanas; earnaidh⁷ a

ehridhe euceart dha féin; théid e mach, agus labhraidh se e.

7 Tha iadsan uile aig am bheil fuath dhomh a' eogarsaich le ehléile a'm' aghaidh: tha iad a' dealbh uile a'm' aghaidh.

8 Tha droch ni, *ars' iadsan*, air teachd air⁸; agus esan a tha nis 'na luidhe, eha'n éirich e ni's mò.

9 Eadhon fear mo shith⁹, as an d'earb mi, esan a dh'ith do m'aran, thog e a shàil a'm' aghaidh.

10 Ach dean-sa, a Thighearn, trèair orm, agus tog suas mi, agus bheir mi luigheachd dhoibh.

11 Le so tha fios agam gu bheil tlaehd agad-sa annam, a ehionn nach 'eil mo nàmhaid a' deanamh caithreim¹⁰ os mo eheann.

12 Aeh air mo shon-sa, eumaidh tu suas mi ann am ionraes, agus suidhichidh tu mi a'd' fhianuis gu bràth.

13 Beannaichte gu robh an Tighearna Dia Israeil, o shiormidheachd gu siorruidheachd! Amen agus Amen!

SALM XLII.

1 Tha cridhe Dhaibhidh a' togairt a dh'ionnsuidh Dhé. 5 Ghlac e misneach a bhrìgh trèair an Tighearn.

Do'n àrd fhear-ciùil, Maschil, air son mhac Chorah.

MAR a thogras ann fadh chum nan sruth uisge, mar sin tha m'anam a' togairt a d'ionnsuidh-se, a Dhé.

2 Tha tart air m'anam eum Dhé, eum an Dé bheò: c'uin a thig mi, agus a nochdar mi am fianuis Dhé¹¹?

3 Is iad mo dheoir a's biadh dhomh a là agus a dh'oidhe, 'nuair a theirear rium gach là: *C'ait am bheil do Dhia?*

4 Na nithe so is euimhne leam, agus tha mi dòrtadh a mach m'anama leam féin; oir ghabh mi thairis leis a' mhòr ehuideachd, ehaidh mi leo gu tigh Dhé, le fuaim gairdeachais agus molaidh, *leis a' ehuideachd a bha eumail là féille*¹².

5 C'ar son a tha thu air do leagadh sìos, O m'anam? agus c'ar son a tha thu fo bhuaireas¹³ an taobh a stigh dhìom? earb thusa á Dia; oir fathast molaidh mise e, slàinte mo ghnùis¹⁴, agus mo Dhia.

6 Leagadh sìos m'anam an taobh a stigh dhìom: uime sin euimhneidh mi ortsa, mo Dhia, o thir Iordain, agus o Hermon, o shliabh Mhìtsair.

7 Tha doimhne a' gairm air doimhne le fuaim t'fheadan uisge; chaidh do stuaidhean¹⁵ agus do thonnan uile tharum.

8 Anns an là àithnidh an Tighearna a thrèair¹⁶; agus san oidhe bithidh a

¹ m'amhgharan.

² bithidh.

³ di-làraichear iad, gu robh iad fo uamhann.

⁴ bàs.

⁵ ann an am teinn.

⁶ agus beannaichidh e air thalamh e, agus cha tabhair e do thoil a naimhdean e.

⁷ crannichidh.

⁸ tha droch thinneas a' dlùth-leantainn ris; tha mòr-chionta air a chur as a leth.

⁹ mo charaid.

¹⁰ gairdeachais.

¹¹ a chì mi gnàis Dhé.

¹² Na nithe so cuimh-

nichidh mi, agus taomaidh mi mach m'anam an taobh a stigh dhìom, 'nuair a ghabhas mi thairis leis a' mhòr-ehuideachd, a theid mi leo, &c.

¹³ mhi-shuainneas. ¹⁴ air son fàrtaich a ghnùis.

¹⁵ do shùimainnean.

¹⁶ a chaoimhneas.

laoidh maille rium, agus m'urnuigh ri Dia mo bheatha.

9 'Their mi ri Dia mo charraig, C'ar son a dhì-chuimhnich thu mi? c'ar son a tha mi a' triall gu dubhach air son fòirneirt an eascaraid?

10 Mar chlaidheamh a'm' chnàmhaibh, tha mo naimhdean a' toirt maslaidh dhomh, 'nuair a their iad rium gach là, C'ait am bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a stigh dhìom? earb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIII.

¹ *Dh'iarr Daibhidh air Dia a chùis a thagraidh, agus e fèin a thedrachadh chum a phàillìuna.*
⁴ *Chuir e a dhòchas ann an Dia.*

THoir breth orm¹, a Dhé, agus tagair mi mo chùis: o chinneach an-ìochd-mhor²; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar son a chuir thu mi fad uait? c'ar son a tha mi a' triall gu dubhach air son fòirneirt an eascaraid?

3 O cuir a mach do sholus agus t'fhirinn! seòladh iadsan mi, thugadh iad mi chum do shléibh naomh-san, agus chum do phàillìuna.

4 An sin théid mi dh'ionnsuidh altair Dhé, a dh'ionnsuidh Dhé m'aoibhneis ro mhòir³; agus molaidh mi thu air a' chlarsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a stigh dhìom? earb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIV.

¹ *Chuimhnich an eaglais air na tiodhlacaibh a thug Dia dhi o shean; 9 agus tha i a' caoidh gu'n do thrèig e i a nis: 17 chuir i an céill a h-ionracas, agus ghuidh i gu'n deanadh Dia cabhair oirre.*

Do'n àrd fhear-ciuil, air son mbac Chorah, Maschil.

ADHE, le'r elusaibh chuala sin, dh'imis ar n-aithriche dhuinn an obair a rinn thu 'nan làithibh-san, sna làithibh o shean.

2 Le d'làimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheachadh⁴.

3 Oir cha'n ann le'n elaidheamh fèin a fhuair iad sealbh san tìr, agus cha'n e an ghaidean fèin a shaor iad; ach do dheas làmh, agus do ghaidean-sa, agus solus

do ghnùise, a chionn gu'n robh deadh-ghèan agad doibh.

4 Is tu fèin mo Rìgh, a Dhé: àithn thusa saorsa do Iacob.

5 Trid-sa buailidh sinn ar naimhdean; trid t'ainme-sa saltraidh sinn orra-san a dh'éireas 'nar u-aghaidh.

6 Oir as mo bhogha cha'n earb mi, agus cha saor mo chlaidheamh mi.

7 Ach shaor thusa sinn o ar naimhdeibh, agus nàirich thu iadsan aig an robh fuath dhuinn.

8 A Dia nì sinne uaill air feadh an là; agus t'ainm-sa molaidh sinn gu sìorruidh. Selah.

9 Ach a nis thilg thu uat sinn, agus nàirich thu sinn; agus cha 'n'eil thu dol a mach le'r n-armailtibh.

10 Thug thu oirnn tionndadh air ar n-ais o'n nàmhaid, agus tha iadsan le'm fuathach sinn 'gar creachadh⁵.

11 Thug thu sinn mar chaoraich air son bidh; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach⁶.

13 Rinn thu sinn 'nar masladh d'ar coimhearsnaich, 'nar ball fanoid agus magaidh dhoibhsan a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh cinn ann measg an t-sluaigh.

15 Fad an là⁷ tha m'amhladh a'm' fhianuis, agus chomhdaich nàire mo ghnùis mi⁸.

16 Air son guth an fhir a bheir masladh agus toibheum, air son fianuis an nàmhaid agus an dòghaltaich.

17 Thàinig so uile oirnn; gidheadh, cha do dhìchuimhnich sinn thu, agus cha d'rinn sinn cealg ann ad choimheheangal.

18 Cha do thionndaidh ar eridhe air ais, agus cha do chlaon ar eos o d' shlighe:

19 Ged mhìn-phronn thu sinn ann an ionad dhràgon, agus ged chomhdaich thu sinn le sgàil a' bhàis.

20 Ma dhìchuimhnich sinn ainm ar Dé, no na shìnn sinn ar làmhann gu Dia coimheach,

21 Nach ramsaich Dia so a mach? oir tha fios aige-san air nìthibh diomhair a' chridhe.

22 Ach air do shon-sa mharbhadh sinn rè an là gu léir; mheasadh sinn mar chaoraich chum casgraidh.

23 Mosgail; c'ar son a choidleas tu, a Thighearn? dùisg, na tilg sinn uait gu bràth.

¹ Cum còir rium. ² mi naomh, ain-diadhaidh.

³ m'aoibhneis agus mo ghaideachais.

⁴ rinn thu oile do na slòigh, ach chuir thu iadsan an tìr thèaruinte.

⁵ a' creachadh dhoibh fèin.

⁶ prìs.

⁷ A ghnàth.

⁸ tha ar n-amhladh 'nar fianuis, agus chomhdaich nàire ar gnùise sinn.

24 C'ar son a dh'fholaicheas tu do ghnùis? a dhì-cluimhniceas tu ar n-àmhar, agus ar foirneart?

25 Oir chromadh sìos ar n-anam do'n ùir; dhlùth-lean ar com¹ ris an talamh.

26 Eirich, cuidich leinn, agus saor sinn air sgàth do thròchair.

SALM XLV.

1 Mòralachd oighreachd Chrìosd. 10 Dleasdanas na h-eaglais, agus na sochairean a tha i a' meall-uinn.

Do'n àrd fhear-ciùil air Sosanim, air son mhac Chorah, Maschil. Oran gràidh.

THA mo chridhe a' deachdadh² deadh ni; cuiridh mi 'n cèill na nithe a rinn mi do'n Rìgh³; bithidh mo theangadh mar pheann fir-sgrìobhaidh dheis.

2 Is maisiche thu na clann nan daoine; dhòirteadh gràs ann ad bhilb: uime sin bheannaich Dia thu gu bràth.

3 Crìoslaich⁴ do chlàidheamh air do léis, O a ghaiseich; le d' ghlòir, agus le d' mhòralachd.

4 Marcaich⁵ air d'aghaidh gu buadhach air sgàth ua firinn, agus na macantachd⁶, agus na fireantachd; agus teagaisgidh do dheas làmh dhuit nithe uamhasach.

5 Is geur do slàighdean, (tuitidh na slòigh fodhad,) is geur iad ann an cridhe nàimhdean an Rìgh.

6 Tha do rìgh-chaitir, a Dhé, gu saoghal nan saoghal: is slat cheartais slat-shuaicheantais do rìghachd-sa.

7 Ghràdhaich thusa fireantachd, agus thug thu fuath do aingidheachd; uime sin dh'ung Dia, do Dhia-sa, thu le h-oladh aoibhneis os ceann do chompanach,

8 Do mhirr, agus do alos, agus do chasia, *théid faile* o d' thrusgan uile, a mach á lùchartibh do fhiacailbh elephant⁷, leis an do chuireadh aoibhneas ort.

9 Tha nigheana rìghrean am measg do bhan urramach; seasaidh do bhan-rìgh-inn air do dheas làimh, ann an òr na h-Ophir.

10 Eisd, a nighean, agus amhaire, agus aom do chluas; agus dichuimhnich do shluagh féin, agus tigh t'athar.

11 An sin gabhaidh an Rìgh mòr-thlachd ann ad àille⁸: a chionn gur esan do Thigh-earn, thoir-sa urram⁹ dha.

12 Thig eadhon nighean Thiruis le tiodhlac; asluichidh daoine saoi bhir an t-sluaigh do dheadh-ghean.

13 Uile glòrmhor tha nighean an rìgh a stigh; air oibreachadh le h-òr *tha* a h-eudach.

14 Ann an trusgan do obair ghréis bheir-eir i chum an Rìgh: bheirear na maigh-

deana 'na déigh, a bana-chompanaich, a steach thugad¹⁰.

15 Bheirear iad le h-aoibhneas agus le gairdeachas; théid iad a steach do luch-airt an Rìgh.

16 An àite t'aitliriche bithidh do mhie; ni thu iad 'nan uachdaranaibh air an talamh uile.

17 Bheir ni air t'ainm a bhi air chuimhne anns gach linn a thig: uime sin molaich an sluagh thu gu saoghal nan saogh-al.

SALM XLVI.

1 *Tha Dia 'na thearmunn agus 'na neart d'a shluagh féin.* 8 *Eirail gu beachdachadh air oibribh iongantach Dhé.*

Do'n àrd fhear-ciùil air son mhac Chorah. Oran air Alamot.

IS e Dia ar tearmunn agus ar neart; ar cabhair ro dheas ann an teanntachdaibh;

2 Air an aobhar sin cha bhi eagal oirnn, ged ghluaisear¹¹ an talamh, agus ged atharruichear na beannta gu meadhan na fairge:

3 Ged bheuc a h-nisgeacha, agus ged chuirear thar a chéile iad; ged chrìoth-nuich na beannta le a h-ataireachd. Selah.

4 *Tha* amhainn¹² ann, agus ni a sruthain caithir¹³ Dhé ait; naomh-ionad phàillion an Ti a's àirde.

5 *Tha* Dia 'na meadhon; cha ghluais-eir i: cuidichidh Dia leatha gu meach air mhaduinn.

6 Ghabh na cinnich boile; ghluaiscadh na rìoghachdan: chuir e mach a ghluth, leagh an talamh.

7 *Tha* Dia nan slògh leinn; is e Dia Iacoib a's dèidean duinn. Selah.

8 Thigibh, faicibh oibre an Tighearna, gach léir-sgrìos¹⁴ a rinn e air thalamh.

9 Coisgidh e an cogadh gu h-iomall na talmhainn; brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bithibh sàmhach, agus tuigibh gur mise Dia: àrdaichear mi am measg nan cinneach, àrdaichear mi air thalamh.

11 *Tha* Dia nan slògh léinn; is e Dia Iacoib a's dèidean duinn. Selah.

SALM XLVII.

1 Nochd an salmador gu bheil Dia 'na Rìgh mòr os ceann na talmhainn, agus 'na aobhar cagail do gach neach.

Do'n àrd fhear-ciùil. Salm air son mhac Chorah.

BUAILIBH bhuir basan, uile shlòigh; togaibh iolach do Dhia le guth gairdeachais¹⁵.

2 Oir *tha'n* Tighearna, an Ti a's àirde,

¹ brù.

² cur a mach.

³ mu'n Rìgh.

⁴ Crìosraich, Deasaich.

⁵ Ann ad mhòralachd marcaich.

⁶ ceannasachd.

⁷ air an deanamh maiscach le fiacailbh elephant.

⁸ àille, sgèimh.

⁹ ìmhachd, aoradh.

¹⁰ chugad.

¹¹ mhùthar, chaochailear.

¹² abluinn.

¹³ mòr-bhaile.

¹⁴ na nithe uamhasach.

¹⁵ caithreim.

³ an aobhar eagail: *is* Rìgh mòr e os ceann na talmhainn uile.

3 Cuiridh e na slòigh fo'r smachd, agus na cinnich fo'r cosaibh.

4 Taghaidh e ar n-oighreachd dhuinn, òirdheirceas¹ Iacoib, a ghràdhaich e. Selah.

5 Chaidh Dia suas le caithream, an Tighearna le fuaim trompaid.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir *is* e Dia rìgh na talmhainn uile; seinnibh moladh gu h-eòlach.

8 Tha Dia 'na Rìgh os ceann nan cinn-each: tha Dia 'na shuidhe air rìgh-chaithir a naomhachd.

9 Chruinnicheadh uachdarain nan sluagh le chéile, sluagh Dhé Abrahaim: oir *is* le Dia sgiatha na talmhainn; tha e air àrdachadh gu mòr.

SALM XLVIII.

1 *Tha an eaglais sgiamhach 'na suidheachadh, 3 agus tha Dia 'na thearmunn di anns gach teanntachd.*

Oran agus Salm air son mhac Choram.

IS mòr an Tighearn, agus is ro airidh air clù e ann am baile² ar Dé, ann an sliabh a naomhachd.

2 Sgiamhach 'na shuidheachadh, aoibhneas na talmhainn uile, *is* e sliabh Shioin: air an taobh mu thuath *tha* baile³ an Rìgh mhòir.

3 Aithnichear Dia 'na lùchairtibh mar thearmunn.

4 Oir feuch, chruinnicheadh na rìgh-rean; ghabh iad thairis le chéile.

5 Chunnaic iad, agus b'ìoghnadh leo; bha uamhas orra, ghreas iad orra.

6 Ghlac geilt-chrith iad an sin, pian mar phéin mnà ri saothair.

7 Le gaoith an ear mìn-bhrisidh tu longa Tharsis.

8 Mar a chuala sinn, is amhuil a chunnaic sinn ann am baile Tighearna nan slògh, ann am baile ar Dé: daingnichidh se e gu bràth. Selah.

9 Smuainich sinn air do chaoimhneas gràidh, a Dhé, ann am meadhon do theampuil.

10 Mar t'ainm, a Dhé, mar sin *a ta* do chlù gu crìochaibh na talmhainn: tha do dheas làmh làn do fhìreantachd.

11 Deanadh sliabh Shioin aoibhneas, deanadh nigheana Iudah gairdeachas, air son do bhreitheanas.

12 Cuairtichibh Sion, agus rachaibh m'a timchioll; àirmhibh a tùr.

13 Thugaibh an aire d'a balla làidir⁴, comharaichibh a lùchairtean⁵, chum gu

cuir sibh an cèll e do'n àl ri teachd.

14 Oir *is* e an Dia so ar Dia-ne gu saoghal nan saoghal: stiùraidh e sinn gu ruig am bàs⁶.

SALM XLIX.

1 *Chuir an Salmadar an cèll do'n t-sluagh gu'n labhradh a bheul air nithibh tuigseach. 6 Nòcha e dhoibh dìomhanas nithe talmhaidh.*

Do'n àrd fhear-ciùil, Salm air son mhac Choram.

CLUINNIBH so, a shlòigh uile, éisd-ibh, *sibhse* uile luchd-àiteachaidh an domhain;

2 Araon a dhaoine ìosal agus àrd, beart ach agus bochd le chéile.

3 Labhraidh mo bheul gliocas⁷, agus smuainichidh mo chridhe air tuigse⁸.

4 Aomaidh mi gu cosamhlachd mo chluas; nochdaidh⁹ mi air a' chlàrsaich mo ràdh dorchas.

5 C'ar son a bhiodh eagal orm ann an làithibh an uile, 'nuair a chuairticheas aingidheachd m'eascairdean¹⁰ mi,

6 A dh'earbas as an saoihbheas, agus a ni naill á pailteas am beartais?

7 Cha'n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachmhor, agus sguiridh e am feasd:)

9 Gu maireadh e beò gu sìorruidh, agus nach faiceadh e truaillidheachd¹¹.

10 Oir chi e *gu'm* faigh na daoine glìce bàs, *gu'n* sgriosar le chéile an t-amadan agus an t-ùmaidh, agus *gu'm* fàg iad am beartas aig daoineibh eile.

11 *Is* iad smuaintean an cridhe *gu mair* an tighean gu bràth, an ionada-còmhnuidh o linn gu linn: bheir iad ainm air *am* fearann, a réir an ainme féin.

12 Ach *ged robh* an duine ann an urram, cha mhair e¹²: is cosmhuil e ris na h-ainmhidhibh, *a* ghearrar as.

13 *Is* i so an slighe, eadhon an amaidheachd: gidheadh gabhaidh an sliochd tlachd 'nan cainnt. Selah.

14 Mar chaoraich cuirear iad san uaigh: ithidh am bàs iad¹³, agus bithidh uachdaranachd aig na fireanaibh os an ceann anns a' mhaduinn: seargaidh¹⁴ an dreach as san uaigh, an ionad-còmhnuidh¹⁵.

15 Ach saoraidh Dia m'anam-sa o chumhachd¹⁶ na h-uaighe; oir gabhaidh e mi d'a ionnsuidh. Selah.

16 Na gabh thusa eagal an uair a dh'fhàsas duine beartach, 'nuair a mheudaichear glòir a thighe:

17 Oir 'nuair a gheibh e bàs, cha toir e ni air bith leis; cha téid a ghlòir sìos 'na dhéigh:

¹ mòrachd.

² caithir.

³ caistealan.

⁴ nithe glìce.

⁵ fosgaidh.

² mdr-bhaile, caithir.

⁴ d'a daingneachd, d'a neart.

⁶ gu bràth.

⁸ nithibh tuigseach.

¹⁰ aingidheachd luchd-fèall;

lochd mo shàl.

¹¹ Ach mairidh esan [an t-ionn] naomh] beò gu sìorruidh; cha'n fhaic e truaillidheachd.

¹³ ionaltraidh am bàs orra.

¹⁵ o'n ionad-còmhnuidh.

¹² tha e gun tuigse.

¹⁴ agus seargaidh.

¹⁶ o làimh.

18 Ged bheannaich e 'anam féin, 'nuair a thia e beò; agus molar thusa, 'nuair a nì thu maith dhuit féin¹.

19 Théid e gu h-àl a shinnsear: gu bràth cha'n fhaic iadsan solus

20 Tha'n duine, *a tha* ann an urram, agus a tha gun tuigse, cosmhuil ris na h-ainmhidh *a* ghearras a.

SALM L.

1 *Mòralachd agus cumhachd Dhé. 7 Cha 'n'èil tlachd aig an Tighearn ann an iobairt, 14 as eugmhais iobairt buidheachais. 16 Cronaichidh Dia an cealgair.*

Salm le Asaph.

LABHAIR Dia nan Dia², Iehobhah, agus ghairm e an talamh o éirigh gu ruig luidhe gréine.

2 A mach á Sion, iomlaine na maise, dhealruich Dia.

3 Thig ar Dia-ne, agus cha bhi e 'na thosd: roimh a ghnùis lasaidh teine millteach³, agus mu'n cuairt air bithidh doinn-mhòr.

4 Gairmidh e air na nèamhaibh o'n àirde, agus air an talamh, chum breth a thoirt air a shluagh.

5 Cruinnichibh mo naoimh a m' ionnsuidh, iadsan a rinn coimhcheangal rium le h-iobairt.

6 Agus cuiridh na nèamhan an céill a cheartas; oir *is* e Dia féin a's Breith-eamh ann. Selah.

7 Eisidibh, O mo shluagh, agus labhairidh mi; O Israeil, agus nì mi fianuis a'd' aghaidh⁴: *is* mise Dia, do Dhia-sa.

8 Air son t'ìobairtean cha'n agair mi thu; oir *tha* t'ìobairtean-loisgte a ghnàth a'm' fhianuis.

9 Cha ghabh mi tarbh òg as do thigh, no gabhair fhirionn as do mhainniribh⁵:

10 Oir *is* leamsa uile bheathaiche na coille, an spréidh air mìle sliabh.

11 Is aithne dliomh-sa uile eunlaith nam beann⁶; agus *is* leam-sa fiadh-bheathaiche na macharach.

12 Nam bithium ocrach, cha'n innsinn duitse; oir *is* leam-sa an domhan, agus a làn.

13 An e gu'n ìthinn feoil tharbh? agus an òlainn fuil ghabhar?

14 Iobair iobairt bluidheachais do Dhia, agus òc do bhòidean do'n Tì a's àirde.

15 Agus gairm orm ann an là teanntachd: saoraidh mise thu, agus bheir thusa glòir dhomhsa.

16 Ach ris an droch dhuine their Dia, Ciod e do ghnothuch-sa mo reachdan⁷ a chur an céill, no gu'n gabhadh tu mo choimhcheangal ann ad bheul;

17 'Nuair a ta fuath agad air fòghlum,

agus a thilg thu mo bhriathran air do chùl?

18 Ma chunnaic thu gaduiche, dh'aont-aich thu leis⁸; agus maille ri luchd adhaltrannais bha do chuibhrionn.

19 Chuir thu do bheul chum uile, agus dhealbhadh do theangadh cealg.

20 Shuidh thu, agus an aghaidh do bhràthar labhair thu; agus do mhaic do mhàthar thug thu beum⁹.

21 Na *nìthe* so rinn thu, agus bha mise a'm' thosd; shaoil thu gu'n robh mi gu tur mar thu féin: cronaichidh mi thu, agus cuiridh mi *gach* nì an ordugh fa chomhair do shùil.

22 Smuainichibh a nis air so, sibhse nach cuimhnich Dia; air eagal gu'n reub mi as a chéile, gun neach ann a theas-airgeas.

23 Esan a dh'ìobras moladh, bheir e glòir dhomh-sa; agus dhàsan a dh'ord-uicheas a shlighe, nochdaidh mi¹⁰ slàinte Dhé.

SALM LI.

1 *Dh'aidich Daibhidh a pheacanna, agus ghuidh e gu'n dubhadh Dia as iad. 7 Dh'asluich e air Dia gu'n naomhaicheadh se e. 17 'Se spiorad briste iobairt Dhé.*

Do'n àrd fhear-ciùil. Salm le Daibhidh, 'nuair a thàinig Natan am fàidh d'a ionnsuidh, an dèigh dha bhi aig Batseba.

DEAN tròcair orm, a Dhé, a réir do chaoimhneis gràidh; a réir lìon-mhoireachd do chaomh-thròcairean¹¹, dubh as m'eusaontas.

2 Gu h-iomlan ionnail mi o m' lochd, agus glan mi o m' pheacadh:

3 Oir tha mi ag aideachadh m'eusaontais, agus *tha* mo pheacadh a'm' làthair a ghnàth.

4 A'd' aghaidh, a'd' aghaidh féin a mhàin pheacaich mi, agus rinn mi òc a'd' shealladh, air chor as gu'm firean-aichear thusa 'nuair a labhras tu, gu'm bi thu glan 'nuair a bheir thu breth.

5 Feuch, ann an euceart dhealbhadh mi, agus ann am peacadh ghabh mo mhàthair mi 'na broinn.

6 Feuch, *is* ionmhuinn leat an fhìrinn san taobh a stigh¹²; agus san *ionad* fhol-uichte bheir thu orm gliocas a thuigsinn.

7 Glan mi le hisop, agus bithidh mi glan; ionnail mi, agus bithidh mi nì's gile na sneachdadh.

8 Thoir orm guth subhachais agus aoibhneis a chluinntinn; agus nì na cnàmhan a bhris thu gairdeachas.

9 Foluich do ghnùis o m' pheacailbh, agus dubh as m'eucearta gu léir.

¹ agus ged mhol e thusa, 'nuair a nì thu maith dha.

² an Dia treun.

³ caithidh teine, ìthidh teine

⁴ suas. Eabh.

⁵ chròthaibh.

⁶ caithidh teine, ìthidh teine

⁷ mu d' thimchioll, dhuil.

⁸ eunlaith an athair.

⁹ stàtuin.

¹⁰ masladh.

¹¹ air an nochd mi dha.

¹² sna h-àirneibh.

⁸ ruith thu leis.

¹⁰ agus is i so an t-slighe

¹¹ thracantais.

10 Cruthaich annam cridhe glan, a Dhé; agus ath-nuadhaich spiorad ceart an taobh a stigh dhìom.

11 Na tilg mi o d' shealladh, agus na toir do spiorad naomh uam.

12 Aisig dhomh gàirdeachas do shlàinte, agus *le d'* spiorad saor cum suas mi.

13 Teagaisgidh mi do luchd-eusaontais do shlighean; agus iompaichear peacach a d'ionnsuidh.

14 Saor mi o chionta fola, a Dhé, a Dhé mo shlàinte: àrd-mholaidh mo theangadh t'fhireantachd.

15 A Thighearn, fosgail mo bhilean, agus cuiridh mo bheul an céill do chliù.

16 Oir cha'n iarr thu ìobairt, no bheirinn dhuit *i*; ann an ìobairt-loisgte cha 'n'eil tlachd agad.

17 *Is* iad ìobairtean Dhé spiorad briste: air cridhe briste agus brùite, a Dhé, cha dean thusa tàir.

18 Dean maith, a d' dheadh-ghean, do Shìon; tog suas ballacha Ierusalem.

19 An sin taitnidh ìobairtean ionracais riut, ìobairtean-loisgte agus làn ìobairtean-loisgte: an sin ìobraidh iad tairbh òga air t'altair.

SALM LII

I Chronaich Daibhidh Doeg air son a mhiruin, agus roimh-innis e a sgrìos. 8 Thug e buidheachas do Dhia do bhrìgh gu'n robh dòchas aig 'na thròcair.

Do'n àrd fhear-ciuil, Maschil le Daibhidh, 'nuair a thàinig Doeg an t-Edomach, agus a dh'inns e do Shaul, agus a thubhairt e ris, Thàinig Daibhidh gu tigh Ahimelech.

C'AR son a ni thu uail an ann olc, O ghaigich? *Mairidh* maithreas Dé a ghnèth¹.

2 Dealbaidh do theangadh aimhleas, mar ealtuinn ghéir, ag oibreachadh ceilge.

3 Is annsa leat an t-olc na maith, a' bhreug na briathran a' cheartais. Selah. 4 Is ionmhuinn leat gach focal millteach, an teangadh chealgach².

5 Uime sin³ sgrìosaiddh Dia thu gu bràth; bheir e air falbh thu, agus tairnidh e as [do] phàillion thu, agus spionaidh e do fhreumhan á tìr nam bèò. Selah.

6 Agus chi na fireana, agus bithidh eagall orra, agus ni iad gàire uime, *ag ràdh*,

7 Feuch, so am fear nach d'rinn a neart do Dhia, ach a dh'earb á pailteas a bheartais, agus a neartaich e féin 'na aingidheachd.

8 Ach *bithidh* mise mar chrann-olaidh uaine ann an tigh Dhé; earbaidh mi á tròcair Dhé gu saoghal nan saoghal.

9 Molaidh mise thu gu sìorruidh, a chionn gu'n d'rinn thu *e*; agus feithidh mi air t'ainmsa, oir tha e maith an làthair do naomh.

¹ gach là. Eabh.² a theangadh chealgach.

SALM LIII.

1 Chuir Daibhidh an céill truaillidheachd a' chinn-daoine. 6 Mhìannaich e slàinte an Tighearn fhaicinn.

Do'n àrd fhear-ciuil air Mahalat, Maschil le Daibhidh.

THUBHAIR Tan t-amadan 'nachridhe, Cha 'n'eil Dia ann: tha iad truaillidh, agus rinn iad aingidheachd ghràin-eil; cha 'n'eil neach ann a ni maith.

2 Dh'amhairc Dia a nuas o nèamh air cloinn nan daoine, a dh'fheuchainn an robh neach ann a bhia glie, a bhia 'g iarraidh Dhé.

3 Chaidh gach aon diubh air ais; tha iad gu léir air fàs salach: cha 'n'eil neach ann a ni maith, cha 'n'eil eadhon aon.

4 Nach 'eil còlas aca-san a tha deanamh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air Dia?

5 An sin ghabh iad eagall mòr, 'nuair nach robh aobhar eagall ann; sgaoil Dia a chnàmha-san o chéile a champaich *a'd' aghaidh*: nàirich thu iad, a chionn gu'n d'rinn Dia tàir orra.

6 O gu tigeadh slàinte Israeil a mach á Sion! An uair a bheir Dia air ais braidhdeanas a shluaigh, ni Iacob gàirdeachas, ni Israeil aobhneas.

SALM LIV.

1 Rinn Daibhidh gearan an aghaidh nan Sìph-each. 4 Tha dòchas aig gu'n cuidich Dia leis, agus gu'n dìol e olc d'a naimhdibh.

Do'n àrd fhear-ciuil air Neginot, Maschil le Daibhidh, 'nuair a thàinig na Sìphich, agus a thubhairt iad ri Saul, Nach 'eil Daibhidh 'ga fhòlach féin maille ruinne?

AIR sgàth t'ainmc, a Dhé, saor thusa mi, agus le d' chumhachd cum co-throm rium.

2 Cluinn m'urnuigh, a Dhé; éisd ri briathraibh mo bheoil.

3 Oir dh'éirich coigrich⁴ a m' aghaidh, agus dh'iarr luchd-foirneirt mo bheatha; cha do chuir iad Dia fa'n comhair. Selah.

4 Feuch, *is* e Dia m'fhear-cuideachaidh: tha'n Tighearna dhiubhsan⁵ a chumas suas mo bheatha.

5 Diolaidh e olc do m' naimhdibh: a d' fhuirinn gearr as iad.

6 Le saor thoil bheir mi ìobairt dhuit; molaidh mi t'ainm, a Thighearn, oir *tha* e maith.

7 Oir shaor thu mi as gach teinn: agus chunnaic mo shùil mo mhiann air mo naimhdibh.

SALM LV.

1 'Na theanntachd ghuidh Daibhidh gu'n tugadh Dia éisdeachd d'a urnaigh. 16 Ghlac e misneach

³ Mar an ceadna.⁴ na h-uaidhrich.⁵ 'nam measg-san, lco-san.

a chionn gu'n robh dòchas aig gu'n saoradh Dia e as gach trioblaid.

Do'n àrd shear-ciuil air Neginot, Maschil le Daibhidh.

EISD, a Dhé, ri m'urnuigh, agus na folaich thu féin o m'asluchadh.

2 Thoir aire dhomh, agus éisd rium: tha mi àrd ann am ghearan, agus ri buir-eadh:

3 Air son gutha m'eascaraid, air son foirneirt an duine aingidh; oir tha iad a tilgeadh euceirt orm, agus am feirg tha iad a' toirt fuatha dhomh.

4 Tha mo chridhe air a chràdh an taobh a stigh dhòm, agus thuit uamhasan a' bhàis orm.

5 Thàinig eagal agus crith orm, agus chòmhdaich uamhunn mi.

6 Agus thubhairt mi, Och, nach robh agam sgiathan! mar choluman theichim as air iteig agus gheibhimn fois.

7 Feuch, shùibhlainn fad as; chòmh-nuichim anns an fhàsach. Selah.

8 Dheanainn deifir¹ gu dol as o ghaoith làidir², agus o'n doinninn.

9 Sgrìos, a Thighearn, agus roinn an teaghadh³; oir chunnaic mi foirneart agus consachadh sa' bhaile.

10 A là agus a dh'oidhche tha iad a' dol mu'n cuairt air, air a bhallachaihbh; agus tha euceart agus aimhleas 'na mheadhon.

11 Tha aingidheachd 'na mheadhon; agus cha dealaich feall agus cealg r'a slràidibh.

12 Oir cha bu nàmhaid a thug masladh dhomh, no dh'fhuilginn e; cha b'e fear le 'm b'fhuathach mi a dh'àrdaich e féin a'm' aghaidh, no dh'fholaichinn mi féin uath:

13 Ach thusa! fear bu choimpire dhomh féin⁴, fear m'ùil, agus fear m'èolais.

14 Le chéile ghabh sinn comhairle bhlasta; gu tigh Dhé dh'imich sinn cuid-eachd.

15 Gabhadh am bàs sealbh orra, rachadh iad sìos beò do'n uaigh⁵; oir a ta uile 'nan àite-còmhnuidh, 'nam meadhon.

16 Glaohadh mise ri Dia; agus saoraidh Iehobhah mi.

17 Air feasgag, air maduinn, agus aig meadhon-là ni mi urnuigh, agus glaohdhaidh mi gu h-àrd; agus éisidh esan ri m'ghuth.

18 Saoraidh⁶ e m'anam ann an sìth o'n chòmhrag a'm' aghaidh; oir is lìonmhor iad a tha strì rium⁷.

19 Eisidh Dia, agus bheir e nuas iad, eadhon esan e tha ann o chian. Selah:

oir cha 'n'eil atharrachadh orra, agus cha 'n'eil eagal Dé orra.

20 Shìn e mach a làmh 'nan aghaidh-san a bha an sìth ris: bhris e a choimh-cheangal.

21 Bu mhìne na im fòcail a bhéil, ach bha cogadh 'na chridhe; bu bhuige a bhriatlra na oladh, ach bu chlaidhean rùisgte iad.

22 Tilg air an Tighearna do chùram⁸, agus cumaidh esan suas thu: cha leig e am feasd do'n fhìrean a bhli air a ghluasad.

23 Ach tilgidh tusa, a Dhé, sìos iad gu slochd an sgrios: cha mhair daoine fuil-eachdach agus cealgach leth an làithean; ach cuiridh mise mo dhòigh annad-sa.

SALM LVI.

1 Rinn Daibhidh gearan a bhrìgh foirneirt a naimhdean. 9 Chuir e an céill a dhòchas ann am focal Dé, agus gheall e Dia a mholadh.

Do'n àrd shear-ciuil air Ionatelim-rehocim, Mich-tam le Daibhidh, an uair a ghlac na Philistich e ann an Gat.

DEAN iochd orm, a Dhé; oir b'àill le duine mo shlugadh suas⁹: tha e 'gam shàruchadh gach là le cogadh.

2 B'àill le m'escairidibh mo shlugadh suas gach là; oir is lìonmhor iad a tha cogadh rium o ionad àrd¹⁰.

3 San là air am bi eagal orm, earbaidh mi asad-sa.

4 Ann an Dia molaidh mi 'fhocal; ann an Dia chuir mi mo dhòigh; cha'n eagal leam ciod a dh'fheadas feoil a dheanamh orm.

5 Gach là¹¹ tha iad a' fiaradh mo bhriathar; tha'n smuainte uile a'm' aghaidh chum uile.

6 Tha iad a' cruinneachadh le chéile, tha iad 'gam folach féin; tha iad a' toirt fa'near mo cheumanna, 'nuair a tha iad a' feitheamh air son m'anama.

7 Le h-eucoir¹² an téid iad as? ann ad fheirg tilg sìos na slòigh, a Dhé.

8 Dh'àireamh thu mo sheacharain: cuir mo'dheoir ann ad shearraig¹³; nach 'eil iad ann ad leabhar?

9 An sin piller mo naimhdean air an ais, san là a ghairmeas mi ort: air so tha fios agam, oir tha Dia leam.

10 Ann an Dia molaidh mi 'fhocal: anns an Tighearna molaidh mi 'fhocal.

11 Ann an Dia chuir mi mo dhòigh: cha'n eagal leam ciod a dh'fheadas duine a dheanamh orm.

12 Ormsa, a Dhé, tha do bhòidean¹⁴: locaidh mi cliù dhuit:

¹ cabhag.

² annrathaich, bhuaircasaich.

³ comhairle.

⁴ a réir mo choslais féin, a réir

⁵ gu h-ìfrinn.

⁶ Shaor.

⁷ bu lìonmhor iad a bha leam.

⁸ f'eallach.

⁹ O thi a's àirde.

¹² Air son euceirt.

ann ad shealladh.

⁹ saltairt orm.

¹¹ Ré an là.

¹³ ann ad shoircadh

¹⁴ mhòidean

13 Oir shaor thu m'anam o'n bhàs, agus mar an ceudna mo chosan o thuisleadh, chum gu gluaisinn ann ad fhianuis, a Dhé, ann an solus nam beò.

SALM LVII.

1 'Na urnuigh tha Daibhidh a' guidhe gu'n deanadh Dia tròcair air, agus gu'n saoradh se e o'n fhear le'm b'àill a sgrìos. 7 Dh'ardaichheadh a chridhe gu Dia a mholadh.

Do'n àrd fhear-ciùil, Al-taschit, Michtam le Daibhidh, nuair a theich e o làthair Shaul do'n uaimh.

DEAN tròcair orm, a Dhe, dean tròcair orm; oir annad-sa tha m'anam a' cur a dhòigh, agus fuidh sgàile do sgiathan gabhaidh mi mo thearmunn, agus an téid na h-uile so uile thairis.

2 Eighidh mi ris an Dia a's àirde, ri Dia a choimhlionas *nithe* air mo shon.

3 Cuiridh e *neart* o nèamh, agus saoraidh e mi; bheir mi masladh do'n fhear le'm b'àill mo shlugadh suas¹. Selah. Cuiridh Dia a mach a thròcair agus fhirinn,

4 Tha m'anam am measg leòmhann; tha mi a'm' luidhe *am measg* droinge air lasadh², daoine aig *am bheil* am fiacra 'nan sleaghaibh agus 'nan saighdibh, agus an teagadh 'na claidheamh geur.

5 Ardaich thu féin os ceann nan nèamh, a Dhé; do ghlòir os ceann na talmhainn uile.

6 Dheasaich iad lìon fa chomhair mo cheum; chrom iad m'anam sìos: chladhaidh iad slochd romham; thuit iad féin 'na mheadhon. Selah.

7 Tha mo chridhe deas³, a Dhé, tha mo chridhe deas; seinnidh mi, agus molaidh mi.

8 Mosgail, mo ghlòir; mosgail, a shaltair agus a chlarsach: mosglaidh mi féin moch air mhaduinn.

9 Molaidh mi thu am measg nan sluagh, a Thighearn; seinnidh mi dhuit am measg nan cinneach:

10 Oir is mòr do thròcair⁴ gu ruig na nèamha, agus t'fhirinn gu ruig na neula.

11 Ardaich thu féin os ceann nan nèamh, a Dhé; do ghlòir os ceann na talmhainn uile.

SALM LVIII.

1 Thug Daibhidh aclmhasan do bhrèitheamhnaibh aingidh. 3 Nochd e gu bheil na h-aingidh a' dol air seacharan o'n bhroinn; 6 agus thug e thairis iad do bhrèitheanas.

Do'n àrd fhear-ciùil, Al-taschit, Michtam le Daibhidh.

AN labhair sibh, a choimhthionail⁵, da rircadh an ceartas? an toir sibh

breth gu cothromach, a chlànn nan daoine?

2 Seadh, 'nur cridhe tha sibh a' dealbhadh aingidheachd; air talamh tha sibh a' tomhas foirmeir bhur làmh.

3 Tha na h-aingidh a' claonadh o'n bhroinn; tha iad a' dol air seacharan o'm breith, a' labhairt bhreug.

4 Tha an nìmh mar nìmh nathrach; *tha iad* mar nathair bhodhar, a dhruideas a cluas;

5 Nach éisd ri guth nan druidh, a tha ro sheòlta 'nan druidheachd.

6 Bris am fiacra, a Dhé, 'nam beul; pronn gu tur tuisg⁶ nan leòmhann òga, a Thighearn.

7 Leaghadh iad, mar uisgeacha a ruith-eas gu saor⁷; cuireadh Dia a shaighdean 'nan aghaidh, agus gearrar as iad.

8 Mar sheilcheig a bhios a' leaghadh as, rachadh iad as; *mar* thorraicheas ana-buich mnà, na faiceadh iad a' ghrian.

9 Mu'm mothaidh bhur coireacha *teas* o'n droighnich, bheir e air falbh iad *mar* le h-ionn-ghaoith⁸, araon beò, agus 'n chorruich.

10 Bithidh aoibhneas air an fhìrean, an uair a chi e an dioghaltas: nighidh e a chosan ann am fuil an duine aingidh.

11 An sin their duine, Gu deimhin *tha* duais ann do'n fhìrean; gu cinnteach tha Dia ann a tha toirt breth air an talamh.

SALM LIX.

1 Ghuidh Daibhidh gu'n teasairgeadh Dia e o a naimhaidh. 8 Chuir e a dhòchas anns an Tigh-earna. 11 Dh'iarr e sgrìos a naimhdean.

Do'n àrd fhear-ciùil, Al-taschit, Michtam le Daibhidh; 'nuair a chuir Saul daoine uait, agus a chuir iad faire air an tigh, chum a mharbhadh.

TEASAIRG mi o m' naimhaidh, O mo Dhia; dìon mi uatha-san a tha 'g éirigh a'm' aghaidh.

2 Teasaig mi o luchd-deanamh na h-euceirt, agus o dhaoineibh fuileachdach saor mi:

3 Oir feuch, tha iad a' feitheamh nam fath⁹ an aghaidh m'anama; tha daoine cumhachdach air cruinneachadh a'm' aghaidh; cha'n ann *air son* mo lochd-sa, no *air son* mo pheacaidh, a Thighearn.

4 Gun choire *agam-sa*, ruithidh iad, agus ulluichidh siad iad féin: mosgail thusa a chuideachadh leam, agus amhairc.

5 O thusa, a Thighearn, a Dhé nan sluagh, a Dhé Israeil, mosgail a dh'fhiosrachadh nan cinneach uile: na dean iochd air luchd-eusaontais ciontach sam bith. Selah.

¹ saltair orm.

² ri theine.

³ ullamh, gleusta, suidhichte.

⁴ mhaithreas, chaoimhnas. ⁵ a bhrèitheamhna.

⁶ fiacra mòra, cùl-fhiacra.

⁷ leo féin, an comhnuidh.

⁸ cuairt-ghaoith.

⁹ ri feall-fholuch, a' luidhe am plaid.

6 Pillidh iad san fheasgar, ui iad donnal-
aich mar choin, agus theid iad mu'n cuairt
air a' bhaile.

7 Feuch, brùchdaidh iad a mach le'm
beul; *tha* claidhean 'nam bilibh: Oir cò,
ars' iadsan, a chluinneas?

8 Ach ni thusa, a Thighearn, gàire
umpa; ni thu fanoid' air na cinnich
uile.

9 O thusa mo neart², feithidh mi ort:
oir *is e Dia* mo dhaingneach³.

10 Mo Dhia, gabhaidh a thròcair romh-
am⁴: bheir Dia dhomh gu faic mi mo
mhiann air m'eascairdibh.

11 Na marbh iad, air eagal gu'n di-
chuimhnich mo shluagh; sgaoil iad le
d' neart, agus leag gu h-ìosal iad, a
Thighearn ar sgiath.

12 *Air son* peacaidh am beoil, *air son*
bhriathar am bilean, glacar iad 'nan
àrdan; eadhon air son nam mallachd
agus nam breug a labhras iad.

13 Sgrìos [iad] am feirg, sgrìos [iad],
agus na *biodh* iad ann; agus *biodh* fios
aig daoine gu bheil Dia 'na uachdaran
ann an Iacob, gu ruig⁵ crìocha na tal-
mhainn. Selah.

14 Pillidh iad san fheasgar, ni iad donn-
alaich mar choin, agus theid iad mu'n
cuairt air a' bhaile.

15 Gabhaidh iad a null agus a nall air
son bìdh⁶, agus mur sàsuichear iad, ni
iad gearan.

16 Ach seinnidh mise mu d' neart, agus
àrd-mholaidh mi sa' mhadaoinn do thròc-
air; oir bu tusa mo dhaingneach, agus
mo dhìdean, ann an là mo theantachd.

17 O thusa mo neart, canaidh mi dhuit;
oir *is e Dia* mo dhaingneach, mo Dhia-sa,
mo thròcair⁷.

SALM LX.

1 *Tha Daibhidh ri còidh a cliomn gu'n robh fearg*
air Dia r'a shluagh. 4 Teasairgidh an Tighearn
iadsan a's ionnmhain leis.

Do'n àrd fhear-ciùil air Susan-edut, Michtam le
Daibhidh, chum teagaisg, an uair a chog e an
aghaidh Aram-naharaini, agus an agbaidh
Aram-sobah, agus a phill foab, agus a bhuail e
do Edom ann an gleann an t-salainn da mhìle
dheug.

A DHE, thilg thu uait sinn, sgap⁸ thu
sinn, bha fearg ort; O pill thusa
ruinn.

2 Chuir thu an talamh air chrith; bhris
thu e; slànuaich a bhriseadh, oir tha e air
a luasgadh⁹.

3 Nochd thu do d' shluagh *ni the* cruaidh;
thug thu oirnn fion a' bhuaireis òl.

4 Thug thu bratach dhoibhsan d'an

eagal thu, gu bhi air a togail suas air
sgàth na firinn. Selah.

5 Chum gu teasairgear iadsan a's ion-
mhuinn leat, saor thusa le d' dheas làimh,
agus éisd rium.

6 Labhair Dia 'na naomhachd: ni mi
aoibhneas; roinnidh mi Sechem, agus
tomhaisidh mi gleann Shucoit.

7 *Is* leam-sa Gilead, agus *is* leam Mana-
seh; agus *is e* Ephraim neart mo chinn,
Iudah fear-tabhairt mo lagha:

8 *Is e* Moab mo shoitheach-ionnlaid; os
ceann Edoim tilgidh mi mo bhròg: thar
Palestin ni mi caithream¹⁰.

9 Cò bheir mi do'n bhaile dhaingnichte?
cò threòraicheas mi gu h-Edom?

10 Nach tusa, a Dhé? *thusa* a thilg
uait sinn, agus nach deachaidh a mach, a
Dhé, maille r'ar n-armailtibh?

11 Thoir còmhnaidh dhuiinn ann an
teinn¹¹: oir *is* dìomhain furtachd duine.

12 Trid Dhé ni sinn treubhantas; oir
saltraidh esan sìos ar naimhdean.

SALM LXI.

1 Rinn Daibhidh urnuigh ri Dia, 4 agus chuir e a
dhòchas 'na thròcair.

Do'n àrd fhear-ciùil air Neginot. Salm le
Daibhidh.

EISD, a Dhé, ri m' ghlaodh, thoir an
aire do m' urnuigh.

2 O iomall na talmhainn éighidh mi riut,
an uair a bhios mo chridhe lag¹²; chum
na carraig a's àirde na mi féin, treòraich
thusa mi:

3 Oir bha thusa a'd' thearmunn dhomh,
a'd' thùr làidir an aghaidh an nàmhaid.

4 Gabhaidh mi còmhnuidh ann ad
phaillinn gu bràth: cuiridh mi mo dhòigh
ann an sgàil do sgiathan. Selah.

5 Oir chuala tusa, a Dhé, mo bhòidean:
thug thu oighreachd dhoibhsan air am
bheil eagal t'ainne.

6 Cuir thusa¹³ làithean ri làithibh an
righ: *biodh* a bhliadhnan mar linn agus
linn.

7 Maireadh e gu bràth am fianuis Dhé:
gleidheadh tròcair agus firinn e¹⁴.

8 Mar sin seinnidh mi cliu do t'ainm gu
bràth, chum gu dioll¹⁵ mi mo bhòidean o
là gu là.

SALM LXII.

1 Chronaich Daibhidh a naimhdean air son an aing-
idheachd, 5 agus thug e misneach do na h-ionrac-
ain. 9 Cha chòir dòchas chur ann an saoihbheas.

Do'n àrd fhear-ciùil, do Iedutun. Salm le
Daibhidh.

AIR Dia a mhàin *tha* m'anam a' feith-
eamh: uaith-san *thig* mo shlàinte.

¹ *tarcuis.*

² *Air sgàth a neirt.*

³ *dhìdean.* ⁴ *Gabhaidh Dia mo thròcair romham.*

⁵ *agus gu ruig.* ⁶ *ag iarraidh bìdh.*

⁷ *Dia mo thròcair, mo Dhia tròcaireach.*

⁸ *bhris.* ⁹ *a' crìochnachadh.*

¹⁰ *air mo shonsa, a Phalestin, dean caithream.*

¹¹ *an aghaidh an nàmhaid.*

¹² *trom, fo thuirse.* ¹³ *Cuiridh tusa.*

¹⁴ *deasaich, no orduich gu'n gléidh trècair agus*
firinn e. ¹⁵ *còimhlean.*

2 *Is* esan a mhàin mo charraig agus mo shlàinte: *is e* mo dhìdean: cha ghluaisear gu mòr mi.

3 Cha fhad a dhealbhas sibh aimhleas an aghaidh duine? marbhar sibh uile; mar bhalla ag aomadh, mar ghàradh¹ air chrith, bithidh sibh.

4 A mhàin chum *a* thilgeadh sìos o 'àirde² tha iad a' gabhail comhairle le chéile; is miann leo breugan; le'm beul beannaichidh iad, ach 'nan cridhe mall-aichidh iad. Selah.

5 A mhàin air Dia feith, O m'anam; oir is ann uaidh-san *a ta* mo dhòchas.

6 *Is* esan a mhàin mo charraig, agus mo shlàinte: *is e* mo dhìdean; cha ghluais-eam mi.

7 An Dia *tha* mo shlàinte agus mo ghlòir; carraig mo neirt, mo thearmunn *is e* Dia.

8 Cuiribh air gach àm bhur dòigh ann, O a shluagh; dòirtibh a mach bhur cridhe na fhianuis: *tha* Dia 'na thearmunn duinn. Selah.

9 Gu cinnteach *tha* clann Adhaimh³ 'nan dìomhanas, clann an duine⁴ 'nam bréig; air meidh ma chuirear iad, *is e* truime iad gu léir na dìomhanas.

10 Na h-earbaibh á fòirneart, agus á reubainn na deanaibh uail⁵; 'nuair a dh'fhàsas saobhbheas, na cuiribh bhur cridhe air.

11 Aon uair labhair Dia; dà uair chuala mi so, gur le Dia cumbhachd.

12 Mar an ceudna dhuit-se, a Thigh-earn, *buinidh* tròcair; oir bheir thu⁶ luigheachd do dhuine a réir 'oibre.

SALM LXIII.

1 *Tha cridhe Dhaibhidh a' togradh a dh'ionnsuidh Dhé.* 9 Sgrìosar a naimhdean le faobhar a' chhlaidheimh, 11 agus bithidh e féin aoibhneach ann an Dia.

Salm le Daibhidh, 'nuair a bha e ann am fàsach Iudah.

A DHIA, *is tu* mo Dhia-sa; gu moch iarraidh mi thu: tha tart air m'anam a'd' dhéigh, tha m'fheoil a' togradh a dh'ionnsuidh ann an tìr thioraim agus thartmhoir, as eugmhais uisge;

2 Chum, mar a chunnaic mi thu ann *ad* ionad naomh, gu faicinn do chumhachd agus do ghlòir.

3 Do bhrìgh gur fearr do chaoimhneas gràidh⁷ na beatha, bheir mo bhilean cliù dhuit.

4 Mar sin beannaichidh mi thu, an cian is beò mi; ann ad ainm togaidh mi mo làmhnan.

5 Mar le smior agus le saill sàsuichear m'anam, agus le bilibh aoibhneach molaidh mo bheul *thu*;

6 'Nuair a chuimhniceas mi ort air mo leabaidh, a bheachd-smuainicheas mi ort ann am fairibh na h-oidhech.

7 A chionn gu robh thu a'd' chabhair agam, uime sin fo sgàile do sgiathan ni mi gairdeachas.

8 Tha m'anam a' dlùth-leantuinn riut: cumaidh do dheas làmh suas mi.

9 Ach iadsan a dh'iarras m'anam a chum *a* sgrìos, théid iad do ionadaibh ìochdarach na talmhainn.

10 Tuitidh iad le faobhar a' chlaidheimh; mar chuibrionn do na sìonnach-aibh bithidh iad.

11 Ach bithidh an rìgh aoibhneach ann an Dia: ni gach neach a mhionnaicheas airsan, uail; 'nuair a dhruidear beul na droinge a labhras breug.

SALM LXIV.

1 *Ghuidh Daibhidh gu'n gleidheadh Dia e o chomhairle dhìomhair dhroch dhaoine: 7 ghabh e misneach dha féin do bhrìgh gu'n robh dùil aig ri'n sgrìos fhaicinn.*

Do'n àrd fhear-ciùil. Salm le Daibhidh.

E ISD, a Dhé, ri m' ghuth ann am as-luchadh; o eagal an nàmhaid gléidh mo bheatha.

2 Folaich mi o chomhairle dhìomhair dhroch dhaoine, o chomhchruinneachadh⁸ luchd-deanamh na h-euceirt;

3 A gheuraich mar chladheamh an teangadh; a dheasaich an saighdean, eadhon briathra searbh;

4 Chum an tilgeadh ann an ionadaibh dìomhair air an duine ionraic⁹: gu h-obann tilgidh iad air, agus clia bhi cagal orra¹⁰.

5 Gabhaidh iad misneach dhoibh féin an droch-bheirt; labhraidh iad le chéile mu leagadh ribeacha gu dìomhair; 'se their iad, Cò a chi sinn¹¹?

6 Rannsaichidh iad a mach eucearta; coimhlionaidh iad mìn-rannsachadh; agus sin an taobh a stigh do dhuine, eadhon sa' chridhe dhomhain.

7 Ach tilgidh Dia saighid orra-san; gu h-obann bithidh iad air an lotadh¹².

8 Agus bheir iad air an teangaidh féin tuiteam orra féin: teichidh gach neach a chi iad.

9 Agus bithidh eagal air gach duine¹³, agus cuiridh iad an céill obair Dhé; oir tuigidh iad a ghnìomh-san.

10 Ni am firean aoibhneas anns an Tighearn, agus cuiridh e a dhòchas ann: agus ni iadsan uile a tha ceart 'nan cridhe gairdeachas.

¹ dhùg, fhùl.

² o'urram, o a chliù.

³ daoine beag.

⁴ daoine nòra.

⁵ le reubainn na mealltar sibh.

⁶ ged bheir thu.

⁷ do thròcair-sa.

⁸ channaire, ionnsuidh ghaibh, bhùircas.

⁹ fhoirfe, iomlan.

¹⁰ cha'n fhaiccar iad.

¹¹ iad.

¹² air am bualadh.

¹³ chi na h-uile dhaoine.

SALM LXV.

1 *Mhol Daibhidh an Tighearn air son a thròcair.*
 4 *Beannachadh an t-sluaigh a thaghas Dia, agus a bheir e 'm fagus da.*

Do'n àrd fhear-ciùil. Salm no laoidh le Daibhidh.

ORT-SA, O Dhé, *tha* moladh a' feith-eamh ann an Sion; agus dhuit-se diolar a bhòid¹.

2 O thusa a dh'éisdeas ri h-urnuigh, thugad-sa² thig gach feoil.

3 Thug eucearta³ buaidh oirnn⁴: ar n-eusaontais glanaidh tusa uainn.

4 *Is* beannaichte *esan* a thaghas tusa, agus a bheir thu am fagus *dùit*; gheibh e còmhnuidh a d' chùirtibh: sàsuichear sinne le matheas do thighe, do theampuill naoimh.

5 *Le* nithibh uamhasach an ceartas bheir thu freagradh dhùinn, a Dhé ar slàinte, dòchas uile chrìocha na talmhainn, agus na fairge fada uainn!

6 A tha socrachadh nam beann le do⁵ chumhachd, air do chrìoslachadh le neart⁶:

7 A chaisgeas fuaim fhairgean, fuaim an tonn, agus buaireas nan cinneach.

8 Gabhaidh eadhon luchd-àiteachaidh nan crìoch fada mach⁷ eagal roimh do chomharaibh: bheir thusa air dol a mach na maidne agus an fheasgair gairdeachas a dheanamh.

9 Tha thu a' fiosrachadh na talmhainn⁸, agus 'ga uisgeachadh; ni thu ro bheartach e, *oir* tha abhainn Dé làn do uisge: deasaichidh tu arbhar⁹, 'nuair a dh'ulluich thu e mar so.

10 Tha thu gu pailte ag uisgeachadh 'iomairean; tha thu a' leagadh sìos a sgrioban; le frasaibh ni thu tais e; beannaichidh thu 'fhàs.

11 Crùnaidh tu a' bhliadhna le d' mhaith-eas; agus silidh do cheuman¹⁰ saill.

12 Silidh iad *air* cluainibh¹¹ an fhàsaich; agus ni na cruic gairdeachas air gach taobh.

13 Tha na cluainean air an sgeadachadh¹² le treudaibh, agus tha na glinn air an còmhachadh le h-arbhar: ni iad iolach ait; seadh seinnidh iad.

SALM LXVI.

1 *Chuir Daibhidh impidh air gach uile thìr an Tighearn a mholadh.* 5 *Tha oibre Dhé uamhasach: 8 is còir do gach neach a bheannachadh: 13 gheall Daibhidh gu'n coimhlionadh e a bhòidean da.*

Do'n àrd-fhear-ciùil. Salm no laoidh.

TOGAIBH iolach ait do Dhia, a thìrean uile:

2 Seinnidh glòir 'ainme, deanaibh a chliù glòrmhor.

3 Abraibh ri Dia, Cia h-uamhasach

t'oibre? trid meud do neirt, strìochdaidh do naimhde dhuit.

4 Sleuchdaidh gach tìr dhuit, agus seinnidh iad dhuit; seinnidh iad do t'ainm. Selah.

5 Thigibh, agus faicibh oibre Dhé: uamhasach *tha* e 'na ghnìomharaibh air chloinn nan daoine.

6 Thionndaidh e a' mhuir gu talamh tioram: troimh 'n t-sruth ghabh iad thairis d'an cois: an sin rinn¹³ sinn gairdeachas ann.

7 Le 'thrèin neart riaghlaidh e gu bràth; amhaircidh a shùilean air na cinnich: na h-àrdaicheadh luchd-ceannaire iad fèin. Selah.

8 Beannaichibh, O a shlòigh, ar Dia-ne, agus thugaibh air fuaim a mholaidh bhi air a chluinntinn;

9 Neach a chumas ar n-anam beò, agus nach leig le' cois carruchadh¹⁴.

10 Oir dhearbhu thu sinn, a Dhé; ghlan thu sinn san teine, mar a ghlanar airgid.

11 Thug thu steach san lìon sinn; chuir thu teinn¹⁵ air ar leasraidh.

12 Thug thu air daoineibh marcachd thar ar cinn: chaidh sinn troimh¹⁶ theine, agus troimh uisge; ach thug thu mach sinn gu h-ionad saoi-bhir.

13 Théid mi do d' thigh le h-ìobairtibh-loisgte: coimhlionaidh mi dhuit mo bhòidean,

14 Leis an d'fhosgladh mo bhilean, agus a labhair mo bheul, 'nuair a bha mi ann an èigin.

15 Ìobairtean-loisgte do *fheudail* reamh-ar iobraidh mi dhuit, maille ri tuis reitheacha: bheir mi suas buar, maille ri gabhraibh. Selah.

16 Thigibh, éisdibh, sibhse uile air am bheil eagal Dé, agus cuiridh mi 'n céill na rinn e air son m'anama.

17 Ghlaoth mi ris le m' bheul, agus dh'àrdaicheadh e le m' theangaidh.

18 Ma bheir mi spéis do euceart a'm' chrìdhe, cha'n éisd an Tighearna *rium*.

19 Gu dearbh dh'éisd Dia, thug e an aire do ghuth m'urnuigh.

20 Beannaichte gu *robh* Dia, nach do thionndaidh m'urnuigh uaith-san, agus a thròcair uamsa.

SALM LXVII.

1 *Urnuigh air son' soirbheis rìoghachd Chrìosd, 3 chum gu'm bi na cinnich aobhneach, 4 agus gu mol na slòigh an Tighearn.*

Do'n àrd-fhear-ciùil air Neginot. Salm no laoidh.

GU deanadh Dia trocair oirnn, agus gu beannaicheadh e sinn! agus gu tugadh e air a ghnùis dealrachadh oirnn! Selah.

¹ diolar a' bhòid [ann an Ierusalem.]

² chugad-sa. ³ nìthe eucart.

⁴ orn. ⁵ le a. ⁶ treubhantas.

⁷ luchd-àiteachaidh chrìocha na talmhainn.

⁸ an talmhainn. ⁹ arbhar dhoibh. ¹⁰ neoil.

¹¹ Silidh cluainean. ¹² air an còmhachadh.

¹³ nì. ¹⁴ corruchadh. Eir.

¹⁵ teanntachd, àmhghar. ¹⁶ trid.

2 Chum gu'n aithnìchear do shlighe air an talamh, do shlàinte am measg nan uile chinneach.

3 Moladh na slòigh thu, a Dhé! moladh na slòigh uile thu!

4 Bìodh na cinnich aoibhneach, agus deanadh iad luathghaire; oir bheir thusa breth air na slòigh an ceartas, agus riaghlaidh tu na cinnich air an talamh. Selah.

5 Moladh na slòigh thu, a Dhé! moladh na slòigh uile thu!

6 Bheir an talamh a thoradh; gu beannaicheadh Dia, ar Dia-ne, sinn!

7 Gu beannaicheadh Dia sinn! agus gu robh 'eagal-san air uile chrìochaibh na talmhainn!

SALM LXVIII.

1 *Ghuidh Daibhidh gu'n sgapadh Dia a naimhdean.*

4 *Eairail gu Dia a mholadh air son a thròcairean,*

7 *agus air son a chàirain d'a shluagh.*

Do'n àrd fhear-ciuil. Salm no laoidh le Daibhidh.

EIREADH Dia! bìodh a naimhdean air an sgapadh! agus teicheadh iad-san aig am bheil fuath dha, o 'ghnùis!

2 Mar a dh'fhuadaichear deatach, fuadaichear¹ iad: mar a leaghar céir fa chomhair an teine, sgriosar droch dhaoine am fianuis Dhé.

3 Ach bìodh na fireana aoibhneach; deanadh iad gairdeachas am fianuis Dé, agus bìodh iad suilbhir le luathghaire.

4 Seinnibh do Dhia, molaibh 'ainm; àrdaichibh esan a ta marcachd air na nèamhaibh² le 'ainm Iah, agus deanaibh gairdeachas 'na fhianuis.

5 Athair nan dìlleachdan, agus breitheamh nam bantrach, *is e* Dia ann an ionad-còmhnuidh a naomhachd.

6 Suidhichidh Dia na daoine aonaranach ann an teaghlach³; bheir e mach iadsan a tha ceangailte le cuibhreachaibh; ach gabhaidh na ceannaireich còmhnuidh ann an *tìr* thartmhoir⁴.

7 A Dhé, 'nuair a chaidh thu mach roimh do shluagh, 'nuair a dh'imich thu anns an fhàsach; Selah:

8 Chrìothnaich an talamh, shìl mar an ceudna na nèamha; [leagh na beannta⁵] o làthair Dhé, Sinai sin féin o làthair an Tighearna Dé Israeil.

9 Shìl thu nuas uisge gu pailt, a Dhé; air t'òighreachd, agus i sgèith, dh'fhurt-aithe thu.

10 Chòmhnuich do choimhthional⁶ innte; dheasaich thu, a Dhé, do d' mhaithcas do'n *duine bhochd*.

11 Chuir an Tighearna a ghuth a mach; bu lìonmhor cuideachd na muinntir a dh'fhoillsich⁷ e.

12 Theich, theich rìghrean nan armait-ean; agus roinn ise a dh'fhan aig an tigh a' chreach.

13 Ged luidh sibh mar measg choir-eacha⁸, *bithidh sibh* mar sgiathaibh colu-main air an còmhdachadh le h-airgiod, agus 'iteagan le h-òr buidhe.

14 'Nuair a sgaoil an t-Uile-chumh-achdach rìghrean innte, *bha* i geal mar shneachdadh air Salmon.

15 *Tha* beinn Dhé *mar* bheinn Bhasain, 'na beinn àrd *mar* bheinn Bhasain⁹.

16 C'ar son a leumas sibh¹⁰, a bheannta àrda? *is i* so a' bheinn anns am miann le Dia còmhnuidh a ghabhail, seadh, còmh-nuichidh an Tighearna *innte* gu bràth.

17 *Tha* carbaid Dhé 'nam fichead mìle, le mìltibh do mhìltibh *aingle: tha* an Tighearna 'nam measg, *mar* ann an Sinai, san ionad naomh.

18 Chaidh thu suas air *ionad* àrd, thug thu bruid¹¹ am braighdeanas: thug¹² thu tiodhlacan do dhaoimibh, seadh, eadhon do dhaoimibh ceannaireach, chum gu gabhadh an Tighearna Dia còmhnuidh 'nam measg.

19 Beannaichte *gu robh* an Tighearna, *a tha* gach là 'gar cumail suas¹³, Dia ar slàinte! Selah.

20 *Is e* ar Dia-ne Dia na slàinte; agus do'n Tighearna Dia *buinidh* an t-slighe o'n bhàs¹⁴.

21 Ach brisidh Dia ceann a naimhde, claignonn greannach an fhir a dh'imicheas 'na pheacaibh.

22 Thubhairt an Tighearna, *Mar* o Bhasain bheir mi *mo shluagh* air an ais; bheir mi air an ais *iad mar* o dhoimlineachdaibh na fairge:

23 Chum gu tumar de chos ann am fuil do naimhde, teangadh do mhadradh anns an *nì* cheudna.

24 Chunnaic iad do thrìall, a Dhé! triall mo Dhé, mo Rìgh, san ionad naomh!

25 Dh'imich an luchd seinn air thoiseach, an luchd-ciuil 'nan déigh, am meadhon mhaighdean a' bualadh thiompan¹⁵.

26 Anns na coimhthionalaibh beannaichibh Dia, an Tighearna o thobar Israeil.

27 An sin *tha* Beniamin beag¹⁶ 'na uachdaran orra, ceannardan Iudah an luchd-comhairle, ceannardan Shebuluin, ceannardan Naphtali.

28 Dh'àithn do Dhia dhuit do neart: neartaich, a Dhé, an *nì* so a rinn thu air ar son.

29 Air son do theampuill ann an Ierusalem, bheir rìghrean tiodhlac dhuit.

30 Smachdaich luchd nan sleagh¹⁷, mòr

¹ fuadaich thusa. ² trìd nam fàsach. ³ tigh.

⁴ thioraim. ⁵ Faic Breitheamhna, Caib. V. r. 3.

⁶ chreutairean bed. ⁷ a chuir an céill.

⁸ phota. ⁹ Is beinn mhòr beinn

Bhasain, beinn nan àirde beinn Bhasain.

¹⁰ dh'amhairceas sibh gu h-uabhrach.

¹¹ braighdeanas, braighdean. ¹² fhuair.

¹³ a dh'uallaicheas sinn gach là le 'tiodhlacaibh.

¹⁴ slighe a' bhàis. ¹⁵ thabur. ¹⁶ òg.

¹⁷ fiadh-bheathach na cuilce. Eabh.

chuideachd nan tarbh, le laoghaibh an t-sluaigh, *gus* an strìochd iad le mìribh airgid: sgap thusa na slòigh a ghabh tlachd do'n chogadh.

31 Thig àrd uaislean as an Eiphit; sìnidh Etiopia a làmhnan a mach gu luath ri Dia.

32 A rìoghachda na talmhainn, seinnibh do Dhia; seinnibh moladh do'n Tigh-earna: Selah.

33 Dha-san a tha marcachd air nèamhaibh nan nèamh o chian! Feuch, tha e a' cur a mach a ghutha, gutha neirt.

34 Thugaibh-se neart do Dhia: thar Israel *tha* a ghlòir, agus *tha* a neart anns na neulaibh.

35 Is uamhasach thusa, a Dhé, o d'ion-adaibh naomha! *Is* e Dia Israeil a bheir neart agus treòir d'a shluagh. Gu ma beannaichte Dia!

SALM LXIX.

1 *'Na theanntachd rinn Daibhidh gearan ri Dia:*

13 *ghuidh e air son saorsa o 'thrioblaidibh:*

22 *thug e thairis a naimhdean gu léir-sgrìos:*

30 *gheall e Dia 'àrdachadh le breith-buidheachais.*

Do'n àrd fhear-ciuil air Sosanim. Le Daibhidh.

TEASAIRG mi, a Dhé, oir thàinig na h-uisgeacha steach gu ruig m'anam.

2 Tha mi a' dol fodha ann an làthaich dhomhain, gun àite gu seasamh: tha mi air teachd gu doimhneachdaibh 'nan uisge, agus tha'n sruth a' dol tharum.

3 Tha mi sgìth le m' ghlaodhaich; tha mo sgòrnan air tiormachadh: tha mo shùilean air fàilneachadh le feitheamh air mo Dhia.

4 Is lionmhoire na falt mo chinn iadsan aig am bheil fuath dhomh gun aobhar: tha iadsan air fàs làidir le'm b'àill mo mhilleadh, a tha 'nan naimhdeibh dhomh gu h-eucorach; an ni sin nach d'thug mi leam, an sin is éigin domh 'aiseag.

5 Tha fios agad-sa, a Dhé, air m'amaid-eachd; agus cha 'n eil mo lochdan fol-aichte ortsa.

6 Na biodh nàire orra-san air mo sgàth-sa, a dh'fheitheas ortsa, a Thighearna Dhé nan slògh: na biodh amhluidh orra-san air mo sgàth-sa, a dh'iarras thusa, a Dhé Israeil:

7 Oir air do sgàth-sa dh'fhuiling mi masladh; chòmhdaich amhluidh mo ghnùis.

8 Is coigreach mi do m' bhràithribh, agus coimheadh do chloinn mo mhàthar:

9 Oir dh'ith eud do thighe suas mi; agus orm-sa thuit toibheum na muinntir sin a thug toibheum dhuit-se.

10 Agus an uair a dh'irioslaich mi m'an-

am le trasgadh¹, bha e 'na mhasladh dhomh.

11 Agus rinn mi mo chulaidh do shaic-eudach, agus bha mi a'm' leth-fhocal² aca.

12 Tha iadsan a tha 'nan suidhe anns a' gheata a' labhairt a'm' aghaidh; agus *tha mi a'm'* òran aca-san a tha 'g' òl dibhe làidir.

13 Ach air mo shon-sa, *tha* m'urnuigh riut-sa, a Thighearna, ann an àm tait-neach: a Dhé, ann an lionmhoireachd do thròcair éisd rium, ann am firinn do shlàinte.

14 Saor mi o'n làthaich, agus na racham sìos: teasairgear mi uatha-san le'm fuathach mi, agus o na h-uisgeachaibh domhain.

15 Na rachadh tuil nan uisge tharum, agus na sluigeadh an doimhneachd mi, agus na druideadh an slochd a bheul orm!

16 Eisd rium, a Thighearna, oir *is* maith do chaoimhneas gràdhach; a réir lionmhoireachd do chaoimh-thròcairean pill rium³.

17 Agus na folaich do ghnùis o d' òglach, oir tha mi ann an airc⁴; éisd rium gu grad.

18 Druid ri m'anam, saor e; a bhrìgh m' eascairdean, teasairg mi.

19 Is aithne dhuit mo mhasladh, agus mo nàire, agus mo mhi-chliù: a'd' fhianuis *tha* mo naimhdean uile.

20 Bhris masladh mo chridhe, agus tha mi iarganach: agus dh'amhairc mi air son *neach* a ghabhadh truas, ach cha robh e ann; agus air son luchd-comhfhurtachd, ach cha d'fhuair mi *iad*.

21 Agus thug iad dhomh, mar mo bhiaidh, domblas; agus ann am ìotadh⁵, thug iad dhomh fion-geur r'a òl.

22 Biodh⁶ am bord fa'n comhair mar ribe, agus an soirbheas mar cheap-tuislidh *dhoibh*.

23 Dorchaichear an sùilean, chum nach faic iad; agus thoir air an leasraidh a ghnàth bhi air chrith.

24 Dòirt t'fhearg orra, agus glacadh do chorruich gheur iad.

25 Biodh an àite-tàimh fàs; 'nam pàill-iunaibh na gabhadh neach còmhnuidh!

26 Oir gheur-lean iad an ti a bhuail thusa; agus labhair iad chum doilgheis dhoibhsan a lot thu⁷.

27 Cuir euceart r'an euceart, agus na tigeadh iad a steach a'd' fhìreantachd-sa.

28 Dubh a mach iad á leabhar nam beò, agus maille ris na fireanaibh na sgrìobhar iad.

¹ *'nair a' ghuil mi le trossadh.*

² *ghnàth-fhocal, fhocal-fòchaid.*

³ *amhairc orm.*

⁴ *teanntachd.*

⁵ *Bithidh.*

⁶ *nan daoine a lot thu.*

⁷ *thart, phathadh.*

⁸ *chuir iad ri doilgheas*

29 Ach mise, *a ta* bochd agus brònach, togadh do shlàinte, a Dhé, an àird nì.

30 Molaidh mise ainm Dé le h-òran, agus àrdaichidh mi e le breith-buidheachais.

31 Agus is fearr leis an Tighearn *so* na damh, *na* tarbh òg a ta adharcach, crobhanach¹.

32 Chì na daoine sèimh so, agus bithidh aoibhneas orra: sibhse a dh'iarraas an Tighearna, bithidh blur cridhe beò.

33 Oir éisdidh an Tighearna ri bochdaibh, agus cha dean e tàir air a phrìos-naich².

34 Moladh na nèamhan agus an talamh e; na cuantan, agus gach nì a ghluaiseas aunta!

35 Oir saoraidh Dia Sion, agus togaidh e bailtean Iudah; agus gabhaidh iad còmhnuidh an sin, agus mealaidd iad i.

36 Sealbhaichidh sliochd a sheirbhis-each i, agus gabhaidh iadsan a ghradh-aicheas 'ainm-san còmhnuidh imte.

SALM LXX.

1 *Ghuidh Daibhidh gu'n deanadh Dia deifir chum a chuideachaidh, 2 agus gu'n cuiradh e a naimhdean fo amhluidh.*

Do'n àrd fhear-ciùil. *Salm* le Daibhidh, a chur an cuimhne.

A DHE, chum mo theasairginn, a Thighearna, chum mo chuideachaidh dean deifir³.

2 Biodh nàire agus amhluidh orra-san a tha 'g iarraidh m'anama: piller air an ais iad, agus mòr-amhluidh gu robh orra-san a tha miannachadh uile dhomh.

3 Gu piller iadsan air an ais⁴, mar thuarasdal d'an nàire, a their rium, Aha, aha!

4 Deanadh iadsan uile a tha ga d' iarraidh, aoibhneas agus gairdeachas annad; agus abradh iadsan a ghnàth, le'n toigh doshlàinte, Mòr-mholadh gu robh do Dhia!

5 Ach *a ta* mise bochd agus uireasbhuidheach; a Dhé, greas a m' iomsuidh; *is* tusa mo chabhair agus m'fhear-saoraidh: a Thighearna, na dean moille.

SALM LXXI.

1 *Chuir an salmadar an céill maithreas Dhé d'a thaobh san aimsir a chaidh seachad, 12 agus ghuidh e nach tilgeadh e uaidh e 'na shean aois. 19 Chliùthaich e an Tighearn.*

A NNAD-SA, a Thighearna, cuiream mo dhòigh: nàire na biodh orm am feasd.

2 A'd' cheartas teasairg mi, agus thoir orm dol as; aom do chluas rium, agus saor mi.

3 Bi-sa a'd' charraig làidir⁵ dhomh, chum an rachaim a ghuàth: dh'àithn thu mi bhi air mo shaoradh; oir *is* tu mo charraig, agus mo dhaingneach.

4 O mo Dhia, thoir fuasgladh dhomh á làimh an aingidh, á làimh an duine eucoraich agus an-iochdmhoir.

5 Oir *is* tusa mo dhòchas, a Thighearna Dhé, mo dhòigh o m'òige,

6 Leat-sa chumadh mise suas o'n bhroinn: á h-innibh mo mhàthar bhuin thu mi: ortsa *bithidh* mo mholadh an còmhnuidh.

7 Mar aobhar iongantais tha mi aig mòran; ach *is* tusa mo thearmunn làidir.

8 Lìonar mo bheul *le d'* mholadh, *le d'* urram-sa gach là.

9 Na tilg uait mi an àm scan aoise; 'nair a dh'fhàilnicheas mo neart, na tréig mi.

10 Oir labhair mo naimhdean a'm' aghaidh; agus ghabh iadsan a tha feitheamh nam fàth air m'anam, comhairle le chéile,

11 Ag ràdh, Thréig Dia e: leanaibh e gu teann, agus glacaibh e; oir cha 'n' eil neach ann a shaoras e.

12 A Dhé, na bi-sa fad uam; O mo Dhia, greas gu m' chabhair.

13 Biodh nàire, biodh claoidh, air eascairdibh m'anama: còmhdaichear le masladh agus le mi-chliù iadsan a tha 'g iarraidh m'uile.

14 Ach sir-earbaidh mise, agus cuiridh mi ri d' chliù uile⁶.

15 Aithrisidh mo bheul t'fhìreantachd, air feadh an t'à do shlàinte; ged nach aithne⁷ dhomh an àireamh.

16 Théid mi air m'aghaidh ann an neart an Tighearna Dé: nì mi sgeul air t'fhìreantachd, t'fhìreantachd fèin a mhàin.

17 O Dhé, theagaisg thu mi o m'òige; agus gu ruige so chuir mi t'òibre iongantach an céill.

18 Agus a nis, an uair a ta mi scan agus liath, a Dhé, na tréig mi; gus an cuir mi an céill do neart do'n àl so, do gach àl ri teachd do chumadh.

19 Agus *a ta* t'fhìreantachd-sa, a Dhé, ro àrd, O thusa a rinn nithe mòra; a Dhé, cò *is* cosmhuil riut?

20 A noclid dhomh teamntachdan mòra agus cruaidh, a bheothaicheas mi a rìs, agus o dhoimhneachdaibh na talmhainn a bheir a nìos mi a rìs.

21 Meudaichidh tu mo mhòrachd, agus air gach taobh bheir thu sòlas dhomh.

22 Uime sin molaidh mise thu air an t-saltair, *seadh* t'fhirinn-sa⁸, mo Dhia;

¹ ladharach.

² a dhaoine ceangailte.

³ cabhag.

⁴ Aonararach gu robh iadsan.

Faic Salm XL r. 15. ⁵ charruig còmhnuidh.

⁶ seimhidh mi do chliù nì's mò agus nì's mò.

⁷ oir cha'n aithne.

⁸ air imeal-ciùil na saltair molaidh mise t'fhirinn.

seinnidh mi dhuit air a' chlàrsaich, O Aoin naomh Israeil.

23 Ni mo bhilean mòr-ghairdeachas an uair a sheinneas mi dhuit, agus m'anam a shaor thu.

24 Labhraidh mar an ceudna mo theangadh air t'fhireantachd air feadh an là; oir chuireadh amhladh, oir chuireadh nàire orra-san a tha 'g iarraidh m'aimhleis¹.

SALM LXXII.

1 Rinn Daibhidh urnuigh air son Sholaimh, 4 agus nochd e ceartas, sonas, agus glòir a rìoghachd. 18 Bheannaich e Dia.

Air son Sholaimh.

ADHE, thoir do bhreitheanais do'n rìgh, agus t'fhireantachd do mhac an rìgh.

2 Bheir esan breth air do shluagh le fireantachd, agus air do bhochdaibh le ceartas.

3 Bheir na beannta sìth do'n t-sluagh, agus na tulaich².

4 Le ceartas bheir e breth air bochdaibh an t-sluaigh; saoraidh e clann nan ainns, ach mìn-bhrisidh e fear an fhoirneirt.

5 Bithidh t'eagal orra am feadh a mhair-eas a' ghrian agus a' ghealach³, o linn gu linn.

6 Thig e nuas mar uisge air an fhàiche bhuainte, mar fhraisaibh a dh'uisgicheas an talamh.

7 'Na làithibh-san soirbhichidh leis an fhìrean⁴, agus bithidh pailteas sìth ann, agus nach bi a' ghealach ann ni's mò.

8 Agus bithidh uachdaranachd aige o fhaige gu fàirge, agus o'n amhainn gu ruig crìochaibh na talmhainn.

9 'Na fhianuis sleuchdaidh sìos luchd-còmhnuidh an fhàsaich; agus imlichidh a naumhdean an ùir.

10 Bheir rìghrean Tharsis agus nan eilean tiodhlacau uatha; bheir rìghrean Sheba agus Shaba⁵ tabhartais dha.

11 Agus sleuchdaidh na h-uile rìghrean sìos dha; ni na cinnich uile seirbhìs dha.

12 Oir saoraidh e an t-ainnis an uair a dh'èigheas e; agus an truaghan, aig nach 'eil fear-cuideachaidh.

13 Caomhnaidh e am bochd agus am feumach; agus tèarnaidh e anama nam feumach.

14 O fheill agus o fhoirmeart saoraidh e an anam; agus bithidh am fuil luachmhor 'na shùilb.

15 Agus bithidh e beò, agus bheirear dha do òr Sheba; agus nìthear urnuigh air a shon a ghnàth; gach là beannaichear e.

16 Bithidh dorlach sil san talamh air

mullach nam beann; crathaidh mar Lebanon a thoradh; agus thig iadsan do'n bhaile fo bhlàth, mar luibh na talmhainn.

17 Bithidh 'ainm-san buan gu sìorruidh; comh-mhairionn ris a' ghréin bithidh 'ainmsan; agus annsan beannaichear na slòigh uile, agus beannaichidh iadsan e⁶.

18 Beannaichte gu robh an Tighearna Dia, Dia Israeil, an ti a mhàin a ni nithe iongantach!

19 Agus beannaichte gu robh 'ainm glòrmhor-san gu sìorruidh; agus lìonar an talamh uile le 'ghlòir! Amen, agus Amen!

20 Chrìochnaich eadh urnuighean Dhaibhidh mic Iese.

SALM LXXIII.

1 Is beag nach d'fhàilnich creidimh an t-salmadair 'nuair a chunnaic e soirbheas nan aingidh; 15 ach thuig e ma dheireadh gu'n sgrìosar iad gu tur. 23 Chuir e a dhòigh ann an Dia.

Salm le Asaph.

GU deimhin tha Dia maith do Israel, dhoibhsan a tha glan 'nan cridhe.

2 Ach air mo shonsa, is beag nach d'aom mo chosan; cha mhòr nach do shleamhuich mo cheumanna uam.

3 Oir ghabh mi tnu⁷ ri h-amadanaibh, ri faicinn soirbheis⁸ dhaoine aingidh;

4 Oir cha 'n'eil cuibhrichean 'nam bàs⁹; ach a ta an neart làidir.

5 Ann an docair mar dhaoineibh eile cha 'n'eil iad; agus mar dhaoineibh eile cha 'n'eil iad air an sàruchadh:

6 Uime sin mar shlabhraidh chuairtich àrdan iad; mar thrusgan, chòmhaich foirmeart iad.

7 Sheas an sùil a mach¹⁰ le saill; fhuair iad thar mann an cridhe.

8 Tha iad truailidh, agus labhraidh iad gu h-aingidh air foirmeart; gu h-àrd labhraidh iad.

9 Chuir iad am beul an aghaidh nan nèamh; agus ghluais an teangadh air feadh na talmhainn.

10 Air an aobhar sin pillidh a shluagh¹¹ an so; agus fàisgear uisgeacha cupain làin a mach dhoibh.

11 Agus their iad, Cionnus is aithne do Dhia? agus am bheil eòlas aig an Ti a's àirde?

12 Feuch, is iad sin na daoine aingidh, a tha soirbheachadh sau t-saoghal; tha iad a' carnadh suas beartais.

13 Da rìreadh gu dìomhain ghlan mi mo chridhe, agus nìgh mi mo làmhnan an neo-chionta:

14 Oir bhuailleadh mi air feadh an là, agus smachdaicheadh mi gach maduinn.

15 Nan abrainn, Labhraidh mi mar so,

¹ m'uile. ² na tulaich fireantachd.

³ maille ris a' ghréin, agus am fianuis na geal-aich. Eabh. ⁴ le fireantachd. ⁵ Seba.

⁶ bheir iad cliù dha.

⁷ farmad.

⁸ soirbheachaidh. ⁹ ceanglaichean orra gu'm bàs.

¹⁰ Tha an sùilean air bòrcadh. ¹¹ mo shluagh.

feuch, air ginealach do chloinne dhean-
ainn eucoir.

16 'Nuair a smuainich mi air so a thuig-
sinn, bu chruaidh an gnothuch e ann am
shùilibh.

17 Gus an deachaidh mi' steach do
naomh-ionad Dhé: an sin thuig mi an
cricòch-san.

18 Gu deimhin ann an àitibh sleamhna
chuir thu iad: thilg thu sìos iad gu sgrios.

19 Cionnus a thugadh iad gu sgrios,
mar ann an tiota? a chuireadh as doibh
gu tur le h-uamhasaibh?

20 Mar aisling' nuair a dhùisgeas neach,
a Thighearn, anns a' bhaile¹ ni thu tar-
cuis² air an dealbh.

21 Ach bha mo chridhe goirt, agus bha
goimh a'm' àirnibh.

22 Agus bha mi baoh, agus aineolach;
mar ainmhidh bha mi a'd' làthair.

23 Gidheadh, tha mi a ghnàth maille
riut; chum thu suas mi air mo dheas
làmh.

24 Le d' chomhairle stùraidh tu mi, agus
fa dheoidh³ gabhaidh tu mi chum glòire.

25 Cò th'agam anns na nàmhaidh ach
thusa? agus an coimhmeas riut cha 'n'eil
neach air thalamh air am bheil mo dhéigh.

26 Tha m'fheoil agus mo chridhe air
fàilneachadh: is e Dia neart mo chridhe
agus mo chuibhrionn gu sìorruidh.

27 Oir feuch, sgriosar iadsan a théid fad
uait: ghearr thu as gach neach a chaidh
le striopachas uait.

28 Ach is maith dhomh-sa teachd dlùth
do Dhia: anns an Tighearna Dia chuir
mi mo dhòigh, chum gu foillsichinn t'òibre
uile.

SALM LXXIV.

1 Tha'n salmadar a' caoidh gu'n do thilg Dia uait
a shluagh féin; 10 agus g' a bhrosnachadh gu
cabhair a dheanann orra, 18 do bhrìgh gu'n
d' thug an naimhdean beum doibh.

Maschil le Asaph.

C'AR son, a Dhé, a thilg thu uait sinn
gu bràth? a lasas t'fhearg ri caor-
aich t'ionaltraidh?

2 Cuimhnich do choimhthional. a cheann-
aich thu o chian, a shaor thu; slat⁴ t'òigh-
reachd, beinn Shioin so anns an do ghabh
thu còmhnuidh.

3 Tog do chosa chum nam fàsach sìorr-
uidh, chum nan uile ole a rinn an nàmh-
aid ann ad ionad naomh.

4 Bheuc do naimhdean am measg do
choimhthional; chuir iad suas am brat-
aichean mar chomharaibh.

5 Bha neach ainmeil mar a thogadh e a
thuagh gu h-àrd air coille thiugh.

6 A nis mar an ceudna bhris iad sìos
'obair ghearrta⁵ le chéile le tuaghaibh
agus le h-ordaibh.

7 Chuir iad ri theine t'ionad naomh gu
ruigan làr; thruaill iad pàilliant' ainme-sa.

8 Thubhairt iad 'nan cridhe, Sgriosam-
aid iad le chéile: loisg iad uile ionada-
crunneachaidh⁶ Dhé san tìr.

9 Ar comharan cha'n fhaic sinn; cha
'n'eil fàidh ann ni's mò, agus cha 'n'eil
neach 'nar measg aig am bheil fhios cia
fad.

10 Cia fad, a Dhé, a bheir an t-eascar-
aid beum? an dean an nàmhaid tarcuis
air t'ainm gu bràth?

11 C'ar son a philleas tu do làmh, do
dheas làmh féin air a h-ais? buin a mach
o d' bhròlach i'.

12 Oir is e Dia mo Rìgh o chian, ag
oibreachadh slàinte am meadhan, na
talmhainn.

13 Sgaoil thusa an fhainge le d' neart:
bhris thu cinn nan dràgon⁸ air na h-uisg-
eachaibh.

14 Phronn thu cinn Lebhiatain; thug
thu e mar bhiadh do'n t-sluagh anns an
fhàsach.

15 Sgoilt thu an tiobairt⁹ agus an sruth;
thiormaich thu ainmniche¹⁰ mòra.

16 Is leat-sa an là, mar an ceudna is
leat-sa an oidhche: is tu dheasaich solus
agus grian.

17 Shuidhich thu uile chrìocha na tal-
mhainn; rinn thu an samhradh agus an
geamhradh.

18 Cuimhnich so: thug an t-eascaraid
beum, a Thighearn, agus rinn sluagh
amaideach tarcuis air t'ainm.

19 Na toir suas do'n fhiadh-bheathach¹¹
anam do cholomain¹²: anaman do dhaoine
truagh na dichuimhnich gu bràth.

20 Thoir an aire do'n choimhcheangal¹³.
oir tha àitean dorcha na tìre làn do ionad-
aibh-còmlnuidh an fhoirneirt.

21 Na pillar air ais le nàire an tì a
shàruichear: moladh am bochd agus am
feumach t'ainm.

22 Eirich, a Dhé, tagair do chùis féin:
cuimhnich mar a ta 'n t-amadan a' toirt
toibheim dhuist gach là.

23 Na dichuimhnich guth do naimhd-
ean, toirm¹⁴ na muinntir a dh'éirich a'd'
aghaidh, a tha dol suas an còmhnuidh.

SALM LXXV.

1 Mhol an salmadar Dia, 2 agus gheall e gu'n
tugadh e breth le ceartas. 4 Chronaich e na
h-uabhrich.

Do'n àrd fhear-ciùil, Al-taschit. Salm na laoidh
le Asaph.

¹ nuair a mhosglas tu. ² dìmeas.

³ na dhéigh sin. ⁴ treubh.

⁵ obair shnàidhte an ionaid naomh, a gheatacha.

⁶ shìonagoga, ionadan-aoraidh. ⁷ agus a chumas
tu do dheas làmh air a h-ais ann ad bhròlach?

⁸ uabheist. ⁹ tobar. ¹⁰ aibhne.

¹¹ do mhòr-chuideachd nan aingidh.

¹² an tì a bheir aoradh dhuist.

¹³ do d' choimhcheangal.

¹⁴ bruidheann.

BHEIR sinn moladh¹ dhuit, a Dhé, bheir sinn moladh; oir gu *bheil* t'ainm ann fagus² cuiridh t'òibre iongantach an céill.

2 Nuair a ghlacas mi an t-àm suidhichte³, bheir mi breth le ceartas.

3 Sgaoileadh an tìr agus a luchd-ait-eachaidh gu léir: cumaidh mise suas a puist. Selah.

4 Thubhairt mi ris na h-amadanaibh, Na bithibh amaideach; agus ris na h-aingidh, Na togaibh suas *bhur* n-adharc.

5 Na togaibh suas *bhur* n-adharc gu h-àrd; na labhraibh le muineal cruaidh.

6 Oir cha'n ann o'n ear, no o'n iar, no o dheas a *thig* àrdachadh.

7 Ach *is* e Dia am Breitheamh: leagaidh e sìos am fear so, agus àrdaichidh e am fear sin.

8 Oir *tha* cupan⁴ an làimh an Tighearn, agus tha am fion dearg: làn coimeisg *tha e*, agus dòrtidh e cuid as: ach a dheasgainean⁵ fàisgidh agus òlaidh uile dhaoine aingidh na talmhainn.

9 Ach ni mise gairdeachas⁶ gu bràth; seinnidh mi moladh do Dhia Iacoib.

10 Agus sgathaidh mi sìos uile adharca nan aingidh: àrdaichear adharcan an fhùrein.

SALM LXXVI.

1 *Tha Dia glòrmhor ann an Sion*, 7 agus 'na chùis eagail do gach neach. 11 *Is còir bòidcan òcadh dha.*

Do'n àrd fhear-ciuil air Neginot. Salm no laoidh le Asaph.

AITHNICHEAR Dia ann an Iudah; ann an Israel *tha* 'ainm mòr:

2 Agus ann an Salem tha a phàillium, agus 'ionad-còmhnuidh ann an Sion.

3 An sin bhris e saighdean a' bhogha, an sgiath, agus an claidheamh, agus an cath⁷. Selah.

4 *Is* alloil⁸ thusa, *is* glòrmhor *thu* os ceann bheann na creiche.

5 Chreachadh iadsan a bha misneachail an cridhe; choidil iad an codal, agus cha d'fhuair na daoine treuna gu léir an làmh.

6 Le d'achmhasan, a Dhé Iacoib, chuireadh aram am marcach agus an t-each⁹ 'nan suain.

7 *Is* cùis eagail thusa, *cadhon* thusa; agus cò sheasas a d' làthair an uair a bhios fearg ort?

8 Thug thusa air breitheanas gu 'n cuiladh o nèamh e: bha eagail air an talamh, agus bha e 'na thàmh;

9 An uair a dh'èirich Dia chum breitheanas, a shaoradh uile dhaoine ciùine na talmhainn. Selah.

10 Gu cinnteach bheir fearg duine moladh dhuit: fuigheall na feirge coisgidh tu.

11 Bòidichibh, agus òcaibh do'n Tighearna *bhur* Dia; thugadh iadsan uile a ta m'a thimchioll tiodhlaca dha-san a's aobhar eagail ann.

12 Sgathaidh e sìos spiorad uachdar ana *is* cùis eagail e do righribh na talmhainn.

SALM LXXVII.

1 *Rinn an salmadar urnaigh ri Dia 'na theinn, agus fhuair e èisdeachd.* 10 *Bheachd-smuainich e air oibribh tròcaireach an Tighearn, agus ghlac e misneach.*

Do'n àrd fhear-ciuil, do Iedutun. Salm le Asaph.

LE m' ghuth dh'èigh mi ri Dia, le m' ghuth dh'èigh mi ri Dia, agus dh'èisde rium.

2 Ann an là mo theinn dh'iarr mi an Tighearn; shineadh mo làmh a mach¹⁰ san oidheche gun sgrù; dhiùlt m'anam sòlas a ghabhail.

3 Chuimhnich mi air Dia, agus bha mi fo bhuaireas¹¹; rinn mi gearan, agus chlaoidheadh mo spiorad. Selah.

4 Chum thu mo shùilean 'nam faireachadh; tha mi iarganach, agus cha'n urrainn mi labhairt,

5 Smuainich mi air na làithibh o shean, air bliadhnaibh na h-aimsir chéin.

6 Chuimhnich mi mo cheòl¹² san oidheche; rinn mi cainnt ri m' chridhe féin, agus rannsaich mo spiorad gu geur:

7 An tìg an Tighearn uaith gu bràth? agus nach nochd e a dheadh-ghean uis mò?

8 An do sguir a chaoimhneas am feasd? an d'fhàilnich 'fhocal o linn gu linn?

9 An do dh'earmaid Dia a bhi gràsmhor? an do dhruid e 'na chorruich a chaoimh-thròcairean? Selah.

10 An sin thubhairt mise, *Is* e so m'anmhuinneachd: *is e* caochladh deas làimhe¹³ an Ti a's àirde a th'ann.

11 Cuimhnichidh mi oibre an Tighearna; gu deimhin cuimhnichidh mi t'iongantais o'n aimsir chéin.

12 Agus beachd-smuainichidh mi air t'oibribh gu léir, agus air do ghniomharaibh labhraidh ni.

13 *Tha* do shlighe, a Dhé san ionad naomh¹⁴; cò a ta 'na Dhia mòr mar ar Dia-ne?

14 *Is* tusa an Dia a tha deanamh nithe

¹ buidheachas. ² gu bheil thu am fagus.

³ an còmhthional. ⁴ copan.

⁵ dheasgaidh. ⁶ cuiridh mise an céill.

⁷ agus claidheamh a' chòmhrag.

⁸ urramach. ⁹ marcaich nan each;

luchd nan carbad-cogaidh agus nan each.

¹⁰ shìl mo shùil, ruith mo leòn.

¹¹ mli-shuaimhneas. ¹² mo dhàn.

¹³ ach cuimhnichidh mi bliadhnan deas làimhe.

¹⁴ an naomhachd. Eabha.

iougantach: thaisbeiu thu am measg nan sluagh do neart.

15 Shaor thu le d' ghairdean do shluagh, mic¹ Iacoib agus Ioseiph. Selah.

16 Chumnaic na h-uisgeachan thu, a Dhé! chumnaic na h-uisgeachan thu; bha eagal orra, seadh, ghluaiseadh² na doimhneachda.

17 Dhòirt na neoil a nuas uisge; thug na speura fuaim; mar an ceudna chaidh do shaighdean a mach.

18 Bha guth do thairneanaich san speur; shoillsich do dhealanaich an saoghal; ghluaiseadh agus chrìothnaich an talamh.

19 San fhairge bha do shlighe, agus do cheumanna anns na h-uisgeachaibh mòra; agus cha d'aithnìcheadh luirg do chos.

20 Threòraich thu mar threud do shluagh, le làimh Mhaois agus Aaroin.

SALM LXXVIII.

1 Chomhairlich an salmadar do'n t-sluagh reachdan agus glòir an Tighearn a nochdadh d'an cloinn. Eachdraidh feirge Dhé an aghaidh chloinn Israeil. Maschil le Asaph.

EISDIBH, O mo shluagh, ri m' reachd; aomaibh bhuir cluas chum bhriathar mo bheil.

2 Fosgailidh mi mo bheul ann an cosamhlachd; cuiridh mi sean-fhocail dhorchas³ an cèill:

3 A chuala sinn, agus a b' aithne dhuinn, agus a dh'innis ar n-aithriche dhuinn.

4 Cha cheil sinn air an cloinn iad, a' foillseachadh clùin an Tighearna do'n àl a ta ri teachd, agus a neart, agus 'oibre iougantach a rinn e:

5 Oir chuir e suas teistean⁴ ann an Iacob, agus shuidhich e lagh ann an Israel, a dh'aitlm e d'ar n-aithrichibh gu'n deanadh iad aithnichte d'an cloinn;

6 Chum gu'm biodh fios aig an àl ri teachd orra, gu'n èireadh a' chlann a bheirteadh, agus gu'n cuireadh iad an cèill iad d'an cloinn féin;

7 Agus gu'n cuireadh iad an dòchas ann an Dia, agus nach dìchuimhnìcheadh iad oibre Dhé, ach gu'n gleidheadh iad 'aithteantan⁵;

8 Agus nach bitheadh iad mar an aithriche, 'nan ginealach reasgach⁶ agus ceannairceach, ginealach nach do shuidhich an cridhe gu ceart, agus nach robh an spiorad tairis do Dhia.

9 Ged bha clann Ephraim fo'n armaibh, agus ged thilg iad le bogha, phill iad air an ais ann an là catha.

10 Cha do ghléidh iad coimhcheangal Dhé, agus dhiùlt iad imeachd 'na reachd.

11 Agus dhù-chuimhnich iad 'oibre, agus 'iougantais a nochd e dhoibh.

12 An làthair an aithriche rinn e nithe iougantach, ann an tìr na h-Eiphit, ann am machair Shoin.

13 Sgoilt e an fhairge, agus thug e iad-san thairis; agus thug e air na h-uisgeach-aibh seasamh mar thorra.

14 Agus stiùir e iad le neul san là, agus air feadh na h-oidhche le solus teine.

15 Sgoilt e na creagan san fhàsach, agus thug e deoch dhoibh, mar á doimhneachdaibh mòra.

16 Agus thug e srutha a mach as a' charraig, agus thug e air uisgeachaibh ruith sìos mar aìmhnichibh.

17 Gidheadh pheacaich iad fathast ni's mò 'na aghaidh, a' brosnachadh an Tì a's àirde san fhàsach.

18 Agus bhuair iad⁷ Dia 'nan cridhe, ag iarraidh bith d'an miann.

19 Seadh, labhair iad an aghaidh Dhé; thubhairt iad, An urrainn Dia bord a dheasachadh san fhàsach.

20 Feuch, bhuail e a' chreag, agus bhrùchd uisgeacha mach, agus dh'éirich na tuitlean: an urrainn e mar an ceudna aran a thabhairt? an deasaich e feoil d'a shluagh?

21 Uime sin chual' an Tighearn, agus bha corruich air; agus las teine an aghaidh Iacoib, agus mar an ceudna dh'éirich fearg an aghaidh Israeil:

22 A chionn nach do chreid iad ann an Dia, agus nach d'carb iad as a shlàinte;

23 Ged dh'àithn e do na neulaibh o'n àirde, agus ged dh'fhosgail e dorsa nan nèamh;

24 Agus ged fhras e nuas mana orra r'a itheadh, agus ged thug e dhoibh coire nan nèamh.

25 Dh'ith daoine biadh nan aingeal: thug e dhoibh an sàth do lòn.

26 Thug e air gaoith an ear imeachd sna nèamhaibh, agus le a neart thug e stigh a' ghaoth á deas.

27 Agus fhras e nuas feoil orra mar dhùslach⁸, agus eunlaith iteagach⁹ mar ghaincamh na fairge.

28 Agus thug e orra tuitcam am meadhon an caimp, mu thimchioll an àitean-còmhnuidh.

29 Agus dh'ith iad, agus làn-shàsuicheadh iad; oir thug e dhoibh am miann féin.

30 Cha robh iad air an sgarachduinn o am miann: fathast bha am biadh 'nam beul;

31 An sin thàinig fearg Dhé orra, agus mharbhe iadsan bushultnhoire¹⁰ dhiubh, agus leag e sìos daoine taghta Israeil.

32 An déigh so gu léir pheacaich iad

¹ clann, slìochd.² chrìothnaich.³ sgeula o'n t-sean aimsir.⁴ fianuis.⁵ a àitheantan.⁶ eascaoin, sìar, eas-umhal.⁷ dhearbhadh, dh'fheuch, chuir iad cathachadh air.⁸ luathire.⁹ sgiathanach.¹⁰ a b'fhearr, bu làidire.

fathast agus cha do chreid iad air son 'oibre iongantach-san.

33 Uime sin chaith e an làithean ann an diomhanas, agus am bliadhnachan ann an uamhas¹.

34 Nuair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé²;

35 Agus chuimhnich iad gu'm b'e Dia an carraig, agus an Dia a's àirde am fear-saoraidh.

36 Ach rinn iad mìodal ris le'm beul, agus rinn iad breug dha le'n teangaidh:

37 Oir cha robh an cridhe ceart maille ris, agus cha robh iad dìleas³ 'na choimhcheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uaith, agus cha do dhùisge a chorruih uile;

39 Oir chuimhnich e nach robh ann ta ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair⁴ iad Dia, agus chuir iad tomhas air Aon naomh Israeil.

42 Cha do chuimhnich iad a làmh no'n là air an do shaor e iad o'n nàmhaid⁵;

43 Mar a nochd e a chomharan anns an Eiphit, agus 'oibre iongantach ann am machair Shoin;

44 Agus a thionndaidh e an uisgeacha gu fuil, agus an srutha, air chor as nach feudta òl diubh;

45 A chuir e 'nam measg iomadh gnè chuireag⁶, a dh'ith suas iad, agus losgaimn a sgrios iad;

46 A thug e an toradh do'n bhurra⁷, agus an saothar do'n locust;

47 A mhill e an croinn-fhìona le cloich-mhcallain, agus an croinn-fhìge⁸ le reodhadh;

48 Agus a thug e thairis am feudail⁹ do'n chloich-mhcallain, agus an treudan do'n tein-athair;

49 A thilg e orra teas 'fheirge, boile¹⁰, agus corruich, agus teinn, le aingil olc a chur nam measg;

50 A rinn e slighe d'a fheirg, nach do chaomhain e an anam o'n bhàs, ach a thug e thairis am beatha do'n phlàigh;

51 Agus a bhuail e gach ceud-ghin san Eiphit, toiseach an neirt ann am pàillion-aibh Ham;

52 Ach a thug e mach mar chaoraich a

shluagh féin, agus a threòraich e iad mar threud anns an fhàsach;

53 Agus a stiùir e iad gu tèaruinte, air chor as nach robh eagal orra, ach a chòmhdaich an fhairege an naimhdean;

54 Agus a thug e iad gu crìch 'ionaid naomh-san, do'n t-sliabh so a choisinn a dheas làmh;

55 Agus a thilg e mach na cinnich rompa, agus a roinn e oighreachd dhoibh¹¹ le crannchur, agus a thug e air treubhaibh Israeil còmhnuidh a ghabhail 'nam pàillionaibh-san.

56 Gidheadh bhuair agus bhrosnuich iad an Dia a's àirde, agus cha do ghléidh iad a theisteis.

57 Ach phill iad, agus ghluais iad gu fealltach, mar an aithriche; chaidh iad a thaoibh, mar bhogha fiar¹²;

58 Agus bhrosnuich iad e le'n ionadaibh àrda, agus le'n dealbhaibh gearra dhùisg iad e gu h-eud.

59 Chuala Dia, agus bha fearg air, agus ghabh e gràin mhòr do Israel:

60 Agus thréig e pàillion Shìloh, am bùth¹³ a shuidhich e am measg dhaoine.

61 Agus thug e suas a neart gu braighdeanas, agus a ghlòir do làimh an nàmhaid.

62 Agus thug e thairis a shluagh do'n chlaidheamh, agus ghabh e fearg r'a oighreachd.

63 Loisg an teine an òigridh, agus cha d'fhuair an òighean pòsadh¹⁴.

64 Thuit an sagairt leis a' chlaidheamh, agus cha d'rinn am bantraich bròn.

65 An sin mhosgail an Tighearna mar neach a bha 'na chodal, mar churaidh a nì iolach an déigh dha fion òl.

66 Agus bhuail e a nàimhdean 'nan deireadh; thug e masladh bithbhuan dhoibh.

67 Agus dhiùlt e pàillion Ioseiph, agus cha do thagh e treubh Ephraim.

68 Ach thagh e treubh Iudah, sliabh Shìoin a ghràdhaich e.

69 Agus thog e 'ionad¹⁵ naomh féin mar lùchairt àrd, mar an talamh¹⁶ a shuidhich e gu bràth.

70 Agus thagh e Daibhidh 'òglach, agus thug se e o chrò nan caorach.

71 O bhi 'n déigh nan caorach a bha trom le h-àl, thug se e a bheathachadh Iacoib a shluaigh, agus Israeil 'òighreachd.

72 Agus bheathaich e iad a réir ionrac ais a chridhe; agus le seòltachd a làmh stiùir e iad.

¹ carroid, cabhaig. ² a' teachd gu moch a dh'ionnsuidh Dhé.

³ Daingean, seasmhach.

⁴ bhrosnuich.

⁵ o theinn.

⁶ chonachuireag.

⁷ caterpillar. Sasg.

hasil. Eabh.

⁸ sicomoir.

⁹ an crodh, an ainmidhean.

¹⁰ buile.

¹¹ a roinn e am fearann dhoibh.

¹² clasn, mealltach, cealgach.

¹³ ann pobull, an t-ionad-còmhnuidh.

¹⁴ cha do mholadh an òighean.

¹⁵ a ionad.

¹⁶ ann an ionad àrd, air an talamh.

SALM LXXIX.

1 *Tha an salmaid air càoidh air son sgrios Ierusalem. 8 Ghuidh e gu'n cuidheadh Dia le 'oighreachd air sgath glòire 'ainne fèin.*

: Salm le Asaph.

ADHE, thàinig na cinnich a steach do a' d' oighreachd; thruaill iad do theampull naomh; dh'fhàg iad Ierusalem 'na carnaibh.

2 Thug iad cuirp do sheirbhiseach mar bhiadh do eunlaith nan speur, feoil do naomh do fhiadh-bheathaichibh na talmhainn.

3 Dhòirt iad am fuil mar uisge timchioll Ierusalem, agus cha robh neach gu'n adhlacadh.

4 Tha sinn 'nar masladh d'ar coimhearsnaich, 'nar n-aobhar fanoid agus magaidh dhoibhsan a tha mu'n cuairt oirnn.

5 Cia fhad, a Thighearn, a bhios fearg ort? gu bràth an las t'eud mar theine?

6 Dòirt do chorruich air na cinnich aig nach 'eil eòlas ort, agus air na rìoghachdaibh nach gairm air t'ainm.

7 Oir chuir iad as do¹ Iacob, agus rinn iad àite-còmhnuidh 'na fhàsach.

8 Na cuimhnich thusa 'nar n-aghaidh ar n-eucearta roimhe so²: gu luath gabhadh do thròcairean romhainn; oir thugadh gu rò ìosal sinn.

9 Cuidich leinn, a Dhé ar slàinte, air sgath glòire t'ainme; agus teasairg sinn, agus glan ar peacaidh uainn 'air son t'ainne fèin.

10 C'ar son a theireadh na cinnich, C'ait am bheil an Dia? aithnichear am measg nan cinneach fa chomhair air sùl dìoghaltas fola³ do sheirbhiseach, a dhòirt-eadh!

11 Thigeadh osnaich a' phrìosanaich a'd làthair, a réir meud do neirt⁴; saor thusa iadsan a dh'orduicheadh chum bàis⁵.

12 Agus dìol d'ar coimhearsnaich a sheachd uiread 'nam brollach, am masladh leis an do mhaslaich iad thusa, a Thighearn.

13 Agus molaidh sinne do shluagh, agus caoraich t'ionaltraidh, thusa gu bràth: o linn gu linn cuiridh sinn an cèill do chliù:

SALM LXXX.

1 *Dh'astuich an salmaid air Dia gu'n tugadh e air a ghnùis dealrachadh air a shluagh. 8 Thionndaidheadh tròcairean Dhé gu breitheanas.*

Do'n àrd fhear-ciùil air Sosanim Edut. Salm le Asaph.

OAODHAIRE⁶ Israeil, éisd, thusa a stiùireas Ioseph mar threud; thusa

¹ dh'ith iad suas, mhill iad.

² ar seann pheacanna.

³ aithnichear esan am measg nan cinneach 'nar scalladh fèin, le dìoghaltas a gabhail air fuil.

⁴ do ghuairdean. Eabh,

⁵ bhuaichaille.

⁶ aithnichear esan

⁷ mic a' bhàis.

⁸ leo fèin.

a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanaseh, dùisg do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorar sinn.

4 A Thighearna Dhé nan slògh, cia fhad a bhios fearg ort ri urnuigh do shluaigh?

5 Thug thu dhoibh aran nan deur r'a itheadh, agus thug thu dhoibh deoir r'an òl am pailteas.

6 Rinn thu sinn 'nar n-aobhar strì d'ar coimhearsnaich; agus ni ar n-cascaird-ean gàire-fanoid umainn⁷.

7 A Dhé nan slògh, pill sinn; agus thoir air do ghnùis dealrachadh, agus saorar sinn.

8 Thug thu fionain⁸ as an Eiphit; thilg thu mach na cinnich, agus shuidhich thu i.

9 Réitich thu àite fa comhair, agus thug thu oirre freumhachadh gu daingean, agus lion i an tìr.

10 Chòmhdaicheadh⁹ beannta le a sgàile, agus le a geugaibh seudair àrda¹⁰.

11 Chuir imach a meoir gu ruig a' mhuir, agus a meanglain¹¹ gu ruig an amhainn.

12 C'ar son a bhris thu sìos a ballachadionaidh¹², air chor as gu bheil uile luchd-gabhail na slighe 'ga spionadh?

13 Tha an torc as a' choille 'ga fàsachadh, agus tha fiadh-bheathach na macharach¹³ 'ga h-itheadh suas.

14 A Dhé nan slògh, pill, guidheamaid òrt; amhaire a nuas o nèamh, agus faic, agus fiosraich an fhìonain so;

15 Agus am fion-lìos a shuidhich do dheas-làmh, agus am meanglan a neartaich thu dhuit fèin¹⁴.

16 Loisgeadh i le teine, ghearradh sìos i: le achmhasan do ghnùise sgriosar iad.

17 Biodh do làmh air fear do làimhe deise, air mac an duine a neartaich thu dhuit fèin.

18 An sin chaphill sinn air ar n-ais uait: beothaich sinn, agus gairmidh sinn air t'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorar sinn.

SALM LXXXI.

1 *Earrail gu Dia a mholadh. 8 Chomhairlich Dia do Israel ùmhlaich a thoirt d'a thoil, agus gheall e an teasairginn o làinn an naimhdean.*

Do'n àrd fhear-ciùil air Gitit. Salm le Asaph.

⁸ fineamhuin, crann-fìona.

⁹ Chomhdaich.

¹⁰ bha a geugan mar sheudair àrda.

¹¹ geugan.

¹² a callaidean.

¹³ Agus daingnich an nì a shuidhich do dheas làmh; [earlhan air son mic an duine, a neartaich thu dhuit fèin.]

SEINNIBH gu h-ait do Dhia, ar neart;
2 togaibh iolach do Dhia Iacoib.

2 Glacaibh salm, agus thugaibh tiompan leibh: a' chlarsach bhinn maille ris an t-saltair.

3 Anns a' ghealaich nuaidh¹ séidibh an trompaid, anns an àm shuidhichte, air là ar féille.

4 Oir bu reachd so do Israel, riaghailt le Dia Iacoib.

5 Mar fhianuis shuidhich se e ann an Ioseph, an uair a thàinig e mach á tìr na h-Eiphit, far an cual' e cainnt nach do thuig e².

6 O'n eallaich thug mi as a ghuala: o na potaibh³ shaoradh a làmhnan.

7 Ann an teinn ghairm thu, agus shaor mi thu; fhreagair mi thu ann an ionad dlomhair na tairneanaich: dhearbh mi thu làmh ri uisgeachaibh Mheribah. Selah.

8 Eisd, O mo shluagh, agus bheir mi fianuis dhuit; O Israeil, ma dlr'éisdeas tu rium;

9 Cha bhi dia coigreach annad⁴, agus cha chrom thu sìos do dhia coimheach.

10 Is mise an Tighearna do Dhia, a thug a nìos thu á tìr na h-Eiphit: fosgail do bheil gu farsuinn, agus lionaidh mise e.

11 Gidheadh cha d'éisd mo shluagh ri m' ghuth, agus cha do ghabh Israel rium.

12 Uime sin thug mi thairis iad do anamian an cridhe féin; dh'imich iad 'nan comhairle féin.

13 O nach éisdeadh mo shluagh rium! nach imicheadh Israel a'm' shlighibh!

14 Gu luath leagainn sìos an eascairdean, agus thionndaidhinn mo làmh an aghaidh an naimhdean.

15 Bheireadh luchd-fuath an Tighearn ùmhlaichd dha: ach mhaireadh an aimsirsan gu bráth.

16 Agus bheathaicheadh e iad le smior a' chruthneachid: agus le mil o'n charr-aig shàstuichinn thu⁵.

SALM LXXXII.

1 Chronaich an salmadar na h-uachdarain do bhrìgh gu'n d'thug iad breth gu h-eucorach; 3 agus thug e earail doibh ceartas a chumail ris na bochdaibh.

Salm le Asaph.

THA Dia 'na sheasamh ann an coimh-thional nan cumhachdach⁶: am measg nan dée bheir e breth.

2 Cia fhad a bheir sibh breth gu h-eucorach, agus a ghabhas sibh ri gnùis⁷ dhaoine aingidh? Selah.

3 Deanaibh ceartas do'n bhoichd agus do'n dilleachdan; cumaidh còir ris an truaghan⁸ agus ris an fheumach.

4 Teasairgibh am boichd agus an t-ainnis; á làmh nan aingidh saor ibh iad.

5 Cha 'n'eil eòlas no tuigse aca; ann an dorchadas gluaisidh iad: tha uile bhunaitan na talmhainn air chrith⁹.

6 Thubhairt mi, Is dée sibh, agus is mic sibh uile do'n Tì a's àirde.

7 Ach gheibh sibh bàs mar dhaoine, agus tuitidh sibh mar aon do na h-uachd-aranaibh.

8 Eirich, a Dhé, thoir breth air an talamh; oir sealbhaichidh tu na h-uile chinnich mar oighreachd.

SALM LXXXIII.

1 Tha an salmadar a' gearan gu'n d' rinn naimhdean Israeil ceannaire làidir 'nan aghaidh. 9 Dh'as-luich e air Dia an sgrios gu h-obann.

Laoidh no Salm le Asaph.

ADHE, na bi a'd' thosd; na bi sàmh-ach, agus na bi a'd' thàmh, a Dhé:

2 Oir feuch, tha do naimhdean ri buaireas; agus thog iadsan le'm fuathach thu, suas an cinn.

3 An aghaidh do shluaigh gu cuilbheartach dhealbhadh iad olc¹⁰, agus ghabh iad comhairle le chéile an aghaidh do mhuinntir dhiomhair.

4 Thubhairt iad, Thigibh, agus gearraimaid as iad o bhi 'nan cinneach, chum nach cuimhnichear ainm Israeil nì's mò:

5 Oir le h-aon inntinn ghabh iad comhairle le chéile, a'd' aghaidh-sa rinn iad coimhcheangal.

6 Pàilluna Edoim agus na h-Ismaelich, Moab agus na Hagaraich,

7 Gebal, agus Amon, agus Amalec, na Philistich maille ri luchd-àiteachaidh Thìor¹¹:

8 Mar an ceudna dh'lùth-lean Asur ri u: bu chomhnadh iad do chloinn Lot. Selah.

9 Dean orra mar air Midian, mar air Sisera, mar air Iabin, aig sruth Chisoim:

10 A sgriosadh aig Endor, a rinneadh mar aolach do'n talamh.

11 Dean an àrd uaislean¹² mar Oreb, agus mar Sheeb, agus an uachdarain gu léir mar Sheba, agus mar Shalmuna;

12 A thubhairt, Glacamaid dhuinn féin mar oighreachd àiteacha-còmhnuidh Dhé.

13 O mo Dhia, dean iad mar roth¹³; mar asbhuaibh roimh'n ghaoith.

14 Mar a loisgeas teine a' choille, agus mar a chuireas lasair na beannta ri theine;

15 Mar sin dean thusa tòrachd orra le d' dhoiminn, agus le d' ioma-ghaoith cuir uamhluinn orra.

16 Lìon an eudan le masladh, chum gu'n iarr iad t'ainm, a Thighearn.

17 Biodh amhladh agus buaireas orra

¹ nomha. ² chuala mi teagadh nach do thuig mi.

³ o shoithichibh-giùlain na creadhna.

⁴ agad. ⁵ shàsuicheadh e iad.

⁶ san àrd-choimhthional. ⁷ pearsa.

⁸ an duine chràite.

⁹ air an corruchadh.

¹⁰ ghabh iad comhairle cuilbheartach.

¹¹ Thìuris.

¹² iad féin agus an àrd-uaislean.

¹³ mar mhol air iomàin mu'n cuairt.

gu bràth; seadh, glacadh nàire iad, agus sgrìosar iad:

18 Chum gu'm bi fhios aig *daoinibh* gur tusa mhàin d'an ainm Iehobhah, an Tì a's àirde os ceann na talmhainn uile.

SALM LXXXIV.

1 *Bha an salmadar an geall air cùirtibh an Tighearn, 4 agus nochd e beamachadh an t-shluaigh a bha 'nan còmhnuidh anna.*

Do'n àrd fhear-ciuil air Gitiit. Salm air son mhac Chorah.

CIA so-ghràdhach do phàillìuna, a Thighearna nan slògh!

2 Tha m'anam a' miannachadh, seadh, eadhon a' fannachadh¹ le deigh air cùirtibh an Tighearna: tha mo chridhe agus m'fheoil ag éigheach gu h-àrd air son an Dé bheò.

3 Fhuair eadhon an gealbhonn tigh, agus an gobhlan-gaoithe nead dhi fèin, anns an cuireadh i a h-àlach; t'altairean-sa², a Thighearna nan slògh, mo Dhia, agus mo Rìgh.

4 Is beannaichte iadsan a tha 'nan còmhnuidh a'd' thigh-sa: molaidh iad thu a ghnàth. Selah.

5 Is beannaichte an duine sin aig am bheil a neart annad-sa, agus iadsan aig am bheil do shlighean³ nan cridhe.

6 A' dol troimh ghlinn Baca⁴, ni iad sin tobar⁵ ann: lonaidh mar an ceudna an t-uisge na linnte.

7 Imichidh iad o neart gu neart; nochd-ar gach aon diubh ann làthair Dhé ann an Sion.

8 A Thighearna Dhé nan slògh, cluinn m'urnuigh; éisd, a Dhé Iacoib. Selah.

9 A Dhé, ar sgiath, faic, agus amhaire air gnùis t'Àoin ungta:

10 Oir is fearr là a'd' chùirtibh na mìle: b'fhearr leam a bhàiri dorsaireachd ann an tigh mo Dhé, na bhì'm chòmhnuidh ann am pàillìunaibh aingidheachd:

11 Oir is grian agus is sgiath an Tighearna Dia; agus bheir an Tighearna gràs agus glòir: cha chum e maith air bith uatha-san a ghluaiseas gu h-ionraic.

12 A Thighearna nan slògh, is beannaichte an duine a chuireas a dhòigh annad-sa.

SALM LXXXV.

1 *Dh'aidich an Salmadar gu'n robh Dia bàigheil r'a shluaigh; 4 ghuidh e gu'm meudaicheadh e a thròcair dhoibh; 8 agus nochd e gu bheil slàinte dlùth dhoibhsan air am bheil eagal an Tighearna.*

Do'n àrd fhear-ciuil. Salm air son mhac Chorah.

BHA thusa bàigheil, a Thighearna ri d' thìr: thug thu air ais braighead-

eanas⁶ Iacoib.

2 Mhaith thu⁷ cionta do shluaigh;

dh'fholuich thu am peacadh uile. Selah.

3 Choisg thu do chorruih uile; thionndaidh thu o fhraoch t'fheirge.

4 Pìll sinn, a Dhé ar slàinte, agus tog t'fhearg dhinn.

5 Gu bràth am bi corruich ort ruinn? an sin thu t'fhearg o linn gu linn?

6 Nach ath-bheothaich thu sinn? clum gu dean do shluagh gairdeachas annad?

7 Nochd dhuinn, a Thighearna, do thròcair, agus deònuich dhuinn do shlàinte.

8 Cluinnidh mi cìod a their Dia an Tighearn: oir labhraidh e sìth r'a shluagh, agus r'a naomhaibh; ach na pilleadh iad chum amaideachd.

9 Gu dearbh tha a shlàinte dlùth dhoibhsan d'an eagal e; chum gu'n còmhnuich glòir 'nar tìr.

10 Tha thròcair agus firinn air còmhlaich-adh⁸ a chéile: tha ceartas agus sìth air pògadh a chéile.

11 Fàsaidh firinn a nìos as an talamh, agus seallaidh ceartas a nuas o na nèamhaibh.

12 Seadh, bheir an Tighearna maith dhuinn; agus bheir ar fearann uaith a thoradh⁹.

13 Imichidh ceartas¹⁰ roimhe, agus stiùraidh e a cheumanna san t-slighe¹¹.

CAIB. LXXXVI.

1 *Athchuinge Dhaibhidh. 5 Dh'aidich e gu'n robh Dia maith agus iochdmhor. 14 Rinn e gearan an aghaidh nan uaibhreach, agus ghuidh e air Dia thròcair a dheanamh air.*

Urnuigh le Daibhidh.

AOM, a Thighearna, do chluas, éisd ariam; oir tha mi bochd, agus uir-easbhuidheach.

2 Gléidh m'anam, oir a ta mi diadhaidh¹²: O thusa mo Dhia, saor t-òglach, a dh'earbas asad.

3 Dean thròcair orm, a Thighearna; oir tha mi a' glaochaich riut gach là¹³.

4 Dean anam t'òglach fèin aoibhinn; oir riutsa, a Thighearna, togaidh mi m'anam.

5 Oir a ta thusa, a Thighearna, maith agus iochdmhor, agus pailt ann an thròcair dhoibhsan uile a ghairmeas ort.

6 Eisd, a Thighearna, ri m'urnuigh, agus thoir fa'near guth m'athchuinge.

7 Ann an là mo theinn gairmiddy mi ort; oir freagairidh tu mi.

8 Cha 'n'eil do shamhuil-sa am measg nan dèe, a Thighearna; agus cha 'n'eil oibre ann, cosmhuil ri t'oibribh-sa.

¹ a' lagachadh, air a chlaoidh, meata.

² làimh ri t'allairibh-sa.

³ Is beannaichte

an sluagh sin aig am bheil do shlighean.

⁴ ghlinn

nan deur, ghlinn a' bhròin.

⁵ blaidh iad do thobar.

⁶ braigheadan.

⁸ coinnneachadh.

⁷ thug thu air falbh.

⁹ 'fhàs.

¹⁰ am firean.

¹¹ stiùraidh e sinn air slighe a cheumanna.

¹² oir a

ta mi naomh, oir a ta thusa maith.

¹³ rè an latha,

9 Thig na cinnich uile a rinn thu, agus sleuchdaidh iad a'd làthair, a Thighearn, agus bheir iad glòir do t'ainm.

10 Oir is mòr thusa, agus *tha* thu a' deanamh nithe iongantach; is tusa Dia, thu féin a mhàin.

11 Teagaisg dhomh, a Thighearna, do shlighe; gluaisidh mi a'd fhìrinn: coimh-cheangail mo chridhe¹ chum eagal t'ainme bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir² do t'ainm gu bràth:

13 Oir is mòr do thròcair ormsa, agus shaoir thu m'anam o'n t-slochd³ a's iochd-araiche.

14 A Dhé, dh'éirich na h-uabhrich a'm' aghaidh, agus dh'iarr coimhlthional luchd-foirneirt m'anam; agus cha do chuir iad thusa rompa.

15 Ach a ta thusa, a Thighearn, a'd' Dhia iochdmhor, agus gràsmhor, mall chum feirge, agus pailt ann an tròcair agus am firinn.

16 Amhairc orm⁴, agus dean tròcair orm; thoir near⁵ do t'oglach, agus saor mac do bhanoglaich.

17 Thoir dhomh comhara air mhaith, chum gu faic iadsan e aig am bheil fuath dhomh, agus gu'n gabh iad nàire, a chionn, a Thighearna, gu'n do chuidich thusa leam, agus gu'n d'thug thu comh-fhurtachd dhomh.

SALM LXXXVII.

1 *Bunait agus glòir Shìoin.* 4 *Tha a sluagh eadar-dhealaichte o gach sluagh eile.*

Salm no laoidh air son mhac Chorah.

THA: a bhunait anns na beanntaibh naomha.

2 Is ionnmuinn leis an Tighearna geat-acha Shìoin, thar uile ionada-còmhnuidh Iacòib.

3 Innsear nithe glòrmhor ortsa, a chaithir⁶ Dhé. Selah.

4 Cuimnichidh mi Rahab agus Babel dhoibhsan d'an aithne mi: feuch, Pales-tin, agus Tìor, maille ri h-Etiopia; rug-adh am fear so an sin.

5 Ach mu Shìon theirear, Rugadh am fear so agus am fear ud innte, agus daing-nichidh an Ti a's àirde i.

6 Comharaichidh an Tighearna⁷, nuair a sgrìobhas e sìos na fineacha, gu'n d'rugadh am fear so an sud. Selah.

7 Bithidh araon luchd-seinn agus luchd-ciùil an sin: *tha* mo thobair uile annad-sa.

SALM LXXXVIII.

1 *Tha an salmair a' guidhe gu'n tugadh Dia èisdeachd d'a urnuigh, 3 agus a' leigeadh ris da na trioblaidean a thàinig air.*

¹ aonaich, druid mo chridhe riut. ² urram.

³ o ifrinn, o'n uaigh.

⁴ Pìil rium.

⁵ do near.

⁶ a mhòr-bhaile.

Laoidh no salm air son mhac Chorah, d'on àrd fhear-ciùil air Mahalat Leantot, Maschil le Heman an t-Esrahach.

A THIGHEARN, a Dhé mo shlàinte, a là agus a dh'oidhche ghlaodh mi a'd' fhianuis.

2 Thigeadh m'urnuigh a'd' làthair; aom do chluas ri m' ghlaodh:

3 Oir tha m'anam làn truaighe⁸, agus tha mo bheatha dlùth do'n uaigh.

4 Mheasadh mi mar iadsan a théid sìos do'n t-slochd; tha mi mar dhuine gun neart;

5 Saor am measg nam marbh, mar iadsan a mharbhadh, a ta 'nan luidhe san uaigh, air nach' eil cuimhne agad nì's mò; oir o d' làimh⁹ gearradh as iad.

6 Chuir thu mi san t-slochd a's isle ann an dorchadas, anns na doimhneachd-aibh¹⁰.

7 Luidh t'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-eòlais fad uam; rinn thu mi a'm' ghràineileachd dhoibh: druidte suas *tha* mi, agus cha'n urrainn mi teachd a mach.

9 Tha mo shùil a' fàilneachadh¹¹ a bhrìgh m'àmhghair; ghairm mi ort, a Thighearna, gach là; shìn mi mo làmh-an riut.

10 Do na marbhaibh an nochd thu iongantais? an éirich na mairbh, agus am mol iad thu? Selah.

11 An cuirear an céill do chaoimhneas caomh san uaigh? t'fhìrinn ann an sgrios?

12 An aithnìchear t'iongantais anns an dorchadas? agus t'fhìreantachd ann an talamh na dìchuimhne?

13 Ach riutsa, a Thighearna, ghlaodh mise; agus anns a' mhaduinn thig m'urnuigh a'd' làthair.

14 C'ar son, a Thighearn, a thilgeas tu m'anam uait? a dh'fholaicheas tu do ghnùis uam?

15 *Tha* mise air mo chràdh, agus dlùth do'n bhàs, o m'òige; dh'fhuiling mi t'uamhasan, tha mi an imcheist.

16 Dh'imich t'fhearg gheur tharum; chlaoidh t'uamhasan mi.

17 Chaidh iad timchioll orm mar uisge gach là; chuairtich iad mi le chéile.

18 Chuir thu fear mo ghaoil agus mo charaid fad uam: *tha* luchd m'eòlais ann an dorchadas.

SALM LXXXIX.

1 *Mhol an salmair Dia air son a gheallanna tròcaireach do Dhaibhidh.* 5 *Cumhachd agus mòrachd an Tighearna.* 15 *Tre fhìreantachd Dhé bithidh an t-ionracan air àrdachadh; 19 agus dìomaidh an Tighearn e o làimh a naimhdean.*

⁷ Airmhidh an Tighearn. ⁸ do olcaibh. Eabh.

⁹ le d' làimh.

¹⁰ ann an sgàile a' bhàis.

¹¹ ri bròn.

38 *Tha an salmadar a' caoidh gu'n do thilg Dia a shluagh uaith.* 46 *Rinn e urnuigh ri Dia, agus bheannaich se e.*

Maschil¹ le h-Etan an t-Esrahach.

AIR tròcairibh an Tighearna gu bràth seinnidh mi; o linn gu linn foillsichidh mi t'fhirinn le m' bheul:

2 Oir thubhairt mi², Gu bràth togar suas tròcair; anns na nèamhaibh daingnichidh tu t'fhirinn, *ag ràdh*,

3 Rinn mi coimheangal ri m'Aon taghta; mhionnaich mi do Dhaibhidh, m'òglach.

4 Gu bràth daingnichidh mi do shliochd, agus togaidh mi suas do rìgh-chaithir o linn gu linn. Selah.

5 Molaidh na nèamha t'iongantais, a Thighearna; mar an ceudna t'fhirinn ann an coimhthional nan naomh.

6 Oir cò ann am flaitheanas³ a choimhneasar ris an Tighearna; cò ann measg m'haic nan cumhachdach a shamhluichear ris an Tighearn?

7 Is aobhar eagail Dia gu mòr ann an coimhthional nan naomh; agus is còir urram a thubhairt da os an ceann-san uile *a tha* mu'n cuairt da.

8 A Thighearna Dhé nan slògh, cò *a ta* cosmhuil riut? treun *a ta* thu, a Thighearn, agus *tha* t'fhirinn mu'n cuairt duit.

9 Riaghlaidh tusa onfha⁴ na fairge: 'nuair a dh'éireas a tonnan, coisgidh tu iad.

10 Mhìn-phronn thu Rahab, mar dhuine leònta⁵; le gairdean do neirt sgap thu do naimhdean.

11 *Is* leatsa na nèamha, mar an ceudna *is* leat an talamh; shuidhich thusa an cruinne-cé, agus a làn.

12 Cruthaich thusa an àirde tuath, agus an àirde deas; nì Tabor agus Hermon gairdeachas ann ad ainm.

13 Agadsa *tha* gairdean neartmhor: is làidir do lamh, is àrd do dheas làmh.

14 *Is* iad ceartas agus breitheanas àite-tàmh do rìgh-chaithreach; théid tròcair agus firinn roimh do ghnùis.

15 *Is* beannaichte an sluagh d'an aithne an fhuaim aoibhneach: imichidh iad, a Thighearn, ann an solus do ghnùise.

16 Ann ad ainm-sa nì iad gairdeachas air feadh an là; agus ann ad fhìreantachd àrdaichear iad.

17 Oir *is* tusa glòir an neirt; agus ann ad dleadh-ghean àrdaichear⁶ ar n-adharc.

18 Oir *is e* 'n Tighearn ar sgiath⁷, agus Aon naomh Israeil ar Rìgh.

19 An sin labhair thu ann an taisbean⁸ ri d' Aon naomh⁹, agus thubhairt thu,

Chuir mise cuideachadh air aon a ta cumhachdach; dh'àrdaich mi aon taghta as an t-sluagh.

20 Fhuair mi Daibhidh m'òglach; le m'oladh naomh dh'ung mi e:

21 Le'm bi mo làmh gu daingean: mar an ceudna neartaichidh mo ghairdean e.

22 Cha tog an nàmhaid cis dheth¹⁰; agus cha chlaoidh mac an uile e.

23 Agus pronnaidh¹¹ mi a naimhdean roimhe, agus buailidh mi iadsan le'm fuathach e.

24 Agus *bithidh* m' fhirinn agus mo thròcair maille ris; agus ann am ainm-sa àrdaichear 'adharc-san.

25 Agus cuiridh mi a làmh¹² anns an fhaireg, agus a dheas làmh anns na h-aimhnichibh¹³.

26 Gladhaidh e rium, *Is* tu m'athair, mo Dhia, agus carraig mo shlàinte.

27 Mar an ceudna nì mi *mo* cheud-ghin dheth, àrd os ceann rìghrean na talmhainn.

28 Gu bràth gleidhidh mi mo thròcair dha, agus bithidh mo choimheangal seasmhach leis.

29 Agus suidhichidh mi gu bràth a shliochd, agus a rìgh-chaithir mar làithibh nan nèamh.

30 Ma thréigas a chlann mo lagh, agus nach gluais iad ann am breitheanasaibh;

31 Ma mhi-naomhaicheas iad mo reachd-an, agus nach gléidh iad m'àitheantan;

32 An sin fiosraichidh mi le slait an eusaontas, agus le buillibh an euceart.

33 Gidheadh, cha bhuin mi gu tur mo chaoimheas-gràidh uaith, agus cha bhreugaich mi mo ghealladh.

34 Cha bhris mi mo choimheangal; agus an nì a thàinig á m' bhlilibh cha chaochail mi.

35 Aon uair mhionnaich mi air mo naomhachd, nach dean mi breug do Dhaibhidh.

36 Mairidh a shliochd gu bràth, agus a rìgh-chaithir mar a' ghrian a'm làthair.

37 Mar a' ghealach, daingnichear e gu bràth; agus mar fhianuis dhileas ann an nèamh. Selah.

38 Ach thilg thu uait, agus ghabh thu gràin¹⁴; bha fearg ort ri t'Aon ungta.

39 Sgaoil thu coimheangal t'òglach; thruaill thu a choron, *g'a thilgeadh* gu làr.

40 Bhris thu a bhallacha-dionaidh uile; rinn thu a dhaingneacha 'nan sgrios.

41 Creachaidh iadsan uile a ghabhas an t-slighe e: tha e 'na mhasladh d'a choimhearsnaich.

42 Thog thu suas deas làmh a naimhd-eann; rinn thu 'eascairdean uile ait.

¹ Teagasg. ² thu. ³ ams na speuraibh, sna neulaibh. ⁴ anfa, uabhar. ⁵ sùtha trid, oir mharbhadh. ⁶ àrdaichidh tu. ⁷ dìdean. ⁸ sealladh. ⁹ ri d' naomhaibh.

¹⁰ Cha dean an nàmhaid fòireigin air.

¹¹ sgriosaidh.

¹² a neart, a chumhachd,

¹³ sruthaibh.

¹⁴ dhiùlt thu.

43 Mar an cetudna phill thu faobhar a chlàidheimh, agus cha d'thug thu air seasamh anns a' chath.

44 Chuir thu as d'a ghloir¹, agus thilg thu sìos a rìgh-chaitheir gu làr.

45 Ghiorraich thu làithean 'òige²; chòmhaich³ thu e le nàire. Selah.

46 Cia fhad, a Thighearn, a dh'fhol-uicheas tu thu féin gu tur⁴? a loisgeas, mar theine, do chorruih?

47 Cuimhnich cia gearr m'aimsir: c'ar son a chruthaich thu gu dìomhain clann nan daoine uile?

48 Cò e an duine a ta beò, agus nach faic am bàs, no theasairgeas 'anam féin o làimh na h-uaihe? Selah.

49 C'ait an bheil do chaoimhneas-gradh roimhe so, a Thighearn, a mliomnaich thu do Dhaibhidh air t'fhìrinn.

50 Cuimhnich, a Thighearna, masladh do sheirbhiseach; gu'n do ghiùlain mise ann am uchd uile *mhasladh* sluaigh mhòir,

51 Leis an do mhaslaich do naimhdean, a Thighearna; leis an do mhaslaich iad ceumanna t-Aoin ungta.

52 Beannaichte gu robh an Tighearna gu sìorruidh! Amen agus Amen.

SALM XC.

1 Dh'fhoillsich Maois freasdal Dé do chloimh Israeil.

9 Nochd e gu bheil làithean an duine gearr;

13 agus ghuidh e gu'n sàsuicheadh Dia a shluagh le t'hròcair.

Urnigh le Maois, òglach Dé.

A THIGHEARNA, bha thusa a'd' ionad-comhnuidh⁵ dhuinn o linn gu linn.

2 Mun do ghineadh na beanntan, agus mun do dhealbha thu an talamh agus an cruinne-cé, eadhon o bhith-bhuantachd gu bith-bhuantachd is tusa Dia.

3 Tionndaidhidh tu an duine gu sgrios; agus their thu, Pillibh, a chlann nan daoine.

4 Oir a ta mìle bliadhna ann ad sheall-adh-sa, mar an là'n dé 'nuair a théid e seachad, agus mar fhaire anns an oidheche.

5 Dh'fhuaidh thu iad, mar le sruth; mar chodal tha iad: anns a' mhaduinn tha iad mar fheur a dh'fhàsas suas⁶.

6 Air maduinn thig e fuidh bhlàth, agus fàsaidh e suas; air feasgar gearrar sìos e, agus seargaidh e.

7 Oir tha sinn air ar caitheadh le d' fheirg, agus le d' chorruih tha sinn air ar claoidh⁷.

8 Chuir thu ar n-euceartan a'd' flianus, ar *peacanna* dìomhair ann an solus do ghnùise.

9 Oir tha ar làithean air teireachduinn⁸ annad fheirg: chaith sinn ar bliadhnacha mar sgeul a dh'innseadh.

10 Tha làithean ar bliadhnacha 'nan trì fichead bliadhna agus a deich; agus le tuilleadh neirt ma *bhios* ceithir fichead ann, is saothair agus doilgheas an spionnadh⁹; oir gearrar as e gu grad, agus siubhlaidh sinn¹⁰.

11 Cò d'an aithne neart t'fheirge, agus a réir t'eagail do chorruih?

12 Teagaisg dhuinn mar so ar làithean àireamh, chum gu socraich sinn ar cridhe air gliocas.

13 Pill a Thighearna; cia fhad¹¹? agus gabh aithreachas a thaobh do sheirbhiseach.

14 Sàsuich sinn gu moch le d' thròcair, a chum gu dean sinn gairdeachas agus aoibhneas ré ar làithean uile.

15 Dean aoibhneas sinn a réir nan là air an do chràidh thu sinn, nam bliadhna anns am faca sinn olc.

16 Faicear t'obair le d' sheirbhiseich, agus do ghloir le 'n cloinn.

17 Agus biodh maise an Tighearn ar Dé oirnn; agus daingnich thusa obair ar làmh dhuinn¹²; seadh, daingnich obair ar làmh.

SALM XCI.

1 Tèaruinteachd agus sonas nan ionracan fo sgàile an Uile-chumhachdaich.

GABHAIDH esan a tha 'na chòmhnuidh ann an ionad dìomhair an Ti a's àirde, tàmh fo sgàile an Uile-chumhachdaich.

2 Their mi¹³ mur thimchioll an Tighearn, Is e mo thearmunn, agus mo dhaingneach; mo Dhia, anns an cuir mi mo dhoigh.

3 Gu dearbh saoraidh e thu o rib an eunadair, o'n phlàigh mhilltich.

4 Le 'iteagaibh¹⁴ còmhaichidh e thu, agus fuidh a sgiathaibh bithidh t'earbsa: bithidh'fhìrinn 'na sgèith agus 'na targaid dhuit.

5 Cha bhi eagal ort a thaobh an uamhais anns an oidheche, no na saiglide a ruitheas san là;

6 No na plàigh a ghluaiseas an dorchadas, no an sgrios a mhillas mu mheadh-on-là.

7 Tuitidh mìle ri d' thaobh, agus deich mìle air do làimh dheis; ach cha tig e am fagus duit.

8 A mhàin le d' shùilibh seallaidh tu, agus chi thu dìol¹⁵ nan aingidh.

9 A chionn gu'n d'rinn thu an Tighearn

¹ ghloine. ² a òige. ³ dh'fholuich.

⁴ an ann gu bràth? ⁵ a'd' thearmunn.

⁶ a chaochlaidheas. ⁷ fo amhluidh.

⁸ air tionndadh, air gabhail seach.

⁹ a' chuid a's fearr, a' chuid a's mò dhiubh.

¹⁰ teichidh sinn romhainn.

¹¹ Pill, a Thighearna, fa dheoidh.

¹² oirnn.

¹³ Their e.

¹⁴ a' teich.

¹⁵ duais, tuarasdail.

'na thearmunn¹, an Tia's àirde 'na ionad-còmhnuidh dhuit;

10 Cha'n èirich olc air bith dhuit, agus cha tig plàigh am fagus do d'fhàrdùich²:

11 Oir bheir e àithne d'a ainglibh mu d' thimchioll, chum do ghleidheadh ann ad shligheibh uile.

12 'Nan làmhaidh³ togaidh iad suas thu, air eagal gu'm buail thu do chos air cloich.

13 Air an leòmhann⁴ agus an nathair-nimhe saltraidh tu; pronnaidh tu fo d' chois an leòmhann òg agus an dràgon.

14 A chionn gu bheil gràdh aige dhomh, saoraidh mi e; àrdaichidh mi e, a chionn gur aithne dha m'ainm.

15 Gairmidh e orm, agus éisdidh mi ris; bithidh mi maille ris ann an teinn; teasaigridh mi e, agus bheir mi urram dha.

16 Le fad làithean⁵ sàsuichidh mi e, agus nochdaidh mi dha mo shlàinte.

SALM XCII.

1 Dh'earalaich am fàidh Dia a mholadh, 4 air son a bhreitheanais air luchd-deanamh an uile, 10 agus air son a mhaithes do'n iouracan.

Salm no laoidh air son là na sàbaid.

IS maith an ni buidheachas thabhairt do'n Tighearn, agus clù a thabhairt do t'ainm-sa, O Thia's àirde;

2 Do chaoimhneas-gràidh⁶ a chur an céill anns a' mhaduinn, agus t'fhìrinn gach oidhche.

3 Air inneal-ciùil nan deich teud, agus air an t-saltair; air a' chlàrsaich le fuaim fhonnmhoir àird⁷.

4 Oir rinn thu mi aoibhinn, a Thighearna, trid t'òibre-sa; ann an gnìomharaibh do làmh ni mi gairdeachas.

5 Cia mòr do ghnìomhara-sa, a Thighearna! ro dhomhain tha do smuainte.

6 Cha'n eòl do'n aonhlair⁸ e, agus cha tuig an t-amadan so.

7 An uair a chinneas na h-aingidh mar fheur, agus a thig uile luchd-deanamh na h-euceirt fo bhlàth, bithidh⁹ iad air an sgrìos air feasd.

8 Ach a tha thusa ro àrd gu sìorruidh, a Thighearn.

9 Oir feuch, do naimhdean, a Thighearn, oir feuch, do naimhdean, sgrìosar iad: sgapar uile luchd-deanamh na h-euceirt.

10 Ach mar adhare buabhuill¹⁰ àrdaichidh tu m'adharc-sa: ungar mi le h-oladh ùir.

11 Agus anhaircidh mo shuil air m'eas-

cairidh¹¹; mu na droch dhaoineibh a dh'èreas suas a'm' aghaidh cluinidh mo chluasan.

12 Mar chrann-pailme, thig am firean fo bhlàth¹²; mar sheudair air Lebanon, fàsaidh e suas.

13 Iadsan a shuidhichear ann an tigh an Tighearn, ann an cuirtibh ar Dé-ne thig iad fo bhlàth:

14 Fathast 'nan sean aois bhicir iad a mach toradh; sultmhor¹³ agus ur¹⁴ bithidh iad.

15 A chum gu nochd iad gu bheil an Tighearna, mo charraig, cothromach, agus nach 'eil euceart ann.

SALM XCIII.

Mòralachd agus naomhachd oighreachd Chrìosd.

THA'N Tighearn a' rioghachadh, tha e air a sgeadachadh le mòralachd; tha'n Tighearn air a sgeadachadh le neart, agus chrìoslaich se e féin: tha'n saoghal mar an ceudna air a dhaingneachadh, chum nach gluaisear e.

2 Dhaingnicheadh do rìgh-chaithir o chian: o shìorruidheachd tha thusa.

3 Thog na tuitte suas, a Thighearna, thog na tuitte suas an guth: togaidh na tuitte suas an tonna.

4 Os ceann toirme¹⁵ uisgeacha lìonmhor, os ceann thonn neartmhor na mara, is neartmhor¹⁶ anns na h-àrdaibh¹⁷ an Tigh-earna.

5 Tha do theisteis¹⁸ ro fhìor: do d' thigh-sa is iomchuidh naomhachd, a Thighearna, gu bràth.

SALM XCIV.

1 Dh'asluich Daibhidh air Dia gu'n òcadh e luigheachd do na h-uabhrich. 8 Nochd e freasdal Dé, agus beannachadh an duine a smachdaichear leis. 16 Tha Dia 'na fhear-cuideachaidh do'n fhìrean.

ADHE an dioghaltais¹⁹, a Thighearna Dhé an dioghaltais, dealraich a mach.

2 Àrdaich thu fein, a Bhreitheimh na talmhainn; òc luigheachd²⁰ do na h-uabhrich.

3 Cia fhad a ni na h-aingidh, a Thighearna, cia fhad a ni na h-aingidh caithream?

4 Cia fhad a brùchdas iad briathran, a labhras iad nithe cruaidhe? a bhios uile luchd-deanamh an uile ri ràiteachas?

5 A bhruthas iad do shluagh, a Thighearna, agus a chlaoidheas iad t'òighreachd?

6 A mharbhas iad a' bhantrach agus an

¹ neach a's e mo thearmunn. ² do d' phàillinn.

³ Air an làmhaidh. ⁴ sachal. Eabh.

⁵ Le sanghal fada. ⁶ do thròcair.

⁷ Higaion. Eabh.

⁸ do'n àmaidh, do'n duine bhrùideil.

⁹ is ann a chum gu'm bi.

¹⁰ aon-adharcaich, sròin-adharcaich.

¹¹ air crìoch m'eascairdean.

¹² bithidh piseach air, soirbhichidh leis an fhìrean.

¹³ brìoghmhor, sìghmhor. ¹⁴ uaine.

¹⁵ ghuth.

¹⁶ mòralach, uamhasach.

¹⁷ anns an ionad àrd.

¹⁸ t'fhiannuiscan,

¹⁹ d'am buin dioghallas.

²⁰ tuaigheachd, duais.

coigreach, agus a mhortas iad na dill-eachdain?

7 Agus a their iad, Cha'n fhaic an Tighearn, agus cha toir Dia Iacoib fa' near e.

8 Tuigibh, sibhse amhlairan¹ am measg an t-sluaigh; agus amadana, c'uin a bhios sibh glic?

9 An ti a shuidhich a' chluas, nach cluinn e? an ti a dhealbh an t-sùil, nach faic e?

10 An ti a smachdaicheas na fineacha², nach cronaich e? an ti a theagaisgeas eòlas do'n duine, nach 'eil eòlas aige?

11 Is fiosrach an Tighearn air smuaintibh dhaoine, gur diomhanas iad.

12 Is beannaichte an duine a smachdaicheas tusa, a Tighearn, agus a theagaisgeas tu as do lagh:

13 Chum fois a thabhairt do o làithibh an uile³, gus an cladhaichear slochd do'n aingidh.

14 Oir cha tìlg Dia dheth a shluagh, agus cha tréig e 'oighreachd féin;

15 Ach pillidh breitheanas ri ceartas; agus leanaidh iadsan uile a tha ionraic⁴ 'nan cridhe e.

16 Cò dh'éireas leam an aghaidh luchd-deanamh an uile? cò sheasas air mo shon an aghaidh luchd-deanamh na h-aingidheachd?

17 Mur biodh an Tighearna 'gam chuid-eachadh, is beag nach robh m'anam 'na thàmh gu tosdach⁵?

18 'Nuair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhoireachd mo smuainte an taobh a stigh dhìom, thug do chomh-fhurtachd-sa sòlas do m'anam.

20 Am bi comunn riutsa aig rìgh-chaithir na h-euceirt, a dhealbhas aimhleas le reachd?

21 Cruinnichidh iad le chéile an aghaidh anama an fhùirein, agus ditidh iad fuil neòchiontach.

22 Ach is e'n Tighearna mo dhaingneach; agus is e mo Dhia carraig mo dhòchais⁶.

23 Agus dìolaidh e orra féin an euceart, agus 'nan aingidheachd féin gearraidh e as iad; gearraidh an Tighearn ar Dia as iad.

SALM XCV.

1 Earail gu Dia a mholadh air son a mhòrachd,
6 agus air son a mhaithéis.

O THIGIBH, seinneamaid do'n Tighearna; togamaid iolach do charraig ar slàinte.

2 Thigeamaid 'na fhianuis le buidh-

eachas, agus le salmaibh togamaid ceòl dha gu suilbhreach:

3 Oir is Dia mòr an Tighearn, agus is Rìgh mòr e os ceann nan uile dhée.

4 'Na làimh-san tha doimhneachda na talmhainn; agus is leis àirde⁷ nam beann.

5 Is leis an fhaire, oir is e a rinn i; agus dhealbh a làmh an talamh tioram.

6 O thigibh, sleuchdamaid, agus cromamaid sìos; tuiteamaid air ar glùinibh am fianuis an Tighearn a rinn sinn:

7 Oir is esan ar Dia, agus is sinne sluagh 'ionaltraidh-san, agus caoraich a làimhe.

8 An diugh ma' dh'éisdeas sibh r'a ghuth, na cruaidhichibh bhur cridhe, mar anns a' chonsachadh⁸, mar ann an là a' bhuairidh⁹, anns an fhàsach;

9 'Nuair a bhuair bhur n-aithriche mi, a dhearbh iad mi, agus a chunnaic iad m'òibre rè dhà fhichead bliadhna¹⁰.

10 Chuireadh campar orm leis a' ghinealach ud, agus thubhairt mi, Is sluagh seacharanach 'nan cridhe iad, agus cha'n aithne dhoibh mo shlighean:

11 D'an d'thug mi mo mhionnan a'm' fheirg, nach rachadh iad a steach a'm' fhois.

SALM XCVI.

1 Earail gu glòir Dhé a chur an céill, 10 agus gu gairdeachas a dheanamh a chionn gu bheil e a' rìoghachadh os ceann an domhain.

CANAIBH do'n Tighearn laoidh¹¹ nuadh; canaibh do'n Tighearn, a thìrean uile.

2 Canaibh do'n Tighearna, beannaichibh 'ainm; foillsichibh o là gu là a shlàinte.

3 Cuiribh an céill am measg nan cinn-each a ghlòir, am measg gach sluaigh 'iongantais-san.

4 Oir is mòr an Tighearn, agus is ro airidh e air cliù: is aobhar eagail esan os ceann nan uile dhée:

5 Oir is ìodhoil¹² uile dhée nan cinneach: ach is e'n Tighearn a rinn na nèamhan.

6 Tha urram agus mòralachd 'na fhianuis; neart agus maise 'na ionad naomh.

7 Thugaibh do'n Tighearna, sibhse fhineacha nan sluagh; thugaibh do'n Tighearna glòir¹³ agus neart.

8 Thugaibh do'n Tighearn a' ghlòir a's cubhaidh d'a ainm: thugaibh tabhartas leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; biodh eagail oirbh 'na fhianuis, gach uile thir.

10 Abraibh am measg nan cinneach,

¹ a dhaoine baoghalta, brùideil.

² cinnich.

³ àmhghair.

⁴ àireach.

⁵ san uaigh.

⁶ mo charraig dhònaidh.

⁷ ncart.

⁸ chomh-stri; Meribah. Eabh.

⁹ Masah. Eabh.

¹⁰ Faic Eabh. Caib. III. r. 9.

¹¹ òran.

¹² dealbha faoin.

¹³ urram.

Tha'n Tighearn a' rìoghachadh: mar an ceudna daingnichear an domhan, chum nach gluaisear e: bheir e breth air na slòigh le ceartas.

11 Biodh na nèamhan aoibhneach, agus deanadh an talamh gairdeachas; beucadh an fhairge, agus a làn.

12 Biodh a' mhachair ait, agus gach ni a ta innte; an sin deanadh uile chranna na coille luathghaire.

13 An làthair an Tighearn; oir tha e a' teachd, oir tha e a' teachd a thoirt breth air an talamh: bheir e breth air an t-saoghal le ceartas, agus air na slòigh le fhìrinn

SALM XCVII.

1 Mòralachd rìoghachd Dhé. 8 Rinn Sion gairdeachas air son bhreitheanas an Tighearna. 10 Gleidhidh Dia anaman a naomh.

THA'N Tighearn a' rìoghachadh; biodh aiteas air an talamh: deanadh na h-eileana lìonmhor gairdeachas.

2 Tha neoil agus dorchadas m'a thimchioll: is iad ceartas agus breitheanas àite-còmhnuidh a rìgh chaitheach.

3 Thèid teine roimhe, agus loisgidh e suas a naimhdean air gach taobh¹.

4 Shòillsich a dhealanaich an cruinne-cé; chunnaic, agus chrìochnaich an talamh.

5 Leagh na beanntan as mar chéir o làthair an Tighearna o làthair Thighearna na talmhainn uile.

6 Cuiridh na nèamhan an céill a cheartas, agus chi gach sluagh a ghlòir.

7 Bithidh² amhladh orra-san uile a ni seirbhis do dhealbhaibh snaidhte, a ni uail à h-ìodholaibh: sleuchdaibh dha, a dhée uile.

8 Chuala Sion, agus bhà aoibhneas oirre; agus rinn nigheana Iudah gairdeachas air son do bhreitheanas, a Thighearn.

9 Oir a ta thusa, a Thighearn, àrd os ceann na talmhainn uile; tha thu air t'àrdachadh gu mòr os ceann nan uile dhée.

10 Sìbhs a ghràdhaicheas an Tighearna, fuathaichibh olc: gleidhidh e anaman a naomh; á laimh nan aingidh saoraidh e iad.

11 Dh'éirich³ solus do'n fhìrean, agus aoibhneas dhoibhsan a tha ionraic 'nan cridhe.

12 Biodh aoibhneas⁴ oirbh, fhìreana, anns an Tighearn; agus thugaibh buidheachas ri cuimhneachadh air a naomhachd.

SALM XCVIII.

1 Chuir an salmàdar an céill slàinte Dhé d'a phoball Israel. Thug e earail do'n t-sluagh buidheachas a thabhairt do Dhia.

Salm.

O SEINNIBH do'n Tighearna laoidh⁵ nuadh, oir rinn e nithe iongantach: dh'oibrich a dheas làmh agus a ghairdean naomh slàinte dha⁶.

2 Thaisbein an Tighearn a shlàinte; an sealladh nan cinneach dh'fhoillsich e fhìreantachd.

3 Chuimhnich e a thròcair agus fhìrinn do theaghlach Israeil; chunnaic uile chrìocha na talmhainn slàinte ar Dé.

4 Togaibh iolach ait do'n Tighearn, a thìrean uile⁷: togaibh bhuir guth, deanaibh gairdeachas, agus seinnibh clùì.

5 Seinnibh do'n Tighearn le clàrsaich; le clàrsaich agus guth sailme.

6 Le trompaidibh agus guth na h-adhair⁸, togaibh iolach ait an làthair an Rìgh Iehobhah.

7 Beucadh an fhairge agus a làn, an saoghal agus iadsan tha 'nan còmhnuidh ann.

8 Buailadh na tuiltean am bosan; cuid-eachd deanadh na beannta luathghaire

9 An làthair an Tighearn; oir tha e a' teachd a thabhairt breth air an talamh: bheir e breth air an t-saoghal an fireantachd, agus air na slòigh an ceartas.

SALM XCIX.

1 Tha am fàidh a nochdadh gu bheil Dia 'na rìgh os ceann na talmhainn, 5 agus gur còir sleuchdach aig stòl a chos.

THA'N Tighearn a' rìoghachadh; chrìochnaicheadh na slòigh: the e 'na shuidhe eadar cheruban: biodh crith air an talamh.

2 Tha'n Tighearna mòr ann an Sion, agus tha e àrd os ceann gach sluagh.

3 Moladh iad t'ainm mòr agus uamhasach: is naomh e.

4 Agus is toigh leis an Rìgh chumhachdach⁹ breitheanas: is tu a shoerùicheas a' chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: is naomh esan.

6 Bha Maois agus Aaron am measg a shagart, agus Samuel 'nam measg-san a ghairm air 'ainm: ghairm iadsan air an Tighearn, agus fhreagair esan iad.

7 Am baideal¹⁰ neoil labhair e riu: ghléidh iad a theisteis, agus an reachd a thug e dhoibh.

8 A Thighearn ar Dia, fhreagair thusa

buidh a mach dha. Faic Isaiah, Caib. LXIII. r. 5.

⁷ uile luchd-àiteachaidh na talmhainn.

⁸ a' bhuabhuill, na gall-truimp; cornet. Sasg.

⁹ le neart an Rìgh. Eabh. ¹⁰ stac, meall, uairne.

¹ mu'n cuairt.

² Biodh.

³ Chuircadh, Shìol-chuireadh.

⁴ aiteas, gairdeachas.

⁵ òran.

⁶ thug a dheas-làmh agus a ghairdean naomh

iad: is tu an Dia a thug maitheanas dhoibh, ged rinn thu dioghaltas air son an gnìomhara¹.

9 Ardaichibh an Tighearn ar Dia, agus sleuchdaibh aig a shliabh naomh: oir is naomh an Tighearn ar Dia.

SALM C.

1 Earail gu seirbhis a dheanamh do Dhia mar ar cruithfhear agus ar fear-saoraidh, ² agus gu clù a thabhairt da air son a mhaithis, a thròcair agus 'flirinn.

Salm molaidh.

TOGAIBH iolach ait do'n Tighearn, a threan uile.

2 Deanaibh seirbhis do'n Tighearna le h-aobhneas, thigibh 'na fhianuis le luathghaire².

3 Biodh fios agaibh gur e'n Tighearn a's Dia ann: is e a rinn sinn, agus cha sinn féin; is sinn a shluagh, agus caor-aich 'ionaltraidh-san.

4 Thigibh a steach 'na gheataibh le buidheachas, 'na chùirtibh le moladh; thugaibh buidheachas dha, beannaichibh 'ainm.

5 Oir tha'n Tighearna maith; mairidh a thròcair gu bràth, agus 'fhìrinn o linn gu linn.

SALM CI.

1 Chuir Daibhidh roimhe gu'n gluaiseadh e ann an ionracas a chridhe, ⁵ agus gu'n gearradh e as luchd-deanamh an uile.

Salm le Daibhidh.

MU thròcair agus breitheanas canaidh mi: dhuitse, a Thighearna, seinnidh mi.

2 Iomchairidh mi mi fein gu glic air slighe ionraic³; O c'uin a thig thu a m' ionnsuidh⁴? gluaisidh mi ann an ionracas mo chridhe am meadhon mo thighe.

3 Cha chuir mi ni ole sam bith fa chomhair mo shùl: is fuathach leam obair luchd eusaontais; cha lean i rium.

4 Triallaidh cridhe iargalt⁵ uam; air an daoibh⁶ cha chuir mi eòlas.

5 An ti gu dìomhair a bheir beum d'a choinchearnach, esan gearraidh mi as; an ti aig am bheil sealladh àrd, agus cridhe uaibhreach, esan cha'n fhuiling mi.

6 Bithidh mo shùlean air fireanaibh na tìre, chun gu gabh iad còmhnuidh leam: esan a ghluaisis ann an slighe ionraic, ni e seirbhis dhomh.

7 Cha ghabh fear-deanamh ceilge còmhnuidh ann am thigh; cha'n fhuirich fear-labhairt bhreug fa chomhair mo shùl.

¹ an innleachda.

² le fonn ait.

³ fhoirfe, iomlain.
^{m'} ionnsuidh.

⁴ 'nuair a thig thu a

⁵ reasgach, ana-mèineach.

⁶ an droch dhuine.

⁷ o mhòr-bhaile an Tigh-

8 Gu moch gearraidh mi as uile dhroch dhaoine na tìre; chum gu sgath mi as o chaithir an Tighearn⁷ uile luchd-deanamh an uile.

SALM CII.

1 Thaom am fàidh a ghearan an làthair Dhé.
12 Chuimhnich e air thròcair an Tighearn d'a shluagh, agus ghlac e misneach. 23 Tha Dia neo-chaocluidheach 'na bhith.

Urnuigh air son duine thruaigh 'nuair a bhios e air a shàruchadh, agus a thaomas e a ghearan an làthair an Tighearn.

A THIGHEARN, éisd ri m'urnuigh, agus thigeadh mo ghlaodh a d'ionnsuidh.

2 Na soluich do ghnùis uam ann an là mo theinn: aom do chluas rium san là air an gairm mi ort; éisd rium gu grad.

3 Oir tha mo làithean air teireachdainn mar dheataich, agus tha mo cnàmhan air an losgadh mar theinntein⁸.

4 Tha mo chridhe air a bhualadh, agus air seargadh mar fheur; air chor as nach cuimhne leam m'aran itheadh.

5 Le guth m'osnaich, lean mo cnàmhan ri m'fheoil⁹.

6 Tha mi cosmhuil ri pelican an fhàs-aich; tha mi mar chomhachaig¹⁰ nan ionad aonararach.

7 Tha mi ri faire, agus tha mi mar eun¹¹ 'na aonar air mullach tighe.

8 Air feadh an là tha mo naimhde gam' mhasluchadh; agus iadsan a tha air bhoile rium, mhionnaich iad a'm' aghaidh¹².

9 Oir dh'ith mi luath mar aran, agus mheag ni mo dheoch le m'dheuraibh¹³.

10 Trid do chorruch agus t'fheirge; oir thog thu mi suas, agus leag thu mi sìos.

11 Tha mo làithean, mar sgàile, ag aomadh sìos; agus tha mi féin, mar fheur, air seargadh.

12 Ach mairidh tusa, a Thighearna, gu bràth, agus do chuimhne o linn gu linn.

13 Eiridh tusa, ni thu thròcair air Sion; oir tha'n t-àm gu deadh-ghean¹⁴ a nochdadh dhi, seadh, an t-àm suidhichte air teachd.

14 Oir tha do sheirbhisich a' gabhail tlachd 'na clachaibh, agus tha deadh rùn aca d'a luathre.

15 Mar sin bithidh eagal air na cinnich roimh ainm an Tighearn, agus air uile righribh na talmhainn roimh a¹⁵ ghlòir.

16 An uair a thogas an Tighearna suas Sion, chithear e 'na ghlòir.

17 Bheir e 'n aire do urnuigh nan diob-

earna.

⁸ theallach.

⁹ ri m' chraicinn.

¹⁰ chaillich-oidhche.

¹¹ gheallbhonn.

¹² orm.

¹³ le gul.

¹⁴ gràs, truacantas.

¹⁵ do.

arach¹, agus cha dean e tàir air an ath-chuinge.

18 Sgrìobhar so do'n àl ri teachd; agus molaidd an sluagh a ghinear² an Tighearn.

19 Oir dh'amhaire e nuas o àirde a naomhachd³ féin; o na nèamhaibh sheall an Tighearn air an talamh.

20 A chluinntinn osnaich a' phrìosan-aich⁴, chum fuasgladh orra-san a dh'ord-uicheadh chum bàis⁵;

21 Chum ainm an Tighearna chur an cèill ann an Sion, agus a chliù ann an Ierusalem;

22 An uair a chruinnichear na slòigh le chéile, agus na rìoghachda, gu seirbhis a dheanamh do'n Tighearna.

23 Chlaoidh e anns an t-slighe mo neart; ghiorraich e mo làithean.

24 Thubhairt mi, Mo Dhia, ua tabhair air falbh mi ann am meadhan mo làithean: *tha* do bhliadhnan-sa air feadh nan uile linn.

25 O chian⁶ leag thu bunaite ua talmhainn; agus is iad na nèamhan obair do làmh.

26 Théid as doibhsan⁷, ach mairidh tusa: fàsaidh iadsan uile sean mar eudach; mar thrusgan caochlaidh tu iad, agus bithidh iad air an caochladh⁸.

27 Ach is tusa an Ti ceudna, agus cha chrìochnaichear do bhliadhnan.

28 Mairidh clann do sheirbhisich, agus daingnichear an sliochd a'd⁹ fhianuis.

SALM CIII.

1 *Earail gu cliù a thoirt do Dhia do bhrìgh gu bheil a mhaithreas mòr, 15 agus a thròcair o shìorruidh-eachd orra-san d'an eagal e.*

Salm le Daibhidh.

BEANNAICH an Tighearn, O m'an-am; agus *moladh* gach ni a ta'n taobh a stigh dhomh, 'ainm naomh-san.

2 Beannaich an Tighearn, O m'anam; agus na dìcluimhnich a thiodhlacan uile.

3 'Se mhaithreas dhuit do pheacanna gu léir, a shlànucias t'euslaintean⁹ uile;

4 A shaoras do bheatha o sgrios¹⁰, a chrùnas thu le caoimhneas-gràidh agus caomh-thròcairibh.

5 A shàsuicheas do bheul le nithibh maithes, air chor as gu'n ath-nuadhaichear t'òige, mar òige na h-iolaire.

6 Ni an Tighearna ceartas agus breith-eanas dhoibhsan uile a tha air an sàruchadh¹¹.

7 Dh'fhoillsich e a shlighean do Mhaois, a ghnòmhara do chloinn Israeil.

8 Is thròcaireach agus is gràs-mhor an

Tighearn, mall chum feirge, agus pailt ann an caoimhneas-gràidh¹².

9 Cha chronaich e gu sìorruidh, agus cha ghléidh e 'fhearg gu bràth.

10 A réir ar peacanna cha d'rinn e oirnn, agus a réir ar n-eucearta cha d'thug e luigheachd dhuinn.

11 Oir mar a ta na nèamhan àrd¹³ os ceann na talmhainn, *mar sin* a ta a thròcair¹⁴ mòr d'an taobh-san d'an eagal e.

12 Co fhad as a ta 'n àird an ear o'n àird an iar, co fhad as a sin chuir e uaim ar n-eusaontais.

13 Mar a ghabhas athair truas d'a chloinn, gabhaidh an Tighearna truas dhoibhsan d'an eagal e.

14 Oir is aithne dha ar dealbh; is cuimhne leis gur duslach sinn.

15 An duine, mar fheur *tha* a làithean; mar bhlàth ua macharach, mar sin fàsaidh e fo bhlàth.

16 Oir gabhaidh a' ghaoth thairis, agus cha *bhi* e ann; agus cha'n aithnich 'ionad féin e ni's mò.

17 Ach *a ta* thròcair an Tighearn o shìorruidheachd orra-san d'an eagal e, agus 'fhreantachd do chloinn an cloinne;

18 Dhoibhsan a chumas a choimhcheangal, agus a chuimhnichas 'aith-eanta, chum an deanamh.

19 Shocruidh an Tighearn a rìgh-chaitheir anns na nèamhaibh; agus tha a rìoghachd a' riaghladh os ceann nan uile.

20 Beannaichibh an Tighearn, sibhse 'aingle, treun an neart, a' deanamh 'iarr-tuis, ag éisdeachd ri fuaim 'fhocail¹⁵.

21 Beannaichibh an Tighearn, a shlòigh uile, sibhse a luchd-frithealaidh a ni a thoil.

22 Beannaichibh an Tighearn, 'oibre uile, anns gach àit d'a thighearnas: beannaich an Tighearn, O m'anam!

SALM CIV.

1 *Mòralachd, cumhachd, agus freasdal Dé. 31 Mairidh glòir an Tighearna gu bràth. 33 Gheall am fàidh gu'n canadh e moladh do Dhia an cian a bha e beò.*

BEANNAICH an Tighearn, O m'an-am! A Thighearna mo Dhia, tha thusa ro mhòr; le h-urram agus mòralachd¹⁶ tha thu air do sgeadachadh.

2 *Tha* thu a' cur soluis umad mar thrusgan, a' sìncadh a mach nan nèamh mar chùirtein.

3 Tha e a' leagadh sailean a sheòmar anns na h-uisgeachaibh, a' deanamh nan neul 'nan carbad dha féin, a' siubhal air sgiathaibh na gaoithe;

¹ nan daoine bochd, lom.

² a chruthaichear.

³ ionaid naomh.

⁴ osnaidh a' chiomaich.

⁵ air clann a' bhàis.

⁶ An toiseach, air tùs.

⁷ Teirgidh iadsan.

⁸ air am mùthadh air an

a' harrachadh.

⁹ eucailean.

¹⁰ o'n t-slochd. Eabh.

¹¹ fo fhlòirneart.

¹² thròcair.

¹³ a réir àirde nan nèamh.

¹⁴ a ghràs, a chaoimhneas gràdhach.

¹⁵ guth 'fhocail.

¹⁶ glòir.

4 A' deanamh 'aingle 'nan spioradaibh, a luchd-frithealaiddh 'nanteine lasarach¹.

5 Shuidhich e an talamh air a bhunaitibh, chum nach gluaisteadh e gu bràth.

6 Leis an doimhneachd, mar le trusgan, chòmladaich² thu e: sheas na h-uisgeacha os ceann nam beann.

7 O t'achmhasan-sa theich iad, o ghuth do thairneanaich ghreas iad ronpa.

8 Chaidh iad suas ri taobh nam beann; chaidh iad sìos air feadh nan gleann do'n àit a dh'orduich thusa dhoibh.

9 Shuidhich thu crìoch air nach tèid iad thairis; chum nach pill iad a ris a chòmh-dachadh³ na talmhainn.

10 Tha e a' cur thobar anns na gleanntaibh, a tha a' ruith air feadh nam beann.

11 Bheir iad deoch do uile bheathaichibh na macharach: coisgidh na h-asail fhiadhaich an iotadh⁴.

12 Am fagus doibh còmhnuichidh eunlaith nan speur, a bhios a' seinn am measg nan geug.

13 Uisgichidh e na beanntan o' sheòmraichibh: le toradh a' ghnìomh sasuichear an talamh.

14 Bheir e air fear fàs do'n spréidh, agus air luibh chum seirbhis⁵ an duine, chum aran a thabhairt as an talamh,

15 Agus fion a ni cridhe an duine subhach, oladh a ni a ghnùis dealrach, agus aran a neartaicheas cridhe an duine.

16 Tha craobhan an Tighearna làn brìge, seudair Lebanoin a shuidhich e:

17 Far an dean na h-eoin an nid; aig an stòr⁷ tha na craobhan giuthais⁸ mar ionad-tàimh.

18 Tha na beanntan àrda 'nan tearmunn do na gabhair fhiadhaich; na creagan do na coineanaibh⁹.

19 Rinn e a' ghealach air son aimsirean; is aithne do'n ghréin mar a luidheas i.

20 Ni thu dorchadas, agus tha'n oidhche ann: an sin snàigidh uile bheathaiche na coille mach.

21 Beucaidh na leòmhain òga air son cobhartaich, agus ag iarraidh am bidh air Dia.

22 Eiridh a' ghrian, cruinnichidh iad le chèile, agus 'nan àitibh-tàimh luidhidh iad.

23 Thèid an duine mach gu 'obair, agus gu 'shaothair gu feasgar.

24 Cia lìomhor t'òibre, a Thighearn! ann an gliocas rinn thu iad gu léir: tha'n talamh làn le d' shaoibhreas:

25 Mar an ceudna an cuan so a ta mòr

agus farsuinn, anns am bheil creutairean snàigeach¹³ gun àireamh, araon beathaichean beaga agus mòra.

26 An sin siubhlaidh na longan; agus an Lebhatian sin, a dhealbh thu gu sùgradh ann.

27 Feithidh iad sin uile ortsas, chum gu'n tabhair thu dhoibh am biadh 'na thràth.

28 Bheir thusa dhoibh, cruinnichidh iad-san; fosgailidh tu do làmh, sàsuichear iad le maith.

29 Foluichidh tu do ghnùis, bithidh iad fo amhladh; bheir thu uatha an deò, eugaidh iad, agus pillidh iad ri'n ùir¹¹.

30 Cuiridh tu mach do spiorad, cruthaichear iad; agus ath-nuadhaichidh tu aghaidh na talmhainn.

31 Mairidh glòir an Tighearna gu bràth; ni an Tighearna gairdeachas 'na oibribh.

32 Seallaidh e air an talamh, agus crìothnaichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearn an cian is beò mi; canaidh mi moladh do m' Dhia fhad's a bhios bith agam.

34 Bithidh mo smuaintean air milis¹²; ni mi gairdeachas anns an Tighearna.

35 Sgriosar peacaich a mach as an talamh, agus cha bhi¹³ na h-aingidh ann ni's mò. Beannaich an Tighearn, O m'an-am. Molaibhse an Tighearn.

SALM CV.

1 Is còir buidheachas a thabhairt do Dhia, agus a ghnùis iarraidh a ghnàth. 8 Nochd an salmadar freasdal Dé do Abraham; 16 do Ioseph: 23 agus do Israel san Eiphit, &c.

THUGAIBH buidheachas¹⁴ do'n Tighearna; gairmibh air 'ainm; foillsichibh¹⁵ am measg nan sluagh a ghnìomh-ara.

2 Seinnibh dha; seinnibh sailm dha; labhraibh air 'oibribh iongantach-san gu léir.

3 Deanaibh uaill á 'ainm naomh-san: biodh gairdeachas air cridhe na droinge a dh'iarrais an Tighearn.

4 Iarraibh an Tighearn agus a neart; iarraibh a ghnùis a ghnàth.

5 Cuimhnichibh 'oibrean iongantach a rinn e; a chomharan¹⁶ agus breitheanais a bheil,

6 O sibhse a shliochd Abrahaim 'òg-laich-san, sibhse a chlann Iacoib a dhaoine taghta-san.

7 Is esan an Tighearn ar Dia-ne; air

¹ A' deanamh a theachdairean do na gaothaibh, a luchd-frithealaiddh do'n teine lasarach.

² dh'fholuich. ³ a dh'fholach.

⁴ an tart, am pàthadh. ⁵ do. ⁶ feuma.

⁷ a' chorra-bhàin. ⁸ giuthais.

⁹ sapah. Eabh.

¹⁰ snàigheach, gluasdach.

¹¹ duslach, luaithe.

¹² mo smuaintean taitneach dha.

¹³ na biodh.

¹⁴ moladh, cliù.

¹⁵ deanaibh aithnichte. ¹⁶ iongantasan.

feadh na talmhainn uile *tha* a bhreith-eanaibh.

8 Chuimhnich e gu siorruidh a choimhcheangal, am focal *a* dh'orduich e do mhìle ginealach;

9 A rinn e ri h-Abraham, agus a mhionn-an do Isaac:

10 Agus dhaingnich e sin do Iacob mar reachd¹, do Israel mar choimhcheangal bith-bhuan;

11 Ag ràdh, Dhuìt-se bheir mi fearann Chanaain, crannchur bhur n-oighreachd.

12 An uair nach robh iad ach ro thearc an àireamh, agus 'nan coigrich ann;

13 Agus a chaidh iad o chinneach gu cinneach, o rìoghachd gu sluagh eile;

14 Cha do leig e le duine sam bith eucoir a dheanamh orra, agus smachdaich e rìghrean air an son;

15 Ag ràdh, Na beanaibh ri m' dhaoibh uingta, agus air m'fhàidhibh na dean-aibh cron.

16 Agus ghairm e gorta air an tìr; bhris e uile lorg an arain.

17 Chuir e duine rompa, Ioseph, a reic-eadh mar thràill.

18 Le geimhlibh dhochainn iad a chosan; chuireadh an iarum e gu teann;

19 Gu ruig an t-àm anns an d'thàinig a bhriathar: dhearbha focal an Tighearn e.

20 Chuir an rìgh *teachdair* uaith, agus dh'fhuasgaile air; uachdaranant-sluaigh, agus leig e saor as e.

21 Rinn se e 'na thighearn air a thigh, agus 'na uachdaran os ceann a mhaoin uile:

22 Chum gu'n ceangladh e 'àrd-cheannardan a réir a thoile, agus gu'n deanadh e a sheanaircan glic.

23 Agus thàinig Israel do'n Eiphit, agus bha Iacob air chuairt ann an tìr Cham².

24 Agus thug e air a shluagh fàs ro lìonmhor, agus rinn e ni bu treise iad na'n naimhdean.

25 Dh'iompaich e an cridhe gu fuath a thoirt d'a shluagh, agus gu buntainn gu cealgach r'a sheirbhisich.

26 Chuir e d'an ionnsuidh Maois 'òg-lach féin, Aaron a thigh e.

27 Nochd iad a chomharan 'nam measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann³; agus cha d'rinn iad ceannairc an aghaidh 'fhocail.

29 Thionndaidh e an uisgeacha gu fuil, agus mharbh e an iasg.

30 Thug an tìr a niach losgainn⁴ gu pailt, ann an scòmraichibh an rìghrean.

31 Labhair e⁵, agus thàinig iomadh gnè chuileag⁶, agus mialan 'nan crìoch-aibh uile.

32 Air son an uisge thug e dhoibh clach-mheallain⁷, agus teine lasarach⁸ 'nan tìr.

33 Agus bhuail e an croinn-fhìona agus an croinn-fhùge; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh 'nan tìr; agus dh'ith iad meas⁹ am fearainn.

36 Agus bhuail e gach ceud-ghlìn 'nan tìr, toiseach an neirt uile.

37 Agus thug e mach iad le h-airgiod agus le h-òr: agus 'nan treubhaibh uile cha robh aon neach lag.

38 Bha aoibhneas air an Eiphit an uair a chaidh iad a mach; oir thuit an eagalsan orra.

39 Sgaol e neul mar chòmhdach¹⁰, agus teine gu solus a thoirt san oidliche.

40 Dh'iarr iad, agus thug e dhoibh gearra-goirt; agus le h-aran nèimh shàs uich e iad.

41 Dh'fhosgail e a' chreag, agus bhrùchd uisgeacha mach; ruith iad air na h-ionadaibh tioram mar amhainn.

42 Oir chuimhnich e a ghealladh naomh do Abraham a sheirbhiseach.

43 Agus thug e mach a shluagh le h-aoibhneas, a dhaoine taghta le gairdeachas.

44 Agus thug e dhoibh fearann nan cinneach; agus shealbhaich iad saothair nan sluagh;

45 Chum gu tugadh iad fa'near a reachdan, agus gu gleidheadh iad a lagh-anna. Molaibh an Tighearna.

SALM CVI.

1 Chomhairlich an salmadar do'n t-sluagh Dia a mholadh air son a mhaithais. 4 Ghuidh e gu'n cuimhnicheadh Dia orra le a dleadh-ghean. 6 Chuir e an céill ceannairc Israeil; 47 agus chrìochnaich e le urnuigh.

MOLAIBH an Tighearn. O thug-aibh buidheachas do'n Tighearn, oir *tha* c maith, oir gu bràth *mairidh* a thròair.

2 Cò is urrainn gnìomhara treuna an Tighearn a chur an céill? cò is urrainn a chlà nìle fhoillseachadh?

3 Is beannaichte iadsan a choimhid-eas¹¹ breitheanas, a ni ceartas anns gach àm.

4 Cuimhnich oirm¹², a Thighearna, leis an deadh-ghean a nochdas tu do d' shluagh féin: O fiosraich¹³ sinn le d' shlàinte:

¹ lagh.² Ham.³ dhorchaidh e.⁴ bhrùchd an talamh a mach losgainn.⁵ Dh'aithn e.⁶ sguoth chuileag.⁷ clach-sineachd.⁸ teine dealanaich.⁹ toradh.¹⁰ bhrat.¹¹ ghleidheas.¹² orm.¹³ nì.

5 Chum gu faic sinn¹ maith do dhaoine taghta, chum gu dean sinn aoibhneas ann an aoibhneas do chinnich; chum gu dean sinn uail le t'òighreachd-sa.

6 Pheacaich sinne le'r n-aithrichibh; rinn sinn gu h-ole, rinn sinn gu h-aingidh.

7 Cha do thuig ar n-aithriche² t'iongantais anns an Eiplut; cha do thuig iad lìonmhoireachd do thròcairean, ach bhrosnuich iad *thu*³ làimh ris a' mhuir, aig a' mhuir ruaidh.

8 Gidheadh theasairg e iad air sgàth 'ainme féin; chum gu nochdadh e a chumhachd.

9 Agus smachdaich e a' mhuir ruadh, agus thormaich e i; agus threòraich e iad⁴ troimh na doimhneachdaibh, mar troimh fàsach.

10 Agus theasairg e iad o làimh an tì a thug fuath *dhoibh*, agus shaor e iad o làimh an nàmhaid.

11 Agus dh'fholuich na h-uisgeachan an eascairde; cha d'fhàgadh aou diubh.

12 An sin chreid iad a bhriathran⁵, agus sheinn iad a chliù.

13 Gu luath dh'chuir iad a' ghnìomhara; cha d'fheith iad r'a chomhairle.

14 Ach ghlac ana-miann iad⁶ san fhàsach, agus bhuair⁷ iad Dia anns an ionad uaigneach.

15 Agus thug e dhoibh an iarrtus, ach chuir e caoile⁸ air an anam.

16 Agus ghabh iad farmad ri Maois anns a' champ, agus ri h-Aaron *sagart* naomh an Tighearn.

17 Dh'fhosgail an talamh, agus shluig e sìos Datan, agus dh'fholuicheadh cuid-eachd Abiraim.

18 Agus las teine 'nan cuideachd; loisg an lasair suas na droch dhaoine.

19 Rinn iad laogh ann an Horeb, agus shleuchd iad⁹ do'n dealbh leaghta.

20 Agus claochail iad an glòir gu cosamhlachd daimh a dh'itheas feur.

21 Dh'chuir iad Dia am Fear-saoraidh, a rinn nithe mòra anns an Eiphit;

22 Nithe iongantach ann an tìr Cham, nithe uamhasach aig a' mhuir ruaidh:

23 Uime sin thubhairt e gu'm milleadh¹⁰ e iad, mur bhitheadh gu'n do sheas 'òglach taghta Maois fa chomhair anns a' bheirn¹¹ gus a chorruidh a thionndadh uatha, chum nach sgriosadh e iad.

24 Agus rinn iad tarcuis air an tìr thaitnich: cha do chreid iad 'fhocal.

25 Agus rinn iad gearau 'nam bùth-aibh¹²; agus cha d'éisd iad ri guth an Tighearn.

26 An sin thog e a làmh¹³ 'nan aghaidh, a thoirt orra tuiteam anns an fhàsach;

27 Agus a thilgeadh sìos an sliochd am measg nan cinneach, agus gu'u sgaoileadh air feadh nan tìr.

28 Mar an ceudna naisg iad iad féin ri Baal-peor, agus dh'ith iad iobairtean nam marbh.

29 Agus bhrosnuich iad e le'n gnìomh-araibh¹⁴; agus bhris a' phlàigh a steach orra.

30 An sin sheas Phinehas, agus chuir e breitheanas an gnìomh; agus choisgeadh a' phlàigh.

31 Agus mheasadh sin dha mar fhìreantachd o linn gu linn gu bràth.

32 Chuir iad fearg air mar an ceudna aig uisgeachaibh Mheribah¹⁵; agus dh'èirich ole do Mbaois air an son.

33 Oir bhrosnuich iad a spiorad, air chor us gu'n do labhair e gu h-aithghearr le 'bhilibh.

34 Cha do sgrios iad na slòigh, mu'n d'thug an Tighearn àithne dhoibh.

35 Ach choimh-mheasg iad iad féin am measg nan cinneach, agus dh'fhòghluim iad an oibre.

36 Agus rinn iad seirbhis d'an iòdhol-aibh¹⁶, a bha mar ribe dhoibh.

37 Agus dh'ìobair iad am mic agus an nigheana do dheamhanaibh,

38 Agus dhòirt iad fuil neò-chiontach, fuil am mac¹⁷ agus an nighean, a dh'ìobair iad do iòdhol-aibh Chanaain: agus thruaill-eadh an tìr le fuil.

39 Agus rinneadh neòghlan iad le'u oibribh, agus chaidh iad air strìopachas le'n gnìomharaibh¹⁸.

40 Agus las fearg an Tighearn an aghaidh a shluagh, agus ghabh e gràin d'a oighreachd.

41 Agus thug e suas iad do làimh nan cinneach: agus bha iadsan a dh'fhuath-aich iad, 'nan uachdarain os an ceann.

42 Agus shàruich an naimhdean iad; agus leagadh gu h-ìosal iad fo'n làimh.

43 Iomadh uair shaor e iad; ach bhrosnuich iad e le'n comhairlibh, agus thugadh sìos iad air son an cionta.

44 Gidheadh thug e an àmhghar fa'n-ear¹⁹, an uair a chual' e an glaochd:

45 Agus chuir iad dhoibh a choimh-cheangal, agus ghabh e aithreachas a réir lìonmhoireachd a thròcair²⁰.

¹ mi. ² Cha d'thug ar sinnseara fa'near.

³ bha iad ceannairceach. ⁴ thug e orra tmeachd.

⁵ fhocal. ⁶ loisg iad le h-ana-miann.

⁷ dhearb. ⁸ claoidh, sgrios.

⁹ rinn iad aoradh. ¹⁰ sgriosadh.

¹¹ bheum, bhriseadh. ¹² pàillunaibh, pubullaibh.

¹³ mhionnaich e.

¹⁴ innleachdaibh.

¹⁵ uisgeachaibh na comh-stri.

¹⁶ diathaiabh-bréige.

¹⁷ clann mhac.

¹⁸ innleachdaibh.

¹⁹ dh'amhairc e orra 'nan teinn.

²⁰ a réir saobhreis a ghràis.

46 Agus fhuair e truas¹ dhoibh an sealladh na muinntir sin a thug leo 'nam braidhribh iad.

47 Saor sinn, a Thighearn ar Dia, agus tionail sinn o mheasg nan cinneach, chum buidheachas² a thabhairt do t'ainm naomh-sa, chum caithream³ a dheanamh ann ad chliù.

48 Gu ma beannaichte an Tighearna Dia Israeil o shiorruidheachd gu siorruidheachd! agus abradh an sluagh uile, Amen. Molaibhse an Tighearn.

SALM CVII.

1 *Chomhairlich Daibhidh do'n t-sluagh Dia a mholadh air son a mhaithéis, 6 agus air son a fhreasdail d'an taobh anns gach teanntachd.*

O THUGAIBH buidheachas⁴ do'n Tighearn, oir *tha* e maith, oir gu bràth *mairidh* a thròcair.

2 *Mar so* abradh iadsan a shaoradh leis an Tighearn, a shaor e o làimh an nàmhaid;

3 Agus a chruinnich e as na tìribh, o'n àird an ear agus o'n àird an iar, o'n àirde tuath agus o'n àirde deas⁵.

4 Chaidh iad air seacharan anns an fhàsach, ann an ionad uaigneach; slighe⁶ gu baile tàimh⁷ cha d'fhuair iad.

5 Ocrach agus tartmhor, dh'fhàilnich an anam anna.

6 An sin ghlaodh iad ris an Tighearna 'nan airc, agus as an teanntachdaibh⁸ shaor e iad.

7 Agus threòraich e iad air slighe cheirt, chum gu rachadh iad gu baile tàimh.

8 O gu moladh *daoine* Dia air son a mhaithéis⁹, agus air son a bhearta iongantach do chloinn nan daoine!

9 Oir shàsuich e an t-anam cìocrach¹⁰, agus lìon e an t-anam ocrach le maith.

10 Iadsan a shuidh ann an dorchadas agus ann an sgàile a' bhàis, ceangailte ann an truaighe agus an iarunn,

11 A chionn gu'n d'rinn iad ceannairc an aghaidh bhriathar Dhé, agus gu'n d'rinn iad tàir air comhairle an Ti a's àirde;

12 Aig an do leagadh¹¹ sìos an cridhe le docair¹²: thuit iad, agus cha robh fear-cuideachaidh ann;

13 An sin ghlaodh iad ris an Tighearna 'nan airc, agus as an teanntachdaibh shaor e iad.

14 Thug e iad á dorchadas agus á sgàile a' bhàis, agus bhris e o chéile an cuibhreach.

15 O gu moladh *daoine* an Tighearn

air son a mhaithéis, agus air son a bhearta iongantach do chloinn nan daoine!

16 Oir bhris¹³ e na geatachan umha¹⁴, agus ghear e sìos na croinn iarunn.

17 Bha amadain, air son an eusaontais¹⁵ agus air son an eucearta, fo àmhghar¹⁶.

18 Do gach biadh ghabh an anam gràin, agus thàinig iad dlùth do gheat-aibh bàis.

19 An sin ghlaodh iad ris an Tighearna 'nan airc, agus as an teanntachdaibh shaor e iad.

20 Chuir e 'fhocal uaith, agus shlànuich e iad; agus shaor e iad o sgrios¹⁷.

21 O gu moladh *daoine* an Tighearn air son a mhaithéis, agus air son a bhearta iongantach do chloinn nan daoine!

22 Agus gu'n iobradh iad iobairte buidheachais, agus gu'n cuireadh iad an céill a ghniomhara le luathghaire!

23 Iadsan a théid sìos do'n fhaire air longaibh, a ni obair air uisgeachaibh mòra,

24 Chi iadsan gnìomharan an Tighearn, agus a bhearta iongantach¹⁸ san doimhne.

25 Oir labhraidh e, agus dùisgidh e a' ghaoth dhoinionnach, agus togaidh i a tonnan¹⁹.

26 Théid iad suas do na nèamhaibh, théid iad sìos do na doimhneachdaibh; le h-àmghar leagaidh an anam.

27 Theid iad thuige²⁰ agus uaith, agus tuislichidh iad mar dhuine air mhisg; agus théid as d'an céill uile²¹.

28 An sin gladhaidh iad ris an Tighearna 'nan airc, agus as an teanntachdaibh bheir e iad.

29 Cuiridh e an doimhneach gu féith; agus bithidh a tonnan 'nan tàmh.

30 An sin bithidh iad ait, a chionn gu'm bi iad sàmhach; agus bheir e iad do'n chalahd a's miannach leo.

31 O gu moladh *daoine* an Tighearn air son a mhaithéis, agus air son a bhearta iongantach do chloinn nan daoine!

32 Agus gu'n àrdaicheadh iad e ann an coimhthional an t-sluaigh, agus ann an àite-suidhe²² nan scanair gu moladh iad e!

33 Ni e aimhniche 'nam fàsach, agus tobair uisge 'nan talamh tartinhor²³.

34 Fearann beartach *ni* e fàs²⁴, air son aingidheachd a luchd-àiteachaidh.

35 Ni e fàsach 'na linne uisge, agus fearann tiorann 'na thobraichibh uisge.

36 Agus an sin bheir e air na h-ocrach comhnuidh a ghabhail; agus deasaichidh iad baile tàimh²⁵;

¹ bàigh, iochd.

² moladh.

³ uail.

⁴ moladh.

⁵ o'n mhuir ruaidh. Eabh.

⁶ air slighe uaignich.

⁷ baile còmhnuidh.

⁸ àmhgharaibh.

⁹ a thròcair.

¹⁰ miannach.

¹¹ leag e.

¹² saothair.

¹³ bhris.

¹⁴ praise.

¹⁵ le slighe an eusaontais. Eabh.

¹⁶ air an cràdh. ¹⁷ o shlochaibh truailleadhachd.

¹⁸ iongantais-san.

¹⁹ tonna na faire.

²⁰ chuige.

²¹ sligear suas an

ciall uile, tèirgidh an scòltachd uile.

²² cruinneachaidh.

²³ tiorann, cruaidh.

²⁴ goirt, bochd, gun toradh.

²⁵ chum còmhnuidh ann.

37 Agus sìol-chuiridh iad achanna, agus suidhichidh iad fion-liosan; agus bheir iad toradh pailt¹ uatha.

38 Agus beannaichidh e iad, agus fàsaich iad ro lìonmhor; agus cha lughdaich e an sprèidh.

39 Ach *ma pheacaicheas iad*, luglidaichear agus leigear sìos iad le fòirneart, olc², agus doilgheas.

40 Dòirtidh e tarvais air àrd-uaislibh³, agus cuiridh e air seacharan iad ann am fàsach as eughmais slighe.

41 Agus togaidh e suas am bochd o thruaighe⁴, agus ni e teaghlaichean *dha* mar threud.

42 Chi na fireana *so*, agus bithidh iad ait⁵ agus druididh gach euceart a beul.

43 Cò *a ta* glic, agus *a* bheir fa'near na nithe sin? tuigidh esan caoimhneas gràdhach⁶ an Tighearna.

SALM CVIII.

1 *Ghlac Daibhidh misneach gu Dia a mholadh*, 5 agus dh'iarr e còmhnaidh uatha a rèir a gheallanna.

Laoidh no Salm le Daibhidh.

THA mo chridhe deas, a Dhé; seinnidh, mi agus molaidh mi, eadhon le m' ghlòir⁶.

2 Mosgail, a shaltair agus a chlàrsach: mosglaidh mi féin moch air mhaduinn.

3 Molaidh mi thu am measg nan sluagh, a Thighearna, agus seinnidh mi dhuist am measg nan cinneach.

4 Oir *is* mòr do thròcair os ceann nan nèamh; agus *tha* t'fhirinn gu ruig na neula.

5 Bì air t'àrdachadh os ceann nan nèamh, a Dhé; agus os ceann na talmhainn uile *biodh* do ghlòir.

6 Chum gu teasairgear iadsan a's ionmhuinn leat, saor thusa le d' dheas làimh, agus éisd rium⁷.

7 Labhair Dia 'na naomhachd: ni mi aoibhneas, roinnidh mi Sechem, agus tomhaisidh mi gleann Shucoit.

8 *Is* leam-sa Gilead; *is* leam Manaseh; agus *is* e Ephraim neart mo chinn; Iudah fear tabhairt mo lagha.

9 *Is* e Moab mo shoitheach-iounlaid; os ceann Edoim tilgidh mi mo bhròg: thar Palestin ni mi caitheam.

10 Cò bheir mi do'n bhaile dhaingnich-te? cò thèoraicheas mi gu h-Edom?

11 Nach tusa, a Dhé? *thusa* a thilg uait sinn, agus nach deachaidh a mach⁸, a Dhé, le ar n-armailtibh?

12 Thoir còmhnaidh dhuinn ann an aire; oir *is* dìomhain furtachd duine.

13 Trìd Dhé⁹ ni sinn treubhantas; oir saltraidh esan sìos ar naimhdean.

SALM CIX.

1 *Tha Daibhidh a' gearan gu'n do bhuin a naimhdean gu cealgach ris*. 6 *Thug e thairis iad do léir-sgrìos*: 16 *Nochd e gu'n do ghràdhaich iad aingidheachd*; 21 agus ghuidh e gu'n saoradh Dia e o luchd-ditidh anama.

Do'n àrd shear-ciuil. Salm le Daibhidh.

ADHE mo chliù, na bi a'd' thosd.

2 Oir tha beul an aingidh, agus beul na ceilge fosgailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'm' aghaidh gun aobhar.

4 An éiric mo ghràidh tha iad naimhdeil dhomh, agus mi ri h-urnuigh.

5 Agus dhiol iad dhomh olc an éiric maith, agus fuath an éiric mo ghràidh.

6 Cuir an t-aingidh os a cheann¹⁰, agus seasadh Satan aig a dheas làimh.

7 'Nuair a bheirear breth air, faighear ciontach e¹¹, agus biodh 'urnuigh dha 'na peacadh.

8 Biodh a làithean tearc, agus glacadh neach eile a dhreuchd¹².

9 Biodh a chlann 'nan dilleachdain¹³, agus a bhean 'na bantraich.

10 A ghnàth air seacharan biodh a chlann, agus iarradh iad déire; agus sir-eadh¹⁴ iad as an àitibh fàs.

11 Glacadh fear nam fiach gach ui a *ta* aige, agus creachadh coigrich a shaothair.

12 Na biodh neach ann a ni tròcair air¹⁵, agus na biodh aon ann a ghabhas truas d'a chloinn gun athair.

13 Sgrìos gu robh air a shliochd: san àl a thig¹⁶ na dhéigh, gu cuirear as d'a ainm¹⁶.

14 Air chuimhne biodh aingidheachd 'aitiriche aig an Tighearna; agus na cuirear as¹⁷ peacadh a mhàthar.

15 Biodh iad am fianuis an Tighearna a ghnàth; agus gearradh e as an cuimhne o'n talamh.

16 A chionn nach do chuimhnich e tròcair a nochdadh, ach gu'n do gheur-lean e an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhaich e mallachadh, thigeadh e air: mar nach robh tlachd aige ann am beannachadh, biodh e fad uath.

18 Mar a chuir e mallachadh uime mar 'eudach¹⁸, thigeadh e steach mar uisge

¹ toradh an cinneis.

² le fòirneart an uile.

³ uachdaranaibh, prionnsaibh. ⁴ àmhghar.

⁵ caomh-thròcairean. ⁶ Faic Salm LVII. r. 7, &c.

⁷ Faic Salm LX. r. 6, &c.

⁸ An do thilg thu uait sinn? agus nach tèid thu mach? Faic Salm LX. r. 16.

⁹ Ann an Dia. Eabh,

¹⁰ "Cuir an t-aingidh," ars' iadsan, "os a cheann, &c." ¹¹ thigeadh binn a mach 'na aghaidh.

¹² a chàram. Faic Gniomh Caib. I. 20.

¹³ gun athair.

¹⁴ tilgear a mach.

¹⁵ a shìneas tròcair thuige.

¹⁶ d'an ainm.

¹⁷ glanar as, dubhar as.

¹⁸ a chulaidh.

'na chom, agus mar oladh 'na chnàmhaibh.

19 Biodh e dha mar an trusgan leis an còmhdaichear e, agus mar an crios leis an crioslaichear e a ghnàth.

20 *Is* e so obair m' eascairdean an làth-air an Tighearn¹, agus nan daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth t'ainme; a chionn gu bheil do thròcair maith, saor thusa mi.

22 Oir *tha* mi bochd² agus uireas-bhuidheach, agus tha mo chridhe air a lotadh an taobh a stigh dhìom.

23 Mar sgàile a' clonadh sìos tha mi a' siubhal; tha mi air m'fhuadachadh mar an locust.

24 Tha mo ghluinean lag le trasgadh, agus tha m'fheoil a' teireachduinn le dìth sulta.

25 Agus tha mi a'm' aobhar maslaidh dhoibh: 'nuair a sheall iad orm, chrath iad an cinn.

26 Cuidich leam, a Thighearna mo Dhia; saor mi a réir do thròcair:

27 Chum gu'm bi fios aca gur i so do làmh, *gur* tusa, a Thighearna, a rinn e.

28 Mallaicheadh iadsan, ach beannaich thusa: 'nuair a dh'éireas iad, biodh nàire orra; ach biodh t'òglach-sa aith.

29 Biodh m' eascairdean air an còmh-dachadh le nàire, agus biodh iad air am folachadh le'n amhludh féin, mar le falluinn.

30 Ard-mholaidh mi an Tighearna le m' bheul; agus am measg na mòr-chuid-eachd bheir mi cliù dha.

31 Oir seasaidh e aig deas làimh an duine bhoichd, chum a shaoradh o luchd-ditidh³ 'anama.

SALM CX.

1 Oighreachd, 4 sagartachd, 5 buaidh, 7 agus fulangas Chrìosd.

Salm le Daibhidh.

THUBHAIRT an Tighearna ri m' Thighearna, Suidh aig mo dheas làimh, gus an cuir mi do naimhdean 'nan stòl fo d' chosaibh.

2 Slat-shuaicheantais do chumhachd cuiridh an Tighearn a mach á Sion: bi thusa a'd' uachdaran am meadhon do naimhdean.

3 *Bithidh* do shluagh ro thoileach ann an là do chumhachd: ann am maise na naomhachd, mar an drùchd o bholg na maidne, *bithidh* t'òigridh agad⁴.

4 Mhionnaich an Tighearn, agus cha ghabh e aithreachas, *Is* sagart thu gu bràth, a réir orduigh Mhelchisedeic.

¹ duais m' eascairdean o'n Tighearna.

² truagh. ³ bhrèitheamhnaibh,

⁴ roimh reult na maidne ghìn mi thu.

⁵ Lotaidh.

5 Buailidh⁵ an Tighearn, a ta aig do dheas làimh, rìghrean ann an là 'fheirge.

6 Bheir e breth am measg nan cinn-each; ìonaidh e *gach àit* le corpaibh marbha; lotaidh e an t-uachdaran⁶ os ceann iomadh tìr.

7 Do'n t-sruth air an t-slighe òlaidh e; uime sin togaidh e suas a cheann.

SALM CXI.

1 *Is* cubhaidh cliù a thabhairt do Dhia air son 'oibre glòrmhor agus iongantach. 7 *Is* iad firinn agus ceartas gnìomharan a làmh.

MOLAIBHSE an Tighearna. Bheir mise cliù do'n Tighearna le m' uile chridhe, ann an coimneamh nam firean, agus anns a' choimhthional.

2 *Tha* gnìomharan an Tighearna mòr, rannsaichear iad leo-san uile aig am bheil tlachd anna.

3 Urramach agus glòrmhor *tha* 'obair-san; mairidh 'fhìreantachd gu bràth.

4 Chuir e a ghnìomharan iongantach air chuimhne: gràsmhor agus truacanta *tha* an Tighearna.

5 Thug e lòn⁷ dhoibhsan d'an eagal e: cuimhnichidh e gu bràth a choimhcheangal.

6 Chuir e neart 'oibre an céill d'a shluagh, le oighreachd nan cinneach a thabhairt doibh.

7 *Is* iad firinn agus ceartas gnìomharan a làmh; *is* fìor⁸ 'àitheanta-san uile.

8 Seasmhach *tha* iad gu saoghal nan saoghal, deanta ann am firinn agus an ceartas.

9 Chuir e saorsa dh'ionnsuidh a shluaigh, dh'àithn e a choimhcheangal gu bràth: *is* naomh agus urramach 'ainm-san.

10 *Is* e eagal an Tighearna toiseach a' ghliocais; *tha* deadh thuigse aca-san uile a ni 'àitheanta-san⁹: mairidh a chliù gu bràth.

SALM CXII.

1 Beannachadh agus tèaruinteachd nan ionracan:

10 Chi na h-àingidh an soirbheas, agus bithidh fearg orra.

MOLAIBHSE an Tighearn. *Is* beannaichte an duine air am bi eagal an Tighearn, a ghabhas tlachd mòr d'a àitheantaibh.

2 Làidir anns an tìr bithidh a shliochd; beannaichear ginealach nam firean.

3 *Bithidh* maoin agus saoihbheas 'na thigh; agus mairidh 'fhìreantachd gu bràth.

4 Anna an dorchadas éiridh solus do na fireanaibh: gràsmhor agus làn truacantais, agus cothromach *tha* [an Tighearn¹⁰.]

⁶ ann ceann. Eabh.

⁷ bidadh.

⁸ cinnteach, seasmhach.

⁹ a ghnàthaicheas e, i.e. eagal an Tighearn; a nì iad. Eabh.

¹⁰ Faic Salm CXI. r. 4.

5 *Is* maith do'n duine a bhios truacanta agus coingheallach¹, a riaghlas a ghnòth-uiche gu ceart²:

6 Oir gu bràth cha ghluaisear e; air chuimhne gu bràth bithidh am firean.

7 Roimh dhroch sgeul cha bhi eagal air; *tha* a chridhe suidhichte, ag earbsadh as an Tighearna.

8 *Tha'* a chridhe air a shocrachadh, cha bhi eagal air, gus am faic e crìoch a naimhdean³.

9 Sgaoil e, thug e do na bochdaibh; mairidh 'fhùireantachd gu bràth; mairidh 'adharc le h-urram.

10 Chi an droch dhuine, agus bithidh fearg air; casaidh e 'fhiacalan, agus seargaidh e as: sgriosar miann nan aingidh.

SALM CXIII.

1 *Earail gu Dia a mholadh*, 6 *do bhrìgh gu'n d'islich se e fèin gu amharc air oibrigh a làmh.*

MOLAIBHSE an Tighearna. Molaibh, O sibhse òglacha an Tighearna, molaibh ainm an Tighearna.

2 Gu ma beannaichte ainm an Tighearna, o'n àm so agus gu bràth.

3 O éirigh na gréine gu ruig a luidhe, is ionnmholta ainm an Tighearna.

4 Ard os ceann nan cinneach uile *tha* an Tighearna, os ceann nan nàmh a ghloir.

5 Cò *is* cosmhuil ris an Tighearna ar Dia, a tha 'na chòmhnuidh shuas⁴?

6 A dh'islicheas e féin gu amharc air *na nithibh a ta* sna nàmhaidh, agus air an talamh.

7 Togaidh e am bochd o'n duslach; o'n òrach ardaichidh e an t-ainnis;

8 Chum *a* chur 'na shuidhe le àrd-uaislibh⁵, le àrd-uaislibh a shluagh.

9 Bheir e air a' mhnaoi a ta gun sliochd còmhnuidh a ghabhail ann an tigh, 'na mathair air cloinne.

SALM CXIV.

1 *Tha cumhachd Dhé, a nochd e do Israel 'nuair a thug e mach iad as an Eiphit, 'na aobhar eagail d'a shluagh.*

MOLAIBHSE an Tighearna. 'Nuair a thàinig Israel a mach as an Eiphit, tigh Iacoib o shluagh coimheach⁶.

2 Bha Iudah dha mar a chòmhnuidh naomh, Israel mar a thighearnas.

3 Chunnaic an cuan, agus theich e; thionndaidh Iordan air a h-ais.

4 Leum na beannta mar reitheachan, na cnuc mar uain.

5 Ciod, a chuain, *a thug* ort teicheadh?

a Iordan, *a thug* ort tionndadh air t'ais.

6 A bheannta, *a thug* oirbh leum mar reitheachan; a chnoca, mar uain?

7 Crìothnaich, a thalaimh, an làthair an Tighearna, an làthair Dhé Iacoib!

8 A thionndaidheas a' charraig gu linne uisge, an aillbinn⁷ gu tobar uisge!

SALM CXV.

1 *Nochd an salmadar gu'm buin glòir do Dhia a mhàin.* 4 *Diomhanas iodhol-aoraidh.* 9 *Earail gu earbsadh as an Tighearna.*

TABHAIR glòir, a Thighearna, cha'n ann duinne, cha'n ann duinne, ach do t'ainm féin, air son do thròcair agus air son t'fhirinn.

2 C'ar son a theireadh na cinnich, C'ait a nis *am bheil* an Dia?

3 Ach *a ta* ar Dia-ne anns na nàmhaidh, agus rinn e gach ni b'àill leis.

4 *Is* airgiod agus òr an iodhoil-san, obair làmh dhaoine!

5 *Tha* béil aca, ach cha labhair iad; sùilean aca, ach cha'n fhaic iad.

6 *Tha* cluasan aca, ach cha chluinn iad; sròinean aca, ach cha ghabh iad fàile⁸.

7 *Tha* làmhnan aca, ach cha laimhsich iad; cosan⁹ aca, ach cha'n imich iad; agus cha labhair iad troimh an sgornan.

8 Cosmhuil riu féin tha iadsan a ni iad, agus gach neach a dh'earbas asda.

9 Earbaidh tigh Israeil¹⁰ as an Tighearna: *is* esan an còmhnaidh¹¹, agus an sgiath.

10 Earbaidh tigh Aaroin¹² as an Tighearna: *is* esan an còmhnaidh, agus an sgiath.

11 Iadsan¹³ air am bi eagal an Tighearna, earbaidh iad¹⁴ as an Tighearna: *is* esan an còmhnaidh agus an sgiath.

12 Bha an Tighearna cuimhneachail oirnn: beannaichidh e sinn; beannaichidh e tigh Israeil; beannaichidh e tigh Aaroin.

13 Beannaichidh e iadsan air am bi cagal an Tighearna, na big agus na mòir.

14 Cuiridh an Tighearna sibh an lionmhoircachd, sibh féin agus bhuir clann.

15 *Is* beannaichte sibhse o'n Tighearna, a rinn na nàmhnan agus an talamh.

16 *Is* leis an Tighearna na nàmhnan, *eadhon* na nàmhnan¹⁵; ach an talamh thug e do chloinn nan daoine.

17 Cha mhol na mairbh an Tighearna, no iadsan uile a théid sìos tosdach do'n *uaigh*.

18 Ach beannaichidh sinne an Tighearna, o'n àm so agus gu bràth. Molaibhse an Tighearna.

¹ Bithidh an duine maith bàigheil agus coingheallach. ² ann am breitheanas. Eabh.

³ gus an amhairc e air 'eascairidh. Faic Salm XCII. r. 11.

⁴ a dh'ardaicheas e féin gu còmhnuidh a gabhail. Eabh. ⁵ maithibh, prionsaibh.

⁶ o shluagh le teangaidh choimhich.

⁷ a' chlach-theine. ⁸ àile, ⁹ casan.

¹⁰ O Israeil, carb thusa.

¹¹ am fear-cuideachaidh. ¹² A thigh Aaroin, carb.

¹³ Sibhse. ¹⁴ earbaibh. ¹⁵ nàmhnan na nàmh.

SALM CXVI.

1 *Chuir an salmadar an cèll a ghràdh agus a dhleasdavas do Dhia air son na thròcair a nochd e dha.* 12 *Gheall e a bhòidean iocadh do'n Tighearn ann an sealladh a shluaigh.*

IS toigh leam an Tighearn, oir dh'éisid e ri guth m'athchuingean¹.

2 A chionn gu'n d'aom e a chluas rium, uime sin ri m' bheò éighidh mi ris.

3 Chuairtich doilgheasan² a' bhàis mi, agus ghlac piantan ifrinn mi: fhuair mi teinn agus bròn.

4 An sin ghairm mi air ainm an Tighearn: A Thighearna, guidheam ort, saor m'anam.

5 *Is gràsmhor an Tighearn, agus cothromach; agus is tròcaireach ar Dia-ne.*

6 Gleidhidh an Tighearna na daoine aon-fhillte³: dh'islicheadh mi, agus theasairg e mi.

7 Pill, O m'anam, gu d' shuaimlneas⁴, oir bhuin an Tighearna riut gu fial.

8 Oir shaor thu⁵ m'anam o'n bhàs, mo shùil o dheuraibh, agus mo chos o shileamhnachadh.

9 Gluaisidh mi am fianuis an Tighearn ann an tìr nam beò.

10 Chreid mi, uime sin labhair mi⁶; chlaoidheadh mi gu mòr.

11 Thubhairt mi a'm' dheifir, *Tha* gach duine breugach.

12 Ciod a dh'ìocas mi do'n Tighearn air son 'uile thiodhlaca dhomh?

13 Glacaidh mi cupan an slàinte, agus gairmidh⁷ mi air ainm an Tighearn.

14 Iocaidh mi mo bhòidean do'n Tighearn, a nis an làthair a shluaigh uile.

15 *Is* luachmhor an sealladh an Tighearna bàs a naomh.

16 O a Thighearn, gu deimhin *is* mi⁸ t'òglach, *is* mi t'òglach, mac do bhan-oglaich; sgaol thu mo chuibhreach.

17 Dhuitse ìobraidh mi ìobairt molaiddh⁹, agus air ainm an Tighearna gairmidh mi.

18 Iocaidh mi mo bhòidean do'n Tighearn a nis an làthair a shluaigh uile,

19 Ann an cùirtibh tighe an Tighearn, ann ad mheadhon-sa, O Ierusalem. Molaibhse an Tighearna.

SALM CXVII.

1 *Earail gu Dia a mholadh air son a thròcair agus 'fhirinn.*

MOLAIBH an Tighearna, sibhse a chinneacha uile; molaibh e, a shlòigh uile;

2 Oir is mòr a thròcair chaomh¹⁰ d'ar taobhne; agus mairidh firinn an Tighearna gu bràth. Molaibhse an Tighearna.

¹ ri m' guth agus ri m' athchuingibh.

² ioghanna, pianta. ³ simplidh, neo-chronaail.

⁴ gu d' fhois. ⁵ shaor e. ⁶ Faic II. Cor.

Caib. IV. r. 15.

⁷ goiridh.

⁸ a chionn gur mi. ⁹ buidheachais. ¹⁰ a ghràs.

SALM CXVIII.

1 *Is aìridh Dia air buidheachas do bhrìgh gu mair a thròcair gu bràth.* 5 *Nochd an salmadar gur maith an nì earbsadh as an Tighearn.*

O THUGAIBH buidheachas¹¹ do'n Tighearn, oir *tha* e maith, oir gu bràth mairidh a thròcair.

2 Abradh Israel a nis, gu mair a thròcair gu bràth.

3 Abradh tigh Aaroin a nis, gu mair a thròcair gu bràth.

4 Abradh iadsan a nis d'an eagal an Tighearna, gu mair a thròcair gu bràth.

5 Ann an teinn ghairm mi air an Tighearn: fìreagair an Tighearna mi, *gu m' chur* ann an ionad farsuinn.

6 *Tha'n* Tighearna leam¹², cha'n eagal leam ciod a dh'fheudas duine a dhean-amh orm.

7 *Tha'n* Tighearn am measg mo luchd-cuideachaidh, agus chi mi crìoch mo luchd-fuatha¹³.

8 *Is* fearr earbsadh as an Tighearna, na earbsadh á duine.

9 *Is* fearr earbsadh as an Tighearna, na earbsadh á h-uachdaranaibh¹⁴.

10 Chuairtich na cinnich gu léir mi; ach ann an ainm an Tighearna gearraidh mi as¹⁵ iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi as iad.

12 Chuairtich iad mi mar bheachaibh; cuirear as iad mar theine droighnich; oir ann an ainm an Tighearna gearraidh mi as iad.

13 Thug thu¹⁶ ionnsuidh dhian orm, chum mo leagadh; ach chuidhich an Tighearna leam.

14 *Is* e an Tighearna mo neart, agus mo cheòl¹⁷; agus *is* e mo shlàinte.

15 *Tha* guth gáirdeachais agus slàinte ann am pàilliuuaibh nam firean: rinn deas làmh an Tighearna treubhantas.

16 Dh'àrdaicheadh deas làmh an Tighearna; rinn deas làmh an Tighearna treubhantas!

17 Cha'n fhaigh mi bàs, ach mairidh mi beò, agus cuiridh mi'n cèll oibre an Tighearna.

18 Throm-smachdaich an Tighearna mi; ach gu bàs cha d'thug e thairis mi.

19 Fosglaibh dhomh geatachan an ionracais; théid mi steach orra, agus molaiddh mi an Tighearn.

20 *Is* e so geata an Tighearn, air an téid na fireana steach.

21 Molaiddh mi thu, oir dh'éisid thu rium, agus *is* tu mo shlàinte.

¹¹ moladh. ¹² am measg mo luchd-cuideachaidh.

¹³ Faic Salm CXII. r. 8. ¹⁴ priunnsaibh.

¹⁵ ghearr mi as, sgrios mi.

¹⁶ Thugadh.

¹⁷ mo laoidh, fàth mo mholaidh.

22 A' chlach a' dhiùlt na clachairean, rinneadh i 'na cloich-chinn na h-oisinn.

23 O'n Tighearna tha so; is iongantach e 'nar suilbh-ne!

24 Is e so an là a rinn¹ an Tighearna: deanamaid gairdeachas, agus biomaid ait air.

25 Guidheamaid² ort, a Thighearna, saor a nis; guidheamaid ort, a Thighearna, soirbhich leinn a nis.

26 Beannaichte gu robh an Ti a thig an ainm an Tighearna; thug sinne beannachd oirbhe o thigh an Tighearna.

27 Is e Dia a's Tighearna ann, agus dhealraich e oirn³: ceanglaibh an òb-airt⁴ le cordaibh, eadhon ri adharcaibh na h-altarach.

28 Is tusa mo Dhia, agus molaidh mi thu: mo Dhia, àrdaichidh mi thu.

29 O thugaibh buidheachas do'n Tighearna, oir tha e maith, oir gu bràth mairidh a thròcair!

SALM CXIX.

1 San t-salm so tha Daibhidh a' deanamh iomadh urnuigh ri Dia, a' seinn cliù d'a ainm, a' cur an cèll a thlachd na lagh, agus ag iarraidh gu'm bitheadh a cheumanna air an stiùradh chum reachdan an Tighearna a choimhead.

ALEPH.

IS beannaichte iadsan a tha neo-lochdach⁵ san t-slighe, a dh'imicheas ann an lagh an Tighearna.

2 Is beannaichte iadsan a ghleidheas a theisteis⁶, a dh'iarras e le'n uile cridhe.

3 Mar an ceudna cha dean iad aingidheachd: 'na shlighibh imichidh iad.

4 Dh'àithn thu t'orduigh⁷ a bhi air an coimhead gu dìchiollach.

5 O nach robh mo cheumanna air an stiùradh, chum do reachdan a choimhead!

6 An sin cha ghabh mi nàire, an uair a bheir mi spéis do t'àitheantaibh gu léir.

7 Molaidh mi thu le tréibhdhreas cridhe, 'nuair a dh'fhòghlumas mi breitheanais do cheartais.

8 Coimhididh mi do reachdan: O na tréig mi gu tur!

BETH.

9 Ciod leis an glan an t-òganach a shlighe? trid faicill, a réir t'fhocail⁸.

10 Le m'uile chridhe dh'iarr mi thu: na leig dhomh dol air seacharan o t'àitheantaibh.

11 A'm' chridhe dh'fholuich mi t'fhocal, chum nach peacaichinn a'd' aghaidh.

12 Is beannaichte thusa, a Thighearna; teagaisg dhomh do reachdan.

13 Le m' bhlilbh chuir mi 'n cèill uile

bhreitheanais do bhéil.

14 Ann an slighe do theistean rinn mi gairdeachas, mar os ceann gach uile shaoibheis.

15 Air t'àitheantaibh beachd-smuainichidh mi, agus dearcaidh⁹ mi air do cheumannaibh.

16 Ann ad reachdaibh gabhaidh mi tlachd; cha dì-chuimhnich mi do bhriathra.

GIMEL.

17 Buin gu fial ri t'òglach, *chum gu bi* mi beò, agus gu coimhid mi do bhriathra.

18 Fosgail mo shùilean, chum gu faic mi nithe iongantach o d' lagh.

19 Is coigreach air thalamh mi; na ceil orm t'àitheantan.

20 Tha m'anam brùite, le déidh air do bhreitheanasaibh gach tràth.

21 Smachdaich thu na h-uabhrich: is malluichte iadsan a théid air seacharan o t'àitheantaibh¹⁰.

22 Tionndaidh uam masladh agus tàir; oir ghléidh mi do theisteis.

23 Shuidh eadhon uachdarain, agus labhair iad a'm' aghaidh; ach bheachd-smuainich t'òglach air do reachdaibh.

24 Mar an ceudna is iad do theisteis mo thlachd, mo chomhairlichean.

DALETH.

25 Tha m'anam a' leantuinn ris an ùir¹¹: beothaich mi a réir t'fhocail.

26 Chuir mi an cèll mo shlighean, agus dh'éisd thu rium: teagaisg dhomh do reachdan.

27 Thoir orm slighe t'àitheantan¹² a thùigsinn, agus labhraidh mi air t'oibribh iongantach.

28 Tha m'anam a' leaghadh as le tuirse¹³: neartaich mi a réir t'fhocail.

29 Cuir uam slighe nam breug, agus gu gràsmhor deònaich dhomh do lagh.

30 Ròghnaich¹⁴ mi slighe na firinn; chuir mi do bhreitheanais fa m' chomhair.

31 Dhlùth-lean mi ri d' theistesaibh: a Tighearna, na cuir gu nàire mi.

32 Ann an slighe t'àitheantan ruithidh mi, 'nuair a chuireas tu mo chridhe am farsuinneachd.

HE.

33 Teagaisg dhomh, a Thighearna, slighe do reachdan, agus gleidhidh mi i gu ruig a' chrìoch¹⁵.

34 Thoir tuigse dhomh, agus gleidhidh mi do lagh; seadh, coimhididh mi e le m' uile cridhe.

35 Thoir orm triall an ceum t'àitheantan; oir ann-san tha mo thlachd.

36 Lùb mo chridhe gu d' theistesaibh, agus ni h-ann gu sannt.

¹ dh'orduich.

² Guidheam.

³ thug e solus dhuinn.

⁴ an t-uain.

⁵ ionraic, iomlan.

⁶ f'hiannuisean.

⁷ do reachdan.

⁸ le d' bhriathran a choimhead.

⁹ geur-amhaircidh.

XXVII. r. 26.

¹² t'orduighan.

¹⁴ Thagh.

¹⁰ Faic Deut. Caib.

¹¹ duslach.

¹³ bròn.

¹⁵ gu crìch mo shanghail.

37 Tionndaidh mo shùilean o amhare air diomhanas; ann ad shlighibh¹ beothaich mi.

38 Daingnich t'fhocal do t'òglach, air am bheil t'eagal-sa².

39 Cuir uam³ mo mhasladh a's eagall leam; oir tha do bhreitheanas maith.

40 Feuch, is miannach leam-sa do reachdan⁴: a'd' cheartas beothaich mi.

VAU.

41 Agus thigeadh do thròcair a m'ionnsuidh, a Thighearn, do shlàinte a réir t'fhocail:

42 An sin bithidh freagradh agam dhasan a bheir masladh dhomh, gu bheil m'earbsadh á t'fhocal-sa.

43 Agus na buin focal na firinn gu h-iomlan as mo bheul; oir ann ad bhreitheanasaidh chum mi mo dhòchas.

44 Agus coimhididh mi do lagh a ghlàn, gu suthain is gu sìor.

45 Agus gluaisidh mi am farsuinn-eachd⁵; a chionn gu'n iarr mi do reachdan.

46 Agus labhraidh mi air do theisteis an làthair rìghrean, agus cha bhì nàire orm.

47 Agus gabhaidh mi tlachd do t'àitheantaibh d'an d'thug mi gràdh.

48 Agus togaidh mi mo làmhnan ri t'àitheantaibh, d'an d'thug mi gràdh; agus beachd-smuainichidh mi air do reachdaibh.

ZAIN.

49 Cuimhnich am focal⁶ do t'òglach, as an d'thug thu orm earbsadh.

50 Is e so mo chomhfhurtachd ann am àmhghar; oir bheothaich t'fhocal mi.

51 Rinn na h-uabhrich fanoid orm gu mòr; gidheadh o d' lagh cha do chlaon mi.

52 Chuimhnich mi do bhreitheanas o chian, a Thighearn, agus fhuair mi comhfhurtachd.

53 Ghlac uamhunn mi a thaobh nan daoine aingidh, a thréigas do lagh.

54 B'iad do reachdan mo cheòl ann an tigh mo chuairt.

55 Chuimhnich mi t'ainm, a Thighearn, anns an oidhche, agus ghléidh mi do lagh.

56 Mar so tharladh⁷ e dhomhsa, a chionn gu'n do ghléidh mi do reachdan.

CHETH.

57 Is tusa mo chuibhrionn, a Thighearna: thubhairt mi gu coimhidinn t'fhocail.

58 Dh'asluich mi do dheadh-ghean⁸ le

m'uile chridhe: dean tròcair orm a réir t'fhocail.

59 Chnuasaich mi⁹ mo shlighean, agus phill mi mo chosan ri d' theisteachas.

60 Rinn mi deifir¹⁰, agus cha robh mi mairmealach¹¹, chum t'àitheantan a choimhead.

61 Chreach buidhnean dhroch dhaoine mi; ach cha do dhi-chuimhnich mi do lagh.

62 Mu mheadhon-oidhche éiridh mi, chum buidheachas a thoirt duit air son bhreitheanas do cheartais.

63 Is fear-comuinn¹² mi dhoibhsan uile air am bi t'eagal, agus dhoibhsan a ghleidheas do reachdan.

64 Do d' thròcair, a Thighearna, tha'n talamh làn: teagaisg dhomh do reachdan.

TETH.

65 Rinn thu gu maith do t'òglach, a Thighearn, a réir t'fhocail.

66 Teagaisg dhomh deadh thuigse agus eòlas, oir chreid mi t'àitheantan.

67 Mun robh mi ann an àmhghar¹³, chaidh mi air seacharan; ach a nis tha mi a' gleidheadh t'fhocail.

68 Is maith thusa, agus ni thu maith: teagaisg dhomh do reachdan.

69 Dhealbh na h-uabhrich breug a'm' aghaidh: ach gleidhidh mise t'àitheantan¹⁴ le m'uile chridhe.

70 Co reamhar¹⁵ ri saill tha an cridhe-san; ach ann ad lagh tha mo thlachd-sa.

71 Is maith dhomhsa gu'n robh mi ann an àmhghar, chum gu fòghlumainn do reachdan.

72 Is fearr dhomhsa lagh do bhéil, na mìltean do òr agus do airgiod.

IOD.

73 Rinn agus dhealbh do làmhnan mi: thoir tuigse dhomh, chum gu fòghlum mi t'àitheantan.

74 Chi iadsan air am bi t'eagal mi, agus bithidh iad ait, a chionn gu'n d'earb mi á d'fhocal.

75 Tha fhios agam, a Thighearna, gu bheil do bhreitheanas ceart, agus gur ann am firinn a chlaoidh thu mi.

76 Biodh a nis do thròcair chaomh chum comhfhurtachd dhomh, a réir t'fhocail ri t'òglach.

77 Thigeadh do chaomh-thròcairean a m'ionnsuidh, chum gu'm bi mi beò; oir is e do lagh mo thlachd.

78 Biodh nàire air luchd an àrdam, oir gun aobhar¹⁶ bhuin iad gu fiar rium; ach beachd-smuainichidh mise air t'àitheantaibh¹⁷.

¹ shlighe. ² a bhios a chum t'eagail-sa.

³ Tionndaidh uam. ⁴ t'orduighean.

⁵ gu saor. ⁶ t'fhocal.

⁷ thachair, bha e. ⁸ do ghluais. Eabhl.

⁹ Mhas, bheachd-smuainich mi air.

¹⁰ cabhag.

¹¹ cha do chuir mi dàil.

¹² companach, caidreach. ¹³ teinn.

¹⁴ do reachdan, t'orduighean. ¹⁵ tigh.

¹⁶ gu fealltach.

¹⁷ t'orduighibh, do riaghaillibh.

79 Pilleadh iadsan air am bheil t'eagal rium, agus iadsan a tha eòlach air do theisteachaibh.

80 Biodh mo chridhe tréibhdhreach¹ ann ad reachdaibh, chum nach nàraichear mi.

CAPH.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

82 Tha mo shùilean air an caitheadh le feitheamh ri t'fhocal, nuair a ta mi ag ràdh, C'uin a nì thu furtachd orm?

83 Oir tha mi mar shearraig² ann an deataich; gidheadh cha do dhi-chuimhnich mi do reachdan.

84 Cia lìon iad làithean t'òglaich? c'nin a chuireas tu breitheanas an gnìomh orrasan a tha 'n tòir orm?

85 Chladhaich na h-uabhrich sluichd dhomh, nach 'eil a réir do lagha.

86 Is firinn t'àitheantan-sa gu léir: gu fealltach tha iad an tòir orm; cuidich thusa leam.

87 Is beag nach do chuir iad as domh air thalamh; ach cha do thréig mise do reachdan.

88 A réir do chaomh-thròcair beothaich thusa mi, agus gleidhidh mi teisteachaibh.

LAMED.

89 Gu bràth, a Thighearn, tha t'fhocal seasamhach anns na nàmhaidh.

90 O linn gu linn tha t'fhirinn: dhaingnich thu an talamh, agus seasaidh e.

91 A réir t'orduighean tha iad buan *gus* an diugh; oir is iad na h-uile do sheirbhiseich.

92 Mur bhiodh *gu'm b'e* do lagh mo thlachd, an sin gheibhinn bàs a'm àmhghar.

93 Gu bràth cha dì-chuimhnich mi do reachdan; oir leo-san bheothaich thu mi.

94 Is leat mise, saor mi; oir dh'iarr mi do reachdan.

95 Dh'fheith na h-aingidh orm, chum mo sgrios; ach beachd-smuainichidh mise air do theisteachaibh.

96 Chunnac mi crìoch gach iomlain; ach tha t'àithne-sa ro fharsuinn.

MEM.

97 O cia h-ionmhuinn leam do lagh-sa? gach là is e mo smuaineachadh³.

98 Le t'àithne⁴ rinn thu mi nì's glìce na m'eascairdean; oir tha i a ghnàth leam.

99 Os ceann mo luchd-teagaisg uile tha mi a' tuigsinn; oir is iad do theisteachaibh mo smuaineachadh.

100 Os ceann nan seanair tha mi crìonna, a chionn gu bheil mi a' gleidheadh do reachdan.

101 O gach droch shlighe chum mi mo chosan, chum gu coimhidinn t'fhocal.

102 O d' bhrèitheanasaidh cha do chlaon mi: oir theagaisg thusa mi.

103 Cia milis le m' bhlas do bhriathra! *nì's milse tha iad* na mil do m' bheul⁵.

104 Trid do reachdan fhuair mi tuigse: uime sin is fuathach leam gach slighe bhreugach.

NUN.

105 Is lòchran t'fhocal do m' chois, agus solus do m' cheum.

106 Mhionnaich mi, agus coimhlionaidh mi e, gu'n coimhid mi breitheanas do cheartais.

107 Tha mi ann an àmhghar ro mhòr: ath-bheothaich mi, a Thighearn, a réir t'fhocail.

108 Gabh uam gu taitneach, guidheam ort, a Thighearna, saor-thabhartais mo bheil; agus teagaisg dhomh do breitheanas.

109 Tha m'anam a ghnàth a'm làimh; gidheadh cha do dhi-chuimhnich mi do lagh.

110 Chuir droch dhaoine ribe⁶ romham; ach o d' reachdaibh cha deachaidh mise air seacharan.

111 Ghabh mi do theisteis mar oigh-reachd gu bràth; oir is iad aoibhneas mo chridhe.

112 Dh'aom mi mo chridhe chum do reachdan a chur an gnìomh a ghnàth, gu ruig a' chrìoch.

SAMECH.

113 Is fuath leam smuainte faoin; ach is toigh leam do lagh.

114 Is tusa m'ionad-foluich, agus mo sgiath: á t'fhocal-sa tha m'earbsa.

115 Imichibh uam, a luchd-deanamh an uile; oir gleidhidh mise àitheantan mo Dhé.

116 Cum suas mi a réir t'fhocail, agus mairidh mi beò; agus na leig fo nàire mi a thaobh mo dhòchais.

117 Daingnich⁷ mi, agus bithidh mi tèaruinte; agus bithidh tlachd agam ann ad reachdaibh⁸ a ghnàth.

118 Shaltair thu orra-san uile a chaidh air seacharan o d' reachdaibh; oir is breug⁹ an cealg.

119 Mar shal tilgidh tu uait¹⁰ uile dhroch dhaoine na talmhainn: uime sin is toigh leam do theisteis.

120 Chrìothnaich m'fheoil le h-uamh-

¹ ionraic, iomlan.

² shoire-craicinn.

³ aobhar mo smuainte.

⁴ t'àitheantaibh.

⁵ do m' chàirean.

⁶ lìon.

⁷ Neartaich, cum suas.

⁸ dearcaidh mi air do reachdaibh.

⁹ dìomhain.

¹⁰ cuiridh tu as do.

unn romhad; agus bha eagal orm roimh do bhreitheanasuibh.

A1N.

121 Rinn mi breitheanas agus ceartas: na fàg mi do m' luchd-foirneirt.

122 Bi-sa an urras air t'òglach chum maith: na deanadh na h-uaibhrich foirneart orm.

123 Tha mo shùilean air an caitheadh *le bhi sealltuinn* air son do shlàinte, agus air son focail t'fhìreantachd¹.

124 Buin ri t'òglach a réir do thròcair, agus teagaisg dhomh do reachdan.

125 *Is* mi t'òglach; thoir tuigse dhomh, chum gu'm bi còlas agam air do theist-easaibh.

126 *Is* mithich dhuìt, a Thighearna, a bhi deanamh: bhris iad do lagh.

127 Uime sin is annsa² leam-sa t'àith-eantan na'n t-òr, seadh, na'n t-òr fìorghlan.

128 Uime sin measam do reachdan uile [*a thaobh gach nì*] a bhi ceart: is fuath-ach leam gach slighe bhreugach.

PE.

129 *Is* iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhillte³.

131 Dh'fhosgail mi mo bheul, a' ploscartaich; oir bha mi an geall air t'àith-eantaibh.

132 Amhaire orm, agus dean tròcair orm, mar is gnàth leat a dheanamh dhoibhsan le'n ionmhuinn t'ainm.

133 Stiur mo cheumanna a réir t'fhocail; agus na biodh aig euceart sam bith uachdaranachd orm.

134 Teasairg mi o fhòirneart dhaoine⁴; agus coimhididh mi t'orduighean.

135 Thoir air do ghnùis dealrachadh air t'òglach, agus teagasg dhomh do reachdan.

136 Ruith srutha dheur⁵ sìos o m' shùil-ibh, a chionn nach do choimhid iad do lagh.

TSADDI.

137 *Is* cothromach thusa, a Thighearn, agus is ceart do bhreitheanas⁶.

138 Dh'àithn thu do theisteis mar cheart-as agus mar fhìrinn mhòir⁷.

139 Chlaoidh m'eud mi⁸, a chionn gu'n do dhì-chuimhnich mo naimhdean do bhriathran.

140 Ro ghlan *tha* t'fhocal-sa, agus is ionmhuinn le t'òglach e.

141 Beag agus suarach *a ta* mi; gidheadh cha dìchuimhnich mi do reachdan.

142 *Is* ceartas sìorruidh do cheartas-sa.

agus is firinn do lagh.

143 Ghlac teinn agus àmhghar mi; ach is iad t'àitheantan mo thlachd.

144 *Mairidh* ceartas do theisteas gu bràth: thoir-sa tuigse dhomh, agus bithidh mi beò.

KOPH.

145 Ghlaoth mi le m' uile chridhe; éisd rium, a Thighearna: gleidhidh mi do reachdan.

146 Ghlaoth mi riut; saor mi, agus coimhididh mi do theisteis.

147 Thàinig mi roimh 'n searhanaich⁹, agus dh'èigh mi: á d'fhocal dh'earb mi.

148 Ghabh mo shùilean roimh fhairibh na h-oidheche, chum gu beachd-smuainichinn air t'fhocal.

149 Eisd ri m' ghuth a réir do chaoimhneis-ghràidh: a Thighearn, a réir do bhreitheanais beothaich mi.

150 Thàinig luchd-leannmhuinn droch-bheirt am fagus: ach fada bha iad o d' lagh.

151 Am fagus *tha* thusa, a Thighearn; agus is firinn t'àitheantan uile.

152 O thoiseach¹⁰ b'fhiosrach mi a thaobh do theisteas, gu'n do sluidhich thu iad gu bràth.

RESH.

153 Amhaire air m' àmhghar, agus teas-airg mi; oir cha do dhìchuimhnich mi do lagh.

154 Tagair mo chùis, agus saor mi; a réir t'fhocail beothaich mi.

155 *Is* fada slàinte¹¹ o dhroch dhaoineibh; oir cha'n iarr iad do reachdan.

156 *Is* lìonmhor¹² do chaoimh-thròcairean, a Thighearn; a réir do bhreitheanas¹³ beothaich mi.

157 *Is* lìonmhor mo luchd-tòrachd agus m'eascairdeau; gidheadh, o d' theist-easaibh cha do chlaon mise.

158 Chunnaic mi luchd-eusaontais¹⁴, agus bha doilgheas orm, a chionn nach do choimhid iad t'fhocal.

159 Feuch, is ionmhuinn leam do reachdan: a Thighearn, a réir do chaoimhneis-ghràidh beothaich thusa mi.

160 O thoiseach¹⁵ is firinn t'fhocal-sa; agus gu bràth *mairidh* uile bhreitheanais do cheartais.

SCHIN.

161 Bha 'uachdarain an tòir orm gun aobhar: ach roimh t'fhocal-sa tha eagal air mo chridhe.

162 *Tha* aiteas orm ri t'fhocal-sa, mar neach a fhuair creach mhòr.

163 Is fuath leam, agus is oilteil leam breug: ach is toigh leam do lagh-sa.

¹ do cheartais. ² ionmhuinne. ³ simplidh.

⁴ duine. ⁵ uisgeacha. Eabh. ⁶ bhreitheanais.

⁷ a ta ceart agus ro fhìrinneach.

⁸ Chuir mo theas-ghràidh as domh.

⁹ bhrisicadh na fàire, chamhair.

¹⁰ O cheann fada.

¹¹ saorsa.

¹² mòr.

¹³ bhreitheanais.

¹⁴ daoine fealltach.

¹⁵ Gu h-ìomlain,

164 Seachd uairean san là bheiream moladh dhuit, air son bhreitheanas do cheartais.

165 *Is* mòr sìth na muinntir a tha toirt gràidh do d' lagh, agus cha'n *éirich* aobhar tuislidh dhoibh.

166 Dh'fheith mi ri d' shlàinte, a Thighearn; agus rinn mi t'aitheantan.

167 Choimhid m'anam do theisteis, agus is ro ionmhuinn leam iad.

168 Choimhid mi do reachdan agus do theisteis; oir *tha* mo shlighean uile fa d' chomhair.

TAU.

169 Thigeadh mo ghlaodh am fagus a'd' làthair, a Thighearn: a réir do bhriathair thoir tuigse dhomh.

170 Thigeadh m'asluchadh a'd' làthair: a réir t'fhocail teasaing mi.

171 Cuiridh mo bhilean an céill do chliù, 'nuair a theagaisgeas tu dhomh do reachdan.

172 Aithrisidh mo theangadh t'fhocal; oir is ceartas t'aitheantan uile.

173 Cuidicheadh do làmh leam; oir ròghnaich mi do reachdan.

174 Bha mi 'n geall air do shlàinte, a Thighearn; agus *is* e do lagh mo thlachd.

175 Biodh m'anam beò, agus molaidh e thu: agus cuidicheadh do bhreitheanas leam.

176 Chaidh mi air seacharan mar chaorach chailte; iarr t-òglach, oir cha do dhì-chuimhnich mi t'aitheantan.

SALM CXX.

1 *Ghuidh Daibhidh gu'n saoradh Dia e o'n teangaich chealgach.*

Laoidh nan ceum.

A M' éigin ghlaodh mi ris an Tighearn, agus dh'éis e rium.

2 A Thighearna, saor m'anam o bhlìbh nam breug, o'n teangaidh chealgach.

3 Ciod a bheirear dhuit? agus ciod a nìthear ort, a theangadh chealgach?

4 Geur shaighde laoi, le eibhlìbh do'n aiteal.

5 Mo thruaighe mi, gu bheil mi air chuairt ann am Mesech, gu bheil mi a'm' chòmhnuidh ann am bùthaibh Chedair!

6 Is fada ghabh m'anam còmhnuidh leo-san¹ a thug fuath do shith.

7 *Tha mise air son sìth*; ach 'nuair a labhras mi, *tha* iadsan air son cogaidh.

SALM CXXI.

1 *Tèaruinteachd an t-sluaigh do'm bheil Dia 'na fhear-coimhid.*

Laoidh nan ceum.

TOGAIDH mi mo shùilean chum nam beann, o'n tig mo chabhair.

2 *Thig* mo chabhair o'n Tighearn, a rinn nèamh agus talamh.

3 Cha leig e le d' chois sleamhnachadh: cha tuit clò codail air t'fhear-coimhid².

4 Feuch, cha tuit clò codail³ no suain air fear-coimhid Israeil.

5 *Is* e an Tighearna t'fhear-coimhid: *is* e an Tighearna do sgàile air do làimh dheis.

6 San là cha bhuail⁴ a' ghrian thu, no a' ghealach san oidhche.

7 Coimhididh an Tighearna thu o gach olc: coimhididh⁵ e t'anam.

8 Coimhididh an Tighearna do dhol a mach, agus do theachd a steach, o'n àm so eadhon gu bràth.

SALM CXXII.

1 *Bha aobhneas air Daibhidh 'nuair chaidh e do thigh an Tighearn.* 6 *Ghuidh e air son sìth agus suaimhneas do Ierusalem.*

Laoidh nan ceum, le Daibhidh.

BHA aobhneas orm an uair a thubhtairt iad rium, Do thigh an Tighearna thèid sinn.

2 Seasaidh ar cosan an taobh a stigh do d' gheataibh⁶, O Ierusalem.

3 Tha Ierusalem air a togail mar chaithir⁷ a tha air a coimhcheangal ri chèile;

4 D'an téid na treubhan suas, treubhan an Tighearna, gu teistean Israeil, a thoirt buidheachais do ainm an Tighearn.

5 Oir an sin tha caithriche breitheanais air an suidheachadh, caithriche tighe Dhaibhidh.

6 Guidhibh-se air son sìth Ierusalem: soirbhichidh iadsan leis an ionmhuinn thu.

7 Sìth gu robh an taobh a stigh do d' bhallachaibh, suaimhneas⁸ a'd' luchairtibh!

8 Air sgàth mo bhràithrean agus mo chàirdean their mi nis, Sìth *gu robh* an taobh a stigh dhìot?

9 Air sgàth tighe an Tighearn ar Dé, iarraidh mi maith dhuit.

SALM CXXIII.

1 *Athchuinge air son trècair,* 4 *agus air son saorsa o tharcuis nan uaibhrean.*

Laoidh nan ceum.

A D'IONNSUIDH thog mi mo shùilean, O thusa a *tha* d' chòmhnuidh anns na nèamhaibh.

2 Feuch, mar a *ta* sùilean òglach air làimh am maighstirean, *agus* mar a *ta* sùilean banoglaich air làimh a bana-mhaighstir, mar sin *tha* ar sùile-ne air an Tighearn ar Dia, gus an dean e trècair oirnn.

¹ leis-san.

² fhear-gleidhidh.

³ dùsal, turra-chodal.

⁴ loisg.

⁵ gleidhidh.

⁶ ann ad gheataibh.

⁷ ard-bhaile.

⁸ soirbheas, soirbheachadh.

3 Dean tròcair oirnn, a Thighearna, dean tròcair oirnn; oir tha sinn air ar lìonadh làn do tharcuis¹.

4 Lìonadh ar n-anam làn le fànoid luchd na seasgaireachd², le tarcuis nan uaibhreach.

SALM CXXIV.

1 *Bheannaich Daibhidh an Tighearn do bhrìgh gu'n do shaor e a shluagh uathasan a dh'éirich nan aghaidh.*

Laoidh nan ceum, le Daibhidh.

MUR biodh an Tighearna leinn, abradh Israel a nis;

2 Mur biodh an Tighearna leinn, an uair a dh'éirich daoine 'nar n-aghaidh;

3 An sin shluigeadh iad beò sinn, an uair a las am fearg 'nar n-aghaidh;

4 An sin thigeadh tuitlean uisgeacha tharunn, rachadh an sruth thar ar n-anam;

5 An sin rachadh na h-uisgeachan uaibhreach thar ar n-anam.

6 Beannaichte gu robh an Tighearna, nach d'thug sinn mar chreich d'am fiac-laibh.

7 Chaidh ar n-anam as mar eun á ribe nan eunadair; bhriseadh an ribe, agus chaidh sinn as.

8 Tha ar cabhair ann an ainm an Tigh-earn, a rinn nèamh agus talamh.

SALM CXXV.

1 *Bithidh iadsan a dh'earbas as an Tighearn ann an tèaruinteachd. 4 Urnuigh air son nan ionracan, agus an aghaidh nan aingidh.*

Laoidh nan ceum.

BITHIDH iadsan a dh'earbas as an Tighearna mar shliabh³ Shioin, nach carruichear, ach a mhaireas gu sìorruidh.

2 Mar a ta na beannta mu thimchioll Ierusalem, mar sin tha'n Tighearna mu thimchioll a shluaigh, o'n àm so agus gu bràth.

3 Oir cha ghabh slat nan daoib⁴ tàmh air crannchur nam firean, air eagal gu'n sìneadh na fireana an làmhnan chum euc-eirt.

4 Dean maith, a Thighearna, dhoibhsan a ta maith, agus dhoibhsan a ta ionraic 'nan cridhe.

5 Ach iadsan a théid a thaobh d'an slighibh claona, iomainidh an Tighearn a mach le luchd-deanamh an uile. Sithgu robh air Israel!

SALM CXXVI.

1 *Bha an eaglais aoibhneach 'nuair a thug Dia air ais braighdeanas Shioin.*

NUAIR a thug an Tighearn air ais braighdeanas Shioin, bha sinn mar dhaoine a chunnaic aisling.

2 An sin lìonadh air beul le gàire, agus ar teangadh le luathghaire⁵: an sin thubh-airt iad am measg nan cinneach, Rinn an Tighearna nithe mòra air an son.

3 Rinn an Tighearna nithe mòra air ar soinne: bha sinn aoibhneach.

4 Pill a ris, a Thighearn, ar braighdeanas, mar shruthaibh san àirde deas.

5 Iadsan a chuireas sìol le deuraibh, buainidh iad le gairdeachas.

6 Esan a théid a mach, agus a ghuileas, ag iomchar roghadh sìl⁶ gu cinnt each thig e a ris le gairdeachas, ag iomchar a sguab.

SALM CXXVII.

1 *Tha gach saothair dìomhain as eugmhais beannaichd an Tighearna. 3 'Se clann oighreachd Dhé.*

Laoidh nan ceum, le Solamh.

MUR tog an Tighearn an tigh, gu dìomhain saothraichidh a luchd-togail: mur gléidh an Tighearn am baile, gu dìomhain ni am fear-coimhid faire.

2 *Is dìomhain dhuibhse bhi 'g éirigh gu moch, a bhi suidhe gu h-anmoch, ag ith-eadh arain a' bhròin; 'nuair a bheiresan còdal d'a sheircin⁷.*

3 Feuch, is iad clann oighreachd an Tighearna, toradh na bronn a dhuais.

4 Mar shaidh dibh ann an làmh gaisgich, mar sin tha mic na h-òige.

5 *Is sona am fear aig am bheil a bholg-saighead làn diubh: cha bhi nàire orra, 'nuair a labhras iad r'a naimhdibh anns a' gheata.*

SALM CXXVIII.

1 *Na beannachdan a leanas iadsan air am bi eagal an Tighearna.*

Laoidh nan ceum.

IS beannaichte gach neach air am bi eagal an Tighearn, a ghluaiseas 'na shlighibh.

2 Oir ithidh tu toradh do làmh: sona bithidh tu, agus éiridh gu maith dhuit.

3 *Bithidh* do bhean mar fhionain tharbh-aich ri taobhan do thighe; do chlann mar òg chroinn-olaidh mu thimchioll do bhùird.

4 Feuch, mar so beannaichear an duine air am bi eagal an Tighearna.

5 Beannaichidh an Tighearn thu á Sion, agus chi thu maith Ierusalem rè uile laith-ean do bheatha.

6 Seadh, chi thu clann do chloinne, agus sìth air Israel.

¹ dhìmeas. ² sàmhachair, suaimhneis, fois.

³ bheim. ⁴ nan aingidh; na h-aingidheachd. Eabh.

⁵ seinn, còd.

⁶ sìl luachmhoir.

⁷ do fhear a ghràidh.

SALM CXXIX.

1 *Maitheas Dhé d'a shluagh Israel.* 5 *Urnuigh an aghaidh naimhdean na h-eaglais.*
 Laoidh nan ceum.

IS minic a chràidh iad mi o m'òige, ab-radh Israel a nìs:

2 Is minic a chràidh iad mi o m'òige; gidheadh cha d'thug iad buaidh orm.

3 Air mo dhruim threabh an luchd-treabhaidh; tharruing iad an sgrìoban fada.

4 *Tha* an Tighearna cothromach: ghearr e o chéile cùird nan aingidh.

5 Cuir ear gu h-amhluaidh, agus pill ear air an ais iadsan uile le'm fuathach Sion.

6 Bitidh iad mar fheur air mullach thighean, a sheargas mum fàs e suas:

7 Leis nach lìon am buanaiche a ghlaic, no fear-ceangail nan sguab a bhrollach¹.

8 Nì mò their iadsan a bhios a' dol scachad riu, Beannachd an Tighearna gu robh oirbh: tha sinn 'gur beannachadh ann an ainm an Tighearna.

SALM CXXX.

1 *'Na theanntachd ghlaodh an sahnadar ri Dia,*
 5 *agus chuir e a dhòigh 'na fhocal.*

Laoidh nan ceum.

O NA doimhneachdaibh ghlaodh mi riut, a Thighearn.

2 A Thighearn, éisd ri m' ghuth; thugadh do chluasan an aire do ghuth m'ath-chuingean.

3 Ma chomharaicheas tusa aingidheachd, a Thighearn; a Thighearna, cò a sheasas.

4 Ach agad-sa *tha* maitheanas; agus uime sin bithidh eagal air daoineibh romhad.

5 Tha mi a' feitheamh air an Tighearna, tha m'anam a' feitheamh, agus 'na fhocal tha mo dhòigh.

6 Tha m'anam a' feitheamh air an Tighearna nì's mò na luchd-faire na maidne, *seadh*, na luchd-faire na maidne.

7 Earbadh Israel as an Tighearn; oir aig an Tighearn *tha* tròcar, agus aige-san *tha* mòr-shaorsa;

8 Agus saoraidh e Israel o 'enceartaibh gu léir.

SALM CXXXI.

1 *Nochd Daibhidh ìrioslachd a chridhe fèin,* 3 *agus dh'earail e air Israel earbsadh à Dia.*

Laoidh nan ceum, le Daibhidh.

A THIGHEARNA, cha 'n'èil mo chridhe uaibhreach, no mo shùilean àrd; agus cha do ghabh mi gnothuch ri nithibh mòra, no ri nithibh àrda air mo shon.

2 Gu deimhin shocraich agus chiùinich mi m'anam, mar leanabh a chuircadh o chich a mhàthar; mar leanabh a chuir-eadh o'n chich *tha* m'anam-sa.

3 Earbadh Israel as an Tighearn, o'n àm so agus gu bràth.

SALM CXXXII.

1 *Eud Dhaibhidh gu àit ullachadh do phàillium an Tighearn.* 11 *Na geallanna a thug Dia do Dhaibhidh.*

Laoidh nan ceum.

CUIMHNICH, a Thighearn, air Daibhidh, agus air 'uile àmhghar:

2 Mar a mhionnaich e do'n Tighearn, a bhòidich e do *Dhia* treun Iacoib, *ag ràdh*,

3 Gu deimhin cha téid mi do phàillium mo thighe, cha téid mi suas air mo leabaidh;

4 Cha toir mi codal do m' shùilibh, no suain do m' rosgaibh²,

5 Gus am faigh mi àit do'n Tighearn, ionad-còmhnuidh do *Dhia* treun Iacoib.

6 Feuch, chuala sinn uime aig Ephratah; fhuair sinn e ann am machar-aibh na coille³.

7 Théid sinn a steach d'a phàilliumaibh; sleuchdaidh sinn aig stòl a chois.

8 Eirich a Thighearna, gu d'thàmh, thu fèin agus àire do neirt.

9 Sgeadaichear do shagairt le h-ionrac as, agus deanadh do naoimh luathghaire.

10 Air sgàth Dhaibhidh t'òglaich, na cuir air a h-ais aghaidh t'Aoin ungta.

11 Mhionnaich an Tighearna do Dhaibhidh am firinn; cha phill e uaith: Do thoradh do chuirp suidhichidh mi air do righ-chaithir.

12 Ma choimhideas do chlam mò choimhcheangal agus mo theistean, a theagaisgeas mi dhoibh, suidhidh mar an ceudna an clann-san air do righ-chaithir gu bràth.

13 Oir ròghnaich an Tighearna Sion; mhianuich e i mar ionad-còmhnuidh dha fèin, *ag ràdh*,

14 *Is i* so mo shuaimhneas gu sìorruidh: an so gabhaidh mi còmhnuidh, oir mhianuich mi i.

15 Beannaichidh mi gu mòr a lòn⁴; sàsuichidh mi a bochdan le h-aran.

16 Eudaichidh mi a sagairt le slàinte; agus nì a naoimh àrd luathghaire.

17 An sin bheir mi air adharc Dhaibhidh fàs: dh'orduich mi lòchran do m' Aon ungta.

18 Eudaichidh mi a naimhdean le nàire: ach air fèin thig a choron fo⁵ bhlàth.

SALM CXXXIII.

1 *Tha Daibhidh a' nochdadh cia taitneach an nì do bhràithribh còmhnuidh a ghabhail cuideachd ann an aonachd.*

Laoidh nan ceum, le Daibhidh.

FEUCH, cia maith agus cia taitneach an nì do bhràithribh còmhnuidh a ghabhail cuideachd ann an aonachd!

2 Mar dheadh oladh-ungaidh air a' cheann, a ruith sìos air an fheusaig, feus-

¹ uchd, 'achlais. ² do fhàbhraibh no shùil.

³ Iaar. Eabh.

⁴ teachd-an-tìr.

⁵ fuidh.

aig Aaroin, a ruith sìos air iomall a thrusgain;

3 Mar dhcalt air Hermon, a thuiteas air sléibhtibh¹ Shioin²; oir an sin dh'àithn an Tighearn am beannachadh, beatha gu sìorruidh.

SALM CXXXIV.

Earail gu Dia a bheannachadh.

Laoidh nan ceum.

FEUCH, beannaichibh an Tighearna, sibhse òglacha an Tighearna gu léir, a sheasas ann an tigh an Tighearna gach oidhche.

2 Togaibh blur làmhnan anns an ionad naomh³, agus beannaichibh an Tighearna.

3 Beannaicheadh an Tighearn thu á Sion, a rinn nêamh agus talamh.

SALM CXXXV.

1 *Earail gu Dia a mholadh air son a mhaitheis, 6 a chumhachd, 8 agus a bhreitheanas an aghaidh naimhdean a shluaigh. 15 Dìomhanas iodhol nan cinneach.*

MOLAIBH an Tighearna; molaibh ainm an Tighearna, molaibhse, òglacha an Tighearna.

2 Sibhse a sheasas ann an tigh an Tighearn, ann an cùirtibh tìghe ar Dé,

3 Molaibh an Tighearn, oir *tha*'n Tighearna maith: seinnibh cliù d'a ainm, oir *tha* e taitneach.

4 Oir ròghnaich an Tighearn Iacob dha féin, Israel mar 'ionmhas sonruichte.

5 Oir tha fios agam gur mòr an Tighearn, agus gu *bheil* ar Tighearn os ceann nan uile dhée.

6 Ge b'e ni bu toil leis an Tighearn rinn e air nêamh agus air talamh, anns na cuantaibh, agus anns na doimhneachdaibh uile.

7 *Is* esan a bheir air a' cheò dol suas o chrìch na talmhainn; a ni dealanach le h-uisge; a bheir a mach a' ghaoth a 'ionadaibh-tasgaidh;

8 A bhuail ceud-ghin na h-Eiphit, araon duine agus ainmhidh;

9 A chuir comharan agus iongantasan ann ad mheadhon, O Eiphit, air Pharaoh agus air 'òglachaibh gu léir;

10 A bhuail cinnich mhòra, agus a mharbh rìghrean mòra,

11 Sihon rìgh nan Àmorach, agus Og rìgh Bhasain, agus uile rìoghachda Chanaain,

12 Agus a thug am fearann mar oighreachd, mar oighreachd do Israel a shluaigh.

13 *Mairidh* t'ainm-sa, a Thighearn, gu bràth: do chuimhne, a Thighearn, o lùn gu linn.

14 Oir bheir an Tighearna breth air a shluaigh, agus gabhaidh e aithreachas, a thaobh a sheirbhiseach.

15 *Is* airgid agus òr iodhol⁴ nan cinneach, obair làmhnan dhaoine.

16 Tha beul aca, ach cha labhair iad; sùilean aca, ach cha'n fhaic iad.

17 Tha cluasan aca, ach cha chluinn iad: ni mò a tha anail 'nam beul.

18 Cosmhuil riu féin tha iadsan a ni iad, gach neach a dh'earbas asda.

19 A thigh Israel, beannaichibh an Tighearn; a thigh Aaroin, beannaichibh an Tighearn.

20 A thigh Lebhi, beannaichibh an Tighearn; sibhse air am bheil cagal an Tighearna, beannaichibh an Tighearn.

21 Beannaichte gu robh an Tighearn á Sion, aig am bheil a chòmhnuidh ann an Ierusalem. Molaibhse an Tighearn.

SALM CXXXVI.

1 *Earail gu buidheachas a thoirt do Dhia air son a thròcairean, agus nan iongantasan mòra a rinn e air son shluaigh Israel.*

O THUGAIBH buidheachas do'n Tighearn, oir *tha* e maith; oir gu bràth *mairidh* a thròcair.

2 Thugaibh buidheachas do Dhia nan dia; oir gu bràth *mairidh* a thròcair.

3 Thugaibh buidheachas do Thighearna nan tighearna; oir gu bràth *mairidh* a thròcair.

4 Dha-san 'na aonar a ni iongantasan mòra; oir gu bràth *mairidh* a thròcair.

5 Dha-san a rinn na nêamhan le gliocas; oir gu bràth *mairidh* a thròcair.

6 Dha-san a shìn an talamh os ceann nan uisge; oir gu bràth a *mairidh* thròcair.

7 Dha-san a rinn soluis mhòra; oir gu bràth *mairidh* a thròcair.

8 A' ghrian a riaghladh an là⁵; oir gu bràth *mairidh* a thròcair.

9 A' ghealach agus na reultan a riaghladh na h-oidhche; oir gu bràth *mairidh* a thròcair.

10 Dha-san a bhuail na h-Eiphitich⁶ 'nan cend-ghinibh; oir gu bràth *mairidh* a thròcair:

11 Agus a thug a mach Israel as am mheadhon; oir gu bràth *mairidh* a thròcair:

12 Le làimh thréin, agus le gairdean sìnte mach; oir gu bràth *mairidh* a thròcair.

13 Dha-san a roinn a' mhuir ruadh 'na roimibh⁷; oir gu bràth *mairidh* a thròcair:

14 Agus a thug air Israel dol troimh a

¹ sliabh. ² Shioin. Faic Deut. Caib. IV. r. 48.

³ le naomhachd.

⁴ dealbhan.

⁵ san là.

⁶ an Eiphit.

⁷ na h-carrannaibh.

meadhon; oir gu bràth *mairidh* a thròc-
air:

15 Ach a thilg Pharaoh agus 'armailt
bun os ceann anns a' mhuir ruaidh; oir
gu bràth *mairidh* a thròcair.

16 Dha-san a threòraich a shluagh
troimh an fhàsach: oir gu bràth *mairidh*
a thròcair.

17 Dha-san a bhuail rìghrean mòra;
oir gu bràth *mairidh* a thròcair.

18 Agus a mharbh rìghrean treuna;
oir gu bràth *mairidh* a thròcair:

19 Sihon rìgh nan Amorach; oir gu
bràth *mairidh* a thròcair:

20 Agus Og rìgh Bhasain; oir gu bràth
mairidh a thròcair:

21 Agus a thug am fearann mar oigh-
reachd; oir gu bràth *mairidh* a thròcair:

22 Mar oighreachd do Israel 'òglach
féin; oir gu bràth *mairidh* a thròcair:

23 A chuimhnich oirnn 'nar staid ìosal;
oir gu bràth *mairidh* a thròcair:

24 Agus a shaor sinn o ar naimhaidibh;
oir gu bràth *mairidh* a thròcair.

25 A tha tabhairt bìdh do gach feoil;
oir gu bràth *mairidh* a thròcair.

26 O thugaibh buidheachas do Dhia
nan nèamh; oir gu bràth *mairidh* a thròc-
air.

SALM CXXXVII.

1 'Nam braidhdeanas chuimhnich clann Israel le
bròn air an tìr féin. 7 Chronaicheadh clann
Edoim agus Bhabìlòin.

LAIMH ri aimhnichibh Bhabìlòin, an
sin shuidh, agus ghuil sinn, an uair
a chuimhnich sinn air Sion.

2 Air na crannaibh seilich 'na meadhon
croch sinn ar clàrsaichean.

3 Oir an sin dh'iarr iadsan a thug am
braidhdeanas sinn, òran oirnn; agus
dh'iarr iadsan a rinn fògaraich dhinn¹
aoibhneas oirnn, *ag ràdh*, Seinnibh dhuinn
aon do laoidhibh Shìoin.

4 Cionnus a sheinneas sinne laoidh an
Tighearn ann an tìr choimhich?

5 Ma dhì-chuimhnicheas mise thusa, a
Ierusalem, dì-chuimhnichadh mo làmh
dheas a seòltachd.

6 Leanadh mo theangadh ri m' ghial²,
mur cuimhnich mi ort, mur fearr leam
Ierusalem na m'aoibhneas a's àirde.

7 Cuimhnich, a Thighearna, clann
Edoim, ann an là Ierusalem, a thubh-
airt, Leagaibh, leagaibh³ sìos i gu ruig a
bunait.

8 A nighean Bhabìlòin, a lom-sgrìosar⁴,
is sona esan a dhiolas dhuitse, a rèir mar a
rinn thu oirne.

9 Is sona esan a ghlasas agus a phronn-
as do chlànn bheag ris na clachaibh.

SALM CXXXVIII.

1 Mhol Daibhidh an Tighearn air son 'fhìrinn agus
a chaoimhneis-gràidh. 4 Roimh-innis e gu'n
tugadh rìghrean na talmhainn moladh do Dhia.

Salm le Daibhidh.

MOLAIDH mi thu, a Thighearna,
le m' uile chridhe; an làthair nan
dée seinnidh mi cliù dhuit.

2 Sleuchdaidh mi aig do theampull⁵
naomh, agus molaidh mi t'ainm air son do
chaoimhneis-gràidh, agus air son t'fhìr-
inn; oir dh'àrdaich thu t'fhocal os ceann
t'ainme uile.

3 San là air an do ghlaodh mi *riut*,
fhreagair thu mi; neartaich thu mi a'm'
anam le treòir.

4 Molaidh uile rìghrean na talmhainn
thu, a Thighearna, 'nuair a chluinneas
iad briathran do bheòil:

5 Agus seinnidh iad ann an slighibh an
Tighearn; oir is mòr glòir an Tighearna.

6 Ge h-àrd an Tighearna, gidheadh
seallaidh e air an iriosal; ach aithnich-
idh e an t-uaidhbreach fad as.

7 Ged ghluais mi ann am meadhon àmh-
ghair⁶, ath-bheothaichidh tu mi; an agh-
aidh corruich mo naimhde sìnidh tu do
làmh, agus saoraidh do dheas làmh mi.

8 Coimhlionaidh an Tighearn air mo
shon; *mairidh* do thròcair, a Thighearna,
gu bràth: na tréig oibre do làmh.

SALM CXXXIX.

1 Dh'aoidich Daibhidh gu'n robh làthaireachd Dhé
mu'n cuairt da a ghnàth. 17 Mhol e an Tigh-
earn air son a thròcairean; 23 agus ghuidh e bhà
air a threòrachadh san t-slighe shiorruidh.

Do'n àrd fhear-ciùil. Salm le Daibhidh.

A THIGHEARNA, rannaich⁷ thu mi,
agus is aithne dhuit mi.

2 Is aithne dhuit mo shuidhe agus m' éir-
igh; tuigidh tu mo smuaintean fad as.

3 Chuairtich thu mo cheum agus mo
luidhe sìos, agus air mo shlighibh gu léir
is fiosrach thu.

4 Oir feuch, cha 'n eil focal air mo
theangaidh, Thighearna, nach aithne
dhuit gu léir.

5 Am dhéigh, agus romham, chuairt-
ich thu mi⁸, agus chuir thu do làmh orm.

6 Is ro iongantach an t-eòlas so air mo
shon: tha e àrd; cha ruig mi air.

7 C'ait an téid mi o d' spiorad? agus
c'ait an teich mi d' ghnùis⁹?

8 Ma théid mi suas do nèamh, *tha* thu
'n sin; ma nì mi mo leabadh ann an
ifrinn¹⁰, feuch, *tha* thu 'n sin.

9 Ma ghabhas mi sgìathan na maidne,
agus gu còmhluich mi ann an ionadaibh
iomallach na fairge;

¹ a chreach, a chlaoidh sinn.

² Rùisgibh, rùisgibh.

³ a làimh do theampull.

⁴ chàircean.

⁵ dh'fhàsaichear.

⁶ teinn, trioblaid.

⁷ dh'fhidir.

⁸ dhealbhadh thu mi.

⁹ fhianuis, làthaireachd.

¹⁰ anns an ionad a's iochdaraiche, anns an uaigh

10 Eadhon an sin stiùraidh do làmh mi, agus cumaidh do dheas làmh mi.

11 Ma their mi, Gu deimhin folaichidh an dorchadas mi, bithidh an oidhche féin mar sholus mu'n cuairt orm.

12 Cha'n fholaich eadhon an dorchadas uaitse; ach dealraichidh an oidhche mar an là: is ionann an dorchadas agus an solus duitse.

13 Oir ghabh thu sealbh air m'àirneibh: dh'fholuich thu mi ann am broinn mo mlàthar.

14 Molaidh mi thu, oir is uamhasach, iongantach a dhealbhadh mi; is iongantach t'òibre-sa, agus is ro fhiosrach m'an-am air sin.

15 Cha d'fholaicheadh mo chorp¹ uait an uair a rinneadh mi an dìomhaireachd, a dhealbhadh mi gu h-iongantach ann an ionadaibh iochdarach na talmhainn.

16 Chunnaic do shùilean mo cheud-fhàs anabuich, agus ann ad leabhar sgrìobhadh sìos mo bhuill uile, a dhealbhadh ri h-uine, gun aon diubh fathast ann.

17 O cia luachmhor leamsa do smuainte-sa, a Dhé! cia mòr an uibhir²!

18 Nan àirmhinn iad, is lìonmhoire iad na a' ghaineamh: 'nuair a dhùisgeas mi, tha mi a ghnàth maille riutsa.

19 Gu cinnteach, a Dhé, marbhaidh tusa an t-aingidh: uime sin, a dhaoine fuileachdach, imichibh uam:

20 Oir labhair iad a'd' aghaidh gu h-aingidh; thug do naimhde t'ainm an diomhanas.

21 Nach 'eil mi tabhairt fuath, a Thighearna, dhoibhsan a tha toirt fuath dhuitse? agus nach 'eil mi gabhail gràin dhiubhsan a tha 'g éirigh suas a'd' aghaidh?

22 Le fuath iomlan tha mi toirt fuath dhoibh; mar naimhde measam iad³.

23 Rannsaich mi, a Dhé, agus aithnich mo chridhe: dearbh mi, agus tuig mo smuainte.

24 Agus amhaire am bheil slighe olc air bith annan, agus treòraich mi anns an t-slighe shiorruidh.

SALM CXL.

1 Ghuidh Daibhidh gu'n teasairgeadh Dia e o ais-innleachd a naimhdean. 12 Tha dòchas aig gu'n cum an Tighearna ceartas ris na bochdaibh.

Do'n àrd fhear-ciùil. Salm le Daibhidh.

TEASAIRG mi, a Thighearna, o'n droch dhuine; o fhear na foireigne gléidh mi;

2 A tha smuaineachadh aimhleis 'nan cridhe; cruinnichidh iad gach là⁴ chum cogaidh.

3 Gheuraich iad an teangadh, mar

theangaidh nathrach; tha nimh na nathrach fo'm bilibh. Selah.

4 Gléidh mi, a Thighearna, o làmhaidh nan aingidh; o fhear an fhoirneirt dìon mi, le'm b'àill mo cheumanna thilgeadh bun os ceann.

5 Dh'fholuich na h-uaidhbrich ribe dhomh, agus cuird; sgaoil iad lìon ri taobh na slighe; leag iad ceapa-tuislidh dhomh. Selah.

6 Thubhairt mi ris an Tighearna, Is tu mo Dhia: éisd, a Thighearna, ri guth m'athchuingeann.

7 A Iehobhah, a Thighearna, neart mo shlàinte; dh'fholuich thu mo cheann ann an là catha.

8 Na deònuich, a Thighearna, miannan an aingidh; na soirbhich le 'ais-innleachd, air eagal gu'n àrdaich siad iad féin. Selah.

9 A thaobh nan daoine a chuairtich mi, còmhdaicheadh⁵ aimhleas am bilean féin iad.

10 Tuitedh eibhlean teine orra: san teine tilgear iad; ann an slochdaibh domhain, chum nach éirich iad a ris.

11 Na daingnichear fear-labhairt uile air an talamh: sealgaidh olc air fear an fhoirneirt, chum a sgrios.

12 Tha fhios agam gu'n cum an Tighearna ceartas ris an duine thruagh, còir ris na bochdaibh.

13 Gu dearbh bheir na fireana moladh do t'ainm: gabhaidh na h-ionracain còmhuidh a'd' fhianuis.

SALM CXLI.

1 Ghuidh Daibhidh gu'n éisdeadh Dia r'a ghuth; 3 gu'n cuireadh e faire air a bheul, 9 agus gu'n còmhdaicheadh se e o ribe luchd-deanamh na h-euceirt.

Salm le Daibhidh.

A THIGHEARNA, tha mi ag éigheach riut; greas a m' ionnsuidh; éisd ri m' ghuth, 'nuair a dh'éigheas mi riut.

2 Cuirear m'urnuigh a'd' làthair, mar thùs; togail suas mo làmh, mar an iobairt fheasgair.

3 Cuir, a Thighearna, faire air mo bheul; gléidh dorus mo bhilean.

4 Na aom mo chridhe gu ni olc air bith, gu bearta aingidh a chur an gnìomh le luchd-deanamh na h-euceirt: agus na h-itheam féin d'an nithibh milse.

5 Buailleadh am firean mi, is caoimhneas e; agus cronaicheadh e mi, is oladh luachmhor e, nach bris mo cheann: oir fathast bithidh m'urnuigh mar an ceudna air an son 'nan àmhghairibh.

6 'Nuair a thilgear sìos am breitheamh-na ann an ionadaibh clachach, éisdidh iad ri m' bhriathraibh, oir tha iad milis.

¹ neart. ² an cumtas ceann, an àireamh.

³ tha iad agam. Eabh. ⁴ a ghnàth. ⁵ còmhdaichidh.

7 Mar a ghearras agus a sgoilteas neach fiodh air an làr, sgaoileadh ar cnàmhan aig beul na h-uaigne.

8 Ach a d' ionnsuidh-sa, a Iehobhah, a Thighearna, *tha* mo shùilean: annad-sa chuir mi mo dhòigh; na tréig m'anam¹.

9 Coimhid mi o'n ribe a leag iad dhomh, agus o cheapaibh-tuislidh luchd-deanamh na h-euceirt.

10 Tuiteadh na h-aingidh 'nan lìontaibh féin, am feadh a bhios mise a' gabhail thairis.

SALM CXLII.

1 'Na thrioblaid ghlaodh Daibhidh ris an Tighearn, 5 agus thaom e a ghearan 'na làthair.

Maschil le Daibhidh. Urnuigh 'nuair a bha e anns an uaimh.

LE m' ghuth ghlaodh mi ris an Tighearna; le m' ghuth dh'asluich mi air an Tighearna.

2 Thaom mi mo ghearan 'na làthair; chuir mi 'n céill mo theinn 'na fhianuis.

3 'Nuair a chlaoidheadh mo spiorad annam, b'aithne dhuitse mo cheum: san t-slighe air an d'imich mi, dh'fholuich iad ribe dhomh.

4 Dh'amhaire mi air mo làmh dheis, agus feuch, cha robh fear ann d'am b'aithne mi; thréig cabhair mi; cha robh neach ann a dh'fheòraicheadh air son m'anama.

5 Ghlaodh mi riut, a Theighearna; thubhairt mi, *Is* tu mo thearmunn², mo chuibhrionn ann an tìr nam beò.

6 Thoir an aire do m' ghlaodh, oir dh'islicheadh mi gu mòr; saor mi uathas an tha'n tòir orm, oir is treise iad na mi.

7 Thoir m'anam á prìosan, chum gu mol mi t'ainm: cuairtichidh na fireana mi; oir buinidh tu gu fial rium.

SALM CXLIII.

1 Gheuidh Daibhidh air an Tighearn gu'm bitheadh e bàigheil ris ann am breitheanas. 3 Tha e ri caoidh gu'n d' rinn a naimhdean geur-leanmhuinn air 'anam. 5 Dh'asluich e air Dia gu'n nochdadh e dha a chaomhneas-gràidh, 7 agus gu'n teasairg-eadh se e o làimh a naimhdean.

Salm le Daibhidh.

CLUINN m'urnuigh, a Thighearn; éisd ri m'athcheuingibh ann ad fhìrinn, freagair mi ann ad cheartas.

2 Agus na tig ann am breitheanas le t'òglach; oir ann ad fhianuis cha'n fhìreanaichear duine beò air bith.

3 Oir gheur-lean an nàmhaid m'anam; bhuaile e mo bheatha sìos gu làr; thug e orm còmhnuidh ghabhail ann an dorchadas, mar iadsan a bha fada marbh.

4 Uime sin chlaoidheadh mo spiorad annam; tha mo chridhe briste an taobh a sìgh dhìom.

5 Is cuimhne leam na làithean o chian; tha do ghnìomhara gu léir a' teachd a'm aire; tha mi a' beachd-smuaineachadh air obair do làmh.

6 Shìn mi mo làmhan riutsa: *tha* m'anam, mar thalamh tartmhor³, an geall ort. Selah.

7 Eisd rium gu grad, a Thighearna; chaidh as do m' spiorad: na folaich do ghnùis orm, air eagal gu'm bi mi cosmhuil riu-san a theid sìos do'n t-slochd.

8 Thoir orm do chaomhneas-gràidh a chluinntinn anns a' mhadaim, oir annad-sa chuir mi mo dhòigh: thoir orm gu'n aithnich mi an t-slighe anns an còir dìomh imeachd, oir riut-sa tha mi togail suas m'anama.

9 Teasaig mi o m' naimhdibh, a Thighearna: a d'ionnsuidh-sa teichidh mi⁴.

10 Teagaisg dhomh do thoil a dheanamh, oir *is* tu mo Dhia: treòraicheadh do spiorad maith mi gu tìr an ionracais.

11 Air sgàth t'ainme, a Thighearna, beothaich thusa mi: trid d' fhìreantachd saor m'anam o theinn.

12 Agus trid do thròcair gearr as mo naimhdean, agus sgrìos iadsan uile a tha claidh m'anama; oir *is* mi t'òglach.

SALM CXLIV.

1 Bheannaich Daibhidh an Tighearn do bhrìgh gu'n robh e 'na fhear-saoraidh dha. 5 Gluidh e gu'n teasairg-eadh Dia e o làimh cloinne choigreach. 9 Gheall e Dia a mholadh.

Salm le Daibhidh.

BEANNAICHTE gu robh an Tighearna mo charraig⁵, a theagaisgeas mo làmhan gu cath, mo mheoir gu comhrag:

2 Mo mhaith, agus mo dhaingneach; mo thùr àrd, agus m'fhear-saoraidh-sa; mo sgiath, agus an tì as an earb mi; a cheannsaicheas mo shluagh⁶ fodham.

3 A Thighearna, ciod e an duine, gu bheil thu a' gabhail eòlais air? mac an duine, gu bheil meas agad air?

4 Is cosmhuil an duine ri dìomhanas: *tha* a làithean mar sgàile a ghabhas seachad.

5 A Thighearna, lùb do fhlaithneas, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgaoil iad; tilg do shaighdean, agus claidh iad.

7 Sìn uaib do làmh o'n àirde, saor mi, agus teasairg mi o uisgeachaibh mòra, à làimh cloinne choigreach;

8 Aig am bleil am beul a' labhairt dìomhanais, agus *is* i'n deas làmh deas làmh na bréige.

9 A Dhé, seinnidh mi dhuit òran nuadh;

¹ na dean m'anam falamh, lèim.

² mo dhìdean, mo dhòchas. ³ ann an tìr thartmhoir.

⁴ teichidh mi gu m' fholach.

⁵ mo ncart.

na sìdigh.

air an t-saltair, *air* inneal-ciuil nan deich teud, seinnidh mi moladh dhuit.

10 *Is* esan a bheir buaidh¹ do rìghribh, a shlaoras Daibhidh, 'òglach féin, o'n chlàidheamh mhìllteach.

11 Saor mi, agus teasairg mi o làimh cloimne choigreach, aig am bheil am beul a' labhairt dìomhanais, agus *is* i'n deas làmh deas làmh na brèige:

12 Chum gu'm *bi* ar mèir mar ùr-chroinn a' fàs suas 'nan òige, ar nigheana mar chlàchaibh oisinn, snàidhte a *rèir* cos-amhlachadh lùchairt:

13 Chum gu'm *bi* ar saibhlcan làn, a' toirt nathia do gach gnè thoraidh, ar caorach a' breth nam mìltean, scadh deich mìltean 'nar macharaibh²;

14 Gu'm *bi* ar daimh làidir gu h-obair; nach *bi* briseadh steach am, no dol a mach; agus nach *bi* gearan 'nar sràidibh.

15 *Is* sona an sluagh, a tha san staid³ so: *is* sona an sluagh, d'an Dia an Tighearna.

SALM CXLV.

1 *Chuir Daibhidh an cèill cumhachd iongantach an Tighearn, 7 a mhaitheas, 18 a cheartas agus a naomhachd.*

Laoidh-mholaidh le Daibhidh.

A RDAICHIDH mi thu, mo Dhia, mo Rìgh; agus beannaichidh mi t'ainm gu saoghal nan saoghal.

2 Gach là beannaichidh mi thu, agus molaidh mi t'ainm gu saoghal nan saoghal.

3 *Is* mòr an Tighearn, agus *is* ro airidh e air moladh; agus cha'n fheudar a mhòrachd a rannsachadh.

4 Molaiddh àl do àl do ghniomhara, agus cuiridh iad an cèill t'òibre cumhachdach.

5 Air urram glòire do mhòrachd agus air t'òibrigh iongantach labhraidh mi⁴.

6 Agus labhraidh daoine⁵ air neart do bhearta uamhasach; agus aithrisidh mise⁶ do mhòrachd.

7 Cuiridh iad an cèill gu pailt cuimhne do mhaitheis mhòir, agus àrd-mholaidh iad t'fhìreantachd.

8 *Is* gràsmhor agus truacanta an Tighearna; mall chum feirge, agus pailt ann an tròcair.

9 *Is* maith an Tighearna do na h-uile, agus *tha* a chaomh-thròcairean os ceann t'òibre uile.

10 Molaiddh t'òibre gu léir thu, a Thighearna: agus beannaichidh do naoimh thu.

11 Air glòir do rìoghachd labhraidh iad, agus cuiridh iad an cèill do chumhachd:

12 Chum a' bhearta iongantach a dheanamh aithnichte do chloinn nan daoine, agus glòir mòralachd a' rìoghachd.

13 *Is* rìoghachd shiorruidh do rìogh-

achd-sa; agus *mairidh* t'uachdaranachd air feadh nan uile ghinealach.

14 [Tha an Tighearna firinneach 'na uile bhriathraibh, agus naomh 'na uile ghnìomharaibh.]

15 Cumaidh an Tighearna suas iadsan uile a tha tuiteam, agus togaidh e 'n àird iadsan uile a tha air cromadh sìos.

16 Tha sùilean nan uile a' feitheamh ort, agus bheir thu dhoibh am biadh 'na thràth.

17 Tha thu a' fosgladh do làimh, agus a' sàsuehadh miann gach ni beò.

18 Tha'n Tighearna ceart 'na nìle shligheibh, agus naomh 'na uile ghnìomharaibh.

19 *Is* dlùth an Tighearna dhoibhsan uile a ghairmeas air, dhoibhsan uile a ghairmeas air an firinn.

20 Coimhlionaidh e miann na droinge d'an eagal e; agus éisdidh e r'anglaodh, agus saoraidh e iad.

21 Gleidhidh an Tighearn iadsan uile a ghràdhachas e; ach sgriosaidh e na h-aingidh gu léir.

22 Air clù an Tighearna labhraidh mo bheul: agus beannaichidh gach feoil 'ainm naomh-san gu saoghal nan saoghal.

SALM CXLVI.

1 *Gheall Daibhidh gu'm moladh e Dia rè a bheatha, 5 Is sona an tì a dh'earbas as an Tighearn.*

MOLAIBHSE an Tighearna: mol an Tighearn, O m'anam.

2 Molaiddh mi an Tighearn an cian is beò mi⁹; seinnidh mi clù do m' Dhia, am feadh a bhios bith agam.

3 Na h-earbaibh á h-uachdaranaibh¹⁰, á mac duine sam bith, anns nach 'eil furtachd.

4 Thèid anail as, pillidh e g'a ùir; san là sin féin thèid as d'a smuaintibh.

5 *Is* sona an tì aig am bheil Dia Iacob mar a chabhair, aig am bheil a dhòchas anns an Tighearn a Dhia,

6 A rinn nèamh agus talamh, a' mhuir agus gach ni a ta anna; a ghleidheas firinn gu bràth,

7 A chumas còir riu-san a tha fo fhòirneart; a bheir biadh do na h-ocraich. Cuiridh an Tighearna na prìosanaich fo sgaoil.

8 Fosgailidh an Tighearna sùilean nan dall; togaidh an Tighearna suas iadsan a tha air an cromadh sìos: is ionmhuinn leis an Tighearna na fircana.

9 Gleidhidh an Tighearna na coigrich; togaidh e suas an dilleachdan agus a' bhantrach: ach tilgidh e slighe nan aingidh bun os ceann.

¹ slàinte.

³ inbhc, chor.

² sràidibh.

⁴ Air urram glòire

do mhòrachd labhraidh iad, agus air t'òibrigh

iongantach beachd-smuainichidh iad.

⁶ iad.

⁹ rè mo bheatha.

⁷ do.

¹⁰ daoineibh mòra, uaisle.

⁵ iad.

⁸ do.

10 Rìoghaichidh an Tighearna gu bràth, do Dhia-sa, a Shìon, o linn gu linn. Molaibhse an Tighearna.

SALM CXLVII.

1 *Dh'àithn am fàidh buidheachas a thabhairt do'n Tighearn air son a mhaithéis d'a shluagh; 4 air son a chumhachd, 6 agus a thròcair. 15 Tha uachdaranaich aig Dia os ceann gach nì a chruthaich e.*

MOLAIBHSE an Tighearn; oir is maith an nì a bhi tabhairt cliù d'ar Dia, oir a *ta* e taitneach, agus a *ta* moladh ciatach.

2 Togaidh an Tighearna suas Ierusalem; cruinnichidh e ri chéile dìobaraich Israeil.

3 Leighisidh e iadsan aig am bheil cridhe briste, agus ceanglaidh e suas an leònta¹.

4 Innsidh² e àireamh nan rionnag; bheir e ainmean orra uile.

5 Is mòr ar Tighearn, agus is mòr a chumhachd: *tha* a thuigse gun tomhas.

6 Togaidh an Tighearna suas na daoine ciuine³; tilgidh e sìos na h-aingidh gu làr.

7 Seinnibh do'n Tighearna le buidheachas; seinnibh moladh d'ar Dia-ne air a' chlàrsaich:

8 A dh'fholaicheas⁴ nèamh le neulaibh, a dh'ulluicheas uisge do'n talamh, a bheir air feur fàs air na sleibhtibh.

9 Bheir esan a bhiadh do'n ainmhidh, do na fithich òga a ghoireas⁵.

10 Ann an neartan eich cha bhi a dhùil; ann an cosaibh fir cha ghabh e tlachd.

11 Gabhaidh an Tighearna tlachd anntasan d'an eagal e, a chuireas an dòigh 'na thròcair.

12 Mol an Tighearn, a Ierusalem: mol do Dhia, a Shìon:

13 Oir neartaich e croinn do gheatacha; bheannaich e do chlànn an taobh a stigh dhìot.

14 Nì e sìth a'd' chrìochaibh; sàsuichidh e thu le smior a' chruithneachd.

15 Cuiridh e mach 'àithne air thalamh; gu luath ruithidh 'fhocal.

16 Bheir e sneachdadh mar olainn; sgaoilidh e an liath-reodh mar luathre.

17 Tilgidh e mach 'eigh⁶ mar ghream-anna; cò dh'fheudas seasamh fa chomhair 'fhuachda?

18 Cuiridh e mach 'fhocal, agus leaghaidh e iad; séididh a ghaoth, sruthaidh na h-uisgeacha.

19 Foillsichidh e 'fhocal do Jacob, a reachdan agus a bhreitheanais do Israeil.

20 Cha do bhuin e mar so ri cinneach

sam bith; cha mhò a b' aithne dhoibh a bhreitheanais. Molaibhse an Tighearna.

SALM CXLVIII.

1 *Dh'earail Daibhidh air na h-ainglith, agus air gach creutair cruthaichte, Dia a mholadh.*

MOLAIBHSE an Tighearna. Molaibh an Tighearn o na nèamhaibh; molaibh e anns na h-àrdaibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta soluis,

4 Molaibh e, a nèamha nan nèamh, agus uisgeacha a *tha* os ceann nan nèamh.

5 Moladh iad ainm an Tighearn; oir dh'àithn e, agus chruthaicheadh iad.

6 Agus dhaingnich e iad gu saoghal nan saoghal; rinn e àithne, nach téid thairis⁷.

7 Molaibh an Tighearn o'n talamh, a dhràgon, agus a dhoimhneachdan uile.

8 Teine⁸ agus clach-shmeachd; sneachdadh agus ceò; gaoth dhoimhneach a' coimhlionadh 'fhocail;

9 Na beanntan agus na cnuc uile; craobhan-meas⁹ agus na h-uile sheudair¹⁰;

10 *Fiadh*-bheathaiche, agus gach uile ainmhidh; nithe snàigeach, agus eunlaith iteagach¹¹;

11 Rìghrean na talmhainn agus na h-uile shlòigh; uachdarana agus uile bhreitheamhna na talmhainn;

12 Araon òig-fhir agus òighean; seann daoine agus clann¹²;

13 Moladh iad sin ainm an Tighearn: oir a *ta* 'ainm-san a mhàin urramach¹³, *tha* a ghlòir os ceann na talmhainn agus nan nèamh.

14 Agus dh'àrdaich e adharc a shluaigh, moladh a naomh uile; eadhon cloinn Israeil, sluaigh a *ta* 'm fagus da. Molaibhse an Tighearna.

SALM CXLIX.

1 *Is airidh Dia air cliù air son a mhaithéis d'a shluagh, 5 agus air son a dhìoghaltais air na cinnich.*

MOLAIBHSE an Tighearna. Seinnibh do'n Tighearn òran nuadh, seinnibh a mholadh ann an coimhlional nan naomh.

2 Bìodh Israeil aoibhneach 'na Chruith-fhear: deanadh clann Shìoin gairdeachas 'nan Rìgh.

3 Moladh iad 'ainm anns an dannsadh: le tiompan agus le clàrsaich seinneadh iad dha.

4 Oir gabhaidh an Tighearna tlachd 'na shluagh: nì e na daoine sèimhe sgiamhach le slàinte.

5 Deanadh na naoimh gairdeachas ann

¹ doilgheasan. ² Airmhidh. ³ macanta.

⁴ chòmhaicheas.

⁵ ghlaodhas.

⁶ a leac-òighre.

⁷ nach briseair.

⁸ tein'-athair.

⁹ cheudair.

¹⁰ dèanaich.

¹¹ craobhan-toraidh.

¹² sgiaithach, sgiathanach.

¹³ air àrdachadh.

SALM, CXLIX. CL.

an glòir: deanadh iad iolach¹ air an leabaichibh.

6 *Biodh àrd-chliù Dhé 'nam beul, agus claidheamh dà fhaobhair 'nan làimh,*

7 A chum dìoghaltas a dheanamh air na cinnich, smachdachadh goirt² air na slòigh;

8 A chum an rìghrean a cheangal le slabhraidhibh, agus an àrd uaislean le geinhlìbh iaruin;

9 A chum am breitheanas a chur an gnìomh orra, a tha sgrìobhta: *tha'n t-urram so aig a naoimh uile.* Molaibhse an Tighearna.

SALM CL.

Earail gu Dia a mholadh le innealaibh-ciùil.

¹ àrd-sheinneadh iad.

MOLAIBHSE an Tighearna. Molaibh Dia 'na ionad naomh; molaibh e ann an speuraibh³ a chumhachd.

2 Molaibh e air son a ghnìomhara treuna; molaibh e a réir àirde a mhòrachd.

3 Molaibh e le fuaim trompaid; molaibh e le saltair, agus le clàrsaich.

4 Molaibh e le tiompan agus dannsadh; molaibh e le innealaibh-ciùil nan teud, agus le organ.

5 Molaibh e le ciombalaibh fonnmhor; molaibh e le ciombalaibh àrd-fluaim neach,

6 Moladh gach ni anns am bheil anail an Tighearna. Molaibhse an Tighearna.

² peanas.

³ athar, iarmailt.

GNATH-FHOCAIL.

CAIB. I.

1 *Feum agus luach a' ghliocas. 7 Is e eagal an Tighearna tùs an eòlais. 20 Rinn gliocas gearan an oghaidh luchd-fhochaid, 24 agus bhagair i iad le léir-sgrìos.*

GNATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na tuigse;

3 A ghabhail teagaisg a' ghliocais, a' cheartais, agus a' bhreitheanais, agus na còrach;

4 A thoirt géire dhoibhsan a ta baoghalt¹, eòlais agus céill² do'n òganach.

5 Eisdidh duine glic, agus meudaichidh e fòghlum; agus sealbhaichidh duine tuigs-each comhairlean glice:

6 A thuigsinn gnàth-fhocail, agus eadar-mhìneachaidh; fhocal nan daoine glice, agus am briathar dorcha.

7 *Is e eagal an Tighearna tùs an eòlais: air gliocas agus teagasg ni amadain tàir.*

8 A mhic, éisd thusa ri teagasg t'athar, agus na tréig lagh do mhàthar:

9 Oir 'nan còran maise *bithidh* iad do d' cheann, agus 'nan slabhruidhibh do d' mhuineal.

10 A mhic, nia thàlaidheas³ peacaich thu, na aontaich thusa leo.

11 Ma their iad, Thig leinne, deanamaid feall-fheitheamh⁴ air fuil, luidheamaid am folach air son an neòchiontaich gun aobhar:

12 Mar an uagh sluigeamaid suas beò

iad, agus iomlan mar iadsan a théid sìos do'n t-slochd.

13 Gheibh sinn gach uile mhaoin luachmhor, lìonaidh sinn ar tighean le creich⁵:

14 Tilg a steach do chrannchur 'nar me sg-ne; bithidh aon sporan againn uile.

15 A mhic, na h-imich thusa sant-slighe maille riu; cum air a h-ais do chos o'n ceum.

16 Oir tha'n cosan a' ruith a chum uile, agus a' deanamh deifir a dhòrtadh fola.

17 Gu deimhin is dìomhain an lìon a sgaoleadh an sealladh eoin air bith.

18 Agus tha iad ri feall-fholach⁶ an aghaidh am fola féin; tha iad a' luidhe an uaigneas an aghaidh an anama féin.

19 Mar sin *tha* slighean gach neach a ta sanntach air buannachd: anam a shealbhadairan bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an àitibh sònruichte a' chomh-chruinneachaidh tha i ag éigheach, ann am fosgladh nan geata: anns a' bhaile tha i a cur a mach a briathra, *ag ràdh*,

22 Cia fhad, a dhaoine baoghalta, a ghràdhaicheas sibh baoghaltachd? agus a ghabhas luchd-fochaid tlachd 'nam focheid, agus a bheir amadain fuath do eòlas?

23 Pillibh ri m' achmhasan: feuch, dòirtidh mi mach mo spiorad dhuibh⁷; ni mi aithnichte mo bhriathra duibh.

24 A chionn gu'n do ghairm mi, agus

¹ aon-fhille, neo-gheur.

² eagnuidheachd, deadh chomhairle.

³ bhreugas, mheallas.

⁴ plaid-luidhe.

⁵ spùinne.

⁶ plaid-luidhe.

⁷ oirbh.

gu'n do dhiùlt sibhse, gu'n do shìn mi mach mo làmh, agus nach d'thug duine sam bith an aire;

25 Ach gu'n do chuir sibh an neo-bhrìgh m'uile chomhairle, agus nach b'àill leibh a bheag do m'achmhasan;

26 Ni mise mar an ceudna gàire ri'r sgrios-sa; ni mi fanoid 'nuair a thig bhuir n-eagal;

27 'Nuair a thig bhuir n-eagal mar fhàsachadh, agus a thig bhuir léir-sgrios oirbh mar ioma-ghaoith; 'nuair a thig teinn¹ agus cràdh-cridhe oirbh.

28 An sin gairmhidh iad ormsa, ach cha flireagair mi; iarraidh iad mi gu moch, ach cha'n fhaigh iad mi;

29 A chionn gu'n d'fhuathaich iad eòlas, agus nach do ròghnaich iad eagal an Tighearna.

30 Cha b'àill leo bheag do m'chomhairle², rinn iad tàir air m'achmhasan uile.

31 Uime sin ithidh iad do thoradh an slighe féin, agus lìonar iad le'n innleachd-aibh féin.

32 Oir marbhaidh claonadh nan daoine baoghalta iad, agus sgriosaidh soirbh-eas³ nan amadan iad féin.

33 Ach ge b'e dh'éisdeas riumsa, gabhaidh e còmhuidh an tèaruinteachd, agus bithidh e saor⁴ o eagal uile.

CAIB. II.

1 'Nuair a théid gliocas a steach do'n chridhe teagaisgidh i eagal an Tighearna, 10 dìonaidd i o shlighe an droch dhuine, 20 agus trebraichidh i air slighe na beatha.

A MHC, ma ghabhas tu mo bhriathra-sa, agus ma dh'fholuicheas tu m'aitheantan maille riut;

2 Air chor as gu'n aom thu do chluas ri gliocas, gu'n leag thu do chridhe air tuigse;

3 Seadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'iarras tu air a mar airgid, agus ma rannsaicheas tu air a son, mar air son ionmhasan folaichte;

5 An sin tuigidh tu eagal an Tighearna, agus gheibh thu eòlas Dé:

6 Oir bheir an Tighearna gliocas; as a bheil thig eòlas agus tuigse.

7 Tha e tasgaidh suas gliocais fhallain air son nam firean: is sgiath e dhoibh-san a ghluaiseas gu h-ionraic.

8 Tha e a' coimhead ceumanna a' bhreitheanas, agus a' dìonadh slighe a naomh.

9 An sin tuigidh tu fireantachd, agus breitheanas, agus ceartas; seadh, gach uile dheadh shlighe.

10 'Nuair a théid gliocas a steach ann

ad chridhe, agus a bhios eòlas taitneach do d'anam,

11 Ni ciall do dhìonadh, coimhididh tuigse thu;

12 Gu d'shaoradh⁵ o shlighe an droch dhuine; o'n duine a labhras nìthe fiara⁶;

13 A dh'fhàgas ceumanna an ionracais, a dh'imeachd ann an slighibh an dorchadais;

14 Leis an aoibhinn an t-olc a dheanamh, agus a tha gabhail tlachd ann an aingealtachd nan aingidh.

15 G'ad bheil an sligheanna cam, agus iad a' claonadh 'nan ceumannaibh:

16 Chum do shaoradh o'n mhnaoi choimblech, o'n bhana choigrich a ni miodal le a briathraibh;

17 A thréigeadh oid-unnasach⁷ a h-òige, agus a dhì-chuimhniceas coimhcheangal a Dé:

18 Oir tha a tigh a' claonadh chum bàis, agus a ceumanna chum nam marbh.

19 Cha phill duine sam bith a théid d'a h-ionnsuidh, agus a ris cha'n fhaigh e sligheanna na beatha⁸.

20 Chum gu'n imich thu ann an slighe dhaoine maith⁹, agus gu'n gléidh thu ceumanna nam firean.

21 Oir gabhaidh na h-ionracain còmhuidh san tìr, agus fanaidh na daoine foirfe¹⁰ innte.

22 Ach gearrar na daoine aingidh bhàrr na talmhainn, agus spionar luchd-eus-aontais as.

CAIB. III.

1 Chomhairlich Solamh, do'n t-slugh gu'n coimheadh iad lagh an Tighearna, 5 gu'n earbadh iad a' mhaithreas, 7 gu'm bithheadh iad iriosal, 9 diadhaidh, 10 agus foighidneach. 20 Cumhadh, 21 agus sochairan a' ghliocais. 33 Mallachadh nan-aingidh.

A MHC, na dì-chuimhnich mo lagh; ach gleidheadh do chridhe m'aitheantan:

2 Oir làithean buan, agus saoghal fada, agus sìth bheir iad dhuit.

3 Na tréigeadh tròcair agus firinn thu: ceangail iad mu d' mhuineal; sgrìobh iad air clàr do chridhe.

4 Agus gheibh thu deadh-ghean, agus tuigse mhaith an sealladh Dhé agus dhaoine.

5 Earb as an Tighearna le d' uile chridhe; agus ri d' thuigse féin na biodh do thaice.

6 Ann ad uile shlighibh aoidh e, agus seòlaidh esan do cheumanna.

7 Na bi glic a'd' shùilibh féin; biodh eagal an Tighearna ort, agus tréig olc.

8 'Na shlàinte bithidh e do d' iomlaig, agus 'na smior do d' chnàmhaibh.

¹ àmhgar. ² cha d'aontaich iad le m'chomhairle.

³ soirbheachadh. ⁴ samhach. ⁵ gu d' dhìon.

⁶ tarsuinn. ⁷ trebraiche, fear-stiuraidh.

⁸ ni mò a ghabhas e greim do shlighibh na beatha.

⁹ matha.

¹⁰ iomlan, coimhionta.

9 Thoir urram do'n Tighearna le d' mhaoin, agus le ceud thoradh t'uile chinneis¹:

10 Agus lionar do shaibhlean le pailteas, agus le fion nuadh ruithidh t'fhion-amair thairis.

11 Air cronachadh an Tighearn, a mhic, na dean-sa tàir, agus na sgithich d'a smachdachadh.

12 Oir esan a's toigh leis an Tighearna smachdaichidh e, mar a smachdaicheas athair am mac anns am bleil a thlachd.

13 Is sona an duine a dh'amaiseas air gliocas, agus am fear a gheibh tuigse:

14 Oir is fearr a ceannachd² na ceannachd airgid, agus a buannachd³ na'n t'òr.

15 Is luachmhoire i na na seudan⁴, agus cha 'n'eil gach ni a's urrainn thu mhiannachadh r'an coimhmeas⁵ rithe.

16 Tha saoghal fada 'na làimh dheis; 'na làimh chli saoihbreas agus urram.

17 Is sligheanna subhachais a sligheanna, agus is sìth a ceumanna uile.

18 Is craobh beatha i dhoibhsan a ni greim oirre, agus is sona iadsan a ghleidheas i.

19 Le gliocas shuidhich an Tighearn an talamh; le tuigse shonraich e na nèama.

20 Le 'eòlas-san brisear suas na doimhneachdan, agus silidh na neoil a nuas an drùchd.

21 A mhic, na dealaicheadh iad ri d' shùilbhi: coimhid gliocas fallain agus tuigse⁶.

22 Agus bithidh iad 'nam beatha do d' anam, agus 'nam maise do d' mhuineal.

23 An sin imichidh tu a'd shlighe gu tèaruinte, agus cha tuislich do chos⁷.

24 'Nuair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis⁸.

25 Na biodh sgàth⁹ ort roimh eagal obann, no roimh fhàsachadh¹⁰ nan aingidh, 'nuair a thig e.

26 Oir bithidh an Tighearna 'na thearmunn duit, agus gleidhidh e do chos o bhi air a glacadh.

27 Na cum maith o'n droing d'an dligh-ear e, 'nuair a tha e 'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus am màireach bheir mi dhuìt, 'nuair a tha e agad làimh riut.

29 Na dealbh olc an aghaidh do choimhearsnach, agus e gabhail còmh-nuidh gu muinghineach làimh riut.

30 Na dean strì ri duine gun aoblar,

mur do rinn e cron ort.

31 Na biodh farmad agad ri fear an fhòimeirt, agus na ròghnaich a bheag d'a shligheibh.

32 Oir is gràineileachd do'n Tighearn an duine droch-mhuinte¹¹; ach tha a rùn aig an ionracan.

33 Tha mallachd an Tighearn ann an tigh an aingidh; ach beannaichidh e àite-còmhnuidh nam firean.

34 Gu cinnteach air luchd-fochaid ni e fochaid; ach do'n iriosal bheir e gràs¹².

35 Sealbhaichidh na daoine glìce urram; ach is e nàire àrdachadh nan amadan.

CAIB. IV.

1 Nochd Solamh do'n t-sluagh an teagasg a thug 'athair dha, 5 agus chomhairliche e dhoibh gliocas fhaistinn do bhrìgh gu'n toir i gu h-urram iad.

14 Dh'earlaich e orraslighe nan aingidh a sheachnadh; 20 aire a thoirt d'a bhriathraibh; 23 agus an cridhe a ghleidheadh leis gach uile dhùcholl.

CLUINNIBH, a chlann, teagasg athar, agus thugaibh an aire, chum gu faigh sibh eòlas air tuigse:

2 Oir tha mi toirt duibh deadh theagaisg; na tréigibh-se mo reachd.

3 Oir bu mhise mac muirneach¹³ m'athar, agus mar aon-ghlin m' bha mi ann an scalladh mo mhàthar.

4 Theagaisg e mi mar an ceudna, agus thubhairt e rium, Cumadh do chridhe mo bhriathra; coimhid m' àitheantan agus mair beò.

5 Faigh gliocas; faigh tuigse; na dì-chuimhnich, agus na claon o bhriathraibh mo bheoil.

6 Na tréig i, agus gleidhidh i thu: gràdhaich i, agus coimhididh i thu.

7 Is e gliocas an ni sònruichte¹⁴; faigh gliocas, agus maille ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'nuair a ghabhas tu a'd' ghlaicaihb i.

9 Bheir i do d' chann coron maise: crùn glòire bheir i seachad duit.

10 Eisd, a mhic, agus gabh m'fhocail: agus bithidh bliadhna do bheatha lion-mhor.

11 Ann an slighe a' ghliocais theagaisg mi thu: threòraich mi thu ann an ceumannaibh dìreach.

12 'Nuair a dh'imeachas tu, cha teannaichear¹⁵ do cheumanna; agus an uair a ruitheas tu, cha tuislich tu.

13 Dean greim daingean air teagasg; na leig as e; coimhid e, oir is e do bheatha e.

14 Na gabh a steach do rathad nan

¹ fhùis.

² mairt.

³ tairbhe.

⁴ leugan, clachan luachmhor.

⁵ sanlachadh.

⁶ lèirsimeachd, eagnuidheachd.

⁷ chas.

⁸ ciùan, suainimeach.

⁹ faitheas.

¹⁰ mhillleadh, sgrios.

¹¹ droch-mhèineach, ceannairecach.

¹² deadh-ghèan.

¹³ òg, maoth.

¹⁴ an ceud nì.

¹⁵ chumhainmichear.

aingidh, agus na lì-mìch ann an slighe dhroch dhaoine.

15 Seachainn i, na gabh seachad làimh rìthe, pill uaithe¹, agus imich romhad.

16 Oir cha chòidid iadsan mur dean iad olc: agus tha'n còdal air a thoirt uatha mur toir iad air *cuid-eigin* tuiteam.

17 Oir tha iad ag itheadh arain na lì-aingidheachd, agus ag òl fìona an ainneirt.

18 Ach *tha* slighe nam fìrean mar an solus dealrach, a dhealraicheas nì's mò agus nì's mò gu ruig an là iomlan.

19 *Tha* slighe nan aingidh mar dhòrchadas: cha'n aithne dhoibh cìod air am bheil iad a' tuisleadhadh.

20 A mhic, do m' fhoclaibh thoir aire; ri mo bhriathraibh aom do chluas:

21 Na imicheadh iad o d' shùilb: gléidh iad am meadhon do chridhe.

22 Oir is beatha iad dhoibh-san a gheibh iad, agus ìoc-shlaint² d'an feoil uile.

23 Leis gach uile dhìchioll gléidh do chridhe; oir as a sin *tha* sruthanna³ na beatha.

24 Cuir uait am beul fìar⁴, agus na bìlean ceumnach cuir fad uait.

25 Sealladh do shùilean gu ccart rompa, agus seòladh fabhrainnean⁵ do shùl gu dìreach romhad.

26 Cothromaich ceumanna do chos, agus biodh do shlighean uile air an socrachadh.

27 Na tionndaidh a chum na làimhe deise, no clithe: carruich do chos o'n olc.

CAIB. V.

1 Chomhairlich Solamh do'n t-sluagh aire a thoirt do ghliocas; 5 agus nochd e dhoibh mealltaireachd mnà còmhich. 22 Glac ar t-aingidh 'na euceartaibh fèin.

A MHIC, do m' ghliocas thoir an aire; ri m' thuigse aom do chluas;

2 Chum gu'n coimhid thu⁶ ciall⁷, agus gu'n gléidh do bhilean eòlas.

3 [Na h-éisd ri mealltaireachd mnà:] oir mar a' chìr-mheala silidh bìlean mnà còmhich, agus is mìne⁸ na oladh a beul.

4 Ach *tha* a crìoch searbh mar a' bhlurm-aid, geur mar chlàidheamh dà fhaobh-air.

5 *Tha* a cosan a' dol sìos chum a' bhàis: ni a ceumanna greim air ifrinn⁹.

6 Air eagal gu'n cothromaicheadh tu slighena beatha¹⁰, luaineach¹¹ tha a ceumanna, air chor as nach urrainn thu an aithneachadh.

7 A nis uime sin, a chlann, éisdibh

rium, agus na dealaichibh ri briathraibh mo bheoil.

8 Atharraich do shlighe fad uaithe¹², agus na tig am fagus do dhòrus a tighe:

9 Air eagal gu'n toir thu do neart¹³ do mhuinntir eile, agus do bhliadhnacha do'n an-ìochdmhor:

10 Air eagal gu'n lìonar coigrich le d' shaoibhreas, agus gu'm bì do shaothair ann an tigh coigrich;

11 Agus gu'n dean thu caoidh¹⁴ ma dheireadh, nuair a chaithear t'fheoil agus do chorp¹⁵,

12 Agus gu'n abair thu, Cionnus a thug mi fuath do theaghas, agus a rinn mo chridhe tàir air achmhasan?

13 Agus nach robh mi ùmhal do ghuth mo luchd-teagaisg, agus nach d'aom mi mo chluas riù-san a theagaisg mi?

14 Is beag nach robh mi anns gach òl, am meadhon a' chomh-chruinneachaidh, agus a' choimhthionail.

15 Ol uisgeachan as do shoitheach fèin; agus uisgeacha ruith as do thobair¹⁶ fèin.

16 Biodh¹⁷ do thobraichean air an sgaoileadh a mach; do shruthan uisge anns na sràidibh.

17 Biodh iad agad fèin a mhàin, agus na b'ann aig coigrich maille riut.

18 Biodh do thobair beannaichte; agus dean gairdeachas maille ri mnaoi-phlòsda t'òige.

19 Biodh i mar an eilid ghràdhach, agus mar an earb¹⁸ thaitneach; sàsuicheadh a cìochan thu sgach àm: le a gràdh bì a ghnàth air do lìonadh.

20 Agus c'ar son, a mhic, a mheallar thu¹⁹ le mnaoi choimhich, agus a dhlùth-aicheas tu ri brollach bana-choigrich?

21 Oir fa chomhair shùl an Tighearna *tha* sligheanna an duine, agus *tha* e a' cothromachadh a cheumanna uile.

22 Glacaidh 'eucarta fèin an t-aingidh, agus le cùird a pheacaidh ceanglar e.

23 Bàsaichidh e gun teagasg; agus ann am meud 'amaideachd thèid e air seacharan.

CAIB. VI.

1 An aghaidh luchd-urrais, 7 an leisgein, 12 agus nan daoine aingealt. 16 Na seachd nithe a tha 'nan gràineileachd do'n Tighearna. 25 Le mnaoi strìopachail sgriosar anam an duine.

A MHIC, ma ta thu 'n urras air do charaid, ma bhuail thu do làmh le neach eile,

2 Ribeadh thu le briathraibh do bheoil; ghlacadh thu le foclaibh do bheoil.

¹ uaipe.

² slàinte.

³ tobraiche.

⁴ cealgach.

⁵ ruigs.

⁶ gu'm bì meas agad air.

⁷ crìonnachd, eagnuidheachd.

⁸ tlàithe.

⁹ bheir a ceumanna do'n uigh.

¹⁰ slighe na beatha cha 'n eil i idir a' cothromachadh.

¹¹ caochlaideach.

¹² uaipe.

¹³ t'urram, do mhaise.

¹⁴ gu'm beuc thu.

¹⁵ feoil do chuirp.

¹⁶ thiobairt.

¹⁷ [Na] biodh.

¹⁸ carba.

¹⁹ thèid thu air seacharan, bhios tu air do mheadh-radh.

3 Dean so a nis, a mliù, agus saor thu féin, 'nuair a thig thu 'n làimh do charaid; imich irioslaich thu féin, agus dean cinnteach do charaid.

4 Na toir codal do d' shùilibh, no clò chodail do d' rosgaibh¹.

5 Thoir as thu féin mar earb á làimh an t-sealgair², agus mar eun á làimh an eunadair.

6 Imich a chum an t-seangain, a leisgein³; thoir fa'near a shlighean, agus bi glie:

7 Aig nach 'eil fear-seòlaidh, fear-amhairc⁴ no riaghlair,

8 A dh'ulluicheas a bhiadh san t-samhradh, agus a chruinnicheas a theachd-an-tir san fhogharadh.

9 Cia fhàd a choidleas tu, a leisgein? c'uin a dh'éireas tu as do chodal?

10 Fathast beagan codail, beagan clò chodail, beagan fillidh⁵ nan làmh gu codal.

11 An sin thig do bhochdainn mar fhear-siubhail, agus t'uireasbhuidh mar dhuine fuidh armaibh.

12 Duine nach fù, fear aingidh, siubhlaidh e le beul ana-cneasda.

13 Caogaidh e le 'shùil, bheir e sanas⁶ le 'chois, teagaisgidh e le 'mheuraibh.

14 Tha aingealtachd⁷ 'na chridhe, tha e a' dealbhadh uile a ghnàth; togaidh e aimhreit⁸.

15 Uime sin gu h-obann thig a sgrios⁹; gu grad brisear e, gun leigheas.

16 Na sè nithe so is fuathach leis an Tighearna; seadh, tha seachd nithe 'nan gràimeileachd d'a anam:

17 Sealladh àrd¹⁰, teangadh bhreugach, agus làmhnan a dhòirteas fuil neo-chiontach;

18 Cridhe a dhealbhas smuaintean aingidh, cosan a bhios luath a ruith chum uile;

19 Fianuis bhreugach a labhras breugan, agus esan a thogas aimhreit¹¹ eadar bhràithribh.

20 A mhic, coimhid àithne t'athar, agus na tréig reachd¹² do mhàthar:

21 Ceangail iad a ghnàth air do chridhe, daingnich iad mu d' mhuineal.

22 Nuair a dh'imicheas tu, treòraichidh iad¹³ thu; 'nuair a choidleas tu¹⁴ gleidhidh iad¹⁵ thu; agus an uair a dhùisgeas tu, labhraidh iad¹⁶ riut.

23 Oir is lòchran an àithne, agus is solus an reachd, agus is iad slighe na beatha achmhasain teagaisg;

24 Chum do ghleidheadh o'n droch

mhnai, o mhiodal teangaidh na mna coimhich.

25 Na nuannaich a sgèimh ann ad chridhe; agus na glacadh i thu le a rosg aibh;

26 Oir le¹⁷ mnaoi strìopachail bheirear duine gu greim arain; agus sealgaidh a' bhan-adhaltrannach air an anam luachmhor.

27 An urrainn duine teine a ghabhail 'na bhròlach, agus gun 'eudach a bhi air a losgadh?

28 An urrainn duine imeachd air eibhlidhe teithe, agus gun a chosan a bhi air an losgadh?

29 Mar sin esan a thèid a steach chum mnà a choimhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anama, 'nuair a bhios e ocrach:

31 Ach ma ghlacar e, aisigidh¹⁸ e a sheachd uiread; uile mhaoin a thighe bheir e seachad.

32 Ach ge b'e ni adhaltrannas ri mnaoi, tha e gun tuigse¹⁹: sgriosaidh esan a ni e 'anam féin.

33 Lot agus mi-chliù gheibh e; agus a mhasladh cha ghlanar as.

34 Oir is e'n t-eud euthach an fhir: uime sin cha chaomhain e ann an là an dioghaltais.

35 Cha bhi suim aige dh'éiric air bith²⁰; ni mò a thoilichear e, ged bheir thu dha mòran thiodhlacan.

CAIB. VII.

1 Chomhairlich Solamh do'n t-sluagh 'àitheantan a thasgaidh 'nan eridhe. 6 Seòltachd agus cuilbh-eartan na mnà coimhich; 24 Sgriosar iadsan a chlaonas 'na dèigh.

A MHIC, gléidh mo briathran, agus taisg m'aitheantan maille riut.

2 Gléidh m'aitheantan, agus bi beò; agus mo lagh mar dhubhagan²¹ do shùil.

3 Ceangail iad air do mheuraibh; sgriobh iad air clàr do chridhe.

4 Abair ri gliocas, Is tu mo phiuthar; agus goir do bhan-charaid do thuigse:

5 Chum gu'n gléidh iad thu o'n mhnai coimhich, o'n bhana-choigreach a ni brionnall²² le a briathraibh.

6 Oir aig uinneig mo thighe dh'amhairc mi troimh²³ mo chléith,

7 Agus sheall mi am measg nan daoine baoghalta; thug mi fa'near am measg nan òganach, òig-fhear gun chéill²⁴,

8 A' dol seachad air an t-sràid fagus

¹ fhàbhraidh. ² an òn. ³ a lundairc.

⁴ fear sùil-bheachd, naighstir oibr. ⁵ pasgaidh.

⁶ labhraidh e. ⁷ coirbheachd, ana-cneasdachd.

⁸ sìol-chuiridh e ais-sith. ⁹ àmhghar.

¹⁰ uaibhreach. ¹¹ ais-sith. ¹² lagh

¹³ e. ¹⁴ a luidheas tu sìos. ¹⁵ e.

¹⁶ e. ¹⁷ trid. ¹⁸ bheir e air ais.

¹⁹ dhùth céille. ²⁰ Cha taitinn éiric sam bith ris.

²¹ ubhal, chloich. ²² miodal.

²³ tre, trid. ²⁴ gun chridhe. Eabh.

d'a h-oisinn, agus ghabh e an t-slighe chum a tìghe,

9 San du-thràth¹, san fheasgar, san oidheche dhuibh dhoireh:

10 Agus, feuch, thachair bean air ann air na culaidh strìopaiche, agus cuilbheartach 'na cridhe.

11 (*Tha* i àrd-ghuthach² agus ceann-làidir; cha'n fhan a casan 'na tigh.

12 A nis *tha* i mach, a nis anns na sràidibh, agus a' feitheamh nam fàth aig gach oisinn.)

13 Agus rug i air, agus phòg i e, agus le aghaidh gun nàire thubhairt i ris³,

14 *Tha* tabhartais-shith agam; an diugh dh'ìoc mi mo bhòidean:

15 Uime sin thàinig mi mach a'd' choinneamh, a dh'iarraidh t'aghaidh gu dìchiollach, agus fhuair mi thu.

16 Le còmhdaichibh grinne⁴ sgeadaich mi mo leabadh, le *oibribh* gearrta, le lion-eudaich mìn o'n Eiphit.

17 Rinn mi mo leabadh cùbhraidh le mirr, aloe, agus canal.

18 Thig, gabhamaid ar sàth do ghaol gu maduinn; deanamaid comh-ghairdeachas ann an gaol:

19 Oir cha 'n'eil fear an tìghe aig baile; chaidh e air thurus fada:

20 Sporan airgid thug e leis⁵; air an là shuidhichte thig e dhachaidh.

21 Le mòran d'a cainnt mhilis thug i air aontachadh; le mìodal a bilean chomh-éignich i e.

22 Tha e a' dol 'na déigh gun dàil, mar a théid an damh chum a chosgaraidh⁶, no 'u t-amadan a chum peanaid a' chlip;

23 Gus an téid saighead troimh 'àinean, mar a ghreasas eun do'n rìbe, gun fhios aige gur ann chum a bhàis a *ta* e.

24 A nis uime sin éisdibh rium, a chlann, agus thugaibh aire do bhriathraibh mo bheoil:

25 Na clonadh do chridhe chum a sligheanna, na rach⁷ air seacharan 'na ceumaibh.

26 Oir lot agus leag i sìos mòran; seadh chaidh mòran do dhaoibh treuna a mharbhadh leatha.

27 *Is* e a tigh an t-slighe gu h-frinn, a dol sìos gu seòmraichibh a' bhàis.

CAIB. VIII.

1 *Gairm*, 6 *teagasg luachmhor*, 15 *sochairean prìseil*, 22 *agus sìorruidheachd a' ghliocais*. 32 *Sòirbhichidh esan a gheibh gliocas*, 36 *agus esan a dh'iùllas i nì e cron d'a anam fèin*.

NTACH 'eil gliocas ag éigheach? agus nach 'eil tuigse a' cur a mach a gutha?

2 Air mullach nan àit àrda, làimh ris an t-slighe, ann am meadhon nan rathad *tha* i 'na seasamh.

3 Làimh ris na geatachaibh, aig dol a stigh a' bhaile⁸, far an tigear a steach air na dorsaibh *tha* i ag éigheach:

4 Ribhse, O fheara, *tha* mi ag éigheach; agus *tha* mo ghuth ri cloinn nan daoine.

5 A dhaoine baoghalta, tuigibh gliocas; agus amadana, tuigibh 'nur cridhe.

6 Eisidibh, oir labhraidh mi air nithibh òirdheirc; agus *bithidh* fosgladh mo bhilean air nithibh cearta.

7 Oir labhraidh mo bheul frinn; agus *is* gràineileachd aingidheachd do m' bhlhìb.

8 Ann an ceartas *tha* uile bhriathra mo bheoil; annta-san cha 'n'eil nì air bith oile no fiar.

9 *Tha* iad uile soilleir dha-san a thuig-eas, agus ceart dhoibhsan a gheibh eòlas.

10 Gabhaibh mo theagasg, agus nì h-e airgid, agus eòlas thar an òr thaghta.

11 Oir *is* fearr gliocas na na clachan luachmhor; agus cha 'n'eil na h-uile nìthe a dh'fheudar a mhiannachadh r'an coimhmeas rithe.

12 Tha mise gliocas a'm' chòmhnuidh maille ri céill⁹, agus *tha* mi faghail a mach eòlais air nithibh inleachdach.

13 *Is* e eagal an Tighearn an t-olc fluathachadh; uabhar, agus àrdan, agus an droch shlighe, agus am beul fiar *is* fuathach leam.

14 *Is* leam-sa comhairle, agus fìor ghliocas: *is* leam-sa tuigse; *is* leam-sa neart¹⁰.

15 Leam-sa¹¹ rìoghachidh rìghrean, agus orduichidh uachdarana ceartas.

16 Leam-sa riaghaidh uachdarana, agus daoine mòra¹², uile bhrcitheamhna na talmhainn.

17 Iadsan aig am bheil gràdh dhomh gràdhaichidh mi; agus iadsan a dh'iarraas mi gu moch gheibh iad mi.

18 *Tha* beartas agus urram maille rium-sa; saobhreas maireannach agus fireantachd.

19 *Is* fearr mo thoradh na òr, eadhon na òr fìor-ghlan; agus mo theachd-a-stigh na airgid taghta.

20 Air slighe a' cheartais treòraichidh mi; ann am meadhon cheumanna a' bhreitheanaidh;

21 A chum gu'n toir mi orra-san le'n ionmhuinn mi maoin a shealbhadh; agus lìonaidh mi an ionmhasan.

22 Bha mise aig an Tighearn ann an toiseach a shlighe, roimh 'oibribh o shean.

¹ Mu dhorchadh nan tràth, san eadar-sholus.

² bruidheach.

³ chruaidhich i a h-aghaidh, agus thubhairt i ris.

⁴ còmhdaichibh do obair ghrèis; tapestry. Sasg.

⁵ 'na làimh. Eabh.

⁷ gabh, imich.

⁹ crìonmach.

¹¹ Triom-sa.

⁶ mharbhaidh.

⁸ beul a' bhaile. Eabh.

¹⁰ is mise tuigse; agamsa tha neart.

¹² àrd-uaislean.

23 O shiorruidheachd cluireadh suas¹ mi, o'n toiseach, mun robh an talamh ann.

24 Mun robh doimhneachdan ann, ghlin-eadh mise; 'nuair nach robh tobraiche ann, làn do uisgeachaibh.

25 Mun do shuidhicheadh na beannta; roimh na cnocaibh ghineadh mise.

26 Mun d'rinn e fathast an talamh, no na machraichean, no chuid a's àirde do dhùslach an domhain.

27 'Nuair a dheasaich e na nèamha, bha m'i'n sin; 'nuair a tharruing e cuairt air aghaidh na doimhne;

28 'Nuair a dhaingnich e'n t-athar² shuas; 'nuair a neartaich e tobraiche na doimhne;

29 'Nuair a thug e a reachd do'n fhaireg, nach rachadh na h-uisgeacha thar 'àithne, 'nuair a shuidhich e bunaite na talmhainn;

30 An sin bha mise aige mar neach a dh'altrumadh³ maille ris; agus bu mhi a tìlachd gach là, a' deanamh gàrdeachais 'na fhianuis an còmhnuidh;

31 A' deanamh gàrdeachais anns a' chuid a dh'aitichear d'a thalamh, agus mo tìlachd maille ri cloinn nan daoine.

32 A nis uime sin, a chlann, éisdibh rium; oir is sona iadsan a ghleidheas mo shligheanna.

33 Éisdibh ri teagasg, agus bithibh glic, agus na diùtaibh e.

34 Is beannaichte an duine a dh'éisdeas rium, a' deanamh faire aig mo gheataibh gach là, a' feitheamh aig ursainnibh mo dhorsa.

35 Oir esan a gheibh mise, gheibh e beatha, agus gheibh e deadh-ghean⁴ o'n Tighearn.

36 Ach esan a pheacaicheas a'm' aghaidh-sa⁵, ni e cron d'a anam féin: iadsan uile a dh'fhuathaicheas mi, gràdhaichidh iad am bàs.

CAIB. IX.

Fòghlum agus luach a' ghliocais. 13 Tha bean amaideach àrd-ghuthach agus baoghalta, 18 agus théid a h-aoidheanna do dhoimhneachd ifrinn.

THOG glicos a tigh; ghearr i mach⁶ a seachd puist.

2 Mharbh i a feoil; mheasg i a fion; dheasaich i mar an ceudna a bord:

3 Chuir i a mach a h-òighean; tha i a' gairm air na h-àitibh a's àirde do'n bhaile:

4 Ge b'e neach a ta baoghalta, thigcadh e a stigh an so: riu-san⁷ a tha dhith tuigse tha i ag ràdh,

5 Thigibh, ithibh do m'aran-sa, agus òlaibh do'n fhion a mheasg mi.

6 Tréigibh nithe amaideach, agus bithibh beò; agus imichibh air slighe na tuigse.

7 Esan a bheir achmhlasan do fhear-fochaid, gheibh e dha féin maslach; agus esan a chronaicheas an t-aingidh, gheibh e dha féin smal.

8 Na cronaich fear-fochaid, air eagall gu'm fuathaich e thu: cronaich an duine glic, agus gràdhaichidh e thu.

9 Thoir teagasg do'n duine ghlic, agus bithidh e ni's glice: teagaisg an duine cothromach, agus meudaichidh e ann am fòghlum.

10 Is e eagall an Tighearna toiseach a' ghliocais; agus is e eòlas nithe naomha, tuigse.

11 Oir leam-sa nithear do làithean lionmhor, agus cuirear ri bliadhnacraibh do bheatha:

12 Ma bhios tu glic, bithidh tu glic dhuit féin: ach ma bhios tu ri fochaid, is tu féin a mhàin a dh'iomchaires e.

13 Tha bean amaideach àrd-ghuthach; baoghalta, agus cha 'n aithne dhi ni air bith:

14 Oir suidhidh i aig dorus a tighe, air caithir, ann an àitibh àrda a' bhaile.

15 A ghairm orra-san a bhios a' dol seachad air an t-slighe, a' gabhail dìreach rompa⁸.

16 Ge b'e neach a ta baoghalta, thigeadh e stigh an so; agus ris-san a tha dhith tuigse their i,

17 Tha na h-uisgeachan a ghoidear milis, agus an t-aran a dh'ithear an uaigneas taitneach.

18 Ach cha 'n'eil fhios aige gu bheil na maibh an sin; ann an doimhneachdaibh ifrinn gu bheil a h-aoidheanna.

CAIB. X.

1 Dìonaidh Dia an t-ionracas. 6 Beannaichear am firean, ach sgriosar an t-amadan bith-bhrìathrach. 12 Folaichidh gràdh gach ciorta. 25 Thig sgrios air luchd-deanamh na h-cuccirt, 31 ach cha ghluaiscar am firean gu bràth.

GNATH-FHOCAIL Sholaimh. Ni mac glic athair subhach; ach is e mac amaideach dubhachas a mhàthar.

2 Cha 'n'eil tairbhe ann an ionmhasaibh aingidheachd; ach saoraidh ionracas o'n bhàs.

3 Cha leig an Tighearna le anam an ionraic gort⁹ fhulang; ach sgaoilidh e maoin nan aingidh.

4 Ni làmh na leisge¹⁰ bochd; ach ni làmh nan dìchiollach beartach.

5 Esan a chruinnicheas anns an t-seannradh, is mac glic e; ach esan a choidleas anns an fhogharadh, is mac maslach e.

¹ dh'ungadh.² na neoil.³ dh'araicheadh.⁴ còimhneas.⁵ a théid air seacharan uam.⁶ shnaidh.⁷ ris-san, ris gach neach.⁸ a' stiùradh an ceumanna.⁹ gorta.¹⁰ na ceilge.

6 *Bithidh* beannachdan air ceann an fhìreinn¹; ach còmhdaichidh fòirneart beul² nan aingidh.

7 *Bithidh* cuimhne an fhìreinn beannaichte; ach lobhlaidh ainm nan aingidh.

8 Gabhaidh esan a ta glie³ na chridhe àitheantan; ach tuitidh an t-amadan bith-bhriathrach.

9 Esan a ghluaiseas ann an ionracas, ghlaissidh e gu tèaruainte; ach esan a chlaonas a shlighean, aithnìcheas e.

10 Esan a chaogas le⁴ shùil, bheir e bròn: agus tuitidh an t-amadan bith-bhriathrach.

11 *Is* tobar beatha beul an fhìrcin; ach còmhdaichidh fòirneart beul nan aingidh.

12 Dùisgidh fuath airmhreitean; ach folaichidh gràdh gach coire⁵.

13 Ann am bilibh an duine thuigsich gheibhear gliocas; ach *tha* slat, air son druim an tì a tha as eugmhais tuigse⁶.

14 Ceilidh daoine glie na's aithne dhoibh⁷; ach *tha* beul an amadain dlùth do sgrìos.

15 *Is* e beartas an duine shaoibhir a chaithir⁸ làidir; *is* e milleadh nam bochd an uireasbhuidh.

16 *Tha* saothair an fhìreinn chum beatha; teachd-a-stigh⁹ an aingidh chum pèacaidh.

17 *Tha* esan a choimhideas fòghlum anns an t-slighe gu beatha; ach *tha* esan a dhiùltas achmhasan air scacharan.

18 Esan a cheileas fuath le bilibh cealgach, agus esan a labhras mi-chliù, *is* amadan e.

19 Ann an lionmhoireachd bhriathar cha bhithhear saor o pheacadh; ach *tha* esan a choisgeas a bhilean glie.

20 Mar airgid taghta⁸ *tha* teangadh an fhìreinn; ach *tha* cridhe nan aingidh mar nì nach fìu.

21 Beathaichidh bilean an fhìreinn mòran; ach eugaidh na h-amadain a dhith tuigse⁹.

22 Nì beannachadh an Tighearna saobhair, agus cha chuir e doilgheas 'na chuideachd.

23 *Tha* e mar shùgradh do'n amadan olc a dheanamh; ach *tha* gliocas aig fear na tuigse.

24 An nì is eagal leis an aingidh, thig e air; ach deònaichear miann nam fìrcan.

25 Mar a thèid an ioma-ghaoth thairis, mar sin cha bhi an droch dhuine nì's mò; ach *is* bunait sìorruidh am firean.

26 Mar fhion-geur do na fìaclaibh, agus mar dheataich do na sùilibh, mar sin *tha* 'n leisgeim dhoibhsan a chuireas uatha c.

27 Cuiridh cagal an Tighearna ri làithibh *duine*; ach giorraichear bliadhna nan aingidh.

28 *Bithidh* dùil nam firean 'na aobhar aoibhneis; ach thèid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrìos air¹⁰ luchd-deanamh na h-euccirt.

30 Cha ghluaisear am firean gu bràth; ach cha gabh na h-aingidh còmhnuidh air an talamh.

31 Bheir beul an fhìreinn a mach gliocas; ach gearrar as an teangadh fhìar.

32 *Tha* fios aig bilibh an fhìreinn air an nì a ta taitneach; ach *labhraidh* beul nan aingidh nithe fìara.

CAIB. XI.

1 *Is* taitneach le Dia an duine ionraic, 5 ach sgrìosar an t-aingidh as a làthair. 15 Cùrrar esan a thèid an urras air coigreach. 20 *Is* gràineil-eachd do'n Tighearna iadsan a tha fìar 'nan cridhe. 30 Gheibh am firean duais air talamh.

T*HA* meidhean mealltach 'nan gràineil-eachd do'n Tighearna; ach *is* taitneach leis toimhsean ceart¹¹.

2 'Nuair a thig uabhar, thig masladh; ach aig na h-iriosail *tha* gliocas.

3 Seòlaidh ionracas nam firean iad; ach millidh fiaradh¹² luchd dò-bheirt iad féin.

4 Cha bhi tairbhe ann an saobhbheas ann an là na feirge; ach saoraidh fireantachd o'n bhàs.

5 Seòlaidh fireantachd an duine ionraic¹³ a shlighe; ach trid 'aingidheachd féin tuitidh an t-aingidh.

6 Saoraidh fireantachd nan ionraic iad; ach glacar fealltairean¹⁴ 'nan olc féin.

7 'Nuair a bhàsaicheas an droch dhuine, thèid as d'a dhòchas; agus teirgidh dùil luchd-euceirt.

8 Saorar am firean o theim; ach thig an droch dhuine 'na àite.

9 Le 'bheul millidh cealgair a choimhearsnach; ach trid eòlais saorar na fireana.

10 'Nuair a dh'éireas gu maith do na fireanaibh, nì am baile¹⁵ gàirdeachas; agus an uair a sgrìosar na h-aingidh, *bithidh* luathghaire ann.

11 Le beannachadh nan ionraic àrd-aichear baile; ach le beul nan aingidh leagar c.

12 Nì esan a tha as eugmhais gliocais¹⁶ tàir air a choimhearsnach; ach bithidh fear na tuigse 'na thosh.

13 Imichidh fear tuailleis mu'n cuairt a' foillseachadh nithe dìomhair; ach esan a ta fìrinneach 'na spiorad, cèilidh e nì.

14 Far nach 'eil comhairle, tuitidh

¹ an ionracain. ² gnùis. ³ cionta, pèacadh.

⁴ cridhe. Eabh. ⁵ Taisgidh daoine glie eòlas.

⁶ a mhòr-bhaile. ⁷ tovadh.

⁸ dcarbhta, fìor-ghlan. ⁹ cridhe. Eabh.

¹⁰ is aobhar uamhas i do.

¹¹ clach iomlan. Eabh. ¹² clannadh, cealg.

¹³ iomlan. ¹⁴ cealgaircan, luchd-eusaontaibh.

¹⁵ a' clathair, am mòr-bhaile. ¹⁶ cridhe. Eabh.

sluagh; ach ann an lìonmhoireachd chomhairleach *tha* tèaruinteachd.

15 Cùrrar gu goirt esan a bhios an urras air coigreach; ach esan a dh'fhuathaicheas luchd-urrais, bithidh e tèaruinte.

16 Gheibh bean ghràsail urram; agus cosnaidh daoine làidir soirbheas.

17 Nì an duine iochdmhor maith d'a anam féin; ach esan a ta an-iodhdmhor, claidhidh¹ e 'fheoil féin.

18 Oibrichidh an droch dhuine obair mhealltach; ach aige-san a chuireas² fireantachd *bithidh* duais chinnteach.

19 Mar so *tha* fireantachd chum beatha; ach esan a leanas an t-olc, *leanaidh* e chum a bhàis féin e.

20 *Is* gràineileachd do'n Tighearn iad-san a tha fiar 'nan cridhe; ach *is* taitneach leis iadsan a tha ionraic³ 'nan slighe.

21 *Ged iadhadh* làmh mu làmh, cha bhì an droch dhuine gun pheanas; ach saorar slìochd nam firean.

22 *Mar fhail*⁴ òir ann an sròin muice, *tha* bean sgìamhach agus i as eugmhais tuigse⁵.

23 *Tha* miann nam firean a mhàin maith; ach *is* e dòchas nan aingidh fearg.

24 Tha neach ann a sgaòileas, agus fàsaidh e nì's saobhire⁶; agus *tha* e ann a chumas tuilleadh⁷ sa ta ceart, ach *thig* e gu bochdainn.

25 Nìthear an t-anam fial sultmhor⁷; agus an ti a dh'uisgicheas, uisgichear mar an ceudna e féin.

26 Esan a chumas suas sìol⁸, mallaichidh an sluagh e; ach *bithidh* beannachd air ceann an tì a reiceas⁹.

27 Esan a dh'ìarras maith gu dùrachdach, gheibh e deadh-ghean¹⁰; ach an ti a dh'ìarras olc, thig e air féin.

28 Esan a dh'èarbas as a shaoibheas, tuitidh e; ach mar ghéig, thig na fireana fo bhlàth.

29 Esan a chuireas a theaghlach féin fo bhuaireas¹¹, *bithidh* e 'na oighre air a' ghaoith; agus an t-amadan 'na sheirbhiseach dha-san a tha glie 'na chridhe.

30 *Is* craobh beatha toradh an fhìrean; agus *tha* esan a chosnas anama glie.

31 Feuch, bheirear luigheachd¹² do'n fhìrean air an talamh: nach mò na sin do'n aingidh agus do'n pheacach.

CAIB. XII.

1 *Dionaidh Dia* an duine maith, ach d'itidh e fear nan droch innleachd. 10 *Iocar* luigheachd a

làmh do gach neach. 22 *Tha bilean nam breug 'nan gràineileachd do Dhia.*

ESAN a ghràdhaicheas fòghlum, gràdhaichidh e eòlas; ach esan a dh'fhuathaicheas achmhasan, tha e am-aideach¹³.

2 Gheibh duine maith deadh-ghean o'n Tighearn; ach d'itidh e fear nan droch innleachd.

3 Cha daingnichear duine le h-aingidh-eachd; ach cha ghluaisear freumh nam firean.

4 *Tha* bean mhaith¹⁴ 'na crùn d'a fear; ach mar lobhadh 'na chnàmhaibh *tha* ise a nàiricheas e.

5 *Is* ceartas¹⁵ smuainte nam firean; ach *is* cealg comhairle nan aingidh.

6 *Is* iad briathra nan aingidh feall-fheitheamh air son fola: ach tèarnaidh beul nan ionraic iadsan.

7 Tilgear na h-aingidh bun os ceann, agus cha bhì iad ann; ach seasaidh tigh nam firean.

8 A réir a ghliocais molar duine; ach nìthear dìmeas air-san a tha fiar 'na chridhe.

9 *Is* fearr esan air an deanar tàir, agus a tha 'na sheirbhiseach dha féin¹⁶, na esan a bheir urram dha féin, agus a bhios a dhùth arain.

10 Bithidh cùram aig an duine ionraic do bheatha 'ainmhidh; ach *is* an-iodhdmhor truacantaìs nan aingidh.

11 Esan a threabhas¹⁷ 'fhearann, sàsnichear le h-aran e; ach esan a leanas daoine dìomhain, *tha* e gun tuigse¹⁸.

12 Miannaichidh an t-aingidh lìon dhroch dhaoine; ach bheir freumh nam firean *toradh*¹⁹.

13 Le peacadh a bhilean ribear an droch dhuine; ach thig am firean as o airc²⁰.

14 Do thoradh a bheoil sàsuichear duine le maith; agus iocar luigheachd làmh duine dha féin.

15 *Tha* slighe an amadain ceart 'na shùilbh féin; ach *tha* esan a dh'éisdeas ri comhairle, glie.

16 Aithnichear air ball²¹ fearg an amadain; ach ceilidh duine ciallach²² mas-ladh.

17 *Esan* a labhras an fhìrinn, foillsichidh e ceartas²³; ach *foillsichidh* fianuis bhrengach cealg.

18 Tha dream ann a labhras mar lot-aibh claidheimh; ach *is* slàinte teangadh nan daoine glie.

19 Bithidh bile na fìrinn seasmhach gu

¹ buairidh.

² shìol-chuireas.

³ iomlan, neo-lochdach.

⁴ sheud.

⁵ mothachaidh, eagnuidheachd.

⁶ cnirear an

tuilleadh ris. ⁷ Sealbhaichidh an t-anam fal

pailteas. ⁸ gràn. ⁹ a bheir air a bhì air

a reiceadh. ¹⁰ deadh rùn. ¹¹ a thogas an-

riaghailt 'na thigh féin. ¹² luigheachd, duais.

¹³ mar ainmhidh.

¹⁴ bean na sabhaile, nàin

deadh bheus.

¹⁵ iouracas.

¹⁶ aig am b'ì

seirbhiseach.

¹⁷ saothraicheas.

¹⁸ as eugmhais cridhe. Eabh. ¹⁹ fàsaidh, daing-

nichear freumh nam firean. ²⁰ theanntachd.

²¹ san àm; san là, Eabh.

²² crìonna, glie.

²³ Labhraidh am firean, agus foillsichidh e an fhìrinn.

bràth; ach cha *bhi* an teangadhlù breug-
ach ach car tiota.

20 *Is* cealg a bhios an cridhe luchd-
deilbh an uilc; ach do chomhairleach-
aibh na sìthe *bithidh* gàirdeachas.

21 Cha'n éirich aimhleas¹ air bith do'n
fhìrean; ach lìonar na h-aingidh le h-olc.

22 *Is* gràineileachd do'n Tighearna
bilean nam breug; ach *is* iad an droing a
ni gu fìrinneach, a thlachd.

23 Ceilidh duine ciallach² eòlas; ach
foillsichidh cridhe nan amadan amaid-
eachd.

24 Riaghlaidh làmh nan dìchiollach;
ach bithidh làmh na leisge³ fo chis.

25 Ni iomaguin⁴ ann an cridhe duine a
chromadh sìos; ach ni focal maith sòl-
asach e.

26 *Is* fearr am fìrean na a choimhears-
nach; ach cuiridh slighe nan aingidh air
seacharan iad féin.

27 Cha ròist an leisgein a shìtheann⁵;
ach *is* luachmhor saoihbheas an duine
dhìchiollaich.

28 Ann an slighe na fireantachd *tha*
beatha; agus 'na ceum cha 'n'eil bàs⁶.

CAIB. XIII.

1 Cuiridh duine glic faire air a bheul. 12 Ni an
dòchas a shìnear, an cridhe tinn. 20 Sgriosar
companach nan aingidh.

EISDIDH mac glic ri teagasg⁷ athar;
ach cha'n éisd fear na fochaid ri
achmhasan.

2 Do thoradh a bheoil itluidh duine ni
maith; ach *ithidh*⁷ anam nam feallt-
air⁸ ainneart.

3 Eisan a choimhideas a bheul, gleidh-
idh e anam: ach esan a dh'fhosglaas a
bhilean, *thig* sgrìos air.

4 Miannaichidh anam an leisgein, agus
cha *bhi aige*; ach nìthear anam nan di-
chiollach sultmhor.

5 *Is* beag air an fhìrean na breugan;
ach fàsaidh an droch dhuine gràineil,
agus nàirichear e.

6 Gleidhidh fireantachd esan a ta ion-
raic 'na shlighe: ach claidhidh aingidh-
eachd am peacach⁹.

7 Tha neach ann a leigeas air a bhi
beartach¹⁰, agus gun ni air bitl *aige*; *tha*
neach ann a leigeas air a bhi bochd, agus
mòr-shaoibheas aige.

8 *Is* e éiric¹¹ anama duine a shaoibh-
reas; ach cha chluinn am bochd ach-
mhasan.

9 Nì solus nam fìrean aoibhneach; ach
cuircar as lòchran nan aingidh.

10 O uabhar a mhàin *thig* connsach-

¹ urchoid.

² crìonna, eagnuidheach.

³ ceilge.

⁴ dubhachas.

⁵ an nì a ghìas e le sealg. ⁶ ach treidraichidh

rathad seachranach gu bàs.

⁷ fuilgidh.

⁸ nan cealgair, luchd-eusaontais.

ach; ach aig na daoineibh a ghabhas deadh
chomhairle *tha* gliocas.

11 Lughdaichear saoihbheas an dìomh-
anais; ach esan a chruinnicheas le saothl-
air¹², meudaichidh e.

12 Ni an dòchas anns an cuirear,
moille¹³, an cridhe tinn; ach *is* craobh
beatha am miann¹⁴ 'nuair a thig e.

13 Eisan a nì tàir air focal, millear e;
ach esan air am bi eagal roimh àithne,
gheibh e luigheachd.

14 *Is* tobar beatha lagh an duine ghlic,
chum dol as o lìoutaibh a' bhàis.

15 Bheir tuigse mhaith deadh-ghean;
ach *is* cruaidh slighe luchd-eusaontais.

16 Ni gach duine ciallach¹⁵ a ghnòth-
uch le h-eòlas; ach leigidh an t-amadan
ris 'amaideachd.

17 Tuitidh an droch theachdair ann an
olc; ach *is* slàinte an teachdair dileas.

18 Bochdainn agus nàire *bithidh* dhas-
an a dhiùltas fòghlum; ach an ti aig am
bi meas air achmhasan, gheibh e urram.

19 *Is* mìlis do'n anam am miann a
choimhlìonar; ach *is* beag air amadan-
aibh dealachadh ris an olc.

20 An ti a shiùbhlas le daoineibh glìce,
bithidh e glic; aca sgrìosar companach
nan amadan.

21 Leanaidh olc peacaich: ach do na
fìreanaibh iocar maith.

22 Fàgaidh duine maith oighreachd aig
cloinn a chloinne; ach taisgear do'n fhìr-
ean maoin a' pheacaich.

23 *Bithidh* mòran bidh *ann an* treabh-
adh nam bochd; ach bithidh neach ann
a sgrìosar a dhìth breitheanais.

24 An ti a chaomhas a shlat, *is* beag
air a mhac; ach an ti leis an ionmhuinn e,
smachdaichidh se e 'na thràth.

25 Itluidh am fìrean gu sàsachadh 'an-
ama; ach bithidh dìth air broinn nan
aingidh.

CAIB. XIV.

1 Clonaidh an t-amadan a shlighe, 9 agus nì e
magadh do'n pheacadh. 20 Le 'choimhearsnach
féin fuathaichear an duine bochd. 29 *Is* duine
glic esan a tha mall chum feirge.

CUIRIDH gach beanghlic a tigh suas;
ach leagaidh a' bhean amaideach
sìos e le a làmhhaibh féin.

2 Eisan a ghluaiseas 'na ionracas, bith-
idh eagal an Tighearna air; ach esan a
ta fiar 'na shlighibh, nì e tàir air.

3 Ann am beul an amadain *tha* slat
uabhair; ach gleidhidh bilean nan daoine
glìce iad.

4 Far nach bi daimh, *bithidh* a' phras-

⁹ peacadh. Eabh.

¹⁰ a nì e féin saoihbhir.

¹¹ fuasgladh.

¹² le 'làimh. Eabh.

¹³ an dòchas a shìnear.

¹⁴ fonn, togradh.

¹⁵ crìonna, glic.

ach glan; ach *bithidh* fàs mòr le neart an daimh.

5 Cha dean an fhianuis dhìleas breug; ach labhraidh an fhianuis chealgach¹ breugan.

6 Iaraidh fear na fochaid gliocas, agus cha'n fhaigh e; ach do'n tì a thuigeas *tha* eòlas furas².

7 Imich á làthair an duine amaidich, 'nuair nach mothaich thu *ann* bilean an eòlais.

8 *Is* e gliocas an duine chiallaich a shlighe a thuigsinn; ach *is* cealg amaid-eachd nan amadan.

9 Nì amadain magadh do'n pheacadh; ach am measg nam firean *tha* deadh-ghean.

10 *Is* aithne do chridhe *duine* searbhas 'anama; agus 'na aoibhneas cha bhi comh-roinn aig coigreach³.

11 Tilgear tigh nan aingidh bun os ceann; ach thig pàillion nan ionraic fo bhlàth.

12 Tha slighe ann a chithear dìreach le duine; ach *is* iad a crìoch slighean a' bhàis.

13 Ann an gàire féin bithidh an cridhe brònach; agus *is* e deireadh an t-subhachais sin tuirse.

14 Le 'shlighibh féin lìonar esan a thionndaidh air ais 'na chridhe; agus uaith féin *sàsuichear* an duine maith.

15 Creididh an duine baoghalta⁴ gach focal; ach bheir an duine ciallach an aire d'a cheum.

16 Bithidh eagal air an duine ghlic, agus tréigidh e 'n t-olc; ach tha'n t-amadan borb⁵ agus dàna.

17 An ti air am bi fearg gu h-obann, nì e gu h-amaideach; agus fuathaichear fear nan droch innleachd.

18 Sealbhaichidh daoine baoghalta amaideachd mar oighreachd; ach crùnair na daoine ciallach le h-eòlas.

19 Cromaidh droch dhaoine an làthair dhaoine maithe, agus na h-aingidh aig geataibh an fhìreìn.

20 Eadhon le 'choimhearsnach féin fuathaichear duine bochd; ach *is* lìonmhor iad leis an ionmhuinn an duine saoi bhir.

21 An ti a nì tàir air a choimhearsnach, peacaichidh e; ach *is* sona an ti a ghabhas truas do na bochdaibh.

22 Nach téid iadsan air seacharan a dhealbhas an t-olc? ach *bithidh* tròcair agus firinn aca-san a dhealbhas am maith.

23 Anns gach saothair bithidh tairbhe; ach *thig* cainnt nam bile a mhàin gu h-uireasbluidh.

24 *Is* e crùn nan daoine glìce an saoi bhir-

reas; ach *is* amaideachd amaideachd nan amadan.

25 Saoraidh fianuis fhìor anama; ach labhraidh *fianuis* chealgach breugan.

26 Ann an eagal an Tighearna *tha* aobhar earbsaidh làidir; agus aig a chloinn bithidh didean.

27 *Is* e eagal an Tighearna tobar na beatha, chum dol as o lìontaibh a' bhàis.

28 Ann an lìonmhoireachd sluaigh *tha* urram an rìgh; ach ann an dìth sluaigh *tha* milleadh an nachdarain.

29 An ti a tha mall chum feirge, *tha* e pàit ann an tuigse; ach esan a tha dian 'na spiorad, àrdaichidh e amaideachd.

30 *Is* e beatha na feòla, cridhe fallain; ach *is* e lobhadh nan canàm, an tnu.

31 An ti a shàruicheas⁶ am feumach, masluichidh e a Chruith-fhear; ach bheir an ti sin urram dha, a ghabhas truas do'n bhochd.

32 'Na aingidheachd fuadaichear air falbh an t-aingidh; ach bithidh dòchas aig an fhìrean 'na bhàs.

33 Ann an cridhe an duine thuigsich gabhaidh gliocas tàmh; ach aithnìchear *an nì a ta* 'n taobh a stigh nan amadan.

34 Àrdaichidh fircantachd cinneach; ach *is* e am peacadh masladh sluaigh air bith⁷.

35 *Bithidh* deadh-ghean an rìgh aig seirbhis each glic; ach bithidh 'fhearg 'na aghaidh-san a bhios 'na aobhar nàire,

CAIB. XV.

¹ *Is* 'eraobh beatha teangadh nan daoine glìce.

² *Tha* iobairt nan aingidh 'na gràineileachd do *Dhia*. ³ *Bheir* esan a tha sanntach 'na chridhe buaireas air a thigh féin.

BITHIDH freagradh mìn corruich; ach dùisgidh briathra garg fearg.

2 Cuiridh teangadh nan daoine glìce an céill eòlas gu ceart; ach dòirtidh beul nan amadan a mach amaideachd.

3 *Tha* sùilean an Tighearn anns gach àit, ag amharc air na droch dhaoineibh agus air na deadh dhaoineibh.

4 *Is* eraobh beatha teangadh fhallain⁸; ach *is* briseadh spioraid fiaradh innte.

5 Nì amadan tàir air teagasg 'athar; ach *is* ciallach an ti a bheir an aire do achmhasan.

6 Ann an tigh an fhìreìn *tha* mòran ionmhas; ach ann an teachd-a-stigh an aingidh *tha* buaireas.

7 Sgaoilidh bilean nan daoine glìce eòlas; ach cha dean cridhe nan amadan mar sin.

8 *Is* gràineileachd do'n Tighearn iobairt nan aingidh; ach *is* i urnuigh nan ionraic a thlachd.

9 *Is* gràineileachd do'n Tighearna slighe

¹ *bhreugach.*

² *furasd.*

³ *neach eile.*

⁴ *neo-gheur, aon-fhillte, simplidh.*

⁵ *feargach.*

⁷ *nan slògh.*

⁶ *bhruthas.*

⁸ *chiùin, shìothchail.*

an aingidh; ach is ionmhuinn leis an ti a leanas an dèigh fireantachd.

10 *Is* searbh smachdachadh dha-san a thréigean an t-slighe; ach gheibh esan le'm fuathach achmhasan, bàs.

11 *Tha* ifrinn agus sgrios fa chomhair an Tighearna: cia mòr is mò na sin cridheacha chloinn nan daoine?

12 *Cha* toigh le fear-fochaid esan a chronaicheas e; agus a dh'ionnsuidh dhaoine glìce cha téid e.

13 *Ni* cridhe subhach gnùis shuilbhir; ach le bròn a' chridhe brisear an spiorad.

14 Iarraidh cridhe an duine thuigsich eòlas; ach beathaichear beul nan amadan le amaideachd.

15 *Tha* uile làithean an duine thruaigh ole; ach *is* cuirm a ghnàth an cridhe ait.

16 *Is* fearr beagan le h-eagal an Tighearna, na ionmhas mòr agus buaireas leis.

17 *Is* fearr lòn¹ do luibhibh, far am bi gràdh, na damh biadhna agus fuath leis.

18 Dùisgidh fear feargach consachadh; ach esan a ta mall chum feirge, ciùinichidh e aimhreit².

19 *Tha* slighe an leisgein³ mar ghàradh⁴ droighinn; ach *tha* rathad nan ionraic air a dheanamh réidh.

20 *Ni* mac glìc athair aoibhneach; ach *ni* mac⁵ amaideach tàir air a mhàthair.

21 *Is* aobhar aoibhneis amaideachd dhasan a tha as eugmhas gliocais⁶; ach imichidh fear na tuiipse gu dìreach.

22 Gun chomhairle, thig rùinte⁷ gu neo-ni; ach ann an lionnhoireachd chomhairleach daingnichear iad.

23 Bithidh aoibhneas aig duine le freagradh a bheoil; agus focal 'na thràth, cia maith e!

24 *Tha* slighe na beatha shuas do'n duine ghlic, chum dol as o ifrinn shìos.

25 Sgriosaidh an Tighearna tigh nan uaibhreach; ach daingnichidh e crìoch na bantraich.

26 *Is* gràineileachd do'n Tighearna smuaintè dhroch dhaoine; ach *is* briathra taitneach *briathra* nam fìor-ghlan.

27 Bheir esan buaireas air a thigh féin, a tha sanntach air buannachd; ach bithidh esan le'm fuathach duais-bhratha, beò.

28 Smuainichidh cridhe an fhìrein cionnus is còir dha freagairt; ach dòirtidh beul nan aingidh a mach droch nithe.

29 *Tha'n* Tighearna fada o na h-aingidh; ach éisdidh e ri h-urnuigh nam firean.

30 *Ni* solus nan sùl an cridhe aoibhneach; agus bheir deadh chlàr smior do na cnàmhaibh.

31 Gabhaidh a' chluas a dh'éisdeas ri achmhasan na beatha, còmhnuidh am measg nan daoine glìce.

32 An ti a dhiùltas fòghlum, ni e tàir air 'anam féin; ach an ti a dh'éisdeas ri achmhasan, gheibh e tuiipse⁸.

33 *Is* e eagal an Tighearna fòghlum a' ghliocais; agus roimh urram *tha* ìrioslachd.

CAIB. XVI.

1 *Tha Dia 'na* Bhreitheamh os ceann gach dùile. 16 Oirdheirecas a' ghliocais. 27 Gnàthaichidh an duine neo-dhiadhaidh aingidheachd an còmhnuidh.

T*HA* deasachadh cridhe duine, agus freagradh na teangaidh o'n Tighearna⁹.

2 *Tha* uile shlighean duine glan 'na shùilbh féin; ach cothromaichidh¹⁰ an Tighearna na spioraid.

3 Tabhair t'òibre thairis do'n Tighearna, agus daingnichear do smuaintè.

4 Rinn an Tighearna gach ni air a shon féin, agus mar an ceudna an t-aingidh air son là¹¹ an uile.

5 *Is* gràineileachd do'n Tighearna gach neach a ta uaibhreach 'na chridhe: *ged iadhadh* làmh mu làimh, cha bhi e gun pheanas¹².

6 Trid tròcair agus fìrinn glanar euceart; agus trid eagal an Tighearna tréigear an t-ole.

7 An uair a ghabhas an Tighearna tlachd ann an sliighbh duine, bheir e air a naimhdbh féin a bhi ann an sìth ris.

8 *Is* fearr beagan le h-ionracas, na teachd-a-stigh mòr gun cheartas.

9 Smuainichidh cridhe duine air a shlighe; ach is e'n Tighearna a stiùireas a cheumanna.

10 *Tha* fàistneachd¹³ air bìlibh an rìgh: ann am breitheanas cha dean a bheul euceart.

11 *Is* leis an Tighearna toimhsean agus meidhean cearta¹⁴: is iad uile chlachatmhais a' mhàla¹⁵ obair-san.

12 *Is* gràineileachd do rìghribh aingidheachd a dheanamh; oir le h-ionracas daingnichear an rìgh-chaitlir.

13 *Is* taitneach do rìghribh b'lean an ionracais; agus is ionmhuinn leo esan a labhras *nithe* cearta.

14 *Tha* fearg rìgh mar theachdairean bàis; ach ciùinichidh¹⁶ duine glìc i.

15 Ann an solus gnùise rìgh *tha* beatha;

o'n Tighearna *tha* freagradh na teangaidh.

¹⁰ measaidh.

¹¹ làtha, lù.

¹² cha mheasar neò-chiontach e, cha téid e saor as.

¹³ fàistneachd.

¹⁴ a' cheartais. Eabh.

¹⁵ a' bhuig.

¹⁶ ceannsaichidh.

¹ dìncir, biadh-nòin.

² lundaire.

³ duine.

⁴ smuaintè.

⁵ Feudaidh duine a smuaintèan ulluchadh; ach

² strì.

⁴ challaid.

⁶ cridhe. Eabh.

⁶ cridhe. Eabh.

agus *tha* a dheadh-ghean mar neul an uisge dheircamaich.

16 Cia mòr *is* fearr gliocas fhaotainn¹ na òr? agus *is* ròghnaiche tuigse fhaotainn na airgid?

17 *Is* e rathad² mòr nan ionraic an t-olc a thrèigsinn: an ti a choimhideas a shlighe, gleidliudh e 'anam.

18 Roimh sgrios *théid* uabhar; agus roimh leagadh, spiorad àrdanach.

19 *Is* fearr a bhi do spiorad iriosal maille riu-san a ta ciùin, na a' chreach a roinn maille ris na h-uabhrich.

20 An ti a ni gnothuch gu tuigseach, gheibh e maith: agus an ti a dh'càrbas as an Tighearn, *is* sona e.

21 Goirear duine crìonna³ do'n ti a tha glic 'na chridhe; agus meudaichidh milse nam bile fòghlum.

22 *Is* tobar beathia an tuigse do'n ti aig an bheil i; ach *is* amaideachd fòghlum nan amadan.

23 Ni cridhe an duine ghlic a bheul tuigseach, agus air a bhillibh cuiridh e fòghlum.

24 Mar chìr-mheala *tha* briathra taitneach, milis do'n anam, agus 'nan slàinte do na cnàmhaibh.

25 Tha slighe ann a tha ceart ann an sealladh duine; ach *is* iad slighean a' bhàis a crìoch.

26 An ti a shaothraicheas, saothraichidh e air a shon féin; oir iarraidh a bheul air e.

27 Cladhaichidh an duine neo-dhiadhaidh olc; agus air a bhillibh *bithidh* mar theine loisgeach.

28 Togaidh⁴ an duine fiar⁵ aìmhreit; agus dealaichidh fear na cogarsaich càirde sonruichte.

29 Meallaidh fear an fhòirneirt a choimhearsnach, agus bheir e air imeachd air slighe nach 'eil maith.

30 Druididh e a shùilean chum smuain-eachadh air nithibh fiara; a' gluasad⁶ a bhilean, bheir e olc gu crìch.

31 *Is* coron glòire an ceann liath, a gheibhear ann an slighe an ionracais.

32 *Is* fearr an ti a ta mall chum feirge na gaisgeach; agus an ti a riaghlas a spiorad féin na esan a ghlacas àrd-bhaile⁷.

33 Anns an uchd tilgear an crannchur; ach *is* ann o'n Tighearn a *tha* a riaghladh gu léir.

CAIB. XVII.

1 Dearbhaidh Dia smuaintean cridhe an duine.

7 Cha 'n'eil mòralachd ciatach do luchd-deanamh

¹ a chosnadh.

² slighe.

³ ciallach, tuigseach.

⁴ Diùsgidh, sìol-chuiridh.

⁵ coirbte, ana-mèineach.

⁶ gluasadh.

⁷ caithir.

⁸ do nithibh maithe, do dheadh ghleus.

⁹ bithidh cuibhtrionn aige do'n oighreachd.

¹⁰ fhuirneis.

¹¹ bhillibh cealgach, breugach.

na h-euceirt. 19 Sgriosar an neach a ghràdh-aicheas aìmhreit.

IS fearr greim tioram, agus suaimhneas leis, na tigh làn do iobairtibh⁸ maille ri h-aìmhreit.

2 Riaghlaidh seirbhiseach tuigseach os ceann a' mhic a bhios 'na aobhar nàire; agus an measg nam bràthar roinnidh e an oighreachd⁹.

3 *Tha* a' phoit-ghlanaidh air son an airgid, agus an àmhunn¹⁰ air son an òir: ach dearbhaidh an Tighearna na cridhe-eacha.

4 Bheir an droch dhuine an aire do bhillibh na h-euceirt¹¹; éisdidh am breug-aire ri teangaidh an aìmhleis.

5 An ti a ni fanoid air a' blochd, bheir a masladh d'a Chruith-fhear: an ti a ni gàirdeachas ri dòrunn¹², cha bhi e neo-chiontach¹³.

6 *Is* iad clann an cloinne coron sheann daoine; agus *is* iad an aithriche urram¹⁴ cloinne.

7 Cha 'n'eil cainnt na mòralachd¹⁵ ciatach do'n amadan: nach lugha na sin a *tha* bilean na bréige ciatach do dhuine mòr¹⁶?

8 *Is* clach uasal tiodhlac ann an sùilibh an ti aig am bi e¹⁷; ge b'e taobh gus an tionndaidh e, soirbhichidh leis.

9 An ti a cheileas cionta, cosnaidh¹⁸ e gràdh; ach esan a dh'aithriseas ni, dealaichidh e cairdean.

10 Drùthaidh achmhasan ni's mò air duine glic, na ceud buille air amadan.

11 *Is* ceannairc a mhàin a dh'iarraas an droch dhuine; uime sin cuirear teachdair an-ìochdmhor 'na aghaidh.

12 Tachaireadh math-ghamhuin air call a cuilean air duine, ni's luaithe na amadan 'na amaideachd.

13 Ge b'e dh'ìocas olc air son maith, cha dealaich olc r'a thigh.

14 Mar gu'n leigeadh neach a mach uisgeacha, *tha* toiseach aìmhreit; uime sin mu'n sgaoil¹⁹ a' chomhstri, leig dhìot i.

15 *Tha* 'n ti a shaoras an t-aingidh, agus an ti a dh'iteas am firean, aràon 'nan gràncileachd do'n Tighearn.

16 C'ar son a ta luach ann an làimh amadain a dh'fhaotainn gliocais, agus e gun rùn²⁰ aige?

17 Anns gach àm gràdhaidhidh caraid; agus rugadh bràthair fa chomhair teinn²¹.

18 *Is* duine gun tuigse a bhuaileas a làmh, a théid an urras am fianuis²² a charaid.

¹² sgrios neach eile.

¹³ gun pheanas.

¹⁴ nàill, glòir.

¹⁵ cainnt òirdheirc.

¹⁶ nasat, àrd.

¹⁷ a gheibh e.

¹⁸ iarraidh.

¹⁹ mu'm measgar.

²⁰ chridhe. Eabh.

²¹ àmhghair.

²² air son.

19 Gràdhaichidh esan peacadh, a ghràdhaicheas aimhreit: an ti a dh'ard-aicheas a dhorus, iarraidh e sgrios.

20 An ti a ta fiar 'na chridhe, cha'n fhaigh e maith; agus an ti a ta lùbach¹ 'na theangaidh, tuitidh e ann an olc.

21 An ti a ghineas amadan, *ginidh se e* chum e dhoilgheis féin; oir cha bhi sòlas aig athair amadan.

22 Ni cridhe subhach maith *mar* leigheas; ach tiormaichidh spiorad briste na cnàmhan.

23 Bheir droch dhuine tiodlac á 'uchd, a chlaonadh shlighean a' bhreitheanas.

24 Fa chomhair² an duine thuigsich *tha* gliocas; ach *tha* suilean amadain ann an iomall na talmhainn.

25 *Tha* am mac amaideach 'na dhoilgheas d'a athair, agus 'na shearbhas dh'ise a rug e.

26 Mar an ceudna cha 'n'eil e maith peanas a dheanamh air an fhìrean, *no* àrd uaislean a bhuailadh air son ccartais.

27 Caomhnaidh an ti aig am bheil eòlas a bhriathran; agus bithidh fear na tuigse cùin³ 'na spiorad.

28 Measar an t-amadan féin, 'nuair a bhios e 'na thosd, na dhuine glic; agus an ti a dhruideas a bhilean, 'na dhuine tuigseach.

CAIB. XVIII.

1 *Cha'n* 'eil tlachd aig an amadan ann an gliocas. 10 *Tha an Tighearn* 'na thùr làidir dhoibhsan a chuireas an dòigh ann. 21 *Ann an cumhachd na teangaidh tha bàs agus beatha.*

A REIR a thograidh iarraidh esan a sgaras e féin, agus buinidh e ris gach gliocas.

2 Cha 'n'eil tlachd aig an amadan ann an tuigse, ach gu'm foillsicheadh a chridhe e féin.

3 'Nuair a thig an t-aingidh, thig mar an ceudna tarcais, agus maille ri mi-chliù, masladh.

4 *Mar* uisgeacha domhain *tha* briathra beoil duine; *mar* shruth sgaoilteach *tha* tobar a ghliocas.

5 Cha 'n'eil e inaith gabhail ri gnùis⁴ an droch dhuine, chum am firean a thilgeadh bun os ceann ann an breitheanas.

6 Théid bilean an amadain ann an aimhreit, agus gairmidh a bheul air buillibh.

7 *Is* e beul amadain a sgrios, agus *is* iad a bhilean ribe 'nana féin.

8 *Tha* briathra fir na cogarsaich⁵ mar lotaibh⁶, agus théid iad sìos gu ionadaibh iochdarach a' chuim.

9 Mar an ceudna an ti sin a ta leasg 'na obair, *is* bràthair e do'n mhillteir mhòr⁷.

10 *Is* thùr làidir ainm an Tighearna: ruithidh am firean d'a ionnsuidh, agus bithidh e tèaruinte⁸.

11 *Is* e beartas an duine shaoibhir a chaithir⁹ làidir, agus mar bhalla àrd 'na bheachd féin.

12 Roimh sgrios bithidh cridhe duine uaibhreach, agus roimh urram *bithidh* irioslachd.

13 An ti a bheir freagradh ann an cùis mu'n cluinne e *i*, *is* amaideachd agus nàire dha e.

14 Giùlainidh spiorad duine a laigse: ach cò is urrainn spiorad briste¹⁰ a ghiùlan?

15 Gheibh cridhe an duine chrìonna¹¹ eòlas; agus iarraidh cluas nan daoine glìce eòlas.

16 Ni tiodhlac duine àite dha, agus bheir e an làthair dhaoine mòra e.

17 *Saoilear* gu bheil a' chòir aige-san, a tha air thoiseach ann an agairt a chùise; ach thig a choimhearsnach, agus ranns-aichidh se e.

18 Bheir an crannchur air aimhreiteibh sgrù, agus roinnidh e eadar na cumhachd-aich.

19 *Tha* bràthair air a bhrosnachadh *nì's cruaidh r'a chosnadh* na caithir¹² làidir; agus *tha* aimhreitean *bhràithre* mar chrannaibh lùchairt¹³.

20 Le toradh béil duine lionar a bhrù; agus le piseach¹⁴ a bhilean sàsuichear e.

21 *Tha* bàs agus beatha ann an cumhachd¹⁵ na teangaidh; agus ithidh esan leis an ionmhuinn i d'a toradh.

22 An ti a dh'amaiseas air mnaoi, amaisidh e air nì maith, agus gheibh e deadh-ghean o'n Tighearn.

23 Le h-impidh¹⁶ labhraidh an duine bochd; ach freagraidh an duine saobhir gu garbh.

24 Feumaidh fear aig am bi càirdean, càirdeas a nochdadh; agus tha caraid ann a leanas nì's dlùithe na bràthair.

CAIB. XIX.

1 Bàsaichidh an t-anam a bhlùthas amaideach agus as eugmhais eòlais. 16 Eiridh gu maith dha-san a gleidheas lagh an Tighearn. 26 Bheir mac aingidh masladh agus nàire air 'athair.

IS fearr am bochd a ghluaiseas 'na ion-racas, na esan a tha fiar 'na bhlùibh¹⁷, agus e 'na amadan.

2 Mar an ceudna cha mhaith do'n anam a bhi as eugmhais eòlais; agus an ti a nì cabhag le 'chasaibh, tuislichidh e¹⁸.

¹ fiar, earach.

² Ann an gnùis.

³ iriosal, òirdheirc.

⁴ pearsa.

⁵ cogaraich.

⁶ mar briathraibh tlàth.

⁷ do fhear na h-ana-cailteadh.

⁸ àrdaichear e.

⁹ a mhòr-bhaile.

¹⁰ brùite, leòda.

¹¹ mòr-bhaile.

¹² fàs, toradh.

¹³ astlachadh.

¹⁴ théid e air seacharan, peacaichidh e.

¹⁵ chiallaich, thuigsich.

¹⁶ tùir, dùin, daingnich.

¹⁷ làimh. Eabh.

¹⁸ shlighibh.

3 Claonaidh amaideachd duine a shlighe, agus an aghaidh an Tighearna ni a chridhe gearan¹.

4 Ni saobhreas mòran chàirdean; ach sgarar am bochd o a charaid².

5 Cha bhi fianuis bhreugach gun pheanas³; agus *an ti* a labhras breugan, cha téid e as.

6 Iarraidh mòran deadh-ghean an duine mhòir⁴; agus *bithidh* gach duine 'na charaid do fhear nan tiodhlac⁵.

7 Bheir uile bhràithrean an duine bhochd fuath dha: nach mò na sin a théid a chàirdean am fad uaith? leanaidh e *iad* le briathraibh, *ach tha* iad a dhith air⁶.

8 An ti a gheibh gliocas⁷, gràdhaichidh e 'anam féin; an ti a ghleidheas tuigse, gheibh e maith.

9 Cha bhi fianuis bhreugach gun pheanas; agus sgriosar an ti a labhras breugan.

10 Cha 'n'eil aoibhneas iomchuidh do amadan; is lugha na sin do sheirbhis-each riaghladh os ceann uachdarana.

11 Ni tuigse duine e mall chum feirge, agus *is i* a ghlòir amharc thairis air eu-coir.

12 Mar bheucaich leòmhain *tha* fearg rìgh; ach mar dhrùchd air fear *tha* a dheadh-ghean.

13 *Is* aobhar doilgheis d'a athair mac amaideach; agus mar shior-shileadh uisge *tha* airmhritean mnà.

14 *Is* iad oighreachd aithriche tigh agus saobhreas; ach is ann o'n Tighearna *a tha* bean chiallach⁸.

15 Bheir leisge air *duine* tuiteam ann an trom chodal; agus fuilingidh an t-anam dìomhanach ocras.

16 An ti a ghleidheas an àitlme, gleidhidh e 'anam féin; ach an ti a ni tair air⁹ a shlighibh, gheibh e bàs.

17 An ti a ghabhas truas do'n bhochd, bheir e air iasachd¹⁰ do'n Tighearna; agus an ni a bheir e uaith, iocaidh e dha a ris.

18 Smachdaich do mhac am feadh a ta dòchas *d'a thaobh*, agus na caomhnadh t'anam air son a gheirain¹¹.

19 Fuilingidh fear na feirge mòire peanas; oir ma shaozas tu e, feumaidh tu dheanamh a ris.

20 Eisd ri comhairle, agus gabh fòghlum, chum gu'm bi thu glie ann adlàithibh deireannach¹².

21 *Is* lionmhor na smuaintean ann an

cridhe duine; ach is i comhairle an 'Tigh earn a sheasas.

22 *Is* e tlachd duine a 'chaoimhneas; agus *is* fear duine bochd na breugaire.

23 *Treòraichidh* eagal an Tighearna gu beatha, agus gheibh esan a bhios air a lìonadh leis fois; cha'n fhiosraichear le h-olc e.

24 Folaichidh an leisgein a làmh 'na bhrollach¹³; uiread as chum a bhéil cha tabhair e i a ris.

25 Buail fear-foclaid, agus bithidh an duine neo-gheur air 'fhaicill; agus cronaidh duine tuigseach, agus tuigidh e eòlas.

26 An ti a chreachas¹⁴ 'athair, agus a dh'fhògras a mhàthair, *is* mac a bheir nàire agus masladh e.

27 Sguir, a mhic, do éisd eachd ris an teagasg, a chuireas air seacharan o bhriathraibh an eòlais.

28 Ni fianuis aingidh¹⁵ tarcuis air breith eanas; agus sluigidh beul dhroch dhaoine euceart.

29 Dh'ulluicheadh breitheanais do luchd-fochaid, agus builleann do dhruim nan amadan.

CAIB. XX.

1 *Tha* e 'na ni urramach fantuinn o airmhreit.

10 *Is* gràineileachd do *Dhia* tomhas cealgach.

22 *Cha* chòir do neach olc iocadh air son zùic.

I*S* cealgach an ni fion¹⁶, *is* buaireasach an ni deoch làidir; agus ge b'e neach a mheallair leo, cha 'n'eil e glie.

2 Mar bheucaich leòmhain *tha* eagal rìgh: an ti a bhrosnuicheas e gu feirg, pacaichidh e *an aghaidh* 'anam féin.

3 *Is* urramach an ni do fhear fantuinn¹⁷ o airmhreit; ach measaidh gach amadan *inné*.

4 Air son an fhuachda¹⁸ cha treabh an leisgein; iarraidh e déire anns an fhogharadh, ach cha'n *fhaigh* e.

5 Mar uisge domhain *tha* comhairle ann an cridhe duine, ach tairngidh fear na tuigse nìos i.

6 Gairmidh mòran dhaoine gach aon diubh a mhaithreas féin; ach cò a gheibh duine firinneach?

7 Ghluaisidh am firean 'na ionracas: son *bithidh* a mhic 'na dhéigh.

8 'Nuair a shuidheas rìgh air caithir bhreitheanais, sgaoilidh¹⁹ e gach olc le 'shùilbh.

9 Cò a dh'fheudas a ràdh, Ghlan mi mo chridhe, tha mi glan o m' pleanachd?

¹ *bithidh* fearg air a chridhe.

² choimhearsnach. ³ nòd-chiontach.

⁴ a' phrionnsaidh, an uachdarain.

⁵ dhasan a bheir tiodhlacan seachad.

⁶ tha iad gun èifeachd.

⁷ cridhe. Eabh.

⁸ thuigseach.

⁹ a dhearmadas, nach toir an aire do.

¹⁰ an coingheall.

¹¹ ach na tog t'anam chum a mhilleadh.

¹² Faic Deut. Caib. VIII. r. 16.

¹³ aslaich, asgail.

¹⁴ a mhilleas, a chlaoidheas.

¹⁵ fianuis do Bheial. Eabh.

¹⁶ Is fear-magaidh am fion. Eabh.

¹⁷ sguir.

¹⁸ a' gheamhraidh.

¹⁹ sgupaidh.

10 *Aon* chotlirom agus cottirom *eile*, *aon* soitheach-tomhais agus soitheach-tomhais¹ *eile*, is gràineileachd iad araon do'n Tighearn.

11 Aithnìchear eadhon leanabh le a bheusaibh, an *bi* a dheanadas glan, agus an *bi* e ceart.

12 *A'* chluas a chluinneas, agus an t-sùil a chi, rinn an Tighearn iad araon.

13 Na gradhaich codal, air eagal gu'n tig thu gu bochdainn; fosgail do shùilean, agus sàsuichear thu le h-aran.

14 *Is* olc, *is* olc *e*, ars' an ceannuiche; ach an uair a dh'imicheas e roimhe, an sin ni e uail.

15 *Tha* òr ann, agus mòran do chlach-aibh luachmhor²; ach *is* iad bilean an eòlais an seud a's luachmhoire.

16 Gabh eudach an tì a chaidh an urras air coigreach; agus air son bana-choigrich gabh an geall uath.

17 *Is* milis le duine aran na ceilge; ach 'na dhéigh sin lionar a bheul do ghain-eamh³.

18 Daingnìchear gach tionnsgnath le comhairle; agus le comhairle ghlic dean cogadh.

19 *A'* foillseachadh nithe dìomhair, imichidh fear-tuaileis mu'n cuairt⁴: uime sin ris-san a ni miodal le 'bhilibh⁵ na biodh gnothuch agad.

20 Ge be mhalluicheas 'athair, no a mhàthair, cuirear as a lòchran ann an duibhre dorchadais.

21 Feudar oighreachd fhaotainn gu luath an toiseach; ach cha bhi a crìoch beannaichte.

22 Na h-abair, Iocaidh mi olc air son uile: feith air an Tighearn, agus saoraidh e thu.

23 *Is* gràineileachd do'n Tighearn *aon* chlach-thomhais agus clach-thomhais *eile*, agus cha 'n *eil* meidhean cealgach maith.

24 *Is* ann o'n Tighearn *a tha* ceumanna duine: oir cionnus a thuigeas duine a shlighe féin?

25 *Is* ribe e do dhuine itheadh do'n ni a ta naomh, agus an déigh bhòid fiosrachadh⁶.

26 Sgapaidh rìgh glic na h-aingidh, agus bheir e air an roth teachd thairis orra.

27 *Is* e spiorad⁷ duine lòchran an Tighearn, a' sgrùdadh⁸ gach ionaid an taobh a stigh do'n chom.

28 Gleidhidh tròcair agus firinn rìgh;

seadh, le tròcair daingnìchear a rìgh-chaitheir.

29 *Is* e urram dhaoine òga an neart; agus *is* e maise sheann daoine, an ceann liath.

30 Glanaidh guirme⁹ cneidhe olc; mar sin *glanaidh* buillean na bheil an taobh a stigh do'n chom¹⁰.

CAIB. XXI.

1 *Rannsaichidh Dia* cridhe an duine. 15 *Rògh-naichidh am firean breitheanas*. 27 *Tha ìobairt nan aingidh 'na gràineileachd an làthair Dhé*.

MAR shruthaibh uisgeacha *tha* cridhe rìgh ann an làimh an Tighearna: ge b'e taobh is àill leis, tionndaidhidh se e.

2 *Tha* uile shlighean duine ceart 'na shùilbhe féin; ach measaidh an Tighearna na cridheacha.

3 Ceartas a dheanamh agus breitheanas, *is* ròghnaiche leis an Tighearna na iob-airt.

4 *Is* peacach sealladh àrd, agus cridhe uaibhreach, lòchran nan aingidh¹¹.

5 *Bheir* gu deimhin smuaintean an duine dhì-chiollaich, gu pailteas; ach *thig* gach neach a ta gum fhoighidin¹² da rìreadh gu dìth.

6 Ionmhasan fhaotainn le teangaidh bhreugaich, *is* dìomhanas e air a luasgadh a null agus a nall aig an droing a dh'iarraas am bàs.

7 Sgrìosaidh reubainn nan aingidh iad, a chionn gu'n diùlt iad breitheanas a dheanamh.

8 Fiar agus coimheach *tha* slighe duine; ach *a thaobh* an fhìor-ghloin, *tha* a dheanadas dìreach.

9 *Is* fearr còmhnuidh a ghabhail ann an oisinn mullaich tighe, na maille ri mnaoi aimhreitich ann an tigh farsuinn¹³.

10 Miannaichidh anam an aingidh olc: cha'n fhaigh a choimhearsnach deadh-ghean 'na shùilbhe.

11 'Nuair a nìtheas peanas air fear-fochaid, fàsaidh am baoghalta¹⁴ glic; agus an uair a dh'fhòghlumar an duine glic, gheibh e eòlas.

12 *Bheir* am firean an aire gu glic do thigh an aingidh: tilgear¹⁵ na h-aingidh bun os ceann air son an aingidheachd.

13 An tì a dhruideas a chluas ri glaodh an duine bhochd, gladhaidh e féin mar an ceudna, ach cha'n éisdear ris.

14 Ciùmichidh¹⁶ tiodhlac ann an dìomh-aireachd fearg; agus duais san uchd, corruich dhian.

15 *Is* aoibhneas do'n fhìrean breithean-

¹ clach agus clach, ephah agus ephah. Eabh. Faic Dent. Caib. XXV. r. 14.

² neamhnuidibh; peunim. Eabh.

³ ghaibheal, gharbh-ghaieamh.

⁴ Faic Caib. XI. r. 13. ⁵ a tha bras le 'bhilibh.

⁶ dàil a chur nan coimhionadh.

⁷ anam.

⁸ rannsachadh, fiosrachadh. ⁹ salchar, bréine.

¹⁰ olc a' chridhe. ¹¹ agus treabhadh nan aingidh.

¹² dian, cabhagach.

¹³ comuinn, comh-chuideachd.

¹⁴ neo-ghaur, simplidh.

¹⁵ Traoghaidh, mùchaidh.

¹⁶ tilgidh Dia.

as¹ a dheanamh; ach *thig* sgrios air² luchd-deanamh na h-euceirt.

16 An duine a thèid air seacharan o shlighe na tuigse, fanaidh e ann an coimhthional nam marbh.

17 *Bithidh* esan 'na dhuine bochd a ghràdhachas sògh³; an ti a ghràdhachas fion agus oladh, cha'n fhàs e saobhair.

18 'Na éiric air son an fhìreinn *bithidh* an t-aingidh, agus air son nan ionraic an duine fealltach⁴.

19 *Is* fearr còmhnuidh a ghabhail ann am fàsach⁵, na maille ri mnaoi aimhreidich agus fheargaich.

20 *Tha* ionnhas taitneach agus oladh ann an àite-còmhnuidh an duine ghlic; ach caithidh an t-amadan e.

21 An ti a leanas fireantachd agus trèd-air, gheibh e beatha, fireantachd, agus urram⁶.

22 Do chaithir⁷ nan daoine treuna streapaidh an duine glic, agus leagaidh e sìos neart a h-earbsa.

23 An ti a ghleidheas a bheul agus a theangadh, gleidhidh e 'anam o theamntachdaibh.

24 Fear-magaidh uaibhreach àrdanach is ainm dhasan, a ghiùlaineas e féin ann an corruich an uabhair.

25 Marbhaidh miann an leigsein e; oir diùltaidh a làmhnan obair a dheanamh.

26 Air feadh an là sanntaichidh e gu mòr; ach bheir am firean uaith, agus cha chaomhain e.

27 *Is* gràineileachd òbairt nan aingidh: cia mòr is mò, 'nuair a bheirear suas i le droch rùn?

28 Sgriosar fianuis bhreugach; ach an ti a dh'éisdeas, labhraidh e chum *deadh* chriche⁸.

29 Cruaidhichidh an droch dhuine 'eud-an; ach nì esan a ta ionraic a shlighe dir-each⁹.

30 Cha 'n'èil gliocas, no tuigse, no comhairle ann, an aghaidh an Tighearna.

31 Deasaichear an t-each fa chomhair là a' chatha; ach is ann o'n Tighearna a *tha* tèaruinteachd¹⁰.

CAIB. XXII.

1 *Trid* eagail an Tighearna *tha* urram agus beatha.

9 Beannaichear esan aig am bheil sùil thruacanta, 16 ach esan a shàruicheas am bochd *thig* e gu h-uireasbhuidh. 24 *Is* còir fear na feirge a sheachnadh.

Is ròghnaiche ainm maith na mòr-shaoibhreas, agus deadh-ghean na aingiod agus òr.

2 Coinnichidh am beartach¹¹ agus am bochd a chéile: *is* e'n Tighearna a rinn iad gu léir.

3 Chi an duine crionna¹² olc, agus fol-aichidh se e féin; ach gabhaidh na daoine baoghalta¹³ air an aghaidh, agus fuilingidh iad peanas.

4 *Trid* irioslachd [agus] eagail an Tighearna, *thig* saoi-blireas, agus urram, agus beatha.

5 *Tha* droighionn agus ribeacha ann an slighe an duine fhiar: an ti a ghleidheas 'anam féin, thig e am fad uatha.

6 Teagaisg leanabh a thaobh na slighe air an còir dha imeachd; agus an uair a bhios e sean, cha tréig e i.

7 Riaghlaidh am beartach os ceann nam bochd; agus *bithidh* an ti a ghabhas an coingheall¹⁴ 'na sheirbhiseach dhà-san a bheir an coingheall.

8 An ti a shìol-chuireas euceart, buainidh e diomhanas; agus caithear¹⁵ slat 'fheirge.

9 Beannaichear esan aig am bheil sùil fhial¹⁶; oir bheir e d'a aran do'n bhoichd.

10 Tilg a mach am fear-fochaid, agus thèid consachadh a mach; seadh, sguiridh comhstri agus masladh.

11 An ti leis an ionmhuinn gloine cridhe, *is* taitneach a bhilean, *bithidh*¹⁷ an rìgh 'na charaid aige.

12 Coimhididh sùilean an Tighearna eòlas; ach tilgidh e bun os ceann briathran a' chiontaich.

13 *Their* an leigsein, *Tha* leòmhann am muigh, anns na sràidibh marbhar mi.

14 *Is* slochd domhain beul bhlean coimheach; an ti a's gràineil¹⁸ leis an Tighearna, tuitidh e ann.

15 *Tha* amaideachd ceangailte ann an cridhe leimibh; ach cuiridh slat an smachd-achaidh fad uaith i.

16 An ti a shàruicheas am bochd a mheudachadh a *mhaoin* féin, agus an ti a bheir do'n t-saoibhir, *thig* e gu deimhin gu h-uircasbhuidh.

17 Aom do chluas, agus éisd ri briathraibh dhaoine glíce, agus socraich do chridhe air m'eòlas-sa:

18 Oir *is* taitneach an nì e, ma ghleidheas tu iad ann ad chom¹⁹, ma bhithcas iad araon deas air do bhlìb.

19 Chum gu'm biodh t-earbsa as an Tighearna, nochd mi dhuit an diugh, eadhon dhuitse.

20 Nach do sgrìobh²⁰ mi dhuit nithe òirdheire, ann an comhairlibh, agus an eòlas?

¹ ceartas.

² is aobhar uamhas e do.

³ aoibhneas, aighear.

⁴ ciontach.

⁵ an t-ir fhàsail. Eabh.

⁶ glòir.

⁷ àrd-bhaile, bhaile dàinigichte.

⁸ a ghnàth, am feasd.

⁹ deasaichidh esan a ta

ionraic a shlighe.

¹⁰ saorsa, buaidh.

¹¹ saoi-bhir.

¹² ciallach, gcur, léirsinneach.

¹³ neo-ghcur, simplidh.

¹⁴ air iasachd.

¹⁵ fàinichidh.

¹⁶ mhaith, thruacanta.

¹⁷ air son gràs no deadh-ghean a bhilean bithidh, &c.

¹⁸ fuathach.

¹⁹ an taobh a stigh dliot.

²⁰ dh'fhoillsich.

21 Chum gu nochdainn duit cinnte bhriathar na firinn; chum gu freagradh tu briathra na firinn dhoibhsan a chuireas fios a d'ionusuidh?

22 Na creach am bochd a chionn gu *bheil* e bochd, agus na sàruich an truaghan anns a' gheata:

23 Oir tagraidh an Tighearn an cùis, agus millidh e anam na muinntir a mhill-eas iad.

24 Na dean suas cairdeas ris an fhearg-ach; agus maille ri fear na h-àrd-chorruich na h-imich;

25 Air eagall gu'n iunsaich thu a shligh-ean, agus gu'm faigh thu ribe do t'anam.

26 Na bi dhiubh-san a bhuailas an làmlan¹, *no* dhiubh-san a theid an urras air son fhiach.

27 Mur 'eil *ni* agad gu dòladh, c'ar son a bheirteadh² uait do leabadh a ta fodhad?

28 Na h-atharraich an seann chomhara-riche, a shuidhich t'aithriche.

29 *Ma* chi thu fear a bhios eallamh³ 'na ghnothuichibh, seasaidh e an làthair rìghrean, cha seas e an làthair dhaoine ìosal.

CAIB. XXIII.

1 *Tha saoihbreas talmhaidh neo-thurbhach.* 13 *Is còir leanabh a smachdachadh.* 21 *Thig am misgeir agus an geòcair gu bochdainn.* 29 *Buinidh bròn dhasan a dh'iarra fion measgta.*

NUAIR a shuidheas tu a dh'itheadh maille ri h-uachdaran, thoir an roaire do na *bheil* fa d' chomhair;

2 Agus cuir sgian ri d' sgornan, ma's duine thu air do thabhairt do clraos.

3 Na miannaich a nithe milse⁴; oir *is* biadh mealltach iad.

4 Na saothraich gu fàs saoihbhir: leig dhìot do ghliocas fèin.

5 An cuir thu do shùilean air an *ni* nach 'eil ann? oir gu cinnteach *ni saoihbreas* sgiathan dha fèin, mar iolaire a dh'iteal-aicheas chum nan nèamh⁵.

6 Na h-ith aran an *ti aig am bheil* droch shùil, agus na miannaich a nithe milse.

7 Oir mar a smuainicheas e 'na anam, mar sin *bithidh* e: Ith agus òl, their e riut, ach cha *bhi* a chridhe leat.

8 An greim a dh'ith thu, sgeithidh tu nìos, agus caillidh tu do bhriathra milse.

9 Na labhair ann an clusaibh amadain; oir *ni* e tàir air gliocas do bhriathar.

10 Na h-atharraich an seann chomhara-riche; agus air achaibh nan dilleachdan na bris a steach:

11 Oir *tha* am fear-saoraidh cumhachdach; tagraidh e an cùis a' d' aghaidh⁶.

12 Aom do chridhe ri fòghlum, agus do chluasan ri briathraibh eòlais.

13 Na cum smachdachadh o leanabh; oir *ma* bhuailcas tu e le slait, cha'n fhaigh e bàs.

14 Bnuaidh tu e le slait, agus saoraidh tu 'anam o ifrinn⁷.

15 A mhiic, ma bhios do chridhe glic, *ni* mo chridhe-sa gàirdeachas, eadhon mo chridhe-sa;

16 Seadh, *ni* m'airnean gàirdeachas 'nuair a labhras do bhilean nithe cearta.

17 Na gabhadh do chridhe farmad ri peacachaibh: ach *bi* an eagall an Tighearn air feadh an là uile.

18 Oir gu deimhin tha crìoch ann, ach⁸ cha ghearrar as do dhòchas.

19 Eisd thusa, a mhiic, agus bi glic, agus treòraich do chridhe anns an t-slighe.

20 Na bi am measg phòiteirean fiona; am measg luchd comh-ithidh geòcach feòla.

21 Oir thig am misgeir agus an geòcair gu bochdainn; agus eudaichidh turra-chodal⁹ *duine* le luideagaibh.

22 Eisd ri t'athair a ghin thu, agus na dean tàir air do mhàthair 'nuair a bhios i aosda.

23 Ceannaich an fhìrinn, agus na reic i; *mar an ceudna* gliocas, agus fòghlum, agus tuigse.

24 *Ni* athair an fhìrein mòr-ghairdeachas; agus *ni* esan a ghineas *mac* glic, aoibhneas ann.

25 *Ni* t'athair agus do mhàthair aoibhneas, agus *ni* ise a rug thu gàirdeachas.

26 A mhiic, thoir dhomh-sa do chridhe, agus coimhheadh do shùilean mo shligh-ean.

27 Oir *is* staing¹⁰ dhomhain strìopach; agus *is* slochd cumhann bana-choigreach.

28 *Tha* i mar an ceudna ri feall-fheith-eamh mar chreachadair¹¹, agus cuiridh i luchd dò-bheirt¹² an lìonmhoireachd am measg dhaoine.

29 Cò d' *am buin* truaighe? cò a *ta* ri bròn¹³? cò aig *am bheil* consachadh¹⁴? cò a *ta* ri gearan? cò aig *am bheil* lotan gun aobhar? cò aig *am bheil* deirge shùil?

30 Iadsan a dh'fhanas fad aig an fhìon; iadsan a theid a dh'iarraidh fiona measgta.

31 Na h-amhairc thusa air an fhìon an uair a bhios e dearg, 'nuair a bheir e a dhath sa' chupan, a theid e sìos dìreach¹⁵.

32 Ma dheireadh teumaidh e mar nathair, agus mar an rìgh-nathair¹⁶ sàthaidh e a gath.

33 Amhaircidh do shùilean air mnaibh

1 a bheir an làmhau seachad.

2 a bheirteadh neach.

3 grad, deas.

4 annasach.

5 nan speur, nan neul.

6 riut.

7 o'n uaigh, o'n bhàs. 8 luigheachd ann, agus.

9 codallachd, lundaireachd, leisge.

10 slochd.

11 air son crìche.

12 luchd-eusaontais, fealltairean.

13 acain.

14 aìmhreitean.

15 a ghluaiseas e gu ceart.

16 nathair-nimhe.

coimheach, agus cuiridh do chridhe an cèill nithe claona :

34 Agus bithidh tu mar an ti a luidheas sìos ann an meadhon na fairge, no mar esan a luidheas air bàrr croinn-siùil.

35 Bhuail iad mi, *their thu*, agus cha robh mi tinn; ghabh iad orm, agus cha do mhothaich mi: c'uin a dhùisgeas mi? an sin iarraidh mi fathast e.

CAIB. XXIV.

¹ *Cha chòir do neach farmad a ghabhail ri droch dhaoinibh.* 11 *Rannsaichidh Dia an cridhe, agus iocaidh e do gach duine a réir a ghnìomhara.* 30 *Bochdainn an duine leisg.*

NA gabh farmad ri droch dhaoinibh, agus na miannaich a bhi maille riu: 2 Oir smàinichidh an cridhe air mill-eadh, agus labhraidh am bilean mu dhonas¹.

3 Le gliocas togar tigh, agus le tuigse daingnichear e;

4 Agus le h-eòlas lìonar a sheòmraiche leis gach saoihbreas luachmhor agus taitneach.

5 *Tha'n duine glic 'na dhuine làidir*; agus tha fear an eòlais treun an neart.

6 Oir le comhairle ghlic ni thu do chogadh; agus ann an lìonmhoireachd chomhairleach *tha* tèaruinteachd.

7 *Tha* gliocas àrd air son amadain; anns a' gheata na fosgladh e a bheul.

8 Esan a smuainicheas air² olc a dheanamh, goirear fear nan droch inleachd dheth.

9 *Is* peacadh smuainte na h-amaid-eachd; agus *is* e fear na fochaid gràin dhaoine.

10 *Ma* dh'fhannaicheas³ tu ann an là an àmhghair⁴, *is* beag no neart.

11 *Ma* dhearmadas tu iadsan a thearnadh a thairgear chum bàis, agus iadsan a tha ullamh gu bhi air am marbhadh;

12 *Ma* their thu, Feuch, cha robh fios againn air so; nach toir esan a chothromaicheas an cridhe fa'near? agus nach bi fios aige-san a choimhideas t'anam? agus nach òc e do gach duine a réir a ghnìomhara?

13 A mhic, ith thusa mil, do bhrìgh gu *bheil i* maith, agus a' chìr mheala a *tha* milis do d'bhlas.

14 Mar sin *bithidh* eòlas a' ghliocais do t'anam, ma gheibh thu e; agus an uair a thig do chrìoch, cha ghearrar as⁵ do dhochas.

15 Na dean feall-fholach, a dhroch dhuine, an aghaidh àite-còmhluidh an fhìreim; na creach 'ionad-taimh.

16 Oir seachd uairean tuitidh am firean, agus éiridh e *ris*; ach tuitidh na h-aingidh ann an olc.

17 'Nuair a thuiteas do nàmhaid, na bi aoihbheach, agus an uair a thuislicheas e, na deanadh do chridhe gàirdeachas:

18 Air eagal gu'm faic an Tighearn, agus gu'm bi e olc⁶ 'na shùilb, agus gu'n tionndaidh e 'fhearg uaith.

19 Na biodh campar ort mu dhroch dhaoinibh, agus na gabh farmad ris na h-aingidh⁷:

20 Oir cha bhi crìoch mhaith⁸ air an droch dhuine, cuirear lòchran nan aingidh as.

21 A mhic, biodh eagal an Tighearn agus an rìgh ort: riu-san aig am bheil atharrachadh giùlain⁹ na biodh gnothuch agad:

22 Oir gu h-obann thig¹⁰ an dòruinn; agus cò d'am fios an sgrios araoon?

23 *Buinidh* na nithe so mar an ceudna do dhaoinibh glìce. Cha mhaith an ni gnùis aithneachadh ann am breitheanas¹¹.

24 Esan a their ris an aingidh, *Tha* thu cothromach¹², malluichidh an sluagh e gabhaidh na fineacha gràin deth.

25 Ach bithidh toil-inntinn aca-san a chrònaicheas e, agus thig beannachadh maith orra.

26 Pògar bilean anti a bheir freagradh ceart.

27 Ulluich t'obair am muigh, agus deasaich i dhuit fèin anns an achadh, agus 'na dhèigh sin tog do thigh.

28 Na bi t'fhiannais gun aobhar an aghaidh do choimhearsnaich; agus na meall le d' bhillibh.

29 Na h-abair, Mar a rinn e orm, mar sin ni mi air: iocaidh mi do'n duine a réir 'òibre.

30 Ghabh mi seachad air fearann an duine leisg, agus air fion-lios an duine gun tuigse;

31 Agus, feuch, bha e uile air fàs suas le cluanaibh¹³, chòmhaich an eanntagach¹⁴ 'aghaidh, agus bhriseadh sìos a bhalla cloiche.

32 An sin chunnaic mi, thug mi an aire gu maith¹⁵; dh'amhaire mi, fhuair mi foghlum.

33 Fathast beagan codail, beagan clòchodail, beagan pasgaidh¹⁶ nan làmh gu codal:

34 An sin thig do bhochdainn mar fhear-siubhail, agus t'uireasbhuidh mar dhuine fuidh armaibh.

¹ aimhleas, urchoid.

² a dhealbhas, a thùrus.

³ lagaicheas.

⁴ na teanntachd.

⁵ agus bithidh duais ann, agus cha ghearrar as.

⁶ mi-thaitneach.

⁷ Faic Salm XXXVII. r. 1.

⁸ duais, luigheachd.

⁹ a tha caochlaideach, so-ghluaiste.

¹⁰ éiridh. Eabh. ¹¹ Faic Lebh. Caib. XIX. r. 15.

¹² ceart, ionraic.

¹³ oighionnaich, draighuich.

¹⁴ iontagach. ¹⁵ shoerach mi mo chridhe. Eabh.

¹⁶ fillidh.

CAIB. XXV.

1 *Gnath-fhocail mu thimchioll rìghrean.* 8 *Cha 'n'eil e iomchuidh dol a mach gu h-obann gu strì.*
18 *Tha fear na fianuis bhréige mar chlaidheamh agus mar shaghead gheur.*

I S iad so mar an ceudna gnath-fhocail Sholaimh, a dh'ath-sgrìobh daoine Hesechiah rìgh Iudah.

2 *Is i glòir Dhé nì a cheiltinn; ach is e urram rìghrean nì a rannsachadh.*

3 *Tha nèamh air àirde, agus an talamh air doimhne, agus cridhe rìghrean do-rannsachaidh.*

4 Buin an salchar o'n airgiod, agus thig soitheach a mach do'n òr-cheard.

5 Buin an droch dhuine á làthair an rìgh, agus daingnichear ann am fireantachd a rìgh-chathir.

6 Na gabh urram dhuit féin ann am fianuis rìgh, agus na seas ann an àite dhaoine mòra:

7 Oir is fearr gu'n abrar riut, Thig a nìos an so, na gu cuirrean sìos thu am fianuis an uachdarain a chunnaic do shùilean.

8 Na gabh a mach gu h-obann gu strì, air eagal *nach bi fios agad* ciod a nì thu 'na dhéigh sin, an uair a bheir do choimhearsnach gu nàire thu¹.

9 Tagair do chùis ri² choimhearsnach; agus na foillsich rùn-dìomhair do neach eile:

10 Air eagal gu cuir an ti a chluinneas gu nàire thu, agus nach atharraichear² do mhasladh.

11 *Mar ùbhlán òir ann an dealbhaibh airgid, tha focal a labhrar gu h-ìomchuidh.*

12 *Mar chluas-fhàinne òir, agus mar usgair do'n òr fhìor-ghlan, tha fear-cronachaidh glic aig cluais fhurachair.*

13 *Mar fhuachd sneachdaidh ann an àm an fhogharaidh, tha teachdair dìleas dhoibhsan a chuireas uatha e; oir ath-bheothaichidh e anam a mhaighstir.*

14 *Mar neoil agus mar ghaoith gun uisge tha am fear a nì uail a tiodhlac gu breugach.*

15 *Le fad-fhulangas cuirear impidh air uachdaran, agus brisidh teangadh mhìn cnàimh.*

16 An d'fhuair thu mìl? ith nì's leòr dhuit dìth; air eagal gu 'làn-shàsùichear thu agus gu sgeith thu i.

17 *'Farruing do chos á tigh do choimhearsnach, air eagal gu'm bi e sgèth dhiot, agus gu fuathaich e thu.*

18 *Is ord, agus claidheamh, agus saigh-*

ead gheur, am fear a bheir fianuis bhréigh an aghaidh a choimhearsnach.

19 *Mar fhiacail bhrìste, agus mar chois as an alt, tha earbsa á duine neo-dhìleas ann an là airce.*

20 *Mar esau a bheir air falbh eudach ann an là fuachda, mar fhìon-geur air creag-shalann³, mar sin tha esau a sheinneas òrain do'n chridhe thuirseach.*

21 *Ma bhios do nàmhaid⁴ ocrach, thoir aran dha r'a itheadh; agus ma bhios e iotmhor⁵, thoir uisge dha r'a òl:*

22 *Oir carnaidh tu eibhle téine air a cheann⁶, agus bheir an Tighearna luigh-eachd⁷ dhuit.*

23 *Cuiridh a' ghaoth á tuath air falbh an t-uisge⁸; mar sin cuiridh a' ghnùis fheargach air falbh teangadh a' chùl-chàinidh.*

24 *Is fearr còmhnuidh a ghabhail ann an oisinn mhullaich tighe, na maille ri mnaoi aimplreithich ann an tigh farsunn.*

25 *Mar uisgeacha fuar do'n anam thartmhor, mar sin tha deadh sgeul á tìr chéin.*

26 *Mar thobar air a chur troimh a chéile, agus mar fhuaran air a thruaill-eadh, tha am firean a thuislicheas am fianuis an aingidh.*

27 *Cha 'n'eil e maith mòran meala ith-eadh; agus cha ghlòir e do dhaoineibh an glòir féin iarraidh⁹.*

28 *Mar chaithir¹⁰ brìste sìos, gun bhalla, tha am fear aig nach 'eil ceannsal air a spiorad féin.*

CAIB. XXVI.

1 *Tha urram ned-iomchuidh do'n amadan.* 13 *Mu thimchioll an leisein; 17 agus an neach a ghabhas gnothuch ri conspoid nach buin da.*

MAR shneachdadh san t-samhradh, agus mar uisge san fhogharadh, mar sin cha 'n'eil urram iomchuidh¹¹ do'n amadan.

2 *Mar eun air faondradh, mar an gobhlán-gaoithe ag itealaich, mar sin cha tig am mallachadh gun aobhar.*

3 *Sgiùrs¹² do'n each, srian do'n asal, agus slat do dhrum nan amadan.*

4 *Na freagair amadan a réir 'amaideachd, air eagal gu'm bi thu féin cosmhuil ris.*

5 *Freagair amadan a réir 'amaideachd, air eagal gu'm bi e glic 'na shùilibh féin.*

6 *Gearraidh esan dheth a chosan, òlaidh e dochann, a chuireas teachdaireachd le làimh amadain.*

7 *Cha'n ionnann cosan¹³ a' bhacaich; mar*

¹ air eagal gu'n dean thu nì-éigin 'na dhéigh sin, air son an cuir do choimhearsnach gu nàire thu.

² pillar. ³ nitre. Sasg.

⁴ an ti aig am bheil fuath dhuit.

⁵ tartmhor, paitheach.

⁶ Faic Rom. Caib. XII. r. 20. ⁷ duais.

⁸ Bheir a' ghaoth á tuath a mach uisge.

⁹ ach is urramach an nì bhì 'g iarraidh urrain.

¹⁰ mhòr-bhaile.

¹¹ ciatach.

¹² Sgiùrsair.

¹³ Togar casan.

sin *tha* gnàth-fhocal ann am beul amadana.

8 Mar neach a cheanglas clach ann an crann-tàbhuill, mar sin *tha* esan a bheir urram do amadan.

9 Mar a théid bior suas ann an làimh misgeir, mar sin *tha* gnàth-fhocal ann am beul amadana.

10 Bheir an *Dia* mòr, a dhealbh gach *ni*, duais do'n amadan¹, agus bheir e duais do luchd-eusaontais.

11 Mar a philleas madadh chum a sgeith féin, pillidh amadan chum 'amaid-eachd féin.

12 Am bheil thu faicinn duine a tha glic 'na bharaill² féin? *tha* aobhar dòchais *ni*'s mò do'n amadan na dheth-san.

13 Their an leisgein³, *Tha* leòmhann san t-slighe, leòmhann anns na sràidibh.

14 Mar a thionndaidheas an dorus air a lùdnanaibh⁴, mar sin an leisgein air a leabaidh.

15 Folaichidh an leisgein a làmh 'na bhrollach; is doilich leis⁵ a toirt chum a bhéil.

16 *Is* glice an leisgein 'na bharaill féin, na seachdnar a bheir freagradh gu ceart.

17 Mar neach a bheireas air madadh air a chluasaibh, *tha* esan a théid seach, agus a ghabhas gnothuch ri conspoid nach *buin* da.

18 Mar fhear air bhoile, a thilgeas leusan-teine, saighdean, agus bàs,

19 Mar sin *tha* am fear a mheallas a choimhearsnach, agus a their, Nach ann ri fearas-chuideachd⁶ a *tha* mi?

20 Far am bi dìth connaidh, théid an teine as; agus far nach bi fear-cogarsaich⁷, sguiridh a' chomh-stri.

21 Mar ghual do eibhlìbh, agus mar chonnadh do theine, mar sin *tha* fear nan aithne a dhùsgadh strì.

22 *Tha* briathra fir na cogarsaich mar lotaibh⁸, agus théid iad sìos gu ionad-aibh iochdarach a' chuim.

23 Mar shoitheach creadha air a chòmhdaichadh le sal airgid, *tha* bilean air lasadh agus cridhe olc.

24 Le 'bhilìbh ceilidh⁹ an ti a dh'fhuathaicheas; ach an taobh a stigh dheth taisgidh e cealg.

25 An uair a labhras e gu breagha, na creid e; oir *tha* seachd gràineileachda 'na chridhe.

26 An ti a chòmhdaicheas¹⁰ 'fhuath le ceilg¹¹, foillsichear 'aingidheachd¹² am fianuis a' chomh-chruinnich.

27 An ti a chladhaicheas slochd, tuitidh e féin ann; agus an ti a charuicheas clach, pillidh i air féin.

28 Fuathaichidh an teangadh bhreugach iadsan d'an dean i dochair; agus oibrichidh am beul mìodalach sgrìos.

CAIB. XXVII.

1 *Cha* chòir uail a dheanamh a thaobh an là màir-each. 12 Seachnaidh an duine crìonna an t-olc, 23 agus bithidh aithne mhaith aig air staid a thighe.

NA dean uail a thaobh an là màir-each¹³; oir cha 'n eil fhios agad ciod a bheir là uait.

2 Moladh neach eile thu, agus na b'e do bheul féin; coigreach, agus na b'iad do bhilean féin.

3 *Is* trom clach, agus *is* cudthromach a' ghaineamh; ach *is* truime corruich amadan na iad le chéile.

4 *Is* an-ìochdmhor corruich, agus mar thuil *tha* fearg; ach cò is urrainn seasamh am fianuis tnu?

5 *Is* fearr achmhasan follaiseach na gràdh folaichte.

6 *Is* dileas lotan caraid; ach *is* cealgach pògan eascairid.

7 Gabhaidh an t-anam làn gràin do'n chùr-mheala; ach do'n anam ocrach¹⁴ is milis gach ni searbh.

8 Mar eun air seacharan o a nead, mar sin *tha* am fear a théid air seacharan o 'àite féin.

9 Nì oladh-ungaidh agus boltrach an cridhe ait; mar sin *ni* mìlsead caraid duine le comhairle a chridhe.

10 Na tréig do charaid féin, no caraid t'athar, agus na rach¹⁵ a steach do thigh do bhràthar ann an là t'àmhghair¹⁶; *is* fearr coimhearsnach am fagus na bràthair fad as.

11 Bi glic, a mhic, agus dean mo chridhe ait, agus bithidh freagradh agam dhasan a bheir masladh dhomh¹⁷.

12 Chì an duine crìonna olc, agus fol-aichidh se e féin; ach gabhaidh na daoine baoghalta air an aghaidh, agus fuilingidh iad peanas¹⁸.

13 Gabh eudach an ti a chaidh an urras air coigreach, agus air son bana-choigrich gabh an geall uait.

14 An ti a bheannaicheas a charaid le guth àrd, ag éirigh gu moch sa' mhad-uim, measar e dha mar mhallachadh.

15 Tha sìor-shileadh uisge ann an là frasach, agus bean aithreiteach cosmhuil ri chéile.

¹ Claidhidh duine mòr gach neach, agus bheir e duais do'n amadan.

² Na shùilbh. Eabh.

³ Leisgear, lundaire.

⁴ Lùdagavaibh.

⁵ Is saothair leis.

⁶ Sùgradh.

⁷ Cogaraich.

⁸ Bhriathraibh tlàth.

⁹ Aithnìchear.

¹⁰ Dh'fhuathaicheas.

¹² Olcas.

¹³ Acrach.

¹⁶ T'urchoid.

¹⁸ Faic Caib. XXII. r. 3.

¹¹ An uaigneas.

¹³ An làr-na mhaireach.

¹⁵ Teirig, gabh.

¹⁷ Faic Salm CXIX. r. 42.

16 Ge b'e dh'fholaicheas i, folaiehidh e a' ghaoth, agus oladh-ungaidh a làimhe deise a bhrathas i féin.

17 Geuraichear iarunn air iarunn, agus geuraichidh duine gnùis a charaid.

18 Ge b'e ghleidheas craobh-fhìge, ithidh e d'a toradh; mar sin esan a dh'fheitheas air a mhaighstir, gheibh e urram.

19 Mar ann an uisge a fhreagras aghaidh do aghaidh, mar sin freagraidh cridhe duine do dhuine.

20 Cha sàsuichear ifrinn agus léir-sgrìos¹, agus cha sàsuichear suilean dhaoine.

21 Mar a' phoit-ghlanaidh air son an airgid, agus an àmhuiunn air son an òir, mar sin tha duine do bheul an ti a mhol-as e.

22 Ged phronn thu amadan ann an soitheach-pronnaidh am measg cruithneachd le bruthadair², cha dealaich³ amaid-eachd ris.

23 Bitheadh aithne mhaith agad air staid³ do chaorach; thoir an aire do d' theudaibh:

24 Oir cha mhair beartas gu bràth: agus am mair crùn o linn gu linn?

25 Nochdar am fear gearrta, agus tais-beanaidh am fear maoth⁴ e féin, agus cruinnichear luibhean nam beann.

26 Bithidh na h-uain chum t'èudaich; agus is iad na gabhair luach t'fhearainn.

27 Agus bithidh nì's leòr do bhainne ghabhar agad chum bith, eum bith do theaghlach, agus chum beathachaidh do mhaighdeana⁵.

CAIB. XXVIII.

1 Soirbhichidh leis an duine a ghluaiseas 'na ionracas, 7 ach esan a nì gu h-aingidh tuitidh e 'na shlochd féin.

THEUCHIDH an t-aingidh, gun neach air bith an tòir air; ach bithidh na h-ionraic dàna mar leòmhann.

2 Air son eusaontais tìre bithidh mòran uachdaran oirre; ach le duine tuigseach eòlach nithear a staid buan.

3 Tha duine bochd a nì fòirneart air bochdaibh, mar uisge millteach⁶ nach fàg biadh 'na dhéigh.

4 Molaidh iadsan a thréigeas an lagh na h-aingidh; ach nì iadsan a ghleidheas an lagh strì⁷ riù.

5 Clia tuig droch dhaoine breitheanas; ach tuigidh iadsan a dh'iarraas an Tigh-earn na h-uile nithe.

6 Is fearr am bochd a dh'imicheas 'na ionracas, na esan a tha fiar 'na shlighibh, ged robh e saoi bhir.

7 An ti a ghleidheas an lagh, is mac glìc e; ach esan a ta 'na ehompanach do luchd-craois, nàirichidh e 'athair.

8 An ti a mheudaicheas a mhaoin le h-ocar⁸ agus le tairbhe eucoraich, cruinniehidh e dhàsan a ghabhas truas do'n bhochd.

9 An ti a thionndaidheas a chluas o chluinntinn an lagha, bithidh 'urnuigh féin 'na gràineileachd.

10 An ti a chuireas na fireana air seacharan air droch slighe, tuitidh e 'na shlochd féin; ach mealaidh na h-ionraic nithe maithe.

11 Is glìc duine saoi bhir 'na bharail⁹ féin; ach rannsachaidh an duine bochd aig am bi tuigse mach e.

12 'Nuair a nì na fireana gàirdeachas, bithidh glòir mhòr ann; ach an uair a dh'éireas na h-aingidh, folaichear¹⁰ duine.

13 An ti a dh'fholaicheas a pheacanna, cha soirbhich leis; ach esan a dh'aidicheas agus a thréigeas iad, gheibh e tròcair.

14 Is beannaichte an duine air am bi eagal a ghnàth; ach esan a chruaidhicheas a chridhe, tuitidh e ann an olc.

15 Mar leòmhann beucach, agus mar mhath-ghamhuin a ruitheas a null agus a null, tha uachdaran aingidh os ceann sluagh bhochd.

16 Am fear-riaghlaidh aig nach 'eil tuigse, is mòr mar an ceudna am fear-fòirneart e; ach an ti a dh'fhuathaicheas sannt, sìnidh e a làithean.

17 An duine a nì ainneart air fuil neach sam bith, teichidh e gu ruig an slochd; na cumadh aon duine e¹¹.

18 An ti a ghluaiseas gu h-ionraic, tèarnar e; ach esan a tha fiar 'na shlighibh, tuitidh e dh'aon bheum.

19 An ti a threabhas 'fhearann, bithidh pailteas arain aige; ach esan a leanas an déigh dhaoine dìomhain, bithidh bochd-ainn gu leòr aige.

20 Bithidh duine firinneach pailt ann am beannachdaibh; ach esan a nì deifir¹² gu bhi saoi bhir, cha bhi e neò-chiontach.

21 Cha mhaith an nì gnùis aithneachadh¹³, gidheadh air son greim arain ciontaichidh duine.

22 Nì fear na droch shùile deifir gu bhi saoi bhir; ach cha'n 'eil fhios aige gu'n tig bochdainn air.

23 An ti a chronaicheas duine, 'na dhéigh sin gheibh e nì's mò do dheadh-ghean na esan a nì mìodal le 'theangaidh.

24 An ti a nì reubainn air 'athair no air a mhàthair, agus a their, Cha'n 'eil cionta ann, is companach e do fhear-millidh.

¹ an uagh agus am bàs.

² pronnadair, pestil. Sasg.

³ aghaidhibh. Eabh.

⁴ chailin, bhanoglach.

⁵ mìn.

⁶ sgrìosach.

⁷ còmhrag.

⁸ an-riadh.

⁹ 'na shùilb. Eabh. ¹⁰ iarrar, sìreac.

¹¹ na cuireadh duine sam bith stad air.

¹² cabhag.

¹³ Faic Caib. XXIV. r. 23.

25 An ti aig am bheil cridhe àrdanach, dùisgidh e strì; ach esan a dh'earbas as an Tighearna, nìthear sultmhor e¹.

26 An ti a dh'earbas as a chridhe féin, is amadan e; ach esan a ghluaiseas gu glic, saorair e.

27 An ti a bheir d'on bhochd, cha bhi dìth air; ach air an ti a dh'fholaicheas a shùilean bithidh iomadh mallachd.

28 'Nuair a dh'èireas na h-aingidh, fol-aichidh daoine iad féin; ach an uair a sgriosar iad, fàsaidh na fireana lìonmhor.

CAIB. XXIX.

1 'Nuair a riaghlas na fireana soirbhichidh leis an t-sluagh. 15 Bheir an t-slat agus achmhasan gliocas do leanabh. 22 Mu thimchioll feirge, 23 uabhair, 24 agus comh-roinn ri goduiche.

AM fear a chronaichear gu minic, gidh-eadh a chruaidhicheas a mhuineal, sgriosar e gu h-obann, agus sin gun leigh-eas.

2 'Nuair a bhios na fireana cumhachd-ach², nì an sluagh gàirdeachas; ach an uair a riaghlas na h-aingidh, nì an sluagh osnaich³.

3 Am fear a ghràdhaicheas gliocas, nì e 'athair ait; ach esan a chumas cuideachd ri strìo aichibh, caithidh e a mhaoin.

4 Le breitheanas daingnichidh an rìgh an tìr; ach sgriosaidh am fear a ghabhas tiodhlac i.

5 Am fear a nì miodal r'a choimhears-nach, sgaoilidh e lìon air son a chos.

6 Ann an eusaontas droch dhuine *tha* ribe; ach seinnidh am firean, agus bithidh e aobhneach.

7 Bheir am firean an aire do chùis nam oochd; ach cha ghabh an t-aingidh suim do eòlas a bhi aige oirre.

8 Bheir luchd-fochaid baile ann an ribe; ach pillidh daoine glìce fearg.

9 Ma nì duine glic strì⁴ ri duine amaid-each, co dhiubh a bhios fearg air, no nì e gàire, cha *bhi* fois ann.

10 Fuathaichidh daoine fuileachdach an duine ionraic; ach iarraidh daoine coth-romach 'anam⁵.

11 Cuiridh amadan an céill 'inntin uile; ach cumaidh duine glic a stigh i gus an dèigh sin.

12 Ma dh'èisdeas uachdaran ri breug-aibh, *bithidh* a sheirbhisich uile aingidh.

13 Coinnichidh am bochd agus an cealg-air⁶ a chéile; bheir an Tighearna solus d'an sùilbh araon.

14 Ma bheir rìgh breth air bochdaibh ann am fìrinn, daingnichear a rìgh-chathair gu bràth.

15 Bheir an t-slat agus achmhasan

gliocas uatha; ach cuiridh an leanabh⁷ a dh'fhàgar dha féin naire air a mhàthair.

16 'Nuair a bhios na h-aingidh lìonmhor, bithidh eusaontas lìonmhor: ach chi na fireana an leagadh⁸.

17 Cronaich do mhac, agus bheir e suaimhneas⁹ dluit; seadh, bheir e sòlas do t'anam.

18 Far nach 'eil taisbean, leigear ris an sluagh; ach an ti a choimhideas an lagh, is sona esan.

19 Le briathraibh cha leasaichear seirbh-iseach; oir ged thuig e, cha fheugair e.

20 Am bheil thu faicinn duine a tha dian¹⁰ na bhriathraibh? *tha* aobhar dòch-ais nì's mò do'n amadan na deth-san.

21 Ma thogas neach a sheirbhisich suas gu muirneach o bli' na leanabh, ma dheireadh bithidh e aige mar mhac.

22 Dùisgidh duine feargach aimhreit, agus bithidh fear na corruich¹¹ pailt ann an eusaontas.

23 Islichidh uabhar duine e; ach gheibh esan a ta iriosal 'na spiorad urram.

24 An ti a nì comh-roinn ri gaduiche, fuathaichidh e 'anam féin: cluinidh e mallachadh¹², ach cha'n fhoillsich e.

25 Bheir eagal duine ribe leis; ach ge b'e dh'earbas as an Tighearna, bithidh e tcaruinte¹³.

26 Iarraidh mòran deadh-ghean¹⁴ an uachdaran; ach is ann o'n Tighearna *tha* breitheanas gach duine.

27 *Is* e fear na h-euceirt gràineileachd nam firean; agus *is* e'n ti a tha ccart 'na shlighe gràineileachd nan aingidh.

CAIB. XXX.

1 Aideachadh Aguir mhic Iacch. 7 'Na urnuigh dh'iarr e dà nì o Dhia. 11 Na ceithir gineal-aichean aingidh; 15 agus na ceithir nithe nach sàsuichear. 17 Ceithir nithe do - thuigsinn; 24 agus ceithir nithe beuga a tha ro ghlic.

BRIATHRAN Aguir mhic Iacch, *Eadhon* an fhàidheadaireachd¹⁵: labhair an duine ri h-Itiel 'eadhon ri h-Itiel agus ri h-Ucal.

2 Gu deimhin *tha* mi nì's amaidiche¹⁶ na duine air bith, agus cha 'n'eil tuigse duine agam.

3 Agus cha d'fhòghluim mi gliocas, nì mò a tha eòlas agam air nithibh naomha¹⁷.

4 Cò chaidh suas do nèamh, no thàinig a nuas? cò chruinnich a' ghaoth 'na dhormaibh? cò cheangail na h-uisgeachan ann an trusgan? cò shuidhich uile chrìocha na talmhainn? ciod *is* ainm dha? agus ciod e ainm a mhic, ma ta fhios agad?

5 *Tha* uile fhocal Dé fìor-ghlan: *is*

¹ mealaidh e pailteas.

² mòr, lìonmhor.

³ caoidh, bròn.

⁴ Ma bhios cùis-lagha aig duine glic.

⁵ a deadh ràin.

⁶ fear an fhòirneirt.

⁷ òganach.

⁸ sgrios.

⁹ fois.

¹⁰ cabhagach.

¹¹ na boile.

¹² mionnachadh.

¹³ àrdaichear e.

¹⁴ gnùis. Eabh.

¹⁵ an dàn.

¹⁶ brùideile.

¹⁷ Ged tha mi nì's amaidiche na duine air bith, &c. gidheadh tha eòlas agam air nithibh naomha.

giath e dhoibh-san a chuireas an dòigh ann.

6 Na cuir-sa ni air bith r'a bhriathraibh, air eagal gu cronaich e thu, agus gu faighear breugach thu

7 Dà ni dh'iarr mi ort; na diùlt iad dhomh mu'm faigh mi bàs.

8 Diomhanas agus breugan cuir fad uam; na toir dhomh bochdainn no beartas, beathaich mi le hiadh a bhios iom chuidh air mo shon.

9 Air eagal gu'm bi mi làn, agus gu'n àicheadh mi thu, agus gu'n abair mi, Cò e an Tighearn? no gu'm bi mi bochd, agus gu'n goid mi, agus gu'n toir mi ainm mo Dhé an diomhanas.

10 Na dean casaid air seirbhiseach r'a mhaighstir, air eagal gu mallaich e thu, agus gu faighear ciontach thu.

11 Tha ginealach ann a mhallaicheas an athair, agus nach beannaich am màthair.

12 Tha ginealach ann a tha glan 'nan suilibh féin, gidheadh nach 'eil air an nigheadh o an salchar.

13 Tha ginealach ann aig am bheil an suilean àrda, agus fàbhraidhean¹ an sùil air an togail suas.

14 Tha ginealach ann aig am bheil am fiacra mar chlaidhean, agus am fiacra cuil mar sgeana, a dh'itheadh suas nan truaghan² o'n talamh, agus nam feumach o mheasg dhaoinne.

15 Aig an deal each tha dithis nigheana, ag éigeach, Tabhair, tabhair Tha tri nithe ann nach sàsuichear, seadh, ceithir nithe nach abair, *Is leòr e*:

16 An uaigh, agus a' bhrù neo-thorrach, an talamh nach sàsuichear le h-uisge, agus an teine nach abair, *Is leòr e*.

17 An t suil a ni magadh air 'athair, agus a ni tarcuais air ùmhblachd do 'mhàthair, spònairidh fithich a' ghlinne a mach i, agus ithidh na h iolairrean òga suas i.

18 Tha tri nithe ann a's iongantach leam, seadh, ceithir nithe nach aithne dhomh

19 Slighe iolair anns na speuraibh, slighe nathrach air carraig, slighe luinge ann am meadhon na fairge, agus sli le fir le h-òigh.

20 Mar so tha slighe ban-adhaltrannach: ithidh i, agus, glanaidh i a beul, agus their i, Cha d'riun mi olc air bith.

21 Air son tri nithe ghluaiseadh³ an talamh, agus air son ceithir nach urrainn e ghiùlan

22 Air son seirbhisich an uair a riaghas e, agus air son amadain an uair a bhios e làn do bhiadh.

23 Air son mna fhuathaich an uair a

phòsar i, agus air son banoglaich an uair a bhios i 'na h-oighre air a bana-mhaighstir.

24 Tha ceithir nithe beaga air an talamh, ach tha iad ro ghlic:

25 Tha na seangain 'nan sluagh nach 'eil làidir, gidheadh ulluichidh iad am biadh san t samhradh;

26 Tha na coineana 'nam muinntir nach 'eil neartmhor, gidheadh togaidh iad an tighean anns na creagaih;

27 Cha 'n'eil rìgh aig na locustaibh, gidheadh imichidh iad a mach uile 'nam buidhnibh;

28 Gabhaidh an damhan-alluidh greim le a làmhaih, agus bithidh e ann an lùchairtigh nan rìgh.

29 Tha trì nithe a dh'imicheas gu maith, seadh, ceithir, a tha tlachdmhor 'nan siubhal.

30 An leòmhann a's làidire am measg hheathaichean, agus nach pill air ais o aon air bith;

31 Mìol-chù, hoc gaibhre mar an ceudna, agus rìgh an aghaidh nach feudar éirigh⁴.

32 Ma rinn thu gu h amaideach le thu féin a thogail suas, no ma smuainich thu olc, cuir do làmh air do bheul.

33 Gu deimhin bheir crathadh⁵ bainne im a mach, agus bheir fàsgadh na sròna fuil a mach: mar sin bheir dùsgadh corr uich aimhreit a mach.

CAIB. XXXI.

1 Comhairle Lemueil mu thimchioll dibhe làidir. 8 Is còir cùis an truaghan agus an fheumach a thagradh. 10 Deadh tuach mna subhailich

BRIATHRA rìgh Lemueil, an fhàidh B eadairachd a theagaisg⁶ a mhàthair dha.

2 Ciod, a mhic? agus ciod, a mhic mo bhronn? agus ciod, a mhic mo bhòidean?

3 Na tabhair do neart⁷ do mhnaihb, no do shlighean do mhilleadh rìghrean.

4 Cha 'n'eil e air son rìghrean, a Lemueil, cha 'n'eil e air son rìghrean fion òl, no air son uachdarana déidh a bhi aca air dibh làidir;

5 Air eagal gu'n òl iad, agus gu'n dì chuimhnich⁸ iad an lagh, agus gu'n claoan iad breitheanas do aon sam bitli do chloinn an àmhghair.

6 Thugaibh deoch làidir dha-san a tha ullamh gu bàsachadh, agus fion dhoibh san a tha ann an searbhhas anama⁹.

7 Oladh e, agus dì-chuimhnich e a bhochdainn, agus na cuimhnich e a thruaighe ni's mò.

8 Fosgail do bheul air son an duine

¹ fardhubha.

² daoine bochda.

³ chrìothnaich, bha mi-shuimneas air.

⁴ crìostaichte 'na leasraidh. Eabh.

⁵ maistreachadh. Eir.

⁶ dh'ionnsaich.

⁷ do mhaoin.

⁸ dìo-chuimhnich.

⁹ aig am bheil cridhe tuirseach.

bhailbh, ann an èis nan uile a tha air an orduchadh chum sgrios¹.

9 Fosgail do bheul, thoir breth le ceartas, tagair cùis an truaghain agus an fheumaich.

10 Cò gheibh bean shubhailceach²? oir tha a luach gu mòr os ceann ehlach uasal³.

11 Earbaidh eridhe a fir aisde, agus cha bhi feum aige air creich.

12 Iocaidh⁴ i maith dha, agus cha'n e ole, rè uile làithean a beatha.

13 Iarraidh i olann agus lìon, agus oibrichidh i gu toileach le a làmhailbh.

14 Tha i mar longaibh nan ceannaiche, bheir i a biadh o thìr chéin⁵.

15 Eiridh i mar an ceudna 'nuair is i an oidhche a ta fathast ann, agus bheir i lòn d'a teaghlach, agus cuibhrionn⁶ d'a maighdeanaibh⁷.

16 Measaidh i achadh, agus ceannaichidh i e: le toradh a làmh suidhichidh i fion-lios.

17 Crìoslaichidh i a leasraidh le neart, agus neartaichidh i a gairdeana.

18 Mothaichidh i gu bheil a ceannachd maith: cha téid a coinneal as san oidhche.

19 Cuiridh i a làmhan air an dealgan, agus gabhaidh glacan a làmh greim do'n chuigeil.

20 Fosgailidh i a glac⁸ do'n truaghan⁹,

agus sìnidh i a làmhan do'n fheumach.

21 Cha 'n'eil eagal oirre roimh 'n t-sneachdadh air son a teaghlach; oir tha a teaghlach uile eudaichte le scar-laid¹⁰.

22 Ni i dhi féin trusgain do obair ghréis; do shìde¹¹ agus do chorcur tha a h-eudach.

23 Aithnichear anns na geataibh¹² a fear, an uair a shuidheas e maille ri sean-airibh na tìre.

24 Ni i lìon-eudach grinn, agus reicidh i e, agus bheir i crìosan do'n cheannaiche.

25 Neart agus urram is eudach dhi; agus ni i gairdeachas san àm ri teachd.

26 Fosgailidh i a beul le gliocas, agus tha lagh a' chaoimhneis¹³ air a teangaidh.

27 Bheir i an aire do shlighibh a teaghlach, agus cha'n ith i aran an diomh-anais.

28 Eiridh a clann, agus beannaichidh iad i; a fear, agus molaidh e i.

29 Rinn mòran nighean gu subhailceach, ach thug thusa barrachd orra uile.

30 Is mealltach deadh-ghean, agus is diomhain sgèimh; ach bean air am bi eagal an Tighearn, is ise a mholar.

31 Thugaibh dhi do thoradh a làmh, agus moladh a h-oibre féin anns na geataibh i.

¹ uile chloinne na truaighe; uile mhac an sgrios. Eabh.

² bean mhaith, bean nan deadh bheus.

³ chlach luachmhor, nèamhnuidean; penenim. Eabh.

⁴ Ni, bheir. ⁵ fad as. ⁶ obair chumta.

⁷ cailinibh.

⁸ a làmhan.

⁹ do'n duine bhoichd.

¹⁰ le culaidhibh dà-fhillte

¹¹ shìoda.

¹² anns a' chomh-chruinneachadh.

¹³ na caomhalachd.

ECLESIASTES,

NO AN

SEARMONAICHE.

CAIB. I.

1 Tha an Searmonaiche a' nochdadh gur dìomhanas gach ni air thalamh. 9 Cha 'n'eil ni air bith nuadh fuidh 'n ghréin nach robh ann a cheana san aimsir a chaidh seachad.

BRIATHRAN an t-Searmonaiche, m'hiic Dhaibhidh, rìgh ann an Ierusalem.

2 Dìomhanas nan dìomhanas! ars' an Searmonaiche; dìomhanas nan dìomhanas! is dìomhanas na h-uile nithe.

3 Cìod an tairbhe, a th'aig duine 'na uile shaothair a ni e fuidh 'n ghréin?

4 Tha aon ghinealach a' siubhal, agus ginealach eile a' teachd; ach fanaidh an talamh gu bràth.

5 Eiridh mar an ceudna a' ghrian, agus théid a' ghrian fuidh¹, agus luathaichidh i d'a h-àite féin as an d'éirich i.

6 Théid a' ghaoth a làimh na h-àirde deas, agus théid i mu'n cuairt do'n àirde tuath; théid i mu'n cuairt agus mu'n cuairt a ghnàth, agus ath-phillidh a' ghaoth air a cuairtibh féin².

7 Ruithidh na h-aimhnichean³ uile chum na mara, gidheadh cha 'n'eil a' mhuir làn: chum an àite as an d'fhàinig na h-aimhniche, thuige⁴ sin pillidh iad a ris.

8 Tha na h-uile nithe làn do shaothair: cha'n urrainn duine a chur an céill: cha sàsùichear an t-sùil le faicinn, agus cha lìonar a' chluas le cluinntinn⁵.

¹ luidhidh a' ghrian.

² a réir a cuairtean.

³ aimhnean.

⁴ chuige.

⁵ clàistinn.

9 An ni a bha ann, *is* e an ni sin féin a bhitheas ann; agus an ni sinn a rinneadh, *is* e an ni sin féin a nìthear; agus cha 'n'eil ni sam bith nuadh¹ fuidh'n ghréin.

10 Am bheil ni ann mu'm feudar a ràdh, Feuch, *tha* e so nuadh? Bha e ann a cheana san t-sean aimsir a bh'ann romhainn.

11 Cha 'n'eil cuimhne air bith air na nithe a bha ann roimhe; cha mhò a bhios cuimhne air na nithe a ta ri teachd, aca-san a thig 'nan déigh.

12 Bha mise an Searmonaiche a'm' rìgh air Israel ann an Ierusalem.

13 Agus thug mi mo chridhe a shireadh agus a rannsachadh² le gliocas, mu thim-chioll gach ni a nìthear fo nèamh: an t-saothair ghoirt so thug Dia do chloinn nan daoine³, chum an cleachdadh féin rithe⁴.

14 Chunnaic mi na h-uile oibre fuidh'n ghréin; agus, feuch, *is* dìomhanas iad uile, agus buaireadh⁵ spioraid.

15 An ni a ta cam, cha ghabh e dean-amh dìreach; agus an ni a ta dh'eas-bhuidh, cha ghabh e àireamh⁶.

16 Labhair mi ri m' chridhe féin, ag ràdh, Feuch, dh'fhàs mi mòr⁷, agus fhuair mi tuilleadh gliocais na iadsan uile a bha romham ann an Ierusalem, agus chunnaic⁸ mo chridhe mòran gliocais agus eòlais.

17 Agus thug mi mo chridhe a dh'-fhaotainn eòlais air gliocas, agus air cuthach⁹ agus amaidachd: dh'aithnich mi gur buaireadh spiorad e so mar an ceudna.

18 Oir ann am mòran gliocais *tha* mòran doilgeis¹⁰; agus an ti a mheudaicheas eòlas, meudaichidh e bròn.

CAIB. II.

1 Mhothaich an Searmonaiche nach robh ann an subhachas ach dìomhanas. 13 Tha gliocas fad os ceann amaidachd. 18 Tha gach saothair fuidh 'n ghréin dìomhain. 24 Cha 'n'eil ni is fearr na gu'n tugadh duine air 'anam maith a mhaic'inn.

THUBHAIRT mi a'm' chridhe, Teann¹¹ a nis, dearbhaidh mi thu le subhachas; uime sin meal maith¹²: ach, feuch, *is* dìomhanas so mar an ceudna.

2 Mu ghàire¹³ thubhairt mi, *Is* cuthach e; agus mu shùgradh, Ciod a nì e?

3 Dh'iarr mi ann am chridhe mi féin¹⁴ a thabhairt do fhìon, (gidheadh a' seòladh mo chridhe ann an gliocas¹⁵), agus greim a ghabhail air amaidachd, gus am faicinn

ciod e am maith sin do chloinn nan daoine, bu chòir dhoibh a dheanamh fuidh nèamh air feadh uile làithean am beatha.

4 Rinn mi oibre mòra dhomh féin: thog mi dhomh féin tighean; shuidhich mi dhomh féin fion-liosan:

5 Rinn mi dhomh féin gàrachan agus liosan chrann-meas, agus shuidhich mi anna craobhan do gach gnè thoraidh;

6 Rinn mi dhomh féin lochain¹⁶ uisge, a dh'uisgeachadh leo na coille anns am fàs craobhan:

7 Fhuair mi òglaich agus banoglaich, agus rugadh seirbhisich¹⁷ a'm' thigh: bha mar an ceudna sealbha mòra bhuar agus threud¹⁸ agam, os ceann nan uile a bha romham ann an Ierusalem:

8 Charn¹⁹ mi suas mar au ceudna dhomh féin airgid agus òr, agus ion-mhas sònruichte nan rìgh agus nam mòr-roinn; fhuair mi dhomh féin fir-chiùil²⁰ agus mnàì-chiùil, agus aoibhneas chloinn nan daoine, *mar a ta* innil-chiùil²¹, agus sin do gach gnè.

9 Mar sin bha mi mòr, agus dh'fhàs mi nì's mò na gach duine a bha romham ann an Ierusalem: os bàrr, dh'fhan mo ghliocas agam.

10 Agus gach ni a mhiannaich mi shùilean cha do chum mi uatha; cha do bhac mi²² mo chridhe o shubhachas sam bith: oir rinn mo chridhe aoibhneas ann am slaothair uile; agus b'e so mo chuibhrionn do m'uile saothair.

11 An siu sheall mi air m'oibrìbh uile a rinn mo làmhan, agus air an t-saothair anns an do shaothraich mi 'ga deanamh; agus, feuch, *bu* dìomhanas an t-iomlan, agus buaireadh spioraid, agus cha robh taibhe ann fuidh'n ghréin.

12 Agus sheall mi air m'ais a dh'fhaicinn gliocais, agus cuthaich²³, agus amaidachd: oir ciod a dh'fheudas an duine a dheanamh a thig an déigh an rìgh? an ni sin féin a rinneadh a cheana.

13 Agus chunnaic mi gu bheil gliocas cò fhad os ceann amaidachd²⁴, 'sa tha solus os ceann dorchadais.

14 Tha sùilean an duine ghlic 'na cheann: ach imichidh an t-amadan ann an dorchadas: gidheadh dh'aithnich mi mar an ceudna gu'n tachradh an t-aon ni dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomh-sa féin; agus c'ar son uime sin a bha mise ni bu ghlice *na esan?* an

¹ nomha, ùr. ² a dh'fhuidireadh, a lorgachadh.

³ mhucaibh an duine.

⁴ gu'n cràdhadh, gu'm feuchainn leatha.

⁵ cràdh. ⁶ cha bhì e comasach a dheanamh suzs.

⁷ thàinig mi gu h-inbhe mhòir.

⁸ dh'fhaicich, dh'fhiosraich.

⁹ boile.

¹⁰ curraid, dìonaiddh.

¹¹ Thig.

¹² sàimh.

¹³ m'fheoil, Eabh.

¹⁴ a' cleachdadh mo chridhe ri gliocas.

¹⁵ linnlean.

¹⁶ chaoarach.

¹⁷ Chruinnich.

¹⁸ abhaidh-chiùil.

¹⁹ boile.

²⁰ Rì gaire.

²¹ m'fheoil, Eabh.

²² a' cleachdadh mo chridhe ri gliocas.

²³ linnlean.

²⁴ chaoarach.

²⁵ Chruinnich.

²⁶ abhaidh-chiùil.

²⁷ boile.

²⁸ Rì gaire.

²⁹ m'fheoil, Eabh.

³⁰ a' cleachdadh mo chridhe ri gliocas.

³¹ linnlean.

³² chaoarach.

³³ Chruinnich.

³⁴ abhaidh-chiùil.

³⁵ boile.

³⁶ Rì gaire.

³⁷ m'fheoil, Eabh.

³⁸ a' cleachdadh mo chridhe ri gliocas.

³⁹ linnlean.

⁴⁰ chaoarach.

⁴¹ Chruinnich.

⁴² abhaidh-chiùil.

⁴³ boile.

⁴⁴ Rì gaire.

⁴⁵ m'fheoil, Eabh.

⁴⁶ a' cleachdadh mo chridhe ri gliocas.

⁴⁷ linnlean.

⁴⁸ chaoarach.

⁴⁹ Chruinnich.

⁵⁰ abhaidh-chiùil.

⁵¹ boile.

⁵² Rì gaire.

⁵³ m'fheoil, Eabh.

⁵⁴ a' cleachdadh mo chridhe ri gliocas.

⁵⁵ linnlean.

⁵⁶ chaoarach.

⁵⁷ Chruinnich.

⁵⁸ abhaidh-chiùil.

⁵⁹ boile.

⁶⁰ Rì gaire.

⁶¹ m'fheoil, Eabh.

⁶² a' cleachdadh mo chridhe ri gliocas.

⁶³ linnlean.

⁶⁴ chaoarach.

⁶⁵ Chruinnich.

⁶⁶ abhaidh-chiùil.

⁶⁷ boile.

⁶⁸ Rì gaire.

⁶⁹ m'fheoil, Eabh.

⁷⁰ a' cleachdadh mo chridhe ri gliocas.

⁷¹ linnlean.

⁷² chaoarach.

⁷³ Chruinnich.

⁷⁴ abhaidh-chiùil.

⁷⁵ boile.

⁷⁶ Rì gaire.

⁷⁷ m'fheoil, Eabh.

⁷⁸ a' cleachdadh mo chridhe ri gliocas.

⁷⁹ linnlean.

⁸⁰ chaoarach.

⁸¹ Chruinnich.

⁸² abhaidh-chiùil.

⁸³ boile.

⁸⁴ Rì gaire.

⁸⁵ m'fheoil, Eabh.

⁸⁶ a' cleachdadh mo chridhe ri gliocas.

⁸⁷ linnlean.

⁸⁸ chaoarach.

⁸⁹ Chruinnich.

⁹⁰ abhaidh-chiùil.

⁹¹ boile.

⁹² Rì gaire.

⁹³ m'fheoil, Eabh.

⁹⁴ a' cleachdadh mo chridhe ri gliocas.

⁹⁵ linnlean.

⁹⁶ chaoarach.

⁹⁷ Chruinnich.

⁹⁸ abhaidh-chiùil.

⁹⁹ boile.

¹⁰⁰ Rì gaire.

¹⁰¹ m'fheoil, Eabh.

¹⁰² a' cleachdadh mo chridhe ri gliocas.

¹⁰³ linnlean.

¹⁰⁴ chaoarach.

¹⁰⁵ Chruinnich.

¹⁰⁶ abhaidh-chiùil.

¹⁰⁷ boile.

¹⁰⁸ Rì gaire.

¹⁰⁹ m'fheoil, Eabh.

¹¹⁰ a' cleachdadh mo chridhe ri gliocas.

¹¹¹ linnlean.

¹¹² chaoarach.

¹¹³ Chruinnich.

¹¹⁴ abhaidh-chiùil.

¹¹⁵ boile.

¹¹⁶ Rì gaire.

¹¹⁷ m'fheoil, Eabh.

¹¹⁸ a' cleachdadh mo chridhe ri gliocas.

¹¹⁹ linnlean.

¹²⁰ chaoarach.

¹²¹ Chruinnich.

¹²² abhaidh-chiùil.

¹²³ boile.

¹²⁴ Rì gaire.

¹²⁵ m'fheoil, Eabh.

¹²⁶ a' cleachdadh mo chridhe ri gliocas.

¹²⁷ linnlean.

¹²⁸ chaoarach.

¹²⁹ Chruinnich.

¹³⁰ abhaidh-chiùil.

¹³¹ boile.

¹³² Rì gaire.

¹³³ m'fheoil, Eabh.

¹³⁴ a' cleachdadh mo chridhe ri gliocas.

¹³⁵ linnlean.

¹³⁶ chaoarach.

¹³⁷ Chruinnich.

¹³⁸ abhaidh-chiùil.

¹³⁹ boile.

¹⁴⁰ Rì gaire.

¹⁴¹ m'fheoil, Eabh.

¹⁴² a' cleachdadh mo chridhe ri gliocas.

¹⁴³ linnlean.

¹⁴⁴ chaoarach.

¹⁴⁵ Chruinnich.

¹⁴⁶ abhaidh-chiùil.

¹⁴⁷ boile.

¹⁴⁸ Rì gaire.

¹⁴⁹ m'fheoil, Eabh.

¹⁵⁰ a' cleachdadh mo chridhe ri gliocas.

¹⁵¹ linnlean.

¹⁵² chaoarach.

¹⁵³ Chruinnich.

¹⁵⁴ abhaidh-chiùil.

¹⁵⁵ boile.

¹⁵⁶ Rì gaire.

¹⁵⁷ m'fheoil, Eabh.

¹⁵⁸ a' cleachdadh mo chridhe ri gliocas.

¹⁵⁹ linnlean.

¹⁶⁰ chaoarach.

¹⁶¹ Chruinnich.

¹⁶² abhaidh-chiùil.

¹⁶³ boile.

¹⁶⁴ Rì gaire.

¹⁶⁵ m'fheoil, Eabh.

¹⁶⁶ a' cleachdadh mo chridhe ri gliocas.

¹⁶⁷ linnlean.

¹⁶⁸ chaoarach.

¹⁶⁹ Chruinnich.

¹⁷⁰ abhaidh-chiùil.

¹⁷¹ boile.

¹⁷² Rì gaire.

¹⁷³ m'fheoil, Eabh.

¹⁷⁴ a' cleachdadh mo chridhe ri gliocas.

¹⁷⁵ linnlean.

¹⁷⁶ chaoarach.

¹⁷⁷ Chruinnich.

¹⁷⁸ abhaidh-chiùil.

¹⁷⁹ boile.

¹⁸⁰ Rì gaire.

¹⁸¹ m'fheoil, Eabh.

¹⁸² a' cleachdadh mo chridhe ri gliocas.

¹⁸³ linnlean.

¹⁸⁴ chaoarach.

¹⁸⁵ Chruinnich.

¹⁸⁶ abhaidh-chiùil.

¹⁸⁷ boile.

¹⁸⁸ Rì gaire.

sin thubhairt mi a'm' chridhe, gur dìomhanas so mar an ceudna.

16 Oir cha bhi cuimhne air an duine ghlic nì's mò na air an amadan gu bràth; o dhì-chuimhnichear na nithe a ta nis ann, uile anns na làitheibh a ta ri teachd: agus cionnus a dh'eugas an duine glic? mar an t-amadan.

17 Uime sin dh'fhuathaich mi beatha, a chionn gur doilgheasach dhomh an obair a dh'oibrichear fuidh'n ghréin: oir is dìomhanas na h-uile nithe agus buaireadh¹ spioraid.

18 Seadh, dh'fhuathaich mi mo shaoth-air uile a shaothraich mi fuidh'n ghréin, a chionn gu'm fàg mi i do'n fhear a bhios a'm' dheigh.

19 Agus cò aig am bheil fios cia dhiubh a bhios e 'na dhuine glic no 'na amadan? gidheadh bithidh uachdaranachd aige os ceann mo shaoithreach uile anns an do shaothraich mi, agus anns an d'fhuaradh mi gu glic fuidh'n ghréin. Is dìomhanas so mar an ceudna.

20 Air an aobhar sin, thionndaidh mi thoirt air mo chridhe dol an eu-dòchas mu'n uile shaothair a shaothraich mi fuidh'n ghréin.

21 Oir a ta duine ann aig am bheil a shaothair ann an gliocas, agus an eòlas, agus an ceartas; gidheadh do dhuine nach do shaothraich ann bheir se e mar a chuibrionn. Is dìomhanas so mar an ceudna, agus olc mòr.

22 Oir ciod a th'aig duine d'a uile shaothair, agus do bhuaireadh² a chridhe, anns an do shaothraich e fuidh'n ghréin?

23 Oir is doilgheasan a làithean uile, agus is dò-bhròn a shaothair: eadhon san oidhche cha ghabh a chridhe fois. Is dìomhanas so mar an ceudna.

24 Cha 'n'eil ni ann a's fearr do dhuine na gu'n itheadh agus gu'n òladh e, agus gu'n tugadh e air 'anam maith a mhealtuinn³ na shaothair.

25 Oir cò a's urrainn⁴ itheadh, no cò eile a luathaicheas thuige⁵ nì's mò na mise?

26 Oir do'n duine a tha maith 'na shealladh, bheir Dia gliocas, agus eòlas, agus aoibhneas: ach do'n pheacach bheir e saothair, a chruinneachadh agus a charnadh suas, chum gu'n tabhair e do'n ta a ta maith ann am fianuis Dhé. Is dìomhanas so mar an ceudna, agus buaireadh spioraid.

CAIB. III.

1 Tha àm aig gach rùn fuidh nèamh. 11 Rinn Dia gach nì maiseach ged nach urrainn duine

'obair fhaotainn a mach. 16 Tha breitheanas chloinn nan daoine claon, ach bheir Dia breth gu cothromach.

AIG gach nì tha tràth, agus àm aig gach rùn fuidh nèamh:

2 Am gu bhi air breith, agus àm gu bàs fhaotainn; àm gu suidheachadh, agus àm gus an nì a shuidhicheadh, a spionadh suas;

3 Am gu marbhadh, agus àm gu leigh eas; àm gu briseadh sìos, agus àm gu togail suas;

4 Am gu gul⁶, agus àm gu gàire; àm gu caoidh, agus àm gu dannsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail an glacaibh, agus àm gu fantuinn o ghabhail an glacaibh⁷;

6 Am gu cosuadh⁸, agus àm gu call; àm gu gleidheadh, agus àm gu tilgeadh air falbh;

7 Am gu reubadh, agus àm gu fuaigh-eal; àm gu bhi tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

9 Ciod an tairbhe⁹ a ta aige-san a dh'oibricheas, san nì sin anns an saothraich e?

10 Chunnaic mi an t-saothair a thug Dia do chloinn nan daoine¹⁰, chum an cleachdadh féin rithe.

11 Rinn e gach nì maiseach 'na àm féin chuir e mar an ceudna an saoghal 'nan cridhe, air chor as nach urrainn aon duine an obair fhaotainn a mach a tha Dia a' deanamh, o thoiseach gu deireadh.

12 Tha fhios agam nach 'eil maith air bith aunta, ach gu'm biodh duine subhach, agus gu'n deanadh e maith rè a bheatha¹¹.

13 Agus mar an ceudna gu'n itheadh agus gu'n òladh gach duine, agus gu mealadh e maith a shaoithreach uile, is e sin tiodhlac Dhé.

14 Tha fhios agam gach nì a nì Dia, gu'm bi e gu bràth; cha ghabh aon nì cur ris, no aon nì toirt uaith: agus nì Dia so, chum gu'm biodh eagal air daoineibh roimhe.

15 An nì a bha, tha e ann a nis; agus an nì a bhitheas, bha e ann a cheana; agus iarraidh Dia an nì a chaidh seachad.

16 Agus os bàrr, chunnaic mi fuidh'n ghréin àite a' bhreitheanas, gu'n robh eucart¹² an sin; agus àite na fireantachd, gu'n robh aingidheachd an sin.

17 Thubhairt mi a'm' chridhe, Bheir

¹ smuaircan, cràdh.

² chràdh, àmhghar, dhorran.

³ gu'n nochdadh e maith d'a anam.

⁴ a dh'fheudas.

⁵ chuige.

⁶ gal.

⁷ bhi fad o ghabhail an glacaibh. Eabh.

⁸ iarraidh, faotainn, solaradh. ⁹ a' bhuanmachd.

¹⁰ mhacaibh an duine. ¹¹ air feadh a bheatha.

¹² aingidheachd, mì-dhiadhachd.

Dia breth air an fhùean agus air an aingidh: oir *tha* àm an sin chum gach uile rùin, agus chum gach uile oibre.

18 Thubhairt mi ann am chridhe a thaobh staid¹ chloinn nan daoine, gu'n glanadh² Dia iad, agus gu'm faicheadh iad gur ainmhidhean iad fèin.

19 Oir an ni sin a thachras do chloinn nan daoine, tachraidh e do na h-ainmhidh-ibh; tachraidh dìreach an t-aon ni dhoibh: mar a dh'eugas aon diubh, is ann mar sin a dh'eugas an t-aon eile; seadh, is i an aon anail a *ta* aca uile; agus cha 'n'eil barrachd aig duine air ainmhidh, oir is dìomhanas iad uile.

20 Thèid iad uile do aon àite; *tha* iad uile o'n duslach³ agus pillidh iad uile do'n duslach.

21 Cò d'an aithne spiorad chloinn nan daoine⁴ a thèid suas, agus spiorad an ainmhidh a thèid sìos chum na talmhainn⁵?

22 Uime sin tha mi ag aithneachadh nach *eil* ni a's fearr na gu'n deanadh duine gàirdeachas 'na oibribh, a chionn gur e sin a chuibhrionn: oir cò bheir e a dh'fhaicinn an ni a bhios 'na dhéigh?

CAIB. IV.

1 *Tha dìomhanas air a mheudachadh le fòirneart, 4 agus le fàrmad. 7 Amaideachd agus dìomhanas saint. 13 Is fearr duine bochd na rìgh amaid-each.*

AN sin thionndaidh mi, agus dh'amhairc mi air na h-uile fhòirneartaibh a nìthear fuidh'n ghréin, agus, feuch, deòir na droinge a bha fuidh fhòirneart, agus gun aon fhear-comhfhurtachd aca! agus air taobh⁶ an an luchd-fòirneart *bha* neart, ach cha *robh* fear-comhfhurtachd aca-san.

2 Uime sin mhol mi na maibh a dh'eug a cheana, nì's mò na na beòtha a 'ta beo fathast.

3 Ach is fearr na iad le chèile an ti nach robh ann fathast, nach faca an droch obair a nìthear fuidh'n ghréin.

4 A ris, dh'amhairc mi air gach uile shaothair agus gach uile obair cheirt, gur fàth farmaid do dhuine o'choimhearsnach i. *Is* dìomhanas so mar an ceudna, agus buaireadh spioraid.

5 Fillidh an t-amadan a làmhnan r'a chèile, agus ithidh e 'fheoil fèin.

6 *Is* fearr làn duirn le suaimlneas, na'n dà làmh làn le saothair agus buaireadh spioraid.

7 An sin thionndaidh mi, agus chunnaic mi dìomhanas fuidh'n ghréin.

8 Tha duine ann leis fèin, agus cha 'n'eil lethbhreac⁷ aige; seadh, cha 'n'eil leanabh no bràthair aige: gidheadh cha 'n'eil

crìoch air a shaothair uile, agus cha sàsuichear a shùil le saoihbheas; cha mhò *a their e*, Cò air son am bheil mi a' saothreachadh, agus a' fàgail m'anama dh'easbhuidh maith? *Is* dìomhanas so mar an ceudna, agus is saothair ghoirt e.

9 *Is* fearr dithis na aon *duine*, a chionn gu bheil deadh dhuais aca air son an saothreach.

10 Oir ma thuiteas duine dhiubh⁸ togaidh an duine eile suas a chompanach: ach mo thruaighe esan *a ta*'na aonar an uair a thuiteas e; oir cha 'n'eil neach eile aige g'a thogail suas.

11 Mar an ceudna ma luidheas dithis cuideachd, bithidh iad blàth: ach cionnus a bhios aon blàth leis fèin.

12 Agus ma bhuadhaicheas aon air, seasaidh dithis 'na aghaidh; agus cha bhrisear cord thrì dual⁹ gu h-obann.

13 *Is* fearr leanabh bochd agus glic na rìgh sean agus amaideach, nach gabh comhairle¹⁰ nì's mò.

14 Oir á prìosan¹¹ thig e a rioghachadh; an ti mar an ceudna a rugadh 'na rioghachd, *fàsaidh e* bochd.

15 Thug mi an aire do¹² na h-uile bheòthaibh a shiubhlas fuidh'n ghréin, maille ris an dara leanabh a sheasas suas 'na àite.

16 Cha 'n'eil crìoch air an t-sluagh uile, orra-san uile a bha rompa: cha dean iadsan mar an ceudna a thug 'nan déigh gàirdeachas ann. Gu cinnteach is dìomhanas so mar an ceudna, agus buaireadh spioraid.

CAIB. V.

1 Earail gu giùlan iomchuidh ann an teampull Dhé.

9 Cha sàsuiche airgid agus pailteas an neach a ghràdhacheas iad. 18 'Se tìodhlac Dhé do mhac an duine gàirdeachas a dheanamh 'na uile shaoth-air, agus a shaoibhreas a mhealtuinn.

COIMHID¹³ do chos an uair a thèid thu do thigh Dhé, agus bi nì's deise gu cluinntinn na gu iobairt nan amadan a thabhairt; oir cha 'n'eil iad sin a' toirt an aire gu bheil iad a' deanamh uile.

2 Na bi bras¹⁴ le d' bheul, agus na luathaicheadh do chridhe gu ni a labhairt an làthair Dhé: oir *a ta* Dia air nèamh, agus thusa air talamh; uime sin biodh do bhriathra tearc.

3 Oir thig aisling le iomadalachd¹⁵ ghnòthuiche, agus aithnìchear guth amadain le iomadalachd bhriathar.

4 An uair a bhòidicheas tu bòid do Dhia, na cuir dàil 'na dioladh; oir cha 'n'eil tlachd aige ann an amadanaibh: an ni a bhòidicheas tu, diol e¹⁶.

¹ cora, inbhe.

² chum gu'n soillsichadh, gu'n dearbhadh.

³ buathre.

⁴ spiorad an duine.

⁵ fuidh'n talamh.

⁶ làmh. Eabh.

⁷ a lethidh eile, an dara neach.

⁸ ma thuiteas iad.

⁹ snàithne tri-fille.

¹⁰ do nach aithne comhairle a ghabhail. Eabh.

¹¹ gainntir, tigh nam braighde.

¹² Dh'amhairc mi air.

¹³ Gléidh.

¹⁴ obann.

¹⁵ Romhoireachd, mòran.

¹⁶ òc e.

ECLESIASTES, V. VI.

5 *Is* fearr gun thu bhòideachadh, na gu'm bòidicheadh tu, agus nach dìoladh tu.

6 Na leig le d' bheul a thoirt air t'fheoil peacachadh; agus na h-abair an làthair an aingil, gu'm bu mhearachd e; c'uim am biodh fearg air Dia air son do ghutha sa, agus an sgriosadh e obair do làmh?

7 Oir mar ann an iomadalachd nan aisling *a bhios* diomhanasa, is amhuil *a bhios* iad ann an iomadalachd nam briath ar: ach biodh eagal Dé ortsa.

8 Ma chi thu fòirncart an duine bhochd¹, agus fiaradh breitheanaid agus ceartais le làimh làidir ann am mòr-roinn, na biodh iongnadh ort ris an ni so² oir bheir an tì a's àirde na'n neach a ta àrd aca-san an aire, agus *tha iad ann a's àirde* na iadsan.

9 A nis a ta tairbhe na talmhainn air son nan uile. riaraichear an rìgh *fèin* as an fhearann.

10 An ti a ghràdhaicheas airgiod, cha sàsuichear e le h àirgiod; no'n tì a ghràdhaicheas pailteas, le toradh³ *is* diomhanas so mar an ceudna.

11 An uair a mheudaichear nithe maith⁴, meudaichear iad a dh'itheas iad: agus ciod an tairbhe *a tha* anna d'an sealbhadairibh, ach *am* faicinn le'n siùilbh?

12 *Tha* codal oibriche milis, cia dhiubh a dh'itheas e beagan no mòran: ach cha'n fhuiling sàsachd⁵ an t saoi bhir dha codal.

13 'Tha ole cràiteach ann *a* chunnaic mi fuidh'n ghréin, saoi bhras air a ghleidheadh d'a shealbhadairibh chum an airmh-leis⁶.

14 Ach théid as do'n t saoi bhras sin le droch shaothair⁷: agus ginidh e mac, agus cha *bhi* ni air bith 'na làimh.

15 Mar a thàinig e mach lomnochd á broinn a mhàthar, ath phillidh e, a' dol mar a thàinig e, agus cha ghiùlan e ni air bith d'a shaothair a bheir 'na làimh.

16 *Is* ole cràiteach so mar an ceudna, air gach uile chor air an d'thàinig e, mar sin gu'n téid e. agus ciod an tairbhe a ta aige san a shaothraich do'n ghaoith?

17 Mar an ceudna ré a làithean uile ithidh e ann an dorchadas, agus *bithidh* mòran doilgheis⁸ agus feirge *aige* 'na thinneas.

18 Feuch, an ni a chunnaic mise maith, gur flachdmhor *do dhuine* itheadh agus ol, agus maith a mhealtuinn 'na uile shaothair a ghabh e fuidh'n ghréin, air

feadh uile làithean a bheatha a bheir Dia dha; oir *is* e sin a chuibhrionn.

19 Gach duine mar an ceudna d'an d'thug Dia beartas agus saoi bhras⁹, agus d'an d'thug e comas itheadh dhiubh, agus a chuibhrionn a ghlacadh, agus gairdeachas a dheanamh 'na shaothair: *is* e so tiodhlac Dhé.

20 Oir cha mhòr a chuimhnichas e làithean a bheatha; a chionn gu'm freagair Dia *e* ann an aoibhneas a chridhe

CAIB. VI.

1 *Diomhanas beartais agus saoi bhras do'n duine do nach 'eil Dia a' tabhairt comais am mealtuinn.*

7 Cha sàsuichear miann an duine air thalamh. 10 Cha'n aithne do neach ciod a bhios 'na dhéigh fuidh'n ghréin.

THA ole ann a chunnaic mi fuidh'n ghréin, agus *tha e* coitchionn am measg dhaoine¹⁰.

2 Duine d'an d'thug Dia beartas, agus saoi bhras, agus urram. agus gun e dh'easbhuidh ni air bith d'a anam do na h-uile a mhiannaicheas e, ach do nach 'eil Dia a' tabhairt comais itheadh dhieth, ach a ta coigreach 'ga itheadh: *is* diomhanas so. agus *is* droch an shocair e.

3 Ma ghineas duine ceud *leanabh*, agus gu'm bi e beò iomadh bliadhna, air chor as gu'm bi làithean a bhladhnan lìon mhor, agus nach sàsuichear 'anam le maith, agus mar an ceudna nach bi adhlacadh aige, *is* fearr, tha mi ag ràdh, torraicheas anabuich¹¹ na e.

4 Oir an¹² diomhanas thig e, agus an dorchadas théid e, agus le dorchadas còmhdaichear¹³ a' ainm.

5 Mar an ceudna cha'n fhac e a' ghrian, agus cha b'aithne dha *ni air bith: tha* tuilleadh foise aige. so na aig an fhear eile.

6 Seadh, ged bhi e beò mìle bliadhna dà uair, gidheadh cha'n fhaic e maith nach imich iad uile do aon àite?

7 *Tha* uile shaothair an duine air son a bheoil, agus gidheadh cha 'n'eil a mhiann¹⁴ sàsuichte.

8 Oir ciod tuilleadh a th'aig an duine ghlic na aig an amadan? ciod a th'aig a' bhochd, d'an aithne siubhal au làthair nam beò?

9 *Is* fearr sealladh¹⁵ nan sùl na seach aran a' mhiann: *is* diomhanas so mar an ceudna agus buaireadh spioraid

10 An ni¹⁶ a bha ann, dh'ainmicheadh e a cheana, agus a ta fhios gu'm b'e'n duine e, agus nach urrainn e gleachdadh¹⁷ ris-san a's treise na e féin

¹ fòirneart air a dheanamh air an duine bhochd.

² an ràn so. Eabh.

³ cinneas.

⁴ maoin, saoi bhras.

⁵ làine, pailteas.

⁶ dochair, call.

⁷ ann an droch ghnòthuicibh.

⁸ do-bhròin.

⁹ maoin.

¹⁰ bith-dheanta, ro throm air daoineibh

¹¹ gin neò-inbhich

¹² le.

¹³ folaichear

¹⁴ 'anam. Eabh.

¹⁵ beachd.

¹⁶ Gach ni.

¹⁷ strì.

ECLESIASTES, VI. VII.

11 O tha mòran do nithibh ann a mheudaicheas dìomhanas, ciod is fearrd ann duine sin?

12 Oir cò aig am bheil fios ciod a tha maith do dhuine sa' bheatha so, ré uile làithean a bheatha dh'omhain a chaitheas e mar sgàile? oir cò is urrainn innseadh do dhuine ciod a bhios 'na dhéigh fuidh'n ghréin?

CAIB. VII.

1 *Is fearr deadh ainm na na nithe is luachmhoire; 2 dol do thigh a' bhròin, na dol do thigh na cuirme; 5 agus éisdeachd ri achmhasan duine ghlic, na éisdeachd ri òran amadana. 23 Tha eòlas a' ghliocais cruaidh ri fhaotainn a mach.*

I S fearr deadh ainm na oladh-ungaidh luachmhor, agus là bàis na là breith neach.

2 *Is fearr dol do thigh a' bhròin¹, na dol do thigh na cuirme; oir is e sin crìoch nan uile dhaoine, agus gabhaidh am beò g'a chridhe e.*

3 *Is fearr doilgheas² na gàire; oir le dubhachas na gnùise nìthean an cridhe nì's fearr.*

4 *Tha cridhe nan daoine glice ann an tigh a' bhròin, ach cridhe nan amadan ann an tigh an t-sublachais.*

5 *Is fearr éisdeachd ri achmhasan duine ghlic, na gu'n éisdeadh duine ri h-òran amadana.*

6 Oir mar fhuaim droighnich fuidh phoit, mar sin tha gàire an amadain: is dìomhanas so mar an ceudna.

7 Gu cinnteach cuiridh foirneart duine glic air bhoile³, agus millidh tiodhlac an cridhe.

8 *Is fearr deireadh ni na a thoiseach: is fearr esan a tha foighidneach 'na spiorad na esan a tha àrdanach⁴ 'na spiorad.*

9 Na deifrich⁵ ann ad spiorad gu fearg a ghabhail; oir còmhnuicheadh fearg ann an uchd amadana.

10 Na h-abair, Ciod a b' aobhar gu'n robh na ceud làithean ni b'fhearr na iad so? oir cha'n ann o ghliocas a dh'fheòraicheas tu mu'n ni so?

11 *Is maith gliocas maille ri h-oighreachd; agus leis sin tha tairbhe aca-san a chi a' ghrian.*

12 Oir is didean⁶ gliocas, agus is didean airgid: ach is e òirdheirceas an eòlais, gu'n toir gliocas beatha dhoibh-san aig am bi e.

13 Smuainich air⁷ obair Dhé: oir cò is urrainn an ni sin a dheanamh dìreach a rinn esan cam?

14 Ann an là an t-soirbheis⁸ bi subhach, ach ann an là an doirbheis⁹ smuainich: rinn Dia mar an ceudna so fa chomhair sud, a chum nach faigheadh duine mach aon ni 'na dhéigh¹⁰.

15 Chunnaic mi na h-uile nithe ann an làithibh mo dhiomhanais; tha firean¹¹ ann d'an téid as¹² 'na fhìreantachd, agus tha duine aingidh ann a shineas a làithean 'na aingidheachd.

16 Na bi anbharrach fireanta, agus na gabh ort a bhi ro ghlic: c'ar son a sgriosadh tu thu féin?

17 Na bi ro aingidh, agus na bi amaid-each: c'ar son a dh'eugadh tu roimh t'àm?

18 *Is maith dhuit greim a ghabhail deth so, agus o so mar an ceudna na tabhair air a h-ais do làmh; oir an ti air am bi eagal Dé, thig e asda sin uile.*

19 Neartaichidh gliocas duine glic nì's mò na deichnear dhaoine cumhachdach a ta sa' chaithir¹³.

20 Oir cha 'n'èil duine ceart¹⁴ air an talamh, a ni maith, agus nach peacaich.

21 Mar an ceudna na tabhair aire do na h-uile bhriathraibh a labhrar, air eagal gu'n cluinn thu t'òglach gad' mhalluchadh.

22 Oir a ta fhios aig do chridhe, gur minic a mhalluich thu féin daoine eile mar an ceudna.

23 So uile dhearbha mi le gliocas: thubhairt mi, Bithidh mi glic; ach b'fhada sin uam.

24 An ni sin a ta fad as, agus ro dhomhain, cò dh'fheudas 'fhaotainn a mach¹⁵?

25 Leig mi mo chridhe air faotainn eòlais air, agus air rannsachadh¹⁶, agus air sireadh gliocais, agus aobhair¹⁷ nithe, agus air fios a bli agam air aingidheachd amaideachd, agus air amaideachd na mì-chéille¹⁸.

26 Agus fhuair mi nì's seirbhe na'm bàs a' bhean, aig an ribeachan agus lontan a cridhe, agus ceanglaichean a làmhan: ge b'e neach a thaitneas ri Dia¹⁹, théid e as uaithe²⁰; ach glacar am peacach leatha.

27 Feuch, an ni so fhuair mi, ars' an searmonaiche, a' meas gach aoin an déigh a chéile, a dh'fhaotainn an aobhair²¹ a mach:

28 Nì a ta m'anam ag iarraidh fathast, ach nach d'fhuair mi: aon fhear am measg mhìle fhuair mi, ach beau 'nan measg sin uile cha d'fhuair mi.

¹ na caoidh.

² fearg.

³ air a' chuthach.

⁴ uaibhreach, dian.

⁵ na luathach, na bi cabhagach.

⁶ sgàile. ⁷ Faic. Eabh.

⁸ la maith.

⁹ là oic, là na h-urchoid.

¹⁰ aon do na nithibh a ta gu teachd air.

¹¹ duine ceart, ionraic.

¹² a bhàsaicheas.

¹³ sa' bhaile.

¹⁴ fireanta.

¹⁵ a thuigsinn.

¹⁶ lorgachadh.

¹⁷ àireimh. ¹⁸ eadhon amaideachd agus euthaich.

¹⁹ a tha maith an làthair Dhé. Eabh.

²⁰ uaipè.

²¹ àireimh.

29 Feuch, an nì so a mhàin fhàir mi, gu'n d'rinn Dia an duine dìreach¹; ach dh'iarr iad féin iomadh innleachd² a mach.

CAIB. VIII.

1 *Bheir gliocas duine air a ghnùis dealrachadh.* 8 *Cha'n 'eil cumhachd aig neach air bith os ceann an spioraid.* 12 *Eiridh gu maith do'n fhìrean, ach sgriosar an t-aingidh.* 16 *Cha'n urrainn duine obair Dhé fhaotainn a mach.*

CO a ta mar an duine glic? agus cò d'an aithne³ eadar-mhìneachadh ni? Bheir gliocas duine air a ghnùis dealrachadh, agus atharraichear dànachd a ghnùise.

2 Comhairlicheam dhuit àithne an rìgh a choimhead⁴, agus *sin* air son mionnan Dé.

3 Na biodh cabhag ort gu dol as a shealladh: na buanaich ann an droch ni, oir nì esan gach nì a's àill leis.

4 Far am bheil focal rìgh, *tha* cumhachd; agus cò dh'fheudas a ràdh ris, Ciod e sin a ta thu a' deanamh?

5 Ge b'e ghleidheas an àithne, cha mhothaich e droch ni sam bith; agus is aithne do chridhe duine ghlic àm agus breitheanas.

6 A chionn aig gach nì⁵ gu bheil àm agus breitheanas⁶; uime sin *tha* truaighe an duine trom⁷.

7 Oir cha 'n'èil fhios aige air an nì a bhios ann: oir cò dh'innseas dha cionnus a bhitheas e⁸.

8 Cha 'n'èil duine sam bith aig am bheil cumhachd os ceann an spioraid, a chumail an spioraid, no cumhachd ann an là a' bhàis; agus cha 'n'èil dol as anns a' chath *sin*; cha mhò a theasairgeas aingidheachd iadsan a ghnàthaicheas i.

9 So uile chunnaic mi, agus shuidhich mi mo chridhe air gach obair a nìthear fuidh'n ghréin: *tha* àm ann san riaghlaich duine os ceann duin' eile, g'a aimhneas féin.

10 Agus mar sin chunnaic mi na h-aingidh adhlacte⁹, a thàinig agus a dh'imich o àit an naoimh, agus dhi-chuimhnichheadh iad anns a' chaithir¹⁰ san d'rinn iad mar sin: is dìomhanas so mar an ceudna.

11 A chionn nach 'eil binn¹¹ an aghaidh droch oibre 'ga cur an gnìomh gu luath, uime sin tha cridhe chloinn nan daoine làn-shuidhichte air olc a dheanamh.

12 Ged nì peacach olc ceud uair, agus gu'n sìnear a làithean¹², gidheadh a ta fios cinnteach agam gu'n éirich gu maith

dhoibh-san air am bi cagal Dé, air am bi cagal 'na làthair.

13 Ach cha'n éirich gu maith do'n aingidh cha mhò a shìneas e a làithean; mar sgàile *bithidh* esan air nach bi eagal an làthair Dhé¹³.

14 Tha dìomhanas ann a nìthear air an talamh, gu bheil fireana ann d'an tachair a réir oibre nan aingidh; agus gu bheil daoine aingidh ann d'an tachair a réir oibre nam firean: thubhairt mi gur dìomhanas so mar an ceudna.

15 An sin mhol mi subhachas, do bhrìgh nach 'eil nì a's fearr aig duine fuidh'n ghréin an itheadh agus ol, agus a bhi subhach; oir fanaidh sin aige d'a shaoth-air, rè làithean a bheatha, a bheir Dia dha fuidh'n ghréin.

16 An uair a leag mi mo chridhe air eòlas a' ghliocais fhaotainn, agus air na gnothuichean a nìthear air an talamh fhaicinn; (oir mar an ceudna *tha* neach ann nach faic codal a là no dh'oidhche le 'shùilbh;)

17 An sin chunnaic mi¹⁴ uile obair Dhé, nach urrainn duine obair a nìthear fuidh'n ghréin fhaotainn a mach; a chionn ged nì duine a dlùthioll air¹⁵ a faotainn a mach, gidheadh nach faigh e i: seadh fathast, ged shaoil duine glic gu'm faigh e eòlas oirre, nach urrainn e a faotainn a mach.

CAIB. IX.

1 *Tachraidh an t-aon nì do na h-uile dhaoineibh.*

4 *Tha dòchas aig na beòthaibh a mhàin.* 13 *Is fearr gliocas na neart.*

OIR chuir mi romham ann am chridhe so uile a chur an céill, Gu bheil na fireana agus na daoine glìce, agus an oibre, ann an làimh Dhé: cha'n aithne do dhuine sam bith aon chuid gràdh no fuath, leis na h-uile nithibh a ta fa'n comhair¹⁶.

2 *Thig* na h-uile nithe air an aon seòl do na h-uile dhaoineibh: tachraidh an t-aon nì do'n fhìrean agus do'n aingidh; do'n mhaith, agus do'n ghlan, agus do'n neòghlan; dhasan a dh'ìobras, agus dhasan nach ìobair: mar a ta an duine maith, is ann mar sin a ta am peacach; agus esan a mhionnaicheas, mar an ti air ann bheil eagal mhionn.

3 *Is* olc so am measg nan uile nithe a nìthear fuidh'n ghréin, gu tachair an t-aon nì dhoibh uile; agus mar an ceudna gu bheil cridhe chloinn nan daoine làn uile, agus gu bheil cuthach 'nan cridhe am fad

¹ ceart, cothromach.

³ mar esan d'an aithne.

⁵ rùn, tionnsgnadh.

⁷ mòr air.

⁹ air an tiodhlacadh.

² ais-innleachd.

⁴ a ghleidheadh.

⁶ modh, riaghailt.

⁸ c'uin a bhios e ann.

¹⁰ mhòr-bhaile.

¹¹ breitheanas, ¹² gu'n cuirear a làithean am fad.

¹³ a làithean a bhios mar sgàile a chionn nach 'eil eagal air an làthair Dhé.

¹⁴ thuig mi, thuig mi fa'near, ¹⁵ ged shaothraich duine chum.

¹⁶ rompa, 'nan làthair.

ECLESIASTES, IX. X.

is beò iad, agus 'na dhéigh sin gu'n téid iad chum nam marbhbh.

4 Oir aig gach neach a tha ceangailte ris na h-uile bheòthaibh, tha dòchas; oir is fearr madadh beò na leòmhann marbh.

5 Oir tha fios aig na beòthaibh gu'm faigh iad bàs: ach cha 'n'eil fios ni air bith aig na marbhbh, cha mhò a ta luigheachd¹ aca ni's mò; oir théid an cuimhne air dhì-chuimhu'.

6 Chaidh as mar an ceudna a nis d'am gràdh, agus d'am fuath, agus d'am farmad²; agus cha bhi cuibhrionn aca tuilleadh gu bràth an aon ni a nìhear fuidh'n ghréin.

7 Imich romhad, ith t'aran le gàirdeachas, agus òl t'fhion le cridhe subhach; oir tha Dia a nis toilichte le t'oibribh.

8 Biodh t'earradh³ sgach àm geal; agus na biodh dìth olaidh-ungaidh air do cheann.

9 Caith do bheatha gu subhach leis a' mhnaoi a's ionmhuinn leat rè uile làithean beatha do dhìomhanais, a thug e dhuit fuidh'n ghréin⁴: oir is e so do chuibhrionn anns a' bheatha so, agus ann ad shaothair a ghabhas tu fuidh'n ghréin.

10 Ge b'e ni a gheibh do làmh r'a dheanamh, dean e le d' dhìchioll; oir cha 'n'eil obair, no innleachd⁵, no eòlas, no gliocas anns an uaigh, d'am bheil thu a' dol.

11 Thionndaidh mi, agus chunnaic mi fuidh'n ghréin, nach ann do na daoineibh luatha a tha an rèis⁶, no do na daoineibh treuna an cath, no do na daoineibh glìce aran, no do dhaoineibh tuigseach⁷ saoihreas, no do dhaoineibh eòlach deadh-ghean, ach gu'n tachair àm agus tuiteamas⁸ dhoibh uile:

12 Oir gu deimhin cha 'n'eil fhios aig duine air àm féin: mar iasg a ghlacair ann an droch lìon, agus mar eoin a ghlacair ann an rìbe, is ann mar sin a ribear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fuidh'n ghréin, agus bu mhòr agam e.

14 Bha caitliur⁹ bheag ann, agus beagan dhaoine innte; agus thàinig rìgh mòr na h-aghaidh, agus shuidh e mu'n cuairt oirre, agus chuir e daingnichean mòra suas na h-aghaidh.

15 Agus fhuaradh innte duine bochd glìce, agus theasairg e a' chaithir le 'ghliocas; ach cha do chuimhnich neach air bith

air an duine bhochd sin.

16 An sin thubhairt mise, Is fearr gliocas na neart: gidheadh, nìhear tàir air gliocas an duine bhochd, agus cha'n èisdear r'a bhriathraibh.

17 Eisdear ri briathraibh dhaoine glìce an ciùineas, ni's mò na ri glaoth an ti a riaghlas am measg amadan.

18 Is fearr gliocas na inneala cogaidh: ach millidh aon pheacach mòran maith.

CAIB. X.

1 Mu thimchioll gliocais agus amaideachd. 12 Is cuthach millteach briathran an amadain. 17 Is sona an tìr aig am bheil uachdaran ghìc.

BHEIR cuileaga marbha air oladh-ungaidh an léigh¹⁰ boladh breun a chur uaithe¹¹: is amhuil a ni beagan amaideachd airsan a tha cliùiteach air son gliocais agus urrainn.

2 Tha cridhe duine ghlic air a làimh dheis; ach cridhe amadain air a làimh chlì.

3 San t-slighe féin, an uair a shiubhlas an t-amadan, tréigidh a ghliocas e, agus their e ris gach duine, gur amadan e.

4 Ma dh'éireas spiorad an uachdarain a'd' aghaidh, na fàg t'àite; oir ciùinichidh gèilleadh¹² lochdan mòra.

5 Tha olc a chunnaic mi fuidh'n ghréin, mar sheacharan a thig o làthair an uachdarain¹³.

6 Cuirear amaideachd an inbhe¹⁴ mhòir, agus suidhidh na saoihbhir ann an ionad iosal.

7 Chunnaic mi òglaich¹⁵ air eachaibh, agus uachdarain a' siubhal mar òglachaibh air an talamh.

8 An ti a chladhaicheas slochd, tuitidh e féin ann; agus an ti a bhriseas callaid¹⁶, teumaidh nathair e.

9 An ti a dh'atharraicheas clachan, goirtichear e leo; agus an ti a sgòlteas fiodh, bitluidh e an cumart uaithe.

10 Ma bhios an t-iarunn maol, agus nach geuraich e am faobhar, feumaidh e an tuilleadh spionnaidh a chur leis; ach a ta gliocas tarbhach a sheòladh.

11 Gu deimhin teumaidh an nathair gun srann¹⁷, agus cha'n fhearr am bith-bhriathrach¹⁸.

12 Tha briathra beoil duine ghlic gràsail; ach sluigidh bìlean amadain e féin suas.

13 Is amaideachd toiseach bhriathar a bheoil; agus is cuthach millteach deireadh a chainnte¹⁹.

¹ luigheachd, duais.

² tùr.

³ do thrusgan, t'eudach.

⁴ fo'n ghréin, seadh, rè uile làithean do dhìomhanais.

⁵ smuaineachadh. ⁶ a' chomh-rùith, a' choimhling.

⁷ crìonna. ⁸ teagmhus, cinneamhuinn.

⁹ baile.

¹⁰ an ollamh, an lasragain.

¹¹ uaipe.

¹² ceannsaich, macantachd.

¹³ o'n uachdaran. ¹⁴ àirde. ¹⁵ seirbhìsich, tràillean.

¹⁶ fàl, gàradh, balla-dìonaidh.

¹⁷ druidheachd.

¹⁸ sìor-chainnteach.

¹⁹ a bheoil. Eabh.

14 Agus tha amadan làn do bhriathraibh: cha 'n'eil fhios aig duine ciod a bhios ann, agus ciod a bhios ann 'na dhéigh, cò a's urrainn innseadh dha?

15 Sgithichidh saothair nan amadan gach aon diubh, do bhrìgh nach aithne dha cionnus a théid e do'n chaithir¹.

16 Mo thruaighe thu, a thìr, an uair is leanabh a's rìgh dhuit, agus a dh'itheas t'uchdarain *biadh* anns a'mhaduinn!

17 *Is* sona thu, a thìr, an uair *is* e do rìgh mac nan uasal, agus a dh'itheas t'uchdarain ann an àm iomchuidh, chum neirt, agus cha'n ann chum misge!

18 Le mòran leisge théid an aitreabh sìos²; agus le dìomhanas nan làmh snidhidh an tigh troimhe.

19 Nìthear cuirm chum aiteis, agus nì fìon duine³ subhach: ach freagraidh an t-airgid na h-uile nithe.

20 Eadhon ann ad smuaintibh na malluich an rìgh, agus an taobh a stigh do d' sheòmar na malluich an saoi bhir; oir giùlainidh eun an athair⁴ an guth, agus innsidh an nì air am bheil sgiathan a' chùis.

CAIB. XI.

1 *Earail gu bhì caomhneil ris na bochdaibh.* 7 *Is còir do gach neach cuimhneachadh air bàs agus breitheanas ann an làithibh 'dige.*

TILG t'aran air aghaidh nan uisge; oir an déigh mhòrain do làithibh gheibh thu e.

2 Thoir cuibhrionn do sheachdnar, agus mar an ceudna do ochdnar; oir cha 'n'eil fhios agad ciod an t-olc a bhios air an talainh.

3 Ma bhios na neoil làn do uisge, fal-mhaichidh siad *iad féin* air an talamh; agus ma thuiteas craobh mu dheas no mo thuath, anns an àite san tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neulaibh, cha bhuain e.

5 Mar nach 'eil fhios agad ciod i slighe an spioraid⁵, no cionnus a *dh'fhàsas* na cnàmhan am broinn na mnà a bhios torrach, is amhuil sin nach 'eil fhios agad air oibribh Dhé, mar a nì e na h-uile nithe.

6 Anns a' mhaduinn cuir do shìol, agus san fheasgar na toir air do làmh sgur; oir cha 'n'eil fhios agad cia dhiubh is fearr a shoirbhicheas so no sud, no am bi iad le chèile co mhaith.

7 Gu deimhin *is* milis an solus, agus *is*

taitneach do na sùilibh sealltuinn air a' ghréin.

8 Ach ma mhaireas duine iomadh bliadhna, agus gu dean e gàirdeachas⁶ anna uile; gidheadh cuimhnicheadh e làithean an dorchadais, gu'm bi iad lionmhor. *Is* dìomhanas gach nì a thig.

9 Dean gàirdeachas, a dhuin' òig, a d' òige⁷, agus deanadh do chridhe subhach⁸ thu 'ann an làithibh t'òige, agus siubhail ann an sligibh do chridhe, agus ann an sealladh do shùl: ach biodh fhios agad, air an son so uile, gu'n toir Dia chum breitheanasais thu.

10 Uime sin atharraich doilgheas⁹ o d' chridhe, agus cuir olc air falbh o d' fheoil, oir *is* dìomhanas leanabhachd agus òige.

CAIB. XII.

1 *Is còir do gach duine a Chruith-fhear a chuimhneachadh ann an làithibh 'dige.* 8 *Theagaisg an searmonaiche eòlas do'n t-stuagh.* 13 *'S e eagal Dé agus 'aithneantan a ghlèidheadh, comh-dhùnaidh na cuise uile.*

CUIMHNICH a nis do Chruith-fhear¹⁰ ann an làithibh t'òige, mu'n tig na droch làithean, agus an druid na bliadh-nacha *riut*, anns an abair thu, Cha'n'eil tlachd agam anna:

2 Mu'n dorchaidhear a ghrian, agus an solus, agus a' ghealach, agus na reultan, agus am pill na neoil an déigh an uisge:

3 Anns an là san criothnaich luchd-gleidhidh¹¹ an tighe, agus an crom na daoine làidir iad féin, agus an sguir an luchd-bleath¹², a chionn gu bheil iad tearc, agus an dorchaidhear an dream a sheallas a mach air na h-uinneagaibh¹³.

4 Agus an dùinear na dorsan anns na sràidibh, an uair a bhios fuaim na bleith ìosal, agus a dh'éireas e suas aig guth an eoin, agus a dh'islichear uile nigheanan a' chiùil;

5 Mar an ceudna, 'nuair a bhios eagal orra roimh nì àrd, agus a bhios uamhasan anns an t-slighe, agus a bhios a' chraobh-almoìn fuidh bhlàth, agus a bhios an leumnach uaine¹⁴ 'na eallaich, agus a theirgeas miann¹⁵; a chionn gu bheil an duine a' triall d'a chòmhnuidh bhuan¹⁶, agus gu bheil an luchd-cumhaidh¹⁷ a' dol mu'n cuairt sna sràidibh,

6 Mu'm fuasgailear an cord¹⁸ airgid, agus am bruthar¹⁹ an copan²⁰ òir, agus am brisear a' chuinneag²¹ aig an tobar, agus am brisear am roth aig an t-soith-each-cumail²².

7 An sin pillidh an duslach²³ chum na

¹ mhòr-bhaile.

² aomaidh an aitreabh, théid an aitreabh mu làr.

³ daoine bed. Eabh.

⁴ eoin nan speur.

⁵ na gaoithe.

⁶ deanadh e gàirdeachas.

⁷ 'na t'òige.

⁸ ait, suilbhreach.

⁹ bròn, fearg.

¹⁰ Chruithadair.

¹¹ coimheadaichean.

¹² na meilteircan.

¹³ fuinneagaibh.

¹⁴ am fionnan-féoir.

¹⁵ a theirgeas fonn.

¹⁶ d'a thigh sìorruidh.

¹⁷ luchd-caoidh.

¹⁸ snàithne, teud.

¹⁹ brisear. ²⁰ a' chuach.

²¹ an soith-each-uisge.

²² an t-slochd, an tiobairt.

²³ luathre.

DAN SHOLAIMH, I.

talmhainn mar a bha e; agus pillidh an spiorad chum Dhé, a thug uaith e.

8 Diomhanas nan diomhanas! ars an searmonaiche: is diomhanas na h-uile nithe.

9 Agus os bàrr, do bhrìgh gu'n robh an searmonaiche glic, theagaisg e'n còmh-nuidh eòlas do'n t-sluagh; agus thug e deadh aire, agus shir e mach¹, agus dheasaich e² mòranghnàth-fhocal.

10 Dh'iarr an searmonaiche briathra taitneach fhaotainn: agus bha an n a sgrìobhladh ceart, briathra na firinn.

11 Tha briathra nan daoine glice mar

- rannsaich e.

² chuir e'n ordugh.

bhioraibh, agus mar thairngibh air a sparradh³ le uachdaraibh cìoimh-thional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dheanamh cha 'n'eil crìoch; agus tha mòran leughaidh 'na sgìos do'n fheoil.

13 Chuinneamaid brìgh na chaidh ràdh uile⁴; Bìodh eagal Dé ort, agus gléidh 'àitheantan; oir is e so *dleasdanas* iomlan an duine.

14 Oir bheir Dia gach obair chum breitheanais, maille ris gach nì diomhair, ma's maith, no ma's olc e.

³ air an daingneachadh.

⁴ crìoch, no comh-dhùndh na cùise uile.

DAN SHOLAIMH.

CAIB. I.

1 Gràdh na h-eaglais do Chrìosd: 7 'na h-urnuigh ghuidh i gu'n trebraicheadh e i a dh'ionnsuidh a threud. 8 Sheòl Crìosd i gu bùthaibh nan aodhaire, 9 agus nochd e meud a ghràidh dhi.

DAN nan dàn, dàn Sholaimh.

2 Pògadh e mi le pògaibh a bhéil; oir is maith do ghràdh seach fìon.

3 Air son fàile cùbhraidh is maith t'oladh-ungaidh-sa: is oladh-ungaidh air a dòrtadh t'ainm¹; uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòmraichibh threòraich an Rìgh mi. Nì sinn luathghaire agus bithidh aoibhneas oirnn annad-sa: cuiridh sinn an cuimhne do ghràdh nì's mò na fìon: ghràdhaich na fireana thu.

5 Dubh a ta mi, ach sgiamhach², O a nigheana Ierusalem, mar bhùthaibh Chedair, mar chùirteinibh rìomhach³ Sholaimh.

6 Na biodh umhaill agaibh ged tha mi dorcha, a chionn gu'n d'amhair⁴ a' ghrian orm: bha mic mo mhàthar am feirg rium; rinn iad coimheadaiche nam fìon-lios diom: am fìon-lios bu lean fèin cha do choimhid mi.

7 Innis dhomh, O thusa d'am bheil gràdh aig m'anam, c'ùit an ionaltair⁵ thu do threuda, c'ùit an toir thu orra luidh-eadh sìos mu mheadhon-là; oir c'ar son

a bhlithin mar aon air faondradh am measg threud do chompanach⁶?

8 Mur 'eil fhios agad, O thusa a's àillidh⁷ am measg bhan, imich a mach air luig an treud, agus ionaltair do mheannain làimh ri bùthaibh⁸ nan aodhaire.

9 Rì h-eachaibh⁹ ann an carbadaibh Pharaoh samhlaicheam thu, a bhean mo ghaoil.

10 Is àillidh do ghruaidhean le sreathaibh sheud¹⁰, do mhùineal le slabhraidh-ibh.

11 Sreathan òir nì sinn dhuit, le ball-achaibh¹¹ airgid.

12 Am feadh a ta'n Rìgh aig a fhleadh¹² tha mo spìocnard a 'sgaoileadh 'fhàile cùbhraidh.

13 Is ceanglachan mirr mo ghràdh¹³ dhomhsa; eadar mo chiochaibh luidhidh e rè na h-oidhche.

14 Tha mo ghràdh dhomh-sa, mar bhagaid do'n chrann-champhir ann an fìon-lìosaibh Engedi.

15 Feuch, a ta thu àillidh, a bhean mo ghaoil¹⁴; feuch, a ta thu àillidh; tha sùilean choluman agad.

16 Feuch, a ta thu àillidh, fhìr mo ghràidh, agus taitneach agus a ta an n-uirigh¹⁵ uaine.

17 Is croinn sheudair¹⁶ sailean ar tighe, croinn-ghiuthais ar ceann-fhìodh¹⁷.

¹ Air son deadh bholaidd t'oladh-ungaidh maithe tha t'ainm mar oladh-ungaidh.

² gràdhach, ionmhuinn.

³ chroch-bhrataibh do obair ghrèise.

⁴ do dhearrsaich. ⁵ am beathaich.

⁶ làimh ri treudaibh do chaidreamhach.

⁷ sgiamhaiche. ⁸ bothanaibh.

⁹ ri buidheann each, ri m'eachaibh.

¹⁰ usgraichibh. ¹¹ rinnibh, tairngibh, tacaidibh.

¹² 'na shuidhe aig a bhord.

¹³ m'aon gràdhach, m'annsachd, mo ràn.

¹⁴ mo chaidreach, mo leth-sheise, mo chéile.

¹⁵ leabadh.

¹⁶ cheudair.

¹⁷ mullach.

CAIB. II.

1 *Tha gràdh Chrìosd 'na bhratach do'n eaglais.*
8 *Dòchas, 10 agus dreuchd na h-eaglais.* 14 *Cùr-*
am Chrìosd mu thimchioll na h-eaglais.

IS ròs o Sharon mise, lili nan gleann.
2 Mar lili am measg droighnich, is
amhuil mo ghràdh-sa am measg nan
nighean.

3 Mar chrann-ubhall am measg chrann
na coille, is amhuil mo rùn-sa am measg
nan òganach: fuidh a sgàile mhiannaich
mì, agus shuidh mi sìos, agus *bha* a
thoradh mìlis do m' bhlas¹.

4 Threòraich e mi do thigh an fhìona,
agus *b'i* a bhratach tharum an gràdh.

5 Cumaibh suas mi le cornaibh, sgapaibh
ùbhlán mu m' thimchioll, oir *a ta*
mi tinn² le gràdh.

6 *Tha* a làmh chli fuidh m' cheann,
agus a làmh dheas timchioll orm.

7 Cuiream mar fhiachaibh oirbh³, a
nigheana Ierusalem, air earbaibh agus
air eildibh na macharach, nach cuir sibh
dragh air, agus nach dùisg sibh *mo*
ghràdh, gus an àill leis féin.

8 Guth mo ghràdh! Feuch, *tha e a'*
teachd, a' leumnaich air na beanntaibh,
a' toirt sìthidh air na tulaichibh.

9 *Is* cosmhuil mo ghràdh ri h-earb no
ri laogh féidh⁴: feuch, *tha e 'na* sheas-
amh air cùl ar balla, a' sealltuinn a mach
air na h-ùinneagaibh, 'ga nochdadh féin⁵
troimh'n chléith.

10 Fhreagair mo ghràdh, agus thubhairt
e rium, Eirich, a bhean mo ghaoil⁶, m'aon
sgiamhach, thig leam:

11 Oir feuch, *tha'n* geamhradh seachad,
tha'n t-uisge thairis, dh'imich e roimhe.

12 Chithear na blàthan air an talamh,
tha àm seinn *nan eun* air teachd, agus
cluinnear guth an turtuir⁷ 'nar tìr.

13 Tha an crann-fìge a' cur a mach
'fhìge glasa⁸, agus tha dearcán maotha
a' chroinn-fhìona a' toirt fàile cùbhraidh
uatha: éirich, a bhean mo ghaoil, m'aon
sgiamhach, agus thig leam.

14 Mo choluman, *a ta* ann an sgoltaibh
na creige, ann an ionad-dìomhair⁹ a'
bhruthaich, leig dhomh amharc ort, leig
leam do ghuth a chluinntinn! oir *a ta* do
ghuth binn, agus t'eugas¹⁰ maiseach.

15 Glacaidh dhuinn na sionnaich, na
sionnaich bheaga, a mhilleas na croinn-
fhìona, agus dearcán òga ar crann-
fìona¹¹.

16 *Is* leam-sa mo ghràdh, agus is leis-

san mise: *tha e* ag ionaltradh am measg
nan lili.

17 Gus am bris an là¹², agus an teich¹³
na sgàilean, pill; bi cosmhuil ri earb, a
ghràidh, no ri laogh féidh air beanntaibh
Bheteir.

CAIB. III.

1 *'Na teanntachd dh'iarr an eaglais còmhladh o*
Chrìosd: 6 agus rinn i gairdeachas 'na mhaith-
cas.

AIR mo leabaidh anns an oidhche
dh'iarr mi an tì d'am bheil gràdh
aig m'anam: dh'iarr mi e, ach cha
d'fhuair mi e.

2 Eiridh mi a nis, agus théid mi mu'n
cuairt anns a' chaithir¹⁴, anns na sràidibh,
agus anns na slighibh farsuinn iarraidh
mì esan d'am bheil gràdh aig m'anam:
dh'iarr mi e, ach cha d'fhuair mi e.

3 Thachair orm an luchd-faire a' dol
mu'n cuairt anns a' chaithir: Am faca
sibh an tì d'am bheil gràdh aig m'anam?

4 Cha deachaidh mi ach beagan air
m'aghaidh uatha¹⁵, 'nuair a fhuair mi esan
d'am bheil gràdh aig m'anam: rinn mi
greim air, agus cha leiginn as e, gus an
d'thug mi e do thigh mo mhàthar, agus
d'a seòmar-sa a rug mi.

5 Cuiream mar fhiachaibh oirbh, a
nigheana Ierusalem, air earbaibh agus
air eildibh na macharach, nach cuir sibh
dragh air, agus nach dùisg sibh *mo*
ghràdh, gus an àill leis féin.

6 Cò ise a ta 'g éirigh suas as an fhàsach
mar stuadhaibh deataich, cùbhraidh le
mirr agus tùis, le uile mhin-dhus¹⁶ ceann-
aiche nan spìosraidh?

7 Fench, uirigh¹⁷ Sholaimh! Tri fichead
treun-fhear m'a timchioll do threun
fhearaibh Israel.

8 Fir chlàidheimh uile, cleachdta¹⁸ ann
an cogadh; gach fear le 'chlàidheamh
air a léis, an aghaidh gàbhaidh na
h-oidhche.

9 Rinn Solamh an Rìgh leabadh-phòs-
aidh¹⁹ dha féin do chrannaibh Lebanoin.

10 A puist²⁰ dhealbh e do airgid, a
h-ìochdar do òr, a còmhach do choreur;
bha a meadhon air 'oibreachadh²¹ le
samhlaibh gràidh le nigheanaibh²² Ieru-
saleim.

11 Rachaibh a mach, a nigheana Shìoin,
agus faicibh Rìgh Solamh leis a' chrùn
leis an do chrùn a mhàthair e air là²³
a phòsaidh, agus air là subhachais a
chridhe.

1 chàirean, Eabh.

2 lag.

3 mionnaicheam sibh, àithneam dhuibh.

4 mang.

5 a' lasadh, a' sràdadh.

6 mo chaidreach.

7 fhearain. Eir.

8 uaine. 9 còs, ionad-foluich. 10 angas.

11 oir a ta dearcán an craobh-fìona maoth.

12 an éirich, an tog an là; an cuir an là 'anail a

mach. Eabh.

13 sgapar, sgaoilear.

14 mhòr-bhaile.

15 seachad orra.

16 phùdaraibh.

17 leabadh.

18 tèm.a.

19 carbad.

20 garmuinnean.

21 air a sgaoiladh, air a leagadh.

22 o nigheanaibh, air son nigheana

23 làtha, là.

CAIB. IV.

1 *Nochd Crìosd drèach agus maise na h-eaglais.*
 16 *Ghuidh an eaglais gu'm bìtheadh i air a deanamh iomchuidh air son làthaireachd Chrìosd.*

FEUCH, is àillidh thu, a bhean mo ghaoil¹; feuch, is àillidh thu! *tha* sùilean choluman agad an taobh a stigh do d' chiabhaibh: *tha* t'fholt² mar threud ghabhar a nochdar o shliabh Ghilead³.

2 *Is* cosmhuil do dheud ris an treud lomarta⁴, a thàinig a nìos o'n àite-nighidh, a bheireas gach aon diubh càraid, agus gun aon chaora sheasg⁵ nam measg.

3 Mar shnàthainn dearg⁶ air a dhath dà uair *tha* do bhilean, agus *tha* do chainnt binn: mar mhir⁷ do phomgranat⁸ *tha* do chamoga⁹ am meadhon do chiabh.

4 *Tha* do mhuineal mar thùr Dhaibhidh, air a chur suas gu bhì 'na thigh-arm: *tha* mìle targaid crochta suas ris, uile sgiatha nan treun fhear.

5 *Tha* do dhà chich mar dhà mheann earba, càraid na maoslich, a dh'ionaltras am measg nan lìlì.

6 Gus am bris¹⁰ an là, agus an teich na sgàilean, théid mi gu beinn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smal¹¹ cha 'n'èil annad.

8 Leam-sa o Lebanon, a chéile leam-sa thig o Lebanon; seall o mhullach Amana, o mhullach Shenir agus Hermoin, o àitibh tàimh¹² nan leòmhann, o bheanntaibh nan leopard.

9 Dh'éiginich thu¹³ mo chridhe, a phiuthar, a chéile; dh'éiginich thu mo chridhe le aon do shùilibh¹⁴, le aon slabhraidh mu d' mhuineal.

10 Cia taitneach a ta do ghràdh, a phiuthar, a chéile! Cia mòr is fearr na fion do ghràdh, agus fàile¹⁵ t'oladh-ungaidh na na h-uile spìosraidh!

11 Mar a' chìr-mheala silidh do bhilean, a chéile: *tha* mìl agus bainne fo d' theangaidh; agus *tha* fàile do thrusgain mar fhàile cùbhraidh Lebanoin.

12 *Is* lios¹⁶ glaiste thu, a phiuthar, a chéile; fuaran dùinte, tobar air a sheulachadh.

13 *Tha* do gheuga mar lios phomgranat, leis a' mheas a's taitnichte¹⁷; le

croinn champhir maille ri preasaibh spìocnaird:

14 Spìocnaird¹⁸ agus cròch¹⁹; cuile mhilis agus canal, leis na h-uile chraobhaibh tùise; mirr agus aloè²⁰, maille ris na spìosraidh a's taghta;

15 Fuaran²¹ lios, tobar uisgeacha beò, agus a' sruthadh o Lebanon.

16 Eirich, a ghaoth á tuath, agus thig, a ghaoth á deas, séid air feadh mo liosa, rachadh fàile cùbhraidh a spìosraidh a mach. Thigeadh m'annasachd²² d'a lios, agus itheadh e a thoradh taitneach.

CAIB. V.

1 *Mhosgail an eaglais 'nuair a ghairm Crìosd: 2 A gràdh do'n Tighearna. 9 Tha Crìosd maiseach agus sònruichte am measg dheich mìle.*

THA mi air teachd do m' lios, a phiuthar, a chéile; thionail mi mo mhirr maille ri m' spìosraidh; dh'ith mi mo chìr-mheala maille ri m' mhil; dh'òl mi m'fhion maille ri m' bhainne. Ithibh, a chairde, òlaibh, seadh, òlaibh gu pailt, a luchd mo ghràidh

2 Tha mi m' chodal, ach a ta mo chridhe 'na fhaireach²³. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean choimhlionta; oir tha mo cheann còmhdaichte le drùchd, mo chialha le braonaibh na h-oidhche.

3 Chuir mi dhìom mo thrusgan; cionnus a chuireas mi orm e? dh'ionnlaid mi mo chosan; cionnus a shalaicheas mi iad?

4 Chuir fear mo ghràidh a làmh troimh tholl an doruis, agus ghluaiseadh m'innigh air a shou²⁴.

5 Dh'éirich mi a dh'fhosgladh do fhear mo ghràidh; agus shìl mo làmhan mirr, agus mo mheoir mirr ruidhteach, air làmhaibh na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam mi²⁵ 'nuair a labhair e. Dh'iarr mi e, ach cha d'fhuair mi e; ghairm²⁶ mi air, ach cha do fheargair e mi.

7 Fhuair an luchd-faire a bha dol air an cuairtibh sa' chaithir mi; bhual iad mi, lot iad mi; thug luchd-coimhid nam balla m'fhalluin²⁷ dhìom.

8 Cuiream mar fhiachaibh oirbh, a nigheana Ierusalem, ma gheibh sibh fear

¹ a bhana-chara, a bhana-charaid.

² do ghrug. ³ a dh'ionaltras mu bheinn Ghilead.

⁴ bhearta, rùisgte. ⁵ air call a h-uaim.

⁶ scarlaid, corcuir. ⁷ shlèiseig.

⁸ ghran-ubhall. ⁹ leth-cheann, ghruaidhean.

¹⁰ Faic Caib. II. r. 17. ¹¹ gaoil, aineamh.

¹² thionndaidh, ghàraidh.

¹³ thug thu dh'aindeoin, thug thu leat, òn thu ghar tonhas.

¹⁴ dh'aon bheum le d' shùilibh.

¹⁵ boltrack.

¹⁶ gàradh.

¹⁷ mìlse.

¹⁸ nard. Eabh.

¹⁹ cròthach; safron. Sasg.

²⁰ aloes. Sasg.

²¹ tiobairt.

²² mo rùn, m'aon gràdhach.

²³ na dhùisg.

²⁴ bha mo chridhe fo thuaires leis.

²⁵ chaidh m'anam ann an neul, dh'fhàilnich m'anam, lagaich m'anam.

²⁶ ghoir, ghluadh.

²⁷ m'fholach, mo chòmhdach.

mo ghràidh, gu'n innis sibh dha, mar a ta mi tinn le gràdh.

9 Ciod e fear do ghràidh-sa thar fear-gràidh eile, O thusa a's àillidh¹ am measg bhan? ciod e fear do ghràidh-sa thar fear gràidh eile, gu'n do chuir thu air an dòigh so mar fhiachaibh oirn?

10 Tha fear mo ghràidh-sa geal agus dearg, sònruichte² am measg dheich mìle.

11 Tha a cheann mar an t-òr a's gloine; a chiabha bachlagach³, dubh mar am fitheach.

12 Tha a shùilean mar shùilibh chol-uman làimh ri sruthaibh uisgeachan, a nigheas iad fèin ann am bainne, air an suidheachadh gu ceart⁴.

13 Tha a ghruaidhean mar leabaidh spìosraidh, mar bhàlthaibh cùbhraidh; a bhilean mar liliidhibh, a' sìleadh mirr ruidhtich⁵.

14 Tha a làmhnan mar fhàinnibh òir suidhichte le berilibh; a chom mar fhiacail elephaint⁶ liobhta, air a cur thairis⁷ le saphiribh:

15 Tha a chosan mar phuist marmoir, suidhichte air bonnaibh do'n òr a's gloine; eugas⁸ mar Lebanon, barraichte⁹ mar na seudair¹⁰.

16 Is ro mhillis a bheul; seadh, tha e gu léir ionmhuinn. Is e so fear mo ghràidh-sa, agus is e so mo charaid, a nigheana Ierusalem.

CAIB. VI.

1 Tha an eaglais a' cur an cèill a creidimh, agus a gràidh do Chrìosd. 4 Nochd Crìosd maise na h-eaglais, 10 agus a ghràdh dhi.

CAIT an deachaidh fear do ghràidh, O thusa a's àillidh¹¹ am measg bhan? cia an taobh a thionndaidh fear do ghràidh? agus iarraidh sinn e maille riut.

2 Chaidh fear mo ghràidh-sa sìos d'a lios¹², gu leabaichibh nan spìosraidh, a dh'ionaltradh¹³ anns na liosaibh, agus a thional lili.

3 Is le fear mo ghràidh mise, agus is leam-sa fear mo ghràidh: tha e ag ion-altradh¹⁴ am measg nan lili.

4 Is àillidh thu, a bhean mo ghaoil, mar Thirsah, maiseach mar Ierusalem, uamhasach mar shluagh le'm brataichibh.

5 Tionndaidh uam do shùilean, oir chlaoidh iad mi: tha t'fholt mar threud ghabhar a nochdar o Ghilead.

6 Tha do dheud mar threud chaorach, a thàinig a mìos o'n àite-nighidh, a bheireas gach aon diubh càraid, agus gun aon chaora sheasg¹⁵ nam measg.

7 Mar mhìr do phomgranat, tha do chamoga, am meadhon do chiabh¹⁶.

8 Tha trì fichead ban-righinn, agus ceithir fichead leannan¹⁷ ann, agus òighean gun àireamh.

9 Is ise 'ua h-aonar mo choluman, mo bhean choimhlionta; is i aon nighean a màthar i, a seircin-sa a rug i¹⁸. Chunnaic na nigheana i, agus bheannaich iad i: na ban-righinnean agus na leannain, agus mhol iad i.

10 Cò ise a chithear¹⁹ mar a' mhaduinn, sgiamhach mar a' ghealach, glan mar a' ghrian, uamhasach mar shluagh le'm brataichibh?

11 Do lios nan cnò chaidh mi sìos, a ghabhail beachd²⁰ do thoradh a' ghlinne, a dh'fhaicinn an robh an fhìonain fuidh bhàlt, an robh na pomgranait a' briseadh a mach.

12 Mund' thug mi an aire, air leam gu'n do thairngeadh a mach dhomh²¹ carbadan Aminadaib²².

13 Pill, pill, a Bhan-Shulamach, pill, pill, sgus amhairceamaid ort. C'ar son a dh'amhairceadh sibh air a' Bhan-Shulamaich? mar bhuidheann dà fheachd²³.

CAIB. VII.

1 Ailleachd agus maise na h-eaglais: 10 Nochd i a creidimh, agus a dèigh air Crìosd.

CIA àillidh do chosan ann am bròg-aibh, a nighean rioghail²⁴! tha uilt do shliasad mar usgraichibh²⁵, obair làmh fir-cirde:

2 Tha t'imleag mar chuaich chruinn, air nach bi easbhuidh²⁶ dibhe; do bholg mar dhùn cruithneachd, cuairtiche le liliidhibh.

3 Tha do dhà chihè mar dhà mheann earba, càraid na maoslich.

4 Tha do mhuineal mar thùr ibhori²⁷; do shùilean mar lochaibh éisg ann an Hesbon, làimh ri geata Bhat-rabin; do shròn mar thùr Lebanon, a sheallas a làimh Dhamascuis.

5 Tha do cheann ort cosmhuil ri Carmel, agus folt²⁸ do chinn cosmhuil ri corcur: tha an rìgh ceangailte 'na sheòmraichibh²⁹.

6 Cia àillidh, agus cia taitneach a ta thu, a ghaoil, ann ad mhaisealachd³⁰?

¹ maisiche. ² cosmhuil ris-san a ghiùlaineas a' bhratach. ³ cairsreagach, dualach.

⁴ a' suidhe ann an lìnachd. Eabh.

⁵ chùbhraidh, dheadh-bholuidh.

⁶ ivory. Sasg. ⁷ còmhdaichte.

⁸ aogas, a choslas, a dhreach.

⁹ taghta, dìrdheirc. ¹⁰ ceudair.

¹¹ sgiamhaiche. ¹² ghràidh.

¹³ a dh'itheadh. ¹⁴ ag itheadh.

¹⁵ air call a h-uain. ¹⁶ Faic Caib. IV. r. 1, 2, 3.

¹⁷ còimhleabach. ¹⁸ aon taghta na tè a rug i.

¹⁹ a sheallas a mach. ²⁰ seallaidh.

²¹ shaoil mi gu'n do thairngeadh a mach air mo shon; shuidhich m'anam dhomh. Eabh.

²² mo shluagh dhàlis. ²³ Mahanaim. Eabh.

²⁴ a' nighean an nachdaruin. ²⁵ sheudaibh.

²⁶ dìth. ²⁷ do fhiacailbh clephaint.

²⁸ falt, gruag. ²⁹ chlaisibh. ³⁰ thaitneachd.

7 Tha'n àirde sin agad cosmhuil ri craoibh-phailme, agus *tha* do chlocha mar bhagaidibh *fhìon-dhearc*.

8 Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bithidh do chlocha mar bhagaidibh do'n fhìon-chraoibh¹, agus cùbhraidheachd t'eudain² mar chùbhraidheachd nan ubhall:

9 Mar an ceudna do chàirean mar am fìon a's fearr, air son mo ghràidh, a thèid *sìos* gu milis³, a' toirt cainnte do bhilibh an dream a choidleas.

10 *Is* le fear mo ghràidh mise, agus is ànn ormsa *a tha* a chion⁴.

11 Thig, fhir mo ghràidh, rachamaid a mach do'n mhachair; fanamaid⁵ ré na h-oidheche anns na bailtibh.

12 Anns a' mhoch-thràth rachamaid do na fìon-liosaibh, seallamaid am bheil an fhìon-chraobh air teachd fuidh bhlàth⁶, am bheil an fhìon-dhearc bheag 'ga nochdadh féin, am bheil na pomgranait air briseadh a mach⁷: an sin bheir mi mo ghràdh dhuit.

13 Tha na mandragan⁸ a' tabhairt fàile cùbhraidh uatha; agus aig ar geat-aibh, gach meas a's taghta, ùr agus sean, fhir mo ghràidh, thaisg mi dhuitse.

CAIB. VIII.

1 *Thug an eaglais gràdh mòr do Chrìosd.* 8 *Gairm nan cinneach.* 14 *Ghuidh an eaglais air son teachd Chrìosd.*

IS truagh nach robh thù mar mo bhràthair, a dheothail cìochan mo mhàthar! Nam faighinn a muigh thu, phògaim thu, agus cha deantadh tàir orm⁹.

2 Threòraichinn thu, bheirinn leam thu do thigh mo mhàthar, *a* theagaisgeadh mi¹⁰; bheirinn ort òl do fhìon spìosradh¹¹, do shùgh mo phomgranait.

3 *Bhiodh* a làmh chlì fo m' cheann, agus bhiodh a làmh dheas timchioll orm.

4 Cuiream mar fhiachaibh oirbh, a nigheana Ierusalem, [air earbaibh agus air eildibh na macharach,] nach cuir sibh dragh air, agus nach dùisg sibh mo ghràdh gus an àill leis féin.

5 Cò ise a ta teachd a nìos o'n fhàsach, an taice ri fear a gràidh? Fuidh'n chraoibh-ubhall thog mi suas thu: an sin bha do mhàthair ri saothair ort; an sin bha i ri saothair, rug i thu.

6 Cuir mise mar sheula air do chridhe, mar sheula air do ghairdean: oir làidir mar am bàs *a ta* 'n gràdh, an-ìochdmhor mar an uaigh an t-eud: *is* eibhle-teine 'eibhle-san, lasair ro gharg.

7 Cha'n urrainn uisgeacha lìonmhor an gràdh a mhùchadh¹², agus cha bhàth na tuitlean e. Nan tugadh duine uile mhaoin a thighe air son gràidh, dheanadh daoine tàir air gu tur.

8 *Tha* piuthar bheag againn, agus cha 'n'eil cìochan aice: ciod a nì sinn air son ar peathar, san là anns an labhrar m'a timchioll?

9 Ma's balla i, togaidh sinn orre lùch-airt airgid; agus ma's dorus i, dùinidh sinn suas¹³ i le bordaibh seudair¹⁴.

10 *Bu* bhalla mi, agus *bha* mo chìochan mar thùraibh; an sin *bha* mi 'na shùilb mar aon a fhuair deadh-ghean.

11 Bha fìon-lios aig Solamh ann am Baal-hamon; dh'earb e am fìon-lios ri¹⁵ luchd-coimhid: bha gach fear gu tabhairt *da*, air son a thoraidh, mìle *bonn* airgid.

12 *Tha* m' fìon-lios a's leam-sa fa m' chomhair: *tha* am mìle *bonn* dhuit-se, a Sholaimh, agus dà cheud do luchd-coimhid a thoraidh.

13 O thusa a chòmhuicheas anns na liosaibh, tha do chompanaich¹⁶ a' cluinn-tinn do ghutha; thuir ormsa *a* chluinntinn.

14 Luathaich ort, fhir mo ghràidh, agus b' cosmhuil ri h-earb, no ri laogh féidh air beanntaibh nan spìosraidh.

¹ *fhìonain.*

² *gu dìreach.* Eabh.

³ *tàmhamaid.*

⁴ *féidh bhlàth.*

⁵ *gidheadh cha'n fhaighinn mastadh.*

⁶ *fàile do shròna.*

⁷ *a dh'oidh.*

⁸ *air briseadh a mach.*

⁹ *dudaim.* Eabh.

¹⁰ *Talmadni.* Eabh.

¹¹ *measga le spìosraidh.*

¹² *a chur as.*

¹³ *còmhdhaichidh sinn.*

¹⁴ *ceudair.*

¹⁵ *shuidhich e am fìon-n-lìos air.*

¹⁶ *chaidreamhaich.*

ISAIAH.

CAIB. I.

1 *Tha Isaiah a' gearan a chionn gu'n d'riinn Iudah ceannairc an aghaidh an Tighearna. 5 Truailleadh ead an t-shuaigh. 10 Chronaich am fàidh iad air son an tabhartasa dìomhain; 16 agus chomhairlich e dhoibh aithreachas a ghabhail. 23 Sgrìos nan aingidh.*

TAISBEAN Isaiah mhic Amois, a chumnaic e mu thimechioll Iudah agus Ierusalem, ann an làithibh Usiah, Iotaim, Ahais, agus Hececiah, rìghrean Iudah.

2 Cluinnibh, O nèamhan, agus tabhair éisdeachd, O thalamh, oir tha an Tighearn a' labhairt: Dh'altruim mise, agus thog mi suas clann; agus rinn iadsan ceannairc a'm' aghaidh.

3 Is aithne do'n damh a shealbhadair, agus do'n asail prasach a maighstir; *ach* cha 'n aithne do Israel; cha 'n'eil mo shluagh-sa a' toirt fa'near.

4 Ah, cinneach peacach! slugh luchd-aichte le h-aingidheachd! siol nan daoibh! clann a ta 'nam milltearaibh! thréig iad an Tighearn, bhròsnuich iad Ti naomh Israeil gu feirg, dh'fhalbh iad air an ais.

5 C'ar son a bhuaillear sibh ni's mò? théid sibh ni's faide agus ni's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha 'n'eil fallaineachd ann; *ach* lot, agus bruthadh, agus creuchd lobhta; cha do theannaicheadh ri chéile iad, cha do cheangladh suas iad, cha do thaisicheadh le h-oladh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coigrich 'ga itheadh suas 'nur làthair; agus dh'fhàisicheadh e, mar gu'm biodh e air a sgrìos le slugh coimheach².

8 Agus tha nighean Shioin air a fàgail mar bhothlan ann am fion-lios, mar thigh-fasgaidh ann an gàradh chularan, mar bhaile air a theannachadh le naimhdeibh.

9 Mur bhiodh gu'n d'fhàg Tighearna nan slugh iarmad ro bheag againn, 's ann a bhitheamaid mar Shodom, bhiomaid cosmhail ri Gomorrah.

10 Cluinnibh focal an Tighearn, O uachdarana Shodom; éisidibh ri lagh ar Déne, a mhuinntir Ghomorrah:

11 Cìod e lìonmhoireachd 'ur n-ìobairt-

ean dhomhsa? deir an Tighearn: tha mi làn do thabhartasaibh-loisgte reitheachan, agus do shail bheathaichean biadhta; ach ann am fuil tharbha, agus uan, agus bhoc ghaibhre, cha 'n'eil mo thlachd.

12 An uair a thig sibh gu'r taisbeanadh féin ann am làthair-sa, cò dh'iarr so air 'ur làimh, mo chùirtean-sa a shaltairt?

13 Na tugaibh tabhartas dìomhain uaibh ni's mò: tha tùis 'na gràineileachd dhomh; a' ghealach ùr, agus an t-sàbaid, gairm a' chomhchruinnich, cha'n fheadar leam 'fhuilang; is euceart eadhon an comhghairm naomh.

14 Bhuir gealaichean ùra, agus u'r féillean suidhichte, is fuath le m'anam; tha iad 'nan eallaich orm; tha mi sgèth-d'an giùlan.

15 Agus an uair a shìneas sibh mach 'ur làmhan, folaichidh mise mo shùilean uaibh; seadh an uair a ni sibh iomadh urnuigh, cha n-éisd mi: tha 'ur làmhan làn fola.

16 Nìghibh, glanaibh; cuiribh air falbh olc 'ur deanadais as mo shealladh³: sguiribh do'n olc;

17 Fòghlumaibh maith a dheanamh: iarraibh breitheanas; deanaibh fuasgladh air an fhear tha sàruichte; cumaidh còir ris an dilleachdan; tagraibh cùis na bant-raicil.

18 Thigibh a nis, agus tagramaid ri chéile, deir an Tighearn; ged robh 'ur peacanna mar an scarlaid, bithidh iad geal mar an sneachdadh; ged robh iad dearg mar choreur, bithidh iad mar olainn.

19 Ma bhitheas sibh toileach agus umhal, ithidh sibh *toradh* maith an fhearainn;

20 Ach ma bhios sibh eas-umhal⁴ agus ceannairceach, ithear suas sibh leis a' chlaideamh; oir labhair beul an Tigh earn e.

21 Cionnus a dh'fhàs a' chaitlir dhùileas 'na striopaich! bha i làn do bheitheanas, bha ionracas a' gabhail còmhuidh innte, ach a nis mortairean.

22 Tha t'airgid air fàs 'na shalchar⁵; tha t'fhion air a mheasgadh le h-uisge:

23 Tha t'uachdarain ceannairceach, agus 'nan companaichibh mheirleach; tha gach aon diubh an geall air tiodhlac, agus a' leantainn dhuaisean; ris an dilleachdan cha 'n'eil iad a' cumail cothroim, agus

¹ droch dhaoinne.

² tuil.

³ as làthair mo shùil. Eabh.

⁴ mì-fhreagarach.

⁵ shal, shlaoit.

ISAIAH, I. II.

cùis na bantraich cha 'n'eil a' teachd 'nan làthair.

24 Uime sin deir an Tighearn, Tighearn nan sluagh, Ti cumhachdach Israeil, Aha! bheir mi fois dhomh féin a thaobh m'eachairdean; diolaidh mi mi féin air mo naimhaidibh:

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh d' uile stoinn.

26 Agus aisigidh mi do bhreitheamhna mar air tùs, agus do chomhairlichean mar a bha iad an toiseach; 'na dhéigh sin goirear dhòt baile na fireantachd, a' chaithir dhileas.

27 Saorair Sion ann am¹ breitheanas, agus a muinntir iompaichte ann am² fireantachd.

28 Agus claidhear luchd-eusaontais agus peacaich maraon; agus bithidh iadsan a thréigeas an Tighearn air an caitheamh as.

29 Oir gabhaidh iad nàir do na daragaibh a mhiannaich sibh; agus bithidh rugha gruaidh oirbh air son nan liosan a ròghnaich sibh:

30 Oir bithidh sibh mar dharaig aig am bheil a duilleach air seargadh, agus mar lios anns iach 'eil uisge.

31 Agus bithidh an duine làidir mar asgart, agus 'oibriche³ mar shrad; agus loisgidh iad le chéile cuideachd, agus cha bhi neach ann a mhùchas iad.

CAIB. II.

1 Fàidheadaireachd mu thimchioll rìoghachd Chrìosd.

6 Air son an aingidheachd thréig Dia tigh Iacoib.

10 Dh'innseadh do'n t-sluagh gu'n leagar sìos àrdan nan uaibhreach ann an là mòr an Tighearna.

AM focal a chumnaic Isaiah mac Amois mu thimchioll Iudah agus Ierusalem.

2 Tarlaidh anns na làithibh deireannach gu'm bi sliabh tighe an Tighearn air a dhàingneachladh air mullach nan sleibhteann; agus àrdaichear e os ceann nam beann; agus sruthaidh na h-uile chinnich d'a ionnsuidh.

3 Agus théid mòran shlogh, agus their iad, Thigibh, agus rachamaid suas gu sliabh an Tighearna, gu tigh Dhé Iacoib; agus teagaisgidh e sin mu a shlighibh, agus imichidh sinn 'na cheumaibh; oir o Shìon théid an lagh a mach, agus focal an Tighearn o Ierusalem.

4 Agus bheir e breth am measg nan cinneach, agus bheir e achmhasan do mhòran shlogh; agus buailidh iad an claidhean gu coitair, agus an sleaghan gu corranaibh-sgathaidh; cha tog cinneach claidheamh an aghaidh cinnich, agus cha 'n fhòghlum iad cogadh ni's mò.

5 O thigh Iacoib, thigibh agus imicheam-aid ann an solus an Tighearn.

6 Air an aobhar sin thréig thu do shluagh, tigh Iacoib, a chionn gu bheil iad air an lìonadh o'n àird an ear, agus 'nan luchd-fiosachd mar na Philistich; agus tha an tlachd ann an cloinn choigreach.

7 Agus tha an tìr air lìonadh le airgid agus or, agus cha 'n'eil crìoch air an ionmhasaibh; tha an tìr air a lìonadh le h-eachaibh, agus cha 'n'eil crìoch air an carbadaibh.

8 Tha an tìr fòs air a lìonadh le h-ìodhol-aidh; tha iad a'sleuchdadh do obair an làmh féin, do'n ni sin a rinn am mèòir féin.

9 Agus tha an duine suarach a' cromadh sìos, agus tha an duine àrd 'ga isleachadh féin; agus cha tabhair thusa maitheanas dhoibh.

10 Imich a steach do'n charraig, agus folaich thu féin anns an ùir, roimh uamhas an Tighearn, agus o ghlòir a mhòrachd.

11 Islichear sealladh⁴ uaibhreach an duine mhòir, agus leagar sìos àrdan nan daoine suarach; agus bithidh an Tighearn 'na aonar air àrdachadh anns an là sin.

12 Oir *thig* là Tighearna nan sluagh air gach neach a ta uaibhreach agus àrd, agus air gach neach a ta air a thogail suas, agus leagar sìos e;

13 Agus air uile sheudaraibh Lebanoin, a ta àrd agus togta suas; agus air uile dharagaibh Bhasain;

14 Agus air na h-uile bheanntaibh àrda, agus air na h-uile chnocaibh a tha togta suas;

15 Agus air gach tùr àrd, agus air gach balla daingnichte;

16 Agus air uile longaibh Tharsuis, agus air na h-uile dhealbhaibh sgiamhach.

17 Agus islichear uabhar an duine mhòir, agus leagar sìos àrdan nan daoine suarach; agus bithidh an Tighearn 'na aonar air 'àrdachadh anns an là sin.

18 Agus cuiridh e na h-ìodhlan gu buileach air cùl.

19 Agus théid iad a steach ann an còsaibh nan creag, agus ann an tuill⁵ na talmhainn, roimh uamhas an Tighearn, agus o ghlòir a mhòrachd, 'nuair a dh'éireas e a chrathadh na talmhainn gu h-uamhasach.

20 Anns an là sin tilgidh duine 'ìodholan airgid agus 'ìodholan òir, a rinn iad, *gach aon* dha féin, gu sleuchdadh dhoibh, chum nam fadh agus chum nan ialtag;

21 Gu dol a steach ann an còsaibh nan

¹ le.

² le.

³ obair.

⁴ suilean. Eabh.

⁵ uamhaibh.

creag, agus ann am mullaichibh nan sgeir, roimh uamhas an Tighearn, agus o ghloir a mhòrachd, 'nuair a dh'éireas e a chrathadh na talmhainn gu h-uamhasach.

22 Leigibh dhiubh 'ur dùil ri duine, aig am bheil 'anail' na chuinneanaibh; oir ciod am fàth mu'n gabhar meas¹ dheth?

CAIB. III.

1 Na h-uile a bha gu teachd air Iudah a chionn gu'n do thréig iad Dia. 80 Eiridh gu maith do'n ionracan, 11 ach diolar do'n aingidh a réir gnìomhara a làmh. 16 Peanas nigheana Shìoin air son an uail.

OIR feuch, bheir an Tighearn, Tighearn nan sluagh, air falbh o Ierusalem agus o Iudah, an lorg agus am bata, uile lorg an arain, agus uile lorg an uisge.

2 An treun-fhear agus am fear-cogaidh, am breitheamh agus am fàidh, an duine glic² agus an seanair;

3 An ceannard air leth-cheud agus an duine urramach, agus an combhairliche, agus am fear-ceirde seòlta, agus an cainnt-fhear deas-bhriathrach.

4 Agus ni mi leanabana 'nan uachdaran-aibh orra, agus riaghlaidh naoidheana³ os an ceann.

5 Agus bithidh an sluagh air an sàruchadh, gach fear le chèile, agus gach fear le 'choimhearsnach; ni an t-òganach tàir air an aosda, agus an duine an-uasal air an duin' uasal.

6 An uair a ghìacas fear a bhràthair, do thigh 'athar, air a thrusgan, ag ràdh, 'Thig, agus bi a'd' fhear-riaghlaidh oirn, agus biodh an t-aomadh⁴ so fuidh do làimh-sa⁵:

7 Bheir e briathar⁶ air an là sin, ag ràdh, Cha bhi mis' a'm' fhear-slànuich dhuibh; oir ann am thigh-sa cha 'n'eil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teangadh agus an deanadas an aghaidh an Tighearn, a chur cathachaidh air sùilb a ghloire.

9 Tha sealladh an gnùise a' toirt fianuis 'nan aghaidh; agus tha iad a' deanamh am peacaidh follaiseach, mar Shodom; cha 'n'eil iad 'ga fhòlach; is truagh do an anamaibh, oir thug iad olc⁷ orra fèin.

10 Abraibh ris an ionracan gur maith a dh'éireas dha; oir toradh an gnìomhara ithidh iad.

11 Is an-aobhin do'n aingidh; is olc a dh'éireas dha-san; oir diolar dha obair a làmh fèin.

12 Do thaobh mo shluaigh-sa, tha clann a' deanamh sàruchaidh orra, agus tha mnathan⁸ a' riaghladh os an ceann. O mo shluagh, tha do chinn-ìuil 'gad chur air seacharan, agus a' fiaradh slighe do cheumanna.

13 Tha an Tighearn a' seasamh suas chum tagraidh; agus tha e a' seasamh a thabhairt breth air an t-sluagh.

14 Tionnsgnaidh an Tighearn ann am breitheanas ri seanairibh a shluaigh, agus r'an uachdaran-aibh; oir dh'ith⁹ sibh suas am fion-lios; tha creach nam bochd 'nur tighibh.

15 Ciod a's ciall duihbh, gu bheil sibh a' pronnadh mo shluaigh, agus a' bleth eudanna nam bochd? deir Iehobhah, Tighearna nan sluagh.

16 Os bàrr, thubhairt an Tighearn, A chionn gu bheil nigheana Shìoin uallach¹⁰, agus ag imeachd le muinealaibh¹¹ sìnte mach, agus le sùilb meara¹², ag imeachd le ceumaibh iullagach, agus a' deanamh fuaime le'n cosaibh¹³:

17 Uime sin ni an Tighearn maol¹⁴ mullach cinn nigheana Shìoin, agus leigidh an Tighearn ris an nàire.

18 Anns an là sin bheir an Tighearn air falbh àille nan cos-fhàinneachan, agus na bréidean, agus na samhlanan-gealaich,

19 Na cluigeanan, agus na làmh-fhaill-ean, agus na sgàilean,

20 Na cuaileanan, agus na glùineanan, agus na foilteanan, agus na soireachan-boltraich, agus na cluas-fhàinnean,

21 Na fàinneachan, agus na seudan-sròine.

22 Na trusgana lasach¹⁵, agus na tonn-aga, agus na falluinnean, agus na deilg,

23 Na sgàthanachan, agus na léintean an-airt, agus na curaichdean, agus na bratan-sgàile.

24 Agus an àit deadh fhàile bithidh bréine, agus an àit criosa bithidh srachd, agus an àit fuil air a dheadh-chleachdadh bithidh maoile, agus an àit crios-uchd bithidh ceanglachan saic-eudaich, agus losgadh¹⁶ an àit maise.

25 Tuitidh do dhaoine leis a' chlaidh-eamh, agus do threun-fhìr anns a' chogadh.

26 Agus ni a geatacha caoidh agus bròn; agus suidhidh, i, gu h-aonaranach¹⁷, sìos air an làr.

CAIB. IV.

1 Teanntachd bhàn Iudah. 2 Sonas agus maise rioghachd Chrìosd.

AUS ni seachd mnathan greim air aon fhear san là sin, ag ràdh, Ar

¹ suim. ² geur-chùiseach, fad-sheallach.

³ naoidheachain. ⁴ am maidhm.

⁵ an taice riut-sa. ⁶ togaidh e a làmh. Eabh.

⁷ dhàol iad olc, thug iad droch dhàol.

⁸ mnài.

⁹ loig.

¹⁰ sgòdail.

¹¹ amhachaihbh.

¹² mircagach, beag-nàrach.

¹³ le aileaganaibh an cos.

¹⁵ so-mhùtha.

¹⁴ carrach.

¹⁶ dòthadh.

¹⁷ gu h-uaigneach, air a fàsachadh.

n-aran féin ithidh sin, agus ar n-eudach féin caithidh sinn; a mliain biomaoid air ar n-ainmeachadh ort-sa, a thoirt air falbh ar mi-chliù.

2 Anns an là sin bithidh meangan an Tighearna sgiamhach agus glòrmhor, agus toradh an fhearainn oirdheirc agus maiseach dhoibh-san a théid as do Israel.

3 Agus tarlaidh, an neach a dh'fhàgar ann an Sion, agus a dh'fhanas ann an Ierusalem, goirear esan naomh, eadhon gach aon a ta sgrìobhta am measg nam beò ann an Ierusalem.

4 An uair a nìgeas an Tighearn air falbh salchar nigheana Shioin, agus a ghlanas e fuil Ierusalem as a meadhon, le spiorad breitheanais, agus le spiorad losgaidh.

5 Agus cruthaichidh an Tighearn air gach àite-tàimh do shliabh Shioin, agus air a còimhthionalaibh, neul anns an là, agus deatach, agus dealradh teine lasar-aich anns an oidhche; oir thar a' ghloir uile bithidh còmhachadh.

6 Agus bithidh e 'na bhùth, air son sgàile o'n teas anns an là, agus air son didein, agus air sou ionaid-fasgaidh o'n doininn agus o'n uisge.

CAIB. V.

1 *Le cosamlachd lios-fiona nochd Dia ceartas a bhreitheanais.* 8 *Ni an Tighearna peanas air luchd-sannt, 11 air geòcairibh, 18 air luchd-deanamh an uile, 20 agus orra-san a ghnàthaicheas euceart.* 26 *Còimhlonadh bhreitheanas Dhé.*

SEINNIDH mi nis do fhear mo ghràidh, òran le fear mo ghràidh mu thimchioll a lios-fiona. Bha aig mo ghràdh-sa fion-lios air cnoc àrd tarbhach.

2 Agus chuir e callaid m'a thimchioll, agus ghlan e na clachan as agus shuidhich e rogla fionain ann, agus thog e tùr 'na mheadhon, agus cuideachd chladhaich e amar-fiona; agus dh'amhairc e dh'fheuchainn an tugadh e mach dearcann fiona, agus thug e mach dearcann fiadhain¹.

3 Agus nise, O luchd-àiteachaidh Ierusalem, agus fheara Iudah, thugaibh breth, guidheam oirbh, eadar mise agus m'fion-lios.

4 Ciod tuilleadh a ghabhadh deanamh² ri m' fion-lios nach d'rinn mi ann? C'ar son, an uair a dh'amhairc mi an tugadh e mach dearcann fiona, a thug e mach dearcann fiadhain?

5 Agus a nis thigibh, nochdaidh mise dhuibh ciod a ni mi ri m' fion-lios; bheir mi air falbh a challaid, agus ithear suas e; brisidh mi a bhalla, agus bithidh e air a shaltairt sìos.

6 Agus cuiridh mi fàs e; cha sgathar e, agus cha ruamhairear e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fion-lios Tighearna nan sluagh tigh Israel, agus daoine Iudah luibh³ a mhoir thlachd; agus bha sùil aige ri breitheanas, agus feuch ain-tighearnas; ri ceartas, agus feuch gaoir ghoirt.

8 Is an-aobhin dhuibh-se⁴ a ta cur tighe ri tigh, agus a' cur achaidh ri achadh, gus nach bi àit ann, agus gu'n gabh sibh còmhnuidh air leth⁵ ann am meadhon na tìre.

9 Ann mo chluasaibh thubhairt Tighearna nan sluagh, Gu deimhin bithidh iomadh tigh fàs, tighean mòra agus mais each, gun neach a' gabhail còmhnuidh ann^{ta}.

10 Bheir deich acairean do fhion-lios aon bhat fiona, agus bheir Homer do shìol uaidh Ephah.

11 Is an-aobhin dhoibhsan a dh'éireas gu moch sa' mhaduinn, a dhòl an déigh dibhe làidir; a bhunaicheas gu feasgar, ionnus gu'n cuir am fion teas orra.

12 Agus tha a' chlarsach, agus a' chruit-chiùil, agus an tabor, agus a' phib, agus fion 'nan cuirmibh⁶; ach obair an Tighearna cha'n 'eil iad a' cur an suim, agus gnìomh a làmh cha 'n'eil iad a' toirt fa'near.

13 Uime sin tha mo shluagh air dol ann am braighdeanas, a chionn gu bheil iad gun eòlas; agus tha an uaislean air bàsachadh le gort, agus an islean air tiormachadh le tart.

14 Air an aobhar sin mheudaich an uaigh⁷ a ciocras, agus dh'fhosgail i a beul thar tomhas; agus théid an glòir, agus an mòr-shluagh, agus an greadh-nachas, agus esan a ta ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumhachdach, agus islichear sùilean nan uabhbreach.

16 Ach bithidh Tighearna nan sluagh air àrdachadh ann am breitheanas; agus bithidh an Dia naomh air a naomhachadh ann an ceartas.

17 An sin ionaltraidh na h-uain mar a's àbhaist doibh⁸; agus ithidh coigrich machraichean fàsail na muinntir reamh-air.

18 Is an-aobhin dhoibhsan a tha tar-ruing aingidheachd le cordaibh dìomh-anais, agus peacaidh mar le taodaibh feuna:

¹ dearcann greda.

² a dh'fheudtadh dheanamh.

³ dos, bad.

⁴ dhoibh-san.

⁵ leibh féin.

⁶ nam fleadhaibh.

⁷ ionad nam marbh, an saoghal neo-fhaicsinnach.

⁸ anns an àit gus an ionainear iad.

19 A deir, Deanadh e deifir, luathaich-eadh¹ e 'obair, a chum gu'm faic sinn; agus dlùthaicheadh comhairle Ti naoimh Israeil, agus thigeadh i *gu crìch*, a chum gu'm bi fios againn.

20 Is truagh dhoibhsan a deir maith ri ole, agus ole ri maith; a ta cur dorchadais an àit soluis, agus soluis an àit dorchadais; a ta cur an t-seirbh an àit a' mhillis, agus a' mhillis an àit an t-seirbh.

21 Is truagh dhoibhsan a ta glic² nam barail² féin, agus 'nam beachd féin tuigseach³.

22 Is truagh dhoibhsan a ta làidir a dh'òl fiona, agus 'nan daoimibh neartmhor a mheasgadh dibhe làidir:

23 A ta saoradh a' chiontaich air son duaise; agus a' toirt ionracais an fhèin air falbh uaith.

24 Uime sin mar a dh'imlicheas teangadh an teine suas an asblhainn, agus a chnàmhas an lasair am moll, *mar sin* bithidh am freumh-san mar fhiodh grod, agus théid am blàth suas mar dhuslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad cùl ri focal Ti naoimh Israeil.

25 Air an aobhar sin tha cornnich an Tighearna air lasadh an aghaidh a shluaigh; agus shìn e mach a làmh 'nan aghaidh, agus bhuail e iad; agus chrìothnaich na sleibhtean, agus bha an colainnean mar aolach air meadhon nan sraidean. Air son so uile, cha 'n'eil a chorruih air pilleadh air falbh; ach tha a làmh fathast sìnte mach.

26 Agus togaidh e suas bratach do na cinnachaibh am fad as, agus nì e fead air an son o iomall na talmhainn; agus, feuch, le deifir thig iad gu luath.

27 Cha bhi aon neach fann, agus cha bhi aon neach tnisleach 'nam measg; cha tig clò, cha tig codal *air aon diubh*; cha'n fhuasgailear crios an leasraidh, agus cha bhrisear bàr-iall am bròg.

28 Aig am bheil an saighdean geur-achte, agus an boghachan uile air ghleus⁴; bithidh iongana an eacha air am meas mar ailbhinn, agus an rothan mar chuairt-ghaoith⁵.

29 *Bithidh* am beucaich mar leòmhnan boireann; beucaidh iad mar leòmhanaibh òga; agus nì iad nuallan, agus glacaidh iad a chreach, agus togaidh iad leo i, agus cha bhi neach ann a theasairgeas.

30 Agus anns an là sin beucaidh iad 'nan aghaidh, mar bheucaich na fairge; agus seallaidh iad air an talamh, agus, feuch, dorchadas agus tcanntachd; agus

bithidh an solus air a dhorchachadh ann a⁶ speuraibh.

CAIB. VI.

1 *Taisbean* *Isaiah* mu *thimchioll an Tighearna 'na ghlòir*. 5 *Bha am fàidh fo eagal*, 6 agus thug aingeal misneach dha. 8 *Chuireadh e a dh'ionnsuidh an t-sluaigh a nochdadh dhoibh gu'n robh iad reasgach agus do-lùbaidh.*

ANNS a' bhliadhna san d'fhuair rìgh Uisiah bàs, chunnaic mi an Tighearna 'na shuidhe air caithir rìoghail, àrd agus togtas suas; agus lion iomall⁷ a thrusgain an teampull.

2 Os a cheann sheas seraphim: aig gach aon bha sè sgiathan; le dithis chòmhlaidh e 'aghaidh, agus le dithis chòmhlaidh e a chosan, agus le dithis rinn e itealaich.

3 Agus ghlaodh iad, gach aon r'a chéile, agus thubhairt iad, Is naomh, naomh, naomh Tighearna nan sluagh; tha an talamh uile làn d'a ghlòir.

4 Agus ghluais ursainnean an doruis le guth an tì a ghlaodh, agus lìonadh an tigh le deataich.

5 Agus thubhairt mi, Mo thruaighe mise! oir chaidh as domh⁸: oir is duine mi aig am bhèil bilean neòghlan, agus am measg sluaigh aig am bheil bilean neòghlan tha mi a'm chòmhnuidh; oir chunnaic mo shùilean an Rìgh Tighearna nan sluagh.

6 An sin thàinig aon do na seraphim ag itealaich a m'ionnsuidh, agus 'na làimh eibhleag bheò, a thug e leis a' chlobha bhàrr na h-altarach;

7 Agus bhean e ri mo bhèul, agus thubhairt e, Feuch, bhean so ri d' bhlibh; agus tha d' aingidheachd air a toirt air falbh, agus do lochd air a ghlanadh.

8 Agus chuala mi guth an Tighearna ag ràdh, Cò leis a chuireas mi fios? agus co théid air ar son? Agus thubhairt mi, Feuch, tha mise an so; cuir fios leam-sa.

9 Agus thubhairt e, Rach, agus abair ris an t-sluaigh so, Cluinnibh da rìreadh⁹, ach na tuigibh; agus faicibh da rìreadh¹⁰, ach na tugaibh fa' near.

10 Dean cridhe an t-sluaigh so reamhar, agus dean an cluasan trom, agus druid an sùilean; mu'm¹¹ faic iad le'n sùilibh, agus mu'n cluinn iad le'n clusaibh, agus mu'n tuig iad le'n cridheachaibh, agus gu'n iompaichear iad, agus gu'm bi iad air an slànichadh.

11 An sin thubhairt mise, Cia fhad, a Thighearna? Agus thubhairt csan, Gus an cuirear bailtean fàs, gun neach 'gan àit-eachadh; agus tighean, gun duine a'

¹ greasadh.

² sùilibh. Eabh.

³ crìonna, eagnuidh.

⁴ air lagh, deasaichte.

⁵ ioma-ghaoith.

⁶ anns na.

⁷ carr, sgiobull.

⁸ chuireadh as domh, chlaoidheadh mi.

⁹ ag cluinninn chumibh. Eabh.

¹⁰ a' faicinn faicibh. Eabh.

¹¹ air casal gu'm.

gabhail còmhnuidh anna; agus gu'm bi am fearann gu tur air 'fhàsachadh;

12 Agus gu'm fògair an Tighearn daoine am fad as; agus gu'm bi fàsalachd mhòr ann am meadhon na tìre.

13 Ach fathast *bithidh* deachamh innte; agus pillidh e, agus caithear e; mar an cuillionn agus an darach, aig am bheil brìgh anna, ged thig iad an duilleach¹; mar sin *bithidh* sìol naomh 'na bhrìgh innte-san.

CAIB. VII.

1 *Thug Isaiah misneach do Ahas 'nuair a bha e fo amharus air son Resin agus Phecah.* 14 *Fàist-neach a thaobh Chrìosd.* 17 *Bhagradh Iudah le breitheanas uamhasach.*

ANN an làithibh Ahais mhic Iotaim, A mhic Usiah, rìgh Iudah, chaidh Resin rìgh Shìria, agus Pecah mac Remaliah rìgh Israeil suas do Ierusalem, a chogadh 'na h-aghaidh, ach cha b'urrainn iad buadhachadh oirre.

2 Agus dh'innsadh do thìgh Dhaibhidh, ag ràdh, Tha Siria ann an comhbhoinn ri Ephraim; agus bha a chridhe air a ghluasad, agus cridhe a shlùtaigh; mar a ghluaisear craobhan na coille roimh'n ghaoith.

3 Agus thubhairt an Tighearn ri Isaiah, Rach a mach a nis an còdhail Ahais, thu fèin, agus Sear-iasub do inbha, aig ceann sruth-chlais na linne uachdaraich, air slighe achaidh an luadhadair.

4 Agus abair ris, Thoir an aire, agus bi a'd' thod; na gabh eagal, agus na bi lag-chridheach, air son dà earr² nan àithinn-ean³ smùidreach so, air son corruich Resin agus Shìria, agus mhic Remaliah.

5 Air son gu'n do dhealbh Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus cuireamaid rìgh suas gu rìoghachadh 'na mheadhion, eadhon mac Thabeail:

7 Mar so deir an Tighearn Iehobhah, Cha seas e, ni mò thig e gu crìch.

8 Ged⁴ is e ceann Shìria Damascus, agus ceann Dhamascuis Resin; gidheadh⁵ an taobh a stìgh do chùig agus trì fichead bliadhna, bithidh Ephraim air a bhris-eadh, ionnus nach bi e 'na chinneach:

9 Ged is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bhi sibh seasmhach.

10 Agus labhair an Tighearna fathast ri Ahas, ag ràdh,

11 Iarr dhuìt fèin comharadh o'n Tigh-earn do Dhia; iarr anns an doimhne, no anns an àirde shuas.

12 Ach thubhairt Ahas, Cha'n iarr mi, ni mò a bhuaireas mi an Tighearn.

13 Agus thubhairt esan, Eisdibh a nis, a thìgh Dhaibhidh; Am beag leibh daoine a sgìtheachadh; ach an sgìthich sibh fòs mo Dhia?

14 Air an aobhar sin, bheir an Tighearn fèin comharadh dhuibh; Feuch, bithidh òigh⁶ tòrrach, agus beiridh i mac; agus bheir i Imanuel mar ainm air.

15 Im agus mil ithidh e, gus an⁷ tuig e an t-olc a dhiùltadh, agus am maith a ròghnachadh.

16 Oir mu'n àithne do'n leanabh⁸ an t-olc a dhiùltadh, agus am maith a ròghnachadh, fàsaichear fearann an dà rìgh leis am bheil thu air do chlaoidheadh.

17 Bheir an Tighearn ortsas, agus air do shluagh, agus air tìgh t'athar, làithean, nach robh an leithide ann o'n là san do dhealaich Ephraim ri Iudah; eadhon rìgh Asiria.

18 Agus tarlaidh anns an là sin, gu'n gairm an Tighearn⁹ a' chuileag a ta ann an iomall aimhnichean na h-Eiphit, agus an seillean a th'ann an talamh Asiria:

19 Agus thig iad, agus luidhidh an t-iomlan diubh anns na gleantaibh fàsail, agus ann an còsaibh nan creag, agus air gach uile dhroighnich agus air gach uile phreas.

20 Anns an là sin lomaidh an Tighearn le ealtainn thuarsaid, leis an t-sluagh air taobh thall na h-aimhne, le rìgh Asiria, an ceann agus fionna nan cosan; agus bearraidh¹⁰ i eadhon an fheusag,

21 Agus tarlaidh anns an là sin gu'n àraich duine bò òg agus dà chaora:

22 Agus o phailteas a' bhainne bheir iad uatha, ithidh e im; oir im agus mil ithidh gach neach a dh'fhàgar anns an tìr.

23 Agus tarlaidh anns an là sin, gach àit anns an robh mìle fìonan, air am meas air mhìle bonn airgid, gu'm bi e 'na sgithich agus 'na dhroighnich.

24 Le saighdibh agus leis a' bhogha thig iad an sin; oir bithidh an talamh uile 'na sgithich agus 'na dhroighnich.

25 Agus air na h-uile chnocaibh a bhitheas air an ruamhradh leis a' chaibe, cha tig eagal sgithich no droighnich; ach bithidh e 'na àiridh¹¹ dhamb, agus 'na ionaltradh¹² mheanbh-chruidh.

¹ aig am bheil am bun a' fantuinn, ged ghearrar sìos iad.

² earball.

³ Iusan-teine.

⁴ Oir.

⁵ agus.

⁶ an òigh. Eabh.

⁷ a chum as gu.

⁸ do'n leanabh so. ⁹ dean an Tighearn fèid air.

¹⁰ sguabaidh, lom-sgrìobaidh.

¹¹ fhàsach, ionaltradh.

¹² àite-coiseachd.

CAIB. VIII.

1 *Roinh-innis Isaiah sgrìos Dhamascuis agus Shamaria le rìgh Asiria.* 9 *Seasaidh rùn Dé gu sìorruidh.* 11 *Bithidh aoibhneas orra-san a chuireas an dòigh agus an carbsa an Dia.*

A GUS thubhairt an Tighearn rium, Gabh clàr mòr, agus sgrìobh air, le inneal-sgrìobhaidh duine inu Maher-salal-has-bas¹.

2 Agus thug mi leam, chum dearbhaidh, fianuisean firinneach, Uriah an sagart, agus Sechariah mac Ieberechiah.

3 Agus dhlùthaich mi ris a' bhan-fhàidhe; agus dh'fhàs i torrach, agus rug i mac; agus thubhairt an Tighearn rium, 'Thoir mar ainm air Maher-salal-has-bas:

4 Oir mu an aithne do'n leanabh m'ath-air agus mo mhàthair a ràdh, togar air falbh saoihbreas² Dhamascuis agus creach Shamaria, roimh rìgh Asiria.

5 Agus labhair an Tighearn fathast rium, ag ràdh,

6 A chionn gu'n do chuir an sluagh so cùl ri uisgeachaibh Shiloh, a ruithreas gu sèimh; agus gu bheil iad a' gabhail tlachd ann an Resin agus ann am mac Remaliah:

7 Uime sin, feuch, bheir an Tighearn a nìos orra uisgeachan na h-aimhne, làidir agus lìonmhor, eadhon rìgh Asiria agus uile ghreadhnachas; agus éiridh e os ceann a chlaisean uile, agus théid e thar uile bhruachaibh.

8 Agus gabhaidh e roimhe air feadh Iudah, a' ruith thairis agus a' sgaoileadh; eadhon gus am muineal ruigidh e; agus lìonaidh sgaoileadh a sgiathan leud do thìre-sa³, O Imanuèil.

9 Cruinnichibh r'a chéile, a chinneacha, agus brisear sibh 'nur bloighdibh: éisdibh, sibhse uile a ta sna dùchannaibh fad as; crioslaichibh sibh féin, agus brisear sibh 'nur bloighdibh; crioslaichibh sibh féin, agus brisear sibh 'nur bloighdibh.

10 Cuiribh bhur comhairle ri chéile, agus thig i gu neò-bhrìgh; labhraibh am focal, agus cha seas e; oir tha Dia leinne.

11 Oir thubhairt an Tighearn rium, le làimh làidir⁴, agus theagaisg e mi, a chum nach siubhlainn ann an slighe an t-sluaigh so, ag ràdh,

12 Na abraibh-sa comh-bhoinn ris gach nì ris an abair an sluagh so comh-bhoinn; agus na gabhaibh cagal roimh an uamhas-san, agus na biodh geilt oirbh.

¹ Greas chum na creich, grad-ghlac a' chobhartach. maoin, toice.

² sgaoilidh a sgiathan thar leud do thìre.

³ agus c'g am ghlacadh air làimh.

⁴ duin suas, glais.

⁵ anns nach 'eil doilleireachd sam bith.

13 Tighearn nan sluagh, naomhaichibh esan féin; agus biodh esan duibh 'na chùis eagail, agus biodh esan duibh 'na aobhar ball-chrith.

14 Agus bithidh e 'na ionad naomh; ach 'na chloich-thuislidh, agus 'na charr-aig-oilbheim do dhà thigh Israeil; 'na lìon agus 'na ribe do luchd-àiteachaidh Ierusalem.

15 Agus gheibh mòran 'nam measg tuisleadh, agus tuitidh iad, agus brisear iad, agus ribear agus glacar iad.

16 Ceangail suas an fhianuis, seulaich⁵ an lagh am measg mo dheisciobul-sa.

17 Ach feithidh mise ris an Tighearn a ta foluch a ghuaise o thigh Iacob, agus bithidh sùil agam ris.

18 Feuch, tha mise, agus a' chlann a thug an Tighearn dhomh, 'nar comhar-aibh agus 'nar n-iongantasaibh ann an Israel, o Thighearn nan sluagh a ta 'na chòmhnuidh ann an sliabh Shioin.

19 Agus an uair a their iad ruibh, Iarraibh a chum nam ban-fhiosaichean, agus chum nan druidhean, mui-mtir a ni bìdeil agus borbhanaich; nach bu chòir do shluagh iarraidh chum an Dé? an ann a dh'iarraidh iad a chum nam marbh, an àit nam beò?

20 Iarradh iad chum an lagha agus chum na fianuis: mur labhair iad a rèir an fhocail so, 's ann a chionn nach 'eil solus anna⁶.

21 Agus siubhlaidh gach aon d'a thrid, ann an teinn agus ann an gorta; agus tarlaidh, 'nuair a bhios e ann an gorta, gu'm bi corruich⁷ air ris féin, agus mall-aichidh e a rìgh agus a Dhia, agus e sealltuinn suas.

22 Agus seallaidh e air an talamh, agus feuch teanntachd agus doilleireachd; dubhar an àmhghair, agus tuingh-dhorchadas⁸.

CAIB. IX.

1 *Aoibhneas na h-eaglais air son teachd rìoghachd Chrìosd.* 8 *Na breitheanaidh a bheir Dia air Israeil air son an uabhair,* 13 *am mì-chreidimh,* 18 *agus an aingidheachd.*

G IDHEADH cha bhi an doilleireachd mar a bha ri linn a h-àmhghair, an uair a bhual e gu h-eutrom an toiseach talamh Shebuloin agus talamh Naphtali, agus 'na dhéigh sin bhual e ni bu truime e⁹, air slighe na fairge, taobh thall Iordain, Galile nan cinneach.

2 An sluagh a bha siubhal ann an dorchadas, chunnaic iad solus mòr; iadsan

⁷ campar.

⁸ ruaigear e chum dorchadais.

⁹ Ach cha bhi dorchadas innte-san a bha ann an teinn: oir anns an aimsir chaidh seachad, dh'islich e talamh Shebuloin agus talamh Naphtali, ach anns an aimsir dheireannaich rinn e glòrmhor e.

a bha 'nan còmhnuidh ann an tìr sgàile a' bhàis, dh'érich solus orra.

3 Rinn thu an cinneach lìonmhor; nach do mheudaich thu an aoibhneas? rinn iad gàirdeachas a'd làthair, mar ghàird-eachas anns an fhogharadh; mar ni *daoine* gàirdeachas, an uair a roimneas iad a' chreach.

4 Oir bhris thu cuing 'eallaich, agus bata a ghuailne, slat an fhir a shàruich e, mar ann an là Mhidiain.

5 Oir *tha* gach uile chath an fhir-chogaidh le cruaidh iomairt, agus eudach air a thumadh ann am fuil; ach bithidh so le losgadh, agus connadh air son an teine¹.

6 Oir rugadh dhuinne duine-cloinne², thugadh dhuinne mac; agus bithidh an uachdaranachd air a ghualainn; agus goirear mar ainm dheth, Iongantach, Comhairliche, an Dia cunbhadhach, an t-Athair sìorruidh³, Prionnsa na sìtle.

7 Air fàs 'uachdaranachd, agus air a shìth, cha *tig* crìoch; air caithir rìoghail Dhaibhidh, agus air a rìoghachd; chum a daingneachadh agus a socrachadh le breitheanas agus le ceartas, o so a mach agus gu sìorruidh: bheir eud Tighearna nan sluagh so gu crìch.

8 Chuir an Tighearn focal dh'ionnsuidh Iacoib, agus thuit e air Israel.

9 Agus bithidh fios aig an t-sluagh uile, aig Ephraim agus fear-àiteachaidh Shamaria, a ta ag ràdh, ann an uail agus àrdan cridhe,

10 Tha na clachan creadha air tuiteam, ach togaidh sinn le clachaibh snaidhte; tha na craobhan sicamoir air an gearradh sìos, ach cuiridh sinn craobhan seudair 'nan àit.

11 Uime sin àrdaichidh an Tighearn luchd m'ruin Resin 'na aghaidh, agus togaidh e suas a naimhdean le chèile;

12 Na Sirianaich o'n taobh bhcoil, agus na Philistich o'n taobh chùil; agus ithidh iad suas Israel le beul farsuinn. Air son so uile cha 'n'èil a chorruih air a pilleadh air falbh; ach tha a làmh fathast sìnte mach.

13 Ach cha 'n'èil an sluagh so air pill-tinn ris an tì a bhuail iad; ni mò dh'farr iad Tighearn nan sluagh:

14 Uime sin gearraidh an Tighearn as o Israel an ceann agus an t-carball, a' gheug agus an luachair, ann an aon là.

15 An duine aosmhor agus urramach, is esan an ceann; agus am fàidh a ta teagasg bréige, is esan an t-carball.

16 Oir tha luchd-stiùraidh an t sluaigh so 'gan cur air seacharan; agus *bithidh* iadsan a stiùar leo air an slugadh suas.

17 Air an aobhar sin, cha dean an Tighearn gàirdeachas os ceann an òganacha, ni mò ni e iochd ri'n dilleachdanaibh agus am bantrachaibh; oir tha gach aon diubh 'na chealgair, agus 'na fhear dò-bheirt, agus tha gach beul a' labhairt amaid-eachd. Air son so uile cha 'n'èil a chorruih air a pilleadh air falbh, ach tha a làmh fathast sìnte mach.

18 Oir loisgidh aingidheachd mar theine; ithidh i suas an dris agus an droighionn; agus cuiridh i ri theine badan na frìthe; agus éiridh iad an àird 'nan smùid⁴ a' dol suas.

19 Trid corruih Tighearna nan sluagh dh'orchaicheadh an tìr; agus bithidh an sluagh mar chonnadh air son an teine: cha dean duine iochd air a bhràthair féin.

20 Agus bheir e teum air an làimh dheis, agus *gidheadh* bithidh e ocraich; agus ithidh e suas air an làimh chli, agus cha bha iad sàsuichte; ithidh gach duine feoil a ghàirdein⁵ féin.

21 *Ithidh* Manaseh Ephraim, agus Ephraim Manaseh; agus bithidh iad le chéile an aghaidh Iudah. Air son so uile cha 'n'èil a chorruih air a pilleadh air falbh, ach tha a làmh fathast sìnte mach.

CAIB. X.

1 *Éiridh* gu h-òle dhoibh-san a tha 'g orduchadh reachdan eucorach. 5 *Claoidhidh* Dia na h-Asirianaich air son an droch ghnìomhara. 20 *Tèarnar* iarmad do Israel. 24 *Fhuair* Iudah gealladh air suorsa. 28 *Sgrìos* nan Asirianaich.

IS truagh dhoibhsan a ta 'g orduchadh reachdan eucorach, na sgrìobhaichean a ta ag àithneadh fòirneirt.

2 A thionndadh an fheumaich o bhreitheanas, agus a thabhairt an còrach⁶ le h-ainneart o bhochdaibh mo shluaigh; air chor as gu'm bi bantraichean 'nan cobhartaich dhoibh, agus gu'n creach iad na dilleachdain.

3 Agus ciod a ni sibh ann an là an smachdachaidh? agus anns an léir-sgrìos a thig o chéin? Cò dh'ionnsuidh a theicheas sibh chum cabhair? agus c'àit am fàg sibh 'ur glòir?

4 As m'eugmhais-sa aomaidh iad sìos fo na prìosanaich, agus tuitidh iad fo na mairbh. Air son so uile, cha 'n'èil a chorruih air a pilleadh air falbh, ach tha a làmh fathast sìnte mach.

5 Ho Asirianaich, slat mo chorruih; agus am bata 'nan làimh is e sin m'fhearg.

¹ Oir uile choisbheart an fhir-chogaidh 's a' chath, agus an éididh air a thumadh ann am fuil, bithidh iad a chum losgaidh, agus 'nan connadh do'n teine.

² leanabh-mic.

³ Athair na sìorruidheachd. Eabh.

⁴ deathaich.

⁵ rìghe.

⁶ dlìghe.

6 An aghaidh cinnich chealgaich cuiridh mi e; agus an aghaidh sluagh *ris am bheil* mo chorruich bheir mi dha àithne a thogail creiche, agus a thoirt leò cobhart-aich; agus g'an saltairt sìos mar chlàbar nan sràidean.

7 Gidheadh cha'n e sin a bhios 'na aire-san, agus cha'n e rùn a chridhe e; ach *is e* milleadh *tha* 'na chridhe, agus cinnich nach gann a ghearradh as.

8 Oir a deir e, Nach 'eil mo cheannard-an' uile 'nan righribh?

9 Nach 'eil Calno mar Charchemis? Nach 'eil Hamat mar Arphad? Nach 'eil Samaria mar Dhamascus?

10 Mar a ghlac mo làmh rìoghachdan nan iodholan, aig an robh dealbhan snaidhte nì b'fhearr na iad sin a ta ann an Ierusalem agus ann an Samaria;

11 Mar a rinn mi ri Samaria agus r'a h-iodhloibh, nach dean mi mar an ceudna ri Ierusalem agus r'a dealbhaibh-san?

12 Ach tarlaidh, 'nuair a choimhlionas an Tighearn 'obair gu h-iomlan air sliabh Shìoin agus air Ierusalem, gu'n dean mi dìoghaltas air toradh cridhe uaibhreigh rìgh Asiria, agus air sealladh àrd a shùil.

13 Oir deir e, Le neart mo làimhe rinn mi e, agus le mo ghliocas; oir tha deadh thuigse agam; agus dh'atharraich mi crìocha nam fineachan, agus chreach mi an ionmhasan, agus leag mi sìos an sluagh mar *dhuine* treun:

14 Agus fhuair mo làmh, mar nead, maoin nan slògh; agus mar chruinnicheas neach uighean a thréigeadh, mar sin chruinnich mise an talamh uile; agus cha robh aon a ghluais an sgiath, a dh'fhosgail an gob, no rinn biog.

15 An dean an tuadh uail an aghaidh an fhir a ta gearradh leatha? An àrdaich an tuireasg e féin an aghaidh an fhir a ta 'ga iomairt? mar gu'n sìneadh an t-slat *i féin* an aghaidh an neach a ta 'ga togail; no mar gu'n togadh an lorg suas *e féin* mar nach b'fhiodh a *bh'ann*.

16 Air an aobhar sin, cuiridh an Tighearn, Tighearn nan sluagh, caoile air a' mhuintir reamhair; agus fuidh 'òir-dheirceas fadaidh e losgadh, mar losgadh teine.

17 Agus bithidh solus Israeil 'na theine, agus a Thi naomh 'na lasair; agus loisgidh agus caithidh e a dhroighionn agus a dhris ann an aon là:

18 Agus caithidh e glòir a fhrìdhe, agus 'achaidh tharbhaich, eadar anam agus fheoil; agus bithidh iad mar fhear-iom-chair brataich a' call a threòir.

19 Agus bithidh fuigheall chraobhan a choille fearc, ionnus gu'n sgrìobh leanabh an àireamh.

20 Agus tarlaidh anns an là sin, nach leig iarmad Israeil, agus iadsan a théid as do thigh Iacoib, an taice nì's mò air an fhear a bhuail iad; ach leigidh iad an taice air an Tighearn, Ti naomh Israeil, ann am fìrinn.

21 Pillidh fuigheall², eadhon fuigheall do Jacob, dh'ionnsuidh Dhé uile-chumh-achdaich.

22 Oir ged bhi do shluagh, O Israeil, mar ghaineamh na fairge, *cha phill ach* fuigheall diubh. An léir-sgrìos a dh'ord-uicheadh, ruithidh e thairis le ceartas.

23 Oir sgrìos, eadhon sgrìos sòruichte nì Iehobhah, Tighearn nan sluagh, am meadhon na tìre uile.

24 Air an aobhar sin mar so deir Iehobhah, Tighearn nan sluagh, Na biodh eagal ort, O mo shluagh, a ta chòmh-nuidh ann an Sion, roimh an Asirianaich; leslait buailidh e thu, agus a bhata togaidh e suas a'd' aghaidh, a réir gnàth na h-Eiphit.

25 Ach fathast ùine ro ghearr, agus coimhlionar m'fhearg, agus mo chorruich 'nan léir-sgrìos.

26 Agus togaidh Tighearna nan sluagh slat-sgiursaidh 'na aghaidh, cosmhuil ri àr Mhidiain aig carraig Oreib; agus *mar a bha* a shlat air an fhaireg, mar sin togaidh e suas i, a réir gnàth na h-Eiphit.

27 Agus tarlaidh anns an là sin, *gu'n* atharraichear 'eallach bhàrr do ghuaile, agus a chuing bhàrr do mhùineil; agus caithear a' chuing do bhrìgh³ na h-oladh-ungaidh.

28 Thàinig e gu Aiat, chaidh e thairis gu Migron; aig Michmas taisgidh e 'airneis⁴.

29 Chaidh iad null air an aisig⁵; ann an Gebah ghabh iad tàmh: tha Ramah air chrith; tha Gibeah Shaul a' teicheadh.

30 Tog suas do ghuth, O nighean Ghall-im; cluinnear e gu ruig Lais, O Anatot thrugh⁶.

31 Theich Madmenah; tha luchd-àit-eachaidh Ghehim air gabhail na ruaige.

32 Fanaidh e fathast an là sin ann an Nob; crathaidh e a làmh an aghaidh cnuic nighinn Shìoin, an aghaidh sleibh Ierusalem.

33 Feuch, sgathaidh Iehobhah, Tighearn nan sluagh, a' gheug le luasgadh mòr; agus bithidh iadsan a's àirde fàs air an gearradh sìos, agus na h-uaibhreigh air an isleachadh.

34 Agus gearraidh e dosan na fìdhe le

¹ mhaithlean.

² iarmad, fuighleach.

³ dh'casbhuidh.

⁴ a chungaidh, 'acfuin.

⁵ àth, àthan.

⁶ cluinn O Lais; freagair i O Anatot.

iarunn; agus tuitidh Lebanon le làimh
humhachdaich.

CAIB. XI.

1 *Rioghachd shìochail an fhaillin a dh'fhàsas suas
a freumh Iese.* 10 *Bithidh Crìosd mar bhrataich
do na cinnich,* 12 agus tionailidh e r'a chèile
diobaraich Israeil.

A GUS thig geug a mach o bhonn Iese,
agus fàsaidh faillan suas as a
fhreumhaibh.

2 Agus gabhaidh spiorad an Tighearna
còmhnuidh air, spiorad gliocais agus
tuigse, spiorad comhairle agus cumhachd,
spiorad eòlais agus eagail an Tighearn:

3 Agus bithidh e geur-mhothachail ann
an eagal an Tighearn; agus cha'n ann a
réir seallaidh a shùl a bheir e breth, no a
réir claisteachd a chluas a bheir e ach-
mhasan.

4 Ach le ceartas bheir e breth air a
bhochd, agus bheir e achmhasan le
cothrom, as leth dhaoine ciùine na tal-
mhainn; agus buailidh e an talamh le slait
a bheoil, agus le anail a bhile marbhaidh
e an t-aingidh.

5 Agus bithidh ionracas 'na chrios m'a
leasraidh, agus firiunn¹ 'na crios m'a
airnibh.

6 An sin gabhaidh an madadh-alluidh
còmhnuidh maille ris an uan, agus luidh-
idh an liopard sìos maille ris a' mheann;
agus an laogh, agus an leòmhann òg, agus
an spréidh reamhar le chèile; agus ni
leanabh beag an stiùradh.

7 Agus ionaltraidh a' bhò agus am
math-ghamhuin le chèile; luidhidh an
àlach sìos *cuideachd*; agus itidh an
leòmhann connlach² mar an damh.

8 Agus cluichidh an leanabh cìche air
toll na nathrach nimhe; agus air nead na
righ-nathrach cuiridh an leanabh a thàinig
o'n chich a làmh.

9 Cha dochainn agus cha sgrios iad, air
feadh mo shléibh naoimh-sa gu h-ìomlan;
oir ìonar an talamh le eòlas an Tigh-
earna, mar a chòmhaicheas na h-uig-
eachan *aigin* na fairge.

10 Agus anns an là sin, bithidh freumh
Iese 'na sheasamh mar bhrataich do na
slòigh; d'a ionnsuidh-san iarraidh na
cinnich, agus bithidh a thàmh glòrmhor.

11 Agus tarlaidh anns an là sin, gu'n
cuir an Tighearn a mach a làmh a ris an
dara uair, a thoirt air ais fuighill a
shluaigh, a dh'fhàgar *dhiubh*, o Asiria,
agus o'n Eiphit, agus o Phatros, agus o
Chus, agus o Elam, agus o Shinar, agus
o Hamat, agus o innsibh³ na fairge.

12 Agus togaidh e 'n àird bratach air
son nan cinneach, agus tionailidh e

diobaraich Israeil, agus muinntir sgapta
Iudah cruinnichidh e le chèile o cheithir
chearnaibh na talmhainn.

13 Agus sguiridh farmad Ephraim, agus
bithidh luchd-sàruchaidh Iudah air an
gearradh as; cha bhi farmad aig E-
phraim ri Iudah, agus cha sàruich Iudah
Ephraim.

14 Ach leumaidh iad air guailibh⁴ nam
Philisteach an taobh an iar; creachaidh
iad le chèile muinntir na h-àird' an ear;
air Edom agus Moab leagaidh iad an
làmh, agus bheir clann Amoin géill doibh.

15 Agus millidh an Tighearn teangadh
na fairge Eiphitich, agus crathaidh e a
làmh os ceann na h-Aimhne le a ghaoith
làidir; agus buailidh e i 'na seachd
sruthaibh, agus bheir e *orra* imeachd
troimpe le cosaibh tioram⁵

16 Agus bithidh rathad mòr aig fuigh-
eall a shluaigh a dh'fhàgar o Asiria; mar
a bha aig Israel, anns an là san d'fhàinig
e nìos o thìr na h-Eiphit.

CAIB. XII.

1 *Laoidh-bhuidheachais do'n Tighearn air son a
mhaitheis agus a chomhfhurtachd d'a shluaigh.*

A GUS theu thu anns an là sin, Molaidh
mi thu, O Tighearn, ged bha thu
feargach rium, tha d'fhearg air a pillleadh
air falbh, agus thug thu comhfhurtachd
dhomh.

2 Feuch, is e Dia mo shlàinte; earbaidh
mi, agus cha bhi eagal orm; oir is e an
Tighearn Iehobhah mo neart agus mo
cheòl; is e fòs a's slàinte dhomh.

3 An sin tairnidh sibh uisge le h-aoibh-
neas á tobraichibh na slàinte.

4 Agus anns an là sin their sibh, Mol-
aibh an Tighearn, gairmibh air 'ainm;
cuiribh an cèill a ghnìomhara an measg
nan cinneach; cumaibh air chuimhne⁶ gu
bheil 'ainm air 'àrdachadh.

5 Canaibh do'n Tighearn, oir rinn e
gnìomh òirdheire; tha so aithnichte anns
an talamh uile.

6 Eigh gu h-àrd, agus dean iolach, a
bhean-àiteachaidh Shìoin: oir is mòr ann
ad mheadhon Tì naomh Israeil.

CAIB. XIII.

1 *Ghairm Dia a dhaoine treuna a chum a chorruidh
a chur an gnìomh.* 5 *Bhagair e Babilon a sgrios
leis na Medich.* 19 *Fàsachadh agus léir-sgrios
Bhabiloìn.*

T ROM eallach⁷ Bhabiloìn, a chunnaic
Isaiah mac Amois.

2 Air sliabh àrd togaibh suas bratach;
éighibh riu gu h-àrd; sinibh 'ur làmh, a
chum gu'n téid iad a steach air geatach-
aibh nan uaislean.

3 Thug mi àithne do mo dhaoinibh cois-

¹ tairisneachd. ² fodar. ³ cileanaibh.
buailidh iad a steach air crìochaibh.

⁵ nam brògaibh. ⁶ aithrisibh.
⁷ Fàistneachd dhubhlach, Tairgreachd a' bhròin.

rigte; seadh, ghairm mi mo dhaoine treuna a chum mo chorruch a *chur an gnìomh*; muinntir a ta deanamh luath-ghaire ann am mhòrachd.

4 Fuaim mòr-chuideachd anns na sléibh-tìbh, amhuil sluaigh mhòir; fuaim luasgaidh rìoghachdan chinneach air an cruinneachadh le chéile; tha Tighearn nan sluagh a' dcasachadh¹ feachd chum catha.

5 Tha iad a' teachd o thìr chéin, o iomall nan nèamha, an Tighearn agus buill-airm a chorruch, a mhilleadh na tìre gu léir.

6 Guilbhb gu h-àrd, oir tha là an Tighearna dlùth; mar léir-sgrìos o'n Uile-chumhachdach thig e.

7 Air an aobhar sin lagaichear na h-uile làmhan, agus leaghaidh gach cridhe duine.

8 Agus bithidh iad fo uamhas; ni piantan agus guinean greim orra; mar mhaoi ri saothair craidhear iad; seallaidh iad gach aon air a chéile le h-iongantas; *mar lasraichibh teime bithidh* an eudana.

9 Feuch, tha là an Tighearna teachd, garg le feirg agus le dian chorruch, a chur na tìre fàs, agus a sgrìos nan ciotach a mach aisde.

10 Oir cha tabhair reulta nèimh, agus a comh-shoillse, uatha an solus; *bithidh* a' ghrian air a dorchachadh² na dol a mach, agus cha toir a' ghealach air a solus dealradh.

11 Agus diolaidh mis' air an t-saoghal an droch-bheart, agus air na h-aingidh an euceart; agus cuiridh mi crìoch air àrdan nan uaibhreach, agus leagaidh mi sìos uail nan uamhasach.

12 Ni mi duine ni's luachmhoire na òr grinn; seadh duine, na fìor òr na h-Ophir.

13 Uime sin luaisgidh mi na nèamhan, agus gluaisear an talamh as àit, ann am feirg Tighearna nan sluagh, agus ann an là a dhiaidh-chorruch.

14 Agus bithidh iad mar earb air a ruagadh, agus mar threud chaorach nach eil neach a' cuairteachadh; tionndaidhidh iad gach aon chum a shluaigh féin; agus teichidh iad gach aon g'a dhùthaich féin.

15 Gach fear a ghlacar, sàthar troimh e; agus na h-uile a dhlùth-leanas r'a chéile, tuitidh iad leis a' chlaidheamh.

16 Agus pronnar an naoidheana fa chomhair an sùl; bithidh an tighean air an creachadh, agus am mnathan air an éigneachadh.

17 Feuch, dùisgidh mi suas 'nan aghaidh na Medich, aig nach bi meas air airgid; agus *air son* òir, cha bhi suim aca dheth.

18 Pronnaidh am boghachan na h-ògan-aich, agus cha dean iad iochd air toradh na brom; cha ghabh an suil truas do leanabaibh.

19 Agus bithidh Babilon, maise nan rìoghachdan, glòir uail nan Caldeach, mar an léir-sgrìos a thug Dia air Sodom agus Gomorrah.

20 Cha'n àitichear gu bràth i, ni mò ghabhar còmhuidh imte feadh linn nan linn; cha suidhich an t-Arabach bùth an sin; ni mò ni buachaillean buaile an sin.

21 Ach gabhaidh fiadh-bheathaichean an fhàsaich còmhuidh an sin; agus bithidh an tighean làn do uath-bheistean³; agus gabhaidh na cailleachan-oidhche tamh an sin, agus ni na gabhair fhiadhaich mire an sin.

22 Agus freagraidh na h-eoin fhiadh-aich a chéile na luchairtibh, agus na dragona anns na seòmraichibh aoibhin, agus a ta a h-àm am fagus, agus cha bhi a làithean air an sìneadh.

CAIB. XIV.

1 Gheall Dia gu'n deanadh e iochd air Israel, agus gu'n suidheadh e iad fathast nam fearann féin. 3 Sgrìos rìgh Bhabìloin. 24 Rùn Dhe an aghaidh na Asirianach. 29 Bhagraidh Pales-tina.

OIR ni an Tighearn iochd air Iacob, agus ròghnaichidh e fathast Israel, agus suidhidh e iad nam fearann féin; agus bithidh an coigreach air a cheangal riu, agus dlùth-leanaidh iad ri tigh Iacob.

2 Agus gabhaidh na cinnich iad, agus bheir iad gu'n àit féin iad, agus sealbhaichidh tigh Israeil iad am fearann an Tighearna, mar òglaich agus mar bhan-oglaich; agus ni iad braghdean dhiubhsan aig an robh iad nam braghdiubh; agus riaghlaidh iad os ceann na muinntir a bha 'gan sàruchadh.

3 Agus tarlaidh, anns an là anns an tabhair an Tighearn dhuit fois o d' àmhghar, agus o d' mhi-shuaimhneas, agus o'n daorsa chruaidh a leagadh ort.

4 Gu'n tog thu an fhàistneachd³ so an aghaidh rìgh Bhabìloin, agus their thu, Cionnus a sguir an fear-sàruchaidh! cionnus a sguir ise a bha sgeadaichte le h-òr!

5 Bhris an Tighearn lorg nan aingidh, slat rioghail an luchd-riaghlaidh.

6 Esan a bhuail na slòigh ann am feirg, le buille gun sgar; esan a thug fo ghéill na cinnich ann an corruich; tha e air a dhian-ruagadh, gun neach a' bacadh.

7 Tha an talamh uile aig fois, agus ann an suaimhneas; tha iad a' togail iolaich.

8 Tha na croinn-ghiuthais féin ri gàird-eachas tharad, agus croinn-sheudair

¹ ag cur an ordugh.

² uile-bheistean.

³ taigrachd, seanackas bàird, briathar fìlth.

Lebanoin *ag ràdh*, O'n uair a thuit thusa, cha d'fhàinig fear-gearraidh a nìos 'nar n-aghaidh-nic.

9 Tha ionad nam marbh air gluasad shìos air do shon, gu *do* choinneachadh iad do theachd; tha e dùsgadh nam marbh air do shon, uile dhaoine mòra na talmhainn; tha e toirt air uile rìghrean nan cinneach éiridh suas o'n caithrichibh.

10 Labhairidh gach aon diubh, agus their iad riut, Am bheil thusa fòs air fàs lag mar sinne? An d'riuneadh thu cosmhuil ruinne?

11 Tha d'uabhar air a thoirt a nuas chum na h-uaigne, *agus* fuaim d'innca-cuill; tha a' chnuimh air a sgaoileadh fodhad, agus is *iad* na cnuimheagan do chòmhdachadh.

12 Cionnus a ta thu air tuiteam o nèamh, a reul dhealach, a mhic na maidne! *Cionnus* a bha thu air do ghearradh sìos gu làr, *thusa* a thug fo ghéill na cinnich.

13 'S ann a thubhairt thu ann ad chridhe, Thèid mi suas a chum nan nèamhan, os ceann reultan Dé àrdaichidh mi mo rìgh-chathair; agus suidhidh mi air sliabh a' chomhchruiuneachaidh, air taobh na h-àirde tuath.

14 Thèid mi suas os ceann àirde nan neul: bithidh mi cosmhuil ris an Tì a's àirde.

15 Ach bheirear a nuas thu, chum na h-uaigne, gu taobhan an t-sluichd.

16 Iadsan a chì thu, amhaircidh iad gu gear ort, gabaidh iad beachd dhìot: An e so, *deir iad*, ann fear a thug air an talamh criothnachadh, a chuir rioghachd-an air chrith?

17 A rinn an saoghal mar fhàsach, agus a leag sìos a bhailtean; nach d'fhosgail am prìosan d'a bhraighdibh?

18 Tha uile rìghrean nan cinneach, an t-iomlan diubh, a' luidhe sìos ann an greadhnachas, gach aon 'na fhàrdaich féin.

19 Ach tha thusa air do thilgeadh mach as an uaigne, mar ghéig ghràineil, *mar* thrusgan nan daoine a mharbhadh, a throimh-lotadh leis a' chlaidheamh a chaidh sìos do chlachaidh an t-sluichd; mar chlosaich air a saltair fo chlosaibh.

20 Cha'n adhlacair thu 'nan co-chuid-cachd-san, a chionn gu'n do sgrios thu do dhùthaich, gu'n do mharbh thu do dhaoine; cha bhi iomradh¹ gu bràth air slìochd dhroch dhaoine.

21 Ullhuichibh àr air son a chloinne, air son aingidheachd an aithrichean; a chum nach² éirich iad, agus nach sealbhaich

iad an talamh, agus nach fion iad ghaidh an domhain le bailtibh.

22 Oir éiridh mise 'nan aghaidh, deir Tighearn nan sluagh, agus gearraidh mi as o Bhabilon an t-ainm agus an t-iarmad, agus am mac agus an t-ogha, deir an Tighearn.

23 Agus ni mi 'e 'na sheilbh do'n ghràineig, agus 'na phollaibh uisge; agus sguabaidh mi e le sguab an léir-sgrìos, deir Tighearn nan sluagh.

24 Mhionnaich Tighearn nan sluagh, ag ràdh, Gu cinnteach mar a dhealbhadh mise, mar sin tarlaidh; agus mar a chuir mi romham, bithidh sin air bhuil;

25 A chum an t-Asirianach a bhriseadh ann mo dhùthaich, agus a shaltradh fo m' chosaibh air mo shleibhtibh: an sin falbhaidh a' chuing dhiubh, agus togar 'eallach bhàrr an guaille.

26 So a' chomhairle a ta air a suidheachadh mu'n talamh uile; agus so an làmh a ta sìnte mach thar na h-uile chinneachaibh.

27 Oir shònuich³ Tighearn nan sluagh a' chomhairle, agus cò a bhacas⁴? agus is i a làmh-san a ta sìnte mach, agus cò a philleas air a h-ais i?

28 Anns a' bhliadhna san d'fhuair rìgh Ahas bàs, bha an trom eallach so⁵.

29 Na dean-sa gàirdeachas, O uile Phalestina, a chionn gu'n do bhriseadh slat an fhìr a bha⁶ gad bhualadh; oir o' fhrèumh na nathrach thig a mach rìgh-uathair, agus is toradh dhi nathair thein-teach iteach.

30 Agus beathaichear ceud-ghin nam bochd, agus luidhidh an t-ainnis sìos ann an tèaruinteachd; agus marbhaidh mi do fhrèumh-sa le gorta, agus d'iarmad cuiridh e gu bàs.

31 Nuallaich, O gheata; éigh, O chaithir; O Phalestina, tha thu uile air do leaghadh as; oir o'u àirde tuath thig deatach, agus cha bli neach aonaranach⁶ 'na thràthaibh suidhichte⁷.

32 Agus ciod am freagradh bheirear do theachdairibh nan cinneach? Gu'n do leag an Tighearn bunaite Shìoin, agus innte cuiridh bochdan a shluaigh an dòchas.

CAIB. XV.

1 Eallach nam Moabach do bhrìgh gu bheil an tìr air a fàsachadh, agus air a lomadh gu lèir.

TROM callach Mhoib. A chionn gu bheil Ar Mhoib air a fàsachadh, anns an oidhe, agus air a lomadh gu làr; a chionn gu bheil Cìr Mhoib air a fàsachadh, agus air a lomadh gu làr:

2 Chaidh e suas gu Bait agus gu Dibon,

¹ biùthas.

³ dh'orduich.

² mu'n.

⁴ bheir gu neo-bhrìgh?

⁵ thugadh seachad an fhàistneachd dhubhach so.

⁶ air chall, air ionndran.

⁷ na bhuidhneibh.

ISAIAH, XV. XVI. XVII.

na h-ionadaibh àrda, a ghul. Ni Moab caoineadh air son Nebo agus air son Mhedeba; air gach ceann diubh *bithidh* maolte; *bithidh* gach feusag air a gearradh dheth.

3 Ann a sràidibh crioslaichidh siad iad féin le eudach-saie; air mullach a tighean agus ann a sràidibh, caoinidh gach aon diubh, a' sileadh dheur gu frasach.

4 Agus bithidh Hesbon ag éigheach, agus Elealeh; cluinnear an guth gu ruig Iahas; uime sin gladhaidh daoine arm-aichte Mhoab gu h-àrd; bithidh a beatha searbh dhi.

5 Tha mo chridhe ag éigheach air son Mhoab; *teichidh* a luchd-fuadain do Shoar, mar àigh trì bliadhna dh'aois; dìridh iad uchdach Luhit le gul; oir ann an sliغه Horonaim togaidh iad iolach mhillidh.

6 Oir bithidh uisgeacha Nimrim 'nan léir-sgrìos; oir tha an luibh air seargadh; tha am fear air teireachdainn; cha 'n eil ni glas¹ ann.

7 Air an aobhar sin, am beartas a fhuair iad, agus an ni sin a thaisg iad, bheir iad air falbh gu sruth² nan seil-each.

8 Oir chaidh an éigheach timchioll criche Mhoab; *ràinig* a caoineadh gu Eglaim, agus a caoineadh gu Beer-elim.

9 Oir tha uisgeacha Dhimoìn làn fola; oir b'air mise tuilleadh air Dinon, an leòmhann orra-san a théid as o Mhoab, agus air fuigheall na tìre.

CAIB. XVI.

1 *Chomhairlicheadh do Mhoab bhi umhal dha-san a shuidheas air rìgh-chaithir Dhaibhidh. 6 Chaidh Moab a bhagradh le sgrìos air son 'àrdain, 'uail, agus 'fheirge.*

CUIRIBHSE uan a dh'ionnsuidh na tìre, o Shela an fhàsaich, gu sliabh niglìnn Shioin.

2 Oir mar eumlaith seacharanach, air am fògradh o'n nead, *mar sin* bithidh nigheana Mhoab aig àthannaibh Arnoin.

3 Tabhair comhairle, cuir an gnìomh breitheanas; dean do sgàile mar an oidheche ann an àirde mheadhon-là; fol-air na dìobaraich; na brath am fògarach.

4 Gabhadh mo dlìobaraich tàmh maille riut, O Mhoab; bi a'd' ionad-foluich dhoibh o'n mhilltear; oir thàinig crìoch air an fhear-shàruchaidh, sguir am fear-millidh; tha an luchd-saltairt air an caitheadh as an tìr.

5 Agus daingnichear an rìgh-chaithir ann an tròcair, agus suidhidh e oirre ann an firinn, ann am pàillium Dhaibhidh, a' tabhairt breth, agus a' rannsachadh na còrach, agus a' deifreachadh³ ceartaìs.

6 Chuala sinn uabhar Mhoab; *tha e* ro uabhbreach; 'àrdan, agus 'uail, agus 'fhearg; *ach* cha 'n eil a spionnadh⁴ d'a réir.

7 Air an aobhar sin caoinidh Moab; air son Mhoab caoinidh gach aon; air son bunaite Chir-hareis ni sibh tuireadh; gu cinnteach *tha iad* air am bualadh.

8 Oir tha machraichean Hesboìn air fàilneachadh, agus fionain Shìbmah; bhris maithean nan cinneach sìos a fion-chroinn ghasta; ràinig iad gu Iaser; sgaol iad *air feadh* an fhàsaich; shìn a geugan iad féin a mach, chaidh iad thar an fhaighe.

9 Air an aobhar sin guilidh mi le gul Iaser air son fionain Shìbmah; uisgichidh mi thu le m' dheuraibh, O Hesboìn agus Elealeh; oir dh'fhalbh a' chomhghair air son do mheas-samhraidh, agus air son d'fhogharaidh.

10 Agus tha aoibhneas agus gàirdeachas air an toirt air falbh o'n mhachair thorraich; agus anns na fion-lìosaibh cha dean iad ceòl, cha tog iad iolach; anns na h-amaraibh cha bhruth am fear-bruthaidh fion; thug mise air an iolach sgur.

11 Uime sin ni mo chom fuaim mar chlàrsaich, air son Mhoab; agus mo thaobh a stigh, air son Chir-hareis.

12 Agus tarlaidh, 'nuair a chithear gu'n do sgithich Moab e féin air an ionad àrd, gu'n téid e steach d'a ionad naomh a dheanamh urnuigh; ach cha soirbhich leis.

13 So am focal a labhair an Tighearn mu thimchioll Mhoab o'n àm sin⁵.

14 Ach a nis labhair an Tighearn ag ràdh, an ceann trì bliadhna, mar bhliadhnaibh fir-thuarasdail, nìthear glòir Mhoab tàireil, le a mhòr shluagh uile; agus *bithidh* am fuigheall ro bheag agus anmhnun.

CAIB. XVII.

1 *Tha Siria agus Israel air am bagradh. 6 Tréigidh fuigheall do Israel an òrdhol-aoraidh.*

9 *Sgrìosar a' chuid eile dhiubh a chionn gu'n do dhà-chuimhnich iad Dia an slàinte.*

TROM eallach Dhamascuis. Feuch, tha Dhamascus air 'atharrachadh o bhi 'na bhaile, agus bithidh e 'na thòrr léir-sgrìos.

2 Tha bailtean Aroer air an tréigsinn; bithidh iad air son thread a luidheas sìos, agus cha bhi neach 'g am fuadachadh.

3 Agus dealaichidh an daingneach o Ephraim, agus an rìoghachd o Dhamascus; agus fuigheall Shiria, bithidh iad mar ghloir chloinne Israeil, deir Tighearn nan sluagh.

4 Agus tarlaidh anns an là sin, gu'm bi

¹ uaine. ² gleann. ³ luathachadh.

⁴ a bhreugan. ⁵ o cheann fada.

glòir Iacoib air a caitheadh as, agus fàsaidh saill 'fheòla caol.

5 Agus bithidh e amhuil an uair a chruinnicheas *neach* fogharadh an arbh-air, agus a bhuaineas a ghairdean na diasan; agus bithidh e amhuil a thionailas *neach* diasan ann an gleann Rephaim.

6 Gidheadh fàgar ann fuigheall dhearc-an, mar ann an crathadh a' chroinn-oladh; dha *no* trì do dhearcanaibh air mullach a' mheangain a's àirde; ceithir *no* cùig air a gheugaibh iomallach torrach, deir an Tighearn Dia Israeil.

7 Air an là sin amhaircidh duine air a Chruith-fhear, agus seallaidh a shùilean air Tì naomh Israeil.

8 Agus cha'n amhairc e air na h-altair-ibh a rinn a làmh fèin, agus air an nì sin a dhealbh a mheoir cha seall e; araon na doireachan agus na dealbhan.

9 Anns an là sin bithidh a bhailtean daingnichte cosmhuil ri meangan a dh'fhàgadh, no ri géig a dh'fhàg iad, roimh chloinn Israeil; agus bithidh léir-sgrìos ann.

10 A chionn gu'n do dhì-chuimhnich thu Dia do shlàinte, agus nach robh thu cuimhneachail air carraig do neirt: air an aobhar sin suidhichidh tu craobhan taitneach, agus suidhichidh tu failleana còimheach.

11 Anns an là bheir thu air do chraobh-an fàs, agus anns an oidheche bheir thu air do shìol cinntim; *ach bithidh* am fogharadh 'na dhùn ann an là a' dhoilgheis¹ agus a' bhròin gun dòchas.

12 Is an-aobhain do mhòr chuideachd nam fineacha lìonmhor, a ta deanamh fuaime mar fhuaim nan cuantan; agus do bheucaich nan cinneach, a ta ri beucaich cosmhuil ri toirm uisgeacha làidir.

13 Beucaidh na cinnich cosmhuil ri toirm mhòrain uisgeacha; ach bheir Dia dhoibh achmhasan, agus teichidh iad fad air falbh; agus fuadaichear iad mar chanach an t-sléibh roimh'n ghaoith, agus mar chuairteig roimh an ioma-ghaoith.

14 Agus, feuch, ri h-àm an fheasgair, uamhas; agus mu'n tig a' mhaduinn, cha'n 'eil e ann. So cuibhriunn na muinntir a ta 'gar creachadh, agus craunchur na dream a ta 'gar spuinneadh².

CAIB. XVIII.

1 Bhagair Dia gu'n sgrìosadh e luchd-àiteachaidh Etiopia. 7 Bheir tìrcan iomallach tabhartas gu Tighearna nan sluagh.

IS truagh do'n tìr a ta folaichte le sgiathaibh, a ta air taobh thall aimh-niechan Etiopia.

2 A ta cur theachdairean air an fhairge, agus ann an eathraichibh cuilec air aghaidh nan uisgeachan, *ag ràdh*, Imich-

ibh, a theachdairean luatha, gu cinneach air a sgaoileadh a mach agus air a lomadh³; gu sluagh uamhasach o'n toiseach gu ruige so; gu cinneach air a thomhas a mach leis an t-sreing, agus air a shaltairt sìos; aig am bheil 'fhearann air a chreachadh leis na h-aimh-nichibh.

3 Sibhse uile a luchd-àiteachaidh an t-saoghail, agus a ta gabhail còmhnuidh air an talamh, an uair a thogar bratach suas air na sléibhtibh, faicibh; agus an uair a shéidear trompaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhnuidh; mar theas dealrach air an fheur, mar neul dealta ann an teas an fhogharaidh.

5 Oir roimh an fhogharadh, 'nuair a bhitheas am blàth iomlan, agus a bhith-eas am fion-dhearc an-abuich a' tilgeadh a bhlàtha; gearraidh e dheth na meoir le corranabih-sgathaidh, agus na geuga bheir e air falbh, *agus* gearraidh e sìos.

6 Fàgar iad le chèile gu eunlaith nam beann, agus gu beathaichibh na talmhainn; agus cuiridh an t-eunlaith thairis an samhradh orra, agus cuiridh gach uile bheathach na talmhainn thairis an geamhradh orra.

7 Anns an àm sin bheirear tabhartas gu Tighearn nan sluagh o chinneach air a sgaoileadh a mach agus air a lomadh; agus o shluagh uamhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos; aig am bheil am fearann air a chreachadh leis na h-aimh-nichibh, gu ionad ainme Tighearna nan sluagh, gu sliabh Shìoin.

CAIB. XIX.

1 Eallach na h-Eiphit. 11 Amaideachd cheannardan Shoaìn. 18 Fàistneachd mu thimchioll na h-Eiphit; 23 agus mu thimchioll Israeil agus Asiria.

TROM eallach na h-Eiphit. Feuch tha an Tighearn a' marcachd air neul luath, agus a' teachd do'n Eiphit; agus bithidh iodhola na h-Eiphit air an gluasad 'na fhianuis; agus leaghaidh cridhe na h-Eiphit 'na meadhon.

2 Agus cuiridh mis' Eiphitich an aghaidh Eiphiteach; agus cogaidh iad gach fear an aghaidh a bhràthar, agus gach fear an aghaidh a choimhearsnaich; baile an aghaidh baile, agus rioghachd an aghaidh rioghachd.

3 Agus fannaichidh spiorad na h-Eiphit 'na meadhon; agus cuiridh nì ann an neo-bhrìgh a comhairle; agus iarraidh iad a chum nan iodholan, agus a chum nan druidhean, agus a chum na muinntir aig am bheil leannain-shith, agus a chum an luchd-fiosachd.

¹ na seilbhe.

² slàdadh.

³ fhionnadh.

4 Agus bheir mi thairis na h-Eiphitich do làimh thighearna an-ìochdmhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhaire, agus théid an Amhainn an deòthadh, agus tiormaichear suas i.

6 Agus tionndaidhidh iad na h-aimhnich-ean fad a leth-taobh, agus bithidh na sruthan dìonaidd air an deanamh falamh agus tioram; seargaidh a' chuile agus an luachair.

7 Na luibhean ùrar ri taobh nan sruth, aig beul nan sruth, agus gach ni a chuireadh an cois nan sruth, seargaidh, sguabar air falbh, agus cha bhi e ann ni's mò.

8 Agus ni na h-iasgairean bròn, agus ni iadsan uile ta tilgeadh dubhain anns an amhainn caoidh; agus fannaichidh iadsan a ta sgaoileadh liontan air aghaidh nan uisgeachan.

9 Agus cuirear gu h-amhluidh iadsan a ta 'g oibreachadh an lìn ghrinn, agus iadsan a ta figheadh lion-oibre.

10 Agus sgaoilear as a chéile innleachd-an' gach uile neach a ni claisean agus linneachan air son éisg.

11 Gu cinnteach is amadain ceannardan Shoin; thug comhairlichean glìce Pharaoh comhairle mhi-chéillidh; cionnus a deir sibh ri Pharaoh, Is mise mac nan daoine glìce, mac nan rìghrean a bh'ann o chian.

12 C'ait am bheil iad? Cia iad do dhaoine glìce? innseadh iad dhuit a nis, agus cuireadh iad an céill, ciod i comhairle Tighearna nan sluagh do thaobh na h-Eiphit.

13 Dh'fhàs ceannardan Shoin 'nan amadain, tha ceannardan Noph air am mealladh; agus thug iad air an Eiphit dol air seacharan, eadhon luchd-taice a treubhan.

14 Mheasg an Tighearn 'nam meadhon spiorad seacharain; agus thug iad air an Eiphit dol air seacharan 'na h-uile oibrìbh, cosmhuil ri misgear a' tuisleachadh 'na sgeith.

15 Ni mò bhitheas obair air bith anns an Eiphit, aig a' cheann no aig an earball, aig a' ghéig no aig an luachair, r'a dheanamh.

16 Anns an là sin bithidh an Eiphit cosmhuil ri mnaibh; agus bithidh crìth agus geilt oirre, roimh chrathadh làimhe Tighearna nan sluagh, a chrathas e os a ceann.

17 Agus bithidh tìr Iudah 'na cùis-eagail do'n Eiphit; gach neach a ni luadh oirre, gabhaidh e eagail ann fén; air son comhairle Tighearna nan sluagh, a ghabh e 'na h-aghaidh.

18 Anns an là sin, bithidh cùig bailtean ann an tìr na h-Eiphit, a labhairt cainnt Chanaain, agus a' mionnachadh do Thighearn nan sluagh; goirear do aon diubh Baile an sgrios.

19 Anns an là sin bithidh altair do'n Tighearn ann am meadhon tìre na h-Eiphit; agus carradh aig a crìch do'n Tighearn.

20 Agus bithidh e mar chomharadh agus mar fhianuis do Thighearn nan sluagh ann an tìr na h-Eiphit; oir glaothaidh iad ris an Tighearn air son an luchd-sàruchaidh, agus cuiridh e d'an ionnsuidh fear-saoraidh, eadhon fear treun, agus fuasglaidh e iad.

21 Agus bithidh an Tighearn aithnichte do'n Eiphit, agus aithnichidh na h-Eiphitich an Tighearn agus an là sin; agus bheir iad ìobairt agus tabhartas uatha; agus geallaidh iad gealladh² do'n Tighearn, agus coimhlionaidh iad e.

22 Agus buailidh an Tighearn an Eiphit, a' bualadh agus a' leigheas; agus pillidh iad dh'ionnsuidh an Tighearn, agus éisidh esan ri'n guidhe, agus leighisidh e iad.

23 Anns an là sin bithidh rathad mòr o'n Eiphit gu Asiria; agus thig an t-Asirianach do'n Eiphit, agus an t-Eiphiteach gu Asiria; agus ni an t-Eiphiteach aoradh maille ris an Asirianach.

24 Anns an là sin measar Israel an treas aon, maille ris an Eiphit agus ri Asiria, 'na bheannachadh ann am meadhon na tìre;

25 A bheannaicheas Tighearn nan sluagh, ag ràdh, Beannaichte gu robh an Eiphit, mo shluagh-sa; agus Asiria, obair mo làmh; agus Israel, m'òighbreachd.

CAIB. XX.

1 Fàidheadaireachd mu thimchioll braighean na h-Eiphit agus Etiopia.

ANNS a' bhliadhna san d'fhàinig Ta: tan gu Asdod; an uair a chur Sargon rìgh Asiria a mach e, agus chog e an aghaidh Asdoid agus ghlac se e;

2 Anns an àm sin labhair an Tighearn le Isaiah mac Amois, ag ràdh, Imich, agus fuasgail an t-eudach-saic o d' leasraidh, agus cuir dhìot do bhrògan bhàrr do chos; agus rinn e mar sin, ag imeachd lomnochd agus cas-ruisgte³.

3 Agus thubhairt an Tighearn, Amhuil a dh'imich m'òglach Isaiah, lomnochd agus cas-ruisgte trì bliadhna, 'na chomharadh agus 'na iongantais air an Eiphit agus air Etiopia;

4 Mar sin bheir rìgh Asiria air falbh braighean na h-Eiphit, agus fògaraich Etiopia, òigridh agus seann daoine, le an

taobh cùil air a leigeadh ris, a chum nàire na h-Eiphit.

5 Agus bithidh iad fuidh amhludh, agus gabhaidh iad nàire do Etiopia *bu* bhun-dòchais doibh, agus do'n Eiphit a b' aobhar uaill doibh.

6 Agus their fear-àiteachaidh na tìre so auns an là sin; Feuch is amhuil so ar bun dòchais, gus¹ an do theich sinn air son cabhair, a chum gu'm bitheamaid air ar saoradh o rìgh Asiria; cionnus ma ta thèid sinn as?

CAIB. XXI.

1 *Ann an sealladh chumnaic am fàidh sgrios Bhabiloìn.* 11 *Thug e rabhadh do Edom.* 13 *Aimsir shuidhichte trioblaid Arabia.*

TROM eallach fàsaich na fairge. Mar dhoinionnaibh auns an àirde deas, a' dol scachad; o'n fhàsach tha e teachd, o thìr uamhasaich.

2 Dh'fhoillsicheadh sealladh eagalach domh; tha an cealgair a' caitheadh féill, agus tha am fear-creachaidh a' creachadh. Rach suas O Elaim; teannaich O Mhedia; chuir mise crìoch air a h-uile osnaich.

3 Uime sin lìonadh mo leasraidh le cràdh; ghlac piantan mi, mar phiantaibh mnà ri saothair-chloinne. Bha mi air mo chromadh sìos, au uair a chuala mi; dh'fhàs mi air chrith, 'nuair a chunnaic mi.

4 Chlisg mo chridhe; chuir uamhas fiamh orm; feasgar mo shòlais thionndaidh e gu h-uamhunn domh.

5 Deasaich am bòrd; suidhich an fhaire; ith; òl; èiribh, a cheanna-feadhna, ungaibh an sgiath.

6 Oir mar so thubhairt an Tighearn rium, Imich, suidhich fear-faire; an ni a chi e, innseadh e.

7 Agus chunnaic e carbad le dà mharach, carbad le asalaibh, agus carbad le càmhalaibh; agus thug e fa'near gu dichìollach le geur aire;

8 Agus ghlaodh e, Leòmhann²: Mo thighearn, ta mi a'm¹ sheasamh an còmh-nuidh ann am ionad faire, air feadh an là; agus tha mi a' fantuinn air mo fhreiceadan ré gach oidliche.

9 Agus, feuch, an so tha carbad do dhaoineibh a' teachd, le dà mharach. Agus fheagair e agus thubhairt e, Tha Babilon air tuiteam, air tuiteam; agus tha uile dheadhban snaidhte a diathan air am briseadh gu làr.

10 Och mo bhuaidh, agus arbhar m'ùrlair! an ni a chuala mi o Thighearn nan sluagh, Dia Israeil, chuir mi an cèill duibhse.

11 Trom eallach Dhumal. Dh'eigh e rium o Sheir, Fhir na faire, ciod o'n oidhche? Fhir na faire, ciod o'n oidhche?

12 Thubhairt am fear-faire, Tha a' mhaduinn a' teachd, agus fòs an oidhche: ma dh'fhiosraicheas sibhse, fiosraichibh: pillibh, thigibh.

13 An fhàisteachd mu thimchioll Arabia. Auns an fhrith ann an Arabia gabhaidh sibh tàmh, a chuideachda-siubhail Dhedanim.

14 Thug luchd-àiteachaidh tìre Thema uisge dh'ionnsuidh an tartmhoir; le an aran thàinig iad an còdhail fhògaraich.

15 Oir o na claidhibh theich iad, o'n chlaidheamh ruisgte³, agus o'n bhogha lùbta, agus o bhoile a' chogaidh.

16 Oir mar so thubhairt an Tighearn rium, Fathast bliadhna, mar bhliadhnaibh fir-thuarasdail, agus bithidh uile ghlòir Chedair air caitheadh as.

17 Agus lughdaichear fuigheall àireimh nam fear-bogha, fir threuna do mhacaibh Chedair; oir labhair an Tighearn Dia Israeil e.

CAIB. XXII.

1 *Tha am fàidh a' caoidh léir-sgrios nan Iudhach.* 8 *Chronaich e iad a chionn gu'n do chuir iad an dòchas 'nan innleachdaibh féin.* 15 *Ròimh-innis am fàidh sgrios Shebna.* 20 *Ardachadh Eliacim.*

TROM eallach glinn an taisbein. Ciod a thàinig ort a nis⁴, gu'n deachaidh thu gu léir suas gu mullach nan tighean?

2 Thus⁵ a bha làn farum⁵, a'd' chaithir fhuaimnich, a'd' chaithir aoibhin: do dhaoine a th'air am marbhadh, cha do mharbhadh leis a' chlaidheamh iad; ni mò is ams a' chath a dh'eug iad.

3 Tha do chinn-fheadhna uile air siubhal le chéile, cheangladh iad leis na fir-bhogha; na h-uile a fhuaradh annad, cheangladh iad le chéile, theich iad fad air falbh.

4 Air an aobhar sin thubhairt mi, Tionndaidh air falbh uam; guilidh mi gu goirt; na feuchaibh ri comhlhurtachd a thoirt domh, air son léir-chreach nighinn mo shluaigh.

5 Oir is là cruaidh iomairt e, agus saltairt sìos, agus buairidh, o Ichobhah Tighearn nan sluagh, ann an gleann an taisbein; a' briseadh sìos bhallachan, agus a' glaodhach ris na beanntaibh.

6 Agus tha Elam a' giùlan a' bhuilg-shaighead, le carbad do dhaoineibh agus le marc-shluagh; agus tha Cir a' rùsgadh na sgéithe.

7 Agus tarlaidh gu'm bi rogha doghleann air an lìonadh le carbadaibh, agus cuiridh na marcaich iad féin an ordugh fa chomhair a' gheata.

¹ dh'ionnsuidh.

² mar gu'm biodh Leòmhann.

³ tharuingte.

⁴ Ciod a dh'fhairich thu nis.

⁵ iomairt.

8 Agus thugadh air falbh còmh-dach Iudah; agus sheall thu san là sin ri airm¹ tìge na frìthe.

9 Agus chunnaic sibh bearnan baile Dhaibhidh, gu bheil iad lionmhor; agus chruinnich sibh uisgeacha na linne iochd-araich.

10 Agus dh'àireamh sibh tìghean Ierusalem, agus bhris sibh sìos na tìghean a neartachadh a' bhalla.

11 Agus rinn sibh clais eadar an dà bhalla, air son uisge na seann linne; ach cha d'amaire sibh a' sealltainn a' rinn e; agus esan a dhealbhadh o shean e, cha d'fhug sibh fa'near.

12 Agus anns an là sin ghairm Iehobhah Tighearn nan sluagh gu gùil, agus gu caoidh, agus gu maoile, agus gu crìos-lachadh le eudach saic:

13 Ach feuch, aoibhneas agus aighear, marbhadh dhamh agus casgairt chaorach, itheadh feòla agus òl fìona; Itheamaid agus òlamaid, oir am màireach gheibh siun bàs.

14 Agus dh'fhoillsicheadh le Tighearn nan sluagh ann mo chluasaibh, Gu deimhin cha ghlanar an aingidheachd so air falbh uaibh, gus am faigh sibh bàs, deir Iehobhah Tighearn nan sluagh.

15 Mar so deir Iehobhah Tighearn nan sluagh, Imich, rach a dh'ionnsuidh an stiubhaird² so, dh'ionnsuidh Shebna, a ta os ceann an tìge, agus abair ris;

16 Cìod a th'agad an so, gu'n do chladhaich thu mach uaigh an so air do shon fèin? mar neach a ta cladhachadh mach uaighe dha fèin gu h-àrd, a ta gearradh àite-còmh-nuidh dha fèin ann an carraig.

17 Feuch tilgidh an Tighearn a mach thu, 'gad thilgadh a mach gu làidir; agus nì e gu cinnteach do chòmhdachadh.

18 Gu cinnteach cuiridh e car dhiot mu'n cuairt, agus bheir e urchair air falbh dhuit mar spìtheig gu tìr fharsuinn; ann an sin gheibh thu bàs, agus ann an sin bithidh do charbada sgiamhach 'nan nàire do thigh do thighean.

19 Agus iomainidh mi á d'ait thu, agus o d'inbhe tilgidh mi sìos thu.

20 Agus tarlaidh anns an là sin, gu'n gairm mise m'òglach Eliacim mac Hìlach;

21 Agus sgeadaichidh mi e le d'fhalluinn-sa, agus le do chrìos neartaichidh mi e; agus d'uachdaranachd bheir mi thairis ann a làimh; agus bithidh e 'na athair do luchd-àiteachaidh Ierusalem, agus do thigh Iudah.

22 Agus iuchair tìge Dhaibhidh cuiridh mi air a ghualainn; agus fosgailidh e,

agus cha druid aon neach; agus druididh e, agus cha'n fhosgail aon neach.

23 Agus daingnichidh mi e mar tharrain ann an àite cinnteach; agus bithidh e mar chaithir ghlòrmhoir air son tìge 'athar.

24 Agus crochaidh iad a' sealltainn uile ghlòir tìge 'athar, an sliochd agus an gineal, gach soitheach beag, o na h-uile ghnè chuach gus na h-uile ghnè aghlann.

25 Anns an là sin, deir Tighearn nan sluagh, bithidh an tarran a bha air a suidh-eachach ann an àit daingean air a h-atharrachadh; agus gearrar sìos i, agus tuitidh i; agus gearrar an eallach a bha oirre air falbh; oir labhair an Tighearn e.

CAIB. XXIII.

1 Léir-sgrìos eagalach Thirus. 15 An ceann deich agus trì fichead bliadhna pillidh Tirus chum a cosnaidh, agus nì i strìopachas le uile rìoghachdaibh an domhain.

TROM eallach Thirus. Deanaibh caoineadh a longa Tharsuis; oir sgrìosadh i gu tur, ionnus nach 'eil tigh no fardoch³; o thalamh Chitim dh'fhoillsicheadh dhòibh e.

2 Bithibh tosdach, a luchd-àiteachaidh an eilein: lionadh thu le ceannaichibh Shidoìn, a ta suibhal thar cuan.

3 Agus siol Shìoir o uisgeachaibh mòra, fàs na h-Aimhne, b'e sin a teachd-a-stigh; agus bha i 'na margadh do na cinnich.

4 Biodh nàir ort, O Shidoìn, oir labhair an fhaighe, eadhon neart na faighe, ag ràdh, cha robh mi ri saothair, agus cha d'rug mi clann; cha d'àraich mi dòganaich, nì mò thog mi suas dòigean.

5 Mar a bha 'nuair a chualas sgeul mu'n Eiphit, mar sin bithidh iad fo àmhghar ri cluinntinn sgéil mu Thirus.

6 Rachaibh null gu Tarsuis; deanaibh caoineadh, a luchd-àiteachaidh nan eilean.

7 An i so bhuir caithir aoibhin⁴, aig am bheil a h-aois o aimsir chéin? Giùlainidh a cosan fèin i fad as gu fantuinn air chuairt.

8 Cò a ghabh a' chomhairle so an aghaidh Thirus, a thug seachad corona rìoghail, aig am bheil a ceannachann 'nam prionnsaibh⁵; agus a luchd-malairt 'nan daoibh urramach na tìre?

9 Is e Tighearn nan sluagh a dh'orduich e, a chur smala air uabhar gach uile ghlòire, agus a thabhairt uile uaislean na tìre fuidh dhimeas.

10 Ruith thairis air d'fhearann, mar amhainn, O nighean Tharsuis; cha 'n'eil neart⁶ ann nì's mò.

11 Shìn e a làmh thar an fhaighe; chrath e na rìoghachdan; thug an Tighearn àithne an aghaidh na caithreach a ta 'na

¹ tigh-airm, arm-lann. ² an fhir riaghlaidh.

³ araon a sligh agus a muigh.

⁴ aighireach, shumtach.

⁵ triathaibh, flathaibh.

⁶ crìos. Eabh.

ceannaiche, chum a daingnichean làidir a sgrios.

12 Agus thubhairt e, Cha dean thu caithream nì's mò, O òigh shàruichte, a nigh-ean Shidoin; érich, rach thairis gu Citim; an sin fòs cha'n fhaigh thu suaimhneas.

13 Feuch tìr nan Caldéach; cha robh an sluagh so ann, *agus an* do shuidhich an t-Asirianach i air son luchd-àiteachaidh an fhàsaich; thog iad a baidealan¹, chuir iad suas a luchairtean; *agus* rinn e a sgrios.

14 Guilbhu gu h-àrd, a longa Tharsuis; oir sgriosadh² bhur neart.

15 Agus tarlaidh anns an là sin, gu'n leigear air dearmad Tirus deich agus tri fichead bliadhna, a réir là hean aon rìgh; an ceann deich agus tri fichead bliadhna, seinnidh Tirus³ mar strìopach.

16 Glac do chlàrsach, cuartich am baile, a strìopach a bha air do dhearmad; dean ceòl gu binn; seinn iomadh òran; a chum gu'n cuimhnichear a ris thu.

17 Agus an ceann deich agus tri fichead bliadhna, thig an Tighearn a dh'amharc Thuiris; agus pillidh i a chum a cosnaidh; agus nì i strìopachas le uile rioghachdaibh an domhain, a ta air aghaidh na talmhainn.

18 Agus bithidh a malairt agus a buannachd naomh do'n Tighearn; cha taisgear suas e, agus cha ghleidhear gu tèaruint e; oir bithidh a malairt air son na muinntir a ta chòmhnuidh an fianuis an Tighearn, air son lòn a shàsuicheas, agus air son eudaich a mhaireas.

CAIB. XXIV.

- 1 Breitheanas uamhasach an Tighearn air an tìr.
13 Clùthaichidh iarraidh e le h-aoibhneas.
16 Uamhas luchd-àiteachaidh na talmhainn.
23 Rìoghaichidh Tighearna nan sluagh air beinn Shioin.

FEUCH, tha an Tighearn a' deanamh an fhearainn falamh, agus 'ga chur fàs; tha e 'ga thionndadh bun os ceann, agus a' sgapadh a' luchd-àiteachaidh.

2 Agus tarlaidh, mar a *bhios* an sluagh, mar sin *bithidh* an sagart³; mar a *bhios* an t-òglach, mar sin *bithidh* a mhaighstir; mar a *bhios* a' bhanoglach, mar sin *bithidh* a ban-mhaighstir; mar a *bhios* an ceannaiche, mar sin *bithidh* am fear-reic; mar a *bhios* esan a bheir iasachd, mar sin *bithidh* esan a ghabhas iasachd; mar a *bhios* an fear a ghabhas riadh, mar sin *bithidh* am fear a bheir riadh uaith.

3 Nìthear an tìr gu tur falamh, agus creachar i gu buileach⁴; oir labhair⁵ an Tighearn an briathar so.

4 Tha an tìr ri caoidh *agus* a' seargadh; tha an saoghal air lagachadh *agus* a' seargadh; tha uaislean⁶ na tìre air lagachadh.

5 Tha an tìr eadhon air a truailleadh fuidh a luchd-àiteachaidh; oir bhris iad an reachd, dh'atharraich iad an t-ordugh; sgaoil iad an coimhcheangal sierruidh.

6 Air an aobhas sin dh'ith mallachd suas an tìr, agus tha a luchd-àiteachaidh air am fàsachadh⁷; uime sin tha luchd-àiteachaidh na tìre air an losgadh suas, agus is tearc an dream a dh'fhàgadh.

7 Tha am fion nuadh ri caoidh, tha an fhìonan lag, tha luchd a' chridhe aoibhin uile ag osnaich.

8 Sguir fuaim aighireach nan tiompan; theirg luathghaire na muinntir a bha ri gàirdeachas; sguir aighir na clàrsach.

9 Cha'n òl iad fion le ceòl; bithidh deoch làidir searbh dhoibh-san a dh'òlas i.

10 Tha caithir na mi-riaghailt⁸ air a briseadh sìos; tha gach tigh air a dhruideadh suas, air chor as nach feud aon neach dol a steach.

11 Tha gaoir anns gach sràid air son fìona; dhorchaidheadh gach aighir; shiubhail gàirdeachas an fhearainn air falbh.

12 Dh'fhàgadh léir-chreach anns a' bhaile, agus le buaireas bhriseadh sìos an geata.

13 An uair a bhitheas mar so ann am meadhan na tìre, am measg an t-sluaigh, *bithidh* amhuil crathadh a' chroinn-oladh, *agus* mar an dioghlum an uair a chrìochnaichear an fion-fhogharadh.

14 Togaidh iadsan an guth, clùthaichidh iad gu h-àrd mòrachd an Tighearna; nì iad iolach o'n fhainge.

15 Uime sin anns an teine⁹ glòraichibh an Tighearn; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn òrain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi! tha na mealltairean a' mealladh, seadh le foill tha na mealltairean a' mealladh.

17 Tha an t-uamhas, agus an slochd, agus an ribe ort, O fhir-àiteachaidh na tìre.

18 Agus tarlaidh, esan a theicheas o ghuth an uamhas, gu'n tuit e san t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhòrsan o'n àird air am fosgladh; agus tha bunaitean na talmhainn air an luasgadh.

¹ tìran.

² dhàithicheadh.

³ mar a thachaireas do'n t-sluagh, mar sin tachairidh do'n t-sagart, &c.

⁴ baileach.

⁵ bhriathraich.

⁶ uaisle dhaoine.

⁷ oir tha a luchd-àiteachaidh ciontach.

⁸ a' chaitheir fhaondrach.

⁹ ionadaibh grianach, gleanntaibh.

19 Tha an tìr gu tur air a briseadh sìos; tha an tìr air a sgaoileadh gu buileach as a chéile; tha'n tìr air a luasgadh gu garbhh.

20 Bithidh an tìr a' gluasad¹ thuig agus uaithe mar mhisgear; agus atharraichear i mar bhothan-tàimh; oir luidhidh a h-aingidheachd gu trom oirre; agus tuitidh i, agus cha'n éirich i nì's mò. .

21 Agus tarlaidh, anns an là sin, gu'n smachdaich an Tighearn na daoine àrda a ta shuas, agus rìghrean na talmhainn air an talamh.

22 Agus cruinnichear iad ri chéile, mar a chruinnichear prìosanaich² ann an slochd; agus druidear suas iad mar ann am prìosan³; agus an deigh mòrain do làithibh fiosraichear iad.

23 An sin bithidh a' ghealach air a maslachadh, agus a' ghrian air a nàrachadh; oir rìghaichidh Tighearn nan sluagh air beinn Shioin, agus ann an Ierusalem; agus ann am fianuis a sheanairean bithidh a ghlòir.

CAIB. XXV.

1 Mhol am fàidh Dia air son a bhreitheanas; 6 agus rinn e gairdeachas 'na shlàinte.

O THIGHEARN, is tu mo Dhia; àrd-aichidh mi thu, molaidd mi d'ainm; oir rinn thu *nithe* iongantach; is tairisneachd agus firinn do chomhairlean o shean.

2 Oir rinn thu a' chaithir 'na tòrr, am baile daingnichte 'na *charn* sgrios; *chuir thu* àros nan coigreach o bhì 'na bhaile; gu bràth cha togar e.

3 Air an aobhar sin bheir an sluagh borb dhuit glòir; gabhaidh caithir nan cinn-each uamhasach eagal romhad.

4 Oir bha thu a'd' neart do'n bhoichd, a'd' neart do'n fheumach 'na aire; a'd' dhidean o'n doinn, a'd' sgàile o'n teas; an uair a bha gaoth nan uamhasach mar dhoinn a' séideadh ris a' bhalla.

5 Mar an teas ann am fearann seargta, bheir thusa nuas farum nan uaihbreach; mar an teas le sgàil neoil, islichear geug nan uamhasach.

6 Agus anns a' bheinn so ni an Tighearn do na h-uile chinnich cuirm do nithibh blasta, cuirm do fhion aosda, do nithibh blasta làn do smior, do fhion aosda air a dheadh tharruing.

7 Agus sgriosaidh e air a' bheinn so an còmhach a chòmhdaich aghaidh nan uile shluagh, agus an sgàile bha air a sgaoileadh thar na h-uile chinnich.

8 Shluigidh e suas am bàs le buaidh, agus siabaidh an Tighearn Iehobhah an deur o gach aghaidh, agus masladh a shluaigh bheir e air falbh o'n talamh uile; oir labhair an Tighearn e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thèaruinn e sinn; is e so an Tighearn, dh'feith sinn ris, nì sinn gairdeachas agus uail 'na shlàinte,

10 Oir gabhaidh làmh an Tighearna fois air an t-sliabh so; agus bithidh Moab air a shaltairt fuidhe, mar a shaltairear connlach air an òtrach.

11 Agus sinidh e mach a làmhnan 'na mheadhon, mar a shìneas am fear a shnàmh a mach a làmhnan gu snàmh; agus bheir e nuas uabhar, maille ri creich a làmh.

12 Agus daingneach àrd do bhallachan leagaidh e sìos, islichidh e, bheir a chum an làir, *eadhon* chum an duslaich.

CAIB. XXVI.

1 Earail gu earbsadh à Dia do bhrìgh gu'n dean e breitheanas air an nàmhaid, 12 agus gu'n nochd e tròcair d'a shluagh féin. 20 Smachdaichidh Dia luchd-àiteachaidh na talmhainn air son an aingidheachd.

A NNS an là sin seinnear an dàn so ann an tìr Iudah; Tha againn caithir làidir; slàinte cuiridh e suas mar bhallachan agus mar dhaigneach.

2 Fosglaidh na geatachan, a chum gu'n téid an cimeach fìrinneach a steach, a choimhideas an fhìrinn.

3 Gleidhidh tu esan ann an sìth iomlain, *aig am bheil* 'inntinn suidhichte ort, a chionn gu'n do chuir e a dhòchas annad.

4 Cuiribh-sa bhuir dòchas anns an Tighearn do ghnàth, oir anns an Tighearn Iehobhah tha neart sìorruidh.

5 Oir dh'islich e iadsan a bha chòmh-nuidh gu h-àrd; a' chaithir àrd, thug e nuas i; thug e nuas i chum an làir; thug e i *eadhon* chum an duslaich.

6 Saltraidh a' chos oirre, cosan an fheumaich, ceuma nam bochdan.

7 Tha slighe an fhìrein ro dhìreach; nì thusa ceum an fhìrein fìor-chòmhnaidh.

8 Seadh, ann an slighe do bhreitheanas dh'fheith sinn ort tha miann ar n-ama air d'ainm, agus air do chuimhne.

9 Le m'anam mhiannaich mi thu san oidhche; seadh, le mo spiorad an taobh a stigh dh'iarra⁴ mi thu sa' mhaduinn; oir an uair a bhlìos do bhreitheanas air an talamh, fòghlumaidd luchd-àiteachaidh an t-saoghail fireantachd.

10 Nochd tròcair do'n aingidh, *gidheadh* cha'n fhòglum e fireantachd; ann an tìr an ionracais buinidh e gu fealltach; agus cha toir e fa'near mòralachd an Tighearn.

11 A Thighearn, tha do làmh togta suas, *gidheadh* cha'n fhaic iad; *ach* chì iad, agus bithidh iad fuidh amhluaidh air

¹ air udal.
647

² ciomaich.

³ gaintir

⁴ iarraidh.

son eud an t-sluaigh¹; seadh, loisgidh teine do naimhdean suas iad.

12 A Thighearn, orduichidh tu sìth dhuinne; oir eadhon ar n-uile bhearta cumhachdach dh'òibrich thusa annainn².

13 O Thighearn ar Dia, bha ceannas oirnn aig tighearnaibh eile bharrachd ort-sa³; ach annad-sa a mhàin ni sinn luadh air d'ainm.

14 Tha iad marbh, cha tig iad beò; dh'eug iad, cha'n éirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearn; mheudaich thu an cinneach; tha thu air do ghlorachadh; sgaoil thu e a mach eadhon gu uile iomallaibh na talmhainn.

16 A Thighearn, ann an àmhghar dh'iarr iad, dhòirt iad a mach an ath-chuinge an uair a bha do smachdachadh orra.

17 Mar a bhitheas bean thorrach, an uair a bhios àm a h-aisead am fagus, ann an teanntachd, ag éigheach gu h-àrd 'na saothair; mar so bha sinn ann ad fhianuis, O Thighearn.

18 Dh'fhàs sinn torrach, bha sinn ann an teanntachd, rug sinn mar gu'm b'è gaoth; cha d'òibrich sinn slàinte anns an talamh, ni mò tha luchd-àiteachaidh an t-saoghail àir tuiteam.

19 Thig do mhairbh beò; maille ri⁴ mo chorp marbh-sa éiridh iad. Dùisgibh agus seinnibh, sibhse tha chòmhnuidh anns an dùslach; oir tha do dhrùchd mar dhrùchd luibhean; agus tilgidh an talamh a mach na mairbh.

20 Thig, O mo shluagh, imich a steach do d' sheomraichibh, agus druid do dhorsan me'n cuairt duit; foluich thu fèin car tamuill bhig, car tiota, gus an gabh a' chorruih thairis⁵.

21 Oir, feuch, tha an Tighearn a' teachd a mach as 'àit, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a ta air, agus cha chòmhdaich e ni's mò a mhairbh.

CAIB. XXVII.

1 Cùram Dhé d'a fhion-lios. 7 Smachdaichidh Dia a shluagh ann an trècair agus ann an tomhas ceart; 12 agus tionailidh e iad o gach tìr d'an d'fhugadh am braghdeanas iad.

ANNS an là sin smachdaichidh an Tighearn, le a chlaidheamh cruaidh, agus mòr, agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a ta san fhairege.

2 Anns an là sin, canaibhse do fhion-lios

an fhiona dheirg:

3 Tha mise, an Tighearn, 'ga choimhead, uisgicheam e gach tiota; chum 's nach dochainn aon neach e, coimhididh mi e a là agus a dh'oidhche.

4 Annamsa cha'n eil dian-chorruich. Cò a chuireadh an droighionn agus an dris a'm' aghaidh anns a' chath? rachainn trompa, loisginn iad le chéile.

5 No deanadh e greim air mo neart; deanadh e sìth rium; sìth ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fuidh bhlàth; agus lionaidh e aghaidh an t-saoghail le toradh.

7 An do bhuail se e a réir bualaidh an tì a bhuail esan? Am bleil e air a mharbhadh a réir àir na muinntir a mharbhadh leis?

8 Ann an tomhas ceart, an uair a bhriseas e mach, ni thu tagradh ris. Choighe e a ghaoth gharbh ann an là na gaoithe an ear.

9 Uime sin, le so glanar aingidheachd Iacob air falbh; agus is e so an toradh uile a thabhairt air falbh a pheacaidh; 'nuair a ni e uile chlachan na h-altarach mar chlachan aoile a ta air am prònuadh as a chéile, cha seas na doireachan no na dealbhan suas ni's mò.

10 Ach bithidh a' chaithir dhaingnichte fàs, agus an t-àite-còmhnuidh air a thréig-sinn, agus air fhàgail mar fhàsach; an sin ionaltraidh an laogh, agus an sin luidhidh e sìos, agus ithidh e a gcugan⁶.

11 'Nuair a sheargas a meangana, brisear iad; thig mnathan agus cuiridh iad ri theine iad; oir is sluagh gu'n tuigse iad; nime sin cha ghabh an tì a rium iad truas diubh; agus cha nochd esan a dhealbh iad caomhneas dhoibh.

12 Agus tarlaidh anns an là sin, gu'n dean an Tighearn bualadh o chlais na h-Aimhne gu sruth na h-Eiphit agus tionailair sibhse suas, aon agus aon, O chlann Israeil.

13 Agus tarlaidh anns an là sin, gu'n séidear a' ghall-tromp mhòr: agus thig iadsan a bha bàsachadh ann an tìr Asiria, agus iadsan a bha air an sgapadh ann an tìr na h-Eiphit; agus sleuchdaidh iad sìos do'n Tighearn, anns an t-sliabh naomh, ann an Ierusalem.

CAIB. XXVIII.

1 Bhagraidh Ephraim air son a mhisge agus 'uail. 5 Bithidh Dia 'na choron maise do iarnad a shluagh. Tha Crìod air a ghealltainn. 23 Gliocas freasdail Dé air a nochdadh ann an oibrich an treabhaiche.

IS an-aoibhlin do chrùn uaibhreach mhisgearan Ephraim, agus do bhlàth

¹ d'eud air son do shluaigh.

² dhuinn. ³ an leth a muigh dhiotsa.

⁴ amhuil mar.

⁵ téid a' chorruih seachad.

⁶ buinnceaga.

seargach am maise glòrmhoir; *dhoibhsan* a ta air ceann a' ghlinn bheartaich, a ta air an leagadh sìos le fion.

2 Feuch, tha aig an Tighearn fear cumhachdach agus làidir, mar stòirm mheallainn, *mar dhoininn mhilltich*, mar thuil uisgeacha mòra a' taomadh thairis a thlig-eas sìos chum an làir le a làimh.

3 Bithidh corona uaibhreach mhisgear-an Ephraim air an saltair fo 'chosaibh.

4 Agus bithidh blàth seargach am maise glòrmhoir, a ta air ceann a' ghlinn bheartaich, mar am meas luath roimh an t-samhradh, a chi an neach a dh'amhairceas air, agus cha luaithe bhitheas e 'na làimh na dh'itheas e suas e.

5 Anns an là sin, bithidh Tighearn nan sluagh 'na chrùn gloire, agus 'na choron maiseach do iarmad a shluaigh;

6 Agus 'na spiorad breitheanas dhasan a shuidheas ann am breitheanas; agus 'na neart dhoibhsan a philleas air ais an cath chum a' gheata.

7 Ach chaidh iadsan fòs a thaobh le fion, agus le dibh làidir chaidh iad air seacharan; chaidh an sagart agus am fàidh a thaobh le dibh làidir, shluigeadh suas iad le fion, chaidh iad air seacharan le dibh làidir; chaidh iad am mearachd ann an sealladh, thuislich iad ann am breitheanas.

8 Oir tha *am buird uile làn do sgeith*, agus do shalchar, *air chor as nach 'eil àite san bith saor*.

9 Cò d'an teagaisg e eòlas, agus cò d'an iunsaich e fòghlum? dhoibhsan a chuir-cadh o'n chich, *agus a sgaradh o'n bhròlach*¹.

10 Oir tha àithne air àithne, àithne air àithne; rann air roinn, rann air roinn; beagan an so, beagan an sud.

11 Oir le beul manntach, agus le teanga-aidh choimhich, labhraidhe ris ant-sluaigh so.

12 Ris an dubhairt e, So an fhois leis an tabhair sibh fois dha-san a ta sgèth, agus so an suaimhneas; gidheadh cha 'n èisdeadh iadsan.

13 Ach bithidh focal an Tighearna dhoibhsan 'na àithne air àithne, aithne air àithne; rann air roinn, rann air roinn; beagan an so, beagan an sud; a chum gu'n rachadh iad, agus gu'n tuiteadh iad air an ais, agus gu'm biodh iad air am briseadh, agus air an ribeadh, agus air an glacadh.

14 Uime sin cluinnibh focal an Tighearn, a luchd-fanoid, a luchd-riaghlaidh an t-sluaigh so a ta ann an Ierusalem.

15 A chionn gu'n dubhairt sibh, Dhaing-nich sinn coimhcheangal ris a' bhàs, agus

ris an uaigh rinn sinn còrdadh; an uair a shiùbhlas a' phlàigh thairis mar thuil, cha ruig i sinne; oir ghabh sinn a' bhreug mar ar dèidh, agus fuidh cheilg dl'fhol-aich sinn sinn féin.

16 Air an aobhar sin mar so deir an Tighearn Iehobhab, Feuch suidhichidh mise mar stéidh ann an Sion clach, clach dhearbhta, clach-chinn na h-oisinn; sàr bhunait; esan a chreideas, cha cluirear gu h-amhluadh e².

17 Agus tomhaisidh mise mach breith-eanas leis an riaghailt, agus ceartas leis an t-sreing-thombais; agus sguabaidh a' chlach-mheallain air falbh an dèidin-bhréige, agus còmhdaichidh na h-uisgeachan an t-àit-folaich.

18 Agus brisear 'ur coimhcheangal ris a' bhàs, agus cha seas 'ur còrdadh ris an uaigh; nuair a shiùbhlas a' thairis mar thuil, an sin bithidh sibhse air bhur saltair sìos leatha.

19 O'n àm an siubhail i troinhe, ni i greim oirbh; oir maduinn an dèigh maidne siubhlaidh i troinhe, a là agus a dh'oidhche; agus dùisgidh eadhon an t'iomradh a mhàn uamhunn.

20 Oir tha an leabadh tuilleadh 's goirid gu neach e féin a shìneadh oirre; agus tha am brat tuilleadh 's ai-leathan gu neach e féin a phasgadh ann.

21 Oir èiridh an Tighearn suas, mar ann an sliabh Pherasim, bithidh corruich air mar ann an gleann Ghibeoin; a chum gu'n coimhlon e 'obair féin, 'obair neoglmàthach; agus gu'n dean e a ghnìomh féin, a ghnìomh coimheach.

22 Agus a nis, na bithibh ri fanoid, air eagal gu'n deantar bhur cuibrichean làidir³; oir chuala mi o Iehobhab Tighearn nan sluagh sgrios⁴, eadhon air a shònruadh air an tìr uile.

23 Thugaibh-sa an aire, agus cluinnibh mo ghuth; éisdibh, agus cluinnibh mo bhriathra.

24 Am bheil an treabhaiche ri h-ar, rè an là, chum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a ni e 'aghaidh còmhnaidh, nach sgaoil e an sin a' mheanbh-phesair, agus nach sgape an cumin; agus nach cuir e an cruithneachd anns an àit a's fearr, agus an t-eòrna anns an ionad shuidhichte, agus an seagal 'na chrìch féin?

26 Oir bithidh a Dhia ag iunnsachadh eòlais dha, *agus 'ga theagasg*.

27 Oir cha 'n eil a' mheanbh-phesair air a bualadh le inneal-bualaidh; ni mò bheirear air roth feuna tionndadh air a'

¹ uchd.

² cha bli e 'na chabhaig, 'na bhreistich.

³ gu'n teannaichear bhur ceanglaichean.

⁴ crìoch iomlan.

chumin; ach tha a' mheanbh-pheasair air bualadh le slait¹, agus an cumin le luirg².

28 Ach tha *siol air son arain* air a bhruthadh: Do bhrìgh nach bi e 'ga shìr-bhualadh, no 'ga bhriseadh le roth³ 'fheuma, no 'ga phronnadh le 'eachaibh³.

29 Tha so fòs a' teachd o Thighearn nan sluagh: tha esan iongantach ann an comhairle, òirdheirc ann an gnìomh.

CAIB. XXIX.

1 *Teamtadh Ierusalem, agus léir-sgrìos a luchd-claoil le làimh an Tighearn. 9 Chronaicheadh na h-Iudhaich air son an cealgairreachd. 17 Fhuair iad gealladh air nìthibh màithe.*

MO thruaighe Ariel, Ariel, am baile anns an do chòmhnuich Daibhidh; cuiribh bliadhna ri bliadhna; marbhadh iad iobairtean⁴.

2 Gidheadh teannaichidh mise Aricel, agus bithidh caoidh agus bròn ann; agus bithidh e dhomhla mar Ariel⁵.

3 Agus campaichidh mi a'd' aghaidh mu'n cuairt; agus teannaichidh mi thu le tòrr; agus togaidh mi daingnichean a'd' aghaidh.

4 Agus bheirear sìos thu, agus labhairidh tu as an talamh, agus bithidh do chainnt ìosal as an duslach; agus thig do ghuth a mach as an talamh, mar fhios-iaiche, agus ni do chainnt borbhanaich as an duslach.

5 Agus mar an dus mìn bithidh mòr bhuidhneann do choigreach, agus bithidh mòr bhuidheann nan uamhasach⁶ mar am moll luaineach; agus tarlaidh e ann an tiota, gu h-obann.

6 Smachdaichear thu le Tighearn nan sluagh, le tairneanaich, agus le crith-thalmhainn, agus le treun ghuth, le stoirm agus doinn, agus lasair theine chaithtich.

7 Agus amhuil bruarad, aisling na h-oidhche, bithidh mòr shluagh nan uile chinneach, eadhon na h-uile a ta cogadh rithe féin, agus ri a daingneach, agus a ta 'ga teannachadh.

8 Agus amhuil *duine* ocrach a chi aisling, agus, feuch, ta e 'g itheadh, ach air dùsgadh dha, tha 'anam ciocrach; agus amhuil *duine* tartmhor a chi aisling, agus, feuch, tha e 'g òl, ach air dùsgadh dha, feuch, *tha e* fann agus 'anam a' miannachadh; mar sin tarlaidh do mhòr chuid-eachd nan uile chinneach a ta a' cogadh an aghaidh sléibh Shìoin.

9 Stadaibh, agus gabhaibh iongantas; seallaibh mu'n cuairt le h-ìoghnadh, agus amhaircibh; tha iad air mhisg, ach cha'n ann le fìon; tha iad a'call nan cos, ach cha'n ann le dìbh làidir.

10 Oir dhòirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luchd-riaghlaidh, agus air an luchd-seallaidh chuir e còmh-dach⁷.

11 Agus tha an taisbean uile dhuibhse, mar bhriathra leabhair air a ghlasadh suas⁸ a bheir iad do neach aig am bheil fòghlum, ag ràdh, Leugh so, guidheam-aid ort; agus their esan, Cha'n urrainn mi, oir tha e glaiste suas⁹.

12 Agus bheirear an leabhar do neach aig nach 'eil fòghlum, ag ràdh, Leugh so guidheam ort; agus their esan, Cha'n 'eil fòghlum agam.

13 Uime sin thubhairt an Tighearn, Do bhrìgh gu bheil an sluagh so a' teachd dlùth *dhomhsa* le'm beul, agus a' toirt onoir dhomh le'm bìlibh, ach 'nan cridhe gu'n do theich iad fada uam; agus gu'm bheil an eagal romham-sa air a theagasg le àitheantaibh dhaoine;

14 Air an aobhar sin, feuch, théid mis' air m' aghaidh a dheanamh iongantais am measg an t-sluaigh so, iongantas agus iongantas; ionnus gu'n téid gliocas an daoine glice an muga, agus tuiغه an daoine tuiغهach as an t-sealladh.

15 Is truagh dhoibhsan a ta 'g iarraidh an comhairle fholachadh gu domhain o'n Tighearn; aig am bheil an gnìomhara anns an dorchas, agus a ta 'g ràdh, Cò a ta 'gar faicinn? Cò aig am bheil fios oirn?

16 Gu cinnteach measar bhur ais-inn-leachda¹⁰ mar chriadh a' chriadhaidair: an abair an obair mu'n oibriche, Cha d'rinn e mi? agus an abair an nì a dhealbhadh mu'n neach a dhealb e, Cha robh tuiغه aige?

17 Nach tamull ro bheag fòs, gas an deanar Lebanon 'na fhearann torrach, agus gas am measar am fearann torrach mar fhridhe¹¹?

18 Agus anns an là sin cluinnidh na bodhair briathran an leabhair; agus as an dubhar agus as an dorchadas gheibh sùilean nan dall an léirsinn.

19 Meudaichidh fòs na daoine séimhe an aoibhneas anns an Tighearn; agus ni na bochdan am measg dhaoine gàird-eachas ann an Tì naomh Israeil.

20 Oir dh'fhàilnich an t-uamhasach, agus thàinig crìoch air an fhear-fhochaid¹²; agus ghearradh as iadsan uile a bha furachair¹³ chum aingidheachd;

21 A nì duine 'na pheacach air son focail¹⁴; a ta leagadh rìbe air a shonsan a tha tagradh anns a 'gheata; agus a tha tionndadh an ionracain a leth-taobh air son nì nach fiù.

¹ bata.

² buailtear.

³ fìaclaibh a rothanna.

⁴ thigeadh na làithean fèille mu'n cuairt.

⁵ mar leòmhnan mòr, mar an altair mhòr.

⁶ athach.

⁷ cumhdach.

⁸ sheulachadh,

⁹ seulaichte.

¹⁰ tilgeadh nìthe bun os ceann.

¹¹ fhàsach, lòn.

¹² fhear-sgeige.

¹³ a' feitheamh, ri faire.

¹⁴ a tha toirt air an duine bho chd tuisleachadh 'na chainnt.

2 Air an aobhar sin mar so deir an Tighearn, esan a shaor Abraham, mu thimchioll tighe Iacuib, Cha nàraichear Iacob, agus cha bhi 'aghaidh nise fo amhladh¹.

23 Ach an uair a chi e a chlann, obair mo làmh-sa, 'na mheadhon, naomhaichidh iad m'ainm, agus naomhaichidh iad Ti naomh Iacuib, agus bithidh eagal orra roimh Dhia Israeil.

24 Tuigidh iadsan fòs, a chaidh mearachd ann an spiorad, fìor eolas; agus foghlumaidh iadsan a bha ri borbhanaich, teagasg.

CAIB. XXX.

1 Chronaicheadh an sluagh do bhrìgh gu'n do chuir iad an dòigh san Eiphit, 8 agus gu'n d'rinn iad tair air focal Dé. 18 Tròcair an Tighearn d'a eaglais. 27 Bithidh a shluagh aoibhneach 'nuair a bhuaileas Dia na h-Asirianaich.

IS truagh do'n chloimn cheannnaircich, deir an Tighearn, a ta dealbh chomhairlean, ach cha'n ann uamsa; a ta còmhdachadh le brat-folaich², ach cha'n ann le mo spiorad-sa; a chum gu'n cuir iad peacadh ri peacadh:

2 A ta 'g imeachd gu dol sìos do'n Eiphit, ach nach d'fhiosraich dhìom-sa³; chum iad féin a neartachadh le neart Pharaoh, agus a dheanamh buin á sgàile na h-Eiphit.

3 Ach bithidh neart Pharaoh dhuibh 'na nàire; agus 'ur bun á sgàile na h-Eiphit 'na mhasladh.

4 Oir bha a cheannardan aig Soan, agus thàinig a theachdairean gu Hanes.

5 Ghabh iad uile nàire do shluagh o nach d'fhuair iad tairbhe; o nach d'fhuair iad cuideachadh no tairbhe; ach a bha 'nan nàire agus 'nam masladh.

6 Eallach ainmhidhean na h-àirde deas; gu tìr aice agus éigin, as an tig an leòmh-an òg agus an seann leòmh-an, an nathair nimhe, agus an nathair theinteach itealach; giùlainidh iad an saoihbreas air gualainn nan asal òga, agus an ionmhas air croit nan càmhail; dh'ionnsuidh sluagh nach tabhair buannachd dhoibh.

7 Oir is dìomhain agus gun tairbhe còmhnaidh nan Eiphiteach; uime sin thubhairt mi rithe so, 'Se an neart fantuinn 'nan tàmh⁴.

8 Imich a nis, sgrìobh e fa'n comhair air clàr, agus comharaich e air leabhar; chum gu'm bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill éisdeachd a thabhairt do lagh an Tighearn:

10 A ta 'g ràdh ris na fir-sheallaidh, Na faicibh; agus ris na fàidhean, Na

labhraibh nithe cearta ruinn ann am fàistneachd; labhraibh ruinn nithe mìne; deanaibh fàisneachd cheilge:

11 Claonaibh air falbh o'n t-slighe; rachaibh a leth-taobh o'n rathad dhìreach; cuiribh air falbh uainn Ti naomh Israeil.

12 Air an aobhar sin, mar so deir Ti naomh Israeil, A chionn gu bheil sibh a' deanamh tàire air an fhocal so, agus ag earbsadh a' claonadh agus á ceannairce, agus a' leigal bhur taice ris;

13 Uime sin bithidh an t-olc so dhuibh mar bhriseadh⁵ ullamh gu tuiteam, mar aomadh ann am balla àrd, a thuiteas gu làr gu h-obann, ann an tiota.

14 Agus brisidh se e, mar bhriseadh soithich a' chriadhadair, a bhrisear 'na bhloighidibh; cha chaomhain e, air chor as nach faighear, ann a bhriseadh, sgealb a thogas teine o'n teintein⁶, no a bheir uisge o'n tobar.

15 Oir mar so deir an Tighearn Iehobhah, Ti naomh Israeil, ann am pilleadh, agus ann an sàmhechair, tèarnar sibh; ann an suaimhneas agus ann an earbsa bithidh 'ur neart; ach cha b'àill leibhse.

16 Ach thubhairt sibh, Ni h-cadh, ach air eachaibh teichidh sinn; air an aobhar sin teichidh sibh; agus air ainmhidhibh luatha maraichidh sinn; uime sin bithidh iadsan luath a leanas air 'ur tòir.

17 Teichidh aon mhìle roimh achmhasan⁷ aoin; roimh achmhasan chùighear teichidh sibh; gus am fàgar sibh mar chrann lom air mullach sléibh, agus mar bhrataich air enoc.

18 Agus air an aobhar so feithidh an Tighearn, chum gu'n nochd e deadh-ghcan duibh; agus air an aobhar so àrdaichear e, chum gu'n nochd e tròcair dhuibh; oir is Dia ceart-bhreitheach an Tighearn; is beannaichte iadsan uile a ta feitheamh ris-san.

19 Oir gabhaidh sluagh còmhnuidh ann an Sion, ann an Ierusalem; cha ghul thu nì's mò; ni e mòr-thròcair ort, ri guth do ghlaoidh; coluath 'sa chluinneas e, bheir e freagradh dhuit.

20 Agus ged bheir an Tighearn dhuibh aran aice, agus uisge àmhghair, gidh-eadh cha bhi do luchd-teagaisg air am fògradh fad as; ach bithidh do shùilean a' faicinn do luchd-teagaisg.

21 Agus chuinnidh do chluasan focal o d' chùlaobh, ag ràdh, So an t-slighe, ghuaisibh innte, 'nuair a thionndaidheas sibh chum na làimhe deise, no chum na làimhe clìthe.

22 Agus truaillidh sibh trusgan 'ur dealbhan airgid, agus sgeadachadh do

¹ bàn. Eabh.

² dòrtadh tabhartais-dìbhe.

³ o mo bheul. Eabh.

⁴ suidhe sàmhuach.

⁵ bheum.

⁶ teallach.

⁷ bhagradh.

dhealbhan òir; tilgidh tu uait iad mar eudach truaillte; their thu ris, Teich uam.

23 An sin bheir e uisge air son do shìl, leis an cuir thu d'fhearann; agus aran do thoradh na talmhainn, agus bithidh e reamhar agus pailt; anns an là sin, ion-
altraidh do spréidh ann an àilean fars-
uinn;

24 Agus ithidh na daimh, agus na h-asail òga a threabhas am fearann, inn-
linn air a deadh-ghlanadh, air a greadhadh
leis a' ghuit agus leis an t-sluasaid.

25 Agus air gach beinn mhòir, agus air gach cnoc àrd, bithidh caochain agus sruthan uisge; ann an là an àir mhòir, an uair a thuiteas na baidealan¹.

26 Agus bithidh solus na gealaich mar sholus na gréine, agus bithidh solus na gréine a sheachd nìread, mar sholus sheachd làithean; san là anns an ceangail an Tighearn suas briseadh a shluaigh, agus anns an leighis e lot a bhuille.

27 Feuch, tha ainm an Tighearn a' teachd o chéin, a' losgadh le 'fheirg, agus an eallach² trom; tha a bhilean air an lìonadh le corruich, agus a theangadh mar theine caithteach.

28 Agus bithidh 'anail mar shruth dian a' ruith thairis, a' ruigheachd gu meadhon a' mhuineil; a dh'fhasgnadh nan cinn-
each le fasgan an diomhanais; agus
bithidh srian ann an giallaibh an t-sluaigh, 'gan tarruing air seacharan.

29 Bithidh ceòl agaibh, mar anns an oidheche san coimhdear féill naomh; agus gairdeachas cridhe, 'amhuil an uair a dh'imicheas neach le ceòl pìoba, chum dol gu sliabh an Tighearna, gu carraig Israeil.

30 Agus bheir an Tighearn fa'near gu'n cluinnear a ghuth glòrmhor, agus gu'm faicear leagadh a nuas a ghairdein, le corruich ghaire, agus le lasair teine chaithtich; le sgapadh, agus doininn, agus clachaibh mcallain.

31 Oir le guth an Tighearna buailear sìos an t-Asirianach, a bha bualadh le slait.

32 Agus anns gach àit an siubhail an t-slat shònruichte, a leagas an Tighearn air, bithidh tiompan agus clàrsaichean; agus le cruaidh-chòmhlraig cogaidh a leatha.

33 Oir dh'ulluicheadh Tophet o shean; eadhon air son an rìgh tha sin air 'nulluchadh; rinn e domlain e, rinn e farsuinn e; cruach theine agus mòran connaidh³; tha anail an Tighearna, mar shruth pronnaisc 'ga fhadadh⁴.

CAIB. XXXI.

1 *Is truagh dhoibhsan a ta 'g iarraidh còmhnaidh o'n Eiphit air son còmhnaidh; a ta 'g earbsadh as an Tighearn. 6 Earail gu pillinn a dh'ionnsuidh Dhé. 8 Sgrìos nan Asirianach.*

IS truagh dhoibhsan a tha dol sìos do'n Eiphit air son còmhnaidh; a ta 'g earbsadh á h-eachaibh, agus a' cur an dòchais ann an carbadaibh, a chionn gu bheil iad lionmhor; agus ann am marc-aichibh, a chionn gu bheil iad ro làidir; ach cha seall iad air Ti naomh Israel, agus cha'n iarr iad an Tighearn.

2 Ach tha Esan glic, agus bheir e ole orra, agus cha cluir e 'fhocal air chùl; ach éiridh e an aghaidh tighe nan aingidh, agus an aghaidh cabhair na muinntir a tha deanamh euceirt.

3 Oir is daoine na h-Eiphitich, agus cha Dia iad; agus is feoil an cich, agus cha spiorad; an uair a shìncas an Tighearn a mach a làmh, tuitidh am fear-cuideachaidh, agus leagar sìos am fear a bha air a chòmhnaidh leis; agus millcar iad gu léir le chéile.

4 Oir mar so thubhairt an Tighearn rium; mar a raoiceas⁵ an leòmhann, eadhon an leòmhann òg, os ceann a chobhart-
aich, 'nuair a chruinnichear buidheann
bhuachailleann 'na aghaidh; cha ghabh e geilt roimh an guth, agus cha chaill e a mhisneach air son an comhghair⁶; is amhluidh air Tighearna nan sluagh a nuas gu cogadh air son sléibh Shioin, agus air son a chnuic.

5 Mar eunlaith ag itealaich os ceann an àlaich, mar sin dìonaidh Tighearn nan sluagh Ierusalem; le dìonadh saoraidh e i; agus le leum thairis tèarnaidh e i.

6 Pillibh d'a ionnsuidh-san o'n do chlaon clann Israeil le seacharan fada.

7 Oir anns an là sin tilgidh gach aon air falbh uaith 'iodholan airgid, agus 'iodh-
olan òir, a rinn 'ur làmhnan féin duibh
chum peacaidh.

8 Agus tuitidh an t-Asirianach, cha'n ann le claidheamh gaisgich; seadh cha'n e claidheamh duine a shluingeas suas e; ach teichidh e o'n chlaidheamh, agus claididheir a dhaoine òga.

9 Agus troimh eagal théid e null dh'ionnsuidh a dhaingnich, agus gabh-
aidh a chinn-fheadlra geilt⁷ roimh'n
bhrataich; deir an Tighearn, aig am bhéil a theine ann an Sion, agus 'amh-
uinn⁸ ann an Ierusalem.

CAIB. XXXII.

1 *Son as rioghachd Chrìosd. 9 Fàidheadaireachd mu thimchioll fàsachadh na tìre. 15 'Nuair a*

¹ tìr.
³ fiodha.
652

² uallach.
⁴ lasadh.

⁵ bhàireas.
⁷ an ruaig.

⁶ tormain.
⁸ 'fhuirnis.

dhùirtear an spiorad a nuas air an t-sluagh, ni breitheanas còmhnuidh air thalamh.

FEUCH, rioghaichidh rìgh ann am fir-eantachd, agus riaghlaidh uachdarain ann am breitheanas.

2 Agus bithidh duine mar ionad-fasgaidh o'n ghaoith, agus mar dhèidein o'n doinn; mar shruthaibh uisge ann an àite tioram, mar sgàile craige mòire ann an tìr aìrsnealaich.

3 Agus cha bhi ceò air sùilibh na muinntir a chi¹; agus bheir chluasan na muinntir a chluinneas, éisdeachd.

4 Agus tuigidh cridhe an duine bhrais eòlas; agus bithidh teangadh an duine mhanntaich ealamh chum labhairt gu soilleir.

5 Cha ghoirear an t-ùmaidh fial ni's mò, agus cha'n abrar gu bheil am miodhoir daoineachdail.

6 Oir labhraidh an t-ùmaidh do ghnàth amaideachd, agus dealbhaidh a chridhe aingidheachd, a chur an gnìomh ceilge, agus a labhairt foill an aghaidh an Tighearn, a dheanamh anama an ocrach falamh, agus a thabhairt na dìbhe o'n duine iotunhor.

7 Tha inneal an duine mhiodhoir olc; tha e a' dealbh innleachdan aìmhleasach, a' ribeadh nam bochd le briathraibh breugach, sa' cheart àm an labhair an t-aìnniseach gu firinneach.

8 Ach dealbhaidh an duine fial nithe fiala; agus le nìthibh fiala daingnichear e.

9 Eiribh, a mhnathan a ta gu suaimeaneach, cluinnibh mo ghuth; a nigheana gun umhaill, éisdibh ri mo chainnt².

10 Iomadh là agus bliadhna bithidh sibh gun fhois, O mhnathan gun umhaill; oir dh'fhàilnich am fion-fhogharadh, cha tig tional an toraidh.

11 Criothnaichibh, sibhse ta suaimeaneach; bithibh gun fhois, sibhse ta gun umhaill; cuiribh dhìbh, rùisgibh sibh féin agus crioslaichibh 'ur leasraidh le eudach-saie.

12 Ni iad caoidh air son nan cioch, air son nam machraichean taitneach, air son na fionain torraich.

13 Thig an droighionn agus an dris a mios thar fearann mo shluaigh; seadh thar na h-uile thighibh aobhach anns a' bhaile luaghaireach.

14 Oir tha an t-àros air a thréigsinn; tha buidheann lìonmhor na caithreach air am fàgail; bithidh an daingneach agus an tìr 'nan uamhaibh gu bràth, 'nan aoibhneas do na h-asalaibh fiadhaich, 'nan ionaltradh air son nan treudan;

15 Gus an dòirtear a nuas oirn an Spiorad o'n àird, agus gu'm bi am fàsach

'na mhachair thorraich, agus gu'm measar a' mhachair thorraich 'na frìdh.

16 An sin ni breitheanas tàmh anns an fhàsach, agus anns a' mhachair thorraich gabhaidh fireantachd còmhnuidh.

17 Agus is sìth obair na fireantachd; agus is toradh do'n fhìreantachd suaimhneas agus tèaruinteachd gu sìorruidh.

18 Agus gabhaidh mo shluagh còmhnuidh ann am fardaich fhoistnich, agus ann an ionadaibh-còmhnuidh tèaruinte, agus ann an àiteachaibh-tàmh suaimhneach,

19 An uair a thig a' chlach-mheallain a nuas air an doire, agus nìthear a' chaithir co ìosal ris a' chòmhnard.

20 Is beannaichte sibhse a ta cur sìl ri taobh gach uisge, a ta cur a mach coise an daimh agus na h-asail.

CAIB. XXXIII.

1 *Breitheanas Dhé an aghaidh nàimhdean Shìoin.*

13 *Glacaidh uamluinn na cealgairean, 15 ach iadsan a ghluaiseas gu h-ionraic bithidh Dia 'na dhèidein doibh.*

IS an-aoibhin duitse, a chreachadair, nach robh air do creachadh thu féin; agus fhir na foill, ris nach do bhuin iad gu fealltach: an uair a sguireas tu do chreachadh, creachar thu; agus an uair a bheir thu thairis³ a bhi ri foill, buinidh iad ga fealltach riut.

2 O Thighearn, dean trècair oirn; ortsa tha sinn a' feithcamh; bi thus' a'd' ghairdean dhoibh gach maduinn; ar slàinte fòs ri h-àm na h-aireic⁴.

3 O ghuth a' bhuaireis theach na slòigh; an uair a thog thu suas thu féin, sgapadh na cinnich.

4 Agus cruinnichear 'ur creach mar a chruinnicreas am burrus: mar shiubhal nan locust, thig e orra.

5 Tha an Tighearn air 'àrdachadh; seadh, tha a còmhnuidh gu h-ard; lìon e Sion le breitheanas agus ceartas.

6 Agus bithidh slàinte làidir, gliocas, agus eòlas, 'nan daingneachadh do d' linn; tha cagal an Tighearn 'na ionmhas da.

7 Feuch, togaidh na daoine cumhachdach gaìr an taobh a muigh; guilidh teachdairean na sìthe gu goirt.

8 Tha na ròide mòra fàsail, dh'fhalbh am fear-turuis; bhris e an coimhcheangal, chuir e cùl ris na caithrichibh, cha 'n eil meas aig air duine.

9 Tha an talamh ri bròn, agus a' fannachadh; tha Lebanon fo nàire, agus air a ghearradh sìos; tha Saron air fàs mar fhàsach; agus Basan agus Carmel air crathadh dhiubh an toraidh.

10 A nis éiridh mi, deir an Tighearn;

¹ cha bhi iad crith-shùileach.

² ghloir.

³ leigeas tu dhàot, sguireas tu.

⁴ ri h-uchd cruaidh-chais.

a nis àrdaichear mi; a nis togaidh mi suas mi féin.

11 Bithidh sibh torrach air moll; beiridh sibh asbhuaire; ni bhuir anail, mar theine, bhuir caitheadh.

12 Agus bithidh na slòigh mar aol air a losgadh; mar dhroighionn air a ghearradh sìos, loisgear iad anns an teine.

13 Cluinnibh, O sibhse tha fad as, an ni a rinn mi; agus sibhse tha dlùth, aidichibh mo chumhachd.

14 Tha na peacaich ann an Sion fuidh eagail; ghlac uamhunn na cealgairean; cò 'nar measg a ghabhas còmhnuidh maille ri teine millteach? cò 'nar measg a ghabhas còmhnuidh maille ri lasraichibh sìorruidh?

15 Eisan a ghluaiseas gu h-ionraic, agus a labhras gu 'ceart; a ghabhas gràin do bhuannachd na h-ainneirt, a chrathas a làmh o bhi glacadh duaise na *h-eucorach*; a dhruideas a chluas o éisdeachd ri *sgeul* fola, agus a dhùineas a shùilean o amharc air olc;

16 Bithidh a chòmhnuidh-san anns na h-ionadaibh àrda; bithidh daingnichean nan creag 'nan dìdean dha; bheirear aran dha; *mairidh* uisge gu cinnteach aige.

17 Seallaidh do shùilean air an Rìgh 'na mhaise; chi iad an tìr cian fad as.

18 Smuainichidh do chridhe air uamhunn, C'ait am bheil an sgrìobhaiche? C'ait am bheil am fear-tomhlais? C'ait am bheil esan a dh'àireamh na daingnichean?

19 Cha'n fhaic thu sluagh borb; luchd na cinnte domhain, nach b'urrainn thu chluinntinn; luchd na teangaidh manntaich, nach b'urrainn thu thuigsinn.

20 Amhaire air Sion, caitheir ar n-àrd fhéillean; chi do shùilean Ierusalem 'na còmhnuidh fhoistich, 'na pàillinn nach atharraichear; cha ghluaisear¹ aon d'a chuailibh gu bràth, ni mò bhrisear aon d'a chordaibh.

21 Ach ann an sin *bithidh* an Tighearn glòrmhor² dhuinne 'na ionad aimhnichean agus shruthan leathan; cha siubhail soith-each ràmhach ann; ni mò théid long ghreadhnach troimhe.

22 Oir *is e* an Tighearn ar breitheamh; *is e* an Tighearn ar fear-tabhairt lagha; *is e* an Tighearn ar Rìgh; tèarnaidh e sinn.

23 Tha do chùird³ suasgailte; cha b'urrainn iad an crann a ro dhaingneachadh; cha b'urrainn iad an seòl a sgaoileadh; an sin tha creach phailt air a roinn; ghlac am bacach a' chobhartach.

24 Agus cha'n abair am fear-àiteachaidh, Tha mi tinn: gheibh an sluagh, a ta

chomhnuidh an sin maitheanas 'nan aingidheachd.

CAIB. XXXIV.

1 *Fearg an Tighearn an aghaidh nan cinneach a tha nan naimhidh d'a eaglais.* 16 *Cinne na fàisteachd.*

DLUTHAICHIBH, a chinneacha, chum éisdeachd; agus thugaibh aire, O fhineacha: éisdeadh an talamh, agus a làn; an saoghal, agus na h-uile a ta teachd a mach uaith.

2 Oir tha fearg air an Tighearn an aghaidh nan cinneach uile; agus corruicil an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbheannaibh éiridh breun bholadh; agus leaghaidh na sléibhtean sìos le'm fuil.

4 Agus crìonaidh feachd⁴ néimh gu léir air falbh, agus fillear na nèamhan air a chéile mar dhuille leabhair; agus tuitidh am feachd uile sìos, mar thuiteas an duilleag sheargta o'n fhìonain, agus mar am meas làn-abuich o'n chrann-fhìge.

5 Oir tha mò chlaidheamh air a chur air mhìsg⁵ anns na nèamhaibh; feuch, tuitidh e air Idumea, agus air an t-sluagh a mhallaich mise, chum breitheanais.

6 Tha claidheamh an Tighearna sàs-uite le fuil; tha e biadhta le saill, le fuil uan agus ghabhar, le saill airnean reitheachan; oir tha ìobairt aig an Tighearn ann am Bosrah, agus ar mòr ann an tìr Idumea.

7 Agus thig na h-aon-adharcaich a nuas maille ri u, agus na daimh maille ris na tairbh; agus cuirear an tìr air snàmh le fuil, agus nìhear an duslach reamhar le saill.

8 Oir is e là dioghaltais an Tighearn *a th'ann*, agus bliadhna an ath-dhiolaidh air son consachaidh Shìoin.

9 Agus iompaichear a sruthan gu pic, agus a duslach gu pronnusc; agus fàsaidh a fearann uile 'na phic loisgich.

10 Cha téid a chur as a dh'oidhche no a là; gu sìorruidh théid a deatach suas; o àl gu h-àl bithidh i fàs; gu linn nan linn cha téid aon neach troimpe.

11 Ach sealbhaichidh am pelican agus a' ghrùneag⁶ i; agus gabhaidh a' chaill-each-oidhche agus am fitheach còmhnuidh innte; agus sinidh e thairis oirre sreang an léir-sgrìos, agus clachan na faoin-eachd⁷.

12 Gairmidh iad a h-uaislean do'n rìoghachd, ach cha *bhi* iad ann; agus thig a ceannardan uile gu neo-ni.

13 Agus fàsaidh an droighionn suas 'na lùchairidibh; an eamtagach agus an dris

¹ *ghlidichear.*
an Tighearn.

² *Ach bithidh ainm glòrmhor*
³ *bhuill, d'acuinne.*

⁴ *sluagh.*

⁵ *air a thumadh,*

air 'uisgeachadh.
⁷ *fàsalachd.*

na daingnichibh; agus bithidh i 'na fàrdaich aig dràgonaibh, 'na h-àros aig nìgheanaibh na combhachaig.

14 Agus coinnichidh fiadh-bheathaichean¹ an fhàsaich agus fiadh-bheathaichean na macharach a chéile; agus glaothaidh an fiadh-dhuine r'a chompanach; an sin fòs gabhaidh an screuchag-oidhche fois, agus gheibh i dhì féin àite-tàimh.

15 An sin nì a' chailleach-oidhche mhòr a nead, agus beiridh i a h-uighean; agus nì i gur, agus cruinnichidh i a h-àlach fo a sgàile; an sin fòs cruinnichear na faing, gach aon le a chéile féin.

16 Fiosraichibh do leabhar an Tighearn, agus leughaidh; cha bi aon dhiubh so air chall, cha bhi aon as eugmhais a céile; oir is e mo bheul-sa thug an àithne, agus is e a spiorad a thionail iad.

17 Agus thig e an crannchur air an son, agus roinn a làmh dhoibh e le sreing; sealbhaichidh iad e gu sìorruidh; o àl gu h-àl gabhaidh iad comhnuidh ann.

CAIB. XXXV.

1 *Ghòir agus soirbheas rìoghachd Chrìosd.* 9 *Siubhlaidh a' mhuinntir shaorta ann an slighe an Tighearn, agus thig iad gu Sion le caithream agus aoibhneas.*

NI am fàsach agus an talamh tartmhor gairdeachas air an son; agus bithidh an dìthreach aig, agus thig e fo bhlàth mar an ròs.

2 Brisidh e mach gu h-ùrar, seadh nì e gairdeachas gu subhach agus gu ceòlmhor; bheirear glòir Lebanoin dha, maise Charneil agus Sharoin; chi iad sin glòir an Tighearn, agus maise ar Dé-ne.

3 Nearthachibh-sa na làmhnan laga, agus daingnichibh na glùinean amhunn.

4 Abraibh riu-san a ta lag-chridheach, Bithibh làidir, na biodh cagal oirbh; feuch, thig bhuir Dia le dioghaltas, 'se Dia le ath-dhiòladh; thig e féin, agus saoraidh e sibh.

5 An sin fosgailear sùilean nan dall, agus bithidh cluasan nam bodhar air am fosgladh.

6 An sin leumaidh am bacach mar fhiadh, agus seinnidh teangadh a' bhalbhain; oir anns an fhàsach brisidh uisgeachan a mach, agus sruthan ann an dìthreach.

7 Agus fàsaidh am fearann tioram 'na linne, agus am fearann tartmhor 'na thobraichibh uisge: ann an àite-còmhluaidh nan dràgon, agus 'nan leabadh, bithidh fear, leis a' chuile agus an luach-air.

8 Agus bithidh rathad mòr an sin, agus slighe; agus goirear slighe na naomh-

achd dheth; cha siubhail neach neò-ghlan troimhe; ach bithidh e air an son-sa; cha téid am fear-turuis no na daoine baoghaltach air seacharan ann².

9 Cha bhi leòmhnan an sin, nì mòr thig fiadh-bheathach millteach suas ann; cha'n fhaighear an sin e; ach siubhlaidh a' mhuinntir shaorta ann:

10 Agus pillidh saor-dhaoine an Tighearn, agus thig iad gu Sion le caithream, agus aoibhneas sìorruidh air an cinn: gheibh iad gairdeachas agus aoibhneas, agus teichidh bròn agus osnach air falbh.

CAIB. XXXVI.

1 *Ghlac Senacherib rìgh Asiria uile bhailte daingnichte Iudah.* 2 *Chuir e Rabsaceh a dh'ionnsuidh Ierusalem a thoirt maslaidh do Hesechia.*

13 *Briathra Rabsaceh a labhair e an èisdeachd an t-shuaigh.* 22 *Dh'innseadh iad do Hesechia.*

A GUS tharladh anns a' cheathramh bliadhna deug do rìgh Hesechia, gu'n d'fhàinig Senacherib rìgh Asiria nìos an aghaidh uile bhailte daingnichte Iudah, agus ghlac e iad.

2 Agus chuir rìgh Asiria Rabsaceh o Lachis do Ierusalem, dh'ionnsuidh rìgh Hesechia, le armait mhòir; agus sheas e aig sruth-chlais na linne uachdaraich air rathad mòr achaidh an luadbadair.

3 An sin thàinig a mach d'a ionnsuidh Eliacim mac Hileciah, a bha os ceann an tighe, agus Sebnah an sgrìobhaiche, agus Ioah mac Asaiph an seanachaidh.

4 Agus thubhairt Rabsaceh riu, Abraibh a nis ri Hesechia, Mar so deir an rìgh mòr, rìgh Asiria, Ciod e am bun-dòchais so as am bheil thu ag earbsadh?

5 Tha ag ràdh, (ach is briathra faoine iad.) Tha comhairle agus neart agam air son a' chogaidh; a nis cò as am bheil thu ag earbsadh, gu deanadh tu ceann-air a'm aghaidh-sa?

6 Feuch, tha thu 'g earbsadh as an luirg bhrìste chuilce sin, as an Eiphit; nì, ma leigeas duine a chudthrom air, a théid a steach 'na làimh, agus a thollas troinhe i: mar so tha Pharaoh rìgh na h-Eiphit dhoibh-san uile a dh'earbas as.

7 Ach ma their thu rium, As an Tighearn ar Dia tha ar n-earbsa; nach e sin esan a chuir Hesechia air falbh 'ionadan àrda agus 'altairean; agus thubhairt e ri Iudah agus ri Ierusalem, Fa chomhair na h-altarach so sleuchdaidh sibh?

8 A nis uime sin, guidheam ort, tabhair géill³ do m' thighearn rìgh Asiria; agus bheir mise dhuit dà mhìle each, ma's urrainn thu, as do thaobh-sa, marcaichean a chur orra.

9 Cionnus ma ta a philleas tu air ais

daoine baoghaltach féin air seacharan.

³ geall-umhlachd,

¹ eoin fhiadhaich. ² ach bithidh esan leo, ag imeachd air an t-slighe; ionnus nach téid na

aon cheann-feadhna do na seirbhisich a's lugha tha aig mo thighearn? agus a dh'earbas tu as an Eiphit air son charbad-an agus marc-shluaigh?

10 Agus a nis, an ann as eugmhais an Tighearn a thàinig mise a nìos an aghaidh na tìre so, g'a sgrìos? Is e an Tighearn a thubhairt rium, Rach suas an aghaidh na tìre so, agus sgrìos i.

11 An sin thubhairt Eliacim, agus Sebnah agus Ioah ri Rabsaceh, Labhair, guidh-eamaid ort, ri do sheirbhisich, anns a' chainnt Shìrianaich, oir tuigidh sinn i; agus na labhair ruinn anns a' chainnt Iudhaich, ann an cluasaibh an t-sluaigh a ta air a' bhalla.

12 Agus thubhairt Rabsaceh, An ann a dh'ionnsuidh do thighearna-sa agus a dh'ionnsuidh-sa, a chuir mo thighearn mise, a labhairt nam briathra so? nach ann a dh'ionnsuidh nan daoine a ta 'nan suidhe air a' bhalla, a chum gu'n ith iad an salchar féin, agus gu'n òl iad an uisge¹ féin, maille ribhse?

13 An sin sheas Rabsaceh, agus ghlaodh e le guth àrd anns a' chainnt Iudhaich, agus thubhairt e, Cluinnibh briathran an rìgh mhòir, rìgh Asiria:

14 Mar so deir an rìgh, Na mealladh Hesechia sibh, oir cha bhi e comasach air 'ur tèarnadh:

15 Agus na tugadh Hesechia oirbh bhur dòchas a chur anns an Tighearn, ag ràdh, Gu cinnteach tèarnaidh² an Tighearn sinn, cha toirear thairis am baile so ann an làimh rìgh Asiria:

16 Na éisdibh ri Hesechia; oir mar so deir rìgh Asiria, Deanaibh coimhcheangal riumsa le tiodhlac, agus thigibh a m'ionnsuidh; agus itheadh gach fear d'a chrann-fìona, agus gach fear d'a chrann-fìge féin; agus òladh gach fear uisge a thobair féin;

17 Gus an tig mise agus gu'n toir mi sibh gu tìr cosmhuil ri'r tìr arbhair agus fhìona, tìr arain agus fhìon-liosan.

18 Thugaibh an aire nach cuir Hesechia impidh oirbh, ag ràdh, Tèarnaidh an Tighearn sinn. An do theasairg dée nan cinneach, gach aon a thìr féin, á làimh rìgh Asiria?

19 C'àit am bheil dée Hamait agus Arphaid? c'àit am bheil dée Shepharbhaim? an do theasairg iad Samaria as mo làimh-sa?

20 Cò am measg uile dhiathan nan dùthchanna so, a theasairg an tìr féin as mo làimh-sa, gu'n teasairgeadh an Tighearn Ierusalem as mo làimh?

21 Ach dh'fhan iad 'nan tosd, agus cha d'thug iad focal freagraidh air; oir b'i àithne an rìgh, Na tugaibh freagradh air.

22 An sin thàinig Eliacim mac Hilciah, a bha os ceann an tighe, agus Sebnah an sgrìobhaiche, agus Ioah mac Asaiph an seanachaidh, gu Hesechia, le'n eudach reubta, agus dh'innis iad dha briathran Rabsaceh.

CAIB. XXXVII.

1 'Na theanntachd chuir Hesechia fios a dh'ionnsuidh Isaiah gu urnuigh a dheanamh air a shon.

8 Litir Shenacherib. 14 Urnuigh Hesechia.

21 Roimh-innis Isaiah sgrìos Shenacherib.

36 Bhual aingeal an Tighearn camp nan Asirianach.

A GUS an uair a chuala Hesechia an rìgh e, reub e 'eudach, agus chòmhdaich se e féin le eudach saic, agus chaidh e a steach do thigh an Tighearn.

2 Agus chuir e Eliacim a bha os ceann an tighe, agus Sebnah an sgrìobhaiche, agus seanairnan nan sagart, còmhdaichte le eudach saic, gu Isaiah mac Amois, am fàidh.

3 Agus thubhairt iad ris Mar so deir Hesechia, Is là teinn agus achmhasan agus maslaidh an là so; oir tha clann air teachd gu inbhe breith, agus neart gu breith cha 'n eil ann.

4 Theagamh gu'n tabhair an Tighearn do Dhia fa'near briathran Rabsaceh, a chuir a thighearn rìgh Asiria a mhaslachadh an Dé bheò; agus gu'n cronuich e na briathran a chual an Tighearn do Dhia: cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich³ rìgh Hesechia gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na biodh eagal ort air son nam briathran a chuala tu, leis an d'thug òglaich rìgh Asiria masladh dhomh-sa.

7 Feuch cuiridh mi osag air⁴, agus cluinnidh e tuairisgeul⁵, agus pillidh e d'a thìr féin, agus bheir mi air tuiteam leis a' chlaidheamh 'na thìr féin.

8 Mar sin phill Rabsaceh, agus fhuair e rìgh Asiria a' cogadh an aghaidh Libnah; oir chual e gu'n d'fhalbh e o Lachis.

9 Agus an uair a chual⁶ e mu thimechioll Thirhacah rìgh Etiopia, ag ràdh, Thàinig e mach a chogadh riut: chuir e teachd-airean gu Hesechia, ag ràdh,

10 Mar so their sibh ri Hesechia rìgh Iudah, Na mealladh do Dhia thu, as am bheil thu ag earbsadh, ag ràdh, Cha toir ear Ierusalem thairis do làimh rìgh Asiria.

11 Feuch, chuala tu ciod a rinn rìgh-rean Asiria ris na dùthchannaibh uile, 'gan sgrìos gu tur; agus am bi thusa air do thèarnadh?

12 An do theasairg⁷ dée nan cinneach

¹ mùn. ² teasairgidh. ³ seirbhisich, searbhanta. 656

⁴ spiorad ann.

⁵ iomradh.

iadsan a sgrios m'aithriche-sa, *eadhon* Gosan, agus Haran, agus Reseph, agus mic Edein a bha ann an Telasar?

13 C'ait am bheil rìgh Hamait, agus rìgh Arphaid, agus rìgh mòr-bhaile Shepharbhaim, Hena, agus Ibbah?

14 Agus ghabh Heseciah an litir o làimh nan teachdairean, agus leugh e i; agus chaidh Heseciah suas do thigh an Tighearn, agus sgaol e i am fianuis an Tighearn.

15 Agus rinn Heseciah urnuigh ris an Tighearn, ag ràdh,

16 O Thighearn nan sluagh, Dhia Israeil, a ta a' d' chòmhnuidh *eadar* na cherubim; is tusa féin a' d' aonar, Dia uile rìoghachda na talmhainn; is tu a rinn na nèamhan agus an talamh.

17 Crom, O Thighearn, do chluas, agus cluinn; fosgail, O Thighearn, do shùilean, agus faic; agus cluinn uile bhriathran Shenacherib, a chuir e a mhaslachadh an Dé bheò.

18 Gu deimhin, O Thighearn, sgrios rìghrean Asiria na cinnich uile, agus am fearann,

19 Agus thilg iad an dèe anns an teine; oir cha *bu* dèe iad, ach obair làmhnan duine, fiodh agus clach; uime sin sgrios iadsan iad.

20 Ach a nis, O Thighearn ar Dia, teasairg sinn o làimh; a chum gu'm bi fios aig uile rìoghachdaibh na talmhainn gur tusa, a Thighearn, an t-aon Dia.

21 An sin chuir Isaiàh mac Amois fios gu Heseciah, ag ràdh, Mar so deir an Tighearn Dia Israeil, Do thaobh na h-urnuigh a rinn thu rium mu thimchioll Shenacherib rìgh Asiria;

22 So am focal a labhair an Tighearn m'a thimchioll-san; Rinn òigh-nighean Shioin tàir ort, rinn i gàire fanoid riut; chrath nighean Ierusalem a ceann air do chùlaobh.

23 Cò d'an d'thug thu masladh agus toibheum? agus cò a thog thu do ghuth 'na aghaidh, agus a thog thu suas do shùilean gu h-àrd? *an ann* an aghaidh Ti naomh Israeil?

24 Le do luchd-muinntir mhaslach thu an Tighearn, agus thubhairt thu, Le lìon-mhoireachd mo charbad dhìr mi àirde nam beann, slios an Lebanoin; agus gearraidh mi sìos a' chuid a's àirde d'a chraobhan seudair, rogha a chraobhan giùthais; agus théid mi stigh do ionad àrd a chrìche, frìdh a Charmeil.

25 Chladhaich mi agus dh'òl mi uisgeachan; agus le bonn mo chos thiomraich mi uile shruthan nan ionada daingnichte.

26 Nach cuala tu o shean gu'n d'rinn mi e, agus o aimsiribh céin gu'n do dh'caibh mi e? A nis thug mi gu crìch e,

gu'm biodh tusa chum bailtibh daingnichte chur fàs 'nan carnaibh sgrios.

27 Uime sin bha an luchd-àiteachaidh air bheag neart; bha iad fo gheilt-chrith agus amhladh; bha iad mar fheur na macharach, agus mar an luibh uaine; *mar* fheur mullaich an tighe, agus *mar* an t-arbhar a sheargas mu'm fàs e suas.

28 Ach is aithne dhomh do shuidhe sìos, agus do dhòl a mach, agus do theachd a steach, agus do bhoile a' m' aghaidh.

29 A chionn gu'n d'thàinig do bhoile a' m' aghaidh, agus d'ardan a' nìos gu m' chluasaibh; air an aobhar sin cuiridh mi mo dhubhan ann ad shròin, agus mo shrian ann ad bleul; agus pillidh mi air d'ais thu air an t-slighe air an d'thàinig thu.

30 Agus bithidh so 'na chomhara dhuit; Ithibh air a' bhliadhna so an uì sin a dh'fhàsas leis féin, agus an dara bliadhna an ni a chinneas as a sin; agus an treas bliadhna cuiribh agus buaimibh; agus suidhichibh fion-fiosan, agus ithibh an toradh.

31 Agus gabhaidh am fuigheall a théid as do thigh Iudah, fathast freumh sìos, agus giùlainidh e toradh suas.

32 Oir o Ierusalem théid fuigheall a mach, agus iadsan a théid as o shliabh Shioin: ni eud Tighearna nan sluagh so a choimhlionadh.

33 Air an aobhar sin, mar so deir an Tighearn mu thimchioll rìgh Asiria, Cha tig e a stigh do'n chaithir so, agus cha tilg e saighead innte, agus cha tog e sgiath fa comhair, agus cha chuir e suas torr 'na h-aghaidh.

34 Air an t-slighe air an d'thàinig e, mar sin pillidh e; agus do'n chaithir so cha tig e steach, deir an Tighearn.

35 Agus dìonaidh mise a' chaithir so chum a tearuadh, air mo sgàth féin, agus air sgàth Dhaibhidh m'òglaich.

36 Agus chaidh aingeal an Tighearn a mach, agus bhual e, ann an camp nan Asirianach, ceud agus ceithir fichead agus cùig mìle; agus an uair a dh'éirich *duoine* sa' mhaduinn, bha iad sin uile 'nan corpaibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhnuidh ann an Ninebbeli.

38 Agus tharladh, an uair a bha e ri aoradh ann an tigh Nisroch a dhé, gu'n do bhual Adramelec agus Sareser, a mhic, e leis a' chlaidheann, agus theich iad do thìr Armenia; agus rìghich Esarhadon a mhac 'na àit.

CAIB. XXXVIII.

1 Nuair bha Heseciah tinn gu bàs rinn e urnuigh ri Dia, agus fhuair e gealladh gu'n cuirear cùig

¹ do dhalmachd.

Uliadhna deug ri a làithibh. 7 Mar chomhara air so thug Dia air ais dubhar nan ceum. 9 Laoidh-bhuidheachais Hesechia.

ANNS na làithibh sin bha Hesechia tinn gu bàs; agus thàinig Isaiah am fàidh, mac Amois, d'a ionnsuidh, agus thubhairt e ris, Mar so tha an Tighearn ag ràdh, Cuir do thigh an ordugh¹; oir gheibh thu bàs, agus cha mhair thu beò.

2 An sin thionndaidh Hesechia 'aghaidh ris a' bhalla, agus rinn e urnuigh ris an Tighearn;

3 Agus thubhairt e, Guidheam ort, O Thighearn, cuimhnich a nis cionnas a ghluais mi a'd' làthair ann am firinn, agus le cridhe iomlan, agus a rinn mi an *ni a ta* maith a'd' shùilbh. Agus ghuil Hesechia gu goirt.

4 An sin thàinig focal an Tighearna dh'ionnsuidh Isaiah, ag ràdh,

5 Falbh agus abair ri Hesechia, Mar so deir an Tighearn, Dia Dhaibhidh d'athar, Chuala mise d'urnuigh, chunnaic mi do dheòir; feuch, cuiridh mi ri d' làithibh cùig bliadhna deug;

6 Agus saoraidh mi thusa agus am baile so á làimh rìgh Asiria; agus dìonaidh mi am baile so.

7 [Agus thubhairt Isaiah²,] *Se so a's comhara dhuit gu'n dean an Tighearn an ni a labhair e.*

8 Feuch, bheir mi air ais dubhar nan ceum, a ta air dol sìos leis a' ghréin air ceumaibh³ Ahais, deich ceuman air ais. Agus phill a' ghrian air a h-ais deich ceuman air na ceumaibh air an deachaidh i sìos.

9 Sgrìobhadh Hesechia rìgh Iudah, an uair a bha e tinn, agus shlànuicheadh e o⁴ thinneas.

10 Thubhairt mi, ann an giorrachadh mo làithean, Théid mi a steach air dorsaibh na h-uaigne: chaill mi fuigheall mo bhliadhnachan.

11 Thubhairt mi, Cha'n fhaic mi nì's mò an Tighearn, eadhon an Tighearn, ann an tìr nam beò; cha seall mi air duine nì's mò, maille ri luchd-àiteachaidh an t-saoghail.

12 Tha m'aois air dealachadh rium, agus dh'atharraicheadh i air falbh mar *phuill-ùnn* buachaille; ghearradh as mo bheatha mar *gu'm b'ann* leis an fhisheadair; tha e' gam chlaoidheadh le tinneas caithreach; o là eadhon gu h-oidhche tha thu a' cur as domh.

13 Shaoil mi, gus a' mhaduinn, gu'm briseadh e, mar leòmhlan, mo chnàmhan uile; o là eadhon gu h-oidhche tha thu a' cur as domh.

14 Mar ghobhlan gaoithe *no mar chorr,*

rinn mi càrran; rinn mi caoidh mar choluman; tha mo shùilean air fàilneachadh le sealltuinn suas. O Thighearn, tha mi air mo shàruchadh; bi thusa a'd' urras dhomh.

15 Ciod a their mi? Labhair e rium, agus fòs choimlilinn e. Gluaisidh mi gu fòil uile bhliadhnachan mo *bheatha*, air son àmhghair m'anama.

16 O Thighearn, troimh na *nithibh* sin bithidh iad beò, agus anns na *nithibh* sin tha beatha mo spioraid: mar sin shlànuich agus bheothaich thu mi.

17 Feuch, tha m'àmghar air a chaochladh gu fòis; theasaig thu gu caomh m'anam o shlochd millteach; seadh, thilg thu air do chùlaobh m'uile lochdan.

18 Gu deimhin cha dean an uaigh luadh⁴ ort; cha toir am bàs cliù dhuit; cha chuir iadsan a théid sìos do'n t-slochd an dòigh ann ad fhìrinn.

19 Am beò, am beò, molaidh esan thu, mar a dheanam-sa air an là'n diugh; foillsichidh an t-athair do'n chloinn do thairisneachd⁵.

20 Bha an Tighearn *leam* do m' thèarnadh; air an aobhar sin seinnidh sinn mo dhàin air na h-innealaibh-ciùil, uile làithean ar beatha, ann an tigh an Tighearn.

21 Agus thubhairt Isaiah, Gabhadh iad meall fhùgean, agus sgaoileadh iad air an neasgaid iad, agus slànuichear e.

22 Agus thubhairt Hesechia, Ciod e an comhara gu'n téid mi suas do thigh an Tighearna?

CAIB. XXXIX.

1 *Chuir Merodach-baladan teachdairean a dh'ionnsuidh Hesechia: 2 dh'fheuch esan doibh uile ion-mhas a thighe: 3 'nuair chual Isaiah so, dh'innis e do Hesechia gu'n rachadh gach ni a bha 'na thigh a ghluil an air falbh gu Babilon.*

ANNS an àm sin, chuir Merodach-baladan, mac Bhaladain rìgh Bhabylon, lùir agus tiòdhlaic gu Hesechia; oir chual e gu'n robh e tinn, agus gu'n do shlànuicheadh e.

2 Agus rim Hesechia gàirdeachas air an son; agus dh'fheuch e dhoibh tigh-tasgaidh a nithe luachmhor, an t-airgid, agus an t-òr, agus na spiosraidhean, agus an oladh luachmhor, agus a thigh-armachd gu léir, agus na h-uile ni a fhuaradh 'na ionmhasaibh; cha robh ni 'na thigh, agus 'na rioghachd uile, nach d'fheuch e dhoibh.

3 Agus thàinig am fàidh Isaiah gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iad a d'ionnsuidh? Agus thubhairt Hesechia, Thàinig iad a m'ionnsuidh o thìr chéin, o Bhabylon.

¹ *Thoir àithne mu thimchioll do thighe.*

² *Faic 11. Rìgh XX. 8, 9.*

³ *uaireadair-gréine.*

⁴ *iomradh.*

⁵ *d'fhìrinn.*

4 Agus thubhairt e, Ciod a chunnaic iad ann ad thigh? Agus thubhairt Hesechiah, Na h-uile *nithe* a *th'*ann mo thigh chunn-
aic iad; cha 'n'eil ni ann am ionmhasaibh nach d'fheuch mi dhoibh.

5 An sin thubhairt Isaiah ri Hesechiah, Cluinn focal Tighearna nan sluagh;

6 Feuch, tha na làithean a' teachd, anns am bi gach ni a *th'*ann ad thigh, agus a thaisg t'aithriche suas gus an là an diugh, air a ghluilair air falbh gu Babilon; cha 'n fhàgar ni air bith, deir an Tighearn.

7 Agus do d' mhacaibh a thig uait, a ghineas tu, bheir iad leo; agus bithidh iad 'nan caillteanaich ann an luchairt rìgh Babiloin.

8 An sin thubhairt Hesechiah ri Isaiah, *Is* maith focal an Tighearn a labhair thu; oir thubhairt e gu'm bi sìth agus fìrinn ann ré mo làthibh-sa.

CAIB. XL.

1 *Thug Dia comhfhurtachd d'a shluagh.* 3 *Searmonachadh Eoin Bhaiste.* 9 *Deadh sgeul an t-soisgeil.* 12 *Mòrachd agus cumhachd an Tighearn.*

THUGAIBH comhfhurtachd, thugaibh comhfhurtachd do mo shluagh-sa, deir 'ur Dia.

2 Labhraibh gu sòlasach ri Ierusalem; agus glaothaibh rithe, gu'n do choimhlionadh a cogadh, gu'n do ghlanadh a h-aingidheachd; oir fhuair i o làimh an Tighearn a dhà uiread r'a h-uile pheacaibh.

3 Guth an ti a ghlaodhas anns an fhàsach¹, Ulluichibh slighe an Tighearna; réitichibh, anns an di-threabh², slighe àrd d' ar Dia-ne.

4 Bithidh gach gleann air 'àrdachadh, agus gach sliabh agus cnoc air 'isleachadh; agus nìthean an cam dìreach, agus na h-ionada garbha 'nan còmhnard réidh.

5 Agus foillsichear glòir an Tighearn, agus chi gach uile fheoil i le chéile; oir is e beul an Tighearn a labhair.

6 Tha guth ag ràdh, Eigh; agus thubhairt mise, Ciod a dh'éigheas mi? Is fear gach uile fheoil, agus tha a h-òirdheirceas uile mar bhlàth na macharach:

7 Tha am fear a' seargadh, am blàth a' crìonadh, 'nuair a shéideas gaoth an Tighearn air; gu cinnteach is fear an sluagh.

8 Tha am fear a' seargadh, am blàth a' crìonadh; ach seasaidh focal ar Dé-ne gu sìorruidh.

9 O thusa a tha tabhairt deadh sgéil do Shìon, gabh suas gu sliabh àrd, O thusa a tha tabhairt deadh sgéil do Ierusalem, tog do ghuth le neart; tog e, na biodh eagail ort; abair ri bailtibh Iudah, Feuch, bhuir Dia!

10 Feuch thig an Tighearn Iehobhah le làimh làidir, agus bheir a ghairdean buaidh a mach dha; feuch, tha a dhuais maille ris, agus 'obair 'na fhianuis.

11 Mar bhuachaille beatlaichidh e a threud; le a ghairdean cuairtichidh e na h-uain, agus giùlainidh e *iad* 'na uclid; iomainidh e gu sèimh an spréidh a tha trom le h-àl³.

12 Cò a thomhais na h-uisgeachan ann an glaic a làimhe; agus a shìn a mach na nèamha le réis; agus a chruinnich duslach na talmhainn ann an soitheach-tomhais; agus a chothromaich na sléibhteann ann an sligibh, agus na cuic ann am meigh-chothroim?

13 Cò a sheòl Spiorad an Tighearna, no *mar* aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreitheanais, agus a dh'iunnaich dha eòlas, agus a sheòl dha slighe na tuigse?

15 Feuch, *tha* na cinnich mar bhoinne an t-soithich-uisge; agus measar iad mar dhus mìn na slighe-tomhais: feuch, togaidh e suas na h-eileana mar smùirnean:

16 Agus cha leòr Lebanon, gu a losgadh, agus cha leòr a bheathaichean air son ìobairt-loisgte.

17 *Tha* na cinnich uile mar neo-ni 'na làthair-san; tha iad air am meas leis mar fhìor neo-ni agus dìomhanas.

18 Cò ris, ma seadh, a shamhlaicheas sibh Dia? agus ciod an coslas a ni sibh dha⁴?

19 Tilgidh am fear-ceirde dealbh snaidhte, agus cuiridh an t-òr-cheard thairis e le h-òr; agus ni e slabhruidhean airgid air a shon.

20 Am fear aig nach 'eil fìù tabhartas, taghaidh e mìr fiodha nach grod; iarraidh e mach dha féin fear-oibre seolta, a chuireas an uigheam dealbh snaidhte nach téid a ghluasad.

21 Nach d'fhuair sibh fios? nach cuala sibh *sgeul*? nach do chuireadh an céill duibh o thùs? nach do thuig sibh o *leagadh* bunaite na talmhainn?

22 *Is esan* a ta 'na shuidhe air cuairt na talmhainn, agus *tha* a luchd-àiteachaidh mar fhionnain-fheoir⁵; a ta sìneadh a mach nan nèamha mar sgàil thana, agus 'gan sgaoileadh mar bhùth anns an gabhar còmhnuidh.

23 A tha tabhairt phrìomsachan gu neo-ni, agus a' deanamh bhreitheamhna 'nan dìomhanas.

24 Seadh, cha suidhichear iad, ni mò a chuirear iad, ni mò a fhreumhaicheas am bun san talamh; an uair a shéideas e

¹ Guth neach a' glaothaich; Anns an fhàsach, &c.
² fhàsach. ³ na caoraich-altruim.

⁴ ciod an samhhladh bheir sibh air?
⁵ leumnaich-uaine, dhreollain.

orra, seargaidh iad; agus bheir a' chuairt-
thairt air falbh iad mar asbhuan.

25 Cò ris ma ta a shamhluchas sibh mise,
no a choimeasar mi? deir an Tì naomh.

26 Togaibh 'ur sùilean an àird, agus
feuchaibh, cò a chruthaich iad so; E san
a bheir a mach an armaistean air àireamh;
a ghairmeas orra uile air an ainm;
troimh meud a neirt agus treise a chumh-
achd, cha bhi aon air chall¹.

27 C'uime a deir thusa, O Iacoib, agus
a labhras tu, O Israeil. Tha mo shlighe
foluichte o'n Tighearn, tha mo èhòir air a
leigeadh air dearmad le mo Dhia?

28 Nach aithne dhuit, nach cuala tu?
An Dia bith-bhuan, an Tighearn, Cruith-
fhear chrìocha na talmhainn, cha'n
fhannaich agus cha sgìthich e; cha'n
fheudar a thuigse a rannsachadh.

29 Bheir esan neart do'n anmhunn, agus
dhoibhsan a ta gun lùgh mcudaichidh e
treise.

30 Fàsaidh na h-òigfhir lag agus sgèth,
agus tuitidh an òigridh thaghta gu làr;

31 Ach iadsan a dh'fheitheas air an
Tighearn gheibh iad spionnadh nuadh;
éiridh iad suas mar iolair air a sgiathaibh;
ruithidh iad agus cha bhi iad sgèth,
siùbhlaidh iad agus cha'n fhàs iad fann.

CAIB. XLI.

1 Nochd Dia a fhreasdal agus a ghràdh do'n Eag-
lais. 9 Chomhairlich e d'a shluagh an dòchas a
shuidheachadh airsan do bhrìgh gu'n cum e suas
iad le deas làimh 'fhìreantachd. 21 Diomhanas
nan dèe coimheach.

BITHIBH 'nur tosd a'm' làthair, O
Eileana, agus ath-nuadhaicheadh
na slòigh an neart; thigeadh iad am
fagus, an sin labhraidh iad; dlùthaich-
eamaid r'a chéile chum tagraidh.

2 Cò a dhùisg suas an t-ionracan o'n
ear, a ghairm e chum a choise, a chuir
na cinnich 'na fhochair, agus a thug dha
riaghladh thar rìghribh? a rinu iad mar
an duslach roimh a chlaidheamh, agus
mar an asbhuan fhuadaichte roimh a
bhogha?

3 Ruaig e iad, chaidh e thairis ann an
tèaruinteachd; air slighe nach d'ìmhich e
roimhe le a chosaibh.

4 Cò a dh'òibrich agus a choimhlion so,
a' gairm nan ginealach o thùs? Mise an
Tighearn, an ceud neach, agus maille
riusan air dheireadh, is mise e.

5 Chunnaic na h-eileana, agus ghabh
iad eagal; iomallan na tìre, agus bha iad
fo uamhas; dhlùthaich iad, thàinig iad
am fagus.

6 Chuidich gach fear a choimhears-
nach, agus thubhairt e r'a bhràthair, Bi
misneachail.

7 Mar sin thug an saor misneach do'n
òr-cheard; esan a mhinicheas leis an òrd,
do'n fhear a bhuaileas air an innein, ag-
ràdh, Tha e ullamh chum a thàthadh²;
agus dhaingnich e le tairngibh e, air chor
as nach gluaisteadh e.

8 Ach thusa Israeil, m'òglach, a Iacoib,
a ròghnaich mi; sliochd Abraham mo
charaid;

9 Thusa, a stiùir mi o iomallaibh na
talmhainn, agus a ghairm mi o mheasg a
maithean; agus thubhairt mi riut, Is tu
m'òglach; ròghnaich mi thu, agus cha
do chuir mi cùl riut:

10 Na biodh eagal ort, oir tha mise
maille riut; na biodh geilt ort, oir is mise
do Dhia; neartaichidh³ mi thu; seadh,
cuideichidh⁴ mi thu; seadh, cumaidh⁵ mi
suas thu le deas làimh m'fhìreantachd.

11 Feuch nàraichear agus maslaichear
iadsan uile a bha air bhoile riut; bithidh
iad mar neo-ni; agus théid iadsan a ni
strì riut am mugha.

12 Iarraidh tu iad, agus cha'n fhaigh
thu iad, eadhon na daoine a rinn strì riut;
bithidh na daoine a rinn cogadh riut mar
neo-ni, agus mar ni gun bhrìgh.

13 Oir tha mise, an Tighearn do Dhia,
'gad chumail suas air do làimh dheis,
tha mi ag ràdh riut, Na biodh eagal ort,
ni mise cabhair ort.

14 Na biodh eagal ort, a chuimh a
Iacoib, o dhaoine bàsmhor Israeil; ni
mise cabhair ort, deir an Tighearn, agus
is e d'fhear-saoraidh Tì naomh Israeil.

15 Feuch, ni mise thu a'd' inneal-
buaillidh geur, nomha, aig am bì fiacra;
buaillidh tu na sléibhteann, agus pronnaidh
tu gu mìn iad; agus ni thu na cnuic mar
mholh.

16 Fosgaidh tu iad, agus bheir a'
ghaoth air falbh iad, agus sgapaidh a'
chuairt-ghaoth iad; ach ni thusa gaird-
eachas anns an Tighearn, ni thu uail
ann an Tì naomh Israeil.

17 An uair a bhitheas am bochd agus
an t-ainnis ag iarraidh uisge, agus nach
bi e ann; agus a bhitheas an teangadh air
tìormachadh le tart; mise Iehobhal
freagram iad; Dia Israeil, is mi nach
tréig iad.

18 Fosgaidh mi aimhnicean anns na
h-ionadaibh àrda, agus tobraichean ann
am meadhon nan gleann; ni mi am fàsach
'na linne uisge, agus an fearann tioram
'na shruthaibh uisge.

19 Cuiridh mi anns an fhàsach an
seudar, an sitta, am miortal, agus an
crann-oladh; suidhichidh mi anns an
fhàsach an giuthas, an gall-ghiuthas agus
am bocsa le chéile:

¹ air dearmad, a dhìth.

² ag ràdh mu'n tàthadh, Is maith e.

³ neartaich.

⁴ chuidich.

⁵ chum.

20 A chum gu'm faic agus gu'n aithneadh iad, agus gu'n toir iad fa' near, agus gu'n tuig iad maraon, gur i làmh an Tighearn a rinn so, agus gur e 'Ti naomh Israeil a dhealbh e.

21 Thugaibh am fagus 'ur cùis, deir an Tighearn; thugaibh a làthair blur mòr-chumhachdan, deir rìgh Iacoib.

22 Thigeadh iad am fagus, agus inns-eadh iad dhuinn na nithe a thig gu crìch; inns-eadh iad dhuinn ciod iad na nithe a bha roimhe, chum gu'n toir sinn fa' near iad; agus gu'm bi fios againn air a' crìch; no cuireadh iad an cèill nithe ri teachd.

23 Innsibh dhuinn na nithe a thig gu crìch an déigh so, agus aithneichidh sinn gur dée sibh; seadh deanaibh maith no deanaibh ole, a chum gu'n amhairc sinn¹, agus gu'm faic sinn e maraon.

24 Feuch, is neo-ni sibh, agus is ni gun bhrìgh bhur n-obair: is gràineileachd *esan* a ròghnaicheas sibh.

25 Thog mi suas *fear* o thuath, agus thig e; o éirigh na gréine gairmidh e air m'ainm; agus thig e nuas air prionnsaibh mar *air* clàbar, agus mar a shaltras an criadh-dair a' chriadh.

26 Cò a dh'innis o thùs, ionnus gu'm biodh fios againn; agus roimh làmh, gu'n abramaid, *Tha e ceart?* Seadh, cha 'n'eil neach ag inns-eadh, seadh, cha 'n'eil neach ag cur an cèill, seadh, cha 'n'eil neach ag cluinntinn bhur briathra.

27 *Their mi ri Sion* an toiseach, Feuch, feuch iad sin; agus do Ierusalem bheir mi teachdair deadh sgéil.

28 Oir dh'amhairc mi, agus cha robh neach ann, agus 'nam measg cha robh fear-comhairle; no neach a bheireadh freagradh an uair a dh'fheòraich mi dhiubh.

29 Feuch, is dìomhanas iad uile; is neo-ni an oibre; is gaoth agus faoinneis an dealbhan leaghta.

CAIB. XLII.

1 Dreuchd agus sagortachd Clàrsd. 10 Earail gu Dia a chliùthachadh. 17 Nàraichear iadsan a ta cur an dòchais ann an dealbh snaidhte. 18 Chronaicheadh clann Israeil air son am mi-chreidimh.

FEUCH m'òglach, a chumas mi suas; m'aoon taghta, anns am bheil tlachd aig m'anam; chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha ehlunnear a ghuth anns na sraibibh².

3 A' chuile bhrùite cha bhris e, agus an lìon d'am bheil caol smùid cha mhuich e; foillsichidh e breitheanas chum fìrinn.

4 Cha tig fàilinn na briseadh air, gus an

suidhidh e breitheanas air an talamh; agus feithidh na h-eileana air a lagh.

5 Mar so deir an Tighearn Dia, *esan* a chruthaich na nèamhan, agus a shìn a mach iad; a sgaoil a mach an talamh agus na chinneas as; a tha tabhairt anail³ do'n t-sluagh a ta air, agus deò dhoibhsan a ta 'g imeachd air:

6 Ghairm mise Iehobhah thu ann am fìreantachd, agus gabhaidh mi greim do d' làmh, agus gleidhidh mi thu; agus bheir mi thu mar choimhcheangal do'n t-sluagh, mar sholus do na cinnich.

7 A dh'fhosgladh nan sùilean dalla; a thabhairt nam prìosanach a mach as a' phrìosan, agus na muinntir a ta 'nan suidhe ann an dorchadas á tigh na daorsa.

8 Is mise Iehobhah, is e sin m'ainm; agus mo ghloir cha tabhair mi do neach eile, no mo chliù do dhealbhan snaidhte.

9 Feuch na seann nithe, thàinig iad gu crìch, agus nithe nuadha cuiream an cèill; mu'm bris iad a mach, foillsichidh mi dluibh iad.

10 Seinnibh do'n Tighearn òran nuadh; *seinnibh* a chliù o iomall na talmhainn; sibhs e bhios dol air cuan, agus na h-uile a ta 'ga lìonadh; eileana, agus na h-uile a ta chomhnuidh anna.

11 Togadh am fàsach *iolach*, agus na bailtean a ta ann; na bailtean beaga, luchd-àiteachaidh Chedair; deanadh luchd-àiteachaidh na creige comh-ghair; o mhullach nan sléibhtean togadh iad iolach.

12 Thugadh iad glòir do'n Tighearn, agus cuireadh iad an cèill a chliù am measg nan eilean.

13 Mar threun-fhear théid an Tighearn a mach; mar fhear-cogaidh dùisgidh e suas eud; glaothaidh e, seadh togaiddh e iolach; ni e gaisge an aghaidh a naimh-dean.

14 Dh'fhan mi fada sàmhach, bha mi a'm' thosd, chum mi orm féin⁴; *nis* éighidh mi mar mhnai ri saothair; sgriosaidh mi, agus ithidh mi suas maraon.

15 Cuiridh mi fàs sléibhtean, agus tiormaichidh mi am fear uile; ni mi na h-aimhnichean 'nan cileanaibh, agus tiormaichidh mi na linneachan uisge.

16 Agus stiùraidh mi na doill air slighe nach b'aithne dhoibh; troimh chumaibh air nach robh iad eòlach treòraichidh mi iad; ni mi an dorchadas 'na sholus ronpa, agus *ni mi* slighean fiara dìreach: na nithe so ni mi air an son, agus cha tréig mi iad.

17 Pillear air an ais, nàraichear gu tur, iadsan a ta cur an dòchais ann an dealbh

¹ bi sinn fo uamhas.

² am muigh.

³ analach.

⁴ Am bi mi fathast a'm' thosd? An cum mi orm féin?

sraidhte; a ta 'g ràdh ris na dealbhan leaghta, Is sibhse ar dée-ne.

18 Cluinnibh, sibhse ta bodhar; agus a dhaoine dalla, amhaircibh a chum gu'm faic sibh.

19 Cò a tha dall ach m'òglach-sa, no bodhar mar an teachdair a chuir mi uam? Cò a tha dall mar esan a ta iomlan, no dall mar òglach an Tighearna?

20 Tha thu faicinn iomadh ni, ach cha 'n'eil thu tabhairt fa'near; tha do chluas-an fosgailte, ach gun bhi cluinntinn.

21 Tha au Tighearn gràsmhor air sgàth 'fhirinn féin; àrdaichidh e an lagh, agus cuiridh e urram air.

22 Ach is sluagh so a tha spùinntè agus creachta; tha iad uile air an glacadh ann an slochdaibh, agus air an druidealh a steach ann am prìosanaibh; rinneadh iad 'nan cobhartach, agus cha 'n'eil neach 'gan tèarnadh; 'nan creich, agus cha 'n'eil neach a deir, Thoir air ais.

23 Cò 'nur measg a dh'éisdeas ri so; a bheir fa'near, agus a ghabhas suim san àm ri teachd?

24 Cò a thug Jacob mar chobhartach, agus Israel do'n luchd-creachaidh? Nach b'e an Tighearn, esan an aghaidh an do pheacaich iad, agus nach b'àill leo gluasad 'na shlighibh, ni mò thug iad géill d'a reachd?

25 Air an aobhar sin dhòirt e air teas a chorruih, agus neart a' chatha; agus dh'fhadaidh e teine mu'n cuairt da, ach cha do thuig e; agus loisg so e, gidheadh cha d'thug e fa'near.

CAIB. XLIII.

1 Thug Dia comhfhurtachd do'n eaglais le 'gheallanaibh prìseil: 8 ghairm e an sluagh 'na làthair a dh'fhaicinn a chumhachd: 14 roimh-innis e sgrìos Bhabailoin, 18 agus tèaruinteachd a shluagh féin. 22 Chronaich Dia a phobull a chionn gu'n do thréig iad a sheirbhis.

ACH a nis mar so deir an Tighearn a chruthaich thu, O Iacob, agus a d'calbh thu, O Israeil; Na biodh eagal ort, oir shaor mise thu; ghairm mi thu air d'ainm; is leamsa thu.

2 An uair a shiùbhlas tu troimh na uisgeachaibh, bithidh mise maille riut; agus troimh na aimhnichibh, cha tig iad tharad; an uair a dh'imicheas tu troimh an teine, cha loisgear thu, agus cha dean an lasair greim ort¹.

3 Oir is mise an Tighearn do Dhia, Ti naomh Israeil, d'fhear-saoraidh: thug mi an Eiphit ann ad éiric; Etiopia agus Seba air do shon.

4 A chionn gu'n robh thu luachmhor ann am shealladh, fhuaire thu urram, agus thug mise gràdh dhuit; uime sin bheir

mi daoine air do shon, agus slòigh an éiric t'anama.

5 Na biodh eagal ort, oir tha mise maille riut; o'n ear bheir mi do shliochd, agus o'n iar cruinnichidh mi thu:

6 Their mi ris an àirde tuath, Thoir seachad, agus ris an àirde deas, Na cum air ais; thoir mo mhic o chéin, agus mo nigheanan o chriocheibh na talmhainn;

7 Eudhon gach neach a ta air a ghairm air m'ainm-sa; oir chum mo ghloire chruthaich mi e, dhealbhadh mi e; seadh, rinn mi e.

8 Thugaibh a mach iadsan a tha dall, agus sùilean aca; agus a ta bodhar, agus cluasan aca.

9 Cruinnichear na cinnich uile ri chéile, agus tionail ear na slòigh; cò 'nam measg a dh'fhoillsicheas so, agus a dh'innseas duinn na nithe air thoiscach? Thugadh iad a làthair am fianuisean, a chum gu'm bi iad air am fireanachadh; no éisdeadh iad, agus aidicheadh² iad, Tha sin fìor.

10 Is sibhse m'fhianuiscan, deir an Tighearn, eadhon m'òglach a ròghnaich mi; a chum gu'n aithnich agus gu'n creid sibh mi; agus gu'n tuig sibh gur mi Esan; romham-sa cha robh dia sam bith air a dhealbhadh, ni mò bhitheas aon a'm' dhéidh.

11 Is mise, eadhon mise, an Tighearn; agus a mach uamsa³ cha 'n'eil slànigh-ear ann.

12 Dh'fhoillsich mise, agus theasaing mi, agus chuir mi'n céill, an uair nach robh dia eile 'nur measg; uime sin is fianuisean sibh dhomhsa, deir Iehobhah, gur mi Dia.

13 Eadhon mu'n robh là ann, is mi E; agus cha 'n'eil neach ann a theasairgeas à mo làimh; oibrichidh mise, agus cò a bhacas e?

14 Mar so deir an Tighearn, 'ur fear-saoraidh, Ti naomh Israeil, Air bhuir sonsa chuir mi fios gu Babilon, agus thug mi nuas a croinn-dhruididh uile, agus na Caldéich a ni uaill⁴ 'nan longaibh.

15 Is mise an Tighearn, bhuir Ti naomh, Cruith-fhear Israeil, bhuir righ.

16 Mar so deir an Tighearn, esan a ni slighe anns an fhaireg, agus rathad anns na h-uisgeachaibh làidir;

17 A bheir a mach an carbad agus an t-each, an armailt agus am fcaehd; le chéile luidhidh iad sìos, agus cha'n éirich iad; chuireadh as iad, mhùchadh iad mar asgart.

18 Na cuimhnichibh na nithe a bh'ann roimhe; agus na nithe a bha o shean na tugaibh fa'near.

19 Feuch ni mi ni nuadh; a nis brisidh

¹ cha dearg an lasair ort.

² abradh.

³ a bhàrr ormsa.

⁴ iolach.

e mach: nach toir sibh aire dha? Scadh, ni mi anns an fhàsach slighe, agus aimhnicean anns an di-threabh.

20 Bheir fiadh-bheathach na macharach glòir dhomh; na dràgonan agus na caill-eachan-oidhche; a chionn gu'n d'thug mi uisgeachan anns an fhàsach, aimhnicean anns an di-threabh; a chum deoch a thabhairt do m' shluaigh; do mo mhuinntir thaghta.

21 An sluagh so dhealbh mi air mo shon féin; cuiridh iad an céill mo chliù.

22 Gidheadh cha do ghairm thu orm, O Iacob; ach ghabh thu seirbhe dhiom, O Israel.

23 Cha d'thug thu a m' ionnsuidh meanbh-chrodh do thabhartasa loisgte; ni mò thug thu urram dhomh le t'ìobairtibh; cha do shàruich mi thu le tabhartas, ni mò sgithich mi thu le tuis.

24 Cha do cheannaich thu dhomh-sa le h-airgid a' chuile chùbhraidh, ni mò lion thu mi le saill t'ìobairtean; ach shàruich thu mi le do lochdaibh: sgithich thu mi le d' eu-ceartaibh.

25 Is mise, mise féin, esan a dhubhas d' eu-ceartan as, air mo sgàth féin; agus do lochdan cha chum mi air chuimhne.

26 Cuir a'm' chuimhne, tagramaid ri chéile; cuir an céill do *chùis, dh'fheuch-ainn* an glan thu thu féin.

27 Pheacaich do cheud athair, agus chiontaich do luchd-teagaisg a'm' aghaidh:

28 Uime sin sgar mi mach uachdarain an ionaid naoimh; agus thug mi thairis Iacob chum mallachaidh, agus Israel chum maslaidh.

CAIB. XLIV.

1 *Thug Dia comhfhurtachd d'a eaglais.* 9 *Diomhanas luchd-deanamh dhealbhan snaidhte.* 21 *Chomhairlich Dia d'a shluagh an dòigh a chur 'na thòcair,* 28 *agus gheall e gu'n suidhicheadh e iad a ris 'nan tìr le làimh Chiruis.*

ACH a nis éisd, O Iacob m'òglach, agus Israel a ròghnaich mi.

2 Mar so deir an Tighearn a chruthaich thu, agus a dhealbh thu o'n bhroinn, agus a chuidicheas thu; Na biodh eagal ort, a Iacob m'òglach, agus a Iesuruin a ròghnaich mi;

3 Oir dòirtidh mi mach uisge air an tartmhor, agus sruthan¹ air an fhearann chruaidh; dòirtidh mi mach mo Spiorad air do shliochd, agus mo bheannachd air do ghineil.

4 Agus fàsaidh iad suas *mar* anns an fheur; mar gheugaibh seilich ri taobh nan sruth-chlaisean.

5 Their am fear so, Is leis an Tighearn

mise; agus ainmichear fear eile air ainm Iacob; agus sgriobhaidh fear eile le a làimh² do'n Tighearn, agus sloinnidh se e féin air ainm Israel.

6 Mar so deir an Tighearn, rìgh Israeil, agus 'fhear-saoraidh, Tighearn nan sluagh, Is mi an ceud neach, agus is mi an neach deireannach; agus a mach uamsa cha 'n'eil dia ann.

7 Agus cò, mar mise, a ghairmeas, agus a chuireas an céill e, agus a chuireas an ordugh dhomh e, o'n àm an do shuidhich mi an sluagh o shean? no a chuireas an céill duinn³ na nithe a ta a' teachd, agus a ta ri teachd.

8 Na biodh eagal oirbh, agus na biodh geilt oirbh; nach d'fhoillsich mise dhuit o'n àm ud, agus nach d'innis mi? seadh is fianuisean sibh dhomh. Am bheil dia ann ach mise? seadh cha 'n'eil dia⁴ eile ann; cha'n aithne dhomh *aon*.

9 Iadsan a ni dealbh snaidhte, is diomhanas iad uile; agus 'nan nithibh taitneach cha bhi tairbhe; agus tha iad 'nam fianuisibh 'nan aghaidh féin, nach faic iad, agus nach tuig iad, a chum gu'm biodh iad air an nàrachadh.

10 Cò a dhealbh dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad⁵; cruinnichear iad uile r'a chéile, scasadh iad suas; bithidh eagal orra, agus bithidh iad air an nàrachadh le chéile.

12 Gearraidh an gobha mìr iaruin, oibrichidh se e anns na h-eibhligh, agus ni e a chumadh le h-ordaibh, agus caithidh e spionnadh a ghairdein air; seadh bithidh e ocrach, agus fàilnichidh a neart; cha'n òl e uisge, agus bithidh e fann.

13 Sinidh an saor a mach a riaghail, comharaichidh se e le dath; cuiridh e cumadh air leis an lochdar, agus sgéithidh se e leis a' ghobhal-roinn; agus dealbhaidh se e a réir coslais fir, a réir maise duine, chum fantuinn anns an fhàrdaich.

14 Gearraidh e sìos craobhan seudair dha féin, agus gabhaidh e an giuthas agus an darach, a thaghas e dha féin an measg chraobhan na fridhe⁶; suidhichidh e cram-uinsinn, agus altruimidh an t-uisge e.

15 An sin bithidh e aig duine chum a losgadh; agus gabhaidh e dheth, agus garaidh se e féin; seadh, cuiridh e teine ris, agus deasaichidh e aran; scadh, ni e dia, agus bheir e aoradh *dha*; ni e dealbh snaidhte dheth, agus cromaidh e sìos dha.

16 Cuid dheth loisgidh e san teine; le

¹ caochana.

² cuiridh fear eile comhar air a làimh.

³ doibh.

⁴ didein, carraig. Eabh.

⁵ air an luchd-oibre bithidh rugha gruidhe.

⁶ agus caithidh e a neart air craobhan na fridhe.

cuid eile dheth *deasaichidh agus* ithidh e feoil; ròstaidh e biadh, agus sàsuichear e; an sin garaidh se e *féin*, agus their e Aha, rinn mi mo gharadh; dh'aithnich mi an teine.

17 Agus do'n chuid eile dheth ni e dia, *eadhon* dealbh snaidhte dha féin; cromaidh e sìos dha, agus bheir e aoradh *dha*; agus ni e urnuigh ris, agus their e, Teas-airg mi, oir is tu mo dhia.

18 Cha 'n'eil eòlas aca, ni mò tha tuiipse aca; oir dhruid e an suilean air chor as nach faic iad, *agus* an cridheachan air chor as nach tuiig iad.

19 Agus cha 'n'eil aon neach a' toirt fa'near 'na chridhe, ni mò tha eòlas no tuiipse aige gu a ràdh, Loisg mi cuid dheth san teine, dheasaich mi fòs aran air eibhlibh dheth; ròist mi feoil agus dh'ith mi, agus an dean mi am fuigheall deth 'na ghràineileachd? an crom mi mi féin sìos do bhun craoibhe?

20 Tha e a' teachd beò air luaithre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am làimh dheis?

21 Cuimhnich na nithe so, O Iacob; agus Israeil, oir is tu m'òglach; dhealbh mi thu, is òglach dhomhsa thu; O Israeil, cha leig mise air d'cuimhn' thu.

22 Dhubbh mi as, mar neul, d'eucartan; agus mar cheò, do lochdan; pill rium, oir shaor mise thu.

23 Seimuibh, O nèamhan, oir thug an Tighearn gu crìch; togaibh iolach, O dhoimhneachda na talmhainn; brisibh a mach le ceileir, a shléibhteann; O dhoire, agus gach craobh a ta ann; oir shaor an Tighearn Iacob, agus ghlòraich se e féin ann an Israel.

24 Mar so deir an Tighearn d'fhear-saoraidh, agus esan a dhealbh thu o'n bhroinn; Is mise an Tighearn, cruith-fhear nan uile *nithe*; a ta sineadh nan nèamhan a mach a'm' aonar; a ta sgaoileadh na talmhainn leam féin;

25 A bheir gu neo-ni comharan nam mealltairean, agus a chuireas na fiosaichean air chuthach; a philleas daoine glìce air an ais, agus a thionndaidheas an eòlas gu amaideachd.

26 A dhaingnicheas focal a sheirbhisich, agus a choimhlionas comhairle a theachdairean; a deir ri Ierusalem, Bithidh tu air t'àiteachadh; agus ri bailtibh Iudah, Bithidh sibh air bhuir togail; agus a h-ionada fàsail togaidh mi suas.

27 A deir ris an doimhne, Bí air do thìormachadh; agus tìormaichidh mi t'aimhnichean:

28 A deir mu Chirus, Is e mo bhuach-

aille; agus coimhlionaidh e m'uile thoil; ag ràdh ri Ierusalem, Togar thu; agus ris an teampull, Leagar do bhunait'.

CAIB. XLV.

1 *Ghairm Dia Chirus air sgàth Iacob agus Israeil.*
11 *Gheall e saorsa agus slàinte d'a shluagh.*
20 *Diomhanas dhealbhann snaidhte.* 22 *Slàinte an Tighearna do uile ìomallaibh na talmhainn.*

MAR so deir an Tighearn r'a aon ungta, ri Chirus air am bheil greim agam air a làimh dheis, a cheannsachadh chinneach roimhe, agus fuasgailidh mi leasraidh rìghrean; a dh'fhosglaidh nan còmhlaich roimhe, agus cha bhi na geat-achan air an druidealh.

2 Thèid mise romhad, agus ni mi na *slighean* fiara dìreach; na còmhlaichean umha spealgaidh mi, agus na croinn iarunn brisidh mi 'nam bloighdibh

3 Agus bheir mi dhuit ionmhasan an dorchadais, agus taisgeachan nan ionada dìomhlair; a chum gu'm bi fios agad gur mise an Tighearn, a ghairm thu air d'ainm, Dia Israeil.

4 Air sgàth Iacob m'òglach, agus Israeil a ròghnaich mi, ghairm mi eadhon air d'ainm thu; thug mi sloinneadh ort, agus thu aineolach orm.

5 Is mi an Tighearn, agus cha 'n'eil ann ach mi; a mach uam-sa cha 'n'eil Dia ann: crìoslaichidh mi thu, agus thu aineolach orm.

6 A chum gu'm bi fios aca o éirigh na grèine agus o'n Jar, nach 'eil ann ach mi. Is mise an Tighearn, agus cha 'n'eil atharrach' ann.

7 Taim a' dealbhadh an t-soluis, agus a' cruthachadh an dorchadais; a' deanamh sìthe, agus a' cruthachadh dòlais; tha mise an Tighearn a' deanamh *nan nithe* so uile.

8 Silibh, O nèamhan, o'n àird, agus frasadh na neoil a nuas fìreantachd; fosgladh an talamh, agus gineadh iad slàinte, agus fàsadh fìreantachd a nìos maraon; is mise an Tighearn a cruthaich e.

9 Is an-aoibhin dhasan a ni strì ris an fhear a rinu e; an t-slige-chreadha ri fear-deilbh na creadha: an abair a' chriaidh ris-san a chumas i, Cìod a tha thu deanamh? no *an abair* an ni a rinn thu, Cha 'n'eil làmhnan aige-san a *rinn mi*?

10 Is an-aoibhin dha-san a their r'a athair, Cìod a ta thu gintinn? no r'a mhàthair, Cìod a ta thu breith?

11 Mar so deir an Tighearn, Tì naomh Israeil, agus esan a dhealbh e, Feòraichibh dhìom nithe ri teachd, mu thimchioll mo chloinne; agus iarraidh orm a thaobh oibre mo làmh².

12 Is mise a rinn an talainn, agus chruth-

¹ stèidh.

² aon eile.

³ Am bheil sibh a' cur ceist ormsa mu nithibh ri

teachd, a thaobh mo chloinne? no am bheil sibh a' toirt àithne dhomh mu thimchioll oibre mo làmh?

aich mi an duine air; is iad mo làmhnan a shìna mach na nèamhan; agus d'am feachd uile thug mi àithne.

13 Thog mi esan suas ann am fireantachd, agus ni mi dìreach 'uile shlighean; togaidd e mo chaitir, agus fuasgailidh e mo bhraighdean; cha'n ann air son luach, no air son duaise, deir Tighearn nan sluagh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabeich, daoine àrda ann an cruth; thig iad thairis a d'ionnsuidh, agus bithidh iad leat; leanaidh iad thu; ann an cuibh-richibh thig iad thairis; agus cromaidh iad sìos duit, agus cuiridh iad suas ath-chuinge riut; ag ràdh, Gu deimhin ann-adsa tha Dia; agus cha 'n'eil Dia eile ann.

15 Gu deimhin is Dia thusa a ta 'gad fholachadh féin, O Dhé Israeil, an Slan- uighcar.

16 Tha iad air an nàrachadh, tha iad eadhon air am maslachadh, an t-ìomlan diubh; cuirear iad maraon gu h-amh-luadh, a tha 'nan luchd-deanamh ìodh-olan.

17 Ach saorar Israel anns an Tighearn le saorsa shiorruidh; cha nàraichear sibh, ni mò mhaslaichear sibh, feadh linne na sìorruidheachd.

18 Oir mar so deir an Tighearn, a chruthaich na nèamhan; esan, eadhon Dia, a dhealbh an talamh agus a rinn e, esan a dhaingnich e; (cha do chruthaich e gu dìomhain e, dhealbh se e gu bhí air 'àiteachadh;) Is mise an Tighearn, agus cha 'n'eil atharrach² ann.

19 Cha do labhair mi ann an uaigneas, ann an ìonad dorchas do'n talamh; cha dubhairt mi ri slìochd Iacoib gu dìomh-ain³, Iarraibh mi: is mise an Tighearn a labhras ann am fireantachd, a dh'fhoill- sicheas nithe cearta.

20 Cruinnichibh sibh féin, agus thigibh; dlùthaichibh ri chéile, sibhse a ta air dol as o mheasg nan cinneach; cha 'n'eil eòlas acasan a ta cur suas fiodha an deilbh shnàidhte, agus a' deanamh urnuigh ri dia nach urrainn tèarnadh.

21 Cuiribh an céill, agus thugaibh am fagus; seadh, cuireadh iad an comhairle ri chéile; cò a dh'aithris so o chian? a dh'innis e o'n àm ud? nach mise, an Tighearn? agus cha 'n'eil dia tuilleadh ann ach mi; Dia ceart agus Slàn-uighcar; cha 'n'eil ann ach mi.

22 Seallaibh riumsa, agus bithibh air bhuir tèarnadh, uile iomalla na talmhainn; oir is mise Dia, agus cha 'n'eil atharrach ann.

23 Orm féin mhionnaich mi; chaidh sìrinn a mach as mo bheul; briathar, agus cha phill e air ais; Gu cinnteach dhomhsa lùbaidh gach glùn, mionnaichidh gach teangadh.

24 Gu cinnteach, deir *neach*, anns an Tighearn tha agam fireantachd agus neart; d'a ionnsuidh-san thig iad; bithidh iadsan uile air an nàrachadh air am bheil corruich 'na aghaidh.

25 Anns an Tighearn fireanaichear uile shliochd Israeil, agus ni iad uail.

CAIB. XLVI.

1 Cha b'urraim ìodholan. Bhabiloìn iad féin a thèarnadh. 3 Tèarnaidh Dia a shluagh gu ruig a' chrìch. 5 Cha samhluichear Dia ri ìodhloibh. 12 Tha slàinte an Tighearn am fagus.

THA Bela¹ a' cromadh sìos, Nebo a' crùb- adh; bha an ìodholan air na beath- aichibh agus air na h-ainmhidhibh; tha bhuir n-eallaichean trom, 'nan cudthrom do'n ainmhidh airsealach.

2 Chrùb iad, chrom iad sìos le chéile; cha b'urraim iad an eallach a thèarnadh; ach chaidh iad féin ann am braighdeanas.

3 Eisdibh rium a thigh Iacoib, agus uile iarmad tighe Israeil; a ghiùlaineadh *leam* o'n bhroinn, a dh'iomchaireadh o'n bholg:

4 Eadhon gu *bhuir* sean aois, agus gu *bhuir* falt liath, is mise féin an ti a ghiù- aineas sibh; is mi a rinn, agus giùlain- idh mi; iomchaidh mi, agus tèarnaidh mi.

5 Cò e ris an samhluich sibh mi, agus ris an dean sibh comhad mi? agus cò e ris an coimeas sibh mi, a chum gr'm bi sinn cosmhuil?

6 Taomaidh iad òr as a' mhàla, agus tomhaisidh⁴ iad airgid annas a' mheigh; tuarasdalaichidh iad òr-cheard, agus ni esan dia dheth; cromaidh iad sìos, scadh ni iad aoradh.

7 Giùlainidh iad e air an guailibh, iom- chairidh iad e, agus cuiridh iad e 'na àit, agus seasaidh e; as 'ionad cha ghluais e: seadh, glaothaidh *neach* ris, ach cha fhicagair e, agus cha teasairg se e o 'theinn.

8 Cuimhnichibh so, agus bithibh fear- ail⁵; thugaibh fa'near e a ris, a luchd- briseadh an lagha.

9 Cuimhnichibh na ceud nithe, *a bh'ann* o shean; oir is mise Dia, agus cha 'n'eil atharrach ann; *is mise* Dia agus cha 'n'eil mo shambuil⁶ ann;

10 A' foillseachadh na crìche o'n tùs, agus o'n aimsir chéin; nan nithe nach 'eil *fathast* deanta; ag ràdh, Seasaidh mo chomhairle, agus gach ni a's àill team ni mi:

11 Ag gairm na h-iolairc o'n car, agus

¹ buinidh iad dhuit.

² aon eile.

³ gu fealltach.

⁴ cothromaichidh.

⁵ gabhaibh nàire.

⁶ leth-bhreac.

fir mo chomhairle o thìr chéin; seadh, labhair mi, agus bheir mi gu crìch e; rùnaich mi, agus coimhleanaidh mi e.

12 Eisdibh rium, sibh-se aig am bheil an cridhe rag, a tha fad as o fhìreantachd:

13 Bheir mise am fagus m'fhìreantachd-sa, cha bhi i fad as; agus cha dean mo shlàinte moille; agus bheir mi slàinte ann an Sion, do Israel mo ghloir.

CAIB. XLVII.

1 *Bhagair Dia Babilon le breitheanasaihl namhasach. 12 Cha teasairg lionmhoireachd a druiddheachdan, agus a geasadoireachd i.*

THIG a nuas agus dean suidhe anns an duslach, Oig-nighean Bhabiloìn; suidh air an làr, cha'n eil rìgh-chathair ann, a nighean nan Caldéach; oir cha ghoir iad maoth agus muirneach dhìot nì's mò.

2 Gabh na clacha-muillinn agus bleith¹ min; leig ris do chiabhan, rùisg do throidh, leig ris do chos², inich troimh na aimhnichibh.

3 Leigear ris do lomnochduigh, clithear eadhon do nàir; nì mi dìoghaltas, cha choinnich mi *thu* mar dhuine³.

4 Ar fear-saoraidh, is e Tighearn nan sluagh a's ainm dha, Tì naomh Israel.

5 Suidh a'd' thosd, rach a steach ann an dorchadas, O nighean nan Caldéach; oir cha'n abrar riut nì's mò Baintighearn nan rioghachdan.

6 Bha corruich orm rì mo shluagh; thruaill mi m'òighreachd, agus thug mi thairis iad do d' làimh; cha do nochd thusa tròcair dhoibh; air an aosda leag thu do chuinge gu trom.

7 Agus thubhairt thu, Bithidh mi a'm' bhaintighearn gu sìorruidh; air chor as nach do leag thu d'aire air na nitlibh so! cha do chuimhnich thu a chrìoch dheireannach.

8 Uime sin, cluinn so a nis, a bhean shoghmhor, a ta a'd' shuidhe gun umhaill; a ta g' ràdh ann ad chridhe, *Tha* mi, agus cha 'n eil ann ach mi; cha suidh mi a'm' bhantraich, cha'n aithnich mi call cloinne.

9 Gidheadh thig an dà nì so ort gu h obann, ann an aon là, call cloinne, agus bantrachas; thig iad ort 'nan làn tomhas, air son lionmhoireachd do dhruiddheachdan, agus iomadalachd⁴ do ghìseagan⁵.

10 Oir dh'earb thu á d' aingidheachd; thubhairt thu, Cha 'n eil neach gam fhaicinn; chuir eadhon do ghliocas agus t'èolas air seacharan thu; air chor as gu'n dubhairt thu ann ad chridhe, *Tha* mi, agus cha 'n eil ann ach mi.

11 Uime sin thig olc ort, nach bi fios agad cia as a dh'èirich e; agus tuitidh

aimhleas ort, nach bi thu comasach air a thionndadh uait; agus thig léir-sgrìos ort gu h-obann, gun thu 'ga mhothachadh.

12 Seas suas a nis le do ghìseagaibh, agus le lionmhoireachd do dhruiddheachdan, anns an do shaothraich thu o t'òige; ma's e as gur urrainn thu buannachd fhaghail, ma's e as gu'm feud thu buadhachadh.

13 Tha thu air do sgìtheachadh ann an lionmhoireachd do chomhairlean. Seasadh na speuradairean suas, luchd-amharc nan reultan, iadsan a ta rì fiosachd gach mìos, agus tèarnadh iad thu o *na nitlibh* a tha gu teachd ort.

14 Feuch bitluidh iad mar asbhuaìn, loisgidh an teine suas iad; cha tèarunn iad an anama féin o chumhachd na lasarach; cha'n fhàgar fìu eibhleag gu neach a gharadh, no teine gu suidhe làimh ris.

15 Is amhuil a bhitheas dhuit a' mhuinntir leis an do shaothraich thu, iadsan ris an robh gnothuch agad o t'òige; tionndaidhidh gach aon a leth-taobh gu a gnothuch féin; cha bhi d' fhear-tèarnaidh ann.

CAIB. XLVIII.

1 *Dh'fhoillsich Dia e féin ann am fàistneachd, chum gu'm faicadh an shluagh nach b'iad an ìodholan a dh'orduich aon nì a thàinig gu crìch. 9 Teas-airgidh e a phobull Israel air sgàth ainme féin. 12 Chomhairlich e dhuibh bhì unhal d'a thoil. 20 Saoraidh e iad o gach teamntachd.*

CLUINNIBH so, O thigh Iacoib, sibhse ta air bhur n-ainmeachadh air Israel; agus a thàinig a mach o uisgeach-aibh Iudah; a ta mionnachadh air ainm an Tighearn, agus a' deanamh luaidh air Dia Israeil; ach cha'n ann am fìrinn no ann an ionracas.

2 Oir tha iad 'gan ainmeachadh féin air a' Chaithir naomh, agus a' leigeil an taice rì Dia Israeil; is e Tighearn nan sluagh a's ainm dha.

3 Dh'fhoillsich mi na ceud nithe o thùs; agus o m' bheul chaidh iad a mach, agus chuir mi an céill iad; ann an ath-ghoirid rinn mi iad, agus thàinig iad gu crìch.

4 A chionn gu'n robh fios agam gu'n robh thu reasgach, agus gu'n robh do mhuineal mar fhèith iarunn, agus d'eud-an 'na umha.

5 Uime sin dh'fhoillsich mi dhuit iad o'n tùs; mu'n d' thàinig iad gu crìch, dh'innis mi dhuit iad; a chum nach abradh tu, Is e m'ìodhol a thug mu'n cuairt iad; is iad mo dhealbh snaidhte, agus mo dhealbh leaghta, a dh'orduich iad.

6 Chuala tu so, faic e air a choimhleanadh; agus nach cuir sibhse an céill e? Innseam dhuit nithe nuadha o'n àm so, a

¹ meil.

² shliasad.

³ cha ghabh mi duine mar cadar-nheadhonnair.

⁴ lionmhoireachd, iomarcachd.

⁵ gheasadoireachd.

ghleidheadh dìomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum nach abradh tu, Feuch, bha fios agam orra.

8 Seadh, cha chuala tu; seadh, cha b'aithne dhuit; seadh, o'n toiseach cha d'fhosgadh do chluas; oir bha fios agam gu'm buineadh tu gu ro chealgach, agus gu'm b'e Fear-eusaontais a b'ainm dhuit o'n bhroinn.

9 Air sgàth m'ainme cuiridh mi dàil ann am chorruich, agus air son mo chliù cumaidh mi air a h-ais i uaitse, air chor as nach gearr mi as thu.

10 Feuch, ghlan mi thu, ach cha b'ann le h-airgiod; thagh mi thu ann an àmh-uinn an àmhghair¹.

11 Air mo sgàth, air mo sgàth féin, ni mi e; oir cionnus a bhiodh m'ainm air a mhaslachadh? Agus mo ghloir cha tabhair mi do neach eile.

12 Eisd rium, O Iacoib, agus Israeil, a ghairm mi, *Is* mi Esan, *is* mi an ceud neach; *is* mi fòs an neach deireannach.

13 Is i mo làmh a leag stéidh na talmhainn, agus réis mo dheas làimhe a thomhais na nèamhan; bheir mi gairm dhoibh, seasaidh iad suas le chéile.

14 Cruinnichibh uile sibh féin ri chéile, agus éisdibh; cò 'nam² measg a dh'fhoillsich na nithe so? cuiridh esan a's ionmhuinn leis an Tighearn an gnìomh a thoil air Babilon, agus bithidh a ghairdean air na Caldéich.

15 Mise, mise féin labhair; seadh, ghairm mi e, threòraich mi e agus soirbhichidh a shlighe.

16 Dlùthaichibh rium, agus cluinnibh so; o'n toiseach cha do labhair mi ann an uaigneas; o'n àm an do thachair e, *bha* mise an sin³; agus a nis chuir an Tighearn Iehobhah, agus a Spiorad, mach mise.

17 Mar so deir an Tighearn, d'fhear-saoraidh, Ti naomh Israeil; Is mise an Tighearn do Dhia, a tha teagasg dhuit ciod a thig gu d' bhuannachd; a tha 'gad stiùradh anns an t-slighe air an imich thu.

18 O gu'n tugadh tu fa'near m'aitheanta-sa! an sin bhiodh do shìth mar amhainn, agus d'fhìreantachd mar thonna na faire:

19 Agus bhiodh do shìol mar a' ghain-eamh, agus sliochd do chuim mar a' meanbh-chlocha; cha bhiodh t'ainm air a ghearradh as, no air a sgrios as mo làth-air.

• 20 Rachaibh a mach o Bhabilon; teich-

ibh o thir nan Caldéach; le guth gàird-eachais innsibh, cuiribh so an céill; sgaoilibh an sgeul gu iomall na talmhainn; abraibh, Shìor an Tighearn 'òglach féin Iacob.

21 Agus cha robh tart orra anns na fàsaichibh troimh an d'thug thu orra sìubhal; thug e air uisge sruthadh dhoibh as a' charraig; seadh, sgoilt e a' chreag, agus bhrùchd an t-uisge mach.

22 Cha 'n'eil sìth, deir an Tighearn, do'n aingidh.

CAIB. XLIX.

1 *Tha Crìosd a' gearan gu'n do shaothraich e gu dìomhan am measg nan Iudhach.* 5 *Thug Dia e mar sholus do na cinnich gu iomall na talmhainn.* 13 *Mairidh gràdh an Tighearn gu bràth d'a eaglais:* 24 *tèarnaidh Dia i o a luchd-sàruchaidh.*

EISDIBH, O eileana, riumsa; agus L thugaibh aire, a shlòigh, o chéin; o'n bhroinn ghairm an Tighearn mi; o chom mo mhàthar thug e luadh air m'ainm.

2 Agus rinn e mo bheul mar chhlaidheamh geur; ann an sgàil a làimhe dh'fhol-aich e mi; seadh, rinn e mi a'm' ghash liomhta; thaig e mi ann a dhorlach⁴.

3 Agus thubhairt e rium, Is tu m'òglach, O Israeil, anns am bi mi air mo ghlorachadh.

4 Agus thubhairt mise, Shaothraich mi gu dìomhan; air son neo-ni, agus air son dìomhanais, chaith mi mo neart; *ach* gu cinnteach *tha* mo bhreth maille ris an Tighearn, agus m'obair⁵ maille ri mo Dhia.

5 Agus a nis *mar so* deir an Tighearn, (a dhealbh mi o'n bhroinn *gu bhi* a'm' òglach dha, a tabhairt Iacoib air ais d'a ionnsuidh, agus a chum gu'm bi Israel air a chruinneachadh thuige; uime sin⁶ bith-eam glòrmhor ann an suilibh an Tighearn, agus bithidh mo Dhia 'na neart dhomh:

6 Mar so deir e.) Is ni suarach dhuit gu'm bitheadh tu a'd' òglach dhomhsa, a thogail suas gheugan Iacoib, agus a dh'aisig mheangana' Israeil; bheir mi thu fòs mar sholus do na cinnich, gu bhi a'd' shlàinte uamsa gu iomall na talmhainn.

7 Mar so deir an Tighearn, fear-saoraidh Israeil, a Thi naomh; ris-san a ta air a dhimeas le daoineibh, ris-san d'an do ghabh an cinneach gràin; ri seirbhiseach an luchd-riaghlaidh; *a* chi rìghrean, agus éiridh iad suas; uachdarain, agus ni iad aoradh; air son an Tighearn a ta dìleas, agus Ti naomh Israeil a ròghnaich thu.

8 Mar so deir an Tighearn, Ann an àm taitneach chuala mi thu, agus ann an là na

¹ *fairneis na teinn.*

² *nur.*

³ *roimh dhomh bhi 'n sin-bha mi ann.*

⁴ *bholg-shaighlead.*

⁵ *duais m'òibre.*

⁶ *Ged nach bi Israel air a chruinneachadh, gidh-cadh.*

⁷ *fhailleana.*

slàinte chuidich mi thu; agus gleidhidh mi thu, agus bheir mi thu mar choimhcheangal do'n t-sluagh; a dhaingneachadh na tìre, agus a thabhairt air na h-oighreachdaibh fàsail bhi air an sealbhachadh;

9 A ràdh ris a' mhuinntir a ta ceangailte, Rachaibh a mach; agus riu-san a ta ann an dorchadas, Thigibh ann follas: Beathaichear iad air na sligheachaidh, agus anns na h-uile ionadaibh àrda ni iad ionaltradh.

10 Cha bhi ocras no tart orra, ni mò bhuailteas an teas no a' ghrian iad; oir ni esan aig am bheil iochd orra an stiùradh, agus treòrachaidh e iad a chum nan sruthan uisge.

11 Agus ni mi mo shléibhteann uile 'nan slighe chòmhuaire; agus togar suas mo roide mòra.

12 Feuch, thig iad so o chian; agus, feuch, iad so o thuath agus o'n iar; agus iad so o thir Shinim.

13 Seinnibh gu h'àrd, O nèamhan, agus dean gàirdeachas, O thalamh; agus tog-aibh iolach, O shléibhteann; oir thug an Tighearn comhfhurtachd d'a shluagh, agus gabhaidh e truas d'a mhuinntir a ta fo àmhghar.

14 Ach thubhairt Sion, Thréig an Tighearn mi, agus rinn mo Tighearn mo dhì-chuimhneachadh.

15 An dì chuimhnich màthair a leanabh cìche, gun iochd a dheanamh air mac a cuim? Feudaidh eadhon iadsan dì-chuimhneachadh, ach cha dì-chuimhnich mise thusa.

16 Feuch air dearnaibh mo làmh ghearr mi thu; tha do bhallachan a'm' fhianuis an còmhuidh.

17 Ni do chlann deifir; siùbhlaidh iadsan a mach asad, a bha 'gad sgrios agus 'gad chur fàs.

18 Tog suas do shùilean, agus faic; tha iad so uile air an cruinneachadh ri chèile, tha iad a' teachd a d' ionnsuidh. *Mar* is beò mise, deir an Tighearn, sgeadaichidh tu thu féin leo uile, mar le culaidh rìomhaich; agus ceanglaidh tu iad *umad*, mar a ni bean-bainne a seudan.

19 Oir t'ionadan fàsail agus faondrach, agus fearann do léir-sgrios, eadhon a nis bithidh e air a dhomhlachadh le luchd-àiteachaidh; agus siubhlaidh iadsan fad air falbh, a bha 'gad shlugadh suas.

20 Their a' chlann, a sgaradh uait, fathast ann ad chluasaibh, Tha an t-ionad so ro chumhann air mo shon; thoir àite dhomh a chum gu'n gabh mi còmhuidh.

21 An sin their thu ann ad chrìdhe, Cò a ghin dhomh iad so? oir dh'fhàgadh mi gun chloinn agus a'm' aonar, a'm' fhògarach agus air m'fhuadachadh; agus cò

a dh'àraich iad so? Feuch, dh'fhàgadh mi a'm' aonar; iad so, c'àit an robh iad?

22 Mar so deir an Tighearn Iehobhah, Feuch, togaidh mise mò làmh ris na cinnich, agus ris na slòigh cuiridh mi suas mo bhratach; agus bheir iad do mhic 'nan uchd, agus giùlainear do nigheanan air an guailibh.

23 Agus bithidh rìghrean 'nan oideach-an-altruim dhuit, agus am ban-rìghinnean 'nam màthraichean-altruim dhuit; sleuchdaidh iad sìos duit, le'n aghlaidh ris an làr, agus imlichidh iad duslach do chos; agus aithnìdhidh tu gur mise an Tighearn, agus cha nàraichear iadsan a chuireas an dòchas annam-sa¹.

24 An toirear a' chreach o'n fhear làidir, no an leigear a' chobhartach dhlìgheach as?

25 Ach mar so deir an Tighearn, Bheir-e eadhon cobhartach an fhir làidir uath, agus thèid creach an flùir uamhasaich as; oir gleacaidh mi ris-san a ghleacas riut, agus do chlann tèarnaidh mi.

26 Agus bheir mi air do luchd-sàruchaidh am feoil féin itheadh; agus cuiridh mi air mhìsg iad le'm fuil féin, mar le fion nuadh; agus bithidh fios aig gach uile fheoil gur mise an Tighearn do Shlànuighear, agus gur e d'fhear-saoraidh Tì cumhachdach Iacoib.

CAIB. L.

1 *'S ann air son an do-bheartan féin a thilgeadh na h-Iudaich air falbh.* 5 *Fulangas Chrìosd.* 7 *Tha Dia 'na fhear-cuideachaidh d'a sheirbhiseach.* 10 *Earail gu carbsaidh as an Tighearn.*

MAR so deir an Tighearn, C'àit am bheil litir-dhealaich 'ur màthar, a chuir mise uam? No cò e am measg mo luchd-faicha ris an do reic mi sibh? Feuch, air son 'ur do-bheartan tha sibh air bhrùiceadh; agus air son 'ur n-eu-ceartan chuireadh air falbh 'ur màthair.

2 C'ar son, an uair a thàinig mi, nach robh aon neach ann? an uair a ghairm mi, nach d'thug aon neach freagradh? Am bheil mo làmh air fàs co ro ghoirid as nach urrainn nì saoradh? agus am bheil mi gun chumhachd agam gu tèarnadh? Feuch, le m'achmhasan tiormaichidh mi an fhainge, uì mi na h-aimhnichean 'nam fàsach; tha an iasg a' lobhadh dh'easbhuidh uisge, agus a' bàsachadh le tart.

3 Eideam na nèamha le dubh-dhorchadas, agus cuiridh mi eudach-saic orra mar chòmhdach.

4 Thug an Tighearn Iehobhah dhomhsa teagadh nan daoine fòghluimte, a chum gu'm b'aithne dhomh focal a labhairt ann an deadh àm ris an *neach a ta* a'airsnealach: tha e dùsgadh, maduinn an déigh

maidne; tha e dùsgadh mo chluais, gu éisdeachd mar a nì fòghlumach¹.

5 Dh'fhosgail an Tighearn Iehobhah mo chluas, agus cha robh mi ceannairceach; nì mò thionndaidh mi air m'ais.

6 Thug mi mo dhruim do'n luchd-bualaidh, agus mo ghialan dhoibhsan a spìon am fionna²; cha d'fholuich mi mo ghnùis o nàire agus o shìle.

7 Oir is e an Tighearn Iehobhah fear mo chuidcachaidh, air an aobhar sin cha chuirear mi gu h-amhladh; uime sin shuidhich mi mo ghnùis mar chloich-theine, agus tha fios agam nach nàraichear mi.

8 Tha esan am fagus a dh'fhèreanaicheas mi; cò esan a nì strì rium? Seasamaid a mach le chèile; cò e m'earcairaid³? thig-eadh e dlùth a'm chòdhail.

9 Feuch, is e an Tighearn Iehobhah m'fhear-cuidich, cò a dhìteas mi? Fench, fàsaidh iad uile sean mar thrusgan; ithidh an leòman suas iad.

10 Cò e 'nur measg air am bheil eagal an Tighearn, a ta 'g éisdeachd ri guth a sheirbhisich, a ta suibhal ann an dorchadas agus aig nach 'eil solus? earbadh e as ainm an Tighearn, agus leigeadh e a thaice r'a Dhia.

11 Feuch, sibhse uile a ta fadadh teine, a ta 'gur cuairteachadh féin le sradaibh; siubhlaibh ann an solus bhur teine, agus nan sradan a las sibh; so gheibh sibh o m' làimh-sa, luidhidh sibh sìos ann an doilghios.

CAIB. LI.

1 Chomhairlicheadh do na fireanaibh an dòchas a chur san Tighearn, do bhrìgh gu'n toir e comhfhurtachd do Shìon. 4 Mu thimchioll fireantachd agus slàinte Dhé. 7 Cha chòir eagal a ghabhail roimh mhasladh dhaoine. 17 Tha am fàidh a' deanamh còaidh air son Ierusalem.

EISDIBH rium, sibhse ta leantuinn fireantachd, sibhse ta 'g iarraidh an Tighearna; seallaibh ris a' charraig o'n do ghearradh a mach sibh, agus ri slochd na h-uamha o'n do chladhaicheadh sibh.

2 Seallaibh air Abraham 'ur n-athair, agus air Sarah a rug sibh; oir ghairm mise e 'na aonar, agus bhcanach mi e, agus rinn mi lionmhor e.

3 Oir bheir an Tighearn comhfhurtachd do Shìon; bheir e comhfhurtachd d'a ionadaibh fàsail uile; agus nì e a fàsach mar Eden, agus a di-threabh mar ghàradh an Tighearna; gheibhear aoibhneas agus subhachas innte, breith-buidheachais agus fonn ciuil.

4 Eisdibh rium, O mo shluagh; agus thugaibh aire dhomh, O mo chinneach;

oir thig reachd a mach uam, agus foill sichidh mi mo bhreitheanas chum soluis do na slòigh.

5 Tha m'fhèrantachd am fagus, tha mo shlàinte air dol a mach, agus nì mo ghàirdean breitheanas air na fineachaibh; feithidh na h-eileana rium, agus ann mo ghàirdean cuiridh iad an dòchas.

6 Togaibh 'ur suilean suas ris na nèamhaibh, agus amhaircibh air an talamh shìos; oir sgaoillear o ehéile na nèamha mar dheataich, agus fàsaidh an talamh sean mar thrusgan; agus bàsaichidh a luchd-àiteachaidh air an amhladh cheudna⁴; ach mairidh mo shlàinte-sa gu sìorruidh, agus cha téid m'fhèrantachd air chùil.

7 Eisdibh rium, sibhse ta eòlach air fireantachd, a shluagh aig am bheil mo lagh ann 'ur cridhe; na biodh cagal oirbh roimh mhasladh dhaoine, agus na gabhaibh geilt roimh an càineadh.

8 Oir ithidh an leòman iad mar thrusgan, agus ithidh a' chnuimh iad mar olainn; ach mairidh m'fhèrantachd-sa gu sìorruidh, agus mo shlainte gu linn nan linntean.

9 Dùisg, dùisg, cuir umad neart⁵, O ghàirdein an Tighearna; dùisg, mar anns na làithibh o shean, anns na h-aimsiribh o chian. Nach tusa a ghearr Rahab, a lot an dràgon?

10 Nach tusa a thiormaich an fhaireg, uisgeacha na doimhne mòire? a rinn doimhneachdan na faireg 'nan slighe do'n mhuinntir shaorta gu dol thairis.

11 Mar so pillidh muinntir shaorta an Tighearn, agus thig iad gu Sion le h-iol-aich; agus bithidh aoibhneas bith-bhuan air an ceann; gheibh iad aoibhneas agus subhachas, agus teiclidh mulad agus còaidh air falbh.

12 Is mise, eadhon mise, an ti a bheir dhuibh comhfurtachd; cò thusa gu'm biodh eagal ort roimh dhuine a gheibh bàs, agus roimh mhac an duine a nithear mar am fear?

13 Agus gu'n dì-chuimhnicheadh tu an Tighearn do Chruith-fhear a slàn a mach na nèamhan, agus a leag stéidh na tal-mhainn; agus gu'm biodh sìor-eagal ort gach là, air son corruich an fhuir-shàruchaidh, mar gu'm biodh e ullamh gu sgrios? agus c'ait am bheil corruich an fhuir-shàr uchaidh?

14 Tha an ciomach a' deanamh deifir gu bhli air 'fhuasgladh, a chum nach faigh e bàs anns an t-slochd, agus nach fàilnich 'aran.

15 Oir is mise an Tighearn do Dhia, a chiùinicheas an fhaireg, an uair a bheucas

¹ iadsan a ta fòghlum, fòghluimne.

² do'n luchd-fionnaidh.

³ fear m'agairt.

⁴ mar chnuimheig.

⁵ eudach thu féin le neart.

a tonna: is e Tighearn nan sluagh a's ainm dha.

16 Agus chuir mise mo bhriathran ann ad bheul, agus le sgàile mo làimhe dh'fhluich mi thu; a shuidheachadh nan nèamhan, agus a leagadh bunait na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òl¹, o làimh an Tighearna, cuach a chorruich; dh'òl thu, dh'fhàisg thu as, deisgeanan cuaiche na ballchrith.

18 Cha 'n'eil fear-stiùraidh aice, am measg nan uile mhac a rug i; cha 'n'eil aon a ghhlacas air làimh i, am measg nan uile mhac a dh'altruim i.

19 Thachair an dà ni so dhuit; cò a ni caoidh air do shon? creachadh² agus milleadh, a' ghoirt, agus an claidheamh; cò a bheir³ dhuit comhfhurtachd?

20 Tha do mhic air fannachadh, tha iad air tuiteam sìos aig ceann gach sràide, mar tharbh fiadhaich ann an lìon; lionadh iad làn do chorruch an Tighearna, do achmhasan do Dhé.

21 Air an aobhar sin, cluinn so a nis, O thusa a ta fuidh àmhghar, agus air mhìsg, ach cha'n ann le fion.

22 Mar so deir do Thighearn Iehobhah, agus do Dhia a thagras chùis a shluaigh; Feuch, thug mi as do làimh cuach na ballchrith; deisgeanan cuaiche mo chorruch; cha'n òl thu dhì ni's mò.

23 Ach cuiridh mi i ann an làimh luchd do shàruchaidh, a ta 'g ràdh ri t'anam, Crom sìos, a chum gu'n téid sinn thairis: agus leag thu do chorp sìos mar an làr, agus mar an t-sràid, dhoibhsan a ta gabhail seachad.

CAIB. LII.

1 Thug Dia comhfhurtachd do'n eaglais. 7 Maise rioghachd Chrìosd. 7 Chomhairlicheadh do'n eaglais gairdeachas a dheanamh ann an slàinte a Tighearna. 13 Glòir Chrìosd 'nuair a dh'ard-aihear e.

DUISG, dùisg, cuir umad do neart, O Shion; cuir umad do chulaidh sgiamhach, O Ierusalem, a Chaitheir naomh; oir cha téid an neo-thimchioll-ghearrta agus an neòghlan a steach annad ni's mò.

2 Crath thu féin o'n duslach; rach suas, dean suidhe, O Ierusalem; fuasgail thu féin o cheanglaicheibh do mhuineil, O nighean Shìoin a ta fo dhaorsa¹.

3 Oir mar so deir an Tighearna, air neo-ni reiceadh sibh, agus cha'n ann le h-airgid a dh'fhuasgailear sibh.

4 Oir mar so deir an Tighearn Iehobhah, Chaidh mo shluagh sìos do'n Eiphit

an toiseach, gu bhì air chuairt an sin; agus rinn an t-Asirianach, mu dheireadh⁵, an sàruchadh,

5 Agus a nis, ciod a th'agamsa an so, deir an Tighearn, o thugadh air falbh mo shluagh air neo-ni? Tha an luchd-riaghlaidh toirt orra caoineadh, deir an Tighearn; agus tha m'ainm-sa an còmhnuidh, gach aon là, a' faghail toibheim.

6 Air an aobhar sin, bithidh eòlas, aig mo shluagh air m'ainm; air an aobhar sin bithidh fios aca, air an là sin, gur mise an ti a ta labhairt; feuch, is mise a th'ann.

7 Cia maiseach air na sléibhtibh cosan an teachdair aobhlin, a ta 'g éigheach sìthe; teachdair an deadh sgéil, a ta 'g éigheach slàinte; a ta 'g ràdh ri Sion, Is e do Dhia a's rìgh ann!

8 Togaidh do luchd-faire an guth; le'n guth ni iad iolach le chéile; oir chi iad aghaidh ri h-aghaidh⁶, an uair a bheir an Tighearn Sion air a h-ais.

9 Brisibh a mach le gairdeachas, dean-aihbh ceòl⁷ le chéile, O fhàsaichean Ierusalem; oir thug an Tighearn comhfhurtachd d'a shluagh, shaor e Ierusalem.

10 Leig an Tighearn ris a ghairdean naomh ann an suibh nan uile chinneach; agus chi uile iomalla na talmhainn slàinte ar Dé-ne.

11 Imichibh, imichibh; rachaibh a mach as a sin; na beanaibh ri nì neòghlan; rachaibh a mach as a meadhon; bithibh-sa glan, a ta giùlan shoitheachan an Tighearn.

12 Oir cha'n ann le cabhaig a théid sibh a mach, agus cha'n ann le teicheadh a shiubhlas sibh; oir gluaisidh an Tighearn roimhibh, agus cuairtichidh Dia Israeil sibh o'n taobh chùil.

13 Feuch, ni m'òglach gu glic; bithidh e air a thogail suas, agus air 'ardachadh, agus bithidh e ro àrd.

14 Mar a ghabh mòran iongantas riut⁸; (is co mhòr a' mhi-mhaise a rinneadh air 'aghaidh, seach aon duine; agus air a dhreach, seach clann dhaoine;)

15 Mar sin crathaidh e uisge⁹ air mòran chinneach; 'na fhianuis druiddidh rìghrean am beoil; oir an nì nach do chuir-eadh an céill doibh, chi iad; agus an nì nach cual iad, bheir iad fa' near.

CAIB. LIII.

1 Tha am fàidh a' gearan gu'n robh an sluagh dh'èasbhuidh creidimh. 4 Fulangas Chrìosd: 11 Chi e do shaothair 'cuama agus bithidh e toichte.

CO a chreid ar teachdaireachd? agus cò do'n robh gairdean an Tighearn air 'fhoillseachadh?

¹ dh'òil. ² fasachadh.

³ cò leis a bheir mi.

⁴ a dhaor-nighean Shìoin.

⁵ gun leisgeul.

⁶ shìl ri sùil. Eabh.

⁷ togaibh rann.

⁸ ris.

⁹ nì e crath-ghlanadh. Fha Esec. 36. 25

2 Oir fàsaidh e suas mar fhailean 'na làthair, agus mar fhreumh á talamh tìoram; cha 'n'eil sgèimh no grinneas aige, gu'n amhairceamaid air; ni mò tha maise¹ aige, gu'n iarramaid e.

3 Tha e air a dhimeas², agus air a chur air chùl le daoineibh³; 'na dhuine dhoilghiosan, agus eòlach air bròn; agus mar neach a dh'fholnicheas 'aghaidh uainn, tha e air a dhimeas, agus cha 'n'eil suim⁴ againn dheth.

4 Gu deimhin ar n-annhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualadh, air a smachdachadh le Dia, agus air a chlaoidleadh.

5 Ach lotadh e air son ar-peacadh-ne, bhrùthadh e air son ar n-aingidheachdan; leagadh airsan smachdachadh ar sìth, agus le a chreuchdaibh-san shlànuicheadh sinne.

6 Chaidh sinne uile, mar chaoraich, air seacharan; thionndaidh sinn, gach aon g'a shlighe féin; agus leag an Tighearn airsan aingidheachd gach aoin dinn⁵.

7 Shàruicheadh e, agus rinneadh ainneart air⁶, gidheadh cha d'fhosgail e a bheul; thugadh e mar uan chum a' chasgraidh, agus mar chaor a bhios balbh an làthair a luchd-lomairt, mar sin cha d'fhosgail e a bheul.

8 O fhoimeart agus o bhreitheanas thugadh air falbh e; agus a ghinealach cò a chuireas an cèill? oir ghearradh as e o thìr nam beò; air son eusaontais mo shlugaigh-sa bha e air a throm-bhualadh.

9 Agus dh'orduicheadh 'uaigh maille ris na h-aingidh, agus maille ri duine saobhir 'na bhàs; air son nach d'rinn e eucor, agus nach robh cealg 'na bheul.

10 Ach b'i toil an Tighearn a bhruthadh; chuir e fo àmhghar e; an uair a ni thu 'anam 'na iobairt-réitich, chi e sìochd, sìnear a làithean; agus soirbhichidh rùn an Tighearna 'na làimh.

11 Do shaothair 'anama chi e, agus bithidh e toilichte⁷. Le eòlas airsan ni m'òglach fìreanach mòran fhìreanachadh⁸; oir giùlainidh e an eu-ceartan.

12 Air an aobhar sin, roinnidh mi dha cuibhroinn maille ris a' mhòran, agus roinnidh e a' chreach maille ris na cumhachdaich; a chionn gu'n do dhòirt e mach 'anam gu bàs; agus gu'n robh e air 'àireamh ann measg nan ciontach; agus ghiùlain e peacadh mhòrain, agus rinn e eadar-gluidhe air son nan ciontach.

CAIB. LIV.

1 Fhuair na cinnich gealladh gu'm bitheadh iad air an gabhail a steach. do rìghachd Chrìosd.

¹ boidhhead.

² chur suarach.

³ air a sgavradh o dhaoinibh.

⁴ ciathaidh.

⁵ againn.

⁶ Thugadh na fìachan, agus rinneadh esan

4 Tèarnar iad anns gach teanntachd. 11 Bheir Dia comhfhurtachd dhoibh, agus teagaisgidh e iad san t-slighe cheart.

SEINN; a bhean aimrid⁹ nach d'rug clann; seinn gu luadh-ghaireach, agus dean iolach àrd, thusa nach robh ri saothair-chloinne; oir is lìonmhoire clann nà muà aonaranaich, na clann na muà pòsda, deir an Tighearn.

2 Leudaich ionad do phàilliuin, agus sgaoidleadh iad a mach brata-còmhdaich do bhùthan; na caomhain, leig am fad do chùird, agus daingnich do chuaillean:

3 Oir air an làimh dheis, agus chli, brisidh tu mach; agus sealbhaichidh do shìochd na cinnich, agus àitichidh iad na caithrichean fàsail.

4 Na gabh eagal, oir cha mhaslaichear thu; na gabh nàire, oir cha chuirear thu gu h-amhladh; oir di-chuimhnichidh tu nàire t'òige, agus masladh do bhantrachais cha chuimhnich thu ni's mò.

5 Oir is e d'fhear-pòsda do Chruith-fhear; 'se Tighearn nan sluagh a's ainm dha; agus is e d'fhear-saoraidh Ti naomh Israeil; goirear Dia an domhain uile mar ainm ris.

6 Oir mar mhnaoi air a tréigsinn, agus fo àmhghar 'na spiorad, ghairm an Tighearn thu, agus mar mhnaoi a phòsadh 'na h-òige, a chionn gu'n do chuireadh air falbh thu, deir an Tighearn.

7 Ré tiota bhig, dhealaich mi riut; ach le mòr iochd cruinnichidh mi thu.

8 Ann an corruich bhig, dh'fholuich mi mo ghnùis car tiota uait; ach le caoimhneas sìorruidh ni mi tròcair ort, deir an Tighearn d'fhear-saoraidh.

9 Oir tha so mar uisgeachaibh Noah dhomh; mar a mhionnach mi nach rachadh uisgeacha Noah tuilleadh thar an talamh, is amhuil a mhionnach mi nach bithinn ann an corruich riut, agus nach toirinn achmhasan duit.

10 Oir dealaichidh na sléibhtean ri'm bunait¹⁰, agus atharraichear na beanntan as an àit; ach cha¹¹ dealaich mo chaoimhneas riutsa, agus cha'n atharraichear coimhcheangal mo shìth, deir an Tighearn aig am bheil truas dhìot.

11 O thusa a ta ainneiseach, air do luasgadh leis an doinnn, agus gun chomhfhurtachd agad; feuch leagaidh mi do chlachan ann an dath sgiambach, agus suidhichidh mi do bhunaitean le clachaibh saphir.

12 Agus ni mi t'uinneagan¹² do chlach-aibh rubi¹³, agus do gheatachan do charbuncalaibh, agus d'uile iomall do chlach-aibh riomhach.

freagarach.

⁷ sàsuichte.

⁸ làn-fhìreanaichidh m'òglach-sa mòran.

⁹ sheasg.

¹⁰ thèid na sléibhtean as an àit.

¹¹ ma'n.

¹² do bhaidealan.

¹³ agataibh.

13 Agus *bithidh* do chlamh uile air an teagasg leis an Tighearn; agus is mòr *a bhios* sìth do chloinne.

14 Ann am fireantachd socrachear thu; bithidh tu fada o shàruchadh, ionnus nach gabh thu eagal; agus o uamhas, ionnus nach tige dlùth dhuit.

15 Feuch, bithidh cruinneachadh gu deimhin ann, ach cha'n ann leam-sa; cò sam bith¹ a chruinnicheas a'd' aghaidh, tuitidh e air do sgàth.

16 Feuch, is mise a chruthaich an gobha ta séideadh suas nan eibhlean san teine, agus a' toirt a mach acfuinn. a chum 'oibre: agus is mi a chruthaich am milltear² chum cur fàs.

17 Cha soirbhich inneal sam bith a dhealbhar a'd' aghaidh; agus gach teangadh a dh'éireas riut am breitheanas, ditidh tu. Is i so oighreachd sheirbhiseach an Tighearn; agus *tha* am fireantachd uamsa, deir an Tighearn.

CAIB. LV.

1 *Ghairm* am fàidh air an t-slugh teachd a dh'ionnsuidh Chrìosd, agus an slighe aingidh agus an smuainte eucorach a thrèigsinn. 8 *Son* as fhèirein.

HO! gach neach air am bheil tart, thigibh-se chum nan uisgeachan; agus *esan* aig nach 'eil airgid, thigibh, ceannaichibh agus ithibh; seadh, thigibh, ceannaichibh, gun airgid agus gun luach, fion agus bainne.

2 C'ar son a tasibh a' caitheamh airgid air *ni* nach aran? agus bhur saothair³ air *ni* nach sàsuich? Eisdibh le deadh aire riumsa, agus ithibh *an ni a ta* maith; agus gabhadh 'ur n-anam toil-inntinn ann an cuilmh shòghmhoir⁴.

3 Aomaibh 'ur cluas, agus thigibh a m'ionnsuidh-sa; éisdibh, agus mairidh 'ur n'anam beò; agus ni mi ruibh coimheangal sìorruidh, *eadhon* tròcairean cinnteach Dhaibhidh.

4 Feuch, thug mi e mar fhianuis do na cinnich, 'na cheann-iùil agus 'na uachdaran do na slòigh.

5 Feuch, gairmidh tu cinneach nach b'aithe dhuit; agus cinnich do nach b'aithe thu, ruithidh iad a d'ionnsuidh, air sgàth an Tighearna do Dhé, agus air son 'Ti naoimh Israeil; oir ghlòraich e thu.

6 Iarraibh an Tighearn, am feadh a ta e r'a fhaotainn; gairmibh air, am feadh a ta e am fagus.

7 Tréigeadh an t-aingidh a shlighe, agus an duine eucorach a smuainte; agus' pilleadh e ris an Tighearn, agus nochdaidh e tròcair dha; agus ri ar Dia-ne, oir bheir e maithneas gu pailt.

8 Oir cha 'n iad mo smuainte-sa bhur smuainte-sa, ni mò *is iad* 'ur slighean-sa, mo shlighean-sa, deir an Tighearn.

9 Oir *mar* a ta na nèamhan àrd seach an talamh; mar sin tha mo shlighean-sa àrd seach bhur slighean-sa, agus mo smuainte-sa seach bhur smuainte-sa.

10 Oir mar a thig an t-uisge a nuas, agus an sneachdadh o nèamh, agus nach pill e an sin, ach gu'n uisgich e an talamh, agus gu'n toir e air fàs torrach, agus toradh thabhairt uaidh, a chum gu'n tabhair e siol dha-san a chuireas, agus aran dha-san a dh'itheas;

11 Is amhuil a bhios m'fhocal-sa a théid a mach as mo bheul: cha phill e a m'ionnsuidh gun tairbhe; ach coimh-lionaidh e an ni a's àill leam, agus bheir e gu buil *an ni* mu'n do chuir mi mach e.

12 Oir le h-aobhneas théid sibh e mach, agus le sìth stiùrar sibh air 'ur n-aghaidh: togaidh na sléibhtean agus na enuic roimhibh àrd iolach, agus uile chraobhan na macharach buailidh am basan.

13 An àit droighne fàsaidh an giuthas, agus an àit drise fàsaidh am miortal; agus bithidh e do'n Tighearn mar ainm, mar chomhlara bith-bhuan, nach cuirear as 'ait.

CAIB. LVI.

1 *Earail* gu breitheanas a choimhead. 3 *Tha Dia* a' gealltainn gu'n gabh e ris gach neach a ghluais-eas gu taitneach 'na làthair. 9 *Tha* trioblaidan na h-eaglais ag èirigh o luchd-faire dall agus aineolach.

MAR so deir an Tighearn, Coimhead-aibh breitheanas, agus deanaibh ceartas; oir tha mo shlàinte dlùth chum teachd, agus m'fhìreantachd chum bli air foillseachadh.

2 Is beannaichte an duine *a ni* so, agus mac an duine *a ni* greim air; a choimh-deas an t-sàbaid gun a mi-naomhachadh, agus a choimhdeas a làmh o aon ole a dheanamh.

3 Agus na labhradh mac a' choigrich, a ta dlùth-leantuinn ris an Tighearn, ag ràdh, Sgar an Tighearn mise gu tur o 'shluagh; agus na h-abradh an caillteanach, Feuch, *tha* mise a' m'ehrann tioram⁵.

4 Oir mar so deir an Tighearn, Do na caillteanaich a choimhdeas mo shàbaid-eau, agus a ròghnaicheas *an ni* a thait-neas rium, agus a ni greim air mo choimheangal;

5 Dhoibh sin bheir mi ann am thigh, agus an taobh a stigh do m' bhallachan, àit⁶ agus ainm ni's fearr na *ainm* mhae agus nighean⁷; ainm sìorruidh bheir mi dhoibh, nach gearrar as.

6 Agus mic a' choigrich a ta dlùth-leant-

¹ cia b'è.

² fear millidh.

⁵ seargta.

⁶ cuimhneachan.

³ saothireach.

⁴ reamhrachd. Eabh.

⁷ na do mhacaibh agus do nigheanaibh.

tuinn ris an Tighearn, gu frithealadh dha, agus gràdh a thoirt do ainm an Tighearn, agus gu bhi 'nan òglaich dha; gach aon a ghleidheas an t-sàbaid gun a mi-naomhachadh, agus a ni greim air mo choimhcheangal;

7 Iad sin bheir mi chum mo shléibh naoimh; agus ni mi aoibhheach iad ann am thigh-urnuigh; *bithidh* an tabhartais-loisgte agus an iobairtean air an gabhail gu taitneach air m'altair; oir goirear ri m' thigh-sa, Tigh-urnuigh air son nan uile shlògh.

8 Mar so deir an Tighearn Iehobhah, a ta cruinneachadh r'a chéile diobaraich Israeil; Fathast cruinnichidh mi *muinntir eile* d'a ionnsuidh, os bàrr¹ orra-san a ta air an cruinneachadh.

9 O uile bheathaiche na macharach thigibh chum itheadh; O uile bheathaiche na frìdhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhannaich; a' tuiteam nan codal², 'gan sìneadh fèin sìos, leis an ionmhuinn codal.

11 Seadh, is coin chìocrach iad nach urrainn bhi toilichte; agus is buachailllean iad nach urrainn tuigsinn; tha iad a' sealltuinn, gach aon diubh, air a shlighe fèin; gach fear air a bhuannachd o a chrìch fèin.

12 Thigibh, *deir iad*, gabhamaid³ fion, agus òlamaid dibhe làidir; agus mar an là'n duigh bithidh am màireach, agus ni's ro phailte gu mòr.

CAIB. LVII.

1 Gheibh na h-ionracain agus na daoine tròcaireach bàs ann an sìth. 3 Chronaich Dia na h-Iudhaich air son an droch ghniomhara. 13 Eiridh gu maith do'n neach a chuireas a dhòchas anns an Tighearn.

THA an duine ionraic a' bàsachadh, agus gu'n aon neach a' toirt fa'near; agus na daoine tròcaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n ole a ta ri teachd.

2 Siùbhlaidh e ann an sìth; gabhaidh esan fois 'na leabaidh, a ta 'g imeachd 'na ionracas.

3 Ach thigibh-se am fagus an so, a mhaca na ban-fhiosaich, a shliochd an adhaltranaich agus na strìopaich.

4 Cò d'am bheil sibh a' deanamh àbhachd⁴? ris am bheil sibh a' deanamh beoil fharsuinn, agus a' sìneadh a mach na teangaidh? Bith clann sibh a chlaon a leth-taobh, siol na foill⁵?

5 A' fadadh *bhur an-mhiann* le h-ìodh-

olaibh fo gach crann uaine; a' marbhadh na cloinne anns na gleanntaibh, fo sgolt-aibh nan creag.

6 Am measg mhìnichlachan a' ghlinne⁶ tha do chuibhriorm: is iad sin, is iad sin do chrannchur; eadhon dhoibh so dhòirt thu mach tabhartas-dibhe, dl'ìobair thu tiòdh-lac. An gabhainn-sa tlachd anna sin?

7 Air sliabh cruachach àrd shuidhich thu do leabadh; eadhon do'n àit sin chaidh thu suas a thoirt seachad iobairt.

8 Air cùl an doruis agus na h-ursainn chuir thu suas do chuimhneachan; dh'im-ich thu air falbh uamsa, agus chaidh thu suas; leudaich thu do leabadh, agus rinn thu coimhcheangal riu; thug thu gràdh do an leabaidh-san, cia b'e àit anns am faca tu i⁷.

9 Agus chaidh thu dh'amharc an rìgh le h-oladh-ungaidh, agus mheudaich thu do bholtraichean; agus chuir thu do theachdairean am fad, agus dh'islich thu thu fèin eadhon gus an uaigh⁸.

10 Ann am buanas do shlighe sgèithich-eadh thu; *ach* cha dubhairt thu, Cha 'n'eil dòchas ann; fhuair thu beatha do làimhe; air an aobhar sin cha d'fhannaich thu.

11 Agus cò as a ghabh thu eagal agus fiamh, gu'n d'rinn thu breug, agus nach do chuimhnich thu ormsa, ni mò thug thu fa'near? Nach d'fhan mise a'm' thosd, eadhon o chian, agus cha 'n'eil eagal ort romham?

12 Leigidh mise ris d'fhèireantachd, agus do ghnìomhara; oir cha dean iad feum dhuit?

13 An uair a ghlaodhas tu, deanadh do chuideachdan do thèarnadh; ach togaidh a' ghaoth air falbh iad uile, bheir an ceò as iad; ach an neach a chuireas a dhòchas annam-sa, sealbhaichidh e am fearann, agus gheibh e mar oighreachd mo shliabh naomh.

14 An sin their mi, Tilgibh suas, tilgibh suas; ulluichibh an t-slighe; thugaibh air falbh *gach* ceap-tuislidh á rathad mo shluaigh.

15 Oir mar so deir an Tì àrd agus uasal, do'n àit-còmhnuidh sìorruidheachd, do'n ainm an Tì naomh; Anns an ionad àrd agus naomh gabham-sa còmhnuidh; maille ris-san fòs a ta leònta agus iriosal 'na spiorad; a bheothachadh spiorad nan iriosal, agus a bheothachadh crìdhe nan daoine leònta.

16 Oir cha bhi mi a' cronachadh gu sìor, agus cha bhi fearg orm an còmhnuidh; oir dh'fhàilnicheadh an spiorad romham, agus na h-anaman a rinn mi fèin.

¹ a thuilleadh.

² a' faicinn shealladh.

³ faigheamaid.

⁴ Cò a ta agaibh mar bhall-abhacha?

⁵ por nan lùb.

⁷ dh'ulluich thu àit dhi.

⁸ ionad nam marbh.

⁶ an t-srutha.

17 Air son cionta a shannta bha corr-
uich orm, agus bhuail mi e, a' folachadh
mò ghnùise ann am feirg; agus dh'ìnich
e roimhe gu fiar, air slighe a chridhe féin.

18 Dh'amhairc mise air a shlighibh,
agus leighisidh mi e; seadh, treòraichidh
mi e, agus aisigidh mi sòlasan¹ dhàsan
agus d'a luchd-bròin.

19 Is mi a chruthaicheas toradh nam
bile; sìth, sìth, dhàsan a ta fad as, agus
dhasan a ta dlùth, deir an Tighearn;
agus slànuichidh mi e.

20 Ach tha na h-aingidh cosmhuil ris
a' mhuir bhuaite, oir cha'n urrainn i bhi
aig fois; ach tha a h-uisgeachan a' dùsg-
adh nìos salchair agus làthaich².

21 Cha 'n'èil sìth, deir mo Dhia, do na
h-aingidh.

CAIB. LVIII.

1 *Chuir am fàidh an céill an dealachadh a ta eadar
trasg mhealltach agus trasg dhìadhaidh. 8 Beann-
aichidh an Tighearn esan a thraisgeas gu ceart,
13 agus a choimhneas là na sàbaid.*

GLAODH gu h-àrd, na caomhain;
mar ghall-truimp tog suas do ghuth;
agus nochd do m' shluagh-sa an eus-
aontas, agus do thigh Iacoib an lochdan.

2 Gidheadh o là gu là tha iad 'gam iarr-
aidh-sa, agus is toil leo eòlas a ghabhail
air mo shlighibh; mar chinneach a ta cur
an gnìomh fireantachd, agus nach do
thréig reachd an Dé; tha iad a' fiosrach-
adh dhìom-sa mu thimchioll reachdan na
fireantachd, agus is miann leo bhi teachd
dlùth do Dhia.

3 C'ar son a thraisg sin, deir iad, agus
nach 'eil thusa a' faicinu? C'ar son a
chraidh sinn ar n-anam, agus nach 'eil
thusa a' toirt fa'near? Feuch, ann an là
bhur traisg tha sibh a' mealltuinn 'ur sòl-
ais, agus 'ur n-uile dhlighe saothreach
tha sibh ag agairt.

4 Feuch, tha sibh a' trasg chum conn-
sachaidh agus aimhreit, agus chum bual-
adh le dorn na h-eucorach; cha bhi sibh
ri trasg mar air an là'n diugh, a thoirt air
bhur guth gu'n cluinnear e gu h-àrd.

5 An e leithid so do thrasg a ròghnaich
mise, gu'n cuireadh duine 'anam fo leòn
car là? An e gu'n cromadh e a cheann
mar luachair, agus gu'n sgaoileadh e sac-
eudach agus luaithre fuidhe? An abair
thu trasg ri so, agus là taitneach do'n
Tighearn?

6 Nach e so an trasg a ta mise a' rògh-
nachadh; cuibhrichean na h-aingidheachd
a sgaoileadh, na h-uallaichean³ tromha las-
achadh, agus a' mhuinntir shàruichte
fhuasgladh; agus gach uile chuing a
bhreiseadh?

7 Nach e t'aran a roinn ris an ocrach,

agus aoidheachd a thoirt do na bochdaibh
seachranach; an uair a chi thu an lom-
nochd gu'n còmhdaich thu e; agus nach
foluich thu thu féin o d'fheoil féin.

8 An sin brisidh do sholus a mach mar
a' mhaduinn, agus fàsaidh do shlàinte gu
grad; agus théid d'fhireantachd air thois-
each ort; bithidh glòir an Tighearn 'gad
chuaireachadh, o'n taobh chùil.

9 An sin gairmidh tu, agus freagraidh
an Tighearn; gladhaidh tu, agus their e,
Tha mise an so. Ma chuireas tu air falbh
as do mheadhon a' chuing, tomhadh a'
mheòir, agus labhairt toibheim;

10 Agus ma thiomaiheas t'anam ris an
ocrach, agus gu'n sàsuich thu an t-anam
leònta⁴; an sin éiridh do sholus ann an
doilleireachd, agus bithidh do dhorchadas
mar mheadhon-là.

11 Agus stiùraidh an Tighearn thu an
còmhnuidh, agus sàsuichidh e t'anam ri
àm tarta, agus ungaidh e do chnàman;
agus bithidh tu mar lìos air a dheadh-
uisgeachadh, agus mar thobar fìor-uisge⁵,
air nach tig fàilleg uisge.

12 Agus togaidh iadsan a ghinear uait
na seann làraichean; togaidh tu suas bun-
aite nan iomadh ginealach; agus goirear
dhìot Fear-càramh a' bheumna, Fear-aisig
nan ròidean chum bhi air an àiteachadh.

13 Ma philleas tu air falbh do chos
o'n t-Sàbaid, o do thoil féin a dheanamh
air mo là naomh-sa; agus gu'n abair thu
ris an t-Sàbaid, Toil-inntinn; ri là naomh
an Tighearn, Urramach; agus gu'n tabh-
air thu onoir dhi, gun bhi leantuinn do
shligheachan féin, no gabhail do shòlais
féin, no labhairt do bhrathra féin;

14 An sin gabhaidh tu tlachd anns an
Tighearn; agus bheir mise ort marcachd
air ionadaibh àrda na talmhainn; agus
beathaichidh mi thu le oighreachd Iacoib
d'athar; oir labhair beul an Tighearn e.

CAIB. LIX.

1 *Chuir eu-ceartan chloinn Israeil dealachadh eadar
iad féin agus an Dia. 16 Tha slàinte tre an
Tighearn a mhàin. 20 Coimhcheangal an fhir-
shaoraidh.*

FEUCH, cha 'n'èil làmh an Tighearn
air dol an giorrad, air chor as nach
feud i tèarnadh; ni mò tha a chluas air
fàs mall, air chor as nach feud i chuinnt-
inn.

2 Ach chuir bhur n-eu-ceartan dealach-
adh eadar sibh féin agus bhur Dia; agus
dh'fholuich 'ur lochdan uaibh a ghnùis,
ionnus nach éisd e.

3 Oir tha bhur làmhan air an truail-
eadh le fuil, agus 'ur meòir le h-eu-ceirt;
labhair 'ur bilean cealg; bithidh bhur
teangadh a' teachd air airmheas.

4 Cha 'n'eil neach a' gairm air ceartas, cha 'n'eil neach a' tagradh air son na fìrinn; tha iad a' cur an dòigh ann an dìomhanas, agus a' labhairt bhreug: air thorrachas le h-aìmhleas, agus a' breith eu-ceirt.

5 Tha iad a' gur air uighean na rìgh-nathrach, agus a' figheadh lìon an damhan-alluidh; esan a dh'itheas do'n uighean, gheibh e bàs; agus an uair a bhruthar e, brisidh nathair nimhe mach.

6 Do'n lìontaibh cha deanar trusgan; ni mò chòmhdachas iad iad fèin le'n oibribh; an oibre is oibre na h-eucorach iad; agus tha gnìomh an fhoirneir 'nan làmhaibh.

7 Tha an cas a' ruith chum uile, agus tha iad a' greasadh chum fuil neòchiontach a dhòrtadh; is innleachdan aingidheachd an innleachdan; tha léir-sgrìos agus milleadh 'nan ceumaibh.

8 Slighe na sìthe cha'n aithne dhoibh, ni mò tha ceart-bhreth 'nan ròidibh; rinn iad dhoibh fèin ceuma cama; cò air bith a shiùbhlas annta, cha'n aithne dha sìth.

9 Air an aobhar sin tha breitheanas fada uainn, agus cha 'n'eil ceartas a' breith oirnn; tha sinn ag amharc air son soluis¹, ach feuch dorchadas; air son soilleir-cachd, *ach* tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc² tha sinn a' smeurachadh; tha sinn a' tuisleachadh mu mheadhon-là, mar anns an du-thrà; *tha sinn* ann an ionadaibh uaigneach³ mar dhaoinibh marbha.

11 Tha sinn a' bùirich mar mhath-glamhnuibh; mar cholomain tha sinn ri sìor-chaoirean; tha ar sùil ri breitheanas, ach cha 'n'eil e ann; ri fuasgladh, ach 's ann a tha e fada uainn.

12 Oir tha ar lochdan air fàs lìonmhor ann ad làthair, agus tha ar ciontan a' toirt fianuis 'nar n-aghaidh; oir tha ar lochdan 'nar cuideachd⁴, agus ar n-aingidheachd is léir dhuinn;

13 Le peacachadh agus le breugaibh an aghaidh an Tighearn, agus le pilleadh air falbh o ar Dia; le ainneart a labhairt, agus le ceannairc a dhealbhadh; agus le briathran breugach aithris o'n chridhe.

14 Agus tha breitheanas air pilleadh air ais, agus tha ceartas a' seasamh fad as; oir thuislich an fhìrinn air an t-sràid, agus cha b'urrainn ionracas teachd a steach.

15 Agus tha fìrinn air teicheadh air falbh; agus tha esan, a sheachaineas an t-olc, 'ga dheanamh fèin 'na chreigh;

agus chunnaic an Tighearn, agus mhi-thaitinn e ris, nach robh breitheanas ann.

16 Agus chunnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibrich a ghairdean fèin slàinte air a shon; agus fhìreantachd fèin chum i suas e.

17 Agus chuir e uime fireantachd mar uchd-èididh; agus clogaid na slàinte air a cheann; agus chuir e uime trusgan an dioghaltais mar 'eudach, agus chòmhdach se e fèin le h-eud mar le falluinn.

18 A réir an gnìomhara, mar sin bheir e ath-dhioladh; corruich d'a naimhdebh, dioghaltas d'a eascairidh; do na h-eil-eanaibh iocaidh e dioghaltas.

19 Mar sin bheir *iadsan* o'n iar urram do ainm an Tighearn; agus *iadsan* o éirigh na gréine d'a ghlòir; an uair a thig an nàmhaid mar thuil, togaidh Spiorad an Tighearna suas bratach 'na aghaidh.

20 Agus thig am Fear-saoraidh gu Sion, agus tionndaidhidh e eusaontas o Iacob⁵, deir an Tighearn.

21 Agus air mo shon-sa, so mo choimh-cheangal riu, deir an Tighearn; Mo Spiorad a tha ortsa, agus mo bhriathran chuir mi ann ad bheul, cha dealaich iad ri d' bheul, no ri beul do shliochd, no ri beul sliochd do shliochd, deir an Tighearn, o'n àm so eadhon gu sìorruidh.

CAIB. LX.

1 *Thig na cinnich o chéin, agus tionndaidhear mòr-shluagh an domhain a dh'ionnsuidh Chrìosd.*
15 *Ni Dia an eaglais 'na h-aobhar gairdeachais feadh linn nan linn.*

EIRICH, dealraich; oir thàinig do sholus, agus tha glòir an Tighearn air éirigh ort.

2 Oir, feuch, còmhdachidh dorchadas an talamh, agus dall-cheò na cinnich; ach ortsa éiridh an Tighearn, chithear a ghlòir a' dealradh ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n cuairt, agus faic; tha iad uile air an cruinneachadh ri chéile; tha iad a' teachd a'd' ionnsuidh; thig do mhic o chéin, agus bithidh do nigheanan air an giùlan air an léis⁶.

5 An sin chì thu, agus sruthaidh tu thairis, agus ni do chridhe plogartaich, agus nìthear farsuinn e; a chionn gu'n tionndaidhear mòr-shluagh na fairge thugad, agus gu'n tig feachd nan cinn-each a d'ionnsuidh.

6 Còmhdachear thu le lìonmhoireachd nan càmhail, le dromedairibh Mhidiain agus Ephah; thig iad uile o Sheba; òr

¹ tha sùil againn ri solus.

² sùilidh. Eabh.

³ am measg nìthe soghmhor.

⁴ maille ruinn.

⁵ Faic Rom. XI. 26.

⁶ air an altrum ri do thaobh.

agus tùis giùlainidh iad, agus cliù an Tighearna cuiridh iad an céill.

7 Cruinnichear a d'ionnsuidh uile threudan Chedair; ni reitheachan Nebaioit frithealadh dhuit; théid iad suas, agus gabhar iad gu taitneach air m'alt-air; agus tigh mo ghloire *fathast* glòraichidh mi.

8 Cò iad so a ta snàmh mar cheò, agus mar cholumain *ag itealaich* a dh'ionnsuidh an ionaid-tàimh¹?

9 Gu deimhin feithidh na h-eileana rium, agus longa Tharsuis air thoiseach; a thoirt do mhac o chéin, *le'n* airgid agus an òr maille riu; a chum ainme an Tighearna do Dhé, agus a chum Ti naoimh Israeil, oir glhòraich esan thu.

10 Agus togaidh mic a' choigrich suas do bhallachan, agus fritheilidh an rìghrean duit; oir ann am chorruidh bhuaill mi thu, ach ann am dheadh-ghean ni mi iochd ort.

11 Agus bithidh do gheatachan fosgailt an còmhuidh; a là agus a dh'oidhche cha druider iad; a chum gu'n toirear a d'ionnsuidh mòr-shluagh nan cinneach, agus an rìghrean le greadhnachas.

12 Oir an cinneach agus an rìghachd nach dean seirbhis dhuit, bithidh iad caillte²; seadh, sgriosar na cinnich sin gu tur³.

13 Thig glòir Lebanom a d'ionnsuidh, an giuthas, an gall-ghiuthas, agus an crann-boca le chèile; a chur maise air mo naomh-ionad-sa, agus a chum gu'n glòraichinn àit mo chos.

14 Agus thig mic do luchd-sàruchaidh 'gan cromadh féin ann ad làthair; agus ni gach neach a rinn tàir ort umhlachd gu bonnaibh do chos; agus goiridh iad dhìot, Caithir an Tighearna, Sion Ti naoimh Israeil⁴.

15 An àit thu bhi air do thréigsinn, agus air d'fhàthachadh, air chor as nach do shiubhail aon neach tromhad⁵; ni mi thu a'd' oirdhearcas sìorruidh, a'd' aobhargàirdeachais feadh linn nan linn.

16 Agus deothailidh tu bainne chinn-each, agus cìoch rìghrean deothailidh tu; agus bithidh fios agad gur mise an Tighearna do Shlànuighear; agus gur e d'fhear-saoraidh Ti cumhachdach Iacoib.

17 Agus an àit umha, bheir mi òr; agus an àit iarunn, bheir mi airgid; agus an àite fiodha, umha; agus an àite chlach, iarunn; agus ni mi do mhaoir 'uan sith, agus do chis-mhaoir 'nan ccartas.

18 Cha chluinnear ni's mò foirneart ann

ad fhearann, sgrios agus milleadh ann ad chrìochaibh; ach their thu Slàinte *mar ainm* ri d' bhallachan, agus Moladh ri d' gheatachan.

19 Cha bhi a' ghrian agad ni's faide mar sholus anns an là; ni mò bhitheas dealradh na gealaich 'gad shoillseachadh; ach bithidh an Tighearna 'na sholus sìorruidh dhuit, agus do Dhia 'na ghloir agad.

20 Cha téid do ghrian tuilleadh sìos, ni mò dhorchaichear do ghealach; oir bithidh an Tighearna 'na sholus sìorruidh dhuit, agus crìochnaichear làithean do bhròin.

21 Agus *bithidh* do shluagh uile 'nam fireanaibh; sealbhaichidh iad am fearann gu sìorruidh; am meangau a shuidhich mi, obair mo làmh, chum gu'm bi mi air mo ghlorachadh.

22 Fàsaidh an aon bheag 'na mìle, agus an aon shuarach 'na cinneach làidir; luathaichidh mise Iehobhah e 'na thràth.

CAIB. LXI.

1 *Dreuchd Chriosd.* 4 *Ath-nuadhaichidh Dia an eaglais, agus bheir e d'a luchd-frithealaidh éididh mhòlaidh an àit spioraid aìrsneil.*

THA Spiorad an Tighearna Ichobhah orm, do bhrìgh gu'n d'ung an Tighearna mi; a thoirt deadh sgéil do'n mhacanta chuir e mi; a cheangal suas luchd a' chridhe bhrìste, a dh'éigheach fuasglaidh do na bràighdibh, agus fosglaidh a' phrìosain dhoibh-san a ta ceangailte;

2 A dh'éigheach bliadhna thaitnich an Tighearna, agus là dioghaltais ar Dé-ne; a thoirt comhfhurtachd dhoibhsan uile a ta ri bròn;

3 A dh'òrduchadh do luchd-caoineadh Shìoin, a thoirt doibh maise an àit luaithre, oladh aoibhneis an àit bròin, éididh mhoitaidh an àit spioraid aìrsneil; a chum gu'n goirteadh dhiubh Craobhan fireantachd, a shuidhich⁶ an Tighearna air sgàth a ghloire.

4 Agus togaidh iad suas na seann làraichean, càirichidh iad r'a chèile na h-ionada sgaoilte o chian; ath-nuadhaichidh iad na caithrichean brìste, ionada fàsaichte nan iomadh linn.

5 Agus seasaidh coigrich suas, agus beathaichidh iad bhur treudan; agus *bithidh* mic a' choigrich 'uan treabhaichean dhuibh, agus 'nan luchd-saoithreachadh na fionain.

6 Ach goirear dhibhse Sagartan an Tighearna; Luchd-frithealaidh ar Dé-ne theirear ribh; saobhbreas nan cinneach ithidh sibh, agus 'nan glòir ni sibh uail.

7 An àite bhur nàire *gheibh sibh cuibh rionn* dhùbailte⁷; agus an àite maslaidh

¹ an còsa, an uinneaga. Eabh.

² théid iad an mughla. ³ le léir-sgrios.

⁴ Sion a's le Ti naoimh Israeil.

⁵ thromhad.

⁶ suidheachadh, planndachadh. Eabh.

⁷ dhà fhuilt.

ni iad gàirdeachas 'nan cuibhrionn; uime sin 'nan tìr sealbhaichidh iad roinn dhù-bailte; bithidh aoibhneas aca¹ gu sìorruidh.

8 Oir is mise an Tighearn, leis an ion-mhuinn breitheanas; is beag orm ainneart air son tabhartais-loisgte; agus cuiridh mi air a h-aghaidh² an obair ann am firinu; agus coimhcheangal sìorruidh ni mi riu.

9 Agus aithnichcar an sliochd am measg nan cinneach, agus an gineal am measg nan sluagh; na h-uile a chì iad, aidichidh iad gur sliochd iad a bheannaich an Tighearn.

10 Ni mi gàirdeachas gu mòr anns an Tighearn; bithidh m'anam aoibhneach ann am Dhia; oir chuir e orm éididh na slàinte, chòmhaidh e mi le trusgan³ na fireantachd; mar a sgeadaicheas⁴ fear-bainnse⁵ e féin le crùn⁶ sgiamhach, agus mar a dh'uirgeamaicheas bean-bainnse i féin le a seudaibh.

11 Oir mar a chuireas an talamh a mach a chinneas⁷, agus mar a bheir an lios⁸ air an t-sìol fàs a nìos; mar sin bheir an Tighearn Iehobhah air fireantachd agus moladh fàs suas an làthair nan uile chinneach.

CAIB. LXII.

1 *Eud an fhàidh air son soirbheis na h-eaglais.*
6 *Dreuchd an luchd-faire.* 8 *Dhaingnich Dia a gheallanna le bhì mionnachadh air féin.* 10 *An t-ulluchadh air son an t-soisgeil.*

AIR sgàth Shìoin cha bhì mi a'm' thosd, agus air sgàth Ierusalem cha ghabh mi fois; gus am bris a fireantachd a mach mar sholus dealrach, agus a slàinte mar leus lasarach.

2 Agus cliu na cinnich d'fhireantachd, agus na h-uile rìghrean do ghloir; agus bheirear ainm nuadh ort, a ghairmeas beul an Tighearn.

3 Agus bithidh tu a d' chrùn glòire ann an làimh an Tighearn, agus a d' choron rìoghail ann an glaic do Dhé.

4 Cha 'n abrar riut tuilleadh, Té ris an do chuireadh cùl; ni mò theirear ri d'fhearann tuilleadh, am Fàsach; ach 'se theirear riut, Bean mo rùin⁹; agus ri d'fhearann, Bean-phòsda¹⁰; oir bithidh rùn an Tighearn ort, agus bithidh d'fhearann air a cheangal ann am pòsadh.

5 Oir mar a phòsas duin' òg òigh, mar sin pòsaidh d'fhear-togail thusa; agus mar a ni am fear nuadh-pòsda gàirdcachas 'na mhnaoi, mar sin ni do Dhia gàirdeachas annad-sa.

6 Chuir mi luchd-faire air do bhallachan, O Ierusalem; rè an là, agus rè na

h-oidhche, cha bhì iad 'nan tosd; sibhse ta deanamh luaidh air ainm an 'Tigh-earna, na bithibhse 'nur tosd;

7 Agus na tugaibh fois dha, gus an daingnich e, agus gus an dean e Ierusalem 'na cliù air an talamh.

8 Mhionnaich an Tighearn air a làimh dheis, agus air a ghairdean cumhachdach, cha tabhair mi ni's mò t'arbhair mar lòn do d' naimhdibh; ni mò dh'òlas clann a' choigrich t'fhion nuadh, air son an do shaothraich thu:

9 Ach ithidh iadsan e, a thionailas e, agus molaidh iad an Tighearn; agus iadsan a chruinnicheas e, òlaidh iad e ann am chùirtibh naomha-sa.

10 Siubhlaibh, siubhlaibh troimh nageat-achaidh; ulluichibh slighe an t-sluaigh; tilgibh suas, tilgibh suas an rathad mòr; glanaibh as na clachan; togaibh suas bratach air son nan slògh.

11 Feuch, ghlaodh an Tighearn gu iomall an domhain; Abraibh ri nighinn Shìoin, Feuch, tha do Shlànuighear a' teachd; feuch, tha a luagheachd maille ris, agus *duais* 'oibre 'na làthair.

12 Agus theirear riu, An sluagh naomh, muinntir shaorta an Tighearn; agus riutsa theirear, Miannaichte, Caithir nach tréigear.

CAIB. LXIII.

1 *Nochd Criosd a chumhachd gu tèarnadh, agus a dhìoghaltas air a naimhdibh.* 7 *Dh'aithris am fàidh tròcairean Dhé, agus meud a mhaitheis do thigh Israeil.* 15 *Ghuidh e gu'n sealladh Dia air a shluagh a réir lionmhoireachd a thròcairean.*

CO so a ta teachd o Edom, le culaidh dhaithe o Bhlosrah? e so a ta sgiamhach 'na éididh, a' siubhal ann am mòrachd a neirt? Mise, a ta labhairt ann am fireantachd, cumhachdach gu tèarnadh.

2 C'ar son a tha d'éididh dearg, agus do chulaidh mar neach a' saltairt an amair-fhiona?

3 Shaltair mi an t-amar a'm' aonar, agus do na slòigh cha robh aon neach maille rium; oir shaltair mi orra ann am fheirg, agus phronn mi iad ann am chorr-uidh; agus chrathadh am fuil air mo chulaidh, agus tharruing mi sal air m'éididh uile.

4 Oir bha là an dioghaltais ann mo chridhe, agus bha bliadhna mo mhuinntir shaorta air teachd.

5 Agus dh'amhaire mi, agus cha robh fear-cuidich ann; agus b'ìoghnadh lean nach robh fear-taice ann; uime sin dh'oibrich mo ghairdean féine slàinte dhomh, agus chum mo chorruidh féin taice rium.

¹ orra.

² air adhart.

³ falluinn.

⁴ choisrigeas. Eabh.

⁵ fear-nuadh-pòsda.

⁶ uigheam cinn.

⁷ a phiseach, a thoradh.

⁸ gàradh.

⁹ Hephisah. Eabh.

¹⁰ Reulah. Eabh.

6 Agus shaltair mi sìos na slòigh ann am fheirg, agus chuir mi air mhisg iad anu mo chorruich, agus thug mi sìos an neart chum an làir.

7 Tròcairean an Tighearn aithrisidh mi, agus cliù an Tighearn; a réir gach ni a bhuilich an Tighearn oirn, agus meud a bhaithes do thigh Israeil, a dheònaich e dhoibh a réir a chaoimhneis, agus a réir lìonmhoireachd a thròcairean.

8 Oir thubhairt e, Gu deimhin is iad mo shluagh, clann nach dean breug; agus bha e 'na Shlànuighear dhoibh.

9 'Nan uile àmhghar bha esan fo àmhghar; agus rinn aingeal a làthaireachd an tèarnadh; ann a ghràdh agus ann a ìochd rinn e féin an saoradh; agus dh'iomchair e iad, agus ghiùlain e iad, rè uan uile làithean o shean.

10 Ach rinn iadsan ceannairc, agus chuir iad doilghios air a Spiorad naomh; air chor as gu'n d'fhàs e 'na nàmhaid doibh, agus chog e féin 'nan aghaidh.

11 An sin chuimhnich e na làithean o shean, Maois agus a shluagh, ag ràdh, Cia esan a thug a nios iad o'n fhaireg, le buachaille a threud? Cia esan a chuir a Spiorad naomh an taobh a stigh dheth?

12 A stiùir iad aig deas làimh Mhaois le aghairdean glòrmhor; a' sgoltadh nan uisgeacha roimhe, a dheanamh ainme shiorruidh dha féin?

13 'Gan stiùradh troimh an doimhne, mar each anns an fhàsach, ionnus nach tuislicheadh iad?

14 Mar a théid an spréidh sìos do'n ghleann, thug Spiorad an Tighearn orra fois a ghabhail: mar sin threòraich thu do shluagh, a dheanamh ainme ghlòrmhoir dhuit féin.

15 Seall a nuas o nèamh, agus faic o d' ionad-còmhnuidh naomh agus glòrmhor; c'ait am bheil t'èud, agus do neart; lìonmhoireachd do thròcairean agus do thruas dhiom? Am bheil iad air an cumail air an ais?

16 Gu deimhin is tusa ar n-Athair, ged nach aithne do Abraham sinn, agus nach 'eil Israel a' gabhail ruinn; is tusa, a Thighearn, ar n-Athair, ar Fear-saoraidh; tha d'ainm o shiorruidheachd.

17 C'ar son, a Thighearn, a thug thu oirn dol air seacharan o d' shligheibh; agus a chruaidhich thu ar cridhe o d' eagal? Pìll air sgàth do sheirbhiseach, treubhan d'òighreachd féin.

18 Is beag an ùine a shealbhaich do shluagh naomh; shaltair ar naimhdean sìos do naomh-ionad.

19 Bu leat sinne riamh; cha robh thu a' riaghladh os an ceann-san; cha robh iad air an gairm air d'ainm.

1 Dh'iarr an eaglais foillseachadh cumhachd Dhé; 4 dh'aidich i gu'n robh a thròcairean lìonmhor; 9 agus ghiùdh i nach cuimhnichheadh e a h-àingidheachd 'na h-aghaidh gu bràth.

O GU'N reubadh tu o chéile na nèamhan, gu'n tigeadh tu nuas, gu'n sruthadh na sléibhteann sìos ann ad làthair;

2 Mar a loisgeas an teine-leaghaidh, mar a chuireas an teine goil air uisge; a chum d'ainm a dheanamh aithnichte do d' naimhdeibh, gu'n crìothnaicheadh na cinnich ann ad fhianuis!

3 An uair a rinn thu nithe iongantach ris nach robh suil againn, thàinig thu nuas; ann ad làthair shruth na sléibhteann sìos.

4 Oir riamh cha chuala daoine, cha d'airich iad le'n cluais, ni mò chunnaic suil, dia eile ach thusa, a ni a leithid air son an ti a dh'fheitheas air.

5 Tha thu a' teachd ag còdhail an ti a ta gabhail tlachd ann an ceartas a dheanamh; a' mhuinntir a ta cuimhneach ortsa ann ad shligheibh; feuch, tha corruich ort, oir pheacaich sinne; eadhon rìusan o shean, ach tha sinn air ar tèarnadh;

6 Agus tha sinne uile mar ni truaillidh, agus ar n-uile fhùreantachd mar luideig shalaich; agus tha sinn uile air seargadh mar dhuilleach; agus rinn ar lochdan, mar a' ghaoth, ar giùlan air falbh.

7 Agus cha 'n'èil aon neach ann a ta gairm air d'ainm, a ta 'ga dhùsgadh féin suas a dheanamh greim ort; oir dh'fholuich thu do ghnùis uainn, agus chlaoidh thu sinn air son ar n-euceartan.

8 Ach a nis, O Thighearn, is tusa ar n-Athair; is sinne a' chreadh, agus is tusa ar fear-deilbh; agus is sinne uile obair do làimhe.

9 Na biodh corruich ro gheur ort, a Thighearn, agus na cuimhnich aingidheachd gu bràth; feuch, amhairc, guidheamaid ort, is sinne uile do shluagh.

10 Dh'fhàs do bhailtean naomha 'nam fàsach; tha Sion 'na fàsach; tha Ierusalem faondrach.

11 Tha ar tigh naomh agus àluinn, anns an d'thug ar n-aithrichean moladh dhuit, air a losgadh le teine; agus tha ar n-uile nithe tlachdmhor air an léir-sgrìos.

12 An cum thu ort féin air son nan nithe sin, a Thighearn? Am bi thu a'd' thosd, agus an cràidh thu sinn gu goirt?

1 Ghairm Dia na cinnich, agus thréig e na h-Iudhaich air son an mì-chreidimh agus an aingidheachd. 8 Tèarnar fuigheall diubh. 11 Thig breitheanas air an aingidh, ach beannaichear an t-ionracan. 17 An nuadh Ierusalem.

DH'FHOILLSICHEADH mi dhoibh-san nach robh 'gam fharraid¹; fhuaradh mi leosan nach robh 'gam iarraidh; thubhairt mi, Feuch mi, feuch mi, ri cinneach nach robh air 'ainmeachadh orm.

2 Shìn mi mach mo làmban fad an là ri sluagh ceannairceach, a ta ghuasad ann an droch shlighe, a réir an innleachdan féin;

3 Sluagh a ta an còmhnuidh 'gam bhrosnachadh gu feirg ri m' aghaidh; ag òbradh anns na liosaibh, agus a' losgadh tùise air na clachaibh-creadha;

4 A ta fantuinn am measg nan àiteachan-adhlaic, agus a' gabhail còmhnuidh anns na h-uamhaibh; a ta 'g itheadh feòla mhuc, agus aig am bheil sùgh nithe grèineil 'nan soithichibh.

5 A ta 'g ràdh, Fan agad féin, na tig am fagus² domhsa; oir is mise a's naomha na thusa. Tha iad so 'nan deataich³ ann am shròin, 'nan teine tha losgadh rè an là uile.

6 Feuch, tha e sgrìobhta ann am làth-air; cha'n fhan mi a'm' thosd, ach ath-dhiolaidh mi; seadh, ath-dhiolaidh mi ri'n uchd,

7 Bhur n-eu-ceartan, agus eu-ceartan 'ur n-aithrichean le chèile, deir an Tighearn, a loisg tùis air na sléibhtibh, agus a thug toibheum dhomh air na cnocaibh; seadh, tomhaisidh mi air ais dhoibh 'nan uchd an obair a rinn iad roimhe so.

8 Mar so deir an Tighearn, Amhuil a gheibhear am fion nuadh anns a' bhagaide, agus a their neach, Na mill e, oir tha beannachadh ann; mar sin ni mise air sgàth mo sheirbhiseach; cha sgrìos mi an t-iomlan.

9 Agus bheir mi mach sliochd o Iacob, agus o Iudah sealbhadair mo shléibhtean; agus sealbhaichidh mo mhuinntir thaghta am fearann, agus gabhaidh m'òglaich tàmh ann.

10 Agus bithidh Saron 'na chrò chaorach, agus gleann Achoir 'na bhuaile bhò, air son mo shluaigh-sa, a bha 'gam iarraidh.

11 Agus sibhse a thréig an Tighearn, a dhì-chuimhnich mo shliabh naomh; a ta deasachadh bìurd do Ghad⁴, agus a' lìonadh òbairt-dìbhe do Mheni⁵;

12 Airmhidh mi sibhse chum a' chlàidh-eimh, agus cromaidh sibh uile sìos chum a' chasgraidh; a chionn, an uair a ghlaodh mi, nach do fhreagair sibhse; an uair a labhair mi, nach d'èisd sibh; ach rinn sibh olc ann am shealladh, agus an ni anns nach robh tlachd agam ròghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òg-laich-sa, ach bithidh ocra oirbhse; feuch, òlaidh m'òglaich-sa, ach bithidh tart oirbhse; feuch, ni m'òglaich-sa gàird-eachas, ach bithidh nàire oirbhse:

14 Feuch, seinnidh m'òglaich-sa tre aoibhneas cridhe, ach glaochaidh sibhse tre dhoilghios cridhe; agus tre chràdh spioraid ni sibh caoineadh.

15 Agus fàgaidh sibh bhur n-ainm mar mhallachadh dom' mhuinntir thaghta-sa; oir marbhaidh an Tighearn Iehobhah thu, agus bheir e ainm eile air 'òglaich.

16 An neach a bheannaicheas e féin air talamh, beannaichidh se e féin ann an Dia na firinn; agus an neach a bheir mionnan air talamh, mionnaichidh e air Dia na firinn; a chionn gu bheil na h-amhgharan roimhe air an dì-chuimhneachadh, agus a chionn gu bheil iad foluichte o m' shùilbh.

17 Oir feuch, cruthaicheam nèamhan nuadha agus talamh nuadh; agus cha chuimhnichear iad sin a bh'ann roimhe, agus cha tig iad an aire do'n duine.

18 Ach deanaibh-sa gàirdeachas, agus bithibh aoibhneach gu cian nan cian, air son an ni a chruthaicheam; oir feuch, cruthaicheam Ierusalem 'na cùis-aoibhneis, agus a sluagh 'nan cùis-ghàird-eachais.

19 Agus bithidh mi aoibhneach ann an Ierusalem, agus ni mi gàirdeachas ann mo shluagh; agus cha chluinnear guth caoidh no guth caoinidh innte ni's mò.

20 Oir cha bhi as a sin suas naoidhean⁶ gearr-shaoghalach, no seann duine nach do choimhlion a làithean; oir bàsaichidh an naoidhean an uair a ruigeas e ceud bliadhna dh'aois; ach bithidh am peacair a ruigeas ceud bliadhna dh'aois mall-uitehe.

21 Agus togaidh iad tighean, agus gabhaidh iad còmhnuidh anna; agus suidhichidh iad fion-liosan, agus ithidh iad d'an toradh.

22 Cha dean iadsan togail, agus neach eile àiteachadh; cha dean iadsan suidh-eachadh, agus neach eile itheadh; oir mar làithean craoibhe bithidh làithean mo shluaigh-sa; agus mealaidh mo mhuinntir thaghta rè ùin' fhada⁷ obair an làmhha féin.

23 Cha saothraich iad gu dìomhain, ni mò ghineas iad sliochd chum dragha; oir is iad siol dhaoine beannaichte an Tighearn, agus an sliochd maille riu.

24 Agus tarlaidh, mu an gairm iad, freagraidh mi; agus am feadh a bhios iad fòs a' labhairt, èisidh mi.

25 Ni am madadh-alluidh agus an t-uain

¹ a' fosrachadh mu m' thimchioll. ² an gar.
³ deataich. ⁴ bluidhinn.

⁵ mhòr-àireamh.

⁶ naoidheachan.

⁷ caithidh iad as. Eabh.

ionaltradh le chéile; agus ithidh an leòmhann conlach mar an damh; ach 's e an duslach a's biadh do'n nathair. Cha dochainn agus cha mhill iad ann mo shliabh naomh-sa uile, deir an Tighearn.

CAIB. LXVI.

1 *Tha Dia a' nochdadh d'a shluagh gu'm feum iad seirbhis a dheanamh dha gu h-iriosal, agus ann an tréibhdhìreas an cridhe, 5 Bheir an Tighearn comhfhurtachd dhoibhsan a ghluaiseas 'na eagal. 15 Dòirtidh e a chorruih air an aingidh. 18 Cruinnicheadh na h-Iudhaich agus na cinnich a dh'aon eaglais.*

MAR so deir an Tighearn, Is iad na nèamha mo righ-chaithir, agus an talamh stòl mo chos; cia e an tigh a thogas sibh dhomh-sa? agus cia e ionad mo chòmhnuidh?

2 Oir na nithe so uile rinn mo làmh, agus na nithe so uile is leam-sa, deir an Tighearn; ach air an fhear so amhaircidh mi, eadhon air-san a ta bochd agus leònta 'na spiorad, agus a chrìochnaicheas roimh m'fhocal.

3 Tha esan a mharbhas damh, mar gu'm mortadh e duine; esan a dh'ìobras uan, mar gu'n cuireadh e an ceann do mhadadh; esan a bheir seachd tabhartas, mar gu'n tugadh e seachad fuil mhuc; esan a loisgeas tùis, mar gu'm beannaicheadh e iodhol; seadh, ròghnaich iad an sligheachan féin, agus 'nan gràineil-eachdaibh féin tha an anam a' gabhail tlachd.

4 Ròghnaichidh mise fòs am faoin-smuainte-san, agus an cùis-eagail bheir mi orra; a chiomh gu'n do ghlaodh mi, agus nach d'thug aon neach freagradh; labhair mi, agus cha d'èisd iad; ach rinn iad olc ann am slealladh, agus an ni anns nach robh tlachd agam ròghnaich iad.

5 Cluinnibh-sa focal an Tighearna, sibhse ta crìochnachadh roimh m'fhocal; bhur bràithrean a tha toirt fuath dhuibh, a thug a mach sibh air sgàth m'ainme-sa, deir iad, Bìodh an Tighearn air a ghlòrachadh; ach foillsicheadh e chum aoibhneis dhuibh-sc, agus cuirear iadsan gu h-amhluchd.

6 Guth àrd-ghlaoidh o'n chaithir: guth o'n teampull; guth an Tighearn, a' toirt ath-dhìolaigh d'a naimhidibh.

7 Mu'n robh i ann an saothair-chloinne, dh'aiseadadh i; mu'n d'fhàinig a h-ìogh-anna, rug i leanabh-mic.

8 Cò chual a leithid so? cò chunnaic an leithid so do nithibh? an tabhair an talamh a mach a thoradh ann an aon là? am bi cinneach air a bhreith dh'aon bheum? oir cha bu luaithe bha Sion ann an saothair na rug i a clann.

9 An toir mi gus a' bhreith, agus nach

toir mi fa'near gu'm beirear? deir an Tighearn; an gin mi, agus am bac mi a' bhreith? deir do Dhia.

10 Deanaibh gàirdeachas le Ierusalem, agus bithibh subhlach air a son, sibhse uile le'n ionmhuinn i; bithibh ro aoibhneach leatha, sibhse uile a ta ri bròn air a son;

11 A chum gu'n deòthail sibh, agus gu'm bi sibh sàsuichte le ciochaibh a sòlais; a chum gu'n tarruing² sibh, agus gu'm faigh sibh toil-inntinn ann am pailteas a glòire.

12 Oir mar so deir an Tighearna; Feuch, sgaoileam sìth thairis oirre mar amhainn, agus glòir nan cinneach mar shruth a' taomadh a nuas³; an sin deòthaidh sibh, giùlainear sibh air an léis, agus luaisgear⁴ sibh air na glùinibh.

13 Mar neach do'n tabhair a mhàthair comhfhurtachd, mar sin bheir mise comhfhurtachd dhuibhse; agus ann an Ierusalem gheibh sibh sòlas.

14 An uair a chi sibh so ni bhur cridhe gàirdeachas; agus bithidh 'ur cnàmhan⁵ urar mar am fear; agus foillsicheadh làmh an Tighearna d'a òglaich; ach lasaidh 'fhearg an aghaidh a naimhdean.

15 Oir feuch, thig an Tighearn le teine, agus a charbad mar chuairt-ghaoith; a dhòrtadh a mach a chorruih mar an-teas, agus 'achmhasain le lasraichibh teine.

16 Oir le teine agus le a chlaidheamh tagraidh an Tighearn ris gach uile fheoil; agus bithidh mòran air am marbhadh leis an Tighearn.

17 Iadsan a ta 'g an naomhachadh féin agus 'g an glanadh féin anns na liosaibh, air cùl aon chruaibh⁶ 's a' mheadhon; ag itheadh feòla mhuc, agus na gràineileachd, agus nan luch; gearrar⁶ as iad le chéile, deir an Tighearn.

18 Oir is aithne dhomh-sa an gnìomhara, agus an innleachdan; thigean a chruinn-eachadh nan uile chinneach agus theang-anna ri chéile; agus thig iad, agus chi iad mo ghloir.

19 Agus cuiridh mi comhara 'nam measg; agus a' mhuinntir a théid as diubh cuiridh mi dh'ionnsuidh nan cinneach, gu Tarsis, Pul, agus Lud, a thairngeas am bogha; gu Tubal agus Iabhan, na crìochan fad as; nach cuala ionradh orm, agus nach faca riamh mo ghloir; agus cuiridh iad an cèill mo ghloir am measg nan cinneach.

20 Agus bheir iad 'ur bràithrean uile, as gach cinneach, mar thabhartas do'n Tighearn; air eachaibh, agus air carbadaibh, agus air uirighibh, air muilidhibh, agus air ainmhidean luath-chosach⁷; gu mo shliabh naomh-sa Ierusalem deir an Tighearn; amhuil a bheir clann Israeil tabh-

¹ dh'aon tarruing?

³ a' dol thar bruaich.

² fàisg, bleedhainn.

⁴ fu-luaisgear.

⁵ cnàimhean.

⁷ cleibh.

⁶ sguabar.

IEREMIAH, I. II.

artas ann an soitheach glan gu tigh an Tighearn.

21 Agus dhiubh-san mar an ceudna gabhaidh mi, air son shagart, agus air son Lebhithiach, deir an Tighearn.

22 Oir amhuil a mhaireas na nèamha nuadha, agus an talamh nuadh, a ta mi cruthachadh, ann am fhianuis, deir an Tighearn; mar sin mairidh bhuir sliochd-sa, agus 'ur n-ainm.

23 Agus tarlaidh, o ghealaich ùir gu

gealaich ùir, agus o shàbaid gu sàbaid, gu'n tig gach uile fheoil a dheanamh aoraidh ann am làthair-sa, deir an Tighearn.

24 Agus théid iad a mach, agus seallaidh iad air closaichean nan daoine a chiontaich a'm' aghaidh; oir cha bhàsaich an cnuimh, agus cha mhùchar an teine; agus bithidh iad 'nan gràineileachd¹ do na h-uile fheoil.

¹ pille.

IEREMIAH.

CAIB. I.

¹ *An t-àm sand'rinn Ieremiah faisteachd: 4 Naomhaich Dia e o'n bhroinn. 11 Nochdadh dha gu'n rachadh Ierusalem a sgrios. 17 Neartaich Dia e fa chomhair a dhreuchd.*

BRIATHRAN Ieremiah mhic Hilciah, aon do na sagartaibh a bha an Anatot ann am fearann Bheniamin:

2 A dh'ionnsuidh an d'thàinig focal an Tighearn ann an làithibh Iosiah mhic Amoin righ Iudah, anns an treas bliadhna deug d'a rioghachadh.

3 Thàinig e mar an ceudna ann an làithibh Iehoiacim mhic Iosiah righ Iudah, gu ceann aon bhliadhna deug Shedeciah mhic Iosiah, righ Iudah, gus an d'thugadh air falbh Ierusalem ann am braighdeanas anns a' chùigeamh mios.

4 Thàinig an sin focal an Tighearn a m'ionnsuidh-sa, ag ràdh,

5 Mu'n do dhealbh mi thu sa' bhroinn, b'aithne dhomh thu; agus mu'n d'thàinig thu mach o'n bholg, chuir mi air leth thu': mar fhàidh do na cinnich thug mi thu.

6 An sin thubhairt mise, Och! a Thigh-eaia Iehobhah, feuch, cha'n aithne dhomh-sa labhairt, oir is leanabh mi.

7 Agus thubhairt an Tighearna rium, Na abair, Is leanabh mi: ach a chum nan uile gus an cuir mise thu, théid thu; agus ciod sam bith a dh'àithneas mi dhuit, labhraidh tu.

8 Na biodh eagal ort roimh an gnùis; oir tha mise maille riut a chum do thèarnadh, deir an Tighearn.

9 Agus chuir an Tighearn a mach a làmh, agus bhean e ri m' bheul; agus thubhairt an Tighearn rium, Feuch, chuir mise mo bhriathran ann ad bheul.

10 Feuch, chuir mi thu air an là'n diugh os ceann nan cinneach agus os ceann nan rìoghachd, gu spìonadh as, agus gu taruing a nuas, agus gu sgrios, agus gu leagail; gu togail, agus gu suidheachadh.

11 Agus thàinig focal an Tighearn a

m'ionnsuidh, ag ràdh, Ciod a tha thu faicinn, a Ieremiah? Agus thubhairt mise, Tha mi faicinn slaithe do chraoibh almoin.

12 Agus thubhairt an Tighearna rium, Is ceart a chunnaic thu: oir deifrichidh mise m'fhocal a chum a choimhlionadh.

13 Agus thàinig focal an Tighearn a m'ionnsuidh an dara uair, ag ràdh, Ciod a tha thu faicinn? Agus thubhairt mise, Tha mi faicinn coire air ghoil; agus air a tionndadh o'n àirde tuath.

14 Agus thubhairt an Tighearn rium, O'n àirde tuath brisidh an t-olc a mach air uile luchd-àiteachaidh na tìre.

15 Oir feuch, gairmidh mise air uile theaghlachan rioghachdan na h-àirde tuath, deir an Tighearn; agus thig iad, agus suidhichidh iad, gach aon a righ-chaitlir aig dol a steach gheatachan Ierusalem, agus air a ballachan uile mu'n cuairt, agus os ceann nìle bhailtean Iudah.

16 Agus cuiridh mise mo bhreitheanais an céill 'nan aghaidh, air son an uil' aingidheachd; a chionn gu'n do thréig iad mise, agus gu'n do loisg iad tùis do dhiathaibh eile, agus gu'n do shleuchd iad do oibribh an làmha féin.

17 Crioslaich thusa suas uime sin do leasraidh, agus éirich, agus labhair riu na h-uile nìthe a dh'àithneas mise dhuit; na biodh fiamh² ort rompa, air eagal gu'n cuir mise gu h-amhladh thu 'nam fianuis.

18 Oir feuch, rinn mise thu an diugh a'd' chaithir dhaingnichte, agus a'd' phost iaruin, agus a'd' bhalla umha, an aghaidh na tìre so uile; an aghaidh rìghrean Iudal, an aghaidh a mòr-uaislean, an aghaidh a sagartan, agus an aghaidh sluagh na tìre:

19 Agus cathaichidh iad ann ad aghaidh, ach cha toir iad buaidh ort: oir tha mise maille riut, deir an Tighearn, chum do thèarnadh.

CAIB. II.

¹ *Chuimhnich Dia as leth nan Iudhach an caoimhneas a nochd e dhoibh 'nan òige, agus thagair e riu*

¹ naomhaich mi thu.

² faitcheas.

IEREMIAH, II.

mu thimchioll an aingidheachd. 18 Chronaich e iad air son an iòdholan. 35 Tha dòchas an t-sluaigh 'nan neòchiontas féin diomhain.

THIGHEARNIG focal an Tighearna mar an ceudna a m'ionnsuidh, ag ràdh,

2 Imich agus glaoth ann an cluasaibh Ierusalem, ag ràdh; Mar so deir an Tighearna, Chuimhnich mise as do leth an caoinhneas a nochd mi dhuit ann ad òige, gràdh do cheangail-pòsaidh, 'nuair a dh'imich thu a'm' dhéigh anns an fhàsach, ann am fearann 'nach do threabh-adh.

3 Is naomhachd do'n Tighearn Israel, ceud thoradh a chinneis: iadsan uile a ta 'ga shluadh suas, measar iad ciontach; thig aimhneas orra, deir an Tighearn.

4 Cluinnibh focal an Tighearn, O thigh Iacuib, agus uile theaghlachan tighe Israel:

5 Mar so deir an Tighearn; Ciod an euceart a fhuair 'ur n-aithrichean annam-sa, gu'n d'imich iad fada uam, agus gu'n do ghluais iad an déigh diomhanais, agus gu'n d'fhàs iad diomhain?

6 Agus cha dubhairt iad, C'ait am bheil an Tighearn, esan a thug a nios sinn o thir na h-Eiphit, a stiùir sinn troimh an fhàsach, troimh fearann fàsail agus làn shlochd, troimh fearann tairt agus sgàile bàis, trid fearainn nach do shiubhail aon duine troimhe, agus far nach do ghabh duine riamh còmhnuidh?

7 Thug mi sibh mar an ceudna gu dùthach thiorraich, a dh'itheadh a toraidh, agus a maitheis; ach an uair a thàinig sibh a steach, thruaill sibh m'fhearann, agus m'òighreachd rinn sibh 'na gràineil-eachd.

8 Cha dubhairt na sagairt, C'ait am bheil an Tighearn? agus iadsan a laimhsich an reachd, cha b'aithne dhoibh mise: rinn na h-aodhairean fòs ceannaire ann am aghaidh; agus rinn na fàidhean fàistneachd le Baal, agus lean iad nithe nach toir buannachd.

9 Uime sin tagraidh mise ruibh fathast, deir an Tighearn, agus ri cloinn bhur cloinne tagraidh mi.

10 Oir siubhlaibh thairis gu crìocha Chitim, agus faicibh; agus cuiribh fios gu Cedar, agus thugaibh geur aire; feuchaidh an do thachair riamh a leithid so.

11 An do chaochail cinneach an dée, eadhon iad sin nach robh 'nan dée? Ach chaochail mo shluagh-sa an glòir air son ni gun bhuanachd.

12 Biodh ioghannadh oirbh, O nèamha, mu'n ni so, agus biodh uamhas oirbh: bithibh air bhur trom-bhualadh le h-uamhunn², deir an Tighearn:

13 Oir chuir mo shluagh-sa dà olc an

gnìomh; thréig iad mise, tobar nan uisgeacha beò; agus chladhaich iad a mach dhoibh féin sluichd, sluichd eu-dìonach, nach cum uisge.

14 An tràill Israel? Ma's ann do chloinn an teaghlach e, c'uim' an d'rinnneadh e 'na chobhartaich?

15 Beucaidh na leòmhain òga 'na aghaidh; thog iad an guth, rinn iad 'fhearann 'na fhàsach; tha a bhailtean air an losgadh, gun aon 'gan àiteachadh.

16 Ni clann Noiph agus Tahpaneis mar an ceudna mullach do chinn a bhriseadh.

17 Nach do choisinn thu so dhuit féin, a chionn gu'n do thréig thu an Tighearn do Dhia, an uair a bha e 'g ad stiùireadh anns an t-slighe?

18 Agus a nis ciod do ghnothuch ri slighe na h-Eiphit, a dh'òl uisgeachan Shihoir? No ciod do ghnothuch ri slighe Asiria, a dh'òl uisgeachan na h-Aimhne?

19 Smachdaichidh t'aingidheachd féin thu, agus ni do chùl-sleamhnachadh féin do chronachadh: aithnich uime sin agus faic, gur olc agus searbh an ni, gu'n do thréig thu an Tighearn do Dhia, agus nach 'eil m' eagal-sa annad, deir an Tighearn Dia nan sluagh.

20 Gu deimhin o chian fada bhris mi² do chuing, sgaoil mi do chuibhrichean; agus thubhairt thu, Cha bhi mi eas-umhal³. Oir air gach cnoc àrd, agus fo gach craoibh uaine, tha thu dol air seacharan ri strìopachas.

21 Gidheadh shuidhich mise thu a'd' fhionain uasail, gu h-iomlan a'd' shìol ceart: ach cionnus a chaochail thu orm, a' gheug chrìonaich na fionain coimhich?

22 Oir ged nigh thu thu féin le natar, agus ged ghabh thu mòran sìopuinn, tha t'aingidheachd air a comharachadh ann am làthair-sa, deir an Tighearn Iehobhah.

23 Cionnus a dh'fheudas tu ràdh, Cha'n 'eil mi salach, cha deachaidh mi an déigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd na slighe;

24 Mar asail fhiadhaich cleachdta ri fàsach, a thairngeas a' ghaoth suas 'na cuinneanaibh, ann an ciocras a h-anama: an trà thig a miann cò a philleas i? Iad-san uile bhios 'ga h-iarraidh cha sgithichear iad, an ceann a mìosa gheibh iad i.

25 Cum do chos o bhi ruisgte, agus do mhuineal o thart. Ach thubhairt thusa, Cha 'n'eil leigheas air a' chùis a nis; cha chum; oir ghràdhach mi coigrich, agus 'nan déigh théid mi.

26 Mar a bhios nàire air meirleach an uair a ghlacar e; mar sin chuireadh gu nàire tigh Israel; iad féin, an rìghrean,

¹ air bhur fàsachadh gu tur.
682

² thu, LXX.

³ umhal, Eabh

an uachdarain, agus an sagairt, agus am fàidhean:

27 A ta 'g ràdh ri mìr fiodha, *Is tu m'athair*; agus ri cloich, *Is tu ghin mi*; oir thionndaidh iad riumsa *an cùl*, is cha'n i an aghaidh; ach ann an àm an aice their iad, Eirich, agus teasaig sinn.

28 Ach c'ait am bheil do dhée a rinn thu dhuit féin? Eireadh iadsan, ma's urrainn iad do theàrnadh ann an àm do chruaidh-chais: oir *a réir àireimh* do bhailtean bha do dhée, O Iudah.

29 C'ar son a thagras sibh rium-sa? chiontaich sibh uile a'm' aghaidh, deir an Tighearn.

30 Gu diomhain bhuail mi bhur clann: cha do ghabh iad cronuchadh. Shluig 'ur claidheamh féin 'ur fàidhean, amhuil leòmhann millteach.

31 O sibhse do'n ghinealach so, feuch-aibh focal an Tighearn: an robh mise a'm' fhàsach do Israel! a'm' fhearann dorchadais? C'uim an dubhairt mo shluagh, *Is tighearnan sinn oirnn féin*; cha tig sinn nì's mò thugad-sa?

32 Am feud òg-bhean a h-usgraichean a dhearmad? *no* bean-bainnse a culaidh? Gidheadh dhearmadh mo shluagh mise làithean gun àireamh.

33 C'uim an seòl thu do shlighe a dh'iarraidh gaol? air an aobhar sin fòs seòlaidh mise dòrainnean air do shlighean-sa.

34 Fhuaradh ann ad sgiobul mar an ceudna fuil anama nan neò-chiontach bochda: cha 'n ann le sgrudadh domhain a fhuair mi mach i, ach air a craobh-sgaileadh.

35 Gidheadh tha thu 'g ràdh, A chionn gu bheil mi neò-chiontach, gu cinnteach pillidh a chorruich uam. Feuch tionnsgaidh mise ann am breitheanas riut, a chionn gu bheil thu ag ràdh, Cha do pheacaich mi.

36 C'uim am bi thu co ro luaineach a chaochladh do shlighe? bithidh fathast nàire ort do'n Eiphit, amhuil a bha nàire ort do Asiria.

37 Seadh, cuideachd théid thu mach as a so, le d' làmhnan air do cheann: oir dhiùlt an Tighearn cuspairean do dhòchais, agus leo cha soirbhich thu.

CAIB. III.

1 Mòr-thròcair an Tighearn do Iudah. 6 Tha Israel nì's neò-chiontaiche na Iudah. 12 Ghairm Dia iad gu aithreachas. 20 Dh'aicidh an sluagh am peccanna.

THEIR iad, Ma chuireas duine air falbh a bhean, agus gu'n imich i uaidh, agus gu'n gabh i le fear cile, am pill e d'a h-ionnsuidh a ris? nach bi am fearann sin gu ro mhòr air a thruaillleadh? Ach rinn thusa striopachas le mòran

leannan; gidheadh pill riumsa a ris, deir an Tighearn.

2 Tog do shùilean suas ris na h-ionad-aibh àrda, agus, feuch, cia an t-ait anns nach do thruaillleadh thu? Shuidh thu 'gam feitheamh anns na slighibh, mar ant-Arach san fhàsach; agus shalaich thu am fearann le d'striopachas, agus le d' dhroch-bheirt.

3 Agus chumadh na frasan air an ais, agus an t-uisge deireannach cha robh ann; gidheadh agad-sa bha eudan striopach, chuir thu cùl ri nàire.

4 Nach gairm thu ormsa o'n uair so, *ag ràdh*, M'athair, bu tusa fear stiùraidh m' òige?

5 An gléidhear *fearg* gu bràth? an cumar *corruich* gu sìorruidh air chuimhne? Feuch, labhair, agus rinn thu aingidh-eachd; agus chaidh e leat.

6 Thubhairt an Tighearn rium fòs ann an làithibh Iosiah an rìgh, Am faca tu ciod a rinn Israel chùl-sleamhnach? Chaidh i suas air gach sliabh àrd, agus fo gach crann gorm, agus an sin rinn i striopachas.

7 Agus thubhairt mise, an déigh dhi so uile a dheanadh, Pill a m'ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'nuair, air son na h-uile adhaltrais anns an robh Israel chùl-sleamhnach ciontach, a chuir mi air falbh i, agus thug mi litir-dhealaich dhi, gidheadh nach do ghabh a piuthar fhealltach Iudah eagal, ach gu'n d'imich i, agus gu'n d'rinn i féin striopachas mar an ceudna.

9 Agus tharladh, le ro mheud a tograidh gu neò-ghloine, gu'n do thruaill i am fearann, agus gu'n d'rinn i adhaltras le clach-aibh agus le crannaibh.

10 Agus fòs an déigh so uile cha do phill a piuthar fhealltach Iudah riumsa le a h-uile chridhe, ach gu cealgach, deir an Tighearn.

11 Uime sin thubhairt Iehobhah rium; Is mò dh'fhìreannaich Israel chùl-sleamhnach i féin na Iudah chealgach.

12 Imich agus glaoch na briathran so fa chomhair na h-àirde tuath, agus abair; Pill, O Israel chùl-sleamhnach, deir an Tighearn, *agus* cha leig mi om chorruich ort; oir tha mise tròcaireach, òiran Tighearn, cha ghléidh mi m'fhea g gu bràth.

13 A mhàin aidich do chionta, gu'n d'rinn thu eusaontas an aghaidh an Tighearna do Dhé; agus gu'n d'rinn thu do shligheachan coitichionn do choigrich, fo gach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòda ruibh: agus gabhaidh mi sibh, aon a baile, agus

IEREMIAH, III. IV.

dithis á teaghlach, agus bheir mi sibh gu Sion:

15 Agus bheir mi dhuibh aodhairean a réir mo chridhe féin, agus beathaichidh iad sibh le h-eòlas agus le tuigse.

16 Agus tarlaidh, an uair a théid sibh an lionmhoireachd agus am meud anns an fhearann, anns na làithibh sin, deir an Tighearn, cha'n abair iad n'is mò, Airce coimhcheangail an Tighearna, ni mò thig i 'nan aire, ni mò chuimhnichas iad i, ni mò bheir iad sùil 'na déigh, ni mò nìthear sin tuilleadh.

17 Anns an àm sin theirear ri Ierusalem righ-chathair an Tighearn; agus bithidh tathaich nan uile chinneach d'a h-ionnsuidh, air sgàth ainme an Tighearn a bhith-eas ann an Ierusalem; agus chaghluais iad n'is mò a réir cruais¹ an droch chridhe féin.

18 Anns na làithibh sin théid tigh Iudah gu tigh Israeil; agus thig iad le chéile mach as an tìr mu thuath, a chum an fhearainn a thug mise mar sheilbh do 'r n-aithrichibh.

19 Agus 'nuair a thubhairt mi, Cionnus a bheir mi àite dhuìt am fearag mhac, agus a bheir mi dhuìt am fearann taitneach, oighreachd aoibhneach shluagh nan cinneach? an sin thubhairt mi, Goiridh tu riumsa, M'athair; agus cha phill thu air t'ais o m' leantuinn.

20 Gu deimhin, *mar* a chlaonas bean neò-dhileas o a fear-pòsda, mar sin bhuin sibhse gu neò-dhileas riumsa, O thigh Israeil, deir an Tighearn.

21 Chualas guth air na h-ionadaibh àrda, caoidh *agus* athchuinge cloinne Israeil; a chionn gu'n do chlaon iad an slighe; dhì chuimhnich iad an Tighearn an Dia.

22 Pillibh, o chlann chùl-sleamhnach, leighisidh mise bhur cùl-sleamhnachaidh. Feuch, tha sinn a' teachd a d'ionnsuidh, oir is tu an Tighearn ar Dia.

23 Gu deimhin *cha'n eil* ach dìomhan-as anns na cnocaibh, *ann an* neart nan sléibhtean; gu deimhin anns an Tighearn ar Dia-ne tha slàinte Israeil.

24 Ach dh'ith an nì nàrach sin suas saothair ar n-aithrichean o ar n-òige; an caoraich, agus am buar, am mic, agus an nigheana.

25 Luidhidh sinn sìos 'nar nàire, agus thig ar masladh tharuinn: a chionn gu'n do pheacaich sinn an aghaidh an Tighearn ar Dia, sinn féin agus ar n-aithrichean, o'r n-òige, eadhon gus an diugh, agus nach robh sinn ùmhail do ghuth an Tighearn ar Dia.

CAIB. IV.

1 Bhrosnuich Dia clann Israeil gu aithreachas le gheallannaibh, 3 agus Iudah, le bhì bagairt

breitheanas a uamhasach a thoirt orra. 19 Chaoidh am fàidh gu mòr léir-sgrìos an fhearainn.

MA philleas tu a ris, O Israeil, deir an Tighearn, a m'ionnsuidh-sa pillidh tu; agus ma chuireas tu air falbh do ghràineileachdan o m' làthair-sa, an sin cha gluaisear thu:

2 Ach mionnaichidh tu, Mar is beò an Tighearn, ann am firinn, ann am breitheanas, agus ann an ionracas: agus beannaichidh na cinnich iad féin ann-san, agus ann-san ni iad uail.

3 Uime sin, mar so deir an Tighearn ri fearaibh Iudah, agus ri Ierusalem; Brisibh suas bhur fearann treabhaidh, agus na cuiribh am measg dhroighionn.

4 Bithidh air 'ur timchioll- ghearradh do'n Tighearn, agus thugaibh air falbh roimh-chroicinn 'ur cridheachan, O fheara Iudah, agus a luchd-àiteachaidh Ierusalem; mu'n téid mo chorruich-sa nach mar theine, agus mu'n las i, air chor as nach feudar a mùchadh, air son aingidheachd 'ur gnìomhara.

5 Cuiribh-sa an céill ann an Iudah, agus ann an Ierusalem deanaibh follas, agus abraibh; Séidibh an trompaid anns an tìr; éighibh gu h-àrd agus abraibh, Cruinnichibh ri chéile, agus rachamaid a steach do na caithrichibh daingnichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mise a' tabhairt uile o'n àirde tuath, eadhon léir-sgrìos mòr.

7 Thàinig an leòmhann a nìos o a dhoire, agus tha milltear nan cinneach air a thurus: dh'imich e mach as 'àite chum d'fhearran a dheanamh 'na fhàsach; bithidh do bhailtean air an sgrios, air chor is nach bi aon 'gan àiteachadh.

8 Air an aobhar sin criosaichibh sibh féin le sac-éididh, deanaibh caoidh agus gul; oir cha 'n eil fraoch feirge an Tighearn air a pilleadh air falbh uainn.

9 Agus tarlaidh anns an là sin, deir an Tighearn, gu 'm bàsaich cridhe an righ, agus cridhe nan àrd-uaislean; agus bithidh amhladh air na sagartaibh, agus uamhas air na fàidhibh.

10 An sin thubhairt mise, Och! a Thighearna Iehobhah! gu cinnteach mheall thu gu tui an sluagh so agus Ierusalem, ag ràdh, Bithidh sìth agaibh; an uair a thia 'n claidheamh a' ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth loisgeach ann an ionadaibh sgaoilte an fhàsaich, leth ri nighinn mo shluagh-sa; cha 'n ann gu fasnadh no gu glanadh;

12 Thig treun-ghaoth o na h-àitibh sin a m'ionnsuidh-sa: a nis fòs labhairidh mi féin breitheanas 'nan aghaidh.

13 Feuch, mar neulaibh thig e nìos;

¹ ragaircachd, reasgachd.

IEREMIAH, IV. V.

mar chuairt-ghaoith bithidh a charbadan; is luaithe na iolairean a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum gu tèarnar thu. Cia fhad a ghabhas do smuaintean aingidh còmhnuidh an taobh a stigh dhìot?

15 Oir tha guth ag éigheach o Dhan, agus a' cur àmhghair an céill o shliabh Ephraim.

16 Glaothaibh-sa ris na cinnich, Feuch! Cuiribh an céill an aghaidh Ierusalem, gu bheil luchd-freiceadain a' teachd o dhùthaich fad as, agus gu tog iad suas an guth an aghaidh bhailtean Iudah.

17 Mar luchd còimhid faiche tha iad 'na h-aghaidh mu'n cuairt di, a chionn gu'n d'rinn i ar a mach ann am aghaidh-sa, deir an Tighearn.

18 Choisinn do shlighe agus do dheanadas na nithe so dhuit; 's i so t'aingidheachd; a chionn gu bheil i searbh, oir tha i ruigheachd gu do chridhe.

19 Mo chom, mo chom! tha mi air mo chràdh ann am ballachan mo chridhe; an taobh a stigh dhìom tha mo chridhe ri fuaim; cha 'n urrainn mi fantuinn a'm' thosd; a chionn gu cuala tu, O m'anam! gutli na trompaid, gaoir a' chatha.

20 Tha léir-sgrìos air lorg léir-sgrìos air a ghairm; gu cinnteach tha 'n tìr gu h-iomlan creachta: gu h-obann chreachadh mo phàilluna, mo sgàileachan ann an tiota.

21 Cia fhad a chi mi a' bhratach? a chluinneas mi fuaim na trompaid?

22 Gu cinnteach tha mo shluagh-sa amaideach, ormsa cha do ghabh iad eòlas; is clann aig nach 'eil tuigse iad, agus tha iad air dhiobhail céille: tha iad seòlta a dheanamh uile, ach maith a dheanamh cha 'n aithne dhoibh.

23 Chunnaic mi an talamh, agus, feuch! bha e gun dealbh agus falamh; na nèamha fòs, agus bha iad gun solus.

24 Chunnaic mi na sléibhteann, agus, feuch! chrìochnaich iad; agus bha na cnuic uile air an luasgadh gu mòr.

25 Dh'amhairc mi, agus, feuch! cha robh aon duine ann; agus uile eoin na h-ealtuinn¹, theich iad.

26 Dh'amhairc mi, agus, feuch! bha a' mhachair thorrach 'na fàsach, agus a h-uile bhailtean air an tilgeadh sìos, roimh làthair an Tighearna, roimh dhian-theas fheirge.

27 Oir mar so deir Iehobhah, Bithidh am fearann gu h-iomlan air fhàsachadh, ach cha dean² mi làn-chrìoch.

28 Air son so ni an talamh bròn, agus dorchaidhear na nèamha shuas; a chionn

gu 'n do labhair mise, agus cha ghabh mi aithreachas; chuir mi romham, agus cha téid mi air m'ais uaith.

29 Roimh iolach nam marcach agus nam fear bogha, tha gach caithir a' teicheadh; chaidh iad a steach do thiugh-choilltibh, agus streap iad suas air na creagaibh: tha na h-uile bhailtean air an tréigsinn, agus cha 'n 'eil aon duine 'gan àiteachadh.

30 Agus thusa, 'nuair a chreachar thu, ciod a ni thu? Ged éid thu thu féin le corcur, ged sgèdaich thu thu féin le seudaibh òir, ged ung thu do rosgan le dathaibh, gu diomhain ni thu thu féin sgiamhach: nithear tàir ort le do leannain, air t'anam tha iad an tòir.

31 Gu cinnteach chuala mi glaoth amhuil mnà ri saothair, teanntachd amhuil mnà ri breith a ceud leinibh, glaoth nighinn Shioin; a' caoidh, a' sgaoileadh a bas, agus ag ràdh, Mo thruaighe mise nis! oir tha m'anam air a chlaoidh le luchd mortaidh!

CAIB. V.

1 'Na breitheanais a thug Dia air na h-Iudhaich air son an aingidheachd, 7 an adhaltranais, 10 an ceilge, 20 agus an euceartan.

RUITHIBH air 'ur n-ais agus air 'ur n-aghaidh³ feadh shràidean Ierusalem, agus faicibh a nis, agus biodh fios agaibh, agus iarraibh 'na h-ionadaibh farsuinn, am faigh sibh aon duine, am bheil neach sam bith ann a ta cur an gnìomh breitheanais, a ta 'g iarraidh na firinn; agus bheir mise dhi maithéanas.

2 Ach ged their iad, Mar is beò an Tighearn, gu deimhin tha iad a' mionnachadh gu breugach.

3 O Thighearn, nach 'eil do shùilean-sa air an fhirinn? Bhual thu iad, ach cha d'rinn iad bròn; chaith thu iad, ach dhiùlt iad gabhail ri smachdachadh; rinn iad an aghaidh nì's cruaidhe na creag; dhiùlt iad pilleadh.

4 An sin thubhairt mise, Gu cinnteach is iad so na daoine ìosal; tha iad gun chèill, a chionn nach aithne dhoibh slighe an Tighearna, breitheanas an Dé.

5 Ruigidh mi na daoine uasal⁴ agus labhraidh mi ri u-san; oir is aithne dhoibh-san slighe an Tighearna, breitheanas an Dé. Ach spealg iad so gu h-iomlan a' chuing, sgaoil iad as a chéile na cuibhrichean.

6 Uime sin ni leòmhnan as a' choille an sgrìos, ni madadh-alluidh an fhàsaich an milleadh; ni liopard faire os ceann am bailtean: gach aon a théid a mach asda reubar e 'na bhloighdibh; a chionn gu

¹ an athair, nan speur, nan nèamhan. Eabh.

² toir, chuir.

³ sìos agus suas

⁴ daoine uailse.

bheil an lochdan lìonmhor, an cùl-sleamh-nachadh minic.

7 Cionnus a mhaitheas mi so dhuit? thréig do chlànn mise, agus mhionnaich iad orra sin nach 'eil idir 'nan dée: an uair a shànuich mise iad *le lòn*, an sin rinn iad adhaltranas, agus ann an tigh na striopaich chruinnich iad 'nam buidhneibh.

8 Bha iad mar òig-eich bhiadhta sa' mhadaoinn; gach aon a' sìtrich an déigh mnà a choimhearsnaich.

9 Air son nan nithe so nach tig mise *g'an* amhare, deir an Tighearn; agus air *g'* leithid so do chinneach nach dean m'anam dìoghaltas?

10 Rachaibh-sa suas air a ballachan, agus sgriosaiobh; ach na deanaibh crìochnachadh: thugaibh air falbh a daingnichean, oir cha bhùin iad do'n Tighearn¹.

11 Oir bhuin tigh Israèil agus tigh Iudah gu ro chealgach riumsa, deir an Tighearn.

12 Dh'àicheadh iad an Tighearn, agus thubhairt iad, Cha 'n e *a t'ann*; ni mò thig olc oirnn; agus an claidheamh no a' ghort cha'n fhaic sinn.

13 Ach bithidh na fàidhean mar ghaoith; agus cha 'n eil am focal anna: mar so nithear orra féin.

14 Air an aobhar sin, mar so deir Iehobhah Dia nan sluagh; A chionn gu bheil sibh a' labhairt an fhocail so, feuch, ni mise m'fhocal ann ad bheul-sa 'na theine, agus an sluagh so 'nan connadh, agus loisgidh e suas iad.

15 Feuch, bheir mi 'nur n-aghaidh cinn-each o chéin. O thigh Israèil, deir an Tighearn: is cinneach cumhachdach e, is cinneach ro shean e; cinneach nach aithne dhuit an cainnt, ni mò thuigeas tu ciod a their iad.

16 Tha am balg-saighead mar uaigh fhosgailte; tha iad uile 'nan daoine treuna.

17 Agus caithidh iad d'fhogharadh, agus t'aran; caithidh iad do mhic agus do nigheana; caithidh iad do chaoraich agus do chrodh; caithidh iad d'fhionainean agus do chranna-fìge; ni iad bochd leis a' chlaidheamh na bailtean daingnichte anns an robh thu a' cur do dhòchais.

18 Gidheadh anns na làithibh sin, deir an Tighearn cha dean mise ruibh crìoch-nachadh².

19 Agus tarlaidh, an uair a their sibh, C'um' an d'rinn an Tighearn ar Dia ruinn na nithe so uile? an sin freagraidh tusa iad, Amhuil a thréig sibhse mise, 's a rinn sibh seirbhis³ do dhiathaibh coimheach ann 'ur tìr, mar sin ni sibh seirbhis do choigrich ann an dùthaich nach leibh féin.

20 Innsibh-sa so ann an tigh Iacob, agus cuiribh an cèill e ann an Iudah, ag ràdh,

21 Eisdibh so a nis, O shluagh amaid-each agus mhi-chéillidh, aig am bheil sùilean, ach nach faic; aig am bheil cluasan, ach nach cluinn.

22 Nach bi eagal oirbh romham-sa, deir an Tighearn? nach crìothnaich sibh ann am làthair-sa, a shuidhich a' ghaineamh *mar* chrich do 'n fhainge, le ordugh buan, nach feud i dol thairte: ged luaisg a tuinn iad féin, cha toir iad buaidh; ged bheuc iad, cha téid iad ni 's faide?

23 Ach aig an t-sluagh so tha cridhe eas-ùmhla⁴ agus ceannairceach: chaidh iad air an ais, agus dh'imich iad air falbh.

24 Ni mò deir iad 'nan cridhe, Biodh a nis eagal an Tighearn ar Dé oirn, a tha toirt araoan an uisge thoisich agus an uisge dheireannaich, 'na àm féin; seachduinean suidhichte an fhogharaidh tha e gleidh-eadh air ar son.

25 Phìll bhuir n-aingidheachd na nithe so air falbh; agus chum bhuir lochdan an ni a ta maith air ais uaibh.

26 Oir gheibhear am measg mo shluaigh-sa droch dhaoine: tha iad ri feall-fholach, mar neach a' suidheachadh lìontan; tha iad a' leagadh ribe, tha iad a' glacadh dhaoine.

27 Mar chliabh tha làn eun, mar sin tha an tighean làn do chéilg: uime sin tha iad air fàs mòr, agus air cinntinn saoi bhir.

28 Tha iad air fàs reamhar, tha iad dealrach: seadh, thug iad bàrr air gnìomhar-aibh nan aingidh: cha 'n eil iad a' toirt breth air a' chùis, cùis an dilleachdain, gidheadh tha iad a' soirbheachadh; agus còir an uireasbhùich cha 'n eil iad a' seas-amh.

29 Air son nan nithe so nach tig mise *g'an* amhare? deir an Tighearn: air a' leithid so do chinneach nach dean m'anam dìoghaltas?

30 Tha ni namhasach agus ro eagalach ga chur an gnìomh anns an tìr:

31 Tha na fàidhean ri fàistneachd bhréige; agus na sagairt a' riaghladh air an làimh-san; agus is ait le m' shluaigh-sa e bhì mar sin: ach ciod a ni sibh ann an deireadh na cùise.

CAIB. VI.

1 Tha naimhdean Iudah dian gu a làchairtean a sgrios. 9 Ghearrain am fàidh gu'n robh an sluagh a' trèigsinn an Tighearna: 18 Dh'fhoillsich e breitheanaidh Dhé; 26 agus bhròsnuich e an sluagh gu aithreachas.

FHOILLSICH gu h-ìomlan, O mhaca Bheniamin, a mach á meadhon Ierusalem agus ann an Tecoa séidibh an trompaid; air Betacerem fòs cuiribh suas comhara teine: oir dh'fhoillsicheadh olc o'n àirde tuath, agus dòrainn mhòr.

¹ cha leis an Tighearn iad.

² cha chuir mise làn-chrìoch oirbh.

³ foghnamh.

⁴ reasgach.

2 Cosmhuil ri àit ionaltraidh taitneach rinn mise nighean Shion.

3 D'a h-ionnsuidh thig na buachaillean le'n treudaibh: suidhichidh iad am pàill-iuna 'na h-àghaidh air gach taobh; ionaltraidh iad gach aon 'na àite féin.

4 Deasaichibh cogadh 'na h-àghaidh: Eiribh, agus rachamaid suas mu mheadh-làn là: Mo thruaighe sinne! oir tha 'n là air dol seachad; oir tha dùsharan an annmoich air an sineadh a mach.

5 Eiribh, agus rachamaid suas anns an oidheche, agus milleamaid a lùchartean.

6 Oir mar so labhair Tighearna nan sluagh, Gearraibh sìos craobhan, agus tilgibh tòrr an aghaidh Ierusalem: is i so a' chaitlir a ta gu bhì air smachdachadh; is foirneart i gu h-ìomlan an taobh a stigh dhi.

7 Amhuil a chuireas tobar a mach 'uisgeachan, mar sin tha ise a' cur a mach a droch-bheairt: tha ainneart agus creach ri chluinntinn innte: a'm' làthair-sa do ghnàth tha bròn agus lotadh.

8 Gabh fòghlum¹, O Ierusalem, air eagal gu dealaich m'anam riut; air eagal gu dean mi fasach dhiot, fearann neo-aitichte.

9 Mar so deir Tighearna nan sluagh: Diolumaidd iad gu buileach mar fhionain iarmad Israeil: pill air a h-ais do làmh, mar fhear-tionail nam fion-dhearcan gus na cliabha.

10 Cò ris an labhair mi, agus d'an toir mi rabhadh, air chor is gu'n cluinn iad? Feuch, tha an cluas gun timchioll-ghearradh, agus cha'n urrainn iad éisdeachd: feuch, tha focal Iehobhah dhoibh-san 'na mhasladh; cha 'n 'eil tlachd aca ann.

11 Air an aobhar sin tha mise làn do chorruich [an Tighearna:] tha mi sgèith g'a cumail a steach: dòirtidh mi mach i air a' chloinn anns na sràidibh, agus air an òigridh a ta cruinn le chéile: seadh, glacar am fear, agus fòs a bhean, an t-aosda, maille ris an ti bhios làn do làithibh.

12 Agus bheirear thairis an tighean do dhaoinibh eile, am fearann agus na mnathan mar an ceudna; oir sìnidh mise mo làmh a mach an aghaidh luchd-àit-eachaidh na tìre, deir an Tighearna.

13 Oir o'n aon a's lugha gus an aon a's mò dhiubh, tha gach neach² ga thoirt féin suas d'a an-miannaibh; agus o'n fhàidh fòs gus an agart, tha gach aon a' gnàthachadh ceilge.

14 Leighis iad mar an ceudna lot nighinn mo shluaigh-sa gu faoin, ag ràdh, Sìth, sìth; agus gun sìth ann.

15 An robh nàire orra chionn gu'n do chuir iad gràineileachd an gnìomh? ni h-eadh, cha do ghabh iad nàire air aon

chor; ni mò bha rugha air an gruaidh: uine sin tuitidh iad am measg na muinntir a thuiteas; anns an àm an tig mise 'gan amharc, tilgear sìos iad, deir an Tighearna.

16 Mar so thubhairt an Tighearna; Seasaidh anns na ròidibh agus faicibh, agus feòraichibh air son nan seana cheum-anna, C'ait am bheil an t-slighe mhaith agus gluaisibh innte; mar sin gheibh sibh fois do 'r n-anamaibh. Ach thubhairt iadsan, Cha ghluais sinn [innte.]

17 Chuir mi mar an ceudna luchd-faire os 'ur ceann, ag ràdh; Eisidibh ri fuaim na trompaid. Ach thubhairt iadsan, Cha 'n éisd sinn.

18 Uime sin cluinnibh, O fhineacha, is biodh fios agaibh, O choimhthionail; an ni sin a ta 'nam measg cluinn, O thalamh!

19 Feuch, bheir mise dòrainn air an t-sluagh so, toradh an smuaintean féin; a chionn nach d'thug iad éisdeachd do m' bhrìathraibh: agus a thaobh mo reachd, chuir iad eadhon cùl ris.

20 C'uim an tig thugam-sa tùis o Sheba? agus a' chuile chùbhraidh o dhùthaich fad as? Cha 'n 'eil bhur tabhartais-loisgte taitneach, ni mò tha tlachd agam-sa 'nur n-iobairtibh.

21 Air an aobhar sin mar so deir an Tighearna, Feuch, leagaidh mi cip-thuislidh an rathad an t-sluaigh so, agus tuitidh na h-aithrichean agus na mic orra; an coimhearsnach agus a charaid bàsaichidh le chéile.

22 Mar so deir an Tighearna, Feuch, tha sluagh a' teachd o fhearann na h-àirde tuath, agus dùisgear cinneach mòr o chrìochaibh na talmhainn.

23 Glacaidh iad am bogha agus an t-sleagh: tha iad an-ìochdmhor, agus cha ghabh iad truas; beuchdaidh an guth mar an fhainge, agus marcaichidh iad air eachaibh, air an tarruing an ordugh mar dhaoine gu cogadh, ann ad aghaidh-sa, O nighean Shìoin.

24 Chuala sinn iomradh air so: dh'fhàs ar làmhnan lag: tha goinnh air deanamh greim oirnn; pian, amhluidh mnà ri saothair chloinne.

25 Na rachaibh a mach do'n mhachair, na sìubhaibh anns an t-slighe; oir an sin tha claidheamh an nàmhaid, uamhas air gach taobh.

26 O nighean mo shluaigh, éid thu féin le eudach saic, agus aornagain² thu féin ann an luaithe: dean caoidh mar air son aoin mhic, cumha ro gheur: oir gu h-obann thig an creachadair oirnn.

27 Shonruich mi thusa gu bhì a'd' bhaideal, a'd' dhaingneach am measg mo shluaigh; agus aithnichidh tu, agus dearbhaidh tu an slighe.

¹ gabh comhairle; gabh iunnsachadh; bi air do leasachadh.

² aoincagrain; aonairt.

28 Tha iad uile 'nan daoibh a thug barrachd ann an ceannairc, a' gluasad gu cealgach : is umha agus iarrunn iad ; an t-iomlan diubh 'nan innealaibh truailldheachd.

29 Loisgeadh na builg leis an teine, chaitheadh an luaith ; leagh am fear-leaghaidh gu diomhain ; oir cha 'n 'eil iadsan a ta olc air an sgaradh air falbh :

30 Airgid nach fù theirear riu-san, a chionn gu'n do chuir an Tighearn cùl riu.

CAIB. VII.

1 *Chuir Dia Ieremiah a ghairm nan Iudhach gu aithreachas, chum 's nach bitheadh iad air an gearan ann braigheanas. 17 Bhagair an Tighearn iad le 'fheirg do bhrìgh gu'n do chuir iad campar air le'n iodholaibh-uoraidh. 21 Ghluais an sluagh ann an comhairleibh ais-innleachdach an cridhe féin. 32 Breitheanas air am bagradh orra air son an droch ghnìomhara.*

AM focal a thàinig gu Ieremiah o'n Tighearn, ag ràdh ;

2 Seas ann an geata tìghe an Tighearn, agus glàodh anns an àite sin am focal so, agus abair, Cluinnibh focal an Tighearn, uile Iudah, sibhse ta 'g imeachd a steach air na dorsaibh so gu aoradh a thoirt do Iehobhah.

3 Mar so deir Tighearn nan sluagh, Dia Israeil, Leasaichibh 'ur sligheachan agus 'ur gnìomhara, agus bheir mise dhuibh còmhnuidh a ghabhail anns an àite so.

4 Na h-earbaibh á briathraibh breugach, ag ràdh, Is teampull an Tighearna, teampull an Tighearna, teampull an Tighearn iad so.

5 Oir ma leasaicheas sibh gu h-iomlan 'ur sligheachan agus 'ur gnìomhara ; ma bheir sibh gu ceart breitheanas eadar duine agus a choimhearsnach ;

6 Mur sàruich sibh an coigreach, an dilleachdan agus a' bhantrach ; agus mur dòirt sibh fuil neò-chiontach anns an àite so, agus mur téid sibh air lorg dhée eile, chum 'ur dòrainn féin :

7 An sin bheir mise dhuibh còmhnuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibhse a' deanamh buin á briathraibh breugach o nach faigh sibh buannachd.

9 Ciod? am feadh a ta sibh a' goid, a' mortadh, agus a' deanamh adhaltrais, agus a' mionnachadh gu breugach, agus a' losgadh tuise do Bhaal, agus a' gluasad air lorg dhée coimheach, air nach robh eòlas agaibh :

10 An tìg sibh an sin, agus an seas sibh ann am làthair-sa, san tìgh so a ta air a ghairm air m' ainm, agus an abair sibh,

Tha sinn air ar toirt thairis a chum nan gràineileachdan so uile e chur an gnìomh?

11 An e gu'n d'rinneadh an tìgh so, a dh'ainmicheadh ormsa, 'na shlochd mheirleach grùr sùilbh-sa? Feuch, chunnaic mise féin e, deir an Tighearn.

12 Ach rachaibh a nis do m' àite-sa ta an Siloh, far an do chuir mi m' ainm an toiseach, agus faicibh cionnus a bhuin mi ris, air son aingidheachd mo shluaigh Israeil.

13 Agus a nis, a chionn gu'n d'rinn sibhse na h-oibre so uile, deir an Tighearn, agus gu'n do labhair mise ruibh ag éirigh gu moch, agus a' labhairt, ach cha d' éisd sibhse ; agus gu'n do ghlaodh mi ruibh, ach cha do fhreagair sibh :

14 Uime sin, ni mi ris an tìgh so a dh'ainmicheadh orm, as am bheil sibhse a' deanamh buin, agus ris an ionad a thug mi dhuibhse, agus do 'r n-aithrichibh, amhuil a rinn mi ri Siloh.

15 Agus tilgidh mi sibh a mach á m'fhianuis, mar a thilg mi mach bhuir bràithrean uile, an t-iomlan do shlochd Ephraim.

16 Air an aobhar sin, na guidh thusa air son an t-sluaigh so, ni mò chuireas tu suas glàodh no athchuinge as an leth, ni mò ni thu eadar-guidhe riumsa ; oir cha'n éisd mise riu.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a' chlann a' tional connaidh, agus na h-aithrichean a' fadadh an teine, agus na mnà a' fuineadh taoise, a dheau-amh bhreacag do bhan-righinn nèimh, agus a dhòrtadh a mach thabhartasaidhe do dhiathaibh eile, gu campar a chur ormsa'.

19 Am bheil iad a' cur campair ormsa? deir an Tighearn ; nach ann a tha iad a' cur [dragh] orra féin, a chum maslaidh an gnùise féin?

20 Air an aobhar sin, mar so deir an Tighearn Iehobhah, Feuch, dòirtear m'fhearg-sa, agus mo dhian-chorruich a mach air an àite so, air duine agus air ainmhidh, agus air craobhan na mach-arach, agus air toradh an fhearainn ; agus loisgidh i, agus cha ghabh i mùchadh.

21 Mar so deir Tighearn nan sluagh, Dia Israeil, Cuiribh 'ur tabhartais-loisgte ri'r n-ìobairtibh, agus ithibh feoil.

22 Oir cha do labhair mise ri'r n-aithrichibh, ni mò dh' àithn mi dhoibh, anns an là san d'thug mi iad a mach á tìr na h-Eiphit, mu thimchioll thabhartas-loisgte no ìobairtean :

23 Ach an ni so dh' àithn mi dhoibh, ag

ràdh, Thugaibh géill do m'ghuth, agus bithidh mise a'm Dhia dhuibh-se, agus bithidh sibhse 'nur sluagh dhomh-sa; agus gluaisibh anns na h-uile shligheibh a dh'àithn mi dhuibh, a chum gu'n éirich gu maith dhuibh.

24 Ach cha d'éisd iad, ni mò dh'aom iad an cluas, ach ghluais iad ann an comhairlibh ais-inleachdach an droch chridhe féin, agus chaidh iad air an ais, agus cha'n ann air an aghaidh.

25 O'n là air an d'fhàinig bhur n-aithrichean a mach á tìr na h-Eiphit, gus an là 'n diugh, chuir mi d'ur n-ionnsuidh m'uile sheirbhisich na fàidhean, ag éirigh gach là gu moch agus 'gan cur a mach:

26 Gidheadh cha d'éisd iad rium, ni mò dh'aom iad an cluas, ach chruaidhich iad am muineal; rinn iad ni bu mhiosa na'n aithrichean.

27 Uime sin, labhraidh tu na briathra so uile riu, ach cha'n éisd iad riut: glaothaidh tu riu mar an ceudna, ach cha fhreagair iad thu.

28 Uime sin their thu riu, So an cinn-each nach 'eil a 'toirt géill do ghuth an Tighearn an Dia: ni mò ghabh iad ri cronuchadh: dh'eug an fhirinn, agus ghearradh a mach o'm beul i.

29 Gearr dhiot do ghruag, *O Ierusalem*, agus tilg uait i, agus tog suas tuireadh air na h-ionadhaibh àrda: oir chuir Iehobhah uaith, agus thréig e ginealach a chorr-ueich.

30 Oir rinn clann Iudah ole ann am shealladh-sa, deir an Tighearn; chuir iad an gràineileachdan anns an tigh a dh'ainmicheadh ormsa, chum a thruaileadh.

31 Agus thog iad ionadan àrda Thopheit, a th'ann an gleann mhic Hinoim, a losgadh am mac agus an nigheana san teine; ni nach d'àithn mise, 's nach d'fhàinig idir ann am chridhe.

32 Air an aobhar sin, feuch, tha na làithean a' teachd, deir an Tighearn, anns nach goirear ni 's mò ris Tophet, no gleann mhic Hinoim; ach gleann a' mharbhaidh: oir adhlacaidh iad ann an Tophet, gus nach bi àite *falamh* ann.

33 Agus bithidh cairbheannan an t-sluaigh so 'nam biadh do enlaith an athair, agus do bheathaichibh na talmhainn; agus cha'n fhuadaich aon neach air falbh iad.

34 An sin cuiridh mise cosgadh ann am bailtibh Iudah, agus ann an sràidibh Ierusalem, air guth an t-subhachais, agus guth an aoibhneis, guth an fhir nuadh-phòda, agus guth na mnà nuadh-phòda: oir bithidh an dùthaich 'na fàsach.

CAIB. VIII.

1 Teanntachd agus trioblaiden nan Iudach.
5 Chronaich am fàidh iad air son an cùl-sleamh-

nachaidh. 13 Nochd e dhoibh na breitheanais a bha gu teachd orra, 18 agus rinn e caoidh air son an leòin.

ANNS an àm sin, deir an Tighearn, bheir iad a mach cnàmhan rìghrean Iudah, agus cnàmhan a prionnsachan, agus cnàmhan nan sagart, agus cnàmhan nam fàidhean, agus cnàmhan luchd-àit-eachaidh Ierusalem as an uaignean;

2 Agus sgaoilidh siad iad fa choinneamh na gréine, agus na gealaich agus uile fheachd nèimh, d'an d'thug iad spéis, agus d'an d'rinn iad seirbhis, agus air an robh iad a' leanmhuinn, agus a bha iad ag iarraidh, agus d'an d'thug iad aoradh: cha chruinnichear iad, cha'n adhlacair iad; 'nan aolach bithidh iad air aghaidh na talmhainn.

3 Agus bithidh bàs ni's roghnaiche na beatha leis an uile fhuigheall a mhaireas do'n teaghlach ole so, a bhios 'nam fuigheall anns gach uile àite gus am fògair mise iad, deir Tighearn nan sluagh.

4 Os barr, their thu riu, Mar so deir an Tighearn; An tuit iad agus nach éirich iad a ris? An téid e air falbh, agus nach pill e air ais?

5 C'ar son *ma ta* tha'n sluagh so a' sleamhnachadh air an ais? *c'ar son* a ta Ierusalem ri cùl-sleamhnachadh bithibhuan? tha iad a' deanamh greim daingean air ceilg, tha iad a' diùltadh pilleadh.

6 Thug mise fa'near, agus chuala mi; cha do labhair iad gu ceart; cha'n 'eil aithreachas air aon neach d'a aingidheachd, ag ràdh, Cìod a rinn mi? Tha gach aon a' pilleadh g'a shlighe, mar a dhian-ruitheas an t-each a chum a' chòmhairig.

7 Seadh, is aithne do'n chorra-bhàin anns an athar a h-àm féin, agus is aithne do'n choluman, agus do'n chorra-mhonaidh, agus do'n gholan-ghaoithe àm an teachd: ach cha'n aithne do m'shluaigh-sa breitheanas an Tighearna.

8 Cionnus a their sibh, Tha sinn glic, agus tha reachd an Tighearna 'uar measg? Feuch, gu deimhin is diomhanas obair na cleit-sgrìobhaidh, cha 'n'eil anns na sgrìobhaichibh ach diomhanas.

9 Nàraicheadh na daoine glisce, tha iad fo gheilt, tha iad an sàs; feuch, ri focal an Tighearna chuir iad cùl; agus cìod an gliocas a ta aca?

10 Uime sin am mnathan bheir mise do dhaoimibh eile; am fearann dhoibh-san a théid an seilbh ann; oir tha iad uile, o'n neach is mò gus an neach is lugha, air an toirt suas d'an an-miannaibh; o'n fhàidh eadhon gus an sagart, tha gach aon a' gnàthachadh ceilge.

11 Agus leighis iad lot nighinn nio shluaigh-sa gu faoin, ag ràdh, Sìth, sìth; agus gun sìth ann.

IEREMIAH, VIII. IX.

12 An robh nàire orra chionn gu'n do chuir iad gràineileachd an gnìomh? Ni h-eadh, cha robh iad nàrach air aon chor, ni mò ghabh an gruaidh rugha: uime sin tuitidh iad am measg na muinntir a thuiteas; anns an àm an tig mise 'gan amharc tilgear sìos iad, deir an Tighearn.

13 Ni mise gu buileach an sgrios, deir an Tighearn; cha bhi fìon-dhearc air an fhìonain, no figean air a' chrann-fhùge; seargaidh eadhon an duilleach; agus na nithe thug mise dhoibh shubhlaidh uatha.

14 C'ar son a ta sinn a' suidhe 'nar tàmh? cruinnichibh sibh féin agus rachamaid a steach do na caithrichibh daing-nichte; agus bitheamaid 'nar tosd an sin; oir chuir an Tighearn ar Dia 'nar tosd sinn, agus thug e dhuinn uisge domblasda r'a òl, a chionn gu'n do pheacaich sinn an aghaidh an Tighearna.

15 Bha sùil againn ri sìth, ach maith sam bith cha d'fhàinig; ri h-aimsir slàinte, agus feuch uamhas!

16 O Dhan chualas srannail a chuid each: roimh thorman sitrich 'eacha meamnach chrìochnaich am fearann uile: oir thàinig iad, agus shluig iad am fearann, agus gach nì a ta ann; a' chaithir agus iadsan a tha 'ga h-àiteachadh.

17 Oir feuch, cuiridh mise 'nur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha 'n'eil leigheas air mo bhròn: tha mo chridhe fo leòn an taobh a stigh dhìom.

19 Feuch, guth glaoidh nìghinn mo shluaigh, o thìr chéin: Nach 'eil an Tighearn ann an Sion? nach 'eil a rìgh innte? c'ar son ma ta bhrosnuich iad mise gu feing le'n dealbhan snaidhte, agus le'n dìomhanasaidh coimheach?

20 Chaidh am fogharadh seachad, tha'n samhradh crìochnaichte, ach cha'n 'eil sinne air ar saoradh.

21 Air son leòn nìghinn mo shluaigh, tha mise air mo leòn; tha mi dubh-bhrònach; rinu uamhunn mo ghlacadh.

22 Nach 'eil ioc-shlàint ann an Gilead? nach 'eil léigh an sin? C'ar son, ma ta, nach 'eil slàinte air a h-aisig do nìghinn mo shluaigh-sa?

CAIB. IX.

1 Tha am fàidh a' caoidh aingidheachd a shluaigh, 9 agus nam breitheanas a thàinig orra. 12 Nòck e dhoibh gu'n do smachdaich Dia iad a chionn nach robh iad ùmhhal d'a ghuth. 21 Chomhairlich e dhoibh gu'n uail a dheanamh 'nan glìocas féin.

OCH nach b'uisge mo cheann, agus nach bu tobar dheur mo shùilean, a chum gu'n guilinn a là agus a dh'oidheche air son muinntir mharbhta nìghinn mo shluaigh!

2 Och nach robh agam anns an fhàsach

pàillinn fir-thuruis, a chum gu fagaimm mo shluagh, agus gu'n imichinn uatha! oir is luchd adhaltrais iad uile, coimhthional do dhaoine cealgach.

3 Agus tha iad a' lùbadh an teangaidh mar am bogha chum ceilge; ach cha'n 'eil iad treubhach air son na firinn anns an talamh: oir tha iad a' dol air an aghaidh o ole gu ole, agus cha'n 'eil eòlas ac' ormsa, deir an Tighearn.

4 Bithibh air 'ur faicill, gach aon roimh a choinhearsnach, agus na h-earbaibh á bràthair air bith: oir le foill meallaidh gach bhràthair, agus gluaisidh gach comp-anach gu cealgach.

5 Agus meallaidh iad, gach aon a choinhearsnach, agus cha labhair iad an fhìrinn: chleachd iad an teangadh ri labhairt bhreug; sgìthich iad iad féin, a' cur an gnìomh do-bheairt.

6 Tha do chòmhnuidh ann am meadhon ceilge; ann an ceilg tha iad a' diùltadh eòlas a ghabhail ormsa, deir an Tighearn.

7 Air an aobhar sin, mar so deir an Tighearn nan sluagh, Feuch, leaghaidh mi iad, agus dearbhaidh mi iad; oir ciod a dh'fheudas mi dheanamh a thaobh nìghinn mo shluaigh?

8 Tha an teangaidh mar shaighead fìr-mhillidh; is cealg a's cainnt di: le 'bheul labhraidh neach gu sìochail r'a choimhearsnach, ach 'na chridhe tha e caitheadh foill air.

9 Air son nan nithe so nach tig mise g'an amharc? deir an Tighearn: air a' leithid so do chinneach nach dean m'anam dioghaltas?

10 Air son nan sléibhtean togaidd mi gul agus caoidh, agus air son ionada-còmhnuidh an fhàsaich, tuireadh, a chionn gu bheil iad air an losgadh suas, air chor as nach téid aon neach trompa'; agus cha chluinnear annta guth na spréidhe: eunlaith an athair agus an t-ainmhidh maraon theich, shiubhail air falbh.

11 Agus nì mise Ierusalem 'na carnaibh, 'na h-uaimh dhràgon; agus bailtean Iudah nì mi 'nam fàsach, gun neach 'gan àiteachadh.

12 Cò e'n duine glic, a thuigheas so? agus ris an do labhair beul an Tighearn, a chum gu cuireadh e'n céill e. C'ar son a ta 'n tìr air a milleadh; air a losgadh suas mar fhàsach, nach 'eil aon neach ag imeachd trompe?

13 Agus thubhairt an Tighearn, Do bhrìgh gu'n do thréig iad mo reachd a chuir mise fa'n comhair, agus nach robh iad ùmhhal do m' ghuth, nì mò ghluais iad d'a réir;

14 Ach gu'n do ghluais iad a réir breith-

¹ d'an trid, thrompa.

JEREMIAH, IX. X.

neachaidh an cridhe féin, agus an déigh nan déid¹ a theagaisg an aithrichean dhoibh:

15 Uime sin, mar so deir Tighearn nan sluagh, Dia Israeil; Feuch, beathaichidh nise iad, *eadhon* an sluagh so, le searbh-luibhibh, agus bheir mi uisge dom-blasda dhoibh r'a òl.

16 Sgapaidd mi iad mar an ceudna measg nan cinneach, air nach robh aon chuid iad féin no an aithrichean eòlach: agus cuiridh mi an claidheamh air an tòir, agus an cuir mi as doibh.

17 Mar so deir Tighearn nan sluagh, Thugaibh fa' near, agus gairmibh mnathan tuiridh, agus thigeadh iad; agus cuiribh fios air mnathaibh seòlta, agus thigeadh iadsan:

18 Agus deifricheadh iad, agus togadh iad suas caoidh air ar son; a chuinn gu ruith ar sùilean sìos le deuraibh, agus gu brùchd ar rosgan a mach le h-uisgeachaibh.

19 Gun amharus chualas guth caoidh o Shìon; Cionnus a tha sinn air ar creachadh! tha sinn air ar maslachadh gu ro mhor! a chionn gu'n do thréig sinn am fearan, a chionn gu'n do thilg iad sìos ar n-ionada-còmhnuidh.

20 Air an aobhar sin éisdibh, O mhnathan, focal an Tighearn, agus glacadh bhuir cluas focal a bheoil; agus teagaisgibh do'r nigheanaibh caoidh, agus gach aon d'a ban-choimhearsnaich tuireadh:

21 Oir tha am bàs air teachd an àird gus ar n-uinneagan, air teachd a steach gus ar lùchairtean; *thàinig e* a ghearradh sìos araon an naoidhean anns a' mhach-air, agus nan òganach anns na sràidibh.

22 Àbair, Mar so deir an Tighearn; Tuitidh eadhon colainnean dhaoine mar aolach air aghaidh na faiche, agus mar an dlaogh² an déigh a' bhuaniche, 'nuair nach bi aon neach ann gu' thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saoi bhir uail á' shaoibhreas.

24 Ach deanadh esan a ni uail, uail á so, gu bheil tuigse agus eòlas aige ormsa, gur mi an Tighearn a nochdas caomhneas gràdhach, breitheanas, agus ceartas air an talamh; oir anns na nithibh so tha mo thlachd-sa, deir an Tighearn.

25 Feuch, tha na làithean a teachd, deir an Tighearn, anns an smachdaich mise na h-uile thimchioll-ghcarta, maille ris an neo-thimchioll-ghcarta.

26 An Eiphit, agus Iudah, agus Edom, agus clann Amoin, agus Moab, agus na h-uile a ta anns na cearnaibh iomallach, a ta còmhnuidh anns an fhàsach: oir

tha na cinnich so uile neo-thimchioll-ghcarta, agus tha tigh Israeil uile neo-thimchioll-ghcarta 'nan cridhe.

CAIB. X.

1 *Chan 'eil neach air bith ann cosmhuil ri Dia cumhachdach Israeil. 17 Thug an fàidh fios do'n t-sluagh gu'n claidhear iad. 23 Rinn e urnuigh ri Dia.*

CLUNNIBH am focal a ta an Tighearn a' labhairt ruibh, O thigh Israeil.

2 Mar so deir an Tighearn; Na fògh-lumaibh slighe nan cinneach, agus na biodh eagal oirbh roimh chomharan nan nèamha, ged tha eagal air na cinnich rompa.

3 Oir tha gnàthachadh nan slògh 'na fhìor-dhiomhanas: oir tha iad a' gearradh craoibhe as a' choille, obair làmh an fhir a dh'oirbicheas le inneal geur³.

4 Le h-airgiod agus le h-òr tha iad 'ga deanamh maiseach, le tairngibh agus le h-òrduibh tha iad 'ga deanamh daingean, air chor as nach ghuais i.

5 Mar chrann-pailme tha iad so rag, agus cha labhair iad: is éigin an giùlan, a chionn nach urrainn iad imeachd: na biodh eagal oirbhse rompa, oir cha 'n urrainn iad cron a dheanamh; agus fòs maith a dheanamh cha 'n eil 'nan comas. 6 Chan 'eil aon neach ann cosmhuil riutsa, O Thighearna; Is mòr thu, agus is mòr t'ainm ann an cumhachd.

7 Cò air nach biodh eagal romhad-sa, O Rìgh nan slògh? oir dhuitse buinidh *urram*; a chionn nach 'eil am measg uile dhaoine glìce nan cinneach, agus am measg an uile rìoghachdan, aon neach cosmhuil riut.

8 Ach tha iad gu h-iomlan brùideil agus mì-thuigseach: tha am fiodh e féin a' cur an céill an diomhanais.

9 Bheirear airgid air a bhualadh a mach o Tharsis, agus òr o Uphas; obair an fhuir-oibre, agus làimhe an òir-cheaird: is gorm agus dearg as éididh dhoibh: is iad gu léir obair dhaoine seòlta.

10 Ach Iehobhah, is csan an Dia fìor, an Dia beò, agus an rìgh bith-bhuan: roimh a chorruih-san crìothnaichidh an talamh, agus cha 'n urrainn na cinnich 'fhearg a ghiùlan.

11 Mar so their sibh riu, Na dée nach d'rinn na nèamha no an talamh, sgriosar iad a mach o'n talamh, agus o bli fuidh na nèamha so.

12 Rinn esan an talamh le 'chumhachd, shocruih e an saoghal le 'ghliocas, agus le 'thuigse sgaoil e mach na nèamha.

13 'Nuair a chuireas e mach a ghuth, tha toirm uisgeachan anns na nèamhaibh, bheir e air a' cheò dol suas o chrìochaibh

¹ Bhaalim. Eabh.

² làn an dùirn, dornan.

³ tuaigh.

IEREMIAH, X. XI.

na talmhainn: ni e dealanach le frasaibh, agus bheir e mach a' ghaoth as 'ionad-
aibh-tasgaidh.

14 Dh'fhàs gach duine mar bhrùid 'na eòlas; nàraicheadh gach òr-cheard le iomhaigh leaghta; oir is ni breugach an dealbhan leaghta, agus anail air bith cha 'u 'eil anna.

15 Is ni faoin iad, obair mhearachd: ann an àm an smachdachaidh thèid iad am mugha¹.

16 Cha chosmhuil riu so Cuibhrionn Iacoib; oir is esan fear-cumaidh an domhain, agus is e Israel slat 'oighreachd; Tighearna nan sluagh is ainm dha.

17 Cruinnich suas do mhaoin as an fhearann, O thusa a ta 'g àiteachadh an daingnich:

18 Oir mar so deir an Tighearn; Feuch, bheir mi urchair do luchd-àiteachaidh na tìre, air a' chuairt so², agus claoidhidh mi iad, air chor as gu mothaich iad *mo dhioghallas*.

19 Mo thruaighe mise thaobh mo dhochainn! is cràiteach mo chreuchd: ach thubhairt mi, Gu deimhin is deacair so³, ach is eigin 'fhulang.

20 Tha mo phàillion air a chur fàs, agus tha mo chùird gu léir air am bris-eadh; dh'imich mo chlann a mach uam, agus cha'n 'eil iad ann: cha 'u'eil neach ann a sgaoileas mo phàillion a mach ni 's mò, no chuireas suas mo sgàile.

21 Oir tha na h-aodhairean air fàs brùideil, agus cha 'n 'eil iad ag iarraidh an Tighearn: uime sin cha soirbhich leo féin, agus bithidh an treudan uile air an sgapadh.

22 Fuaim an iomraidh⁴! feuch, tha i teachd dluth, eadhon gluasad mòr o'n tìr mu thuath, a dheanamh bhailtean Iudah 'nan fàsach, 'nan àite-còmhnuidh do dhràgonnaibh.

23 Is aithne dhomh, a Thighearna, nach 'eil slighe duine 'na chomas féin: cha 'n 'eil e 'n comas duine a ta 'g im-zach a cheum a stiùradh⁵.

24 O Thighearn, cronuich mi, ach ann an tomhas; ni h-ann a'd' chorruich, air eagal gu cuir thu as domh⁶.

25 Dòirt a mach do dhian-chorruich air na cinnich nach do ghabh eòlas ort, agus air na teaghlaichean nach 'eil a' gairm air t'ainm; oir dh'ith iad suas Iacob, 'ga itheadh agus 'ga chaitheamh, agus rinn iad 'àite-còmhnuidh fàisail.

CAIB. XI.

1 Ghairm am fàidh briathran a' choimhcheangail, agus thug e achmhasan do na h-Iudhaich a bha

eas-umhal do fhocal an Tighearn. 11 Labhair e olc mu'n timchioll air son an ìodhol-aoraidh. 18 agus mu thimchioll luchd-àiteachaidh Ana-toil.

AM focal a thàinig gu Icremiah o'n Tighearn, ag ràdh,

2 Cluinn briathran a' choimhcheangail so, agus labhair iad ri fearaibh Iudah, agus ri luchd-àiteachaidh Ierusalem;

3 Agus abair riu, Mar so deir an Tighearn Dia Israeil, Malluichte gu robh an duine nach bi ùmhal do bhriathraibh a' choimhcheangail so.

4 A dh'àithn mise do 'ur n-aithrichibh anns an là san d'thug mi iad a mach á tìr na h-Eiphit, as an fhuirneis iaruirin, ag ràdh, Thugaibh géill do m' ghuth, agus deanaibh *na nithe* sin uile, réir mar tha mise 'g àithneadh dhuibh: mar sin bithidh sibh 'nur sluagh dhomh-sa, agus bithidh mise ann am Dhia dhuibh-se;

5 A chum gu coimhlion mi na mionnan a mhionnaich mi do 'ur n-aithrichibh, gu tugaibh doibh fearann a' sruthadh le mil agus le bainne, mar air an là 'n diugh. An sin fhreagair mise, agus thubhairt mi, Bithheadh amhluidh⁷, O Thighearn.

6 Agus thubhairt an Tighearn rium, Glaoth na briathran so gu léir, ann am bailtibh Iudah, agus ann an sràidibh Ierusalem, ag ràdh, Chuinnibh-sa briathran a' choimhcheangail so, agus deanaibh iad.

7 Oir dh'earalaich mise gu dùrachdach do 'ur n-aithrichibh, air an là san d'thug mi iad a mach á tìr na h-Eiphit, gus an là 'n diugh, ag éirigh gu moch agus ag earalachadh, ag ràdh, Thugaibh géill do m' ghuth.

8 Gidheadh cha d'thug iadsan géill, ni mò dh'aom iad an cluas, ach ghluais iad gach aon a réir crosdachd⁸ a dhroch chridhe féin: uime sin bhcir mise orra uile bhriathran a' choimhcheangail so, a dh'àithn mi dhoibh a dheanamh, ach nach d'rinn iad.

9 Mar an ceudna thubhairt an Tighearn rium, Fhuaradh co-fheall am measg fhcara Iudah, agus am measg luchd-àiteachaidh Ierusalem.

10 Tha iad air pilleadh air an ais gu aingidheachd an aithrichean o shean, a dhiùlt mo bhriathran-sa a choimhead; agus a chaidh air lorg dhéa coimheach, a chum gu'n deanadh iad scrìbhis dhoibh: bhris tigh Israel agus tigh Iudah mo choimhcheangal, a rinn mi r'an aithrichibh.

11 Uime sin mar so deir an Tighearn, Feuch, bhcir mise orra dòrainn o nach bi

¹ thèid a: doibh.

² air an tarruing so.

³ is cruaidh so.

⁴ an tuisairgeil!

⁵ Is aithne dhomh an Tighearn, nach 'eil a shlighe mar shlighe duine; nach ann mar dhuine a ghluais-

eas esan, agus a stiùras e' imeachd.

⁶ gu nùin-phrom thu mi.

⁷ Amen. Eabh.

⁸ reusgachd, coirbteachd.

e comasach dhoibh dol as; agus ged ghlaodh iad rium, cha 'n èisd mi riu.

12 An sin thèid bailtean Iudah, agus luchd-àiteachaidh Ierusalem, agus glaothaidh iad ris na diathailbh do'n do loisg iad tùis; ach cha dean iad sin air aon chor an fèarnadh ri àm an airce.

13 Oir a réir àireimh do bhailtean, bha do dhée, O Iudah; agus a réir àireimh shràidean Ierusalem chuir sibh suas alt-airean do'n nì nàrach sin, altairean a losgadh tùise do Bhaal.

14 Air an aobhar sin na dean thusa urnuigh air son an t-sluaigh so, nì mò thogas tu suas glaoth no athchuinge as an leth; oir cha 'n èisd mise san àm anns an glaoth iad rium an airce.

15 Ciod a th'aig mo ghràdh ri dheanamh ann am thigh-sa? chuir i 'n gnìomh mòr ghràineileachdan; agus tha 'n fheoil naomh air teicheadh uait. An uair a ta thu aingidh an sin tha thu aoibhneach.

16 Gorm-chramn oladh, maiseach agus deadh-thorrach, thug an Tighearn mar ainm ort: le fuaim toirme mòire dh'fhadaidh e teine 'na mhullach, agus tha a gheugan air am briseadh.

17 Oir rium Tighearn nan sluagh, a shuidhich thu, olc a labhairt a d'aghaidh; air son aingidheachd tìghe Israeil, agus tìghe Iudah, a chuir iad an gnìomh 'nan aghaidh féin, le mise bhrosnachadh gu feirg, le tùis a losgadh do Bhaal.

18 Thug an Tighearn, mar an ceudna, fios dhomsa, agus thuig mi; an sin dh'fheuch thu dhomh an innleachdan.

19 Oir bha mi mar uan, *no mar* dhamh, air a stiùradh a chum a' chasgraidh; agus cha robh fios agam gu'n do dhealbhadh innleachdan ann am aghaidh, *ag ràdh*, Sgriosamaid an crann maille r'a thoradh, agus gearramaid e sìos á fearann nam beò, a chum nach bi 'ainm nì's mò air a chuimhneachadh.

20 Ach, O Thighearna nan sluagh, a bheir breth gu cothromach, a dhcarbhas na h-airnean agus an cridhe, faicem do dhioghaltas orra; oir dhuitse dh'fhoillsich mi mo chùis.

21 Air an aobhar sin, mar so deir an Tighearna, A thaobh muinntir Anatoit, a tha ag iarraidh t'anama, ag ràdh, Na dean faistneachd ann an ainm Iehobhah, mu'm' fàgh thu bàs le'r làimh-ne:

22 (Uime sin, mar so deir Tighearna nan sluagh,) Feuch, smachdaichidh mise iad; bàsaichidh na h-òganaich leis a' chlàidheamh; bàsaichidh an mic agus an nigheana le gorta.

23 Agus cha'n fhàgar fuigheall beò dhiubh; oir bheir mise olc air muinntir Anatoit, bliadhna an smachdachaidh.

1 *Tha am fàidh ag gearan gu bheil na h-aingidh a' soirbheachadh 'nan slighe.* 7 *Thréig Dia a shluagh air son an aingidheachd: 14 bhagair e gu'n sgriosadh e luchd-deanamh an uile, ach gheall e truas a ghabhail dhiubh-san a ghluaisas gu h-iriosal 'na lùthair.*

IS ceart thusa, O Thighearn, 'nuair a thagram riut: gidheadh ceadaidh dhomh labhairt riut mu thùinchioll do bhreithcanais: C'ar son a ta slighe nan droch dhaoine a' soirbheachadh? *c'ar son a ta iadsan uile suaimhneach a ta ro aingidh?*

2 Shuidhich thusa iad, scadh, ghabh iad freumh; tha iad a' fàs, agus fòs a' toirt a mach toraidh: tha thusa dlùth 'nam beul, ach fada o'n ainibh.

3 Ach is aithne dhuitse mi, O Thighearn; chunnaic thu mi, agus dhearbhu thu mo chridhe, [gu bheil] e leat: tarruing iad a mach mar chaoraich air son a' chasgraidh, agus cuir air leth iad fa chomhair là a' mharbhadh.

4 Cia fhad a nì 'm fearann bròn, agus a bhios luibhean gach macharach a' seargadh, air son aingidheachd a luchd-àiteachaidh? Bhàsaich gach ainmhidh agus eun, a chionn gu'n dubhairt iad, Cha'n fhaic esan ar crìoch dheireannach.

5 Ma ruith thu leis na coisichean, agus gu'n do sgithich iad thu, cionnus idir a nì thu strì ri h-cachaibh? agus ann am fearann sìth ged robh agad dòchas, gidheadh ciod a nì thu ann an onfha Iordain?

6 Air son gu'n do bhuin eadhon do bhràithrean agus tigh t'athar, eadhon iad-san gu fealltach riut; ruaig eadhon iad-san thu le h-cighe chruaidh; na creid iad ged labhair iad briathra caoine riut.

7 Thréig mise mo thigh, dh'fhàg mi m'òighreachd, thug mi thairis gràdh m'anama do làimh a nainhdean.

8 Bha m'òighreachd dhomh-sa mar leòmhann anns a' choille; chuir i mach a guth ann am aghaidh: air an aobhar sin thug mi fuath dhi.

9 Bha m'òighreachd dhomh-sa mar an t-eun fuileachdach Seboa; O euna fuileachdach, thigibh-se 'na h-aghaidh air gach taobh; cruinnichibh, uile bheathaiche na macharach, thigibh a chum itheadh a suas.

10 Mhill mòran aodhairean mo lios fìona, shaltair iad mo chuibhrionn fo chois, rinn iad mo chuibhrionn taitneach 'na fhàsach uaigneach.

11 Rinn iad e 'na fhàsach, riumsa tha e 'na fhàsach ri caoidh; rinneadh an tìr gu h-ionnan fàs, gidheadh cha'n 'cil aon ueach 'ga chur an suim.

12 Air gach uile thulaich san fhàsach thàinig an luchd-crcachaidh; oir sluigidh claidheamh an Tighearna suas, o aon

iomall do'n tìr gus an t-ìomall eile: cha bhi sìth aig aon fheoil.

13 Chur iad cruithneachd, ach buainidh iad droighinn: shaoraich iad, ach cha bhuannaich iad: mar sin masluichear sibh a thaobh 'ur cinnis, do bhrìgh lasair feirge an Tighearn.

14 Mar so deir an Tighearn; A thaobh m'ùile dhroch choimhearsnacha, a ta cur dragh air an oighreachd a thug mise mar sheilbh do m'shluaigh Israel; feuch, spionaidh mi iad a mach as am fearann, agus as am meadhon spionaidh mi mach tigh Iudah.

15 Agus tarlaidh, an déigh dhomh an tarruing a mach, gu pill mi, agus gu gabh mi truas diubh, agus bheir mi iad air an ais, gach aon g'a oighreachd féin, agus gach aon g'a fhearann féin.

16 Agus tarlaidh, ma dh'fhògluimeas iad da rìreadh sligheanna mo shluaigh-sa, gu mionnachadh air m' ainm, Mar is beò Iehobhah, amhuil a theagaisg iadsan do m' shluaigh-sa mionnachadh air Baal, an sin daingnichear iad ann am meadhon mo shluaigh.

17 Ach mur toir iad géill, an sin spionaidh mi a nìos an cinneach sin, a' spionadh a nìos agus a' sgrios, deir an Tighearn.

CAIB. XIII.

1 *Le samhladh crios anairt, nochd Dia sgrios a shluaigh.* 12 *Le cosamhlachd shearragan air an lìonadh le fion, roimh-innis e meud an trioblaidhean.* 15 *Chomhairliche a dhoibh aithreachas a ghabhail; 22 agus nochd e dhoibh gu'm b'e meud an cionta bu aobhar air na h-uile a thàinig orra.*

MAR so thubhairt an Tighearn rium, Imich agus faigh dhuit féin crios anairt, agus cuir air do leasraibh e, ach na cuir ann an uisge e.

2 Is amhuil a fhuair mi crios, a réir focal an Tighearn, agus chuir mi air mo leasraibh e.

3 Agus thàinig focal an Tighearn a m'ionnsuidh an dara uair, ag ràdh,

4 Gabh an crios a fhuair thu, a ta air do leasraibh, agus éirich, imich gu Euphrates, agus folaich an sin e, ann an toll do'n charraig.

5 Is amhuil a dh'imich mi agus dh'fholaidh mi e aig Euphrates, mar a dh'àithn an Tighearn dhomh.

6 Agus tharladh an déigh mhòrain làithean, gu'n dubhairt an Tighearn rium, Eirich, imich gu Euphrates, agus thoir as a sin an crios a dh'àithn mise dhuit fholach anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crios as an àite san d'fholuich mi e; agus, feuch, bha'n crios millte, cha b'fhiu air

son ni sam bith e¹.

8 An sin thàinig focal an Tighearn a m'ionnsuidh, ag ràdh,

9 Mar so deir an Tighearn; Air a' mhodh so millidh mise uail Iudah, agus uail mhòr Ierusalem.

10 An sluagh olc so, tha diùltadh mo bhrìathran-sa éisdeachd, a tha siubhal a réir cruais an cridhe féin, agus a' dol an déigh dhée coimheach, gu seirbhis a dheanamh dhoibh, agus gu aoradh a thoirt doibh; bithidh iad eadhon mar an crios so, nach fìu air son ni sam bith.

11 Oir mar a dhlùth-leanas an crios ri leasraibh duine, mar sin thug mise air tigh Israeil uile, agus air tigh Iudah uile, dlùth-leantunn riumsa, deir an Tighearn; a chum gu'm biodh iad dhomh mar shluaigh, agus mar ainm, agus mar chliù, agus mar ghlòir: ach cha'n éisdeadh iadsan.

12 Labhraidh tu riu fòs am focal so Mar so deir Iehobhah Dia Israeil; Lìonar gach soirleadh le fion. Agus their iad riut, Nach 'eil fios cinnteach againn gu lìonar gach soirleadh le fion?

13 An sin their thu riu, Mar so deir an Tighearn, Feuch, lìonaidh mise luchd-àiteachaidh na tìre so air fad, eadhon na rìghrean a tha 'nan suidhe an àite Dhaibhidh air a rìgh-chaitir, agus na sagairt, agus na fàidhean, agus uile luchd-àiteachaidh Ierusalem, le misg.

14 Agus pronnaidh mi iad an aghaidh a chéile, eadhon na h-aithrichean agus na mic le chéile, deir an Tighearn; cha ghabh mi truas, ni mò choigleas mi, ni mò a ni mi iochd, air chor as nach sgriosainn iad.

15 Eisdibh, agus thugaibh aire, na bithibh uaibhreach; oir labhair an Tighearn.

16 Thugaibh-sa glòir do'n Tighearn bhur Dia, mu'n tig an dorchadas, agus mu'n tuislich 'ur cosan air sléibhtibh na doilleireachd; an sin, an uair bhios 'ur sùil ri solus, caochailear e gu sgàile a' bhàis eadhon gu dorchadas tiugh.

17 Ach mur éisd sibh ris, guilidh m'ann ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dheòir gu pailt, a chionn gu toirear ann am bruid treud an Tighearn.

18 Abair ris an rìgh, agus ris a' bhan-rìghinn, Irisichibh sibh féin, suidhibh sìos; oir leagar sìos bhur culaidh-chinn, eadhon crùn bhur glòire.

19 Tha bailtean na h-àirde deas air an druideadh suas, agus cha'n 'eil neach 'gam fosgladh; tha Iudah uile air a toirt am bruid, tha i gu h-ìomlan air a toirt am braighdeanas.

20 Tog suas do shùilean agus faic iad-

¹ cha robh fèun sam bith ann; cha robh stà sam bith ann.

IEREMIAH, XIII. XIV.

san a ta teachd o'n àirde tuath: c'ait am bheil an treud a thugadh dhuit, caoraich do mhaise¹?

21 Ciod a their thu an uair a thig smachdachadh ort? an dèigh dhuit a theagasg dhoibh riaghladh tharad mar cheannardan? nach dean ioghlanna do ghlacadh, amhuil mnaoi ri saothair?

22 Agus an uair a their thu ann ad chridhe, C'ar son a thàinig na nithe so orm? Air son meud do chionta tha do sgiortan air an leigeadh ris, tha do shàilt-ean air an rùsgadh.

23 Am feud an t-Etiopach a chraicinn a mliùthadh, no an liopard a bhreice? an sin feudaidd sibhe, bha cleachdta ri ole, maith a dheanamh.

24 Air an aobhar sin sgapaidd mise iad mar an asbhuaibh, a shiubhlas air falbh le gaoith an fhàsaich.

25 Is e so do chrannchur, an cuibhrionn a thomhaiseadh leam-sa air do shon, deir an Tighearn; a chionn gu'n do dhì-chuimhnich thu mise, agus gu'n do chuir thu do dhòchas anns a' bhréig.

26 Uime sin leigidh mise do sgiortan ris air do bheulaobh, a chum gu faicear do nàire.

27 Chunnaic mi t'adhaltranas, agus do shìtrich, agus do strìopachas mi-nàrach, do ghràineileachdan air na cnocaibh, anns a' mhachair. Mo thruaighe thu, O Ierusalem! nach bi thu air do ghlanadh? c'uin idir a bhitheas sin?

CAIB. XIV.

1 *Goinne mhòr. 7 Urnuigh an fhàidh. 10 Dhiùlt Dia èisdeachd r'a shluagh. 13 Bàsaichidh am fàidh bréige, agus an sluagh a chreid e. 17 Dh'orruich Dia do Ieremiah caoidh a dheanamh air son an trioblaidean.*

FOCAL an Tighearn, a thàinig gu Ieremiah a thaobh na goinne².

2 Tha Iudah ri bròn, dh'fhàs a geatach-an lag; tha iad duaichnidh³ air an làr; agus tha gaoir Ierusalem air dol suas.

3 Chuir na h-uaislean fòs an clann bheag a dh'iarraidh uisge: thàinig iad gus na sluichd, agus cha d'fhuair iad uisge sam bith; phill iad le 'n soithichibh falamh; bha nàire agus masladh orra, chòmhdaich iad an cinn.

4 A chionn gu bheil am fearann 'na smùr, oir cha robh uisge⁴ anns an tìr; ghabh na treabhaichean nàire, dh'fholuich iad an cinn.

5 Seadh fòs, rug an eilid a laogh anns a' mhachair, agus thréig i e, a chionn nach robh fear ann.

6 Agus sheas na h-asala fiadhaich air na h-ionadaibh àrda, tharruing iad suas a'

ghaoth mar dhràgonab; dh'fhàilnich an sùilean a chionn nach robh fear ann.

7 Ged tha ar n-euceartan a' tabhairt fianuis 'nar n-aghaidh, O Thighearn, dean thusa air sgàth t'ainme féin: oir tha ar cùl-sleamhnachaidh lionnhor, pheacaich sinn a d'aghaidh.

8 O dhòchais Israeil, a Shlànuighear ri àm airce, c'uum am bitheadh tu mar choigreach anns an tìr? agus mar fhear-turuis a thionndaidheas a leth-taobh gu fuireach car oidhche?

9 C'uum am bitheadh tu mar neach ann an suain chodail⁵? mar ghaisgeach aig nach 'eil cumhachd gu tèarnadh? Gidheadh tha thusa, O Thighearn, 'uar meadh-on, agus orts a tha sinn air ar n-ainmeachadh; na dean ar tréigsinn.

10 Mar so deir an Tighearn a thaobh an t-sluaigh so, Mar so bu toil leo dol air seachran, cha do chum iad air an ais an cosan; uime sin cha ghabh an Tighearn riu, cuimhnichidh e nis an aingidheachd, agus cronuichidh e an cionta.

11 Uime sin thubhairt an Tighearn rium, Na guidh as leth an t-sluaigh so air son an leas.

12 An uair a thraisgeas iad, cha'n éisd mise r'an glaoth; agus an uair a dh'òbras iad ìobairt-loisgte agus tabhartas, cha ghabh mise iad; ach leis a' chlaidheamh, agus leis a' ghort, agus leis a' phlàigh, cuiridh mi as doibh.

13 An sin thubhairt mise, Och! a Thighearna Dhia! feuch, tha na fàidhean ag ràdh riu, Cha 'n fhaic sibh an claidheamh, ni mò thig gort oirbh, ach sìth chumteach bheir mise dhuibh anns an àite so.

14 An sin thubhairt an Tighearn rium, Tha na fàidhean ri fàisteachd bhreige ann am ainm-sa; cha do chuir mise uam iad, ni mò thug mi àithne dhoibh, ni mò labhair mi riu: sealladh breugach, agus fiosachd, agus neo-ni, agus mealltaireachd an cridhe féin, tha iad a' fàisteachd dhuibh.

15 Uime sin mar so deir an Tighearn; A thaobh nam fàidhean a tha ri fàisteachd ann am ainm-sa, ged nach do chuir mise mach iad, agus ag ràdh, Cha bhi claidheamh agus gorta san fhearann so; Le claidheamh agus le gorta bithidh na fàidhean sin air an caitheamh.

16 Agus bithidh an sluagh do'n d'rinn iad fàisteachd air an tilgeadh a mach ann an sràidibh Ierusalem, fa chùis⁶ na gorta, agus a' chlaidheimh, agus cha bhi neach ann a dh'adhlaiseas iad; iad féin, am mnathan, agus am mic, agus an nigh-eanan: oir taomaidh mise orra féin an aingidheachd.

¹ sgèimhe.

² an tairt.

⁴ fearthuinn.

⁵ 'na bhreistich?

⁶ do bhrìgh.

³ dh'fhàs iad dubh.

IEREMIAH, XIV. XV.

17 Agus labhraidh tu riu am focal so; Sileadh mo shùilean le deuraibh a dh-oidhche is a là, agus na sgireadh iad: oir tha òigh-nighean mo shluaigh air a dochann le dochann mòr, le buille ro chràit-each.

18 Ma théid mi mach do'n mhachair, an sin feuch iadsan a mharbhadh leis a' chlaidheamh! agus ma théid mi steach do'n chaithir, an sin feuch iadsan a ta air an claidh leis a' ghorta! seadh, tha am fàidh, agus fòs an sagart ag imeachd air chuairt, gu talamh anns nach 'eil iad eòlach.

19 An do chuir thu gu tur cùl ri Iudah? an d'fhuathaich t'anam Sion? c'uim an do bhail thu sinn, agus gun aon chabhair againn? bha ar sùil ri sìth, ach maith cha d'thàinig; agus ri àm leighis, agus feuch àmhghar!

20 Tha sinn ag aideachadh, O Thighearn, ar n-aingidheachd féin, agus euceart ar n-aithrichean; oir pheacaich sinn a d'aghaidh-sa.

21 Na tilg uait sinn air sgàth t'ainme féin; na maslaich caithir do ghloire; cuimhnich, na bris do choimhcheangal ruinn.

22 Am bheil aon air bith am meas dlùmhanas nan cinneach a's urrainn uisge thoirt seachad? no'n urrainn na nèamha frasan a thabhairt? nach tu féin an ti a nì sin, O Thighearn ar Dia-ne? air an aobhar sin, feithidh sinne riut; oir is tu a rinn na nìthe so uile.

CAIB. XV.

1 Sgrìos uamhasach nan Iudhach. 10 'Nuair rinn am fàidh gearan a bhrìgh mi-rùn a naimhdean, fhuair e gealladh gu'm bitheadh iad bàigheil ris ann an àm na h-àirce. 13 Rinn e ùrnaigh, 19 agus thugadh mìnneach dha.

AN sin thubhairt an Tighearn rium; Ged sheasadh Maois agus Samuel a'm làthair, cha bhiodh m'anam leis an t-sluagh so; cuir a mach iad á m'fhiannais, agus siùbliladh iad air falbh.

2 Agus tarlaidh, ma their iad riut, C'àit an siubhal sinn air falbh? an sin their thu riu, Mar so deir an Tighearn, Iadsan a ta air son bàis, a chum bàis; agus iadsan a ta air son a' chlaidheimh, a chum a' chlaidheimh; agus iadsan a ta air son na gorta, chum na gorta; agus iadsan a ta air son na bruid, a chum braighdeanais.

3 Agus orduichidh mise os an ceann ceithir seòrsanna, deir an Tighearn; an claidheamh gu marbhadh, agus na coin gu reubadh, agus eunlaith an athair, agus beathaichean na macharach, gu itheadh agus gu milleadh.

4 Agus fuadaichidh mi iad air feadh uile rioghachdan an domhain, air son Mhana-

seh, mhic Heseclah, rìgh Iudah, air son nan nìthe sin a rinn e ann an Ierusalem.

5 Oir cò ghabhas truas diot, O Ierusalem? no cò ni bròn leat? no cò théid a leth-taobh, a dh'fheòrach cionnus a tha thu?

6 Thréig thu mise, deir an Tighearn, chaidh thu air t'ais; air an aobhar sin, sinidh mise mo làmh a macha d'aghaidh, agus sgriosaidh mi thu; tha mi sgàth do ghabhail aithreachais.

7 Uime sin dh'fhuadaich mi iad le inneal fasnaidh ann an geataclaidh na tìre: dh'fhàg mi gun chlànn, sgrios mi mo shluagh; o'n sliabh cha do phill iad.

8 Rinneadh am bantraichean ni bu lionmhoire leam-sa na gaineamh na fairge: thug mi an aghaidh na màthar agus nam mac fear-millidh ann am meadhon an là: thug mi air nàmhaid agus air uamhasan bualadh oirre gu h-obann.

9 Dh'fhannaich ise a rug seachdnar, thug i suas an deò; chaidh a grian sìos am feadh a ta fathas an là ann; nàraicheadh agus mhasluicheadh i: agus na mhaireas diubh bheir mise do'n chlaidheamh ann am fianuis an naimhdean, deir an Tighearn.

10 Mo thruaighe mise, O mo mhàthair! oir rug thu mi a'm' fhear-strì, agus a'm' fhear-consachaidh anns an fhearann uile; cha d'thug mi seachad air ocar, ni mò thug ann neach air ocar dhomh gidheadh tha iad uile 'gam mhalluchadh.

11 Thubhairt an Tighearn, gu cinnteach éiridh gu maith do t'iarmaid; gu cinnteach bheir mi air an nàmhaid bhi bàigheil riut ann an àm na h-àirce, agus ann an àm a' chruidh-chais.

12 Am bris esan iarunn 'na bhloighdibh, iarunn o thuath agus umha?

13 Do mhaoin agus t'ionmhasan bheir mise mar chreich, cha'n ann air son luach, ach air son t'uile lochdan; seadh ann ad uile chrìochaibh.

14 Agus bheir mi orra siubhal air falbh le d' naimhdibh gu fearann air nach robh thu eòlach; oir tha teine air 'fhadadh ann am fheirg, agus lasaidh e 'nur n-aghaidh.

15 Agad-sa tha fios, O Thighearn; cuimhnich ormsa, agus thig g'am amharc, agus thoir dhomh aichbheil air mo luchd-tòrachd; ann am buanas b'fheirge na toir air falbh mi; thoir fa' near gu'n d'fhuiling mi masladh air do sgàth.

16 Fhuaradh do bhriathran, agus dh'ith mi suas iad; agus bha t'fhocal dhomh 'na aoibhneas, agus 'na ghàirdeachas do m' chridhe; oir tha mi air m'ainmeachadh ortsa, O Iehobhah Dhia nan sluagh.

17 Cha do shuidh mi ann an cuideachd

¹ diol mi air luchd mo gheur-leanmhuinn.

Iuchd-fochaid, ni mò bha mi subhach; air son do làimh-sa shuidh mi ann am aonar; a chionn gu'n do lion thusa mi le boile.

18 C'uim am bheil mo ghoinmh gun lasachadh? agus mo chreuchd bàsmhor, a' diùltadh a bhi air a leigheas? c'ar son a bhlös tusa dhomh uile gu léir amluil sruthan mealltach, as nach feudar earbsadh?

19 Uime sin mar so deir an Tighearn, Ma philleas tu, an sin bleir mise air t'ais thu, agus¹ seasaidh tu ann am làthair: agus na sgaras tu an luachmhor o'n ni nach fìu, mar mo bheul-sa bithidh tu: pillidh iad so riutsa, ach cha phill thusa riu-san².

20 Agus ni mise dhìot, an aghaidh an t-sluaigh so, balla làidir umha; an uair a chathachas iad a d' aghaidh cha toir iad buaidh ort; oir tha mise maille riut, a chum do dhìon, agus a chum do thèarnadh, deir an Tighearn.

21 Agus saoraidh mi thu o làimh nan aingidh, agus fuasglaidh mi thu o ghreim nan uamhasach.

CAIB. XVI.

1 Roimh-innis am fàidh léir-sgrìos nan Iudhach.

14 Bheir Dia orra pilltinn o' m braighdeanas air dòigh nì's glòrnaire na thug e nìos iad á tìr na h-Eiphit. 16 Dioluidh e dhoibh an aingidheachd le tomhas dubailte, agus an sin pillidh iad d'a ionnsuidh.

THAINIG focal an Tighearna fòs a m' ionnsuidh, ag ràdh,

2 Cha ghabh thu dhuìt féin bean, ni mò bhios agad mic no nigheanan anns an àite so.

3 Oir mar so deir an Tighearn; A thaobh nam mac, agus a thaobh nan nigheanan, a ta air am breith anns an àite so, agus a thaobh am màithrichean a rug iad, agus a thaobh an aithrichean a ghin iad, anns an tìr so;

4 Le bàs doilgheasach bàsaichidh iad; cha chlaoidhear iad, agus cha'n adhlacair iad; mar aolach air aghaidh na talmhainn bithidh iad; le claidheamh fòs, agus le gorta, caithear iad; agus bithidh an cairbheannan mar lòn do eunlaith an ath-air, agus do bheathaichibh na talmhainn.

5 Oir mar so deir an Tighearn, Cha téid thu stigh do thigh a' bhroin, ni mò théid thu dheanamh caoidh, no thoirt dhoibh comhfhurtachd; oir thug mise air falbh mo shith o'n t-sluaigh so, deir an Tighearn, caomhneas gràdhach agus caomh-thròcairean.

6 Agus gheibh iad bàs, cadar bheag agus mhòr, anns an tìr so; cha'n adhlacair iad, agus cha deanar caoidh air an son; cha ghearr aon neach e féin, ni mò ni aon

neach e féin maol air an son.

7 Agus cha bhris daoine aran 'nam measg, ri àm bròin, a chum comhfhurtachd a thoirt doibh air son neach a fhuair bàs; ni mò bheirear dhoibh deoch á cupan na comhfhurtachd, air son athar neach, no air son a mhàthar.

8 Mar an ceudna cha téid thu gu tigh na cuirme, gu suidhe sìos maille riut a dh'itheadh agus a dh'òl.

9 Oir mar so deir Tighearn nan sluagh, Dia Israeil, Feuch, cuiridh mise 'na thòsd anns an àite so, fa chomhair 'ur sùl-sa, agus ann 'ur làithibh, guth an t-subhachais, agus guth an aoibhneis, guth an fhir nuadh-phòsda, agus guth na mnà nuadh-phòsda.

10 Agus tarlaidh, an uair a dh'innscas tu d'on t-sluaigh so na nithe so uile, agus a their iad riut, C'ar son a labhair an Tighearn 'nar n-aghaidh an t-òlc mòr so uile? agus ciod i ar n-aingidheachd, agus ciod e ar lochd, a chuir sinn an gnìomh an aghaidh an Tighearn ar Dia?

11 An sin their thusa riu, A chionn gu'n do thréig bhuir n-aithrichean mise, deir an Tighearn, agus gu'n deachaidh iad air lorg dhée eile, agus gu'n d'thug iad seirbhis dhoibh, agus gu'n d'thug iad dhoibh aoradh, agus gu'n do thréig iad mise, agus nach do choimhid iad mo reachd.

12 Agus gu'n d'rinn sibhse nì's mìosa na bhuir n-aithrichean; oir feuch, tha sibh ag imeachd, gach aon a réir ais-inleachd a dhroch chridhe féin, gun ghéill a thoirt dhomh-sa.

13 Uime sin tilgidh mi sibh a mach as an tìr so, gu tìr air nach d'fhuair sibh eòlas, sibh féin no 'ur n-aithrichean; agus an sin ni sibh seirbhis do dhiathaibh coimheach, a là agus a dh'oidheche, a chionn nach dean mise tròcair oirbh.

14 Uime sin, feuch tha na làithean a' teachd, deir an Tighearn, anns nach abrar nì's mò, Mar is beò an Tighearn, a thug a nìos clann Israeil á tìr na h-Eiphit;

15 Ach, Mar is beò an Tighearn, a thug air an ais clann Israeil o thalamh na h-àirde tuath, agus o gach talamh gus an d'fhògair e iad; oir bheir mise air an ais iad gu'm fearann féin, a thug mi do'n aithrichibh.

16 Feuch, cuiridh mi fios air mòran iasgairean, deir an Tighearn, agus ni iad an iasgach; agus 'na dhéigh sin, cuiridh mi fios air mòran shealgairean, agus ni iad an sealg, o gach uile shliabh, agus o gach uile chnoc, agus o sgeiribh nan creag.

17 Oir tha mo shùilcan-sa air an uile shlighibh; cha'n 'eil iad foluichte o m'

¹ Ma philleas tu agus gu toir mise air d'ais thu.

² pilladh iad so riutsa, ach na pill thusa riu-san.

ghnùis, ni mò tha an aingidheachd air a comhdachadh o fhradharc mo shùl.

18 Agus diolaidh mi le tomhas dùbailte¹ an aingidheachd agus an lochd, a chionn gu'n do thruaill iad m' fhearann le sailleadh² an gnìomhara fuathach; agus le 'n gràineileachdaibh lìon iad m' oigh-reachd.

19 O Thighearn, mo ncart, agus mo dhaingneach, agus mo dhùidein ann an là na h-airce³; a d'ionnsuidh-sa thig na cinnich o chrìochaibh na talmhainn, agus then iad, Gu deimhin shealbhaich ar n-aithrichean ni gun bhrìgh; dìomhanas, agus *nithe* gun tairbhe.

20 An dean duine dha féin dée, agus nach 'eil iad 'nan dée⁴?

21 Air an aobhar sin, foillsichidh mi dhoibh, air an aon uair so, foillsichidh mi dhoibh mo làmh agus mo chumbachd; agus bithidh fios aca gur e m'ainm Iehobhah.

CAIB. XVII.

1 *Braighdeanas Iudah air son am peacanna. 5 Is malluichte an neach a chuireas a dhòchas ann an duine, ach is beannaichte esan a chuireas a dhòchas ann an Dia. 9 Rannsaichidh Dia cridhe cealgach an duine. 17 Athchuinge an fhàidh. 19 Aithne mu thimchioll na sàbaid.*

IUDAH peacadh Iudah air a sgrìobhadh le peann iaruin; le roinn daoimein tha e air a ghearradh, air clàr an cridhe, agus air adharcaibh an⁵ altairean:

2 Am feadh a ta an clann a' cuimhneachadh an altairean, agus an doir-eachan, air na crannaibh uaine, air na cnocaibh àrda.

3 O mo shliabh anns a' mhachair, do mhaoin, agus do thaisgeacha gu h-tomlan, bheir mi thairis do 'n chreic; t'ionadan làidir, air son peacaidh, air feadh t'uile chrìochan.

4 Agus fògrar thu, eadhon thusa féin, o d' oighreachd a thug mi dhuit; agus bheir mi ort seirbhis a dheanamh do d'naimhdeibh ann an tìr anns nach 'eil thu eòlach: a chionn gu'n d'fhadaidh sibh, ann am fheirg-sa, teine a loisgeas gu sìorruidh.

5 Mar so deir an Tighearn, Is malluichte an neach a chuireas a dhòchas ann an duine, agus a ni feoil 'na gairdean da, agus aig am bheil cridhe tha claonadh air falbh o'n Tighearn.

6 Oir bithidh e mar phreas seargta san ionad sgaoilte, nach mothaich am maith an uair a thig e; ach a ta 'g àiteachadh ionada loisgte an fhàsaich, fearainn gun toradh agus gun chòmhnuidh.

7 Is beannaichte an neach a dh'earbas as an Tighearn, agus a chuireas a dhòchas ann an Iehobhah⁶.

8 Oir⁷ bithidh e mar chraoibh air a suidheachadh ri taobh nan uisgeachan, a sgaoileas a mach a freumhan ri taobh an t-srutha, agus nach mothaich c'uin a thig an tart: ach aig am bi a duilleach uaine, agus air nach bi iomgain ann am bliadhna na tiormachd, ni mò sguireas i thoirt seachad toraidh.

9 Tha an cridhe cealgach thar na h-uile *nithe*, agus *tha e* do-leigheas⁸; cò is urrainn a thuigsinn?

10 Tha mise Iehobhah a' rannsachadh a' chridhe, agus a' sgrudadh nan àirnean, a chum gu tabhair mi do gach neach a réir a shlighe, agus a réir toraidh a dheanadais.

11 *Mar a' chearc a ni gur air uighean*, agus nach toir a mach eoin, [tha] esan a gheibh beartas, ach nach ann le coir; ann am meadhan a làithean dealaichidh e ris; agus 'na chrìch dheireannaich bithidh e 'na amadan.

12 Is rìgh-chaithir ghlòrmhor, àrdaichte o chian, àit ar n-ionaid naomh-ne.

13 O Thighearn, cuspair-dòchais Isracil, bithidh amhlua dh'air gach aon a thréigas thu; sgrìobhar iad 'nan luchd-ceannaire san talamh; a chionn gu'n do thréig iad an Tighearn, tobar nan uisgeacha beo.

14 Leighis mi, O Thighearn, agus bithidh mi air mo leigheas; slànuich mi, agus bithidh mi air mo shlànuchadh; oir is tu mo nìholadh.

15 Feuch, tha iad so ag ràdh rium, C'ait am bheil focal an Tighearna? thigeadh e nis.

16 Ach cha d'rinn mi deifir o bhi a'm' fhear-coimhid a'd' dhéigh-sa, agus là na h-iarguin cha d'iarr mi; agad féin tha fios air an ni a thàinig a mach as mo bheil, bha e ann ad làthair.

17 Na bi a'd' uamhas domh; is tu mo dhùidein ann an là na h-airce.

18 Bìodh nàire air a' mhuinntir a ta 'g am ruagadh, ach na nàraichear mise: bìodh iadsan fo gheilt, ach na bìodh geilt ormsa: thoir thusa orra là na dòrainn, agus le sgrìos ath-bhuailte sgrìos iad.

19 Mar so thubhairt an Tighearn rium; Falbh agus seas ann an geata cloinne an t-sluaigh, air an tig rìghrean Iudah a steach, agus air an téid iad a mach, agus ann an uile gheatachaibh Ierusalem;

20 Agus abair riu, Cluinnibh-sa focal an Tighearn, a rìghrean Iudah, agus a Iudah uile, agus uile luchd-àiteachaidh Ierusa-

¹ dà-shùille.

² ciosaichibh. Eabh.

³ na teinn; a' chruaidh-chais.

⁴ do *nithe* nach 'eil 'nan dée?

⁵ bhur.

⁶ oir bithidh an Tighearn 'na chul-taice dha.

⁷ Agus.

⁸ lag; eusan.

leim, a ta teachd a steach air na geatacha so.

21 Mar so deir an Tighearn, Thugaibh aire dhuibh féin, agus na gfulainibh uallach air bith air là na sàbaid, agus na tugaibh a steach i air geatachan Ierusalem;

22 Nì mò bheir sibh a mach uallach as bhur tighibh air là na sàbaid, nì mò nì sibh obair air bith; ach naomhaichibh là na sàbaid, mar a dh'àithn mise do 'ur n-aithrichibh.

23 Ach cha d'thug iadsan géill, nì mò dh'aom iad an cluas, ach rinn iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh'éisdeas sibh gu cùramach riumsa, deir an Tighearn, gun uallach sam bith a thoirt a steach troimh geatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air:

25 An sin théid a steach air geatachan a' bhaile so, rìghrean agus prionnsachan, 'nan suidhe air rìgh-chaitir Dhaibhidh, a' marcachd air carbadaibh agus air eachaibh, iad féin agus an ceannardan, fir Iudah, agus luchd-àiteachaidh Ierusalem; agus daingnichear gu bràth a' chaitir so.

26 Agus thig iad o bhailtibh Iudah, agus o na h-àiteachaibh timchioll Ierusalem, agus o fhearann Bheniamin, agus o'n chòmhnard, agus o na beanntaibh, agus o'n àirde deas, a' toirt leo thabhartas-loisgte, agus iobairtean, agus thabhartas-bidh, agus tùise, a' toirt iobairtean molaidh gu tigh an Tighearn.

27 Ach mur éisd sibh riumsa, chum là na sàbaid a naomhachadh, agus gun uallach a ghiulan, a' dol a steach air geatachan Ierusalem air là na sàbaid; an sin fadaidh mise teine 'na geatachaibh, agus loisgidh e luchairtean Ierusalem, agus cha 'n fheadar a mhùchadh.

CAIB. XVIII.

1 *Le samhladh soithich a' chriadhaidh nochd Dia gu'm feudadh e dheanamh r'a shluagh mar is àill leis.* 11 *Chaidh olc a chumadh an aghaidh shluagh Iudah air son an ceannairc.* 18 *Ath-chuinge Ieremiah.*

AM focal a thàinig a dh'ionnsuidh Ieremiah o'n Tighearn, ag ràdh,

2 Eirich, agus imich sìos gu tigh a' chriadhaidh, agus an sin bheir mise ort mo bhriathran a chluinntinn.

3 An sin chaidh mi sìos gu tigh a' chriadhaidh, agus, feuch, bha e deanamh oibre air na leacaibh.

4 Agus bha 'n soitheach a bha e deanamh do chriadh, air a mhilleadh ann an làimh a' chriadhaidh; an sin rinn e dheth

a ris soitheach eile, mar a chunnacas ceart do'n chriadhaidh a dheanamh.

5 An sin thàinig focal an Tighearn a m'ionnsuidh, ag ràdh,

6 O thigh Israeil, nach feud mise a dheanamh ruibhse mar an criadhaidh so? deir an Tighearn. Feuch, mar a' chriadh an làimh a' chriadhaidh, is amhuil sin sibhse ann mo làimh-sa, O thigh Israeil.

7 C'uin air bith a labhras mise mu thimchioll cinnich, agus mu thimchioll rìoghachd, gu spionadh a mìos, gu leagail sìos, agus gu sgrios;

8 Ma philleasan cinneach sin an aghaidh an do labhair mi, o'n olc; gabhaidh mise aithreachas do'n olc a bha ann am aire thoirt orra.

9 Agus c'uin air bith a labhras mi mu thimchioll cinnich, agus mu thimchioll rìoghachd, gu 'thogail, agus gu 'shuidh-eachadh;

10 Agus gu'n dean e an nì sin a ta olc ann am shealladh, agus nach bi e umhal do m' ghuth; an sin gabhaidh mi aithreachas do'n mhaith a bha romham a dheanamh dhoibh.

11 A nis, uime sin, imich agus labhair ri fearaibh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'nur n-aghaidh, agus a' dealbh innleachd 'nur n-aghaidh: pillibh a nis gach aon o 'dhroch shlighe, agus leasaichibh 'ur sligheanna agus 'ur gnìomhara.

12 Ach thubhairt iadsan, Cha 'n'eil dòchas ann; oir gluaisidh sinn a réir ar smuainte féin, agus nì sinn, gach aon a réir tograidh a dhroch chridhe féin.

13 Uime sin mar so deir an Tighearn, Feòraichibh a nis am measg nan cinneach, cò chuala an samhuil so do nithibh? rinn òigh Israeil nì ro ghràineil.

14 An tréig duine mo mhagh-sa air son carraig, *air son* shneachdaidh Lebanon? an tréigear am fuar uisge-ruith air son uisgeachan eile?

15 Ach dhi-chuimhnich mo shluagh mise, loisg iad tùis do dhìomhanas, agus thug iad orra tuisleachadh 'nan sligheachaibh a bha 'nan seann ròidibh, gu gluasad air ceumaibh eile, air slighe neach 'eil deanta;

16 A chum am fearann a dheanamh fàs, 'na bhall-àbhacais bith-bhuan: gabhaidh gach neach a théid seachad air mòr iongantas, agus crathaidh e a cheann.

17 Sgapaiddh mise iad mar gu b'ann le gaoith an ear roimh an nàmhaid; tionndaidhidh mi riu mo chùl, agus cha 'n i m' aghaidh, ann an là an léir-sgrios.

18 An sin thubhairt iad, Thigibh, agus dealbhamaid innleachdan an aghaidh Ieremiah: oir cha bhàsaich an reachd o'n

t-sagart, no comhlairle o'n eagnuidh, no 'm focal o'n fhàidh. Thigibh, agus buaileamaid e leis an teagaidh, agus na tugamaid airc do aon d'a bhriathraibh.

19 Thoir thusa, O Iehobhah, aire dhomh, agus cluinn guth na muinntir a ta ri strì rium.

20 An diòlar olc air son maith? Gu cimteach chladhaich iad slochd air son m' anama. Cuimhnich cionnus a sheas mi ann ad fhianuis, a dheanamh eadar-ghuidhe a chum an leas, a thionndadh do chorroich air falbh uatha.

21 Uime sin thoir thusa thairis an clann do'n ghorta, agus thoir orra leaghadh as' le neart a' chladheimh; biodh an mnathan air an fàgail gun chlann, agus iad 'nam bantraichean, agus faigheadh an fir bàs leis a' phlàigh, agus marbhar an òganaich anns an àrach leis a' chladheimh.

22 Cluinnear gaoir as an tighean, an trà bheir thusa feachd orra gu h-obann; oir chladhaich iad slochd gu mise a ghlacadh, agus shuidhich iad liontan air son mo chos.

23 Ach agad-sa, O Thighearn, tha fios air an innleachdaibh uile an aghaidh m' anama; na maith an cionta, agus na glan an lochd a mach á d'fhanuis: ach tilgear iad thairis ann ad làthair; tionnsgain 'nan aghaidh ann an àm do chorroich.

CAIB. XIX.

1 *Le samhlaidh soithich criadhadair air a briseadh 'na bhloighdibh, nochd Dia léir-sgrìos nan Iudhaich air son am peacana.*

MAR so thubhairt Iehobhah rium-sa, Falbh agus faigh criadh-shoitheach criadhadair, agus *thoir leat* cuid do sheanairibh an t-sluaigh, agus do shean-airibh nan sagart;

2 Agus théid thu mach gu gleann mhic Hinoim, a ta fa chomhair a' gheata Harsit, agus gladhaidh tu anns an àite sin na briathran a labhras mise riut,

3 Agus their thu, Eisdibh-sa focal an Tighearn, O a rìghrean Iudah, agus a luchd-àiteachaidh Ierusalem; Mar so deir Tighearn nan sluagh, Dia Israeil, feuch, bheir mise olc air an àite so, a bheir air neach sam bith a chluinneas e gu'm bì gaoir 'na chluasaibh

4 A chionn gu'n do thréig iad mise, agus gu'n d'rinn iad an t-àite so coimheach, agus gu'n do loisg iad tùs ann do dhiathaibh eile, nach b'aithne dhoibh; iad féin, agus an aithrichean, agus rìghrean Iudah, agus gu'n do lion iad an t-àite so le fuil ncò-chiontach:

5 Agus gu'n do thog iad ionadan àrda Bhaail, a chum am mic a losgadh anns an teine, mar thabhartais-loisgte do Bhaal;

¹ *dòirt a mach iad.*

ni nach d'àithn mise, ni mò labhair mi, ni mò thàinig e ann am aire;

6 Uime sin, feuch, tha na làithean a' teachd, deir an Tighearn, anns nach abrar ris an àite so nìs mò Tophet, no gleann mhic Hinoim, ach gleann a' mharbhaidh.

7 Agus cuiridh mise gu neò-bhrìgh comhairle Iudah agus Ierusalem anns an àite so; agus bheir mi orra tuiteam leis a' chladheimh an làthair an naimhdean, agus le làimh na muinntir a ta 'g iarraidh an anama: agus bheir mi an colainnean mar bhiaidh do eunlaith an athair, agus do bheathaichibh na talmhainn.

8 Agus ni mi a' chaithir so 'na fàsach, agus 'na ball-sgeig: bithidh mòr-iogh-nadh air gach neach a théid seachad oirre, agus nì e sgeig air son a h-uile phlàigh-ean.

9 Agus bheir mise orra gu'n ith iad feoil am mac, agus feoil au nigheanan; agus ithidh iad, gach aon feoil a charaid, anns a' chogadh, agus anns an teinne, leis an teannaichear iad le 'n naimhidibh, agus leo-san a ta 'g iarraidh an anama.

10 An sin brisidh tu an soitheach ann an sealladh nan daoine a théid maille riut.

11 Agus their thu riu, Mar so deir Tighearn nan sluagh, Amhuil so brisidh mise an sluagh so, agus a' chaithir so, mar a bhriseas *neach* soitheach a' chriadhadair, nach feudar a shlànuchadh a ris; agus adhlacair *daoine* ann an Tophet, agus nach bì àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhuidh, air chor as gu'n deanar a' chaithir so cadhon mar Tophet.

13 Agus bithidh tighean Ierusalem, agus tighean rìghrean Iudah, amhuil ionad Tophet, neòghlan; maille ris na² tighean sin air fad, air an d'rinn iad tùs a losgadh air am mullacl do uile fheachd nèimh, agus iobairtean-dìbhe a dhòrtadh a mach do dluathaibh coimheach.

14 Agus thàinig Ieremiah o Thophet, agus an do chuir an Tighearn e gu fàist-neachd; agus sheas e ann an cùirt tìghe an Tighearn, agus thubhairt e ris an t-sluaigh uile,

15 Mar so deir Tighearn nan sluagh, Dia Israeil, Feuch, bheir mise air a' chaithir so, agus air a h-uile bhailtibh, an t-olc sin uile a labhair mi 'na h-aghaidh; a chionn gu'n d'rinn iad am muineal rag, air chor as nach éisdeadh iad ri mo bhriathraibh.

CAIB. XX.

1 *Fhuair Pasur ainm eile, agus bhagraidh e le breitheanasaibh uamhasach, do bhrìgh gu'n do bhuail e Ieremiah. 7 Ghearrain am fàidh gu'n*

² *air son nan.*

*robh e 'na chùis-mhaslaidh do na h-Iudhaich,
14 agus mhalltuich e an là air an d'rugadh e.*

AN uair a chuala Pasur mac Imeir an sagart, (a bha fòs 'na àrd uachdaran ann an tigh an Tighearna,) Ieremiah a' fàistneachd nan nighe so:

2 An sin bhuail Pasur Ieremiah am fàidh, agus chuir e anns an tigh-smachdachaidh¹ e, a bha aig geata uachdarach Bheniamin, làimh ri tigh an Tighearn.

3 Agus tharladh air an là màireach, gu'n do leig Pasur Ieremiah a mach as an tigh-smachdachaidh. An sin thubhairt Ieremiah ris, Cha 'n e Pasur a thug an Tighearn mar ainm ort, ach Magor-misabib².

4 Oir mar so deir an Tighearn, Feuch, ni mise dhìot uambas duit féin, agus do d' uile chàirdibh; agus tuitidh iadsan le claidheamh an naimhdean, agus do shùilean-sa 'g amharc; agus Iudah uile bheir mi do làimh rìgh Bhabiloin, agus bheir e leis iad ann am bruid gu Babilon, agus cuiridh e gu bàs iad leis a' chlaidheamh.

5 Agus bheir mi seachd uile-neart na càitlireach so, agus a h-uile shaothair, agus a h-uile nithe luachmhor; agus uile bheartas rìghrean Iudah bheir mi thairis do làimh an naimhdean, a chreachas iad, agus a ghlacas iad, agus a bheir iad air falbh gu Babilon.

6 Agus thusa, a Phasuir, agus na h-uile ta chòmhnuidh ann ad thigh, siubhlaidh sibh air falbh ann am braighdeanas; agus théid thusa gu Babilon, agus an sin gheibh thu bàs, agus an sin adhlacair thu, thu féin agus t-uile chairdean, do'n d'rinn thu fàistneachd bhréige.

7 Mheall thu mi, O Thighearn, agus bha mi air mo mhealladh; is tu a's treise na mise, agus thug thu buaidh: tha mi ann am chùis-mhagaidh gach là, gach aon ri fanaidh orm.

8 Oir co tric as a labhras mi, a ghlaodhas mi mach an aghaidh ainneirt, no dh'éigheas mi léir-chreach, tha focal an Tighearn air a dheanamh dhomh 'na chùis-mhaslaidh agus fanaidh gach aon là.

9 An uair a their mi, Cha toir mi iomradh air, ni mò labhras mi tuilleadh 'na ainm; an sin tha e ann am chridhe, mar gu'm b'e teine loisgeach, air a dhruideadh suas ann am cùinmhan; agus ged sgèithich mi mi féin 'ga chumail a steach, cha'n urrainn mi.

10 Oir chuala mi tuairisgeul mhòrain, Uambas air gach taobh aithrisibh-se, agus aithrisidh sinne e: tha iadsan uile ris an robh mi ann an sìth furachair air son mo thuislidh, ag ràdh, Theagamh gu meallar e, agus gu faigh sinn buaidh air, agus gu'n gabh sinn dioghaltas deth.

11 Ach tha an Tighearn leam mar aon chumhachdach uamhasach; air an aobhar sin tuislichidh mo luchd-tòir, agus cha bhuadhaich iad: tha iad air an lionadh le nàire ro mhòr, a chionn nach do shoirbhich leo, le masladh bithbhuan, nach leigear gu bràth air dì-chuimhne.

12 Ach, O Thighearna nan sluagh, a dhearbhas am firean, agus a chù na h-airnean agus an cridhe, faiceam orra do dhìoghaltas: oir dhuit-se leig mise ris mo chùis.

13 Seinnibh-se do'n Tighearn; molaibh-se an Tighearn, oir shaor e anam a' bhochd à làimh nan aingidh.

14 Mallaichte gu robh an là air an d'rugadh mise; an là air an d'rug mo mhàthair mi, nar robh e beannaichte.

15 Mallaichte gu robh esan a thug fios a dh'ionnsuidh m' athar, ag ràdh, Tha leanabh mic air bhreth dhuit, g'a dheanamh ro aoibhneach.

16 Agus biodh an duine sin mar ua bailtean a sgrios an Tighearn, agus mu nach do ghabh e aithreachas; cluinneadh e gaoir anns a' mhaduinn, agus iolach anns a' mheadhon-là;

17 A chionn nach do mharbh e mi o'n bhroinn, no gu'm biodh mo mhàthair 'na h-uigh dhomh, agus a brù an còmhnuidh torrach leam³.

18 C'ùim an d'thàinig mi mach as a' bhroinn a dh'fhaicinn mi-shuaimehncis agus bròin, agus a chaitheamh mo laithean ann am masladh?

CAIB. XXI.

1 Thug am fàidh fios do Shedeciah gu'm buadhaicheadh Nebuchadresar 'na aghaidh. 8 Chomhairlich e do'n t-sluagh dol thairis a dh'ionnsuidh nan Caldéach. 11 Dh'àithn e do'n rìgh breitheanas a dheanamh.

AM focal a thàinig chum Ieremiah o'n Tighearn, an uair a chuir an rìgh Sedeciah d'a ionnsuidh Pasur mac Mhelciah, agus Sephaniah mac Mhaaseiah an sagart, ag ràdh,

2 Fiosraich, guidheamaid ort, do'n Tighearn air ar son-ne, oir tha Nebuchadresar rìgh Bhabiloin a' cogadh 'nar n-aghaidh; a dh'fheuchainn an dean an Tighearn ruinn a réir 'uile bhearta iongantach, a chum gu'n téid e suas uainn.

3 Agus thubhairt Ieremiah riu, Mar so their sibh ri Sedeciah;

4 Mar so deir an Tighearn Dia Israeil, Feuch, tionndaidhidh mise air an ais na h-airm-chogaidh a ta 'nur làmhnan, leis am bheil sibh a' cogadh an aghaidh rìgh Bhabiloin, agus an aghaidh nan Caldéach a ta 'g 'ur teannachadh air taobh a muigh a' bhalla, agus cruinnichidh mi iad ann am mheadhon a' bhaile so.

¹ a'cheap.

² Uambas air gach taobh.

³ erm.

IEREMIAH, XXI. XXII.

5 Agus ni mise féin cogadh 'nur n-aghaidh le làimh sìnte mach, agus le gairdean treun, eadhon ann am feigr, agus ann am boile, agus ann an corruich mhòir.

6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs do phlàigh mhòir.

7 Agus 'na dléigh sin, deir an Tighearn, bheir mi thairis Sedeciah rìgh Iudah, agus 'oglaich, agus an sluagh, eadhon na dh'fhàgar anns a' bhaile so o'n phlàigh, o'n chladheamh, agus o'n ghorta, do làimh Nebuchadresair rìgh Bhabiloin, agus do làimh an naimhdean, agus do làimh na muinntir a ta 'g iarraidh an anama, agus buailidh e le faobhar a' chlaidheimh iad: cha ghabh e truas diubh, ni mò choigleas e, ni mò ni e tròcair.

8 Agus ris an t-sluagh so their thu, Mar so deir an Tighearn, Feuch, tha mise a' cur mu 'r coinneamh slighe na beatha, agus slighe a' bhàis.

9 Esan a dh'fhanas anns a' bhaile so, bàsaichidh e leis a' chladheamh, agus leis a' ghort, agus leis a' phlàigh: ach esan a thèid a mach, agus a thèid thairis a dh'ionnsuidh nan Caldéach a ta 'g 'ur teannachadh mu'n cuairt, mairidh e beò, agus bithidh 'anam aige mar chobhart-ach.

10 Oir chuir mise mo ghnùis an aghaidh a' bhaile so air son uile, agus cha'n ann air son maith, deir an Tighearn; do làimh rìgh Bhabiloin bheirear thairis e, agus loisgidh esan e le teine.

11 Agus mu thimchioll tighe rìgh Iudah, cluinnibh-sa focal an Tighearn;

12 O thìgh Dhaibhidh, mar so deir Iehobhah, Deanaibh gu moch breitheanas, agus saoraibh an duine sàruichte o làimh an fhir-shàruchaidh, mu'n téid mo chorr- uich-sa mach mar theine, agus mu'n las i air chor as nach feudar a mùchadh, air son aingidheachd bhur gnìomhara.

13 Feuch, tha mise a'd' aghaidh, O thusa a ta chòmhnuidh ann an gleann Shoir, anns a' chòmhnard¹, deir an Tighearn; sibhse ta 'g ràdh, Cò thig a nuas 'nar n-aghaidh? no cò thig a steach d'ar n-ionada còmhnuidh?

14 Ach smachdaichidh mise sibh a réir toraidh bhur deanaidais, deir an Tighearn; agus lasaidh mi teine 'na coilltibh, agus loisgidh e gach ni mu'n cuairt da.

CAIB. XXII.

1 Earail do thigh an rìgh gu breitheanas agus ceart- as a chur an gnìomh. 10 Mu thimchioll Shaluim, 13 Iehoiacim, 20 agus Choniah.

MAR so thubhairt an Tighearn; Falbh sìos gu tìgh rìgh Iudah, agus an

sin labhairidh tu am focal so,

2 Agus their thu, Cluinn focal an Tigh-earn, O a rìgh Iudah, a ta a'd' shuidh air rìgh-chaithir Dhaibhidh, thu féin, agus t'oglaich; agus do shluagh a ta dol a steach air na dorsaibh so;

3 Mar so deir an Tighearn; Cuiribh an gnìomh breitheanas agus ceartas, agus saoraibh an duine sàruichte o làimh an fhir-shàruchaidh: agus na deanaibh foill: na deanaibh ainneart air a' choigreach, air an dilleachdan, air a' bhantraich, ni mò dhòirteas sibh fuil neò-chiontach anns an àite so.

4 Oir ma ni sibh gun amharus a réir an fhocail so, an sin thig a steach air geat-achan an tighe so rìghrean a shuidheas ann an àite Dhaibhidh, air a rìgh-chaithir, a' marcachd air carbadaibh agus air each- aibh, gach aon, 'òglaich, agus a shluagh.

5 Ach mur toir sibh éisdeachd do na briathraibh so, orm féin thug mise mionn- an, deir an Tighearn, Gu cinnteach nìhear ionad fàs do'n tìgh so.

6 Oir mar so thubhairt an 'Tighearn' a thaobh tighe rìgh Iudah; Tha thu mar Ghilead dhomh-sa, O mhullaich Lebanon; ach ni mi gu cinnteach fàsach dhìot, bailt- ean nach bi àitichte.

7 Agus orduichidh mi ann ad aghaidh luchd-millidh, gach aon le 'airmibh; agus gearraidh iad sìos rogha do sheudar, agus tilgidh iad anns an teine iad.

8 Agus gabhaidh mòran chinneach seach- ad air a' chaithir so, agus their iad, gach aon r'a choimhearsnach, C ar son a rinn an Tighearn mar so ris a' chaithir mhòir so?

9 An sin fearraidh iad, A chionn gu'n do thréig iad coimhcheangal an 'Tighearn an Dia, agus gu'n d'thug iad aoradh do dhiathaibh coimheach, agus gu'n d'rinn iad seirbhis dhoibh.

10 Na guilibh air son a' mhairbh, ni mò ni sibh caoidh air a shon: guilibh gu goirt air a shon-san a dh'imich air falbh: oir cha phill e ni's mò, agus cha'n fhaic e tuilleadh tìr a dhùchais.

11 Oir mar so deir Iehobhah mu thim- chioll Shaluim mhic Iosiah, rìgh Iudah, a rìghich an àite Iosiah 'athar, a chaidh a mach as an àite so, Cha phill e thuige ni's mò.

12 Ach anns an àite gus an d'thug iad air falbh e ann am braighdeanas, gheibh e bàs; agus an tìr so cha'n fhaic e ni's mò.

13 Is an-aobhain dha-san a thogas a thigh le h-eucoir, agus 'ard-sheòmaich- ean le ana-cothrom; a ghabhas saothair a choimhearsnaich a nasgaidh, agus air son 'oibre nach toir dha dioladh.

14 A ta 'g ràdh, Togaidh mi dhomh féin tìgh mòr, agus seòmaichean farsuinn; a' gearradh a mach dha féin mar an

¹ anns a' ghleann, carraig a' chòmhnaird.

ceudna uinneaga, 'ga chòmhdachadh¹ fòs le seudar, agus 'ga dhath le corcur.

15 An rìgh thu a chionn gu bheil thu 'gad dhùnadh fèin ann an seudar? nach d'ith agus nach d'òl t'athair, agus nach d'rinn e cothrom agus ceartas? An sin shoirbhich leis.

16 Dh'ionn e cùis a' bhochdagus an fheum-aich; an sin dh'éirich gu maith *dha*. Nach b'e so eòlas a ghabhail ormsa? dcir an Tighearn.

17 Ach cha 'n'èil do shùilean-sa agus do chridhe ach air t'ana-mianna fèin, agus air fuil nan neòchiontach, a chum a d'òrtadh, agus air sàruchadh agus foirneart, a chum a dheanadh.

18 Air an aobhar sin, mar so deir an Tighearn mu thimchioll Iehoiacim mhic Iosiah rìgh Iudah, Cha dean iad caoidh air a shon, *ag ràdh*, Och mo bhràthair! no, Och mo phiuthar! Cha dean iad caoidh air a shon, *ag ràdh*, Och a Thighearn! no, Och a ghloir-sa!

19 Le h-adhlacadh asail adhlacair e, air a tharruing air falbh, agus air a thilgeadh an taobh a mach do gheatachan Ierusalem.

20 Imich suas gu Lebanon agus éigh; agus air Basan tog an àird do ghuth, agus glaoth o na crìochaibh mu'n cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbheachaidh, thubhairt thu, Cha'n èisd mi; b'e so do chleachd o t'òige.

22 A chionn nach d'èisd thu ri m'ghuthsa, ithidh osann suas an t-iomlan do d'aodhairibh, agus imichidh do luchd-gaoil air falbh ann am braigheanas: gu cinnteach an sin bithidh nàire ort, agus còmhdaichear thu le h-amhluidh air son t'uile dhroch dheanadais.

23 O thusa ta 'g àiteachadh Lebanon, a ta deanamh do nid ann an seudaraibh, cia gràsmhor a bhitheas tu² an uair a ni piantan greim ort, goimh, amhuil mnà ri saothair!

24 Mar is beò nise, deir an Tighearn, ge b'e Coniah mac Iehoiacim rìgh Iudah, am fàinne air mo làimh dheis, gidheadh as a sin dheanainn do spionadh;

25 Agus bheir mi thu do làimh na muinntir a ta 'g iarraidh t'anama, agus do làimh na muinntir roimh am bheil eagail ort, eadhon do làimh Nebuchad-resair rìgh Babiloin, agus do làimh nan Caldéach.

26 Agus tilgidh mi mach thu fèin, agus do mhàthair a rug thu, gu dùthaich choimhich, far nach robh sibh air 'ur breith, agus an sin gheibh sibh bàs.³

27 Agus gus an talamh d'am bu mhiann-

ach leo pilleadh, gu sin cha phill iad.

28 An dealbh suarrach briste an duine so Coniah? no an soitheach e anns nach 'èil aig aon neach tlachd? c'um am bheil iad air an tilgeadh a mach, e fèin agus a shliochd, agus air an iomain gu tìr anns nach 'èil iad eòlach.

29 O thalamh! a thalamh! a thalamh! cluinn focal an Tighearna.

30 Mar so deir an Tighearn, Sgrìobhaibh-se am fear so gu'n chlann, duine nach soirbhich 'na làithibh: oir cha soirbhich duine d' a shliochd, a shuidheas air caithir Dhaibhidh, agus a riaghlas 'na dhéigh so ann an Iudah.

CAIB. XXIII.

1 *Chair Ieremiah an céill do na h-aodhairibh aingidh gu'n claidheadh Dia iad air son an deanadais, 3 agus gu'n tionaladh e fuigheall a threud. 5 Tha Crìosd, am Meanglan fireanach, air a ghealltainn. 9 Breitheanais Dhé an aghaidh nam fàidhean bréige, 33 agus 'nan aghaidh-san a rinn fanaid air fàidhean an Tighearna.*

1S an-aobhin do na h-aodhairibh a ta sgrìos agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn Dia Israeil, a thaobh nan aodhairean a ta 'g ionaltradh mo shluaigh-sa, Sgap sibh mo threud, agus dh'fhuadaich sibh air falbh iad, agus cha deachaidh sibh g'an amharc; feuch, thig mise g'ur n-amharc-sa air son aingidheachd 'ur deanadais, deir an Tighearn.

3 Ach tionailidh mi fuigheall mo threud as gach uile dhùthaich gus an d'fhògair mi iad, agus bheir mi iad air an ais d' am mainniribh³ fèin, agus fàsaidh iad torrach agus lìonmhor.

4 Agus togaidh mi suas os an ceann aodhairean a dh'ionaltras iad, air chor as nach bi eagail orra tuilleadh, ni mò bhios geilt orra, ni mò bhios iad air an smachd achadh⁴, deir an Tighearn.

5 Feuch, tha na làithean a' teachd, deir an Tighearn, anns an tog mise suas do Dhaibhidh Meanglan fireanach, agus rìoghaichidh rìgh, agus soirbhichidh leis; agus cuiridh e an gnìomh breitheanas agus ceartas air an talamh.

6 'Na làithibh-san tèarnar Iudah, agus gabhaidh Israel còmhluaidh ann an tèar-uinteachd: agus is e so 'ainm a ghoirear ris, IEHOBAH AR FIREANTACHD-NE.

7 Air an aobhar so, feuch, tha na làithean a' teachd, deir an Tighearn, anns nach abair iad ni's mò, Mar is beò an Tighearn a thug a mìos clann Israeil á tìr na h-Eiphit.

8 Ach, Mar is beò an Tighearn, a thug a mìos agus a stiùir sliochd tìghe Israeil as an tìr mu thuath, agus as na dùthchann-

¹ chur thairis. ² cia goirt a bhitheas do chaoidh.

³ crò,

⁴ air ionndruinn.

aibh sin uile gus an d'fhuadaich mise iad: a chum gu'n gabhadh iad còmhnuidh nam fearann féin.

9 A thaobh nam fàidhean. Tha mo cliridhe briste an taobh a stigh dhìom; tha mo chnàmhan gu léir air ghluasad; is cosmhuil mi ri fear air mhisg; is ionnan mi 's duine air an d'fhuair fìon làmh-an-uachdar, air son an Tighearn, agus air son bhriathran a naomhachd.

10 Oir tha am fearann làn do luchd-adhaltrais: oir air son mhionnan tha 'n tìr a' caoidh: tha ionadan aoibhlin an fhàsaich air tiormachadh suas: tha an siubhal mar an ceudna olc, agus an neart eucorach.

11 Oir tha am fàidh agus an sagart araon ain-diadhaidh; eadhon ann am theach¹ féin fhuair mi an aingidheachd, deir an Tighearn.

12 Uime sin bithidh an slighe dhoibh mar iouada sleamhainn ann an dorchadas; iomaineair iad air an aghaidh, agus tuitidh iad ann: gu cinnteach bheir mise dòrainn orra, bliadhna an smachdachaidh, deir an Tighearn.

13 Amhuil a chunnaic mi ann am fàidhean Shamaria amaidheachd; rinn iad fàistneachd ann an ainm Bhaail, agus thug iad air mo shluagh Israel dol air seacharan:

14 Mar sin ann am fàidhean Ierusalem chunnaic mi uamharrachd: tha iad a' deanamh adhaltrannais, agus ag imeachd ann am breugaibh: tha iad a' neartachadh mar an ceudna làmhnan nan aingidh, air chor as nach 'eil aon neach a' pilleadh o 'aingidheachd: tha iad, an t-iomlan diubh, dhomhsa mar Shodom, agus a luchd-àiteachaidh mar Ghomorah.

15 Air an aobhar sin mar so deir Tighearn nan sluagh mu thimchioll nam fàidhean; Feuch, bheir mise dhoibh searbh-luibhean r'an iteadh, agus uisge domblasda r'a òl; oir o fhàidhean Ierusalem tha ain-diadhachd air dola mach air feadh na tìre gu h-iomlan.

16 Mar so deir Tighearn nan sluagh, Na h-éisdibh ri briathraibh nam fàidhean, a ta ri fàistneachd dhuibh; tha iad 'g'ur mealladh le nithibh faoine; tha iad a' labhairt fiosachd an cridhe féin, agus cha'n ann o bheul an Tighearn;

17 Ag ràdh an còmhnuidh ris a' mhuinntir a ta deanamh di-meas air focal an Tighearna, Bithidh sìth agaibh; agus am feadh a ta gach aon ag imeachd a réir ana-miama a chridhe féin, tha iad ag ràdh, Cha tig olc air bith oirbh.

18 Oir cò sheas ann an comhairle dhìomhair an Tighearn, agus a chunnaic, agus a chual a chùis? no cò dh'eisd agus

a chuala 'fhocal?

19 Feuch, chaidh cuairt-ghaoth mach o'n Tighearn le boile, eadhon cuairt-ghaoth ro dhian; air ceann nan aingidh tuitidh i gu h-uamhasach.

20 Cha phill corruich an Tighearn air a h-ais, gus an cuir e 'n gnìomh, agus gus an còmhlon e rùn a chridhe: anns na làithibh deireannach bheir sibh so fa'near le làn-aire.

21 Cha do chuir mise na fàidhean so a mach, gidheadh ruith iad: cha do labhair mi ri, gidheadh rinn iad fàistneachd.

22 Ach nam biodh iad air seasamh ann am chomhairle-sa, an sin bheireadh iad air mo shluagh mo bhriathran éisdeachd, an sin bheireadh iad orra pilleadh o'n slighe, agus o aingidheachd an deanadais.

23 An Dia dlùth do làimh mise, deir an Tighearn? agus nach Dia mi am fad as?

24 Am feud neach air bith e féin fhòlach ann an ionadaibh dìomhair, air chor as nach faic mise e? deir an Tighearn. Nach 'cile mise a' lìonadh nan neamhan agus na talmhainn? deir an Tighearn.

25 Chuala mise ciod a thubhairt na fàidhean, a ta fàistneachd bhreug ann am ainm-sa, ag ràdh, Chunnaic mi aisling, chunnaic mi aisling.

26 Cia fhad a bhios so an cridhe nam fàidhean a ta ri fàistneachd bhreug? seadh fàidhean ceilge an cridhe féin:

27 Aig am bheil rùn a thoirt air mo shluagh-sa m'ainm a leigil air dì-chuimhne, le 'n aislingibh a ta iad ag innseadh, gach aon d'a choimhearsnach, amhuil a rinn an aithrichean m'ainm a leigil air dì-chuimhne, air son Bhaail.

28 Am fàidh aig am bheil aisling, innseadh e 'aisling; ach esan aig am bheil m' fhocal-sa, labhradh e m' fhocal gu dìleas: ciod e am moll do'n chruithneachd? deir an Tighearn.

29 Nach ionann m'fhocal-sa agus teine? deir an Tighearn; agus nach ionann e agus ord a bhriseas a' chreag 'na bloighdibh?

30 Uime sin, feuch, tha mise an aghaidh nam fàidhean, deir an Tighearn, a ta goid mo bhriathran-sa, gach aon o 'choimhearsnach.

31 Feuch, tha mise an aghaidh nam fàidhean, deir an Tighearn, a ta gnàthachadh an teangaidh féin, agus ag ràdh, Labhair esan e.

32 Feuch tha mise an aghaidh na muinntir a ta fàistneachadh aislingean bréige, deir an Tighearn, agus a ta 'gan innseadh, agus a' toirt air mo shluagh-sa dol air seacharan le 'm breugaibh agus le 'm briathraibh faoine; gidheadh cha do

¹ thigh.

² seach an cruithneachd.

chuir mise a mach iad, ni mò thug mi àithne dhoibh; air an aobhar sin cha dean iad, air aon chor, tairbhe do'n t-sluagh so, deir an Tighearn.

33 Agus an uair a dh'fheòruicheas an sluagh so, no fàidh, no sagart, diot, ag ràdh, Ciod e focal cudthromach an Tighearn? an sin their thusa riu, Is sibhse an cudthrom, agus tilgidh mise dhiom sibh, deir an Tighearn.

34 Agus am fàidh, agus an sagart, agus an sluagh, a their, Focal cudthromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choimhearsnach, agus gach aon r'a bhràthair, Ciod a fhreagair an Tighearn? agus, Ciod a labhair an Tighearn?

36 Agus air focal cudthromach an Tighearna cha toir sibh luadh ni's mò; oir is cudthrom do gach aon a bhriathra féin: oir chlaon sibh briathran an Dé bheò, Tighearna nan sluagh, ar Dé-ne.

37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cudthromach an Tighearn: uime sin, mar so deir an Tighearn, A chionn gu bheil sibh ag ràdh an fhocail so, Focal cudthromach an Tighearna, ged chuir mise fios thug-aibh, ag ràdh, Cha'n abair sibh Focal cudthromach an Tighearn;

39 Uime sin, feuch, togaidh mise sibhse mar chudthrom, agus tilgidh mi air falbh, araon sibh féin agus a' chaithir so, a thug mi dhuibh-se, agus do 'ur n-aithrichibh, a mach as mo làthair:

40 Agus bheir mi oirbh masladh siorruidh, agus nàire bhith-bhuan, nach leigear gu bràth air dh-chuimhne.

CAIB. XXIV.

1 *Le samhladh flùgean maithe agus olca chuir am fàidh an cèill gu'n gabhadh Dia ris na dh'fhalbh ann am bruid do Iudah; 8 agus gu'n tugadh e thairis Sedeciah agus a shluagh gu bhi 'nan cùis-fhanaid do na cinnich.*

DH'FHOILLSICH an Tighearn dhomh, agus, feuch, dà chliabh¹ fhìgean air an cur fa chomhlair teampuill an Tighearn, an déigh do Nebuchadresar rìgh Bhabìloin, Ieconiah mac Iehoiacim rìgh Iudah, agus maithean Iudah, agus an luchd-ealainn², agus na h-airm-cheaird, a thoirt air falbh ann am braigheanas o Ierusalem, agus an toirt leis gu Babilon:

2 Ann an aon chliabh bha fìgean ro mhaith, mar na fìgean a bhios an toiseach abuich: agus anns a' chliabh eile fìgean ro olc, nach feudta itheadh aig an olcas.

3 An sin thubhairt an Tighearn rium, Ciod a tha thu faicinn, a Ieremiah? agus thubhairt mise, Fìgean: na fìgean maithe ro mhaith; agus na droch flùgean ro olc, air chor as nach feudar an itheadh aig an olcas.

4 An sin thàinig focal an Tighearn a m' ionnsuidh, ag ràdh,

5 Mar so deir an Tighearn, Dia Israeil, Amhuil na fìgean maithe so, mar sin gabhaidh mise ris na dh'fhalbh ann am bruid do Iudah, a chuir mi mach as an àite so gu tìr nan Caldéach, a chum an leas.

6 Oir cuiridh mi mo shùilean orra chum maith, agus bheir mi iad air an ais do'n tìr so; agus togaidh mi iad, agus cha tìlg mi sìos; agus suidhichidh mi iad, agus cha spion mi à bun.

7 Agus bheir mi dhoibh cridhe gu m'aitheachadh, gur mi an Tighearn; agus bithidh iad dhomhsa 'nan sluagh, agus bithidh mise dhoibhsan a'm' Dhia; oir pillidh iad a m' ionnsuidh le 'n uile chridhe.

8 Agus amhuil na droch fhìgean, nach feudar itheadh aig an olcas, (mar so gu deimhin deir an Tighearn,) mar sin bheir mi thairis Sedeciah rìgh Iudah, agus 'uachdarain, agus am fuigheall do Ierusalem, a dh'fhanas anns an tìr so, agus iadsan a ta chòmhnuidh ann am fearann na h-Eiphit;

9 Bheir eadhon mise thairis iad gu bhi air an luasgadh air feadh uile rìoghachdan an domhain, a chum an aimhleis; gu bhi 'nan cùis-fhanaid, agus 'nan gnàth-fhocal, agus 'nam ball-magaidh, agus 'nam mallachadh, anns na h-uile àite gus am fogair mi iad.

10 Agus cuiridh mi an claidheamh, a' ghort agus a' phlàigh 'nam measg, gus an caithear iad bhàrr an fhearainn, a thug mise dhoibh féin agus do'n aithrichibh.

CAIB. XXV.

1 *Roimh-innis Ieremiah braigheanas nan deich agus trifichead bliadhna; 12 agus leir-sgrìos Bhabìloin 'nuair a chòimhlionar no làithean sin. 15 Le samhladh cuaiche fiona chuir am fàidh an cèill sgrìos mhòran chinneach.*

A focal a thàinig a dh'ionnsuidh Ieremiah mu thùinchioll uile shluaigh Iudah, ann an ceathramh bliadhna, Iehoiacim mhic Iosiah rìgh Iudah; b' i sin ceud bliadhna Nebuchadresar rìgh Bhabìloin:

2 A labhair Ieremiah am fàidh ri uile shluagh Iudah, agus ri uile luchd-àiteachaidh Ierusalem, ag ràdh,

3 O theas bliadhna deug Iosiah mhic Amoin rìgh Iudah, eadhon gus an là an diugh, (is i so an treas bliadhna fichead.)

¹ bhascaid.

² na saoir.

thàinig focal an Tighearn a m' ionnsuidh-sa, agus labhair mi ruibh-sa, ag éirigh gu moch agus a' labhairt; ach cha d'éisd sibh.

4 Agus chuir an Tighearn do 'ur n-ionnsuidh uile sheirbhisich na fàidhean, ag éirigh gu moch agus 'gan cur a mach; ach cha d'éisd sibhse, agus ni mò dh'aom sibh 'ur cluas gu éisdeachd.

5 Thubhairt iadsan, Pillibh air 'ur n-ais a nis, gach aon o 'dhroch shlighe, agus o oleas a dheanadais, agus gabhaibh còmh-nuidh anns an fhearann a thug an Tighearn dhuibh, agus do 'ur n-aithrichibh o linn gu linn.

6 Agus na rachaibh an déigh dhée còimheach, gu seirbhis a dheanamh dhoibh, agus gu aoradh a thoirt doibh, agus na brosnuichibh mise gu corruich le obair 'ur làmh; agus cha dean mi ole oirbh.

7 Gidheadh cha d'éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aimhleis féin.

8 Uime sin mar so deir Tighearn nan sluagh, A chionn nach d'éisd sibh ri mo bhriathraibh-sa.

9 Feuch, cuiridh mi fios, agus bheir mi leam uile mhuimtir na h-àirde tuath, deir an Tighearn, agus Nebuchadresar rìgh Bhabiloin m'oglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu'n cuairt, agus sgriosaidh mi gu tur iad, agus ni mi iad 'nan uamhas, agus 'nan sgeig, agus 'nam fàsach gu bràth.

10 Os bàrr, bheir mi uatha guth a' ghairsteachais agus guth an aoibhneis, guth an fhir nuadh-phòsda, agus guth na mnà nuadh-phòsda, fuaim nan clachamuilinn, agus solus na còinne.

11 Agus bithidh am fearann so uile 'na fhàsach, agus 'na uamhas; agus ni na cinnich so seirbhis do rìgh Bhabiloin deich agus trì fichead bliadhna.

12 Agus tarlaidh, 'nuair a choimhlonar deich agus trì fichead bliadhna, gu'n smachdaich mise rìgh Bhabiloin, agus an cinneach sin, deir an Tighearn, air son an aingidheachd, agus fearann nan Caldéach, agus ni mi e 'na fhàsach gu bràth.

13 Agus bheir mi air an fhearann sin m' uile bhriathran a labhair mi 'na aghaidh, gach ni tha sgriobhta san leabhar so, a rinn Ieremiah fhàistneachd an aghaidh nan uile chinneach.

14 Oir ui mòran chinneach, agus rìgh-rean mòra, seirbhis a ghabhail dhiubhsan mar an ceudna: agus diolaidh mise riu a réir an gnìomhara, agus a réir oibre an làmh fèin.

15 Oir mar so tha an Tighearn Dia Israeil

ag ràdh rium, Gabh cuach fhìona na fraoich feirge so as mo làimh-sa, agus thoir r'a h-òl i do na h-uile chiumich gus an cuir mise thu:

16 Agus òlaidh iad, agus bithidh iad air bhall-chrith, agus air chuthach, leis a' chlaidheamh a chuireas mise 'nam measg.

17 An sin ghlac mi a' chuach à làimh an Tighearn, agus thug mi r'a h-òl i do na h-uile chinneach gus an do chuir an Tighearn mi;

18 Do Ierusalem, agus do bhailtibh Iudah, agus d'a rìghribh, agus d'a h-uachdaranaibh, a chum an deanamh 'nan nochd-laraich, 'nan uamhas, 'nan sgeig, agus 'nam mallachadh, mar air an là 'n diugh:

19 Do Pharaoh rìgh na h-Eiphit, agus d'a òglachaibh, agus d'a uachdaranaibh, agus d'a uile shluagh;

20 Agus do gach uile shluagh eile tha measg a chéile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasah, agus do Ecron, agus do fhuigheall Asdoid;

21 Do Edom, agus do Mhoab, agus do chloinn Amoin;

22 Agus do uile rìghribh Thiruis, agus do uile rìghribh Shidoin, agus do rìghribh nan crìochan a ta 'n taobh thall do'n fhairste;

23 Do Dhedan, agus do Tlema, agus do Bhus, agus do na h-uile a ta anns na cearnaibh iomallach;

24 Agus do uile rìghribh Arabia, agus do uile rìghribh an t-sluaigh mheasgta ta chòmhnuidh anns an fhàsach;

25 Agus do uile rìghribh Shimri, agus do uile rìghribh Elaim, agus do uile rìghribh Mhedia;

26 Agus do uile rìghribh na h-àirde tuath, am fad agus am fagus, gach aon le chéile, agus do uile rìghchadaibh an domhain, a ta air aghaidh na talmhainn: agus òlaidh rìgh Shesaich 'nan déigh so.

27 Agus their thu riu, Mar so tha an Tighearn Dia nan sluagh, Dia Israeil, ag ràdh, Olaidh, agus bithidh air mhisg, agus sgeithibh, agus tuitibh agus na h-éiribh m' mò roimh 'n chlaidheamh a chuireas mise 'nur measg.

28 Agus tarlaidh, na dhùiltas iad a' chuach a ghabhail as do làimh, gu òl, an sin gu'n abair thu riu, Mar so deir Tighearn nan sluagh, Olaidh sibh gu deimhin.

29 Oir feuch, air a' chaithir a ta air a h-ainmearhadh air m' ainm, oirre sin tha mise tionnsnadh air ole a thabhairt, agus am feud sibhse dol as gu glan-shaor o pheanas? cha téid sibh as: oir gairmidh mise claidheamhair uile luchd-àiteachaidh na talmhainn, deir 'Tighearn nan sluagh.

30 Air an aobhar sin labhair thusa 'nan aghaidh na briathran faistneachd so air

fad, agus abair riu, Beueaidh an Tighearn o' ionad àrd, agus o ionad còmh-nuidh a naomhaehd euiridh e maeh a ghuth: beueaidh e gu eumhachdaeh an aghaidh ionaid a thàimh; togaidh e iol-aeah, mar [iolaieh] luehd-bruthaidh *nam fion deare*, an aghaidh uile luehd-àiteachaidh na talmhainn.

31 Thig toirm gu iomallaibh na talmhainn, a chionn gu bheil còmh-strì aig Dia ris na cinnich; tagraidh e ris na h-uile fheoil; bheir e 'n dream a *ta* ole do'n ehlaidheamh, deir an Tighearn.

32 Mar so tha 'Tighearn nan sluagh ag ràdh, Feuch, thèid ole a mach o chinn-each gu cinneach, agus dùisgear suas ioma-ghaoth mhòr o chriocheaibh na talmhainn.

33 Agus bithidh iadsan a mharbhar leis an Tighearn san là sin, o aon iomall na talmhainn eadhon gu iomall eile na talmhainn; eha chaoidhear iad, ni mò chruinniehear iad, ni mò dh'adhlaicear iad; 'nan aolach air aghaidh na talmhainn bithidh iad.

34 Togaibh gaoir bhròin, a bhuachaill-ean, agus éighibh, agus aornaganaibh sibh féin, [ann an luaithre,] sibhse a 's urram-aiehe do'n treud, a chionn gu bheil làithean bhur marbhaidh agus bhur sgapaidd air an còimhlionadh; agus tuitidh sibh mar shoitheach luachmhor.

35 Agus eha bhi seòl-teiehidh aig na buachaillibh, no dol as aig maithlean an treud.

36 Guth caoidh nam buachaill-ean, agus nuallan mhaithlean an treud: oir mhill an Tighearn an eluain-ionaltraidh.

37 Mhilleadh fòs ionada-còmhnuidh na sìthe¹ le dian-chorruiech an Tighearna.

38 Thréig e, mar leòmhán, a gharradh; oir rinneadh an euid fearann fàs, troimh corruiech a' mhillteir, agus troimh dian-theas 'fheirge.

CAIB. XXVI.

1 Chomhairlich Ieremiah do'n t-sluagh an aingidheachd a thréigsinn: 8 Ghlac na sagairt agus an sluagh e chum a chur gu bàs air son nan nìthe a labhair e riu. 12 Thagair e chùis féin. 16 Leig an sluagh as e.

ANN an toiseach linn Iehoiacim, mhie Iosiah rìgh Iudah, thàinig am foal so o 'n Tighearn, ag ràdh,

2 Mar so tha an Tighearn ag ràdh, Seas ann an eùirt tighe an Tighearn, agus labhair ri uile bhailtibh Iudah, a ta teachd a dheanamh aoraidh ann an tigh an Tighearna, na h-uile bhriathran a dh'àithneas mise dhuit a labhairt riu; na lughdaich foal;

3 A dh'fheuchainn an éisd iad, agus am pill iad, gach aon o 'dhroeh shlighe, chum

gu'n gabh mise aithreachas do'n ole a th'ann am rùn a thoirt orra air son aingidheachd an gnìomhara.

4 Agus thig thu riu, Mar so tha an Tighearn ag ràdh, Mur éisd sibh riumsa, gu sìubhal ann am reachd, a chuir mi fa 'r eomhair,

5 Gu éisdeachd a thoirt do bhriathraibh mo sheirbhiseach na fàidhean, a chuir mi thugaibh, aràon ag éirigh gu moeh agus 'gan cur a maeh, (ged nach d' éisd sibhse;)

6 An sin ni mise an tigh so còmhui: ri Siloh, agus ni mi a' chaithir so 'na mall-aehadh do uile chinnich na talmhainn.

7 Agus ehuala na sagairt, agus na fàidhean, agus an sluagh uile, Ieremiah a' labhairt nam briathra so ann an tigh an Tighearn.

8 A nis tharladh, air do Ieremiah sgur do labhairt nan uile nìthe a dh'àithn an Tighearn *dha* a labhairt ris an t-sluagh uile, gu'n do ghlae na sagairt, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 C'ar son a rinn thu fàistneachd ann an ainm an Tighearn, ag ràdh, Bithidh an tigh so còmhui ri Siloh, agus euirear a' chaithir so fàs gun aon 'ga h-àiteachadh? Agus chruinnieheadh an sluagh air fad an aghaidh Ieremiah, ann an tigh an Tighearna.

10 'Nuair a ehuala maithlean Iudah na nìthe so, an sin thàinig iad a nìos o thigh an rìgh, gu tigh an Tighearn, agus shuidh iad ann an dol a steach a' gheata nuaidh aig tigh an Tighearn.

11 An sin labhair na sagairt, agus na fàidhean ris na maithibh, agus ris an t-sluagh gu léir, ag ràdh, Is airidh an duine so air bàs, oir rinn e fàistneachd an aghaidh na eathreach so, mar a chuala sibh le 'r clusaibh.

12 An sin labhair Ieremiah ris na maithibh uile, agus ris an t-sluagh gu h-iomlan, ag ràdh, Chuir an Tighearn mise gu labhrainn ann am fàistneachd an aghaidh an tighe so, agus an aghaidh na eathreach so, na h-uile bhriathra sin a chuala sibh.

13 Uime sin a nis leasaichibh 'ur slighe agus 'ur deanadas, agus thugaibh géill do ghuth an Tighearna bhur Dé; agus gabhaidh an Tighearn aithreachas do'n ole a labhair e 'nur n-aghaidh.

14 Air mo shon-sa, feuch, tha mi 'nur làimh; deanaibh rium mar a chithear maith agus eart duibh.

15 Aeh biodh gu einnteach fios agaibh, ma ehuireas sibh gu bàs mise, gu'n tarruing sibh fuil neo-ehiontach oirbh féin, agus air a' chaithir so, agus air a luehd-àiteachaidh: oir gu fìrinneach chuir an Tighearn mise thugaibh, gus na briathran so uile a labhairt 'nur clusaibh.

¹ na h-ionada-còmhnuidh suaimhneach¹.

16 An sin thubhairt na maithean, agus an sluagh uile ris na sagartaibh, agus ris na fàidhibh, Cha 'n airidh an duine so air bàs, oir ann an ainm an Tighearn ar Dé labhair e ruinn.

17 An sin sheas cuid do sheanairibh na tire suas, agus labhair iad ri uile choimhthional an t-sluaigh, ag ràdh,

18 Rinn Micah am Morastach fàistneachd ann an làithibh Heseciah rìgh Iudah, agus labhair e ri uile shluagh Iudah, ag ràdh, Mar so their Tighearn nan sluagh, Bithidh Sion mar mhachair air a treabhadh, agus bithidh Ierusalem 'na carnaibh, agus sliabh an tighe mar ionadaibh àrda na fridhe.

19 An d'thug Heseciah rìgh Iudah, agus Iudah uile thairis gu bàs e? nach robh eagal an Tighearn air, agus nach d'iarr e an Tighearn, agus ghabh an Tighearn aithreachas do'n olc a labhair e 'nan aghaidh? Ach sinne, tha sinn a' deanamh aithleis mhòir an aghaidh ar n-anama féin.

20 Agus bha fòs duine ann a rinn fàistneachd ann an ainm an Tighearn, Uriah mac Shemariah, o Chireat-earm, a rinn fàistneachd an aghaidh na caitheach so, agus an aghaidh na tire so, a réir uile briathran Ieremiah:

21 Agus an uair a chuala Iehoiacim an rìgh, agus a dhaoine cumhachdach uile, agus na maithean uile, a bhriathran, dh'iarr an rìgh a chur gu bàs; agus chuala Uriah sin, agus bha eagal air, agus theich e, agus dh'imich e do'n Eiphit:

22 Agus chuir an rìgh Iehoiacim daoine Eiphiteach, Elnatan mac Achboir, agus iadsan a bhla leis, do'n Eiphit;

23 Agus thug iad Uriah a mach as an Eiphit, agus thug iad e chum an rìgh Iehoiacim, a mharbh e leis a' chlaidheamh, agus a thilg a chorp ann an uaighean nan daoine coitichionn.

24 Gidheadh bha làmh Ahicaim mhic Shaphain le Ieremiah, chum nach biodh e air a thoirt thairis do làmh an t-sluaigh, gu 'chur gu bàs.

CAIB. XXVII.

1 *Tha Ieremiah a' fàistneachd gu'm buaidhaicheadh Nebuchadresar air na rìghrean a bha mu'n cuairt da. 9 Chomhairlich e dhoibh géill do rìgh Bhabiloin. 12 Thug e a' chomhairle cheudna do Shedeciah.*

ANN an toiseach linn Iehoiacim mhic Iosiah rìgh Iudah, thàinig am focal so gu Ieremiah o'n Tighearn, ag ràdh,

2 Mar so tha an Tighearn ag ràdh rium, Dean dhuìt féin boinn agus cuingeann, agus cuir iad air do mhuineal;

3 Agus cuir iad gu rìgh Edoim, agus gu rìgh Mhoab, agus gu rìgh nan Amonach, agus gu rìgh Thiruis, agus gu rìgh Shidoin, le làmh nan teachdairean a ta a'

teachd gu Ierusalem, a chum Shedeciah rìgh Iudah:

4 Agus àithn doibh a ràdh ri 'n tighearnaibh, Mar so tha Tighearn nan sluagh, Dia Israeil, ag ràdh, Mar so their sibh ri 'ur tighearnaibh;

5 Rinn mise an talamh; an duine agus an t-aimhaidh a ta air aghaidh na talmhainn, le mo mhòr-chumbachd, agus le m'ghairdean sinte mach; agus cò air bith do 'm facas iomchuidh leam a thabhairt, dha-san thug mi e.

6 Agus a nis thug mi na dùthchanna so uile do làmh Nebuchadresar rìgh Bhabiloin, m' òglaich; agus beathaichean na macharach fòs thug mi dha, gu frithealadh dha.

7 Agus bheir na h-uile chinnich géill dhàsan, agus d' a mhac, agus do mliac a mhic, gus an tig àm a dhùthcha féin: an sin bheir iomadh cinneach, agus rìghrean mòra air-san gu'n toir e géill dhoibh.

8 Agus tarlaidh, an cinneach no an rìoghachd nach toir géill do Nebuchadresar so rìgh Bhabiloin, agus nach cuir am muineal fo chuing rìgh Bhabiloin; le claidheamh, agus le gort, agus le plaigh smachdaichidh mise an cinneach sin, deir an Tighearn, gus an sgrios mi iad gu tur le 'làmh-san.

9 Uime sin na h-éisdibh-sa ri 'ur fàidhean, no ri 'ur fiosaichean, no ri 'ur brudaraichean, no ri 'ur speuradairean, no ri 'ur druidhean, a ta labhairt ruibh, ag ràdh, Cha toir sibh géill do rìgh Bhabiloin:

10 Oir tha iad a' fàistneachd bréige dhuibh, a chum 'ur n-atharrachadh fad o 'ur fearann féin, agus a chum gu' fòg-rainn-sa mach sibh, agus gu'n rachadh sibh an mugha.

11 Ach an cinneach sin a chuireas an ammach fo chuing rìgh Bhabiloin, agus a bheir dha ùmhlachd, leigidh mise dhoibh sin fuireach 'nam fearann féin, agus treabhaidh iad e, agus gabhaidh iad còmhnuidh ann.

12 Agus labhair mise ri Sedeciah rìgh Iudah, a réir nam briathran so air fad, ag ràdh, Cuiribh 'ur n-amhacha fo chuing rìgh Bhabiloin, agus thugaibh dha ùmhlachd, dha féin, agus d'a shluagh, agus mairibh beò.

13 C'ar son a bhàsaicheas sibh, thu féin agus do shluagh, leis a' chlaidheamh, leis a' ghort, agus leis a' phlàigh, mar a labhair Dia an aghaidh a' chinnich nach toir géill do rìgh Bhabiloin?

14 Uime sin na h-éisdibh ri briathraibh nam fàidhean a ta labhairt ruibh, ag ràdh, Cha toir sibh ùmhlachd do rìgh Bhabiloin: oir tha iad a' fàistneachd bréige dhuibh.

15 Oir cha do chuir mise a mach iad,

deir an Tighearn, gidheadh tha iad a' fàistneachd bhréig ann am ainm, a chum gu fògrainn sibhse mach, agus gu rachadh sibh ann mugha; sibh féin agus na fàidhean a ta ri fàistneachd dhuibh.

16 Labhair mi cuideachd ris na sagart-aibh, agus ris an t-sluagh so uile, ag ràdh, Mar so deir an Tighearn, Na h-éisdibh ri briathraibh 'ur fàidhean a ta ri fàistneachd dhuibh, ag ràdh, Feuch, bheirear soithichean tighe an Tighearn air an ais o Bhabilon a nis gu h-aithghearr; oir tha iad a' fàistneachd bhréig dhuibh.

17 Na h-éisdibh riu; géillibh do righ Bhabilon agus mairibh beò; c'ar son a bhitheadh a' chaitir so air a deanamh 'na fàsach?

18 Ach ma's fàidhean iad, agus ma ta focal an Tighearna maille riu, deanadh iad a nis eadar-ghuidhe ri Tighearn nan sluagh, a chum nach rachadh na soithichean a ta air am fàgail ann an tigh an Tighearn, agus ann an tigh righ Iudah, agus ann an Ierusalem, gu Babilon.

19 Oir mar so tha Tighearn nan sluagh ag ràdh, mu thimchioll nam prop, agus mu thimchioll na fairge, agus mu thimchioll nam bonn, agus mu thimchioll na cuid eile do na soithichibh a dh'fhan anns a' chaitir so;

20 Nach d'thug Nebuchadnesar righ Bhabiloin leis, an uair a thug e air falbh ann am braighdeanas Ieconiah mac Iehoiacim righ Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Israeil, mu thimchioll nan soithichean a dh'fhan ann an tigh an Tighearn, agus ann an tigh righ Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là anns an téid mise g'an amharc, deir an Tighearn: an sin bheir mise a nìos iad, agus aisgidh mi iad a ris do'n àite so.

CAIB. XXVIII.

1 Fàistneachd bhréige Hananiah. 5 Chuir Ieremiah an céill ciod an dòigh air an aithnhear na fàidhean a chuir Dia a mach. 10 Bhris Hananiah a' chuing bhàrr muineil Ieremiah. 12 Le samhladh chuibhrichean iaruin dhainich Ieremiah an fhàistneachd a labhair e. 15 Roimh-innis e bàs Hananiah.

AGUS tharladh anns a' bhliadhna sin a' féin, an toiseach linn Shedeciah righ Iudah, anns a' cheathramh bliadhna anus a' chùigeadh mìos, gu'n do labhair Hananiah mac Asuir, am fàidh a bha o Ghibeou, riumsa ann an tigh an Tighearn, an làthair nan sagart, agus an t-sluaigh uile, ag ràdh,

2 Mar so labhair Tighearn nan sluagh, Dia Israeil, ag ràdh, Bhris mise cuing righ Bhabiloin.

3 An ceann dà bhliadhna iomlain bheir mise air an ais a chum an àite so uile shoithichean tighe an Tighearn, a thug Nebuchadnesar righ Bhabiloin air falbh o'n àite so, agus a ghiùlain e gu Babilon.

4 Agus bheir mi chum an àite so a ris Ieconiah mac Iehoiacim righ Iudah, maille ri uile bhraighdibh Iudah, a dh'imich gu Babilon, deir an Tighearn; oir brisidh mise cuing righ Bhabiloin.

5 Agus thubhairt am fàidh Ieremiah ris an fhàidh Hananiah, an làthair nan sagart, agus an làthair an uile shluaigh a bha 'nan seasamh ann an tigh an Tighearn,

6 Thubhairt eadhon am fàidh Ieremiah, Amen: gu'n deanadh an Tighearn mar sin; gu'n coimhlionadh an Tighearn do bhriathran a rinn thu fhàistneachd, le soithichean tighe an Tighearn, agus gach ni eile a thugadh air falbh ann am bruid, a thoirt air an ais o Bhabilon a chum an àite so.

7 Gidheadh cluinn thusa a nis am focal so tha mise a' labhairt ann ad éisdeachd, agus ann an éisdeachd an t-sluaigh uile;

8 Na fàidhean a bha romham-sa agus romhad-sa o shean, rinn iad fàistneachd araon a thaobh mhòran dhùthchannan, agus a thaobh rìoghachdan mòra, air cogadh, agus air gort, agus air plàigh.

9 Am fàidh a ni fàistneachd mu shìth, 'nuair a thig focal an fhàidh gu crìch, aithnicher gur e an Tighearn gu deimhin a chuir am fàidh sin a mach.

10 An sin thug am fàidh Hananiah a' chuing bhàrr muineil¹ an fhàidh Ieremiah, agus bhris e i.

11 Agus labhair Hananiah an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesar righ Bhabiloin o muineal nan uile chinneach an taobh a stigh do dhà bhliadhna iomlan. Agus dh'fhalbh am fàidh Ieremiah roimhe.

12 Agus thàinig focal an Tighearn gu Ieremiah (an déigh do'n fhàidh Hananiah a' chuing a bhriseadh bhàrr muineil an fhàidh Ieremiah,) ag ràdh,

13 Imich agus labhair ri Hananiah, ag ràdh, Mar so deir an Tighearn, Na cuibhrichean fiodha bhris thu, ach ni thu 'nan àite cuibhrichean iaruin.

14 Oir mar so deir Tighearn nan sluagh, Dia Israeil, Cuing iaruin chuir mise air muineal nan cinneach so uile, a chum gu'n tugadh iad géill do Nebuchadnesar righ Bhabiloin; agus bheir iad

¹ amhicha.

JEREMIAH, XXVIII, XXIX.

gèill da; agus beathaichean na macharach thug mi dhà mar an ceudna.

15 An sin thubhairt am fàidh Ieremiah ris an fhàidh Hananiah, Eisd a nis, a Hananiah; Cha do chuir an Tighearn fios leatsa, ach tha thu toirt air an t-sluagh so earbsa a dheanamh á bréig.

16 Uime sin mar so deir an Tighearn, Feuch, tilgidh mise thu bhàrr aghaidh na talmhainn; air a' bhliadhna so gheibh thu bàs, a chionn gu'n do labhair thu ceannaire an aghaidh an Tighearna.

17 Mar sin flunair am fàidh Hananiah bàs air a' bhliadhna sin féin, anns an t-scachdamh mìos.

CAIB. XXIX.

1 Briathran na litreach a chuir Ieremiah a dh'ionnsuidh an t-sluagh a thugadh air falbh am braighdeanas. 10 Dh'innis e dhoibh gu'm pillcadh iad a ris d'an tìr fèin, 'nuair a choimhlionar deich agus trì fichead bliadhna. 20 Fàistneachd mu thimcheòll nam fàidhean bréige: 24 agus mu thimcheòll Shemaiah uir son nan litrichean a sgrìobh e dh'ionnsuidh an t-sluagh.

ANIS is iad so briathran na litreach a chuir am fàidh Ieremiah o Ierusalem gus a' chuid eile do na seanairibh a thugadh air falbh ann am braighdeanas, agus gus na sagartan, agus gus na fàidhean, agus gus an uile shluagh a thug Nebuchadnesar air falbh ann am braighdeanas o Ierusalem gu Babilon;

2 (An dèigh do Ieconiah an rìgh, agus a' bhan-rìghim, agus na caillteanaich, agus maithéan Iudah agus Ierusalem, agus an luchd-ealainn, agus na h-airmicheard, imeachd air falbh o Ierusalem;)

3 Le làimh Elasah mhic Shaphain, agus Ghemariah mhic Hileiah, (a chuir Sedeciah rìgh Iudah do Bhabìlon, gu Nebuchadnesar rìgh Bhabìlon,) ag ràdh,

4 Mar so deir Tighearn nan sluagh, Dia Israeil, ris na h-uile a ta air an toirt air falbh ann am braighdeanas, a chuir mise air falbh ann am braighdeanas o Ierusalem gu Babilon,

5 Togaihbh tighean, agus gabhaihb còmhnuidh; agus suidhichibh liosan, agus ithibh an toradh:

6 Gabhaihb mnathan, agus giniibh mic agus nigheanan; agus gabhaihb mnathan d' ur macaibh, agus thugaibh 'ur nigheana do fhearaibh, a chum gu'm beir iad mic agus nigheanan; a chum gu meudaichear sibh anns an àite sin, agus nach lughdaichear sibh.

7 Agus iarraiibh sìth na dùthcha gus au do chuir mise air falbh sibh ann am braighdeanas: agus guidhibh air a son ris an Tighearn: oir 'na sìth-sa bithidh sìth agaibh-sa.

8 Oir mar so deir Tighearn nan sluagh, Dia Israeil, Na meallar sibh leis na fàidhean a ta 'nur measg, agus le 'ur luchd-fiosachd; ni mò dh'èisdeas sibh

ri 'ur buardair a ta sibh a toirt fa'near a bhruadar.

9 Oir tha iad a' fàistneachd bhreug dhuibh ann am ainm-sa; cha do chuir mise a mach iad, deir an Tighearn.

10 Oir mar so deir an Tighearn, An uair a choimhlionar ann am Babilon deich agus trì fichead bliadhna, thig mise gu 'r n-amharc, agus coimhlionaidh mi dhuibh m' fhocal maith, a chum 'ur toirt air 'ur n-ais do'n àite so.

11 Oir is aithne dhomh na smuaintean a smuinich mi do 'ur taobh, deir an Tighearn, smuaintean sìthe, agus cha'n e aithneas, a thoirt duibh slìochd agus dòchais.

12 An sin gairmidh sibh orm, agus théid sibh agus ni sibh urnuigh rium, agus éisdidh mise ruibh.

13 Agus iarraiibh sibh mi, agus gheibh sibh mi, an uair a rannsaicheas sibh air mo shon le 'ur n-uile chridhe.

14 Agus bithidh mise air m' fhaotainn leibh, deir an Tighearn, agus pillidh mi air a h-ais 'ur bruid, agus cruinnichidh mi sibh o na h-uile chinnich, agus o na h-uile àite gus an d'fhògair mi sibh, deir an Tighearn; agus bheir mi sibh a ris a chum an àite o'n do chuir mi air falbh sibh ann am braighdeanas.

15 A chionn gu'n dubhairt sibh, Thog an Tighearn suas duinn fàidhean ann am Babilon:

16 Mar so deir an Tighearn ris an rìgh a ta 'na shuidhe air caithir Dhaibhidh, agus ris an uile shluagh a ta còmhnuidh anns a bhaile so, agus ri 'ur bràithribh nach deachaidh a mach leibh ann am braighdeanas;

17 Mar so deir Tighearn nan sluagh, Feuch, cuiridh mise orra an claidheamh, a' ghort, agus a' phlàigh, agus ni mi iad mar dhroch fhigean, nach feudar itheadh aig an oleas.

18 Agus dian-ruaigidh mi iad leis a' chladheamh, leis a' ghort, agus leis a' phlàigh; agus bheir mi thairis iad gu bhì air an luasgadh air feadh uile rìoghachdan an domhain, gu bhì 'nam mallachadh, agus 'nan uamhas, agus 'nan sgeig, agus 'nam masladh, am measg nan uile chinn-each gus am fògair mi iad.

19 A chionn nach d' éisd iad ri m' bhriathraibh-sa, deir an Tighearn, 'nuair a chuir mi do'n ionnsuidh m' òglacha na fàidhean, ach éirigh gu moch, agus 'gan cur a mach; ach cha n-éisdeadh sibhse, deir an Tighearn.

20 Chuinnibh uime sin, focal Iehobhab, sibhse uile a ta do'n bhruid, a chuir mise o Ierusalem gu Babilon:

21 Mar so deir Tighearn nan sluagh, Dia Israeil, a thaobh Ahaib mhic Choliaiah, agus Shedeciah mhic Mhaaseiah, a

ta fàistneachd bhréig dhuibh ann am ainm-sa, Feuch, bheir mise thairis iad do làimh Nebuchadresair rìgh Bhabiloin, agus marbhaidh esan iad fa chomhair 'ur shìl;

22 Agus uatha-san togar suas mallach-adh le uile bhraighdibh Iudah a th'ann am Babilon, ag ràdh, Gu'n deanadh an Tighearn thu cosmhuil ri Sedeciah, agus cosmhuil ri Ahab, a ròst rìgh Bhabiloin anns an teine.

23 Do bhrìgh gu'n do chuir iad an gnìomh aingidheachd ann an Israel, agus gu'n d'rinn iad adhaltras le mnaibh an còmharsnach, agus gu'n do labhair iad briathran breugach ann am ainm-sa, nach d'àithn mise dhoibh, air am bheil eadhon mise fiosrach agus a'm' fhianuis, deir an Tighearn.

24 Labhraidh tu fòs ri Semaiah an Nehelamach, ag ràdh,

25 Mar so labhair Tighearn nan sluagh, Dia Israeil, ag ràdh, A chionn gu'n do chuir thu litrichean ann ad ainm a chum an uile shluaigh a th'ann Ierusalem, agus a chum Shephaniah mhic Mhaaseiah an sagart, agus a chum nan sagart air fad, ag ràdh,

26 Rinn an Tighearn dhìot-sa sagart ann an àite Iehoiada an t-sagairt, a chum gu'm biodh luchd-riaghailt ann an tigh an Tighearn, air son gach duine tha air chuthach, agus a' deanamh dheth féin fàidh, a chur anns an tigh-smachdachaidh, agus ann an sàs.

27 Uime sin a nis, c'uime nach do chruinich thu Ieremiah o Anatot, a tha 'ga dheanamh féin 'na fhàidh dhuibh?

28 Oir chuir e gun amharus fios thugainne a ta ann am Babilon, ag ràdh, Tha a' bhruid so buan, togaibh tighean, agus gabhaibh comhnuidh, agus suidhichibh liosan, agus ithibh an toradh.

29 [Agus leugh Sephaniah an sagart an litir so ann an cluasaibh Ieremiah an fhàidh.]

30 Uime sin thàinig focal an Tighearna gu Ieremiah, ag ràdh,

31 Cuir fios gu muinntir na bruid air fad, ag ràdh, Mar so labhair an Tighearn a thaobh Shemaiah an Nehelamaich; A chionn gu'n d'rinn Semaiah fàistneachd dhuibh an uair nach do chuir mise mach e, agus gu'n d'thug e oirbh earbsa a dheanamh á bréig:

32 Air an aobhar sin, mar so thia an Tighearn ag ràdh, Feuch, smachdaichidh mise Semaiah an Nehelamach agus a shliochd: cha bhì aige duine ghabhas comhnuidh am measg an t-sluaigh so, ni mò cli e am maith a ni mise air son mo phobuill, deir an Tighearn, a chionn gu'n do labhair e ceannaire an aghaidh an Tighearna.

CAIB. XXX.

1 Nochd Dia do Ieremiah gu'n tugadh e air ais bruid a shluaigh; 4 agus gu'n tèarnadh e iad o'n uile àmgharaibh. 16 Thug am fàidh misneach do Iacob. 23 Tuitidh dòrainn air ceann nan ciontach.

AM focal a thàinig a chum Ieremiah o'n Tighearn, ag ràdh,

2 Mar so labhair an Tighearn Dia Israeil, ag ràdh, Sgrìobh dhuit féin na h-uile bhriathran a labhair mise riut, ann an leabhar.

3 Oir feuch, tha na làithean a' teachd, deir an Tighearn, anns an toir mise air a h-ais bruid mo shluaigh, Israeil agus Iudah, deir an Tighearn, agus bheir mi orra pilltinn a chum an fhearainn a thug mi do'n aithrichibh, agus sealbhaichidh iad e.

4 Agus so na briathran a labhair an Tighearn, mu thimchioll Israeil, agus mu thimchioll Iudah.

5 Oir mar so deir an Tighearn, Guth crìothnachaidh chuala sinn; eagal, agus cha'n e sìth.

6 Fèòruichibh a nis, agus feuchaibh am beir firionnach leanabh? c'uime am faic mi gach duine agus a làmhnan air a leasraibh, mar mhnaoi ri saothair, agus tha na h-uile aghaidh air fàs bàn?

7 Mo thruaighe! oir is mòr an là sin, agus cha 'n'cil a choimheas ann: agus is aimsir teanntachd¹ i do Iacob; ach tèarnar aisd¹ e.

8 Oir tarlaidh anns an là sin, deir Tighearn nan sluagh, gu'm bris mise a chuing bhàrr a mhuineil, agus a chuibhrichean sgaoilidh mi as a chèile; agus cha ghabh coigrich ni's mò seirbhis deth.

9 Ach bheir iad seirbhis do'n Tighearn an Dia, agus do Dèaibhidh an rìgh, a thogas mise suas doibh.

10 Uime sin na biodh eagal ort, O Iacoib, m'òglaich-sa, deir an Tighearn, agus na biodh geilt ort, O Israeil: oir feuch, bheir mise tèaruint thu o chéin, agus do shliochd o thìr an daorsa; agus pillidh Iacob, agus gheibh e fois agus sìth, agus cha bhì aon neach a' cur eagal air.

11 Oir tha mise maille riut, deir an Tighearn, chum do thèarnadh: ged bheir mi crìoch iomlan air na h-uile chinnich gus an d'fhògair mi thu, gidheadh cha toir mi crìoch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir an Tighearn, Is do-leigheas do bhruthadh, is cràiteach do chreuchd.

13 Cha 'n'èil neach ann a ni tagradh air do shon, a chum gu'm biodh tu air do

¹ carraid, trioblaid.

cheangal suas: òcshlaint chum leigheis cha 'n'èil agad.

14 Rinn do leanmana gu léir do dhearmad: cha'n 'èil iad 'g a d' iarraidh, oir rinn mise do lot le lot namhaid, le smachdachadh garg; a chionn gu'n robh do chionta mòr; do lochdan lìonmhor.

15 C'uime an glaoth thu air son t'àmhghair? cha ghabh do bhròn leigheas; a chionn gu'n robh do chionta mòr, do lochdan lìonmhor, rinn mise na nithe so ort.

16 Uime sin bithidh iadsan uile a ta ga d' shlugadh, air an slugadh, agus theid do naimhdean uile, gach aon diubh ann am braighdeanas: bithidh iadsan a ta ga d' chreachadh 'nan creich, agus na h-uile a ta deanamh cobhartaich dhìot, bheir mise gu bhì 'nan cobhartach.

17 Oir aisgidh mi slàinte dhuit, agus leighisidh mi do chreuchdan, deir an Tighearn; ge do thubhairt iad riut Diobarach, Sion, ise do nach 'èil aig aon neach suim.

18 Mar so deir an Tighearn, Feuch, bheir mise air a h-ais bruid phàilliuin Iacoib, agus air 'ionada-còmhnuidh ni mi òchd, agus togar a chaithir air a tòrr féin, agus bithidh an luchairt a réir a nòis¹ féin air a daingneachadh.

19 Agus a mach asda thig buidheachas, agus guth na muinntir a ni gàirdeachas; agus ni mise lìonmhor iad, agus cha bhì iad tearc; ni mi fòs glòrmhor iad, agus cha bhì iad suarrach.

20 Bithidh a chlann fòs mar roimhe so, agus bithidh a choimhthional air a dhaingneachadh ann am làthair-sa, agus ni mi peanas air gach neach a shàruicheas e.

21 Agus thig 'Uachdaran uaith féin, agus thig 'fhear-riaghlaidh a mach as a mheadhon; agus tairngidh mise e, agus thig e dlùth dhomh: oir cò e so a shocruich a chridhe air teachd am fagus dhomh-sa? deir an Tighearn.

22 Agus bithidh sibhse 'nur sluagh dhomh-sa, agus bithidh mise ann am Dhia dhuibh-se.

23 Feuch, tha cuairt-ghaoth an Tighearn a' dol a mach le corruich; cuairt-ghaoth bhuan, a thuiteas le dòrainn air ceann nan ciontach.

24 Cha phill dian-chorruich an Tighearn air a h-ais, gus an dean, agus gus an coimhlon e rùn a chridhe: anns na làithibh deireannach bheir sibh so fa'ncar.

CAIB. XXXI.

1 Gheall Dia gu'n nochdadh e caoimheas do Israel, 9 agus gu'n treòraicheadh e iad air slighe réidh, 15 Thugadh comhshurtachd do Rachel 'nuair a bha i a' gul air son a cloinne. 18 Ghabh Ephraim

aithreachas agus phill e a dh'ionnsuidh Dhé. 27 Cùram an Tighearna d'a eaglais.

ANNS an àm sin, deir an Tighearn, bithidh mise ann am Dhia do uile theaghlachibh Israeil, agus bithidh iadsan dhomh-sa 'nan sluagh.

2 Mar so deir an Tighearn, Fhuair an sluagh a dh'fhàgadh leis a' chlaidheamh, caoimheas anns an fhàsach; eadhon Israeil, 'nuair a chaidh mise a thoirt fòis da.

3 O chein dh'fhoillsicheadh Iehobhabh dhomh-sa, ag ràdh, Seadh, le gràdh siorruidh ghràdhaich mi thu; uime sin tharruing mi thu le caoimheas gràdhach.

4 A ris toigaidh mi thu, agus bithidh tu air do thogail, O òigh Israeil; a ris sgeadaichear thu le d' thiompanaibh, agus theid thu mach ann an dannsa na muinntir a ni aidhear.

5 Suidhichidh tu fathast fion-liosan air sléibhtibh Shamaria; suidhichidh an luchd-suidheachaidh, agus ithidh iad an toradh.

6 Oir thàinig an là, dh'èigh an luchd-faire air slabh Ephraim; Eiribh, agus rachamaid suas gu Sion, a chum an Tighearn ar Dia.

7 Oir mar so deir an Tighearn, Deanaibh òlach ann an Iacob le h-aobhneas, agus deanaibh luadh-ghair am measg rogha nan cinneach; cuiribh an céill, molaibh, agus abraibh, O Thighearn, saor do shluagh, iarmad Israeil.

8 Feuch, bheir mi iad o'n tìr mu thuath, agus tionailidh mi iad o chrìochaibh na talmhainn: an dall agus am bacach maille riu, a' bhean thorrach, maraon agus ise a ta ri saothair; 'nan cuideachd mhòir pillidh iad.

9 Thig iad le gul, agus le caomhalachd ni mise an treòrachadh; treòraichidh mi iad ri taobh nan sruthan uisge, air slighe réidh, far nach faigh iad tuisleadh; oir tha mise ann am athair do Israeil; agus Ephraim, is esan mo cheud-ghin.

10 Cluinnibh focal an Tighearn, O chinneacha, agus cuiribh an céill e anns na h-eileanaibh fad as, agus abraibh, Esan a sgap Israel, ni e a chruinneachadh agus a chòimhead, mar ni buachaille a threud.

11 Oir shaor an Tighearn Iacob, agus dh'fhuasgail se e o làimh an fhir bu treise na e féin.

12 Uime sin thig iad agus seinnidh iad ann an àirde Shìoin, agus cruinnichidh iad ri chèile chum maitheis an Tighearn, air son cruithneachd, agus air son fìona, agus air son olaidh, agus air son àlaich an treud agus na spréidhe: agus bithidh an anam mar ghàradh uisgichte, agus cha dean iad air aon chor bròn ni's mò.

13 An sin ni an òigh gàirdeachas anns an dannsa, na daoine òga, agus na seann daoine le chèile: oir tionndaidhidh mise

¹ rian.

am bròn gu h-aòibhneas, agus bheir mi dhoibh comhfhurtachd, agus ní mi sòlasach iad an déigh an àmhghair.

14 Agus sàsúichidh mi anam nan sagart le nithibh blasda, agus bithidh mo shluagh air an sàsúchadh le mo mhaitheas, deir an Tighearn.

15 Mar so deir an Tighearn, Chualas guth ann an Ramah, caoidh, gul roghoirt; Rachel a' gul air son a cloinne; dhiùlt i comhfhurtachd air son a cloinne, a chionn nach 'eil iad ann¹.

16 Mar so deir an Tighearn, Cum do ghuth o chaoidh, agus do shùilean o dheuraibh: oir gheibh do shaothair duais, deir an Tighearn, agus thig iad a ris o thir an nàmhaid.

17 Agus tha dòchas a thaobh do chrich dheircannaich, deir an Tighearn, gu'n tig² do chlann a ris gu'n crìochaibh féin.

18 Gu deimhin chuala mi Ephraim a' caoidh gu goirt, Smachdaich thu mi, agus bha mi air mo smachdachadh, mar dhanh nach do chleachd a' chuing: pill thusa mi, agus bithidh mi air mo philleadh: oir is tu an Tighearn mo Dhia.

19 Gu deimhin an déigh dhomh bhi air mo philleadh, ghabh mi aithreachas; agus an déigh dhomh bhi air mo theag-asg, bhual mi air mo léis; bha naire orm, seadh fòs geur-amhluadh, a chionn gu'n do ghiùlain mi masladh m'òige.

20 Nach e Ephraim mo mhac caomh? nach leanabh rò thaitneach e? oir o'n uair a labhair mi 'na aghaidh, tha mi gu dùrachdach 'ga chuimhneachadh fathasd: uime sin tha iomairt ann am chom air a shon: ní mi gu deimhin trócair air, deir an Tighearn.

21 Cuir suas dhuit féin comharan slighe; dean duit féin croinnàrda: cuir do chridhe ris an t-slighe, an t-slighe air an d'imich thu: pill a ris, O òigh Israeil, pill a ris dh'ionusuidh do chaithrichean so.

22 Cia fhad a bhios tu a' tionndadh mu'n cuairt, O a nighean chùl-sleamhnach: oir chruthaich an Tighearn ni nuadh air an talamh, Nì bean fear a chuairteachadh.

23 Mar so deir Tighearn nan sluagh, Dia Israeil, Gnàthaichidh iad fathast a' chainnt so ann am fearann Iudah, agus 'na bhaitibh, an uair a bheir mise air a h-ais am bruid, Gu'm beannaicheadh an Tighearn thu, O àite-còmhuidh a' cheartaais, O shlàibh na naomhachd.

24 Agus ann an Iudah, agus 'na uile bhaitibh, gabhaidh treabhaichean còmhuidh, agus luchd-còimhead nan treuda.

25 Oir shàsúich mise an t-anam tartmhor, agus gach anam orach lion mi.

26 An sin mhosgail, agus chunnaic mi, agus bha mo chodal taitneach dhomh.

27 Feuch, tha na làithean a' teachd, deir an Tighearn, anns an cuir mise tigh Israeil, agus tigh Iudah le siol duine agus le siol ainmhidh.

28 Agus tarlaidh, amhuil a rinn mise faire os an ceann gu spionadh a nios, gu briseadh, agus gu tilgeadh sìos, agus gu sgrios, agus gu claoidh; mar sin ní mi faire os an ceann, gu togail, agus gu suidheachadh, deir an Tighearn.

29 Anns na làithibh sin cha'n abair iad ní's mò, Dh'ith na h-aithrichean meas searbh, agus tha déisinn air fìaclaibh na cloinne.

30 Ach gheibh gach aon bàs 'na aingidheachd fèin; gach aon a dh'itheas an caorann searbh, air 'fhiacilaibh-san bithidh deisinn.

31 Feuch, tha na làithean a' teachd, deir an Tighearn, anns an dean mise coimhcheangal nuadh ri tigh Israeil, agus ri tigh Iudah:

32 Cha'n ann a réir a' choimhcheangail a rinn mi r'an aithrichibh, anns an là san do ghlac mi air làimh iad, a chum an toirt a mach á tìr na h-Eiphit; eadhon mo choimhcheangal a bhris iad, ged bha mi a'm' fhear-posda dhoibh, deir an Tighearn:

33 Ach so an coimhcheangal a ní mi ri tigh Israeil; An déigh nan làithean sin, deir an Tighearn, cuiridh mi mo reachd 'nan taobh a stigh, agus sgrìobhaidh mi air an cridheachan e, agus bithidh mise dhoibh-san a'm' Dhia, agus bithidh iad-san dhomh-sa 'nam pobull.

34 Agus cha teagaisg iad ní's mò, gach aon a choimhearsnach, agus gach aon a bhràthair, ag ràdh, Gabhaibh eòlas air an Tighearn; oir bithidh eòlas aca ormsa uile, o'n neach a's lugha, gus an neach a's mò dhiubh, deir an Tighearn: oir maithidh mise an aingidheachd, agus cha chuimhnich mi ní's mò an cionta.

35 Mar so deir an Tighearn, tha toirt na gréine air son soluis an là, orduigh-eau na gealaich agus nan reultan air son soluis anns an oidhche, tha deanamh na fairge ciùin, trà bhios a tuinn a' beucaich; Tighearn nan sluagh is e 'ainm.

36 Ma dh'imicheas na h-orduighean so as mo shealladh-sa, deir an Tighearn, an sin cuideachd sguiridh sliochd Israeil o bhi 'nan cinneach am feasd ann am làth-air.

37 Mar so deir an Tighearn, Ma dh'fheudar na nìamha shuas a thomhas, agus bunaithe na talmhainn shìos a rannsachadh a mach, an sin tilgidh mise uam mar an

¹ nach maireann iad; nach 'eil iad beò.

² bithidh dòchas aig do shliochd, tha an Tighearn ag ràdh, agus thig.

ceudna uile shliochd Israeil, air son gach ni a rinn iad, deir an Tighearn.

38 Feuch, tha na làithean a' teachd, deir an Tighearn, anns an togar a' chaithir air son an Tighearn, o thorr Hanameeil, gu geata na h-oisne.

39 Agus théid an t-sreang-thomhais fathasd a mach m' a coinneamh, thar sliabh Ghareib, agus cuairtichidh i steach Goat.

40 Agus gleann nan corpa marbha gu h-ìomlan, agus na luaithre, agus na mach-raichean uile gu sruthan Chidroin, gu oisinn geata nan each an taobh an ear, bithidh iad naomh do'n Tighearn: cha sponar a nìos, agus cha tilgear sìos e nì's mò gu bràth.

CAIB. XXXII.

1 'Nuair bha Ieremiah air a dhruideadh suas sa' phrìosan le Sedeciah, thug Dia ordugh dha achadh Hanameeil a cheannachadh. 13 Fhuair Baruch earail theann air sgrìobhainnean na ceannachd a ghleidheadh mar chomhar gu'm pill-eadh an sluagh d'an tìr féin. 16 Urnuigh Ieremiah. 26 Fàistneachd mu thimchioll Israeil agus Iudah.

AM focal a thàinig gu Ieremiah o'n Tighearn anns an deicheadh bliadhna do linn Shedeciah rìgh Iudah, (b'i sin an t-ochdamh bliadhna-deug do linn Nebuchadnesair:)

2 Anns an àm an robh feachd rìgh Bhabiloin a' cuairteachadh Ierusalem, agus Ieremiah am fàidh air a dhruideadh suas ann an cùirt a' phrìosain a bha'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C'uime am bheil thu ri fàistneachd, agus ag ràdh, Mar so deir an Tighearn, Feuch, bheir mise a' chaithir so do làimh rìgh Bhabiloin, agus glacadh esan i?

4 Agus cha téid Sedeciah rìgh Iudah as o làimh nan Caldéach, ach bheirear suas e gu deimhin do làimh rìgh Bhabiloin, agus labhraidh e ris, beul ri beul, agus chì a shùilean a shùilean-san.

5 Agus bheir e leis Sedeciah gu Babilon, agus an sin bithidh e gus an tig mise 'ga amharc, deir an Tighearn: ged ghleachd sibh ris na Caldéich, cha bhuadhaich sibh.

6 Agus thubhairt Ieremiah, Thàinig focal an Tighearn a m' ionnsuidh, ag ràdh,

7 Feuch, thig Hanameel mac Shalum, bràthar t'athar, do d' ionnsuidh, ag ràdh, Ceannaich dhuit féin m' achadh-sa a ta ann an Anatot, oir is leat còir a fuasglaidh, gus a ceannach.

8 Agus thàinig Hanameel, mac bhràth-

ar m' athar a m' ionnsuidh ann an cùirt a' phrìosain, a réir focail an Tighearn, agus thubhairt e rium, Ceannaich, guidheam ort, m'achadh a ta ann an Anatot ann an dùthaich Bheniamin: oir is leatsa a' chòir-sheillbhe, agus is leatsa a fuasgladh, ceannaich i dhuit féin: an sin dh'aithnich mi gu'm b'e so focal an Tighearn.

9 Agus cheannaich mi achadh Hanameeil, mhic bhràthar m'athar, a bha ann an Anatot, agus thomhais mi dha an t-airgid, seachd seceile deug airgid.

10 Agus chuir mi mo làmh ris an sgrìobhadh, agus sheulaich mi e, agus ghabh mi fianuisean, agus thomhais mi an t-airgid air a' mheigh.

11 Agus ghabh mi dearbhadh a' cheannaich, e sin anns an robh an gnothuch agus na cumhnantan seulaichte, agus e sin a bha fosgailte.

12 Agus thug mi dearbhadh a' cheannaich do Bharuch mac Neriah, mhic Mhaaseiah, ann an sealladh Hanameeil mhic bhràthar m' athar, agus an làthair nam fianuisean, a chuir an làmh ri leabhar a' cheannaich, an làthair nan Iudhach uile bha 'nan suidhe ann an cùirt a' phrìosain.

13 Agus thug mi earail theann do Bharuch 'nan làthair, ag ràdh,

14 Mar so tha Tighearn nan sluagh, Dia Israeil ag ràdh, Gabh na sgrìobhainnean so, sgrìobhadh so na ceannachd, araon e sin a ta seulaichte, agus an sgrìobhadh so a ta fosgailte, agus cuir iad ann an soitheach criadha, chum gu mair iad mòran làithean.

15 Oir mar so deir Tighearn nan sluagh, Dia Israeil, Sealbhaichear tighean, agus machraichean, agus fion-liosan anns an tìr so fathasd.

16 A nis an uair a thug mi seachd sgrìobhadh na ceannachd do Bharuch mac Neriah, rinn mi urnuigh ris an Tighearn, ag ràdh,

17 Ah, a Thighearna Dhia, feuch, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha 'n eil ni sam bith tuilleadh 's cruaidh ort.

18 Taisbeanaidh tu caoimhneas gràdh ach do mhiltibh, agus diolaidh tu aingidheachd nan aithrichean ann an uchd an cloinne 'nan déigh; an Dia mòr, cumhachdach, do'n ainm Tighearn nan sluagh.

19 Mòr ann an comhairle, agus cumhachdach ann an gnìomh, (oir tha do shùilean fosgailte air uile shligheibh chloinn nan daoine, a thoirt do gach aon a réir a shlighe, agus a réir toraidh a ghnìomhara:)

20 A dh'fhoillsich comharan agus mìorbhuilean ann an tìr na h-Eiphit, gus an là

an diugh, agus ann an Israel, agus am measg dhaoine, agus a rinn duit féin ainm, mar air an là 'n diugh;

21 Agus a thug a mach do shluagh Israel a tìr na h-Eiphit le comharaibh, agus le mìorbhuilbh, agus le làimh làidir, agus le geardean sìnte a mach, agus le h-uamhas mòr;

22 Agus a thug dhoibh am fearann so, a mhlionnaich thu do'n aithrichibh gu'n tugadh tu dhoibh, fearann a' sruthadh le bainne agus le mìl:

23 Agus thàinig iad a steach, agus shealbhaich iad e; ach cha d' thug iad géill do d' ghuth-sa, ni mò ghluais iad ann ad reachd; cha d' rinn iad ni sam bith do na h-uile nithibh a dh' àithn thusa dhoibh a dheanamh; uime sin thug thu an t-olc so uile orra.

24 Feuch na h-innill-bhrisidh, tha iad air teachd a chum na caithreach gus a glacadh, agus tha a' chaithir air a toirt do làimh nan Caldéach a ta cogadh 'na h-aghaidh, air son a' chlàidheimh, agus na gorta, agus na plàighe; agus an ni a labhair thu, thàinig e gu crìch; agus, feuch, tha thusa 'g a' fhaicinn.

25 Gidheadh thubhairt thu riumsa, (O Thighearna Dhia,) Ceannaich dhuit féin an t-achadh air son airgid, agus gabh fianuisan: an uair a ta a' chaithir air a toirt thairis do làimh nan Caldéach.

26 An sin thàinig focal an Tighearna gu Jeremiah, ag ràdh,

27 Feuch, is mise an Tighearn, Dia na h-uile fheòla: am bheil ni sam bith tuilleadh 's cruaidh ormsa?

28 Uime sin, mar so deir an Tighearn, Feuch, bheir mi a' chaithir so do làimh nan Caldéach, agus do làimh Nebuchad-nesair rìgh Bhabiloin, agus glacadh e i:

29 Agus thig na Caldéich a ta cogadh an aghaidh na caithreach so, agus cuiridh iad teine rithe, agus loisgidh iad i, maille ris na tighibh air an do loisg iad tùis air am mullach do Bhaal, agus air an do dhòirt iad tabhartasa-dìbhe a mach do dhiathaibh eile, chum mise a bhrosnachadh gu feìrg.

30 Oir cha d'rinn clann Israeil, agus clann Iudah ach olc a mhàin ann am fhianuis-sa o'n òige: oir cha d'rinn clann Israeil ach á mhàin mo bhrosnachadh gu feìrg le obair an làmh; deir an Tighearn.

31 Oir bha a' chaithir so dhomh-sa 'na h-aobhar feirge agus corruich, o'n là san do thog iad i, eadhon gus an là an diugh; a chum gu'n atharraichinn i as mo shealladh;

32 Air son uile aingidheachd cloinne Israeil, agus cloinne Iudah, a rinn iad a chum mise a bhrosnachadh gu corruich, iad féin, an rìghrean, an uachdarain, an

sagairt, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riumsa an cùl, agus cha'n i an aghaidh; ged theagaisg mi iad, ag éirigh gu moch agus a' teagasg, gidheadh cha d' éisd iadsan, a ghabhail teagaisg.

34 Ach shuidhich iad an gràineileachd an anns an tigh a ta air 'ainmeachadh ormsa, chum a thruaillleadh.

35 Agus thog iad ionadan àrda Bhaal, ta ann an gleann mhic Hinoim, a thoirt air am mic agus air an nigheana dol troimh an teine do Mholoch; ni nach d'àithn mise dhoibh, agus nach d'thàinig idir ann am aire; a' cur an gnìomh na gràineileachd so, gu cionta thoirt air Iudah.

36 Agus a nis uime sin, mar so deir an Tighearn Dia Israeil, a thaobh na caithreach so, mu'm bheil sibhse ag ràdh, Bithidh i air a toirt thairis do làimh rìgh Bhabiloin, leis a' chlàidheamh, agus leis a' ghort, agus leis a' phlàigh:

37 Feuch, tionailidh mise iad as na h-uile dhùthchannaibh gus an d' fhògair mi iad ann am chorruich, agus ann am bhoile, agus ann am mhòr-fheirg; agus bheir mi chum an àite so iad a ris, agus bheir mi orra còmhuidh ghabhail gu tèaruimte.

38 Agus bithidh iad dhomh-sa 'nan sluagh, agus bithidh mise dhoibh-san a'm' Dhia.

39 Agus bheir mi dhoibh aon chridhe, agus aon slighe, a chum gu 'm bi m' eagal-sa gu bràth orra, chum an leas féin, agus leas an cloinne 'nan déigh.

40 Agus ni mi riu coimheangal siorruidh, nach pill mi air falbh uatha, chum maith a dheanamh dhoibh; agus cuiridh mi m' eagal 'nan cridhe, chum nach dealaich iad rium.

41 Seadh, ni mi gairdeachas os an ceann chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le 'm uile anam.

42 Oir mar so deir an Tighearn, Amhuil a thug mi an t-olc mòr so uile air an t-sluagh so, is amhluidh bheir mi orra ann maith sin uile a gheall mi dhoibh.

43 Agus ceannaichear achaidh anns an fhearann so, mu'm bheil sibhse ag ràdh, Tha e fàs gun duine no ainmhidh: tha e air a thoirt do làimh nan Caldéach.

44 Ceannaichidh daoine achaidh air son airgid, agus cuiridh iad an làmh ri sgrìobh-ainnibh, agus seulaichidh iad, agus gabhaidh iad fianuisan ann am fearann Bheniamin, agus anns na h-àiteachaibh dlùth do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaird, agus ann

am bailtibh na h-àirde deas; oir bheir mise air a h-ais am bruid, deir an Tighearn.

CAIB. XXXIII.

1 *Dhaingnich Dia a ghealladh da na h-Iudhaich gu'm pilleadh iad o'm braigheanas, 10 agus gu'n cluinnear a ris 'nam fearann guth an aoibhneis agus an t-subhachais. 15 Tha Criosd air a ghealltuim. 19 Bithidh an coimhcheangal a rinn Dia ri Daibhidh seasnach gu bràth.*

OS bàrr, thàinig focal an Tighearna gu Ieremiah an dara uair, (an trà bha e fathasd air a dhruideadh suas ann an cuirt a' phrìosain,) ag ràdh,

2 Mar so deir an Tighearn a rinn e, an Tighearn a dhealbha e, a ta fòs 'ga dhaingneachadh; is e 'ainm Iehobhah;

3 Glaodh riumsa, agus freagraidh mi thu, agus feuchaidh mi dhuit nithe mòra agus cumhachdach, air nach 'eil thu eòlach.

4 Oir mar so tha an Tighearn, Dia Israeil, ag ràdh, a thaobh thighean na caithreach so, agus a thaobh thighean rìghrean Iudah, a ta air an tilgeadh sìos leis na h-innill-bhrisidh, agus leis a' chlàidheamh;

5 A ta air teachd gu cogadh air taobh nan Caldéach, agus gu'n lìonadh le corp-aibh marbha nan daoine a bhuail mise ann am fheirg, agus ann am chorruich, agus a thug orm, air son an uile aingidheachd, mo ghluais fhòlach o'n chaithir so:

6 Feuch, bheir mi dhi slàinte agus leigheas, agus ni mi an slànuchadh; agus nochdaidh mi dhoibh pailteas sìthe agus fìrinn.

7 Agus bheir mi air a h-ais bruid Iudah, agus bruid Israeil; agus togaidh mi iad mar air tùs.

8 Agus glanaidh mi iad o'u uile aingidheachd, leis an do chiontaich iad a'm' aghaidh; agus maithidh mi an uile lochdan, leis an do pheacaich iad, agus leis an d'rinn iad ceannaire a'm' aghaidh.

9 Agus bithidh a' chaithir so dhomh-sa 'na h-ainm sòlais, 'na moladh, agus 'na naise, am measg uile chinneach na talmhainn, a chluinneas gach uile mhaith a ni mise dhoibh: agus bithidh eagal agus crìth orra, air son an uile mhaithis, agus air son an uile shoirbheachaidh a dheònaicheas mise dhoibh.

10 Mar so deir an Tighearn, a ris cluinnear anns an àite so, (mu 'm bheil sibhse ag ràdh, Tha e fàs gun duine agus gun ainmhidh, eadhon ann an caithrichibh Iudah, agus ann an sràidibh Ierusalem, a ta fàs, gun duine, eadhon gun fhear-àiteachaidh, agus gun ainmhidh,)

11 Guth aoibhneis, agus guth subhachais, guth an fhir nuadh-phòsda, agus guth na mna nuadh-phòsda; guth na muinntir a their, Molaibh-se Tighearn nan sluagh, oir tha an Tighearn maith, oir tha a

thròcair buan gu sìorruidh; agus na muinntir a bheir an ìobairt-mholaidh gu tigh an Tighearn: oir bheir mise air a h-ais bruid an fhearainn, mar air tùs, deir an Tighearn.

12 Mar so deir Tighearn nan sluagh, Fathasd anns an àite so a ta fàs, gun duine agus gun ainmhidh, agus 'na uile bhailtibh, bithidh àite-còmhnuidh nam buachaille an toirt air an treudan luidhe sìos.

13 Ann am bailtibh nam beann, agus ann am bailtibh a' chòmhnaird, agus ann am bailtibh na h-àirde deas, agus ann an fearann Bheniamin, agus anns na h-ionadaibh timchioll Ierusalem, agus ann am bailtibh Iudah, sìubhlaidh na treudan a ris fo làimh an ti dh'àirmheas iad, deir an Tighearn.

14 Feuch, tha na làithean a' teachd, deir an Tighearn, anns an coimhion mise an ni maith sin a gheall mi do thigh Israeil, agus do thigh Iudah.

15 Anns na làithibh sin, agus anns an àm sin, bheir mise air Meanglan fìrcantachd fàs suas do Dhaibhidh, agus cuiridh e an gnìomh breitheanas agus ceartas air an talamh.

16 Anns na làithibh sin tèarnar Iudah, agus gabhaidh Ierusalem còmhnuidh ann an tèaruinteachd: agus is e so esan ris an goirear IEHOBAH AR FIREANTACHD.

17 Oir mar so tha Iehobhah ag ràdh, Cha bhì gu bràth a dh'uireasbhuidh air Daibhidh duine a shuidheas air rìgh-chaithir tìghe Israeil;

18 Ni mò bhios na sagairt na Lebhithich gun duine ann am làthair-sa, a dh'ìobradh thabhartas-loisgte, agus a losgadh thabhartas-bidh, agus a dheanamh ìobairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh'fheudar leibh mo choimhcheangal-sa ris an là a bhriseadh, agus mo choimhcheangal ris an oidheche, agus nach bi là no oidheche ann 'nan àm fèin;

21 An sin fòs feudar mo choimhcheangal-sa ri Daibhidh m'òglach a bhriseadh, gun mhac a bhì aige gu riaghladh air a rìgh-chaithir; agus ris na Lebhithich na sagairt, mo luchd-frithealaidh.

22 Mar nach feud feachd nèimh a bhì air 'àireamh, no gainneamh na fairge bhì air a tomhas: is annhluidh a ni mise lìonmhor sliochd Dhaibhidh m'òglach, agus na Lebhithich a ta frithealadh dhomh.

23 Os bàrr, thàinig focal an Tighearna gu Ieremiah, ag ràdh,

24 Am bheil thu toirt fa' near cìod a tha'n sluagh so a' labhairt, ag ràdh, An dà theaghlach a ròghnaich an Tighearn, rinn e an tilgeadh uaith? agus rinn iad di-meas

air mo shluagh-sa, air chor as nach 'eil iad 'gam meas nì's mò mar chinneach.

25 Mar so tha an Tighearn ag ràdh, Mur 'eil mo choimhcheangal-sa ris an là agus ris an oidhche; reachdan nèimh agus talmhainn mur do shoeruidh mi;

26 An sin tilgidh mi uam sliochd Iacoib, agus Dhaibhidh m'òglaich, gum aon d'a shliochd a ghabhail, gu bhì 'nan luchd-riaghlaidh thar sliochd Abrahaim, Isaac, agus Iacoib: oir bheir mi air a li-ais am bruid, agus ni mi trècair orra.

CAIB. XXXIV.

1 *Roimh-innis am fàidh sgrìos Ierusalem, agus dàn Shedeciah. 8 Leig na h-uachdaran d'an òglaich agus d'am banoglaich falbh saor a rèir a' choimhcheangail, 11 ach thug iad fo smachd iad a ris. 12 Ghairm an fàidh saorsa do'n chlaidheamh, do'n phlàigh, agus do'n ghort an aghaidh nan Iudhach.*

AM focal a thàinig gu Ieremiah o'n Tighearn, ('nuair a chog Nebuchadne-sar rìgh Bhabiloin, agus 'uile fheachd, agus uile rioghachdan an domhain a bha fo 'thighearnas, agus na slòigh uile, an aghaidh Ierusalem, agus an aghaidh a h-uile bhailtean,) ag ràdh,

2 Mar so tha an Tighearn, Dia Israeil, ag ràdh, Imich, agus labhair ri Sedeciah rìgh Iudah, agus abair ris, Mar so deiran Tighearn, Feuch, bheir mise a' chaithir so do làimh rìgh Bhabiloin, agus loisgidh e i le teine:

3 Agus thusa, cha téid thu as o 'làimh, ach bithidh tu gu cinnteach air do ghlaicadh, agus air do thoirt thairis d'a làimh, agus chi do shùilean sùilean rìgh Bhabiloin, agus labhaird e riut beul ri beul, agus falbhaidh tu gu Babilon.

4 Gidheadh cluinn focal an Tighearn, O Shedeciah, a rìgh Iudah; Mar so deir an Tighearn do d' thaobh-sa, Cha'n fhaigh thu bàs leis a' chlaidheamh;

5 Gheibh thu bàs ann an sìth; agus a rèir losgaidh t'aithrichean, na rìghrean roimhe so, a bha air thoiseach ortsa, is amlhuidh a loisgear tùis dhuist-se; agus ni iad caoidh air do shon, *ag ràdh*, Och a thighearn! oir labhair mise am focal¹, deir an Tighearn.

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Bhabiloin an aghaidh Ierusalem, agus an aghaidh uile bhailtean Iudah a bha air am fàgail, an aghaidh Lacheis, agus an aghaidh Asecach: oir mhair iad so do bhailtibh Iudah 'nam bailtibh daingnichte.

8 Am focal a thàinig gu Ieremiah o'n Tighearn, an dèigh do rìgh Sedeciah coimhcheangal a dheanamh ris an uile shluagh a bha ann an Ierusalem, a dh-

éigheach saorsa dhoibh:

9 A chum gu'n leigeadh gach duine d'a òglach, agus gach duine d'a bhanoglaich, Eabhrach no ban-Eabhrach, falbh saor, gun neach a ghabhail seirbhis diubh, gach aon do Iudhach a bhràthair.

10 A nis, an uair a chuala na h-uachdaran uile, agus an sluagh uile a thionns-gain anns a' choimhcheangal, gu'n leigeadh gach duine d'a òglach, agus gach duine d'a bhanoglaich falbh saor, nach gabhadh aon seirbhis diubh ni bu mhò, an sin thug iad gréill, agus leig iad air falbh iad.

11 Ach thionndaidh iad a ris, agus thug iad air na h-òglaich, agus air na banoglaich, a leigeadh air falbh saor, pilleadh air an ais, agus thug iad fo smachd iad, a chum bhì 'nan òglaich, agus 'nam banoglaich.

12 Uime sin thàinig focal an Tighearna gu Ieremiah, ag ràdh,

13 Mar so tha an Tighearn, Dia Israeil, ag ràdh, Rinn mise coimhcheangal ri 'ur n-aithrichibh anns an là san d'thug mi iad a mach á tìr na h-Eiphit, á tìgh nan daor, ag ràdh,

14 An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut: an uair a bheir e seirbhis duit sè bliadhna, leigidh tu dhia falbh uait saor. Ach cha d'éisd 'ur n-aithrichean riumsa, ni mò dh'aom iad an cluas.

15 Agus bha sibh a nis air pilleadh, agus air deanamh gu ceart ann am shealladhsa, le saorsa a ghlaodhach, gach neach d'a choimhearsnach; agus rinn sibh coimhcheangal ann am fhianuis, anns an tìgh a ta air a ghairm air m'ainm:

16 Ach phùill sibh, agus thruaill sibh m'ainm, agus thug sibh, gach aon air òglach, agus gach aon air a bhanoglaich, a leig e saor uaith gu 'thoil fèin, pilleadh air an ais; agus chuir sibh fo smachd iad, gu bhì dhuibh 'nan òglaich agus 'nam banoglaich.

17 Air an aobhar sin, mar so deir an Tighearn, Cha d'éisd sibh riumsa ann saorsa a ghlaodhach, gach aon d'a bhràthair, agus gach aon d'a choimhearsnach: feuch do 'ur taobhsa tha mise a' glaodhach saorsa, deir an Tighearn, do'n chlaidheamh, do'n phlàigh, agus do'n ghort; agus bheir mi oirbh bhì air 'ur luasgadh air feadh uile rioghachdan an domhain.

18 Agus bheir mi a' nìuinutir a bhris mo choimhcheangal, nach do choimhlion briathran a' choimhcheangail a rinn iad ann am làthair-sa, 'nuair a ghearr iad an laogh 'na dhà leth, agus a dh'imich iad eadar a bhloighdean,

19 Ceannardan Iudah, agus ceannardan

¹ bhriathraich mise briathar.

Ierusalem, agus na cailteanaich, agus na sagairt, agus uile shluagh an fhearainn a dh'ìmh eadar bloighdean an laoih;

20 Bheir mi eadhon iad sin do làimh na naimhdean, agus do làimh na muinntir a ta 'g iarraidh an anama; agus bithidh an cairbheannan mar bhìadh do eunlaith an athair, agus do bheathaichibh na talmhainn.

21 Agus Sedeciah rìgh Iudah, agus a phrionsachan, bheir mise do làimh an naimhdean, agus do làimh na muinntir a ta 'g iarraidh an anama, eadhon do làimh feachdan rìgh Bhabailoin, a ta air imeachd suas uaibh.

22 Feuch, bheir mise àithne, deir an Tighearn, agus bheir mi orra pilleadh air an ais do'n chaitheir so; agus cogaidh iad 'na h-aghaidh, agus glacadh iad i, agus loisgidh i le teine; agus bailtean Iudah ni mi 'nan làraich sgaoilte, gun aon neach 'g an àiteachadh.

CAIB. XXXV.

1 *Le ùmhhlachd nan Rechabach do àithne an athar, 12 dhùteadh na h-Iudhaich air son an cas-ùmhhlachd do Dhia. 18 Bheannaich Dia na Rechabach.*

AM focal a thàinig gu Ieremiah o'n Tighearn, ann an làithibh Iehoiacim mhic Iosiah rìgh Iudah, ag ràdh,

2 Imich gu tigh nan Rechabach, agus labhair riu, agus thoir iad a chum tighe an Tighearna gu aon do na seòmraichibh, agus thoir dhoibh fion r'a òl.

3 An sin ghabh mi Iasaniah mac Ieremiah, mhic Habasiniah, agus a bhràithrean, agus uile mhic, agus uile theaghlach nan Rechabach:

4 Agus thug mi iad gu tigh an Tighearna, gu seomar mhac Hanain, mhic Igdaliah, òglaich Dhé, a bha ri taobh seòmair nan uachdaran, a bha os ceann seòmair Mhaaseiah mhic Shalum, fir-gleidhidh an doruis:

5 Agus chuir mi air beulaobh mhac tighe nan Rechabach soireachan làn fiona, agus copain; agus thubhairt mi riu, Olaibh fion.

6 Ach thubhairt iadsan, Cha'n òl sinne fion: oir thug Ionadab mac Rechaib air n-athair, àithne dhuinn, ag ràdh, Na h-òlaibh-se fion, sibh féin no 'ur mic gu bràth.

7 Ni mò thogas sibh tigh, no chuireas sibh siol, no shuidhicheas sibh fion-lios, no bhios aon agaibh; ach fad 'ur n-uile làithean ni sibh còmhnuidh ann am bùthaibh, a chum gu mair sibh mòran làithean san fhearann anns am bheil sibh 'nur coigrich.

8 Agus thug sinn géill do ghuth Ionadab mhic Rechaib air n-athar, anns gach ni a chuir e mar fhiachaibh oirnn, gun fhìon air bith òl fad ar n-uile làithean,

sinn féin, ar muà, ar mic, no ar nigheana;

9 No tighean a thogail duinn féin gu còmhnuidh ghabhail anna: ni mò ta againn fion-lios, no achadh, no siol.

10 Ach ghabh sinn còmhnuidh ann am bùthaibh, agus thug sinn géill, agus rinn sinn a réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar rìgh Bhabailoin a mios do'n fhearann, gu'n dubhairt sinn, Thigibh, agus rachamaid gu Ierusalem, air eagal feachd nan Caldéach, agus air eagal feachd nan Sìriach: air an aobhar sin tha sinn a còmhnuidh ann an Ierusalem.

12 An sin thàinig focal an Tighearna gu Ieremiah, ag ràdh,

13 Mar so tha Tighearn nan sluagh, Dia Israeil, ag ràdh, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagasg, a thoirt éisdeachd do m' bhrìathraibh-sa? deir an Tighearn.

14 Tha briathran Ionadaib mhic Rechab, a dh'àithn e d'a mhacaibh, gun fhìon òl, air an còimhlionadh; oir gun là an diugh cha'n òl iad *fion sam bith*, ach tha iad ùmhal do àithne an athar: gidheadh labhair mise ruibhse, ag éirigh gu moch agus a' labhairt, ach cha d'éisd sibh rium.

15 Chuir mi d'ur n-ionnsuidh mar an ceudna m'uile sheirbhisich na fàidhean, ag éirigh gu moch agus 'g an cur a mach, ag ràdh, Pillibh a nis, gach aon o'dhroch shlighe, agus leasaichibh 'ur deanadas, agus na rachaibh air lorg dhée eile gu seirbhis a thoirt dhoibh, agus gabhaibh còmhnuidh anns an fhearann a thug mise dhuibh, agus d'ur n-aithrichibh: ach cha d'aom sibh 'ur cluas, ni mò thug sibh éisdeachd dhomh.

16 A chionn gu'n do choimhlion mic Ionadaib, mic Rechaib, àithne an athar, a dh'àithn e dhoibh, ach nach d'éisd an sluagh so riumsa;

17 Air an aobhar sin, mar so deir Iehobhal Dia nan sluagh, Dia Israeil; Feuch, bheir mise air Iudah, agus air uile luchd-àiteachaidh Ierusalem, an t-òl sin uile a labhair mi 'nan aghaidh: a chionn gu'n do labhair mi riu, ach nach d'éisd iad; agus gu'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Mar so deir Tighearn nan sluagh, Dia Israeil, A chionn gu'n d'thug sibhse géill do àithne Ionadab 'ur n-athar, agus gu'n do choimhlid sibh 'uile iarrtuais, agus gu'n d'rinn sibh a réir gach ni a dh'àithn e dhuibh:

19 Uime sin mar so deir Tighearn nan sluagh, Dia Israeil, Cha bhi Ionadab mac Rechaib gun duine aige gu seasamh ann am làthair-sa gu bràth.

1 Sgrìobh Baruch fàidheadaireachd Ieremiah air clàr, agus leugh e i an làthair an t-sluaigh. 11 Chuir na h-uachdarain fios gu Baruch, agus leugh e an clàr 'nan éisdeachd. 20 Laisg an rìgh an clàr. 31 Sgrìobh Baruch air clàr eile uile bhriathran a' cheud chlàir.

AGUS tharladh ann an ceathramh bliadhna Iehoiacim mhic Iosiah rìgh Iudah, gu'n d-thàinig am focal so gu Ieremiah o'n Tighearn, ag ràdh,

2 Gabh dhuit clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chinneach, o'n là san do labhair mi riut ann an làithibh Iosiah, eadhon gus an là 'n diugh.

3 Theagamh gu'n tabhair rìgh Iudah fa'near an t-olc sin uile a th'ann am aire-sa dheanamh orra; air chor as gu'm pill iad, gach aon o'dhroch shlighe, agus gu maith mise an aingidheachd agus am peacadh.

4 An sin ghairm Ieremiah Baruch mac Neriah; agus sgrìobh Baruch o bheul Ieremiah uile bhriathran an Tighearn, a labhair e ris, air clàr-sgrìobhaidh.

5 Agus dh'àithn Ieremiah do Bharuch, ag ràdh, Tha mise air mo dhruideadh suas, cha'n urrainn mi dol gu tigh an Tighearn;

6 Uime sin, imich thusa agus leugh anns a' chlàr a sgrìobh thu o m' bheul-sa, briathran an Tighearn, ann an éisdeachd an t-sluaigh, ann an tigh an Tighearn, air là an traig: agus fòs leughaidh tu iad ann an éisdeachd uile Iudah a thig a mach as an bailtibh.

7 Theagamh gu'n taisbean iad¹ an ath-chuinge ann làthair an Tighearn, agus gu'm pill iad, gach aon o' dhroch shlighe; oir is mòr an fhearg, agus a' chorruih a labhair an Tighearn an aghaidh an t-sluaigh so.

8 Agus rinn Baruch mac Neriah a réir gach nì a dh'àithn Ieremiah am fàidh dha, a' leughadh anns an leabhar bhriathran an Tighearn ann an tigh an Tighearn.

9 Agus tharladh ann an cùigeamh bliadhna Iehoiacim mhic Iosiah rìgh Iudah, anns an naothamh mìos, gu'n d'éigh iad trasg an làthair an Tighearn, an sluagh uile a bha ann an Ierusalem, agus an sluagh uile a thàinig obhailtibh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearn, ann an seòmar Ghemariah mhic Shaphain an sgrìobhaiche, anns a' chiùirt uachdaraich, aig dol a steach geata nuaidh

tighe an Tighearn, ann an éisdeachd² an t-sluaigh uile.

11 Agus chuala Michaijah mac Ghemariah, mhic Shaphain, uile bhriathran an Tighearn as an leabhar,

12 Agus chaidh e sìos gu tigh an rìgh, gu seòmar an sgrìobhaiche; agus, feuch, bha na h-uachdarain uile 'nan suidhe an sin, Elisama an sgrìobhaiche, agus Delaiah mac Shemaiah, agus Elnatan mac Achboir, agus Gemariah mac Shaphain, agus Sedeciah mac Hananiah, agus na h-uaislean uile.

13 An sin chuir Michaijah an céill doibh na h-uile bhriathran a chual' e, 'nuair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Iehudi mac Netaniah, mhic Shelemiah, mhic Chusi, gu Baruch, ag ràdh, Glac ann ad làimh an clàr san do leugh thu ann an éisdeachd an t-sluaigh, agus thig. Agus ghabh Baruch mac Neriah an clàr 'na làimh, agus thàinig e do'n ionnsuidh.

15 Agus thubhairt iad ris, Suidh sìos a nis, agus leugh e 'nar éisdeachd. Agus leugh Baruch 'nan éisdeachd.

16 A nis tharladh, an uair a chuala iad na h-uile bhriathran, gu'n d'amhairc iad le h-eagal, gach aon air a chéile; agus thubhairt iad ri Baruch, Innsidh sinn gu deimhin do'n rìgh na briathran so air fad.

17 Agus dh'fheòraich iad do Bharuch, ag ràdh, Innis duinn a nis cionnus a sgrìobh thu na briathran so uile o' bheul?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dubh³ ann an leabhar.

19 An sin thubhairt na h-uachdarain ri Baruch, Falbh, agus folaich thu féin, thusa agus Ieremiah; agus na biodh fios aig aon neach c'ait am bi sibh.

20 Agus chaidh iad a steach a chum an rìgh do'n chiùirt, ach thaisg iad suas an clàr ann an seòmar Elisamah an sgrìobhaiche; agus dh'innis iad na h-uile bhriathran ann an éisdeachd an rìgh.

21 An sin chuir an rìgh Iehudi a thoirt a' chlàr d'a ionnsuidh, agus thug e á seòmar Elisamah an sgrìobhaiche e, agus leugh Iehudi e ann an éisdeachd an rìgh agus ann an éisdeachd nan uile uachdaran a sheas ri taobh an rìgh.

22 Agus bha'n rìgh na shuidhe anns an tigh gheamhraidh, anns an naothamh mìos, agus bha teinteìn fa' chomhair le éibhlìbh teine.

23 Agus tharladh an uair a leugh Iehudi trì no ceithir earrannan, gu'n do ghearr e leis an sgein-phinn e, agus thàinig e anns an teine a bha air an teinteìn e, gus an

¹ cuir iad suas.

² cluasaibh. Eabh.

³ ink. Sasg.

IEREMIAH, XXXVI. XXXVII.

robh an clàr gu h-ìomlan air a chaith-eamh anns an teine a bha air an teintein. 24 Ach cha do ghabh iad eagal, ni mò reub¹ iad an trusgain, aon chuid an rìgh, no aon d'a sheirbhisich a chuala na briathran so uile.

25 Agus ged rinn Elnatan, agus Delajah, agus Gemariah eadar-ghuidhe ris an rìgh, nach loisgeadh e an clàr, gidheadh cha'n éisdeadh e riu.

26 Agus dh'àithn an rìgh do Ierahmeel mac Hameleich, agus do Sherajah mac Asriel, agus do Shelemiah mac Abdeeil, Baruch an sgrìobhaiche agus Ieremiah an fàidh a ghlacadh: ach dh'fholaich an Tighearn iad.

27 An sin thàinig focal an Tighearna gu Ieremiah, (an dèigh do'n rìgh an clàr agus na briathran a sgrìobh Baruch o bheul Ieremiah a losgadh,) ag ràdh,

28 Gabh thugad a ris clàr eile, agus sgrìobh ann na h-uile bhriathran ceudna bha sa' cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearn, Loisg thu 'n clàr so, ag ràdh, C'uime an do sgrìobh thu ann, ag ràdh, Thig rìgh Bhabiloìn gu deimhin, agus sgrìosaidd e am fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearn a thaobh Iehoiacim rìgh Iudah, Cha bhì aige neach a sluidheas air rìgh-chaitheir Dhaibhidh, agus tilgear a chair-bhean² a mach a chum an teas anns an là, agus a chum an reothaidh anns an oidhche.

31 Agus ni mise peanas air fèin agus air a shliochd, agus air a sheirbhisich, air son an eusaontais, agus bheir mi orra-san, agus air luchd-àiteachaidh Ierusalem, agus air fearaibh Iudah, an t-ole sin uile a labhair mi 'nan aghaidh, ach nach d'éisd iad.

32 An sin ghabh Ieremiah clàr eile, agus thug e do Bharuch mac Neriah, an sgrìobhaiche e, a sgrìobh ann o bheul Ieremiah, uile bhriathran an leabhair a loisg Iehoiacim rìgh Iudah anns an teine; agus chuir-eadh os bàrr riu mòran do bhriathraibh eile cosmhuil riu sin.

CAIB. XXXVII.

1 Chuir Sedeciah fìos a dh'ionnsuidh Ieremiah gu urraigh dheanamh air a shon. 8 Roimh-innis am fàidh gu'm buadhaicheadh na Caldèich. 11 Ghlac na h-uachdarain Ieremiah, agus chuir iad um prìosan e. 16 Dh'inns am fàidh do Shedeciah gu'n tugadh Dia thairis e do lùmh rìgh Bhabiloìn.

AGUS rìghlich Sedeciah mac Iosiah a ann an àite Choniah mhic Iehoiacim, a rinn Nebuchadnesar rìgh Bhabiloìn 'na

rìgh ann am fearann Iudah.

2 Ach cha d'éisd, aon chuid e fèin no a sheirbhisich, no sluagh na tìre, ri briathraibh an Tighearn, a labhair e leis an fhàidh Ieremiah.

3 Agus chuir an rìgh Sedeciah Iehucal mac Shelemiah, agus Sephaniah mac Mhaaseiah an sagart, a chum an fhàidh Ieremiah, ag ràdh, Dean urnuigh, a nis, guidheam ort, ris an Tighearn ar Dia air ar son-ne.

4 A nis bha Ieremiah a' teachd a steach agus a' dol a mach am measg an t-sluaigh, oir cha do chuir iad fathasd ann am prìosan e.

5 Anns an àm sin bha feachd Pharaoh air teachd a mach as an Eiphit; agus an uair a chuala na Caldèich, a bha a' teamachadh Ierusalem mu'n cuairt, iomradh orra, dh'imich iad o Ierusalem.

6 An sin thàinig focal an Tighearna chum an fhàidh Ieremiah, ag ràdh,

7 Mar so tha an Tighearn, Dia Israeil, ag ràdh, Mar so their sibh ri rìgh Iudah a chuir thugam-sa sibh, gu m'iarraidh; Feuch, pillidh feachd Pharaoh, a thàinig a mach 'gur còmhnaidh, do'n Eiphit, d'an tìr fèin.

8 Agus thig na Caldèich a ris, agus cogaidh iad an aghaidh na caitheach so, agus glacadh iad i, agus loisgidh iad i le teine.

9 Mar so deir an Tighearn, Na meallaibh sibh fèin, ag ràdh, Gu deimhin imichidh na Caldèich uainn: oir cha'n imich iad.

10 Oir ged bhuailleadh sibh uile fheachd uan Caldèach a ta cogadh 'nur n-aghaidh, agus nach maireadh 'nam measg ach daoine leònta, gach aon 'na bhùth, dh'eir-eadh iad sin fèin suas, agus loisgeadh iad a' chaithir so le teine.

11 Agus tharladh an uair a dh'imich sluagh nan Caldèach air falbh o Ierusalem, air eagal sluagh Pharaoh,

12 Gu'n d'imich an sin Ieremiah a mach á Ierusalem, a chum dol gu fearann Bheniamin, a dh'fhaotainn cuibhrrinn deth am measg an t-sluaigh.

13 Agus an uair a bha e 'n geata Bheniamin, bha ceannard an fhreiceadain an sin, d' am b'ainm Iriah, mac Shelemiah, mhic Hananiah; agus ghlac e Ieremiah am fàidh, ag ràdh, Tha thu dol thairis a chum nan Caldèach.

14 An sin thubhairt Ieremiah, Cha 'n fhìor sin; Cha 'n'eil mi dol thairis a chum nan Caldèach: ach cha d'éisd e ris: mar sin ghlac Iriah Ieremiah, agus thug e chum nan uachdaran e.

15 Agus bha corruih air na h-uachdaranaibh ri Ieremiah, agus bhuail iad e,

¹ shrachd.

² chlosach.

agus chuir iad ann am prìosan e, ann an tigh Ionatain an sgrìobhaiche; oir rinn iad prìosan deth sin.

16 An uair a chaidh Ieremiah steach do'n phrìosan iochdarach, agus do na slochdaibh, agus a bhuanaich Ieremiah an sin mòran làithean;

17 An sin chuir Sedeciah an rìgh fios, agus thug e mach e; agus dh'fheòraich an rìgh dheth gu h-uaigneach 'na thigh, agus thubhairt e, Am bheil focal sam bith o'n Tighearn? Agus thubhairt Ieremiah, Tha: oir thubhairt e, Do làimh rìgh Bhabiloìn bheirear thairis thu.

18 Os bàrr thubhairt Ieremiah ri rìgh Sedeciah, Ciod an cron a rinn mise ann ad aghaidh-sa, no'n aghaidh do sheirbhisich, no'n aghaidh an t-sluaigh so, gu'n do chuir sibh mi ann am prìosan?

19 C'ait am bheil a nis 'ur fàidhean a rinn fàistneachd dhuibh, ag ràdh, Cha tig rìgh Bhabiloìn 'nar n-aghaidh, no'n aghaidh an fhearainn so?

20 Ach èisd a nis, guidheam ort, a thighearn, morigh; gabhar m'athchuinge, guidheam ort, ann ad làthair; agus na toir orm pilleadh gu tigh Ionatain an sgrìobhaiche, air eagal gu'm faigh mi bàs an sin.

21 Agus dh'aitlin an rìgh Sedeciah gu'n cuireadh iad Ieremiah ann an cùirt a' phrìosain, agus gu'n tugadh iad dha gach là cuibhrionn arain á sràid nam fuinead-airean, gus am biodh uile aran na caithreach air teireachduinn. Agus dh'fhan Ieremiah ann an cùirt a' phrìosain.

CAIB. XXXVIII.

1 *Thilgeadh Ieremiah san t-slochd a bha ann an cùirt a' phrìosain: 7 Thug Ebed-melech a nìos as an t-slochd e. 14 Dh'iarr an rìgh comhairle o Ieremiah; 17 Dh'aitlin esan da e fèin thoirt thairis do làimh rìgh Bhabiloìn.*

AN sin chuala Sepathiah mac Mhatain, agus Gedaliah mac Phasuir, agus Incal mac Shelemiah, agus Pasur mac Mhalechiah, na briathran a labhair Ieremiah ris an t-sluagh uile, ag ràdh,

2 Mar so deir an Tighearn, Esan a dh'fhanas anns a' chaithir so bàsaichidh e leis a' chhlaidheamh, leis a' ghort, agus leis a' phlàigh; ach esan a theid a mach a chum nan Caldéach, mairidh e beò; oir gheibh e 'anam mar chobhartach, agus mairidh e beò.

3 Mar so tha an Tighearn ag ràdh, Bheirear gu deimhin a' chaithir so suas do làimh feachda rìgh Bhabiloìn, a ghlaças i.

4 Air an aobhar sin, thubhairt na h-uachdarain ris an rìgh, Biodh an duine so, guidheamaid ort, air a chur gu bàs: oir mar so tha e a' lagachadh làmh an luchd-cogaidh a ta fathasd a làthair anns a' chaithir so, agus làmh an t-sluaigh

uile, le bhì labhairt a' leithide so do bhriathraibh riu: oir cha'n 'eil an duine so ag iarraidh leas an t-sluaigh so, ach an aimhleis.

5 An sin thubhairt an rìgh Sedeciah, Feuch, tha e 'nur làimh: oir cha'n e 'n rìgh *esan* a dh'fheudas aon ni a chur 'nur n-aghaidh.

6 An sin ghlaic iad Ieremiah, agus thilg iad e ann an slochd Mhalechiah mhic Hameleich, a bha ann an cùirt a' phrìosain; agus leig iad sìos Ieremiah le cordaibh. Agus anns an t-slochd cha robh uisge sam bith, ach clàbar: agus chaidh Ieremiah fuidhe anns a' chlàbar.

7 A nis an uair a chuala Ehed-melech an t-Etiopach, aon do na caillteanaich a bha 'n tigh an rìgh, gu'n do chuir iad Ieremiah san t-slochd, (agus an rìgh 'na shuidhe san àm sin ann an geata Bheniamin,)

8 Chaidh Ehed-melech a mach á tigh an rìgh, agus labhair e ris an rìgh, ag ràdh,

9 Mo thighearn a rìgh, rinn na daoine so gu h-olc anns gach ni a rinn iad ri Ieremiah ann fàidh, a thilg iad anns an t-slochd; oir gheibh e bàs le h-ocras anns an aite sin, a chionn nach 'eil nìs mò aran anns a' bhaile.

10 An sin dh'aitlin an rìgh do Ehed-melech an t-Etiopach, ag ràdh, Thoir leat á so deich fir fhichead, agus thoir a nìos Ieremiah ann fàidh as an t-slochd, mu 'm faigh e bàs.

11 Agus thug Ehed-melech leis na daoine, agus chaidh e steach do thigh an rìgh fo 'n tigh-thasgaidh, agus thug e as a sin seana bhroincagan, agus seann luid-eagan, agus leig e sìos iad gu Ieremiah do'n t-slochd le cordaibh.

12 Agus thubhairt Ehed-melech an t-Etiopach ri Ieremiah, Cuir a nis na seann luid-eagan, agus na broineagan so, do f' asgailtean mu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosain.

14 An sin ehuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a ta 'n tigh an Tighearn. Agus thubhairt an rìgh ri Ieremiah, Fèoraichidh mi nì àraidh dhìot; na ceil a' bheag orm.

15 Agus thubhairt Ieremiah ri Sedeciah, Ma dh'inneas nì dhuit, nach dean thu gu cinnteach mo chur gu bàs? agus ma bheir mi comhairle ort, an èisd thu riun?

16 An sin mhoionnach an rìgh Sedeciah do Ieremiah os ìosal, ag ràdh, Mar is beò an Tighearn a rinn dhuinn an t-anam so,

cha chuir mi gu bàs thu, ni mò bheir mi thairis thu do làmh na muinntir sin a ta 'g iarraidh t'anama.

17 Agus thubhairt Ieremiah ri Sedeciah, Mar so tha Iehobhabh, Dia nan sluagh, Dia Israeil, ag ràdh, Ma théid thu gu deimhin thairis gu cinn-fheadhna rìgh Bhabiloin, an sin mairidh t'anam beò, agus cha loisgear a' chaithir so le teine; ach mairidh tu beò, thu féin agus do theaghlach.

18 Ach mur téid thu mach gu cinn-fheadhna rìgh Bhabiloin, an sin bheirear a' chaithir so do làmh nan Caldéach, agus loisgidh iad i le teine, agus cha téid thusa féin as o'n làmhan.

19 Agus thubhairt an rìgh Sedeciah ri Ieremiah, Tha eagal nan Iudhach orm, a theich a chum nan Caldéach, gu'n toir iad thairis mi do'n làmhan, agus gu'n dean iad fanaid orm.

20 Ach thubhairt Ieremiah, Cha toir iad thairis thu; thoir géill, guidheam ort, do ghuth an Tighearna san ni a ta mise a' labhairt riut: mar sin éiridh gu maith dhuit, agus mairidh t'anam beò.

21 Ach ma dhiùltas tu dol a mach, so an ni a thaisbein an Tighearn dhomh-sa:

22 Eadhon, feuch, na h-uile mhnathan a ta air am fàgail ann an tìgh rìgh Iudah, bheirear a mach gu cinn-fheadhna rìgh Bhabiloin, agus their iad, Bhrosnuich do chairdean thu, agus thug iad buaidh ort: chuir iad do chosan an sàs anns an làthaich, agus phill iad air an ais.

23 Agus bheir iad a mach t' uile mhnathan, agus do chlann a chum nan Caldéach; agus cha téid thu féin as o'n làmhan, ach glacadh thu le làmh rìgh Bhabiloin, agus bithidh tu coireach anns a' bhaile so bhì air a losgadh le teine.

24 An sin thubhairt Sedeciah ri Ieremiah, Na biodh fios aig duine sam bith air na briathraibh so, agus cha'n fhaigh thu bàs.

25 Ach ma chluinneas na h-uachdarain gu'n do labhair mise riut, agus gu'n tig iad a d'ionnsuidh, agus gu'n abair iad riut, Innis duinn a nis ciod a thubhairt thu ris an rìgh, na ceil e oirne, agus cha chuir sinn gu bàs thu; mar an ceudna ciod a thubhairt an rìgh riutsa:

26 An sin their thu riut, Thaisbein mi m' athchuinge an làthair an rìgh, nach tugadh e orm pilleadh gu tìgh Ionatain, a dh'fhaotainn bàis an sin.

27 Agus thàinig na h-uachdarain uile gu Ieremiah, agus dh'fhiosraich iad dheth; agus dh'innis e dhoibh a rìr nan uile bhriathran so a dh'àithn an rìgh dha: mar sin sguir iad do labhairt ris, oir cha do mhothaicheadh a' chùis.

28 Mar sin dh'fhan Ieremiah ann an cùirt a' phrìosain, gus an là san do ghlac-

adh Ierusalem; agus bha e'n sin an uair a ghlacadh Ierusalem.

CAIB. XXXIX.

1 *Ghlac rìgh Bhabiloin Ierusalem. 6 Mharbh e mic Shedeciah, 7 agus cheangail se e féin chum a thoirt gu Babilon. 11 Aithne Nebuchadnesair mu thimchioll Ieremiah. 15 Gealladh Dhé do Ebed-melech.*

ANN an naothamh bliadhna Shedeciah a rìgh Iudah, anns an deicheamh mìos, thàinig Nebuchadnesar rìgh Bhabiloin, agus uile fheachd an aghaidh Ierusalem, agus champaich iad m' a timchioll¹.

2 Ann an aon bhliadhna deug Shedeciah, anns a' cheathramh mìos, air an naothamh là do'n mhìos, bha a' chaithir air a bris-eadh suas.

3 Agus thàinig uile chinn-fheadhna rìgh Bhabiloin a steach, agus shuidh iad anns a' gheata sa' mheadhon; Nergal-sareser, Samgar-nebo, Sareschim, Rabсарis, Nergal-sareser, Rabmag, leis a' chuid eile air fad do chinn-fheadhna rìgh Bhabiloin.

4 Agus tharladh, an trà chunnaic Sedeciah rìgh Iudah iad, agus na fir-chogaidh uile, gu'n do theich iad, agus gu'n deachaidh iad a mach as a' chaithir anns an oidhche, air slighe gàraidh an rìgh, troimh a' gheata, eadar an dà bhalla; agus chaidh iad a mach air slighe a' chòmh-naird.

5 Ach lean feachd nan Caldéach air an tòir, agus rug iad air Sedeciah ann an còmhnradaibh Iericho; agus ghlac iad e, agus thug iad e gu Nebuchadnesar rìgh Bhabiloin, aig Riblah, ann am fearann Hamait, far an d'thug e breth air.

6 An sin mharbh rìgh Bhabiloin mic Shedeciah, ann an Riblah, fa chomhair a shùl; uile mhaithnean Iudah mar an ceudna mharbh rìgh Bhabiloin.

7 Agus chuir e mach sùilean Shedeciah, agus cheangail e le slabhruidhean e, a chum a thoirt gu Babilon.

8 Agus loisg na Caldéich tìgh an rìgh, agus tìghean an t-sluaigh le teine, agus bhris iad sìos ballachan Ierusalem.

9 An sin thug Nebusar-adan, ceannard an fhreiceadain, leis 'nam braighdibh gu Babilon am fuigheach sluaigh a dh'fhan anns a chaithir, agus iadsan a theich thairis d'a ionnsuidh, leis a' chuid eile do'n t-sluaigh a dh'fhan beò.

10 Ach cuid do bhochdaibh an t-sluaigh, aig nach robh ni sam bith, dh'fhàg Nebusar-adan ceannard an fhreiceadain ann am fearann Iudah, agus thug e dhoibh fion-lìosan agus machraichean anns an àm sin.

11 Agus thug Nebuchadnesar rìgh Bhabiloin aithne mu thimchioll Ieremiah do

¹ theannach se e.

Nebusar-adan ceannard an fhreiceadain, ag ràdh,

12 Thoir leat e, agus thoir aire mhaith dha, agus na dean cron sam bith air, ach dean ris amhuil mar a thoir e riut.

13 Mar sin chuir Nebusar-adan ceannard an fhreiceadain fios, agus Nebusaban, Rabsaris, agus Nergal-sareser, Rabmag, agus uile chinn-fheadhna rìgh Bhabiloin:

14 Chuir eadhon iadsan fios, agus thug iad Ieremiah mach a' cùirt a' phrìosain, agus thug iad e do Ghedaliah mac Ahicaim, mhic Shaphain, gu 'thoirt dhachaidh: mar sin ghabh e còmhnuidh am measg an t-sluaigh.

15 Agus thàinig focal an Tighearna chum Ieremiah, nuair a bha e *fathas* d' air a dhruideadh suas ann an cùirt a' phrìosain, ag ràdh,

16 Imich agus labhair ri Ebed-melech an t-Etiopach, ag ràdh, Mar so tha Tighearn nan sluagh, Dia Israel, ag ràdh, Feuch, bheir mise mo bhriathran air a' chaithir so air son uile, agus cha'n ann air son maith; agus thig iad gu crìch ann ad fhuanuis-sa anns an là sin.

17 Ach tèarnaidh mi thusa san là sin, deir an Tighearn, agus cha toirear thairis thu do làmh na muinntir roimh am bheil eagal ort.

18 Oir tèarnaidh mi thu, agus cha tuit thu leis a' chladheamh, ach bithidh t'an ann mar chobhartach agad, a chionn gu'n do chuir thu do dhòchas annam-sa, deir an Tighearn.

CAIB. XL.

1 Chaidh Ieremiah air ais gu Gedaliah an dèigh do Nebusar-adan fhuasgladh o na slabhruidhean a bha air a làmh. 8 Phill na h-Iudhaich a chaidh a sgapadh gu Gedaliah. 13 Cha do chreid Gedaliah Iohanan nuair dh'innis e dha gu'n robh Ismael ag iarraidh a mharbhadh.

AM focal a thàinig a chum Ieremiah o'n Tighearn, an dèigh do Nebusar-adan ceannard an fhreiceadain a leigeadh as o Ramah, an uair a thugadh e d'a ionnsuidh, agus e ceangailte le slabhruidhean am measg na muinntir sin uile a thugadh air falbh nam braighidibh o Ierusalem agus o Iudah, a thugadh ann am braighdeanas gu Babilon.

2 Agus ghabh ceannard an fhreiceadain Ieremiah, agus thubhairt e ris, Labhair an Tighearn do Dhia-sa an t-olc so an aghaidh an àite so.

3 A nis thug an Tighearn gu crìch e, agus rinn e mar a labhair e: a chionn gu'n do pleacaich sibh an aghaidh an Tighearn, agus nach d' thug sibh géill d'a ghuth, air an aobhar sin tha'n t-olc so air teachd oirbh.

4 Agus a nis feuch, tha mise 'g ad fhuasgladh an diugh o na slabhruidhean

a bha air do làmh: ma ehi thu ceart teachd leam-sa gu Babilon, thig; agus bheir mi aire mhaith dhuit: ach mur faic thu ceart teachd leam-sa gu Babilon, fan: feuch, tha am fearann gu h-ìomlan fa d' chomhair: far am faicear ceart agus iomchuidh dhuit dol, theirig' ann; agus ciod air bith tuilleadh cha ehumar air ais e.

5 Falbh uime sin air d'ais gu Gedaliah mac Ahicaim, mhic Shaphain, a rinn rìgh Bhabiloin 'na uachdaran os ceann bhailtean Iudah, agus gabh còmhnuidh leis am measg an t-sluaigh: no falbh c'ait air bith am faic thu iomchuidh dol. Mar sin thug ceannard an fhreiceadain biadh agus duais da, agus leig e dha inneachd.

6 An sin chaidh Ieremiah gu Gedaliah mac Ahicaim, gu Mispah, agus ghabh e còmhnuidh leis, am measg an t-sluaigh a dh'fhàgadh anns an fhearann.

7 A nis an uair a chuala uile cheannardan an fheachd a bha sna machraichibh, iad féin agus an daoine, gu'n d'rinn rìgh Bhabiloin Gedaliah mac Ahicaim 'na uachdaran anns an fhearann, agus gu'n d'earb e ris fir, agus mnathan, agus clann, eadhon cuid do bhochdaibh an fhearainn, dhiubh-san nach d' thugadh air falbh ann am bruid gu Babilon;

8 An sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Char-eah, agus Seraiah mac Thanhumeit, agus mic Ephai an Netophataich, agus Iesaniah mac Maachataich, iad féin agus an daoine.

9 Agus mhionnaich Gedaliah mac Ahicaim mhic Shaphain dhoibhsan, agus do'n daoine, ag ràdh, Na biodh eagal oirbh géill a thoirt do na Caldéich; gabhaibh còmhnuidh anns an tìr, agus thugaibh géill do rìgh Bhabiloin, agus éiridh gu maith dhuibh.

10 Air mo shon-sa, feuch, ni mi còmhnuidh ann am Mispah, a fhrith-ealadh do na Caldéich a thig d'ar n-ionnsuidh; ach sibhse, tionailibh fion, agus meas samhraidh, agus oladh, agus cuiribh iad 'nur soithichibh, agus deanaibh còmhnuidh 'nur bailtibh air an d'rinn sibh greim.

11 Air an dòigh cheudna nuair a chuala na h-uile Iudhaich a bha ann am Moab, agus am measg nan Amonach, agus ann an Edom, agus a bha anns na h-uile dhùthchannaibh, gu'n d'fhàg rìgh Bhabiloin fuigheall do Iudah, agus gu'n do chuir e os an ceann Gedaliah mac Ahicaim, mhic Shaphain;

12 An sin phill na h-uile Iudhaich as na h-uile àite gus an robh iad air am fògradh, agus thàinig iad gu tìr Iudah, gu

IEREMIAH, XL. XLI.

Gedaliah, do Mhispah, agus thionail iad fion, agus meas samhraidh, gu ro phailt.

13 Agus thàinig Iohanan mac Chareah, agus uile cheannardan an fheachd a bha sna machraichibh, gu Gedaliah do Mhispah,

14 Agus thubhairt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach cha do chreid Gedaliah mac Ahicaim iad.

15 An sin labhair Iohanan mac Chareah ri Gedaliah ann am Mispah gu h-uaigneach, ag ràdh, Leig dhomh-sa dol, guidheam ort, agus marbhaidh mi Ismael mac Netaniah, agus cha bhi fios aig duine sam bith *air*: c'uime am marbhadh e thusa, agus gu'm biodh na h-uile Iudhaich a ta air an cruinneachadh a d' ionnsuidh air an sgapadh. agus gu'm bàsaicheadh na tha mairionn do Iudah?

16 Ach thubhairt Gedaliah mac Ahicaim ri Iohanan mac Chareah, Cha dean thu an ni so, oir is breug a tha thu labhairt a thaobh Ismael.

CAIB. XLI.

1 *Mharbh Ismael Gedaliah, 5 agus daoine àraidh a thàinig d'a ionnsuidh o Shechem agus o Shamaria. 10 Dh'imich Ismael gu dol thairis chum nan Amonach. 12 Chaidh Iohanan a chogadh 'na aghaidh, agus thug e uath na braighdean.*

ANIS tharladh air an t-seachdamh mìos, gu'n d'thàinig Ismael mac Netaniah, mhic Elisama, do'n t-sìol rìoghail, agus maithèan an rìgh eadhon deich fir, maille ris, gu Gedaliah mac Ahicaim do Mhispah, agus an sin dh'ith iad aran le chèile ann am Mispah.

2 An sin dh'éirich Ismael mac Netaniah, agus na deich fir a bha maille ris, agus bhuail iad Gedaliah mac Ahicaim, mhic Shaphain, leis a' chlàidheamh, agus mharbh iad e, esan a chuir rìgh Bhabiloin 'na uachdaran os ceann an fhearainn.

3 Mharbh Ismael mar an ceudna na h-Iudhaich uile bha maille ris, maille ri Gedaliah ann am Mispah, agus na Caldèich a fhuair eadhon an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios aig duine sam bith *air*;

5 Gu'n d'thàinig daoine àraidh o Shechem, o Shiloh, agus o Shamaria, ceithir fichead fear, aig an robh am feusagan air am bearradh, an eudaichean air an reubadh¹, agus iad féin gearrta, le tabhartasailb agus tuis 'nan làimh gu'n toirt gu tigh an Tighearn.

6 Agus chaidh Ismael mac Netaniah

mach o Mhispah 'nan còdhail, a' gul fad na slighe²: agus tharladh an uair a choimnich e iad, gu'n d' thubhairt e riu, Thugibh gu Gedaliah mac Ahicaim.

7 Agus tharladh an uair a thàinig iad gu meadhon a' bhaile, gu'n do mharbh Ismael mac Netaniah iad, *agus thilg e iad* ann am meadhon an t-sluichd, e féin agus na daoine bha leis.

8 Ach fhuair eadhon nam measg deichnear fhear a thubhairt ri Ismael, Na marbh sinne: oir tha ionmhasan againn sa' mhachair, do chruithneachd, agus do eorna, agus do oladh, agus do mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chorpa marbha nan daoine a mharbh e air son Ghedaliah *an slochd* sin a rinn Asa an rìgh air eagal Bhaasa rìgh Israeil: lion Ismael mac Netaniah e leosan a mharbhadh.

10 An sin thug Ismael leis ann am bruid na h-uile bha làthair do'n t-sluagh a bh'ann am Mispah, *eadhon* nigheanan an rìgh, agus an sluagh uile a dh'fhan ann am Mispah, a thug Nebusar-adan ceannard an fhreicheadain do Ghedaliah mac Ahicaim; thug eadhon Ismael mac Netaniah leis ann am bruid iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-olc *ud* a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uisgeachaibh mòra a ta ann an Gibcon.

13 A nis tharladh an uair a chunnaic an sluagh sin uile bha le Ismael Iohanan mac Chareah, agus uile cheannardan an fheachd a bha maille ris, gu'n robh iad an sin aobhneach.

14 Agus thionndaidh an sluagh uile, a thug Ismael air falbh ann am bruid o Mhispah, mu'n cuairt, agus phill iad, agus chaidh iad gu Iohanan mac Chareah.

15 Ach chaidh Ismael mac Netaniah as o Iohanan le ochdnar fhear, agus chaidh e chum nan Amonach.

16 An sin ghabh Iohanan mac Chareah, agus uile cheannardan an fheachd a bha leis, uile iarmad an t-sluaigh a bhuin e o Ismael mac Netaniah, o Mhispah, (an déigh dha Gedaliah mac Ahicaim a mharbhadh,) gaisgich, fir-chogaidh, agus mnathan, agus clann, agus cailleanaich, a thug e air an ais o Ghibeòn:

17 Agus dh'imich iad, agus ghabh iad còmhnuidh ann an aitreabh Chìmhaim, a ta làimh ri Betlehem, a chum falbh gu

¹ srachdadh.

² ag imeachd agus a' gul. Eabh.

dol a steach do'n Eiphit, á fianuis nan Caldéach:

18 Oir bhia eagal orra rompa, a chiomn gu'n do mharbh Ismael mac Netaniah Gedaliah mac Ahicaim, a rinn righ Bhabiloin 'na uachdaran anns an fhearann.

CAIB. XLII.

1 *Dh'iarr ceannardan an fheachd air Ieremiah urnuigh a dheanamh ri Dia air an son. 5 Gheall iad bhí ùmhal do fhocal an Tighearna. 7 Dh'innis am fàidh dhoibh gu'n tèarnar iad ann an Iudea, ach gu'n sgriosar iad nan rachadh iad sìos do'n Eiphit. 19 Thug e achmhasan dhoibh air son an ceilge.*

AN sin thàinig am fagus uile cheannardan an fheachd, agus Iohanan mac Chareah, agus Iesaniah mac Hosaiah, agus an sluagh gu h-ìomlan, o'n bheag gus a' mhòr;

2 Agus thubhairt iad ri Ieremiah am fàidh, Biodh ar n-athehuinge, guidheam-aid ort, taitneach ann ad làthair, agus dean urnuigh air ar son ris an Tighearn do Dhia, eadhon air son an iarmaid so uile, (oir cha d'fhàgadh dhinn ach beagan do mhòran, mar a thia do shùilean 'gar faicinn,)

3 Gu seòladh an Tighearn do Dhia dhuinn an t-slighe anns an gluais sinn, agus an ni a tha sinn ri dheanadh.

4 Agus thubhairt Ieremiah am fàidh riu, Chuala mi; feuch, ni mise urnuigh ris an Tighearn bhur Dia a réir 'ur briathran; agus tarlaidh, ge b'e freagradh a bheir an Tighearn dhuibh, gu'n innis mise dhuibh e: cha chum mi ni sam bith air ais uaibh.

5 Agus thubhairt iad ri Ieremiah, Biodh an Tighearn 'na fhianuis fhìor agus dhìleas eadarunn, mur dean sinne gach ni air son an cuir an Tighearn do Dhia d'ar n-ionnsuidh thu.

6 Ma's maith no ma's ole e, bheir sinn géill do ghuth an Tighearn ar Dia, gus am bheil sinn 'gad ehur; a chum gu'n éirich gu maith dhuinn an uair a bhios sinn ùmhal do ghuth an Tighearn ar Dia.

7 Agus tharladh an ceann dheich làithean, gu'n d'thàinig guth an Tighearna do Ieremiah.

8 An sin ghairm e Iohanan mac Chareah, agus uile cheannardan an fheachd a bha maille ris, agus an sluagh uile, o'n bheag gus a' mhòr.

9 Agus thubhairt e riu, Mar so deir an Tighearn Dia Israeil, gus an do chuir sibh mise chum 'ur n-athehuinge a ebur suas 'na làthair;

10 Ma dh'fhanas sibh an còmhnuidh anns an tìr so, an sin togaidh mise sibh, agus cha tilg mi sìos; agus suidhicidh mi sibh, agus cha spion mi nìos: oir is aithreach leam an t-òle a rinn mi oirbh.

11 Na biodh eagal righ Bhabiloin oirbh, as am bheil sibh a' gabhail eagail: na biodh eagal oirbh roimhe, deir an Tighearn; oir tha mise leibh g'ur tèarnadh, agus g'ur saoradh as a làimh.

12 Agus nochdaidh mi trèairean duibh, agus gabhaidh esan truas dibh, agus suidhicidh e sibh 'nur dùthaich féin.

13 Ach ma their sibh, Cha ghabh sinn còmhnuidh anns an fhearann so; air chor as nach toir sibh géill do ghuth an Tighearna bhur Dia,

14 Ag ràdh, Nì h-cadh; ach théid sinn do thìr na h-Eiphit, far nach faic sinn cogadh sam bith, ni mò chluinneas sinn fuaim na trompaid, no bhios easbhuidh arain oirnn; agus an sin gabhaidh sinn còmhnuidh:

15 (Seadh a nis uime sin éisdibh focal an Tighearn, O iarmaid Iudah, Mar so tha Tighearn nan sluagh, Dia Israeil, ag ràdh, Ma chuireas sibh da rìreadh bhur n-aghaidh ri dol do'n Eiphit, agus gu'n téid sibh an sin air chuairt;)

16 An sin tarlaidh gu'n dean an claidheamh, roimh am bheil eagal oirbh, 'ur glacadh an sin ann an tìr na h-Eiphit; agus a ghort, roimh am bheil eagal oirbh, dlùth-leanaidh air 'ur tòir an sin anns an Eiphit; agus an sin gheibh sibh bàs.

17 Is amhluidh a thachairas do na h-uile dhaoine a chuireas an aghaidh ri dol do'n Eiphit gu fantuinn air chuairt an sin; bàsaichidh iad leis a' chladheamh, leis a' ghort, agus leis a' phlàigh: agus cha bhì aon a mhaireas, no théid as o'n òle a bheir mise orra.

18 Oir mar so deir Tighearn nan sluagh, Dia Israeil, Mar a bha m'fhearg agus mo chorruih air a dòrtadh a mach air luchd-àiteachaidh Ierusalem, is amhluidh bhios mo chorruih air a dòrtadh a mach oirbhe 'n trà théid sibh a steach do'n Eiphit: agus bithidh sibh 'nur mallachadh, agus 'nur n-uamhas, agus 'nur mallachd, agus 'nur masladh; agus cha'n fhaic sibh an t-àite so nì's mò.

19 Is e focal an Tighearna do 'ur taobhasa, O fhugheall Iudah, Na rachaidh do'n Eiphit; biodh fios cinnteach agaibh gu'n d'thug mise rabhadh dhuibh an diugh.

20 Gu deimhin chuir sibh an gnìomh eagal an aghaidh 'ur n-anama féin: oir chuir sibh mise chum an Tighearna bhur Dia, ag ràdh, Guidh air ar son-ne ris an Tighearn ar Dia, agus a réir gach ni a their an Tighearn ar Dia, mar sin innis duinn, agus ni sinne.

21 Agus dh'innis mise dhuibh air an là an diugh, ach cha d'thug sibhse géill do ghuth an Tighearna bhur Dia, no do aon ni air son an do chuir e mise do 'ur n-ionnsuidh.

22 Air an aobhar sin biodh dearbh fhios

IEREMIAH, XLII. XLIII. XLIV.

agaibh gu'm bàsaich sibh leis a' chlaidheamh, agus leis a' ghort, agus leis a' phlàigh, anns an àite gus an àill leibh siubhal gu fantuinn air chuairt.

CAIB. XLIII.

1 *Cha do chreid na ceannardan fàistneachd Ieremiah; 5 agus air an aobhar sin ghiùtlain iad e fèin agus a' chuid eile do'n t-sluagh do'n Eiphit. 8 Roimhinis Ieremiah gu'm buailleadh rìgh Bhabiloin tìr na h-Eiphit.*

AGUS tharladh, trà sguir Ieremiah do labhairt ris an iomlan do'n t-sluagh uile bhriathran an Tighearn an Dia, air son an do chuir an Tighearn an Dia esan d'an ionnsuidh, eadhon nan uile bhriathra so;

2 Gu'n do labhair Asariah mac Hosaiah, agus Iohanan mac Chareah, agus na daoine uaibhlreach uile, ag ràdh ri Ieremiah, Is breug a tha thu labhairt: cha do chuir an Tighearn ar Dia thu gu ràdh, Na rachaibh do'n Eiphit a dh'fhanuinn air chuairt an sin:

3 Ach tha Baruch mac Neriah 'gad bhrosnuchadh 'na n-aghaidh, a chum ar toirt suas do làimh nan Caldéach, a chum ar marbhadh, no ar toirt air falbh 'nar braidhaidh gu Babilon.

4 Mar so cha d' thug Iohanan mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh ghabhail ann an tìr Iudah:

5 Ach ghabh Iohanan mac Chareah, agus uile cheannardan an fheachd, a' mheud as a bha làthair do Iudah, a phill o na h-uile chinnich gus an robh iad air am fògradh, gu còmhnuidh ghabhail ann an tìr Iudah;

6 Na fir, agus na mnathan, agus a' chlann agus nigheanan an rìgh, agus gach neach a dh'fhàg Nebusar-adan ceannard an fhreiceadain le Gedaliah mac Ahicaim, mhic Shaphain, agus Ieremiah am fàidh, agus Baruch mac Neriah;

7 Agus dh'imich iad gu tìr na h-Eiphit; oir cha d' thug iad géill do ghuth an Tighearn; agus thàinig iad eadhon gu Tahpanes.

8 An sin thàinig focal an Tighearna gu Ieremiah ann an Tahpanes, ag ràdh,

9 Gabh ann ad làimh clachan mòra, agus solaich iad anns a' chreadh, ann an àth nan clacha-creadha, a ta aig dol a steach tighe Pharaoh, ann an Tahpanes, ann an sealladh fheara Iudah.

10 Agus abair riu, Mar so tha Tighearn nan sluagh, Dia Israeil ag ràdh; Feuch, cuiridh mise fios, agus gabhaidh mi Nebuchadnesar rìgh Bhabiloin, mo sheirbhisich, agus suidhichidh mi a rìgh-chaitir air na clachaibh so a dh'fholaich mi, agus sgaoilidh e a phàillium rioghail os an ceann.

11 Agus thig e, agus buailidh e tìr na h-Eiphit, iadsan a ta chum bàis, le bàs; agus iadsan a ta chum daorsa, le daorsa; agus iadsan a ta chum a' chlaidheimh, leis a' chlaidheamh.

12 Agus fadaidh mise teine ann an tighibh dhèe na h-Eiphit; agus loisgidh esan iad, agus bheir e air falbh 'nam braidhaidh iad, agus éididh se e fèin le tìr na h-Eiphit, mar a dh'èideas buachaill e fèin le 'thrusgan; agus théid e mach as a sin ann an sìth.

13 Brisidh e fòs dealbhan tighe na gréine a ta an tìr na h-Eiphit; agus tighean dhèe na h-Eiphit loisgidh e le teine.

CAIB. XLIV.

1 *Chronaich Ieremiah na h-Iudhaich san Eiphit air son an iodhol-aoradh: 11 Dh'innis e roimh-làimh an léir-sgrìos. 15 Aingidheachd agus reusgachd nan Iudhach.*

AM focal a thàinig gu Ieremiah mu thimchioll nan uile Iudhach a ta chòmhnuidh ann am fearann na h-Eiphit, a ta chòmhnuidh aig Migdol, agus aig Tahpanes, agus aig Noph, agus ann an dùthaich Phatros, ag ràdh,

2 Mar so tha Tighearn nan sluagh, Dia Israeil, ag ràdh, chunnaic sibh an t-uile olc a thug mise air Ierusalem agus air uile bhailtibh Iudah; oir feuch an diugh tha iad 'nam fàsach, agus cha 'n' eil neach 'gan àiteachadh,

3 Air son an aingidheachd a chuir iad an gnìomh, a chum mise a bhrosnuchadh gu fèig, le iad a dhol a losgadh tùise, gu seirbhis a thoirt do dhiathaibh eile nach b'aithne dhoibh: dhoibh-san, dhuibh-se, no do 'ur n-aithrichibh.

4 Chuir mi mar an ceudna do 'ur n-ionnsuidh m'uile sheirbhisich na fàidhean, ag éirigh gu moch agus 'gan cur a mach, ag ràdh, Guidheam oirbh, na deanaibh an ni gràineil so a's fuathach leam-sa.

5 Ach cha d'éisd iad, ni mò thionndaidh iad an cluas, gu pilleadh o'n aingidheachd, agus gun tùis a losgadh do dhiathaibh eile.

6 Uime sin bha m'fhearg agus mo chorr-uich air a taomadh a mach, agus air a lasadh ann am bailtibh Iudah, agus ann an sràidibh Ierusalem, agus tha iad 'nam fàsach, agus 'nan làraich sgaoilte, mar air an là an diugh.

7 Agus a nis mar so deir Iehobhah Dia nan sluagh, Dia Israeil; C'uime am bheil sibh a' cur an gnìomh an uile mhòir so an aghaidh 'ur n-anama fèin, a ghearradh as uaibh an fhìr agus na mnà, an leinibh agus an naoidhein, a mach á Iudah; ionnus nach fàgar fuigheall beò dhihbh;

8 Agus gu bheil sibh 'gam bhrosnuchadh-sa gu corruich le oiribh 'ur làmh, a' losgadh tùise do dhiathaibh coimheach

ann an tìr na h-Eiphit, gus am bheil sibh air dol a ghabhail còmhnuidh; a chum gu'm biodh sibh air 'ur gearradh as, agus gu'm biodh sibh 'nur mallachadh, agus 'nur masladh am measg uile chinneach na talmhainn?

9 An do dhìc-huimhnich sibh aingidh-eachd bhur n-aithrichean, agus aingidh-eachd rìghrean Iudah, agus aingidheachd am mnathan, agus 'ur n-aingidheachd féin, agus aingidheachd 'ur ban, a chuir iad an gnìomh ann am fearann Iudah, agus ann an sràidibh Ierusalem?

10 Cha'n 'eil iad air an irioslachadh gus an là an diugh, ni mò ghabh iad eagal, no ghluais iad ann am lagh-sa, no ann am reachdaibh, a chuir mi roimhibh-sa, agus roimh bhur n-aithrichibh.

11 Uime sin mar so tha Tighearn nan sluagh, Dia Israeil, ag ràdh, Feuch, cuiridh mise mò ghluais 'nur n-aghaidh a chum uile, eadhon a chum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ri dol do thìr na h-Eiphit gu fantuinn air chuairt an sin, agus caith-eas iad uile ann an tìr na h-Eiphit; tuitidh iad leis a' chlaidheamh, caithear iad leis a' ghort; o'n bheag gus a' mhòr, bàsaichidh iad leis a' chlaidheamh, agus leis a' ghort; agus bithidh iad 'nam mallachadh, agus 'nau uamhas, agus 'nam mallachd, agus 'nam masladh.

13 Agus smachdaichidh mi iadsan a ta chòmhnuidh ann an tìr na h-Eiphit, mar a smachdaich mi Ierusalem, leis a' chlaidheamh, leis a' ghort, agus leis a' phlàigh.

14 Agus do fhuigheall Iudah a ta air teachd air chuairt do'n Eiphit, cha bhi neach a théid as no mhaireas beò, gu pill-eadh do thìr Iudah, gus am bheil iad an geall air pilleadh a ghabhail còmhnuidh; seadh, cha phill ach iadsan a théid as.

15 An sin ua h-uile dhaoine aig an robh fios gu'n do loisg am mnathan tùis do dhiathaibh eile, agus na h-uile mhnathan a sheas dlùth, sluagh mòr, eadhon an t-uile shluagh a bha chòmhnuidh ann an tìr na h-Eiphit, ann am Patros, fhreagair iad Ieremiah, ag ràdh,

16 A thaobh an fhocail a labhair thu ruinn ann an ainm an Tighearna, cha'n éisd sinn riut.

17 Ach ni sinn gu deimhin gach uile ni a thig a mach as ar beul féin, a losgadh tùise do bhan-rìghinn nèimh, agus a thaomadh a mach thabhartasa-dibhe dhi; amhuil a rinn sinn, sinn féin agus ar n-aithrichean, ar rìghrean, agus ar n-uaislean, ann am bailtibh Iudah, agus ann an sràidibh Ierusalem: oir an sin bha pailteas bidh againn, agus shoirbhich leinn, agus clia'n fhaca sinn olc air bith.

18 Ach o'n àm an do sguir sinn do losgadh tùise do bhan-rìghinn nèimh, agus do thaomadh a mach thabhartasa-dibhe dhi, bha easbhuidh nan uile nithe oirnn, agus bha sinn air ar caitheamh leis a' chlaidheamh agus leis a' ghort.

19 Agus an uair a loisg sinn tùis do bhan-rìghinn nèimh, agus a dhòirt sinn a mach tabhartasa-dibhe dhi, an d'rinn sinn breacagan dhi d'a h-aoradh, agus a dhòrtadh thabhartasa-dibhe dhi, as eugmhais ar feara?

20 An sin labhair Ieremiah ris an uile shluagh, ris na fearaibh, agus ris na mnaibh, agus ris an uile shluagh a thug dha freagradh, ag ràdh,

21 An tùis a loisg sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, 'ur rìghrean, agus 'ur n-uachdarain, agus sluagh an fhearainn, nach do chuimhnich an Tighearn iad, agus nach d'fhàinig iad 'na aire?

22 Air chor as nach feudadh an Tighearn giùlan *leibh* ni b' fhaide, air son aingidheachd 'ur deauadais, air son nan gràineil-eachdan a chuir sibh an gnìomh: air an aobhar sin tha 'ur fearann 'na fhàsach, agus 'na uamhas, agus 'na mhallachd, gun aon fhear-àiteachaidh, mar air an là an diugh.

23 A chionn gu'n do loisg sibh tùis, agus a chionn gu'n do pheacaich sibh an aghaidh an Tighearna, agus nach d'fhug sibh géill do ghuth an Tighearna, ni mò ghluais sibh 'na lagh, no 'na reachdaibh, no 'na àitheantaibh: air an aobhar sin, tha'n t-olc so air teachd oirbh, mar air an là an diugh.

24 Os bàrr, thubhairt Ieremiah ris an t-sluagh uile, agus ris na mnaibh uile, Eisdibh focal an Tighearna, uile Iudah a ta an tìr na h-Eiphit;

25 Mar so labhair Tighearn nan sluagh, Dia Israeil, ag ràdh, Labhair sibh féin agus 'ur mnathan le 'ur beoil, agus chuir sibh an gnìomh le 'ur lànhan, ag ràdh, Coimhlionaich sinn gu deimhin ar boidean a thug sinn, gu tùis a losgadh do bhan-rìghinn nèimh, agus tabhartasa-dibhe dhòrtadh a mach dhi: ni sibh gu deimhin 'ur boidean a ghaingneachadh, agus ni sibh gu deimhin 'ur boidean a choimhlionadh.

26 Uime sin éisdibh focal an Tighearna, uile Iudah, a ta chòmhnuidh ann an tìr na h-Eiphit; Feuch, mhionnaich mise air m'ainm mòr, deir an Tighearn, nach bi m'ainm ni's mò air 'ainmeachadh ann am beul duine air bith do Iudah, ann an uile thìr na h-Eiphit, ag ràdh, Mar is beò an Tighearn Dia.

27 Feuch, ni mise faire os an ceann air son uile, agus cha'n ann air son maith,

IEREMIAH, XLIV. XLV. XLVI.

agus sgriosar gach duine do Iudah a ta 'n tìr na h-Eiphit, leis a' chlaidheamh, agus leis a' ghort, gus am bi làn chrìoch orra.

28 Agus a' mhuinntir a thèid as o'n chlaidheamh, pillidh iad o thìr na h-Eiphit gu tìr Iudah, tearc ann an àireamh: agus aithnichidh uile fhuigheall Iudah a chaidh air chuid do thìr na h-Eiphit, cò am focal a sheasas, m'fhocal-sa, no am focal-san.

29 Agus *bithidh* so mar chomhara dhuibh, deir an Tighearn, gur mise a smachdaich sibh anns an àite sin, a chum gu'n aithnich sibh gu cinnteach gu seas mo bhriathran-sa 'nur n-aghaidh a chum 'ur dochainn:

30 Mar so deir an Tighearn, Feuch, bheir mise Pharaoh-hopra rìgh na h-Eiphit do làimh a naimhdean, agus do làimh na muinntir a ta 'g iarraidh 'anama; mar a thug mi Sedeciah rìgh Iudah do làimh Nebuchadnesair rìgh Bhabiloin, agus fear-tòrachd¹ 'anana.

CAIB. XLV.

1 'Nuair bha Baruch fo eagal thug Ieremiah misneach dha.

AM focal a labair Ieremiah am fàidh ri Baruch mac Neria, 'nuair a sgrìobh e na briathran so ann an leabhar o bheul Ieremiah, ann an ceathramh bliadhna Iehoiacim mhic Iosiah rìgh Iudah, ag ràdh,

2 Mar so labhair an Tighearn Dia Isracil do d' thaobh-sa, O Bharuich;

3 Thubhairt thu, Mo thruaighe mise nis! oir chuir an Tighearn bròn ri m' dhoilghios; tha mi sgìth le m' osnaibh, agus fois air bith cha d'fhuair mi!

4 Mar so their thu ris, Mar so thubhairt an Tighearn, Feuch, an uì sin a thog mi, tilgidh mi sìos; agus an uì sin a shuidhich mi spionaidh mi nìos; eadhon am fearann so gu h-ìomlan.

5 Agus am bheil thusa ag iarraidh air do shòn fèin nìthe mòra? Na h-iarr: oir, feuch, bheir mise olc air na h-uile fhoil, tha an Tighearn ag ràdh: ach bheir mi dhuitse t'anam mar chobhartach, anns na h-uile àite gus an tèid thu.

CAIB. XLVI.

1 Roimh-innis Ieremiah gu'm buaicadh Nebuchadnesar feachd rìgh na h-Eiphit. 17 Thug e comhfhurtachd do Jacob 'na bhraighdeanas.

FOCCAL an Tighearn a thàinig gu Ieremiah am fàidh, mu thimchioll nan cinneach.

2 Mu thimchioll na h-Eiphit. A thaobh feachda Pharaoh-necho rìgh na h-Eiphit, a bha ri taobh na h-aimhne Euphrateis ann an Charchemis, a bhuail Nebuchadnesar rìgh Bhabiloin, ann an ceathramh bliadhna Iehoiacim, mhic Iosiah, rìgh Iudah.

3 Gleusaibh an targaid agus an sgiath,

agus dlùthaichibh a chum a' chatla.

4 Uidhimichibh na h-eich, agus rach-aibh air am muin, a mharc-shluagh; agus seasaibh a mach le ceann-bheartaibh; lìomhaibh na sleaghan, cuiribh oirbh na lùirichean.

5 C'ùime am faca mi iad so fo gheilt, agus a' gabhail na ruaige? tha eadhon an daoine cumhachdach air an claidh; seadh a' teicheadh gu luath, agus gun iad a' sealltuinn 'nan déigh. Tha eagail air gach làimh, deir an Tighearn.

6 Na teicheadh am fear luath, agus na rachadh am fear làidir as; a làimh na h-àirde tuath, ri taobh na h-aimhne Euphrateis, thuislich, agus fhuair iad leagadh.

7 Cò so teachd a nìos mar amhainn, agus a h-uisgeachan ag atadh mar thuiltean?

8 Dh'éirich an Eiphit mar amhainn, tha a h-uisgeachan ag atadh mar thuiltean, agus tha i ag ràdh, Thèid mi suas, comhdaichidh mi am fearann, sgriosaidh mi a' chaitheir agus iadsan a ta 'ga h-àiteachadh.

9 Rachaidh air 'ur n-cachaibh, agus bithibh air mhìre-chatha; air na carbad-aibh, agus rachadh na fir-chogaidh a mach: na h-Etiopaich, agus na Libianaich a ghlacas an sgiath, agus na Lidian-aich a ghlacas agus a chuireas air lagh am bogha.

10 Oir is e so là Tighearna nan sluagh, là dìohaltais, a chum e fèin a dhioladh air a naimhdeibh: agus sluigidh an claidheamh, agus bithidh e sàthach, agus cuirear air mhisg e le 'm fuil: oir tha iobairt aig Tighearn nan sluagh anns an tìr mu thuath, laimh ri amhainn Euphrateis.

11 Theirig suas gu Gilead, agus gabh ioc-shlaint, O òg-bhean, a nighean na h-Eiphit; is dìomhain duit mòran chungaidhean-leigheis a ghnàthachadh: air do leigheas cha bhi thu.

12 Chuala na cinnich do mhasladh, agus lion do ghaoir an talamh: oir thuislich iad, an laoch an aghaidh an laoch; thuit iad aron le chéile.

13 Am focal a labhair an Tighearn ri Ieremiah am fàidh, mu theachd Nebuchadnesair rìgh Bhabiloin, a bhualadh tìre na h-Eiphit.

14 Foillsichibh anns an Eiphit, agus cuiribh an céill ann am Migdol; innsibh sòs ann an Noph, agus ann an Tahpanes abraibh; Seas daingean, agus deasaich thu fèin; oir shluig an claidheamh a' mhuinntir a ta mu'n cuairt duit.

15 C'ùime am bheil do chumhachdaich air an leagail? cha do sheas iad, a chionn gu'n do thilg an Tighearn sìos iad.

16 Thug e air mòran tuisleachadh,

¹ a bha 'g iarraidh.

seadh, tuiteam air muin a ehéile¹: thubhairt iad uime sin, 'Thigibh, agus pilleam-aid gu ar sluagh féin, agus gu tír ar dúchais, o ehlaidheamh a' mhlaitheir.

17 Dh'éigh iad an sin, O Pharaoh, a rìgh na h-Eiphit, chuir ioma-luasgadh bacadh air a' choinneamh a' shuidhicheadh.

18 Mar is beò mise, deir an Rìgh, d'an ainm Iehobhalh Dia nan sluagh, gu deimhin mar 'Thabor am measg nam beann, agus mar Charmel ri taobh na fairge, thig e.

19 Cuir t' airneis an uidheam air son dol air ghluasad, O anighean a ta chòmh-nuidh san Eiphit; oir bithidh Noph 'na fhàsach, bithidh e fòs 'na làraich sgaoilte, gun aon 'ga àiteachadh.

20 Is agh aig am bheil aogus àluinn an Eiphit; tha milleadh o'n àirde tuath a' teachd 'na h-aghaidh.

21 Tha a fir-thuasadail fòs 'na meadh-on mar dhaimh bhiadhta; gidheadh thionndaidh eadhon iadsan an cùlaobh, theigh iad le chéile, eha do sheas iad; a chionn gu'n d'fhàinig orra là an aimhleis, ainsir an smachdachaidh.

22 Théid a ghuth a mach mar *ghuth* nathrach; oir gluaisidh iad mar armait, agns thig iad 'na h-aghaidh le tuaghaibh, mar luchd-gearradh chraobh.

23 Gearraibh sìos a coilteach, tha an Tighearn ag ràdh, air chor as nach bi i r'a faotainn le iarraidh; ge lìonmhoire iad na locuist, agus ged nach feudar an àir-eamh.

24 Tha amluadh air nighinn na h-Eiphit; thugadh thairis i do làimh sluaigh na h-àirde tuath.

25 Thubhairt Tighearn nan sluagh, Dia Israeil, Feuch, smachdaichidh mise Amon, No, agus Pharaoh, agus an Eiphit, agus a dée, agus a rìghrean; eadhon Pharaoh agus iadsan a ta cur an dòchais ann.

26 Agus bheir mi thairis iad do làimh na muinntir a ta 'g iarraidh an anama, eadhon do làimh Nebuchadnesair rìgh Bhabiloin, agus do làimh a sheirbhiseach: agus 'na dhéigh sin àitichear i, mar anns na làithibh o shean, deir an Tighearn.

27 Ach na biodh eagal ortsa, O Iacoib, m' òglaich, agus na biodh geilt ort, O Israeil; oir, feuch, bheir mise tèaruipie thu o chéin, agus do shliochd o thìr an daorsa; agus pillidh Iacob, agus gheibh e fois agus sìth; agus cha bhi aon neach ann a chur eagal air.

28 Na biodh eagal ort, O Iacoib m' òg-laich, deir an Tighearn, oir tha mise maille riut; ged bheir mi crìoch iomlan air na h-uile chinnich gus an d'fhògair mi thu, gidheadh cha toir mi crìoch iomlan ortsa: ach smachdaichidh mi thu ann an

tomhas, agus cha'n fhuing mi dhuit dol as gu h-iomlan saor.

CAIB. XLVII.

1 *Fàisteachd mu thimchioll léir-sgrìos nam Philisteach.*

FOCAL an Tighearn a thàinig gu Ieremiah am fàidh a thaobh nam Philisteach, mu'n do bhuail Pharaoh Gasa.

2 Mar so deir an Tighearn, Feuch, tha uisgeachan a' teachd a mìos o'n àirde tuath, agus fàsaidh iad 'nan tìl a thig thairis, agus a chòmhdaicheas am fearann, agus gach nì a ta ann; a' chaitlir, agus iadsan a ta 'g a h-àiteachadh: agus éighidh na daoine gu h-àrd, agus nì uile luchd-àiteachaidh na tìre tuireadh.

3 Rì fuaim tartair iongan an eacha meannach, ri farum a' charbad, ri stairirich a rothan, cha seall na h-aithrichean air an ais ri 'n cloinn le laigse làmh;

4 Air son an là a ta teachd a chreachadh nam Philisteach uile, agus a ghearradh air falbh o Thirus agus o Shidon gach fear-cuideachaidh a mhaireas: oir creachaidh an Tighearn na Philistich, fuigheall tìre Chaphtoir.

5 Thàinig maole air Gasa; mhilleadh Ascelon. O fhuigheall an glinne; cia fhada nì thusa thu féin a ghearradh?

6 Ho! a chlaidheimh Iehobhah! cia fhada gus an gabh thu fois? taisg thu féin ann ad thruaill, gabh fois, agus bi sàmhach.

7 Cionnus a dh'fheudas e bhì sàmhach, o thug an Tighearn àithme dha? An aghaidh Asceloin, agus an aghaidh oirthir na fairge, an sin dh'orduich se e

CAIB. XLVIII.

1 *Breitheanas nam Moabach, 7 a chionn gu'n do chuir iad an dòchas 'nan saoirheas, 11 'nan soirbheas, 14 agus 'nan neart chum cogaidh-26 Nìthear Moab 'na bhàlt-fanaid air son uaille agus àrdain a chridhe. 47 Bheirair bruid Mhoab air a h-ais anns na làithibh deireannach.*

MU thimchioll Mhoab. Mar so tha Tighearn nan sluagh, Dia Israeil, ag ràdh; Is an-aobhin do Nebo! oir tha e air a chreachadh: tha Ciriataim air a chur gu h-amhladh, air a ghlacadh; tha e air a mhaslachadh, an daingneach àrd, agus air a bhriseadh sìos.

2 Nì's mò cha bhì uail aig Moab ann an Hesbon; dhealbhadh olc 'na aghaidh, ag ràdh, Thigibh, agus gearraimad as e o bhì 'na chinneach: millear thusa mar an ceudna, O Mhadmein, bithidh an claidheamh air do thòir.

3 Tha fuaim éighich o Horonaim, mill-eadh agus àr mòr.

4 Tha Moab air a mhilleadh, thug a chlann bheag air an gaoir a bhì air a cluinntinn.

5 Gu dearbh aig uchdaich Lulit, théid

¹ càch a chéile.

gul a suas gun fhois: gu dearbh aig leathad Horonaim chuala mo naimhdean éigh a' mhillidh.

6 Theichibh, tèarnaibh 'ur n-anam, agus bithibh mar phreas seargta san ionad sgaoilte.

7 Oir a chionn gu'n d'earb thu á do mhaoin, agus á d'ionmhasaibh, air an aobhar sin bithidh tuféin fòs air do ghlaacadh: agus théid Chemos air falbh am braighdeanas, a shagairt agus 'uachdarain maille ris.

8 Thig creachadair fos air gach uile chaithir; agus cha téid caithir air bith as: agus millear an gleann, agus théid an còmhnaid a sgrios, amhuil a labhair an Tighearn.

9 Thugaibh sgiathan do Mhoab, a chum gu'n teich e gu luath air falbh; agus biodh a bhailtean 'nam fàsach, gun aon 'gan àiteachaidh.

10 Is malluichte esan a ni obair an Tighearna gu cealgach; agus is malluichte esan a chumas a chlaidheamh air ais o fhuil.

11 Bha suaimhneas aig Moab o 'òige, agus shocruidh¹ e air a dheasgainibh, agus cha do tharruingeadh a mach o shoitheach gu soitheach e, ni mò dh'imich e ann am braighdeanas: air an aobhar sin mhair a bhlas ann, agus cha d'atharraicheadh 'fhàile.

12 Uime sin, feuch, tha na làithean a' teachd, deir an Tighearn, anns an cuir mise d'a ionnsuidh luchd-glusaid, a bheir air dol air ghluasad, agus a dh'fhal-mhaicheas a shoithichean, agus a bhriseas a shoireachan.

13 Agus bithidh nàire air Moab do Chemos, mar a bha nàire air tigh Israeil do Bhet-el am muinghinn.

14 Cionnus a their sibh, Tha sinn 'nar daoine cumhachdach, agus treuna air son a' chatha?

15 Tha Moab air a chreachadh, agus air dol suas as a bhailtibh, agus thàinig an òigrìdh taghta-san a nuas a chum an àir, deir an Rìgh, d'an ainm Iehobhah Dia nan sluagh.

16 Tha léir-sgrios Mhoab dlùth do làimh, agus 'amhghar gu luath a' greasad.

17 Guilibh air a shon, sibhse uile mu'n cuairt da; agus sibhse uile d'an aithne 'ainm, abraibh, Cionnus a bhriseadh slat-rioghail na treise! lorg na maise!

18 Thig a nuas o d' àilleachd, agus suidh ann an ìota, O a nighean a ta 'g àiteachadh Dhiboin; a chionn gu bheil creachadair Mhoab air teachd a nìos ann ad aghaidh, fear-millidh do dhaing-nichean.

19 Seas aig an t-slighe, agus gabh seall-

adh, O bhean-àiteachaidh Aroeir; feòraich dheth-san a theicheas, agus dh'ise chaidh as, abair Ciod a rinneadh?

20 Mhasluicheadh Moab, oir bhriseadh a sìos e: deanaibh ulartaich agus àrd-éigheach; imnsibh an sgeul ann an Arnon, gu bheil Moab air a mhillleadh.

21 Agus thàinig breitheanas air an tìr chòmhnaird; air Holon, agus air Iahasah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul, agus air Bet-meon,

24 Agus air Ceriot, agus air Bosrah, agus air uile bhailtibh fearainn Mhoab, am fad agus am fagus.

25 Ghearradh adharc Mhoab uaithe, agus tha a ghairdean air a bhriseadh, deir an Tighearn.

26 Cuir air mhìsg e; a chionn gu'n do thog e suas e féin an aglaidh an Tighearna; seadh, ni Moab e féin aonairt 'na sgeith féin, agus bithidh e mar an ceudna 'na bhall-fanaid.

27 Oir, nach robh Israel 'na bhall-fanaid dhuitse? an d'fhuaradh am measg mheirleach e, gu'n tugadh tu ana-cainnt da leis na h-uile bhriathraibh a b'urrainn thu?

28 Fàgaibh na bailtean, agus gabhaibh còmhnuidh anns a' charraig, O sibhse a ta 'g àiteachadh Mhoab; agus bithibh cosmluaidh ris a' choluman a ni a nead ann am bruaich bile na h-uaimhe.

29 Chuala sinn uabhar Mhoab; tha e ro uaibhreach; a mhòr-chùis, agus 'uabhar, agus 'uail, agus àrdan a chridhe.

30 Is aithne dhomh-sa, deir an Tighearn, a chorruich, ach cha'n 'eil a neart d'a réir; a ràiteachas, ach cha'n 'eil a dheanadas d'a réir.

31 Air an aobhar sin guilibh mise air son Mhoab, eadhon air son Mhoab uile togaidh mi 'n àird mo ghuth; ri fearaibh Chìr-hereis ni Iaser éigheach le gul.

32 Guilibh mi air do shon, O fhionain Shìbmah; sgaoil do mheanglain thar an fhaire, ràinig iad gu ruig faire Iasèir; air do mheas-samhraidh, agus air d'fhion-fhogharadh bhuail am fear-millidh.

33 Agus tha aobhneas agus gàirdeachas air an toirt air falbh o'n mhachair thorraich, eadhon o thìr Mhoab; agus air fion o'n amar-bhruthaidh chuir mise casgadh; am fear-bruthaidh cha bhruth, an iolach cha'n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoar gu ruig Horonaim, mar thir-bliadhnach aigh; oir bithidh eadhon uisgeacha Nimrim 'nan léir-sgrios.

35 Agus cuiridh mise casgadh ann am Moab, tha an Tighearn ag ràdh, airtsan a

¹ shìolaidh.

IEREMIAH, XLVIII. XLIX.

dh'ìobras air ionad àrd, agus airsan a loisgeas tùis d'a dhiathaibh.

36 Air an aobhar sin ni mò chridhe fuaim mar phìobaibh air son Mhoais; ni eadhon mò chridhe fuaim mar phìobaibh air son fheara Chir-hereis: a chionn gu'n deachaidh am beartas a fhuair iad am mugha.

37 Seadh, *bithidh* gach ceann maol, agus gach feusag bearrta: air na h-uile làmhan *bithidh* gearraidhean, agus air na h-uile leasraibh sac-éididh.

38 Air mullach uile thighean Mhoais, agus 'na shràidibh, *bithidh* tuireadh coit-chionn: oir bhris mise Moab, mar shoith-each anns nach 'eil aig aon neach tlachd, deir an Tighearn.

39 Cionnus a bhriseadh sìos e! (bhàir iad:) cionnus a thionndaidh Moab a chùl-aobh! nàraicheadh Moab, agus bithidh e 'na bhall-fanaid, agus 'na uamhunn dhoibhsan uile mu'n cuairt da.

40 Oir mar so tha an Tighearn ag ràdh, Feuch, itealaichidh *aon* mar iolair, agus sgaoilidh e a sgiathan thar Mhoab.

41 Ghlacadh na bailtean, agus tha na daingnichean an làimh, agus bithidh cridheachan laoch Mhoais anns an là sin mar chridhe mnà ri saothair.

42 Agus sgriosar Moab o bhi nì's mò 'na chinneach, a chionn gu'n d' àrdaich se e fèin an aghaidh an Tighearna.

43 *Bithidh* an t-uamhas, an slochd, agus an rib ort, O fhir-àiteachaidh Mhoais, deir an Tighearn.

44 Esan a theicheas o'n uamhas, tuitidh e san t-slochd, agus esan a dh'èireas as an t-slochd, glacar e san rib; oir bheir mise air, *eadhon* air Moab, bliadhna a smachdachaidh, deir an Tighearn.

45 Fuidh sgàile Hesboin sheas iadsan a theich o'n ainneart: ach thig teine mach o Hesbon, agus lasair á meadhon Shihoin, agus loisgidh e cearna Mhoais, agus mullach cinn nan daoine céannaireach.

46 Is an-aobhin dhuitse, O Mhoais! tha thusa caillte, O shluaigh Chemois! oir thugadh do mhic air falbh am braigh-deanas, do nigheanan ann am bruid mar an ceudna.

47 Gidheadh bheir mise air a h-ais bruid Mhoais anns na làithibh deireannach, deir an Tighearn. An fhad so brcith-eanas Mhoais.

CAIB. XLIX.

1 *Breitheanas nan Amonach, 7 nan Edomach, 23 Dhamascuis, 28 Chedair, 30 Hasoir, 34 agus Elaim. 39 Bheirair bruid Elaim air a h-ais anns na làithibh deireannach.*

MU thimchioll nan Amonach, Mar so tha an Tighearn ag ràdh, Nach 'eil mic idir aig Israel? nach 'eil oighre sam bith aige! c'uime am bheil sealladh

aig Milcom air Gad, agus a shluagh a cliomhnuidh 'na bhailtibh?

2 Uime sin, feuch, tha na làithean a' teachd, deir an Tighearn, san toir mise fa'near gu'n cluinnear ann an Rabah nan Amonach caismeachd cogaidh; agus bithidh e 'na thòrr léir-sgrìos, agus loisgear a nigheanan le teine: an sin bithidh Israel 'na oighre air an dream a bha 'nan oighreachan air-san, deir an Tighearn.

3 Dean ulartaich, O Hesboin, oir chreachadh Ai: éighibh, a nigheana Rabah, cuiribh umaibh eudach-saice: deanaibh tuireadh, agus ruithibh air 'ur n-ais agus air 'ur n-aghaidh ri taobh nan callaidean; oir falbhaidh Milcom ann am braigh-deanas, a shagairt agus 'uachdarain maille ris.

4 C'uime am bheil thu ri uail ann an gleanntaibh? *ged* tha do ghleann torrach, O a nighean cheannaireach; ag earbsa as a h-ionmhasaibh, *ag ràdh*, co thig a m'ionnsuidh-sa?

5 Feuch, bheir mise uamhas ort, tha an Tighearn Dia nan sluagh ag ràdh, o na h-uile taobh mu'n cuairt duit, agus ionainear a mach sibh, gach aon roimhe, agus cha bhi neach ann a chruinnicheas air an ais a' mhuinntir a ghabhas an ruaig.

6 Ach 'na dléigh sin bheir mise air a h-ais bruid cloinne Amoin, deir an Tighearn.

7 Mu thimchioll Edoim. Mar so tha Tighearn nan sluagh ag ràdh, Nach 'e'l gliocas nì's mò ann an Teman? an do bhàsaich comhairle nan daoine glise? an deachaidh an gliocas am mugha?

8 Teichibh, pillibh air 'ur n-ais, rachaibh domhain a ghabhail còmhnuidh, O a luchd-àiteachaidh Dhedain; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhion-dhearc a d' ionnsuidh, cha'n fhàg iad uirread as dìoghlum: ma thig gaduichean anns an oidhche, creachaidh iad gus am bi aca nì's leòr.

10 Oir rùisg mise Esau, leig mi ris 'ionada dìomhair, air chor as nach feud se e fèin fhòlach; chreachadh a shliochd, agus a bhràithrean, agus a choimhears naich, agus cha'n 'eil e fèin ann.

11 Fàg do dhilleachdain, gleidhidh mise beò iad; agus cuireadh do bhantraichean an dòchas annam-sa.

12 Seadh, mar so deir an Tighearn, Feuch, iadsan nach robh cho toilleapach air òl do'n chuaich, dh'òl iad dhi gu deimhin, agus am feud thusa dol saor as? cha téid thu as, ach gu deimhin òlaidh tu.

13 Oir orm fèin mhionnaich mise, deir an Tighearn, gu'm bi Bosrah 'na léir-sgrìos, 'na mhasladh, 'na fhàsach, agus

IEREMIAH, XLIX.

'na mhallachadh; agus gu'm bi 'uile bhailtean 'nam fàsaichean siorruidh.

14 Chuala mi aithris o'n Tighearn, agus chuireadh teachdair chum nan cinneach, *ag ràdh*, Crùinnichibh ri chèile, agus thigibh 'na h-aghaidh, agus eiribh suas chum a' chatha.

15 Oir feuch, ni mise beag thu am measg nan cinneach, *agus* suarach am measg dhaoine.

16 Rinn do mhòr-chumhachd do mbealladh, nabhar do chridhe, O thusa ta 'g àiteachadh uamha na carraig, a ta gleidhcadh àirde a' chnuic: ged dhean thu gu h-àrd, mar an iolair, do nead, as a sin bheir mise nuas thu, deir an Tighearn.

17 Agus bithidh Edom 'na fhàsach; bithidh uamhunn air gach neach a thèid seachad air, agus ni iad sgeig m' a uile léir-sgrìos.

18 Ceart mar ann an sgrìos Shodoim agus Ghomora, agus nan ionadan a bha dlùth dhoibh, deir an Tighearn, cha ghabh duine còmhnuidh an sin, ni mò thèid mac duine gu fuireach air chuairt ann.

19 Feuch, mar leòmhann thig e nìos o ataireachd Iordain gu ionad-còmhnuidh nan cumhachdach. Gu deimhin bheir mise fa' near gu luath gu'n ruith e nìos as a sin; agus cò e an gaisgeach taghta a chuireas mi os a cheann? Oir cò is còmhluiriumsa, no cò a chumas coinneamh rium, no c'ait am bheil am buachaill sin a's urrainn seasamh ann am làthair?

20 Air an aobhar sin èisidibh rùn an Tighearn, a rùnaich e an aghaidh Edoim, agus a smuaintean a smuaintich e an aghaidh luchd-àiteachaidh Thèmain: gu deimhin spionar air falbh àlach an treud, gu deimhin nìthear léir-sgrìos, os an ceann, d'an aite-còmhnuidh.

21 Le fuaim an leagaidh, tha crith air an talamh; tha 'ghaoir a' dol a mach; aig a' Mhuir-ruaidh chualas an éigheach.

22 Feuch, thig e nìos mar iolair ag itealach, agus sgaoilidh e a sgiathan thar Bosrah; agus bithidh cridheachan laochruidh Edoim anns an là sin mar chridhe muà ri saothair.

23 Mu thùchdail Dhamascuis. Chuireadh gu h-amhladh Hamat agus Arphad, oir chual' iad droch sgeul; tha iad fuidh iomagain mar mhuir bhuairte nach feud a bhi sàmhach.

24 Tha Damascus air fàs lag, tha e 'ga thionndadh fèin gu teicheadh, agus fhuair eagal greim air; ghlac teanntachd e, agus ioghanna, mar mhnai ri saothair.

25 Cionnus nach mairionn caithir a' mholaidh, baile mo shòlais!

26 Uime sin tuitidh a h-òganaich 'na sràidibh, agus gearrar as na fir-chogaidh uile san là sin, deir Tighearn nan sluagh.

27 Agus fadaidh mise teine ann am balla Dhamascuis, agus loisgidh e luchairtean Bhenhadaid.

28 A thaobh Chedair, agus a thaobh rioghachdan Hasoir, a bhuail Nebuchadnesar rìgh Bhabiloin. Mar so thubhairt an Tighearn, Eiribh, rachaibh suas gu Cedar, agus creachaibh daoine an àirde an ear.

29 Am bùthan agus an treudan glacadh iad, an sgàileachan agus an airneis uile; agus an càmhlan gabhadh iad dhoibh fèin; agus abradh iad ri u', Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, O a luchd-àiteachaidh Hasoir, deir an Tighearn; oir ghabh Nebuchadnesar rìgh Bhabiloin comhairle 'nur n-aghaidh, agus dhealbha e imleachd 'nur n-aghaidh.

31 Eiribh, rachaibh suas an aghaidh cinnich shuaimhneich, a ta gabhail còmhnuidh gun chùram, deir an Tighearn; aig nach 'eil aon chuid dorsan no croinn; a ta còmhnuidh air leth leo fèin.

32 Agus bithidh an càmhala 'nan cobhartaich, agus pailteas an spréidhe 'na chreic; agus sgapaidh mise gus na h-uile ghaoth iadsan a th'anns na cearnaibh iomallach, agus o na h-uile taobh dheth bheir mise an dòrainn, deir an Tighearn.

33 Agus bithidh Hasor 'na ionad-còmhnuidh dhràgon, 'na fhàsach bith-bhuan; cha ghabh duine còmhnuidh an sin, ni mò thèid mac duine gu fuireach air chuairt ann.

34 Focal an Tighearn a thàinig gu Ieremiah am fàidh mu thimchioll Elaim, an toiseach linn Shedeciah rìgh Iudah, ag ràdh,

35 Mar so tha Tighearn nan sluagh ag ràdh, Feuch, brisidh mise bogha Elaim, a' chuid a's tréine d'an cumhachd.

36 Agus bheir mise air Elam ceithir ghaoithean o cheithir chearnaibh nèimh, agus sgapaidh mi iad roimh na gaoithean so uile; agus cha bhi cinneach sam bith gus nach tig iadsan a dh'fhògradh o Elam.

37 Oir bheir mise air Elam a bhi fuidh gheilt roimh an naimhdean, agus roimh 'n mhuinntir a ta 'g iarraidh an anama; agus bheir mi aimplèas orra, teas mo chorruich, deir an Tighearn; agus cuiridh mi 'nan déigh an claidheamh gus an cuir mi as doibh.

38 Agus cuiridh mi mo rìgh-chaitir ann an Elam, agus sgrìosaidh mi as a sin an rìgh agus na ceannardan, deir an Tighearn.

39 Ach tarlaidh anns na làithibh deir-

¹ canadh iad ri u'.

eannach, gu'n toir mise air an ais bruid
Elaim, deir an Tighearn.

CAIB. L.

1, 9, 21, 35 *Na breitheanais uamhasach a bha gu
teachd air Babilon.* 4, 17, 33 *Saorsa chloinn
Israeil.*

AM focal a labhair an 'Tighearn mu
thimchioll Bhabiloin, agus mu thim-
chioll fearainn nan Caldéach, le Ieremialh
am fàidh.

2 Cuiribh an céill am measg nan cinn-
each, agus foillsichibh, agus cuiribh suas
a' bhratach; foillsichibh, na ceilibh: ab-
raibh, Ghllacadh Babilon, mhasluicheadh
Bel, bhriseadh Merodach 'na bhloighdibh,
chlaoidheadh a h-iodholan, bhriseadh
'nam bloighdibh a dealban.

3 Oir tha cinneach a' teachd a nìos 'na
h-aghaidh o'n àirde tuath, a ni a fearann
'na fhàsach, air chor as nach gabh aon
neach còmhnuidh ann; eadar dhuine
agus ainmhidh gluaisidh iad, siubhlaidh
iad air falbh.

4 Ach anns na làithibh sin, agus air an
àm sin, deir an Tighearn, thig clann Is-
raeil, iad féin agus clann Iudah le chéile,
ag imeachd, agus a' gul 'nan imeachd,
agus iarraidh iad an Tighearn an Dia.

5 Iarraidh iad an t-slighe gu Sion le 'n
aghaidh d'a h-ionnsuidh, *ag ràdh*, Thig-
ibh agus naisgeamaid¹ sinn féin ris an
Tighearn ann an coimhcheangal siorruidh
nach leigear air dì-chuimhne.

6 Bu chaoraich chailte mo shluagh-sa:
thug an aodhairean orra dol air seach-
aran, tharruing iad a thaoibh iad *air* na
sléibhtibh; shuibhail iad o shliabh gu
cnoc, leig iad an àite-fois air dì-chuimhne.

7 Iadsan uile a fhuair iad, shluig iad
suas iad; oir thubhairt an naimhdean,
Cha 'n'eil sinn ri cron air bith, a chionn
gu'n do pheacaich iad an aghaidh an
Tighearn, àite-tàimh a' cheartais; eadhon
an Tighearna, dòchais an aithrichean.

8 Gluaisibh a inach á meadhon Bha-
biloin, agus imichibh á tìr nan Caldéach,
agus bithibh mar na gabhraibh firionn
air toiseach nan treudan.

9 Oir feuch, dhuigidh mise, agus bheir
mi nìos an aghaidh Bhabiloin, coimh-
thional chinneach mòra o'n tìr mu thuath;
agus cuiridh iad iad féin an ordugh 'na
h-aghaidh, air sheòl as gu'n glacar i:
bithidh an saighdean mar gu'm b' ann o
ghaisgeach seolta; cha phill aon diubh
gu dhomhain.

10 Agus bithidh Caldéa 'na creich,
iadsan uile a chreachas i gheibh iad an
sàth, deir an Tighearn.

11 A chionn gu bheil sibh ri gàirdeach-
as, a chionn gu bheil sibh ri aidhear, O
sibhse a chreach m' oighreachd; a chionn

gu bheil sibh air fàs reamhar mar aigh
bhiadhtha, agus ri sitrich mar eachaibh
meannach.

12 Masluichear 'ur màthair gu mòr,
nàraichear ise a rug sibh; feuch ise, deir-
eadh nan cinneach, 'na fàsach, 'na fear-
ann tioram agus falamh.

13 Air son corruich an Tighearn cha
bhi i nì's mò air a h-àiteachadh, ach bith-
idh i 'na fàsach gu h-iomlan: bithidh
uamhunn air gach aon a théid seachad
air Babilon, agus ni e sgeig m' a h-uile
phlàighibh.

14 Cuiribh sibh féin an ordugh an agh-
aidh Bhabiloin air gach taobh: sibhse
uile a lùbas am bogha, caithibh oirre, na
caomhnaibh saighdean; oir chiontaich i
an aghaidh an Tighearn.

15 Eighibh os a ceann air gach taobh:
strìochd si i féin; thuit a daingnichean,
thilgeadh sìos a ballachan: oir is e so
dioghaltas an Tighearna, deanaibh-se
dioghaltas oirre: mar a rinn i féin; dean-
aibh-se rithe.

16 Gearraibh o Bhabilon am fear-cuir,
agus esan a ghilacas an corran an àm an
fhogharaidh: air eagal claidheimh a'
mhillteir, pillidh iad, gach aon g'a
shluagh, teichidh iad gach aon g'a dhùth-
aich.

17 Is treud sgapta Israel; rinn leò-
mhain a ruagadh; an toiseach, chaith rìgh
Asiria suas e; agus mu dheireadh, dh'ith
Nebuchadnesar so rìgh Bhabiloin gu ruig
an cnàimh e.

18 Air an aobhar sin mar so tha Tigh-
earn nan sluagh, Dia Israeil, ag ràdh,
Feuch, smachdaichidh mise rìgh Bha-
biloin agus 'fhearann, mar a smachdaich
mi rìgh Asiria.

19 Ach bheir mi Israel air ais gu 'àite-
còmhnuidh féin, agus ionaltraidh e air
Carmel agus Basan, agus air sliabh E-
phraim agus air Gilead sàsuichear 'anam
anns na làithibh sin.

20 Agus anns an àm sin, deir an Tigh-
earn, iarrar aingidheachd Israeil, agus
cha bhi i ann; agus lochdan Iudah, ach
cha bhi iad r'am faotainn: oir bheir mise
maitheanas dhoibh sin a chaomhaineas mi.

21 An aghaidh fearainn nan ceannair-
each imich suas, air féin, agus air a
luchd-àiteachaidh dean peanas, O a
chlaidheimh, agus cuir as gu buileach
d'an ginell, deir an Tighearn, agus coimh-
lion gach ni mar a dh' àithn mise dhuith.

22 Tha fuaim a' chatha san fhearann,
eadhon milleadh ro mhòr.

23 Cionnus a bhriseadh agus a spealg-
adh fairche an domhain uile! Cionnus a
dh'fhàs Babilon 'na fàsach sgaoilte am
measg nan cinneach!

24 Leag mise rib air do shion, agus bha
thu fòs air do ghllacadh, O Bhabilon, an

¹ ceanglamaid.

uair nach do shaoil thu: fhuaradh, agus fòs ghlacadh thu, a chionn gu'n d'rinn thu stri an aghaidh an Tighearna.

25 Dh'fhosgail an Tighearn a thigh-arm, agus thug e mach airm a chorruich: oir is i so obair Iehobhah, Tighearna nan sluagh, ann an tìr nan Caldéach.

26 Thigibh 'na h-aghaidh o 'n chearna a's iomallaiche, fosglaibh a tighean-taisg, cuiribh fo 'ur cosaibh i mar thòrr, agus sgrìosaibh i gu buileach; na biodh fuigh-eall di air 'fhàgail.

27 Marbhaibh a daimh air fad: rachadh iad sìos a chum an àir; is truagh dhoibh-san: oir tha an là air teachd, àm an smachdachaidh.

28 Guth na muinntir a theich, agus a chaidh as o thìr Bhabiloin, a dh'fhoill-seachadh ann an Sion dioghaltais an Tighearn ar Dia-ne, dioghaltais a theampuil.

29 Gairmibh sluagh lionmhor an aghaidh Bhabiloin; sibhse uile ta lùbadh a' bhogha, cuairtichibh le feachd i air gach làimh; na rachadh cuid air bith dhi as; dìolaibh rithe a réir a h-oibre, a réir gach nì a rinn i, deanaibh rithe; a chionn gu 'n d' rinn i gu h-uairbheach an aghaidh an Tighearn, an aghaidh Ti naoimh Israeil.

30 Air an aobhar sin tuitidh a h-ògan-aich 'na sràidibh, agus bithidh a fir-chogaidh uile air an gearradh as anns an là sin, deir an Tighearn.

31 Feuch tha mise a'd' aghaidh, O uaibhreigh, deir Iehobhah, Tighearn nan sluagh: gu cinnteach tha do là air teachd, an t-àm san dean mise do smachdachadh.

32 Agus gheibh an t-uaibhreigh tuisleadh agus leagadh, agus cha bhi neach ann a thogas suas e: agus fadaidh mise teine 'na bhailtibh, agus loisgidh e gach nì mu'n cuairt da.

33 Mar so tha Tighearn nan sluagh ag ràdh, Shàruicheadh clann Israeil, agus clann Iudah le chèile; agus rinn iadsan uile a thug am braighdeanas iad greim daingean orra; dhiùlt iad an leigeadh air falbh.

34 Is cumhachdach am fear-saoraidh; Iehobhah Dia nan sluagh is e 'ainm: tagraidh e gu daingean an èis, a chum gu'n toir e suaimhneas do 'n talamh, agus mi-shuaimhneas do luchd-àiteachaidh Bhabiloin.

35 Bithidh claidheamh air na Caldéich, tha an Tighearn ag ràdh, agus air luchd-àiteachaidh Bhabiloin, agus air a h-uachd-aranaibh, agus air a daoinibh glice;

36 Claidheamh air na breugairibh, agus bithidh iad air mhi-chéill; claidheamh air a daoinibh cumhachdach, agus bithidh iad fo uamhunn.

37 Claidheamh air a h-eachaibh, agus air a carbadaibh, agus air a h-uile shluagh coimh-measg ta 'na meadhon, agus

bithidh iad mar mhnaibh: claidheamh air a h-ionmhasaibh, agus bithidh iad air an spùinneadh;

38 Tiormachd¹ air a h-uisgeachaibh, agus tiormaichear suas iad: a chionn gur i tìr nan dealbha snaidhte, agus as a h-iodholaibh gu bheil i a' deanamh naille.

39 Air an aobhar sin gabhaidh fadhbheathaichean nam fàsach, agus madaidh-alluidh nan coiltèan tàmh *an sin*; an sin fòs nì nigheana na caillich-oidhele còmhuidh: agus cha 'n àitichear i tuilleadh gu sìorruidh; nì mò ghabhar còmhuidh innte o linn gu linn.

40 Amhuil 'nuair a sgrìos Dia Sodom agus Gomorah, agus na bailean a bha dlùth dhoibh, deir an Tighearn, cha ghabh duine còmhuidh an sin, nì mò théid mac duine gu fuireach air chuairt ann.

41 Feuch, sluagh a' teachd o 'n àirde tuath, eadhon cinneach mòr, agus dùisgear mòran rìghrean o chrìochaibh an domhain.

42 Am bogha agus an t-sleagh glacadh iad: tha iad fuileachdach, agus cha nochd iad tròcair: beucaidh an guth mar an fhainge, agus marcaichidh iad air eachaibh, ann an ordugh mar dhaoine chum a' chatha, ann ad aghaidh-sa, O nighean Bhabiloin.

43 Chuala rigl Bhabiloin iomradh orra, agus dh'fhàs a làmhan lag: ghlac àmhghar e, goimh, amhuil mna ri saothair.

44 Feuch, mar leòmhann thig e nìos o ataireachd Iordain gu còmhuidh nan cumhachdach. Gu deimhin bheir mise fa'near gu luath gu'n ruith e nìos as a sin; agus cò e an gaisgeach taghta a chuireas mise os a cheann? Oir cò is cosmhuil rium-sa, no cò a chumas coinneamh rium, no c'àit am bheil am buachaill sin a's urrainn seasamh ann am làthair?

45 Air an aobhar sin èisdibh rùn an Tighearn a rùnaich e an aghaidh Bhabiloin, agus a smuaintean a smuaintich e an aghaidh tìre Chaldéa. Gu deimhin spionar air falbh àlach an treud, gu deimhin nìhear léir-sgrìos os an ceann, d' an àite-còmhuidh.

46 Leis an fhuaim, Ghlacadh Babilon! tha an talamh air a luasgadh, agus chualas a' ghaoir am measg nan cinneach.

CAIB. LI.

1 Breitheanais uamhasach an Tighearn an aghaidh Bhabiloin. 19 Is e Dia cuibhriomh Iacòb agus Israeil, 59 Sgrìobh Ieremiah an fhàistneachd 'mu thimchioll léir-sgrìos Bhabiloin ann an leabhar, agus dh' àithn e do Sheriah a thilgeadh am meadhon Euphrateis.

MAR so tha an Tighearn ag ràdh, Feuch, dùisgidh mise suas an aghaidh Bhabiloin, agus an aghaidh na

¹ Claidheamh.

muinntir, a ta chòmhnuidh ann am meadhan na dream sin a ta 'g éirigh am aghaidh, gaoth sgriosach:

2 Agus cuiridh mi gu Babilon luchd-fasgnaidh, agus fasgnaidh iad i, agus falamhaichidh iad a fearann; oir cuairt-ichidh iad air gach taobh i ann an là na h-airce.

3 Lùbadh an saighdear gun tàmh a bhogha, agus na cuireadh e dheth a lùir-each; agus na caomhaibh a h-òganaich, sgriosaidh gu buileach an t-ìomlan d' a feachd.

4 Agus tuitidh iadsan a mharbhar ann an tìr nan Caldéach, agus iadsan a bhuailear troimh 'na sràidibh.

5 Oir cha do dhiobradh Israel no Iudah le 'Dhia, le Tighearn nan sluagh, ged bha am fearann air a lìonadh le peacadh an aghaidh Tì naoimh Israeil.

6 Teichibh a mach á meadhon Bhabiloin, agus sàbhaladh gach neach 'anam, mu'n gearrar as sibh 'na h-aingidheachd; oir is i so aimsir dioghaltas an Tighearna; diolaidh e rithe luigheachd.

7 Bu chupan òir Babilon ann an làimh an Tighearn, a chuir air mhìsg an talamh uile: d'a fion dh'òl na cinnich, uime sin tha na cinnich air bhoile.

8 Thuit Babilon gu h-obann, agus mhilleadh i; guilbith os a ceann; gabhaibh òc air son a leòin, ma dh'fheudar mar sin a leigheas.

9 B' àill leinne Babilon a leigheas, ach cha'n'èil i air a leigheas; tréigibh i, agus rachamaid gach aon d'a dhùthaich féin: oir ràinig a breitheanas na nèamha, agus thogadh suas e gus na speuraibh.

10 Thug an Tighearn saorsa dhuinne; thigibh agus cuireamaid an céill ann an Sion obair an Tighearn ar Dia.

11 Geuraichibh na saighdean; cruinnichibh na sgiathan; dhùisg an Tighearn suas spiorad rìghrean Mhedia; oir tha a rùn an aghaidh Babiloin, a chum a sgrios: gu deimhin is e dioghaltas an Tighearna, dioghaltas a theampuill.

12 Fa chomhair bhallacha Bhabiloin cuiribh suas a' bhratach, deanaibh am freiceadan làidir; suidhichibh fir-fhaire, deasaichibh luchd feall-fholach; oir mar a dhealbh an Tighearn, mar an ceudna rinn e, na nithe sin a labhair e an aghaidh luchd-àiteachaidh Bhabiloin.

13 O thusa tha chòmhnuidh air mòran uisgeachaidh, saoi bhir ann an ionmhasaibh, thàinig do chrìoch, tomas do shainnt.

14 Thug Tighearn nan sluagh mionnan air féin, *ag ràdh*, Gu deimhin lìonaidh mi thu le daoineibh, mar gu'm b' ann le locuist, agus togaidh iad suas iolach ann ad aghaidh.

15 Rinn esan an talamh le 'chumhachd, shocruidh e 'n saoghal le 'ghliocas,

agus le 'thuigse sgaoil e mach na nèamha.

16 'Nuair a chuireas e mach a ghuth, tha toirm uisgeachan anns na nèamhaibh, agus bheir e air a' cheò dol suas o iomallaibh na talmhainn; ni e dealanach le frasaibh agus bheir e mach a' ghaoth as 'ionadaibh tasgaidh.

17 Dh'fhàs gach duine mar bhrùid 'na eòlas; nàraicheadh gach òr-cheard le ìomhaigh leaghta: oir is ni breugach an dealbhau leaghta, agus cha 'n'èil anail anna.

18 Is ni faoin iad, obair mhearachd: ann an àm an smachdachaidh théid iad am muga.

19 Cha chosmhuil riu so Cuibhrionn Iacoib, oir is esan Fear-cumaidh an domhain uile; agus is e *Israel* slat 'oighreachd; Tighearn nan sluagh is e 'ainm.

20 Is tu mo thuagh-chatha, agus m' acfuinn-chogaidh; agus leatsa brisidh mi 'nam bloighdibh cinnich; agus leatsa millidh mi rìoghachdan;

21 Agus leatsa brisidh mi 'nam bloighdibh an t-each agus a mharcach; agus leatsa brisidh mi 'na bhloighdibh an carbaid, agus esan a shuidheas air;

22 Agus leatsa brisidh mi 'nam bloighdibh am fear agus a' bhean; agus leatsa brisidh mi 'nam bloighdibh an seann duine agus an leanabh; agus leatsa brisidh mi 'nam bloighdibh an t-òganach agus a' ghruagach;

23 Agus leatsa brisidh mi 'nam bloighdibh am buachaill agus a threud; agus leatsa brisidh mi 'nam bloighdibh an treabhaiche agus a chuing; agus leatsa brisidh mi 'nam bloighdibh cinn-fheadhna agus luchd-riaghlaidh.

24 Agus diolaidh mi ri Babilon, agus ri uile luchd-àiteachaidh Chaldéa, an uile òc a rinn iad ann an Sion 'nur sealladhasa, deir an Tighearn.

25 Feuch, tha mise ann ad aghaidh, O a shléibh sgriosaich¹, deir an Tighearn, a ta sgrios na talmhainn uile; agus sìnidh mi mo lànna a mach ort, agus iomainidh mi thu sìos o na creagaibh, agus ni mi beinn loisgte dhìot.

26 Agus cha ghabh iad dhìot clach air son oisne, no clach air son bhunaitcan; ach ann ad charnaibh léir-sgrios bithidh tu gu sìorruidh, deir an Tighearn.

27 Cuiribh suas bratach anns an fhearann, séidibh an trompaid am measg nan cinn-each, deasaichibh 'na h-aghaidh cinnich, gairmibh an ceann a chéile 'na h-aghaidh rìoghachdan, Ararat, Mini, agus Aschenas; sonraichibh ceann-feadhna 'na h-aghaidh; thugaibh air na h-eachaidh teachd a mìos mar na locuist fhriodli-anach.

¹ mhilltich.

28 Deasaichibh 'na h-aghaidh cinnich, rìghrean Mhedia, a cinn-fheadhna, agus a h-uile luchd-riaghlaidh, agus uile fhearann a tighearnais.

29 Agus bithidh crith air an fhearann, agus doilghios; oir seasaidh comhairle an Tighearn an aghaidh Bhabiloìn gu daingean, a dheanaml tiore Bhabiloìn 'na fàsach, gun ueach 'g a h-àiteachadh.

30 Leig laoiach Bhabiloìn dhiubh cogadh, dh'fhan iad ann an daingnichibh; dh'fhàilnich an treise; dh'fhàs iad mar mhnaibh; loisgeadh a h-ionada-còmhnuidh; bhriseadh a croinn-dhruididh.

31 Greasaidh fear-ruith gu luath an còdhail fir-ruithe, agus teachdair an còdhail teachdair, a dh'innseadh do rìgh Bhabiloìn gu'n do ghlacadh a chaithir aig gach ceann;

32 Agus tha na sligheachan air an glacadh, agus a' chuileach loisg iad le teine, agus tha na fir-chogaidh air am bualadh le h-uamhuin.

33 Oir mar so tha Tighearn nan sluagh, Dia Israeil, ag ràdh, Tha nighean Bhabiloìn mar urlar-bualaidh; fathasd tiota beag, agus thig àm a bualaidh, agus àm a buain.

34 Dh'ith Nebuchadnesar rìgh Bhabiloìn suas sinn, chaith e sinn, rinn e sinn 'nar soitheach falamh; shluig e suas sinu mar dhràgon; lon e bhrù le ar nithibh blasda, thilg e mach sinn.

35 Gu robh an t-ainneart a rinneadh orm-sa, agus air m'fheoil air Babilon, their fear-àiteachaidh Shioin; agus, Gu robh m' fhuil-sa air luchd-àiteachaidh Chaldèa, their Ierusalem.

36 Air an aobhar sin, mar so tha an Tighearn ag ràdh, Feuch, tagraidh mise do chùis, agus ui mi dioghaltas air do shon; agus tiormachidh mi suas a fairge, agus ni mi a uathair-uisge tioram.

37 Agus bithidh Babilon 'ua carnaibh, 'na h-ionad-còmhnuidh dhràgon, 'na h-uamhas, agus 'na ball-sgeig, gun aon 'g a h-àiteachadh.

38 Beucaidh iad le chéile mar leòmhanaibh; screadaidh iad mar chuileanaibh leòmhan.

39 'Nan teas cuiridh mise cuirm rompa, agus cuiridh mi air mhisg iad a chum gu'n dean iad aighir, agus gu'n coidil iad codal siorruidh, agus uach dùisg iad, ars' an Tighearn.

40 Bhèir mi nuas iad mar uain a chum am uarbhadh, mar rcitheachan leis na gabhraibh firionn.

41 Cionnus a ghlacadh Sesac! agus cionnus a rinneadh greim air cliù an domhain uile! cionnus a dh'fhàs Babilon 'na h-uamhas am measg nan cùneach!

42 Thàinig an fhainge mios air Babilon: tha i air a còmhdachadh le Ìonmhoir-

eachd a tonnan.

43 Tha a bailtean 'nam fàsach, 'nam fearann-tioram, agus 'nan làraich sgaoilte; talamh anns nach 'eil duine a chòmhnuidh, ni mò théid mac duine troimpe!

44 Agus bheir mise breitheanas air Bel ann am Babilon, agus bheir mi mach as a bheul an ni sin a shluig e; agus cha chruinnich na cinnich an ceann a chéile thuige ni's mò; thuit fós balla Bhabiloìn.

45 Rachaidh-se mach as a meadhon, O mo shluagh-sa, agus tèarnaibh gach aon 'anam o chorruidh ghairg an Tighearn.

46 Agus a chum uach bi' ur cridhe meat, ni mò bhios eagal oirbli roimh an iomradh a chluinnear anns an fhearann: oir thig an t-iomradh air bliadhna, agus air an ath-bhliadhna 'na dhéigh sin thig iomradh, agus ainneart anns an fhearann, uachdaran an aghaidh uachdaran;

47 Air an aobhar sin, feuch, tha na làithean a' teachd anns an dean mise breitheanas air dealbhan snaidhte Bhabiloìn; agus cuirear gu h-amhladh a fearann uile, agus tuitidh a mairbh gu léir 'na meadhon.

48 Agus togaidh na nèamhan agus an talamh iolach os ceann Bhabiloìn, agus na h-uile ta annta: an uair a thig a luchd-creachaidh 'na h-aghaidh o'n àirde tuath, deir an Tighearn.

49 Oir mar thug Babilon air muinntir chlaoidhte Israeil tuiteam; mar sin aig Babilon thuit muinntir chlaoidhte an domhain uile.

50 Sibhse a chaidh as o'n chlaidheamh, imichibh roimhibh, na fanaibh 'nur seasamh: cuimhnichibh an Tighearn o chéin, agus thigeadh Ierusalem 'nur n-aire.

51 Bha sinn fo amhladh, a chionn gu'n cuala sinn mi-chliù, chòmhdaich nàire ar n-aghaidh; oir thàinig coimhich a steach do ionadaibh naomha tighe an Tighearn.

52 Uime sin feuch, tha na làithean a' teachd, deir an Tighearn, anns an dean mise breitheanas air a dealbhan snaidhte; agus feadh a fearainn uile bithidh acain nan daoine leònta.

53 Ged éireadh Babilon suas gu ruig na nèamha, agus ged dhàingnichtheadh i gu h-àrd a neart, uamsa thig luchd-creachaidh d'a h-ionnsuidh, deir an Tighearn.

54 Fuaime éighich o Bhabiloìn, agus léir-sgrìos mòr o thir nan Caldeach.

55 Oir mhill an Tighearn Babilon, agus bhàsaich a mòr-fharum 'ua meadhon; ged bha a fuaim mar thoirm uisgeacha mòra, ge b'àrd a dh'éirich a farum.

56 A chionn gu'n d'thàinig fear-millidh 'ua h-aghaidh, an aghaidh Bhabiloìn; agus ghlacadh a laoiach, agus bhriseadh

gach aon d' am boghachau; oir bheir an Tighearn, Dia na luigheachd, gu einnteach luigheachd dh'ise.

57 Agus euiridh mise air mhisg a prionnsachan, agus a daoine glíce, a cinn-fheadhna, agus a h-uachdarain, agus a daoine eumhachdach; agus eoidlidh iad eodal bith-bhuan, agus cha dùisg iad tuilleadh, deir an Rìgh d' an ainm Iehobhah *Dia* nan sluagh.

58 Mar so tha Tighearn nan sluagh ag ràdh, Brisear gu tur ballacha leathan Bhabiloin, agus loisgear a geatachan àrda le teine; agus saoraichidh na slòigh gu dìomhain, agus na einnich anns an teine, gus an toir iad thairis le sgrios.

59 Am focal a dh'àithn Ieremiah am fàidh do Sheraiah mac Neriah, mhic Mhaaseiah, 'nuair a chaidh e le Sedeciah rìgh Iudah gu Babilon, anns a' cheathramh bliadhna d'a linn: agus b'e Seraiah an t-àrd ehaillteanach.

60 Agus sgrìobh Ieremiah na h-uile olc a bha ri teachd air Babilon ann an aon leabhar, na briathran so uile ta air an sgrìobhadh mu thimchioll Bhabiloin.

61 Agus thubhairt Ieremiah ri Seraiah, 'Nuair a thig thu gu Babilon, agus a chi, agus a leughas tu na briathra so uile,

62 An sin their thu; O Thighearn, labhair thu an aghaidh an àite so gu 'ghearradh as, air chor as nach bi neach a chòmhnuidh ann, aon chuid duine no ainmhidh, ach gu'm bi e fàs gu sìorruidh.

63 Agus tarlaidh, 'nuair a sguireas tu do leughadh an leabhair so, gu'n ceangail thu clach ris, agus tilgidh tu e ann am meadhon Euphrateis.

64 Agus their thu, Mar so thèid Babilon fuidhe, agus cha'n éirich i nì's mò, do bhrìgh an uile a bheir mise oirre; agus ciosnaichear iad.

An fhad so briathran Ieremiah.

CAIB. LII.

1 *Rìoghachadh aingidh Shedeciah agus a cheann-airc an aghaidh Nebuchadnesair.* 4 *Ghlac Nebuchadnesair Ierusalem.* 8 *Mharbh e mic Shedeciah, agus chuir e mach a shùilean féin.* 12 *Chreach Nebusar-adan am baile, agus loisg se e.* 24 *Chuir rìgh Bhabiloin àrd uaislean nan Iudhach gu bàs ann an Riblah.*

BHA Sedeciah bliadhna thar fhichead a dh'aois an uair a thòisich e air rìoghachadh, agus rìghich e aon bhliadhna deug ann an Ierusalem; agus b'e ainm a mhàthar Hamutal, nighean Ieremiah o Libnah.

2 Agus rinn e an *ni sin e bha* olc ann an suilibh an Tighearn, a réir gach nì a rinn Iehoiacim.

3 Oir troimh feirg an Tighearna tharladh ann an Ierusalem agus ann an Iudah, gus an do thilg e iad a mach as 'fhiannais, gu'n d' rinn Sedeciah ar a mach an aghaidh

rìgh Bhabiloin.

4 Agus tharladh anns an naothamh bliadhna d'a linn, anns an deieheamh mìos, air an deicheamh là do'n mhìos, gu'n d' thàinig Nebuchadnesair rìgh Bhabiloin, e féin agus 'uile fheachd, an aghaidh Ierusalem, agus shuidhich iad *camp* 'na h-aghaidh, agus thog iad daingnichean 'na h-aghaidh, air gach taobh.

5 Mar sin bha a' chaithir air a teannachadh gus an aon bhliadhna deug do linn rìgh Shedeciah.

6 Agus anns a' cheathramh mìos, air an naothamh là do'n mhìos, bha a' ghorta trom anns a' chaithir, agus cha robh aran air bith aig muinntir na tìre.

7 An sin bha a' chaithir air a briscadh sìos, agus theich na fir-chogaidh uile, agus chaidh iad a mach as a' chaithir feadh na h-oidhche, air slighe a' gheata, eadar an da bhalla a bha aig lìos an rìgh, (an uair a bha na Caldéich aig a' chaithir timchioll mu'n euairt), agus dh'imich iad air slighe a chòmhnaid.

8 Ach lean feachd nan Caldéach air tòir an rìgh, agus rug iad air Sedeciah ann an còmhnrdaibh Ierieho; agus bha 'fheachd uile air an sgapadh uait.

9 Agus ghlac iad an rìgh, agus thug iad suas e gu rìgh Bhabiloin, aig Riblah, ann am fearann Hamait, far an d'thug e breitheanas air.

10 Agus mharbh rìgh Bhabiloin mic Shedeciah far chomhair a shiùl: mharbh e mar an ceudna uile cheannardan Iudah ann an Riblah.

11 Agus chuir e mach sùilean Shedeciah, agus cheangail e le slabhruidhibh e; agus thug rìgh Bhabiloin leis e gu Babilon, agus chuir e ann am prìosan e gu là a' bhàis.

12 Agus anns a' chùigeamh mìos, air an deicheamh là do'n mhìos, (b'is an naothamh bliadhna deug do linn Nebuchadnesair rìgh Bhabiloin,) thàinig Nebusar-adan ceannard an fhreiceadain, a fhrith-eil do rìgh Bhabiloin, gu Ierusalem,

13 Agus loisg e tigh an Tighearn, agus tigh an rìgh; agus uile thighean Ierusalem, eadhon na h-uile tigh mòr loisg e le teine.

14 Agus bhris uile fheachd nan Caldéach, a bha le ceannard an fhreiceadain, ballachan Ierusalem sìos air gach taobh.

15 Agus *cuid* do bhochdaibh an t-sluaigh, agus fuigheall an t-sluaigh a dh'fhan anns a chaithir, agus iadsan a chaidh thairis gu rìgh Bhabiloin, agus a' euid eile do'n t-sluaigh, thug Nebusar-adan ceannard an fhreiceadain air falbh 'nam braighdibh.

16 Ach *cuid* do bhochdaibh an fhear-ainm dh'fhàg Nebusar-adan, ceannard an

fhreiceadain gu *bhi* 'nan luchd-deasachaidh fhionaincan, agus 'nantreabhaichibh.

17 Agus na puist umha¹ a bha an tigh an Tighearn, agus na buinn, agus an fhairge umha a bha 'n tigh an Tighearna, bhris na Caldéich, agus thug iad an umha uile gu Babilon.

18 Na coireachan fòs, agus na sluas-aidean, agus na smàladairean, agus na cuachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na cuachan, agus na coireachan, agus na coinnleirean, agus na liadhan, agus na copain, *a' chuid a bha do òr 'na òr*; agus *a' chuid a bha do airgiod 'na airgiod*, thug ceannard an fhreiceadain air falbh.

20 An dà phost, an aon fhairge, agus an dà tharbhadh dheug umha, a bha fuidh na bonnaibh a rinn rìgh Solamh air son tighe an Tighearna; cha robh tomhas air umha nan soithichean so uile.

21 A thaobh nam post, b'e àirde gach aoin phuist ochd làmh-choille deug; agus dheanadh sreang dà làmh-choille dheug a thomhas mu'n cuairt; agus b'e 'thiugh-ead ceithir oirlich, fàs a stigh.

22 Agus bha coron umha air; agus b'e cùig làmh-choille àirde gach aoin choroin, le lìon-obair agus pomgranataibh² air na coronaibh mu'n cuairt, an t-iomlan do umha; air a' phost eile mar an ceudna bha pomgranatan cosmhuil ri uile.

23 Agus bha sè-deug agus ceithir fichead pomgranat air aon taobh, ceud pomgranat air an lìon-obair uile mu'n cuairt.

24 Agus thug ceannard an fhreiceadain leis Seraiah an t-àrd-shagart, agus Sephaniah an dara sagart, agus na trì dorsairean.

25 Thug e fòs as a' chaithir caillteanach air an robh cùram nam fear-cogaidh, agus seachd fir dhiubh-san a bha dlùth

do phearsa an rìgh, a fhuaradh anns a' chaithir, agus àrd-sgrìobhaiche an t-sluaigh, a ghabh àireamh muinntir an fhearainn, agus trì fichead fear do mhuinntir an fhearainn, a fhuaradh ann am meadhan a' bhaile;

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloin gu Riblah.

27 Agus bhuail rìgh Bhabiloin iad, agus chuir e gu bàs iad ann an Riblah, ann am fearann Hamait: mar sin thugadh Iudah air falbh ann am bruid as 'fhearann féin.

28 So an sluagh a thug Nebuchadnesar air falbh ann am bruid; anns an t-scachdamh bliadhna, trì mìle Iudhach agus trì thar fhichead.

29 Ann an ochdamh bliadhna deug Nebuchadnesair, thug e air falbh ann am bruid o Ierusalem, ochd ceud anam, agus a dhà dheug thar fhichead.

30 Ann an treas bliadhna fichead Nebuchadnesair, thug Nebusar-adan, ceannard an fhreiceadain, air falbh ann am bruid do na h-Iudhaich, seachd ceud dà fhichead agus cùig anam: b' iad na h-anaman uile ceithir mìle agus sè ceud.

31 Agus tharladh anns an t-seachdamh bliadhna deug thar fhichead do bhràighdeanas Iehoiacim rìgh Iudah, anns an dara mìos deug, air a' chùigeamh là fichead do'n mhìos, gu'n do thog Ebhil-merodach rìgh Bhabiloin, anns a' cheud bhliadhna d'a linn, suas ceann Iehoiacim rìgh Iudah, agus thug e mach á prìosan e.

32 Agus labhair e gu caomhail ris, agus chuir e a chaithir os ceann chaithriche nan rìghrean a bha leis ann am Babilon.

33 Agus dh'atharraich e a chulaidh-phrìosain: agus dh'ith e aran 'na fhianuis do ghnàth, fad uile làithean a bheatha.

34 Agus air son a lòn lathail, thugadh dha o rìgh Bhabiloin, gach aon là cuibhrionn, gu là a bhàis, fad uile làithean a bheatha.

¹ phraise.

² ubhlaibh granait.

TUIREADH

IEREMIAH.

CAIB. I.

1 *Staid mhuladach Ierusalem.* 11 *Tha i ri caoidh a chionn gu'n robh a trioblaidean mòr thar tomhas.* 18 *agus ag aideachadh gu'n robh breithcanais Dhè cearr.* &c.

CIA uaigneach a ta i 'na suidhe, a' chaithir a bha làn do dhaoine! cionnus a dh'fhàs i mar bhantraich! Ise bha mòr am measg nan cinneach, agus 'na h-uachd-

aran am measg nan dùthchanna, cionnus a ta i air teachd fuidh chis!

2 Tha i ri gul gu geur anns an oidheche, agus a deoir air a gruaidhean; fear comhfhurtachd air bith cha 'n eil aice am measg a h-uile luchd-gaoil; bhuin a càirdean uile gu fealltach rithe, dh'fhàs iad 'nan naimhdean di.

3 Dh'imich Iudah air falbh ann am

TUIREADH IEREMIAH, I. II.

braighdeanas; ann an an-shocair, agus ann an daorsa mhòr tha i chòmhnuidh am measg nan cinneach; cha'n 'eil i faotainn suaimhneis air bith; rug a luchd-ruagaidh uile oirre¹ eadar na cunglaichean.

4 Tha ròidean Shìoin ri bròn, a chionn nach 'eil aon neach a' teachd a chum na h-àrd-fhéille; tha a geatachan uile fàs; tha a sagairt ag acair; tha a h-òighean fo leòn, agus tha i féin ann an searbhadas.

5 Is iad a h-eascairdean a tha 'n uachdar, tha a naimhdean a' soirbheachadh; oir leòn an Tighearn i air son lìonmhoir-eachd a lochdan; dh'fhalbh a clann am braighdeanas fa chomhair an nàmhaid.

6 Agus dhealaich a sgèimh uile ri nighinn Shìoin; tha a prionnsachan air fàs mar fhéidh nach 'eil a' faotainn ionaltraidh; agus dh'imich iad gun neart roimh an fhear-ruaige.

7 Chuimhnich Ierusalem ann an là a h-àmhghair, agus a truaighe, air a h-uile nithibh sòlasach a bha aice anns na làithibh o shean; an trà thuit a daoine ann an làimh an nàmhaid, agus nach d'rinn neach a cuideachadh; chunnaic na naimhdean, agus rinn iad fanoid air a sàbaidibh.

8 Pheacaich Ierusalem gu trom; air an aobhar sin tha i air a h-atharrachadh: iadsan uile thug urram dhi, tha iad ri tàir oirre, a chionn gu fac' iad a lomnochduidh; seadh, tha ise ri caoidh, agus a' tionndadh air a h-ais.

9 Bha a salchar 'na sgìortaibh; cha robh i cuimhneach air a crìch dheireannaich; uime sin thugadh i nuas gu h-iongantach; cha'n 'eil fear-comhfhurtachd aice: amhairc, O Thighearn, air m' àmhghar, oir mheudaich an nàmhaid *e féin*.

10 Shìn an nàmhaid a mach a làmh air a h-uile nithibh taitneach; gu deimhin chunnaic i cinnich a' dol a steach d'a h-ionad naomh, do'n d'àithn thusa nach rachadh iad a steach do d' choimhthional.

11 Tha a sluagh uile ag osnaich; tha iad ag iarraidh arain; thug iad an nithe luach-mhor air son lòn, a chumail beò an anama: feuch, O Thighearn, agus thoir fa' near, mar a ta mi air fàs suarach.

12 O sibhse uile tha gabhail an rathaid, amhaircibh agus faicibh am bheil bròn sam bith cosmhuil ri mo bhròn-sa a thugadh orm, o'n uair an d'rinn an Tighearn mo smachdachadh ann an là a dhian-fheirge.

13 Chuir e teine a nuas, agus thug e air dol a steach do m' chnàmhaibh; sgaoil e lion air son mo chos; phill e mi air m' ais: rinn e fàs mi, fad an là ri caoidh.

14 Tha a' chuing air a ceangal; tha mo lochdan air an sniomh le a làimh, tha iad air an càradh mu m' mhuineal; thug e air mo threise teutem, thug an Tighearn

thairis mi d' an làmhaidh, cha'n urrainn mi éirigh suas.

15 Shaltair an Tighearn fo chois m' uile dhaoine cumhachdach ann am mheadhon: ghairm e coimhthional a'm' aghaidh a bhruthadh mo dhaoine òga; mar ann an amar-bruthaidh fiona, bhruth an Tighearn òigh nighean Iudah.

16 Air son nan nithe so guileam, tha mo shùil, mo shùil a' sìleadh sìos le h-uisge; chionn gu bheil am fear-comhfhurtachd, a bheireadh fuasgladh do m'anam, fada uam: tha mo chlam uaigneach, a chionn gu'n d'thug an nàmhaid buaidh.

17 Tha Sion a' sgaoileadh a mach a làmh, cha'n 'eil neach ann a thoirt di-comhfhurtachd; dh'àitlin an Tighearn a thaobh Iacobi, a naimhdean a bhi air gach taobh mu'n cuairt da; tha Ierusalem 'nam measg mar aon a chuireadh air leth air son neo-ghloine.

18 Is ceart an Tighearn, oir chathaich mise an aghaidh àitheantan; éisdibh, guidheam oirbh, a shlòigh gu léir, agus faicibh mo bhròn: m'òighean agus m'òg-anaich dh'fhalbh ann am braighdeanas.

19 Ghairm mi air mo leannain, ach mheall iad mi; thug mo shagairt agus mo sheanairean suas an deò anns a' chaithir, am feadh a dh'farr iad am biadh gu cabhair air air ananam.

20 Feuch, O Thighearn, mar a ta mi ann an teinn; tha mo chom fo thrioblaid; tha mo chridhe air tionndadh an taobh a stigh dhiom; oir chiontaich mi gu trom: a muigh tha claidheamh a' sgrios, a stigh tha amhuil bàs.

21 Chual iad mar a rinn mi acainn, ach cha'n 'eil neach ann a thoirt dhomh comhfhurtachd; chuala mo naimhdean uile m' àmhghar; rinn iad gàirdeachas a chionn gu'n d'rinn thusa sin: bheir thusa an là a ghairm thu, agus bithidh iadsan cosmhuil rium-sa.

22 Thigeadh an aingidheachd uile fa d' chomhair; agus dean riu, mar a rinn thu rium-sa air son m' uile lochdan: oir tha m' osnaidhean lìonmhor, agus mo chridhe lag.

CAIB. II.

1 *Tha Jeremiah a' deanamh gearain do bhrìgh gu'n do thilg Dia sìos àiteacha-còmhnuidh nighinn Iudah, 5 agus gu'n do mheudaich e a bròn agus a doilghios. 15 Tha a naimhdean ri sgeig-fhiacal agus a' crathadh an cinn ri nighinn Ierusalem.*

CIONNUS a tharruing an Tighearn 'na chorruih neul air nighinn Shìoin! agus a thilg e sìos o nèamh gu talamh maise Israeil! agus cha do chuimhnich e stòl a chois ann an là 'fheirge.

2 Shluig an Tighearn suas uile àiteacha-còmhnuidh Iacobi, agus cha do ghàbh e truas: thilg e sìos 'na chorruih daingnichean làidir nighinn Iudah: thug e nuas

¹ orra.

TUIREADH IEREMIAH, II. III.

gu làr iad; thruaill e an rìoghachd agus a daoine urramach.

3 Ghearr e as 'na dhian-fheirg adharc Isracil uile; tharruing e air a h-ais a làmh dheas o aghaidh an nàmhaid; agus loisg e an aghaidh Iacoib mar theine lasarach a loisgeas air gach taobh.

4 Lùb e a bhogha mar nàmhaid: thog e 'n àird a làmh dheas mar eas-caraid, agus mharbh e na h-uile òganach a bha taitneach do'n t-sùil; ann am pàillium nighinn Shioin thaom e mach a chorruih mar theine.

5 Bha an Tighearn mar nàmhaid: shluig e suas Israel, shluig e suas 'àrois uile; sgrios e a dhaingnichean làidir, agus mheudaich e ann an nighinn Iudah bròn agus caoidh.

6 Agus sgaoil e as a chéile a phàillium mar challaid; sgrios e a choimhthional féin; leig an Tighearn as 'aire ann an Sion an àrd-fhéill agus ant-sàbaid; agus rinn e tàir, ann an teas a chorruih, air an rìgh agus air an t-sagart.

7 Chuir an Tighearn air cùl 'altair, ghabh e gràin d' a naomh-ionad: thug e suas ballachan a h-àrois do làmh an eas-caraid; rinn iad gàir ann an tigh an Tighearna, mar ann an là àrd-fhéille.

8 Tha an Tighearn fa rùn ballachan nighinn Shioin a mhilleadh; shìn e mach sreang, cha do chum e a làmh o mhill-eadh: ach thug e air an daingneach agus air a' bhalla caoidh; shearg iad as le chéile.

9 Tha a geatachan air dol sìos anns an talamh; mhill agus bhris e a croinn-dhruididh; tha a rìghrean agus a h-uachd-arain ann measg nan cinneach; an lagh cha'n 'eil ann; aig a fàidhean fòs cha'n eil sealladh air bith o'n Tighearn.

10 Tha seanairean nighinn Shioin 'nan suidhe air an làr, tha iad 'nan tosd; chuir iad duslach air an ceann: chrìoslaich iad iad féin le sac-éididh: tha òighean Ierusalem a' cromadh sìos an cinn gu làr.

11 Tha mo shùilean air fàilneachadh le deuraibh; tha mo chom fo thrioblaid; dhòirteadh mo sgamhan air an talamh air son léir-sgrios nighinn mo shluaigh; a chionn gu bheil a' chlànn bheag agus na naoidheana a' fannachadh ann an sràidibh na caithreach.

12 Rì 'm màithrichibh tha iad ag ràdh, C'ait am bheil arbarh agus fion? an trà tha iad a' fàilneachadh mar dhaoine leònta ann an sràidibh a' bhaile, trà tha ananam air a dhòrtadh a mach ann an uchd am màthar.

13 Ciod a thairngeas mi mar fhianuis a' d' aghaidh? ciod an ni a shàmhluicheas mi riut, O nighean Ierusalem? ciod a choimeasas mi riut, a chum gu'n tugainn comhfhurtachd dhuit, O òigh-nighean

Shioin? oir tha do bhriseadh mòr mar an fhairge; cò dh'fheudas do leigheas.

14 Chunnaic d' fhàidhean nithe dìomh-ain agus amaideach air do shon, agus cha do leig iad ris t' euceart, a chum do bhruid a philleadh air a h-ais; ach chunnaic iad air do shon fàistneachd neo-fhirinneach, agus aobhar fògraidh.

15 Tha mhead as a ta gabhail seachad a' bualadh am bas riut: tha iad ri sgeighfiach, agus a' crathadh an cinn ri nighinn Ierusalem, *ag ràdh*, An i so a' chaithir ri 'n goirear Foirfeachd maise, Aoibhneas an domhain uile?

16 Dh'fhosgail do naimhdean uile am beul a' d' aghaidh: rinn iad sgeig is giosg-an fhialac; thubhairt iad, Shluig sinn suas i; gu cinnteach is e so an là ri 'n robh ar sùil: fhuair sinn e, chunnaic sinn e.

17 Rinn an Tighearn an ni sin a dhealbh e; choimhlon e fhocal, a dh'àithn e anns na làithibh o shean: thilg e sìos, agus cha do ghabh e truas; ach thug e air nàmhaid gàirdeachas a dheanamh os do cheann, dh'àrdaich e adharc do naimhdean.

18 Dh'éigh an cridhe, Ann an làthair an Tighearn, O a nighean Shioin, sìleadh deoir sìos mar shruth a là agus a dh'oidhche: na toir dhuit féin suaimhneas air bith; na gabhadh cloch do shùil fois.

19 Eirich, glaoth gu h-àrd anns an oidhche: ann an tìs na faire dòirt a mach do chridhe mar uisge fa chomhlair gnùise Iehobhah: tog suas do làmh an d' ionnsuidh air son anama do chloinne òige, a ta fàilneachadh le h-ocras aig ceann gach aoin sràide.

20 Feuch, O Thighearn, agus thoir fa' near cò ris a bhuin thu mar so: an ith na mnathan toradh na bronn, naoidheana maotha? am marbhar an sagart agus am fàidh ann an ionad naomh an Tighearna?

21 Luidh an t-òg agus an sean air an làr anns na sràidibh; tha m' òighean agus m' òganaich air tuiteam leis a' chlaidheamh; mharbh thu iad ann an là do chorruih; mharbh thu, agus cha do ghabh thu truas.

22 Ghairm thu, mar air là suidhichte, m' uamhasan air gach taobh, air chor as, air là feirge an Tighearna, nach robh neach ann a chaidh as, na mhair beò: a' mhuinntir a dh'oil agus a dh'àirich mi, chuir mo nàmhaid as doibh.

CAIB. III.

1 Tha am fàidh ri caoidh air son a thrioblaidcan féin. 22 Mòr-thrèicair an Tighearna dhoibh-san uile a dh'fheitheas air. 37 Cha chòir do neach gearan a dheanamh 'nuair a smachdaichear e air son a pheacanna. 55 Ghuidh am fàidh gu'n tugadh Dia luigheachd d'a naimhdeibh.

IS mise an duine chunnaic àmhghar le slait a chorruih.

TUIREADH IEREMIAH, III.

2 Stiùir e mi, agus thug e orm gluasad ann an dorchadas, agus ni h-ann an solus.

3 Gu cinnteach a'm' aghaidh-sa phille; tha e pilleadh a làimhe air a h-ais *ann am aghaidh* feadh an là gu h-ìomlan.

4 M'fheoil agus mo chraicinn rinn e sean; bhris e mo chnàmhan.

5 Thog e ann am aghaidh, agus chuairtich e mi le dombglas agus le saothair.

6 Chuir e mi chòmhnuidh ann an ionad-aibh dorcha, mar iadsan a ta cian marbh.

7 Chuairtich e mi le gàradh air gach taobh, air chor as nach feud mi teachd a mach; rinn e mo shlabhruidh trom.

8 Mar an ceudna, trà ghlaodhas agus a dh'èigheas mi, tha e druideadh a mach m'urnuigh.

9 Dhruid e suas mo shlighe le clachaibh snaidhte; rinn e cam mo cheuma.

10 Mar mhath-ghamhuinn a' luidhe am folach bha e dhomh, *mar* leòmhann ann an ionadaibh uaigneach.

11 Rinn e mo shlighe fiar, agus reub e mi am bloighdibh: rinn e mi a'm' aonaran.

12 Lùb e a bhogha, agus chuir e mise mar chomhara air son na saighde.

13 Thug e air saighdibh a dhorlaich dol a steach ann am airnibh.

14 Bha mi ann am chùis-mhagaidh do mo shluagh uile, ann am òran doibh fad an là.

15 Lìon e mi le searbhadas, chuir e air mhisg mi le searbh-luibhean.

16 Bhris e mi' fhiacra fòs le clachaibh gainmhiche, chòmhdach e mi le luaithe.

17 Agus dh'atharraich thu m' anam am fad o shìth; dhì-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m' àmhghair agus mo thruaighe, 'na shearbhadas agus 'na dhomblas.

20 Tha m' anam fathasd 'g an cuimhneachadh, agus air fhioslachadh an taobh a stigh dhìom.

21 Tha mi gairm so a rìs gu m' aire; uime sin tha dòchas agam.

22 Is ann do thròcairibh an Tighearna nach 'eil sinn air ar caitheadh, a chionn nach 'eil fàilinn air a thròcairibh.

23 Tha iad nuadh gach aon ruhaduinn, is mòr do dhìlseachd¹!

24 Is e an Tighearn mo chuibhrionn, tha m' anam ag ràdh; uime sin cuiridh mi mo dhòchas ann.

25 Is maith an Tighearn dhoibh-san a dh'fheitheas air, do'n anam a dh'ìarras e.

26 Is maith bhi ann an dòchas, agus

feitheamh gu fòil ri slàinte an Tighearn.

27 Is maith do dhuine a' chuing a ghiùlan 'na òige;

28 Suidhidh e 'na aonar, agus bithidh e 'na thosd, a chionn gu'n d'rinn e a giùlan.

29 Cuiridh e 'bheul anns an duslach, ma's teagamh gu'm bi dòchas ann.

30 Bheir e a ghial do'n ti a bhuaileas e; bithidh e air a lionadh làn do mhasladh.

31 Oir cha tilg an Tighearn uaith gu bràth;

32 Ach ged bheir e aobhar bròin, gidh-eadh ni e iochd a réir lionmhoireachd a thròcairean.

33 Oir cha chlaoidh e d' a dheòin, ni mò chràidheas e clann nan daoine.

34 Prìosanach na talmhainn uile a bhruthadh f'a chosaibh,

35 Còir duine thionndadh a leth-taobh, fa chomhair gnùise an Ti a's airde,

36 Eucoir a dheanamh air duine 'na chiùs, cha taitneach leis an Tighearn.

37 Cò esan a their, agus gu'n tig e gu crìch, an uair nach àithn an Tighearn?

38 Nach ann o ordugh an Ti a's ro àirde a thig olc agus maith?

39 C'uime an dean duine beò gearan, duine air son *smachdachaidh* a pheacaidh.

40 Rannsaicheamaid agus dearbhamaid ar slighean, agus pilleamaid a rìs a dh'ionnsuidh an Tighearna.

41 Togamaid suas ar cridhe maille ri ar làmhnan ri Dia anns na ncamhaibh.

42 Pheacaich sinne agus rinnt sinn ar a mach, agus cha do mhaith thusa.

43 Chuairtich thu le feirg, agus gheurlean thu sinn; mharbh thu, cha do ghabh thu truas.

44 Chòmhdach thu thu féin le neul, ionnus nach rachadh urnuigh troimhe².

45 Rinn thu sinn 'nar salchar agus 'nar diù an measg an t-sluaigh.

46 Dh'fhosgail ar naimhdean uile am beul 'nar n-aghaidh.

47 Thàinig eagal agus rib oirnn, fàsalachd agus milleadh.

48 Tha mo shùil a' sìleadh sìos le sruthaibh uisge air son léir-sgrìos uighinn mo shluaigh.

49 Tha mo shùil a' sìleadh sìos gun chasgadh agus gun sguir,

50 Gus an seall an Tighearn a uas, agus gu 'n amhaire e o nèamh.

51 Tha mo shùil a' cur doilgheis air mo chridhe, air son uile nigheana mo chaithreach.

52 Ruaig mi naimhdean mi gu geur, mar eun gun aobhar.

53 Ghearr iad as m'anam anns a' phrìosan, agus chuir iad clach orm.

54 Chaidh uisgeachan thar mo cheann

¹ *thairisneachd.*

² *roimhe, trid.*

TUIREADH IEREMIAH, III. IV.

mar thuil; thubhairt mi, Tha mi air mo ghearradh as.

55 Ghairm mi air t' ainm-sa, o Thighearn, as an t-slochd iochdarach.

56 Chuala tu mo ghuth; na cum do chluas o m' athchuinge agus o mo ghlaodh.

57 Tharruing thu 'm fagus anns an là san do ghairm mi ort: thubhairt thu, Na biodh eagal ort.

58 Thagair thusa, O Thighearn, cùisean m'anama; shaor thu mo bheatha.

59 Chunnaic thusa, O Thighearn, m' amhghar; cum thusa còir rium.

60 Chunnaic thu an uile dhìoghaltas, an uile innteachdan ann am aghaidh.

61 Chuala tu am masladh, O Thighearn, an uile innteachdan ann am aghaidh;

62 Bile na muinntir a dh'éirich suas a'm' aghaidh, agus am borbhanaich ann am aghaidh fad an là.

63 Feuch an suidhe sìos, agus an éirigh suas; is mise an ceòl.

64 Bheir thusa luigheachd dhoibh, O Thighearn, a réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgriosaidh tu iad o bhi fuidh nèamhaibh an Tighearna.

CAB. IV.

1 *Tha am fàidh ri caoidh air son trioblaidean Shìoin.* 21 *Bhagradh Edom.* 22 *Fhuair Sion còmhfhurtachd.*

CIONNUS a thàinig smal air an òr! a chaochail an t-òr ro fhìnealta! tha clachan an uaomh-ionaid air an tilgeadh a mach air mullach gach aoin sràide!

2 Mic luachmhor Shìoin, a dh'fheudta choimeas ri òr fhìnealta, cionnus a mheasar iad mar shoithichean creadh, obair a' chreadhadair!

3 Tairngidh eadhon na dràgoin a mach am brollach, bheir iad a' chìoch d'an àlach: tha nighean 'mo shluaigh-sa an-ìochdmhor, mar na struthan¹ san fhàsach.

4 Tha teangadh naoidhein na cìche a' leantuinn r'a ghial le tart: tha chlann òg ag iarraidh arain; cha 'n'eil aon 'ga bhriseadh dhoibh.

5 Tha iadsan aig an robh biadh sòghail 'nan aonarain anns na sràidibh; iadsan a thlogadh suas ann an searclaid, tha iad a' fillleadh an làmh mu'n òtrach.

6 Seadh, tha peanas aingidheachd nighinn mo shluaigh-sa ni's mò na peanas peacaidh Shodoim, a thilgeadh bun os ceann ri tiota, agus air nach d'fhàinig laigse làmh.

7 Bha a Nasaraich ni bu ghloine na sneachdadh; bu ghile iad na bainne; bu

deirge iad sa' chorp na ruiteachain²; bha an dreach mar Shaphir.

8 Is duibhe an gnùis na gual; cha'n aithnichear iad anns na sràidibh; tha an craicionn a' leantuinn ri 'n cnàmhaibh; tha e air tìormachadh; tha e air fàs mar mhaide.

9 Is fearr dhoibh-san a mharbhar leis a chlaidheamh na dhoibh-san a mharbhar le gort; oir tha iad sin a' seargadh as, air an lotadh dh'uireasbhuidh toraidh na macharach.

10 Bhruch làmhla nam ban iochdmhor an clann fèin; b' iad am biadh, ann an léir-sgrìos nighinn mo shluaigh.

11 Choimhlon an Tighearn a chorrutich; thaom e mach a dhian-fhearg, agus las e teine ann an Sion, agus loisg e sin a bunait-ean.

12 Cha chreideadh rìghrean na tal-mhainn, no uile luchd-àiteachaidh an domhain, gu'n rachadh an t-eas-caraid agus an nàmhaid a steach air geatachan Ierusalem.

13 Air son pheacanna a fàidhean, agus aingidheachdan a sagart, a dhòirt fuil nam firean 'na meadhon;

14 Chaidh iad air seacharan mar dhaoine dall anns na sràidibh, shalaich iad iad fèin le fuil, air chor as nach feudadh daoine buntainn ri 'n eudach.

15 Imichibh, tha sibh neòghlan, thubhairt daoine riu; imichibh, imichibh, na beanaibh: seadh, theich iad, dh'fhalbh iad; thubhairt iad am measg nan cinneach, Cha ghabh iad còmhnuidh an so ni's mò.

16 Rinn fearg an Tighearn an sgaoil eadh; cha chuir e ni's mò an suim iad: cha robh meas aca air pearsannaibh nan sagart; ris na seanairibh cha do chum iad bàigh.

17 Am feadh a bha sinn ann, dh'fhàilnich ar sùilean ag amharc ri cabhair dhìomhain: am feadh a rinn sinn faire, bha ar sùil ri cinneach nach b' urrainn tèarnadh.

18 Lorgaich iad ar ceuma, air chor as nach feudamaid imeachd 'nar sràidibh: tha ar crìoch dlùth, tha ar làithean air an còimhlionadh; seadh, thàinig ar crìoch.

19 Bu luaithe ar luchd-leanmhuinn na iolairean nèimh; ruaig iad sinn air na sléibhtibh, luidh iad am folach air ar son anns an fhàsach.

20 Ghlacadh 'nan slochdaibh anail ar cuinneana, ti ungta an Tighearna, mu'n d' thubhairt sinn, Fuidh a sgàile mairidh sinn beò am measg nan cinneach.

21 Dean gairdeachas; agus bi ait, O nighean Edoim, aig am bheil do chòmhnuidh ann am fearann Uis; theid an

¹ ostriches. Sasg.

² rubies. Sasg.

TUIREADH IEREMIAH, IV. V.

cupan thairis fòs thugad-sa ; bithidh tu air mhisg, agus leigidh tu ris do lomnochd-uidh.

22 Tha peanas t' euceirt air a choimh-lionadh, O nighean Shioin; cha toir eni's mò air falbh ann am bruid thu: smachd-aichidh e t' euccart-sa, O nighean Edoim, leigidh e ris do lochdan.

CAIB. V.

1 *Tha Sion a' gearan a maslaidh agus a' cur an cèill na h-uile a thàinig oirre.*

CUIMHNICH, O Thighearn, ciod a thàinig oirnn: thoir fa'near, agus faic ar masladh.

2 Thugadh thairis ar n-oighreachd gu coimhich, ar tighean gu coigrich.

3 Tha sinn 'nar dilleachdain, agus gun athair, ar màthraichean mar bhantraichibh.

4 Dh'òl sinn ar n-uisge air son airgid; tha ar coille air a reic ruinn.

5 Le cuing ar muineal tha sinn air ar sior-leòn; tha sinn a' saothreachadh, agus gun fhois againn.

6 Thug sinn an làmh do na h-Eiphitich, agus do na h-Aisirianaich, a chum bhì air ar sàsachadh le h-aran.

7 Pheacaich ar n-aithrichean, agus cha 'n 'eil iad ann, agus ghiùlain sinn an euceartan.

8 Bha seirbhisich 'nan uachdarain oirnn: cha 'n 'eil duine sam bith ann a shaoras o'n làmhan.

9 Fhuair sinn ar n-aran le *cunnart* ar n-anama, do bhrìgh claidheimh an fhàsaich.

10 Bha ar craicinn dubh mar àmhuinn, do bhrìgh na gorta uamhasaich.

11 Dh'éignich iad ua mnathan ann an Sion, na maighdeanan ann an caithrichibh Iudah.

12 Bha prionnsachan air an crochadh suas le 'n làimh: cha d' thug iad urram do aghaidh nan aosda.

13 Ghabh iad na h-òganaich gu meileadh, agus thuit a' chlann fuidh 'n chonnadh.

14 Thréig na seanairean an geata, na h-òganaich an ceòl.

15 Sguir aoibhneas ar cridhe; chaochail ar danusadh gu bròn.

16 Thuit an coron' bhàrr ar cinn: mo thruaigh sinne, a chionn gu'n do pheacaich sinn.

17 Air son so tha ar cridhe lag; air son nan nithe so tha ar sùilean air an dorchachadh².

18 Air son sléibh Shioin a ta fàs; tha na sionnaich a' coiseachd air.

19 Ach tha thusa, O Thighearn, mair-eannach gu sìorruidh; do chaithir rioghail o linn gu linn.

20 C'uime an dean thu dearmad oirnn gu bràth, agus am bheil thu 'g ar tréig-sinn uine co fhada?

21 Pill sinne thugad, O Thighearn, agus bithidh sinn air ar pilleadh: ath-nuadh-aich ar làithean mar o shean.

22 Oir thig thu sinn cian fada uait; bha thu ro fheargach 'nar n-aghaidh.

¹ crùn.

² lag-radharcach.

ESECIEL.

CAIB. I.

1 *An t-àm san d'rinn Eseciel fàidheadaireachd aig amhainn Chebair.* 4 *Coslas nan ceithir cherubim a chunnaic am fàidh 'nuair bha làmh an Tighearn air.* 26 *Sàmhladh glòire Dhé.*

AGUStarladh, anns an deicheamh bliadhna fichead, anns a' cheatlramh mhòs, air a' chùigeamh là do'n mhìos, (air dhomhsa bhì measg nam braighean aig amhainn Chebair,) gu'n d' fhosgladh na nèamhan, agus chunnaic mi taisbeana Dhé.

2 Air a' chùigeamh là do'n mhìos (b'ì sin an cùigeamh bliadhna do bhruid rìgh Iehoiacin,)

3 Thàinig focal an Tighearn gu Eseciel an sagart, mac Bhusi, ann an tìr nan Cal-déach, aig uisge Chebair; agus bha làmh an Tighearn air anns an àite sin.

4 Agus dh'amhaire mi, agus, feuch, ghiùlain ioma-ghaoth o'n àirde-tuath,

neul mòr a bha air a chuairteachadh le filtean teine, agus dealradh air gach taobh dheth; agus 'na mheadhon bha amhuil dreach òmair, eadhon ann am meadhon an teine.

5 Agus mach as a mheadhon mar an ceudna thàinig coslas cheithir ainmhidhcan, agus b'è so an aogus; Bha iad ann am meudachd duine,

6 Agus bha ceithir aghaidhean aig gach aon diubh, agus ceithir sgiathan aig gach aon diubh;

7 Agus bha an cosan dìreach; agus bha bonn an cos mar bhonn coise laoigh, agus loimrich iad mar dhath praise lìomhta.

8 Agus bha làmhan duine fuidh an sgiathaibh, air an ceithir taobhaibh; agus bha aig a' cheithir an aghaidhean agus an sgiathan.

9 Bha an sgiathan dlùthaichte, gach aon r'a chèile; cha do thionndaidh iad 'nuair

a ghluais iad; chaidh iad air an aghaidh, gach aon dìreach roimhe.

10 Air son coslais an aghaidhean, bha aca 'nan ceathrar aghaidh duine, agus aghaidh leòmhain air an taobh deas; agus bha aca 'nan ceathrar aghaidh daimh air an làimh chli: bha fòs aca 'nan ceathrar aghaidh iolair¹.

11 B' amhuil so an aghaidhean: agus an sgiathan sgaoilte gu h-àrd; dithis aig gach aon, dlùthaichte r'a chéile, agus dithis a' folach an cuirp.

12 Agus dh'imich iad, gach aon dìreach air aghaidh: far an robh an spiorad air tì dol, dh'imich iad: cha do thionndaidh iad 'nuair a dh'imich iad.

13 A thaobh coslais nan ainmhidhean, bhaan aogus mar eibhle dearga teine, cosmhuil ri lòchran, a chaidh air ais agus air aghaidh an measg nan ainmhidhean: agus bha 'n teine dealrach; agus as an teine thàinig a mach dealanach.

14 Agus ruith na h-ainmhidhean, agus phill iad, mar phlath dealanaich.

15 A nis am feadh a bha mi sealltuinn air na h-ainmhidhean, feuch, aon roth air an talamh, làimh ris na h-ainmhidhean, aig an ceithir aghaidhean.

16 Bha dreach nan rothan agus an obair mar dhreach criostail; agus bha an aon choslas aig a' cheithir, agus bha an aogus agus an obair mar gu'm biodh ann roth ann am meadhon rotha.

17 'Nan imeachd dh'imich iad air an ceithir taobhaibh: clia do thionndaidh iad 'nuair a dh'imich iad.

18 A thaobh an cearcal, bha iad cò àrd as gu'm b' uamhasach iad; agus bha an cearcail làn do shùilb mu'n cuairt doibh 'nan ceathrar.

19 Agus an uair a ghluais na h-ainmhidhean, ghluais na rothan làimh riu: agus an uair a thogadh na h-ainmhidhean suas o'n talamh, thogadh na rothan.

20 C'ait air bith a bha'n spiorad air tì dol, dh'imich iadsan an taobh a bha'n spiorad air tì dol, agus thogadh suas na rothan fa 'n comhair; oir bha spiorad an ainmhidh² anns na rothaibh.

21 'Nuair a ghluais iad sin, ghluais [iad so;] agus 'nuair a sheas iad sin, sheas [iad so;] agus 'nuair a thogadh iad sin suas o'n talamh, thogadh na rothan suas fa'n comhair: oir bha spiorad an ainmhidh anns na rothaibh.

22 Agus bha aogus an speur a bha thar cinn an ainmhidh mar dhreach criostail uambasaich, air a sgaoileadh thar an cinn gu h-àrd.

23 Agus fuidh an speur bha an sgiathan gu dìreach, gach aon fa chomhair a chéile; aig gach aon bha dithis, a dh'fhol-

uich air an taobh so, agus aig gach aon bha dithis a dh'fholuich air an taobh sin, an cuirp.

24 Agus chuala mi fuaim an sgiathan, mar thoirn mhòran uisgeacha, mar ghuth an Uile-chumhachdaich; an uair a ghluais iad, chluinnteadh fuaim mar thorman sluagh; trà sheas iad, leig iad sìos an sgiathan.

25 Agus bha guth o'n speur, a bha thar an cinn, trà sheas iad, agus a leig iad sìos an sgiathan.

26 Agus os ceann an speur, a bha thar an cinn, bha sàmhladh rìgh-chaitheach, mar choslas cloiche sapheir; agus air sàmhladh na rìgh-chaitheach, bha taisbean mar gu'm biodh coslas duine 'na shuidhe air.

27 Agus chunnaic mi mar dhreach òm-air, mar choslas teine gach taobh a stigh ann: o thaisbean a leasraidh, agus os a cheann, agus o thaisbean a leasraidh agus fuidhe, chunnaic mi mar gu'm biodh ann coslas teine, agus e dealrach mu'n cuairt.

28 Mar choslas a' bhogha a ta san neul ann an là na fraise, b' amhuil dreach an dealraidh mu'n cuairt. B' e so foill-seachadh sàmhlaidh glòire an Tighearn; agus 'nuair a chunnaic mise, thuit mi air m' aghaidh, agus chuala mi guth aoin a' labhairt.

CAIB. II.

1 *Dreuchd Eseciel.* 6 *An àithne a thug Dia dha.*

9 Chaidh rola labhairt a sgaoileadh fa 'choinn-eamh anns an robh sgriobhta tuireadh agus bròn.

AGUS thubhairt e rium, A mhic an duine, seas air do chosaibh, agus labhraidh mise riut.

2 Agus chaidh an spiorad a steach ann-am an uair a labhair e rium, agus chuir e air mo chosaibh mi, ionnus gu'n cuala mi an tì a labhair rium.

3 Agus thubhairt e rium, A mhic an duine, tha mise ga d' chur gu cloinn Israeil, gu cinneach ceannairceach a rinn ar a mach a'm' aghaidh; chiontaich iad fèin agus an aithrichean a'm' aghaidh, agus an là an diugh.

4 Oir is clann mhi-nàrach agus chruaidh-chridheach iad: tha mise ga d' chur d'an ionnsuidh, agus their thu riu, Mar so deir an Tighearn Dia.

5 Agus iadsan, ma dh'éisdeas iad, no ma dhearmaideas iad, (oir is tigh ceannairceach iad,) gidheadh bithidh fios aca gu robh fàidh 'nam measg.

6 Agus thusa, a mhic an duine, na biodh eagal ort rompa, agus na biodh fiamh ort roimh am briathraibh, ged tha drisean agus droighionn mu'n cuairt duit, agus do chòmhnuidh am measg nathraichean nimhe: na biodh eagal ort roimh am

¹ iolarach.

² na beatha.

briathraibh, ni mò bhios geilt ort roimh an gnùis, ged is tigh ceannairceach iad.

7 Agus labhraidh tu mo bhriathra-sa riu, co ac' a dh'éisdeas iad, no dhearm-aideas iad; oir tha iad ro cheannairceach.

8 Ach thusa a mhic an duine, chuinn ciod a tha mise ag ràdh riut; Na bi thusa eas-umhal cosmhuil ris an tigh eas-umhal sin: fosgail do bheul, agus ith an ni bheir mise dhuit.

9 Agus 'nuair a dh'amhaire mi, feuch, bha làmh air a' cur a m' ionnsuidh, agus, feuch, bha rola leabhair innte;

10 Agus sgaoil e fa m' choinneamh e; agus bha e sgrioblta stigh agus a mach: agus bha sgrìobhta ann tuireadh, agus bròn, agus truaighe.

CAIB. III.

1 *Dh'ith Eseciel rola an leabhair: 4 thug Dia misneach dha: 15 fhuair e fìos air a dhleasdanas mar fhear-faire, 25 agus air an dòigh air am buineadh na h-Iudhaich ris.*

OS bàrr thubhairt e rium, A mhic an duine, ith an ni gheibh thu; ith an rola so, agus falbh, labhair ri tigh Israeil.

2 Mar sin dh'fhosgail mi mo bheul, agus thug e orm an rola sin itheadh.

3 Agus thubhairt e rium, A mhic an duine thoir air do bhroinn itheadh, agus lìon do chom leis an rola so a bheiream-sa dhuit. An sin dh'ith mi, agus bha e ann mo bheul mar mhill air mhillsead.

4 Agus thubhairt e rium, A mhic an duine, falbh, innich gu tigh Israeil, agus labhair le m' bhriathraibh-sa riu.

5 Oir cha'n 'eil thu air do chur gu sluagh aig am bheil teaghadh choimheach, agus cainnt chruaidh, *ach* gu tigh Israeil.

6 Cha 'n ann gu mòran sluaigh, aig am bheil teaghadh choimheach, agus cainnt chruaidh, nach urrainn thu 'm briathran a thuigsinn: gu cinnteach nan cuirinn do'n ionnsuidh-san thu, dh'éisdeadh iad riut.

7 Ach cha'n éisd tigh Israeil riut, oir cha'n éisd iad riumsa; oir tha tigh Israeil uile mi-nàrach agus cruaidh-chridheach.

8 Feuch, rinn mi do ghnùis làidir an aghaidh an gnùise-san, agus t' eudan làidir an aghaidh an eudain-san.

9 Mar adamant, ni's cruaidhe na clach theine, rinn mise t'eudan: na biodh eagal ort rompa, agus na biodh sgàth ort roimh an gnùis, ged tha iad 'nan tigh ceannairceach.

10 Os bàrr, thubhairt e rium, A mhic an duine, gabh ann ad chridhe m' uile bhriathra-sa a labhras mi riut, agus éisd le d' chluasaibh.

11 Agus falbh, innich dh'ionnsuidh na muinntir a ta ann am bruid, gu cloinu do shluaigh, agus labhair riu, agus innis doibh, Mar so tha an Tighearna Dia ag

ràdh, co ac' a dh'éisdeas iad no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, *ag ràdh*, Beannaichte gu robh glòir an Tighearna o 'àite féin.

13 *Chuala mi* fòs fuaim sgiath nan ainmhidhean a bhean ri chéile, agus fuaim nan roth thall mu'n coinneamh, agus fuaim luasgaidh mhòir.

14 An sin thog an spiorad suas mi, agus thug e leis mi, agus dh'imich mi ann an searbas, ann an teas mo spioraid, ach bha làmh an Tighearna treun orm.

15 An sin thàinig mi chum na muinntir a bha 'nam braighdibh aig Tel-abib, a bha chòmhnuidh làimh ri amhainn Chebair, agus shuidh mi far an do shuidh iadsan, agus dh'fhan mi 'n sin seachd làithean làn uamhais 'nam meadhon.

16 Agus tharladh an ceann sheachd làithean, gu'n d' thàinig focal an Tighearna a m' ionnsuidh, *ag ràdh*,

17 A mhic an duine, rinn mise fear-faire dhìot do thigh Israeil: uime sin, éisd am focal o m' bheul, agus thoir rabhadh dhoibh uamsa.

18 'Nuair a their mise ris an aingidh, Gheibh thu gu cinnteach bàs; agus nach toir thusa rabhadh dha, agus nach labhair thu thoir rabhadh do'n chiontach o 'dhroch shlighe, chum 'anam a thèarnadh; bàsaichidh an droch dhuine sin 'na aingidheachd, ach iarraidh mise 'fhuil air do làimh-sa.

19 Gidheadh ma bheir thu rabhadh do'n aingidh, agus nach pill e o 'aingidheachd, no o 'dhroch shlighe, bàsaichidh esan 'na aingidheachd; ach shaor thusa t'anam féin.

20 A ris, an uair a philleas fìrean o 'fhìreantachd, agus a chuireas e 'n gnìomh peacadh, agus a chuireas mise ceap-tuislidh fa chomhair, gheibh e bàs; a chionn nach d'thug thusa dha rabhadh, 'na pheacadh gheibh e bàs, agus cha chuimhnich-ear 'fhìreantachd a rinn e; ach iarraidh mise 'fhuil air do làimh-sa.

21 Gidheadh ma bheir thu rabhadh do'n fhìrean, air chor as nach ciontaich am fìrean, agus nach dean e peacadh; mairidh e gu cinnteach beò, do bhrìgh gu'n d' fhuair e rabhadh; mar an ceudna shaor thusa t' anam féin.

22 Agus bha làmh an Tighearna orm an sin, agus thubhairt e rium; Eirich, siubhlail a mach do'n chòmhnard, agus an sin labhraidh mise riut.

23 An sin dh'éirich mi, agus chaidh mi mach a chum a' chòmhnaird, agus, feuch, sheas glòir an Tighearna san àite sin, mar a' ghloir a chunnaic mi aig amhainn Chebair; agus thuit mi air m' aghaidh.

24 An sin chaidh an spiorad annam, agus chuir e air mo chosaibh mi, agus

labhair e rium, agus thubhairt e rium, Falbh, druid thu féin a stigh ann ad thigh.

25 Ach thusa, O mhic an duine, feuch, cuiridh iad boinn ort, agus ceanglaidh iad thu leo, agus cha téid thu mach 'nam measg.

26 Agus bheir mise air do theangaidh leantuinn ri d' ghial, air chor as gu'm bi thu balbh, agus nach bi thu dhoibh a'd' fhear-cronachaidh; oir tha iad 'nan tigh ceannairceach.

27 Ach an uair a labhras mise riut, fosglaidh mi do bheul, agus their thu riu, Mar so tha an Tighearn Dia ag ràdh, Esan a dh'éisdeas, éisdeadh e: agus esan a dhearmaideas, dearmaideadh e: oir tha iad 'nan tigh ceannairceach.

CAIB. IV.

1 *Dh'orduicheadh do'n fhàidh baile Ierusalem a tharruing air lic-shuaine, agus a chuairteachadh le feachd, mar chomhara do thigh Israeil. 9 Leis an lòn a chaidh shonrachadh dha chuireadh an céill an teanntachd a bha gu teachd air na h-Iudhaich.*

THUSA mar an ceudna, a mhic an duine, gabh thugad leac-shuaine, agus cuir fa d' chomhair i, agus tarruing oirre am baile, Ierusalem:

2 Agus cuairtich e le feachd, agus tog 'na aghaidh daingneach, agus tilg suas tòrr 'na aghaidh; suidhich fòs camp 'na aghaidh, agus cuir reitheacha-cogaidh 'na aghaidh air gach taobh mu'n cuairt.

3 A thuilleadh air so, gabh thugad aghann iarunn, agus suidhich e mar bhalla iarunn, eadar thu agus am baile, agus cuir do ghnùis 'na aghaidh, agus bithidh e air a theannachadh, agus cuiridh tu camp 'na aghaidh: bithidh so 'na chomhara do thigh Israeil.

4 Luidh thusa fòs air do thaobh clì, agus leig euceart tìghe Israeil air: a réir àireimh nan làithean a luidheas tu air, giùlainidh tu an euceart.

5 Oir leig mise ortsa bliadhnachan an euceartan, a réir àireimh nan làithean, tri cheud deich agus ceithir fichead là: mar sin giùlainidh tu euceart tìghe Israeil.

6 Agus nuair a choimhlionas tu iad, luidh a ris air do thaobh deas, agus giùlainidh tu euceart tìghe Iudah dà fhichead là: dh'orduich mise dhuit là air son bliadhna.

7 Uime sin cuiridh tu d' aghaidh ri séisdeadh Ierusalem, agus bithidh do ghairdean air a rùsgadh, agus ni thu fàistneachd 'na aghaidh.

8 Agus, feuch, cuiridh mise cuibhrich-ean ort, agus cha tionndaidh thu thu féin o'n aon taobh gus an taobh eile, gus an crìochnaich thu làithean do shéisdidh.

9 Gabh thugad fòs cruithneachd, agus corna, agus pònaire, agus peasair, agus meanbh-pheasair, agus peasair fhiadhain,

agus cuir iad ann an aon soitheach, agus dean duit féin aran diubh, a réir àireimh nan làithean a luidheas tu air do thaobh; tri cheud ceithir fichead agus deich làithean ithidh tu dheth.

10 Agus bithidh am biadh a dh'itheas tu air a chothromachadh, fichead secel anns an là: o àm gu h-àm ithidh tu e.

11 Olaidh tu mar an ceudna uisge le tomhas; an seathamh cuid do hin: o àm gu h-àm olaidh tu.

12 Agus ithidh tu e mar arain eorna, agus le aolach a thig a mach á duine deasaichidh tu e 'nan sealladh.

13 Agus thubhairt an Tighearn, Eadhon mar so ithidh clann Israeil an aran truailte measg nan cinneach, gus an iomain mise iad.

14 An sin thubhairt mise, Ah a Thighearn Dhia! feuch, cha do thruailleadh m' anam-sa: oir o m' òige nìos gus a nis cha d' ith mi dheth sin a bhàsaicheas leis féin, no bha 'na chonabhlach; ni mò thàinig feoil ghràineil ann am bhlent.

15 An sin thubhairt e rium, Feuch, thug mi dhuit buachar bhò an àite aolaidh duine, agus deasaichidh tu t' aran leis.

16 Os bàrr thubhairt e rium, A mhic an duine, feuch, brisidh mise lorg an arain ann an Ierusalem; agus ithidh iad aran le cothrom agus le cùram; agus olaidh iad uisge le tomhas agus le h-uamhas.

17 A chum gu'm bi uireasbhuidh arain agus uisge orra, agus gu'm bi uamhas orra gach aon ri chèile, agus gu'n leagh iad air falbh air son an euceirt.

CAIB. V.

1 *Le sàmhladh ealtuinn bearradair nochdadh breith-eanais Dhé an aghaidh Ierusalem, 12 le plàigh, le gorta, le claidheamh, agus le sgapadh.*

AGUS thusa, a mhic an duine, gabh thugad sgian gheur, gabh thugad ealtuinn bearradair, agus thoir oirre siubhal air do cheann, agus air d' fheusaig; an sin gabh meigh thomhais, agus roinn am folt.

2 Trian loisgidh tu le teine ann am meadhon a' bhaile, trà bhios làithean an t-séisdidh air an coimhlionadh; agus gabhaidh tu trian, agus buailidh tu m'a thimchioll le sgein; agus sgapaidh tu trian leis a' ghaoith, agus tairngidh mise mach claidheamh 'nan déigh.

3 Gabhaidh tu mar an ceudna dhiubh beagan ann an àireamh, agus ceanglaidh tu iad ann ad sgiortaibh¹.

4 An sin gabh dhiubh a ris, agus tilg iad am meadhon an teine, agus loisg iad anns an teine; as a sin thig teine mach gu tigh Israeil uile.

5 Mar so tha an Tighearn Dia ag ràdh,

¹ sgiobul, sgiathaibh. Eabh.

Is i so Ierusalem; chuir mise i am meadhon nan cinneach, agus nan dùthchanna mu'n cuairt di.

6 Agus dh'atharraich i mo bhreitheanais gu aingidheachd ni's mò na na cinnich; agus mo reachdan ni's mò na na dùthchanna mu'n cuairt di: oir dhiùlt iad mo bhreitheanais; agus mo reachdan cha do ghluais iad annta.

7 Uime sin, mar so tha an Tighearn Dia ag ràdh, A chionn gu'n d' fhàs sibh lionmhor seach na cinnich mu'n cuairt duibh, agus nach do ghluais sibh ann am reachdaibh-sa, ni mò choimhid sibh mo bhreitheanais, ni mò riun sibh cadhòn a réir breitheanais nan cinneach mu'n cuairt duibh;

8 Uime sin, mar so tha an Tighearn Dia ag ràdh, Feuch, tha mise, eadhon mise a'd' aghaidh, agus ni mi breitheanais ann ad mheadhon, ann an sealladh nan cinneach.

9 Agus ni mi annad an ni sin nach d' riun mi, agus nach dean mi ni's mò ni cosmhuil ris, air son t'uile ghràineileachdan.

10 Uime sin ithidh na h-aithrichean am mic ann ad mheadhon, agus ithidh na mic an aithrichean; agus ni mise breitheanais annad, agus sgapaidh mi an t-iomlan do d' fhuigheall anns gach uile ghaoith.

11 Air an aobhar sin, mar is beò mise, deiran Tighearn Dia, Gu deimhin, a chionn gu'n do thruaill thu m' ionad naomh le t'uile nithibh fuathach, agus le t'uile ghràineileachdaibh, uime sin lughdaichidh mise thu mar an ceudna; agus cha choigil mo shùil, ni mò bhios truas air bith agam.

12 Bàsaichidh trian diot leis a' phlàigh, agus le gorta caithear iad ann ad mheadhon: agus tuitidh trian leis a' chlaidheamh mu'n cuairt duit; agus sgapaidh mise trian anns na h-uile ghaothaibh, agus tairngidh mi mach claidheamh 'nan déigh.

13 Mar so coimhlionar mo chorruih, agus bheir mi air mo dhian-fheirg luidhe orra, agus bheir mi dhomh féin fois: agus bithidh fios aca gur mise an Tighearn a labhair ann am eud, an trà choimhlionas mi orra mo dhian chorruih.

14 A thuilleadh air so, ni mi dhìot fàsach agus masladh am measg nan cinneach mu'n cuairt duit, ann an sealladh nan uile a théid seachad.

15 Agus bithidh tu ann ad mhasladh, agus ann ad mhagadh, ann ad theagasg, agus ann ad uamhas, do na cinnich mu'n cuairt duit, an trà ni mise breitheanais annad, ann am feirg, agus ann an corruich, agus ann an garg achmhasanaibh: mise Iehobhah labhair.

16 An trà chuireas mi orra droch

shaighde na gorta, a bhios air son sgrìos, a chuireas mise g'ur sgrìos: meudaichidh mi fòs a' ghort oirbh, agus brisidh mi lorg 'ur n-arain.

17 Mar sin cuiridh mi oirbh gort, agus droch bheathaichean, agus ni iad uireasbhuidheach thu¹: agus siùbhlaidh plàigh agus fuil tromhad², agus bheir mi ort an claidheamh; mise Iehobhah labhair.

CAIB. VI.

1 *Breitheanas Israeil air son an iòdholan. 8 Téarnar fuigheall dhiubh. 11 Dh'orduicheadh do'n fhàidh caoidh a dheanamh air son ghràineilcachdan tighe Israeil.*

A Gus thàinig focal an Tighearn a m' ionnsuidh, ag ràdh,

2 A mhic an duine, cuir d' aghaidh ri sléibhtibh Israeil, agus dean faistneachd 'nan aghaidh,

3 Agus abair, A shléibhtean Israeil, cluinnibh focal an Tighearna Dia, mar so tha an Tighearn Dia ag ràdh ris na sléibhtibh, agus ris na cnocaibh, ris na sruthaibh, agus ris na gleannaibh, Feuch, bheir mise, mise féin, claidheamh oirbh, agus sgrìosaidh mi 'ur n-ionadan àrda.

4 Agus bithidh 'ur n-altairean fàs, agus 'ur dealbhan air am briseadh: agus tilgidh mise sìos 'ur daoine marbhata fa chomhair 'ur n-iòdholan.

5 Agus leagaidh mi cuirp mharbha chloinn Israeil fa chomhair an iòdholan; agus sgapaidh mi 'ur cnàmhan mu thimchioll 'ur n-altairean.

6 Ann 'ur n-uile àiteachaibh còmhnuidh, nìthear na bailtean fàs, agus bithidh 'ur n-ionadan àrda faondrach, air chor as gu'm bi 'ur n-altairean fàs agus uaigneach, agus gu'n tig briseadh agus cosgadh air 'ur n-iòdholaidh, agus gu'n dubhar as 'ur n-oibre.

7 Agus tuitidh iadsan a bhios leònta 'nur meadhon; agus bithidh fios agaibh gur mise an Tighearn.

8 Gidheadh fàgaidh mi fuigheall, air chor as gu'm bi agaibh cuid a théid as o'n chlaidheamh am measg nan cinneach, an trà bhios sibh air 'ur sgapadh am measg nan dùthchanna.

9 Agus cuimhnichidh a' mheud dhibh³ is a théid as mise, am measg nan cinneach gus an toirair iad 'nam braighdibh, an trà chiosnaicheas mise an cridhe strìopachail a dhcalaich rium, agus an sùilcan a ta dol air strìopachas an déigh an iòdholan; agus bithidh gràin aca dhiubh féin air son nan olc a chuir iad an gnìomh 'nan uile ghràineileachdaibh.

10 Agus aithnidh iad gur mise an Tighearn, agus nach ann gu dìomhain a thubhairt mi gu'n deanainn an t-olc so orra.

¹ fàgaidh iad gun chlann thu.
747

² thromhad.

³ mheud agaibh.

11 Mar so tha an Tighearn Dia ag ràdh, Buail le d' làimh, agus breab le d' chois, agus abair, Mo thruaighe! air son uile dhroch ghràineileachdan tìghe Israeil; oir tuitidh iad leis a' chlaidheamh, leis a' ghort, agus leis a' phlàigh.

12 Esan a ta fad as bàsaichidh leis a' phlàigh; agus esan a tha dlùth tuitidh leis a' chlaidheamh; agus esan a mhair-eas, agus a ta air a shéisdeadh, bàsaichidh leis a' ghort: mar so coimhlionaidh mise mo chorruich orra.

13 An sin bithidh fios agaibh gur mise an Tighearn, an trà bhios an daoine marbhta, measg an ìodholan, mu'n cuairt air an altairibh, air gach aon chnoc àrd, air uile mhullachaibh nan sliabh, agus fo gach uile chrann uaine, agus fo gach daraig gheugaich¹; an t-àite san d' thug iad boltrach cùbraidh do'n uile ìodhol-aibh.

14 Mar sin sìnidh mise mach mo làmh orra, agus ni mi am fearann fàs, seadh, nì's uaigniche 'na fàsach Dhiblait, 'nan uile ionadaibh còmhnuidh; agus bithidh fios aca gur mi an Tighearn.

CAIB. VII.

1 Léir-sgrìos Israeil. 16 Ni am fuigheall a théid as caoidh air son an aingidheachd. 20 Cheadaich Dia do naimhdean Israeil an t-ionad naomh a thruaillleadh a chionn gu'n do pheacaich iad 'na aghaidh. 23 Le sàmhladh slabhruidh chuir am fàidh an cèill braighdeanas a shluagh.

OS bàrr, thàinig focal an Tighearn a m' ionnsuidh, ag ràdh,

2 Fòs a mhic an duine, *abair*, Mar so tha an Tighearn Dia ag ràdh ri fearann Israeil: Thàinig crìoch, *thàinig* crìoch air ceithir chearnaibh na tìre.

3 A nis *thàinig* crìoch ort, agus cuiridh mise mo chorruich ort, agus bheir mi breth ort a réir do shlighe, agus dìolaidh mi riut t' uile ghràineileachdan.

4 Agus cha choigil² mo shùil thu, ni mò bhios truas agam, ach dìolaidh mi riut do shlighe, agus bithidh do ghràincileachdan ann ad mheadhon; agus bithidh fios agaibh gur mise an Tighearn.

5 Mar so tha an Tighearn Dia ag ràdh; Feuch, tha olc, aon olc eile a' teachd.

6 Tha crìoch air teachd, thàinig a' chrìoch; tha i ri faire air do shon, feuch thàinig i.

7 Dh'éirich a' mhaduinn ort, O thusa a ta ag àiteachadh na tìre; thàinig an t-àm, tha là an àmhghair dlùth, agus cha'n e ath-fhreagradh nan sliabh.

8 A nis gu h-àithghearr dòirtidh mi mach m' fhearg, agus coimhlionaidh mi mo chorruich ort: agus bheir mi breth ort a réir do shlighe, agus dìolaidh mi

riut t' uile ghràineileachdan.

9 Agus cha choigil mo shùil, ni mò bhios truas agam: dìolaidh mi riut a réir do shlighe, agus do ghràineileachdan ann ad mheadhon; agus bithidh fios agaibh gur mise an Tighearn a ta bualadh.

10 Feuch an là, feuch, thàinig e; chaidh a' mhaduinn a mach, thàinig blàth air an t-slaic, ùr-fhàs air an uabhar.

11 Dh'fhàs ainneart suas gu slait aingidheachd: cha mhair aon diubh, no do'n sluagh, no aon a bhuineas doibh, ni mò bhios cumha³ sam bith air an son.

12 Thàinig an t-àm, tha an là a' teachd am fagus; na deanadh am fear-reice gairdeachas, no am fear-ceannaich bròn: oir *thuit* fearg air a mòr-chuideachd uile.

13 Oir cha phill am fear-reice ris an ni sin a reiceadh, ged robh iad am measg nam beò; oir tha an taisbean mu thim-chioll a mòr-chuideachd uile; cha phill iad, ni mò neartaicheas aon duine e fèin ann an aingidheachd a bheatha.

14 Shéid iad an trompaid, eadhon a chum na h-uile a dheanamh deas; ach cha 'n eil neach air bith a' dol a chum a' chatha: oir tha m' fhearg-sa air a mòr-chuideachd uile.

15 Tha an claidheamh a muigh, agus a' phlàigh, agus a' ghort a stigh: esan a ta sa' mhachair bàsaichidh e leis a' chlaidheamh; agus esan a ta sa' bhaile ni gort agus plàigh 'itheadh suas.

16 Ach iadsan a théid as diubh, théid as, agus bithidh iad air na sléibhtibh mar cholomain nan gleann, iad uile a' caoidh, gach aon diubh air son 'aingidheachd fèin.

17 Bithidh na h-uile làmhnan lag, agus bithidh na h-uile ghluinean an-nhunn mar uisge.

18 Crioslaichidh iad fòs *iad fèin* le eudach-saic, agus ni uamhas an còmh-achadh, agus bithidh nàire air na h-uile aghaidh, agus air an cinn uile bithidh maioile.

19 Tilgidh iad an airgiod anns na sràid-ibh, agus atharraichear an òr: cha bli an airgiod agus an òr comasach air an saoradh ann an là feirge an Tighearna: cha sàsuich iad an anama, ni mò lìonas iad an com: a chionn gu'n toir an aingidheachd tuisleadh orra.

20 A chionn gu'n d' rinn iad dheth éid-idh àillidh agus sgiamhach, leis an do sgeudaich iad dealbhan gràncil an nithe fuathach, uime sin bheir mise fa'near gu'm buinear e uatha.

21 Agus bheir mi e do làmhaidh nan coimheach mar chobhartaich, agus do dhroch dhaoinibh na talmhainn mar chreich, agus ni iadsan a thruaillleadh.

¹ dhosraich.

² chaomhoin.

³ caoidh.

22 Pillidh mi fòs m' aghaidh uatha, agus bithidh m' ionad dìomhair air a thruaillleadh; oir thèid an luchd-spùimhidh a steach ann, agus truailidh iad e.

23 Dean slabhruidh; oir tha am fearann làn do chiontaibh fuilteach, agus tha a chaithir làn do ainneart.

24 Uime sin, bheir mise a' chuid a's miosa do na cinnich, agus sealbhaichidh iad an tighean: cuiridh mi fòs cosgadh air uabhar nan neartmhor, agus truaillear an ionada naomha.

25 Tha léir-sgrìos a' teachd, agus iarraidh iad sìth, ach cha bli i ann.

26 Thig urchuid air urchuid, agus tuair-sgeul air thuairisgeul; an sin iarraidh iad sealladh o'n fhàidh: ach eugaiddh an lagh o'n t-sagart, agus comhairle o na seanairibh.

27 Nì an rìgh caoidh, agus bithidh am prionnsa air èideadh le léir-sgrìos, agus bithidh làmhnan sluaigh na tìre fo gheilt: nì mise riu a réir an slighe, agus a réir an toillteanais bheir mi breth orra, agus bithidh fios aca gur mi an Tighearn.

CAIB. VIII.

1 *Thugadh am fàidh ann am foillseachaibh Dhé gu Ierusalem, 5 agus nochdadh dha ìomhaigh an eud, 7 chùirt nan cosamhlachd, 13 luchd-caoidh Thamuis, 16 agus luchd-aoraidh na grèine. 17 Corruich Dhé an aghaidh luchd an ìodhol-aoraidh.*

A GUS tharladh anns an t-sèathamh bliadhna, anns an t-sèathamh mìos, anns a' chùigeamh là do'n mhìos, 'nuair a shuidh mi ann am thigh, agus seanairean Iudah 'nan suidhe mu'm chomhair, gu'n do thuit orm an sin làmh an Tighearna Dia.

2 An sin dh'amhairc mi, agus feuch, cosamhlachd mar shàmhladh duine: o thaisbean a leasraidh agus fuidhe mar theine: agus o'leasraibh agus os a cheann, mar thaisbean dealanaich, mar dhath òmair.

3 Agus chuir e mach cumachd làimhe, agus ghlac e mi air dual do m' cheann, agus thog an spiorad suas mi eadar talamh agus nèamh, agus thug e mi ann am foillseachaibh Dhé gu Ierusalem, gu dorus a' gheata is faide steach, a ta' g'amharc ris an àirde tuath, far an robh àite ìomhaigh an eud, a bhrosnuicheas gu eud.

4 Agus, feuch, bha glòir Dhé Israeil an sin, a réir an t-seallaidh a chunnaic mi anns a' chòmhnard.

5 An sin thubhairt e rium, A mhic an duine, tog suas do shùilean a nis ri slighe na h-àirde tuath: agus thog mi suas mo shùilean ri slighe na h-àirde tuath, agus, feuch, mu thuath, aig geata na h-altarach, ìomhaigh so an eud anns an dol a steach.

6 Agus thubhairt e rium, A mhic an duine, am faic thu ciod a ta iad a' deanamh? na gràineileachda mòra tha tigh Israeil a' cur gnìomh an so, a chum gu'n rachainn-sa am fad o m' naomh-ionad? ach pill fathasd, chì thu gràineileachdan a's mò.

7 Agus thug e mi gu dorus na cùirte; agus an uair a dh'amhairc mi, feuch toll anns a' bhalla.

8 An sin thubhairt e rium, A mhic an duine, cladaich a nis anns a' bhalla: agus 'nuair a chladaich mi anns a' bhalla, feuch dorus.

9 Agus thubhairt e rium, Imich a steach, agus feuch na gràineileachdan aingidh a ta iad a' deanamh an so.

10 Mar sin chaidh mi steach agus chunnaic mi, agus, feuch, uile chosamhlachda gach nì shnàgas, agus gach beathaich ghràineil, agus uile ìodholan tighe Israeil air an tarruing air a' bhalla, gach taobh mu'n cuairt.

11 Agus sheas 'nan làthair deich agus trì fichead fear do sheanairibh tighe Israeil, agus 'nam meadhon sheas Iaasaniah mac Shaphain, gach fear le 'thùiseir 'na làimh, agus neul tìugh tùise a' dol suas.

12 An sin thubhairt e rium, A mhic an duine, am faca tu ciod a tha seanairean tighe Israeil a' deanamh anns an dorch, gach fear ann an seòmraichibh 'ìomhaigh-eachd fèin? oir tha iad ag ràdh, Cha 'n 'eil an Tighearn 'g ar faicinn; thréig an Tighearn an talamh.

13 Thubhairt e rium mar an ceudna, Pill fòs a ris, chì thu gràineileachdan a's mò a ta iad a' deanamh.

14 An sin thug e mi gu dorus geata tighe an Tighearn, a bha ris an àirde tuath, agus, feuch, an sin shuidh mnai a' gul air son Thamuis.

15 An sin thubhairt e rium, Am faca tu so, a mhic an duine? pill fòs a ris, chì thu gràineileachdan nì's mo na iad so.

16 Agus thug e mi do'n chùirt a's faide steach do thigh an Tighearn, agus, feuch, aig dorus teampull an Tighearn, eadar an sgàth-thigh agus an altair, tuairream cùig fir fhichead, le 'n cùlaobh ri teampull an Tighearn, agus an aghaidh ris an àird an ear, agus iad ag aoradh do'n ghréin ris an àird an ear.

17 An sin thubhairt e rium, Am faca tu, O mhic an duine? An nì faoin do thigh Iudah a bhi deanamh nan gràineileachdan a ta iad a' deanamh an so? oir lion iad an tìr le ainneart, agus phill iad do m' bhrosnachadh-sa chum feirge; agus, feuch, chuir iad am meanglan ri an sròin.

18 Uime sin buinidh mise riu-san fòs ann am feirg: cha choigil mo shùil, nì

mò bhios truas agam: agus ged éigh iad ann am chluasaibh le guth árd, gidheadh cha'n éisd mi riu.

CAIB. IX.

1 *Ann an taisbean chunnaic am fúidh seisear fhear, agus air gach aon diubh inneal-sgrìos. 4 Dh'ord-uicheadh iadsan a bha 'g osnaich air son an gràineileuchdan a chomharachadh, 5 agus càch a sgrìos.*

GHLAODH e fòs ann am chluasaibh le guth árd, ag ràdh, Thoir air uachdarain a' bhaile teachd ann fagus, eadhon gach duine le 'arm-sgrìosaidh 'na làimh.

2 Agus, feuch, thàinig seisear¹ fhear o shlighe a' gheata a's àirde, ta' g amhare ris an àirde tuath, agus aig gach fear 'inneal-sgrìos féin 'na làimh: agus bha aon fhear 'nam measg air éideadh le lìon-eudach, agus acfuinn-sgrìobhaidh cléirich air a léis: agus chaidh iad a steach, agus sheas iad ri taobh na h-altarach umha.

3 Agus dh'éirich glòir Dhé Israeil suas bhàrr a' cheruib air an robh e, gu stairs-neach an tighe; agus ghlaodh e ris an duine bha air 'éideadh leis an lìon-eudach, aig an robh an acfuinn-sgrìobhaidh cléirich r'a thaobh;

4 Agus thubhairt an Tighearn ris, Imich troimh² mheadhon a' bhaile, troimh mheadhon Ierusalem, agus cuir comhara air eudanaibh na muinntir a ta 'g osnaich agus a glaothaich air son nan uile ghràin-eileachdan a ta air an deanamh 'na meadhon.

5 Agus ri càch thubhairt e ann am éisd-eachd, Rachaibh-se 'na dhéigh-san troimh 'n bhaile, agus buailibh: na coigleadh 'ur suil, ni mò bhios truas agaibh.

6 Marbhaibh gu tur an sean, agus an t-òg, an òigh, agus an leanabh, agus na mnai; ach na beanaibh ri aon duine air am bheil an comhara; agus tòisichibh aig mò naomh-ionad-sa. An sin thòisich iad aig na seann daoine bha fa chomhair an tighe.

7 Agus thubhairt e riu, Truailibh an tigh, agus lionaibh na cuirtean leis na marbhaibh; rachaibh a mach: agus chaidh iad a mach, agus mharbh iad anns a' bhaile.

8 Agus tharladh trà bha iad 'g am marbhadh, agus a bha mise air m' fhàgail, gu'n do thuit mi air m' aghaidh, agus ghlaodh mi, ag ràdh, Ah! a Tighearna Dhia, an sgrìos thu iarmad Israeil uile, ann an dòrtadh a mach do dhian chorr-uich air Ierusalem?

9 An sin thubhairt e rium, Tha aingidh-eachd tighe Israeil agus Iudah anmhor, agus tha am fearann làn do fhuil, agus am baile làn do cheannaire: oir tha iad

ag ràdh, Thréig an Tighearn an talamh, agus cha'n 'eil an Tighearn a' faicinn.

10 Agus air mo shon-sa mar an ceudna, cha choigil mo shùil, ni mò bhios truas agam; diolaidh mi an slighe air an ceann.

11 Agus, feuch, dh'innis am fear a bha sgeudaichte leis an lìon-eudach, agus aig an robh an acfuinn-sgrìobhaidh r'a thaobh, a' chùis, ag ràdh, Rinn mi amh-uil mar a dh'àithn thu dhomh.

CAB. X.

1 *Taisbean nan eibhlean teine a bha air an sgapadh thar a' bhaile. 5 Taisbean nan cerubim. 10 Dreach agus coslas nan cerubim.*

AN sin dh'amhairc mi, agus, feuch, anns an speur a bha thar cinn nan cerubim, thaisbeanadh os an ceann, mar gu'm biodh ann clach shaphir, mar thaisbean coslais righ-chaitheach.

2 Agus labhair e ris an duine bha sgeudaichte leis an lìon-eudach, agus thubhairt e, Imich a steach eadar na rothan, fuidh an cherub, agus lìon do làmh le éibhlìb teine eadar na cerubim, agus sgap iad thar a' bhaile. Agus chaidh e steach ann am shealladh.

3 A nis sheas na cerubim air taobh deas an tighe, 'nuair a chaidh an duine steach; agus lìon an neul a' chùirt a b'fhaide stigh.

4 An sin chaidh glòir an Tighearna suas bhàrr a' cheruib, agus sheas i os ceann stairsnich an tighe; agus lìonadh an tigh leis an neul, agus bha a' chùirt làn do dhealradh glòire an Tighearn.

5 Agus chualas fuaim sgiath nan cerubim agus a' chùirt a b'fhaide mach, mar gluth an Dé uile-chumhachdaich an uair a labhras e.

6 Agus tharladh, an trà thug e àithne do'n duine bha sgeudaichte leis an lìon-eudach, ag ràdh, Glac teine o eadar na rothan, o eadar na cerubim, gu'n deachaidh e 'n sin a steach, agus sheas e làimh ris na rothaibh.

7 Agus shìn cerub a mach a làmh o eadar na cerubim, chum an teine a bha eadar na cerubim, agus ghabh e dheth; agus chuir e 'n làmhan an tì bha sgeudaichte leis an lìon-eudach e; neach a ghlac e agus a chaidh a mach.

8 Agus chunnacas anns na cerubim cumachd làimhe duine fo an sgiathaibh.

9 Agus 'nuair a dh'amhairc mise, feuch na ceithir rothan aig taobh nan cerubim, aon roth aig aon cherub, agus roth eile aig cerub eile: agus bha dreach nan rothan air dhath cloiche ericstail.

10 Agus air son an aoguis, bha 'n aon choslas aca 'nan ceathrar, mar gu'm biodh roth ann am meadhon rotha.

ESECIEL, X. XI.

11 'Nuair a ghluais iad, dh'imich iad air an ceithir taobhaibh; cha do thionndaidh iad 'nan imeachd, ach ris an àite agus an robh an ceann ag amharc, lean iadsan e; cha do thionndaidh iad 'nuair a dh'imich iad.

12 Agus bha an corp gu h-iomlan, agus an droma, agus an sgiathan, agus na rothan, làn do shùilbh mu'n cuairt air gach taobh, *eadhon* na rothan a bha aca 'nan ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanan aig gach aon: aghaidh cheruib a' cheud eudan, agus aghaidh duine an dara eudan, agus aghaidh leòmhain an treas, agus aghaidh iolair an ceathramh.

15 Agus thogadh suas na cerubim. So an t-ainmhidh a chunnaic mise aig sruth Chebair.

16 Agus an uair a ghluais na cerubim, dh'imich na rothan làmh riu: agus 'nuair a thog na cerubim suas an sgiathan, a chum éiridh suas o'n talamh, cha do thionndaidh na rothan ceudna sin o bhi 'nam fochair.

17 'Nuair a sheas iad sin, sheas *iad so*; agus 'nuair a dh'éirich iad sin suas, dh'éirich *iad so*; oir bha spiorad an ainmhidh anna.

18 An sin dh'imich glòir an Tighearn o stairsnich an tighe, agus sheas i thar na cerubim.

19 Agus thog na cerubim suas an sgiathan, agus chaidh iad suas o'n talamh ann am shealladh: an uair a chaidh iad a mach, bha na rothan mar an ceudna làmh riu; agus sheas iad aig doras geata shoir tighe an Tighearn, agus bha glòir Dhé Israeil tharta os an ceann.

20 So an t-ainmhidh a chunnaic mi fuaidh Dhia Israeil, làmh ri sruth Chebair; agus dh'aithnich mi gu'm b' iad na cerubim.

21 Bha ceithir eudanan aig gach aon fa leth, agus aig gach aon bha ceithir sgiathan; agus bha coslas làmhan duine fuaidh an sgiathaibh.

22 Agus b'e coslas an aghaidhean na h-aghaidhean ceudna a chunnaic mi aig sruth Chebair, an aogus agus iad féin: dh'imich iad gach aon dìreach air aghaidh.

CAIB. XI.

1 *Thaisbeanadh do Eseciel dànachd mhaithean Iudah: 4 dìolaidh Dia am peacanna air an ceann.*

13 *Bàs Phelathia.* 17 *Cruinnichidh Dia a shluagh féin as na dùthchannaibh anns an robh iad air an sgapadh.* 22 *Chaidh glòir an Tighearn suas a meadhon a' bhaile.*

AGUS thog an spiorad suas mi, agus thug e mi gu geata 'n ear tighe an Tighearna, ta 'g amharc ris an àird an

ear: agus, feuch, aig doras a' gheata, cùig fir fhichead: agus chunnaic mi 'nam measg Iaasaniah mac Asuir, agus Pelathia mac Bhenaiiah, uachdarain an t-sluaigh.

2 An sin thubhairt e rium, A mhic an duine, so na daoine tha dealbh uile, agus a' toirt droch chomhairle sa' bhaile so;

3 A ta 'g ràdh, Cha'n 'eil e dlùth; togamaid tighean: is e *am baile* so an coire, agus sinne an fheoil.

4 Air an aobhar sin, dean fàistneachd 'nan aghaidh, dean fàistneachd a mhic an duine.

5 Agus thuit orm spiorad an Tighearn, agus thubhairt e rium, Abair, Mar so tha an Tighearn ag ràdh, Mar so thubhairt sibh, O thigh Israeil: oir is aithne dhomhsa na nithe tha teachd 'nur n-inntinn, *gach uile ni* dhiubh.

6 Mheudaich sibh 'ur mairbh anns a' chaithir so, agus lion sibh a sràidean leo-san a mharbhadh.

7 Air an aobhar sin mar so tha an Tighearn Dia ag ràdh, 'Ur mairbh a chuir sibh 'na meadhon, is iadsan an fheoil, agus is i a' *caithir* so an coire; ach bheir mise sibh a mach as a meadhon.

8 Bha eagal oirbh roimh an chlaidheamh; agus bheir mise claidheamh oirbh, deir an Tighearn Dia.

9 Agus bheir mi sibh a mach as a meadhon, agus bheir mi thairis sibh do làmhan choimheach, agus ni mi breitheanas 'nur measg.

10 Tuitidh sibh leis a' chlaidheamh: bheir mise breitheanas oirbh ann an iomall Israeil, agus bithidh fios agaibh gur mi an Tighearn.

11 Cha 'n i a' *caithir* so a bhios 'na coire dhuibh, ni mò bhios sibhse 'na meadhon mar fheoil: ann an iomall Israeil bheir mise breth oirbh.

12 Agus bithidh fios agaibh gur mise an Tighearn; oir cha do ghluais sibh ann am reachdaibh, ni mò rinn sibh mo bhrèitheanas, ach rinn sibh a réir nòis¹ nan cinneach a ta air gach taobh mu'n cuairt duibh.

13 Agus tharladh an trà rinn mise fàistneachd, gu'n d' eug Pelathia mac Bhenaiiah: an sin thuit mi sìos air m' aghaidh, agus ghlaodh mi le guth àrd, agus thubhairt mi, Ah! a Thighearn Dhia, an dean thu làn-chriochnachadh air iarraidh Israeil?

14 A ris thàinig focal an Tighearn a m' ionnsuidh, ag ràdh,

15 A mhic an duine, is iad do bhràithrean, *eadhon* do bhràithrean, fir do dhùlseachd, agus uile thigh Israeil gu h-iomlan, ris an dubhairt luchd-àiteachaidh Ierusalem,

¹ gnàth.

Imichibh am fad o'n Tighearn: dhuinne thugadh am fearann so mar sheilbh.

16 Air an aobhar sin abair, Mar so tha an Tighearn Dia ag ràdh, Ged thilg mi fada uam iad am measg nan cinneach, agus ged sgap mi iad am measg nan dùthchanna, gidheadh bithidh mi dhoibh ann am naomh-ionad bheag, anns na dùthchannaibh gus an tig iad.

17 Uime sin abair, Mar so tha an Tighearn Dia ag ràdh, Ni mi eadhon 'ur tional o na cinnich, agus 'ur cruinneachadh as na dùthchannaibh anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithe fuathach, agus 'uile ghràineileachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am feoil, agus bheir mi dhoibh cridhe feòla;

20 A chum gu'n gluais iad ann am reachdaibh, agus gu'n coimlid iad m' orduighean, agus gu'n dean siad iad: agus bithidh iad 'nam pobull dhomh-sa, agus bithidh mise a'm' Dhia dhoibh-san.

21 Ach do'n taobh-san a thionndas an cridhe a réir cridhe an nithe fuathach agus an gràineileachda, diolaidh mise an slighe air an ceann féin, deir an Tighearn Dia.

22 An sin thog na cerubim suas an sgiathan, agus na rothan làimh riu; agus bha glòir Dhia Israeil tharta os an ceann.

23 Agus chaidh glòir an Tighearna suas o mheadhon a' bhaile, agus sheas i air an t-slabh a ta air an taobh an ear do'n bhaile.

24 'Na dhéigh singhlac an spiorad suas mi, agus thug e mi ann an taisbean le spiorad Dhé gu Caldéa, chum nam braighdean. Mar sin chaidh an sealladh a chunnaic mi suas uam.

25 An sin labhair mi riu-san a bh'annas an daorsa, na h-uile nithe a thaisbean an Tighearn dhomh.

CAIB. XII.

1 *Le atharrachadh Eseciel nochdadh braighdeanas Shedeciah.* 17 *Ball-chrith agus uamhunn nan Iudhach.* 21 *Chronuich am fàidh iad air son an gnàth-fhocail.*

THAINIG focal an Tighearna fòs a m' ionnsuidh, ag ràdh,

2 A mhic an duine, tha thu chòmhnuidh ann am meadhan tìghe cheannaircigh, aig am bheil sùilean gu faicinn, ach cha'n 'eil iad a' faicinn; tha cluasan aca gu cluinntinn, ach cha'n 'eil iad a' cluinntinn: oir is tìgh ceannairceach iad.

3 Uime sin, a mhic an duine, deasaich¹

dhuit féin airneis air son dol air imrich, agus atharraich anns an là 'nan sealladh; agus atharraichidh tu o t' àite, gu àit eile 'nan sealladh; theagamh gu'n toir iad fa'near, ged is tìgh ceannairceach iad.

4 An sin bheir thu mach t' airneis anns an là 'nan sealladh, mar airneis air son imrich: agus théid thu mach san annoch 'nan sealladh, mar iadsan a théid à mach ann am braighdeanas.

5 Cladhaich troimh a' bhalla 'nan sealladh, agus thoir a mach troimh sin.

6 'Nan sealladh giùlainidh tu air do ghuaillibh, bheir thu mach anns an dubh-anmoch: còmhdaichidh tu d' aghaidh air chor as nach faic thu an làr: oir chuir mi thu mar chomhara do thigh Israeil.

7 Agus rinn mi ceart mar a dh' àithneadh dhomh: thug mi mach m' airneis anns an là, mar airneis air son braighdeanais, agus anns an annoch chladhaich mi troimh a' bhalla le m' làimh; thug mi mach i san dubh-anmoch, agus giùlain mi air mo ghuaillibh i 'nan sealladh.

8 Agus air maduinn thàinig focal an Tighearn a m' ionnsuidh, ag ràdh,

9 A mhic an duine, nach dubhairt tìgh Israeil, an tìgh ceannairceach, riut, Ciod a tha thu deanamh?

10 Abair thusa riu, Mar so tha an Tighearn Dia ag ràdh, Do'n phrionnsa ann an Ierusalem buinidh an t-uallach² so, agus do thigh Israeil a ta 'nam measg.

11 Abair, Tha mise ann am chomhara dhuibh; ambuil a rinn mise, mar sin nìl-e ar riu-san: atharraichidh iad, agus théid iad air falbh ann am braighdeanas.

12 Agus am prionnsa a ta 'nam measg giùlainidh e air a ghuaillibh anns an dubh-anmoch, agus théid e mach: cladhaichidh iad troimh a' bhalla, chum giùlain a mach d'a thrìd³: còmhdaichidh e 'aghaidh, air chor as nach faic e 'n làr le 'shùilibh.

13 Sgaoilidh mise fòs lìon air, agus glacar ann am rib e; agus bheir mi e gu Babilon, gu tìr nan Caldéach; gidheadh cha 'n fhaic e i, ged fhaigh e bàs an sin.

14 Agus sgapaidh mi ris gach aon ghaoith na h-uile ta m' a thimchioll g' a chòmhnaidh, agus 'uile bhuidhean⁴; agus tairngidh mi mach an claidheamh 'nan déigh.

15 Agus aithnichidh iad gur mise an Tighearn, 'nair a sgapas mi iad am measg nan cinneach, agus a sgaoileas mi iad feadh nan dùthchannan.

16 Agus fàgaidh mi beagan fhear dhiubh o 'n chlaidheamh, o 'n ghloirt, agus o 'n phlàigh, a chum gu'n cuir iad an céill an uile ghràineileachdan ann measg

¹ ulluich.

² eallach.

³ troimhe.

⁴ bhuidhnichean.

nan cinneach gus an tig iad; agus aith-nichidh iad gur mise an Tighearn.

17 Os bàrr, thàinig focal an Tighearn a m' ionnsuidh, ag ràdh,

18 A mhic an duine, ith t' aran le crith, agus òl t' uisge le ball-chrith agus le cùram;

19 Agus abair ri sluagh na tìre, Mar so tha an Tighearn Dia ag ràdh mu thim-chioll luchd-àiteachaidh Ierusalem, agus dùthcha Israeil, Ithidh iad an aran le cùram, agus òlaidh iad an uisge le uamhas, air chor as gu'm bi am fearann fàs o 'n iomlan a ta ann, air son fòirneirt na muinntir sin uile a ta chòmhnuidh ann.

20 Agus nìhear na bailtean a ta air an àiteachadh fàs, agus bithidh am fearann falamh;

21 Agus thàinig focal an Tighearn a m' ionnsuidh, ag ràdh,

22 A mhic an duine, Ciod e an gnàth-fhocal sin a th'agaibh ann am fearann Israeil, ag ràdh, Tha na làithean air an sìneadh, agus dh'fhàillnich gach uile fhoillseachadh

23 Innis doibh uime sin, Mar so tha an Tighearn Dia ag ràdh, Bheir mise air a' ghnàth-fhocal so sgur, agus cha labhair iad e ni 's faide mar ghnàth-fhocal ann an Israeil: ach abair riu, Tha na làithean aig làimh, agus buil gach aoin taisbein.

24 Oir cha bli ni's mò aon taisbean faoin, no fàistneachd mhiodalach an taobh a stigh do thigh Israeil.

25 Oir mise Iehobhah, labhraidh mi, agus am focal a labhras mi thig gu crìch: cha dean e ni 's faide moille; oir ann 'ur làithibh-sa, O thigh cheannaircigh labhraidh mise am focal, agus ni mi e, deir an Tighearn Dia.

26 A ris thàinig focal an Tighearn a m' ionnsuidh, ag ràdh,

27 A mhic an duine, feuch tha tigh Israeil ag ràdh, Tha 'n taisbean a tha e faicinn air son mhòran làithean, agus tha e ri fàistneachd mu na h-aimsiribh fad as.

28 Air an aobhar sin abair riu, Mar so tha an Tighearn Dia ag ràdh, Cha bhi aon do mo bhriathraibh-sa air a sìneadh ni's faide; ach am focal a labhras mi, coimhlonar e, deir an Tighearn Dia.

CAIB. XIII.

1 Chronaicheadh na fàidhean brèige a chionn gu'n d' rinn iad fiosachd 'nuair nach do chuir an Tighearn a mach iad. 17 Mu thimchioll nam ban-fhàidhean brèige.

AGUS thàinig focal an Tighearn a m' ionnsuidh, ag ràdh,

2 A mhic an duine, dean fàistneachd an aghaidh fhàidhean Israeil, a ta ri fàistneachd, agus abair thusa riu-san a ta ri fàistneachd as an cridhe féin, Eisidibh-se focal an Tighearna.

3 Mar so tha an Tighearn Dia ag ràdh, Is deacair ' do na fàidhibh amaideach, a ta leantuinn an spioraid féin, agus nach faca ni sam bith.

4 O Israeil, is cosmhuil d' fhàidhean ris na sionnachaidh anns na fàsaichibh.

5 Cha deachaidh sibh suas a chum nam bearnan, ni mò rinn sibh suas a' challaid do thigh Israeil, gu seasamh anns a' chath ann an là an Tighearna.

6 Chunnaidh iad dìomhanas, agus rinn iad fiosachd bhrèige, ag ràdh, Deir an Tighearn; 'nuair nach do chuir an Tighearn a mach iad: agus thug iad air daoinibh earbsadh gu'n daingnicheadh iad am focal.

7 Nach faca sibh sealladh faoin, agus nach do labhair sibh fiosachd bhrèige, le bhi 'g ràdh, Thubhairt an Tighearn ged nach do labhair mise?

8 Air an aobhar sin, Mar so tha an Tighearn Dia ag ràdh, A chionn gu'n do labhair sibh dìomhanas, agus gu'm faca sibh breugan, uime sin feuch, tha mise 'nur n-aghaidh, deir an Tighearn Dia.

9 Agus bithidh mo làmh air na fàidhibh a chi dìomhanas, agus a ta fàistneachd bhrèig: cha bhi iad ann an coimhthional mo shluaigh, ni mò bhios iad air an sgrìobhadh ann an sgrìobhadh tìghe Israeil, ni mò théid iad a steach do fhearrann Israeil; agus aithnichidh sibh gur mise an Tighearn Dia.

10 A chionn, eadhon a chionn gu'n d' thug iad air mo shluaigh dol air seacharan, ag ràdh, Sith, agus gun sith a bhi ann: agus thog aon suas balla, agus, feuch, thilg càch thairis e le crè gun oibreachadh.

11 Abair riu-san a ta 'ga thilgeadh thairis le crè gun oibreachadh, gu'n tuit e: bithidh fras thuilteach ann, agus turlingidh sibhse, O chlacha-meallain mòra; agus ni gaoth dhoinionnach a bhriseadh.

12 Feuch, 'nuair a thuiteas am balla, nach abrar ruibh, C'ait am bheil a' chrè leis an do thilg sibh thairis e?

13 Uime sin, mar so tha an Tighearn Dia ag ràdh, Ni mise fòs a bhriseadh le gaoth dhoinionnach ann am fheirg: agus bithidh fras thuilteach ann am chorruchsa ann, agus clachan-meallain mòra ann am dhian-fheirg g'a mhlileadh.

14 Mar sin brisidh mi sìos am balla a thilg sibh thairis le crè gun oibreachadh, agus bheir mi nuas gu làr e, air chor as gu'n leigear ris a bhunaite; agus tuitidh e, agus bithidh sibhse air 'ur milleadh 'na mheadhon; agus aithnichidh sibh gur mise an Tighearn.

15 Mar so coimhlonaidh mi mo chorr-uich air a' bhalla, agus orra-san a thilg

ESECIEL, XIII. XIV.

thairis e le crè gun oibreachadh, agus their mi ruibh, Cha'n' eil am balla ann, ni mò tha iadsan a thilg thairis e;

16 *Eadhon* fàidhean Israeil a ta ri fàistneachd mu thimchioll Ierusalem, agus a ta faicinn seallaidh sìothaimh dhi, agus gun sìth idir ann, deir an Tighearn Dia.

17 Mar an ceudna, thusa, a mhic an duine, cuir d' eudan an aghaidh nigheana do shluaigh, a ta ri fàistneachd as an cridhe féin, agus dean-sa fàistneachd 'nan aghaidh.

18 Agus abair, Mar so tha an Tighearn Dia ag ràdh, Is truagh do na mnaibh a ta fuaigheal chluasag ris na h-uile asgalt-aibh, agus a' cur bhréidean air ceann gach aoise, a dheanamh seilg air anamaibh. An dean sibh sealg air anamaibh mo shluaigh-sa, agus an coimhid sibh beò anama na muinntir a ta teachd thug-aibh?

19 Agus an truail sibh mise measg mo shluaigh air son ghlaiceadan eorna, agus air son mhùrean arain, a mharbhadh nan anama nach bu chòir bàsachadh, agus a choimhead beò nan anama nach bu chòir a bhì beò, le 'ur breugaibh do m' shluagh-sa, ta 'g éisdeachd 'ur breug?

20 Air an aobhar sin, mar so tha an Tighearn Dia ag ràdh, Feuch, tha mise an aghaidh 'ur cluasag, leis am bheil sibh an sin a' sealg air na h-anamaibh, a chum an glacadh; agus spionaidh mise iad o 'ur gairdeinibh, agus leigidh mi air falbh na h-anama, na h-anama sin air am bheil sibh a' sealg a chum an glacadh.

21 Reubaidh mi fòs 'ur bréidean, agus saoraidh mi mo shluagh a mach as 'ur làimh, agus cha bhì iad ni's mò 'nur làimh gu bhì air am fiadhach: agus aithnichidh sibh gur mise an Tighearn.

22 A chionn le breugaibh gu'n d' rinn sibh cridhe an ionracain dubhach, agus nach d' rinn mise dubhach e; agus gu'n do neartaich sibh làmhan an aingidh, chum nach pilleadh e o 'dhroch shlighe, le bhì gealltuinn beatha dha.

23 Uime sin cha'n fhaic sibh dìomhanas ni's mò, agus cha dean sibh fàistneachd tuilleadh; oir saoraidh mise mo shluagh as 'ur làimh, agus bithidh fios agaibh gur mi an Tighearn.

CAIB. XIV.

1 *Thug Dia achmhasan do'n t-sluagh a chuir suas ìodholan 'nan cridhe.* 3 *Chomhairlicheadh dhoibh aithreachas a ghabhail.* 12 *Cha saor cadarghuidhe air bìth iad o'n ghorta,* 15 *o bheathaichibh cronail.* 17 *o'n chlaidheamh,* 19 *agus o'n phlàigh.* 22 *Fàgar iarmad do'n t-sluagh.*

AN sin thàinig cuid do sheanairibh Israeil a m' ionnsuidh, agus shuidh iad mu m' choinneaml.

2 Agus thàinig focal an Tighearn a m' ionnsuidh, ag ràdh,

3 A mhic an duine, chuir na daoine so suas an ìodholan 'nan cridhe, agus chuir iad ceap-tuislidh an aingidheachd fa'n comhair¹: an leig mise dhoibh air aon chor m' iarraidh?

4 Uime sin labhair riu, agus abair riu, Mar so tha an Tighearn Dia ag ràdh, Gach duine do thigh Israeil a chuireas suas 'ìodhola 'na chridhe, agus a chuireas ceap-tuislidh 'aingidheachd fa chomhair, agus a thig chum an fhàidh, bheir mise Iehobhah freagradh dhasan a thig, a réir lionmhoireachd 'ìodholan.

5 A chum gu'n glac mi tigh Israeil 'nan cridhe féin, a chioun gu bheil iad uile air dol air seacharan uamsa tre an ìodholan.

6 Air an aobhar sin, abair ri tigh Israeil, Mar so tha an Tighearn Dia ag ràdh, Gabhaibh aithreachas, agus pillibh o 'ur n-ìodholaibh; agus tionndaidh 'ur n-aghaidh air falbh o 'ur n-uile ghràineileachd-aibh.

7 Oir gach aon do thigh Israeil, no do na coigrich a ta air chuairt ann an Israel, a ta 'ga sgaradh féin uam-sa, agus a' cur suas 'ìodhola 'na cridhe, agus a' cur ceap-tuislidh 'aingidheachd fa chomhair, agus a' teachd a chum fàidh, a dh'fhiosrachadh dheth mu m' thiomchioll-sa; bheir mise Iehobhah freagradh dha leam féin.

8 Agus cuiridh mi mo ghnùis an aghaidh an duine sin, agus ni mi e 'na chomhara agus 'na ghnàth-fhocal, agus gearraidh mi as e o mheadhon mo shluaigh; agus aithnichidh sibh gur mise an Tighearn.

9 Agus ma bhios am fàidh air a mhealladh an trà labhair e ni, is mise an Tighearn a mheall am fàidh sin; agus sinidh mi mo làmh a mach air, agus sgrìosaidh mi e o mheadhon mo phobuill Israeil.

10 Agus giùlainidh iad peanas an eucartan: bithidh peanas an fhàidh amhuil peanas an ti a dh'iarraas *thuige*;

11 A chum nach téid tigh Israeil ni's mò air seacharan uamsa, agus nach bi iad air an truailleadh ni's mò le 'n uile chiont-aibh; ach a chum gu'm bi iad dhomh-sa 'nam pobull, agus mise dhoibh-san ann am Dhia, deir an Tighearn Dia.

12 Thàinig a ris focal an Tighearn a m' ionnsuidh, ag ràdh,

13 A mhic an duine, trà pheacaicheas an tìr ann am aghaidh-sa le ciontachadh gu h-anmhor, an sin sinidh mi a mach mo làmh oirre, agus brisidh mi lorg a h-arain, agus cuiridh mi gort oirre, agus gearraidh mi uaiphe duine agus ainmhidh.

14 Ged bhiodh an triuir fhear so, Noah, Daniel, agus Iob innte, cha saoradh² iad

¹ fa chomhair an aghaidh. Eabh.

² teasairgeadh, tèarnadh.

ESECIEL, XIV. XV. XVI.

ach an anama féin le 'm fireantachd, deir an Tighearn Dia.

15 Ma bheir mise air beathaichibh cronail dol troimh an fhearann, agus gu mill iad e, air chor as gu'm bi e fàs, ionnus nach feud neach air bith dol troimhe air son a' bheathaich:

16 Ged bhiodh an triuir dhaoine so ann, mar is beò mise, tha an Tighearn Dia ag ràdh, cha saoradh iad aon chuid mic no nigheana; shaoirteadh iad féin a mhàin, ach bhiodh am fearann fàs.

17 No ma bheir mise claidheamh air an fhearann so, agus gu'n abair mi, A claidheimh, imich troimh an fhearann; air chor as gu'n gearr mi duine agus ainmhidh a mach as:

18 Ged bhiodh an triuir dhaoine so ann, mar is beò mise, tha an Tighearn Dia ag ràdh, cha saoradh iad aon chuid mic no nigheanan, ach bhiodh a mhàin iad féin air an saoradh.

19 No ma chuireas mi plàigh do'n fhearann sin, agus gu'n dòirt mi mo chorruiach a mach air ann am fuil, a chum duine agus ainmhidh a ghearradh a mach as:

20 Ged bhiodh Noah, Daniel, agus Iob ann, mar is beò mise, tha an Tighearn Dia ag ràdh, cha saoradh iad aon chuid mac no nighean: cha saoradh iad ach an anama féin le 'm fireantachd.

21 Oir mar so tha an Tighearn Dia ag ràdh, Cia mò gu mòr trà chuircas mi mo cheithir breitheanais ghoirt air Ierusalem, an claidheamh, agus a' ghort, agus am beathach cronail¹, agus a' phlàigh, a chum duine agus ainmhidh a ghearradh a mach as?

22 Gidheadh feuch, fagar iarmad ann, a bheir a mach, mic agus nigheanan: feuch, thig iad a mach thugaibh, agus chi sibh an slighe, agus an gnìomhara: agus gheibh sibh comhfhurtachd a thaobh an uile a thug mise air Ierusalem, a thaobh gach ni a thug mi air.

23 Agus bheir iad comhfhurtachd dhuibh, an uair a chi sibh an slighe, agus an gnìomhara: agus aithnichidh sibh nach ann gun aobhar a rinn mise gach ni a rinn mi ann, deir an Tighearn Dia.

CAIB. XV.

¹ *Le cosamhlachd an fliòn-chroinn, 6 nochd Dia do Eseciel gu'n tilgeadh e clann Israeil uaithe gu tur.*

A GUS thàinig focal an Tighearn a m' ionnsuidh, ag ràdh,

2 A mhic an duine, Ciod e am fion-chrann thar crann air bith eile, *ma bhios e* mar ghéig a ta measg chraobha na frìdhe?

3 An gabhar fiodh dheth gu obair air bith a dheanamh? no an gabhar cnag

dheth a chrochadh soithich air bith air?

4 Feuch, tilgear e san teine mar chonnadh; loisgidh an teine a dhà cheann, agus loisgear a mheadhon: am bheil e iomchuidh air son cungaiddh?

5 Feuch, 'nuair a bha e slàn cha robh e iomchuidh air son cungaiddh sam bith: cia mò gu mòr is lugha bhios e iomchuidh air son oibre, 'nuair a chaitheas an teine e, agus a bhios e loisgte?

6 Air an aobhar sin, mar so tha an Tighearn Dia ag ràdh, Mar am fion-chrann am measg chranna na frìdhe, a thug mise do'n teine mar chonnadh, is amhluidh a bheir mi luchd-àiteachaidh Ierusalem.

7 Agus cuiridh mi mo ghnùis 'nan aghaidh, théid iad a mach o theine, agus ni tein' eile an caitheamh: agus aithnichidh sibh gur mise an Tighearn, trà chuireas mi mo ghnùis 'nan aghaidh.

8 Agus ni mi am fearann fàs, a chionn gu'n do chuir iad an gnìomh euceart, deir an Tighearn Dia.

CAIB. XVI.

¹ *Le cosamhlachd leinibh mhaoth nochdadh ceud staid Ierusalem. 9 Gràdh Dhé d'a taobh. 15 A strìopachas gràineil. 35 Bhagair Dia Ierusalem le breitheanas uamhasach. 44 Thruaill sluagh Israeil iad féin nì's mò na na cinnich a bha mu'n cuairt doibh.*

A RIS thàinig focal an Tighearn a m' ionnsuidh, ag ràdh,

2 A mhic an duine, thoir air Ierusalem a gràineileachdan aithneachadh,

3 Agus abair, Mar so tha an Tighearn Dia ag ràdh ri Ierusalem, Tha do bhreth agus do dhùchas o thir Chanaan; b' Amorach t' athair, agus bu bhan-Hiteach do mhàthair.

4 Agus air son do dhùchais, anns an là san d' rugadh thu, cha do ghearradh t' imleag, ni mò bha thu air do nigheadh ann an uisge, gu do mhaothachadh: cha do chrathadh salann ort, ni mò bha thu air do spaoileadh.

5 Cha do ghabh sùil air bith truas diot, a chum aon ni dhiubh so a dheanamh dhuit, a dheanamh iochd ort; ach bha thu air do thilgeadh a mach anns a' mhachair sgaoilte, le gràin do d' anam, air an là san d' rugadh thu.

6 Agus an trà ghabh mise seachad dlùth dhuit, agus a chunnaic mi thu salach ann ad fhuil féin, thubhairt mi riut, *agus thu* ann ad fhuil, Mair beò; seadh, thubhairt mi riut, *agus thu* ann ad fhuil, Mair beò.

7 Thug mi ort fàs lionmhor mar chinn-eas na faiche, agus dh'fhàs thu lionmhor agus mòr; agus thàinig thu gu sgeudachadh maiseach: tha do chìochan air an cumadh, agus do ghruag air fàs, an àite dhuit a bhi rùsgte agus lom.

8 Agus 'nuair a ghabh mise seachad dlùth dhuit, agus a dh'amhairc mi ort,

ESECIEL, XVI.

feuch, bhla t'aimsir 'na h-aimsir ghràidh, agus sgaol mise mo sgiort os do cheann, agus dh'fholuich mi do lònnochduidh: seadh mhionnaich mi dhuit, agus thionns-gain mi ann an coimheangal riut, deir an Tighearn Dia, agus bu leam-sa thu.

9 An sin nigh mi thu le h-uigse, seadh, nigh mi d' fhuil gu glan air falbh uait, agus dh'ung mi thu le h-oladh.

10 Sgeudaich mi thu fòs le h-obair-ghréise, agus chuir mi brògan do chraic-ionn bruic ort, agus chrioslaich mi mu'n cuairt thu le h-anart grinn, agus chòmha-daich mi thu le sìde.

11 Rinn mi sgiamhach thu mar an ceud-na le h-usgrachibh, agus chuir mi làmh-fhailean air do làmhnan, agus slabhruidh mi d' mhuineal.

12 Agus chuir mi seud rìomhach air t' eudan, agus cluas-fhàinneachan ann ad chluasaibh, agus crùn maiseach air do cheann.

13 Mar so bha thu air do sgeudachadh le h-òr agus le h-airgiod; agus bha do thrusgan a dh'anart grinn, agus do shìde, agus do obair ghréise; dh'ith thu mìn-chruithneachd, agus mil, agus oladh, agus bhla thu ro mhaiseach, agus dh'fhàs thu suas gu bhì a' d' rìoglachd.

14 Agus chaidh d' iomradh a mach am measg nan cinneach air son do mhaise: oir bhla sin iomlan tre mo sgèimh-sa a chuir mi ort, deir an Tighearn Dia.

15 Ach chuir thu do dhòigh ann ad mhaise féin, agus rinn thu strìopachas an aghaidh do chliù, agus dhòirt thu mach do strìopachas air gach neach a ghabh seachad; bu leis-san thu.

16 Agus ghabh thu do d' chulaidhean, agus rinn thu maiseach t' ionadan àrda le dathaibh eag-samhluidh, agus rinn thu strìopachas orra, mar nach robh, agus mar nach bì.

17 Ghabh thu fòs do sheudan rìomhach do m' òr-sa, agus do m' airgiod, a thug mi dhuit; agus rinn thu dhuit féin dealbh-an dhaoine, agus chuir thu strìopachas an gnìomh leo.

18 Agus ghabh thu do chulaidhean gréise, agus chòmhaich thu iad: agus chuir thu m' oladh-sa, agus mo thùis mu'n comhair.

19 Mo bhiadh fòs a thug mi dhuit, mìn-chruithneachd, agus oladh, agus mil, a thug mi dhuit r'an itheadh, chuir thu eadhon 'nan làthair iad mar fhàile¹ cùbhairidh.

20 Seadh cuideachd, tha an Tighearn Dia ag ràdh, ghabh thu do mhic agus do nigh-eanan a rug thu dhomh-sa, agus iad so dh'ìobair thu dhoibh-san, gu bhì air an slugadh sìos.

21 An nì suarach dhuit, le d' strìopachas, gu'n do mharbh thu mo chlann, agus gu'n d' thug thu iad seachad gu dol troimh an teine air an son-san?

22 Agus ann ad uile ghràineileachdaibh agus strìopachais, cha do chuimhnich thu làithean t' òige, trà bha thu lomnochd agus rùisgte, air do thruaillleadh ann ad fhuil féin.

23 Agus tharladh, an déigh t' aingidh-eachd uile, (Mo thruaighe, mo thruaighe thu! deir an Tighearn Dia.)

24 Gu'n do thog thu dhuit féin fòs ionad àrd, agus gu'n d' rinn thu dhuit féin àite àrd anns gach aon sràid.

25 Thog thu ionad àrd air gach aon cheann do'n t-slighe, agus thug thu air do mhaise bhì air a fuathachadh, agus rinn thu coitichionn thu féin do gach aon a ghabh seachad, agus rinn thu do strìopachais lìonmhor.

26 Rinn thu fòs strìopachas leis na h-Eiphitich, do choimhearsnaich, a ta mòr am feoil; agus mheudaich thu do strìopachais, a chum mise a bhrosnachadh gu feirg.

27 Feuch uime sin, shìn mise mo làmh a mach os do cheann, agus lughdaich mi do lòn, agus thug mi thairis thu do thoil na muinntir leis am fuathach thu, nigh-eana nam Philisteach, air am bheil uaire do d' shlighe mhi-chiataich.

28 Rinn thu mar an ceudna strìopachas leis na h-Asirianaich, a chionn gu'n robh thu do-shàthachadh²; seadh, rinn thu strìopachas leo, agus gidheadh cha'n fheudadh tu bhì air do shàthachadh.

29 Mheudaich thu os bàrr do strìopachas ann am fearann Chanaain gu ruig Caldéa, agus gidheadh cha robh thu sàthaichte le sin.

30 Cionnus a ghlanas mise do chridhe, tha an Tighearn Dia ag ràdh, 'nuair a tha thu deanamh nan nithe so uile, obair mnà neo-gheamnuidh ladarna?

31 'Nuair a tha thu togail t' ionaid àird an ceann gach slighe, agus a' deanamh t' àite àird anns gach aon sràid; agus nach robh thu cosmhuil ri strìopaich, (a chionn nach b'fhiù leat tuarasdál;)

32 Ach rimnaoi a nì adhaltras, a ghabhas coigrich an àit a fir féin.

33 Do na h-uile strìopachaibh bheir iad duais; ach tha thusa a' toirt duaise do d' leannanaibh uile, agus g' an tuarasdalachadh, a chum gu'n tigeadh iad thugad gach aon taobh air son do strìopachais.

34 Agus tha thusa dìreach an aghaidh ndòis³ mhnathan eile ann ad strìopachas, am feadh nach 'eil aon neach a' dol air do dhéigh a dheanamh strìopachais: is ann a tha thu a' toirt duaise seachad, agus

¹ bhola.

² do-shàsuichte.

³ cleachd.

gun duais air bith 'ga toirt duit: uime sin tha thu 'nan aghaidh ann ad nòs.

35 Air an aobhar sin, O a striopach, cluinn focal an Tighearna:

36 Mar so tha an Tighearn Dia ag ràdh, A chionn gu'n robh do shalchar air a dhòrtadh a mach, agus do lomnochduidh air a leigeadh ris troimh do striopachais le d' leannanaibh, agus le uile iodholaibh do ghràineileachdan, agus le fuil do chloinne, a thug thu dhoibh;

37 Feuch uime sin, cruinnichidh mise t' uile leannain, leis an do ghabh thu sòlas, agus na h-uile do'n d'thug thu gràdh, leis na h-uile do'n d'thug thu fuath: ni mi eadhon an cruinneachadh mu'n cuairt ann ad aghaidh, agus leigidh mi ris doibh do lomnochduidh, a chum gu faic iad do lomnochduidh uile.

38 Agus bheir mi breth ort mar a bheir ear breth air mnaibh a bhriseas an ceangal-pòsaidh, agus a dhòirteas fuil, agus bheir mi peanas¹ ort ann an corruich agus ann an eud.

39 Agus bheir mi thu fòs d' an làimh, agus tilgidh iad sìos t' àite cnocach, agus brisidh iad sìos t' ionadan àrda; buinidh iad dhìot mar an ceudna t' eudach, agus glacaidh iad do sheuda riomhach, agus fàgaidh iad thu lomnochd agus rùisgte.

40 Bheir iad mar an ceudna buidheann a nìos a'd' aghaidh, agus clachaidh iad thu le clachaidh, agus sàthaidh iad tromhad² an claidhean.

41 Agus loisgidh iad do thighean le teine, agus ni iad breitheanas ort ann an sealladh mhòran bhan: agus bheir mise ort sgar do striopachas, agus cha toir thu tuarasdail seachd nì's mò.

42 Mar sin bheir mi air mo chorruch riut fois a ghabhail, agus imichidh m' eud uait, agus gabhaidh mi fois, agus cha bhi fearg orm nì's mò.

43 A chionn nach do chuimhnich thu làithean t' òige, agus gu'n do chuir thu corruich ormsa anns na nithibh so uile; feuch uime sin, dìolaidh mise fòs do shlighe air do cheann, tha an Tighearn Dia ag ràdh; agus cha chuir thu an gnìomh an neò-ghloine so thar t' uile ghràineileachdaibh.

44 Feuch gach aon a ghnàthaicheas sean-fhocla, gnàthaichidh an scan-fhocal so a'd' aghaidh, ag ràdh, Mar a' mhàthair is amhluidh an nighean.

45 Is tusa nighean do mhàthar, leis am fuathach a fear agus a clann; agus is tu phuathar do pheathraichean, leis am b' fhuathach am fir agus an clann: bu bhan-Hiteach 'ur màthair, agus b' Amorach 'ur n-athair.

46 Agus is i do phiuthar a' s sine Sama-

ria, i féin agus a nigheanan a ta chòmh-nuidh aig do làimh chli: agus do phiuthar a' s òige, ta chòmhnuidh aig do làimh dheis, Sodom agus a nigheanan.

47 Gidheadh 'nan slighe-san cha do ghluais thu, ni mò rinn thu a réir an gràineileachdan: ach mar gu'm bu ni ro bheag sin, bha thu air do thruaileadh nì's mò na iadsan a'd' uile shlighibh.

48 Mar is beò mise, tha an Tighearn Dia ag ràdh, cha d' rinn do phiuthar Sodom, i féin no a nigheanan, mar a rinn thusa, thu féin agus do nigheanan.

49 Feuch, b' i so aingidheachd do pheathar Sodom; uabhar, sàth arain, agus pailteas diomhanais, bha innte féin agus na nigheanaibh; ni mò a neartaich i làmh a' bhochd agus an fheumaich.

50 Agus bha iad àrdanach, agus chuir iad gràineileachd an gnìomh ann am fhianuis-sa; uime sin thug mi air falbh iad mar a chunnacas ceart domh.

51 Ni mò chuir Samaria an gnìomh leth do lochdan-sa; ach mheudaich thu do ghràineileachda nì's mò na iadsan, agus dh'fhireanaich thu do pheathraichean ann ad uile ghràineileachdaibh a rinn thu.

52 Thusa fòs a thug breth air do pheathraichibh, giùlain do nàire féin, air son do lochdan a chuir thu 'n gnìomh nì's gràineile na iadsan: tha iadsan nì's ionraice na thusa: seadh, bi thusa air do mhaslachadh fòs, agus giùlain do nàire, chionn gu'n d' fhireanaich thu do pheathraichean.

53 An uair a philleas mi air a h-ais am braighdeanas, bruid Shodoim agus a cuid nighean, agus bruid Shamaria agus a cuid nighean, an sin *bheir mi air a h-ais* bruid do bhraighdean-sa 'nam meadhan;

54 A chum gu'n giùlain do nàire féin, agus gu'm bi thu air do mhàslachadh anns gach nì a rinn thu, a chionn gu'n robh thu toirt doibh comhfhurtachd.

55 'Nuair a philleas do pheathraichean, Sodom agus a cuid nighean, gus an ceud staid, agus a philleas Samaria agus a cuid nighean gus an ceud staid, an sin pillidh tusa agus do nigheana gu'r ceud staid.

56 Oir cha robh luadh air do phiuthar Sodom ann ad bheil ann an là t' uabhair.

57 Mu'n robh t' aingidheachd air a leigeadh ris, agus àm do mhaslaidh, mar nigheanan Shiria, agus na h-uile bha dlùth dhi, agus mar nigheanan nam Philisteach a bha mu'n cuairt duit.

58 Giùlainidh tu do neò-ghloine agus do ghràineileachdan, deir an Tighearn.

59 Oir mar so tha an Tighearn Dia ag ràdh, Buinidh mise riutsa amhlail mar a rinn thu féin, a rinn tàir air na mionnan, ann am briseadh a' choimhcheangail.

¹ fuil. Eabh.

² romhad.

60 Gidheadh cuimhnichidh mi mo choimhcheangal riut ann an làithibh t'òige, agus daingnichidh mi riut coimhcheangal sìorruidh.

61 An sin cuimhnichidh tu do shlighe, agus bithidh nàire ort, 'nuair a ghabhas tu do pheathraichean, do phiuthar a's sine agus a's òige: agus bheir mise dhuith iad mar nigheanan, ach cha'n ann air son do choimhcheangail-sa.

62 Agus daingnichidh mi mo choimhcheangal riutsa, agus bithidh fios agad gur mi an Tighearn:

63 A chum gu'n cuimhnich thu, agus gu'm bi nàire ort, agus nach fhosgail thu do bheul gu bràth ni's mò, do bhrìgh do nàire, 'nuair a bhios mise rèidh riut air son gach uile ni a rinn thu, deir an Tighearn Iehobhah.

CAIB. XVII.

1 *Chuir am fàidh an cèill am breitheanas a bha gu teachd air Sedeciah a chionn gu'n d' rinn e ceann-airc an aghaidh rìgh Bhabiloin.* 22 *Fàistneachd mu thimchioll rìghachd Chrìosd.*

AGUS thàinig focal an Tighearn a m' ionnsuidh, ag ràdh,

2 A mhic an duine, cuir a mach toimhseachan, agus labhair cosamhlachd ri tigh Israeil;

3 Agus abair, Mar so tha an Tighearn Dia ag ràdh, Thàinig fìr-eun¹ mòr le sgiathaibh mòra, agus le altaibh làidir, làn do chlàmhach², air an robh dathan eugsamhluidh, gu Lebanon, agus ghabh e am meangan a b' àirde do'n t-seudar.

4 Ghearr e dheth bàrr a mheangana òga, agus thug e leis e gu tìr malairt; shuidhich e ann am baile cheannaichean e.

5 Ghabh e fòs do shìol an fhearainn, agus chuir e ann am machair thorraich e; shuidhich e ri taobh uisgeacha mòra e, 'ga chur mar chrann seilich:

6 Agus dh'fhàs e, agus thàinig e gu bhì 'na fhionain leathain, air bheag àirde, aig an robh a gheugan air an tionndadh ris [an fhìr-eun,] agus aig an robh a fhreumhan fuidhe: mar sin dh'fhàs e 'na fhionain, agus thug e mach geugan, agus chuir e uaithe meangain.

7 Bha fòs ann fìr-eun mòr eile, le sgiathaibh mòra, agus mòran clùmhaich; agus, feuch, chlaon an fhionain so a freumha d'a ionnsuidh, agus thilg i mach e geugan thuige, chum bhì air a h-uisgeachadh le claisibh a ghàraidh.

8 Bha i air a suidheachadh ann am fearann maith, ri taobh uisgeacha mòra, chum gu'n tugadh i mach geugan, agus gu'n giùlaineadh i toradh, agus gu'm biodh i 'na deadh fhionain.

9 Abair thusa, Mar so tha an Tighearn Dia ag ràdh, Am bi piseach oirre? nach

spìon e nìos a freumha, agus nach gearr e dhì a toradh, air chor as gu'n searg e? crìonaidh i ann an uile dhuilibh a ceud-fhàis, eadhon gun chumhachd mòr, no mòran sluaigh, g'a spìonadh a nìos as a freumhaibh.

10 Seadh, feuch, an déigh a suidheachadh, am bi piseach oirre? nach searg i gu tur an uair a bheanas a' ghaoth an ear rithe? crìonaidh i anns na claisibh anns an d' fhàs i.

11 Os bàrr, thàinig focal an Tighearn a m' ionnsuidh, ag ràdh,

12 Abair a nis ris an tigh cheannairceach, Nach 'eil fios agaibh cìod is ciall do na nithibh so? Innis doibh, Feuch, tha rìgh Bhabiloin air teachd gu Ierusalem, agus ghlac e a rìgh, agus a prionnsachan, agus thug e leis iad gu Babilon:

13 Agus ghabh e do shliochd an rìgh, agus rinn e coimhcheangal ris, agus ghabh e mionnan deth: ghlac e fòs daoine cumhachdach na tìre:

14 A chum gu'm biodh an dùthaich suarach, ionnus nach togadh i suas i féin; ach le 'choimhcheangal a choimhead gu feudadh i seasamh.

15 Ach rinn e ár a mach 'na aghaidh-san le 'theachdairean a chur do'n Eiphit, a chum gu'n tugadh iad dha eich agus mòran sluaigh: an éirich gu maith dha? an téid esan a ni na nithe so as? no am bris e an coimhcheangal, agus an saorar e?

16 Mar is beò mise, deir an Tighearn Dia, gu deimhin anns an àit *am bheil còmhnuidh* an rìgh a rinn rìgh dheth-san, neach a rinn e tàir air a mhionnan, agus a bhris e a chùmhnanan, *eadhon* leis-san, ann am meadhan Bhabiloin, gheibh e bàs.

17 Nì mò nì Pharaoh feum dha, le 'fheachd cumhachdach, agus le 'bhuidheinn mhòir, anns a' chogadh, le tòrr a thilgeadh suas, agus le daingnichean a thogail, a ghearradh as mhòran anama.

18 A chionn gu'n d' rinn e tàir air na mionnan, leis a' choimhcheangal a bhriseadh, (an uair a thug e, feuch, a làmh,) agus a rinn e na nithe so uile, cha téid e as.

19 Uime sin, mar so tha an Tighearn Dia ag ràdh, Mar is beò mise, mo mhionnan air an d' rinn e tàir, agus mo choimhcheangal a bhris e, eadhon sin dìolaidh mise air a cheann féin.

20 Agus sgaoilidh mi mo lìon air, agus glacar ann am rìbe; agus bheir mi e gu Babilon, agus tagraidh mi ris an sin air son a chionta, leis an do chiontaich e a'm' aghaidh.

21 Agus tuitidh na theich thuige, le 'uile fheachd, leis a' chlàidheamh; agus bithidh iadsan a dh'fhàg gar air an sgapadh

¹ iolair.

² chlàimh.

ris na n-uile ghaoith: agus aithnichidh sibh gur mise Iehobhah a labhair e.

22 Mar so tha an Tighearn Dia ag ràdh, Gabhaidh mise mi féin do'n ghéig a's àirde do'n t-seudair àrd, agus suidhichidh mi e; gearraidh mi o bhàrr a mheangana òga, geug mhaoth, agus suidhichidh mi air sliabh uachdarach agus àrd i.

23 Air sliabh àrd Israeil suidhichidh mi i: agus togaidh i suas a geug, agus bheir i mach toradh, agus fàsaidh i 'na seudair rìoghail: agus fuipe gabhaidh na h-uile eunlaith do gach aon ìteig còmhnuidh: fo dhubhar a geug ni iad còmhnuidh.

24 Agus aithnichidh uile chraobha na macharach gu'n d' thug mise Iehobhah nuas an crann àrd, gu'n d' àrdaich mi an crann iosal, gu'n d' rinn mi an crann uaine tioram, agus gu'n d' thug mi air a' chrann thioram bhi fuidh bhlàth: mise Iehobhah labhair, agus ni mi e.

CAIB. XVIII.

1 An dòigh air am buin Dia ri duine ionraic, 10 ri mac aingidh an duine ionraic, 10 agus ri mac ionraic an duine aingidh. 19 Giùlainidh gach neach 'aingidheachd féin. 21 Gheibh an t-aingidh maitheanas 'na aingidheachd ma ghabhas e aithreachas.

THAINIG focal an Tighearn a m' ionnsuidh a ris, ag ràdh,

2 Ciod is ciall duibh, gu bheil sibh a' gnàthachadh an t-sean fhocail so a thaobh dùthcha Israeil, ag ràdh, Dh'ith na h-aithrichean dearcan searbh, agus tha déisinn air fiacail na cloinne?

3 Mar is beò mise, tha an Tighearn Dia ag ràdh, cha bhi aobhar agaibh an sean-fhocal so a ghnàthachadh ni's mò ann an Israel.

4 Feuch is leam-sa na h-uile anama; mar is leam anam an athar, is amhluidh is leam anam a' mhic: an t-anam a chiontaicheas gheibh e sin bàs.

5 Ach ma bhios duine ionraic, agus gu'n dean e an ni a bhios dligheach agus ceart,

6 Mur d'ith e air na sléibhtibh, ni mò thog e suas a shùilean ri ìodholaibh tighe Israeil, no thruaill e bean a choimhearsnaich, no thàinig e dlùth do mhuaoi a chuireadh air leth,

7 Agus mur do shàraich e aon neach, ach gu'n d'thug e 'gheall air ais do'n fheumach; mur do chreach e neach air bith le fòirneart, ach gu'n d'thug e aran do'n acrach, agus gu'n do chòmhaich e 'n lomnochd le eudach;

8 Esan nach d' thug seachad air ocar, ni mò ghabh aon riadh, a chum air a h-ais a làmh o euceart, a rinn breitheanas fìor eadar duine agus duine,

9 A ghluais ann am reachdaibh, agus a choimhid mo bhreitheanas, gu firinn a

chur an gnìomh; so an duine ionraic, mairidh esan gu deimhin beò, deir an Tighearn Dia.

10 Ma ghineas e mac a bhios 'na shlaidear, agus 'na fhear-dòrtaidh fola, a ni sàmhail aoin ni dhiubh so,

11 Agus nach dean aon do na *dleasdanas* sin, ach a dh'ith eadhon air na sléibhtibh, agus a thruaill bean a choimhearsnaich,

12 A shàruich am bochd agus am feumach, a chreach le fòirneart, nach d'thug air ais an geall, agus a thog suas a shùilean ri ìodholaibh, a chuir an gnìomh gràineileachd,

13 A thug seachad air ocar, agus a ghabh riadh: am mair e 'n sin beò? cha mhair e beò: rinn e na gràineileachdan so uile: gheibh e gu cinnteach bàs, bithidh 'fhuil air féin.

14 Agus, feuch, ma ghineas esan mac a chi na h-uile lochdan a rinn 'athair, agus gu'n toir e fa'near, agus nach dean e an leithide;

15 Nach d'ith air na sléibhtibh, ni mò thog e suas a shùilean ri ìodholaibh tighe Israeil, nach do thruaill bean a choimhearsnaich,

16 Nach do shàruich aon neach, nach do ghléidh an geall, ni mò chreach le h-ainneart, ach a thug 'aran do'n acrach, agus a chòmhaich an lomnochd le eudach;

17 A thog a làmh o na bochdaibh, nach do ghabh ocar no riadh, a rinn mo bhreitheanas, a ghluais ann am reachdaibh, cha'n fhaigh esan bàs air son aingidheachd 'athar, mairidh e gu cinnteach beò.

18 'Athair, a chionn gu'n do shàruich e gu h-an-ìochdmhor, gu'n do chreach e a bhràthair le fòirneart, agus gu'n d' rinn e an ni sin nach robh ceart am measg a shluaigh, feuch, bàsaichidh eadhon esan 'na aingidheachd.

19 Gidheadh tha sibhse ag ràdh, C'ar son? nach 'eil am mac a' giùlan aingidheachd an athar? An uair a rinn am mac an ni sin a tha dligheach agus ceart, a ghléidh e mo reachdan-sa uile, agus a rinn e iad, mairidh e gu cinnteach beò.

20 An t-anam a chiontaicheas, gheibh esan bàs: cha giùlain am mac aingidheachd an athar, ni mò giùlainneas an t-athair aingidheachd a' mhic: bithidh fìreantachd an fhèin air féin, agus aingidheachd an aingidh air féin.

21 Ach ma philleas an t-aingidh o 'uile aingidheachd a rinn e, agus gu'n coimhid e mo reachdan-sa, agus gu'n dean e an ni sin a tha dligheach agus ceart, mairidh e beò, cha'n fhaigh e bàs.

22 'Uile lochdan a chuir e 'n gnìomh cha bhi iad air an cuimhneachadh dha:

'na fhìreantachd a chuir e 'n gnìomh mairidh e beò.

23 Am bheil tlachd air bith agam-sa ann am bàs an aingidh? tha an Tighearn Dia ag ràdh: nach ann *a ta mo thlachd* 'na philleadh o shlighe, agus gu'm biodh e beò?

24 Ach an uair a philleas am firean air falbh o 'fhìreantachd, agus a chuireas e 'n gnìomh aingidheachd, a' deanamh a réir nan uile ghràineileachdan a nìant-aingidh, am mair e beò? air 'uile fhìreantachd a rinn e cha bhi iomradh: 'na chionta a chiontaich e, agus 'na pheacadh a pheacach e, annta-san gheibh e bàs.

25 Gidheadh tha sibhse ag ràdh, Cha'n 'eil slighe an Tighearna cothromach. Eisdibh a nis, O thigh Israeil, nach 'eil mo shlighean-sa cothromach? nach 'eil 'ur slighean-sa neo-chothromach?

26 'Nuair a chlaonas am firean o 'fhìreantachd, agus a chuireas e 'n gnìomh aingidheachd, agus a bhàsaicheas e innte; air son 'aingidheachd a rinn e, gheibh e bàs.

27 A ris, an uair a philleas an t-aingidh air falbh o 'aingidheachd a chuir e 'n gnìomh, agus a nì e an nì a ta dlìgheach agus ceart, gléidhidh e 'anam beò.

28 A chionn gu bheil e toirt fa'near, agus a' pillleadh o 'uile lochdaibh a chuir e 'n gnìomh, mairidh e gu cinnteach beò, cha'n fhaigh e bàs.

29 Gidheadh tha tigh Israeil ag ràdh, Cha'n 'eil slighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur slighean-sa neo-chothromach?

30 Uime sin bheil mise breth oirbh, O thigh Israeil, gach aon a réir a shlighe, tha an Tighearn Dia ag ràdh: Gabhaibh aithreachas, agus pillibh o 'ur n-uile chiontaibh; mar sin cha dean aingidheachd 'ur milleadh.

31 Tilgibh uaibh 'ur n-uile chionta leis an do chiontaich sibh, agus deanaibh dhuibh féin cridhe nuadh, agus spiorad nuadh; oir c'ar son a bhàsaicheas sibh, O thigh Israeil?

32 Oir cha'n 'eil tlachd agam-sa ann am bàs an tì a bhàsaicheas, tha an Tighearn Dia ag ràdh: uime sin, pillibh-sc, agus mairibh beò.

CAIB. XIX.

1 *Tuireadh air son uachdarana Israeil.* 10 *Le cosamhlachd fhìonain air a suidheachadh anns an fhàsach nochdadh staid amaranach Ierusalem.*

OS bàrr, tog thusa suas tuireadh air son uachdarana Israeil,

2 Agus abair, Cìod i do mhàthair? leòmhnan boirionn: luidh i sìos am measg leòmhnan, dh'altruim i a cuileanan am measg leòmhnan òga.

3 Agus thog i suas aon d'a cuileanaibh:

dh'fhàs e na leòmhnan òg, agus dh'fhoghlaim e breth air a' chreich; shluig e daoine.

4 Chuala na cinnich fòs iomradh air, ghlacadh e 'nan slochd, agus thug iad e le slabhruidhibh gu tìr na h-Eiphit.

5 A nis, 'nuair a chunnaic i gu'n d' fhàs i lag, agus gu'n do chaill i a dòchas, an sin ghabh i aon eile d'a cuileanaibh, agus rinn i leòmhnan òg dheth.

6 Agus dh'imich e sìos agus suas am measg nan leòmhnan, dh'fhàs e 'ua leòmhnan òg, agus dh'fhoghlaim e breth air a' chreich; shluig e daoine.

7 Agus thug e fa'near an àrois, agus chuir e fàs am bailtean; agus bha 'n dùthaich fuidh uamhas, agus an làn a bha innte, le fuaime a bhcucaich.

8 An sin chruinnich na cinnich 'na aghaidh air gach taobh, o na mòr-roinnibh, agus sgaol iad an lion thàiris air: ghlacadh e 'nan slochd.

9 Agus chuir iad e 'n sàs ann an slabhruidhean, agus thug iad e gu rìgh Bhabiloin; thug iad e gu daingnichean, a chum nach cluintheadh tuilleadh a ghuth air sléibhtibh Israeil.

10 Tha do mhàthair cosmhuil ri fionain, suidhichte ri taobh nan uisgeacha: bha i torrach, agus làn do gheugaibh, a thaobh mhòran uisgeacha.

11 Agus bha slata làidir aice, air son slata-riaghlaidh nan uachdaran; agus bha a h-àirde togta suas am measg nan tiugh-gheugan, agus chunnacas i 'na h-àirde féin am measg lionmhoireachd a meanglan.

12 Ach spionadh a nìos i ann an corruich, thilgeadh i sìos gu làr, agus thiorraich a' ghaoth an ear suas a meas: bhris-cadh agus sheargadh a slata làidir, loisg an teine iad.

13 Agus a nis, tha i air a suidheachadh anns an fhàsach, ann am fearann tioram tartmhor.

14 Agus tha teine air dol a mach o shlaith d'a gcugaibh, a loisg a meas, air chor as nach 'eil slat làidir air bith aice gu bhi 'na slat gu riaghladh. Is tuireadh so, agus bithidh e 'na thuireadh.

CAIB. XX.

1 *Dhiùlt Dia bhì air fhiosrachadh le scanairibh Israeil: 4 Dh'aithris e an ceannaire 'na aghaidh san Eiphit, 13 san fhàsach, 27 agus ann an tìr a' gheallaidh. 33 Bhagair e iad le 'chorruich, 34 ach gheall e an tìonal as na dùthchannaibh anns an robh iad air an sgapadh.*

AGU S tharladh anns an t-seachdamh bliadhna, sa' chùigeamh mìos, air an deicheamh là do'n mhìos, gu'n d' thàinig cuid àraid do sheanairibh Israeil a dh'fhiosrachadh o'n Tighearn, agus sluigh iad ann am làthair-sa.

ESECIEL, XX.

2 An sin thàinig focal an Tighearn a m' ionnsuidh, ag ràdh,

3 A mhic an duine, labhair ri seanairibh Israeil, agus abair riu, Mar so tha an Tighearn Dia ag ràdh, An d'fhàinig sibh a dh'fhiosrachadh dhiom-sa? mar is beò mise, deir an Tighearn Dia, cha blii mi air m' fhiosrachadh leibh.

4 An tagair thusa as an leth, a mhic an duine, an tagair thu? thoir orra gu'n aithnich iad gràineileachdan an aithrichean:

5 Agus abair riu, Mar so tha an Tighearn Dia ag ràdh, Anns an là san do ròghnaich mise Israel, agus anns an do thog mi suas mo làmh air son sliochd tighe Iacobi, agus anns an d'rinn mi mi féin aithnichte dhoibh ann an tìr na h-Eiphit, nuair a thog mi suas mo làmh air an son, ag ràdh, Is mi Iehobhah 'ur Dia:

6 Anns an là san do thog mi suas mo làmh air an son, gu' n toirt a mach á tìr na h-Eiphit, a chum fearainn a rannsaich mi mach dhoibh, a' sruthadh le bainne agus le mil, a's e glòir nan uile fhearann.

7 An sin thubhairt mi riu, Tilgibh naibh, gach aon neach gràineileachdan a shùl, agus na truaillibh sibh féin le iodholaibh na h-Eiphit; is mise Iehobhah 'ur Dia.

8 Ach chathaich iad a'm' aghaidh, agus cha 'n éisdeadh iad rium: cha do thilg iad uatha, gach aon gràineileachdan an sul, ni mò thréig iad iodhola na h-Eiphit: an sin thubhairt mi, Dòirtidh mi mo chorruih orra, a chum gu'n coimhlion mi m'fhearg 'nan aghaidh ann am meadhon tìre na h-Eiphit.

9 Ach dh'oibrich mi air sgàth m' ainme féin, a chum nach truaillteadh e an làthair nan cinneach am measg an robh iad, agus an d'rinn mi mi féin aithnichte dhoibh 'nan sealladh, le 'n toirt a mach á tìr na h-Eiphit.

10 Air an aobhar sin thug mi orra dol a mach á tìr na h-Eiphit, agus thug mi iad a chum an fhàsaich;

11 Agus thug mi dhoibh mo reachdan, agus dh'fhoillsich mi dhoibh mo bhreitheanais, iad sin ma choimhlionas duine sam bith, mairidh e beò anna.

12 A thuilleadh air so fòs, thug mi dhoibh mo shàbaidean, gu bhi 'nan comhara eadar mise agus iadsan, a chum gu'n aithnicedh iad gur mi an Tighearn a ta 'gan naomhachadh.

13 Ach rinn tigh Israeil ceannaire a'm' aghaidh anns an fhàsach: cha do ghluais iad ann am reachdaibh, agus rinn iad tàir air mo bhreitheanais, nithe ma ni duine, mairidh e beò anna; agus mo shàbaidean thruaill iad gu mòr: an sin thubhairt mi gu'n dòirtinn mo chorruih a mach orra san fhàsach, a chum an caitheamh.

14 Ach dh'oibrich mi air sgàth m' ainme

féin, a chum nach biodh e air a thruaill-eadh am measg nan cinneach, a thug mi iad a mach 'nan sealladh.

15 Ach fòs thog mi suas mo làmh dhoibh anns an fhàsach, nach tugainn iad do'n fhearann a thug mi dhoibh, a' sruthadh le bainne agus le mil, a's e glòir nan uile fhearann:

16 A chionn gu'n d'rinn iad tàir air mo bhreitheanais, agus nach do ghluais iad ann am reachdaibh, ach gu'n do thruaill iad mo shàbaidean: oir chaidh an cridhe an déigh an iodholan.

17 Gidheadh choigil mo shùil iad o'n sgrìos, ni mò rinn mi crìoch a thoirt orra san fhàsach.

18 Ach thubhairt mi r'an cloinn anns an fhàsach, Na ghluaisibh-sa ann an reachdaibh 'ur n-aithrichean, ni mò ghléidheas sibh am breitheanais, no thruaillleas sibh sibh féin le 'n iodholaibh.

19 Is mise an Tighearn 'ur Dia; ghluaisibh ann am reachdaibh, agus coimhidibh mo bhreitheanais, agus deanaibh iad:

20 Agus naomhaichibh mo shàbaidean; agus bithidh iad 'nan comhara eadar mise agus sibhse, a chum gu'm bi fios agaibh gur mise an Tighearn bhur Dia.

21 Gidheadh, rinn an clann ar a mach¹ ann am aghaidh: cha do ghluais iad ann am reachdaibh, ni mò choimhid iad mo bhreitheanais gu'n deanamh, nithe ma ni duine, mairidh e beò anna; thruaill iad mo shàbaidean: an sin thubhairt mi gu'n dòirtinn a mach mo chorruih orra, chum gu'n coimhlionainn m'fhearg 'nan aghaidh anns an fhàsach.

22 Gidheadh, phill mi air a h-ais mo làmh, agus rinn mi air sgàth m' ainme féin, a chum nach biodh e air a thruaill-eadh ann am fianuis nan cinneach, a thug mi iad a mach 'nan sealladh.

23 Thog mi suas mo làmh dhoibh fòs anns an fhàsach, gu'n sgapainn iad am measg nan cinneach, agus gu'n sgaoilinn iad feadh nan dùthchannan;

24 A chionn nach do chuir iad an gnìomh mo bhreitheanais, ach gu'n d'rinn iad tàir air mo reachdaibh, agus gu'n do thruaill iad mo shàbaidean, agus gu'n robh an suilean an déigh iodholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach biodh iad beò.

26 Agus thruaill mi iad 'nan tiodhlac-aibh féin, le iad a bhi toirt air gach ni a dh'fhosgla a' bhrù dol troimh an teine, ionnus gu'n deanainn-sa fàs iad, a chum gu'n aithnicedh iad gur mi an Tighearn.

27 Uime sin, a mhic an duine, labhair

ri tigh Israel, agus abair riu, Mar so tha an Tighearn Dia ag ràdh, Ann an so fòs mhasluich 'ur n-aithrichean mise, le ciontachadh gu trom a m' aghaidh.

28 'Nuair a thug mi iad do'n fhearann, mu 'n do thog mi suas mo làmh gu'n tugainn doibh e, an sin chunnaic iad gach cnoc àrd, agus na h-uile chranna tiugha, agus dh'ìobair iad an sin an ìobairtean, agus an sin thug iad seachad an tabhartasa fuathach: an sin fòs rinn iad am fàile cùbhraidh, agus dhòirt iad a mach an ìobairtean dìbhe.

29 An sin thubhairt mi riu, Ciod an t-ionad a' gus am bheil sibh a' dol?¹ agus goirèar Bamah mar ainm air gus an là an-diugh.

30 'Uime sin, abair ri tigh Israel, Mar so tha an Tighearn Dia ag ràdh, Am bheil sibh air 'ur truaillleadh a réir nòis bhuir n-aithrichean? agus am bheil sibh a' cur strìopachais an gnìomh a réir an gràineil-eachda-san?

31 Oir an uair a tha sibh a' toirt seachad 'ur tiodhlaca, 'nuair a tha sibh a' toirt air 'ur mic dol troimh an teine, tha sibh 'g' ur truaillleadh féin le 'ur n-uile ìodholaibh, eadhon gus an là an-diugh: agus an toir mise freagradh dhuibh, O thigh Israel? Mar is beò mi, tha an Tighearn Dia ag ràdh, cha toir mi dhuibh freagradh.

32 Agus an ni sin a ta teachd 'nur n-aire cha tachair air chor air bith, ann am bheil sibh ag ràdh, Bithidh sinn mar na cinnich, mar mhuinntir nan dùthchannan, ann an seirbhìs a thoirt do chrann agus do chloich.

33 Mar is beò mise, tha an Tighearn Dia ag ràdh, gu cinnteach le làimh chumhachdaich, agus le gairdein sìnte mach, agus le corruich air a dòrtadh a mach, riaghlaidh mise os 'ur ceann:

34 Agus bheir mi mach sibh as na slòigh, agus tionailidh mi sibh as na dùthchannaibh anns am bheil sibh air 'ur sgapadh, le làimh thréin, agus le gairdein sìnte mach, agus le corruich air a dòrtadh a mach.

35 Agus bheir mi sibh gu fàsach nam fineachan, agus an sin tagraidh mi ruibh aghaidh ri h-aghaidh.

36 Amhuil a thagair mi ri 'ur n-aithrichibh ann am fàsach tìre na h-Eiphit, is amhuil a thagras mi ruibhse, deir an Tighearn Dia.

37 Agus bheir mi oirbh imeachd fuidh 'n t-slaith, agus bheir mi sibh fuidh cheangal a' chumhnaint.

38 Agus glanaidh mi mach as 'ur measg na ceannaircich, agus an dream a ta ciontachadh a'm' aghaidh: bheir mi iad a

mach as an dùthaich anns am bheil iad air chuairt, agus cha téid iad a steach do fhearann Israel: agus aithnichidh sibh gur mise an Tighearn.

39 Air 'ur son-sa, O thigh Israel, mar so tha an Tighearn Dia ag ràdh, Imichibh, deanaibh seirbhìs, gach aon duine d'a ìodholaibh a nis na dhéigh so, mur éisd sibh riumsa; ach na truaillibh m' ainm naomh-sa ni's mò le 'ur tabhartas-aibh agus le 'ur n-ìodholaibh.

40 Oir ann am shliabh naomh-sa, ann an sliabh àirde Israel, tha an Tighearn Dia ag ràdh, ann an sin ni uile thigh Israel, na bhios air thalamh uile dhiubh, seirbhìs dhomh-sa: an sin gabhaidh mi riu, agus an sin iarraidh mi 'ur tabhartais, agus ceud thoraidh 'ur n-ìobairtean, le 'ur n-uile nithibh naomha.

41 Gabhaidh mi ruibh le 'ur boltrach cùbhraidh an uair bheir mi mach sibh o na fineachaibh, agus a thionailas mi sibh o na dùthchannaibh anns an robh sibh air 'ur sgapadh; agus bithidh mi air mo naomhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'nuair a bheir mi sibh gu fearann Israel, gus an dùthaich mu'n do thog mi suas mo làmh gun tugainn i do 'ur n-aithrichibh.

43 Agus ann an sin cuimhnichidh sibh 'ur slighe, agus 'ur n-uile dheanadais, anns an robh sibh air 'ur truaillleadh: agus bithidh sibh gràineil ann 'ur sealladh féin air son 'ur n-uile lochdan a rinn sibh.

44 Agus aithnichidh sibh gur mise an Tighearn, 'nuair a dh'oibricheas mi leibh air son m'ainme féin, cha'n ann a réir 'ur droch shlighe, no a réir 'ur deanadais aingidh, O thigh Israel, deir an Tighearn Dia.

45 Os bàrr thàinig focal an Tighearn a m' ionnsuidh, ag ràdh,

46 A mhic an duine, cuir d' aghaidh ris an àirde deas, agus leig sìleadh do d' fhocal ri deas, agus dean fàistneachd an aghaidh frìdhe na macharach mu dheas;

47 Agus abair ri frìdh na h-àirde deas, Eisd focal an Tighearna; Mar so tha an Tighearn Dia ag ràdh, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta; cha mhùchar an teine lasarach, agus loisgear ann na h-uile aghaidh, o dheas gu ruige tuath.

48 Agus chi na h-uile fheoil gur mise an Tighearn a las e: cha bhi e air a mhuchadh.

49 An sin thubhairt mise, Ah! a Thighearna Dhia, tha iad ag ràdh do m' thaobhsa, Nach 'eil e labhairt chosamhlachd dorchda?

¹ an iarrar mise leibh? Eabh.

CAIB. XXI.

1 Fàistneachd an aghaidh fearainn Israeil. 18 Stiùir-eadh claidheamh rìgh Bhabiloìn an aghaidh Ierusalem. 28 Léir-sgrìos nan Amonach.

A GUS thàinig focal an Tighearn a m' ionnsuidh, ag ràdh,

2 A mhic an duine, cuir d' aghaidh ri Ierusalem, agus leig sìleadh do d' fhocal ris na h-ionadaibh naomha, agus dean fàistneachd an aghaidh fearainn Israeil,

3 Agus abair ri fearann Israeil, Mar so tha an Tighearn ag ràdh, Feuch, tha mise ann ad aghaidh, agus tairngidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu'n gearr mi as uait am firean agus an t-aingidh, uime sin thèid mo chlaidheamh a mach as a thruaill an aghaidh gach uile fheòla, o dheas gu tuath:

5 A chum gu'n aithnich gach uile fheoil gu'n do tharruing mise Iehobhah mo chlaidheamh a mach as a thruaill; cha phill e air ais ni's mò.

6 Dean acain uime sin, a mhic an duine, a dhochainneas do leasraidh; agus le searbas dean osnaich fa chomhair an sùl.

7 Agus tarlaidh, 'nuair a their iad riut, C'ar son a ta thu 'gsaich? gu freagair thusa, Air son an sgeoil, a chionn gu bheil e teachd: agus leaghaidh gach aon chridhe, agus bithidh na h-uile làmhnan lag, agus gach aon spiorad fann, agus na h-uile ghluinean anmhum mar uisge: feuch tha e teachd, agus bheirear e gu crìch, deir an Tighearn Dia.

8 A ris thàinig focal an Tighearn a m' ionnsuidh, ag ràdh,

9 A mhic an duine, dean fàistneachd, agus abair, Mar so tha an Tighearn ag ràdh, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh àir ghoirt; tha e air a lìomhadh a chum gu'n dealradh e; a chum gu'n tilgeadh e sìos slat rìoghail mo mhic, gun chrann air bith a chaomhadh.

11 Agus thug e gu bhi air a lìon hadh e, chum gu'm biodh e air a ghlacadh: tha an claidheamh air a gheurachadh, agus tha e air a lìomhadh, gu 'thoirt do làmh a' mharbhaiche.

12 Eigh agus nuallaich, a mhic an duine, oir bithidh e air mo shluagh-sa, air uile mhòr-uaislibh Israeil: bithidh uamhasan, do thaobh a' chlaidheimh, air mo shluagh: buail, uime sin, air do léis.

13 Oir tha e dearbhta; agus an t-slat rìoghail an uair nach coigil e i, cha bhi ann ni's mò, deir an Tighearn Dia.

14 Dean thusa, uime sin, a mhic an

duine, fàistneachd, agus buail do làmhnan air a chéile, agus biodh an claidheamh an treas uair air a dhùblachadh, claidheamh nan daoine marbhta, claidheamh a ghaissgich a mharbhadh, a thèid a steach d' an seòmraichibh uaigneach.

15 Chuir mi roinn a' chlaidheimh an aghaidh an geatachan uile, a chum gu meathadh an cridhe, agus gu meudaichear am milleadh: ah! rinneadh loinreach e, gheuraicheadh air son an àir e.

16 Inich thusa taobh no taobh éigin, air do làmh dheis, no air do làmh chlì, ciod air bith taobh a ta d' aghaidh.

17 Buailidh mise fòs mo làmhnan air a chéile, agus bheir mi air mo chorruich gu'n gabh i fois: mise Iehobhah thubh-airt e.

18 Thàinig focal an Tighearn a m' ionnsuidh a ris, ag ràdh,

19 Mar an ceudna, a mhic an duine, sonraich dà shlighe dhuit fèin, a chum gu'n tigeadh claidheamh rìgh Bhabiloìn: thig araoan an dithis a mach as an aon tìr; agus tagh thusa àite, tagh e aig ceann na slighe chum a' bhaile.

20 Sonraich slighe, chum gu'n tigidh an claidheamh gu Rabat nan Amonach, agus gu Iudah ann an Ierusalem, a' chaithir dhaingnichte.

21 Oir sheas rìgh Bhabiloìn aig dealachadh na slighe, aig ceann an dà shlighe, a dheanamh fiosachd: lìomh' e a shaighdean; chuir e a chomhairle ri dealbhan, sheall e anns an sgamhairle.

22 Aig a làmh dheis bha'n fàistneachd air son Ierusalem, a dh'orduchadh cheanna-feadhna, a dh'fhosgladh a' bheoil anns an àr, a thogail suas a' ghutha le h-iolaich, a dh'orduchadh reitheachan-cogaidh an aghaidh nan geatachan, a thilgeadh suas tòrr, a thogail daingnich.

23 Agus bithidh e dhoibh-san mar neach ri fàistneachd bhréige 'nan sealladh, dhoibh-san a thug mìonnan: ach gairmidh e gu cuimhne an aingidheachd, a chum gu'm bi iad air an glacadh.

24 Air an aobhar sin, inar so tha an Tighearn Dia ag ràdh, a chionn gu'n d'thug sibh air 'ur n-aingidheachd a bhi air a cuimhneachadh, le 'ur n-eusaontas a bhi air a leigeadh ris, air chor agus gu bheil 'ur lochdan follas 'nur n-uile dheanadas: a chionn gu bheil sibh air 'ur toirt gu cuimhne glacar an làimh sibh.

25 Agus thusa, a phrionnsa mhi-dhiadhaidh, aingidh Israeil, aig am bheil do là air teachd, anns am bi crìoch air aingidheachd.

26 Mar so tha an Tighearn Dia ag ràdh, Atharraich an coron rìoghail, agus thoir dhìot an crùn: cha 'n e an aon ceudna

bhios ann : àrdaich an t-ìosal, agus islich an t-àrd.

27 Tilgidh mi e bun os ceann, bun os ceann, bun os ceann, agus cha bhi e ann, gus an tig esan aig am bheil còir air, agus *dhàsan* bheir mi e.

28 Agus thusa, a mhic an duine, dean fàistneachd, agus abair, Mar so tha an Tighearn Dia ag ràdh a thaobh nan Amonach, agus a thaobh am maslaidh : eadhon abair thusa, Tha an claidheamh, tairngte : air son an àir thla e liomhta ; air son sgrios tha e mar dhealanaich.

29 (Am feadh a ta thu faicinn dhuìt féin diomhanais, am feadh a ta thu fàistneachd dhuìt féin bréige, a chum do thoirt air mhuinealaibh na muinntir a lèonadh, nan aingidh aig am bheil an là air teachd, anns am bi crìoch aig an euceart.

30 An toir mi air pilleadh air ais g' a thruaill ? Anns an àite san do chruthaicheadh thu, ann am fearann do dhùchais, bheir mise breth ort.

31 Agus dòirtidh mi mach ort mo dhian chorruih ; séididh mi ort ann an teine m' fheirge, agus bheir mi thairis thu do làmh dhaoine bruideil, cleachdta ri milleadh.

32 Bithidh tu mar chonnadh do'n teine : bithidh d'fhuil ann am meadhon an fhearainn ; cha bhi thu nì's mò air chuimhne ; oir mise Iehobhah labhair e.

CAIB. XXII.

1 *Gràineileachdan Ierusalem.* 17 *Loisgidh Dia clann Israeil mar shal am meadhon na fuirneis.* 23 *Thruaillidheachd gach uile shluaigh, air son an do dhòirteadh dian-chorruih Dhé orra.*

OS bàrr thàinig focal an Tighearn a m' ionnsuidh, ag ràdh,

2 A nis, a mhic an duine, an tagair thu, an tagair thu á leth na caithreach fhuileachdaich ? Seadh, feuchaidh tu dhi a h-uile ghràineileachdan.

3 An sin abair thusa, mar so tha an Tighearn Dia ag ràdh, Tha a' chaithir a' d'ortadh fola 'na meadhon, a chum gu'n tigeadh a h-àm, agus a' deanamh iodhola 'na h-aghaidh féin, gu i féin a thruaillleadh.

4 Tha thu air fàs ciontach ann ad fhuil a dhòirt thu, agus thruaill thu thu féin ann ad iodholaibh a rinn thu ; agus thug thu air do làithean teachd dlùth, agus thàinig thu chum do bhliadhnachan ; uime sin rinn mise dliot masladh do na cinnich, agus ball-magaidh do na h-uile dhùth-channaibh.

5 Iadsan a ta dlùth, agus iadsan a ta fada uait, ni iad fanoid ortsa, ta mi-chliùtach, a ta ri mòran sàruchaidh.

6 Feuch tha uachdarain Israeil annad, gach aon a réir a chumhachd a dhòrtadh fola.

7 Annad-sa rinn iad dimeas air athair agus màthair ; ann ad mheadhon bhuin iad le h-aimneart ris a' choigreach : annad-sa shàruich iad an dilleachdan agus a' bhanthach.

8 Rinn thu tàir air mo nithibh naomhasa, agus thruaill thu mo shàbaidean.

9 Annad-sa tha luchd aithris sgeoil a dhòrtadh fola : agus annad tha iad ag itheadh air na sléibhtibh : ann ad mheadhon tha iad a' cur an gnìomh neo-gloine.

10 Annad-sa leig iad ris lomnochduidh an athar ; dh'islich iad annad ise a chuireadh a thaoibh air son neo-gloine.

11 Agus rinn aon gràineileachd le mnaoi a choimhearsnaich ; agus thruaill aon eile gu gràineil nighean a mhna ; agus dh'islich neach eile annad a phiuthar, nighean 'athar.

12 Annad-sa ghabh iad duais gu fuil a dhòrtadh : ghabh thu ocar agus riadh, agus bhuaannaich thu gu sanntach o d' choimhearsnaich le h-ana-cothrom, agus dhi-chuimhnich thu mise, dear an Tighearn Dia.

13 Feuch uime sin bhuaill mise mo làmh air do bhuannachd neo-ionraic a rinn thu, agus air d'fhuil, a bha ann ad mheadhon.

14 An urrainn do chridhe fulang, no'n urrainn do làmh an bhi làidir anns na làithibh anns am buin mise riut ? Mise Iehobhah labhair, agus ni mi.

15 Agus sgapaiddh mi thu measg nan cinneach, agus sgànraiddh mi thu measg nan dùthchannan, agus caithidh mi do neo-gloine asad.

16 Agus bithidh tu air do thruaillleadh ann an sealladh nan cinneach, agus aithnichidh tu gur mise an Tighearn.

17 Agus thàinig focal an Tighearn a m' ionnsuidh, ag ràdh,

18 A mhic an duine, tha tigh Israeil air fàs dhomh-sa mar shal ; tha iad uile 'nan umha, agus 'nan stàn, agus 'nan iarunn, agus 'nan luaith, ann am meadhon na fuirneis ; cha'n 'eil annta ach sal airgid.

19 Air an aobhar sin, mar so tha an Tighearn Dia ag ràdh, A chionn gu'n d'fhàs sibh uile 'nur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarunn, agus luaith, agus stàn gu meadhon na fuirneis, a chum an teine a shéideadh air, gus a leaghadh ; is amhuil a chruinnicheas mise sibhse ann am chorruih, agus ann am fheirg, agus fàgadh mi sibh an sin, agus leaghaidh mi sibh.

21 Seadh, cruinnichidh mi sibh, agus séididh mi oirbh ann an teine mo chorruih, agus bithidh sibh air 'ur leaghadh 'na mheadhon.

22 Mar a leaghar airgid ann am meadh-

¹ fhuillich.

on na fuirneis, is amhluidh a leaghar sibhse 'na meadhon-sin; agus aithnichidh sibh gu'n do dhòirt mise Iehobhach mach mo chorroich oirbh.

23 Agus thàinig focal an Tighearn a m' ionnsuidh, ag ràdh,

24 A mhic an duine, abair ris an fhear-ann, Is tusa am fearann nach 'eil air t' uisgeachadh, air nach do thuit frasachd ann an là na dian-fheirge.

25 Tha co-bhoimh fhàidhean 'na mheadh-on; mar leòmhann beucach, an tòir air a' chreich: shluig iad anama: ghlac iad an t-ionmhas agus na nithe luachmhor: rinn iad a bhantraichean lionmhor 'na mheadh-on.

26 Bhri a shagairt mo reachd, agus mhi-naomhaich iad mo nithe naomha: cha do chuir iad dealachadh sam bith eadar an naomh agus am mi-naomh, ni mò dh'fheuch iad ciod tha neò-ghlan, agus ciod glan: agus dh'fholuich iad an sùilean o m' shàbaidean, agus tha mi air mo mhi-naomhachadh 'nam measg.

27 Tha 'uachdarain 'na mheadh-on mar mhadraibh-alluidh, ciocrach a chum creiche, a dhòrtadh fola, a sgrios anama, a dh'fhaotainn buannachd neo-ionraic¹.

28 Agus chòmhdaich 'fhàidhean iad le cre² gun oibreachadh, a' faicinn dìomhanais, agus a' fàisteachd bhreug dhoibh, ag ràdh, Mar so tha an Tighearn Dia ag ràdh, 'nuair nach do labhair an Tighearn.

29 Ghnàthaich sluagh an fhearainn ainneart, agus chuir iad an gnìomh reubainn, agus shàruich iad am bochd agus am feumach: seadh, rinn iad fòirneart air a' choigreach gu h-eucorach.

30 Agus dh'farr mise air son duine 'nam measg a dheanadh suas a' challaid, agus a sheasadh anns a' bhriseadh³ fa m' chomhair air son an fhearainn, a chum nach sgriosainn e; ach cha d'fhuair mi aon neach.

31 Uime sin dhòirt mi mach orra mo dhian-chorruich; chaith mi iad le teine m' fheirge: an slighe féin dhìol mi air an cinn, deir an Tighearn Dia.

CAIB. XXIII.

¹ Strìopachas Aholah agus Aholibah. 22 Smachdaichidh an luchd-gaoil iad. 36 Thugadh ach-mhasan dhoibh air son an strìopachais, 45 agus dh'fhoillsicheadh na breitheanais a bha gu teachd orra.

THAINIG focal an Tighearn a m' ionnsuidh a ris, ag ràdh,

2 A mhic an duine bha dithis bhan ann, nigheanan na h-aoin mhàthar;

3 Agus rinn iad strìopachas anns an Eiphit, rinn iad strìopachas 'nan òige; an

sin bha an uchd air a bhruthadh, agus an sin bhruthadh cìochan am maighdeanais.

4 Agus b' iad an ainmean, Aholah ise bu shine, agus Aholibah a piuthar; agus bu leam-sa iad, agus rug iad mic agus nigheana: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an uair bu leam-sa i; agus bha i 'n cion⁴ air a leannain, air na h-Asirianaich, a coimhearsnaich.

6 Sgeudaichte le gorm, 'nan cinn-fheadhna, agus 'nan luchd-riaghlaidh, iad uile 'nan òganaich àillidh, marc-shluagh, a' marcachd air eachaibh.

7 Mar so rinn i strìopachas leo, leis a' mheud as a bha do fhearaibh taghta 'n Asiria, agus leis na h-uile air an robh a cion⁵; le 'n ìodholaibh uile shalaich si i féin.

8 Ni mò a sguir i d' a strìopachas leis an Eiphit: oir 'na h-òige ludh iad leatha, agus bhruth iad cìochan a maighdeanais, agus dhòirt iad oirre an strìopachas.

9 Air an aobhar sin thug mise thairis i do làimh a leannan, do làimh nan Asirianach air an robh a cion.

10 Leig iad so ris a lomnochduidh; ghabh iad a mic agus a nigheanan, agus mharbh iad i leis a' chlaidheamh: agus dh'fhàs i iomraiteach am measg bhan, oir thug iad breitheanas oirre.

11 Agus an uair a chunnaic a piuthar Aholibah so, bha i ni bu truailleadh 'na gràdh neo-mheasarra na ise; agus 'na strìopachas ni bu mhò na a piuthar 'na strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgeudaichte gu ro sgiamhach, marc-shluagh, a' marcachd air eachaibh, iad uile 'nan òganaich àillidh.

13 An sin chunnaic mi gu'n robh i air a truailleadh, gu'm b' ionnan slighe dhoibh araon;

14 Ach gu'n deachaidh ise ni b' fhaide 'na strìopachas: oir 'nuair a chunnaic i daoine air an dealbh air a' bhalla, ìomhaighean nan Caldéach, air an tarruing le corcur.

15 Crioslaichte le criosaibh air an eas-raibh, sgeudaichte le ceann-éididh daiththe air an cinn, iad uile mar chinn-fheadhna ri 'm faicinn, cosmhuil ri mic Bhabiloin, a dh'àraich tìr Chaldéa.

16 Agus co luath as a chunnaic i iad le a sùilibh, ghabh i cion orra, agus chuir i teachdairean d'an ionnsuidh, gu Caldéa.

17 Agus thàinig na Babilonaich d' a h-ionnsuidh gus an leabadh-ghaoil, agus thruaill iad i le 'n strìopachas; ach an

¹ mhi-dhlighich.

² criadh, creuch.

³ bheum.

⁵ déigh, ceist.

⁴ an déigh.

déigh bhi air a truailleadh leo, bha a h-intinn air a claonadh air falbh uatha.

18 Mar sin leig i ris a strìopachas, agus leig i ris a lomnochduidh; an sin phill m' intinn-sa uaipe, amhuil a phill m' intinn o a piuthair.

19 Gidheadh mheudaich i a strìopachais, le làithean a h-òige ghairm gu cuimhne, anns an d' rinn i strìopachais ann an tìr na h-Eiphit.

20 Oir mhiannaich i a co-chéilidhean, aig am bheil am feoil mar fheoil asal, agus an siol mar shìol each.

21 Mar so ghairm thu gu cuimhne neòghloine t' òige, ann am bruthadh do bhrollaich leis na h-Eiphitich, ann am bruthadh clocha t' òige.

22 Air an aobhar sin, O Aholibah, mar so tha an Tighearn Dia ag ràdh, Feuch, dùisgidh mise suas do leannain ann ad aghaidh, o 'm bheil t' intinn air claonadh, agus bheir mi iad ann ad aghaidh air gach taobh.

23 Na Babilonaich, agus na Caldéich uile, Pecod agus Soa, agus Coa, na h-Asirianaich uile maille ri: iad uile 'nan daoine àillidh, cinn-fheadhna, agus luchd-riaghlaidh, tighearnan mòra agus iomraitheach, iad uile a' marcachd air eachaibh.

24 Agus thig iad ann ad aghaidh le carbadaibh, le cobhanaibh¹, agus le rothaibh, agus le coimhthional sluaigh, a chuireas ann ad aghaidh targaid, agus sgiath, agus clogaide, air gach aontaoibh; agus cuiridh mise breitheanas fa' n comhair, agus bheir iad breth ort a réir am breitheanas.

25 Agus cuiridh mise m' eud a' d' aghaidh, agus buinidh iad gu ro gharg riut: bheir iad air falbh do shròin, agus do chluasan, agus tuitidh d' fhuigheall leis a' chlaidheamh: bheir iad leo do mhic, agus do nigheanan, agus loisgear na dh'fhàgar dhìot anns an teine.

26 Bheir iad dhìot mar an ceudna t'eudach, agus bheir iad air falbh do sheuda maiseach.

27 Mar so bheir mise air do neòghloine sgur annad, agus air do strìopachas le tìr na h-Eiphit: air chor as nach tog thu suas do shùilean ri, agus nach cuimhnich thu an Eiphit ni's mò.

28 Oir mar so tha an Tighearn Dia ag ràdh, Feuch, bheir mise thairis thu do làimh na muinntir leis am fuathach thu, do làimh na muinntir o'm bheil do chridhe air claonadh.

29 Agus buinidh iad riut gu fuathach, agus bheir iad air falbh t'uile shaothair, agus fàgaidh iad thu lom agus ruisgte; agus bithidh lomnochduidh do strìopachais air a leigeadh ris, araon do ghràineil-

eachd agus do strìopachas.

30 Ni mise na nithe so riut, a chionn gu'n deachaidh tu le strìopachas an déigh nan cinneach, a chionn gu bheil thu air do thruailleadh le'n ìodholaibh.

31 Ghluais thu ann an slighe do pheathar, uime sin bheir mise a cupan-sa ann ad làimh.

32 Mar so tha an Tighearn Dia ag ràdh, Olaidh tu do chupan do pheathar, domhain agus farsuinn; nithear gàire fanoid riut, agus bithidh tu a'd' bhall-magaidh; is mòr na bheil ann.

33 Lìonar thu le misg agus le doilghios, le cupan uamhaais agus léir-sgrìos, le cupan do pheathar Shamaria.

34 Ni thu fòs 'òl agus a shùghadh a mach, agus brisidh tu a bhloighdean, agus spionaidh tu do chiochan féin asad: oir mise labhair e, deir an Tighearn Dia.

35 Uime sin mar so tha an Tighearn Dia ag ràdh, A chionn gu'n do dhì-chuimhnich thu mise, agus gu'n do thig thu mi air do chùlaobh, air an aobhar sin, giùlain thusa fòs do ghràineileachd agus do strìopachais.

36 Thubhairt an Tighearn rium os bàrr, A mhic an duine, an toir thu breth air Aholah, agus air Aholibah? seadh, foillsich dhoibh an gràineileachdan.

37 Gu'n do chuir iad an gnìomh adhaltras, agus gu bheil fuil 'nan làmhan, agus le 'n ìodholaibh gu'n d'rinn iad adhaltras, agus gu'n d'thug iad fòs air am mic, a rug iad dhomh-sa, siubhal air an son-san troimh an teine g' an losgadh.

38 Os bàrr rinn iad so rium-sa; thruaill iad m' ionad naomh air an là sin féin, agus mhi-naomhaich iad mo shàbaidean.

39 Oir an uair a mharbh iad an clann d' an ìodholaibh, an sin thàinig iad air an là sin féin do m' ionad naomh-sa, g'a thruaill-eadh; agus, feuch, mar so rinn iad ann am meadhon mo thighe.

40 Agus a thuilleadh air so, gu'n do chuir iad fios air daoine gu teachd o chéin, agus an do chuireadh teachdair; agus, feuch, thàinig iad, air son an d'rinn thu thu féin a nigheadh, do shùilean a dhath, agus thu féin a sgeudachadh le h-usg-raichibh.

41 Agus shuidh thu air leabaidh urramach, agus bord ulluichte f'a comhair, air an do chuir thu mo bholtrach-sa, agus m'oladh.

42 Agus bha guth na muinntir a bha aig suaimhneas maille ri, agus mòr-chuid-eachd nam fear o Shaba, o'n fhàsach, a chuir làmh-fhailean air an làmhan, agus corona maiseach air an cinn.

43 An sin thubhairt mise rithe-sa bha sean ann an adhaltras, An dean iad a nis strìopachas leatha, agus ise *leo-san*?

44 Gidheadh chaidh iad a steach d'a

¹ *feumaibh*.

h-ionnsuidh, mar a théid iad a steach gu striopaich: mar sin chaidh iad a steach gu Aholah agus gu Aholibah, na mnathan neoighlan.

45 Agus bheir na daoine cothromach breth orra, a réir breith bhan-adhaltranach, agus a réir breith bhan a dhòirteas fuil; a chionn gur ban-adhaltranaich iad, agus gu bheil fuil 'nan làmhnan.

46 Oir mar so tha an Tighearna Dia ag ràdh, Bheir mise nìos cuideachd orra, agus bheir mi iad gu bhì air an atharrachadh, agus air an creachadh.

47 Agus clachaidh a' chuideachd iad le clachaibh, agus gearraidh iad sìos iad¹ le 'n claidhlibh; marbhaidh iad am mic agus an nigheanan, agus loisgidh iad an tighcan le teine.

48 Mar so cuiridh mise cosgadh air gràineileachd anns an fhèarnan, a chum gu foghlum na h-uile mnathan gun deanamh a réir 'ur gràineileachd-sa.

49 Agus dìolaidh iad ruibh 'ur gràineileachd, agus giùlainidh sibh lochdan 'ur n-ìodholan, agus aithnichidh sibh gur mise an Tighearn Dia.

CAIB. XXIV.

1 *Le cosamhlachd coire air ghoil nochdadh léir-sgrìos Ierusalem.* 15 *Thoir misgeadh do Eseciel bròn a dheanamh air son bàis a' mhná, 19 chum gu'n cuireadh e an cèill do na h-Iudhaich gu'n tig trioblaidean orra a théid os ceann bròin.*

ARIS, anns an naothamh bliadhna, anns an deicheamh mìos, air an deicheamh là do'n mhìos, thàinig focal an Tighearn a m' ionnsuidh, ag ràdh,

2 A mhic an duine, sgrìobh dhuit ainm an là, a' cheart là so: chuir rìgh Bhabailoin e fèin an aghaidh Ierusalem air a' cheart là so.

3 Agus labhair cosamhlachd ris an tigh cheannairceach, agus abair ris, Mar so tha an Tighearna Dia ag ràdh, Cuir air coire; cuir air e, agus fòs dòirt ann uisge:

4 Cruinnich a mhìrean ann, gach aon mhìr maith, an t-sliasaid agus an slinnean; lìon e le taghadh nan cnàmh.

5 Gabh roghadh an treud, agus loisg fòs na cnàmhan fuidhe, thoir goil bhras air, agus biodh a chnàmhan air am bruich ann.

6 Uime sin, mar so tha an Tighearna Dia ag ràdh, Is an-aobhinn do'n chaithir fhuiltich, do'n choire aig am bheil a shal ann, agus o nach deachaidh a shal a mach uaithe; thoir a mach e, mìr air mhìr, na tuiteadh crannchur air bith air.

7 Oir tha a fuil 'na meadhon, chuir i air mullach creige i, cha do dhòirt i air an talamh i, chum a folach le duslach:

8 A chum gu'n tugadh i air feirg teachd a nìos a dheanamh dìoghaltais: chuir

mise a fuil air mullach creige, chum nach biodh i air folach.

9 Air an aobhar sin, Mar so tha an Tighearna Dia ag ràdh, Is an-aobhinn do'n chaithir fhuiltich; nì mise fòs a' chruach-theine mòr.

10 Carnaibh connadh, fadaibh an teine, caithibh an fheoil, cuiribh oirre spìosraidh gu leòr, agus loisgear na cnàmhan.

11 An sin cuir falamh e air 'éibhlibh, a chum gu'n teasaich a' phrais, agus gu'n loisg i, agus gu'm bì a salchar air a leaghadh innte, air chor as gu'm bì a sal air a chaitheamh.

12 Lean a sal rithe gu teann, agus cha do dhealaich e rithe; tha a salchar mòr, tha a salchar breun.

13 Ann ad shalchar tha nèò-ghloine, do bhrìgh gu'n do ghlan mi thu, agus nach robh thu glan; cha bhì thu air do ghlanadh o d' thruaillidheachd nì's mò, gus an toir mise air mo chorruih gu'n gabh i tàmh ort.

14 Mise Iehobhah labhair, thig e gu crìch, agus coimhlionaidh mise e, cha téid mi air m' ais, nì mò choigleas mi, no ghabhas mi aithreachas; a réir do shlighe, agus a réir do dheanadais bheir iad breth ort, deir an Tighearna Dia.

15 Mar an ceudna thàinig focal an Tighearn a m' ionnsuidh, ag ràdh,

16 A mhic an duine, feuch, bheiream-sa air falbh uait miann do shùl le buille; gidheadh cha dean thu bròn no gul, nì mò shìleas do dheòir.

17 Leig dhìot glaothaich, na dean caoidh air son nam marbh, ceangail culaidh do chinn ort, agus cuir do bhrògan air do chosaibh, agus na foluich do ghnùis, agus na h-ith aran luchd-bròin.

18 Mar sin labhair mi ris na daoineibh anns a' mhaduinn, agus dh'eug mo bhean mu anmoch; agus rinn mi sa' mhaduinn mar dh'àithneadh dhomh.

19 Agus thubhairt an sluagh rium, Nach innis thu dhuinn cìod ar gnòthuch-ne ris na nithibh so a ta thu deanamh?

20 An sin fhreagair mi iad, Thàinig focal an Tighearn a m' ionnsuidh, ag ràdh,

21 Labhair ri tigh Israeil, Mar so tha an Tighearna Dia ag ràdh, Feuch, truaillidh mise m' ionad naomh, òirdheirceas 'ur treise, miann 'ur sùl, agus an nì a's caomh le 'ur n-anam: agus 'ur mic agus 'ur nigheanan a dh'fhàgadh, tuitidh leis a' chlaidheamh.

22 Agus nì sibh mar a rinn mise: cha'n fholuich sibh 'ur n-aghaidh, agus cha'n ith sibh aran luchd-bròin.

23 Agus bithidh 'ur n-éididh air 'ur cinn, agus 'ur brògan air 'ur cosaibh: cha dean sibh bròn no gul, ach seargaidh sibh as air son 'ur n-eucartan, agus nì sibh bròn, gach aon r'a chéile.

¹ foghnaidh iad dhoibh.

24 Mar so tha Eseciel dhuibh 'na chomh-ara : a réir gach ní a rinn esan, ní sibhse ; agus an uair a thig so, aithnichidh sibh gur mise an Tighearna Dia.

25 Mar an ceudna, a mhic an duine, nach *tachair e* anns an là sam buin mise uatha an neart, aoibhneas an glòire, miann an sùl, agus an ní sin air an suidh-ich iad an inntinn, am mic, agus an nigh-eana ;

26 Gu'n tig esan a théid as air an là sin do d' ionnsuidh, a thoirt ort a chluinntinn le d' chluasaibh ?

27 Anns an là sin fosgailear do bheul do'n ti théid as, agus labhraidh tu, agus cha bhi thu ní's mò balbh, agus bithidh tu dhoibh mar comhara, agus aithnichidh iad gur mise an Tighearn.

CAIB. XXV.

1 *Nithear dioghaltas air na h-Amònaich, 8 air Moab agus air Seir, &c. air son an naimhdeas a nochd iad do na h-Iudhaich.*

THAINIG focal an Tighearn a ris a m' ionnsuidh, ag ràdh,

2 A mhic an duine, cuir do ghnùis an aghaidh nan Amonach, agus dean fàist-neachd 'nan aghaidh ;

3 Agus abair ris na h-Amonaich, Cluinnibh focal an Tighearn Dia, Mar so tha an Tighearn ag ràdh, a chionn gu'n d' thubh-airt thu, Aha, an aghaidh m' ionaid naomh, 'nuair a thruaileadh e, agus an aghaidh fearainn Israeil, an uair a bha e fàs, agus an aghaidh tìghe Iudah, an uair a dh'fhalbh iad ann am braigheanas ;

4 Feuch, uime sin, bheir mise thairis thu do mhuinntir na àirde 'n ear mar sheilbh, agus suidhichidh iad annad an àrois, agus ní iad an àite-còmhnuidh annad : ithidh iad do mheas, agus òlaidh iad do bhainne.

5 Agus ní mi Rabah 'na crò air son chàmhail, agus clann Amoin 'na àite-luidhe do threudaibh : agus aithnichidh sibh gur mise an Tighearn.

6 Oir mar so tha an Tighearna Dia ag ràdh, A chionn gu'n do bhuail thu do làmhnan, agus gu'n do bhreab thu le do chosaibh, agus gu'n d' rinn thu gàirdeachas ann ad chridhe, le d' uile tharcuis an aghaidh fearainn Israeil ;

7 Feuch, uime sin, sinidh mise mach mò làmh ort, agus bheir mi seachad thu mar chreich do na cinnich, agus gearraidh mi as thu o na slòigh, agus caithidh mi thu a mach as na dùthichannaibh ; sgriosaidh mi thu, agus aithnichidh tu gur mi an Tighearn.

8 Mar so tha an Tighearna Dia ag ràdh, A chionn gu bheil Moab agus Seir ag ràdh, Feuch, tha tìgh Iudah cosmhuil ris na h-uile chinnich ;

9 Air an aobhar sin, feuch, fosglaidh mise taobh Mhoab, a leigeadh ris nam

bailtean a ta air 'iomall, maise na dùth-cha, Bet-iesimot-Baalmeon, agus Ciriataim.

10 Do fhearaibh na h-àirde 'n ear, maille ri cloinn Amoin, agus bheir mi iad mar sheilbh, a chum nach bi cuimhne air cloinn Amoin am measg nan cinneach.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so tha an Tighearna Dia ag ràdh, A chionn gu'n do ghnàthaich Edom dioghaltas trom an aghaidh Iudah, agus gu'n d'thug e oibheum mòr anns an dioghaltas a rinn e orra :

13 Uime sin, mar so tha an Tighearna Dia ag ràdh, Sinidh mise fòs a mach mò làmh air Edom, agus gearraidh mi as duine agus ainmhidh uaithe, agus ní mi fàs e o Theman, agus tuitidh muinntir Dhedain leis a' chladheamh.

14 Agus leagaidh mi mò dhioghaltas air Edom le làimh mò shluaigh Israeil, agus ní iad ann an Edom a réir mo chorr-uich, agus a réir mò dhian-fheirge ; agus bithidh fios mò dhioghaltais aca, deir an Tighearn Dia.

15 Mar so tha an Tighearna Dia ag ràdh, A chionn gu'n do bhuin na Philistich gu dioghaltach, agus gu'n d' rinn iad dioghaltas le cridhe aingidh gu milleadh, air son an t-sean naimhdeis ;

16 Uime sin, mar so tha an Tighearna Dia ag ràdh, Feuch, sinidh mise mach mò làmh air na Philistich, agus gearraidh mi as na Ceretich, agus millidh mi fuigh-eall slios na fairge.

17 Agus ní mi dioghaltas mòr orra le achmhasain gharga, agus aithnichidh iad gur mise an Tighearn, 'nuair a leagas mi orra mò dhioghaltas.

CAIB. XXVI.

1 *Sgriosar Tirus a chionn gu'n d' rinn i tàir air Ierusalem. 7 Mòr-chumhachd Nebuchadnesair an oghaidh Thiruis. 15 Criothnaichidh prionns-acha na fairge, agus bithidh uamhas orra ri fuaim a leagaidh.*

AGUS tharladh anns an aon bhliadhna A deug, air a' cheud là do'n mhìos, gu'n d' thàinig focal an Tighearn a m' ionnsuidh, ag ràdh,

2 A mhic an duine, a chionn gu'n d' thubh-airt Tirus an aghaidh Ierusalem, Aha, tha ise bha 'na dorsaibh do'n t-sluagh briste : phill i thugam-sa ; leasaichear mise nis, o chuireadh ise fàs ;

3 Air an aobhar sin, mar so tha an Tighearna Dia ag ràdh, Feuch, tha mise a'd' aghaidh, O Thiruis, agus bheir mi air mòran chinneach teachd a nìos a'd' aghaidh, mar a bheir an fhairge air a tonnaibh teachd a nìos.

4 Agus sgriosaidh iad ballachan Thiruis,

agus brisidh iad sìos a bàbhuinn: tairn-
gidh mise fòs a duslach uaipe, agus ni mi
i mar mhullach creige.

5 Bithidh i 'na h-ionad-sgaoilidh lion
ann am meadhon na fairge: oir labhair
mise, tha an Tighearna Dia ag ràdh,
agus bithidh i 'na creich do na cinnich.

6 Agus marbhar a nigheanan a ta sa
mhachair leis a' chlaidheamh, agus aith-
nichidh iad gur mise an Tighearn.

7 Oir mar so tha an Tighearna Dia ag
ràdh, Feuch bheir mise air Tirus Nebu-
chadnesar rìgh Bhabiloin, rìgh rìghrean
o'n àrde tuath, le eachaibh, agus le carb-
adaibh, agus le marcaich, agus le cuid-
eachdaibh, agus le mòran sluagh.

8 Marbhaidh e leis a' chlaidheamh do
nigheanan anns a' mhachair; agus ni e
daingneach ann ad aghaidh, agus tilgidh
e suas tòrr a'd' aghaidh, agus togaidh e
suas a'd' aghaidh an sgiath.

9 Agus cuiridh e innil-cogaidh an agh-
aidh do bhallachan, agus le 'thuaghaibh
brisidh e sìos do bhàbhuinn.

10 Le lionmhoireachd a chuid each, fol-
aichidh an duslach thu; criothnaichidh
do bhalla le toirm a' mharc-shluaigh, agus
nan rothan, agus nan carbadan, an uair
théid e steach air do gheatachaibh, mar a
théid daoine steach air baile san d' rinn-
eadh briscadh.

11 Le ioghannaibh a chuid each sal-
traidh e sìos do shràidean uile: marbhaidh
e do shluagh leis a' chlaidheamh, agus
théid do dhaingnìchean làidir sìos gu làr.

12 Agus ni iad creach do d' shaoibh-
reas, agus ni iad cobhartach do d' cheann-
achd; agus brisidh iad sìos do bhallachan,
agus nullidh iad do thighean taitneach;
agus leagaidh iad do chlachan, agus
d' fhiodh, agus do dhuslach ann am
meadhon an uisge.

13 Agus bheir mise air fuaim t' òran
sgur, agus cha chluinnear fonn do chlàrs-
ach nì's mò.

14 Agus ni mi thu mar mhullach creige:
bithidh tu ann ad ionad gu sgaoileadh
lion air: cha bhi thu air do thogail nì's
mò: oir mise Iehobhah labhair, deir an
Tighearna Dia.

15 Mar so tha an Tighearna Dia ag
ràdh ri Tirus, Nach criothnaich na h-eil-
eanan ri fuaim do leagaidh, 'nuair dh'èigh-
eas a' mhuinntir leònta, 'nuair nìthear an
t-àr ann ad mheadhon?

16 An sin thig uile phrionnsacha na
fairge nuas o'n rìgh-chaitlrichibh, agus
cuiridh iad am falluinnear a thaoibh, agus
cuiridh iad dhiubh an culaidhean grèise:
éididh iad iad fèin le ball-chrith, suidhidh
iad air an làr, agus criothnaichidh iad
gach tiota, agus bithidh uamhas orra do
d' thaoibh-sa.

17 Agus togaidh iad tuireadh air do

shon, agus their iad riut, Cionnus a
sgriosadh thusa bha air d' àiteachadh le
luchd-fairge, a' chaithir iomraiteach a
bha làidir anns an fhainge, i fèin agus a
luchd-àiteachaidh, a ta cur an eagal air
na h-uile a ta ga tàthaich?

18 A nis criothnaichidh na h-eileanan
ann an là do leagaidh? seadh, bithidh
na h-eileanan a ta san fhainge fo bhuair-
eadh air son do shiubhail.

19 Oir mar so tha an Tighearna Dia ag
ràdh, An uair ni mise dhiot caithir fhàs,
mar na caithrichean nach 'eil air an àit-
eachadh, an uair bheir mi nìos ort an
doimhne, agus a thig na tuiltean mòra os
do cheann;

20 An uair bheir mi ort dol sìos leo-san
a théid sìos do'n t-slochd, le muinntir na
h-aimsir o shean, agus a chuireas mi thu
an ionadaibh ìochdarach na talmhainn,
ann an ionadaibh fhàs o shean, leo-san a
théid sìos do'n t-slochd, air chor as nach
bi thu air d' àiteachadh, agus nach seas
thu nì's mò ann an tìr nam bèò:

21 Ni mi uamhas dhiot, agus cha bhi
thu ann: ged iarrar thu, gidheadh cha'n
fhaighear thu nì's mò gu bràth, deir an
Tighearna Dia.

CAIB. XXVII.

1 *Margaidhean Thiruis: 26 Ann an là a sgrios
tuithidh a beartas ann am builgean na fairge.
29 Ni maraichean agus luchd-àiteachaidh nan
eileanna caoidh air a son.*

THAINIG focal an Tighearn a nì'
ionnsuidh a ris, ag ràdh,

2 A nis, a mhic an duine, tog suas tuir-
eadh air son Thiruis;

3 Agus abair ri Tirus, O thusa ta air do
shuidheachadh aig dol a steach na fairge,
a ta d' cheannaiche do'n t-sluagh air son
mhòran eileanan, Mar so tha an Tighearn
Dia ag ràdh, O Thiruis, thubhairt thu,
Tha mi ro sgiamhach.

4 Tha t'iomall ann am meadhon na
fairge, rinn do luchd-togail do mhaise
foirfe.

5 Rinn iad t' uile chlàra do chrannaibh
giubhais Shenir: thug iad seudair O Leba-
non a dheanadh chranna-siùil duit.

6 Do dharagaibh Bhasain rinn iad do
ràmhàn: rinn cuideachd nan Asurach do
thotachan do chnàmha-deuda o eilean-
aibh Chitim.

7 B'e anart grinn, le obair ghrèise o'n
Eiphit a sgaoil thu mach gu bhì 'na sheòl
duit: b'e gorm agus purpur o eileanaibh
Elisah an nì sin a sgeudaich thu.

8 B' iad luchd-àiteachaidh Shidoin agus
Arbhaid do mharachean: b' iad do
dhaoine glìce bha annad, O Thiruis,
luchd-stiùiridh do loingeis.

9 B' iad seanairean Ghebail, agus a
dhaoine glìce, bha agad 'nan luchd-cal-
aidh: bha loingeis na fairge gu léir, le

'm maraichibh annad, a chum do mhalairt a mheudachadh.

10 B' iad muinntir Phersia, agus Luid, agus Phuit, d'fhir-chogaidh ann ad fheachd: chroch iad suas an sgiath agus a' cheann-bheart annad; chuir iad an céill do mhaise.

11 Bha fir Arbhaid le d' fheachd air do bhallachaibh mu'n cuairt, agus bha na Gamadaich ann ad thùraibh: chroch iad an sgiathan air do bhallachaibh mu'n cuairt: rinn iad do mhaise foirfe.

12 B' i Tarsis do cheannaiche, do bhrìgh pailteis an uile stòrais; le airgiod, iarunn, stàn, agus luaith, rinn iad malairt ann ad mhargaidhean.

13 Iabhan, Tubal, agus Mesech, b' iad-san do cheannaichean: reic iad pearsanna dhaoine, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le marc-shluagh, agus le muileidibh.

15 B' iad fir Dhedain do cheannaichean, mòran eileanan malairt do làimhe: thug iad a d' ionnsuidh mar thiodhlac, adharca deud-chnàmh, agus eboni.

16 B' i Siria do cheannaiche air son lìon-mhoireachd nan oibre a rinn thu: rinn iad malairt ann ad mhargaidhean le emerald, purpur, agus obair ghréise, agus anart grinn, agus coireal, agus agat.

17 B' iad Iudah agus tìr Israeil do cheannaichean: reic iad ann ad mhargadh cruithneachd Mhinnit, agus Pannag, agus mil, agus oladh, agus ìoc.

18 B' e Damascus do cheannaiche ann an lìonmhoireachd nan oibre a rinn thu, air son pailteis an uile shaoibhreis: ann am fìon Helboin, agus ann an olainn ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean: bha iarunn oibrichte, casia agus calamus ann ad mhargadh.

20 B' e Dedan do cheannaiche ann an eudaichibh luachmhor air son charbad.

21 Rinn Arabia, agus uile phrionns-achan Chedair malairt riut ann an uanaibh, agus ann an reitheachaibh, agus ann an gabhraibh: anns na nithibh so b' iad do luchd-malairt.

22 Ceannaichean Sheba agus Raamah, b' iadsan do cheannaichean: rinn iad malairt ann ad mhargadh le taghadh nan uile spìosradh, agus leis na h-uile chlachaibh luachmhor, agus le h-òr.

23 B' iad Haran agus Canneh, agus Eden, ceannaichean Sheba, Asuir, agus Chilmair, do cheannaichean-sa.

24 B' iad so do luchd-malairt anns na h-uile nithibh, ann an eudaichibh gorma, agus ann an obair ghréise, agus ann an

cisteachan do chulaidhean rìomhach, air an ceangal le cordaibh, agus deanta do sheudar, am measg do mhalairt.

25 Sheinn longa Tharsis mu d' thim-chioll ann ad mhargadh; agus bha thu air do lìonadh, agus air do dheanamh ro ghlòrmhor ann am meadhon nan cuanta.

26 Thug do ràmhachèan thu gu uisgeacha mòra: bhris a' ghaoth an ear thu ann am meadhon na fairge

27 Do shaoibhreas, agus do mhargadh, do mhalairt, do mharachean, agus d' fhir-stiùiridh, do luchd-calcaidh, agus do luchd-malairt, agus t-uile luchd-cogaidh a ta annad, agus ann ad uile chuideachd a ta ann ad mheadhon, tuitidh ann am builsgèan na fairge, ann an là do sgrios.

28 Rì fuaim gaire luchd-stiùiridh do loingeis, criothnaichidh na bailtean mu'n cuairt duit.

29 Agus thig na h-uile a ghlacas an ràmh, na maraichean, uile stiùireadairean na fairge, nuas o'n longaibh, seasaidh iad air an tìr.

30 Agus bheir iad air an guth gu'n cluinnear e os do cheann, agus glaothaidh iad gu goirt, agus tilgidh iad suas dulasl air an cinn, aornaganaidh iad iad fèin anns an luaithre.

31 Agus nì iad iad fèin uile maol air do shon, agus crioslaichidh iad iad fèin ann an eudach-saic, agus guilidh iad air do shon le goirteas cridhe, le tuireadh geur.

32 Agus 'nan caoidh togaidh iad cumha air do shon, agus nì iad bròn os do cheann, ag ràdh, Cò bu chosmhuil ri Tìrus, bu chosmhuil rithe-sa ta millte ann am meadhon na fairge?

33 'Nuair chaidh t' oibre a mach anns na fairgibh, shàsuich thu iomadh sluagh; rinn thu beartach rìghrean na talmhainn le mòr-phailteas do shaoibhreis agus do mhalairt.

34 San àm anns am brisear thu leis an fhairge ann an doimhneachd nan uisgeachan, tuitidh do cheannachd agus do chuideachd gu h-iomlan ann ad mheadhon.

35 Bithidh uamhas, do d' thaobh, air uile luchd-àiteachaidh nan eileanan, bithidh eagal anmhor air an rìghrean bithidh an gnùis fo ghruaimèan.

36 Nì na ceannaichean am measg nan cinneach sgeige ort; bithidh tu ann ad uamhas, agus cha bhi thu ann nì's mò gu bràth.

CAIB. XXVIII.

1 Breitheanas an aghaidh prìomsa Thìruis a chionn gu'n robh e uaibhreach 'na chridhe.

11 Caoidh os ceann rìgh Thìruis. 20 Breitheanas Shìdoin 24 Tìonailear sluagh Israeil o na cinnich am measg am bheil iad air an sgapadh.

THAINIG focal an Tighearn a m' ionnsuidh a ris, ag ràdh,

2 A mhic an duine, abair ri prionnsa

Thuiris, Mar so tha an Tighearna Dia ag ràdh, a chionn gu bheil do chridhe air a thogail suas, agus gu'n d' thubhairt thu, Is dia mi, tha mi 'm shuidhe ann an caithir Dhé, ann am meadhon nan cuanta; gidheadh is duine thu, agus cha Dia, ged chuir thu do chridhe mar chridhe Dhé.

3 Feuch, is glice thu na Daniel; cha'n 'eil diomhaireachd sam bith foluichte uait;

4 Le d' ghliocas, agus le d' thuigse, fhuair thu dhuit féin maoin, agus fhuair thu òr agus airgiod ann ad thaisgeach-aibh.

5 Le d' ghliocas mòr, agus le d' mhalairt, mheudaich thu do shaoibhreas, agus tha do chridhe air a thogail suas le d' bheartas.

6 Air an aobhar sin, mar so tha an Tighearna Dia ag ràdh, A chionn gu'n do chuir thu do chridhe mar chridhe Dhé;

7 Feuch, uime sin, bheir mise coimhich ort, fir uamhasach nan cinneach; agus tairngidh iad an claidhean an aghaidh naise do ghliocais, agus truailidh iad do dhealradh.

8 Cuiridh iad sìos do'n t-slochd thu, agus bàsaichidh tu le bàs na muinntir a mharbhar ann am meadhon na fairege.

9 An abair thu fathasd an làthair an ti a mharbhas thu, Is dia mi? ach bithidh tu a'd' dhuine, agus ni h-ann a'd' dhia ann an làmh an ti a mharbhas thu.

10 Bàsaichidh tu le bàs nan neo-thimchioll-ghearrta, le làmh nan coimheach: oir mise labhair e, deir an Tighearna Dia.

11 Os bàrr, thàinig focal an Tighearna a m' ionnsuidh, ag ràdh,

12 A mhic an duine, tog suas caoidh os ceann rìgh Thuiris, agus abair ris, Mar so tha an Tighearna Dia ag ràdh, Tha thu cur seiladh air do chuid stòrais, làn do ghliocas, agus foirfe ann am maise.

13 Bha thu ann an Eden, gàradh Dhé; b'e do chòmhdachadh na h-uile clach luachmhor, an sardius, an topas, agus an daimean, am beril, an t-onics, agus an iasper, an saphir, an t-emerald, agus an carbuncal, agus an t-òr: ghleusadh obair do thiompan, agus do phìoban annad anns an là san do chruthaicheadh thu.

14 Is tu an cerub ungta a chòmhdach-eas; agus shuidhich mise thu; bha thu air sliabh naomh Dhé; shiubhail thu ann am meadhon nan clacha dealrach.

15 Bha thu foirfe ann ad shlighibh, o'n là san do chruthaicheadh thu, gus an d' fhuaradh annad aingidheachd.

16 Le lìonmhoireachd do mhalairt lìon iad do mheadhon le h-ainneart, agus pheacach thu: uime sin, tilgida mise thu, mar ni mi-naomh, a mach o shliabh Dhé: agus sgriosaidh mi thu, O a cheruib a

chòmhdach-eas! á meadhon nan clacha dealrach.

17 Bha do chridhe air a thogail suas le d' mhaise; thruaill thu do ghliocas le d' dhealradh: tilgidh mise gu làr thu, cuiridh mi thu an làthair rìghrean, gu bhi a' d' bhall-amhaire dhoibh.

18 Le lìonmhoireachd t' euceartan thruaill thu t' ionadan naomha, le euceart do mhalairt; uime sin bheir mise mach teine as do mheadhon, caithidh e thu, agus ni mise luath dhìot air an talamh, ann an sealladh nan uile a chi thu.

19 Iadsan uile d'an aithne thu measg an t-sluaigh, bithidh uamhas orra do d' thaobh: bithidh tu ann ad uamhunn, agus cha bhi thu ann ni's mò gu bràth.

20 A ris thàinig focal an Tighearna a m' ionn uidh, ag ràdh,

21 A mhic an duine, cuir do ghnùis an aghaidh Shluidoin, agus dean fàistneachd 'na h-aghaidh.

22 Agus abair, Mar so tha an Tighearna Dia ag ràdh, Feuch, tha mise ann ad aghaidh, O Shluidoin, agus bithidh mi air mo ghlòrachadh ann ad mheadhon: agus aithnichidh iad gur mi an Tighearna 'nuair a ni mi innte breitheanas, agus a bhios mi air mo naomhachadh innte.

23 Oir cuiridh mi innte plàigh, agus fuil 'na sràidibh, agus bheirrean breitheanas air an leonta 'na meadhon, leis a' chlaidheamh a bhios oirre air gach taobh; agus aithnichidh iad gur mi an Tighearna.

24 Agus cha bhi dris dhealgach¹ ann ni's mò do thigh Israel, no dris a bheir doilghios, dhuibh-san uile mu'n cuairt a ta ri tàir orra; agus aithnichidh iad gur mise an Tighearna Dia.

25 Mar so tha an Tighearna Dia ag ràdh, 'nuair a thionailas mise tigh Israel o na cinnich am measg am bheil iad air an sgapadh, agus a bhios mi air mo naomhachadh anna an sealladh orra cinn-each, an sin gabhaidh iad còmhnuidh 'nam fearann a thug mise do m' òglach Iacob.

26 Agus gabhaidh iad còmhnuidh ann gu tèaruinte, agus togaidh iad tighlean, agus suidhichidh iad fion-liosan: seadh, gabhaidh iad còmhnuidh le dànachd, an uair a ni mise breitheanas orra-san uile ta deanamh tàir orra gach taobh mu'n cuairt doibh; agus aithnichidh iad gur mise Iehobhah an Dia.

CAIB. XXIX.

1 Breitheanas an aghaidh Pharaoh do bhrìgh gu'n do bhuin e gu cealgach ri Israel. 8 Cuirear tir na h-Eiphit às, ach cruinnichear a sluagh a ris d'an dàthaich féin an ceann dà shìhead bliadhna. 17 Gheibh Nebuchadnesar an Eiphit mar thuarasdal air son a sheirbhis an aghaidh Thuiris.

¹ bhiograch

A NNS an deicheamh bliadhna, anns an deicheamh mìos, air an dara lù deug do'n mhìos, thàinig focal an Tighearna a m' ionnsuidh, ag ràdh,

2 A mhic an duine, cuir do ghnùis an aghaidh Pharaoh rìgh na h-Eiphit, agus dean fàistneachd 'na aghaidh-san, agus an aghaidh na h-Eiphit uile.

3 Labhair agus abair, Mar so tha an Tighearna Dia ag ràdh, Feuch, tha mise a'd' aghaidh, O Pharaoh, a rìgh na h-Eiphit, an uabheist¹ mhòr a ta 'na luidhe ann am meadhon 'aimhnichean fèin, a thubhairt, Is leam fèin m' amhainn, rinn mi air mo shon fèin i.

4 Ach cuiridh mise dubhain ann ad ghialaibh, agus bheir mi air iasg t' aimhnichean leantuinn ri d' lannaibh, agus bheir mi mìos thu á meadhon t' aimhnichean, agus leanaidh uile iasg t' aimhnichean ri d' lannaibh.

5 Agus tréigidh mise thu san fhàsach, thu fèin agus uile iasg t' aimhnichean: tuitidh tu air na machraichibh sgaoilte; cha bhì thu air do thional, no air do chruinneachadh ri chèile: thug mise thu mar bhiadh do bheathaichibh na macharach, agus do eunlaith an athair.

6 Agus aithnichidh uile luchd-àiteachaidh na h-Eiphit gur mise an Tighearna, a chionn gu'n robh iad 'nan luirg chuile do thigh Israeil.

7 'Nuair a ghlae iad thu, bhris thu 'nan làimh, agus reub thu an gualainn uile: agus an uair a leig iad an taice riut, bhris thu, agus dh'fhàg thu an leasraidh uile gun taice.

8 Air an aobhar sin, mar so tha an Tighearna Dia ag ràdh, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bithidh tìr na h-Eiphit falamh agus fàs; agus aithnichidh iad gur mise an Tighearna: a chionn gu'n d' thubhairt e, Is leam-sa an amhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh t' aimhnichean; agus nì mi tìr na h-Eiphit gu tur fàs agus falamh, o thùr Shiene, eadhon gu iomall Etiopia.

11 Cha'n imich cos duine sam bith troimpe², agus cha'n imich eos ainmhidh troimpe, nì mò bhios i air a h-àiteachadh rè dà fhichead bliadhna.

12 Agus nì mi tìr na h-Eiphit fàs ann am meadhon nan dùthchanna ta fàs, agus bithidh a caithrichean, ann am meadhon nan caithrichean a ta falamh, air an deanamh 'nam fàsach rè dà fhichead bliadhna: agus sgapaidh mi na h-Eiphitich am measg nan cinneach, agus sgaoil-

idh mi iad feadh nan dùthchannan.

13 Gidheadh mar so tha an Tighearna Dia ag ràdh, An ceann dà fhichead bliadhna cruinnichidh mise na h-Eiphitich o na einnich anns an robh iad air an sgaoileadh.

14 Agus bheir mi air a h-ais bruid nan Eiphiteach, agus bheir mi orra pilleadh gu fearann Phatrois, gu dùthaich an còmhnuidh, agus bithidh iad an sin 'nan rìoghachd shuaraich.

15 Bithidh i suarach seach gach rioghachd, agus cha'n àrdaich si i fèin nì's mò am measg nan cinneach: oir lughdaichidh mise iad, air chor as nach riaghlaidh iad nì's mò os ceann nan cinneach.

16 Agus cha bhì i nì's faide 'na dòchas aig tigh Israeil, a bheir an eusaontas gu cuimhne, 'nuair a sheallas iad 'nan déigh: ach aithnichidh iad gur mise an Tighearna Dia.

17 Agus tharladh anns an t-seachdamh bliadhna fichead, anns a' cheud mhìos, air a' chend lù do'n mhìos, gu'n d' thàinig focal an Tighearna a m' ionnsuidh, ag ràdh,

18 A mhic an duine, thug Nebuchadnesar rìgh Bhabiloin air a shluagh seirbh-is mhòr a dheanamh an aghaidh Thirus: rinneadh gach ceann maol, agus gach guala lom; gidheadh cha robh tuarasdail air bith aige fèin, no aig a shluagh, air son Thirus, air son na seirbhis a rinn e 'na h-aghaidh.

19 Air an aobhar sin, mar so tha an Tighearna Dia ag ràdh, Feuch, bheir mise tìr na h-Eiphit do Nebuchadnesar rìgh Bhabiloin, agus glacadh e a shluagh, agus glacadh e a creach, agus glacadh e a cobhartach, agus bithidh sin 'na thuarasdail aig a shluagh.

20 Thug mise dha tìr na h-Eiphit air son a shaoithreach leis an do shaoithrich e 'na h-aghaidh; a chionn gu'n d' oibrich iad air mo shonsa, deir an Tighearna Dia.

21 Anns an là sin bheir mi air adharc tìghe Israeil briseadh a mach, agus bheir mi dhuit-sa fosgladh a' bheoil 'nam meadhon; agus aithnichidh iad gur mise an Tighearna.

CAIB. XXX.

¹ Tuitidh an Eiphit leis a' chlaidheamh, agus thig uabhar a cumhachd a nuas. ² Neartaichear gairdean rìgh Bhabiloin chum gu'm bris e gairdean rìgh na h-Eiphit.

T HAINIG focal an Tighearna a m' ionnsuidh a ris, ag ràdh,

2 A mhic an duine, dean fàistneachd agus abair, Mar so tha an Tighearna Dia ag ràdh, Deanaibh ulartaich; Oeh, an là!

3 Oir tha an là dlùth, eadhon là an Tighearna dlùth, là neulach, àm nan cinneach a bhios ann.

4 Agus thig an claidheamh air an Eiphit,

an uile-bheist, an dragon.

² roimpe.

agus bithidh cràdh mòr ann an Etiopia, 'nuair a thuiteas iadsan a mharbhar anns an Eiphit, agus bheir iad a sluagh air falbh, agus brisear sìos a bunaitean.

5 Etiopia, agus Libia, agus Lidia, agus an sluagh coimeasgta gu léir, agus Chub, agus muinntir na tìre ta 'n co-bhoimh, tuitidh leo-san leis a' chlaidheamh.

6 Mar so tha an Tighearn ag ràdh, Tuitidh iadsan fòs a ta cumail suas na h-Eiphit, agus thig uabhar a cumhachd a suas: o thùr Shiene tuitidh iad innte leis a' chlaidheamh, deir an Tighearna Dia.

7 Agus bithidh iad fàs ann am meadhon nan dùthchanna fàsail, agus bithidh a caithrichean ann am meadhon nan caithrichean a ta air am fàsachadh.

8 Agus aithnichidh iad gur mise an Tighearn, 'nuair a chuireas mi teine san Eiphit, agus a sgriosar a h-uile luchd-cuideachaidh.

9 Anns an là sin théid teachdairean a mach uamsa ann an longaibh, a chur eagail air na h-Etiopaich air nach 'eil cùram, agus thig cràdh mòr orra, mar ann an là na h-Eiphit: oir feuch, tha e teachd.

10 Mar so tha an Tighearna Dia ag ràdh, Cuiridh mise fòs cosgadh air mòr-shluagh na h-Eiphit, le làimh Nebuchadne-sair rìgh Bhabiloin.

11 Bheir e fèin agus a shluagh maille ris, a' chuid a's uamhasaiche do na cinnich, a sgrios na tìre: agus tairngidh iad an claidheamh an aghaidh na h-Eiphit, agus lionaidh iad an talamh le maibh.

12 Agus ni mise na h-aimhnichean tioram, agus reicidh mi am fearann ri làimh nan aingidh; agus ni mi an tìr fàs, agus na h-uile ta innte, le làimh nan coimheach: mise Iehobhah labhair.

13 Mar so tha an Tighearna Dia ag ràdh, Sgriosaidh mi fòs na h-iodholan, agus dithichidh mi ìomhaighean a mach á Noph: agus cha bhi ni's mò prionnsa air tìr na h-Eiphit; agus cuiridh mi eagal ann am fearann na h-Eiphit.

14 Agus ni mi Patros 'na fhàsach, agus cuiridh mi teine ann an Soan, agus ni mi breitheanais ann an No.

15 Agus dòirtidh mi mo chorruidh air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bithidh cràdh mòr air Sin, agus reubar No as a chéile, agus bithidh Noph gach là ann an airc.

17 Tuitidh òganaich Abhein agus Phibeseit leis a' chlaidheamh, agus imichidh na bailtean so gu daorsa.

18 Ann an Tahapanes fòs bithidh an là dorcha, 'nuair a bhriseas mise an sin cuing na h-Eiphit: agus sguiridh mòr-chuis a neirt innte: seadh, folaichidh neul i, agus

théid a nigheanan air falbh am braighdeanas.

19 Mar so ni mise breitheanais anns an Eiphit; agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud mhìos, air an t-seachdamh lù do'n mhìos, gu'n d'thàinig focal an Tighearn a m' ionnsuidh, ag ràdh,

21 A mhic an duine, bhris mise gairdean Pharaoh rìgh na h-Eiphit, agus, feuch, cha cheanglar e suas gu bhì air a leigheas, a chur crios air g' a cheangal, g' a dheanamh làidir, a chumail a' chlaidheamh.

22 Uime sin, mar so tha an Tighearna Dia ag ràdh, Feuch, tha mise an aghaidh Pharaoh rìgh na h-Eiphit, agus brisidh mi a ghairdeanan, e sin a ta làidir, agus e sin a bhriseadh; agus bheir mi air a' chlaidheamh tuiteam as a làimh.

23 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchannan.

24 Agus neartaichidh mi gairdeanan rìgh Bhabiloin, agus cuiridh mi mo chlaidheamh 'na làimh: ach brisidh mi gairdeanan Pharaoh, agus ni e caoirean 'na fhianuis, mar dhuine a ta leònta gu bàs.

25 Ach neartaichidh mi gairdeanan rìgh Bhabiloin, agus tuitidh gairdean Pharaoh sìos; agus aithnichidh iad gur mise an Tighearn, 'nuair a chuireas mi mo chlaidheamh ann an làimh rìgh Bhabiloin, agus a shineas e mach e air tìr na h-Eiphit.

26 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchannan; agus aithnichidh iad gur mi an Tighearn.

CAIB. XXXI.

1 *Chuir am fàidh an cèill mòrachd an Asirianaich, agus a léir-sgrìos a chionn gu'n robh a chridhe air a thogail suas; 18 nochd e gu'm buineadh Dia air an dòigh cheudna ri Pharaoh rìgh na h-Eiphit.*

AGUS tharladh, anns an aon bhliadhna deug, anns an treas mìos, air a' cheud lù do'n mhìos, gu'n d'thàinig focal an Tighearn a m' ionnsuidh, ag ràdh,

2 A mhic an duine, labhair ri Pharaoh rìgh na h-Eiphit, agus r'a mhòr-chuideachd, Co ris a's cosmhuil thu ann ad mhòrachd?

3 Feuch, bu chrann seudair ann an Lebanon an t-Asirianach, le geugaibh mais-each, agus le sgàile dhorcha, agus le àirde mhòir; agus bha a bhàrr am measg nam meangana tiugha.

4 Thug na h-uisgeachan air fàs, dh'àrach an doimhne suas e, ruith a sruthan mu thimchioll a mheanglan, agus chuir i mach asruthana beaga chum uile chraobha na macharach.

5 Uime sin dh'éirich àirde suas os eann uile chraobha na macharach, agus bha a mheangana lìonmhor, agus dh'fhàs a gheugan fada, le lìonmhoireachd nan uisgeachan, an uair a sgaol e mach.

6 Rinn uile eunlaith nan speur an nìd 'na gheugaibh agus fuidh a gheugaibh rug uile bheathaichean na macharach an àlach, agus fuidh a sgàile ghabh eruinn-eachadh mhòran chinneach còmhnuidh.

7 Mar so bha e maiseach 'na mhòrachd, ann am fad a gheuga: oir bha a fhreumh ri taobh nan uisgeacha mòra.

8 Cha b'urraim na seudair ann an gàradh Dhé 'fholaich: cha robh na craobha giuthais cosmhuil r'a mheanganaibh, no na craobha geann-chnò cosmhuil r'a gheugaibh: cha robh crann air bith ann an gàradh Dhé cosmhuil ris 'na mhaise.

9 Rinn mi maiseach e le lìonmhoireachd a gheuga; ionns gu'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so tha an Tighearna Dia ag ràdh, A chionn gu'n d'ruinn e uaill as 'àirde, agus gu'n do chuir e suas a bhàrr ann am meadhon nan neul, agus gu bheil a chridhe air a thogail suas 'na àirde;

11 Uime sin thug mi thairis e do làimh aoin chumhachdaich nan einneach: buinidh esan gu làidir ris, dh'fhuadaich mise a mach e air son a ehionta.

12 Agus ghearr coimhich, a' chuid a's uamhasaiche do na einnich, a mach e, agus dh'fhàg iad e: air na sléibhtibh, agus anns na gleanntaibh uile thuit a gheugan, agus tha a mheangain air am briseadh anns gach uile chearnaidh do'n talamh; agus dh'imich uile shluagh an domhain sìos o a sgàile, agus thréig iad e.

13 Air a bhallaichaibh briste gabhaidh uile eunlaith an athair còmhnuidh, agus bithidh uile bheathaiche na macharach air a gheugaibh:

14 A chum nach àrdaieheadh crann air bith do chrannaibh nan uisgeachan, iad fèin air son an àirde, agus nach euireadh iad suas am bàrr am measg nan tiugh-gheugan, ni mò sheasadh an croinn suas 'na àirde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh ìochdarach na talmhainn, ann am meadhon chloinn nan daoine, maille riu-san a théid sìos do'n t-slochd.

15 Mar so tha an Tighearna Dia ag ràdh, Anns an là air an deachaidh e sìos do'n uaigh, thug mise fa'near caoidh a dheanamh; chòmhdach mi air a shon an doimhne, agus choisg mi a tuitlean, agus bhacadh na h-uisgeacha mòra; thug mi

fòs air Lebanon caoidh air a shon, agus dh'fhan naich air a shon uile chraobhan na macharach.

16 Thug mi air na einnich criothnachadh ri fuaim a leagaidh, 'nuair a thilg mi e sìos do'n ionad ìochdarach, leosan a théid sìos do'n t-slochd: agus bithidh an còmhfhurtachd ann an ionadaibh ìochdarach na talmhainn aig uile chraobhan Edein, rugha agus tagha Lebanoìn, na h-uile fa'g òl suas an uisge.

17 Chaidh iadsan mar an ceudna sìos do'n ionad ìochdarach maille ris, a chum na dream a mharbhadh leis a' ehlaidheamh; agus iadsan bu ghairdean da, a ghabh còmhluidh fuidh a sgàile ann am meadhon nan einneach.

18 Cò ma ta ris an cosmhuil thusa mar so ann an glòir, agus ann am mòrachd am measg chraobhan Edein? gidheadh, bheirear sìos thu maille ri craobhan Edein gu àiteachan ìochdarach na talmhainn: luidhidh tu ann am meadhon na muinntir neo-thùmehioll-gheartta, maille riu-san a mharbhadh leis a' ehlaidheamh: so Pharaoh agus a mhòr-chuidheachd uile, deir an Tighearna Dia.

CAIB. XXXII.

1 Tuireadh air son thrioblaidean uamhasach na h-Eiphit: 11 Sgrìosaidd claidheamh rìgh Bhabailoin i. 17 Bheirear luchd-àiteachaidh na h-Eiphit sìos gu ionadan ìochdarach na talmhainn.

AGUS tharladh, anns an dara bliadhna deug, anns an dara mìos deug, air a' cheud là do'n mìos, gu'n d'thàinig fòcal an Tighearna a m'ionnsuidh, ag ràdh,

2 A mhie an duine, tog suas tuireadh air son Pharaoh rìgh na h-Eiphit, agus abair ris, Is cosmhuil thu ri leomhan òg do na einnich, agus tha thu mar uabheist anns na cuantaibh; agus thàinig thu mach le d' shruthaibh, agus ehuir thu troimh ehéile na h-uisgeachan le d' ehosaibh, agus shalaich thu an aimhniehean.

3 Mar so tha an Tighearna Dia ag ràdh, Sgaolaidh mise uime sin mò lion os do ehann, le euideachd mhòran chinneach, agus bheir iad a mìos thu ann am lìon.

4 An sin fàgaidh mi air an talamh thu, tilgidh mi mach air an fhàiche luim thu, agus bheir mi air uile eunlaith an athair luidhe ort, agus bheir mi do uile bheathaichibh na talmhainn an sàth dhiot.

5 Agus euiridh mi d' fheoil air na sléibhtibh, agus lìonaidh mi na glinn le do thulaichibh.

6 Uisgichidh mi fòs le d' fhuil am fearann anns am bheil thu a' snàmh, gu ruig na sléibhteann; agus bithidh na h-aimhniehean làn diot.

7 Agus an uair a chuireas mi as thu, folaichidh mi na nèamhan, agus ni mi an reulta dorch: còmhdaichidh mi a' ghrian

le neul, agus cha toir a' ghealach seachad a solus.

8 Uile sholuis dealrach' nèimh nì mi dorchas os do cheann, agus cuiridh mi dorchadas air d' fhearam, deir an Tighearna Dia.

9 Cuiridh mi fòs doilghios air cridheach-aibh mhòran dhaoine, 'nuair a bheir mi do léir-sgrìos am measg nan cinneach, gus na dùthchanna nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bithidh eagal ro mhòr air an rìghribh air do shon, nuair thogas² mise mo chlaidheamh 'nan làth-air; agus crìothnaichidh iad ann an tiota; gach aon air son a bheatha féin, ann an là do leagaidh-sa.

11 Oir mar so tha an Tighearna Dia ag ràdh, Thig claidheamh rìgh Bhabiloin ort.

12 Le claidhibh nan cumhachdach bheir mise air do mhòr-chuideachd tuiteam, leo-san uile a's uamhasaiche do na cinnich; agus millidh iad mòr-chuis na h-Eiphit, agus bithidh a mòr-shluagh gu léir air an sgrìos.

13 Sgrìosaidh mi fòs a h-ainmhidhean uile o thaobh nan uisgeacha mòra, agus cha chuir cos duine dragh orra tuilleadh, nì mò ghluaisear iad le ionga ainmhidh.

14 An sin nì mise an uisgeachan domhain³, agus bheir mi air an ainmhnicean ruith mar oladh, deir an Tighearna, Dia.

15 'Nuair a nì mi tìr na h-Eiphit 'na fàsach, agus a bhios an dùthaich falamh do'n nì sin do'n robh i làn, 'nuair a bhuailas mi na h-uile ta chòmhnuidh innte, an sin aithnichidh iad gur mise an Tighearn.

16 So an tuireadh⁴ leis an tuir iad os a ceann: nì nigheana nan cinneach caoidh air a son: nì iad caoidh air son, air son na h-Eiphit, agus air son a mòr-shluaigh uile, deir an Tighearna Dia.

17 Tharladh mar an ceudna, san dara bliadhna deug, air a' chùigeamh là deug do'n mhìos, gu'n d'fhàinig focal an Tighearna a m' ionnsuidh, ag ràdh,

18 A mhic an duine, dean cumha air son mòr-shluaigh na h-Eiphit, agus tilg sìos i, i féin agus nigheana nan cinneach iomraiteach, gu ionadan ìochdarach na talmhain, maille riu-san a théid sìos do'n t-slochd.

19 Cò air am bheil thu toirt barrachd ann am maise? imich sìos, agus luidh leis na neo-thimchioll-ghearrta.

20 Tuitidh iad nam meadhon-san a mharbhadh leis a' chlaidheamh: thugadh thairis do'n chlaidheamh i: tairngibh a mach i féin agus a sluagh gu h-ìomlan.

21 Labhraidh ciun-fheadhna nan cumh-

achdach ris o mheadhon an ionaid ìochd-araich, maille riu-san a chluidich leis: chaidh iad sìos, tha iad 'nan luidhe leis na neo-thimchioll-ghearrta a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuiteam leis a' chlaidheamh.

23 Tha an uaighean air an suidheachadh air gach taobh do'n t-slochd, agus tha a chuideachd mu thimchioll 'uaighe: iad uile air am marbhadh, air tuiteam leis a' chlaidheamh, a dhùisg uamhas ann an tìr nam beò.

24 An sin tha Elam agus a shluagh uile mu thimchioll 'uaighe, iad uile air am marbhadh, air tuiteam leis a' chlaidheamh; chaidh iadsan sìos neo-thimchioll-ghearrta gu ionadan ìochdarach na talmhainn, a dhùisg uamhas ann an tìr nam beò; gidheadh ghiùlain iad an nàire leo-san a chaidh sìos do'n t-slochd.

25 Ann am meadhon nam marbh shuidhich iad leabadh dha maille r'a uile shluagh: tha an uaighean m' a thimchioll, iad uile neo-thimchioll-ghearrta, air am marbhadh leis a' chlaidheamh: ged dhùisgeadh an uamhas ann an tìr nam beò, gidheadh ghiùlain iad an nàire leo-san a chaidh sìos do'n t-slochd: chuireadh e ann am meadhon na muinntir a mharbhadh.

26 An sin tha Mesekh, Tubal, agus a shluagh uile; tha an uaighean m' a thimchioll. iad uile neo-thimchioll-ghearrta, air am marbhadh leis a' chlaidheamh, ged sgaoil iad an uamhas ann an tìr nam beò.

27 Agus cha luidh iad leis na cumhachdaich, a thuit do na neo-thimchioll-ghearrta, a chaidh sìos do ifrinn le 'n armaibh⁵ cogaidh: agus chuir iad an claidhean fuidh 'n cinn, ach bithidh an aingidheachd air an cnàmhan, ge b' iad uamhas nan cumhachdach ann an tìr nam beò.

28 Seadh, brisear thu ann am meadhon nan neo-thimchioll-ghearrta, agus luidhidh tu leo-san a mharbhadh leis a' chlaidheamh.

29 An sin tha Edom, a rìghrean, agus a phrionnsachan uile, a ta le 'n neart 'nan luidhe ann am fochair na muinntir a mharbhabh leis a' chlaidheamh: luidhidh iad leis na neo-thimchioll-ghearrta, agus leo-san a théid sìos do'n t-slochd.

30 An sin tha prionnsachan na h-àirde tuath, an t-ìomlan diubh, agus na Sidonaich uile, a chaidh sìos leis na mairbh, le 'n uamhas tha nàir orra d'an cumhachd;

¹ loinreach, drithlineach.

² ghluaiscas, chrathas. Eabh.

³ soilleir.

⁴ cumha.

⁵ acfuinn.

agus tha iad 'nan luidhe neo-thimchioll-
ghearrta leo-san a mharbhadh leis a'
chladheamh, agus a' giùlan an nàire leo-
san a théid sìos do'n t-slochd.

31 Chi Pharaoh iad, agus bithidh comh-
fhurtachd aige os ceann a mhòr-chuid-
eachd uile, *eadhon* Pharaoh agus 'fheachd
gu léir air am marbhadh leis a' chladh-
eamh, deir an Tighearna Dia.

32 Oir dhùisg mise m' uamhas ann an
tìr nam beò: agus suidhichear esan ann
am meadhon nan neo-thimchioll-ghearrta,
leo-san a mharbhadh leis a' chladheamh,
Pharaoh agus a shluagh gu léir, deir an
Tighearna Dia.

CAIB. XXXIII.

1 *Nochladh do Eseciel a dhleasdanas mar fhear-
faire do thigh Israeil. 10 Cha 'n' eil tlachd air
bith aig Dia ann am bàs an aingidh. 21 'Nuair
ghlacadh Ierusalem rinn Eseciel fàidheadaireachd
gu'm biodh am fearann air a chur fàs. 30 Cealg-
aireachd an t-sluaigh.*

A RIS thàinig focal an Tighearn a m'
ionnsuidh, ag ràdh,

2 A mhic an duine, labhair ri cloinn do
shluaigh, agus abair riu, 'Nuair a bheir
mise an claidheamh air dùthaich, ma
ghabhas muinntir na dùthcha do'n crìoch-
aibh féin, agus gu'n cuir iad e gu bhli 'na
fhear-faire dhoibh;

3 Ma shéideas e 'n trompaid 'nuair a chi
e an claidheamh a' teachd air an fhear-
ann, agus ma bheir e rabhadh¹ do'n
t-sluagh;

4 An sin, cò air bith a chluinneas fuaim
na trompaid, agus nach gabh rabhadh;
ma thig an claidheamh, agus gu'n toir e
air falbh e, bithidh 'fhuil air a cheann féin.

5 Chual e fuaim na trompaid, agus cha
do ghabh e rabhadh, bithidh 'fhuil air féin:
ach esan a ghabhas rabhadh tèarnaidh e
'anam.

6 Ach ma chi am fear-faire an claidh-
eamh a' teachd, agus nach séide e 'n tromp-
aid, agus nach faigh an sluagh rabhadh;
ma thig an claidheamh, agus gu'n toir e
aon neach air falbh uatha, tha e air a
thoirt air falbh 'na aingidheachd: ach
iarraidh mise 'fhuil air làimh an fhir-
fhair.

7 Mar sin thusa, a mhic an duine, chuir
mi thu mar fhear-faire chum tìghe Is-
raeil: uime sin éisdidh tu am focal o m'
bheul-sa, agus bheir thu dhoibh rabhadh
uam-sa.

8 'Nuair a their mise ris an aingidh, O
dhuine aingidh, gheibh thu gu deimhin
bàs; mur labhair thusa chum an t-aing-
idh a thoirmeasg o 'shlighe², gheibh an
duine aingidh sin bàs 'na aingidheachd:
ach air do làimh-sa iarraidh mise 'fhuil.

9 Gidheadh, ma bheir thusa rabhadh

do'n aingidh mu thimchioll a shlighe, gu
pilleadh uaipe: mur pill e o 'shlighe,
gheibh e bàs 'na aingidheachd, ach thear-
uinn thusa t' anam.

10 Uime sin, a mhic an duine, labhair
thusa ri tìgh Israeil, Mar so deir sibh, ag
ràdh, Ma bhios ar cionta agus ar lochdan
oirnn, agus gu'n searg sinn annta, cionnus
a dh'fheudas sinn mar sin bhi beò?

11 Abair riu, Mar is beò mise, deir an
Tighearna Dia, cha 'n' eil tlachd air bith
agam-sa ann am bàs an aingidh; ach
gu'm pilleadh an t-aingidh o 'shlighe,
agus gu'm biodh e beò: pillibh, pillibh, o
'ur droch shlighibh, c'ar son a bhàsaicheas
sibh, O thigh Israeil?

12 Uime sin, a mhic an duine, abair
thusa ri cloinn do shluaigh, Clia dean fir-
eantachd an fhìrean a shaoradh ann an là
a chionta: agus 'na aingidheachd cha tuit
an t-aingidh anns an là sam pill e o
'chionta; ni mò dh'fheudas am fìrean a
bhi beò air son 'fhìreantachd anns an là
sam peacaich e.

13 'Nuair a their mise ris an fhìrean gu
mair e gu deimhin beò: ma ni e bun á
'fhìreantachd féin, agus gu'n dean e
aingidheachd, cha chluimhnichear 'uile
fhìreantachd; ach air son 'aingidheachd
a rinn e, air son sin gheibh e bàs.

14 A ris, an uair a their mise ris an
aingidh, Gheibh thu gu deimhin bàs: ma
philleas e o 'pheacadh, agus gu'n dean e
an ni sin a ta dlìgheach agus ceart;

15 Ma bheir an t-aingidh air ais an geall,
agus gu'n aisig e a ris an ni a ghoid e,
gu'n gluais e ann an reachdaibh na beatla,
gun aingidheachd a chur an gnìomh;
mairidh e gu deimhin beò, cha'n fhaigh
e bàs.

16 Cha chuimhnichear dha lochd air
bith a rinn e: rinn e an ni a ta dleasdànach
agus ceart: mairidh e gu cinnteach beò.

17 Gidheadh tha clann do shluaigh-sa ag
ràdh, Cha 'n' eil slighe an Tighearna coth-
romach, Ach air an son-san, cha 'n' eil an
slighe cothromach.

18 'Nuair a philleas am fìrean air ais o
'fhìreantachd, agus a chuireas e 'n gnìomh
aingidheachd, gheibh e bàs d'a chionn.

19 Ach ma philleas an t-aingidh air falbh
o 'aingidheachd, agus gu'n dean e an ni
sin a ta dleasdànach agus ceart, mairidh
e beò d' a chionn.

20 Gidheadh tha sibh ag ràdh, Cha 'n
'eil slighe an Tighearna cothromach: O
thigh Israeil, bheir mise breth oirbh, air
gach aon a réir a shlighe.

21 Agus tharladh anns an aon bhliadhna
deug d' ar bruid, anns an deicemh
mìos, air a' chùigeamh là do'n mhìos,
gu'n d'fhàinig aon a theich o Ierusalem a

¹ roghadh.

² chum rabhadh thoir

do'n aingidh pilltinn o 'shlighe.

m' ionnsuidh-sa, ag ràdh, Bhuaileadh am baile.

22 Agus bha làmh an Tighearn orm anns an an-moch, mu'n d' thàinig esan a theich, agus dh'fhosgail i mo bheul, gus an d' thàinig e thugam anns a' mhaduinn; agus dh'fhosgladh mo bheul, agus cha robh mi ni bu mhò balbh.

23 An sin thàinig focal an Tighearn a m' ionnsuidh, ag ràdh,

24 A mhic an duine, tha iadsan a ta 'g àiteachadh nan ionada fàsa sin do fhearann Israeil a' labhairt, ag ràdh, Bha Abraham 'na aonar, agus shealbhaich e am fearann: ach tha sinne lionmhor, thugadh am fearann dhuinn mar sheibh.

25 Air an aobhar sin abair riu, Mar so tha an Tighearna Dia ag ràdh, Tha sibh ag itheadh maille ris an fhuil, agus a' togail 'ur sùl suas ri 'ur n-ìodholaibh, agus a' dòrtadh fola; agus an sealbhaich sibh am fearann?

26 Tha sibh a' seasamh air 'ur claidheamh, tha sibh a' deanamh gràineileachd, agus a' truailleadh, gach aon *agaibh*, mnà a choimhearsnaich; agus an sealbhaich sibh am fearann?

27 Abair thusa riu mar so, Mar so tha an Tighearna Dia ag ràdh, Mar is beò mise, gu deimhin tuitidh iadsan a ta anns na h-ionadaibh fàsa leis a' chlaideamh; agus esan a ta sa' mhachair sgaoilte, bheir mise do na beathaichibh r'a itheadh; agus bàsaichidh iadsan a bhios anns na daingnichibh agus auns na h-uamhaibh leis a' phlàigh.

28 Oir fàgaidh mise am fearann ro fhàsil, agus sguiridh mòrachd a threise: agus bithidh sléibhteann Israeil fàs, air chor as nach téid aon neach trompa¹.

29 An sin aithnichidh iad gur mise an Tighearn, 'nuair a ni mi am fearann ro fhàsail, air son an uile ghràineileachdan a chuir iad an gnìomh.

30 Agus thusa, a mhic an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighean, agus a' labhairt aon r'a chéile, gach aon r'a bhràthair, ag ràdh, Thigibh, guidheam oirbh, agus éisdibh ciod am focal a ta teachd a mach o'n Tighearn.

31 Agus tha iad a' teachd a d' ionnsuidh mar chruinneachadh sluaigh, agus tha iad a' suidhe ann ad làthair mar mo phobull-sa, agus tha iad ag éisdeachd do bhriathran, ach cha'n 'eil iad 'gan deanamh: oir tha iad a' taisbeanadh mòran gràidh le 'm beul, ach tha an cridhe a' dol an déigh an sainnt.

32 Agus, feuch, tha thusa dhoibh mar òran ro thaitneach duine aig am bheil

guth binn, agus a chluicheas gu maith air inneal ciùil: oir tha iad ag éisdeachd do bhriathran, ach cha'n 'eil iad 'gan deanamh.

33 Agus 'nuair a thig so gu crìch, (feuch tha e teachd,) an sin aithnichidh iad gu'n robh fàidh 'nam measg.

CAIB. XXXIV.

1 *Achmhasan do aodhairibh Israeil. 7 Breitheanas Dhé 'nan aghaidh: 11 A fhracasdal mu thimchioll a shluaigh. 20 Beannachdan rìoghachd Chrìosd.*

A Gus thàinig focal an Tighearn a m' ionnsuidh, ag ràdh,

2 A mhic an duine, dean fàistneachd an aghaidh aodhairean Israeil, dean fàistneachd, agus abair riu, O aodhairean, mar so tha an Tighearna Dia ag ràdh, Mo thruaighe aodhairean Israeil, a ta 'g am beathachadh féin; nach bu chòir do na h-aodhairibh an treud a bheathachadh.

3 Tha sibh ag itheadh na saill, agus 'g ur n-éideadh féin leis an olaime, tha sibh a marbhadh nan ainmhidhean biadhita: cha'n 'eil sibh a' beathachadh an treud.

4 Cha do neartaich sibh an lag, ni mò leigliis sibh an tinn, ni mò cheangail sibh suas e sin a bha briste, ni mò thug sibh air ais a' chuid a sgapadh, ni mò dh'iarr sibh a' chuid a chailleadh; ach le h-ainneart riaghlach sibh iad, agus le h-anoichd.

5 Agus sgapadh iad le dìth aodhairean: agus bha iad 'nam biadh do uile bheathaichibh na macharach, an uair a bha iad air an sgapadh.

6 Chaidh mo chaoraich-sa air seacharan air feadh nan uile bheann, agus air gach sliabh àrd: seadh, bha mo threud air a sgapadh air aghaidh na talmhainn uile, agus cha robh aon neach 'g an sìreadh no 'g an iarraidh.

7 Uime sin, O aodhairean, éisdibh-se focal an Tighearna;

8 Mar is beò mise, tha an Tighearna Dia ag ràdh, gu deimhin a chionn gu'n robh mo threud 'nan creich, agus gu'n d' rinneadh mo threud 'nam biadh do uile bheathaichibh na macharach, a chionn nach robh aodhaire sam bith ann, ni mò dh'iarr m' aodhairean mo threud, ach bheathaich na h-aodhairean iad féin, agus cha do bhiath iad mo threud-sa:

9 Uime sin, O aodhairean éisdibh focal an Tighearna.

10 Mar so tha an Tighearna Dia ag ràdh, Feuch, tha mise an aghaidh nan aodhairean, agus iarraidh mi mo threud air an làmh, agus bheir mi orra sguir do bhiathadh an treud; ni mò bheathaicheas na h-aodhairean iad féin tuilleadh; oir saoraidh mise mo threud as am beul, a chum nach bi iad dhoibh 'nam biadh.

11 Oir mar so tha an Tighearna Dia ag

ràdh, Feuch, lorgaichidh mise, mise féin, mo chaoraich, agus iarraidh mi mach iad.

12 Amhuil a lorgaicheas aodhaire mach a threud, anns an là bhios e measg a chaorach a chaidh a sgapadh; mar sin iarraidh mise mo chaoraich féin, agus saoraidh mi iad as na h-uile àite gus an robh iad air an sgànradh, anns an là neulach agus dhorchà.

13 Agus bheir mi mach iad o mheasg nan cinneach, agus cruinnichidh mi iad o na dùtlìchannaibh, agus bheir mi iad gu'm fearann féin, agus ionaltraidh mi iad air sléibhtibh Israeil, an cois nan aimhnichean, agus ann an uile ionadaibh àitichte na tìre.

14 Ionaltraidh mi iad ann an innis mhaith, agus bithidh am buaile air sléibhtibh àrda Israeil: an sin luidhidh iad ann an cluain mhaith, agus ionaltraidh iad ann an innis reamhair air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearna Dia.

16 Iarraidh mi a' chuid a chailleadh, agus bheir mi air ais a' chuid a dh'fhuad- aicheadh air falbh, agus ceanglaidh mi suas a' chuid a bhriseadh, agus neartaichidh mi a' chuid a bha tinn: ach sgrìosaidh mi an reamhar agus an làidir; beathaichidh mi iad sin le breitheanas.

17 Agus air 'ur son-sa, O mo threud; mar so tha an Tighearna Dia ag ràdh, Feuch, bheir mise breth eadar spréidh agus spréidh, eadar na reitheachan agus na gabhair fhìrionn.

18 An nì suarach leibhse an innis mhaith itheadh suas, ach gu'n saltair sibh fòs a' chuid eile do'n ionaltraidh sìos fuidh 'ur cosaibh? agus òl do na h-uisgeachan domhain, ach gur éigin duibh a' chuid eile a shalachadh le 'ur cosaibh.

19 Agus air son mo threud-sa, tha iad ag itheadh an nì sin a shaltair sibh fuidh 'ur cosaibh, agus ag òl an nì sin a rinn 'ur cosan a thruailleadh.

20 Air an aobhar sin, mar so tha an Tighearna Dia ag ràdh riu, Feuch, bheir mise, mise féin, breth eadar an spréidh reamhar agus an spréidh chaol.

21 A chionn gu'n do thug sibh le taobh agus le slinnein, agus gu'n d'rinn sibh an t-euslan uile a phurradh le 'ur n-adharc- aibh, gus an do sgaimir¹ sibh iad o chéile:

22 Uime sin tèarnaidh mise mo threud, agus cha bhi iad nìs mò 'nan creich; agus bheir mi breth eadar spréidh agus spréidh.

23 Agus cuiridh mi suas aodhaire os an ceann, agus beathaichidh esan iad, eadhon mo sheirbhiseach Daibhidh;

beathaichidh esan iad, agus bithidh e dhoibh 'na aodhaire.

24 Agus bithidh mise Iehobhah ann am Dhia dhoibh, agus mo sheirbhiseach Daibhidh 'na phrionnsa 'nam measg; labhair mise Iehobhah e.

25 Agus nì mise coimheangal sìthe riu, agus cuiridh mi cosgadh air na droch bheathaichibh anns an fhearann; agus gabhaidh iad còmhnuidh gu tèaruinte san fhàsach agus coidlidh iad anns na coillt- ibh.

26 Agus nì mi iadsan, agus nah-ionadan timchioll mo shléibh 'nam beannachadh; agus bheir mi air an fhras teachd a nuas 'na h-àm: bithidh frasan do bheannachd- aibh ann.

27 Agus bheir craobh na macharach seachad a toradh, agus bheir an talamh seachad a chinneas, agus bithidh iad tèar- uinte 'nan dùthaich, agus aithnichidh iad gur mise an Tighearn, 'uair a bhriseas mi cuibhrìcean an cuinge, agus a shaoras mi iad à làimh na muinntir a ghabh seirbhis diubh.

28 Agus cha bhi iad nìs mò 'nan cobh- artaich do na cinnich, nì mò nì beathaich- ean an fhearainn an slugadh suas: ach gabhaidh iad còmhnuidh gu tèaruinte, agus cha chuir aon neach eagal orra.

29 Agus togaidh mi suas doibh meang- an² cliùiteach, agus cha bhi iad air an claidh nìs mò le gort anns an fhearann, nì mò ghiùlaineas iad masladh nan cinn- each nìs faide.

30 Mar so aithnichidh iad gu bheil mise an Tighearna Dia maille riu, agus gur iadsan, tigh Israeil, mo shluagh, deir an Tighearna Dia.

31 Agus sibhse, mo threud, treud m' ionaltraidh, is daoine sibh, agus is mise bhuir Dia, deir an Tighearna Dia.

CAIB. XXXV.

1 Nìthear breitheanas air sliabh Sheir, 4 agus cuirear a bhailean fàs do bhrìgh gu'n do dhòirt e fuil cloinne Israeil.

OS bàrr, thàinig focal an Tighearn a m' ionnsuidh, ag ràdh,

2 A mhic an duine, cuir d'aghaidh ri sliabh Sheir, agus dean fàisteachd 'na aghaidh,

3 Agus abair ris, Mar so tha an Tighearna Dia ag ràdh, Feuch, O shléibh Sheir, tha mise a'd' aghaidh, agus sinidh mi mò làmh a mach a'd' aghaidh, agus nì mi sgrios agus léir-sgrios ort.

4 Nì mi do bhailean 'nam fàsach, agus bithidh tu a'd' nochd-làraich, agus bithidh fios agad gur mise an Tighearn.

5 A chionn gu'n robh fuath bith-bhuan agad, agus gu'n do dhòirt thu fuil cloinne Israeil le neart a' chlàidheimh, ann an àm

an airc, anns an àm an robh deireadh aig an aingidheachd.

6 Air an aobhar sin, mar is beò mise, tha an Tighearna Dia ag ràdh, ulluichidh¹ mi thusa air son fola, agus ni fuil do dhian-ruagadh: a chionn nach d' fhuath-aich thu fuil, ni fuil do dhian-ruagadh.

7 Mar so ni mi léir-sgrìos air sliabh Sheir, agus gearraidh mi uaithe an ti thèid a mach agus an ti a philleas air ais.

8 Agus lìonaidh mi a shléibhteann le 'dhaoine marbh: air do chnocaibh, agus ann ad ghleanntaibh, agus ann ad uile aithnichteann tuitidh iadsan a mharbhar leis a' chlàidheamh.

9 Ni mise fàsaichean sìorruidh dhìot, agus cha togar a ris do bhaileann; agus aithnichidh sibh gur mise an Tighearna;

10 A chionn gu'n d' thubhairt thu, Bithidh an dà chinneach so, agus an dà dhùthaich so agam-sa, agus sealbhaichidh sinn iad: ged bha an Tighearna an sin:

11 Uime sin, mar is beò mise, tha an Tighearna Dia ag ràdh, ni mi eadhon a réir d'fheirge, agus a réir d'fharmaid a nochd thu, le d'fhuath 'nan aghaidh; agus ni mi mi féin aithnichte 'nam measg, an uair a bheir mi breth ortsa.

12 Agus aithnichidh tusa gur mi an Tighearna, agus gu'n cuala mi t' uile thoibheum an aghaidh shléibhteann Israeil, ag ràdh, Dh'fhagadh fàs iad, agus thugadh iad dhuinne g' an slugadh.

13 Mar so le 'ur beul rinn sibh uail ann am aghaidh-sa, agus mheudaich sibh 'ur briathran ann am aghaidh; chuala mise.

14 Mar so tha an Tighearna Dia ag ràdh, An uair a ni an talamh uile gairdeachas, ni mise fàs thusa.

15 Mar a rinn thusa gairdeachas os ceann oighreachd tighe Israeil, a chionn gu'n robh i fàs, mar sin ni mise riutsa: bithidh tu fàs, O shléibh Sheir, agus Idumea uile, an t-iomlan deth: agus aithnichidh iad gur mise an Tighearna.

CAIB. XXXVI.

1 Sgrìosar fuigheall nan cinneach a chionn gu'n d' rinn iad gairdeachas thar léir-sgrìos Iudea, 7 agus àraichear sléibhteann Israeil. 20 Thilg Dia sluagh Israeil uaithe air son am peacanna, ach cruinnichidh e iad a ris le mòr-thròcair.

MAR an ceudna, a mhic an duine, dean fàistneachd do shléibhtibh Israeil, agus abair, A shléibhte Israeil, chuinneibh focal an Tighearna.

2 Mar so tha an Tighearna Dia ag ràdh, A chionn gu'n d' thubhairt an nàmhaid 'nur n-aghaidh, Aha, is leinne fòs na seann ionada àrda mar sheilbh:

3 Uime sin, dean fàistneachd agus abair, Mar so tha an Tighearna Dia ag ràdh, A chionn gu'n d' rinn iad fàs sibh, agus gu'n

do shluig iad suas sibh air gach taobh, gu bhi 'nur seilbh do fhuigheall nan cinneach, agus gu bheil sibh air 'ur gabhail ann am beul luchd seanachais, agus 'nur mi-chlù am measg dhaoine:

4 Air an aobhar sin, a shléibhte Israeil, éisdibh focal an Tighearna, Mar so tha an Tighearna Dia ag ràdh ris na sléibhtibh agus ris na cnocaibh, ris na sruthaibh, agus ris na gleanntaibh, ris na fàsaichibh uaigneach, agus ris na bailtibh a thréigeadh, a dh'fhàs 'nan còbharthaich agus 'nam ball-fanaid do fhuigheall nan cinneach mu'n cuairt:

5 Air an aobhar sin mar so tha an Tighearna Dia ag ràdh, Gu deimhin ann an teine m'eud labhair mi 'n aghaidh fuighill nan cinneach, agus an gleannta Idumea uile, a ghabh mo dhùthaich-sa gu bhi 'na seilbh dhoibh, le gairdeachas an uile chridhe, le inntinn aingidh¹, g'a toirt thairis mar chreich.

6 Dean fàistneachd uime sin mu thimchioll fearainn Israeil, agus abair ris na sléibhtibh agus ris na cnocaibh, ris na sruthaibh agus ris na gleanntaibh, Mar so tha an Tighearna Dia ag ràdh, Feuch, labhair mise ann am eud agus ann am chorroich, a chionn gu'n do ghiùlain sibh tàmailte nan cinneach.

7 Air an aobhar sin, mar so tha an Tighearna Dia ag ràdh, Thog mise suas mo làmh; Gu deimhin na cinnich mu'n cuairt duibh giùlainidh iad féin am mas-ladh.

8 Ach sibhse, O shléibhte Israeil, cuiridh sibh a mach 'ur geugan, agus bheir sibh 'ur toradh do m' shluagh-sa Israel, oir tha iad am fagus a chum teachd.

9 Oir feuch, tha mise leibh, agus pillidh mi ruibh, agus bithidh sibh air 'ur treabh-adh agus air 'ur cur.

10 Agus ni mi daoine lìonmhor oirbh, uile thigh Israeil gu h-iomlan; agus bithidh na bailtean air an àiteachadh, agus bithidh na h-ionadan fàs air an togail.

11 Agus ni mi lìonmhor oirbh duine agus ainmhidh, agus fàsaidh iad lìonmhor, agus bheir iad toradh; agus suidhichidh mi sibh mar a bha sibh o shean, agus ni mi ruibh ni's fearn na ann 'ur toiseach; agus aithnichidh sibh gur mise an Tighearna.

12 Seadh, bheir mi air daoine coiseachd oirbh, eadhon mo phobull Israel, agus sealbhaichidh iadsan thu, agus bithidh tu dhoibh a'd' oighreachd, agus cha dean thu iad ni's mò uireasbluidheach.

13 Mar so tha an Tighearna Dia ag ràdh, A chionn gu'n abair iad riut, Thusa a shluig suas daoine, agus a dh'fhàg gun sliochd do chinnich:

14 Uime sin cha sluig thu daoine ni's

¹ ulmhaichidh.

tharcuisich.

mò, agus cha'n fhàg thu do chinnich nì's mò gun sliochd, deir an Tighearna Dia.

15 Nì mò dh'fhuilingeas mise gu'n cluinnear tàmailte nan cinneach annad tuilleadh, nì mò ghiùlaineas tu masladh an t-sluaigh nì's faide, nì mò bheir thu air do chinnich tuiteam tuilleadh, deir an Tighearna Dia.

16 Os bàrr, thàinig focal an Tighearn a m' ionnsuidh, ag ràdh,

17 A mhic an duine, 'nuair bha tigh Israeil a chòmhnuidh 'nan dùthaich féin, thruaill iad i le an slighe féin, agus le an deanadas: bha an slighe ann am làthair-sa mar neò-ghloine mnà a cluireadh air leth.

18 Air an aobhar sin dhòirt mi orra mo chorruich, air son na fola a dhòirt iad air an fhearann, agus air son an iodhola leis an d'rinn iad a thruaillleadh:

19 Agus sgap mi iad am measg nan cinneach, agus bha iad air an sgaoileadh air feadh nan dùthchannan. A réir an slighe, agus a réir an deanadais thug mise breth orra.

20 Agus 'nuair chaidh iad a steach a chum nan cinneach gus an deachaidh iad, thruaill iad sin m' ainm naomh-sa 'nuair a thubhairt iad riu, Is iad so sluagh an Tighearna, gidheadh chaidh iad a mach as 'fhearann.

21 Ach ghabh mise truas diubh air son m' ainme naomh féin, a thruaill tigh Israeil am measg nan cinneach gus an deachaidh iad.

22 Air an aobhar sin, abair ri tigh Israeil, Mar so tha an Tighearna Dia ag ràdh, Cha'n 'eil mi deanamh so air 'ur son-sa, O thigh Israeil, ach air son m' ainme naomh féin, a thruaill sibhse am measg nan cinneach gus an deachaidh sibh.

23 Ach naomhaichidh mi m' ainm mòr féin, a bha air a thruaillleadh am measg nan cinneach, a thruaill sibhse 'nam meadhon; agus aithnichidh na cinnich gur mise an Tighearn, tha an Tighearna Dia ag ràdh, 'nuair a bhios mi air mo naomhachadh annaibh-sa fa chomhair an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùthchannaibh, agus bheir mi sibh gu 'ur fearann féin:

25 An sin crathaidh mi uisge glan oirbh, agus bithidh sibh glan: o 'ur n-uile shalchar, agus o 'ur n'uile iodholaibh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhiubh; agus buinidh mi air falbh an cridhe cloiche as 'ur feoil, agus bheir mi dhuibh cridhe feola.

27 Agus cuiridh mi mo spiorad an taobh

a stigh dhiubh, agus bheir mi oirbh gluasad ann am reachdaibh, agus coimhidh sibh mo bhreitheanaibh, agus nì sibh iad.

28 Agus gabhaidh sibh còmhnuidh anns an fhearann a thug mise do 'ur n-aithrichibh, agus bithidh sibh 'nur sluagh dhomh-sa, agus bithidh mise ann am Dhia dhuibh-se.

29 Saoraidh mi sibh fòs o 'ur n-uile shalcharaibh; agus gairmidh mi air an arbhar, agus meudaichidh mi e, agus cha chuir mi gort air bith oirbh.

30 Agus meudaichidh mi meas na craoibhe, agus cinneas na macharach, air chor as nach faigh sibh nì's mò masladh gorta measg nan cinneach.

31 An sin cuimhnichidh sibh 'ur droch shlighe féin, agus 'ur deanadais nach robh maith, agus fuathaichidh sibh sibh féin ann 'ur sealladh féin, air son 'ur n-euceartan, agus air son 'ur gràineileachdan.

32 Cha'n ann air 'ur son-sa ta mise a' deanamh so, tha an Tighearna Dia ag ràdh, biodh fios agaibh: biodh nàire agus amhluadh oirbh air son 'ur sligheanna féin, O thigh Israeil.

33 Mar so tha an Tighearna Dia ag ràdh, Anns an là san glan mi sibh o 'ur n-uile aingidheachd, bheir mi fòs fa'uear gu'n gabh sibh còmhnuidh anns na caithrichibh, agus bithidh na h-ionadan fàsa air an togail.

34 Agus bithidh am fearann fàs air a threabhadh, an àit e bhi 'na luidhe fàs an sealladh gach aoin a ghabh seachad,

35 Agus their iad, Tha an ùr so a bha, uaigneach, air fàs mar ghàradh Edein; agus na caithrichean falamh, fàs, agus millte, tha iad air an daingneachadh, agus air an àiteachadh.

36 An sin aithnichidh na cinnich a dh'fhàgadh air gach taobh dhiubh gur mise an Tighearn a thogas na h-àitean sgriosta, a shuidhicheas an t-ionad fàsail: mise Iehobhah labhair, agus ni mi.

37 Mar so tha an Tighearna Dia ag ràdh, Bithidh mise fathas air m' iarraidh san nì so le tigh Israeil, a chum a dheanamh air an son; nì mi lionmhor iad le daoine mar threud.

38 Mar an treud naomh, mar threud Ierusalem 'na féillibh àrda: mar sin bithidh na bailtean fàs air an lìonadh le treudaibh dhaoine; agus aithnichidh iad gur mise an Tighearn.

CAIB. XXXVII.

1 Le ais-eirigh nan cnàmhan tiorma nochd Dia do'n fhàidh gu'n ath-bheòthaicheadh e a shluagh le a spiorad. 15 Nithcar Israel agus Iudah nan am sluagh. 21 Na beannaichdan a shruthas d'an ionnsuidh o Chrìosd an rìgh.

BHA làmh an Tighearn orm, agus thug e mach mi ann an spiorad an

Tighearn, agus chuir e sìos mi ann am meadhon a' ghlinne a bha làn do chnàmhan.

2 Agus thug e orm gabhail seachad orra mu'n cuairt, air gach taobh: agus, feuch, bha iad ro lionmhor anns a' mhachair sgaoilte; agus, feuch, bha iad ro thioram.

3 Agus thubhairt e rium, A mhic an duine, am feud na cnàmhan so teachd beò? agus fhreagair mise, O Thighearn Dhia, agad-sa tha fios.

4 An sin thubhairt e rium. A mhic an duine, dean fàistneachd do na cnàmhan so, agus abair riu, O chnàmha tiorma, éisdibh-sa focal an Tighearna.

5 Mar so tha an Tighearn Iehobhah ag ràdh ris na cnàmhan so, Feuch, cuiridh mise anail annaibh, agus bithidh sibh beò.

6 Agus cuiridh mi fèithean oirbh, agus bheir mi air feoil fàs oirbh, agus còmhdaichidh mi sibh le craicionn, agus cuiridh mi anail annaibh; agus bithidh sibh beò, agus aithnichidh sibh gur mi an Tighearn.

7 Mar sin rinn mise fàistneachd mar a dh'àithneadh dhomh: agus am feadh a bha mi ri fàistneachd, bha tòirm ann, agus, feuch, crith-ghluasad, agus thàinig na cnàmha chum a chéile, cnàmha a chum a chnàmha.

8 Agus an uair a dh'amhairc mi, feuch, dh'fhàs fèithean agus feoil orra, agus chòmhdaich an craicionn iad; ach cha robh anail anna.

9 An sin thubhairt e rium, Dean fàistneachd do'n anail, dean fàistneachd, a mhic an duine, agus abair ris an anail, Mar so tha an Tighearn Iehobhah ag ràdh, Thig o na ceithir ghaothaibh, O anail, agus séid air na mairbh so, chum gu'm bi iad beò.

10 Is amhuil a rinn mise fàistneachd mar a dh'àithneadh dhomh, agus thàinig an anail do'n ionnsuidh, agus dh'fhàs iad beò, agus sheas iad air an cosaibh, armailte anbharr mòr.

11 An sin thubhairt e rium, A mhic an duine, is iad na cnàmhan so an t-iomlan do thigh Israeil; feuch tha iad ag ràdh, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean fàistneachd, agus abair rin, Mar so tha an Tighearn Iehobhah ag ràdh, Feuch, O mo shluagh, fosglaidh mise bhuir n-uaighean, agus bheir mi oirbh teachd a nìos as 'ur n-uaighibh, agus bheir mi sibh gu fearann Israeil.

13 Agus aithnichibh sibh gur mise an Tighearn 'nuair a dh'fhosglas mi 'ur n-uaighean, O mo shluagh, agus a bheir mi sibh a nìos as 'ur n-uaighibh,

14 Agus a chuireas mi mo spiorad annaibh, agus a bhitheas sibh beò, agus a

shuidhicheas mi sibh 'nur fearann féin: an sin aithnichidh sibh gur mise Iehobhah a labhair, agus gu'n d'rinn mi, deir an Tighearn.

15 Thàinig focal an Tighearn a m' ionnsuidh a rìs, ag ràdh,

16 A bhàrr air so, a mhic an duine, gabh thusa dhuit féin aon mhaide, agus sgrìobh air, 'Air son Iudah, agus air son cloinne Israeil a chompanaich: an sin gabh maide eile, agus sgrìobh air, Air son Ioseiph, maide Ephraim, agus uile thighe Israeil a chompanaich.

17 Agus ceangail iad aon r'a chéile 'nan aon mhaide; agus fàsaidh iad 'nan aon ann ad làimh.

18 Agus an uair a labhras clann do shluaigh riut, ag ràdh, Nach feuch thu dhuinn ciod is ciall duit leis na nithibh so?

19 Abair riu, Mar so tha an Tighearn Iehobhah ag ràdh, Feuch, gabhaidh mise maide Ioseiph a ta 'n làimh Ephraim, agus fineachan Israeil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad 'nan aon ann ad làimh.

20 Agus bithidh na maidean air an sgrìobh thu ann ad làimh fa chomhair an sul.

21 Agus abair riu, Mar so tha an Tighearn Iehobhah ag ràdh, Feuch, bheir mise clann Israeil o mheasg nan cinneach gu's am bheil iad air imeachd, agus cruinnichidh mi iad air gach taobh, agus bheir mi iad gu'n dùthaich féin.

22 Agus ni mi aon chinneach dhiubh anns an fhearann, air sléibhtibh Israeil, agus bithidh aon rìgh 'na rìgh dhoibh uile: agus cha bhi iad ni's mò 'nan dà chinneach, ni mò bhios iad air an roinn 'nan dà rìoghachd tuilleadh air aon chor.

23 Ni mò thruaill eas iad féin thuilleadh le 'n ìodholaibh, no le'n nithibh fuathach, no le aon air bith do'n euceartaibh: ach saoraidh mise iad o'n uile cheannaircibh anns an robh iad ciontach, agus glanaidh mi iad: mar sin bithidh iadsan 'nan sluagh dhomh-sa, agus bithidh mise ann am Dhia dhoibh-san.

24 Agus bithidh m' òglach Daibhidh 'na rìgh os an ceann: agus bithidh aon bhuachaill ac' uile: ghluaisidh iad fòs ann am reachdaibh, agus bheir iad fa'near m' orduighcan, agus ni siad iad.

25 Agus gabhaidh iad còmhnuidh san fhearann a thug mise do m' òglach Iacob, anns an do ghabh 'ur n-aithrichean còmhnuidh: agus gabhaidh iadsan còmhnuidh ann, iad féin, agus an clann, agus clann an cloinne gu bràth; agus bithidh m' òglach Daibhidh 'na rìgh dhoibh gu sìorruidh.

26 A thuilleadh air so, ni mise coimh-

cheangal sìthe riu; bithidh e 'na choimh-cheangal siorruidh riu, agus suidhichidh mi iad, agus ni mi lionmhor iad, agus cuiridh mi mo naomh-ionad 'nam meadhon gu bràth.

27 Bithidh mo phàillun mar an ceudna maille riu: seadh, bithidh mise dhoibhsan ann am Dhia, agus bithidh iadsan dhomh-sa 'nan sluagh.

28 Agus aithnichidh na cinnich gur mise Iehoblah a naomhaicheas Israel, an uair a bhios mo naomh-ionad 'nam meadhon gu siorruidh.

CAIB. XXXVIII.

Fàistneachd an aghaidh Ghog: 10 a dhroch smuainte sna bliadhnaibh deireannach. 14 Sgrìoar e fèin agus a mhòr-shluagh le breitheanas namhasach.

A GUS thàinig focal an Tighearn a m' ionnsuidh-sa, ag ràdh,

2 A mhic an duine, cuir do ghnùis an aghaidh Ghog, tìr Mhagog, àrd phrionnsa Mhesich agus Thubail, agus dean fàistneachd 'na aghaidh,

3 Agus abair ris, Mar so tha an Tighearna Dia ag ràdh, Feuch, tha mise a' d' aghaidh, O Ghog, àrd phrionnsa Mhesich agus Thubail;

4 Agus pillidh mi air a ais thu, agus cuiridh mi dubhain ann ad ghialaibh, agus bheir mi mach thu fèin, agus d'fheachd uile, eich agus marcaich, iad uile air an éideadh leis gach uile ghnè *armachd*; cuideachd mhòr le tàrgaidibh agus le sgiaithaibh, an t-iomlan diubh ag iomairt claidhean.

5 Persia, Etiopia, agus Libia maille riu; an t-iomlan diubh le sgéith agus ceannbheart:

6 Gomer agus a chuideachdan uile, tigh Thogarmah o na h-àirdibh tuath, agus 'uile bhuidhnean; mòran sluagh maille riut.

7 Bì thusa deas, agus ulluich air do shon fèin, thu fèin agus t' uile chuideachd a ta air an cruinneachadh thugad, agus bì dhoibh a' d' dhìdein.

8 An déigh mhòran làithean thigear do d' amharc: anns na bliadhnaibh deireannach thig thu do'n fhearann a thugadh air ais o'n chladheamh, a chruinnicheadh á mòran chinneach, an aghaidh shléibhlean Israeil, a bha fada fàs: ach thugadh a mach as na cinnich e, agus gabhaidh iadsan uile còmhnuidh ann an tèaruinteachd.

9 Eiridh tu suas, agus thig thu mar dhoiminn, bithidh tu cosmhuil ri neul a dh'fholach an fhearainn, thu fèin agus t' uile bhuidhnean, agus mòran sluagh maille riut.

10 Mar so tha an Tighearna Dia ag ràdh, Tarlaidh anns an là sin gu'n tig

nithe ann ad aire, agus gu'n smuainich thu droch smuainte.

11 Agus their thu, Théid mi suas gu tìr nan bailtean gun bhallachan, thig mi air a' mhuinntir a ta aig fois, a ta gabhail còmhnuidh ann an tèaruinteachd, iad uile gabhail còmhnuidh gun bhallachan, agus gun chroinn no dorsan aca,

12 A ghlacadh creiche, agus a ghlacadh cobhartaich; a thionndadh do làimhe air na h-ionadan fàsa a ta *nis* air an àiteachadh, agus air an t-sluagh a chruinnicheadh a mach as na cinnich, a fhuair seilbh¹ agus maoin, a ta còmhnuidh ann am meadhon na tìre.

13 Their Seba, agus Dedan, agus ceann aichean Tharsuis, agus a chuid bailtean, riut, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus airgid; a thoirt air falbh spréidhe agus maoin; a ghlacadh creiche mòire?

14 Uime sin, a mhic an duine, dean fàistneachd, agus abair ri Gog, Mar so tha an Tighearna Iehoblah ag ràdh, Anns an là san gabh mo shluagh-sa Israeil còmhnuidh gu tèaruinte, nach bì fios agad²?

15 Agus thig thu á d' àite, mach as na h-àirdibh tuath, thu fèin agus mòran sluagh maille riut, iad uile a' marcachd air eachaibh, buidheann mhòr, agus feachd cumhachdach:

16 Agus thig thu nìos an aghaidh mo shluaigh-sa Israeil, mar neul a dli'fholach an fhearainn tarlaidh e sna làithibh deireannach, agus bheir mise thu an aghaidh m' fhearainn, a chum gu'n aithnich na cinnich mi, 'nuair a bhios mi air mo naomhachadh annad-sa, O Ghog, fa chomhair an sùl.

17 Mar so tha an Tighearna Dia ag ràdh, An tusa an ti mu'n do labhair mi o shean le m' sheirbhisich, fàidhean Israeil, a rinn fàistneachd anns na làithibh sin, rè bhliadhnachan, gu'n tugainn-sa thu 'nan aghaidh?

18 Agus tarlaidh anns an àm cheudna, 'nuair a thig Gog an aghaidh fearainn Israeil, tha an Tighearna Dia ag ràdh, gu'n tig mo chorruih-sa nìos ann am eudan.

19 Oir ann am eud, ann an teine mo chorruih, labhair mi: Gu cinnteach anns an là sin bithidh crith mhòr air fearann Israeil:

20 Air chor as gu'n criothnuich ann am làthair-sa iasga na fairge, agus eunlaith an athair, agus beathaichean na macharach, agus na h-uile nithe snàgach a shnàgas air uachdar na talmhainn, agus na h-uile dhaoine a ta air aghaidh na tal-

mhainn; agus tilgear na sléibhtean sìos, agus tuitidh na h-ionadan àrda, agus tuitidh na h-uile balla gu talamh.

21 Agus gairmidh mise air son claidheimh 'na aghaidh air feadh m' uile shléibhtean, tha an Tighearn Iehobhah ag ràdh; bithidh claidhearn gach aoin duine an aghaidh a bhrèathar.

22 Agus tagraidh mi 'na aghaidh le plàigh agus le fuil, agus frasaidd mi air féin, agus air a bhuidhnean, agus air a' mhòr-shluagh a ta maille ris, frasan tuit-each, agus clachan-meallain mòra, teine agus promnusc.

23 Mar so ni mi mòr mi féin, agus naomhaichidh mi mi féin; agus aithnich-ear mi ann an sùilibh mhòran chinneach, agus bithidh fios aca gur mi an Tighearn.

CAIB. XXXIX.

1 *Breitheanas Dhé an aghaidh Ghog.* 8 *Bheir Israel buaidh air a shluagh.* 11 *Adhlacair Gog ann an gleann Hamon-Gog.* 17 *Ithidh coin an athair feoil nan cumhachdach, agus òlaidh iad fuil phrionnsachan na talmhainn air sléibhtibh Israel.* 25 *Bheir air a h-ais bruid Iacob.*

UIME sin, dean thusa, a mhic an duine, fàistneachd an aghaidh Ghog, agus abair, Mar so tha an Tighearna Dia ag ràdh, Feuch, tha mise ann ad aghaidh, O Ghog, àrd-phrionnsa Mheseich agus Thubail:

2 Agus pillidh mi air d' ais thu, agus cha'n fhàg mi ach an sèathadh¹ cuid dhìot, agus bheir mi ort teachd a nìos o na h-àirdibh tuath, agus bheir mi thu gu sléibhtean Israel:

3 Agus buailibh mi do bhogha á do làimh chli, agus bheir mi air do shaighdean tuit-eam á do làimh dheis.

4 Tuitidh tu air sléibhtibh Israel, thu féin agus do bhuidhnean uile, agus an sluagh a ta maille riut: bheir mi thu do'n eunlaith fluileachdach do gach seòrsa, agus do bheathaichibh na talmhainn, a chum bli air do shlugadh suas.

5 Tuitidh tu air a' mhachair sgaoilte: oir labhair mise, deir an Tighearn Iehobhah.

6 Agus cuiridh mi teine air Magog, agus am measg na muinntir a ta chòmhnuidh gu neo-umhaileach anns na h-eileanaibh; agus aithnichidh iad gur mi an Tighearn.

7 Mar so ni mi m' ainm naomh aith-nichte ann am meadhan mo phobuill Israel, agus cha leig mi m' ainm naomh a thruaillleadh nì's mó; agus bithidh fios aig na cinnich gur mi an Tighearn, aon naomh Israel.

8 Feuch thàinig e gu crìch, agus rinn-eadh e, tha an Tighearn Iehobhah ag ràdh: is e so an là mu'n do labhair mise.

9 Agus théid iadsan a ta chòmhnuidh

ann am bailtibh Israel a mach, agus cuiridh iad ri theine, agus loisgidh iad na h-airm, an targaid, agus fòs an sgiath, am bogha, agus na saighdean, agus an gath, agus an t-sleagh, agus loisgidh iad le teine iad seachd bliadhna:

10 Air chor as nach toir iad connadh air bith as a' mhachair, ni mò ghearras iad a' bheag do na coilltibh: oir loisgidh iad na h-airm anns an teine, agus creachaidh iad an dream le 'n do chreachadh iad, agus spùinnidh iad an dream le 'n do spùinneadh iad, deir an Tighearn Iehobhah.

11 Agus tarlaidh air an là sin gu'n toir mise do Ghog an sin àite air son uaignean ann an Israel, gleann an luchd-siubhail air taobh an ear na fairge; agus bacadh e 'n luchd-siubhail: agus an sin adhlacaidh iad Gog, agus a shluagh uile; agus goiridh iad ris, Gleann sluaigh Ghog.

12 Agus bithidh tigh Israel 'gan adhlacadh, a chum am fearann a ghlanadh, seachd mìosan.

13 Seadh, bithidh uile shluagh an fhearainn 'gan adhlacadh, agus bithidh là mo ghloire-sa iomraiteach nam measg, deir an Tighearn Iehobhah.

14 Agus cuiridh iad air leth daoine deanadach, a shiubhlas feadh an fhearainn, a dh'adhlacadh leis an luchd-siubhail na muinntir a ta fathasd air aghaidh na talmhainn, a chum a ghlanadh; an ceann sheachd mìosan bithidh iad 'g an iarraidh.

15 Agus an luchd-siubhail a ta 'g imeachd troimh an fhearann, 'nuair a chi aon neach cnàimh duine, an sin cuiridh e comhara suas làimh ris, agus an adhlacaidh an luchd-adhlacaidh e ann an Gleann Hamon-Gog.

16 Agus fòs bithidh Hamonah mar ainm air a' bhaile: mar so glanaidh iad am fearann.

17 Agus thusa, a mhic an duine, mar so tha an Tighearn Iehobhah ag ràdh, Labhair ris gach cum iteagach, agus ri uile bheathaichibh na macharach, Cruinnichibh sibh féin, agus thigibh; cruinnichibh sibh féin o gach taobh, gu m' iobairt-sa ta mi deanamh air 'ur son, eadhon àr mòr air sléibhtibh Israel, a chum gu'n ith sibh feoil, agus gu'n òl sibh fuil.

18 Ithidh sibh feoil nan cumhachdach, agus òlaidh sibh fuil phrionnsachan na talmhainn, fuil reitheachan, uan, agus ghabhar, agus tharbh; iad uile air am biathadh ann am Basan.

19 Agus ithidh sibh saill gus am bi sibh sàthach, agus òlaidh sibh fuil gus am bi sibh air mhisg, do m' iobairt-sa a mharbh mi air 'ur son.

20 Mar so lìonar sibh air mo bhord-sa le h-eachaibh, agus le carbadaibh, le daoine cumhachdach, agus leis na h-uile fhear-

¹ seiseadh.

aibh-cogaidh, deir an Tighearn Iehobhah.

21 Agus cuiridh mi mo ghlòir am measg nan cinneach, agus chì na cinnich mo bhreitheanas a rinn mi, agus mo làmh a leag mi orra.

22 Mar sin aithnichidh tigh Israeil gur mise an Tighearn an Dia o'n là sin, agus uaithe sin a mach.

23 Agus aithnichidh na cinnich gu'n deachaidh tigh Israeil gu bruid air son an aingidheaclid; a chionn gu'n do pheacaich iad a' m' aghaidh-sa, uime sin dh'fholuich mi mo ghnùis uatha, agus thug mi iad do làimh an naimhdean; mar sin thuit iad uile leis a' chlaidheamh.

24 A réir an ncò-ghloine, agus a réir an cionta rinn mise riu, agus dh'fholuich mi mo ghnùis uatha.

25 Air an aobhar sin, mar so tha an Tighearn Iehobhah ag ràdh, A nis bheir mi air a h-ais bruid Iacoib, agus ni mi tròcair air uile thigh Israeil, agus bithidh mi eudmhor air son m' ainme naoimh;

26 An déigh dhoibh an nàire a ghiulan, agus an uile chionta leis an do chiontaich iad a' m' aghaidh-sa, nuair a ghabhas iad còmhuidh gu tèaruinte 'nan dùthaich féin, agus nach cuir ann neach eagal orra.

27 An uair a bheir mise air an ais iad o na cinnich, agus a chruinnicheas mi iad o dhùthchannaibh an naimhdean, agus a naomhaichear mi anna ann an sealladh mhòran chinneach.

28 An sin aithnichidh iad gur mise Iehobhah an Dia, a thug fa'near iad a bhi air an toirt ann am bruid am measg nan cinneach: ach chruinnich mi iad chum an dùthcha féin, agus cha d'fhàg mi aon duibh ni's mò an sin.

29 Ni mò dh'fholaicheas mi tuilleadh mo ghnùis uatha: oir dhòirt mi mach mo spiorad air tigh Israeil, deir an Tighearn Iehobhah.

CAIB. XL.

1 Taisbean mu thimchioll cumadh na caithreach.

9 Tomhas geatachan an sgàth-thighe. 27 Geatachan na cuirte stigh. 39 Na h-ochd clàir air an do mharbhadh na h-ìobairtean.

ANNS a' chùigeamh bliadhna fichead d' ar bruid, ann an toiseach na bliadhna, air an deicheamh là do'n mhìos, (b' i sin an ceathramh bliadhna deug an déigh do'n bhaile bhi air a bhualadh,) air a' cheart là sin bha làmh an Tighearn orm, agus thug e chum an àite sin mi.

2 Ann an taisbean Dhé thug e mi gu tìr Israeil, agus chuir e mi air sliabh rò àrd, làimh ris an robh amhuil cumadh caithreach thall fa chomhair.

3 Agus thug e 'n sin mi, agus feuch, duine, agus a dhreach mar dhreach umha, le sreing lìn 'ua làimh, agus le slait-thomhais; agus shìcas e anns a' gheata.

4 Agus thubhairt an duine rium, A nhib an duine, faic le d' shùilibh, agus cluinn le d' chluasaibh, agus socruich do chridhe air na h-uile ni a dh'fheuchas mise dhuit; oir is ann a chum gu feuchaim duit iad a thugadh an so thu; foillsich gach ni a chi thu do thigh Israeil.

5 Agus, feuch, bha balla air taobh a mach an tìghe mu'n cuairt, agus ann an làimh an duine bha slat-thomhais sè làmhha-coille air fad, le leud boise ris gach aon làmh-choille: mar sin thomhais e leud a' bhalla, aon slat; agus 'àirde, aon slat.

6 An sin thàinig e gus a' gheata ta'g amharc ris an àird' an ear, agus chaidh e suas air a cheumaibh, agus thomhais e stairsneach a' gheata, aon slat air leud, agus an t-àrd-dhorus cuideachd¹, aon slat air leud.

7 Agus bha gach seòmar beag aon slat air fad, agus aon slat air leud, agus eadar na seòmraichean beaga bha cùig làmhha-coille, agus bha stairsneach a' gheata, aig sgàth-thigh a' gheata an taobh a stigh, aon slat.

8 Thomhais e mar an ceudna sgàth-thigh a' gheata an taobh a stigh, aon slat.

9 An sin thomhais e sgàth-thigh a' gheata, ochd làmhha-coille, agus a phuist, dà làmh-choille; agus bha sgàth-thigh a' gheata an taobh a stigh.

10 Agus bha trì do sheòmraichibh beaga geata na h-àird' an car, air an taobh so, agus trì air an taobh sin; bha iad 'nan trì do aon tomhas, agus bha na puist do aon tomhas, air an taobh so agus air an taobh sin.

11 Agus thomhais e leud dol a steach a' gheata, deich làmhha-coille, agus fad a' gheata trì làmhha-coille deug.

12 B'e an dealachadh fòs fa chomhair nan seòmraichean beaga aon làmh-choille air an taobh so, agus aon làmh-choille an dealachadh air an taobh sin; agus bha na seòmraichean beaga sè làmhha-coille air an taobh so, agus sè làmhha-coille air an taobh sin.

13 Thomhais e 'n sin an geata o mhuillach aoin seòmair bhig gu mullach aoin eile: b'c an leud cùig làmhha-coille fichead, dorus fa chomhair doruis.

14 Thomhais e mar an ceudna puist trì fichead làmh-choille, eadhon gu bhi 'nam puist do'n gheata, air gach taobh do'n chùirt.

15 Agus o aghaidh geata an dol a steach, gu aghaidh sgàth-thighe a' gheata-stigh, bha deich agus dà fhichead làmh-choille.

16 Agus bha uinneagan cumhann ris na seòmraichibh beaga, agus ri 'n aghaidh an taobh a stigh do'n gheata mu'n cuairt, agus mar an ceudna ris na sgàth-thighibh;

¹ an stairsneach eile.

agus bha uinneagan mu'n cuairt air an taobh a stigh: agus air gach post bha croinn-phailme.

17 An sin thug e mi do'n chùirt a stigh, agus, feuch, seòmraichean agus urlar deanta air son na cùirte timchioll air gach taobh: bha deich seòmraichean fichead anns an urlar.

18 Agus an t-urlar ri taobh nan geatachan, thall fa chomhair leud nan geatachan, b'e sin an t-urlar a b' isle.

19 An sin thomhais e 'n leud o aghaidh a' gheata b' isle, gu aghaidh a mach na cùirte a b' fhaide steach, ceud làmh-choille ris an àird' an ear.

20 An sin thug e mi gus an taobh mu thuath, agus thomhais e fad geata na cùirte mach a ta 'g amharc ris an àirde tuath, agus a leud.

21 Agus b' iad a sheòmraichean beaga, tri air an taobh so, agus tri air an taobh sin; agus bha a phuist agus a sgàth-thighean a réir tomhais a' cheud gheata; b'e deich agus dà fhichead làmh-choille 'fhad; agus cùig làmh-choille thar fhichead 'àirde.

22 Agus bha an uinneagan, agus an sgàth-thighean, agus an croinn-phailme a réir tomhais a' gheata ta 'g amharc ris an àirde 'n ear; agus chaidh iad suas d'a ionnsuidh le seachd ceumaibh; agus bha a sgàth-thighean fa'n comhair.

23 Agus bha geata na cùirte stigh fa chomhair a' gheata ta 'g amharc ris an àirde tuath, mar e sin ris an àirde 'n ear; agus thomhais e o gheata gu geata ceud làmh-choille.

24 An dèigh sin thug e mi air slighe na h-àirde deas, agus, feuch, geata ris an àirde deas; agus thomhais e a phuist, agus a sgàth-thighean, a réir nan tomhas ceudna.

25 Agus bha uinneagan ann, agus 'na sgàth-thighibh mu'n cuairt air gach taobh, cosmhuil ris na h-uinneagaibh sin; b'e 'fhad deich agus dà fhichead làmh-choille, agus a leud cùig làmh-choille thar fhichead.

26 Agus bha seachd ceuma gu dol suas thuige, agus bha a sgàth-thighean fa chomhair; agus bha croinn-phailme air, aon air an taobh so, agus aon eile air an taobh sin, air a phuist.

27 Agus bha geata sa' chùirt a stigh ri deas, agus thomhais e o gheata gu geata ri deas, ceud làmh-choille.

28 Agus thug e mi do'n chùirt a stigh troimh a' gheata mu dheas, agus thomhais e an geata mu dheas a réir nan tomhas ceudna.

29 Agus a sheòmraichean beaga, agus a phuist, agus a sgàth-thighean, a réir nan tomhas ceudna; agus bha uinneagan ann, agus 'na sgàth-thighibh air gach

taobh mu'n cuairt: b'e deich agus dà fhichead làmh-choille 'fhad, agus cùig làmh-choille thar fhichead a leud.

30 Agus bha na sgàth-thighean air gach taobh mu'n cuairt, cùig làmh-choille thar fhichead air fad, agus cùig làmh-choille air leud.

31 Agus bha a sgàth-thighean ris a' chùirt a mach, agus croinn-phailme air a phuist: agus bha ochd ceuma 'na dhol suas.

32 Agus thug e mi gus a' chùirt a stigh leth ris an àirde 'n ear, agus thomhais e an geata a réir an tomlais so.

33 Agus bha a sheòmraichean beaga, agus a phuist, agus a sgàth-thighean a réir nan tomhas so; agus bha uinneagan ann, agus 'na sgàth-thighibh air gach taobh mu'n cuairt; deich agus dà fhichead làmh-choille 'fhad, agus cùig làmh-choille thar fhichead a leud.

34 Agus bha a sgàth-thighean ris a' chùirt a mach, agus croinn-phailme air a phuist air an taobh so, agus air an taobh sin; agus bha ochd ceuma 'na dhol suas.

35 Agus thug e mi gus a' gheata tuath, agus thomhais e a réir nan tomhas so:

36 A sheòmraichean beaga, a phuist, agus a sgàth-thighean, agus 'uinneagan air gach taobh mu'n cuairt: deich agus dà fhichead làmh-choille 'fhad, agus cùig làmh-choille thar fhichead a leud.

37 Agus bha a phuist ris a' chùirt a mach, agus croinn-phailme air a phuist¹ air an taobh so, agus air an taobh sin, agus 'na dhol suas bha ochd ceuma.

38 Agus bha na seòmraichean agus an dol a steach làmh ri puist nan geatacha, far an do nigh iad na tabhartais-loisgte.

39 Agus ann an sgàth-thigh a' gheata bha dà chlàir air an taobh so, agus dà chlàir air an taobh sin, a chum an iobairt-loisgte, agus an iobairt-pheacaidh, agus an iobairt-eusaontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàir; agus air an taobh eile, aig sgàth-thigh a gheata bha dà chlàir.

41 Bha ceithir clàir air an taobh so, agus ceithir clàir air an taobh sin, ri taobh a gheata; ochd clàir, air an do mharbh iad an iobairtean.

42 Agus bha na ceithir clàir do chloich shnaighte air son na h-iobairt-loisgte, làmh-choille gu leth air fad, agus làmh-choille gu leth air leud, agus aon làmh-choille air àirde; air an do leag iad mar an ceudna an acfuinn leis an do mharbh iad an tabhartais-loisgte agus an iobairt.

43 Agus bha dubhain² iaruin do leud boise an taobh a stigh, air an daingneachadh mu'n cuairt air gach taobh; agus air na clàraibh bha feoil na h-iobairt.

¹ phostai bh.

² cromagan.

44 Agus thug e mi chum a' gheata stigh; agus, feuch, an sin bha dà sheòmar anns a' chùirt a stigh; aon air taobh tuath a' gheata, ag amharc ris an àirde deas, agus an t-aon eile air taobh deas a' gheata, ag amharc ris an àirde tuath.

45 Agus thubhairt e rium, Tha an seòmar so ta'g amharc ri deas, air son nan sagart a tha frithealadh air coimhead an tighe.

46 Agus tha an seòmar a ta'g amharc ri tuath air son nan sagart a tha frithealadh air coimhead na h-altarach: is iad so mic Shadoic am measg mhac Lebhi, a ta teachd dlùth do'n Tighearn chum frithealadh dha.

47 Mar sin thomhais e a' chùirt, ceud làmh-choille air fad, agus ceud làmh-choille air leud, ceithir-chearnach; agus an altair ri aghaidh an teampuill.

48 Agus thug e mi gu sgàth-thigh an teampuill, agus thomhais e gach post do'n sgàth-thigh, cùig làmhha-coille air an taobh so, agus cùig làmhha-coille air an taobh sin; agus b' e leud a' gheata trì làmhha-coille air an taobh so, agus trì làmhha-coille air an taobh sin.

49 B' e fad an sgàth-thighe fichead làmh-choille, agus a leud aon làmh-choille deug, agus anns an dol suas d'a ionnsuidh *bha deich ceuma*: agus bha pruiop aig na puist, aon air an taobh so, agus aon air an taobh sin.

CAIB. XLI.

1 *Tomhas, 6 seòmraichean, 18 cerubim, 23 agus dorsan an teampuill.*

NA dhéigh sin thug e mi do'n teampull, agus thomhais e na puist, sè làmhha-coille air leud air an aon taobh, agus sè làmhha-coille air leud air an taobh eile, b' e so leud gach puist.

2 Agus b' e leud an doruis deich làmhha-coille; agus bha ursannan an doruis cùig làmhha-coille air an aon taobh, agus cùig làmhha-coille air an taobh eile: agus thomhais e 'fhad, dà fhichead làmh-choille, agus a leud fichead làmh-choille.

3 An sin chaidh e gus an taobh a stigh, agus thomhais e post an doruis dà làmh-choille, agus an dorus féin sè làmhha-coille air leud, agus air gach taobh do'n dorus seachd làmhha-coille.

4 Mar sin thomhais e 'fhad fichead làmh-choille, agus an leud fichead làmh-choille, fa chomhair aghaidh an teampuill; agus thubhairt e rium, Is e so an t-ionad ro naomh.

5 'Na dhéigh sin thomhais e balla an teampuill sè làmhha-coille; agus leud gach seòmair-thaobh ceithir làmhha-coille, timchioll an teampuill air gach taobh.

6 Agus bha na seòmraichean-taobh aon

an déigh aoin, trì deug thar fhichead an àireamh, agus bhuineadh iad do'n bhalla sin a bha mu'n cuairt air an teampull air cùl nan seòmraichean-taobh, bha greim aca dheth, ach cha robh greim aca ann am balla an teampuill.

7 Agus bha farsuinneachd agus sìor dhol mu'n cuairt an àird chum nan seòmraichean-taobh, oir chaidh cuairteachadh an tighe do ghnàth suas mu thimchioll an tighe: agus mar sin bha leud an tighe shuas, agus air an dòigh sin bha e dol am meud o'n t-seòmair iochdarach gus an aon a b' àirde aig a' mheadhon.

8 Chunnaic mi fòs mu'n cuairt air an tigh, o iochdar stéidh nan seòmraichean-taobh, gu'm b' e àirde gach aoin diubh slat iomlan shè làmhha-coille mòra.

9 B' e leud a' bhalla, a bha eadar na seòmair-thaobh a mach cùig làmhha-coille; b' e sin fhad as a bha eadar na seòmraichean-taobh a bha ri taobh an tighe.

10 Agus eadar na seòmraichean *eile* bha fichead làmh-choille air gach taobh, mu'n cuairt do'n tigh.

11 Agus bha dorsan nan seòmraichean-taobh ris an ionad a dh'fhàgadh, aon dorus ris an àirde tuath, agus dorus eile ris an àirde deas; agus b' e leud an ionaid a dh'fhàgadh cùig làmhha-coille air gach taobh mu'n cuairt.

12 A nis bha an aitreabh a bha fa chomhair an àite air leth, ris an àird an iar, deich agus trì fichead làmh-choille air leud; agus bha balla na h-aitreibh cùig làmhha-coille air tìghead gach taobh mu'n cuairt; agus b' e 'fhad deich agus ceithir fichead làmh-choille.

13 Mar sin thomhais e an tigh ceud làmh-choille air fad, agus an t-àit air leth, agus an aitreabh le a ballachaibh, ceud làmh-choille air fad.

14 Mar an ceudna leud aghaidh an tighe, agus an ionaid air leth ris an àird an ear, ceud làmh-choille.

15 Agus thomhais e fad na h-aitreibh fa chomhair an àit air leth, agus a bha air a chùlaobh, agus a sheòmraichean air an taobh so agus air an taobh eile, ceud làmh-choille, maille ris an teampull a stigh, agus ri sgàth-thighibh na cùirte.

16 Bha puist an doruis agus na h-uinneagan cumhann, agus na seòmraichean mu'n cuairt air an trì urlair, thall fa chomhair an doruis, foluichte le fiodh timchioll mu'n cuairt, agus o'n làr suas gu ruig na h-uinneagan agus bha na h-uinneagan air an còmhachadh.

17 Ach os ceann an doruis, agus anns an teampull a mach, gu e sin a b' fhaide steach, agus air a' bhalla uile mu'n cuairt do'n teampull a stigh agus a muigh.

18 Bha cerubim air an deanamh, agus croinn-phailme, air chor as gu'n robh

crann-pailine eadar cerub agus cerub ; agus aig gach cerub bha dà aghaidh :

19 Air chor as gu'n robh aghaidh duine ris a' chrann-phailme air an aon taobh, agus aghaidh leòmhain òig ris a' chrann-phailme air an taobh eile ; bha so deanta feadh an tighe uile mu'n cuairt.

20 O'n làr gus os ceann an doruis bha cerubim air an deanamh, agus croinn-phailme, agus air balla an teampuill.

21 Bha puist an teampuill ceithir-chearnach, agus aghaidh an ionaid naomh air a' chumachd cheudna.

22 Bha an altair do fhiodh trì làmh-choille air àirde, agus dà làmh-choille air fad ; air a deanamh cearnach le oisnibh agus clàraibh fiodha : agus thubhairt e rium, So am bord a ta fa chomhair an Tighearn.

23 Agus bha dà dhorus aig an teampull agus aig an ionad naomh.

24 Agus bha dà dhuilleig aig gach dorus, dà dhuilleig a' tionndadh ; dà dhuilleig air son an aoin doruis, agus dà dhuilleig air son an doruis eile.

25 Agus bha cerubim agus croinn-phailme deanta orra, air dorsaibh an teampull, mar a bha deanta air na ballachan, agus bha déileachan tiugha air aghaidh an sgàth-thighe a mach.

26 Agus bha uinneagan cumhann agus croinn-phailme air an aon taobh agus air an taobh eile, air taobhan an sgàth-thighe, agus air seòmraichean-taobh an tighe, agus air na déileachan tiugha.

CAIB. XLII.

1 Seòmraichean nan sagart. 13 Naomhaichear iad do'n Tighearn. 15 Tomhas na cùirte mach.

AN sin thug e mach mi gus a' chùirt a mach, air slighe na h-àirde tuath, agus thug e mi do'n t-seòmar a bha os ceann an ionaid air leth, agus a bha fa chomhair na h-aitreibh ris an àirde tuath.

2 Fa chomhair fad cheud làmh-choille bha an dorus tuath ; agus b' e an leud leth-cheud làmh-choille.

3 Fa chomhair dhorsan na cùirte steach, agus fa chomhair an urlair a bha air son na cùirte mach, bha seòmar air aghaidh seòmair air trì urlair.

4 Agus fa chomhair nan seòmraichean bha àite spaisdearachd deich làmh-choille air leud a stigh, agus ceud làmh-choille air fad ; agus bha na dorsan ri tuath.

5 Agus bha na seòmraichean uachdarach cumhann : oir aca so chrìochnaich na seòmraiche beaga, a dh' éirich gus a' cheud agus an dara urlar do'n aitreibh.

6 Oir bha iad 'nan trì urlair, ach cha robh prùip aca mar phrùip nan cùirtean : uime sin bha an tigh ni bu chumhainne na chuid a b' iochdaraiche agus bu

mheadhonaiche o'n làr.

7 Agus bha am balla bha mach fa chomhair nan seòmraichean, leth ris a' chùirt a b' fhaide mach air beulaobh nan seòmraichean, leth-cheud làmh-choille air fad.

8 Oir b' e fad nan seòmraichean a bha sa' chùirt a mach leth-cheud làmh-choille : agus, feuch, fa chomhair an teampuill bha ceud làmh-choille.

9 Agus fo na seòmraichean so bha 'n dol a steach air an taobh an ear, mar théid aon a steach annta o'n chùirt a muigh.

10 Bha na seòmraichean ann an tiugh ead balla na cùirte ris an àird an ear, thall fa chomhair an ionaid air leth, agus thall fa chomhair an tighe.

11 Agus bha an t-àite spaisdearachd aig an aghaidh cosmhuil ris sin a bha aig seòmraichean na h-àirde tuath ; ionnan ann am fad, agus ionnan ann an leud ; agus bha an uile dhol a mach araon air an aon dreach, agus fòs an dorsan.

12 Agus a réir dorsa uan seòmraichean a bha ris an àirde deas, bha dorus ann an ceann na slighe, na slighe dìreach fa chomhair a' bhalla, ris an àird an ear, mar a théid aon a steach orra.

13 An sin thubhairt e rium, Na seòmraichean mu thuath, agus na seòmraichean mu dheas, a ta fa chomhair an ionaid air leth, is seòmraichean naomha iad, far an ith na sagairt a thig dlùth do'n Tigh-earn na nithe a's ro naomha : an sin cuiridh iad na nithe a's ro naomha, agus an tabhartas-bidh, agus an tabhartas-peacaidh, agus an tabhartas-eusaontais ; oir tha an t-ionad naomh.

14 'Nuair a théid na sagairt a steach ann, an sin cha téid iad a mach as an ionad naomh gus a' chùirt a mach, ach an sin cuiridh iad an eudaichean, far am bheil iad a' frithealadh ; oir tha iad naomha : agus cuiridh iad orra eudaichean eile, agus thig iad dlùth do na nithibh sin a ta air son a' phobuill.

15 A nis 'nuair a chuir e crìoch air tomhas an tighe stigh, thug e mach mi chum a' gheata, ta 'g amharc ris an àird an ear, agus thomhas e mu'n cuairt e.

16 Thomhais e an taobh an ear leis an t-slaith-thomhais, cùig agus ceud slat leis an t-slaith-thomhais timchioll mu'n cuairt.

17 Thomhais e an taobh mu thuath, cùig agus ceud slat, leis an t-slaith-thomhais timchioll mu'n cuairt.

18 Thomhais e an taobh-deas, cùig agus ceud slat, leis an t-slaith-thomhais.

19 Thionndaidh e mu'n cuairt gus an taobh an iar, agus thomhais e cùig agus ceud slat, leis an t-slaith-thomhais.

20 Thomhais e air na ceithir taobhan e : bha balla aige mu'n cuairt, cùig agus

ceud *slat* air fad, agus cùig *agus* ceud air leud, a dheanamh dealachaidh eadar an t-ionad naomh agus an t-àite mi-naomh.

CAIB. XLIII.

1 Thàinig glòir an Tighearna chum an teampull. 7 Gheall Dia còmhnuidh a ghabhail ann, nan tréigeadh an shuagh am peacanna. 10 Chum gu'n gabhadh iad nàire do'n euceartaibh dh'fheuch am fàidh dhoibh sàmhladh agus dreach an teampull. 13 Tomhas na h-altarach.

7 NA dhéigh sin thug c mi chum a' gheata, an geata ta 'g amharc ris an àird an ear:

2 Agus, feuch, thàinig glòir Dhé Israeil o shlighe na h-àirde 'n ear: agus bha a ghuth mar thoirn mhòran uisgeachan, agus dhealraich an talamh le 'ghlòir.

3 Agus bha an sealladh so a chunnaic mi cosmhuil ris an t-sealladh sin a chunnaic mi, 'nuair thàinig e chum am baile a sgrios: agus bha a' choslas mar an coslas a chunnaic mi aig sruth Chebair: agus thuit mi air m' aghaidh.

4 Agus thàinig glòir an Tighearna chum an teampull, air slighe a' gheata ta 'g amharc ris an àird an ear.

5 An sin thog an spiorad suas mi, agus thug e mi gus a' chùirt a stigh, agus, feuch, lion glòir an Tighearna an teampull.

6 Agus chuala mi e labhairt rium a mach as an teampull; agus sheas an duine làmh rium.

7 Agus thubhairt e rium, A mhic an duine, tha thu faicinn àite mo rìgh-chaithe-reach, agus ionad bhonn mo chos, far an gabh mi còmhnuidh ann am meadhon cloinne Israeil gu sìorruidh, agus m' ainm naomh-sa cha truaill tigh Israeil nì's mò, iad féin no'n rìghrean, le 'n strìopachas, no le conablachaidh an rìghrean 'nan ionadaibh àrda.

8 Le suidheachadh an stairsneich aig mo stairsneich-sa, agus am puist aig mo phuist-sa, agus am balla eadar mise agus iadsan, rinn iad eadhon m' ainm naomh a thruaillleadh le 'n gràineileachdaibh a chuir iad an gnìomh: uime sin chaith mise iad ann am chorruih.

9 A nis cuireadh iad air falbh an strìopachas, agus cairbhinnean an rìghrean fada uam, agus gabhaidh mi còmhnuidh 'nam meadhon gu sìorruidh.

10 A mhic an duine, feuch an teampull so do thigh Israeil, a chum gu'n gabh iad nàire do'n euceartaibh; agus tomhaiseadh iad an sàmhladh.

11 Agus ma bhios nàire orra do gach nì a rinn iad, feuch dhoibh dreach an tìghe, agus a chumachd, agus a dhòl a mach, agus a theachd a stigh, agus 'uile choslas, agus 'uile orduighean, agus 'uile dheilbh, agus 'uile reachdan; agus sgrìobh e 'nan sealladh, a chum gu'n coimhid iad 'uile

dhreach, agus 'uile orduighean, agus gu'n dean siad iad.

12 Is e so reachd an tìghe; Air mullach an t-sléibh bithidh a chrìoch uile mu'n cuairt ro naomh: feuch is e so reachd an tìghe.

13 Agus is iad so toimhsean na h-altarach ann an làmh-coille, le leud boise ris gach aon làmh-coille; bithidh eadhon làmh-coille 'na bonn, agus làmh-coille 'na leud, agus réis 'na h-ìomall air an fhoir mu'n cuairt; agus bithidh so 'na chuairteachadh do'n altair.

14 Agus o'n bhonn air an làr gu rìg an suidheachadh ìochdarach bithidh dà làmh-coille, agus aon làmh-coille an leud; agus o'n t-suidheachadh a's lugha gus an suidheachadh a's mò, bithidh ceithir làmh-coille, agus an leud aon làmh-coille.

15 Mar sin bithidh an altair ceithir làmh-coille; agus o'n altair an àird bithidh ceithir adharcan.

16 Agus bithidh an altair dà làmh-coille dheug air fad, a dhà-dheug air leud, ceithir-chearnach 'na ceithir chearn-aibh.

17 Agus bithidh am bonn ceithir làmh-coille deug air fad, agus ceithir-deug air leud 'na cheithir chearn-aibh; agus bithidh an fhoir mu'n cuairt oirre leth làmh-coille; agus bithidh a bonn làmh-coille mu'n cuairt, agus amhaircidh a ceuma ris an àird an ear.

18 Agus thubhairt e rium, A mhic an duine, mar so tha an Tighearna Dia ag ràdh, Is iad so orduighean na h-altarach anns an là san dean iad i, chum tabhartasa-loisgte ìobradh oirre, agus a chum fuil a chrathadh oirre.

19 Agus bheir thu do na sagartaibh na Lebhitich a ta do shìochd Shadoic, a thig dlùth dhomh-sa, chum frithealadh dhomh, tha an Tighearna Dia ag ràdh, tarbh òg mar thabhartas-peacaidh.

20 Agus gabhaidh tu d' a fhuil, agus cuiridh tu i air a ceithir adharcaibh, agus air ceithir chearn-aibh a buinn, agus air an fhoir mu'n cuairt: mar so glanaidh agus nìgidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad ordnichte an tìghe, an taobh a mach do'n naomh-ionad.

22 Agus air an dara là ìobraidh tu meann do na gabhraibh gun ghaid, air son tabhartais-peacaidh; agus glanaidh iad an altair, mar a ghlan iad i leis an tarbh.

23 'Nuair a sguireas tu d' a glanadh, ìobraidh tu tarbh òg gun ghaid, agus reithe as an treud gun ghaid.

24 Agus ìobraidh tu iad an làthair an Tighearna; agus tilgidh na sagairt salann

orra, agus iobairdh iad suas iad mar iobairt-loisgte do'n Tighearn.

25 Seachd làithean deasaichidh tu, gach aon là, gabhar air son iobairt-pheacaidh: deasaichidh iad fòs tarbh òg agus reithe as an treud gun ghaoid.

26 Seachd làithean glanaidh iad an altair, agus nighidh iad i, agus naomhaichidh siad iad féin.

27 Agus an uair a bhios na làithean so air an crìochnachadh, tarlaidh air an ocldamh là, agus mar sin sios, gu'n dean na sagairt 'ur n-iobairtean-loisgte air an altair, agus 'ur n-iobairtean-sith, agus gabhaidh mise ruibh, deir an Tighearn Iehobhah.

CAIB. XLIV.

1 Chaidh an geata ta 'g amharc ris an àird an ear a shonrachadh do'n phrionnsa. 4 Thugadh geur-achmhasan do'n t-sluagh do bhrìgh gu'n do leig iad le coigrich an t-ionad naomh a thruaillleadh. 9 Giùlainidh na Lebhithich, a dh'fhalbh air seacharan an dèigh an ìodholan, an aingidheachd. 17 Orduighean mu thimchioll nan sagart.

An sin thug e mi air m' ais air slighe a geata an ionaid naoimh a muigh, a ta 'g amharc ris an àird an ear, agus bha e druidte.

2 An sin thubhairt an Tighearna rium, Bithidh an geata so druidte, cha'n fhosg-ailear e, agus cha téid neach air bith a steach air, a chionn gu'n deachaidh an Tighearna Dia Israeil a steach air.

3 Uime sin bithidh e druidte air a' phrionnsa; am prionnsa féin suidhidh ann a dh'itheadh arain an làthair an Tighearna; théid e steach air slighe cùirt a' gheata, agus thig e mach air an t-slighe cheudna.

4 An sin thug e mi air slighe a' gheata thuath, fa chomhair an teampull, agus dh'amhairc mi, agus, feuch, lìon gloir an Tighearna teampull an Tighearna; agus thuit mise air m' aghaidh.

5 Agus thubhairt an Tighearn rium, A mhic an duine, thoir geur-aire, agus feuch le d' shùilb, agus cluinn le d' chluas-aibh, gach ni a their mise riut mu thimchioll uile orduighean tighe an Tighearna, agus uile reachdan, agus thoir aire mhaith do dhol a steach an tighe, le uile dhol a mach an ionaid naoimh.

6 Agus their thu ris an tigh cheannairc-each, ri tigh Israeil, Mar so tha an Tighearna Dia ag ràdh, O thigh Israeil, gu ma leòr leibh do 'ur n-uile ghràineileachdaibh,

7 Gu'n d'thug sibh coigrich neo-thimchioll-ghearrta 'nan cridhe, agus neo-thimchioll-ghearrta 'nam feoil, gu bhli ann am naomh-ionad-sa, a thruaillleadh mo thighe, am feadh a ta sibh a' tiodhlacadh dhomh-sa an arain, na saill, agus na fola; agus bhris sibh mo choimhcheangal le 'ur n-uile ghràineileachdaibh.

8 Agus cha do ghléidh sibh cùram mo nithe naomha; ach chuir sibh luchd-coimhid mo chùram ann am ionad naomh air 'ur son féin.

9 Mar so tha an Tighearna Dia ag ràdh, Cha téid aon choigreach neo-thimchioll-ghearrta 'na chridhe, no neo-thimchioll-ghearrta 'na fheoil, a steach do m' ionad naomh-sa, do choigreach air bith a ta measg cloinne Israeil.

10 Agus na Lebhithich a dh'imich am fad uamsa, 'nuair a chaidh Israeil air seacharan, a dh'fhalbh air seacharan uamsa an dèigh an ìodhola, giùlainidh eadhon iadsan an aingidheachd.

11 Gidheadh bithidh iad 'nan luchd frithealaidh ann am ionad naomh, air am bi cùram gheatachan an teampull, agus a bhios a' frithealadh do'n teampull: marbhaidh iad an tabhartas-loisgte agus an iobairt air son an t-sluaigh, agus seasaidh iad 'nan làthair gu frithealadh dhoibh:

12 A chionn gu'n d'rinn iad frithealadh dhoibh ann an làthair an ìodholan, agus gu'n d'thug iad air tigh Israeil tuiteam gu aingidheachd; uime sin thog mise suas mo làmh 'nan aghaidh, tha an Tighearn Iehobhah ag ràdh, agus giùlainidh iad an aingidheachd.

13 Agus cha tig iad am fagus domh-sa, a dheanamh dleasdana is sagairt domh, no theachd dlùth do bheag air bith do m' nithibh naomha san ionad a's ro-naomh: ach giùlainidh iad an nàire, agus an gràineileachdan a chuir iad an gnìomh.

14 Ach ni mi iad 'nan luchd-coimhid cùram an tighe, air son 'uile sheirbhis, agus air son gach uile ni bhios ri dheanamh ann.

15 Ach na sagairt na Lebhithich, mic Shadoic, a choimhid cùram m' ionaid naoimh, 'nuair a chaidh clann Israeil air seacharan uam, thig iadsan dlùth dhomh, chum frithealadh dhomh, agus seasaidh iad ann am fhianuis a dh'ìobradh dhomh na saill agus na fola, deir an Tighearn Iehobhah:

16 Théid iad a steach do m' ionad naomh, agus thig iad dlùth do m' bhord, a chum frithealadh dhomh, agus coimhididh iad mo chùram.

17 Agus tarlaidh, 'nuair a théid iad a steach air geatacha na cùrte stigh, gu'm bi iad air an èideadh le eudach lìn; agus cha tig olainn air bith orra, am feadh a ta iad a' frithealadh ann an geatachaibh na cùrte steach, agus an taobh a stigh.

18 Bithidh curaichdean lìn air an cinn, agus bithidh triughais lìn air an leas-raibh: cha chrìoslaich siad iad féin le aon ni a thogas fallus.

19 Agus 'nuair a théid iad a mach do'n chùirt a muigh, a chum an t-sluaigh,

cuiridh iad dhiubh an eudaichean anns an d'rinn iad frithealadh, agus cuiridh iad anns na seòmraichibh naomha iad, agus cuiridh iad orra eudaichean eile, agus cha naomhaich iad am pobull 'nan eudaichibh.

20 Ni mò a lomas iad an cinn, no dh'fhuilingeas iad do'n ciabhan fàs fada; cha dean iad ach a mhàin an cinn a bharradh.

21 Ni mò dh'òlas sagart air bith fìon, 'nuair thèid iad a steach do'n chùirt a stigh.

22 Ni mò ghabhas iad dhoibh féin mar mhnaoi banntrach, no bean a chuireadh air falbh: ach gabhaidh iad maighdeanan do shliochd tighe Israeil, no banntrach aig an robh sagart roimhe.

23 Agus teagaisgidh iad do m' shluagh-sa an dealachadh eadar naomh agus mi-naomh, agus bheir iad orra dealachadh a chur eadar an glan agus an neo-ghlan.

24 Agus ann an comhstri seasaidh iad ann am breitheanas; bheir iad breth air a réir mo reachdan-sa; agus coimhidh iad mo lagh agus mo reachdan, ann am uile choimhthionalaibh, agus naomhaichidh iad mo shàbaidean.

25 Agus cha tig iad dlùth do dhuine marbh gu iad féin a thruaillleadh: ach air son athar, no air son màthar, no air son mic, no air son nighinn, air son bràthar, no air son peathar aig nach robh fear, feudaidh siad iad féin a thruaillleadh.

26 Agus an déigh dha bhi air a ghlanadh, àirmhidh iad dha seachd làithean.

27 Agus air an là san téid e steach do'n ionad naomh, do'n chùirt a stigh gu frithealadh anns an ionad naomh, bheir e seachad tabhartas-peacaidh, deir an 'Tighearna Dia.

28 Agus cha bhi oighreachd air bith aca; is mise an oighreachd-san: agus cha toir sibh dhoibh sealbh air bith ann an Israel; is mise an sealbh.

29 Ithidh iad an tabartas-bidh, agus an tabhartas-peacaidh, agus an tabhartas-eusaontais; agus aca-san bithidh gach uile ni coisrigte ann an Israel.

30 Agus bithidh toiseach ceud thoraigh nan uile nithe, agus gach uile thabhartas do gach seòrsa do 'ur tabhartais aig na sagairt: bheir sibh mar an ceudna do'n t-sagart toiseach 'ur taoise, chum gu'n toir e air a bheannachadh còmhnuidh a ghabhail ann ad thigh.

31 Cha'n ith an sagart do ni air bith a dh'eugas leis féin, no bhios reubta, ma's eun no ainmhidh e.

CAIB. XLV.

1 An earrann do'n fhearann air son an ionaid naomh, 6 air son a' bhaile, 7 agus air son a' phrionnsa,

9 Orduighean mu thimchioll a' phrionnsa.

MAR an ceudna 'nuair a roinneas sibh le crannchur am fearann mar oigh-

reachd, bheir sibh tabhartas do'n Tighearna, earrann naomh do'n fhearann: is e 'fhad cùig mìle fichead làmh-choille, agus a leud deich mìle; bithidh so naomh 'na uile chrìochaibh mu'n cuairt.

2 Dheth so bithidh air son an ionaid naomh cùig ceud air fad, le cùig ceud air leud, ceithir-chearnach mu'n cuairt; agus leth-cheud làmh-choille mu'n cuairt, air son a dhlùth-bhailtean.

3 An déigh an tomhais so, toimhsidh tu ann am fad cùig mìle fichead, agus ann an leud deich mìle; agus an sin bithidh an t-ionad naomh, an t-àite ro naomh.

4 Bithidh a' chuid so do'n fhearann naomh do na sagairt, luchd-frithealaidh an ionaid naomh, a thig dlùth chum frithealadh do'n Tighearna; agus bithidh e 'na ionad air son an tìghean, agus 'na àite naomh air son an naomh-ionaid.

5 Agus fòs cùig mìle fichead air fad, agus deich mìle air leud bithidh aig na Lebhithich, luchd-frithealaidh an tìghe, air an aon féin, mar sheilbh air son fichead seòmar.

6 Agus orduichidh sibh mar sheilbh na caithreach cùig mìle làmh-choille air leud, agus cùig mìle fichead air fad, thall fa chomhair àite an ionaid naomh: bithidh e aig uile thigh Israeil.

7 Agus bithidh aig an uachdaran air an aon taobh, agus air an taobh eile do chuibhrionn an ionaid naomh, agus do sheilbh na caithreach, fa chomhair cuibh-rinn an ionaid naomh, agus fa chomhair seilbh na caithreach, o'n taobh an iar, ris an iar: agus o'n taobh an ear, ris an ear; agus bithidh am fad thall fa chomhair aoìn do na h-carrannaibh, o'n iomall an iar gus an iomall an ear.

8 Aims an fhearann bithidh a shealbh ann an Israel; agus cha sàruich m' uachdaran-sa ni's mò mo shluagh: agus am fearann bheir iad do thigh Israeil a réir am fineachan.

9 Mar so tha an Tighearna Dia ag ràdh, Gu ma leòr leibh, O uachdaran Israeil: cuiribh uaibh ainneart agus creach, agus deanaibh breitheanas agus ceartas, tog-aibh leibh 'ur n-an-tighearnas o m' shluagh-sa, deir an Tighearna Iehobhah.

10 Bithidh agaibh meighean cothromach, agus ephah cothromach, agus bat cothromach.

11 Bithidh an ephah agus am bat do aon tomhas, air chor as gu'n cum am bat an deicheamh cuid do homer, agus an ephah an deicheamh cuid do homer: bithidh a thomhas a réir an homeir:

12 Agus bithidh ann an secel fichead gerah: fichead secel, cùig seceil thar fhichead, cùig seceil deug, bithidh sin 'na mhaneh agaibh.

13 So an tabhartas a bheir sibh uaibh;

an sèathamh cuid do ephah á homer cruithneachd, agus bheir sibh an sèathamh cuid do ephah á homer eorna.

14 A thaobh reachd na h-oladh, am bat oladh, bheir sibh uaibh an deicheamh cuid do bhat as a' chòr, is e sin homer dheich bhat; oir is deich bait a ta ann an homer:

15 Agus aon uan as an treud, á dà cheud, á h-ionaltradh reamhar Israeil, air son tabhartais-bhìdh, agus air son ìobairt-loisgte, agus air son thabhartas-sìth, chum réite dheanamh air an son, deir an Tighearna Dia.

16 Bheir uile shluagh an fhearainn an tabhartas so air son an uachdarain ann an Israel.

17 Agus buinidh e do'n phrionnsa tabhartasa-loisgte, agus tabhartasa-bìdh, agus tabhartasa-dìbhe thoirt uaithe air na làithibh féill, agus air na gealaichibh nuadha, agus air na sàbaidibh, agus air uile àrd-fhéilibh tighe Israeil: deasaichidh e 'n tabhartas-peacaidh, agus an tabhartas-bìdh, agus an tabhartas-loisgte, agus na tabhartasa-sìth, a dheanamh réite air son tighe Israeil.

18 Mar so tha an Tighearna Dia ag ràdh, Anns a' cheud *mhìos*, air a' cheud là do'n mhìos, gabhaidh tu tarbh òg gun ghaoid, agus glanaidh tu an naomh-ionad.

19 Agus gabhaidh an sagart do fhuil na n-ìobairt-pheacaidh, agus cuiridh e i air puist an tighe, agus air ceithir chearn-aibh buinn na h-altarach, agus air puist geata na cùirte stigh.

20 Agus mar sin ni thu air an t-seachdamh là do'n mhìos, air son gach aoin a théid air seacharan, agus a ni gu h-am-aideach: mar sin ni sibh réite air son an teampuill.

21 Anns a' cheud *mhìos*, air a' cheathramh là deug do'n mhìos, bithidh a' chàisg agaibh, féill sheachd làithean; ithear aran gun ghoirteachadh.

22 Agus air an là sin deasaichidh am prionnsa air a shon féin, agus air son uile shluagh an fhearainn, tarbh air son ìobairt-peacaidh.

23 Agus air seachd làithean na féille deasaichidh e ìobairt-loisgte do'n Tighearn, seachd tairbh, agus seachd reitheachan gun ghaoid, gach là, fad nan seachd làithean, agus meann do na gabh-raibh gach là air son ìobairt-peacaidh.

24 Agus deasaichidh e tabhartas-bìdh, eadhon ephah air son tairbh, agus ephah air son reithe, agus hin oladh air son ephah.

25 Anns an t-seachdamh *mìos*, air a' chùigeamh là deug do'n mhìos, ni e a réir sin air féill nan seachd làithean, a réir an tabhartais-peacaidh, a réir na h-ofrail-loisgte, agus a réir an tabhartais-bhìdh, agus a réir na h-oladh.

1 Riaghailtean mu thimchioll a' phrionnsa, 9 agus mu thimchioll an t-sluagh: 16 mu thimchioll thiodhlacan a' phrionnsa d'a mhacaibh, agus d'a sheirbhisich. 21 An t-àit sam bruich na sagairt an ìobairt-eusaontais agus an ìobairt-pheacaidh.

MAR so tha an Tighearna Dia ag ràdh, Bithidh geata na cùirte stigh, a ta 'g amharc ris an àird an ear, druidte na sè làithean oibre: ach air an t-sàbaid bithidh e fosgailte, agus air là na ré nuaidh¹ bithidh e fosgailte.

2 Agus théid an t-uachdaran a steach air slighe sgàth-thighe a' gheata an taobh a mach, agus seasaidh e aig ursann a' gheata, agus deasaichidh an sagart a thabhartas-loisgte, agus a thabhartais-shìth, agus ni e aoradh aig stairsneich a' gheata: an sin théid e mach, ach cha druidear an geata gu annoch.

3 Mar an ceudna ni sluagh an fhearainn aoradh aig doras a' gheata so an làthair an Tighearn, air na sàbaidibh, agus air na gealaichibh nuadha.

4 Agus is i an ìobairt-loisgte a bheir an t-uachdaran do'n Tighearn air là na sàbaid, se uain gun ghaoid, agus reithe gun ghaoid.

5 Agus is e an tabhartas-bìdh ephah air son reithe, agus an tabhartas-bìdh air son nan uan mar a bhios 'na chomas a thoirt uaithe, agus hin oladh air son ephah.

6 Agus air là na ré nuaidh bheir e tarbh òg gun ghaoid, agus se uain, agus reithe: bithidh iad gun ghaoid.

7 Agus deasaichidh e tabhartas-bìdh, ephah air son tairbh, agus ephah air son reithe: agus air son nan uan a réir mar a bhios 'na chomas, agus hin oladh air son ephah.

8 Agus 'nuair a théid an t-uachdaran a steach, théid e stigh air slighe sgàth-thighe a' gheata, agus théid e mach air a shlighe sin.

9 Ach 'nuair a thig muinntir an fhearainn an làthair an Tighearn, anns na h-àrd-fhéilibh, esan a théid a steach air slighe a' gheata thuath gu aoradh, théid e mach air slighe a' gheata dheas; agus esan a théid a steach air slighe a' gheata dheas, théid e mach air slighe a' gheata thuath: cha phill e air slighe a' gheata air an deachaidh e steach, ach théid e mach thall fa chomhair.

10 Agus théid an t-uachdaran a steach 'nam meadhon 'nuair théid iad a steach; agus 'nuair théid iad a mach, théid e mach.

11 Agus air na féilibh, agus air na h-àrd-fhéilibh, is e an tabhartas-bìdh ephah air son tairbh, agus ephah air son reithe, agus air son nan uan a réir a chomais, agus hin oladh air son ephah.

¹ na gealaich ùir

12 A nis 'nuair a dheasaicheas an t-uachdaran o 'thoil féin iobairt-loisgte, no tabhartais-shith, gu toileach do'n Tighearn, fosgailear dha an sin an geata ta 'g amharc ris an àird an ear, agus ulluichidh e 'iobairt-loisgte, agus a thabhartasa-sith mar a rinn e air là na sàbaid: an sin thèid e mach, agus an déigh dha dol a mach, druidear an dorus.

13 Ulluichidh tu gach là tabhartas-loisgte do'n Tighearn, uan do'n cheud bliadhna gun ghaoid; ulluichidh tu e gach aon mhaduinn.

14 Agus ulluichidh tu tabhartas-bidh air a shon gach aon mhaduinn, an sèathamh cuid do ephah, agus an treas cuid do hin oladh, chum a mheasgadh leis a' mhìn-chruithneachd; tabhartas-bidh do ghnàth, le ordugh siorruidh do'n Tighearn.

15 Mar so ulluichidh iad an t-uann, agus an tabhartas-bidh, agus an oladh gach aon mhaduinn, mar iobairt-loisgte ghnàth-aichte.

16 Mar so tha an Tighearna Dia ag ràdh, Ma bheir an t-uachdaran tiodhlac do aon air bith d'a mhic, bithidh a shealbh sin aig a mhic; bithidh a shealbh aca mar oighreachd.

17 Ach ma bheir e tiodhlac do aon d'a sheirbhisich, an sin bithidh e aige-san gu bliadhna na saorsa: 'na dhéigh sin pillidh e chum an uachdarain; ach bithidh 'oighreachd aig a mhic dhoibh féin.

18 A thuilleadh air so cha ghabh an t-uachdaran do oighreachd an t-sluaigh le h-ainneart, a chum an tilgeadh a mach as an seilbh: ach bheir e d' a mhic oighreachd as a sheilbh féin: a chum nach bi mo shluagh-sa air an sgapadh gach aon o 'sheilbh.

19 'Na dhéigh sin thug e mi troimh an fhosgladh, a bha aig taobh a' gheata, gu seòmraichean naomha nan sagart, a bha 'g amharc ri tuath; agus, feuch, bha àite an sin aig oisinn na h-àird' an iar.

20 An sin thubhairt e rium, So an t-àite sam bruich na sagairt an iobairt-eusaonta-ais, agus an iobairt-pleacaidh, far am fuin iad an tabhartas-bidh: a chum nach toir iad a mach iad gus a' chùirt a mach, gus an sluagh a naomhachadh.

21 An sin thug e mach mi gus a' chùirt a mach, agus thug e orm gabhail seachad air ceithir oisinnibh na cùirte; agus, feuch, bha cùirt anns gach aon oisinn do'n chùirt.

22 Ann an ceithir oisinnibh na cùirte bha cùirtean ceangailte rithe, dà fhichead làmh-choille air fad, agus deich thar fhichead air leud: bha na ceithir oisinn-ean so do aon tomhas.

23 Agus bha aca balla mu'n cuairt doibh 'nan ceithir, agus ionada bruich deanta fo 'n bhalla, mu'n cuairt.

24 An sin thubhairt e rium, Is iad so àiteachan na muinntir a bhruicheas, far am bruich luchd-frithealaidh an teampuill iobairtean an t-sluaigh.

CAIB. XLVII.

1 Taisbean nan uisgeacha naomha; 6 Leighisidh iad gach beathach a ta gluasad. 13 Crìochan an fhearainn. 22 Thèid am fearann a roinn le crannchur.

NA dhéigh sin thug e mi ris gu dorus an teampuill, agus, feuch, bhrùchd uisgeachan a mach o iochdar stairsneich an tighe ris an àird an ear: oir bha aghaidh an tighe ris an àird an ear, agus thàinig na h-uisgeachan a nuas fuidhe o thaobh deas an tighe, air taobh mu dheas na h-altarach.

2 An sin thug e mach mi air slighe a' gheata mu thuath, agus thug e orm siubhal mu'n cuairt air an t-slighe muigh gus an geata mach, air an t-slighe ta 'g amharc ris an àird an ear, agus, feuch, ruith uisgeachan a mach air an taobh deas.

3 Agus 'nuair a chaidh an duine aig an robh an t-sreang 'na làimh, a mach air slighe na h-àird' an ear, thomhais e mìle làmh-choille, agus thug e mi troimh¹ na h-uisgeachan: bha na h-uisgeachan gu ruig na h-aobrana.

4 A ris thomhais e mìle, agus thug e mi troimh na h-uisgeachan; bha na h-uisgeachan gu ruig na gluinean: a ris thomhais e mìle, agus thug e mi troimh na h-uisgeachan; bha na h-uisgeachan gu ruig na leasraidh.

5 'Na dhéigh sin thomhais e mìle; agus bha e 'na shruth nach b'urrainn mi dol thairis: oir bha na h-uisgeachan air éirigh, uisgeachan air son suàmh annta, amhainn nach feudta dol troimpe.

6 Agus thubhairt e rium, Nach faca tu, a mhie an duine? an sin thug e leis mi, agus thug e orm pilleadh gu bruaich na h-aimhne².

7 A nis an uair a phill mi, feuch, air bruaich na h-aimhne bha ro mhòran chraobh, air an taobh so, agus air an taobh eile.

8 An sin thubhairt e rium, Tha na h-uisgeachan so ag imeachd a mach rathad tire na h-àirde 'n ear, agus a' dol sìos do'n fhàsach, agus a' dol a steach do'n fhairge; 'nuair bheirear iad a mach a chum na fairge, leighisear na h-uisgeachan.

9 Agus tarlaidh, gach aon beathach beò, a ta gluasad taobh air bith gus an tìg na h-aimhnichean, mairidh e beò: agus bithidh ro mhòran éisg ann, a chionn gu'n tìg na h-uisgeachan so thuige: oir leighisear iad, agus mairidh gach ni beò far an tìg an amhainn.

1 tre.

2 aibhne.

10 Agus tarlaidh, gu'n seas na h-iasg-
airean oirre, o Engedi gu ruig Eneglaim;
bithidh iad 'nan ionad a sgaoilleadh a mach-
lìon, bithidh an iasg a rèir an seòrsa, mar
iasg na fairge mòire, ro lionmhor.

11 Ach a làthach, agus 'àiteachan fliucha
cha bhi air an leighcas, bheirear iad
thairis gu salann.

12 Agus air taobh na h-aimhne, air a
buaich, air an taobh so, agus air an taobh
sin, fàsaidh na h-uile chraobhan air son
bidh, aig nach bi an duilleach air searg-
adh, no an toradh air a chaitheamh:
bheir e mach toradh nuadh a réir a mhìos-
an, do bhrìgh gu'n do shruth 'uisgeach-
an a mach o'n ionad naomh; agus bith-
idh a thoradh air son bidh, agus a dhuill-
each air son leighis.

13 Mar so tha an 'Tighearna Dia ag
ràdh, So a' chrìoch leis an sealbhaich
sibh am fearann, a réir dà threubh dheug
Israeil: bithidh dà roinn aig Ioseph.

14 Agus sealbhaichidh sibh e, aon co
maith r'a chéile: oir am fearann so mu'n
do thog mise suas mo làmh, gu'n tugaim
e do 'ur n-aithrichibh, tuitidh oirbhise mar
oighreachd.

15 Agus so crìoch an fhearainn air an
taobh mu thuath, o'n fhairge mhòir,
slighe Hetloin, mar a théid daoine gu
Sedad:

16 Hamat, Berotah, Sibraim, a ta eadar
crìoch Dhamascuis agus crìoch Hamait;
Hasar-haticon, a ta làmh ri iomall Haur-
ain.

17 Agus o'n fhairge bithidh a' chrìoch
aig Haser-enan, crìoch Dhamascuis, agus
an àirde tuath air an taobh mu thuath,
agus crìoch Hanaït: agus so an taobh
mu thuath.

18 Agus an taobh an ear toimhsidh sibh
o Hauran, agus o Dhamascuis, agus o
Ghilead, agus o fhearann Israeil làmh ri
Iordan, o'n chrìch gu ruig an fhairge 'n
ear: agus so an taobh an ear.

19 Agus an taobh deas mu dheas o
Thamar, gu uisgeachla na strì ann an
Cades, an sruth gus an fhairge mhòr:
agus so an taobh deas mu dheas.

20 An taobh an iar mar an ceudna bith-
idh aig an fhairge mhòir o'n iomall, gus
an tig duine nall fa chomhair Hamait;
so an taobh an iar.

21 Mar so roinnidh sibh am fearann so
dhuibh, a réir fhìneachan Israeil.

22 Agus tarlaidh gu'n roinn sibh e le
crannchur air son oighreachd dhuibh féin,
agus do na coigreach a bhios air chuairt
'nur measg a ghìneas clann 'nur measg:
agus bithidh iad dhuibh mar gu'm biodh
iad air am breth san dùthaich am measg
cloinne Israeil; bithidh oighreachd aca
maille ruibh, am measg fhìneachan Is-
raeil.

23 Agus tarlaidh, anns an treubh anns
am bi an coigreach air chuairt, an sin gu'n
toir sibh dha 'oighreachd, deir an Tigh-
earna Dia.

CAIB. XLVIII.

1 Crìochan an dà threubh dheug, 8 an ionaid naoimh,
15 a' bhaile agus nan dlùth-bhailtean, 21 agus an
uachdarain. 30 Tomhas agus geata a' bhaile.

A NIS is iad so ainmean nan treubh, o
'n cheann mu thuath gu iomall slighe
Hetloin, mar a théid neach gu Hamat,
Hasarenan, crìoch Dhamascuis mu thuath,
gu iomall Hamait, (oir is iad so a thaobhan
an ear agus an iar,) bithidh aon roinn aig
Dan.

2 Agus làmh ri crìch Dhain, o'n taobh
an ear gus an taobh an iar, aon aig Aser.

3 Agus làmh ri crìch Aseir, o'n taobh
an ear gus an taobh an iar, aon aig Naph-
tali.

4 Agus làmh ri crìch Naphtali, o'n
taobh an ear gus an taobh an iar, aon aig
Manaseh.

5 Agus làmh ri crìch Mhanaseh, o'n
taobh an ear gus an taobh an iar, aon aig
Ephraim.

6 Agus làmh ri crìch Ephraim, o'n
taobh an ear gus an taobh an iar, aon aig
Reuben.

7 Agus làmh ri crìch Reubein, o'n taobh
an ear gus an taobh an iar, aon aig Iudah.

8 Agus làmh ri crìch Iudah, o'n taobh
an ear gus an taobh an iar, bithidh tabh-
artas a bheir sibh seachad, cuig mìle fich-
ead *làmh-choille* air leud, agus air fad
mar aon do na h-earrannaibh eile, o'n
taobh an ear gus an taobh an iar, agus
bithidh an t-ionad naomh 'na mheadhon.

9 An tabhartas a bheir sibh seachad do'n
Tighearna, bithidh e cuig mìle fich-
ead *làmh-choille* air fad, agus deich mìle
làmh-choille air leud.

10 Agus air an son-san, air son nan sag-
art, bithidh an tabhartas naomh so, ris an
àirde tuath, cuig mìle fich-ead *làmh-choille*
air fad, agus ris an àird an iar, deich mìle
làmh-choille air leud, agus ris an àird an
ear, deich mìle *làmh-choille* air leud, agus
ris an àirde deas, cuig mìle fich-ead *làmh-choille*
air fad; agus bithidh ionad naomh
an 'Tighearna 'na mheadhon.

11 Bithidh e air son nan sagart a ta
naomhaichte, do mhacaibh Shadoic, a
choimhid an uì a dh'earb mise riu, nach
deachaidh air seacharan an uair a chaidh
clann Israeil air seacharan, mar a chaidh
na Lebhitich air seacharan.

12 Agus is ro naomh choibhl-san tabh-
artas so an fhearainn, làmh ri crìch nan
Lebhitheach.

13 Agus thall fa chomhair crìche nan
sagart, bithidh aig na Lebhitich cuig mìle
fich-ead *làmh-choille* air fad, agus deich

mìle làmh-choille air leud; is e am fad uile cùig mìle fichead làmh-choille, agus an leud deich mìle.

14 Agus cha reic iad deth, ni mò ni iad a mhalairt, no bheir iad uatha ceud thoradh an fhearainn: oir tha e naomh do'n Tighearn.

15 Agus bithidh na cùig mìle làmh-choille a ta air am fàgail aims an leud, thall fa chomhair nan cùig mìle fichead, 'na ionad nach bi naomh, air son a' bhaile, air son còmhnuidh, agus air son dlùth-bhailtean; agus bithidh am baile 'na mheadhon.

16 Agus so a thoimhsean; an taobh mu thuath ceithir mìle agus cùig ceud, agus an taobh mu dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bithidh dlùth-bhailtean na caithreach ris an àirde tuath dà cheud agus leth-cheud, agus ris an àirde deas dà cheud agus leth-cheud, agus ris an àird an ear dà cheud agus leth-cheud, agus ris an àird an iar dà cheud agus leth-cheud.

18 Agus bithidh a' chuid eile air son leud, thall fa chomhair tabhartais a' chuibhrinn naoimh, deich mìle ris an taobh an ear, agus deich mìle ris an taobh an iar: agus bithidh e thall fa chomhair tabhartais a' chuibhrinn naoimh; agus bithidh a chinn-eas mar lòn do luchd-frithealaidh na caithreach.

19 Agus ni a' mhuinntir a fhrithealas do'n bhaile frithealadh dha á uile threubhaibh Israeil.

20 Is e an tabhartas uile cùig mìle fichead, le cùig mìle fichead: bheir sibh seachad an tabhartas naomh ceithir-chearnach, maille ri seilbh na caithreach.

21 Agus bithidh a' chuid eile air son an uachdaran, air an taobh so, agus air an taobh eile do'n tabhartas naomh, agus do sheilbh na caithreach, thall fa chomhair nan cùig mìle fichead do'n tabhartas leth ris a' chrìch an ear, agus an taobh an iar thall fa chomhair nan cùig mìle fichead leth ris a' chrìch an iar, thall fa chomhair nan cuibhrionn air son an uachdaran; agus bithidh e so 'na thabhartas naomh, agus bithidh naomh-ionad an teampull 'na mheadhon.

22 An déigh seilbh nan Lebhitheach, agus seilbh na caithreach, bitlidh sin anns a' mheadhon aig an uachdaran, eadar crìoch Iudah agus crìoch Bheniamin, bithidh so aig an uachdaran.

23 A thaobh na cuid eile do na treubhan, o'n taobh an ear gus an taobh an iar, bithidh aon roinn aig Beniamin.

24 Agus làimh ri crìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin, o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri crìch Ghaid, aig an taobh deas mu dheas, bithidh a' chrìoch o Thamar, eadhon gu uisgeacha na stri ann an Cades, gus an amhaiun leth ris an fhairge mhòir.

29 So am fearann a roinneas sibh le crannchur do threubhan Israeil air son oigheachd, agus so na cuibhrionn ann aca, deir an Tighearna Dia.

30 Agus so dol a mach na caithreach air an taobh mu thuath, ceithir mìle agus cùig ceud tomhas.

31 Agus bithidh geatachan na caithreach a réir ainmean treubhan Israeil, tri geatacha ris an àirde tuath; aon gheata do Reuben, aon gheata do Iudah, aon gheata do Lebhi.

32 Agus air an taobh an ear ceithir mìle agus cùig ceud: agus tri geatachan; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomhas: agus tri geatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le'n tri gheatachaibh; aon gheata do Ghad, aon gheata do Aser, aon gheata do Naphtali.

35 Bha e mu'n cuairt oichd mìle deug tomhas: agus bithidh mar ainm air a' chaithir o'n là sin, A ta an Tighearn an sin.

DANIEL.

CAIB. I.

1 *Braighdeanas Iehoiacim. 3 Fhuair Aspenas ordugh foghlum agus teangadh nan Caldéach a theagasg do Dhaniei, Hananiah, Mhisael, agus Asariah. 8 Dhiùlt siad iad fèin a thruaillleadh le bìrdh an rìgh; 16 uime sin fhuair iad peasair r'a h-ith-eadh, agus uisge r'a òl. 17 Dh'fhàs iad ann an gliocas agus ann an tuigse.*

ANNS an treas bliadhna do linn Iehoiacim rìgh Iudah, thàinig Nebuchadnesar rìgh Bhabiloin gu Ierusalem, agus chuairtich e le feachd e.

2 Agus thug an Tighearn Iehoiacim rìgh Iudah d'a làimh, le cuid do shoithichibh tighe Dhé, a thug e gu tìr Shùnnair, gu tigh a dhé; seadh, thug e na soithichean gu tigh-tasgaidh a dhé.

3 Agus labhair an rìgh ri Aspenas uachdaran a chailteanach, gu'n tugadh e leis cuid do chloinn Israeil, agus do shliochd an rìgh, agus do na prionnsasachaidh,

4 Clann air nach robh ciurrann air bith, ach a bha maiseach, agus foghlumte anns na h-uile ghliocas, agus fiosrach ann an eòlas, agus seòlta air ealuidh, agus a bha comasach air seasamh ann an luchairt an rìgh, agus d' am feudadh iad foghlum agus teangadh nan Caldéach a theagasg.

5 Agus dh'orduich an rìgh dhoibh lòn lathail do bhìadh an rìgh, agus do'n fhìon a bha e ag òl: mar sin 'g an àrachadh trì bliadhna, a chum gu seasadh iad an ceann na h-aimsir sin an làthair an rìgh.

6 A nis am measg na muinntir so bha do chloinn Iudah, Daniel, Hananiah, Misaël, agus Asariah:

7 D'an d'thug uachdaran nan cailteanach ainmean: oir thug e air Daniel *mar ainm* Beltesasar; agus air Hananiah Sadrach; agus air Misaël Mesach; agus air Asariah Abednego.

8 Ach ghabh Daniel rùn 'na chridhe nach truailleadh se e fèin leis a' chuibhrionn do bhìadh an rìgh, no leis an fhìon d' an d' òl e: uime sin ghuidh e air uachdaran nan cailteanach, nach biodh e air a shalachadh.

9 A nis thug Dia do Dhaniei deadh-ghean agus caoimhneas gràdhach o uachdaran nan cailteanach.

10 Agus thubhairt uachdaran nan cailteanach ri Daniel, Tha eagal orm roimh mo thighearn an rìgh, a dh'orduich 'ur biadh agus 'ur deoch: oir ciod uime am faiceadh e 'ur n-aghaidhean nì's miosa coslais na chlam eile d'ur seòrsa? an sin cuiridh sibh mise ann an cunnart mo chinn o'n rìgh.

11 An sin thubhairt Daniel ri Melsar, a

chuir uachdaran nan cailteanach os ceann Dhaniei, Hananiah, Mhisael agus Asariah,

12 Dearbh do sheirbhisich, guidheam ort, deich làithean, agus thugar dhuinn peasair ri h-ith-eadh, agus uisge r'a òl.

13 An sin amhaircear air ar n-aghaidhean ann ad làthair-sa, agus air aghaidh na cloinne ta 'g itheadh do chuibhrionn bith an rìgh: agus mar a chithear ceart duit, buin ri d'sheirbhisich.

14 Is amhuil a dh'aontaich e leo anns a' chùis so, agus dhearbhadh e iad deich làithean.

15 Agus an ceann dheich làithean bha dreach an aghaidhean nì bu mhaisiche agus nì bu shultmhòire na an uile chlamn a dh'ith an cuibhrionn do bhìadh an rìgh.

16 Mar so thug Melsar air falbh cuibhrionn am bith, agus am fìon bu chòir dhoibh òl; agus thug e dhoibh peasair.

17 A thaobh nan ceathrar chloinne so, thug Dia dhoibh eòlas agus tuigse anns na h-uile fhoghlum agus ghliocas: agus bha tuigse aig Daniel anns na h-uile sheallanaibh agus bhruadaraibh.

18 A nis aig ceann nan làithean, anns an d' thubhairt an rìgh gu'n tugadh e steach iad, an sin thug uachdaran nan cailteanach a steach iad an làthair Nebuchadnesar.

19 Agus rinn an rìgh còmhraidh riu; agus 'nam measg uile cha d'fhuaradh aon cosmhuil ri Daniel, Hananiah, Misaël, agus Asariah: air an aobhar sin sheas iad fa chomhair an rìgh.

20 Agus anns na h-uile ghnothuichibh gliocais agus tuigse a dh'fhiosraich an rìgh dhiubh, fhuair e iad deich uairean nì b' fhearr na na h-uile dhruidhean agus speuradairean a bha 'na rìoghachd uile.

21 Agus mhair Daniel gu ceud bhliadhna rìgh Chiruis.

CAIB. II.

1 *Ghairm Nebuchadnesar druidhean agus luchd-fiosachd nan Caldéach na làthair, 5 agus dh'iarr e gu'n tugadh iad fios da air a bhruadar a bha air dol as aire. 10 'Nuair a dh'aoidich iad nach b'urrann doibh an gnothuch fhoillseachadh do'n rìgh, dh'orduich e an cur gu bàs. 18 Chaidh am brudar fhoillseachadh do Dhaniei ann an sealladh na h-oidheche. 31 Am brudar agus a bhrìgh.*

AGUS anns an dara bliadhna do linn Nebuchadnesar, bhruadar Nebuchadnesar brudar, leis an robh 'inntinn air a buaireadh, agus dhealaich a chodal ris.

2 An sin dh'àithn an rìgh na druidhean, agus na speuradairean, agus an luchd-fiosachd agus na Caldéich a ghairm, a

DANIEL, II.

dh'fheuchainn do'n rìgh a bhruadair: mar sin thàinig iad, agus sheas iad an làthair an rìgh.

3 Agus thubhairt an rìgh riu, Bhruadair mi brúadar, agus bha m' iuntinn air a buaireadh a dh'fhaotainn fios a bhruadair.

4 An sin labhair na Caldéich ris an rìgh anns a' *chànain* Shiriaich, O a rìgh, mair beò gu bràth: innis do d' sheirbhisich am brúadar, agus feuchaidh sinne a bhrìgh.

5 Fhreagair an rìgh agus thubhairt e ris na Caldéich, Tha an nì air dol as m' aire; mur toir sibhse fios domh air a' bhrúadar le 'bhrìgh, gearrar sibh 'nur bloighdibh, agus nìhear 'ur tighean 'nan dùn aolaich.

6 Ach ma dh'fheuchas sibh am brúadar agus a bhrìgh, gheibh sibh uam-sa tiodhlacan agus duais, agus onòir mhòr: uime sin feuchaibh domh am brúadar agus a bhrìgh.

7 Fhreagair iadsan a ris, agus thubhairt iad, Innseadh an rìgh d'a sheirbhisich am brúadar, agus feuchaidh sinne a bhrìgh.

8 Fhreagair an rìgh agus thubhairt e, Tha fios again gu deimhin gu'm b' àill leibh ùine fhaotainn, a chionn gu bheil sibh a' faicinn gu bheil an nì air dol as m' aire.

9 Ach mur toir sibh fios domh air a' bhrúadar, *cha'n'èil ach an aon bhrèth dhuibh*: oir dh'ulluich sibh briathran breugach agus truailidh gu labhairt an làthair-sa, gu atharrachadh na h-aimsir: uime sin innsibh domh am brúadar, agus aithnichidh mi gur urrainn sibh a bhrìgh fheuchainn domh.

10 Fhreagair na Caldéich ann am fianuis an rìgh, agus thubhairt iad, Cha'n'èil duine air an talamh a's urrainn gnothuch an rìgh fhoillseachadh: air an aobhar sin cha'n'èil rìgh, no tighearn, no fear-riaghlaidh a dh'iarr an leithide so do nithibh air aon druidh, no speuradair, no Caldéach.

11 Agus is nì deacair a ta an rìgh ag iarraidh, agus cha'n'èil aon air bith eile a's urrainn fheuchainn fa chomhair an rìgh, ach na dée aig nach 'èil an còmh-nuidh maille ri feoil.

12 Air an aobhar so bha'n rìgh ann am feirg, agus ann an teas-chorruich, agus dh'aithn e uile dhaoine glìce Bhabiloin a mhilleadh.

13 Agus chaidh an t-ordugh a mach gu'm biodh na daoine glìce air am marbhadh; agus dh'iarr iad Daniel agus a chompanaich gu bhi air am marbhadh.

14 An sin fhreagair Daniel le comhairle agus le gliocas, Ariocho, ceann-feadhna freiceadain an rìgh, a chaidh a mach a mharbhadh dhaoine glìce Bhabiloin.

15 Fhreagair e agus thubhairt e ri Ariocho, ceann-feadhna an rìgh, C'ar son a tha'n t-ordugh cho dian o'n rìgh? An sin dh'innis Ariocho a' chùis do Dhanìel.

16 An sin chaidh Daniel a steach, agus ghuidh e air an rìgh gu'n tugadh e dha ùine agus gu feuchadh e do'n rìgh a' bhrìgh.

17 An sin chaidh Daniel g'a thigh, agus dh'innis e a' chùis do Hananiah, Mhisael, agus Asariah, a chompanaich;

18 A chum gu'n iarradh iad tròcair air Dia nèimh mu thimchioll na diomhair-eachd so; a chum nach bàsaicheadh Daniel agus a chompanaich leis a' chuid eile do dhaoine glìce Bhabiloin.

19 An sin bha an diomhaireachd air a foillseachadh do Dhanìel ann an sealladh san oidhche: an sin bheannaich Daniel Dia nèimh.

20 Fhreagair Daniel agus thubhairt e, Beannaichte gu robh ainm Dhé gu saoghal nan saoghal; oir is leis-san gliocas agus cumhachd.

21 Agus atharraichidh e na h-amanna, agus na h-aimsirean: atharraichidh e rìghrean, agus cuiridh e suas rìghrean: bheir e gliocas do'n ghlic, agus eòlas dhoibh-san d'an aithne tuigse.

22 Foillsichidh e na nithe domhain agus diomhair: is aithne dha ciod a ta san dorchadas, agus tha an solus a chòmh-nuidh maille ris.

23 Tha mi toirt buidheachais agus cliù dhuit, O thusa, a Dhia m' aithrichean, a thug domh gliocas agus cumhachd, agus a thug fios duinn a nis air an nì a dh'iarr sinn ort: oir thug thu fios duinn a nis air gnothuch an rìgh.

24 Uime sin chaidh Daniel a steach gu Ariocho, a shonraich an rìgh gu daoine glìce Bhabiloin a mhilleadh: chaidh e agus labhair e mar so ris, Na sgrìos daoine glìce Bhabiloin: thoir mise steach ann am fianuis an rìgh, agus feuchaidh mi do'n rìgh an seadh.

25 An sin thug Ariocho a stigh Daniel ann am fianuis an rìgh gu luath, agus thubhairt e mar so ris, Fhuair mi duine do bhraighdibh Iudah, a bheir fios do'n rìgh air an t-seadh.

26 Fhreagair an rìgh, agus thubhairt e ri Daniel, d' am b' ainm Beltesasar, An urrainn thusa fios a thoirt domh air a' bhrúadar a chunnaic mi, agus air a bhrìgh.

27 Fhreagair Daniel ann am fianuis an rìgh, agus thubhairt e, An diomhaireachd a dh'iarr an rìgh cha'n urrainn na daoine glìce, na speuradairan, na druidhean, no an luchd-fiosachd fheuchainn do'n rìgh;

28 Ach tha Dia ann an nèamh a dh'fhoill-

sicheas nithe dìomhair, agus a ta toirt fios do Nebuchadnesar ciod a thachras anns na làithibh deireannach. Do bhruadar, agus aisingean do chinn air do leabaidh, is iad so iad:

29 (Do d' thaobh-sa, O a rìgh, thàinig do smuainte ann ad aire air do leabaidh, na nithe bha ri tachairt 'na dhéigh so; agus tha esan a dh'fhoillsicheas nithe dìomhair a' toirt fios duit ciod a thig gu crìch.

30 Ach do m' thaobh-sa, cha'n 'eil an dìomhaireachd so air a leigeadh ris domh air son gliocais air bith a ta agam thar aon *duine* beò, ach air an son-san a nì a' bhrìgh aithnichte do'n rìgh; agus a chum gu'm biodh fios agad-sa air smuainte do chridhe:)

31 Chunnaic thusa, O a rìgh, agus feuch ìomhaigh mhòr: sheas an ìomhaigh mhòr so, aig an robh dealradh òirdheire, fa d' chomhair, agus bha a dreach uamhasach.

32 Bha ceann na h-ìomhaigh so do òr fìnealta, a h-ùchd agus a làmh do airgid, a brù agus a sléisde do umha.

33 A luirghean do iarunn, a cosan¹, cuid do iarunn, agus cuid do chré².

34 Chunnaic thu gus an robh clach air a gearradh a mach gun làmh, a bhuail an ìomhaigh air a cosan a bha do iarunn agus do chré, agus a bhris 'nam bloighdibh iad.

35 An sin bha an t-iarunn, a' chré, an umha, an t-airgid agus an t-òr, air am briseadh 'nam bloighdibh le chéile, agus dh'fhàs iad cosmhuil ri moll nan urlar-bualaidh anns an t-samhradh, agus thug a' ghaoth air falbh iad, ar chor as nach d'fhuaradh àite sam bith dhoibh: agus dh'fhàs a' chlach a bhuail an ìomhaigh 'na sliabh mòr, agus lìon i an talamh.

36 So am brudair; agus innsidh sinn a bhrìgh an làthair an rìgh.

37 O a rìgh, is rìgh os ceann rìghrean thusa: oir thug Dia nèimh dhuit rioghachd, cumhachd, agus neart, agus glòir.

38 Agus c'ait air bith am bheil clann nan daoine a' gabhail còmhnuidh, beathaichean na macharach, agus eunlaith an athair, thug e do d' làimh-sa, agus rinn e uachdaran diot os an ceann uile: is tusa an ceann so do òr.

39 Agus ann ad dhéigh-sa éiridh rioghachd eile, nì's lugha na thusa, agus treas rioghachd eile do umha, ag am bi uachdaranachd os ceann an domhain uile.

40 Agus bithidh an ceathramh rioghachd làidir mar iarunn: amhuil a bhriseas iarunn ann am bloighdibh, agus a chlaoidheas e na h-uile nithe: agus amhuil iarunn a bhriseas iad so uile, brisidh i ann am

bloighdibh, agus bruthaidh.

41 Agus mar a chunnaic thu na cosan agus na meoir, cuid do chré a' chriadhadair, agus cuid do iarunn, bithidh an rioghachd air a roinn; ach bithidh iunte do neart an iarunn, ann a' mheud as a chunnaic thu an t-iarunn air a mheasgadh le cré làthaich.

42 Agus mar a bha meoir nan cos, cuid do iarunn, agus cuid do chré; bithidh cuid d' an rioghachd làidir, agus cuid briste.

43 Agus mar a chunnaic thu iarunn air a mheasgadh le cré làthaich, measgaidh iadsan iad fèin le sìol dhaoine: ach cha ghreimich iad r'a chéile, amhuil mar uach gabh iarunn tathadh ri cré.

44 Agus ann an làithibh nan rìghrean so, cuiridh Dia nèimh suas rioghachd nach téid gu sìorruidh a sgrìos: agus cha bhi an rioghachd air a fàgail aig sluagh eile, *ach* brisidh i 'nam bloighdibh, agus caithidh i na rioghachdan so uile, agus seasaidh i gu sìorruidh.

45 Ann a' mheud as gu facadh tu gu'n robh a' chlach air a gearradh a mach as an t-sliabh as eugmhais làmh, agus gu'n do bhris i 'nam bloighdibh an t-iarunn, an umha, a' chré, an t-airgid agus an t-òr; thug an Dia mòr fios do'n rìgh ciod a thig gu crìch 'na dhéigh so: agus tha am brudair cìmteach, agus a bhrìgh dearbhtha.

46 An sin thuit an rìgh Nebuchadnesar air 'aghaidh, agus thug e urram do Dhanìel, agus dh'aitn e gu'n tugadh iad dha tabhartas agus boltrach cùbraidh.

47 Fhreagair an rìgh Daniel, agus thubhairt e, Gu fìrinneach is e bhur Dia-sa Dia nan dée, agus Tighearna na rìghrean, agus fear-foillseachaidh nithe dìomhair, air dhuit-se bhi comasach an dìomhair-eachd so fhoillseachadh.

48 An sin rinn an rìgh duine mòr do Dhanìel, agus thug e dha mòran thìodhlaca luachmhor, agus rinn e fear-riaghlaidh dheth os ceann mhòr-roinn Bhabiloin uile, agus ceannard air na h-uachdaran os ceann uile dhaoine glìce Bhabiloin.

49 An sin dh'iarr Daniel air an rìgh, agus chuir e Sadrach, Mesach, agus Abednego os ceann ghnòthuichean mhòr-roinn Bhabiloin, ach shuidh Daniel ann an geata an rìgh.

CAIB. III.

1 Chuir Nebuchadnesar suas ìomhaigh òir, agus dh'orduich e do gach sluagh aoradh a thoirt di. 8 Dhiùlt Sadrach, Mesach, agus Abednego so a dheanamh. 13 Bhagair an rìgh iad: 16 Am freagradh: 19 Thilgadh iad am meadhan na h-àmhuiin theintich: 24 Chuir Dia aingeal maille

DANIEL, III.

riu, agus cha robh cumhachd air bith aig an teine air an corpaibh. 26 Thug Nebuchadnesar a mach as an àmhuinn iad.

RINN Nebuchadnesar an rìgh iomh-aigh òir, a bha trì fichead làmh-choille air àirde, agus sè làmh-choille air leud: chuir e suas i ann am machair Dhura, ann am mòr-roinn Bhabiloin.

2 An sin chuir Nebuchadnesar an rìgh fios a chum gu'n cruinnichear ri chèile na prionnsachan, na fir-riaghlaidh, agus na cinn-fheadhna, na breitheamhna, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn, gu teachd a chum coisreagaidh na h-ìomhaigh a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheamhna, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn air an cruinneachadh ri chèile, chum coisreagaidh na h-ìomhaigh a chuir Nebuchadnesar an rìgh suas; agus sheas iad fa chomhair na h-ìomhaigh a chuir Nebuchadnesar suas.

4 An sin ghlaodh fear-éighich gu h-àrd, Dhuibh-se ta e air 'àithneadh, O shluagh, fhineacha, agus a theanganna,

5 Cìod air bith àm an cluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciùil, gu'n tuit sibh sìos, agus gu'n toir sibh aoradh do'n ìomhaigh òir a chuir an rìgh Nebuchadnesar suas.

6 Agus cò air bith nach strìochd sìos, agus nach dean aoradh, tilgear e san uair sin fèin ann am builsgan àmhuinn theintich dhian-loisgich.

7 Uime sin anns an àm sin, an uair a chuala an sluagh uile fuaim na trompaid, an fheadain, na clàrsaich, sacbuit, saltair, agus na h-uile seòrsa ciùil, thuit an sluagh uile, na fineacha, agus na teanganna, sìos, agus thug iad aoradh do'n ìomhaigh òir a chuir an rìgh Nebuchadnesar suas.

8 Air an aobhar sin, anns an àm sin thàinig Caldéich àraidh an fagus, agus rinn iad casaid air na h-Iudhaich.

9 Labhair iad, agus thubhairt iad ris an rìgh Nebuchadnesar, O a rìgh mair beò gu bràth.

10 Thug thusa, O a rìgh, ordugh gu'n deanadh gach aon a chluinneadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciùil, strìochdadh agus aoradh do'n ìomhaigh òir:

11 Agus cò air bith nach strìochd sìos, agus nach dean aoradh, gu'm biodh e air a thilgeadh ann am builsgan àmhuinn theintich dhian-loisgich.

12 Tha Iudhaich àraidh, a chuir thu os ceann ghnòthuichean mhòr-roinn Bhabiloin, Sadrach, Mesach, agus Abednego; cha d'thug na daoine so, O a rìgh, meas ortsa, cha 'n 'eil iad a' deanamh seirbhis do d' dhiathaibh, no toirt aoraidh do'n ìomhaigh òir a chuir thu suas.

13 An sin dh'àithn Nebuchadnesar, 'na fheirg, agus 'na chorruih, Sadrach, Mesach, agus Abednego, a thoirt d'a ionnsuidh: an sin thug iad na daoine so an làthair an rìgh.

14 Labhair Nebuchadnesar, agus thubhairt e riu, Am bheil so fìor, O Shadrach, a Mhesaich, agus Abednego? nach 'eil sibhse toirt seirbhis do m' dhiathaibh-sa, no toirt aoraidh do'n ìomhaigh òir a chuir mi suas?

15 A nis ma bhios sibh deas, ge b'e air bith àm anns an cluinn sibh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciùil, gu strìochdadh sìos, agus aoradh a dheanamh do'n ìomhaigh a rinn mise, *is maith*: ach mur dean sibh aoradh, tilgear sibh, anns a' cheart uair sin, ann am builsgan àmhuinn theintich dhian-loisgich; agus cò an Dia sin a's urrainn 'ur tearnachd as mo làmh-an-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesar, cha 'n 'eil suim againne freagradh a thoirt duit anns a' chùis so.

17 Ma's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theintich dhian-loisgich, agus ni e ar saoradh as do làmh-sa, O a rìgh.

18 Ach mur dean, biodh fios agad, O a rìgh, nach toir sinn seirbhis do d' dhiathaibh, no aoradh do'n ìomhaigh òir a chuir thu suas.

19 An sin bha Nebuchadnesar làn do chorruih, agus bha dreach a ghnùise air caochladh an aghaidh Shadrach, Mhesaich, agus Abednego; labhair agus dh'àithn e gu'n teasaicheadh iad an àmhuinn seachd uairean ni bu mhò na bu ghnàth-leo a teasachadh.

20 Agus dh'àithn e do na daoine bu treise 'na fheachd Sadrach, Mesach, agus Abednego a cheangal, agus a thilgeadh do'n àmhuinn theintich dhian-loisgich.

21 An sin cheangladh na daoine so 'nan còtaichibh, 'nan triughasaibh, agus 'nan ceann-eudaichibh, agus 'nan eudaichibh eile, agus thilgeadh iad ann am meadhan na h-àmhuinn theintich dhian-loisgich.

22 Air an aobhar sin, a chionn gu'n robh àithne an rìgh ro theann, agus an àmhuinn ro theith, mharbh lasair an teine na daoine sin a thog suas Sadrach, Mesach, agus Abednego.

23 Agus thuit an triuir dhaoine so, Sadrach, Mesach, agus Abednego sìos ceangaichte ann am builsghean na h-àmhluinn theitnich dhian-loisgich.

24 An sin bha an rìgh Nebuchadnesar làn namhuinn, agus dh'èirich e suas ann an deifir, agus labhair e, agus thubhairt e r'a chomhairlich, Nach do thilg sinn triuir dhaoine ceangaichte do mheadhon an teine? Fhreagair iadsan agus thubhairt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chì mi ceathrar dhaoine fuasgaichte, a' coiseachd ann am meadhon an teine, agus cha'n 'eil dochann sam bith orra, agus tha coslas a' cheathramh mar mhaic Dé.

26 An sin thàinig Nebuchadnesar dlùth do bheul na h-àmhluinn theitnich dhian-loisgich, agus labhair e, ag ràdh, A Shadraich, Mhesaich, agus Abednego, òglacha an Dé a's àirde, thigibh a mach, agus thigibh an so. An sin thàinig, Sadrach, Mesach, agus Abednego a mach á meadhon an teine.

27 Agus chunnaic na prionnsachan, na uachdarain, agus na cinn-fheadhna, agus comhairlich an rìgh, a bha cruinn air ceann a chéile, na daoine so, nach robh cumhachd air bith aig an teine air an corpaibh, ni mò bha fuiltean d' an ceann dàithite, no an còtaichean air an caochladh, no fàile an teine dhiubh.

28 An sin labhair Nebuchadnesar, agus thubhairt e, Gu ma beannaichte gu robh Dia Shadraich, Mhesaich, agus Abednego, a chuir a nuas 'aingéal, agus a shaor 'òglach a chuir an dòchas ann, agus a chuir an aghaidh focail an rìgh, agus a thug seachad an cuirp a chum nach tugadh iad seirbhis no aoradh do dhia air bith, ach an Dia féin.

29 Uime sin tha mise a' toirt teann-ordugh, gu'm bi gach sluagh, cinneach, agus teangaidh, a labhras ni sam bith air dhochair an aghaidh Dhé Shadraich, Mhesaich, agus Abednego, air an gearradh 'nam bloighdibh, agus an tighean air an deanamh 'nan dùn aolach, a chionn nach 'eil Dia air bith eile ann a's urrainn tèarnadh air an dòigh so.

30 An sin dh'àrdaich an rìgh Sadrach, Mesach, agus Abednego ann am mòr-roinn Babiloin.

CAIB. IV.

1 *Chuir Nebuchadnesar an céill gu'n robh uachdar-anachd an Tighearna o linn gu linn. 4 Dh'aithris e an aistig a chunnaic e. 8 Dh'innis Daniel dha ciod bu bhrìgh dhi. 28 Choinhilionadh an aistig.*

NEBUCHADNESAR an rìgh chum nan uile shluagh, fhineacha agus theanganna a ta còmhnuidh air an talamh uile: Gu meudaichear sìth dhiubh.

2 Chunnacas ceart dhomh-sa gu'n cuirinn an céill na comharan agus na mìorbhuilean a dh'oibrich an t-àrd Dhia do m' thaobh.

3 Cia mòr a chomharan! agus cia cumhachdach a mìorbhuilean! a rioghachd-san is rioghachd shiorruidh i, agus tha 'uachdaranachd o linn gu linn.

4 Bha mise Nebuchadnesar gu suaimhneach ann am thigh, agus gu h-àluinn ann am lùchairt:

5 Chunnaic mi brudar a chuir eagall orm, agus rinn mo smuainte air mo leabaidh, agus aislinge mo chinn mo bhuair-eadh.

6 Uime sin thug mi teann-ordugh uile dhaoine glìce Babiloin a thoirt a steach a'm' fhianuis, a chum gu'n tugadh iad fios domh air brìgh a' bhrudair.

7 An sin thàinig a steach na druidhean, na speuradairean, na Caldéich, agus na fiosaichean: agus dh'innis mi am brudar 'nan làthair; ach cha d'thug iad fios domh air a bhrìgh.

8 Ach mu dheireadh thàinig Daniel a steach a'm' làthair, (d' am b' ainm Beltesasar, a réir ainme mo dhé-sa, agus anns am bheil spiorad nan dée naomha,) agus 'na làthair-san dh'innis mi am brudar, *ag ràdh,*

9 O Bheltesasar, thusa a's àirde do na druidhibh, a chionn gu bheil fios agam gu bheil spiorad nan dée naomha annad-sa, agus nach cuir dìomhaireachd air bith dragh ort, innis domh sealladh mo bhrudair a chunnaic mi, eadhon a bhrìgh.

10 Mar so bha aislinge mo chinn air mo leabaidh; Chunnaic mi, agus, feuch, craobh ann am meadhon na talmhainn, agus bha a h-àirde mòr.

11 Dh'fhàs a' chraobh, agus bha i làidir, agus ràinig a h-àirde gu nèamh, agus a sealladh gu crìch na talmhainn uile:

12 Bha a duilleach maiseach, agus a toradh pailt, agus innte bha biadh air son na h-uile: bha aig beathaiche na macharach sgàile fuipe, agus ghabh eunlaith an athair còmhnuidh 'na geugaibh, agus beathaicheadh na h-uile fheoil uaipe.

13 Chunnaic mi ann an aislingibh mo chinn air mo leabaidh, agus, feuch, thàinig fear-faire, eadhon ann naomh a nuas o nèamh:

14 Ghlaodh e gu h-àrd, agus thubhairt e mar so, Gearr sìos an crann, agus sgath dheth a gheugan, crath dheth a dhuilleach, agus sgap a thoradh; imicheadh na beathaichean o bhi fuidhe, agus na h-eunlaith o 'gheugaibh.

15 Gidheadh, fàg bun a fhreumh anns an talamh, eadhon le boinn iarunn agus

DANIEL, IV.

umha, ann am feur maoth na faiche; agus biodh e fliuch le dealt nèimh, agus a chuibhrionn leis na beathaichibh ann am feur na talmhainn.

16 Atharraichear a chridhe o bhi 'na chridhe duine, agus thugar dha cridhe ainmhidh; agus gabhadh seachd aimsirean thairis air.

17 Tha a' chùis so le teann-ordugh nam fear-faire, agus an t-iarrtus air focal nan naomh: a chum gu'm biodh fios aig na bheil beò gu bheil an Ti a's àirde a' riaghladh ann an rìoghachd dhaoine, agus 'ga tabhairt do neach air bith as àill leis, agus a' cur suas os a ceann an ti a's surraiche do dhaoine.

18 Am brudar so chunnaic mise Nebuchadnesar an rìgh: a nis, O Bheltesasair, foillsich thusa a bhrìgh, a chionn nach 'eil uile dhaoine glìce mo rìoghachd comasach air fios a thoirt domh air a bhrìgh: ach tha thusa comasach, oir tha spiorad nan dèe naomha annad.

19 An sin bha Daniel, (d' am b' ainm Beltesasar,) air a lìonadh le h-uamhunn car aon uaire, agus rinn a smuaintean a bhuaireadh: labhair an rìgh, agus thubhairt e, A Bheltesasair, na deanadh am brudar no a bhrìgh do bhuaireadh. Fhreagair Beltesasar, agus thubhairt e, Mo thighearn, biodh am brudar dhoibhsan le am fuathach thu, agus a bhrìgh do d' naimhdibh.

20 An crann a chunnaic thu, a dh'fhàs, agus a bha làidir, a ràinig 'àirde gu nèamh, agus a shealladh gus an talamh uile;

21 Aig an robh a dhuilleach maiseach, agus a thoradh pailt, agus anns an robh biadh do na h-uile; fuidh an do ghabh beathaichean na macharach còmhnuidh, agus aig an robh air a gheugaibh àite-tàimh do eunlaith an athair:

22 Is tusa sin, O a rìgh, a ta air fàs agus air cinnntinn làidir: oir tha do mheud air fàs agus a' rugheachd gu nèamh, agus t' uachdaranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgrios e; gidheadh fàg bonn a fhreumh anns an talamh, eadhon le boinn iaruin agus umha ann am feur maoth na faiche; agus biodh e fliuch le dealt nèimh, agus a chuibhrionn le beathaichibh na macharach, gus an gabh seach aimsirean thairis air:

24 Soa' bhrìgh, O a rìgh, agus so ordugh an Ti a's àirde, a ta air teachd air mo thighearn an rìgh:

25 Gu fògair iad thu o dhaoineibh, agus gu'm bi do chòmhnuidh le beathaichibh na macharach, agus bheir iad ort feur

itheadh mar dhaimh, agus fliuchaidh iad thu le dealt nèimh, agus théid seachd aimsirean thairis ort, gus am bi fios agad gu bheil an Ti a's àirde a' riaghladh ann an rìoghachd dhaoine, agus 'ga tabhairt do neach air bith as àill leis.

26 Agus mar a dh'àithn iad bun freumh a' chroinn fhàgail, bithidh do rìoghachd cinnteach dhuit, an déigh dhuit fios a bhi agad gu bheil na nèamhan a' riaghladh.

27 Uime sin, O a rìgh, biodh mo chomhairle-sa taitneach leat, agus bris air falbh do pheacanna le fireantachd, agus t' euceartan le tròcair a nochdadh do na bochdaibh, a dh'fheuchainn am buanaichear do shìochaint.

28 Thàinig so uile air rìgh Nebuchadnesar.

29 An ceann dà mhìos deug bhia e spaisdearachd ann an lùchairt rìoghachd Bhabailoin.

30 Labhair an rìgh agus thubhairt e, Nach i so Babilon mhòr, a thog mise mar thigh na rìoghachd, le neart mo chumhachd, agus air son onoir mo mhòrachd?

31 Am feadh a bha am focal ann am beul an rìgh, thuit guth o nèamh, ag ràdh, O a rìgh Nebuchadnesair, riutsa ta e air a labhairt, Tha an rìoghachd air dealachadh riut.

32 Agus fògraidh iad thu o dhaoine, agus bithidh do chòmhnuidh le beathaichibh na macharach: bheir iad ort feur itheadh mar dhaimh, agus théid seachd aimsirean thairis ort, gus am bi fios agad gu bheil an Ti a's àirde a' riaghladh ann an rìoghachd dhaoine, agus 'ga tabhairt do neach air bith as àill leis.

33 Air an uair sin féin choimhlionadh an nì sin air Nebuchadnesar; agus bha e air fhògradh o dhaoine, agus dh'ith e feur mar dhaimh, agus bha a cholaun fliuch le dealt nèimh, gus an d'fhàs 'fhionna mar chloimh na h-iolaire, agus 'iongannan mar *spuirean* eun.

34 Agus an ceann nan làithean thog mise Nebuchadnesar suas mo shùilean ri nèamh, agus phill mo thuigse a m' ionnsuidh, agus bheannaich mi an Ti a's àirde, agus chliùthaich mi, agus thug mi onoir dha-san a ta beò gu sìorruidh, aig am bheil 'uachdaranachd 'na h-uachdaranachd shìorruidh, agus a rìoghachd o linn gu linn.

35 Agus tha uile luchd-àiteachaidh na talmhainn air am meas mar neo-nì: agus nì esan mar is àill leis ann an Ti a's àirde nèimh, agus am measg luchd-àiteachaidh na talmhainn: agus cha 'n urrainn aon neach a làmh a bhacadh, no ràdh ris, Ciod a tha thu deanamh?

36 Anns an àm sin féin phill mo thuigse thugam; agus a thaobh glòir mo rìoghachd, phill m' onoir agus mo mhòrachd

thugam, agus dh'iarr mo chomhairlichean agus mo thighearnan a m' ionnsuidh; agus bha mi air mo dhaingnicheadh ann am rìoghachd, agus thugadh tuilleadh dhomh do mhòrachd òirdheire.

37 A nis tha mise Nebuchadnesar a' cliùthachadh agus ag àrdachadh, agus a' toirt onoir do Rìgh nèimh, aig am bheil 'uile oibre 'nam firinn, agus a shligheanna 'nam breitheanais; agus a' mhuinntir a shiùbhlas ann an uabhar, tha esan comasach air an isleachadh.

CAIB. V.

1 *Cuirm aingidh Bhelsasar: 5 Rìnn a smuaintean a bhuaireadh 'nuair chunnaic e an lamh-sgrìobhaidh air a' bhalla. 25 Dh'innis Daniel do'n rìgh brìgh an sgrìobhaidh.*

RINN Belsasar an rìgh cuirm mhòr do mhìle d'a thighearnaibh agus dh'òl e fìon ann an làthair a' mhìle.

2 Dh'àithn Belsasar, 'nuair a bhlais e am fìon, na soithichean òir agus airgid a thug 'athair Nebuchadnesar as an teampull a bha ann an Ierusalem a thoirt d'a ionnsuidh, a chum gu'n òladh an rìgh agus a mhòr-uaislean, a mhnathan agus a choimhleabaich asda.

3 An sin thug iad thuige na soithichean òir a thugadh a' teampull tighe Dhé, a bha ann an Ierusalem; agus dh'òl an rìgh agus a mhòr-uaislean, a mhnathan agus a choimhleabaich asda.

4 Dh'òl iad fìon, agus chliùthaich iad na diathan òir agus airgid, umha, iarunn, fhiodha, agus chloiche.

5 Anns an uair sin féin thàinig a mach meoir làimhe duine, agus sgrìobh iad thall fa chomhair a' choinneir, air aghaidh balla luchairt an rìgh; agus chunnaic an rìgh a' chuid d'an làimh a sgrìobh.

6 An sin chaochail gnùis an rìgh, agus rinn a smuaintean a bhuaireadh, air chor as gu'n robh uilt a leasraidh air am fuasgladh, agus bhuail a ghlùinean an aghaidh a chèile.

7 Ghlaodh an rìgh gu h-àrd na speuradairean, na Caldéich, agus na fiosaichean a thoirt a stigh: agus labhair an rìgh, agus thubhairt e ri daoine glìce Bhabiloìn, Cò air bith a leughas an sgrìobhadh so, agus a dh'fhoillsicheas domh-sa a bhrìgh; sgeudaichear e le sgarlaid, agus cuirear slabhruidh òir m'a mhuineal, agus is e an tras fear-riaghlaidh a bhios anns an rìoghachd.

8 An sin thàinig uile dhaoine glìce an rìgh a steach; ach cha b'urrainn iad an sgrìobhadh a leughadh, na fios a thoirt do'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnùis air a h-atharrachadh, agus bha uamhas air a thighearnaibh.

10 *A nis thàinig a' bhan-rìghinn air son bhriathran an rìgh agus a thighearnan, a stigh gu tigh na cuirme; agus labhair a' bhan-rìghinn, ag ràdh, O a rìgh mair beò gu bràth: na deanadh do smuainte do bhuaireadh, agus na biodh do ghnùis air a caochladh.*

11 Tha duine ann ad rìoghachd anns am bheil spiorad nan dée naomha, agus ann an làithibh t'athar, bha solus, agus tuigse, agus gliocas, mar ghliocas nan dée, air am faotainn ann; neach a rinn an rìgh Nebuchadnesar t'athair, t'athair-sa, O a rìgh, 'na uachdaran air na druidhibh, speur-adairibh, Caldéich, agus fiosaichibh;

12 Do bhrìgh gu'n d'fhuair eadh spiorad òirdheire agus eòlas, agus tuigse, mìnèachadh bhruadar, agus taisbean cheistean cruaidhe, agus fuasgladh imcheistean, anns an Daniel so féin, air an d'thug an rìgh mar ainm Beltesasar: a nis gairmeair Daniel, agus foillsichidh esan a bhrìgh.

13 An sin thugadh Daniel a steach an làthair an rìgh; agus labhair an rìgh, agus thubhairt e ri Daniel, An tusa an Daniel sin a ta do chloinn bhraighdeanais Iudah, a thug an rìgh, m' athair á tìr nan Iudhach?

14 Chuala mise iomradh ort, gu bheil spiorad nan dée annad, agus gu bheil solus, agus tuigse, agus gliocas òirdheire air 'fhaotainn annad.

15 Agus a nis thugadh na daoine glìce, na speuradairean a steach a'm' fhianuis, a chum gu'n leughadh iad an sgrìobhadh so, agus gu'n tugadh iad dhomh-sa fios air a bhrìgh: ach cha b'urrainn iad brìgh na cùise fhoillseachadh.

16 Agus chuala mi do d' thaobh-sa, gur urrainn thu brìgh a thoirt a' nì, agus ceistean fuasgladh; a nis ma's urrainn thu an sgrìobhadh a leughadh, agus a bhrìgh fhoillseachadh dhomh-sa, éidichear thu le sgarlaid, agus cuirear slabhruidh òir mu d' mhuineal, agus is tu an tras fear-riaghlaidh a bhios anns an rìoghachd.

17 An sin fhreagair Daniel, agus thubhairt e an làthair an rìgh, Biodh do thiodhlacan agad féin, agus thoir do dhuaisean do neach eile, gidheadh leughaidh mise an sgrìobhadh do'n rìgh, agus leigidh mi ris a bhrìgh dha.

18 O thusa a rìgh, thug an Dia a's àirde do Nebuchadnesar t'athair rìoghachd, agus mòrachd, agus glòir, agus onoir.

19 Agus air son na mòrachd a thug e dha, bha crith agus eagal air na h-uile shluagh, fhìneachaibh, agus theangannaibh roimhe: mharbhadh e an tì a b'àill leis, agus an neach a b'àill leis chumadh e beò, agus an neach a b'àill leis chuireadh e suas, agus an neach a b'àill leis chuir eadh e sìos.

20 Ach an uair a bha a chridhe air a

DANIEL, V. VI.

thogail suas, agus 'inntinn air a cruadhachadh ann an uabhar, chuireadh sìos o' chaithir rìoghail e, agus thug iad a ghlòir uath.

21 Agus dh'fhògradh e o chloinn nan daoine, agus bha a chridhe mar na h-ainmhidhean, agus a chòmhnuidh leis na h-asalaibh fiadhaich: bhìadh iad e le feur mar dhaimh, agus bha a chorp fliuch le drùchd nèimh, gus an d'aithnich e gu'm b' e an Dia a's àirde bha riaghladh ann an rìoghachd dhaoine, agus gu bheil e 'g orduchadh os a ceann an tì is àill leis.

22 Agus thusa a mhac, O Bhelsasair, cha d'islich thu do chridhe, ged bha fios agad air so uile:

23 Ach thog thu suas thu féin an aghaidh Tighearna nèimh, agus thug iad soithichean a thighe ann ad làthair, agus dh'òl thu féin, agus do thighearnan, do mhnathan, agus do leannan, fìon asda, agus chliùthaich thu na diathan airgid, agus òir, umha, iaruin, fhiodha, agus chloiche, aig nach 'eil léirsinn no clàisteachd, no aithne: agus an Dia aig am bheil t'anail 'na làimh, agus do'm buin t'uile shlighe, cha do ghlòraich thu.

24 An sin chuireadh a' chuid do'n làimh uath, agus bha an sgrìobhadh so air a sgrìobhadh.

25 Agus so an sgrìobhadh a bha air a sgrìobhadh, MENE, MENE, TECEL, UPHARSIN.

26 So brìgh na cùise; MENE, rinn Dia do rìoghachd àireamh, agus chriochnaich e i.

27 TECEL, tha thu air do thomhas air a' mheigh, agus fhuair ead easbhuidheach thu.

28 PERES, roinneadh do rìoghachd, agus thugadh i do na Medich agus do na Persich.

29 An sin dh'àithn Belsasar gu'n éideadh iad Daniel le sgarlaid, agus gu'n cuireadh iad slabhruidh òir m'a mhuineal, agus gu'n glaothadh iad m'a thimchioll gu'm b' e an tras fear-riaghlaidh a bhiodh anns an rìoghachd.

30 Air an oidhche sin chaidh Belsasar rìgh nan Caldéach a mharbhadh.

31 Agus ghlac Darius am Medach an rìoghachd, agus e mu thimchioll trì fichead agus dà bhliadhna dh'aois.

CAIB. VI.

1 Chuireadh Daniel os ceann nan uachdaran: 4 rinn iadsan ceannairc 'na aghaidh, agus thug iad air Darius a thilg do gharaidh nan leòmhann. 18 Theasairg Dia e air dòigh ro iongantach. 24 Thilgeadh a naimhdean do'n gharaidh, agus mharbh na leòmhain iad. 25 Chliùthaich Darius Dia.

B'I toil Dhariuis ceud agus fichead uachdaran a chur os ceann na rìoghachd, muinntir a bhiodh os ceann na rìoghachd uile;

2 Agus os an ceann so trì àrd-uachdaran, (do'm b' e Daniel an ceud aon,) a chum gu'n tugadh na h-uachdaran an cunntais doibh, agus nach biodh calltach air bith aig an rìgh.

3 An sin bha Daniel so air 'àrdachadh os ceann nan uachdaran, agus nam prionnsachan, a chionn gu'n robh spiorad òirdheire ann; agus bha e'n aire an rìgh a chur os ceann na rìoghachd uile.

4 An sin dh'iarr na h-uachdaran agus na prionnsachan cùis fhaotainn an aghaidh Dhaniail a thaobh na rìoghachd, ach cha b'urrainn iad cùis air bith fhaotainn no coire: do bhrìgh gu'n robh e dìleas, ni mò fhuair ead mearachd no coire sam bith ann.

5 An sin thubhairt a' mhuinntir so, Cha'n fhaigh sinn cùis air bith an aghaidh an Daniail so, mur faigh sinn i 'na aghaidh a thaobh reachd a Dhé.

6 An sin chruinnich na h-uachdaran agus na prionnsachan so ri chéile chum an rìgh, agus thubhairt iad ris mar so, A rìgh Dhariuis mair beò gu bràth.

7 Ghabh uile uachdaran na rìoghachd, an luchd-riaghlaidh, agus na prionnsachan, an comhairlich agus na cinn-fheadhna, comhairle le chéile gu reachd rìoghail a dhaingneachadh, agus ordugh làidir a dheanamh, ge b' e dh'iarras ath-chuinge air bith air aon dia no duine rè deich làithean fichead, ach orts, O a rìgh, gu'n tilgear e ann an garaidh nan leòmhann.

8 A nis, O a rìgh, daingnich an t-ordugh agus seulaich an sgrìobhadh, a chum nach caochlaidhear e, a réir reachd nam Medach agus nam Persach, nach fheadar atharrachadh.

9 Uime sin sheulaich rìgh Daruis an sgrìobhadh agus an t-ordugh.

10 A nis 'nuair a thuig Daniel gu'n deachaidh an sgrìobhadh a sheulachadh, chaidh e chum a thighe, agus air da 'uinneagan a bhi fosgailte 'na sheòmar ri Ierusalem, thuit e sìos air a ghlùinibh trì uairean anns an là, agus rinn e urnuigh, agus thug e buidheachas an làthair a Dlia, mar a rinn e san aimsir roimhe.

11 An sin chruinnich na daoine so, agus fhuair iad Daniel ri urnuigh, agus a' deanamh athchuinge ann an làthair a Dhia.

12 An sin thàinig iad am fagus, agus labhair iad ann am fianuis an rìgh mu thimchioll orduigh an rìgh, Nach do sheulaich thusa reachd, gach duine sam bith a ni athchuinge ri aon dia no duine, an taobh a stigh do dheich làithean fichead, ach riutsa, O a rìgh, gu'n tilgear ann an garaidh¹ nan leòmhann e? Fhreagair an

¹ slochd,

righ, agus thubhairt e, Tha an nì fìor a rèir reachd nam Medach agus nam Persach, nach atharraichear.

13 An sin fhreagair iadsan, agus thubhairt iad ann an làthair an rìgh, Daniel sin a ta do chloinn bhruid Iudah, cha'n 'eil suim aige dhìot-sa, O a rìgh, no do'n reachd a sheulaich thu, ach tha e ri ath-chuinge trì uairean anns an là.

14 Na sin bha 'n rìgh, 'nuair a chual e na briathran, ro dhiombach dheth fèin, agus shuidhich e a chridhe air Daniel g'a shaoradh: agus shaothraich e gu dol fuidhe na grèine chum a thèarnadh.

15 An sin chruinnich na daoine'so chum an rìgh, agus thubhairt iad ris an rìgh, Biodh fios agad, O a rìgh, gur e lagh nam Medach agus nam Persach, nach feudar ordugh no reachd air bith a dhaingnich an rìgh a chaochladh.

16 Na sin dh'àithn an rìgh, agus thug iad leo Daniel, agus thilg iad e do gharaidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis a ghnàth, nì esan do thèarnadh.

17 Agus thugadh clach, agus leagadh air beul na garaidh i; agus sheulaich an rìgh le 'sheula fèin i, agus le seula a thighearnan; a chum nach biodh a' choinhaire air a h-atharrachadh mu thimchioll Dhaniell.

18 An sin chaidh an rìgh d'a lùchairt, agus chaith e an oidheche ri trasg: nì mò thugadh innil-ciùil 'na làthair; agus dh'imich a chodal uaith.

19 An sin dh'èirich an rìgh gu ro mhoch anns a' mhaduinn, agus chaidh e gu luath gu garaidh nan leòmhann.

20 Agus an uair a thàinig e chum na garaidh, ghlaodh e le guth muldach 'ri Daniel; seadh labhair an rìgh, ag ràdh ri Daniel, O Dhaniell, òglaich an Dé bheò, am bleid do Dhia, d'am bheil thu a' deanamh seirbhis an còmhnuidh, comasach air do thèarnadh o na leòmhanaibh?

21 An sin thubhairt Daniel, O a rìgh mair beò gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mo dhochann: do bhrìgh 'na fhianuis gu'n d'fhuairleadh neo-chiont annam; agus fòs a'd' fhianuis-sa, O a rìgh, cha d'rinn mi cron sam bith.

23 An sin bha an rìgh ro aoibhneach air a shon, agus dh'àithn e gu'n tugadh iad Daniel a nìos as a' gharaidh: mar sin thugadh Daniel a nìos as a' gharaidh, agus cha d'fhuairleadh gnè air bith doch-ainn air, a chionn gu'n do chreid e 'na Dhia.

24 Agus dh'àithn an rìgh, agus thug iad

leo na daoine sin a rinn casaid air Daniel, agus thilg siad iad do gharaidh nan leòmhann, iad fèin, an clann, agus am mnathan; agus thug na leòmhain buaidh orra, agus bhris iad an cnàmhan uile 'nam bloighdibh, mu'n d' ràinig iad ìochdar na garaidh.

25 An sin sgrìobh Darius a chum nan uile shluagh, chinneach agus chànaicean a ta còmhnuidh air an talamh uile, Gu robh sìth air a meudachadh dhuibh.

26 Tha mise a' toirt orduigh, anns gach uile thighearnas do m' rìoghachd, gu'm bi crìth agus eagal air daoine roimh Dhia Dhaniell: oir is esan an Dia beò, agus bunaiteach gu bràth, agus a rìoghachd-san cha sgriosar a chaoidh, agus 'uachdaranachd tha gus a' chrìoch.

27 Saoraidh esan, agus tèarnaidh e, agus oibrichidh e comharan agus mìorbhuilean air nèamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhariuis, agus ann an linn Chiruis am Persach.

CAIB. VII.

1 *Aisling mu thimchioll nan ceithir bheathaichean mòra a thàinig a nìos as an fhaire, 8 agus mu thimchioll caithir-rìoghail an Tighearna. 15 Brìgh nan aisling.*

ANN an ceud bhliadhna Bhelsasair rìgh Bhabiloin, chunnaic Daniel brùadar, agus aisling a chinn air a leabaidh: an sin sgrìobh e am brùadar, agus dh'innis e suim nan nìthe.

2 Labhair Daniel agus thubhairt e, Chunnaic mi ann am aisling anns an oidheche, agus, feuch, ghleachd ceithir ghaotha nèimh air an fhaire mhòir.

3 Agus thàinig ceithir beathaichean mòra nìos as an fhaire, eag-samhuil aon o chèile.

4 Bha a' cheud aon cosmhuil ri leòmhann, agus bha sgiathan iolair e aige: agus dh'amhairc mi gus an do spionadh a sgiathan, agus thogadh suas o'n talamh e, agus thugadh air seasamh air a chosaibh mar dhuine, agus thugadh dha cridhe duine.

5 Agus feuch beathach eile, an dara aon, cosmhuil ri math ghlamhuinn, agus thog e suas e fèin air aon taobh, agus bha aige trì giala 'na bheul, an taobh a stigh d'a fhiaclaibh: agus thubhairt iad ris mar so, Eirich, slug mòran feòla.

6 'Na dhèigh so dh'amhairc mi, agus, feuch, aon eile amhuil liopard, aig an robh air a dhruim ceithir sgiathan eoin; bha aig a' bheathach mar an ceudna ceithir chinn; agus thugadh dha uachdaranachd.

7 'Na dhèigh so chunnaic mi ann am aislingibh na h-oidheche, agus feuch ceathramh beathach; eagalach agus uamhasach, agus ro làidir; agus bha fiacal

DANIEL, VII. VIII.

mòra iarunn aige: shluig e suas agus bhris e ann am bloighdibh, agus shaltair e 'm fuigheall le 'chosaibh; agus bha e ea-cosmhail ris na h-uile bheathaichean a bha roimhe; agus bha deich adhaircean air.

8 Thug mi fa' nearna h-adhaircean, agus, feuch, thàinig a nìos 'nam measg adhare bheag eile, roimh an robh trì do na ceud adhaircibh air an spìonadh a nìos as am freumhaibh: agus, feuch, anns an adharc so bha sùilean mar shùilean duine, agus beul a' labhairt nithe mòra.

9 Dh'amhaire mi gus an robh na rìgh-chaithrichean air an suidheachadh, agus shuidh Aosda nan làithean, aig an robh a thrusgan geal mar shneachdadh, agus folt a chinn mar olainn ghlain; a chaithir-rìoghail mar lasair theine, a rothan mar theine loisgeach.

10 Bhrùchd sruth teinteach, agus thàinig e mach o a làthair: bha mìle do mhìltibh a' frìthealadh dha, agus sheas deich mìle uair deich mìle 'na fhianuis: shuidhich-eadh ann breitheanas, agus dh'fhosgladh na leabhraichean.

11 Dh'amhaire mi an sin, do bhrìgh guth nam briathran mòra a labhair an adharc: dh'amhaire mi gus an do mharbhadh am beathach, agus gus an robh a chorp air a sgrios, agus air a thoirt do'n lasair loisgich.

12 A thaobh na cuid eile do na beathaichibh, thugadh an uachdaranachd air falbh: gèidheadh shìneadh am beatha, rè tamuill agus aimsir.

13 Chunnac mi ann an aisingibh na h-oidhche, agus, feuch, thàinig neach cosmhail ri mac an duine le neulaibh nèimh, agus thàinig e chum Aosda nan làithean, agus thug iad e dlùth 'na làthair.

14 Agus thugadh dha uachdaranachd, agus g'loir, agus rìoghachd, a chum gu'n tugadh na h-uile shluagh, chinneacha, agus theanganna, seirbhìs dha: 'uachdaranachd is uachdaranachd shiorruidh i, nach sìubhail thairis, agus a rìoghachd cha sgrios a i.

15 Bha mise Daniel muldach ann am spiorad, ann am meadhon mo chuirp, agus rinn aisingean mo chinn mo bhuaireadh.

16 Thàinig mi am fagus do aon dhiubhsan a sheas dlùth, agus dh'fheòraich mi dheth brìgh an iomlain deth so: an sin dh'innis e dhomh, agus thug e fios domh air brìgh nan nithe.

17 Na ceithir beathaiche mòra so, is ceithir rìghrean iad, a dh'èircas a mach as an talamh.

18 Ach glacaidh naoimh an Tì a's àirde an rìoghachd, agus sealbhaichidh iad an rìoghachd gu sìorruidh, eadhon gu saoghal nan saoghal.

19 An sin b'ùill leam fios fhaotainn air

scadh a' cheathramh beathaich, a bha eag-samhuil ri càch uile, anbharr uamhasach, aig an robh 'fhiacra do iarunn, agus 'iongannan do phrais; a shluig suas, a bhris ann am bloighdibh, agus a shaltair am fuigheall le 'chosaibh;

20 Fòs air seadh nan deich adhare bha 'na cheann, agus na h-aoin eile a thàinig a nìos agus roimh an do thuit trì, eadhon na h-adhaire sin aig an robh sùilean, agus beul a labhair nithe no mhòr, aig an robh sealladh ni bu chruadalaiche na càch.

21 Dh'amhaire mi, agus rinn an adharc cheudna cogadh ris na naoimh, agus bhuaidhaich i 'nan aghaidh;

22 Gus an d'thàinig Aosda nan làithean, agus an d' thugadh breitheanas do naoimh an Tì a's àirde; oir thàinig an t-àm anns an do shealbhaich na naoimh an rìoghachd.

23 Mar so thubhairt e, Is e an ceathramh beathach an ceathramh rìoghachd a bhios air an talamh, a bhios eag-samhuil o na h-uile rìoghachd, agus a shluigeas suas an talamh uile, agus a shaltras sìos e, agus a bhriseas e 'na bhloighdibh.

24 Agus na deich adhaircean as an rìoghachd so, is deich rìghrean iad a dh'èircas suas: agus éiridh aon eile 'nan déigh; agus bithidh e eag-samhuil o'n cheud aon, agus ceannsaichidh e trì rìghrean.

25 Agus labhraidhe briathran an aghaidh an Tì a's àirde, agus claoidhidh e naoimh an Tì a's àirde, agus bithidh dùil aige aimsirean agus reachdan a chaochladh: agus bheirear iad d'a làimh gu aimsir, agus aimsirean, agus roinn aimsir.

26 Agus suidhidh am breitheanas, agus bheir iad air falbh a thighearnas, gu 'chaitheamh, agus gu a sgrios gu ruig a' chrìoch.

27 Agus bheirear an rìoghachd agus an uachdaranachd, agus mòrachd na rìoghachd fuidh nèamh uile, do mhuinntir naomh an Tì a's ro àirde, aig am bheil a rìoghachd 'na rìoghachd shiorruidh, agus bheir na h-uile thighearnais umhlachd agus géill da.

28 An so bha crìoch na cùise. Air mo shon-sa Daniel, rinn mo smuainte gu ro mhòr mo bhuaireadh, agus dh'atharraich mo ghnùis annam; ach ghléidh mi a' chùis ann am chridhe.

CAIB. VIII.

1 Taisbean Dhanieil mu thimchioll an reithe agus a' bhuic-ghaibhre. 15 Thug Gabriel comhfhurtachd do Daniel, 19 agus dh'innis e dha brìgh an taisbein.

ANNS an treas bliadhna do linn rìgh Bhelsasair, chunnacas aising leam-sa, leam-sa Daniel, an déigh na h-aising sin a chunnacas leam an toiseach.

2 Agus chunnac mi ann an aising,

DANIEL, VIII.

(agus tharladh 'nuair a chunnaic mi, gu'n robh mi ann an Susan, anns an àros, a ta ann am mòr-roinn Elaim,) agus chunnaic mi ann an aisling, agus bha mi aig amh-aimn Ulai.

3 An sin thog mi suas mo shùilean, agus chunnaic mi, agus, feuch, sheas fa chomhair na h-aimhne reithe, aig an robh dà adhaire; agus bha an dà adhaire àrd; ach aon ni b' àirde na 'n aon eile; agus thàinig an aon a b' àirde nìos mu dheireadh.

4 Chunnaic mi an reithe a' purradh le 'adhaireibh an iar, agus mu thuath, agus mu dheas; air chor as nach feudadh beathach air bith seasamh fa chomhair, ni mò *bha neach ann* a b' urrainn saoradh as a làimh, ach rinn e a réir a thoile, agus dh'fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n àird an iar, air aghaidh na talmhainn uile, agus cha do bhean e do'n làr: agus bha adharc shònraichte aig a' bhoc eadar a shùilean.

6 Agus thàinig e chum an reithe aig an robh dà adhaire, a chunnaic mi 'na sheasamh fa chomhair na h-aimhne, agus ruith e d'a ionnsuidh ann an cuthach a threise.

7 Agus chunnaic mi e teachd teann air an reithe, agus dhùisg 'fhearg 'na aghaidh, agus bhuail e 'n reithe, agus bhris e a dhà adhaire; agus cha robh cumhachd air bith aig an reithe gu seasamh roimhe, ach thilg e sìos chum an làir c, agus shalt-'ar e air: agus cha robh neach air bith a b' urrainn an reithe a thèaruadh as a làimh.

8 Air an aobhar sin dh'fhàs am boc-gaibhre ro mhòr: agus 'nuair a bha e làidir, chaidh an adharc mhòr a bhriseadh; agus 'na h-àite thàinig a nìos ceithir adhaircean sònraichte, ri ceithir ghaothaibh nèimh.

9 Agus a mach as aon diubh thàinig adharc bheag, a dh'fhàs anbharr mòr, ris an àirde deas, agus ris an àird an ear, agus ris an tìr thaitnich.

10 Agus dh'fhàs i mòr gu ruig feachd nèimh, agus thilg i sìos cuid do'n fheachd, agus do na reultaibh a chum an làir, agus shaltair i orra.

11 Seadh, rinn i uail aise fèin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.

12 Agus thugadh feachd dhi an aghaidh na *h-iobairt* lathail, do bhrìgh eucceirt, agus thilg i sìos an fhìrinn a chum an làir; agus dh'calbh i innleachdan, agus shoirbhich i.

13 An sìnchuala mi aon naomh a' labhairt, agus thubhairt naomh eile ris an *naomh àraidh* sin a labhair, Cia fhad a bhios an aisling mu thimcheall na *h-iob-*

airt lathail, agus a bheirear thairis eucceirt gu milleadh, agus a bhios an naomh-ionad agus am feachd air an saltairt fo chois?

14 Agus thubhairt e rium, Gu dà mhìle agus trì cheud là: an sin glanar an naomh-ionad.

15 Agus tharladh an uair a chunnaic mise, mise Daniel, an sealladh, agus a dh'iarr mi air son na brìgh, an sin feuch, sheas fà m' chomhair amhuil coslas duine.

16 Agus chuala mi guth duine eadar *bhruachan* Ulai, a ghlaodh, agus a thubhairt, A Ghabriel, thoir air an *fhear* so an sealladh a thuigsinn.

17 Agus thàinig e dlùth do'n àite san do sheas mi: agus 'nuair a thàinig e, bha cagal orm, agus thuit mi air m' aghaidh: ach thubhairt e rium, Tuig, O mhic an duine, oir anns an aimsir dheireannaich *bithidh* an sealladh.

18 A nis, am feadh a bha e labhairt rium, bha mi ann an codal trom, air m' aghaidh ris an talamh: ach bhean e dhomh, agus chuir e suas gu dìreach mi.

19 Agus thubhairt e, Feuch, bheir mise fios duit ciod a thachras ann an crìch dheireannaich na dian-fheirge: oir anns an àm a shònraicheadh thig a' chrìoch.

20 An reithe a chunnaic thu, aig an robh dà adhaire, is iad sin rìghrean Mhedia agus Persia.

21 Agus a' ghabhar ribeach is e sin rìgh na Gréige; agus an adharc mhòr a ta eadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas 'na àite, seasaidh ceithir rìoghachdan suas as a' chiuneach, ach cha'n ann 'na neart-san.

23 Agus ann an aimsir dheireannaich an rìoghachd, 'nuair a bhios luchd an eus-aontais air an coimhlionadh, seasaidh suas rìgh aig am bi aghaidh bhorb, agus a thuigeas briathran dorcha.

24 Agus bithidh a neart cumhachdach, ach cha'n ann le 'threise fèin: agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.

25 Agus le a sheòltachd fòs bheir e air ceilg soirbheachadh 'na làimh; agus ni e uail as fèin 'na chrìche, agus le foill sgriosaidh e mòran: seasaidh e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aisling nan làithean¹, a chaidh iunseadh, fìor: air an aobhar sin druid thusa suas an sealladh, oir *bithidh* e an ceann mhòran làithean.

27 Agus ormsa Daniel thàinig fàilinn, agus bha mi tinn car làithean *àraidh*;

¹ an fheasgair agus na maidne. Eabh.

'na dhéigh sin, dh'éirich mi suas, agus rinn mi gnothuichean an rìgh; agus bha uamhas orm mu'n aisling, ged nach d' thug aon neach sin fa'near.

CAIB. IX.

1 *Dh'aidich Daniel peacanna an t-sluaigh an làthair an Tighearna. 16 Ghuidh e air son Ierusalem. 24 Tha deich agus trì fichead seachdain air an orduchadh a chrìochnachadh lochdan agus euceirt.*

ANN an ceud bhliadhna Dhariuis mhic Ahasueruis, do shìol nam Medach, a rinneadh 'na rìgh os ceann rìoghachd nan Caldéach.

2 Anns a' cheud bhliadhna d'a linn-san, thuig mise Daniel, le leabhraichean, àir-eamh nam bliadhnachan, mu'n d' thàinig focal an Tighearna gu Ieremiah am fàidh, gu'n coimhlionadh e deich agus trì fichead bliadhna sam biodh Ierusalem 'na làraichibh.

3 Agus chuir mi m' aghaidh ris an Tighearna Dia, g'a iarraidh le urnuigh agus le athchuinge, le trasg, agus le eudach-saie, agus le luathre:

4 Agus rinn mi urnuigh ris an Tighearna mo Dhia, agus rinn mi m' aidmheil, agus thubhairt mi, O Thighearna, an Dia mòr, agus uamhasach, a ta cumail coimhcheangail agus tròcair rìusan a ghràdh-aicheas e, agus do'n dream a choimhdeas 'àitheantan:

5 Pheacaich sinne, agus chuir sinn an gnìomh euceart, agus rinn sinn gu h-aingidh, agus bha sinn ceanuaireach, eadhon le dealachadh ri t' àitheantaibh agus ri d' bhreitheanais.

6 Nì mò dh'éisd sinn ri d' sheirbhisich na faidhean, a labhair ann ad ainm-sa ri ar rìghribh, ri ar n-uachdaranaibh, agus ri ar n-aithrichibh, agus ri uile shluagh an fhearainn.

7 O Thighearna, *buinidh* fireantachd dhuit-sa, ach dhuinne nàire gnùise, mar air an là an diugh: do mhuinntir Iudah, agus do luchd-àiteachaidh Ierusalem, agus do uile Israel, am fagus agus am fad as, feadh nan uile dhùthchannan gus an d'fhògair thusa iad, air son am peacannan a pheacaich iad ann ad aghaidh-sa.

8 O Thighearna, dhuinne *buinidh* nàire gnùise, do ar rìghribh, do ar prionnsachan, agus do ar n-aithrichibh, a chionn gu'n do pheacaich sinn a'd' aghaidh.

9 Do'n Tighearna ar Dia *buinidh* tròcairean agus maithheanais, ged rinn sinne ár a mach 'na aghaidh.

10 Nì mò thug sinn géill do ghuth an Tighearna ar Dia, a chum gluasad 'na reachdaibh a chuir e romhainn le 'sheirbhisich ua fàidhean.

11 Scadh, bhris Israel uile do reachd,

eadhon le dol a thaoibh, a chum nach tugadh iad géill do d' ghuth; air an aobhar sin tha am mallachd air a dhòrtadh oirnn, agus an truaighe a ta sgrìobhta ann an lagh Mhaois òglaich Dhé, a chionn gu'n do pheacaich sinn 'na aghaidh.

12 Agus dhaingnich e a bhriathran a labhair e 'nar n-aghaidh, agus an aghaidh ar breitheamhna a thug breth oirnn, le dòrainn mhòr a thoirt oirnn; oir fuidh nàmh uile cha d'rinneadh mar a rinneadh air Ierusalem.

13 Mar a ta e sgrìobhta ann an lagh Mhaois, tha an t-olc so uile air teachd oirnn; gidheadh cha d'rinn sinn ar n-urnuigh an làthair an Tighearna ar Dia, a chum gu'm bitheamaid air pilleadh o'r n-euceartaibh, agus gu'n tuigamaid d'fhìrinn.

14 Uime sin rinn Dia faire air an olc, agus thug e oirnn e: oir tha an Tighearna ar Dia ceart 'na uile oibribh a ta e deanamh: oir cha d' thug sinne géill d'a ghuth.

15 Agus a nis, O Thighearna ar Dia, a thug do shluagh a mach à tìr na h-Eiphit le làimh chumhachdaich, agus a fhuair dhuit féin clù, mar air an là an diugh, pheacaich sinne, rinn sinn gu h-aingidh.

16 O Thighearna, a réir t' uile fhìreantachd, guidheam ort, leig le d' chorruich agus le d' fheirg pilleadh air falbh o d' chaithir Ierusalem, do shliabh naomh: a chionn, air son ar lochdan, agus air son aingidheachdan ar n-aithrichéan, gu bheil Ierusalem agus do shluagh 'nam masladh do na h-uile mu'n cuairt duinn.

17 A nis, uime sin, O ar Dia, éisd urnuigh t'òglaich, agus 'athchuinge, agus thoir air do ghnùis dealradh air t'ionad naomh a ta 'na làraich air sgàth an Tigh-earna.

18 O mo Thighearna, crom do chluas agus cluinn; fosgail do shùilean, agus faic ar sgaoileadh, agus a' chaithir a ta air a gairm air t'ainm: oir cha'n 'eil sinn a' taisbeanadh ar n-athchuingean a'd' làthair air son ar n-ionracais, ach air son do mhòr-throcair féin.

19 O Thighearna, éisd; O Thighearna, maith; O Thighearna, cluinn agus dean; na dean maille, air do shon féin, O mo Dhia: oir tha do chaithir agus do shluagh air an gairm air t' ainm.

20 Agus am feadh a bha mi a' labhairt, agus ri urnuigh, agus ag a' deachadh mo lochd, agus lochd mo shluaigh Israeil, agus a' taisbeanadh m' athchuinge an làthair an Tighearna mo Dhia, air son sléibh naoimh mo Dhé:

21 Seadh, am feadh a bha mi a' labhairt ann an urnuigh, an neach ceudna, a chunnaic mi anns an aisling air tùs, Gabriel air an d' thugadh itealaich gu luath,

bhean rium mu àm na h-iobairt fleasgair.

22 Agus thug e fios dhomh, agus labhair e rium, agus thubhairt e, O Dhaniel, tha mise nis air teachd a mach a thoirt duit gliocais agus tuigse,

23 Aig toiseach t' atcheuinge thàinig an àithne a mach, agus thàinig mise a dh'fheuchainn duit: oir tha thu air do ghràdhachadh gu ro mhòr: uime sin, tuig a' chùis, agus thoir fa'near an aisling.

24 Tha deich agus trì fichead seachduin air an orduchadh air do shluagh, agus air a' chaithir naomh, a chrìoch-nachadh euceirt, agus a chur crìch air lochdan, agus a dheanamh réite air son aingidheachd, agus a thoirt a steach fireantachd shiorruidh, agus a sheulachadh suas na h-aisling agus na faistneachd, agus a dh'ungadh an Tì a's ro naomha.

25 Aithnich uime sin agus tuig, o dhol a mach na h-àithne, gu Ierusalem aiseag agus a thogail suas, gu Mesiah am Prionnsa, gu'm bi seachd seachduinean, agus trì fichead agus dà sheachduin: togar an t-sràid a ris agus am balla, eadhon ann an aimsiribh carraideach.

26 Agus an ceann nan trì fichead agus dà sheachduin, gearrar Mesiah as, ach cha'n ann air a shon féin: agus sgriosaidh sluagh a' phrionnsa a thig a' chaithir, agus an naomh-ionad; agus bithidh a chrìoch sin le tuil, agus gu deireadh a' chogaidh tha léir-sgrios air a h-orduchadh.

27 Agus daingnichidh esan an coimh-cheangal ri mòran car aon seachduin: agus ann am meadhon na seachduin bheir e air an iobairt agus air an tabhartas sgar; agus anns an teampull bithidh gràineileachd an léir-sgrios, agus an coimh-lionar an sgrios a dh'orduicheadh, air a làraich fhàisail.

CAIB. X.

1 Nuair a dh'irioslaich Daniel e féin chunnaic e taisbean glòrmhor, agus bha e fo eagal. 10 Thug aingeal misneach dha, 19 agus neartaich se e.

ANN an treas bliadhna Chiruis rìgh Phersia, dh'fhoillsicheadh ni do Dhaniel, (do'm b' ainm Beltesasar,) agus bha an ni fìor, agus mu thimchioll feachd mhòir: agus thug e a' chùis, oir bha e eòlach ann an sealladh.

2 Anns na làithibh sin bha mise Daniel ri bròn trì seachduinean iomlan.

3 Cha d'ith mi aran taitneach air bith, ni mò thàinig feoil no fìon ann am bheul, ni mò dh'ung mi mi féin idir, gus an robh trì seachduinean iomlan air an coimh-lionadh.

4 Agus air a' cheathramh là fichead do'n cheud mhìos, an uair a bha mi ri taobh na h-aimhne mòire, Hidecel;

5 An sin thog mi suas mo shùilean, agus dh'amhairc mi, agus, feuch, duine àraidh ann an eudach lìn, aig an robh a leasraidh crìoslaichte le òr grinn Uphais:

6 Bha a chorp fòs cosmhuil ri beril, agus a ghnùis mar dhreach dealanaich, agus a shùilean mar lochrana teine, agus a ghairdeanan agus a chosan cosmhuil ann an dath ri umha lìomhta, agus fuaim a bhriathran cosmhuil ri guth sluagh mhoir.

7 Agus chunnaic mise Daniel a mhàin an sealladh: oir cha'n fhaca na daoine bha maille rium an sealladh: ach thuit crith mhòr orra, ionnus gu'n do theich iad gu iad féin fholach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam: oir dh'atharraicheadh annam mo mhaise gu duaichneachd, agus cha do mhair neart annam.

9 Gidheadh chuala mi fuaim a bhriathran: agus an uair a chuala mi fuaim a bhriathran, an sin bha mi ann an codal trom air m' aghaidh, agus m' aghaidh ris an làr.

10 Agus, feuch, bhean làmh rium, a chuir mi air mo ghlùinibh, agus air bas-aibh mo làmh.

11 Agus thubhairt e rium, O Dhaniel, a dhuine ro ionmhuinn, tuig na briathran a ta mise a' labhairt riut, agus éirich ann ad sheasamh: oir a d' ionnsuidh-sa tha mi nis air mo chur. Agus an uair a labhair e am focal so rium, sheas mi air chrith.

12 An sin thubhairt e rium, Na biodh eagal ort, a Dhaniel; oir o'n cheud là san do shuidhich thu do chridhe chum tuigsinn, agus chum thu féin irioslachadh ann an làthair do Dhia, bha do bhriathran air an cluinntinn, agus tha mise air teachd air son do bhriathran.

13 Ach sheas prionnsa ròghachd Phersia ann am aghaidh là thar fhichead: ach feuch, thàinig Michael, aon do na h-àrd phrionnsachan gu m' chòmhnaidh; agus dh'fhan mi an sin le rìghrìbh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na làithibh deireannach: oir tha an sealladh fathasd rè mhòran làithean.

15 Agus an uair a labhair e an leithide so do bhriathraibh rium, chuir mi m' aghaidh ris an làr, agus bha mi ann am thosd.

16 Agus, feuch, bhean neach cosmhuil ri samhladh mhac dhaoine ri m' bhlilibh; an sin dh'fhosgail mi mo bheul, agus labhair mi, agus thubhairt mi ris-sa a sheas fa m' chomhair, O mo thighearn, leis an t-sealladh, tha m' ànfhghar air pilltinn orm, agus thréig mo neart mi.

DANIEL, X. XI.

17 Oir cionnus a dh'fheudas òglach an tì so mo thighearna labhairt ris an tì so mo thighearn? oir air mo shon-sa, air ball cha d'fhan neart air bith annam, ni mò a dh'fhàgadh anail annam.

18 An siu thàinig a ris agus bhean rium, neach cosmhuil ri samhladh duine, agus neartaich e mi.

19 Agus thubhairt e, O dhuine ro ion-mhuinn, na biodh eagal ort; sìth dhuit, bi làidir, seadh bi làidir. Agus an uair a labhair e rium, neartaicheadh mi, agus thubhairt mi, Labhradh mo thighearn; oir rinn thu mo neartaichadh.

20 An sin thubhairt e, Am bheil fios agad c'ar son a thàinig mi a d' ionnsuidh? agus a nis pillidh mi gu cogadh ri prionnsa Phersia: agus an uair a théid mise a mach, feuch, thig prionnsa na Gréige.

21 Ach nochdaidh mi dhuit an nì sin a ta comharichte ann an sgrioptur na firinn: agus cha'n 'eil aon a chuireas leam-sa anns na nithibh so ach Michael 'ur prionnsa-sa.

CAIB. XI.

1 Sgriosar Persia le rìgh na Gréige. 5 Coimh-cheangal eadar rìgh na h-àirde deas agus rìgh na h-àirde tuath. 14 Co-bhoinn an aghaidh rìgh na h-àirde deas.

A GUS ann an ceud bhliadhna Dhàriuís a' Mhedich, sheas mise gu 'dhaingneachadh agus gu 'neartaichadh.

2 Agus a nis foillsichidh mi dhuit an fhìrinn; Feuch, seasaidh suas fathasd trì rìghrean ann am Persia; agus bithidh an ceathramh nì's beartaiche gu mòr na iad uile: agus le 'chumhachd, trid a bheartais, dùisgidh e suas na h-uile an aghaidh rìoghachd na Gréige.

3 Agus seasaidh rìgh cumhachdach suas a riaghlas le tighearnas mòr, agus a nì a réir a thoile féin.

4 Agus an uair a sheasas e suas, brisear a rìoghachd, agus roinnear i ri ceithir ghaothaibh néimh; agus cha'n ann d' a shliochd, no a réir a thighearnais, leis an do riaghlaidh e: oir bithidh a rìoghachd air a splonadh a nìos, eadhon air son muinntir eile a bharrachd orra so.

5 Agus bithidh rìgh na h-àirde deas làidir, ach bitidh aon do na prionnsachaidh cadhion nì's làidire na esan; agus bithidh aige tighearnas nì's mò na 'thighearnas-san.

6 Agus an ceann bhliadhnachan ceanglaidh siad iad féine r'a chéile; oir thig nighean rìgh na h-àirde deas a chum rìgh na h-àirde tuath a dheanamh réite eat-orra: ach cha ghléidh i cumhachd a' ghairdean, a' mòr sheasas i féin no a shliochd: ach bheirear ise seachad, agus iadsan a thug leo i, agus esan a ghlin i,

agus esan a neartaich i anns na h-aimsiribh so.

7 Ach a mach á meangan d'a freumh seasaidh aon suas 'na inbhe, a thig le feachd, agus a théid a steach gu daingneach rìgh na h-àirde tuath, agus cuiridh e 'nan aghaidh, agus bheir e buaidh:

8 Agus bheir e fòs 'nan braighdibh do'n Eiphit, an dée, maille ri 'm prionnsaibh, agus ri an soithiclibh luachmhor airgid agus òir; agus buanaichidh e tuilleadh bhliadhnachan na rìgh na h-àirde tuath.

9 Mar sin thig rìgh na h-àirde deas d'a rìoghachd-san, agus pillidh e g'a dhùth-aich féin.

10 Ach bithidh a mhic air an dùsgadh suas, agus cruinnichidh iad sluagh do fheachdaibh mòra; agus thig aon gu deimhin, agus sgaoidh e thairis, agus imichidh e troimh: an sin pillidh e, agus dùisgear suas e, gu ruig a dhaingnich.

11 Agus lìonar rìgh na h-àirde deas le féirg, agus thig e mach, agus cogaidh e ris, eadhon ri rìgh na h-àirde tuath: agus cuiridh e mach sluagh mòr; ach bheirear am mòr-shluagh thairis d'a làimh-san.

12 Agus 'nuair a bheir e air falbh am mòr-shluagh, bithidh a chridhe air a thogail suas, agus tilgidh e sìos deich mìltean; gidheadh cha neartaichear e.

13 Oir pillidh rìgh na h-àirde tuath, agus cuiridh e sluagh mòr a mach, a's mò na cheud sluagh, agus thig e gu ciunteach, (an déigh bhliadhnachan àraidh,) le feachd mòr, agus le pailteas saoihbheis.

14 Agus anns na h-aimsiribh sin seasaidh mòran suas an aghaidh rìgh na h-àirde deas: mar an ceudna nì luchd-creachaidh mo shluaigh-sa, iad féin àrdachadh a chum an sealladh a dhaingneachadh, ach tuitidh iad.

15 Mar sin thig rìgh na h-àirde tuath, agus tilgidh e suas tòrr, agus glacadh e na bailtean a's làidire; agus cha seas gairdeana na h-àirde deas 'na aghaidh, no a shluagh taghta, ni mò bhios neart air bith a chuireas 'na aghaidh.

16 Ach nì esan a thig 'na aghaidh a réir a thoile féin, agus cha seas neach air bith roimhe: agus seasaidh e san tìr ghlòrmhoir, a bhios air a sgrios le a làimh.

17 Suidhichidh e fòs 'aghaidh gu dol a steach le nearta rìoghachd uile, agus daoine ionraic maille ris: mar so nì e; agus bheir e dha nighean nam ban g'a truailleadh: ach cha seas i air a thaobh-san, ni mò bhios i air a shon.

18 'Na dhéigh so tionndaidhidh e 'aghaidh ris na h-eileanaibh, agus glacadh e mòran: ach bheir prionnsa air a shon féin fa'near gu'n sguir am masladh a thug e

uaith : gun mhasladh dha féin bheir e air pilleadh airsan.

19 An sin tionndaidhidh e 'aghaidh ri daingneach a thìre féin : ach gheibh e tuisleadh agus leagadh, agus cha bhi e ri fhaotainn.

20 An sin seasaidh suas 'na àite aon a chuireas fear-togail chisean thar an rìoghachd ghlòrmhoir ; ach an ceann bheagan làithean sgriosar e, cha'n ann an corruich no an cath.

21 Agus 'na àite-san seasaidh suas neach suarach, do nach toir iad onoir na rìoghachd : ach thig e steach gu sìochail, agus gheibh e'n rìoghachd le mìodal.

22 Agus gairdeana na tuile bàthar as a làthair, agus brisear iad ; seadh, fòs prionnsa a' choimhcheangail.

23 Agus an déigh na rèite ris, buinidh e gu cealgach ; agus thig e nìos, agus fàsaidh e làidir le sluagh beag.

24 Théid e steach gu sìochail eadhon air na h-ionadan a's fearr do'n mhòr-roinn, agus nì e an nì nach d'riun 'aithrichean, no aithrichean 'aithriche ; sgapaidh e 'nam measg a' chreach, agus a' chobhartach, agus an saobhbheas : agus dealbhaidh e 'innleachdan an aghaidh nan daingnichean làidir, eadhon ré seal.

25 Agus dùisgidh e suas a chumhachd agus a chruadal, an aghaidh rìgh na h-àirde deas le feachd mòr ; agus bithidh rìgh na h-àirde deas air a dhùsgadh suas gu cath, le feachd ro mhòr agus cumhachdach ; ach cha seas e : oir dealbhaidh iad innleachdan 'na aghaidh.

26 Seadh, marbhaidh iadsan a dh'itheas cuibhrionn d'a bhiadh e, agus sgaoilidh 'fheachd a mach mar thuil : agus tuitidh mòran sìos marbh.

27 Agus bithidh cridheachan nan rìghrean so araon air aimbheas a dheanamh, agus labhraidh iad breugan air aon bhòrd ; ach cha soirbhich sin : oir fathasd bithidh a' chrìoch anns an àm a shonraicheadh.

28 An sin pillidh esan gu 'dhùthaich le saobhbheas mòr ; agus bithidh a chridhe an aghaidh a' choimhcheangail naoimh ; agus an déigh so a dheanamh, pillidh e gu 'thìr féin.

29 Anns an àm a shonraicheadh pillidh e, agus thig e ris an àirde deas ; ach cha bhi na nìthe ma dheireadh mar na ceud nìthe.

30 Oir thig longa Chitim 'na aghaidh : air an aobhar sin bithidh doilghios air, agus pillidh e, agus bithidh fearg air an aghaidh a' choimhcheangail naoimh : mar sin nì e ; eadhon pillidh e, agus cumaidh e bàigh riu-san a thréigeas an coimhcheangal naomh.

31 Agus seasaidh làmhnan air a thaobh, agus truaillidh iad naomh-ionad an neirt,

agus bheir iad air falbh an iobairt lathail, agus suidhichidh iad a' ghràineileachd a chuireas fàs.

32 Agus a' mhuinntir a nì gu h-òle an aghaidh a' choimhcheangail truaillidh e le mìodal¹ : ach an sluagh aig am bheil eòlas air an Dia, bithidh iadsan làidir, agus nì iad gu treun.

33 Agus iadsan aig am bheil tuigse am measg an t-sluaigh, teagaisgidh iad mòran : gidheadh tuitidh iad leis a' chlàidheamh, agus leis an lasair, le bruid, agus le creich, rè mòran làithean.

34 A nìs 'nuair a thuiteas iad, cuidichear iad le beagan cuideachaidh : ach leanaidh mòran riu le mìodal.

35 Agus tuitidh cuid dhiubh-san aig am bheil tuigse, chum an dearbhadh, agus an glanadh, agus an deanamh geal, eadhon gu àm na crìche ; a chionn gu bheil e fathasd air son àm a shonraicheadh.

36 Agus nì an rìgh a réir a thoile féin ; agus àrdaichidh se e féin, agus togar e 'na mhòrchuis os ceann gach dé, agus labhraidh e nithe iongantach an aghaidh Dhé nan dée, agus soirbhichidh leis gus an coimhlonar a' chorruih : oir nìtheair an nì sin a dh'orduicheadh.

37 Nì mò bhios suim aige do dhia 'aithrichean, no do thoil bhan, no suim do dhia air bith : oir meudaichidh se e féin os ceann nan uile.

38 Ach 'na àite bheir e onoir do'n dia Mahusim : agus do Dhia uach b'aithne d'a aithrichean bheir e onoir le h-òr agus airgid, agus le clachaibh rìomhach, agus nithibh taitneach.

39 Mar so nì e : do luchd-coimhid Mhalusim, dhé choimhich, a ta esan ag aideachadh, bheir e onoir mhòr, agus bheir e orra riaghladh thar mòran ; agus roinnidh e am fearann air son duaise.

40 Agus an àm na crìche nì rìgh na h-àirde deas a phurradh, agus thig rìgh na h-àirde tuath 'na aghaidh mar chuairt-ghaoith, le carbadaibh, agus le marcachaibh, agus le mòran longa ; agus théid e steach do na dùthchannaibh, agus sgaoilidh e mar thuil, agus siùbhlaidh e thairis.

41 Théid e fòs a steach do'n tìr ghlòrmhor, agus bithidh mòran dhùthchannan air an tilgeadh bun os ceann ; ach théid iad so as o' làimh, Edom, agus Moab, agus rogha cloinne Amoin.

42 Sìnidh e fòs a mach a làmh air na dùthchannaibh ; agus cha téid tìr na h-Eiphit as.

43 Ach bithidh cumhachd aige os ceann nan ionmhasan òir agus airgid, agus os ceann uile nithe rìomhach na h-Eiphit : agus bithidh na Libiaich agus na h-Etiopiaich air a lorg.

¹ *sodal, brosgal.*

DANIEL, XI. XII.

44 Ach ni sgeul o'n àird an ear, agus o'n àirde tuath a bhuaireadh: air an aobhar sin théid e mach le corruich mhòir gu sgrios, agus gu mòran a mhilleadh gu tur.

45 Agus suidhichidh e pàillìunan a lùch-airtean eadar na cuantan, anns an t-sliabh ghhlòrmhor naomh; gidheadh thig e gu 'chrich, agus cha chuidich neach air bith leis.

CAIB. XII.

1 *Saoraidh Michael Israel ann an aimsir an carraid.*
2 *An aiseirigh choitcheinn.* 5 *Fhuair Daniel eòlas mu thimchioll nan aimsirean.*

AGUS anns an àm sin seasaidh Michael a suas, am prionnsa mòr a ta seasamh air son cloinne do shluaigh-sa; agus bithidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saorad do shluaigh-sa, gach aon a gheibhear sgrìobhta san leabhar.

2 Agus dùisgidh mòran dhiubh-san a ta 'nan codal ann an duslach na talmhaime, cuid gu beatha shiorruidh, agus cuid gu nàire agus masladh bith-bhuan.

3 Agus dealraidh iadsan a ta glic mar shoilleireachd nan speur; agus iadsan a thionndaidheas mòran gu fìreantachd mar na reultan fad saoghail nan saoghal.

4 Ach thusa, O Dhaniël, druid suas na briathran, agus sclaich an leabhar, gu àm na crìche: ruithidh mòran sìos agus suas, agus bithidh eòlas air a mheudachadh.

5 An sin dh'amhairc mise Daniel, agus, feuch, sheas dithis eile, aon air an taobh so do bhruaich na h-aimhne, agus aon air an taobh eile do bhruaich na h-aimhne.

6 Agus thubhairt neach ris an duine bha sgeudaichte le lìon-eudach, a bha air uisgeachaibh na h-aimhne, Cia fhad a bhitheas gu crìch nan iongantas so?

7 Agus chuala mi an duine bha sgeudaichte le lìon-eudach, a bha air uisgeachaibh na h-aimhne, 'nuair a thog e suas a làmh dheas agus a làmh chlì gu nèamh, agus a mhionnaich e airsan a ta beò gu siorruidh, gu 'm bi e gu aimsir, agus aimsirean, agus leth aimsir: agus 'nuair a sguireas e do sgapadh feachd an t-sluaigh naomh, crìochnaichear na nithe so uile.

8 Agus chuala mi, ach cha do thuig mi: an sin thubhairt mi, O mo Thighearn, ciod a' chrìoch a bhios aig na nithe so?

9 Agus thubhairt e, Imich romhad, a Dhaniël: oir tha na briathran air an druidealh suas, agus air an seulachadh gu àm na crìche.

10 Bithidh mòran air an glanadh, agus air an deanamh geal, agus air an dearbhadh: ach ni na h-aingidh gu h-olc; agus cha tuig aon neach do na h-aingidh; ach tuigidh na daoine glice.

11 Agus o'n àm an toirear air falbh an *iobairt* lathail, agus an cuirear suas a' ghràineileachd a ni léir-sgrios, bithidh mìle, dà cheud, ceithir fichead agus deich làithean.

12 Is beannaichte esan a dh'fheitheas, agus a thig gus am mìle trì cheud agus cuig deug thar fhichead là.

13 Ach imich thusa romhad gus an tig a' chrìoch: oir gabhaidh tu fois, agus seasaidh tu ann ad chrannchur aig crìch nan làithean.

H O S E A.

CAIB. I.

1 *An t-àm san d'rinn Hosea fàidheadaireachd.*
2 *Chum gu'n nochdadh e strìopachas na tìre ghabh Hosea d'a ionnsuidh bean strìopachais, 4 agus rug i Iesreel, Loruhamah, agus Lo-ammi dha.*

FOCAL an Tighearn a thàinig gu Hosea, mac Bheeri, ann an làithibh Usiah, Iotaim, Ahais, agus Heseciah, rìghrean Iudah; agus ann an làithibh Ieroboaim, mhic Iohais, rìgh Israeil.

2 Toiseach focail an Tighearna le Hosea. Agus thubhairt an Tighearn ri Hosea, Imich, gabh a d' ionnsuidh bean strìopachais: agus clann strìopachais: oir rinn ann fearann strìopachais mòr ann an dealachadh ris an Tighearn.

3 Agus dh'imich e, agus ghabh e Gomer

nighean Dhiblaim; agus dh'fhàs i torrach, agus rug i mac dha.

4 Agus thubhairt an Tighearn ris, Goir Iesreel mar aium air; oir fòs tamull beag, agus diolaidh mise fuil Iesreil air tigh Iehu, agus cuiridh mi cosgadh air rìoghachd tìghe Israeil.

5 Agus tarlaidh air an là sin, gu'm bris mise bogha Israeil ann an gleann Iesreil.

6 Agus dh'fhàs i torrach a ris, agus rug i nighean; agus thubhairt *Dia* ris, Goir Loruhamah, *Cha d'fhuaireas tròcair*, mar aium oirre; oir cha dean mise tròcair ni's mò air tigh Israeil, ach bheir mi gu tur air falbh iad.

7 Ach air tigh Iudah ni mi tròcair, agus tèarnaidh mi iad leis an Tighearn an Dia,

agus cha'n ann le bogha no le claidheamh a thearnas mi iad, no le cath, no le h-eachaibh, no le marcaich.

8 Agus chuir i o'n chich Loruhamah, agus dh'fhàs i torrach, agus rug i mac.

9 An sin thubhairt *Dia*, Goir Lo-ammi, *Sluagh nach leam-sa*, mar ainm air : oir cha sibhs mo shluagh-sa, agus cha bhi mise ann am *Dhia* dhuibh-sa.

10 Gidheadh bithidh àireamh cloinne Israeil mar ghaineamh na fairge, nach gabh tomhas no àireamh ; agus tarlaidh, anns an àite san dubhradh riu, Cha sibh mo shluagh-sa, gu'n abrar riu, Is sibh mic an Dé bheò.

11 Agus bithidh clann Iudah agus clann Israeil air an cruinneachadh ri chéile, agus gabhaidh iad dhoibh féin aon cheann, agus thig iad a nìos as an tìr : oir is mòr a bhitheas là Iesreil.

CAIB. II.

1 *Chom airlicheadh do'n t-sluagh an droch ghnìomh-aran a thrèigsinn.* 14 *Bhrosnuich Dia iad gu pilltinn d'a ionnsuidh féin le geallannaibh trèicair-each.*

A BRAIBH-SE ri 'ur bràithribh, Ammi, *Mo shluagh-sa*, agus ri 'ur peathraichibh, Ruhamah, *Fhuairéas trèicair.*

2 Tagraibh ri 'ur màthair, tagraibh : oir cha'n i mo bhean-sa, ni mò is mise a fear-sa : cuireadh i air falbh uime sin a strìopachais a sealladh, agus a h-adh-altrais o h-uchd ;

3 Air eagal gu'n rùisg mise i lomnochd, agus gu'n cuir mi i mar anns an là san d' rugadh i, agus gu'n dean mi i mar fhàsach, agus gu'm fàg mi i mar fhear-ann tioram, agus gu' marbh mi i le tart :

4 Agus nach gabh mi truas d'a cloinn, oir is clann strìopachais iad.

5 Oir rinn am màthair strìopachas : rinn ise a ghabh 'na broinn iad gu beag-narach : oir thubhairt i, théid mi an déigh mo luchd-gaoil, a ta toirt dhomh m' arain agus m' uisge, m' olainn agus mo lin, m' oladh agus mo dhibhe.

6 Uime sin feuch, druididh mise suas a slighe le droighionn, agus dùinidh mi a callaid, air chor as nach amais¹ i air a ceuma.

7 Agus leanaidh i an déigh a luchd-gaoil, ach cha bheir i orra ; agus iarraidh i iad, ach cha'n amais i orra : an sin their i, Sìubhlaidh mi agus pillidh mi gu m' cheud fhear, oir bha mi ni b'fhearr dheth an sin na a nis.

8 Agus cha robh fios aice gu'n d'thug mise dhi arbhar, agus fion, agus oladh, agus an t-airgiod a rinn mi pailt dhi, agus an t-òr a thug iad mar thabhartas do Bhaal.

9 Uime sin pillidh mise, agus bheir mi

m' arbhar leam 'na àm, agus m' fhìon 'na àm, agus bheir mi leam m' olann agus mo lion, a *thugadh* a chòmhdachadh a lomnochduidh.

10 Agus a nis leigidh mi ris a neòghloine ann an sealladh a luchd-gaoil, agus cha saor duine sam bith as mo làinibh i.

11 Bheir mi fòs air a h-aighir uile sgur ; a rè nuadh, agus a sàbaid, agus a h-àrd-fhéillean uile.

12 Agus millidh mi a fionain agus a crannfige, mu'n d'thubhairt i, Is iad so mo dhuais a fhuair mi o m' luchd-gaoil : agus ni mi frith dhiubh, agus ithidh beathaichean na macharach iad.

13 Agus agraiddh mi oirre làithean Bhaalim, anns an do loisg i tùis doibh, agus anns an do sgeudaich si i féin le a cluas-fhàinnibh agus le a seudaibh, agus anns an deachaidh i an déigh a leannan, agus anns an do dhìchuimhnich i mise, deir an Tighearn.

14 Gidheadh feuch, bheir mise oirre mo leantunn, agus bheir mi i do 'n fhàsach, agus labhraidh mi rithe gu cairdeil.

15 Agus as a sin bheir mi dhi a fionliosain, agus gleann Achoir mar dhorus dòchais ; agus seinnidh i an sin, mar ann an làithibh a h-òige, agus mar anns an là san d'thàinig i nìos á tìr na h-Eiphit.

16 Agus tarlaidh air an là sin, tha an Tighearn ag ràdh, gu'n goir thu dhìom-sa, M'fhear², agus nach goir thu rium nì's mò, Mo Bhaal³.

17 Oir bheir mi ainmean Bhaalim a mach as a beul, agus cha'n ainmichear nì's mò iad air an ainm.

18 Agus anns an là sin ni mise coimh-cheangal air an son, ri beathaichibh na macharach, agus ri eunlaith nèimh, agus ri nithibh snàgach na talmhainn : agus am bogha, agus an claidheamh, agus an cath, brisidh mi a mach as an fhearann, agus bheir mi orra gu'n luidh iad sìos an tèaruinteachd.

19 Agus pòsaidh mi thu rium féin gu bràth ; seadh, pòsaidh mi rium féin thu ann am fìreantachd, agus ann an ceartas, agus ann an caoimhneas, agus ann an caomh-ghràdh ;

20 Seadh, ni mi ceangal-pòsaidh riut ann am fìrinn, agus gahhaidh tu eòlas air an Tighearn.

21 Agus tarlaidh air an là sin, cluinidh mise, tha an Tighearn ag ràdh, cluinidh mise na nèamha ; agus cluinidh iadsan an talamh ;

22 Agus cluinidh an talamh ant-arbh ar, agus am fion, agus an oladh ; agus cluinidh iadsan Iesreil.

23 Agus suidhichidh mi dhomh féin i anns an fhearann, agus ni mi trèicair

¹ *airmis.*

² *Ishi.* Eabh.

³ *Mo Thighearn.*

oirre-sa nach d'fhuair tròcair; agus their mi rìusan nach robh 'nan sluagh dhomh, Is tu mo shluagh; agus their iadsan, *Is tu mo Dhia.*

CAIB. III.

1 *Le ban-adhaltranach a ghabhail, 4 chuir am fàidh an céill trioblaidean Israeil, 5 agus an aithreachas anns na làithibh deireannach.*

OS bàrr thubhairt an Tighearn rium, Imieh a rìs. gràdhlaich bean, (ionmhuinn le a earaid, ged tha i 'na ban-adhaltranaich,) a réir gràidh an Tighearna do chloinn Israeil, ged tha iadsan ag amharc ri diathaibh eile, agus a' gràdhachadh chopana fiona.

2 Mar sin cheannaich mi dhomh féin i air chùig *buinn* deug airgid, agus homer eorna, agus leth homeir eorna.

3 Agus thubhairt mi rithe, Fanaidh tu leam-sa mòran làithean; eha dean thu strìopachas, ni mò bhios tu aig fear eile; mar sin bithidh mise mar an ceudna agad-sa.

4 Oir fanaidh elann Israeil mòran làithean gun rìgh, agus gun phrionnsa, agus gun iobairt, agus gun ìomhaigh, agus gun ephod, agus gun teraphim:

5 'Na dhéigh sin pillidh elann Israeil, agus iarraidh iad an Tighearn an Dia, agus Daibhidh an rìgh; agus bithidh eagal an Tighearn agus a mbaitheis orra, anns na làithibh deireannach.

CAIB. IV.

1 *Bha comhstri aig Dia ri cloinn Israeil, 6 agus 'ur sagartaibh air son am peacanna. 13 Thugadh rabhadh do Iudah le léir-sgrìos Israeil.*

EISDIBH-SE focal an Tighearn, O ehlan Israeil: oir tha comhstri aig an Tighearn ri luehd-àiteachaidh na tìre; a ehionn nach 'eil firinn, no tròcair, no còlas Dé anns an fhearann.

2 Le mionnaibh, agus breugaibh, agus marbladh, agus goid, agus deanamh adhaltrais, bhris iad a mach; agus tha fuil a' ruigheahd gu fuil.

3 Uime sin ni am fearann caoidh, agus seargaidh gaeh aon a ta ehòmhnuidh ann, maille ri beathaichibh na macharach, agus ri eunlaith an athair; seadh, bheirear iasga na fairge fòs air fàlbh.

4 Gidheadh eha 'n 'eil duine sam bith a' tagradh, agus eha 'n 'eil duine sam bith a' eroneuhadh: oir tha mo shluagh mar dhream a ni strì ris an t-sagart.

5 Uime sin tuitidh tu san là, agus tuitidh am fàidh fòs leat anns an oidhche; agus sgriosaidh mise do mhlàthair.

6 Tha mo shluagh-sa air an sgrios le dìth eòlais. A ehionn gu'n do ehuir thu eul ri eòlas, euiridh mise fòs eul riutsa, air ehor as naeh b' thu agam a'd' shagart: a ehionn gu'n do dhearmaid thu lagh do Dhia, dearnaidh mise fòs do chlan-sa.

7 Amhluidh mar chaidh iad am meud, mar sin ehiontaieh iad a'm' aghaidh-sa: caochlaidh mise an glòir gu nàire.

8 Tha iad ag itheadh suas peacaidh' mo shluaigh-sa, agus a' socruehadh an cridhe air an eueeart.

9 Agus amhuil a bhios an sluagh, mar sin bithidh an sagart; agus smachdaiehidh mise iad air son an slighean, agus diolaidh mi orra an deanadas.

10 Agus ithidh iad, ach eha bhi iad sàs-ùichte; ni iad strìopachas, agus eha'n fhàs iad lìonmhor: oir leig iad dhiubh bhi toirt aire do'n Tighearn.

11 Bheir strìopachas, agus fìon, agus fìon nuadh air fàlbh an cridhe.

12 Tha mo shluagh-sa ag iarraidh eomhairle air an erannaibh, agus tha an lorg a' deanamh foillseachaidh dhoibh: oir thug spiorad an strìopachais orra dol air seacharan, agus ehaidh iad le strìopachas air fàlbh o'n Dia.

13 Air mullaichibh nan sliabh tha iad ag ìobradh, agus air na sléibhtibh tha iad a' losgadh tùise; fo ehronnaibh daraieh, agus erithieh, agus euilinn, a ehionn gu bheil an sgàile taitneach: air an aobhar sin tha 'ur nigheana ri strìopachas, agus 'ur mnathan ri adhaltras.

14 Nach smachdaieh mise bhur nigh-eanan, a ehionn gu bheil iad ri strìopachas? agus 'ur mnathan a ehionn gu bheil iad ri adhaltras? a ehionn gu bheil iad 'gan cur féin air leth le strìopachaidh, agus ag ìobradh le luchd neò-ghloine: uime sin, an sluagh aig nach 'eil tuigse, tuitidh iad.

15 Ged dhean thusa strìopachas, O Israeil, *gidheadh* na ciontaiehadh Iudah; agus na tigibh-sa gu Gilgal, ni mò théid sibh suas gu Bet-abhen; ni mò a mhionnaicheas sibh, Mar is beò an Tighearn.

16 Oir tha Israel a' elaoanadh air ais, mar agh eul-sleamhnach: a nis biadhaidh an Tighearn iad mar uan ann an àite farsuinn.

17 Tha Ephraim air a dhlùth-cheangal ri ìodholaibh, leig leis:

18 Tha an deoch searbh: rinn a h-uael-draim strìopachas gun ehlos: ghràdhaich iad ni nàrach:

19 Cheangail a' ghaoth suas i 'na sgiathaidh; agus bithidh nàire orra a thaobh an iobairtean.

CAIB. V.

1 *Breitheanas an aghaidh nan sagart, an t-sluaigh, agus phrionnsachan Israeil air son am peacanna agus an ceannairc.*

CLUINNIBH-SE so, a shagartan; agus thugaibh-sa aire, O thigh Israeil; agus thugaibh-sa fa'near, O thigh an rìgh; oir tha breitheanas dlùth dhiubh; a

chionn gu'n robh sibh mar rib air Mispal, agus mar lion sgaoilte air Tabor.

2 Agus rinn na ceannaireich àr domhain; uime sin bheir mise smachdachadh air an iomlan diubh.

3 Is aithne dhomh-sa Ephraim, agus Israel cha'n 'eil am folach orm: oir a nis rinn Ephraim striopachas; tha Israel air a thruaillleadh.

4 Cha dealbh iad an deanadas gu pill-eadh chum an Dé: oir tha spiorad striopachais 'nam meadhon, agus air an Tighearn cha do ghabh iad eòlas.

5 Air an aobhar sin islichear uabhar Israel fa chomhair a shùl; agus Israel, agus Ephraim tuislichidh 'nan aingidheachd: tuislichidh fòs Iudah maille riu.

6 Le 'n treudaibh agus le 'm buaraibh, théid iad a dh'iarraidh an Tighearna: ach cha'n fhaigh iad e; tharruing se e fén uatha.

7 Bhuih iad gu fealltach an aghaidh an Tighearn; oir ghin iad clann choimheach: a nis sluididh mìos iad maille r' an cuibhrionnaibh.

8 Séidibh-sa an trompaid ann an Gibeath, am buabhull ann an Ramah: éighibh caismeachd chatha ann am Bet-abhen: an nàmhaid air do thòir, O Bheniamin.

9 Bithidh Ephraim 'na fhàsach ann an là an achemhasain: am measg threubhan Israel rinn mise aithnichte an ni sin a thig gu crìch gu deimhin.

10 Bha prionnsachan Iudah cosmhuil riu an a dh'atharraicheas an comhara-fearainn: dòirtidh mise mo chorruich a mach orra mar uisge.

11 Tha Ephraim sàruichte, briste ann am breitheanas; a chionn gu'n do ghluais e gu toileach an déigh na h-àithne.

12 Uime sin bithidh mise mar leòman do Ephraim: agus mar iobhadh do thigh Iudah.

13 'Nuair a chunnaic Ephraim a thinn-eas, agus Iudah a chreuchd, an sin chaidh Ephraim a chum an Asirianaich, agus chuir e fios gu rìgh Iareb: gidheadh cha b'urrainn e 'ur leigheas, ni mò shlànuich e 'ur creuchd.

14 Gu deimhin bithidh mise mar leòman do Ephraim, agus mar leòman òg do thigh Iudah: reubaidh mise, eadhon mise fén, agus imichidh mi romham; bheir mi leam, agus cha bhí aon neach ann a thèarnas:

15 Imichidh mi, agus pillidh mi gu m' àite, gus an aicidh iad an cionta, agus an iarr iad m' aghaidh: 'nan àmhghar iarraidh iad mi gu moch.

CAIB. VI.

1 Earail gu aithreachas. 4 Rinn am fàidh gearan an aghaidh Israel agus Iudah a chionn gu'n do bhuanaich iad 'nan striopachas.

THIGIBH, agus pilleamaid ris an Tighearn: oir is esan a reub, agus is e ni ar leigheas; is e bhuail, agus ceanglaidh e suas sinn.

2 An ceann dà là ni e ar n-ath-bheothachadh, air an treas là dùsgidh e suas sinn, agus bithidh sinn beò 'na shealladh.

3 Agus bithidh eòlas againn; théid sinn air ar n-aghaidh a ghabhail eòlais air an Tighearn: tha a dhol a mach air 'ulluchadh mar a' mhaduinn; agus thig e d' ar n-ionnsuidh mar ant-uisge; mar ant-uisge deireannach, agus an ceud uisge air an talamh.

4 Ciod a ni mi riut, O Ephraim? Ciod a ni mi riutsa, O Iudah? oir tha 'ur maitheas mar neul maidne, agus mar an drùchd moch, a shiùbhlas air falbh.

5 Uime sin sgath mi sìos iad leis na fàidhibh: mharbh mi iad le briathraibh mo bheoil: agus bha do bhreitheanas mar an solus 'na dhol a mach.

6 Oir dh'iarr mise tròcair, agus ni h-e iobairt; agus eòlas Dé ni's mò na iobairt-ean-loisgte.

7 Ach bhris iadsan an coimhcheangal mar Adhamh¹: an sin bhuin iad gu fealltach a'm' aghaidh-sa.

8 Is caithir luchd-deanamh eucorach Gilead; air a truailleadh le fnil.

9 Agus amhuil a dh'fheitheas buidheann² air son duine, tha cuideachd nan sagart a' marbhadh anns an t-slighe gu Secheni a dh'aon-bheachd; oir rinn iad gu dàna aingidheachd.

10 Ann an tigh Israel chunnaic mi ni ro ghràineil: an sin tha Ephraim ri striopachas; tha Israel air a thruaillleadh.

11 Air do shon-sa, mar an ceudna, O Iudah, tha fogharadh air a shònrachadh, an uair a philleas mise air a h-ais bruid mo shluaigh.

CAIB. VII.

1 Chronaicheadh sluagh Israel air son am peacanna.

11 Bha fearg air Dia 'nan aghaidh air son an cealgaireachd.

AN uair a b' àill leam-sa Israel a leigh-eas, an sin leigeadh ris aingidheachd Ephraim, agus eucart Shamaria: oir tha iad a' cur an gnìomh ceilge: seadh, tha an gaduiche a' dol a steach; tha a' cheathairne ri creach a muigh.

2 Agus cha'n 'eil iad a' toirt fa'near 'nan cridhe gur cuimhne leam-sa an uile aingidheachd: a nis chuairtich an gnìomh-ara fén iad air gach taobh; tha iad fa chomhair m' aghaidh-sa.

3 Le'n aingidheachd tha iad a' dean-amh an rìgh ait; agus nan uachdaran le 'm breugaibh.

4 Is adhaltranaich iad uile; mar àmh-uinn air a teasachadh leis an fhùincadair, an uair a sguireas fear-oibreachaidh na

¹ mar dhaoine.

² ceathairne.

taoise d'a fuineadh gus am bi i air a gortachadh.

5 Air là *féille* ar rìgh, 'nuair a bha na prionnsachan air an teasachadh le fìon, shìn esan a mach a làmh le luchd-fanoid.

6 Oir dh'ulluich iad an cridhe mar àmhunn, am feadh a ta iad ri feall-fholach: fad na h-oidhche tha am fuineadair a' codal; anns a' mhaduinn tha i losgadh mar theine lasarach.

7 Theasaich iad uile iad féin mar àmhunn, agus shluig iad am breitheamhna; tha an rìghrean uile air tuiteam; cha 'n 'eil aon 'nam measg a ta gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a neart, agus cha'n 'eil fios aig air: seadh, tha fuilt-eanan liatha air, an sud agus an so, gidheadh cha'n 'eil fios aig air.

10 Agus tha uabhar Israeil a' tabhairt fianuis fa chomhair a shùl: gidheadh cha'n 'eil iad a' pilleadh ris an Tighearn an Dia, no 'ga iarraidh air son so uile.

11 Tha Ephraim fòs mar choluman amaideach, gun eòlas: tha iad a' glodhach ris an Eiphit, tha iad a' triall gu Asiria.

12 An uair a thriallass iad, sgaoilidh mise mo lion thairis orra; mar eunlaith an athair bheir mi nuas iad; smachdaichidh mi iad an uair a dh'éisdeas iad ri 'n coimhthional.

13 Mo thruaighe iad! oir theich iad uamsa: léir-sgrìos dhoibh, oir chiontaich iad a'm' aghaidh-sa: ged shaor mi iad, gidheadh labhair iad breugan a'm' aghaidh.

14 Agus cha do ghlaodh iad riumsa le 'n cridhe; ged rinn iad donnalaich air an leabaichibh air son arbhair agus fìona; tha iad a' cruinneachadh an ceann a chéile, tha iad ag éirigh suas a'm' aghaidh-sa.

15 Seadh, smachdaich mi iad; neartaich mi fòs an gairdeanan; gidheadh tha iad a' dealbh aimbheis a'm' aghaidh.

16 Tha iad a' tionndadh an déigh ni gun bhuannachd: tha iad mar bhogha cealgach: tuitidh an uachdarain leis a' chlaideamh, air son nimhe an teangaidh: so cùis am maslaidh ann an tìr na h-Eiphit.

CAIB. VIII.

1 Bhagrachd Israel agus Iudah le léir-sgrìos air son am mi-dhiadhachd agus an ìodhol-aoraidh.

AN trompaid ri d' bheul! mar iolair an aghaidh tighe an Tighearna *thig e*: a chionn gu'n do bhris iad mo choimhcheangal-sa, agus gu'n do chiontaich iad an aghaidh mo reachd.

2 Rium-sa glodhaidh iad, O Dhia Israeil, is aithne dhuinne thu.

3 Chuir Israel uaith am fad an ni ta maith: ni nàmhaid a ruagadh.

4 Chuir iad suas rìghrean, ach cha'n ann uamsa: rinn iad uachdarain, agus cha robh agamsa fios air: d' an airgid agus d' an òr rinn iad dhoibh féin ìodholan, a chum gu'n gearrar as iad.

5 Cuir am fada uait do laogh, O Shamarìa; tha mo chorruch-sa air lasadh 'nan aghaidh: cia f had a bhios iad gun ruigh-eachd air neo-chionta?

6 Oir bha so fòs o Israeil: dhealbh am fear-oibre e; agus cha Dia ta ann: oir brisear 'na bhloighdibh laogh Shamaria.

7 Oir chuir iad a' ghaoth, agus buainidh iad a' chuairt-ghaoth: cha'n 'eil toradh air an déis; cha toir i uaipe min; no ma bheir, sluigidh coigrich suas i.

8 Tha Israel air a shlugadh suas: a nis tha iad am measg nan cinneach, mar shoitheach anns nach 'eil tlachd air bith.

9 Oir chaidh iad suas gu Asiria: is asal fhiadhach san aonach Ephraim; thuarasdalaich iad leannain.

10 Seadh, ged thuarasdalaich iad am measg nan cinneach, a nis tionlaidh mise iad ri chéile; agus bithidh iad gu goirid air an cràdh le uallach an rìgh agus 'uachdaran.

11 A chionn gu'n d'rinn Ephraim mòrau altairean gu peacachadh, altairean gu peacachadh tha aige.

12 Sgrìobh mise d'a ionnsuidh nithe mòra mo reachd; *ach* mheasadh iad mar ni nach buineadh dhoibh.

13 Tha iad ag ìobradh feòla mar thabh-artas dhomh-sa, agus 'ga b-itheadh; *ach* cha ghabh an Tighearn riu: a nis cuimhnichidh e an aingidheachd, agus smachdaichidh e an lochdan: pillidh iad air an ais do'n Eiphit.

14 Oir dhi-chuimhnich Israel a Chruith-fhear, agus thog e teampuill: agus chuir Iudah an lionmhoireachd caithrichean daingean: ach cuiridh mise teine air a chaithrichibh, agus loisgidh e a luchairt-ean.

CAIB. IX.

1 Teanntachd agus braighdeanas Israeil air son am peacanna, gu h-àraidh air son an ìodhol-aoraidh.

NA dean aoibhneas, O Israeil, na dean, *l* gairdeachas mar na cinnich: oir chaidh thu air strìopachas o d' Dhia; ghràdhach thu duais air gach uile urlar arbhair.

2 An t-urlar arbhair agus an dabhach-fhìona cha dean am beathachadh, agus meallaidh am fìon nuadh an dòchas.

3 Cha ghabh iad comhnuidh ann am fearann an Tighearn: ach pillidh E-

phraim do'n Eiphit; agus ann an Asiria
ithidh iad nìthe neòghlan.

4 Cha'n ìobair iad *tabhartais*-fhìona
do'n Tighearn, nì mò bhios iad taitneach
dha: bithidh an ìobairtean doibh mar
aran luchd-bròin; bithidh iadsan uile a
dh'itheas deth air an salachadh; gu
dearbh cha tig an aran air son an anama
gu tigh an Tighearna.

5 Cìod a nì sibh ann an là na h-àrd-
fhéille, agus ann an là féille an Tigh-
earna?

6 Oir feuch, dh'imich iad air falbh o
làthair an fhir-mhillidh: tionailidh an
Eiphit iad, adhlaidh Memphis iad: na
h-ionada taitneach a *cheannach* iad le'n
airgid, sealbhaichidh an ionntagach iad:
'nam pàillunaibh *fàsaidh* an droighionn.

7 Thàinig làithean an smachdachaidh,
thàinig làithean na luigheachd: aithnich-
idh Israel gu'm b' amadan am fàidh, gu'n
robh fear an spioraid air bhoile; air son
ro mheud t' aingidheachd, agus air son
d' fhuath mhòir.

8 Tha fear-faire Ephraim le m' Dhia-
sa: tha am fàidh *mar* lìon an eunadair
'na uile shligibh-san: *neartaich* iad am
fuath an aghaidh tighe mo Dhé.

9 Thruaill siad iad féin, mar ann an
làithibh Ghìbeah: cuimhnichidh esan
an aingidheachd, smachdaichidh e an
lochdan.

10 Mar dhearca-fìona san fhàsach,
fhuair mise Israel; mar am meas luath
air a' chrann-flùge 'na cheud àm chunn-
aic mi 'ur n-aithrichean. *Ach* chaidh iad
gu Baal-peor, agus dhealaich siad iad
féin a chum an nì nàraich sin; agus
dh'fhàs iad gràineil, mar *chuspair* an
gràidh.

11 Air son Ephraim, itealaichidh an
glòir air falbh mar eun; o'n bhreth, agus
o'n bhroinn, agus o'n ghineamhuinn.

12 Seadh, ged àraich iad an clann,
sgriosaidh mise iad o mheasg dlaoine;
seadh, is an-aobhain doibh, an uair a dh'-
imicheas mise uatha.

13 Tha Ephraim, mar a chunnaic mi
Tirus, air a shuidheachadh ann an ionaid
taitneach: ach bheir Ephraim a mach a
chlann do'n fhear-mhillidh.

14 Thoir, O Thighearn. Cìod a bheir
thu? thoir dhoibh brù chailteach, agus
ciochan seasga.

15 Tha an cionta gu léir ann an Gilgal
fa' m' chomhair: oir an sin thug mise
fuath dhoibh: air son aingidheachd an
deanadais iomainidh mi as mo thigh iad:
cha toir mi nì's faide gràdh dhoibh; tha
am maithean uile cùl-sleamhnach.

16 Tha Ephraim buailte; thormaich-
eadh suas ain freumh; cha ghiùlain iad
a' bheag do thoradh: seadh, ged bheir-
eadh iad, gidheadh marbhaidh mise *tor-*

adh gràdhach am bronn.

17 Thigidh mo Dhia air falbh iad, a
chionn nach d'éisd iad ris: agus bithidh
iad 'nam fògaraich am measg nan cinn-
each.

CAIB. X.

1 *Bhagraidh clann Israeil air son an mi-dhiadhachd,
agus an òdhol-aoraidh, 12 agus thugadh earail
dhoibh aithreachas a ghabhail.*

B' FHIONAIN thorrach Israel: thug
e mach toradh dha féin: a réir
pailteis a thoraidh chuir e altairean an
lìonmhoireachd; a réir maitheis 'fhear
ainn rinn e dealbhan àluinn.

2 Tha an cridhe air a roinn; a nis
gheibhear ciontach iad: brisidh esan sìos
an altairean: sgriosaidh e an dealbhan.

3 Oir a nis tha iad ag ràdh, Cha'n 'eil
rìgh air bith againn, a chionn nach robh
eagal an Tighearn oirnn: cìod uime sin
a dheanadh rìgh dhuinn?

4 Labhair iad briathra *faoine*, 'nuair a
mhionuaidh iad; breugan an uair a rinn
iad coimlicheangal: mar so tha breith-
eanas a' fàs a nìos, mar an iteotha ann an
claisibh na macharach.

5 Air son laoiagh Bhet-abhein bithidh
eagal air luchd-àiteachaidh Shamaria;
oir nì a shluagh caoidh os a cheann, agus
a shagairt acain air a shon; air son a
ghlòire, oir dhealaich i ris.

6 Os bàrr bheirear e féin gu Asiria, mar
thabhartas do rìgh Iareb: nì masladh
greim air Ephraim, agus gabhaidh Israel
nàire d'a chomhairle féin.

7 Air son Shamaria, ghearradh a rìgh
as mar an cobhar air uachdar an uisge.

8 Sgriosar fòs ionada àrda Abhein,
cionta Israel: thig an droighionn agus
am foghannan a nìos air an altairean;
agus their iad ris na sléibhtibh, Folaich-
ibh sinn, agus ris na beanntaibh, Tuitibh
oirnn.

9 O Israeil, chiontaich thu nì's mò na
ann an làithibh Ghìbeah: an sin sheas
iad: nach d'rug an cath orra ann an
Gìbeah?

10 An aghaidh cloinne na h-aingidh-
eachd thàinig mise, agus smachdaich mi
iad. Agus cruinnichear na slòigh 'nan
aghaidh-san 'nuair a smachdaichear iad
air son an dà chionta.

11 Agus bithidh Ephraim 'na agh fogh-
luinte, le 'm miann a bhì saltairt a mach
an arbhair; ach chaidh mise thairis air a
muineal sgiamhach. Bheir mi air E-
phraim marcachd; treabhaidh Iudah,
brisidh Iacob 'fhòidean.

12 Cuiribh dhuibh féin ann am fireant-
achd, buainibh ann an toradh na tròcair:
brisibh suas 'ur fearann neo-threabhtha:
oir is mithich Iehobhab iarraidh, agus an
tig e; agus am fras e oirbh fireantachd.

13 Threabh sibh aingidheachd, bhuain

sibh euceart; dh'ith sibh toradh bhreug-an: a chionn gu'n d'earb thu as do shlighe, à mòr-chuideachd do dhaoine treuna;

14 Uime sin éiridh buaireas ann measg do shluaigh, agus bithidh t' uile dhaingnichean air am milleadh, amhuil a mhìll Salmon Bet-arbel ann an là a' chatha; ghearradh 'nam bloighdibh a' mhàthair agus a' chlann le chéile.

15 Is amhuil a nìthear ruibhse, O Bhet-el, air son ro mheud bhuir n-aingidheachd: ann am maduinn gearrar as gu cinnteach rìgh Israeil.

CAIB. XI.

1 Bha sluagh Israeil mi-thaingeil do'n Tighearn air son a thròcairean. 5 Breitheanas Dhé 'nan aghaidh. 8 A thròcair d'an taobh. 12 Cealgair-eachd Ephraim.

NUAIR a bha Israel 'na leanabh, an sin thug mise gràdh dha; agus a mach as an Eiphit ghairm mi mo mhac.

2 'Nuair a ghairm iad orra, an sin dh'imich iadsan uatha: dh'ìobair iad do Bhaalim, agus loisg iad tuis do dhealbhan snaiglite.

3 Theagaisg mise fòs do Ephraim cois-eachd, 'gan togail ann am ghairdeanaibh; ach cha robh fios aca gu'n do leighis mi iad.

4 Tharruing mi iad le cordaibh duine, le ceanglaichibh gràidh; agus bha mi dhoibh mar neach a thogas dhiubh a' chuing: air an gialaibh, agus chuir mi sìos biadh dhoibh.

5 Cha phill e gu tìr na h-Eiphit, ach bithidh ann t-Asirianach 'na rìgh air, a chionn gu'n do dhiùlt iad pilleadh *riumsa*.

6 Agus tuitidh an claidheamh gu trom air a bhaitibh, agus caithidh e a gheugan; agus sluigidh e, air son an comhairlean.

7 Agus tha mo shluagh-sa an tì air cùl-sleamhnachadh uam; ged ghlaodh iad ris an Tì a's àirde, cha'n àrdaicheadh aon neach e.

8 Cionnus a bheir mi thairis thu, O Ephraim! cionnus a bheir mi seachad thu, O Israeil! cionnus a nì mi thu mar Admah! a chuireas mi thu mar Sliboim! tha mo chridhe an taobh a stigh dhìom air tionndadh; tha m' aithreachais air lasadh le chéile.

9 Cha chuir mi 'n gnìomh mo dhian-chorruich, cha phill mi a mhilleadh Ephraim; oir is Dia mise, agus cha duine; an Tì naomh ann ad mheadhon; gidheadh nach 'eil a' tathaich bhailtean.

10 Siùbhlaidh iad an dèigh an Tighearna: beucaidh e mar leòmban: an uair a bheucas e, an sin criothnaichidh 'na mic o'n àird an iar.

11 Itealaichidh iad mar eun as an Eiphit,

agus mar choluman á tìr Asiria; agus suidhichidh mise 'nan tighibh iad, deir an Tighearn.

12 Tha Ephraim 'g am chuairteachadh le breugaibh, agus tigh Israeil, le ceilg: ach fathast tha Iudah a' riaghladh maille ri Dia; agus tha e dìleas maille ris na naoimh.

CAIB. XII.

1 Aingidheachd Ephraim agus Iudah. 6 Chomhairlicheadh dhoibh aithreachas a ghabhail. 7 Chuir peacanna Ephraim campar air an Tighearn.

THA Ephraim ag ionaltradh air gaoith, agus ag imeachd an dèigh na gaoithe an ear: gach aon là tha e cur bhreug agus reubainn an lìonmhoireachd; rinn iad fòs coimhcheangal ri Asiria, agus tha oladh 'ga giùlain do'n Eiphit.

2 Tha consachadh fòs aig an Tighearn ri Iudah, agus nì e peanas air Iacob a réir a shligheana; a réir a dheanadais bheir e dha luigheachd.

3 Anns a' bhroinn ghilac e a bhràthair air shàil; agus le a neart bha cumhachd aige maille ri Dia.

4 Seadh, bha cumhachd aige maille ris an aingeal; agus thug e buaidh: ghuil e, agus rinn e guidhe ris: fhuair e ann am Betel e, agus an sin labhair e ris.

5 Eadhon Iehobhah Dia nan sluagh, is e Iehobhah a chumhneachan.

6 Uime sin pill thusa ri d' Dhia: coimhid tròcair agus breitheanas; agus feith air do Dhia a ghnàth.

7 Is fear malairt e: 'na làimh tha meigh na mealltaireachd; is toigh leis a bhi ri ainneart.

8 Agus thubhairt Ephraim, Gu deimhin tha mi air fàs saoi bhir, fhuair mi dhomh féin stòras: ann am shaothairibh uile cha'n fhaigh iad euceart air bith annam; bhiodh sin 'na chionta.

9 Agus mise Iehobhah do Dhia, a thug a nìos thu o thìr na h-Eiphit, bheir mi ort fòs còmhnuidh ghabhail ann am pail-liunaibh, mar ann an làithibh na h-àrd-fhéille.

10 Labhair mi fòs leis na fàidhean, agus rinn mi lìonmhor seallanna; agus le frith-ealadh nam fàidhean ghnàthaich mi cos-amhlachdan.

11 Gu dearb ann an Gilead tha euceart: gu cinnteach is dìomhanas iad; tha iad ag ìobradh tharbh ann an Gilgal; seadh, tha an altair ann mar chùirn ann an claisibh na macharach.

12 Ach theich Iacob gu dùthaich Shiria; agus rinn Israel seirbhìs air son mnà; agus air son mnà ghléidh e *caoraich*.

13 Agus le fàidh thug an Tighearn Israel a mach as an Eiphit; agus le fàidh thèarnadh e.

14 Bhrosnuich Ephraim e chum feirge

¹ thig iad le cabhaig.

gu ro shearbh : uime sin fàgaidh a Thighearn 'fhuil air féin; agus pillidh e thuige féin a mhasladh.

CAIB. XIII.

1 *Dh'fhalbh glòir Ephraim mar mholl air 'fhuadachadh le cuairt-ghaoith.* 4 *Sgrìosaidh Dia iad do bhrigh gu'n do mhuighnàthaich iad a thròcairean.* 15 *Breitheanas Shamaria air son a ceann-airc.*

AN uair a labhair Ephraim le crith, dh'ardaich se e féin ann an Israel; ach an uair a chiontaich e ann am Baal, bhàsaich e.

2 Agus a nis tha iad a' ciontachadh ni's mò agus ni's mò, agus rinn iad dhoibh féin dealbh leaghta d'an airgid: iodholan a réir an seòtachd féin an t-iomlan deth obair nam fear-ceirde: tha iad a' ràdh do'n taobh, Deanadh a' mhuinntir a ta 'g iobradh na laoigh a phògadh.

3 Air an aobhar sin bithidh iad mar neul na maidne; agus mar an drùchd moch a shiùbhlas air falbh: mar am moll air 'fhuadachadh le cuairt-ghaoith o'n urlar-bhualaidh; agus mar thoit a mach as an luidheir.

4 Gidheadh is mise an Tighearn do Dhia, *a thug a nòs thu* o thir na h-Eiphit, agus cha bhi aithne agad air dia air bith ach mise; oir cha'n 'eil slànuighear ann ach mi.

5 B'aithne dhomh-sa thu san fhàsach, ann am fearann an tarta mhòir:

6 'Nan ionaltradh bha iad air an lìonadh: bha iad air an lìonadh, agus dh'ardaichheadh an eridhe: air an aobhar sin dhi-chuimhnich iad mise.

7 Uime sin bithidh mise dhoibh mar leòman: mar liopard auns an t-slighe bheir mi fa'near iad.

8 Coinnichidh mi iad mar mhath-ghamh-uinn o'n do bhuineadh *a cuileanan*, agus reubaidh mi sgairt an eridhe; agus an sin sluigidh mi iad mar leòman boirionn: ni fiadh-bheathach na macharach an reubadh.

9 O Israeil, sgrios thu thu féin, ach ann-am-sa tha do chabhair.

10 Bithidh mise ann am rìgh dhuit: c'ait am bheil aon neach eile a thèarnas thu ann ad chaithrichibh uile! agus do bhreitheamhna uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuit ann am fheirg, agus thug mi air falbh e ann am chorr-uich.

12 Tha aingidheachd Ephraim air a carnadh suas: tha a chionta air a thasgaidh.

13 Thig ioghanna mnà ri saothair air: is mac nach 'eil glic e so; no cha'n fhanadh e fada ann an *àite* briseadh mach na cloinne.

14 Fuasglaidh mise iad o chumhachd na h-uaigne: saoraidh mi iad o'n bhàs: O bhàis, bithidh mise a'm' phlàigh dhuit; O uaign, bithidh mise a'm' sgrios duit; bithidh aithreachas air 'fholach o m' shùilibh.

15 Ged bha e torrach am measg a bhràithrean, thig gaoth an ear, thig gaoth an Tighearna mios o'n fhàsach, agus fàsaich 'fhuaran tioram, agus tiormaichear suas a thobar: bithidh ionmhas uile shiothichean taitueach air a chreachadh.

16 Bithidh Samaria 'na fàsach, oir rium i ceannaire an aghaidh a Dé: tuitidh iad leis a' chlaidheamh, brisear an naoidheana 'nam bloighdibh; agus reubar suas am mnathan torrach.

CAIB. XIV.

1 *Earrail chum aithreachais.* 4 *Leighisidh Dia cùl-sleamhnachadh a shluagh.*

PILL, O Israeil, ris an Tighearn do Dhia, oir thuit thu le t' aingidheachd.

2 Thugaibh leibh briathran, agus pillibh ris an Tighearn; abraibh ris, Thoir air falbh ar n-uile chionta, agus gabh ruinn gu gràsmhòr: mar sin bheir sinn seachad laoigh ar bilean.

3 Cha dean Asur ar tèarnadh; air eachaibh cha dean sinn marcachd: ni mò their sinn tuilleadh ri obair ar làmhha féin, Is sibhe ar dèe: oir annad-sa gheibh an dilleachdan tròcair.

4 Leighisidh mise an cùl-sleamhnachadh, gràdhaichidh mi iad gu saor: oir phill mo chorruch air falbh uath.

5 Bithidh mi mar an drùchd do Israel: fàsaich e mar an ligh, agus cuiridh e mach a fhreumha mar Lebanon.

6 Sgaolidh a gheugan, agus bithidh a mhaise mar an crann-oladh, agus 'fhàile mar Lebanon.

7 Pillidh iadsan a ta chòmhnuidh fo a sgàile: mar an t-arbhar bithidh iad air an ath-bheothachadh; agus fàsaich iad mar an fhionain: bithidh 'fhàile mar fhion Lebanon.

8 *Their Ephraim*, Ciod mo gnothuch-sa tuilleadh ri iodholaibh? Chuala mise e; agus thug mi fa'near e; is cosmhuil mi ri crann uaine giuthais; uamsa tha do thoradh r'a fhaotainn.

9 Cò a ta glic, agus tuigidh esan na nithe so? crionna, agus aithnichidh e iad? oir tha sligheana an Tighearna ceart, agus gluaisidh na fireana annta: ach gheibh na ciontaich tuisleadh annta.

IOEL.

CAIB. I.

1 *Chuir Iòel an céill léir-sgrìos na talmhainn leis an locust, a' chnàmh-bheist, agus a' bhurruis. Chomhairlich e do'n t-sluagh trasg a ghairm, agus iad féin irioslachadh an lùthair an Tigh-earna chum gu'm pilleadh e air falbh a bhreith-eanais.*

FOCAL an Tighearn a thàinig a chum Ioeil mhic Phetueil.

2 Chuinnibh-sa so, a sheann daoine; agus thugaibh-sa fa'near, uile luchd-àiteachaidh na tìre: an robh so 'nur làithibh-sa; no 'n làithibh bhur n-aithrichean?

3 Innsibh-sa do 'ur cloinn e, agus innseadh 'ur clann do'n cloinn-san agus an clannsa do ghinealach eile.

4 An ni sin a dh'fhàg a' phailm-chuimh, dh'ith an locust; agus an ni a dh'fhàg an locust, dh'ith a' chnàmh-bheist; agus an ni sin a dh'fhàg a' chnàmh-bheist, dh'ith am burruis.

5 Dùisgibh, a mhisgearan, agus guilbhbh; agus deanaibh-sa caoidh, uile phòit-earan fìona, air son an fhion-nuadha, oir tha e air a ghearradh air falbh o 'ur beul.

6 Oir tha cinneach air teachd a nìos air m' fhearann-sa, treun, agus thar àireamh; is fiacalan leomhain am fiacalan; agus tha fiacalan carbaid leomhain bhoirinn aca.

7 Dh'fhàg iad m'fhionain-sa 'na fàsach, agus rùisg iad mo chrann-fìge; rùisg iad e gu buileach, agus thilg iad air falbh e; tha a gheugan air an deanamh geal.

8 Dean caoidh mar òighe crìosluichte le eudach-saic air son céile¹ a h-òighe.

9 Tha an tabhartas-bidh air a ghearradh air falbh, agus an tabhartas-dibhe o thigh an Tighearna; deanaibh-sa bròn, O shagarta, òglacha an Tighearna.

10 Tha a mhachair 'na fàsach, tha an talamh rì caoidh; oir tha an t-arbhar air a mhilladh; tha am fion nuadh air seargadh, dh'fhàillnich an oladh.

11 Gabhaibh nàire, O threabhaichean: deanaibh-sa caoidh, O luchd-deasachaidh na fionain, air son a' chruithneachd, agus air son an eorna: a chionn gu'n do mheath fogharadh na macharach.

12 Tha an fhionain air tiormachadh suas, agus an crann-fìge air seargadh; tha am pomgranat, an crann-pailme fòs agus an crann-ubhall, *eadhon* uile chraobha na macharach, air seargadh: gu deimhin shearg aoibhneas air falbh o chloinn nan daoine.

13 Crìosluicibh sibh féin le eudach-saic, agus tuiribh, O shagarta: deanaibh ulartaich, a luchd-frithealaidh na h-altarach: thigibh, luidhibh fad na h-oidheche ann an eudach saic, òglacha mo Dhé: oir tha an tabhartas-bidh agus an tabhartas-dibhe air a chumail air ais o thigh ar Dé.

14 Naomhaichibh-sa trasg, gairmibh là toirmisg, cruinnichibh na seanairean, uile luchd-àiteachaidh na tìre, gu tigh an Tighearn 'ur Dé, agus glaothaibh ris an Tigh-earn,

15 Och air son an là! oir tha là an Tighearna dlùth, agus mar léir-sgrìos o'n Uile-chumhachdach thig e.

16 Nach 'eil ar lòn air a ghearradh as fa chomhair ar sùl? aoibhneas agus luagh-air o thigh ar Dé?

17 Lobh an sìol f'a fhòidibh; dh'fhàgadh fàs na h-ionada-tasgaidh; bhriscadh sìos na saibhlean: a chionn gu'n do shearg an t-arbhar.

18 Cìomus a tha na beathaichean ag osnaich? tha na buailean spréidhe ann an aire, a chionn nach 'eil ionaltradh aca: tha na treudan chaorach fòs air am mill-eadh.

19 Riutsa, O Thighearn, glaothaibh mise; oir chaith an teine cluaintean an fhàsaich, agus loisg an lasair uile chraobha na macharach.

20 Tha beathaichean na macharach fòs a' glaothach riutsa: oir thiornaicheadh suas na h-aimehneachan uisge, agus chaith an teine cluaintean an fhàsaich.

CAIB. II.

1 *Chuir am fàidh an céill meudachd armaill Dhé: 12 chomhairlich e do'n t-sluagh aithreachas a ghabhail, 13 dh'orduich e trasg, 18 agus gheall e trècair dhoibh o Dhia. 21 Thug e comhfhurtachd do Shìon.*

SEIDIBH-SE an trompaid ann an Sion, agus èighibh caismeachd catha ann am shliabh naomh-sa: crìochnaicheadh uile luchd-àiteachaidh na tìre: oir tha là an Tighearn a' teachd, oir tha e am fagus.

2 Là dorchadais agus ogluidheachd: là neul agus tiugh-dhorchadais; mar an doilleireachd² air a sgaoileadh air na sléibhtibh, *thig* sluagh òumlior agus làidir; an leithide cha robh ann o shean, agus cha bli ni's mò 'nan déigh, eadhon gu bliadhna mhoran ghinealach.

3 Rompa tha teine rì sgrìos, agus 'nan

¹ fìr-pòsda

² a' chamh.

dèigh tha lasair a' losgadh: tha am fear-ann mar ghàradh Edein rompa, agus 'nan dèigh 'na fhàsach uaigneach; seadh, cha bhi dol as aig aon ni uatha.

4 Bithidh an coslas mar choslas each; agus mar mharcaichean is amhluidh a ruithas iad.

5 Mar fharum charbad air mhullach nam beann leumaidh iad; mar thoirim lasair theine a loisgeas an asbhuain: mar shluagh làidir air an cur an ordugh catha.

6 Roimh an gnùis bithidh geur-ghoimh airant-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cumhachdach; streapaidh iad am balla mar luchd-cogaidh; agus sìubhlaidh iad gach aon air a shlighe, agus cha bhris iad an ordugh.

8 Ni mò theannaicheas aon air aon eile; coisichidh iad gach aon 'na cheum féin: agus ma thuiteas iad air a' chlaidheamh, cha bhi iad air an leònadh.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: théid iad a steach air na h-uinn-eagailbh mar mheirleach.

10 Bithidh ball-chrith air an talamh rompa, criothnaichidh na nèamha: bithidh a' ghrian agus a' ghealach dorcha, agus cumaidh na reultan air ais an dealradh.

11 Agus cuiridh an Tighearn a mach a ghuth fa chomhair 'fheachd: oir tha a champ ro mhòr; oir is treun esan a thoirt gu buil 'fhocail; oir tha là an Tighearna mòr agus ro uamhasach, agus cò dh'fheudas fhulang?

12 Uime sin a nis mar an ceudna, tha an Tighearn ag radh, pillibh a m' ionnsuidh-sa le 'ur n-uile chridhe, agus le trasg, agus le gul, agus le caoidh.

13 Agus reubaibh bhur cridhe, agus ni h-e 'ur n-eudach; agus pillibh ris an Tighearn bhur Dia: oir tha e tròcaireach agus iochdmhor, mall a chum feirge, agus làn do chaomhachadh, agus gabhaidh e aithreachas mu'n olc.

14 Cò aig am bheil fios nach pill, agus nach gabh e aithreachas, agus nach fàg e beannachd 'na dhéigh, tabhartas-bìdh, agus tabhartas-dibhe, do'n Tighearna bhur Dia.

15 Séidibh an trompaid ann an Sion, naomhaichibh trasg, gairmibh là toirmisg.

16 Cruinnichibh an sluagh, naomhaichibh an coimhthional; gairmibh na sean-airean; tionailibh a' chlann, agus iadsan a ta deòthai na cìche: rachadh am fear nuadh-pòsda mach as a sheòmar, agus a'

bhean nuadh phòsda mach as a seòmar uaigneach.

17 Deanadh na sagairt, seirbhisich an Tighearna, gul eadar an sgàth-thigh agus an altair, agus abradh iad, Coigil¹, O Thighearna, do shluagh, agus na toir t'òighreachd thairis gu masladh: a chum gu'n riaghladh na cinnich os an ceannu: c' uim' an abradh iad am measg nan cinneach, C'ait am bheil an Dia?

18 An sin bithidh an Tighearn eudmhor m'a fhearann, agus gabhaidh e truas d'a shluagh.

19 Seadh, freagraidh an Tighearn, agus their e r'a shluagh; Feuch, cuiridh mi d'ur n-ionnsuidh arbhar, agus fion, agus oladh, agus bithidh sibh air 'ur sàsachadh leo; agus cha dean mi sibh ni's mò 'nur masladh am measg nan cinneach.

20 Ach atharraichidh mi am fad uaibh *feachd* na h-àirde tuath, agus fògraidh mi e gu fearann falamh fàsal, a thoiseach gus an fhairge 'n ear, agus a dheireadh gus an fhairge 'n iar; agus thig a bhréine mios, agus éiridh a dhroch fhàile², a chionn gu'n do mhaoidh e nithe mòra.

21 Na biodh eagal ort, O fhearainn; bi luaghaireach agus ait: oir ni an Tighearn nithe mòra.

22 Na biodh eagal oirbh a bheathaiche na macharach: oir tha cluaintean an fhàsaich a' briseadh a nios; oir thia a' chraobh a' giùlan a toraidh; tha an crann-fige agus an fhionain a' toirt seachad an neirt.

23 Bithibh ait, ma ta, O chlann Shioin, agus deanaibh gàirdeachas anns an Tighearn bhur Dia; oir thug e dhuibh an t-uisge a's toisiche ann an ceart-thomhas; agus bheir e air frasaibh teachd a nuas d'ur n-ionnsuidh, an ceud uisge, agus an t-uisge deireannach amhluil roimhe so.

24 Agus bithidh na h-urlair-bhualaidh làn do chruithneachd, agus cuiridh na dabhacha thairis le fion agus le li-oladh.

25 Agus aisigidh mise dhuibh na bliadh-nachan a dh'ith an locust, a' chnàmhbheist, am burrus³, a' phailm-chnuimh, m'fheachd mòr, a chuir mi 'nur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhuin ruibh gu h-iongantach: agus cha nàraichear am feasd mo shluagh-sa.

27 Agus aithnichidh sibh gu bheil mise ann am meadhon Israeil, agus gur mi an Tighearn 'ur Dia, agus nach aon air bith eile: agus cha nàraichear am feasd mo shluagh.

28 Agus tarlaidh 'na dhéigh sin, gu'n dòirt mise mach mo spiorad air gach uile fheoil, agus ni bhur mic agus blur nigh-

¹ Caomhain.
819

² bholadh.

³ caterpillar. Sasg.
3 G 2

eana fàistneachd, bruadairidh 'ur seann daoine bruidh, agus chi 'ur n-òganaich seallanna :

29 Agus fòs air na h-òglachaibh agus air na banoglaibh, anns na làithibh sin, dòirtidh mi mach mo spòrad.

30 Agus nochdaidh mi iongantais anns na nèamhaibh, agus air an talamh ; fuil, agus teine, agus smùidrich dheathaich.

31 Iompaichear a' ghrian gu dorchadas, agus a' ghealach gu fuil, mu'n tig là mòr agus uamhasach an Tighearn.

32 Agus tarlaidh, ge b'e air bith a ghairmeas air ainm an Tighearna, tèarnar e : oir ann an sliabh Shioin agus ann an Ierusalem bithidh tèarnadh, mar a thubhairt an Tighearn ; eadhon an measg an iarmaid a ghairmeas an Tighearn.

CAIB. III.

1 *Tagraidh Dia ris na cinnich air son a shluaigh Israeil, 4 agus diolaidh e dhoibh a réir an gnìomh-ara. 18 Beannachdan na h-eaglais.*

OIR feuch, anns na làithibh sin, agus anns an àm sin, 'nuair a bheir mise air a h-ais bruid Iudah, agus Ierusalem, *tarlaidh,*

2 Gu'n cruinnich mi na h-uile chinnich, agus bheir mi sìos iad gu gleann Iehosaphait, agus tagraidh mi ri u an sin air son mo shluaigh, agus *air son m' oigh-reachd Israeil*, a sgap iad am measg nan cinneach ; agus roinn iad mo dhùthaich.

3 Agus thig iad croinn air son mo shluaigh ; agus thug iad macan air son striopaich, agus reic iad nigheanag air son fiona, chum gu'n òladh iad.

4 Seadh, agus ciod 'ur gnòthuch-sarumsa, O Thiruis, agus a Shidoin, agus uile chriochea Phalestin ? an diol sibh rium luigheachd ? a nis ma bheir sibh dhomh luigheachd, gu luath, gu grad diolaidh mi 'ur luigheachd air 'ur ceann féin ;

5 A chionn gu'n do ghabh sibh m' air-giod agus m' òr, agus gu'n do ghiùlain sibh gu bhur teampuill mo nithe luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad am fad o'n crìch féin.

7 Feuch, togaidh mise iad as an àite gus an do reic sibh iad ; agus pillidh mi bhur luigheachd air bhur ceann féin.

8 Agus reicidh mi 'ur mic agus 'ur nigheana gu làimh cloinne Iudah ; agus reicidh iadsan iad ris na Sabéich, ri sluagh fad as ; oir labhair an Tighearn e.

9 Eighibh-sa so am measg nan cinneach ;

ulluichibh cogadh, dùisgibh suas na cumbachdaich ; thigeadh na fir-chogaidh uile am fagus, thigeadh iad a nìos.

10 Deanaibh claidhean do 'ur coltraibh, agus sleaghan do 'ur corraibh-sgathaidh ; abradh an lag, Tha mi làidir.

11 Cruinnichibh sibh féin, agus thigibh, a chinneacha gu léir, agus tionailibh o gach taobh mu'n cuairt : an sin bheir thusa air na cumbachdaich teachd a nuas, O Thighearn.

12 Dùisgeadh na cinnich, agus thigeadh iad a nìos gu gleann Iehosaphait : oir an sin suidhidh mise gu breth a thoirt air na cinnich uile mu'n cuairt.

13 Sàthaibh an corran, oir tha am fogharadh abuich ; thigibh, gabhaibh sìos, oir tha an t-amar-fiona làn, tha na dabhacha a' cur thairis : oir tha an aingidheachd mòr.

14 Mòr-chuideachda, mòr-chuideachda, ann an gleann a' ghearraidh ; oir tha là an Tighearna dlùth ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealradh.

16 Agus beucaidh an Tighearn a mach á Sion, agus o Ierusalem cuiridh e mach a ghuth, agus bithidh crith air na nèamhaibh, agus air an talamh : ach bithidh an Tighearn 'na ionad-didein d'a shluaigh ; agus na dhaingneach làidir do chloinn Israeil.

17 Mar sin aithnichidh sibh gur mise an Tighearn 'ur Dia, a ta chòmhnuidh ann an Sion, mo shliabh naomh : an sin bithidh Ierusalem naomh, agus cha téid coigrich troimhe¹ ni's mò.

18 Agus tarlaidh anns an là sin, gu'n sil na sléibhtean a nuas fion nuadh, agus sruthaidh na beannta le bainne ; agus sruthaidh uile aìmhnichean Iudah le h-uisgeachaibh ; agus thig tobar a mach o thigh an Tighearn, agus uisgichidh e gleann Shitim.

19 Bithidh an Eiphit 'na nochd-làraich, agus bithidh Edom 'na fhàsach uaigheach ; air son an ainneirt *an aghaidh* cloinne Iudah ; a chionn gu'n do dhòirt iad fuil nan neò-chiontaich 'nam fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise am fuil-san, nach do ghlan mi ; agus gabhaidh an Tighearn còmhnuidh ann an Sion.

¹ d'a thrìd.

A M O S.

CAIB. I.

1 An t-àm san d'rinn Amos fàidheadaireachd.
3 Nochd e na breitheanais a bha gu teachd air Siria, 6 air na Philistich, 9 air Tirus, 11 air Edom, 13 agus air Moab.

Bhuachaillean Thecoa, a bha am measg bhuachaillean Thecoa, a fhuair e mu thimchioll Israeil, ann an làithibh Usiah rìgh Iudah, agus ann an làithibh Ieroboaim mhic Iohais, rìgh Israeil, dà bhliadhna roimh an chrith-thalmbainn.

2 Agus thubhairt e; Beucaidh Iehobhah o Shìon, agus o Ierusalem cuiridh e mach a ghuth; agus ni ionada-còmhnuidh nam buachaillean bròn, agus seargaidh mullach Charmeil.

3 Mar so tha an Tighearn ag ràdh; Air son thri lochdan Dhamascuis, agus air son cheithir, cha phill mi air falbh a *pheanas*; a chionn gu'n do bhuail iad Gilead le innealaibh-bualaidh iarunn.

4 Ach cuiridh mise teine air tigh Hasaail, a loisgeas luchairtean Bhenhadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmhnard Abhein, agus esan a ghlacas an t-slat-rioghail o thlugh Edein: agus sìubhlaidh sluagh Shiria ann am bruid gu Cir, deir an Tighearn.

6 Mar so tha an Tighearn ag ràdh; Air son thri lochdan Ghasa, agus air son cheithir, cha phill mi air falbh a *pheanas*; a chionn gu'n d'thug iad a' bhruid uile air falbh am braighdeanas, a chum an toirt seachad do Edom:

7 Ach cuiridh mi teine air balla Ghasa, a sgriosas a luchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Ascelon; agus tionndaidhidh mi mo làmh an aghaidh Ecein: agus bàsaichidh fuigheall nam Philisteach, deir an Tighearn Iehobhah.

9 Mar so tha an Tighearn ag ràdh, Air son thri lochdan Thiruis, agus air son cheithir, cha phill mi air falbh a *pheanas*; a chionn gu'n d'thug iad suas a' bhruid uile do Edom, agus nach do chuimhnich iad an coimheangal bràthaireil.

10 Ach cuiridh mi teine air balla Thiruis, a loisgeas àrois rioghail.

11 Mar so tha an Tighearn ag ràdh; Air son thri lochdan Edoim, agus air son cheithir, cha phill mi air falbh a *pheanas*; a chionn gu'n do ruaig e a bhràthair leis a' chhlaidheamh, agus gu'n do thilg e uaith na h-uile iochd, agus gu'n do reub

'fhearg a ghnàth, agus gu'n do ghléidh e a chorruih an còmhnuidh.

12 Ach cuiridh mi teine air Teman, a loisgeas luchairtean¹ Bhosrah.

13 Mar so tha an Tighearn ag ràdh; Air son thri lochdan chloinne Amoin, agus air son cheithir, cha phill mi air falbh a *pheanas*; a chionn gu'n do reub iad suas mnathan torrach Ghileaid, a chum an crìocha fèin a chur am farsuinneachd.

14 Ach fadaidh mise teine air balla Rabah, agus loisgidh e sìos a luchairtean, le iolaich ann an là a' chatha, le cuairt-ghaoith ann an là na doinnn.

15 Agus imichidh an rìgh ann am braighdeanas, e fèin agus a mhòr-uaisleann le chèile, deir an Tighearn.

CAIB. II.

1 Na breitheanais a bha gu teachd air Moab, 4 air Iudah, 6 agus air Israel. 9 Bhagair an Tighearn sluagh Israeil air son am peacanna.

MAR so tha an Tighearn ag ràdh; Air son thri lochdan Mhoab, agus air son cheithir, cha phill mi air falbh a *pheanas*; a chionn gu'n do loisg e cnàinhan² rìgh Edoim gu h-aol.

2 Ach cuiridh mi teine air Moab, agus loisgidh e luchairtean Chirioit, agus bàsaichidh Moab le co-ghaoir, le iolaich, le fuaim no trompaid.

3 Agus gearraidh mi as am breitheamh as a mheadhon, agus marbhaidh mi 'uile phrionnsachan maille ris, deir an Tighearn.

4 Mar so tha an Tighearn ag ràdh; Air son thri lochdan Iudah, agus air son cheithir, cha phill mi air falbh a *pheanas*; a chionn gu'n d'rinn iad dimeas air reachd an Tighearn, agus nach do choimhid iad 'àitheantan; agus thug an *diathan* bréige orra dol air seacharan, iad sin a chaidh an aithrichean air an déigh.

5 Ach cuiridh mi teine air Iudah, agus loisgidh e luchairtean Ierusalem.

6 Mar so tha an Tighearn ag ràdh; Air son thri lochdan Israeil, agus air son cheithir, cha phill mi air falbh a *pheanas*; a chionn gu'n do reic iad am firean air son airgid, agus am bochd air son bhròg.

7 Tha iad a' saltairt sìos ceann nam bochd ann an duslach na talmlhainn, agus a' fiaradh slighe nan daoine ciùine; agus tha duine agus athair a' dol a steach a chum na h-aoin ghruagaich, a thruaill-eadh m'ainme naoimh-sa.

¹ àrois.

² cnàimhean.

8 Agus tha iad 'gan sìneadh fèin air eudaichibh a ghabhadh an geall, aig taobh gach altarach; agus tha iad ag òl fiona na muinntir a dh'èideadh ann an tigh an dèe.

9 Gidheadh sgrios mise an t-Amorach rompa, a bha àrd mar àirde nan seudair; agus làidir mar na daragaibh: gidheadh sgrios mise a thoradh os a cheann, agus a fhreumha fuidhe.

10 Fòs thug mi sibhse a nìos o thìr na h-Eiphit, agus stiùir mi sibh troimh an fhàsach dà fhichead bliadhna; a chum gu'n sealbhaicheadh sibh fearann nan Amorach.

11 Agus thog mi suas *cuid* do 'ur mac-aibh air son fhàidhean, agus do 'ur n-òganaich air son Nasarach. Nach ann mar so a ta e, O chlann Israeil? deir an Tighearn.

12 Ach thug sibh do na Nasaraich fion r'a òl; agus dh'àithn sibh do na fàidhean, ag ràdh, na deanaibh fàistneachd.

13 Feuch, bruthaidh mise bhur n-àite, mar a bhruthas carbad luchdaichte le arbhar a sguaban.

14 Agus tréigidh a luathas an duine luath, agus cha bhi 'n duine làidir treun 'na neart, ni mò ni 'n duine cumhachdach e fèin a shaoradh.

15 Cha seas esan fòs a laimhsicheas am bogha, agus cha saor an luath-chosach e fèin; ni mò thèarnas an tì a mharcaicheas an t-each e fèin.

16 Agus esan a ta daingneachadh a chridhe am measg nan cumhachdach, teichidh e air falbh ruisgte san là sin, deir an Tighearn.

CAIB. III.

1 *Aobhar nam breithèanas a thug Dia air cloinn Israeil. 13 San là anns an agair Dia lochdan Israeil air, sgriosaidh e altairean Bhaail.*

CLUINNIBH am focal so a labhair an Tighearn 'nur n-aghaidh, O chlann Israeil, an aghaidh an uile theaghlach a thug mi nìos o thìr na h-Eiphit, ag ràdh,

2 Is sibhse mhàin air an do ghabh mi eòlas do uile theaghlachibh na talmhainn: uime sin smachdaichidh mi sibh air son 'ur n-uile lochdan.

3 Am feud dithis imeachd le chéile, mur bi iad réidh?

4 Am beuc an leòmhann anns a choille, an uair nach 'eil creach air bith aige? an éigh an leòmhann òg as a' gharaidh, mur do ghlac e aon nì?

5 Am feud eun tuiteam ann an lìon air an talamh, far nach 'eil aon rib air a shon? an tog *neach* eangach suas o'n talamh, agus gun ni air bith a ghlacadh?

6 An séidear an trompaid ann am baile, agus gun eagal a bhi air an t-sluagh? am bi dòrainn¹ ann am baile, agus nach e an Tighearn a chuir ann e?

7 Gu deimhin cha dean an Tighearn.

Iehobhah aon ni, gun a rùn-diomhair fhoillseachadh d'a sheirbhisich na fàidhean.

8 Bheuc an leòmhann; cò air nach bi eagal? labhair an Tighearn Iehobhah, cò nach deanadh fàistneachd?

9 Cuiribh an céill anns na lùchairtibh an Asdod, agus anns na tallachaibh an tìr na h-Eiphit, agus abraibh, Cruinnichibh sibh fèin air sléibhtibh Shamaria; agus feuchaibh an t-ioma-luasgadh mòr a ta 'na meadhon, agus iadsan a ta air an sàruchadh innte.

10 Oir cha'n aithne dhoibh a' chòir a dheanamh, tha an Tighearn ag ràdh; tha iad a' tasgaidh suas fòirneart agus creich 'nan lùchairtibh.

11 Air an aobhar sin, mar so tha an Tighearn Iehobhah ag ràdh, *Bithidh* eascaraid fòs mu'n cuairt air an fhearann; agus bheir e nuas do neart uait, agus creachar do lùchairtean.

12 Mar so tha an Tighearn ag ràdh, Amhuil a spìonas am buachaill a mach á beul an leòmhain dà chois, no mir do chluais; mar sin bheirear a mach clann Israeil, a ta chòmhnuidh ann an Samaria, ann an cùil leabach; agus ann an Damascus, air uirigh.

13 Eisdibh-sa agus togaibh fianuis do thigh Iacoib, tha an Tighearn Iehobhah, Dia nan sluagh, ag ràdh,

14 Anns an là san agair mise lochdan Israeil air, gu'n agair mi fòs air altairean Bheteil; agus gearrar adhaircean na h-altarach dhi, agus tuitidh iad chum an làir.

15 Agus buailidh mi an tigh-geamhraidh maille ris an tigh-shamhraidh; agus sgriosar na tighèan deud-chnàmh², agus thig crìoch air na tighèan mòra, deir an Tighearn.

CAIB. IV.

1 *Chronaicheadh Israeil air son am fòirneirt, 4 an iòdhol-aoraidh, 6 agus an ceannaire an aghaidh an Tighearna.*

CLUINNIBH-SE am focal so, O a spréidh Bhasain, a ta air sliabh Shamaria; a ta sàruchadh nam bochd, a ta bruthadh nam feumach; a ta 'g ràdh ri am maighstiribh, Thugaibh d'ar n-ionn suidh agus òlamaid.

2 Mhionnaich an Tighearn Iehobhah air a naomhachd, Feuch, gu'n tig oirbh na làithean anns an toir e sibh air falbh le dubhanaibh, agus bhur sliochd le dubhanaibh-iasgaich.

3 Agus théid sibh a mach air na beal-aich, gach *bò* air a' bhealach m'a coinn-eamh; agus tilgear sibh anns an tigh-chasgairt, deir an Tighearn.

4 Rachaibh gu Betel agus ciontaichibh;

¹ dosgann.

² ivory. Sasg.

aig Gilgal deanaibh 'ur lochdan lionmhor; agus thugaibh leibh bhur n-ìobairtean gach maduinn, 'ur deachamh gach trì bliadhna;

5 Agus ìobraibh ìobairt-bhuidheachais le taois ghoirt, agus éighibh, cuiribh an céill na saor-thabharta; oir tha so taitneach dhuibh, O chlaun Israeil, deir an Tighearnu Iehobhah.

6 Agus thug mi fòs dhuibh glaine fhiacal 'nur n-uile bhaitibh, agus gainne arain ann 'ur n-uile lùchaitibh: gidheadh cha do phill sibh riumsa, deir an Tighearn.

7 Agus chum mi uaibh mar an ceudna an t-uisge, 'nuair a bha fathasd trì mìosa gu fogharadh; agus thug mi air frasadh air aon bhaile, agus gun fhrasadh air baile eile; air aon chuid thàinig an t-uisge; agus a' chuid eile air nach d'thàinig an t-uisge, shearg e.

8 Agus shiubhail dà no trì do bhailtean gu aon bhaile, a dh'òl uisge; ach cha robh iad air an sàsachadh: gidheadh cha do phill sibh riumsa, deir an Tighearn.

9 Bhual mi sibh le seargadh agus le crith-reodh; 'nuair a dh'fhàs 'ur gàraidhean agus 'ur fion-liosan, 'ur croinn-fhìge, agus 'ur croinn-oladh, dh'ith a' phailm-chnuimh iad: gidheadh cha do phill sibh riumsa, deir an Tighearn.

10 Chur mi 'nur measg a' phlàigh, a réir nòis na h-Eiphit; mharbh mi 'ur n-òganaich leis a' chlàidheamh, agus thug mi air falbh 'ur n-eacha, agus thug mi air droch fhàile bhur cainp teachd a nìos gu'r pollairibh: gidheadh cha do phill sibh riumsa, deir an Tighearn.

11 Sgrìos mi cuid dibh, mar a sgrìos Dia Sodom agus Gomorah, agus bha sibh mar aithinne air a spionadh as an losgadh: gidheadh cha do phill sibh riumsa, deir an Tighearn.

12 Air an aobhar sin mar so ni mi riut, O Israeil; agus a chionn gu'n dean mi so riut, ulluich thu fèin gu codhail a chumail ri d' Dhia, O Israeil.

13 Oir feuch, esan a dhealbhas na sléibhteann, agus a chruthaicheas a' ghaoth, agus a dh'fhoillsicheas do dhuine ciod is smuainte dha; esan a ni a' mhaduinn 'na dorchadas, agus a shaltras air ionadaibh àrda na talmhainn, Iehobhah, Dia nan sluagh, is e 'ainm.

CAIB. V.

1 Tuireadh air son Israeil. 4 Earail chum aithreachais. 21 Chuir Dia cùl ri seirbhis chealgach an t-sluaigh.

EISDIBH-SE am focal so a ta mise cur an céill 'nur n-aghaidh, eadhon tuireadh, O thigh Israeil.

2 Thuit, agus cha'n éirich ni's mò, òigh Israeil: tha i sìnte mach air a fearann fèin; cha'n 'eil neach ann g'a togail suas.

3 Oir mar so tha an Tighearn Iehobhah

ag ràdh; A' chaitir a chaidh a mach 'na mìle, fàgaidh i ceud; agus i sin a chaidh a mach 'na ceud, fàgaidh i deichnear aig tigh Israeil.

4 Uime sin, mar so tha an Tighearn ag ràdh ri thigh Israeil; Iarraibh-sa mise, agus mairidh sibh beò:

5 Ach na h-iarraibh Betel, agus na rach-aibh a steach gu Gilgal, agus na siùbh laibh thairis gu Beer-seba: oir thèid Gilgal gu deimhin am braighdeanas, agus thig Betel gu neo-ni.

6 Iarraibh an Tighearn agus mairidh sibh beò; air eagal gu'm bris e mar theine air thigh Ioseiph, agus gu'n loisg e thigh Israeil, agus nach bi aon neach ann gu 'mhùchadh.

7 Sibhse tha tionndadh breitheanas gu searbhadas, agus a' leigeadh dhibh fircantachd air an talamh,

8 Iarraibh esan a ta deanamh nan seachd reultan agus Orion; agus a' tionndadh sgàile a' bhàis gu maduinn, agus a ni an là dorchas mar an oidhche: a ta gairm air uisgeachaibh na faire, agus 'gan dòrtadh a mach air aghaidh na talmhainn; is e Iehobhah 'ainm:

9 A neartaicheas an creachta an aghaidh an tréin; air chor as gu'n tig an duine creachta an aghaidh an daingnich.

10 Is fuath leo esan a bheir achmhasan anns a' gheata: agus is gràin leo esan a labhras gu h-ionraic.

11 Air an aobhar sin, a chionn gu bleic sibh a' saltairt air a' bhochd, agus a' gabhail uaith duaise do chruthneachd; ged thog sibh tighean do chlachaibh snaighte, gidheadh cha'n àitich sibh iad; ged shuidhich sibh fion-liosan taitneach, gidheadh cha'n òl sibh fion diubh.

12 Oir is aithne dhomh-sa bhur lochdan lionmhor, agus bhur peacanna mòra; sibhse ta claidh an fhìrean, a ta gabhail cumha, agus a' cur a' bhochd a lethtaobh anns a' gheata.

13 Air an aobhar sin fanaidh an duine glic 'na thosd anns an àm sin; oir is aimsir olc i.

14 Iarraibh-sa maith, agus ni h-e olc, a chum gu mair sibh beò; agus mar sin bithidh an Tighearn Dia nan sluagh leibh, mar a labhòir sibh fèin.

15 Fuathaichibh an t-olc, agus gràdh-aichibh am maith, agus daingnichibh breitheanas anns a' gheata; theagamh gu'm bi an Tighearn Dia nan sluagh gràsmhor do iarmad Ioseiph.

16 Oir mar so tha Iehobhah Dia nan sluagh, an Tighearn, ag ràdh; Bithidh caoidh anns na h-uile shràidibh; agus their iad anns na h-uile rathaidibh mòra, Mo thruaighe, mo thruaighe! agus gairmidh iad an treabhaiche gu bròn, agus iadsan a ta còlach air caoidh gu tuireadh!

17 Agus anns na h-uile fion-lios bithidh caoineadh: oir gabhaidh misc troimh do mheadhon, deir an Tighearn.

18 Is truagh dhuibh-sa ta 'g iarraidh là an Tighearna. Ciod e sin duibh-sa là an Tighearna? dorchadas agus cha'n e solus.

19 Ceart mar gu'n teicheadh duine o leòmhán, agus gu'n coinnicheadh math-ghamhuinn e; no gu'n rachadh e steach d'a thigh, agus a làmh a leigeadh air a' bhalla, agus gu'n deanadh nathair a theumadh.

20 Nach bi là an Tighearna 'na dhorchadas, agus ni h-ann 'na sholus? eadhon ro dhorchas, agus gun soilleireachd air bith ann?

21 Is fuath leam, is beag orm 'ur làithean-féille, agus cha gabh mi tlachd ann am fáile 'ur n-árd-fhéillean.

22 Ged iobair sibh dhomh iobairtean-loisgte, agus tabhartais-bhídh, cha ghabh mi iad: ni mò bheir mi fa'near tabhartais-shith 'ur beathaiche reamhra.

23 Buin uam fuaim t'òran; agus ceòl do chlarsach cha'n éisd mi.

24 Ach ruitheadh breitheanas sìos mar uisgeacha, agus fireantachd mar shruth làidir.

25 An do thairg sibh dhomh-sa iobairtean agus tabhartais anns an fhàsach rè dà fhichead bhliadhna, O thigh Israeil?

26 *Ni h-eadh*, ach ghiùlain sibh pàillion 'ur Moloich, reul blur dé Chiùin, blur dealbhan, a rinn sibh dhuibh féin.

27 Uime sin bheir mise oirbh imeachd am bruid taobh thall Dhamascuis, tha an Tighearn, do'n ainm Dia nan sluagh, ag ràdh.

CAIB. VI.

1 *Smachdaichear Israeil air son an neo-gheamnuidh-eachd, 12 agus air son am peacanna.*

IS truagh dhoibh-san a ta gu suaimhneach ann an Sion, agus ag earbsadh á sliabh Shamaria; a ta 'gan ainmeachadh féin air tùs nan cinneach, gus am bheil imeachd tighe Israeil.

2 Siùbhlaibh thairis gu Calneh, agus faicibh; agus rachaibh as a sin gu Hamat mòr: an sin rachaibh sìos gu Gat nam Philisteach: an fèarr iadsan na na rìoghachdan so? no am bheil an crìocha nì's mò na 'ur crìoch-sa?

3 *Is truagh* dhoibh-san a ta cur an droch là fada uatha, agus a' toirt am fagus àite-suidhe an fhòirneirt:

4 A ta luidhe air leabaichibh deud-chnàmh, agus 'gan sineadh féin air an uirighibh; a ta ag itheadh uan an treud, agus nan laogh á meadhon an tigh-bhiadhaidh:

5 A ta seinne do fhuaim na clàrsaich; a ta cosmhuil ri Daibhidh, a' dealbhadhoibh féin inneala-ciùil:

6 A ta 'g òl fìona ann an cuachaibh,

agus 'g an ungadh féin le tagha gach oladh: ach nach 'eil doilich air son àmhghair Ioseiph.

7 Air an aobhar sin a nis théid iad am bruid leis a' cheud chuid a dh'fhalbhas ann am braighdeanas; agus bheirear air falbh cuirm na muinntir a bha 'g an sin-eadh féin.

8 Mhionnaich an Tighearn Iehobhal air féin, tha Iehobhal Dia nan sluagh ag ràdh; Is gràin leam òirdheirceas Iacoib, agus is fuath leam a luchairtean: uime sin bheir mi seachad am baile, agus gach ni a ta ann.

9 Agus tarlaidh ma dh'fhanas deichnear fhear ann an aon tigh, gu faigh iad bàs.

10 Agus togaidh caraid duine suas e, agus esan a loisgeas e, chum na cnàmhan a thoirt á mach as an tigh; agus their e ris-san a ta steach san tigh, *am bheil aon neach* fathasd leat? Agus their esan, Cha 'n 'eil: An sin their e, Bi a'd' thosd. A chionn nach 'eil iad a' toirt luaidh air ainm Iehobhal.

11 Oir feuch, àithnidh an Tighearn, agus buailidh e an tigh mòr le bearnaibh, agus an tigh beag le sgoltaibh.

12 An ruith eich air carraig? an treabhar i le daimh? oir thionndaidh sibh breitheanas gu domblas, agus toradh an ionracais gu iteodha.

13 Sibhse a ta ri gairdeachas ann an nì a's neo-nì; a ta ag ràdh, Nach do ghabh sinn do ar n-ionnsuidh uachdaranachd le ar neart féin?

14 Agus, feuch, dù'sgidh mise suas cinneach 'nur n-aghaidh, O thigh Israeil, tha Iehobhal Dia nan sluagh ag ràdh; agus sàruichidh iad sibh o dhol a steach Hamait, gu ruig amhainn an fhàsaich.

CAIB VII.

1 *Rinn Amos urnuigh, agus ghabh Dia aithreachas a thaobh an uile a bha e gu thoirt air Israel. 7 Le balla agus sreing-riaghailt nochdadh léir-sgrìos Israeil. 10 Rinn Amasiah gearan an aghaidh Amois. 14 Chuir Amos an cèill a dhreuchd.*

MAR so thaisbein an Tighearn Iehobhal dhomh-sa, agus, feuch, dhealbh e locuist ann an toiseach teachd a mìos an fhàis mu dheireadh; agus, feuch, b'e sin am fàs deireannach, an déigh buain an rìgh.

2 Agus tharladh 'nuair a chuir iad crìoch air itheadh luibhean na tìre, gu'n d' thubhairt mise, O Thighearna Iehobhal, maith, guidheam ort; cò thogas suas Iacob? oir tha e ro bheag.

3 Ghabh an Tighearn aithreachas dheth so: Cha tachair so, deir an Tighearn.

4 Mar so thaisbein an Tighearn Iehobhal dhomh-sa; agus, feuch, ghairm an Tighearn Iehobhal gu breitheanas le

teine, agus loisg e an doimhne mhòr: agus shluig e suas earrann.

5 An sin thubhairt mise, O Tighearn Iehobhah, sguir, guidheam ort: cò thogas suas Iacob? oir tha e ro bheag.

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus, feuch, sheas an Tighearn air balla *deanta* le sreing-riaghailt, agus sreang-riaghailt 'na làimh.

8 Agus thubhairt an Tighearn rium; Ciod a tha thu faicinn, Amois? Agus thubhairt mise, Sreang-riaghailt. An sin thubhairt an Tighearn, feuch, cuiridh mise sreang-riaghailt ann am meadhon mo shluaigh Israel; cha ghabh mi ni's mò seachad orra tuilleadh.

9 Agus cuirear ionadan àrda Isracil fàs; agus nìhear naomh-ionaid Isracil 'nan làraich sgaoilte, agus éiridh mise an aghaidh tighe Ieroboam leis a' chlaidheamh.

10 An sin chuir Amasiah sagart Bheteil fios gu Ieroboam rìgh Isracil, ag ràdh, Dhealbh Amos feall a'd' aghaidh ann am meadhon tighe Isracil: cha'n urrainn am fearann a bhriathran uile a ghiùlan.

11 Oir mar so tha Amos ag ràdh, Gheibh Ieroboam bàs leis a' chlaidheamh; agus bheirear Israel gu deimhin air falbh ann am bruid as an tìr féin.

12 Thubhairt Amasiah mar an ceudna ri Amos; O fhiosaiche, falbh, teich thusa gu tìr Iudah, agus ith aran an sin, agus an sin dean fàistneachd:

13 Ach na dean fàistneachd ni's mò ann am Betel: oir is e sin naomh-ionad an rìgh, agus is e sin teach na rioghachd.

14 An sin fhreagair Amos, agus thubhairt e ri Amasiah, Cha b'fhàidh mise, ni mò bu mhac fàidh mi; ach bu bhuachaill spréidhe mi, agus fear-tionail meas sic-amoir:

15 Agus thug an Tighearn mi o bhlèantuin ann treud; agus thubhairt an Tighearn rium, Falbh, dean fàistneachd do m' phobull Isracil.

16 A nis uime sin, cluinn thusa focal an Tighearna: tha thu ag ràdh, Na dean fàistneachd an aghaidh Isracil, agus na sìleadh d'fhocal an aghaidh tighe Isaic.

17 Air an aobhar sin, mar so tha an Tighearn ag ràdh, Bithidh do bhean 'na strìopaich anns a' bhaile, agus tuitidh do mhic agus do nigheana leis a' chlaidheamh; agus bithidh d'fhearann air a roinn leis an t-sreing: agus gheibh thu bàs ann am fearann truailte, agus théid Israel gu deimhin air falbh ann am bruid, a mach á 'dhùthaich féin.

CAIB. VIII.

1 *Le cliabh do mheas samhraidh nochdaidh gu'n robh crìoch Isracil am fagus.* 4 *Thugadh ach-mhasan dhoibh do bhrìgh gu'n robh iad a' toirt air bochdan an fhearainn fàilneachadh.* 11 *Bhagradh an sluagh le dìth fhocal an Tighearna.*

MAR so thaisbein an Tighearn Iehobhah dhomh-sa; agus, feuch, cliabh do mheas samhraidh.

2 Agus thubhairt e, Ciod a tha thu faicinn, Amois? Agus thubhairt mise, Cliabh do mheas samhraidh. An sin thubhairt an Tighearn rium, Tha a' chrìoch air teachd air mo shluaigh-sa Israel; cha ghabh mise seachad orra ni's mò.

3 Agus bithidh òrain an teampuill 'nan ulartaich anns an là sin, tha an Tighearn Iehobhah ag ràdh: *bithidh* mòran do chorpa marbha anns gach ionad: tilgidh iad gu tosdach a mach *iad*.

4 Cluinnibh so, O sibhe taslugadh suas an ainns, eadhon a thoirt air bochdan an fhearainn fàilneachadh.

5 Ag ràdh, C'uin a théid a' ghealach ùr seachad, a chum gu'n reiccamaid sìol? agus an t-sàbaid, a chum gu'n tugamaid a mach cruithneachd? a' deanamh an cphah beag, agus an t-seceil mòr; agus a' deanamh na meighe mearachdach le ceilg:

6 A' ceannach nam bochd air son airgid, agus an fheumaich air son bhròg; a' reic fòs deireadh a' chruithneachd.

7 Mhionnaich an Tighearn air òirdheire-eas Iacoib, Gu deimhin cha dìchuinnich mi gu bràth an uile oibre.

8 Nach crìothnuich am fearann air son so? agus nach dean gach duine ta chòmh-nuidh ann caoidh? agus nach éirich amhuil tuil thar an iomlan deth? nach tilgear a mach, agus nach bàthar e, mar gu'm b'ann le amhainn na h-Eiphit?

9 Agus tarlaidh air an là sin, tha an Tighearn Iehobhah ag ràdh, gu'n toir mise air a' ghréin dol fuidh air inheadhon-là, agus ni mi an talamh dorchas san là shoilleir.

10 Agus tionndaidhidh mi 'ur féillean gu bròn, agus 'ur n-òrain uile gu tuircadh; agus bheir mi air na h-uile leasraibh endach-saig, agus air gach aon cheann maoile, agus ni mi e mar chumha air son aoim mic, agus a chrìoch mar là searbh.

11 Feuch tha na làithean a' teachd, tha an Tighearn Iehobhah ag ràdh, san cuir mise gort anns an fhearann; cha'n i gort *dhìth* arain, no tart *dhìth* uisge, ach *dhìth* éisdeachd fhocal an Tighearna.

12 Agus sìubhlaidh iad o fhainge gu fairege, agus o'n àirde tuath, cadhlon gus an àird an ear; ruithidh iad air an ais agus air an aghaidh, a dh'iarraidh focail an Tighearn, agus cha'n fhaigh iad e.

13 Anns an là sin fannaichidh na h-òigh-

ean maiseach, agus na' h-òganaich le tart.

14 Iadsan a ta mionnachadh air peacadh Shamaria, agus ag ràdh, Tha do dhia-sa beò, O Dhain, agus tha cùis-aoraidh Bhecr-seba beò; tuitidh eadhon iadsan, agus cha'n éirich iad suas gu bràth tuilleadh.

CAIB. IX.

1 *Làn-dearbhadh léir-sgrìos Israeil.* 11 *Togaidh Dia suas pàillion Dhaibhidh, 14 agus bheir e air a h-ais bruid a shluaigh.*

CHUNNAIC mi an Tighearn 'na sheasamh air an altair; agus thubhairt e, Buail an t-àrd-dhorus, air chor as gu'n criothnuich na h-ursannan: oir gearraidh mise sa' cheann iad, an t-iomlan diubh; agus an sìochd marbhaidh mi leis a chhlaidheamh: an ti theicheas dhiubh cha teid e as; agus an ti a ghabhas an ruaig dhiubh cha tèarnar e.

2 Ged chladhaich iad gu ruig an t-ionad ìochdarach, as a sin bheir mo làmh-sa nìos iad; ged thèid¹ iad suas gu nìeamh, as a sin bheir mise nuas iad:

3 Agus ged fholuich siad iad féin ann am mullach Charneil, rannsaichidh mise, agus bheir mi mach as a sin iad; agus ged bhiodh iad air am fòlach o m' shealladh ann an ìochdar na fairge, an sin bheir mi àithne do'n nathair, agus ni i an teumadh.

4 Agus ged rach iad gu daorsa roimh an naimhdean, an sin bheir mise àithne do'n chhlaidheamh, agus marbhaidh e iad: agus leagaidh mi mo shùilean orra chum uile, agus ni h-ann a chum maith.

5 Oir is e an Tighearn Iehobhah Dia nan sluagh a bhcanas ris an fhearann, agus leagaidh e; agus ni na h-uile ta chònmhuidh ann caoidh; agus éiridh e suas gu h-iomlan mar thuil, agus bàthar e, mar gu'm b' ann le amhainn na h-Eiphit.

6 Is esan a thogas 'àrd-sheòmraichean anns na nìeamhaibh, agus a shuidhicheas a thigh-tasgaidh air an talamh; an ti a

ghairmeas air uisgeachaibh na fairge, agus a dhòirteas iad a mach air aghaidh na talmhainn: is e Iehobhah 'ainm.

7 Nach 'eil sibh mar chloinn nan Etiopach dhomh-sa, O chlann Israeil? tha an Tighearn ag ràdh. Nach d'thug mise Israeil á tìr na h-Eiphit: agus na Philistich á Caphtor, agus na Siriaich á Cir?

8 Feuch, tha sùilean an Tighearn Iehobhah air an rìoghachd chiontaich, agus sgrìosaichd mise bhàrr aghaidh na talmhainn i: a mhàin cha mhill mi gu tur tigh Iacoib, deir an Tighearn.

9 Oir feuch, bheir mise àithne, agus criathraidh mi tigh Israeil am measg nan uile chinneach, mar a chriathrar sìol ann an criathar, gidheadh cha tuit an sìlean² a's lugha dheth air an talamh.

10 Bàsaiclidh uile pheacaich moshluaigh-sa leis a' chhlaidheamh, a ta 'g ràdh, Cha bheir an t-olc oirnn, agus cha ghlac e sinn gu h-obann.

11 Anns an là sin togaidh mise suas pàillion Dhaibhidh a ta air tuiteam, agus dùinidh mi suas a bhcanan; agus togaidh mi suas a làraichean, agus cuiridh mi suas e mar anns na làithibh o shean:

12 A chum gu'n sealbhaich iad na mhair-eas do Edom, agus na h-uile chinneach á dh'ainmichear air m'ainm-sa, deir an Tighearn a nì so.

13 Feuch tha na làithean a' teachd, tha an Tighearn ag ràdh, anns am beir an treabhaiche air a' bhuanache, agus fear-bruthaidh nam fion-dhearc air fear cur an t-sil; agus silidh na sléibhtean fion milis, agus leagaidh na h-uile chnuic.

14 Agus bheir mise air a h-ais a ris bruid mo shluaigh Israeil, agus togaidh iad na bailtean fàsa, agus ni iad an àiteachadh; agus suidhichidh iad fion-liosan, agus olaidh iad am fion; ni iad fòs liosan, agus ithidh iad an toradh.

15 Agus suidhichidh mise iad 'nam fearann, agus cha bhi iad ni's mò air an spionadh a nìos as an fhearann a thug mise dhoibh, deir an Tighearn do Dhia-sa.

¹ streap.

² càilean.

OBADIAH.

CAIB. I.

1 *Léir-sgrìos Edoim, 3 air son uabhair a chridhe, 10 agus a ghiùlain a thaobh sluaigh Israeil 'nan teanntachd.* 17 *Saorsa agus buaidh Iacoib.*

SEALLADH Obadiah. Mar so tha an Tighearn Iehobhah ag ràdh a thaobh Edoim: Chuala sinn aithris o'n Tighearn, agus chuireadh teachdair am

measg nan cinneach, ag ràdh, Eiribh-sa, agus éireamaid-ne suas 'na h-aghaidh ann an cath.

2 Feuch, rinn mise beag thu measg nan cinneach: tha thu gu mòr air do chuir fo dhimeas.

3 Mheall uabhar do chridhe thu, O thusa ta chòmhnuidh ann an sgeiribh nan creag, ann ad chòmhnuidh àrd; a ta 'g ràdh

ann ad chridhe, Cò bheir a nuas mi chum an làir?

4 Ged àrdaich thu thu féin mar an iol-air, agus ged shuidhich thu do nead am measg nan reultan, as a sin bheir mise nuas thu, deir an Tighearn.

5 Ma thig meirlich a d'ionnsuidh, ma thig gaduichean anns an oidhche, (cionnus a ghearradh as thu!) nach goideadh iad gus am biodh gu leòr aca? nan tigeadh luchd-tional nam fion-dhearc a d'ionnsuidh, nach fagadh iad dìoghlum do na dearcaibh?

6 Cionnus a ta Esau air iarraidh a mach! a nìthe foluiche air an rannsachadh!

7 Thug uile dhaoine do chomuinn a chum na crìche thu; na daoine bha 'n sìth riut, a dh'ith aran leat, mheall iad thu, agus bhuadhaich iad ann ad aghaidh: leag iad rib fodhad: cha'n 'eil tuigse sam bith annad.

8 Nach sgrios mise san là sin, tha an Tighearn ag ràdh, aràon na daoine glìce mach á Edom, agus tuigse á sliabh Esau?

9 Agus claoidhear do dhaoine treun-sa, O Themain; a chum gu'n gearrar as gach duine do shliabh Esau le h-àr.

10 Air son t' ainneirt an aghaidh do bhràthar Iacoib, nì nàire do chòmhdachadh, agus bithidh tu air do ghearradh as gu bràth.

11 Anns an là san do sheas thu air an taobh eile, anns an là san d'thug na coimhich a shluaigh am bruid, anns an deachaidh coigrich a steach air a gheat-achan, agus anns an do thilg iad crannchur air Ierusalem, bha eadhon thusa mar aon duibh.

12 Ach cha bu chòir dhuìt amharc *le sòlas* air là do bhràthar, anns an là san d'rinneadh coigreach dheth: nì mò bu chòir dhuìt gàirdeachas a dheanamh os ceann cloinne Iudah ann an là an léir-sgrios: nì mò bu chòir dhuìt labhairt gu h-uabhbheach ann an là an àmhghair.

13 Cha bu chòir dhuìt dol a steach air

geata mo shluaigh-sa ann an là an àmhghair; seadh, cha bu chòir dhuìt amharc *le sòlas* air an teinn ann an là an airce; no làmh a chur air am maoin ann an là an àmhghair.

14 Nì mò bu chòir dhuìt seasamh anns an t-slighe tharsuinn, a ghearradh as nì dream a chaidh as d'a mhuinntir; nì mò bu chòir dhuìt iadsan a mhair d'a chuid-eachd a thoirt suas ann an là na dòrainn.

15 Oir tha là an Tighearn dlùth air na h-uile chinnich: mar a rinn thusa, nìthear riut: pillidh do luigheachd air do cheann féin.

16 Oir amhuil a dh'òl sibhse air mo shliabh naomh-sa, òlaidh na h-uile chinnich mu'n cauir: seadh òlaidh, agus shluigidh iad sìos; agus bithidh iad mar nach biodh iad idir ann.

17 Ach air sliabh Shioin bithidh saorsa, agus bithidh naomhachd; agus sealbhaichidh tigh Iacoib an sealbh féin.

18 Agus bithidh tigh Iacoib 'na theine, agus tigh Ioseph 'na lasair; agus tigh Esau 'na asbhuaire; agus lasaidh, agus loisgidh iadsan iad; agus cha'n fhàgar a h-aon beò do thigh Esau; oir labhair an Tighearn.

19 Agus gabhaidh iadsan o dheas sealbh air sliabh Esau; agus iadsan o'n chòmhnard air na Philistich; agus sealbhaichidh iad machair Ephraim, agus machair Shamaria; agus sealbhaichidh Benjamin Gil-ead.

20 Agus sealbhaichidh braighdean an t-sluaigh so chloinne Israeil, fearann nan Canaanach, eadhon gu Sarephat; agus sealbhaichidh braighdean Ierusalem, a ta an Sepharad, bailtean na h-àirde deas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bithidh an rioghachd leis an Tighearn.

¹ cha bli an mairionn.

I O N A H.

CAIB. I.

1 Dh'òrduich Dia do Ionah dol gu Ninebheh, 3 ach theich e gu Tarsis. 4 Bhac Dia e air an t-slighe le onfha ro mhòr. 11 Thilgeadh do'n fhaighe e leis na maraichean, 17 agus shluig iasg mòr suas e.

ANIS thàinig focal an Tighearn gu Ionah mac Amitai, ag ràdh,

2 Eirich, imich gu Ninebheh, am baile mòr sin, agus tog do ghuth 'na aghaidh: oir tha an aingidheachd air teachd a nìos a'm làthair-sa.

3 Ach dh'éirich Ionah suas gu teicheadh do Tharsis o fhianuis an Tighearn; agus chaidh e sìos gu Iopa; agus fhuair e long a' dol gu Tarsis, agus phàigh e 'n luachaisig, agus chaidh e sìos innte, gu dol leo gu Tarsis, o làthair an Tighearn.

4 Ach chuir an Tighearn a mach gaath mhòr air an fhaighe, agus bha onfha ro mhòr air an fhaighe: ionnus gu'n do shaoil iad gu'm biodh an long air a briseadh.

5 An sin bha eagal air na maraichean, agus ghlaodh iad gach duine r'a dhia;

agus thilg iad a mach am bathar a bha san luing do'n fhaige, chum a h-eutromachadh: ach chaidh Ionah sìos gu taobhan na luinge; agus luidh e, agus bha e 'na shuain chodail.

6 An sin thàinig maighstir na luinge d'a ionnsuidh, agus thubhairt e ris, Ciod is ciall duit, O thusa a ta a'd' chodal? éirich, gairm air do Dhia; theagamh gu'n smuainich Dia oirnn, a chum nach bàsach sinn.

7 Agus thubhairt iad, gach aon r'a chompanach, Thigibh, agus tilgeamaid croinn, a chum gu'n aithnicheamaid cò air son a ta an t-olc so air teachd oirnn. Mar sin thilg iad croinn, agus thuit an crannchur air Ionah.

8 An sin thubhairt iad ris, Innis duinn, guidheamaid ort, ciod a b' aobhar do'n olc so teachd oirnn; ciod is dreuchd' dhuit? agus cia as a thàinig thu? ciod is dùthaich dhuit? agus cò na daoine do'm bheil thu?

9 Agus thubhairt e riu, Is Eabhruidheach mi, agus tha eagal an Tighearna Dia nèimh orm, an Tia rinn an cuan agus an *talamh* tioram.

10 An sin bha na daoine fo anbharr eagail, agus thubhairt iad ris, C'ar son a rinn thu so? (oir thuing na daoine gu'n do theich e o làthair an Tighearn; oir dh'innis e dhoibh.)

11 An sin thubhairt iad ris, Ciod a ni sinn riut, a chum gu'm bi an fhaige ciùin dhuinn? (oir bha onfha na fairge a' fàs ni bu mhò agus ni bu mhò.)

12 Agus thubhairt e riu, Togaibh suas mi, agus tilgibh a mach mi anns an fhaige; mar sin bithidh an fhaige ciùin dhuibh-sa: oir tha fios agam gur ann air mo shon-sa tha'n doininn mhòr so oirbh.

13 Gidheadh dh'iomraim² na daoine gu cruaidh, a chum pilleadh gu tìr, ach cha b'urraim iad; oir dh'fhàs onfha na fairge ni bu mhò agus ni bu mhò 'nan aghaidh.

14 Air an aobhar sin, ghlaodh iad ris an Tighearn, agus thubhairt iad, Guidheamaid ort, O Thighearn, na leig dhuinne bàsachadh air son anama an duine so, agus na leig oirnn fuil neò-chiontach: oir rinn thusa, O Thighearn, mar a b'àill leat féin.

15 An sin ghlac iad Ionah, agus thilg iad a mach e anns an fhaige; agus sguir an fhaige d'a boile.

16 An sin bha eagal an Tighearna gu ro mhòr air na daoine, agus dh'ìobair iad ìobairt do'n Tighearn, agus thug iad bòidean.

17 A nis dh'ulluich an Tighearn iasg mòr chum Ionah a shlugadh suas; agus

bha Ionah ann am broinn an éisg tri làithean agus tri oidhchean.

CAIB. II.

1 *Urnuigh agus breth-buidheachais Ionah. 10 Thilg an t-iasg Ionah a mach air talamh tioram.*

AN sin rinn Ionah urnuigh ris an Tighearn a Dhia, á broinn an éisg.

2 Agus thubhairt e; Ghlaodh mi a thaobh m' àmhghair ris an Tighearn, agus dh'éisd e rium; á broinn na h-uaigne ghlaodh mi; chuala tusa mo ghuth.

3 Oir thilg thu mi san doimhne, ann am meadhon na fairge; agus dh'iadh na tuiltean mu m' thimchioll; chaidh do shumainnean agus do thonnan-sa uile thairis orm.

4 An sin thubhairt mi, Tha mi air mo thilgeadh a mach á fradharc do shùl: gidheadh seallaidh mi a ris ri do theampull naomh.

5 Dh'iadh na h-uisgeachan mu m' thimchioll, eadhon guruig an t-anam: chòmhdaich an doimhne mi mu'n cuairt; bha mo cheann air a ribeadh anns an fheamainn.

6 Chaidh mi sìos gu h-ìochdar nan sléibhteann; dhruid an talamh a croinn gu bràth orm: gidheadh thug thusa a nìs as an t-slochd mo bheatha, O Thighearna mo Dhia.

7 'Nuair a lag air m'anam na taobh a stigh dhiom, chuimhnich mi air an Tighearn; agus thàinig m' urnuigh a d'ionnsuidh, gu d' theampull naomh.

8 Iadsan a ta leantuinn air dìomhanasa breugach, tha iad a' tréigsinn an tròcair féin.

9 Ach ìobraidh mise dhuit-se le guth buidheachais; ìocaidh mi an nì sin a bhòidich mi; is ann do'n Tighearn a bhuineas slàinte.

10 Agus labhair an Tighearn ris an iasg, agus thilg e mach Ionah air an talamh tioram.

CAIB. III.

1 *Chuireadh Ionah a ris a dh'ionnsuidh Ninebheh, agus labhair e riu anns na briathraibh a dh' àithn Dia dha. 5 Ghabh muinntir Ninebheh aithreachas, 10 agus phill Dia o' dhian-chorruich 'nan aghaidh.*

AGUS thàinig focal an Tighearna gu Ionah an dara uair, ag ràdh,

2 Eirich, imich gu Ninebheh, am baile mòr sin, agus labhair ris anns na briathraibh³ a dh' àithneas mise dhuit.

3 Agus dh'éirich Ionah, agus chaidh e gu Ninebheh, a réir focail an Tighearna. (A nis bu thàile ro mhòr Ninebheh, astar thri làithean.)

4 Agus thòisich Ionah air dol troimh⁴ an bhaile, astar aoin là; agus ghlaodh e, agus thubhairt e, Fathasd dà fhichead là, agus sgriosar Ninebheh.

¹ mathas.
828

² dh'iomair.

³ éigh ris an éigh. Eabh.

⁴ throimh, tre.

5 Agus chreid muinntir Ninebheh Dia, agus dh'éigh iad trasg, agus chuir iad umpa eudach-saic, o'n aon bu mhò dhiubh agus an aon bu lugha.

6 Oir thàinig an sgeul gu rìgh Ninebheh; agus dh'éirich e o a rìgh-chaithir, agus chuir e 'fhalluinn uaith, agus chòmhdaich se e fèin le eudach-saic, agus shuidh e ann an luaithe.

7 Agus thug e fa'near a ghlaodhach agus a chur an céill feadh Ninebheh, (le ordugh an rìgh agus 'uaislean.) ag ràdh; Na blaiseadh duine no beathach, buair no treud, aon nì; na h-ionaltradh iad, agus na h-òladh iad uisge.

8 Ach biodh duine agus ainmhidh air an còmhdachadh le eudach-saic, agus glaoth-adh iad gu treun ri Dia: seadh, pilleadh iad gach aon o 'dhròch shlighe, agus o'n fhòir-neart a ta 'nan làmhau.

9 Cò aig am bheil fios nach pill Dia, agus nach gabh e aithreachas, agus nach pill e o 'dhian-chorruich; air chor as nach bàs-aich sinn?

10 Agus chunnaic Dia an oibre, gu'n do phill iad o'n droch shlighe; agus ghabh Dia aithreachas mu'n olc a thubhairt e gu'n deanadh e orra, agus cha d'rinn se e.

CAIB. IV.

1 Bha fearg mhòr air Ionah do bhrìgh gu'n do nochd Dia tròcair do Ninebheh. 4 Chronaicheadh e le samhladh luibh-sgàile.

AGUS mhi-thaitinn sin ri Ionah gu ro mhòr, agus bha fearg mhòr air.

2 Agus ghuidh e ris an Tighearn, agus thubhairt e, Guidheam ort, O Thighearn, nach dubhairt mise so, 'nuair a bha mi fathasd ann am dhùthaich fèin? Uime sin theich mi roimhe so gu Tarsis: oir bha fios agam gur Dia gràsmhor thusa, agus tròcaireach, mall a chum feirge, agus pailt ann an iochd, agus gu'n gabh thu aith-

¹ u. os.

² thàinig a nìos.

reachas mu olc.

3 Uime sin a nis, O Thighearn, buin, guidheam ort, m'anam uam; oir is fearr dhomh bhì marbh na beò.

4 An sin thubhairt an Tighearn, Am maith a thig dhuit fearg a bhì ort?

5 A nis bha Ionah air dol a mach as a bhaile, agus shuidh e air an taobh an ear do'n bhaile, agus an sin rinn e dha fèin bothan, agus shuidh e fuidhe san dubhar, agus am faiceadh e ciod a thachradh do'n bhaile.

6 Agus dh'ulluich an Tighearna Dia luibh-sgàile, agus dh'fhàs i suas¹ os ceann Ionah, a chum gu'm biodh i mar sgàile thar a cheann, g'a shaoradh o 'dhoilghios. Agus bha Ionah ro àit air son na luibh-sgàile.

7 Ach dh'ulluich Dia cnuimh an uair a dh'éirich a mhaduinn air an ath là, agus bhuail i an luibh-sgàile, agus shearg i.

8 Agus tharladh 'nuair a dh'éirich a' ghrian, gu'n do dheasaich Dia gaoth theath o'n ear; agus bhuail a' ghrian air ceann Ionah, ionnus gu'n d' fhannuich e, agus ghuidh e ann fèin bàs fhaotainn, agus thubhairt e, Is fearr dhomh bhì marbh na beò.

9 Agus thubhairt Dia ri Ionah, An ceart dhuit do chorruih a bhì air lasadh air son na luibh-sgàile? Agus thubhairt esan, Is ceart domh a bhì ann an corruich gu bàs.

10 An sin thubhairt an Tighearn, Choigleadh tusa an luibh-sgàile, air son nach do shaothraich thu, nì mò thug thu oirre fàs; a dh'fhàs suas² ann an oidhche, agus a chaidh seachad ann an oidhche.

11 Agus nach coiglinn-sa³ Ninebheh, am baile mòr sin, anns am bheil tuilleadh agus sè fichead mìle pearsa, do nach aithne an làmh dheas seach an làmh chlì; agus mòran spréidhe?

³ caomhanainn-sa.

M I C A H.

CAIB. I.

1 An t-àm san d'rinn Micah fàidheadaireachd.

2 Nochd e fearg Dhé an aghaidh Israeil agus Iudah air son an iòdhol-aoraidh. 10 Caoidh an fhàidh.

FOCAL an Tighearn, a thàinig gu Micah am Morastach, ann an làithibh Iotaim, Ahais, agus Hesciah, rìghrean Iudah; a chunnaic e a thaobh Shamaria agus Ierusalem.

2 Eisdibh, O shlòigh, an t-ìomlan dibh: thoir fa'near, O thalaimh, agus na h-uile a ta ann; agus biodh an Tighearn Iehobhah 'na fhianuis 'nur n-aghaidh, an Tighearn a 'thcampull naomh.

3 Oir feuch, thig an Tighearn a mach as 'àite; agus thig e nuas, agus saltraidh e air ionadaibh àrda na talmhainn.

4 Agus leaghar na sléibhtean fuidhe, agus sgoiltar na gleannta: mar chér fa chonh- air an teime, mar uisgeachan a dhòirtear thar bruaich chorrach.

5 Air son eusaontais Iacoib tha so uile, agus air son lochdan tighe Israeil. Ciod e eusaontas Iacoib? Nach e Samaria? agus ciod iad ionadan àrda Iudah? nach iad sin a ta an Ierusalem?

6 Uime sin nì mise Samaria 'na carn sa' mhachair, 'na h-àit air son suidheachaidh fhion-lìos; agus taomaidh nì sìos a

clachan do'n ghleann, agus leigidh mi ris a bunaitean.

7 Agus brisear a dealbhan snaighte gu léir 'nam bloighdibh, agus loisgear a tuarasdal gu léir le teine, agus an t-ìomlan d'a h-ìodholaibh leigidh mise sìos 'nan làraich; oir do thuarasdal striopaich chruinnich i a h-ionmhais; agus do thuarasdal striopaich pillidh iad.

8 Air an aobhar sin ni mise caoidh agus àrd-ghul; siùbhlaidh mi ruisgte agus lomnochd; ni mi caoidh mar na dragoin, agus cumha mar nigheana na caillich-oidhche.

9 Oir tha a creuchd do-leigheas, oir thàinig i gu Iudah; thàinig i gu geata mo shluaigh-sa, gu Ierusalem.

10 Na cuiribh an céill e ann an Gat; na guilb air aon chor; ann an tigh Aphrah aonnagain thu féin san luaithre.

11 Imich air falbh, a bhean-àiteachaidh Shaphir, le d' nàire air a leigeadh ris: cha deachaidh luchd-àiteachaidh Shanain a mach gu tuireadh: O Bheteseil, gheibh e uaibhse àite seasamh.

12 Gu dearbh tha bean-àiteachaidh Mharoit a' feitheamh air son maith; gu dearbh thàinig olc a nuas o'n Tighearn gu geata Ierusalem.

13 Ceangail an carbad ris an each luath, O thusa ta 'g àiteachadh Lacheis. B' ise bu toiseach peacadh do nighean Shioin: oir annad-sa fhuairleadh eusaontais Israeil.

14 Uime sin bheir thu tiodhlacan do Mhoretet-Gat: bithidh tighean Achsib 'nam mealladh do rìghribh Israeil.

15 Agus bheir mise oighe a d' ionn-suidh-sa, O bhean-àiteachaidh Mhareth; thig e gu Adulam, glòir Israeil.

16 Dean maol thu féin, agus dean do bhearradh air son do chloinne àillidh; sgaoil, mar an iolair, do mhaòile; oir dh' fhalbh iad uait am braighdeanas.

CAIB. II.

1 Breitheanas an Tighearn an aghaidh luchd-fòirneirt. 4 Tuireadh air son atharrachaidh an t-sluaigh. 7 Thugadh achmhasan doibh air son an aingidheachd.

IS truagh dhoibh-san a ta dealbh aingidheachd, agus a' cur an gnìomh uile air an leabaichibh; an uair a shoillsicheas a' mhaduinn tha iad 'g a dheanamh, a chionn gu bheil e 'n comas an làimhe.

2 Agus tha iad a' sanntachadh mhachraichean, agus 'gan glacadh le fòirneart; agus thighean, agus tha iad 'gan toirt air falbh: mar sin tha iad a' sàruchadh duine agus a thighe; duine mhòir agus 'oighreachd.

3 Air an aobhar sin, mar so tha an Tighearn ag ràdh; Feuch, an aghaidh an Teaghlach so tha mise a' dealbh uile, o

nach buin sibh air falbh bhurm uineil, ni mò dh'imicheas sibh gu h-uaibhreach: oir is aimsir olc so.

4 Anns an là sin togar cosamhlachd 'nur n-aghaidh, agus nìthear tuireadh le cumha brònach, ag ràdh; Tha sinn gu tur air ar creachadh; dh'atharraich e cuibhrionn mo shluaigh: cionnus a dh'atharraich e uam e? roinn e ar machraichean, a shaoil sinn a bhiodh air an aiseag dhuinn féin.

5 Gu dearbh cha bhi aon neach agad a shìneas a mach sreang le crannchur ann an còimhthional an Tighearna.

6 Na deanaibh-sa fàistneachd, O sibhse ta ri fàistneachd: cha dean iad fàistneachd dhoibh; cha toir esan air falbh am masladh.

7 Am bheil tigh Iacoib ag ràdh, Am bheil Spiorad an Tighearn air a chumh-annachadh? an iad so a ghnìomhara? nach 'eil mo bhriathran-sa a' deanamh maith do'n neach a ghluaiseas gu h-ionraic?

8 Ach o chian fada dh'érich mo shluagh suas mar nàmhaid: tha sibh a' spionadh na falluinn, maille ris an trusgan, o'n mhuinntir a ta 'g imeachd seachad gu tèaruinte, mar dhaoine gun spéis do chogadh.

9 Mnathan mo phobuill thilg sibh a mach o'n tighibh taitneach; o'n cloinn thug sibh air falbh mo ghlòir gu bràth.

10 Eiribh, agus imichibh, oir cha 'n i so *blur* còmhnuidh: a chionn gu bheil e air a shalachadh, sgriosar e; agus bithidh an sgrios mòr.

11 Ma ni duine sam bith, ag imeachd ann an spiorad bréige agus ceilg, fàistneachd dhuit air son fìona agus air son dibhe làidir, bithidh eadhon esan 'na fhàidh do'n t-sluagh so.

12 Cruinnichidh mi gu cinn-teach, O Iacoib, an t-ìomlan diot-sa: cruinnichidh mi gu cinn-teach iarmad Israeil; cuiridh mi iad ri chèile mar chaoraich Bhosrah. mar threud ann am meadhon am mainnneachd: ni iad farum mòr le lìonmhoireachd dhaoine.

13 Thàinig am fear-brisidh a nìos rompa bhris iad an geata, agus chaidh iad troimhe agus chaidh iad a mach d'a thrid; agus siùbhlaidh an rìgh air an toiseach, eadhon an Tighearn air an ceann.

CAIB. III.

1 Chronaicheadh na prionnsachan air son am fòirneirt, 5 agus na fàidhean air son an cealgairachd.

11 Aingidheachd nan ceannardan, nan sagart, agus nam fàidhean.

AGUS thubhairt mi, Eisdibh, guidheam oirbh, O cheannarda Iacoib, agus a phrionnsachan tighe Israeil; nach

¹ an crò, an manrach.

buin duibhse fios a bhi agaibh ciod a tha ceart?

2 Sibhse ta fuathachadh a' mhaith, agus a' gràdhachadh an uile; a ta spionadh dhiubh an craicinn, agus am feòla bhàrr an cnàmh:

3 A ta fòs ag itheadh feòla mo shluaighsa, agus a' fionnadh dhiubh an craicinn, agus a' briseadh an cnàmh, agus 'gan gearradh 'nam bloighdibh, mar fheoil air son na poite, agus mar bhiadh ann am meadhon a' choire.

4 An sin gladhaidh iad ris an Tighearn, ach cha chluinn e iad: folaichidh e fòs a ghnùis uatha san àm sin, mar a ghlùlain siad iad féin gu h-olc 'nan gnìomharaibh.

5 Mar so tha an Tighearn ag ràdh mu thimchioll nam fàidhean a ta toirt air mo shluagh-sa dol air seacharan, a ta teumadh le 'm fiacraibh, agus a' gladhach, Sìth: ach air son an ti uach cuir 'nam beul, tha iad ag ulluchadh cogaidh 'na aghaidh.

6 Air an aobhar sin thig oidhche oirbh, air chor as nach faic sibh sealladh; agus thig dorachdas oirbh, air chor as nach dean sibh fàistneachd; agus théid a' ghrian sìos air na fàidhean, agus bithidh an là os an ceann dorcha.

7 An sin bithidh nàire air na fiosaichean, agus amhludh air na fàidhean; seadh, comhdaichidh iad uile am beul, oir cha'n 'eil freagradh air bith o Dhia.

8 Ach gu deimhin tha mise làn do chumhachd, do spiorad an Tighearn, agus do bhreitheanas, agus do neart; a leigeadh ris 'eusaontais do Jacob, agus a pheacaidh do Israel.

9 Cluinnibh so, guidheam oirbh, a cheannarda tighe Iacoib, agus a luchd-stiùraidh tighe Israel: sibhse aig am bheil fuath do bhreitheanas, agus a ta fiaradh gach uile cheartais:

10 A ta a' togail Shìoin suas le fuil, agus Ierusalem le dò-bheart.

11 Tha an ceannardan a' toirt breth air son duaise, agus an sagairt a' teagasg air son tuarasdail, agus am fàidhean a' fàistneachd air son airgid: gidheadh leigidh iad an taice ris an Tighearn, agus ràdh, Nach 'eil an Tighearn 'nar meadhon? cha tig aon olc oirnn.

12 Ùine sin, air bhuir son-sa bithidh Sion air a treabhadh mar mhachair, agus bithidh Ierusalem 'na carnaibh; agus sliabh an tighe mar ionada àrda na frìthe.

CAIB. IV.

1 Daingneachadh rìoghachd Chriosd: 3 bithidh a rìoghachd sìochail. 6 Buaidh na h-Eaglais.

ACH tarlaidh anns na làithibh deir-eannach gu'm bi sliabh tighe an Tighearn air a dhaingneachadh air mullach nan sliabh, agus àrdaichear e os ceann

nam beann; agus sruthaidh na slòigh d'a ionnsuidh.

2 Agus théid mòran chinneach, agus their iad, Thigibh, agus rachamaid suas gu sliabh an Tighearn, agus gu tigh Dhé Iacoib; agus teagaisgidh e dhuinn m'a shlighibh, agus gluaisidh sinne 'na cheum-aibh: oir á Sion théid an lagh a mach, agus focal an Tighearn á Ierusalem.

3 Agus bheir e breth am measg mhòran shluagh, agus bheir e achmhasan do chinnich làidir fad as; agus buailidh iad an claidhean gu coltair, agus an sleaghan gu corranaibh-sgathaidh: cha tog cinneach claidheamh an aghaidh cinnich, agus cha'n fhòghluim iad cogadh ni's mò.

4 Ach suidhidh iad, gach duine fuidh 'fhionain, agus fuidh 'chrann-frige féin, agus cha chuir aon neach eagal orra: oir beul Iehobhah Dhia nan sluagh labhair e.

5 Oir gluaisidh na h-uile shluagh, gach aon ann an ainm a dlé féin; ach gluaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, tha an Tighearn ag ràdh, crùnnichidh mi ise ta bacach, agus tionailidh mi ise ta air a fògradh a mach, agus ise a chuir mi fuidh àmhghar.

7 Agus ni mi ise bha bacach 'na h-iar-mad, agus ise bha air a tilgeadh air falbh, 'na cinneach làidir; agus riaghlaidh an Tighearn os an ceann ann an sliabh Shìoin, o so a mach, eadhon gu sìorruidh.

8 Agus thusa, O thùir an treud, a dhaingnich làidir nighinn Shìoin, thig t' àm-sa; agus pillidh an t-sean uachdar-anachd, an rìoghachd, gu nighinn Ierusalem.

9 A nis c'ar son a ta thu gladhach gu h-àrd? am bheil rìgh air bith annad? an do bhàsaich d'fhear-comhairle? oir ghlac ioghanna thu, mar mhnàoi ri saothair.

10 Bi ann an saothair, agus beir, O nigh-ean Shìoin, mar mhnàoi ri saothair: oir a nis théid thu mach as a' chaithir, agus gabhaidh tu comhnuidh anns a' mhachair, agus théid thu eadhon gu Babilon; an sin saorar thu; an sin fuasglaidh an Tighearn thu á làimh do naimhdean.

11 A nis fòs tha mòran chinneach air cruinneachadh a'd' aghaidh, a ta 'g ràdh, Biodh i air a truailleadh, agus faiceadh ar sùl ar miann ri Sion.

12 Ach cha'n aithne dhoibh so smuainté an Tighearna, ni mò thuigeas iad a chomhairle: oir ni e an cruinneachadh mar na sguaban a chum an urlair.

13 Eirich agus buail an t-arbhar, O nigh-ean Shìoin; oir ni mise t' adharc 'na h-iarunn, agus t' ionganna 'nan umha; agus buailidh tu 'nam bloighdibh mòran chinneach; agus coisrigidh tu an ionmhas

do'n Tighearn; agus am maoin do Thriath na talmhainn uile.

CAIB. V.

1 *Fàidheadaireachd mu thimchioll Chrìosd: 4 a rìoghachd ghloirmhor: 8 Bheir e buaidh air a naimhdeibh.*

ANIS cruinnich thu féin ann am buidh-nibh, O nighean bhuidhnean: chuairt-ich iad le feachd sinn; bhuaill iad le slait air a' ghial breitheamh Israeil.

2 Agus thusa, a Bhetlehem-Ephratah, ged tha thu beag am measg mhìltean Iudah; *gidheadh* asad thig a mach a m' ionnsuidh-sa neach a bhios 'na uachdaran air Israel; aig an robh a dhòl a mach o shean, a làithibh na sìorruidheachd.

3 Air an aobhar sin bheir e thairis iad, agus an t-àrr anns an toir ise, a ta gu lean-abh a bhreth, dhachaibh clann; agus agus an iompaichear fuigheall am bràithrean, maille ri macaibh Israeil.

4 Agus seasaidh e, agus ionaltraidh e a *theud* ann an neart an Tighearn; ann am mòrachd ainme an Tighearna a Dhia; agus bithidh iadsan air an iompachadh: oir a nis bithidh esan mòr gu ruig crìocha na talmhainn.

5 Agus bithidh esan 'na shìth. 'Nuair a thig an t-Asirianach d'ar tìr, agus a shaltras e 'nar luchairtibh, an sin togaidh sinn 'na aghaidh seachd buachaillean, agus ochd cinn-fheadhna sluaigh.

6 Agus cuiridh iad fearann Asiria fàs leis a' chlàidheamh, eadhon fearann Nim-roid 'na dhòl a steach: mar so saoraidh iad sinn o'n Asirianach 'nuair a thig e chum ar fearainn, agus 'nuair a shaltras e an taobh a stigh d'ar crìochan.

7 Agus bithidh fuigheall Iacoib am measg mhòran shluagh, mar an drùchd o'n Tighearn, mar na frasan air an fheur nach feith ri duine, agus nach fan ri macaibh dhaoine.

8 Agus bithidh fuigheall Iacoib am measg nan cinneach, am meadhon mhòran shluagh, mar leòmhann am measg bheathaichean na frìthe, mar chuilean leòmhain am measg nan treuda caorach: e sin, ma theid e roimhe, araon saltraidh sìos, agus reubaidh, agus cha tèarunn aon neach.

9 Togar do làmh suas os ceann do naimhdean, agus bithidh t' eascairdean gu léir air an gearradh as.

10 Agus tarlaidh anns an là sin, tha an Tighearn ag ràdh, gu'n gearr mise do chuid each a mach as do mheadhon, agus sgriosaidh mi do charbaid.

11 Agus gearraidh mi as bailtean d'fhearainn, agus tilgidh mi sìos t' uile dhaingnichean.

12 Agus gearraidh mi na druidhean a mach as do mheadhon; agus cha bli fios-aichean air bith agad.

13 Do dhealbhan snaighte mar an ccud-

na gearraidh mi as, agus do dhealbhan seasmhach a mach as do mheadhon; agus cha toir thu mi's mò aoradh do obair do làmh.

14 Agus spionaidh mi nìos do dhoireach-an as do mheadhon: sgriosaidh mi fòs do naimhdean¹:

15 Agus ni mi dioghaltas, ann am feirg agus ann an corrnich, air na cinnich, ionn-us nach cual iad a *leithid*.

CAIB. VI.

1 *Bha comhstri aig an Tighearn r'a shluagh air son am mì-thaingeachd. 13 Thug e achmhasan dhoibh air son an aingidheachd, 16 agus air son an iodhol-aoraidh.*

EISDIBH-SE nis ciod a ta an Tigh-earn agràdh; Eirich, tagair fa chomh-air nam beann, agus chluinneadh na cruic do ghuth.

2 Eisdibh-sa, O shléibhte, comhstri an Tighearn; agus sibhse, a bhunaite làidir na talmhainn: oir tha comhstri aig an Tigh-earn r'a shluagh, agus tagraidh e ri Israel.

3 O mo shluagh, ciod a rinn mise ort? agus ciod anns an do sgithich mi thu? tog fianuis a'm' aghaidh.

4 Oir thug mi nìos thu á tìr na h-Ei-phit; agus á tigh nan tràilleann shaor mi thu; agus chuir mi romhad Maois, Aaron, agus Miriam.

5 O mo shluagh, cuimhnich a nis ciod a' chomhairle a ghabh Balac rìgh Mhoab; agus ciod am freagradh a thug Balaam mac Bheoir dha, o Shitim gu Gilgal; a chum gu'n aithnich sibh fireantachd an Tighearna.

6 Ciod leis an tig mi ann am fianuis an Tighearna; leis an strìochd mi mi féin an làthair an Dia a's àirde? an tig mi 'na fhianuis le iobairtibh-loisgte; le laoigh a bhios bliadhna dh'aois?

7 Am bi an Tighearn toilichte le mìltibh do reitheachaibh, le deich mìltibh do shruthaibh oladh? an toir mi mo cheud-ghin *air son* mo chionta; toradh mo chuirp *air son* cionta m'anama?

8 Dh'fheuch e dhuit, O dhuine, ciod a tha maith; agus ciod a tha an Tighearn ag iarraidh ort, ach ceartas a dheanamh, trocair a ghràdhachadh, agus gluasad gu h-iriosal maile ri d' Dhia.

9 Tha guth an Tighearna glaothach ris a' bhaile, agus bheir an duine glic fa'near t'ainm: éisdibh-sa an t-slat, agus an Tì a dh'orduich i.

10 Am bheil fathasd ionmhasa na h-aingidheachd ann an tigh an droch dhùine; agus an tomhas gann a ta gràineil?

11 Am meas mise glan i leis na meighibh eucorach, agus le màla nan cothroma cealgach?

12 Aig am bheil a daoine beartach làn

¹ bhaillan.

ainneirt; agus labhair a luchd-àiteachaidh breugan; agus tha an teagadh cealgach 'nam beul.

13 Uime sin tionsgnaidh mise air do bhualadh, air do dheanamh fàs air son do lochdan.

14 Ithidh tu, ach cha sàsuichear thu; agus bithidh do leagadh ann ad mheadhon; agus gabhaidh tu greim, ach cha ghléidh thu: agus an ni sin a ghléidheas tu, bheir mise do'n chlaideamh.

15 Cuiridh tu, ach cha bhuaig thu: bruthaidh tu *meas* a' chroinn-oladh, ach cha'n ung thu thu féin le h-oladh; agus dearkan an fhìon-nuadh, ach cha'n òl thu fìon.

16 Oir choimhid thu reachdan Omri, agus uile oibre tighe Ahaib; agus tha sibh ag imeachd 'nan comhairlibh; a chum gu'n deanainn-sa 'na h-ionad fàs i, agus a luchd-àiteachaidh 'nan sgeig; agus gu'n giùlain sibhse masladh mo shluaigh-sa.

CAIB. VII.

1 *Chuir an Eaglais a muinghinn ann an Dia.*

8 *Rinn i gairdeachas 'na dòchas ri saorsa.*

11 *Thug Dia misneach dhi le bhi gealtuinn gu'n smachdaicheadh e a naimhdean.* 18 *Tròcairean Dhé d'a thaobh a shluaigh.*

MO thruaighe mise! oir dh'fhàs mi mar luchd-tionail a' mheas shamhraidh; mar luchd-diòghluim an fhìon-fhogharaidh: cha'n 'eil aon bhagaide r'a itheadh: tha m'anam ag iarraidh a' chend thoraidh.

2 Bhàsaich an t-ionracan as an fhearann, agus cha'n 'eil neach treibhdhireach am measg dhaoine: tha iad uile a' gabhail fàth air son fola: tha iad, gach aon, a' sealg a bhràthar le lion.

3 A chum gu'n dean iad olc le uile dhì-chioll an làmh; tha am prionnsa agus am breitheamh ag iarraidh duaise: agus tha an duine mòr a' foillseachadh a dhroch thograidh: mar sin tha iad 'ga phasgadh suas.

4 Tha an ti is fearr dhiubh mar dhris; tha an ti ionraice 'nam measg mar phris dhoighinn: *is e so* là do luchd-faire; tha do smachdachadh air teachd; a nis bithidh iad ann an imcheist.

5 Na h-earbaibh a' caraid; na cniribh muinighinn ann am fear-ùil: o'n té a luidheas ann ad uchd gléidh dorsa do bheoil.

6 Oir tha am mac a' toirt eas-onoir do'n athair; tha an nighean ag éirigh suas an aghaidh a màthar, bean a' mhic an aghaidh a màthar-chéile: is iad naimhdean duine muinntir a thighe féin.

7 Ach seallaidh mise ris an Tighearn: bithidh mo dhòchas ann an Dia mo shlàinte: éisdidh mo Dhia rium.

8 Na dean gairdeachas a'm aghaidh, O mo nàmhaid; ged thuit mi, éiridh mi; ged shuidheam ann an dorchadas, bithidh an Tighearn 'na sholus dhomh.

9 Giùlainidh mi corruich an Tighearn, a chionn gu'n do pheacaich mi 'na aghaidh; gus an tagair e mo chùis, agus an toir e breth air mo shon: bheir e mach mi chum an t-soluis; chi mi 'fhèantachd.

10 Agus chi mo nàmhaid sin, agus còmhdaichidh nàire ise thubhairt rium, C' àit am bheil an Tighearn do Dhia? chi do shùilean *am miann* oirre; a nis saltrar sìos i mar chlàbar nan sràidean.

11 Anns an là sam bi do bhallachan air an togail, anns an là sin cuirear am fad uait an t-ordugh.

12 Anns an là sin fòs thig iad a d'ionnsuidh o Asiria, agus o na bailtibh daing-nichte; agus o'n daingneach eadhon gus an amhainn; agus o fhainge gu fainge, agus o shliabh gu sliabh.

13 Gidheadh bithidh an talamh 'na fhàsach, air son a luchd-àiteachaidh, air son toraidh an deanadais.

14 Beathaich do shluagh le d' luirg, treud t' oighreachd, a ta gabhail còmhnuidh gu h-uaigneach san fhrith; ann am meadhon Charheil ionaltradh iad, ann am Basan, agus an Gilead, mar anns na làithibh o shean.

15 Mar anns na làithibh san d' thàinig iad a mach á tìr na h-Eiphit, nochdaidh mise dhoibh nithe miorbhuileach.

16 Chi na cinnich, agus bithidh iad fo amhladh air son an uile chumhachd: cuiridh iad *an làmh* air am beul, bithidh *an cluasan* bodhar.

17 Imlichidh iad an duslach mar nath-air; ghluaisidh iad a mach as an tuill mar chnuimhean na talmhainn: bithidh eagal orra roimh an Tighearn ar Dia-ne, agus bithidh iad fo gheilt air do shon-sa.

18 Cò a's Dia ann còsmhuil riutsa, a mhaithreas aingidheachd, agus a ghabhas seachad air eusaontas iarmaid 'oighreachd? cha ghléidh e a chorruidh gu sìorruidh a chionn gur toigh leis tròcair.

19 Pillidh e a ris, gabhaidh e truas dinn; còmhdaichidh e ar n-eusaontais: seadh, tilgidh tu an nìle lochdan ann an doimhneachdaibh na fairge.

20 Coimhleanidh tu an flùirinn do Iacob, agus an tròcair do Abraham, a mhionnaich thu do ar n-aithrichibh o na làithibh o shean.

N A H U M.

CAIB. I.

1 *Morachd an Tighearna. 7 Bithidh e 'na dhaingneach làidir dhoibh-san a chuireas an dòchas ann; 8 ach bheir e crìoch iomlan air a naimhdebh.*

AN fhàistneachd mu thimchioll Ninebheh. Leabhar seallaidh Nahuim an Elcosich.

2 Tha Dia eudmhor, agus ni an Tighearn dioghaltas; ni an Tighearn dioghaltas, agus tha e ann am feirg; ni an Tighearn dioghaltas air 'eascairidibh; agus taisgidh e *corruich* air son a naimhdean.

3 Tha 'n Tighearn mall a chum feirge, agus mòr ann an cumhachd, agus cha saor an Tighearn air chor air bith *an t-aingidh*. Anns a' chuairt-ghaoith agus anns an doinnn tha a shlighe, agus is iad na neoil luathre a chos.

4 Bheir e achmhasan do'n fhairge, agus ni e tioram i; agus tiormaichidh e suas na h-aimhuichean uile: shearg Basan agus Carmel; agus tha blàth Lebanoìn air crìonadh.

5 Crìothnaichidh na sléibhtean roimhe-san, agus leagaidh na cnùic; agus tha an talamh air a losgadh suas 'na làthair; an saoghal, agus 'uile luchd-àiteachaidh.

6 Cò a's urrainn seasamh roimh 'fhearg-san? agus cò dh'fheudas fuireach ann an dian-theas a chorruch? tha a chorruch air a dòrtadh a mach mar theine, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-airce, agus is aithne dha iadsan a ta cur an dòchais ann.

8 Ach le tuil a' ruith thairis bheir e crìoch iomlan air an dream a dh'èireas 'na aghaidh; agus ruaigidh dorchadas a naimhdean.

9 Ciod a tha sibh a' smuaineachadh an aghaidh an Tighearna? ni e crìoch iomlan; cha'n éirich àmhghar suas an dara uair.

10 Oir am feadh a ta iad air am filleadh¹ anns a' chéile mar sgitheach; agus mar gu'm b' ann air mhìsg le 'm fion, caithhear iad mar as-bhuain làn thioram.

11 Asad-sa chaidh aon a mach a dhealbh ole an aghaidh an Tighearna; droch fhear-comhairle.

12 Mar so tha an Tighearn ag ràdh, Ged tha iad sàmhach, agus fòs lionmhor, gidheadh gearrar as iad, agus sìubhlaidh iad air falbh. Ged rinn mi thusa claidh, cha chlaoidh mi thu ni's mò.

13 Oir a nis brisidh mi a chuing-san

dhìot, agus sgaoilidh mi as a chéile do chuibhrichean.

14 Agus thug an Tighearn àithne mu d' thimchioll, nach froisear a mach t' ainm ni's mò. A mach á tigh do dhée gearraidh mise an iomhaigh shnaighte, agus an iomhaigh leaghta; orduichidh mi t' uaigh, oir dh'fhàs thu gràineil.

15 Feuch air na sléibhtibh cosan an tí a ta toirt deadh sgeoil leis, a ta craobh-sgaoileadh sìthe: O Iudah, gléidh t' àrd-fhéille; coimhlon do bhòidean: oir cha sìubhail an t-aingidh ni's mò tromhad; tha e gu tur air a ghearradh as.

CAIB. II.

1 *Aisigidh Dia òirdheirceas Iacoib a rìs; 8 agus bheir e armailtean mòra an aghaidh Ninebheh chum a fàsachadh gu tur.*

THA esan a phronnas ann am bloighd-ibh air teachd a nìs fa d' chomhair; gléidh an daingneach, cuir faire air an t-slighe, dean do leasraidh làidir, neartaich gu treun do chumhachd.

2 Oir aisigidh an Tighearn a rìs òirdheirceas Iacoib, mar òirdheirceas Israeil: oir mhill an luchd-millidh² iad, agus sgrios iad an geugan.

3 Rinneadh sgiath a dhaoine cùmhachdach dearg, tha na gaisgich ann an sgaraid: bithidh na carbaid mar leusa lasarach ann an là 'ulluichidh; agus crathar gu h-uamhasach na *sleaghan* giumhais.

4 Bithidh na carbaid air bhoile anns na sràidibh, buailidh iad an aghaidh a chéile anns na h-ionadaibh farsuinn: bithidh an dreach mar leis, ruithidh iad mar dhealanaich.

5 Airmhidh e a dhaoine treuna a rìs: leagaidh iad a sìos 'nan imeachd: ni iad deifir a chum a bhalla, agus ulluichear an didein.

6 Fosgailear geatacha na h-aimhne, agus bithidh an luchairt air a sgaoileadh.

7 Agus bheirear Husab air falbh am bruid, bheirear suas i; agus a gruagaichean 'na co-imeachd mar le guth choluman, a' bualadh air an uchd.

8 Ach tha sruthan Ninebheh mar linne uisge; agus tha iadsan a' teicheadh. Seasaibh, seasaibh; ach chasall aon neach 'na dhéigh.

9 Glacaibh-sa a' chreach airgid, glacaibh a' chreach òir; oir cha 'n 'eil crìoch air an ionmhas ghlòrmhor, leis gach uile sheòrsa do shoithichibh rìomhach.

¹ *prabadh.*

² *dh'fholmhuich an luchd-folmhachaidh. Eabh.*

10 Tha i falamb, agus faoin, agus fàs, agus tha an cridhe a' leaghadh, agus na glùinean a' bualadh air a chéile; agus tha mòran cràidh anns na h-uile leasraibh; agus tha an aghaidhean gu léir a' tionail dorchadais.

11 C' àit am bheil còmhnuidh nan leòmhnan, agus àite-beathachaidh nan leòmhnan òga? far an do ghluais an leòmhnan, an seann leòmhnan, agus cuilean an leòmhain, gun aon air bith a chur geilt *orra*.

12 Reub an leòmhnan gu leòr air son a chuileanan, agus mharbh e air son a leòmhana-boirionn, agus lìon e a thuill le cobhartach, agus 'uaimh le creich.

13 Feuch tha mise ann ad aghaidh, tha Tighearn nan sluagh ag ràdh, agus loisgidh mi do charbadan san teine; agus ithidh an claidheamh do leòmhain òga; agus gearraidh mise do chreach o'n talamh, agus cha chluinnear ni's mò guth do theachdairean.

CAIB. III.

1 *Fàistneachd mu thimchioll léir-sgrìos Ninebheh.*
 9 *Cha'n urrainn a luchd-cuideachaidh a tèarnadh.*

IS truagh do'n chaithir fhuiltich! tha i uile 'na ceilg, làn do reubainn; cha'n 'eil sgur air a' chreich.

2 Fuaim slait-sgiùrsaidh, agus torman farum nan rothan, agus nan each meamnach, agus nan carbad leumnach

3 Togaidh am marcach suas araon an claidheamh loinreach, agus an t-sleagh lìomhaidh; agus tha mòran do mhairbh ann, agus àireamh mòr do chorpaidh: cha'n 'eil crìoch air an cairbhinnibh; tha iad a' tuisleachadh air an corpaibh:

4 Air son lìonmhoireachd strìopachais na strìopaich maisich, ban-mhaighstir nan druidheachdan; a ta reic chinneach le a strìopachas, agus theaghlaichean le a druidheachdan.

5 Feuch, tha mise a'd' aglaidh, tha Tighearn nan sluagh ag ràdh, agus leigidh mi ris do sgiortan air t' aghaidh, agus foillsichidh mi do na cinnich do lònnochduidh, agus do na rìoghachdaibh do mhasladh.

6 Agus tilgidh mi salchar gràineil ort, agus ni mi suarach thu, agus cuiridh mi thu mar bhall-amhaire.

7 Agus tarlaidh, iadsan uile a dh'amhairceas ort, gu'n teich iad uait, agus their iad, Rinneadh Ninebheh 'na fàsach, cò chaoidheas i? cia as a dh'iarraas mi luchd-còmhfhurtachd air do shon?

8 Am fearr thusa na No sluaghmhor a

bha air a suidheachadh am measg nan aimhnichean; aig an robh na h-uisgeachan mu'n cuairt di, aig an robh an fhairge mar dhèid, agus a' mhuir mar bhalla.

9 B'e Etiopia agus an Eiphit a neart, agus bha sin anbharr: b' iad Put agus Lubim a luchd-cuideachaidh.

10 Gidheadh thugadh air falbh i, dh'imich i ann am braighdeanas: bha a clann òg fòs air am pronnadh 'nam bloighdibh aig ceann nan uile shràidean: agus thilg iad croinn air son a daoine urramach, agus bha a daoine mòra gu léir air an ceangal ann an slabhruidhean.

11 Bithidh tusa fòs air mhisg; folaichidh tu thu féin; iarraidh tu didein o'n nàmhaid.

12 Bithidh t'uille dhaingnichean làidir mar chroinn-fhìge leis na ceud fhìgibh abuich: ma chrathar iad, tuitidh iad ann am beul an ti a dh'itheas iad.

13 Feuch, tha do dhaoine mar mhnatlan ann ad mheadhon: sgaoilear gu farsuinn do d' naimhdibh geatacha do thìre; caithidh an teine do chroinn-dhruididh.

14 Tarruing uisge dhuit féin air son an fheachd, neartaich do dhaingnichean làidir: rach a steach do'n chriadh agus post an làthach; daingnich an àth-chriadha.

15 An sin ni an teine do chaitheamh; gearraidh an claidheamh as thu, ithidh e suas thu mar a' chnàmh-chnuimh: dean thu féin lìonmhor mar a' chnàmh-chnuimh, dean thu féin lìonmhor mar an locust:

16 Rinn thu do luchd-malairt lìonmhor thar reulta nèimh: millidh a' chnàmh-chnuimh, agus siùbhlaidh i air falbh.

17 Tha iadsan a chrùnadh annad mar na locuist, agus do chinn-fheadhna mar na fionnain-fhleoir, a chòmhnuicheas anns na barranaibh¹ san là fhuar; ach 'nuair a dh'éireas a' ghrian teichidh iad air falbh, agus cha'n 'eil fios cia an t-àit am bheil iad.

18 Tha do bhuachaillean ri clò-chodal, O rìgh Asiria: tha t' uaislean 'nan tàmh: tha do shluagh air an sgapadh air na sléibhtean, agus cha'n 'eil aon neach ann g' an cruinneachadh.

19 Cha'n 'eil leigheas air do bhruthadh: tha do lot nìmhneach: na h-uile a chluinn-eas iomradh ort, buailidh iad am basan os do cheann; oir cò air nach do shiubhail t'òle an còmhnuidh?

¹ callaidibh.

HABACUC.

CAIB. I.

1 *Rinn Habacuc gearan a bhrìgh fòirneirt agus aingidheachd a shluaigh. 5 Nochdadh dhà dìogh-altas eagalach an Tighearna le làimh nan Caldéach.*

AN fhàistneachd a chunnaic Habacuc am fàidh.

2 Cia fhad, O Thighearna, a ghlaodhas mi, agus nach éisd thu? a ghlaodhas mi riut air son fòirneirt, agus nach saor thu?

3 C'ar son a ta thu nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa m' chomhair; agus luchd-dùsgaidh strì agus aimhreite.

4 Air an aobhar sin tha an reachd air fàilneachadh, agus cha'n 'eil breitheanas uair air bith a' dol a mach: oir tha an ciontach ag iadhadh mu thimchioll an fhìre: uime sin tha breitheanas eucorach a' dol air aghaidh.

5 Faicibh an measg nan cinneach, agus amhaireibh, agus gabhaibh iongantas gu mòr: oir nì mise obair 'nur làithibh, nach creid sibh ged innsear i duibh.

6 Oir feuch, dùsgidh mi suas na Caldéich, an cinneach searbh agus easgaidh sin, a dh'imeicheas troimh leud an fhearainn, a ghabhail seilbh air na h-àiteachacòmhnuidh nach leo féin.

7 Tha iad uamhasach agus eagalach: thig am breitheanas agus an òirdheirceas a mach uatha féin.

8 Tha 'n eich fòs nì's luaithe na liopaird, agus tha iad nì's buirbe na madaidh-alluidh an anmoich: agus sgaoilidh am marcaichean iad féin, agus thig am marcshluagh o ioma-chéin: itealaichidh iad mar an iolair a dheifrìcheas gu itheadh.

9 Thig iad uile air son ainneirt: sgrìosaiddh iad rompa mar a' ghaoth an ear; agus cruinnichidh iad braighdean mar a' ghaineamh.

10 Agus nì iad sgeig air rìghribh, agus bithidh prionnsachan 'nan cuis-mhagaidd dhoibh: nì iad fanoid air gach daingneach làidir; agus cruaichaidh iad suas talamh, agus glacaidh iad e.

11 An sin caochlaidh an inntinn, agus siùblaidh iad air falbh, agus measar iad ciontach. Tha an neart so aca o an dia.

12 Nach 'eil thusa o shiorruidheachd, O Thighearna, mo Dhia-sa, m' Aon naomh? cha bhàsaich sinn. O Thighearna, dh'orduidh thu iadsan air son breitheanais; agus O Dhé chumhlachdaich, dhaignich thu iad air son smachdachaidh.

13 Tha do shùilean nì's glaine na gu'n

seall thu air olc, agus cha'n fheud thu amharc air aingidheachd: c' uim' am bheil thu 'g amharc air luchd-ceannaire, agus a' fantuinn a'd' thosd an uair tha 'n t-aingidh a' slugadh suas an duine is ionraice na e féin?

14 Agus c'uin' am bheil thu dcanamh dhaoine mar iasga na fairge, mar na nithe snàgach air nach 'eil aon fhear-riaghlaidh os an ceann?

15 Tha iad 'gan togail suas uile leis an dubhan; tha iad 'gan glacadh 'nan lion, agus 'gan cruinneachadh 'nan eangaich; uime sin tha iad aobhneach agus ait.

16 Air an aobhar sin, tha iad ag ìobradh d'an lion, agus a' losgadh tùise d' an eangaich: a chionn leò sin gu bhéil an cuibhrionn reamhar, agus an lòn pailte.

17 An dean iad air an aobhar sin an lion falamh, agus nach coigil iad a bhi sior-mharbhadh nan cinneach?

CAIB. II.

1 *Dh'orduidheadh do Habacuc an fhàistneachd a sgrìobhadh. 6 Nìthear breitheanas air an t-sluagh a mheudaicheas an nì nach leo féin, 9 orra-san a shanntaicheas droch shannt, 12 agus orra-san a dhaignicheas an caithir le aingidheachd.*

SEASAIIDH mi air m'fhaire, agus cuiridh mi m'féin air an tùr, agus feuchaidh mi ciod a their e rium, agus ciod a fhreagras mi 'nuair a chronuichear mi.

2 Agus fhreagair an Tighearna mi, ag ràdh; Sgrìobh an fhàistneachd, agus dean soilleir i air clàraibh, air chor as gu feud esan ruith a leughas i.

3 Oir tha 'n fhàistneachd fathasd air son aimsir shònraichte, ach air a' cheann mu dheireadh labhraidh i, agus cha dean i breug: ged dhean i maille, feith rithe; oir gu deimhin thig i, cha bhi i air dheireadh.

4 Feuch, cha'n 'eil 'anam-san, a ta air a thogail suas, ceart an taobh a stìgh dheth: ach mairidh am fìrean beò le a chreidimh.

5 Seadh fòs, mar dhuine théid as an rathad le fion, tha e uaibhreach, agus cha'n 'eil a gabhail fois; a' meudachadh a chòicrais mar an uaigh; agus mar am bàs cha'n fheudar a shàsachadh; agus tha e cruinneachadh d'a ionnsuidh nan uile cinneach, agus a' tional dha féin nan uile shluagh.

6 Nach tog iad so uile suas cosamhlachd 'na aghaidh, agus gnàth-fhocal tàmailteach m'a thimchioll, ag radh, Is truagh

¹ esan a tha teachd, thig e, cha bhi e ro anmoich.

dha-san a mheudaicheas an nì nach leis féin! cia fhad? agus dha-san a luchdaicheas e féin le cré¹ thigh.

7 Nach éirich iadsan suas gu grad a theumas thu; agus nach dùisg iadsan a chuimeas dragh ort? agus nach bi thusa dhoibh mar chobhartach?

8 A chionn gu'n do chreach thu mòran cinneach, creachaidh uile iarmad nan cinneach thusa: air son fola dhaoine, agus sàruchaidh an fhearainn, na caithreach, agus a h-uile luchd-àiteachaidh.

9 Mo thraighle esan a ta sanntachadh droch shainnt d'a thigh; a chum a nead a shuidheachadh gu h-àrd; gu e féin a shaoradh o chumbachd àmhghair.

10 Dhealbh thu nàire do d' thigh, le mòran shluagh a ghearradh as; agus pheacaich thu an aghaidh t' anama féin.

11 Oir glaothaidh a' chlach a mach as a' bhalla; agus freagraidh an t-sail as an fhiodh i.

12 Is an-aobhinn dha-san a thogas baile le fuil, agus a dhaingnicheas caithir le aingidheachd.

13 Feuch, nach ann o Thighearn nan sluagh a ta so, gu'n saothraicheadh daoine anns an teine, agus gu'n sgèithicheadh slòigh iad féin air son nì faoin?

14 Gu cinnteach lìonar an talamh le eòlas glòire an Tighearna, mara ta na h-uisgeachan a' còmhachadh na fairge.

15 Is an-aobhinn dha-san a tha toirt air a choimhearsnach òl, a ta cur ris a' chopain, agus 'ga chur air mhisg mar an ceudna, chum gu'n amhairceadh e air a lònnochd-uidh.

16 Tha thu air do lìonadh le nàire an àit glòire: òl thusa fòs, agus biodh do roimh-chraicinn air a leigeadh ris: riutsa pillear cupan làimhe deise an Tighearn; agus bithidh sgeith nàrach air do ghlòir.

17 Oir nì ainneart Lebanoin do chòmhachadh, agus cuiridh sgrios ainmhidhean eagail ort; air son fola dhaoine, agus air son sàruchaidh an fhearainn, na caithreach, agus a h-uile luchd-àiteachaidh.

18 Ciod an tairbhe tha san iomhaigh shnaighte, gu'n d' rinn am fear a dhealbh i a snaigheadh: anns an iomhaigh leaghta, agus ann am fear-teagasg nam breug, gu'n earbadh fear-deanamh na h-oibre so aise, a dheanamh iòdhola balbha?

19 Is truagh dha-san a ta ag ràdh ris an fhiodh, Dùisg: ris a' chloich bhailbh, Éirich. An teagaisg i? Feuch, tha i air a' cur thairis le h-òr agus airgid; agus clu'n 'eil anail air bith an taobh a stigh dhi.

20 Ach tha an Tighearn 'na theampull naomh: bi a' d' thosd 'na fhianuis, O thalamh uile.

CAIB. III.

1 *Urnuigh Habacuc. 3 Mòrachd an Tighearna. 17 Nochd am fàidh gu'n robh a chreidimh làidir ann an Dia a shlàinte.*

URNUIGH Habacuc an fhàidh air Sigionot.

2 O Thighearn, chuala mi do chainnt; bha eagail orm: O Thighearn, ath-bheothaich t' obair ann am meadhon nam bliadh-nachan, ann am meadhon nam bliadh-nachan dean aithnichte; ann an corruich cuimhnich tròcair.

3 Thàinig Dia o Theman, agus an Ti naomh o shliabh Pharain. Selah. Chòmh-daich a ghlòir na nèamhan, agus bha an talamh làn d'a chliù.

4 Agus bha a shuilleireachd mar a' ghrian; o a làimh *shruth* dèarsanna soluis; agus an sin bha àite foluich a mhòrachd.

5 Roimh a ghnùis chaidh a phlàigh; agus chaidh eibhle teine mach o' chosaibh.

6 Sheas e, agus thomhais e an talamh: dh'amhairc e, agus sgap e na cinnich as a chèile; agus bha na sléibhte sìorruidh air am briseadh; chrom na cnuic bhith-bhnan; tha a shlighe maireannach.

7 Chunnaic mi pàilliuna Chusain ann an àmhghar: chrìochnuich brat-sgàile fear-ainn Mhidiain.

8 An robh corruich air an Tighearn ris na tuiltibh? an robh d'fhearg an aghaidh nan ainmhnichean? an robh do chorruich an aghaidh na fairge, gu'n do mharcaich thu air t' eachaibh, agus air do charbad-aibh slàinte?

9 Rinneadh do bhogha glan-rùisgte, a réir nam mionn do na treubhaibh, *eadhon* d'fhocail. Selah. Sgoilt thu an talamh le sruthaibh.

10 Chumaic na sléibhteann thu agus chrìochnuich iad: ghabh tuil nan uisgeachan seachad: chuir an t-aigein a mach a ghuth, thog an doimhne suas a làmhan.

11 Sheas a' ghrian agus a' ghealach 'nan àite: 'nan solus shiubhail do shaighdean; 'nan dealradh do shleaghan lìomhaidh.

12 Dh'imich thu troimh an fhearann ann am feirg, bhuail thu na cinnich ann an corruich.

13 Chaidh thu mach air son tèarnaidh do shluagh, air son tèarnaidh do mhuinntir ungta: bhuail thu 'n ceann o thigh an aingidh; leig thu ris na bunaite gu ruig a' mhuineil. Selah.

14 Bhuail thu le d' shlàit ceann a bhailtean. Ruith iad a mach mar chuairt-ghaoith gu ar sgapadh; bha an gàird-eachas mar gu'n sluigeadh iad am bochd gu h-uaigneach.

15 Choisich thusa troimh an flairge le t'eachaibh: troimh cruinneachadh nan uisgeacha mòra.

¹ *criadh, creuch.*

16 'Nuair a chuala mi, chrìochnuich mo chom: bha mo bhile air chrith roinn do ghuth: chaidh lobhadh a steach ann am chnàmhaibh, agus chrìochnuich mi ann am àite; a chum gu'm biodh fois agam ann an là an àmhghair: nuair a thèid e suas an aghaidh an t-sluaigh, agus a chlaoidheas e iad le 'bhuidhnibh.

17 Ged nach toir an crann-fìge uaith blàth, agus ged nach fàs air an fhionain cinneas; ged fhàilnich meas a' chroinn-oladh, agus ged nach toir na machraich-

ean uatha lòn; ged ghearrar an treud as o'n mhainnir, agus ged nach bi buar air bith anns na buailtibh;

18 Gidheadh ni mise gàirdeachas anns an Tighearn, ni mi aoibhneas ann an Dia mo shlàth.

19 Is e an Tighearn Iehobhah mo neart, agus ni e mo chosan mar *chosaibh* éilde, agus bheir e orm coiseachd air m' ion-adaibh àrda. Do'n àrd-fhear-chiùil air m' innealaibh teudach.

SEPHANIAH.

CAIB. I.

1 *An t-àm san d'rinn Sefaniah fàidheadaireachd.*

2 *Smachdaichidh Dia sluagh Iudah air son am peacanna.*

FOCAL an Tighearn a tlàinig gu Sefaniah mac Chusi, mhic Ghedaliah, mhic Amariah, mhic Hisciah, ann an làithibh Iosiah, mhic Amoin, rìgh Iudah.

2 Sgrìosaidd mise gu tur na h-uile nithe bhàrr aghaidh an fhearainn, deir an Tighearn.

3 Sgrìosaidd mi duine agus ainmhidh, sgrìosaidd mi eunlaith an athair, agus iasga na fairge, agus na cip-thuislidh maille ris na h-aingidh: agus gearraidd mi as an duine bhàrr aghaidh an fhearainn, deir an Tighearn.

4 Sinidh mi fòs a mach mo làimh air Iudah, agus air uile luchd-àiteachaidh Ierusalem; agus gearraidd mi as fuigh-eall Bhaail o'n àite so; ainm an luchd-iobraidh maille ris na sagairt;

5 Agus iadsan a ta 'g aoradh do fheachd nèimh air mhullach nan tighean; agus iadsan a ta 'g aoradh, agus a' mionnachadh air an Tighearn, agus fòs a' mionnachadh air Malcham;

6 Agus iadsan a phill air an ais o'n Tighearn; agus iadsan nach d'iarr an Tighearn, agus nach d'fhiosraich dheth.

7 Bithibh tosdach an làthair an Tighearn Iehobhah, oir tha là an Tighearna dlùth; oir dh'ulluich an Tighearn iobairt, ghairm e 'aoidhean.

8 Agus tarlaidh ann an là iobairt an Tighearna gu'n smachdaich mise na prionnsachan, agus clann nan rìghrean, agus na h-uile ta air an éideadh le culaidh choimhich.

9 Agus air an là cheudna smachdaichidh mi iadsan uile a ta leum air a' stairsnich, a ta lìonadh tighean am maighstirean le ainneart agus le ceilg.

10 Agus tarlaidh air an là sin, tha an Tighearn ag ràdh, gu'm bi fuaime éighich o gheata an éisg, agus ulartaich o'n dāra

baile, agus bruanadh mòr o na cnocaibh.

11 Ard-gtuilb, a luchd-àiteachaidh Mhacteis, oir tha 'n luchd-malairt gu h-iomlan air an gearradh as; tha uile luchd-giùlain an airgid air am milleadh.

12 Agus tarlaidh anns an àm sin, gu'n rannsaich mise Ierusalem le coinnlibh, agus smachdaichidh mi na daoine ta socair air an deasgainibh; a ta 'g ràdh 'nan cridhe, Cha dean an Tighearn maith, ni mò ni e ole.

13 Air au aobhar sin bithidh am maoin 'na chobhartach, agus an tighean 'nam fàsach: agus togaidh iad tighean, ach cha 'n àitich iad; agus suidhichidh iad fionlios, ach cha 'n òl iad am fion.

14 Tha là mòr an Tighearna dlùth, *tha e dlùth*, agus a' deifreachadh gu mòr: tha guth là an Tighearna searbh: guilidh an sin an cumhachdach.

15 Is là feirge an là sin, là trioblaid agus teanntachd; là fàsalachd agus léir-sgrìos; là dorchadais agus oguidheachd; là neul agus tiugh-dhorchadais;

16 Là trompaid agus iolaich an aghaidh nam bailtean daingnichte, agus an aghaidh nan tùr àrda.

17 Agus bheir mise airc air daoine, ionnus gu'n siubhail iad mar dhail, a chionn gu'n do pheacaich iad an aghaidh an Tighearn; agus dòirtear a mach am fuil mar dhùslach, agus am feoil mar aolach.

18 Ni mò dh'fheudas an airgid no 'n òr an saoradh ann an là feirge an Tighearn; ach le teine 'eud-san loisgear am fearann uile: oir bheir e gu deimhin léir-sgrìos obann air uile luchd-àiteachaidh na tìre.

CAIB. II.

1 *Earail chum aithreachais.* 4 *Breitheanas an aghaidh nam Philisteach.* 8 *Mhoib agus Amoin,* 12 *Etiopia,* 13 *agus Ninebheh.*

CRUINNICHIBH sibh féin ri chéile, seadh cruinnichibh ri chéile, O fhìneadh gun iarraidh:

dhoill,

2 Mu'n tig an t-ordugh gu buil, mu'n siubhail 'ur là seachad mar mholl; mu'n tig corruich gharg an Tighearn oirbh, mu'n tig là feirge an Tighearn oirbh.

3 Iarraibh-sa an Tighearn, uile dhaoine ciùine na talmhainn, a dh'oibrich a bhreith-eanas; iarraibh fireantachd, iarraibh mac-antachd: feudaidd e bhiidh gu'n tèarnar sibhse ann an là feirge an Tighearna.

4 Gu dearbh tréigear Gasa, agus cuir-ear fàs Ascelon: fògraidh iad a mach Asdod air mheadhon-là; agus bithidh Ecron air a spionadh á freumh.

5 Mo thruaighe luchd-àiteachaidh sliosa na fairge, cinneach nan Cereteach: tha focal an Tighearn 'nur n-aghaidh. O Chanaain, a thir nam Philisteach, sgriosaidh mise thu, ionnus nach bi aon 'g ad àiteachaidh.

6 Agus bithidh taobh na fairge 'na bhothanaibh aig buachaillibh, agus 'na mhanraichibh aig treudan.

7 Agus bithidh an slios aig iarmad tìghe Iudah; ionaltraidh iad air: ann an tighibh Asceloin luidhidh iad sìos anns an anmoch: oir thig an Tighearn an Dia g' an amharc, agus bheir e air an ais am braighean.

8 Chuala mise masladh Mhoaih, agus anacainnt cloinne Amoin, leis an d'rinn iad mo shluagh-sa mhaslachadh, agus iad fèin a mheudachadh an aghaidh an crìoch-an.

9 Air an aobhar sin mar is beò mise, tha Tighearn nan sluagh, Dia Israeil, ag ràdh; gu deimhin bithidh Moab mar Shodom, agus clann Amoin mar Ghomora, 'na fhàsach ionntagach, agus 'na phuill shal-ainn, agus 'na léir-sgrios sìorruidh; ni fuigheall mo shluaigh-sa an creachadh, agus iarmad mo chinnich an sealbhachadh.

10 So gheibh iad air son an uabhair, a chionn gu'n d'thug iad masladh, agus gu'n do mheudaich siad iad fèin an aghaidh cinnich Tighearna nan sluagh.

11 Bithidh an Tighearn uamhasach 'nan aghaidh: oir bheir e gort air uile dhiath-aibh na talmhainn; agus bheir iad aoradh dha-san, gach aon o' àite fèin, eadhon uile eileana nan cinneach.

12 Sibhse, Etiopacha, mar an ceudna, marbhar sibh fèin leis a' chlaidheamh.

13 Agus sinidh e mach a làmh an aghaidh na h-àirde tuath, agus sgriosaidh e Asiria; agus ni e Ninebheh 'na làraich luim, tioram mar an fhàsach.

14 Agus luidhidh treudan sìos 'na meadhon, uile bheathaiche na talmhainn: gabhaidh am pelican agus a' ghràineag tàmh 'na h-àrd-dhoruis: bithidh am fuaim 'na h-uinneagaibh: bithidh fàsalachd anns an sgàth-thigh: oir leigidh e ris a h-obair sheudair.

15 So a' chaithir luaghaireach a ghabh còmhnuidh gu tèaruinte; a thubhairt 'na cridhe, 'Tha mi, agus cha'n eil ann ach mi. Cionnus a dh'fhàs i 'na fàsach, 'na h-àite air son bheathaichean gu luidhe sìos ann! sgeigidh gach aon a théid seachad oirre, agus crathaidh e a làmh.

CAIB. III.

1 Thugadh geur-achmhasan do na h-Iudhaich air son am peacanna. 8 Earail gu feitheamh air an Tighearna, 14 agus gu gairdeachas a dheanamh 'na shlàinte.

IS an-aobhin dh'ise a ta ceannairceach agus truaille, do'n chaithir a ta ri sàr-uchadh.

2 Cha d'thug i géill do'n ghuth; cha do ghabh i cronachadh: cha d'earb i as an Tighearn: cha do tharruinn i dlùth d'a Dia.

3 Tha a prionnsachan an taobh a stigh dhì 'nan leomhain bheucach; is madaidh-alluidh an annoich am breitheamhna, cha'n fheith iad gus a' mhaduinn gun na cnàmhan¹ itheadh.

4 Is daoine eutrom fealltach a fàidhean: thruaill a sagairt an t-ionad naomh: bhris iad an reachd.

5 Tha an Tighearn cothromach 'na meadhon: cha dean esan eucart: gach maduinn bheir e breitheanas gu solus, cha'n fhàilnich e; ach cha'n eil eòlas aig an eucorach air nàire.

6 Gheart mi as na cinnich: tha an tùir uaigneach; rinn mi fàs an sràidean, air chor as nach 'eil ann 'gan imeachd: tha am bailtean air an sgrios, gun duine sam bith *annta*, gum aon neach 'gan àiteachadh.

7 Thubhairt mi, Gu deimhin bithidh m' eagal ort, gabhaidh tu teagasg: mar sin cha bhiodh an àite-còmhnuidh air a ghearradh as, cionnus air bith a smachd-aichinn iad: ach dh'èirich iad gu moen, agus thruaill iad an uile dheanadas.

8 Uime sin feithibh-sa riumsa, tha an Tighearn ag ràdh, gus an là san èirich mi suas a chum na creiche: oir is e mo rùn na cinnich a chruinneachadh, na rìoghachdan a tharruing ri chèile; a dhòrtadh orra mo chorroich, uile theas m' fheirge: oir loisgear an talamh gu h-iomlan le teine m' eud-sa.

9 Gu deimhin pillidh mi 'n sin air na slòigh teangadh ghlan, gu gairm gu léir air aium an Tighearna, gu seirbhis a dheanamh dha le aon rùn.

10 O thaobh thall aimhnichean Etiopia, bheir mo luchd-athecluinge, am measg mo mhuinntir sgapta, tabhartas a m' ionnsuidh.

11 Anns an là sin cha nàraichear thu air son t' uile dheanadais, leis an do

¹ cnàmhean.

chiontaich thu ann am aghaidh-sa; oir an sin bheir mi air falbh as do mheadhon iadsan a ta ri gairdeachas annad uabhar; agus cha'n àrdaich thu ni's mò thu féin ann am shliabh naomh-sa.

12 Fàgaidh mi fòs ann ad mheadhon sluagh an-shocrach agus diblidh; agus cuiridh iad an dòchas ann an ainm an Tighearna.

13 Cha dean iarmad Israeil aingidh-eachd, ni mò labhras iad breugan: ni mò gheibhear teangadh chealgach 'nam beul. Oir ionaltraidh agus luidhidh iad sìos, agus cha chuir aon neachagal orra.

14 Seinn, O nighean Shioin; tog iolach, O Israeil; bi ait, agus dean gairdeachas le t'uile chridhe, O nighean Ierusalem.

15 Thug an Tighearn air falbh do breitheanais; phill Rìgh Israeil air falbh do naimhdean: tha 'n Tighearn ann ad mheadhon; cha 'n fhaic thu ole ni's mò.

16 Anns an là sin theirear ri Ierusalem,

Na biodh eagal ort; agus ri Sion, Na biodh do làmhnan lag.

17 Tha 'n Tighearna Dia ann ad mheadhon cumhachdach; ni e do thèarnadh; ni e gairdeachas os do cheann le luaghair; gabhaidh e fois 'na ghràdh; ni e gairdeachas os do cheann le seinn.

18 Cruinnichidh mi iadsan a'd' mheasg a ta ri caoidh air son an àrd-choimhthionail, do'n robh a mhasladh 'na eallaich.

19 Feuch, millidh mise t' uile luchd-sàruchaidh anns an àm sin; agus leiglis idh mi ise ta bacach, agus cruinnichidh mi ise bha sgaoilte; agus gheibh mi dhoibh cliù agus deadh iomradh anns gach aon tìr anns an d'fhuair iad nàire.

20 Anns an àm sin bheir mi air bhuir n-ais sibh; agus anns an àm san cruinnich mi sibh, bheir mi gun amharus dhuibh ainm agus cliù am measg uile chinneach na talmhainn, an uair a philleas mi air a h-ais 'ur bruid fa chomhair an sùl-san, deir an Tighearn.

HAGAI.

CAIB. I.

1 Chronuich am fàidh an sluagh do bhrìgh gu'n do ghabh iad còmhnuidh ann an tighibh maiseach, nuair bha tigh Dhé 'na fhàsach; 8 agus bhrònuich e iad gus an teampull a thogail.

A NN an dara bliadhna Dharuis an Rìgh, anns an t-seathamh mìos, air a' cheud là do'n mhìos, thàinig focal an Tighearna le Hagai am fàidh gu Serubabel mac Shealtiel, uachdaran Iudah, agus gu Iosuah mac Iosedech, an t-àrd shagart, ag ràdh;

2 Mar so labhair Tighearn nan sluagh, ag ràdh, Thubhairt an sluagh so, Cha d' thàinig an t-àm gu tigh an Tighearn a thogail.

3 An sin thàinig focal an Tighearna le Hagai am fàidh, ag ràdh,

4 An àm dhuibh-sa, O sibhse, còmhnuidh a ghabhail 'nur tighibh maiseach, agus an tigh so 'na fhàsach?

5 A nis ma ta, mar so tha Tighearn nan sluagh ag ràdh, Thugaibh fa' near bhuir sligheanna.

6 Chuir sibh mòran, agus is beag a thug sibh a steach; tha sibh ag itheadh, ach cha'n 'eil gu leòr agaibh: tha sibh ag òl, ach cha'n 'eil sibh sàthach: tha sibh 'gur n-éideadh, ach cha'n 'eil aon neach blàth: agus esan a tha cosnadh tuarasdail, tha e 'ga chosnadh gu 'chur ann an sporan tolltach.

7 Mar so tha Tighearn nan sluagh ag ràdh, Thugaibh fa' near bhuir sligheanna.

8 Rachaidh suas a chum an t-sléibh, agus thugaibh leibh fiodh, agus togaibh an tigh; agus gabhaidh mise tlachd ann, agus bithidh mi air mo ghlòrachadh, deir an Tighearn.

9 Bha sùil agaibh ri mòran, agus, feuch, thàinig e gu beagan; agus an uair a thug sibh dhachaidh e, shéid mise air. C'ar son? tha Tighearn nan sluagh ag ràdh. Air son mo thighe ta fàs, agus sibhse a' ruith gach duine g'a thigh féin.

10 Air an aobhar sin chum na nèamha os 'ur ceann air ais an drùchd, agus ghléidh an talamh a thoradh.

11 Agus ghairm mise tart air an fhearann, agus air na sléibhteann, agus air an arbhar, agus air an fhion nuadh, agus air an oladh; agus airgach ni bheir an talamh a mach: agus air duine, agus air ainmhidh; agus air uile shaothair nan làmh.

12 An sin thug Serubabel mac Shealtiel, agus Iosuah mac Iosedech, an t-àrd-shagart, leis a' chuid eile do'n t-sluagh uile, géill do ghuth an Tighearn an Dia, agus do bhriathraibh Hagai an fàidh, (mar a chuir an Tighearn an Dia fios leis,) agus bha eagal air an t-sluagh roimh an Tighearn.

13 An sin labhair Hagai teachdair an Tighearn, ann an teachdaireachd an Tighearna, ris an t-sluagh, ag ràdh Tha mise leibh, deir an Tighearn.

14 Agus dhùisg an Tighearn spiorad Sherubabel mhic Shealtiel, uachdaran

HAGAI, I. II.

Iudah, agus spiorad Iosuah mhic Iosed-eich, an àrd-shagairt, agus spiorad na cuid eile do'n t-sluagh uile; agus thàinig iad, agus rinn iad obair ann an tigh Tighearna nan sluagh, an Dia,

15 Air a' cheathramh là fichead do'n t-seathamh mìos, ann an dara bliadhna Dhariuis an rìgh.

CAIB. II.

1 *Dh'innis Hagai gu'm bitheadh glòir an dara teampull nì's mò na glòir a' cheud theampull.*
10 *Chuir peacanna an t-sluaigh maille air an obair.*

ANNS an t-seachdamh mìos, air an àon là fichead do'n mhìos, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel mac Shealtieil, uachdaran Iudah, agus ri Iosuah mac Iosed-eich an t-àrd-shagart; agus ris a' chuid eile do'n t-sluagh, ag ràdh,

3 Cò a ta air fhàgail 'nur measg a chunnaic an tigh so 'na cheud ghloir? agus cionnus a tha sibh 'ga fhaicinn a nis? nach 'eil e 'nur sùilibli, làimh ri sin, mar neo-ni?

4 Gidheadh a nis bi làidir, O Sherubabel, tha an Tighearn ag ràdh; agus bi làidir, O Iosuah, mhic Iosed-eich, an t-àrd-shagairt; agus bithibh-sa làidir, uile shluagh an fhearainn, tha an Tighearn ag ràdh; agus deanaibh obair: oir tha mise leibh, deir Tighearn nan sluagh.

5 *A réir* an fhocail a dhaingnich mi ruibh 'nuair a thàinig sibh a mach as an Eiphit, mar sin tha mo spiorad a' fantuinn 'nur measg: na biodh eagail oirbh.

6 Oir mar so tha Tighearn nan sluagh ag ràdh; Fathasd aon uair, ann an ùine bhig, crathaidh mise na nèamlan, agus an talamh, agus an fhainge, agus am fearann tioram:

7 Agus crathaidh mi na h-uile chinnich, agus thig miann nan uile chinneach; agus lìonaidh mi an tigh so le glòir, deir Tighearn nan sluagh.

8 Is leam-sa an t-airgiod, agus is leam-sa an t-òr, deir Tighearn nan sluagh.

9 Bithidh glòir an tìghe dheireannaich so nì's mò na glòir a' cheud tìghe, tha Tighearn nan sluagh ag ràdh; agus anns an àite so bheir mise sìth, deir Tighearn nan sluagh.

10 Air a' cheathramh là fichead do'n naothamh mìos, ann an dara bliadhna Dhariuis, thàinig focal an Tighearna, le Hagai am fàidh, ag ràdh;

11 Mar so tha Tighearn nan sluagh ag ràdh, Feòraich a nis do na sagartaibh mu'n reachd, ag ràdh,

12 Ma ghiùlaineas aon feoil naomh ann an sgiobail a thrusgain, agus gu'n bean

a thrusgan ri aran, no brochan, no fion, no oladh, no biadh sam bith, am bi sin naomh? Agus fhreagair na sagairt, agus thubhairt iad, Cha bhi.

13 An sin thubhairt Hagai, Ma bheanas aon a ta neòghlan le corp marbh ri aon air bith do na nithe so, am bi sin neòghlan? Agus fhreagair na sagairt, agus thubhairt iad, Bithidh e neòghlan.

14 An sin fhreagair Hagai agus thubhairt e, Is amhuil a bha an sluagh so, agus is amhuil a bha an cinneach so ann am làthair-sa, tha an Tighearn ag ràdh: agus is amhuil a bha uile obair an làmh; agus an tabhartas a thug iad seachad an sin bha e neòghlan.

15 Agus a nis guidheam oirbh, thugaibh fa'near: o'n là 'n diugh, agus o sin suas, mu'n do leagadh clach air cloich ann an teampull an Tighearna:

16 'Nuair a thàinig aon gu cruaidh¹ fhichead *tomhas*, cha robh ann ach deich: 'nuair a thàinig aon gu amar-bruthaidh an fhìona, gu leth-cheud *soitheach* a tharruing a mach as an amar, cha robh ann ach fichead.

17 Bhual mi sibh le seargadh, agus le fuar-dhealt, agus le cloich-mheallain, ann an uile shaothair bliur làmh; gidheadh cha do phill sibh riumsa, deir an Tighearn.

18 Thugaibh fa'near a nis o'n là 'n diugh, agus o sin suas, o'n cheathramh là fichead do'n naothamh mìos, agus o'n là san do leagadh bunaite teampull an Tighearna: thugaibh fa'near.

19 Am bheil sìol fathasd anns an t-sabhal? seadh gu ruige so, cha d'thug am fionain, no a' chraobh-fhige, no a' phomgranat, no an crann-oladht, seachad toradh. *Ach* o'n là so mach beannaichidh mise.

20 Agus thàinig focal an Tighearna a ris gu Hagai, air a' cheathramh là fichead do'n mhìos, ag ràdh;

21 Labhair ri Serubabel uachdaran Iudah, ag ràdh, Crathaidh mise na nèamlan, agus an talamh;

22 Agus tilgidh mi caitheir rìoghachdan bun os ceann, agus sgrìosaidh mi ncart rìoghachdan nan cinneach; agus tilgidh mi bun os ceann na carbaid, agus iadsan a ta marcachd orra, agus tuitidh na h-eich agus am marcaichean sìos, gach aon le claidheamh a bhràthar.

23 Anns an là sin, tha Tighearn nan sluagh ag ràdh, gabhaidh mi thusa, O Sherubabel, a mhic Shealtieil, m' òglaich, tha an Tighearn ag ràdh, agus ni mi thu mar sheula; oir ròghnaich mise thu, deir Tighearn nan sluagh.

¹ dùn.

SECHARIAH.

CAIB. I.

1 *Dh'earalaich Sechariah an sluagh gu aithreachas a ghabhail. 7 Taisbean nan each ruadha, bhreaca, agus bhàna. 12 Geallanna tròcaireach a thaobh Ierusalem. 18 Taisbean nan ceithir adhaircean. 20 Na ceithir fir-cheirde.*

ANNS an ochdamh mìos, ann an dara bliadhna Dhariuis, thàinig focal an Tighearna gu Sechariah mae Bharachiah, mhic Ido, am fàidh, ag ràdh,

2 Bha corruich ro mhòr air an Tighearn ri bhur n-aithricheibh:

3 Agus abair thusa riu, Mar so tha Tighearna nan sluagh ag ràdh, Pillibh-sa riumsa, tha Tighearn nan sluagh ag ràdh; agus pillidh mise ruibh-se, deir Tighearn nan sluagh.

4 Na bithibh mar bhur n-aithrichean, ris an do ghlaodh na fàidhean a bh'ann roimhe so, ag ràdh; Mar so tha Tighearn nan sluagh ag ràdh; Pillibh-sa nis o bhur droch shligheibh, agus o bhur droch dheanadais. Aeh cha d' éisd iad, ni mò thug iad aire dhomh-sa, deir an Tighearn.

5 'Ur n-aithrichean, e'ait am bheil iad? agus na fàidhean, am mair iad beò am feasd?

6 Aeh mo bhriathran-sa, agus mo reachdan, a dh'àithn mi do m' òglaich na fàidhean, nach d'rinn iad greim air bhur n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, a réir ar slighean, agus a réir ar deanadais mar sin rinn e ruinn.

7 Air a' cheathramh là fheadh do'n aon mhios deng, (sin am mìos Sebat,) ann an dara bliadhna Dhariuis, thàinig focal an Tighearna gu Sechariah, mae Bharachiah, mhic Ido, am fàidh, ag ràdh;

8 Chunnaic mi san oidhehe, agus feuch duine a' marcaidh air each ruadh, agus sheas e measg nan craobha-miortail a bha sa' ghleann, agus air a chùlaobh bha eich ruadha, bhreaca, agus bhàna.

9 An sin thubhairt mi, Ciod iad so, O mo Thighearn? Agus thubhairt an t-aingéal a labhair rium Feuchaidh mise dhuit eiod iad so.

10 Agus fhreagair am fear a bha 'na sheasamh am measg nan craobha-miortail, agus thubhairt e, So iadsan a chuir an Tighearn gu siubhal sìos agus suas air feadh na talmhainn.

11 Agus fhreagair iad aingéal an Tighearn, a sheas am measg nan craobha-miortail, agus thubhairt iad, Shiubhail sinne mìos agus sìos air feadh na tal-

mhainn; agus, feuch, tha an talamh uile 'na thàmh, agus a' gabhail fois.

12 An sin fhreagair aingéal an Tighearn, agus thubhairt e; O Thighearn nan sluagh, cia fhad a bhios tu gun tròcair a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fichead bliadhna?

13 Agus fhreagair an Tighearn an t-aingéal a labhair rium-sa, le briathraibh maithe, le briathraibh sòlasach.

14 Mar sin thubhairt an t-aingéal a bha labhairt rium, Glaodh thusa, ag ràdh, Mar so tha Tighearn nan sluagh ag ràdh, Tha mise eudmhor air son Ierusalem, agus air sin Shìoin le eud mòr:

15 Agus tha mi ann an corruich ro mhòir ris na cinnich a ta suaimhneach; oir cha robh orm-sa aeh corruich bheag, agus chuidich iadsan air a h-aghaidh an dòrainn.

16 Air an aobhar sin mar so tha an Tighearn ag ràdh; Phill mi ri Ierusalem le tròcairibh: bithidh mo thigh air a thogail ann, tha Tighearn nan sluagh ag ràdh, agus bithidh sreang-thomhais air a sgaoileadh a mach air Ierusalem.

17 Glaodh fathasd, ag ràdh, Mar so tha Tighearn nan sluagh ag ràdh, Bithidh mo bhailtean-sa fathasd air an sgaoileadh a mach le soirbheachadh, agus bheir an Tighearn fathasd comhfhurtaehd do Shìoin, agus ròghnaichidh e fathasd Ierusalem.

18 An sin thog mi suas mo shùilean, agus chunnaic mi; agus feuch ceithir adhaircean.

19 Agus thubhairt mi ris an aingéal a bha labhairt rium, Ciod iad so? Agus fhreagair esan mi, Is iad so na h-adhaircean a sgap Iudah, Israel, agus Ierusalem.

20 Agus dh'fheuch an Tighearna dhomh ceithir fir-cheirde.

21 An sin thubhairt mi, Ciod a thàinig iad so gu dheanamh? Agus labhair esan, ag ràdh; Is iad so na h-adhaircean a sgap Iudah, ionnus nach do thog aon duine suas a cheann: aeh thàinig iad so chum eagal a chur orra, a thilgeadh a mach adhaircean nan cinneach a thog suas an adhare an aghaidh fearainn Iudah, chum a sgapadh.

CAIB. II.

1 *Chuireadh aingéal a thomhas Ierusalem. 6 Thugadh rabhadh don t-sluagh Babilon a thréiginn. 10 Gheall Dia comhnuidh a ghabhail am meadhon a shluagh.*

THOG mi suas mo shùilean a ris, agus dh'amhaire mi; agus, feuch, fear le sreing-thomhais 'na làimh.

SECHARIAH, II. III. IV.

2 An sin thubhairt mise, C'ait am bheil thu dol? Agus thubhairt e rium, A thomh-sa Ierusalem, a dh'fheuchaimn ciod e a leud, agus ciod e a fad.

3 Agus, feuch, chaidh an t-aingeal a labhair rium a mach, agus chaidh aingeal eile mach 'na chòdhail.

4 Agus thubhairt e ris, Ruith, labhair ris an òganach sin, ag ràdh: Bithidh Ierusalem air a h-àiteachadh mar bhailtean gun bhallachan, le lèumhoireachd nan daoine agus na spréidhe bhios innte.

5 Oir bithidh mise, tha an Tighearn ag ràdh, ann am bhalla teine dhi mu'n cuairt, agus bithidh mi ann am ghlàir 'na meadhon.

6 Ho! ho! *thigibh* agus teichibh o'n tìr mu thuath, tha an Tighearn ag ràdh; oir ri ceithir ghaothaibh an athair sgaoil mise sibh a mach, deir an Tighearn.

7 Ho! a Shioin, tàr as, O thusa ta chòmhuidh maille ri nighinn Bhabiloin.

8 Oir mar so tha Tighearn nan sluagh ag ràdh; An déigh na glòire so chuir e mise chum nan cinneach a chreach sibhse; oir an ti bheanas ruibh-se, beanaidh e ri cloich a shùla-san.

9 Oir feuch, crathaidh mise mò làmh orra, agus bithidh iad 'nan cobhartaich d' an tràillibh: agus aithnichidh sibhse gu'n do chuir Tighearn nan sluagh fios leam-sa.

10 Seinn, agus dean gairdeachas, O nigh-ean Shioin; oir feuch, tha mise a' teachd, agus gabhaidh mi còmhuidh ann ad mheadhon, deir an Tighearn.

11 Agus bithidh mòran chinneach air an cur ris an Tighearn san là sin, agus bithidh iad 'nan sluagh dhomh-sa: agus gabhaidh mise còmhuidh ann ad mheadhon; agus bithidh fios agad gu'n do chuir Tighearn nan sluagh mise a d' ionnsuidh.

12 Agus sealbhaichidh an Tighearn Iudah, a chuibhrionn, anns an fhearann naomh; agus ròghnaichidh e Ierusalem a ris.

13 Bi tosdach, O uile fheoil, an làthair an Tighearna: oir tha e air a thogail suas o 'ionad-còmhuidh naomh.

CAIB. III.

1 *Le samhladh culaidh mhaisich leis an d' éidichear Iosuah an t-àrd-shagart, 8 chuireadh an céill teachd Chrìosd a thoirt air falbh aingidheachd.*

AGUS thaisbein e dhomh Iosuah an t-àrd-shagart, 'na sheasamh an làth-air aingeil an Tighearn; agus Satan 'na sheasamh aig a làimh dheis, gu cur 'na aghaidh.

2 Agus thubhairt an Tighearn ri Satan, Gu'n deanadh an Tighearn do chronachadh, O Shatain; gu'n deanadh eadhon an Tighearn a ròghnaich Ierusalem, do chronachadh: nach aithinne e so, air a spionadh as an teine?

3 A nis bha Iosuah air 'éideadh le eud-

ach salach, agus sheas e an làthair an aingeil.

4 Agus fhreagair esan, agus labhair e riu-san a sheas 'na làthair, ag ràdh, Thug-aibh dheth an t-eudach salach. Agus ris-san thubhairt e, Feuch, thug mi air t' aingidheachd imeachd uait, agus éididh mi thu le culaidh mhaisich.

5 Agus thubhairt e, Cuireadh iad ceann-eudach maiseach air a cheann: agus chuir iad ceann-eudach maiseach air a cheann, agus dh'éid iad e le falluinnibh; agus sheas aingeal an Tighearna leo.

6 Agus dhearbhaingeal an Tighearna do Iosuah, ag ràdh,

7 Mar so tha Tighearn nan sluagh ag ràdh, Ma ghluaiseas tu ann am shligheibh-sa, agus na choimhideas tu mo reachd; an sin bheir thu mar an ceudna breth air mo thigh, agus gléidhidh tu fòs mo chùirtean; agus bheir mi dhuit àiteacha coiseachd ann measg na muinntir so 'nan seasamh leat.

8 Eisd a nis, O Iosuah, àrd-shagart, thu féin agus do chompanaich a ta 'nan suidhe a d' làthair: oir is daoine tha 'nan samhlaidh iad: oir feuch, bheir mise mach m'òglach, Am MEANGAN.

9 Oir feuch, a' chlach a leag mise fa chomhair Iosuah: air aon chloich tha seachd sùilean. Feuch gearraidh mise a gearradh, tha Tighearn nan sluagh ag ràdh, agus atharraichidh mi aingidheachd an fhearainn so ann an aon là.

10 Anns an là sin, tha Tighearn nan sluagh ag ràdh, gairmidh sibh gach fear a choimhearsnach fo 'n fhionain, agus fo'n chrann fhìge.

CAIB. IV.

1 *Leis a' choimleir a bha uile do òr, nochdadh soirbheas stéidh an teampull; 14 agus le dà chrann-oladh shamhuichear an dithis uigta a sheas làimh ris an Tighearna.*

AGUS thàinig an t-aingeal a labhair a rium a ris, agus dhùisg e mi, mar dhuine air a dhùsgadh as a chodal.

2 Agus thubhairt e rium, Ciod a tha thu faicinn? Agus thubhairt mise, Dh'amhairc mi, agus, feuch, coinnleir uile do òr, le 'chopan air a mhullach, agus a sheachd lòchrain air, agus seachd feadaig gus na seachd lòchrain a ta air a mhullach.

3 Agus dà chrann-oladh làimh ris, aon air taobh deas a' chopain, agus aon air a thaobh clì.

4 An sin fhreagair mi, agus labhair mi ris an aingeal a bha ri còmhraidh rium, ag ràdh, Ciod iad so, mo thighearn?

5 Agus fhreagair an t-aingeal a bha labhairt rium, agus thubhairt e rium, Nach 'eil fios agad ciod iad so? Agus thubhairt mise, Cha'n 'eil, mo thighearn.

6 An sin fhreagair e agus labhair e rium, ag ràdh, Is e so focal an Tighearna

ri Scrubabel, ag ràdh, Cha'n ann le ncart, no le cumhachd, ach le m' spiorad-sa, deir Tighearn nan sluagh.

7 Cò thusa, O shléibh mhòir? Roimh Sherubabel *fàsaidh tu a'd' chòmhnard*; agus bheir e mach a' chlach-chinn le h-iolach, a *glaothach*, Gràs, gràs gu robh dhi.

8 Os bàrr, thàinig focal an Tighearn a m' ionnsuidh-sa, ag ràdh;

9 Leag làmhnan Sherubabeil stéidh an tighe so; ni a làmhnan fòs a chrìochnachadh: agus bithidh fios agaibh gu'n do chuir Tighearn nan sluagh mise do bhur n-ionnsuidh.

10 Oir cò rinn dimcas air là nan nithe beaga? ni eadhon iadsan gàirdeachas, agus ch'iad an t-sreang-thomhais an làmh Sherubabeil. Is iad an t-seachdnar so sùilean an Tighearna; tha iad a' ruith sìos agus suas air feadh na talmhainn uile.

11 An sin fhreagair mise, agus thubhairt mi ris, Ciod iad an dà chrann-oladh so air *taobh* deas a' choinnleir, agus air a *thaobh* clì?

12 Agus fhreagair mi a ris, agus thubhairt mi ris, Ciod iad dà ghéig nan crann-oladh, a ta làmh ris an dà fheadan òir a' taomadh na h-oladh asda fèin?

13 Agus fhreagair e mi, agus thubhairt e, Nach 'eil fios agad ciod iad so? Agus thubhairt mise, Cha'n 'eil, mo thighearn.

14 An sin thubhairt esan, Is iad so an dithis ungta ta 'nan seasamh làmh ri Tighearn na talmhainn uile.

CAIB. V.

1 *Le sàmhladh ròla ag itealaich nochdadh mallachd an t-sluaigh a ghoideas, agus a mhionnaicheas gu breugach air ainm an Tighearna. 5 Le sàmhladh mà 'na suidhe ann an ephah chuireadh an cèill aingidheachd na tìre.*

AGUS thog mi suas mo shùilean a ris agus dh'amhairc mi, agus, feuch, ròla ag itealaich.

2 Agus thubhairt esan rium, Ciod a tha thu faicinn? Agus fhreagair mise, tha mi faicinn ròla ag itealaich, ficead làmh-choille air fad, agus deich làmh-choille air leud.

3 An sin thubhairt e rium, Is e so am mallachd a ta dol a mach air aghaidh an fhearrainn uile: agus gearrar as gach aon a ghoideas, mar air an taobh so deth: agus gearrar as gach aon a mhionnaicheas, mar air an taobh sin deth.

4 Thug mise mach e, tha Tighearn nan sluagh ag ràdh, agus théid e steach do thigh a' mheirlich, agus do thigh an ti a ta mionnachadh gu breugach air m' ainm-a; agus fanaidh e ann am meadhon a hìghe, agus sgriosaidh e, eadar fhiodh agus chloich e.

5 An sin chaidh an t-aingeal a labhair rium a mach, agus thubhairt e rium, Tog suas a nis do shùilean, agus faic ciod so tha dol a mach.

6 Agus thubhairt mise, Ciod e? Agus thubhairt esan, So Ephah a ta dol a mach. Agus thubhairt e, Is i so an sàmhladh anns an fhearrainn uile.

7 Agus, feuch, bha tàlann luaidhe air a thogail suas: agus, feuch, bean 'na suidhe ann am meadhon na h-ephah.

8 Agus thubhairt e, Is i so Aingidheachd: agus thig e i ann am meadhon na h-ephah; agus chuir e'n cothrom luaidhe air a beul.

9 An sin thog mi suas mo shùilean, agus dh'amhairc mi; agus, feuch, thàinig a mach dà mhnaoi, agus a' ghaoth 'nan sgiathaibh; (oir bha sgiathan aca mar sgiathan corra-glaise;) agus thog iad an ephah suas eadar an tàlann agus na nèamha.

10 An sin thubhairt mise ris an aingear a labhair rium, C'àit am bheil iad so a' giùlan na h-ephah?

11 Agus thubhairt e rium, A thogail tighe dhi ann an tìr Shìnair; agus bitidh i air a daingneachadh, agus air a suidheachadh an sin air a bonn.

CAIB. VI.

1 *Taisbean nan ceithir charbad a thàinig a mach o eadar dhà shliabh. 9 Le sàmhladh crùn òir a chuireadh air ceann Iosuah nochdadh dirdheirceas rioghadh Chrìosd.*

AGUS a ris thog mi suas mo shùilean, agus dh'amhairc mi; agus, feuch, thàinig ceithir carbaid a mach o eadar dhà shliabh; agus bu shléibhteann umha na sléibhteann.

2 Ris a' cheud charbad bha eich ruadha, agus ris an dara charbad eich dhubha,

3 Agus ris an treas charbad eich gheala, agus ris a' cheathramh charbad eich bhalla-dhearg.

4 An sin fhreagair mi, agus thubhairt mi ris an aingear a bha labhairt rium, Ciod iad so, mo thighearn?

5 Agus fhreagair an t-aingeal, agus thubhairt e rium, Is iad so ceithir spiorada nan nèamha, a ta dol a mach o bhi 'nan seasamh an làthair Tighearna na talmhainn uile.

6 Théid na h-eich dhubha a ta ann a mach do'n tìr mu thuath, agus théid na h-eich gheala mach 'nan dèigh; agus théid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thairg iad imeachd a chum gu'n siùbhladh iad sìos agus suas air feadh na talmhainn: Agus thubhairt e, Falbhaibh, imichibh sìos agus suas air feadh na talmhainn. Is amhuil a dh'imich iad sìos agus suas air feadh na talmhainn.

8 An sin ghairm e orm, agus labhair e rium, ag ràdh; Feuch, iad so a ta 'g im eachd gus an tìr mu thuath, chùinich iad mo spiorad anns an tìr mu thuath.

9 Agus thàinig focal an Tighearn a m' ionnsuidh, ag ràdh;

10 Gabh dhiubh-san a ta do'n bhruid, do *theaghlach* Heldaì, agus 'Thobiah, agus Iedaiah; agus falbhaidh tu air an là cheudna, agus thèid thu steach do thigh Iosiah mhic Shephaniah, a phill o Bhabìlon.

11 Agus gabhaidh tu airgid agus òr, agus nì thu crùn, agus cuiridh tu e air ceann Iosuah, mhic Iosedeich, an àrd-shagairt;

12 Agus labhraidh tu ris, ag ràdh; Mar so labhair Tighearn nan sluagh, ag ràdh; Feuch an duine do'n ainm Am MEANGAN; agus fàsaidh e nìos as 'àite, agus togaidh e teampull an Tighearna.

13 Togaidh eadhon esan teampull an Tighearn, agus gheibh e glòir, agus suidhidh e, agus riaghlaidhidh e air a rìgh-chaitir; agus bithidh e 'na shagart air a rìgh-chaitir; agus bithidh comhairle na sìthe eatorra araon,

14 Agus bithidh crùn aig Helem, agus aig Tobiah, agus aig Iedaiah, agus aig Hen mac Shephaniah, mar chuimhneach-an ann an teampull an Tighearn.

15 Agus thig iadsan a ta fad as, agus togaidh iad ann an teampull an Tighearn; agus bithidh fios agaibh gu'n do chuir Tighearn nan sluagh mise do bhur n-ionnsuidh. Agus thig so gu crìch, ma bheir sibh géill gu cùramach do ghuth an Tighearn 'ur Dia.

CAIB. VII.

1 Nochd Dia do'n t-sluagh gu'n do thraisg iad gu dìomhain do bhrìgh nach do thraisg iad air a shon-sa. 4 Chronuich Sechariah iad air son an cealgaireachd, 6 agus chomhairliche dhoibh aithreachas a ghabhail.

AGUS tharladh ann an ceathramh bliadhna Dhariuis, gu'n d'fhàinig focal an Tighearna gu Sechariah, air a' cheathramh là do'n naothamh mìos, eadhon Chisleu.

2 ('Nuair a chuir iad gu tigh Dhé, Sersar agus Regemelech, agus an daoine, a dh'fhiosrachadh an làthair an Tighearn;

3 A labhairt ris na sagairt a bha an tigh Tighearna nan sluagh, agus ris na faidhean, ag ràdh; An dean mi gul anns a' chùigeamh mìos, 'gam dhealachadh féin, mar a rinn mi an iomadh bliadhna so?)

4 An sin thàinig focal Tighearna nan sluagh a m' ionnsuidh-sa, ag ràdh;

5 Labhair ri uile shluagh an fhearainn, agus ris na sagairt, ag ràdh; 'Nuair a thraisg agus a ghuil sibh anns a' chùigeamh agus anns an t-seachdamh mìos, eadhon na deich agus trì fichead bliadhna

so, an do thraisg sibh idir air mo shon-sa, eadhon air mo shon-sa?

6 Agus an uair a dh'ith sibh, agus 'nuair a dh'òl sibh, nach d'ith sibh *air bhur son féin*, agus nach d'òl sibh *air bhur son féin*?

7 Nach iad so na briathran a dh'éigh an Tighearn leis na ceud fhàidhibh, 'nuair bha Ierusalem air a h-àiteachadh, agus a' soirbheachadh, agus a bailtean mu'n cuairt di; agus an taobh deas agus an còmhnaid air an àiteachadh?

8 An sin thàinig focal an Tighearna gu Sechariah, ag ràdh;

9 Mar so labhair Tighearn nan sluagh, ag ràdh; Cuiribh angniomh ceart-bhreitheanas, agus nochdaibh tròcair agus iochd gach duine d'a bhràthair;

10 Agus na sàruichibh a' bhantrach, no an dilleachdan, an coigreach, no am bochd; agus na smuainicheadh neach air bith agaibh 'nur cridhe, olc an aghaidh a bhràthar.

11 Ach dhùilt iadsan éisdeachd, agus tharruing iad a' ghualadh o'n chuing, agus dhruid iad an cluasan, a chum nach chluinneadh iad.

12 Seadh, rinn iad an cridheachan mar chloich adamaint, mu'n cluinneadh iad an lagh, agus na briathran a chuir Tighearna nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agus thachair, amhuil a ghlaodh mise, agus nach d'éisd iadsan; mar sin ghlaodh iadsan, agus cha d'éisd mise, deir Tighearn nan sluagh.

14 Ach sgap mi iad le cuairt-ghaoith, am measg nan uile chinneach nach b'aithne dhoibh: agus bha am fearann fàs 'nan déigh, air chor as nach do shiubhail neach air bith troimhe¹, air ais no air aghaidh: agus rinn iad an tìr thaitneach 'na fàsach.

CAIB. VIII.

1 Soirbheachadh Ierusalem. 9 Thugadh misneach do'n t-sluagh an teampull a thogail. 16 Dh'iarr Dia ceartas agus fìreantachd uapa. 18 Ghealladh aobhneas agus soirbheas do'n Eaglais.

AGUS thàinig focal Tighearna nan sluagh a m' ionnsuidh, ag ràdh;

2 Mar so tha Tighearn nan sluagh ag ràdh; Bha mise eudmhor air son Shìoin le eud mòr, agus bha mi eudmhor air a son le mòr-chorruich.

3 Mar so tha Tighearn nan sluagh ag ràdh; Phill mise gu Sion, agus gabhaidh mi còmhnaidh ann an Ierusalem; agus goirear ri Ierusalem, Baile fìrinn, agus ri sliabh Tighearna nan sluagh, Sliabh naomh.

4 Mar so tha Tighearn nan sluagh ag

¹ d'a thrid, d'an trid.

ràdh, Gabhaidh seann daoine, agus seana mhnathan còmhnuidh fathasd ann an sràidibh Ierusalem, agus gach duine le a luirg 'na làimh le ro aois.

5 Agus bithidh sràidean a' bhaile làn do mhacanaibh agus do nigheanagaibh, a' cluicheadh 'na sràidibh.

6 Mar so tha 'Tighearn nan sluagh ag ràdh, Ma bhios e iongantach ann an sùilibh iarmaid an t-sluaigh so anns na làithibh sin, am bi e iongantach ann am shùilibh-sa fòs, deir Tighearn. nan sluagh?

7 Mar so tha Tighearn nan sluagh ag ràdh, Feuch, saoraidh mise mo shluagh o'n tìr an ear, agus o'n tìr an iar:

8 Agus bheir mi air an ais iad, agus gabhaidh iad còmhnuidh ann an Ierusalem, agus bithidh iad 'nan sluagh dhomhsa, agus bithidh mise am Dhia dhoibhsan, ann am firinn, agus ann an ceartas.

9 Mar so tha Tighearn nan sluagh ag ràdh; Biodh bhuir lànhan làidir, sibhse ta cluinntinn, anns na làithibh so, nam briathran so á beul nam fàidhean, ta san là sam bheil stéidh tighe Tighearna nan sluagh 'ga shuidheachadh, eadhon an teampuill, a chum gu'n biodh e air a thogail.

10 Oir roimh na làithean so, cha robh luach saothaireach air bith aig duine, no luach saothaireach air bith aig ainmhidh; ni mò bha sìth aig an tì a rachadh a mach, no thigeadh a steach, leis an teinn; oir chuir mise na h-uile dhaoine, gach aon an aghaidh a choimhearsnaich.

11 Ach a nis cha bhi mi do iarmaid an t-sluaigh so, mar anns na làithibh roimhe so, deir Tighearn nan sluagh.

12 Oir soirbhichidh an siol; bheir an fhìonain seachad a meas, agus bheir an talamh seachad a thoradh, agus bheir na nèamha seachad an drùchd; agus bheir mise air iarmaid an t-sluaigh so na nithe so gu léir a shealbhadh.

13 Agus tarlaidh, mar a bha sibh 'nur mallachadh am measg nan cinneach, O thigh Iudah, agus a thigh Israeil, is amhuil a shaoras mise sibh, agus bithidh sibh 'nur beannachadh. Na biodh eagal oirbh, biodh 'ur lànhan làidir.

14 Oir mar so tha Tighearn nan sluagh ag ràdh, Mar a chuir mi romham olc a dheanamh oirbh, an uair a bhròsnuich bhuir n-àithrichean mi gu feirg, tha Tighearn nan sluagh ag ràdh, agus nach do ghabh mi aithreachas;

15 Mar sin smuainich mi a ris, anns na làithibh so, maith a dheanamh do Ierusalem, agus do thigh Iudah. Na biodh eagal oirbhse.

16 So na nithe a ni sibh, Labhraibh, gach neach an fhìrinn r'a choimhearsnach: deanaibh breitheanas na firinn agus na sìthe 'nur geatachaibh:

17 Agus na dealbaibh 'nur cridhe, gach aon neach olc an aghaidh a choimhearsnaich, agus na gràdhaichibh mionnan bréige sam bith: oir na nithe so uile is fuathach leam-sa, deir an Tighearn.

18 Agus thàinig focal Tighearna nan sluagh a m' ionnsuidh, ag ràdh;

19 Mar so tha Tighearn nan sluagh ag ràdh, Trasg a' cheathramh mìosa, agus trasg a' chùigeamh, agus trasg ant-seachdamh, agus trasg an deicheamh, bithidh do thigh Iudah, 'nan aoibheas agus 'nan gàirdeachas, agus 'nam fèilean subhach; a mhàin gràdhaichibh-sa firinn agus sìochainnt.

20 Mar so tha Tighearn nan sluagh ag ràdh, Fathasd tarlaidh gu'n tig mòran dhaoine, agus luchd-àiteachaidh mhòran bhailean:

21 Agus théid luchd-àiteachaidh aoin bhaile gu aon eile, ag ràdh, Rachamaid da rìreadh a dheanamh urnuigh an làthair an Tighearn, agus a dh'iarraidh Tighearna nan sluagh: théid mise mar an ceudna.

22 Seadh, thigh mòran shluagh, agus cinnich chumhachdach a dh'iarraidh Tighearna nan sluagh ann an Ierusalem, agus a ghuidhe an làthair an Tighearna.

23 Mar so tha Tighearn nan sluagh ag ràdh, Anns na làithibh sin tarlaidh gu'n dean deichnear greim, as uile chànanibh nan cinneach, eadhon gu'n dean iad greim air sgìort an tì a bhios 'na Iudhach, ag ràdh, Théid sinne leat, oir chuala sinn gu bheil Dia leibh.

CAIB. IX.

1 Ann am meadhan a bhreitheanas air na cinnich teasairgidh Dia an Eaglais. 9 Chomhairlicheadh do Shìon gàirdeachas a dheanamh air son teachd Chrìosd. 12 Gheall Dia saorsa agus buaidh d'a phobull.

FASTNEACHD focail an Tighearna.

Air fearann Hadraich, agus air Damascus gabhaidh i tàmh: (oir tha sùil gach duine, agus uile threubhan Israeil, air an Tighearn.)

2 Agus fòs air Hamat a ta làimh ris; air Tirus agus air Sidon, ged tha i ro ghlic.

3 Ged thog Tirus dhì fèin daingneach làidir, agus ged charn i suas airgid mar an duslach, agus òr fìor-ghlan mar pholl nan sràidean;

4 Feuch, tilgidh an Tighearn mach i, agus buailidh e san fhaire a neart; agus sgriosar i le teine.

5 Chi Ascelon, agus bithidh eagal oirre; Gasa fòs, agus bithidh i ro bhrònach; is amhuil a bhitheas Ecron, oir nàraicheadh a dòchas; agus bàsaichidh an rìgh o Ghasa, agus cha'n àitichear Ascelon.

6 Agus gabhaidh clann dìolain còmhnuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheul, agus a ghràineileachdan o eadar 'fhiacilan: ach an ti a mhaireas, bithidh esan air son ar Dé-ne, agus bithidh e mar uachdaran ann an Iudah, agus Ecron mar an Iebusach.

8 Agus campaichidh mise timchioll mo thighe, 'g a dhìonadh o'n fheachd a bhios dol seachad, no a bhios a' pillinn; ni mò théid am fear-sàruchaidh trompa¹ ni's mò: oir a nis chunnaic mi le in' shùilibh.

9 Dean gàirdeachas gu mòr, O nighean Shioin; tog iolach, O nighean Ierusalem: feuch, tha do rìgh a' teachd a d' ionn-suidh: is fìrean, agus is Slànuighear e; iriosal, agus a' marcachd air asail, agus air searrach, mac na h-asail.

10 Agus gearraidh mi as an carbad o Ephraim, agus an t-each o Ierusalem; agus gearrar as am bogha-cogaidd; agus labhraidh esan sìth ris na cinnich: agus bithidh 'uachdaranachd o mhuir gu muir, agus o'n amhainn gu iomallaibh na tìre.

11 Air do shon-sa fòs, le fuil do choimh-cheangail chuir mi mach do phrìosanaich as an t-slochd anns nach robh uisge sam bith.

12 Pillibh a chum an daingnich, O phrìosanaicha an dòchais; eadhon air an là an diugh tha mi 'g innseadh gu'n diol mi dhuit *beannachdan* dùbailt.

13 Oir lùb mi dhomh féin Iudah, lìon mi am bogha le Ephraim; agus togaidh mi suas do mhic-sa, O Shioin, an aghaidh do mhac-sa, O Ghréig, agus ni mi thu mar chlaidheamh duine chumhachdaich.

14 Agus chithear an Tighearn os an ceann, agus théid a shaghead a mach mar an dealanach: agus séididh an Tighearn Iehobhah an trompaid, agus théid e mach le ioma-ghaothaibh na h-àirde deas.

15 Ni Tighearn nan sluagh an dìon: agus ithidh iad, agus ceannsaichidh iad le clachaibh-tabhuill; agus òlaidh iad, agus ni iad iolach mar le fìon; agus lìonar iad mar chopain, mar oisinnibhna h-altarach².

16 Agus tèarnaidh an Tighearn an Dia iad anns an là sin, mar threud a shluaigh; oir togar suas clacha-buaidh an crùn air feadh an fearainn.

17 Oir cia mòr an soirbheachadh, agus cia mòr am maise! ni an t-arbhar na h-òganaich, agus am fìon-nuadh na h-òigh-eann, subhach.

CAIB. X.

1 Is còir iarraidh a dh'ionnsuidh Dhé, 2 agus cha'n ann a dh'ionnsuidh ìodhola. 3 Cruinnichidh Dia a shluaigh, agus saoraidh e iad.

IARRAIBH-SE air an Tighearn uisge ann an àm an uisge dheireannaich; ni an Tighearn dealanach, agus bheir e dhuibh

pailteas uisge; do gach aon fear anns an fhaiche.

2 Oir labhair na h-ìodhola dìomhanas, agus chunnaic na fiosaichean breug, agus dh'innis iad aislinge faoine; is dìomhain an comhfhurtachd: nìme sin dh'imich iad air falbh mar threud; bha iad air an claidh, a chionn nach robh buachaill air bith ann.

3 An aghaidh nam buachaillean las mo chorruich-sa, agus na gabhair smachd-aichidh mi. Ach dh'amhairc Tighearn nan sluagh air a threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-oisne, uaith-san an tarann, uaith-san am bogha-catha, uaith-san gach uile uachdar-an le chéile.

5 Agus bithidh iad ann an cath cosmhuil ri gaisgich a shaltras air clàbar nan sràidean: agus cogaidd iad, a chionn gu bheil an Tighearn maille riu; agus cuirear marcaichean nan each gu nàire.

6 Agus neartaichidh mise tigh Iudah, agus tèarnaidh mi tigh Ioseph; agus suidhichidh mi iad a rìs; oir tha truas agam dhiubh: agus bithidh iad mar nach tilginn fada uam iad: oir is mise Iehobhah an Dia, agus éisdidh mi riu.

7 Agus bithidh Ephraim mar ghaisg-each; agus ni an cridhe gàirdeachas, mar le fìon: seadh, chì an clann, agus bithidh iad ait; ni an cridhe gàirdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, *eadhon* mar a mheudaich iad.

9 Agus cuiridh mi iad mar shìol am measg nan cinneach; agus cuimhnichidh iad ormsa ann an dùthchannaibh fad as; agus mairidh iad beò le 'n cloinn, agus pillidh iad a ris.

10 Agus bheir mi air an ais iad o thìr na h-Eiphit, agus cruinnichidh mi iad a mach á Asiria; agus bheir mi iad air an ais gu tìr Ghileaid agus Lebanoìn; agus cha bhi *àite* ni's leòr r'a fhaotainn doibh.

11 Agus théid e troimh an fhairege, le dorainn: agus buailidh e na tonnan anns an fhairege; agus tiormaichidh uile dhoimh-neachdan na h-aimhne suas: agus bheir e a nuas uabhar Asiria, agus imichidh slat-rioghail na h-Eiphit seachad.

12 Agus neartaichidh mi iad anns an Tighearn: agus 'na ainm-san gluaisidh iad, deir an Tighearn.

CAIB. XI.

1 Léir-sgrìos Ierusalem. 4 Càram Chrìosd d'a threud. 15 Samhladh agus mallachd buachaill amaidich.

FOSGAIL do dhorsan, O Lebanoìn, a chum gu'n loisg an teine do sheudair.

SECHARIAH, XI. XII.

2 Guil gu h-àrd, O chraobh ghiumhais, oir thuit an seudar; oir tha iadsan a b' àirde air am milleadh: deanaibh gul, O dharaga Bhasain oir ghearradh frith na callaid.

3 Guth ulartaich nam buachaillan! a chionn gu bheil an glòir air milleadh: guth beucaich nan leòmhann òga! oir tha uabhar Iordain air a chreachadh.

4 Mar so thubhairt an Tighearn mo Dhia, Beathaich thusa treuda' chasgraidh; 5 A ta an sealbhadairean òga marbladh, agus 'gam meas fèin neò-chiontach: agus tha iadsan a ta 'gan reic ag ràdh, Beannaichte gu'n robh an Tighearn, oir tha mi saobhir: agus cha'n 'eil truas aig an aodhairibh fèin diubh.

6 Oir cha ghabh mise nì's mò truas do luchd-àiteachaidh na tìre, tha an Tighearn ag ràdh; ach feuch, bheir mi thairis daoine, gach aon do làimh a choimhears-naich, agus do làimh a rìgh; agus buailidh iad am fearann, agus cha saor mi as an làimh.

7 Agus beathaichidh mi treud a' chasgraidh, eadhon sibhse, bhochdan an treud. Agus ghabh mi a' m' ionnsuidh dà luirg: air aon diubh thug mi mar ainm Maise, agus air aon eile thug mi mar ainm Cuibhrichean; agus bheathaich mi an treud.

8 Tri aodhairean fòs ghearr mi as ann an aon mhìos; agus bha gràin aig m' anam-sa dhiubh-san, agus bha fuath aig an anam-sa dhomh-sa.

9 An sin thubhairt mi, Cha bheathaich mi sibh; an ni sin a bhàsaicheas, bàsaich-eadh e; agus an ni sin a ta gu bhì air a ghearradh as, gearrar as e: agus itheadh a' chuid eile, gach aon feoil a chéile.

10 Agus ghabh mi mo lorg, eadhon Maise, agus ghearr mi 'na bloighdibh i, chum gu'm brisinn mo choimhcheangal a rinn mi ris na slòigh uile.

11 Agus bhriseadh e san là sin: agus mar sin dh'aitl'nich bochdan an treud a thug an aire dhomh, gu'm b'e sin focal an Tighearn.

12 Agus thubhairt mi riu, Ma chùlhear ceart duibh, thugaibh *dhomh* mo luach: agus mur faicear, leigibh leis: mar sin thomhais iad air son mo luach, deich *buinn* fhlichead airgid.

13 Agus thubhairt an Tighearn rium, Tilg a chum a' chriadhadaire e: luach ciatach leis an robh mise air mo mheas leo-san. Agus ghabh mi na deich *buinn* fhlichead airgid, agus thilg mi iad ann an tigh an Tighearn, a chum a' chriadh-adair.

14 Agus ghearr mi as a chéile mo lorg eile, eadhon Cuibhrichean; a chum gu'm brisinn am bràithreachas eadar Iudah agus Israel.

15 Agus thubhairt an Tighearn rium a

ris, Gabh a d' ionnsuidh fathasd innl buachaill amaidich:

16 Oir feuch, togaidd mise suas buachaill san fhearann, nach seall an déigh an ni sin a ghearrar as; nach iarr a' chuid a ta òg; agus nach leighis a' chuid a fhuair dochann; ni mò bheathaicheas e a' chuid a sheas: ach itl'idh e feoil na cuid a ta reamhar, agus reubaidh e an crobhain 'nam bloighdibh.

17 Is truagh do'n droch bhuachaill a dh'fhàgas an treud: *thig* sgrios air a ghairdean, agus air a shùil deas: seargaidh a ghairdean gu tur, agus dorchaidhear a shùil deas gu h-ìomlan.

CAIB. XII.

1 Nithear Ierusalem 'na copan ball-chrith, agus 'na cloich chudthromaich do na slòigh uile. 6 Buaidh uachdaran Iudah. 10 Aithreachas Ierusalem.

IFAISTNEACHD focail an Tighearna. A thaobh Israeil, tha an Tighearn ag ràdh, a ta sgaòileadh a mach nan nèamha, agus a' suidheachadh stéidh na talmhainn, agus a' cruthachadh spioraid dhuine an taobh a stigh dheth.

2 Feuch, ni mise Ierusalem 'na copan ball-chrith do na slòigh uile mu'n cuairt: air son Iudah mar an ceudna bithidh e san fheachd an aghaidh Ierusalem.

3 Agus anns an là sin ni mi Ierusalem 'na cloich chudthromaich do na slòigh uile; na h-uile a ghabhas i mar uallach orra fèin, gearrar iad 'nam bloighdibh: agus 'na h-aghaidh bithidh uile chinnich an domhain air an cruinneachadh ri chéile.

4 Anns an là sin, tha an Tighearn ag ràdh, buailidh mise gach each le uamhas, agus a mharcach le cuthach; agus fosglaidh mi mo shùilean air tigh Iudah, agus gach aon each aig na slòigh buailidh mi le doille.

5 Agus their uachdaran Iudah 'nan cridhe, Is iad luchd-àiteachaidh Ierusalem mo neart ann an Tighearna nan sluagh an Dia.

6 Anns an là sin ni mise uachdaran Iudah mar theallach teine am measg connaidh, agus mar leus teine ann an sguaid; agus loisgidh iad air an làimh dheis, agus air an làimh chlì, na slòigh uile mu'n cuairt: agus àitichear Ierusalem a ris, 'na h-ionad fèin, ann an Ierusalem.

7 Saoraidh an Tighearn fòs pàillunan Iudah, mar o shean; mu'n dean glòir tìghe Dhaibhidh, no glòir luchd-àiteachaidh Ierusalem, iad fèin àrdachadh an aghaidh Iudah.

8 Anns an là sin dìonaidh an Tighearn luchd-àiteachaidh Ierusalem; agus bithidh esan a ta lag 'nam measg anns an là sin mar Dhaibhidh; agus tigh Dhaibhidh mar Dhia, mar aingeal an Tighearna 'nan làthair.

9 Agus tarlaidh anns an là sin, gu'n iarr

mise na h-uile chinnich a thig an aghaidh Ierusalem a mhilleadh.

10 Agus doiridh mi air tigh Dhaibhidh, agus air luchd-àiteachaidh Ierusalem, spiorad nan gràs agus nan athchuingean; agus amhaircuidh iad airsan a lot iad, agus ni iad caoidh air a shon, mar a chaoidheas duine air son aoine mhic: agus bithidh an doilghios air a shon mar dhoilghios air son ceud-ghin.

11 Anns an là sin bithidh cumha mhòr annan Ierusalem, cosmhuil ri cumha Hadadrinoin, ann an gleann Mhegidoin.

12 Agus ni am fearann caoidh, gach aon teaghlach air leth, teaghlach tighe Dhaibhidh air leth, agus am mnathan air leth: teaghlach tighe Naitin air leth, agus am mnathan air leth:

13 Leughadh tighe Lebhi air leth, agus am mnathan air leth: teaghlach Shimeir air leth, agus am mnathan air leth:

14 Na h-uile teaghlaichean eile, gach teaghlach air leth, agus am mnathan air leth.

CAIB. XIII.

1 An tobar a dh'fhosgailleadh do luchd-àiteachaidh Ierusalem air son peacaidh, agus air son neò-ghloine. 7 Bàs Chrìosd, agus téaruinteachd trian do'n t-sluagh.

ANNS an là sin bithidh tobar air 'fhosgladh do thigh Dhaibhidh, agus do luchd-àiteachaidh Ierusalem, air son peacaidh agus air son neò-ghloine.

2 Agus tarlaidh air an là sin, tha Tighearn nan sluagh ag ràdh, gu'n gearr mise mach ainmean nan iodhola as an fhearann, agus cha chuimhnichar iad ni's mò; agus fos bheir mi air na fiosaichean, agus air na spioradaibh neòghlan siubhal a mach as an fhearann.

3 Agus tarlaidh, 'nuair a ni duine sam bith faistneachd, an sin gu'n abair 'ath-air agus a mhàthair a ghin e ris, Cha mhair thu beò; oir labhair thu breugan ann an ainm an Tighearn: agus ni 'athair agus a mhàthair a ghin e, a bhualadh tromhe an uair a ni e faistneachd.

4 Agus tarlaidh anns an là sin, gu'm bi nàire air na fàidhibh, gach aon d' a shealladh, 'nuair a ni e faistneachd: ni mò chuireas iad umpa falluinne molach gu mealladh.

5 Ach their *gach aon*, Cha'n fhàidh mise, is treabhaiche mi; oir tha còir ag duine eile orm o m' òige.

6 Agus their *aon ris*, Ciod iad na lota sin ann ad làmhaidh? An sin freagraidh esan, Iad sin leis an do lotadh mi ann an tigh mo chairdean.

7 Dúisg, O chlaidheimh, an aghaidh mo bhuachail, agus an aghaidh an duine ta 'na dhlùth-chompanach dhomh-sa, tha Tighearn nan sluagh ag ràdh. Buailidh mise am buachail, agus bithidh an treud air a sgapadh; agus tionndaidhidh mi mo

làmh air a' mhuinntir bhig.

8 Agus tarlaidh anns an fhearann uile, tha an Tighearn ag ràdh, gu'n gearr as dà thrian ann, *agus* gu'm bàsaich iad; ach bithidh an treas trian air fhàgail ann.

9 Agus bheir mise an treas trian troimh an teine, agus glanaidh mi iad mar a ghlanar an t-àirgid, agus dearbhaidh mi iad mar a dhearbhar an t-òr; gairmidh iad air m' ainm-sa, agus éisdidh mise ri u; their mi, Is iad mo shluagh; agus their iadsan, Is e an Tighearn mo Dhia.

CAB. XIV.

1 Léir-sgrìos Ierusalem. 3 Teachd Chrìosd. 12 Buailidh Dia naimhdean Ierusalem le plàigh. 16 Pillidh am fuigheall ris an Tighearn.

FUECH, tha là an Tighearn a' teachd, agus roinnear do chreach ainn ad mheadhon.

2 Oir cruinnichidh mise na h-uile chinnich an aghaidh Ierusalem gu cogadh; agus glacar am baile, agus creachar na tighean, agus éignichear na mnathan; agus théid leth a' bhaile air falbh am bruid; agus cha glearrar a' chuid eile do'n t-sluagh as o'n bhaile.

3 Agus théid an Tighearn a mach, agus cogaidh e an aghaidh nan cinneach sin, mar a chog e ann an là a' chatha.

4 Agus seasaidh a chosan air an là sin air sliabh uan Oladh, a ta fa chomhair Ierusalem air an taobh an ear: agus sgoiltidh sliabh nan Oladh 'na mheadhon, ris an àird an ear, agus ris an àird an iar, *air chor as gu'm bi* gleann ro mhòr ann: agus gluaisidh leth an t-sléibh ri tuath, agus an leth eile ri deas.

5 Agus teichidh sibhse *rathad* glinn nan sliabh: oir ruigidh gleann nan sliabh gu h-Asal: seadh, teichidh sibh mar a theich sibh roimh an chrith-thalmhainn, ann an làithibh Usiah rìgh Iudah: agus thig an Tighearn mo Dhia-sa, agus a naoimh uile maille ris.

6 Agus tarlaidh anns an là sin, nach bi solus soilleir agus dorchadas ann;

7 Ach bitlidh e 'na aon là, a bhios aithnichte do'n Tighearn: cha là, agus cha'n oidhche bhios ann: ach tarlaidh air trà feasgair gu'm bi solus ann.

8 Agus tarlaidh air an là sin, gu'n téid uisgeacha beò a mach à Ierusalem; leth dhiubh ris an fhainge 'n ear, agus leth dhiubh ris an fhainge 'n iar: anns an t-samhradh agus ains a' gheamhradh bithidh e.

9 Agus bithidh an Tighearn 'na rìgh os ceann na talmhainn uile: anns an là sin bithidh aon Tighearn ann, agus 'ainm 'na aon.

10 Agus cuairtichidh e am fearann uile mar chomhann, o Gheba gu Rìmon, mu dheas do Ierusalem: agus togar suas i, agus àitichear i 'na lìonad, o gheata

SECHARIAH, XIV.

Bhèniainin gu àit a' cheud gheata, agus gu geata na h-oisne, agus o thùr Hana-neil gu fion-amair an rìgh.

11 Agus ni daoine còmhnuidh innte, agus cha bhi léir-sgrìos ann ni's mò; ach bithidh Ierusalem air a h-àiteachadh ann an tèaruinteachd.

12 Agus so a' phlàigh leis am buail an Tighearn na slòigh uile a chog an aghaidh Ierusalem: leaghaidh am feoil air falbh am feadh a ta iad 'nan seasamh air an cosaibh, agus leaghaidh an sùilean air falbh 'nan sluichd, agus leaghaidh an teangadh air falbh 'nam beul.

13 (Agus tarlaidh anns an là sin gu'm bi buaireas mòr o'n Tighearn 'nam measg: agus glacadh iad greim, gach aon do làmh a choimhearsnaich; agus éiridh a làmh suas an aghaidh làimhe a choimhearsnaich.

14 Agus cogaidh Iudah fòs aig Ierusalem; agus cruinnichear ri chèile maoin nan uile chinneach mu'n cuairt, òr, agus airgiod, agus earradh, ann am pailteas mòr.)

15 Agus bithidh plàigh an eich, na mulaid, a' chàmhail, agus na h-asail, agus nan nìle bh-cathaichean a bhios anns na campaibh so, mar a' phlàigh so.

16 Agus tarlaidh gu'n téid gach aon a dh'fhàgar, do na h-uile chinnich a thàinig an aghaidh Ierusalem, suas o bhliadh-

na gu bliadhna gu aoradh a dheanamh do'n Rìgh, Tighearn nan sluagh, agus a choimhead féille nam pàillìunan.

17 Agas tarlaidh, cò sam bith do uile theaghlachibh na talmhainn nach téid suas gu Ierusalem, a dheanamh aoraidh do'n Rìgh, Tighearn nan sluagh, eadhon orra sin cha tig uisge sam bith.

18 Agus mur téid teaghlach na h-Eiphit suas, agus mur tig iad: orra-san bithidh a' phlàigh sin leis am buail an Tighearn na cinnich nach téid suas a choimhead féille nam pàillìunan.

19 So peanas na h-Eiphit, agus peanas nan uile chinneach nach téid suas a choimhead féille nam pàillìunan.

20 Anns an là sin, bithidh air cluig nan each, *ΝΑΟΜΗΑΧΩΔ* Do'n Tighearn: agus bithidh na coireachan ann an tigh an Tighearna mar na cuachan fa chomhair na h-altarach.

21 Seadh, bithidh gach poit ann an Ierusalem, agus ann an Iudah, 'nan naomhachd do Thighearn nan sluagh: agus thig iadsan uile a dh'òbras, agus gabhaidh dhuiubh, agus bruichidh iad anna: agus cha bhi ni's mò an Canaanach¹ ann an tigh Iehobhah Dhia nan sluagh, san là sin.

¹ ceannuiche

MALACHI.

CAIB. I.

1 *Rinn Malachi gearan an aghaidh an t-sluaigh air son an aingidheachd. 6 Chuir e an cèill doibh an neò-chùram mu thimchioll seirbhis an Tighearna.*

FAISTNEACHD focail an Tighearna I chum Israèil, le Malachi.

2 Ghràdhaich mise sibh, tha an Tighearn ag ràdh: Gidheadh tha sibhse ag ràdh, Ciod san do ghràdhaich thu sinn? Nach b'c Esau bràthair Iacoib, tha an Tighearn ag ràdh? gidheadh ghràdhaich mise Iacob,

3 Agus dh'fhuathaich mi Esau; agus chuir mi a shléibhteann fàs, agus tha 'oighreachd aig naithreachibh an fhàsaich.

4 Mar a ta Edom ag ràdh, Rinneadh bochd sinn, ach pillidh sinn agus togaidh sinn na h-ionada sgaoilte; mar so tha Tighearn nan sluagh ag ràdh, Togaidh iadsan, ach tilgidh mise sìos; agus goirear riut, Crìoch na h-aingidheachd, agus an sluagh ris am bheil corruich aig an Tighearn gu sìorruidh.

5 Agus chi bhur sùilean-sa, agus their sibh, Bithidh an Tighearn air 'àrdachadh thar crìochan Israèil.

6 Bheir mac onoir d'a athair, agus seirbhiseach d'a mhaighstir; ma's athair mise ma ta, c'ait am bheil m' onoir? agus ma's maighstir mi, c'ait am bheil m'

eagal? tha Tighearn nan sluagh ag ràdh ruibhse, O shagartau a ta deanamh tàire air m'ainm-sa; agus tha sibh ag ràdh, Ciod anns an d'rinn sinne tàir air t'ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod anns an d'rinn sinne do thruaillteadh? Le sibh a bhi 'g ràdh, Tha bord an Tighearna snarach.

8 A nis ma thairgèas sibh an ni tha dall mar jobairt, nach olc sin? agus ma thairgèas sibh an ni tha bacach agus tinn, nach olc sin? tairg e nis do t' uachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, guidheam oirbh, iarraidh aghaidh an Tighearna gu'm bi e tròcaireach dhuinn. Is ann o bhur làimh-sa thàinig so; an gabh mise ri aon agaibh gu taitneach? deir Tighearn nan sluagh.

10 Gu cinnteach druidear na dorsan 'nur n-aghaidh; agus cha'n fhadaidh sibh teine air m' altair-sa gu dìomhain. Cha'n 'eil tlachd air bith agam annaibh, tha Tighearn nan sluagh ag ràdh, ni mò ghabhas mi tabhartas air bith o bhur làimh.

11 Oir, o éirigh na gréine gu ruig a dol sìos, bithidh m' ainm-sa mòr am measg nan cinneach; agus anns gach àite tairgear tùis do m' ainm-sa, agus tabhartas

MALACHI, I. II. III.

fior-ghlan: oir bithidh m' ainm mòr am measg nan cinneach, deir Tighearn nan sluagh.

12 Ach thruaill sibhse e, le sibh a bhi 'g ràdh, Tha bord an Tighearna truailte; agus an tabhartas air, *eadhon* a bhiadh, tha e suarach.

13 Thubhairt sibh fòs, Cia mòr an sgìos e? agus shéid sibh uaibh e, tha Tighearn nan sluagh ag ràdh! agus thug sibh a m' ionnsuidh an nì bha reubta, agus bacach, agus tinn; mar so thug sibh tabhartas: an gabh mise sin o bhur làimh, deir Tighearn nan sluagh?

14 Ach malluichte gu robh am meall-tair, aig am bheil firionn 'na threud, agus a bhòidicheas agus a dh'ìobras nì truaididh do'n Tighearn: oir is Rìgh mòr mise, tha Tighearn nan sluagh ag ràdh, agus tha m' ainm uamhasach am measg nan cinneach.

CAIB. II.

1 *Chronicheadh na sagairt do bhrìgh nach do chuir iad an suim an àithne; 10 agus an sluagh a chionn gu'n do phòs iad mnathan coimheach, 13 gu'n d'rinn iad ceannaire, 17 agus gu'n do chuir iad an gnìomh aingidheachd.*

AGUS a nis dhuibh-sa tha 'n àithne so, O shagartan.

2 Mur éisd sibh, agus mur cuir sibh an suim i, chum glòir a thoirt do m'ainm-sa, tha Tighearn nan sluagh ag ràdh, cuiridh mise eadhon mallachd oirbh; agus mall-aichidh mi bhur beannachdan; seadh inhallach mi iad cheana, a chionn nach 'eil sibh 'g a chur an suim.

3 Feuch, bheil mi air an t-sìol nach fàs e, agus tilgidh mi aolach 'nur n-aghaidh, aolach bhur n-àrd-fhéilean; agus giùl-aineas sibh féin maille ris.

4 Agus aithnichidh sibh gu'n do chuir mise do 'ur n-ionnsuidh an àithne so, chum gu maireadh mo choimhcheangal le Lebhi, deir Tighearn nan sluagh.

5 Bha mo choimhcheangal ris-san, mu thimchioll beatha agus sìthe, agus thug mi dha iad, air son an eagail leis an robh eagal air romham, agus leis an robh geilt air roimh m' ainm.

6 Bha lagh na firinn 'na bheul, agus cha d'fhuair eadhad aingidheachd 'na bhillibh; ghluais e leam-sa ann an sìth agus ann an ionracas, agus phill e mòran air falbh o euceart.

7 Oir bu chòir do bhillibh an t-sagairt eòlas a choimhead, agus bu chòir an reachd iarraidh as a bheul: oir is esan teachdair Tighearna nan sluagh.

8 Ach chaidh sibh air seacharan o'n t-slighe; thug sibh air mòran tuisleachadh air an reachd: thruaill sibh coimhcheangal Lebhi, deir Tighearna nan sluagh.

9 Uime sin rinn mise fòs sibhse suarach agus tàireil ann an sealladh an uile shluaigh, a réir mar nach do choimhid

sibh mo shlighean, ach gu'n robh sibh leth-bhreitheach anns an lagh.

10 Nach 'eil aon athair againn uile? nach aon Dia a chruthaich sinn? c'ùime am bheil sinn a' buntainn gu fealltach, gach duine an aghaidh a bhràthar, le bhi bris-eadh coimh-cheangail ar n-aithrichean?

11 Bhuin Iudah gu fealltach, agus chuireadh gràineileachd an gnìomh ann an Israel agus ann an Ierusalem; oir thruaill Iudah naomhachd Dhia a's ionmhuinn leis, agus phòs e nighean dé choimhich.

12 Gearraidh an Tighearn as an duine a nì so; am fear-faire, agus am fear-freagraidh, a mach á pàilliuibh Iacoib; agus esan a bheil tabhartas do Thighearn nan sluagh.

13 Agus so fòs rinn sibh; chòmhdach sibh le deuraibh altair an Tighearna, le gul, agus le h-éigheach; ionnus nach 'eil suim aige do thabhartas nì's mò, agus cha ghabh e le deadh-ghean o bhur làimh e.

14 Gidheadh tha sibh ag ràdh, C'ar son? A chionn gu'n robh an Tighearn 'na fhianuis eadar thu agus bean t'òige, ris an do bhuin thu gu fealltach: gidheadh b' i do bhana-chompanach i, agus bean do choimh-cheangail.

15 Agus nach d'rinn e aon *fheoil diubh*? agus tha fuigheall an spioraid aige. Agus ciod a tha esan ag iarraidh? sliochd diadhaidh. Uime sin, biodh faicill agaibh air bhur spiorad, agus na buineadh neach air bith gu fealltach an aghaidh mnà 'òige.

16 Oir is fuath leam-sa esan a chuireas air falbh, tha an Tighearn Dia Israeil ag ràdh: agus esan a dh'fhòlaicheas ainneart le 'thrusgan, tha Tighearn nan sluagh ag ràdh. Uime sin biodh faicill agaibh air bhur spiorad, nach buin sibh gu fealltach.

17 Sgithich sibh an Tighearn le bhur briathraibh: gidheadh tha sibh ag ràdh, Ciod anns an do sgithich sinne e? Le sibh a bhi 'g ràdh, Tha gach aon a ta deanamh uile taitneach ann an sealladh an Tighearn; agus tha tlachd aig anna: no, C'ait am bheil Dia a' bhreithenais?

CAIB. III.

1 *Thig Mesiah a ghlanadh na h-Eaglais, agus a thoirt breth air na h-aingidh. 7 Thugadh rabhadh do'n t-sluagh aithreachas a ghabhail. 8 An cionta uamhasach.*

FEUCH, cuiridh mise mach mo theachdair, agus ulluichidh e 'n t-slighe romham; agus thig an Tighearn a ta sibh ag iarraidh, g'a theampull gu grad; eadhon teachdair a' choimhcheangail, anns am bheil bhur tlachd feuch thig esan, deir Tighearn nan sluagh.

2 Ach cò dh'fheudas là a theachd a ghiùlan? agus cò sheasas an uair a dh'fhoillsichear e? oir is cosmhuil e ri teine an fhir-leaghadh, agus ri acfuinn-ghlanaidh an fhir a nigheas eudach:

3 Agus suidhidh e mar fhear-leaghadh

MALACHI, III. IV.

agus glanaidh airgid: agus glanaidh e mic Lebhi, agus saoraidh e o shal iad, mar 'or agus mar airgid, chum gu'm bi iad 'nan oiglach do'n Tighearn, a tairg-seadh dha tabhartais ann am fireantachd.

4 An sin bithidh tabhartas Iudah agus Ierusalem taitneach do'n Tighearn, mar anns na làithibh o shean, agus anns na bliadhnaibh roimhe so.

5 Agus thig mise dlùth dhuibh gu breitheanas, agus bithidh mi a'm' fhianuis luath an aghaidh fhiosaichean, agus an aghaidh adhaltrannach, agus an aghaidh na muinntir a bheir mionnan-eithich, agus an aghaidh na muinntir a ta cumail air ais a thuarasdail o'n t-seirbliseach, *a' sàrachadh* na bantraich agus an dilleadhain, agus a' cur a' choigrich a thaoibh, agus air nach 'eil eagal romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha'n 'eil sibhse, O chlànn Iacoib, air 'ur sgrios.

7 Eadhon o làithibh 'ur n-aithrichean chlaon sibh o m' reachdaibh-sa, agus cha do choimhid sibh *iad*: pillibh rium-sa, agus pillidh mise ruibh-sa, tha Tighearn nan sluagh ag ràdh: Ach thubhairt sibhse, Ciod anns am pill sinn?

8 An spùinn duine Dia? gidheadh spùinn sibhse mise: ach tha sibh ag ràdh, Ciod anns an do spùinn sinn thu? Ann an deachamh agus ann an tabhartasaiibh.

9 Tha sibh malluichte le mallachd: oir spùinn sibh mise; eadhon an cinneach so uile.

10 Thugaibh an deachamh uile chum an tigh-thasgaidh, air chor as gu'm bi biadh ann am thigh-sa; agus dearbhaibh mi nis leis an ni so, tha Tighearn nan sluagh ag ràdh, mur fosgail mi dhuibh uinneagan nan nèamh a dhòrtadh a mach beannachd oirbh, gus nach bi àit ann g'a chumail.

11 Agus crònuichidh mi am milltear air 'ur sgàth-sa, agus cha mhill e toradh bhur fearainn, ni mo thilgeas bhur fionain a meas an-abuich san fhaiche, deir Tighearn nan sluagh.

12 Agus goiridh na h-uile chinnich beannaichte sibh?: oir bithidh sibh 'nur dùthaich thaitnich, deir Tighearn nan sluagh.

13 Bha bhur briathran dalma³ ann am aghaidh-sa, tha an Tighearn ag ràdh; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is dìomhain seirbhis a thoit do'n Tighearn; agus ciod a' bhuannachd dhuinn gu'n do choimhid

sinn 'ordugh, agus gu'n do ghluais sinn gu brònach an làthair Tighearna nan sluagh?

15 Agus a nis tha sinn a' meas nan uaibhreach sona: seadh, tha iadsan a ta cur an gnìomh aingidheachd air an àrdachadh: seadh, tha iadsan a ta buaireadh Dhia, eadhon air an saoradh.

16 An sin labhair iadsan air an robh eagal an Tighearna, gach aon gu tric ri chéile; agus dh'éisd an Tighearn, agus chual' e, agus bha leabhar-cuimhne air a sgrìobhadh 'na làthair air son na muinntir air an robh eagal an Tighearn, agus a smuainich air 'ainm.

17 Bithidh iad leam-sa⁴, tha Tighearn nan sluagh ag ràdh, anns an là sin anns an dean mi suas mo sheudan; agus coiglidh mi iad, mar a choigleas duine a mhac féin a ta deanamh seirbhis da.

18 An sin pillidh sibhse, agus chi sibh an dealachadh eadar am firean agus an t-aingidh; eadar an ti a ta deanamh seirbhis do Dhia, agus an ti nach 'eil ri seirbhis da idir.

CAIB. IV.

1 Breitheanas Dhé air na h-aingidh, agus a mhaith-eas dhoibh-san air am bheil eagal roimhe. 4 Chomh-aithricheadh do'n t-sluagh lagh an Tighearn a chuimhneachadh. 5 Dreuchd an fhàidh Eliah.

OIR feuch, tha 'n là a' teachd, a loisgeas mar àmhuinn; agus bithidh na h-uaibhreach uile, seadh, gach neach a ta ri aingidheachd, mar asbhuain; agus loisgidh an là tha teachd suas iad, tha Tighearn nan sluagh ag ràdh; oir cha 'n fhàg e bun no bàrr dhiubh.

2 Ach dhoibh-sa air am bheil eagal m' ainme-sa éiridh Grian na fireantachd le slàinte 'na sgiathaibh; agus théid sibh a mach, agus fàsaidh sibh suas mar laoilgh bliadhta.

3 Agus saltraidh sibh sìos na h-aingidh: oir bithidh iad mar luathre fo bhonnaibh 'ur cos, anns an là san dean mise so, deir Tighearn nan sluagh.

4 Cuimhnicibh-sa lagh Mhaois m'òg-laich, a dh'àithn mise dha ann an Horeb, air son Israèl uile, eadhon na reachdan agus na breitheanaibh.

5 Feuch, cuiridh mise do bhur n-ionnsuidh Eliah ann fàidh, roimh theachd là mhoir agus uamhasaich an Tighearn.

6 Agus tionndaidhidh esan cridhe nan aithrichean a chum na cloinne, agus cridhe na cloinne chum an aithrichean, air eagal gu'n tig mise, agus gu'm buail mi am fearann le léir-sgrios.

¹ an dean duine sladadh air Dia?

² beannaichidh na h-uile chinnich dhuibh.

³ dàna, treuna.

⁴ buinidh iad dhomh-sa.

TIOMNADH

NUADH

AR

TIGHEARN AGUS AR SLANUIGHIR

IOSA CRIOSD:

AIR A THARRUING

O'N GHREUGAIS

CHUM

GAELIC ALBANNAICH.

LONDON:


PRINTED FOR THE BRITISH AND FOREIGN BIBLE SOCIETY,

INSTITUTED IN THE YEAR 1804:

(FROM THE 12^{MO} EDITION PUBLISHED IN EDINBURGH IN 1826.)

By R. Watts, Crown Court, Temple Bar.

M DCCC XXXIX



AN SOISGEUL

A REIR

M H A T A.

CAIB. I.

1 *Sinsearachd, 18 gineamhuinn, 21 breith, 23 agus mìneachadh ainm Chrìosd.*

LEABHAR ginealaich Iosa Crìosd, mhic Dhaibhidh, mhic Abraham.

2 Ghin Abraham Isaac, agus ghin Isaac Jacob, agus ghin Jacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naason, agus ghin Naason Salmon.

5 Agus ghin Salmon Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhidh an rìgh, agus ghin Daibhidh an rìgh Solomon o'n mnaoi a bha aig Urias.

7 Agus ghin Solomon Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghin Ioram Osias.

9 Agus ghin Osias Iotam, agus ghin Iotam Ahas, agus ghin Ahas Esecias.

10 Agus ghin Esecias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithre, mu àm an giùlain do Bhabylon.

12 Agus an déigh an toirt do Bhabylon, ghin Iechonias Salatiel, agus ghin Salatiel Serobabel.

13 Agus ghin Serobabel Abiud, agus ghin Abiud Eliacim, agus ghin Eliacim Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan, agus ghin Matan Jacob.

16 Agus ghin Jacob Ioseph fear Mhuire, o'n d'rugadh Iosa, d'an goirear Crìosd.

17 Uime sin na h-uile ginealaich o Abraham gu Daibhidh, is ceithir ginealaich deug iad; agus o Dhaibhidh gu bruid Bhabylon, ceithir ginealaich deug; agus o bhruid Bhabylon gu Crìosd, ceithir ginealaich deug.

18 Agus mar so bha breith Iosa Crìosd: oir an déigh do cheangal-pòsaidh bhi air a dheanamh eadar a mhàthair Muire agus

Ioseph, roimh dhoibh teachd cuideachd, fhuaradh torrach i o'n Spiorad Naomh.

19 Ach air bhi do Ioseph a fear 'na dhuine cothromach, agus gun toil aige ball-sampuill a dheanamh dhi, bu mhiann leis a cur uaith os ìosal¹.

20 Ach ag smuaineachadh nan nithe sin dha, feuch, dh'fhoillsich aingeal an Tigh-earn e féin da ann am bruadar, ag ràdh, A Ioseph, a mhic Dhaibhidh, na biodh cagal ort do bhean Muire a ghabhail a d'ionnsuidh: oir an ni a ta air a ghineamhuin imnte, is ann o'n Spiorad Naomh c.

21 Agus beiridh i mac, agus bheir thu Iosa mar ainm air; oir saoraidh² e a shluagh féin o'm peacaibh.

22 (Agus rinneadh so uile chum gu coimhliontadh an ni a thubhairt an Tighearna leis an fhàidh, ag radh,

23 Feuch, bithidh maighdean torrach, agus beiridh i mac, agus bheir iad Emanuel mar ainm air, is ionnan sin r'a ràdh, air eadar-theangachadh, Dia maille ruinn.)

24 Agus air mosgladh do Ioseph as a chodal, rinn e mar a dh'iarr aingeal an Tighearn air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa mar ainm air.

CAIB. II.

1 *Thug na druidhean urram do Chrìosd: 14 Theich Ioseph leis do'n Eiphlit, 16 agus mharbh Herod na leanabana.*

AGUS an uair a rugadh Iosa ann am Betchem Iudea, ann an làithibh Heroid an rìgh, feuch, thàinig druidhean³ o'n àird an ear gu Ierusalem,

2 Ag ràdh, C'ait am bheil rìgh sin nan Iudhach a ta air a bhrèith? oir chunnaic sinne a reult san àird an ear, agus a ta sinn air teachd a thabhairt aoraidh⁴ dha.

3 An uair a chual Herod an rìgh sin, bha e fo thrioblaid⁵, agus Ierusalem uile maille ris.

4 Agus air cruinneachadh nan àrd-shagart uile dha, agus sgrìobhaichean an t-sluaigh, dh'fheòraich e dhiubh c'ait an robh Crìosd gu bhi air a bhrèith.

5 Agus thubhairt iad ris, Ann am Betchem Iudea: oir mar so sgrìobhadh leis an fhàidh,

¹ an uaignidheas. ² slànuidhich. ³ daoine glìce.

⁴ onoir.

⁵ air a bhuaircadh

6 Agus thusa Bhethlehem an tìr Iudah, cha tu idir a's lugha am measg cheannard¹ Iuda: oir asadsa thig Uachdaran a stiùras mo shlugh Israel.

7 An sin, air do Herod na druidhean a ghairms iosal d'a ionnsuidh, gheur-fhiosraich e dhiubh cia an t-àm an d'fhoillsich-eadh an reult.

8 Agus chuir e iad gu Betlehem, agus thubhairt e, Imichibh, agus iarraibh gu dìchiollach an naoidhean; agus an déigh dhuibh 'fhaotainn², innsibh dhomhsa e, chum guracham-sa féin, agus gu deanam aoradh dha.

9 Agus an uair a chual iad an rìgh, dh'imich iad; agus, feuch, chaidh an reult a chunnaic iad san àird an ear rompa, gus an d'thàinig i agus gu'n do stad i os ceann an ionaid an robh an naoidhean.

10 Agus an uair a chunnaic iad an reult, rinn iad gairdeachas le h-aoibhneas ro mhòr.

11 Agus air dol a steach dhoibh do'n tigh, fhuair iad an naoidhean maille³ r'a mhàthair Muire, agus thuirt iad sìos, agus rinn iad aoradh dha: agus air fosgladh an ionmhas dhoibh, thug iad dha tiodhlacan; òr, agus tùis, agus mirr.

12 Agus air faotainn rabhaidh o *Dhia* ann am brúadar, gun iad a philltinn a dh'ionnsuidh Heroid, chaidh iad d'an dùthaich féin air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Ioseph ann am brúadar, ag ràdh, Eirich, agus gabh an naoidhean agus a mhàthair, agus teich do'n Eiphit, agus bi an sin gus an labhair mise riut: oir iarraidh Herod an naoidhean g'a mhilleadh.

14 Agus dh'èirich e, agus ghabh e d'a ionnsuidh an naoidhean agus a mhàthair san oidhche, agus dh'imich e do'n Eiphit:

15 Agus bha e an sin gu bàs Heroid: a chum gu coimhliontadh an nì a labhair an Tighearna leis an fhàidh, ag ràdh, A mach as an Eiphit ghoir mi mo Mhac.

16 An sin an uair a chunnaic Herod gu'n d'rinn na druidhean fanoid air⁴, las e le feirg ro-mhòir, agus chuir e *luchd-millidh* uaith, agus mharbh e na bha do leanabaibh mac am Betlehem, agus 'na crìochaibh uile, o aois dhà bhliadhna agus fuidh, a réir na h-aimsir a dh'fhòghluim e gu dìchiollach o na druidhibh.

17 An sin choimhlionadh an nì a labhradh le Ieremias am fàidh, ag ràdh,

18 Chualas guth ann an Rama, caoidh, agus gul, agus bròn ro mhòr, Rachel a' caoineadh a cloinne, agus cha b'àill leatha sòlas a ghabhail, a chionn nach 'eil iad beò.

19 Ach an uair a dh'èug Herod, feuch, nochdadh aingeal an Tighearna ann am brúadar do Ioseph san Eiphit,

20 Ag ràdh, Eirich, agus gabh an naoidhean agus a mhàthair, agus imich gu talamh Israeil: oir fhuair an dream a bha 'g iarraidh anama an leinibh bàs.

21 Agus dh'èirich esan, agus ghabh e an leanabh agus a mhàthair d'a ionnsuidh, agus thàinig e gu talamh Israeil.

22 Ach an uair a chual e gu'n robh Archelaus 'na rìgh an tìr Iudea an àit Heroid 'athar, bha eagail air dol an sin: ach, air faotainn da rabhaidh o *Dhia* ann am brúadar, thionndaidh e gu crìochaibh Ghalile:

23 Agus thàinig e agus ghabh e còmh-nuidh ann am baile d'an goirear Nasaret, a chum gu coimhliontadh an nì a labhradh leis na fàidhibh, Gu goirear Nasarach dheth.

CAIB. III.

1 *Teagasg, dreuchd, agus caitheamh-beatha Eoin Bhaiste. 7 Thug e achmhasan do na Phairisich. 13 Bhaist e Crìosd ann an uisge Iordain.*

A GUS anns na làithibh sin thàinig Eoin Baiste, a' searmonachadh am fàsach Iudea,

2 Agus ag ràdh, Gabhaibh aithreachas: oir a ta rìoghachd nèimh am fogus.

3 Oir is e so an tì ud mu'n do labhair Esaias am fàidh, ag ràdh, Guth an tì a ghlaodhas anns an fhàsach, Ulluichibh slighe an Tighearna, deanaibh a cheum-anna dìreach.

4 Agus bha a chulaidh aig Eoin do fhionna chàmhail, agus crios leathair aige timchioll a leasraidh; agus is e bu bhiadh dha locuist agus mì fhiaidhaich.

5 Chaidh Ierusalem a mach d'a ionnsuidh an sin agus Iudea uile, agus luchd-àiteachaidh na dùthcha timchioll Iordain uile.

6 Agus bhaisteadh iad leis-san ann an Iordan, ag aideachadh⁵ am peacanna.

7 Ach an uair a chunnaic e mòran do na Phairisich, agus do na Sadusaich a' teachd a chum a bhaistidh-san, thubhairt e ri u, A shìol nan nathraiche nimhe, cò a thug rabhadh dhuibh-sa teicheadh o'n fheirg a ta ri teachd?

8 Air an aobhar sin, thugaibh a mach toradh iomluaidh do'n aithreachas.

9 Agus na smuainichibh a ràdh annaibh féin, A ta Abraham 'na athair againn: oir a ta mi ag ràdh ribh, gur comasach Dia air clann a thogail suas a dh'Abraham do na clochaibh sin.

10 Agus a nis a ta an tuadh air a cur ri freumh nan crann: air an aobhar sin, ge b'e crann nach toir a mach toradh maith, gearrar e, agus tilgear san teine e.

11 Gu deimhin a ta mise 'gur baisteadh le h-uisge chum aithreachais; ach an tì a thig a'm' dhéigh, is cumhachdaiche e na mi, agus cha'n airidh mise air a bhrògan a ghiulan: baistidh esan sibh leis an Spiorad Naomh, agus le teine:

¹ phrionnsadh. ² fhaghail. ³ am fochair.

⁴ gu'n do mheall na druidhean e. ⁵ aidmheil.

12 Aig am bheil a gluith 'na làimh, agus glanaidh e gu ro bhaileach 'ùrlar-bualaidh, agus cruinnichidh e a chruithneachd d'a thigh-tasgaidh¹; ach loisgidh e am moll le teine nach feudar a mhìchadh.

13 An sin thàinig Iosa o Ghalile gu Iordan a dh'ionnsuidh Eoin, chum gu'm biodh e air a bhaisteadh leis.

14 Ach bhac Eoin e, ag ràdh, A ta feum agamsa bhi air mo bhaisteadh leatsa, agus am bheil thusa a' teachd a m'ionnsuidh-sa?

15 Agus fhreagair Iosa agus thubhairt e ris, *Leig do'n chiùs a bhi mar so a nis*: oir mar so is iomchuidh dhuinn gach uile fhìreantachd a choimhlionadh. An sin dh'fhulaing e dha.

16 Agus an uair a bhaisteadh Iosa, chaidh e air ball suas as an uisge; agus, feuch, dh'fhosglaidh nèamh dha, agus chunnaic e Spiorad Dé a' tuirling² mar choluman, agus a' teachd air-san:

17 Agus, feuch, guth o nèamh, ag ràdh, Is e so mo Mhac gràdhach, anns am bheil mo mhòr-thlachd.

CAIB. IV.

1 *Bhuair an diabhul Crìosd.* 17 *An dèigh do Iosa buadhachadh air, thòisich e air searmonachadh.*
24 *Shlànuich e sluagh a bha euslan.*

AN sin threòraicheadh Iosa leis an A Spiorad d'on fhàsach, chum gu'm biodh e air a bhuaireadh leis an diabhul.

2 Agus an uair a thraisg e dà fhichead là agus dà fhichead oidhche, an dèigh sin bha ocras air.

3 Agus air teachd do'n bhuaireadair d'a ionnsuidh thubhairt e, Ma's tu Mac Dhé, thoir àithne do na clochaibh so a bhi 'nan aran.

4 Ach fhreagair esan agus thubhairt e, A ta e sgrìobhta, Cha'n ann le h-aran a mhàin a bheathaichear duine, ach leis gach uile fhocail a thig o bheul Dé.

5 An sin thug an diabhul e do'n bhaile naomh, agus chuir e air binnein an teampuill e.

6 Agus thubhairt e ris, Ma's tu Mac Dhé, tilg thu féin sìos: oir a ta e sgrìobhta, gu toir e àithne d'a ainglibh mu d' thimchioll, agus togaidh iad suas thu 'nan làmhaidh, chum nach buail thu, uair air bith, do chos air cloich.

7 Thubhairt Iosa ris a ris, A ta e sgrìobhta, Cha bhuair³ thu an Tighearna do Dhia.

8 Thug an diabhul e a ris chum beinne ro àird, agus nochd e dha uile rìoghachdan an domhain, agus an glòir;

9 Agus thubhairt e ris, Iad so uile bheir mise dhuit, ma thuiteas tu sìos agus ma ni thu aoradh dhomhsa.

10 An sin thubhairt Iosa ris, Imich uam, a Shatan: oir a ta e sgrìobhta, Bheir thu aoradh do'n Tighearna do Dhia, agus dhasan 'na aonar ni thu seirbhis.

11 An sin dh'fhàg an diabhul e; agus, feuch, thàinig aingil agus fhritheil iad da.

12 Ach an uair a chual Iosa gu'n dc chuireadh Eoin an làimh, dh'imich e do Ghalile.

13 Agus air fàgail Nasaret da, thàinig e agus ghabh⁴ e còmhnuidh ann an Capernaum, a ta ri taobh⁵ na fairge, ann an leth-iomall Shabuloin agus Nephthalim:

14 A chum gu'n coimhlionadh an ni a labhradh le Esaias am fàidh, ag ràdh,

15 Talamh Shabuloin, agus talamh Nephthalim, slighe na fairge air an taobh thall do Iordan⁶, Galile nan Cinneach:

16 Am pobull a bha 'nan suidhe an dorchadas, chunnaic iad solus mòr; agus a ta solus air èirigh do na daoinibh a bha 'uan suidhe an tìr agus an sgàil a' bhàis.

17 O sin a mach thòisich Iosa air searmoin a dheanamh, agus a ràdh, Gabhaibh aithreachas, oir a ta rìoghachd nèimh am fogus.

18 Agus ag imeachd do Iosa ri taobh fairge Ghalile, chunnaic e dithis bhràithre, Simon d'an goirear Peadar, agus Aindreas a bhràthair, a' tilgeadh lin san fhairege: (oir b'iasgairan iad.)

19 Agus thubhairt e riu, Leanaibh mise, agus ni mi iasgairan air daoinibh dhihbh.

20 Agus air ball dh'fhàg iad na lìonta, agus lean iad esan.

21 Agus air triall da as a sin, chunnaic e dithis eile bhràithre, Seumas mac Shebede, agus Eoin a bhràthair, ann an luing maille r'an athair Sebede, a' càradh an lion: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagasg 'nan sionagogaibh, agus a' searmonachadh soisgeil na rìoghachd, agus a' slànuchadh gach gnè thinnis, agus gach gnè cucail an measg an t-sluaigh.

24 Agus chaidh a chliu feadh Shìria uile: agus thug iad d'a ionnsuidh iadsan uile a bha euslan, agus a bha air an cuibhreacadh le galaraidh, agus iomadh gnè phianta, agus iadsan aig an robh deamhain annta, agus air an robh an tuiteamas⁷, agus luchd pairilis⁸; agus shlànuich e iad.

25 Agus lean cuideachd mhòre o Ghalile, agus o Dhecapolis, agus o Ierusalem, agus o Iudea, agus o na crìochaibh a ta an taobh thall do Iordan.

CAIB. V.

1 *Searmoin Chrìosd air a' bheinn, anns am bheil na h-ochd beannachdan,* 17 *agus mìneachadh an lagha.*

AGS an uair a chunnaic Iosa an sluagh, chaidh e suas air beinn; agus air suidhe dha, thàinig a dhèisciobuil d'a ionnsuidh.

¹ thaisg-thigh.² teachd a nuas.³ dearbh.⁴ rinn.⁵ chois.⁶ ri taobh Iordain.⁷ tinneas na gealaich, tuitcamach. ⁸ crith-ghràir.

2 Agus dh'fhosgail e a bheul, agus theagaisg e iad, ag ràdh,

3 *Is* beannaichte iadsan a ta bochd 'nan spiorad : oir is leo rìoghachd nèimh.

4 *Is* beannaichte iadsan a ta ri bròn : oir gheibh iad sòlas.

5 *Is* beannaichte na daoine macanta¹ : oir seallbhaichidh iad an talamh mar oighreachd.

6 *Is* beannaichte an dream air am bheil ocras agus tart na còrach² : oir sàsuichear iad.

7 *Is* beannaichte na daoine tròcaireach : oir gheibh iad tròcair.

8 *Is* beannaichte na daoine a ta glan 'nan cridhe : oir chi iad Dia.

9 *Is* beannaichte luchd-deanamh na sìthe : oir goirear clann Dé dhiubh.

10 *Is* beannaichte an dream a ta fulang geur-leanmhuinn air son na còrach : oir is leosan rìoghachd nèimh.

11 *Is* beannaichte bhitheas sibh an uair a bheil daoine anacainnt dhuibh, agus a ni iad geur-leanmhuinn *oirbh*, agus a labhras iad gach uile dhroch fhocal ribh gu breugach, air mo sgàth-sa.

12 Deanaibh gairdeachas, agus bithibh ro shubhach : oir is mòr bhuir duais air nèamh : oir mar sin rinn iad geur-leanmhuinn air na fàidhibh a bha roimhibh.

13 Is sibhse salann na talmhainn : gidheadh ma chailleas an salann a bhlas, ciod leis an saillear e ? cha'n 'eil feum ann o sin suas, ach a thilgeadh mach, agus a shaltair fo chosaibh dhaoine.

14 Is sibhse solus an t-saoghail. Cha'n fhendar baile a ta air a shuidheachadh air sliabh fholach.

15 Agus cha las daoine coinneal, chum gu'n cuir iad i fuidh shoitheach, ach ann an coimhleir, agus ni i solus do na bheil astigh.

16 Gu ma h-ann mar sin a dhealraicheas bhuir solus an làthair dhaoine, chum gu faic iad bhuir deadh oibre, agus gu toir iad glòir do bhuir n-Athair a ta air nèamh.

17 Na measaibh gu'n d'fhàinig mise a bhriseadh³ an lagha no nam fàidhean ; cha'n ann⁴ a bhriseadh a fhàinig mi, ach a choimhlionadh.

18 Oir a ta mi ag ràdh⁵ ribh gu firinn-each, Gus an téid⁶ nèamh agus talamh thairis, cha téid aon lide⁷ no aon phunc do'n lagh thairis, gus an coimhlionar gach aonni.

19 Air an aobhar sin ge b'e neach a bhriseas aon do na h-àitheantaibh, so a's lugha, agus a theagaisgeas daoine mar sin, goirear an duine a's lugha dheth ann an rìoghachd nèimh : ach ge b'e neach a ni, agus a theagaisgeas iad, goirear duine mòr dheth ann an rìoghachd nèimh.

20 Oir a ta mi ag ràdh ribh, Mur toir bhuir fireantachd-sa barrachd air fireant-

achd nan sgrìobhaiche agus nam Phairis-each, nach téid sibh, air chor air bith, a steach do rìoghachd nèimh.

21 Chuala sibh, gu'n dubhradh ris na sinnsiribh, Na dean mortadh ; agus ge b'e neach a ni mortadh, bithidh e an cunnart a' bhreitheanais.

22 Ach a ta mise ag ràdh ribh, Ge b'e neach aig am bi fearg r'a bhràthair gu aobhar, gu'm bi e an cunnart a' bhreitheanais : agus ge b'e neach a their r'a bhràthair, Raca, gu'm bi e an cunnart na comhairle : ach ge b'e neach a their, Amadain, gu'm bi e an cunnart teine ifrinn.

23 Uime sin ma bheir thu do thabhartas⁸ chum na h-altarach⁹, agus gu'n cuimhnich thu an sin gu bheil ni air bith aig do bhràthair a'd' aghaidh ;

24 Fàg do thabhartas an sin an làthair na h-altarach, agus imich, agus dean réite air tùs ri d' bhràthair, agus an déigh sin thig agus tabhair uait do thiodlac.

25 Bi réidh ri d' eascaraid gu luath, am feadh a bhios tu maille ris san t-slighe : air eagal gu'n toir an t-eascaraid thairis thu do'n bhreitheamh, agus gu'n toir am bhreitheamh thu do'n mhaor, agus gu tilgear am prìosan thu.

26 A ta mi ag ràdh riut gu firinneach nach téid thu mach as a sin, gus an òc thu an fheoirling¹⁰ dheireannach.

27 Chuala sibh gu'n dubhradh ris¹¹ na sinnsiribh, Na dean adhaltrannas.

28 Ach a ta mise ag ràdh ribh, Ge b'e neach a dh'amhairceas air mnaoi chum a miannachadh, gu'n d'rinn e adhaltrannas leatha cheana 'na chridhe.

29 Agus ma bheir do shùil dheas aobhar tuislidh dhuit, spòn a mach i, agus tilg uait i : oir is fearr dhuit gu sgriosar aon do d' bhallaibh, na do chorp uile bli air a thilgeadh do ifrinn.

30 Agus ma bheir do làmh dheas oilbheum dhuit, gearr dhìot i, agus tilg uait i : oir is fearr dhuit gu sgriosar aon do d' bhallaibh, na do chorp uile bhi air a thilgeadh do ifrinn.

31 Agus a dubhradh, Ge b'e chuireas a bhean plòsda air falbh, thugadh e litir-dhealaich dhi.

32 Ach a ta mise ag ràdh ribh, Ge b'e neach a chuireas air falbh a bhean-plòsda féin, ach a mhàin air son striopachais, gu bheil e toirt oirre adhaltrannas a dheanamh : agus an ti a phòsas a' bhean sin a chuireadh air falbh, a ta e a' deanamh adhaltrannais.

33 Mar an ceudna, chuala sibh gu'n dubhradh ris na sinnsiribh, Na tabhair mionnan eitheich, ach coimhlion do mhionnan d'on Tighearna.

34 Ach a ta mise ag ràdh ribh, Na tugaibh

¹ cìbin.

² a' cheartaids, na fireantachd.

³ sgaoileadh. ⁴ ni h-ann. ⁵ deirim, theiream.

⁶ an d' théid.

⁷ aon òta.

⁸ thiodhlac.

⁹ altaire.

¹⁰ farthing. Sasg.

¹¹ leis

monnan idir: na *tugaibh* air nèamh, oir is e rìgh-chaitir Dhè e.

35 Na *tugaibh* air an talamh, oir is e stòl a chos e: na *tugaibh* air Ierusalem, oir is e baile an rìgh mhòir e.

36 Na tabhair mionnan air do cheann, oir cha'n urrainn thu aon fhuiltein a dheanamh geal no dubh.

37 Ach gu ma h-e is còmhradh dhuibh, Seadh, seadh: Nì h-eadh, nì h-eadh; oir ge b'e ni a bhios os ceann so, is ann o'n olc a ta e.

38 Chuala sibh gu'n dubhradh, Sùil air son sùla, agus fiacail air son fiacail.

39 Ach a ta mise ag ràdh ribh, Na cuiribh an aghaidh an uile: ach ge b'e neach a bluaileas tu air do ghial deas, tionndaidh thuige an gial eile mar an ceudna.

40 Agus an tìle m'b'àill thusa a thagradh san lagh, agus do chòta a bhuin diot, leig leis d'fhalluin mar an ceudna.

41 Agus ge b'e bheir leis air feadh mìle a dh'aindeoin thu, imich leis air feadh dhà mhìle.

42 Tabhair do'n tì a dh'iarras ort; agus uathsan le'm bu mhiann iasachd fhaotainn uait, na pill air falbh.

43 Chuala sibh gu'n dubhradh, Gràdh-aichidh tu do choimhearsnach, agus bithidh fuath agad do d' nàmhaid.

44 Ach a ta mise ag ràdh ribh, Biodh gràdh agaibh do bhur naimhidh, beannaichibh an dream a mhallaicheas sibh, deanaibh maith do na daoineibh air am beag sibh, agus deanaibh urnuigh air son na muinntir a ta buntainn ribh gu naimhdeil, agus a ta 'g ur geur-leanmhuinn:

45 A chum gu'm bi sibh 'nur cloinn aig bhur n-Athair a ta air nèamh: oir a ta esan a' tabhairt air a ghréin féin éirigh air na droch dhaoineibh, agus air na deadh dhaoineibh, agus a' cur uisge air na fireanaibh agus air na neo-fhìreanaibh.

46 Oir ma bhios gràdh agaibh do'n mhuinntir aig am bheil gràdh dhuibh, ciod an duais a gheibh sibh? nach 'eil eadhon na cis-mhaoir a' deanamh an ni ceudna?

47 Agus ma chuireas sibh fàilte air bhur bràithribh féin a mhàin, ciod a tha sibh a' deanamh thar *chàch*? nach 'eil na cis-mhaoir féin a' deanamh an ni ceudna?

48 Air an aobhar sin bithibh sa coimhlionta¹ mar a ta bhur n-Athair a ta air nèamh coimhlionta.

CAIB. VI.

1 Tha Crìosd a' labhairt mu dhéire, 5 mu urnuigh, 14 mu mhaithneas d'ar bràithribh, 16 mu thrasgadh, 25 agus mu ro-chàram an t-saoghail so.

THUGAIBH an aire nach toir² sibh bhur déire am fianuis dhaoine, chum gu'm faicear leo sibh; no cha'n fhaigh

sibh tuarasdail o bhur n-Athair a ta air nèamh.

2 Uime sin, an uair a bheir thu do dhéire, na toir fa'near galltomp a shéid-eadh romhad, mar a nì na cealgairean, anns na sionagogaibh, agus anns na sràidibh, chum gu faigh iad glòir o dhaoineibh. Gu firinneach a ta mise ag ràdh ribh, gu bheil an tuarasdail aca.

3 Ach an uair a bheir thusa déire, na biodh fios aig do làimh chli ciod a ta do làmh dheas a' deanamh;

4 Chum gu'm bi do dhéire an uaighidheas: agus bheir t'Athair a chi an uaighidheas, duais dhuitse gu follaiseach.

5 Agus an uair a nì thu urnuigh, na bi mar luchd an fhuar-chràbhaidh: oir is ionnmhuinn leo urnuigh a dheanamh anns na sionagogaibh, agus ann an coimeachadh nan sràid 'nan seasamh, chum gu faicear le daoineibh iad, Gu deimhin tha mise ag ràdh ribh, gu bheil an tuarasdail aca.

6 Ach thusa, an uair a nì thu urnuigh, imich a steach do d' sheòmar, agus air dùnadh do dhoruis duit, dean urnuigh ri t'Athair a ta an uaighidheas, agus bheir t'Athair a chi an uaighidheas, duais dhuit gu follaiseach.

7 Ach an uair a nì sibh urnuigh na gnàthaichibh ath-iarrtais dhìomhain, mar na Cinnich: oir saoidh iasdan gu'n éisd-eair riu air son lìonmhoireachd am focla.

8 Uime sin na bithibh-sa cosmhuil riu: oir a ta fios aig bhur n-Athair cia iad na nithe a ta dh'uireasbhuidh oirbh, mur'n iarr sibh air iad.

9 Air an aobharsin deanaibh-sa urnuigh air a' mhodh so: Ar n-Athair a ta air nèamh, Gu naomhaichear t'ainm.

10 Thigeadh do rioghachd. Deanar do thoil air an talamh, mar a nìhear air nèamh.

11 Tabhair dhuinn an diugh ar n-aran laitheil.

12 Agus maith dhuinn ar fiacha, amhuil mar a mhaithneas sinne d'ar luchd-fiach³.

13 Agus na leig am buaireadh sinn; ach saor sinn o olc: oir is leatsa an rioghachd, agus an cumhachd, agus a' ghloir, gu sìorruidh. Amen.

14 Oir ma mhaithneas sibh an cionta do dhaoineibh, maithidh bhur n-Athair nèamhaidh dhuibh-sa mar an ceudna:

15 Ach mur maith sibh an cionta do dhaoineibh, cha mhò a mhaithneas bhur n-Athair dhuibh-sa bhur cionta.

16 Agus an uair a nì sibh trasgadh, na bitheadh gruaim air bhur gnùis, mar luchd an fhuar-chràbhaidh: oir cuiridh iadsan mi-dreach air an aghaidh chum gu faicear le daoineibh iad a bhi trasgadh. Tha mi ag ràdh ribh gu firinneach, gu bheil an tuarasdail aca.

¹ fòirfe, dìogmhailta.

² dean.

³ feichneibh.

17 Ach thusa, an uair a nì thu trasgadh, cuir oladh air do cheann, agus ionnail t'aghaidh¹:

18 Chum nach faicear le daoineibh gu bheil thu a' deanamh trasgaidh, ach le t'Àthair a ta an uaignidheas: agus bheir t'Àthair a chi an uaignidheas, duais dhuit gu follaiseach.

19 Na taisgibh dhuibh féin ionmhais air an talamh, far an truail² an leomann³ agus a' mheirg e, agus far an cladhach na meirlich a stigh agus an goid iad.

20 Ach taisgibh ionmhais dhuibh féin air nêamh, far nach truail an leomann no a' mheirg, agus nach cladhach, agus nach goid na meirlich.

21 Oir ge b'e àit am bheil bhuir n-ionmhas, is ann an sin a bhios bhuir chridhe mar an ceudna.

22 Is i an t-shùil solus a' chuirp: uime sin ma bhios do shùil glan, bithidh do chorp uile làn soluis.

23 Ach ma bhios do shùil gu h-olc, bithidh do chorp uile dorch. Air an aobhar sin ma tha an solus a ta annad 'na dhorchadas, cia mòr an dorchadas sin.

24 Cha'n urrainn neach air bith seirbhis a dheanamh do dhà Thighearna: oir an dara cuid bithidh fuath aige do neach aca, agus gràdh do neach eile; no gabhaidh e le neach aca, agus nì e thair air neach eile. Cha'n urrainn sibh seirbhis a dheanamh do Dhia agus do Mhamon.

25 Uime sin, a ta mise ag ràdh ribh, Na biodh ro-chiuram oirbh mu thimchioll bhuir beatha, ciod a dh'itheas no dh'òlas sibh; no mu thimchioll bhuir cuirp, ciod a chuireas sibh umaibh. Nach mò a' bheatha na 'm biadh, agus an corp na'n t-endach?

26 Amhaireibh air eunlaith an athair: oir cha chuir iad siol, agus cha bhuain iad, agus cha chruinnich iad an saibhlhibh: gidheadh a ta bhuir n-Àthair nêamhaidh-sa 'g am beathachadh. Nach fearr sibhse gu mòr na iadsan?

27 Agus cò agaibh le mòr-chiuram a dh'fheudas aon làmh-choille⁴ a chur r'a àirde féin?

28 Agus c'ar son a ta sibh ro chùramach mu thimchioll bhuir culaidh? fògh-lumaibh cionnus a ta na lilighean a' fàs sa' mhachair; cha saothraich iad, agus cha snìomh iad.

29 Gidheadh a ta mise ag ràdh ribh, Nach robh Solamh féin 'na uile ghlòir, air eudachadh mar aon diubh so.

30 Air an aobhar sin, ma tha Dia mar sin a' sgeadachadh feoir na macharach' a ta an diugh ann, agus an màireach air a thilgeadh san àmhuinn, nach mò na sin a sgeadaicheas e sibhse, a dhaoine air bheag creidimh?

31 Uime sin na bithibh làn do chùram,

ag radh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich;) oir a ta fios aig bhuir n-Àthair nêamhaidh gu bheil feum agaibh-sa air na nithibh so uile.

33 Ach iarraidh air tùs rioghachd Dhe, agus 'fhìreantachd-san, agus cuirear na nithes so uile ribh.

34 Uime sin, na bitheadh ro-chùram oirbh mu thimchioll an là màireach: oir bithidh a làn do chùram air an là màireach mu thimchioll a nithes féin: is leor do'n là 'olc féin.

CAIB. VII.

1 Tha ar Slànighear a' cronuchadh breth ghrad, 6 a' toirmeasg nithes naomha chur an neo-shuim, 7 agus ag orduchadh urnuigh a dheanamh. 13 Chomhairlich e do gach neach dol a steach air an dorus chumham.

NA tugaibh breth, chum nach toirear breth oirbh:

2 Oir a réir na breth a bheir sibh, bheir ear breth oirbh: agus leis an tomhas le'n tomhais sibh, tomhaisear dhuibh a ris.

3 Agus c'ar son a ta thu a' faicinn an smùirnein⁵ a ta an sùil do bhràthair, ach nach 'eil thu toirt fa'near an t-sail a ta ann do shùil féin?

4 No cionnus a their thu ri d'bhàthair, Fulaing dhomh an smùirnein a spionadh as do shùil; agus, feuch, an t-sail ann do shùil féin?

5 A chealgair, buin air tùs an t-sail as do shùil féin; agus an sin is léir dhuit gu maith an smùirnein a bhuntuim a sùil do bhràthar.

6 Na toiribh an nì naomh do na madraibh, agus na tilgibh bhuir nêamhnuidean am fianuis nam muc, air eagal gu saltair iad orra le'n cosaibh, agus⁶ air pilltinn doibh gu reub iad sibh féin as a chéile.

7 Iarraibh, agus bheir ear dhuibh: sir ibh⁷, agus gheibh sibh: buailibh *andorus*, agus fosgailear dhuibh:

8 Oir gach uile neach a dh'iarras, glacadh e: agus ge b'e a shìreas, gheibh e: agus do'n tì a bhuailas *an dorus*, fosgailear.

9 Oir cò an duine agaibh-sa, ma's e's gu'n iarr a mhac aran, a bheir cloch dha?

10 Agus ma's iasg a dh'iarras e, an tabhair e nathair dha?

11 Air an aobhar sin ma's aithne dhuibh-sa a ta olc, tiodhlacan maithes a thabhairt do bhuir cloinn, nach mò na sin a bheir bhuir n-Àthair a ta air nêamh nithes maithes dhoibhsan a dh'iarras air iad?

12 Uime sin, gach uile nì lu mhiann leibh daoine a dheanamh dhuibh-sa, dean-aibh-sa a leithid dhoibhsan mar an ceudna: oir is e so an lagh agus na fàidhean.

13 Imichibh a steach air an dorus chumh-

¹ l'èudan.

² mill.

³ an reudan, a' mhiol-chlòin.

⁴ bhann-làmh.

⁵ caimein.

⁶ no.

⁷ lorgaichibh.

ann; oir is farsuinn an dorus, agus is leathan an t-slighe a ta treòrachadh chum sgrios, agus is liomhor iad a ta dol a steach oirre:

14 Ach is¹ cumhann an dorus, agus is ainhleathan an t-slighe a ta treòrachadh chum na beatha, agus is tearc iad a ta 'g amas oirre.

15 Coimhidibh sibh féin o na fàidhibh bréige, a thig d'ur n-ionnsuidh ann an culaidhibh chaorach, ach a ta o'n leth a stigh 'nam madaibh-alluidh.

16 Air an toraibh aithnichidh sibh iad: an tionaill daoine dearcán-fiona do dhrisibh, no figean do na foghannanaibh?²

17 Agus mar sin bheir gach uile chrann maith toradh maith: ach bheir an droch chrann droch thoradh.

18 Cha'n fhead a' chraobh mhaith droch thoradh a ghiulan³, no an droch chraobh toradh maith a thabhairt.

19 Gach uile chrann nach giùlain toradh maith, gearrar sìos e, agus tilgear san teine e.

20 Air an aobhar sin, is ann air an toraibh a dh'aithnicheas sibh iad.

21 Cha'n e gach uile neach a their riumsa, A Thighearn, a Thighearn, a théid a steach do rìoghachd nheimh; ach an ti a ni toil m' Athar-sa a ta air nheimh.

22 Is iomadh iad a their riumsa san là ud, A Thighearn, a Thighearn, nach d'rinn sinn fàidheadaireachd a' t'ainm-sa? agus a' t'ainm-sa nach do thig sinn a mach deamhain? agus a' t'ainm-sa nach d'rinn sinn iomadh miorbhuile?

23 Agus an sin aidichidh mise gu follaiseach dhoibh, Cha b'aithne dhomh riamh sibh: imichibh uam, a luchd-deanamh na h-eucorach.

24 Air an aobhar sin, gach uile neach a chluinneas na briathra so agamsa, agus a ni iad, samhluidhidh mi e ri duine glic, a thog a thigh air carraig:

25 Agus thuirling⁴ an t-uisge, agus thàinig na tuiltean, agus shéid na gaothan, agus bhuail iad air an tigh sin: agus cha do thuit e, oir bha a bhunadh suidhichte air carraig. 26 Agus gach uile neach a chluinneas na briathra so agamsa, agus nach coimhlion iad, samhluidhear e ri duine amaideach a thog a thigh air a' ghaineamh:

27 Agus thuirling an t-uisge, agus thàinig na tuiltean, agus shéid na gaothan, agus bhuail iad air an tigh sin: agus thuit e; agus bu mhòr a thuiteam.

28 Agus tharladh⁵, an uair a chrìochnaich Iosa na briathra so, gu'n do ghabh am pobull iongantas r'a theagasg-san:

29 Oir theagaisg e iad mar neach aig an robh cumhachd⁶, agus cha'n ann mar na sgrìobhaichean.

1 *Ghlan Crìosd an lobhar; 5 shlànnaich e seirbhiseach a' Chaipitin-ceud; 14 agus màthair-chéile Pheadair: 23 Chlànuich e an fhaire, 28 agus thig e mach deamhain a dithis dhaoine.*

A GUS air teachd a nuas o'n bheinn dha, lean cuideachd mhòr e.

2 Agus, feuch, thàinig lobhar, agus rinne aoradh dha, ag ràdh, A Thighearna, ma's àill leat, is comasach thu air mise a ghlanadh.

3 Agus shìn Iosa mach a làmh, agus bhean e ris, ag ràdh, Is àill leam; bi thusa glan. Agus air ball bha a luibhre air a glanadh.

4 Agus thubhairt Iosa ris, Feuch nach innis thu do dhuine sam bith, ach imich, taisbein thu féin do'n t-sagart, agus thoir d'a ionnsuidh⁷ an tiodhlac a dh'àithn Maois, mar fhianuis dhoibh.

5 Agus air dol do Iosa a steach do Chapernaum, thàinig d'a ionnsuidh Caipitin-ceud, a' guidhe air,

6 Agus ag ràdh, A Thighearna, tha m'òglach 'na luidhe a stigh am pairilis agus air a phiaudh gu h-anabarrach.

7 Agus thubhairt Iosa ris, Théid mise, agus slànuichidh mi e.

8 Agus air freagairt do'n Chaipitin-ceud, thubhairt e, A Thighearna, cha'n airidh mise air thusa a theachd a steach fo m' chleith: ach a mhàin abair am focal, agus slànuichear m'òglach.

9 Oir is duine mise féin a ta fuidh ughdarras, aig am bheil saighdcara fodham: agus their mi ris an fhear so, Imich, agus imichidh e: agus ris an fhear so eile, Thig, agus thig e: agus ri m' shcirbhiseach, Dean so, agus ni se e.

10 'Nuair a chual Iosa so, ghabh e iongantas, agus thubhairt e ris a' mhuinntir a lean e, Gu firinnceach a ta mi ag ràdh ribh, ann an Israel féin nach d'fhuair mi creidimh cò mòr as so.

11 Agus a ta mi ag ràdh ribh, gu'n tig mòran o'n àird an ear, agus o'n àird an iar, agus gu'n suidh iad maille ri Abraham, agus Isaac, agus Jacob, ann an rìoghachd nheimh:

12 Ach gu'n tilgear clann na rìoghachd ann an dorchadas a ta 'n leth a muigh; bithidh an sin gu' agus giosgan⁸ fhiacal.

13 Agus thubhairt Iosa ris a' Chaipitin-ceud, Imich romhad, agus biodh dhuit a réir mar a chreid thu. Agus shlànuicheadh⁹ òglach air an uair sin féin.

14 Agus an uair a thàinig Iosa gu tigh Pheadair, chunnaic e màthair a mhnà 'na luidhe, agus i ann am fiabhras⁹.

15 Agus bhean e r'a làmh, agus dh'fhàg am fiabhras i: agus dh'éirich i, agus rinn i frithealadh dha¹⁰.

¹ do bhrìgh gur.

² cluasaibh.

³ iomchar.

⁴ thàinig a nuas.

⁶ thachair.

⁶ ughdarras.

⁷ thuige, chuige.

⁹ an teasaich.

⁸ magardaich.

¹⁰ doibh.

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid a mach le 'fhocal, agus shlànuich e iad uile a bha eùslan:

17 A chum gu'n coimhlionadh¹ an nì a labhradh le Eesaias am fàidh, ag ràdh, Ghabh esan ar n-anmhuinneachdan air féin, agus ghiùlain e ar n-euslaintean.

18 Agus an uair a chunnaic Iosa sluagh mòr m'a thimchioll, dh'àithn e dol á sin do'n taobh eile.

19 Agus thàinig sgrìobhaiche àraidh, agus thubhairt e ris, A mhaighstir, leanaidh mise thu, ge b'e taobh a théid thu.

20 Agus thubhairt Iosa ris, Tha tuill aig na sionnaich, agus nìd aig eunlaith an athair²; ach cha'n 'eil aig Mac an duine ionad anns an cuir e a cheann fuidh.

21 Agus thubhairt fear eile d'a dheisciobluibh ris, A Thighearna, leig dhomh-sa imeachd air tús agus m' athair adhlacadh.

22 Ach thubhairt Iosa ris, Lean mise, agus leig leis na maibh am maibh féin adhlacadh.

23 Agus air dol dhasan a steach do luing, lean a dheisciobuil e.

24 Agus, feuch, dh'éirich doinn³ mhòr air an fhairge, ionnus gu'n d'fholaich na tuinn an long; ach bha csan 'na chodal.

25 Agus thàinig a dheisciobuil d'a ionnsuidh, agus dhùisg iad e, ag ràdh, A Thighearna, teasairg sinn: a ta sinn caillte.

26 Agus thubhairt e riu, C'ar son a ta sibh eagalach, sibhse air bheag creidimh? An sin dh'éirich e, agus chronuich e na gaothan agus an fhairge; agus bha ciùine mhòr ann.

27 Ach ghabh na daoine iongantais, ag ràdh, Ciod⁴ e glùnè dhuine so, gu bheil na gaotha féin agus an fhairge ùmhal dha?

28 Agus air teachd dha do'n taobh eile, gu tìr na Gergesench⁵, thachair dithis dhaoine air, anns an robh deamhain, a' teachd a mach as na h-àitibh adhlac, agus iad ro-gharg, ionnus nach feudadh duine sam bith an t-slighe sin a ghabhail.

29 Agus, feuch, ghlaodh iad, ag ràdh, Ciod e ar gnothuch-ne riut, Iosa a Mhic Dhé? An d'thàinig thu an so g'ar pianadh roimh an àm?

30 Agus bha treud mòr mhuc am fad uatha, ag ionaltradh.

31 Agus dh'iarr na deamhain a dh'ath-chuinge airsan, ag ràdh, Ma thilgeas tu mach sinn, leig dhuinn dol san treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad anns an treud mhuc: agus, feuch, ruith an treud mhuc uile gu dian sìos air ionad

corrach⁶, do'n chuan; agus chailleadh sna h-uisgeachaibh iad.

33 Agus theich na buachaillean, agus chaidh iad do'n bhaile, agus dh'innis iad na nithe so uile, agus na thachair dhoibh-san anns an robh na deamhain.

34 Agus, feuch, chaidh am baile uile a mach a choinneachadh Iosa; agus an uair a chunnaic iad e, ghuidh iad air imeachd as an crìochaibh sin.

CAIB. IX.

1 *An dèigh do Chrìost neach air an robh am pairilis a leigheas, 9 ghluir e Mata o bhòrd na cise; 10 dh'ith e maille ri cismhuoir agus ri peacaich; 20 shlànuich e bean air an robh dorladh fola; 32 agus duine balbh anns an robh deamhan.*

AGUS air dol an luing dha, chaidh e a thar an uisge, agus thàinig e d'a bhaile féin.

2 Agus, feuch, thug iad d'a ionnsuidh duine air an robh am pairilis, 'na luidhe air leabaidh: agus an uair a chunnaic Iosa an creidimh, thubhairt e ri fear na pairilis, Biodh deadh mhisneach agad, a mhic, a ta do pheacanna air am maitheadh dhuit.

3 Agus, feuch, thubhairt dream àraidh do na sgrìobhaichibh anna féin, A ta am fear so a' labhairt toibheim⁷.

4 Agus air do Iosa an smuaintean fhaicinn, thubhairt e, C'ar son a ta sibh a' smuaineachadh uile ann bhur cridheachaibh?

5 Oir cia is usadh a ràdh, A ta do pheacanna air am maitheadh dhuit? no a ràdh, Eirich agus imich?

6 Ach a chum gu'm bi fios agaibh gu bheil cumhachd aig Mac an duine peacanna a mhaithheadh air an talamh, (thubhairt e an sin ri fear na pairilis,) Eirich, tog do leabaidh, agus imich do d' thigh.

7 Agus dh'éirich e, agus chaidh e d'a thigh féin.

8 Ach an uair a chunnaic am' pobull so, ghabh iad iongantais, agus thug iad glòir do Dhia, a thug a leithid so a chumhachd do dhaoineibh.

9 Agus ag dol do Iosa as an àite sin, chunnaic e duine 'na shuidhe aig bòrd na cise, d'am b'ainm Mata; agus thubhairt e ris, Lean mise. Agus dh'éirich e, agus lean se e.

10 Agus tharladh, air suidhe do Iosa aig biadh san tigh, feuch, thàinig mòran chismhaor agus pheacach, agus shuidh iad sìos maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas bhur maighstir-sa maille ri cìs-mhaoraibh agus ri peacaichibh?

12 Ach an uair a chual Iosa so, thubhairt e riu, Cha'n ann aig a' mhuinntir a ta slàn a ta feum air an léigh, ach aig a' mhuinntir a ta euslan.

¹ Air chor as gu'n do choimhlionadh.

² aidheir.

³ stoirm.

⁴ Creud.

⁶ cas.

⁵ Gadareneach.

⁷ dia-mhaslachaidh.

13 Ach imichibh agus fòghlumaibh ciod is ciall da so, Tròcair is àill leam, agus cha'n iobairt: oir cha d'fhàinig mise a ghairm nam fireanach, ach nam peacach chum aithreachais.

14 An sin thàinig deisciobuil Eoin d'a ionnsuidh, ag ràdh, C'ar son a ta sinne agus na Phairisich a' trasgadh gu minic, ach ni 'm bheil do dheisciobuil-sa a' trasgadh?

15 Agus thubhairt Iosa riu, Am feud clann seòmair an fhir-nuadh-phòsda¹ bhi brònach, am feadh a bhitheas am fear-nuadh-phòsda maille riu? Ach thig na làithean anns an toirear am fear-nuadh-phòsda uatha, agus an sin ni iad trasgadh.

16 Cha chuir duine sam bith mìr do eudach nuadh air sean eudach: oir buinidh an nì a chuireadh g'a lìonadh suas as an eudach, agus nithear an reubadh nì's miosa.

17 Cha mhò a chuireas daoine fion nuadh ann an seann searragaibh²: no brisear na searragan, agus dòirtear am fion, agus caillear na searragan: ach cuiridh iad fion nuadh ann an searragaibh nuadha, agus bithidh iad araon slàn.

18 'Nuair a bha e a' labhairt nan nithe so riu, feuch, thàinig uachdaran àraidh, agus thug e aoradh dha, ag ràdh, Fhuair mo nighean bàs air ball³: ach thig-sa agus cuir do làmh oirre agus bithidh i beò.

19 Agus dh'èirich Iosa, agus lean e féin agus a dheisciobuil e.

20 (Agus, feuch, thàinig bean, air an robh dòrtadh fola rè dhà bhliadhna dheug, air a chlàobh, agus bhean i ri iomall 'eudaich:

21 Oir thubhairt i innte féin, Ma bheanas mi ach ri 'eudach, bithidh mi slàn.

22 Ach air tionndadh do Iosa mu'n cuairt, chunnaic e i, agus thubhairt e, A nighean, biodh deadh mhiseach agad; shlànuich do chreidimh thu. Agus bha a' bhean slàn o'n uair sin.)

23 Agus an uair a thàinig Iosa gu tigh an uachdarain, agus a chunnaic e an luchd-ciùil, agus a' chuideachd a' deanamh toirm bhròin,

24 Thubhairt e riu, Imichibh roimhibh, oir cha'n 'eil an nigheanag⁴ marbh ach 'na codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air làmh oirre, agus dh'èirich an nigheanag.

26 Agus chaidh iomradh sin a mach air feadh na tìre sin uile.

27 Agus an uair a dh'imich Iosa as a sin, lean dithis dhall e, ag éigheach, agus ag ràdh, A Mhic Dhaibhidh, feach tròcair oirne.

28 Agus an uair a thàinig e steach do'n tigh, thàinig na doill d'a ionnsuidh: agus thubhairt Iosa riu, Am bheil sibh a' crèid-sinn gur comasach mise so a dheanamh? Thubhairt iad ris, A ta, a Thighearn.

29 An sin bhean e 'an sùilb, ag ràdh, Biodh e dhuibh a réir bhuir creidimh.

30 Agus dh'fhosgladh an sùilean, agus bhagair Iosa gugeur iad⁵, ag ràdh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chlàobh air feadh na dùthcha sin uile.

32 Agus ag dol dhoibhsan a mach, feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag ràdh, Cha'n fhacas a leithid so ann an Israel riamh.

34 Ach thubhairt na Phairisich, Troimh phrionnsa nan deamhan a ta e a' tilgcadh a mach dheamhan.

35 Agus ghabh Iosa mu chuart nan uile chaithrichean agus bhailean⁶, a' teagasg 'nan sionagogaibh, agus a' searmonachadh soisgeil na rioghachd, agus a' slànuchadh gach uile euslaint agus eucail am measg a' phobuill.

36 Ach an uair a chunnaic e an sluagh, ghabh e truas diubh, air son gu'n robh iad air fannachadh, agus air an sgapadh o chéile, mar chaoraich aig nach 'eil buach-aill⁷.

37 An sin thubhairt e r'a dheisciobuibh, Gu deimhin is mòr an fogharadh, ach is tearc an luchd-oibre.

38 Uime sin, guidhibh-sa air Tighearn an fhogharaidh, luchd-oibre chur a mach chum 'fhogharaidh féin.

CAIB. X.

1 *Chuir Crìosd a mach a dhà Abstol deug, agus thug e cumhachd dhoibh màrbhuilean a dheanamh: 5 theagasg e iad: 16 thug e misneach dhoibh an aghaidh gear-leamhuinn, 40 agus gheall e beannachadh do'n dream a ghabhadh riu.*

A GUS air gairm a dhà dheisciobul deug d'a ionnsuidh, thug e cumhachd dhoibh an aghaidh nan spiorad nèòghlan, gu'n tilgeadh a mach, agus a shlànuichadh gach gnè euslaint, agus gach gnè eucail.

2 Agus is iad so ainmean an dà Abstol deug; an ceud *fhear*, Simon d'an goirear Peadar, agus Andreas a bhràthair, Seumas mac Shebede, agus Eoin a bhràthair;

3 Philip agus Bartolemuc, Tomas, agus Mata an cis-mhaor, Seumas mac Alpheuis, agus Lebeus d'an co-ainm Tadeus;

4 Simon an Canaanach, agus Iudas Iscariot, an neach fòs a bhrath esan⁸.

5 Chuir Iosa an dà fhear dheug so a mach a' tabhairt àithne dhoibh, ag ràdh, Na gabhaibh gu slighe nan Cinneach, agus na rachaibh a steach do *son* bhaile a bhuineas do na Samaraich⁹;

6 Ach gu ma fearr leibh dol a dh'ionnsuidh chaorach chailte tighe Israeil.

¹ fhir-na-bainnse.

² bhuideilb.

³ a ris.

⁴ cailin.

⁵ thug Iosa spuradh gear dhoibh.

⁶ bhaile mòra agus beaga.

⁷ aodhairc.

⁸ an tì a thug thairis esan.

⁹ Samaritans. Sasg.

7 Agus air imeachd dhuibh, searmonaichibh, ag ràdh, A ta rioghachd nèimh am fagus.

8 Leighisibh an dream a ta tinn, glanaibh na lobhair, [dùisgibh na mairbh,] tilgibh a mach na deamhain: a nasgaidh fhuair sibh, a nasgaidh thugaibh uaibh.

9 Na solairibh or, no airgiod, no umha ann bhur sporanaibh¹;

10 No màla chum bhur turuis, no dà chòta, no brògan, no bataichean: (oir is airidh am fear-oibre air a lòn².)

11 Agus ge b'e air bith caithir no baile d'an téid sibh a steach feòraichibh cò a ta 'na dheadh airidh innte; agus fanaibh an sin gus am fàg sibh an t-àite sin.

12 Agus 'nuair a thig sibh steach do thligh, beannaichibh dha.

13 Agus ma's airidh an tigh sin, thigeadh bhur sìth air; ach mur airidh, pillleadh bhur sìth do bhur n-ionnsuidh féin a ris.

14 Agus ge b'e neach nach gabh ribh, agus nach éisd ri 'ur briathraibh; air dol a mach as an tigh, no as a' bhaile sin dhuibh, crathaibh dhìbh duslach bhur cos.

15 Gu deimhin tha mi ag ràdh ribh, gur so-iomchaire a bliitheas staid fearainn Shodoin agus Ghomorah an là a' bhreitheanais, na staid a' bhaile sin.

16 Feuch, cuiream-sa sibhse mach mar chaoraich am measg mhadadh-alluidh: air an aobhar sin bithibh-sa glic mar na nathraiche, agus neo-chronail mar na columain.

17 Ach bithibh air bhur faicill o dhaoineibh, oir bheir iad an làmh sibh do chomhlairibh, agus sgiùrsaidh iad sibh 'nan sìon-agogaibh:

18 Agus bheirear sibh an làthair uachdaran agus rìghrean air mosgàth-sa, mar fhianuis dhoibh-san agus do na Cinnich³.

19 Ach an uair a bheir iad an làmh sibh, na biodh e 'na ro-chàs oirbh cionnus no ciod a labhras sibh; oir bheirear dhuibh, san uair sin féin, an ni a labhras sibh.

20 Oir cha sibhse a labhras, ach Spiorad bhur n-Athar féin a labhras annaibh.

21 Agus bheir an bràthair a bhràthair féin suas chum bàis, agus an t-athair am mac; agus éiridh a' chlan an aghaidh am pàrantan, agus bheir iad fa' near gu cuirear gu bàs iad.

22 Agus bithidh fuath aig na h-uile dhaoineibh dhuibh air son m'ainme-sa: ach, ge b'e bhuanaicheas gus a' chrìoch, is e so a thèarnar⁴.

23 Agus an uair a ni iad geur-leanmhuinn oirbh sa' bhaile so, teichibh gu baile eile; oir gu deimhin tha mi ag ràdh ribh, Nach imich sibh air feadh bhailtean Israeil mu'n tig Mac an duine.

24 Cha'n 'eil an deisciobul an ceann a mhaighstir, no an seirbhiseach os ceann a

thighearna.

25 Is leòr do'n deisciobul a bhi mar a mhaighstir, agus do'n t-seirbhiseach a bhi mar a thighearn: ma ghoir iad Beelsebub do fhear an tighe, nach mò na sin a ghoireas iad e d'a mhuinntir?

26 Uime sin na biodh eagal oirbh rompa: oir cha'n 'eil ni sam bith folaichte, nach foillsichear; agus an ceilt, nach aithnich-e ar.

27 An ni a dh'innsas mise dhuibh san dorchadas, labhraibh e san t-solus; agus an ni a chluinneas sibh sa' chluais, searmonaichibh e air mullach nan tighean.

28 Agus na biodh eagal na muinntir sin oirbh a mharbhas an corp, ach aig nach 'eil comas an t-anam a mharbhadh: ach gu ma mò bhitheas eagal an Tì sin oirbh, a's urrainn an corp agus an t-anam a mhillleadh araon an ifrinn.

29 Nach 'eil dà gheallbhonn air an reiceadh air fheoirling: agus cha tuit a h-aon diubh air an talamh as eugmhais freasdail bhur n-Athar-sa.

30 Ach a ta eadhon fuilteine bhur cinn uile air an àireamh.

31 Air an aobhar sin na biodh eagal oirbh, is fearr sibhse na mòran gheallbhonn.

32 Uime sin ge b'e dh'aidicheas mise am fianuis dhaoine, aidichidh mise esan mar an ceudna am fianuis m' Athar a ta air nèamh.

33 Ach ge b'e dh'aidheadhas mise am fianuis dhaoine, àicheadhaidh mise esan am fianuis m' Athar a ta air nèamh.

34 Na measaibh gu'n d'fhàinig mise a chur sìthe⁵ air an talamh: cha'n ann a chur sìthe a thàinig mi, ach a chur claidheimh:

35 Oir thàinig mi a chur duine an aghaidh 'athar, agus na nighinn an aghaidh a màthar, agus bean a' mhic an aghaidh a màthar-chéile.

36 Agus is iad muinntir a theaghlach féin a bhitheas⁶ nan naimhdeibh do dhùine.

37 An ti a ghràdhaicheas athair no màthar air ni's mò na mise, cha'n airidh orm e⁶: agus an ti a ghràdhaicheas mac no nigh-eann os mo cheann-sa, cha'n airidh orm e:

38 Agus an tinach glac a clrann-ceusaidh, agus nach lean nise, cha'n airidh orm e.

39 An ti a gheibh 'anam, caillidh se e: ach an ti a chailleas 'anam air mo shonsa, gheibh se e?

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaidh mi.

41 An ti a ghabhas ri fàidh an ainm fàidh, gheibh e duais fàidh; agus an ti a ghabhas ri firean an ainm firein, gheibh e duais firein.

42 Agus ge b'e bheir cupan a dh'uisge fuar a mhàin r'a òl do aon neach do na daoineibh beaga so, an ainm deisciobuil, gu deimhin tha mi ag ràdh ribh, nach caill e air chor san bith a dhuais.

¹ criosaibh.

² is fìu am fear-oibre a bhiadh.

³ 'nan aghaidh-san agus an aghaidh Geintleach.

⁴ a shlànuchear.

⁵ sìochaint.

⁶ cha'n fhiù e mise.

CAIB. XI.

1 Chuir Eoin a dheisciobuil a dh'ionnsuidh Chrìosd.
 7 Fianuis Chrìosd mu thimchioll Eoin. 18 Barail an t-sluaigh mu thimchioll Eoin agus mu thimchioll Chrìosd. 20 Chronuich Crìosd muinntir Bhetsaida, &c. 28 A ghairm trèaireach do'n t-sluaigh a ta fo throm uallaich.

AGUS tharladh, an uair a cluòchnaich Iosa àitheantan a thabhairt d'a dhà dheisciobul deug, gu'n d'imich e as a sin a theagasg agus a shearmonachadh nam bailtibh.

2 A nis an uair a chual Eoin sa' phrìosan gnìomhara Chrìosd, chuir e dithis d'a dheisciobluibh d'a ionnsuidh,

3 Agus thubhairt e ris, An tusa an ti ud a bha ri teachd, no am bi suil againn ri neach eile?

4 Fhreagair Iosa agus thubhairt e riu, Imichibh agus innsibh do Eoin na nithe a ta sibh a' cluinntinn agus a' faicinn:

5 A ta na doill a' faotaim' an radhaire, agus na bacaich ag imeachd, a ta na lobhair air an glanadh, agus na bothair a' cluinntinn, a ta na mairbh air an dùsgadh, agus an soisgeul air a shearmonachadh do na bochdaibh.

6 Agus is beannaichte an ti nach faigh oibheum annamsa.

7 Agus air imeachd dhoibhsan air falbh, thòisich Iosa air labhairt ris an t-sluaigh mu thimchioll Eoin, *ag ràdh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? *an e* duine air a sgeadachadh ann an eudach mìn? feuch, a' mhuinntir a chaitheas eudach mìn, is ann an tighibh nan rìghrean a ta iad.

9 Ach ciod e an ni a chaidh sibh a mach a dh'fhaicinn? *An e* fàidh? seadh, tha mi ag ràdh ribh, agus nì's mò na fàidh.

10 Oir is e so an ti mu'm bheil e sgrìobhta, Feuch, cuiream-sa mo theachdair roimh do ghnùis, a dh'ulluicheas do shlighe romhad.

11 Gu deimhin tha mi ag ràdh ribh, 'nam measg-san a rugadh le mnàibh, nach d'éirich neach a's mò na Eoin Baiste: gidheadh, an ti sin a's lugha an rioghachd nèimh, is mò e na esan.

12 Agus o làithibh Eoin Baiste gus a nis, a ta rioghachd nèimh a' fulang ainneirt, agus luchd na h-ainneirt 'ga glacadh le làmhachas-làidir.

13 Oir rinn na fàidhean uile, agus an lagh fàidheadaireachd gu àm Eoin.

14 Agus ma's toil leibh a ghabhail, is e so Elias a bha ri teachd.

15 Ge b'e aig am bheil cluasan chum éisdeachd, éisdeadh e.

16 Ach co ris a shamhlucheas mise an ginealach so? Is cosmhuil e ri cloinn a shuidheas anns a' mhargadh², agus ag

éigheach r'an companaich.

17 Agus ag ràdh, Rinn sinne pìobair-eachd dhuibhse, ach cha d'rinn sibhse dannsa: rinn sinne tuireadh³ dhuibhse, ach cha d'rinn sibhse gul.

18 Oir thàinig Eoin cha'n ann ag itheadh no ag òl, agus tha iad ag ràdh, A ta deamhan aige.

19 Thàinig Mac an duine ag itheadh agus ag òl, agus tha iad ag ràdh, Feuch, duine geòcach agus pòiteir fiona, caraid chis-mhaor agus pheacach: ach a ta gliocas air a fireanachadh le a cloinn.

20 An sin thòisich e air aclmhasan a thabhairt do na bailtibh anns am mò a rinneadh d'a oibribh cumhachdach, air son nach d'rinn iad aithreachas.

21 Is an-aoibhinn duit, a Chorasin; is anaoibhinn duit, a Bhetsaida: oir nam biodh na h-oibre cumhachdach a rinneadh annaibh-sa, air an deanamh ann an Tirus agus ann an Sidon, is fada o'n a dheanadh iad aithreachas ann an saic-eudach agus an luaith.

22 Ach tha mi ag ràdh ribh, Gu'm bi staid Thirus agus Shidoim nì's so-iom-chaire ann an là a' bhrèitheanais, na bhith-eas bhur staid-sa.

23 Agus thusa, a Chapernaum, a ta air do thogail suas gu nèamh, tilgear sìos gu h-ìfrinn thu: oir nam biodh na h-oibre cumhachdach a rinneadh annad-sa, air an deanamh ann an Sodom, dh'fhanadh e *gun a sgrìos* gus an diugh.

24 Ach tha mi ag ràdh ribh, gur so-iom-chaire a bhith-eas e do fhearnam Shodoim ann an là a' bhrèitheanais, na dhuitse.

25 Anns an àm sin fhreagair Iosa agus thubhairt e, Tha mi a' toirt buidheachais dhuit, O Athair, Thighearna nèimh agus na talmhainn, air son gu d'fholuich thu na nithe so o dhaoibh eagnuidh agus tuigseach, agus gu d'fhoillsich thu iad do leanabaibh.

26 Seadh, Athair, do bhrìgh gu'm b'ann mar sin a bha do dheadh thoil-sa.

27 A ta na h-uile nithe air an tabhairt thairis dhomhsa o m' Athair: agus cha'n aithne do neach air bith am Mac, ach do'n Athair: nì mò is aithne do neach air bith an t-Athair, ach do'n Mhac, agus do gach aon d'an àill leis a' Mhac fhoillseachadh.

28 Thigibh a m' ionnsuidh-sa, sibhse uile a ta ri saothair, agus fuidh throm uallaich, agus bheir mise suaimheas⁴ dhuibh.

29 Gabhaibh mo chuing oirbh, agus foghlumaibh uam, oir a ta misc macanta agus iriosal⁵ an cridhe: agus gheibh sibh fois do bhur n-anamaibh.

30 Oir a ta mo chuing-sa so-iomchair, agus a ta m'uallach eutrom.

CAIB. XII.

1 Chronuich Crìosd doille nam Phairiseach mu thimchioll brisidh na sàbaid, ³ le sgrìobtuiribh,

¹ faghail.² anns na margaibh.³ caoine.⁴ fois.⁵ ùmhal.

11 *le reuson, 13 agus le mìorbhuil. 22 Shlànuich e an duine dall agus balbh anns an robh deamhan.*
31 *Cha mhaithhear toibheum an aghaidh an Spioraid naomh.*

CHAIDH Iosa san àm sin air là na sàbaid troimh¹ na h-achaibh arbhair, agus bha ocras air a dheisciobuil, agus thòisich iad air diasan arbhair a bhuain, agus itheadh.

2 Ach an uair a chunnaic na Phairisich so, thubhairt iad ris, Feuch, a ta do dheisciobuil a' deanamh an nì nach còir a dheauamh air là na sàbaid.

3 Agus thubhairt esan riu, Nach do leugh sibh ciod a rinn Daibhidh an uair a bha ocras air féin, agus air a' mhuinntir a bha maille ris;

4 Cionnus a chaidh e steach do thigh Dhé, agus a dh'ith e aran na fianuis², nach robh ceaduichte dha féin itheadh, no dhoibhsan a bha maille ris, ach do na sagartaibh a mhàin?

5 No nach do leugh sibh san lagh, gu bheil na sagairt anns an teampull air làithibh na sàbaid a' briseadh na sàbaid, agus iad neo-chiontach?

6 Ach a ta mise ag ràdh ribh, gu bheil san ionad so neach a's mò na'n teampull.

7 Agus nam biodh fhios agaibh ciod is ciall da so, Tròcair is àill leam agus cha'n iobairt, cha dteadh sibh an dream a ta neo-chiontach.

8 Oir is e Mac an duine Tighearna na sàbaid.

9 Agus air dha imeachd as a sin, chaidh e steach d'an sionagag;

10 Agus, feuch, bha duine ann aig an robh làmh sheargta: agus dh'fheòraich iad dheth, ag ràdh, Am bheil e ceaduichte leigheas a dheanamh air làithibh na sàbaid? chum gu'm biodh cùis dhùtidh aca 'na aghaidh.

11 Agus thubhairt esan riu, Cò agaibhsa an duine aig am bi aon caora, agus, ma thuiteas i ann an slochd air là na sàbaid, nach beir e oirre, agus nach tog e nìos i?

12 Nach mòr ma ta is fearr duine na caora? Uime sin a ta e ceaduichte maith a dheanamh air làithibh na sàbaid.

13 An sin thubhairt e ris an duine, Sin a mach do làmh: agus shìn e mach i; agus bha i air a h-aiseag slàn, mar an làmh eile.

14 Ach chaidh na Phairisich a mach, agus clum iad comhairle 'na aghaidh, cionnus a dh'fheudadh iad a mhilleadh.

15 Ach an uair a thuig Iosa so, dh'imich e as a sin: agus lean sloigh mhòr e, agus leighis e iad uile.

16 Agus thug e sparradh dhoibh chum nach deanadh iad aithnichte³ e:

17 A chum gu coimhliontadh an nì a labhradh le Esaias am fàidh, ag ràdh,

18 Feuch, mo sheirbhiseach féin a thagh mi; m'aon gràdhach anns am bheil tlachd aig m'anam: cuiridh mi mo Spiorad féin air, agus nochdaidh e breitheanas do na Cinnich.

19 Cha dean e strì, agus cha ghlaodh e; nì mò a chluinneas neach air bith a ghuth air na sràidibh.

20 Cha bhris e a' chuille bhrùite, agus cha mhùch e an lion as am bi deatach, gus an tabhair e mach breitheanas chum buaidh.

21 Agus is ann a ainm-san a bhitheas muinighinn aig na Cinnich.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongantas, agus thubhairt iad, An e⁴ so Mac Dhaibhidh?

24 Ach an uair a chuala na Phairisich so, thubhairt iad, Cha'n 'eil am fear so a tilgeadh a mach dheamhan, ach troimh Bheelsebub prionnsa nan deamhan.

25 Agus thuig Iosa an smuaintean, agus thubhairt e riu, Gach rioghachd a ta roinnte 'na h-aghaidh féin, nìthear 'na fàsach i; agus gach uile bhaile no tigh a ta roinnte 'na aghaidh féin, cha seas e.

26 Agus mathilgeas Satan a mach Satan, a ta e roinnte 'na aghaidh féin; air an aobhar sin cionnus a sheasas a rioghachd?

27 Agus ma tha mise troimh Bheelsebub a' tilgeadh a mach dheamhan, troimh cò am bheil bhur clann-sa 'gan tilgeadh a mach? Uime sin bitidh iad 'nam breitheamhnaibh oirbh:

28 Ach ma's ann le Spiorad Dhé a ta mise a' tilgeadh a mach dheamhan, thàinig rioghachd Dhé do bhur n-ionnsuidh-sa⁵.

29 No cionnus is urrainn neach dol do thigh duine làidir, agus airneis a thighe a chreachadh, mur ceangail e air tìs an duine làidir? agus an sin creachaidh e a thigh.

30 An ti nach 'eil leam, tha e a m' aghaidh; agus an ti nach cruinnich leam, sgapaidh e.

31 Air an aobhar sin tha mi ag ràdh ribh, Gu maithear gach peacadh agus gach toibheum do dhaoibh: gidheadh cha mhaithhear toibheum an aghaidh an Spioraid Naoimh do dhaoibh.

32 Agus ge b'e neach a labhras focal an aghaidh Mhic an duine, maithear dha e: ach ge b'e neach a labhras an aghaidh an Spioraid Naoimh, cha mhaithhear dha e, anns an t-saoghal so, no anns an t-saoghal a ta ri teachd.

33 An dara cuid deanaibh a' chraobh maith, agus a toradh maith; no deanaibh a' chraobh truailidh, agus a toradh truailidh: oir is ann air a toradh a dh'aithnìthear a' chraobh.

¹ tre, trid.

² an t-aran taisbeanta.

³ follus.

⁴ Nach e?

⁵ thugaibh-se.

34 A shliochd nan nathraiche nimhe, cionnus a dh'fheudas sibh nithe maith e a labhairt, o a ta sibh féin olc? oir is ann á pailteas a' chridhe a labhras am beul.

35 Bheir duine maith a mach nithe maith e deadh ionnhas a chridhe¹: agus bheir an droch dhuine mach droch nithe as a dhroch ionnhas.

36 Ach tha mi ag ràdh ribh, Gu'n toir² daoine cunntas ann an là a' bhreitheanais air son gach focail dhìomhain a labhras iad.

37 Oir is ann le³ d'fhoclaibh a shaorar thu, agus is ann le d'fhoclaibh a dhitear thu.

38 An sin fhreagair dream àraidh do na sgrìobhaichean agus do na Phairisich, ag ràdh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt e riu, A ta ginealach olc agus adhaltrannach ag iarraidh comhara, agus cha toirear comhara dhoibh, ach comhar' an fhàidh Ionais.

40 Oir mar a bha Ionas am broinn na muice-mara tri làithean agus tri oidhchean; is ann mar sin a bhitheas Mac an duine ann an cridhe na talmhainn tri làithean agus tri oidhchean.

41 Eiridh muinntir Ninebheh sa' bhreitheanas maille ris a' ghinealach so, agus dìtidh iad e; oir rinn iad aithreachas aig searmoin Ionais; agus, feuch, a ta nì's mò na Ionas an so.

42 Eiridh ban-righinn na h-àirde deas sa' bhreitheanas maille ris a' ghinealach so, agus dìtidh i e; oir thàinig i o na h-àitibh a's iomallaich do'n talamh a dh'éisdeachd gliocais Sholaimh; agus, feuch, a ta nì's mò na Solamh an so.

43 An déigh do'n spiorad neò-ghlan dol a mach á duine, imichidh e troimh ionad-aibh tiorma, ag iarraidh fois, agus cha'n fhaigh e.

44 An sin their e, Pillidh mi do m' thigh as an d'thàinig mi; agus air teachd dha, gheibh e falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's miosa na e féin, agus théid iad a steach agus gabhaidh iad còmhnuidh an sin: agus bithidh staid dheireannach an duine sin nì's miosa na a thoiseach. Is ann eadhon mar sin a thachairas do'n ghinealach aingidh so.

46 Agus air dha bhi fathast a labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach éigin ris, Feuch, a ta do mhàthair, agus do bhràithrean 'nan seasamh a muigh, ag iarraidh labhairt riut.

48 Ach fhreagair esan agus thubhairt e ris an ti a dh'innis so dha, Cò i mo mhàth-air? agus cò iad mo bhràithrean?

49 Agus air sineadh a làimhe chum a dheisciobul, thubhairt e, Feuch mo mhàth-air, agus mo bhràithrean!

50 Oir ge b'e neach a ni toil m' Athar-sa a ta air nèamh, is e sin féin mo bhràth-air, agus mo phiuthair, agus mo mhàthair.

CAIB. XIII.

1 Cosamhlachd an t-sìoladair agus an t-sìl, 18 air eadar-mhìneachadh. 24 Cosamhlachd a' chog-aìl; 31 an t-sìl mhustaird; 33 na laibhin; 44 an ionmhais fholaichte; 45 agus na nèamhuid. 54 Rinn muinntir a dhùthcha tàir air Crìosd.

AIR an là sin féin chaidh Iosa mach as an tigh, agus shuidh e ri taobh na fairge.

2 Agus chruinnich sluagh mòr d'a ionnsuidh, air chor as air dol a steach do luing dha, gu'n do shuidh e; agus sheas an sluagh uile air an tràigh.

3 Agus labhair e mòran do nithibh riu ann an cosamhlachdaibh⁴, ag ràdh, Feuch, chaidh sìoladair a mach a chur sìl.

4 Agus ag cur an t-sìl da, thuit cuid dheth ri taobh an rathaid; agus thàinig na h-eunlaith agus dh'ith iad e.

5 Thuit cuid air ionadaibh creagach, far nach robh mòran talmhainn aige; agus air ball dh'fhàs e suas, do bhrìgh nach robh doimhneachd talmhainn aige.

6 Ach air éirigh do'n ghréin dhothadh e; agus, do bhrìgh nach robh freumh aige, shearg e as.

7 Agus thuit cuid am measg droighinn: agus dh'fhàs an droighinn suas, agus mhùch se e.

8 Ach thuit cuid eile am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread 'sa chuireadh.

9 Ge b'e neach aig am bheil cluasa chum éisdeachd, éisdeadh e.

10 Agus thàinig na deisciobuil, agus thubhairt iad ris, C'ar son a ta thu a' labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'thugadh dhuibh-sa eòlas a bhi agaibh air rùn dìomhair rìoghachd nèimh, ach dhoibhsan cha'n 'eil so air a thoirt.

12 Oir ge b'e neach aig am bheil, dhasan bheir, agus bithidh aige an tuilleadh pailteis: ach ge b'e neach aig nach 'eil, uaithsan bheir eadhon an nì a ta aige.

13 Uime sin a ta mise a' labhairt riu ann an cosamhlachdaibh, do bhrìgh air dhoibh faicinn nach faic iad, ag'as a' cluinn-tinn nach cluinn iad, agus nach tuig iad.

14 Agus amta-san a ta fàidheadaireachd Esaías air a coimhlionadh, a ta 'g ràdh, Le h-éisdeachd chuinnidh sibh, agus cha

¹ as a dheadh ionnhas,

² tabhair,

³ as, a,

⁴ parablaidh, comhadaibh,

tuig sibh; agus le h-amharc chi sibh, agus cha'n aithnich sibh.

15 Oir a ta cridhe a' phobuill so air fàs reamhar, agus an chlasan mall chum eisdeachd, agus dhruid iad an suilean; air eagal uair air bith gu'm faiceadh iad le'n suilibh, agus gu'n chluinneadh iad le'n chluasaih, agus gu'n tuigeadh iad le'n cridhe, agus gu'm biodh iad air an iompachadh, agus gu'n slànuichinn-sa iad.

16 Ach is beannaichte bhur suilean-sa, oir a ta iad a' faicinn; agus bhur chlasan, oir a ta iad a' chluinntinn.

17 Oirtha miag ràdh ribh gu fireannach, Gu'm b'iomadh fàidh agus firean leis am bu mhiann na nithe so fhaicinn, a ta sibhse a' faicinn, agus nach fac siad iad: agus na nithe so chluinntinn, a ta sibhse a' chluinntinn, agus nach cual iad.

18 Eisidibh air an aobhar sin ri cosamhlachd an t-sìoladair.

19 An uair a chluinneas neach air bith focal na rìoghachd, agus nach toir e fa'ncar e¹, thig an droch spiorad, agus bheir e air falbh an ni a chuireadh 'na chridhe: is e so esan anns an do chuireadh an sìol ri taobh an rathaid.

20 Ach esan a fhuair sìol ann an àitibh creagach², is e so an ti a chluinneas am focal, agus a ghabhas e air ball le gairdeachas;

21 Gidheadh cha'n 'eil freumh aige ann fèin, ach fanaidh e rè tamuill: agus an uair a thig trioblaid no geur-leanmhuinn air son an fhocail, air ball gheibh e oilbheum.

22 Esan mar an ceudna a ghabh sìol ann measg an droighinn, is e so an ti a ta 'cluinntinn an fhocail; agus a ta ro-chùram an t-saoghail so, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh sìol ann an deadh fhearann, is e sin an neach a ta 'cluinntinn an fhocail, agus 'ga thoirt fa'ncar; neach mar an ceudna tha 'giùlan toraidh, agus a ta toirt a mach cuid a cheud uiread, cuid a thri fichead, agus cuid eile a dhèich thar fhichead uiread³ sa chuireadh.

24 Chuir e cosamhlachd eile mach dhoibh, ag ràdh, Is cosmhuil rìoghachd nèimh ri duine a chuir sìol maith 'na fhearann:

25 Agus an uair a bha daoine 'nan codal, thàinig a nàmhaid agus chuir e cogal am measg a' chruithneachd, agus dh'imich e roimhe.

26 Ach an uair a thàinig an t-arbhar fuidh dhéis, agus a thug e mach a thoradh, dh'fhoillsich an cogal e fèin mar an ceudna.

27 Agus air teachd do sheirbhisich fhir-

an-tighe thubhairt iad ris, A Thighearna, nach do chuir thusa sìol maith ann ad fhearann? c'àite, ma seadh, as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, An àill leat, uinne sin, gu'n téid sinne agus gu'n cruinnich sinn ri chéile iad?

29 Ach thubhairt esan, Cha'n àill; air eagal 'nuair a chruinnicheas sibh an cogal, gu spion sibh an cruithneachd maille ris.

30 Leigibh leo fàs arann gus an tig am fogharadh: agus an àm an fhogharaidh their mise ris an luchd-buanaidh, Cruinnichibh air tús an cogal, agus ceanglaibh e 'na cheanglachanaibh⁴ chum a losgaidh: ach cruinnichibh an cruithneachd do m' shabhal.

31 Chuir e mach cosamhlachd eile dhoibh, ag ràdh, A ta rìoghachd nèimh cosmhuil ri gràinne do shìol mustaird, a ghabh neach agus a chuir e 'na fhearann.

32 Nì gun amharus a's lugha do gach uile phòr⁵: gidheadh air fàs da, is e a's mò do na luibheanaibh, agus fàsaidh e 'na chrann: ionnus gu'n tig eunlaithan athair, agus gu'n dean iad nid 'na gheugaibh.

33 Cosamhlachd eile labhair e riu; Is cosmhuil rìoghachd nèimh ri taois ghoirt⁶, a ghabh bean agus a dh'fholaich i ann an tri tomhasaibh mine, gus an do ghoirtich-cadh an t-iomlan.

34 Na nithe sin uile labhair Iosa ris a' phobull ann an cosamhlachdaibh; agus gun chosamhlachd cha do labhair e riu:

35 A chum gu coimhliontadh an ni a labhradh leis an fhàidh, ag ràdh, Fosglaidh mì mo bheul ann an cosamhlachdaibh, cuiridh mì'n céill nithe a bha folaichte o thoiseach an t-saoghail⁶.

36 An sin chuir Iosa am pobull air falbh, agus chaidh e steach do'n tigh: agus thàinig a dheisciobuill d'a ionnsuidh, ag ràdh, Mìnich dhuinne cosamhlachd cogail an fhearainn.

37 Agus fhreagair esan agus thubhairt e riu, An ti a chuireas an sìol maith is e Mac an duine e:

38 'S e 'm fearann an domhan: agus is e an sìol maith clann na rìoghachd: ach is e an cogal clann an droch spioraid:

39 'S e an nàmhaid a chuir iad an diabhul: 's e am fogharadh deireadh an t-saoghail: agus is iad na buanaichean na h-aingil.

40 Agus amhuil mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine 'aingil uath, agus tionaidh iad as a rìoghachd na

¹ nach tuig se e.

² clochach.

³ thrusaichibh.

⁴ ros.

⁵ laibhin.

⁶ o leagadh bunaite an domhain.

h-uile nithe a bheir oibheum, agus iadsan a ta deanamh aingidheachd;

42 Agus tilgidh siad iad anns an àmh-uinn air dearg-lasadh: an sin bithidh gul agus giosgan fhiacail.

43 An sin dealraichidh na fireana mar a' ghrian, ann an rìoghachd an Athar féin. Ge b'e aig am bheil chuasa chum éisdeachd, éisdeadh e.

44 A ris, a ta rìoghachd nèimh cosmhuil ri ionmhas air fhòlach am fearann; ni an déigh fhaotainn, a dh'fhòlach duine, agus air sgàth a ghaireachais air a shon, dh'imich e agus reic e na bha aige uile, agus cheannaich e am fearann sin.

45 A ris, is cosmhuil rìoghachd nèimh ri ceannaiche àraidh ag iarraidh neamh-nuide maiseach:

46 Agus air amas¹ da air aon nèamhnuid ro-luachmhoir, dh'imich e agus reic e na bha aige, agus cheannaich e i.

47 A ris, a ta rìoghachd nèimh cosmhuil ri lìon air a thilgeadh san fhaireg, agus a chruinnich do gach uile sheòrsa éisg:

48 Agus air dha bhì làn, tharruing na h-iasgairean e chum na tràighe, agus air suidhe dhoibh, chruinnich iad na h-éisg mhaithie ann an soithichibh, ach thilg iad na droch éisg a mach.

49 Is ann mar sin a bhitheas ann an deireadh an t-saoghail: théid na h-aingil a mach, agus dealaichidh iad na droch dhaoine á measg nam fireanach;

50 Agus tilgidh siad iad san àmh-uinn theintich: an sin bithidh gul agus giosgan fhiacail.

51 Thubhairt Iosa riu, An do thuig sibh na nithe so uile? thubhairt iad ris, Thuig, a Thighearn.

52 Agus thubhairt esan riu, Air an aobhar sin, gach uile sgrìobhaiche a ta fòghluimte chum rìoghachd nèimh, is cosmhuil e ri fear-tighe, a bheir a mach as 'ionmhas nithe nuadha agus sean.

53 Agus thachair an uair a chrìochnaich Iosa na cosamhlachda so, gu'n d'imich e as a sin.

54 Agus an uair a thàinig e d'a dhùth-aich féin, theagaisg e iad 'nan sionagog, ionnus gu'n do ghabh iad iongantas, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac an t-saoir? nach e ainm a mhàthar Muire? nach iad a bhràithre, Seumas, agus Ioses, agus Simon, agus Iudas?

56 Agus a pheathraiche, nach 'eil iad uile maille ruinn? c'ait uime sin an d'fhuair an duine so na nithe ud uile?

57 Agus fhuair iad oibheum ann. Ach thubhairt Iosa riu, Cha'n 'eil fàidh gun urram, ach 'na dhùthaich féin, agus 'na thigh féin.

58 Agus cha d'rinn e mòran do oibribh cùmhachdach an sin, air son am mì-chreidimh.

CAIB. XIV.

1 Barail Heroid mu thimchìoll Chrìosd. 3 Chaidh an ceann a bhuntainn a dh'Eoin Baiste. 13 Chaidh Iosa gu ionad fàsail, 15 far an do bheathaich e cùig mìle fear le cùig aranaibh, agus dà iasg. 22 Dh'imich e air an fhaireg a dh'ionnsuidh a dheisciobul. 34 Shlànuich e sluagh a bha euslan.

SAN àm sin chual Herod an Tetrach s cliù Iosa.

2 Agus thubhairt e r'a sheirbhisich, Is e so Eoin Baiste; dh'éirich e o na marbhaibh, agus uime sin a ta feartan air an oibreachadh leis.

3 Oir 'nuair a ghlac Herod Eoin, cheangail se e, agus thilg e am prìosan e air son Herodias, mnà Philip a bhràthar féin.

4 Oir thubhairt Eoin ris, Cha'n 'eil e dlìgheach dhuit i bhì agad.

5 Agus an uair bu mhiann leis a chur gu bàs, bha eagal a' phobuill air, oir bha meas fàidh aca air.

6 Ach an uair a bha co-ainm là-breithe Heroid air a chumail, rinn nighean Herodias dannsa 'nan làthair, agus thaitinn i ri Herod:

7 Ionnsu gu'n do gheall e le mionnaibh, gu tugadh e dhi ge b'e air bith ni a dh'iarradh i.

8 Agus air dhise bhì air a teagasg le a màthair roimh làimh, thubhairt i, Thoir² dhomh an so ceann Eoin Baiste air mèis.

9 Agus bha 'n rìgh dòilich: ach air son a mhiannan, agus na muinntir a bha 'nan suidhe aig biadh maille ris, dh'àithn e a thabhairt di.

10 Agus air cur *fir-marbhaidh* uaith, bluin e a cheann do Eoin anns a' phrìosan.

11 Agus thogadh a cheann air mèis, agus thugadh do'n chailin e: agus thug ise d'a màthair e.

12 Agus thàinig a dheisciobuil, agus thug iad an corp leo, agus dh'adhlaic iad e, agus thàinig iad agus dh'innis iad *sin* do Iosa.

13 An uair a chual Iosa so, chaidh e as a sin air luing gu ionad fàsail air leth: agus an uair a chual am pobull *sin*, lean iad d'an cois e as na bailtibh.

14 Agus air dol a mach do Iosa, chunn-aic e coimhthional mòr, agus ghabh e truas mòr dhiubh, agus shlànuich e an dream aca bha euslan.

15 Agus an uair a b'fheasgar e, thàinig a dheisciobuil d'a ionnsuidh, ag ràdh, Is àite fàsail so, agus a ta an t-àm a nis air dol seachad; cuir an sluagh air falbh, chum gu'n téid iad do na bailtibh, agus gu'n ceannaich iad biadh dhoibh féin.

16 Ach thubhairt Iosa riu, Cha ruig iad a leas falbh; thugaibh-sa dhoibh r'a itheadh.

¹ airmseachd.

² Tabhair.

17 Agus thubhairt iad ris, Cha'n 'eil againn an so ach cùig arain¹, agus dà iasg.

18 Thubhairt esan *riu*, Thugaibh an so iad a m' ionnsuidh-sa.

19 Agus dh'àithn e do'n t-sluagh suidhe sìos air an fheur, agus ghlac e na cùig arain, agus an dà iasg, agus air amharc dha suas gu nèamh, bheannaich agus bhris e, agus thug e na h-arain d'a dheisciobluibh, agus *thug* na deisciobuil do'n t-sluagh *iad*.

20 Agus dh'ith iad uile, agus shàstuidheadh iad: agus thog iad làn dà chliabh dheug do'n bhiadh bhriste, a bha dh'-fhuigheall² *aca*.

21 Agus bha iadsan a dh'ith mu thimchioll cùig mìle fear, thuilleadh air mnaibh agus air cloinn.

22 Agus air ball cho-éignich Iosa a dheisciobuil gu dol an luing, agus dol roimhe do'n taobh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn³ na aonar a dheanamh urnuigh: agus an uair a bha am feasgar air teachd, bha e an sin⁴ na aonar.

24 Ach bha an long san àm sin am meadhon na fairge, air a tilgeadh a null agus a nall leis na tonnaibh: oir bha a' ghaoth 'nan aghaidh.

25 Agus anns a' cheathramh faire do'n oidhche, chaidh Iosa d'an ionnsuidh, ag imeachd air an fairge.

26 Agus an uair a chuinnic na deisciobuil e ag imeachd air an fhaire, bha iad fo bhuaireas, ag ràdh, Is spiorad a ta ann; agus ghlaodh⁵ iad a mach le h-eagal.

27 Ach labhair Iosa riu air ball, ag ràdh, Bìodh misneach mhaith agaibh; is mise a ta ann, na bìodh eagal oirbh.

28 Agus fhreagair Peadar e agus thubhairt e, A Thighearna, ma's tu a ta ann, iarr ormsa teachd a d'ionnsuidh air na h-uisgeachaibh.

29 Agus thubhairt esan, Thig. Agus an uair a bha Peadar air teachd a mnas as an luing, dh'imich e air na h-uisgeachaibh, chum teachd gu h-Iosa.

30 Ach an uair a chuinnic e a' ghaoth làidir, ghabh e eagal: agus an uair a thòisich e air dol fuidh, ghlaodh e, ag ràdh, A Thighearna, fòir orm.

31 Agus air ball shìn Iosa mach a làmh, agus rug e air, agus thubhairt e ris, O thusa air bheag creidimh, c'ar son a bha thu fo amharus?

32 Agus au uair a chaidh iad a steach do'n luing, choisg a' ghaoth.

33 An sin thàinig iadsan a bha san luing, agus rinn iad aoradh dha, ag ràdh, Gu firinneach is tu Mac Dhé.

34 Agus an uair a chaidh iad do'n taobh eile, thàinig iad gu talamh Ghenesaret.

35 Agus an uair a fhuair luchd an àite sin fiosrachadh uime, chuir iad fios air feadh na tìre sin uile air gach taobh dhiubh, agus thug iad d'a ionnsuidh an dream sin uile a bha euslan.

36 Agus ghuidh iad air, gu feudadh iad beantuinn ri iomall 'eudaich a mhàin: agus a mheud dhiubh as a bhean, shlàn-ùicheadh gu h-iomlan iad.

CAIB. XV.

¹ Chronich Crìosd na sgrìobhaichean agus na Phairisich air son àitheanta Dhé a bhriseadh le'n gnàthachadh-san; ¹¹ tha e a' teagasg nach e an nì a théid a steach do'n bheul a thruaillteas an duine. ²¹ Shlànuich e nighean na mnà do mhuinntir Chanana.

AN sin thàinig sgrìobhaichean agus Phairisich o Ierusalem gu Iosa ag ràdh,

2 C'ar son a ta do dheisciobuil a' dol an aghaidh gnàthachaidh nan sinnsear? oir cha'n ionnlaid iad an làmhan an uair a dh'itheas iad aran.

3 Ach fhreagair esan agus thubhairt e riu, C'ar son a ta sibhse a' briseadh àithne Dhé le bhur gnàthachadh féin?

4 Oir thug Dia àithne, ag ràdh, Thoir urram do t'athair agus do d' mhiathair: agus b'e mhallaicheas⁴ athair no 'mhàthair, cuirear gu bàs e.

5 Ach their sibhse, Ge b'e neach a their r'a athair no r'a mhàthair, Bìodh e 'na thiodhlac do'n teampull gach nì leis am feudadh tu buannachd fhaotainn uamsa;

6 Nach feum e urram a thabhairt d'a athair no d'a mhàthair. Mar sin chuir sibhse an nò-bhrìgh àithne Dhé le bhur gnàthachadh féin.

7 A chealgairean, is maith a rinu Esaias⁵ fàidheadaireachd m' ur timchioll, ag ràdh,

8 A ta an sluagh so a' dlùthachadh riumsa le 'm beul, agus a' toirt urram dhomh le'm bìlibh: ach a ta an cridhe fada nam.

9 Ach is ann an dìomhanas a ta iad a' deanamh aoraidh dhomhsa, a' teagasg àitheanta dhaoine mar theagasg.

10 Agus air gairm an t-sloigh dha, thubhairt e riu, Eisdibh agus tuigibh:

11 Cha'n e an nì a théid a steach sa' bheul a shalachaicas an duine; ach an nì a thig a mach as a' bheul, is e so a shalachaicas an duine.

12 An sin thàinig a dheisciobuil, agus thubhairt iad ris, Am bheil fhios agad gu'n do ghabh na Phairisich oibhleum, an déigh dhoibh na briathran ud a chluinn-tinn?

13 Ach fhreagair esan agus thubhairt e, Gach uile luibh nach do shuidhich m' Athair nèamhaidh-sa, spionar a bhun e.

14 Leigibh leo: is cùm-iùil dhall nan dall iad. Agus na threòraicheas dall dall eile, tuitidh iad araon anns a' chlais.

¹ buillionna.² dh'fhuigheach.³ dh'èigh.⁴ chàineas.⁵ Isaiah.

15 Agus fhreagair Peadar agus thubhairt e ris, Minich dhuinn a' chosamlachd sin.

16 Agus thubhairt Iosa, Am bheil sibhse fathast mar an ceudna gun tuigse!

17 Nach 'eil sibh a' tuigsinn fathast ge b'e nì a théid a steach sa' bheul, gu'n téid e sa' bhroinn, agus gu'n tilgear a mach do'n t-slochd shalachair e?

18 Ach na nithe sin a thig a mach as a' bheul, a ta iad a' teachd o'u chridhe, agus is iad sin a shalaicheas an duine.

19 Oir is ann as a' chridhe thig droch smuainte, mortadh, adhaltrannas, strìopachas, gadachd¹, fianuis bhréige, toibheum.

20 Is iad so na nithe a shalaicheas an duine: ach itheadh le lámhaibh guniomlad, cha salaich sin an duine.

21 Agus air dol do Iosa as a sin, chaidh e gu crìochaibh Thiruis agus Shidoin.

22 Agus, feuch, thàinig bean do mhuinntir Chanaain o na crìochaibh sin, agus ghlaodh i ris, ag ràdh, Dean tròcair orm, a Thighearn, a Mhic Dhaibhidh; a ta mo nighcan air a buaireadh gu truagh le deamhan.

23 Ach cha d'thug esan freagradh sam bith dhi. Agus thàinig a dheisciobuil d'a ionnsuidh, agus dh'iarr iad air, ag ràdh, Cuir air falbh i, oir tha i a' glaochaich 'nar déigh.

24 Ach fhreagair esan agus thubhairt e, Cha do chuireadh mise ach a chum chaorach chaillte thighe Israeil.

25 An sin thàinig ise agus rinn i aoradh dha, ag ràdh, A Thighearn, cuidich leam².

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearn: ach ithidh na coin do'n sbruileach³ a thuiteas o bhord am maighstirean.

28 An sin fhreagair Iosa agus thubhairt e rithe, O bhean, is mòr do chreidimh: biodh e dhuit mar is toil leat. Agus rinn-cadh a nighcan slàn o'n uair sin a mach.

29 Agus air imeachd do Iosa as a sin thàinig e làimh ri fairge Ghalile; agus an uair a chaidh e suas air beinn, shuidh e sìos an sin.

30 Agus thàinig mòr-shluagh d'a ionnsuidh, agus aca maille riu bacaich, doill, balbhain, daoine ciurrmach, agus mòran eile, agus thilg iad sìos aig cosaibh Iosa iad, agus shlànuidh e iad:

31 Ionnsu gu'n do ghabh an sluagh iongantas 'nuair a chumnaic iad na balbhain a' labhairt, na daoine ciurrmach slàn, na bacaich ag imeachd, agus na doill a' faicinn: agus thug iad glòir do Dhia Israeil.

32 An sin ghairm Iosa a dheisciobuil d'a ionnsuidh, agus thubhairt e, A ta mi a' gabhail truais do'n t-sluagh, oir dh'fhan iad maille rium a nis rè thrì làithean, agus cha'n 'eil nì air bith aca r'a itheadh; agus cha chuir mi uam 'nan trasg iad, air eagal gu fannuich iad air an t-slighe.

33 Agus thubhairt a dheisciobuil ris, Cia as a gheibheamaid na h-uiread a dh'aran san fhàsach, as bu leòir a shàsachadh slòigh co mhòr?

34 Agus thubhairt Iosa riu, Cia lìon aran a ta agaibh? agus thubhairt iadsan, Seachd, agus beagan a dh'iasgaibh beaga.

35 Agus dh'àithn e do'n t-sluagh suidhe sìos air an làr.

36 Agus air glacadh nan seachd aran agus nan iasg dha, agus air tabhairt buidheachais⁴, bhris e iad, agus thug e d'a dheisciobuibh, agus thug na deisciobuil do'n t-sluagh iad.

37 Agus dh'ith iad uile, agus shàsuich-cadh iad: agus thog iad do'n bhiadh bhriste a dh'fhàgadh làn sheachd bascaid.

38 Agus b'iad a' mhuinntir a dh'ith, ceithir mìle fear, thuilleadh air mnaibh agus air cloinn.

39 Agus air dha an sluagh a leigeadh uaith, chaidh e air luing, agus thàinig e gu crìochaibh Mhagdala.

CAIB. XVI.

1 Dh'iarr na Phairisich comhara. 6 Thug Iosa rabhadh d'a dheisciobuibh mu thimchioll droch theagaisg nam Phairiseach agus nam Sadusaich. 13 Barail an t-sluagh mu thimchioll Chrìosd. 21 Roimh-innis e a bhàs; 23 agus chronuich e Peadar.

AGUS air teachd do na Phairisich agus do na Sadusaich 'g a dhearbhadh⁵, dh'iarr iad air comhar' a nochdadh dhoibh o nèamh.

2 Ach fhreagair esan agus thubhairt e riu, An uair is feasgar e, their sibh, *Bithidh* deadh aimsir ann; oir a ta an t-athar dearg:

3 Agus air maduinn, *Bithidh* droch aimsir ann an diugh; oir a ta an t-athar dearg agus dorch. A chealgairean, is aithne dhuibh breth a thoirt air gnùis an athair, agus nach 'eil c'n comas duibh comharan nan aimsir a thuigsinn?

4 A ta ginealach aingidh agus adhaltrannach ag iarraidh comhara, agus cha toir car comhara dhoibh, ach comhar' an fhàidh Ionais. Agus air dha am fàgail, dh'imich e as a sin.

5 Agus an uair a thàinig a dheisciobuil a dh'ionnsuidh na taoibh eile, dh'ichuimhnich iad aran a thabhairt leo.

6 Agus thubhairt Iosa riu, Thugaibh an

¹ gaduigheachd.

³ crumbs. Sasg.

² fòir orm.

⁴ air breth buidheachais.

⁵ 'g a fheuchainn, 'g a bhuaircadh.

aire, agus gleidhibh sibh féin o thaois ghoirt nam Phairiseach, agus nan Sadusach.

7 Agus bha iad a' reusonachadh eatorra féin, ag ràdh, *Is ann* air son nach d'thug sinu aran leinn.

8 Agus 'nuair a thuig Iosa sin, thubhairt e riu, O sibhse air bheag creidimh, c'ar son a ta sibh a' reusonachadh eadaraibh féin, *gur ann* a chionn nach d'thug sibh aran leibh?

9 Nach 'eil sibh fathast a' tuigsinn, no a' cuimhneachadh nan cuig aran nan cuig mìle, agus cia lion cliabh a thog sibh?

10 No nan seachd aran nan ceithir mìle, agus cia lion bascaid a thog sibh?

11 Cionnus nach 'eil sibh a' tuigsinn, nach ann mu aran a thubhairt mi ribh, sibh a bhi air bhuir faicill o thaois ghoirt nam Phairiseach, agus nan Sadusach?

12 An sin thuig iad cionnus nach d'iarr e *orra* bhi air am faicill o thaois ghoirt an arain, ach o theagasg nam Phairiscach, agus nan Sadusach.

13 Agus air teachd do Iosa gu crìoch-aibh Chesarea Philipi, dh'fheòraich e d'a dheisciobluibh, ag ràdh, Cò tha daoine ag ràdh is e Mac an duine?

14 Agus thubhairt iadsan, *Tha cuid ag ràdh* Eoin Baiste, cuid Elias, agus cuid eile Ieremias¹, no aon do na fàidhibh.

15 Thubhairt esan riu, Ach cò tha sibhse ag ràdh is mi?

16 Agus fhreagair Simon Peadar agus thubhairt e, Is tusa Crìosd, Mac an Dé bheò.

17 Agus fhreagair Iosa agus thubhairt e ris, Is beannaichte thusa, a Shìmoin Bhar-Iona; oir cha d'fhoillsich fuil agus feoil sin duitse, ach m' Athair-sa a ta air nèamh.

18 Agus a ta mise ag ràdh riut, Gur tusa Peadar, agus air a' charraig² so togaidh mise m' eaglais: agus cha toir geatachan ifrinn buaidh oirre.

19 Agus bheir mi dhuit iuchraiche rìoghachd nèimh: agus ge b'e ni a cheanglas tusa air talamh bithidh e ceangailte air nèamh; agus ge b'e ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheisciobluibh gun iad a dh'innseadh do neach air bith, gu'm b'esan Iosa an Crìosd.

21 O'n àm sin a mach thòisich Iosa air a nochdadh d'a dheisciobluibh, gur éigin dhasan dol suas gu Ierusalem, agus mòran do nithibh fhulang o na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achmhasan a thabhairt dha, ag ràdh, Gu ma fada sin uaitse, a Thighearna; cha tachair sin duitse.

23 Ach air tionndadh dhasan, thubhairt e ri Peadar, Imich air mo chùl, a Shatain; is oibheum dhomh thu: oir cha'n 'eil spéis agad do nithibh Dhé, ach do nithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a m' dhéigh-sa, àicheadhadh se e féin, agus togadh e air a chrann-ceusaidh, agus leanadh e mise.

25 Oir ge b'e neach le'm b'àill 'anam a ghleidheadh, cailidh se e; agus ge b'e neach a chailleas 'anam air mo sgàth-sa, gheibh se e.

26 Oir ciod an tairbhe a ta ann do dhuine, ged chosnadh e an saoghal uile, agus 'anam féin a chall? no ciod i a' mhalairt³ a bheir duine air son 'anama.

27 Oir thig Mac an duine ann an glòir 'Athar, maille r'a ainglibh; agus an sin bheir e dogach neach a réir a ghnìomhara.

28 Gu deimhin a ta mi ag ràdh ribh, Gu bheil cuid do'n dream a ta 'nan seasamh an so, nach blais bàs, agus am fuic iad Mac an duine a' teachd 'na rìoghachd féin.

CAIB. XVII.

1 *Atharrachadh agus dealrachadh crutha Iosa.*

14 *Shlànach e an leanabh air an robh an tuit-eamas.*

22 *Dh'innis e 'fhulangas roimh làimh,*

24 *agus dh'òc e d' chùs.*

AGUS an déigh shè làithean, ghabh Iosa Peadar, agus Seumas, agus Eoin a bhràthair, agus threòraich e iad air leth gu beinn àrd,

2 Agus dh'atharraicheadh a chruth 'nan làthair; agus dhealraich 'aghaidh mar a' ghrian, agus rinneadh 'eudach geal mar an solus.

3 Agus, feuch, chunnas leo⁴ Maois agus Elias a' còmhradh ris.

4 An sin fhreagair Peadar, agus thubhairt e ri Iosa, A Thighearna, is maith dhuinne bhi an so: ma's àill leatsa, deanamaid trì pàilluna⁵ an so: aon dhuitse, aon do Mhaois, agus aon do Elias.

5 Air dha bhi fathast a' labhairt, feuch, thilg neul soilseach sgàile orra: agus, feuch, guth as an neul, ag ràdh, Is e so mo Mhac gràdhach-sa, anns am bheil mo mhòr-thlachd, éisdibh ris.

6 Agus an uair a chuala na deisciobuil so, thuit iad air an aghaidh, agus ghabh iad eagal ro mhòr.

7 Agus thàinig Iosa agus bhean e riu, agus thubhairt e, Eiribh, agus na biodh eagal oirbh.

¹ Ieremiah.

² petra. Gr.

³ iomlaid.

⁴ dh'fhoillsicheadh dhoibh.

⁵ bothain.

8 Agus an uair a thog iad suas an sùilean, cha'n fhac iad neach air bith, ach Iosa 'na aonar.

9 Agus an àm dhoibh teachd a nuas o'n bheinn, thug Iosa àithne dhoibh, ag ràdh, Na innsibh do neach air bith an nì a chunnaic sibh, gus an éirich Mac an duine o na marbhaibh.

10 Agus dh'fheòraich a dheisciobuil dheth, ag ràdh, C'ar son ma seadh a their na sgrìobhaicheau, gur éigin Elias a theachd air tús?

11 Agus fhreagair Iosa agus thubhairt e riu, 'Thig Elias gu firinneach air tús, agus aisgidh e na h-uile nithe:

12 Ach a ta mise ag ràdh ribh, Gu'n d'thàinig Elias a cheana, agus cha d'aithnich iad e, ach rinn iad gach nì bu toil leo ris: is ann mar sin, mar an ceudna, a dh'fhulaingear Mac an duine uatha.

13 An sin thuig na deisciobuil gu'm b'ann mu Eoin Baiste a labhair e riu.

14 Agus an uair a thàinig iad chum an t-sluaigh, thàinig duine àraidh d'a ionnsuidh, a' tuiteam air a ghluinibh dha, agus ag ràdh,

15 A Thighearna, dean tròcair air mo mhac, oir a ta e gu tinn leis an tuiteamas¹, agus is mòr an cràdh a ta e a' fulang: oir a ta e gu minic a' tuiteam san teine, agus gu tric san uisge.

16 Agus thug mi e dh'ionnsuidh do dheisciobuil, agus cha b'urrainn iad a lighneas.

17 Agus fhreagair Iosa agus thubhairt e, A ghinealaich neo-chreidich, agus choirbte, cia fhad a bhitheas mi maille ruibh? cia fhad a dh'fhulaingear mi sibh? thugaibh a m' ionnsuidh-sa an so e.

18 Agus chronuich Iosa an deamhan, agus dh'imich e as: agus shlànuicheadh au leanabl o'n uair sin a mach.

19 An sin, an uair a thàinig na deisciobuil chum Iosa fa leth, thubhairt iad, C'ar son nach b'urrainn sinne a thilgeadh a mach?

20 Agus thubhairt Iosa riu, Air son bhur mi-chreidimh: oir gu firinneach tha mi ag ràdh ribh, Nam biodh agaibh creidimh mar ghràinne mustaird, theireadh sibh ris a' bheinn so, Atharraich á so an sud, agus dh'atharraicheadh i; agus cha bhiodh nì air bith eu-comasach dhuibh.

21 Gidheadh, cha téid a' ghnè so mach, ach le h-urmuigh agus le trasgadh.

22 Agus an feadh a bha iad a' fantuinn ann an Galile, thubhairt Iosa riu, Bithidh Mac an duine air a bhrath thairis do làmhaibh dhaoine:

23 Agus marbhaidh iad e, ach an treas là éiridh e. Agus bha iadsan ro bhrònach.

24 Agus air teachd dhoibh do Chaper-naum, thàinig luchd-togail na cìse gu Peadar, agus thubhairt iad ris, Nach 'eil bhur maighstir-sa ag òcadh na cìse?

25 Thubhairt esan, A ta. Agus an uair a chaidh e steach do'n tigh, labhair Iosa ris air tús, ag ràdh, Ciod i do bharail-sa, a Shimoin? co uaith a ta rìghrean na talmhainn a' togail càine no cìse²? An ann o'n cloinn féin, no o choigrich?

26 Thubhairt Peadar ris, O choigrich. Thubhairt Iosa ris-san, Air an aobhar sin a ta a' chlann saor.

27 Gidheadh, chum nach tugamaid oilbheum dhoibh, imich thusa chum na fairge, agus tilg dubhan *inn*te, agus tog an ceud iasg a thig a nìos: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shon-sa, agus air do shon féin.

CAIB. XVIII.

1 *Thug Crìosd àithne d'a dheisciobluibh bhì ìmhal agus neo-chronail, 7 oilbheum a sheachnadh, agus gun iad a dheanamh tàir air cloinn bhig. 15 Labhair Crìosd mu thimchioll maitheanas. 23 Cosamhlachd an rìgh a ghabh cunntas d'a sheirbhisich.*

ANNS an àn sin féin thàinig na deisciobuil chum Iosa, ag ràdh, Cò is mò ann an rìoghachd nèimh?

2 Agus air do Iosa leanabh beag a ghairm d'a ionnsuidh, chuir e 'nam meadhon e,

3 Agus thubhairt e, Gu firinneach tha mi ag ràdh ribh, Mur iompaichear sibh, agus mur bì sibh mar leanabana, nach téidsibh a steach do rìoghachd uèimh.

4 Air an aobhar sin, ge b'e dh'islicheas e féin mar an leanaban so, 'se sin féin is mò ann an rìoghachd nèimh.

5 Agus ge b'e ghabhas aon leanaban d'a leithid so ann am ainm-sa, gabhaidh e mise.

6 Ach ge b'e neach a bheir oilbheum do aon neach do'n mhuinntir bhig so a ta creidsinn annam-sa, b'fhearr dha gu'm biodh cloch-mhuilinn air a crochadh r'a mhuineal, agus gu'm biodh e air a bhàtladh ann an doimhne na fairge.

7 Is an-aobhinn do'n t-saoghal air son oilbheuman: oir is éigin do oilbheumaibh teachd; ach is an-aobhinn do'n duine sin troimh an tig an t-oilbheum.

8 Uime sin, ma bheir do làmh no do chos aobhar oilbheim³ dhuit, gearr dhìot iad, agus tilg uait iad: is fearr dhuit dol a steach do'n bheatha air leth-chois no air leth-làimh, na dà làimh no dà chois a bhì agad, agus thu bhì air do thilgeadh anns an teine shiorruidh.

9 Agus ma bheir do shùil aobhar oilbheim dhuit, spìon asad i, agus tilg uait i: is fearr dhuit dol a steach chum na

¹ tuiteamach, gu'n na ré, tinneas na gealaich.

² gearraidh no duilinne.

³ tuisliadh.

beatha air leth-shùil, na dà shùil a bhi agad agus thu bhi air do thilgeadh ann an teine ifrinn.

10 Thugaibh an aire nach dean sibh tarcuis air aon neach do'n mhuinntir bhig so; oir tha mise ag ràdh ribh, gu bheil an aingil-san air nèamh a' faicinn a ghnàth gnùis m' Athar-sa, a ta air nèamh.

11 Oir thàinig Mac an duine a shaoradh an ni sin a bha caillte.

12 Ciod is barail dhuibhse? ma bhitheas aig duine ceud caora, agus gu'n téid aon diubh air seacharan, nach fàg e na naoi caoraich dheug agus ceithir fichead air na beanntaibh, agus nach téid e dh' iarr-aidh na caorach a chaidh air seacharan.

13 Agus ma tharlas da gu'm faigh e i, gu deimhin a ta mi ag ràdh ribh, Gu'n dcan e tuilleadh gairdeachais air son na caorach sin, na air son nan naoi caorach dheug agus ceithir fichead, nach deach-aidh air seacharan.

14 Mar so cha'n e toil bhur n-Athar-sa a ta air nèamh, gu'n rachadh aon neach do'n mhuinntir bhig so a chall.

15 Uime sin ma pheacaicheas do bhràthair a'd' aghaidh, imich agus innis a lochd dha'd' eadar thu féin agus esan a mhàin: ma dh' éisdeas e riut, choisinn thu do bhràthair.

16 Ach mur éisd e riut, thoir² leat aon no dithis eile, chum gu'm bi gach ni air a dheanamh³ seasmhach am beul dithis no triuir do fhianuisibh.

17 Agus ma dhiultas e iadsan éisdeachd, innis do'n eaglais e: ach ma dhiultas e 'n eaglais éisdeachd, biodh e dhuit mar Gheintileach, agus mar chis-mhaor.

18 Gu deimhin a ta mi ag ràdh ribh, Ge b'e air bith nithe a cheanglas sibhse air talamh, bithidh iad ceangailte air nèamh: agus ge b'e air bith nithe a dh' fhuasglas sibhse air talamh, bithidh iad fuasgailte air nèamh.

19 A ris tha mi ag ràdh ribh, Ma choird-eas dithis agaibh air thalamh mu thim-chioll aoin ni a dh' iarras iad, nìthear so dhoibh le m' Athair-sa a ta air nèamh.

20 Oir ge b'e àit am bheil dithis no triuir air an cruinneachadh an ceann a chéile a'm' ainm-sa, a ta mise an sin 'nam meadhon.

21 Air dol do Phheadar d'a ionnsuidh san àm sin, thubhairt e, A Thighearna, cia minic a pheacaicheas mo bhràthair a'm' aghaidh, agus a mbaitheas mi dha? An ann gu ruig an seachdamh uair?

22 Thubhairt Iosa ris, Cha'n abair mi⁴ riut, gus an seachdamh uair, ach gu deich agus trì fichead seachd uairean.

23 Air an aobhar sin is cosmhuil riogh-

achd nèimh ri rìgh àraidh le'm b'àill cunntas a dheanamh r'a sheirbhisich.

24 Agus an uair a thòisich e air cunntas a dheanamh, thugadh aon d'a ionnsuidh air an robh aige deich mìle tàlanu:

25 Ach do bhrìgh nach robh aige ni leis an dioladh e, dh' àithn a thighearn e féin, agus a blican, agus a chlann, agus na h-uile nithe a bha aige a reiceadh, agus dioladh a dheanamh.

26 Air an aobhar sin thuit an seirbluis-each sin sìos, agus rinn e umhlachd dha, ag ràdh, A Thighearn, dean foighidinn rium, agus iocaidh mi dhuit an t-iomlan.

27 An sin air do thighearn an òglaich sin truas mòr a ghabhail dheth, leig e a chead da, agus mhaith e na fiacha dha.

28 Ach an uair a chaidh an seirbhiseach sin féin a mach, fhuair e aon d'a chomh-sheirbhisich air an robh aige ceud peghinn: agus chuir e làmh ann, agus rug e air sgornan air, ag ràdh, Ioc dhomh na bheil agam ort.

29 Agus thuit a chomh-sheirbhiseach sìos aig a chosaibh, agus ghuidh e air, ag ràdh, Dean foighidinn rium, agus iocaidh mi dhuit an t-iomlan.

30 Agus cha b'àill leis-san sin: ach dh' imich e agus thilg e am prìosan e, gus an iocadh e na fiachan,

31 Agus an uair a chunnaic a chomh-sheirbhisich na nithe a rinneadh, bha iad ro dhoilich, agus thàinig iad, agus dh' fhoillsich iad d'an tighearn gach ni a rinneadh.

32 An sin ghairm a thighearn air, agus thubhairt e ris, A dhroch sheirbhisich, mhaith mi dhuit na fiachan ud uile, do bhrìgh gu'n do chuir thu impidh orm;

33 Nach bu chòir dhuitse, mar an ceud-na, tròcair a dheanamh air do chomh-sheirbhiseach féin, amhuil mar a rinn mise tròcair ortsa?

34 Agus ghabh a thighearn fearg, agus thug e do na ceusadairibh⁵ e, gus an iocadh e 'fhiachan uile dha.

35 Agus mar sin ni m' Athair nèamhaidh ribhse, mur maith gach aon agaibh o bhur cridheachaibh d'a bhràthair an cionta.

CAIB. XIX.

1 Shlànuich Crìosd a' mhuinntir a bha tinn: 3 fhreag-air e na Phairisich mu thimchioll dealachaidh: 10 nochd e c' uin a ta am pòsadh feumail: 13 agus ghabh e ri cloinn bhig.

AGUS tharladh⁶, an uair a chrìochnaich Iosa na briathra sin, gu'n d' imich e o Ghalile, agus thàinig e gu crìochaibh Iudea, air an taobh thall do Iordan:

2 Agus lean sluagh mòr e, agus shlànuich e iad an sin.

3 Thàinig na Phairisich mar an ceudna

¹ spreig, tagair ris.

² tubhair.

³ a' chùis uile air a deanamh.

⁴ Ni abram.

⁵ tormentors. Sasg.

⁶ thachair.

d'a ionnsuidh 'ga dhearbhadh¹, agus ag ràdh ris, Am bheil e ceaduidhte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs *iad*, gu'n d'rinn e iad fear agus bean?

5 Agus thubhairt e, Air an aobhar so fàgaidh duine 'athair agus a mhàthair, agus dlùth-leanaidh e r'a mhnaoi: agus bitheadh iad araon 'nan aon fheoil.

6 Air an aobhar sin, cha dithis iad ni's mò, ach aon fheoil. Uime sin, an ni a cheangail Dia, na sgaoileadh duine.

7 Thubhairt iad ris, C'ar son, ma seadh, a dh'èithn Maois litir-dhealaich a thabhairt *dhì*, agus a cur air falbh?

8 Thubhairt esan riu, Dh'fhulaing Maois dhuibh-sa air son cruais bhuir cridhe, bhuir mnà a chur uaibh: ach cha robh e mar sin o thùs.

9 Agus tha mise ag ràdh ribh, Ge b'e chuireas uaith a bhean, ach air son strìopachais, agus a phòsas bean eile, a ta e a' deanamh adhaltrannais: agus ge b'e neach a phòsas ise a chuireadh air falbh, a ta e a' deanamh adhaltrannais.

10 Thubhairt a dheisciobuil ris, Ma's e sin cor an fhir r'a mhnaoi, cha'n 'eil am pòsadh maith r'a dheanamh.

11 Ach thubhairt esan riu, Cha'n 'eil na h-uile dhaoine comasach air a' chainnt so a ghabhail, ach *iadsan* d'an d'thugadh e.

12 Oir a ta cuid 'nan caillteanaich, a rugadh mar sin o bhroim *am* màthar; agus a ta cuid do chaillteanaich ann, a rinn-eadh 'nan caillteanaich le daoineibh; agus a ta caillteanaich ann, a rinn iad fèin 'nan caillteanaich air son rìoghachd nèimh. Ge b'e neach a ta comasach air a ghabhail d'a ionnsuidh, gabhadh se e.

13 An sin thugadh clann bheag d'a ionnsuidh, chum gu cuireadh e a làmhan orra, agus gu'n deanadh e urnuigh: agus chrònuich na deisciobuil iad.

14 Ach thubhairt Iosa, Fulaingibh do na leanabaibh, agus na bacaibh dhoibh teachd a m' ionnsuidh: oir is ann d'an leithdidibh sin a ta rìoghachd nèimh.

15 Agus an déigh dha a làmhan a chur orra, dh'imich e as a sin.

16 Agus, feuch, thàinig neach agus thubhairt e ris, A mhaighstir mhaith, ciod am maith a ni mi chum gu faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dliom-sa? cha 'n'èil aon neach maith ach a h-aon, *eadhon* Dia: ach ma's àill leat dol a steach chum na beatha, coimhid² na h-àitheanta.

18 Thubhairt esan ris, Cìad iad? agus thubhairt Iosa, Na dean mortadh. Na dean adhaltrannas. Na goid. Na toir

fianuis bhrèige.

19 Thoir urram do t'athair, agus do d' mhàthair: agus, Gràdhaich do choimhearsnach mar thu fèin.

20 Thubhairt an t-òganach ris, Choimhid mi iad sin uile o m'òige: ciod a ta dh'uireasbhuidh orm fathast?

21 Thubhairt Iosa ris, Ma's àill leat bhi coimhlionta, imich, reic na bheil agad, agus tabhair do na bochdaibh, agus gheibh thu ionmhas air nèamh; agus thig, agus lean mise.

22 Ach an uair a chual an t-òganach na briathra sin, dh'fhalbh e gu brònach: oir bha mòr-shaoibhreas aige.

23 An sin thubhairt Iosa r'a dheisciobuil, Gu fìrinneach tha mi ag ràdh ribh, gu bheil e cruaidh air duine saoihlir dol a steach do rìoghachd nèimh.

24 Agus a ris tha mi ag ràdh ribh, Gur usadh do chàmhail dol troimh³ chrò snàthaid, na do dhuine saoihlir dol a steach do rìoghachd Dhé.

25 Agus 'nuair a chual a dheisciobuil so, ghabh iad iongantas mòr, ag ràdh, Cò ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoineibh a ta so eu-comasach, ach do Dhia a ta na h-uile nithe comasach.

27 An sin fhreagair Peadar, agus thubhairt e ris, Feuch, thréig sinn na h-uile *nithe*, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin a ta mi ag ràdh ribh, Sibhse a lean mise, anns an ath-ghineamhuin⁴, an uair a shuidheas Mac an duine air caithir a ghloire fèin, gu'n suidh sibhse mar an ceudna air dà chaithir dheug, a' toirt breth air dà thréibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean-phòsda, no clann, no fearann air sgàth m'ainme-sa, gheibh e a' cheud uiread, agus a' bheatha mhair-cannach mar oighreachd.

30 Ach a ta mòran air thoiseach a bhithcas air dheireadh; agus air dheircadh, a *bhitheas* air thoiseach.

CAIB. XX.

1 *Dhearbh Crìosd, le cosamhlachd air a ghabhail o luchd saoihtreach ann an gàradh fìona, nach 'eil Dia fo fhìachaibh do dhuine air bith: 17 roimh-innis e a bhàs; 20 agus theagaisg e d'a dheisciobuil bhà umhal.*

OIR is cosmhuil rìoghachd nèimh ri fear-tighe, a chaidh a mach moch air mhaduinn a thuarsadalachadh luchd-oibre d'a ghàradh fìona⁵.

2 Agus an déigh dha cordadh ris an

¹ *gafheuchainn*, *gabhuairleadh*. ² *gléidh*. ³ *trid*, *tre*.

⁴ *ath-ùrachadh*, *ath-chruthachadh*. ⁵ *fhion-fìos*.

luchd-oibre air pheghinn *Romhanaich* san là, chuir e d'a ghàradh fiona iad.

3 Agus an uair a chaidh e mach timchioll na treas uaire, chunnaic e dream eile 'nan seasamh dìomhanach sa' mharg-adh.

4 Agus thubhairt e riu, Imichibh-sa mar an ceudna do'n ghàradh fhìona, agus ge b'e ni a bhitheas ceart, bheir mi dhuibh e. Agus dh'imich iad.

5 An uair a chaidh e mach a rìs timchioll na seathadh agus na naotliadh uaire, rinn e mar an ceudna.

6 Agus an uair a chaidh e mach mu thimchioll na h-aoin uaire deug, fhuair e dream eile 'nan seasamh dìomhanach, agus thubhairt e riu, C'ar son a ta sibh 'nur seasamh an so feadh an là dìomhanach?

7 Thubhairt iad ris, A chionn nach do thuarasdaich duine air bith sinn. Thubhairt esan riu, Imichibh-sa mar an ceudna do'n ghàradh fhìona, agus ge b'e ni a ta ceart, gheibh sibh e.

8 Agus 'nuair thàinig am feasgar, thubhairt tighearn a' ghàraidh fhìona sin r'a stiùbhard¹, Gairm an luchd-oibre, agus thoir dhoibh an tuarasdal, a' toiseachadh o'n dream a thàinig mu dheireadh gu ruig na ceud daoine,

9 Agus an uair a thàinig iadsan a thuarasdaicheadh mu thimchioll na h-aoin uaire deug, fhuair gach duine dhiubh peghinn.

10 Ach an uair a thàinig an ceud dream, shaoil iadsan gu'm faigheadh iad ni bu mhò; ach fhuair gach aon diubh mar an ceudna peghinn.

11 Agus air dhoibh 'fhaotainn, rinn iad gearan an aghaidh fhìr-an-tighe,

12 Ag ràdh, An dream sin a thàinig mu dheireadh, cha d'rinn iad obair ach aon uair, agus rinn thu iad ionnan ruinne², a gluilain uallach³ agus teas an là.

13 Ach fhreagair esan agus thubhairt e ri fear dhiubh, A charaid, cha'n 'eil mi a' deanamh encoir ort: nach do choird thu rium air pheghinn?

14 Tog leat do chuid féin, agus imich romhad: is i mo thoil-sa a thabhairt do'n ti so a thàinig mu dheireadh, mar a thug mi dhuit-sa.

15 Nach 'eil e ceaduichte dhomh-sa an ni a's toil leam a dheanamh ri mo chuid féin? am bheil do shùil-sa olc, air son gu bheil mise maith?

16 Mar sin bithidh an dream dheireannach air toiseach, agus an dream a ta air toiseach air dheireadh: oir a ta mòran air an gairm, ach beagan air an taghadh.

17 Agus a' dol do Iosa suas gu Ierusalem, thug e an dà dheisciobul deug leis a

leth taobh anns an t-slighe, agus thubhairt e riu,

18 Feuch, a ta sinn a' dol suas gu Ierusalem; agus bithidh Mac an duine air a bhrath thairis do na h-àrd-shagartaibh, agus do na sgrìobhaichibh, agus ditiidh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiùrsadh, agus a cheusadh: ach an treas là éiridh e a rìs.

20 An sin thàinig d'a ionnsuidh màthair cloinne Shebede, maille r'a mic, a' toirt aoraidh dha, agus ag iarraidh ni àraidh air.

21 Agus thubhairt esan rithe, Ciod a b'àill leat? Thubhairt i ris, Abair⁴ gu'n suidh iad so mo dhithis mhac, fear aca air do làimh dheis, agus fear eile air do làimh chlì, a'd' rìoghachd.

22 Ach fhreagair Iosa agus thubhairt e, Cha'n 'eil fhios agaibh ciod a ta sibh ag iarraidh. Am bheil sibh comasach air a' chupan sin òl a dh'òlas mise, agus a bhi air bhuir baisteadh leis a' bhaisteadh leis am baistear mise? Thubhairt iad ris, A ta sinn comasach.

23 Agus thubhairt esan riu, Olaidh sibh gu deimhin do m' chupan-sa, agus baistear sibh leis a' bhaisteadh leis am baistear mise: ach suidhe air mo làimh dheis agus chlì, cha leamsa sin a thabhairt, ach dhoibh-san d' am bheil e air ulluchadh le m' Athair-sa.

24 Agus 'nuair a chual an deichnear so, bha iad diombach air an dithis bhràithre.

25 Ach ghairm Iosa iad d'a ionnsuidh, agus thubhairt e, A ta fhios agaibh gu bheil aig uachdaranaibh⁵ nan Cinneach tighearnas orra, agus gu bheil aig an daoinibh mòra smachd orra.

26 Ach mar sin cha bhi e 'nur measg-sa: ach ge b'e neach le'm b'àill a bhi mòr 'nur measg, biodh e dhuibh 'na fhear-frithealaidh.

27 Agus ge air bith le'm b'àill toiseach a bhi aige 'nur measg, biodh esan 'na sleirbhiseach dhuibh:

28 Amhuil mar nach d'thàinig Mac an duine chum gu'n deantadh frithealadh dha, ach a dheanamh frithealaidh, agus a thabhairt 'anama féin mar éiric air sou mhòran.

29 Agus ag dol a mach dhoibh á Iericho, lean sluagh mòr e:

30 Agus, feuch, dithis dhaoine dalla, a bha 'nan suidhe ri taobh na slighe, 'nuair a chual iad gu'n robh Iosa a' dol seachad, ghlaodh iad, ag ràdh, Dean tròcair oirne, a Thighearn, a Mhic Dhaibhidh.

31 Agus chronuich an sluagh iad, chum gu'm biodh iad 'nan tosd: ach is mòid⁶

¹ fhear-riaghlaidh. ² agus sinne ³ a dh'iom-

chair callach ⁴ Deònuich. ⁵ prionnsaibh. ⁶ mò.

a ghlaodh iadsan ag ràdh, Dean tròcair oirnn, a Thighearn, a Mhic Dhaibhidh.

32 Agus sheas Iosa, agus ghairm e iad, agus thubhairt e, Ciod is àill leibh mise a dheanaimh dhuibh?

33 Thubhairt iadsan ris, A Thighearn, ar sùilean a bhi air am fosgladh.

34 Agus ghabh Iosa truas dhiubh, agus bhean e r'an sùilbhi: agus air ball¹ thàinig radharc d'an sùilbhi, agus lean iad c.

CAIB. XXI.

1 Mharcaich Iosa gu Ierusalem air asail; 12 thilg e mach an luchd-reicidh agus ceannmachd as an teampull; 17 mhalluich e an crann-fìge, 23 chuir e na sagairt² nan tosd; 28 agus chrònuich e iad le cosamlachd.

AGUS an uair a dhruid iad ri Ierusalem, agus a thàinig iad gu Bethphage, gu sliabh nan crann-oladh, an sin chuir Iosa dithis d'a dheisciobluibh uaith,

2 Ag ràdh riu, Rachaidh do'n bhaile a ta thall fa 'ur comhair, agus air ball gheibh sibh asal ceangailte ann, agus loth maille rithe²: fuasglaibh, agus thug-aibh a m' ionnsuidh iad.

3 Agus ma labhras aon duine ni air bith ribh, abraibh, Gu bheil feum aig an Tighearn orra; agus cuiridh e uaith air ball iad.

4 Rinneadh na nithe so uile, chum gu'n coimhliontadh an ni a labhradh leis an fhàidh ag ràdh,

5 Innsibh do nighean Shioin, Feuch, a ta do Rìgh a' teachd a d' ionnsuidh gu ciùin, agus e 'na shuidhe air asail, agus air lòth³ mac na h-asail.

6 Agus dh'imich na deisciobuil, agus rinn iad mar a dh'àithn Iosa dhoibh;

7 Agus thug iad an asal agus an loth leo, agus chuir iad am falluinn⁴ orra, agus chuir iad esan 'na shuidhe air am muin.

8 Agus sgaoil mòr-shluagh am falluinn⁴ air an t-slighe; agus ghearr dream eile geuga do na crannaibh, agus lcag iad air an t-slighe iad.

9 Agus thog an sluagh a bha roimhe agus 'na dheigh iolach, ag ràdh, Hosanna do Mhac Dhaibhidh: beannaichte gu robh an Tì a thig ann an ainm an Tighearna; Hosanna anns na h-àrdaibh.

10 Agus 'nuair thàinig e steach do Ierusalem, ghluaiseadh am baile⁵ uile, ag ràdh, Cò e so?

11 Agus thubhairt an sluagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dé, agus thilg e mach iadsan uile a bha reic agus a' ceannach anns an teampull, agus thilg e buird luchd-malairt⁶ an airgid thairis, agus caithriche luchd-

reicidh nan columan.

13 Agus thubhairt e riu, A ta e sgrìobhta, Goirear tigh urnuigh do m' thighsa; ach rinn sibhse 'na ghàraidh luchd-reubainn⁷ e.

14 Agus thàinig na doill agus na bacaich d'a ionnsuidh anns an teampull, agus shlànuich e iad.

15 Agus an uair a chunnaic na h-àrd-shagairt agus na sgrìobhaichean na gnìomharan iongantach a rinn e, agus a chlann a' glaochaich san teampull, agus ag ràdh, Hosanna do Mhac Dhaibhidh, bha corruich mhòr orra.

16 Agus thubhairt iad ris, An cluinn thu ciod a ta a' mhuinntir sin ag ràdh? Agus thubhairt Iosa riu, A ta mi 'cluinntinn; nach do leugh sibhse riamh, A beul naoidhean agus chiochran choimhlion thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus an uair a phill e chum a' bhaile air mhaduinn, bha ocras air.

19 Agus air dha crann-fìge fhaicinn air an t-slighe, thàinig e d'a ionnsuidh, agus cha d'fhuair e ni air bith air, ach duilleach a mhàin; agus thubhairt e ris, Na fàsadh⁸ toradh o so suas gu bràth ort. Agus chrìon ann crann-fìge air ball.

20 Agus an uair a chunnaic na deisciobuil e, ghabh iad iongantas, ag ràdh, Cia luath a shearg an crann-fìge as?

21 Agus fhreagair Iosa agus thubhairt e riu, Gu deimhin a ta mi ag ràdh ribh, ma bhitheas ereidimh agaibh, agus nach bi sibh fo amharus, cha'n e mhàin gu'n dean sibh an ni a rinneadh do'n chrann-fhìge, ach mar an ceudna ma their sibh ris a' bheinn so, Togar thu, agus tilgear san fhaire thu, bithidh e deanta:

22 Agus ge b'e air bith nithe a dh'iarras sibh ann bhur n-urnuigh, ma chreideas sibh, gheibh sibh iad.

23 Agus an uair a thàinig e do'n teampull, thàinig na h-àrd-shagairt agus seanairean a' phobuill d'a ionnsuidh, agus e a' teagasg, ag ràdh ris, Ciod e an t-ùghdarras leis⁹ am bheil thusa a' deanamh nan nithe so? agus cò thug an cumhachd so dhuit?

24 Agus fhreagair Iosa agus thubhairt e riu, Feòraichidh mise mar an ceudna aon ni dhibh-sa, agus ma dh'imneas sibh dhomh e, innsidh mise dhuibh-sa, air mhodh ceudna, cia an t-ùghdarras leis an bheil mi deanamh¹⁰ nan nithe so.

25 Baisteadh Eoin, cia as a thàinig e? O nèamh, no o dhaoibh? Ach reusan-aich iadsan 'nam measg fèin, ag ràdh, Ma

¹ gun dàil, san uair. ² 'na fochair. ³ bioraiche.

⁴ eudach uachdair. ⁵ a' chaithir. ⁶ iomlail.

⁷ 'na uaimh chreachadairean, 'na shlochd mheirleach.

⁸ Nar fhàsadh. ⁹ trid. ¹⁰ trid an deanam.

their sinn, O nèamh, their esan ruinn, C'ar son, ma seadh, nach do chreid sibh e?

26 Ach ma their sinn, O dhaoibh, a ta eagal a' phobuill oirn; oir a ta meas fàidh aig gach uile *dhuine* air Eoin.

27 Agus fhreagair iad Iosa, agus thubhairt iad, Cha'n 'eil fhios againn. Agus thubhairt esan riu, Ni mò dh'innseas mise dhuibh-sa cia an t-ùghdarras leis am bheil mi deanamh nan nithe so.

28 Ach ciod i bhuir barail-sa? Bha aig duine àraidh dithis mhac, agus thàinig e dh'ionnsuidh a' cheud *mhic*, agus thubhairt e, A mhic, imich, dean obair an diugh a'm' ghàradh fiona.

29 Agus fhreagair esan agus thubhairt e, Cha dean : ach 'na dlùigh sin, ghabh e aithreachas agus dh'imich e.

30 Agus thàinig e gus an dara *mac*, agus thubhairt e mar an ceudna. Agus fhreagair esan agus thubhairt e, *Théid*, a Thigh-earn; gidheadh cha deachaidh e.

31 Cò do'n dithis a rinn toil 'athar? Thubhairt iadsan ris, An ceud fhear. Thubhairt Iosa riu, Gu firinneach tha mise ag ràdh ribh, gu'n téid na cis-mhaoir agus na strìopaichean do rìoghachd Dhé roimh-bhisa.

32 Oir thàinig Eoin do 'ur n-ionnsuidh an slighe na fireantachd agus cha do chreid sibh e : ach chreid na cis-mhaoir agus na strìopaichean e. Agus ge do chunnaic sibhsa so, cha do ghabh sibh aithreachas 'na dhéigh sin, a chum gu'n creideadh sibh e.

33 Eisdibh ri cosamhlachd eile : Bha fear-tìghe àraidh ann, a phlannduich fionlios, agus chuir e gàradh¹ m'a thimchioll, agus chladhaich e ionad-bruthaidh an fhìona ann, agus thog e tùr, agus shuidhich e air tuath e; agus chaidh e féin air choigrich.

34 Agus an uair a dhruid *riu* àm an toraidh, chuir e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus chlach iad fear eile.

36 A ris, chuir e seirbhisich eile uaith, tuillcadh na *sa'* cheud *chuideachd*; agus rinn iad orra-san mar an ceudna.

37 Ach ma dheireadh, chuir e a mhac féin d'an ionnsuidh, ag ràdh, Bheir iad urram do mo mhac.

38 Ach an uair a chunnaic an tuath am mac, thubhairt iad eatorra féin, 'S e so an t-Oighre, thigibh, marbhamaid e, agus glacamaid 'oighreachd-san *dhuinn féin*.

39 Agus rug iad air, agus thilg iad a mach as an fhìon-lios e, agus mharbh iad e.

40 Air an aobhar sin, an uair a thig Tigh-

earn an fhìon-lios *sin*, ciod a ni e ris an tuath sin?

41 Thubhairt iad ris, Sgriosaidh e gu truagh na droch dhaoine sin, agus suidhichidh e am fion-lios air tuath eile, a bheir a thoraidh dha 'nan aimsiribh féin.

42 Thubhairt Iosa riu, Nach do leugh sibh riann anns na sgriobtuiribh, A' chlach a dhiult na clachairean, rinneadh i 'na cloich-chinn na h-oisne : is e an Tighearn a rinn so, agus a ta e iongantach 'nar sùilbh-ne?

43 Uime sin tha mi ag ràdh ribh, Gu'n toirear rìoghachd Dhé uaibhsa, agus gu'n toirear do chinneach *eile* i, a bheir a toraidh uatha.

44 Agus ge b'e neach a thuiteas air a' chloich so, brisear e; ach ge b'e air an tuit i, ni i min-luathre dheth.

45 Agus an uair a chuala na h-àrd-shagairt agus na Phairisich a chosamhlachd-san, thuig iad gu'm b'ann mu'n timchioll féin a labhair e.

46 Ach an uai bu mhiann leo breith air², bha eagal a' phobuill orra, oir bha meas fàidh aca air-san.

CAIB. XXII.

1 Cosamhlachd bainne mhic an Rìgh. 9 Gairm nan Cinneach : 12 peanas an fhir a bha dh'utreasbhuidh trusgair na bainne. 15 Is còir cìs iocadh do Cheasar. 23 Barail mhearachdach nan Sadusaich mu thimchioll aiseirigh nam marbth.

AGUS fhreagair Iosa, agus labhair e riu a ris ann an cosamhlachdaibh, ag ràdh,

2 Is cosmhuil rìoghachd nèimh ri rìgh àraidh, a rinn banais-phòsaidh d'a mhac féin;

3 Agus chuir e a sheirbhisich a ghairm na muinntir a fhuair cuireadh chum na bainne : ach cha b'àill leo-san teachd.

4 A ris, chuir e d'an *ionnsuidh* seirbhisich eile, ag ràdh, Abraibh-sa ris a' mhuinntir d'an d'thugadh cuireadh, Feuch, dheasaich mi mo dhinneir : *a ta* mo dhaimh agus mo spréidh bliadhta air am marbhadh, agus *a ta* na h-uile nithe ullamh; thigibh chum na bainne.

5 Ach chuir iadsan an suarachas e, agus dh'imich iad rompa, fear dhiubh d'a fhearann, agus fear eile chum a cheannachd :

6 Agus rug a' chuid eile *dhiubh* air a sheirbhisich, agus thug iad masladh *dhoibh*, agus mharbh siad iad.

7 Ach an uair a chual an rìgh so ghabh e fearg; agus chuir e 'armailean uaithe, agus sgrios e an luchd-mortaich sin, agus loisg e am baile-san.

8 An sin thubhairt e r'a sheirbhisich, Gu firinneach a ta a' bhanais ullamh, gidheadh an dream a fhuair cuireadh cha b'airidh iad *air*³.

¹ d'ige, callaid.

² b'àill leo làmh a chur ann.

³ cha b'fhuil iad e.

9 Air an aobhar sin imichibh-sa gus na rathaidibh mòra, agus a lion *daoine* 's a gheibh sibh, cuiribh iad chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar olc agus mhaith: agus lìonadh *tigh* na bainnse le muinntir a shuidh chum bidh.

11 Agus air dol a steach do'n rìgh a dh'fhaicinn nan aoidhean, chunnaic e an sin duine aig nach robh trusgan na bainnse uime:

12 Agus thubhairt e ris, A charaid, cionnus a thàinig thusa steach an so, gun trusgan na bainnse umad? Ach dh'fhan esan 'na thosd.

13 An sin thubhairt an rìgh ris na seirbhisich, Air a cheangal d'uibh eadar chosan agus làmhnan, togaibh leibh e, agus tilgibh e anns an dorchadas iomallach: an sin bithidh gul agus giosgan fhiachal.

14 Oir a ta mòran air an gairm, ach beagan air an taghadh.

15 An sin dh'imich na Phairisich, agus ghabh iad comhairle cionnus a dh'fheudadh iad esan a ribeadh¹ 'na chainnt.

16 Agus chuir iad d'a ionnsuidh an deisciobuil féin, maille ri luchd-leannhuinn Heroid, ag ràdh, A mhaighstir, a ta fhios againn gu bheil thusa fìor, agus gu bheil thu teagasg slighe Dhé ann am fìrinn, agus uach 'eil suim agad do dhuine sam bith: oir cha'n 'eil thu ag amharc air pearsaibh² dhaoine.

17 Uime sin innis dhuinne do bharail, Am bheil e ceaduidhte eis a thabhairt do Cheasar, no nach 'eil?

18 Ach air tuigsinn am mùin a dh'Iosa, thubhairt e, C'ar son a ta sibh ga m'bhuaireadh, a chealgairean?

19 Nochdaibh dhomhsa airgid na cìse. Agus thug iad d'a ionnsuidh peghinn³.

20 Agus thubhairt e riu, Co dha a bhuineas an dealbh so, agus an sgrìobhadh a ta m'a thimchioll?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Cheasar na nithe a's le Ceasar; agus do Dhia, na nithe a's le Dia.

22 Agus an uair a chual iad so, ghabh iad iongantas, agus dh'fhàg iad e, agus dh'imich iad rompa.

23 Air an là sin féin thàinig d'a ionnsuidh na Sadusaich, a their nach 'eil aiseirigh ann, agus chuir iad ceisd air.

24 Ag ràdh, A mhaighstir, thubhairt Maois, Ma gheibh duine bàs gun chlann aige, gur còir d'a bhràthair a bhean-san a phòsadh a dhlighe daimhe, agus sliochd a thogail d'a bhràthair.

25 A nis bha seachdnar bhràithre 'nar

measg-ne; agus air do'n cheud fhear dhiubh bean a phòsadh, fhuair e bàs, agus do bhrìgh nach robh sliochd aige, dh'fhàg e a bhean d'a bhràthair.

26 Agus *thachair* mar an ceudna do'n dara, agus do'n treas *bràthair*, gu ruig an seachdamh.

27 Agus 'nan déigh uile fhuair a' bhean bàs mar an ceudna.

28 Air an aobhar sin anns an aiseirigh, cò do'n t-seachdnar d'am bean i? Oir bha i aca uile.

29 Agus fhreagair Iosa agus thubhairt e riu, A ta sibh air seacharan⁴, gun eòlas agaibh air na sgrìobtuiribh, no air cumhachd Dhé:

30 Oir anns an aiseirigh cha dean iad pòsadh, ni mò a bheirear am pòsadh iad; ach a ta iad mar aingil Dhé air nèamh.

31 Ach mu thimchioll aiseirigh nam marbh, nach do leugh sibh an nì sin a labhradh ribh le Dia, ag ràdh,

32 Is mise Dia Abraham, agus Dia Isaac, agus Dia Iacob? cha'n e Dia, Dia nam marbh, ach nam beò.

33 Agus an uair a chual am pobull so, ghabh iad iongantas r'a theagasg-san.

34 Ach an uair a chuala na Phairisich gu'n do chuir e na Sadusaich 'nan tosd, chruinnicheadh iad an ceann a chéile.

35 An sin chuir neach àraidh dhiubh, a b'fhear teagaisg an lagha, ceisd *air*, 'ga dhearbhadh, agus ag ràdh,

36 A mhaighstir, cia i an àithne a's mò san lagh?

37 Thubhairt Iosa ris, Gràdhaichidh tu an Tighearn do Dhia .le t'uile chridhe, agus le t'uile anam, agus le t'uile iuntinn.

38 Is i so a' cheud *àithne* agus an àithne mhòr.

39 Agus *is* cosmhuil an dara rithe so, Gràdhaichidh tu do choimhearsnach mar thu féin.

40 Air an dà àithne so tha'n lagh uile, agus na fàidhean an crochadh.

41 Ach air do na Phairisich bhi cruinn an ceann a chéile, dh'fheòraich Iosa dhiubh,

42 Ag ràdh, Cìod i bhur barail-sa mu thimchioll Chrìosd? cò d'am mac e? thubhairt iadsan ris, Do Dhaibhidh.

43 Thubhairt esan riu, Cionnus ma seadh a ghoireas Daibhidh san spiorad a Thighearna dheth, ag ràdh,

44 Thubhairt an Tighearn ri m' Thighearn, Suidh air mo làmh dheis, gus an cuir mi do naimhdean 'nan stòl fo d' chosaibh?

45 Air an aobhar sin, ma ghoireas Daibhidh a Thighearn dheth, cionnus is mac dha e?

¹ ghlacadh.

² gnùis. Gr.

³ U'iomnan a'

phèghinn Romhanach agus 7½.

⁴ ionnroll.

46 Agus cha b'urraim aon neach freagradh sam bith a thabhairt air; ni mò a bha chridhe aig aon neach, o'n là sin suas, ni air bith fheòrach dheth.

CAIB. XXIII.

1 *Chomhairlich Criosd do'n t-sluagh éisdeachd ri deadh theagasg nan sgrìobhaichean, agus nam Phairiseach: ach gun an droch eisempleir a lean-tuinn: 5 is còir d'a dheisciobluibh bhì air am faicill an aghaidh an uabhair.*

AN sin labhair Iosa ris an t-sluagh, agus r'a dheisciobluibh féin,

na 2 *Ag ràdh, A ta na sgrìobhaichean agus na Phairisich 'nan suidhe ann an caithir Mhaois:*

3 Air an aobhar sin, na h-uile nithe dh'iaras iad oirbh-sa a choimhead¹, coimhidibh agus deanaibh *iad*; ach na deanaibh a réir an oibre: oir their iad, agus cha dean iad.

4 Oir ceanglaidh iad uallaiche² troma, agus do-ìomchar, agus cuiridh siad *iad* air guailnibh dhaoine; gidheadh cha charuich iad féin iad le h-aon d'am meuraibh.

5 Ach an oibre uile a ta iad a' deanamh chum a bhì air am faicinn le daoineibh: ni iad am philacteridh leathan, agus iomall an eudaich mòr;

6 Agus is ionmhunn leo na ceud ionada-suidhe anns na féillibh, agus na ceud chaithriche anns na coimhthionalaibh,

7 Agus fàilte *fhaghail* air na margaidh, agus daoine a ghairm Rabbi, Rabbi dhiubh.

8 Ach na goirear Rabbi dhiubhse: oir is aon àrd-mhaighstir a ta agaibh, Criosd; agus is bràithre sibh féin uile.

9 Agus na goiribh bhur n-athair do dhuine sam bith air thalamh: oir is aon Athair a ta agaibh, a ta air nèamh.

10 Cha mhò a ghoirear àrd-mhaighstir-ean dhiubh: oir is aon àrd-mhaighstir a ta agaibh, Criosd.

11 Ach an ti a's mò 'nur measg, bithidh e 'na òglach agaibh.

12 Agus ge b'e neach a dh'àrdaicheas e féin, islichear e; agus ge b'e neach a dh'islicheas e féin, àrdaichear e.

13 Ach is an-aoibhinn dhuibh-sa, a sgrìobhaichean agus Phairiseacha, a chealgair-ean, do brìgh gu bheil sibh a' druid-eadh rìoghachd nèimh an aghaidh dhaoine: oir cha téid sibh féin a steach, agus cha'n fhulaing sibh do'n dream a ta dol a stigh dol ann.

14 Is an-aoibhinn dhuibh, a sgrìobhaichean agus Phairiseacha, a chealgair-ean; oir a ta sibh ag itheadh suas tighean bhàn-trach, agus air sgàth deadh choslais à deanamh urnuighean fada; uime sin gheibh sibh an dannadh a's mò.

15 Is an-aoibhinn dhuibh, a sgrìobhaichean agus Phairiseacha, a chealgair-ean; oir cuairtichidh sibh muir agus tìr chum aon duine a dheanamh do bhur creidimh féin; agus an uair a bhitheas e deanta, ni sibh mac ifrinn dheth dà uair ni's mò na sibh féin.

16 Is an-aoibhinn dhuibh, a chinn-iùil³ dhalla, a their, Ge b'e duine a bheir mionn-an air an teampull, cha ni air bith sin: ach ge b'e bheir mionn-an air òr an team-puill, a ta e ceangailte⁴.

17 Amadana, agus a dhaoine dalla! oir cò aca is mò an t-òr, no an teampull a ta naomhachadh an òir?

18 Agus, Ge b'e bheir mionn-an air an altair, cha'n eilsuim ann: ach ge b'e bheir mionn-an air an tiodhlac a ta oirre, a ta e ceangailte.

19 Amadana, agus a dhaoine dalla! oir cò aca is mò an tiodhlac, no'n altair a ta naomhachadh an tiodhlaic?

20 Air an aobhar sin, ge b'e mhionnaicheas air an altair, a ta e a' mionnachadh oirre féin, agus air geach ni a ta oirre.

21 Agus ge b'e mhionnaicheas air an teampull, a ta e a' mionnachadh air san, agus air an Tì a ta 'na chòmhnuidh ann.

22 Agus ge b'e neach a mhionnaicheas air nèamh, a ta e a' mionnachadh air rìgh-chaithir Dhé, agus airsan a ta 'na shuidhe oirre.

23 Is an-aoibhinn dhuibh, a sgrìobhaichean agus Phairiseacha, a chealgair-ean: oir a ta sibh a' toirt an deachamh as a' mhiinnt, agus an anise, agus a' chuimin, agus dhiobair sibh nithe cudthromach an lagha, cothrom, tròcair, agus frinn: bu choir dhuibh iad so a dheanamh, agus gun iad sud fhàgail gun deanamh.

24 A chinn-iùil dhalla, a shìolaidheas⁵ a' mhin-chuileag, agus a shluigheas an càmhail.

25 Is an-aoibhinn dhuibh, a sgrìobhaichean agus Phairiseacha, a chealgair-ean; oir glanaidh sibh an taobh a muigh do'n chupan, agus do'n mlièis, ach a ta iad an taobh a sìgh làn do reubainn, agus do eucoir⁶.

26 Phairisich dhoill, glan air tùs an taobh a sìgh do'n chupan agus do'n mlièis, chum gu'm bi an taobh a muigh dhiubh glan mar an ceudna.

27 Is an-aoibhinn dhuibh, a sgrìobhaichean agus Phairiseacha, a chealgair-ean: oir is cosmhuil sibh ri uaighibh gealaichte, a ta deadh-mhaiseach air an taobh a muigh, ach air an taobh a sìgh a ta làn do chàmhaibh dhaoine marbha, agus do'n uile shalachar.

28 Mar an ceudna, a ta sibhse an leth a muigh am fianuis dhaoine ann an coslas

¹ ghleidhadh.

² eallacha

³ a luchd-sedaidh, a thedraichean.

⁴ fuidh fhìachaibh.

⁵ sgagas.

⁶ dh'anabhara.

fhìreana, ach san taobh a stigh làn ceùg, agus eusaontais.

29 Is an-aobhinn dhuibh, a sgrìobhaichean agus Phairiseacha, a chealgairean; oir a ta sibh a' togail àitean-adhlacaidh nam fàidhean, agus a' deanamh leac-lithidh nam firean deadh-mhaiseach,

30 Agus ag ràdh, Nam bitheamaid ann an làithibh n'aithriche, cha bhitheamaid compàirteach riu am fuil nam fàidhean.

31 Mar sin a ta sibh 'nur fianuisibh 'nur n-aghaidh féin, gur sibh clann na muinntir a mharbh na fàidhean.

32 Mar sin lionaibh-sa suas tomhas bhur n-aithriche.

33 A nathraiche, a shìol nan nathraiche nimhe, cìomus a dh'fheudar leibh dol as o dhannadh ifrinn.

34 Air an aobhar sin, feuch, cuiream-sa do 'ur ionnsuidh fàidhean, agus daoine glìce, agus sgrìobhaichean; agus *cuid* dhuibh marbhaidh agus cèusaidh sibh, agus *cuid* dhuibh sgrìorsaidh sibh ann bhur sionagogaibh, agus nì sibh geur-leannmuinn *orra* o bhaile gu baile:

35 Clum gu'n tig oirbh gach uile fhuil fhìreanta a dhòirteadh air an talamh, o fhuil Àbeil fhìreanta, gu fuil Shachariais, mhic Bharachiais, a mharbh sibh eadar an teampull agus an altair.

36 Gu firinneach a ta mi ag ràdh ribh, Gu'n tig na nithe so uile air a' ghinealach so.

37 A Ierusalem, a Ierusalem, a mharbhas na fàidhean, agus a chlachas an dream a chuirear a d'ionnsuidh, cia minic a b'àill leam do chlann a chruinneachadh r'a chèile, mar a chruinneachas cearc a h-eoin fuidh a sgiathaibh, agus cha b'àill leibh!

38 Feuch, fàgar bhur tigh agaibh 'na fhàsach.

39 Oir tha mise ag ràdh ribh, nach faic sibh mise o so suas, gus an abair sibh, *Is heannaichte an Tì a thig ann an ainm an Tighearn.*

CAIB. XXIV.

1 *Dh'innis Crìosd roimh-làimh sgrìos Ierusalem:*
3 *cìod iad agus cia mòr na triobladairean a bhitheas roimhe sin:* 29 *comharan a theachd gu breitheanas.*
36 *Do bhrìgh gu bheil là a' bhrèitheanasais fol-nichte, is còir do gach neach faire a dheanamh.*

A GUS chaidh Iosa mach, agus dh'imich e o'n teampull; agus thàinig a dheisciobuil d'a ionnsuidh, a nochdadh dha aitreabh an teampull.

2 Agus thubhairt Iosa riu, Nach faic sibh iad so uile? gu firinneach tha mi ag ràdh ribh, Nach fàgar clach air muin cloiche an so, nach tilgear sìos.

3 Agus air suidhe dha air sliabh nan crann-oladh, thàinig a dheisciobuil d'a ionnsuidh an uaignidheas¹, ag ràdh, Innis

dhuinne, c'uin a thig na nithe sin *gucrich?* agus cìod e comhara do theachd-sa, agus deiridh an t-saoghail?

4 Agus fhreagair Iosa agus thubhairt e riu, Thugaibh an aire nach meall aon neach sibh:

5 Oir thig mòran a'm ainm-sa, ag ràdh, Is mise Crìosd; agus meallaidh iad mòran.

6 Agus chuinnidh sibh coganna, agus tuairisgeul² choganna: thugaibh an aire nach bi sibh fo anhludh³: oir is éigin do na *nithibh sin* uile teachd gu crìch⁴, ach cha'n 'eil an deireadh ann fàthast.

7 Oir éiridh cinneach an aghaidh cinnich, agus rìoghachd an aghaidh rìoghachd: agus bithidh gorta, agus plàighean, agus crìothanna-talmhainn ann am mòran àitean.

8 Agus cha'n 'eil anna so uile ach toiseach thruaighean.

9 An sin bheir iad thairis sibh chum àmhghair, agus marbhaidh iad sibh, agus bithidh fuath aig gach uile chuineach dhuibh air sgàth m'ainm-sa.

10 Agus an sin gabhaidh mòran oilbh eum, agus brathaidh iad a chèile, agus bithidh fuath aca d'a chèile.

11 Agus éiridh mòran do fhàidhibh brèige, agus meallaidh iad mòran.

12 Agus do bhrìgh gu'm bi an eneoir air a meudachadh, fuaraichidh gràdh mhòran.

13 Ach ge b'e bhitheas seasmhach chum na crìche, is e so a thèarnas⁵.

14 Agus bithidh soisgeul so na r'oghachd air a shearmonachadh air feadh an domhain nìle, mar fhianuis do na h-uile chinnich: agus an sin thig an deireadh.

15 Air an aobhar sin, an uair a chì sibhse gràineileachd an léir-sgrìos, air an do labh-air Daniel am fàidh, 'na seasamh ann an ionad naomh, (tuigeadh an tì a leughas.)

16 An sin teicheadh iadsan *a ta* ann an Iudea, chum nam beann:

17 An tì a ta air mullach an tighe, na tigeachd e nuas a thabhairt nì sam bith leis as a thigh:

18 Agus an tì a tasan' mhachair, na pill-eachd e air ais a thogail 'fhalluin leis.

19 Agus is an-aobhinn do na mnàibh torrach, agus dhoibh-san a bheir cloch uatha sna làithibh sin.

20 Ach guidhibh-sa gun bhur teicheadh a bhi sa' gheamhradh, no air an t-sàbaid:

21 Oir anns an àm sin bithidh àmhlghar mòr ann, amhuil nach robh ann o thùs an domhain gus a nis, agus nach mò a bhitheas a chaidh.

22 Agus mur biodh na làithean sin air au giorrachadh, cha bhiodh feoil sam bith air a tèarnadh: ach air son nan daoine

¹ os iosal.² iomradh.³ bhuaircas.⁴ tachairt.⁵ a shlàn-wichear.

taghta bithidh na làithean sin air an giorrachadh.

23 An sin ma their aon duine ribh, Feuch, *a ta* Criosd an so, no an sud; na creidibh *e*:

24 Oir èiridh Criosdan bréige, agus fàidhean bréige, agus ni iad comharan agus mìorbhuilean mòra, ionnus gu mealladh iad, nam feudadh e bhi, na daoine taghta féin.

25 Feuch, dh'innis mi dhuibh *e* roimh-làimh.

26 Uime sin ma their iad ribh, Feuch, a ta e san fhàsach, na rachaibh a mach: feuch, *a ta* e sna seòmraichibh uaigneach, na creidibh *sin*.

27 Oir a réir mar a thig an dealanach o'n àird an ear, agus a dhealraicheas i gus an àird an iar; mar sin mar an ceudna bhitheas teachd Mhic an duine.

28 Oir ge b'e àit¹ am bi a' chairbh², is ann an sin a chruinnichear n h-iolairean.

29 Air ball an déigh trioblaid nan làithean ud, dorchaichear a' ghrian, agus cha tabhair a' ghealach a solus, agus tuitidh na reultan o nèamh, agus bithidh cumhachdan nan nèamh air an crathadh.

30 Agus an sin foillsichear comhara Mhic an duine an nèamh: agus an sin ni uile threubha na talmhainn bròn, agus chi iad Mac an duine a' teachd air neulaibh nèimh, le cumhachd agus glòir ro mhòir.

31 Agus cuiridh e mach 'aingil le fuaim mhòir na gall-truimp, agus cruinnichidh iad a shluagh taghta o na ceithir gaothaibh, o leth-iomall nèimh gus an leth-iomall eile.

32 Ach fòglhlumaibh cosamhlachd o'n chram-fhège: an uair a bhitheas a gheug a nis maoth, agus a dh'fhàsas an duilleach, aithnichidh sibh gur fagus an samh-radh:

33 Agus mar an ceudna, an uair a chi sibhse na nithe sin uile, biodh fios agaibh gu bheil e am fagus, *eadhon* aig na dorsaibh.

34 Gu deimhin a ta mi ag ràdh ribh, Nach téid an ginealach so féin thairis, gus an tachair na nithe so uile.

35 Théid nèamh agus talamh thairis, ach cha téid mo bhrìathra-sa thairis a maoidh.

36 Ach cla'n 'eil fios an là no na h-uaire sin aig duine air bith, no fòs aig ainglibh nèimh, ach aig m'Athair-sa a mhàin.

37 Ach amhuil *a bha* làithean Noe, mar sin mar an ceudna bithidh teachd Mhic an duine.

38 Oir mar a bha iad anns na làithibh roimh an tuil ag itheadh agus ag òl, a' pòsadh agus a' toirt am pòsadh, gus an

là an deachaidh Noe a s each san àirc.

39 Agus nach robh fhios aca gus an d'fhàinig an tuil, agus an do thog i leatha iad uile; mar sin mar an ceudna bithidh teachd Mhic an duine.

40 An sin bithidh dithis air a' mhaclair; gabhar fear aca, agus fàgar am fear eile.

41 Bithidh dithis bhan a' meileadh³ anns a' mhuilean; gabhar a h-aon aca, agus fàgar an aon eile⁴.

42 Uime sin deanaibh-sa faire, oir cha'n 'eil fhios agaibh cia an uair an tig bhuir Tighearn.

43 Ach a ta fhios so agaibh, nam b'fhiosrach fear an tighe cia an uair an tigeadh an gaduiche, gu'n deanadh e faire, agus nach fulaingeadh e gu'm bristeadh a thigh troimh.

44 Uime sin, bithibh-sa ullamh mar an ceudna: oir is ann an uair nach saoil sibh, a thigh Mac an duine.

45 Cò e, ma seadh, a ta 'na òglach firinneach agus glic, a chuir a Thighearn os ceann a mhuinntir, a thabhairt bidh dhoibh 'na àm féin?

46 Is beannaichte an t-òglach sin, a gheibh a Thighearna, ri àm dha teachd, a' deanamh mar sin.

47 Gu deimhin a ta mi ag ràdh ribh, gu'n cuir se e os ceann a mhaoin gu h-ìomlan.

48 Ach ma their an droch sheirbhiseach ud 'na chridhe, A ta mo Thighearn a' cur dàil 'na theachd;

49 Agus ma thòisicheas e air *a* chomh-sheirbhisich a bhualadh, agus air itheadh agus òl maille ri luchd-misge;

50 Thig Tighearn an òglaich sin ann an là nach 'eil suil aige ris, agus ann an uair nach fios da,

51 Agus gearraidh e 'na bhloighdibh e, agus bheir e a chuibhrionn *da* maille ris na cealgairibh: an sin bithidh gul agus giosgan fhiacal.

CAIB. XXV.

1 Cosamhlachd nan deich dìghean, 14 agus nan talann: 31 mar an ceudna mìn-innsadh mu'n bhrèitheanas dheireannach.

AN sin samhlaichear rìoghachd nèimh ri deich òighibh, a thug leo an lòchrain, agus a chaidh a mach an còdhail an fhir nuadh-phòsda⁵.

2 Agus bha cuignear dhiubh glic, agus cuignear amaideach.

3 Thug iadsan a bha amaideach an lòchrain *leo*, ach cha d'thug iad oladh *leo*.

4 Ach iadsan a bha glic, thug iad oladh *leo* 'nan soithichibh maille r'an lòchran-aibh.

5 Agus air deanamh maille do'n fhear

¹ bail.

² a' chlosach.

³ bleath.

⁴ an té eile.

⁵ fhir-na-bainnse.

nuadh-phòsda, thuit clò codail orra uile, agus suain¹.

6 Ach anns a' mheadhon-oidhche, rinn-eadh glaoth, Feuch, a ta am fear nuadh-phòsda a' teachd; rachaibh a mach g'a choinneachadh.

7 An sin dh'érich na h-òighean ud uile, agus dheasaich iad an lòchrain.

8 Agus thubhairt na h-òighean amaid-each rìusan a bha glic, Thoiribh dhuinne cuid do bhuir n-oladh; oir a ta ar lòchrain a' dol as.

9 Ach fhreagair iadsan a bha glic, ag ràdh, Air eagal nach bi na 's leòir ann dhuinn fèin agus dhuibh-san, gu ma fearr leibh dol a chum an luchd-reicidh, agus ceannaichibh dhuibh fèin.

10 Agus am feadh a bha iad a' dol a cheannach, thàinig am fear nuadh-phòsda; agus chaidh iadsan a bha ullamh a steach leis chum a' phòsaidh, agus dhruideadh an dorus.

11 'Na dhéigh sin, thàinig mar an ceudna na h-òighean eile, ag ràdh, A Thighearn, a Thighearn, fosgail dhuinne.

12 Ach fhreagair esan agus thubhairt e, Gu deimhin a ta mi ag ràdh ribh, uach aithne dhomh sibh.

13 Deanaibh faire air an aobhar sin, do bhrìgh nach aithne dhuibh an là no an uair, air an tig Mac an duine.

14 Oir is cosmhuil² ri duine a' dol air choigrich, a ghairm a sheirbhisich, agus a thug dhoibh a mhaoin:

15 Agus do h-aon diubh thug e cùig tàlanna, agus do neach eile a dhà, agus do neach eile a h-aon; do gach aon fa leth a réir a chomais; agus air ball ghabh e a thurus.

16 Agus dh'imich esan a fhuair na cùig tàlanna, agus rinn e ceannachd leo, agus bhuannaich e cùig tàlanna eile.

17 Agus mar an ceudna esan a fhuair a dhà, bhuannaich e dithis eile.

18 Ach an ti a fhuair a h-aon, dh'imich e agus chladhach e san talamh, agus dh'fholaich e airgid a mhaighstir.

19 An dèigh aimsir fhada thàinig Tigh-earna nan seirbhiseach sin, agus rinn e cumtas riu.

20 Agus thàinig esan a fhuair na cùig tàlanna, agus thug e leis cùig tàlanna eile, ag ràdh, A Thighearn, thug thu dhomh-sa cùig tàlanna: feuch, bhuannaich mi cùig tàlanna eile thuilleadh orra.

21 Agus thubhairt a Thighearn ris, Is maith, a dheadh sheirbhisich fhìrinnich; bha thusa fìrinneach ann am beagan, cuiridh mise os ceann mhòran thu: imich a steach do aoibhneas do Thighearn.

22 Agus thàinig esan a fhuair an dà

thàlann, agus thubhairt e, A Thighearn, thug thu dhomh-sa dà thàlann: feuch, bhuannaich mi dà thàlann eile thuilleadh orra.

23 Thubhairt a Thighearn ris, Is maith, a dheadh sheirbhisich fhìrinnich; bha thusa fìrinneach ann am beagan do nithibh, cuiridh mise os ceann mòran do nithibh thu: imich a steach do aoibhneas do Thighearn.

24 Ach an uair a thàinig esan a fhuair an t-aon tàlann, thubhairt e, A Thighearn, bha fhios agam gur duine cruaidh thu, a bhuaineas san àite nach do chuir thu, agus a thionaileas san ionad anns nach do sgaoil thu;

25 Agus air dhomh bhi fo eagal, chaidh mi agus dh'fholaich mi do thàlann san talamh: feuch, sin agad do chuid fèin.

26 Freagair a Thighearn agus thubhairt e ris, A sheirbhisich uile agus leisg, bha fhios agad gu buaininn-sa san àit anns nach do chuir mi, agus gu tionalainn as an ionad anns nach do sgaoil mi;

27 Bu chòir dhuit, uime sin, m'airgiod a thabhairt do'n luchd-malairt, agus air dhomh teachd, gheibhinn mo chuid fèin maille r'a riadh.

28 Buinibh uaidh, uime sin, an tàlann, agus thugaibh dhàsan e, aig am bheil na deich tàlanna.

29 (Oir do gach neach aig am bheil, bheirear, agus bithidh aige gu pailt: ach uathsan aig nach 'eil, bheirear cadhon an ni sin a ta aige.)

30 Agus tilgibh an seirbhiseach mì-tharbhach so do dhorchadas iomallach: an sin bithidh gul agus giosgan fhìacal.

31 An uair a thig Mac an duine 'na ghloir, agus na h-aingil naomha uile maille ris, an sin suidhidh e air caithir rioghail a ghloire:

32 Agus cruinnichear 'na làthair na h-uile, chinnich; agus sgaraidh e iad o chéile, amhuil a sgaras³ buachaill na caoraich o na gabhraibh:

33 Agus cuiridh e na caoraich air a làimh dheis, ach na gabhair air a làimh chlì.

34 An sin their an Rìgh rìusan air a dheis, Thigibh, a dhaoine beannaichte m' Athar-sa, sealbhaichibh mar oighreachd an rioghachd a ta air a deasachadh dhuibh o leagadh bunaite an domhain:

35 Oir bha mi ocach, agus thug sibh dhomh biadh: bha mi tartmhor⁴, agus thug sibh dhomh deoch: bha mi a'm' choigreach, agus thug sibh aoidheachd dhomh:

36 Lomnochd, agus dh'eudaich sibh mi: bha mi euslan, agus thàinig sibh g'am

¹ rinn iad dùsail uile, agus choidil iad.

² is cosmhuil rioghachd nèimh.

³ thearbaidheas.

⁴ iotmhor, pàiteach.

amhare: bha mi am prìosan, agus thàinig sibh a m' ionnsuidh.

37 An sin freagraidh na fireana e, ag ràdh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a' d' choigreach thu, agus a thug sinn aoidheachd dhuit? no lomnochd, agus a dh'eudaich sinn thu?

39 No c'uin a chunnaic sinn euslan thu, no am prìosan, agus a thàinig sinn a d'ionnsuidh?

40 Agus freagraidh an Rìgh, agus their e riu, Gu deimhin a ta mi ag ràdh ribh, a mhead 's gu'n do rinn sibh e do aon do na bràithribh a's lugha agam-sa, rinn sibh dhomh-sa e.

41 An sin their e mar an ceudna rìusan air an làimh chli, Imichibh uam, a shluagh malluichte, dh'ionnsuidh an teine shiorruidh, a dh'ulluicheadh do'n diabhul agus d'a ainglibh:

42 Oir bha mi ocrach, agus cha d'thug sibh dhomh biadh; bha mi tartmhor, agus cha d'thug sibh dhomh deoch:

43 Bha mi a'm' choigreach, agus cha d'thug sibh aoidheachd dhomh: lomnochd, agus cha d'eudaich sibh mi: euslan, agus am prìosan, agus cha d'thàinig sibh g'am amhare.

44 An sin freagraidh iadsan mar an ceudna e, ag ràdh, A Thighearna, c'uin a chunnaic sinne thu ocrach, no tartmhor, no d' choigreach, no lomnochd, no euslan, no am prìosan, agus nach do fhritheil sinn dhuit?

45 An sin freagraidh esan iad, ag ràdh, Gu deimhin a ta mi ag ràdh ribh, a mhead as nach d'rinn sibh e do'n neach a's lugha dhuibh so, cha d'rinn sibh dhomh-sa e.

46 Agus imichidh iadsan chum peanaid shiorruidh; ach na fireana chum na beatha maireannaich.

CAIB. XXVI.

1 Ghabh na h-uachdarain comhairle chum Iosa u ghlacadh, agus a chur gu-bàs. 6 Dh'ung bean araidh a cheann le oladh luachmhoir. 14 Rìic Iudas e ris na h-àrd-shagairt. 17 Dh'ith Crìosd a' chàisg maille r'a dheisciobluibh.

AGUS tharladh, 'nuair a chrìochnaich Iosa na briathra so uile, gu'n dubhairt e r'a dheisciobluibh,

2 A ta fhios agaibh gu bhèil a' chàisg an déigh dà là, agus a ta Mac an duine air a bhrath chum a cheusadh¹.

3 An sin chruinnich nachdarain nan sagart, agus na sgrìobhaichean, agus sean-airean a' phobuill, gu talla an àrd-shagairt, d'an goirear Caiaphas,

4 Agus ghabh iad comhairle le chéile chum Iosa a ghlacadh le feall, agus a chur bàs.

5 Ach thubhairt iad, Na deanamaid e san fhéill, air eagal gu'm bi buaireas am measg a' phobuill.

6 Agus air do Iosa a bhi ann am Betani, am an tigh Shimoin an lobhair,

7 Thàinig bean d'a ionnsuidh aig an robh bocsa alabastair làn do oladh ro luachmhoir, agus dhòirt i air a cheann e, agus e 'na shuidhe aig biadh.

8 Ach an uair a chunnaic a dheisciobuil sin, bha fearg orra, ag ràdh, Ciod is ciall do'n ana-caitheadh so?

9 Oir dh'fheudadh an oladh so bhi air a reiceadh air mhòran, agus a bhi air a toirt do na bochdaibh.

10 Ach air aithneachadh so do Iosa, thubhairt e riu, C'ar son a ta sibh a' cur dragha air a' mhnaoi? oir rinn i deadh obair dhomhsa.

11 Oir a ta na bochdan agaibh a ghnàth maille ribh, ach cha'n 'eil mise agaibh a ghnàth.

12 Oir air dòrtadh na h-oladh so dhi air mo chorp-sa, is ann fa chomhair m'adhlac a rinn i e.

13 Gu deimhin a ta mi ag ràdh ribh, Ge b'e àit am bi an soisgeul so air a shearmonachadh air feadh an t-saoghail gu h-iomlan, aithrisear an ni a rinn a' bhean so, mar chuimhne oirre.

14 An sin dh'imich aon do'n dà fhear dheug, d'am b'ainm Iudas Iscariot, chum nan àrd-shagart.

15 Agus thubhairt e, Ciod a bheir sibh dhomh-sa, agus brathaidh mi dhuibh e? Agus chòird iad ris air dheich buinn fhichead airgid.

16 Agus o'n àm sin a mach dh'iarr e fath² air esan a bhrath.

17 Agus air a' cheud là do fhéill an arain neo-ghoirtichte, thàinig na deisciobuil chum Iosa, ag ràdh ris, C'àit an àill leat sinne a dh'ulluchadh dhuit, chum gu'n ith thu a' chàisg.

18 Agus thubhairt esan, Rachaidh do'n bhaile gu leithid so do dhuine, agus abraibh ris, Tha am maighstir ag ràdh, A ta m'am am fagus, cumaidh mi a' chàisg aig do thigh-sa maille ri m' dheisciobluibh.

19 Agus rinn na deisciobuil mar a dh'orduich Iosa dhoibh, agus dheasaich iad a' chàisg.

20 Agus an uair a thàinig am fcasgar, shuidh e maille ris an dà fhear dheug.

21 Agus ag itheadh dhoibh, thubhairt e, Gu deimhin a ta mi ag ràdh ribh, gu'm brath fear dhuibh mise.

22 Agus bha iad ro bhrònach, agus

¹ bheirair thairis Mac an duine gu bhì

air a cheusadh.

² cothrom.

thòisich gach aon aca fa leth air a ràdh ris, Am mise e, a Thighearn?

23 Agus fhreagair esan agus thubhairt e, An ti a thumas a làmh sa' mhèis maille rium-sa, brathaidh esan mi.

24 Gu deimhin a ta Mac an duine ag imeachd, a réir mar a ta e sgrìobhta m'a thimcheall: ach is an-aobhin do'n duine sin le m'brathar Mac an duine: bu mhaith do'n duine sin mur beirte rianh e.

25 An sin fhreagair Iudas a bhrath e, agus thubhairt e, A mhaighstir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e¹, agus thug e do na deisciobluibh e, agus thubhairt e, Gabhaibh, ithibh; is e so mo chorp-sa.

27 Agus air glacadh a' chupain, agus air tabhairt buidheachais, thug e dhoibh e, ag ràdh, Olaibh uile dheth:

28 Oir is i so m'fhuil-sa an tiomnaidh² nuaidh, a dhòirtear air son mhòran chum maithheanais pheacanna.

29 Ach tha mi ag ràdh ribh, Nach òl mi á so suas do thoradh so na fionain³, gus an là sin an òl mi e nuadh maille ribh ann an rioghachd m'Àthar.

30 Agus air dhoibh laoidh a sheinn, chaidh iad a mach gu sliabh nan crann-oladh.

31 An sin thubhairt Iosa riu, Gheibh sibh uile oilbheum annam-sa an nochd; oir a ta e sgrìobhta, Buailidh mi am buachaill, agus sgapar caoraich an treuda.

32 Ach an déigh dhomhsa éirigh a ris, théid mi roimhibh do Ghalile.

33 Agus fhreagair Peadar agus thubhairt e ris, Ged gheibh gach uile dhaoine oilbheum annad, cha'n fhaigh mise oilbheum gu bràth.

34 Thubhairt Iosa ris, Gu deimhin a ta mi ag ràdh riut, air an oidhche so féin mu'n goir an coileach, gu'n àicheadh thu mi trì uairean.

35 Thubhairt Peadar ris, Ged a b'éigin dhomh bàsachadh maille riut, cha'n àicheadh mi thu. Agus thubhairt na deisciobuil uile mar an ceudna.

36 An sin thàinig Iosa maille riu gu ionad d'angoirear Getsemane, agus thubhairt e ris na deisciobluibh, Suidhibh-sa an so, gus an téid mise a dheanamh urnuigh an sud.

37 Agus thug e Peadar leis, agus dithis mhac Shebede, agus thòisich e air a bhi brònach, agus ro dhoilgheasach.

38 An sin thubhairt e riu, A ta m'anam ro bhrònach, eadhon gu bàs: fanaibh-sa an so, agus deanaibh faire maille riumsa,

39 Agus dh'imich e beagan air adhart⁴,

agus thuit e air aghaidh, a' deanamh urnuigh, agus ag ràdh, O m' Àthair, ma dh'fheudas e bhi, rachadh an cupan so seachad orm; gidheadh, na biodh e mar is àill leamsa, ach mar is toil leatsa.

40 Agus thàinig e chum nan deisciobul, agus fhuair e 'nan codal iad, agus thubhairt e ri Peadar, An ann mar sin, nach b' urrainn sibh faire a dheanamh aon uair a mhàin maille riumsa?

41 Deanaibh faire agus urnuigh, chum nach tuit sibh am buaireadh: a ta gun amharus an spiorad togarach; ach a ta 'n fheoil anmhunn⁵.

42 A ris an dara uair, dh'imich e agus rinn e urnuigh, ag ràdh, O m' Àthair, mur feudar gu'n téid an cupan so seachad orm, gun mi 'ga òl, do thoil-sa gu robh deanta.

43 Agus thàinig e agus fhuair e iad a ris 'nan codal: oir bha an suilean trom.

44 Agus dh'fhàg e iad, agus dh'imich e a ris, agus rinn e urnuigh an treas uair, ag ràdh nam briathra ceudna.

45 An sin thàinig e chum a dheisciobul, agus thubhairt e riu, Coidlibh roimlùbh a nis, agus gabhaibh fois; feuch, a ta an uair air druidealh, agus a ta Mac an duine air a bhrath thairis do làmhaidh pheacach.

46 Eiribh, imicheamaid: feuch, a ta an ti a bhrathas mise am fagus.

47 Agus air dha bhi fathast a' labhairt, feuch, thàinig Iudas, aon do'n dà fhear dheug, agus maille ris cuideachd mhòr le claidhibh agus bataibh o na h-àrd-shagartaibh agus o sheanairibh a' phobuill.

48 A nis bha an ti a bhrath esan air tabhairt comhara dhoibh, ag ràdh, Ge b'e neach a phògas mise, is c sin e; deanaibh greim air.

49 Agus air ball thàinig e chum Iosa, agus thubhairt e, Fàilte dhuit, a mhaighstir; agus phòg se e.

50 Ach thubhairt Iosa ris, A charaid, c'ar son a thàinig thu? An sin thàinig iad, agus chuir iad làmh ann an Iosa, agus ghlac iad e.

51 Agus, feuch, shìn a h-aon diubhsan a bha maille ri Iosa a làmh, agus tharruing e a chlaidheamh, agus air dha seirbhis-each an àrd-shagairt a blualadh, ghearr e a chluas dheth.

52 An sin thubhairt Iosa ris, Cuir a ris do chlaidheamh air ais 'na ionad féin: oir iadsan uile a ghlacas an claidheamh, tuitidh iad leis a' chlaidheamh.

53 An saoil thusa nach feud mise a nis m' Àthair a ghuidhe, agus bheir e dhomh tuilleadh na⁶ dà legion deug do ainglibh?

54 Ach cionnus an sin bhiodh na sgrìob-

¹ agus bheannaich, agus bhris se e.

² a' chaimlicheangail.

³ fìneamhain. Eir.

⁴ air aghaidh.

⁵ lag.

⁶ is.

tuirean air an coimhlionadh, *a tha 'g ràdh* gur ann mar so is éigin tachairt?

55 Anns an uair sin féin thubhairt Iosa ris an t-sluagh, An d'thàinig sibh a mach mar gu b'ann an aghaidh gaduiche, le claidhibh agus bataibh chum mise a ghlacadh? Bha mi guine là a'm' shuidhe maille ribh san teampull a' teagasg, agus cha do chuir sibh làmh annam.

56 Ach thachair so uile, chum gu'm biodh sgrìobtuire nam fàidhean air an coimhlionadh. An sin thréig na deisciobuil uile e, agus theich iad.

57 Agus air dhoibh-san Iosa a ghlacadh, thug iad leo e gu Caiaphas an t-àrd-shagart, far an robh na sgrìobhaichean agus na seanairean air cruinneachadh.

58 Ach lean Peadar e fad uatha, eadhon gu talla an àrd-shagairt, agus chaidh e steach, agus shuidh e maille ris na seirbhisich, a dh'fhaicinn na crìche.

59 Agus dh'èarr na h-àrd-shagairt agus na seanairean, agus a' chomhairle uile, fianuis bhréige an aghaidh Iosa, chum a chur gu bàs.

60 Ach cha d'fhuair iad: seadh, ge do thàinig mòran do fhianuisibh bréige, cha d'fhuair iad. Fa dheòidh thàinig dà fhianuis bhréige,

61 Agus thubhairt iad, Thubhairt am fear so, Is urrainn mise teampull Dé a leagadh, agus a thogail a ris an trì làithibh.

62 Agus air do'n àrd-shagart éirigh, thubhairt e ris, Nach freagair thu bheag? Ciod e a ta iad sin a' toirt fianuis¹ a'd' aghaidh?

63 Ach dh'fhan Iosa 'na thosd. Agus fhreagair an t-àrd-shagart agus thubhairt e ris, A ta mi ga d' mhionnachadh air an Dia bheò, gu'n innseadh tu dhuinn, an tu Criosd Mac Dhé.

64 Thubhairt Iosa ris, Thubhairt thu: gidheadh tha mi ag ràdh ribh, 'Na dhéigh so chi sibh Mac an duine 'na shuidhe air deas làmh cumhachd *Dhé*, agus a' teachd air neulaibh nèimh.

65 An sin reub an t-àrd-shagart 'eudach, ag ràdh, Gu'n do labhair e toibheum; ciod am feum tuilleadh a ta againn air fianuisibh? feuch, a nis chuala sibh a toibheum.

66 Ciod i bhur barail-sa? Fhreagair iadsan agus thubhairt iad, A ta e toillteanach air a' bhàs.

67 An sin thilg iad smugaid 'na eudan, agus bhuail iad le am basaibh e; agus ghabh cuid eile air le slataibh,

68 Ag ràdh, Dean fàidheadaireachd² dhuinn, a Chriosd, Cò e a bhuail thu?

69 Agus shuidh Peadar a mach anns an

talla: agus thàinig cailin àraidh d'a ionn suidh, ag ràdh, Bha thusa mar an ceudna maille ri Iosa o Ghalile.

70 Ach dh'àicheadh esan 'nan làthair uile, ag ràdh, Cha'n 'eil fhios agam ciod a ta thu ag ràdh.

71 Agus air dol a mach dha do'n fhor-dhorus, chunnaic *cailin* eile e, agus thubhairt i riu-san a bha 'n sin, Bha 'm fear so mar an ceudna maille ri Iosa o Nasaret.

72 Agus dh'àicheadh e a ris le mionnaibh, *ag ràdh*, Cha'n aithne dhomh an duine.

73 Agus tamull beag 'na dhéigh sin thàinig an dream a bha 'nan seasamh a làthair, agus thubhairt iad ri Peadar, Gu firinneach is ann diubh sud féin tha thusa; oir a ta do chainnt ga d' bhrath.

74 An sin thòisich e ri mallachadh agus mionnachadh, *ag ràdh*, Cha'n aithne dhomh an duine. Agus air ball ghoir an coileach.

75 Agus chuimhnich Peadar briathran Iosa, a thubhairt ris, Mu'n goir an coileach, àicheadhaidh tu mi tri uairean. Agus air dol a mach dha, ghuil e gu geur³.

CAIB. XXVII.

1 Cheangail na h-uachdaran agus na seanairean Criosd, agus thug iad thairis e do Philat. 3 Chroch Iudas e féin. 19 Fhuair Pilat rabhadh o 'mhnaoi mu thimchioll Criosd, 20 dh'ionnlaid e a làmh; 26 agus leig e Barabas fa sgaoil.

AIR teachd do'n mhaduinn, ghabh uachdaran nan sagart uile, agus seanairean a' phobuill, comhairle le chèile an aghaidh Iosa, chum a chur gu bàs.

2 Agus air dhoibh esan a cheangal, thug iad leo e, agus thug iad thairis e do Phontius Pilat an t-uachdaran.

3 An sin, an uair a chunnaic Iudas a bhrath e, gu'n do dhiteadh e, ghabh e aithreachas, agus thug e air an ais na deich buinn fhichead airgid do na h-àrd-shagartaibh, agus do na seanairibh,

4 Ag ràdh, Pheacaich mi, annam brath na fola neo-chiontaich. Ach thubhairt iadsan, Ciod e sin duinne; amhaire thusa air sin.

5 Agus air tilgeadh uaith nan bonn airgid anns an teampull, dh'imich e roimhe, agus chaidh e agus chroch⁴ se e féin.

6 Agus ghlac na h-àrd-shagairt na buinn airgid, agus thubhairt iad, Cha chòir an cur san ionmhas, oir is luach fola iad.

7 Agus air gabhail comhairle dhoibh, cheannaich iad leo fearann a' chriadh-adair⁵, chum a bhi 'na àit-adhlaic do choigrich⁶.

8 Air an aobhar sin goirear do'n fhearann sin, Fearann na fola, gus an là'n diugh.

¹ a' fianuiseadh.
² goirt.

² fàistneachd.
⁴ thachd

⁵ fhir deanamh shoithiche creadhna.
choigreachaibh.

9 (An sin choimhlionadh an ni a labhradh le Ieremias am fàidh, ag ràdh, Agus ghabh iad na deich buinn fhichead airgid, luach an tì a mheasadh, neach a mheas iadsan a bha do chloinn Israeil,

10 Agus thug siad iad air son fearainn a' chriadhaid, mar a dh'orduich an Tighearna dhomh-sa.)

11 Agus sheas Iosa an làthair an uachdaran: agus dh'fhiosraich an t-uachdaran dheth, ag ràdh, An tusa Rìgh nan Iudhach? Agus thubhairt Iosa ris, Thubhairt thu.

12 Agus an uair a chuir na h-àrd-shagairt agus na seanairean cionta as a leth, cha do fhreagair e ni sam bith.

13 An sin thubhairt Pilat ris, Nach cluinn thu cia lion nithe air am bheil iad a' toirt fianuis a'd' aghaidh?

14 Agus cha d'thug e freagradh dha air aon fhocal: ionnus gu'n do ghabh an t-uachdaran iongantais ro mhòr.

15 A nis ri àm na fèille, chleachd an t-uachdaran aon phrìosanach a b'àill leo chur fa sgaoil do'n phobull.

16 Agus bha aca, san àm sin, prìosanach ro chomharaichte, d'am b'ainm Barabas.

17 Air an aobhar sin, an uair a bha iad cruinn an ceann a chèile, thubhairt Pilat riu, Cò is àill leibh mise a chur fa sgaoil duibh? Barabas, no Iosa, d'an goirear Criosd?

18 Oir bha fhios aige gu'm b'ann o fharmaid a thug iad thairis e.

19 Agus an uair a bha e 'na shuidhe air caithir a' bhreitheanais, chuir a bhean *teachdaireachd* d'a ionnsuidh, ag ràdh, Na biodh agad-sa gnothuch sam bith ris an fhìrean¹ sin: oir is mòr a dh'fhulaing mise an diugh ann am brúadar, air a shon-san.

20 Ach chuir na h-àrd-shagairt agus na seanairean impidh air a' phobull gu'n iarraidh iad Barabas, agus gu milleadh iad Iosa.

21 Agus fhreagair an t-uachdaran agus thubhairt e riu, Cò do'n dithis is àill leibh mise a chur fa sgaoil duibh? Thubhairt iadsan, Barabas.

22 Thubhairt Pilat riu, Ciod ma seadh a ni mi ri Iosa, d'an goirear Criosd? Thubhairt iad ris uile, Ceusar e.

23 Agus thubhairt an t-uachdaran, C'ar son? ciod an t-olc a rinne? ach is mòr gu mòr a ghlaodh iadsan, ag ràdh, Ceusar e.

24 Agus an uair a chunnaic Pilat nach do bhuadhaich e bheag sam bith, ach gu'n d'éirich an tuilleadh buaireis, ghabh e uisge, agus dh'ionnlaid e a làmh an am fianuis an t-sluaigh, ag ràdh, A ta mise neò-chiontach do fhuil an fhìrean so; faicibh-sa sin.

25 Agus fhreagair am pobull uile, agus thubhairt iad, Biodh 'fhuil oirne, agus air ar cloinn.

26 An sin leig e fa sgaoil Barabas dhoibh: ach air dha Iosa a sgiùrsadh, thug e thairis e chum a cheusadh.

27 An sin thug saighdearan an uachdaran leo Iosa do thalla a' bhreitheanais, agus chruinnich iad a' bhuidheann uile m'a thimchioll.

28 Agus air dhoibh a rùsgadh², chuir iad uime falluinn scarlaid.

29 Agus air dhoibh crùn droighinn fhigheadh, chuir iad m'a cheann e, agus slat chuile 'na làimh dheis: agus lub iad an glùn 'na làthair, agus rinn iad fanoid air, ag ràdh, Gu'm beannaichear thu, a Rìgh nan Iudhach.

30 Agus thilg iad smugaid air, agus ghlac iad an t-slat chuile, agus bluail iad sa' cheann e.

31 Agus an déigh dhoibh fanoid a dheanamh air, thug iad an fhalluinn dheth, agus chuir iad 'eudach féin uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'éignich iad chum a chrann-ceusaidh-san a ghiulan.

33 Agus an uair a thàinig iad gu ionad d'an ainm Golgota, sin r'a radh, àite cloiginn.

34 Thug iad dha r'a òl fion geur, measgta le domblas: agus air dha a bhlasadh, cha'n òladh se e.

35 Agus an uair a cheus iad e, roinn iad a thrusgan eatorra, a' tilgeadh crann-chuir: chum gu'n coimhliontadh an ni a labhradh leis an fàidh, Roinn iad m'eudach eatorra, agus chuir iad crannchur air mo bhrat.

36 Agus shuidh iad, agus rinn iad faire air an sin:

37 Agus chuir iad a chùis-dhàitidh sgrìobhta os a cheann, IS E SO IOSA RÌGH NAN IUDHACH.

38 An sin cheusadh maille ris dà ghad-*uiche*³; fear air a làimh dheis, agus fear eile air a làimh chlì.

39 Agus thug iadsan a bha dol seachad, toibheum dha, a' crathadh an ceann,

40 Agus ag ràdh, Thusa a leagas an teampull, agus a chuireas suas an trì làithibh e, fòir ort féin: ma's tu Mac Dhé, thig a nuas o'n chrann-cheusaidh.

41 Mar an ceudna, thubhairt na h-àrd-shagairt, maille ris na sgrìobhaichibh, agus na seanaireibh, a' fanoid air.

42 Shaor e daoine eile, e féin a shaoradh ni'n comasach e: ma's e Rìgh Israeil, thigeadh e nis a nuas o'n chrann-cheusaidh, agus creididh sinn e.

¹ ionracan.

² eudach a thoirt dheth.

³ dà fhear-reubainn, dà chreacadair.

43 Chuir e a dhòigh an Dia; saoradh e a nis e, ma tha toil aige dha: oir thubhairt e, Is mise Mac Dhé.

44 Agus thug na gaduichean a cheusadh maille ris, am beum ceudna dha.

45 A nis, o'n t-seathadh uair bha dorchadas air an tìr uile, gus an naothadh uair.

46 Agus mu thimchioll na naothadh uaire, dh'éigh Iosa le guth àrd, ag ràdh, Eli, eli, lama sabachtani? is e sin r'a ràdh, Mo Dhia, mo Dhia, c'a son a thréig thu mi?

47 Agus air cluinntinn sin do chuid diubhsan a bha 'nan-seasamh an sin, thubhairt iad, A ta am fear so a' glaoth-aich air Elias.

48 Agus air ball ruith a h-aon diubh, agus gliabh e sponge, agus lìon e do fhion geur i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiceamaid an tig Elias g'a thèarnadh.

50 Agus an uair a dh'éigh Iosa a ris le glaoth mòr, thug e suas a spiorad.

51 Agus, feuch, reubadh brat-roinn an teampuill 'na dhà chuid, o mhullach gu ìochdar; agus chrìothnuich an talamh, agus sgoilteadh na creagan:

52 Agus dh'fhosglaigh na h-uaignean, agus dh'éirich mòran do chorpaibh nan naomh, a bha 'nan codal,

53 Agus chaidh iad a mach as na h-uaignibh an dèigh 'aiseirigh-san, agus chaidh iad a steach do'n bhaile naomh, agus nochdadh iad do mhòran.

54 A nis, an uair a chunnaic an ccannard-ceud, agus iadsan a bha maille ris a' coimhead¹ Iosa, a' chrith-thalmhainn, agus na nithe eile a rinneadh, ghabh iad eagail mòr, ag ràdh, Gu fìrinneach b'e so Mac Dhé.

55 Agus bha an sin mòran bhan (ag amharc am fad) a lean Iosa o Ghalile, a' frithealadh dha:

56 Am measg an robh Muire Magdalen, agus Muire màthair Sheumais agus Ioseis, agus màthair cloinne Shebede.

57 Agus air teachd do'n fheasgar, thàinig duine saoihr o Arimatea, d'am b'ainm Ioseph, a bha e fèin 'na dheisciobul aig Iosa mar an ceudna.

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thabhairt da.

59 Agus ghlac Ioseph an corp, agus phaisg e ann an lìon-eudach fìor-ghlan e,

60 Agus chuir se e 'na uaign nuaidh fèin, a chladhaich e ann an carraig: Agus claruich e clach mhòr gu dorus na h-uaigne, agus dh'imich e roimhe.

61 Agus bha Muirc Magdalen, agus a'

Mhuire eile 'nan sùidhe fa chomhair na h-uaigne.

62 A nis air an là màireach, an là'n dèigh an ulluchaidh, chruinnicheadh na h-àrd-shagairt agus na Phairsich gu Pilat,

63 Ag ràdh, A Thighearn, is cuimhne leinn an uair a bha am mealltair ud fathast beò, gu'n dubhairt e, Eiridh mi an dèigh thu lùithean.

64 Orduich, nìme sin, an uaign a bhi air a coimhead gu cinnteach, gus an treas là, air eagail gu'n tig a dheisciobuil san oidhche, agus gu'n goid iad leo e, agus gu'n abair iad ris an t-sluagh, Dh'éirich e o na marbhaibh: agus mar sin bithidh am mearachd deireannach nì's miosa na'n ceud mhearachd.

65 Thubhairt Pilat riun, Tha faire agaibh; imichibh, deanaibh an uaign cho tèaruinte 's is aithne dhuibh.

66 Agus dh'imich iad, agus rinn iad an uaign cinnteach, a' cur seula air a' chloich, maille ri faire.

CAIB. XXVIII.

1 Tha aiseirigh Chrìosd air a' cur an cèill do na mnaibh: 9 nochd Chrìosd e fèin doibh. 11 Thug na h-àrd-shagairt airgid do na saighdearaibh chum gu'n abradh iad gu'n do ghoideadh as 'uaigne.

AN dèigh na sàbaid, aig briseadh na faire air a' cheud là do'n t-seachdain, thàinig Muire Magdalen, agus a' Mhuire eile, a dh'fhaicinn na h-uaigne.

2 Agus, feuch, bha crith-thalmhainn mhòr ann; oir thàinig aingeal an Tighearna nuas o nèamh, agus air teachd dha, claruich e a' chlach o'n dorus, agus shuidh e oirre.

3 Agus bha a ghnùis mar dhealanach, agus eudach geal mar shneachdadh.

4 Agus air eagail roimhe chrìothnuich an luchd-coimhid², agus chaidh iad an riochd mairbh.

5 Ach fhreagair an t-aingeal agus thubhairt e ris na mnaibh, Na biodh eagail oirbhe: oir a ta fhios agam gu bhic sibh ag iarraidh Iosa, a chaidh cheusadh.

6 Cha'n 'eil e 'n so; oir dh'éirich e, mar a thubhairt e: thigibh, faicibh an t-àit an robh an Tighearn 'na luidhe.

7 Agus imichibh gu luath, agus innsibh d'a dheisciobluibh gu'n d'éirich e o na marbhaibh: agus, feuch, tha e dol roimhibh do Ghalile; an sin chi sibh e; feuch, thubhairt mise ribh e.

8 Agus dh'imich iad gu luath o'n uaign, le h-eagal agus mòr-ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibhsan a dh'innseadh d'a dheisciobluibh, feuch, thachair Iosa fèin orra, ag ràdh, Fàilte dhuibh. Agus thàinig iad am fagus da, agus rug

¹ gleidheadh.

² luchd-faire.

iad air a chosaibh, agus rinn iad aoradh dha¹.

10 An sin thubhairt Iosa riu, Na biodh eagail oirbh: imichibh, abraibh ri m' bhràithribh iadsan a dhòl do Ghalile, agus an sin chi iad mi.

11 Agus an uair a bha iadsan ag imeachd, feuch, thàinig cuid do'n luchd-faire do'n bhaile, agus nochd iad do na h-àrd-shagartaibh gach ni a thachair.

12 Agus air cruinneachadh dhoibh-san an ceann a chèile maille ris na seanairibh, agus air gabhail comhairle dhoibh, thug iad mòran airgid do na saighdearaibh,

13 Ag ràdh, Abraibh-sa gu'n d'thàinig a dheisciobuil anns an oidhche, agus gu'n do ghoid iad e, an uair a bha sinn e² nar codal.

14 Agus ma chluinneas an t-uachdaran so, cuiridh sinn impidh air, agus ni sinn sibhse tèaruinte.

¹ thug iad urram dha.

15 Agus ghabh iad an t-airgid, agus rinn iad mar a theagaisgeadh dhoibh² agus a ta a' chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobul deug do Ghalile, do'n bheinn far an d'ord- uich Iosa dhoibh.

17 Agus an uair a chunnaic iad e, rinn iad aoradh dha: ach bha cuid aca fo amharus.

18 Agus thàinig Iosa, agus labhair e riu, ag ràdh, Thugadh dhomh-sa gach uile chumhachd air nèamh agus air talamh.

19 Uime sin imichibh-sa, agus deanaibh deisciobuil do² gach uile chinneach, 'gam baisteadh ann an ainm an Athar, agus a' Mhic, agus an Spioraid naomh;

20 A' teagasg dhoibh gach uile nithe a dh'àithn mise dhuibh a choimhead: Agus, feuch, a ta mise maille ribh a ghnàth, gu deireadh an t-saoghail. Amen.

² iompaichibh, teagaisgibh.

AN SOISGEUL

A REIR

MHARCUIS.

CAIB. I.

1 *Dreuchd Eoin Bhaiste. 9 Bhaisteadh Iosa. 14 Shearmonaich e soisgeul rìoghachd Dhé. 16 Ghairm e Peadar, Andreas, Seumas agus Eoin. 23 Leighis e aon anns an robh deamhan, 32 agus mòran do mhuinntir a bha euslan.*

TOISEACH Soisgeil Iosa Criosd, Mhic Dhé:

2 A réir mar a ta e sgrìobhta anns na fàidhibh, Feuch, cuiream mo theachdair roimh do ghnùis, a dh'ulluicheas doshlighe romhad.

3 Guth an ti a dh'éigheas anns an fhàsach, Ulluichibh slighe an Tighearna, deanaibh a cheumanna dìreach.

4 Bha Eoin a' baisteadh anns an fhàsach, agus a' searmonachadh baistidh an aithreachais chum maitheanais pheacanna.

5 Agus chaidh a mach d'a ionnsuidh tìr Iudea uile, agus luchd-àiteachaidh¹ Ierusalem, agus bhaisteadh leis iad uile ann an amhainn Iordain, ag aideachadh am peacanna.

6 Agus bha Eoin air eudachadh² le fionna chàmhail, agus crios leathair m'a leasraidh; agus bu bhiadh dha locuist agus mil fhaidhaich.

7 Agus shearmonaich e, ag ràdh, A ta neach a' teachd a'm' dhéigh a's cumhachdaiche na mise, neach nach airidh mise

air cromadh sìos agus barr-iall a blhròg fhuasgladh.

8 Bhaist mise gu dearbh sibh le h-uisge: ach baistidh esan sibh leis an Spiorad Naomh.

9 Agus tharladh anns na làithibh sin, gu'n d'thàinig Iosa o Nasaret Ghalile, agus bhaisteadh e le h-Eoin ann an Iordan.

10 Agus air ball, an uair a chaidh e suas as an uisge, chunnaic e na nèamhan air am fosgladh, agus an Spiorad mar choluman a' teachd a nuas air.

11 Agus thàinig guth o nèamh, *ag ràdh*, Is tusa mo Mhac gràdhach, anns am bheil mo mhòr-thlachd.

12 Agus air ball, tharruing an Spiorad e do'n fhàsach.

13 Agus bha e 'n sin san fhàsach dà fhlichead là air a bhuaireadh le Satan, agus bha e maille ris na fiadh-bheathaichibh, agus fhritheil na h-aingil dha.

14 Agus an déigh Eoin a chur am prìosan, thàinig Iosa do Ghalile, a' searmonachadh soisgeil rìoghachd Dhé,

15 Agus ag ràdh, Choimhlionadh an aimsir, agus a ta rìoghachd Dhé am fagus; deanaibh-sa aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Simon, agus

¹ luchd-àitich.

² air chòmhdach.

Aindreas 'a bhràthair, a' tilgeadh lìn san fhaige: (oir b'iasgair ean iad.)

17 Agus thubhairt Iosa riu, Thigibh a'm dhéigh-sa, agus ní mi 'nur iasgairibh air daoibh sibh.

18 Agus air ball dh'fhàg iad an lìonta, agus lean iad esan.

19 Agus an uair a chaidh e beagan air aghaidh as a sin, chunnaic e Seumas *mac Shebede*, agus Eoin a bhràthair, agus iad san luing a càradh an lìonta.

20 Agus air ball ghairm e iad; agus dh'fhàg iad Sebede an athair san luing maille ris an luchd-tuasdail, agus lean iad esan.

21 Agus chaidh iad a steach do Chapernaum; agus air ball air dha dol a stigh do'n t-sionagog¹ air an t-sàbaid, theagaisg e.

22 Agus ghabh iad iongantas r'a theagaisg: oir bha e 'g an teagasg mar neach aig an robh ùghdarras, agus cha b'ann mar na sgriobhaichean.

23 Agus bha 'nan sionagog-san neach anns an robh spiorad neòghlan, agus ghlaodh e,

24 Ag ràdh, Leig leinn; ciod ar gnoth-uch-ne riut, Iosa o² Nasaret? an d'fhàinig thu g'ar sgrìos-ne? Is aithne dhomh co thu, aon naomh Dhé.

25 Agus chronuich Iosa e, ag ràdh, Bi a'd' thosd, agus thig a mach as.

26 Agus an uair a reub an spiorad neòghlan e, agus a ghlaodh e le guth àrd, thàinig e mach as.

27 Agus ghabh iad mòr-iongantas uile, ionnus gu'n robh iad a' cur na ceisde so r'a³ chéile, ag ràdh, Ciod e so? Ciod e an teagasg nuadh so? oir le h-ùghdarras a ta e toirt orduigh eadhon do na spioradaibh neòghlan, agus tha iad ùmhal dha.

28 Agus chaidh a chliù air ball a mach air feadh na tire uile timchioll Ghalile.

29 Agus gun dàil, air dhoibh dol a mach as an t-sionagog, chaidh iad a steach do thigh Shimoin agus Aindrais, maille ri Seumas agus Eoin.

30 Ach bha màthair-chéile Shimoin 'na luidhe ann am fiabhrus; agus ghrad labhair iad ris uimpe.

31 Agus thàinig esan agus thog e i, a' breith air làimh oirre; agus air ball dh'fhàg am fiabhrus i, agus a' fhritheil i dhoibh.

32 Agus an uair a bha 'm feasgar ann, air do'n ghréin dol fuidhe, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinneachadh chum an doruis.

34 Agus leighis e mòran air an robh

iomadh gné eucail, agus thilg e mach mòran dheamhan, agus cha d'fhulaing e do na deamhnaibh labhairt, air son gu'm b'aithne dhoibh e.

35 Agus air dha éirigh sa' mhaduinn, fada roimh là, chaidh e mach, agus dh'imich e gu àite fàsail⁴, agus rinn e urnuigh an sin.

36 Agus lean Simon, agus an dream a bha maille ris e.

37 Agus air 'fhaotainn doibh thubhairt iad ris, A ta gach uile neach ga d'iarraidh.

38 Agus thubhairt esan riu, Rachamaid⁵ a dh'ionnsuidh nam bailtean eile làimh ruinn, chum gu'n searmonaich mi an sin mar an ceudna: oir is ann a chum na criche so thàinig mise mach.

39 Agus shearmonaich e 'nan sionagogaibh air feadh Ghalile uile, agus thilg e mach na deamhain.

40 Agus thàinig lobhar d'a ionnsuidh, a' guidhe air, agus a' lùbadh a ghluin da, agus ag ràdh ris, Ma's àill leat, tha thu comasach air mise a dheanamh glan.

41 Agus ghabh Iosa truas mòr dheth⁶, agus air sineadh a mach a làimhe, bhean e ris, agus thubhairt e ris, Is àill leam; bi-sa glan.

42 Agus co luath as a labhair e, air ball dh'fhalbh an luibhre⁷ uaith, agus rinneadh glan e.

43 Agus thug e geur-ordugh dha, agus air ball chuir e air falbh e;

44 Agus thubhairt e ris, Feuch nach innis thu bheag do neach air bith: ach imich, nochd thu féin do'n t-sagart, agus tabhair mar òbairt air son do ghlanaidh na nithe a dh'àithn Maois, mar fhianuis dhoibh.

45 Agus air dhasan dol a mach, thòisich e air innseadh gu ro fhollaiseach, agus air a' chùis a sgaoileadh mu'n cuairt, air chor as nach feudadh Iosa dol tuilleadh gu follaiseach a steach do'n bhaile; ach bha e mach ann an àitibh uaigneach: agus thàinig iad d'a ionnsuidh as gach àird.

CAIB. II.

1 Leighis Criosd neach air an robh am pairilis: 14 ghairm e Mata o àite togail na cise: 16 dh'ith e maille ri cis-mhaoir agus ri peacaich: 18 ghabh e leith-sgeul a dheisciobul air son nach robh iad a' trasgadh.

AGUS an déigh làithean àraidh, chaidh e a ris a steach do Chapernaum; agus chualas esan a bhi san tigh.

2 Agus air ball chruinneicheadh mòran an ceann a chéile, air chor as nach robh àit a chumadh iad, eadhon timchioll an doruis: agus labhair e am focal riu.

3 Agus thàinig iad, a' toirt d'a ionnsuidh neach air an robh am pairilis, air a ghiùlan le ceathrar.

¹ tigh-aoraidh.

³ air a.

² bho, á:

⁴ dìomhair, uaigneach.

⁵ imicheamaid, theirigeamaid.

⁷ mcìre.

⁶ ris.

4 Agus a chionn nach b'urraim iad teachd am fagus da leis an t-sluagh, rùisg iad mullach an tighe anns an robh e : agus air dhoibh a tholladh, leig iad sìos an leabaidh air an robh an neach a bha timh leis a' phairilis 'na luidhe.

5 'Nuair chunnaic Iosa an creidimh-san, thubhairt e ris an neach air an robh am pairilis, A mhic, tha do pheacanna¹ air am maitheadh dhuit.

6 Ach bha dream àraidh² do na sgrìobhaichibh 'nan suidhe an sin, agus iad a' reusonachadh 'nan cridheachaibh féin,

7 C'ar son a ta am fear so a' labhairt toibheim mar so? Cò dh'fheudas peacanna a mhaithheadh ach Dia a mhàin?

8 Agus air ball, air aithneachadh do Iosa 'na spiorad féin gu'n robh iadsan a' reusonachadh mar sin anna féin, thubhairt e riu, C'ar son a ta sibh a' reusonachadh nan nithe sin ann bhur cridheachaibh?

9 Cò aca is usadh a ràdh ris an neach air am bheil am pairilis, Tha do pheacanna air am maitheadh dhuit, no a ràdh, Eirich, agus tog do leabhadh, agus imich?

10 Ach a chum gu'm bi fios agaibh gu bheil ùghdarras aig Mac an duine peacanna a mhaithheadh air thalamh, (thubhairt e ris an fhear air an robh am pairilis,)

11 A ta mi ag ràdh riut, Eirich, agus tog do leabhadh, agus imich do d' thigh.

12 Agus dh'éirich esan air ball, agus thog e an leabhadh agus chaidh e mach 'nam fianuis uile, ionnus gu'n robh mòr-iongantais orra uile, agus gu'n do ghlòraich iad Dia, ag ràdh, Cha'n fhaca sinne riamh a leithid so.

13 Agus chaidh e mach a rìs ri taobh na mara; agus thàinig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi *mac* Alpheuis 'na shuidhe aig àite toigail na cise, agus thubhairt e ris, Lean mise. Agus dh'éirich e, agus lean se e.

15 Agus tharladh, 'nuair a shuidh Iosa chum bidh 'na thigh-san, gu'n do shuidh mòran chis-mhaor agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na sgrìobhaichean agus na Phairisich esan ag itheadh maille ri cis-mhaoraibh agus ri peacach-aibh, thubhairt iad r'a dheisciobluibh, C'ar son a ta e ag itheadh agus ag òl maille ri cis-mhaoraibh agus ri peacach-aibh?

17 Agus an uair a chuala Iosa so, thubhairt e riu, Cha'n 'eil feum aca-san a ta slàn air an leigh, ach aca-san a ta tinn: cha d' thàinig mise a ghairm nam firean, ach nam peacach chum aithreachais.

18 Agus bughnàth le deisciobluibh Eoin,

agus nam Phairiseach a bhi trasgadh³: agus thàinig iad, agus thubhairt iad ris, C'ar son a ta deisciobuil Eoin, agus nam Phairiseach ri trasgadh, agus nach 'eil do dheisciobuil-sa a' trasgadh.

19 Agus thubhairt Iosa riu, Am bheil clann seòmair an fhir nuadh-phòda comasach air trasgadh a dheanamh, am feadh a bhitheas am fear nuadh-pòda maille riu⁴? am feadh a ta am fear nuadh-pòda aca maille riu, cha'n fheud iad trasgadh a dheanamh.

20 Ach thig na làithean anns an toirear am fear nuadh-pòda uatha; agus an sin nì iad trasgadh sna làithibh sin.

21 Agus cha'n 'eil duine sam bith a dh'fhuairgheas mir do eudach nuadh air sean eudach; no, *ma dh'fhuairgheas*, buinidh am mir nuadh, a chuireadh g'a lìonadh snas, as an t-sean eudach, agus nìthear an reubadh nì's miosa.

22 Agus cha chuir duine air bith fion ùr ann an seann searragaibh⁵; no brisidh am fion nuadh na searragan, agus dòirtear am fion, agus caillear na searragan: ach is còir fion nuadh a chur ann an searragaibh nuadha.

23 Agus tharladh gu'n deachaidh e troimh⁶ na h-achaibh arbhair air là na sàbaid; agus thòisich a dheisciobuil, ag imeachd dhoibh, ris na diasan arbhair a spionadh.

24 Agus thubhairt na Phairisich ris, Feuch, c'ar son a ta iad a' deanamh an nì nach 'eil ceaduichte air là na sàbaid?

25 Agus thubhairt esan riu, Nach do leugh sibhse riamh ciod a rinn Daibhidh 'nuair a bha uireasbhuidh air, agus ocras air féin agus orra-san a bha maille ris?

26 Cionnus a chaidh e steach do thigh Dhé ann an làithibh Abiatair an àrd-shagairt, agus a dh'ith e aran na fianuis⁷, nach 'eil ceaduichte do neach air bith itheadh, ach do na sagartaibh, agus a thug e, mar an ceudna, do'n dream a bha maille ris?

27 Agus thubhairt e riu, Dh'ordnìch-eadh an t-sàbaid air son an duine, cha'n e an duine air son na sàbaid?

28 Air an aobhar sin, is Tighearna⁸ Mac an duine air an t-sàbaid féin.

CAIB. III.

1 *Leighis Crìosd an duine aig an robh an làmh sheargta.* 11 *Chronuich e na spiorada neòghlan;* 13 *agus thag e dà abstol deug.* 22 *Dhearbh e aingidheachd an t-sluaigh a bha 'g ràdh gu'n robh e a' tilgeadh dheamhan a mach le Beelsebub.*

AGUS chaidh e ris a steach do'n t-sionagag; agus bha an sin duine aig an robh làmh sheargta.

2 Agus rinn iad faire air, a dh'fheuch-aim an leighiseadh se e air là na sàbaid,

¹ pheacaidh.
³ trasgadh.

² àraid.
⁴ nam fochair.

⁵ leathar-bhuidéalaidh.
⁷ an t-aran taisbeanta.

⁶ trid, air feadh.
⁸ Maighistir.

chum gu'm biodh cùis-dhitidh aca 'na aghaidh¹.

3 Agus thubhairt e ris an duine aig an robh an làmh sheargta, Eirich sa' mheadh-on.

4 Agus thubhairt e riu, Am bheil e cead-ùichte maith a dhcanamh air làithibh na sàbaid, no olc? anam a thèarnadh, no a sgrios? ach dh'fhan iadsan 'nan tosd.

5 Agus an uair a dh'amhaire e mu'n cuairt orra le feirg², air dha bhi doilich air son cruais an cridhe, thubhairt e ris an duine, Sin a mach do làmh. Agus shìn e mach i: agus rinneadh slàn i mar an làmh eile.

6 Agus chaidh na Phairisich a mach, agus ghabh iad comhairle air ball maille ri luchd-leanmhuinn Heroid 'na aghaidhsan, cionnus a dh'fheudadh iad a sgrios³.

7 Ach chaidh Iosa maille r'a dheisciobluibh a leth chum na mara: agus lean sluagh mòr e o Ghalile, agus o Iudea,

8 Agus o Ierusalem, agus o Idumea, agus o thaobh thall Iordain; agus iadsan a bha timchioll Thiruis agus Shiodain, thàinig cuideachd mhòr dhiubh d'a ionnsuidh, 'nuair a chual iad cia mòr na nithe a rinn e.

9 Agus thubhairt e r'a dheisciobluibh, long bheag a bli feitheamh air, air son an t-sluaigh, chum nach dòmhluicheadh iad e:

10 Oir leighis e mòran; ionnus gu'n do dh'lùth-theann iad ris, a mheud 's air an robh plàighean, chum gu'm beanadh iad ris.

11 Agus na spiorada neòghlan, an uair a chunnaic iad e, shleuchd iad da, agus ghlaodh iad, ag ràdh, Is tusa Mac Dhé.

12 Agus thug e sparradh teann⁴ dhoibh nach deanadh iad aithnichte e.

13 Agus chaidh e suas gu beinn, agus ghairm e iadsan a b' àill leis: agus thàinig iad d'a ionnsuidh.

14 Agus dh'orduich e dà fhear dheug, chum gu'm biodh iad maille ris, agus gu'n cuirheadh e mach iad a shearmonachadh;

15 Agus gu'm biodh aca cumhachd a leigheas euslainte, agus a thilgeadh a mach dheamhan.

16 Agus air Simon thug e Peadar mar cho-ainm:

17 Agus Seumas mac Shebede, agus Eoin bràthair Sheumais, (agus orra-san thug e Boanerges mar cho-ainm, is e sin ri ràdh, Clann na tairneanaich,)

18 Agus Aindreas, agus Philip, agus Bartolomeus, agus Mata, agus Tomas, agus Seumas mac Alphcuis, agus Tadeus, agus Simon an Canaanach,

19 Agus Iudas Iscariot, an neach sin a bhrath e: agus chaidh iad do thigh.

20 Agus chruinnicheadh an sluagh a ris, ionnus nach robh e'n comas doibh uiread

as aran itheadh.

21 Agus an uair a chual a chairdean so, thàinig iad a mach a bhreith air: oir thubhairt iad, Tha e air mhi-chéill.

22 Agus thubhairt na sgrìobhaichean a thàinig a nuas o Ierusalem, Ata Beelsebub aige, agus is ann troimh phrionnsa nan deamhan a ta e tilgeadh a mach dheamhan.

23 Agus ghairm e iad d'a ionnsuidh, agus thubhairt e riu ann an cosamhlachdaibh, Cionnus a dh'fheudas Satan Satan a thilgeadh a mach?

24 Agus ma bhlitheas ròghachd roinnte 'na h-aghaidh féin, cha'n urrainn an ròghachd sin seasamh.

25 Agus ma bhlitheas tigh air a roinn 'na aghaidh féin, cha'n urrainn an tigh sin seasamh.

26 Agus ma dh'éireas Satan 'na aghaidh féin, agus gu'm bi e roinnte, cha'n urrainn e seasamh, ach a ta crìoch aige.

27 Cha'n urrainn 'neach air bith dol a steach do thigh duine làidir, agus 'airneis a thogail leis, mur ceangail e 'n duine làidir an toiseach; agus an sin creachaidh e a thigh.

28 Gu deimhin a ta mi ag ràdh ribh, Gu maithear na h-uile pheacanna do chloinn nan daoine, agus gach toibheum a labhras iad.

29 Ach ge b'e labhras toibheum an aghaidh an Spioraid Naoimh, cha'n fhaigh e maitheanas a chaoidh, ach a ta e an cunnart peanaid⁵ shiorruidh;

30 Air son gu'n dubhairt iad, Tha spiorad neòghlan aige.

31 An sin thàinig a bhràithrean agus a mhàthair, agus air dhoibh seasan a muigh, chuir iad fios d'a ionnsuidh, a' gairm air.

32 Agus bha 'n sluagh 'nan suidhe m'a thimchioll; agus thubhairt iad ris, Feuch, a ta do mhàthair agus do bhràithrean a muigh ga d' iarraidh.

33 Agus fhreagair e iad, ag ràdh, Cò i mo mhàthair, no mo bhràithrean?

34 Agus sheall e mu'n cuairt orra-san a bha 'nan suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dé, is esan mo bhràthair, agus mo phiuthair, agus mc mhàthair.

CAIB. IV.

1 Cosamhlachd an t-sìoladair, agus a bhrìgh. 21 Is còir dhùinn solus ar n-eòlais a phàirteachadh ri muinntir eile. 26 Cosamhlachd an t-sìl a ta fàs an uaignidheas, 30 agus a' ghràinne mhustaird. 39 Chlàinnich Crìod an fha na fàirge.

AGUS thòisich e air teagasg a ris làimh ris a' mhuir; agus chruinnicheadh sluagh mòr d'a ionnsuidh, ionnus gu'n deachaidh e steach do luing, agus gu'n do

¹ dha.

² diomb.

³ mhilltheadh.

⁴ geur-àithe.

⁵ damnaidh, breitheanais.

shuidh e air a' mhuir; agus bha'n sluagh uile ri taobh na mara air tìr.

2 Agus theagaisg e dhoibh mòran do nithibh ann an cosamhlachdaibh, agus thubhairt e riu 'na theagasg,

3 Eisdibh; Feuch, chaidh fear-cuir¹ a mach a chur sil:

4 Agus tharladh 'nuair chuir e an siol, gu'n do thuit cuid deth ri taobh an rathaid, agus thàinig eunlaith an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige; agus air ball dh'fhàs e suas, do bhrìgh nach robh doimhne talmhainn aige:

6 Ach air do'n ghrèin éirigh, loisgeadh e; agus a chionn nach robh freumh² aige, shearg e as.

7 Agus thuit cuid eile am measg droighinn, agus dh'fhàs an droighinn suas, agus thachd se e, agus cha d'thug e toradh uaithe.

8 Agus thuit cuid eile air talamh maith³, agus thug e toradh uaithe a' fàs suas agus a' meudachadh; agus thug e mach, cuid a dheich thar fhichead uiread, agus cuid a thri fichead uiread, agus cuid a cheud uiread⁴ s a chuireadh.

9 Agus thubhairt e riu, An ti aig am bheil cluasa chum éisdeachd, éisdeadh e.

10 Agus an uair a bha e 'na aonar, dh'fhiosraich iadsan, a bha mu'n cuairt da⁵, maille ris an dà fhear dheug, an cosamhlachd deth.

11 Agus thubhairt e riu, Dhuibhse thugadh eòlas a ghabhail air nithibh dìomhair rioghachd Dhé: ach dhoibhsan a ta an leth muigh nìthear gach ni an cosamhlachdaibh:

12 Chum as ag faicinn doibh gu'm faic iad, agus nach aithnich iad, agus ag chluinntinn doibh gu'n cluinn iad, agus nach tuig iad; air eagal am air bith gu'm pilleadh iad, agus gu'm biodh am peacanna air am maitheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus ma ta a thuigeas sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinntinn, air ball a ta Satan a' teachd, agus a' togail leis an fhocail, a shìol-chuireadh 'nan cridheach-aibh.

16 Agus is iad so iadsan mar an ceudna a chuireadh air fearann creagach; muinntir, an uair a chluinneas iad am focal, a ghabhas e air ball le gairdeachas:

17 Agus cha'n 'eil freumh aca annta

féin, ach mairidh iad rè sealain; 'na dhéigh sin, 'nuair a dh'éireas amhghar⁶ no geur-leannmuinn air son an fhocail, air ball a ta iad a' gabhail oilbheim.

18 Agus is iad so iadsan a chuireadh am measg an droighinn, an dream a dh'éisdeas ris an fhocal;

19 Agus a ta ro-chùram an t-saoghail so, agus mealltaireachd saoihbheis, agus anamianna nìthe eile teachd a steach, agus a' tachdadh an fhocail, agus nìthear neo-thorach e.

20 Agus is iad so iadsan a chuireadh ann an talamh maith; an dream a chluinneas am focal, agus a ghabhas e, agus a bheir a mach toradh, cuid a dheich thar fhichead uiread, cuid a thri fichead uiread, agus cuid a cheud uiread as a chuireadh.

21 Agus thubhairt e riu, An toirear coinneal chum gu'n cuirear i fuaidh bheul soithich, no fuaidh leabaidh? nach ann a chum a cur ann an coinnleir?

22 Oir cha'n 'eil ni air bith foluichte, nach foillsichear; agus cha robh ni air bith an cleith⁶, nach tig am follais⁷.

23 Ma tha cluasa chum éisdeachd aig neach air bith, éisdeadh e.

24 Agus thubhairt e riu, Thugaibh fa'n-ear ciod a chluinneas sibh: leis an tomhas a thomhaiseas sibh, tomhaisear dhuibh féin; agus bheirear tuilleadh dhuibh-sa ta 'g éisdeachd.

25 Oir ge b'e neach aig am bheil, bheir-ear dha: agus ge b'e neach aig nach 'eil, bheir-ear uaithe an ni sin féin a ta aige.

26 Agus thubhairt e, Is amhuil rioghachd Dhé, mar gu'n cuireadh duine siol anns an talamh.

27 Agus gu'n coidleadh e, agus gu'n éireadh e a dh'oidhche agus a là, agus gu'n giueadh an siol, agus gu'm fàsadh e suas, air dòigh nach fhios da.

28 Oir bheir an talamh a mach toradh uaithe féin, air tùs am fochann, a ris an dias, an déigh sin an làn arbhar anns an dèis.

29 Ach an uair a ta 'n toradh abaich air ball cuiridh e an corran ann, a chionn gu bheil am fogharadh air teachd.

30 Agus thubhairt e, Ciod an ni ri 'n samhluich sinn rioghachd Dhé? no ciod e an cosamhlachd leis an coimhneas sinn i⁸?

31 Is cosmhuil i ri gràinne mustaird, ni, 'nuair a chuirear san talamh e, a's lugha do na h-uile phòrabbh a ta air thalamh.

32 Ach an déigh a chur, fàsaidh e suas, agus cinnidh e nì's mò na luibh sam bith eile, agus fàsaidh geugan mòra air; ionnus gu'm feud eunlaith an athair nìd a dhean-amh fuaidh a sgàile.

33 Agus le iomadh d'a leithidibh sin do

¹ sioladair.

² freumhach.

³ math.

⁴ 'na fhocail.

⁵ trioblaid.

⁶ an uaignidheas.

⁷ os àird.

⁸ an coibhearta ris an coibh-eartaich sinn i?

chosamhlachdaibh labhair e am focal riu, a réir mar a b'urraim iad a chluinntinn.

34 Ach gun chosamhlachd cha do labhair e riu: Agus mhìnich e na h-uile nithe d'a dheisciobluibh féin air leth.

35 Agus thubhairt a riu air an là sin féin, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimhthional, thug iad leo esan anns an luing mar a bha e; agus bha longa beaga cile maille ris¹ mar an ceudna.

37 Agus dh'éirich doinnion² mhòr ghaoithe, agus leum na tonnan a steach do'n luing, air chor as gu'n robh i nis làn.

38 Agus bha esan am an deireadh na luinge, 'na chodal air cluasaig³: agus dhùisg iad e, agus thubhairt iad ris, A mhaighstir, nach 'eil suim agad gu'n caillre sinn?

39 Agus dh'éirich e, agus chronuich e a' ghaoth, agus thubhairt e ris an fhairege, Tosd, bisamhach. An sin luith a' ghaoth, agus bha féath⁴ mòr ann.

40 Agus thubhairt e riu, C'ar son a ta sibh co eagalach? cionnus nach 'eil creidimh agaibh.

41 Agus ghabh iad eagal ro mhòr, agus thubhairt iad r'a chéile, Ciod e an duine so, gu bheil a' ghaoth, agus an fhairege féin umhal da?

CAIB. V.

1 *Air do Chriosd na deamhain a chur a mach as an duine anns an robh legion diubh, 13 chaidh iad a stigh anns na mucaibh. 23 Leighis e a' bhean air an robh d'ortadh fola, 35 agus thug e o na marbhaibh nighean Iairuis.*

AGUS thàinig iad gu taobh eile na A mara, gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neo-ghlan,

3 Aig an robh a' chòmhnuidh sna h-àitibh-adhlaic; agus cha b'urraim neach air bith a cheangal, eadhon le slabhraidhibh:

4 Oir chaidh a cheangal gu tric le geimhlibh agus le slabhraidhibh, agus tharruing e na slabhraidhean as a cheile, agus mhìnbhris e na geimhlean: Agus cha b'urraim duine sam bith a cheannsachadh.

5 Agus bha e ghnàth, a là agus a dh'oidhche, sna beanntaibh, agus sna h-ionadaibh-adhlaic, a' glaothaich agus 'ga ghearradh féin le clachaibh.

6 Ach an uair a chunnaic e Iosa fada uaith, ruith e agus shleuchd e dha,

7 Agus ghlaodh e le guth mòr, agus thubhairt e, Ciod mo ghnothuch-sa riut, Iosa, a Mhic an Dé a's ro àirde? tha mi a' cur ort à h-uchd Dé, gun mo phianadh.

8 (Oir thubhairt e ris, Thig a mach as

an duine, a spioraid neo-ghloin.)

9 Agus dh'fhiosraich e dheth, Ciod is ainm dhuit? Agus fhreagair esan, ag ràdh, Legion is ainm dhomh: oir a ta sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an sin, ag ionaltradh air ball thug Iosa cead doibh; agus air dol a mach do na spioradaibh neo-ghlan, chaidh iad a stigh anns na mucaibh, agus ruith an treud sìos gu dian le àite cas do'n fhairege, (bha iad mu thimchioll dà mhìle,) agus thachdadh iad san fhairege.

12 Agus theich iadsan a bha 'g ionaltradh nam muc, agus dh'innis iad sin, aram anns a' bhaile, agus anns an tìr.

13 Agus chaidh iad a mach a dh'fhaicinn ciod e an ni ud a thachair.

14 Agus thàinig iad chum Iosa, agus chunnaic iad an ti anns an robh an deamhan, agus aig an robh an legion, 'na shuidhe, agus 'eudach uime, agus a chiall aige; agus ghabh iad eagal.

15 Agus dh'innis iadsan a chunnaic e dhoibh, cionnus a thachair do'n ti anns an robh an deamhan, agus mu thimchioll nam muc.

16 Agus thòisich iad ri guidhe air imeachd a mach as an crìochaibh.

17 Agus air dha dol a stigh san luing, ghuidh an ti anns an robh an deamhan air, gu'm feudadh e bhi maille ris.

18 Gidheadh cha do leig Iosa leis, ach thubhairt e ris, Imich dhachaidh dh'ionnsuidh do mhuinntir, agus innis dhoibh meud nan nithe a rinn an Tighearna dhuit, agus gu'n d'rinn e tròcair ort.

19 Agus dh'imich esan, agus thòisich e ri chur an céill ann an Decapolis meud nan nithe a rinn Iosa dha: agus ghabh iad iongantas uile.

20 Agus 'nuair a chaidh Iosa a ris thairis anns an luing do'n taobh eile, chruinnich-eadh sluagh mòr d'a ionnsuidh; agus bha e làimh ris a' mhuir.

21 Agus, feuch, thàinig aon do uachdaranabh uan sionagag, d'am b'ainm Iairus; agus an uair a chunnaic e esan, leig se e féin sìos aig a chosaibh.

22 Agus ghuidh e gu dùrachdach air, ag ràdh, A ta mo nighean bheag ann an cunnart grad bhàis; thig, tha mi a' guidhe ort, agus leag do làmhnan oirre chum gu'n slànuichear i, agus mairidh i beò.

23 Agus dh'imich Iosa maille ris; agus lean sluagh mòr e, agus dhòmhluidh iad e.

¹ na fhochair.

² stoirm.

³ adhantan.

⁴ ciùine.

⁵ do na sléibhlibh.

25 Agus bha bean àraidh an sin, air an robh dòrtadh fola rè dha bhliadhna dheug,
26 Agus dh'fhulaing i mòran o iomadh léigh, agus chaith i na bha aice, agus cha b' fheairrd i bheag e, ach gu'm bu mhiosd;
27 'Nuair a chual i iomradh air Iosa, thàinig i am measg an t-sluaigh o chùl-aobh, agus bhean i r'a eudach:

28 Oir thubhairt i, Ma dh'fheudas mi beantuinn ach r'a eudach, slànùichear mi.

29 Agus air ball thiormaicheadh tobar a fola; agus dh'aithnich i air a corp féin, gu'n do leighiseadh i o'n phlàigh sin.

30 Agus dh'aithnich Iosa air ball ann féin gu'n deachaidh cumhachd a mach as, agus air dha tionndadh san t-sluagh, thubhairt e, Cò a bhean ri m' eudach?

31 Agus thubhairt a dheisciobuil ris, A ta thu faicinn gu bheil an sluagh ga d' dhòmhlachadh, agus an abair thu, Cò a bhean rium?

32 Agus dh'amhaire e mu'n cuairt g'a faicinn-sa a rinn so.

33 Ach air do'n mhnaoi bhi fo eagal agus air chrith, air aithneachadh an nì a rinneadh innte, thàinig i, agus leig si i féin sìos 'na làthair, agus dh'innis i an fhirinu uile dha.

34 Agus thubhairt e rithe, A nighean, shlànùich do chreidimh thu; imich an sìth, agus bi slàn o d' phlàigh.

35 Am feadh a bha e fathast a' labhairt, thàinig dream o thigh uachdarain na sionagoig, ag ràdh, Fhuair do nighean bàs; c'ar son a chuireadh tu tuilleadh dragha air a' mhaighstir?

36 Cò luath is a chual Iosa an còmhraidh so a labhradh, thubhairt e ri uachdarain na sionagoig, Na biodh eagal ort, a mhàin creid.

37 Agus cha d'fhulaing e do neach air bith a leantuinn, ach Peadar, agus Seumas, agus Eoin bràthair Sheumais.

38 Agus thàinig e gu tigh uachdarain na sionagoig, agus chunnaic e an iomairt¹ agus iadsan a bha gul, agus a' caoineadh gu mòr.

39 Agus 'nuair thàinig e a steach, thubhairt e riu, C'ar son a ta sibh ris an iomairt so, agus ri bròn? cha'n 'eil an nigh-eanaig² marbh, ach 'na codal.

40 Agus rinn iadsan gàire fanoid air³: ach air dhasan an cur uile mach, thug e leis athair agus màthair na nighinn, agus iadsan a bha maille ris, agus chaidh e steach far an robh an nigheanaig 'na luidhe.

41 Agus rug e air an nigheanaig air làimh, agus thubhairt e rithe, Talitha-cumi; 's e sin, air eadar-mhineachadh, A chailin, (a ta mise ag ràdh riut,) éirich.

42 Agus air ball dh'éirich an nigheanaig, agus dh'imich i; oir bha i dà bhliadhna dheug a dh'aois: agus ghabh iad iongantatas anabarrach.

43 Agus thug e ordugh teamn doibh, nach faigheadh duine air bith fios air so; agus dh'àithn e caileigin a thoirt di r'a itheadh.

CAIB. VI.

1 Rinneadh tàir air Chrìod le muinntir a dhùthcha.

7 Thug e cumhachd do'n dà fhear dheug os ceann spiorada neòghlan. 14 Iomadh barail mu Chrìod, 16 Chuireadh an ceann do Eoin Baiste.

AGUS chaidh e mach as a sin, agus thàinig e d'a dhùthaich féin; agus lean a dheisciobuil e.

2 Agus an uair a thàinig an t-sàbaid, thòisich e air teagasg anns an t-sionagag: agus air do mhòran a chluinntinn, ghabh iad iongantatas, ag ràdh, Cia uait a ta na nithe sin aig an fhear so? Agus ciod e an gliocas so thugadh dha, gu bheil a leithid so do fheartaibh air an deanamh le a làmh-aibh-san?

3 Nach e so an saor mac Mhuire, bràthair Sheumais, agus Ioseis, agus Iudais, agus Shimoin? Agus nach 'eil a pheathraiche an so maille ruinn? Agus fhuair iad oibhheum ann⁴.

4 Ach thubhairt Iosa riu, Cha'n 'eil fàidh gun urram, ach 'na dhùthaich féin, agus am measg a chàirdean, agus 'na thigh féin.

5 Agus cha robh e 'n comas da mìorbhuil air bith a dheanamh an sin, saor o gu'n do chuir e a làmh an beagan do mhuinntir a bha tinn, agus gu'n do leighis e iad.

6 Agus bha iongantatas air air son am mi-chreidimh. Agus chaidh e timchioll nam bailtean, a' teagasg.

7 Agus ghairm e d'a ionnsuidh an dà fhear dheug, agus thòisich e air an cur a mach dithis agus dithis; agus thug e dhoibh cumhachd air spioradaibh neòghlan:

8 Agus dh'àithn e dhoibh gun nì air bith thoirt leo air son na slighe, ach lorg a mhàin; gun mhàla, gun aran, gun airgid 'nan sporan;

9 Ach bonn-bhròga⁵ bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an téid sibh a steach do thigh, au sin fanaibh gus am falbh sibh as an àite sin.

11 Agus cò air bith iad nach gabh ribh, agus nach éisd ribh, air dhuibh imeachd as an àite sin, crathaibh an duslach a bhitheas fo 'ur cosaibh, mar fhianuis 'nan aghaidh. Gu deimhín a ta mi ag ràdh ribh, Gur so-iomchaire⁶ a bhitheas e do

¹ am buaireas.

² gàire fochaid ris.

³ nìonag.

⁴ ghabh iad oibhheum ris.

⁵ cuarain.

⁶ so-fhulaing.

Shodom agus do Ghomora ann an là a' bhreitheanais, na do'n hhaile sin.

12 Agus chaidh iad a mach, agus shear-monaich iad gu'n deanadh daoine aithreachas.

13 Agus thilgiad a mach mòran dheamhan, agus dh'ung iad le h-oladh mòran a bha tinn, agus leighis siad iad.

14 Agus chual Herod an rìgh uime, (oir chaidh a' ainm am follais;) agus thubhairt e, A ta Eoin Baiste air éirigh o na marbhaibh, agus uime sin a ta feartan air an oibreachadh leis.

15 Thubhairt cuid eile, Gur e Elias a' t'ann. Agus thubhairt cuid eile, Gur faidh a t'ann, no mar aon do na fàidhibh.

16 Ach an uair a chual Herod so, thubhairt e, Is e Eoin d'an do chuir mise an ceann, a th'ann; dh'éirich e o na marbhaibh.

17 Oir chuir Herod féin a mach agus ghlac e Eoin, agus cheangail e ann am prìosan e, air son Herodias bean phòsda Philip, a bhràthar féin, do bhrìgh gu'n do phòs e i.

18 Oir thubhairt Eoin ri Herod, Cha'n 'eil e ceaduichte dhuit bean do bhràthar a bhì agad.

19 Uime sin bha diom¹ mòr aig Herodias ris, agus bu mhiann leatha a chur gu bàs; ach cha b'urraim i.

20 Oir bha eagal Eoin air Herod, air dha fios a bhì aige gu'm bu duine ceart agus naomh e, agus thug e fa'near² e; agus nuair a chual se e, rinn e mòran do nithibh air a chomhairle, agus dh'éisd e ris gu toileach.

21 Agus air teachd do là iomchuidh, rinn Herod, air co-ainm an là an d'rugadh e, suiper d'a uaislibh, agus d'a àrd-cheannardaibh, agus do mhaithibh Ghailile:

22 Agus an uair a chaidh nighean Herodias so steach, agus a rinn i danmsa, thaitim i ri Herod agus riu-san a shuidh maille ris, agus thubhairt an rìgh ris a' chailin, Iarr ormsa ge b'e ni is àill leat, agus bheir mi dhuit e.

23 Agus thug e miomnan di, Ge b'e ni a dh'iarras tu orm, bheir mi dhuit e, gu leth mo ròghachd.

24 Agus an uair a chaidh i mach thubhairt i r'a màthair, Ciod a dh'iarras mi? Agus thubhairt ise, Ceann Eoin Bhaiste.

25 Agus chaidh i air ball le cabhaig a steach a dh'ionnsuidh an rìgh, agus dh'iarr i, ag ràdh, Is àill leam gu'n tugadh tu dhomh gun dàil ceann Eoin Bhaiste air mèis.

26 Agus bha 'n rìgh ro dhoilich; gidheadh air son a mhiomnan, agus an dream a bha 'nan suidhe maille ris, cha robh

toil aige a diultadh.

27 Agus air ball, chuir an rìgh a mach fear-millidh, agus dh'àithn e a cheann a thoirt a steach: agus dh'imich esan agus thug e an ceann deth anns a' phrìosan;

28 Agus thug e a cheann leis air mèis, agus thug e do'n chailin³ e: agus thug an cailin d'a màthair e.

29 Agus an uair a chual a dheisciobuil sin, thàinig iad agus thog iad a chorp, agus chuir iad ann an uagh e.

30 Agus chruinnicheadh na h-Abstoil chum Iosa, agus dh'innis iad da na h-uile nithe, araon gach ni a rinn iad, agus gach ni a theagaisg iad.

31 Agus thubhairt e riu, Thigibh-sa air leth do àit uaigneach, agus gabhaibh fois car tamuill bhig: Oir bha mòran a' teachd agus a' dol, agus cha robh ùine aca uiread as biadh itheadh.

32 Agus chaidh iad gu àite fàsail ann an luing air leth.

33 Agus chunnaic an sluagh iadsan a' falbh, agus dh'aithnich mòran e, agus ruith iad d'an cois as na bailtibh uile an sin, agus bha iad rompa, agus chruinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoraich gun bhuachaill aca: agus thòisich e air mòran do nithibh a theagasg dhoibh.

35 Agus an uair a bha nis mòran do'n là air dol seachad⁴, thàinig a dheisciobuil d'a ionnsuidh, ag ràdh, A ta 'n t-àite so fàs, agus a ta nis mòran do'n là air dol thairis:

36 Leig air falbh iad, chum gu téid iad do'n tìr nu'n cuairt, agus do na bailtibh, agus gu ceannaich iad biadh dhoibh féin: oir cha'n 'eil ni air bith aca r'a itheadh.

37 Ach fhreagair esan, agus thubhairt e riu, Thugaibh-sa dhoibh r'a itheadh. Agus thubhairt iadsan ris, An téid sinn agus an ceannaich sinn luach dhà cheud peghinn a dh'aran, chum gu tugamaid dhoibh ni r'a itheadh?

38 Ach thubhairt esan riu, Cia lìon builinn⁵ a ta agaibh? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'àithn e dhoibh a thoirt orra uile suidhe sìos 'nan cuideachdaibh air an fheur uaine.

40 Agus shuidh iad sìos 'nan buidhnibh fa leth, 'nan ceudaibh, agus 'nan leth-cheudaibh.

41 Agus air dha na cùig builinnean agus an dà iasg a ghabhail, agus amharc suas gu nèanibh, bheannaich, agus bhris e ua buil-

¹ diomb. ² choimhid se. ³ ghruagaich, nìonaig.

⁴ air a chaitheadh.

⁵ aran.

innean, agus thug e d'a dheisciobluibh iad, chum gu'n cuireadh iad rompa iad; agus roim e an dà iasg orra uile.

42 Agus dh'ith iad uile, agus shàsuich-eadh iad.

43 Agus thog iad dà chliabh dheug làn do'n bhiaidh bhrìste, agus do na h-iasgaibh.

44 Agus b'iad an dream a dh'ith do na builinnibh cùig mìle fear.

45 Agus air ball cho-éignich e a dheisciobuil gu dol anns an luing, agus dol roimhe dh'ionnsuidh na taoibh thall gu Betsaida, agus an cuireadh e an sluagh air falbh.

46 Agus an uair a chuir e air falbh iad, chaidh e gu beinn a dheanamh urnuigh.

47 Agus an uair a bha an t-anmoch ann, bha an long am meadhon na mara, agus esan 'na aonar air tìr.

48 Agus chunnaic e iadsan air am pianadh ag ionramh; oir bha a' ghaoth 'nan aghaidh: agus thàinig e d'an ionnsuidh mu thimchioll na ceathramh faire do'n oidhche, ag imeachd air a' mhuir, agus b'àill leis dol seachd oirre.

49 Ach an uair a chunnaic iadsan e ag imeachd air a' mhuir, shaoil iad gu'm bu tannasg a bh'ann; agus ghlaodh iad.

50 (Oir chunnaic iad uile e, agus bha iad fo bhuaireas:) Agus air ball labhair e riu, agus thubhairt e riu, Biodh misneach mhaith agaibh; is mise ta ann, na biodh eagal oirbh.

51 Agus chaidh e suas d'an ionnsuidh do'n luing; agus luidh a' ghaoth: agus bha namhas mòr thar tomhas orra, agus ghabh iad iongantas.

52 Oir cha d'thug iad fa'near miorbhuil nam builinnean; oir bha'n cridhe air a chruadhachadh.

53 Agus an uair a chaidh iad thairis, thàinig iad gu talamh Ghenesaret, agus tharruing iad gu tìr.

54 Agus an uair a thàinig iad a mach as an luing, air ball dh'aithnich iad e.

55 Agus ruith iad air feadh na tìre sin uile mu'n cuairt, agus thòisich iad air an dream a bha tinn a ghiulan mu'n cuairt air leabaichibh, ge b'e àit an cual iad esan abhi.

56 Agus ge b'e air bith bailte, no caithriche, no dùthaich an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall 'eudaich: agus a mhead is a bhean ris, leighiseadh iad.

CAIB. VII.

1 Fhuair na Phairisich coire do na deisciobluibh do bhrìgh gu'n d'ith iad le làmhaidh neo-ionnlaidte.

14 Cha salaich biadh an duine. 24 Leighis Crìosd nighean aig an robh spìrad neò-ghlan, 31 agus duine a bha bodhar.

AGUS chruinniceadh na Phairisich d'a ionnsuidh, agus dream àraidh do na

sgriobhaichibh a thàinig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhaidh salach, (sin r'a ràdh neo-ionnlaidte,) fhuair iad cron doibh.

3 Oir cha'n ith na Phairisich, agus na h-Iudhaich uile, biadh, mur ionnlaid iad an làmhan gu minic, a' coimhead beul-aithris nan seanairean.

4 Agus air dhoibh teachd o'n mhargadh, mur tum¹ siad iad, cha'n ith iad. Agus a ta mòran do nithibh eile a ghabh iad orra a choimhead, *mar a ta* nigheadh chupan, agus phoitean, agus shoithiche umha², agus leabaichean³.

5 An sin dh'fheòraich na Phairisich agus na sgrìobhaichean dheth, C'ar son nach 'eil do dheisciobuil ag imeachd a réir beul-aithris nan seanairean, ach a ta iad ag itheadh arain le làmhaidh neo-ionnlaidte?

6 Ach fhreagair esan agus thubhairt e riu, Is maith a rinn Esaias fàidheadaireachd mu bhuir timchioll-sa, a chealgairean, a réir mar a ta e sgrìobhta, A ta am pobull so toirt urrainn⁴ dhomh-sa le 'm bilibh, ach a ta an cridhe fada uam.

7 Ach is ann gu dìomhanach a ta iad a' toirt aoraidh dhomh-sa, a' teasgag àith-eanta dhaoine mar theagasg.

8 Oir air dhuibh àithne Dhé a thréigsinn, a ta sibh a' cumail orduchaidh dhaoine, *mar a ta* nigheadh phoitean agus chupan: agus mòran eile d'an leithidibh sin a ta sibh a' deanamh.

9 Agus thubhairt e riu, Is maith a ta sibh a' cur air cùl àithne Dhé, chum gu'n coimhid sibh bhuir orduchadh féin.

10 Oir thubhairt Maois, Thoir urram do t'athair, agus do d' mhàthair: agus, Ge b'e neach a mhallaicheas athair no màthair, cuirear gu cinnteach gu bàs e.

11 Ach their sibhshe, Ma their neach r'a athair, no r'a màthair, Biodh e 'na Chorb-an, sin r'a ràdh, 'na thiodhlac do'n team-pull, ge b'e ni leis am faigheadh tu taibrhe uamsa:

12 Nach leig sibh dha á sin suas ni sam bith a dheanamh air son 'athar, no a mhàthar;

13 A' cur focail Dé an neò-bhrìgh le bhuir beul-aithris féin, a dh'aithris sibh: agus mòran d'an leithidibh sin do nithibh a ta sibh a' deanamh.

14 Agus 'nuair a ghairme an sluagh uile d'a ionnsuidh, thubhairt e riu, Eisidibh riumsa uile, agus tuigibh:

15 Cha'n 'eil ni sam bith o'n taobh a muigh do'n duine, a théid a steach ann, d'am bheil e 'n comas a shalachadh: ach na uilhe tha teachd a mach as, is iad sin a ta salachadh an duine.

16 Ge b'e aig am bheil cluasa chum éisdeachd, éisdeadh e.

¹ ionnlaid.

² prais.

³ àiteacha-suidhe.

⁴ onoir.

17 Agus an uair a chaidh e steach do'n tigh o'n t-sluagh, chuir a dheisciobuil ceisd air mu thimchioll a' chosamhlachd.

18 Agus thubhairt e riu, Am bheil sibhse mar so fathast gun tuigse? Nach 'eil fhios agaibh, ge b'e ni air bith a théid a steach san duine o'n leth a muigh, nach 'eil e 'n comas da esan a shalachadh?

19 Do bhrìgh nach téid e steach d'a chridhe, ach do'n bhroinn, agus théid e mach do'n t-slochd shalachair, a' glanadh gach uile bhìdh.

20 Agus thubhairt e, Is e an ni a thig a mach as an duine, a shalaidheas an duine.

21 Oir is ann o'n taobh a stigh, á cridhe dhaoine, a thig a mach droch smuaintean, adhaltrannas, strìopachas, mortadh,

22 Goid, saunt, aingidheachd, mealltaireachd, macnus¹, droch shùil, toibheum, uabhar, amaideachd:

23 A ta na h-uile so uile a' teachd a mach o'n taobh a stigh, agus a' salachadh an duine.

24 Agus air dha éirigh as a sin, chaidh e gu crìochaibh Thiruis agus Shidoìn: agus an uair a chaidh e steach do thigh, cha b'àill leis fios a bhi aig neach sam bith air; gidheadh cha'n fheadadh e bhi'm folach.

25 Oir chuala bean uime, aig an robh nighean bheag, anns an robh spiorad neòghlan, agus thàinig i agus thuit i aig a chosaibh:

26 (Agus bu Ghreugach a' bhean, Ban-shiropheiseach a' taobh cinnich;) agus ghuidh i air gu'n tilgeadh e an deamhan a mach as a nighinn.

27 Agus thubhairt Iosa rithe, Fulaing do'n chloinn air tusa bhi air an sàsachadh: oir cha 'n eil e iomchuidh aran na cloinne a ghabhail, agus a thilgeadh chum nan con.

28 Agus fhreagair ise agus thubhairt i ris, Is fìor sin, a Thighearn: gidheadh ithidh na coin fo 'n bhord do sbruileach na cloinne.

29 Agus thubhairt esan rithe, Air son na cainte so féin, imich romhad; a ta an deamhan air dol a mach á d' nighinn.

30 Agus an uair a bha ise air teachd a dh'ionnsuidh a tìghe, fhuair i an deamhan air dol a mach, agus a nighean air a cur 'na luidhe air an leabaidh.

31 Agus a ris, 'nuair a dh'imich e o chriochaibh Thiruis agus Shidoìn, thàinig e gu muir Ghalile, troimh mheadhon chrioch Dhecapolis.

32 Agus thug iad d'a ionnsuidh duine bodhar, aig an robh staduich 'na chainnt: agus ghuidh iad air gu'n cuiradh e a làmh air.

33 Agus thug e a leth o'n t-sluagh e, agus chuir e a mheoir 'na chluasaibh, agus shil² e, agus bhean e r'a theangaidh.

34 Agus air dha amharc suas gu nèamh,

rinn e osna, agus thubhairt e ris, Ephphata, is e sin r'a ràdh, Bi fosgailte.

35 Agus air ball dh'fhosgladh a chluasan, agus dh'fhuasgladh cangal a theangaidh, agus labhair e gu ceart.

36 Agus dh'àithn e dhoibh gun iad a dh'innseadh sin do neach air bith: ach mar is mò a thoirmisg esan doibh, bu mhòid gu ro mhòr a chuir iadsan an gnìomh am follais³;

37 Agus bha iad gu ro mhòr air an lìonadh le h-iongantais, ag ràdh, Rinn e na h-uile nithe gu maith: tha e araon a' tabhairt air na bodhair gu'n cluinn iad, agus air na bailbh gu'n labhair iad.

CAIB. VIII.

1 Bheathaich Crìosd an sluagh gu mìorbhuileach.

11 Dhiùlt e comhar' a thoirt do na Phairisich:

14 Dh'iarr e air a dheisciobuil bhi air am faicill an agaidh taois ghoirt nam Phairiseach agus Heroid: 22 Thug e a radharc do dhuine dall.

ANNS na làithibh sin, air do shluagh ro mhòr a bhi ann, agus gun ni air bith aca r'a itheadh, ghairm Iosa a dheisciobuil d'a ionnsuidh, agus thubhairt e riu,

2 A ta truas mòr agam do'n t-sluagh, do bhrìgh gu'n d'fhan iad a nis tri làithean maille rium, agus nach 'eil ni air bith aca r'a itheadh;

3 Agus ma leigeas mi d'an tighibh féin 'nan trasg⁴ iad, fannuichidh iad air an t-slighe: oir thàinig cuid aca am fad.

4 Agus fhreagair a dheisciobuil e, Cia as a dh'fheadas neach iad so a shàsachadh le h-aran an so san fhàsach?

5 Agus dh'fhiosraich e dhiubh, Cia lìon builinn a ta agaibh? Agus thubhairt iadsan, Seachd.

6 Agus thug e ordugh do'n t-sluagh suidhe, sìos air an làr: agus ghìlac e na seachd builinnean, agus air toirt buidheachais, bhris e, agus thug e iad d'a dheisciobuil, chum gu'n cuireadh iad 'nan làthair iad: agus chuir iad sìos an làthair an t-sluaigh iad.

7 Agus bha aca beagan a dh'iasgaibh beaga: agus bhcainaich e iad, agus dh'àithn e an cur sìos 'nan làthair mar an ceudna.

8 Agus dh'ith iad, agus shàsuaicheadh iad: agus thog iad làn sheachd bascaidean do'n bhìadh bhriste, a bha dh'fhuigheall⁵ aca.

9 Agus bha iadsan a dh'ith mu thimchioll cheithir mìle; agus leig e air falbh iad.

10 Agus air ball chaidh e steach an luing maille r'a dheisciobuil, agus thàinig e gu crìochaibh Dhalmanuta.

11 Agus thàinig na Phairisich a mach: agus thòisich iad ri ceisdean a chur air, ag iarraidh comhara uaith o nèamh, 'ga dhearbhadh.

12 Agus air deanamh osna dhasan 'na

¹ amaiseachd.

² sheil.

³ os àird.

⁴ trasg.

⁵ dh'fhuigheach.

spiorad, thubhairt e, C'ar son a ta an ginealach so ag iarraidh comhara? gu deimhin a tamise ag ràdh ribh na toirear comhara do'n ghinealach so.

13 Agus dh'fhàg e iad, agus air dha dol a steach do'n luing a rìs, chaidh e do'n taobh eile.

14 Agus dh'chuir e na deisciobuil aran a thoirt leo; agus cha robh aca ach aon bhuilinn¹ maille riu san luing.

15 Agus dl'aithean a dhoibh, ag ràdh, Thugaibh an aire, bithibh air bhur faicill an aghaidh taois ghoirt nam Phairiseach, agus taois ghoirt Heroid.

16 Agus bha iadsan a' reusonachadh nam measg féin, ag ràdh, *Is ann* air son nach 'eil aran againn *a ta e*.

17 Agus air aithneachadh sin do Iosa, thubhairt e riu, C'ar son a ta sibha' reusonachadh do bhrìgh nach 'eil aran agaibh? Nach 'eil fhios agaibh fathast, agus nach 'eil sibh a' tuigsinn? am bheil bhur cridhe fathast air a chruadhachadh?

18 Air dhuibh sùilean a bhi agaibh, nach faic sibh? agus air dhuibh cluasan a bhi agaibh, nach cluinn sibh? agus nach 'eil sibh a' cuimhneachadh?

19 An uair a bhris mi na cùig builinnean am measg nan cùig mìle, cia lion cliabh làn do bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd am measg nan ceithir mìle, cia lion bascaid làn do bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thàinig e gu Betsaida; agus thug iad d'a ionnsuidh duine dall, agus ghluidh iad air gu'm beanadh e ris.

23 Agus rug e air làmh an doill agus threòraich e mach as a' bhaile e; agus air dha a shìleadh a chur air a shùilibh, agus a làmhan a chur air, dh'fhèoraich e dheth an robh e faicinn ni air bith.

24 Agus dh'amhairc esan suas, agus thubhairt e, A ta mi faicinn dhaoine mar chraobhan ag imeachd.

25 'Na dhèigh sin, chuir e a làmhan a ris air a shùilibh, agus thug e air amharc suas: agus dl'aisigeadh a radharc dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe féin e, ag ràdh, Na rach a steach do'n bhaile, agus na innis do neach air bith anns a' bhaile e.

27 Agus chaidh Iosa agus a dheisciobuil a mach gu bailtibh Chesarea Philipi: agus air an t-slighe chuir e ceis air a dheisciobluibh, ag ràdh riu, Cò a tha daoine ag ràdh is mise?

28 Agus fhreagair iadsan, Eoin Baiste;

agus cuid eile, Elias; agus cuid eile, Aon do na fàidhibh.

29 Agus thubhairt esan riu, Ach cò a tha sibhse ag ràdh is mi? Fhreagair Peadar agus thubhairt e ris, Is tu Crìosd.

30 Agus thug e sparradh dhoibh gun iad a dh'innseadh so uime do neach sam bith.

31 Agus thòisich e r'an teagasg, gur éigin do Mhac an duine mòran do nithibh fhulang, agus a bhi air a dhiultadh leis na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus éirigh a ris an déigh thri làithean.

32 Agus labhair e a' chainnt so gu follaiseach. Agus rug Peadar air, agus thòisich e r'a chronuchadh.

33 Ach air dhasan tionndadh nu'n cuairt, agus amharc air a dheisciobluibh, chronuich e Peadar, ag ràdh, Imich air mo chùlaobh, a Shatain: oir cha'n 'eil spéis agad do nithibh Dhé², ach do nithibh dhaoine.

34 Agus air gairm an t-sluaigh, agus a dheisciobul d'a ionnsuidh, thubhairt e riu, Ge b'e neach leis an àill teachd a'm dhéighsa, àicheadhaidh se e féin, agus togadh e a chrann-ceusaidh, agus leanadh e mise.

35 Oir ge b'e neach leis an àill 'anam féin a choimheadh, caillidh se e; ach ge b'e neach a chailleas 'anam air mo shonsa, agus air son an t-soisgail, coimhididh csan e.

36 Oir ciod e an tairbhe do dhuine, ge do chosnadh e an saoghal gu h-iomlan, agus 'anam a chall?

37 No ciod a bheir duine an éiric 'ana-ma?

38 Oir ge b'e neach a ghabhas nàire dhìomsa, agus do m'fhoclaibh, anns a' ghinealach adhaltrannach agus olc so, dheth-san gabhaidh Mac an duine nàire, 'nuair a thig e an glòir 'Athar, maille ris na h-ainglibh naomha.

CAIB. IX.

1 Dh'atharraicheadh cruith Iosa. 11 Theagaisg e a dheisciobuil mu thimchioll teachd Eliàs: 14 Thig e mach Spiorad balbh agus bodhar: 30 Roimh-innis e a bhàs agus 'aiseirigh.

A GUS thubhairt e riu, Gu deimhin a ta mi ag ràdh ribh, gu bheil cuid dhiubhsan a ta 'nan seasamh an so, nach blais bàs, agus am faic iad rìoghachd Dhé a' teachd le cumhachd.

2 Agus an ceann shèis làithean, thug Iosa Peadar, agus Seumas, agus Eoin leis, agus threòruich e iad leo féin air leth gu beinn àird: agus dh'atharraicheadh a chruth nam fianuis.

3 Agus rinneadh 'eudach dealrach, ro gheal mar an sneachdadh; air mhodh nach robh e'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille ri Maois: agus bha iad a' còmhradh ri Iosa.

5 Agus fhreagair Peadar, agus thubhairt e ri Iosa, A mhaighstir, is maith dhuinne bhì an so: air an aobhar sin deanamaid trì pàilluna¹; aon duitse, agus aon do Mhaois, agus aon do Elias.

6 Oir cha robh fhios aige cìod a theireadh e: oir bha iad fuidh eagal ro mhòr. 7 Agus thàinig neul a chuir sgàile orra, agus thàinig guth as an neul, ag ràdh, Is e so mo Mhac gràdhach-sa, éisdibh ris.

8 Agus air ball, an uair a dh'amhairt iad mu'n timchioll, cha'n fhac iad neach air bith á sin suas, ach Iosa 'na aonar maille riu.

9 Agus ag teachd dhoibh a nuas o'n bheinn, dh'aitm e dhoibh gun na nithe a chunnaic iad innseadh do neach sam bith, gus an éireadh Mac an duine a ris o na marbhaibh.

10 Agus ghléidh iad a' chainnt so aca féin, a' fiosrachadh d'a chéile cìod bu chiall do'n aiseirigh o na marbhaibh.

11 Agus dh'fheoraich iad deth, ag ràdh, C'ar son a ta na sgrìobhaichean ag ràdh, gur éigin Elias a theachd air tús?

12 Agus fhreagair esan agus thubhairt e riu, Thig Elias gu deimhin air tús, agus aisigidh e na h-uile nithe, agus mar a ta e sgrìobhta mu Mhac an duine, gu bheil e gu mòran do nithibh fhulang, agus a bhi air a chur an dimeas.

13 Ach a ta mi ag ràdh ribh, gu bheil Elias da rìreadh air teachd, agus rinn iad ris gach nì a thogair iad, a réir mar a ta e sgrìobhta uime.

14 Agus 'nuair thàinig e chum a dheisciobul, chunnaic e sluagh mòr mu'n timchioll, agus na sgrìobhaichean a' deasboireachd riu.

15 Agus air ball bha 'n sluagh uile, 'nuair a chunnaic iad e, fo uamhas mòr, agus air dhoibh ruith d'a ionnsuidh, chuir iad fàilte air.

16 Agus dh'fhiosraich e do na sgrìobhaichibh, Cìod e mu am bheil sibh a' deasboireachd riu?

17 Agus air freagairt do neach do'n t-sluagh, thubhairt e, A mhaighstir, thug mi mo mhaic a d' ionnsuidh, anns am bheil spiorad balbh:

18 Agus ge b'e ionad sam bith an glac se e, a ta e 'ga tharruing as a chéile; agus a ta e cur cobhair *as a bheul*, agus a' giosgarnaich le 'fhiacraibh, agus a ta e a' seargadh as: agus thubhairt mi ri d' dheisciobluibh, iad g'a chur a mach, agus cha b'urrainn iad.

19 Ach fhreagair esan, agus thubhairt e ris, O chinnich gun chreidimh, cia fhad

a bhitheas mi maille ribh? cia fhad a dh'fhuilgeas mi sibh? thugaibh e a m'ionnsuidh.

20 Agus thug iad d'a ionnsuidh e: agus an uair a chunnaic se e, reub an spiorad air ball e; agus thuit e air an talamh, agus *bha e 'ga aoineagan*² féin, agus a' cur cobhair *as a bheul*.

21 Agus dh'fhiosraich e d'a athair, Cia fhad an aimsir o thàinig so air? agus thubhairt e, O bha e 'na leanabh.

22 Agus gu minic thilg e san teine e, agus anns an uisge, clum gu milleadh se e: ach ma ta thusa comasach air nì sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma 's urrainn thusa creidsinn, a ta gach aon nì comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, A ta mi creidsinn, a Thighearn; cuidich thusa le mo mhi-chreidimh.

25 Agus an uair a chunnaic Iosa an sluagh a' ruith cuideachd, chromuich e an spiorad neòghlan, ag ràdh ris, A spioraid bhaibh agus bhodhair, a ta mi ag orduchadh dhuit, Thig a mach as, agus na rach³ a steach ann nì's mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlacadh air làimh, thog e suas e, agus de'érich e.

28 Agus an uair a chaidh e steach do'n tigh, dh'fhiosraich a dheisciobuil deth an uaignidheas, C'ar son nach b' urrainn sinne a thilgeadh mach?

29 Agus thubhairt esan riu, Cha'n eil e comasach gu'n téid a' ghnè so mach le nì air bith, ach le h-urnuigh agus trasgadh.

30 Agus dh'imich iad as a sin, agus chaidh iad troimh Ghailile: agus cha b'aill leis fhios so bhì aig aon neach.

31 Oir theagaisg e a dheisciobuil féin, agus thubhairt e riu, A ta Mac an duine air a thabhairt thairis do làmh aibh dhacine, agus cuiridh iad gu bàs e; agus an déigh a chur gu bàs, éiridh e a ris an treas là.

32 Ach cha do thuig iad a' chainnt so, agus bha eagal orra fheoraich deth.

33 Agus thàinig e gu Capernaum; agus air dha bhi san tigh, dh'fhiosraich e dhiubh, Cìod e mu'n robh sibh a' deasboireachd eadaraibh féin, air an t-slighe?

34 Ach dh'fhan iadsan 'nan tosd: oir air an t-slighe bha iad a' reusonachadh eatorra féin, co aca bu mhò *a bhiodh*.

35 Agus air suidhe dha, ghairm e'n dà fhear dhueng *d'a ionnsuidh*, agus thubhairt e riu, Ge b'e neach leis am miann a bhi

¹ bothain.

² aoineagan, aonairt.

³ teirig, gabh.

air thoiseach, bithidh esan air dheireadh air clàch uile, agus 'na sheirbhiseach do na h-uile.

36 Agus ghabh e leanabh, agus chuir e 'nam meadhon e; agus an uair a thog e suas 'na uchd e, thubhairt e riu.

37 Ge b'e neach a ghabhas ri h-aon d'an leithidibh so do leanabaibh a'm' ainm-sa, a ta e a' gabhail riumsa; agus ge b'e neach a ghabhas riumsa, cha mhise ris am bheil e a' gabhail, ach an Ti a chuir uaith mi.

38 Agus fhreagair Eoin e, ag ràdh, A mhaighstir, chunnaic sinne neach nach 'eil 'gar leantuinn¹ a' tilgeadh a mach dheamhan a'd' ainm-sa; agus bhac² sinn e, a chionn nach 'eil e 'gar leantuinn féin.

39 Ach thubhairt Iosa, Na bacaibh e: oir cha'n 'eil neach sam bith a ni miorbhuil a'm' ainm-sa, d'am bheil e'n comas olc a labhairt gu h-ealamh umam.

40 Oir ge b'e neach nach 'eil 'nar n-aghaidh, a ta e leinn³.

41 Oir ge b'e neach a bheir cupan uisge dhuibh-sa r'a òl a'm' ainm-sa, a chionn gur le Crìosd sibh, gu deimhin a ta mi ag ràdh ribh, nach caill e a dhuais.

42 Agus ge b'e bheir aobhar oilbheim do aon neach do na h-aonaibh beaga so, a ta creidsinn annam-sa, b' fhearr dha gu'm biodh clach-mhuilim air a crochadh m'a mhuineal, agus gu'm biodh e air a thilgeadh san fhaige.

43 Agus ma bheir do làmh aòbhar oilbheim dhuit, gearr dhìot i: is fearr dhuit dol a steach do'n bheatha air leth-làimh, na dà làimh a bhì agad, agus dol gu h-ìfrinn, do'n teine nach mùchar a chaoidh;

44 Far nach bàsaich an cnuimh, agus nach téid an teine as.

45 Agus ma bheir do chos aobhar oilbheim dhuit, gearr dhìot i: is fearr dhuit dol a steach do'n bheatha air leth-chois, na dà chois a bhì agad, agus a bhì air do thilgeadh ann an ìfrinn, do'n teine nach mùchar a chaoidh;

46 Far nach bàsaich an cnuimh, agus nach téid an teine as.

47 Agus ma bheir do shùil aobhar oilbheim dhuit, spion asad i: is fearr dhuit dol a steach do rìoghachd Dhé air aon suil, na dà shùil a bhì agad, agus a bhì air do thilgeadh ann an teine ìfrinn;

48 Far nach bàsaich an cnuimh, agus nach téid an teine as.

49 Oir saillear gach aon neach le teine, agus saillear gach aon ìobairt le salann.

50 Is maith an salann: ach ma chailleas an salann a shailteachd, cìod e leis an dean sibh deadh-bhlàda e? Biodh agaibh salann annaibh féin, agus bithibh sìochail r'a chéile.

1 *A ta Crìosd a' deasboireachd ris na Phairisich mu thimchioll dealachaidh fir agus mnà pòda; 13 Bheannaich e clann a thugadh d'a ionnsuidh. 32 Ròimh-innis e a bhàs agus aiseitrighe. 46 Dh'aisig e a radhare do Bhartimeus.*

A GUS air éirigh dha as a sin, thainig e gu crìochaibh Iudea troimh an dùth-aich a ta air an taobh thall do Jordan: agus thàinig slòigh d'a ionnsuidh a ris; agus mar bu ghnàth leis, theagaisg e iad a ris.

2 Agus thàinig na Phairisich d'a ionnsuidh, agus dh'fhiosraich iad deth, Am bheil e ceadnichte do dhuine a bhean a chur air falbh? 'ga dhearbhadh.

3 Ach fhreagair esan agus thubhairt e riu, Cìod a dh'athn Maois dhuibh?

4 Agus thubhairt iadsan, Thug Maois cead duinn litir-dhealaich a sgrìobhadh, agus a cur air falbh.

5 Agus fhreagair Iosa agus thubhairt e riu, Air son cruais bhuir cridhe, sgrìobh e an àithne so dhuibh.

6 Gidheadh o thoiseach na cruithachd, rinn Dia iad fear agus bean.

7 Air an aobhar so, fàgaidh duine 'athair agus a mhàthair, agus dlùth-leanaidh e r'a mhnai-phòda:

8 Agus bithidh iad araon 'nan aon fheoil; ionnus nach dithis iad o sin suas, ach aon fheoil.

9 Air an aobhar sin, an ni a chuir Dia cuideachd, na cuireadh duine o chéile.

10 Agus anns an tigh, dh'fheòraich a dheisciobuil deth a ris mu thimchioll an ni cheudna.

11 Agus thubhairt e riu, Ge b'e neach a chuireas air falbh a bhean féin, agus a phòsas bean eile, a ta e a' deanamh adhaltrannais 'na h-aghaidh.

12 Agus ma chuireas bean air falbh a fear féin, agus ma bhithcas i air a pòsadh ri fear eile, a ta i a' deanamh adhaltrannais.

13 Agus thug iad leanabana d'a ionnsuidh, chum gu'm beanadh e riu; agus chronuich a dheisciobuil a' mhuinntir a thug leo iad.

14 Ach an uair a chunnaic Iosa sin, bha e ro dhiombach, agus thubhairt e riu, Leigibh do na leanabanaibh teachd a m' ionnsuidh, agus na bacaibh iad: oir is aum d'an leithidibh a ta rìoghachd Dhé.

15 Gu deimhin a ta mi ag ràdh ribh, Ge b'e neach nach gabh rìoghachd Dhé mar leanabh bcag, nach téid e gu bràth a steach innte.

16 Agus ghilac e 'na uchd iad, agus chuir e a làmhan orra, agus bheannaich e iad.

17 Agus an uair a chaidh e mach air an

¹ leanmhuinn.

² thoirmsg.

³ 'nur n-aghaidh a ta e leibh.

t-slighe, thàinig neach 'na ruith, agus leig se e féin air a ghluinibh dha, agus dh'fheadraich¹ e dheth. A mhaighstir mhaith, ciod a nì mi chum gu sealbhaich mi a' bheatha mhaireannach?

18 Agus thubhairt Iosa ris, C'ar son a ghloireas² tu maith dhiomsa? Cha'n 'eil neach sam bith maith, ach a h-aon, is e sin Dia.

19 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhréige, Na dean eucoir³, Thoir urram do t'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdh-aich se e, agus thubhairt e ris, A ta aon nì dh'uireasbhuidh ort: imich, reic na bheil agad, agus tabhair do na bochdaibh, agus bithidh agad ionmhas air nèamh; agus thig, tog an crann-ceusaidh, agus lean mise.

22 Agus bha doilghios airsan air son nam briathra sin, agus dh'fhalbh e gu tuirseach; oir bha mòran saoihbheis aige.

23 Agus air amharc do Iosa mu'n cuairt, thubhairt e r'a dheisciobluibh, Cia deacair⁴ do'n mhuinntir sin aig am bheil mòr-shaoibhreas dol a steach do rìoghachd Dhé!

24 Agus bha mòr-uamhas air na deisciobluibh air son a bhriathra. Ach fhreagair Iosa a ris, agus thubhairt e riu, A chlann, cia deacair dhoibh-san a chuireas an dòigh ann an saoihbheas, dol a steach do rìoghachd Dhé!

25 Is usadh do chàmhail dol troimh chrò na snàthaid, na do dhuine saoihbhir dol a steach do rìoghachd Dhé.

26 Ach bha uamhas orra-san thar tomhas, ag ràdh eatorra féin, Cò, ma seadh, a dh'fheadas a bhi air a shaoradh?

27 Agus air do Iosa amharc orra, thubhairt e, Do dhaoineibh a ta so eu-comasach, ach cha 'n'èil e do Dhia: oir do Dhia a ta na h-uile nithe comasach.

28 Agus thòisich Peadar air a ràdh ris, Feuch, thréig sinne na h-uile nithe, agus lean sinn thusa.

29 Ach fhreagair Iosa, agus thubhairt e, Gu deimhin a ta mi ag ràdh ribh, nach 'eil neach sam bith a dh'fhàg tigh, no bràithre, no peathraiche, no athair, no màthair, no bean-phòsda, no clann, no fearann, air mo shonsa agus air son an t-soisgeil.

30 Nach faigh a cheud uiread san aimsir so féin, tighean, agus bràithrean, agus peathraichean, agus màthraichean, agus clann, agus fearann, maille ri geur-

leanmhuinn; agus anns an t-saoghal a ta ri teachd, a' bheatha mhaireannach.

31 Ach a ta mòran air thùs, a bhitheas air dheireadh; agus air dheireadh, a bhitheas air thùs.

32 Agus bha iad air an t-slighe a' dol suas gu Ierusalem: agus bha Iosa ag imeachd rompa; agus ghlac uamhas iad, agus ag dhoibh esan a leantuinn, bha eagail orra. Agus thug e an dà fhear dheug air leth a ris, agus thòisich e air na nithe a bha gu tachairt da innseadh dhoibh,

33 Ag ràdh, Feuch, a ta sinn a' dol suas gu Ierusalem; agus bithidh Mac an duine air a thoirt thairis do na h-àrd-shagartaibh⁵, agus do na sgrìobhaichibh: agus dithidh iad chum bàis e, agus bheir iad thairis e do na Cinnich;

34 Agus nì iad fanoid air, agus sgùrsaidh iad e, agus tilgidh iad smugaid air, agus cuiridh iad gu bàs e: agus air an treas là éiridh e a ris.

35 Agus thàinig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e nì a dh'iarraas sinn.

36 Agus thubhairt esan riu, Ciod is àill leibh mise a dheanamh dhuibh?

37 Agus thubhairt iadsan ris, Deònuich dhuinne gu'n suidheamaid, a h-aon air do làimh dheis, agus am fear eile air do làimh chlì, ann do ghlòir.

38 Ach thubhairt Iosa riu, Cha'n aithne dhuibh ciod a ta sibh ag iarraidh: am bheil sibh comasach air a' chupan òl a dh'òlas mise? agus a bhi air bhur baisteadh leis a' bhaisteadh leis am baistear mise?

39 Thubhairt iadsan ris, A ta sinn comasach. Ach thubhairt Iosa riu, Olaidh sibhse gu deimhin an cupan a dh'òlas mise; agus baistear sibh leis a' bhaisteadh leis am baistear mise:

40 Ach suidhe air mo làimh dheis, agus air mo làimh chlì, cha leamsa sin r'a thabhairt, ach dhoibh-san d'an d'ulluicheadh e.

41 Agus air chluinntinn so do'n deichnear, thòisich iad air mòr-chorruich a ghabhail ri Seumas agus Eoin.

42 Ach ghairm Iosa iad d'a ionnsuidh, agus thubhairt e riu, A ta fhios agaibh gu bheil aca-san a ta air am meas mar uachdarain air na Cinnich, àrd-thighearnas orra; agus gu bheil aig an daoineibh mòra làn-ùghdarras orra.

43 Ach cha bhi e mar sin 'nur measg: ach ge b'e neach le'n àill a bhi mòr 'nur measg, bithidh e 'na òglach agaibh:

44 Agus ge b'e neach agaibh le'n àill

¹ dh'fhiosraich.
² mealltaireachd.

³ ghairmeas.
⁴ doillich.

⁵ prìomh-shagartaibh.

toiseach a bhi aige, bithidh e 'na sheirbhiseach do na h-uile.

45 Oir cha d'fhàinig eadhon Mac an duine chum gu'n deantadh frithealadh dha, ach a dheanamh frithealaidh, agus a thoirt 'anama féin mar éiric air son mhòran.

46 Agus thàinig iad gu Iericho: agus air imeachd dhasan agus d'a dheisciobluibh, agus do shluagh mòr, a mach á Iericho, bha Bartimeus an dall, mac Thimeuis, 'na shuidhe ri taobh na slighe, ag iarraidh déirce.

47 Agus an uair a chual e gu'm b'e Iosa o Nasaret a bh'ann, thòisich e ri glaothaich, agus a ràdh, Iosa, Mhic Dhaibhidh, dean trocair orm.

48 Agus chronuich mòran e, chum gu'm biodh e 'na thosd: ach bu ro mhòid a ghlaodh esan, A Mhic Dhaibhidh, dean trocair orm.

49 Agus sheas Iosa, agus dh'àithn e esan a ghairm d'a ionnsuidh: agus ghairm iad an dall, ag ràdh ris, Biodh misneach agad, éirich; tha e ga d'ghairm.

50 Agus air dhasan fhalluinn¹ a thilgeadh uaith, dh'éirich e, agus thàinig e gu Iosa.

51 Agus fhreagair Iosa, agus thubhairt e ris, Ciod is àill leat mise a dheanamh dhuit? Thubhairt an dall ris, A Thighearn, mi dh'fhaotainn mo radhairc.

52 Agus thubhairt Iosa ris, Imich; shlàn-uidh do chreidimh thu. Agus air ball fhuair e a radharc, agus lean e Iosa san t-slighe.

CAIB. XI.

1 *Mharcaich Iosagu buadhach do Ierusalem; 12 mhall-uidh e a' chraobh air an robh duilleach gun mheas; 15 ghlac e an teampull: 20 dh'earlaich e a dheisciobuil chum iad a bhì seasmhach sa' chreidimh, &c.*

AGUS an uair a thàinig iad an fagus do Ierusalem, gu Bethphage agus Betani, aig sliabh nan crann-oladh, chuir e uaith dithis d'a dheisciobluibh,

2 Agus thubhairt e riu, Rachaibh do'n bhaile ud thall fa bhur comhair; agus air ball an uair a théid sibh a steach ann, gheibh sibh searrach ceangailte, air nach do shuidh aon duine riamh; fuasglaihb e, agus thugaibh leibh e.

3 Agus ma their neach air bith ruibh, C'ar son a ta sibh a' deanamh so? abraibh, Gu bheil feum aig an Tighearn air; agus air ball cuiridh e'n so e.

4 Agus dh'imich iad, agus fhuair iad an searrach ceangailte a muigh aig an doras, aig coimneachadh dà shlighe; agus dh'fhuasgail iad e.

5 Agus thubhairt cuid dhiubh-san, a bha 'nan seasamh an sin, riu, C'ar son a ta sibh a' fuasgladh an t-scarraich?

6 Agus thubhairt iadsan riu mar a dh'àithn Iosa dhoibh: agus leig iad uatha iad.

7 Agus thug iad an searrach chum Iosa, agus chuir iad an falluinnean air; agus shuidh esan air.

8 Agus sgaoil mòran am falluinnean féin air an t-slighe: agus ghearr cuid eile geugan do na craobhaibh, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agus iadsan a bha 'ga leantuinn, ag ràdh, Hosanna, is beannaichte an tì a ta teachd ann an ainm an Tighearn.

10 Is beannaichte rìoghachd ar n-Athar Daibhidh, a ta teachd lann an ainm an Tighearna; Hosanna anns na h-àrdaibh.

11 Agus chaidh Iosa a steach do Ierusalem, agus do'n teampull; agus an uair a dh'amhairc e air gach nì mu'n cuairt, agus a bha 'm feasgar a nis air teachd, chaidh e mach gu Betani maille ris an da fhear dheug.

12 Agus air an là màireach, 'nuair a chaidh iad a mach á Betani, dh'fhàs e ocrach.

13 Agus air faicinn craoibh-fhlige fada uaith, air an robh duilleach, thàinig e, dh'fheuchainn am faigheadh c nì sam bith oirre: agus air dha teachd d'a h-ionnsuidh, cha d'fhuair e nì sam bith ach duilleach; oir cha robh àm *tionail* nam fige fathast ann.

14 Agus fhreagair Iosa agus thubhairt e rithe, Nar itheadh neach sam bith toradh dhiotsa o so suas a chaoidh. Agus chual a dheisciobuil e.

15 Agus thàinig iad gu Ierusalem: agus chaidh Iosa a steach do'n teampull, agus thòisich e air an dèam a bha reiceadh agus a' ceannach san teampull a chur a mach, agus thilg e thairis bùird luchd malairt an airgid, agus caithriche na muinntir a bha reiceadh choluman:

16 Agus cha'n fhuilgeadh e gu'n giùl-aineadh² neach sam bith soitheach troimh an teampull.

17 Agus theagaisg e, ag ràdh riu, Nach 'eil e sgrìobhta, Goirear tigh urnuigh do m' thighsa do³ na h-uile chinnich? Ach rinn sibhse 'na gharaidh luchd-reubainn e.

18 Agus chuala na sgrìobhaichean agus na h-àrd-shagairt⁴ so, agus dh'iarr iad cionnus a dh'fheudadh iad esan a mhill-eadh: oir bha 'eagal-san orra, do bhrìgh gu'n robh an sluagh uile fo iongantais mòr r'a theagasg.

19 Agus an uair a bha am feasgar air teachd, chaidh e mach as a' bhaile⁵.

20 Agus air mhaduinn, ag gabhail seachad dhoibh, chumnaic iad an crann-fige air crìonadh o fhrèumhaibh.

¹ eudach-uachdair.

² ionchaircadh.

³ leis.

⁴ prìomh-shagairt.

⁵ a' chaitheir.

21 Agus air cuimhneachadh do Pheadar, thubhairt e ris, A mhaighstir, feuch, a ta a' chraobh-fhìge, a mhalluich thu, air crìonadh.

22 Agus fhreagair Iosa, agus thubhairt e riu, Biodh creidimh Dhé agaibh.

23 Oir gu deimhin a ta mi ag ràdh ribh, ge b' e neach a their ris a' bheinn so, Togar thu, agus tilgear san fhaireg thu, agus nach bi fo amharus 'na chridhe, ach a chreideas gu'n tachair na nithe a their e, thig gach ni a their e gu crìch dha.

24 Air an aobhar sin tha mi ag ràdh ribh, Ge b' e nithe air bith a dh'iarras sibh ann an urnuigh, creidibh gu'm faigh sibh, agus gheibh sibh.

25 Agus an uair a sheasas sibh a' deanamh urnuigh, maithibh, ma ta ni air bith agaibh an aghaidh aoine duine; chum gu maith blur n-Athair a ta air nèamh blur peacanna féin duibhse.

26 Ach mur maith sibhse, cha mhò a mhaithas blur n-Athair a ta air nèamh blur peacanna féin duibhse.

27 Agus thàinig iad a ris gu Ierusalem: agus air dhasan bhia' spaisdeircachd¹ anns an teampull, thàinig d'a ionnsuidh na h-ard-shagairt², agus na sgrìobhaichean, agus na seanairean.

28 Agus thubhairt iad ris, Ciod e an t-ùghdarras leis am bheil thu a' deanamh nan nithe so? Agus cò thug dhuit an t-ùghdarras so chum na nithe so dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon ni dhìbhse, agus freagraibh mi, agus innsidh mise dhuibh-sa ciod e an t-ùghdarras leis am bheil mi deanamh nan nithe so.

30 An ann o nèamh, no o dhaoineibh a thàinig baisteadh Eoin? freagraibh mi.

31 Agus bha iad a' reusonachadh eatorra féin, ag ràdh, Ma their sinn, O nèamh; their esan ruinn, C'ar son ma seadh nach do chreid sibh e?

32 Ach ma their sinn, O dhaoineibh; bha eagal an t-sluaigh orra; oir b' e meas gach uile air Eoin gu'm b'fhàidh e gu firinn-cach.

33 Agus air freagairt dhoibh, thubhairt iad ri Iosa, Cha'n' eil fhios againn. Agus fhreagair Iosa agus thubhairt e riu, Cha mhò a dh'innseas mise dhuibhse ciod e an t-ùghdarras leis am bheil mi deanamh nan nithe so.

CAIB. XII.

1 *Dh'innis Crìosd roimh-làimh diùltadh nan Iudhaich, agus gairm nan Cinneach. 13 Sheachainn e an rìbe a chuir na Phairisich, agus na Herodianaich roimhe: 18 nochd e mearachd nan Sadusach mu thimchioll aiseirigh nam marbh.*

AGUS thòisich e air labhairt riu ann an cosamhlachdaibh. Shuidhich duine

àraidh fion-lios, agus chuir e gàradh mu'n cuairt air, agus chladhaich e ionad-bruthaidh *nam fion dhearc*, agus thog e tùr, agus shuidhich e air tuath e, agus ghabh e a thurus as a dhùthaich.

2 Agus an àm dhlighceach chuir e seirbhiseach a dh'ionnsuidh na tuatha, chum gu'm faighcadh e do thoradh an fhion-lios o'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a ris chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-easurram.

5 Agus a ris chuir e neach eile *d'an ionnsuidh*; agus esan mharbh iad: agus mòran eile, a' bualadh cuid diubh, agus a' marbhadh cuid eile.

6 Fathast uime sin, air dha aon Mhac a bhì aige, a b' ionmhuinn leis, chuir e esan mar an ceudna fa dheòidh d'an ionnsuidh, ag ràdh, Bheir iad urrain do m' Mhac.

7 Ach thubhairt an tuath sin 'nam measg féin, Is e so an t-oighre; thigibh, marbhamaid e, agus bithidh an oighreachd againn féin.

8 Agus rug iad air, agus mharbh iad e, agus thilg iad a mach as an fhion-lios e.

9 Ciod e uime sin a ni Tighearn an fhion-lios? Thig e agus sgrìosaidh e 'n tuath sin, agus bhicir e am fion-lios do dhaoineibh eile.

10 Nach do leugh sibh an sgrìobtuir so? A' chlach a dhiùlt na clachairean, rinn-each ceann na h-oisinn dith.

11 Rinneadh so leis an Tighearn, agus is iongantach e 'nar sùilbh-ne.

12 Agus dh'iarr iad breith air, ach bha eagal an t-sluaigh orra; oir thuig iad gu'm b' ann 'nan aghaidh féin a labhair e an cosamhlachd: agus air fhàgail doibh, dh'imich iad rompa.

13 Agus chuir iad d'a ionnsuidh dream àraidh do na Phairisich, agus do luchd-leannmhuinn Heroid, chum gu'n glacadh iad e 'na chainnt.

14 Agus air dhoibh-san teachd, thubhairt iad ris, A mhaighstir, a ta fhios againn gu bheil thusa firinneach, agus nach 'eil suim agad do neach air bith: oir cha'n' eil thu ag amharc air gnùis dhaoine, ach a' teagasg slighe Dhé ann am firinn. Am bheil e ceadichte cis a thoirt do Cheasar, no nach 'eil? an tabhair, no nach tabhair sinn i?

15 Ach air dhasan an cealg a thuigsinn, thubhairt e riu, C'ar son a ta sibh ga ni' bhuaireadh? thugaibh peghinn a ni' ionnsuidh, chum gu'm faic mi i.

16 Agus thug iad *d'a ionnsuidh* i, agus thubhairt e riu, Cò d'an ionmhaigh so, agus

¹ sàrdeis.

² prìomh-shagairt.

co d' am buin an sgrìobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithe a's le Ceasar, agus do Dhia na nithe a's le Dia. Agus ghabh iad iongantais ris.

18 An sin thàinig na Sadusaich d'a ionnsuidh, a ta 'g ràdh nach 'eil aiseirigh ann; agus dh'fheoraich iad deth, ag ràdh,

19 Amhaighstir, sgrìobh Maois dhuinne, Nam faigheadh bràthair duine air bith bàs, agus gu'm fàgadh e bean, agus nach fàgadh e clann, gu'n gabhadh a bhràthair a bhean d'a ionnsuidh, agus gu'n togadh e sliochd d'a bhràthair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eug e, cha d'fhàg e sliochd.

21 Agus ghabh an dara fear i, agus fluaair esan bàs, agus cha mhò a dh'fhàg esan sliochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sliochd: 'nan dèigh uile, chaochail a' bhean mar an ceudna.

23 Anns an aiseirigh uime sin, an uair a dh'èreas iad, cò dhiubh d'am bean i? oir bha i aig an t-seachdnar 'na mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhrìgh nach 'eil eòlas agaibh air na sgrìobtuiribh, no air cumhachd Dhé?

25 Oir an uair a dh'èreas iad o na marbhaibh, cha phòs iad, ni mò a bheirear am pòsadh iad; ach a ta iad mar na h-àingil a ta air nèamh.

26 Ach mu thimchioll nam marbh, gu'n éirich iad, nach do leugh sibh ann an leabhar Mhaois, cionnus a labhair Dia ris anns a' phreas, ag ràdh, Is mise Dia Abraham, agus Dia Isaac, agus Dia Iacob?

27 Cha 'n e Dia nam marbh e, ach Dia nam beò: tha sibhse uime sin ann am mearachd mòr.

28 Agus thàinig neach do na sgrìobhaicheibh, agus an uair a chual e iadsan a' deas-boireachd r'a chéile, agus a thuig e gu'n do fhreagair e gu maith iad, chuir e ceisd air, Cia i a' cheud àithne do na h-àitheant-aibh uile?

29 Agus fhreagair Iosa e, 'S i so a' ehead àithne do na h-àitheantaibh uile, Eisd, O Israeil, an Tighearn ar Dia-ne, is aon Tighearn e;

30 Agus gràdhaichidh tu an Tighearn do Dhia le d'uile chridhe, agus le d'uile anam, agus le d'uile inntinn, agus le d'uile neart: is i so a' cheud àithne;

31 Agus is cosmhuil an dara àithne rithe so, Gràdhaichidh tu do chòimhearsnach mar thu féin: cha'n 'eil àithne eile ann a's mò na iad so.

32 Agus thubhairt an sgrìobhaiche ris,

Is maith gu firinneach, a Mhaighstir, a thubhairt thu: oir a ta aon Dia ann, agus cha'n 'eil atharrach ann ach e féin.

33 Agus esan a ghràdhachadh leis an uile chridhe, agus leis an uile thuisge, agus leis an uile anam, agus leis an uile neart, agus neach a ghràdhachadh a chòimhearsnach mar e féin, is mò sin na na h-uile làn lobairte-loisgte, agus thabhartasa.

34 Agus an uair a chunnaie Iosa gu'n do fhreagair e gu tuigseach, thubhairt e ris, Cha'n 'eil thu fada o rìoghachd Dhé. Agus cha robh a mlisnich ag neach air bith o sin suas ceisd a chur air.

35 Agus fhreagair Iosa agus thubhairt e, a' teagasg anns an teampull, Cionnus a tha na sgrìobhaichean ag ràdh gur e Criosd Mae Dhaibhidh?

36 Oir thubhairt Daibhidh féin troimh an Spiorad naomh, Thubhairt an Tighearn ri mi' Thighearn-sa, Suidh air mo làimh dheis, gus an cuir mi do naimhde 'nan stòl fo d' chosaibh;

37 Air an aobhar sin, a ta Daibhidh féin a' gairm a Tighearna dheth; cionnus ma seadh is e a mhac e? Agus dh'éisid am mòr-shluagh ris gu taitneach.

38 Agus thubhairt e riu 'na theagasg, Bithibh air bhur faicill na sgrìobhaicheibh, leis an ionmhuinn imeachd ann an culaidhibh fada, agus fàilte fhaotainn air na margaibh,

39 Agus na ceud chaithriche anns na sionagogaibh, agus na ceud àitcacha-suidhe aig na féillibh;

40 A dh'itheas suas tighean bhantrach, agus air sgàth deadh ehoslais a ni urnuigh-ean fada: gheibh iadsan an dītcaidh a's mò.

41 Agus air do Iosa suidhe fa chomhair àite-còimhid an ionmhas, thug e fa'near cionnus a bha 'm pobull a' cur an airgid anns an ionmhas: agus chuir mòran do dhaoineibh saoi-bhir mòran ann.

42 Agus air teachd do bhantraich bho chd, thilg i dà bhonn bheag ann, a ni fcoirling.

43 Agus air dha a dheisciobuil a ghairm d'a ionnsuidh, thubhairt e riu, Gu deimhin a ta mi ag ràdh ribh, gu'n do chuir a' bhantrach bho chd so tuilleadh san ionmhas, na iadsan uile a thilg ann.

44 Oir thilg iadsan uile ann d'am mòr-phailteas; ach thilg ise as a gainne na bha aice uile, eadhon a beathachadh gu h-iomlan.

CAIB. XIII.

1 Dh'innis Criosd roimh-làimh sgrìos an teampull, 9 geur-leannhuinn air son an t-soisgeil, 10 gur éigin an soisgeul a bhli air a shearmonachadh do gach uile chinneach; 14 agus gu'n tig àmhghara mòra air na h-Iudhaich.

A GUS an uair a bha e dol a mach as an teampull, thubhairt neach d'a

dheisciobluibh ris, A Mhaighstir, feuch ciod e a' ghnè chlach so, agus ciod e a' ghnè aitreibh so!

2 Agus fhreagair Iosa agus thubhairt e ris, Am faic thu an aitreabh mhòr so? cha'n fhàgar clach air muin cloiche, nach sgarar o chéile.

3 Agus 'nuair a shuidh e air sliabh nan crann-oladh, fa chomhair an teampuill, dh'fheòraich Peadar, agus Seumas, agus Eoin, agus Aindreas an uaignidheas deth;

4 Innis duinne c'uin a bhitheas na nithe sin, agus ciod e an comhara 'nuair a bhitheas na nithe sin gu léir air an coimhlionadh.

5 Agus fhreagair Iosa iad, agus thòisich e air a ràdh, Thugaibh an aire nach meall aon neach sibh:

6 Oir thig mòran ann am ainm-sa, ag ràdh, Is mise e: agus meallaidh iad mòran.

7 Agus an uair a chluinneas sibh coganna, agus tuairisgeul¹ choganna, na biodh buaireas oirbh: oir is éigin iad so a theachd; ach cha 'n'èil an deireadh ann fathast.

8 Oir éiridh cinneach an aghaidh cinnich, agus rìoghachd an aghaidh rìoghachd: agus bithidh critheanna talmhainn ann an iomadh àit, agus bithidh gorta agus trioblaidhean ann: is iad sin toiseach dhòruinn-ean².

9 Ach thugaibh an aire dhuibh féin: oir bheir iad thairis sibh do chomhairlibh: agus anns na sionagogaibh sgiùrsar sibh, agus cuirear sibh an làthair uachdaran agus rìghrean air mo shonsa, mar fhianuis dhoibhsan³.

10 Agus is éigin air tùs an soisgeul a bhi air a shearmonachadh do na h-uile chinnich.

11 Ach an uair a bheir iad leo sibh, 'gur tabhairt thairis, na biodh e 'na ro-chiùram oirbh ciod e a labhras sibh, agus na smuainichibh roimh-làimh air: ach ge b'e ní a bheirear dhuibh san uair sin féin, abraibh e: oir cha sibhse ta labhairt, ach an Spiorad naomh.

12 Agus bheir am bràthair a bhràthair thairis chum bàis, agus an t-athair a mhac: agus éiridh a' chlann suas an aghaidh am pàranta, agus bheir iad fa'near an cur gu bàs.

13 Agus bithidh sibh air bhuir fuathachadh leis na h-uile dhaoineibh air sgàth m'ainme-sa: ach an ti a bhuanaiheas chum na criche, is e so a shaorar.

14 Ach an uair a chi sibh gràineileachd an léir-sgrìos, air an do labhair Daniel am fàidh, 'na seasamh anns an ionad nach bu chòir dhi, (tuigeadh an ti a leughas,) an sin teicheadh iadsan, a ta ann an tìr Iudea, chum nam beann:

15 Agus na tigeadh esan a ta air mullach

an tighe, a nuas do'n tigh, agus na rachadh e steach, a thoirt ni air bith as a thigh.

16 Agus an ti a ta sa' mhachair, na pilleadh e air ais a thogail 'fhalluin leis.

17 Ach mo thruaigh iad na mnà sin a ta torrach, agus iadsan a ta toirt cìche sna làithibh sin!

18 Agus guidhibh-sa gun bhuir teicheadh a bhi sa' gheamhradh.

19 Oir bithidh àmhghar anns na làithibh sin, amhuil nach robh a leithid ann o thoiseach na cruiteachd a chruthaich Dia, agus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as: ach air son an t-sluaigh thaghta, a thagh e féin, ghiorraich e na làithean ud.

21 Agus an sin ma their neach air bith ribh, Feuch, a ta Crìosd an so, no, Feuch, a ta e 'n sin, na creidibh e:

22 Oir éiridh Crìosdan bréige, agus fàidhean bréige, agus ni iad comharan, agus mìorbhuilean, chum, nam bu chomasach e, na daoine taghta féin a mhealladh.

23 Agus thugaibh-sa an aire: feuch, roimh-innis mi dhuibh na h-uile nithe.

24 Ach anns na làithibh sin, an déigh an àmhghair ud, bithidh a' ghrian air a dorchachadh, agus cha toir a' ghealach a solus uaipe⁴;

25 Agus tuitidh reulta nèimh, agus bithidh na cumhachdan a ta sna nèamhaibh air an crathadh.

26 Agus an sin chi iad Mac an duine a' teachd anns na neulaibh, maille ri mòr-chumhachd, agus glòir.

27 Agus an sin cuiridh e 'aingil a mach, agus cruinnichidh e r'a chéile a dhaoine taghta féin o na ceithir gaothaibh, o leth-iomall na talmhainn gu leth-iomall nèimh.

28 A nis fòghlumaibh cosamhlachd o'n chraoibh-fhige: An uair a bhitheas a geug a nis maoth, agus a chuireas i mach a duilleach, a ta fhios agaibh gu bheil an samhradh am fagus;

29 Agus mar an ceudna sibhse, an uair a chi sibh na nithe sin tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin a ta mi ag ràdh ribh, nach téid an ginealach⁵ so thairis, agus an coimhlìonar na nithe sin uile.

31 Théid nèamh, agus talamh seach; ach cha téid m'fhocail-sa seach a chaoidh.

32 Ach cha'n 'eil fios an là no na h-uair sin aig neach air bith, cha'n 'eil aig na h-ainglibh a ta air nèamh, no aig a' Mhac, ach aig an Athair.

33 Thugaibh fa'near, deanaibh faire agus urnuigh: oir cha'n 'eil fhios agaibh c'uin a thig an t-àm.

34 Oir a ta Mac an duine mar dhuine a

¹iomraidhean.

²àmgharan.

³'nan aghaidh-san,

⁴uaihte.

⁵lìnn.

chaidh air thurus, agus a dh'fhàg a thigh fèin, agus a thug d'a sheirbhhisich cumhachd, agus 'obair fèin do gach neach, agus a thug àithne do'n dorsair faire a dheanamh.

35 Uime sin deanaibh-sa faire, (oir cha'n 'eil fhios agaibh c'uin a thig maighstir an tighe; an ann air feasgar, no air mheadh-on-oidheche, no aig gairm-choileach, no anns a' mhaduinn;)

36 Air eagal air teachd dha gu h-obann, gu'm faigh e sibh 'nur codal.

37 Agus na nithe a ta mi ag ràdh ribhse, a ta mi ag ràdh ris na h-uile dhaoimibh, Deanaibh faire.

CAIB. XIV.

1 Comhairle an aghaidh Chrìosd. 3 Dhòirteadh oladh phrìseil air a cheann. 10 Rèic Iudas a Mhaighstir air son airgid. 12 Tha Chrìosd fèin ag innseadh roimh-làimh cionnus a bha e gu bhli air a bhrath le h-aon d'a dheisciobluibh.

AGUS bha a' chàisg, agus féill an arain neò-ghoirtichte an déigh dà là: agus dh'iarr na h-àrd-shagairt agus na sgrìobhaichean, cionnus a ghlacadh iad esan le foill¹, agus a chuireadh iad gu bàs e.

2 Ach thubhairt iad, Cha'n ann air an fhéill, air eagal gu'n éirich buaireas am measg an t-sluaigh.

3 Agus air bhi dha ann am Betanì, ann an tigh Shìmoin an lobhair, an uair a bha e 'na shuidhe air bòrd, thàinig bean, aig an robh bocsa alabastair do oladh spìcnaid, ro luachmhoir; agus bhris i am bocsa, agus dhòirt i air a cheann e.

4 Agus bha cuid diubh diombach anna fèin, agus ag ràdh, C'ar son a rinneadh an t-ana-caitheadh so air an oladh?

5 Oir dh'fheadhadh i bhi air a reiceadh air son tuilleadh na trì cheud peghinn, agus air a toirt do na bochdaibh. Agus rinn iad gearan 'na h-aghaidh.

6 Ach thubhairt Iosa, Leigibh leatha; c'ar son a ta sibh cur dragha oirre? rinn i obair mhaith ormsa.

7 Oir a ta na bochdan a ghnàth maille ribh, agus ge b'e uair is àill leibh, feudaidh sibh maith dheanamh dhoibh: ach cha'n 'eil mise a ghnàth agaibh.

8 Rinn i na dh'fheadhadh i; thàinig i roimh-làimh a dl'ungadh mo chuirp chum adhlaic.

9 Gu deimhin a ta mi ag ràdh ribh, Ge b'e earrann² air bith, air feadh an domhain uile, am bi an soisgeul so air a shearmonachadh, bithidh mar an ceudna an ni so a rinn i air innseadh, mar chuimhne oirre.

10 Agus dh'imich Iudas Iscariot, aon do'n dà-fhear dheug, chum nan àrd-shagart, gu esan a bhrath dhoibh.

11 Agus 'nuair a chual iadsan so, bha

iad aoibhneach, agus gheall iad airgid a thoirt da. Agus dh'iarr e cionnus a dh'fheadadh e gu h-ìomchuidh esan a bhrath.

12 Agus air a' cheud là do fhéill an arain neo-ghoirtichte, an uair bu ghnàth leo an t-uan càisge a mharbhadh, thubhairt a dheisciobuil ris, C'ait an toil leat sinne dhò a dh'ullachadh, chum gu'n itheadh tu a' chàisg?

13 Agus chuir e dithis d'a dheisciobluibh, agus thubhairt e riu, Rachaibh a steach do'n bhaile, agus coinnichidh duine sibh a' giùlan soithich uisge: leanaibh e.

14 Agus ge b'e àit an téid e stigh, abraibhsa ri fear-an-tighe, Tha am Maighstir ag ràdh, C'ait am bheil an seòmar aoidheachd, anns an ith mi a' chàisg maille ri m' dheisciobluibh?

15 Agus nochdaidh esan dhuibh seòmar àrd, farsuinn, 'na làn uidheam agus deasaichte: an sin ulluichibh dhuinn.

16 Agus chaidh a dheisciobuil a mach, agus thàinig iad do'n bhaile, agus fhuair iad mar thubhairt e riu; agus dh'ulluich iad a' chàisg.

17 Agus air teachd do'n fheasgar, thàinig esan maille ris an dà fhear dheug.

18 Agus an uair a bha iad 'nan suidhe, agus ag itheadh, thubhairt Iosa, Gu deimhin a ta mi ag ràdh ribh, gu'm brath aon agaibh-sa, a ta 'g itheadh maille rium, mise.

19 Agus thòisich iad air a bhi dubhach, agus a ràdh ris an déigh a chéile, Am mise e? agus fear eile, Am mise e?

20 Agus air freagairt dhàsan thubhairt e riu, Is fear do'n dà fhear dheug e, a ta tumadh maille³ riumsa sa' mhèis.

21 A ta mac an duine gu deimhin ag imeachd, mar a ta e sgrìobhta uime, ach is an-aoibhinn do'n fhear sin le'm brathar Mac an duine: bu mhaith do'n duine sin mur beirteadh riamh e.

22 Agus ag itheadh dhoibh, ghlac Iosa aran, agus an déigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh: is e so mo chorp-sa.

23 Agus air glacadh a' chupain, agus air tabhairt⁴ buidheachais, thug e dhoibhsan e: agus dh'òl iad uile as.

24 Agus thubhairt e riu, Is i so m'fhuil-sa an Tiomnaidh-nuaidh, a dhòirtear air son mhòran.

25 Gu deimhin a ta mi ag ràdh ribh, Nach òl mi nì's mò do thoradh na fionain⁵, gus an là sin an òl mi nuadh e ann an rioghachd Dhé.

26 Agus air dhoibh laoidh a sheinn, chaidh iad a mach gu sliabh nan crann-oladh.

27 Agus thubhairt Iosa riu, Gheibh sibh

¹ feill.

² àit, ball.

³ maraon.

⁴ breith.

⁵ fìncamhain.

uile oibhbeum annam-sa an nochd : oir a ta e sgriobhta, Buaillidh mi am buachaill, agus sgapar na caoraich.

28 Ach an déigh dhomh éirigh, théid mi roimhíbh do Ghalile.

29 Ach thubhairt Peadar ris, Ged fhaigh iadsan uile oibhbeum annad, gidheadh cha 'n fhaigh mise e.

30 Agus thubhairt Iosa ris, Gu deimhin a ta mi ag ràdh riut, An diugh, air an oidliche so féin, mu'n goir an coileach dà uair, gu'n àicheadh thusa mi tri uairean.

31 Ach is ro mhòid a thubhairt esan, Ged is éigin domh am bàs fhulang maille riut, cha'n àicheadh mi chaoidh thu. Agus mar sin thubhairt càch uile mar an ceudna.

32 Agus thàinig iad gu ionad d'am b' ainm Getsemane; agus thubhairt e r'a dheisciobluibh, Suidhíbh-sa an so, gus an dean mise urnuigh.

33 Agus thug e leis Peadar, agus Seumas, agus Eoin, agus thòisich e air a bhí fuidh uamh-chrith, agus fuidh anabarra bròin.

34 Agus thubhairt e riu, Tha m'anam ro bhrònach, eadhon gu bàs : fanaibh-sa an so, agus deanaibh faire.

35 Agus chaidh e beagan air aghaidh, agus thuit e air an talamh, agus rinn e urnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, a ta gach nì so-dheanta dhuitse; cuir an cupan so seachad orm : gidheadh, na¹ b'e an nì a b'àill leamsa, ach an nì a's toil leatsa.

37 Agus thàinig e, agus fhuair e iadsan 'nan codal, agus thubhairt e ri Peadar, A Shimoin, am bheil thu a'd' chodal? nach b'urrainn thu faire a dheanamh aon uair?

38 Deanaibh faire agus urnuigh, chum nach tuit sibh am buaireadh: *a ta* an spiorad gu deimhin togarrach, ach *a ta* an fheoil anmhunn².

39 Agus air dha imeachd a ris, rinn e urnuigh, ag ràdh nam briathra ceudna.

40 Agus an uair a phill e, fhuair e iad a ris 'nan codal, (oir bha'n sùilean trom,) agus cha robh fhios aca cionnus a bheireadh iad freagradh air.

41 Agus thàinig e an treas uair, agus thubhairt e riu, Coidlibh roimhíbh a nis, agus gabhaibh fois: is leoir e, thàinig an uair; feuch, a ta Mac an duine air a bhrath thairis do làmhaidh nam peacach.

42 Eiribh, imicheamaid; feuch, a ta an tì a bhrathas mise am fagus.

43 Agus air ball, air dha bhì fathast a' labhairt, thàinig Iudas, aon do'n dà fhear dheug, agus sluagh mòr maille ris le claidhibh agus bataibh, o na h-àrd-shag-

artaibh, agus na sgrìobhaichibh, agus na seanairibh.

44 Agus bha an tì a bhrath esan air toirt comhara dhoibh, ag ràdh, Ge b'e neach d'an toir mise pòg, is e sin e; glacaibh e, agus thugaibh leibh e gu tèaruinte.

45 Agus air teachd dha, chaidh e air ball d'a ionnsuidh-sa, agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarruing claidheimh do fhear do na bha làthair, bhuaill e òglach an àrd-shagairt, agus ghearr e a chluas deth.

48 Agus fhreagair Iosa agus thubhairt e riu, An d'thàinig sibh a mach gu mo ghlacadh-sa, mar gu b'ann an aghaidh fir-reubainn le claidhibh agus le bataibh?

49 Bha mi gach là maille ribh san teampull, a' teagasg, agus cha do ghlac sibh mi: ach *a ta so* chum gu biodh na sgrìobtuirean air an coimhlionadh.

50 Agus air do na h-uile a thréigsinn, theich iad.

51 Agus lean òganach àraidh e, aig an robh lion-eudach air a chur m' a chorp lomnochd; agus rug na h-òganaich air.

52 Ach air dhasan an lion-eudach fhàgail, theich e lomnochd uatha.

53 Agus thug iad leo Iosa chum an àrd-shagairt: agus chruinnicheadh maille ris na h-àrd-shagairt uile, agus na seanairean, agus na sgrìobhaichean.

54 Agus lean Peadar e fada uatha, gus an deachaidh e teachd do thalla an àrd-shagairt: agus bha e 'na shuidhe maille ris na seirbhisich, agus 'ga ghlacadh ris an teine.

55 Agus dh'iarr na h-àrd-shagairt, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'na aghaidh, ach cha do chòird am fianuis r'a chéile³.

57 Agus dh'éirich dream àraidh, agus thug iad fianuis bhréige 'na aghaidh, ag ràdh,

58 Chuala sinne e ag ràdh, Leagaidh mi sìos an teampull so, a rinneadh le làmhaidh, agus an trì làithibh, togaidh mi teampull eile, neo-dheanta le làmhaidh.

59 Agus mar sin féin cha robh am fianuis a' teachd r'a chéile.

60 Agus air éirigh suas do'n àrd-shagart sa' mheadhon, chuir e ceis air Iosa, ag ràdh, Nach toir thu freagradh air bith uait? ciod sin mu bheil iad so a' toirt fianuis a'd' aghaidh?

¹ nìor.

² lag.

³ cha robh

am fianuis ionnan, cha d'fhoghainn am fianuis.

61 Ach dh'fhan esan 'na thosd, agus cha do fhreagair e ni sam bith. A ris dh'fheòraich an t-àrd-shagart deth, agus thubhairt e ris, An tu Criosd, Mac an tì bheannaichte?

62 Agus thubhairt Iosa, Is mi: agus chi sibh Mac an duine 'na shuidhe air deas làimh cumhachd *Dhè*, agus a' teachd le neulaibh nèimh.

63 An sin reub an t-àrd-shagart 'eudach, agus thubhairt e, Ciod am feum a ta againn tuilleadh air fianuisibh?

64 Chuala sibh an toibheum: ciod i bhur barail-sa? Agus thug iad uile breth 'na aghaidh gu'n do thoill e am bàs.

65 Agus thòisich cuid diubh air smugaid a thilgeadh air, agus 'a'ghaidh fhòlach, agus a bhuail le'n dornaibh, agus a ràdh ris, Dean faidheadaireachd: agus ghabh na seirbhisich le 'm basaibh air.

66 Agus air do Pheadar a bhi shìos anns an talla, thàinig aon do bhanoglaich an àrd-shagairt:

67 Agus 'nuair a chunnaic i Peadar 'ga gharadh, agus air dhi beachdachadh air, thubhairt i ris, Bha thusa cuideachd maille ri Iosa o Nasaret.

68 Ach dh'àicheadh esan, ag ràdh, Cha'n aithne dhomh, agus cha'n 'eil mi tuigsinn ciod a ta thu 'g ràdh. Agus chaidh esan a mach do'n fhor-dhorus¹; agus ghoir an coileach.

69 Agus air do bhanoglaich fhaicinn a ris, thòisich i air a ràdh riu-san a bha 'nan seasamh a làthair, Is ann diubh a ta 'm fear so.

70 Agus dh'àicheadh e ris. Agus an ceann beagan 'na dhéigh sin, thubhairt iadsan a bha 'nan seasamh a làthair a ris ri Peadar, Gu frinneach is ann diubh sud thu: oir is Galiléach thu, agus is cosmhuil do chainnt riu.

71 Ach thòisich esan air mallachadh agus air mionnachadh, *ag ràdh*, Cha'n aithne dhomh an duine so mu 'm bheil sibh a' labhairt.

72 Agus ghoir an coileach an dara uair. Agus chuimhnich Peadar am focal a thubhairt Iosa ris, Mu'n goir an coileach dà uair, àicheadhaidh tu mi trì uairean. Agus an uair a smuinich e air, ghuil e.

CAIB. XV.

1 Thugadh Iosa ceangailte an làthair Philat. 17 Chuireadh coron sgithich air, 20 agus chaidh fanoid a dheanamh air. 21 Dh'fhannuich e le giùlan a' chroinu-cheusaidh; 27 chrochadh e eadar dà ghadaiche, &c.

AGUS air ball sa' mhaduinn chum na h-àrd-shagairt maille ris na seanairibh, agus na sgrìobhaichibh, agus a' chomhairle gu h-iomlan, comhairle, agus air dhoibh Iosa a cheangal, thug iad leo

e, agus thug iad thairis e do Philat.

2 Agus dh'fhiosraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd-shagairt mòran do nithibh as a leth: ach cha do fhreagair esan aon ni.

4 Agus chuir Pilat a ris ceisd air, ag ràdh, Nach freagair thu ni sam bith? feuch cia lion nithe air am bheil iad sin a' toirt fianuis a'd' aghaidh.

5 Ach cha do fhreagair Iosa ni sam bith tuilleadh; air chor as gu'n do ghabh Pilat iongantas.

6 A nis air an fhéill bu ghnàth leis aon phrìosanach, ge b'e air bith a dh'iarradh iad, a leigeadh as doibh.

7 Agus bha *neach àraidh* d'am b'ainm Barabas, ceangailte maille r'a chompanaich ceannairce, muinntir a bha air deanamh mortaidh anns a' cheannairce.

8 Agus air glaothaich gu h-àrd do'n t-sluagh, thòisich iad air iarraidh *air, a dheanamh* dhoibh mar a rinn e an còmh-nuidh.

9 Ach fhreagair Pilat iad, ag ràdh, An àill leibh gu'n cuir mi rìgh nan Iudhach fa sgaoil duibh?

10 (Oir bha fhios aige gu'm b'ann troimh fharmaid a thug na h-àrd-shagairt thairis e.)

11 Ach bhrosnuich na h-àrd-shagairt an sluagh, chum gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a ris, Ciod ma seadh is àill leibh mi a dheanamh ris *an duine sin*, do an goir sibh Rìgh nan Iudhach?

13 Agus ghlaodh iad a ris, Ceus e.

14 An sin thubhairt Pilat riu, C'ar son, ciod e 'n t-olc a rinn e? Ach bu ro mhòid a ghlaodh iadsan, Ceus e.

15 Agus air do Philat bhi toileach gnùomh taitneach a dheanamh do'n t-sluagh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusadh.

16 Agus thug na saighdearan leo e steach do'n talla, eachdon cuirt an uachdarain²: agus ghairm iad a' chuideachd uile an ceann a chéile.

17 Agus chuir iad uime eudach purpur³, agus air dhoibh coron droighinn fhigheadh, chuir iad air e.

18 Agus thòisich iad air beannachadh dha, *ag ràdh*, Fàilte dhuit, a Rìgh nan Iudhach!

19 Agus bhuail iad sa' cheann e le slait chuilce, agus thilg iad smugaid air, agus a' lùbadh an glùn, rinn iad aoradh dha⁴.

20 Agus an déigh dhoibh fanoid a dheanamh air, thug iad deth an *t-eudach* pur-

¹ ngh-dorus, sgàth-thìgh.

² prctorium.

³ corcuir.

⁴ thug iad urram da.

puir, agus chuir iad 'eudach fèin uime, agus thug iad a mach e chum gu'n ceusadh iad e.

21 Agus dh'èignich iad duine àraidh bha dol seachad, Simon o Chirene, (athair Alecsandair agus Rufuis, a bha teachd as a' mhachair,) chum a chrann-ceusaidh a ghiulan.

22 Agus thug iad e gu ionad *d'am b'ainm* Golgota, is e sin air eadar-theangachadh, àite cloiginn.

23 Agus thug iad da r'a òl, fion air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thrusgan, a' tilgeadh croinn air, ciod a chuid a bhiodh aig gach duine dheth.

25 Agus bha 'n treasuair ann; agus cheus iad e.

26 Agus bha sgrìobhadh a chùise-dìtidh air a sgrìobhadh os a cheann, **RIGH NAN IUDHACH.**

27 Agus cheus iad maille ris dà ghaduiche¹; fear air a làimh dheis, agus fear air a làimh chlì.

28 An sin choimhlionadh an sgrìobtuir, a thubhairt, Agus bha e air àireamh am measg nan ciontach.

29 Agus thug iadsan a bha dòl seachad anacainnt da, a' crathadh an ceann, agus ag ràdh, O thusa a leagas an teampull, agus a thogas e ann an trì làithibh,

30 Fòir ort fèin, agus thig² a nuas o'n chrann-cheusaidh.

31 Agus mar an ceudna thubhairt na h-àrd-shagairt agus na sgrìobhaichean r'a chéile, a' fanoid air, Shaor e daoine eile; cha'n 'eil e comasach air e fèin a shaoradh.

32 Thigheadh a nis Criosd Rìgh Israeil a nuas o'n chrann-cheusaidh, chum gu'm faic agus gu'n creid sinn. Agus thug iadsan a chaidh cheusadh maille ris, anacainnt da.

33 Agus, an uair a thàinig an seathadh uair, bha dorchadas air an talamh uile, gu ruig an naothadh uair.

34 Agus air an naothadh uair, dh'èigh Iosa le guth àrd, ag ràdh, Eloi, Eloi, lama sabachthani? is e sin, air eadar-theangachadh, Mo Dhia, mo Dhia, c'ar son a thréig thu mi?

35 Agus air cluinntinn sin do chuid diubh-san a bha 'nan seasamh a làthair, thubhairt iad, Feuch, a ta e a' gairm Eliais.

36 Agus ruith fear diubh, agus air dha spòg a lìonadh do fhion geur agus a cur air slait chuilce, thug e deoch dha, ag ràdh, Leigibh leis; faiceamaid an tig Elias g'a thoirt a nuas.

37 Agus air do Iosa éigheach le guth àrd, thug e suas an deò.

38 Agus bha brat-roinn an teampull air a reubadh 'na dhà chuid o mhullach gu iochdar.

39 Agus an uair a chunnaic an ceannard-ceud, a bha 'na sheasamh fa chomhair, gu'n d'thug e suas an deò, a' glaothaich mar sin, thubhairt e, Gu firinneach b'e 'n duine so Mac Dhé.

40 Agus bha, mar an ceudna, mnàì am fad uatha ag amharc: 'nam measg sin bha Muire Magdalen, agus Muire màthair Sheumais bu lugha, agus Ioseis, agus Salome;

41 Muinntir a lean e mar an ceudna, an uair a bha e an Galile, agus a bha frith-ealadh dha; agus mòran eile do mhaibh a chaidh suas maille ris gu Ierusalem.

42 Agus a nis air teachd do'n fheasgar, (do bhrìgh gu'm b'e là an ulluchaidh e, eadhon an là roimh an t-sàbaid,)

43 Thàinig Ioseph o Arimatea, comhairleach urramach, aig an robh, mar an ceudna, suil ri rìoghachd Dhé, agus chaidh e steach gu dàna dh'ionnsuidh Philait, agus dh'iarr e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fhiosraich e dheth, An robh fad o fhuair e bàs.

45 Agus air dha fios fhaotainn o'n cheannard-ceud, thug e 'n corp do Ioseph.

46 Agus cheannaich esan lion-eudach grinn, agus thug e nuas e, agus phaisg e san lion-eudach e, agus chuir se e ann an uaigh³ a chladhaicheadh á carraig, agus charuich e clach gu doras na h-uaighe.

47 Agus dh'amhaire Muire Magdalen, agus Muire màthair Ioseis, air an àite san do chuireadh e.

CAIB. XVI.

1 Chuir aingeal an cèill aiseirigh Chriosd do thri mnaibh. 9 Dh'fhoillsicheadh Criosd do Muire Magdalen: 12 Chumcas e le dìthis a bha dol do'n dùthaich; 14 an dèigh sin leis na h-Abstail. 15 Chuir e mach iad a shearmonachadh an t-sois-geil.

A GUS air dol do'n t-sàbaid seachad, a cheannaich Muire Magdalen, agus màthair Sheumais, agus Salome, spioraidh deadh fhàile⁴, chum air dhoibh teachd gu'n ungadh iad e.

2 Agus thàinig iad gu ro mhoch air maduinn a' cheud là do'n t-seachduin chum na h-uaighe, aig éirigh na grèine.

3 Agus thubhairt iad eatorra fèin, Cò a charuicheas dhuinn a' chlach o dhorus na h-uaighe?

4 (Agus air dhoibh amharc, chunnaic iad gu'n robh a' chlach air a h-atharrachadh air falbh,) oir bha i ro mhòr.

5 Agus air dhoibh dol a stigh do'n àit-adhlacaidh, chunnaic iad òganach⁵ na shuidhe

¹ dà chreachadair, dà fhear-reubainn.

² tair.

³ àit-adhlacaidh.

⁴ luibhean càbhraì

air an làimh dheis, uime an robh trusgan fada geal; agus bha eagal orra.

6 Agus thubhairt esan riu, Na biodh eagal oirbh: a ta sibh ag iarraidh Iosa o Nasaret, a cheusadh: dh'éirich e, cha'n 'eil e 'n so: faicibh an t-àit anns an do chuir iad e:

7 Ach imichibh, innsibh d'a dheisciobluibh agus do Pheadar, gu bheil e dol roimhibh do Ghalile: chi sibh an sin e, mar thubhairt e ribh.

8 Agus air dol a mach dhoibh, theich iad o'n uaigh; oir bha ball-chrith agus uamhunn orra: agus cha dubhairt iad ni sam bith ri neach air bith; oir bha eagal orra.

9 Agus air éirigh do Iosa sa' mhaduinn air a' cheud là do'n t-seachdain, nochdadh e air tùs do Mhuire Magdalen, as an do thilg e seachd deamhain.

10 Agus air imeachd dhise, dh'innis i sin dhoibh-san a bha maille ris, agus iad ri bròn agus gul.

11 Agus iadsan, an uair a chual iad gu'n robh e beò, agus gu'm facadh leatha-san e, cha do chreid iad.

12 'Na dhéigh sin, nochdadh e do dhithis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'imich iadsan agus dh'innis

iad e do chàch: agus cha mhò a chreid iad iadsan.

14 An déigh sin nochdadh e do'n aon fhear deug, agus iad'nansuidhe aig biadh, agus thilg e orra am mi-chreidimh, agus an cruas-cridhe, a chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air feadh an t-saoghail uile, agus searmonaichibh an soisgeul do gach dùil¹.

16 Ge b'e chreideas agus a bhaistear, saorar e, ach ge b'e nach creid, ditéar e.

17 Agus leanaidh na comharan so an dream a chreideas: Ann am ainm-sa tilgidh iad a mach deamhain; labhraidh iad le² teangaibh nuadha;

18 Togaidh iad nathraiche nimhe; agus ma dh'òlas iad ni air bith marbhtach, cha chiurr e iad; cuiridh iad an làmhan air daoinibh tinne, agus bithidh iad gu maith.

19 Mar sin, an déigh do'n Tighearna labhairt riu, ghabhadh suas gu neamh e, agus shuidh e air deas làimh Dhé.

20 Agus air dhoibh-san dol a mach, shearmonaich iad anns gach àit, air bhi do'n Tighearn a' co-oibreachadh leo, agus a' daingneachadh an fhocail leis na comharaibh a lean e. Amen.

¹ creutair.

² ann an.

AN SOISGEUL

A REIR

L U C A I S.

CAIB. I.

1 Roimh-radh Lucais d'a shoisgeul gu h-iomlan.

5 Ghabhadh Eoin Baiste am broinn a mhàthar,

26 agus Criosd am broinn Mhuire. 39 Fàidh-

eadaireachd Elisabet, agus Mhuire mu thimchioll

Chriosd. 57 Breith Eoin Bhaiste.

DO bhrìgh gu'n do ghabh mòran os làimh eachdraidh sgrìobhadh ann an ordugh air na nithibh sin a ta air an coimhlionadh¹ 'nar measg-ne,

2 A réir mar a dh'aithris na daoine sin dhuinne iad, a chunnaic iad o thùs le 'n sùilibh, agus a bha 'nan luchd-frithealaidh an fhocail:

3 Chunnas dhomh-sa mar an ceudna, a Theophiluis ro òirdheirc, air faotainn dearbh fhios nan uile nithe dhomh o'n fhìor thoiseach, sgrìobhadh a d' ionnsuidh-sa an ordugh,

4 Chum gu'm biodh fios agad air cinnteachd nan nithe anns an deachaidh do theagasg.

¹ le làn dearbhadh air an creidsinn.

5 BHA ann an làithibh Heroid rìgh Iudea, sagart àraidh d'am b'ainm Sacharias, do sheal² Abia: agus bha a bhean do nigheanaibh Aaroin, agus b'ainm dhi Elisabet.

6 Agus bha iad le chéile ionraic am fianuis Dé, ag imeachd ann an uile àitheantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrìgh gu'n robh Elisabet neo-thorrach³, agus bha iad le chéile aos-mhor.

8 Agus tharladh, am feadh a bha esan a' frithealadh mar shagart an làthair Dhé ann an ordugh a sheala,

9 A réir gnàtha na sagartachd, b'e a chranncur tùis a losgadh, air dha dol a steach do theampull an Tighearn.

10 Agus bha coimhthional an t-sluaigh uile a' deanamh urnuigh a muigh, ri àm na tùise.

11 Agus chunnas leis-san aingeal an

² chùrsa, roinn.

³ gun slìochd.

Tighearna 'na sheasamh air taobh deas altarach na tùise.

12 Agus an uair a chunnaic Sacharias e, bha e fo thrioblaid, agus thuit eagail air.

13 Ach thubhairt an t-aingeal ris, Na gabh eagail, a Shachariais; oir fhuair t'urnuigh éisdeachd, agus beiridh do bhean Elisabet mac dhuith, agus bheir thu Eoin mar ainm air.

14 Agus bithidh aoibhneas agus subhachas ort; agus nì mòran gairdeachas r'a bhreith.

15 Oir bithidh e mòr an làthair an Tighearn, agus cha'n òl e fion no deoch làidir; agus bithidh e air a lìonadh leis an Spiorad naomh, eadhon o bhroinn a mhàthar.

16 Agus pillidh e mòran do chloinn Israeil chum an Tighearn an Dé.

17 Agus théid e roimhe-san ann an spiorad agus ann an cumhachd Eliais, a thionndadh cridhe nan aithriche chum na cloinne, agus nan eas-umhal gu gliocas nam firean, a dh'ulluchadh pobuill deas do'n Tighearn.

18 Agus thubhairt Sacharias ris an aingeal, Cionnus a bhios fhios so agam? oir is seann duine mise, agus a ta mo bhean aos-mhor.

19 Agus fhreagair an t-aingeal agus thubhairt e ris, Is mise Gabriel a sheasas an làthair Dhé; agus chuireadh mi a labhairt riut-sa, agus a dh'innseadh an naidheachd¹ mhaith so dhuith.

20 Agus, feuch, bithidh tu balbh agus gun chomas labhairt, gus an là anns an tig na nithe so gu crìch, a chionn nach do chreid thu mo bhriathra-sa, a bhitheas air an coimhlionadh 'nan àm féin.

21 Agus bha am pobull a' feitheamh ri Sacharias, agus b'iongantach leo a' mhoille a rinn e san teampull.

22 Agus an uair a thàinig e mach, cha b'urrainn e labhairt riut: agus thuing iad gu'm fac e sealladh² nèamhaidh san teampull: oir bha e smèideadh orra, agus dh'fhan e 'ua thosd.

23 Agus tharladh, an uair a choimhlionadh làithean a fhrithéalaidh, gu'n deachaidh e d'a thigh féin.

24 Agus an déigh nan làithean sin dh'fhàs a bhean Elisabet torrach, agus dh'fhòlaich si i féin rè chùig mìosan, ag ràdh,

25 Is ann mar so a rinn an Tighearna dhomh anns na làithibh air an d'amhaire e orm, a thogail diom mo mhaslaidh am measg dhaoine.

26 Agus anns an t-seathadh mìos, chuireadh an t-aingeal Gabriel o Dhia, gu caithir do Ghalile, d'am b'ainm Nasaret,

27 Dh'ionnsuidh òigh a bha fo cheangal pòsaidh aig fear d'am b'ainm Ioseph, do

thigh Dhaibhidh; agus b'e ainm na h-òigh Muire.

28 Agus air dol a steach do'n aingeal d'a h-ionnsuidh, thubhairt e, Fàilte dhuith, o thusa d'an do nochdadh mòr dheadh-ghean, a ta an Tighearna maille riut: is beannaichte thu am measg bhan.

29 Agus an nair a chunnaic i e, bha i fo thrioblaid inntinn air son a chainnte, agus a' reusonachadh ciod a' ghnè altachabèatha dh'fheudadh bhi 'n so.

30 Agus thubhairt an t-aingeal rithe, Na biodh eagail ort, a Mhuire: oir fhuair thu deadh-ghean o Dhia.

31 Agus, feuch, gabhaidh tu a'd' bhroinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Tì a's ro àirde dheth; agus bheir an Tighearna Dia dha rìgh-chainthir athar féin Dhaibhidh.

33 Agus bithidh e 'na Rìgh air tigh Iacoib gu bràth, agus cha bhì crìoch air a rìoghachd.

34 Agus thubhairt Muire ris an aingeal, Cionnus a bhitheas so, do bhrìgh nach 'eil aithne agam-sa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Tì a's àirde sgàil ort: uime sin an nì naomh sin a bheircar leat, goirear Mac Dé dheth.

36 Agus, feuch, do bhan-charaid Elisabet, a ta ise féin torrach air mac 'na sean aois; agus is e so an seathadh mìos dhise d'an goirteadh bean neo-thorrach;

37 Oir cha 'n 'eil ni sam bith do-dheanta do Dhia.

38 Agus thubhairt Muire, Feuch banoglach an Tighearna; biodh e dhomh-sa a réir t'fhocail. Agus dh'fhalbh an t-aingeal uaipè³.

39 Agus air éirigh do Mhuire sna làithibh sin, chaidh i le cabhaig do dhùthaich nam beann, gu baile do Iuda,

40 Agus chaidh i steach do thigh Shachariais, agus chuir i fàilte air Elisabet.

41 Agus tharladh, an uair a chual Elisabet beannachadh Mhuire, gu'n do leum an naoidhean 'na broinn: agus lìonadh Elisabet leis an Spiorad naomh.

42 Agus ghlaodh i mach le guth àrd, agus thubhairt i, Is beannaichte thu am measg bhan, agus is beannaichte toradh do bhronn.

43 Agus cionnus a dh'èirich so dhomh sa, gu'n tigeadh màthair mo Thighearn a m' ionnsuidh?

44 Oir feuch, co luath as a thàinig fuaime do bheannachaidh a'm' chluasaibh, bhriosg an naoidhean le h-aoibhneas ann mo bhroinn.

¹ nuaidheachd, naimheachd.

² taisbean.

³ uaithe.

45 Agus is beannaichte ise a chreid: oir coimhlonar¹ na nithe a labhradh rithe leis an Tighearn.

46 Agus thubhairt Muire, A ta m'anam ag àrd-inholadh an Tighearn,

47 Agus a ta mo spiorad a' deanamh gairdeachais ann an Dia mo Shlànuigh-eair:

48 Do bhrìgh gu'n d'amhaire e air staid ìosal a bhanoglaich: oir feuch, o so suas goiridh gach linn beannaichte dhiom.

49 Do bhrìgh gu'n d'rinn an Ti a ta cumhachdach nithe mòra dhomh; agus is naomh' ainm.

50 Agus a ta thròcair-san o linn gu linn, do'n dream d'an cagal e.

51 Nochd e neart le 'ghairdean, sgap e na h-uabhrich ann an smuaintibh an cridhe féin.

52 Thug e nuas na daoine cumhachdach o'n caithrichibh rioghail, agus dh'árdaich e iadsan a bha ìosal.

53 Lìon e 'n dream a bha ocrach le nithibh maith; agus chuir e uaith na daoine saobhair falamh.

54 Rinn e còmhnaidh² ri Israel òglach féin, ann an cuimhneachadh a thròcair:

55 Mar a labhair e r'ar n-aithrichibh, do Abraham agus d'a shliochd gu bràth.

56 Agus dh'fhan Muire maille rithe mu thimchioll thri mìosan, agus phill i d'a tigh féin.

57 A nis thàinig làn inbhe Elisabet, gu'm biodh i air a h-aisead; agus rug i mac.

58 Agus chual a coimhearsnaich agus a cairdean mar a nochd an Tighearna mòr-thròcair dhi: agus rinn iad gairdeachas maille rithe.

59 Agus tharladh air an ochdamh là gu'n d'fhàinig iad a thimchioll-ghèarradh an naoidheim: agus ghairm iad Sacharias deth, a réir ainme 'athair.

60 Agus fhreagair a mhàthair, agus thubhairt i, Ni h-eadh; ach goirear Eoin deth.

61 Agus thubhairt iad rithe, Cha'n 'eìl aon neach do d' chàirdibh d' an gairmear an t-ainm so.

62 Agus smèid iad air 'athair, ciod an t-ainm a b'ail leis thoirt air.

63 Agus air iarraidh clàir-sgrìobhaidh dhasan, sgrìobh e, ag ràdh, Is e Eoin is ainm dha. Agus ghabh iad iongantas uile.

64 Agus air ball dh'fhosgladh a bheul, agus dh'fhuasgladh a theangadh, agus labhair e, a' moladh Dhé.

65 Agus thàinig eagail air an coimhearsnaich uile: agus dh'aithriseadh na nithe sin gu léir feadh dhùthaich àrd Iudea uile.

66 Agus iadsan uile a chuala na nithe

sin, thaisg iad 'nan cridhe iad, ag ràdh, Ciod a' ghnè leinibh a bhitheas an so? Agus bha làmh an Tighearna maille ris.

67 Agus bha Sacharias 'athair air a lìonadh leis an Spiorad naomh, agus rinn e fàidheadaireachd, ag ràdh,

68 Gu ma beannaichte an Tighearna Dia Israeil, air son gu'n d'fhosraich e, agus gu'n d'thug e saorsa d'a phobull,

69 Agus gu'n do thog e suas dhuinne adharc slàinte, ann an tigh Dhaibhidh òglach féin;

70 A réir mar a labhair e le beul 'fhàidhean naomha féin, a bha ann o thoiseach an t-saoghail;

71 A thoirt saorsa dhuinn o ar naimhdebh, agus o làmh na muinntir sin uile le'm fuathach sinn:

72 A choimhlonadh na thròcair a gheall e d'ar n-aithrichibh, agus a cuimhneachadh a choimheangail naomh féin:

73 Na mionnan a mhionnaich e d'ar n-athair Abraham,

74 Gu'n tugadh e dhuinn, air dhuinn bhi air ar saoradh o làmh ar naimhde, gu'n deanamaid seirbhis dha as eugmhais eagail.

75 Ann an naomhachd agus ann am fir-eantachd 'na làthair féin, uile làithean ar beatha.

76 Agus thusa, a leinibh, goirear dhiot Fàidh an Ti a's àirde: oir théid thu roimh aghaidh an Tighearn, à dh'ulluchadh a shlighe;

77 A thoirt còlais na slàinte d'a phobull, ann am maithneas na peacanna,

78 Troimh thròcair ro mhòir ar Dé-ne, leis an d'fhosraich an ùr-mhaduinn o'n ionad a's àirde sinn,

79 A thoirt solais dhoibhsan a ta 'nan suidhe ann an sgàil a' bhàis, a threòrachadh ar cos air slighe na sìthe.

80 Agus dh'fhàs an leanabh, agus neartaicheadh an spiorad e, agus bha e san fhàsach gu là 'fhoillseachaidh do Israel.

CAIB. II.

1 Mheas Augustus Inpircachd nan Romanach uile. 6 Breith Chrìosd: 8 chuir aingeal so an cèill do na buachailtibh: 13 thug mòran diubh clùd do Dhia air a shon. 21 Tha Crìosd air a thimchioll-ghèarradh.

A GUS tharladh sna làithibh sin, gu'n deachaidh ordugh a mach o Cheasar Augustus, an domhan uile a mheas³.

2 (Agus rinneadh an ceud mheas so 'nuair a bha Cirenus' na uachdaran air Siria.)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, á baile Nasaret, do Iudea, gu baile Dhaibhidh, d'an gairmear Bet-

¹ a chreid gu'n coimhlonar. ² congnamh. Eir.

³ an inpircachd uile a sgrìobhadh an cìs-chlùr.

lehem (do bhrìgh gu'n robh e do thigh agus do shliocdh Dhaibhidh.)

5 Chum gu biodh e air a mheas maille ri Muire a bha fo cheangal pòsaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, chum i bhi air a h-aisead.

7 Agus rug i a ceud-ghin mic, agus phaisg i e am brat-speilidh, agus chuir i na luidhe am prasaich e; do bhrìgh nach robh àit aca san tigh-òsda.

8 Agus bha anns an dùthaich sin buachailllean a' fantuinn a muigh, agus a' deanamh faire-oidhche air an treud.

9 Agus, feuch, thàinig aingeal an Tighearn orra, agus dhealraich glòir an Tighearna mu'n timchioll; agus ghabh iad eagal mòr.

10 Agus thubhairt an t-aingeal riu, Na biodh eagal oirbh: oir feuch, a ta mi ag innseadh dhuibh deadh sgéil mhòr-aobhneis, a bhitheas do'n uile shluagh:

11 Oir rugadh dhuibh an diugh Slànuigh-eair, ann am baile Dhaibhidh¹, neach a's e Crìosd an Tighearna.

12 Agus bithidh so 'na chomhara dhuibh: Gheibh sibh an naoidhean paisgte ann am brat-spéilidh, 'na luidhe am prasaich.

13 Agus air ball bha maille ris an aingeal cuideachd mhòr do armaitibh nèimh, a' moladh Dhé, agus ag ràdh,

14 Glòir do Dhia anns na h-àrdaibh, agus air talamh sìth, deadh-ghean do dhaoibh.

15 Agus tharladh, 'nuair a dh'fhalbh na h-aingil uatha do nèamh, gu'n dubhairt na buachailllean r'a chéile, Rachamaid a nis eadhon do Bhet-lehem, agus faiceamaid an ni so a rinneadh, a dh'fhoillsich an Tigh earna dhuinne.

16 Agus thàinig iad gu grad, agus fhuair iad Muire agus Ioseph, agus an leanabh 'na luidhe sa' phrasaich.

17 Agus an uair a chunnaic iad sin, dh'aithris iad an ni a dh'innseadh dhoibh mu thimchioll an leinibh so.

18 Agus ghabh gach neach a chuala so, iongantas ris na nithibh sin a dh'innseadh dhoibh leis na buachaillibh.

19 Ach ghléidh Muire na nithe sin uile, a' beachd-smuaineachadh orra² na cridhe.

20 Agus phill na buachailllean, a' tabhairt glòire agus molaigh do Dhia air son nan nithe sin uile a chual agus a chunnaic iad, a réir mar a labhradh riu.

21 Agus an uair a choimhlionadh ocdh làithean chum an leanabh a thimchiollghearradh, thugadh IOSA mar ainm air, eadhon an t-ainm a ghairm an t-aingeal deth mu'n do ghabhadh sa' bliroinn e.

22 Agus an uair a choimhlionadh làithean a³ glanaidh, a réir lagha Mhaois, thug iad esan gu Ierusalem, chum a thaisbeanadh do'n Tighearna;

23 (Mar a ta e sgrìobhta ann an lagh an Tighearna, Gach ceud-ghin mic a dh'fhosglas a' bhrù, gairmear naomh do'n Tigh eam e;)

24 Agus a thoirt òbairt a réir mar a theirear ann an lagh an Tighearna, dà⁴ thurtur, no dà choluman òg.

25 Agus, feuch, bha duine ann an Ierusalem d'am b'ainm Simeon; agus bha 'n duine so ionraic agus diadhaidh, agus bha dùil aige ri sòlas Israeil: agus bha 'n Spiorad naomh air.

26 Agus dh'fhoillsicheadh dha leis an Spiorad naomh, nach faicadh e bàs, gus am faicadh e Crìosd an Tighearn.

27 Agus thàinig e le treòrachadh an Spioraid do'n teampull: Agus an uair a thug na pàrantan an leanabh Iosa a stigh, chum gu'n deanadh iad air a shon a réir gnàthachaidh an lagha,

28 An sin ghlac esan 'na uchd⁵ e, agus bheannaich e Dia, agus thubhairt e,

29 A nis, a Thighearn, a ta thu leigeadh do d' sheirbhiseach siubhal an sìth, a réir t'fhocail;

30 Oir chunnaic mo shùilean do shlàinte, 31 A dh'ulluich thu roimh ghnùis nan uile shluagh:

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantas mu na nithibh a labhradh uime.

34 Agus bheannaich Simeon iad, agus thubhairt e ri Muire a mhàthair, Feuch, chuireadh an leanabh so chum tuiteam agus aiseirigh mhòran ann an Israel, agus 'na chomhar' an aghaidh an labhrar:

35 (Agus théid claidheamh troimh d'anam-sa féin,) chum gu'm foillsichear smuaintean cridheacha mhòran.

36 Agus bha Anna ban-fhaidh, nighean Phanueil, do thréibh Aseir; bha i ro aosmhor, agus chaith i seachd bliadhna maille ri fear o àm dhi bhi 'na h-òigh:

37 Agus bu bhantrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a' deanamh seirbhis do Dhia a là agus a dh'oidhche le trasgadh agus le h-umuigh.

38 Agus air teachd dhise a stigh san uair sin féin, thug i moladh do'n Tighearn, agus labhair i m'a thimchioll ruisan uile aig an robh sùil ri saorsa ann an Ierusalem.

39 Agus an uair a choimhlion iad na h-uile nithe a réir lagha an Tighearna, phill iad do Ghalile, d'am baile féin Nasaret.

¹ an cathair Dhaibhidh.

² 'gan tomhas. Gr.

³ an.

⁴ Càraid, Paidhir.

⁵ air a ghairdeinibh.

LUCAS, II. III.

40 Agus dh'fhàs an leanabh, agus neart-
aicheadh an spiorad e, air a lìonadh le
gliocas; agus bha gràsa Dhé air.

41 Agus chaidh a phàranta gach bliadh-
na gu Ierusalem, aig féill na càisge.

42 Agus 'nuair a bha e dà bhliadhna
dheug a dh'aois, chaidh iad suas gu Ieru-
salem, a réir gnàtha na féille.

43 Agus air coimhlionadh nan làithean
sin doibh, 'nuair a phill iadsan, dh'fhan an
leanabh Iosa 'nan déigh ann an Ierusa-
lem; agus cha robh fios aig Ioseph no aig
a mhàthair air sin.

44 Ach air dhoibh a shaoilsinn gu'n robh
e sa' chuideachd, dh'imich iad astar là;
agus dh'iarr iad e measg an càirdean, agus
an luchd-eòlais.

45 Agus an uair nach d'fhuair iad e,
phill iad gu Ierusalem, 'ga iarraidh.

46 Agus tharladh an déigh trì làithean,
gu'n d'fhuair iad e san teampull, 'na
shuidhe am meadhon an luchd-teagaisg,
araon 'gan éisdeachd, agus a' cur cheisd
orra.

47 Agus ghabh a' mhuinntir a chual e
uile iongantais r'a thuigse agus r'a fhreag-
raibh.

48 Agus an uair a chunnaic iad e, ghlac
uamhas iad: agus thubhairt a mhàthair
ris, A mhic, c'ar son a rinn thu mar so
oirn? feuch, bha t'athair agus mise gu
brònach ga d'iarraidh.

49 Agus thubhairt esan riu, C'ar son a
bha sibh ga m' iarraidh? nach robh fhios
agaibh gu'm bu chòir dhomh-sa bhi ann
an tigh m' Athar¹?

50 Agus cha do thuig iadsan an ni a
labhair e riu.

51 Agus chaidh e sìos maille riu, agus
thàinig e gu Nasaret, agus bha e ùmhal
doibh: ach ghléidh a mhàthair na nithe
sin uile 'na cridhe.

52 Agus thàinig Iosa air aghaidh ann an
gliocas agus am meudachd, agus ann an
deadh-ghean aig Dia, agus aig daoineibh.

CAIB. III.

1 Searmonachadh Eoin Bhaiste, 15 'Fhianais mu
thimchioll Chrìosd, 20 Chuir Herod Eoin am
priosan. 21 Bhaisteadh Chrìosd, agus fhuair e
fianais o nàmh. 23 Aois agus sinnsireachd
Chrìosd.

ANIS anns a' chùigeachd bliadhna deug
do impireachd Thiberiuis Cheasair,
air bhi do Phontius Pilat 'na uachdaran
air Iudea, agus Herod 'na Thetrarc air
Galile, agus Philip a bhràthair 'na The-
trarc air Iturea agus dùthaich Thrachoni-
tis, agus Lisaniais 'na Thetrarc air Abilene.

2 An uair a bha Annas agus Caiaphas
'nan àrd-shagartaibh, thàinig focal Dé
chum Eoin, mhic Shachariais, anns an
fhàsach.

3 Agus thàinig e do'n dùthaich uile
timchioll Iordain, a' searmonachadh baist-
idh an aithreachais, chum maithheanaidh
pheacanna;

4 Mar a ta e sgrìobhta ann an leabhar
bhriathra an fhàidh Esaiais, ag ràdh,
Guth an tì a dh'éigheas anns an fhàsach,
Ulluchibh slighe an Tighearna, deanaibh
a cheumanna dìreach.

5 Bithidh gach gleann air a lìonadh,
agus gach beinn agus cnoc air an ìsleach-
adh; agus bithidh na nithe cama air an
deanamh dìreach, agus na slighean garbha
air an deanamh réidh;

6 Agus chi gach uile fheoil slàinte Dhé.

7 Uime sin thubhairt e ris an t-sluagh a
thàinig a mach chum bhi air am baisteadh
leis, A shìl nan nathraiche nìmh, cò thug
rabhadh dhuibh-sa teicheadh o'n fhicir a
ta ri teachd?

8 Air an aobhar sin thugaibh a mach
toradh iomchuidh an aithreachais, agus na
tòisichibh air a ràdh annaibh féin, A ta
Abraham 'na Athair againn: oir a ta mi
ag ràdh ribh, gur comasach Dia do na
clachaibh so air clann a thogail suas do
Abraham.

9 Agus a nis féin a ta an tuagh air a' cur
ri bun nan craobh: air an aobhar sin gach
craobh nach toir a mach toradh maith,
gearrar sìos i, agus tilgear san teine i.

10 Agus dh'fhiosraich an sluagh dheth,
ag ràdh, Ciod uime sin a ni sinne?

11 Agus fhreagair esan agus thubhairt e
riu, An tì aig am bheil dà chòta, roinn-
eadh e ris an tì aig nach 'eil; agus an tì
aig am bheil biadh, deanadh e mar an
ceudna.

12 Agus thàinig mar an ceudna cìs-
mhaoir gu bhi air am baisteadh, agus
thubhairt iad ris, A mhaighstir, ciod a ni
sinne?

13 Agus thubhairt esan riu, Na dean-
uibh² ni air bith os ceann na dh'orduich-
eadh dhuibh.

14 Agus dh'fhiosraich na saighdearan
mar an ceudna dheth, ag ràdh, Agus ciod
a ni sinne? Agus thubhairt e riu, Na
deanaibh fòirneart air neach sam bith, no
casaid-bhréige, agus bithibh toilichte le
ur tuarasdal.

15 Agus air bhi do'n phobull a' feith-
eamh, agus na h-uile dhaoine a' reuson-
achadh 'nan cridheachaibh féin mu thim-
chioll Eoin, am b'e Chrìosd a bh'ann;

16 Fhreagair Eoin, ag ràdh riu uile,
Tha mise gu dearbh 'gur baisteadh le
h-uisge; ach a ta neach a' teachd a's
cumhachdaiche na mise, agus cha'n airidh
mise air barr-iall a bhròg fhuasgladh:
baistidh esan sibh leis an Spiorad naomh,
agus le teine.

¹ mu ghnòthuicibh m' Athar.
61

LUCAS, III. IV.

17 Aig am bleil a ghuit¹ 'na làimh, agus ro ghlanaidh e 'urlar, agus cruinn-ichidh e an cruithneachd d'a thigh-tasgaidh; ach loisgidh e am moll le teine nach fheudar a mhùchadh.

18 Agus ag earalachadh mòran do nithibh eile, shearmonaich e do'n t-sluagh.

19 Ach air do Herod an Tetrarc bhi air a chronachadh leis air son Herodiais bean a bhràthar (Philip,) agus air son gach ole a rinn Herod.

20 Chuir e so ris gach ole eile, gu'n do dhruid e Eoin am prìosan.

21 Agus tharladh, 'nuair a bha 'n sluagh uile air am baisteadh, air do Iosa mar an ceudna bhi air a bhaisteadh, agus e ri ùnuigh, gu'n d'fhosgladh nèamh,

22 Agus gu'n d'thàinig an Spiorad naomh a nuas air an coslas corporra, mar cholum-an, agus gu'n d'thàinig guth o nèamh, ag ràdh, Istusa mo Mhac gràdhach, anns am bheil mo mhòr-thlachd².

23 Agus thòisich Iosa fèin air a bhi mu thimchioll deich bliadhna fichead a dh'aois, air dha bhi, (a réir barail *dhaoiné*,) 'na mhac do Ioseph, *mac Heli*,

24 *Mhic Mhatait, mhic Lebhi, mhic Mhelchi, mhic Ianna, mhic Ioseph,*

25 *Mhic Mhatatais, mhic Amois, mhic Nauim, mhic Esli, mhic Nage,*

26 *Mhic Mhaait, mhic Mhatatais, mhic Shemei, mhic Ioseph, mhic Iudah,*

27 *Mhic Ioanna, mhic Rhesa, mhic Shorobabeil, mhic Shalatieil, mhic Neri,*

28 *Mhic Mhelchi, mhic Adi, mhic Chosaim, mhic Elmodaim, mhic Eir,*

29 *Mhic Iose, mhic Elieseir, mhic Ioreim, mhic Mhatait, mhic Lebhi,*

30 *Mhic Shimeoin, mhic Iudah, mhic Ioseph, mhic Ionain, mhic Eliacim,*

31 *Mhic Mhelea, mhic Mhainain, mhic Mhatata, mhic Natin, mhic Dhaibhidh,*

32 *Mhic Iese, mhic Obeid, mhic Bhoos, mhic Shalmoin, mhic Naasoin,*

33 *Mhic Aminadaib, mhic Araim, mhic Esroim, mhic Phareis, mhic Iudah,*

34 *Mhic Iacoib, mhic Isaac, mhic Abraham, mhic Thara, mhic Nachoir,*

35 *Mhic Sharuich, mhic Ragau, mhic Phaleic, mhic Ebeir, mhic Shala,*

36 *Mhic Chainain, mhic Arphacsaid, mhic Shem, mhic Noe, mhic Lameich,*

37 *Mhic Mhatusala, mhic Enoich, mhic Iareid, mhic Mhaleleil, mhic Chainain,*

38 *Mhic Enois, mhic Shet, mhic Adhaimh, mhic Dhé.*

CAIB. IV.

1 Buairadh agus trasgadh Chrìosd: 13 Thug e buaidh air an diabhl; 14 thòisich e ri searmonachadh. 16 Ghabh pobul Nasaret iongantais r'a fhoclaibh gràs-mhor. 33 Leighis e an duine san robh deamhan, 38 agus màthair-chéile Pheadair, &c.

A GUS air do Iosa bhi làn do'n Spiorad naomh, phill e air ais o Iordan, agus threòraicheadh e leis an Spiorad do'n fhàsach,

2 Agus bha e air a bhuaireadh rè dhà fhichead là leis an diabhl; agus cha d'ith e ni sam bith anns na làithibh sin: agus air dhoibh bhi air an crìochnachadh, an sin dh'fhàs e ocrach.

3 Agus thubhairt an diabhl ris, Ma's tu Mac Dhé, abair ris a' chloich so bhi 'na h-aran.

4 Agus fhreagair Iosa e, ag ràdh, A ta e sgrìobhta, nach ann le h-aran a mhàin a thig duine beò, ach le gach uile fhocal Dé.

5 Agus air do'n diabhl a thoirt gu beinn àrd, nochd e dha uile rìoghachdan an domhain ann am mionaid aimsir.

6 Agus thubhairt an diabhl ris, Bheir mise an cumhachd so uile dhuit, agus an glòir; oir thugadh dhomh-sa sin: agus bheir mi e do neach air bith a's toil leam.

7 Uime sin ma ni thu aoradh dhomh-sa, is leat iad uile.

8 Agus fhreagair Iosa agus thubhairt e ris, Tàir air mo chùlaobh, a Shatain: oir a ta e sgrìobhta, Ni thu aoradh do'n Tigh-earn do Dhia, agus dhàsan 'na aonar ni thu seirbhis.

9 Agus thug se e gu Ierusalem, agus chuir e air binnein an teampnill e, agus thubhairt e ris, Ma's tu Mac Dhé, tilg thu fèin sìos á so.

10 Oir a ta e sgrìobhta, Bheir e àithne d'a ainglibh mu d' thimchioll, thusa a choimhead.

11 Agus togaidh iad suas thu 'nan làmhaidh, air eagal gu'm buail thu, uair air bith, do chos air cloich.

12 Agus air freagairt do Iosa thubhairt e ris, A dubhradh, Na buair³ thusa an Tighearna do Dhia.

13 Agus an uair a chrìochnaich an diabhl am buaireadh uile, dh'imich e uaith rè tamuill.

14 Agus phill Iosa ann an cumhachd an Spioraid chum Ghalile; agus chaidh 'iomradh-san air feadh na dùthcha mu'n cuairt gu h-iomlan.

15 Agus theagaisg e 'nan sionagogaibh, a' faotainn glòire o na h-uile dhaoineibh.

16 Agus thàinig e gu Nasaret, far an d'araicheadh e: agus chaidh e steach, mar bu ghnàth leis, air là na sàbaid do'n t-sionagog, agus dh'éirich e 'na sheasamh chum leughaidh.

17 Agus thugadh dha leabhar an fhàidh Esaiais; agus air fosgladh an leabhair dha, fhuaire e an t-àit anns an robh e sgrìobhta,

18 Tha Spiorad an Tighearna orm, do

¹ inneà'-fasgnaidh. ² annada tha nì làn-toilichte.

³ Na dearbh.

LUCAS, IV. V.

bhrìgh gu'n d'ung e mi a shearmonachadh an t-soisgeil do na bochdaibh; chuir e mi a shlànuchadh na muinntir aig am bheil an cridhe briste, a ghairm¹ fuasglaidh do na braighdibh, agus aiseag an radhaire do na doill², a thoirt saorsa do'n mhuinntir a ta brùite,

19 A shearmonachadh bliadhna thaitnich an Tighearn.

20 Agus air dùnadh an leabhair dha, thug e do'n fhear-frithealaidh e, agus shuidh e; agus bha sùilean na bha san t-sionagag uile a' geur-amharc airsan.

21 Agus thòisich e air a ràdh riu, An diugh a ta an sgrìobtur so air a choimhlionadh ann bhur cluasaibh-sa.

22 Agus thug iad uile fianuis da, agus ghabh iad iongantas ris na briathraibh gràmhòr a thàinig a mach as a bheul. Agus thubhairt iad, Nach e so mac Ioseiph?

23 Agus thubhairt e riu, Gun amharus thubhairt sibh rium an gnàth-fhocal so, A leigh, leighis thu féin: ge b'e air bith iad na nithe a chuala sinn a rinneadh *leat* an Capernaum, dean mar an ceudna iad an so a'd' dhùthaich féin.

24 Agus thubhairt e, Gu deimhin a ta mi ag ràdh ribh, nach 'eil fàidh air bith taitneach 'na dhùthaich féin.

25 Ach gu firinneach a ta mise ag ràdh ribh, gu'n robh mòran bhantrach ann an Israel an làithibh Eliais, an uair a dhruid-eadh nèamh rè thri bliadhna agus shè miosan, agus a bha gorta mhòr air feadh na tìre uile.

26 Ach cha do chuireadh Elias dh'ionnsuidh aoin diubh, ach gu Sarepta Shidoin, chum mnà a bha 'na bantraich.

27 Agus bha mòran lobhar ann an Israel ri linn Elisèuis an fhàidh; agus cha do ghlanadh a h-aon aca, ach Naaman an Sirianach.

28 Agus lìonadh iadsan uile a bha san t-sionagag le feirg, an uair a chual iad na nithe sin;

29 Agus dh'èirich iad suas, agus thilg iad a mach as a' bhaile e, agus thug iad leo e gu maluidh a' chnoic³, air an robh am baile togtà, chum a thilgeadh sìos an coinneamh a chinn.

30 Ach air gabhail dhasan troimh am meadhon dh'fhalbh e,

31 Agus chaidh e sìos gu Capernaum, baile do Ghalile, agus bha e 'gan teagasg air làithibh na sàbaid:

32 Agus ghabh iad iongantas r'a theag-asg; do bhrìgh gu'n robh 'fhocal le cumhachd.

33 Agus bha anns an t-sionagag duine anns an robh spiorad deamhain neòghloin, agus ghlaodh e le guth mòr,

34 Ag ràdh, Leig leinn; ciod e ar gnothuch-ne riut, Iosa o Nasaret? an d'thàinig thu g'ar sgrìos? a ta fhios agam cò thu, Aon naomh Dhé.

35 Agus chronuich Iosa e, ag ràdh, Bi a'd' thosd, agus thig a mach as. Agus air do'n deamhan esan a thilgeadh sìos 'nam meadhon, thàinig e mach as, gun chiurradh sam bith a dheanamh air.

36 Agus thàinig uamhas orra uile, agus labhair iad r'a chéile, ag ràdh, Ciod a' ghnè cainnte so? oir le h-ùghdarras agus cumhachd a ta e toirt orduigh do na spioradaibh neòghlan, agus tha iad a' teachd a mach.

37 Agus chaidh iomradh airsan a mach feadh gach àite do'n dùthaich mu'n cuairt.

38 Agus dh'èirich e as an t-sionagag, agus chaidh e steach do thigh Shimoin: agus bha fiabhrus mòr air màthair-chéile Saimoin; agus ghuidh iad air as a leth.

39 Agus air dha seasamh os a ceam⁴, caronuich e am fiabhrus, agus dh'fhàg e i. Agus dh'èirich ise air ball, agus rinn i frithealadh dhoibh.

40 Agus ag dol fuidhe na gréine, iadsan uile aig an robh daoine euslan le iomadh gnè tinnis, thug iad d'a ionnsuidh iad: agus chuir esan a làmhnan air gach aon diubh, agus leighis e iad.

41 Agus chaidh mar an ceudna deamhain a mach á mòran, a' glaothaich agus ag ràdh, Is tu Crìosd Mac Dhé. Agus chronuich e iad, agus cha d'fhulaing e dhoibh labhairt: oir bha fhios aca gu'm b' esan Crìosd.

42 Agus air teachd do'n là, chaidh e mach, agus dh'imich e gu àite fàsail: agus bha'n sluagh 'ga iarraidh, agus thàinig iad d'a ionnsuidh, agus b'àill leo a chumail, chum nach rachadh e uatha.

43 Ach thubhairt esan riu, Is éigin dhomh-sa rìoghachd Dhé a shearmonachadh do bhailtibh eile mar an ceudna; oir is ann chum so a chuireadh mi.

44 Agus shearmonaich e ann an sionagogaibh Ghalile.

CAIB. V.

1 Theagaisg Crìosd an sluagh á luìng Pheadair; 4 le tarruing mhìorbhuilcach éis nochd e cionnus a bha e gu Peadar agus a chompanaich a dheanamh 'nan iasgairibh air daoineibh: 12 ghlan e neach a bha 'na lobhar, &c.

A GUS tharladh, 'nuair a bha am pobull a' dlùth-theamadh air, chum focal Dé éisdeachd, gu'n do sheas e làimh ri loch Ghenesaret,

2 Agus chunnaic e dà luìng⁵ 'nan seasamh ri taobh an locha: ach bha na h-iasg-airean air dol a mach asda, agus a' nigh-eadh an lìonta.

3 Agus chaidh e steach do aon do na

¹ a shearmonachadh.

² dallaidh.

³ beul-bhruach a' chnoic.

⁴ làimh rithe.

⁵ bharc.

longaibh bu le Simon, agus dh'iarr e air dol a mach beagan o thìr: agus air suidhe dha, theagaisg e an sluagh as an luing.

4 A nis an uair a sguir e do labhairt, thubhairt e ri Simon, Cuir a mach chum na doimhne, agus leigibh sìos bhuir lìonta chum tarruing.

5 Agus fhreagair Simon, agus thubhairt e ris, A mhaighstir, shaothraich sinn feadh na h-oidhche uile, agus cha do ghlac sinn nì sam bith: ach air t'fhocal-sa leigidh mi sìos an lìon.

6 Agus an uair a rium iad so, chuairtich iad tachdar¹ mòr éisg; ionnus gu'n do bhriseadh an lìon.

7 Agus sméid iad air an companaich, a bha san luing eile, teachd agus còmhnaidh a dheanamh leo. Agus thàinig iad, agus lìon iad an dà luing, ionnus gu'n robh iad an inbhe dol fuidhe.

8 'Nuair a chunnaic Simon Peadar so thuit e sìos aig glùinibh Iosa, ag ràdh, Ìmich uam-sa, a Thighearn, oir is duine peacach mi.

9 Oir ghlac uamhas e féin agus iadsan uile bha maille ris, air son an tarruing éisg a ghlac iad:

10 Agus mar an ceudna Seumas agus Eoin, mic Shebede, a bha 'nan companaich aig Simon. Agus thubhairt Iosa ri Simon, Na biodh eagail ort; á so suas glacaidh tu daoine.

11 Agus an uair a thug iad an longa gu tìr, dh'fhàg iad na h-uile nithe, agus lean iad esan.

12 Agus an uair a bha esan ann am baile àraidh, feuch duine làn do luibhre: agus air dha Iosa fhaicinn, thuit e sìos air 'aghaidh, agus ghuidh e air, ag ràdh, A Thighearn, ma's toil leat, tha thu comasach air mise a ghlanadh.

13 Agus shìn e a làmh, agus bhean e ris, ag ràdh, Is toil leam; bi glan. Agus air ball dh'fhàg an luibhre e.

14 Agus dh'aitn e dha, gun innseadh do neach air bith: Ach imich, agus nochd thu féin do'n t-sagart, agus thoir seachad air son do ghlanaidh, mar a dh'aitl Maois, mar fhianuis doibh.

15 Ach bu mhòid a sgaoileadh 'iomradh-san: agus thàinig sluagh mòr an ceann a chèile chum éisdeachd, agus a bhi air an slànuchadh leis o'n eucailibh.

16 Agus chaidh e air leth chum an fhàs-aich, agus rinn e urnuigh.

17 Agus tharladh air là àraidh, 'nuair a bha e a' teagasg, gu'n robh 'nan suidhe an sin Phairisich agus luchd-teagaisg an lagha, a thàinig as gach uile bhaile do Ghàlile, agus do Iudea, agus o Ierusalem: agus bha cumhachd an Tighearn a làthair chum an slànuchadh.

18 Agus, feuch, ghiulain daoine air leabaidh duine air an robh am pairilis: agus dh'iarr iad a thoirt a steach, agus a chur 'na làthair-san.

19 Agus an uair nach d'fhuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos troimh mhullach an tighe e féin agus a leabadh, anns a' mheadhon an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacanna air am maitheadh dhuit.

21 Agus thòisich na sgrìobhaichean agus na Phairisich air reusonachadh, ag ràdh, Cò e so a ta labhairt toibheim? cò dh'fheudas peacanna a mhaithheadh ach Dia a mhàin?

22 Ach air aithneachadh an smuainte do Iosa, fhreagair e agus thubhairt e riu, Ciod a ta sibh a' reusonachadh 'nur cridheachaibh?

23 Co aca is usadh a ràdh, Tha do pheacanna air am maitheadh dhuit, no ràdh, Èirich agus imich?

24 Ach a chum gu'm bi fios agaibh gu bheil cumhachd aig Mac an duine peacanna a mhaithheadh air talamh, (thubhairt e ri fear na pairilis,) A ta mi ag ràdh riut, éirich, agus tog do leabadh, agus imich do d' thigh.

25 Agus dh'éirich e air ball 'nan làthair, agus thog e an leabadh air an robh e 'na luidhe, agus chaidh e d'a thigh féin a' toirt glòire do Dhia.

26 Agus ghlac uamhas iad uile, agus thug iad glòir do Dhia, agus lìonadh le h-eagal iad, ag ràdh, Chunnaic sinne nithe do-chreidsinn² an diugh.

27 Agus an déigh nan nithe sin, chaidh e mach, agus chunnaic e cis-mhaor d'am b'ainm Lebhi, 'na shuidhe aig àite togail na cise; agus thubhairt e ris, Lean mise.

28 Agus air fàgail nan uile nithe dha, dh'éirich e, agus lean se e.

29 Agus rinn Lebhi féisd³ mhòr dha 'na thigh féin: agus bha cuideachd mhòr do chis-mhaoraibh, agus do mhuinntir eile a shuidh maille riu.

30 Agus rinn an sgrìobhaichean agus am Phairisich gearan an aghaidh a dheisciobul-san, ag ràdh, C'ar son a ta sibh ag itheadh, agus ag òl maille ri cis-mhaoraibh agus ri peacachaibh?

31 Agus fhreagair Iosa agus thubhairt e riu, Cha'n 'eil feum aca-san a ta slàn air an leigh, ach aca-san a ta tinn.

32 Cha d'fhàg mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a ta deisciobuil Eoin gu tric ri trasgadh⁴,

¹ àireamh.

² iongantach.

³ cuirm.

⁴ trosgadh.

agus a' deanamh urnuigh, agus mar an ceudna *deisciobuil* nam Phairiseach; ach a ta do dheisciobuil-sa ag itheadh agus ag òl?

34 Agus thubhairt esan riu, Am feud sibh a thoirt air cloinn seòmair an fhir nuadh-phòsda trasgadh a dheanamh, am feadh a ta am fear nuadh-pòsda maille riu?

35 Ach thig na làithean an uair a bheir ear am fear nuadh-pòsda uatha; an sin ni iad trasgadh anns na làithibh sin.

36 Agus labhair e mar an ceudna cosamhlachd riu; Cha chuir neach air bith mìr a dh'eudach nuadh air sean eudach: no, reubaidh an t-eudach nuadh e, agus cha tig am mìr do'n eudach nuadh ris an t-sean eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus dòirtear e féin, agus caillear na searragan.

38 Ach is còir fion nuadh a chur ann an searragaibh nuadha; agus bithidh iad le chéile tèaruinte.

39 Agus cha 'n 'eil duine sam bith, air dha sean *fhion* òl, a dh'iarras air ball *fion* nuadh: oir their e, Is e an sean *fhion* a's fearr.

CAIB. VI.

1 *Chronich Criosd doille nam Phairiseach mu thimchioll coimhead na sàbaid, le sgrìobtur, le reuson, agus le mìorbhuil; 13 thagh e dà abstol deug; 17 shlànuich e muinntir a bha tinn.*

A GUS tharladh air a' cheud là sàbaid an dèigh an dara là do *fhéill na càisge*¹, gu'n deachaidh e troimh na h-achaibh arbhair; agus spion a dheisciobuil na diasan arbhair, agus dh'ith iad, an dèigh am bruthadh le'n làmhaidh.

2 Agus thubhairt cuid do na Phairisich riu, C'ar son a ta sibh a' deanamh an ni nach 'eil ceaduichte r'a dheanamh air làithibh na sàbaid?

3 Agus fhreagair Iosa iad, agus thubhairt e, Nach do leugh sibhs an ni so rinn Daibhidh, 'nuair a bha ocras air féin, agus orra-san a bha maille ris;

4 Cionnus a chaidh e steach do thigh Dhé, agus a ghabh e aran na fianuis², agus a dh'ith e féin, agus thug e mar an ceudna dhoibh-san a bha maille ris; ni nach 'eil ceaduichte itheadh ach do na sagartaibh a mhàin?

5 Agus thubhairt e riu, Is Tighearn Mac an duine air an t-sàbaid féin.

6 Tharladh mar an ceudna air sàbaid eile, gu'n deachaidh e steach do'n t-sion-agog, agus gu'n do theagaisg e; agus bha an sin duine, aig an robh a làmh dheas air seargadh.

7 Agus rinn na sgrìobhaichean agus na Phairisich faire, a dh'*fhuchainn* an leighiseadh e air an t-sàbaid; chum gu'm faigh eadh iad cuis-dhithidh³, na aghaidh.

8 Ach thuig esan an smuaintean, agus thubhairt e ris an duine aig an robh an làmh sheargta, Eirich, agus seas a mach sa' mheadhon. Agus dh'èirich esan, agus sheas e.

9 An sin thubhairt Iosa riu, Feòraichidh mise aon ni dhìbh; Am bheil e ceaduichte air làithibh na sàbaid maith a dheanamh, no olc? anam a shaoiradh, no a sgrìos?

10 Agus air dha amharc mu'n cuairt orra uile, thubhairt e ris an duine, Sin a mach do làmh. Agus rinn e sin: agus dh'aisigeadh a làmh slàn da mar an *làmh* eile.

11 Agus lìonadh iadsan do chutlach; agus labhair iad r'a chéile, ciod a dheanadh iad ri Iosa.

12 Agus anns na làithibh sin chaidh esan gu beinn a dheanamh urnuigh, agus bhuaicheadh e rè na h-oidhche ann an urnuigh ri Dia⁴.

13 Agus air teachd do'n là, ghairm e d'a ionnsuidh a dheisciobuil; agus thagh e dà fhear dheug asda, d'an do ghairm e Abstoil:

14 Simon, (a dh'ainmich e mar an ceudna Peadar,) agus Andreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas *mac Alpheus*, agus Simon d'an goirear Selotes,

16 Iudas *bràthair* Sheumais, agus Iudas Iscariot, esan a bha 'na fhear-brathaidh.

17 Agus thàinig e nuas leo, agus sheas e air ionad còmhnaidh, agus coimhthional a dheisciobul, agus buidhean mhòr-shluaigh o Iudea uile agus o Ierusalem, agus o chois fairge Thiruis agus Shidoin, muinntir a thàinig g'a éisdeachd, agus gu bhi air an leigheas o'n euslaintibh;

18 Agus iadsan a bha air am pianadh le spioradaibh neòghlan: agus leighiseadh iad.

19 Agus dh'iarr an sluagh uile beanntinn ris: oir chaidh cumhachd a mach as, agus shlànuich e iad uile.

20 Agus thog e suas a shùilean air a dheisciobuibh, agus thubhairt e, *Is* beannaichte *sibhs* ta bochd: oir is leibh rìoghachd Dhé.

21 *Is* beannaichte *sibhs* ta ocrach a nis; oir sàsuichear sibh. *Is* beannaichte *sibhs* ta caoidh a nis: oir gàiridh sibh.

22 *Is* beannaichte sibh, 'nuair a bheir daoine fuath dhuibh, agus a chuireas iad as an cuideachd sibh, agus a bheir iad cainnt mhaslach dhuibh, agus a thilgeas

¹ air an dara là sàbaid an dèigh na ceud sàbaid.

² an t-aran taisbeanta.

³ cuis-chasaid.

⁴ tigh-urnuigh Dhé.

iad a mach bhur n-ainm mar olc, air son Mhìc an duine.

23 Deanaibh-sa gairdeachas san là sin, agus leumaibh le h-aobhneas: oir feuch, is mòr bhur duais air nèamh: oir is ann mar sin a rinn an aithriche air na fàidhibh.

24 Ach is an-aobhinn duibhse ta saoihbhir: oir fhuair sibh bhur sòlas.

25 Is an-aobhinn duibhse ta sàitheach: oir bithidh ocras oirbh. Is an-aobhinn duibhse ta gàireachdaich a nis: oir ni sibh bròn agus gul.

26 Is an-aobhinn duibhse 'nuair a labhras daoine¹ maith umaibh: oir is ann mar sin a rinn an aithriche ris na fàidhibh bréige.

27 Ach a ta mi ag ràdh ribhse ta 'g éisdeachd, Gràdhaichibh bhur naimhde, deanaibh maith dhoibh-san le'm fuathach sibh;

28 Beannaichibh iadsan a ta 'gur mallachadh, agus deanaibh urnuigh air son na muinntir a ta buntuinn gu naimhdeil ribh.

29 Ris an ti a bhuaileas thu air aon ghial, cum an gial eile; agus do'n ti a bheir t'fhalluinn dhìot, na bac do chòta mar an ceudna.

30 Thoir do gach neach a dh'iarraas ort; agus o'n neach a bheir uait do mhaoin, na iarr air ais i.

31 Agus mar a b'àill leibh daoine a dheanainh dhuibh, deanaibh-sa mar an ceudna dhoibhsan.

32 Oir ma ghràdhaicheas sibh iadsan aig am bheil gràdh dhuibh, ciod am buidheachas a ta agaibh? oir gràdhaichidh peacaich féin an dream aig am bheil gràdh dhoibh.

33 Agus ma ni sibh maith do'n mhuinntir a ni maith dhuibh, ciod am buidheachas a ta agaibh? oir ni peacaich an ni so féin mar an ceudna.

34 Agus ma bheir sibh iasachd² dhoibhsan o'm bheil dùil agaibh ri fhaotainn a ris, ciod am buidheachas a ta agaibh? oir bheir peacaich féin iasachd do phacachaidh, chum gu'm faigh iad uiread a ris.

35 Ach gràdhaichibh-sa bhur naimhde, agus deanaibh maith, agus thugaibh iasachd, gun dùil a bhi agaibh ri ni sam bith 'na éiric³: agus bithidh bhur duais mòr, agus bithidh sibh 'nur cloinn do'n Tì a's àirde: oir a ta esan tabhartach dhoibhsan a ta mi-thaingeal agus olc.

36 Bithibh-sa uime sin tròcaireach, mar a ta bhur n-Athair tròcaireach.

37 Agus na tugaibh breth agus cha toir-eir breth oirbh: na dìtibh, agus cha dìtear sibh: thugaibh maithneas, agus bheirear maithneas dhuibh.

38 Thugaibh uairbh, agus bheirear dhuibh; deadh thomhas, air a gheinneadh, agus air a chrathadh ri chéile, agus a' cur thairis, bheir daoine ann bhur n-uchd; oir leis an tomhas le'n tomhais sibh, tomhaisear dhuibh a ris.

39 Agus labhair e cosamhlachd riu, Am feud an dall dall a threòrachadh? nach tuit iad le chéile⁴ ann an slochd?

40 Cha'n 'eil an deisciobul os ceann a mhaighstir: ach ge b'e neach a ta coimhlionta, bithidh e mar a mhaighstir.

41 Agus c'ar son a ta thu faicinn an smùirnein a ta an sùil do bhràthar, agus nach 'eil thu toirt fa'near an t-sail a ta ann do shùil féin?

42 No cionnus a dh'fheudas tu ràdh ri do bhràthar, A bhràthair, leig dhomh an smùirnein a thoirt á d' shùil, agus nach 'eil thu toirt fa'near an t-sail a ta ann do shùil féin? A chealgair, tilg a mach air tùs an t-sail as do shùil féin, agus an sin is léir dhuit gu soilleir an smùirnein a ta ann an sùil do bhràthar a thoirt aisde.

43 Oir cha deadh chraobh a bheir a mach droch thoradh: agus cha droch chraobh a bheir a mach deadh thoradh.

44 Oir aithnichear gach craobh air a toradh: oir cha tionail daoine fìgean do dhroighionn, no caoran fìona do'n fhicarr-dhris.

45 Bheir duine maith ni maith a mach á deadh ionmhas a chridhe; agus bheir droch dhuine ni olc a mach á droch ionmhas a chridhe: oir is ann á pailteas a chridhe a labhras a bheul.

46 Agus c'ar son a ghoireas sibh, a Thighearn, a Thighearn, dhiom-sa, agus nach dean sibh na nithe a ta mi ag ràdh?

47 Gach neach a thig a m' ionnsuidh-sa, agus a chluinneas mo bhriathra, agus a ni iad, feuchaidh mi dhuibh co ris is cosmhuil e:

48 Is cosmhuil e ri duine a thog tigh, agus a chladhaich domhain, agus a chuir a' bhunait air carraig: agus an uair a thàinig an tuil, bhual an sruth gu dian air an tigh sin, agus cha b'urraim e charachadh; oir bha e air a shuidheachadh⁵ air carraig.

49 Ach an ti a chluinneas, agus nach dean, is cosmhuil e ri duine a thog tigh air an talamh gun bhunait, air an do bhual an sruth gu dian, agus air ball thuit e; agus bu mhòr tuiteam an tìghe sin.

CAIB. VII.

1 *Leighis Crìosd seirbhiseach ceannaird-ceud.*

11 *Thog e mac na bantraich ann an Nàin o'n bhàs: i9 dhearb e do theachdairibh Eoin, le oibribh mìorbhuileach a rinn e 'nan làthair, gu'm b'e*

¹ na h-uile dhaoine.

² coingheall.

³ gun bhur dòchas a chall.

⁴ araon.

⁵ stéidheachadh.

fèin an Criosd a bha ri teachd; 24 nochd e do'n t-sluagh ciod i a bharail mu Eoin, &c.

ANIS an uair a chrìochnaich e a bhriathra-san uile ann an èisdeachd an t-sluaigh, chaidh e teachd do Chapernaum.

2 Agus bha seirbhiseach ceannaird-ceud àraidh, a b' ionnmhinn leis, gu tinn, agus ri h-uchd bàis.

3 Agus an uair a chual e mu Iosa, chuir e seanairean nan Iudhach d'a ionnsuidh, a' cur impidh air gu'n tigeadh e, agus gu'n leighiseadh e a sheirbhiseach.

4 Agus an uair a thàinig iad gu Iosa, ghuidh iad air gu dùrachdach, ag ràdh, Gu'm b'airidh e gu'n deanadh esan so dha:

5 Oir is toigh leis ar cinneach-ne, agus thog esan dhuinn sionagog¹.

6 Agus chaidh Iosa maille riu. Ach air dha bhi nis fagus do'n tigh, chuir an ceannard-ceud cairdean d'a ionnsuidh, ag ràdh ris, A Thighearn, na cuir dragh ort fèin; oir cha'n airidh mise gu'n rachadh tu teachd fo m' chleith:

7 Uime sin cha mhò a mheas mi gu'm b'airidh mi fèin air teachd a d' ionnsuidh: ach a *mhàin* abair am focal, agus slànuichear m' òglach.

8 Oir is duine mise fèin air mo chur fo ùghdarras, aig am bheil saighdeara fodham; agus their mi ris an fhear so, Imich, agus imichidh e; agus ri fear eile, Thig, agus thig e; agus ri m' sheirbhiseach, Dean so, agus ni se e.

9 Agus an uair a chual Iosa na nithe so, ghabh e iongantas ris, agus air tionndadh dha, thubhairt e ris an t-sluagh a lean e, A ta mi ag ràdh ribh, nach d'fhuair mi creidimh co mòr as so, aum an Israel fèin.

10 Agus air pilltinn air an ais do'n tigh do na teachdairibh a chuireadh d'a ionnsuidh, fhuair iad an seirbhiseach a bha tinn, slàn.

11 Agus tharladh, an là 'na dhéigh sin, gu'n deachaidh e chum baile d'an gairmear Nain; agus chaidh a dheisciobuil² maille ris, agus sluagh mòr.

12 A nis an uair a thàinig e am fagus do gheata a' bhaile, feuch, ghiùlaineadh a mach duine marbh, aon mhac a mhàthar, agus bu bhantrach: agus bha sluagh mòr do *mhuintir* a' bhaile maille rithe.

13 Agus an uair a chumnaic an Tighearn i, ghabh e truas dith, agus thubhairt e rithe, Na giùil.

14 Agus thàinig e agus bhean e ris a' ghiùlan³; (agus sheas iadsan a bha 'ga iomchar;) agus thubhairt e, O ganaich, a ta mi ag ràdh riut, érich.

15 Agus dh'éirich an duine bha marbh 'na shuidhe, agus thòisich e air labhairt: agus thug e d'a mhàthair e.

16 Agus ghlac eagall iad uile: agus thug iad glòir do Dhia, ag ràdh, Dh'éirich fàidh mòr 'nar measg-ne; agus, Dh'amhaire Dia air a shluagh fèin.

17 Agus chaidh an t-ìomradh so mach a'rsan air feadh Iudea uile, agus na dùthcha mu'n cuairt uile.

18 Agus dh'innis a dheisciobuil do Eoin mu thimchioll nan nithe sin uile.

19 Agus ghairm Eoin d'a ionnsuidh dithis àraidh d'a dheisciobluibh, agus chuir e iad gu Iosa, ag ràdh, An tusa esan a bha ri teachd, no m' bi sùil againn ri neach eile?

20 Agus air teachd do na daoineibh d'a ionnsuidh, thubhairt iad, Chuir Eoin Baiste sinne a d' ionnsuidh, ag ràdh, An tusa an ti a bha ri teachd, no 'm bi sùil againn ri neach eile?

21 Agus anns an uair sin fèin leighis e mòran o' n cuslaintibh agus o' m plàighibh, agus o' dhroch spioradaibh; agus thug e 'n radharc do mhòran a bha dall.

22 Agus fhreagair Iosa, agus thubhairt e riu, Imichibh-sa agus innsibh do Eoin na nithe a chumnaic agus a chual sibh, gu bheil na doill a' faicinn, na bacadh ag imeachd, na lobhair air an glanadh, na bodhair a' cluinntinn, na mairbh air an dùsgadh, an soisgeul air a shearmonachadh do na bochdaibh.

23 Agus is beannaichte esan nach faigh oibheuin annamsa⁴.

24 Agus an uair a dh'fhalbh teachd-airean Eoin, thòisich e air labhairt ris an t-sluagh mu thimchioll Eoin, Ciod an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

25 Ach ciod e an ni chaidh sibh a mach a dh'fhaicinn? an e duine air a sgeadachadh ann an eudach mùn? feuch, iadsan a ta sgeadaichte le eudach riomlach, agus a' caitheadh am beatha gu sòghail, is ann an cùirtibh nan rìghrean a ta iad.

26 Ach ciod e an ni chaidh sibh a mach a dh'fhaicinn? an e fàidh? seadh, a ta mi ag ràdh ribh, agus ni's mò na fàidh.

27 Is e so an ti mu'm bheil e sgrìobhlta, Feuch, cuiridh mi mo theachdair roimh do ghnùis, a dh'ulluicheas do shlighe romhad.

28 Oir a ta mi ag ràdh ribh, 'Nam measg-san a rugadh le mnaiibh, cha'n 'eil fàidh a's mò na Eoin Baiste: gidheadh an ti a's lugha ann an rìoghachd Dhé, is mò e na esan.

29 Agus dh'fhlèanaich am pobull uile a chual e, agus na cis-mhaoir, Dia, air dhoibh bhi air am baisteadh le baisteadh Eoin.

30 Ach chuir na Phairisich agus an

¹ thog esan ar sionagog. ² mòran d'a dheisciobluibh.

³ chiste mhairbh.

⁴ nach gabh oibheuin riom-sa.

luchd-lagha cùl ri comhairle Dhé d'an taobh féin, am feadh nach do bhaisteadh iad leis.

31 Agus thubhairt an Tighearna, Cò ris uime sin a shamhlacheas mi daoine a' gheinealach so? agus cò ris a ta iad cosmhuil?

32 A a iad cosmhuil ri cloinn a ta 'nan suidhe sa' mharbadh, agus a dh'èigheas r'a chéile, ag ràdh, Rinn sinne piobair-eachd dhuibh-sa, agus cha d'rinn sibhse danna: rinn sinne tuireadh dhuibh-sa, agus cha d'rinn sibhse gul.

33 Oir thàinig Eoin Baiste, cha'n ann ag itheadh arain, no ag òl fìona; agus their sibh, A ta deamhan aige.

34 Thàinig Mac an duine ag itheadh agus ag òl; agus their sibh, Feuch duine geòcach, agus pòitear-fìona, caraid chis-mhaor agus pheacach.

35 Ach a ta gliocas air a fìreanachadh le a cloinn uile.

36 Agus dh'iarr duine àraidh do na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh¹ e sìos chum bìdh.

37 Agus, feuch, an uair a fhuair bean anns a' bhaile, a bha 'na peacach, fios gu'n robh e 'na shuidhe aig biadh ann an tigh an Phairisich, thug i leatha bocsa alabastair làn do oladh chubhraidh.

38 Agus sheas i aig a chosaibh air a chùlaobh a' gul, agus thòisich i air a chosan a fhliuchadh le a deuraibh, agus thiorraich i iad le folt a cinn, agus phòg i a chosa, agus dh'ung i leis an oladh iad.

39 Agus an uair a chunnaic am Phairis-each, a thug cuireadh dha, so, labhair e ann féin, ag ràdh, Nam b'fhàidh an duine so, bhiodh fhios aige cò i a' bhean so a ta beantuinn ris, agus ciod is gnè dhi; oir is peacach i.

40 Agus fhreagair Iosa, agus thubhairt e ris, A Shimoin, a ta ni agam ri ràdh riut. Agus thubhairt esan, A mhaighstir, abair e.

41 Bha aig fear-fiacha àraidh dithis do fhéichneibh: bha aige air aon fhear cùig ceud peghinn, agus air an fhear eile leth-cheud.

42 Agus do bhrìgh nach robh aca ni leis an diòladh iad, mhaith e gu saor dhoibh araon. Innis dhomh-sa uime sin, cò dhiubh is mò a ghràdhaicheas e?

43 Agus fhreagair Simon agus thubhairt e, Is i mo bharail gur e an neach is mò d'an do mhaith e. Agus thubhairt e ris, Is ceart a thug thu breth.

44 Agus air tionndadh ris a' mhnai, thubhairt e ri Simon, Am faic thu a' bhean so? thàinig mi steach do d' thigh, cha d'thug thu dhomh uisge chum mo chos;

ach dh'ionnlaid ise mo chosa le deuraibh, agus thiorraich i iad le folt a cinn.

45 Cha d'thug thusa dhomh pòg: ach o thàinig ise² stigh, cha do sguir i a phòg-adh mo chos.

46 Cha d'ung thusa mo cheann le h-oladh: ach dh'ung ise mo chosa le h-oladh chubhraidh.

47 Uime sin a ta mi ag ràdh riut, Gu bheil a peacanna a ta lionmhor, air an maitheadh; air an aobhar sin³ ghràdh-aich i gu mòr: ach ge b'e neach d'am maithear beagan, bithidh a ghràdh beag.

48 Agus thubhairt e rithe, Tha do pheacanna air am maitheadh.

49 Agus thòisich iadsan a bha 'nansuidhe aig biadh maille ris, air a ràdh annta féin, Cò e so a ta eadhon a' maitheadh pheacanna?

50 Agus thubhairt e ris a' mhnai, Shlànuich do chreidimh thu; imich an sìth.

CAIB. VIII.

1 *Thritheil mnai do Chrìosd le am maoin. 4 An dèigh do Chrìosd scaroinn a dheanamh o àit gu h-àit, agus e air a leantuin le abstolaidh, labhair e cosamhlachd an t-sìoladair, 16 agus na coinne; 21 chuir e an cèill cò iad a mhàthair, agus a bhràithrean.*

AGUS tharladh an dèigh sin, gu'n d'imich esan troimh gach caithir agus baile, a' searmonachadh, agus a' cur an cèill soisgeil rìoghachd Dhé, agus an dà fhear dheug maille ris;

2 Agus mnai àraidh a leighiseadh o dhroch spioradaibh agus o euslaintibh, Muire d'an gairmear Magdalen, as an deachaidh seachd deamhain.

3 Agus Ioanna bean Chusa stiùbhaird Heroid, agus Susanna, agus mòran eile, a bha frithealadh dha le am maoin.

4 Agus an uair a chruinnich sluagh mòr, agus a thàinig iad as gach baile d'a ionnsuidh, labhair e ann an cosamhlachd:

5 Chaidh fear-cuir a mach a chur a shìl: agus ag cur da, thuit cuid ri taobh an rathaid; agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fàs da, shearg e, do bhrìgh nach robh sùgh aige.

7 Agus thuit cuid eile am measg droighinn, agus dh'fhàs an droighinn maille ris, agus thachd se e.

8 Agus thuit cuid eile air talamh maith, agus dh'fhàs e suas, agus thug e toradh uatha a cheud uiread *as a chuireadh*. Agus air dha na nithe sin a ràdh, ghlaodh e, Ge b'e aig am bheil cluasa chum éisd-eachd, éisdeadh e.

9 Agus dh'fhiosraich a dheisciobuil deth, ag ràdh, Ciod e an cosamhlachd so?

10 Agus thubhairt esan, Thugadh dhuibh-

sa eòlas fhaotainn air rùn dìomhair riogh-
achd Dhé; ach do chàch an cosamh-
lachdaibh, ionnus ag faicinn doibh nach
faiceadh iad, agus ag chuinntinn doibh
nach tuigeadh iad.

11 Ach is e so an cosamhlachd: Is e an
siol focal Dé.

12 Iadsan ri taobh an rathaid, is iad sin
a dh'éisdeas: 'na dhéigh siu a ta an
diabhul a' teachd, agus a' togail air falbh
an fhocail as an cridheachaibh, air eagal
gu'n creideadh iad agus gu'm biodh iad
air an saoradh.

13 An dream air a' charraig, *is iad sin
iadsan*, an uair a dh'éisdeas iad, a ghabhas
am focal d'an ionnsuidh le gairdeachas,
ach cha'n 'eil aca so freumh, *muinntir* a
chreideas rè tamuill, agus an àm buairidh
a ta tuitcam air falbh.

14 Agus an ni a thuit am measg droigh-
inn, is iad sin an dream a dh'éisdeas, agus
air dhoibh dol a mach, a ta iad air au
tachdadh le cùram, agus le saobhbreas,
agus le sàimh na beatha so, agus cha 'n
'eil iad a' toirt toraidh uatha chum foir-
feachd.

15 Ach an ni a thuit san talamh mhaith,
is iad sin iadsan, air dhoibh am focal éisd-
eachd, a ta 'ga choimhead ann an cridhe
treibh-dhireach agus maith, agus a' toirt
toraidh uatha la foighidinn¹.

16 Cha'n 'eil neach air bith, air dha
coinneal a lasadh, a dh'fholaicheas fo
shoitheach i, no chuireas fo leabaidh i:
ach cuiridh e ann an coinnleir i, chum
gu'm faic iadsan a thig a stigh an solus.

17 Oir cha 'n 'eil ni sam bith folaichte,
nach deanar follaiseach; no uaigneach,
nach aithnichear, agus nach tig am follais².

18 Air an aobhar sin thugaibh fa'near
cionnus a dh'éisdeas sibh: oir ge b'e neach
aig am bheil, bheirear dha; agus ge b'e
neach aig nach 'eil, bheirear uath eadhon
an ni sin a shaoilear a bhi aige.

19 An sin thàinig d'a ionnsuidh a mhàth-
air agus a bhràithre, agus cha b'urrainn
iad teachd am fagus da leis an dòmhlas.

20 Agus dh'inneadh dha le *dream
àraidh*, a thubhairt, Tha do mhàthair
agus do bhràithre 'nan seasamh a muigh,
ag iarraidh t'fhaicinn.

21 Agus fhreagair esan agus thubhairt
e riu, Is iad mo mhàthair agus mo bhràith-
rean iadsan a dh'éisdeas ri focal Dé, agus
a ni e.

22 Agus tharladh air là àraidh, gu'n
deachaidh e féin agus a dheisciobuil a
stigh do luing: agus thubhairt e riu,
Rachamaid thairis gu taobh thall an locha.
Agus chuir iad a mach o thir.

23 Ach ag seòladh dhoibh, thuit codal

airsan: agus thàinig ànradh³ gaoithe a
nuas air an loch, agus lionadh iad le
h-uisge, agus bha iad ann an gàbhadh.

24 Agus thàinig iad d'a ionnsuidh, agus
dhùisg iad e, ag ràdh, A mhaighstir, a
mhaighstir, tha sinn caillte! An sin dh'éir-
ich esan, agus chronuich e a' gaoth, agus
onfa an uisge: agus sguir iad, agus thàinig
feàth⁴ ann:

25 Agus thubhairt e riu, C'àit am bheil
bhuir creidimh? agus air dhoibh bhi fo
eagal, ghabh iad iongantais, ag ràdh r'a
chéile, Ciod a' ghné dhuine so? oir a ta e
toirt àithne do na gaothaibh, agus do'n
uisge féin, agus a ta iad umhal dha.

26 Agus thàinig iad air tìr aig dùthaich
nan Gadareneach, a ta thall fa chomhair
Ghalile.

27 Agus an uair a chaidh e mach air tìr,
choinnich duine àraidh as a' bhaile e, anns
an robh deamhain ré aimsir fhada, agus
aig nach biodh eudach uime, agus nach
fanadh ann an tigh, ach anns na h-àitibh-
adhlaid.

28 An uair a chunnaic e Iosa, ghlaodh e
mach, agus thuit e sìos 'na làthair, agus
thubhairt e le guth àrd, Ciod e mo ghnoth-
uch-sa riu, Iosa, a Mhic an Dé a's ro
àirde? guidheam ort, na pian mi.

29 (Oir bha e air toirt àithne do'n spiorad
neòghlan dol a mach as an duine. Oir
bu tric a rug e gu naimhdeil air: agus
cheangladh e le slabhruidhibh, agus
choimheadh an geimhlhb e; agus air
briseadh a chuibhreacha dha, dh'iomain-
eadh e leis an deamhan do'n fhàsach.)

30 Agus dh'fhiosraich Iosa dheth, ag
ràdh, Ciod is ainm dhuit? agus thubhairt
esan, Legion: do bhrìgh gu'n deachaidh
mòran dheamhan a steach ann.

31 Agus ghuidh iad air, gun àithne thoirt
doibh dol sìos do'n doimhneachd⁵.

32 Agus bha treud lionmhor mhuc an
sin, ag ìonaltradh air an t-slabh: agus
ghuidh iad air cead a thoirt doibh dol a
steach anna. Agus thug e cead doibh.

33 An sin air dol do na deamhnaibh a
mach as an duine, chaidh iad anns na
mucaibh: agus ruith an treud mhuc gu
dian sìos le bruthach⁶ do'n loch, agus
thachdadh⁷ iad.

34 Agus an uair a chunnaic an dream a
bha 'gam biadhadh an ni a rinneadh,
theich iad, agus dh'imis⁸ iad e anns a'
bhaile, agus anns an dùthaich.

35 Agus chaidh iadsan a mach a dh'fhaic-
inn an ni a rinneadh; agus thàinig iad gu
Iosa, agus fhuair iad an duine as an deach-
aidh na deamhain, 'na shuidhe aig cosaibh
Iosa, air eudachadh, agus c'na chéill:
agus ghabh iad eagal.

¹ seasmhachd.

² os àird.

³ doinionn, stoirm.

⁴ ciùine.

⁵ dubh-aigean.

⁶ leathad, àite corrach.

⁷ bhàthadh.

⁸ theich iad, (agus chaidh iad,) agus dh'imis.

36 Agus dh'innis an dream a chunnaic e dhoibh, cionnus a shlànucheadh an duine san robh na deamhain.

37 An sin dh'iarr muinntir dùthcha nan Gadareneach uile airsan imeachd uatha; oir ghlacadh le h-eagal mòr iad: agus chaidh e san luing, agus phill e air ais a ris.

38 A nis ghuidh an duine as an deachaidh na deamhain air, e féin a bhi maille ris: ach chuir Iosa uaith e, ag ràdh,

39 Pill do d' thigh féin, agus cuir an céill meud nan nithe a rinn Dia dhuit. Agus dh'imich e roimhe, ag innseadh gu follaiseach air feadh a' bhaile uile, meud nan nithe a rinn Iosa dha.

40 Agus tharladh, an uair a phill Iosa air ais, gu'n do ghabh an sluagh *gu toileach* ris: oir bha iad uile 'ga fheitheamh.

41 Agus, feuch, thàinig duine d'am b'ainm Iairus, a bha 'na uachdaran air an t-sionagag; agus thuit e aig cosaibh Iosa, agus ghuidh e air gu'n tigeadh e d'a thigh:

42 Do bhrìgh gu'n robh aon-ghin nighinn aige. mu thimchioll dà bhliadhna dheug, agus i faotainn a' bhàis. Ach air dha bhi 'g imeachd, bha'n sluagh 'ga theannadh.

43 Agus *thàinig* bean air an robh dòrtadh fola dà bhliadhna dheug, agus a chaith a beathachadh uile ri leighibh, agus nach b'urraim bhà air a leigheas le neach air bith,

44 Thàinig *ise* air a chùlaobh, agus bhean i ri iomall 'eudaich: agus sguir a dòrtadh fola air ball.

45 Agus thubhairt Iosa, Cò bhean rium? Air àicheadh do na h-uile, thubhairt Peadar ris, agus iadsan a bha maille ris, A mhaighstir, tha'n sluagh ga d' dhòmhlaichadh, agus ga d' theannadh, agus an abair thu, Cò bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agus an uair a chunnaic a' bhean nach robh i an ain-fhios¹, thàinig i air chrith, agus a' sleuchdadh dha, chuir i'n céill da, an làthair an t-sluaigh uile, e'ar son a bhean i ris, agus mar a shlànucheadh i gu grad.

48 Agus thubhairt esan rithe, A nighean, biodh misneach agad: shlànuch do chreidim thu; imich an sìth.)

49 Am feadh a bha e fathast a' labhairt, thàinig neach o *thigh* Uachdaran na sionagoig, ag ràdh ris, Tha do nighean marbh; na cuir dragh air a' mhaighstir.

50 Ach an uair a chual Iosa so, fhrèag-air se e, ag ràdh, Na biodh eagal ort: a

mhàin creid, agus bithidh i air a slànuchadh.

51 Agus an uair a chaidh e do'n tigh, cha do leig e le neach air bith dol a stigh, ach Peadar, agus Eoin, agus Seumas, agus athair agus màthair na uighinn.

52 Agus bha iad uile a' guil, agus a' deanamh caoidh air a son: ach thubhairt esan, Na guilibh; cha 'n 'cil i marbh, ach 'na codal.

53 Agus rinn iad gàire fanoid ris, do bhrìgh gu'n robh fhios aca gu'n robh i marbh.

54 Agus air dha an cur a mach uile, ghlac e air làimh i, agus ghlaodh e, ag ràdh, A nighean, éirich.

55 Agus thàinig a spiorad air ais, agus dh'éirich i air ball; agus dh'àithn e biadh a thoirt di.

56 Agus ghlac² uamhas mòr a pàrant-an³: ach thug esan àitlne dhoibh gun an ni a rinneadh innseadh do neach air bith.

CAIB. IX.

1 *Chuir Crìosd a mach 'abstoil a dh'òibreachadh mìorbhuile, agus a shearmonachadh. 7 Bha togradh aig Herod Crìosd fhaicinn. 17 Thug Crìosd lòn do chùig mìle gu mìorbhuileach, 22 dh'innis e 'fhuilangas roimh-laimh. 28 Atharrachadh a chrutha.*

A GUS ghairm e an dà fhear dheug⁴ an ceann a chéile, agus thug e cumhachd agus ùghdarras doibh air na h-uile dheamhaibh, agus a chum euslaintean a leigheas.

2 Agus chuir e mach iad a shearmonachadh rìoghachd Dhé, agus a shlànuchadh nan euslan.

3 Agus thubhairt e riu, Na tugaibh ni air bith leibh chum na slighe, bataiche, no màla, no aran, no airgid; ni mò bhios dà chòta aig gach fear agaibh.

4 Agus ge b'e air bith tigh d'an téid sibh a steach, fanaibh an sin, agus á sin rach-aibh a mach⁵.

5 Agus cò air bith iad nach gabh ribh, air dhuibh dol a mach as a' bhaile sin, crathaibh dhìbh cadhnan dustach o bhuir cosaibh mar fhianuis 'nan aghaidh.

6 Agus chaidh iadsan a mach, agus ghabh iad troimh na bailtibh, a' searmonachadh an t-soisgeil, agus a' leigheas anns gach àit.

7 Agus chual Herod an Tetrarc na h-uile nithe a rinneadh leis: agus bha e an imcheist, do bhrìgh gu'n dubhradh le cuid, gu'n robh Eoin air éirigh o na marbhaibh;

8 Agus le cuid, gu'n d'fhoillsichadh Elias; agus le cuid eile, gu'n robh aon do na sean fhàidhibh air éirigh a ris.

9 Agus thubhairt Herod, Thug mise an

¹ am folach.

² ghabh.

³ a gintirean.

⁴ a dhà dheisciobul deug.

⁵ fanaibh an sin agus an fàg sibh an t-àit.

LUCAS, IX.

ceann do Eoin: ach cò e am fear so mu m' bheil mi cluinnim¹ a leithid so do nithibh? Agus dh'iarr e fhaicinn.

10 Agus air pilltinn do na h-abstolaibh, dh'innis iad dha gach ni a rinn iad. Agus thug e leis iad, agus chaidh e fa leth gu àite fàsail, a bhuineadh do'n bhaile d'an goirear Betsaida.

11 Agus an uair a fhuair an sluagh fios air, lean iad e: agus ghabh e d'a ionn-suidh iad, agus labhair e riu mu thimchioll rìoghachd Dhé, agus leighis e iadsan aig an robh feum air leigheas.

12 Agus an uair a thoisich an là air teircachdainn, thàinig an dà fhear dheug, agus thubhairt iad ris, Cuir air falbh an sluagh, chum gu'n téid iad do na bailtibh agus do'n tìr mu'n cuairt, agus gu'n gabh iad tàmh agus gu'm faigh iad biadh; oir tha sinn an so an àite fàsail.

13 Ach thubhairt esan riu, Thugaibh-sa dhoibh ni r'a itheadh. Agus thubhairt iadsan, Cha'n eil againn tuilleadh na cùig builinnean agus dà iasg: mur téid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobhuibh, Cuiribh² nan suidhe iad, leth-cheud anns gach cuideachd.

15 Agus rinn iad mar sin, agus chuir iad³ nan suidhe iad uile.

16 Agus ghabh e na cùig builinnean agus an dà iasg, agus air amharc suas gu neamh, bheannaich e iad, agus bhris e, agus thug e d'a dheisciobhuibh iad gu'n cuir an làthair an t-shuaigh.

17 Agus dh'ith iad, agus shànuicheadh iad uile: agus thogadh dà chliabh dheug do bhiadh briste, a bha dh'fhuigheall aca.

18 Agus tharladh, air dha bhì ri urnuigh fa leth, gu'n robh a dheisciobuil maille ris: agus dh'fheòraich e dhiubh, ag ràdh, Cò tha an sluagh ag ràdh is mise?

19 Fhreagair iadsan agus thubhairt iad, Eoin Baiste: ach *tha* cuid ag ràdh Elias: agus cuid eile, gu bheil aon do na sean fhàidhibh air éirigh a ris.

20 Thubhairt e riu, Ach cò tha sibhse ag ràdh is mi? Agus fhreagair Peadar, agus thubhairt e, Criosd Dhé.

21 Agus air dha sparradh teann a thoirt doibh, dh'àithn e gu iad a dh'innseadh so do neach sam bith;

22 Ag ràdh, Gur éigin do Mhac an duine mòran fhulang, agus a bhì air a dhiùltadh leis na seanaibh, agus na h-àrd-shagart-aibh, agus na sgrìobhaichibh, agus a bhì air a chur gu bàs, agus air a thogail suas air an treas là.

23 Agus thubhairt e riu uile, Ma's àill le neach air bith teachd a'm⁴ dhéigh-sa,

àicheadhadh se e féin, agus togadh e a chramn-ceusaidh gach là, agus leanadh e mise.

24 Oir ge b'e neach le'm b'àill 'anam a thearnadh, caillidh se e: ach ge b'e neach a chailleas 'anam air mo sgàth-sa, saoraidh esan e.

25 Oir ciod e an tairbhe do dhuine, ged chosnadh e an saoghal gu h-iomlan, agus e féin a chall, no bhì air a sgrios?

26 Oir ge b'e neach a ghabhas nàire dhiom-sa agus do m' bhriathraibh, gabhaidh Mac an duine nàire dheth-san, an uair a thig e 'na ghloir féin, agus an glòir 'Athar, agus nan aingeal naomha.

27 Ach a ta mise ag ràdh ribh gu fìrinn-each, gu bheil cuid 'nan seasamh an so, nach blais bàs, gus am faic iad rìoghachd Dhé.

28 Agus tharladh, mu thimchioll ochd làithean an déigh nam briathra so⁵, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh urnuigh.

29 Agus an uair a bha e ri urnuigh, bha dreach a ghluaise air atharrachadh, agus rinneadh 'eudach geal agus dealrach.

30 Agus, feuch, bha dithis fhear a' còmhradh ris, eadhon Maois agus Elias,

31 A nochdadh ann an glòir, agus a bha labhairt m'a bhàs³, a bha esan gu choimh-ionadh ann an Ierusalem.

32 Ach bha Peadar, agus iadsan a bha maille ris, trom 'nan codal: agus an uair a dhùisg iad, chunnaic iad a ghloir, agus an dithis fhear a bha 'nan seasamh maille ris.

33 Agus an uair a bha iadsan a' dealachadh ris, thubhairt Peadar ri Iosa, A mhaighstir, is maith dhuime bhì an so; agus deanamaid tri pàilliuma⁴, aon duitse, agus aon do Mhaois, agus aon do Elias; gun fhios aige ciod a bha e ag ràdh.

34 Am feadh a bha e ag ràdh so, thàinig neul, agus chuir e sgàile orra: agus ghabh iad eagal an uair a bha iad a' dol a stigh san neul.

35 Agus thàinig guth as an neul, ag ràdh, Is e so mo Mhac gràdhach-sa; éisdibh ris.

36 Agus an uair a rinneadh an guth so, fhuaradh Iosa 'na aonar: agus dh'fhan iadsan 'nan tosd, agus cha d'innis iad do neach air bith, anns na làithibh sin, aon ni do na chunnaic iad.

37 Agus tharladh, an là 'na dhéigh sin, an uair a thàinig iad a nuas o'n bheinn, gu'n do thachair sluagh mòr air.

38 Agus, feuch, ghlaodh duine àraidh do'n t-sluagh, ag ràdh, A mhaighstir, tha mi a' guidhe ort, amhaire air mo mhac, oir is e m'aon duine cloinne e⁵.

¹ mu'n cluinnem. ² nan nithe so. ³ m'a shiubhal.

⁴ bothain.

⁵ is e m'aon ghlin e.

39 Agus, feuch, a ta spiorad a' breith air, agus a ta e gu h-obann ag éigheach; agus a ta e 'ga tharruing as a chéile, air clor as gu bheil e cur cobhair a mach, agus an déigh a chomh-bhruthadh is gann a dh'fhàgas se e.

40 Agus ghuidh mi air do dheisciobluibh gu'n cuireadh iad a mach e, agus cha b'urraim iad.

41 Agus fhreagair Iosa agus thubhairt e, O ghinealaich mhi-chreidich agus fhiair¹, cia fhad a bhios mi maille ribh, agus a dh'fhuilgeas mi sibh? Thoir an so do mhac.

42 Agus am feadh a bha e fathast a' teachd, thilg an deamhan sìos e, agus reub se e: agus chronuich Iosa an spiorad nèoghlan, agus shlàutuich e an leanabh, agus thug e d'a athair e.

43 Agus ghabh iad uamhas uile ri mòr-chumhachd Dhé. Ach air dh'èirich uile bhì gabhail iongantais ris na h-uile nithibh a rinn Iosa, thubhairt e r'a dheisciobluibh,

44 Taisgibh na briathra so ann bhur cluasaibh: oir tha Mac an duine gu bhì air a thoirt thairis do làmhaidh dhaoine.

45 Ach cha do thuig iadsan an còmhradh so, agus bha e folaichte uatha air chor as nach b'aithe dhoibh e²: agus b'eagalach leo ceisd a chur air mu thimchioll a' còmhraidh so.

46 An sin dh'èirich deasboireachd eatorra, cò aca bu mhò a bhlitheadh.

47 Agus air do Iosa smuaintean an cridhe fhaicinn, ghabh e leanabh, agus chuir e làimh ris féin e,

48 Agus thubhairt e riu, Ge b'e ghabhas ris an leanabh so ann am ainm-sa, tha e a' gabhail rium-sa: agus ge b'e neach a ghabhas rium-sa, tha e gabhail ris an tì a chuir uaith mi: oir an neach a's lugha 'nur measg-sa uile, bithidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraidha' tilgeadh mach dheamhan a' d'ainm-sa; agus bhac sinn e, a clionn nach 'cìl e 'gar leantuinn-ne.

50 Agus thubhairt Iosa ris, Na bacadh e: oir ge b'e nach 'eil 'nar n-aghaidh, tha e leinn.

51 A nis, an uair a choimhlionadh làithean a ghabhail suas, shuidhich e a ghnùis chum dol gu Ierusalem;

52 Agus chuir e teachdairean roimh a ghnùis: agus dh'imich iad, agus chaidh iad a steach do bhaile leis na Samaritanach, a dh'ulluchadh air a shon-san.

53 Agus cha do ghabh iadsan ris, a chionn gu'n robh 'aghaidh mar gu'm biodh e dol gu Ierusalem.

54 Agus an uair a chunnaic a dheisciob-

uil Seumas agus Eoin so, thubhairt iad, A Tighearn, an àill leat gu'n abramaid³ teine a theachd a nuas o nèamh, agus an losgadh, eadhon mar a rinn Elias?

55 Ach thionndaidh esan agus chronuich e iad, agus thubhairt e, Cha'n 'eil fhios agaibh cìod a' ghnè spioraid d'am bheil sibh:

56 Oir cha d'fhàinig Mac an duine a sgrios anama dhaoine, ach g'an saoradh. Agus chaidh iad gu baile eile.

57 Agus tharladh, an uair a bha iad ag imeachd air an t-slighe, gu'n dubhairt duine àraidh ris, A Tighearn, leanaidh mise thu ge b'e àit an téid thu.

58 Agus thubhairt Iosa ris, Tha tuill⁴ aig na sionnach, agus nid aig eunlaith an athair; ach cha'n 'eil àit aig Mac an duine anns an cuir e a cheann fuidhe.

59 Agus thubhairt e ri duine eile, Lean mise: ach thubhairt esan, A Tighearn, leig dhomh dol air tùs agus m'athair adhlac.

60 Ach thubhairt Iosa ris, Leig leis na mairbh am mairbh féin adhlac; ach imich thusa agus searmonaich rioghachd Dhé.

61 Agus thubhairt neach eile mar an ceudna, A Tighearn, leanaidh mise thu: ach leig dhomh air tùs mo chead a ghabhail diubhsan a ta aig mo thigh.

62 Ach thubhairt Iosa ris, Cha'n 'eil neach air bith, a chuireas a làmh ris a' chrann-araidh, agus a sheallas 'na dhéigh, iomchuidh air son rioghachd Dhé.

CAIB. X.

1 Chuir Crìosd a mach dh'aon uair deich agus trì fichead deisciobul a shearmonachadh; 17 dh'iarr e orra bhì iriosal, agus dh'imnis e dhoibh cìod e an nì anns am buineadh dhoibh gairdeachas a dheanamh. 41 Chronuich e Marta.

AN déigh nan nithe sin, dh'orduich an Tighearna mar an ceudna deichnear agus trì fichead eile, agus chuir e lìon dithis agus dithis roimh a ghnùis iad, do gach baile, agus àit, anns an robh e féin gu teachd.

2 Air an aobhar sin thubhairt e riu, Tha am fogharadh gu fìrinnach mòr, ach a ta an luchd-oibre tearc: guidhibh uime sin air Tighearn an fhogharaidh, luchd-oibre chur a mach chum 'fhogharaidh féin.

3 Imichibh: feuch, a ta mise 'gur cur a mach mar uain am measg mhadadh-alluidh.

4 Na giùlainibh sporan, no màla, no brògan; agus na beannaichibh do neach air bith san t-slighe.

5 Agus ge b'e tigh d'an téid sibh a steach, abraibh air tùs, Sìth do'n tigh so.

6 Agus ma bhios mac na sìthe an sin gabhaidh bhur sìth còmhnuidh air: ach

¹ choirbte. ² chum nach mothaicheadh iad e.

³ orduicheamaid.

⁴ garaidh, brochuidh.

mur bi, pillidh *bhur sìth* do bhur n-ionn-suidh¹ féin a ris.

7 Agus fanaibh anns an tigh sin, ag itheadh agus ag òl nan nithe a bheirear dhuibh: oir is airidh an t-oibriche air a thuarasdal. Na rachaibh o thigh gu tigh.

8 Agus ge b'e baile d'an téid sibh a steach, agus san gabh iad ribh, ithibh na nithe sin a chuireas iad 'nur làthair.

9 Agus leighisibh a' mhuinntir a ta euslan ann, agus abraibh riu, Tha rioghachd Dhié air teachd am fagus duibh.

10 Ach ge b'e baile d'an teid sibh a steach, agus nach gabh iad ribh, air dhuibh dol a mach air a shràidibh, abraibh,

11 Eadhon duslach bhur baile a lean ruinn, tha sinne a' glanadh dhinn 'nur n-aghaidh-sa; gidheadh, biodh fhios so agaibh gu'n do dhruid rioghachd Dhié ribh.

12 Ach a ta mise ag ràdh ribh, gur so-ionmhaire a bhithas e do Shodom san là ud, na do'n bhaile sin.

13 Is an-aoibhinn duit, a Chorasin! is an-aoibhinn duit, a Bhetsaida! oir nam bithheadh na h-oibre cumhachdach a rinn-eadh annaibh-sa air an deanamh ann an Tirus agus ann an Sidon, is fad o'n a dheanadh iad aithreachas, 'nan suidhe ann an saic-eudach agus ann an luaithe.

14 Ach bithidh e ni's so-ionmhaire² do Thirus agus do Shidon anns a' bhreith-eanas, na dhuibh-sa.

15 Agus thusa, a Chapernaum, a ta air t'àrdachadh gu nèamh, tilgear sìos gu h-ìfrinn thu.

16 Esan a dh'éisdeas ribhse, éisidh e rium-sa: agus esan a dhiùltas sibhse, tha e ga mo dhiùltadh-sa: agus an neach a dhiùltas mise, tha e a' diùltadh an ti a chuir uaith mi.

17 Agus phill an deichnear agus an tri fichead le gairdeachas, ag ràdh, a Thigh-earn, a ta na deamhain féin fo smachd againne troimh t'ainm-sa.

18 Agus thubhairt e riu, Chunnaic mi Satan, mar dhealanach, a' tuiteam o nèamh.

19 Feuch, a ta mi toirt dhuibh cumhachd saltair air nathraichibh, agus air scorpionaibh, agus air uile neart an nàmhaid; agus cha ghoirtich ni air bith air aon dòigh sibh.

20 Gidheadh na deanaibh gairdeachas air son gu bheil na spioraid fo bhur smachd; ach deanaibh gairdeachas air son gu bheil bhur n-ainmean sgrìobhta anns na nèamhaibh.

21 Anns an uair sin féin rinn Iosa gairdeachas 'na spiorad, agus thubhairt e, Tha mi toirt buidheachais duit, O Athair, a

Thighearn nèimh agus talmhainn, air son gu'n d'fholaich thu na nithe sin o *dhaoinibh* glice agus tuigseach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithe air an tabhairt domh-sa le m' Athair: agus cha'n aithne do neach air bith cò e am Mac, ach do'n athair; no cò e an t-athair ach do'n Mhac, agus an neach d'an àill leis a' Mhac fhoillseachadh.

23 Agus air tionndadh r'a dheiscioblaibh, thubhairt e riu an uaignidheas, Is beannaichte na sùilean a chi na nithe ta sibhse a' faicinn:

24 Oir a ta mi ag ràdh ribh, Gu'm b'iomadh fàidh agus righ, le'm bu mhiann na nithe fhaicinn a ta sibhse a' faicinn, agus nach fac *iad*; agus na nithe a chluinntinn, a ta sibhse a' chluinntinn, agus nach cual *iad*.

25 Agus, feuch, sheas fear-lagha àraidh suas, 'ga dhearbhadh³, agus ag ràdh, A mhaighstir, ciod a ni mi chum gu sealbh-aich mi a' bheatha mhaireamach?

26 Agus thubhairt e ris, Ciod a tha sgrìobhta san lagh? cionnus a leughas tu?

27 Agus ag freagairt dasan, thubhairt e, Gràdhaichidh tu an Tighearna do Dbia le d'uile chridhe, agus le d'uile anam, agus le d'uile neart, agus le d'uile inn-tinn; agus do choimhearsnach mar thu féin.

28 Agus thubhairt esan ris, Is ceart a fheagair thu: dean-sa so, agus bithidh tu beò.

29 Ach air dhasan toil a bhi aige e féin fhìreanachadh, thubhairt e ri Iosa, Agus cò e mo choimhearsnach?

30 Agus fheagair Iosa, agus thubhairt e, Chaidh duine àraidh sìos o Ierusalem gu Iericho, agus thuit e am measg luchd-reubainn⁴, agus air dhoibh a rùsgadh, agus a lotadh, dh'imich iad rompa, air fhàgail-san doibh leth-mharbh.

31 Agus tharladh, gu'n d'imich sagart àraidh sìos air an t-slighe sin: agus an uair a chunnaic se e, ghabh e seachad air an taobh eile.

32 Agus mar an ceudna, air do Lebhith-each bhi dlùth do'n ionad sin, thàinig e agus dh'amhaire e *air*, agus ghabh e seachad air an taobh eile.

33 Ach air do Shamaritanach àraidh bhi gabhail an rathaid, thàinig e far an robh esan: agus an uair a chunnaic se e, ghabh e truas mòr *deth*,

34 Agus thàinig e d'a ionnsuidh, agus cheangail e suas a chreuchdan, a' dortadh oladh agus fìona anna, agus chuir e air

¹ *thugaibh.*

² *so-fhulainge.*

³ *'ga bhuaireadh.*

⁴ *chreachadairean.*

'ainmhlidh féin e, agus thug e gu tigh-
òsda e, agus ghabh e cùram dheth.

35 Agus air an là màireach, 'nuair a
dh'fhalbh e, thug e mach dà phcghinn
Romhanach, agus thug e do fhear an
tigh-òsda *iad*, agus thubhairt e ris, Gabh
cùram dheth; agus ge b'e ni tuilleadh a
chaitheas tu, an tràth philleas mise air
m'ais, dlòlaidh mi dhuit e.

36 Cò a nis do'n triuir so, a shaoileas tu,
bu choimhearsnach dhasan a thuit am
measg an luchd-reubainn?

37 Agus thubhairt esan, An ti a rinn
tròcair air. An sin thubhairt Iosa ris.
Imich thusa, agus dean mar an ceudna.

38 Agus ag imeachd dhoibh, chaidh e
steach do bhaile àraidh; agus ghabh bean
àraidh, d'am b'ainm Marta, d'a tigh
féin e.

39 Agus bha piuthar aice d'an goirte
Muire, a shuidh aig cosaibh Iosa, agus a
bha 'g éisdeachd 'fhocail.

40 Ach bha Marta air a ro chùradh le
mòran frithealaidh, agus air seasamh dhi
'na làthair, thubhairt i, A Thighearn,
nach 'eil suim agad gu'n d'fhàg mo
phiuthar mise a'm' aonar ri frithealadh?
uime sin abair rithe cuideachadh leam.

41 Agus fhreagair Iosa, agus thubhairt
e rithe, a Mharta, a Mharta, tha thusa làn
cùram, agus dragha mu thimchioll mòrain
do nithibh:

42 Ach a ta aon ni feumail. Agus rinn
Muire roghainn do'n chuid mhaith sin,
nach toirear uaipe.

CAIB. XI.

1 *Theagaisg Criosd d'a dheisciobluibh urnuigh a dheanamh gu bithchionta.* 14 *Thilg e mach deamhan a bha balbh, agus chronuich e na Phairisich air son an toibheim.* 28 *Nochd e cò iad a ta beannaichte.*

AGUS tharladh air dha bhi ann an
ionad àraidh ri h-urnuigh, 'nuair a
sguir e, gu'n dubhairt neach àraidh d'a
dheisciobluibh ris, A Thighearna, teagaisg
dhuinne urnuigh a dheanamh, mar a
theagaisg Eoin d'a dheisciobluibh féin.

2 Agus thubhairt e riu, 'Nuair a ni sibh
urnuigh, abraibh, Ar n-Athair a ta air
nèamh, Gu naomhaichear t'ainm. Thig-
cadh do rìoghachd. Deanar do thoil, mar
air nèamh, gu ma h-amhluidh sin air thal-
amh.

3 Thoir dhuinn o là gu là ar n-aran
lathail.

4 Agus maith dhuinn ar peacanna: oir
a ta sinne féin a' maitheadh do gach aon
air am bheil fiachan againn. Agus na
lcig ann am buaireadh sinn, ach saor sinn
o'n olc.

5 Agus thubhairt e riu, Cò agaibh-sa aig
am bi caraid, agus a theid d'a ionnsuidh

air mheadhon-oidhche, agus a their ris, A
charaid, thoir dhomh trì builinnean air
iasachd;

6 Oir thàinig caraid dhomh a m' ionn-
suidh as a shlighe, agus cha 'n 'eil ni
agam a chuireas mi 'na làthair:

7 Agus gu'm freagair esan o'n taobh a
stigh agus gu'n abair e, Na cuir dragh
orm: tha 'n dorus a nis air a dhùnadh,
agus tha mo chlan maille rium san
leabaidh; cha'n fhaigh mi éirigh agus an
toirt duit.

8 A ta mi ag ràdh ribh, Ged nach éirich
e agus nach toir e dha, air son gur e a
charaid e; gidheadh air son a liosdachd¹,
éiridh e agus bheir e dha mhead as a ta
dh'uireasbhuidh air.

9 Agus a ta mise ag ràdh ribh, Iarraibh,
agus bheirear dhuibh: sibh, agus gheibh
sibh; buailibh an dorus, agus fosgailear
dhuibh.

10 Oir gach neach a dh'iarras, glacaidh
e: agus an ti a shireas, gheibh e: agus
do'n ti a bhuailas, fosgailear.

11 Ma dh'iarras mac aran air aon neach
agaibh-sa ta 'na athair, an toir e dha
clach? no ma dh'iarras e iasg, an toir e
nathair dha an àit éisg?

12 No ma dh'iarras e ubh, an toir e scor
pion da?

13 Air an aobhar sin, ma's aithne dhuibh
sa a ta olc, tiodhlacan maithe a thoirt do
'ur cloinn, nach mòr is mò na sin a bheir
bhur n-Athair nèamhaidh an Spiorad
naomh dhoibh-san a dh'iarras air e?

14 Agus bha e tilgeadh a mach deamh-
ain, agus bha e balbh. Agus air dol do'n
deamhan a mach, labhair am balbhan;
agus ghabh an sluagh iongantas.

15 Ach thubhairt cuid diubh, Is ann
troimh Bheelsebub ceannard² nan deamh-
an a ta e tilgeadh mach dheamhan.

16 Agus dh'iarr dream eile dliubh, 'ga
dhearbhadh, comhar air o nèamh.

17 Ach air dhasan an smuaintean a
thuigsinn, thubhairt e riu. Gach rìoghachd
a ta roinnte 'na h-aghaidh féin, fàsaichear
i; agus gach tigh a ta roinnte 'na agh-
aidh féin, tuitidh e.

18 Agus ma tha Satan mar an ceudna air
a roinn 'na aghaidh féin, cionnus a sheasas
a rìoghachd? oir tha sibhse ag ràdh, gu
bheil mise troimh Bheelsebub a' tilgeadh
a mach dheamhan.

19 Agus ma 's ann troimh Bheelsebub
a ta mise a' tilgeadh mach dheamhan, cò
e troimh am bheil bhur clann-sa 'gan
tilgeadh mach? uime sin bithidh iadsan
'nam breitheamhnaibh oirbh.

20 Ach ma 's ann le mèur Dhé a ta mise
a' tilgeadh mach dheamhan, tha rìoghachd
Dhé, gun teagamh, air teachd oirbhse.

¹ dhian-iarrtachd.

² prionnsadh, ceann-feadhma.

21 'Nuair a ghleidheas duine làidir fo armaibh a thalla' féin, tha na bhuineas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith 'armachd uile anns an robh a dhòigh, agus roinnidh e a chreach.

23 An neach nach 'eil leam-sa, tha e a'm' aghaidh; agus an neach nach 'eil a' cruinneachadh leam-sa, sgapaidh e.

24 'Nuair a théid an spiorad neòghlan a mach á duine, imichidh e troimh ionad-aibh tiorra, ag iarraidh foise: agus an uair nach faigh e sin, their e, Pillidh mi dh'ionnsuidh mo thighe as an d' thàinig mi.

25 Agus air dha teachd, gheibh se e air a sguabadh agus air a dheanamh mais-each.

26 An sin imichidh e, agus bheir e leis seachd spioraid eile a's miosa na e féin; agus air dhoibh dol a steach, gabhaidh iad comhnuidh an sin: agus bithidh deir-eadh an duine sin nì's miosa na a thoiseach.

27 Agus an uair a bha e labhairt nan nithe so, thog bean àraidh do'n t-sluagh a guth, agus thubhairt i ris, Is beannaichte a' bhrù a ghiùlain thu, agus na ciochan a dheoghail thu.

28 Ach thubhairt esan, Is mò gur beannaichte iadsan a dli'éisdeas ri focal Dé, agus a choimhideas e.

29 Agus an uair a chruinnich an sluagh gu tiugh *d'a ionnsuidh*, thòisich e air a ràdh, Is droch ghinealach so: tha iad ag iarraidh comhara; agus cha toirear comhara dhoibh, ach comhara Ionais an fhàidh.

30 Oir mar a bha Ionas 'na chomhara do mhuinntir Ninebheh, is ann mar sin mar an ceudna bhios Mac an duine do'n ghinealach so.

31 Eiridh ban-righinn na h-àirde deas suas anns a' bhreitheanas maille ri daoineibh a' ghinealach so, agus dididh i iad: oir thàinig ise o iomallaibh na talmhainn, a dh'éisdeachd ri gliocas Sholaimh; agus, feuch, *a ta nì's mò* na Solamh an so.

32 Eiridh muinntir Ninebheh suas anns a' bhreitheanas maille ris a' ghinealach so, agus dididh iad e: oir rinn iadsan aithreachas le searmoin Ionais; agus, feuch, *a ta nì's mò* na Ionas an so.

33 Cha 'n eil neach sam bith, air dha coinneal a lasadh, a chuireas am folach i, no fu shoitheach; ach ann an coinneir, chum gu'm faic an dream a thig a stigh an solus.

34 Is i an t-sùil solus a' chuirp: uime sin an uair a bhios do shùil glan, bithidh do chorp uile làn soluis: ach an uair a

bhios do shùil olc, bithidh do chorp ma an ceudna dorch.

35 Uime sin thoir an aire, nach bi an solus a ta annad 'na dhorchadas.

36 Air an aobhar sin, ma bliitheas do chorp uile soillseach, gun chuid sam bith d'heith dorch, bithidh e soillseach gu h-ìomlan, mar an uair a shoillsicheas coinneal thu le dealradh.

37 Agus a' labhairt dhasan, dh'iarr Phairiseach àraidh air a dhinneir a ghabhail maille ris: agus chaidh e stigh, agus shuidh e chum bith.

38 Agus an uair a chunnaic am Phairiseach *sin*, b'ìoghnadh leis nach d'ionnlaid se e féin roimh a dhinneir.

39 Agus thubhairt an Tighearna ris, A nis, Phairiseacha, glanaidh sibhse an taobh a muigh do'n chupan agus do'n mhèis: ach a ta 'n taobh a stigh dhiubh làn do reubainn agus do aingidheachd.

40 Amadana, an ti a rinn an nì a ta 'n taobh a muigh, nach do rinn e an nì a ta 'n taobh a stigh mar an ceudna?

41 Ach thugaibh uaibh déire do na nithibh a ta agaibh: agus, feuch, a ta na h-uile nithe glan duihbh.

42 Ach is an-aoibhinn duihbh, Phairiseacha: oir a ta sibh a' toirt deachaimh á mionnt, agus á rù, agus as gach uile gnè luibhean, agus a' gabhail thairis air breitheanas agus air gràdh Dhé: bu chòir dhuibh iad so a dheanamh, agus gun iad sud fhàgail gun deanamh.

43 Is an-aoibhinn duihbh, Phairiseacha: oir is ionmhuinn leibh na ceud àiteachasuidhe anns na sionagogaibh, agus fàilte *fhaoitinn* air na margaibh.

44 Is an-aoibhinn duihbh, a sgrìobhaichean agus Phairiseacha, a chealgairean: oir a ta sibh mar uaighean nach faicear, agus do nach toir na daoine a ta 'g im-eachd thairis orra, an aire.

45 Agus fhreagair duine àraidh do'n luchd-lagha, agus thubhairt e ris, A mhaighstir, le so a labhairt, tha thu toirt maslaidh dhuinne mar an ceudna.

46 Agus thubhairt esan, Is an-aoibhinn dhuibh-sa mar an ceudna, a luchd-lagha: oir a ta sibh a' cur uallacha troma doghiùlan air daoineibh, agus cha bhean sibh féin ris na li-uallaichibh le h-aon do bhr mèuraibh.

47 Is an-aoibhinn duihbh: oir a ta sibh a' togail àitean-adhlaic nam fàidhean, agus is iad bhr n-aithriche a mharbh iad.

48 Gu deimhin a ta sibh a' toirt fianuis gu bheil sibh ag aontachadh le gnìomhar-aibh bhr n-aithriche: oir mharbh iadsan gu deimhin iad, agus ta sibhse a' togail an àitean-adhlaic.

49 Air an aobhar sin thubhairt gliocas Dé, Cuiridh mise fàidhean, agus abstoil d'an ionnsuidh, agus *cuid* duihb marbh-

aith iad, agus *cuid eile* geur-leanaidh iad :
50 Chum gu'n agrar air a' ghinealach so fuil nam fàidhean uile a dhòirteadh o thoiseach an domhain ;

51 O fhuil Abeil gu fuil Shachariais, a mhillleadh eadar an altair agus an team-pull : gu deimhin a ta mi ag ràdh ribh, gu'n agrar i air a' ghinealach so.

52 Is an-aobhinn duibh, a luchd-lagha : oir thug sibh air falbh iuchair an eòlais : cha deachaidh sibh féin a steach, agus an dream a bha dol a steach, bhac sibh iad.

53 Agus an uair a bha e labhairt nan nithe so riu, thòisich ua sgrìobhaichean agus na Phairisich air a chur thuige gu dian, agus a tharruing gu labhairt air mòran do nithibh :

54 A' deanamh feall-aire air, agus ag iarraidh ni éigin a ghlacadh as a bheul, chum gu'm biodh cuis-dhitidh aca 'na aghaidh.

CAIB. XII.

1 *Shearmonaich Criosd d'a dheisciobluibh iad a sheachnadh céilg, agus geilt ann an cur a theagaisg an céill.* 13 Rabhadh do'n t-sluagh a bhi air am faicill an aghaidh sainnt. 22 Cha'n fheud sinn bhi ro chùramach mu nithibh talmhaidh.

ANNS an àm sin, an uair a bha sluagh gun àireamh air cruinneachadh, ionnus gu'n robh iad a' saltairt air a chéile, thòisich e air a ràdh r'a dheisciobluibh féin, Roimh gach ni bithibh air bhur faicill o thaois ghoirt nam Phairiseach, eadhon cealgairiachd.

2 Oir cha'n 'eil ni air bith foluichte, nach foillsich : no uaigneach, air nach faigh-ea fìos.

3 Air an aobhar sin ge b'e ni a labhair sibh san dorchadas, chuinnear e san t-solus : agus an ni a labhair sibh sa' chluais an seòmraichibh uaigneach, gairmear e air mullach nan tighean.

4 Agus a ta mi ag ràdh ribhse, mo chàirde, Na biodh eagal oirbh roimh 'n mhuinntir sin a mharbhas an corp, agus 'na déigh sin aig nach 'eil ni tuilleadh dh'fheudas iad a dheanamh :

5 Ach noclaidh mi dhuibh cò e roimh an còir dhuibh eagal a bhi oirbh : Biodh eagal an Tì ud oirbh, aig am bheil cumhachd, an déigh neach a mharbhadh, a thilgeadh do ifrinn ; seadh, a ta mi ag ràdh ribh, Biodh eagal an Tì so oirbh.

6 Nach 'eil cùig gealbhoinn air an reic-eadh air dhà fheoirling¹, agus cha'n 'eil aon duibh air dhearmad am fianuis Dé ?

7 Ach a ta eadhon fuilteine bhur cinn uile air an àireamh. Uime sin na biodh eagal oirbh : is fearr sibhse na mòran ghealbhoinn.

8 Agus a ta mise ag ràdh ribh, Ge b'e

neach a dh'aidicheas mise am fianuis dhaoine, aidichidh Mac an duine esan mar an ceudna an làthair aingle Dhé.

9 Ach ge b'e neach a dh'àicheadhas mise am fianuis dhaoine, àicheadhar esan am fianuis aingle Dhé.

10 Agus ge b'e neach a labhras focal an aghaidh Mhic an duine, maithear dha e : ach do'n ti a labhras toibheum an aghaidh an Spioraid naoimh, cha toirear maith-eanas.

11 Agus an uair a bheir iad sibh chum nan sionagag, agus nan uachdaran, agus nan daoine cumhachdach, na biodh e 'na ro-chùram oirbh cionnus no ciod a fhreagras sibh, no ciod a their sibh :

12 Oir teagaisgidh an Spiorad naomh dhuibh, anns an uair sin féin, na nithe a's còir dhuibh a ràdh.

13 Agus thubhairt neach àraidh do'n t-sluagh ris, A mhaighstir, abair ri m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhur ceann ?

15 Agus thubhairt e riu, Thugaibh an aire, agus gleidhibh sibh féin o shannt : oir cha'n ann am mòr-phailteas nan nithe a ta e sealbhachadh tha beatha an duine.

16 Agus labhair e cosamhlachd riu, ag ràdh, Thug fearann duineshaoibhir àraidh bàrr pailte uaithe :

17 Agus smuainich e ann féin, ag ràdh, Ciod a ni mi, a chionn nach 'eil agam àit anns an cruinnich mi mo thoraidh ?

18 Agus thubhairt e, Ni mi so : leagaidh mi mo shaibhlean, agus togaidh mi *saibhlean* a's mò ; agus cruinnichidh mi anna sin mo thoraidh uile, agus mo mhaoin.

19 Agus their mi ri m' anam, Anam, a ta agad mòran do nithibh maithe air an tasgaidh fa chomhair mòran bhliadh-nacha ; gabh fois, ith, òl, agus bi subhach.

20 Ach thubhairt Dia ris, Amadain, air an oidhche so féin iarrar t'anam uait : an sin cò dha a bhuineas na nithe sin a dh'ull-uich thu ?

21 Is ann mar sin a ta an ti a thaisgeas ionmhas dha féin, agus nach 'eil saoi bhir a thaobh Dhé.

22 Agus thubhairt e r'a dheisciobluibh, Uime sin a ta mise ag ràdh ribh, na biodh ro-chùram oirbh mu thimchioll bhur beatha, ciod a dh'itheas sibh ; no mu thimchioll bhur cuirp, ciod a chuireas sibh umaibh.

23 Is mò a' bheatha na 'm biadh, agus an corp na 'n t-eudach.

24 Thugaibh fa' near na fithich : oir cha 'n 'eil iadsan a' cur no buain ; cha 'n 'eil a tigh-tasgaidh no sabhal ; agus a ta Dia 'gam beathachadh : Cia mòr is fearr sibhse na an eunlaith ?

25 Agus cò agaibh-sa, le ro-chùram, is

¹ farthings. Sasg.

urraim aon làmh-choille¹ a chur r'a àirde féin?

26 Mur 'eil sibh uime sin comasach air an nì a's lugha a dheanamh, c'ar son a ta sibh ro chùramach mu nithibh eile?

27 Thugaibh fa' near na lilighean, cionnus a ta iad a' fàs: cha'n 'eil iad a' saothreachadh, no a' snìomh: gidheadh a ta mi ag ràdh ribh, nach robh Solamh féin 'na ghlòir uile, air a sgeadachadh mar aon diubh so.

28 Agus ma tha Dia mar sin a' sgeadachadh an fheoir, a ta'n diugh sa' mhach-air, agus am màireach air a thilgeadh san àmhuinn; nach mòr is mò a sgeadaicheas e sibhse, O dhaoine air bheag creidimh?

29 Uime sin na iarraibh-sa ciod a dh'ith-eas sibh, no ciod a dh'òlas sibh, agus na bithibh amharusach.

30 Oir na nithe so uile ta Cinnich an t-saoghail ag iarraidh: ach a ta fhios aig bhur n-Athair-sa gu bheil feum agaibh air na nithibh sin.

31 Ach iarraibh-sa rìoghachd Dhé, agus cuirear na nithe so uile ribh.

32 Na biodh eagail ort, a threud bhig; oir is e deadh thoil bhur n-Athar an rìoghachd a thoirt duibh.

33 Reicibh na bheil agaibh, agus thugaibh déire uaibh: deanaibh dhuibh féin sporain nach fàs sean, ionmhas nach teirig anns na nèamhaibh, far nach tig gaduiche am fagus, agus nach truaill an reudan².

34 Oir ge b'e àit am bheil bhur n-ionmhas, an sin bithidh bhur cridhe mar an ceudna.

35 Biodh bhur leasraidh crioslaichte mu'n cuairt, agus bhur lòchraim air an lasadh;

36 Agus sibh féin cosmhuil ri daoineibh a ta feitheamh an Tighearna, 'nuair a philleas-e o'n phòsadh; chum air dha teachd agus bualadh, gu'n grad-fhosgail iad dha.

37 Is beannaichte na seirbhisich sin, a gheibh an Tighearna, 'nuair a thig e, ri faire: gu deimhin a ta mi ag ràdh ribh, gu'n crioslaich se e féin mu'n cuairt, agus gu'n cuir e 'nan suidhe iad chum bìdh, agus gu'n tig e mach agus gu'n dean e frithealadh dhoibh.

38 Agus ma thig e san dara faire, no ma thig e san treas faire, agus gu'm faigh e iad mar sin, is beannaichte na seirbhisich sin.

39 Agus biodh cinnt agaibh air so, nam biodh fhios aig fear an tighe cia an uair anns an tigeadh an gaduiche, gu'n deanadh e faire, agus nach fuilgeadh e a thigh a bhi air a tholladh troimh.

40 Bithibh-sa uime sin deas mar an ceudna: oir thig Mac an duine 'nuair nach saoil sibh.

41 Agus thubhairt Peadar ris, A Thighearn, an ann ruinne a ta thu labhairt a' chosamlachd so, no ris gach uile?

42 Agus thubhairt an Tighearn, Cò e uime sin an stiùhard fìrinneach agus glic sin, a chuireas a Thighearn os ceann a theaghaich, a thoirt doibh an cuibhrionn bìdh 'na àm féin?

43 Is beannaichte an seirbhiseach sin, a gheibh a Thighearn, an uair a thig e, a' deanamh mar sin.

44 Gu fìrinneach a ta mi ag ràdh ribh, gu'n cuir se e os ceann na bheil aige.

45 Ach ma their an seirbhiseach sin 'na chridhe, Tha mo Thighearn a' cur dàile 'na theachd; agus ma thòisicheas e air na h-òglaich agus na banòglaich a bhualadh, agus itheadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil suil aige ris, agus ann an uair nach fios da, agus gearraidh e 'na bhloighdibh e³, agus bheir e a chuibhrionn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich e féin, agus nach d'rinn a réir a thoile, buailcar e le mòran bhuillean.

48 Ach an ti do nach b'aithne, agus a rinn nithe a b'airidh air buillibh, buailcar esan le beagan do bhuillibh. Oir gach neach d'an d'thugadh mòran, iarrar mòran uait: agus ge b'e ri 'n d'earbadh mòran, iarrar an tuilleadh air.

49 Thàinig mise a chur teine air an talamh, agus ciod is àill leam, ma ta e cheana air fhadadh.

50 Ach a ta baisteadh agam ri bhi air mo bhaisteadh leis, agus cionnus a ta mi air mo theannadh gus an coimhlionar e!

51 Am bheil sibh a' saòilsinn gu'n d'thàinig mise a thoirt sìthe air an talamh? ni h-eadh, a ta mi ag ràdh ribh, ach aimhreit.

52 Oir bithidh a so suas cuignear an aon tigh air an roinn, triuir an aghaidh dithis, agus dithis an aghaidh triuir.

53 Bithidh an t-athair air a roinn an aghaidh a' mhic, agus am mac an aghaidh an athar; a' mhàthair an aghaidh na nighean, agus an nighean an aghaidh na màthar; a' mhàthair-cheile an aghaidh mnà a mic, agus bean a' mhic an aghaidh a màthar-cheile.

54 Agus thubhairt e mar an ceudna ris an t-sluagh, 'Nuair a chi sibh neul ag éirigh san àird an iar, air ball their sibh, A ta fras a' teachd; agus a ta e mar sin.

55 Agus an uair a chi sibh a' ghaoth á

¹ bhan-lamh.

² leumann.

³ sgaraidh e uait e.

LUCAS, XII. XIII.

deas a' séideadh, their sibh, Bithidh teas ann; agus a ta e tachairt.

56 A chealgairean, is aithne dhuibh breth a thoirt air aghaidh nan speur, agus na talmhainn; ach cionnus nach 'eil sibh a' toirt breth air an aimsir so?

57 Agus c'ar son nach 'eil sibh eadhon uaibh féin a' bhreithneachadh an ni sin a ta ceart?

58 'Nuair a théid thu maille ri d' eascaraid chum an nachdarain, dean dhiòll san t-slighe air bhi air do shaoradh uaith¹; air eagal gu'n tarraing e chum a' bhreith-eimh thu, agus gu'n toir am breitheamh thairis do'n mhaor thu, agus gu'n tilg am maor am prìosan thu.

59 A ta mi ag ràdh riut, nach téid thu mach as a sin, gus an òc thu eadhon a' pheghinn dheireannach.

CAIB. XIII.

1 *Shearmonaich Criosd aithreachas o'n sgrios a thàinig air na Galiléaich, agus air muinntir eile.*

6 *Cosmhachd na craobhe-fhìge gun toradh.*

11 *Shlànuich Criosd bean a bha air a cromadh le h-eucait phiantaich rè ochd bliadhna deug.*

A GUS bha làthair san àm sin daoine àraidh a dh'innis dha mu thimchioll nan Galiléaich, muinntir a mheasg Pilat am fuil maille r'an iobairtibh.

2 Agus fhreagair Iosa agus thubhairt e riut, Am bheil sibh a' saòilsinn gu'n robh na Galiléaich sin 'nam peacaich ni's mò na na Galiléaich uile, air son gu'n d'fhulaing iad a leithid so?

3 Ni h-eadh, a ta mi ag ràdh ribh: ach mur dean sibhse aithreachas, sgriosar sibh uile mar an ceudna.

4 No na h-ochd fir dheug sin air an do thuit an tùr ann an Siloam, agus a mharbh iad, an saoil sibh gu'n robh iadsan 'nam peacaich² os ceann nan uile dhaoine a bha nan còmhnuidh an Ierusalem?

5 Ni h-eadh, a ta mi ag ràdh ribh: ach mur dean sibhse aithreachas, sgriosar sibh uile mar an ceudna.

6 Labhair e mar an ceudna an cosmhachd so: Bha aig duine àraidh crann-fìge suidhichte 'na ghàradh fìona³: agus thàinig e ag iarraidh toraidh air, agus cha d'fhuair e.

7 An sin thubhairt e ris a' ghàradair⁴, Feuch, a ta mi rè thrì bliadhna a' teachd a dh'iarraidh toraidh air a' chrann-fhìge so, agus cha 'n 'eil mi faotainn a bheag: gearr sìos e, c'ar son a ta e fàsachadh na talmhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi m'a thimchioll, agus gu'n cuir mi aolach⁵ m'a bhun:

9 Agus ma ghiùlainneas e toradh, is maith sin: ach mur giùlain, 'na dhéigh sin gearraidh tu sìos e.

10 Agus bha e a' teagasg an aon do na sionagogaibh air an t-sàbaid.

11 Agus, feuch, bha bean àraidh a làthair aig an robh spiorad anmhuinneachd rè ochd bliadhna deug, agus bha i air a cromadh ri chéile, agus gun chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a iomusuidh i, agus thubhairt e rithé, A bhean, tha thu air d' fhuasgladh⁶ o d' anmhuinneachd.

13 Agus chuir e a làmh an oirre; agus air ball⁷ rinneadh dìreach i, agus thug i glòir do Dhia.

14 Agus fhreagair nachdaran na sionagag, agus e làn do fheirg air son gu'n d'rinn Iosa leigheas air là na sàbaid, agus thubhairt e ris an t-sluagh, Tha sè làithean anns an còir obair a dheanamh: orra so air an aobhar sin thigibh, agus bithibh air bhuir leigheas, agus na b'ann air là na sàbaid.

15 An sin fhreagair an Tighearna e, agus thubhairt e, A chealgair⁸, nach fuasgail gach aon agaibh a dhamh no 'asal o'n phrasaich, agus nach toir e gu uisge e air là na sàbaid?

16 Agus nach bu chòir a' bhean so, a ta 'na nighinn do Abraham, a cheangail Satan a nis rè ochd bliadhna deug, a bhi air a fuasgladh o'n chuibhreach so air là na sàbaid?

17 Agus an uair a thubhairt e na nithe sin, chuireadh a naimhdean uile gu nàire; ach rinn an sluagh uile gairdcachas, air son nan uile nithe glòrmhor a rinneadh leis.

18 An sin thubhairt e, Co ris a ta rìoghachd Dhé cosmhuil? agus co ris a shamhlaicheas mi i?

19 Tha i cosmhuil ri gràinne do shìol mustaird, a ghabh duine, agus a chuir e 'na ghàradh: agus dh'fhàs e, agus rinneadh craobh mhòr dheth; agus rinn eumlaith an athair nid 'na geugaibh.

20 Agus thubhairt e a ris, Co ris a shamhlaicheas mi rìoghachd Dhé?

21 Tha i cosmhuil ri taois ghoirt⁹, a ghabh bean agus a dh'fhòlaich i an trì tomhasaibh mine, gus an do ghoirticheadh an t-iomlan.

22 Agus chaidh e troimh¹⁰ gach caithir agus baile beag, a' teagasg, agus a' gabhail na slighe gu Ierusalem.

23 An sin thubhairt neach àraidh¹¹ ris, A Thighearna, an tearc iad a shaorar? Agus thubhairt esan riut,

24 Deanaibh spairn chruaidh gu dol a

¹ air a bhì rèidh ris.

² fèichneibh.

³ fhion-tìos.

⁴ ghairdinear.

⁵ inneir.

⁶ air do shaoradh.

⁷ san uair sin féin.

⁸ A chealgairean.

⁹ laibhin.

¹⁰ tre, trid.

¹¹ àraid.

LUCAS, XIII. XIV.

stigh air a' gheata chumhann: oir a ta mi ag ràdh ribh, gu'n iarr mòran dol a stigh, agus nach urrainn iad.

25 O'n uair a dh'éireas fear an tighe, agus a dhùineas e 'n dorus, agus a thòisicheas sibhse air seasamh a muigh, agus an dorus a bhualadh, ag ràdh, A Thighearn, a Thighearn, fosgail duinn; agus air dhasan freagairt their e ribh, Cha'n aithne dhomh sibh, cò as a ta sibh:

26 An sin tòisichidh sibh air a ràdh, Dh'ith sinn agus dh'òl sinn a'd' làthair, agus theagaisg thu 'nar sràidibh.

27 Ach their esan, A ta mi ag ràdh ribh, cha'n aithne dhomh sibh, cò as a ta sibh; imichibh uam uile, a luchd-deanamh na h-eucorach.

28 An sin bithidh gul agus giosgan fhiacal, an uair a chi sibh Abraham, agus Isaac, agus Jacob, agus na fàidhean uile ann an rìoghachd Dhé, agus sibh féin air bhuir tilgeadh a mach.

29 Agus thig iad o'n àird an ear, agus o'n àird an iar, agus o'n àirde tuath agus deas, agus suidhidh iad ann an rìoghachd Dhé.

30 Agus, feuch, a ta daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thàinig Phairisich àraidh d'a ionnsuidh, ag ràdh ris, Gabh¹ a mach agus imich á so: oir tha toil aig Herod do mharbhadh.

32 Agus thubhairt e riu, Imichibh agus innsibh do'n t-sionnach sin, Feuch, a ta mi tilgeadh mach dheamhan, agus a ta mi deanamh leigheas an diugh, agus am màireach, agus air an treas là bithidh mi air mo dheanamh fòirfe.

33 Gidheadh, is éigin domh imeachd an diugh agus am màireach, agus an là 'na dhéigh sin: oir cha'n fheadh e bhi gu'n cuirear fàidh gu bàsa a mach á Ierusalem.

34 A Ierusalem, a Ierusalem, a mharbhas na fàidhean, agus a chlachas an dream a chuirear a d' ionnsuidh: cia minic a b' àill leam do chlam a chruinneachadh, mar a chruinnicheas cearc a h-àlach fuidh a sgiathaibh, agus cha b' àill leibh!

35 Feuch, dh'fhàgadh bhuir tigh fàs agaibh: agus gu deimhin a ta mi ag ràdh ribh, nach faic sibh mise, gus an tig an t-àm, anns an abair sibh, Is beannaichte an ti a thig an ainm an Tighearna.

CAIB. XIV.

1 Shlànùich Crìosd neach air an robh a' mheud-bhronn, ⁊ theagaisg e irioslachd. 16 Le cosamhlachd na suiper mòire, nochd e cionnna a bhios daoine saoghalta, a nì tàir air focal Dé, air an druidealh a mach á rìoghachd nèimh.

A Gus tharladh, an tràth chaidh e gu tigh uachdarain àraidh do na Phair-

isich a dh'itheadh bìdh air là na sàbaid, gu'n robh iad a' deanamh geur-fhaire air.

2 Agus, feuch, bha duine àraidh 'na làthair air an robh a' mheud-bhronn².

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e ccauidhte leigheas a dhcanamh air là na sàbaid?

4 Ach dh'fhan iadsan 'nan tosd, Agus air dha breith air, leighis se c, agus leig e uaith e:

5 Agus fhreagair e iadsan³, ag ràdh, Cò agaibh-sa, ma thuiteas 'asal no a dhamh ann an slochd, nach tarruing a mach gu grad e air là na sàbaid?

6 Agus cha b'urraim iad a fhreagairt a ris anns na nithibh sin.

7 Agus labhair e cosamhlachd⁴ riu-san a fhuair cuireadh, 'nuair a thug e fa'near mar a thagh iad na ceud àiteacha-suidhe, ag ràdh riu.

8 'Nuair a gheibh thu cuireadh o neach air bith chum bainnse, na suidh anns a' cheud àit; air eagal gu'n d' fhuair duine a's urramaiche na thusa cuireadh uaith;

9 Agus gu'n tig an ti a thug cuireadh dhuitse agus dhàsan, agus gu'n abair e riut, Thoir àit do'n duine so; agus gu'n tòisich thusa an sin le nàire air suidhe anns an àit a's isle.

10 Ach an uair a gheibh thu cuireadh, imich agus suidh anns an àit a's isle; chum, 'nuair a thig esan a thug cuireadh dhuit, gu'n abair e riut, A charaid, suidh suas nì's àirde: an sin gheibh thu urram an làthair na muinntir a ta 'nan suidhe air bord maille riut.

11 Oir ge b'e neach a dh'àrdaicheas e féin, islichear e; agus ge b'e neach a dh'islicheas e féin, àrdaichear e.

12 An sin thubhairt e ris an ti mar an ceudna a thug cuireadh dha, 'Nuair a nì thu dinneir no suiper, na gairm do chàird-ean, no do bhràithre, no do luchd-dàimh, no do choimhearsnaich shaoibhir; air eagal gu'n toir iadsan mar an ceudna cuireadh dhuitse a ris, agus gu'm faigh thu a' chomain cheudna.

13 Ach an uair a nì thu cuirm⁵, gairm na bochdan, na daoine ciurramach, na bacaich, na doill:

14 Agus bithidh tu beannaichte, a chionn nach urraim iad a' chomain cheudna thoirt duit: oir gheibh thu comain ann an aiseirigh nam firean.

15 Agus an uair a chual aon do na shuidh maille ris air bord na nithe sin, thubhairt e ris, Is beannaichte an ti sin a dh'itheas aran ann an rìoghachd Dhé.

16 Ach thubhairt esan ris, Rinn duine àraidh suiper mhòr, agus thug e cuireadh do mhòran:

¹ Theirig, Rach.

² dropsy. Sasg.

³ labhair e riu a ris. ⁴ comhad, parabol. ⁵ feisd.

17 Agus chuir e a sheirbhiseach uath an àm na suiper a ràdh ris a' mhuinntir a fhuair cuireadh, Thigibh, oir a ta na h-uile nìtle a nis ullamn.

18 Agus thòisich iad uile a dh'aon *ghuth* air an leithsgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus fhaicinn: tha mi ag guidhe ort, gabh mo lethsgeul.

19 Agus thubhairt fear eile, Cheannaich mi cùig cuing dhamh, agus a ta mi dol gu'an dearbhadh: tha mi ag guidhe ort, gabh mo lethsgeul.

20 Agus thubhairt fear eile, Phòs mi bean, agus air an aoibhar sin cha'n 'eil e 'n comas domh teachd.

21 Agus thàinig an seirbhiseach sin, agus dh'innis e na nithe sin d'a thighearn. An sin air gabhail feirge do fhear an tighe, thubhairt e r'a sheirbhiseach, Gabh a mach gu grad gu sràidibh agus gu caol-sràidibh a' bhaile, agus thoir a stigh an so na bochdan, agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearn, rinneadh mar a dh'òrduich thu, gidheadh tha àite *falamh* ann fathast.

23 Agus thubhairt an Tighearna ris an t-seirbhiseach, Gabh a mach gus an rathaidibh mòra agus na gàrachaibh, agus co-éignich iad gu teachd a steach, chum gu'm bi mo thigh air a lionadh.

24 Oir a ta mi ag ràdh ribh, nach blais aon do na daoineibh ud a fhuair cuireadh, do m' shuiper-sa.

25 Agus bha slugh mòr ag imeachd maille ris: agus air dha tionndadh, thubhairt e riu,

26 Ma thig neach air bitl a m' ionnsuidh-sa, agus nach fuathaich e 'athair, agus a mhàthair, agus a bhean-phòsda, agus a chlann agus a bhràithrean, agus a pheathraichean, seadh, agus a bheatha mar an ceudna, cha'n 'eil e'n comas da bhi 'na dheisciobul dhomh-sa.

27 Agus ge b'e neach nach giùlain a chrann-ceusaidh, agus nach lean mise, cha'n 'eil e'n comas da bhi 'na dheisciobul dhomh-sa.

28 Oir cò am fear agaibh-sa leis am miann tìr a thogail, nach suidh sìos air tùs, agus nach meas an costus, a dh'-fheuchainn am bheil aige na chuireas crìoch air?

29 Air eagal an déigh dha a bhunadh a leagadh, agus gun bhi comasach air crìoch a chur air, gu'n tòisich na h-uile a ehi e ri fanoid air.

30 Ag ràdh, Thòisich an duine so air tigh a thogail, agus cha b'urraim e a chrìochnachadh.

31 No cò an rìgh, ag dol a mach dha gu cogadh an aghaidh rìgh eile, nach suidh

sìos air tùs, agus nach gabh comhairle, a dh'-fheuchainn an urraim e le deich mìle coinneamh a thoirt dasan a ta teachd le fichead mìle 'na aghaidh?

32 No air bhi dhàsan fathast fad naith, cuiridh e teachdaireachd a dh'iarraidh cumhachan sìthe.

33 Mar sin mar an ceudna, gach neach agaibh-sa, nach tréig na h-uile nithe a ta aige, cha'n 'eil e'n comas da bhi 'na dheisciobul dhomh-sa.

34 Tha 'n salann maith: ach ma chaill-eas an salann a bhlas, ciod e leis an deanar deadh-bhlasda e?

35 Cha'n 'eil e iomchuidh chum na tal-mhainn, no chum an dùnain'; ach tilgidh daoine mach e. An ti aig am bheil cluasa chum éisdeachd, éisdeadh e.

CAIB. XV.

4 Cosamhlachd na caorach caillte, 8 a' mhìr airgid, 11 agus a' mhic struidheil.

A N sin thàinig na cìs-mhaoir uile agus A na peacaich am fagus da, chum éisdeachd ris.

2 Agus rinn na Phairisich agus na sgrìobhaichean gearan, ag ràdh, Tha am fear so gabhail pheacach d'a ionnsuidh, agus ag itheadh maille riu.

3 Agus labhair esan an cosamhlachd so riu, ag ràdh,

4 Cò an duine dhibhse aig am bheil ceud caora, ma chailleas e aon diubh, nach fàg an naoi deug agus an ceithir fichead anns an fhàsach, agus nach téid an déigh na caorach a chailleadh, gus am faigh e i?

5 Agus air dha a factainn, cuiridh e air a ghuaillibh i le gairdeachas.

6 Agus an uair a thig e dhachaidh, gairmidh e a chàirdean agus a choimhearsnaich an ceann a chèile, ag ràdh riu, Deanaibh gairdeachas maille rium-sa, a chionn gu'n d'fhuair mi mo chaora bla caillte.

7 Mar sin, a ta mi ag ràdh ribh, gu'm bi aoibhneas air nèamh air son aoim pheacaich a ni aithreachas, ni's mò na air son naoi deug agus ceithir fichead firean, aig nach 'eil feum air aithreachas.

8 No cò a' bhean aig am bheil deich buinn airgid, ma chailleas i aon bhonn diubh, nach las coinneal, agus nach sguab an tigh, agus nach iarr gu dìchiollach gus am faigh i e?

9 Agus air dhi fhaotainn, gairmidh i a ban-chairdean agus a ban-choimhearsnaich an ceann a chèile, ag ràdh, Deanaibh gairdeachas leam-sa, oir fhuair mi am bonn a chaill mi.

10 Mar an ceudna a ta mi ag ràdh ribh, A ta gairdeachas an làthair aingle Dhé, air son aoim pheacaich a ni aithreachas.

11 Agus thubhairt e, Bha aig duine àrdh dithis mhac:

12 Agus thubhairt am mac a b' òige dhiubh r'a athair, Athair, thoir dhomh-sa a' chuid-roinn a thig orm do d' mhaoin. Agus roinn e eatorra a bheathachadh.

13 Agus an déigh beagain do làithibh, chruinnich am mac a b'òige a chuid uile, agus ghabh e a thurus do dhùthaich fad air astar, agus an sin chaith e a mhaoin le beatha struidheasach¹.

14 Agus an uair a chaith e a chuid uile, dh'éirich gorta ro mhòr san tìr 'sin; agus thòisich e ri bhì ann an uireasbhuidh.

15 Agus chaidh e agus cheangail se e fèin ri aon do shaor-dhaoinibh na dùthcha sin; agus chuir e d'a fhearann e, a bhiadh-adh² mhuc.

16 Agus bu mhiann leis a bhrù a lìonadh do na plaosgaihb³ a bha na mucan ag itheadh; ach⁴ cha d'thug neach air bith dha.

17 Agus an uair a thàinig e d'a ionnsuidh⁵ fèin, thubhairt e, Cia lìon do luchd-tuasadail m'athar-sa aig am bheil aran gu leoir⁶ agus r'a sheachnadh, 'nuair a ta mise a' bàsachadh le gorta?

18 Eiridh mi, agus théid mi dh'ionnsuidh m'athar, agus their mi ris. Athair, pheacaich mi an aghaidh fhlaithEANais, agus a'd' làthair-sa.

19 Agus cha'n airidh⁷ mi tuilleadh gu'n goirte do mhac-sa dhìom: dean mi mar aon do d' luchd-tuasadail.

20 Agus dh'éirich e, agus chaidh e dh'ionnsuidh 'athar. Ach air dha bhi fathast fad uaith, chunnaic 'athair e, agus ghabh e truas mòr d'heath, agus ruith e, agus thuit e air a mhuinnel, agus phòg se e.

21 Agus thubhairt am mac ris, Athair, pheacaich mi an aghaidh fhlaithEANais, agus a'd' làthair-sa, agus cha'n airidh mi tuilleadh gu'n goirte do mhac dhìom.

22 Ach thubhairt an t-athair r'a sheirbh-isich, Thugaibh a mach a' chulaidh a's fearr, agus cuiribh uime i; agus cuiribh fainne air a làimh, agus brògan air a chosaibh.

23 Agus thugaibh an so an laogh biadh-ta, agus marbhaibh e; agus itheamaid agus biomaid subhach:

24 Oir bha mo mhac so marbh, agus tha e beò a ris; bha e cailte, agus fhuaradh e. Agus thòisich iad air bhì subhach.

25 A nis bha a mhac bu shine mach an fhearann: agus an uair a thàinig e, agus a thà⁸ e am fagus do'n tigh, chual e an ceòl agus an danaisa.

26 Agus ghairm e d'a ionnsuidh aon do na h-òglaich, agus dh'fhiosraich e ciod bu chiall do na nithibh sin.

27 Agus thubhairt esan ris, Thàinig do bhràthair; agus mharbh t'athair an laogh biadh-ta, a chionn gu'n d'fhuair e ris slàn fallain e.

28 Agus ghabh esan fearg, agus cha b' àill leis dol a stigh: air an aobhar sin thàinig 'athair a mach, agus chuir e imp-idh air.

29 Ach fhreagair esan agus thubhairt e r'a athair, Feuch, a ta mise a' deanamh seirbhis duit an uiread so do bhliadhnach-aibh, agus uair air bith cha do bhris mi t'àithne, gidheadh cha d'thug thu meann riamh dhomh, chum gu'm bithim subhach maille ri mo chàirdibh.

30 Ach an uair a thàinig do mhac so, a dh'ith suas do bheathachadh maille ri striopaichibh, mharbh thu an laogh biadh-ta dha.

31 Agus thubhairt e ris, A mhic, tha thusa a ghnàth maille rium, agus na h-uile nithe a's leamsa, is leatsa iad.

32 Bu chòir dhuinn a bhì subhach, agus aobhneach; oir bha do bhràthair so marbh, agus tha e beò a ris; agus bha e cailte, agus fhuaradh e.

CAIB. XVI.

1 Cosamhlachd an stiùbhaird eucoraich. 14 Chron- uich Crìosd cealg nam Phairiseach samtlach.

19 Cosamhlachd a' ghedcair shaoibhir, agus an duine bho chd Lasarus.

AGUS thubhairt e mar an ceudna r'a dheisciobluibh, Bha duine saoi bhir àraidh ann aig an robh stiùbhard; agus chasaideadh ris e, mar neach a bha dean-amh ana-caithidh air a mhaoin.

2 Agus ghairm se e, agus thubhairt e ris, Cìod e so a ta mi cluimntium mu d' thimchioll? thoir cunntas air do stiùbhardachd; oir cha'n fheud thu bhì ni's faide a'd' stiùbhard.

3 An sin thubhairt an stiùbhard ann fèin, Cìod a ni mi? oir a ta mo mhaighstir a' toirt na stiùbhardachd uam: cha'n urrainn mi ruamhar a dheanamh, is nàr leam déirc iarraidh.

4 A ta fhios agam cìod a ni mi, chum 'nuair a chuirear as an stiùbhardachd mi, gu'n gabh iad a steach d'an tighibh mi.

5 Agus air dha gach aon diubhsan air an robh fiachan aig a Thighearn a ghairm d'a ionnsuidh, thubhairt e ris a' cheud fhear, Cia meud a ta aig mo Thighearn ortsa?

6 Agus thubhairt esan, Ceud tomhas⁹ oladh. Agus thubhairt e ris, Gabh do sgrìobhadh, agus suidh sìos gu h-calamh, agus sgrìobh leth-cheud.

7 An sin thubhairt e ri fear cile, Agus cia meud a ta aig ortsa? Agus thubhairt esan, Ceud tomhas¹⁰ cruithneachd. Agus

¹ ana-caithlich.
cochallaibh.

² bhuachailleachd.
³ oir.

⁵ thuige, chuige.
⁸ tharruing.

⁶ leòr.
⁹ bal.

⁷ cha'n fhlù.
¹⁰ omer.

LUCAS, XVI. XVII.

thubhairt e ris, Gabh do sgriobhadh, agus sgriobh ceithir fichead.

8 Agus mhol an Tighearn an stùbhard eucorach, do bhrìgh gu'n d'rinn e gu glic: oir a ta clann an t-saoghail so 'nan ginealach féin nì's glice na clann an t-soluis.

9 Agus a ta mise ag ràdh ribh, Dean-aibh dhuibh féin càirdean le Mamon na h-eucorach; chum 'nuair a shiubhlas sibh¹, gu'n gabhar sibh do àitibh-còmh-muidh sìorruidh.

10 An ti a ta fìrinneach anns an nì a's lugha, tha e fìrinneach mar an ceudna ann am mòran; agus an ti a ta eucorach anns an nì a's lugha, tha e eucorach ann am mòran mar an ceudna.

11 Air an aobhar sin, mur robh sibh fìrinneach anns an t-saoibhreas eucorach, cò a dh'earbas ribh an *saoibhreas* fìor?

12 Agus mur robh sibh fìrinneach ann an cuid duine eile, cò a bheir dhuibh an nì a's leibh féin?

13 Cha'n 'eil seirbhiseach sam bith comasach air seirbhis a dheanamh do dhà thighearn; oir an dara cuid fuathaichidh e aon diubh, agus bheir e gràdh do'n fhear eile; no gabhaidh e le aon diubh agus nì e tàir air an fhear eile. Cha'n 'eil sibh comasach air seirbhis a dheanamh do Dhia agus do Mhamon.

14 Agus chuala na Phairisich, a bha samntach, na nithe sin uile: agus rinn iad fanoid air.

15 Agus thubhairt e riu, Is sibhse an dream a ta 'gur fireanachadh féin ann fìanuis dhaoine; ach is aithne do Dhia bhuir cridheachan: oir an nì sin a ta ro mheasail aig daoineibh, is gràineileachd e ann fìanuis Dé.

16 Bha an lagh agus na fàidhean ann gu teachd Eoin: o sin tha rìoghachd Dhé air a searmonachadh², agus a ta gach duine a' dol le dian strì a steach innte.

17 Agus is usadh do nèamh agus do'n talamh dol thairis, na do aon lide do'n lagh tuiteam.

18 Gach neach a chuireas uaith a bhean, agus a phòsas bean eile, tha e deanamh adhaltrannais: agus ge b'e neach a phòsas a bhean a chuireadh air falbh o a fear, tha e deanamh adhaltrannais.

19 Bha duine saoibhir àraidh ann, a bha air a sgeadachadh le purpur³ agus lìon-eudach grinn, agus bha e caitheadh a bheatha gach là gu sòghail le mòr-ghreadhnachas:

20 Agus bha duine bochd àraidh ann, nam b'ainm Lasarus, a chuireadh 'na luidhe aig a dhorus, làn do chreuchdaibh.

21 Agus bu mhiann leis bhi air a shàs-uchadh leis an sbruileach a bha tuiteam o bhord an duine shaoibhir; seadh, agus

thàinig na madraidh agus dh'imlich iad a chreuchdan.

22 Agus tharladh gu'n d'fhuair an duine bochd bàs, agus gu'n do ghiùlaineadh leis na h-ainglibh e gu uchd Abraham: fhuair an duine saoibhir bàs mar an ceudna, agus dh'adhlaiceadh e.

23 Agus ann an ifrinn thog e suas a shùilean, air dha bhi ann am piantaibh, agus chunnaic e Abraham, fad uaith, agus Lasarus 'na uchd.

24 Agus ghlaodh e, agus thubhairt e, Athair Abraham, dean tròcair orm, agus cuir Lasarus, chum gu'n tum e bàrr a mheoir ann an uisge, agus gu'm fuaraich e mo theangadh; oir a ta mi air mo phianadh san lasair so.

25 Ach thubhairt Abraham, A mhic cuimhnich gu'n d'fhuair thusa do nithe maith e ri àm dhuith bhi beò, agus Lasarus mar an ceudna droch nithe: ach a nis a ta esan a' faotaim solais, agus a ta thusa air do phianadh.

26 Agus a bhàrr air so uile, tha doimhne mhòr air a cur eadar sinne agus sibhse, air chor agus iadsan le am b'ail dol á so do 'ur ionnsuidh-sa, nach 'eil e 'n comas doibh; agus nach mòr tha e 'n comas do aon neach teachd as sin d' ar n-ionnsuidh-ne.

27 An sin thubhairt e, Uime sin tha mi a' guidhe ort, athair, gu'n cuireadh tu e gu tigh m'athar:

28 Oir a ta cùighear bhràithrean agam; chum gu'n toir e fìanuis doibh, air eagal gu'n tig iadsan mar an ceudna do'n ionad ro phiantach so.

29 Thubhairt Abraham ris, Tha Maois agus na fàidhean aca, éisdeadh iad ri-usan.

30 Agus thubhairt esan, Nì h-eadh, Athair Abraham: ach ma théid neach d'an ionnsuidh o na marbhaibh, nì iad aithreachas.

31 Agus thubhairt e ris, Mur éisd iad ri Maois agus ris na fàidhibh, cha mhò a chreideas iad, ged éireadh neach o na marbhaibh.

CAIB. XVII.

1 *Theagaisg* Crìosd gur còir dhuinn aobhar oilbheim a sheachnadh, 3 agus maithneas a thoirt d'a chèile; 6 nochd e mòr-chumhachd beò-chreidimh: 7 tha sinne fo cheangal do Dhia, ach cha'n 'eil esan mar sin dhuinne.

AN sin thubhairt e r'a dheiscioblaibh, Cha'n fheudar nach tig oilbheuman: ach is an-aoibhinn *dasan* troimh an tig iad.

2 B'fhcarr dha gu'm biodh clach-mhuil-inn air a crochadh m'a mhuineal, agus gu'm biodh e air a thilgeadh san fhaireg,

¹ nuair is bàs duibh. ² soisgeulachadh.

³ gorm-dhearg, coreur.

LUCAS, XVII.

na gu'n tugadh e oilbheum¹ do aon neach do'n mhuinntir bhig so.

3 Thugaibh an aire dhuibh féin: ma pheacaicheas do bhràthair a'd' aghaidh, cronuich e; agus ma ghabhas e aithreachas, thoir maithneas da.

4 Agus ma pheacaicheas e a'd' aghaidh seachd uairean san là, agus gu'm pill e riut seachad uairean san là, ag ràdh, Tha aithreachas orm; thoir maithneas da.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam biodh agaibh creidimh mar ghràinne do shìol mustaird, theireadh sibh ris a' chraoibh Shicamin so, Bi air do spionadh as do fhreumhaibh, agus bi air do shuidh-eachadh sa' chuan? agus bhitheadh i ùmhail duibh.

7 Ach cò agaibh-se aig am bheil seirbhis-each a' treabhadh, no ri buachailleachd, a their ris, an déigh dha teachd a steach o'n fhearann, Thig air ball, agus suidh sìos chum bidh?

8 Agus nach dòchadh e ràdh ris, Ulluich nì a ghabhas mise gu m' shuipeir, agus crìoslaich thu féin, agus fritheil domh, gus an ith agus an òl mi; agus 'na dhéigh sin ithidh agus òlaidh tusa?

9 An toir e buidheachas do'n t-seirbhis-each sin do bhrìgh gu'n d'rinn e na nithe a dh'orduicheadh dha? cha saoil mi gu'n toir.

10 Mar sin sibhse, 'nuair a nì sibh na h-uile nithe a dh'aitheadh dhuibh, abraibh, Is seirbhisich neo-tharbhach sinn: oir rinn sinn a mhàin an nì bu dligheach dhuinn a dheanaimh.

11 A nis, ag dol suas da gu Ierusalem, chaidh e troimh mheadhon Shamaria agus Ghalile².

12 Agus an uair a bha e dol a stigh do bhaile àraidh, thachair deichnear dhaoine air a bha 'nan lobhair, a sheas fad uaith:

13 Agus thog iad suas an guth, ag ràdh, Iosa, a mhaighstir, dean tròcar oirnn.

14 Agus an uair a chunnaic e iad, thubhairt e riu, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

15 Agus an uair a chunnaic aon diubh gu'n do leighiseadh e, phill e air ais, a' toirt glòire do Dhia le guth àrd,

16 Agus thuit e air aghaidh aig a chos-aibh-san, a' toirt buidheachais da: agus bu Shamarianach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, c'ait am bheil iad?

18 Cha d'fhuaradh a phill a thoirt glòire do Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fheòraich na Phairisich dheth, c'uin a thigeadh rìoghachd Dhé, fhreagair e iad agus thubhairt e, Cha tig rìoghachd Dhé air chor gu moth-aichear i³.

21 Cha mhò a their iad, Feuch an so, no, Feuch an sin: oir feuch, a ta rìoghachd Dhé an taobh a stigh dhibh⁴.

22 Agus thubhairt e ris na deisciobluibh, Thig na làithean anns am miannach leibh aon do làithibh Mhic an duine fhaicinn, agus cha'n fhaic sibh e.

23 Agus their iad ribh, Feuch an so, no, Feuch an sud: na rachaibh, agus na lean-aibh iad.

24 Oir mar a ta an dealanach a dhealraicheas o aon ionad fo nèamh, a' soillseachadh gus an ionad eile fo nèamh, mar sin a bhitheas Mac an duine mar an ceudna 'na là féin.

25 Ach is éigin da air tùs mòran do nithibh fhulang, agus a bli air a dhiult-adh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine:

27 Bha iad ag itheadh agus ag òl, a' pòsadh agus air toirt am pòsadh, gus an là an deachaidh Noe a steach do'n àire: agus thàinig an dè⁵, agus sgrios i iad uile.

28 Amhuil fòs mar a thachair ann an làithibh Lot; bha iad ag itheadh agus ag òl, a' ceannach agus a' reiceadh, a' plann-dachadh agus a' togail aitreabh:

29 Ach air an là sin féin anns an deachaidh Lot a mach á Sodom, fhrasadh teine agus pronnasag o nèamh, agus sgrios e iad uile.

30 Is ann mar sin a bhitheas anns an là am foillsichear Mac an duine.

31 Anns an là sin, an ti bhios air mullach an tìghe, agus airneis anns an tìgh, na tìgeadh e nuas gu a toirt leis: agus an ti a ta sa' mhachair, na pilleadh esan air ais mar an ceudna.

32 Cuimhnichibh bean Lot.

33 Ge b'e neach a dh'iarras a bheatha féin a thèarnadh, caillidh e i; agus ge b'e neach a chailleas a bheatha, gleidhidh esan i.

34 A ta mi ag ràdh ribh, anns an oidhe sin bithidh dithis dhaoine san aon leabaidh; gabhar aon diubh, agus fàgar am fear eile.

35 Bithidh dithis bhan a' bleath⁶ cuid-eachd; gabhar aon diubh agus fàgar a' bhean eile.

36 Bithidh dithis dhaoine anns a' mhach-

¹ aobhar tuislidh.

² eadar Samaria agus Galile.

³ gu moth-aichear dhi.

⁴ cheana 'nur measg.

⁵ tuil.

⁶ meicheadh.

air; gabhar aon diubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearn? agus thubhairt esan riu, Ge b'e àit *am bi an corp*, an sin cruinnichear na h-iolairean.

CAIB. XVIII.

1 *Mu thimchioll-na bantraich liosda. 9 Mu'n Phairiseach agus mu'n chùs-mhaor. 18 B'àill le uachdaran àraidh Criosd a leantuinn, ach a ta e air a bhacadh le a shaoibhreas. 31 Roimh-innis Criosd a bhàs.*

A GUS labhair e cosamhlachd riu, a' nochdadh gur còir urnuigh a dheanamh a ghnàth, agus gun fhannachadh¹;

2 Ag ràdh, Bha breitheamh ann am baile àraidh, air nach robh eagal Dé, agus aig nach robh urram do dhuine:

3 Agus bha bantrach àraidh sa' bhaile sin, agus thàinig i d'a ionnsuidh, ag ràdh, Cum còir rium an aghaidh mo nàmhaid.

4 Agus clia b'àill leis rè tamuill: ach 'na thèigh sin thubhairt e ann féin, Ged nach 'eil eagal Dé orm, no urram agam do dhuine;

5 Gidheadh air son gu bheil a' bhantrach so cur dragha orm, cumaidh mi còir rithe, air eagal le a sìr-theachd gu'n sgithlich i mi.

6 Agus thubhairt an Tighearn, Eisidibh ciod a ta am breitheamh eucorach ag ràdh.

7 Agus nach dean Dia dìoghaltas air son a dhaoine taghta féin, a ta ag éigheach ris a là agus a dh'oidhche, ged tha e fad-fhulangach mu'n timchioll?

8 A ta mi ag ràdh ribh gu'n dean e dìoghaltas air an son gu luath. Gidheadh, an uair a thig Mac an duine, am faigh e creidimh air an talamh?

9 Agus labhair e an cosamhlachd so ri dream àraidh a bha 'g earbsadh asda féin gu'n robh iad 'nam fireanaibh, agus a bha deanamh tàir air dream eile:

10 Chaidh dithis dhaoine suas do'n teampull a dheanamh urnuigh; fear diubh 'na Phairiseach, agus am fear eile 'na chis-mhaor.

11 Sheas am Phairiseach leis féin, agus rinn e urnuigh mar so, A Dhé, tha mi toirt buidheachais duit nach 'eil mi mar a ta daoine eile, 'nan luchd-foireigin, eucorach, adhaltrannach, no eadhon mar an cis-mhaor so.

12 Tha mi a' trasgadh² dà uair san t-seachduin, tha mi toirt deachaimh as na h-uile nithibh a ta mi sealbhadh.

13 Agus air seasamh do'n chis-mhaor fad air ais, cha b'àill leis fiù a shùl a thogail suas gu nèamh, ach bhuaile e 'uchd, ag ràdh, A Dhia, dean tròcair ormsa ta am pheacach.

14 A ta mi ag ràdh ribh, gu'n deach-

aidh am fear so sìos d'a thigh air fhìreanachadh *ni's mò* na'm fear ud eile: oir ge b'e neach a dh'ardaicheas e féin, islichear e; agus ge b'e a dh'islicheas e féin, àrd-aichear e.

15 Agus thug iad d'a ionnsuidh mar an ceudna naoidheana, chum gu'm beanadh e riu: agus an uair a chunnaic na deisciobuil so, chrònuich siad iad.

16 Ach air do Iosa an gairm d'a ionnsuidh, thubhairt e, Fuilgibh do leanabaibh teachd a m' ionnsuidh-sa, agus na bacaibh iad; oir is ann d'an leithidibh so a ta rioghachd Dhé.

17 Gu deimhin a ta mi ag ràdh ribh, ge b'e nach gabh rioghachd Dhé mar leanabh beag, nach téid e air chor sam bith a steach innte.

18 Agus dh'fheòraich uachdaran àraidh dbeth, ag ràdh, A mhaighstir mhaith, ciod a ni mi chum gu sealbhaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhiom-sa? cha'n 'eil neach sam bith maith ach a h-aon, *eadhon Dia*.

20 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhréige, Thoir urram³ do t'athair agus do d' mhàthair.

21 Agus thubhairt esau, Choimhid mi iad sin uile o m' òige.

22 Agus an uair a chual Iosa so, thubhairt e ris, Tha aon ni fathast a dh'uireasbhuidh ort; reic na h-uile nithe a ta agad, agus roinn air na bochdaibh, agus bithidh agad ionmhas air nèamh; agus thig, *agus lean mise*.

23 Agus an uair a chual e so, bha e ro dhoilich; oir bha mòr-bheartas aige.

24 Agus an uair a chunnaic Iosa gu'n robh e làn tuirse, thubhairt e, Cia deacair dhoibhsan⁴ aig am bheil saobhreas, dol a steach do rioghachd Dhé!

25 Oir is usadh do chàmhail dol troimh chrò snàthaid, na do dhuine saobhir dol a steach do rioghachd Dhé.

26 Agus thubhairt iadsan a chuala so, Cò ma seadh a dh'fheudas bhì air a shaoradh?

27 Ach thubhairt esan, Na nithe a ta eu-comasach do dhaoineibh, tha iad comasach do Dhia.

28 An sin thubhairt Peadar, Feuch, thréig sinne na h-uile nithe, agus lean sinn thusa.

29 Agus thubhairt esan riu, Gu deimhin a ta mi ag ràdh ribh, nach 'eil aon neach a thréig tigh, no pàrantan, no bràithrean, no bean-phòsda, no clann air son rìoghachd Dhé,

30 Nach faigh mòran ni's mò anns an

¹ sgitheachadh.

² trosgadh.

³ onoir.

⁴ cruaidh orra-san.

aimsir so a ta làthair, agus anns an t-saoghal a ta ri teachd, a' bheatha mhair-eannach.

31 Agus ghabh e an dà fhear dheug d'a ionnsuidh, agus thubhairt e riu, Feuch, a ta sinn a' dol suas gu Ierusalem, agus bithidh na h-uile nithe a ta sgrìobhta leis na fàidhibh mu Mhac an duine, air an coimhlionadh.

32 Oir bheirear thairis e do na Cinnich, agus thèid fanoid a dheanamh air, agus masluichear e, agus tilgear smugaid air;

33 Agus sgiùrsaidh agus marbhaidh iad e: agus air an treas là éiridh e a ris.

34 Agus cha do thuig iadsan aon ni dhiubh so: agus bha na briathra so fol-uichte orra, agus cha b'aithne dhoibh na nithe a chaidh labhairt.

35 Agus tharladh, 'nuair a dhruid e ri Iericho, gu'n robh dall àraidh 'na shuidhe ri taobh na slighe, ag iarraidh déirce;

36 Agus air cluinntinn an t-sluaigh a' dol seachad, dh'fhiosraich e ciod e so.

37 Agus dh'innis iad da, gu'm b'e Iosa o Nasaret a bha gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tròcair orm.

39 Agus chronuich iadsan a bha air thoiseach e, chum gu'm biodh e 'na thosd: ach bu mhòid gu mòr a ghlaodh esau, A Mhic Dhaibhidh, dean tròcair orm.

40 Agus air seasamh do Iosa, dh'àithn e a thoirt d'a ionnsuidh: agus an uair a thàinig e am fagus da, dh'fhiosraich e dlèth,

41 Ag ràdh, Ciod is àill leat mise a dheanamh dhuit? agus thubhairt esan, a Thighearn, mi dh'fhaotainn mo radhairc.

42 Agus thubhairt Iosa ris, Faigh¹ do radharc: shlànuich do chreidimh thu.

43 Agus air ball fhuaire a radharc, agus lean se e, a' toirt glòire do Dhia: agus thug an sluagh uile cliù do Dhia, 'nuair a chunnaic iad so.

CAIB. XIX.

7 *Mu thimchioll Shacheus a' chis-mhaoir.* 11 *Na deich puind airgid.* 28 *Mharcaich Crìosd do Ierusalem le greadhnachas;* 41 *rinn e caoidh air a son;* 45 *thilg e mach an luchd ceannachd agus reicidh as an teampull.*

AGUS air do Iosa dol a steach, chaidh e troimh Iericho.

2 Agus, feuch, bha duine ann d'am b'ainm Sacheus, agus b'àrd chis-mhaor esan, agus bha e saoi-bhir:

3 Agus bha déidh aige air Iosa fhaicinn, cò e; agus cha b'urraim e air son an t-sluaigh, a chionn gu'n robh e iosal 'na phearsa.

4 Agus ruith e roimhe, agus streap e suas ann an craoibh Shicamoir, chum gu

faicadh se e; oir bha e gus an t-slighe sin a ghabhail.

5 Agus an uair a thàinig Iosa chum an àite sin, air dha amharc suas, chunnaic se e, agus thubhairt e ris, A Shacheus, thig a nuas gu grad; oir is éigin domh-sa stad an diugh aig do thigh.

6 Agus thàinig e nuas le cabhaig, agus ghabh e ris gu subhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a ta 'na pheacach.

8 Agus sheas Sacheus agus thubhairt e ris an Tighearn, Feuch, a Thighearn, a ta mi toirt leth mo mhaoin do na bochdaibh: agus ma thug mi aon ni o neach air bith le casaid bhréige², tha mi toirt dha a cheithir uiread.

9 Agus thubhairt Iosa ris³, Thàinig slàinte an diugh a dh'ionnsuidh an tighe so, do bhrìgh gur mac do Abraham esan mar an ceudna.

10 Oir thàinig Mac an duine a dh'iarraidh agus a thèarnadh an ni sin a bha caillte.

11 Agus ag cluinntinn nan nithe sin dhoibh, chuir e ris, agus labhair a cos-amhlachd, do bhrìgh gu'n robh e am fagus do Ierusalem, agus gu'n do shaoil iadsan gu'm biodh rìoghachd Dhé air a grad-fhoillseachadh.

12 Air an aobhar sin thubhairt e, Chaidh duine uasal àraidh do dhùthaich fad as a dh'fhaotainn rìoghachd dha féin, agus a philltinn air ais.

13 Ach ghairm e a dheich seirbhisich⁴, agus thug e dhoibh deich puind, agus thubhairt e riu, Cuiribh gu buil iad, gus an tig mise.

14 Ach bha fuath aig muinntir a dhùtlìcha dha, agus chuir iad teachdaireachd 'na dhéigh, ag ràdh, Cha'n àill leinn an duine so bhi 'na rìgh oirm.

15 A nis an uair a phill e air ais, an déigh dha an rìoghachd fhaotainn, an sin dh'orduich e na seirbhisich ud bhi air an gairm d'a ionnsuidh, d'an d'thug e an t-airgid, chum gu'm biodh fhios aige ciod a bhuannach gach aon diubh leis a bhuileachadh.

16 An sin thàinig an ceud fhear, ag ràdh, A Thighearn, bhuidhinn do phund deich puind.

17 Agus thubhairt e ris, Is maith, a dheadh sheirbhisich: do bhrìgh gu'n robh thusa fìrinneach ann an ro bheagan, biodh agad-sa uachdaranachd air deich bailtibh.

18 Agus thàinig an dara fear, ag ràdh, A Thighearn, rinn do phund cùig puind.

¹ Gabh.

² gu h-eucorach.

³ m'a thimchioll.

deichnear d'a sheirbhisich.

19 Agus thubhairt e ris-san, Bi-sa mar an ceudna os ceann chùig bailtean.

20 Agus thàinig fear eile, ag ràdh, a Thighearn, feuch do phuind, a bha agam-sa taisgte ann an neapaicin¹:

21 Oir bha eagal orm romhad, do bhrìgh gur duine geur-theann thu: tha thu a' togail an nì nach do leag thu, agus a' buain an nì nach do chuir thu.

22 Agus thubhairt e ris, As do bheul féin bheir mi breth ort, a dhroch sheirbh-isich. Bha fhios agad gu'm bu duine geur-theann mi, a' togail an nì nach do leag mi, agus a' buain an nì nach do chuir mi:

23 Air an aobhar sin c'ar son nach d'fhug thu m' airgid do'n luchd-mal-airt², agus air teachd dhomh-sa thogaim e le riadh?

24 Agus thubhairt e ruisan a bha 'nan seasamh a làthair, Thugaibh uaith am puind, agus thoiribh dhasan e aig am bheil na deich puind.

25 (Agus thubhairt iad ris, A Thighearn, tha deich puind aige.)

26 Oir a ta mi ag ràdh ribh, Gu'n toirear do gach neach aig am bheil: ach uaithsan aig nach 'eil, bheir eadhon an nì sin a ta aige.

27 Ach thugaibh an so na naimhdean ud agam-sa, leis nach b' àill mise bhi am rìgh os an ceann, agus marbhaibh a'm' fhianuis iad.

28 Agus air dha so a ràdh, dh'imich e rompa, a' dol suas gu Ierusalem.

29 A nis an uair a dhruid e ri Betphage agus Betani, làimh ris an t-sliabh d'an gairmear³ *sliabh* nan crann-oladh, chuir e dìthis d'a dheisciobluibh uaith.

30 Ag ràdh, Imichibh do'n bhaile ta fa bhur comhair; anns am faigh sibh, air dhuibh dol a steach, searrach ceangailte, air nach do shuidh aon duine riamh: fuasglaidh, agus thugaibh an so e.

31 Agus ma dh'fhiosraicheas neach air bith dhibh, C'ar son a ta sibh 'g a fuasgladh? mar so their sibh ris, A ta feum aig an Tighearn air.

32 Agus air imeachd dhoibh-san a chuir-eadh air falbh, fhuair iad mar thubhairt e riu.

33 Agus an uair a bha iad a' fuasgladh an t-searrach, thubhairt a shealbhadairean riu, C'ar son a ta sibh a' fuasgladh an t-searrach?

34 Agus thubhairt iadsan, Tha feum aig an Tighearn air.

35 Agus thug iad gu Iosa e: agus thilg iad an falluinnean air an t-searrach, agus chuir iad Iosa air.

36 Agus ag imeachd dhàsan, sgaoil iad

am falluinnean fuidhe air an t-slighe.

37 Agus an uair a thàinig e am fagus, eadhon gu dol sìos sléibh nan crann-oladh, thoisich mòr-chuideachd nan deisciobul uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chunnaic iad.

38 Ag ràdh, Gu ma beannaichte an rìgh a ta teachd ann an ainm an Tighearna: sìth air nèamh, agus glòir anns na h-àrd-aibh.

39 Agus thubhairt cuid do na Phairisich o mheasg an t-sluaigh ris, A mhaighstir, cronuich do dheisciobuil.

40 Agus fhreagair esan, agus thubhairt e riu, A ta mi ag ràdh ribh, nam fanadh iad sin 'nan tosd, gu'n glaothadh na clacha féin.

41 Agus an uair a thàinig e am fagus, chunnaic e am baile, agus ghluil e air a shon.

42 Ag ràdh, Nam b'aithne dhuil⁴, eadhon dhuiste, air bheag sam bith ann ad là so féin, na nithe a bhuineas do d' shìth. ach a nis a ta iad folaichte o d' shùilbh.

43 Oir thig na làithean ort, anns an tilg do naimhde dig mu d' thimchioll, agus an iadh iad umad mu'n cuairt, agus an druid iad a stigh air gach taobh thu,

44 Agus an leag iad co ìosal ris an làr thu, agus do chlan annad, agus nach fàg iad annad clach air muin cloiche; do bhrìgh nach b'aithne duit aimsir t'fhiosrachaidh.

45 Agus chaidh e steach do'n teampull, agus thòisich e air an dream a bha reic-eadh, agus a' ceannach ann a thilgeadh mach,

46 Ag ràdh riu, Tha e sgrìobhta, Is tigh urnuigh mo thigh-sa; ach rinn sibhse 'ua gharaidh luchd-reubainn e.

47 Agus bha e gach là a' teagasg san teampull. Ach dh'iarr na h-àrd-shagairt agus na sgrìobhaichean, agus ceannardan a' phobuill esan a mhìllcadh,

48 Gidheadh cha robh fhios aca ciod a dheanadh iad: oir bha am pobull uile ag éisdeachd ris le ro-aire.

CAIB. XX.

I Dhearbhb Crìosd gu'n robh ughdarras aige, le ceisid mu bhaisteadh Eoin. 9 Cosamlachd an fhionlios. 19 Mu thimchioll eis a thoirt do Cheasar. 27 Dhearbhb e mearachd nan Sadusach, a bha 'g àicheadh aiseirigh nam marbh.

AGUS tharladh air aon do na làithibh sin, an uair a bha e teagasg a' phobuill san teampull, agus a' searmonachadh an t-soisgeil, gu'n d'fhàinig na h-àrd-shagairt agus na sgrìobhaichean air, maille ris na scanairibh.

¹ brèid, làmh-anart.

² nach do chuir thu m' airgid do'n bhanc.

³ d'an goirear, ris an abrar.

⁴ O gu'm b'aithne dhuil.

LUCAS, XX.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithe so? no cò esan a thug an t-ùghdarras so dhuit?

3 Agus fhreagair esan agus thubhairt e riu, Feòraichidh mise mar an ceudna aon ni dhibhse; agus freagraibh mi:

4 Baisteadh Eoin, an ann o nèamh a bha e, no o dhaoineibh?

5 Agus reusonaich iad eatorra féin, ag ràdh, Ma their sinn, O nèamh; their esan, C'ar son ma ta nach do chricid sibh e?

6 Ach ma their sinn, O dhaoineibh, clachaidh an sluagh uile sin; oir is deimhin leo gu'm b'fhàidh Eoin.

7 Agus fhreagair iadsan, Nach robh fhios aca cia uatha *a bha e*.

8 Agus thubhairt Iosa riu, Ni mò a dh'inneas mise dhuibh-se ciod e an t-ùghdarras leis am bheil mi deanamh nan nithe so.

9 An sin thòisich e air a' chosamhlachd so a labhairt ris an t-sluagh; Phlannduich duine àraidh fion-lios, agus shuidhich e air tuath e; agus chaidh e air choigrich rè aimsir fhada.

10 Agus anns an àm dhligheach chuir e seirbhiseach a dh'ionnsuidh na tuatha, chum gu'n tugadh iad da do thoradh an fhion-lios: ach ghabh an tuath air, agus chuir iad uatha falamh e.

11 Agus a ris chuir e seirbhiseach eile uatha; agus ghabh iad aisan mar an ceudna, agus mhaslaich iad e, agus chuir iad uatha falamh e.

12 Agus a thuilleadh air sin chuir e an treas seirbhiseach uatha; agus lot iad esan mar an ceudna, agus thilg iad a mach e.

13 An sin thubhairt Tighearn an fhion-lios, Ciod a ni mi? cuiridh mi mo Mhac gràdhach *d'an ionnsuidh*: feudaidd e bi, nuair a chi iad e, gu'n toir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhamaid e, chum gu'm bi an oighreachd againn féin.

15 Agus thilg iad a mach as an fhion-lios e, agus mharbh iad e. Ciod uime sin a ni Tighearn an fhion-lios riu?

16 Thig e agus sgriosaidh e an tuath ud, agus bheir e am fion-lios do dhaoineibh eile. Agus an uair a chual iad so, thubhairt iad, Nar leigeadh Dia.

17 Agus air dhàsan amharc orra, thubhairt e, Ciod e so ma seadh a ta sgrìobhta, A' chlach a dhiùlt na clachairean, rinn-eadh ceann na h-oisne dhith?

18 Ge b'e neach a thuites air a' chloich sin, brisear e: ach ge b'e neach air an tuit i, pronnaidh i gu luathre e.

19 Agus anns an uair sin féin dh'iarr na h-àrd-shagairt agus na sgrìobhaichean làmh a chur ann; ach bha eagalan t-sluaigh

orra; oir thuig iad gu'm b'ann 'nan aghaidh féin a labhair e'n cosamhlachd so.

20 Agus rinn iad geur-fhaire *air*, agus chuir iad a mach luchd-feill, a leigeadh orra féin a bhi nam fireanaibh, chum gu'n deanadh iad greim air 'fhoclaibh, air chor's gu'n tugadh iad thairis e do chumhachd agus do ùghdarras an uachdarain.

21 Agus dh'fhiosraich iad deth, ag ràdh, A mhaighstir, tha fios againn gu bheil thu a' labhairt agus a' teagasg gu ceart, agus nach 'eil suim agad do phearsa *duine sam bith*, ach gu bheil thu teagasg slighe Dhé a réir na firinn.

22 Am bheil e ceaduichte dhuinn cis a thoirt do Cheasar, no nach 'eil?

23 Ach thuig esan an cuilbheartachd, agus thubhairt e riu, C'ar son a ta sibh ga m' bhuaireadh?

24 Nochdaibh dhomh peghinn: co leis an dealbh agus an sgrìobhadh a ta oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thugaibh-se air an aobhar sin do Cheasar na nithe a's le Ceasar, agus do Dhia na nithe a's le Dia.

26 Agus cha b'urrainn iad greim a dheanamh air 'fhoclaibh am fianuis an t-sluaigh: agus ghabh iad iongantais r'a fhreagradh, agus dh'fhan iad 'nan tosd.

27 An sin thàinig d'a ionnsuidh dream àraidh do na Sadusaich, a ta 'g àicheadh gu bheil aiseirigh ann, agus dh'fhiosraich iad deth,

28 Ag ràdh, A mhaighstir, sgrìobh Maois dhuinn, Nam faigheadh bràthair duine air bith bàs, agus bean-phòsda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachdnar bhràithrean ann: agus ghabh an ceud fhear bean, agus fhuair e bàs gun chlann.

30 Agus ghabh an dara fear i mar mhnai, agus fhuair esan bàs gun chlann.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Ma dheireadh uile fhuair a' bhean bàs mar an ceudna.

33 Auns an aiseirigh uime sin, co dhiubh d' am bean i? oir bha i aig an t-seachdnar 'na mnaoi.

34 Agus fhreagair Iosa, agus thubhairt e riu, Tha clann an t-saoghail so a' pòsadh, agus air an toirt am pòsadh:

35 Ach an dream sin a mheasar gur airidh iad air an t-saoghal ud fhaghail, agus an aiseirigh o na marbhaibh, cha'n 'eil iad a' pòsadh, no air an toirt am pòsadh.

36 Agus cha'n urrainn iad bàs fhaghail ni's mò; oir tha iad an co-inbhe ris na

h-àinglibh; agus is iad clann Dé iad, air bhi dhoibh 'nan cloinn do'n aiseirigh.

37 Ach gu'n éirich na mairbh, nochd Maois féin aig a' phreas, an uair a ta e a' gairm do'n Tighearn, Dia Abrahaim, agus Dia Isaac, agus Dia Iacob.

38 A nis cha'n e Dia nam marbh e, ach nam beò: oir a ta iad uile beò dhàsan.

39 An sin fhreagair dream àraidh do na sgrìobhaichibh, agus thubhairt iad, A mhaighstir, is maith a labhair thu.

40 Agus cha robh chridhe aca tuilleadh ni sam bith fheòraich dheth.

41 Agus thubhairt e riu, Cionnus a their iad gur e Crìosd mac Dhaibhidh?

42 Agus tha Daibhidh féin ag ràdh ann an leabhar nan Salm, Thubhairt an Tighearn ri mo Thighearn, Suidh air mo làimh dheis,

43 Gus an cuir mi do naimhde 'nan stòl fo do chosaibh.

44 Tha Daibhidh air an aobhar sin a' gairm a Thighearna dheth, cionnus ma seadh is e mhac e?

45 An sin thubhairt e r'a dheisciobluibh, ann an éisdeachd an t-sluaigh uile,

46 Thugaihb an airc dhuibh féin o na sgrìobhaichibh, leis am miann imeachd ann an culaidhibh fada, agus leis an ionmhuinn fàilte fhaotainn air na margaidh, agus na caithrichean a's àirde anns na sionagogaibh, agus na ceud àiteachasuidhe aig féillibh;

47 A shluigeas suas tighean bhantrach, agus air sgàth deadh choslais a ni urnuighean fada: gheibh iad sin an dìtheadh a's mò.

CAIB. XXI.

1 Mhol Crìosd a' bhantrach bhochd: 4 roimh-innis e sgrios an teampull, agus bhaile Ierusalem; 25 mar an ceudna na comharan bhios ann roimh an la dheireannach. 34 Earail chum faire a dheanamh.

AGUS air dha amharc suas, chunnaic e na daoine saobhir a' tilgeadh an tiodhlacan ann an àite-coimhead an ionmhais.

2 Agus chunnaic e mar an ceudna bant-rach bhochd àraidh a' tilgeadh dà leth-fheoirle an sin.

3 Agus thubhairt e, Gu fìrinneach a ta mi ag ràdh ribh, gu'n do chuir a' bhant-rach bhochd so ni's mò ann na iad uile.

4 Oir thilg iad so uile d'am pailteas a steach do thiodhlacaibh Dhé: ach thilg ise d'a h-uireasbhuidh féin am beathachadh uile a bha aice.

5 Agus air do chuid diubh bhi labhairt mu'n teampull, mar a bha e air a dheanamh maiseach le clachaibh sgiamhach, agus le tiodhlacaibh, thubhairt e,

6 A thaobh nan nithe so a chi sibh, thig

na làithean, anns nach fàgar clach air muin cloiche *dhiubh*, nach tilgear sìos.

7 Agus dh'fhiosraich iadsan deth, ag ràdh, A mhaighstir, c'uin ma ta bhitheas na nithe so? agus ciod e an comhara 'nuair a bhios na nithe so gu teachd gu crìch?

8 Agus thubhairt esan, Feuchaibh nach meallar sibh; oir thig mòran ann am ainm-sa, ag ràdh, Is mise *Crìosd*; agus a ta an t-am am fagus; uime sin na leanaihb iad.

9 Ach an uair a chluinneas sibh mu chogannaibh, agus mu cheannaircibh¹, na biodh mòr-gheilt oirbh: oir is éigin do na nithibh so tachairt air tùs; ach cha 'n'èil a' chrìoch air ball.

10 An sin thubhairt e riu, Eiridh cinn-each an aghaidh cinnich, agus rioghachd an aghaidh rioghachd:

11 Agus bithidh critheanna mòra tal-mhainn ann an iomadh àit, agus gortaidh, agus plàighean; agus nithe uamhasach, agus comharan mòra o nèamh.

12 Ach rompa so uile cuiridh iad làmh annaibh-sa, agus geur-leanaidh iad *sibh*, 'gur tabhairt thairis do choimhthional-aibh², agus do phrìosanaibh, 'gur tabhairt chum rìghrean agus uachdaran air sgàth m'ainme-sa.

13 Agus tacharaidh so dhuibh-se mar fhianuis.

14 Air an aobhar sin daingnichibh ann bhur cridheachaibh, gun smuaineachadh roimh làimh, ciod a fhreagras sibh air bhur son féin:

15 Oir bheir mise dhuibh beul agus gliocas, nach bi bhur naimhdean uile comasach air labhairt no cur 'na aghaidh.

16 Agus brathar sibh le 'ur pàrantaibh, agus le 'ur bràithribh, agus le 'ur luchd dàimhe, agus le 'ur cairdibh; agus bheir iad fa'near *cuid* dhibh a chur gu bàs.

17 Agus bithidh fuath aig na h-uile dhaoineibh dhuibh air son m'ainme-sa.

18 Ach cha chaillear fuiltein³ do ghruaig bhur cinn.

19 Ann bhur foighidinn sealbhaichibh bhur n-anama féin.

20 Agus an uair a chi sibh Ierusalem air a cuairteachadh le armaitibh, an sin biodh fhios agaibh gu bheil a fàsachadh am fagus.

21 (An sin teicheadh iadsan a ta ann an Iudea chum nam beann,) agus imicheadh iadsan a ta 'na meadhon-sa mach aisde; agus na rachadh iadsan a ta sa' mhachair, a steach imte.

22 Oir is iad sin làithean an dioghaltais, chum gu'n coimhlionar na h-uile nithe a ta sgrìobhta.

23 Ach mo thruaigh na mnà a bhios torrach, agus iadsan a bhios toirt cìche

¹ bhuaireas, éirigh-mach.

² shionagogaibh.

³ ròinneag.

anns na làithibh sin ! oir bithidh teamt-
achd¹ mhlòr san dùthaich, agus fearg air
a' phobull so.

24 Agus tuitidh iad le faobhar a' chlaidh-
einh, agus bheirear iad am braighdeanas
chum nan uile chinneach: agus bithidh
Ierusalem air a saltairt sìos fuidh na
Cinnich, gus an coimhlionar aimsire nan
Cinneach.

25 Agus bithidh comharan anns a'
ghrèin, agus anns a' ghealaich, agus anns
na reultaibh; agus air an talamh airc nan
cinneach, ann an ioma-chomhairle; an
cuan agus na tonnan a' beuchdaich;

26 Cridhe dhaoine² gan tréiginn troimh
eagal, agus feitheamh nan nithe sin a ta
teachd air an domhan: oir bithidh cumh-
achdan nan nèamh air an crathadh.

27 Agus an sin chi iad Mac an duine a'
teachd ann an neul, le cumhachd agus
mòr-ghlòir.

28 Agus an uair a thòisicheas na nithe
so air tachairt, an sin amhaircibh suas,
agus togaibh bheur cinn; oir a ta bheur
saorsa am fagus.

29 Agus labhair e cosamhlachd riu,
Amhaircibh air a' chraobh-fhìge, agus
na craobhan uile;

30 'Nuair a bhios iad a cheana a' cur
a mach an duillich, tha sibh a' faicinn,
agus ag aithneachadh uibh féin, gu
bheil an samhradh a nis am fagus.

31 Agus mar an ceudna sibhse, 'nuair
a chi sibh na nithe so a' tachairt, biodh
fhios agaibh gu bheil rìoghachd Dhé
fagus do làimh.

32 Gu deimhin a ta mi ag ràdh ribh,
nach téid an ginealach³ so thairis, gus an
coimhlionar na nithe so uile.

33 Théid nèamh agus talamh thairis:
ach cha téid mo bhriathra-sa thairis a
chaoidh.

34 Agus thugaibh an aire dhuibh féin,
air eagal uair air bith gu'm bi bheur
crìdhe fuidh uallaich le geòcaireachd⁴,
agus le misg⁵, agus le ro-chùram mu
nithibh na beatha so, agus gu'n tig an là
sin oirbh gu h-obann.

35 Oir mar ribe thig e air na h-uile
dhaoineibh, a ta 'g àiteachadh aghaidh na
talmhainn uile.

36 Deanaibh-se air an aobhar sin faire,
a' deanamh urnuigh gach àm, chum gu
measar gur aìridh sibh air dol as o na
nithibh sin uile a ta gu teachd, agus seas-
amh an làthair Mhic an duine.

37 Agus bha e san là a' teagasg san
teampull, agus san oidhche chaidh e mach,
agus dh'fhan e air an t-sliabh, d'an goir-
ear sliabh nan crann-oladh.

38 Agus thàinig an sluagh uile gu moch

d'a ionnsuidh san teampull, a dh'éisd-
eachd ris.

CAIB. XXII.

1 *Ghabh na h-Iudhaich comhairle an aghaidh Iosa.*
3 *Dh'aom Satan Iudas gu esan a bhrath.* 7 *Dh'-*
ulluich na h-abstol a' chàisg. 19 *Dh'orduich*
Crìosd an t-suipeir-naomh. 32 *Dh'innis e do*
Pheadar nach dìobradh a chreidimh e; 34 *ach*
gu'n àicheadhadh e esan trì uairean.

A NIS dhruid riu féil⁵ an arain neo-
ghoirtichte, d'an goirear⁶ a' chàisg.

2 Agus bha na h-àrd-shagairt⁷ agus
na sgrìobhaichean ag iarraidh cionnus a
dh'fheudadh iad esan a chur gu bàs; oir
bha eagal an t-sluaigh orra.

3 An sin chaidh Satan ann an Iudas
d'an co-aoinm Iscariot, a bha do àireamh
an dà fhir dheug.

4 Agus dh'imich e, agus labhair e ris
na h-àrd-shagartaibh agus ri ceannard-
aibh an teampull, cionnus a bhrathadh
se esan doibh.

5 Agus bha iad subhach, agus rinn iad
coimhcheangal airgid a thoirt da.

6 Agus gheall esan, agus dh'iarr e àm
iomchuidh air a bhrath dhoibh gun an
sluagh a bhi làthair.

7 An sin thàinig là an arain neo-ghoirt-
ichte, anns am b'éigin an t-uain-càisge a
mharbhadh.

8 Agus chuir e uaith Peadar agus Eoin,
ag ràdh, Imichibh, agus ulluichibh dhuinn
a' chàisg, chum gu'n ith sinn i.

9 Agus thubhairt iadsan ris, C'àit an
àill leat sinn a dh'ulluchadh?

10 Agus thubhairt e riu, Feuch, air
dhuibh dol a steach do'n bhaile, tach-
araidh oirbh duine, a' giùlan soithich
uisge; leanaibh e do'n tigh anns an téid e
steach.

11 Agus abraibh ri fear an tighe, Tha
am maighstir ag ràdh riut, C'àit am bheil
an seòmar aoidheachd anns an ith mi a'
chàisg maille ri mo dheisciobuibh?

12 Agus feuchaidh e dhuibh àrd-sheòmar
farsuinn uidhichte: ulluichibh an sin.

13 Agus dh'imich iad agus fluar iad
mar thubhairt e riu: agus dh'ulluich iad
a' chàisg.

14 Agus an tràth thàinig an uair, shuidh
e sìos, agus an dà abstol deug maille ris.

15 Agus thubhairt e riu, Le mòr-thog-
radh mhiannaich mi a' chàisg so itheadh
maille ribh roimh dhomh fulang:

16 Oir a ta mi ag ràdh ribh, nach ith mi
dhith tuilleadh, gus an coimhlionar i ann
an rìoghachd Dhé.

17 Agus ghlac e cupan, agus air dha
buidheachas a thabhairt, thubhairt e,
Gabhaibh so, agus roinnibh eadaraibh
féin e.

¹ cruaidh-chàs.

² linn.

³ craos.

⁴ meisg.

⁵ féisd.

⁶ gairnear.

⁷ prìomh-shagairt.

LUCAS, XXII.

18 Oir a ta mi ag ràdh ribh, nach òl mi do thoradh na fionain, gus an tig rioghachd Dhé.

19 Agus ghlac e aran, agus an déigh buidheachas a thabhairt, bhris e, agus thug e dhoibh-san e, ag ràdh, Is e so mo chorp-sa a ta air a thoirt air bhur son-sa: deanaibh so mar chuimhneachan ormsa.

20 Agus mar an ceudna an cupan, an déigh na stuiper, ag ràdh, Is e an cupan so an tiomnadh nuadh ann am fhuil-sa, a dhòirteadh air bhur son-sa.

21 Ach feuch, làmh an ti a bhrathas mise maille rium air a' bhòrd.

22 Agus gu' fìrinneach a ta Mac an duine ag imeachd, a reir mar a dh'orduicheadh: ach is an-aobhinn do'n duine sin leis am brathar e.

23 Agus thòisich iadsan air fiosrachadh eatorra féin, cò aca bha gus an ni so a dheanamh.

24 Agus bha mar an ceudna comhstri eatorra, co aca bu mhò a bhiodh.

25 Ach thubhairt esan riu, A ta aig rìghribh nan Cinneach tighearnas orra; agus goirear daoine fiala dhiubhsan, ag am bheil ùghdarras¹ orra.

26 Ach na bithibh-sa mar sin: ach an neach a's mò 'nur measg, biodh e mar an neach a's òige²; agus an ti a's àide, mar esan a ta ri frithealadh.

27 Oir co aca is mò, an ti a shuidheas air bòrd, no esan a fhritheileas? nach e an ti a shuidheas; ach a ta mise 'nur measg-sa mar fhear-frithealaidh.

28 Is sibhse iadsan a dh'fhan maille rium-sa ann am dheuchainibh³;

29 Agus a ta mise ag orduchadh dhuibh rioghachd, mar a dh'orduich m' Athair dhomh-sa;

30 Chum gu'n ith agus gu'n òl sibh air mo bhòrd-sa ann am rioghachd, agus gu'n suidh sibh air caithriclibh rioghail, a' toirt breth air dà thrèibh dheug Israeil.

31 Agus thubhairt an Tighearn, A Shimoin, a Shimoin, feuch, dh'iarr Satan sibhse, chum *bhur* criaradh mar chruithneachd.

32 Ach ghuidh mise air do shonsa, nach dìobradh do chreidimh thu: agus an uair a dh'iompaichear thu⁴, neartaich do bhràithre.

33 Agus thubhairt esan ris, A Thighearn, tha mise ullamh gu dol maille riut araon chum prìosain, agus a chum bàis.

34 Agus thubhairt esan, A ta mi ag ràdh riut, a Pheadair, nach goir an coil-each an diugh, gus an àicheadh thu trì uairean gur aithne dhuìt mi.

35 Agus thubhairt e riu, 'Nuair a chuir mi uam sibh gun sporan, agus gun mhàla,

agus gun bhrògan, an robh uireasbhuidh ni sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aig am bheil sporan, togadh se e, agus mar an ceudna a mhàla. agus an ti aig nach 'eil claidheamh, reiceadh e 'fhall-uinn, agus ceannachadh e aon.

37 Oir a ta mi ag ràdh ribh, gur éigin fathast an ni so ta sgrìobhta a choimh-lionadh annam-sa, Agus bha e air àireamh am measg nan ciontach: oir a ta crìoch aig na nithibh nd, a ta mu m' thimchioll-sa.

38 Agus thubhairt iadsan, A Thighearn, feuch, a ta dà chladheamh an so. Agus thubhairt esan riu, Is leoir e.

39 Agus air dha dhol a mach, chaidh e, mar bu ghnàth leis, gu slàbh nan crann-oladh; agus lean a dheisciobuil e.

40 Agus an uair a thàinig e do'n àit, thubhairt e riu, Deanaibh urnuigh, chum nach tuit sibh ann am buaireadh.

41 Agus thairngedh esan uatha mu thimchioll urchuir chloiche, agus leig se e féin air a ghluinibh, agus rinn e urnuigh.

42 Ag ràdh, Athair, ma's toil leat, cuir an cupan so seachad orm⁵: gidheadh, na b'i mo thoil-sa, ach do thoil-sa gu robh deanta.

43 Agus dh'fhoillsicheadh dha amgeal o nèamh, 'ga neartachadh.

44 Agus air dha bhì ann an cruaidh-ghleachd anama, rinn e urnuigh ni bu dùrachdaiche: agus bha 'fhallas mar bhraonaibh mòra fola a' tuiteam sìos air an talamh.

45 Agus air dha éirigh o urnuigh, thàinig e chum a dheisciobul, agus fhuair e 'nan codal iad troimh thuitse.

46 Agus thubhairt e riu, C'ar son a ta sibh 'nur codal? éiribh, agus deanaibh urnuigh, chum nach tuit sibh ann am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b' ainm Iudas, aon d'on dà fhear dheug, rompa, agus dhruid e ri Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic an duine?

49 Agus an uair a chunnaic iadsan a bha mu thimchioll-sa an ni a bha gu tachairt, thubhairt iad ris, A Thighearn, am buail sinn leis a' chladheamh?

50 Agus bhuaill aon dinbh seirbhiseach an àrd-shagairt, agus ghearr e dheth a chluas dheas.

51 Agus fhreagair Iosa agus thubhairt e, Fulaingibh gu so. Agus bhean e r'a chluais, agus shlànuich e i.

¹ smachd, cumhachd.

² a's lugha.

⁴ bhios tu air tionndadh.

³ bhuaibh.

⁵ tharum.

LUCAS, XXII. XXIII.

52 An sin thubhairt Iosa ris na h-àrd-shagartaibh agus ri ceannardaibh an teampuill, agus ris na seauairibh, a thàinig d'a ionnsuidh, An d'fhàinig sibh a mach le claidhibh agus le bataibh, mar gu b' ann an aghaidh fir-reubainn¹?

53 'Nuair a bha mi gach là maille ribh san teampull, cha do shìn sibh a mach bhur làmhnan a'm aghaidh: ach is i so bhur n-uair-sa, agus cumhachd an dorchadais.

54 An sin rug iad air, agus thug iad leo e² do thigh an àrd-shagairt. Agus lean Peadar am fad uaith e.

55 Agus air dhoibh teine fhadadh ann am meadhon an t-sàla, agus suidhe sìos maille ri³ chéile, shuidh Peadar 'nam meadhon.

56 Ach chunnaic cailin àraidh e 'na shuidhe aig an teine, agus air dhi amharc gu gear air, thubhairt i, Bha 'm fear so mar an ceudna maille ris.

57 Agus dh'àicheadh esan e, ag ràdh, A bhcan, cha'n aithne dhomh e.

58 Agus beagan 'na dheigh sin chunnaic neach eile e, agus thubhairt e, Is ann diubh thusa mar an ceudna. Agus thubhairt Peadar, A dhuine, cha'n ann.

59 Agus mu thimcheall ùine aoin uaire 'na dheigh sin, chòmhdaich⁴ neach eile air, ag ràdh, Gu fìrinneach bha am fear so mar an ceudna maille ris; oir is Galiléach e.

60 Agus thubhairt Peadar, A dhuine, cha'n aithne dhomh ciod a ta thu 'g ràdh. Agus air ball, am feadh a bha e fathast a' labhairt, ghoir an coileach.

61 Agus air tionndadh do'n Tighearn, dh'amhaire e air Peadar; agus chuimhnich Peadar focal an Tighearna, mar thubhairt e ris, Mun goir an coileach, àicheadhaidh tu mi trì uairean.

62 Agus chaidh Peadar a mach, agus ghluil e gu goirt.

63 Agus rinn na daoine, a chum Iosa, fanoid air, 'ga bhualadh.

64 Agus an uair a dh'fholuich iad a shùilean, bhuail iad e san aghaidh, agus dh'fhiosraich iad deth, ag ràdh, Dean fàidheadaireachd cò e a bhuail thu?

65 Agus labhair iad mòran do nithibh eile gu toibheumach 'na aghaidh.

66 Agus an uair a bha an là air teachd, chruinnich seanadh an t-sluaigh, agus na h-àrd-shagairt, agus na sgrìobhaichean an ceann a chéile, agus thug iad esan chum an comhairle,

67 Ag ràdh, An tusa Crìosd? innis dhuinn. Agus thubhairt e riu, Ma dh'innseas mi dhuibh, cha chreid sibh:

68 Agus ma dh'fhiosraicheas mi *ni air*

bith, cha toir sibh freagradh dhomh, agus cha leig sibh as mi.

69 O'n àm so bithidh Mac an duine 'na shuidhe air deas làimh cumhachd Dhé.

70 An sin thubhairt iad uile, An tusa ma seadh Mac Dhé? Agus thubhairt e riu, A ta sibhse ag ràdh gur mi.

71 Agus thubhairt iad, Ciod tuilleadh am feum a ta againn air fianuis? oir chuala sinn féin i as a bheul féin.

CAIB. XXIII.

1 Chasaid na h-Iudhaich Crìosd an làthair Philait. 8 Rinn Herod fanoil air. 12 Rinneadh Herod agus Pilat 'nan càirdibh. 18 Dh'farradh Barabas leis an t-sluagh, agus air fhuasgladh le Pilat, thug e Iosa thairis gu bhì air a cheusadh.

A GUS air éirigh d'an cuideachd uile, thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' clonadh a' chinnich, agus a' bacadh cìs a thoirt do Cheasar, ag ràdh, Gur e féin Crìosd an rìgh.

3 Agus dh'fhiosraich Pilat deth, ag ràdh, An tusa rìgh nan Iudhach? agus fhreagair esan agus thubhairt e, A ta thu 'g a ràdh.

4 An sin thubhairt Pilat ris na h-àrd-shagartaibh agus ris an t-sluagh, Cha'n 'eil mi faotainn coire air bith san duine so.

5 Agus bha iadsan ni bu ro dhéine, ag ràdh, Tha e buaireadh an t-sluaigh, a' teagasg troimh Iudea uile, a' tòiseachadh o Ghalile gus an àit so.

6 'Nuair a chuala Pilat mu Ghalile, dh'fhiosraich e am bu Ghaliléach an duine.

7 Agus an uair a chual e gu'm b'ann fo uachdaranachd⁵ Heroid a bha e, chuir se e gu Herod, a bha e féin ann an Ierusalem sna làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige rè ùine fhada air esan fhaicinn, do bhrìgh gu'n cual e mòran uime; agus bha dùil⁶ aige gu'm faiceadh e mìorbhuil éigin air a dheanamh leis.

9 An sin dh'fheòraich e mòran do cheisidibh dheth; ach cha d'fhug e freagradh sam bith air.

10 Agus sheas na h-àrd-shagairt agus na sgrìobhaichean 'ga chasaid gu dian.

11 Ach chuir Herod agus a luchd-cogaidh an neo-mheas e, agus rinn iad fanoid air, agus an déigh a sgeadachadh an eudach dealrach⁷ chuir e air ais gu Pilat e.

12 Agus rinneadh Pilat agus Herod 'nan càirdibh d'a chéile san là sin: oir bha iad roimhe sin an naimhdeas r'a chéile.

13 Agus an uair a ghairm Pilat an ceann

¹ creachadair, meirlich.

² am fochair.

² agus thug iad e.

⁴ chatkaich.

⁵ fo chumhachd, fo riaghladh.

⁶ dòchas.

⁷ ro gheal.

a chéile na h-àrd-shagairt, agus na h-uachdarain, agus an sluagh,

14 Thubhairt e riu, Thug sibh a m'ionnsuidh-sa an duine so, mar neach a ta tionndadh an t-sluaigh a thaobh: agus, feuch, air dhomh a cheasnachadh ann bhur làthair, cha d'fhuair mi coire air bith san duine so thaobh nan nithe sin mu 'm bheil sibh a' deanamh casaid air;

15 No mar an ceudna Herod: oir chuir mi d'a ionnsuidh sibh, agus,* feuch, cha d'rinneadh ni air bith leis¹ toilltinnreach air bàs.

16 Uime sin, air dhomh-sa a smachdachadh, leigidh mi as e.

17 (Oir b'éigin da aon a leigeadh as doibh air an fhéill.)

18 Agus ghlaodh iad a mach dh'aon ghuth, ag ràdh, Beir uainn *am fear* so, agus leig air a chomas duinne Barabas:

19 (Neach air son ceannaire àraidh a rinneadh anns a' bhaile, agus air son mortaidh, a thilgeadh am prìosan.)

20 Air an aobhar sin labhair Pilat riu a ris, air dha bhì toileach Iosa a chur fa sgaoil.

21 Ach glaoth iadsan, ag ràdh, Ceus e, ceus e.

22 Agus thubhairt e riu an treas uair, C'ar son? ciod an cron a rinn e? cha d'fhuair mise cùis bhàis air bith ann: uime sin, an déigh dhomh a smachdachadh, leigidh mi as e.

23 Agus luidh iadsan air le guthaibh mòra, ag iarraidh esan a cheusadh: agus bhuaidhaich an guthanna-san, agus *guth-anna* nan àrd-shagart.

24 Agus thug Pilat breth gu'n deanta na dh'iarr iad.

25 Agus leig e mach dhoibh esan a thilgeadh am prìosan air son ceannaire agus mortaidh, an neach a dh'iarr iad; ach thug e thairis Iosa d'an toil.

26 Agus an tràth thug iad leo e, rug iad air Simon, duine àraidh o Chirene, a bha teachd o'n dùthaich, agus chuir iad an crann-ceusaidh air, g'a ghiùlan an déigh Iosa.

27 Agus lean cuideachd mhòr e do'n t-sluaigh, agus do mhnaibh, a bha mar an ceudna ri bròn², agus³ ga chaoineadh-san.

28 Ach air tionndadh do Iosa riu, thubhairt e, A nigheana Ierusalem, na guilbhair mo shonsa, ach guilbhair air bhur son féin, agus air son bhur cloinne:

29 Oir feuch, a ta na làithean a' teachd, anns an abair iad, Is beannaichte na *mnà* neo-thorrach³, agus na bronna nach do ghiùlain *clann*, agus na cìocha nach d'thug bainne.

30 An sin tòisichidh iad air a ràdh ris na beanntaibh, Tuitilbh oirne; agus ris na

cnocaibh, Folaichibh sinn.

31 Oir ma ni iad na nithe so ris a' chrann ùr, ciod a ni iad ris a' chrìonaich?

32 Agus thugadh mar an ceudna dithis eile, a bha 'nan luchd droch-bheirt, chum bhi air an ceusadh maille ris.

33 Agus an uair a thàinig iad do'n àit d'an goirear Calbhari⁴, an sin cheus iad e féin, agus na droch dhaoine; fear dhiubh air a làimh dheis, agus am fear eile air a làimh chlì.

34 An sin thubhairt Iosa, Athair, maith dhoibh; oir cha'n 'eil fhios aca ciod a ta iad a' deanamh. Agus roinn iad⁴ eudach, agus thilg iad crannchur *air*.

35 Agus sheas an sluagh ag amharc: agus rinn na h-uachdarain fanoid *air* maille riu-san, ag ràdh, Shaor e daoine eile; saoradh se e féin, ma's e so Criosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgseadh fion geur dha,

37 Agus ag ràdh, Ma's tu rìgh nan Iudhach, teasairg thu féin.

38 Agus bha sgrìobhadh mar an ceudna air a sgrìobhadh os a cheann, ann an litricheibh Gréigis, agus Laidin, agus Eabhra, IS E SO RÌGH NAN IUDHACH.

39 Agus thug aon do na droch dhaoineibh a chrochadh, toibheum dha, ag ràdh, Ma's tu Criosd, saor thu féin agus sinne.

40 Ach fhreagair am fear eile, agus chronuich se e, ag ràdh, Nach 'eil eagal Dé ort, agus gu bheil thu fo 'n aon dìteadh ris?

41 Agus sinne da rìreadh an ceartas; oir a ta sinn a' faotainn nan nithe sin a thoill ar gnìomharan: ach cha d'rinn an duine so cron air bith.

42 Agus thubhairt e ri Iosa, A Thigh-earn, cuimhnich ormsa 'nuair a thig thu do d' rìoghachd.

43 Agus thubhairt Iosa ris, Gu deimhin a ta mi ag ràdh riut, gu'm bi thu maille rium-sa an diugh ann am pàrras.

44 Agus bha e mu thimchioll na seathadh uaire, agus bha dorchadas air an talamh uile gus an naothadh uair.

45 Agus dhorchaicheadh a' ghrian, agus reubadh brat-roinn an teampuill⁴ na mheadhon.

46 Agus an uair a ghlaodh Iosa le guth mòr, thubhairt e, Athair, a ta mi tiomnadh mo spioraid a' d' làmhaibh-sa: agus an uair a thubhairt e so, thug e suas an deò.

47 A nis an uair a chunnaic an ceannard-ceud an ni a rinneadh, thug e glòir do Dhia, ag ràdh, Gu fìrinneach b'ionracan an duine so.

48 Agus an sluagh uile a chruinnich,

¹ dha.

² bas-bhualadh.

³ sheasga, gun slìochd.

⁴ àit a' chlaiginn.

dh'ionnsuidh an t-seallaidh sin, an uair a chunnaic iad na nithe a rinneadh, phill iad air an ais, a' bualadh an uchd.

49 Agus sheas a luchd-còlais uile, agus na mnàì a lean e o Ghalile, am fad uaith, ag amharc air na nithibh sin.

50 Agus, feuch, duine àraidh d' am b' ainm Ioseph, comhairleach, a bha 'na dhuine maith, agus 'na fhèirean;

51 (Cha d'aontaich an duine so d'an comhairle no d'an gnìomh;) O Arimatea, baile leis na h-Iudhaich; neach mar an ceudna ag an robh sùil ri rioghachd Dhé.

52 Chaidh esan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lìon-eudach e, agus chuir e ann an uaigh e a chladhaicheadh á carraig, anns nach do chuireadh aon duine riamh roimhe.

54 Agus b'e sin là an ulluchaidh, agus bha an t-sàbaid am fagus.

55 Agus lean na mnàì a thàinig maille ris o Ghalile, agus chunnaic iad an uaigh, agus cionnus a chuireadh a chorp.

56 Agus phill iad, agus dh'ulluich iad spìosraidh¹ agus oladh deadh fhàile; agus ghabh iad tàmh air là na sàbaid, a réir na h-àithne.

CAIB. XXIV.

1 Chuireadh aiseirigh Chrìosd an céill le dà aingeal do na mnàibh a thàinig a dh'amharc na h-uaighe : 13 Dh'fhoillsicheadh Chrìosd fèin do'n dithis dheisciobul a chaidh gu h-Emaus : 36 'na dheigh sin dh'fhoillsicheadh e do na h-abstolaibh, agus chronuich e iad air son an mì-chreidimh.

ANIS air a' cheud là do'n t-seachdain, iad gu ro mhoch air mhaduinn, thàinig iad chum na h-uaighe, a' thoirt leo nan spìosraidh a dh'ulluich iad, agus mnàì àraidh eile maille riu.

2 Agus fhuair iad a' chlach air a caruch-adh o'n uaigh.

3 Agus air dhoibh dol a steach, cha d'fhuair iad corp an Tighearn Iosa.

4 Agus am feadh a bha iad an iomacheisd mu'n ni so, feuch, sheas dithis dhaoine làimh riu ann an eudaichibh dealrach.

5 Agus air dhoibh bli fuidh eagal, agus a' cromadh an aghaidh chum na tal-mhainn, thubhairt iad riu, C'ar son a ta sibh ag iarraidh an ti a ta beò, am measg nam marbh?

6 Cha 'n'eil e an so, ach dh'éirich e : cuimhnichibh mar a labhair e ribh air dha bhi fathast ann an Galile,

7 Ag ràdh, Is éigin do Mhac an duine bhi air a thoirt thairis do làmhaibh dhaoine peacach, agus a bhi air a cheusadh, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltium o'n uaigh, dh'innis iad na nithe so uile do'n aon fhear deug, agus do chàch uile.

10 Agus b'i Muire Magdalen, agus Ioanna, agus Muire màthair Sheumais, agus mnàì eile maille riu, a dh'innis na nithe so do na h-abstolaibh.

11 Agus mheasadh am briatlra leo-san mar sgeula faoine, agus cha do chreid siad iad.

12 An sin air éirigh do Pheadar, ruith e chum na h-uaighe; agus air dha cromadh sìos, chunnaic e'n lìon-eudach 'na luidhe leis fèin, agus dh'fhalbh e, a' gabhail iong-antais leis fèin mu'n ni so a rinneadh.

13 Agus, feuch, bha dithis diubh a' dol air an là sin fèin gu baile d'am b'ainm Emaus, a bha trì fichead stàid o Ierusalem.

14 Agus bha iad a' labhairt catorra fèin mu thimchioll nan nithe ud uile a thach-air.

15 Agus an uair a bha iad a' còmhradh, agus a' co-reusonachadh, thàinig Iosa e fèin am fagus, agus dh'imich e maille riu.

16 Ach bha'n sùilean air an cumail, air chor as nach d'aithnich iad e.

17 Agus thubhairt e riu, Ciod e an còmhradh so air am bheil sibh a' teachd eadarairbh fèin, ag imeachd dhuibh, agus sibh dubhach?

18 Agus fhreagair fear diubh d'am b'ainm Cleopas, agus thubhairt e ris, Am bheil thusa a mliain a'd choigreach an Ierusalem, agus gun fhios agad air na nithibh a rinneadh innte anns na làithibh so?

19 Agus thubhairt e riu, Ciod na nithe? Agus thubhairt iadsan ris, Na nithe a thaobh Iosa o Nasaret, a bha 'na fhàidh cumhachdach ann an gnìomh agus ann am focal am fianuis Dé, agus an t-sluaigh uile:

20 Agus cionnus a thug na h-àrd-shagairt agus ar n-uachdarain thairis chum dithid bàis e, agus a cheus iad e.

21 Ach bha dùil againne gu'm b'esan an ti a bha gu Israel a shaoradh; agus a thuilleadh air so uile, is e'n diugh an treas là o rinneadh na nithe so.

22 Agus mar an ceudna, chuir mnàì àraidh dhinn fèin, a chaidh gu moch a dh'ionnsuidh na h-uaighe, mòr-loghnadh² oirn:

23 Agus an uair nach d'fhuair iad a chorp, thàinig iad, ag ràdh, gu'm fac iad sealladh do ainglibh, a thubhairt gu bheil e beò.

24 Agus chaidh dream àraidh dhiubh-san a bha maille ruinn fèin, chum na

¹ luibhean càbhraidh.

² uamhas.

h-uaighe, agus fhuair iad eadhon mar thubhairt na mnà; ach cha'n fhac iad esan.

25 An sin thubhairt e riu, O dhaoine amaideach¹, agus mall-chridheach a chreidsinn nan nithe sin uile a labhair na fàidhean!

26 Nach b'éigin do Chrìosd na nithe so fhulaing, agus dol a steach d'a ghloir?

27 Agus air dha tòiseachadh o Mhaois, agus o na fàidhibh uile, dh'eadar-mhìnich e dhoibh anns na sgrìobtuiribh uile na nithe m'a thimchioll féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach cho-éignich iadsan e, ag ràdh, Fan maille ruinne, oir a ta e dlùth do'n fheasgar, agus tha deireadh an là ann. Agus chaidh e steach a dh'fhuireach maille riu.

30 Agus an uair a shuidh e gu biadh maille riu, air dha aran a ghlacadh, bheannaich se e, agus bhris se e, agus thug e dhoibh e.

31 Agus dh'fhosgladh an sùilean, agus dh'aithnich iad e; agus chaidh e as an t-sealladh.

32 Agus thubhairt iad r'a chéile, Nach robh ar cridhe a' lasadh annainn, am feadh a bha e a' labhairt ruinn air an t-slighe, agus an uair a dh'fhosgail e dluinn na sgrìobtuirean?

33 Agus dh'éirich iad air an uair sin féin, agus phill iad gu Ierusalem, agus fhuair iad an t-aon fhear deug cruinn an ceann a chéile, agus an dream a bha maille riu,

34 Ag ràdh, Dh'éirich an Tighearna da rìreadh, agus chunncas le Simon e.

35 Agus dh'innis iad na nithe *arinneadh* air an t-slighe, agus mar a dh'aithnich-eadh leo e ann am briseadh an arain.

36 Agus ag labhairt nan nithe so dhoibh, sheas Iosa féin 'nam meadhon, agus thubhairt e riu, Sìth maille ribh.

37 Ach bha iadsan fuidh gheilt-chrith agus fuidh cagal, agus shaoil iad gur spiorad a chunnaic iad.

38 Agus thubhairt e riu, C'ar son a ta sibh fo bhuaircas², agus c'ar son a ta

smuaintean ag éirigh suas ann bhuir cridh-eachaidh?

39 Feuchaidh mo làmhnan agus mo chosan, gur mi féin a th'ann: laimhsichibh mi, agus faicibh; oir cha'n 'eil aig spiorad feoil agus cnàmha, mar a chi sibh agam-sa.

40 Agus an uair a thubhairt e so, nochd e dhoibh a làmhnan agus a chosan.

41 Agus air dhoibh bhi fathast mì-chreideach troimh aoibhneas, agus iad fuidh iongantas, thubhairt e riu, Am bheil biadh sam bith agaibh an so?

42 Agus thug iad da mìr do iasg ròiste, agus do chìr-mheala.

43 Agus ghlac se e, agus dh'ith e 'nam fianais.

44 Agus thubhairt e riu, Is iad so na briathran a labhair mi ribh, 'nuair a bha mi fathast maille ribh, gur éigin do na h-uile nithibh a ta sgrìobhta ann an lagh Mhaois, agus anns na fàidhibh, agus anns na salmaibh mu m' thimchioll-sa, bhi air an coimhlionadh.

45 An sin dh'fhosgail e an tuigse, chum gu'n tuigeadh iad na sgrìobtuirean.

46 Agus thubhairt e riu, Mar so a ta e sgrìobhta, agus mar so b'éigin do Chrìosd fulang, agus éirigh o na marbhaibh an treas là:

47 Agus aithreachas agus maitheanas peacaidh bhi air an searmonachadh 'na ainm-san, do na h-uile chinnich, a' tòiseachadh aig Ierusalem.

48 Agus is fianuisean sibhse air na nithibh so.

49 Agus, feuch, cuiridh mise gealladh m'Athar oirbh³: ach fanaibh-sa ann am baile Ierusalem, gus an sgeadaichear le cumhachd o na h-àrdaibh sibh.

50 Agus thug e mach iad co fhad ri⁴ Betani; agus thog e suas a làmhnan, agus bheannaich e iad.

51 Agus am feadh a bha e 'gam beannachadh, dhealaicheadh riu e, agus thogadh suas gu nèamh e.

52 Agus rinn iad aoradh dha, agus phill iad gu Ierusalem le gairdeachas mòr:

53 Agus bha iad a ghnàth anns an team-pull, a' moladh agus a' beannachadh Dhé. Amen.

¹ neo-mhothachail.

² thuibhlaid.

³ cuiridh mise na gheall m' Athair d'ur n-ionnsuidh.

⁴ as.

AN SOISGEUL

A REIR

E OIN.

CAIB. I.

1 *Diadhachd, daoineachd, agus dreuchd Iosa Criosd*
15 *Fianuis Eoin. 37 Gairm Aindreas, Pheadair,*
43 *Philip, 45 agus Netanael.*

ANNS an toiseach bha am Focal, agus bha am Focal maille ri Dia, agus b'e am Focal Dia.

2 Bha e so air tùs maille ri Dia.

3 Rinneadh na h-uile nithe leis; agus as 'eugmhais cha d'rinneadh aon ni a rinn-eadh.

4 Ann-san bha beatha, agus b'ia' bheatha solus dhaoine.

5 Agus tha 'n solus a' soillseachadh anns an dorchadas, agus cha do ghabh an dorchadas e.

6 Chuireadh duine o Dhia, d'am b'ainm Eoin.

7 Thàinig esan mar fhianuis, chum fianuis a thoirt mu'n t-solus, chum gu'n creideadh na h-uile tridsan.

8 Cha b'esan an solus sin, ach *chuireadh* e chum gu tugadh e fianuis mu'n t-solus.

9 B'e so an solus fìor a ta soillseachadh gach uile dhuine tha teachd chum an t-saoghail.

10 Bha e anns an t-saoghal, agus rinneadh an saoghal leis, agus cha d'aithnich an saoghal e.

11 Thàinig e dh'ionnsuidh a dhùthcha fèin, agus cha do ghabh a *mhuinntir* fèin ris.

12 Ach a mheud as a ghabh ris, thug e dhoibh cumhachd a bhì 'nan cloinn do Dhia, *eadhon* dhoibh-san a ta creidsinn 'na ainm:

13 A bha air an gineamhuin, cha'n ann o fhuil, no o thoil na feòla, no o thoil duine, ach o Dhia.

14 Agus rinneadh 'am Focal 'na fheoil, agus ghabh e còmhnuidh 'nar measg-ne, (agus chunnaic sinn a ghloir, mar ghloir aoin-ghin Mhic an Athar,) làn gràis agus fìrinn.

15 (Thug Eoin fianuis uime, agus ghlaodh e, ag ràdh, Is e so an ti mu'n do labhair mi, An ti a ta teachd a'm' dhéigh, tha toiseach aig orm; oir bha e romham.)

16 Agus as a lànachd-san fhuair sinne uile, agus gràs air son gràis.

17 Oir thugadh an lagh le Maois, ach thàinig an gràs agus an fhìrinn le Iosa Criosd.

18 Cha'n fhaca neach air bith Dia riamh; an t-aon-ghin Mic, a ta ann an uchd an Athar, is esan a dh'fhoillsich e.

19 Agus is e so fianuis Eoin: An uair a chuir na h-Iudhaich sagairt agus Lebhithich o Ierusalem, chum gu'm fiosraicheadh iad deth, Cò thusa?

20 Dh'aidhich esan, agus cha d'aidheadh e; ach dh'aidich e, Cha mhi Criosd.

21 Agus dh'fhiosraich iad deth, Ciod ma seadh? An tu Elias? Agus thubhairt e, Cha mhi. An tu am fàidh? Agus fhreagair e, Cha mhi.

22 An sin thubhairt iad ris, Cò thu? chum gu'n toir sinn freagradh dhoibh-san a chuir *uatha* sinn: ciod a tha thu 'g ràdh mu do thimchioll fèin?

23 Thubhairt e, *Is* mise guth an ti a ghlaodhas² anns an fhàsach, Deanaibh dìreach slighe an Tighearna, mar thubhairt am fàidh Esaias.

24 Agus an dream a chuireadh *leis an teachdaireachd*, b'ann do na Phairisich iad.

25 Agus dh'fhiosraich iad deth, agus thubhairt iad ris, C'ar son ma seadh a ta thu a' baisteadh, mur tu Criosd, no Elias, no am fàidh?

26 Fhreagair Eoin iad, ag ràdh, A ta mise a' baisteadh le h-uisge; ach a ta neach 'na sheasamh 'nur measg, nach aithne dhuibh;

27 Is e so an ti, a ta teachd a'm' dhéighsa, aig am bheil toiseach orm, neach nach airdh mise air barr-iall a bhròige fhuasgladh.

28 Rinneadh na nithe so ann am Betani³ air an taobh thall do Iordan, far an robh Eoin a' baisteadh.

29 Air an là màireach chunnaic Eoin Iosa a' teachd d'a ionnsuidh, agus thubhairt e, Feuch Uan Dé, a ta thoirt air falbh peacaidh an t-saoghail!

30 Is e so an ti mu'n dubhairt mi, Tha fear a' teachd a'm' dhéigh, aig am bheil barrachd orm; oir bha e romham.

31 Agus cha robh aithne agam-sa air ach a chum gu'm bitheadh e air fhoillseachadh do Israel, uime sin thàinig mi a' baisteadh le h-uisge.

32 Agus thug Eoin fianuis, ag ràdh, Chunnaic mi an Spiorad a' teachd a nuas mar choluman o nèamh, agus ghabh e còmhnuidh air.

¹ dh'fhàs.

² Is mise esan aig am bheil

a ghuth ag éigheach.

³ Betabara.

33 Agus cha b'aithne dhomhsa e : ach an ti a chuir mi a bhaisteadh le h-uisge, thubhairt esan rium, Ge b'e air am faic thu an Spiorad a' teachd a nuas agus a' gabhail còmhuidh air, is e sin an ti a bhaisteadh leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là maireach a ris sheas Eoin, agus dithis d'a dheisciobuilbh;

36 Agus air dha amharc air Iosa, agus e ag imeachd¹, thubhairt e, Feuch Uan Dé!

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'g a leantunn, agus thubhairt e riu, Ciod a ta sibh ag iarraidh? Thubhairt iadsan ris, Rabbi, (is e sin r'a ràdh, air eadar-theangachadh, A mhaighstir,) c'ait am bheil thu gabhail còmhuidh?

39 Thubhairt e riu, Thigibh agus faicibh. Thàinig iad agus chunnaic iad c'ait an robh e gabhail còmhuidh, agus dh'fhan iad maille ris an là sin: oir bha e mu thimchioll na deicheamh uaire.

40 B'e Andreas, bràthair Shimoin Pheadair, aon do'n dithis a chual Eoin a' labhairt, agus a lean esan.

41 Fhuair esan air tùs a bhràthair féin Simon, agus thubhairt e ris, Fhuair sinne am Mesias, is e sin, air eadar-theangachadh, Criosd².

42 Agus thug e chum Iosa e; Agus an uair a dh'amhairc Iosa air, thubhairt e, Is tusa Simon mac Iona: gairmear Cephas dhìot, is e sin air eadar-theangachadh, Peadar³.

43 Air an là 'na dhéigh sin, bu toil le Iosa dol a mach do Ghalile, agus fhuair e Philip, agus thubhairt e ris, Lean mise.

44 A nis bha Philip o Bhetsaida, baile Andreais agus Pheadair.

45 Fhuair Philip Natanael, agus thubhairt e ris, Fhuair sinne an ti mu'n do sgriobh Maois anns an lagh, agus na fàidhean, Iosa o Nasaret, mac Ioseiph.

46 Agus thubhairt Natanael ris, Am feud ni maith air bith teachd á Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus thubhairt e uime, Feuch Israeleach da rìreadh, annsnach 'eil cealg!

48 Thubhairt Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'nuair a bha thu fo 'n chrann-fhìge, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé; is tu Rìgh Israel.

50 Fhreagair Iosa agus thubhairt e ris, A chionn gu'n dubhairt mi riut, chunnaic mi thu fo 'n chrann-fhìge, am bheil thu creid-sinn? chi thu nithe a's mò na iad so.

51 Agus thubhairt e ris, Gu deimhin deimhin a ta mi ag ràdh ribh, 'Na dhéigh so chi sibh nèamh fosgailte, agus aingil Dhé a' dol suas agus a' teachd a nuas air Mac an duine.

CAIB. II.

1 Rinn Criosd fion do'n uisge: 12 chaidh e do Chapernaum, agus do Ierusalem. 14 far an do ghlan e an teampall o luchd reicidh agus ceannachd: 19 roimh-innis e a bhàs agus 'ais-eirigh. 23 Chreid mòran ann air son a mhòrbhuilean, ach cha d'earb se e féin riu.

AGUS air an treas là bha pòsadh ann an Cana Ghalile; agus bha màthair Iosa an sin.

2 Agus fhuair Iosa mar an ceudna agus a dheisciobuil cuireadh chum a' phòsaidh.

3 Agus air teireachdainn do'n fhìon, thubhairt màthair Iosa ris, Cha'n 'eil fìon aca.

4 Thubhairt Iosa rithe, Ciod e mo ghnòthuch-sa riut, a bhean? cha d'thàinig m' uair-sa fathast.

5 Thubhairt a mhàthair ris an luchd-frithealaidh, Ge b'e ni a their e ribh, dean-aibh e.

6 Agus bha se soithichean uisge do chloich air an cur an sin, a réir gnàtha glanaidh nan Iudhach, a ghabhadh dà fheircin no trì gach aon diubh.

7 Thubhairt Iosa riu, Lìonaibh na soithiche le uisge. Agus lìon siad iad gus am beul.

8 Agus thubhairt e riu, Tairngibh a nis, agus thugaibh chum uachdaran na cuirme⁴. Agus thug iad ann e.

9 'Nuair a bhlaiss uachdaran na cuirme an t-uisge a rinneadh 'na fhìon, (agus cha robh fhios aige cia as a thàinig e; ach bha fhios aig an luchd-frithealaidh a tharruing an t-uisge,) ghairm uachdaran na cuirme am fear nuadh-pòsda⁵.

10 Agus thubhairt e ris, Cuiridh gach duine fìon maith a làthair air tùs; agus an uair a dh'òlas daoine gu leoir, an sin am fìon a's mìosa: ach ghléidh thusa am fìon maith gus a nis.

11 An toiseach so do mhòrbhuilbh rinn Iosa ann an Cana Ghalile, agus dh'fhoillsich e a ghloir; agus chreid a dheisciobuil ann.

12 An déigh so chaidh e sìos do Chapernaum, e féin, agus a mhàthair, agus a bhràithrean, agus a dheisciobuil; agus cha d'fhan iad ann mòran do làitheibh.

13 Agus bha càisg nan Iudhach am fàgus; agus chaidh Iosa suas gu Ierusalem.

¹ a' sràid-imeachd.

² Christos, Gr. i. e. Aon uingta.

³ Petros, Gr. i. e. carraig.

⁴ fèisde.

⁵ fear na bainnse.

14 Agus fhutair e 'nan suidhe anns an teampull luchd-reicidh cruidh¹, agus ehaorach, agus choluman, agus luchd-malairt an airgid :

15 Agus air deanamh sgiùrsair² dha do chordaibh caola, dh'fhuadaich e mach as an teampull iad uile, agus na caoraich agus an crodh; agus dhòirt e mach airgid an luchd-malairt, agus thilg e na buird thairis;

16 Agus thubhairt e riu-san a bha reic-eadh choluman, Togaibh iad sin á so; na deanaibh tigh m'Àthar-sa 'na thigh mar-sandachd.

17 Agus chuimhnich a dheisciobuil gu'n robh e sgriobhta, Dh'ith eud³ do thighe suas mi.

18 An sin fhreagair na h-Iudhaich, agus thubhairt iad ris, Ciod an comhar a nochdas tu dhuinne, do bhrìgh gu bheil thu dean-amh nan nithe sin?

19 Fhreagair Iosa agus thubhairt e riu, Leagaibh sìos an teampull so, agus an trì làithibh cuiridh mise suas e.

20 An sin thubhairt na h-Iudhaich, Se bliadna agus dà fhichead bha an teampull so 'ga thogail, agus an cuir thusa suas an trì làithibh e?

21 Ach labhair esan mu theampull a chuirp.

22 Uime sin an uair bha e air éirigh o na marbhaibh, chuimhnich a dheisciobuil gu'n dubhairt e so: agus chruid iad an sgriobtuir, agus am focal a thubhairt Iosa.

23 A nis an uair a bha e an Ierusalem aig a' chàisg, air an fhèill⁴, chreid mòr-an 'na ainm, an uair a chummaic iad na mìorbhuilean a rinn e.

24 Ach cha d'earb Iosa e féin riu, do bhrìgh gu'm b'aithne dha na h-uile dhaoine,

25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

CAIB. III.

1 *Theagaisg Crìosd do Nicodemus feum na h-ath-gheineamhuin.* 11 *Mu chreidimh 'na bhàs.* 16 *Mòr-ghràdh Dhé do'n chinne-daoine.* 23 *Baisteadh, fianuis, agus teagasg Eoin.*

AGUS bha duine do na Phairisich, a d'am b'ainm Nicodemus, a bha 'na uachdaran air na h-Iudhaich:

2 Thàinig esan chum Iosa san oidhche, agus thubhairt e ris, A mhaighstir, tha fhios againn gur fear-teagaisg thu a thàinig o Dhia: oir cha'n urrainn duine air bith na mìorbhuile so dheanamh a ta thusa a' deanamh, mur bi Dia maille ris.

3 Fhreagair Iosa agus thubhairt e ris, Gu deimhin deimhin a ta mi ag ràdh riut, mur beirear duine a ris⁵, nach feud e rioghachd Dhé fhaicinn.

4 Thubhairt Nicodemus ris, Cionnus a dh'fheudas duine bhi air a bhreith 'nuair a ta e aosda? am bheil e comasach air dol a stigh an dara uair do bhroinn a mhàthar, agus a bhi air a bhreith?

5 Fhreagair Iosa, Gu deimhin deimhin a ta mi ag ràdh riut, mur bi duine air a bhreith o uisge, agus o'n Spiorad, cha 'n urrainn e dol a steach do rioghachd Dhé.

6 An ni sin a ta air a bhreith o'n fheoil, is feoil e; agus an ni si na ta air a bhreith o'n Spiorad, is spiorad e.

7 Na galh iongantais gu'n dubhairt mi riut, Is éigin dubh bliu air bhuir breith a ris.

8 Tha a' ghaoth a' séideadh far an àill leatha, agus tha thu a' cluinntinn a fuaim, ach cha'n 'eil fhios agad cia as a tha i teachd, no c'àit a tha i dol: is ann mar sin a tha gach neach a tha air a bhreith o'n Spiorad.

9 Fhreagair Nicodemus agus thubhairt e ris, Cionnus a dh'fheudas na nithe so bliu?

10 Fhreagair Iosa agus thubhairt e ris, Am bheil thusa a d' fhear-teagaisg Israeil, agus nach aithne dhuut na nithe so?

11 Gu deimhin deimhin a ta mi ag ràdh riut, gu bheil sinne a' labhairt an ni a's fios duinn, agus a' toirt fianuis air an ni sin a chummaic sinn; agus cha ghabh sibhse ar fianuis.

12 Ma dh'innis mi dhuibh nithe tal-mhaidh, agus nach creid sibh, cionnus a chreideas sibh ma dh'innseas mi dhuibh nithe nèamhaidh?

13 Agus cha deachaidh aon neach suas do nèamh, ach an ti a thàinig a nuas o nèamh, Mac an duine a ta air nèamh.

14 Agus mar a thog Maois suas an nath-air san fhàsach, is ann mar sin is éigin do Mhac an duine bhi air a thogail suas:

15 Chum as ge b'e neach a chreideas ann, nach sgriosar e⁶, ach gu'm bi a' bheatha mhaireannach aige.

16 Oir is ann mar sin a ghràdhaich Dia an saoghal, gu'n d'thug e 'aon-ghin Mhic féin, chum as ge b'e neach a chreideas ann, nach sgriosar e, ach gu'm bi a' bheatha shiorruidh aige.

17 Oir cha do chuir Dia a Mhac do'n t-saoghal, chum gu'n dìteadh e an saoghal, ach a chum gu'm biodh an saoghal air a shaoradh trid-san.

18 An ti a chreideas ann, cha dìtear e: ach an ti nach creid, tha e air a dhìteadh cheana, a chionn nach do chreid e an ainm aoìn-ghin Mhic Dhé.

19 Agus is e so an dìteadh, gu'n d'thàinig an solus do'n t-saoghal, agus gu'n do ghràdhaich daoine an dorchadas nì's mò na'n solus, a chionn gu'n robh an gnìomh-aran olc.

dhàmh.

² cuipe.

³ ro-chùram.

⁴ an àm na fèisde.

⁵ o'n àird.

⁶ bi e cailte

20 Oir gach neach a ta deanamh uile, tha e toirt fuatha do'n t-solus, agus cha 'n 'eil e teachd chum an t-soluis, air eagal gu'm biodh 'oibre air an cronachadh.

21 Ach an ti a ni an fhàrrin, thig e chum an t-soluis, chum gu'm bi 'oibre follais-each, gur ann an Dia a rinneadh iad.

22 An déigh sin thàinig Iosa agus a dheisciobuil do thìr Iudea; agus dh'fhan e an sin maille ri u, agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, do bhrìgh gu'n robh mòran uisgeachan an sin; agus thàinig iad, agus bhaisteadh iad.

24 Oir cha robh Eoin fathast air a thilg-eadh am prìosan.

25 An sin dh'èirich ceisd eadar deisciobuil Eoin agus na h-Iudhaich, mu thim-chioll glanaidh.

26 Agus thàinig iad chum Eoin, agus thubhairt iad ris, A mhaighstir, an ti a bha maille riut an taobh thall do Iordan, d'an d'thug thu fianuis, feuch, tha esan a' baisteadh, agus tha na h-uile dhaoine a' teachd d'a ionnsuidh.

27 Fhreagair Eoin agus thubhairt e, Cha 'n 'eil duine comasach air ni sam bith a ghabhail, mur bi e air a thoirt da o nèamh.

28 Tha sibhse féin a' toirt fianuis dhomh-sa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a' bhean nuadh-phòsa, is e am fear nuadh-phòsa e: ach caraid an fhìr nuadh-phòsa, a ta 'na sheasamh agus ag' éisdeachd ris, tha e a' deanamh gairdeachais mhòir air son gutha an fhìr nuadh-phòsa: uime sin tha mo ghairdeachas so air a choimhlionadh.

30 Is éigin dasan fàs, ach dhomh-sa bhi air mo lughdachadh.

31 An ti a thig a nuas tha e os ceann uan uile: an ti a tha o'n talamh, tha e talmhaidh, agus labhraidh e air mhodh talmhaidh: an ti a thig o nèamh, tha e os ceann nan uile.

32 Agus an ni a chumnaic agus a chual e, air sin tha e toirt fianuis; agus cha'n 'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 An ti a chuir Dia uaith, tha e a' labhairt bhriathra Dhé: oir cha'n ann a réir tomlais a tha Dia a' toirt an Spioraid da.

35 Is toigh leis an Athair an Mac, agus thug e na h-uile nithe 'na làimh.

36 An ti a chreideas anns a' Mhac, tha a' bheatha mhaireannach aige; ach an ti nach 'eil a' creidsinn anns a' Mhac, cha'n fhaic e beatha; ach a ta fearg Dhé a' gabhail còmhnuidh air.

1 Rinn Crìosd còmhradh ris a' Bhan-samarach, agus dh'fhoillsich se e féin di. 27 Tha 'dheisciobuil fo ionantas. 31 Chuir e an cèill doibh 'eud féin air son glòire Dhé. 39 Chreid mòran da na Samarach ann.

AIR an aobhar sin an uair a thuig Iosa gu'n cuala na Phairisich gu'n robh e a' deanamh agus a' baisteadh tuilleadh dheisciobul na Eoin,

2 (Ged nach do bhaist Iosa féin iad ach a dheisciobul,)

3 Dh'fhàg e Iudea, agus chaidh e a ris do Ghailile.

4 Agus b'éigin da dol troimh Shamaria.

5 An sin thàinig e gu baile a bhuineadh do Shamaria, ris an abrar Sichar, fagus do'n fhearann a thug Iacob d'a mhac Ioseph.

6 A nis bha tobar Iacob an sin. Uime sin air do Iosa bhi sgith le a thurus, shuidh e mar sin làimh ris an tobar; agus bha e mu thimchioll na seathadh uaire.

7 Thàinig bean o Shamaria a tharruing uisge: thubhairt Iosa rithe, Thoir dhomh-sa deoch.

8 Oir bha a dheisciobuil air dol do'n bhaile a cheannach bìdh.

9 An sin thubhairt a' bhean o Shamaria ris, Cionnus a ta thusa agus gur Iudhaich thu, ag iarraidh deoch uam-sa, a ta am Bhan-samaritanaich? oir cha 'n 'eil eomunn aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b' àithne dhuit tiodhlac¹ Dhé, agus cò e a ta 'g ràdh riut, Thoir dhomh deoch, dh'iarradh tu aisan, agus bheir-eadh e uisge beò dhuit.

11 Thubhairt a' bhean ris, A Thighearn, cha 'n 'eil inneal tarruing agad, agus tha'n tobar domhain: uime sin cia as a ta an t-uisge beò sin agad?

12 Am mò thusa na ar n-athair Iacob, a thug dhuinne an tobar so, agus a dh'òlas e féin, agus a chlann, agus a spréidh?

13 Fhreagair Iosa agus thubhairt e rithe, Ge b'e neach a dh'òlas do'n uisge so, bithidh tart² air a ris:

14 Ach ge b'e neach a dh'òlas do'n uisge a bheir mise dha, cha bhi tart gu bràth air: ach an t-uisge a bheir mise dha, bithidh e 'na tobar uisge ann, a' sruthadh suas chum na beatha maireannaich.

15 Thubhairt a' bhean ris, A Thighearn, thoir dhomh-sa an t-uisge so, chum naeh bi tart orm, agus naeh tig mi an so a tharruing.

16 Thubhairt Iosa rithe, Imieh, gairm t'fhear-phòsa, agus thig an so.

17 Fhreagair a' bhean agus thubhairt i, Cha 'n 'eil fear agam. Thubhairt Iosa

¹ toirbheartas.² iota.

rithe, Is maith a thubhairt thu, Cha'n 'eil fear agam :

18 Oir bha cùignear fhear agad, agus esan a ta agad a nis, cha'n e t'fhear féin e: thubhairt thu so gu fìor.

19 Thubhairt a' bhean ris, A Thighearn, tha mi faicinn gur fàidh thu.

20 Rinnar n-aithriche aoradh sant-sliabh so; agus tha sibhse ag ràdh, gur ann an Ierusalem a ta an t-ionad anns an còir aoradh a dheanamh.

21 Thubhairt Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid sant-sliabh so, no ann an Ierusalem.

22 Tha sibh a' deanamh aoraidh do'n ni nach aithne dhuibh: tha sinne a' deanamh aoraidh do'n ni a's aithne dhuinn: oir is ann o na h-Iudhaich a ta slàinte.

23 Ach a ta an uair a' teachd, agus a ta i nis ann, anns an dean am fìor luchd-aoraidh aoradh do'n Athair ann an spiorad agus ann am fìrinn: oir a ta an t-Athair ag iarraidh an leithide so do luchd-aoraidh.

24 Is Spiorad Dia, agus is éigin d'a luchd-aoraidh, aoradh a dheanamh *dha* an spiorad agus am fìrinn.

25 Thubhairt a' bhean ris, Tha fhios agam gu bheil am Mesias a' teachd, ris an abrar Crìosd: 'nuair a thig esan innsidh e na h-uile nithe dhuinn.

26 Thubhairt Iosa rithe, Is mise *e*, a ta labhairt riut.

27 Agus air a so thàinig a dheisciobuil, agus b'iongantach leo gu'n robh e labhairt ris a' mhnaoi: ach cha dubhairt aon neach, Ciod a tha thu 'g iarraidh? no, C'ar son a tha thu labhairt rithe?

28 An sin dh'fhàg a' bhean a soitheach uisge, agus dh'fhalbh i do'n bhaile, agus thubhairt i ris na daoineibh,

29 Thigibh, faicibh duine a dh'innis dhomh-sa na h-uile nithe a rinn mi riamh: Nach e so Crìosd'?

30 An sin chaidh iad a mach as a' bhaile, agus thàinig iad d'a ionnsuidh-san.

31 San àm sin féin ghuidh a dheisciobuil air, ag ràdh, A mhaighstir, ith.

32 Ach thubhairt esan riu, Tha agam-sa biadh r'a itheadh air nach 'eil fhios ag-aibh-sa.

33 Uime sin thubhairt na deisciobuil r'a chéile, An d'thug neach air bith *ni* d'a ionnsuidh r'a itheadh?

34 Thubhairt Iosa riu, Is e mo bhiadh-sa toil an ti a chuir uaith ni a dheanamh, agus 'obair a chrìochnachadh.

35 Nach abair sibhse, A ta *uime* cheithir mìosan ann fathast, agus *an sin* thig am fogharadh? feuch, a ta mi ag ràdh ribh, Togaibh suas bhur sùilean, agus seallaidh

air na h-achaibh; oir a ta iad a cheana geal chum an fhogharaidh.

36 Agus an ti a bhuaineas tha e faotainn tuarsdail, agus a' cruinneachadh toraidh chum na beatha maireannaich; chum gu'n dean an ti a chuireas, agus an ti a bhuaineas, gairdeachas le chéile².

37 Agus an so tha an ràdh³ ud fìor, Gu bheil neach a' cur, agus neach eile a' buain.

38 Chuir mise sibhse a bhuain an ni sin nach do shaothraich sibh: shaothraich daoine eile, agus chaidh sibhse steach 'nan saothair.

39 Agus chreid mòran do Shamartanaich a' bhaile sin ann, air son cainte na mnà, a thug fianuis, *ag ràdh*, Dh'innis e dhomh na h-uile nithe a rinn mi riamh.

40 Uime sin an uair a thàinig na Samaritanaich d'a ionnsuidh, ghuidh iad air fantuinn maille riu: agus dh'fhuirich e an sin dà là.

41 Agus chreid mòran tuilleadh air son 'fhocail féin:

42 Agus thubhairt iad ris a' mhnaoi, Tha sinn a' creidsinn cha'n ann *à* so suas air son do chòmharaidh-sa: oir chuala sinn féin e, agus a ta fhios againn gur e so da rìreadh Crìosd, Slànuighear an t-saoghail.

43 Agus an déigh dà là dh'fhalbh e as a sin, agus chaidh e do Ghalile:

44 Oir thug Iosa féin fianuis, nach 'eil urram aig fàidh 'na thìr féin.

45 Uime sin, an uair a thàinig e do Ghalile, ghabh na Galiléaich ris, air dhoibh na nithe sin uile fhaicinn a rinn e ann an Ierusalem air fhéill: oir chaidh iadsan mar an ceudna chum na féille.

46 An sin thàinig Iosa a ris do Chana Ghalile, far an d'rinn e fìon do'u uisge. Agus bha duine cumhachdach⁴ àraidh, aig an robh a mhac gu tìnn ann an Capernaum.

47 'Nuair a chual esan gu'n robh Iosa air teachd *à* Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànuicheadh e a mhac: oir bha e ri h-uchd bàis.

48 An sin thubhairt Iosa ris, Mur faic sibh comharan agus miorbhuilean, cha chreid sibh.

49 Thubhairt an duine cumhachdach ris, A Thighearn, rach⁵ sìos mun faigh mo leanaban bàs.

50 Thubhairt Iosa ris, Imich; tha do mhac beò. Agus chreid an duine am focal a labhair Iosa ris, agus dh'imich e.

51 Agus am feadh a bha e fathast a' dol sìos, choimich a sheirbhisich e, agus dh'innis iad *da*, ag ràdh, Tha do mhac beò⁶.

52 An sin dh'fhiosraich e dhiubhan uair

¹ An e so Crìosd?

² cuideachd, maraon.

³ an guàth-fhocail.

⁴ mòr, rìoghail.

⁵ theirig, falbh, gabh.

⁶ gu maith.

anns an deachaidh e am feabhas: agus thubhairt iad ris, An dé air an t-seachdamh uair dh'fhàg am fiabhras e.

53 An sin dh'aithnich an t-athair gu'm b' i an uair sin féin, anns an dubhairt Iosa ris, Tha do mhac beò; agus chreid e féin, agus a theaghlach uile.

54 'Se so a ris an dara mìorbhuil a rinn Iosa, 'nuair a thàinig e á Iudea do Ghalile.

CAIB. V.

1 *Leighis Iosa air là na sàbaid an duine a bha fuidh leòn rè ochd bliadhna deug thar fhichead: 10 Rinn na h-Iudhaich uime sin connsachadh ris, agus geur-leanmhuinn air.*

NA dhéigh so bha féill nan Iudhach ann; agus chaidh Iosa suas gu Ierusalem.

2 A nis a ta ann an Ierusalem, làimh ri *geata*¹ nan caorach, lochan ris an abrar sa' chaint Eabhruidhich, Betesda, aig am bheil cùig tighean-fasgaidh².

3 Annta sin bha³ nan luidhe mòr-bhuidheann do dhaoineibh euslan, dalla, bacach, seargta, a' feitheamh ri caruchadh an uisge.

4 Oir chaidh aingeal sìos an àm àraidh san lochan, agus chuir e an t-uisge troimh chéile: uime sin an ceud neach a rachadh sìos ann, an déigh cur troimh chéile an uisge, rinneadh slàn e a dh'aon tinneas a bhiodh air.

5 Agus bha duine àraidh an sin, a bha ochd bliadhna deug thar fhichead ann an euslant.

6 'Nuair a chunnaic Iosa esan 'na luidhe, agus fios aige gu'n robh e nis ùine fhada *mar sin*, thubhairt e ris, Am miann leat bhì air do dheanamh slàn?

7 Fhreagair an duine euslan e, A Thigh-earn, cha'n 'eil duine agam, an uair a chuirear an t-uisge troimh a chéile, a chuireas anns an lochan mi: ach am feadh a ta mise teachd, tha neach eile a' dol sìos romham.

8 Thubhairt Iosa ris, Eirich, tog do leabadh, agus imich.

9 Agus air ball rinneadh an duine slàn, agus thog e a leabadh, agus dh'imich e: agus bha'n t-sàbaid ann air an là sin.

10 Uime sin thubhairt na h-Iudhaich ris an ti a shlàn-uicheadh, Is i an t-sàbaid a ta ann; cha'n 'eil e dligheach dhuit do leabadh a ghiùlan.

11 Fhreagair e iad, An ti a rinn slàn mi, thubhairt esan rium, Tog do leabadh agus imich?

12 An sin dh'fhiosraich iad deth, Cò an duine a thubhairt riut, Tog do leabadh agus imich?

13 Agus cha robh fhios aig an ti a shlàn-uicheadh, cò e: oir chaidh Iosa as a shealladh, air do mhòr-shluagh bhì anns an àit.

14 'Na dhéigh so fhuair Iosa e anns a teampull, agus thubhairt e ris, Feuch, rinneadh slàn thu: na peacaich nì's mò, air eagal gu'n tachair nì's miosa dhuit.

15 Dh'imich an duine, agus dh'imis e do na h-Iudhaich gu'm b'e Iosa rinn slàn e.

16 Agus air a shon so rinn na h-Iudhaich geur-leanmhuinn air Iosa, agus dh'iarr iad a mharbhadh, do bhrìgh gu'n d'rinn e na nithe so air an t-sàbaid.

17 Ach fhreagair Iosa iad, Tha m' Athair ag oibreachadh gus a nis, agus tha mise ag oibreachadh.

18 Uime sin bu mhòid a dh'iarr na h-Iudhaich a mharbhadh, a chionn nach e mhàin gu'n do bhris e an t-sàbaid, ach gu'n dubhairt e mar an ceudna gu'm b'e Dia 'Athair-san, 'ga dheanamh féin co-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin a ta mi ag ràdh ribh, nach 'eil am Mac comasach air nì sam bith a dheanamh uaith féin, ach an nì a chì e an t-Athair a' deanamh: oir ge b'e nithe a nì esan, na nithe sin féin nì am Mac mar an ceudna.

20 Oir is ionmhuinn leis an Athair am Mac, agus a ta e a' foillseachadh dha nan uile nithe a tha e féin a' deanamh: agus foillsichidh e dha oibre a's mò na iad so, air chor as gu'm bi iongantas oirbhe.

21 Oir mar a ta an t-Athair a' dùsgadh, agus a' beothachadh nam marbh, is amhuil sin a ta am Mac a beothachadh an dream a's àill leis.

22 Oir cha'n 'eil an t-Athair a' toirt breth air duine sam bith; ach thug e gach uile bhreitheanas do'n Mhac:

23 Chum gu'n tugadh na h-uile dhaoine urram do'n Mhac, amhuil mar a ta iad a' toirt urraim do'n Athair. An ti nach 'eil a' toirt urraim do'n Mhac, cha'n 'eil e toirt urraim do'n Athair a chuir uaith e.

24 Gu deimhin deimhin a ta mi ag ràdh ribh, An ti a dh'éisdeas ri m' fìocail-sa, agus a ta creidsinn anns an ti a chuir uaith mi, tha a' bheatha mhaireannach aige, agus cha tig e chum dithid; ach chaidh e thairis o bhàs gu beatha.

25 Gu deimhin deimhin a ta mi ag ràdh ribh, Gu bheil an uair a' teachd, agus gu bheil i nis ann, anns an cluinn na mairbh guth Mhic Dhé: agus an dream a chluinn-eas, bithidh iad beò.

26 Oir mar a ta aig an Athair beatha ann féin, is amhuil sin a thug e do'n Mhac beatha a bhì aig ann féin;

27 Agus thug e mar an ceudna dha ùghdarras chum breth a thabhairt, do bhrìgh gur e Mac an duine.

28 Na gabhaibh iongantas deth so; oir a ta an uair a' teachd, anns an cluinn iad-

¹ margadh,

² sgath thighean.

san uile a ta sna h-uaghlibh a ghuth-san:

29 Agus théid iad a mach; iadsan a rinn maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha'n 'eil mise comasach air ní sam bith a dheanamh uam féin: mar a chluinn-eas mi bheir mi breth: agus a ta mo bhreitheanas ceart; do bhrìgh nach 'eil mi ag iarraidh mo thoile féin, ach toil an Athar a chuir uaith mi.

31 Ma bheir mise fianuis mu m' thimchioll féin, cha'n 'eil m' fianuis fìor¹.

32 Tha neach eile a' toirt fianuis mu m' thimchioll, agus a ta fhios agam gur fìor an fianuis a ta e deanamh mu m' thimchioll.

33 Chuir sibhse chum Eoin, agus thug e fianuis do'n fhìrinn.

34 Ach cha'n 'eil mise a' gabhail fianuis o dhuine: ach a ta mi ag ràdh nan nithe so, chum gu'm bi sibhse air bhur tèarnadh.

35 B'esan an lòchran lasarach² agus dealrach: agus bha sibhse toileach car tamuill gairdeachas a dheanamh 'na shòlus.

36 Ach a ta agam-sa fianuis a's mò na *fianuis* Eoin: oir na h-oibre a thug an t-Athair dhomh-sa chum gu'n crìochnaichinn iad, tha na h-oibre sin féin a tha mise a' deanamh, a' toirt fianuis mu m' thimchioll, gu'n do chuir an t-Athair uaith mi.

37 Agus an t-Athair féin a chuir uaith mi, thug e fianuis mu m' thimchioll. Cha chuala sibh riann a ghuth, ni mò a chunnaic sibh a choslas.

38 Agus cha'n 'eil 'fhocal-san agaibh a' gabhail còmhnuidh annaibh: oir an ti sin a chuir esan uaith, cha'n 'eil sibh 'ga chreidsinn.

39 Rannsaichibh³ na sgrìobtuirean, oir a ta sibh a' saòilsinn gu bheil a' bheatha mhaireannach agaibh amta-san; agus is iad sin a ta toirt fianuis mu m' thimchioll-sa.

40 Gidheadh cha'n àill leibh teachd am' ionnsuidh-sa, chum gu'm faigheadh sibh beatha.

41 Cha'n 'eil mise a' gabhail urraim⁴ o dhaoineibh.

42 Ach is aithne dhomh sibhse, nach 'eil gràdh Dhé agaibh annaibh.

43 Thàinig mise an ainm m' Athar, agus cha'n 'eil sibh a' gabhail rium: ma thig neach eile 'na ainm féin, gabhaidh sibh ris-san.

44 Cionnus a dh'fheudas sibh creidsinn, a ta gabhail urraim o chéile, agus nach 'eil ag iarraidh an urraim a thig o Dhia a mhaìn?

45 Na saoilibh gu'n dean mise bhur casaid ris an Athair: tha aon a tha deanamh casaid oirbh, Maois, anns am bheil sibh a' cur bhur dòchais⁵.

46 Oir nan creideadh sibh Maois, chreideadh sibh mise: oir sgrìobh esan mu m' thimchioll.

47 Ach mur creid sibh a sgrìobhadh-san, cionnus a chreideas sibh mo bhriathra-sa.

CAIB. VI.

1 *Bheathaich Crìosd cùig mìle fear le cùig builinnibh arain agus dà iasg: 15 Air an aobhar sin b'àill leis an t-sluagh esan a dheanamh 'na rìgh: 16 Ach air dhasan a sgaradh féin uatha, chaidh e suas gu beinn, agus dh'imich e air a' chuan a dh'ionnsuidh a dheisciobul.*

NA dhéigh sin chaidh Iosa thar muir⁶ Ghalile, no Thiberiais.

2 Agus lean sluagh mòr e, do bhrìgh gu'm fac iad a mhòrbhuilean a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheisciobluibh.

4 Agus bha a' chàisg, féill nan Iudhach, am fagus.

5 An sin an uair a thog Iosa suas a shùilean, agus a chunnaic e gu'n d' thàinig buidheann mhòr shluaigh d'a ionnsuidh, thubhairt e ri Philip, Cia an t-àit as an ccannaich sinn aran chum gu'n ith iad so?

6 (Ach thubhairt e so 'ga dhearbhadh-san; oir bha fhios aige féin ciod a dheanadh e.)

7 Fhreagair Philip e, Cha leoir dhoihh luach dhà cheud peghinn a dh'aran, chum gu'n gabhadh gach aon diùbh beagan.

8 Thubhairt aon d'a dheisciobluibh, Aindreas, bràthair Shimoìn Pheadair, ris, 9 Tha òganach an so, aig am bheil cùig builinnean eòrna, agus dà iasg bheag: ach ciod iad so am measg na h-uiread?

10 Agus thubhairt Iosa, Thugaibh air na daoineibh suidhe sìos. A nis bha mòran feoir anns an àit. Air an aobhar sin shuidh na daoine sìos, an àireamh timchioll chùig mìle.

11 Agus ghlac Iosa na builinnean, agus air tabhairt⁷ buidheachais da, roinn e air na deisciobluibh iad, agus na deisciobuil orra-san a shuidh: agus mar an ceudna do na h-iasgaibh beaga, mheud as a b'àill leo.

12 'Nuair a shàsuicheadh iad, thubhairt e r'a dheisciobluibh, Cruinnichibh am biadh briste a ta thuilleadh ann, chum nach cailllear a bheag.

13 Air an aobhar sin chruinnich iad e r'a chéile, agus lion iad dà chliabh dheug do sbruileach nan cùig builinnean eòrna,

¹ ionnsuidh.

² lasta.

³ Tha sibh a' rannsachadh.

⁴ glòire.

⁵ as am bheil sibh ag earbsadh.

⁶ faighe.

⁷ breith.

a bha dh'fhuigheall aig a' mhuinntir a dh'ith.

14 An sin an uair a chunnaic na daoine sin am mìorbhuil a rinn Iosa, thubhairt iad, Gu fìrinneach is e so am fàidh a bha gu teachd chum an t-saoghail.

15 Uime sin an uair a thuig Iosa gu'n robh iad air tì¹ teachd agus breith air le làimh làidir, chum gu'n deanadh iad rìgh dheth, dh'imich e ris do'n bheinn 'na aonar.

16 Agus an uair a thàinig am feasgar, chaidh a dheisciobuil sìos chum na mara.

17 Agus air dol an luing dhoibh, chaidh iad thar a' mhuir gu Capernaum: agus bha an dorchadas a nis ann, agus cha robh Iosa air teachd d'an ionnsuidh.

18 Agus ag séideadh do ghaoith mhòir, dh'éirich a' mhuir.

19 Uime sin an uair a rinn iad iomramh timchioll cuig no deich thar fhichead do stàidibh, chunnaic iad Iosa ag imeachd aira' mhuir, agus a' druideadh ris an luing; agus ghabh iad eagail.

20 Ach thubhairt esan riu, Is mise ta ann; na biodh eagail oirbh.

21 Uime sin ghabh iad gu toileach a steach do'n luing e: agus air ball ràinig an long an tìr gus an robh iad a' dol.

22 Air an là 'na dhéigh sin, an uair a chunnaic an sluagh a sheas air taobh eile na mara, nach robh long² eile an sin, ach an long sin anns an deachaidh a dheisciobuil a steach, agus nach deachaidh Iosa an luing maille r'a dheisciobuibh, ach gu'n d'fhalbh a dheisciobuil 'nan aonar;

23 (Gidheadh thàinig longa beaga eile o Thiberias, làimh ris an àit san d'ith iad an t-aran, an déigh do'n Tighearn buidheachas a thoirt;)

24 Uime sin an uair a chunnaic an sluagh nach robh Iosa an sin, no a dheisciobuil, chaidh iad féin mar an ceudna ann an longaibh, agus thàinig iad gu Capernaum, ag iarraidh Iosa.

25 Agus air dhoibh fhaotainn air an taobh thall do'n mhuir, thubhairt iad ris, A mhaighstir, c'uin a thàinig thu an so?

26 Fhreagair Iosa iad agus thubhairt e, Gu deimhin deimhin a ta mi ag ràdh ribh, Tha sibh ga m'iarraidh, cha'n anna chionn gu'm faca sibh na mìorbhuilean, ach a chionn gu'n d'ith sibh do na builinnibh, agus gu'n do shàsuicheadh sibh.

27 Deanaibh saothair cha'n ann air son a' bhìdh a theirgeas, ach air son a' bhìdh a mhaireas chum na beatha sìorruidh, a bheir Mac an duine dhuibh: oir esan sheulaich³ Dia an t-Athair.

28 An sin thubhairt iad ris, Ciod a ni

sinn, chum as gu'n oibrich sinn oibre Dhé?

29 Fhreagair Iosa agus thubhairt e riu, Is i so obair Dhé, gu'n creid sibh anns an ti a chuir e uaith.

30 Uime sin thubhairt iad ris, Ciod an comhar a ni thusa ma ta, chum gu'm faic sinn, agus gu'n creid sinn thu? ciod an obair a ni thu?

31 Dh'ith ar n-aithriche mana san fhàsach; a réir mar a ta e sgriobhta, Thug e dhoibh aran o nèamh r'a ithcadh.

32 An sin thubhairt Iosa riu, Gu deimhin deimhin a ta mi ag ràdh ribh, nach d'fhug Maois dhuibh an t-aran o nèamh; ach a ta m' Athair-sa a' toirt dhuibh an arain fhìor o nèamh.

33 Oir is e sin aran Dhé a ta teachd a nuas o nèamh, agus a ta tabhairt beatha do'n t-saoghal.

34 An sin thubhairt iad ris, A Thigh-earn, thoir dhuinne an t-aran so an còmh-nuidh.

35 Agus thubhairt Iosa riu, Is mise aran na beatha: an ti a thig a m' ionnsuidh-sa, cha bhì ocras gu bràth air; agus an ti a chreideas annam-sa, cha bhì tart gu bràth air.

36 Ach mar a thubhairt mi ribh, ged chunnaic sibh mi, cha'n 'eil sibh a' creid-sinn.

37 Gach ni a bheir an t-Athair dhomh-sa, thig e a m' ionnsuidh; agus an ti a thig a m' ionnsuidh, cha tilg mi air chor sam bith a mach e.

38 Oir thàinig mi nuas o nèamh, cha'n ann chum gu'n deanainn mo thoil féin, ach toil an ti a chuir uaith mi.

39 Agus is i so toil an Athar a chuir uaith mi, nach caillim a bheag sam bith do'n uile a thug e dhomh, ach gu'n togainn suas e ris air an là dheireannach.

40 Agus is i so toil an ti a chuir uaith mi, gu'm biodh a' bheatha mhaireannach aig gach neach a chi am Mac, agus a chreideas ann: agus togaidh mise suas e air an là dheireannach.

41 An sin rinn na h-Iudhaich gearan uime, a chionn gu'n dubhairt e, Is mise an t-aran a thàinig a nuas o nèamh.

42 Agus thubhairt iad, Nach e so Iosa mac Ioseiph, neach aig an aithne dhuinn 'athair agus a mhàthair? cionnus na seadh a ta e ag ràdh, Thàinig mi nuas o nèamh.

43 Air an aobhar sin fhreagair Iosa agus thubhairt e riu, Na deanaibh gearan 'nur measg féin.

44 Cha'n urrainn neach air bith teachd am' ionnsuidh-sa, mur tarruing an t-Athair a chuir uaith mise e: agus togaidh mise suas e air an là dheireannach.

45 Tha e sgriobhta sna fàidhibh, Agus bithidh iad uile air an teagasg o Dhia. Uime sin gach¹ neach a chuala, agus a dh'fhòghluim o'n Athair, thig e a m' ionnsuidh-sa.

46 Cha'n e gu'm faca neach sam bith an t-Athair, ach an ti a ta o Dhia; chunn-aic esan an t-Athair.

47 Gu deimhin deimhin a ta mi ag ràdh ribh, An ti a ta creidsinn annam-sa, tha a' bheatha mhaireannach aige.

48 Is mise aran na beatha.

49 Dh'ith blur n-aithriche mana san fhàsach agus fhuair iad bàs.

50 Is e so an t-aran a tha teachd a nuas o nèamh, chum as gun ith neach dheth, agus nach faigh e bàs.

51 Is mise an t-aran beò, a thàinig a nuas o nèamh: ma dh'itheas neach air bith do'n arau so, bithidh e beò gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha connsachadh² aig na h-Iudhaich r'a chèile, ag ràdh, Cionnus a dh'fheudas an duine so 'fheoil a thoirt duinn r'a itheadh.

53 An sin thubhairt Iosa riu, Gu deimhin deimhin a ta mi ag ràdh ribh, mur ith sibh feoil Mhic an duine, agus mur òl sibh 'fhuil, cha'n 'eil beatha agaibh annaibh.

54 Esan a dh'itheas m'fheoil-sa, agus a dh'òlas m'fhuil-sa, a ta a' bheatha shìorruidh aige; agus togaidh mise suas e air an là dheireannach.

55 Oir is biadh gu frinneach m'fheoil, agus is deoch gu frinneach m'fhuil.

56 Esan a dh'itheas m'fheoil-sa, agus a dh'òlas m'fhuil-sa, tha e gabhail còmh-nuidh annam-sa, agus mise annsan.

57 Mar a tha'n t-Athair beò a chuir uaidh mise³, agus a ta mise beò troimh⁴ an Athair; is amhuil sin esan a dh'itheas mise, bithidh e mar an ceudna beò tromh-am-sa⁵.

58 Is e so an t-aran sin a thàinig a nuas o nèamh; cha'n e mar a dh'ith bhur n-aithriche mana, agus fhuair iad bàs: esan a dh'itheas an t-aran so, bithidh e beò am feasd.

59 Thubhairt e na nithe so anns an t-sionagag, an uair a bha e a' teagasg an Capernaum.

60 Uime sin 'nuair a chual mòrau d'a dheisciobluibh so, thubhairt iad, Is cruaidh a' chainnt so; cò a dh'fheudas éisdeachd rithe.

61 'Nuair a thuig Iosa ann féin gu'n robh a dheisciobuil ri gearan uime so, thubhairt e riu, Am bheil so a' toirt oil-

bheim dhuibh-sa?

62 Agus *ciod* nam faiceadh sibh Mac an duine a' dol suas do'n àit anns an robh e roimhe?

63 Is e an Spiorad a bheothaicheas; cha'n 'eil tairbhe air bith san fheoil: na briathran a tha mise a' labhairt ribh, is spiorad agus is beatha *iad*.

64 Ach a ta cuid dhìhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urrainn neach air bith teachd a m' ionnsuidh, mur bi e air a thoirt da o m' Athair.

65 O'n àm sin chaidh moran d'a dheisciobluibh air an ais, agus cha d'imich iad ni's mò maille ris.

67 An sin thubhairt Iosa ris an dà fhear dheug, An àill leibhse falbh cuideachd?

68 An sin fhreagair Simon Peadar e, A Thighearn, co dh'ionnsuidh an téid sinn? agad-sa tha briathra na beatha maireann-aich.

69 Agus a ta sinne a' creidsinn, agus a ta fhios againn gur tusa Crìosd⁶ Mac an Dé bheò.

70 Fhreagair Iosa iad, Nach do thagh mise sibhse dà fhear dheug, agus a ta fear agaibh 'na dhuibhul?

71 Ach labhair e mu Iudas Iscariot, *mac Shimoin*: oir is e so an ti a bha gu esan a bhrath, air dha bhi 'na aon do'n dà fhear dheug.

CAIB. VII.

¹ *Chronuich Iosa àrd-inninn agus dùnadas a chairdean*: 10 chaidh e suas o Ghalile gu feill nam pàillium; 14 agus theagaisg e anns an teampull. ⁴⁰ *Iomadh gnè bharail mu thimchioll Iosa am measg an t-sluaigh.*

AGUS an déigh nan nithe sin, bha Iosa ag imeachd mu'n cuairt ann an Galile: oir cha b' àill leis a bhi 'g imeachd⁷ ann an Iudea, a chionn gu'n robh na h-Iudhaich ag iarraidh a mharbhadh.

2 Agus bha féill nan Iudhach, *eadhon* féill nam pàillium, am fagus.

3 Uime sin thubhairt a bhràithre ris, Imich as so agus rach⁸ do Iudea, chum gu faic do dheisciobuil mar an ceudna t'òibre a tha thu a' deanamh.

4 Oir cha dean neach air bith aon niam folach, a dh'iarraas e féin a bhi am follais⁹: ma tha thu a' deanamh uan uille so, nochd thu féin do'n t-saoghal.

5 Oir cha do chreid a bhràithre féin ann.

6 An sin thubhairt Iosa riu, Cha d'thàinig m' àm-sa fathast; ach a ta bhur n-àm-sa ghnàth deas.

² *Gach.*

² *deasboireachd, tagradh.*

³ *Mar a chuir an t-Athair beò uaidh mise.*

⁴ *tre.*

⁵ *triom-sa.*

⁶ *an Crìosd, an Mesias.*

⁷ *còmhnuidh a ghabhail.*

⁸ *thoirig.*

⁹ *bhi iomraideach.*

7 Cha'n 'eil e'n comas do'n t-saoghal sibhse fhuathachadh; ach fuathaichidh e mise, do bhrìgh gu bheil mi toirt fianuis m'a thimchioll, gu bheil 'oibre olc.

8 Rachaibh-sa suas chum na féille so: cha téid mise suas fathast chum na féille so, do bhrìgh nach 'eil m' àm fathast air a choimhlonadh.

9 'Nuair thubhairt e na nithe so riu, dh'fhan e an Galile.

10 Ach an uair a chaidh a bhràithre suas, an sin chaidh esan suas mar an ceudna chum na féille, cha'n ann am follais¹, ach mar gu b'ann an uaignidheas².

11 An sin dh'iarr na h-Iudhaich e air an fhéill, agus thubhairt iad, C'ait am bheil e?

12 Agus bha borbhan³ mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Cha'n eadh⁴; ach a ta e mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis mu mheadhon na féille, chaidh Iosa suas do'n teampull, agus theagaisg e.

15 Agus ghabh na h-Iudhaich iongantas, ag ràdh, Cionnus is aithne do'n duine so litrichean, agus nach d'fhòghluim e?

16 Fhreachair Iosa iad, agus thubhairt e, Cha leam féin mo theagasg, ach leis-san a chuir uaith mi.

17 Ma's àill le neach sam bith a thoil-san a dhcanamh, bithidh fios aige mu'n teagasg, an ann o Dhia a ta e, no m bheil mise a' labhairt uam féin.

18 An ti a labhras uaith féin, tha e 'g iarraidh a ghloire féin: ach g'e b'e dh'iarras glòir an ti a chuir uaith e, tha esan fìrinneach, agus cha'n 'eil eucoir⁵ air bith ann.

19 Nach d'thug Maois an lagh dhuibh, agus gidheadh cha'n 'eil aon neach agaibh a' coimhlonadh an lagha? C'ar son a ta sibh ag iarraidh mise a mharbhadh?

20 Fhreachair an sluagh agus thubhairt iad, Tha deamhan agad: cò tha 'g iarraidh do mharbhadh?

21 Fhreachair Iosa agus thubhairt e riu, Rinn mise aon obair, agus a ta iongantas oirbh uile air an aobhar sin.

22 Thug Maois dhuibh an timchioll-ghearradh, (cha'n e gur ann o Mhaois a ta e, ach o na h-aithrichibh,) agus timchioll-ghearraidh sibhse duine air an t-sàbaid.

23 Ma tha duine air an t-sàbaid a' gabhail timchioll-ghearraidh, chum nach bi lagh Mhaois air a bhriseadh; am bheil

fearg agaibh riumsa, a chionn gu'n d'rinn mi duine uile slàin air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid do mhuinntir Ierusalem, Nach e so esan a tha iad ag iarraidh a mharbhadh?

26 Agus, feuch, tha e labhairt gu follaiseach, agus cha'n 'eil iad ag ràdh ni sam bith ris: am bheil dearbh-fhios aig na h-uachdarain gur e so da rìreadh Criosd?

27 Gidheadh is aithne dhuinn an duine so cia as da: ach an uair a thig Criosd, cha'n aithne do neach air bith cia as da.

28 An sin ghlaodh Iosa san teampull, agus e a' teagasg, ag ràdh, Is aithne⁶ dhuibh araon mise, agus cia as domh: agus cha d'fhàinig mi uam féin, ach a ta esan fìor a chuir uaith mi, air nach 'eil eòlas agaibh-sa.

29 Ach a ta eòlas agam-sa air; oir is ann uaith a ta mi, agus chuir esan uaith mi.

30 An sin dh'iarr iad a ghlacadh: ach cha do chuir neach air bith làmh ann, a chionn nach robh 'uair-san fathast air teachd.

31 Agus chreid mòran do'n t-sluaigh air, agus thubhairt iad, 'Nuair a thig Criosd, an dean e ni's mò do mhìorbhuilibh na iad sin a rinn an duine so?

32 Chuala na Phairisich gu'n robh an sluagh a' borbhanaich nan nithe so m'a thimchioll: agus chuir na Phairisich agus na h-àrd-shagairt maor g'a ghlacadh.

33 An sin thubhairt Iosa⁷, Fathast tamull beag tha mise maille ribh, agus an sin a ta mi dol chum an ti a chuir uaith mi.

34 Iarraidh sibh mi, agus cha'n fhaigh sibh mi: agus do'n àit am bi mi, cha'n urrainn sibhse teachd.

35 An sin thubhairt na h-Iudhaich eat-orra féin, C'ait an téid am fear so, nach faigh sinn e? an téid e chum na muinntir a ta air an sgapadh am measg nan Greug ach, agus an teagaisg e na Greugaich?

36 Cìod i a' chaint na so a thubhairt e, Iarraidh sibh mi, agus cha'n fhaigh sibh mi: agus do'n àit am bheil mise, cha'n urrainn sibhse teachd?

37 Air an là dheireannach, là mòr sin na féille, sheas Iosa agus ghlaodh e, ag ràdh, Ma tha tart air neach sam bith, thigeadh e a m'ionnsuidh-sa, agus òladh e.

38 An ti a chreideas annam-sa, mar a ta an sgrìobhtair ag ràdh, sruthaidh as a bhroinn⁸ aimhnichean do uisge beò.

39 (Ach labhair e so mu'n Spiorad, a bha iadsan a chreideadh annsan gu fhaghail: oir cha robh an Spiorad⁹ fathast air

¹ os àird.

² os rosal.

³ cogarsaich.

⁷ thubhairt Iosa riu.

⁸ a chom, a chliabh.

⁴ Ni h-eadh.

⁵ cealg.

⁶ An aithne.

⁹ Spiorad naomh.

a thabhairt, do bhrìgh nach robh Iosa fathast air a ghlòrachadh.)

40 Uime sin, an uair a chuala mòran do'n t-sluagh a' chainnt so, thubhairt iad, Gu fìrinneach is e so am fàidh.

41 Thubhairt cuid eile, Is e so Crìosd. Ach thubhairt dream eile, An ann o Ghalile a thig Crìosd?

42 Nach dubhairt an sgrìobtuir, Gu'n tig Crìosd do shìol Dhaibhidh, agus á Betlehem, am baile san robh Daibhidh?

43 Air an aobhar sin dh'èirich eas-aonachd¹ am measg an t-sluaigh air a shon-san.

44 Agus b'àill le cuid diubh a ghlacadh; ach cha do chuir duine air bith làmh ann.

45 An sin thàinig na maoir chum nan ard-shagart agus nam Phairiseach; agus thubhairt iadsan riu, C'ar son nach d'thug sibh leibh e?

46 Fhreagair na maoir, Cha do labhair duine riann mar an duine so.

47 An sin fhreagair na Phairisich iad, Am bheil sibhse mar an ceudna air bhuir mealladh?

48 An do chreid aon air bith do na h-uachdarain ann, no do na Phairisich?

49 Ach an sluagh so aig nach 'eil eòlas an lagha, tha iad malluichte.

50 Thubhairt Nicodemus riu, (esan a thàinig d'a ionnsuidh san oidhche, air dha bhi 'na aon diubh,)

51 Am bheil ar lagh-ne toirt breth air duine sam bith gus an cluinn e uaith féin an toiseach, agus gus am bi fhios aige ciod a tha e a' deanamh?

52 Fhreagair iadsan agus thubhairt iad ris, Am bheil thusa mar an ceudna o Ghalile? Rannsaich, agus faic: oir á Galile cha d'èirich fàidh².

53 Agus dh'imich gach aon d'a thigh féin.

CAIB. VIII.

1 Thug Crìosd a' bhean a ghlacadh an adhaltrannas as saor: 12 shearmonaich e gur e féin solus an t-saoghail, agus dhearbhadh e gu bheil a theagasg ceart. 33 Fhreagair e na h-Iudhaich a bha deanamh bòsd á Abraham.

ACH chaidh Iosa chum sléibh nan crann-oladh:

2 Agus gu moch air mhaduinn thàinig e ris do'n teampull, agus thàinig an sluagh uile d'a ionnsuidh; agus air suidhe dha, theagasg e iad.

3 Agus thug na sgrìobhaichean agus na Phairisich bean d'a ionnsuidh a ghlacadh an adhaltrannas; agus air dhoibh a cur anns a' mheadhon,

4 Thubhairt iad ris, A mhaighstir, ghlacadh a' bhean so anns a' ghmiomh féin, a' deanamh adhaltrannas.

5 A nis dh'àithn Maois dhuinn san lagh, an leithide so a chlachadh: ciod ma seadh a ta thusa ag ràdh?

6 Thubhairt iad so 'ga dhearbhadh³, chum gu'm biodh aca cùis-chasaid 'na aghaidh. Ach chrom Iosa sìos, agus sgrìobh e le 'mheur air an làr, (mar nach biodh e 'gan cluinntinn.)

7 Mar sin air dhoibh buanachadh a' feòrachd dheth, thog se e féin suas agus thubhairt e riu, An neach a ta gun pheacadh agaibh-sa, tilgeadh e a' cheud chlach oirre.

8 Agus chrom e sìos a ris agus sgrìobh e air an làr.

9 Agus an uair a chual iadsan so, (air dhoibh bhi air an agairt le'n coguis⁴ féin,) chaidh iad a mach an déigh a chéile, a' toiseachadh aig an dream bu shine, gus an dream mu dheireadh: agus dh'fhàgadh 'na aonar Iosa, agus a' bhean 'na seasamh sa' mheadhon.

10 Agus 'nuair a dh'èirich Iosa suas, agus nach fac e aon air bith ach a' bhean, thubhairt e rithe, A bhean, c'ait am bheil iad sud do luchd-casaid? an do dhùt duine air bith thu?

11 Thubhairt ise, Cha do dhùt aon duine, a Thighearn. Agus thubhairt Iosa rithe, Cha mhò a tha mise ga d' dhiteadh: imich romhad, agus na peacaich ni 's mò.

12 An sin labhair Iosa riu a ris, ag ràdh, Is mise solus an t-saoghail: an ti a leanas mise, cha siubhail e an dorchadas, ach bithidh solus na beatha aige.

13 Uime sin thubhairt na Phairisich ris, Tha thu toirt fianuis mu d' thimchioll féin; cha'n 'eil t'fhanuis fìor.

14 Fhreagair Iosa, agus thubhairt e riu, Ged tha mi toirt fianuis mu m' thimchioll féin, gidheadh a ta m' fhanuis fìor: oir a ta fhios agam cia as a thàinig mi, agus c'ait am bheil mi dol; ach cha'n 'eil fhios agaibh-sa cia as a thàinig mi, no c'ait am bheil mi dol.

15 Tha sibhse a' toirt breth a réir na feòla; cha'n 'eil mise a' toirt breth air aon duine.

16 Agus gidheadh ma bheir mise breth, tha mo bhreth fìrinneach: oir cha'n 'eil mi a'm' aonar, ach mise agus an t-Athair a chuir uaith mi.

17 Agus a ta e sgrìobhta ann bhuir lagh féin, gu bheil fianuis dithis dhaoine fìor.

18 Is aon mise a ta deanamh fianuis mu m' thimchioll féin, agus a ta an t-Athair a chuir uaith mi, a' deanamh fianuis mu m' thimchioll.

19 An sin thubhairt iad ris, C'ait am bheil t' Athair? Fhreagair Iosa, Cha'n aithne dhuibhse aon chuid mise no m'

¹ roinn, comsachadh.

² Rannsaich agus faic nach èirich fàidh á Galile.

³ 'ga fheuchainn, 'ga bhuaircedh.

⁴ coimh-fhios, coisuns.

Athair : nam biodh eòlas agaibh ormsa, bhiodh eòlas agaibh air m' Athair mar an ceudna.

20 Labhair Iosa na briathra so an tigh-coimhead an ionmhais, ag teagasg dha san teampull : agus cha do chuir duine air bith làmh ann ; oir cha robh 'uair fathast air teachd.

21 An sin thubhairt Iosa riu a ris, Tha mise a' falbh, agus iarraidh sibh mi, agus bàsaichidh sibh ann bhur peacadh ; cha'n urrainn sibhse teachd do'n àit am bheil mise a' dol.

22 An sin thubhairt na h-Iudhaich, Am marbh se e féin ? do bhrìgh gu bheil e 'g ràdh, Far am bheil mise a' dol, cha'n urrainn sibhse teachd.

23 Agus thubhairt e riu, Tha sibhse o shìos, tha mise o shuas : tha sibhse do'n t-saoghal so, cha'n 'eil mise do'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh : oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa ? Agus thubhairt Iosa riu, *An neach* sin féin a thubhairt mi ribh o thùs.

26 Tha mòran agam ri ràdh, agus r'a bhreithneachadh n'ur timchioll-sa : ach a ta an ti a chuir uaith mi fìrìneach ; agus a ta mise a' labhairt ris an t-saoghal nan nithe a chuala mi uaith-san.

27 Cha do thuig iad gu'm b'ann mu thimchioll an Athar a labhair e riu.

28 An sin thubhairt Iosa riu, 'Nuair a thogas sibh suas Mac an duine, an sin bitheadh fios agaibh gur mise e¹, agus nach 'eil mi deanamh ni sam bith uam féin ; ach mar a theagaisg m' Athair mi, gu bheil mi labhairt nan nithe so.

29 Agus tha 'n ti a chuir uaith mi maille rium : cha d'fhàg an t-Athair a'm' aonar mi, do bhrìgh gu bheil mi deanamh a ghnàth nan nithe sin a's taitneach leis.

30 An uair a bha e labhairt nan nithe so, chreid mòran ann.

31 An sin thubhairt Iosa ris na h-Iudhaich a chreid ann, Ma bhuanacheas sibh ann am fhocal-sa, bitheadh sibh da rìreadh 'nur deisciobuil agam ;

32 Agus bithidh eòlas agaibh air an fhìrinn, agus ni an fhìrinn saor sibh.

33 Fhreagair iad e, Is sinne sliochd Abraham, agus cha robh sinn riamh fo dhaorsa aig duine sam bith : cionnus a ta thusa ag ràdh, Bithidh sibh saor ?

34 Fhreagair Iosa iad, Gu deimhin deimhin a ta mi ag ràdh ribh, ge b'e ni peacadh, is seirbhiseach do'n pheacadh e.

35 Agus cha'n fhan an seirbhiseach san

tigh gu bràth : *ach* fanaidh am mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham ; ach a ta sibh ag iarraidh mise a mharbhadh, do bhrìgh nach 'eil àit aig m' fhocal annaibh.

38 Tha mise a' labhairt an ni sin a chunnaic mi aig m' Athair ; agus tha sibhse a' deanamh an ni a chunnaic sibh aig bhrù n-athair féin.

39 Fhreagair iadsan agus thubhairt iad ris, Is e Abraham an n-athair-ne. Thubhairt Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'imis duibh an fhìrinn, a chuala mi o Dhia : cha d'rinn Abraham so.

41 Tha sibhse a' deanamh oibre bhrù n-athair féin. An sin thubhairt iad ris, Cha d'rugadh an strìopachas sinne ; tha aon Athair againn, *eadhon* Dia.

42 An sin thubhairt Iosa riu, Nam b'e Dia bhrù n-Athair, ghràdhaicheadh sibh mise : oir chaidh mise mach, agus thàinig mi o Dhia ; agus cha d'fhàg mi uam féin, ach chuir esan uaith mi.

43 C'ar son nach 'eil sibh a' tuigsinn mo chòmhradh ? do bhrìgh nach urrainn sibh éisdeachd ri m' fhocal.

44 Tha sibhse o *bhrù* n-athair an diabhul, agus is iad ana-mianna bhrù n-athar a's toil leibh a dheanamh : bha esan 'na mhòrtair² o thùs, agus cha d'fhàg e san fhìrinn, a chionn nach 'eil fìrinn ann. 'Nuair a labhras e breug, is ann uaith féin a ta e labhairt ; oir is brengair e, agus is e athair na brèige.

45 Agus do bhrìgh gu bheil mise ag innseadh na fìrinn, cha'n 'eil sibh ga m' chreidsinn.

46 Cò agaibh-sa chuireas peacadh as mo leth-sa ? agus ma tha mi ag innseadh na fìrinn, c'ar son nach 'eil sibh 'ga m' chreidsinn ?

47 An ti a ta o Dhia, éisdidh e ri briathraibh Dhé : uime sin cha'n 'eil sibhse ag éisdeachd, a chionn nach ann o Dhia a ta sibh.

48 An sin fhreagair na h-Iudhaich, agus thubhairt iad ris, Nach maith a thubhairt sinn gur Samaritanach thu, agus gu bheil deamhan agad ?

49 Fhreagair Iosa, Cha'n 'eil deamhan agam ; ach a ta mi toirt urrainn do m' Athair, agus a ta sibhse toirt eas-urraim dhomh-sa.

50 Agus cha'n 'eil mi ag iarraidh mo ghloire féin : tha neach a ta 'g iarraidh agus a' toirt breth.

¹ bithidh fios ogaibh co mise.

² na fhear-millidh dhaoine.

51 Gu deimhin deimhin a ta mi ag ràdh ribh, Ma choimhideas neach m'fhocal-sa, cha'n fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na fàidhean; gítheadh a ta thusa ag ràdh, Ma choimhideas duine m'fhocal-sa, cha bhlaic e bàs am feasd.

53 Am mò thusa na ar n-athair Abraham, a fhuair bàs? agus fhuair na fàidhean bàs: cò a tha thu deanamh dhìot fèin?

54 Fhreagair Iosa, Ma tha mi toirt glòire dhomh fèin, cha 'n'eil ach neo-ni a'm' ghlòir: is e m' Athair a ta toirt glòire dhomh, neach a ta sibhse ag ràdh gur e bhur Dia e:

55 Gítheadh cha do ghabh sibh còlas air; ach a ta eòlas agam-sa air: agus nan abrainn, Nach aithne dhomh e, bhithinn cosmhuil ribhse a'm' bhrengair: ach is aithne dhomh e, agus a ta mi coimhead¹ 'fhocail.

56 Bha déidh² mhòr aig Abraham bhur n-athair-sa air mo là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha'n 'eil thu fathast leth-cheud bliadhna dh'aois, agus am faca tu Abraham?

58 Thubhairt Iosa riu, Gu deimhin deimhin a ta mi ag ràdh ribh, Mui robh Abraham ann, A TA MISE.

59 An sin thog iadsan clachan chum an tilgeadh air: ach dh'fhòlaich Iosa e fèin, agus chaidh e mach as an teampull, a' dol troimh an meadhon, agus mar sin chaidh e seachad.

CAIB. IX.

1 *Dh'aisigeadh a radharc do dhuine a rugadh dall: 13 Thugadh e chum nam Phairiseach: 15 ghabh iad corruich ris, agus thilg iad mach as an t-sion-agog e; 35 ach a ta Crìost d' gabhail ris. 39 Cò iadsan a ta Crìost a' sòilleachadh.*

AGUS an uair a ghabh Iosa seachad, chunnaic e duine a bha dall o rugadh e.

2 Agus dh'fheòraich a dheisciobuil deth, ag ràdh, A mbaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich aon chuid an duine so, no a phàrantan: ach a chum gu'm foillsichte oibre Dhé ann.

4 Is éigin domh-sa oibre an ti a chuir uath mi a dheanamh, am feadh is là e: tha'n oidheche a' teachd, 'nuair nach urrainn aon duine obair a dheanamh.

5 Am feadh a ta mise san t-saoghal, is mi solus an t-saoghail.

6 'Nuair a thubhairt e na nithe so, chuir

e sìle air an talamh, agus rinn e criadh³ do'n t-sìle, agus sgaoil e a' chriadh air sùilbhan an doill.

7 Agus thubhairt e ris, Imich, ionnlaid ann an lochan Shilòaim, (is e sin air eadar theangachadh, Air a chur.) Uime sin dh'imich e, agus dh'ionnlaid e, agus thàinig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'na shuidhe ag iarraidh na déirce?

9 Thubhairt cuid, Is e so e; cuid eile, Tha e cosmhuil ris: thubhairt e fèin, Is mise e.

10 Air an aobhar sin thubhairt iad ris, Cionnus a dh'fhosgadh do shùilean?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilbhan, agus thubhairt e rium, Imich gu lochan Shilòaim, agus ionnlaid: agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'ait am bheil e? Thubhairt esan, Cha'n aithne dhomh.

13 Thug iad chum nam Phairiseach esan a bha roimhe dall.

14 Agus b'i an t-sàbaid a bha ann an uair a rinn Iosa a' chriadh, agus a dh'fhosgail e 'shùilean.

15 An sin a ris dh'fheòraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilbhan, agus dh'ionnlaid mi, agus tha mi a' faicinn.

16 Uime sin thubhairt cuid do na Phairisich, Cha'n 'eil an duine so na Dhia, do bhrìgh nach 'eil e gleidheadh na sàbaid. Thubhairt cuid eile, Cionnus a dh'fheudas duine a ta 'na pheacach, an leithide so do mhìorbhuilbhan a dheanamh? Agus bha easaonachd⁴ nam measg.

17 Thubhairt iad a ris ris an duine dhal, Ciod a ta thusa ag ràdh uime a thaobh gu'n d'fhosgail e do shùilean? Agus thubhairt esan, Is fàidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàrantan an ti a fhuair a radharc.

19 Agus dh'fhiosraich iad dhiubh, ag ràdh, An e so bhur mac-sa, a ta sibh ag ràdh a rugadh dall? cionnus ma seadli a ta e nis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e:

21 Ach cionnus a ta e nis a' faicinn, cha 'n'eil fhios againn; no cò a dh'fhosgail

¹ gleidheadh. ² tograadh, gairdeachas.

a' shùilean, cha'n aithne dhuinn: tha e féin air teachd gu aois, feòraichibh dheth, labhraidh e air a shon féin.

22 Thubhairt a phàrantan na briathra so, a chionn gu robh eagal nan Iudhach orra; oir shuidhich na h-Iudhaich a cheana eatorra féin, Nan aidicheadh duine sam bith gu'm b'esan Criosd, gu'n rachadh a chur as an t-sionagag.

23 Air an aobhar sin thubhairt a phàrantan, Tha e air teachd gu aois, feòraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againne gur peacadh an duine so.

25 An sin fhreagair esan agus thubhairt e, Am peacadh e cha'n aithne dhomh: air aon ni tha fhios agam, air dhomh bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh a cheana, agus cha d'éisd sibh; c'ar son a b'àill leibh a chluinntinn a ris? am bheil a' mhiann oirbhe bhi 'nur deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois: ach ma thimchioll an fhir so, cha'n 'eil fhios againn cia as da.

30 Fhreagair an duine agus thubhairt e riu, An so tha ni iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach a ta fhios againn nach éisd Dia ri peacaich: ach ma ta neach air bith 'na fhear-aoraidh do Dhia, agus a' deanamh a' thoile, ris-san éisdidh e.

32 O thoiseach an t-saoghail cha chualas gu'n d'fhosgail aon neach sùilean duine a rugadh dall.

33 Mur biodh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa uile ann am peacaibh, agus am bheil thu 'gar teagasg ne? agus thilg iad a mach e.

35 Chual Iosa gu'n do thilg iad a mach e; agus air dha fhaotainn, thubhairt e ris, Am bheil thu creidsinn ann am Mac Dhé?

36 Fhreagair esan agus thubhairt e, Cò e, a Thighearn, chum gu'n creid mi ann?

37 Agus thubhairt Iosa ris, Chunnaic thu araon e, agus an ti a ta labhairt riut, is esan e.

38 Agus thubhairt esan, Tha mi creidsinn, a Thighearn. Agus rinn e aoradh dhia.

39 Agus thubhairt Iosa, Is ann chum breitheannais a thàinig mise chum an t-saoghail so, chum iadsan nach 'eil a' faicinn, gu'm faiceadh iad; agus gu'm biodh iadsan a ta faicinn, air an deanamh dall.

40 Agus chuala cuid do na Phairisich a bha maille ris, na nithe so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bitheadh sibh dall, cha bhiodh peacadh agaibh: ach a nis a ta sibh ag ràdh, Is léir dhuinn; uime sin tha blur peacadh a' fantuinn.

CAIB. X.

1 Is e Criosd an dorus agus an deadh bhuachaill. 19 Iomadh gnè bharail m'a thimchioll. 24 dhearbhadh e le 'oibribh gur e féin Criosd Mac Dhé; 39 chaidh e as o na h-Iudhaich; 40 agus ràinig e taobh thall Iordain, far an do chreid mòran ann.

GU deimhin deimhin a ta mi ag ràdh ribh, An ti nach téid a stigh troimh an dorus do chrò nan caorach, ach a theid suas air sheòl eile, is gaduiche agus fear-reubainn esan.

2 Ach an ti a théid a steach air an dorus, is esan buachaill nan caorach.

3 Dhasan fosglaidh an dorsair; agus éisdidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a chuireas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach, ach teichidh iad uaith, do bhrìgh nach aithne dhoibh guth choigreach.

6 An cosamhlachd so labhair Iosa riu: ach cha do thuig iadsan ciod iad na nithe a labhair e riu.

7 An sin thubhairt Iosa riu a ris, Gu deimhin deimhin a ta mi ag ràdh ribh, gur mis dorus nan caorach.

8 Iadsan uile a thàinig romham-sa, is gaduichean agus luchd-reubainn iad: ach cha d'éisd na caoraich riu.

9 Is mise an dorus: ma théid neach air bith steach tromham-sa, tèarnar e, agus théid e steach agus a mach, agus gheibh e ionaltradh.

10 Cha tig an gaduiche ach a ghoid, agus a mharbhadh, agus a mhilleadh: thàinig mise chum gu'm biodh beatha aca, agus gu'm biodh i aca nì's pailte.

11 Is mise am buachaill maith: leigidh¹ am buachaill² maith 'anam sìos air son nan caorach.

12 Ach am fear-tuarsdail, agus an ti nach e am buachaill, agus nach leis féin na caoraich, chi e am madadh-alluidh a'

¹ cuiridh,² an t-aodhair.

teachd, agus fàgaidh e na caoraich, agus teichidh e: agus glacadh am madadh-alluidh iad, agus sgapaidh e na caoraich.

13 Ach teichidh an fear-tuarasdail, a chionn gur fear-tuarasdail e, agus nach 'eil suim aige do na caoraich.

14 Is mise an buachaill maith, agus is aithne dhomh mo *chaoraich* féin, agus aithnìhear le m' *chaoraich* féin mi.

15 Mar is aithne do'n Athair mise, mar siu is aithne dhomh-sa an t-Athair: agus a ta mi leigeadh m'anama sìos air son nan caorach.

16 Agus a ta caoraich eile agam, nach 'eil do'n chrò so: is éigin domh iad sin mar an ceudna thoirt a *stigh*, agus éisidh iad ri m' ghuth; agus bithidh aon treud ann, *agus* aon bhuachaill.

17 Air an aobhar so is ionmhuinn¹ leis an Athair mise, air son gu'n leig mi sìos m'anam, chum gu'n glac mi e a ris.

18 Cha'n 'eil neach air bith 'ga thoirt uam, ach a ta mi 'ga leigeadh sìos uam féin: tha cumhachd agam a leigeadh sìos, agus tha cumhachd agam a ghlacadh a ris. An àithne so fhuair mi o m' Athair.

19 Air an aobhar sin, dh'éirich eas-aonachd a ris am measg nan Iudhach air son nam briathra so.

20 Agus thubhairt inòran diubh, Tha deamhan aige, agus tha e air bhoile²; c'ar son a tha sibh ag éisdeachd ris?

21 Thubhairt cuid eile, Cha'n iad so briathra duine anns am bheil deamhan³; am bheil deamhan comasach air sìùlean nan dall fhosgladh?

22 Agus bha féill-chuimhne an ath-choisreagaidh³ ann an Ierusalem, agus b'e an geamhradh a bha ann.

23 Agus bha Iosa a' sràid-imeachd san teampull ann an sgàth-thigh⁴ Sholaimh.

24 An sin chruinnich na h-Iudhaich m'a thimchioll, agus thubhairt iad ris, Cia fhad a chumas tu ar n-anama an amharus? ma's tu Crìosd, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh: na h-oibre a ta mi deanamh an ainm m' Athar, tha iad sin a' toirt fianuis mu m' thimchioll.

26 Ach cha'n 'eil sibhse a' creidsinn; oir cha'n ann do m' chaoraich sibh, mar thubhairt mi ribh.

27 Tha mo chaoraich-sa ag éisdeachd ri m' ghuth, agus is aithne dhomh iad, agus leanaidh iad mi:

28 Agus bheir mi a' bheatha mhaireannach dhoibh; agus cha sgriosar⁵ iad am feasd, ni mò a spionas neach air bith as mo làimh iad.

29 M' Athair a thug dhomhsa *iad*, is mo e na na h-uile; agus cha'n urrainn neach air bith an spionadh á làimh m' Athar.

30 Mise agus an t-Athair, is aon sinn.

31 Uime sin thog na h-Iudhaich clach an a ris chum a chlachadh.

32 Fhreagair Iosa iad, Nochd mi dhuibh mòran do oibribh maithe o m' Athair; cia do na h-oibribh sin air son am bheil sibh ga m' chlachadh?

33 Fhreagair na h-Iudhaich e, ag ràdh, Air son oibre maithe cha'n 'eil sinn ga d' chlachadh; ach air son toibheim, agus air son, air bhì dhuitse a'd' dhuine, gu bheil thu deanamh Dé dhiot féin.

34 Fhreagair Iosa iad, Nach 'eil e sgrìobhta ann bhur lagh-sa, Thubhairt mi, Is dée sibh?

35 Ma thubhairt e dée riu-san, dh'ionnsuidh an robh focal Dé, agus nach feudar an sgrìobtuir a bhriseadh⁶;

36 An abair sibh ris-san, a naomhaich an t-Athair, agus a chuir e chum an t-saoghail, Tha thu a' labhairt toibheim; air son gu'n dubhairt mi, Is mi Mac Dhé;

37 Mur dean mi oibre m' Athar, na creidibh mi.

38 Ach na ni, ged nach creid sibh mise, creidibh na h-oibre, chum gu'm bi fios agaibh, agus gu'n creid sibh gu bheil an t-Athair annam-sa, agus mise ann-san.

39 Uime sin dh'iarr iad a ris a ghlacadh: ach chaidh e as an làimh.

40 Agus chaidh e ris do'n taobh thall do Iordan, do'n ionad anns an robh Eoin air tús ri baisteadh; agus rinn e còmhnuidh an sin.

41 Agus thàinig mòran d'a ionnsuidh, agus thubhairt iad, Cha d' rinn Eoin aon mhiorbhuil: ach bha na h-uile nithe thubhairt Eoin mu'n duine so fìor.

42 Agus chreid mòran san àit sin air.

CAIB. XI.

1 *Thog Crìosd suas Lasarus an dèigh dha bhì ceithir làithean san uaigh.* 45 Chreid mòran do na h-Iudhaich. 47 Chum na h-àrd-shogairt agus na Phairisich comhairle an aghaidh Crìosd.

A NIS bha duine àraidh gu tinn, d'am b'ainm Lasarus o Bhetani, baile Mhuire agus Mharta a peathar.

2 (B'i Mhuire sin a dh'ung an Tighearn le oladh luachmhoir, agus a thiormaich a chosan le a folt, aig an robh a bràthair Lasarus gu tinn.)

3 Uime sin chuir a pheathraiche fios d'a ionnsuidh, ag ràdh, A Thighearn, feuch, tha'n ti a's ionmhuinn leat tinn.

4 'Nuair a chual Iosa so, thubhairt e, Cha'n 'eil an tinneas so chum bàis, ach a chum glòire Dhé, chum gu'm bi Mac Dhé, air a ghlòrachadh d'a thaobh.

¹ toigh. ² mhi-chéill. ³ féill an ath-nuadhachaidh.

⁴ àileir.

⁵ chaillear.

⁶ sgaoiladh.

5 A nis b'ionmhuinn le Iosa Marta, agus a piuthar, agus Lasarus.

6 Uime sin an uair a chual e gu'n robh esan tinn, dh'fhan e fathast dà là anns an ionad an robh e.

7 'Na dhéigh sin thubhairt e r'a dheisciobluibh, Rachamaid a ris do Indea.

8 Thubhairt a dheisciobuil ris, A Mhaighstir, a nis dh'iarr na h-Iudhaich do chlachadh; agus am bheil thu dol a ris an sin?

9 Fhreagair Iosa, Nach 'eil dà uair dheng san là? Ma dh'imicheas duine anns an là, cha tuislich e, oir tha e faicinn soluis an t-saoghail so:

10 Ach ma dh'imicheas duine anns an oidhche, tuislichidh e, do bhrìgh nach 'eil an solus ann.

11 Na nithe so labhair e: agus 'na dhéigh sin thubhairt e riu, Tha ar caraid Lasarus 'na chodal: ach a ta mise a' dol chum gu'n dùisg mi as a chodal e.

12 An sin thubhairt a dheisciobuil, A Thighearn ma tha e 'na chodal, bitlidh e slàn.

13 Gidheadh labhair Iosa m'à bhàs: ach shaoil iadsan gu'n do labhair e mu thimchioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus a ta mi subhach air bhuir sonsa nach robh mi an sin, chum gu'n creid sibh; ach rachamaid d'a ionnsuidh.

16 An sin thubhairt Tomas, ris an abrar Didimus, r'a cho-dheisciobluibh, Rachamaid-ne mar an ceudna, chum gu'm faigh sinn bàs maille ris.

17 An sin an uair a thàinig Iosa, fhuair se e an déigh dha bhi cheana ceithir làithean san uaigh.

18 (A nis bha Betani fagus do Ierusalem, mu thimchioll cùig stàide deug uaith.)

19 Agus thàinig mòran do na h-Iudhaich chum Mharta agus Mhuire, gu comh-fhurtachd a thoirt doibh a thaobh am bràthar.

20 An sin an uair a chuala Marta gu'n robh Iosa a' teachd, chaidh i 'na chòdhail: ach shuidh Muire san tigh.

21 An sin thubhairt Marta ri Iosa, A Thighearn, nam biodh tusa an so, cha 'n fhaigheadh mo bhràthair bàs.

22 Ach a ta fhios agam a nis féin, ge b'e air bith nithe a dh'iarras tu air Dia, gu'n toir Dia dhuit iad.

23 Thubhairt Iosa rithe, Eiridh do bhràthair a ris.

24 Thubhairt Marta ris, Tha fhios agam gu'n éirich e a ris san aiseirigh air an là dheireannach.

25 Thubhairt Iosa rithe, Is mise an aiseirigh, agus a' bheatha: an ti a chreideas

annam-sa, ged gheibheadh e bàs, bithidh e beò:

26 Agus ge b'e neach a ta beò, agus a' creidsinn annam-sa, cha'n fhaigh e bàs am feasd. Am bheil thu creidsinn so?

27 Thubhairt i ris, Tha, a Thighearn: tha mi creidsinn gur tusa Crìosd, Mac Dhé, a bha gu teachd chum an t-saoghail.

28 Agus air dhi na nithe so ràdh, dh'fhalbh i, agus ghairm i a piuthar Muire an uaignidheas¹, ag ràdh, Thàinig am Maighstir, agus tha e ga d' ghairm.

29 'Nuair a chual ise sin, dh'éirich i gu grad, agus thàinig i d'a ionnsuidh.

30 A nis cha robh Iosa fathast air teachd do'n bhaile, ach bha e anns an àit an do choinnich Marta e.

31 An sin na h-Iudhaich a bha maille rithe san tigh, agus a' toirt comhfhurtachd dhi, 'nuair a chunnaic iad Muire gu'n d'éirich i gu grad, agus gu'n deachaidh i mach, lean iad i, ag ràdh, Tha i dol chum na h-uaighe, a chaoineadh an sin.

32 An sin an uair a thàinig Muire do'n àit an robh Iosa, agus a chunnaic i e, thuit i aig a chosaibh, ag ràdh ris, A Thighearn, nam biodh tusa an so, cha'n fhaigheadh mo bhràthair bàs.

33 Uime sin an uair a chunnaic Iosa i a' gul, agus na h-Iudhaich a thàinig maille rithe a' gul mar an ceudna, rinn e osna 'na spiorad, agus chuir se e féin fo àmhghar².

34 Agus thubhairt e, C'àit an do chuir sibh e? Thubhairt iad ris, A Thighearn, thig agus faic.

35 Ghul Iosa.

36 An sin thubhairt na h-Iudhaich, Feuch cionnus a ghràdaich se e!

37 Agus thubhairt cuid diubh, Nach feudadh an duine so a dh'fhosgail sùilean an doill, a thoirt fa'near nach faigheadh eadhon am fear so bàs?

38 Uime sin thàinig Iosa, ag osnaich a ris ann féin, chum na h-uaighe. Agus b' uainh³ i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairbh ris, A Thighearn, tha nis droch bholadh dheth; oir is e so an ceathramh là⁴.

40 Thubhairt Iosa rithe, Nach dubhairt mi riut, Ma chreideas tu, gu'm faic thu glòir Dhé?

41 An sin thog iad a' chlach (o'n àit anns an robh an duine marbh air a chur.) Agus thog Iosa suas a shùilean, agus thubhairt e, Athair, tha mi toirt buidheachais duit, gu'n d'éisd thu rium.

42 Agus bha fhios agam gu bheil thu ag éisdacadh rium a ghnàth: ach thubhairt mi e air son an t-sluaigh a tha 'nan

¹ os ìosal.

thrioblaid.

³ chuas.

⁴ tha e ceithir làithean san uaigh.

EOIN, XI. XII.

seasamh mu m' thimchioll, chum gu'n creid iad gu'n do chuir thusa uait mi.

43 Agus an uair a labhair e na nithe so, ghlaodh e le guth mòr, A Lasarus, thig a mach.

44 Agus thàinig esan a bha marbh a mach, agus a chosan agus a làmhnan ceangailte leis an eudach-mhairbh: agus bha 'aghaidh ceangailte mu'n cuairt le neap-aicin. Thubhairt Iosa riu, Fuasglaibh e, agus leigibh leis imeachd.

45 An sin chréid mòran do na h-Iudhaich ann, a thàinig chum Mhuire, agus a chumnaic na nithe a-rinn Iosa.

46 Ach dh'fhalbh cuid chum nam Phairiseach, agus dh'innis iad dhoibh na nithe a rinn Iosa.

47 An sin chruinnich na h-àrd-shagairt agus na Phairisich comhairle, agus thubhairt iad, Ciod a tha sinn a' deanamh? oir a ta an duine so deanamh mòrain mhlòr-bhuile.

48 Ma leigeas sinn leis air an dòigh so, creididh na h-uile dhaoine ann; agus thig na Romhanaich¹, agus sgriosaidh iad² ar n-àit, agus ar cinneach.

49 An sin thubhairt fear àraidh dhiubh *d' am b'ainm Caiaphas*, air dha bhi 'na àrd-shagart air a' bhliadhna sin, riu, Cha'n aithne dhuibh ni sam bith.

50 Ni mò tha sibh a' toirt fa'near gur iomchuidh dhuime gu'm faigheadh aon duine bàs air son an t-sluaigh, agus nach biodh an cinneach uile air a sgrios.

51 Ach cha b'ann uaith féin a labhair e so: ach air dha bhi 'na àrd-shagart air a' bhliadhna sin, rinn e fàidheadaireachd gu'm faigheadh Iosa bàs air son a' chinnich sin;

52 Agus cha'n ann air son a' chinnich sin a mhàin, ach a chum mar an ceudna gu'n cruinnicheadh e an ccan a chéile 'nan aon clann Dhé a bha air an sgapadh.

53 Uime sin o'n là sin a mach, chuir iad an comhairle r'a chéile chum esan a chur gu bàs.

54 Air an aobhar sin cha d'innich Iosa ni's mò gu follaiseach³ am measg nan Iudhach; ach chaidh e as a sin do dhùthaich làimh ris an fhàsach, gu baile ris an abrar Ephraim, agus an sin ghabh e comhnuidh maille r'a dheisciobluibh.

55 Agus bha càisg nan Iudhach am fagus; agus chaidh mòran suas as an dùthaich do Ierusalem roimh an chàisg, chum iad féin a ghlanadh.

56 An sin dh'iarr iad Iosa, agus labhair iad r'a chéile 'nan seasamh san teampull, Ciod bhuir barail-sa? an e nach tige chum na féille?

57 A nis bha araon na h-àrd-shagairt agus na Phairisich air toirt àithne, nam

biodh fhios aig neach air bith e'àit an robh e, gu'n innseadh se e, chum gu'n glacadh iad e.

CAIB. XII.

¹ *Ghabh Iosa leith-sgeul Mhuire air son gu'n d'ung i a chosan.* ⁹ *Thàinig an sluagh 'nam buidhnibh a dh'fhaicinn Lasarus.* ¹⁰ *Ghabh na h-àrd-shagairt comhairle chum Lasarus a mharbhadh.* ¹² *Mharcaich Crìosd gu Ierusalem.*

AN sin thàinig Iosa, sè làithean roimh an chàisg, gu Betani, far an robh Lasarus a bha marbh, neach a thog esan o na marbhaibh.

2 Uime sin rinn iad suipeir dha an sin; agus bha Marta a' frithealadh: ach bha Lasarus 'na aon diubh-san a shuidh air bord maille ris.

3 An sin ghabh Muire pund do oladh spicnaird ro luachmhoir, agus dh'ung i cosan Iosa, agus thiormaich i a chosan le a folt: agus lionadh an tigh le fàile⁴ chùbhraidh na h-oladh.

4 An sin thubhairt aon d'a dheisciobluibh, Iudas Iscariot, *mac Shimoin*, a bha gu esan a bhrath,

5 C'ar son nach do reiceadh an oladh so air son trì cheud peghinn, agus nach d'thugadh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh; ach a chionn gu'm bu ghaduiche e, agus gu'n robh an sporan aige, agus gu'n do ghiùlain e na nithe a chuireadh ann.

7 An sin thubhairt Iosa, Leig leatha: fa chomhair là m' adhlaid ghléidh i so.

8 Oir tha na bochdan a ghnàth agaibh maille ribh, ach cha 'n 'eil mise agaibh a ghnàth.

9 Agus bha fhios aig sluagh mòr do na h-Iudhaich gu'n robh e an sin: agus thàinig iad, cha'n ann a mhàin air son Iosa, ach a chum gu'm faiceadh iad mar an ceudna Lasarus, a thog esan o na marbhaibh.

10 Ach ghabh na h-àrd-shagairt comhairle, chum Lasarus mar an ceudna a mharbhadh;

11 Do bhrìgh air a shon-san gu'n d'innich mòran do na h-Iudhaich, agus gu'n do chreid iad ann an Iosa.

12 Air an là màireach, air chluinntinn do mhòr-sluagh a thàinig chum na féille⁵, gu'n robh Iosa a' teachd gu Ierusalem,

13 Ghlac iad geuga pailme, agus chaidh iad a mach 'na chòdhail, agus ghlaodh iad, Hosanna, beannaichte gu robh Rìgh Israeil a tha teachd ann an ainm an Tigh-earn!

14 Agus air do Iosa asal òg fhaotainn, shuidh e air; a réir mar a ta e sgriobhta,

15 Na biodh cagal ort, a nighean Shìoin:

¹ *Romanaich.* ² *dithichidh iad, bheir iad air falbh.*

³ *os àird.*

⁴ *boltrach.*

⁵ *féisc.*

feuch, a ta do Rìgh a' teachd, 'na shuidhe air loth asail.

16 Cha do thuig a dheisciobuil na nìthe so air tùs: ach an uair a ghlòraicheadh Iosa, an sin chuimhnich iad gu'n robh na nìthe so sgrìobhta uime, agus gu'n d'rinn iad na nìthe so dha.

17 Uime sin rinn an sluagh a bha maille ris fianuis, gu'n do ghairm e Lasarus as an uaigh, agus gu'n do thog e o na marbhaibh e.

18 Air an aobhar sin mar an ceudna choinnich an sluagh e, do bhrìgh gu'n cual iad gu'n d'rinn e am mìorbhuil so.

19 Thubhairt na Phairisich nìme sin eatorra féin, Am faic sibh nach 'eil sibh a' buadhachadh bheag sam bith? feuch, tha'n saoghal air dol 'na dhéigh.

20 Agus bha Greugaich àraidham measg na muinntir a chaidh suas chum aoradh a dheanamh aig an fhéil:

21 Air an aobhar sin thàinig iadsan gu Philip, a bha o Bhetsaida Ghalile, agus dh'iarr iad air, ag ràdh, A Thighearn, bu mhiann leinn Iosa fhaicinn.

22 Thàinig Philip agus dh'innis e do Andreas; agus a ris dh'innis Aindreas agus Philip do Iosa.

23 Agus fhreagair Iosa iad, ag ràdh, Thàinig an uair, chum gu'm biodh Mac an duine air a ghlòrachadh.

24 Gu deimhin deimhin a ta mi ag ràdh ribh, Mur faigh an gràinne cruithneachd a thuiteas an talamh bàs, fanaidh e 'na aonar: ach ma gheibh e bàs, bheir e toradh mòr uaith.

25 Esan a ghràdhaicheas 'anam, caillidh se e; agus esan a dh'fhuathaicheas 'anam anns an t-saoghal so, gleidhidh se e chum na beatha maireannaich.

26 Ma ni neach air bith seirbhis dhomh-sa, leanadh e mi; agus ge b'e àit ann bi mise, an sin bithidh mo sheirbhliseach mar an ceudna; ma ni neach seirbhis dhomh-sa bheir m'Àthair urram¹ dha.

27 A nis tha m'anam fo àmhghar²; agus ciod a their mi? Athair, saor mi o'n uair so: ach is ann air a shon so a thàinig mi chum na h-uaire so.

28 Athair, glòraich t'ainm. An sin thàinig guth o nèamh, ag ràdh, Ghlòraich mi àraon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tairneanach ann: thubhairt cuid eile, Labhair aingeal ris.

30 Fhreagair Iosa agus thubhairt e, Cha'n ann air mo shon-sa thàinig an guth so, ach air bhur son-sa.

31 A nis tha brèitheanas an t-saoghail so ann: a nis tilgear uachdaran an t-saoghail so mach.

32 Agus mise, ma thogar suas o'n talamh mi, tairngidh mi na h-uile dhaoine a m'ionnsuidh.

33 (Ach thubhairt e so, a' ciallachadh ciod a' ghnè bàis a gheibheadh e.)

34 Fhreagair an sluagh e, Chuala sinne as an lagh, gu'm fan Crìosd gu sìorruidh: agus cionnus a ta thusa ag ràdh, Gur éigin do Mhac an duine bhi air a thogail suas? cò e Mac an duine so?

35 An sin thubhairt Iosa riu, Fathast rè tamuill bhig tha'n solus maille ribh: gluaisibh am feadh 's a ta solus agaibh, chum nach beir an dorchadas oirbh: oir an ti a ta ag imeachd san dorchadas, cha'n aithne dha c'ait am bheil e dol.

36 Am feadh as a ta'n solus agaibh, creidibh san t-solus, chum gu'm bi sibh 'nur cloim do'n t-solus. Labhair Iosa na nìthe so, agus dh'fhalbh e, agus dh'fhoilaich se e féin uatha.

37 Ach ge do rinn e a choimhlion so do mhìorbhuilibh 'nan làthair, cha do chreid iad ann:

38 Chum gu'm biodh briathran an fhàidh Esaiais air an coimhlionadh, a thubhairt e, A Thighearn, cò a chreid ar n-aithris-ne³? agus cò dha dh'fhoillsich-eadh gairdean an Tighearna?

39 Air an aobhar so cha robh e'n comas doibh creidsinn, do bhrìgh gu'n dubhairt Esaiais a ris,

40 Dhall e an sùilean, agus chruaidhich e an cridhe, chum nach faicadh iad le'n sùilibh, agus nach tuigeadh iad le'n cridhe, agus nach pilleadh iad, agus gu'n slàn uichinn iad.

41 Thubhairt Esaiais na nìthe so, 'nuair a chunnaic e a ghlòir-san, agus a labhair e uime.

42 Gidheadh chreid mòran do na h-Uachdaranaibh féin ann: ach air son nam Phairiseach cha d'aidich iad e, air eagal gu'n cuirte mach as an t-sionagog iad.

43 Oir b'amsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a ta creidsinn annam-sa, cha'n ann annam-sa tha e creidsinn, ach ann an ti a chuir uaith mi.

45 Agus an ti a tha ga m' fhaicinn-sa, tha e faicinn an ti a chuir uaith mi.

46 Thàinig mi a'm⁴ sholus chum an t-saoghail, chum ge b'e clirideas annam, nach fanadh e an dorchadas.

47 Agus ma chluinneas neach air bith mo bhriathran-sa, agus nach creid e, cha 'n 'eil mise 'ga dhèadhadh: oir cha d'thàinig mi a dhèadhadh an t-saoghail, ach a shaoradh an t-saoghail.

48 An ti a tha cur cùil rium-sa, agus

¹ onoir.

² bluaires, thrioblaid.

³ iomradh-ne.

nach 'eil a' gabhail ri m' bhriathraibh, tha aige neach a bheir breth air : am focal a labhair mi, bheir e sin breth air san là dheireannach.

49 Oir cha do labhair mi uam féin : ach an t-Athair a chuir uaith mi, thug e àithne dhomh, ciod a theirinn, agus ciod a labhairinn.

50 Agus a ta fhios agam gur beatha mhaireannach 'aithne-san : air an aobhar sin na nithe tha mi a' labhairt, mar thubhairt an t-Athair rium, mar sin a ta mi a' labhairt.

CAIB. XIII.

1 *Nigh Criosd cosan nan deisciobul ; 13 dh'earail e erra bhi iriosal agus seirceil ; 18 dh'innis e roimh-làimh, agus dh'fhoillsich e do Eoin le comhara, gu'm b'e Iudas a bhrathadh e.*

ANIS roimh fhéill na càisge, air do Iosa fios a bhi aige gu'n robh 'uair air teachd, anns an rachadh e as an t-saoghal so chum an Athar, air dha a mhuinntir féin a bha anns an t-saoghal a ghràdhachadh, ghràdhaich e gu crìch iad.

2 Agus an uair a bha 'n t-suipeir thairis¹, (air do'n diabhul a nis a chur an cridhe Iudais Iscariot, *mhic* Shimoin, esan a bhrath,)

3 Air aithneachadh do Iosa gu'n d'thug an t-Athair na h-uile nithe 'na làmhaidh, agus gur ann o Dhia a thàinig e, agus gur ann a dh'ionnsuidh Dhé a bha e dol ;

4 Dh'éirich e o 'shuipeir, agus chuir e dheth 'fhalluim², agus ghlac e làmh-an-art, agus cheangail e uime e.

5 'Na dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlaid, agus an tìormachadh leis an làmh-an-art a bha ceangailte uime.

6 An sin thàinig e gu Simon Peadar : agus thubhairt esan ris, A Thighearn, am bheil thusa ag ionnlaid mo chosan-sa ?

7 Fhreagair Iosa agus thubhairt e ris, An ni so ta mi deanamh cha'n aithne dhuìte a nis ; ach bithidh fios agad air an déigh so.

8 Thubhairt Peadar ris, Cha nigh thu mo chosan-sa gu bràth. Fhreagair Iosa e, Mur nigh mi thu, cha'n 'eil cuid agad maille rium.

9 Thubhairt Simon Peadar ris, A Thighearn, cha'n iad mo chosan a mhàin, ach mar an ceudna mo làmhan agus mo cheann.

10 Thubhairt Iosa ris, An ti a ta air ionnlaid, cha'n 'eil feum aige ach a chosan ionnlaid, ach tha e gu h-iomlan glan : agus a ta sibhse glan, ach cha'n 'eil sibh uile glan.

11 Oir bha fhios aige cò a bhrathadh e ; uime sin thubhairt e, Cha 'n 'eil sibh uile glan.

12 An sin, an déigh dha an cosan ionnlaid, agus 'fhalluinn a ghabhail d'a ionnsuidh, shuidh e a ris, agus thubhairt e riu, Am bheil fhios agaibh ciod a rinn mi dhuibh ?

13 Tha sibh a' gairm Maighstir, agus Tighearn dhiom-sa : agus tha sibh ag ràdh gu maith ; oir is mi sin.

14 Uime sin ma dh'ionnlaid mise, bhur Tighearn agus bhur Maighstir, bhur cosan-sa, is còir dhuibh-samar an ceudna cosan a chéile ionnlaid.

15 Oir thug mi eisempleir dhuibh, chum mar a rinn mise dhuibh, gu'n deanadh sibhse mar an ceudna.

16 Gu deimhin deimhin a ta mi ag ràdh ribh, Cha mhò an t-òglach na 'mhaighstir, agus cha mhò an teachdair na an ti a chuir uaith e.

17 Ma's aithne dhuibh na nithe so, is beannaichte sibh ma ni sibh iad.

18 Cha'n 'eil mi labhairt oirbh uile : is aithne dhomh cò a thagh mi : ach is éigin an sgrìobtuir a choimhlionadh, An ti a ta 'g itheadh arain maille rium, thog e a shàil a'm' aghaidh.

19 A nis a ta mi ag ràdh so ribh mun tig e gu crìch, chum, 'nuair a tharlas e, gu'n creid sibh gur mise e.

20 Gu deimhin deimhin a ta mi ag ràdh ribh, an ti a ghabhas ri neach sam bith a chuireas mise uam, gabhaidh e rium-sa ; agus an ti a ghabhas rium-sa, gabhaidh e ris an ti a chuir uaith mi.

21 Air do Iosa na nithe so ràdh, bha e fo thrioblaid 'na spiorad, agus rinn e fian-nis, agus thubhairt e, Gu deimhin deimhin a ta mi ag ràdh ribh, gu'm brath aon agaibh mise.

22 An sin dh'amhairc na deisciobuil air a chéile, fo amharus co uime a labhair e.

23 A nis bha aon d'a dheisciobluibh, 'na luidhe an uchd³ Iosa, neach a b'ionnluinn le Iosa.

24 Air an aobhar sin smèid Simon Peadar a'rsan, gu'm feòraicheadh e co uime a labhair e.

25 An sin air dhasan aomadh ri uchd Iosa, thubhairt e ris, A Thighearn cò e ?

26 Fhreagair Iosa, Is e an ti sin e, d'an toir mise an greim, an déigh dhomh a thumadh. Agus an uair a thum e an greim, thug se e do Iudas Iscariot, *mac* Shimoin.

27 Agus an sin an déigh a' ghrcama, chaidh Satan a steach ann-san. An sin thubhairt Iosa ris, An ni a ta thu a' dean-amh, dean gu grad c.

28 A nis cha do thuig aon diubh-san a

¹ an uair a bha iac 'an suipeir.

² eudach-uachdair.

³ ag a' madh ri uchd.

bha 'nan suidhe air a' bhord c'ar son a thubhairt e so ris.

29 Oir shaoil cuid diubh, do bhrìgh gu'n robh an sporan a'g Iudas, gu'n dubhairt Iosa ris, Ceannaich na nithe a ta dh'uireas-bhuidh oirnn chum na fèille; no gu'n tugadh e ni-éigin do na bochdaibh.

30 An sin an déigh dhasan an greim a ghabhail, chaidh e mach air ball; agus bha'n oidhche ann.

31 Uime sin, 'nuair a chaidh esan a mach, thubhairt Iosa, A nis a ta Mac an duine air a ghlòrachadh, agus tha Dia air a ghlòrachadh ann.

32 Ma tha Dia air a ghlòrachadh ann, glòraichidh Dia esan mar an ceudna ann fèin, agus air ball glòraichidh se e.

33 A chlann bheag, fathast ùine bheag tha mise maille ribh. Iarraidh sibh mi: agus mar a thubhairt mi ris na h-Iudhaich, Do'n àit an teid mise, cha 'n'èil e 'n comas duibhse teachd; mar sin a ta mi ag ràdh ribhse nis.

34 Aithne nuadh tha mi toirt dhuibh, Gu'n gràdhach sibh a chèile; mar a ghràdhach mise sibhse, gu'n gràdhach sibh fèin a chèile mar an ceudna.

35 Le so aithnichidh na h-uile dhaoine gur sibh mo dheisciobuil-sa, ma bhios gràdh agaibh fèin d'a chèile.

36 Thubhairt Simon Peadar ris, A Thighearn, c'ait a théid thu? Fhreagair Iosa e, Do'n àit an téid mi, cha'n urrainn thusa nis mo leantuinn; gidheadh leanaidh tu mi 'na dhéigh so.

37 Thubhairt Peadar ris, a Thighearn, c'ar son nach urrainn mi do leantuinn a nis? Leigidh mi sios m'annam air do shon.

38 Fhreagair Iosa e, An leig thu t'annam sios air mo shonsa? Gu deimhin deimhin a ta mi ag ràdh riut, Nach goir an coil-each, gus an àicheadh thu mi trì uairean.

CAIB. XIV.

1 Thug Criosd comhfhurtachd d'a dheiseibluibh le dòchas fùlaithèana: 6 dh'innis e gur e fèin an t-slighe, an fhùirinn, agus a' bheatha, agus gur aon e fèin agus an t-Athair: 13 thug e fios doibh gu'm bi an urnuighean 'na ainm - sa c'èifeachdach.

NA biodh bhuir cridhe fo thrioblaid¹: tha sibh a' creidsinn ann an Dia, creidibh annam-sa mar an ceudna².

2 Anni an tigh m'Athair-sa tha iomadh àite-còmhuidh: mur biodh e mar sin, dh'innisinn-sa dhuibh. Tha mi dol a dh'ulluchadh àite dhuibh.

3 Agus ma théid mi agus gu'n ulluich mi àit dhuibh, thig mi ris, agus gabhaidh mi sibh a m' ionnsuidh fèin; chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi dol, agus is aithne dhuibh an t-slighe.

5 Thubhairt Tomas ris, A Thighearn, cha'n 'èil fhios againn c'ait am bheil thu dol; agus cionnus a dh'fheudas eòlas na slighe bhi againn?

6 Thubhairt Iosa ris, Is mise an t-slighe, agus an fhùirinn, agus a' bheatha: cha tig aon neach chum an Athair ach tromham-sa.

7 Nam b'aithne dhuibh mise, b'aithne dhuibh m'Athair mar an ceudna: agus á so suas is aithne dhuibh e, agus chunnaic sibh e.

8 Thubhairt Philip ris, A Thighearn foillsich an t-Athair dhuinne, agus is leoir leinn e.

9 Thubhairt Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a clunnaic mise, chunnaic e 'n t-Athair: agus cionnus a ta thu ag ràdh, Foillsich an t-Athair dhuinn?

10 Nach 'èil thu creidsinn gu bheil mise anns an Athair, agus an t-Athair annam-sa? na briathran a ta mi labhairt ribh, cha'n ann uam fèin a ta mi 'gan labhairt: ach an t-Athair, a ta gabhail còmhuidh annam-sa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annam-sa; no, creidibh mi air son nan oibre fèin.

12 Gu deimhin deimhin a ta mi ag ràdh ribh, An ti a chreideas annam-sa, na h-oibre a ta mise a' deanamh, ni esan mar an ceudna; agus ni e oibre a's mò na iad so, do bhrìgh gu bheil mise dol chum m'Athar.

13 Agus ge b'e ni a dh'iarras sibh a'm' ainm-sa, ni mise sin: chum gu'm bi an t-Athair air a ghlòrachadh anns a' Mhac.

14 Ma dh'iarras sibh ni air bith a'm' ainm-sa, ni mise e.

15 Ma's toigh leibh mise, coimhidibh m'aitheantan:

16 Agus guidhidh mise an t-Athair, agus bheir e dhuibh Comhfhurtair³ eile, chum gu fan e maille ribh gu bràth;

17 Spiorad na firinn; neach nach urrainn an saoghal a ghabhail, do bhrìgh nach 'èil e 'ga fhaicinn, agus nach aithne dha e: ach is aithne dhuibhse e, oir tha e fantuinn maille ribh, agus bithidh e annaibh.

18 Cha'n fhàg mi sibh 'nur dilleachd-ain; thig mi do 'ur n-ionnsuidh.

19 Tamull beag fathast, agus cha'n fhaic an saoghal mi tuilleadh; ach chi sibhse mi: do bhrìgh gu bheil mise beò, bithidh sibhse beò mar an ceudna.

20 Anns an là sin bithidh fios agaibh gu bheil mise ann am Athair, agus sibhse annam-sa, agus mise annaibh-sa.

¹ bhuaireas.

² creidibh ann an Dia, agus creidibh annam-sa.

³ Fear-comhfhurtachd, Fear-comhairle, Fear-iùil.

21 An ti aig am bheil m' àitheanta-sa, agus a ta gan còimhead, is esan aig am bheil gràdh dhomh sa: agus an ti aig am bheil gràdh dhomh-sa, gràdhaichear le m' Athair e, agus gràdhaichidh mise e, agus foillsichidh mi m' féin da.

22 Thubhairt Iudas (cha'n e Iscariot,) ris, A Thighearn, c'ar son a dh'fhoillsicheas tu thu féin dhuinne, agus nach dean thu sin do'n t-saoghal?

23 Fhreagair Iosa agus thubhairt e ris, Ma ghràdhaicheas neach mise, còimhididh e m' fhocal: agus gràdhaichidh ur' Athair esan, agus thig sinn d'a ionnsuidh, agus ni sinn còmhnuidh maille ris.

24 An ti nach gràdhaich mise, cha choimhid e mo bhriathra: agus am focal a ta sibh a' cluinntinn, cha leam-sa e, ach leis an Athair a chuir uaith mi.

25 Na nithe so labhair mi ribh, air dhomh bhi m' chòmhnuidh maille ribh:

26 Ach an Comhfhurtair, an Spiorad naomh, a chuireas an t-Athair uaith a'm' ainm-sa, teagaisgidh esan dhuibh na h-uile nithe, agus cuiridh e'n cuimhne dhuibh na h-uile nithe a labhair mise ribh.

27 Tha mi fàgail sìthe agaibh, mo shìth-sa a ta mi toirt dhuibh: cha'n ann mar a bheir an saoghal, a tha mise toirt dhuibh. Na biodh blur cridhe fo thrioblaid, agus na biodh eagail air.

28 Chuala sibh mar thubhairt mi ribh, Tha mi falbh, agus thig mi ris do 'ur n-ionnsuidh. Nam biodh gràdh agaibh dhomh-sa, bhiodh aoibhneas oirbh, a chionn gu'n dubhairt mi, Tha mi dol¹ chum an Athar: oir is mò m' Athair na mise.

29 Agus a nis dh'innis mi dhuibh so roimh dha teachd gu crìch, chum, 'nuair a thig e gu crìch, gu creideadh sibh.

30 A so suas cha labhair mi mòran ribh: oir a ta uachdaran an t-saoghail so a' teachd, agus cha'n 'eil ni air bith aige annam-sa.

31 Ach a chum gu'm bi fios aig an t-saoghal gur ionmhuinn leam an t-Athair; agus mar a thug an t-Athair àithne dhomh, mar sin a ta mi a' deanamh. Eiribh, rachanaid a so.

CAIB. XV.

1 An sòlas a ta aig deiscioblubh Chriosd; 9 an gaol agus an còimhcheangal a ta eadar iad agus esan.

18 Comhfhurtachd fuidh fhuath agus gheur-leam-mhuinn an t-saoghail so. 26 Dreuchd an Spioraid naomh, agus nan abstol.

IS mise an fhìonain fhìor, agus is e m' Athair an treabhaiche².

2 Gach uile gheug annam-sa nach 'eil a' giùlan toraidh, bheir e air falbh; agus gach uile gheug a ta tabhairt toraidh,

glanaidh e i, chum gu'n giùlan i tuilleadh toraidh.

3 A nis a ta sibhse glan tre an fhocal a labhair mi ribh.

4 Fanaibh annam-sa, agus mise annaibh-sa. Mar nach urrainn a' gheug toradh a thoirt uaip³ féin, mur fan i san fhìonain, cha mhò is urrainn sibhse, mur fan sibh annam-sa.

5 Is mise an fhìonain, sibhse na geuga: an ti a dh'fhanas annam-sa, agus mise annsan, bheir esan mòr-thoradh uaith; oir as m' eugmhais-sa cha'n urrainn sibh aon ni a dheanamh.

6 Mur fan neach annam-sa, tha e air a thilgeadh a mach mar ghéig, agus air crìonadh⁴; agus tionailidh daoine iad, agus tilgidh iad san teine iad, agus loisgear iad.

7 Ma dh'fhanas sibh annam-sa, agus ma dh'fhanas m'fhocail-sa annaibh-se, iarraidh sibh gach ni a's àill leibh, agus nìthear dhuibh e.

8 An so tha m' Athair-sa air a ghlòrachadh, gu'n toir sibhse mòr-thoradh uaibh; agus bithidh sibh 'nur deisciobuil dhomh-sa.

9 Mar a ghràdhaich an t-Athair mise, mar sin ghràdhaich mise sibhse: fanaibh ann am ghràdh-sa.

10 Ma choimhideas sibh m' àitheanta, fanaidh sibh ann am ghràdh; mar a choimhid mise àitheanta m' Athar, agus a tha mi a' fantuinn 'na ghràdh.

11 Na nithe so labhair mi ribh, chum gu fanadh mo ghairdeachas annaibh, agus gu'm biodh bhur gairdeachas-sa làn.

12 Is i so m' àithne-sa, gu'n gràdhaich sibhse a chéile, mar a ghràdhaich mise sibhse.

13 Gràdh a's mò na so cha'n 'eil aig neach air bith, gu'n leigeadh duine 'anam sìos air sou a chairdean.

14 Is sibhse mo chairdean-sa, ma ni sibh gach ni a ta mi ag àithneadh dhuibh.

15 A so suas cha ghairm mi seirbhisich dhuibh; oir cha'n àithne do'n t-seirbhiseach ciod a ta a Thighearn a' deanamh: ach ghairm mi càirde dhuibh; oir na h-uile nithe a chuala mi o m' Athair, thug mi fios dhuibhse orra.

16 Cha sibhse a thagh mise, ach is mise a thagh sibhse, agus dh'orduich⁵ mi sibh, chum gu'n rachadh sibh, agus gu'n tugadh sibh a mach toradh, agus gu maireadh bhur toradh: agus ge b'e ni a dh'iarraas sibh air an Athair ann am ainm-sa, gu'n toir e dhuibh e.

17 Tha mi 'g àithneadh nan nithe so dhuibh, chum gu'n gràdhaich sibh a chéile.

¹ a chionn gu bheil mi dol.

² tuathanach.

³ uaithie.

⁴ mar ghéig a ta e air crìonadh.

⁵ shuidhich, sònraich.

18 Ma tha an saoghal 'gur fuathachadh, tha fhios agaibh gu'n d' fhuathaich e mise roimh bh.

19 Nam b'ann do'n t-saoghal sibh, ghràdhaicheadh an saoghal a chuid féin: ach do bhrìgh nach ann do'n t-saoghal sibh, ach gu'n do thagh mise sibh as an t-saoghal, uime sin tha fuath aig an t-saoghal duibh.

20 Cuimhnichibh am focal a thubhairt mi ribh, Cha 'n 'eil an seirbhiseach nìs mò na a Thighearn. Ma rinn iad geur-leanmhuinn ormsa, ni iad geur-leanmhuinn oirbhe mar an ceudna: ma choimhid iad m'fhocal-sa, coimhididh iad bhuir focal-sa mar an ceudna.

21 Ach na nithe so uile ni iad oirbh air son m'ainne-sa, do bhrìgh nach aithne dhoibh esan a chuir uaith mi.

22 Mur bithinn-sa air teachd, agus air labhairt riu, cha bhiodh peacadh aca: ach a nis cha'n 'eil leithsgeul am peacaidh aca.

23 An ti aig am bheil fuath domh-sa, tha fuath aige do m'Athair mar an ceudna.

24 Mur bithinn-sa air deanamh nan oibre 'nam measg nach d'rinn aon neach eile, cha bhiodh peacadh aca: ach a nis chunnaic siad iad, agus dh'fhuathaich iad arao mis agus m'Athair.

25 Ach rinneadh so chum gu'n coimhliontadh am focal a ta sgrìobhta 'nan lagh féin, Dh'fhuathaich iad mi gun aobhar.

26 Ach an uair a thig an Comhfhurtair, a chluireas mise do 'ur ionnsuidh o'n Athair, Spiorad na fìrinn, a tha teachd a mach o'n Athair, ni esan fianuis mu m' thìnnicholl-sa.

27 Agus ni sibhse fianuis mar an ceudna, do bhrìgh gu bheil sibh maille rium o thùs.

CAIB. XVI.

1 Thug Crìosd comhfhurtachd d'a dheisciobluibh an aghaidh trioblaid le gealladh an Spioraid naoimh, agus 'aiseirigh agus a dhol suas air nèamh; 23 thug e cinnte dhoibh gu'm bi na h-urmuighean a nìthear 'na ainm-san taitneach d'a Athair.

NA nithe so labhair mi ribh, chum nach faigheadh sibh oilbheum.

2 Cuiridh iad as an t-sionagag sibh: seadh, thig an uair, ge b'e neach a mharbhas sibh, gu'n saoil e gu bheil e deanamh seirbhis do Dhia.

3 Agus ni iad na nithe so², do bhrìgh nach aithne dhoibh an t-Athair, no mise.

4 Ach dh'innis mi na nithe so dhuibh, chum 'nuair a thig an t-àm, gu'n cuimhnich sibh gu'n d'innis mi dhuibh iad. Ach cha dhubhairt mi na nithe so ribh o thùs, do bhrìgh gu'n robh mi maille ribh.

5 Ach a nis a ta mi dol chum an ti a chuir uaith mi; agus cha 'n 'eil a h-aon

agaibh-sa a' feòraich dhìom, C'ait tha thu dol?

6 Ach a chionn gu'n dubhairt mi na nithe so ribh, lion do-bhròn bhuir cridhe.

7 Gidheadh a ta mi ag innseadh dhuibh na fìrinn, Is buannachd dhuibh mise a dh'fhalbh: oir mur fàlbh mi, cha tig an Comhfhurtair do 'ur n-ionnsuidh-sa; ach ma dh'fhalbhas mi, cuiridh mi esan do 'ur n-ionnsuidh.

8 Agus an uair a thig esan, bheir e dearbh-shoilleireachd do'n t-saoghal mu pheacadh, agus mu fhìreantachd, agus mu bhreitheanas:

9 Mu pheacadh, do bhrìgh nach 'eil iad a' creidsinn annam-sa;

10 Mu fhìreantachd, do bhrìgh gu bheil mi dol a dh'ionnsuidh m'Athar, agus nach faic sibh nìs mò mi;

11 Mu bhreitheanas, a chionn gu bheil uachdaran an t-saoghail so air a dhìteadh.

12 Tha mòran nithe agam fathast ri ràdh ribh, ach cha'n urrainn sibh an giùlan an tràth so.

13 Ach an uair a thig esan, Spiorad na fìrinn, treòraichidh e sibh chum gach uile fhùrinn: oir cha labhair e uaith féin: ach labhraidh e na h-uile nithe a chluinneas e: agus foillsichidh e dhuibh-se nithe a ta ri teachd.

14 Bheir esan glòir dhomh-sa: oir gheibh e do m'chuid-se, agus nochdaidh e dhuibh-se e.

15 Na h-uile nithe a ta aig an Athair, is leam-sa iad: air an aobhar so thubhairt mi, gu'm faigh e do m'chuid-se, agus nochdaidh e dhuibhse e.

16 Tamull beag agus cha'n fhaic sibh mi; agus a rìs, tamull beag agus chì sibh mi, do bhrìgh gu bheil mi dol chum an Athar.

17 An sin thubhairt cuid d'a dheisciobluibh eatorra féin, Cìod e so a ta e ag ràdh ruinn, Tamull beag agus cha'n fhaic sibh mi: agus a rìs, tamull beag agus chì sibh mi: agus, Do bhrìgh gu bheil mi dol chum an Athar?

18 Air an aobhar sin thubhairt iad, Cìod e so a ta e ag ràdh, Tamull beag? Cha'n 'eil sinne a' tuigsinn cìod a ta e ag ràdh.

19 A nis dh' aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'nur measg féin mar a thubhairt mi, Tamull beag agus cha'n fhaic sibh mi: agus a rìs, tamull beag agus chì sibh mi?

20 Gu deimhin deimhin a ta mi ag ràdh ribh, gu'n dean sibhse gul agus caoidh, ach ni an saoghal gairdeachas: agus bithidh sibhse do-bhrònach, ach pillear bhuir bròn gu gairdeachas.

21 'Nuair a bhios bean ri saothair.

¹ gabhadh.

² na nithe so dhuibh.]

chloinne, bithidh i fo dhoilgheas, chionn gu bheil a h-uair air teachd: ach an uair a bheireas i an leanabh, cha chuimhnich i a h-àmhghar ni's mò, tre aoibhneas gu'n d'rugadh duine chum an t-saoghail.

22 Agus a ta nis uime sin doilgheas orbh-sa: ach chi mise a ris sibh, agus ni bhur cridhe gairdeachas, agus bhur gairdeachas cha bhuin neach air bith uaibh.

23 Agus air an là sin cha'n fheòraich sibh ni air bith dhiom-sa¹: Gu deimhin deimhin a ta mi ag ràdh ribh, Ge b'e nithe dh'iarras sibh air an Athair ann am ainm-sa, gu'n toir e dhuibh iad.

24 Gus a so cha d'iarr sibh ni air bith ann am ainm-sa: iarraibh, agus gheibh sibh, chum gu'm bi bhur n-aoibhneas làn².

25 Na nithe so labhair mi ribh am briathraibh dorcha³: ach thig an uair anns nach labhair mi ni's mò ribh am briathraibh dorcha, ach innsidh mi gu soilleir mu'n Athair dhuibh.

26 Anns an là sin iarraidh sibh a'm' ainm-sa: agus cha 'n 'eil mi ag ràdh ribh, gu'n guidh mi an t-Athair air bhur son:

27 Oir is toigh leis an Athair féin sibh, air son gu'n d'thug sibh gràdh dhomh-sa, agus gu'n do chreid sibh gur ann o Dhia a thàinig mi.

28 Thàinig mi mach o'n Athair, agus tha mi air teachd chum an t-saoghail: a ris, tha mi fàgail an t-saoghail, agus a' dol chum an Athar.

29 Thubhairt a dheisciobuil ris, Feuch, a nis tha thu labhairt gu soilleir, agus cha 'n 'eil thu labhairt cosamhlachd air bith.

30 A nis tha fhios againn gur aithne dhuit an h-uile nithe, agus nach feum thu duine air bith a dh'fheòraich dhìot: air a shon so tha sinn a' creidsinn gur ann o Dhia a thàinig thu.

31 Fhreagair Iosa iad, Am bheil sibh a nis a' creidsinn?

32 Feuch, thig an t-àm⁴, seadh, tha e cheana air teachd, anns an sgapar o chéile sibh, gach aon g'a ionad féin, agus am fàg sibh mise a'm' aonar: gidheadh cha 'n 'eil mise a'm' aonar, oir tha an t-Athair maille rium.

33 Na nithe so labhair mi ribh, chum gu'm biodh sìth agaibh annam-sa. Anns an t-saoghal bithidh àmhghar agaibh: ach biodh deadh mhisneach agaibh, thug mise buaidh air an t-saoghal.

CAIB. XVII.

1 Tha Crìosd a' deanamh urnuigh r'a Athair gu'n glòraicheadh se e, 6 gu'n coimhìdeadh e abstoil, 11 ann an aonachd, 17 agus anns an fhìrinn;

20 gu'n glòraicheadh e iad, agus na h-uile chreidich maille ris féin air nèamh.

LABHAIR Iosa na briathra so; agus thog e suas a shùilean gu nèamh, agus thubhairt e, Athair, thàinig an uair; glòraich do mhac, chum gu'n glòraich do Mhac thusa mar an ceudna:

2 Chum, mar a thug thu cumhachd dha air gach feoil, na h-uile a thug thu dha, gu'n tugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aon Dia fìor, agus air Iosa Crìosd a chuir thu uait.

4 Ghlòraich mise thusa air thalamh: chrìochnaich mi 'n obair a thug thu dhomh r'a dheanamh.

5 Agus a nis, Athair, glòraich thusa mise maille riut féin⁵, leis a' ghloir a bha agam maille riut mun robh an saoghal ann.

6 Dh'fhoillsich mise t'ainm do na daoibh a thug thu dhomh as an t-saoghal: bu leatsa iad, agus thug thu dhomh sa iad; agus choimhid iad t'fhocal.

7 A nis thuig iad gur ann uait a tha na h-uile nithe, a thug thu dhomh-sa.

8 Oir thug mi dhoibh na briathran a thug thusa dhomh; agus ghabh siad iad, agus thuig iad gu fìrinneach gur ann uait-sa thàinig mi, agus chreid iad gu'n do chuir thu uait mi.

9 Air an sonsan tha mi guidhe: cha'n 'eil mi guidhe air son an t-saoghail, ach air son na muinntir sin a thug thu dhomh, oir is leatsa iad.

10 Agus is leatsa na h-uile nithe a's leamsa, agus is leamsa na nithe a's leatsa; agus a ta mi air mo ghlòrachadh anna.

11 Agus a nis cha'n 'eil mise ni's mò anns an t-saoghal, ach a ta iadsan san t-saoghal, agus a ta mise a' teachd a d' ionnsuidh-sa. Athair naomh, coimhid iadsan tre t'ainm⁶, a thug thu dhomh-sa, chum gu'm bi iad 'nan aon, mar a ta sinne.

12 Am feadh a's bha mise maille riut anns an t-saoghal, choimhid mi iad tre t'ainm-sa: ghléidh mi a' mhuinntir a thug thu dhomh, agus cha do chailleadh a h-aon diubh, ach mac an sgrìos: chum gu biodh an sgrìobtuir air a choimhlionadh.

13 Agus a nis tha mi teachd a d'ionnsuidh-sa; agus tha mi labhairt nan nithe so anns an t-saoghal, chum gu'm biodh mo ghairdeachas aca air a choimhlionadh anna.

14 Thug mi t'fhocal dhoibh; agus thug an saoghal fuath dhoibh, air son nach ann do'n t-saoghal iad, mar nach 'eil mise do'n t-saoghal.

¹ cha'n iarr sibh ni air bith ormsa.

² coimhlionta. ³ an comhadaibh.

⁴ an uair.

⁵ a'd' fhianuis.

⁶ ann ad ainm.

15 Cha'n 'eil mi guidhe gu'n tugadh tu as an t-saoghal iad, ach gu'n coimhleadh tu o n ole iad.

16 Cha'n 'eil iadsan do'n t-saoghal, mar nach 'eil mise do'n t-saoghal.

17 Naomhaich iad troimh an fhìrinn: is e t'fhocal-sa an fhìrinn.

18 Mar a chuir thusa mise chum an t-saoghail, mar sin chuir mise iadsan chum an t-saoghail.

19 Agus air an sonsan tha mise ga m' naomhachadh féin, chum gu'm bi iadsan mar an ceudna air an naomhachadh troimh an fhìrinn.

20 Agus cha'n 'eil mi guidhe air an sonsan a mha'n, ach mar an ceudna air son na muinntir sin a chreideas annam-sa troimh am focal-san:

21 Chum gu'm bi iad uile 'nan aon; chum mar a ta thusa, Athair, annam-sa, agus mise annad-sa, gu'm bi iadsan mar an ceudna 'nan aon annainne; chum gu'n creid an saoghal gu'n do chuir thusa uait mi.

22 Agus thug mise dhoibhsan a' ghlòir a thug thusa dhomh-sa chum gu'm bi iad 'nan aon, mar a ta sinne 'nar n-aon;

23 Mise anna-san, agus thusa annam-sa, chum gu'n deanar coimhlionta iad ann an aon; agus a chum gu'm bi fios aig an t-saoghal gu'n do chuir thusa uait mi, agus gu'n do ghràdhaich thu iadsan, mar a ghràdhaich thu mise.

24 Athair, is àill leam an dream a thug thu dhomh, gu'm bi iad maille rium, far am bhicil mi; chum gu faic iad mo ghlòir a thug thu dhomh: oir ghràdhaich thusa mi mun do leagadh bunaite an domhain.

25 Athair chothromaich, cha b'aithne do'n t-saoghal thusa; ach b'aithne dhomh-sa thu, agus thuig iad so gu'n do chuir thusa uait mi.

26 Agus dh'fhoillsich mise t'ainm dhoibh, agus foillsichidh mi e, chum gu'm bi an gràdh leis an do ghràdhaich thu mise, anna-san, agus mise anna.

CAIB. XVIII.

1 Bhrath Iudas Iosa. 6 Thuit na maoir air an talamh. 10 Ghearr Peadar cluais Mhalchuis deth. 12 Ghlac na maoir Iosa, agus thug iad gu Annas agus Caiaphas e. 15 Aicheadh Pheadair.

NUAIR a labhair Iosa na briathra so, chaidh e maille r'a dheisciobluibh thairis air sruth Chedroin, far an robh lios, anns an deachaidh e féin agus a dheisciobuil.

2 Agus b'aithne do Iudas, a bhrath esan, an t-àit: oir thàinig Iosa gu tric an sin maille r'a dheisciobluibh.

3 An sin air do Iudas buidheann agus maoir fhaotainn o na h-àrd-shagairt agus

na Phairisich, thàinig e do'n àit sin le leusaibh, agus lòchraibh, agus arm-aibh.

4 Uime sin air do Iosa fios a bhi aige air na h-uile nithibh a bha gu teachd air, chaidh e mach, agus thubhairt e riu, Cò tha sibh ag iarraidh?

5 Fhrcagair iadsan e, Iosa o Nasaret, Thubhairt Iosa riu, Is mise e. Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fheòraich e dhiubh a ris, Cò tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise tha sibh ag iarraidh, leigibh leo sin falbh:

9 Chum gu'n coimhlionadh am focal a labhair e, An dream a thug thu dhomh, cha do chaill mi aon duibh.

10 An sin air do Shimon Peadar claidheamh a bhi aige, tharruing se e, agus bhuail e òglach an àrd-shagairt, agus ghearr e a' chluas dheas deth. Agus b'e ainm an òglaich Malchus.

11 An sin thubhairt Iosa ri Peadar, Cuir do chladheamh san truail: an cupan a thug m' Athair dhomh-sa, nach òl mi e?

12 An sin rug a' bhuidheann, agus an ceannard, agus maoir nan Iudhach air Iosa, agus cheangail iad e,

13 Agus thug iad leo e air tùs gu Annas; (oir b'esan athair-céile Chaiphais, a bha na àrd-shagart air a' bhliadhna sin.)

14 A nis b'e Caiaphas a thug comhairle do na h-Iudhaich, gu'm b'iomchuidh gu'm faigheadh aon duine bàs air son an t-sluaigh.

15 Agus lean Simon Peadar agus deisciobul eile Iosa. B'aithne do'n àrd-shagart an deisciobul sin, agus chaidh e steach maille ri Iosa do chùirt an àrd-shagairt.

16 Ach sheas Peadar aig an doras an leth muigh. Uime sin chaidh an deisciobul sin eile a b'aithne do'n àrd-shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhanoglach a bhla gleidheadh an dorais ri Peadar, Nach ann do dheisciobluibh an duine so thusa mar an ceudna? thubhairt esan, Cha'n ann.

18 Agus bha na seirbhisich agus na maoir 'nan seasamh, air dhoibh teine guail a chur suas, oir bha'm fuachd ann, agus bha iad 'gan garadh féin: agus bha Peadar 'na sheasamh maille riu, agus 'ga gharadh féin.

19 An sin dh'fhiosraich an t-àrd-shagart do Iosa mu thimchioll a dheisciobul, agus nu thimchioll a theagaisg.

20 Fhreagair Iosa e, Labhair mise gu

folaiseach¹ ris an t-saoghal; theagaisg mi a ghnàth anns an t-sionagog, agus anns an teampull, far am bheil na h-Iudhaich a' cruinneachadh as gach àit; agus am folach cha do labhair mi ni air bith.

21 C'ar son a ta thu fiosrachadh dhìomsa? Fiosraich dhiubh-san a chuala, ciod a thubhairt mi riu: feuch, a ta fhios aca-san ciod a thubhairt mi.

22 Agus an uair a thubhairt e na nithe so, bhual aon do na maoraibh, a bha 'na sheasamh a làthair, a bhas air Iosa, ag ràdh, An ann mar so a fhreagras tu an t-àrd-shagart?

23 Fhreagair Iosa e, Ma labhair mi gu h-olc, dean fianuis air an olc: ach ma's ann gu maith, c'ar son a ta thu ga m' bhualadh?

24 (A nis chuir Annas e ceangailte gu Caiaphas an t-àrd-shagart.)

25 Agus bha Simon Peadar 'na sheasamh agus 'ga gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'àicheadh esan, agus thubhairt e, cha mhi.

26 Thubhairt aon do sheirbhisich an àrd-shagairt, (caraid do'n fhear do'n ghearr Peadar a chluas,) Nach faca mise thu san lios maille ris?

27 An sin dh'àicheadh Peadar a ris, agus air ball ghoir an coileach.

28 An sin thug iad Iosa o Chaiaphas gu àit a' bhreitheanais: agus b'i mhaduinn a bh'ann, agus cha deachaidh iad féin do àit a' bhreitheanais, chum nach biodh iad air an salachadh; ach gu'n itheadh iad a' chàisg.

29 An sin chaidh Pilat a mach d'an ionnsuidh-san, agus thubhairt e, Ciod a' chasaid a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheirt e, cha tugamaid thairis dhuise e.

31 An sin thubhairt Pilat riu, Gabhaibh-sa e, agus thugaibh breth air a réir bhuir lagha féin. An sin thubhairt na h-Iudhaich ris, Cha'n 'eil e ceadichte dhuinne neach air bith a chur gu bàs:

32 Chum gu'm biodh focal Iosa air a choimhlionadh, a labhair e, a' ciallachadh ciod a ghnè bàis a bha e gu faotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach?

34 Fhreagair Iosa e, Am bheil thu ag ràdh so uait féin, no an d'innis daoine eile dhuìt e mu m' thimchioll-sa?

35 Fhreagair Pilat, An Iudhach mise? Thug do chinneach féin, agus na h-àrd-

shagairt thairis dhomh-sa thu: ciod a rinn thu?

36 Fhreagair Iosa, Cha'n ann do'n t-saoghal so tha mo rìoghachd-sa: nam b'aun do'n t-saoghal so bhiodh mo rìoghachd, dheanadh mo sheirbhisich cogadh, chum nach tugadh thairis do na h-Iudhaich mi: ach a nis cha'n ann o so a ta mo rìoghachd.

37 Air an aobhar sin thubhairt Pilat ris, An rìgh thu ma-seadh? Fhreagair Iosa, Thubhairt thusa gur rìgh mi. 'S ann chum na crìche so a rugadh mi, agus chum na crìche so thàinig mi do'n t-saogh-al, chum gu'n deanainn fianuis do'n fhìrinn. Gach ueach a ta air taobh na fìrinn, éisdidh e ri m' ghuth-sa.

38 Thubhairt Pilat ris, Ciod i an fhìrinn? Agus air dha so a ràdh, chaidh e mach a ris chum nan Iudhach, agus thubhairt e riu, Cha'n 'eil mise a' faotainn coire air bith ann.

39 Ach a ta gnàth agaibh-sa, gu'n leiginn as duine dhuibh air a' chàisg: uime sin an àill leibh mi a leigeadh rìgh nan Iudhach fa sgaol duibh?

40 An sin ghlaodh iadsan uile², ag ràdh, Cha'n e an duine so, ach Barabas. A nis b'fhear-reubainn Barabas.

CAIB. XIX.

1 Chaidh Criosd a sgiùrsadh, a chrìnachd le droighinn, agus a bhualadh. 4 Bha Pilat togarrach a leigeadh fa sgaol, ach air dha bhì air aomadh le gàraich nan Iudhach, thug e thairis e gu bhì air a cheusadh. 23 Thilg iad cròin air 'eudach.

AN sin air an aobhar sin ghilac Pilat Iosa, agus sgiùrs se e.

2 Agus dh'fhligh na saighdearan crùn droighinn, agus chuir iad air a cheann e, agus chuir iad falluinn phurpur³ uime,

3 Agus thubhairt iad, Fàilte ort, a rìgh nan Iudhach! agus bhual iad le'm bas-aibh e.

4 An sin chaidh Pilat a mach a ris, agus thubhairt e riu, Feuch, a ta mise 'ga thoirt a mach do 'ur n-ionnsuidh, chum gu'm bi fios agaibh nach 'eil mise faotainn coire sam bith ann.

5 An sin thàinig Iosa mach, agus an crùn droighinn air, agus an fhaluinn phurpur uime. Agus thubhairt Pilat riu, Feuch an duine!

6 Uime sin, an uair a chunnaic na h-àrd-shagairt agus na maoir e, ghlaodh iad, ag ràdh, Ceus e, ceus e. Thubhairt Pilat riu, Gabhaibh-sa e, agus ceusaibh e: oir cha'n 'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar lagha-ne is còir a chur gu bàs, air son gu'n d'rinn e Mac Dhé dheth féin.

¹ os àit d.² uile [a ris.]³ chorcuir.

8 Uime sin an uair a chuala Pilat a' chainnt sin, bu mhòid a bha dh'eagal air;

9 Agus chaidh e steach a ris do ait a' bhreitheanais, agus thubhairt e ri Iosa, Cia as duit? ach cha d'thug Iosa freagradh air.

10 An sin thubhairt Pilat ris, Nach labhair thu riumsa? nach 'eil fhios agad gu bheil cumhachd agam-sa do cheusadh, agus gu bheil cumhachd agam do chur fa sgaoil?

11 Fhreagair Iosa, Cha bhiodh cumhachd air bith agad a'm' aghaidh-sa, mur tugtadh dhuit o'n àird e; air an aobhar sin an ti a thug mise thairis dhuit, tha aige-san am peacadh a's mò.

12 Agus o sin suas dh'iarr Pilat a chur fa sgaoil: ach ghlaodh na Iudhaich, ag ràdh, Ma leigeas tu am fear so fa sgaoil, cha charaid do Cheasar thu: ge b'e neach a ta 'ga dheanamh fèin 'na righ, tha e labhairt an aghaidh Cheasair.

13 Uime sin an uair a chuala Pilat a' chainnt sin, thug e mach Iosa, agus shuidh e air a' chaithir-bhreitheanais, anns an ionad ris an abrar an Leac-ùrlar, ach anns an Eabhra¹, Gabata.

14 Agus b'e là ulluchaidh na càisge e, agus mu thimchioll na seathadh uaire: agus thubhairt e ris na h-Iudhaich, Feuch bhur righ!

15 Ach ghlaodh iadsan a mach, Beir uainn, beir uainn, ceus e. Thubhairt Pilat ri, An ceus mi bhur righ-sa? Fhreagair na h-àrd-shagairt, Cha'n 'eil righ againne ach Ceasar.

16 An sin air an aobhar sin thug e thairis dhoibh e, gu bhi air a cheusadh. Agus ghlaic iad Iosa, agus thug iad leo e.

17 Agus chaidh e mach, a' giùlan a chramn-ceusaidh, do'n ionad d'an goirear àit a' chloiginn, d'an ainm san Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa sa' mheadhon.

19 Agus sgrìobh Pilat mar an ceudna tiodal, agus chuir e air a' chramn-cheusaidh e. Agus b'e an sgrìobhadh, IOSA O NASARET RIGH NAN IUDHACH.

20 Uime sin leugh mòran do na h-Iudhaich an tiodal so: oir bha'n t-àit anns an do cheusadh Iosa fagus do'n bhaile: agus bha an sgrìobhadh an Eabhra, an Greugais, agus an Laidin.

21 An sin thubhairt àrd-shagairt nan Iudhach ri Pilat, Na sgrìobh, Righ nan Iudhach; ach gu'n dubhairt e fèin, Is mi righ nan Iudhach.

22 Fhreagair Pilat, An nì a sgrìobh mi, sgrìobh mi e.

23 An sin an uair a cheus na saighdearan Iosa, ghlac iad a thrusgan, (agus rinn iad ceithir earrannan, earrann do gach saighdear,) agus a chòta mar an ceudna: agus bha'n còta gun fhuaisgeal, air fhigheadh o bhràigh sìos gu h-ìomlan.

24 Thubhairt iad uime sin catorra fein, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an sgrìobtuir, a ta 'g ràdh, Roinn iad mo thrusgan eatorra, agus thilg iad croinn air mo bhrat. Air an aobhar sin rinn na saighdearan na nithe so.

25 A nis sheas làimh ri cranu-ceusaidh Iosa, a mhàthair, agus piuthar a mhàthar, Muire bean Chleophais, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'ionmhuinn leis 'na sheasamh a làthair, thubhairt e r'a mhàthair, A bhean, feuch do mhac!

27 An sin thubhairt e ris an deisciobul, Feuch do mhàthair! Agus o'n àm sin a mach thug an deisciobul sin leis i d'a thigh fèin.

28 An déigh so air do Iosa fios a bhi aige gu'n robh na h-uile nithe a nis air an crìochnachadh, chum gu'n coimhliontadh an sgrìobtuir, thubhairt e, Tha tart orm.

29 A nis bha an sin soitheach làn do fhion geur: agus air dhoibh-san spong a lìonadh do'n fhion gheur, agus a chur air hisop, shìn iad chum a bheoil e.

30 An sin an uair a ghabh Iosa am fion geur, thubhairt e, Tha e crìochnaichte: agus air cromadh a chinn da, thug e suas a spiorad.

31 An sin chum nach fanadh na cuirp air a' chramn-cheusaidh air an t-sàbaid, a chiom gu'm b'e là an ulluchaidh a bha ann, (oir bu là mòr an là sàbaid sin,) dh'iarr na h-Iudhaich air Pilat gu'n rachadh an luirgne a bhriseadh, agus gu'n tugtadh air falbh iad.

32 An sin thàinig na saighdearan, agus bhris iad luirgne a' cheud fhìr, agus luirgne an fhìr eile, cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirgne-san.

34 Ach lot fear do na saighdearaibh a thaobh le sleagh, agus air ball thàinig a mach fuil agus uisge.

35 Agus thug an ti a chunnaic sin fianuis, agus a ta 'fhiannuis fìrinneach: agus a ta fhios aige gu bheil e labhairt na fìrinn, chum gu'n creideadh sibhse.

36 Oir rinneadh na nithe so chum gu'n coimhliontadh an sgrìobtuir, Cha bhrisear cnàimh dheth.

37 Agus a ris a ta sgrìobtuir eile ag ràdh, Amhaircidh iad aisan a lot iad².

¹ Eabhrais.

² Shàth iad troimhe.

38 'Na dhéigh so, dh'iarr Joseph o Aritea, (a bha 'na dheisciobul aig Iosa, ach am folach air eagal nan Iudhach,) air Pilat comas corp Iosa a thoirt leis: agus leig Pilat sin leis. Thàinig e air an aobhar sin, agus thug e leis corp Iosa.

39 Thàinig mar an ceudna Nicodemus, (a thàinig air tùs gu Iosa san oidhche,) agus thug e leis mu thimchioll ceud pund do mhirr agus do aloes air am measgadh feadh a chéile.

40 An sin ghabh iad corp Iosa, agus cheangail¹ iad e ann an lìon-eudaichibh, maille ris an spìosraidh², mar is gnàth leis na h-Iudhaich adhlac a dheanamh³.

41 A nis bha lìos anns an àit an do cheusadh e; agus anns an lìos uaigh nuadh, anns nach do chuireadh aon duine riamh.

42 Air an aobhar sin, air son ulluchaidh càisge nan Iudhach, do bhrìgh gu'n robh an uaigh am fagns, chuir iad Iosa an sin.

CAIB. XX.

1 Thàinig Muire chum na h-uaighe; 3 agus Peadar agus Eoin, agus iad gun fhios aca air aiseirigh Chrìosd. 14 Dh'fhoillsicheadh Crìosd do Mhuire Magdalen, 19 agus d'a dheiscioblubh. 24 Mìchreidimh agus aidmheil Thomais.

AIR a' cheud là do'n t-seachdain thàinig Muire Magdalen gu moch, agus an dorchadas fathast ann, chum na h-uaighe, agus chunnaic i a' chlach air a togail o'n uaigh.

2 Ruith i an sin, agus thàinig i gu Simon Peadar, agus gu an deisciobul eile a b'ionmhuinn le Iosa, agus thubhairt i riu, Thug iad leo an Tighearn as an uaigh, agus cha'n 'eil fhios againn c'àit an do chuir iad e.

3 Uime sin chaidh Peadar a mach, agus an deisciobul sin eile, agus thàinig iad chum na h-uaighe.

4 Agus ruith iad 'nan dithis cuideachd⁴: agus ruith an deisciobul eile ni bu luaithe na Peadar, agus thàinig e air tùs chum na h-uaighe.

5 Agus air cromadh sìos da, chunnaic e'n lìon-eudach 'na luidhe; gidheadh cha deachaidh e steach.

6 An sin thàinig Simon Peadar 'ga lean-tuim, agus chaidh e steach do'n uaigh⁵, agus chunnaic e'n lìon-eudach 'na luidhe;

7 Agus an neapaicin a bha m'a cheann, cha'n ann 'na luidhe maille ris an lìon-eudach, ach air leth air fhilleadh ann an aon àit.

8 An sin chaidh a steach mar an ceudna an deisciobul sin eile a thàinig air tùs chum na h-uaighe, agus chunnaic, agus chreid e.

9 Oir cha do thuig iad fathast an sgrìob-

tuir, gu'm b'éigin gu'n éireadh esan a ris o na marbhaibh.

10 An sin dh'imich na deisciobuil a ris chum an cuideachd féin.

11 Ach sheas Muire aig an uaigh a muigh, a' gul: agus ag gul di chrom i sìos, ag amharc a steach do'n uaigh,

12 Agus chunnaic i dà ingeal ann an culaidhibh geala, 'nan suidhe, fear aig a' cheann, agus fear aig na cosaibh, san àit an robh corp Iosa 'na luidhe;

13 Agus thubhairt iadsan rithe, A bhean, c'ar son a ta thu gul? Thubhairt i riu, Air son gu'n d'thug iad mo Thighearn leo, agus nach 'eil fhios agam c'àit an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'na sheasamh, agus cha d'aithnich i gu'm b'e Iosa bha ann.

15 Thubhairt Iosa rithe, A bhean, c'ar son a ta thu gul? cò tha thu 'g iarraidh? air saòilsinn d'ise gu'm b'e an gàradair a bh'ann, thubhairt i ris, A thighearn, ma thug thusa leat e, innis dhomhsa c'àit an do chuir thu e, agus bheir mise leam e.

16 Thubhairt Iosa rithe, A Mhuire. Air tionndadh dh'ise, thubhairt i ris, Rabboni, 'se sin r'a ràdh, A Mhaighstir.

17 Thubhairt Iosa rithe, Na bean rium; oir cha deachaidh mi fathast suas chum m'Athar: ach imich chum mo bhràithre, agus abair riu, Tha mise dol suas chum m'Athar féin agus bhur n-Athar-sa, agus chum mo Dhé féin agus bhur Dé-sa.

18 Thàinig Muire Magdalen agus dh'innis i do na deiscioblubh, gu'm fac i an Tighearn, agus gu'n dubhairt e na nithe so rithe.

19 Agus air teachd do'n fheasgar an là sin féin, air a' cheud là do'n t-seachdain, agus na dorsa dùinte far an robh na deisciobuil cruinn air eagal nan Iudhach, thàinig Iosa agus sheas e sa' mheadhon, agus thubhairt e riu, Sìth dhuibh.

20 Agus air dha so a ràdh, nochd e dhoibh a làmban agus a thaobh. An sin bha aobhneas air na deiscioblubh an uair a chunnaic iad an Tighearn.

21 An sin thubhairt Iosa riu a ris, Sìth dhuibh: mar a chuir an t-Athar uaith mise, mar sin a ta mise 'gur cur-sa uam.

22 Agus air dha so a ràdh, shéid e orra, agus thubhairt e riu, Gabhaibh-sa an Spiorad naomh.

23 Cò air bith iad d'am maith sibh am peacanna, tha iad maithte dhoibh; agus cò air bith iad d'an cum sibh am peacanna gun am maitheadh, tha iad air an cumail.

24 Ach cha robh Tomas, aon do'n dà

¹ phaisg.

² maille ris na luibhibh càbhraidh.

³ spìosraidh chur air corp; embalm. Sasg.

⁴ maraon.

⁵ àit-adhlacaidh.

fhear dheug, d'an goirear Didimus, maille riu, 'nuair a thàinig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh¹ nan tairngean 'na làmhaibh, agus mur cuir mi mo mheur ann an aileadh nan tairngean, agus mur cuir mi mo làmh 'na thaobh, cha chreid mi.

26 Agus an ceann ochd làithean 'na dhéigh sin, bha a dheisciobuil a rìs a stigh, agus Tomas maille riu: thàinig Iosa, agus na dorsa dùinte, agus sheas e sa' mheadhon, agus thubhairt e, Sìth dhuibh.

27 'Na dhéigh sin thubhairt e ri Tomas, Cuir an so do mheur, agus feuch mo làmhan; agus sin an so do làmh, agus cuir a'm' thaobh i: agus na bi mi-chreid-each, aeh creideach.

28 Agus fhreagair Tomas, agus thubhairt e ris, Mo Thighearn agus mo Dhia.

29 Thubhairt Iosa ris, Air son gu faca tu mi, a Thomais, chreid thu: is beannaichte iadsan nach faca, agus a chreid.

30 Agus rinn Iosa gu fìrinneach mòran do mhiorbhuilbh eile am fianuis a dheisciobul, nach 'eil sgrìobhta sa leabhar so.

31 Ach thia iad so sgrìobhta, chun gu'n creideadh sibh gur e Iosa an Crìosd Mac Dhé, agus ag creidsinn duibh, gu'm biodh agaibh beatha troimh 'ainm-san.

CAIB. XXI.

1 Dh'fhoillsich Crìosd e fèin a rìs d'a dheisciobluibh, agus dh'aithneadh leo e leis an tarruing mhòr éisg: 12 Ghabh e a dhìmeir maille riu: 15 thug e sparradh do Pheadar 'uain agus a chaoraich a bhìadhadh; 18 roimh-innis e a blàs dha.

AN déigh nan nithe sin dh'fhoillsich Iosa e fèin a rìs d'a dheisciobluibh aig muir Thiberiais; agus air an dòigh so nochd se e fèin:

2 Bha maille r'a chéile Simon Peadar, agus Tomas d'an goirear Didimus, agus Natanael o Chàna Ghalile, agus mic Shebede, agus dithis eile d'a dheisciobluibh.

3 Thubhairt Simon Peadar riu, Tha mi dol a dh'iasgach. Thubhairt iadsan ris, Tha sinne a' dol maille riut. Dh'imich iad a mach, agus chaidh iad a steach do luing air ball; agus cha do ghlac iad ni air bith an oidhehe sin.

4 Ach an uair a bha a' mhaduinn a nis air teachd, sheas Iosa air an tràigh²: gidheadh cha robh fhios aig na deisciobluibh gu'm b'e Iosa bha ann.

5 An sin thubhairt Iosa riu, A ehlann, am bheil biadh air bith agaibh? Fhacagair iadsan e, Cha'n 'eil.

6 Agus thubhairt esan riu, Tilgibh an

lion air an taobh deas do'n luing, agus gheibh sibh. Thilg iad uime sin, agus a nis cha b'urrainn iad a tharruing air son lionmhoireachd an éisg.

7 Uime sin thubhairt an deisciobul sin, a b'ionmhuinn le Iosa, ri Peadar, Is e'n Tighearn a ta ann. A nis an uair a chuala Simon Peadar gur e an Tighearn a bh'ann, cheangail e a chòt-uachdair uime, (oir bha e lomnochd,) agus thilg se e fèin sa' mhuir.

8 Thàinig na deisciobuil eile ann an luing bhig; (oir cha robh iad fada o thìr, acli mu thimchioll dà cheud làmh-chòille³.) a' tarruing an lìn éisg.

9 Uime sin an uair a thàinig iad air tìr, chunnaic iad griosach an sin, agus iasg air a chur oirre, agus aran.

10 Thubhairt Iosa riu, Tlugaibh an so do'n iasg a ghlac sibh a nis.

11 Chaidh Simon Peadar suas, agus tharruing e an lion gu tìr, làn do iasgaibh mòra, ceud agus leth-cheud agus trì: agus ged bha'n uiread sin ann, cha do bhriseadh an lion.

12 Thubhairt Iosa riu, Thigibh, gabhaibh blur dìneir. Agus cha robh a chridhe⁴ aig a h-aon do na deisciobluibh fheòraich dheth, Cò thusa? oir dh'aithnich iad gur e an Tighearn a bha ann.

13 An sin thàinig Iosa, agus ghlac e aran, agus thug e dhoibh e, agus iasg mar an ceudna.

14 Is i so a nis an treas uair a nochd Iosa e fèin d'a dheisciobluibh, an déigh dha éirigh o na marbhaibh.

15 An sin an déigh dhoibh an dìneir a ghabhail, thubhairt Iosa ri Simon Peadar, A Shìmoin *mhic* Ionais, am bheil barrachd gràidh agad dhomh-sa orra sin? Thubhairt e ris, Tha, a Thighearn; tha fios agad gur toigh leam thu. Thubhairt e ris, Beathaich m' uain.

16 Thubhairt e ris a rìs an dara uair, A Shìmoin *mhic* Ionais, an toigh leat mise? Thubhairt e ris, Seadh, a Thighearn; tha fios agad gur toigh leam thu. Thubhairt e ris, Beathaich mo chaoraich⁵.

17 Thubhairt e ris an treas uair, A Shìmoin *mhic* Ionais, an toigh leat mise? Bha Peadar dòilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearn, is aithne dhuit na h-uile nithe: tha fhios agad gur toigh leam thu. Thubhairt Iosa ris, Beathaich mo chaoraich.

18 Gu deimhin deimhin a ta mi ag ràdh riut, an uair a bha thu òg, chrioslaich thu thu fèin, agus dh'imich thu an taobh bu mhiann leat: ach an uair a bhios tu aos-mhor, sinidh tu mach do làmhan, agus

¹ lorg, àit.

² a' chladach.

³ bann-lèmh.

⁴ mhùisich.

⁵ bi d'aodhaire air mo chaoraich.

EOIN, XXI.

crioslaichidh neach eile thu, agus bheir e *thu* an taobh nach àill leat.

19 So thubhairt e, a' ciallachadh ciod a' ghnè bàis leis an tugadh e glòir do Dhia. Agus air dha so a ràdh, thubhairt e ris, Lean mise.

20 An sin air do Pheadar tionndadh, chunnaic e an deisciobul a b'ionmhuinn le Iosa, a' leantuinn; an ti mar an ceudna a luidh air uchd Iosa air a shuipeir, agus a thubhairt ris, A Thighearn, cò e a bhrathas thu?

21 Air do Pheadar esan fhaicinn, thubhairt e ri Iosa, A Thighearn, ciod a ni am fear so?

22 Thubhairt Iosa ris, Ma's àill leam-sa e dh'fhanuinn gus an tig mi, ciod e sin

duitse? Lean thusa mise.

23 Uime sin chaidh an ràdh so mach am measg nam bràithre, nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoil-sa e dh'fhanuinn gus an tig mi, ciod e sin duitse?

24 Is e so an deisciobul a ta deanamh fianuis air na nithibh so, agus a sgriobh na nithe so: agus a ta fhios againne gu bheil 'fhianuis fìor.

25 Agus a ta mar an ceudna mòran do nithibh eile a rinn Iosa, agus nam biodh iad uile sgrìobhta, is i mo bharail nach cumadh an saoghal féin na rachadh a sgrìobhadh do leabhraichibh. Amen.

G N I O M H A R A

NAN

A B S T O L.

CAIB. I.

1 Dol suas Iosa gu nèamh. 10 An dèigh a dhol suas thug dà aingeal rabhadh do na h-abstolaibh iad a dh'imeachd rompa, agus a shocrachadh an imtinn air 'ath-theachd-san: 12 a réir sin phill iad, agus rinn iad urnuigh, agus thugh iad Matias 'na Abstol an àit Iudais.

RINN mi an ceud leabhar, a Theophiluis, mu thimchioll nan uile nithe a thòisich Iosa air a dheanamh agus a theagasg.

2 Gus an là an do thogadh suas e, an dèigh dha, troimh an Spiorad Naomh, àitheantan a thoirt do na h-abstolaibh a thagh e:

3 D'an d'rinn e mar an ceudna e féin a nochdadh beò an dèigh 'fhuilgais, le mòran do chomharaibh fìrinneach, air dha bhì air fhaicinn leo feadh dhà fhichead là, agus e labhairt mu na nithibh sin a bhuineadh do rìoghachd Dhé:

4 Agus air dha bhì maille riu, dh'àithn e dhoibh gun iad a dhol o Ierusalem, ach feitheamh ri gcalladh an Athar, *ars' esan*, a chuala sibh uamsa.

5 Oir bhaist Eoin gu deimhin le uisge: ach baistear sibhse leis an Spiorad naomh, air bheag do làithibh an dèigh so.

6 Uime sin an uair a chruinnich iad an ceann a chèile, dh'fheòraich iad deth, ag ràdh, A Thighearn, an aigis thu san àm so an rìoghachd do Israel?

7 Ach thubhairt esan riu, Cha bhuin e dhuibh-sa fios nan aimsir no nan àm fhaotainn, a chuir an t-Athair 'na chumhachd féin.

8 Ach gheibh sibhse cumhachd an uair

a thig an Spiorad naomh oirbh: agus bithidh sibh 'nur fianuisibh dhomh-sa, araon ann an Ierusalem, agus ann an Iudea uile, agus ann an Samaria, agus gu iomall na talmhainn.

9 Agus an uair a thubhairt e na nithe so, thogadh suas e, agus iadsan 'ga fhaicinn; agus thug neul as an sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal;

11 Agus thubhairt iad, Fheara Ghalile, c'ar son a ta sibh 'nur seasamh ag amharc gu nèamh? An t-Iosa so a thogadh suas uaibh gu nèamh, is amhuil sin a thig e, mar a chunnaic sibh e a' dol gu nèamh.

12 An sin phill iad gu Ierusalem, o'n t-sliabh ris an abrar *sliabh* nam crann-oladh, a tha'm fagus do Ierusalem, astar là sàbaid as.

13 Agus an uair a thàinig iad a stigh, chaidh iad suas do sheòmar uachdarach, far an robh a' fantuinn Peadar, agus Seumas, agus Eoin, agus Aindreas, Philip, agus Tomas, Bartolomeus, agus Mata, Seumas *mac Alpheus*, agus Simon Selotes, agus Iudas *bràthair* Sheumais.

14 Bhunaich iad so uile a dh'aon inn-tinn ann an urnuigh, [agus an guidhe,] maille ris na mnaibh, agus Muire màthair Iosa, agus maille r'a bhràithribh.

15 Agus anns na làithibh sin dh'éirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, mu thimchioll ceud agus fichead,)

16 Fheara *agus* a bhràithre, b'éigin an

GNÌOMHARA, I. II.

griobtuir so bhi air a choimhlionadh, a roimh-labhair an Spiorad naomh le beul Dhaibhidh timchioll Iudais, a bha 'na cheann iùil¹ aca-sana ghlac Iosa.

17 Oir bha e air àireamh maille ruinne, agus fhuair e cuibhrionn do'n fhrithealadh so.

18 A nis cheannaich am fear so fearann le duais na h-eucorach; agus air dha tuit-eam sìos air 'aghaidh², sgàin e sa' mheadhon, agus bhrùchd a mhìonach uile mach.

19 Agus rinneadh so aithnichte do luchd-àiteachaidh Ierusalem uile; air chor as gu'n abrar ris an fhearann sin 'nan cainnt féin, Aceldama, sin ri ràdh, Fearann fola.

20 Oir a ta e sgrìobhta ann an leabhar nan Salm, Biodh 'àite-còmhnuidh 'na fhàsach, agus na gabhadh neach sam bith tàmh ann: agus, Glacadh neach eile a dhreuchd³.

21 Air an aobhar sin is còir aon do na daoineibh sin a bha maille ruinne, rè na h-aimsir sin uile anns an deachaidh an Tighearn Iosa steach agus a mach 'nar measg-ne.

22 A' toiseachadh o bhaisteadh Eoin, gus an là an do thogadh suas uainn e, bhi air a dheanamh 'na fhianuis air 'aiseirigh-san maille ruinne.

23 Agus shonraich iad dithis, Ioseph ris an abrar Barsabas, d'am bu cho-ainm Iustus, agus Matias.

24 Agus rinn iad urnuigh, agus thubhairt iad, Thusa a Thighearn, d'an aithne cridheacha nan uile daoine, foillsich cò do'n dithis so a thagh thu,

25 A ghabhail cuibhriunn do'n fhrithealadh agus do'n abstolachd so, o'n do thuit Iudas le seacharan⁴, gu dol d'a àit féin.

26 Agus thilg iad an crannchur; agus thuit an crannchur air Matias; agus bha e air àireamh maille ris an aon abstol deug.

CAIB. II.

1 *Lìonadh na h-abstoil leis an Spiorad naomh, agus labhair iad iomadh gnè cainnte; 7 ghabh cuid iongantais ri, agus rinn cuid eile fanoid orra: 14 Nochd Peadar gu'n do labhair na h-abstoil le cumhadh an Spiorad naomh.*

AGUS an uair a thàinig là na cuingis⁵, bha iad gu léir a dh'aon inntinn ann an aon àit.

2 Agus thàinig gu h-obann toirm o nèamh, mar shéideadh gaoithe ro thréin, agus lìon i an tigh uile far an robh iad uan suidhe.

3 Agus dh'fhoillsicheadh dhoibh teanganna sgoilte, mar do theine, agus shuidh e air gach aon diubh fa leth:

4 Agus lìonadh iad uile leis an Spiorad

naomh, agus thòisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, daoine cràbhach, do gach uile chinneach fo nèamh.

6 A nis, an uair a sgoileadh an t-iomradh so, thàinig an sluagh an ceann a chèile, agus bha iad fo amhladh, do bhrìgh gu'n euala gach aon iad a' labhairt 'nan cànan⁶ féin.

7 Agus bha iad uile fo uamhas agus ghabh iad iongantais, ag ràdh r'a chèile, Feuch, nach Galiléich iad sin uile a ta labhairt?

8 Agus cionnus a ta sinne 'gan cluinntinn gach aon 'nar cànan féin, anns an d'rugadh sinn?

9 Partaich, agus Medich, agus Elamaich, agus luchd-àiteachaidh Mhesopotamia, Iudea, agus Chapadocia, Phontuis, agus Asia,

10 Phrigia, agus Phamphilia, na h-Eiphit, agus chrìoch na Libia timchioll Chirene, agus coigrich o'n Ròimh, Iudhaich agus Proselitich⁷,

11 Muinntir Chrete, agus Arabia, tha sinn 'gan cluinntinn a' labhairt 'nar teangaibh féin gnìomhara mòralach Dhé.

12 Agus bha iad uile fo uamhas, agus ann an ioma-chomhairle, ag ràdh gach aon r'a chèile, Ciod is ciall da so?

13 Ach thubhairt dream eile a' fanoid, Tha na daoine so làn do fhion ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e ri, Fheara Iudea, agus sibhe uile a luchd-àiteachaidh Ierusalem, biodh fios so agaibh, agus éisdibh ri m' bhrìathraibh-sa:

15 Oir cha 'n 'eil iad so air mhisg, mar a ta sibhe a' meas, oir is i an treas uair do'n là⁸ a ta ann.

16 Ach is e so an ni a chaidh labhairt leis an fhàidh Ieol:

17 Agus tarlaidh⁹ anns na làithibh deireannach, (arsa Dia,) dòirtidh mise do m' Spiorad air gach uile fheoil; agus ni bhur mic agus bhur nigheana fàidheadaireachd, agus chi bhur n-òganaich seallanna, agus brudaraidh bhur seann daoine brudaran¹⁰:

18 Agus dòirtidh mise air m'òglaich, agus air mo bhanoglaich do m' Spiorad anns na làithibh sin; agus ni iad fàidheadaireachd:

19 Agus nochdaidh mise iongantais anns na nèamhaibh shuas, agus comharan air an tal mh shìos; fuil, agus teine, agus duibh-neul deataich.

¹ thredruiche. ² an comhair a chinn. ³ oifig.

⁴ a dh'fhosg Iudas. ⁵ an uair a choimhlionadh à na cuingis. ⁶ cainnt. ⁷ i. e. Geintilich a

dh'iompaicheadh gu creidimh nan Iudhach.

⁸ i. e. an nuathadh uair roimh mhcadhon-là.

⁹ tachairidh. ¹⁰ chi bhur seann daoine aisingean.

GNÍOMHARA, II. III.

20 Iompaichear a' ghrian gu dorchadas, agus a' ghealach gu fuil, mun tig là mòr agus comharaichte sin an Tighearna:

21 Agus tarlaidh, ge b'e neach a ghairmeas air ainm an Tighearna, gu'n tèarnar e.

22 Fheara Israeil, éisdibh ris na briathraibh so; Iosa o Nasaret, duine a dhearbhadh le Dia 'nur mease-sa, le cumhachdaibh agus le mìorbhuilbhidh agus le comharaibh, a rinn Dia leis-san 'nur meadhon-sa, mar a ta fhios agaibh féin;

23 An duine so, a thugadh thairis le comhairle chinntich agus roimh-eòlas Dé, ghlac sibhse, agus le làmhaibh dhroch dhaoine¹ cheus agus mharbh sibh e²:

24 Neach a thog Dia suas, air dha piant-an³ a' bhàis fhuasgladh; do bhrìgh nach robh e'n comas gu'n cumtadh esan leis:

25 Oir thubhairt Daibhidh m'a thin-ellioll, Chunnaic mi an Tighearna romham a ghnàth; oir a ta e aig mo dheas làimh, chum nach gluaisleadh mi.

26 Air an aobhar so rinn mo chridhe gairdeachas, agus rinn mo theangadh aoibhneas: tuilleadh fòs, gabhaidh m'fheoil còmhnuidh fhoisneach ann an dòchas⁴:

27 Do bhrìgh nach fàg thu m'anam shìos ann an ifrinn⁵, ni mò a dh'fhuilingeas tu do d' naomh Aon féin gu faic e truallidheachd.

28 Dh'fhoillsich thu dhomh-sa slighean na beatha; lìonaidh tu mi do shubhachas le d' ghnùis.

29 Fheara agus a bhràithre, leigibh leam-sa labhairt gu dàna ribh mu'n phrìomh-athair Daibhidh, araon gu'n d'fhuair e bàs, agus gu'n d'adhlacaidh e, agus gu bheil uaigh maille ruinne gus an là an diugh:

30 Air an aobhar sin air dha bhi 'na fhàidh, agus fiosrach gu'n do mhionnaich Dia le mionnaibh dha, do thoradh a leasraidh, a réir na feòla, gu togadh e suas Crìosd, gu suidhe⁶ air a rìgh-chaithir-san.

31 Air dhasan so a roimh-fhaicinn, labhair e mu aiseirigh Chrìosd, nach d'fhàg-adh 'anam ann an ifrinn⁷, agus nach fac 'fheoil truallidheachd.

32 An t-Iosa so thog Dia suas, air am bheil sinne uile 'nar fianuisibh,

33 Uime sin, air dha bhi air àrdachadh le⁸ deas làimh Dhé, agus gcalladh an Spioraid naomh fhaotainn o'n Athair, dhòirt e mach an ni so, a tha sibhse nis a' faicinn agus a' cluintinn.

34 Oir cha deachaidh Daibhidh suas chum nan nèamh: ach a ta e féin ag ràdh, Thubhairt an Tighearna ri m' Thighearna,

Suidh air mo làimh dheis,

35 Gus an cuir mi do naimhde 'nan stòl fo d' chosaibh.

36 Uime sin biodh fios gu cinnteach aig tigh Israeil uile, gu'n d'rinn Dia 'na Thighearna agus 'na Chrìosd, an t-Iosa so féin, a cheus sibhse.

27 A nis an uair a chual iad so, bha iad air am bioradh 'nan cridhe, agus thubhairt iad ri Peadar, agus ris a' chuid eile do na h-abstolaidh, Fheara agus a bhràithre, ciod a ni sinn?

38 An sin thubhairt Peadar riu, Dean-aibh aithreachas, agus bithibh air bhur baisteadh gach aon agaibh ann an ainm Iosa Crìosd, chum maitheanas pheacanna, agus gheibh sibh tiodhlac an Spioraid naomh.

39 Oir a ta an gealladh dhuibh-sa, agus do 'ur cloinn, agus do na h-uile a ta fad o làimh, eadhon a mheud as a ghairmeas an Tighearna ar Dia.

40 Agus le mòran do bhriathraibh eile rinn e fianuis agus dh'earalaj e iad⁹, ag ràdh, Saoraidh sibh féin o'n gléinealach fhìar¹⁰ so.

41 An sin bhaisteadh iadsan a ghabh r'a fhocal gu toileach: agus an là sin féin chuireadh riu timcheall trì mìle anam.

42 Agus bhunaich iad gu seasmhach ann an teagasg nan abstol, agus ann an co-chomunn, agus ann am briseadh arain, agus ann an urnuighibh.

43 Agus thàinig eagal air gach anam: agus rinneadh mòran do mhìorbhuilbhidh agus do chomharaibh leis na h-abstolaidh.

44 Agus bha iadsan uile a chreid ann an aon àit, agus bha na h-uile nithe aca coitcheinn¹¹;

45 Agus reic iad an seilbh agus am maoin, agus roinn iad air na h-uile iad, a réir mar a bha feum gach neach.

46 Agus ag buanachadh dhoibh gach là a dh'aon intinn auns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe,

47 A' moladh Dhé, agus deadh-ghean aca o'n t-sluagh uile. Agus chuir an Tighearna gach là ris an eaglais an dream a thàruinnear.

CAIB. III.

1 Leighis Peadar agus Eoin duine bacach; 12 dh'innis iad do'n t-sluagh a bha air cruinneachadh nach d'rinneadh am mìorbhuil so le naomhachd nan Abstol, ach le cumhachd diadhaidh Chrìosd; 13 chronuich siad iad air son esan a chur gu bàs.

A GUS chaidh Peadar agus Eoin le chéile suas do'n teampull, aig uair

¹ le làman aingidh. ² nuair a rinn sibh fanoid air, mharbh sibh e. ³ cuibhreach, boinn. ⁴ earbsa. ⁵ san uaigh.

⁶ gu'n suidhicheadh e. ⁷ san uaigh. ⁸ aig. ⁹ chomhairlich e iad, ghuidh e orra. ¹⁰ oic. ¹¹ ann an comhairt.

GNIOMHARA, III. IV.

na h-urnuigh, *eadhon* an naothadh *uair*¹.

2 Agus bha duine àraidh a bha 'na bhacach² o bhroinn a mhàthar air a ghiùlan, neach a chuireadh gach là aig doras sin an teampull ris an abrar Sgiamhach, a dh'iarraidh déirce orra-san a bha dol a steach do'n teampull:

3 Neach, an uair a chunnaic e Peadar agus Eoin air tì dol a steach do'n teampull, a dh'iarr déire.

4 Agus air do Pheadar sealltuinn gu gear air, maille ri Eoin, thubhairt e, Amhairc oimne.

5 Agus thug esan aire dhoibh an dòchas gu'm faigheadh e ni-éigin uatha.

6 An sin thubhairt Peadar, Airgiod no òr cha'n 'eil agam; ach an ni a ta agam, so bheir mi dhuit: An ainm Iosa Crìosd o Nasaret, éirich agus imich.

7 Agus air dha breith air a làimh dheis, thog e suas e; agus air ball neartaich-eadh 'aobrunnan agus a throidhean.

8 Agus leum e suas, agus sheas e, agus dh'imich e, agus chaidh e steach maille riu do'n teampull, ag imeachd, agus a' leumnaich, agus a' toirt cliù do Dhia.

9 Agus chunnaic an sluagh uile e ag imeachd, agus a' toirt cliù do Dhia.

10 Agus dh'aithnich iad esan gu'm b'e a bha 'na shuidhe aig geata Sgiamhach an teampull ag iarraidh déirce: agus lion adh iad le h-iongantais agus le h-uamhas air son an ni sin a thachair dha.

11 Agus ag cumail Pheadair agus Eoin, [do'n bhacach a chaidh leigheas,] ruith an sluagh uile d'an ionnsuidh anns an sgàth-thigh³ ris an abrar sgàth-thigh Sholaimh, làn iongantais.

12 Agus an uair a chunnaic Peadar so, fhreagair e an sluagh, Fheara Israel, c'ar son a ta iongantais oirbh mu'n ni so? no c'ar son a ta sibh a' geur-amharc oirne, mar gu b'ann le ar cumhachd no ar naomhachd féin a thug sinn air an duine so imeachd?

13 Ghlòraich Dia Abraham, agus Isaic, agus Iacòib, Dia ar n-aithriche a Mhac Iosa; a thug sibhse thairis, agus a dh'àich-eadh sibh an làthair Philait, an uair a b'i a bhreth a chur fa sgaoil.

14 Ach dh'àicheadh sibhse an t-Aon naomh, agus am Fìrean, agus dh'iarr sibh mortair a thiodhlacadh⁴ dhuibh;

15 Agus mharbh sibh Prionnsa⁵ na beatha, a thog Dia o na marbhaibh; air am bheil sinne 'nar fianuisibh.

16 Agus tre chreidimh 'na ainm neartaich e an ti so, a tha sibhse a' faicinn, agus a's aithne dhuibh: seadh, thug

'ainm-san agus an creidimh a ta trid-san, dhasan an t-slàinte iomlan so 'nur làthair-sa uile.

17 Agus a nis, a bhràithre, tha fhios agam gur ann troimh aineolas a riun sibh e, mar a rinn mar an ceudna bhur n-uachdarain.

18 Ach choimhlion Dia air an dòigh so na nithe sin a roimh-fhoillsich e le beul 'fhàidhean uile, gu'm fuilingeadh Crìosd.

19 Air an aobhar sin, deanaibh-sa aithreachas agus bithibh air bhur n-iompachadh, chum gu'm bi bhur peacanna air an glanadh as, 'nuair a thig amanna fionnuaireachd o làthair an Tighearn;

20 Agus a chuireas e Iosa⁶ Crìosd d'ur ionnsuidh, a chaidh roimh-orduchadh⁷:

21 Neach is éigin do nèamh a ghabhail gu aimsiribh aig nan uile nithe, air an do labhair Dia le beul 'fhàidhean naomha uile, o thoiseach an t-saoghail.

22 Oir gu fìrinneach thubhairt Maoris na h-aithrichibh, Togaidh an Tighearn bhur Dia suas fàidh dhuibh, do 'ur bràithribh, mar mise; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgrìosar a mach as an t-sluagh e.

24 Seadh, dh'fhoillsich na fàidhean uile o Shamuel, agus iadsan a lean o sin, a mheud diubh as a labhair roimh-làimh mu na làithibh so.

25 Is sibhse clann nam fàidhean, agus a' choimhcheangail a rinn Dia r'ar n-aithrichibh, ag ràdh ri Abraham, Agus ann ad shliochd-sa bithidh uile theaghlaiche na talmhainn air am beannachadh.

26 Air do Dhia a Mhac Iosa thogail suas, chuir e do 'ur n-ionnsuidh-sa e air tùs, chum gu'm beannaicheadh e sibh, leis gach aon agaibh iompachadh o bhur lochdaibh.

CAIB. IV.

1 *Chuir uachdarain nan Iudhach Peadar agus Eoin am prìosan, air son iad a bhì searmonachadh. Iosa do'n t-sluagh; 5 an déigh an ceasnachadh dh'aich Peadar gu'n do leighiscadh am bacach le cumhachd diadhaidh Iosa a mhàin, agus gur ann trid-san 'na aonar a ta slàinte shìorruidh r'a faghail.*

A GUS am feadh 'sa bha iad a' labhairt ris an t-sluagh, thàinig orra na sagairt, agus ceannard an teampull, agus na Sadusaich;

2 Agus bha iad fo dhoilgheas gu'n robh iadsan a' teagasg an t-sluaigh, agus a' searmonachadh tre Iosa aiseirigh nam marbh.

¹ i. e. an treas uair an déigh mheadhon-là.

² chrioplach.

⁴ thubhairt.

³ àileir phòrsa.

⁵ Ceann-iuil, Ceannard.

⁶ chum gu tig amanna fois o làthair an Tighearna, agus gu cuir e Iosa.

⁷ roinne so a

shearmonaicheadh dhuibh.

GNIOMHARA, IV.

3 Agus chuir iad làmh annta, agus chuir iad am prìosan iad gus an là màireach¹: oir b'e nis an feasgar a bh'ann.

4 Gidheadh chreid mòran diubh-san a chual am focal; agus b'e àireamh nan daoine timchioll chùig mìle.

5 Agus tharladh: air an là màireach, gu'n do chruinnicheadh an ceann a chèile an uachdarain, agus an seanairean, agus an sgrìobhaichean ann an Ierusalem,

6 Agus Annas an t-àrd-shagart, agus Caiaphas, agus Eoin, agus Alecsander², agus a mheud as a bha do chinneach an àrd-shagairt.

7 Agus air dhoibh iadsan a chur anns a' mheadhon, dh'fhiosraich iad, Ciod e an cumhachd, no ciod e an t-ainm anns an d'rinn sibh so?

8 An sin air do Pheadar bhi air a lìonadh leis an Spiorad naomh, thubhairt e riu, Uachdarana a' phobuill, agus a sheanairean Israeil,

9 Ma tha sinne an diugh air ar ceasnachadh mu'n deadh ghnìomh a rinneadh do'n duine euslan, cionnus a shlànuicheadh e;

10 Biodh e aithnichte dhuibh-se uile, agus do phobull Israeil uile, gur ann tre ainm Iosa Criosd o Nasaret, a cheus sibhse, a thog Dia o na marbhaibh, eadhon trid-san a ta 'n duine so 'na sheasamh an so 'nur làthair-sa slàn.

11 Is i so a' chlach a dhiùltadh leibhse, a luchd togail, a rinneadh 'na ceann na h-oisne.

12 Agus cha'n 'eil slàinte ann an ueach air bith eile: oir cha'n 'eil ainm air bith eile fo nèamh air a thoirt am measg dhaoine, tre am feud sinn bhi air ar tèarnadh³.

13 A nis an uair a chunnaic iad dànachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantais; agus dh'aithnich siad iad⁴ gu'n robh iadsan maille ri Iosa.

14 Agus air faicinn an duine a leighis-eadh 'na sheasamh maille riu, cha robh ni air bith aca ri ràdh 'na aghaidh.

15 Agus an dèigh dhoibh oruchadh dhoibh-san dol a mach as a' chomhairle, chuir iad an cinn cuideachd⁵.

16 Ag ràdh, Ciod a ni sinn ris na daoineibh so? Oir gu'n deachaidh mìorbhuil aithnichte⁶ dheanamh leo, a ta e follais-each do luchd-àiteachaidh Ierusalem uile, agus cha'n urrainn sinne àicheadh.

17 Ach a chum nach sgaoilear e nìs mò air feadh an t-sluaigh, bagramaid orra gu geur, gun iad a labhairt nìs mò ri neach air bith anns an ainm so.

18 Agus air dhoibh an gairm, dh'àithn iad dhoibh gun iad a labhairt air chor sam bith, no a theagasg ann an ainm Iosa.

19 Ach fhreagair Peadar agus Eoin agus thubhairt iad riu, Am bheil e ceart am fianuis Dé, èisdeachd ribhse roimh Dhia, thugaibh fèin breth.

20 Oir cha'n 'eil e'n comas duinne gun na nithe a chunnaic agus a chuala sinn a labhairt.

21 Agus air dhoibh-san tuilleadh bagraidh a dheanamh orra, leig iad as iad, gu'n dòigh air bith fhaotainn air am feudadh iad peanas a dheanamh orra, air son an t-sluaigh: oir bha na h-uile a' toirt gloire do Dhia air son an nì a rinneadh.

22 Oir bha an duine air an d'rinneadh am mìorbhuil leighis so tuilleadh as dà fhichead bliadhna dh'aois.

23 Agus an uair a leigeadh as iad, thàinig iad dh'ionnsuidh am muinntir fèin, agus dh'innis iad na h-uile nithe a thubhairt na h-àrd-shagairt, agus na seanair-ean riu.

24 Agus an uair a chual iadsan so, thog iad suas a dh'aon intinn an guth ri Dia, agus thubhairt iad, A Thighearn, is tusa an Dia a rinn nèamh agus talamh, agus an fhairge, agus na h-uile nithe ta annta:

25 A thubhairt le beul Dhaibhidh do sheirbhisich, C'ar son a ghabh na Cinnich boil, agus a smuainich an sluagh nithe dìomhanach?

26 Sheas rìghrean na talmhainn suas, agus chruinnicheadh na h-uachdarain an ceann a chèile, an aghaidh an Tighearn, agus an aghaidh a Chrìosd⁷.

27 Oir gu fìrinneach chruinnicheadh an ceann a chèile, an aghaidh do Leinibh naoimh Iosa, a dh'ung thu, araon Herod agus Pontius Pilat, maille ris na Cinnich, agus sluagh Israeil.

28 A dheanamh gach ni a roimh-orduich do làmh agus do chomhairle a bhi deanta.

29 Agus a nis, a Thighearn, amhaire air am bagraidhibh: agus dèonaich do d' sheirbhisich fèin, t'fhocal a labhairt leis gach uile dhànachd.

30 Le d' làimh a shìneadh a mach chum leighis: agus gu'm bi comharan agus mìorbhuilean air an deanamh tre ainm do Leinibh naoimh Iosa.

31 Agus air dhoibh urnuigh a dheanamh, chrathadh an t-àit anns an robh iad cruinn; agus lìonadh iad uile do'n Spiorad naomh, agus labhair iad focal Dé le dànachd.

32 Agus bha aig a' chuideachd a chreid aon chridhe, agus aon anam: agus nì mò

¹ gus an là air na màireach.

² Alastair.

³ slànuchadh, sàbhaladh. ⁴ thug iad aire dhoibh.

⁵ an comhairle r'a chèile.

⁶ soilleir.

⁷ an aghaidh Aoin uingta-san.

GNÌOMHARA, IV. V.

a thubhairt neach air bith *dhiubh*, gu'm bu leis féin aon nì a shealbhaich e; ach bha na h-uile nithe coitcheonn¹ aca.

33 Agus le mòr-chumhachd thug na h-abstòil fianuis air aiseirigh an Tigh-earna Iosa: agus bha mòr-ghràs orra uile.

34 Agus nì mò a bha aon neach uireas-bhuidheach 'nam measg: oir a mheud as a bha 'nan sealbhadaraibh fearainn, no thighean, air dhoibh an reiceadh, thug iad luach nan nithe a chaidh reiceadh leo;

35 Agus chuir iad aig cosaibh nan abstol e: agus roinneadh e air gach neach a réir 'fheuma.

36 Agus air do fhearann a bhi aig Ioses d'an do ghoireadh leis na h-abstolaibh Barnabas, (is e sin, air eadar-theangachadh, Mac na comhfhurtachd,) Lebhitheach, d'am bu dùthaich Ciprus.

37 Reic se e, agus thug e'n t-airgiod, agus chuir e aig cosaibh nan abstol e.

CAIB. V.

1 *Air son an cèilge thuit Ananias agus Saphira sìos marbh le cronachadh Pheadair.* 12 Mòran mhìorbhuilean air an oibreachadh; 17 chuireadh na h-abstòil a ris am prìosan, 19 ach a ta iad air an leigeadh as le aingeal.

ACH reic fear àraidh d'am b'aim Ananias, maille r'a mhnaoi Saphira, seallbh fearainn,

2 Agus cheil e *cuid* do'n huach, le fios a mhnà, agus air dha cuid-éigin a thoirt leis, chuir e aig cosaibh nan abstol e.

3 Ach thubhairt Peadar, Ananias, c'ar son a lìon Satan do chridhe a dheanamh bréige do'n Spiorad naomh, agus a cheiltinn *cuid* do luach an fhearainn?

4 Am feadh 's a dh'fhuirich e *gun reiceadh*, nach bu leat féin e? agus an déigh a reiceadh nach robh e a'd' chomas féin? c'ar son a smuainich thu ann do chridhe an gnìomh so? cha d'rinn thu breug do dhaoineibh, ach do Dhia.

5 Agus an uair a chuala Ananias na briathra so, thuit e sìos, agus chaidh an deò as: agus thàinig eagal mòr air na h-uile a chuala na nithe so.

6 Agus air éirigh do na h-òganaich, phaisg iad an eudach-mairbh e, agus air dhoibh a ghiulan a mach, dh'adhlaic iad e.

7 Agus tharladh, timchioll trì uaire 'na dhéigh sin, gu'n d'thàinig a bhean a steach, gun fhios aice air an nì a rinneadh.

8 Agus fhreagair Peadar i, Innis dhomh-sa an ann air an uiread so reic sibh am fearann? Agus thubhairt ise, Is ann, air son an uiread sin.

9 An sin thubhairt Peadar rithe, C'ar son a cho-aontaich sibh Spiorad an Tigh-earna a dhearbhadh²? feuch, *tha* cosan

na muinntir a dh'adhlaic t'fhear aig an dorus, agus giùlainidh iad thusa mach.

10 An sin thuit i air ball aig a cosaibh, agus chaidh an deò aiseid: agus air do na h-òganaich teachd a steach, fhuair iad i marbh, agus air dhoibh a giùlan a mach, dh'adhlaic iad làimh r'a fear i.

11 Agus thàinig eagal mòr air an eaglais uile, agus air na h-uile a chuala na nithe so.

12 Agus rinneadh mòran chomharan agus mhìorbhuilean am measg a' phobuill le làmbaibh nan abstol; (agus bha iad uile dh'aon inntinn ann an sgàth-thigh³ Sholaimh:

13 Agus cha robh chridhe aig aon do chàch e féin a cheangal ri u: ach bha mòr-mheas aig a' phobull orra.

14 Agus is mòid a chuireadh creidich ris an Tighearn, buidheann mhòr⁴ araon do fhearaibh agus do mhnaibh:

15 Air chor as gu'n d'thug iad a mach a' mhuinntir euslan air na sràidibh, agus gu'n do chuir iad air leabaichibh agus air uirighibh⁵ iad, chum ag teachd do Pheadar gu'n cuireadh f'haileas, mur bu lugha, sgàile⁶ air neach éigin aca.

16 Agus thàinig mar an ceudna mòr-shluagh as na bailtibh mu'n cuairt air Ierusalem, a' toirt leo muinntir euslain, agus dream a bha air am buaireadh le spioradaibh neòghlan: agus leighiseadh iad uile.

17 An sin dh'éirich an t-àrd-shagart, agus iadsan uile a bha maille ris, (eadhon luchd-bharail nan Sadusach,) agus lionadh iad le tnùth⁷.

18 Agus chuir iad làmh anns na h-abstolaibh, agus chuir iad sa' phrìosan chumanta iad.

19 Ach dh'fhosgail aingeal an Tighearna dorsan a' phrìosain san oidhech, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh san teampull ris an t-sluagh, uile bhriathra na beatha so.

21 Agus an uair a chual iad so, chaidh iad gu moch a steach do'n teampull, agus theagaisg iad. Ach thàinig an t-àrd-shagart agus iadsan a bha maille ris, agus ghairm iad a' chomhairle, agus seanadh chloinn Israèil uile an ceann a chéile, agus chuir iad do'n phrìosan chum gu'n tugtadh iadsan d'an ionnsuidh.

22 Ach an uair a thàinig na maoir, cha d'fhuair iad sa' phrìosan iad, agus air pilltinn dhoibh, dh'innis iad,

23 Ag ràdh, Fhuair sinne gu fìrinneach am prìosan dùinte gu ro thèaruinte, agus an luchd-coimhead 'nan seasamh a mach fa chomhair nan dorsan; ach an uair a

¹ ann an comhpairt.

² a bhuaireadh.

³ àilear, pòrsa.

⁴ sluagh mòr.

⁵ dubhar.

⁶ couches. Sasg.

⁷ eud.

dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd-shagart, agus ceannard an teampull, agus uachdarain nan sagart na briathra so, bha iad fo amharus mu'n timchioll ciod gus an tigeadh so.

25 An sin thàinig neach àraidh agus dh'innis e dhoibh, ag ràdh, Feuch, a ta na daoine a chuir sibh sa' phrìosan, 'nan seasamh san teampull, agus a' teagasg a' phobuill.

26 An sin dh'imich an ceannard maille ris na maoraibh, agus thug e leis iad gun ainneart: (oir bha eagal orra roinnh an t-sluagh, gu'm biodh iad air an clachadh leo.)

27 Agus an uair a thug iad leo iad, chuir iad ann am fianuis na comhairle iad; agus dh'fheòraich an t-àrd-shagart diubh,

28 Ag ràdh, Nach d'thug sinne geur-ordugh dhuibh gun teagasg a dheanamh san ainm so? agus, feuch, lìon sibh Ierusalem le 'ur teagasg, agus is àill leibh fuil an duine so a tharruing¹ oirne.

29 An sin fhreagair Peadar agus na h-abstòil eile, agus thubhairt iad, Is còir gèill a thoirt do Dhia nì's mò na do dhaoineibh.

30 Thog Dia ar n-aithriche Iosa, a mharbh sibhse agus a chroch sibh air crann.

31 Esan dh'ardaich Dia le a dheas làimh 'na Cheannard² agus na Shlànuighear, a thoirt aithreachais agus maitheanas pheacanna do Israel.

32 Agus tha sinne 'nar fianuisibh dha air na nithibh so; agus mar an ceudna an Spiorad naomh, a thug Dia dhoibhsan a ta ùmhla dha.

33 Agus an uair a chual iadsan so, bha iad air an gonadh³, agus ghabh iad comhairle an cur gu bàs.

34 An sin dh'éirich Phairiseach àraidh agus a' chomhairle, d'amb'ainm Gamaliel, fear teagasg an lagha, air an robh meas aig an t-sluagh uile, agus dh'orduich e na h-abstòil a chur a mach rè tamuill;

35 Agus thubhairt e riu, Fheara Israeil, thugaibh aire dhuibh féin, ciod a ta roimhibh a dheanamh mu thimchioll nan daoine sin.

36 Oir roimh na làithibh so dh'éirich Teudas suas, ag ràdh, gu'm bu neach éigin mòr e féin, agus cheangail àireamh dhaoine, timchioll ceithir cheud, iad féin ris; mharbhadh esan, agus a mheud 'sa dh'aontaich leis, sgaoileadh iad uile as a chéile, agus chaidh iad gu neo-ni.

37 An dèigh an fhir so dh'éirich Iudas an Galiléach suas, ann an làithibh na

cis-mheasaidh, agus tharruing e mòran sluagh 'na dhéigh: sgriosadh esan mar an ceudna, agus a mheud 's a ghéill da⁴, sgapadh iad uile.

38 Agus a nis a ta mi ag ràdh ribh, Fanaibh o na daoineibh so, agus leigibh leo: oir ma's ann o dhaoineibh a ta a' chomhairle so, no an obair so, thig i gu neo-bhrigh⁵:

39 Ach ma's ann o Dhia a ta i, cha'n urrainn sibhse a' cur gu neo-bhrigh: air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san: agus an uair a ghairm iad na h-abstòil, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas a chionn gu'n do mheasadh gu'm b'airidh iad air eas-urram fhulang air son 'ainne-san.

42 Agus gach là anns an teampull, agus o thigh gu tigh, cha do sguir iad a bhi teagasg, agus a' searmonachadh Iosa Crìosd.

CAIB. VI.

1 *Thagh na h-abstòil seachdnar gu frithealadh do uireasbhuidh nam bochd: 5 b'aon diubh so Stephan, neach a bha làn do chreidimh, agus do'n Spiorad naomh: 12 Chaidh a ghlacadh agus agairt gu h-eucorach an làthair na comhairle.*

AGUS anns na làithibh sin, an uair a bha àireamh nan deisciobul a' mendachadh, dh'éirich gearan am measg nan Greugach an aghaidh nan Eabhrach, a chionn gu'n do dhearmaideadh am bantraichean san fhrithealadh làitheil.

2 An sin ghairm an dà fhear dheug mòrchuideachd nan deisciobul d'an ionnsuidh, agus thubhairt iad, Cha'n eil e iomchuidh sinne dh'fhàgail focail Dé, agus a fhrith-ealadh do bhordaibh.

3 Uime sin, a bhràithre, iarraibh a mach 'nur measg seachdnar dhaoine fo dheadh iomradh, làn do'n Spiorad naomh agus do ghliocas, a chuireas sinne os ceann an dreuchd so⁶.

4 Ach buanaichidh sinn e a ghnàth ann an urnuigh, agus am ministeileachd an fhocail.

5 Agus bha chainnt so taitneach an làthair na mòrchuideachd uile: agus thagh iad Stephan, duine làn do chreidimh, agus do'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proceliteach do mhuinntir Antioch.

6 Chuir iad iadsan an làthair nan abstol: agus air deanamh urnuigh dhoibh, chuir iad an làmhnan orra.

¹ thoirt.

³ chas iad am facla,

² Phrionnsa.

⁴ dh'earb as.

⁶ na h-òibre,

⁵ théid as dìth.

7 Agus dh'fhàs focal Dé; agus mheud-
aicheadh àireamh nan deisciobul gu ro
mhòr ann an Ierusalem; agus bha cuid-
eachd mhòr do na sagartaibh ùmhal do'n
chreidimh.

8 Agus rinn Stephan, làn do chreidimh
agus do chumhachd, mìorbhuilean agus
comhlaran mòra am measg an t-sluaigh.

9 An sin dh'èirich dream àraidh do'n
t-sionagag, ris an abrar *sionagag* nan
Libertineach¹, agus nan Cirenianach,
agus mhuinntir Alecsandria, agus na dream
o Chìlìcia, agus o'n Asia, a' deasboireachd
ri Stephan.

10 Agus cha b'urraim iad cur an agh-
aidh a' ghliocais agus an spioraid leis an
do labhair e.

11 An sin thug iad a steach an uai-
gnidheas daoine a thubhairt, Chuala sinne
e labhairt bhriathra toibheumach an agh-
aidh Mhaois, agus Dhé.

12 Agus dliùsg iad suas an sluagh,
agus na seanairean, agus na sgrìobhaich-
ean, agus thàinig iad air, agus ghlac iad
e, agus thug iad an làthair na comhairle e,

13 Agus chuir iad suas fianuisean bréige,
a thubhairt, Cha'n eil an duine so a' sgur
do labhairt bhriathra toibheumach² an
aghaidh an ionaid naoimh so, agus an
lagha.

14 Oir chuala sinn e ag ràdh, gu'n sgrios
an t-Iosa so o Nasaret an t-àit so, agus
gu'n caochail e na gnàthanna³ a thug
Maois dhuinne.

15 Agus air dhoibh-san uile a bha 'nan
suidhe sa' chomhairle amharc gu geur air,
chunnaic iad 'aghaidh mar aghaidh aingil.

CAIB. VII.

1 *Air do Stephan comas fhaghail freagairt air a shon
féin, 2 nochd e gu'n d'rinn Abraham ooradh do
Dhia gu taitneach; 37 gu'n d'thug Maois féin
fianuis mu Chrìosd; 51 chruinich e na h-Iudhaich
air son an ceannaire, agus morta Chrìosd.*

AN sin thubhairt an t-àrd-shagart, Am
bheil ma ta na nithe so mar so?

2 Agusthubhairtesan, Fheara, a bhràith-
re, agus aithriche, éisdibh; Dh'fhoill-
sicheadh Dhia na glòire d'ar u-athair
Abraham, 'nuair a bha e ann am Mes-
opotamia, mun do ghabh e còmhnuidh ann
an Charan.

3 Agus thubhairt e ris, Rach a mach á
d' thig féin, agus o d' chinneach, agus
thig chum na tìre a nochdas mise dhuìt.

4 An sin chaidh esan a mach á talamh
nan Caldéach, agus ghabh e còmhnuidh
ann an Charan: agus as a sin, an déigh
bàis 'athar, dh'atharraich se e do'n fhear-
ann so anns am bheil sibhse nis 'nur
còmhnuidh.

5 Agus cha d'thug e dha oighreachd *sam-
bith* ann, cha d'thug *fiù* leud troidhe:
gidheadh gheall e gu'n tugadh e mar
sheilbh e dha féin agus d'a shliochd 'na
dhéigh, ged nach robh fathast duine
cloinne aige.

6 Agus labhair Dia air an dòigh so, Gu'm
biodh a shliochd air chuairt ann an dùth-
aich choigrich, agus gu'n deanadh iad
tràillean diubh, agus gu'm buineadh iad
gu h-olc *riu* rè ceithir cheud bliadhna.

7 Agus air a' chinneach sin d'am bi iad-
san fo dhaorsa, bheir mise breth, arsa
Dia: agus an déigh nan nithe sin thig iad
a mach, agus ni iad seirbhis dhomh-sa
anns an àit so.

8 Agus thug e dha coimhcheangal⁴ an
timchioll-ghearraidh: agus mar sin ghin
Abraham Isaac, agus thimchioll-ghearr-
se e air an ochdamh là: agus *ghin* Isaac
Jacob, agus Jacob an dà phrìomh-athair
dheug.

9 Agus a' gabhail farmaid, reic⁵ na
prìomh-aithriche Ioseph do'n Eiphit: ach
bha Dia maille ris,

10 Agus shaor se e as a thrioblaidibh
uile, agus thug e deadh-ghean⁶ agus
gliocas da an làthair Pharaoh rìgh na
h-Eiphit; agus chuir se e 'na uachdaran
air an Eiphit, agus air a theaghlach féin
uile.

11 Nis thàinig gorta agus àmhghar mòr
air an Eiphit uile, agus air talamh Chan-
aain; agus cha d'fhuair ar n-aithriche
teachd-an-tìr⁷.

12 Ach an uair a chuala Jacob gu'n robh
arbhar san Eiphit, chuir e mach ar n-aith-
riche air tús.

13 Agus air an dara *uair* rinneadh Ioseph
aithnichte d'a bhràithribh; agus rinneadh
cinneach Ioseph follaiseach do Pharaoh.

14 An sin chuir Ioseph *fios* uath, agus
ghairm e d'a ionnsuidh Jacob 'athair,
agus a luchd-dàimhe uile, cuig anama
deug agus tri fichead.

15 Agus chaidh Iacob sìos do'n Eiphit,
agus fhuair e bàs, e féin agus ar n-aith-
riche.

16 Agus ghiùlaineadh thairis iad gu
Sichem, agus chuireadh iad anns an àit-
adhlac a cheannaich Abraham air suim
airgid o mhic Eموir, *athar* Shicheim.

17 Ach an uair a dhruid àm a' gheall-
aidh, a mhìonnaich Dia do Abraham,
dh'fhàs an sluagh agus rinneadh iad
lìonmhor san Eiphit,

18 Gus an d'èirich rìgh eile, do nach
b'aithne Ioseph.

19 Bhuin esan⁸ gu cuilbheirtcach r'ar
cinneach, agus rinn e olc air ar n-aith-
richibh, air chor as gu'n d'thug e orra an

¹ *Saoirsineach.*

² *maslach.*

³ *cleachdan, ordùighean.*

⁴ *cinradh, cùmhnant.*

⁵ *chreic.*

⁷ *biatachd.*

⁶ *bàigh, fàbhor.*

⁸ *Ghiùlain se e féin.*

naoidheana a thilgeadh mach, chum nach sìolaicheadh iad¹.

20 Anns an àm sin rugadh Maois, agus bha e ro sgiamhach, agus dh'altrumadh e trì mìosan ann an tigh² athar:

21 Agus an uair a thilgeadh a mach e, thog nighean Pharaoh leatha e, agus dh'altrum² i e mar mhac dhi féin.

22 Agus dh'fhòghlumadh³ Maois ann an uile ghliocas nan Eiphiteach, agus bha e cumhachdach am briathraibh agus an gnìomharaibh.

23 Agus an uair a bha e dà fhichead bliadhna iomlan a dh'aois, thàinig e 'na chridhe a bhràithre clann Israeil fhiosrachadh⁴.

24 Agus air dha duine àraidh *dhiubh* fhaicinn a' fulang eucoir, theasaig se e, agus air bualadh an Eiphitich dha, rinn e dioghaltas do'n fhear air an d'rinneadh an eucoir:

25 Oir shaoil e gu'n tuigeadh a bhràithre, gu'n tugadh Dia le a làimh-san saorsa dhoibh; ach cha do thuig iadsan.

26 Agus air an là 'na dhéigh sin nochd se e féin doibh agus iad a' comhstri, agus b'àill leis sìth a dheanamh eatorra⁵, ag ràdh, A dhaoine, is bràithre sibh féin; c'ar son a ta sibh a' deanamh eucoir air a chéile?

27 Ach chuir am fear a rinn an eucoir air a choimhearsnach uath e, ag ràdh, Cò a rinn thusa a'd' uachdaran agus a'd' bhreitheamh oirne?

28 Am miann leat mise a mharbhadh, mar *mharbh thu* an t-Eiphiteach an dé?

29 An sin theich Maois air son an fhocail so, agus bha e 'na choigreach ann an dùthaich Mhidiaim, far an do ghin e dithis mhac.

30 Agus an uair a choimhlionadh dà fhichead bliadhna, dh'fhoillsicheadh dha ann am fàsach beinne Shina, aingeal an Tighearna ann an lasair theine ann am preas.

31 Agus an uair a chunnaic Maois so, ghabh e iongantais mu'n t-sealladh; agus air dha teachd am fagus gu beachdachadh air, thàinig guth an Tighearna d'a ionnsuidh,

32 *Ag ràdh, Is mise Dia t'athriche, Dia Abraham, agus Dia Isaac, agus Dia Iacob.* An sin chrìochnuich Maois, agus cha robh chridhe aige amharc⁶.

33 An sin thubhairt an Tighearna ris, Fuasgail do bhrògan o d'ghosaibh: oir is talamh naomh an t-àit air am bheil thu a'd' sheasamh.

34 Chunnaic mi gu cinnteach àmhghar mo phobuill a ta sin Eiphit, agus chuala

mi an osnaidh, agus thàinig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so féin a dhiùlt iadsan, ag ràdh, Cò rinn uachdaran agus breitheamh dhiot-sa? esan chuir Dia *gu bhi* 'na uachdaran agus 'na fhear-saoraidh le làimh an aingil a dh'fhoillsicheadh dha sa' phreas.

36 Thug esan a mach iad an déigh dha mìorbhuilean, agus comharan a dheanamh ann an tìr na h-Eiphit, agus anns a' mhuir ruaidh, agus anns an fhàsach rè dhà fhichead bliadhna.

37 Is e so am Maois ud a thubhairt ri cloinn Israeil, Togaidh an Tighearna blur Dia suas fàidh dhuibh do 'ur bràithribh, cosmhuil rium-sa; ris-san éisdidh sibh.

38 So esan a bha san eaglais anns an fhàsach, maille ris an aingeal a labhair ris ann am beinne Shina, agus maille r'ar n-aithrichibh-ne: neach a fhuair briathra na beatha⁷ chum an toirt dhuinne:

39 Do nach b'àill le ar n-aithrichibh bhli ùmhal, ach chuir iad uatha e, agus 'nan cridhe phill iad air an ais do'n Eiphit,

40 Ag ràdh ri Aaron, Dean dhuinne dée a théid romhainn: oir mu thimchioll a' Mhaois so, a thug a mach sinn á tìr na h-Eiphit, cha'n 'eil fhios againn ciod a dh'éirich dha.

41 Agus rinn iad laogh sna làithibh sin, agus thug iad iobairt do'n dealbh, agus rinn iad gairdeachas ann an oibribh an làmh fèin.

42 An sin phill Dia, agus thug e thairis iad chum aoradh a dheanamh do armait nèimh, a réir mar a ta e sgrìobhta ann an leabhar nam fàidhean, An d'thug sibh dhomh-sa beathaichean marbhta, agus iobairte rè dhà fhichead bliadhna anns an fhàsach, O a thigh Israeil?

43 Seadh, thog sibh suas pàillium Mholoich, agus reult blur dé Remphain, dealbhan a rinn sibh chum aoraidh dhoibh: uime sin atharraichidh mi sibh an taobh thall do Bhabilon.

44 Bha pàillium na fianuis aig ar n-aithrichibh san fhàsach, a réir mar a dh'áithu an tì a labhair ri Maois, gu'n deanadh se e a réir an t-samhlaidh⁸ a chunnaic e.

45 An ni a thug mar an ceudna ar n-aithriche a bha 'nan déigh, a steach maille ri Iosa do sheilbh nan Cinneach, a thilg Dia a mach roimh ghnùis ar n-aithriche, gu làithibh Dhaibhidh;

46 Neach a fhuair deadh-ghéan am fianuis Dhé, agus a dh'iarr pàillium fhaotaim do Dhia Iacob.

47 Ach thog Solamh tigh dha.

48 Gidheadh cha'n 'eil an tì a's àirde a'

¹ nach fàsadh sìochd erra, nach maircadh iad beò.

² dh'oil. ³ dh'ionnsaicheadh.

⁴ dol a shealltainn a bhràithre cloinn Israeil.

⁵ an cur réidh.

⁶ aire a thabhairt.

⁷ na beò-bhrìathra.

⁸ an t-samplair, an t-samhlachais.

gabhair còmhnuidh ann an teamplaibh làmh-dheanta; mar a ta am fàidh ag ràdh,

49 *Is e nèamh mo righ-chaithir*, agus an talamh stòl mo chos: ciod an tigh a thogas sibh dhomh? a ta an Tighearn ag ràdh: no ciod e ionad mo thàimh?

50 Nach do rinn mo làmh na nithe so uile?

51 A dhaoine cruaidh-mhuinealach, agus neo-thimchioll-gheartha ann an cridhe agus ann an cluasaibh, tha sibh a ghnàth a' cur an aghaidh an Spioraid naomh: mar a rinn bhur n-aithriche, mar sin a ta sibhse a' *deanamh*.

52 Cò do na fàidhibh air nach d'rinn bhur n-aithriche geur-leanmhuinn? agus mharbh siad iadsan a roimh-fhoillsich teachd an Fhèin ud; air an robh sibhse a nis 'nur luchd-brathaidh, agus 'nur mortairibh:

53 *Sibhse* a fhuair an lagh le frithealadh nan aingeal, agus nach do choimhid e.

54 'Nuair a chual iad na nithe sin, bha iad air an gonadh 'nan cridhe, agus chas iad *am* faclan ris.

55 Ach air dhasan bhi làn do'n Spiorad naomh, dh'amhairc e gu geur suas gu nèamh, agus chunnaic e glòir Dhé, agus Iosa 'na sheasamh air deas làimh Dhé;

56 Agus thubhairt e, Feuch, tha mi faicinn nan nèamh fosgailte, agus Mac an duine 'na sheasamh air deas làimh Dhé.

57 An sin ghlaodh iadsan le guth mòr, agus dhruid¹ iad an cluasan, agus leum iad air a dh'aon intinn.

58 Agus air dhoibh a thilgeadh a mach as a' bhaile², chlach iad e: agus thilg na fianuisean an eudach sìos aig cosaibh òganaich, d'am b'ainm Saul.

59 Agus chlach iad Stephan, agus e a' gairm air *Criosd*, agus ag ràdh, A Thighearn Iosa, glac mo spiorad.

60 Agus air dha a leigeadh féin air a ghluinibh, ghlaodh e le guth mòr, A Thighearn, na cuir am peacadh so as an leth. Agus air dha so a ràdh, choidil e.

CAIB. VIII.

1 *Shearmonaicheadh an soisgeul ann an Samaria le Philip, a bhaist mòran, agus am measg chàich Simon an Druidh.* 14 *Thàinig Peadar agus Eoin a dhaingneachadh na h-eaglais: 17 le cur an làmh air an dream a chreid, bha an Spiorad naomh air a thiodhlacadh.*

AGUS bha Saul ag aontachadh le a bhàs-san. Agus dh'éirich anns an àm sin geur-leanmhuinn mhòr an aghaidh na h-eaglais a bha ann an Ierusalem; agus bha iad uile air an sgapadh air feadh tìre Iudea, agus Shamaria, ach na h-ab-stoil a *mhàin*.

2 Agus ghiùlan daoine diadhaidh³ Stephan *chum' adhlaid*, agus rinn iad caoidh mhòr air a shon.

3 Ach bha Saul a' fàsachadh na h-eaglais, a' dol a steach do gach tigh; agus ag taruing a mach fhear agus bhan, chuir e am prìosan *iad*.

4 Uime sin dl'imich an dream a sgapadh, feadh gach àite, a' searmonachadh an fhocail.

5 An sin chaidh Philip sìos do bhaile Shamaria, agus shearmonaich e Criosd doibh.

6 Agus thug an sluagh a dh'aon toil aire do na nithibh a labhradh le Philip, ag éisdeachd ris⁴, agus a' faicinn nam miorbhuile a rinn e.

7 Oir chaidh spiorada neòghlan a mach á mòran anns an robh iad, a' gladhach le guth mòr: agus chaidh mòran air an robh am pairilis⁵, agus a bha 'nam bacadh, a shlànuachadh.

8 Agus bha gairdeachas mòr sa' bhaile sin.

9 Ach bha roimhe sin duine àraidh sa' bhaile sin d' am b'ainm Simon, a ghnàthaich druidheachd, agus a mheall⁶ muinntir Shamaria, ag ràdh gu'm bu neach mòr éigin e féin.

10 Dhasan thug iad uile aire o'n bheagus a' mhòr, ag ràdh, Is e an duine so cumhachd mòr Dhé.

11 Agus thug iad an aire dha, a chionn gu'n do mheall e iad rè ùine fhada le a dhruidheachd.

12 Ach an uair a chreid iad Philip, a' searmonachadh nan nithe a bhuineas do rìoghachd Dhé, agus do ainm Iosa Criosd, bhaisteadh iad eadar fhèara agus mhnà.

13 An sin chreid Simon féin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comhara agus nam feartan a rinn eadh, ghabh e iongantais ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionn suidh Peadar agus Eoin:

15 Agus an uair a chaidh iad sìos, ghuidh iad air anson gu'm faigheadh iad an Spiorad naomh.

16 (Oir cha d'fhàinig e fathast a nuas air aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmhnan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thoirt tre làmhnan nan abstol a chur orra, thairg e airgid dhoibh,

19 Ag ràdh, Thugaibh dhomh-sa mar

¹ dhùin, stop.

³ cràbhach.

² a' chaithir.

⁴ riu.

⁵ crith-ghalar; palsy. Sasg.

⁶ a chuir uamhas air, a chuir 'nam breathal.

an ceudna an cumhachd so, ge b'e neach air an cuir mi *mo* lámha, gu'm faigh e an Spiorad naomh.

20 Ach thubhairt Peadar ris, Gu rachadh t'airgid an muga maille riut féin, a chionn gu'n do mheas thu gu'm feudtadh tiodhlac Dhé a cheannach le h-airgid.

21 Cha'n 'eil agad cuid no crannchur sa' clùis so: oir cha'n 'eil do chridhe dìreach¹ am fianuis Dhé.

22 Gabh aithreachas uime sin do t'ole so, agus guidh air Dia, ma dh'fheudar gu maithear dhuit smuaine do chridhe.

23 Oir a ta mi 'gad fhaicinn ann an domblas na seirbhe, agus fo chuibhreach na h-eucorach.

24 An sin fhreagair Simon, agus thubhairt e, Guidhibh-sa an Tighearn air mo shon, nach tig aon do na nithibh sin : thubhairt sibh orm.

25 An sin air dhoibh-sa fianuis a dheanamh agus focal an Tighearn a labhairt, phill iad gu Ierusalem, agus shearmonaich iad an soisgeul ann am mòran do bhailtibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a ta dol sìos o Ierusalem gu Gasa, a ta 'na fhàsach².

27 Agus dh'éirich e, agus dh'imich e : agus, feuch, duine àraidh, caillteanach o Etiopia, aig an robh mòr-ùghdarras fo Chandace ban-rìghinn na h-Etiopia, agus a bha os ceann a h-ionmhais uile, agus a bha air teachd gu Ierusalem chum aoradh a dheanamh,

28 Bha e a' pillinn air ais, agus 'na shuidhe 'na charbad, agus bha e a' leughadh an fhàidh Esaiais.

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Esaiais, agus thubhairt e, Am bheil thu a' tuigsinn nan nithe a tha thu a' leughadh?

31 Agus thubhairt esan, Cionnus is urrainn mi, mur seòl neach éigin mi? Agus dh'iarr e air Philip teachd a nìs, agus suidhe maille ris.

32 A' chuibhrionn do'n sgrìobtuir a bha e leughadh, b'i so i, Thugadh e mar chaora chum marbhaidh; agus mar uan a ta 'na thosd am fianuis an fhir-lomairt, mar sin cha d'fhosgail e a bheul:

33 'Na ìsleachadh thugadh a bhreith-eanas air falbh: agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus

thubhairt e ri Philip, Guidheam thu, co uime tha am fàidh ag ràdh so? uime féin, no mu neach éigin eile?

35 An sin dh'fhosgail Philip a bheul, agus a' tòiseachadh o'n sgrìobtuir sin, shearmonaich e Iosa dha.

36 Agus an uair a dh'imich iad air an t-slighe, thàinig iad gu h-uisge àraidh: agus thubhairt an caillteanach, Feuch, uisge; ciod a ta bacadh mise bhi air mo bhaisteadh?

37 Agus thubhairt Philip, Ma tha thu a' creidsinn le d' uile chridhe, feudaidd tu. Agus fhreagair e agus thubhairt e, Tha mi a' creidsinn gur e Iosa Crìosd Mac Dhé.

38 Agus dh'àithn e 'n carbad a sheasamh: agus chaidh iad sìos le chèile do'n uisge, araon Philip agus an caillteanach; agus bhaist se e.

39 Agus an uair a thàinig iad a nìs as an uisge, thug Spiorad an Tighearna Philip leis, agus cha'n fhac an caillteanach tuilleadh e: agus dh'imich e air aghaidh le gairdeachas.

40 Ach fhuaradh Philip ann an Asotos: agus shearmonaich e anns na bailtibh uile, a' dol troimh an *dùthaich*, gus an d'thàinig e gu Cesarea.

CAIB. IX.

¹ Tha Saul, air dha bhi 'g imeachd gu Damascus, air a leagadh sìos gu talamh le solus, agus guth o nèamh: 10 ghairmeadh e chum na h-abstolachd, 18 agus bhaisteadh e le Ananias: 20 shearmonaich e Crìosd gu dàna. 31 Leigheas Peadar Eneas do'n phairilis: 38 thug e Tabita beò.

A GUS air do Shaul bhi fathast a' séideadh bagraidh, agus àir³ an aghaidh dheisciobul an Tighearna, chaidh e chum an àrd-shagairt.

2 Agus dh'iarr e litrichean uaith gu Damascus chum nan sionagag, chum nam faigheadh e aon neach do'n t-slighe so, co aca b'fhir no mnà iad, gu'n tugadh e leis ceangailte gu Ierusalem iad.

3 Agus ag imeachd dha, tharladh⁴ gu'n do dhruid e ri Damascus: agus dhealraich gu h-obann mu'n cuairt air solus o nèamh.

4 Agus air tuiteam dha air an talamh, chual e guth ag ràdh ris, A Shaul, A Shaul, c'ar son a ta thu 'gam gheur-leannhuinn-sa?

5 Agus thubhairt esan, Cò thu, a Thighearn? Agus thubhairt an Tighearn, Is mise Iosa a ta thusa a' geur-leannhuinn: is cruaidh dhuitse breabadh an aghaidh nan dealg.

6 Agus air dhasan bhi air chrith agus làn uamhuinn, thubhairt e, A Thighearn, ciod is àill leat mise a dheanamh? Agus thubhairt an Tighearn ris, Eirich, agus rach⁵ a steach do'n bhaile, agus innsear dhuit ciod is coir dhuit a dheanamh

¹ ceart, treibhdhìreach.

² troimh an fhàsach.

³ marbhaidh.

⁵ theirig, gabh.

⁴ thachair.

7 Agus sheas na daoine bha 'g imeachd maille ris 'nan tosd, a' chuinntinn a' ghutha, ach gun neach air bith fhaicinn.

8 Agus dh'éirich Saul o'n talamh, agus air fosgladh a shùl, dha, cha'n fhac e neach¹ air bith: ach air dhoibh brèith air a làimh, threòraich iad e gu Damascus.

9 Agus bha e trì làithean gun radharc, agus cha d'ith agus cha d'òl e ni air bith.

10 Agus bha deisciobul àraidh ann an Damascus, d'am b'ainm Ananias; agus thubhairt an Tighearn ris ann am foillseachadh², Ananias. Agus thubhairt esan, Feuch a ta mi an so, a Tighearn.

11 Agus thubhairt an Tighearn ris, Éirich, agus imich do'n t-sràid, ris an abrar Dìreach, agus iarr ann an tigh Indais, duine o Tharsus d'an goirear Saul: oir feuch, a ta e ri urnuigh,

12 Agus chunnaic e ann am foillseachadh duine d'an ainm Ananias, a' teachd a steach, agus a' cur a làimhe air, chum gu'm faightheadh e a radharc.

13 An sin fhreagair Ananias, A Thighearn, chuala mi o mhòran mu'n duine so, cia lìon olc a rinn e do d' uamhaibh ann an Ierusalem:

14 Agus a ta an so ùghdarras aige o uachdaranaihb nan sagart, iadsan uile a cheangal a ta gairm air t'ainm-sa³.

15 Ach thubhairt an Tighearn ris, Imich; oir is soitheach taghta dhomh-sa e, chum m'ainm a ghiùlan am fianuis nan Cinn-each, agus rìghrean, agus chloinn Israeil.

16 Oir nochdaidh mise dha cia mòr na nithe a's éigin da fhulang air sgàth m'ainme-sa.

17 Agus dh'imich Ananias, agus chaidh e steach do'n tigh; agus chuir e a làmhan air, agus thubhairt e, A Shaul, a bhràthair, chuir an Tighearn, (eadhon Iosa a dh'fhoillsicheadh dhuitse anns an t-slighe air an d'thàinig thu,) mise chum gu'm faightheadh tu do radharc, agus gu'm biodh tu air do lìonadh leis an Spiorad naomh.

18 Agus air ball thuit o'shuilibh mar gu'm biodh lannan; agus dh'aisigeadh a radharc dha gun dàil, agus air dha éirigh, bhaisteadh e.

19 Agus an uair a ghabh e biadh, neartaicheadh e. An sin bha Saul làithean àraidh maille ris na deisciobluibh a bha ann an Damascus.

20 Agus air ball shearmonaich e Iosa⁴ anns na sionagogaibh, gur esan Mac Dhé.

21 Ach bha na h-uile a chual e fo uamhas, agus thubhairt iad, Nach e so esan a bha sgrios ann an Ierusalem iadsan a bha gairm air an ainm so, agus a thàinig an so chum na crìche so, gu'n tugadh e ceang-

ailte iad dh'ionnsuidh uachdarana nan sagart?

22 Ach bu mhòid a neartaicheadh Saul, agus chuir e gu h-amhladh na h-Iudhaich a bha chomhnuidh ann an Damascus, a' dearbhadh gur e so an Crìosd.

23 Agus air dol do mhòran làithean seachad, rinn na h-Iudhaich comhairle r'a chéile esan a mharbhadh:

24 Ach thugadh fios do Shaul air am féill⁵: agus bha faire aca air na geatach-aibh a là agus a dh'oidhche chum a mharbhadh.

25 An sin ghabh na deisciobuil e san oidhche, agus chuir iad a mach thar a' bhalla e, agus leig iad sìos ann an cliabh e.

26 Agus an uair a thàinig Saul gu Ierusalem, dh'fheuch e ri e féin a cheangal ris na deisciobluibh: ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum nan abstol e, agus chuir e'n céill doibh cionnus a chunnaic e'n Tighearn anns an t-slighe, agus gu'n do labhair e ris, agus cionnus a shearmonaich e gu dàna ann an Damascus an ainm Iosa.

28 Agus bha e maille riu a' teachd a steach, agus a' dol a mach ann an Ierusalem.

29 Agus labhair e gu dàna an ainm an Tighearna Iosa, agus rinn e deasboireachd an aghaidh nan Greugach: ach chuir iadsan rompa esan a mharbhadh.

30 Ach an uair a thuig na bràithre so, thug iad sìos e gu Cesarea, agus chuir iad air falbh gu Tarsus e.

31 An sin bha fois aig na h-eaglaisibh troimh Judea uile, agus Ghalile, agus Shamaria, agus air dhoibh bhli air an togail suas, agus a' siubhal ann an eagal an Tighearn, agus ann an comhfhurtachd⁶ an Spioraid naoimh, mheudaicheadh gu mòr iad.

32 Agus tharladh, air do Pheadar im-eachd troimh gach àite, gu'n deachaidh e sìos mar an ceudna chum nan naomh a bha gabhail comhnuidh ann an Lida.

33 Agus fhuair e an sin duine àraidh d'am b'ainm Eneas, a bha rè ochd bliadhna air a leabaidh, agus e gu tinn leis a' phairilis⁷.

34 Agus thubhairt Peadar ris, Eneas, tha Iosa Crìosd ga d' leigheas: éirich agus dean do leabadh. Agus air ball dh'éirich e.

35 Agus chunnaic iadsan uile e, a bha chomhnuidh ann an Lida, agus ann an Saron, agus phill iad chum an Tighearn.

36 A nis bha ban-deisciobul àraidh ann an Iopa d'am b'ainm Tabita, 'se sin, air

¹ ni.

² sealladh.

³ a tha air a gairm air t'ainm,

⁴ Crìosd.

⁶ comhnadh; cuideachadh

⁵ ceilg.

⁷ chrith-ghalar.

eadar-theangachadh, Dorcas: bha a' bhean so làn do dheadh oibribh, agus do dhéireibh a rinn i.

37 Agus tharladh anns na làithibh sin, air dhi bhi gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdarach i.

38 Agus air do Lida bhi fagus do Iopa, agus air chuinntinn do na deisciobluibh gu'n robh Peadar an sin, chuir iad dithis dhaoine d'a ionnsuidh, a' guidhe air e theachd d'an ionnsuidh gun dàil.

39 An sin dh'éirich Peadar, agus chaidh e maille riu. Agus an uair a bha e air teachd, threòrach iad suas e do'n t-seòmar uachdarach: agus sheas na bantraichean uile làimh ris a' caoineadh, agus a' nochdadh nan còta agus nan trusgan a rinn Dorcas am feadh a bha i maille riu.

40 Ach air do Pheadar an cur a mach uile, leig se e féin air a ghlùinibh agus rinn e urnuigh; agus air dha tionndadh ris a' chorp, thubhairt e, A Thabita, éirich. Agus dh'fhosgail ise a sùilean: Agus air dhi Peadar fhaicinn, dh'éirich i 'na suidhe.

41 Agus thug e a làmh dhi, agus thog e 'na seasamh i; agus an uair a ghairm e na naoimh agus na bantraichean, chuir e 'nan làthair beò i.

42 Agus fhuaradh fios air so tre Iopa uile; agus chreid mòran anns an Tigh-earn.

43 Agus tharladh gu'n d'fhan e mòran do làithibh ann an Iopa maille ri Simon àraidh fear-deasachaidh leathair.

CAIB. X.

1 *Air do Chornelius, duine cràbhach, àithne fhaotainn o aingeal, chuir e fios air Peadar.* 11 *a bha air a theagasg ann an taisbean gun e dheanamh tàir air na Cinnich:* 34 *Am feadh a bha e searmonachadh Chrìosd do Chornelius agus d'a chuid-cachd, thàinig an Spiorad naomh suas orra, agus bhaisteadh iad.*

A GUS bha duine àraidh ann an Cesa-rea, d'am b'ainm Cornelius, ceannard-ceud do'n chuideachd ris an abrar a' chuideachd Eadailteach,

2 *Duine cràbhach, agus air an robh eagal Dé maille r'a thigh uile, a bha toirt mòran déirce do'n t-sluagh, agus a' deanamh urnuigh ri Dia a ghnàth.*

3 Chunnaic e ann an sealladh¹ gu soilleir, mu thimchioll na naothadh uaire do'n là, aingeal Dé a' teachd a stigh d'a ionnsuidh, agus ag ràdh, A Chorneliuis.

4 Agus air dhasan amhare gu geur air, ghabh e eagal, agus thubhairt e, Ciod e, a Thighearn? Agus thubhairt e ris, Chaidh t'urnuighean agus do dhéirean suas mar chuimhneachan ann am fianuis Dé.

5 Agus a nis cuir daoine gu Iopa, agus cuir fios air Simon, d'an co-ainm Peadar:

6 Tha e air aoidheachd maille ri Simon àraidh fear-deasachaidh leathair, aig am bheil a thigh làimh ris an fhairge: innsidh esan duit ciod is còir dhuit a dheanainh.

7 Agus an uair a dh'fhalbh an t-aingeal a labhair ri Cornelius, ghairm e d'a ionnsuidh dithis do mhuinntir a thighe, agus saighdear cràbhach do'n dream a bha ghnàth a' feitheamh air;

8 Agus an uair a chuir e an t-iomlan an cèll doibh, chuir e iad gu Iopa.

9 Agus air an là màireach, nuair a bha iadsan air an turas, agus a' teachd air fagus do'n bhaile, chaidh Peadar suas air mullach an tighe a dheanamh urnuigh, mu thimchioll na seathadh uaire².

10 Agus dh'fhàs e ro ocrach, agus bu mhiann leis *biadh* itheadh: ach am feadh a bha iadsan ag ulluchadh, thuit e ann an neul,

11 Agus chunnaic e nèamh fosgailte, agus soitheach àraidh a' teachd a suas d'a ionnsuidh, mar bhraith-lìn³ mhòir, ceangailte air a ceithir oisnibh⁴, agus air a leigeadh sìos air an talamh;

12 Anns an robh gach uile ghnè bheathaiche ceithir-chosach na talmhainn, agus bheathaiche allta, agus bhiasda snàigeach, agus eunlaith an athair.

13 Agus thàinig guth d'a ionnsuidh, Eirich, a Pheadair; marbh agus ith.

14 Ach thubhairt Peadar, Ni h-eadh, a Thighearn; oir cha d'ith mi riamh aon ui coitchionn⁵ no neòghlan.

15 Agus thubhairt an guth ris a ris an dara uair, Na nithe sin a ghlan Dia, na gairm thusa coitchionn.

16 Agus rinneadh so tri uairean: agus thogadh an soitheach a ris suas gu nèamh.

17 A nis an uair a bha Peadar fo amharus ann féin ciod bu chiall do'n t-sealladh a chunnaic e, feuch, bha na daoine a chuireadh o Chornelius, an déigh dhoibh tigh Shinoin iarraidh, 'nan seasamh aig an doras.

18 Agus air gairm dhoibh, dh'fheòrach iad an robh Simon d'an co-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d'iarraidh.

20 Uime sin éirich, agus gabh sìos, agus imich maille riu, gun amharus air bith a bhi ort: oir is mise a chuir uam iad.

21 Agus chaidh Peadar sìos chum nan daoine, [a chuireadh d'a ionnsuidh o Chornelius,] agus thubhairt e, Feuch, is

¹ foillseachadh, taisbeanadh.

² i. e. meadhon-là.

³ lion-eudach.

⁴ beannaibh.

⁵ cumanta.

mise an ti a tha sibh ag iarraidh : ciod e an t-aobhar mu'n d'fhàinig sibh ?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dé, agus fo dheadh ainm¹ aig cinneach nan Iudhach uile, rabhadh o Dhia le aingeal naomh, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd *dhoibh*. Agus air an là maireach dh'imich Peadar maille riu, agus chaidh dream àraidh do na bràithribh o Iopa maille ris.

24 Agus air an là maireach chaidh iad a steach do Chesarea : agus bha Cornelius a' feitheamh riu, agus air gairm a luchd-dàimh agus a chàirde disle an ceann a chéile.

25 Agus an uair a bha Peadar a' dol a steach, choinnich Cornelius e, agus thuit e sìos aig a chosaibh, agus rinn e aoradh *dha*.

26 Ach thog Peadar suas e, ag ràdh, Seas suas ; is duine mise mar an ceudna.

27 Agus ag còmhradh ris, chaidh e steach, agus fhuair e mòran cruinn.

28 Agus thubhairt e riu, Tha fios agaibh gu bheil e mi-dhlighreach do dhuine a tha na Iudhach, comhludair a chumail ri neach a tha do chinneach eile, no teachd am fagus da ; ach nochd Dia dhomh-sa, gun duine air bith a ghairm coitchionn no neòghlan.

29 Uime sin thàinig mise 'nuair a chuireadh fios orm, gun aon ni a ràdh 'na aghaidh : air an aobhar sin tha mi feòraich c'ar son a chuir sibh fios orm ?

30 Agus thubhairt Cornelius, O'n cheathramh là gus an uair so bha mi a' deanamh trasgaidh ; agus air an naothadh uair bha mi deanamh urnuigh ann mo thigh, agus, feuch, sheas duine a'm' làthair ann an eudach dealrach².

31 Agus thubhairt e, A Chorneliuis, fhuair t'urnuigh éisdeachd³, agus tha do dhéircean air an cuimhneachadh am fianuis Dé.

32 Uime sin cuir gu Iopa, agus cuir fios air Simon, d'an co-ainm Peadar ; tha e air aoidheachd ann an tigh Shimoin, fear-deasachaidh leathair, làimh ris a' mhuir ; neach, 'nuair a thig e, a labhras riut.

33 Uime sin chuir mi air ball fios ort ; agus is maith a rinn thu teachd. Air an aobhar sin tha sinne uile an so a làthair am fianuis Dé, a dh'éisdeachd nan uile nithe a tha air an àithneadh dhuit-se le Dia.

34 An sin dh'fhosgail Peadar a bheul, agus thubhairt e, Gu fìrinneach thia mi 'g

aithneachadh nach 'eil Dia ag amharc air pearsaibh seach a chéile :

35 Ach anns gach uile chinneach a ta an neach air am bheil 'eagal-san, agus a ta 'g oibreachadh fireantachd, taitneach aige.

36 Am focal a chuir Dia gu cloinn Israeil a' searmònachadh sìth tre Iosa Crìosd, (neach is e Tighearna nan uile,)

37 Am focal sin is aithne dhuibh, a sgaoileadh air feadh tìre Iudea uile, agus a thòisich o Ghalile, an déigh a' bhaistidh a shearmonaich Eoin :

38 Cionnus a dh'ung Dia Iosa o Nasaret leis an Spiorad naomh, agus le cumhachd ; neach a chaidh mu'n cuairt a' deanamh maith, agus a' slànuchadh nan uile a bha air am foireigneachadh⁴ leis an diabhl : oir bha Dia maille ris.

39 Agus tha sinne 'nar fianuisibh air na h-uile nithibh a rinn e, araon ann an tìr nan Iudhach, agus ann an Ierusalem ; neach a mharbh iad, 'ga chrochadh air crann :

40 Esan thog Dia suas air an treas là, agus nochd se e gu follaiseach ;

41 Cha'n ann do'n t-sluagh uile, ach do fhianuisibh, a thaghadh le Dia roimh-làimh, *eadhon* dhuinne, a dh'ith agus a dh'òl maille ris an déigh dha éirigh o na marbhaibh.

42 Agus dh'àithn e dhuinne searmonachadh do'n t-sluagh, agus fianuis a dheanamh gur esan a dh'orduicheadh le Dia 'na bhreitheamh air bheòthaibh agus air mharbhaibh.

43 Dhasan tha na fàidhean uile a' toirt fianuis, gu'm faigh gach neach a chreideas ann maitheanas 'nam peacaibh tre 'ainm-san.

44 Am feadh a bha Peadar fathast a' labhairt nam briathra sin, thuirling⁵ an Spiorad naomh orra-san uile a chual am focal.

45 Agus ghabh na creidich do'n timchioll-ghearradh, a mheud diubh 'sa thàinig maille ri Peadar, iongantas mòr, do bhrìgh gu'n do dhòirteadh air na Cinnich mar an ceudna tiodhlac an Spioraid naomh.

46 Oir chuala siad iad a' labhairt le teangaibh, agus ag àrd-inholadh Dhé. An sin fhreagair Peadar,

47 Am feud neach sam bith uisge a thoirmeasg, chum nach rachadh iad so a bhaisteadh, a fhuair an Spiorad naomh, co maith ruinne ?

48 Agus dh'orduich e iad a bhi air am baisteadh, ann an ainm an Tighearna. An sin ghuidh iad air fantuinn *maille riu* làithean àraidh.

¹ air am bheil ceadh theistcas.

² ro gheal.

³ dh'éisdeadh ri l'urnuigh.

⁴ thugadh fo cheannsa.

⁵ thuit.

CAIB. XI.

1 *Fhuaradh cron do Pheadar air son conhladar a ghléidheadh ris na Cinnich : 4 dh'innis e a reuson, agus thaitinn sin r'a luchd-ditidh. 19 Sgaoileadh an seisgeul feadh Phenice, agus Chipruis, agus Antioch. 26 Dh'ainmheadh na deisciobuil 'nan Crìosduidhean air tùs ann an Antioch, &c.*

AGUS chuala na h-abstoil agus na bràithrean a bha ann an Iudea, gu'n do ghabh na Cinnich mar an ceudna ri focal Dé.

2 Agus an uair a chaidh Peadar suas gu Ierusalem, rinn iadsan a bha do'n timchioll-ghearradh conspoid ris,

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille riu.

4 Agus thòisich Peadar, agus chuir e'n t-ìomlan an cèill doibh an ordugh, ag ràdh,

5 Bha mi ann am baile¹ Iopa ri urnuigh; agus ann an neul chunnaic mi sealladh, Soitheach àraidh a' teachd a nuas, mar bhraith-lìn mhòir, air a leigeadh a nuas o nèamh air a ceithir oisnibh²; agus thàinig i a m' ionnsuidh-sa.

6 Agus air dhomh beachdachadh gu gear oirre, thug mi fa'near, agus chunnaic mi beathaiche ceithir-chosach na talmhainn, agus na fiadh-bheathaiche, agus na biasda snàigeach, agus eunlaith an athair.

7 Agus chuala mi guth ag ràdh rium, Eirich, a Pheadair; marbh agus ith.

8 Ach thubhairt mise, Ni h-eadh, a Thighearn: oir cha deachaidh riamh aon ni coitchionn no neòghlan a steach do m' bheul.

9 Ach fhreagair an guth mi an dara uair o nèamh, Na nithe a ghlan Dia na meas thusa neòghlan³.

10 Agus rinneadh so tri uairean: agus thogadh an t-ìomlan a ris suas gu nèamh.

11 Agus, feuch, air ball bha triuir dhaoine air teachd chum an tighe anns an robh mi, a chuireadh o Chesarea a m' ionnsuidh.

12 Agus thubhairt an Spiorad rium dol maille riu, gun amharus air bith a bhi orm. Agus chaidh mar an ceudna an t-seathuar bhràithre so maille rium, agus chaidh sinn a steach do thigh an duine:

13 Agus nochd e dhuinn cionnus a chunnaic e aingeal 'na sheasamh 'na thigh, a thubhairt ris, Cuir daoine gu Iopa, agus cuir fios air Simon, d'an co-ainm Peadar;

14 Neach a labhras briathra riut, leis an tearnair⁴ thu fèin agus do thigh uile.

15 Agus an uair a thòisich mi air labhairt, thuirling⁵ an Spiorad naomh orrasan, mar oirne air tùs.

16 An sin chuimhnich mise focal an Tighearna, mar a thubhairt e, Bhaist Eoin gun amharus le h-uisge; ach baistear sibhse leis an Spiorad naomh.

17 Uime sin ma thug Dia dhoibh-san a cho-ionnann tiodhlaca ruinne, a chreidanns an Tighearn Iosa Crìod, cò mise gu'm bithium comasach bacadh a chur air Dia?

18 Agus an uair a chual iad na nithe so, thosd iad, agus thug iad glòir do Dhia, ag ràdh, Thug Dia ma seadh mar an ceudna do na Cinnich aithreachas chum na beatha.

19 A nis chaidh iadsan a sgapadh a mach leis an àmhghar⁶ a dh'èirich air son Stephain, gu ruig Phenice, agus Ciprus, agus Antioch, gun am focal a labhairt ri aon neach ach ris na h-Iudhaich a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhair ris na Greug-aich, a' searmonachadh an Tighearna Iosa.

21 Agus bha làmh an Tighearna maille riu: agus chreid àireamh mhòr, agus phill iad chum an Tighearn.

22 Agus thàinig sgeula air na nithibh sin gu clusaibh na h-eaglais a bha ann an Ierusalem; agus chuir iad Barnabas uatha, chum gu'n rachadh e gu Antioch:

23 Neach an uair a thàinig e, agus a chunnaic e gràs Dhé, a rinn gairdeachas, agus a dh'earail orra uile, gu'n dlùth-leannadh iad ris an Tighearn le rùn cridhe.

24 Oir bha e 'na dhuine maith, agus làn do'n Spiorad naomh, agus do chreidimh. Agus chuireadh sluagh mòr ris an Tighearn.

25 An sin chaidh Barnabas gu Tarsus, a dh'iarraidh Shaül.

26 Agus air dha fhaotainn, thug e leis e gu Antioch. Agus tharladh, gu'n robh iad rè bliadhna iomlain air an cruinneachadh maille ris an eaglais, agus gu'n do theagaisg iad sluagh mòr; agus gu'n do ghoireadh Crìosduidhean do na deisciobluibh air tùs ann an Antioch.

27 Agus anns na làithibh sin thàinig fàidhean o Ierusalem gu Antioch.

28 Agus air seasamh suas do aon diubh d'am b'ainm Agabus, dh'fhoillsich e troimh an Spiorad, gu'm biodh gorta mhòr air feadh an domhain uile⁷: ni mar an ceudna a thachair ri linn Chlaudiuis Cheasair.

29 An sin chuir gach aon do na deisciobluibh roimhe, a réir a chomais, còmlanadh a chur chum nam bràithrean, a bha chòmlnuidh ann an Iudea.

30 Ni mar an ceudna a rinn iad, agus

¹ caithir.

³ coitchiom.

² beannaibh.

aoar.

⁵ thuit.

⁷ na tìre uile.

⁶ trioblaid.

chuir iad e chum nan seanairean le làimh Bharnabais agus Shauil.

CAIB. XII.

1 Rinn Herod geur-leanmhuinn air na Crìosduidh-ibh, 2 mharbh e Seumas, 3 agus chuir e Peadar am prìosan, neach a thugadh a mach le aingeal tre urnuighibh na h-eaglais: 23 Bhuaileadh Herod le aingeal, agus bhàsaich e gu truagh.

ANIS mu'n àm sin, shìn Herod an rìgh a làmhnan, a dheanamh uile air dream àraidh do'n eaglais.

2 Agus mharbh e Seumas bràthair Eoin leis a' chlàidheamh.

3 Agus an uair a chunnaic e gu'n do thaitinn sin ris na h-Iudhaich, chaidh e air aghaidh a ghlacadh Pheadair mar an ceudna. (Agus b'iad làithean an arain neo-ghoirichte a bh'ann.)

4 Agus ghlac e agus chuir e'm prìosan e, agus thug se e r'a ghleidheadh do cheithir cheathrar shaighdearan, fa rùn a thoirt a mach do'n t-sluagh an déigh na càisege.

5 Air an aobhar sin ghleidheadh Peadar anns a' phrìosan: ach bha bith-urnuigh¹ air a deanamh leis an eaglais ri Dia air a shon.

6 Agus an uair a b'àill le Herod a thoirt a mach, san oidhche sin féin bha Peadar 'na chodal eadar dithis shaighdearan, ceangailte le dà shlabhruidh: agus bha'n luchd faire fa chomhair an doruis a' coimhead a' phrìosain.

7 Agus, feuch, thàinig aingeal an Tighearn air, agus dhealraich solus anns a' phrìosan: agus bhuail e taobh Pheadair, agus dhùisg se e, ag ràdh, Eirich gu grad. Agus thuit a cheanglaiche d'a làmhaidh.

8 Agus thubhairt an t-aingeal ris, Crìoslaich thu féin, agus ceangail ort do bhonn-bhrògan²: agus rinn e mar sin. Agus thubhairt e ris, Tilg t'fhalluinn³ umad, agus lean mise.

9 Agus chaidh e mach, agus lean se e; agus cha robh fhios aige gu'n robh e fìor an ni a rinneadh leis an aingeal: ach shaoil e gu'm bu taisbean⁴ a chunnaic e.

10 Agus air dhoibh dol troimh 'n cheud agus an dara faire, thàinig iad chum a' gheata iarum a ta treòrachadh do'n bhaile, a dh'fhosgail doibh leis féin: agus air dol a mach dhoibh, chaidh iad air an aghaidh troimh aon sràid, agus air ball dh'fhalbh an t-aingeal uath.

11 Agus an uair a thàinig Peadar d'a ionnsuidh féin, thubhairt e, A nis tha fhios agam gu fìrinneach gu'n do chuir an Tighearn aingeal uath, agus gu'n do

shaor e mi o làimh Heroid, agus o uile dhùil pobuill nan Iudhach.

12 Agus an uair a smuainich e air a' chùis, thàinig e gu tigh Mhuire màthar Eoin, d'an co-aimm Marcus, far an robh mòran cruinn, agus iad ri urnuigh.

13 Agus an uair a bha Peadar a' bualadh doruis a' gheata, thàinig gruagach d'am b' ainm Roda a dh'éisdeachd.

14 Agus an uair a dh'aitnich i guth Pheadair, tre aoibhneas cha d'fhosgail i an geata, ach ruith i stigh, agus dh'innis i gu'n robh Peadar 'na sheasamh aig a' gheata.

15 Ach thubhairt iad rithe, Tha thu air mli-chéill. Ach bha ise toirt dearbh-chimte⁵ gu'n robh e mar sin. An sin thubhairt iad, Is e 'aingeal a ta ann.

16 Ach bhuanaich Peadar a' bualadh an doruis: agus an uair a dh'fhosgail iad, agus a chunnaic iad e, bha iad làn uamhaus.

17 Ach air dhasan smèideadh orra le a làimh iad a bhi 'nan tosd, chuir e'n céill doibh cionnus a thug an Tighearn as a' phrìosan e. Agus thubhairt e, Innsibh na nithe so do Sheumas agus do na bràithribh. Agus air dol a mach dha, chaidh e gu àit eile.

18 Agus air teachd do'n là bha iomairt⁶ nach bu bheag am measg nan saighdearan, ciod a thachair do Pheadar.

19 Agus an uair a dh'iarr Herod e, agus nach d'fhuair se e, rannsaich e an luchd-coimhead, agus dh'orduich e an toirt air falbh chum peanaìs. Agus chaidh e sìos o Iudea gu Cesarea, agus rinn e còmh-nuidh an sin.

20 Agus bha fearg mhòr aig Herod ri muinntir Thiruis agus Shidoin: ach thàinig iadsan a dh'aon inntinn d'a ionnsuidh, agus air dhoibh Blastus seomradair an rìgh a thoirt air an crann, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod bhi air a sgendachadh le eudach rìoghail, agus 'na shuidhe air a rìgh-chaitheir, labhair e gu deas-bhriathrach ri n⁷.

22 Agus rinn an sluagh iolach⁸, ag ràdh, Is guth Dé so, agus cha ghuth duine.

23 Agus air ball bhuail aingeal an Tighearn e, do bhrìgh nach d'thug e a' ghloir do Dhia: agus dh'itheadh le cnuimhibh e, agus chaidh an deò as.

24 Ach dh'fhàs focal an Tighearn agus mheudaicheadh e.

25 Agus phill Barnabas agus Saul o Ierusalem, air dhoibh am ministrileachd

¹ gnàth-urnuigh, sìor-urnuigh.

² chuarain.

³ do bhrat, t'eudach-uachdair.

⁴ shealladh.

⁵ buaireas.

⁶ gair.

⁷ a' cathachadh.

⁸ rim e òraid doibh.

a choinhhlionadh, a' toirt leo mar an ceud-na Eoin, d'an co-aime Marcus.

CAIB. XIII.

1 *Thaghadh Pòl agus Barnabas gu dol chum nan Cinnich. 7 Mu thimchioll Shergius Paulus, agus Elmais an druith. 14 Shearmonaich Pòl aig Antioch, gur e Iosa an Crìosd. 42 Chreid na Cinnich, ach tabhair na h-Iudhaich an aghaidh na firinn.*

ANIS bha anns an eaglais a bha aig Antioch, fàidhean, agus luchd-teagaisg àraidh; mar a ta Barnabas, agus Simeon ris an abrar Niger, agus Lucius o Chirene, agus Manaen comh-alta Heroid an Tetràire, agus Saul.

2 Agus air dhoibh bhi ri ministrileachd do'n Tighearn, agus a' trasgadh, thubhairt an Spiorad naomh, Cuiribh air leth dhomh-sa Barnabas agus Saul, chum na h-oibre gus an do ghairm mi iad.

3 An sin air dhoibh trasgadh agus urnuigh a dheanamh, agus an làmh an chur orra, leig iad uatha iad.

4 Mar sin air dhoibh-san a bhi air an cur a mach leis an Spiorad naomh, chaidh iad sìos gu Seleucia; agus o sin sheòl iad gu Ciprus.

5 Agus air dhoibh bhi ann an Salamis, shearmonaich iad focal Dé ann an sionagogaibh nan Iudhach; agus bha mar an ceudna Eoin aca mar fhear-frithealaidh.

6 Agus an uair a chaidh iad troimh an eilean gu Paphos, fhuair iad druith àraidh, fàidh bréige, Iudhach, d'am b'ainm Bar-iesus:

7 Neach a bha maille ri Sergius Paulus an t-uachdaran, duine tuigseach; air dhasan Barnabas agus Saul a ghairm d'a ionnsuidh, dh'iarr e focal Dé a chluinntinn.

8 Ach chuir Elimas an druith, (oir is ann mar so a dh'eadar-theangaichear 'aime,) 'nan aghaidh, ag iarraidh an t-uachdaran a thionndadh o'n chreidinn.

9 An sin air bhi do Shaul, (d'an goirear Pòl,) làn do'n Spiorad naomh, agus ag amharc gu geur air,

10 Thubhairt e, O thusa a ta làn do'n uile cheilg, agus do'n uile dhroch-bheirt, a mhiic an diabhail, a nàmhaid na h-uile fhìreantachd, nach sguir thu do fhìradh shlighean dìreach an Tighearna?

11 Agus feuch a nis, tha làmh an Tighearn ort, agus bithidh tu dall, gun a' ghrian fhaicinn rè tanuill. Agus air ball thuit ceò agus dorchadas air; agus a' tionndadh mu'n cuairt, dh'iarr e dream a thròraicheadh air làmh e.

12 An sin an uair a chunnaic an t-uachdaran an nì a rinneadh, chreid e, air dha bhi làn iongantais mu theagasg an Tighearna.

13 Agus air gabhail luinge do Phòl agus

d'a chuideachd o Phaphos, thàinig iad gu Perga na Pamphilia: agus air do Eoin am fàgail, phill e gu Ierusalem.

14 Ach air dhoibh-san imeachd o Pherga, thàinig iad gu Antioch na Pisidia, agus chaidh iad a steach do'n t-sionagag air là na sàbaid, agus shuidh iad.

15 Agus an déigh leughadh an lagha agus nam Fàidhean, chuir uachdarain na sionagoig d'an ionnsuidh, ag ràdh, Fheara agus a bhràithre, ma tha focal earail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le 'làmh, thubhairt e, Fheara Israeil, agus sibhse air am bheil eagal Dé, éisdibh.

17 Thagh Dia a' phobuill so Israeil ar n-aithriche, agus dh'ardaich e'm pobull 'nuair a bha iad air choigrich ann an tìr na h-Eiphit, agus le làmh àrd thug e iad a mach aise.

18 Agus mu thimchioll ùine dhà fhichead bliadhna ghluilain e le'm beusaibh anns an fhàsach.

19 Agus an uair a sgrios e seachd cinnich ann an tìr Chanaain, roim e am fearann orra-san le crannchur.

20 Agus 'na dhéigh sin mu thimchioll ceithir cheud agus leth-cheud bliadhna, thug e dhoibh breitheamhna, gu Samuel am fàidh.

21 Agus 'na dhéigh sin dh'iarr iad rìgh: agus thug Dia dhoibh Saul mac Chis, duine do thréibh Bheniamin, rè dhà fhichead bliadhna.

22 Agus air dha esan atharrachadh, thog e suas Daibhidh gu bli 'na rìgh dhoibh; d'an d'thug e mar an ceudna fianuis, ag ràdh, Fhuair mi Daibhidh mac Iese, duine a réir mo chridhe féin, a ni m' uile thoil.

23 Do shliochd an duine so thog Dia suas do Israel a réir a gheallaidh Slàn-uighear, eadhon Iosa:

24 Air do Eoin roimh a theachd-sau, baisteadh an aithreachais air tùs a shear monachadh do phobull Israeil uile.

25 Agus mar a choinhhlion Eoin a thrìall, thubhairt e, An ti a ta sibh a' saòilsinn is mise, cha mhi e. Ach feuch, a ta neach a' teachd a'm dhéigh, nach airidh mi air brògan a chos fhuasgladh.

26 Fheara agus a bhràithre, a chlam fine Abraham, agus a mheud agaibh air am bheil eagal Dé, is ann do 'ur n-ionnsuidh-sa a chuireadh focal na slàinte so.

27 Oir iadsan a ta chòmhuidh ann an Ierusalem, agus an uachdarain, air dhoibh bhi aineolach airsan, agus air foclaibh nam Fàidhean a ta air an leughadh gach sàbaid, le esan a dh'icheadh choinhhlion siad iad.

¹ dh'altrum e iad.

² a thurus, a chèrsa.

28 Agus ged nach d'fhuair iad coire bàis air bith ann, dh'iarr iad air Pilat gu'n cuirtheadh esan gu bàs.

29 Agus an uair a choimhlion iad na h-uile nithe bha sgrìobhta mu 'thimchioll, thug iad a nuas o'n chrann e, agus chuir iad ann an uaigh e.

30 Ach thog Dia suas o na marbhaibh e:

31 Agus chunncas e rè mòrain làithean leo-san a chaidh suas maille ris o Ghalile gu Ierusalem, dream a ta' nam fianuisibh dha-san do'n t-sluagh.

32 Agus a ta sinne a' soisgeulachadh dhuibh-se a' gheallaidh¹, a rinneadh do na h-aithrichibh,

33 Gu'n do choimhlion Dia so dhuinne an clam, air dha Iosa thogail suas; mar a ta e sgrìobhta mar an ceudna san dara Salm, Is tu mo Mhac-sa, an diugh ghin mi thu.

34 Agus mar dhearbhadh gu'n do thog e suas e o na marbhaibh, gun e a philltinn air ais tuilleadh chum truailidheachd, thubhairt e mar so, Bheir mise dhuibh trèaire cinnteach Dhaibhidh.

35 Uime sin thubhairt e mar an ceudna ann an *Salm* eile, Cha'n fhuiling thu do d' Aon naomh gu'm faic e truailidheachd:

36 Oir an déigh do Dhaibhidh a ghinealach féin a riarachadh a réir toil Dhé, choidil e, agus chuireadh e chum 'aithriche, agus chunnaic e truailidheachd:

37 Ach an ti a thog Dia suas, cha'n fhac e truailidheachd.

38 Uime sin biodh fhios agaibh-sa, fheara agus a bhràithre, gur ann tre'n duine so a ta maitheanas pheacanna air a shearmonachadh dhuibh:

39 Agus trid-san a ta gach neach a chreideas air a shaoradh o na h-uile nithibh, o nach robh e'n comas duibh bhi air bhuir saoradh le lagh Mhaois.

40 Thugaibh aire uime sin, nach tig oirbh an ni a ta air a ràdh anns na Fàidhibh;

41 Feuchaibh, a luchd-tarcuis, agus gabhaibh iongantas, agus rachadh as duibh²: oir oibrichidh mise obair ann bhuir làithibh-sa, obair nach creid sibh idir, ge do chuircadh duine an céill duibh e.

42 Agus an uair a chaidh na h-Iudhaich a mach as an t-sionagag, ghuidh na Cinnich gu'n rachadh na briathra so a labhairt riu féin an t-sàbaid 'na dhéigh sin.

43 A nis an uair a sgaoil an coimhthional, lean mòran do na h-Iudhaich agus do na proselitich chràbhach Pòl agus Barnabas: agus labhair iadsan riu, agus

chuir iad impidh orra fuireach ann an gràs Dhé.

44 Agus air an là sàbaid a b'fhaigse, is beag nach do chruinnich am baile gu h-iomlan a dh'éisdeachd ri focal Dé.

45 Ach an uair a chunnaic na h-Iudhaich na slòigh, lionadh iad le h-eud³, agus labhair iad an aghaidh nan nithe sin a labhradh le Pòl, a' labhairt 'nan aghaidh agus a' tabhairt toibheim.

46 An sin dh'fhàs Pòl agus Barnabas dàna, agus thubhairt iad, B'éigin focal Dé bhi air a labhairt ribhse air tùs: ach do bhrìgh gu'n do chuir sibh cùl ris, agus gur i bhuir breth oirbh féin nach airidh sibh air a' bheatha mhaireannach, feuch, a ta sinne a' pilltinn chum nan Cinnich.

47 Oir is ann mar sin a dh'àithn an Tighearna dhuinn, ag ràdh, Chuir mi thu mar sholus do na Cinnich, chum gu'm bitheadh tu mar shlàinte gu iomall na talmhainn.

48 Agus an uair a chuala na Cinnich so, rinn iad gàirdeachas, agus ghloirach iad focal an Tighearna: agus chreid a mheud 'sa bhia orduichte⁴ chum na beatha mair-eannaich.

49 Agus sgaoileadh focal an Tighearna feadh na tìre uile.

50 Ach bhrosnuich na h-Iudhaich na mnàì chràbhach agus urramach, agus daoine uaisle⁵ na caithreach, agus thog iad geur-leamhuinn air Pòl agus Barnabas, agus thilg iad a mach as an crìoch-aibh iad.

51 Ach chrath iadsan duslach an cos dhuibh 'nan aghaidh, agus thàinig iad gu Iconium.

52 Agus bha na deisciobuil air an lìonadh le h-aobhneas, agus leis an Spiorad naomh.

CAIB. XIV.

1 *Dhian-ruagadh Pòl agus Barnabas o Iconium.*

8 *Aig Lистра leigheas Pòl crioplach: uime sin mheasadh iad 'nan diathaibh.* 19 *Chlachadh Pòl: 21 chaidh iad troimh iomadh eaglais, a' daingneachadh nan deisciobul ann an creidimh agus ann am foighidn.*

A GUS tharladh ann an Iconium, gu'n deachaidh iad aron a steach do shionagag nan Iudhach, agus gu'n do labhair iad air chor as gu'n do chreid cuideachd mhòr do na h-Iudhaich, agus mar an ceudna do na Greugaich.

2 Ach bhrosnuich na h-Iudhaich mhi-chreideach, agus lìon iad do dhroch rùn inntinn nan Cinnich an aghaidh nam bràithre.

3 Uime sin dh'fhan iad aimsir fhada a' labhairt gu dàna mu thimchioll an Tigh-

¹ ag innseadh deadh sgéil duibhse eadhon a' gheallaidh. ² rachaidh as an t-salladh.

³ tnuith.

⁴ air an cur an ordugh.

⁵ prìomh-dhaoine.

earn, a rinn fianuis do fhocal a ghràis, agus a thug fa'near comharan agus miorbhuilean a bhi air an deanamh le'n làmbhaibh-san.

4 Ach bhla sluagh a' bhaile air an roinn: agus bha cuid diubh leis na h-Iudhaich, agus cuid eile leis na h-abstolaibh.

5 Agus an uair a thugadh ionnsuidh araon leis na Cinnich, agus mar an ceudna leis na h-Iudhaich, maille r'an uachdaran-aibh, chum iadsan a mhaslachadh agus a chlachadh,

6 'Nuair a thuig iadsan so, theich iad gu Lистра agus Derbe, bailte do Licaonia, agus chum na dùthcha mu'n cuairt:

7 Agus bhla iad a' searmonachadh an t-soisgeil an sin.

8 Agus bhla ann an Lистра duine àraidh gun lùth 'na chosaibh 'na shuidhe, a bha hacach o bhroinn a mhàthar, neach nach d'imich riamh:

9 Chual esan Pòl a' labhairt: neach air dha amharc gu geur air, agus a thugsmm gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an nì a rinn Pòl, thog iad an guth, ag ràdh ann an cànain Licaonia, Tha na Déa air teachd a nuas an coslas dh'aine d'ar n-ionnsuidh-ne.

12 Agus ghoir iad do Bharnabas, Iupiter; agus do Phòl, Mercurius, do bhrìgh gu'm b'e am prìomh-fhear-labhairt e.

13 An sin thug sagart Iupiteir, a bha fa chomhair an caithreach-san, taibh agus blàth-fhleasgaidh¹ chum nan geata, agus b'àill leis òbairt a dheanamh maille ris an t-sluagh.

14 Ach an uair a chuala na h-abstoil Barnabas agus Pòl so, reub iad an eudach, agus ruith iad a steach am measg an t-sluaigh, ag éigheach,

15 Agus ag ràdh, A dhaoine, c'ar son a ta sibh a' deanamh nan nithe so? oir is daoine sinne cosmhuil ribh féin thaobh fulangais², a' searmonachadh dhuibh-se, pillinn o na nithibh dìomhair sin chum an Dé bheò, a rinn nèamh agus an talamh, agus an cuan, agus na h-uile nithe a ta anna:

16 Neach anns na linnibh a chaidh seachad, a dh'fhuiling do na h-uile Chinnich imeachd 'nan slighibh féin.

17 Gidheadh, cha d'fhàg se e féin gun fhianuis, a' deanamh maith, agus a' toirt dhuinn uisge o nèamh, agus aimsire tarbhach, a' lìonadh ar cridheacha le biadh agus le subhlachas.

18 Agus ag ràdh nan nithe so dhoibh,

is gann a chum iad an sluagh gun òbairt a dheanamh dhoibh.

19 Agus thàinig Iudhaich o Antioch agus o Iconium, agus chomhairleach iad an sluagh, agus air dhoibh Pòl a chlachadh, tharruing iad a mach as a' bhaile e, a' saolsinn gu robh e marbh.

20 Ach air seasamh do na deisciobluibh m'a thimchioll, dh'éirich e, agus chaidh e steach do'n bhaile; agus air an là màireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad mòran dheisciobul, phill iad gu Lистра, agus Iconium, agus Antioch,

22 A' neartachadh anama nan deisciobul, agus ag earail³ orra buanachadh sa' chreidimh, agus a' teagasg gur ann tre iomadh àmhghar is éigin duinn dol a steach do rìoghachd Dhé.

23 Agus an uair a dh'orduich iad seanairean dhoibh anns gach eaglais, agus a rinn iad urnuigh maille ri trasgadh, dh'earb siad iad ris an Tighearn, anns an do chreid iad.

24 Agus an déigh dhoibh dol troimh Phisidia, thàinig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia:

26 Agus sheòl iad as a sin gu Antioch, an t-àit o'n d'earbadh iad ri gràs Dhé, chum na h-oibre a choimhlion iad.

27 Agus an uair a thàinig iad, agus a chruinnich iad an eaglais an ceann a chéile, dh'aithris iad meud uan nithe a rinn Dia leo, agus gu'n d'fhosgail e doras creidimh do na Cinnich.

28 Agus dh'fhan iad an sin aimsir nach bu bheag maille ris na deisciobluibh.

CAIB. XV.

1 Dh'éirich consachadh mòr mu thimchioll an timchioll-ghearraidh: 6 chum na h-abstoil comhairle mu'n chùis sin, 22 agus chuir iad ordugh na comhairle ann an litricheibh chum nan eaglaisean. 36 Chuir Pòl agus Barnabas a mach air a chéile, agus dhealaich iad.

A AGUS theagaisg dream àraidh, a thàinig a nuas o Iudea, na bràithre. ag ràdh, Mur timchioll-ghearrar sibh a réir gnàtha Mhaois, cha 'n'eil e'n comas duihbh bhi air bhuir tearnadh⁴.

2 Uime sin air do Phòl, agus do Bharnabas consachadh agus deasboireachd nach bu bheag a bhi aca riu, dh'orduich iad Pòl agus Barnabas, agus dream àraidh eile dhuibh féin, a dhol suas chum nan abstol agus nan seanairean gu Ierusalem mu thimchioll na ceisde so.

3 Agus air dhoibh bhi air an toirt air an aghaidh leis an eaglais, chaidh iad troimh

¹ lus-chrùna.

² aig am bheil comh-aighe ribh féin.

³ a' guidhe.

⁴ slànuchadh.

Phenice, agus Shamaria, a' cur an cèill iompachaidh nan Cinneach: agus thug iad aobhneas mòr do na bràithribh uile.

4 Agus an uair a thàinig iad gu Ierusalem, ghabhadh riu leis an eaglais, agus na h-abstolaibh, agus na seanairibh, agus dh'innis iad meud nan nithe a rinn Dia leo-san.

5 Ach dh'éirich dream àraidh do bharail nam Phairiseach a bha 'nan creidich, ag ràdh, Gur còir an timchioll-ghearradh, agus àithneadh *dhoibh* lagh Mhaois a chomhead.

6 Agus thàinig na h-abstoil agus na seanairean an ceann a chèile a dh'fheuchainn mu'n chùis so.

7 Agus an déigh mòrain deasboireachd, dh'éirich Peadar agus thubhairt e riu, Fheara *agus* a bhràithre, tha fhios agaibh o cheann fhada gu'n do ròghnuich Dia 'nar measg-ne, o m' bheul-sa gu'n cluinneadh na Cinnich fad an t-soisgeil, agus gu'n creideadh iad:

8 Agus rinn an Dia d'an aithne an cridhe, fianuis dhoibh, a' tabhairt an Spioraid naomh dhoibh, mar a *thug* e dhuinne;

9 Agus cha d'rinn e eadar-dhealachadh eadar sinne agus iadsan, a' glanadh an cridhe le creidimh.

10 C'ar son uime sin a nis a ta sibh a' brosmuchadh Dhé¹, le cuing a chur air muineal nan deisciobul, uach robh aon chuid ar n-aithriche no sinne comasach air a gùlan?

11 Gidheadh a ta sinn a' creidsinn, tre ghràs an Tighearna Iosa Criosd, gu saorar sinn amhuil mar iadsan.

12 An sin dh'fhan a' chuideachd uile 'nan tosd, agus thug iad éisdeachd do Bhnarnabas agus do Phòl, ag innseadh meud nan comhara agus nam mìorbhuile a rinn Dia leo-san am measg nan Cinneach.

13 Agus an déigh dhoibh bhi 'nan tosd, fhreagair Seumas, ag ràdh, Fheara *agus* a bhràithre, éisdibh riumsa:

14 Chuir Simeon an cèill cionnus a dh'fhiosraich Dia na Cinnich air tùs le pobull a ghabhail as am measg d'a ainm féin.

15 Agus do so tha briathra nam fàidhean a' co-flreagairt; a réir mar a ta e sgrìobhta,

16 An déigh so pillidh mi, agus togaidh mi suas a ris paillinn Dhaibhidh, a ta air tuiteam; agus togaidh mi a ris an nì a thuit deth, agus cuiridh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainn-sa, tha an Tighearn ag ràdh, a ta deanamh nan nithe sin uile.

18 Aithnichte do Dhia tha 'oibre féin

uile o thoiseach an t-saoghail.

19 Uime sin is i mo bhreth-sa, nach cuir sinn mi-shuaimhneas² orra-sa do na Cinnich, a ta air pilltinn chum Dhé:

20 Ach gu'n sgrìobhl sin d'an ionnsuidh, iad a sheachnadh truailleidheachd ìodhola, agus striopachais, agus nì tachdta, agus fola.

21 Oir a ta aig Maois o na linnibh cian anns gach baile daoine a ta 'g a shearmonachadh, air dha bhi air a leughadh gach là sàbaid anns na sionagogaibh.

22 An sin chunncas iomchuidh do na h-abstolaibh, agus do na seanairibh, maille ris an eaglais uile, daoine taghta dhiubh féin a chur gu Antioch, maille ri Pòl agus Barnabas; *eadhon*, Iudas d'an co-ainm Barsabas, agus Silas, daoine inbheach am measg nam bràithre:

23 Agus sgrìobh iad litriche leo air an dòigh so, Tha na h-abstoil, agus na seanairean, agus na bràithrean a' cur beaunachd chum nam bràithre do na Cinnich a ta ann an Antioch, agus ann an Siria, agus am an Cilicia:

24 Do bhrìgh gu'n cuala sinne, gu'n do chuir dream àraidh a chaidh uainne mi-shuaimhneas oirbh le briathraibh, ag atharrachadh³ bhuir n-inntinn, ag ràdh, *Gur còir dhuibh* bhi air bhuir timchioll-ghearradh, agus an lagh a chomhead; do nach d'thug sinne a *leithid sin* a dh'àithne:

25 Chunncas iomchuidh duinne, air dhuinn bhi cruinn a dh'aon toil, daoine taghta a chur do 'ur n-ionnsuidh-sa, maille ri ar bràithribh gràdhach Barnabas agus Pòl;

26 Daoine a thug an anama féin air son ainme ar Tighearna Iosa Criosd.

27 Chuir sinn uime sin Iudas agus Silas uainn, a dh'innseas *dhuibh* na nithe ceudna le cainnt bheoil.

28 Oir chunncas iomchuidh do'n Spiorad naomh agus dhuinne, gun nì air bith tuilleadh a chur oirbh a dh'uallaich ach na nithe feumail so;

29 Sibh a sheachnadh nithe a chaidh òbradh do ìodholaibh, agus fola, agus nì tachdta, agus striopachais: uatha so ma chomhidaes sibh sibh féin, nì sibh gu maith. Slàn leibh.

30 Uime sin an uair a leigeadh uatha iad, thàinig iad gu Antioch: agus air cruinneachadh an t-sluaigh dhoibh, thug iad seachad an litir.

31 Agus an uair a leugh iad *sin*, rinn iad gairdeachas air son na comhfhurtachd.

32 Agus air bhi do Iudas agus do Shilas 'nam fàidhibh iad féin, le mòran bhriathraibh dh'earailich agus neartaich iad na bràithre.

33 Agus air fuireach rè ùine dhoibh,

¹ a' cur cathachaidh air Dia, a' dearbhadh Dhé.

² dragh.

³ a' daingneachadh.

leigeadh air falbh an sìth iad o na bràithre chum nan abstol.

34 Gidheadh chunnas iomchuidh do Shilas còmhnuidh a dheanamh an sin.

35 Dh'fhan Pòl mar an ceudna agus Barnabas ann an Antioch, a' teagasg agus a' searmonachadh, maille ri mòran eile mar an ceudna, focail an Tighearna.

36 Agus an dèigh làithean àraidh, thubhairt Pòl ri Barnabas, Pilleamaid agus faiceamaid ar bràithre, anns gach baile anns an do shearmonaich sinn focal an Tighearna, cionnus a ta iad.

37 Agus b'àill le Barnabas iad a thoirt Eoin, d'an co-ainm Marcus, leo.

38 Ach chadò mheas Pòl gu'm bu chòir dhoibh esan, a dh'fhalbh uatha o Phamphilia, agus nach deachaidh maille riu chum na h-oibre, a thoirt leo.

39 Dh'èirich uime sin conspoid eatorra cho dian, as gu'n do sgaradh o chèile iad: agus mar sin thug Barnabas leis Marcus, agus chaidh e air luing gu Ciprus;

40 Ach thagh Pòl Silas, agus dh'imich e, air dha bhi air earbsadh ri gràs Dé leis na bràithribh.

41 Agus shiubhail e troimh Shiria agus Chìlicia, a' daingneachadh¹ nan eaglaisean.

CAIB. XVI.

1 *Thimchioll-ghearr Pòl Timoteus: 7 ghairmeadh e leis an Spiorad o dhùthaich gu dùthaich; 14 dh'iompaich e Lidia: 16 thilg e a mach spiorad fiosachd: 19 uime sin bha e fèin agus Silas air an sgiùrsadh, agus air an cur am prìosan. 26 Dh'fhosgladh dorsan a' phrìosan, agus dh'iompaich eadh an dorsair.*

AN sin thàinig e gu Derbe agus Lìstra: agus, feuch, bha deisciobul àraidh an sin, d'am b'ainm Timoteus, mac mnà àraidh do'n chinneach Iudhach a bha 'na creidcach; ach bu Ghreugach a b'athair dha:

2 A bha fo dheadh ainm aig na bràithre a bha ann an Lìstra agus ann an Iconium.

3 Bha toil aig Pòl am fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios aca uile gu'm bu Ghreugach 'athair.

4 Agus mar a shiubhail iad troimh na bailtibh, thug iad doibh na h-orduighean r'an coimhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bhla na h-eaglaisean air an daingneachadh anns a' chreidimh, agus mheudaicheadh iad gach là an àireamh.

6 A nis an uair a chaidh iad troimh Phrigia, agus tir Ghalatia, agus a bhacadh

dhoibh leis an Spiorad naomh am focal a labhairt san Asia,

7 An dèigh dhoibh teachd gu Misia, dh'fheuch iad ri dol gu Bitinia: ach cha do leig an Spiorad² leo.

8 Agus air dhoibh gabhail seachad air Misia, chaidh iad sìos gu Troas.

9 Agus chunnas sealladh³ le Pòl san oidhche: Sheas duine àraidh o Mhacedonia, agus ghuidh e air, ag ràdh. Thig thairis gu Mhacedonia, agus cuidich leinne.

10 Agus an uair a chunnaic e an sealladh, air ball dh'iarr sinn dol thairis gu Mhacedonia, a' dearbhadh-thuigsinn gu'n do ghairm an Tighearna sinn chum an soisgeul a shearmonachadh dhoibh.

11 Uime sin air dhuinn long a ghabhail o Throas, thàinig sinn gu dìreach gu Samotracia, agus air an là 'na dhéigh sin gu Neapolis;

12 Agus o sin gu Philipi, ceud⁴ baile na cuid sin do Mhacedonia, agus b'ur-threabhachas⁵ e: agus bha sinn a còmhnuidh anns a' bhaile sin làithean àraidh.

13 Agus air là na sàbaid chaidh sinn a mach as a' bhaile ri taobh aimhne, far am b' àbhaist urnuigh a dheanamh⁶; agus air dhuinn suidhe, labhair sinn ris na mnaibh a chruinnicheadh an sin.

14 Agus dh'éisd bean àraidh ruinn d'am b'ainm Lidia, bean-reicidh purpur⁷, o bhaile Thiatira, a bha deanamh aoraidh do Dhia; aig an d'fhosgail an Tighearna a cridhe, ionnus gu'n d'thug i aire do na nithibh a labhradh le Pòl.

15 Agus an uair a bhaisteadh i, agus a teaghlach, ghuidh i oirnn, ag ràdh. Ma mheas sibh mise bhi dìleas do'n Tighearna, thigibh a steach do m' thigh, agus dean-aibh còmhnuidh ann. Agus cho-éignich i sinn.

16 Agus tharladh, ag dol dhuinne chum urnuigh, gu'n do thachair oirnn banoghlach àraidh aig an robh spiorad fiosachd, a thug mòr-bhuannachd d'a maighstiribh le fiosachd a dheanamh;

17 Lean ise Pòl agus sinne, agus ghlaodh i, ag ràdh. Is iad na daoine so seirbhiseach an Dé a's ro àirde, a ta a' nochdadh dhuinne sliغه na slàinte.

18 Agus rinn i so rè mòrain do làithibh. Ach air do Phòl a bhi doilich, thionndaidh e agus thubhairt e ris an Spiorad. A ta mi toirt orduigh dhuit ann an ainm Iosa Crìosd dol a mach àsde. Agus chaidh e mach air an uair sin féin.

19 Agus an uair a chunnaic a maighstirean gu'n d'fhalbh dòchas⁸ am buannaichid, rug iad air Pòl agus air Silas, agus tharruing iad do'n mhargadh iad, chum nan uachdaran;

¹ a' neartachadh. ² Spiorad Iosa. ³ taisbean.

⁴ prìomh. ⁵ chòlamhuinn; colony. Sasg.

⁶ far am b' àbhaist do thigh urnuigh a bhi.

⁷ corcuir.

⁸ carbsa.

20 Agus air dhoibh an toirt chum luchd-riaghlaidh a' bhaile, thubhairt iad, Tha na daoine so a' buaireadh ar baile gu ro mhòr, air dhoibh bhí 'nan Iudhaich,

21 Agus a ta iad a' teagasg ghnàthanna nach 'eil ceaduichte dhuinne a ghabhail no leantuinn, do bhrìgh gur Romhanaich sins.

22 Agus dh'éirich an sluagh dh'aon-fheachd 'nan aghaidh: agus reub na h-uachdarain an eudach diubh, agus dh'àithn iad an sgiùrsadhl le slataibh.

23 Agus an déigh dhoibh iomadh buille a leagadh orra, thilg iad am prìosan iad, a' toirt sparraidh do fhear-coimhead a' phrìosain an gleidheadhl gu tèarainte.

24 Neach air dha an àithne sin fhaotainn, a thilg iad do'n phrìosan a b' fhaide a stigh, agus a dhaingnich an cosa sa' cheap.

25 Agus mu mheadhon-oidhche air do Phòl agus do Shilas urnuigh a dheanamh, sheinn iad làoidh-mholaidh do Dhia; agus chuala na prìosanaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaitean a' phrìosain: agus air ball dh'fhosgladh na dorsan uile, agus dh'fhuasgladh cuibhreacha gach neach aca.

27 Agus air do fhear-coimhead a' phrìosain dùsgadh á codal, agus air faicinn dorsa a' phrìosain fosgailte, tharruing e a chlàidheamh, air ti¹ e féin a mharbhadh, a' saòilsinn gu robh na prìosanaich air teicheadhl.

28 Ach ghlaodh Pòl le guth àrd, ag ràdh, Na dean cron sam bith ort féin; oir tha sinn uile an so.

29 Agus air gairm soluis dasan, leum e steach, agus thàinig e air chrith, agus thuit e sìos an làthair Phòil agus Shilais;

30 Agus air dha an toirt a mach, thubhairt e, A mhaighstirean, ciod is còir domh a dheanamh chum gu tèarnar² mi?

31 Agus thubhairt iadsan, Creid anns an Tighearn Iosa Crìosd, agus tèarnar thu féin, agus do thigh.

32 Agus labhair iad focal an Tighearna ris, agus riu-san uile a bha 'na thigh.

33 Agus air dha an toirt leis air an uair sin féin do'n oidhche, nigh e an creuchdan; agus bhaisteadh e féin, agus a mhuinntir uile, gun dàil.

34 Agus an uair a thug e d'a thigh iad, chuir e bord rompa, agus rinn e gairdeachas maille r'a theaghlach uile, a' creidsinn ann an Dia.

35 Agus air teachd do'n là, chuir an luchd-riaghlaidh na maor uatha, ag ràdh, Leig air an comas na daoine sin.

36 Agus dh'innis fear-coimhead a'

phrìosain na briathra so do Phòl, Gu'n do chuir an luchd-riaghlaidh fios uatha sibhse a leigeadh as: uime sin rachaibh a mach, agus imichibh an sìth.

37 Ach thubhairt Pòl riu, an déigh dhoibh ar sgiùrsadh gu follaiseach gun ar dìteadh, agus gur Romhanaich sinn, thilg iad am prìosan sinn; agus a nis am b' àill leo ar cur a mach an uaignidheas? cha'n eadh gu deimhin; ach thigeadh iad féin agus thugadh iad a mach sinn.

38 Agus dh'innis na maor na briathra sin do na h-uachdaranaibh: agus ghabh iad eagal an uair a chual iad gu'm bu Romhanaich iad.

39 Agus thàinig iad agus chuir iad impidh orra, agus air dhoibh an toirt a mach, ghuidh iad orra imeachd a mach as a' bhaile.

40 Agus air dol a mach as a' phrìosan doibh, chaidh iad a steach do thigh Lidia: agus an uair a chunnaic iad na bràithre, thug iad comhfhurtachd dhoibh, agus dh'imich iad rompa.

CAIB. XVII.

1 Shearmonaich Pòl aig Tesalonica, 4 far an do chreid cuid agus an d'rinn cuid eile geur-leannmuinn air. 10 Chuireadh e gu Berea, agus shearmonaich e an sin. 13 Rinneadh geur-leannmuinn air; 15 thàinig e gu baile na h-Aithne, agus shearmonaich e dhoibh an Dia beò.

ANIS air dhoibh imeachd troimh Amphipolis, agus Apolonia, thàinig iad gu Tesalonica, far an robh sionagog aig na h-Iudhaich:

2 Agus mar bu ghnàth le Pòl, chaidh e steach d'an ionnsuidh, agus air trì làitheibh sàbaid reusonaich³ e riu as na sgrìobtuiribh,

3 'Gam fosgladh agus a' dearbhadh gu'm b' éigin do Chrìosd fulang, agus éirigh a ris o na marbhaibh: agus gur e an t-Iosa so a ta mise a' searmonachadh dhuibh, Crìosd.

4 Agus chreid cuid diubh, agus lean iad ri Pòl agus ri Silas: agus do na Greugach chràbhach buidheann mhòr, agus do na mnaibh inbheach àireamh nach bu bheag.

5 Ach air do na h-Iudhaich mi-chreid each bhì air am brosnuchadh le tnùth⁴, ghabh iad d'an ionnsuidh droch dhaoine àraidh do na corraibh-margaidh⁵, agus air tional cuideachd mòire dhuibh, chuir iad am baile uile thar a chéile, agus chuairtich iad tigh Iason, agus dh'iarr iad an toirt a mach chum an t-sluaigh.

6 Agus an uair nach d'fhuair siad iad, tharruing iad Iason, agus bràithrean àraidh chum uachdaran a' bhaile, ag éigheach, Tha na daoine so a chuir an

¹ fa rùn. ² saorur, slànùichear. ³ thagair.

⁴ farnad, eud.

⁵ do'n ghràisg.

saoghal bun os ceann, air teachd an so mar an ceudna;

7 D'an d'thug Iason aoidheachd: agus a ta iad so uile a' cur an aghaidh orduigh Cheasair, ag ràdh, Gu bheil rìgh eile ann, *eadhon* Iosa.

8 Agus chuir iad buaireas¹ fo'n t-sluagh, agus fo uachdarain² bhaile, 'nuair a chual iad na nithe so.

9 Agus an uair a ghabh iad urras³ o Iason, agus o chàch, leig iad uatha iad.

10 Agus air ball chuir na bràithre Pòl agus Silas san oidhe gu Berea: agus air teachd dhoibh-san *an sin*, chaidh iad a steach do shìonagag nan Iudhach.

11 Bha iad sin nì b'uaisle na muinntir Thesalonica, oir ghabh iad am focal d'an ionnsuidh leis an uile thogradh, a' rannsachadh nan sgrìobtair gach aon là, a *dh'fheuchainn* an robh na nithe sin mar so.

12 Uime sin chreid mòran diubh: agus mar an ceudna do mhnaibh uaisle do na Greugaich, agus do fhearai bh àireamh nach bu bheag.

13 Ach an uair a thuig na h-Iudhaich o Thesalonica gu'n do shearmonaich eadh focal Dé le Pòl am Berea, thàinig iad an sin mar an ceudna, a' brosnuchadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu b'ann chum na mara: ach dh'fhan Silas agus Timoteus an sin fathast.

15 Agus threòraich luchd-coimheadachd Phòil e gu *baile* na h-Aithne³; agus air faghail àithne dhoibh gu Silas agus Timoteus, iad a theachd d'a ionnsuidh-san mar bu luaithe, dh'imich iad rompa.

16 A nisam feadh a bha Pòl a' feitheamh ri sin Aithne, bha a spiorad air a bhrosnuchadh⁴ ann, do bhrìgh gu'm fac e am baile làn iòdhol-aoraidh.

17 Air an aobhar sin rinn e deasboir-eachd ris na h-Iudhaich, agus ris na daoineibh cràbhach anns an t-sìonagag, agus air a' mhargadh gach là rin-san a thachair air.

18 An sin thug feallsanaich⁵ àraidh do na h-Epicuraich, agus do na Stoicich, aghaidh air; agus thubhairt cuid, Cìod a b'ail leis an fhear blith-bhriathrach so a ràdh? thubhairt cuid eile, Is cosmhil gu bheil e a' searmonachadh dhée coimheach: do bhrìgh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn cìod e an teagasg nuadh⁶ so, a labhrar leat?

20 Oir a ta thu toirt nithe àraidh neo-

ghnàthach chum ar cluasan: b'ail leinn uime sin fios fhaotainn cìod is ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt 'nam measg, an uime ri nì airbith eile, ach ri innseadh, no ri cluinntinn noimheachd éigin.)

22 An sin air seasamh do Phòl am meadhon Areopagus, thubhairt e, A muinntir na h-Aithne, tha mi faicinn gu bheil sibh anns na h-uile nithibh cràbhach thar tomhas:

23 Oir air dhomh bhi dol seachad, agus ag amharc air bhuir nithibh naomha, fhuair mi altair air an robh an sgrìobhadh so, **DO'N DIA NEO-AITHNICHTE**. Uime sin esan d'am bheil sibh a' deanamh aoraidh gu'n eòlas agaibh air, is e a ta mise a' searmonachadh dhuibh.

24 An Dia a rinn an saoghal, agus na h-uile nithe a ta ann, do bhrìgh gur e féin Tighearna nèimh agus na talmhainn, cha'n 'eil e gabhail còmhnuidh ann an teampluibh làmh-dheanta:

25 Nì mò a bheirear aoradh dha le làmh-aibh dhaoine, mar gu'm biodh uireasbhuidh nì sam bith air; oir is e féin a ta toirt do na h-uile beatha, agus anail, agus nan uile nithe:

26 Agus rinn e dh'aon fhuil uile chinnich dhaoine, chum iad a ghabhail còmhnuidh air aghaidh na talmhainn uile, agus shonraich⁷ e na h-amanna roimh-ordùichte, agus crìochan an àite-còmhnuidh;

27 Chum gu'n iarradh iad an Tighearna, a dh'fheuchainn an tarladh dhoibh, le mìn-rannsachadh, gu'm faigheadh iad e, ged nach 'eil e fada o gach aon againn:

28 Oir annsan tha sinn beò, agus a' gluasad, agus tha ar bith againn; mar a thubhairt mar an ceudna dream àraidh do 'ur bàrdaibh féin, Oir is sinne fòs a ghineal-san.

29 Uime sin do bhrìgh gur sinne gineal Dé, cha chòir dhuinn a shaoilsinn gu bheil an Diadhachd cosmhil ri h-òr, no ri h-airgid, na ri cloich, nithe a ghearradh⁸ le h-ealadhain agus innleachd dhaoine.

30 A nis air do Dhia amharc thairis air aimsiribh an aineolais so, tha e nis ag àithneadh do na h-uile anns gach àit aithreachas a dheanamh:

31 Do bhrìgh gu'n do shuidhich e là anns an toir e breth air an t-saoghal am fireantachd, trè'n duine *sin* a dh'orduich e; agus air so thug e dearbhadh do na h-uile dhaoineibh, le esan a thogail suas o na marbhaibh.

32 Agus an nair a chual iad mu aiseirigh nam marbh, rinn cuid diubh fanoid

¹ tualrgne, gluasachd.

² Athens. Sasg.

³ daingneachadh.

⁴ bhuaireadh.

⁵ daoine fòghlunta, eagnuidhean.

⁶ nomha.

⁷ shuidhich.

⁸ a dhualadh, a ghràbhadh.

ach thubhairt cuid eile, Eisdidh sinn riut a ris mu'n ní so.

33 Agus mar sin chaidh Pòl a mach as am meadhon.

34 Gidheadh, lean cuid do dhaoibh ris, agus chreid iad. 'Nam measg so bha Dionisius an t-Areopagach, agus bean d'am b'ainm Damaris, agus dream eile maille riu.

CAIB. XVIII.

1 *Rinn Pòl obair le a làmhlaibh féin, agus shearmonaich e do na Cinnich ann an Corintus: 9 Thug an Tighearn misneach dha ann an taisbean: 12 chaidh a chasaid an làthair an uachdaran Ghalio, ach leigeadh as e: 18 'na dhéigh sin, chaidh e o bhaile gu baile, agus neartaich e na deisciobuil, &c.'*

AN déigh nan nithe so, dh'fhàg Pòl baile na h-Aithne, agus thàinig e gu Corintus;

2 Agus fhuair e Iudhach àraidh d'am b'ainm Acula, a rugadh am Pontus, air ùr-theachd as an Eadailt, maille r'a mhnaoi Priscila, (a chionn gu'n d'orduich Claudius do na h-Iudhaich uile an Ròimh fhàgail,) agus thàinig e d'an ionnsuidh.

3 Agus a chionn gu'n robh e a dh'aon cheird riu, dh'fhan e maille riu, agus bha e ag obair, (oir bu cheird doibh bhí deanamh phàilliuana.)

4 Agus thagair¹ e anns an t-sionagog gach aon là sàbaid, agus chuir e impidh air Iudhaich agus Greugaich.

5 Agus an uair a thàinig Silas agus Timoteus o Mhacedonia, bha Pòl air a theannadh 'na spiorad, agus rinn e fianuis do na h-Iudhaich, gu'm b'e Iosa an Crìosd.

6 Agus an uair a chuir iad 'na aghaidh, agus a labhair iad toibheum, chrath e 'eudach, agus thubhairt e riu, *Biodh* blur fuil air bhur ceann féin; *tha* mise glan: á so suas théid mi chum nan Cinnich.

7 Agus chaidh e as a sin, agus thàinig e gu tigh duine àraidh d'am b'ainm Iustus, a bha deanamh aoraidh do Dhia, agus aig an robh a thigh làimh ris an t-sionagog.

8 Agus chreid Crispus, prìomh²-uachdaran na sionagoig anns an Tighearna, maille r'a theaghlach uile: agus chreid mòran do na Corintianaich, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an sealladh³ san oidheche, Na biodh eagal ort, ach labhair, agus na bí a'd' thosd:

10 Oir a ta mise maille riut, agus cha toir duine sam bith ionnsuidh ort, chum do chron a dheanamh: oir a ta mòr-shluagh agam-sa anns a' bhaile so.

11 Agus dh'fhan e bliadhna agus sè

mìosan *an sin*, a' teagasg focail Dé 'nam measg.

12 Agus an uair a bha Galio 'na uachdaran air Achaia, dh'éirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanais,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl dol a dh'fhosgladh a bheoil, thubhairt Galio ris na h-Iudhaich, Nam b'encoir no droch ghníomh a bhiodh ann, O Iudhacha, bu reusonta gu'n giùlainn leibh:

15 Ach ma's ceisd a ta ann timchioll fhocla agus ainmean, agus bhur lagha féin, amhaircibh féin air sin; oir cha'n àill leam-sa bhí m' bhreitheamh air an leithidibh sin do nithibh.

16 Agus dh'fhuadaich e iad o chaithir a' bhreitheanais.

17 An sin rug na Greugaich uile air Sostenes, uachdaran na sionagoig, agus ghabh iad an làthair caithir a' bhreitheanais: agus cha do ghabh Galio suim do nì sam bith dhiubh sin.

18 Agus dh'fhan Pòl fathast ùine mhaith *sa' bhaile sin*, agus an sin an déigh a chead a ghabhail do na bràithribh, chaidh e air luing o sin gu Siria, agus maille ris-san Priscila agus Acula; an déigh a cheann a bhearradh⁴ ann an Cenchrea: oir bha bòid air.

19 Agus thàinig e gu h-Ephesus, agus dh'fhàg e iadsan an sin: ach chaidh e féin a steach do'n t-sionagog, agus reusonaich e ris na h-Iudhaich.

20 Agus an uair a dh'iarr iad *air* fuir-cach maille riu nì b'fhaide, cha d'aontaich e:

21 Ach ghabh e a chead diubh, ag ràdh, Is éigin dhomh, air gach aon chor, an fhéill⁵ so a ta teachd a choimhead ann an Ierusalem: ach pillidh mi a ris do 'ur n-ionnsuidh-sa, ma's toil le Dia. Agus sheòl e o Ephesus.

22 Agus thàinig e tìr aig Cesarea, agus air dha dol suas agus fàilt a cluir air an eaglais, chaidh e sìos gu Antioch.

23 Agus an uair a dh'fhan e rè tamuill *an sin*, dh'imich e, agus chaidh e an ordugh⁶ troimh thir Ghalatia uile agus Phrìgia, a' neartachadh nan deisciobuil uile.

24 Agus thàinig gu h-Ephesus Iudhach àraidh d'am b' ainm Apollos, a rugadh an Alecsandria, duine deas-bhriathrach, agus cumhachdach anns na sgrìobtuiribh.

25 Bha'n duine so air a theagasg ann an sliغه an Tighearn; agus air dha bhí dian⁷ 'na spiorad, labhair agus theagaisg

¹ reusonaich.

² àrd.

³ taisbean.

⁴ a lomadh.

⁵ an fhéisd.

⁶ an eagar.

⁷ teth.

e gu dìchiollach na nithe a bhuineadh do'n Tighearn, agus gun eòlas aige ach air baisteadh Eoin.

26 Agus thòisich e air labhairt gu dàna san t-sionagag. Agus air do Acula agus do Phrisila a chluinntinn, ghabh iad d'an ionnsuidh e, agus mhinich iad dha slighe Dhé ni bu choimhlionta.

27 Agus an uair bu mhiann leis dol gu Achaia, an déigh a chomhairleachadh, sgrìobh na bràithre chum nan deisciobul iad a ghabhail ris: neach, air dha teachd, a rinn còmhnaidh¹ mor riu-san a chreid tre ghràs:

28 Oir le mòr-dhìchioll rinn e deasboir-eachd² ris na h-Iudhaich gu follaiseach, a' dearbhadh leis na sgrìobtuiribh, gur e Iosa an Crìosd.

CAIB. XIX.

1 *Tha an Spiorad naomh air a thabhairt le làmhaidh Phòil. 9 Thug na h-Iudhaich toibheum d'a theagasg, a bha air a dhaingneachadh le mìorbhuilich. 13 Bhuaileadh na h-Iudhaich a bha cur spiorada fo gheasaibh leis an Diabhul. 19 Leisg-eadh leabhraiche druidheachd.*

A GUS tharladh, 'nuair a bha Apollos ann an Corintus, air do Phòl dol troimh na crìochaibh uachdarach, gu'n d'thàinig e gu Ephesus. Agus air faot-ainn dheisciobul àraidh,

2 Thubhairt e riu, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uiread as gu bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Am baisteadh Eoin.

4 An sin thubhairt Pòl, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'na dhéigh-san, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòl a làmh na a chur orra, thàinig an Spiorad naomh orra: agus labhair iad le teangaibh, agus rinn iad fàidheadaireachd.

7 Agus bha ann uile timchioll dà fhear dheug.

8 Agus chaidh esan a steach do'n t-sionagag, agus labhair e gu dàna rè thri miosan, a' deasboireachd agus a' comhairleachadh nan nithe a bhuineas do rìoghachd Dhé.

9 Ach an uair a chruadhaicheadh cuid, agus nach do chreid iad, ach a labhairiad olc mu'nt-slighe sin an làthair an t-sluaigh, dh'fhàg e iad, agus sgar e na deisciobuil uatha, agus bha e gach là a' deasboir-eachd ann an sgoil neach àraidh d'am

b'ainm Tirannus.

10 Agus rinneadh so rè dhà bhliadhna; air chor as gu'n cuala luchd-àiteachaidh na h-Asia uile, eadar Iudhaich agus Ghreugaich, focal an Tighearna Iosa.

11 Agus rinn Dia mìorbhuilean nach bu bheag le làmhaidh Phòil:

12 Air chor as gu'n d'thugadh o' chorp-san chum nan daoine timhe, neapaicinne no aprain, agus gu'n d'fhalbh an euslaint-ean uatha, agus gu deachaidh na droch spioraid a mach asda.

13 Agus ghabh dream àraidh do na h-Iudhaich, a bha 'g imeachd o àit gu h-àit, a' cur spiorada fo gheasaibh³, os làimh ainm an Tighearna Iosa ainmeachadh os ceann na muinntir sin anns an robh droch spioraid, ag ràdh, Cuireamaid fo gheasaibh sibh tre Iosa a ta Pòl a' searmonachadh.

14 Agus bha aig Scebha Iudhach àraidh, aon do na h-àrd-shagartaibh, seachdnar mliac a bha deanamh so.

15 Agus fhreagair an droch spiorad, agus thubhairt e, Tha eòlas agam air Iosa, agus is aithne dhomh Pòl: ach cò sibhse?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lomnochd agus reubta.

17 Agus fhuair na h-Iudhaich uile agus mar an ceudna na Greugaich a bha thàmh ann an Ephesus fios air so; agus thuit eagal orra uile, agus bha ainm an Tighearna Iosa air àrdachadh.

18 Agus thàinig mòran diubh-san a chreid, ag aideachadh, agus ag innseadh an gnìomhara.

19 Agus thug mòran diubhsan a bha gnàthachadh dhroch innleachda, an leabhraiche leo, agus loisg siad iad am fianuis nan uile: agus dh'àireamh iad an luach, agus fhuair iad e'na leth-cheud mìle *bonn* airgid.

20 Mar sin le cumhachd dh'fhàs agus bhuaidh focal an Tighearna.

21 Agus an uair a choimhlionadh na nithe so, chuir Pòl roimhe 'na spiorad, an déigh dha imeachd troimh Mhacedonia, agus Achaia, dol gu Ierusalem, ag ràdh, An déigh dhomh bhì an sin, is éigin domh an Roimh fhaicinn mar an ceudna.

22 Agus air dha dithis dhiubh-san a bha frithealadh dha, Timoteus, agus Erastus, a chur do Mhacedonia, dh'fhan e féin rè tamuill san Asja.

23 Agus dh'éirich mu'n àm sin iomairt⁴ uach bu bheag mu thimchioll na slighe sin.

¹ cògmhadh, congnamh.

² le mòr-sbairn thagair e.

³ a' cur spiorada fo mhionnaibh, a' tilgeadh a mach spiorada.

⁴ buaircas.

24 Oir bha ceard-airgid àraidh d'am h'ainm Demetrius *ann*, a bha deanamh theann pull airgid¹ do Dhiana, agus a thug buannachd nach bu bheag do'n luchd-ceirde;

25 Agus air dha iadsan a chruinneachadh an ceann a chèile, agus a' mhuinntir eile a bha dh'aon cleird riu, thubhairt e, Fheara, tha fhios agaibh gur ann o'n cheird so a ta ar beartas² againne:

26 Os bàrr, tha sibh a' faicinn agus a' chuinninn gu bheil am Pòl so le 'chomhairle air tionndadh air falbh sluaigh mhòir, cha 'n e a mhàin ann an Ephesus, ach cha mhòr³ san Asia uile, ag ràdh, Nach dée iad a nìthear le làmhaibh:

27 Air chor as nach e mhàin gu bheil e'n cunnart gu'n deanar tàir air ar ceird; ach mar an ceudna gu cuirear teampull na ban-dé mòire Diana an neo-phris, agus gu claidhear a mòrachd-sa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lionadh le feirg iad, agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lìonadh le mi-riaghailt: Agus ruith iad a dh'aon toil chum àite-cruinnich an t-sluaigh, a' tarruing leo Ghaiuis agus Aristarchuis Macedonaich, luchd comh-thuruis Phòil.

30 Agus an uair a b'àill le Pòl dol a steach chum an t-sluaigh, cha do leig na deisciobuil leis.

31 Agus mar an ceudna chuir cuid do uachdaranaibh na h-Asia, a bha 'nan càirdibh dha, fios d'a ionnsuidh, a' guidhe air nach rachadh e gu àite-cruinnich an t-sluaigh.

32 Ghlaodh uime sin cuid diubh aon ni, agus cuid ni eile: oir bha an coimhthional troimh a chèile, agus cha robh fios aig a' chuid bu mhò c'ar son a thàinig iad cuid-eachd.

33 Agus tharruing iad a mach Alecsander asan t-sluagh, air bhi do na h-Iudhaich 'ga iomain rompa. Agus sméid Alecsander le 'laimh, agus b'àill leis a leithisgeul a ghabhail ris an t-sluagh.

34 Ach an uair a thuig iad gu'm b' Iudhaich e, rinneadh àrd-iolach leo uile mu thimchioll ùine dhà uair, a' glaothach, Is mòr Diana nan Ephesianach.

35 Agus an uair a chiùinich an cléir-each⁴ an slugh, thubhairt e, Fheara Ephesus, cò an duine aig nach 'eil fios gu bheil baile⁵ nan Ephesianach a' deanamh aoraidh do'n bhan-dia mhòir Diana, agus do'n dealbh⁶ a thuit a nuas o Iupiter?

36 Air an aobhar sin do bhrìgh nach

fheudar cur an aghaidh nan nithe so, is còir dhuibhse bhi ciùin, agus gun ni sam bith a dheanamh gu h-obann.

37 Oir thug sibh an so na daoine so, ged nach 'eil iad a' creachadh theampull, no a' toirt toibheim d'ar ban-dia.

38 Uime sin ma ta aig Demetrius agus aig an luchd-ceird a ta maille ris, cùis an aghaidh neach air bith, tha'n lagh réidh dhoibh, agus tha uachdarain *ann*; agradh iad a chèile.

39 Ach ma ta ceisd sam bith agaibh mu nithibh eile, réitichear sin ann an coimhthional dligeach.

40 Oir tha sinn an cunnart bhi air ar n-agairst air son ceannairc air an l'an diugh, do bhrìgh nach 'eil cùis sam bith againn a dh'fheudas sinn a thoirt seachlad mar aobhar a' chruinneachaidh so.

41 Agus air dha so a ràdh, sgaoil e an coimhthional.

CAIB. XX.

1 Chaidh Pòl do Mhacedonia: 7 fhrithheil e suipeir an Tighearn, agus shearmonaich e. 9 Air do Eutichus tuiteam sìos an cruth mairbh, thogadh suas beò e. 17 Aig Miletus ghairm Pòl seanair-ean na h-eaglais an ceann a chèile, agus dh'innis e dhoibh ciod a bha gu tachairt dha fèin, &c.

A GUS an déigh do'n chomhghair⁶ a' sgur, ghairm Pòl na deisciobui' d'a ionnsuidh, agus air dha a chead ghabhail diubh⁷, thriall e gu dol do Mhacedonia.

2 Agus air dha dol troimh na crìoch-aibh sin, agus mòr-earail a dheanamh orra, thàinig e do'n Ghréig;

3 Agus dh'fhàn e an sin trì mìosan: agus an uair a bha na h-Iudhaich rifeall-fholach⁸ air a shon, agus e air ti⁹ dol air luing do Shiria, chuir e roimhe pilltinn troimh Mhacedonia.

4 Agus chaidh 'na chuideachd gu h-Asia, Sopater o Bherea; agus do mhuinntir The-salonica, Aristarchus agus Secundus; agus Gaius o Dherbe, agus Timotheus; agus do mhuinntir na h-Asia, Tichicus agus Trophimus.

5 Air dhoibh so imeachd romlain-ne dh'fheith iad ruinn ann an Troas.

6 Agus sheòl sinn o Philipi, an déigh làithean an arain neo-ghoirtichte, agus thàinig sinn d'an ionnsuidh-san gu Troas ann an cùig làithibh, far an d'fhan sinn seachduin.

7 Agus an ceud là do'n t-seachduin, air do na deisciobluibh cruinneachadh an ceann a chèile a bhriseadh arain, shearmonaich Pòl doibh, agus a rùn air¹⁰ inneachd uatha air an là maireach, agus lean e air labhairt gu meadhon-oidhe.

8 Agus bha mòran lòchran anns an

¹ dealbh-theampull.

² saibhreas.

³ air bheag nithe.

⁴ Cléireach-sgrìobhaidh

a' bhaile.

⁵ caithir.

⁶ bhuaireas.

⁷ an glacadh 'na uchd.

⁸ a' luidhe am folach, am plaid.

⁹ a rùn air.

¹⁰ air bhi fuidhe.

t-seòmar uachdarach, far an robh iad cruinn.

9 Agus bha oganach àraidh d'am b'ainm Eutichus 'na shuidhe anu an uinneig, air tuiteam gu trom 'na chodal: agus air do Phòl bhì rè fad a' searmonachadh, shàruicheadh leis a' chodal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a ghlacadh 'na uchd, thubhairt e, Na biodh trioblaid¹ oirbh; oir a ta 'anam ann.

11 Agus air dol suas da a rìs, bhris e aran agus dh'ith e, agus labhair e riù rè ùine fhada, eadhon gu teachd na maidne, agus mar sin dh'fhalbh e.

12 Agus thug iad leò an t-òganach agus e beò, agus rinn iad gairdeachas nach bu bheag.

13 Agus air dhuinne imeachd air thoiseach chum na luinge, sheòl sinn gu Asos, fa rùn Pòl a ghabhail a steach an sin: oir is ann mar sin a dh'orduich e, a cur roimhe gu'n imicheadh e féin d'a chois.

14 Agus an uair a choinnich e sinn aig Asos, ghabh sinn a steach, agus thàinig sinn gu Mitilene.

15 Agus air seòladh dhuinn as a sin, thàinig sinn air an là màireach fa chomhair Chiois; agus air an là 'na dhéigh sin thàinig sinn gu Samos, agus dh'fhan sinn aig Trogillium; agus air an là b'fhaisge thàinig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir rinn e cabhag², chum nam feudadh e, bhì ann an Ierusalem air là na Cuingeis.

17 Agus chuir e fios o Mhiletus gu h-Ephesus, agus ghairm e d'a ionnsuidh seanairean na h-eaglais.

18 Agus an uair a thàinig iad d'a ionnsuidh, thubhairt e riù, Tha fhios agaibh, cionnus a bha mi 'nur measg anns an uile aimsir, o'n cheud là a thàinig mi do'n Asia.

19 A' deanamh seirbhis do'n Tighearn leis gach uile irioslachd inntinn, agus maille ri mòran dheur, agus dheuchainnean, a thachair dhomh le ceilg nan Iudhach.

20 Agus cionnus nach do ghléidh mi ni sam bith am folach a bha feumail dhuibhse, gun a nochdadh dhuibh, agus gun sibhse a theagasg am follais, agus o thigh gu tigh,

21 A' deanamh fianuis araon do na h-Iudhaich, agus do na Greugaich, mu aithreachas a thaobh Dhé, agus mu chreidimh a thaobh ar Tighearna Iosa Criosd.

22 Agus a nis feuch, a ta mi dol gu Ierusalem ceangailte san Spiorad, gun fhios agam ciod iad na nithe a tharlas dhomh an sin;

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaidean³ a' feitheamh orm.

24 Ach cha 'n 'eil suim agam do ni air bith, ni mò tha mi a' measadh m'anama féin luachmhor dhomh, chum gu crìochnaich mi mo thurus⁴ le h-aobhneas, agus gu coimhliò⁵ mi a' mhinistireileachd a thuais mi o'n Tighearn Iosa, a dheanamh fianuis do shoisgeul gràis Dhé.

25 Agus a nis feuch, a ta fhios agam nach faic sibhse uile, measg an d'imich mise a' searmonachadh rìoghachd Dhé, mo ghntùis ni's mò.

26 Uime sin a ta mi a' deanamh fianuis dhuibh⁶ air an là'n diugh, gu bheil mise glan o fhuil nan uile.

27 Oir cha do sheachainn mi uile chomhairle Dhé fhoillseachadh dhuibh.

28 Air an aobhar sin thugaibh aire dhuibh féin, agus do'n treud uile, air an d'rinn an Spiorad naomh luchd-coimhead dhuibh, a bheathachadh eaglais Dhé⁷, a cheannaich e le 'fhuil féin.

29 Oir a ta fhios agam-sa air so, an déigh m' imeachd-sa gu'n tig madaidh-allaidh gharga 'nur measg, nach caomhain an treud.

30 Agus éiridh daoine dhuibh féin, a labhras nithe fiara, chum deisciobuil a tharruing 'nan déigh féin.

31 Uime sin deanaibh faire, a' cuimhneachadh nach do sguir mise rè thri bliadhna, a chomhairleachadh gach aon agaibh a là agus a dh'oidhche le deuraibh.

32 Agus a nis, a bhràithre, earbam sibh ri Dia, agus ri focal a ghràis, a ta comasach air bhur togail suas, agus oighreachd a thoirt dhuibh am measg na muinntir sin uile a ta air an naomhachadh.

33 Cha do shanntaich mi airgid, no òr, no eudach duine sam bith.

34 Seadh, is aithne dhuibh féin, gu'n do fhrithheil na làmhnan so do m' uireasbhuidh féin, agus do'n mhuinntir sin a bha maille rium.

35 Nochd mi na h-uile nithe dhuibh, gur ann le saothreachadh mar so is còir dhuibh còmhnaidh a dheanamh riu-san a ta amhunn⁸; agus focail an Tighearna Iosa a chuimhneachadh, mar a thubhairt e, Tha e ni's beannaichte ni a thoirt na ghabhail.

36 Agus air dha na briathra so a radh, leig se e féin air a ghlùinibh, agus rinn e urnuigh maille riu uile.

¹ buaireas

² bha deisir air.

⁵ gabham sibhse mar fhianuisibh.

⁶ casbuiagan.

³ àmhghair.

⁴ thrial, chùrsa.

⁷ eaglais an Tighearna.

⁸ lag.

37 Agus ghuil iad uile gu goirt, agus thuit iad air muineal Phòil, agus phòg iad e,

38 Air dhoibh bhi gu h-àraidh brònach air son nam briathra so a thubhairt e, Nach faiceadh iad a ghnùis-san nì's mò. Agus thug iad coimheadachd dha chum na luinge.

CAIB. XXI.

1 *Cha ghabhadh Pòl comhairleachadh o dhol gu Ierusalem.* 8 *Mu Philip an soisgeulaiche, agus a cheathrar nighean a bha nam ban-fhàidhibh.* 17 *Thàinig Pòl gu Ierusalem, 27 far an robh e air a ghlaceadh agus an cunnart mòr.* 31 *Theasairgeadh e leis an àrd-chaiptin.*

AGUS air dhuinn dealachadh riu-san, sheòl sinn romhainn, agus thàinig sinn gu dìreach gu Coos, agus air an là maireach gu Rodos, agus as a sin gu Patara:

2 Agus air dhuinn long fhaotainn a bha a' gabhail thairis gu Phenicia, chaidh sinn air bord, agus sheòl sinn romhainn.

3 Agus air dhuinn teachd an sealladh Chipruis, agus fhàgail air an làimh chli, sheòl sinn gu Siria, agus thàinig sinn tìr aig Tirus: oir is ann an sin a bha an long agus a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean: muinntir a thubhairt ri Pòl tre'n Spiorad, gun e dhol suas gu Ierusalem.

5 Agus an uair a chrìochnaicheadh na làithean sin, chaidh sinn a mach, agus thriall sinn romhainn; agus thàinig iadsan uile maille ri mnaibh agus ri cloinn 'nar cuideachd, a mach as a' bhaile: agus chaidh sinn air ar glùinibh air an tràigh, agus rinn sinn urnuigh.

6 Agus an déigh dhuinn air cead a ghabhail d'a chéile, chaidh sinn do'n luing; agus phill iadsan d'an tighibh féin.

7 Agus an uair a chrìochnaich sinn ar turus¹ o Thirus, thàinig sinn gu Ptolemais, agus chuir sinn fàilte air na braithribh, agus dh'fhan sinn aon là maille riu.

8 Agus air an là maireach, air dhuinne, a bha do chuideachd Phòil, imeachd, thàinig sinn gu Cesarea; agus chaidh sinn a teachd do thigh Philip an t-soisgeulaiche, (a bha do'n t-seachdnar,) agus dh'fhan sinn aige.

9 Agus bha ceathrar nighean aige-san, òighean, a bha ri fàidheadaireachd.

10 Agus ag fantuinn duinn mòran do làithibh an sin, thàinig a nuas o Iudca fàidh àraidh, d'am b'ainm Agabus.

11 Agus an uair a thàinig e d'ar n-ionnsuidh-ne, ghabh e crios Phòil, agus cheangail e a làmhan agus a chosan féin, agus thubhairt e, Mar so tha an Spiorad

naomh ag ràdh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do làmhaibh nan Cinneach.

12 Agus an uair a chuala sinne na nithe so, ghuidh sinn féin agus muinntir an àite air, gun e dhol suas gu Ierusalem.

13 An sin fhreagair Pòl, Ciod is ciall duibh a' gul, agus a' briseadh mo chridhe? oir a ta mise ullamh cha'n e a mhàin gu bhi air mo cheangal, ach eadhon gu bàsachadh ann an Ierusalem air son ainme an Tighearna Iosa.

14 Agus an uair nach gabhadh e comhairle, gair sinne, ag radh, Deanar toil an Tighearna.

15 Agus an déigh nan làithean so, air dhuinn bhi ullamh², chaidh sinn suas gu Ierusalem.

16 Agus chaidh mar an ceudna maille ruinn cuid do na deisciobuibh o Chesarca, a' toirt leo Mhnasoin o Chiprus, seann deisciobul àraidh, aig an robh sinn gu bhi air aoidheachd.

17 Agus an uair a thàinig sinn gu Ierusalem, ghabh na bràithre ruinn gu subhach.

18 Agus air an ath là, chaidh Pòl maille ruinne dh'ionnsuidh Sheumais; agus bha na seanairean uile a làthair.

19 Agus air dhàsan fàilte chur orra, chuir e'n céill doibh fa leth na nithe a rinn Dia le 'mhinistireileachd-san am measg nan Cinneach.

20 Agus an uair a chual iadsan so, thug iad glòir do'n Tighearn³, agus thubhairt iad ris-san, Tha thu faicinn, a bhràthair, cia lion mìle do na h-Iudhaich a ta creidsinn; agus tha iad uile ro eudmhor mu'n lagh.

21 Agus chual iad umad-sa, gu bheil thu teagasg do na h-Iudhaich uile a ta measg nan Cinneach, Maois a thréigsinn, ag radh riu, Nach còir dhoibh an clann a thimchioll-ghearradh, no gluasad a réir nan gnàth⁴.

22 Ciod uime sin a nìthear? Gun teagamh, is éigin do'n t-sluagh cruinneachadh: oir chuinnidh iad gu'n d'thàinig thu.

23 Uime sin dean so a ta sinne ag ràdh riut: Tha ceathrar fhear maille ruinne, air am bheil bòid;

24 Thoir⁵ iadsan leat, agus bi air do ghlanadh maille riu, agus dean costus⁶ leo, chum gu bearr⁷ iad an cinn: agus gu'm bi fhios aig na h-uile nach 'eil ach neo-ni anns na chual iad mu d' thimchioll-sa, ach gu bheil thu féin mar an ceudna ag imeachd gu riaghailteach, agus a' coimhead an lagha.

25 Ach mu thimchioll nan Cinneach a

¹ triall, taisdeal, cìrsa.

² thog sinn ar n-airneis, agus, &c.

³ do Dhia.

⁴ a réir gnàthanna [an lagha.]

⁶ caitheamh, cosgus.

⁵ Beir.

⁷ ion.

chreid, sgrìobh sinne agus b'í ar breth, gun iad a ghleidheadh a h-aon do na nithibh sin, ach a mhàin iad féin a choimhead o nithibh a chaidh ìobradh do ìodholaibh, agus o fhuil, agus o ni tachdta, agus o strìopachas.

26 An sin ghabh Pòl na daoine; agus air an là màireach air dha bhi air a ghlanadh maille riu, chaidh e steach do'n teampull, a' foillseachadh coimhlionaidh làithean a' ghlanaidh, gus an tugtadh tabhartas air son gach aon aca.

27 Agus an uair a bha na seachd làithean air bheag nithe¹ air an coimhlionadh, air do na h-Iudhaich o'n Asia esan fhaicinn san teampull, bhrosnuich iad am pobull uile, agus chuir iad làmh ann,

28 Ag éigheach, Fheara Israeil, cuidichibh: is e so an duine a ta teagasg nan uile dhaoine anns gach àit an aghaidh a' phobuill, agus an lagha, agus an àite so: agus os bàrr, thug e steach Greugaich do'n teampull, agus shalaich e'n t-ionad naomh so.

29 (Oir chunnaic iad Trophimus an t-Ephesianach roimhe sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus ghluaisheadh am baile gu h-iomlan, agus ruith an sluagh cuideachd: agus air dhoibh breith air Pòl, tharuing iad a mach as an teampull e: agus air ball dhuineadh na dorsa.

31 Agus an uair a b'àill leò a mharbhadh, chaidh sgeula dh'ionnsuidh àrd-cheannaird na cuideachd, gu'n robh Ierusalem uile thar a chéile²:

32 Neach air ball a thug leis saighdearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd-cheannard agus na saighdearan, sguir iad do bhualadh Phòil.

33 An sin thàinig an t-àrd-cheannard am fagus agus rug e air, agus dh'àithn e a cheangal le dà shlabhraidh; agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-sluaigh aon ni, agus cuid eile ni eile: agus an uair nach robh e an comas da ciunteachd na cùise a thuigsinn air son na h-àrd-bhruidhne, dh'orduich e esan a thoirt do'n chaisteal.

35 Agus an uair a thàinig e chum na staidhreach, tharladh gu'n do ghiùlaineadh e leis na saighdearaibh, air son foireigin an t-sluaigh.

36 Oir lean am mòr-shluagh e, a' glaothach, Bheir uaim e.

37 Agus an uair a bha Pòl gu bhli air a thoirt a steach do'n chaisteal, thubhairt e ris an àrd-cheannard, An cead domh-sa

ni a labhairt riut? agus thubhairt esan, An labhair thu Gréigis?

38 Nach tusa an t-Eiphiteach sin a thog ceannaire roimh na làithibh so, agus a thug leat do'n fhàsach ceithir mìle fear a bha 'nan luchd-mortaigh?

39 Ach thubhairt Pòl, Is duine mise a tha a'm Iudhach gun amharus o Tharsus, saor-dhuine do bhaile ro inbheach ann an Cilicia: agus guidheam ort, thoir cead domh labhairt ris an t-sluagh.

40 Agus an uair a thug e cead da, Air do Phòil seasamh air an staidhir, smèid e le 'làimh air an t-sluagh, ag iarraidh éisd-eachd: agus air fantuinn ro thosdach dhoibh-san, labhair e riu sa' chànan Eabhruidhich, ag ràdh,

CAIB. XXII.

1 Chuir Pòl gu pailt an cèill cionnus a dh'iompaich-eadh e chum a' chreidimh, 17 agus a ghairmeadh e chum na h-abstolachd. 22 Nuair a dh'ainmich e na Cinnich, thog am pobull aon ghàir ris: 24 Bha e gu bhli air a sgrìorsadh: 25 ach air dha a chòir-shaorsa mar Ròmanach agairt, leigeadh as e.

FHEARA, a bhràithre, agus aithriche, éisidibh-sa ri m' dhìon-chainnt³ ribh a nis:

2 (Agus an uair a chual iadsan gu'n do labhair e riu sa' chànan Eabhruidhich, bu mhòid a thosd iad: agus thubhairt esan,)

3 Is Iudhach mise da rìreadh, a rugadh ann an Tarsus na Cilicia, ach a dh'oil-eadh⁴ sa' bhaile so, aig cosaibh Ghama-lieil, agus a theagaisgeadh gu coimhlionta a réir gnàtha lagha nan aithriche, agus bha mi eudmhor a thaobh Dhé, mar a ta sibhse uile an diugh.

4 Agus rinn mi geur-leanmhuinn gu bàs air an t-slighe so, a' ceangal fhear agus bhan, agus 'gan tarruing gu prìosan:

5 Mar a ni an t-àrd-shagart mar an ceudna fianuis dhomh, agus comhairle nan seanairean uile; o'n d'fhuair mise mar an ceudna litriche chum nam bràithre, agus chaidh mi gu Damascus, chum an dream a bha'n sin a thoirt ceangailte gu Ierusalem, chum gu deantadh peanas orra.

6 Agus tharladh, air dliomh bhi 'g im-eachd, agus a' druicheadh ri Damascus mu mheadhon-là, gu'n do dhealraich gu h-obann o nèamh solus mòr m'ne cuairt orm.

7 Agus thuit mi air an talamb, agus chuala mi guth ag ràdh, A Shaul, a Shaul, c'ar son a ta thu 'gam geur-leanmhuinn-sa?

8 Agus fhreagair mise, Cò thu, a Thigh-eam? Agus thubhairt e rium, is mise Iosa o Nasaret, air am bheil thusa a' deanamh geur-leanmhuinn.

9 Agus chunnaic na daoine a bha maille

¹ cha mhòr.

² fo bhuaireas.

³ mo leithsgeul.

⁴ thogadh suas.

rium an solus gu deimhin, agus ghabh iad eagal; ach cha chuàil iad guth an ti a labhair rium-sa.

10 Agus thubhairt mise, Ciod a ni mi, a Thighearn? Agus thubhairt an Tighearn rium, Eirich, agus imich gu Damascus, agus an sin labhrar riut mu thimchioll nan nìthe sin uile a dh'orduicheadh dhuitse a dleanmh.

11 Agus an uair nach bu léir dhomh tre ghloir an t-soluis sin, air dhomh bhi air mo threòrachadh air làimh leo-san a bha maille rium, thàinig mi gu Damascus.

12 Agus air do dhuine àraidh *d'am b' ainm* Ananias, a bha cràbhach a réir an lagha, agus air an robh deadh theistean aig na h-Iudhaich uile a bha chòmhnuidh *an sin*,

13 Teachd a m' ionnsuidh, agus seasamh làimh rium, thubhairt e rium, A Shaul a bhràthair, faigh do radharc. Agus air an uair sin féiu dh'amhairc mi suas air.

14 Agus thubhairt esan, Thagh Dia ar n-aithriche roimh-làimh thusa, chum gu'n gabhadh tu eòlas air a thoil, agus gu'm faicheadh tu an t-Aon cothromach sin, agus gu'n chuinneadh tu guth as a bheul.

15 Oir bithidh tu a'd' fhianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a ta thu a' deanamh moille? Eirich, agus bi air do bhaisteadh, agus ionnlaid uait do pheacanna, a' gairm air ainm an Tighearn.

17 Agus tharladh, 'nuair a phill mise gu Ierusalem, agus a bha mi a' deanamh urnuigh san teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad á Ierusalem; oir cha ghabh iad ri d' theistean mu m' thimchioll-sa.

19 Agus thubhairt mise, A Thighearn, tha fhios aca gu robh mise a' tilgeadh am prìosan, agus a' sgiùrsadh anns gach sionagag iadsan a chreid annad-sa:

20 Agus an uair a dhòirteadh fuil do mhairtirich¹ Steplain, bha mise mar an ceudna a'm' sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhairt e rium, Imich: oir cuiridh mise thu am fad chum nan Cinn-each.

22 Agus dh'éisd iad ris gus an fhocal so, agus thog iad *an sin* an guth gu h-àrd, ag ràdh, Beir o'n talamh a leithid so do dhuine; oir cha chòir e bhi beò.

23 Agus an uair a bha iadsan ag éigheach agus a' tilgeadh dhiubh an eudaich, agus a' tilgeadh luathre san athar²,

24 Dh'àithn an t-àrd-cheannard esan a thoirt do'n chaisteal ag orduchadh a

cheasnachadh le a sgiùrsadh; chum gu faigheadh e fios ciod i a' choire mu'n robh iad a' glaochaich mar sin 'na aghaidh.

25 Agus an uair a bha iad 'ga cheangal le iallaibh, thubhairt Pòl ris a' cheannard-ceud a sheas a làthair, Am bheil e cead-uichte dhuibhse duine a ta 'na Romhanach a sgiùrsadh, agus gun e air a dhìteadh?

26 Agus an uair a chual an ceannard-ceud so, dh'imich e agus dh'innis e do'n àrd-cheannard, ag ràdh, Thoir fa'near ciod a ni thu: oir is Romhanach an duine so.

27 An sin thàinig an t-àrd-cheannard d'a ionnsuidh, agus thubhairt e ris, Innis domh-sa, an Romanach thu? Agus thubhairt esan, Is mi.

28 Agus fhreagair an t-àrd-cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise *saor*.

29 An sin dh'imich iadsan uaith air ball a bha gus a cheasnachadh: agus ghabh an t-àrd-cheannard mar an ceudna eagal 'nuair a thuig e gu'm bu Romhanach e, agus a chionn gu'n do cheangail se e.

30 Agus air an là màireach, air dha bhi togarrach air fios cinnteach fhaotainn ciod i a' choire a bha na h-Iudhaich a' cur as a leth, dh'fhuasgail se e o a chuibhreachaibh, agus dh'àithn e do na h-àrd-shagartaibh agus d'an comhairle uile teachd a làthair, agus air dha Pòl a thoirt sìos, chuir e 'nam fianuis e.

CAIB. XXIII.

1 *Thagair Pòl a chàis.* 2 *Dh'orduich Ananias a bhualadh.* 7 *Comsachadh am measg a luchd-casaid.* 11 *Thug Dia misneach dha.* 14 *Nochdadh feall nan Iudhach an aghaidh Phòil do'n àrd-cheannard.* 23 *Chuir se e gu Felices an t-uachdaran.*

A GUS air dearcadh do Phòl air a' chomhairle, thubhairt e, Fheara agus a bhràithre, anns an uile dheadh choguis chaith mise mo bheatha a thaobh Dhé gus an là'n diugh.

2 Agus dh'àithn an t-àrd-shagart Ananias dhoibh-san a bha 'nan seasamh làimh ris, a bhualadh air a bheul.

3 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt ana-cainnt³ do àrd-shagart Dhé?

5 An sin thubhairt Pòl, Cha robh fhios agam⁴, a bhràithre, gu'm b'e an t-àrd-

¹ *f'fhianuis-sa.*

² *aidhear.*

³ *càineadh.*

⁴ *Cha d'thug mi fa'near.*

shagart e: oir a ta e sgrìobhta, Na labhair aile mu uachdaran do phobuill.

6 Ach an uair a thuig Pòl, gu robh cuid diubh 'nan Sadusaich, agus a' chuid eile 'nam Phairisich, ghlaodh e anns a' chomhairle, Fheara agus a bhràithre, is Phairiseach mise, mac Phairisich: is ann á leth dòchaiss agus aiseirigh nam marbh, a tha mi air mo thoirt am breitheanas.

7 Agus air dhasan so a labhair, dh'éirich comhstri eadar na Phairisich agus na Sadusaich: agus roinneadh an coimhthional an aghaidh a chéile.

8 Oir tha na Sadusaich ag ràdh nach 'eil aiseirigh, no aingeal, no spiorad ann; ach a ta na Phairisich ag aideachadh gach aon diubh¹.

9 Agus dh'éirich gair² mhòr: agus air seasadh suas do na sgrìobhaichibh a bha air taobh nam Phairiseach, chathaich iad 'nan aghaidh, ag ràdh, Cha'n 'eil sinne faotainn³ cron air bith san duine so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich connsachadh mòr eatorra, air do'n àrd-cheannard bhi fo eagal gu'n rachadh Pòl a tharruing as a chéile le, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidhche 'na dhéigh sin, sheas an Tighearn làimh ris, agus thubhairt e, Biodh misneach mhaith agad, a Phòil; oir mar a rinn thu fianuis mu m' thimchioll-sa ann an Ierusalem, is amhuil sin is éigin duit fianuis a dheanamh anns an Ròimh.

12 Agus air teachd do'n là, chruinnich dream àraidh do na h-Iudhaich an ceann a chéile⁴, agus chuir siad iad féin fo mhallachadh, ag ràdh, nach itheadh agus nach òladh iad gus am marbhadh iad Pòl.

13 Agus bha iad os ceann dà fhichead fear a rinn an co-mhionnachadh so.

14 Agus thàinig iad chum nan àrd-shagart, agus nan seanairean, agus thubhairt iad, Chuir sinne sinn féin fo àrd-mhallachadh, nach blaiseamaid ni sam bith gus am marbhamaid Pòl.

15 A nis uime sin iarraidh-sa maille ris a' chomhairle air an àrd-cheannard, gu'n tugadh e do 'ur n-ionnsuidh-sa e am màireach, mar gu biodh a rùn oirbh fios fhaotainn ni bu choimhlionta air ni éigin m'a thimchioll; agus tha sinne deas chum esan a mharbhadh, mu'n tig e'm fagus duibh.

16 Agus an uair a chuala mac peathar Phòil am feall-fholach⁵ so, thàinig e, agus air dha dol a steach do'n chaisteal, dh'innis

e sin do Phòl.

17 An sin ghairm Pòl d'a ionnsuidh aon do na ceannardaibh-cheud, agus thubhairt e, Thoir an t-òganach so chum an àrd-cheannard; oir a ta ni àraidh aige r'a innseadh dha.

18 An sin thug e leis e, agus threòraich se e chum an àrd-cheannard, agus thubhairt e, Ghairm Pòl am prìosanach mise d'a ionnsuidh, agus ghuidh e orm an t-òganach so thoirt a d' ionnsuidh-sa, aig am bheil ni-éigin r'a innseadh dhuit.

19 An sin rug an t-àrd-cheannard air a làimh, agus chaidh e a leth-taobh an uaignidheas maille ris, agus dh'fhiosraich e dhethe, Ciod a tha agad r'a innseadh dhomh-sa?

20 Agus thubhairt esan, Rinn na h-Iudhaich comhairle iarraidh ortsa, gu'n tugadh tu Pòl am màireach do'n chomhairle, mar gu'm biodh iad gu rannsachadh ni's géire a dheanamh air ni-éigin m'a thimchioll.

21 Ach na aontaich thusa leo: oir a ta os ceann dà fhichead fear dhiubh ri feall-fholach 'na aghaidh, a chuir iad féin fo mhallachadh, nach ith agus nach òl iad gus am marbh iad e: agus a nis tha iad ullamh, a' feitheamh ri gealladh uaitse.

22 An sin leig an t-àrd-cheannard uaith an t-òganach, agus dh'àithn e dha, ag ràdh, Feuch nach innis thu do neach sam bith, gu'n d'fhoillsich thu na nithe so dhomh-sa.

23 Agus ghairm e d'a ionnsuidh dà cheannard-ceud, agus thubhairt e, Ull-uichibh dà cheud saighdear a théid gu Cesarea, agus deich agus tri fichead marcach, agus dà cheud fear-sleagha, air an treas uair do'n oidhche.

24 Agus ulluichibh eich, chum air dhoibh Pòl a chur orra, gu'n toir iad e gu tèaruinte chum an uachdarain Felics.

25 Agus sgrìobh e litir air a' mhodh so: 26 Beatha agus slàinte o Chlaudius Lisis, chum an uachdarain ro òirdheire Felics.

27 Ghlacadh an duine so leis na h-Iudhaich, agus an uair a bha iad air ti a mharbhadh, thàinig mise orra le saighdearaibh, agus thug mi dhiubh e, a' tuigsinn gu'm bu Romhanach e.

28 Agus air dhomh bhi toileach air fios an aobhair fhaotainn air son an d'agair iad e, thug mi sìos e chum an comhairlesan:

29 Agus thuig mi gu'n robh e air agairt mu cheisidh d'an lagh féin, gun ni sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaith-

¹ gan aideachadh le chéile.

² iolach.

³ faghail, faghainn.

⁴ rinn dream àraidh do na h-Iudhaich comh-lhann r'a chéile.

⁵ plaid luidhe.

eadh air an duine, air ball chuir mi a d'ionnsuidh-sa e, agus thug mi àithne mar an ceudna d'a luchd-casaid, gach cùis a bha aca 'na aghaidh a chur an cèill a'd' làthair-sa. Slàn leat.

31 An sin air do na saighdearaibh Pòl a ghabhail, a réir mar a dh'àithneadh dhoibh, thug iad san oidhche e gu Antipatris.

32 Agus air an là màireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdaran, chuir iad mar an ceudna Pòl 'na fhianuis.

34 Agus an uair a leugh an t-uachdaran an litir, dh'fhiosraich e cò an dùthaich o'n robh e. Agus an uair a thuig e gur ann o Chìlicia bha e,

35 Thubhairt e, Eisdidh mi riut, 'nuair a thig do luchd-casaid mar an ceudna. Agus dh'àithn e esan a choimhead ann an talla-breitheanas Heroid.

CAIB. XXIV.

1 Air do Phòl a bhì air a chasaid le Tertullus an cainnt-fhear, 10 fheagair e air a shon féin thaobh a chaithe-beatha agus a theagaisg: sliac-manaich e Crìosd do'n uachdaran agus d'a mhnaoi.

26 Bha suil aige-san ri aingiod fhaotainn uaith, ach an dòmhanas.

AGUS an ceann chùig làithean 'na dhéigh sin chaidh Ananias na t-àrd-slagart sìos maille ris na seanairibh, agus ri Tertullus fear-tagraidh 'àraidh, muinntir a nochd iad féin an làthair an uachdaran an aghaidh Phòil.

2 Agus an uair a ghairmeadh a mach e thòisich Tertullus air a chasaid, ag ràdh, Do bhrìgh gu bheil sinn tromhad-sa a' mealtuinn mòr-shith, agus gu'n d'rinn-eadh iomadh deadh ghniomh do'n chiumeach so tre do ghliocas-sa,

3 Tha sinne gabhail ri so, agus gach àm agus anns gach àit, Fhelics ro òirdheire, maille ris gach uile bhuidheachas.

4 Ach, chum nach cuirinn mòr-mhoille ort, guidheam ort, do d' shuairceas gu'n éisd thu ruinn gu h-ath-ghoirid.

5 Oir fhuair sinn am fear so 'na phlàigh, agus a' dùsgadh² nan fudhach uile gu ceannairc air feadh an domhain, agus 'na cheann-feadhna do luchd saobh-chreidimh nan Nasarenach.

6 Neach mar an ceudna a thogair an teampull a shalachadh; agus a ghlac sinne, agus b'àill leinn breth a thoirt air a réir ar lagha féin:

7 Ach air teachd do Lìsias an t-àrd-cheannard oirnn, thug e le mòr-ainneart as ar làmhaidh e.

8 Ag àithneadh d'a luchd-casaid teachd a d' ionnsuidh-sa; neach o'm feud thu le a cheasnachadh, fios fhaotainn air na h uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithe sin mar sin.

10 An sin air do'n uachdaran sméideadh air Pòl e a labhairt, fheagair esan, Is mòid mo mhisneach gu freagairt air mo shon féin, gu bheil fhios agam gu robh thusa rè mòrain bhliadhna a'd' bhreith-eamh air a' chiumeach so.

11 Oir feudaich tu fios fhaotainn, nach mò na dà là dheug o chaidh mi suas gu Ierusalem a dheanamh aoraidh.

12 Agus cha d'fhuair iad mi a' deas-boireachd ri aon neach san teampull, no a' brosnuchadh an t-sluaigh gu ceann-airc, aon chuid sna sionagogaibh, no anns a' bhaile.

13 Nì mò is urrainn iad na nithe sin a dhiearbhadh a tha iad a' cur as mo leth.

14 Ach tha mi ag aideachadh so dhuitse, gur ann a réir na slighe sin ris an abair iadsan saobh-chreidimh, a ta mise a' deanamh aoraidh do Dhia m'aithriche, a' creidsinn nan uile nithe a ta sgrìobhta san lagh agus anns na fàidhibh:

15 Agus a ta dòchas agam an Dia, ris am bleil suil mar an ceudna aca féin, gu'n tig aiseirigh nam marbh, nam fircan arann agus nan neo-fhirean.

16 Agus an so tha mi a' saothreachadh a ghnàth cogus³ neo-lochdach a bhi agam a thaobh Dhé, agus a thaobh dhaoine.

17 A nis an déigh mòrain bhliadhna, thàinig mi a thoirt déirce chum mo chinnich, agus thabhartas.

18 Air a so fhuair Iudhaich àraidh o'n Asia mi air mo ghlanadh san teampull, gun sluagh, agus gun bhuaireas.

19 Muinntir d'am bu chòir bhì'n so a'd' làthair-sa, agus m'agairt, nam biodh nì sam bith aca a'm' aghaidh.

20 No abradh iad so féin, ma fhuair iad eucoir⁴ sam bith annam-sa, 'nuair a sheas mi an làthair na chomhairle;

21 Mur ann a mhàin air son an aoin fhocail so, a ghlaodh mi a'm' sheasamh 'nam measg, Gur ann air son aiseirigh nam marbh, a ta mi air mo thoirt gu breitheanas leibhse an diugh.

22 Agus an uair a chuala Felics na nithe so, air dha còlas nì bu dìongmhaltà bhì aige air an t-slighe sin, chuir e air dàil iad, ag ràdh, 'Nuair a thig Lìsias an t-àrd-cheannard a nuas, làn-ranusaichidh mi⁵ bhur cùis.

23 Agus dh'àithn e do cheannard-ceud Pòl a ghleidheadh, agus e bhì fuasgailte

¹ cainnt-fhear. ² brosnuchadh.

³ coimh-fhios coimsiens.

⁴ mì-gnòmh.

bithidh làn-fhios agam air.

aige, agus gun neach d'a mhuinntir féin a bhacadh o fhrithcaladh dha, no teachd d'a ionnsuidh.

24 Agus an déigh làithean àraidh, 'nuair a thàinig Felics maille r'a mhnaoi Drusilla, a bha 'na Ban-Iudhach, chuir e fios air Pòl, agus dh'éisd e ris mu thimchioll a' chreidimh¹ ann an Crìosd.

25 Agus air dhasan bhi a' reusonachadh mu fhreantachd, stuaim², agus breitheanas ri teachd, ghabh Felics eagal mòr, agus fhreagair e, Imich romhad an tràth so; 'nuair a bhios ùine agam, cuiridh mi fios ort.

26 Bha dùil aige mar an ceudna gu rachadh airgid a thoirt da le Pòl, chum gu'm fuasgladh se e: uime sin chuir e fios air ni bu trice, agus labhair e ris.

27 Ach air do dhà bhliadhna bhi air an coimblionadh, thàinig Porcius Festus an àit Fhelics: agus air do Fhelics bhi toileach comain a chur air na h-Iudhaich³, dh'fhàg e Pòl ceangailte.

CAIB. XXV.

1 Chasaid na h-Iudhaich Pòl an làthair Fhestuis: 8 fhreagair Pòl air a shon féin, 11 agus thog e a chèis gu Ceasar. 14 Dh'fhosgail Festus cùis Phòil do Agripa, agus dh'innis e nach d'fhuaradh coire air bith ann a b'airidh air bàs.

ANIS 'nuair a thàinig Festus do'n mhòr-roinn⁴, an ceann trì làithean chaidh e suas o Chesarea gu Ierusalem.

2 Agus nochd an t-àrd-shagart agus mathean nan Iudhach iad féin 'na làthair an aghaidh Phòil, agus chuir iad impidh air,

3 Ag iarraidh fabhoir 'na aghaidh, gu'n cuireadh e fios air gu Ierusalem, agus iad a dheanamh feall-fholach⁵ chum esan a mharbhadh air an t-slighe.

4 Ach fhreagair Festus, Gu'm bu chòir Pòl a ghleidheadh ann an Ccsarea, agus gu'n rachadh e féin an sin gu h-aithghearr.

5 Uime sin, ars' esan, rachadh iadsan 'mur measg a dh'fheudas, sìos maille riunsa, agus ma ta coire air bith san duine so, cuireadh iad sin as a leth.

6 Agus air dha fantuinn 'nam measg' os ceann deich làithean, chaidh e sìos do Chesarea; agus air an là màireach shuidh e air a' chaithir-bhreitheanasais, agus dh'àithn e Pòl a thoirt a làthair.

7 Agus an uair a thàinig esan, sheas na h-Iudhaich a thàinig a nuas o Ierusalem m'a thimchioll, a' cur choireanna lionmhor agus mòra á leth Phòil, nach b'urrainn iad a dhearbhadh:

8 'Nuair a fhreagair esan 'ga shaoradh

féin, Cha d'rinn mi cionta sam bith an aghaidh lagha nan Iudhach, no 'n aghaidh an teampuill, no 'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudhaich, fhreagair e Pòl, agus thubhairt e, An àill leatsa dol suas gu Ierusalem, agus an sin dol fo bhreitheanas thaobh nan nithe sin ann mo làthair-sa?

10 An sin thubhairt Pòl, Tha mi m' sheasamh aig caithir-breitheanasais Cheasair, far an coir breth a thoirt orm: air na h-Iudhaich cha d'rinn mi eucoir sam bith, mar is maith a ta fios agad-sa.

11 Oir ma tha mi deanamh eucoir, agus ma rinn mi ni sam bith a thoill bàs, cha'n 'eil mi diùltadh bàs fhulang: ach mur 'eil ni sam bith dhiubh sin fìor a tha iad so a' cur as mo leth, cha'n fheud duine sam bith mo thoirt thairis doibh⁶. Tha mi togail mo chèis gu Ceasar.

12 An sin an déigh do Fhestus labhairt ris a' chomhairle, fhreagair e, An do thog thu do chèis gu Ceasar? gu Ceasar thèid thu.

13 Air dol do làithibh àraidh seachad, thàinig Agripa an rìgh agus Bernice gu Cesarea a chur fàilte air Festus.

14 Agus air dhoibh mòran làithean a chaitheadh an sin, chuir Festus cùis Phòil an céill do'n rìgh, ag ràdh, Dh'fhàgadh duine àraidh le Felics 'na phrìosanach.

15 Air-san, an uair a bha mise ann an Ierusalem, rinn na h-àrd-shagairt agus seanairean nan Iudhach casaid rium, ag iarraidh binne⁷ 'na aghaidh.

16 D'an d'thug mise am freagradh so, Cha'n e gnàth nan Romanach duine sam bith a thoirt thairis chum bàis⁸, gus am bi aig an neach a tha air agairt, a luchd-casaid aghaidh ri h-aghaidh, agus gu'm bi cothrom aige air e féin a shaoradh o'n choire a chuireadh as a leth.

17 Uime sin an uair a thàinig iad araon an so, gun mhoille sam bith shuidh mi air an là màireach sa' chaithir-bhreitheanasais, agus dh'àithn mi'n duine a thoirt a làthair.

18 Agus an uair a sheas a luchd-casaid⁹ m'a thimchioll, cha do chuir iad coire air bith as a leth do na nithibh a shaoil mise:

19 Ach thug iad ceisdean àraidh 'na aghaidh mu thimchioll an creidimh¹⁰ féin, agus mu thimchioll Iosa àraidh, a fhuair bàs, neach a thubhairt Pòl a bhi beò.

20 Agus a chionn gu robh mise amharusach mu thimchioll an leithid sin do cheisdibh, dh'fheòraich mi dheth¹¹ am

¹ na creidimh.

² measarrachd.

³ gnìomh taitneach a dheanamh do na h-Iudhaich.

⁴ earrainn; province. Sasg. ⁵ plaid-luidehe.

⁶ cha'n fheud duine sam bith an toileachadh le

mise a thoirt thairis doibh.

⁷ dìtidh.

⁸ millidh.

⁹ luchd-tagraidh.

¹⁰ an saobh-chreidimh.

¹¹ thubhairt mi ris.

b'áill leis dol suas gu Ierusalem, agus an sin dol fo bhreitheanas mu na nithibh so.

21 Ach an uair a dh'iarr Pòl a choimhead gus am fiosraichteadh a chùis-san le Augustus, dh'àithn mi e bhi air a ghleidheadh gus an cuirinn gu Ceasar e.

22 An sin thubhairt Agripa ri Festus, B'áill leamsa féin an duine so chluinntinn. Am màireach, thubhairt esan, cluinnidh tu e.

23 Uime sin air an là màireach, 'nuair a thàinig Agripa, agus Bernice, le mòrghreadhnachas, agus a chaidh iad a steach maille ris na h-àrd-cheannardaibh agus prìomh-dhaoineibh na caithreach do'n ionad éideachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhse a dhaoine uile a ta làthair an so maille ruinn, tha sibh a' faicinn an duine so, mu'n do chuir sluagh nan Iudhach uile impidh ormsa, araon ann an Ierusalem, agus an so, a' gladh-aich nach bu chòir e bhi ni b'fhaide beò.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e féin a chùis gu Augustus, shonraich mi a chur *d'a ionnsuidh*.

26 Mu nach 'eil ni sam bith cinnteachagam r'a sgrìobhadh chum mo Thighearn. Uime sin thug mi mach e do 'ur n-ionnsuidh-sa, agus gu h-àraidh a d' ionnsuidh-sa, a rìgh Agripa, chum an déigh rannsachadh a dheanamh, gu'm biodh agam ni éigin r'a sgrìobhadh.

27 Oir is mi-reusonta a'm' bheachd-sa prìosanach a chur *uam* agus gun na cùisean a ta 'na aghaidh ainmeachadh.

CAIB. XXVI.

1 An làthair Agripa, chuir Pòl an céill a chaithe-beatha o 'dige, 12 agus cionnus a dh'iompaicheadh e gu mìorbhuileach, agus a ghairmeadh e gu bhi 'na abstol. 24 Chuir Festus as a leth gu robh e air a chuthach, ach shreagair esan gu sèimh.

AN sin thubhairt Agripa ri Pòl, Tha cead agad labhairt air do shon féin. An sin shìn Pòl a mach a làmh, agus shreagair e air a shon féin,

2 A ta mi 'gam mheas féin sona, a rìgh Agripa, do bhrìgh gu bheil mi gu freagairt air mo shon féin an diugh a d' làthair-sa, thaobh nan nìthe sin uile a ta air an cur as mo leth leis na h-Iudhaich.

3 Gu h-àraidh, a chionn gu bheil thusa eòlach¹ air gach gnàth agus ceisd a tha am measg nan Iudhach: uime sin guidheam ort, éisd rium gu foighdeach.

4 Tha mo bheatha-sa o m'òige, a chaitheadh air tùs am measg mo chinnich féin ann an Ierusalem, aithnichte do na h-Iudhaich uile;

5 D'am b'aithne mi o thùs, (nam b'áill leo fianuis a dheanamh,) gu'n do chaith mi mo bheatha a'm' Phairiseach, a réir an luchd comh-bharail a's teimne d'ar creidimh-ne.

6 Agus a nis tha mi a' m' sheasamh fo bhreitheanas air son dòchais a' gheallaidh a rinneadh le Dia d'ar n-aithricheibh:

7 Chum am bheil dùil aig ar dà thréibh dheug-ne teachd, a' deanamh seirbhis *do Dhia* a là agus a dh' oidhche do ghnàth; agus air son an dòchais so tha mise, a rìgh Agripa, air m'agairt leis na h-Iudhaich.

8 C'ar son a mheasar² leibhse mar ni do-chreidsinn, gu'n dùisgeadh Dia na mairbh?

9 Gu deimhin mheas mise annam féin, gu'm bu chòir dhomh mòran nìthe a dheanamh an aghaidh ainme Iosa o Na-saret.

10 Ni mar an ceudna a rinn mi ann an Ierusalem: agus air faotainn ùghdarras o na h-àrd-shagartaibh, dhruid mi mòran do na naoimh am prìosanaibh; agus an uair a chuireadh gu bàs iad, thug mi mo ghuth 'nan aghaidh.

11 Agus a' deanamh peanais orra gu minic anns gach sionagog, cho-éignich mi *iad* gu toibheum³ a labhairt; agus air dhomh bhì gu ro mhòr air bhoile 'nan aghaidh, rinn mi geur-leanmhuinn *orra*, eadhon gu bailtibh coigreach.

12 Air a so, 'nuair a bha mi dol gu Damascus, le cumhachd agus barantas⁴ o na h-àrd-shagartaibh:

13 Mu mheadhon-là, O a rìgh, chunnaic mi air an t-slighe solus o nèamh, bu shoilleire na solus na gréine, a' dealrachadh mu'n cuairt orm, agus orra-san a bha 'g imeachd maille rium.

14 Agus an uair a thuit sinn uile air an talamh, chuala mi guth a' labhairt rium, agus ag ràdh anns a' chainnt Eabhruidh-ich, A Shaul, a Shaul, c'ar son a ta thu ga m' gheur-leanmhuinn? Is cruaidh dhuitse bhì breabadh an aghaidh nan dealg.

15 Agus thubhairt mise, Cò thu, a Tighearn? Agus thubhairt esan, Is mise Iosa a ta thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichinn thu a d' mlinis-teir agus a d' fhianuis araon air na nithibh sin a chunnaic thu, agus air na nithibh anns am foillsich mi mi féin duit;

17 Ga d' shaoradh o'n t-sluagh, agus o na Cinnich, chum am bheil mi nis ga d' chur,

18 A dh'fhosglaidh an sùl, chum gu tionndaidh iad⁵ o dhorchadas gu solus,

¹ [gur aithne dhomh] gu bheil thusa eòlach.

² C'ar son? an measar.

³ gu beum a thabhairt do ainm Iosa.

⁴ ùghdarras, comas.

⁵ agus gun tionndadh.

agus o chumhachd Shatain gu Dia, chum gu faigh iad maitheanas pheacanna, agus oighreachd maille ris a' mhuintir sin a ta air an naomhachadh tre'n chreidimh a ta annam-sa.

19 Uime sin, a rìgh Agripa, cha robh mi eas-ùmhail do'n taisbean nèamhaidh:

20 Ach shearmonaich mi air tùs dhoibhsan ann an Damascus, agus ann an Ierusalem, agus air feadh tìre Iudea uile, agus an sin do na Cinnich, iad a dheanamh aithreachais agus pilltim ri Dia, a' deanamh oibre iomchuidh an aithreachais¹.

21 Air son nan nithe so ghlac na h-Iudhaich mi san teampull, agus b' àill leo mo mharbhadh².

22 Uime sin air dhomh còmhnaidh fhaotainn o Dhia, bhuaanaich mi gus an là'n diugh, a' deanamh fianuis do'n bheag agus do'n mhòr, gun ni air bith a' labhairt ach na nithe sin a thubhairt na fàidhean agus Maois a bha gu teachd;

23 Gu robh Crìosd gu fulang, agus gu robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinnich.

24 Agus air dha bhì labhairt nan nithe so air a shon fèin, thubhairt Festus le guth àrd, Tha thu air mhi-chéill³ a Phòil: tha mòr-fhòghlum ga d' chur air bhoile.

25 Ach thubhairt esan, Cha'n 'eil mi air bhoile, Fhestuis ro òirdheirc; ach tha mi a' labhairt bhriathra na fìrinn agus na céille.

26 Oir a ta fhios aig an rìgh roimh am bheil mise a' labhairt gu saor, air na nithibh so: oir tha cinnt agam nach 'eil a h-aon do na nithibh so an ain-fhios da; oir cha'n ann an cùil a rinneadh so.

27 Am bheil thu creidsinn nam fàidhean, a rìgh Agripa? tha fhios agam gu bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'gam aomadh gu bhì am Chrìosduidh.

29 Agus thubhairt Pòl, B'e mo ghuidhe air Dia, gu'm biodh cha'n e mhàin thusa, ach mar an ceudna iadsan uile a tha 'g éideachd rium an diugh, ann am beag agus am mòr, mar a ta mise, saor o na geimhlibh so.

30 Agus air dha na briathra so a labhairt, dh'éirich an rìgh, agus an t-uachdaran, agus Bernice, agus an dream a shuidh maille riu:

31 Agus an uair a chaidh iad a leth-taobh, labhair iad r'a chéile, ag ràdh, Cha'n 'eil an duine so a' deanamh ni air bith toilleannach air bàs, no air geimhlibh.

32 An sin thubhairt Agripa ri Festus, Dh'fheudtadh an duine so a leigeadh as, mur bhiodh gu'n do thog e a chùis gu Ceasar.

CAIB. XXVII.

1 *Ghabh Pòl long do'n Ròimh; 9 dh'imis e roimhlaimh cunnart an turuis, ach cha d'thugadh creideas da. 14 Luaisgeadh iad null agus a nall le stoirna, agus dh'fhuiling iad long-bhrisidh; 44 gidheadh thàinig iad air tìr gu tèaruinte.*

AGUS an uair a thugadh breth sinne a sheòladh do'n Eadailt, thug iad Pòl thairis, maille ri prìosanaich àraidh eile, do cheannard-ceud d'am b'ainm Iulius, do chuideachd Augustuis.

2 Agus air dhuinn dol air luing le Adramitium, thog sinn ar seòil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica bhì maille ruinn.

3 Agus air an là màireach, thàinig sinn gu Sidon. Agus air do Iulius buntainn gu suaice⁴ ri Pòl, leig e dha dol a dh'ionnsuidh a chàirde chum comhfhurtachd fhaotainn.

4 Agus air dhuinn stiùradh as a sin, sheòl sinn fo Chiprus, a chionn gu robh na gaotha⁵ 'nar n-aghaidh.

5 Agus an uair a sheòl sinn troimh'n fhairge ta làimh ri Cilicia agus Pamphilia, thàinig sinn gu Mira baile⁶ do Licia.

6 Agus fhuair an ceannard-ceud long an sin o Alecsandria, a bha seòladh do'n Eadailt, agus chuir e sinn a steach innte.

7 Agus an uair a sheòl sinn gu mall rè mòrain do làithibh, agus a thàinig sinn air éigin fa chomhair Chniduis, a chionn nach do leig a' ghaoth leinn, sheòl sinn fo Chrete, fa chomhair Shalmone;

8 Agus air dhuinn seòladh air éigin seachad air, thàinig sinn gu ionad àraidh ris an abrar, Na calaidh sgiamhach, am fagus d'an robh baile Lasea.

9 Agus air do mhòran ùine dol seachad, 'nuair a bha seòladaireachd a nis cunnartach, a chionn gu'n deachaidh an trasgadh⁷ cheana seachad, chomhairlich Pòl iad,

10 Ag ràdh riu, Fheara, tha mi faicinn gu'm bi an t-seòladaireachd so le dochann agus call mòr, cha'n e mhàin do'n luchd agus do'n luing, ach d'ar n-anamaibh fèin.

11 Gidheadh, is mò chreid an ceannard-ceud an seòladair agus maighstir na luinge, na na nithe a labhradh le Pòl.

12 Agus a chionn gu'n robh an caladh neo iomchuidh gus an geamhradh a chaitheadh ann, b'i comhairle na cuid bu mhò seòladh as a sin mar an ceudna,

¹ cubhaibh do aithreachas, airidh air aithreachas.

² làmh a chur annam.

³ air a chluathach.

⁴ caoimheil.

⁶ caithir.

⁵ an soirbheas.

⁷ trosgadh.

agus nam feudadh iad air chor sam bith teachd gu Phenice, caladh do Chrete a ta ag amharc chum an iar-dheas, agus an iar-thuath, agus fantuinn rè a' gheamhraidh an sin.

13 Agus an uair a shéid a' gháoth á deas gu ciùin, shaoil iad gu d'fhuair iad an rùn, agus ag togail an seòl dhoibh, stiùir iad ri taobh Chrete.

14 Ach an ceann beagain 'na dhéigh sin, shéid gaoth anrathach¹ 'na h-aghaidh², ris an abrar Euroelidon.

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dhi.

16 Agus air dhuinn ruith a stigh fuidh eilean beag àraidh d'am b'ainm Clauda, is ann le éigin a ràinig sinn air a' bhàta:

17 Agus air dhoibh a thogail suas, ghnàthaich iad gach gleus còmhnuidh, a' criosadh na luinge fuipe; agus air dhoibh bhi fo eagal gu'n tuiteadh iad sa' bheòghaineimh, leig iad an seòil sìos, agus mar sin dh'iomaineadh iad.

18 Agus air dhuinne bhi gu ro mhòr air ar luasgadh³ leis an doinn⁴, air an là 'na dhéigh sin thilg iad a mach an tuchd;

19 Agus air an treas là thilg sinn le ar làmhaidh féin a mach acfuiinn na luinge.

20 Agus an uair nach robh a' ghrian na reulta r'am faicinn rè mòrain do làithibh, agus a luidh doinnon nach bu bheag oimn, thugadh an sin uainn gach uile dhòchas gu teasairgteadh sinn.

21 Ach air dhuinn bhi fada 'nar trasg, an sin air seasamh do Phòl 'nam meadhon, thubhairt e, Fheara, bu chòir dhuibh mo chomhairle-sa ghabhail, agus gun fhuasgladh o Chrete, agus an dochann agus an call so a sheachnadh.

22 Agus a nis guidheam oirbh, biodh misneach mhaith agaibh: oir cha bhi call anama sam bith 'nur measg, ach a mhàin na luinge.

23 Oir, air an oidhehe nochd, sheas làimh rium-sa aingeal an Dé sin, d'am buin mi, agus d'am bheil mi deanamh seirbhis,

24 Ag ràdh, A Phòil, na biodh eagal ort; is éigin duit bhi air do thoirt an làthair Cheasair: agus, feuch, thiodhlaic⁵ Dia dhuit iadsan uile a ta seòladh maille riut.

25 Uime sin, fheara, biodh agaibh deadh mhisneach: oir a ta mi creidsinn Dhé, gu'n tachair ceart mar a labhradh rium.

26 Ach is éigin duinn bhi air ar tilgeadh air eilean àraidh.

27 Agus an uair a bha an ceathramh oidhehe deug air teachd, air dhuinne bhi air ar séideadh null agus a nall⁶ ann an

cuan Adria, mu mheadhon-oidhehe b'i barail nam maraichean gu robh iad am fagus do thir éigin:

28 Agus air leigeadh na luaidhe sìos doibh⁷, fhuair iad an doimhne fichead aitheamh; agus an uair a chaidh iad beagan air an aghaidh, leig iad sìos an luaidh a ris, agus fhuair iad i' na cùig aitheamh deug.

29 An sin air dhoibh bhi fo eagal gu'm buaileadh iad air ionadaibh garbha, thilg iad ceithir acraichean á deireadh na luinge, agus ghuidh iad an là a theachd.

30 Agus an uair a bha na maraichean air t⁸ teicheadh a mach as an luing, agus a leig iad sìos am bàta do'n fhairste, a' gabhail orra bhi tilgeadh a mach acraichean á toiseach na luinge.

31 Thubhairt Pòl ris a' cheannard-ceud, agus ris na saighdearan aibh, Mur fan iad sin san luing, cha 'n eil e'n comas duibh bhi air bhuir teasairginn.

32 An sin ghearr na saighdearan cùird a' bhàta, agus leig iad leis tuiteam sìos.

33 Agus am feadh a bha an là a' teachd, thug Pòl a chomhairle orra uile biadh a ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'nur trasg, gun bhiadh sam bith a ghabhail.

34 Uime sin guidheam oirbh biadh a ghabhail; oir a ta so chum bhuir slàinte: oir cha chaillear⁹ fuiltean á ceann a h-aon agaibh.

35 Agus air dha na nithe so a labhairt, agus aran a ghlacadh, thug e buidheachas do Dhia 'nan làthair uile; agus air dha a bhriseadh, thòisich e ri itheadh.

36 An sin ghlac iad uile deadh mhisneach, agus ghabh iad biadh mar an ceudna.

37 Agus bha sinn a dh'anamaibh uile anns an luing, dà cheud agus sè deug agus trì fichead.

38 Agus an uair a shàsuicheadh iad le biadh, dh'eutromaich iad an long, agus thilg iad a mach an cruithneachd san fhairste.

39 Agus an uair a bha'n là air teachd, cha d'aithnich iad am fearann: ach thug iad an aire do lùib¹⁰ àraidh aig an robh tràigh, anns an robh mhiann orra, nam b'urraim iad, an long a chur gu tìr.

40 Agus air togail nan acraichean doibh, leig iad ris an fhairste, agus an uair a dh'fhuasgail iad ceanglaichean na stiùire, agus a thog iad am prionn-sheòl¹¹ ris a' ghaoith, sheòl iad chum na tràighe.

41 Agus air tuiteam dhoibh ann an ionad àraidh far an do choinnich dà fhairste a

¹ stoirmeil.

² 'nar n-aghaidh.

³ séideadh o thonm gu tonn.

⁴ stoirm.

⁵ dheònuich.

⁶ chuige agus uaith.

⁸ fonn.

⁹ tuil.

⁷ grunnachadh dhoibh.

¹⁰ gheòdha.

¹¹ an seòl mòr

chéile, bhuail iad an long air grund; agus air sàthadh d'a toiseach sa' ghrund, dh'fhan e gun charaichadh, ach bhriseadh a deireadh le ainneart nan tonn.

42 Agus b'i comhairle nan saighdearan gumarbhadh iad na prìosanaich, air eagal gu'n snàmbhadh neach sam bith dhiubh a mach, agus gu rachadh iad as.

43 Ach air do'n cheannard-ceud bhi toileach Pòl a theasairginn, chum e air ais o'n comhairle iad, agus dh'àithn e dhoibh-san d'am b'aithne snàmh, *iad féin* a thilgeadh sa' chuan air tùs, agus dol a mach air tìr:

44 Agus do chàch dh'àithn e, cuid dhiubh dhol air clàraibh, agus cuid eile air *màiribh briste* do'n luing: agus mar sin tharladh gu'n deachaidh iad uile tèaruinte gu tìr.

CAIB. XXVIII.

1 An déigh an long-bhrisidh thug an sluagh borb aoidheachd gu suaircc do Phòl. 5 Cha do chiùrradh a làmh le nathair nìuhe a lean rithe. 8 Shlànuich e mòran eucaile san eilean. 11 Ghabh iad an turus chum na Ròimhe. 17 Chuir Pòl an cèill do na h-Iudhaich aobhar a theachd do'n Ròimh.

AGUS an uair a thèarnadh iad, thuig iad an sin gu'm b'e Melita ainm an eilein.

2 Agus nochd an sluagh borb caoimheas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachid.

3 Agus air do Phòl dorchach bhioran a thional, agus an cur air an teine, thàinig nathair nìuhe mach as an teas, agus shàs i 'na làimh.

4 Agus an uair a chunnaic an sluagh borb a' bhéisd an crochadh r'a làimh, thubhairt iad r'a chéile, Gu cinnteach is mortair an duine so, do nach fuiling dioghaltas bhi beò, ged theasairgeadh o'n fhairge e.

5 Agus air dhasan a' bhéisd a chrathadh dheth anns an teine, cha d'fhuilaing e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sìos marbh gu h-obann: ach an uair a dh'fheith iad uine fhada, agus nach fac iad dochann sam bith a' teachd air, chaochail iad an inntinn, agus thubhairt iad gur Dia e.

7 Agus bha mu thimchioll an àite sin fearann aig prìomh-dhuine an eilein, d'am b'ainm Publius, a ghabh ruinne agus a thug rè thri làithean aoidheachd dhuinn gu càirdeil.

8 Agus tharladh gu robh athair Phublius 'na luidhe gu tinn le fiabhras¹, agus gearrthach fola: air do Phòl dol a teach

d'a ionnsuidh, rinn e urnuigh, agus air dha a làmhan a chur air, leigheas se e.

9 Agus an uair a rinneadh so, thàinig mar an ceudna muinntir eile a bha euslan san eilean d'a ionnsuidh, agus leighiseadh iad:

10 Muinntir mar an ceudna a thug mòr-urram dhuinn; agus an uair a dh'fhalbh sinn, chuir iad na nithe sin leinn a bha feumail *dhuinn*.

11 Agus an déigh thri mìosa sheòl sinn ann an luing o Alecsandria, a chaith an geamhradh san eilean d'am bu shuaith-eantas Castor agus Pollux.

12 Agus an uair a chaidh sinn air tìr² aig Siracuse, dh'fhan sinn *an sin* tri làithean.

13 Agus air scòladh dhuinn timchioll as a sin, thàinig sinn gu Regium: agus an ceann là 'na dhéigh sin shéid a' ghlaoth á deas, agus thàinig sinn an t-ath là gu Puteoli:

14 Air dhuinn bràithrean fhaotainn an sin, chuireadh impidh oirnn *leo* fantuinn seachd làithean maille riu: agus mar sin thriall sin chum na Ròimhe.

15 Agus as a sin, air faotainn ar sgéil do na bràithribh, thàinig iad 'nar coinneamh gu Apii-forum, agus na Tri tighibh-òsda; agus an uair a chunnaic Pòl iad, thug e buidheachas do Dhia, agus ghabh e misneach.

16 Agus an uair a thàinig sinn do'n Ròimh thug an ceannard-ceud thairis na prìosanaich do cheannard an fhreiceadain: ach thugadh comas do Phòl a bhi leis féin³, maille ri aon saighdear a bha 'ga ghleidheadh.

17 Agus tharladh, an déigh thri làithean, gu'n do ghairm Pòl maithean⁴ nan Iudhach an ceann a chéile. Agus an uair a chruinnicheadh iad, thubhairt e riu, Fheara *agus* a bhràithre, ged uach d'ruinn mise ni sam bith an aghaidh a' phobuill, no ghnàthanna nan aithriche, thugadh thairis mi a'm' phrìosanach o Ierusalem do làmhaibh nan Romhanach.

18 Muinntir an déigh dhoibh mo cheasnachdadh, leis am bu mhiann mo leigeadh as, a chionn nach robh coire bàis sam bith anuam.

19 Ach an uair a bha na h-Iudhaich a' labhairt an aghaidh so, b'éigin domh mo chùis a thogail gu Ceasar; cha'n e gu bheil coire sam bith agam r'a chur á leth mo chinnich.

20 Air an aobhar so uime sin chuir mi fios oirbhse, chum gu faicinn sibh agus gu'n labhrainn ribh: oir is ann air son dòchais Israeil a ta mi ceangailte leis an t-slabhraidh so.

¹ teasaich.

² air teachd tìr dhuinn.

³ far am bu toil leis.

⁴ uaistean, prìomh-dhaoinne.

21 Agus thubhairt iadsan ris, Cha d'fhuair sinne litriche sam bith á Iudea mu d' thimchioll, cha mhò a dh'fhoillsich no dh'innis aon do na bràithribh a thàinig, olc sam bith umad.

22 Ach bu mbaith leinn a chluinntinn uaitse ciod i do bhàrail : oir mu thimchioll na gnè-chreidimh so tha fhios againn gu'n labhrar sgach àit 'na h-aghaidh.

23 Agus air suidheachadh là ris, thàinig mòran d'a ionnsuidh chum a cheithreanna; d'an do mhìnich e rìoghachd Dhé, a' deanamh fianuis uimpe, agus a' cur impidh orra thaobh nan nithe a bhuineas do Iosa, araon á lagh Mhaois, agus as na fàidhibh, o mho-ch-thrath gu feasgar.

24 Agus chreid cuid na nithe a labhradh, agus cha do chreid cuid eile dhiubh.

25 Agus air dhòibh bhi an aghaidh a chèile, sgaoil iad, air do Phòl aon fhocal a ràdh, Is maith a labhair an Spiorad naomh tre'n fhàidh Esaias, r'ar n-aith-richibh,

26 Ag ràdh, Imich chum a' phobuill so, agus abair, Le cluinntinn cluinidh sibh,

agus cha tuig sibh; agus le faicinn chi sibh, agus cha'n aithnich sibh¹.

27 Oir a ta cridhe a' phobuill so air fàs reamhar, agus tha iad a' cluinntinn gu trom² le'n clusaibh, agus chaog³ iad an sùilean; air eagal gu faiceadh iad le'n sùilibh, agus gu'n cluinneadh iad le'n clusaibh, agus gu'n tuigeadh iad le'n cridhe, agus gu'm pilleadh iad agus gu'n slànuchinn-sa iad.

28 Uime sin biodh fhios agaibh-sa, gu'n do chuireadh slàinte Dhé chum nan Cinn-each agus éisdidh iadsan.

29 Agus an uair a thubhairt e na briathra so, dh'imich na h-Iudhaich rompa, agus bha mòr-reusonachadh⁴ aca eatorra féin.

30 Agus dh'fhan Pòl dà bhliadhna iomlan 'na thigh-màil⁵ féin, agus ghabh e ris na h-uile dhaoibh a thàinig d'a ionnsuidh,

31 A' searmonachadh rìoghachd Dhé, agus a' teagasg nan nithe a bhuineas do'n Tighearna Iosa Crìosd, leis an uile dhàn-achd, gun toirmeasg.

¹ cha léir dhuibh.

² mall.

³ dhruid.

⁴ mòr-dleasboireachd.

⁵ thigh-réidh.

LITIR AN ABSTOIL PHOIL

CHUM NAN

ROMHANACH.

CAIB. I.

1 Mhol Pòl a dhreuchd do na Romhanaich, agus dh'innis e a thogradh gu teachd d'an ionnsuidh. 16 Ciod e soisgeul Chrìosd, agus an fhìreantachd a ta e a' foillseachadh. 18 Tha fearg aig Dia ris gach uile ghné peacaidh. 21 Ciod iad peacanna nan Cinneach.

POL seirbhiseach Iosa Crìosd, a ghair-meadh 'na abstol a chuireadh air leth¹ chum Soisgeil Dé,

2 (A roimh-gheall e le 'fhàidhibh féin anns na sgrìobtuiribh naomha.)

3 Mu thimchioll a Mhic Iosa Crìosd ar Tighearn, a rinneadh do shìol Dhaibhidh, a réir na feòla;

4 A dhearbhadh² bhi 'na Mhac do Dhia le cumbachd, a réir Spioraid na naomh-achd, tre aiseirigh o na marbhaibh;

5 Tre an d'fhuair sinne gràs agus abstol-achd chum umhlachd a' chreidimh am m asg nan uile chinneach air sgàth 'ainme-sau;

6 Am measg am bheil siblise mar an ceudna air bhuir gairm le Iosa Crìosd:

7 Chum nan uile a ta san Roimh, air an gràdhachadh le Dia, air an gairm 'nan naoimh: Gràs gu robh dhuibh-se, agus sìth³ o Dhia ar n-Athair, agus o'n Tighearn Iosa Crìosd.

8 Air tùs, tha mi toirt buidheachais do m' Dhia tre Iosa Crìosd, air bhuir son-sa uile, do bhrìgh gu bheil bhuir creidimh iomraideach air fcaidh an domhain gu léir.

9 Oir is e Dia m'fhianuis, d'am bheil mi a' deanamh seirbhis le m' spiorad ann an soisgeul a Mhic, gu bheil mi gun sgur a' deanamh luaidh⁴ oirbh,

10 A ghnàth a' guidhe ann am urnuighibh, (nam feudainn a nis fa-dheoidh air aon chor le toil Dé turus soirbheasach fhaotainn,) ri teachd do 'ur n-ionnsuidh-sa.

11 Oir a ta deidh⁵ agam air sibhse fhaicinn, ionnus gu pàirtich mi tiodhlac àraidh spioradail ribh, chum bhuir neart-achadh;

12 Sin ri ràdh, chum gu faigh mi comh-fhurtachd annaibh-sa⁶, tre chreidimh a

¹ sgaradh.

² dh'orduicheadh.

³ sìothchaint.

⁴ iomraidh.

⁵ togradh.

⁶ maraon ribhse.

chéile, bhuir creidimh-sa, agus mo chreidimh-sa.

13 Agus cha'n àill leam, a bhràithre, e bhli'n ain-fhios duibhse gu'n do chuir mi romham gu minic teachd do 'ur n ionnsuidh, (ach bhacadh mi gus a so,) chum gu faighinn toradh éigin 'nur measg-sa fòs, mar am measg nan Cinneach eile.

14 Oir a ta mi fo fhiachaibh araon do na Greugaich, agus do na daoineibh borba, araon dhoibh-san a ta glic, agus dhoibh-san a ta neo-gilic.

15 Uime sin, mheud 's a ta an comas domh, tha mi ullamh chum an soisgeul a shearmonachadh dhuibh-se mar an ceudna a ta san Ròimh.

16 Oir cha'nàr leam-sa soisgeul Chriosd: oir is e cumhachd Dhé e chum slàinte do gach neach a chreideas, do'n Iudhach air tùs, agus mar an ceudna do'n Ghreugach.

17 Oir a ta fireantachd Dhé air a' foillseachadh ann tre chreidimh gu creidimh: mar a ta e sgrìobhta, Bithidh am firean beò tre chreidinn.

18 Oir a ta fearg Dhé air a foillseachadh o nèamh an aghaidh gach uile mhi-dhiadhaidheachd, agus eucoir dhaoine, a tha bacadh¹ na firinn ann an neo-fhireantachd:

19 Do bhrìgh gu bheil an ni air am feudar fios fhaotainn a thaobh Dhé follaiseach anna-san²; oir rinn Dia follaiseach dhoibh e.

20 Oir *riamho* chruthachadh an t-saoghail a ta a nithe-san nach fèudar fhaicinn, eadhon a chumhachd sìorruidh agus a Dhiadhachd, air am faicinn gu soilleir, air dhoibh bhì so-thuigsinn o na nithibh a rinneadh; chum gu biodh³ iad gun leithsgeul aca:

21 Do bhrìgh 'nuair a b' aithne dhoibh Dia, nach d' thug iad glòir dha mar Dhia, agus nach robh iad taingeil, ach gu'n d'fhàs iad diomhain 'nan reusonachadh féin, agus gu'n do dhorchaidheadh an cridhe amaideach.

22 Ag ràdh gur daoine glìce iad féin, rinneadh amadain duibh:

23 Agus chaochail⁴ iad glòir an Dé neo-thruaillidh gu dealbh a rinneadh, agus ri eunlaith, agus ainmhidhibh ceithir-chosach, agus bhéisdibh snáigeach.

24 Uime sin thug Dia thairis iad mar an ceudna, tre ana-miannaibh an cridhe féin, chum neòghloine, a thoirt easurraim d'an corpaibh féin eatorra féin:

25 Muinntir a chaochail firinn De gu bréig, agus a thug aoradh agus a rinn seirbhis do'n chreutair ni's mò na do'n Chruitear, a ta beannaichte gu sìorruidh. Amen.

26 Air a shon so thug Dia thairis iad do ana-miannaibh gràineil: oir chaochail eadhon am mnàin an gnàthachadh nàdurra chum a' ghnàtha a ta an aghaidh nàdurra:

27 Agus mar an ceudna na fir, air tréig-sinn doibh gnàthachadh nàdurra na mnà, loisgeadh iad le'n togradh d'a chéile, fìrionnaich ri fìrionnaich ag oibreachadh gràineileachd⁵ agus iad a' faotainn diolthuarasdail an seacharain amta féin, mar bu chòir.

28 Agus amhuil mar nach bu taitneach leo eòlas Dé a chumail, thug Dia thairis iad do inntinn mhi-chéillidh, a dheanamh nithe nach robh iomchuidh:

29 Air dhoibh bhì air an lìonadh do'n uile eucoir, striopachas, olc, shannt, mhuirun: làn do fharmaid, do mhortadh, do chonnasachadh⁶, do cheilg, do dhroch-bheusaibh⁷; 'nan luchd-cogarsaich,

30 'Nan luchd-anacaint⁸, 'nan luchd-fuath air Dia, 'nan luchd-tarcuis, uaibhreach, 'nan luchd-ràiteachais⁹, 'nan luchd-cumadh uile, eas-ùmhail do phàrantaibh,

31 Eu-céillidh, 'nan luchd-brisidh coimh-cheangail, gun ghràdh nàdurra, do-réiteachaidh, neo-thruacanta:

32 Muinntir d'an aithne ceartas Dé, (gu bheil iadsan a ni an leithide sin do nithibh toilleannach air bàs, *gidheadh* cha'n e mhàin gu bheil iad féin 'gan deanamh, ach a ta mar an ceudna tlachd aca do'n mhuinntir a ni iad.

CAIB. II.

1 *Iadsan a ta peacachadh, ged tha iad a' cronachadh so an daoineibh eile, cha'n urrain iad an leithsgeul féin a ghabhail, 6 agus is lugha gu mòr na sin a dh'fheudas iad dol as o cheart-bhreith-eanas Dé, ma's Iudhaich no Cinnich iad.*

UIME sin a ta thu gun leithsgeul, O a dhuine, co air bith thu a tha toirt breth: oir an uair a tha thu toirt breth air neach eile, tha thu ga d' dhiteadh féin; oir thusa a tha toirt breth, tha thu deanamh nan nithe sin féin.

2 Ach a ta fios againne gu bheil breitheanas Dé a réir firinn, an aghaidh na muinntir a tha deanamh an leithide sin.

3 Agus an saoil thusa so, O a dhuine, a tha toirt breth orra-san a ni an leithide sin, agus a ta 'gan deanamh thu féin, gu'n téid thu as o bheirtheanas Dé?

4 No 'n dean thu tarcuis air saoihbheas a mbaitheis, agus 'fhoighidin, agus 'fhad-fhulangais, gun fhios bhi agad gu bheil maithreas Dé ga d' threòrachadh chum aithreachais?

5 Ach a réir do chruais agus do chridhe neo-aithreachail, a ta thu càrnadh¹⁰ suas feirge dhuith féin fa chomhair là na feirge,

¹ cumail.

² nam measg.

³ ionnus gu bheil.

⁴ dh'atharraich.

⁵ an ni sin a ta mì-chiatach.

⁶ chomhstri.

⁷ an-amèineachd, eascaoineachd.

⁸ 'Nan luchd càl-chàineadh.

⁹ bostail.

¹⁰ tasgaidh.

ROMHANACH, II. III.

agus foillseachaidh ceart-bhreitheanais Dé;

6 A bheir do gach aon a réir a ghníomhara;

7 Dhoibh-san a ta le buanachadh gu foighidneach ann an deadh obair, ag iarraidh glòire, agus urraim¹, agus neo-bhàs-mhorachd, a' bheatha mhaireannach:

8 Ach dhoibh-san a ta conspoideach, agus nach 'eil ùmhail do'n fhìrinn, ach a ta ùmha do'n eucoir, diom agus fearg;

9 Anghar agus tcanntachd air gach anam duine a ta deanamh uile, do'n Iudhach air tùs, agus mar an ceudna do'n Gheugach:

10 Ach glòir, agus urram, agus sìth, do gach duine a ni maith, do'n Iudhach air tùs, agus do'n Gheugach mar an ceudna:

11 Oir cha'n 'eil spéis aig Dia do phearsa seach a chèile.

12 Oir a mheud as a pheacaich gun an lagh, sgriosar iad gun an lagh; agus a mheud as a pheacaich fuidh an lagh, dìtear iad leis an lagh;

13 (Oir cha'n iad luchd-éisdeachd an lagha a ta 'nam fìreanaibh am fianuis Dé, ach bithidh luchd-deanamh an lagha air am fireanachadh²).

14 Oir an uair a ta na Cinnich aig nach 'eil lagh, a thaobh nàduir a' deanamh nan nithe a ta san lagh, air dhoibh-san a bhi gun lagh tha iad 'nan lagh dhoibh féin:

15 Muinntir a ta nochdadh obair an lagha sgriobhta 'nan cridheachaibh, air bhi d'an coguis a' deanamh fianuis leo, agus an smuaintean eatorra féin gan agairt, no a' gabhail an leithsgèil³;

16 San là anns an toir Dia breth air nithibh uaigneach dhaoine, a réir mo shoisgeil-sa, tre Iosa Crìosd.

17 Feuch, goircar Iudhach dhiot-sa, agus tha thu cur dòigh san lagh, agus a' deanamh uaill á Dia;

18 Agus is aithne dhuit a thoil, agus a ta thu a' dearbhadh nan nithe⁴ a's fearr, air dhuit bhi air do theagasg as an lagh,

19 Agus a ta thu dòchasach gur ceann-⁵iuil⁴ thu féin do na doill⁵, solus dhoibh-san a ta an dorchadas,

20 Fear-fòghluim do dhaoimibh neo-eagnaidh, fear-teagaisg do leanabaibh, aig am bheil samhladh an eòlais agus na fìrinn a ta san lagh.

21 Thusa uime sin a ta teagasg neach eile, nach 'eil thu ga d' theagasg féin? thusa a ta searmonachadh gun ghoid a dheanamh, am bheil thu ri goid?

22 Thusa tha 'g ràdh gun adhaltrannas a dheanamh, am bheil thu deanamh adhaltrannais? thusa le'n gràin iodhola⁶, am bheil thu ri naomh-ghoid?

23 'Thusa a ta deanamh uaill as an lagh, an tabhair thu, le briseadh an lagha, eas-urram do Dhia?

24 Oir a ta ainm Dhé a' faotainn toibheam do 'ur taobhsa am measg nan Cinn-each, mar a ta e sgriobhta.

25 Oir a ta tairbhe gu fìrinneach anns an timchioll-ghearradh, ma ghleidheas tu an lagh: ach ma's fear-brisidh an lagha thu, tha do thimchioll-ghearradh 'na neo-thimchioll-ghcarradh dhuit.

26 Uime sin, ma ghleidheas an neo-thimchioll-ghearradh⁷ fireantachd an lagha, nach measar am neo-thimchioll-ghearradh-san mar thimchioll-ghearradh?

27 Agus nach dìt an neo-thimchioll-ghearradh thaobh nàduir, a ta a' coimhlionadh an lagha, thusa a tha tre'n litir agus tre'n timchioll-ghearradh a'd' fhear-brisidh an lagha?

28 Oir cha'n Iudhach esan, a tha mar sin o'n leth muigh; agus cha'n e sin an timchioll-ghearradh, a tha gu follaiscach san fheoil.

29 Ach is Iudhach esan, a tha mar sin san taobh a stigh⁸; agus is e sin an timchioll-ghearradh a tha sa' chridhe, agus san spiorad, cha'n ann san litir aig am bheil a chliù cha'n ann o dhaoimibh, ach o Dhia.

CAIB. III.

1 Sochair nan Iudhach; 3 nach do chaill iad: 9 gídheadh dh'fhàg an lagh shìos iad mar an ceudna thaobh peacaidh. 20 Uime sin cha 'n eil fèoil air bith air an saoradh tre'n lagh, 28 ach a ta na h-uile air an saoradh tre chreidimh a mhaìn.

CIOD e uime sin barrachd an Iudhaich? no ciod e tairbhe an timchioll-ghearraidh?

2 Is mòr sin air gach dòigh: air tùs, do bhrìgh gur ann riu-san a dh'earbadh briathra⁹ Dhé.

3 Oir ciod e sin ged nach do chròid cuid? an dean am mi-chreidimh-san fìrinn Dhé gun éifeachd?

4 Nar leigeadh Dia: ach biodh Dia fìor, agus gach duine 'na bhreugaire; a réir mar a ta e sgriobhta, Chum gu bi thu ceart ann ad bhriathraibh, agus gu'n toir thu buaidh 'nuair a bheirear breth ort.

5 Ach ma mholas ar n-eucoir-ne fireantachd Dhé, ciod a their sinn? am bheil Dia eucorach a tha deanamh dìoghaltais? (tha mi a' labhairt mar dhuine.)

6 Nar leigeadh Dia: no cionnus a bheir Dia breth air an t-saoghal?

7 Oir ma ta fìrinn Dhé tre mo bhréig-sa air a meudachadh chum a ghloire-san; c'ar son a ta mise air mo dhiteadh mar pheacach?

¹ onoir.

² air an saoradh, air an glanadh o chionta.

³ a' gabhail thlachd do na nithibh.

⁴ fear-seòlaidh.

⁵ dallaidh.

⁶ dealbhan.

⁷ esan a tha neo-thimchioll-ghearrta.

⁸ san ionad sholaichte.

⁹ oracla.

ROMHANACH, III. IV.

8 Agus c'ar son nach dean sinn olc, chum gu'n tig maith as? (mar a labhrar gu toibheumach umainne, agus mar a thubhairt cuid gu bheil sinn ag ràdh,) *muinntir d' am bheil* ¹ an dèidh a réir ceartais.

9 Ciod uime sin? am bheil barrachd againne? cha'n 'eil air aon chor: oir dhearbha sinu roimhe gu bheil araon na h-Iudhaich agus na Cinnich uile fopheacadh;

10 Mar a ta e sgriobhta, Cha'n 'eil ionracan ann, cha'n 'eil fiù a h-aon:

11 Cha'n 'eil neach *ann* a thuigeas, cha'n 'eil neach *ann* a tha 'g iarraidh Dhé.

12 Chlaon iad uile *as an t-slighe*, tha iad uile mi-tharbhach; cha'n 'eil neach a tha deanamh maith, cha'n 'eil fiù a h-aon.

13 Is uaigh fhosgailte an sgòrnach; labhair iad cealg le'n teangaidh; tha nimh nan nathrachan nimhe fo 'm bilibh.

14 Aig am bheil am beul làn do mhallachadh agus do sheirbhe:

15 *Tha* an cosan luath a dhòrtadh fola:

16 Tha léir-sgrìos agus truaighe 'nan slighibh:

17 Agus slighe na sìthe cha b'aithne dhoibh:

18 Cha'n 'eil eagal Dé fa chomhair an sùil.

19 A nis tha fhios againn ge b'e nithe a ta'n lagh a' labhairt, gur ann riu-san a ta fuidh 'n lagh a tha e 'gan labhairt: chum gu druidear gach uile bheul, agus gu'm bi an saoghal uile air fhaotainn ciontach am fianus Dé².

20 Uime sin cha bhí feòil air bith air a fìreanachadh³ 'na fhianuis-san, tre oibribh an lagha: oir *is ann* tre an lagh a ta eòlas peacaidh.

21 Ach a nis tha fìreantachd Dhé air a foillseachadh as eugmhais an lagha, a' faotainn fianuis o'n lagh agus o na fàidhibh;

22 Eadhon fìreantachd Dhé tre chreidimh Iosa Crìosd, do na h-uile, agus air na h-uile a chreideas; oir cha'n 'eil eadar-dhealachadh ann:

23 Oir pheacaidh na h-uile, agus tha iad air teachd gearr⁴ air glòir Dhé;

24 Air dhoibh bhí air am fìreanachadh gu saor le a ghràs, tre an t-saorsa a ta ann an Iosa Crìosd:

25 Neach a shònraich Dia 'na iobairt-réitich, tre chreidimh 'na fhuil, chum 'fhirantachd fhoillseachadh le maithneas nam peacanna a chaidh seachad, tre fhad-fhulangas Dé;

26 A dh'fhoillseachadh, *tha mi ag ràdh*, 'fhirantachd-san san àm a ta làthair;

chum gu'm biodh e cothromach, agus gu'm fìreanaicheadh e an ti a chreideas ann an Iosa.

27 C'ait uime sin *am bheil* uail? Dhruideadh a mach i. Ciod e an lagh *leis an do dhruideadh a mach i?* *an e lagh* nan oibre? Cha'n e; ach tre lagh a' chreidimh.

28 Tha sinn uime sin a' meas gu bheil duine air fìreanachadh tre chreidimh as eugmhais oibre an lagha.

29 An e Dia nan Iudhach a mhàin e? Nach e mar an ceudna Dia nan Ciun-each? Gu deimhin nan Cinneach mar an ceudna:

30 Do bhrìgh gur aon Dia, a dh'fìreanaicheas⁵ an timchioll-ghearradh o chreidimh, agus an neo-thimchioll-ghearradh tre chreidimh.

31 Am bheil sinn uime sin a' cur an lagha an neo-bhrìgh tre'n chreidimh? Nar léigeadh Dia: ach a ta sinne a' daingneachadh⁶ an lagha.

CAIB. IV.

¹ *Mheasadh creidimh Abraham dha mar fhìreantachd, 10 mun do thimchioll-ghearradh e. 13 Tre chreidimh a mhàin shealbhaich e fèin agus a shliochd an gealladh. 16 Is e Abraham athair nan uile dhaoine a ta creidsinn. 24 Bithidh ar creidimh-ne mar an ceudna air a mheas dhuinn mar fhìreantachd.*

CIOD ma ta a their sinn a fhuair ar n-athair Abraham a réir na feòla?

2 Oir ma dh'fìreanaicheadh Abraham le oibribh, tha aobhar uail aige, ach cha'n ann a thaobh Dhé.

3 Oir ciod a ta an sgriobtuir ag ràdh? Chreid Abraham Dia, agus mheasadh sin da mar fhìreantachd.

4 A nis do'n ti a ni obair cha'n aum mar ghean-maith⁷ a mheasar an tuarasdal, ach mar fhiachaidh.

5 Ach do'n ti nach dean obair, ach a ta creidsinn anns an ti a dh'fìreanaicheas an duine mi-dhiadhaidh, measar a chreidimh mar fhìreantachd.

6 Amhuil mar a ta Daibhidh a' cur an céill beannachadh an duine sin d'am meas Dia fìreantachd as eugmhais oibre, *ag ràdh*,

7 Is beannaichte iadsan a fhuair maithneas 'nan euceirtibh, agus aig am bheil am peacanna air am folach.

8 Is beannaichte an ti nach cuir an Tigh-earn peacadh as a leth.

9 Am bheil ma ta am beannachadh so *teachd* air an timchioll-ghearradh *a mhàin*, no mar an ceudna air an neo-thimchioll-ghearradh? Oir tha sinn ag ràdh gu'n do mheasadh creidimh do Abraham mar fhìreantachd.

¹ a tha. ² buailteach do bhreth Dhé, buailteach do dhèidh Dhé. ³ saoradh, glanadh.

⁴ fa dheireadh, a dheidh-laimh.

⁵ a shaoras, a ghairmeas glan.

⁶ a' ncartachadh.

⁷ mar fhàbhor.

10 Cionnus ma ta a mheasadh *dha* e? An ann an uair a bha e san timchioll-ghearradh, no san neo-thimchioll-ghearradh? Cha'n ann san timchioll-ghearradh, ach san neo-thimchioll-ghearradh.

11 Agus fhuaire e comhar an timchioll-ghearraidh, seula fireantachd a' chreidimh a bha aige san neo-thimchioll-ghearradh, chum gu'm biodh e 'na athair aca-san uile a ta creidsinn san neo-thimchioll-ghearradh, chum gu measadh fireantachd dhoibh-san mar an ceudna:

12 Agus 'na athair an timchioll-ghearraidh dhoibh-san nach 'eil a mhàin do'n timchioll-ghearradh, acli mar an ceudna a ta 'g imeachd ann an ceumaibh a' chreidimh ar n-Athar Abraham, a bha aige san neo-thimchioll-ghearradh.

13 Oir cha b'ann tre'n lagh a thugadh an gealladh do Abraham uo d'a shìol, Gu'm biodh e 'na oighre air an t-saoghal, ach tre fhìreantachd a' chreidimh.

14 Oir ma ta iadsan a bhuineas do'n lagh 'nan oighreachaibh, tha creidimh air a dheanamh dìomhain, agus an gealladh gun bhrìgh:

15 A chionn gu bheil an lagh ag oibreachadh feirge: oir far nach 'eil lagh, cha'n 'eil an sin briseadh lagha.

16 Uime sin ann o chreidimh a ta 'n oighreachd, ionnus gu'm biodh i tre ghràs: chum gu'm biodh an gealladh daingean do'n t-sìol uile, cha'n ann a mhàin dhoibh-san a bhuineas do'n lagh, ach mar an ceudna dhoibh-san a bhuineas do chreidimh Abraham, neach is e ar n-athair-ne uile,

17 (A réir mar a ta e sgrìobhta, Dh'ord-uich mi thu a'd' athair mhòran chinneach,) 'na làthair-sa anns an do chreid e, eadhon Dia, a ta beothachadh nam marbh, agus a ta gairm nan nìthe sin nach 'eil idir ann mar gu'm biodh iad ann:

18 Neach an aghaidh dòchais a chreid an dòchas, chum gu'm biodh e 'na athair mhòran chinneach; a réir mar a dubhradh, Mar so bìthidh do shliochd.

19 Agus air dha gun bhi anmhunn an creidimh, cha do chuir e an suim gu robh a chorp féin a nis marbh, air dha bhi timchioll ceud bliadhna dh'aois, no mairbhe bronn Shara:

20 Agus cha do chuir e an amharus gealladh Dhé le mi-chreidimh; ach bha e làidir an creidimh, a' toirt glòire do Dhia:

21 Agus bha làn-deimhin aige, an ti a thug an gealladh, gur comasach esan air a choimhlionadh.

22 Agus uime sin mheasadh so dhasan mar fhìreantachd.

23 A nis cha b'ann air a shon-san 'a mhàin a sgrìobhadh, gu'n do mheasadh so dha;

24 Ach air ar son-ne mar an ceudna d'an measar e, ma chreideas sinn annsan a thog suas Iosa ar Tighearn o na marbhaibh,

25 A thugadh thairis air son ar ciontaidh, agus a thogadh suas a ris air son ar fireanachaidh.

CAIB. V.

1 *Air dhuinn bhi air ar saoradh o chionta peacaidh tre chreidimh, tha sith againn ri Dia, agus gairdeachas ann an dòchas: 8 do bhrìgh gu'n d'fhuair sinn réite tre fhuil Chrìosd, nuair bu naimhde sinn, is mò gu mòr na sin a shaorar sinn a nis air dhuinn an réite fhaotainn.*

UIME sin air dhuinne bhi air ar fìreanachadh¹ tre chreidimh, tha sith againn ri Dia, tre an Tighearn Iosa Crìosd:

2 Tre'm bheil againn mar an ceudna slighe gu dol a steach tre chreidimh chum a' ghràis so anns am bheil sinn 'nar seasamh, agus a ta sinn a' deanamh gairdeachais an dòchas² glòire Dhé.

3 Agus cha'n e so a mhàin, ach a ta sinn mar an ceudna a' deanamh uail ann an trioblaidibh, do bhrìgh gu bheil fios againn gu'n oibrich trioblaid³ foighidin;

4 Agus foighidin, dearbhadh⁴; agus dearbhadh, dòchas:

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar cridheachaibh, tre'n Spiorad naomh a thugadh dhuinne.

6 Oir air dhuinne bhi fathast gun neart, ann an àm iomchuidh bhàsaich Crìosd air son nan daoine neo-dhiadhaidh.

7 Oir⁵ is gann a dh'fhuilingeas duine bàs air son duine chothromaich; ach theagamh gu'm biodh aig neach éigin do mhisnich eadhon bàs fhulang air son duine mhaith.

8 Ach a ta Dia a' moladh a ghràidh féin dhuinne, do bhrìgh an uair a bha sinn fathast 'nar peacaich gu'n d'fhuiling Crìosd bàs air ar son.

9 Is mò gu mòr⁶ uime sin, air dhuinn a nis bhi air ar fìreanachadh tre 'fhuil, a shaorar⁷ tridsan o fheirg sinn.

10 Oir ma 'se air dhuinn bhi 'nar naimhdeibh, gu'n d'rinneadh rèidh ri Dia sinn tre bhàs a Mhic; is mò gu mòr, air dhuinn bhi air ar deanamh rèidh, a shaor ar tre a bheatha sinn.

11 Agus cha'n e mhàin sin, acli a ta sinn a' deanamh gairdeachais an Dia, tre ar Tighearna Iosa Crìosd, tre an d'fhuair sinn a nis an réite.

12 Uime sin mar a thàinig peacadh a

¹ saoradh, glanadh o chionta.

² earbsa, dùil.

³ àmhghar.

⁴ fìdreachadh, fèin-fhìosrachadh.

⁵ A nis.

⁶ Is mòr is mò.

⁷ thèarnar, shùthalar.

steach do n t-saoghal tre aon duine, agus bàs tre'n pheacadh; mar sin mar an ceudna thàinig bàs air na h-uile dhaoineibh, do bhrìgh gu'n do pheacaich iad uile¹.

13 Oir gus an lagh, bha peacadh anns an t-saoghal: ach cha chuirear peacadh á leth *dhaoine* far nach 'eil lagh.

14 Gidheadh, rìoghaich am bàs o Adhamh gu Maois, eadhon air an dream nach do pheacaich a réir coslais eas-umhlachd Adhaimh, neach is e samhladh² an ti ud a bha ri teachd:

15 Ach cha'n ann mar an cionta, a tha'n saor-thiodhlac. Oir ma fhuair mòran bàs tre chionta aoin, is mò gu mòr na sin a *tha* gràs Dhé, agus an tiodhlac troimh ghràs *a ta* tre aon duine, Iosa Crìosd, pailte do mhòran.

16 Agus cha'n ann mar tre aon duine a pheacaich³, *mar sin* a tha'n tabhartas: oir *bha* am breitheanas tre aon *chionta*, chum dìtidh: ach *a ta'n* saor-thabhartas o mhòran chiontaibh chum fireanachaidh.

17 Oir ma's e as tre chionta aon *duine*, gu'n do rìoghaich am bàs tre aon, is mò gu mòr na sin a rìoghaicheas iadsan, a gheibh pailteas gràis, agus tabhartais na fireantachd, ann am beatha tre aon, eadhon Iosa Crìosd.

18 Uime sin mar tre chionta aoin *duine*⁴ *athàinig breitheanas* air na h-uile dhaoineibh chum dìtidh, is amhuil sin mar an ceudna tre fhìreantachd aoin⁵, *thàinig an saor-thiodhlac* air na h-uile dhaoineibh chum fireanachaidh na beatha.

19 Oir mar tre eas-umhlachd aoin duine a rinneadh mòran 'nam peacaich, is amhuil sin tre ùmhlachd aoin *duine* a nìhear mòran 'nam fireanaibh.

20 Ach thàinig an lagh a steach, chum gu meudaichteadh an cionta: ach far an do mheudaicheadh am peacadh, bu ro mhò a mheudaicheadh gràs:

21 Chum as mar a rìoghaich am peacadh chum bàis, mar sin gu'n rìoghaicheadh gràs tre fhìreantachd chum na beatha maireannaich, tre Iosa Crìosd an Tighearn.

CAIB. VI.

1 *Cha'n fheud sinn ar beatha a chaitheadh am peacadh; oir a ta sinn marbh dha mar tha 'm baisteadh a' dearbhadh.* 12 *Na biodh rìoghachadh aig a' pheacadh nì's mò, 18 do bhrìgh gu'n d'thug sinn sinn-fèin thairis do sheirbhìs na fireantachd.*

CIOD ma ta a their sinn? Am buanaich sinn am peacadh, chum gu meudaichear gràs?

2 Nar leigeadh Dia: cionnus a dh'

fheudas sinne a ta marbh do'n pheacadh, ar beatha a chaitheadh nì's faide ann?

3 Nach 'eil fhios agaibh, a mheud againn as a bhaisteadh ann an Iosa Crìosd, gu'n do bhaisteadh chum a bhàis sinn?

4 Air an aobhar sin dh'adhlacaidh sinn maille⁶ ris tre'n bhaisteadh chum bàis: ionnus mar a thogadh Crìosd suas o na marbhaibh le glòir⁷ an Athar, mar sin gu gluaiseamaid-ne mar an ceudna ann an nuadhachd beatha.

5 Oir ma chaidh ar suidheachadh mar-aon ann an coslas a bhàis, bithidh sinn mar an ceudna *air ar suidheachadh ann an coslas* 'aiseirigh.

6 Air fhios so a bhì againn, gu bheil ar seann duine air a cheusadh maille *ris*, ionnus gu'm biodh corp a' pheacadh air a sgrìos, chum á so suas nach deanamaid seirbhìs do'n pheacadh.

7 Oir an ti a fhuair bàs, rinneadh saor e o'n pheacadh.

8 A nis ma fhuair sinn bàs maille ri Crìosd, tha sinn a' creidsinn gu'm bì sinn beò maille ris mar an ceudna:

9 Air dhuinn fios a bhì againn air do Chrìosd éirigh o na marbhaibh, nach bàsaich e nì's mò; cha 'n 'eil tighearnas aig a' bhàs nì's mò air.

10 Oir a mheud gu'n d' fhuair e bàs, is ann do'n pheacadh a fhuair e bàs aon uair a *mhàin*: ach a mheud gu bhìil e beò, is ann do Dhia a ta e beò.

11 Mar sin mar an ceudna measaibh-sa gu bheil sibh fèin gu deimhin marbh do'n pheacadh, ach beò do Dhia tre Iosa Crìosd ar Tighearna.

12 Air an aobhar sin na rìoghaicheadh am peacadh ann bhur corp bàsmhor, air chor as gu'n tugadh sibh ùmhlachd dha 'na anamiannaibh.

13 Agus na tugaibh bhur buill nan armaibh euceirt⁸ do'n pheacadh: ach thugaibh sibh fèin do Dhia, mar dhream a ta beò o na marbhaibh, agus bhur buill 'nan armaibh fireantachd do Dhia.

14 Oir cha bhì aig a' pheacadh tigh-earnas oirbh: oir cha'n 'eil sibh fuaidh 'n lagh, ach fuaidh ghràs.

15 Ciod uime sin? am peacaich sinn, do bhrìgh nach 'eil sinn fuaidh 'n lagh, ach fuaidh ghràs? Nar leigeadh Dia.

16 Nach 'eil fhios agaibh, an ti d'an toir sibh sibh fèin mar sheirbhìsich chum ùmhlachd, gur seirbhìsich sibh do'n ti d'an dean sibh ùmhlachd; ma's ann do'n pheacadh chum bàis, no do ùmhlachd chum fireantachd.

17 Ach buidheachas do Dhia, an déigh dhuibh a bhì 'nur seirbhìsich do'n pheac-

¹ ann-san san do pheacaich na h-uile.

² samhachas, comh-choslas, dealbh.

³ tre aon pheacadh.

⁴ tre aon chionta.

⁵ tre aon fhìreantachd.

⁷ cumhachd.

⁶ maraon.

⁸ eucorach.

adh, gu'n d'thug sibh o bhuir cridhe ùmh-lachd do'n chumadh teagaisg sin d'an d'thugadh sibh thairis¹.

18 Air dhuibh ma ta bhi air bhuir deanamh saor o'n pheacadh, rinn sibh seirbhis do'n fhìreantachd.

19 Tha mi labhairt mar dhuine, air son annhuinneachd bhuir feòla-sa: oir mar a thug sibh bhuir buill mar sheirbhisich do neòghloine, agus do euceart chum eueirt, amluill sin a nis thugaibh bhuir buill mar sheirbhisich do'n fhìreantachd, chum naomhachd.

20 Oir an uair a bha sibh 'nur seirbhisich do'n pheacadh, bha sibh saor o'n fhìreantachd.

21 Air an aobhar sin ciod an toradh a bha agaibh an sin anns na nithibh sin, a ta nis a' cur nàire oirbh? oir is e crìoch nan nithe sin am bàs.

22 Ach a nis air dhuibh bhi saor o'n pheacadh, agus 'nur seirbhisich do Dhia, tha bhuir toradh agaibh chum naomhachd, agus a' chrìoch a' bheatha mhaireannach.

23 Oir is e tuarasdal a' pheacaidh am bàs: ach is e saor-thiodhlac² Dhé a' bheatha mhaireannach, tre Iosa Crìosd ar Tighearna.

CAIB. VII.

1 *Cha 'n' eil aig an lagh cumhachd os ceann duine ni's faide na's beò e.* 4 *Ach tha sinne marbh do'n lagh; 'g d'headh cha'n' eil an lagh 'na pheacadh,* 12 *ach naomh, ceart, agus maith, &c.*

NACH 'eil fhios agaibh, a bhràithre, (oir is ann riu-san d'an aithne an lagh a ta mi labhairt,) gu bheil tighearnas aig an lagh air duine, am fad is beò e?

2 Oir a' bhean a ta pòsda ri fear, tha i ceangailte leis an lagh r'a fear am fad is beò e: ach ma gheibh a fear bàs, tha i fuasgailte o lagh a fir.

3 Uime sin am feadh is beò a fear, ma phòsar i ri fear eile, goirear ban-adhalt-ranach dhi: ach ma gheibh a fear bàs, tha i saor o'n lagh sin, air chor as nach ban-adhalt-ranach i, ged robh i aig fear eile.

4 Air an aobhar sin, mo bhràithre, tha sibhse mar an ceudna marbh do'n lagh tre chorp Chrìosd: ionnus gu'm biodh sibh pòsda ri fear eile, *eadhon* ris-san a thogadh o na marbhaibh, chum gu'n tugamaid toradh a mach do Dhia.

5 Oir an uair a bha sinn san fheòil, bha miannan nam peacanna, tre'n lagh, ag oibreachadh ann ar buill³, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bli marbh⁴ leis an do chuinnadh sinn; chum gu'n deanamaid

seirbhis ann an nuadhachd spioraid, agus cha'n ann an seanaichd na litreach.

7 Ciod uime sin a their sinn? am bheil an lagh 'na pheacadh? Nar leigeadh Dia. Ni h-eadh, cha b'aithne dhomh peacadh, ach tre'n lagh: oir cha bhiodh eòlas agam air sannt, mur abradh an lagh, Na sanntaich⁵.

8 Ach air do'n pheacadh fàth⁶ a ghlacadh tre'n aithne, dh'oibrich e annam gach uile ghnè an-tograidh: oir as eugmhais an lagha *bha* am peacadh marbh.

9 Oir bha mise beò as eugmhais an lagha uair-éigin: ach air teachd do'n aithne, dh'ath-bheothaich am peacadh, agus fhuair mise bàs.

10 Agus an aithne a dh'orduicheadh chum beatha, fhuaradh dhomh-sa chum bàis i.

11 Oir air do'n pheacadh fàth a ghlacadh tre'n aithne, mheall e mi, agus le sin mharbh e mi.

12 Air an aobhar sin *tha'n* lagh naomh; agus a *ta* an aithne naomh, agus cothrom-ach, agus maith.

13 Uime sin an d'rinneadh an ni sin a bha maith, 'na bhàs domh-sa? Nar leigeadh Dia. Ach am peacadh, chum gu faicteadh⁷ gur peacadh e, ag oibreachadh bàis annam-sa, leis an ni sin a ta maith; chum tre'n aithne gu'm fàsadh am peacadh ro pheacach.

14 Oir a ta fhios againne gu bheil an lagh spioradail: ach a ta mise feòlmhor, air mo reiceadh fuidh'n pheacadh.

15 Oir an ni a ta mi deanamh, cha taitneach leam e: oir an ni a b'ail leam, cha'n e a ta mi a' deanamh; ach an ni a's fuathach leam, is e sin a ta mise a' deanamh.

16 Uime sin ma tha mi deanamh an ni nach b'ail leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha deanamh so, ach am peacadh a tha gabhail còmhnuidh annam.

18 Oir a ta fhios agam, annam-sa, (sin ri ràdh, ann am fheòil,) nach 'eil maith sam bith a' gabhail còmhnuidh: oir tha'n toil a làthair maille rium, ach *dòigh sam bith* chum maith a dheanamh cha'n 'eil mi faotainn⁸:

19 Oir cha'n 'eil mi deanamh⁹ am maith bu mhiann leam: ach an t-òle nach b'ail leam, is e sin a ta mi a' deanamh.

20 A nis ma tha mi a' deanamh an ni nach b'ail leam, cha mhise ni's mò a ta deanamh so, ach am peacadh a tha gabhail còmhnuidh annam.

21 Uime sin tha mi faotainn lagha, 'nuair

¹ ris an do chomh-chumadh sibh, a thugadh dhuibh.

² ghibht. ³ ballaibh.

⁴ air dhuinn bàsachadh do'n nì.

⁵ m'annach.

⁷ leigeadh ris.

⁹ nì'n deanam.

⁶ cothrom.

nì faigheam.

ROMHANACH, VII. VIII.

a b'àill leam am maith a dheanamh, gu bheil an t-òle a làthair agam.

22 Oir a ta tlachd agam an lagh Dhé, a réir an duine an taobh a stigh:

23 Ach tha mi faicinn lagha eile a'm' bhuill a' cogadh an aghaidh lagha m'inn-tinn, agus ga m' thoirt am bruid do lagh a' pheacaidh, a ta ann am bhuill.

24 Och is duine truagh mi! cò a shaoras mi o chorp a' bhàis so?

25 Tha mi toirt buidheachais do Dhia¹, tre Iosa Criosd ar Tighearna. Uime sin, tha mise féin leis an inntinn a' deanamh seirbhis do lagh Dhé; ach leis an fheoil do lagh a' pheacaidh.

CAIB. VIII.

1 *Tha iadsan a ta ann an Criosd, agus a' caitheadh am beatha a réir an Spioraid, saor o dhéachd. 5 Ciod an cron a thig o'n fheoil, 14 agus ciod am maith a thig o'n Spiorad; 17 agus ciod e bhi 'nar cloinn do Dhia; 19 dream aig am bheil roimh na h-uile nìthe, déidh air an saorsa, &c.*

AIR an aobhar sin cha'n 'eil a nis dìteadh sam bith do'n dream sin a tha ann an Iosa Criosd, a tha gluasad² cha'n ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Criosd, mise o lagh a' pheacaidh agus a' bhàis.

3 Oir an nì nach robh an comas do'n lagh a dheanamh, do bhrìgh gu robh e annmhuinn tre'n fheoil, ag cur a Mhic féin do Dhia an coslas feòla peacaich, agus 'na ìobairt air son peacaidh, dhìt e am peacadh san fheoil:

4 Chum gu'm biodh fireantachd an lagha air a coimhlionadh annainne, a tha gluasad cha'n ann a réir na feòla, ach a réir an Spioraid.

5 Oir an dream a ta a réir na feòla, tha an aire air na nithibh sin a bhuineas do'n fheoil; ach an dream a ta a réir an Spioraid, air na nithibh sin a bhuineas do'n Spiorad.

6 Oir an inntinn fheòlmhor is bàs i; ach an inntinn spioradail is beatha agus sìth³ i:

7 Do bhrìgh gur naimhdeas an inntinn fheòlmhor an aghaidh Dhé: oir cha'n 'eil i ùmhail do lagh Dhé, agus cha mhò a tha'n comas di bhi.

8 Uime sin cha'n urrainn iadsan a tha san fheoil Dia a thoileachadh.

9 Ach cha'n 'eil sibhsan san fheoil, ach san Spiorad, ma tha Spiorad Dhé a' gabhail còmhnuidh annaibh. A nis mur 'eil Spiorad Chriosd aig neach, cha bhuinn e dha.

10 Agus ma tha Criosd annaibh, tha'n corp marbh gu deimhin a thaobh peacaidh; ach is beatha an spiorad a thaobh⁴ fireantachd.

11 Ach ma tha Spiorad an ti a thog Iosa o na marbhaibh a gabhail còmhnuidh annaibh, an ti a thog Criosd o na marbhaibh, beothaichidh e mar an ceudna bhur cuirp bhàsmhor-sa, tre a Spiorad-san a ta chòmhnuidh annaibh.

12 Uime sin, a bhràithre, tha sinn fo fhiachaibh, cha'n ann do'n fheoil, chum ar beatha a chaitheadh a réir na feòla.

13 Oir ma chaitheas sibh bhur beatha a réir na feòla, gheibh sibh bàs: ach ma mharbhas sibh tre'n Spiorad gnìomhara na colla, bithidh sibh beò.

14 Oir a mheud 's a ta air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a ris chum eagail; ach fhuair sibh Spiorad na h-uchd-mhacachd, tre an glaoth⁵ sinn, Abba, Athair.

16 Tha an Spiorad féin a' deanamh fianuis maille r'ar spiorad-ne, gur sinn clann Dhé:

17 Agus ma's clann, is oighreachan; oighreachan air Dia, agus comh-oighreachan maille ri Criosd: ma 'se is gu'm fuiling sinn maille ris, chum gu glòraichear sinn maille ris mar an ceudna.

18 Oir tha mi a' measadh nach airidh fulangais na h-aimsir a ta làthair bhi air an coimhmeas ris a' ghloir a dh'fhoillsichear annainn.

19 Oir a ta dùil dhùrachdach a' chruthachaidh⁶ a' feitheamh ri foillseachadh cloinne Dhé.

20 Oir chuireadh an cruthachadh fo dhìomhanas, cha'n ann le 'thoil, ach tridsan a chuir fo dhìomhanas e;

21 An dòchas gu'n saorar an cruthachadh féin fòs o dhaorsa na truailidheachd, gu saorsa glòrmhor cloinne Dhé.

22 Oir a ta fhios againne gu bheil an cruthachadh uile⁷ ag osnaich, agus am péin gu léir, mar mhnaoi ri saothair, gus an àm so:

23 Agus cha'n e so a mhàin, ach sinn féin mar an ceudna, aig am bheil ceud thoradh an Spioraid, tha eadhon sinne ag osnaich annainn féin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a shaorar sinn: ach dòchas a chithear, cha dòchas e: oir an nì a ta an duine faicinn, c'ar son a bhios dòchas aige ris?

25 Ach ma tha dòchas⁸ againn ris an nì nach 'eil sinn a' faicinn, feithidh singu foighidneach ris.

26 Tha an Spiorad féin mar an ceudna a' deanamh còmhnaidh le ar n-annmhuinn eachd: oir cha'n aithne dhuinn ciod a ghuidheamaid mar bu chòir dhuinn; ach a ta an Spiorad féin a' deanamh eadar-

¹ ghràs Dhé.

² a' siubhal, ag imeachd.

³ sìothchaint.

⁴ tre, air sgàth.

⁵ éigh, gairm.

⁶ a' chreutair.

⁷ gach uile chreutair.

⁸ sùil.

ROMHANACH, VIII. IX.

ghuidhe¹ air ar son le osnaibh do-labh-airt.

27 Agus is aithne dhasan a ta rannsachadh nan cridheachan ciod i inntinn an Spioraid, do bhrìgh gu bheil e a' deanamh eadar-ghuidhe air son nan naomh a réir *toil* Dé.

28 Agus a ta fhios againn gu'n comhoibrich na h-uile nithe chum maith, do'n dream aig am bheil gràdh do Dhia, *eadhon* dhoibh-san a ghairmeadh a réir a ruin.

29 Oir an dream a roimh-aithnich e, roimh-orduich e iad mar an ceudna *chum bhi* comh-chosmhail ri ionmhaigh² a Mhic, chum gu'm biodh esan 'na cheud-ghin am measg mórain bhràithre.

30 Agus an dream a roimh-orduich e, ghairm e iad mar an ceudna: agus an dream a ghairm e, dh'fhireanaich e mar an ceudna: agus an dream a dh'fhìreanaich e, ghlòraich e mar an ceudna.

31 Ciod uime sin a their sinn ris na nithibh sin? Ma tha Dia leinn, cò dh'fheudas *bhi* 'nar n-aghaidh?

32 An ti nach do chaomhain a Mhac féin, ach a thug thairis e air ar son-ne uile, cionnus maille ris-san nach toir e mar an ceudna dhuinn gu saor na h-uile nithe?

23 Cò a chuireas coire sam bith á leth daoine taghta Dhé? *Is e* Dia a dh'fhìreanaicheas³.

34 Cò a dhìteas? *Is e* Crìosd a fhuair bàs, seadh tuilleadh fòs, a dh'éirich a ris, agus a ta air deas làimh Dhé, neach a ta mar an ceudna a' deanamh eadar-ghuidhe air ar son-ne.

35 Cò a sgaras⁴ sinn o ghràdh Chrìosd? *an dean* trioblaid, no àmhghar, no geur-leamhluin, no gorta, no lomnochduidh, no cunnart, no claidheamh?

36 (A réir mar a ta e sgrìobhta, Air do shon-sa mharbhadh sinn rè an là; mheasadh sinn mar chaoraich chum marbhaidh.)

37 Ni h-eadh, ach anns na nithibh sin uile tha sinn a' toirt tuilleadh agus buaidh, trid-san a ghràdhaidh sinn.

38 Oir a ta dearbh-bheachd agam, nach bi bàs, no beatha, no aingil, no uachdaranachda, no cumhachda, no nithe a ta làthair, no nithe a ta ri teachd,

39 No àirde, no doimhne, no creutair sam bith eile, comasach air siune a sgaradh o ghràdh Dhé a ta ann an Iosa Crìosd ar Tighearn.

CAIB. IX.

1 Tha Pòl doilich air son nan Iudhach. 7 Cha b'iad sliochd Abrahaim uile clann a' gheallaidh. 18 Tha Dia a' deanamh tròcair air an dream a's *toil* leis.

21 Feudaidh an cumadair an ni a's àill leis a dheanamh ris a' chrìadh.

A TA mi a' labhairt na fìrinn ann an Crìosd, cha dean mi breug, (air bhi do m' choguis a' deanamh fianuis domh san Spiorad naomh:)

2 Gu bheil doilgheas mòr orm, agus cràdh air mo chridhe an còmhnuidh.

3 Oir ghluidhinn mi féin a bhi deal-aichte⁵ o Chrìosd, air son mo bhràithre, mo luchd-dàimh a thaobh na feòla:

4 A ta 'nan Israelich; d'am buin an uchd-mhacachd, agus a' ghlòir, agus na coimhcheangail, agus tabhairt an lagha, agus seirbhis Dé, agus na geallanna;

5 D'am buin na h-aithriche, agus o'm bheil Crìosd a thaobh na feòla, neach is e Dia os ceann nan uile, beannaichte gu sìorruidh. Amen.

6 Cha'n e gu bheil focal Dé gun éifeachd. Oir cha'n Israelich iadsan uile a ta o Israel:

7 Agus ni mò do bhrìgh gur sliochd do Abraham iad, a ta iad uile 'nan cloinn: ach, Ann an Isaac ainmichear do shìol.

8 Is e sin ri ràdh, Cha'n iad clann na feòla clann Dhe: ach is iad clann a' gheallaidh a mheasar mar shìol.

9 Oir is e so focal a' gheallaidh, A réir an àm so⁶ thig mi, agus bitùidh mac aig Sara.

10 Agus cha'n e mhàin so, ach Rebecca mar an ceudna 'nuair a thoirrheadh i o aon, *eadhon* Isaac air n-athair-ne;

11 (Oir mun do rugadh na naoidheana, agus mun d'rinn iad maith no olc, chum gu'm biodh rùn Dé a réir an taghaidh seasmhach, cha'n ann o oibribh, ach o'n ti a ghairmeas;)

12 A dubhradh rithe, Ni an neach a's seine seirbhis do'n neach a's òige.

13 A réir mar a ta e sgrìobhta, Ghràdhaidh mi Iacob, ach dh'fhuathaich mi Esau.

14 Ciod a their sinn ma ta? *am bheil* eucoir maille ri Dia? Nar leigeadh Dia.

15 Oir a ta e ag ràdh ri Maois, Ni mi tròcair air an neach air an dean mi tròcair, agus gabhaidh mi truas do'n neach d'an gabh mi truas.

16 Uime sin cha'n ann o'n ti leis an àill, no o'n ti a ruithreas, ach o Dhia a ni tròcair.

17 Oir a ta an sgrìobtuir ag ràdh ri Pharaoh, Is ann chum na crìche so féin a thog mi suas thu, chum gu'm foillsichinn mo chumhachd annad, agus chum gu'm biodh m'ainm iomraideach air feadh na talmhainn uile.

18 Uime sin ni e tròcair air an ti a's àill leis, agus an ti a's àill leis cruaidhichidh e.

¹ guidhe.

² dealbh.

³ a shaozas, a ghairmeas glan o chionta.

⁴ dhealaicheas.
a'm' mhallachadh.

⁵ malluichte, air mo dheanamh
⁶ Air an àm so.

19 Their thu ma ta rium, C'ar son a ta e ma seadh a' faghail croin? oir cò a chuir an aghaidh a thoile?

20 Nì h-eadh ach, O a dhuine, cò thusa a ta tagradh an aghaidh Dhé? An abair an nì a chumadh ris an tì a chum e, C'ar son a rinn thu mi mar so?

21 Nà 'eìl cumhachd aig a' chriadh-adair¹ air a' chriadh, ionnus gu'n deanadh e do'n aon mheall aon soitheach chum urrainn², agus soitheach eile chum eas-urraim.

22 Cìod ma's e, air bhi do Dhia toileach 'fhearg a nochdadh, agus a chumhachd a dheanamh aithnichte, gu'n d' fluiligh³ e le mòr fhad-fhulangas soithiche na feirge air an ulluchadh chum sgrìos:

23 Agus chum gu'n deanadh e aithnichte saobhbreas a ghloire air soithichibh na tròcair, a dh'ulluich e roimh-làimh chum gloire,

24 Eadhon sinne a ghairm e, cha'n e mha'n do na h-Iudhaich, ach mar an ceudna do na Cinnich.

25 Mar a ta e ag ràdh mar an ceudna ann an Hosea, Goiridh mi mo phobull diubh-san nach robh 'nam pobull domh; agus bean ghràdhach dh'ise nach robh ghràdhach.

26 Agus tarlaidh, anns an ionad san dubhradh riu, Cha sibh mo phobull-sa; an sin gu'n goirear Clann an Dé bheò dhiubh.

27 Tha Esaias mar an ceudna ag éigh-each mu thimchioll Israeil, Ged tha àir-eamh chloinn Israeil mar ghlaimeamh na fairge, is fuigheall a thèarnar.

28 Oir crìochnaichidh e an obair, agus gearraidh e goirid i an ceartas⁴: do bhrìgh gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fàgadh Tighearn nan sluagh sìol againne, dheantadh sinn mar Shodom, agus bhith-eamaid cosmhuil ri Gomorrah.

30 Cìod a their sinn ma seadh? Gu'n d'ràinig na Cinnich, nach robh a leantuinn fireantachd, air fireantachd, eadhon an fhìreantachd a ta o chreidimh:

31 Ach cha do ràinig Israeil, a bhla leantuinn lagha na fireantachd, air lagh na fireantachd.

32 C'ar son? A chionn nach ann o chreidimh, ach mar gu'm b'ann o oibribh an lagha a dh'iarr iad i: oir thuislich iad air a' chloich-thuislidh sin;

33 Mar a ta e sgrìobhta. Feuch, cuiream ann an Sion clach-thuislidh, agus carraig oilbheim: agus gach neach a chreideas ann-san, cha chuirear gu nàire e.

1 Tha an sgrìobhtair a' nochdadh an eadar-dhealachaidh a ta eadar fireantachd an lagha, agus a' chreidimh; 11 agus nach cuirear a h-aon do na h-Iudhaich, no do na Cinnich sin uile a chreideas, fuidh amhladh.

ABHRAITHRE, is e dùrachd⁵ mo chridhe, agus m' urnuigh ri Dia air son Israeil, gu'm biodh iad air an tearn-adh.

2 Oir a ta mi deanamh fianuis doibh, gu bheil eud⁶ aca thaobh Dhé, ach cha'n ann a réir eòlais.

3 Oir air dhoibh bhi aineolach air fìreantachd Dhé, agus ag iarraidh am fìreantachd féin a chur air chois, cha do strìochd⁷ iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir a ta Maois a' cur an céill na fìreantachd a ta o'n lagh, eadhon, An duine a nì na nithe sin, gu'm bi e beò leo.

6 Ach mar so a ta an fhìreantachd a ta o chreidimh ag ràdh, Na abair ann do chridhe, Cò théid suas air nèamh? (sin r'a ràdh a thoirt Chrìosd a nuas;)

7 No, Cò a théid sìos do'n doimhne? (sin r'a ràdh, a thoirt Chrìosd a ris air ais o na marbhaibh:)

8 Ach cìod a ta i ag ràdh? Tha 'm focal ann fagus duit, ann do bheul, agus ann do chridhe: 'se sin focal a' chreidimh a tha sinne a' searmonachadh,

9 Ma dh'aideigas tu le d' bheul an Tighearn Iosa, agus ma chreideas tu ann do chridhe, gu'n do thog Dia o na marbhaibh e, gu'n saorar thu.

10 Oir is ann leis a' chridhe a chreidear chum fìreantachd, agus leis a' bheul a dh'aideichear chum slàinte.

11 Oir a ta an sgrìobhtair ag ràdh, Ge b'e neach a chreideas ann-san, cha nàraichear e.

12 Oir cha'n 'eìl eadar-dhealachadh eadar an t-Iudhach agus an Grengach: oir an t-aon Tighearn a ta os ceann nan uile, tha e saobhir do na h-uile a ghairmeas air.

13 Oir ge b'e neach a ghairmeas air ainm an Tighearna, tèarnar e.

14 Ach cionnus a ghairmeas iad airsan anns nach do chreid iad? agus cionnus a chreideas iad anns an tì air nach cual iad ionmradh? agus cionnus a chluinneas iad gun searmonaiche?

15 Agus cionnus a nì iad searmoin, mur cuirear iad? mar a ta e sgrìobhta, Cia sgiamhach cosa na muinntir sin a ta searmonachadh soisgeil⁸ na sìthe, a ta toirt sgéil aoibhneich air nithibh maithe?

¹ fear deanamh shoithiche creadha. ² onoir.
³ gu'n do ghiùlain. ⁴ fireantachd.

⁵ lan toil. ⁶ teas-ghràdh.
⁷ ghéill. ⁸ soisgeulachadh.

16 Ach cha robh iad uile ùmhal do'n t-soisgeul. Oir tha Esaias ag ràdh, A Thighearn, cò a chreid ar n-aithris-ne'?

17 Uime sin, is ann o èisdeachd a thig creidimh, agus èisdeachd tre fhocal Dé.

18 Ach a ta mi ag ràdh, Nach cual iad? Chuana gu deimhin, chaidh am fuaim air feadh gach tire a mach, agus am briathra gu iomallaibh an domhain.

19 Ach a ta mi ag ràdh, Nach robh fios aig Israel? Air tús, tha Maois ag ràdh, Cuiridh mi eud oirbh le Cinneach nach 'eil 'nan Cinneach, agus le Cinneach neo-thuigs each cuiridh mi fearg oirbh.

20 Ach a ta Esaias ro dhàna, agus a ta e ag ràdh, Fhuaradh mi leo-san nach d'iarr mi; dh'fhoillsicheadh mi dhoibh-san nach d'fhiosraich air mo shon.

21 Ach ri Israel a ta e ag ràdh, Shìn mi mach mo làmhnan rè an là gu h-ìomlan ri pobull cas-ùmhal agus a labhras a'm' aghaidh.

CAIB. XI.

1 Cha do thilg Dia Israeil uile uaith. 7 Thaghadh cuid, ged chruaidhicheadh a' chuid eile. 16 Tha dochas mu'n ath-philleadh. 18 Cha'n fheud na Cinneach uail-thàir a dheanamh orra; 26 oir tha gealladh gu'n tèarnar iad.

A TA mi ag ràdh ma seadh, An do thilg Dia a phobull uaith? Nar leig-eadh Dia. Oir is Israeleach mise féin mar an ceudna, do shliochd Abraham, do thréibh Bheniamin.

2 Cha do thilg Dia uaith a phobull a roimh-aithnich e. Nach 'eil fhios agaibh ciod e a ta an sgrìobtuir ag ràdh mu Elias? cionnus a ta e a' deanamh eadar-ghuidhe² ri Dia an aghaidh Israeil, ag ràdh,

3 A Thighearn, mharbh iad t'fhàidhean, agus leag iad sìos t'altairean; agus dh'fhàgadh mise a'm' aonar, agus tha iad ag iarraidh m'anama.

4 Ach ciod a ta freagradh Dhé ag ràdh ris? Dh'fhàg mi dhomh féin seachd mìle fear, nach do lùb an glùn do dhealbh Bhaail.

5 Agus mar sin mar an ceudna tha san àm so a làthair fuigheall a réir taghaidh a' ghràis.

6 Agus ma's ann tre ghràs, cha'n ann o oiribh nì's mò; no cha ghràs gràs nì's mo. Ach ma's ann o oiribh, cha'n ann o ghràs á sin suas: no cha'n obair á sin suas obair.

7 Ciod ma seadh? An nì sin a ta Israel ag iarraidh, clia do ràinig e air; ach ràinig an taghadh air, agus chaidh a' chuid eile a dhalladh:

8 Mar a ta e sgrìobhta, Thug Dia dhoibh spiorad na suaine, sùilean chum nach faic-eadh iad, agus cluasan chum nach cluinn-

eadh iad, gus an là an diugh.

9 Agus a ta Daibhidh, ag ràdh, Biodh am bord mar ribe, agus mar inneal-glacaidh, agus mar cheap-tuislidh, agus mar dhiol-thuarasdail dhoibh:

10 Biodh an sùilean air an dorchachadh, chum nach faiciad; agus crom-sa an druim an còmhnuidh.

11 A ta mi ag ràdh uime sin, An do thuislich iad ionnus gu'n tuiteadh iad? Nar leigeadh Dia: ach tre an tuiteam-san tha slàinte air teachd chum nan Cinneach, chum iadsan a bhrosnuchadh gu h-cuid.

12 Ma's e an tuiteam-san saoihbheas an domhain, agus an lughdachadh saoihbheas nan Cinneach, cia's mò na sin a bhitheas an lànachd?

13 Oir is ann ribhse a ta mi a' labhairt, a Chinneacha; do bhrìgh gur mi abstol nan Cinneach, tha mi toirt urraim do m' dhreuchd³:

14 Ma dh'fheudas mi air chor sam bith mo choimh-fheòil a bhrosnuchadh gu h-eud, agus gu'n tearuinn mi dream àraidh dhiubh.

15 Oir ma's e an tilgeadh-san air falbh rèiteachadh an domhain; ciod e an ath-ghabhair, ach beatha o na marbhaibh?

16 Oir ma ta an ceud-thoradh naomh, tha am meall naomh mar an ceudna: agus ma ta an fhreumh naomh, tha na geuga mar sin mar an ceudna.

17 Agus ma tha cuid do na geugaibh air am briseadh dheth, agus gn bheil thusa, a bha a'd' chrann-oladh fadhaich, air do shuidheachadh 'nam mcasg, agus maille ri u a' faotainn comhairt do fhreimh agus do reamhrachd a' chroinn-oladh;

18 Na dean uail an aghaidh nan geug: ach ma nì thu uail 'nan aghaidh, cha tusa a dh'iomchaires an fhreumh, ach an fhreumh thusa.

19 Their thu uime sin, Bhriseadh dheth na geuga, chum gu suidhichteadh mise 'nan àit.

20 Romhaith; air son am mi chreidimh bhriseadh iadsan dheth, agus a ta thusa a' seasamh tre chreidimh. Na bi àrd-inntinneach, ach fo eagal.

21 Oir mur do chaomhain Dia na genga nàdurra, biodh eagal ort nach caomhain e thusa mar an ceudna.

22 Feuch uime sin maithreas agus geur-cheartas Dé: geur-cheartas d'an taobh-san a thuig; ach do d' thaobh-sa, maithreas, ma bhunaicheas tu 'na mhaithreas; agus mur bunaich, gearrar dheth thusa mar an ceudna.

23 Agus suidhichear iadsan mar an ceudna, mur bunaich iad 'nam mi-chreidimh: oir a ta Dia comasach air an suidheachadh a ris.

¹ na chual e uainne.

² a' tagadh.

³ oifig.

ROMHANACH, XI. XII.

24 Oir ma ghearradh thusa as a' chrann-oladh a bha fiadhaich a thaobh nàduir, agus gu'n do shuidhicheadh ann an deadh chrann-oladh thu an aghaidh nàduir; cia mòr a's mò na sin a shuidhichear na *geuga* nàdurra 'nan crann-oladh féin?

25 Oir cha b' àill leam a bhràithre, sibhse bhi aineolach air an run-diomhair so. (chum nach biodh sibh glic 'nur barail féin,) gu'n do tharladh doille ann an cuid do Israel, gus an tig iomlaineachd nan Cinneach a steach.

26 Agus mar sin bithidh Israel uile air an tèarnadh¹: mar a ta e sgrìobhta, Thig am Fear-saoraidh o Shìon, agus tionndaidhidh e mi-dhiadhachd o Iacob:

27 Oir is e so mo chomhcheangal riu, nuair a bheir mi air falbh am peacanna.

28 Thaobh an t-soisgeil, is naimhdean iad air bhur sonsa: ach a thaobh an taghaidh, *tha iad* gràdhaichte air son nan aithriche.

29 Oir a ta tiodhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia, ach a nis a fhuair sibh tròcair tre am mi-chreidimh-san:

31 Anhuil sin a ta iadsan san àm so eas-ùmhail², chum tre bhur tròcair-sa gu'm faigh iad tròcair mar an ceudna.

32 Oir dhruid Dia iad uile ann am mi-chreidimh³, chum tròcair a dheanamh air na h-uile.

33 O doimhne saoibhris araon gliocais agus eòlais Dé! Cia do-rannsachaidh a bhreithneais, agus do-lorgachaidh a shlighean!

34 Oir cò aig an robh fios inntinn an Tighearna, no cò bu chomhairleach dha?

35 No cò thug dha air tùs, agus a làn-diolar a ris dha e?

36 Oir is ann uaithe-san, agus trid-san, agus air a sbon-san a ta na h-uile nithe: dha-san gu robh glòir gu sìorruidh. Amen.

CAIB. XII.

1 Is còir do thròcair Dhé sinne aomadh gu Dia a thoileachadh; 3 cha chòir do dhuine sam bith meas tuilleadh as mailh bhi aige dheith féin: 6 ach is còir do gach aon feitheamh air an dreuchd sin, a dh'earbadh ris. 9 Tha gràdh, agus mòran do dhleasdanas eile air an iarraidh uainn.

AIR an aobhar sin guidheam oirbh, a bhràithre, tre thròcairibh Dhé, bhur cuirp a thoirt 'nam beo-iobairt, naomh, thainich do Dhia, *ni a's e* blur seirbhis⁴ reusonta.

2 Agus na bithibh air blur cumadh ris an t-saoghal so: ach bithibh air bhur cruth-atharrachadh tre ath-nuadhachadh

bhur n-inntinn, chum gu'n dearbh sibh ciod i toil mhaith, thaitneach, agus dhiong-mhalta sin Dhé.

3 Oir a ta mi ag ràdh, troimh a' ghràs a thugadh dhomh-sa, ris gach neach 'nur measg, gun smuaineachadh *uime féin* ni's àirde na 's còir dha smuaineachadh; ach smuaineachadh am measarrachd⁵, a réir mar a roinn Dia ris gach neach tomhas a' chreidimh.

4 Oir mar a ta mòran bhall againn ann an aon chorp, agus nach e'n t-aonghnìomh⁶ a th'aig gach ball;

5 Anhuil sin ged tha sinne 'nar mòran, is aon chorp ann an Crìosd sinn, agus is buill sinn gach aon fa leth d'a chéile.

6 Uime siu air bhi do thiodhlacaibh againn, eadar-dhealaichte⁷ a réir a' ghràs a thugadh dhuinn, ma's fàidheadaireachd, *deanamaid fàidheadaireachd* a réir tomhas a' chreidimh:

7 No ma's frithealadh, *thugamaid aire* d'ar frithealadh; no an ti a theagaisgeas, *thugadh e aire* d'a theagasg;

8 No an ti a bheir earail⁸, *thugadh e aire* d'a earail: an ti a roinneas an *déire*, *roinneadh e i* an treibh dhìreachd⁹; an ti a riaghlas, *deanadh se e* le dùrachd; an ti a ni tròcair, *deanadh se e* gu suilbhir.

9 Biodh bhur gràdh gun cheilg. Biodh gràin agaibh do'n òle, dlùth-leanaibh ris an ni a tha maith.

10 *Bithibh* teo-chridheach d'a chéile le gràdh bràthaireil, ann an urram a' toirt toisich gach aon d'a chéile:

11 Gun bhi leasg ann an gnothuichibh: dùrachdach¹⁰ 'nur spiorad; a' deanamh seirbhis do'n Tighearna:

12 A' deanamh gairdeachais an dòchas: foighidneach an trioblaid; maireannach ann an urnuigh:

13 A' comh-roinn ri uireasbhuidh nan naomh; a' gnàthachadh aoidheachd.

14 Beannaichibh an dream a ta deanamh geur-leanmhuinn oirbh: beannaichibh, agus na mallaichibh.

15 Deanaibh gairdeachas maille riu-san a ta ri gairdeachas, agus caoidh maille riu-san a ta ri caoidh.

16 Bithibh a dh'aon rùn¹¹ d'a chéile. Na biodh bhur cion air nithibh àrda¹², ach cuiribh sibh féin an comh-inbhe riu-san a ta ìosal. Na bithibh glic 'nur barail féin.

17 Na ìocaibh òle air sou uile do dhuine sam bith. Ulluichibh nithe ciatach am fianuis nan uile dhaoine.

18 Ma dh'fheudas e bhi, mheud 's a ta e'n comas duibh, bithibh an sìth ris na h-uile dhaoibh.

¹ slànuchadh. ² cha do chreid iadsan.
³ eas-ùmhachd. ⁴ aoradh. ⁵ stuaim.
⁶ obair, oifig. ⁷ eagsamhuil. ⁸ comhairle.

⁹ aon-shlilleachd. ¹⁰ beothail, faobharach.
¹¹ inntinn, toil.
¹² Na bithibh àrd-inntinneach.

19 *A chàirde* gràdhach, na deanaibh dìoghaltas air bhuir son féin, ach thugaibh àit do'n fheirg: oir a ta e sgriobhta, Is leam-sa dìoghaltas; iocaidh mi, tha an Tighearn ag ràdh.

20 Uime sin ma bhios do nàmhaid oc-rach, thoir biadh dha; ma bhios e tart-mhor¹, thoir deoch dha: oir le so a dheanamh carnaidh tu eibhle teine air a cheann.

21 Na tugadh buaidh ort leis an olc, ach thoir-sa² buaidh air an olc leis a' mhaith.

CAIB. XIII.

1 *Umhlachd, agus dleasdanas eile a's còir dhuinn chur an gnìomh do uachdaranaibh.* 8 *'Se gràdh coimhlionadh an lagha.* 11 *Tha geàcraich, agus misg, agus oibre an dorchadais ro neo-chubhaidh do àm an t-soisgeil.*

BIODH gach anam³ ùmhal do na h-àrd-chumhachdaibh. Oir cha'n 'eil cumhachd ann ach o Dhia: agus na cumhachdan a ta ann, is ann le Dia⁴ a dh'orduicheadh iad.

2 Air an aobhar sin ge b'e air bith a chuireas an aghaidh a' chumhachd, tha e cur an aghaidh orduigh Dhé: agus iadsan a chuireas na aghaidh, gheibh iad breitheanas⁵ dhoibh féin.

3 Oir cha'n 'eil uachdarain 'n an aobhar eagail do dheadh oibribh, ach do dlroch oibribh. Uime sin, am miann leat bhi gun eagail an uachdarain ort? dean am maith, agus gheibh thu cliù uaith.

4 Oir is esan seirbhiseach Dhé chum maith dhuit. Ach ma ni thu an t-olc, biodh eagail ort; oir cha'n ann gu dìomha-ain a tha e giùlan a' chlàidheimh: oir is e seirbhiseach Dhé e, 'na dhioghaltair feirge air an ti a ni olc.

5 Uime sin is éigin bli ùmhal, cha'n ann a mhaith air son feirge, ach mar an ceudna air son coguis.

6 Oir, air an aobhar so, tha sibh mar an ceudna a' toirt cise dhoibh: oir is iad seirbhiseach Dhé iad, a' sìor-fheitheamh air an ni so féin.

7 Air an aobhar sin thugaibh do na h-uile⁶ an dlighe féin: càin dhasan d'an dlighear càin, eis dhasan d'an dlighear eis, eagail dhasan d'an dlighear eagail, agus urram dhasan d'an dlighear urram.

8 Na biodh fiacha sam bith aig aon neach oibh, ach a mhaith a chéile a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhaltrannas, Na dean mortadh, Na goid, Na dean fianuis bhréige, Na saantaich; agus ma tha àithne sam bith eile ann, tha i air a

cur sìos gu h-aithghearr fo 'n fhocal so, Gràdhach do choimhearsnach mar thu féin.

10 Cha dean gràdh lochd do choimhearsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur mithich dhuinn a nìs mosgladh o chodal: oir a ta ar slàinte nìs nì's faigse na 'nuair a chreid sinn.

12 Tha cuid mhòr do'n oidhche air dol seachad⁷, tha an là am fagus: uime sin cuireamaid dhinn oibre an dorchadais, agus cuireamaid umainn armachd⁸ an t-soluis.

13 Gluaiseamaid gu cubhaidh mar anns an là; cha'n ann an ruidhteireachd⁹ agus am misg, no an seòmraidheachd agus am macnus, no an aisith agus am farmad.

14 Ach cuiribh umaibh an Tighearn Iosa Crìosd, agus na deanaibh ullachadh air son na feòla, chum a h-ana-mhianna a choimhlionadh.

CAIB. XIV.

1 *Cha'n fheud daoine tàir a dheanamh, no chéile a dhiteadh air son nithe coimhdheis: 13 ach bhi faicilleach gun oibheum a thoirt seachad; 15 oir dhearbh an t-abstol gu bheil sin mì-cheadichte, le ìomadh reuson.*

GABHAIBH ris an neach a ta an-mhunn¹⁰ sa' chreidimh, ach cha'n ann chum deasboireachd amharusach.

2 Oir a ta aon a' creidsinn gu'n feud e na h-uile nithe itheadh: ach a ta esan a ta anmhunn ag itheadh luibheanna.

3 Na deanadh esan a ta 'g itheadh, tàir airson nach 'eil ag itheadh; agus na tugadh esan nach 'eil ag itheadh, breth air an ti a dh'itheas: oir ghabh Dia ris.

4 Cò thusa a ta toirt breth air seirbhiseach duine eile? d'a mhaighstir féin seasaidh, no tuitidh e: seadh, cumar suas e; oir is comasach Dia air a chumail 'na sheasamh.

5 Tha meas aig neach air là¹¹ thar là: agus tha meas aig neach eile air gach là mar a chéile. Biodh làn-dearbhadh aig gach duine 'na inntinn féin.

6 An ti aig am bheil suim do'n là, is ann do'n Tighearn a tha suim aige dha; agus an ti aig nach 'eil suim do'n là, is ann do'n Tighearn nach 'eil suim aige dha. An ti a ta 'g itheadh, is ann do'n Tighearn a tha e 'g itheadh, oir tha e toirt buidheachais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha'n 'eil a h-aon againn beò dha

¹ òtmhor.

³ gach neach.

⁵ chead.

² beir-sa.

⁴ fuidh Dhia.

⁶ do gach neach.

⁷ tharuinn.

⁹ anabhar.

¹¹ suim aig neach do là.

⁸ éididh.

¹⁰ lag.

féin, agus cha'n 'eil a h-aon againn a' bàsachadh dha féin.

8 Oir ma's beò dhuinn, is ann do'n Tighearn a tha sinn beò: agus ma's bàs duinn, is ann do'n Tighearn a tha sinn a' bàsachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Crìosd bàs, agus a dh'èirich e, agus a tha e beò a ris, chum gu'm biodh e 'na Tighearn air na beothaibh agus air na marbhaibh.

10 Ach c'ar son a ta thusa a' toirt breth air do bhràthair? no c'ar son a ta thusa a' deanamh tarcais air do bhràthair? oir seasaidh sinn gu léir am fianuis caithir-breitheanais Chrìosd.

11 Oir a ta e sgrìobhta, *Mar* is beò mise, a ta an Tighearn ag ràdh, lùbaidh gach glùn dhomh-sa, agus aidichidh gach teangadh do Dhia.

12 Air an aobhar sin bheir gach aon againn cunnatas uime féin do Dhia.

13 Uime sin na tugamaid breth air a chéile ni's mò: ach gu ma fearr leibh a' bhreth so thoirt, gun aobhar-tuiteam no oibheim a thoirt do bhràthair.

14 Oir a ta fhios agam, agus is dearbh leam anns an Tighearn Iosa, nach 'eil ni sam bith neòghlan dheth féin: ach do'n ti a mheasas ni sam bith neòghlan, dhasan a ta e neòghlan.

15 Ach ma bhios doilgheas air do bhràthair air son bith, a nis cha'n 'eil thu a' gluasad a réir a' ghràidh. Na sgrìos¹ le d' bhiadh esan air son an d'fhuiling Crìosd bàs.

16 Air an aobhar sin na labhrar olc mu bhuir² maith.

17 Oir cha bhiadh agus deoch rìoghachd Dhé, ach fireantachd, agus sìth, agus aoibhneas san Spiorad naoimh.

18 Oir ge b'e ni seirbhìs do Chrìosd anns na nithibh so, tha e taitneach do Dhia, agus tha e dearbhtha do dhaoinibh.

19 Uime sin leanamaid na nithe a bhios chum sìthe³ agus na nithe a bhios chum togail suas a chéile.

20 Na sgrìos obair Dhé air son bith. Gu deimhin tha na h-uile nithe glan; ach is olc do'n duine sin a dh'itheas le h-oibheum.

21 Is maith an ni gun fheoil itheadh, no fìon òl, no *ni air bith a dheanamh* leis ann faigh do bhràthair tuisleadh no oibheum, no leis an deanar lag e.

22 Am bheil creidimh agad? Biodh e agad dhuit féin am fianuis Dé: Is beann-iaichte an duine sin nach dìt e féin anns an in sin a mheasas e ceaduichte.

23 Ach esan a ni eadar-dhealachadh⁴ tha e air a dhiteadh ma dh'itheas e, a

chionn nach ann o chreidimh a tha e a itheadh: oir gach ni nach 'eil o chreidimh, is peacadh e.

CAIB.XV.

1 Is còir dhoibh-san a tha làidir giùlan leo-san a ta anmhuinn. 2 Cha'n fheud sinn sinn fein a thoil-eachadh, 3 oir cha d'rinn Crìosd sin, 7 ach gabhail r'a chéile, mar a rinn Crìosd ruinn uile, 9 araon ris na h-Iudhaich agus ris na Cinnich.

UIME sin is còir dhuinne a ta làidir, giùlan le anmhuinneachd na muinntir sin a ta lag, agus gun sinn féin a thoil-eachadh.

2 Toilicheadh gach aon againn a choimhearsnach g'a mhaith chum a thogail suas.

3 Oir cha do thoilich eadhon Crìosd e féin; ach a réir mar a ta e sgrìobhta, Thuit toibheum⁵ na muinntir sin a thug toibheum dhuit ormsa.

4 Oir ge b' iad nithe air bith a sgrìobhadh roimh so, is ann chum ar teagaisg-ne a sgrìobhadh iad; chum tre-fhoighidin agus comhfhurtachd nan sgrìobtuir gu'm biodh dòchas⁶ againne.

5 A nis gu tugadh Dia na foighidin agus na comhfhurtachd dhuibh-sa bhi dh'aon inntinn a thaobh a chéile, a réir Iosa Crìosd:

6 Chum gu'm feud sibh a dh'aon inntinn, agus le aon bheul glòir a thoirt do Dhia, eadhon Athair an Tighearna Iosa Crìosd.

7 Uime sin gabhaibh-sa r'a chéile, eadhon mar a ghabh Crìosd ruinne, chum glòire Dhé.

8 A nis a ta mi ag ràdh, Gu robh Iosa Crìosd 'na mhinistear an timchioll-ghearraidh air son fìrinn Dé, chum geallanna nan aithriche a dhaingneachadh:

9 Agus chum gu'n tugadh na Cinnich glòir do Dhia air son a thròcair: a réir mar a ta e sgrìobhta, Air an aobhar so aidichidh mi thu⁷ am measg nan Cinnich, agus seinnidh mi ceòl do d' ainm.

10 Agus a ris a ta e ag ràdh, Deanaibh gairdeachas, a Chinneacha, maille r'a phobull-san.

11 Agus a ris, Molaibh an Tighearn, a Chinneacha uile, agus thugaibh cliù dha, a shlòigh uile.

12 Agus a ris a ta Esaias ag ràdh, Bithidh freumh Iese ann, agus an ti a dh'èireas suas chum uachdaranachd bhi aige air na Cinnich, annsan cuiridh na Cinnich an dòchas.

13 A nis gu'n lìonadh Dia an dòchais sibhse do'n uile aoibhneas agus shìth⁸ ann an creidsinn, chum gu'm bi sibh pailt ann an dòchas, tre chumhachd an Spioraid naoimh.

¹ cuir am mugha. ² ur. ³ a stiùras chum sìochaint. ⁴ a ta fuirdh amharus. ⁵ maslachd.

⁶ dùil, earbsa.

⁷ aidicheam dhuit, bheircam cliù dhuit.

⁸ shìochaint.

ROMHANACH, XV. XVI.

14 Agus a ta cinnt agam-sa féin do 'ur taobh-sa, mo bhràithre, gu bheil sibhse lan do mhaithreas, air bhuir lionadh leis an uile eòlas, agus comasach mar an ceudna air a chéile a chomhairleachadh¹.

15 Gidheadh, a bhràithre, sgrìobh mi do 'ur n-ionnsuidh leis an tuilleadh dānadais, an càileigin, mar gu cuirinn an euimhne sibh, air son a' ghràis a thugadh dhomh-sa o Dhia.

16 Ionnsu gu'm bithinn a'm' mhinistear aig Iosa Criosd do na Cinnich, a' frith-ealadh soisgeil Dé, chum gu'm biodh tabhartas² nan Cinneach taitneach, air a naomhachadh leis an Spiorad naomh.

17 Uime sin tha aobhar uail agam tre Iosa Criosd, anns na nithibh sin a bhuineas do Dhia.

18 Oir cha bhi dānachd agam labhairt air a' bheag do na nithibh sin, nach d'òibrich Criosd leam, chum na Cinnich a dheanamh ùmhal am focal agus an gnìomh.

19 Le cumhachd chomharan agus mhòr-bhuilean³, le' cumhachd Spioraid Dé; ionnsu o Ierusalem agus mu'n cuairt gu Iliricum, gu'n do làn-shearmonaich mi soisgeul Criosd.

20 Seadh, mar sin bha ro dhéidh agam air an t-soisgeul a shearmonachadh, cha'n ann san ionad san robh Criosd air ainm-eachadh, chum nach togainn air bumait neach eile:

21 Ach a réir mar a ta e sgrìobhta, Chi iadsan ris nach do labhradh uime; agus tuigidh iadsan, nach cuala.

22 Uime sin mar an ceudna chuireadh gu minic bacadh orm o theachd do 'ur n-ionnsuidh-sa.

23 Ach a nis do bhrìgh nach 'eil agam ionad ni's mò anns na crìochaibh so, agus gu bheil mòr-thogradh agam o cheann mòrain bhliadhnacha teachd do 'ur n-ionnsuidh-sa;

24 Ge b'e uair a thrialas mi do'n Spàinn, thig mi do 'ur n-ionnsuidh-sa; oir tha dùil agam sibhse fhaicinn san dol seachad, agus bhi air mo thoirt air m' aghaidh leibhse chum an ionaid sin, ma bhios mi air tùs an càileigin air mo lìonadh le 'ur comhludair-sa.

25 Ach a nis tha mi dol gu Ierusalem, a' frithealadh do na naomhaibh.

26 Oir bu toil leo-san ann am Macedonia, agus ann an Achaia, comh-roinn àraidh a dheanamh ris na naomhaibh bochda ta ann an Ierusalem.

27 Bu toil leo gu deimhin agus tha iad fo fhiachaibh dhoibh. Oir ma rinneadh na Cinnich 'nan luchd comhpairt d'an

nithibh spioradail-san, is còir dhoibh ministreileachd a dheanamh dhoibh-san sna nithibh a bhuineas do'n choluim⁴.

28 Uime sin air dhomh so a chrìoch-nachadh, agus an uair a sheulaicheas mi an toradh so dhoibh, gabhaidh mi do 'ur taobh-sa⁵ do'n Spàinn.

29 Agus a ta fhios agam, air dhomh teachd do 'ur n-ionnsuidh-sa, gu'u tig mi ann an lànachd beannachaidh soisgeil Criosd.

30 A nis guidheam oirbh, a bhràithre, air sgàth an Tighearna Iosa Criosd, agus air son gràidh an Spioraid, gu'n dean sibh gleachda⁶ maille rium-sa ann an urnuighibh air mo shon ri Dia;

31 Chum gu saor mi uatha-san nach 'eil a' creidsinn ann an Iudea; agus chum gu'm bi mo sheirbhhis air son⁷ Ierusalem, taitneach do na naomhaibh;

32 Chum gu'n tig mi do 'ur n-ionnsuidh-sa le h-aobhneas tre thoil Dé, agus gu faigh mi suaimhneas maille ribh.

33 A nis gu robh Dia na sìthe maille ribh uile. Amen.

CAIB. XVI.

1 Thug Pòl ordugh do na bràithribh fàilte chur air mòran; 17 agus chomhairlich e dhoibh àire a thoirt do'n mhuinntir a ta togail comsaich agus a' toirt oilbheim; 21 agus an dèigh iomadh beannachd chrìochnaich e le breith-buidheachais do Dhia.

THA mi ag earbadh ribh⁸ Phebe ar piuthar, a ta 'na searbhanta do'n eaglais a tha ann an Cenchrea:

2 Chum gu'n gabh sibh rithe ams an Tighearn, mar is cubhaidh do naomhaibh, agus gu'n dean sibh còmhnaidh rithe anns gach gnothuch anns am bi feum aice oirbh: oir rinn i féin còmhnaidh ri mòran, agus rium-sa mar an ceudna.

3 Cuiribh fàilte air Priscila agus Acuila mo chomh-oibrichean ann an Iosa Criosd:

4 (Muintir a leag sìos am muineal féin air son m'anama-sa: d'am bheil a' toirt buidheachais cha'n e mhàin mise, ach mar an ceudna eaglaisean nan Cinneach uile.)

5 Mar an ceudna cuiribh fàilte air an eaglais a tha 'nan tigh-san. Cuiribh fàilte air Epenetus a's ionmhuinn leam-sa, neach is e ceud thoradh Achaia⁹ do Chrìosd.

6 Cuiribh fàilte air Muire, a rinn saothair mhòr air ar son-ne¹⁰.

7 Cuiribh fàilte air Andronicus agus Iunias mo luchd-dàimh agus mo chomh-phriosanaich, a tha cliùiteach am measg nan abstol, agus a bha ann an Criosd romham-sa.

¹ theagasg.

² ofraìl, òbairt.

³ Le comharaibh agus mòr-bhuilich treuna.

⁴ fèdmhor.

⁵ bhur ròd-sa.

⁶ spairn.

⁷ thaobh.

⁸ Molam dhuibh, carbam ribh.

⁹ Asia.

¹⁰ air bhuir son-sa.

ROMHANACH, XVI.

8 Cuiribh fàilte air Amplias a's ionmhuinn leam-sa san Tighearn.

9 Cuiribh fàilte air Urbanus ar comh-oibriche ann an Crìosd, agus air Stachis fear mo ghràidh-sa.

10 Cuiribh fàilte air Apelles a tha dearbhta ann an Crìosd. Cuiribh fàilte orra-san a tha do *theaghlach* Aristobulus.

11 Cuiribh fàilte air Herodion mo charaid. Cuiribh fàilte orra-san do *theaghlach* Narcisuis, a tha san Tighearn.

12 Cuiribh fàilte air Triphena agus Triphosa, *mnà* a tha saothreachadh san Tighearn. Cuiribh fàilte air Persis a's ionmhuinn leam, *bean* a shaothraich gu mòr anns an Tighearn.

13 Cuiribh fàilte air Rufus a tha taghta san Tighearn, agus air a mhàthair agus mo mhàthair-sa.

14 Cuiribh fàilte air Asincritus, Phlegon, Hermas, Patrobas, Hermes, agus air na bràithribh a tha maille riu.

15 Cuiribh fàilte air Philologus, agus Iulia, air Nereus, agus a phiuthar, agus Olimpas, agus na naoimh uile a tha maille riu.

16 Cuiribh fàilte air a chéile le pòig naoimh. Tha eaglaisean Chrìosd¹ a' cur fàilte oirbh.

17 A nis guidteam oirbh, a bhràithre, comharaichibh iadsan a tha togail roinnean² agus a' toirt oilbheim, an aghaidh an teagaisg a dh'fhòghluim sibh; agus seacnaibh iad.

18 Oir cha'n 'eil an leithide so a' deanamh seirbhis do 'ur Tighearna Iosa Crìosd, ach d'am broinn féin; agus a ta

iad le briathraibh mìlse agus le mìodal a' mealladh cridheacha na muinntir sin a ta neo-lochdach³.

19 Oir a ta bhuir n-ùmhachd-sa⁴ air teachd chum nan uile *dhaoine*. Uime sin a ta mise a' deanamh gairdeachais do 'ur taobh-sa: gidheadh b' àill leam sibhse bhi glic chum a' mhaith, ach aon-fhillte thaobh an uile.

20 Agus bruthaidh Dia na sìthe⁵ Satan fo 'ur cosaibh gu h-aithghearr. Gràs⁶ ar Tighearna Iosa Crìosd *gu robh* maille ribh. Amen.

21 Tha Timoteus mo chomh-oibriche a' cur fàilte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh an litir so, a' cur fàilte oirbh san Tighearn.

23 Tha Gaius, a tha toirt aoidheachd dhomh-sa agus do'n eaglais uile, a' cur fàilte oirbh. Tha Erastus stiùbhard a' bhaile a' cur fàilte oirbh, agus Cuartus bràthair.

24 Gràs ar Tighearna Iosa Crìosd *gu robh* maille ribh uile. Amen.

25 A nis dhasan a tha comasach air sibhse a dhaingneachadh a réir mo shoisgeil-sa, agus searmonachaidh Iosa Crìosd, (a réir foillseachaidh an rùn-dìomhair, a bha am folach o thoiseach an domhain, 26 Ach a dh'fhoillsicheadh a nis, agus tre sgrìobtuiribh nam fàidhean, a réir àithne an Dé bhith-bhuain, a tha air a dheanamh aithnichte do na h-uile chinn ich chum ùmhachd a' chreidimh.)

27 Do Dhia a tha mhàin glie, *gu robh* glòir tre Iosa Crìosd gu sìorruidh. Amen.

¹ eaglaisean Chrìosd (uile.)

² sgaradh, airmheite, choonnsaichean.

³ nach 'eil olc.

⁵ sìothchaint.

⁴ cliù bhuir n-ùmhachd-sa.

⁶ Deadh-ghean.

CEUD LITIR AN ABSTOIL PHOIL

CHUM NAN

CORINTIANACH.

CAIB. I.

1 An déigh fàilte agus breith-buidheachais, 12 dh'earalaich an t-abstol na Corintianaich, agus chruinnich e iad air son an airmheite. 18 Sgrìobhaidh Dia gliocas nan daoine eagnuidh le amaid-eachd searmonachaidh, &c.

POL a ghairmeadh *gu bhi* 'na abstol do Iosa Crìosd, tre thoil Dé, agus Sostenes ar bràthair,

2 Chum eaglais Dé, a ta ann an Corinthus, chum an dream a tha air an naomhachadh ann an Iosa Crìosd, air an gairm *gu bhi* 'nan naoimh, maille riu-san uile a tha gairm air ainm ar Tighearna Iosa Crìosd anns gach àit, an *Tighearna-san*,

agus ar *Tighearna-ne*:

3 Gràs dhuibh-se, agus sìth o Dhia ar n-Athair, agus o'n Tighearn Iosa Crìosd.

4 Tha mi toirt buidheachais do m' Dhia a ghnàth do 'ur taobh-sa, air son gràs Dhé a thugadh dhuibh-se ann an Iosa Crìosd;

5 Air son gu'n d'rinneadh saoiubhir leis-san sibh anns gach uile ni, anns gach ùrlabhradh, agus anns gach eòlas:

6 A réir mar a dhaingnicheadh fianus. Chrìosd annaibh:

7 Ionnsu nach 'eil sibh an déigh-làimh, ann an tiodhlac sam bith; a' feitheamh ri foillseachadh ar Tighearna Iosa Crìosd;

8 Neach mar an ceudna a dhaingnich-

I. CORINTHIANACH, I. II.

eas sibh gus a' chrìch, *chum gu'm bi sibh* neo-lochdach ann an là ar Tighearna Iosa Crìosd,

9 Tha Dia fìrinneach, leis an do ghairm-eadh sibh chum comh-chomuinn a mhic Iosa Crìosd ar Tighearna.

10 A nis guidheam oirbh, a bhràithre, tre ainm ar Tighearna Iosa Crìosd, gu'n labhair sibh uile an t-aon ni, agus nach bi roinnean¹ 'nur measg; ach gu'm bi sibh ceangailte r'a chéile gu dìongmhalta ann an aon inntinn, agus ann an aon bharail².

11 Oir nochdadh dhomh-sa, a bhràithre, m'ur timchioll-sa, leo-san a *tha do theaghlach* Chloe, gu bheil comhstri³ 'nur measg.

12 A nis a ta mi ag ràdh so, gu'n abair gach aon agaibh, Is le Pòl mise⁴; agus is le Apollos mise; agus is le Cephas mise; agus is le Crìosd mise.

13 Am bheil Crìosd air a roinn? an e Pòl a cheusadh air bhuir son? no an ann an ainm Phòil a bhaisteadh sibh?

14 Tha mi toirt buidheachais do Dhia, nach do bhaist mi aon agaibh, ach Crispus agus Gaius:

15 Air eagal gu'n abradh neach, gu'n do bhaist mi a'm' ainm féin.

16 Agus bhaist mi mar an ceudna teaghlach Stephanais: a thuilleadh air so, cha'n fhios domh an do bhaist mi aon neach eile.

17 Oir cha do chuir Crìosd mi a bhaisteadh, ach a shearmonachadh an t-soisgeil; cha'n ann an gliocas focail, chum nach cuirteadh crann-ceusaidh Chrìosd an neo-bhrìgh.

18 Oir a ta searmonachadh a' chroinn-cheusaidh 'na amaideachd dhoibh-san a chaillear; ach dhuinne a shaorar, is e cumhachd Dhé e.

19 Oir a ta e sgrìobhta, Sgrìosaidd mi gliocas nan *daoine glìce*, agus cuiridh mi air cùl tuigse nan *daoine* tuigseach.

20 C'àit am bheil an *duine glìc*? c'àit am bheil an sgrìobhaiche? c'àit am bheil deasboir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dé, nach b'aithne do'n t-saoghal, tre ghliocas, Dia, bu toil le Dia le amaideachd an t-searmonachaidh iadsan a thèarnadh⁵ a ta creidsinn.

22 Oir a ta na h-Iudhaich ag iarraidh comhara, agus a ta na Greugaich a' sireadh gliocais:

23 Ach a ta sinne a' searmonachadh Chrìosd air a cheusadh, 'na cheap-tuislidh do na h-Iudhaich, agus do na Greugaich 'na amaideachd;

24 Ach dhoibh-san a ta air an gairm, araon Iudhaich agus Greugaich, Crìosd cumhachd Dhé agus gliocas Dhé:

25 Do bhrìgh gur glìce amaideachd Dhé na daoine, agus gur treise anmhuinneachd Dhé na daoine.

26 Oir chi sibh féin bhuir gairm, a bhràithre, nach iomadh iad a ta glìc a thaobh na feòla, nach iomadh cumhachdach, nach iomadh uasal a *ta air an gairm*:

27 Ach ròghnuich Dia nithe amaideach an t-saoghail so, chum gu'n cuireadh e nàire air na daoineibh glìce; agus ròghnuich Dia nithe anmhuinn an t-saoghail, chum gu'n cuireadh e gu nàire na nithe cumhachdach;

28 Agus nithe an-uasal an t-saoghail, agus nithe tarcuiseach ròghnuich Dia, agus na nithe nach 'eil ann, chum gu'n cuireadh e na nithe a ta ann, an neo-bhrìgh:

29 Ionnnus nach deanadh feòil sam bith uail 'na fhianuis.

30 Ach uaithe-san a ta sibhse ann an Iosa Crìosd, neach a rinneadh dhuinne le Dia 'na ghliocas, 'na fhìreantachd, 'na naomhachd, agus 'na shaorsa:

31 Ionnnus, a réir mar a ta e sgrìobhta, An ti a ni uail, deanadh e uail anns an Tighearn.

CAIB. II.

1 *Chuir Pòl an céill ged nach 'eil a shearmonachadh ann an oirdheirceas cainnte, 4 no ann an gliocas dhaoine; 5 gidheadh gu bheil e a' co-sheasamh ann an cumhachd Dhé, agus a' toirt barrachd air gliocas an t-saoghail agus air cumhachd dhaoine.*

A GUS an uair a thàinig mise do 'ur An-ionnsuidh-sa, a bhràithre, cha b'ann le oirdheirceas cainnte, no gliocais a thàinig mi, a' cur an céill duibh teisteis Dhé.

2 Oir chuir mi romham gun eòlas a ghabhail⁶ air ni sam bith 'nur measg, ach air Iosa Crìosd, agus esan air a cheusadh.

3 Agus bha mi 'nur measg ann an anmhuinneachd, agus ann an eagal, agus am mòr-chrìth.

4 Agus cha robh m'fhocal agus mo shearmonachadh ann am briathraibh milse⁷ gliocais dhaoine, ach ann an làn-dearbhadh an Spioraid, agus a' chumhachd:

5 Chum gu'm biodh bhuir creidimh-sa cha'n ann an gliocas dhaoine, ach an cumhachd Dhé.

6 Ach gidheadh tha sinn a' labhairt gliocais ann measg nan daoine iomlan: ach cha'n e gliocas an t-saoghail so, no uachdarana an t-saoghail so, a théid an neo-bhrìgh:

¹ easaonachda, sgaraidh.

² bhreth.

³ comhachadh.

⁴ Is deisciobul do Phòl mise.

⁵ a shaoradh, a shlànuchadh.

⁶ aithne a bhi

agam.

⁷ tairngeach, drùiteach.

I. CORINTIANACH, II. III.

7 Ach tha sinn a' labhairt gliocais Dé ann an rùn-dìomhair, a' *ghliocais* sin a *bha* folaichte, a dh'orduich Dia roimh an t-saoghal¹ chum ar glòir-ne:

8 An gliocas nach b'aithne do aon neach do uachdaranaihb an t-saoghail so: oir nam b'aithne dhoibh e, cha cheusadh iad Tighearn na glòire.

9 Ach a réir mar a ta e sgrìobhta, Cha'n fhaca sùil, agus cha chuala cluas, agus cha d'thàinig ann an cridhe duine, na nithe a dh'ulluich Dia dhoibh-san aig am bheil gràdh dha.

10 Ach dh'fhoillsich Dia dhuinne *iad* le a Spiorad féin: oir tha an Spiorad a' rannsachadh nan uile nithe, eadhon nithe doimhne Dhé.

11 Oir cò an duine d'an aithne nithe duine, ach do spiorad an duine a ta ann? mar sin cha'n 'eil fios aig neach sam bith air nithibh Dhé, ach aig Spiorad Dhé.

12 A nis fhuaire sinn, cha'n e spiorad an t-saoghail, ach an Spiorad a ta o Dhia; chum gu'm biodh aithne againn air na nithibh sin² a thugadh dhuinn gu saor o Dhia.

13 Nithe mar an ceudna a ta sinn a' labhairt, cha'n ann am briathraibh a theagaisgeas gliocas dhaoine, ach am *briathraibh* a theagaisgeas an Spiorad naomh; a' coimhneas nithe spioradail ri nithibh spioradail³.

14 Ach cha ghabh an duine nàdurra ri nithibh Spioraid Dé: oir is amaeachd leis iad; agus cha'n 'eil e'n comas da eòlas a ghabhail *orra*, do bhrìgh gur ann air mhodh spioradail a thuigear⁴ iad.

15 Ach bheir an duine spioradail breth air na h-uile nithibh, gidheadh cha'n 'eil e féin fo bhreth duine sam bith.

16 Oir cò d'am b'aithne inntinn an Tighearn, agus a theagaisgeas e? ach tha inntinn Chrìosd againne.

CAIB. III.

1 *Tha baine iomchuidh air son cloinne.* 3 *Tha strì agus aimhréite 'nan comhara cinnteach air imtinn fheòlmhor.* 7 *Cha'n 'eil anns an ti a shuidhicheas, agus anns an ti a dh'uisgicheas, ach neo-ni.* 9 *Is comh-obhrichean ministeire an t-soisgeil do Dhia.* 11 *'Se Chrìosd an t-aon bhunait.*

A GUS, a bhràithre, cha'n fheudainn-sa labhairt ribhse mar ri *daoineibh* spioradail, ach mar ri *daoineibh* feòlmhor, amhuil ri naoidheanaibh ann an Chrìosd.

2 Bheathaich mi le baine sibh, agus cha'n ann le biadh: oir fathast cha b'urrainn sibh a *ghabhail*, agus a nis féin cha'n urrainn sibh.

3 Oir a ta sibh fathast feòlmhor: oir a thaobh gu bheil farmad 'nur measg, agus

strì, agus aimhréite, nach 'eil sibh feòlmhor, agus ag imeachd mar dhaoine?

4 Oir an uair a ta neach ag ràdh, Is le Pòl mise; agus neach eile, *Is le Apollos* mise; nach 'eil sibh feòlmhor?

5 Cò e ma seadh Pòl, agus cò e Apollos, ach ministeirean tre'n do chreid sibh, eadhon mar a thug an Tighearn do gach aon?

6 Shuidhich mise, dh'uisgich Apollos: ach 'se Dia a thug am fàs.

7 Uime sin ma seadh, cha'n 'eil anns an ti a shuidhicheas no anns an ti a dh'uisgicheas, brìgh sam bith; ach ann an Dia a ta toirt an fhàis.

8 An ti a shuidhicheas, agus an ti a dh'uisgicheas, is aon iad: agus gheibh gach aon a dhuais féin, a réir a shaothair féin.

9 Oir is comh-luchd-oibre do Dhia sinne: is sibhse treabhachas⁵ Dhé. *is sibh* aitreabh Dhé.

10 A réir grais Dé a thugadh dhomh-sa mar fhear-togail aitreabh glic leag mi am bunait, agus a ta neach eile a' togail air, ach thugadh gach neach an aire cionnus a thogas e air.

11 Oir bunait⁶ eile cha'n urrainn duine sam bith a leagadh⁷, ach *am bunait* a leagadh a *cheana*, eadhon Iosa Chrìosd.

12 A nis ma thogas neach air a' bhunait so, òr, airgiod, clacha luachmhor, fiodh, fear, connlach;

13 Nithear obair gach aoin duine follaiseach: oir nochdaidh an là i, do bhrìgh gu'm foillsichear i le teine; agus dearbhaidh an teine obair gach aoin, ciod is gnè dhith.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Nach 'eil fhios agaibh gur sibh teampull Dé, agus gu bheil Spiorad Dé, 'na chòmhnuidh annaibh?

17 Ma thruailleas neach air bith teampull Dhé, sgriosaidh Dia an ti sin: oir a ta teampull Dhé naomh, agus is sibhse e.

18 Na mealladh neach air bith e féin: ma shaoileas neach air bith 'nur measg e *féin* bhi glic san t-saoghal so, biodh e 'na amadan, chum gu'm bi e glic.

19 Oir is amaeachd aig Dia gliocas an t-saoghail so: oir a ta e sgrìobhta, Glacaidh e na daoine glice 'nan innleachdaibh féin.

20 Agus a ris, Is aithne do'n Tighearn smuainte nan daoine glice, gur dìomhaire iad.

¹ roimh na linnibh.

² fos nan nithe sin againn.

³ a' mìneachadh nithe spioradail am briathraibh spioradail.

⁴ breithnichear, 'nhothaichear.

⁵ tuathanachd.

⁶ bunachar, bonn.

⁷ a chur.

I. CORINTIANACH, III. IV. V.

21 Uime sin na deanadh neach air bith uaille ù daoinibh : oir is leibhse na h-uile nithe :

22 Ma 'se Pòl, no Apollos, no Cephas, no an saoghal, no beatha, no bàs, no nithe a ta làthair, no nithe a ta ri teachd ; is leibhse iad uile ;

23 Agus is le Crìosd sibhse ; agus is le Dia Crìosd.

CAIB. IV.

1 Ciod a am meas a bhuineadh do dhaoineibh bhi aca air ministearibh. 7 Cha 'n eil againn ni air bith ach na fhuair sinn. 9 Na h-abstòil 'nam ball-amhairc do'n t-saoghal, do ainglibh, agus do dhaoineibh, 13 mar shal agus anabas an t-saoghail ; 15 gidheadh is iad ar n-aithriche ann an Crìosd, 16 agus bu chòir dhuinn an leantuin.

BIODH a shamhuil so do mheas aig duine dhinne, mar mhinistearibh Crìosd, agus mar stiùbhardaibh¹ rùnaidomhair Dhé.

2 Os bàrr iarrar ann an stiùbhardaibh, gu faighear neach dileas.

3 Ach agam-sa is ro bheag an ni gu'n tugadh breth orm leibhse, no le breitheanas duine : seadh, cha 'n eil mi toirt breth orm féin.

4 Oir cha'n fhios domh ni sam bith do m' thaobh féin ; gidheadh cha'n eil mi le so air m'fhìreanachadh : ach is e an Tigh-earn an ti a bheir breth orm.

5 Uime sin na tugaibh breth air ni sam bith roimh an àm, gus an tig an Tigh-earn, neach faraon a bheir gu soilleir-eachd nithe folaichte an dorchadais, agus a dh'fhoillsicheas comhairlean nan cridheachan : agus an sin gheibh gach neach cliù o Dhia.

6 Agus, a bhràithre, ghabh mi na nithe so a m' ionnsuidh féin, agus a dh'ionnsuidh Apollois ann an samhladh², air bhuir sonsa ; chum gu foghlumadh sibh uainne, gun bharail a bhi agaibh air daoineibh os ceann na bheil sgrìobhta, chum nach biodh a h-aon agaibh air a sheidcadh suas air son aoin duine an aghaidh duine eile.

7 Oir cò tha deanamh eadar-dhealachaidh ortsa o neach eile ? Agus ciod e a ta agad nach d'fhuair thu ? a nis ma fhuair thu e, c'ar son a ta thu deanamh uaille mar nach faigheadh tu e ?

8 A nis tha sibh sàitheach, a nis rinn-eadh saobhair sibh, rìoghaich sibh as ar n-eugmhais-ne : Agus bu mhiann leam gu'm bu rìghre sibh, chum gu'm biodh-maid-ne 'nar rìghribh maille ribh.

9 Oir is i mo bharail gu'n do chuir Dia sinne na h-abstòil a mach mu dheireadh, mar dhream a ta air an orduchadh chum

bàis. Oir rinneadh sinn 'nar ball-amh airc³ do'n t-saoghal, agus do ainglibh, agus do dhaoineibh.

10 Is amadain sinne air son Chrìosd, ach a ta sibhse glic ann an Crìosd : tha sinne lag, ach a ta sibhse làidir : a ta sibhse ann an urram, ach sinne ann an eas-urram.

11 Gus an uair so féin, tha sinn araon ocrach, agus iotnuhor, agus lomnochd, agus air ar bualadh le dornaibh⁴, agus gun aon àite-còmhnuidh seasmhach againn :

12 Agus ri saothair, ag oibreachadh le ar làmh-aibh féin : Air fulang anacaint dhuinn, tha sinn a' beannachadh : 'nuair a gheur-leanar sinn tha sinn 'ga fhulang :

13 Air faghail toibheim dhuinn, tha sinn a' guidhe : rinneadh sinn mar shalachar an t-saoghail, mar anabas nan uile nithe gus an là'n diugh :

14 Cha'n eil mi a' sgrìobhadh⁵ nan nithe so a chur nàire oirbh, ach mar mo chloinn ghràdhach a ta mi 'gur comhairleachadh.

15 Oir ged bhi⁶ deich mìle luchd teagaisg agaibh ann an Crìosd, gidheadh cha'n eil agaibh mòran aithriche : oir ann an Iosa Crìosd, ghin mise sibh troimh an t-soisgeul.

16 Uime sin guidheam oirbh, bithibh 'nur luchd-leanmhuinn ormsa⁷.

17 Chum na crìche so chuir mi Timoteus do 'ur n-ionnsuidh, neach a ta 'na mhaic gràdhach dhomh, agus dileas san Tighearna, neach a chuireas an cuimhne dhuibh mo shlighean-sa a ta ann an Crìosd, a réir mar a ta mi teagasg anns gach àit anns gach eaglais.

18 A nis a ta cuid air an séideadh suas, mar nach tiginn do 'ur n-ionnsuidh.

19 Gidheadh thig mi do 'ur n-ionnsuidh gu h-aithghearr, ma's toil leis an Tigh-earn, agus bithidh fios agam, cha'n ann air cainnt na muinntir a ta air an séideadh suas, ach air an cumhachd.

20 Oir cha'n ann am focal a ta rìoghachd Dhé, ach ann an cumhachd.

21 Ciod is àill leibh ? An tig mi do 'ur n-ionnsuidh le slait, no ann an gràdh, agus ann an spiorad na macantachd⁸ ?

CAIB. V.

1 A ta an duine neòghlan nì's mo 'na chiùis-nàire dhoibh, na 'na aobhar gairdeachais. 7 Is còir an t-seann gheur-thaois a ghlanadh a mach. 10 Is còir peacaich ghràineil a sheachnadh.

THA e air aithris gu coitichionn⁹ gu bheil neòghloine¹⁰ 'nur measg, agus a leithid sin do neòghloine, nach 'eil uiread

¹ luchd-frithealaidh air.

² coslas.

⁴ do dhornaibh.

³ sealladh, speuclair.

⁵ Nì'n sgrìobham.

⁶ ma ta.

⁸ ceannasachd.

¹⁰ striopachas.

⁷ air m'cìsempleir-sa.

⁹ cumanta.

I. CORINTIANACH, V. VI.

as air ainmeachadh am measg nan Cinneach, gu'm biodh aig neach bean athar.

2 Agus a ta sibh air bhur sèideadh suas, agus cha d'rinn sibh bròn mar bu chòir, chum gu tugtadh air falbh uaibh am fear a rinn an gnìomh so.

3 Oir gu deimhin air dhomh-sa bhi uaibh an corp, ach a làthair agaibh an spiorad, thug mi breth cheana, mar gu bithinn a làthair, air an neach a rinn so mar so;

4 An ainm ar Tighearna Iosa Criosd, air dhuibhse, agus do m' spiorad-sa bhi cruinn an ceann a chèile, maille ri cumhachd ar Tighearna Iosa Criosd,

5 A shamhuil so do dhuine a thoirt thairis do Shatan chum sgrios na feòla, chum gu'm bi an spiorad air a shaoradh ann an là an Tighearna Iosa.

6 Cha 'n'eil bhur n-uail maith: nach 'eil fhios agaibh gu'n goirtich² beagan do thaois ghloirt³ am meall uile?

7 Glanaibh a mach uime sin an t-seann thaois ghoirt, chum gu'm bi sibh 'nur meall nuadh, mar a ta sibh neo-ghoirtichte. Oir a ta eadhon Criosd ar n-uan càisge air iobradh air ar son.

8 Uime sin cumamaid an fhéill⁴, na b'ann le seann thaois ghoirt, no le taois ghoirt⁵ mhi-ruin agus an uile; ach le aran neo-ghoirtichte an tréibhdhireis agus na firinn.

9 Sgrìobh mi do 'ur n-ionnsuidh ann an litir, gun chomhludair a bhi agaibh ri luchd-neòghloine⁵.

10 Gidheadh cha'n ann gu h-uile ri luchd-neòghloine an t-saoghail so, no ri luchd-sainnt, no luchd-foireigne⁶, no luchd iodhol-aoraidh; oir an sin b'éigin duibh dol a mach as an t-saoghal.

11 Ach a nis sgrìobh mi do 'ur n-ionnsuidh, gun chomhludair a ghléidheadh, ma ta neach air bith ris an abrar bràthair 'na fhear-neòghloine, no samtach, no 'na fhear iodhol-aoraidh, no 'na fhear-anacainnt, no 'na mhisgeir, no 'na fhear-foir-eigne, maille r'a leithid so do dhuine gun urread as biadh itheadh.

12 Oir ciod e no ghnòthuch-sa breth a thoirt orra-san a ta am muigh? nach 'eil sibhse a' toirt breth air an dream a ta stigh?

13 Ach a ta Dia a' toirt breth orra-san a ta an leth muigh. Uime sin cuiribh air falbh an droch dhuine sin as bhur meadhon féin⁷.

CAIB. VI.

1 Cha'n fheud na Corintianach dragh a chur air am bràithribh le'n agairt chum lagha, 6 gu h-àraidh

an làthair nan ana-creideach. 9 Cha sealbhaich na neo-fhìreanaich rioghachd Dhé. 15 'S iad ar cuirp buill Chrìosd, 19 agus teampull an Spioraid naomh: 16 Uime sin cha'n fheudar an truaill-eadh.

A M bheil a chridhe aig aon neach agaibh, aig am bheil cùis an aghaidh duine eile, dol fo bhreitheanas nan daoine eucorach, agus cha'n ann fo bhreitheanas nan naomh?

2 Nach 'eil fhios agaibh gu'n toir na naomh breth air an t-saoghal? agus ma bheirear breth air an t-saoghal leibhse, an e nach fiù sibh bhi 'nur breithibh air na cùisibh a's lugha?

3 Nach 'eil fhios agaibh gu'n toir sinne breth air ainglibh? cia mò na sin air nithibh a bhuineas do'n bheatha so?

4 Uime sin ma tha breitheanas⁸ agaibh mu thimchioll nan nithe sin a bhuineas do'n bheatha so, cuiribh 'nan suidhe-chum breitheanais an dream a's lugha meas anns an eaglais.

5 Chum bhur nàire tha mi a' labhairt. An ann mar sin nach 'eil aon duine glic 'nur measg? nach 'eil fiù a h-aon a's urraim breth a thoirt eadar a bhràithre?

6 Ach a ta bràthair a' dol gu lagh le bràthair, agus so an làthair nan ana-creideach.

7 A nis uime sin a ta gu cinnteach lochd 'nur measg, do bhrìgh gu bheil sibh a' dol gu lagh r'a chèile: c'ar son nach fèarr leibh eucoir fhulang? c'ar son nach fèarr leibh cailleadh a ghabhail?

8 Gidheadh a ta sibh a' deanamh eucoir agus dìobhail⁹, agus sin air bhur bràithribh?

9 Nach 'eil fhios agaibh nach sealbhaich luchd-deanamh na h-eucorach rioghachd Dhé? Na meallar sibh: cha sealbhaich luchd-striopachais, no luchd iodhol-aoraidh, no luchd-adhaltrannais, no luchd-macnuis, no na daoine a ta ciontach do neòghloine mhi-nàdurra,

10 No gaduichean, no daoine sanntach, no misgeirean, no luchd-anacainnt, no luchd-foir-eigne, rioghachd Dhé.

11 Agus mar so bha cuid dibhse: ach a ta sibh air bhur n-ionnlad, ach a ta sibh air bhur naomhachadh; ach a ta sibh air bhur fireanachadh ann an ainm an Tighearna Iosa, agus tre Spiorad ar Dé-ne.

12 Tha na h-uile nithe ceaduichte dhomh-sa, ach cha'n 'eil na h-uile nithe iomchuidh¹⁰; tha na h-uile nithe ceaduichte dhomh, ach cha chuirear mi fo chumhachd ni sam bith.

13 Tha am biadh air son na bronn, agus a' bhrù air son a' bhlihd: ach sgrìosaidd Dia faraon so agus sud. A nis cha'n ann

¹ slàbhaladh, thèarnadh.

² geuraich.

⁴ an fhéisd.

³ gheur-thaois.

⁵ striopachais.

⁶ reubainn, ana-cothrom.

⁷ as bhur cuidcachd.

⁹ dìubhail.

⁸ caitliche-breitheanas.

¹⁰ taibhach.

I. CORINTIANACH, VI. VII.

do neòghloine a tha an corp, ach do'n Tighearn: agus an Tighearn do'n chorp.

14 Agus thog Dia faraoan an Tighearn suas, agus togaidh e sinne suas tre a chumhachd féin mar an ceudna.

15 Nach 'eil fhios agaibh, gur iad bhur cuirp buill Chriosd? uime sin an gabh mise buill Chriosd, agus an dean mi buill strìopaich dhiubh? Nar leigeadh Dia.

16 An e nach 'eil fios agaibh, an ti sin a tha ceangailte ri strìopaich, gur aon chorp *rithe* e? Oir (a ta e ag ràdh,) bithidh dithis 'nan aon fhèil.

17 Ach an ti a tha ceangailte ris an Tighearn, is aon Spiorad *ris* e.

18 Teichibh o strìopachas. Tha gach aon pheacadh a ni duine an leth muigh do'n chorp: ach an ti a ni strìopachas, tha e peacadh an aghaidh a chuirp féin.

19 An e nach 'eil fhios agaibh gur e bhur corp teampull an Spioraid naoimh a ta annaibh, a ta agaibh o Dhia, agus cha leibh féin sibh?

20 Oir cheannachadh le luach sibh: uime sin thugaibh glòir do Dhia le bhur corp, agus le bhur spiorad, a's le Dia.

CAIB. VII.

1 *Mu phòsadh.* 10 *Cha chòir do bhannaibh-pòsaidh bhì air am fuasgladh air bheag aobhair.* 18 *Is còir do gach duine bhì toilichte le a ghairm.* 25 *C'ar son is còir roghuinn a dheanamh do dh'eachd?* 35 *na reusan air son am bu chòir pòsadh, no gun phòsadh.*

A NIS a thaobh nan nithe mu'n do sgrìobh sibh a m' ionnsuidh: *Is maith do fhear gun bheantuinn ri mnaoi.*

2 Gidheadh, chum strìopachas a *sheachnadh*, biodh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dligheach do'n mhaoi; agus a' bhean mar an ceudna do'n fhear.

4 Cha'n 'eil comas a cuirp féin aig a' mhaoi, ach aig an fhear: agus mar an ceudna cha'n 'eil comas a chuirp féin aig an fhear, ach aig a' mhaoi.

5 Na cumaibh bhur dlighe o chéile, ach le toil a chéile rè tamuill, chum sibh féin a thoirt do thrasgadh agus do urnuigh; agus thigibh cuideachd a ris, chum nach buair Satan sibh air son bhur neo-gheamnuidheachd.

6 Ach tha mi a' labhairt so mar ni cead- uichte¹, agus cha'n ann mar àithne.

7 Oir bu mhiann leam gu'm biodh na h-uile dhaoine mar mi féin: gidheadh a ta a thiodhlac féin aig gach duine o Dhia, aig aon neach mar so, agus aig neach eile mar sud.

8 Uime sin a ta mi ag ràdh ris an dream nach 'eil pòsda, agus ris na bantrachaibh, Is maith dhoibh ma dh'fhanas iad eadhon mar a ta mise.

9 Gidheadh mur fheudar leo iad féin a ghleidhadh *geamnuidh*, pòsadh iad: oir is fearr pòsadh na losgadh.

10 Agus dhoibh-san a ta pòsda tha mi ag àithneadh, *gidheadh* cha mhise, ach an Tighearn, gun a' bhean a dhealachadh r'a fear:

11 Ach ma dhealaicheas i, fanadh i gun phòsadh, no biodh i réidh r'a fear: agus na cuireadh am fear uath a bhean.

12 Ach ris a' chuid eile a ta mise ag ràdh, cha'n e an Tighearn, Ma bhios aig bràthair sam bith bean ana-creideach², agus gu bheil i toileach còmhuidh a ghabhail maille ris, na cuireadh e uath i.

13 Agus a' bhean aig am bheil fear ana-creideach, agus gu bheil esan toileach còmhuidh a ghabhail maille rithe, na cuireadh i uaipe e³.

14 Oir a ta am fear ana-creideach air a naomhachadh leis a' mhaoi⁴, agus a ta a' bhean ana-creideach air a naomhachadh leis an fhear⁵: no bhiodh bhur clann neo-ghlan; ach a nis a ta iad naomha.

15 Ach ma dh'fhalbhas am fear ana-creideach, falbhadh e. Cha'n 'eil bràthair no piuthar fo dhaorsa 'nan leithidibh sin do *chùsaibh*: ach ghairm Dia sinne chum sithe.

16 Oir ciod am fios a ta agad-sa, O bhean, nach saor⁶ thu t'fhear? no ciod am fios a ta agad-sa, O fhir, nach saor thu do bhean?

17 Ach a réir mar a roinn Dia ris gach duine, mar a ghairm an Tighearn gach aon, mar sin gluaiseadh e: agus mar sin a ta mise 'g orduchadh anns na h-eaglaisibh uile.

18 An do ghairmeadh neach sam bith agus e timchioll-ghearrta? na deanar e neo-thimchioll-ghearrta: an do ghairmeadh neach sam bith gun e bhì timchioll-ghearrta? na timchioll-ghearrar e.

19 Chia 'n 'eil éifeachd san timchioll-ghearradh, agus cha 'n 'eil éifeachd san neo-thimchioll-ghearradh, ach *ann an* coimhead àitheanta Dhé.

20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' sheirbhiseach?⁷ na biodh suim agad dheth; ach ma dh'fheadas tu bhì saor, gu ma h-e sin do roghainn.

22 Oir an ti à ghairmeadh san Tighearn 'na sheirbhiseach, is duine saor an Tighearn e: mar an ceudna an ti a ghairmeadh

¹ mar chomhairle.

² mhi-chreideach, gun chreidimh.

³ na fàgadh i e.

⁴ sa' mhaoi.

⁵ san fhear.

⁶ slànuidh, sàbhail.

⁷ a'd' dhaor-dglach, a'd' thràill.

I. CORINTIANACH, VII. VIII.

*agus e saor, is e seirbhiseach*¹ Chriosd e.

23 Cheannachadh air luach sibh; na bithibh 'nur seirbhisich do dhaoineibh.

24 A bhràithre, san staid anns an do ghairmeadh gach neach, an sin fanadh e maille ri Dia.

25 A nis thaobh òighean, cha 'n 'eil àithne agam o'n Tighearn: gidheadh tha mi toirt breth², mar neach a fhuaire trècair o'n Tighearn gu bhì dileas.

26 Tha mi a' meas uime sin gu bheil so maith air son na teanntachd a ta làthair, a ta mi ag ràdh, gu bheil e maith do dhuine bhi mar sin.

27 Am bheil thu ceangailte ri mnaoi? na iarr fuasgladh. Am bheil thu fuasgailte o mhnai? na iarr bean.

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid san fhèoil; ach tha mi 'gur caomhnadh.

29 Ach a ta mi ag ràdh so, a bhràithre, gu bheil an aimsir goirid sna bheil ri teachd: ionnus faraon gu'm bi iadsan aig am bheil mnà, mar nach biodh mnà aca;

30 Agus iadsan a ta ri caoidh, mar nach biodh iad ri caoidh; agus iadsan a ta ri gairdeachas, mar mhuinntir nach 'eil ri gairdeachas; agus iadsan a ta ri ceannachd, mar dhaoine nach 'eil a' sealbhachadh;

31 Agus iadsan a ta gnàthachadh an t-saoghail so, mar dhream nach 'eil 'ga mhi-ghnàthachadh³; oir théid sgiamh⁴ an t-saoghail so seachad.

32 Ach b'àill leam sibhse bhì gun ro-chùram. An ti nach 'eil pòsda, bithidh cùram nan nithe sin a bhuineas do'n Tighearn air, cionnus a thoilicheas e an Tighearn:

33 Ach an ti a ta pòsda, bithidh cùram nithe an t-saoghail air, cionnus a dh'fheudas e a bhean a thoileachadh.

34 Tha mar an ceudna eadar-dhealachadh eadar bean agus òigh: tha cùram oirre-sa nach 'eil pòsda mu nithibh an Tighearna, chum gu'm bi i naomh, faraon 'na corp agus 'na spiorad; ach bithidh cùram air a' mhnai a ta pòsda mu nithibh an t-saoghail, cionnus a dh'fheudas i toil a fir a dheanamh.

35 Agus so tha mi a' labhairt chum bhur tairbhe féin; cha'n ann chum gu'n cuirinn ribe⁵ oirbh, ach a chum an ni sin a ta ciatach⁶, agus gu'm feitheadh sibh air an Tighearn gun bhuairleadh.

36 Ach ma shaoileas duine sam bith gu bheil e 'ga ghiùlan féin gu mi-chiatach

thaobh a mhaighdin, ma chaidh blàth a h-aimsir thairis, agus gur còir a dheanamh mar sin, deanadh e na's àill leis, cha'n 'eil c' a' peacachadh: pòsadh iad.

37 Gidheadh, an ti sin a tha suidhichte gu daingean 'na chridhe, agus gun éigin sam bith air, ach aig am bheil cumhachd air a thoil féin, agus a chuir roimhe 'na chridhe a mhaighdean a choimhead, tha e a' deanamh gu maith.

38 Uime sin ma seadh, a ta an ti a bheir seachad am pòsadh i, a' deanamh gu maith; ach a ta an ti nach toir ann am pòsadh i, a' deanamh ni's fearr.

39 Tha a' bhcan ceangailte leis an lagh rè na h-uine a's beò d'a fear: ach ma gheibh a' fear bàs, tha i saor gu pòsadh ri aon neach a's toil leatha; a mhnai anns an Tighearn.

40 Ach tha i ni's sona, ma dh'fhanas i mar sin, a réir mo bhreth-sa: agus is i mo bharail-sa⁷ gu bheil Spiorad Dhé agam.

CAIB. VIII.

1 Is còir fantuinn o bhìdheannaibh a dh'ìobradh do ìodholaibh. 8 Cha'n fheud sinn ar saorsa Chriosd-uidh a mhi-ghnàthachadh, chum oibheim d'ar bràithribh; 11 ach is còir dhuinn ar n-eòlas a chiosachadh le gràdh.

A NIS a thaobh nithe a dh'ìobradh do ìodholaibh, tha fhios againn gu bheil eòlas againn uile. Ataidh an t-eòlas suas, ach bheir gràdh foghlum.

2 Agus ma ta aon duine a' saòilsinn gu bheil eòlas ni sam bith aige, cha'n aithne dha aon ni fathast mar bu chòir dha aithneachadh.

3 Ach ma tha gràdh aig duine sam bith do Dhia, tha esan⁸ air aithneachadh leis.

4 Uime sin, mu thimchioll itheadh nan nithe sin a dh'ìobradh do ìodholaibh, tha fhios againne nach ni air domhan ìodhol, agus nach 'eil Dia sam bith eile ann ach a h-aon.

5 Oir ged tha iad ann ris an abrar Dé, ma's ann air nèamh no air talanibh, (amhuil mar a ta iomadh Dia, agus iomadh Tighearn ann,)

6 Gidheadh dhuinne cha'n 'eil ach aon Dia, an t-Athair, o'm bheil na h-uile nithe, agus sinne air a shon-sa⁹; agus aon Tighearn Iosa Criosd, tre am bheil na h-uile nithe, agus sinne trid-san.

7 Gidheadh cha'n 'eil an t-eòlas so anns na h-uile dhaoineibh: oir tha cuid le coguis thaobh an ìodhoil gus an àm so, ag itheadh a' bhìdh mar ni a dh'ìobradh do ìodhol; agus air d'an coguis a bhi an-mhumh, tha i air a salachadh.

¹ daor-òglach.

² bheiream mo bhreth.

³ ga chaitheadh.

⁴ dreach, cumadh,

⁵ riabh.

⁶ cubhaidh, tlachdmhor.

⁷ tha mi cinnteach.

⁸ an duine so.

⁹ annsan.

I. CORINTIANACH, VIII. IX.

8 Ach cha mhol biadh sinn do Dhia: oir ma dh'itheas sinn, cha'n fheirrd sinn e; ni mò mur ith sinn, is misd sinn e.

9 Ach thugaibh an aire nach bi an comas¹ so a ta agaibh air aon dòigh 'na aobhar oilbheim do'n dream a ta lag.

10 Oir ma chi neach thusa aig am bheil eòlas a' suidhe chum bidh ann an team-pull iodhoil, nach neartaichear coguis an ti sin a ta lag chum na nithe sin a dh'ìobradh do iodholaibh itheadh:

11 Agus tre t'eòlas-sa an tèid do bhràthair lag am mugha², air son an d'fhuair Chrìosd bàs?

12 Ach le peacachadh dhuibh mar sin an aghaidh nam bràithre, agus le an coguis anmhunn a lotadh, tha sibh a' peacachadh an aghaidh Chrìosd.

13 Uime sin ma bheir biadh aobhar oilbheim do m' bhràthair, cha'n ith mi feòil a chaoidh, chum nach toir mi aobhar oilbheim do m' bhràthair.

CAIB. IX.

1 Nochd an t-abstol a shaorsa, 7 agus gu'm buineadh do'n mhinistèir bhì air a bheathachadh leis an t-soisgeul; 15 gidheadh d'a dheadh-ghean maith fèin gu'n d'fhan esan o bhi costail dhoibh, 22 agus o oilbheum a thoirt do neach sam bith an cùisibh coimh-dheis.

NACH abstol mise? nach 'eil mi saor? Nach fhaca mi Iosa Chrìosd ar Tighearn? nach sibhse m'obair san Tighearn?

2 Mur 'eil mi a'm' abstol do dhaoineibh eile, gidheadh gu cinnteach tha mi dhuibhse; oir is sibhse seula m' abstolachd anns an Tighearn.

3 Is e so mo fhreagradh do'n dream a chuireas ceisd orm.

4 Nach 'eil againne comas³ itheadh agus òl?

5 Nach 'eil againne comas piuthar, bean-phòsda a thoirt leinn mu'n cuairt, amhuil mar ua h-abstoil eile, agus bràithrean an Tighearn, agus Cephas?

6 No am bheil mise agus Barnabas a mhàin, gun chomas againn bhì saor o obair?

7 Cò a théid chum cogaidh uair air bith air a chostus féin? cò a shuidhicheas⁴ fìon-lios, agus nach ith d'a thoradh? no cò a bheathaicheas treud, agus nach blais do bhainne an treud?

8 An ann mar dhuine a ta mi a' labhairt nan nithe so? no nach abair an lagh na nithe so mar an ceudna?

9 Oir a ta e sgrìobhta ann an lagh Mhaois, Na cuir ceangal air beul an daimh a tha saltair⁵ an arbhair. Am bheil cùram nan damh air Dia?

10 No nach ann gu h-àraidh⁶ air ar

son-ne a ta e ag ràdh so? gu ìomhain is ann air ar son-ne tha e sgrìobhta: chum gur ann an dòchas is còir do'n treabhaiche treabhadh; agus a chum an neach a bhuaileas ann an dòchas, gu'm bi e 'na fhear comhairt d'a dhòchas.

11 Ma chuir sinne nithe spioradail dhuibh-se⁷, an ni mòr e ma bhuaineas sinn bhuir nithe feòlmhor-sa?

12 Ma tha muinntir eile 'nan luchd-comh-pairt do'n chumhachd⁸ so thairis oirbh, nach mò is còir dhuinne *bhì*? Gidheadh, cha do chuir sinn an cumhachd so an cleachda; ach a ta sinn a' fulang nan uile nithe, chum nach cuireamaid bacadh air soisgeul Chrìosd.

13 Nach 'eil fhios agaibh gu bheil iadsan a ta saothreachadh mu thimchioll nithe naomha, air am beathachadh o'n team-pull? agus iadsan a ta frithealadh do'n altair, gu bheil comh-roinn⁹ aca ris an altair?

14 Agus mar sin dh'orduich an Tigh-earn mar an ceudna dhoibh-san a ta searmonachadh an t-soisgeil, an teachd-an-tìr fhaotainn o'n t-soisgeul.

15 Ach cha do ghnàthaich mise a h-aon diubh so, agus cha do sgrìobh mi na nithe so, chum gu'n deantadh mar sin dhomh: oir b'fhearr dhomh am bàs fhaghail, na gu'n cuireadh neach air bith mu uail an neo-bhrìgh.

16 Oir ged shearmonaich mi an soisgeul, cha'n 'eil aobhar uail agam: oir a ta éigin air a cur orm; seadh, is an-aobhinn domh, mur searmonaich mi an soisgeul.

17 Oir ma's ann gu toileach a ta mi deanamh so, tha duais agam: ach ma's ann an aghaidh mo thoile a tha ministreil-eachd¹⁰ air a h-earbsadh rium,

18 Ciod i mo dhuais ma seadh? eadhon so, chum 'nuair a ta mi searmonachadh an t-soisgeil, gu'n suidhichinn¹¹ soisgeul Chrìosd gun chostus, chum nach mighnàthaichinn mo chumhachd san t-soisgeul.

19 Oir ged tha mi saor o na h-uile dhaoineibh, gidheadh rinn mi mi féin a'm' sheirbheiseach¹² do na h-uile, chum gu'n cosnainn an tuilleadh.

20 Agus rinneadh mi do na h-Iudhaich mar Iudhach, chum gu'n cosnainn na h-Iudhaich; dhoibh-san a ta fuaidh 'n lagh, mar dhuine fuaidh 'n lagh, chum gu'n cosnainn iadsan a ta fuaidh an lagh;

21 Dhoibh-san a ta gun lagh, mar dhuine gun lagh, (ged nach 'eil mi gun lagh do Dhia, ach fo lagh do Chrìosd,) chum gu'n cosnainn iadsan a ta gun lagh.

22 Rinneadh mi dhoibh-san a ta an-

¹ a' chòir, an cumhachd.

² an sgrìosar, an caillèir do bhràthair lag.

³ cumhachd, còir.

⁴ phlannadaicheas.

⁵ a' bualadh, a' briseadh.

⁷ annaibh-sa.

⁸ chomas.

⁶ gy h-uile.

⁹ comhairt.

¹⁰ frithealadh, cùram.

¹¹ deanainn.

¹² a'm' thràill.

I. CORINTIANACH, IX. X.

luhunn¹ mar *dh'i'ne* anmhunn, chum gu'n cosnainn an dream a ta anmhunn: Bha mi san uile chruth do na h-uile, chum air gach uile dhòigh gu'n saorainn² cuid éigin.

23 Agus so tha mi a' deanamh air son an t-soisgeil, chum gu'm bi mi a'un³ fhear comh-roinne dheth³.

24 Nach 'eil fhios agaibh iadsan a ta ruith anns a' bhlàr-réise, gu'n ruith iad uile, ach is aon duine a gheibh an duais⁴? gu ma h-amhuil a ruithes sibhse, ionnus gu'n glac sibh an duais.

25 Agus a ta gach uile ghleachdair measarra anns na h-uile nithibh: a nis a ta iadsan a' *deanamh sin* chum gu'm faigh iad crùn truailidh; ach sinne *air son crùin* neo-thruailidh.

26 Uime sin is amhuil a ta mise a' ruith, cha'n ann mar gu neo-chinnteach⁵: is amhuil a ta mi a' cur catha, cha'n ann mar neach a bhuaileas an t-athar:

27 Ach tha mi a' trom-bhualadh mo chuirp, agus 'ga chur fuidl smachd: air eagal air chor sam bith an déigh dhomh searmonachadh⁶ do dhream eile, gu'n cuirear mi féin air cùl⁷.

CAIB. X.

1 *Tha sacramainte nan Iudhach 'nan samhladh air ar sacramaintibh-ne, 14 agus am peanas mar rabhadh dhuinn iodhol-aoradh a sheachnadh.*

21 *Cha'n fhead sinn bhì 'nar luchd comh-pairt do bhòrd an Tighearna, agus dhiabhal faraon, &c.*

OS bàrr, a bhràithre, cha b'àill leam sibhse a bhi aineolach, gu robh ar n-aithriche uile fuidl 'n neul, agus gu'n deachaidh iad uile troimh 'n mhuir;

2 Agus gu'n do bhaisteadh iad uile do Mhaois san neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad do'n charraig spioradail sin a lean iad: agus b'i a' charraig sin Crìosd:)

5 Ach le mòran diubh cha robh Dia toilichte⁸: oir sgriosadh san fhàsach iad.

6 A nis bha na nithe sin 'nan saimpleiribh⁹ dhuinne, chum nach miannaicheam-aid droch nithe, eadhon mar a mhiannaich iad-san.

7 Agus na bithibh-sa 'nur luchd-iodhol-aoraidh, mar a bha cuid diubh-san; a réir mar a ta e sgriobhta, Shuidh am pobull sìos a dh'itheadh agus a dh'òl, agus dh'éirich iad a chluicheadh.

8 Agus na deanamaid strìopachas, mar a rinn cuid diubhsan, agus a thuit *diubh* an aon là trì mìle fichead.

9 Agus ua dearbhamaid¹⁰ Crìosd, mar a dhearbhadh cuid diubh-san, agus a sgriosadh iad le nathraichibh nime.

10 Agus na deanaibh-sa gearan, mar a rinn cuid diubh-san gearan, agus a sgriosadh iad leis an sgriosadair¹¹.

11 A nis thachair na nithe so uile dhoibh-san mar eisempleiribh: agus sgriobhadh iad chum tagaisg¹² duine, air am bheil deireadh an domhain¹³ air teachd.

12 Uime sin an ti a shaoileas a bhi 'na sheasamh, thugadh e aire nach tuit e.

13 Cha do thachair deuchainn¹⁴ air bith ribh, ach ni a ta coitichionn¹⁵ do dhaoinibh: ach tha Dia dìleas, nach leig dhuibh bhì air bhuir feuchainn thar bhuir comas; ach a ni maille ris an deuchainn slighe dol as mar an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o ìodhol-aoradh.

15 Tha mi a' labhairt mar ri daoinibh tuigscach: thugaibh-sa breth air an ni a ta mi ag ràdh.

16 Cupan a' bheannachaidh a ta sinne a' beannachadh, nach e comunn fola Chrìosd e? An t-aran a ta sinn a' briseadh, nach e comunn cuirp Chrìosd e?

17 Oir ged tha sinne 'nar mòran, is aon aran¹⁶, agus aon chorp sinn: oir a ta againn uile comh-pairt do'n aon aran.

18 Thugaibh fa' near Israel a réir na feòla: nach 'eil aca-san a ta 'g itheadh nan iobairt comh-roinn ris an altair?

19 Ciod a their mi uime sin? gu bheil brìgh air bith anns an ìodhol, no gu bheil brìgh air bith san ni a dhi'iodradh do ìodholaibh.

20 Ach *tha mi ag ràdh*, na nithe a ta na Cinnich ag iobradh, gur ann do dheamh-naibh a tha iad 'gan iobradh, agus nach ann do Dhia: agus cha b'àill leam comunn a bhi agaibh-sa ri deamh-naibh.

21 Cha 'n 'eil e an comas duibh cupan an Tighearn òl, agus cupan dheamhian. Cha 'n 'eil e an comas duibh comh-roinn a bhi agaibh do bhòrd an Tighearn, agus do bhòrd dheamhan.

22 Am brosnuich sinn an Tighearn gu feirg? an treise sinn na esan?

23 Tha na h-uile nithe ceaduichte dhomh-sa, ach cha 'n 'eil na h-uile nithe iomchuidh¹⁷: tha na h-uile nithe ceaduichte dhomh-sa, ach cha toir na h-uile nithe fòghlum.

24 Na iarradh neach air bith an ni sin a bhuineas dhia féin; ach *iarradh* gach aon an ni sin a thug ri maith neach eile.

25 Ithibh gach ni a reicear am margadh

¹ lag. ² slànùichinn, tèarnuinn, sàbhaluinn.

³ gu'm bi comh-pairt agam dieth maille ribhse.

⁴ geall. ⁵ mar neach nach 'eil am follais.

⁶ gairm a thoirt. ⁷ gu diùltar, gu tìlgear mi féin.

⁸ cha do thàinig mòran diubh ri Dia.

⁹ sgàilibh, samhachasaidh.

¹⁰ buaireamaid.

¹¹ mhilltear.

¹² rabhaidh.

¹³ nan linn.

¹⁴ buaireadh, cruaidh-fheuchainn, dearthadh.

¹⁵ cumanta.

¹⁶ bhuilinn.

¹⁷ tarbhach.

I. CORINTHIANACH, X. XI.

na feòla, gun cheisd air bith fheòraich air son coguis.

26 Oir is leis an Tighearn an talamh, agus a làn.

27 Ma bheir aon neach dhiubh-san nach 'eil 'nan creidich cuireadh dhiubh, agus gur toil leibh dol maille ris; ithibh gach ni a chuirear roimhibh, gun ni sam bith fheòraich air son coguis.

28 Ach ma their duine sam bith ribh, Dh'ìobradh an ni so do ìodholaibh, na ithibh, air a shon-san a nochd dhuibh e, agus air son coguis¹. Oir is leis an Tighearn an talamh, agus a làn.

29 *Air son coguis*, a ta mi ag ràdh, cha 'n i do *choguis* féin, ach *coguis* an neach ud eile: oir c'ar son a bheir breth air² mo shaorsa-sa le coguis duine eile?

30 Oir, ma tha comh-pairt *bìdh* agam-sa tre ghràs, c'ar son a labhrar olc umam a thaobh an ni sin air son am bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'e ni a ni sibh, deanaibh na h-uile nithe chum glòire Dhé.

32 Na tugaibh aobhar oilbheim do na h-Iudhaich, no do na Greugaich, no do eaglais Dé:

33 A réir mar a ta mise a' deanamh toile nan uile *dhaoiné* anns na h-uile *nithibh*, gun bhi 'g iarraidh mo bhuannachd féin, ach *buannachd* mhòran, chum gu tèarnar iad.

CAIB. XI.

1 *Fhuair Pòl cron do na Corinthianaich, gu robh nan coimhthionail am fir a' deanamh urnuigh, agus an cinn air an còmhdachadh, agus am mnàil gun chòmhdachadh air an cinn: 17 agus do bhrìgh gu robh gu coitheadh an cruinneachadh cha'n ann chum maith, ach chum uile.*

BITHIBH-SA 'nur luchd-leanmhuinn Oirm-sa³, amhuil mar a ta mise air Crìosd.

2 A nis a ta mi 'gur moladh, a bhràithre, do bhrìgh gu bheil cuimhne agaibh ormsa anns na h-uile nithibh, agus gu bheil sibh a' coimhead nan orduighean, mar a thug mise dhuibh iad.

3 Ach bu mhiann leam fios a bhi agaibh, gur e Crìosd ceann gach fir, agus gur e am fear ceann na mnà, agus gur e Dia ceann Chrìosd.

4 Gach fear a ta deanamh urnuigh no fàidheadaireachd, agus folach air a' cheann, tha e toirt eas-urraim d'a cheann.

5 Ach gach bean a ta deanamh urnuigh no fàidheadaireachd, gun fholach air a' ceann, tha i toirt eas-urraim d'a ceann: oir is ionnan sin agus ged bhiodh i

air a bearradh.

6 Oir mur bi folach air ceann na mnà, bearrar i mar an ceudna: ach ma's grannda⁴ do mhnaoi i bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a chòmhdachadh⁵, do bhrìgh gur e ìomhaigh agus glòir Dhé: ach is i a' bhean glòir an fhir.

8 Oir cha'n 'eil am fear o'n mhnaoi, ach a' bhean o'n fhear.

9 Agus cha do⁶ chruthaichheadh am fear air son na mnà, ach a' bhean air son an fhir.

10 Uime sin is còir do'n mhnaoi cumhachadh⁷ a bhi aice air a' ceann, air son na aingeal.

11 Gidheadh, cha'n 'eil am fear as eugn-mhais na mnà, no a' bhean as eugn-mhais an fhir anns an Tighearn.

12 Oir mar a ta a' bhean o'n fhear, is amhuil sin a ta 'm fear tre'n mhnaoi mar an ceudna: ach is ann o Dhia a ta na h-uile nithe.

13 Measaibh annaibh féin: am bheil e ciatach do mhnaoi urnuigh a dheanamh ri Dia gun fholach *air a' ceann*.

14 Nach 'eil nàdur féin a' teagasg dhuibh, ma bhios gruag fhada air fear, gur nàr dha e?

15 Ach ma bhios gruag fhada air mnaoi, is glòir dhi e: oir thugadh a gruag dhi air son còmhdach⁸.

16 Ach ma bhios neach air bith counspaidheach, cha'n 'eil a leithid sin do ghnàthachadh againne, no aig eaglaisibh Dhé.

17 A nis anns an ni so a ta mi cur an cèill *duibh*, cha mhol mi *sibh*, do bhrìgh gu bheil sibh a' teachd an ceann a' chéile, cha'n ann chum an ni a's fearr, ach an ni a's miosa.

18 Oir air tùs, 'nuair tha sibh a' cruinneachadh an ceann a' chéile sin anns eaglais, tha mi chluinntinn gu bheil roinnean⁹ 'nur measg; agus tha mi an cuid 'ga chreidsinn.

19 Oir is éigin saobh-chreidsinn¹⁰ a bhi eadaraibh, chum gu'n deanar follaiseach an dream a ta dearbhta 'nur measg.

20 Uime sin an uair a thig sibh an ceann a' chéile do aon àit, cha'n e sin suipeir an Tighearn itheadh.

21 Oir ithidh gach aon air tùs a shuipeir féin, agus a ta neach ocrach, agus neach eile air mhisg.

22 An e nach 'eil tighean agaibh chum itheadh agus òl annta? no am bheil sibh a' deanamh tàire air eaglais Dé, agus a' nàrachadh na muinntir aig nach 'eil? Ciod a their mi ribh? Am mol mi sibh anns a' *chùis* so? cha mhol.

¹ coimh-fhios, coisnians.

² dh'itear.

³ air m' eisimpleir-sa.

⁴ grànna.

⁵ fholach.

⁶ nior.

⁷ 'se sin r'a ràdh folach, a teigeil fhaic-

inn gu bheil i fo chumhachd a fir.

⁸ folach.

⁹ eas-aonachda, sgaraidh.

¹⁰ saobh-bharailean, éiriccachd.

I. CORINTIANACH, XI. XII.

23 Oir fhutair mise o'n Tighearn an ni mar an ceudna a thug mi dhuibh-sa, Gu'n do ghlac an Tighearn Iosa aran, anns an oidhche an do bhrathadh e:

24 Agus air tabhairt¹ buidheachais, bhris se e, agus thubhairt e, Gabhaibh, ithibh; is e so mo chorp-sa, a ta air a bhriseadh² air bhuir sousa: deanaibh so mar chuimhneachan ormsa³.

25 Agus air a' mhodh cheudna an cupan, an deigh na suipeir, ag ràdh, Is e an cupan so an coimhcheangal⁴ nuadh ann am fhuil-sa: deanaibh-sa so, cia minic as a dh'òlas sibh e, mar chuimhneachan ormsa.

26 Oir cia minic as a dh'itheas sibh an t-aran so, agus a dh'òlas sibh an cupan so, tha sibh a' foillseachadh bàis an Tighearna gus an tig e.

27 Uime sin, ge b'e neach a dh'itheas an t-aran so, agus a dh'òlas cupan so an Tighearna gu neo-iomchuidh, bithidh e ciontach do chorp agus do fhuil an Tighearna.

28 Ach ceasnuicheadh⁵ duine e féin, agus mar sin itheadh e do'n aran so, agus òladh e do'n chupan so:

29 Oir ge b'e dh'itheas, agus a dh'òlas gu neo-iomchuidh, tha e 'g itheadh agus ag òl breitheanas dha féin, do bhrìgh nach 'eil e a' deanamh aithne air corp an Tighearn⁷.

30 Air a shon so tha mòran 'nur measg lag agus tinn, agus tha mòran 'nan codal.

31 Oir nan tugamaid breth oirnn féin, cha tugtadh breth oirnn.

32 Ach an uair a bheirear breth oirnn, tha sinn air ar smachdachadh leis an Tighearn, chum nach bitheamaid air ar dìteadh maille ris an t-saoghal.

33 Uime sin, mo bhràithre, 'nuair a thig sibh an ceann a chéile chum itheadh, fan-aibh r'a chéile.

34 Agus ma bhios ocras air aon neach, itheadh e aig an tigh; chum nach tig sibh an ceann a chéile gu breitheanas⁸. Agus cuiridh mise gach ni eile an ordugh 'nuair a thig mi.

CAIB. XII.

1 Tha tìodhlacan spioradail iomadach thaobh gnè, 7 goidheadh a ta iad uile gu tairbhe, 8 agus chum na crìche so air an toirt air caochladh dòigh: 12 chum a réir mar a ta buill a' chuirp nàdurra uile chum maise, 22 agus seirbhis an aoin chuirp; 27 mar sin gu bitheamaid-ne d'a chéile, a dheanamh suas chuirp dlomhair Chrìosd.

A NIS a thaobh tìodhlaca⁹ spioradail, a bhràithre, cha'n àill leam sibh bhi aineolach.

2 Tha fios agaibh gu robh sibh 'nur Cinnich, air bhuir taruing gu ìodholaibh balbha, a réir mar a threoraicheadh sibh.

3 Uime sin tha mi toirt fios duibh, nach abair duine sam bith a tha labhairt o Spiorad Dhé, gu bheil Iosa malluichte; agus nach urrainn duine sam bith a ràdh gur e Iosa an Tighearn, ach tre an Spiorad naomh.

4 A nis tha eadar-dhealachadh thiodhlaca ann, ach cha'n 'eil ach aon Spiorad ann.

5 Agus tha eadar-dhealachadh frithealaidh¹⁰ ann, gidheadh cha'n 'eil ach aon Tighearn ann.

6 Agus tha eadar-dhealachadh oibreachaidh ann, ach is e an t-aon Dia, a tha ag oibreachadh nan uile nithe anns na h-uile.

7 Ach a ta foillseachadh an Spioraid air a thoirt do gach neach, chum tairbhe.

8 Oir do aon duine tha focal a' ghliocais air a thoirt leis an Spiorad: agus do dhuine eile focal an eòlais leis an Spiorad cheudna;

9 Do neach eile creidimh leis an Spiorad sin féin; do dhuine eile tabhartas leighis tre an Spiorad cheudna;

10 Do neach eile oibreachadh mhiorbhuile; do neach eile fàidheadaireachd; do neach eile aithneachadh spiorad; do neach eile iomadh gnè theangadh; agus do neach eile eadar-mhìneachadh theangadh.

11 Ach na nithe sin uile tha an t-aon Spiorad ceudna ag oibreachadh, a' roinn ris gach aon fa leth a réir mar is àill leis.

12 Oir mar is aon an corp, agus mòran do bhuill¹¹ aige, agus a ta uile bhuill an aoin chuirp sin, ge h-iomadh iad, 'nan aon chorp; mar sin a ta Crìosd.

13 Oir tre aon Spiorad bhaisteadh sinn uile do aon chorp, ma's Iudhaich sinn no Greugaich, ma's daor no saor sinn; agus thugadh deoch r'a h-òl duinn uile chum aoin Spioraid.

14 Oir cha'n aon bhall an corp, ach mòran.

15 Ma their a' chos, Do bhrìgh nach mi an làmh, cha'n ann do'n chorp mi; nach 'eil i do'n chorp air a shon sin?

16 Agus ma their a' chluas, Do bhrìgh nach mi an t-sùil, cha'n ann do'n chorp mi; nach ann do'n chorp i air a shon sin?

17 Nam biodh an corp uile 'na shùil c'ait am biodh a' chlaisteachd? Nam biodh e uile na chlaisteachd, C'ait am biodh an fhàile¹²?

18 Ach a nis shuidhich Dia na buill gach aon diubh sa' chorp, mar bu toil leis.

19 Agus nam biodh iad uile 'nan aon bhall, c'ait am biodh an corp?

20 Ach a nis tha iad 'nam mòran bhall, ged nach 'eil ann ach aon chorp.

eadar corp an Tighearna agus biadh eile.

⁸ chum dìtidh, ⁹ nithe, ¹⁰ mhinistireilachd, ¹¹ dhreuch, ¹² ballaibh, ¹³ boladh.

¹ breith, ² air a tabhairt, ³ chum cuimhne ormsa, ⁴ tiomnadh, ⁵ no, ⁶ dearbhadh, ⁷ deanamh eadar-dhealachaidh

21 Agus cha'n urrainn an t-sùil a ràdh ris an làimh, Cha'n 'eil feum agam ort: no a ris, ann ceann ris na cosaibh, Cha'n 'eil feum agam oirbhis.

22 Ach gu ro mhòr nì's mò tha na buill sin do'n chorp, a's annhuinne¹ a thaobh coslais, feumail.

23 Agus air na buill sin do'n chorp a's lugha urram 'nar measg-ne, tha sinn a' cur an tuilleadh urraim; agus na buill sin dhinn a's lugha maise, tha aca sin gu ro mhòr an tuilleadh maise.

24 Oir air na buill mhaiseach againn cha'n 'eil uireasbhuidh: ach rinn Dia an corp a chomh-chumadh r'a chéile, air dha an tuilleadh urraim gu mòr a thoirt do'n chuid air an robh uireasbhuidh:

25 Chum nach biodh eas-aonachd air bith sa' chorp; ach gu'm biodh ant-aon chùram aig na buill d'a chéile.

26 Agus ma dh'fhuilgeas aon bhall, comh-fhuilgidh na buill uile: no ma gheibh aon bhall urram, nì na buill uile gairdeachas maille ris.

27 A nis is sibhs corp Chrìosd, agus is buill sibh fa leth.

28 Agus chuir Dia dream àraidh san eaglais, air tùs abstola, san dara àit fàidhean, san treas àit luchd-teagaisg, a ris mìorbhuilean, 'na dhéigh sin tabhartais leighis, luchd-cuideachaidh, uachdaranachda, iomadh gnè theangadh.

29 Am bheil na h-uile 'nan abstolaibh? Am bheil na h-uile 'nam fàidhibh? Am bheil na h-uile 'nan luchd-teagaisg? Am bheil na h-uile 'nan luchd-deanamh mhìorbhuile?

30 Am bheil aig na h-uile tabhartais leighis? An labhair na h-uile le teangaibh? An dean na h-uile eadar-theangachadh?

31 Ach biodh miann dùrachdach nan tiodhlacan a's fearr oirbh: agus gidheadh tha mise a' nochdadh dhuibh slighe a's ro fhearr.

CAIB. XIII.

1 Cha'n 'eil brìgh sam bith anns na tiodhlacaibh uile, d'am feabhas, as eugmhais a' ghràidh: 4 cliù a' ghràidh, 13 agus a bharrachd air dòchas agus creidimh.

GED labhairinn le teangaibh dhaoine, agus aingeal, agus gun ghràdh² agam, tha mi a'm' umha³ a ni fuaime, no a'm' chiombal a ni gleangarsaich.

2 Agus ged robh agam fàidheadaireachd, agus ged thuiginn na h-uile rùna-diomhair, agus gach uile eòlas; agus ged bhiodh agam gach uile ghnè creidimh, ionnus gu'n atharraichinn sléibhte, agus mi gun ghràdh agam, cha'n 'eil annam ach neo-ni.

3 Agus ged chaithinn mo mhaoine uile chum na boeadhan a bheathlachadh, agus ged bheirinn mo chorp chum a losgadh, agus gun ghràdh agam, cha'n 'eil tairbhe sam bith dhomh ann.

4 Tha an gràdh fad-fhulangach, agus caoimhneil; cha ghabh an gràdh farmad; cha dean an gràdh ràiteachas⁴, cha'n 'eil e air a shéideadh suas.

5 Cha ghiùlain se e féin, gu mi-chiatach, cha'n iarr e na nithe sin a bhùineas da féin, cha'n 'eil e so-bhrosnuchaidh chum feirge, cha smuainich e ole sam bith,

6 Cha dean e gairdeachas san eucoir, ach nì e gairdeachas san fhìrinn:

7 Fuilgidh⁵ e na h-uile nithe, creididh e na h-uile nithe, bithidh sùil⁶ aige ris na h-uile nithibh, giùlainidh e na h-uile nithe.

8 Cha téid an gràdh air cùl a chaoidh: ach ma's fàidheadaireachda ta ann, théid iad air cùl; ma's teangaidh, sguiridh iad; ma's eòlas, cuirear air cùl e.

9 Oir a ta eòlas againn ann an cuid, agus tha sinn ri fàidheadaireachd ann an cuid.

10 Ach an uair a thig an nì a ta iomlan, cuirear air cùl an nì sin nach 'eil ach ann an cuid.

11 'Nuair a bha mi a'm' leanaban, labhair mi mar leanaban, thuig mi mar leanaban, reusonaich⁷ mi mar leanaban: ach air fàs domh a'm' dhuine, chuir mi na nithe leanabaidh air cùl.

12 Oir tha sinn a' faicinn san àm so gu dorchach tre ghloin⁸; ach an sin chì sinn aghaidh ri h-aghaidh: san àm so is aithne dhomh ann an cuid; ach an sin aithnichidh mi eadhon mar a ta aithne orm.

13 Agus a nis fanaidh creidimh, dòchas⁹, gràdh, na trì nithe so; ach is e'n gràdh a's mò dhiubh so.

CAIB. XIV.

1 Mhol Pòl fàidheadaireachd, 2 agus thug e urram dhi roimh labhairt le teangaibh, 6 le cosamhlachd air a thoirt o innealaibh-ciùil: 12 is còir an gnàthachadh faraon, chum togail suas na h-eaglais, 22 mar a' chrìoch sin gus an d'orduicheadh iad.

LEANAIBH gràdh, agus biodh mòr-lmhiann¹⁰ tiodhlaca spioradail oirbh, ach gu ma mò m'huur togradh gu'n deanadh sibh fàidheadaireachd.

2 Oir an ti a labhras ann an teangaidh choimhich¹¹, cha'n ann ri daoineibh a labhras e, ach ri Dia: oir cha'n 'eil neach sam bith 'ga thuigsinn; ged tha e anns an Spiorad a' labhairt rùna-diomhair.

3 Ach an ti a tha deanamh fàidheadaireachd, tha e a' labhairt ri daoineibh chum teagaisg¹², agus chum earail, agus chum comhfhurtachd.

4 An ti a ta labhairt an teangaidh

¹ laige. ² scire. ³ phrais. ⁴ féin-uail.
⁵ comhdaichidh, folaichidh. ⁶ dòchas, earbsa.
⁷ smuainich. ⁸ ann an sgàthan.

⁹ earbsa. ¹⁰ dhéidh, iarrtus.
¹¹ choigrich.
¹² foghlaim, togail suas.

I. CORINTIANACH, XIV.

choimhich, tha e 'ga theagasg fein¹: ach an ti a ni fàidheadaireachd, tha e teagasg na h-eaglais.

5 Bu mhaith leam gu labhradh sibh uile le teangaibh, ach b'fhearr leam sibh a dheanamh fàidheadaireachd, oir is mò an ti a ni fàidheadaireachd, na an ti a labhras le teangaibh, mur eadar-theangaich e², chum gu faigheadh an eaglais fòghlum.

6 A nis, a bhràithre, ma thig mi do 'ur n-ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh am foillseachadh, no an eòlas, no am fàidheadaireachd, no an teagasg?

7 Air an dòigh cheudna na nithe gun anam a ni fuaim, ma's pìob no clàrsach, mur dean iad eadar-dhealachadh 'nam fuaimibh, cionnus a thuigear an ni a sheinnear air a' phìob no air a' chlàrsach?

8 Oir ma bheir a' ghall-tromp fuaim neo-chinnteach uaipe³, cò a dh'ulluicheas e fein chum a' chatha?

9 Is amhuil sin sibhse, mur labhair sibh leis an teangaidh briathra so-thuigsinn, cionnus a dh'aithnichear an ni a labhrar? oir is ann ris an athar a labhras sibh.

10 Tha, feudaidd e bi, an uiread do ghuthannaibh⁴ san t-saoghal, agus cha'n 'eil a h-aon diùbh gun bhlagh⁵.

11 Uime sin, mur tuig mi brìgh a' ghutha, bithidh mi do'n ti a labhras, borb⁶; agus *bithidh* an ti a labhras, borb dhomh-sa.

12 Mar sin mar an ceudna sibhse, do bhrìgh gu bheil dèigh agaibh air *tiodhlac-aibh* spioradail, iarraigibh sibh fein a thoirt barrachd chum fòghluim⁷ na h-eaglais.

13 Uime sin, an ti a labhras ann an teangaidh *choimhich*, guidheadh e gu'n deanadh e eadar-theangachadh.

14 Oir ma ni mise urnuigh ann an teangaidh *choimhich*, tha mo spiorad a' deanamh urnuigh, ach tha mo thuigse neo-tharbhach.

15 Ciod ma seadh? ni mi urnuigh leis an spiorad, agus ni mi urnuigh leis an tuigse mar an ceudna: seinnidh mi leis an Spiorad, agus seinnidh mi leis an tuigse mar an ceudna.

16 No 'nuair a bheannaicheas tu leis an spiorad, cionnus a their an ti, a tha ann an àit an duine gun fhòghlum, Amen ri d' bhrèith buidheachais, o nach aithne dha an ni a ta thu ag ràdh?

17 Oir gu deimhin a ta thusa toirt buidheachais gu maith, gidheadh cha'n 'eil an neach eile air a theagasg⁸.

18 Tha mi toirt buidheachais do m'

Dhia, gu bheil mi a' labhairt le teangaibh tuilleadh na sibh uile:

19 Ach b'fhearr leam cùig focail a labhairt san eaglais le m' thuigse, chum gu teagaisginn daoine eile mar an ceudna, na deich mìle focal ann an teangaidh *choimhich*.

20 A bhràithre, na bithibh-sa 'nur leanabaibh an tuigse: gidheadh, ann am mì-run⁹ bithibh 'nur leanabaibh, ach ann an tuigse bithibh 'nur daoine foirfe.

21 Tha e sgriobhta san lagh, Labhraidh mi ris a' phobull so ann an teangaibh eile, agus am bithibh eile: gidheadh an dèigh sin uile cha'n éisd iad rium, tha an Tighearn ag ràdh.

22 Uime sin a ta teanganna *coimheach* 'nan comhara, cha'n ann do'n dream a ta creidsinn, ach dhoibh-san a ta mi-chreideach: ach a ta fàidheadaireachd cha'n ann air an son-san uach 'eil a' creidsinn, ach air an son-san a tha creidsinn.

23 Uime sin ma chruinnicheas an eaglais uile san aon àit, agus ma labhras iad uile le teangaibh *coimheach*, agus gu'n tig dream a ta gun fhòghlum a steach, no daoine mi-chreideach, nach abair iad gu bheil sibh air a' chuthach¹⁰?

24 Ach ma ni iad uile fàidheadaireachd, agus gu'n tig duine gun chreidimh a steach, no *neach* a ta gun fhòghlum, cronuichear¹¹ e leis na h-uile, agus bheirear breth air leis na h-uile:

25 Agus mar sin a ta *nithe* folaichte a chridhe air am foillseachadh; agus mar sin, air dha tuiteam air agbaidh, ni e aoradh do Dhia, ag aithris¹² gu bheil Dia gu fìrinneach annaibh-sa.

26 Ciod e sin ma ta, a bhràithre? 'nuair tha sibh a' teachd an ceann a chéile, tha salm, tha teagasg, tha teangadh, tha foillseachadh, tha eadar-theangachadh, aig gach aon agaibh. Deanar na h-uile nithe chum fòghluim¹³.

27 Ma labhras aon neach ann an teangaidh *choimhich*, labhradh dithis, no air a' chuid a's mò triuir, agus sin an dèigh a chéile; agus deanadh a h-aon eadar theangachadh.

28 Ach mur bi eadar-theangair ann, fanadh e 'na thosd san eaglais; no labhradh e ris fein, agus ri Dia.

29 Labhradh dithis no triuir do na fàidhibh, agus thugadh a' chuid eile breth.

30 Ach ma dh'fhoillsichear *ni* do neach eile a tha 'na shuidhe, biodh an ceud *dhuine* 'na thosd.

31 Oir feudaidd sibh uile fàidheadair eachd a dheanamh gach aon an dèigh a

¹ ga thogail fein suas.

² mur eadar-theangaich neach.

³ uaithe.

⁴ chainntibh, clàrnainibh.

⁵ bhrìgh, seadh.

⁶ fadhaich, barbarra.

⁷ togail suas.

⁸ air fhòghlum.

⁹ droch-mhèin, olc.

¹⁰ air mhì-chéill, air bhoile.

¹¹ spreagar, comhairlichear.

¹² a' foillseachadh. ¹³ togail suas.

chéile, chum gu faigh na h-uile fòghlum, agus na h-uile comhfhurtachd.

32 Agus a ta spiorada¹ nam fàidhean ùmhail do na fàidhibh.

33 Oir cha'n e Dia *ughdair* na mi-riagh-aill², ach na sìthe, mar ann an eaglaisibh nan naomh uile.

34 Biodh bhur mnàì 'nan tosd sna h-eaglaisibh; oir cha'n 'eil e ceaduichte dhoibh labhairt; ach *is còir dhoibh* bi ùmhail, mar a ta an lagh mar an ceudna ag ràdh.

35 Agus ma's miann leo nì sam bith fhòghlum, feòraicheadh iad d'am fearaibh féin aig an tigh e: oir is mi-chiatach do mhnaibh labhairt san eaglais.

36 An ann uaibhse thàinig focal Dé a mach? no an ann do 'ur n-ionnsuidh-sa a mhàin a thàinig e.

37 Ma shaoileas duine sam bith³ gur fàidh, no gur duine spioradail e féin, aidi-cheadh e na nithe a ta mise a' sgrìobhadh do 'ur n-ionnsuidh, gur iad àitheantan an Tighearna.

38 Ach ma tha neach sam bith aineolach, biodh e aineolach.

39 Uime sin, a bhràithre, biodh ro-thogradhagaibh air fàidheadaireachd a dheanamh, agus na bacadh labhairt le teangaibh.

40 Deanar na h-uile nithe gu deadh-mhaiseach, agus a réir orduigh.

CAIB. XV.

1 O aiseirigh Crìosd, 12 dhearbhadh an t-abstol gu'n éirich sinne, an aghaidh na muinntir sin a tha 'g aicheadh aiseirigh na colla: 21 Toradh, 35 agus dòigh na h-aiseirigh, 51 agus caochladh na muinntir sin a gheibhear beò air an là dheireannach.

OS bàrr, a bhràithre, tha mi cur an cèill duibh an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'nur seasamh;

2 Troimh mar an ceudna am bheil sibh air bhur tèarnadh, ma chumas sibh gu daingean⁴ an nì a shearmonaich mi dhuibh, mur do chreid sibhse gu dìomhain.

3 Oir thug mi dhuibh air tùs an nì a fhuair mi mar an ceudna, Gu'n d'fhuair Crìosd bàs air son ar peacanna a réir nan sgrìobtuir:

4 Agus gu'n d'adhlacaidh e, agus gu'n d'éirich e a ris air an treas là a réir nan sgrìobtuir:

5 Agus gu facas e le Cephas, 'na dhéigh sin leis an dà dhear dheug.

6 'Na dhéigh sin, chunncas e le tuilleadh as cuig ceud bràthair air aon àm; d'am bheil a' chuid a's mò beò gus a nis, ach a ta cuid *dhiubh* 'nan codal.

7 'Na dhéigh sin, chunncas e le Seumas; agus a ris leis na h-abstolaibh uile.

8 'Nan déigh uile chunncas leam-sa e mar an ceudna, mar neach a rugadh ann an an-àm.

9 Oir is mi a's lugha do na h-abstolaibh, neach nach fiù abstol a ghairm dhìom, do bhrìgh gu'n robh mi a' geur-leanmhuinn eaglais Dé.

10 Ach tre ghràs Dé tha mi an nì a ta mi⁵: agus cha robh a ghràs, a *bhuilich-eadh* orm, gun bhrìgh; ach shaothraich mi nì's pailte na iad uile; gidheadh cha mhise, ach gràs Dé a bha maille rium.

11 Uime sin cò air bith iad *dhinne*, mise no iadsan, is ann mar so tha sinne a' searmonachadh, agus is ann mar so a chreid sibhse.

12 A nis ma shearmonaichear Crìosd gu'n d'éirich e o na marbhaibh, cionnus a ta cuid 'nur measg-sa ag ràdh, Nach 'eil aiseirigh nam marbh ann?

13 Ach mur 'eil aiseirigh nam marbh ann, nì mò a dh'éirich Crìosd.

14 Agus mur d'éirich Crìosd, gu deimhin *is* dìomhain ar searmoin-ne, agus *is* dìomhain bhur creidimh-sa mar an ceudna.

15 Seadh fhuaradh sinne 'nar fianuisibh bréige air Dia; do bhrìgh gu'n d'rinn sinn fianuis a thaobh Dhé, gu'n do thog e suas Crìosd: neach nach do thog e suas, mur éirich na mairbh.

16 Oir mur éirich na mairbh, nì mò a dh'éirich Crìosd:

17 Agus mur d'éirich Crìosd, *tha* bhur creidimh-sa dìomhain; tha sibh fathast ann bhur peacaibh.

18 Mar sin mar an ceudna tha an dream a choidil ann an Crìosd, caillte.

19 Ma's anns a' bheatha so a mhàin a tha dòchas againn ann an Crìosd, is sinn a's truaighe do na h-uile dhaoibh.

20 Ach a nis tha Crìosd air éirigh o na marbhaibh, agus rinneadh an ceud thoradh dhiubh-san a choidil deth.

21 Oir mar is ann tre dhuine *thàinig* am bàs, is ann tre dhuine *thig* aiseirigh nam marbh mar an ceudna.

22 Oir mar ann an Adhamh, a ta na h-uile a' faghail a' bhàis, is amhuil sin mar an ceudna a nìhear na h-uile beò ann an Crìosd.

23 Ach gach uile dhuine 'na ordugh féin: Crìosd an ceud thoradh, 'na dhéigh sin iadsan a's le Crìosd aig a thlachd.

24 An sin *bithidh* a' chrìoch dheireannach, 'nuair a bheir e suas an rìoghachd do Dhia, eadhon an t-Athair; 'nuair a chuireas e as do⁶ gach uile uachdaranachd, agus gach uile ùghdarras, agus chumhachd.

¹ tiodhlaca spioradail. ² eas-orduigh, tuairghe.

³ Ma tha duine sam bith cinnteach.

⁴ ma ghleidheas sibh air chuimhne.

⁵ is mi an nì a's mi.

⁶ a chuireas e sìos.

I. CORINTHIANACH, XV.

25 Oir is éigin gu'n rioghaich e, gus an cuir e a naimhdean uile fo a chosaibh.

26 Sgriosar an nàmhaid deireannach, am bàs.

27 Oir chuir e na h-uile nithe fo a chosaibh, Ach an uair a ta e ag ràdh gun do chuir e na h-uile nithe fuidh, is ni follais-each gu bheil esan a chuir na h-uile nithe fuidh, an leth muigh *dheth so*.

28 Agus an uair a cuirear na h-uile nithe fuidh, an sin bithidh am Mac féin fo 'n tí a chuir na h-uile nithe fuidh-san, chum gu'm bi Dia 'na uile anns na h-uile.

29 No ciod a ni iadsan a bhaistear air son nam marbh, mur éirich na mairbh air aon dòigh? c'ar son ma seadh a bhaistear iad air son nam marbh?

30 Agus c'ar son a ta sinne an gàbhadh gach uair?

31 Air bhur gàirdeachas¹ a tha agam ann an Iosa Criosd ar Tighearn, tha mi faghail a' bhàis gach là.

32 Ma chòmhraig² mi mar dhuine³ ri fiadh-bheathaichibh ann an Ephesus, ciod i mo thairbhe, mur éirich na mairbh? itheamaid agus òlaimaid, oir am màireach gheibh sinn bàs.

33 Na meallar sibh: truailidh droch chomhludair⁴ deadh bhensa.

34 Dùsgibh chum fìreantachd⁵, agus na deanaibh peacadh; oir cha'n 'eil còlas Dé aig cuid: chum bhur nàire tha mi a' labhairt so.

35 Ach their neach éigin, Cionnus a dh'éireas na mairbh? agus ciod a' ghnè cuirp leis an tig iad?

36 Amadain, an ni sin a chuireas tu, cha bheothaichear e, mur bàsaich e *air tùs*:

37 Agus an ni a chuireas tu, cha'n e an corp a bhitheas a ta thu cur, ach gràinne lom, feudaidh e bi do chruthneachd, no do *sheòrsa* éigin eile:

38 Ach a ta Dia a' toirt cuirp dha mar bu toil leis, agus do gach uile shìol a chorp féin.

39 Cha'n aon fheadhail gach uile fheadhail: ach a ta feòil air leth aig daoineibh, agus feòil eile aig ainmhidh, feòil eile aig iasgaibh, agus feòil eile aig eunlaithibh.

40 Agus a ta cuirp nàmhaidh ann, agus cuirp thalmhaidh: gidheadh a ta glòir air leth aig na *corpaibh* nàmhaidh, agus glòir eile aig na *corpaibh* talmhaidh.

41 Tha aon ghloir aig a' ghréin, agus glòir eile aig a' ghealaich, agus glòir eile aig na reultaibh; oir a ta eadar-dhealachadh eadar reult agus reult thaobh glòire.

42 Agus is ann mar sin a bhios aiseirigh nam marbh. Cuirear ann an truailidh-

eachd e; togar ann an neo-thruaillidh-eachd e.

43 Cuirear e ann an easurram, togar ann an glòir e: cuirear ann an anmhuinneachd e, éiridh e ann an cumhachd:

44 Cuirear e 'na chorp nàdurra, éiridh e 'na chorp spioradail. Tha corp nàdurra ann, agus corp spioradail.

45 Agus mar so tha e sgriobhta, Rinn-eadh an ceud dhuine Adhamh 'na anam beò, an t-Adhamh deireannach 'na Spiorad a bheothaicheas.

46 Gidheadh cha'n e an ni spioradail a bha ann air tùs, ach an ni nadurra; agus 'na dhéigh sin an ni spioradail.

47 An ceud duine o'n talamh, talmhaidh: an dara duine, an Tighearn o nàmh.

48 Mar an *duine* talmhaidh, is amhuil sin iadsan a tha talmhaidh: agus mar a ta an *duine* nàmhaidh, is ann mar sin iadsan a ta nàmhaidh.

49 Agus mar a ghiùlain sinn Ìomhaigh⁶ an *duine* thalmhaidh, ghiùlanaidh sinn mar an ceudna Ìomhaigh an *duine* nàmhaidh.

50 A nis so a ta mi ag ràdh, a bhràithre, nach feudar le feòil agus fuil rioghachd Dhé a shealbhadh; ni mò a shealbhaicheas truailidheachd neo-thruaillidh-eachd.

51 Feuch, tha mi a' labhairt ni dìomhair ribh; Cha choidil sinn uile, ach caochlaidhear sinn uile,

52 Ann an tiota⁷, am priobadh na sùl, ri *guth na* trompaid deireannaich, (oir séididh an trompaid,) agus éiridh na mairbh neo-thruaillidh, agus caochlaidhear sinne.

53 Oir is éigin do'n *chorp* thruaillidh so neo-thruailidheachd a chur uime, agus do'n *chorp* bhàsmhor so neo-bhàsmhorachd a chur uime.

54 Agus an uair a chuireas an *corp* truailidh so neo-thruailidheachd uime, agus a chuireas an *corp* bàsmhor so neo-bhàsmhorachd uime, an sin coimhlionar am focal a ta sgrìobhta, Shluigeadh suas am bàs le buaidh.

55 O bhàis, c'àit am bheil do ghath? O uaigh, c'àit am bheil do bhuaidh?

56 Is e am peacadh gath a' bhàis; agus is e neart a' pheacaidh an lagh:

57 Ach buidheachas do Dhia, a tha toirt dhuinne na buadha, tre ar Tighearn Iosa Criosd.

58 Uime sin, mo bhràithre gràdhach, bithibh-sa daingean, neo-ghluasadach, a' sìor-mheudachadh ann an obair an Tigh-earn, air dhuibh fios a bhi agaibh nach

¹ a' ghàirdeachas air bhur sonsa.

² chog mi, chuir mi cath.

³ a rèir gnàtha dhaoine.

⁴ droch chòmhradh

⁵ gu ceart, gu cubhaidh.

⁶ dealbh, dreach, coslas.

⁷ platha, mionaid.

I. CORINTIANACH, XVI.

'eil bhur saothair dìomhain anns an Tigh-earn.

CAIB. XVI.

¹ *Ghuidh Pòl air na Corintianaich fuasgladh air uireasbhuidh nam bràithre bochda ann an Ierusalem; 10 mhol e Timoteus; 13 agus an deigh chomhairlean càirdeil, 19 chrìochnaich e an litir le iomadh fàilte.*

ANIS a thaobh an tionail air son nan naomh, mar a dh'orduigh mi do eaglaisibh Ghalatia, mar sin deanaibh-sa mar an ceudna.

2 Air ceud là gach seachduin, euireadh gach aon agaibh ni leis féin anns an ionmhas¹, a réir mar a shoirbhich leis, eum naeh bi tionail r'an deanamh 'nuair a thig mise.

3 Agus an uair a thig mi, cò air bith iad a mholas sibh le 'ur litricibh, euiridh mi iadsan a ghiùlan blur tabhartais gu Ierusalem.

4 Agus ma's iomeluidh mise a dhol mar an ceudna, théid iadsan a'm' ehuid-eachd.

5 Agus thig mi do 'ur n-ionnsuidh-sa, 'nuair a théid mi troimh Mhacedonia : (oir tha mi dol troimh Mhacedonia :)

6 Agus feudaidd e bi gu'm fan mi, no eadhon gu'n eaidh mi an geamhradh maille ribh, chum gu'n toir sibh air m'aghaidh mi, ge b'e àit d'an téid mi.

7 Oir cha'n àill leam bhur faicinn a nis san dol seachad; aeh tha dùil agam fannuinn ré tamuill maille ribh, ma leigeas an Tighearn dhomh.

8 Aeh fanaidh mi ann an Ephesus gu Cuingeis.

9 Oir dh'fhosgladh dorus mòr agus éifeachdaeh dhomh-sa, agus tha mòran easeairdean² ann.

10 A nis ma thig Timoteus, feuchaibh gu'm bi e gun eagal maille ribh : oir tha e a' saothreachadh ann an obair an Tigh-earna, mar a ta mise.

11 Uime sin na deanadh neach sam bith

tàir air : aeh thugaibh air aghaidh e an sìth, eum gu'n tig e a m' ionnsuidh-sa : oir tha suil agam ris maille ris na bràithribh.

12 Mu thimchioll ar bràthar Apollois, ghuidh mi gu dùraehdach air teachd do 'ur n-ionnsuidh-sa maille ris na bràithribh : aeh cha b'i a thoil air chor sam bith teahd san àm so; aeh thig e 'nuair a gheibh e àm iomeluidh.

13 Deanaibh faire, seasaibh gu daingean sa' chreidimh, bithihh fearail³, bithibh làidir⁴.

14 Biodh bhur n-uile nithe air an deanamh le gràdh.

15 Agus guidheam oirbh, a bhràithre (o's aithne dhuibh teaghlaeh Stephanais, gur iad ceud thoradh Achaia, agus gu'n d'thug siad iad féin chum frithealaidh do na naomhaibh ;)

16 Gu'm bi sibh ùmhal d'an leithidibh sin, agus do gach aon a ni obair agus saothair maille ruinne.

17 Tha mi subhaeh ri teachd Stephanais, agus Fhortunatus, agus Achaieus : oir rinn iad suas an ni sin a bha dh'uireasbhuidh do 'ur taobh-sa.

18 Oir thug iad suaimhneas⁵ do m' spiorad-sa, agus d' ur spiorad-sa : uime sin biodh meas agaibh air an leithidibh sin⁶.

19 Tha eaglaisean na h-Asia a' cur fàilte oirbh. Tha Acuila agus Priseila, maille ris an eaglais a tha 'nan tigh, a' eur mòr-fhàilte oirbh anns an Tighearn.

20 Tha na bràithrean uile a' cur fàilte oirbh. Cuiribh-sa fàilte air a ehéile le pòig naoimh.

21 Fàilte uamsa Pòl le m' làimh féin.

22 Ma tha neach sam bith naeh gràdh-aich an Tighearn Iosa Criosd, biodh e 'na Anatema Maranata⁷.

23 Gu robh gràs an Tighearna Iosa Criosd maille ribh.

24 Mo ghràdh-sa maille ribh uile ann an Iosa Criosd. Amen.

¹ taisgeadh gach aon agaibh làimh ris ann an stòr.

² luchd cur an aghaidh an t-soisgeil.

³ duineil.

⁴ neartaichibh sibh féin.

⁵ fois.

⁶ aithnichibh an leithide sin.

⁷ biodh e malluichte gu bràth.

DARA LITIR AN ABSTOIL PHOIL

CHUM NAN

CORINTIANACH.

CAIB. I.

¹ Thug an t-abstol Pòl misneach do na Corintianaich an aghaidh thrioblaid thaobh na comhshurtachd agus an fhuasglaidh a thug Dia dhasan 'na uile thrioblaidibh féin, 8 gu sonruichte 'na chumart

san Asia : 12 agus ghairm e an coguis-san, agus a choguis féin chum fianuis gu'n do shearmonaich e an soisgeul gu trèibhdhireach, &c.

POL, abstol Iosa Criosd tre thoil Dé, agus Timoteus, ar bràthair, eum

II. CORINTIANACH, I. II.

eaglais Dé a ta ann an Corintus, maille ris na h-uile naoimh a ta ann an Achaia uile :

2 Gràs dhuibhse, agus sìth¹ o Dhia ar n-Athair, agus o'n Tighearna Iosa Crìosd.

3 Beannaichte gu robh Dia, eadhon Athair, ar Tighearna Iosa Crìosd, Athair nan tròcair, agus Dia na h-uile chomhfhurtachd ;

4 A tha toirt comhfhurtachd dhuinne 'nar n-uile àmhghar², chum sinne bhi comasach air comhfhurtachd a thoirt dhoibh-sa a ta ann an àmhghar sam bith, tre a' chomhfhurtachd leis am bheil sinn féin a' faotainn comhfhurtachd o Dhia.

5 Oir mar a ta fulangais Chrìosd³ pailt annainne, is amhuil sin a ta ar comhfhurtachd-ne mar an ceudna pailte tre Chrìosd.

6 Agus ma tha sinn fuaidh àmhghar, is ann air son bhur comhfhurtachd agus bhur slàinte-sa, a tha air a h-oibreachadh le sibh a dh'fhulang nam fulangas ceudna, a tha sinne a' fulang : no ma's comhfhurtachd dhuinn, is ann chum bhur comhfhurtachd agus bhur slàinte-sa.

7 Agus a ta ar dòchas daingean do 'ur taobh-sa, do bhrìgh gu bheil fios againn, mar a ta sibh 'nur luchd-comhpairt do na fulangasibh, gu'm bi sibh mar an ceudna do'n chomhfhurtachd.

8 Oir cha b'àill leinn, a bhràithre, sibhse bhi ain-fhiosrach mu thimchioll ar n-àmhghair a thachair dhuinne san Asia, gu'n do bhruthadh sinn gu ro mhòr thar ar neart ionnus gu robh sinn fuaidh amharus eadhon mu'r beatha :

9 Ach bha againn binn⁴ ar bàis annainn féin chum nach biodh againn dòigh annainn féin, ach ann an Dia a dhùisgeas na mairbh :

10 Neach a shaor sinne o bhàs co mòr, agus a ta 'gar saoradh ; anns am bheil ar dòchas gu'n saor e sinn fathast :

11 Air dhuibhse bhi a' co-oibreachadh le chéile ann an urnuigh air ar son-ne, chum gu tugar buidheachas le mòran air ar son-ne, á leth an tiodhlaic a thugadh dhuinne, tre mhòran.

12 Oir is e so ar gairdeachas-ne, fianuis ar coguis, gur ann an aon-fhillteachd⁵ agus an tréibhdhìreas diadhaidh⁶, agus cha'n ann an gliocas feòlmhor, ach ann an gràs Dé, a chaith sinn ar beatha san t-saoghal, agus gu h-àraidh do 'ur taobh-sa.

13 Oir cha'n 'eil sinn a' sgrìobhadh nithe sam bith eile do 'ur n-ionnsuidh-sa, ach ann nithe a ta sibh a' leughadh⁷, no a ta

sibh ag aideachadh, agus a ta dùil agam a dh'aidicheas sibh gus a' chrìoch ;

14 Amhuil mar a dh'aidich sibh an càil, gur sinne bhur gairdeachas, mar is sibhse mar an ceudna ar gairdeachas-ne ann an là an Tighearna Iosa.

15 Agus anns a' mhuighin so b'àill leam-sa teachd do 'ur n-ionnsuidh air tùs, ionnus gu faigheadh sibhse ath-ghràs⁸.

16 Agus gabhail uaibhse⁹ gu Macedonia, agus teachd o Mhacedonia a ris do 'ur n-ionnsuidh-sa, agus a bhi air mo thoirt air m'aghaidh leibhse san t-slighe gu Iudea.

17 Uime sin an uair a chuir mi so romham, an do ghnàthaich mi eutruimeachd¹⁰? no an ann a réir na feòla a ta mi cur romham, na nithe a ta mi a' cur romham, ionnus gu biodh agam seadh, seadh, agus cha'n eadh, cha'n eadh ?

18 Ach mar a ta Dia fìrinneach, cha b'e ar còmhraidh ribhse seadh, agus cha'n eadh ?

19 Oir Mac Dhé Iosa Crìosd, a shearmonaicheadh 'nur measg-sa leinne, eadhon leam-sa, agus le Silvanus, agus le Timoteus, cha robh e 'na sheadh agus 'na cha'n eadh, ach ann-san bha seadh.

20 Oir geallanna Dhé uile ann-san is seadh iad, agus ann-san is Amen iad, chum glòire Dhé do ar taobh-ne.

21 A nis an ti a dhaingnicheas sinne maille ribhse ann an Crìosd, agus a dh'ung sinn, is e Dia :

22 Neach mar an ceudna a chuir seula oirnne, agus a thug dhuinn geall-daingnich¹¹ an Spioraid ann ar cridheachaibh.

23 Ach a ta mi a' gairm Dhé mar fhianuis air m'anam¹², gur ann chum sibhse a chaomhnadh nach d'thàinig mi fathast gu Corintus.

24 Cha'n e gu bheil againne tighearnas air bhur creidimh-sa, ach is luchd-cuid-eachaidh sinn do 'ur n-aobhneas : oir is ann tre chridimh a sheasas sibh.

CAIB. II.

1 Air do Phòl an reuson a chur an cèill air son nach d'thàinig e dh'ionnsuidh nan Corintianach, 6 dh'iarr e orra maitheanas agus comhfhurtachd a thoirt do'n duine a dhruicheadh a mach leo as eaglais, 10 eadhon mar a thug e féin mar an ceudna maitheanas da air son 'ghior-aithreachais.

ACH chuir mi seòl romham annam féin, A gun teachd a ris do dhoilgheas do 'ur n-ionnsuidh.

2 Oir ma ni mise doilich sibhse, cò e ma ta ni subbach mise, ach an ti air an do chuireadh doilgheas leam ?

3 Agus sgrìobh mi an ni so féin do 'ur

¹ sìothchaint.

² thrioblaid.

³ fulangais air son Chrìosd.

⁴ breth.

⁵ sìomhlidheachd.

⁶ an tréibhdhìreas a's mò ; tréibhdhìreas Dé. Gr.

⁷ a's aithne dhuibh.

⁸ ath-thiodhlaic.

⁹ dol bhur rathad-sa.

¹⁰ iomluas.

¹¹ earlas.

¹² an aghaidh m'anama.

II. CORINTIANACH, II. III.

n-ionnsuidh, chum air dhomh teachd, nach cuirteadh doilgheas orm leis a' mhuinntir sin o'm bu choir dhomh aoibhneas fhaotainn, air dhomh bhì muinghinneach as aibh uile, gur e m'aoibhneas bhuir *n-aoibhneas* uile.

4 Oir á trioblaid mhòir agus cràdh cridhe, sgrìobh mi do 'ur n-ionnsuidh le iomadh deur; cha'n ann chum gu'm biodh doilgheas oirbh, ach chum gu'm biodh fios agaibh air a' ghràdh a ta agam gu ro phailte dhuibh.

5 Ach ma thug neach sam bith aobhar doilgheis, cha do chuir e doilgheas ormsa, ach an càil; chum nach cuirinn ro uallach oirbh uile.

6 Is leoir d'a leithid sin do dhuine am peanas so, a *leagadh* air le mòran.

7 Iomus air an làimh eile, gur mò *is còir* dhuibh maitheanas agus comhfhurtachd a thoirt *da*, air eagal gu'm biodh a leithid so do dhuine air a shlugadh suas le anabarra doilgheis.

8 Uime sin guidheam oirbh, gu'n daingnicheadh sibh *bhuir* gràdh dha.

9 Oir is ann chum na crìche so a sgrìobh mi do 'ur *n-ionnsuidh*, chum gu'm biodh fios bhuir dearbhaidh agam, am bheil sibh ùmhal anns na h-uile nìthibh.

10 Ge b'e neach d'an toir sibh maitheanas ann an nì sam bith, bheir mise mar an ceudna: oir ma thug mise maitheanas ann an nì sam bith, ge b'e d'an d'thug mi ann maitheanas, is ann air bhuir sonsa *a thug mi e*, am fianuis¹ Chrìosd;

11 Air eagal gu faigheadh Satan an cothrom oirnn le 'chuilbheartachd: oir cha'n 'eil sinn aineolach air 'innleachdaibh.

12 Os bàrr, 'nuair a thàinig mi gu Troas chum soisgeul Chrìosd *a shearmonachadh*, agus a dh'fhosgladh dorus dhomh leis an Tighearn,

13 Cha robh fois agam ann mo spiorad, do bhrìgh nach d'fhuair mi Titus mo bhràthair: ach air gabhail mo chead duibh, dh'imich mi o sin do Mhacedonia.

14 A nis buidheachas do Dhia, a ta ghuàth a' toirt oirne buadhachadh ann an Crìosd, agus a ta foillseachadh *deadh fhàis*² leis fèin leinne anns gach àit.

15 Oir tha sinne do Dhia 'nar fàile cùbhraidh Chrìosd, anns an dream a thearnar³, agus anns an dream a sgriosar⁴:

16 Do'n aon dream *tha sinn* 'nar bolt-rach bàis chum bàis; agus do'n dream eile, 'nar boltrach beatha chum beatha: agus cò *a ta* foghainteach chum nan nìthe so?

17 Oir cha 'n 'eil sinne mar mhòran, a thruaillias focal Dé: ach mar o thrèibh-dhìreas, ach mar o Dhia, tha sinn a' labhairt am fianuis Dé ann an Crìosd⁴.

CAIB. III.

1 *Air eagal gu'n cuirteadh luchd-teagaisg bréige as a leth gu robh e deanamh uaill gu dìomhain, nochd Pòl gu robh gràsa nan Corintianach 'nan aobhar molaidh d'a mhinistirealachd.* 6 *Air so chòmhsàn e ministirean an lagha, agus an t-soisgeil r'a chéile, 12 agus dhearbhadh e gu'n robh a mhinistirealachd-san ro òirdheirc.*

AN tòisich sinn a rìs air sinn fèin a mholadh? no am bheil feum againn, mar aig dream àraidh, air litricibh molaidh do 'ur n-ionnsuidh-sa, no air *litricibh* molaidh uaibh?

2 Is sibhse air litir-ne a ta sgrìobhta 'nar⁵ cridheachaibh, air a h-aithneachadh agus air a leughadh leis na h-uile dhaoineibh:

3 *Air dha bhì* follaiseach gur sibh litir Chrìosd, a fhrithealadh leinne, a tha air a sgrìobhadh cha'n ann le dubh, ach le Spiorad an Dé bheò; cha'n ann air clàraibh cloiche, ach air clàraibh feòlmhor a' chridhe.

4 Agus tha a leithid so do dhòchas⁶ againne tre Chrìosd a thaobh Dhé:

5 Cha'n e gu bheil sinn foghainteach uainn fèin chum nì sam bith a smuaineachadh⁷ mar uainn fèin: ach is ann o Dhia *a ta* ar foghainteachd;

6 A rinn sinne mar an ceudna 'nar ministireibh foghainteach an tiomnaidh nuaidh⁸; cha'n ann do'n litir, ach do'n Spiorad: oir marbhaidh an litir, ach bheir an Spiorad beatha.

7 Ach ma bha ministirealachd⁹ a' bhàis, ann an sgrìobhadh air a ghearradh¹⁰ air clachaibh, glòrmhor, ionnus nach b'urrainn clann Israeil amharc gu geur air gnùis Mhaois, air son glòire a ghnùise, a chuireadh air cùl;

8 Cionnus nacl mò na sin a bhios ministirealachd an Spioraid glòrmhor?

9 Oir ma bha ministirealachd an dèidh glòrmhor, is ro mhò na sin a bheir ministirealachd na fireantachd barrachd ann an glòir.

10 Oireadhon ann a rinneadh glòrmhor, cha robh glòir sam bith aige sa' chàs so, thaobh na glòire a tha toirt barrachd.

11 Oir ma bha an nì a chuireadh air cùl glòrmhor, is ro mhò na sin *a ta* an nì a bhunaicheas glòrmhor.

12 Uime sin do bhrìgh gu bheil againn a shamhuil so do dhòchas¹¹, tha sinn a' cleachdadh mòr-dhànachd¹² cainnte.

13 Agus cha 'n 'eil sinn mar Mhaois, a chuir folach air 'aghaidh, chum nach

¹ am pearsa.

³ a chaillear.

⁵ ann ar.

² shlànuichear.

⁴ mu Chrìosd.

⁶ dh'earbsa.

⁷ a mheas, a reusonachadh.

⁹ frithcealadh.

¹¹ earbsa.

¹² shoilleireachd.

⁸ a' choimhcheangail

¹⁰ ghràbhaladh.

amhairceadh clann Israeil gu gcur gu crìch an nì a chuireadh air cùl.

14 Ach dhalladh an inntinn: oir gus an là'n diugh ann an leughadh an t-seann-tiomnaidh¹, tha'm folach ceudna a' fann-tuinn gun atharrachadh, nì a chuireadh air cùl ann an Crìosd.

15 Ach eadhon gus an là'n diugh 'nuair a leughar Maois, tha am folach air an cridhe.

16 Gidheadh 'nuair a philleas e chum an Tighearna, togar am folach dheth.

17 A nis is e an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhì dhuinne uile le aghaidh gun fholach, ag amharc mar ann an sgàthan air glòir an Tighearna, tha sinn air ar n-atharrachadh chum na h-ionmhaigh² ceudna, o ghlòir gu glòir, mar le Spiorad an Tighearna.

CAIB. IV.

1 Chuir Pòl an cèill gu'n do shearmonaich e an soisgeul le dìchioll agus ann an tréibh-dhìreas; 6 agus cionnus a dh'òibrich na trioblaidcan agus an geur-leanmhuinn a dh'fhuiling e air a shon, chum clùt cumhachd Dhé, 12 agus chum maith na h-eaglais.

UIME sin, air do'n mhinistireileachd so bhì againn, a réir mar a fhuair sinn tròcair, cha'n 'eil sinn a' fannachadh³:

2 Ach chuir sinn cùl ri nithibh folaichte na nàire⁴, gun sinn bhì a' siubhal ann an ceilg, no a' truailladh focail Dé, ach le foillseachadh na firinn, 'gar moladh féin do choguis nan uile dhaoine ann an sealladh Dhé.

3 Ach ma tha ar soisgeul-ne folaichte⁵, is ann dhoibh-san a ta caillte⁶ tha e folaichte:

4 Anns an do dhall dia an t-saoghail so iuntinn na dream nach 'eil 'nan creidich, air eagal gu'n dealraicheadh orra solus soisgeil ghlòrmhoir Chrìosd, neach a's e ionmhaigh Dhé.

5 Oir cha'n 'eil sinne 'gar searmonachadh féin, ach Iosa Crìosd an Tighearn; agus sinn féin 'nar seirbhisich dhuibhse air son Iosa.

6 Oir is e Dia a thubhairt ris an t-solus soillseachadh á dorchadas, a dhealraich ann ar cridheachaidh-ne, a thoirt soluis eòlais glòire Dhé, ann an gnùis Iosa Crìosd.

7 Ach a ta an t-ionmhas so againn ann an soithichibh creadha, chum gu'm bi òir-dheirceas a' chumhachd o Dhia, agus cha'n ann uainne.

8 Tha sinn fo thrioblaid air gach taobh, gidheadh cha'n 'eil sinn ann an teannt-

achd⁷; tha sinn ann an ioma-chomhairle, gidheadh gun sinn ann an eu-dòchas;

9 Air ar geur-leanmhuinn, gidheadh gun sinn air ar tréigsinn; air ar tilgeadh sìos, gidheadh gun sinn air ar sgrios;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu biodh beatha Iosa mar an ceudna air a deanamh follaiseach ann ar corp-ne.

11 Oir tha sinne a ta beò, a ghnàth air ar toirt chum bàis air son Iosa, chum gu biodh mar an ceudna beatha Iosa air a deanamh follaiseach 'nar feoil bhàsmhoir-ne.

12 Uime sin tha bàs ag oibreachadh annain-ne, ach beatha annaibh-sa.

13 Air dhuinn an spiorad creidimh sin féin a bhì againn, a réir mar a ta e sgrìobhta, Chreid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhì againn, an ti a thog suas an Tighearn Iosa, gu'n tog e sinne suas mar an ceudna tre Iosa, agus gu'n cuir e 'na làthair sinn maille ribhse.

15 Oir tha na h-uile nithe air blur sona, chum gu biodh an gràs a tha saobhir, tre bhuidheachas mhòran, ro phailte chum glòire Dhé.

16 Uime sin cha'n 'eil sinn a' fannachadh, ach ged thruaillear ar duine o'n leth muigh, gidheadh tha an duine o'n leth stigh air ath-nuadhachadh o là gu là.

17 Oir a ta ar n-àmghar eutrom, nach 'eil ach rè sealain⁸, ag oibreachadh dhuinne trom-chudthrom glòire a ta ni's ro anabharraich agus sìor-mhaireannach;

18 Air dhuinn bhì ag amharc cha'n ann air na nithibh a tha r'am faicinn, ach air na nithibh nach 'eil r'am faicinn: oir tha na nithe a chithear, aimsireil; ach tha na nithe nach faicear, sìorruidh.

CAIB. V.

1 Chuir Pòl an cèill gu'n robh e an dòchas glòire sìorruidh, agus le sùil rithe, agus ris a' bhreth dheireannaich, a' deanamh dìchioll air deadh choguis a choimhead; 12 cha'n ann chum gu deanadh e bàs as féin a thaobh so, 14 ach mar neach a fhuair beatha o Chrìosd, a ta e dìchiollach chum a bheatha a chaitheadh do Chrìosd a mhàin.

OIR a ta fios againn, nan sgoilteadh o chéile ar tigh talmhaidh a' phàill-iuin so, gu bheil againn aircabh o Dhia, tigh nach do thogadh le làmhaidh, sìorruidh anns na nèmhaidh.

2 Oir a ta sinn ri osnaich an so, a' miannachadh bhì air ar n-eudachadh⁹ le ar tigh o nèamh:

¹ na seann-tiomnaidh.

² an dealbha, an riochda.

⁴ a' mhasaidh, na h-eas-onoir.

³ a' lagachadh.

⁵ fo fholach.

⁷ cumhainneachd.

⁹ cluth-eudachadh, còmhachadh,

⁶ a tha 'gan sgrios féin.

⁸ tiota, mìonaid.

II. CORINTIANACH, V. VI.

3 O air dhuinn bhì air ar n-eudachadh, nach faighear lomnochd sinn.

4 Oir tha sinne a tha anns a' phàillinn so ri osnaich, air dhuinn bhì fuidh uall- aich: cha'n e air son gu'm bu mhiann leinn bhì air ar rùsgadh, ach air ar n-eud- achadh, chum gu bi bàsmhorachd air a slugadh suas le beatha.

5 A nis an ti a dh'oibrich sinne chum so féin, is e Dia e, a thug dhuinne mar an ceudna geall-daingnich¹ an Spioraid.

6 Uime sin *tha sinn* a ghnàth deadh- mhisneachail, air dhuinn fios a bhì againn am feadh a ta sinn aig an tigh sa' choluinn, gu bheil sinn air choigrich o'n Tighearn:

7 (Oir a ta sinn a' gluasad² a réir creid- inh, agus cha'n ann a réir seallaidh.)

8 Tha deadh mhisneach againn, agus bu ròghnuiche leinn gu mòr bhì air choigrich as a' choluinn, agus a bhì làthair maille ris an Tighearn.

9 Uime sin a ta sinn a' deanamh ar dichill, chum cò aca bhios sinn a làthair no air choigrich, gu'm bi sinn taitneach dhàsan.

10 Oir is éigin duinn uile bhì air ar nochdadh an làthair caithir-breitheana is Chriosd; chum gu faigh gach neach na nithe *a rinn e sa'* choluinn, a réir an ni a rinn e, ma's maith no olc e.

11 Uime sin, air dhuinn fios a bhì againn air uambas an Tighearna, tha sinn a' cur impidh air daoinibh; ach a ta sinn foll- aiseach do Dhia, agus tha dòchas agam mar an ceudna gu bheil sinn air ar dean- amh follaiseach ann bhur coguisibh-sa.

12 Oir cha 'n 'eil sinn 'gar moladh féin a ris dhuibhse, ach a ta sinn a' toirt fàth³ uail dhuibh do ar taobh, chum gu bi *freagrachd* agaibh dhoibh-san a tha dean- amh uail aon an gnùis, agus cha'n ann an cridhe.

13 Oir ma tha sinn a dh'easbhuidh céille, *is ann do* Dhia: agus ma tha ar ciall againn, *is ann* duibh-sa.

14 Oir a ta gràdh Chriosd 'gar co-éig- neachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh:

15 Agus gu'n d'fhuair e bàs air son nan uile, chum iadsan a ta beò, nach biodh iad á so suas beò dhoibh féin, ach dhàsan a dh'fhuiling am bàs air an son, agus a dh'éirich a ris.

16 Uime sin, cha'n aithne dhuinne á so suas aon duine a réir na feòla: seadh, ged b' aithne dhuinn Chriosd a réir na feòla, gidheadh a nis cha'n aithne dhuinn e ni's mò.

17 Uime sin ma *tha* neach sam bith ann

an Criosd, *is* creutair nuadh e: chaidh na seann nithe seach, feuch, rinneadh na h-uile nithe nuadh.

18 Agus is ann o Dhia *a ta* na h-uile nithe, neach a rinn sinne réidh ris féin tre Iosa Criosd, agus a thug dhuinn ministreil- eachd na réite;

19 Eadhon, gu robh Dia ann an Criosd, a' deanamh an t-saoghail réidh ris féin, gun bhì a' meas an cionta dhoibh; agus dh'earb e ruinne⁴ focal na réite.

20 Uime sin is teachdairean sinn air son Chriosd, mar gu cuireadh Dia impidh leinne: tha sinne a' guidhe *oirbh* as uchd⁵ Chriosd, bithibh réidh ri Dia.

21 Oir rinn e esan do nach b'aithn peacadh, 'na ìobairt-pheacaidh air ar son- ne; chum gu bitheamaid air ar deanamh 'nar fireantachd Dhé annsan.

CAIB. VI.

1 *Gu'n do dhearbh Pòl e féin 'na mhinisteir firinn- each do* Chriosd, araon le earailibh, 3 agus le ionracas a bheatha, 4 agus leis gach gnè trioblaid agus maslaidh fhulang gu foighidneach air son an t-soisgeil: 10 umpa so labhair e gu dana riu, a chionn gu robh a chridhe fosgailte dhoibh.

UIME sin tha sinn mar chomb-oibrich *ean leis-san*, a' guidhe *oirbh*, gun sibh a ghabhail gràis Dé an diomhanas:

2 (Oir a ta e ag ràdh, Ann an àm tait- neach dhréisd mi riut, agus ann an là slàinte rinn mi còmhnaidh leat: feuch, a nis an t-àm taitneach; feuch, a nis là na slàinte.)

3 Gun bhì toirt aobhair oillbheim air bith ann an aon ni, chum nach faigheadh a' mhinisteirleachd⁶ mi-chliù:

4 Ach anns gach ni 'gar dearbhadh féin mar mhinisteiribh Dhé, ann am mòr- fhoighidin, ann an àmhgharaibh, ann an uireasbhuidh, ann an teanntachdaibh,

5 Ann am buillibh, ann am prìosanaibh, ann an luasgadh o àit gu h-àit, ann an saothair, ann am faire, ann an trasgaibh,

6 Ann am fìor-ghloine, ann an eòlas, ann am 'fad-fhulangas, ann an caoimh- neas, anns an spiorad naomh⁷, ann an gràdh gun cheilg,

7 Ann am focal na firinn, ann an cumh- achd Dhé, le airm na fireantachd air an làimh dheis agus chli,

8 Tre urram agus eas-urram, tre mhi- chliù agus dheadh-chliù: mar mhealltair- ibh, gidheadh firinneach;

9 Mar dhream nach aithnìchear, gidh- eachd air am bheil deadh aithne; mar dhream a ta faghail a' bhàis, gidheadh feuch, tha sinn beò; mar dhream a smachd- aichear, agus gun am marbhadh;

10 Mar dhream a ta brònach, gidheadh

¹ earlas.
siubhal.

² a' gluasad, og imcachd, a'
³ cothrom.

⁵ air son, an àit.
fìrithcaladh.

ar] ministreilachd, [ar
leis an Spiorad.

II. CORINTIANACH, VI. VII.

a ghnàth a' deanamh gàirdeachais; mar dhaoine bochda, gidheadh a ta deanamh mòrain saoi bhir; mar dhaoine aig nach 'eil ni sam bith, gidheadh a' sealbhadh nan uile nithe.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farsuinn.

12 Cha'n 'eil sibh ann an cumhannachd annain-ne, ach tha sibh ann an cumhannachd ann bhur n-innibh féin.

13 A nis mar ath-dhioladh san ni sin féin, (tha mi a' labhairt mar ri m' chloinn,) bithibh-sa farsuinn mar an ceudna.

14 Na cuing-cheanglar gu neo-chothromach sibh maille ri mi-chreidich: oir ciod e caidreabh na fireantachd ri neo-flùreantachd? agus ciod e comunn an t-soluis ris an dorchadas?

15 Agus ciod an réite a ta aig Criosd ri Belial? no ciod i cuid a' chreidich, maille ri ana-creideach?

16 Agus ciod a' cho-réite a ta aig teampull Dé ri h-iodholaibh¹? oir is sibhse teampull an Dé bheò; a réir mar a thubhairt Dia, Gabhaidh mise còmhnuidh ann-ta, agus gluaisidh mi 'nam measg; agus bithidh mise a'm' Dhia aca-san, agus bithidh iadsan 'nan sluagh agam-sa.

17 Uime sin thigibh a mach as am meadhon, agus dealaichibh *riu*, tha an Tighearn ag ràdh, agus na beanaibh ris an ni neòghlan; agus gabhaidh mise a m'ionnsuidh sibh,

18 Agus bithidh mi a'm' Athair dhuibh, agus bithidh sibhse 'nur mic agus 'nur nigheanaibh dhomh-sa, tha an Tighearn uile-chumhachdach ag ràdh.

CAIB. VII.

1 Dh'eorailich Pòl na Corintianaich chum gloine beatha, 2 agus chum an inntinn bhi aca dhàsan a ta aige doibh: 3 air eagal gu saoilteadh gu'n robh e cur so an amharus, chuir e an cèill doibh meud a' chomhfhurtachd a fhuair e 'na thrioblaidibh, o'n sgeul a thug Titus dha air an bròn diadhaidh.

UIME sin, a mhuinntir mo ghràidh, air dhuinn na geallanna so bhi againn, glanamaid sinn féin o gach uile shalachar feòla agus spioraid, a' coimhlionadh naomhachd ann an eagal Dé.

2 Gabhaibh ruinne: cha d'rinn sinn eucoir air aon duine, cha do thruaill sinn aon duine, cha do mheall sinn aon duine.

3 Cha'n ann chum bhur dididh a ta mi a' labhairt so: oir thubhairt mi roimh, gu bheil sibh ann ar cridheachaibh-ne chum bàsachadh maille *ribh*, agus a bhi beò maille *ribh*.

4 Is mòr mo dhànachd cainnte do 'ur taobh-sa, is mòr m' uail as bhur leth:

lìonadh le comhfhurtachd mi, tha mi thar tomhas aoibhneach ann ar n-uile àmhlighar-ne.

5 Oir an uair a thàinig sinn gu Macedonia, cha d'fhuair ar feòil fois sam bith, ach bha sinn fuaidh àmhghar air gach taobh; an leth am muigh *bha* còmlraig, an leth a stigh *bha* eagal²:

6 Ach Dia a bheir comhfhurtachd dhoibh-san a tha air an leagadh sìos, thug e comhfhurtachd dhuinne le teachd Thituais:

7 Agus cha'n e le a theachd-san a mhàin, ach mar an ceudna leis a' chomhfhurtachd a fhuair esan uaibhse, 'nuair a chuir e an cèill duinn bhur dian-thogradh, bhur caoidh³, bhur teas-gràdh dhomh-sa; air chor as gur mòd a rinn mi gairdeachas.

8 Oir ged chuir mi doilgheas oirbh leis an litir, cha'n 'eil aithreachas orm; ged bha aithreachas orm: oir tha mi faicinn gu'n do chuir an litir sin doilgheas oirbh, ged nach d'rinn i so ach rè tamuill.

9 A nis tha gairdeachas orm, cha'n ann air son sibh a bhi doilich, ach gu robh sibh doilich chum aithreachais⁴: oir bha doilgheas oirbh air mhodh diadhaidh, chum nach tigeadh call oirbh ann an aon ni do ar taobh-ne.

10 Oir oibrichidh am bròn diadhaidh aithreachas chum slàinte do nach gabhar aithreachas: ach oibrichidh doilgheas an t-saoghail bàs.

11 Oir feuch, an ni so féin doilgheas diadhaidh bhi oirbh, ciod e meud an dùrachd a dh'oibrich e annaibh, seadh, *ciod* an glanadh oirbh féin⁵, seadh, *ciod* an ro dhiom, seadh, *ciod* an t-eagal, seadh, *ciod* an dian-thogradh, seadh, *ciod* an t-eud, seadh, *ciod* an togradh dioghaltais? anns gach ni dhearbhb sibh sibh féin bhi glan sa' chùis so.

12 Uime sin ged sgriobh mi do 'ur n-ionnsuidh, cha b'ann air a shon-san a rinn an eucoir, no air a shon-san air an d'rinn-eadh an eucoir, ach a chum gu foillsicht-eadh dhuibh ar cùram-ne mu'r timchioll-sa am fianuis Dé.

13 Uime sin fhuair sinn comhfhurtachd air son bhur comhfhurtachd-sa: seadh, bu ro mhò a rinn sinn gairdeachas, air son gairdeachais Thituais, do bhrìgh gu'n d'fhuair a spiorad suaimhneas uaibhse uile.

14 Oir ma rinn mi bòsd⁶ sam bith ris-an asaibh-se, cha'n eil nàire orm; ach mar a labhair sinn na h-uile nithe an fìrinn ribhse, is amhuil sin a fhuaradh fìrinneach ar bòsd asaibh-se ri Titus.

15 Agus a ta dùrachd a chridhe-san ni's pailte do 'ur taobh-sa, air dha bhi a' cuimhneachadh bhur n-àmhlachd uile, mar a

¹ dealbhaibh.

² bròn.

³ uamhunn.

⁴ atharrachadh inntinn.

⁵ an saoradh, an leith-sgeul.

⁶ uail, mor-dhuil.

II. CORINTIANACH, VII. VIII. IX.

ghabh sibh ris le h-eagal agus ball chrith.

16 Uime sin tha gairdeachas orm gu bheil dānachd agam as aibh anns gach ni.

CAIB. VIII.

1 *Bhrosnuich Pòl na Corintianach gu tional seirceil a dheanamh oir son nan naomh bochda ann an Ierusalem, le eisempler nam Macedonach, 7 le moladh an dian-thograidh a bha aca fèin roimh, 9 le eisempler Chriosd, 14 agus leis an tairbhe spioradail a thigeadh dhoibh fèin o'n tabhartas sin.*

A NIS, a bhràithre, tha sinn a' toirt fios duibh air gràs Dé, a thugadh do eaglaisibh Mhacedonia:

2 Eadhon gu'n robh, ann am mòr-dhearbhadh àmhghair, pailteas an aoibhneis, agus doimhne am bochduinn, ro phailte chum saoihbheis am fialuidheachd¹.

3 Oir (tha mi toirt fianuis,) *gu robh* iad uatha fèin toileach a réir an comais, seadh, thar an comas:

4 A' guidhe oirne gu dùrachdach, gu'n gabhamaid an tiodhlac, agus comh-roim an fhrithealaidh do na naomhaibh.

5 Agus cha'n ann mar a shaoil sinn², ach thug siad iad fèin air tùs do'n Tighearn, agus *'na dhéigh sin* dhuinne a réir toil Dé:

6 Air chor as gu'n do chuir sinn impidh air Titus, a réir mar a thòisich e roimh, mar sin gu'n crìochnaiceadh e annaibh-sa an gràs³ sin fèin mar an ceudna.

7 Uime sin mar a ta sibh pailte anns gach uile ni, ann an creidimh, ann an ur-labhradh, agus ann an eòlas, agus ann an uile dhìchìoll, agus ann bhur gràdh dhuinne, bithibh pailte anns a' ghràs so mar an ceudna.

8 Cha'n 'eil mi a' labhairt⁴ so mar àithne, ach a thaobh dùrachd dhaoine eile, agus a dhearbhadh tréibhdhìreais bhur gràidh-sa.

9 Oir is aithne dhuibh gràs ar Tighearna Iosa Crìosd, ged bha e saoibhir, gidheadh gu'n d'rinneadh bochd e air bhur sonsa chum gu biodh sibhse saoibhir tre a bhochduinn-san.

10 Agus anns an ni so tha mi toirt mo chomhairle: oir a ta so farbhach⁵ dhuibhse, a thòisich roimh, cha'n e mhàin air deanamh, ach air a bhì togarrach o cheann bliadhna.

11 A nis air an aobhar sin coimhlionaibh an gnìomh⁶; ionnus mar a bha sibh ullamh chum na toile, mar sin gu'm bi sibh ullamh chum coimhlionaidh as na bheil agaibh.

12 Oir ma bhios air tùs inntinn thoileach ann, gabhar ris a réir mar a ta aig neach,

agus cha'n ann a réir nan nithe nach 'eil aige.

13 Cha'n ann chum gu'm biodh socair aig daoine eile, agus àmhghar agaibh-sa.

14 Ach a thaobh co-cheartais, chum san àm so nis *gu'm bi* bhur pailteas-sa 'na choimhleasachadh air an uireasbhuidh-san, agus mar an ceudna chum gu'm bi am pailteas-san 'na choimhleasachadh air bhur n-uireasbhuidh-sa, air chor as gu'm bi co-cheartas eadaraibh;

15 A réir mar a ta e sgrìobhta, An ti a thionail mòran, cha robh anabarr aige: agus an ti a thionail beagan, cha robh easbhuidh air.

16 Ach buidheachas do Dhia, a chuir an curam dùrachdach sin fèin do 'ur taobh-sa ann an cridhe Thituis.

17 Oir gu deimhin ghabh e ris an impidh; ach air dha bhì ni bu togarraiche, chaidh e d'a thoil fèin do 'ur n-ionnsuidh.

18 Agus chuir sinne maille ris am bràthair, aig am bheil a chliù sin t-soisgeul, feadh nan eaglaisean uile:

19 (Agus cha'n e so a mhàin, ach thaghadh e leis na h-eaglaisibh mar an ceudna mar chompanach turais dhuinne, leis an tiodhlac so a fhrithealadh leinne chum glòire an Tighearna sin fèin, agus *chum foillseachaidh* bhur n-inntinn ullamh-sa.)

20 A' seachnadh so, nacl tugadh neach air bith mi-chliù dhuinne thaobh a' phailteis so a fhrithealadh leinne:

21 Air dhuinn bhì solarachadh nithe ciatach, cha'n e mhàin am fianuis an Tighearn, ach mar an ceudna am fianuis dhaoine.

22 Agus chuir sinn maille riur ar bràthair, a dhearbhadh sinn gu minic dùrachdach am mòran do nitheibh, ach a nis nì's ro dhùrachdaiche, a thaobh an ro earbsa ta aige⁷ asaibh-sa.

23 Ma dh'fhiosraichear ni sam bith mu Thituis, is e mo chompanach-sa e, agus mo chomh-oibriche do 'ur taobh-sa: no *mu thimchioll* nam bràithre, is iad teachdairean nan eaglaisean, agus glòir Chriosd.

24 Uime sin nochdaibh dhoibh-san, agus am fianuis nan eaglaisean, dearbhadh bhur gràidh-sa, agus ar n-uailhe do 'ur taobh.

CAIB. IX.

1 *Dh'innis Pòl an reuson air son, ged b'aithne dha mòr-thogradh nan Corintianach, an do chuir e Titus agus na bràithre roimh-laimh d'an ionnsuidh g'am brosnuchadh gu déire a thoirt gu pailte, do bhrìgh gur gnè sìol-chuir iad, 10 a bheir bàrr pailte dhoibh fèin.*

OIR a thaobh frithealaidh do na naomhaibh, is neo-fheumail dhomh sa sgrìobhadh do 'ur n-ionnsuidh.

¹ an daonnachda.

² a bha dòchas againne.

³ tiodhlac.

⁴ Nì'n labhram.

⁶ an deanamh.

⁵ iomchubhaidh.

⁷ agam.

II. CORINTIANACH, IX. X.

2 Oir is aithne dhomh togarrachd bhur n-inntinn, as leth am bheil mi deanamh¹ uail asuibh-sa ris na Macedonaich, *ag ràdh*, Gu robh Achaia ullamh o cheann bliadhna; agus bhrosnuich bhur n-eud-sa ro mhòran.

3 Gidheadh chuir mi na bràithre do 'ur n-ionnsuidh, air eagal gu'm biodh ar n-uail-ne asuibh diomhain sa' chùis so; chum mar a thubhairt mi, gu'm biodh sibh ullamh:

4 Air eagal ma thig na Macedonaich maille rium, agus gu'm faigh iad sibhse neo-ullamh, gu'm bi nàire oirne, (gun a ràdh oirbhe,) á dàndas na h-uail so.

5 Uime sin bhreithnich mi gu'm b' fheum-àil impidh chur air na bràithribh, iad a dhol air tùs do 'ur n-ionnsuidh-sa, agus bhur tabhartas, air an do labhradh ribh roimh, a dheanamh deas, chum gu'm biodh sin ullamh, mar thiodhlac², agus cha'n ann mar ni a dh'aindeoin.

6 Ach so *a ta mi ag ràdh*, An ti a chuireas gu gann, buainidh e gu gann mar an ceudna; agus an ti a chuireas gu pailte, buainidh e gu pailte mar an ceudna.

7 *Thugadh* gach duine seachad a réir rùn a chridhe; na b'ann an doilgheas, no le h-éigin; oir is toigh le Dia an neach a bheir seachad gu suilbhir.

8 Agus is comasach Dia air gach gràs a dheanamh ro phailte dhuibh-se, chum air dhuibh anns gach uile ni làn leoir a bhi agaibh a ghnàth, gu'm biodh sibh pailte chum gach deadh oibre.

9 A réir mar a ta e sgrìobhta, Sgaoil e a chuid; thug e do na bochdaibh: mairidh³ fhireantachd a chaidh.

10 A nis an ti a bheir siol do'n fhearcuir³, agus aran chum bidh, gu tugadh e agus gu meudaicheadh e bhur curachd-sa, agus gu tugadh e do thoradh bhur fìreantachd fàs.)

11 Air dhuibh bhi air bhur deanamh saobhir anns gach uile ni chum gach uile thabhartais, ni a dh'oibrichas leinne breith-buidheachais do Dhia.

12 Oir a ta frithealadh na seirbhis so, cha'n e mhàin a' leasachadh uireasbhuidh nan naomh, ach a ta e mar an ceudna pailte tre mhòran breith-buidheachais do Dhia;

13 (Air dhoibh bhi, tre dhearbhadh an fhrithealaidh so, a' toirt glòire do Dhia air son bhur n-ùmhachd do shoisgeul Chrìosd a réir bhur n-aidmheil, agus air son bhur tabhartais fhialuidh⁴ dhoibh-san, agus do na h-uile *dhaoinibh* :

14 Agus tre an urnuigh air bhur son-sa, aig am bheil mòr-dhéidh oirbh air son gràis

Dé a ta ro phailte annaibh.

15 Buidheachas do Dhia air son a thiodh-laic do-labhairt⁵.

CAIB. X.

1 *An aghaidh nan abstol bréige, a bha deanamh tàir air anmhuinneachd a phearsa agus air a làthaireachd chorporra, chuir Pòl an cèill an neart agus an t-ùghdarras spioradail sin leis an d'armaicheadh e an aghaidh cumhachdan a naimhdean uile, &c.*

A NIS tha mise féin Pòl a' guidhe oirbh, tre mhacantas agus shéimheachd Chrìosd, neach air dhomh a bhi làthair a ta iosal 'nur measg, ach air dhomh a bhi uaibh a ta dàna oirbh:

2 Ach tha mi ag iarraidh oirbh a dh'ath-chuinge, gun sibh a thoirt orm an uair a bhios mi làthair, bhi dàna, leis a' mhuin-ghin⁶ leis an saoirear mi bhi dàna an aghaidh dream àraidh a tha toirt meas oirne, mar gu bitheamaid ag imeachd a réir na feòla.

3 Oir ged tha sinn ag imeachd⁷ anns an fheòil, cha'n ann a réir na feòla ta sinn a' cogadh:

4 (Oir ar n-airm chogaidh cha'n fheòl-mhor iad, ach cumhachdach o Dhia chum daingnichean a leagadh:

5 A' tilgeadh sìos reusonachaidh, agus gach ni àrd a dh'àrdacheas e féin an aghaidh eòlais Dé, agus a' toirt am braighdeanas gach smuain chum ùmh-lachd Chrìosd:

6 Agus dioghaltas ullamh againn r'a dheanamh air gach uile eas-ùmhachd, 'nuair a chomhlionar bhur n-ùmhachd-sa.

7 An amhaire sibh air nithibh a réir an coslais? ma tha dòchas⁸ aig aon neach as féin, gur le Crìosd e, smuainicheadh e so a ris uaith féin, mar is le Crìosd esan, gur le Crìosd sinne mar an ceudna.

8 Oir ged dheanainn càil-eigin m's mò dh'uail as ar cumhachd-ne, (a thug an Tighearna dhuinn chum fòghluim⁹, agus cha'n ann chum blursgrìos-sa,) chabhiodh nàire orm:

9 Chum nach measar mi mar gu'm bith-inn a' cur eagail oirbh le litrichibh.

10 Oir a ta a litrichean, (tha iadsan ag ràdh,) cudthromach agus làidir, ach a ta a làthaireachd chorporra anmhuinn¹⁰, agus a chainnt tàireil.

11 Smuainicheadh a leithid sin do dhuine so, mar a ta sinne ann am focal tre litrichibh, agus sinn as làthair, mar sin gu'm bi sinn ann an gnìomh air dhuinn a bhi làthair.

12 Oir cha'n 'eil a dhàndas¹¹ againne sinn féin a chur an àireamh, no a choim-eas ri dream àraidh a mholas iad féin:

¹ an deanam.

² ghean-maith.

³ do'n t-sioladair.

⁴ dhaonnachdaich.

⁵ do-chur an cèill.

⁶ mhisnich, urrasachd.

⁷ gluasad, siubhal.

⁸ carbsa.

¹⁰ lag.

⁹ togail suas.

¹¹ a mhisnich.

II. CORINTIANACH, X. XI.

ach air dhoibh-san bhi 'gan tomhas féin eatorra féin, agus 'gan coimeas féin riú féin, cha'n 'eil iad glic.

13 Ach cha dean sinne uail á nithibh a tha thar ar tomhas, ach a réir tomhais, na riaghailt¹ a roinn Dia dhuinne, eadhon tomhas a ruigeas oirbhse.

14 Oir cha'n eil sinne 'gar sìneadh féin thar *ar tomhas*, mar nach ruigeamaid sibhse; oir thàinig sinn eadhon do 'ur n-ionnsuidh-sa², le soisgeul Chrìosd:

15 Gun sinn a bli deanamh uail á nithibh a ta thar ar tomhas, *eadhon* a saoth-airibh dhaoine eile; ach a ta dòchas againn, 'nuair a mheudaichear bhur creidimh-sa, gu faigh sinn farsuinneachd gu pailte annaibh a réir ar riaghailt-ne,

16 Chum an soisgeul a shearmonachadh anns na *h-ionadaibh* an taobh thall duibhse, agus cha'n ann chum uail a dheanamh ann an riaghailt duine eile, á nithibh a ta ullamh a cheana.

17 Ach an ti a ni uail, deanadh e uail anns an Tighearn.

18 Oir cha'n e an ti a mholas e féin a tha ionmholta³, ach an ti a mholas an Tighearn.

CAIB. XI.

1 *Tre ro mheadh cùram Phòil do na Corintianaich, thòisich e dh'aindeoin ri e féin a mholadh; 5 dh'innis e nach robh e a bheag goirid air na h-abstòil bu mhò, 7 gu'n do shearmonaich e an soisgeul dhoibh gu saor, 13 agus nochd e nach robh e a bheag a dheidh-làimh air an luchd-oibre chealgach sin, thaobh aon sochair a bhuineadh do'n lagh, &c.*

B'FHEARR leam gu'n giùlaineadh sibh beagan le m' amaideachd; agus da rìreadh giùlainibh leam.

2 Oir a ta mi eudmhor umaibh le h-eud diadhaidh; oir rinn mi ceangal-pòsaidh eadar sibh agus aon fhear, chum bhur cur mar òigh fhìor-ghloin an làthair Chrìosd.

3 Ach a ta eagal orm, air dòigh sam bith, mar a mheall an nathair Eubha le a cuilbheartachd, mar sin gu'n truaillear bhur n-intinn-sa o'n aon-fhillteachd a ta ann an Crìosd.

4 Oir nan deanadh an neach a thig, Iosa eile a shearmonachadh nach do shearmonaich sinne, no *nam* faigheadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheudadh sibh gu maith giùlan *leis*.

5 Oir is i mo bharrail-sa nach robh mi a bheag goirid air na h-abstolaibh a b'airde.

6 Ach ged *tha* mi neo-fhòghluimte ann an cainnt, gidheadh cha'n 'eil mi *mar sin* ann an eòlas; ach rinneadh sinn làn-fhollaiseach anns na h-uile nithibh 'nur measg-sa.

7 An d'rinn mi cionta le mi féin isleachadh chum gu'm biodh sibhse air bhur n-àrdachadh, *no* a chionn gu'n do shearmonaich mi soisgeul Dé a nasgaidh dhuibh?

8 Chreach mi eaglaisean eile, a gabhail tuarasdail *uatha*, chum seirbhis a dheanamh dhuibhse.

9 Agus an uair a bhia mi làthair maille ribhse agus uireasbhuidh orm, cha do leig mi mo throm air duine sam bith: oir leasaich na bràithrean, a thàinig o Mhacedonia, m'uireasbhuidh: Agus anns na h-uile nithibh choimhid mi mi féin o m' throm a leigeadh oirbhse, agus coimhididh.

10 Mar a ta fìrinn Chrìosd annam, cha chumar an uail so uam ann an crìochaibh na h-Achaia.

11 C'ar son? An ann a chionn nach 'eil gràdh agam dhuibh? Tha fios aig Dia.

12 Ach an ni a ta mi deanamh, ni mi fathast e, chum gu toir⁴ mi air falbh cion-fàth⁵ uatha-san le'm bu mhiann eion-fàth thaotainn, chum anns an ni as am bheil iad a' deanamh uail, gu faighear iad eadhon mar sinne.

13 Oir is ann d'an leithidibh sin *a ta* abstola bréige, luchd-oibre cealgach, 'gan cur féin ann an cosamhlachd abstola Chrìosd.

14 Agus cha'n iongantach sin: oir cuir-eat Satan féin an cruth⁶ aingil soillse.

15 Uime sin cha ni mòr e ged chuirear a mhinisteirean mar an ceudna ann an cruth mhinisteirean na fìreantachd; aig am bi an crìoch dheireannach a réir an oibre.

16 A ta mi ag ràdh a ris, Na measadh aon neach gur amadan mi; no fòs, gabhaibh rium mar amadan féin chum gu'n dean mi beagan uail asam féin.

17 An ni a ta mi a labhairt, cha'n ann a réir an Tighearna, a ta mi 'ga labhairt, ach mar gu b'ann gu h-amaideach anns an dànadas uaille so.

18 Do bhrìgh gu bheil mòran a' deanamh uail a réir na feòla, ni mise uail mar an ceudna.

19 Oir giùlainidh sibh gu toileach le amadanaibh, do bhrìgh gu bheil sibh *féin* glic.

20 Oir fuilgidh sibh ma bheir neach an daorsa sibh, ma dh'itheas⁷ neach sibh, ma bheir neach bhur euid *dhibh*, ma dh'ardaicheas neach e féin, ma bhuailas neach air an aghaidh sibh.

21 Tha mi a' labhairt a thaobh eas-urr-aim, mar gu'm bitheamaid anmhunn: ach, ge b'e ni anns am bheil neach air bith dàna, (tha mi a' labhairt gu h-amaideach,) a ta mise dàna *ann* mar an ceudna.

¹ riaghail.
² dearbhta.

³ thugaibh-sa.
⁴ gearr.

⁵ coltrom.
⁷ chlaoidheas.

⁶ riochd.

II. CORINTIANACH, XI. XII.

22 An Eabhruidhich iad? *mar sin tha mise mar an ceudna: An Israelich iad? mar sin tha mise mar an ceudna: An sliochd do Abraham iad? mar sin tha mise mar an ceudna:*

23 Am ministeirean do Chrìosd iad? (tha mi a' labhairt mar dhuine mi-chéillidh,) a ta mise os an ceann *san nì so*: ann an saothraibh nì's pailte, ann am buillibh nì's ro mhò¹, am prìosanaibh nì's trice, am bàsaibh gu minic.

24 Fhuair mi o na h-Iudhaich cùig uairean dà fhlichead *buille* ach a h-aon.

25 Ghabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; là agus oidhche bha mi san doimhne:

26 Ann an turusaibh gu minic, ann an gàbhadh aimhnichean, ann an cunnartaibh fhear-reubainn, ann an cunnartaibh o m' chinneach *féin*, ann an cunnartaibh o na Chinnich, ann an cunnartaibh sa' bhaile, ann an cunnartaibh san fhàsach, ann an cunnartaibh san fhaire, ann an cunnartaibh am measg bhràithre breugach²;

27 Ann an saothair agus sgìos³, am fairibh gu minic, ann an ocras agus tart, an trasgaibh gu minic, am fuachd agus an lomnochduidh.

28 A bhàrr air na nithibh a ta an leth muigh, an nì a ta teachd orm gu lathail, ro chùram nan eaglaisean uile.

29 Cò a ta lag, agus nach 'eil mise lag? cò a ta faotainn oilbheim, agus nach 'eil mise a' ìosgadh?

30 Ma's éigin don mi uail a dheanamh, is ann as na nithibh a bhuineas do m' anmhuinneachd a nì mi uail.

31 Tha fios aig Dia, eadhon Athair ar Tighearna Iosa Crìosd, a tha beannaichte gu sìorruidh, nach 'eil mi deanamh bréige.

32 Ann an Damascus chuir uachdaran a' phobuill fuidh Aretas an rìgh, freiceadan air baile nan Damasceneach, an rùn mise a ghlacadh:

33 Ach tre uinneig leigeadh sìos ris a' bhalla mi ann an cliabh, agus chaidh mi as a làmhaibh.

CAIB. XII.

1 Chum abstolachd a mholadh, ged fheudadh Pòl uail a dheanamh as a thaisbeinibh iongantach, 9 gidheadh is fearr leis uail a dheanamh as anmhuinneachd; 11 fhuair e cron do'n a chionn gu'n d'éignich iad chum na h-uaille dìomhain so.

GU deimhin cha'n 'eil e iomchuidh dhomh-sa uail a dheanamh: acli thig mi chum seallanna agus taisbeana an Tighearna.

2 B'aithne dhomh duine ann an Crìosd

ceithir bliadhna deug roimh so, (ma's anns a' choluinn, cha'n fhios domh; no as a' choluinn, cha'n fhios domh; aig Dia a ta fios;) a leithid sin do dhuine thogadh chum an treas nèamh.

3 Agus b'aithne dhomh a leithid sin do dhuine, (ma's anns a' choluinn, no as a' choluinn, cha'n fhios domh; aig Dia a ta fios:)

4 Gu'n do thogadh suas e gu pàrras, agus gu'n cual e briathra do-labhairt, nach feud duine a labhairt⁴.

5 Ma' leithid sin do dhuine ui mi uail: ach asam féin cha dean mi uail, mur dean mi á m' anmhuinneachdaibh⁵.

6 Oir ged b'aill leam uail a dheanamh, cha bhi mi a'm' amadan; oir labhraidh mi an fhirinn: gidheadh a ta mi a' cumail orm féin, air eagal gu'm bi meas aig duine dhìom thar mar a ta e 'gam fhaicinn, no a' chluinntinn umam.

7 Agus air eagal gu'm bithinn air m' àrdachadh thar tomhas, tre ro-mheud nan taisbean, thugadh dhomh sgolb san fheoil, teachdair Shatain chum gu'm buileadh e mi⁶, air eagal gu'm bithinn air m' àrdachadh thar tomhas.

8 Air a shon so ghuidh mi an Tighearna trì uairean, gu'n imicheadh so uam.

9 Agus thubhairt e rium, Is leoir mo ghràs-sa dhuit: oir a ta mo chumhachd air a dheanamh foirfe ann an anmhuinneachd. Uime sinn is ro thoiliche a nì mi uail á m' anmhuinneachdaibh, chum gu'n gabh cumhachd Chrìosd còmhnuidh orm.

10 Uime sin tha mi gabhail tlachd ann an anmhuinneachdaibh, am maslaibh, ann an uireasbhuidhibh, ann an geur-leanmhuinnibh, ann an teanntachdaibh⁷ air son Chrìosd: oir an uair a ta mi lag, an sin a ta mi làidir.

11 Rinneadh a'm' amadan mi le uail a dheanamh; dh'éignich sibhse mi: oir bu chòir dhomh bhi air mo mholadh leibhse: oir cha robh mi bheag sam bith fo na h-abstolaibh a's àirde, ged nach 'eil annam ach neo-nì.

12 Gu deimhin dh'oibricheadh comharan abstoil ann bhur measg-sa anns gach uile fhoighidin, ann an comharaibh agus an iongantasaibh, agus an cumhachdaibh⁸.

13 Oir ciod an nì anns an robh sibh nì bu lugha na eaglaisean eile, mur e nach do leig mi féin mo throm oirbh? thugaibh maithneas dhomh san eucoir so.

14 Feuch, a ta mi ullamh a nis an treas uair gu teachd do 'ur n-ionnsuidh; agus cha chuir mi mo throm oirbh; oir cha'n e bhur cuid a tha mi 'g iarraidh, ach sibh féin: oir cha 'n 'eil e mar fhiachaibh air

¹ thar tomhas.

² falla, mealltach.

³ sgìos agus briseadh-cridhe.

⁴ nach urrainn duine a labhairt.

⁵ laigsibh.

⁶ chum gabhail le dornaibh orm.

⁷ trioblaidibh, aindeisibh.

⁸ gnìomharaibh cumhachdach.

II. CORINTIANACH, XII. XIII.

a' chloinn ionmhas a chruinneachadh fa chomhair nam pàrantan, ach air na pàrantaibh fa chomhair na cloinne.

15 Agus is ro thogarrach a nì mise caith-eadh, agus a chaithear mi air son bhur n-anama-sa, ged mar is ro phailte a ta gràdh agam dhuibh, gur lugha bhur gràdh-sa dhomh.

16 Ach biodh e mar sin, nach do chuir mi trom oirbh: gidheadh air dhomh bhi innleachdach, ghlac mi le seòltachd sibh.

17 An d'rinn mise tre aon neach dhuibh-san a chuir mi do 'ur n-ionnsuidh buannachd dhihbh?

18 Ghuidh mi air Titus *dol do 'ur n-ionnsuidh*, agus chuir mi bràthair maille ris: an d' rinn Titus buannachd dhihbh? nach do ghluais sinn san aon spiorad? agus anns na h-aon cheumaibh?

19 A ris, am bheil sibh a' saòilsinn gu bheil sinne gabhail ar leithsgeil ribh? tha sinn a' labhairt am fianuis Dé ann an Crìosd: ach *a ta* an t-iomlan, a chàirde, chum bhur fòghluim-sa¹.

20 Oir is eagal leam, air dhomh teachd, nach faigh mi sibh mar is miann leam, agus gu faighear mise dhuibh-se mar nach bu mhiann leibh: air eagal gu'm bi connasachadh, farmad, fearg, comhstri, cùl-chàineadh, cogarsaich, àrdain², ceann-airce *'nur measg*:

21 Air eagal an nair a thig mi a ris, gu'n islich mo Dhia mi 'nur measg, agus gu dean mi caoidh air son mòrain do'n dream a pheacaich a cheana, agus nach do ghabh aithreachas do'n neòghloine, agus striopachas, agus mhacnus a rinn iad.

CAIB. XIII.

1 Bhagair Pòl cumhachd 'abstolachd an aghaidh pheacach cruaidh-mhuinealach: 5 agus chomhairlich e dhoibh an creidimh a dhearbhadh, 7 agus am beatha a leasachadh mun tig e: 11 chomh-dhùin e an litir le carail choitcheinn agus le h-àrn-uigh.

IS i so an treas uair a ta mi a' teachd do 'ur n-ionnsuidh: am beul dithis no triuir do fhianuisibh bithlidh gach focal seasmhach.

2 Dh'innis mi cheana, agus tha mi roimh-làimh ag innseadh dhuibh, mar gu'm bithinn a làthair an dara uair; agus a nis air dhomh bli as bhur làthair, tha

mi a' sgrìobhadh chum na dream a pheacaich roimh so, agus chum chàich uile, ma thig mi a ris, nach caonhain mi:

3 O tha sibh ag iarraidh dearbhaidh air Crìosd a' labhairt annam-sa, neach do 'ur taobh-sa nach 'eil annhunn, ach a ta cumhachdach annaibh.

4 Oir ged cheusadh e tre annhuinn-eachd, gidheadh a ta e beò tre chumhachd Dhé: oir a ta sinne mar an ceudna annhunn ann-san, gidheadh bithidh sinn beò maille ris tre chumhachd Dhé do 'ur taobh-sa.

5 Ceasnaichibh sibh féin, am bheil sibh sa' chreidimh; dearbhaibh sibh féin: nach aithne dhuibh sibh féin, gu bheil Iosa Crìosd annaibh, mur daoine a chuir-eadh air cùl³ sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A nis tha mi guidhe air Dia gun sibhse a dheanamh uile air bith; cha'n ann chum gu'm faicear sinne bhi dearbhtha, ach chum gu'n deanadh sibhse an nì sin a ta maith⁴, ged robh sinne mar dhaoine a chuireadh air cùl.

8 Oir cha'n urrainn sinn nì air bith a dheanamh an aghaidh na fìrinn, ach air son na fìrinn.

9 Oir tha sinn subhach an uair a tha sinn *féin* annhunn, agus sibhse làidir: agus tha sinn a' guidhe so mar an ceudna, sibhse bhi dìongmhalta.

10 Is ann uime so a sgrìobh mi na nithe so *do 'ur n-ionnsuidh* air dhomh bhi as bhur làthair, chum air dhomh bhi làthair nach bithinn garg, a réir a' chumhachd a thug an Tighearna dhomh chum fòghluim⁵, agus cha'n ann chum sgrìos.

11 Fa dheòidh, a bhràithre, slàn leibh: bithibh dìongmhalta⁶, bithibh subhach, bithibh a dh'aon inntinn, bithibh sìochail; agus bithidh Dia a' ghràidh agus na sìthe⁷ maille ribh.

12 Cuiribh fàilte air a chéile⁸ le pòig naomh.

13 Tha na naomh uile a' cur beannachd do 'ur n-ionnsuidh.

14 Gràs an Tighearna Iosa Crìosd, agus gràdh Dhé, agus comh-chomunn an Spioraid naomh, gu robh maille ribh uile. Amen.

¹ bhur togail suas.

² àrd inntinneachd, atmhoireachd.

³ daoine neo-dhearbhtha.

⁴ ciatach.

⁶ fòirfe, iomlan.

⁸ Allachibh beatha a chéile.

⁵ togail suas.

⁷ sìochaint.

GALATIACH.

CAIB. I.

1 *Tha iongantas air Pòl gu'n do thréig na Galatianaich esan agus an soisgeul cò luath: 8 agus mhalluich e an dream sin a shearmonaicheas aon soisgeul eile ach na shearmonaich e féin; 11 dh'fhòghluim e'n soisgeul cha b'ann o dhaoibh, ach o Dhia, 13 agus nochd e cìod a ghnè duine bha ann mun do ghairmeadh e.*

PÒL abstol, (cha'n ann o dhaoibh, ach no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh,)

2 Agus na bràithrean uile a tha maille rium, chum eaglaisean Ghalatia:

3 Gràs duibh, agus sìth o Dhia an t-Athair, agus o ar Tighearn Iosa Crìosd,

4 A thug e féin air son ar peacanna, chum gu'n saoradh e sinn o'n droch shaoghal a ta làthair, a réir toile Dé agus ar n-Athar-ne:

5 Dhàsan *gu robh* glòir gu saoghal nan saoghal. Amen.

6 Is iongnadh leam gu'n d'atharraich-eadh' sibh co luath uaith-san a ghairm sibh tre² ghràs Chrìosd, gu soisgeul eile:

7 Nì nach *soisgeul* eile; ach a ta dream àraidh 'gur buaireadh, le'n àill soisgeul Chrìosd a thilgeadh bun os ceann³.

8 Ach nan deanamaid-ne, no aingeal o nèamh, soisgeul eile a shearmonachadh dhuibh ach *an soisgeul a* shearmonaich sinne dhuibh, biodh e malluichte.

9 Amhuil mar a thubhairt sinn roimh, a ta mise ag ràdh a nis a rìs mar an ceudna, Ma shearmonaicheas neach sam bith soisgeul eile dhuibh, ach *an soisgeul a* ghabh sibh, biodh e malluichte.

10 Oir am bheil mi nis a' cur impidh air⁴ daoibh, no air Dia? no am bheil mi'g iarraidh daoine a thoileachadh? oir nam bithinn fathast a' thoileachadh dhaoine, cha bhithinn a'm' sheirbhiseach aig Crìosd.

11 Ach a ta mi toirt fios duibh, a bhràithre, an soisgeul a shearmonaicheadh leam-sa, nach ann a réir duine a ta e.

12 Oir cha b'ann o dhuine a fhuair mi e, nì mò a theagaisgeadh dhomh e, ach tre fhoillseachadh Iosa Crìosd.

13 Oir chuala sibh mo chaithe-beathas⁵ san aimsir a chaidh seachad, ann an creidimh nan Iudhach, gu'n d'rinn mi thar tomhas geur-leanmhuinn air eaglais

Dé, agus gu'n d'fhàsaich mi i:

14 Agus gu'n d'fhàinig mi air m'aghaidh ann an creidimh nan Iudhach thar mòran do m' chomh-aoisibh am measg mo chinnich féin, air dhomh bhì nì bu ro eudmhoire mu ghnàthannaibh mo shìnsir-eachd.

15 Ach an uair a b'i deadh thoil Dé, a sgar o bhroinn mo mhàthar mi, agus a ghairm mi tre a ghràs,

16 A Mhac féin fhoillseachadh annam⁶, chum gu searmonaichinn e am measg nan Cinneach; air ball cha do chuir mi comhairle ri feòil agus fuil:

17 Nì mò chaidh mi agus gu Ierusalem, chum na muinntir sin a bha 'nan abstol-aibh romham; ach chaidh mi gu Arabia, agus a rìs thàinig mi air m'ais gu Damascus.

18 An dèigh sin an-ceann thri bliadhna, chaidh mi suas gu Ierusalem, a dh'fhaicinn Pheadair, agus dh'fhan mi maille ris cuig làithean deug.

19 Ach neach air bith eile do na h-abstolaibh cha'n fhaca mi, ach Seumas bràthair an Tighearna.

20 A nis *anns* na nithibh a ta mi a' sgrìobhadh dhuibh, feuch, an làthair Dhé, cha'n eil mi deanamh bréige.

21 'Na dhéigh sin thàinig mi gu crìoch-aibh Shìria agus Chìlicia;

22 Agus cha robh eòlas orm a thaobh m' fhaicinn aig eaglaisibh Iudea, a bha ann an Crìosd:

23 Ach a mhàin chual iad, An ti anns an àm a chaidh seachad a bha 'gar geur-leanmhuinn, gu bheil e nis a' searmonachadh a' chreidimh a bha e a' sgrios roimh so⁷:

24 Agus thug iad glòir do Dhia air mo shon-sa.

CAIB. II.

1 *Chuir an t-abstol an cèill c'uin a chaidh e suas gu Ierusalem, agus c'ar son nach do thimchioll-ghearradh Titus. 11 Chuir e'n aghaidh Pheadair, agus dh'iùis e dha a reuson, 14 c'ar son a ta e féin, agus muinntir eile, a tha 'nan Iudhaich, a' creidsinn gu'm bi iad air am fireanachadh tre chreidimh ann an Crìosd, agus cha'n ann tre oibribh.*

AN sin, an ceann cheithir bliadhna deug, chaidh mi a rìs suas gu Ieru

¹ gu'n d'thugadh thairis.

² chum.

³ fhuairad, chlaon-thruailladh.

⁴ a' cur m'earbsa á.

⁵ mo ghiùlan.

⁶ leam.

⁷ uair-eigin.

sailem, maille ri Barnabas, a' toirt Thituis leam mar an ceudna.

2 Agus chaidh mi suas a réir foillseachaidh, agus chuir mi an céill dhoibh an soisgeul a ta mi a' searmonachadh am measg nan Cinneach, ach ann an uaighnidheas dhoibh-san d'an robh meas, air eagal air chor sam bith gu'n ruithinn, no gu'n do ruith mi an diomhanas.

3 Ach cha b'éigin do Thitus féin a bha a'm' chuideachd, bhi air a timchioll-ghearradh, ged bu Ghreugach e:

4 Agus sin air son bhráithre bréige a ghoid a steach¹ 'nar measg, a thàinig a steach an uaighnidheas² a dh' fhaicinn ar saorsa, a ta againn ann an Iosa Crìosd, chum ar toirt fo dhaorsa.

5 Do nach do ghéill sinn eadhon rè uaire; chum gu'm buanaicheadh³ firinn an t-soisgeil maille ribhse.

6 Ach o'n dream sin, a mheasadh gu'm bu nì éigin iad, (ciod air bith a bha iad roimh, cha 'n 'eil suim ann domh-sa: cha'n 'eil meas aig Dia do phearsa duine,) oir iadsan a mheasadh gu'm bu nì éigin iad, cha do phàirtich iad le'n còmhraidh bheag sam bith rium-sa.

7 Ach air an làimh eile, 'nuair a chunn-aic iad gu'n d' earbadh soisgeul an neo-timchioll-ghearraidh rium-sa, mar a dh'earbadh soisgeul an timchioll-ghearraidh ri Peadar;

8 (Oir an ti a dh'oibrich gu h-éifeachdach⁴ ann am Peadar chum abstolachd an timchioll-ghearraidh, dh'oibrich e gu cumhachdach annam-sa mar an ceudna chum nan Cinneach:)

9 Agus an uair a thuig Seumas, agus Cephas, agus Eoin, a tha air am meas 'nam puist⁵, an gràs a thugadh dhomh, thug iad dhomh-sa agus do Bharnabas deas làmh a' chomuinn; ionnus gu rachamaid chum nan Cinneach, agus iad féin chum an timchioll-ghearraidh.

10 A mhàin b'àill leo gu'm bitheamaid uimhnachail air na bochdaibh; nì mar an ceudna a bha ro-thoil⁶ agam féin a dhcanamh.

11 Ach an uair a thàinig Peadar gu Antioch, sheas mi 'na aghaidh as an eudan, a chionn gu'n robh e r'a choireachadh.

12 Oir roimh do dhream àraidh teachd o Sheumas, dh'ith e biadh maille ris na Cinnich: ach an uair a thàinig iadsan, chaidh e a thaobh agus thearbaidh se e féin, air eagal na muinntir a bha do'n timchioll-ghearradh.

13 Agus riun na h-Iudhaich eile gnùis-mhealladh maille ris mar an ceudna;

ionnus gu'n d'thugadh Barnabas mar an ceudna a thaobh le'n cluain⁷.

14 Ach an uair a chunnaic mise nach do ghluais iad gu tréibhdhireach⁸, a réir firinn an t-soisgeil, thubhairt mi ri Peadar 'nam fianuis uile, Ma tha thusa, a tha a'd' Iudhach, a' caitheadh do bheatha a réir nan Cinneach, agus cha'n ann a réir nan Iudhach, c'ar son a ta thu 'g éigneachadh nan Cinneach am beatha chaitheadh mar na h-Iudhaich?

15 Air dhuinne *atha 'nar* n-Iudhaich a thaobh nàduir, agus cha'n ann 'nar peacach do na Cinnich,

16 Fios a bhli againn nach 'eil duine air fhìreanachadh o oibribh an lagha, ach tre chreidimh Iosa Crìosd, chreid sinnne féinn ann an Iosa Crìosd; chum gu'm bitheamaid air ar fireanachadh o chreidimh Chriosd, agus cha'n ann o oibribh an lagha: oir o oibribh an lagha, cha bhi feòil sam bith air a fireanachadh.

17 Ach air dhuinn bhi 'g iarraidh bhi air ar fireanachadh tre Chriosd, ma gheibhear 'nar peacaich sinn féin, *am bheil*, uime sin, Crìosd 'na mhinisteir peacaidh? Nar leigeadh Dia.

18 Oir ma thogas mi a rìs suas na nìthe a leag mi, tha mi deanamh ciontach dhionn féin.

19 Oir a ta mise tre'n lagh marbh do'n lagh, chum gu'm bithinn beò do Dhia.

20 Tha mi air mo cheusadh maille ri Crìosd: gidheadh a ta mi beò; ach cha mhise, ach Crìosd a ta beò annam: agus a' bheatha a ta mi nis a' caitheadh san fheòil, tha mi ga caitheadh tre chreidimh Mhic Dhé, a ghràdhaich mi, agus a thug e féin air mo shon.

21 Cha'n 'eil mi a' cur gràis Dé an neo-bhrìgh⁹: oir ma tha fireantachd tre'n lagh, is ann gun aobhar a fhuair Crìosd bàs.

CAIB. III.

1 *Dh'fheadraich an t-abstol ciod a dh'aom na Galatianaich gus an creidimh a thréigsinn, agus dòigh a chur san lagh.* 6 *Tha'n dream a tha creidsinn air am fireanachadh, 9 agus air am beannachadh maille ri Abraham: 10 dhearbha Pol so le ionadha reusun.*

OA Ghalatianacha amaideach, cò a chuir druidheachd oirbh, ionnus nach biodh sibh ùmhhal do'n fhìrinn, d'an robh Crìosd air a nochdadh gu soilleir¹⁰ fa chomhair bhur sùl, air a cheusadh 'nur measg?

2 So a mhàin b'àill leam fhòghlum uibh, An ann o oibribh an lagha a fhuair sibh an Spiorad, no o éisdeachd a' chreidimh?

¹ a thugadh steach os ìosal.

² os ìosal.

³ fanadh.

⁴ gu bhrìghmhor.

⁵ postaibh.

⁶ ro-thogradh.

⁷ gnùis-mhealladh, ceilg.

⁸ san t-slighe dhàrich.

⁹ air cùl.

¹⁰ gu dealbhach.

3 Am bheil sibh co amaideach *as sin?* air dhuibh tòiseachadh san Spiorad, am bheil sibh a nis air bhuir deanamh foirfe leis an fhèoil?

4 An d'fhuiling sibh na h-uiread sin do nithibh gu dìomhain? ma's *ann* da rìreadh gu dìomhain.

5 An ti uime sin a tha frithealadh dhuibh an Spiorad, agus ag oibreachadh mhior-bhuile 'ur measg, an ann tre oibrìbh an lagha, no tre éisdeachd a' chreidimh *a ni e so?*

6 Amhuil mar a chreid Abraham Dia, agus a mheasadh sin dha mar fhìreantachd.

7 Uime sin biodh fhios agaibh an dream a *tha* do'n chreidimh, gur iad sin clann Abraham.

8 Oir air fhaicinn roimh do'n sgrìobtuir gu'm fireanaichadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beannaichear na h-uile Chinnich annad-sa.

9 Uime sin tha an dream a *tha* do'n chreidimh, air am beannachadh maille ri Abraham, fìor-chreideach.

10 Oir a mheud 's a ta do oibrìbh an lagha, tha iad fo'n mhallachadh; oir a ta e sgrìobhta, *Is* malluichte gach neach nach buanaich¹ anns na h-uile nithibh a ta sgrìobhta ann an leabhar an lagha chum an deanamh.

11 Ach *is* ni follaiseach, nach fireanaichear neach sam bith tre'n lagh am fianuis Dé: oir, Bithidh am firean beò tre chreidimh.

12 Agus cha 'n 'eil an lagh o chreidimh: ach, An duine a ni iad gheibh e beatha anna².

13 Shaor Crìosd sinne o mhallachadh an lagha, air dha bhi air a dheanamh 'na mhallachadh air ar son: oir a ta e sgrìobhta, *Is* malluichte gach aon a chrochar air crann:

14 Chum gu'n tigeadh beannachadh Abraham air na Cinnich tre Iosa Crìosd; ionnus gu faigheamaid gealladh an Spioraid tre chreidimh.

15 A bhràithre, tha mi a' labhairt mar dhuine; ged nach bi ann ach coimheheangal³ duine, ma tha e air a dhaingneachadh, cha chuir neach air bith air eul e, agus cha chuirear ni sam bith ris.

16 A nis is ann do Abraham a thugadh⁴ na geallanna agus d'a shìol. Cha'n abair e, Agus do shìolaibh, mar gu'm biodh e labhairt mu mhòran; ach mar mu aon, Agus do d' shìol-sa, neach a's e Crìosd.

17 Agus a ta mi ag ràdh so, nach fheudar gu'n cuir an lagh, a thugadh an ceann

cheithir cheud agus dheich bliadhna fìchead 'na dléigh, an coimheheangal an neo-bhrìgh, a dhaingnicheadh roimh le Dia ann an Crìosd, ionnus gu'n cuireadh e an gealladh air eul.

18 Oir ma's ann o'n lagh a ta an oighreachd, cha 'n 'eil i ni's mò o'n ghealladh: ach thug Dia gu saor i do Abraham tre ghealladh.

19 C'ar son uime sin a thugadh an lagh? thugadh e air son eusaontais, gus an tigeadh an sìol, d'an rinneadh an gealladh; air orduchadh le ainglibh an làimh eadar-mheadhonair.

20 A nis an t-eadar-mheadhonair, cha'n ann air son aoin a ta e 'na eadar-mheadhonair; ach is aon Dia.

21 Uime sin am bheil an lagh an aghaidh gheallanna Dhé? Nar leigeadh Dia: oir nam biodh lagh air a thabhairt a bhiodh comasach air beatha thoirt uait, gu deimhin is ann o'n lagh a bhiodh fireantachd.

22 Ach dh'fhàg an sgrìobtuir na h-uile dhaoine dùinte sa' pheacadh, chum gu'n biodh an gealladh tre chreidimh Iosa Crìosd air a thoirt dhoibh-san a ta creid sinn.

23 Ach mu'n d'fhàinig an creidimh, choimhheadh sinn fo 'n lagh, air ar druideadh a steach chum a' chreidimh, a bha gu bhi air fhoillseachadh.

24 Uime sin b'e an lagh, ar n-oid-fhògh-luim⁵ g'ar treòrachadh gu Crìosd, chum gu bitheamaid air ar fireanachadh tro chreidimh.

25 Ach air teachd do'n chreidimh, cha'n 'eil sinn ni's mò fuaidh oid-fhòghluim.

26 Oir is sibhse uile mie Dhé tre chreidimh ann an Iosa Crìosd.

27 Oir a mheud agaibh 'sa bhaisteadh do Chrìosd, chuir sibh umaibh Crìosd.

28 Cha'n 'eil Iudhach no Greugach, cha'n 'eil saor no daor, cha'n 'eil fìrionn no boirionn⁶ ann: oir is aon sibh uile ann an Iosa Crìosd.

29 Agus ma's le Crìosd sibh, is sibh sìol Abraham gun amharus, agus is oighreachan sibh a rèir a' gheallaidh.

CAIB. IV.

1 Bha sinn fuaidh'n lagh, gus an d'fhàinig Crìosd, mar a ta an t-oighre fuaidh a thuiteir gus an tig e gu h-aois. 5 Ach shaor Crìosd sinn o'n lagh: 7 uime sin cha'n 'eil sinn 'nar seirbhisich ni's faide dha. 14 Chuir Pòl an cuimhne dhoibh an deachd-ghean d'asan, agus a dheadh-rùn fèin doibh-san.

A NIS a ta mi ag ràdh, am feadh a bhios an t-oighre 'na leanabh, nach 'eil eadar-dhealachadh sam bith eadar e

¹ fan.

² leo.

³ cunradh, cùmhnant.

⁴ labhradh, rinneadh.

⁵ ar maighstir-sgoile.

⁶ bainionn.

GALATIANACH, IV. V.

agus seirbhiseach, ged is e Tighearn nan uile;

2 Ach a ta e fo luchd-coimhid¹, agus fo luchd-riaghlaidh gu teachd na h-aimsir a dh'orduich an t-athair.

3 Agus mar an ceudna sinne, 'nuair a bha sinn 'nar leanabaibh, bha sinn an daorsa fo cheud fhòghlum an t-saoghail:

4 Ach an uair a thàinig coimhlionadh na h-aimsir, chuir Dia a Mhac féin uath, a ghineadh o mhnai, a rinneadh fuaidh'n lagh.

5 Chum gu'n saoradh e iadsan a bha fuaidh'n lagh, ionnus gu faigheamaid-ne uchd-mhacachd na cloinne.

6 Agus do bhrìgh gur mic sibh, chuir Dia Spiorad a Mhac féin ann bhur cridheach-aibh, ag éigheach, Abba, Athair.

7 Uime sin cha seirbhiseach thu ni's mò, ach mac; agus ma's mac, is oighre mar an ceudna air Dia tre Chrìosd.

8 Gidheadh, an uair nach b'aithe dhuibh Dia, rinn sibh seirbhis dhoibh-san nach 'eil 'nan dée thaobh nàduir.

9 Ach a nis air dhuibh Dia aithneachadh, no mar is fearr a dh'fheudar a ràdh, bhi air bhur n-aithneachadh le Dia, cionnus a ta sibh ag ath-philleadh chum nan ceud-thoiseach anmhunn agus bochd², d'am miann leibh bhi a ris fo dhaorsa?

10 Tha sibh a' coimhead làithean, agus mhìosan, agus aimsirean, agus bhliadhnan.

11 Tha eagal orm do 'ur taobh gu'n do chlaith mi gu diomhain mo shaothair oirbh.

12 Guidheam oirbh, a bhràithre, bithibh mar a ta mise; oir a ta mise mar sibhe: cha d'rinn sibh eucoir sam bith orm.

13 Tha fhios agaibh gu'm b'ann tre amhnuineachd na feòla, a shearmonaich mi dhuibh an soisgeul air tùs.

14 Agus air mo bhuaireadh a bha ann am fheoil, cha d'rinn sibh tarcuais, agus cha do ghabh sibh gràin diom³; ach ghabh sibh rium mar aingeal⁴ Dé, mar Iosa Chrìosd.

15 Ciod e ma seadh⁵ an sonas sin a bha agaibh? oir a ta mi deanamh fianuis duibh, nam bu chomasach e, gu'n spionadh sibh a mach bhur sùilean féin, agus gu'n tugadh sibh dhomh-sa iad.

16 Uime sin an d'rinneadh nàmhaid duibh dhìom, air son mi dh'innseadh na fìrinn duibh?

17 Tha iadsan eudmhor unaibh, ach cha'n ann gu maith; ach b'àill leo sinne dhruideadh a mach, chum gu'm biodh sibh-se eudmhor umpa féin.

18 Ach is maith a bhi eudmhor ann an

ni maith a ghnàth, agus cha'n e mhàin an uair a ta mise a làthair maille ribh.

19 Mo chlànn bheag, air am bheil mi a ris ri saothair, gus an dealbhar Crìosd annaibh,

20 B'àill leam bhi nis a làthair maille ribh, agus mo ghuth a chaochladh, oir a ta mi fuaidh amharus umaibh.

21 Innsibh dhomh, sibhse le'm miann bhi fo'n lagh, nach cluinn sibh an lagh?

22 Oir a ta e sgrìobhta, gu robh aig Abraham dithis mhac; aon ri banoglaich⁶, agus am cac eile ri mnaoi shaoir.

23 Agus csan a bh'aige ris a' bhanoglaich, ghineadh a réir na feòla e; ach esan a bh'aige ris a' mhnai shaoir, tre ghealladh.

24 Na nithe so is samhlaidh iad⁷; oir is iad so an dà choimhcheangal⁸; aon diubh o bheinn Shinai, a ta a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' comh-fhreagradh do Ierusalem a tha nis ann, agus tha i fo dhaorsa maille r'a cloinn.

26 Ach a ta an Ierusalem a ta shuas saor, agus is màthair dhuinn uile i.

27 Oir a ta e sgrìobhta, Dean gairdeachas, a bhean neo-thorrach⁹ nach 'eil a' breith cloinne; bris a mach agus glaoth, thusa nach 'eil ri saothair: oir is lìon-mhoire clann na mnà aonaranaich¹⁰, na na mnà aig am bheil fear.

28 A nis, a bhràithre, is sinne, mar a bha Isaac, clann a' gheallaidh.

29 Ach mar a rinn esan a rugadh a réir na feòla, san àm sin geur-leanmhuinn air-san a rugadh a réir an Spioraid, is amhuil sin a ta nis mar an ceudna.

30 Ach ciod a ta an sgrìobtuir ag ràdh? Tilg a mach a' bhanoglach agus a mac: oir cha bhi mac na banoglaich 'na oighre maille ri mac na mnà saoire.

31 Uime sin, a bhràithre, cha sinne clann na banoglaich, ach na mnà saoire.

CAIB. V.

1 Bhrosnuich an t-abstol na Galatianaich gu seasamh nan saorsa, 3 agus gun an timchioll-ghearradh a ghnàthachadh: 13 ach roghuinn a dheanamh do ghràdh, ni a's e coimhlionadh an lagha: 19 chuir e sìos oibre na feòla.

UIME sin seasaibh gu daingean anns an t-saorsa leis an d'rinn Chrìosd saor sinn, agus na bithibh a ris air bhur cuibhreachadh le cuing na daorsa.

2 Feuch, a ta mise Pòl ag ràdh ribh, ma thimchioll-ghearrar sibh, nach bi tairbhe air bith dhuibh ann an Crìosd.

3 Oir a ta mi a ris a' deanamh fianuis

¹ thuiteiribh.

² anmhunn, uireasbhuidheach.

³ cha do chuir sibh cùl ris.

⁴ theachdair.

⁵ C'ait am bheil.

⁶ mnaoi dhaoir, ban-tràill.

⁷ asda so tha ni eile r'a thuigsinn.

⁸ chumhnant.

⁹ sheasg, gun sliochd.

¹⁰ trèigte.

GALATIANACH, V. VI.

do gach uile dhuine a thimchioll-ghearr-
ar, gu bheil e mar fhiachaibh air an lagh
gu h-ionnlan a choimhlionadh.

4 Cha'n 'eil tairbhe sam bith ann an
Criosd dluibhse¹ a ta air bhuir firean-
achadh tre'u lagh; thuit sibh o ghràs.

5 Oir a ta sinne tre'n Spiorad a' feith-
eamh ri dòchas fireantachd o chreidimh.

6 Oir ann an Iosa Criosd, cha'n 'eil éif-
eachd² sam bitl ann an timchioll-ghearr-
adh, no ann an neo-thimchioll-ghearradh,
ach ann an creidimh a dh'oibricheas tre
ghràdh.

7 Is maith a ruith sibh; cò a bhac sibh
o bhi ùmhal do'n fhùrinn?

8 Cha d'fhàinig an impidh so o'n ti a
ghairm sibh.

9 Goirtichidh³ beagan do thaois ghoirt
am meall uile.

10 Tha muinghin agam asaibh san
Tighearn, nach bi sibh dh'aon dòigh air
atharrachadh inntinn: ach an ti a ta cur
dragha oirbh, giùlainidh e a bhreithean-
as, cò air bith e.

11 Agus mise, a bhràithre, ma shear-
monaicheas mi fathast an timchioll-
ghearradh, c'ar sou a nìthear fathast
geur-leanmhuinn orm? an sin bhiodh
oibheum a' chroinn-cheusaidh air a chur
air cùl.

12 B' fhearr leam gu'm biodh iadsan a
ta cur mi-shuaimhneis⁴ oirbh eadhon air
an gearradh uaibh⁵.

13 Oir, a bhràithre, ghairmeadh chun
saorsa sibh; a mhàin na deanaibh an
t-saorsa 'na cion-fath do'n fheòil, ach le
gràdh deanaibh seirbhis d'a chèile.

14 Oir tha an lagh uile air a choimh-
lionadh ann an aon fhocal, eadhon an so,
Gràdhachidh tu do choimhearsnach mar
thu féin.

15 Ach ma bhios sibh a' teumadh agus
ag itheadh a chèile, thugaibh aire nach
claoidhear le a chèile sibh.

16 A ta mi ag ràdh ma seadh, Gluais-
ibh⁶ san spiorad, agus cha choimhlion
sibh anamian na feòla.

17 Oir a ta an fheòil a' miannachadh an
aghaidh an Spioraid, agus an Spiorad an
aghaidh na feòla: agus a ta iad sin an
aghaidh a chèile; ionnus nach faigh sibh
na nithe bu mhiann leibh a dheanamh.

18 Ach ma threòraichear leis an Spior-
ad sibh, cha'n 'eil sibh fùidh' n lagh.

19 A nis tha oibre na feòla follaiseach,
a's iad so, Adhaltrannas, strìopachias,
neò-glhoine, macnus⁷,

20 Iodhol-aoradh, druidheachd⁸, namh

deas, connsachadh, co-fharpuis⁹, fearg,
comhstri, aimhreite, saobh-chreidimh¹⁰,

21 Farnad, mortadh, misg, ruidhteir-
eachd¹¹, agus an leithide sin: mu bheil mi
ag innseadh dhuibh roimh-làimh, mar a
dh'innis mi dhuibh a cheana mar an ceud-
na, nach sealbhaich iadsan a ni an leith-
ide sin rioghachd Dhé¹².

22 Ach is e toradh an Spioraid gràdh,
aoibhneas, sìth, fad-flulangas, caomhal-
achd, maitheas, creidimh¹³,

23 Macantas¹⁴, stuaim: an aghaidh an
samhuil sin cha'n 'eil lagh.

24 Agus iadsan a's le Criosd, cheus iad
an fheòil, maille r'a h-an-tograibh agus a
h-ana-miannaibh.

25 Ma's beò dhuinn san Spiorad, gluais-
eamaid san Spiorad mar an ceudna.

26 Na bitheamaid dèidheil air glòir
dhiomhain¹⁵, a' brosnachadh a chèile, a'
gabhail farmaid r'a chèile.

CAIB. VI.

1 Dh'iarr Pòl air na Galatianaich buntainn gu
sèmh ri bràthair a thuislich, 2 agus uallach a
chèile a ghiulan, 6 bhi tabhartach d'an luchd-
teagaisg, 9 agus gun sgìtheachadh do mhaith a
dheanamh: 12 nochd e ciod gus am bheil iadsan
a ta searmonachadh an timchioll-ghearraidh.

A BHRÀITHRE, ma ghlacar neach
ann an coire air bith gu h-obann,
sibhse a ta spioradail, togaibh suas a
shamhuil sin do dhuine ann an spiorad
na macantachd¹⁶; a' toirt aire dhuit féin,
nach buairear thu mar an ceudna.

2 Giùlainibh uallacha¹⁷ a chèile, agus
mar sin coimhlionaibh lagh Chrìosd.

3 Oir ma shaoileas duine gur ni éigin e
féin, gun bhi ann ach neo-ni, tha e 'ga
mhealladh féin.

4 Ach dearbhadh gach neach 'obair
féin, agus an sin bithidh aobhar gaird-
eachais¹⁸ aige d'a thaobh féin¹⁹ a mhàin,
agus cha'n ann a thaobh neach eile.

5 Oir giùlainidh gach neach²⁰ uallach féin.

6 Comb-roinneadh an neach a ta air a
theagasg san fhocal, ris an neach a ta 'ga
theagasg, anns na h-uile nithibh maithe.

7 Na meallar sibh; cha deanar fanoid
air Dia: oir ge b'e ni e shìol-chuireas
duine, an ni ceudna buainidh e.

8 Oir an ti a chuireas d'a fheòil féin,
buainidh e o'n fheòil truaidlidheachd;
ach an ti a chuireas do'n Spiorad, buain-
idh e o'n Spiorad a' bheatha shuthainn.

9 Agus na sgèitheamaid do mhaith a
dheanamh: oir ann an àm iomchuidh
buainidh sinn, mur fannaich²¹ sinn.

10 Uime sin a réir mar a ta cothrom²¹
againn, deanamaid maith do na h-uile

¹ rinneadh Criosd gun tairbhe dhuibh.

² brìgh, neart. ³ Geuraichidh. ⁴ dragha.

⁵ air an gearradh as bhuir comun.

⁶ sìubhlaibh, imichibh. ⁷ mì-nàire.

⁸ buidseachas. ⁹ comortus. ¹⁰ éiriceachd.

¹¹ anabharr, gedcaireachd, craos.

¹² rioghachd Dhé mar oighreacadh.

¹³ frinn.

¹⁴ ciùneas.

¹⁵ earraghloir

¹⁶ a' chiùineis.

¹⁷ callacha.

¹⁸ uail.

¹⁹ ann féin.

²⁰ lagaich.

²¹ fàth.

EPHESIANACH, I.

dhaoinibh, ach gu h-àraidh dhoibh-san a ta do theaghlach a' chreidimh.

11 Tha sibh a' faicinn meud na litreach a sgrìobh mi dhuibh le mo làimh féin.

12 A mheud le' m miann iad féin a thaisbeanadh gu sgiamhach san fheòil, tha iad 'gur n-èigheachadh chum bhi air bhuir timchioll-ghearradh; a mhàin chum nach deantadh geur-leannmhuinn orra air son crann-ceusaidh Chrìosd.

13 Oir cha'n' eil iadsan féin a tha air an timchioll-ghearradh a' coimhead an lagha: ach is àill leo sibhse bhi air bhuir timchioll-ghearradh, chum as gu dean iad uail ann bhuir feòil.

14 Ach nar leigeadh Dia gu deanainn-uail ach ann an crann-ceusaidh ar Tighearna Iosa Chrìosd, tre'm bheil an

saoghal air a cheusadh dhomh-sa, agus mise do'n t-saoghal.

15 Oir ann an Iosa Chrìosd cha'n' eil éifeachd air bith ann an timchioll-ghearradh, no ann an neo-timchioll-ghearradh, ach ann an cruthachadh¹ nuadh.

16 Agus a mheud 's a shiubhlas a réir na riaghailt so, sìth orra, agus tròcair, agus air Israel Dé.

17 O so a mach na cuireadh neach sam bith dragh orm; oir a ta mi giùlan chomharan an Tighearna Iosa ann mo chorp.

18 A bhràithre, *gu robh* gràs ar Tighearna Iosa Chrìosd maille ri bhuir spiorad. Amen.

¹ creutair.

LITIR AN ABSTOIL PHOIL

CHUM NAN

EPHESIANACH.

CAIB. I.

1 *An deigh fàilte, 3 agus breith-buidheachais air son nan Ephesianach, 4 labhair Pòl mu thaghadh, 6 agus uchd-mhacachd thaobh gràis, 11 nì a's e am fìor-thobar o' m bheil slàinte a' chinne-daoine a' sruthadh, &c.*

POL, abstol Iosa Chrìosd tre thoil Dé, chum nan naomh a ta ann an Ephesus, agus uan creideach ann an Iosa Chrìosd:

2 Gràs dhuibh, agus sìth o Dhia ar n-Athair agus o'n Tighearna Iosa Chrìosd.

3 Beannaichte *gu robh* Dia, eadhon Athair ar Tighearna Iosa Chrìosd, bheannaich sinne leis gach uile bheannachadh spioradail ann an *ionadaibh* nèamhaidh¹ ann an Chrìosd:

4 Aréir mar a thagh e sinne ann-san, mun do leagadh bunait an domlain, chum gu'm bitheamaid naomha, agus neo-choireach 'na làthair-san ann an gràdh:

5 A roimh-orduich sinne chum uchd-mhacachd na cloinne tre Iosa Chrìosd dha féin, a réir deadh-ghean a thoile.

6 Chum cliù glòire a ghràis, tre an d'rinn e sinne taitneach² ann a *Mhac* gràdhach:

7 Anns am bheil againne saorsa³ tre 'fhuil-san, maitheanas nam peacadh, a réir saoihbheis a ghràis;

8 Anus an robh e ro phailt dhuinne san uile ghliocas, agus thuigse:

9 A dh'fhoillsich dhuinn rùn-diomhair a

thoile, a réir a dheadh ghean féin a rùnaiche ann féin:

10 Chum ann am frithealadh coimh-ionaidh uan aimsir, gu'n cruinnichadh e ann an aon na h-uile nithe ann an Chrìosd, araon *na nithe* a ta air nèamh agus *na nithe* a ta air talamh, eadhon ann-san:

11 Anns an d'fhuair sinne mar an ceudna oighreachd, air dhuinn bhi air ar roimh-orduchadh a réir rùn an tì a ta 'g oibreachadh nan uile nithe a réir comhairle a thoile féin;

12 Ionns gu'm bitheamaid-ne, a chuir air tùs dòchas ann an Chrìosd, chum cliù a ghlòire-san.

13 Anns *an do chuir* sibhse mar an ceudna *dòchas*, air dhiubh focal na fìrinn a chluinntinn, eadhon soisgeul bhuir slàinte: neach an déigh dhuibh creidsinn ann, chuireadh seula oirbh le Spiorad naomh sin a' gheallaidh,

14 Neach is e geall-daingnich⁴ a n-oighreachd-ne, *gu teachd* saorsa na seilbhe a cheannachadh⁵ chum cliù a ghlòire.

15 Uime sin air chluinntinn domh-sa mar an ceudna bhuir creidimh-sa anns an Tighearna Iosa, agus bhuir gràdh do na naoimh uile,

16 Cha'n' eil mi a' sgur⁶ do bli toirt buidheachais air bhuir son, a' luadh oirbh ann am urnuighibh;

17 Gu'n tugadh Dia ar Tighearna Iosa

¹ nithibh nèamhaidh.

² tre an do nochd e dhuinne mòr dheadh-ghean.

³ fuasgladh.

⁵ dh'fhuasgladh.

⁴ earlas.

⁶ Nì'n sguiream.

EPHESIANACH, I. II.

Criosd, Athair na glòire, spiorad gliocais agus foillseachaidh¹ dhuibh, ann an eolas air-san²;

18 Sùilean 'ur n-inntinn bhi air an soill-seachadh, chum fios a bhi agaibh ciod e dòchas a ghairme-san, agus ciod e saoi-breas glòire 'oighreachd-san anns na naomhaibh,

19 Agus ciod e ro-mheud a chumhachd do ar taobh-ne a ta creidsinn, a réir oibreachaidh a thréun neirt;

20 A dh'oibrich e ann an Criosd, 'nuair a thog e o na marbhaibh e, agus a chuir e 'na shuidhe air a dheas-làimh féin e anns na *h-ionadaibh* nèamhaidh,

21 Gu ro àrd os ceann gach uile uachd-aranachd, agus cumhachd, agus neirt, agus tighearnais, agus gach ainme a dh'ainmichear, cha'n e mhàin san t-saoghal so, ach san *t-saoghal* ri teachd mar an ceudna:

22 Agus chuir e na h-uile nithe fuidh a chosaibh, agus thug se e gu *bhi* 'na cheann os ceann nan uile nithe do'n eaglais,

23 A ta 'na corp aige, lànachd an tì a ta lìonadh nan uile *nithe* anns na h-uile.

CAIB. II.

1 *Le bhi coimheas r'a chèile ciod a bha sinn thaobh nàduir, 5 agus ciod a tha sinn thaobh gràis, 10 chuir Pòl an cèill gun d'rinneadh sinn air son dheadh oibre; agus air dhuinn bhi air ar toirt am fagus tre Chrìosd, 11 nach còir dhuinn ar beatha a chaitheadh mar Chinnich, 19 ach mar luchd aoin bhaile ris na naoimh, agus mar theaghlach Dhé.*

A GUS sibhse *bheothaiche* e, a bha marbh ann ann euceartaibh agus ann am peacaibh;

2 Anns an do ghluais³ sibh sna h-amannaibh a chaidh seachad, a réir gnàtha⁴ an t-saoghail so, a réir uachdairain⁵ cumhachd an athair, an spioraid a tha nis ag oibreachadh ann an cloinn na h-easumhlachd:

3 Ann measg an robh againn uile mar an ceudna ar caithe-beatha roimh so, ann an ana-miannaibh ar feòla, a' deanamh toil na feòla, agus nan smuaintean⁶; agus bha sinn a thaobh nàduir 'nar cloinn na feirge, eadhon mar chàch.

4 Ach Dia, a ta saoi-bhir ann an tròcair, air son a mhòr-ghràidh leis an do ghràdh-aich e sinn,

5 Eadhon air dhuinn a bhi marbh ann am peacaibh, chomh-bheothaich e sinn maille ri Criosd; (le gràs tha sibh air bhuir tèarnadh⁷);

6 Agus chomh-thog, agus chomh-

shuidhich e sinn ann an *ionadaibh* nèamhaidh ann an Iosa Criosd:

7 Chum gu'm foillsicheadh e anns na linnibh ri teachd saoi-breas ro phailt a ghràis, ann an caoimhneas d'ar taobh-ne tre Iosa Criosd.

8 Oir is ann le gràs a ta sibh air bhuir tèarnadh, tre chreidimh: agus *sin* cha'n ann uaibh féin; *is e* tiodhlac⁸ Dhé e:

9 Cha'n ann o oibribh, chum nach deanadh neach air bith uail:

10 Oir is sinne 'obair-san, air ar cruthachadh ann an Iosa Criosd chum dheadh oibre, air son an d'ulluich Dia roimh-làimh *sinn*, chum gu'n gluaiseamaid anna.

11 Uime sin cuimhnichibh, air dhuibh a bhi san aimsir a chaidh thairis 'nur Cinnich san fheòil ris an abrar an neo-thimchioll-ghèarradh leo-san d'an goirear an timchioll-ghèarradh làmh-dheanta san fheòil;

12 Gu robh sibh san àm sin as eugmhais Chrìosd, 'nur coimhich do chomh-fhlaitheachd⁹ Israeil, agus 'nur coigrich do chomh-cheanglaibh a' gheallaidh, as eugmhais dòchais, agus gun Dia anns an t-saoghal:

13 Ach a nis ann an Iosa Criosd, tha sibhse a bha roimh so fad o làimh, air bhuir toirt am fagus tre fhuil Chrìosd.

14 Oir is esan ar sìth-ne, a rinn aon *dhiinn* araon, agus a bhris sìos balla meadhonach an eadar-dhealachaidh;

15 Air dha an naimhdeas a chur air cùl tre 'fheòil féin, *eadhon* lagh nan àith-eanta, a *chuireadh* sìos ann an orduighibh, chum gu'n deanadh e ann féin do dhithis ann duine nuadh, *mar sin* a' deanamh sìthe:

16 Agus gu'n deanadh e réidh faraon iad ri Dia ann an aon chorp tre a' chranncheusaidh, air dha an naimhdeas a mharbhadh le sin;

17 Agus thàinig e agus shearmonaich e sìth¹⁰ dhuibhse a bha am fad, agus dhoibhsan a bha am fagus.

18 Oir trid-san tha araon slighe againn gu dol a steach tre aon Spiorad chum an Athar.

19 A nis uime sin, cha'n 'eil sibh ni's mò 'nur coigrich agus 'nur coimhich, ach 'nur luchd aoin bhaile ris na naomhaibh, agus 'nur muinntir-teaghlach Dhé:

20 Agus tha sibh air bhuir togail suas air bunait nan abstol agus nam fàidhean, air bhi do Iosa Criosd féin 'na *chloich*-chinn na h-òisinn;

21 Anns am bheil an aitreabh uile,

¹ taisbeanaidh.

² chum esan aideachadh.

³ Anns an robh sibh ag imeachd. ⁴ gnàthachaidh.

⁵ prionnsa.

⁶ na h-inntinn, a' chridhe.

⁷ slànuchadh, saoradh, sàbhaladh.

⁸ saor-thabhartas.

⁹ chomh-chomunn.

¹⁰ sìothlachaint.

EPHESIANACH, II. III. IV.

reangailte gu ceart r'a chéile, a' fàs suas chum bhi 'na teampull naomh san Tigh-earn :

22 Anns am bheil sibhse mar an ceudna air bhuir comh-thogail suas chum bhi 'nur tigh-còmhnuidh do Dhia tre an Spiorad.

CAIB. III.

1 *Rinneadh an rùn-dìomhair, 6 gu'm biodh na Cinnich air an saoradh, fhoillseachadh do Phòl; 18 agus thugadh an gràs dhàsan sin a shearmonachadh; 13 dh'iarr e air na Ephesianach gun iad a dh'fhannachadh air son a thrioblaid-san.*

AIR an aobhar so, tha mise Pòl a'm' phrìosanach Iosa Crìosd, air bhuir sonsa, a Chinneacha ;

2 O chuala¹ sibh mu fhrithealadh gràis Dé, a thugadh dhomh-sa air bhuir sonsa² :

3 Gu'n d'rimn e aithnichte dhomh tre fhoillseachadh³ an rùn-dìomhair, (mar a sgriobh mi roimh gu h-aithghearr,

4 Leis am feud sibh, air dhuibh a leughadh, m'èolas ann an rùn-dìomhair Chrìosd a thuigsinn ;)

5 Nì, ann an linnibh eile, air nach d'thugadh fios do chloinn nan daoine, mar a ta e nis air fhoillseachadh d'a abstolaibh naomha agus d'a fhàidhibh tre an Spiorad ;

6 Gu'm biodh na Cinnich 'nan comh-oghreachaibh, agus 'nan comh-chorp, agus 'nan luchd-comhairt d'a ghealladhsan ann an Crìosd, tre an t-soisgeul :

7 Air an d'rinneadh mise a'm' mhinisteir, a réir tiodhlaic gràis Dé a thugadh dhomh, a réir oibreachaidh éifeachdaich a chumhachd-san.

8 Dhomh-sa, a's lugha na'n tí a's lugha do na naomhaibh uile thugadh an gràs so, saoihbheas Chrìosd, nach feudar a rannsachadh, a shearmonachadh am measg nan Cinnich ;

9 Agus gu'n deanainn soilleir do na h-uile dhaoibh, ciod e comunn an rùn-dìomhair sin, a bha folaichte ann an Dia o thoiseach an t-saoghail, a chruthaich na h-uile nithe tre Iosa Crìosd ;

10 Chum gu'n deantadh aithnichte nis do na h-uachdaranachdaibh, agus do na cumhachdaibh ann an ionadaibh nèamhaidh, leis an eaglais, gliocas eagsamhuil⁴ Dhé,

11 A réir an rùn shiorruidh⁵ a rùnaich e ann an Iosa Crìosd ar Tighearn :

12 Anns am bheil againn dànachd agus slighe gu dol a steach ann am muinghin tre a chreidimh-san.

13 Uime sin tha mi ag iarraidh nach lagaich sibh á leth mo thrioblaid-san air bhuir son, nì a's e bhuir glòir-sa.

14 Air an aobhar so tha mi a' lùbadh

mo ghluine do Athair ar Tighearna Iosa Crìosd,

15 Air an ainmichear an teaghlach uile air nèamh agus air talamh,

16 Gu'n deònaicheadh e dhuibh a réir saoihbheas a ghloire, bhi air bhuir neartachadh gu treun⁶, tre a Spiorad-san anns an duine an leth stigh ;

17 Ionnsu gu'n gabh Crìosd còmhnuidh ann bhuir cridhe tre chreidimh ; chum air dhuibh bhi air bhuir freumhachadh, agus air bhuir stéidheachadh⁷ ann an gràdh,

18 Gu'm bi sibh comasach maille ris na naomhaibh uile, air a thuigsinn ciod e leud, agus fad, agus doimhne, agus àirde ;

19 Agus air gràdh Chrìosd aithneachadh, a chaidh thar gach uile eòlas, chum gu'm bi sibh air bhuir lionadh le uile lànachd Dhé.

20 A nis dhàsan d'an comas na h-uile nithe a dheanamh gu h-anabarrach ro phailt, thar gach nì a's urrainn sinne iarraidh no smuaineachadh, a réir a' chumhachd a ta 'g oibreachadh gu h-éifeachdach annainn,

21 Dhàsan gu robh glòir anns an eaglais tre Iosa Crìosd, air feadh gach uile linn, gu saoghal nan saoghal. Amen.

CAIB. IV.

1 *Dh'earalaich an t-abstol na Ephesianach chum aonachd ; 7 agus chuir e an cèil gu'n d'thug Dia chum na criche so tiodhlacan eagsamhuil do dhaoibh, 13 ionnsu gu'm biodh 'eaglais air a togail, 16 agus gu'm fàsadh i suas ann an Crìosd.*

UIME sin, tha mise prìosanach an Tighearn, a' guidhe oirbh gu'n gluais⁸ sibh gu cubhaidh do'n ghairm leis an do gharmeadh sibh ;

2 Leis gach uile irioslachd inntinn agus mhacantas, le fad-fhulangas, a' giùlan le chéile ann an gràdh ;

3 A' deanamh dìchill air aonachd an Spioraid a choimhead ann an ceangal⁹ na sìthe.

4 Is aon chorp agus aon Spiorad a ta ann, amhuil mar an ceudna a ghairmeadh sibh ann an aon mhuighin bhuir gairme ;

5 Aon Tighearn, aon chreidimh, aon bhaisteadh,

6 Aon Dia agus Athair nan uile, a tha os ceann nan uile, agus tre na h-uile, agus annaibh-sa uile.

7 Ach thugadh gràs do gach aon againn, a réir tomhais tiodhlaic Chrìosd.

8 Uime sin a ta e ag ràdh, Air dol suas da an àird, thug e bruid am braigheanas, agus thug e tiodhlacan do dhaoibh.

9 (A nis gu'n deachaidh e suas, ciod e ach gu'n deachaidh e air tùs sìos gu ionadaibh iochdarach na talmhainn ?

¹ Ma chuala.

² d'ur taobhsa.

³ thaisbean.

⁴ ionaidh-guètheach.

⁵ A réir roimh-shuidheachaidh nan linn.

⁶ le cumhachd.

⁸ imich, siubhail.

⁷ bonn-shuidheachaidh

⁹ comh-bhàin.

10 An ti a chaidh sìos, is e sin féin e a chaidh suas mar an ceudna gu ro àrd os ceann nan uile nèamh, chum gu'n lìonadh e na h-uile nithe.)

11 Agus thug e dream àraidh gu bhì 'nan abstolaibh; dream eile, gu bhì 'nam fàidhibh; agus dream eile, gu bhì 'nan soisgeulaichibh; agus dream eile, gu bhì 'nan aodhairibh¹, agus 'nan luchd-teag-aig;

12 Chum na naoimh a dheasachadh² chum oibre na ministreileachd, chum togail suas cuirp Chrìosd:

13 Gus an tig sinn uile ann an aonachd a' chreidimh, agus èolais Mhic Dhé, chum duine iomlan, chum tomhais àirde lànachd Chrìosd:

14 Chum as nach bi sinn á so suas 'nar leanabaibh, air ar tonn-luasgadh, agus air argiùlan mu'n cuairt leis gach uile ghaoith teagaisg, le cleasachd dhaoine, agus seòltachd cealgach, leis am bheil iad gu h-innleachdach ri feall-fholach chum meallaidh:

15 Ach a' labhairt na fìrinu ann an gràdh, gu'm fàs sinn suas anns na h-uile nithibh cluige-san³, a's e an ceann, *cadh-on* Crìosd:

16 O'm bheil an corp uile, air a cheangal gu ceart, agus air a dhùthachadh tre an nì sin a tha gach alt a' toirt uaith, a réir oibreachaidh éifeachdaich ann an tomhas gach buill, a' faghail fàs cuirp, chum a thogail féin suas ann an gràdh.

17 So uime sin a ta mi ag ràdh, agus a' guidhe am fianuis an Tighearna, gun sibh a dh'imeachd á so suas mar a ta na Ciunnich eile ag imeachd, ann an diomhanas an inntinn féin;

18 Aig an bheil an tuigse air a dorchachadh, air dhoibh bhì 'nan coimhich do bheatha Dhé, thaobh an aineolais a ta anna, tre chruas an cridhe:

19 Muinntir, air dhoibh am mothachadh a chall, a thug iad féin thairis do mhinàire⁴, chum gach uile neò-ghloine chur an gnìomh le ciocras.

20 Ach cha d'fhòghluim sibhse Crìosd mar so;

21 O chuala⁵ sibh e, agus o theagaisgeadh leis sibh, mar a ta an fhìrinn ann an Iosa:

22 Gu'n cuir sibh dhìbh, thaobh a' cheud chaithe-bcatha, an seann duine, a tha truailidh a réir nan ana-miann cealgach;

23 Agus gu'm bi sibh air bhuir n-athnuadhachadh ann an spiorad bhuir n-inntinn;

24 Agus gu'n cuir sibh umaibh an nuadh-dhuine, a tha air a chruthachadh a

réir Dhé am fireantachd agus am fìor-naomhachd.

25 Uime sin, air dhuibh a' bhreug a chur uaibh, labhraibh an fhìrinn gach neach r'a choimhearsnach: oir is buill sinn d'a chèile.

26 Biodh fearg oirbh, agus na peacaichibh: na luidheadh a' ghrian air bhuir corr-uich:

27 Agus na tugaibh àit do'n diabhul.

28 An ti a ghòid, na goideadh e nì's mò: ach gu ma fearr leis saothair a dheanamh, ag oibreachadh an nì a ta maith le a làmhaidh, chum gu'm bi aige nì r'a phàirteachadh ris an neach air am bheil uireasbhuidh.

29 Na tigeadh cainnt thruailidh air bith mach as bhuir beul, ach an nì sin a ta maith chum deadh-fhòghluim, ionnus gu'n toir e gràs do'n luchd-éiseachd.

30 Agus na cuirb doilgheas air Spiorad Naomh Dhé, leis an do chuireadh seula oirbh gu là na saorsa.

31 Biodh gach uile sheirbhe, agus corr-uich, agus fearg, agus gàrrthaich⁶, agus toibheum⁷ air an togail uaibh, maille ris gach uile mhì-run.

32 Agus bithibh caoinhucil teo-chridh-each d'a chèile; a' toirt maitheanas d'a chèile, eadhon mar a thug Dia maitheanas dhuibh-se ann an Crìosd.

CAIB. V.

1 An déigh earaillean coitichionn chum gràidh, 3 chum strìopachas a sheachnadh, 4 agus na h-uile neò-ghloine, 7 gun chomhludair a chumail ri daoinibh aingidh, 15 imeachd gu faicilleach, 18 agus bhì air an lìonadh leis an Spiorad, 22 labhair Pòl mu dhleasdanasuibh fa leth.

UIME sin bithibh-sa 'nur luchd-leanmhuinn air Dia, mar chloinn ghràdh-aich;

2 Agus gluaisibh ann an gràdh, eadhon mar a ghràdhaich Crìosd sinne, agus a thug se e féin air ar son, 'na thabhartas agus 'na ìobairt deadh-fhàile do Dhia.

3 Ach na biodh strìopachas, agus gach uile neò-ghloine, no sannt, uircad as air an ainmeachadh 'nur measg, mar is cubhaidh do naomhaibh:

4 No draosdach⁸, no còmhradh amaid-each, no bao-shùgradh, nithe nach 'eil iomchuidh: ach gu ma fearr leibh breith-buidheachais.

5 Oir a ta fios agaibh air so, nach 'eil aig fear-strìopachais air bith, no aig neach neò-ghlan, no aig duine sanntach, (a tha 'na fhear iodhol-aoraidh,) oighreachd ann an rìoghachd Chrìosd agus Dhé.

6 Na mealladh neach air bith sibh le briathraibh diomhain: oir air son nan

¹ buachaillibh. ² a dhcanamh iomlan, a cheangal gu dìomhhalta r'a chèile.

³ ann-san. ⁴ mhacnus.

⁵ Ma chuala.

⁶ àrd-ghlaothaich.

⁷ anacainnt.

⁸ gruasdachd, cainnt shalach.

nithe sin tha fearg Dhé a' teachd air cloinn na h-eas-ùmhachd.

7 Na bithibh-sa uime sin 'nur luchd-combairt riu.

8 Oir bha sibh uair-éigin 'nur dorchadas, ach a nis tha sibh 'nur solus san Tighearn: gluaisibh mar chloinn an t-soluis;

9 (Oir a ta toradh an Spioraid¹ anns an uile mhaithreas, agus ionracas, agus fhirinn;)

10 A' dearbhadh ciod an ni a tha taitneach do'n Tighearn.

11 Agus na biodh comh-chomunn agaibh ri oibribh neo-tharbhach an dorchadais ach gu ma fearr leibh an cronachadh.

12 Oir is gràineil eadhon r'an innseadh na nithe a ta air an deanamh leo an uaignidheas².

13 Ach a ta na h-uile nithe a tha air an cronachadh, air an deanamh follaiseach leis an t-solus: oir gach uile ni a ni soilleir, is solus e.

14 Uime sin a ta e ag ràdh, Mosgail, thusa a tha a' d' chodal, agus éirich o na marbh-aibh, agus bheir Crìosd solus duit.

15 Feuchaibh uime sin gu'n gluais sibh gu faicilleach, cha'n ann mar amadain, ach mar dhaoine glìce,

16 Ag ath-cheannach³ na h-aimsir, do bhrìgh gu bheil na làithean olc.

17 Air an aobhar sin na bithibh-sa neo ghlic, ach a' tuigsinn ciod i toil an Tighearn.

18 Agus na bithibh air mhisg le fion, anns am bheil anabarr; ach bithibh air bhuir lionadh do'n Spiorad:

19 A' labhairt ribh féin⁴ ann an salm-aibh, ann an laoidibh, agus ann an dàn-aibh spioradail, a' seinn agus a' deanamh cùil 'nur cridhe do'n Tighearn:

20 A' toirt buidheachais a ghnàth air son nan uile nithe do Dhia, eadhon an t-Athair, ann an ainm ar Tighearna Iosa Crìosd;

21 Air dhuibh bliù ùmhal d'a chèile ann an eagal Dé.

22 A mhnà, bithibh ùmhal do 'ur fear-aibh féin, mar do'n Tighearn.

23 Oir is e ain fear ceann na mnà, eadhon mar is e Crìosd ceann na h-eaglais: agus is esan Slànuighear a' chuirp.

24 Uime sin, mar a ta'n eaglais ùmhal do Chrìosd, mar sin biodh na mnà d'am fearaibh féin mar an ceudua anns gach ni:

25 Fheara, gràdhaichibh blur mnà féin, cadhon mar a ghràdhaich Crìosd an eaglais, agus a thug se e féin air a son;

26 Chum gu naomhaicheadh, agus gu'n glanadh e i le ionnlad an uisge tre an fhocal.

27 Chum gu'n cuireadh e 'na làthair féin i na h-eaglais ghlormhoir, gun snal, gun phreasadh⁵, no ni air bith d'an leithidibh sin; ach chum gu'm biodh i naomh, agus neo-lochdach⁶.

28 Is amhluidh sin is còir do na fearaibh am mnà féin a ghràdhachadh, mar an cuirp féin: an ti a ghràdhaicheas a bhean, tha e 'ga ghràdhachadh féin.

29 Oir cha d'thug duine air bith riann fuath d'a fheòil féin; ach altrumaidd agus eiridnidh⁷ e i, eadhon mar a ta an Tighearn a' deanamh do'n eaglais:

30 Oir is buill sinn d'a chorp, d'a fheòil, agus d'a chnàmhaibh-san.

31 Air an aobhar so fàgaidh duine 'athair agus a mhàthair, agus dlùth-leanaidh e r'a mhnai, agus bithidh an dithis 'nan aon fheòil.

32 Is diomhaireachd mhòr so: ach tha mi a' labhairt mu Chrìosd agus an eaglais.

33 Gidheadh, thugadh gach aon agaibh-sa fa leth gràdh d'a mhnai, amhuil mar dha féin; agus feuchadh a' bhean gu'n toir i urram d'a fear.

CAIB. VI.

1 *Dleasdanas cloinne d'am pàrantaihb, 5 agus sheirbhiseach d'am maighstiribh. 10 Is cogadh ar beatha, 12 cha'n ann a mhnàin an aghaidh fola agus feòla, ach mar an ceudna an aghaidh naimhde spioradail. 13 Airm a' chrìosdaidh, 18 agus cionnus is còir an gnàthachadh.*

ACHLANN, bithibh ùmhal do 'ur pàrantaihb féin san Tighearn: oir a ta so ceart.

2 Thoir urram⁸ do t'athair agus do d'mhàthair, (is i so a' cheud àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na brosnuichibh bhuir clann chum feirge: ach togaibh⁹ iad ann an oilean agus ann an teagasg an Tighearna.

5 A sheirbhiseacha, bithibh ùmhal do 'ur maighstiribh a réir na feòla, le h-eagal¹⁰ agus crith, ann an tréibhdhireas bhuir cridhe, mar do Chrìosd:

6 Cha'n ann le suil-sheirbhis, mar dhream a ni toil dhaoine, ach mar sheirbhisich Chrìosd, a' deanamh toil Dé o'n chridhe;

7 Le deadh thoil a' deanamh seirbhis, mar do'n Tighearn, agus cha'n ann do dhaoineibh:

8 Air dhuibh fios a bhi agaibh, ge b'e maith air bith a ni aon neach, gu'n faigh e an ni so féin o'n Tighearn ma's saor no daor e.

¹ an t-soluis.

² os iosal.

³ A' fuasgladh.

⁴ 'nur measg féin, r'a chèile.

⁵ chasadh.

⁷ giullaichdidh.

⁹ altrumaibh,

⁶ gum glò.

⁸ onoir.

¹⁰ fàitcheas.

EPHESIANACH, VI.

9 Agus a mhaighstirean, deanaibh-sa na nithe ceudna dhoibh-san, a' leigeadh dhibh bagraidh: air dhuibh fios a bhi agaibh gu bheil bhuir maighstir féin air niamh mar an ceudna, agus nach 'eil gnùis-bhreth maille ris.

10 Fa dheoidh, mo bhràithre, bithibh làidir san Tighearn, agus ann an neart a chumhachd-san.

11 Cuiribh umaibh uile armachd Dhé, chum gu'm bi sibh comasach air seasamh an aghaidh cuilbheirtean an diabhuil.

12 Oir cha'n 'eil sinn a' gleachdadh a mhàin ri fuil agus feòil, ach ri uachdar-anachdaibh, ri cumhachdaibh, ri riaghlairibh dorchadais an t-saoghail so, ri aingidheachd spioradail¹ ann an *ionad-aibh* àrda².

13 Uime sin glacaibh do 'ur n-ionnsuidh uile armachd Dhé, chum gu'm bi sibh comasach air seasamh an aghaidh a' *bhuairidh* san droch là, agus air dhuibh na h-uile nithe a dheanamh, chum seasamh.

14 Seasaibh uime sin, air bhi do 'ur leasraidh air an crioslachadh³ le fìrinn, agus uchd-éididh na fireantachd⁴ um-aibh;

15 Agus ulluchadh soisgeil na sìthe mar bhrògan agaibh air bhuir cosaibh;

16 Thar gach uile ni, a' glacadh do 'ur n-ionnsuidh⁵ sgéithe a' chreidimh, leis an bi sibh comasach air uile shaighde⁶ teinteach an droch *Spioraid* a mhùchadh.

17 Agus glacaibh clogaid na slàinte, agus claidheamh an Spioraid, ni a's c focal⁷ Dhé:

18 A' deanamh ùrnuigh a ghnàth leis gach uile ghnè ùrnuigh agus asluchaidh san Spiorad, agus a' deanamh faire chum an ni so féin maille ris gach uile bhuanachadh, agus ghuidheadh air son nan naomh uile;

19 Agus air mo shonsa, chum gu toir-ear⁸ dhomh comas labhairt, le fosgladh mo bheòil ann an dànachd, chum gu foillsich mi rùn-dìomhair an t-soisgeil;

20 Air son am bheil mi a'm' theachdair ann an geimhlibh: chum gu labhair mi gu dàna uime, mar is còir dhomh labhairt.

21 Ach a chum gu'm bi fhios agaibh-sa mar an ceudna air na nithibh a bhuineas dhomh-sa, *agus* ciod a tha mi a' deanamh, foillsichidh Tichicus, bràthair gràdhach agus ministear fìrinneach san Tighearn, na h-uile nithe dhuibh:

22 Neach a chuir mi do 'ur n-ionnsuidh air son an aobhair so féin, chum gu'm biodh fios nan nithe a bhuineas duinne agaibh, agus gu'n tugadh e comhfhurtachd do 'ur cridhe.

23 Sith *gu robh* do na bràithribh, agus gràdh maille ri creidimh, o Dhia an t-Athair, agus an Tighearn Iosa Crìosd.

24 *Gu robh* gràs maille riu-san uile a ta gràdhachadh ar Tighearna Iosa Crìosd ann an tréibhdhìreas. Amen.

¹ droch spioradaibh,
³ criosrachadh.

² nèamhaidh.
⁴ an ìonracais.

⁵ chugaibh.
⁷ briathar.

⁶ ghathan.
⁸ tiabhar.

LITIR AN ABSTOIL PHOIL

CHUM NAN

PHILIPIANACH.

CAIB. I.

1 *Chuir an t-abstol an cèill a bhuidheachas do Dhia, agus a ghràdh do na Philipianaich, air son toraidh an creidimh, agus an comhpairt 'na fhulangas; 9 rinn e ùrnuigh a ghnàth ri Dia gu'm fàsaidh iad ann an gràs: 12 nochd e an tairbhe a fhuair creidimh Chrìosd o fhulangas-san anns an Ròimh.*

POL agus Timoteus, seirbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na easbuigibh¹ agus ris na deacon-aibh²;

2 Gràs duibh agus sìth o Dhia ar n Athair, agus o'n Tighearn Iosa Crìosd.

3 Tha mi toirt buidheachais do m' Dhia gach uair a chuimhnichas mi oirbh,

4 A ghnàth ann am uile ùrnuighibh air bhuir sonsa uile, le gàirdeachas a' deanamh guidhe,

5 Air son bhuir comh-roinn do'n t-soisgeul, o'n cheud là gus a nis;

6 Air dhomh bhi dearbhta as an ni so féin, cadhon an tì a thòisich deadh obair annaibh, gu'n coimhlion e i gu là Iosa Crìosd:

7 Eadhon mar is còir dhomh so a smuaineachadh unaibh uile, do bhrìgh gu bheil sibh agam ann mo chridhe, agus gu bheil sibh uile 'nur luchd comh-roinn do m' ghràs-sa, araon ann mo gheimhlibh, agus ann an seasamh air son, agus ann an daingneachadh an t-soisgeil.

8 Oir is e Dia m'fhianuis, cia mòr mo dhéidh oirbh uile, aum an innibh Iosa Criosd.

9 Agus *a ta* mi a' guidhe so, gu'm biodh bhuir gràdh-sa air a mheudachadh nì's mò agus nì's mò ann an eòlas, agus ann an uile thuigse:

10 Chum gu'n dearbh sibh na nithe a's fearr¹; chum gu'm bisibh tréibhdhireach, agus gun tuisleadh² gu là Chriosd;

11 Air bhuir lìonadh le toraibh na fìr-eantachd, a *tha* tre Iosa Criosd chum glòire agus cliù Dhé.

12 Ach is àill leam, a bhràithre, fios a bhi agaibh, na nithe *a tharladh* dhomh-sa, gur mò a dh'èirich leo an soisgeul a chur air aghaidh:

13 Ionnus gu bheil mo gheimhlean-sa ann an Criosd iomraideach anns an lùch-airt uile, agus anns gach àit eile;

14 Agus gu bheil mòran do na bràithribh san Tighearn a' gabhail misnich o m' gheimhlibh, leis an tuilleadh mòrdhànachd a' labhairt an fhocail³ gun eagal.

15 Tha cuid gu dearbh a' searmonachadh Chriosd tre fharmaid agus strì, agus cuid eile tre dheadh thoil.

16 Tha aon dream a' searmonachadh Chriosd tre chomspoid, cha'n ann gu tréibhdhireach, a' saolsinn àmhghar a chur ri m' gheimhlibh-sa:

17 Ach an dream eile o ghràdh, air dhoibh fios a bhi aca gu'n do chuireadh mise gu seasamh air son an t-soisgeil.

18 Ciod ma ta? gidheadh air gach aon chor, co aca is ann an coslas a mhàin, no da rìreadh, tha Criosd air a shearmonachadh; agus air a shon so tha mise a' deanamh gàirdeachais, seadh, agus ni mi gàirdeachas.

19 Oir a ta fhios agam gu'n tig so chum slàinte⁴ dhomh-sa tre bhuir n-ur-nuigh-sa, agus tre fhrithealadh Spioraid Iosa Criosd,

20 A réir mo ro-dhùil⁵, agus mo dhòchais, nach cuirear nàire orm ann an nì air bith, ach leis an uile dhànachd labhairt, mar a ghnàth, gu'm bi Criosd a nis mar an ceudna air àrdachadh a'm' chorp-sa, ma's ann tre bheatha no tre bhàs.

21 Oir dhomh-sa bhi beò *is* e sin Criosd, agus bàs fhaotainn⁶ *is* buannaichd dhomh so.

22 Ach ma's beò dhomh sa fheòil, 's e so toradh m' oibre: ach ciod d'an deanainn roghainn, cha'n fhios domh.

23 Oir tha mi air mo theannachadh eadar dhà nì, air dhomh bhi togarrach

air siubhal, agus bhi maille ri Criosd; oir is e so a's ro fhearr:

24 Gidheadh, 's e mi dh'fhanuinn san fheòil a's feumaile dhuibh-se.

25 Agus air dhomh bhi cinnteach dheth so, tha fhios agam gu'm fuirich mi agus gu'n còmhnuich mi maille ribh uile, chum bhuir cur-sa air bhuir n-aghaidh, agus chum gàirdeachais a' clreidimh⁷:

26 Chum gu'm gi bhuir gàirdeachas nì's pailte ann an Iosa Criosd do m' thaobh-sa, air son mi bhi a rìs a làthair maille ribh.

27 A mhàin caithibh bhuir beatha gu cubhaidh do shoisgeul Chriosd: chum cò aca a thig mi agus a chi mi sibh, no a bhios mi as làthair, gu'n cluinn mi mu 'ur timchioll, gu bheil sibh a' seasamh gu daingean ann an aon spiorad, le aon inntinn, a' gleacadh le chéile air son creidimh an t-soisgeil;

28 Gun gheilt⁸ ann an nì sam bith oirbh o bhuir naimhdeibh: nì a ta dhoibh-san 'na chomhara cinnteach air sgrìos, ach dhuibh-se air slàinte, agus sin o Dhia.

29 Oir thiodhlaicheadh⁹ dhuibh-se air son Chriosd, cha'n e mhàin creidsinn ann, ach mar an ceudna fulang air a shon;

30 Air dhuibh an comhrag ceudna bhi agaibh a chunnaic sibh annam-sa, agus a tha sibh a nis a' cluinntinn *a bhi* annam.

CAIB. II.

1 *Dh'earalaich Pòl na Philipianaich chum aonachd agus irioslachd inntinn, le eisempleir isleachaidh agus àrdachaidh Chriosd; 12 chum iad a dhol air an aghaidh gu cùramach ann an slighe na slàinte, ionnus gu'm biodh iad 'nan solus do'n t-saoghal aingidh, 16 agus nan comhfhurtachd dhàsan an abstol-san.*

UIME sin, ma tha comhfhurtachd air bith ann an Criosd, ma tha sòlas air bith gràidh, ma tha comh-chomunn air bith an Spioraid, ma tha truas¹⁰ air bith agus tròcair;

2 Coimhlionaibh mo ghàirdeachas, gu'm bi sibh a dh'aon inntinn, a dh'aon ghràdh, a dh'aon toil, a dh'aon bhreitheachadh¹¹.

3 *Na deanar* aon nì tre chomspoid, no tre ghloir dhomhain, ach ann an irioslachd inntinn measadh gach aon gur fearr neach eile na e féin.

4 Na seallaibh gach aon air na nithibh sin a bhuineas da féin, ach gach aon air na nithibh a bhuineas do dhaoimibh eile mar an ceudna.

5 Uime sin biodh an inntinn chendna annaibh-sa, a bha aum an Iosa Criosd:

6 Neach air bhi dha ann an cruth Dhé,

¹ a tha eadar-dhealaichte.

² gun bhi 'nur n-aobhar oibheim.

³ focail (Dé.)

⁴ m'earbsa.

⁵ saorsa.

⁶ fhaghail.

⁷ chum cur air aghaidh bhuir creidimh agus bhuir gàirdeachais.

⁸ uamhas, eagal, ghorag.

⁹ thugadh gu saor.

¹⁰ tiom-chridheachd.

¹¹ toirt aire do'n aon nì.

PHILIPPIANACH, II. III.

nach do mheas e 'na reubainn e féin bhi comh-ionann ri Dia:

7 Ach chuir se e féin ann an dimeas¹, a' gabhail air féin cruth seirbhisich, air a dheanamh ann an coslas dhaoine:

8 Agus air dha bhi air fhaghail ann an cruth mar dhuine, dh'irioslaich se e féin, agus bha e ùmhail gu bàs, eadhon bàs a' chroinn-cheusaidh.

9 Air an aobhar sin dh'àrdaich Dia e gu ro àrd mar an ceudna, agus thug e dha ainm os ceann gach uile ainme:

10 Chum do ainm² Iosa gu'n lùbadh gach glùn, do *nithibh a ta* air nèamh, agus do *nithibh a ta* air thalamh, agus do *nithibh a ta* fo 'n talamh;

11 Agus gu'n aidicheadh gach teangadh gure Iosa Crìosd an Tighearn, chum glòire Dhé an Athar.

12 Uime sin, a mhuinntir mo ghràidh, mar a bha sibh ùmhail a ghnàth, cha'n e a mhàin a'm' làthair-sa, ach nìs ro mhò as mo làthair, làn-oibrichibh bhur slàinte féin le h-eagal agus ball-chrith.

13 Oir is e Dia a dh'oibricheas annaibh, araon an toil agus an guìomh³ a réir a dheadh-ghean féin.

14 Deanaibh na h-uile nithe gun ghearran⁴, agus gun deasboireachd:

15 Chum gu'n bi sibh neo-choireach, agus neo-chronail⁵, 'nur cloinn do Dhia, neo-lochdach, am meadhon ginealaich fhiair agus chrosda⁶, measg am bheil sibhse a' dealrachadh mar lòchrain sholuis san t-saoghal;

16 A' cumail a mach⁷ focail na beatha; chum gu'n dean mise uail ann an là Chrìosd, do bhrìgh nach do ruith mi gu diomhain, agus nach do shaothraich mi gu diomhain.

17 Seadh agus ma dh'ìobrar mi air iob-airt agus seirbhis fhollaiseach bhur creidimh-sa, tha aoibhneas orm, agus tha mi a' deanamh gàirdeachais maille⁸ ribhse uile.

18 Air an dòigh cheudna biodh aoibhneas oirbh-se, agus deanaibh gàirdeachas maille rium-sa.

19 Ach a ta dòchas agam anns an Tighearn Iosa, Timoteus a chur gu goirid do 'ur n-ionnsuidh, chum gu'm bi mise mar an ceudna ann an deadh mhisnich, air dhomh fios fhaotainn ciod is cor dhuibh-se.

20 Oir cha'n 'eil duine air bith agam comh-ionann intinn ris-san, air am bi curam nan nithe a bhuineas dhuibh-se gu dùrachdach.

21 Oir tha na h-uile ag iarraidh nan nithe a bhuineas doibh féin, cha'n iad na

nithe a bhuineas do Iosa Crìosd.

22 Ach is aithne dhuibh a dhearbhadh-san, mar mhac d'a athair, gu'n d'rinn e seirbhis maille rium-sa anns an t-soisgeul.

23 Uime sin tha dùil agam esan a chur do 'ur n-ionnsuidh air ball, co luath as a chi mi ciod is cor dhomh féin.

24 Ach tha earbsa agam anns an Tighearn, gu'n tig mi féin do 'ur n-ionnsuidh gu h-aithghearr mar an ceudna.

25 Gidheadh mheas mi gu'm b'fhcumail Epaphroditus mo bhràthair, agus mo chomh-oibriche, agus mo chomh-shaighdear, ach bhur teachdair-sa, agus an ti a fhrithheil do m'uireasbhuidh, a chur do 'ur n-ionnsuidh.

26 Oir bha déidh mhòr aige oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs: gidheadh rinn Dia tròcair air; agus cha b'ann airsan a mhàin, ach ormsa mar an ceudna, chum nach biodh doilgheas air muin doilgheis orm.

28 Uime sin bu togarraiche a chuir mi do 'ur n-ionnsuidh e, chum air dhuibh fhaicinn a ris, gu'm biodh aoibhneas oirbh, agus gu'm bu lughaid mo dhoilgheas-sa.

29 Air an aobhar sin, gabhaibh ris san Tighearn leis an uile aoibhneas, agus biodh meas mòr agaibh air an leithidibh sin:

30 Do bhrìgh, air son oibre Chrìosd, gu robh e dlùth do'n bhàs, agus nach robh suim aige d'a bheatha⁹ féin, chum gu'n deanadh e suas uireasbhuidh bhur seirbhis-sa do m' thaobh-sa.

CAIB. III.

1 *Thug Pòl rabhadh do na Philipianaich iad bhi air am faicill o luchd-teagaisg bréige an timchioll-ghearraidh; 4 nochd e gu bheil aige féin tuilleadh aobhair na aca-san, earbsadh a' fireantachd an lagha; 7 nì gidheadh mheas e mar aolach agus chall chum Iosa Crìosd agus 'flàireantachd-san a chosnadh.*

OS bàrr, mo bhràithre, deanaibh gairdeachas san Tighearn. Gu deimhin cha leasg¹⁰ leam-sa na nithe ceudna a sgrìobhadh do bhur n-ionnsuidh, ach dhuibh-se tha so tèaruinn¹¹.

2 Bithibh air bhur faicill o mhadraibh, bithibh air bhur faicill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a ta deanamh aoraidh do Dhia san Spiorad, agus a' deanamh gàirdeachais ann an Iosa Crìosd, agus nach 'eil a cur muinghin san fheadil:

¹ dh'fholamhuich se e féin.

² ann an ainm.

⁴ mhonnhor.

³ an deanamh.

⁵ glan, neo-thruaillidh.

⁶ tharsuing.

⁸ maraon.

¹⁰ chruaidh, doilich.

⁷ os àird.

⁹ anam.

¹¹ sàbhailta.

4 Ged dh'fheudainn-sa mar an ceudna muinghin bhi agam san fheòil. Ma shaoileas aon neach eile gu'm feud e muinghin a chur san fheòil, is mò *na sin a dh'-fheudas* mise:

5 Air mo thimchioll-ghearradh air an ochdamh là, do clinneach Israeil, do thréibh Bheniamin, a'm' Eabhruidheach do na h-Eabhruidhich; a réir an lagha, a'm' Phairiseach;

6 A thaobh eud, a' deanamh geur-leanmhuinn air an eaglais; a réir na fireantachd a ta san lagh, neo-choireach.

7 Ach na nithe a bha 'nam buannachd dhomh, mheas mi iad sin 'nan call air son Chrìosd.

8 Seadh gun amharus, agus tha mi a' meas nan uile nithe 'nan call, air son ro òirdheirceis¹ eòlais Iosa Crìosd mo Thigh-earna: air son an d' fhuiling mi call nan uile nithe, agus tha mi a' meas gur aolach iad chum gu cosnainn² Crìosd,

9 Agus gu faighear ann-san mi, gun m'fhìreantachd féin agam, a ta o'n lagh, ach an *fhìreantachd* sin a ta tre chreidimh Chrìosd, an fhìreantachd a ta o Dhia tre chreidimh:

10 Chum eòlas a bhi agam airsan, agus air cumhachd³ aiseirigh-san, agus air comh-chomunn⁴ 'fhulangais, air bhi dhomh air mo chur ann an coslas crutha r'a bhàis³;

11 Dh'fheuchainn am feudainn air aon chor teachd chum aiseirigh nam marbhadh.

12 Cha'n e gu'n d'ràinig mi cheana, no gu bheil mi cheana foirfe: ach tha mi a' leantuin, dh'fheuchainn am faigh mi greim do'n ni sin féin air son an do ghabhadh greim dhìom le Iosa Crìosd.

13 A bhràithre, cha'n 'eil mi a' meas gu'n do ghlac mi greim: ach aon ni a ta mi a' deanamh, air dhomh na nithe a ta air mo chùil a dhì-chuimhneachadh, agus bhi 'g am shìneadh féin chum nan nithe a ta romham,

14 Tha mi a' dian-ruith dh'ionnsuidh a' chomhara, chum duaise⁴ àrd-ghairme Dhé ann an Iosa Crìosd.

15 Uime sin, mheud dhinne's a ta dìongmhalta, biodh an inntinn so againn: agus ma tha sibh ann an ni sam bith air atharrachadh inntinn, foillsichidh Dia an ni so féin duibh.

16 Gidheadh, an ni air an d'ràinig sinn a cheana, gluaiseamaid a réir aoìn riaghailt, bithemaid a dh'aon inntinn.

17 A bhràithre, bithibh-sa le chéile 'nur luchd-leanmhuinn ormsa, agus thugaibh an aire dhoibh-san a tha gluasad air an dòigh sin mar a ta sinne 'nar n-eisempleir agaibh.

18 (Oir a ta mòran a' gluasad, mu'n dubhairt mi gu minic ribh, agus mu'n bheil mi nis, eadhon a' gul, ag ràdh ribh, gur naimhdean iad do chrann-ceusaidh Chrìosd:

19 D'an deireadh bhi air an sgrios, d'an dia am brù; agus aig am bheil an glòir 'nan nàire, aig am bheil an aire air nithibh talmhaidh.)

20 Oir a ta ar caithe-beatha-ne⁵ air nèamh, an t-ionad as am bheil dùil againn fòs ris an t-Slànuighear, an Tighearn Iosa Crìosd;

21 A chruth-atharraicheas ar corp dìblidh, chum gu'n deanar e comh-chosmhuil r'a chorp glòrmhor féin, a réir an oibreachaidh leis am bheil e comasach air na h-uile nithe a chur fo cheannsal féin.

CAIB. IV.

1 O chomhairlibh mionaideach, 4 chaidh an t-abstol air aghaidh chum earrailean coitichom; 10 nochd e cionnus a rinn e gairdeachas air son an tabhartais dha, agus e 'na luidhe am prìosan; 19 agus chrìochnaich e le h-urnuigh agus beamachdaibh.

UIME sin, mo bhràithre gràdhach agus air am bheil mo dhéidh, m'aoibhneas agus mo chrùn, seasaibh mar so gu daingean san Tighearn, a mhuinntir mo ghràidh.

2 Tha mi a' guidhe air Euodias, agus tha mi a' guidhe air Sintiche, iad a bhi dh'aon inntinn san Tighearn.

3 Agus tha mi ag iarraidh ortsa mar an ceudna, a chompanaich dhileis, dean còmhnaidh ris na mnàibh sin a rinn saothair maille rium-sa san t-soisgeul, maille ri Clemens, agus a' chuid eile do m' chomh-oibrichibh, aig am bheil an ainmean ann an leabhar na beatha.

4 Deanaibh gairdeachas san Tighearn a ghnàth: a ris a ta mi ag ràdh, Deanaibh gairdeachas.

5 Biodh bhuir measarrachd⁶ follaiseach do na h-uile dhaoineibh. Tha 'n Tighearn am fagus.

6 Na biodh ro-chùram ni sam bith oirbh: ach anns gach uile ni le h-urnuigh agus asluchadh maille ri breith-buidheachais, biodh bhuir n-iarrtuis air an deanamh aithnichte do Dhia.

7 Agus coimhididh sìth Dhé, a ta thar gach uile thuigse, bhuir cridhe agus bhuir n-inntinn ann an Iosa Crìosd.

8 Fa dheoidh, a bhràithre, ge b'e nithe ta fìor, ge b'e nithe ta urramach⁷, ge b'e nithe ta ceart, ge b'e nithe ta fìor-ghlan, ge b'e nithe ta ion-ghràidh⁸, ge b'e nithe ta ionmholt; ma tha deadh-bheus⁹ air bith ann, ma tha moladh air bith ann, smuainichibh air na nithibh sin.

9 Na nithe sin araon a dh'fhòghluim,

¹ ro phrìseileachd.

² gur e mo bhuanachd.

³ air mo dheanamh a réir a bhàis.

⁴ gill.

⁵ giùlan, comhbhasaid.

⁶ cothrom, ciùineas.

⁷ ciatach. ⁸ a ta gràdhach, càirdail. ⁹ subhailte.

PHILIPIANACH, IV.

agus a ghabh sibh, agus a chual agus a chunnaic sibh annam-sa, deanaibh : agus bithidh Dia na sìthe maille ribh.

10 Ach rinn mi gàirdeachas gur mòr san Tighearn do bhrìgh gu'n d'ath-ùraicheadh nis fa dheireadh bhuir cùram umam-sa; ni mar an ceudna anns an robh sibh cùramach, ach cha robh cothrom agaibh.

11 Cha'n e gu bheil mi a' labhairt¹ a thaobh uireasbhuidh : oir dh'fhòghluim mi, ge b'e staid am bheil mi, bli toilichte.

12 Is aithne dhomh bli ìosal, agus is aithne dhomh mar an ceudna pailteas a mhealtuinn : anns gach àit, agus anns na h-uile nithibh theagaisgeadh mi, araon a bli sàthach agus ocrach, araon pailteas a shealbhachadh agus uireasbhuidh fhulang.

13 Is urrainn mi na h-uile nithe a dheanamh tre Chrìosd, a neartaicheas mi.

14 Gidheadh, is maith a rinn sibh gu'n do chomh-phàirtich sibh ri m' thrioblaid.

15 Agus a nis biodh fhios agaibh-sa, a Philipianacha, ann an toiseach an t-soisgeil, nuair a dh'fhàg mi Macedonia, nach do roinn eaglais air bith rium-sa,

thaobh tabhairt agus gabhail, ach sibhse a mhaìnn.

16 Oir eadhon ann an 'Tesalonica chuir sibh aon uair agus a rìs a m' ionnsuidh leasachadh do m' uireasbhuidh.

17 Cha'n e gu bheil mi ag iarraidh tabhartais : ach a ta mi ag iarraidh toraidh a bhios pailte chum bhuir cumntais-sa.

18 Ach a ta mi sealbhachadh nan uile nithe, agus tha pailteas agam : lìonadh mi, air dhomh na nithe fhaotainn o Epaphroditus a chuireadh uaibh-sa, fàile deadh-chùbhraidh², iobairt thaitneach, anns am bheil tlachd aig Dia.

19 Ach leasaichidh mo Dhia-sa bhuir n-uireasbhuidh uile, a réir a shaoibhreis ann an glòir, tre Iosa Crìosd.

20 A nis do Dhia agus ar n-Athair-ne gu robh glòir ghlu saoghal nan saoghal. Amen.

21 Cuiribh fàilte air gach nìle naomh ann an Iosa Crìosd. Tha na bràithrean a tha maille rium, a' cur fàilte oirbh.

22 Tha na naomh nìle a' cur fàilte oirbh, gu h-àraidh iadsan a tha do theaghlach Cheasair.

23 Gràs ar Tighearna Iosa Crìosd gu robh maille ribh uile. Amen.

¹ Ni h-e gu'n labhran.

² fàile deadh-bholaidh

LITIR AN ABSTOIL PHOIL

CHUM NAN

COLOSIANACH.

CAIB. I.

1 An dèigh fàilte chur air na Colosianaich, thug Pol buidheachas do Dhia air son an creidimh, 7 dhaingnich e teagasg Epaphrais, 9 ghuidh e gu'm biodh an gràs air a mheidachadh, 14 chuir e an cèill cò e am fìor Chrìosd, 21 agus thug e misneach dhoibh gu gabhail ri Crìosd.

POL abstol Iosa Crìosd tre thoil Dé, agus Timoteus ar bràthair.

2 Chum nan naomh agus nam bràthar dileas ann an Crìosd, a tha ann an Colose : Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha sinn a' toirt buidheachais do Dhia, agus Athair ar Tighearna Iosa Crìosd, a' sìor-dheanamh ùrnuigh air bhuir son-sa;

4 O chuala sinn iomradh bhuir creidimh ann an Iosa Crìosd, agus bhuir gràidh do na naomhaibh uile;

5 Air son an dòchais a ta air a thasgaidh fa'ur comhair air nèamh, air an

cuala sibh iomradh roimh ann am focal firinn an t-soisgeil :

6 A thàinig do 'ur n-ionnsuidh-sa, mar anns an t-saoghal uile; agus a tha toirt toraidh uaith, mar a ta e deanamh mar an ceudna 'nur measg-sa¹, o'n là anns an cuala sibh e, agus san d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Epaphras ar comh-sheirbhiseach gràdhach-ne, a tha air bhuir son-sa 'na mhinistear dileas do Chrìosd;

8 A chuir an cèill dhuinne mar an cend-na bhuir gràdh-sa anns an Spìrad.

9 Air an aobhar so, cha'n eil sinne mar an ceudna a' sguir o'n là a chuala sinn e, do dheanamh ùrnuigh air bhuir son-sa, agus a ghuidheadh gu'm biodh sibh air bhuir lìonadh le eòlas a thoile, san uile ghliocas agus thuigse spìradail;

10 Chum gu'n ghuaiseadh sibh gu cubhaidh do'n Tighearn chum gach uile thoileachaidh², a' toirt toraidh uaibh san uile

¹ annaibh-se.

² chum a thoileachadh sna h-uile nithibh.

dhicadh obair, agus a' fàs ann an còlas Dé;

11 Air blur neartachadh leis an uile neart a réir a chumhachd ghlàrmhoir-san, chum an uile fhoighidín agus fhad-fhuil-angais maille ri gàirdeachas.

12 A' tabhairt buidheachais do'n Athair, a rinn sinne iomchuidh chum bhì 'nar luchd-comhpairt dooighreachd nan naomh san t-solus:

13 A shaor sinn o chumhachd an dorchadais, agus a dh'atharraich sinn chum rioghachd Mic a ghràidh-san:

14 Anns am bheil againn saorsa tre 'fhuil-san, eadhon maitheanas nam peacadh:

15 Neach a's e ìomhaigh¹ an Dé neo-fhaicsinnich, ceud-ghin a' chruthachaidh uile²:

16 Oir is ann leis-san a chruthaicheadh na h-uile nithe a ta air nèamh, agus a ta air talamh, faicsinneach agus neo-fhaicsinneach, ma's àrd-chaithrichean iad, no tighearnais, no uachdararachda, no cumhachda; is ann leis-san agus air a shon-san a chruthaicheadh na h-uile nithe:

17 Agus tha esan roimh na h-uile nith-³bh, agus trid-san tha na h-uile nithe a' comh-sheasamh.

18 Agus is e ceann a' chuirp, eadhon na h-eaglais: neach a's e an toiseach, an ceud-ghin o na marbhaibh; chum gu'm biodh aige àrd-cheannas anns na h-uile.

19 Oir b'e deadh thoil an Athar, gu'n còmhnuicheadh gach uile ìomlanachd ann-san;

20 Agus gu'm biodh na h-uile air an deanamh rèidh ris féin trid-san, air dha sìth a dheanamh tre fhuil a chroimn-cheusaidh-san; trid-san, a ta mi ag ràdh, ma's nithe iad a ta air talamh, no nithe a ta air nèamh.

21 Agus sibhse a bha uair-éigin 'nur coimhich, agus 'nur naimhaidh ann bhur n-inntinn thaobh dhroch oibre, nis rinn e rèidh ris féin.

22 Ann an corp 'fheòla féin tre'n bhàs, chum sibhse a chur naomha, agus neo-lochdach, agus neo-choireach, 'na làth-air-san:

23 Ma dh'fhanas sibh anns a' chreidimh bunaiteach³ agus daingean, gun bhì air bhur n-atharrachadh o dhòchas an t-soisgeil, a chuala sibh, agus a shearmonaicheadh do gach uile chreutair a ta fuidh nèamh; air an d'riuneadh mise Pòl a'm' mhinistear.

24 Tha mi nis a' deanamh gàirdeachais ann am fhuilangasaibh air bhur sonsa, agus a' coimhlionadh mheud's a ta dhéigh-làimh do àmhgharaibh Chrìosd

ann am fheòil, air son a chuirp-san, eadhon na h-eaglais:

25 D'an d'rinneadh mise a'm' mhinistear, a réir stiùbhardachd Dhé a thugadh dhomh air bhur son-sa, a choimhlionadh focail Dé;

26 Eadhon an rùn-diomhair a bha folaichte o na linnibh, agus o na ginealach-aibh a chaidh seachad, ach a nis a tha air fhoillseachadh d'a naomhaibh-san:

27 D'am bu toil le Dia fhoillseachadh ciod e saoihbreas glòire an rùn-diomhair so am measg nan Cinneach; neach a's e Crìosd annaibh-sa, dòchas⁴ na glòire;

28 Neach a ta sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghliocas; chum gu nochd sinn gach uile dhuine 'na làthair-san ìomlan ann an Iosa Crìosd:

29 An ni chum am bheil mise mar an ceudna a' saothreachadh, a' deanamh sbairn a réir 'oibreachaidh-san, a tha 'g oibreachadh annam gu cumhachdach.

CAIB. II.

1 Dh'earalaich Pòl na Colosianaich a bhi bunait-each ann an Crìosd, 8 agus a bhi air am faicill o bheul-athrisibh-diomhain, 18 o aoradh do aing-libh, 20 agus o dheas-ghnàthachaidh an lagha, nithe a chrìochnaicheadh ann an Crìosd.

OIR b'ail leam fios a bhi agaibh ciod e mend mo chòmhraig air bhur sonsa, agus air son na dream a ta ann an Laodicea, agus air son a mheud nach fhaca m'aghaidh anns an fheòil:

2 Ionns gu'm faigheadh an cridhe sòlas, air dhoibh bhì air an dlùth-cheangal r'a chéile ann an gràdh, agus chum uile shaoibhreis an làn dearbh-bheachd tuiغه, chum eòlais⁵ rùin-diomhair Dhé, eadhon an Athar, agus Chrìosd;

3 Anns am bheil uile ìomhais a' ghliocais agus an eòlais folaichte.

4 Agus so a ta mi ag ràdh, air eagal gu mealladh neach air bith sibh le briathraibh tairngeach⁶.

5 Oir ged tha mi uaibh san fheòil, gidheadh a ta mi maille ribh san Spiorad, a' deanamh gàirdeachais, agus a' faicinn bhur n-orduigh, agus seasmhachd⁸ bhur creidimh ann an Crìosd.

6 Uime sin mar a ghabh sibh do 'ur n-ionnsuidh an Tighearn Iosa Crìosd, ghuaisibh ann:

7 Air dhuibh bhì air bhur freumhachadh agus air bhur togail suas annsan, agus air bhur daingneachadh sa' chreidimh, a réir mar a theagaisgeadh sibh, a' meudachadh ann le breith-buidheachais.

8 Thugaibh an aire nach dean neach

¹ coslas, riochd.

³ stéidhichte.

² nan uile chreutair.

⁴ muinghin.

⁵ aidmheil.

⁷ aoibhneis.

⁶ seòlta, drùiteach.

⁸ daingneachd.

air bith foinneart oirbh¹ tre fheallsanachd² agus mealltaireachd dhìomhain, a réir beul-aithris³ dhaoine, a réir ceud-thoiseacha an t-saoghail, agus cha'n ann a réir Chrìosd:

9 Oir annsan tha uile iomlanachd⁴ na diadhachd a' gabhail còmhnuidh gu cor-porra.

10 Agus tha sibhse coimhionta annsan, neach a's e ceann gach uile uachdaranachd agus chumhachd;

11 Anns am bheil sibh mar an ceudna air bhur timchioll-ghearradh leis an timchioll-ghearradh nach d'rinneadh le làmh-aibh, ann an cur dhibh cuirp pheacanna na feòla, le timchioll-ghearradh Chrìosd:

12 Air dhuibh bhi adhlaithe maille ris ann am baisteadh, anns am bheil sibh mar an ceudna air bhur togail suas maille ris tre chreidimh oibreachaidh Dhé, a thog suas esan o na marbhaibh.

13 Agus sibhse a bha marbh 'nur n-euceartaibh agus ann an neo-thimchioll-ghearradh bhur feòla bheothaich e maille ris, a maithheadh dhuibh nan uile euceart;

14 A' dubhadh a mach làmh-sgrìobhaidh nan orduighean do ar taobh-ne⁵, a bha 'nar n-aghaidh, agus thug e as an t-slighe i, air dha a sparradh ri a chrann-ceusaidh-san:

15 Air dha uachdaranachdan agus cumhachdan a chreachadh⁶, rinn e ball-sampuill diubh gu follaiseach, a' dean-amh buaidh-chaitheirm os an ceann tre'n chrann ud féin.

16 Uime sin na tugadh aon neach breth oirbh air son bìdh, no dìbhe, no thaobh là féille, no gealaich nuaidhe, no shàbaide;

17 A ta 'nan sgàile air na nithibh a ta ri teachd; ach is le Crìosd an corp.

18 Na mealladh aon neach bhur duais uaibh le irioslachd thoileil⁷, agus aoradh do ainglibh, a' foinneadh a steach gu dàna chum nan nithe⁸ nach fac e, gu dìomhain air a shéideadh suas le 'inntinn fheòlmhoir féin;

19 Agus gun an ceann a chumail, o'm bheil an corp uile, air dha bhi air a bheathachadh tre altaibh agus bhannaibh, agus air a dhùth-cheangal r'a chéile, a' fàs le fàs Dé.

20 Uime sin ma fhuair sibh bàs maille ri Crìosd o cheud-thoiseachaibh an t-saoghail, c'ar son, mar dhaoine a ta beò san t-saoghal, a tha sibh fuidh orduighibh,

21 (Na bean ri, na blais, na làimsich;

22 Nithe a théid uile a neo-ni le'n gnàthachadh,) a réir àitheantan agus

teagasga dhaoine?

23 Nithe gun amharus aig am bheil samhlaibh gliocais ann an aoradh féin-thoile agus irioslachd, agus mi-chaoimh-nadh a' chuirp, cha'n ann an urram sam bith chum sàsachaidh na feòla⁹.

CAIB. III.

1 Nochd Pòl do na Colosianaich c'àit an còir dhuinn Crìosd iarraidh: 5 Chomhairlich e dhoibh an ana-mianna fèdmhor a chlaoidh, 10 an seann duine chur dhiubh, agus Crìosd a chur umpa; 12 dh'earalaich e iad chum seirce, is irioslachd, agus iomad dh'leasdanais eile.

UIME sin ma dh'èirich sibh maille ri Crìosd, iarraidh na nithe a ta shuas, far am bheil Crìosd 'na shuidhe aig deas làimh Dhé.

2 Suidhichibh bhur n-aighe air na nithibh a ta shuas, agus cha'n ann air na nithibh a ta air an talamh.

3 Oir a ta sibh marbh, agus tha bhur beatha folaichte maille ri Crìosd ann an Dia.

4 'Nuair a dh'fhoillsichear Crìosd, neach a's e ar beatha-ne, an sin bithidh sibhse mar an ceudna air bhur foillseachadh maille ris ann an glòir.

5 Uime sin claidhibh¹⁰ bhur buill a ta air an talamh, stripachas, neòghloine, fonn-collaidh, ana-mianna, agus sannt, ni a's iodhol-aoradh;

6 Nithe air son am bheil fearg Dhé a' teachd air cloinn na h-eas-ùmhachd,

7 Anns an robh sibhse mar an ceudna a' gluasad uair-éigin¹¹, 'nuair a bha sibh a' caitheadh bhur beatha 'nam measg¹².

8 Ach a nis cuiribh-sa uaibh na nithe so uile; fearg, corruich, mì-run, toibheum, cainnt shalach as bhur beul.

9 Na deanaibh breug d'a chéile, do bhrìgh gu'n do chuir sibh dhibh an seann duine maille r'a ghnìomharaibh,

10 Agus gu'n do chuir sibh umaibh an duine nuadh, a tha air ath-nuadhachadh ann an eòlas, a réir ìomhaigh an tì a chruthaich e.

11 Far nach 'eil Greugach no Iudhach, timchioll-ghearradh, no neo-thimchioll-ghearradh, duine borb¹³, Sìtianach, daor no saor: ach is e Crìosd na h-uile, agus anns na h-uile.

12 Uime sin cuiribh-sa umaibh, (mar dhaoine taghta Dhé, naomha agus ionmhuinn,) innigh¹⁴ thròcaire, caomhalachd, irioslachd inntinn, macantas¹⁵, fad-fhul-angas;

13 A' giùlan le chéile, agus a' maith-eadh d'a chéile, ma tha cùis ghearrain aig

¹ cohartach dhibh. ² fhèghlum saoghalta.

³ teagasg dhaoine o làimh gu làimh.

⁴ lànachd.

⁵ a bha gabhail romhainn.

⁶ fhaobhachadh, chur as an armaibh.

⁷ dheònach.

⁸ ga shàthadh féin sna nithibh.

⁹ ach gun fheum sam bith chum sàsachaidh na feòla.

¹⁰ marbhaibh.

¹¹ roimh.

¹² fadhaich, barbarra.

¹³ tiom-chridhe.

¹⁵ ciùineas.

neach an aghaidh neach: mar a thug Criosd maithneas dhuibhse, mar sin deanaibh-sa mar an ceudna.

14 Agus thar na nithibh so uile, *cuiribh umaibh gràdh*¹, ni a's e coimhcheangal na foirfeachd.

15 Agus biodh sìth Dhé a' riaghladh am bhur cridhe, chum am bheil sibh mar an ceudna air bhur gairm ann an aon chorp; agus bithibh taingeil.

16 Gabhadh focal Chriosd còmhnuidh annaibh gu saoi bhir san uile ghliocas, a' teagasg agus a' comhairleachadh a chéile le salmaibh, agus laoidhibh, agus dànaibh spioradail, a' deanamh ciùil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh *iad* uile ann an ainm an Tighearna Iosa, a' toirt buidheachais do Dhia, eadhon an t-Athair trid-san.

18 A mhnà, bithibh ùmhal do 'ur fear-aibh féin, mar is cubhaidh, anns an Tighearn.

19 Fheara-pòsda, gràdhaichibh *bhur* mnà, agus na bithibh searbh² 'nan aghaidh.

20 A chlann, bithibh ùmhal do 'ur pàrantaibh anns na h-uile nithibh: oir a ta so taitneach do'n Tighearn.

21 Aithriche, na brosnuichibh bhur clann *chum fèirge*, air eagal gu'n caill iad am misneach.

22 A sheirbhiseacha, bithibh ùmhal do 'ur maighstiribh a réir na feòla, anns na h-uile nithibh; cha'n ann le seirbhis-sùl, mar dhream a ta toileachadh dhaoine, ach ann an tréibhdhireas³ cridhe, ann an eagal Dé:

23 Agus ge b'e air bith ni a ni sibh, deanaibh o bhur cridhe e, mar do'n Tighearn, agus cha'n ann do dhaoineibh;

24 Air dhuibh fios a bhi agaibh, gu'm faigh sibh o'n Tighearn duals na h-oighreachd: oir is ann do'n Tighearn Criosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-eucorach a rinn e: agus cha'n 'cil leth-bhreth ann.

CAIB. IV.

1 *Chuir Pòl impidh air na Colosianaich bhi dùrachdach ann an urnuigh, 5 agus gluasad gu glie thaobh na muinntir sin nach 'eil fathast air teachd chum fìor eòlais Chriosd.* 10 *Chuir e fàilte orra, agus ghuidh e gach uile ghnè seirbhis doibh.*

A MAIGHSTIREAN, thugaibh do 'ur seirbhisich an ni sin a tha ceart agus cothromach, air dhuibh fios a bhi agaibh, gu bheil agaibh féin maighstir mar an ceudna air nèamh.

2 Buanachibh ann an urnuigh, a' deanamh faire innte le breith-buidheachais;

3 Ag urnuigh mar an ceudna air ar son ne, chum gu fosgladh Dia dhuinn dorus na h-ùr-labhaird, a chur an céill⁴ rùindiomhair Chriosd, air son am bheil mise ann an cuibhreachaibh:

4 Chum gu foillsich mi e, mar is còir dhomh labhairt.

5 Gluaisibh ann an gliocas thaobh na dream sin a ta an leth muigh, ag athcheannach⁵ na h-aimsir.

6 Biodh bhur còmhraidh a ghnàth ann an gràs⁶, air a dheanamh blasda le salann, chum gu'm bi fhios agaibh cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministear dileas, agus comh-sheirbhiseach san Tighearn, gach ni dhuibh mu m' thimchioll-sa:

8 A chuir mi do 'ur n-ionnsuidh chum na crìche so féin, gu'm biodh fios bhur staidhe-sa aige, agus gu'n tugadh e comh-fhurtaghd do 'ur cridheachaibh.

9 Maille ri Onesimus, bràthair dileas agus gràdhach, a tha dhihb' féin. Ni iad aithnichte dhuibh na h-uile nithe *a tha* an so.

10 Tha Aristarchus mo chomh-phriosanach a' cur fàilte oirbh, agus Marcus, mac peathar do Bharnabas, (mu 'n d' fhuair sibh àitheanta; ma thig e do 'ur n-ionnsuidh, gabhaibh ris;)

11 Agus Iosa, ris an abrar Iustus, muinntir a tha do'n timchioll-ghearradh. 'S iad sin a mhàin *mo* chomh-oibrichean chum rioghachd Dhé, a bha 'nan comh-fhurtaghd domh.

12 Tha Epaphras, a tha dhihb' féin, seirbhiseach Chriosd, a' cur fàilte oirbh, a ghnàth a' deanamh bàirn dhùrachdach air bhur son ann an urnuighibh, chum gu seas sibh foirfe, agus coimhlionta ann an uile thoil Dhé.

13 Oir tha mi deanamh fianuis dha, gu bheil aige mòr theas-gràdh dhuibh-se, agus dhoibh-san a tha ann an Laodicea, agus do'n mhuinntir a tha ann an Hierapolis.

14 Tha Lucas an léigh gràdhach, agus Demas a' cur fàilte oirbh.

15 Cuiribh fàilte air na bràithribh a tha ann an Laodicea, agus air Nimphas, agus air an eaglais *a tha* 'na thigh.

16 Agus an uair a leughar an litir so 'nur measg-sa, thugaibh fa'near gu'n leughar i ann an eaglais nan Laodiceanach mar an ceudna; agus gu'n leugh sibhse cuideachd *an litir* o Laodicea.

17 Agus abraibh ri Archipus, Thoir an aire do'n mhinistirealachd a fhuair thu san Tighearn, gu'n coimhlion thu i.

18 Fàilte uam-sa Pòl le m' làimh féin. Cuimhnichibh mo chuibhreacha. Gràs *gu robh* maille ribh. Amen.

¹ seirce, carthannachd.

² garg.

⁴ a labhairt.

⁵ a' fuasgladh.

³ aon-fhàilteachd.

⁶ le gràs, gràsail.

⁷ uaibh.

TESALONIANACH.

CAIB. I.

1 *Thug Pòl fios do na Tesalonianaich co chuimhneachail as a bha e orra anns gach àm, ann am breith-buidheachais agus ùrnuigh air an son; 5 agus mar an ceudna co dhearbhta 's a bha e do fhìrinn, agus do thrèibhdhìreas an creidimh, agus an iompachaidh ri Dia.*

POL, agus Siluanus, agus Timoteus chum eaglais nan Tesalonianach, a tha ann an Dia an t-Athair, agus anns an Tighearn Iosa Crìosd: gràs duibh, agus sìth o Dhia ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia a ghnàth air bhur son-sa uille, a' toirt iomraidh oirbh ann ar n-ùrnuighibh-ne;

3 A' cuimhneachadh gun sgur obair bhur creidimh, agus saothair *blur* gràidh, agus foighidin bhur dòchais 'nar Tighearn Iosa Crìosd, am fianuis Dé, agus ar n-Athar-ne:

4 Air dhuinn fios a bhi againn, a bhràithre gràdhaichte le Dia, air bhur taghadh-sa¹.

5 Oir cha d'fhàinig ar soisgeul-ne do 'ur n-ionnsuidh-sa ann am focal a mhàin, ach mar an ceudna ann an cumhachd, agus anns an Spiorad naomh, agus ann am mòr làn-dearbhadh; mar is aithne dhuibh ciod a' ghnè dhaoine bha annainn 'nur measg air bhur sona.

6 Agus rinneadh sibh 'nur luchd-lean-mhuinn oirne, agus air an Tighearn, 'nuair a ghabh sibh ris an fhocal ann am mòr-àmlghar, le h-aobhneas an Spioraid naomh:

7 Ionnsu gu robh sibh 'nur n-eisempleiribh² dhoibh-san uille a thia creidsinn ann am Macedonia, agus ann an Achaia.

8 Oir uaibhse chaidh fuaime focal an Tighearna mach, cha'n ann a mhàin ann am Macedonia agus ann an Achaia, ach mar an ceudna anns gach àit, tha bhur creidimh ann an Dia air a sgaoileadh a mach, ionnsu nach 'eil feum air sinne a labhairt ni air bith.

9 Oir a ta iad fèin a' foillseachadh mu

ar timchioll-ne, ciod a ghne dol a steach a bha againn do 'ur n-ionnsuidh-sa, agus cionnus a phill sibh chum Dhé o iodhol-aibh, a dheanamh seirbhais do'n Dia bheò agus fhìor,

10 Agus gu feithcamh r'a Mhac o nèamh, a thog e suas o na marbhaibh, eadhon Iosa o shaor³ sinne o'n fheirg a ta ri teachd.

CAIB. II.

1 Chuir Pòl an cèill cionnus a chaidh an soisgeul a shearmonachadh do na Tesalonianaich, agus ciod an dòigh air an do ghabh iad ris. 17 *Thug e reuson seachad c'ar son a bha e co fhada uatha, agus mar an ceudna c'ar son a ta nis a thogradh co mòr r'am faicinn.*

OIR is aithne dhuibh fèin, a bhràithre, ar dol-ne a steach do 'ur n-ionnsuidh, nach robh e ann an dìomhanas:

2 Ach fòs air dhuinn fulang roimh, agus an déigh ar maslachaidh ann am Philipi, mar is aithne dhuibh, bha dànaehd againn ann ar Dia-ne soisgeul Dé a labhairt ribhse ann am mòr-ghleachd⁴.

3 Oir cha robh ar n-earail-ne o mheall-taireachd, no o neòghloine, no ann an ceilg:

4 Ach mar a mheasadh sinne le Dia iomchuidh gu'm biodh an soisgeul air earbsadh ruinn, is amhuil sin a labhramaid, cha'n ann mar dhream a tha toilleachadh dhaoine, ach Dhé, a tha dearbhadh ar cridheacha.

5 Oir cha do ghnàthaich sinn uair air bith briathra miodalach, mar is aithne dhuibh, no leithsgeul saintt; 's e Dia ar fianuis:

6 Ni mò dh'iarr sinn urram⁵ o dhaoineibh, no uaibhse, no o dhaoineibh eile, ged fheudamaid ar trom a leagadh oirbhse, mar abstola Chriosd.

7 Ach bha sinn caomh 'nur measg-sa, amhuil a dh'altrumas⁶ banaltrum a clann fèin:

8 Mar sin, ar bhi dhuinne ro dheidheil oirbhse⁷, bu toileach leinn cha'n e mhàin soisgeul Dhé a phàirteachadh⁸ ribh, ach mar an ceudna ar n-anama fèin do bhrìgh gu robh sibh ro ionmhuinn leinn.

¹ air bhur taghadh-sa le Dia.

² samhachasaidh. ³ a slaoras.

⁴ maille ri gleachda mòr.

⁵ glòir.

⁶ dh'eiridneas.

⁷ ro dheothasach umaibh-se.

⁸ a chomh-roinn.

I. TESALONIANACH, II. III.

9 Oir is cuimhne leibh, a bhràithre, ar saothair, agus ar sgìos-ne: oir air dhuinn bli ri h-obair a dh'oidhche agus a là, chum nach cuireamaid trom air neach sam bith agaibh, shearmonaich sinn duibh soisgeul Dé.

10 Is fianuisean sibhse, agus Dia, cia naomha, agus cia còthromach¹, agus neo-lochdach a ghiùlain sinne sinn féin 'nur measg-sa a ta creidsinn:

11 Mar is aithne dhuibh cionnus a dh'-carailich sinn, agus a thug sinn comh-fhurtachd, agus a chuir sinn impidh air gach aon agaibh fa leth, (mar a nì Athair d'a chloinn,)

12 Gu'n gluaisheadh sibh gu cubhaidh do Dhia, a ghairm sibh chum a rìoghachd agus a ghloire féin.

13 Uime sin a ta sinne mar an ceudna a' toirt buidheachais do Dhia gun sgur, do bhrìgh 'nuair a ghabh sibh ri focal Dé a chuala sibh uainne, gu'n do ghabh sibh ris cha'n ann mar fhocal dhaoine, ach, (mar is e gu fìrinneach,) focal Dé, a tha 'g oibreachadh gu h-éifeachdach annaibh-sa a ta creidsinn.

14 Oir rinneadh sibhse, a bhràithre, 'nur luchd-leanmhuinn air eaglaisibh Dhé, ann an Iudea, a tha ann an Iosa Crìosd: oir dh'fhuiling sibhse na nithe ceudna o bhur luchd-duthcha féin, mar a dh'fhuiling iadsan o na h-Iudhaich:

15 A chuir araon an Tighearn Iosa, agus am fàidhean féin gu bàs, agus a rinn geur-leanmhuinn oirne; agus nach 'eil a' toil-eachadh Dhé, agus a tha'n aghaidh nan uile dhaoine:

16 A tha bacadh dhinne labhairt ris na Cinnich, chum gu'm biodh iad air an tèar-nadh², chum sir-lìonaidh suas am peac-anna: oir thàinig an fhearg orra mu dheireadh³.

17 Ach air dhuinne, a bhràithre, bhì air ar dealachadh uaibhse rè tamuil blig am pearsa, ach cha'n ann an cridhe, is ro mhòid a rinn sinn dìchioll air bhur n-aghaidh fhaicinn le mòr-thogradh.

18 Uime sin bu mhiann leinn teachd do 'ur n-ionnsuidh, (eadhon leam-sa Pòl,) uair no dhà: ach bhàc Satan sinn.

19 Oir ciod e ar dòchas-ne, no ar n-aoibhneas, no ar crùn-uaille? nach sibhse féin e am fianuis ar Tighearna Iosa Crìosd aig a theachd?

20 Oir is sibhse ar glòir-ne agus ar n-aoibhneas.

CAIB. III.

1 Dhearbh Pòl a mhòr-ghràdh do na Tesalonianaich, le Timoteus a chur d'an ionnsuidh chum an neartachadh agus comhfhurtachd a thoirt doibh, agus

le a ghairdeachas 'nan deadh ghiùlan, 18 agus le urnaigh a dheanamh air an son.

AIR an aobhar sin, an uair nach b'urrainn sinn cumail oirnn féin ni b' fhaide, bu taitneach leinn bhì air ar fàgail 'nar n-aonar am baile na h-Aithne:

2 Agus chuir sinn Timoteus ar bràthair agus ministèr Dhé, agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh nu thimchioll bhur creidimh;

3 Chum nach gluaisteadh⁴ neach air bith agaibh leis na trioblaidibh so; oir a ta fhios agaibh féin gu'n d'orduicheadh sinn a dh'ionnsuidh so.

4 Oir gu deimhin, an uair a bha sinn maille ribh, dh'innis sinn duibh roimhlàimh, gu robh sinn gu àmhghar⁵ fhulang; eadhon mara thachair, agus is aithne dhuibh.

5 Air an aobhar so, 'nuair nach robh mise comasach air cumail orm féin ni b' fhaide, chuir mi a dh'fhaghail fios mu 'ur creidimh, air eagal air chor sam bith gu'n do bhuair am buaireadair sibh, agus gu'm biodh ar saothair-ne dìomhain.

6 Ach a nis an uair a thàinig Timoteus uaibhse do ar n-ionnsuidh-ne, agus a thug e deadh sgeul duinn mu bhur creidimh agus bhur gràdh, agus gu bheil cuimhne mhaith agaibh oirne a ghuàth, a' miannachadh gu mòr sinne fhaicinn, amhuil a ta sinne mar an ceudna sibhse fhaicinn.

7 Uime so, a bhràithre, fhuair sinne comhfhurtachd do 'ur taobh ann ar n-uile àmhghar agus theinn, tre bhur creidimh-sa:

8 Oir a ta sinne beò a nis, ma sheasas sibhse gu buaiteach san Tighearn.

9 Oir ciod am buidheachas a dh'fheudas sinn locadh do Dhia as bhur leth-sa, air son an aoibhneis sin uile leis am bheil sinn ri gairdeachas do 'ur taobh am fianuis ar Dé-ne,

10 A dh'oidhche agus a là a' guidhe gu ro dhùrachdach gu faiceamaid bhur n-aghaidh-sa, agus gu leasaicheamaid uircasbhuidh bhur creidimh?

11 A nis gu deanadh Dia féin, eadhon ar n-Athair, agus ar Tighearna Iosa Crìosd ar slighe-ne a threòrachadh do 'ur n-ionnsuidh-sa.

12 Agus gu tugadh an Tighearn oirbh fàs agus bhì ro phailt ann an gràdh d'a chéile, agus do na h-uile dhaoimibh, mar a ta sinne dhuibhse;

13 Chum gu daingnich e bhur cridheacha neo-choireach ann an naomhachd am fianuis Dé, eadhon ar n-Athar-ne, aig

¹ h-ionraic.

² slànuchadh.

³ agus a' chuid a's faide.

⁴ gluaisheadh.

⁵ trioblaid.

I. TESALONIANACH, III. IV. V.

teachd ar Tighearna Iosa Criosd maille r'a naomhaibh¹ uile.

CAIB. IV.

1 Chuir Pòl ìmpidh air na Tesalonianaich dol air an aghaidh anns gach uile ghné dhiadhachd, 6 am beatha a chaitheadh gu naomha agus gu cothromach, 9 a chéile a ghràdhachadh, 11 agus an gnothuichean féin a leantuinne gu sàmhach.

OS bàrr ma ta, a bhràithre, cuireamaid a dh'ìmpidh agus a dh'atlichuinge oirbh tre'n Tighearna Iosa, mar a fhuair sibh uainne cionnus is coir dhuibhimeachd, agus Dia a thoileachadh, gu meudaicheadh sibh mar sin ni's mò agus ni's mò.

2 Oir a ta fhios agaibh ciod iad na h-àitheantan a thug sinne dhuibh tre'n Tighearna Iosa.

3 Oir is i so toil Dhé, eadhon bhur naomhachadh-sa, sibh a sheachnadh strìopachais:

4 Gu'm b'aithne do gach aon agaibh a shoitheadh féin a shealbhachadh ann an naomhachd, agus ann an urram²;

5 Cha'n ann ann am fonn ana-miannach, mar a ni na Cinnich aig nach 'eil eòlas air Dia:

6 Gun neach air bith a dheanamh eucoir no mealltaireachd sa' chùis air a bhràthair; do bhrìgh gur e'n Tighearna a ni dìoghaltas air an uile leithidibh sin, a réir mar a dh'innis sinne mar an ceudna duibh roimh, agus a rinn sinn fianuis.

7 Oir cha do ghairm Dia sinne gu neò-gliloine, ach gu naomhachd.

8 Uime sin an neach a ni tàir, cha'n ann air duine tha e deanamh tàir, ach air Dia, a thug dhuinne a Spiorad naomh féin.

9 Ach a thaobh gràidh bràthaireil, cha'n 'eil feum agaibh mise a sgrìobhadh do 'ur n-ionnsuidh: oir a ta sibh féin air bhur teagasg o Dhia gràdh a thoirt d'a chéile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-ìomlan: ach guidheamaid oirbh, a bhràithre, sibh a mheudachadh ni's mò agus ni's mò;

11 Agus gu'n dean sibh bhur dìchioll a bhi ciùin, agus bhur gnothuiche féin a dheanamh, agus saothreachadh le 'ur làmhaibh féin, (amhuil a dh'àithn sinne dhuibh);

12 Chum gu'n ghuais sibh gu cubhaidh thaobh na muinntir sin a ta 'n leth muigh, agus nach bi uireasbhuidh ni sam bith oirbh.

13 Ach cha b'àill leam, a bhràithre, sibh a bhi aineolach thaobh na muinntir sin a tha 'nan codal, chum nach dean sibh bròn, eadhon mar dhaoine eile aig nach 'eil dòch-as.

14 Oir ma chreideas sinn gu'n d'fhuair Iosa bàs, agus gu'n d'éirich e ris, amhuil sin mar an ceudna an dream a choidil ann an Iosa, bheir Dia maille ris.

15 Oir so a ta sinn ag ràdh ribh ann am focal an Tighearna, nach bi againne a tha beò agus a dh'fhàgar gu teachd an Tighearna, toiseach orra-san a tha 'nan codal.

16 Oir thig an Tighearna féin a nuas o nèamh le àrd-iolaich³, le guth an àrd-aingil, agus le trompaid Dhé: agus éiridh na mairbh ann an Criosd air tùs:

17 An déigh sin, sinne a bhios beò agus a dh'fhàgar, togar suas sinn maille riusan anns na neulaibh, an còdhail an Tighearna san athar: agus mar sin bithidh sinn gu sìorruidh maille ris an Tighearna.

18 Uime sin thugaibh comhfhurtachd d'a chéile leis na briathraibh so.

CAIB. V.

1 Chaidh an t-àstol air aghaidh ann an labhairt mu theachd Chriosd gu breitheanas, 16 thug e iomadh comhairle seachad, 23 agus chomh-dhùin e an litir.

ACH mu thimchioll nan aimsirean agus nan àm cha'n 'eil feum agaibh-sa, a bhràithre, mise a sgrìobhadh do 'ur n-ionnsuidh.

2 Oir a ta sàr fhios agaibh féin gu'n tig là an Tighearna mar ghaduiche san oidhche.

3 Oir an uair a their iad, Sìth agus tèaruinteachd, an sin thig sgrìos obann orra, mar shaothair air mnaoi thorraich; agus cha téid iad as.

4 Ach cha'n 'eil sibhse, a bhràithre, san dorchadas, ionnus gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là: cha'n ann do'n oidhche, no do'n dorchadas sinn.

6 Uime sin na coidleamaid mar dhaoine eile; ach deanamaid faire agus bitheamaid stuama⁴.

7 Oir an dream a choidleas, is anns an oidhche a choidleas iad: agus an dream a tha air mhisg, is anns an oidhche tha iad air mhisg.

8 Ach bitheamaid-ne a tha do'n là stuama, a' cur oirnn uchd-éididh a' chreidimh agus a' ghràidh, agus mar chlogaid, dòch-as⁵ na slàinte.

9 Oir cha d'orduich⁶ Dia sinn chum feirge; ach chum slàinte fhaotainn tre ar Tighearna Iosa Criosd,

10 A fhuair bàs air ar son, chum co aca is faireach no codal dhuinn, gu'm bith-eamaid beò maille ris.

11 Uime sin thugaibh comhfhurtachd d'a chéile, agus togaibh suas gach aon a chéile, eadhon mar a ta sibh a' deanamh.

¹ maille r'a ainglibh naomha.

² onoir.

³ gair.

⁴ measarra.

⁵ earbsa.

⁶ cha do shourraich.

I. TESALONIANACH, V.

12 Agus guidheamaid oirbh, a bhràithre, aithne bhí agaibh air an dream a tha saothreachadh 'nur measg, agus a tha os blhur ceann san Tighearn, agus a tha 'gur eomhairleachadh;

13 Agus meas mòr a bhli agaibh dhìmh ann an gràdh air son an oibre. Bithibh sìochail 'nur measg féin.

14 Anis guidheamaid oirbh, a bhràithre, thugaibh rabhadh dhoibh-san a tha mi-riaghailteach, thugaibh eomhfhurtachd dhoibh-san a tha lag-chridheach, cumaibh suas iadsan a ta anmhunn¹, bithibh foighidneach a thaobh nan uile dhaoine.

15 Feuchaibh nach òc neach ole air son uile do dhuine sam bith; ach leanaibh-sa a ghnàth an ni a ta maith, araon do 'ur taobh féin, agus a thaobh nan uile dhaoine.

16 Deanaibh gàirdeachas a ghnàth.

17 Deanaibh urnuigh gun sgur.

18 Anns gach uile ni thugaibh buidh-eachas; oir is i so toil Dé ann an Iosa

Criosd do 'ur taobh.

19 Na mùchaibh an Spiorad.

20 Na deanaibh tàir air fàidheadair-eachd.

21 Dearbhaibh na h-uile nithe: eumaibh gu daingean an ni sin a ta maith.

22 Seachnaibh gach uile choslas uile.

23 Agus gu deanadh Dia na sìthe féin naomha sibh gu h-iomlan; agus *gu deònaicheadh Dia* gu'm bi blhur n-uile spiorad, agus anam, agus ehorp air an gleidheadh gu neo-choireach, gu teachd ar Tighearna Iosa Criosd.

24 *Is* fìrinneach an Ti a ta 'gur gairm, neach mar an ceudna a ni e.

25 A bhràithre, deanaibh urnuigh air ar son-ne.

26 Cuiribh fàilte air na braithribh uile le pòig naoimh.

27 Tha mi a' sparradh oirbh á h-uchd an Tighearna, gu'n leughar an litir so do na bràithribh naomha uile.

28 *Gu robh* gràs ar Tighearna Iosa Criosd maille ribh. Amen.

¹ *deanaibh cùl-taice dhoibh-san a ta lag.*

DARA LITIR AN ABSTOIL PHOIL

CHUM NAN

TESALONIANACH.

CAIB. I.

1 *Thug Pol fios do na Tesalonianaich air an deadh bharail a ta aige mu'n creidimh, an gràdh, agus am foighidin; 5 agus ghnàthaich e reusona chum eomhfurtachd a thoirt doibh fo'n geur-leanmhuinn, gu h-àraidh o chcart-bhreitheanas Dé.*

POL, agus Siluanas, agus Timoteus, chum eaglais nan Tesalonianach, ann an Dia ar n-Athair, agus anns an Tighearn Iosa Criosd:

2 Gràs *gu robh* dhuibh, agus sìth o Dhia ar n-Athair, agus o'n Tighearn Iosa Criosd.

3 Tha e mar fhiachaibh oirne buidh-eachas a thoirt do Dhia a ghnàth air bhur son-sa, a bhràithre, mar is cubhaidh, do bhrìgh gu bheil bhur creidimh a' fàs gu ro mlior, agus gu bheil gràdh gach aoin agaibh uile a' meudachadh d'a chéile:

4 Ionns gu bheil sinne féin a' deanamh uaille asaibh-sa ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh agus àmhgharaibh a tha sibh a' fulang:

5 *Ni a ta* na chomhara follaiseach air ceart-bhreitheanas Dé, ehum gu measar gur airidh sibhse air ròghachd Dhé, air son am bheil sibh a' fulang:

6 Do bhrìgh gur ceart an ni do Dhia, àmhghar iocadh dhoibh-san a ta cur àmh-

glair oirbh;

7 Agus dhuibhse a ta fo àmhghar, fois maille ruinne, 'nuair a dh'fhoillsichear an Tighearn Iosa o nèamh, maille r'a ainglibh cumhachdach,

8 Ann an teine lasarach, a' deanamh dioghaltais air an dream aig nach 'eil eòlas air Dia, agus nach 'eil ùmhal do shoisgeul ar Tighearna Iosa Criosd.

9 Muinntir air an deanar peanas le sgrios sìorruidh o làthair an Tighearn, agus o ghlòir a chumhachd.

10 'Nuair a thig e gu bhì air a ghlòrachadh 'na naomhaibh, agus chum gu'n deanar iongantach e anna-san uile a ta creidsinn san là sin, (do bhrìgh gu'n do chreideadh ar fianuis-ne 'nur measg-sa.)

11 Air an aobhar so, tha sinne mar an ceudna a' deanamh sìr-urnuigh air bhur sonsa, chum gu meas ar Dia-ne gur airidh sibhse air a' ghairm so, agus gu'n eomh-lion e uile dheadh-ghean a mhaitheis, agus obair a' ehreidimh le cumhachd:

12 Chum gu'm bi ainm ar Tighearna Iosa Criosd air a ghlòrachadh annaibh-sa, agus sibhse ann-san, a réir gràis ar Dé-ne, agus an Tighearna Iosa Criosd.

CAIB. II.

1 *Is àill le Pòl gu'm buanaicheadh na Tesalonianaich san fhìrinn ris an do g'abh iad; 3 nochd e*

II. TESALONIANACH, II. III.

gu'm bi claoonadh o'n chreidimh ann, 9 agus gu'm foillsichear an t-ana-criosd roimh theachd là an Tighearna.

ANIS guidheamaid oirbh, a bhràithre, thaobh¹ teachd ar Tighearna Iosa Criosd, agus ar comh-chruinneachaidh-ne d'a ionnsuidh,

2 Gun sibh bhi gu h-ealamh air bhuir-crathadh² 'nur n-intinn, no fo bhuair-eas³, le spiorad, no le focal, no le litir, mar uainne, mar gu'm biodh là Chriosd am fagus.

3 Na mealladh neach sam bith sibh air aon chor: oir cha *tig an là sin* mur tig air tuis tréigeadh-creidimh, agus mur foillsichear duine sin a' pheacaidh, mac an sgrios;

4 A tha cur an aghaidh agus 'ga àrdachadh féin os ceann gach ni ris an abrar Dia, no d'an deanar aoradh⁴; ionnus mar Dhia gu bheil e 'na shuidhe ann an team-pull Dhé, 'ga nochdadh féin gur Dia e.

5 Nach cuimhne leibh, gu'n d'innis mi na nithe so dhuibh?

6 Agus is aithne dhuibh ciod a tha bacadh nis e bhi air fhoillseachadh 'na àm féin.

7 Oir a ta rùn-diomhair na h-ain-diadhachd ag oibreachadh cheana, a mhàin gus an toirear air falbh an ti a ta nis a' bacadh⁵.

8 Agus an sin foillsichear an t-aingidh sin, a chlaoidheas an Tighearn le anail⁶ a bheoil féin, agus d'an cur e as le dealradh a theachd:

9 *Eadhon esan*, aig am bheil a theachd a réir oibreachaidh Shatain, maille ris an uile chumhachd, agus chomharaibh, agus iongantasaibh breugach,

10 Agus maille ri uile mhealltaireachd na h-eucorach anntasan a chaillear, a chionn nach do ghabh iad gràdh na firinn, chum gu tearuinteadh iad.

11 Agus air a shon so cuiridh Dia treun-oibreachadh meallaidh d'a ionnsuidh, ionnus gu'n creid iad a bhreug:

12 Chum gu'm bi iad uile air an dìteadh, nach do chreid an fhìrinn, ach aig an robh tlachd anns an eucor.

13 Ach a ta e mar fhiachaibh oirne buidheachas a thoirt do Dhia a ghlàth air bhuir son-sa, a bhràithre, ionmhuinn do'n Tighearn, do bhrìgh gu'n do thagh Dia sibh o thus chum slàinte, tre naomhachadh an Spioraid, agus creidsinn na firinn:

14 Chum an do ghairm e sibh tre ar soisgeul-ne, chum sibh a dh'fhaotainn

glòire ar Tighearna Iosa Criosd.

15 Uime sin, a bhràithre, seasaibh gu daingean, agus cumaidh na teagasgan a thugadh dhuibh, co dhiubh is ann le focal, no le ar litir-ne.

16 A nis gu'n tugadh ar Tighearn Iosa Criosd e féin, agus Dia, eadhon ar n-Athair-ne, a ghràdhaich sinn, agus a thug *dhuinn* sòlas sìorruidh, agus dòch-as maith tre ghràs,

17 Comhfhurtachd do 'ur cridhe-sa, agus gu daingnicheadh e sibh anns gach uile dheadh fhocal agus ghniomh.

CAIB. III.

1 *Dh'iarr Pòl urnuigh nan Tesalonianach air a shon féin; 3 chuir e an cèill meud an earbsa a tha aige asda; 5 ghuidh e Dia as an leth; 6 thug e iomadh comhairle orra, gu h-àraidh iad a sheachnadh dìomhanais, agus droch cuideachd.*

ENA dheoidh, a bhràithre, deanaibh urnuigh air ar son-ne, chum gu'n ruith focal an Tighearn, agus gu'm bi e air a glùrachadh mar ann bhuir measg-sa;

2 Agus chum gu saorar sinne o dhaoineibh mi-reusonta agus olc: oir cha'n ann aig na h-uile a ta creidimh.

3 Ach a ta an Tighearn dileas, a dhaingnicheas agus a choimhideas o'n olc⁷ sibh.

4 Agus a ta earbsa againn san Tighearn do 'ur taobh-sa, gu bheil sibh araon a' deanamh, agus gu'n dean sibh na nithe a tha sinn ag àithneadh dhuibh.

5 Agus gu seòladh an Tighearn bhuir cridheacha chum gràidh Dhé, agus chum foighidin Chriosd⁸.

6 A nis àithneamaid dhuibh, a bhràithre, ann an ainm ar Tighearna Iosa Criosd, sibh féin a dhealachadh ris gach uile bhràithair a tha 'ga imeachd gu mi-riaghailteach, agus cha'n ann a réir an teagaisg a fhuair e uainne.

7 Oir a ta fhios agaibh féin cionnus is còir dhuibh ar lorg-ne leantuinn: oir cha do ghiùlain sinne féin gu mi-riaghailteach 'nur measg;

8 Ni mò a dh'ith sinn aran duine sam bith a nasgaidh; ach le saothair agus an-shocair, a dh'oidheche agus a là ri li-obair, chum nach cuireamaid ar trom air aon agaibh;

9 Cha'n e nach 'eil comas⁹ againn, ach a chum gu'n deanamaid sinn féin 'nar n-eisempleir dhuibh-se, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gun e dh'itheadh *bìdh*.

11 Oir tha sinn a' chuinntinn gu bheil

¹ trid.

² fo uideal.

³ mhaoim, ghioraig.

⁴ a ta urramach.

⁵ a mhàin an nì a ta cur bacadh a nis bacadh e gus an taircar air falbh e.

⁶ spiorad.

⁷ o'n droch spiorad.

⁸ fèitheamh gu foighidneach ri Criosd.

⁹ ughdarras, còir.

I. TIMOTEUS, I.

daoine àraidh ag imeachd gu mi-riaghailteach 'nur inneas, nach 'eil a' deanamh oibre sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earail orra tre ar Tighearn Iosa Crìosd, le saothreachadh gu ciùin, gu'n ith iad an aran féin.

13 Agus sibhse, a bhràithre, na sgèithichibh do dheanamh maith.

14 Agus ma ta neach sam bith nach toir ùmhlaichd do ar focal-ne tre an litir so, comharaichibh esan, agus na biodh comh-

luadar agaibh ris, chum gu'm bi nàire air-
15 Gidheadh na measaibh e mar nàmlhaid, ach thugaibh comhairle air mar bhràthair.

16 A nis gu'n tugadh Tighearna na sìthe e féin sìth dhuibhse a ghnàth air gach aon chor. *Gu robh an Tighearn maille ribh uile.*

17 Fàilte uamsa Pòl le mo làimh féin, ni a's e an comhara anns gach uile litir: mar so tha mi a' sgrìobhadh.

18 Gràs ar Tighearna Iosa Crìosd *gu robh maille ribh uile.* Amen.

CEUD LITIR AN ABSTOIL PHOIL

CHUM

THIMOTEUIS.

CAIB. I.

1 *Tha an t-ordugh a thugadh do Thimoteus 'nuair a chaidh Pòl do Mhacedonia, air a chur an cuimhne dha.* 5 *Mu thimchioll feum dligeach an lagha,* 11 *agus gairm Phòil gu bhi 'na abstol;* 23 *agus mu thimchioll Himeneüs agus Alecsander.*

POL abstol Iosa Crìosd, a réir àithne Dhé ar Slànuighir, agus an Tighearna Iosa Crìosd, *neach a's e ar dòchas;* 2 Chum Thimoteuis m'fhìor mhic anns a' chreidimh: Gràs, tròcair, agus sìth o Dhia ar n-Atlair, agus o Iosa Crìosd ar Tighearn.

3 Mar a dh'iarr mi ort fantuinn ann an Ephesus, 'nuair a chaidh mi do Mhacedonia chum gu'n tugadh tu ordugh do dhream àraidh gunatharrachadh teagaisg a thoirt uatha;

4 Agus gun aire a thoirt do sgeulachdaibh, agus do shloinnteachd neo-chrìochnaich, a bheir aobhar do cheisdibh, nì's mò na do fhòghlum diadhaidh, a tha tre chreidimh: *dean mar sin.*

5 A nis is e a's crìoch do'n àithne gràdh a' cridhe glan, agus á coguis mhaith, agus á creidimh neo-chealgach:

6 Nìthe air do dhream àraidh claonadh uatha, chaidh iad a thaobh chum dìomhanais caimte;

7 A' miannachadh bhi 'nan luchd-teagaisg an lagha, agus gun iad a' tuigsinn cìod a ta iad ag ràdh, no cìod iad mu'm bheil iad a' toirt cinnte.

8 Ach tha fhios againn gu bheil an lagh maith, ma ghnàthaicheas neach gu dligeach e:

9 Air do fhios so a bhi aige, nach ann do dhuine fireanach a dh'orduicheadh an lagh, ach do dhaoineibh neo-dhligeach agus cas-ùmhal, dhoibh-san a ta mi-diadhaidh agus do pheacaich, do dhaoineibh mi-naomha agus neo-chràbhach, do

luchd-marbhaidh aithriche agus do luchd-marbhaidh mhàithriche, do luchd-mortaidh,

10 Do luchd-striopachais, do luchd anamiana mi-nàdurra, do luchd-goid dhaoine, do bhreugairibh, do luchd-eithich, agus ma tha ni sam bith eile a tha'n agaidh teagaisg fhallain,

11 A réir soisgeil ghlòrmhoir an Dé bheannaichte, a dh'earbadh rium-sa.

12 Agus a ta mi a' toirt buidheachais do Iosa Crìosd ar Tighearn, a neartaich mi, do bhrìgh gu'n do mheas e mi dìleas, 'gam chur sa' mhinstreileachd;

13 A bha roimh a'm' fhear-labhairt toibheim, agus a'm' fhear geur-leannmhuinn, agus a'm' dhuine eucorach. Ach fhuair mi tròcair, do bhrìgh gu'n d'rinn mi so tre aineolas, ann am mi-chreidimh:

14 Agus bha gràs ar Tighearna thar tomhas ro phailte *dhomh*, maille ri creidimh, agus ri gràdh a ta ann an Iosa Crìosd.

15 Is fìor an ràdh so, agus is airidh e air gach aon chor air gabhail ris, gu'n d'thàinig Iosa Crìosd do'n t-saoghal a thèarnadh phcacadh; d'am mise an ceudfhear.

16 Gidheadh, air a shon so fhuair mi tròcair, chum gu'm foillsicheadh Crìosd annam-sa air tús an uile fhad-fhulangas, mar shaimpleir¹ dhoibh-san a chreideadh ann, an déigh so, chum na beatha maireannach.

17 A nis do'n Rìgh shiorruidh, neothruaillidh, neo-flaicsinneach, do Dhia a ta mhàin glic, *gu robh* urram agus glòir, gu saoghal nan saoghal. Amen.

18 An àithne so tha mi ag earbsadh riut, Thimoteuis a mhic, a réir nam fàidhead

¹ shamhlachas.

I. TIMOTEUS, I. II. III.

nireachd a rinneadh umad roimh so, chum trid-san gu'n cogadh tu deadh chogadh;

19 A' coimhead creidimh agus deadh choguis; ni air do chuid do dhaoineibh a chur uatha, rinn iad long-bhriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shatan, chum le'n smachdachadh gu'm fòghlumadh iad gun toibheum a labhairt.

CAIB. II.

1 Nochd Pòl gur còir urnuigh agus breith-buidheachais a ghnàthachadh air son nan uile dhaoine. 9 Cionnus is còir do mhnàibh bhì air an sgeadachadh: 12 cha 'n 'eil e cadaichte dhoibh teagasg a thoirt uatha.

THA mi ag iarraidh uime sin, roimh na h-uile nithibh, gu'n deanar athchuinge, urnuighean, eadar-ghuidhe, agus breith-buidheachais air son nan uile dhaoine:

2 Air son rìghrean, agus air son nan uile a tha ann an ùghdarras: chum gu'n caith sinn ar beatha gu foisneach agus gu sìochail, anns an uile dhìadhachd agus chiatachd.

3 *Oir tha* so maith agus taitneach am fianuis Dé ar Slànuighir:

4 Neach leis an àill na h-uile dhaoine bhì air an tèarnadh¹, agus iad a theachd chum eòlas na firinn.

5 *Oir is aon Dia a ta* ann, agus aon eadar-mheadhonair eadar Dia agus daoine, an duine Iosa Crìosd;

6 A thug e féin 'na éiric² air son nan uile, mar fhianuis ann an àm iomchuidh:

7 Chum an d'orduicheadh mise a'm shearmonaiche, agus a'm' abstol, (tha mi a' labhairt na firinn ann an Crìosd, cha 'n 'eil mi a' deanamh³ bréige,) a'm' fhear-teagaisg nan Cinneach ann an creidimh agus ann am firinn.

8 Uime sin is àill leam na fir a dheanamh urnuigh sgach àit, a' togail suas làmhha naomha gun fheirg, gun amharus: 9 Air an dòigh chudna, na mnà a chur eudaich iomchuidh umpa, 'gan sgeadachadh féin le nàisneachd agus stuaim: cha'n ann le casadh an gruaige, no le h-òr, no le neamhnuidibh, no le culaidhibh luach-mhor;

10 Ach, (mar is cubhaidh do mhnàibh a tha 'g aideachadh diadhachd,) le deadh oibribh.

11 Fòghlumadh a' bhean ann an ciùineas leis an uile ùmhlachd.

12 Ach cha 'n 'eil mi a' ceadachadh⁴ do mhnàoi teagasg a thoirt uaipe⁵, no

ceannas a ghlacadh air an fhear, ach i bhì 'na tosd.

13 *Oir is e Adhamh a chruthaich*eadh air tús, agus 'na dhéigh sin Eubha.

14 Agus cha b'e Adhamh a mhealladh, ach air do'n mhnàoi bhì air a mealladh, bha i sa' chionta.

15 Gidheadh tèarnar i tre bhreith cloinne, ma bhunaicheas iad ann an creidimh, agus ann an gràdh, agus ann an naomhachd, maille ri stuaim.

CAIB. III.

1 *Ciod iad na buaidhean a's còir bhì air na h-eas-buigibh, agus air na deaconaibh, agus air am mnàibh:* 14 agus c'ar son a sgrìobh Pòl na nithe so gu Timoteus. 15 *Mu thimchioll na h-eaglais, agus na firinn beannaichte a ta air a teagasg innte.*

IS ràdh fìor so, Ma tha togradh aig aon duine chum dreuchd easbuig⁶, tha e miannachadh deadh oibre.

2 Uime sin is còir do easbuig bhì neo-lochdach, 'na fhear aoin mhnà, faireil, ciallach⁷, deadh-bheusach, fialuidh⁸, ealamh gu teagasg;

3 Gun bhì na phòitear⁹, gun bhì buailteach, gun bhì déidheil air buannachd shalaich; ach macanta, neo-thuasaid-each¹⁰, neo-shanntach;

4 'Na dhuine a riaghlas a thigh féin gu maith, aig am bheil a chlann fo smachd maille ris an uile shuidheachadh-inntinn¹¹;

5 (*Oir mur aithne do dhuine a thigh féin a riaghladh, cionnus a ghabhas e cùram do eaglais Dhé?*)

6 Gun bhì 'na nuadh-chreideach, air eagal, air dha bhì air atadh le li-uabhar, gu'n tuit e ann an dìteadh an diabhail.

7 Is còir dha mar an ceudna deadh theisteach bhì aige uatha-san a ta 'n leth muigh; air eagal gu'n tuit e ann an scainnil¹², agus ann an ribe an diabhail.

8 Mar an ceudna is còir do na deaconaibh¹³ bhì suidhichte, gun an teagadh bhì leam leat, gun bhì cionail¹⁴ air mòran fìona, gun bhì déidheil air buannachd shalaich,

9 A' cumail rùn-dìomhair a' chreidimh ann an coguis ghloin.

10 Agus biodh iadsan mar an ceudna air an dearbhadh an toiseach; agus an sin gnàthaich iad dreuchd deacon¹⁵, air dhoibh bhì air am faghail neo-choir-each.

11 Is amhuil sin is còir do na mnàibh¹⁶ bhì suidhichte, gun bhì 'nan luchd-tuail-

¹ slànuchadh, saoradh.

³ ni'n deanam.

⁵ uaithe.

⁷ crìonna, stuama.

⁹ trom air fìon.

² luach-saoraidh.

⁴ ni'n ceadachd.

⁶ oifig fir-coimhid.

⁸ daonnachdach.

¹⁰ neo-charroideach.

¹¹ chudthromachd, fhoannmhoireachd.

¹² aithis.

¹³ do'n luchd-frithealaidh.

¹⁴ ceistil, déidheil.

¹⁵ fritheileadh iad.

¹⁶ d'am-mnàibh.

I. TIMOTEUS, III. IV. V.

cis¹; *ach bhi measarra, ionraic sna h-uile nithibh.*

12 Bìodh na deacoin 'nam fir aoine mhà, a' riaghladh an cloinne, agus an tighe féin gu maith.

13 Oir an dream a ghnàthaich dreuchd deacoin gu maith, tha iad a' cosnadh deadh cheum dhoibh féin, agus dànachd mhòr sa' chreidimh, a tha ann an Iosa Crìosd.

14 Tha mi a' sgriobhadh nan nithe so a d' ionnsuidh, an dòchas teachd gu grad a d' ionnsuidh:

15 Ach ma ni mi moille, chum gu'm bi fhios agad cionnus is còir dhuith thu féin a ghiùlan ann an tigh Dhé, ni a's e eaglais an Dé bheò, post agus stéidh-dhaingnich² na firinn.

16 Agus gun amharas is mòr rùn-dìomhair na diadhachd: dh'fhoillsich eadh Dia san fheòil, dh'fhìreanaicheadh e san spiorad, chunncas le ainglibh e, shearmonaicheadh e do na Cinnich, chreideadh ann air an t-saoghal, ghabhadh suas e chum glòire.

CAIB. IV.

1 *Roimh-innis Pòl gu'n téid daoine anns na h-aimsiribh deireannach air seacharan o'n chreidimh; 6 agus chum nach biodh Timoteus a dhéidh-laimh na dhleasdanas, thug e comhairlean cag-samhuil air.*

ANIS a ta an Spiorad ag ràdh gu soilleir, anns na h-aimsiribh deireannach³ gu'n tréig dream àraidh an creidimh, a' toirt aire do spioradaibh mealltach, agus do theagasgaibh dheamhan;

2 Tre cheilg bhreugairean⁴, air bhi d'an coguisibh air an losgadh le iarunn dearg;

3 A' toirmeasg pòsaidh agus ag iarraidh bidheanna a sheachnadh, a chruthaich Dia chum an gabhail maille ri breith-buidheachais leosan a ta creidsinn, agus aig am bheil eòlas na firinn.

4 Oir is maith gach ni a chruthaich Dia, agus cha'n ion ni sam bith a dhiùltadh, a ghabhar le breith-buidheachais:

5 Oir a ta e air a naomhachadh le focal Dé agus le h-urnuigh

6 Ma chuireas tu na nithe so an cuimhne do na bràithribh, bithidh tu a'd' dheadh mhinisteir do Iosa Crìosd, air t'altrum suas ann am briathraibh a' chreidimh, agus an deadh theagaisg, air an do ghabh thu eòlas⁵:

7 Ach diùlt sgeulachda mi-dhiadhaidh shean bhan, agus cleachd thu féin chum diadhachd.

8 Oir a ta an cleachda corporra tarbh-

ach chum beag nithe; ach a ta'n diadhachd tarbhach chum nan uile nithe, aig am bheil gealladh na beatha a ta làthair, agus a chum teachd.

9 Is ràdh firinneach so, agus is airidh e air gach aon chor air gabhail ris.

10 Oir is ann uime so a ta sinn an dà chuid ri saothair, agus a' fulang maslaidh, do bhrìgh gu bheil dòchas⁶ againn san Dia bheò, neach a's e Slànuighear nan uile dhaoine, gu h-àraidh nan creideach.

11 Aithn agus teagaisg na nithe so.

12 Na deanadh duine sam bith tarceis air t'òige; ach bi thusa a'd' eisempleir⁷ do na creidich, ann am focal, ann an caithe-beatha, ann an gràdh, ann an spiorad, ann an creidimh, ann am fìor-ghloine.

13 Gus an tig mi, thoir an aire do leugh-airiachd, do earail, do theagasg.

14 Na dearmad an tiodhlac a ta annad, a thugadh dhuith tre fhàidheadaireachd, maille ri leagadh làmh na scanaireachd ort.

15 Smuainich air⁸ na nithibh sin; thoir thu féin gu tur dhoibh, chum gu'm bi do theachd air d'aghaidh follaiseach do na h-uile.

16 Thoir aire dhuith féin, agus do d' theagasg; buanaich anna: oir le so a dheanamh, saoraidh tu araon thu féin, agus iadsan a tha 'g éisdeachd riut.

CAIB. V.

1 *Riaghailtean a's còir a leantuinn ann an cronachadh. 3 Mu bhantrachaibh. 17 Mu shean-airibh. 23 Comhairle do Thimoteus mu thimchioll a shlàinte, &c.*

NA garg-chronaich seanair, ach cuir ìmpidh air mar athair, agus air na h-òig-fhir mar bhràithribh;

2 Na mnà aosa mar mhàithrichibh, na mnà òga mar pheathraichibh, maille ris an uile fìor-ghloine.

3 Thoir urram do bhantrachaibh a tha 'nam bantrachaibh da rìreadh.

4 Ach ma tha bantrach air bith aig am bheil clann no oghachan, fòghlumadh iad air tìs bhi dleasdànach 'nan tighibh féin, agus ath-dhiol a thoirt d'am pàrant-aibh: oir a ta so maith agus taitneach am fianuis Dé.

5 A nis cuiridh ise a ta 'na bantraich da rìreadh, agus air a fàgail 'na h-aonar, a dòchas ann an Dia, agus buanaichidh i a là agus a dh'oidheche ann an athcheuingibh, agus ann an urnuighibh.

6 Ach ise a tha caitheadh a beatha ann macuus⁹, air dhi bhi beò, tha i marbh.

7 Uime sin aithn na nithe so dhoibh, chum gu'm bi iad neo-lochdach.

¹ luchd-càineadh.

² bunait.

³ na h-aimsiribh ri teachd.

⁴ labhairt bhreug ann an ceilg.

⁵ air an d'ràinig thu.

⁶ earbsa.

⁷ shamhlachas.

⁸ Gabh cùram do.

⁹ gu sòghail.

I. TIMOTEUS, V. VI.

8 Ach mur dean duine solar air son a chuideachd féin, agus gu h-àraidh air son muinntir a theaghlach, dh'àicheadh e'n creidimh, agus is miosa e na ana-creideach.

9 Na gabhar bantrach san àireamh a bhios fuidh thri fichead bliadhna dh'aois, a bha 'na mnaoi aoin duine,

10 Air am bheil teisteanas¹ a thaobh dheadh oibre; ma dh'oil i² clann, ma thug i aoidheachd uaipe, ma dh'ionnlaid i cosa nan naomh, ma dh'fhoir i air luchd-àmhghair, ma lean i gu dìchiollach gach deadh obair.

11 Ach diùlt na bantrachan òga: oir an uair a dh'fhàsas iad mear an aghaidh Chrìosd, is miann leo pòsadh;

12 Muinntir a ta fuidh dhiteadh, a chionn gu'n do thréig iad an ceud chreidimh.

13 Agus os bàrr, fòghlumaiddh iad bhi diomhanach, a' dol mu'n cuairt o thigh gu tigh; agus cha'n e mhàin diomhanach, ach mar an ceudna gabhannach, agus a' gabhail gnothuich ris na nithibh nach buin doibh, a labhairt nithe nach bu chòir dhoibh.

14 Is àill leam uime sin na *mnàì* òga a phòsadh, iad a bhreith cloinne, a stiùradh an tìghe, agus gun chion-fàth air bith a thoirt do'n eas-caraid labhairt gu toibheumach.

15 Oir a ta cuid a cheana air dol a thaobh an déigh Shatain.

16 Ma tha aig creideach no aig ban-chreideach bantrachan, foireadh iad orra, agus na biodh an trom air an eaglais; chum gu'n dean i cabhair orra-san a tha 'nam bantrachaibh da rreadh.

17 Measar gur airidh na seanairean a riaghlas gu maith air urram dùbailte, gu h-àraidh iadsan a tha saothreachadh san fhocal agus anns an teagasg.

18 Oir a ta an sgrìobtuir ag ràdh, Na ceangail beul an daimh a tha saltairt³ an arbhair: agus, Is airidh⁴ an t-oibriche air a thuarasdal.

19 Na gabh casaid an aghaidh seanair, ach le dìthis no triuir do fhianuisibh.

20 Iadsan a tha peacachadh cronaich an làthair nan uile, ehum gu'n gabh càch eagal mar an ceudna.

21 Tha mi a' sparradh ort am fianuis Dé, agus an Tighearna Iosa Crìosd, agus nan aingeal taghta, gu'n coimhid⁵ thu na nithe so, gun aon a chur roimh neach eile, gun ni air bith a dheanamh le claon-bhreth.

22 Na leag do làmhha gu h-obann air duine sam bith, agus na biodh comhpairt agad do pheacaibh dhaoine eile: coimhid

thu féin glan.

23 Na h-òl uisge ni's mò, ach cleachd beagan fìona air son do ghòile, agus t'an-mhuinneachd mhinic.

24 Tha peacanna cuid do dhaoineibh follaiseach roimh-làimh, a' dol rompa chum breitheanaïs; agus tha *peacanna* dhream àraidh 'gan leantuin.

25 Mar an ceudna tha deadh oibre *cuid* follaiseach roimh-làimh; agus na *h-oibre* a ta air ghleus eile, cha'n fheudar am folach.

CAIB. VI.

1 *Mu dheasdanas sheirbhiseach: 3 Cha chòir comunn bhi againn ri droch luchd-teagaisg. Is buannachd mhòr an diadhachd. 10'Se gaol an airgid freumh gach uile. 11 Cìod is còir do Thimoteus a sheachnadh, agus a leantuin.*

MEASADH a' mheud's a ta fuidh 'n chuing 'nan seirbhisich, gur airidh am maighstirean féin air an uile urram; chum nach faigh ainm Dhé, agus a theagasg toibheum.

2 Agus iadsan aig am bheil maighstirean creideach, na deanadh iad tarcuïs orra, air son gur bràithrean iad: ach gu ma fearr leo seirbhis a dheanamh *dhoibh*, do bhrìgh gu bheil iad creideach agus ionmhuinn, 'nan luchd-comhpairt do thiodhlac a' ghràis. Na nithe so teagaisg agus earailich.

3 Ma bheir aon neach atharrachadh teagaisg uaith, agus nach aontaich e do bhriathraibh fallain, eadhon do bhriathraibh ar Tighearna Iosa Crìosd, agus do'n teagasg, a ta réir na diadhachd:

4 Tha e uaibhreach, gun eòlas aige air ni sam bith, ach e as a chéill mu thimchioll cheisdean, agus bhriathar-chommsachadh⁶, o'n tig farmad, comhstri, ana-cainnt, droch amharusan,

5 Fiar-dheasboireachd dhaoine aig am bheil inntinn thruaillidh, agus as eugmhais na fìrinn, a' meas gur buannachd⁷ an diadhachd: dealaich ri an leithidibh sin.

6 Ach is buannachd mhòr an diadhachd maille ri toileachas-intuin.

7 Oir cha d'thug sinn ni air bith *leinn* do'n t-saoghal so, agus is soilleir nach urrainn sinn ni sam bith thoirt as.

8 Uime sin air dhuinn biadh agus eudach a bhi againn, bitheamaid toilichte leo sin.

9 Ach an dream le'n àill bhi beartach, tuitidh iad ann am buaireadh, agus ann an ribe agus *ann* an iomadh anamian ann am aideach agus ciurrail⁸, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: ni am feadh a mhiannaich dream

¹ fianuis.

³ bualadh.

⁴ fìu.

² thog i suas.

⁵ ghleiddh.

⁶ strì mu fhoclaibh.

⁷ tairbhc.

⁸ diùbhalach, dosgainneach, dochannach.

II. TIMOTEUS, I.

àraidh, chaidh iad air seacharan o'n chreidimh, agus throimh-lot siad iad féin le iomadh cràdh.

11 Ach thusa, O òglaich Dhé, teich o na nithibh sin: agus lean fireantachd, diadhachd, creidimh, gràdh, foighidín, ceannsachd.

12 Còmhraig deadh chòmhrag¹ a' chreidimh, gabh greim do'n bheatha mhaireannaich, chum mar an ceudna an do ghairmeadh thu, agus dh'aidich thu deadh aidmheil an làthair mhòran fhianuisean.

13 Tha mi a' sparradh ort ann am fianuis Dé, a bheothaicheas na h-uile nithe, agus am fianuis Iosa Crìosd, a rinn fianuis air deadh aidmheil an làthair Phon-tuis Philait;

14 Thu choimhead na h-àithne so gun smal, gun lochd, gu teachd ar Tighearna Iosa Crìosd:

15 Nì, 'na àmaibh féin, a dh'fhoillsicheas an tì a ta beannaichte, agus a mhàin cumhachdach, Rìgh nan rìgh agus Tighearn nan tighearna;

16 Neach 'na aonar aig am bheil neo-bhàsmhorachd, a ta 'na chòmhnuidh san

t-solus dh'ionnsuidh nach feudar teachd; neach nach faca duine sam bith, agus nach mò dh'fheudas e fhaicinn: dhasan gu robh urram agus cumhachd siorruidh. Amen.

17 Thoir àithne do na daoineibh a ta saoiibhir san t-saoghal so, gun iad a bhi àrd-inntinneach, agus gun dòchas a chur ann an saoihbheas neo-chinnteach, ach anns an Dia bheò, a tha toirt duinn nan uile nithe gu saoiibhir r'am mealtuinn:

18 Iad a dheanamh maith, iad a bhi saoiibhir ann an deadh oibribh, ealamh gu roinn², comh-pàirteach;

19 A' tasgaidh suas doibh fein deadh bhunait fa chomhair an àm ri teachd, chum gu'n dean iad greim air a' bheatha mhair-eannaich.

20 O Thimoteuis, coimhid an nì sin a dh'earbadh riut, a' seachnadh faoin-chòmhradh mhi-naomha, agus comh-chogadh eòlais d'an toirear³ gu breugach an t-ainm sin⁴.

21 Nì air bhi do dhream àraidh ag aidmheil, chaidh iad air seacharan thaobh a' chreidimh. Gràs gu robh maille riut. Amen.

¹ Cuir deadh chath.

² easgaidh a thoirt an cuid uatha.

³ tiubhrar.

⁴ i. e. ainm eòlais.

DARA LITIR AN ABSTOIL PHOIL

CHUM

THIMOTEUIS.

CAIB. I.

1 Gràdh Phòil do Thimoteus: 5 an creidimh tréibh-dhìreach a bha ann an Timoteus féin, agus 'na mhàthair agus 'na shean-mhàthair. 6 Chuir e ìmpidh air tiodhlac Dhé a bha ann a dhùsgadh suas.

POL abstol Iosa Crìosd tre thoil Dé, a réir geallaidh na beatha, a tha ann an Iosa Crìosd.

2 Gu Timoteus mo mhac gràdhach: Gràs, tròcair, agus sìth¹ o Dhia an t-Athair, agus o Iosa Crìosd ar Tighearn.

3 Tha mi toirt buidheachais do Dhia, do'm bheil mi a' deanamh seirbhis o m' shìmsiribh le coguis ghloin, gu bheil agam cuimhne ortsa a ghnàth a là agus a dh'oidhche ann am urnuighibh;

4 Air dhomh bhi ro thogarrach air thusa fhaicinn, a' cuimhneachadh do dheur, chum gu'm bi mi air mo lìonadh le gàird-eachas;

5 'Nuair a chuimhniches mi an creidimh neo-chealgach a tha annad-sa, a

chòmhnuidh air tùs a'd' shean-mhàthair Lois, agus a'd' mhàthair Eunice: agus is deimhin leam a tha annad-sa mar an ceudna.

6 Air an aobhar so a tha mi cur an cuimhne dhuìt, thu dh'ath-bheothachadh tiodhlaic Dhé, a tha annad tre chur mo làmh-sa ort.

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin na gabh-sa nàire do fhianuis ar Tighearna, no dhìom-sa a phrìosanach: ach biodh do chuid agad do àmhghar an t-soisgeil, a réir cumhachd Dhé;

9 A shaor² sinne agus a ghairm sinn le gairm naomh, cha'n ann a réir ar n-oibre, ach a réir a rùin féin, agus a ghràis a thugadh dhuinne ann an Iosa Crìosd, roimh thoiseach an t-saoghail;

10 Ach a dh'fhoillsicheadh a nis troimh theachd ar Slànuighir Iosa Crìosd, a chuir as do'n bhàs, agus a thug beatha agus nec-

II. TIMOTEUS, I. II.

bhàsmhorachd chum soluis, tre an t-soisgeul;

11 Chum an d'orduicheadh mise a'm' shearmonaiche, agus a'm' abstol, agus a'm' fhear-teagaisg nan Cinneach:

12 An t-aobhar air son am bheil mi mar an ceudna a' fulang nan nithe so: gidheadh cha'n 'eil nàire orm: oir a ta fhios agam co ann a chreid mi, agus is dearbhagam gu bheil esan comasach air an nì sin a dh'earb mi ris a choimhead fa chomhair an là sin.

13 Cum gu daingean samhladh fìrinneach nam briathar fallain, a chuala tu uam-sa, ann an creidimh agus ann an gràdh a ta ann an Iosa Crìosd.

14 Coimhid an taisgeach maith sin a dh'earbadh riut, tre an Spiorad naomh, a tha chòmhnuidh annainn.

15 Tha fhios so agad, gu'n do phill iad-san uile a tha san Asia uam-sa; d'am bheil Phigellus agus Hermogenes.

16 Gu'n tugadh an Tighearn tròcair do theaghlach Onesiphorus; oir is minic a thug e sòlas dhomh-sa, agus cha do ghabh e nàire do m' shlabhraidh.

17 Ach an uair a bha e san Ròimh dh'iarr e mach mi gu dìchiollach, agus fhuair e mi.

18 Gu deònaicheadh an Tighearn dhàsan gu'm faigh e tròcair o'n Tighearn san là sin: agus a ta sàr-fhios agad, cia lìon nithe anns an d'rinn e frìthealadh dhomh-sa ann an Ephesus.

CAIB. II.

1 *Chuir Pòl impidh air Timoteus a rìs a bhi seasmhach agus buan-mhaireannach, agus d'casanas fìor-dèglach an Tighearna chur an gnìomh, leis an fhocal a roinn gu ceart, agus faoin-chainnt mhi-dhiadhaidh a sheachnadh.* 17 *Mu Himeneus agus Philetus.*

UIME sin bi-sa, a mhic, làidir anns a' ghràs a ta ann an Iosa Crìosd.

2 Agus na nithe a chuala tu uam-sa am measg mhòran fhianuisean, earb thusa na nithe sin féin ri daoineibh fìrinneach, a bhios iomchuidh daoine eile a theagasg mar an ceudna.

3 Fuiling thusa uime sin cruaidh-chas, mar dheadh shaighdear Iosa Crìosd.

4 Cha dean neach sam bith a leanas an cogadh e féin a ribeadh¹ ann an gnoth-uicheibh na beatha so: chum gu'n toilich e an tì a thagh e gu bhi 'na shaighdear.

5 Agus mar an ceudna ged nì fear air bith sbairn, cha chrùnar e mur dean e sbairn² gu dlìgheach.

6 Is còir do'n treabhaiche a shaoithricheas air tùs, comh-roinn fhaotainn do'n toradh.

7 Smuainich air na nithibh a ta mi ag

ràdh; agus gu tugadh an Tighearna dhuìt tuisge anns na h-uile nithibh.

8 Cuimhnich gu'n do thogadh o na marbhaibh Iosa Crìosd, do shìol Dhaibhidh, a réir mo shoisgeil-sa;

9 Air son am bheil mise a' fulang mar fhear droch-bheirt, *eadhon* gu geimhlibh ach cha'n 'eil focal Dé ceangailte.

10 Uime sin tha mi ag iomchar nan uile nithe air son nan daoine taghta, chum gu'm faigh iadsan mar an ceudna an t-slàinte a tha ann an Iosa Crìosd, maille ri glòir shiorruidh.

11 *Is* ràdh fìor so, Ma bhàsaicheas sinn maille ris, gu'm bi sinn beò mar an ceudna maille ris:

12 Ma dh'fhuilgeas sinn, rìghichidh sinn mar an ceudna maille ris: ma dh'àicheadhas sinn e, àicheadhaidh esan sinne mar an ceudna.

13 Mur creid sinne³, gidheadh tha esan a' fantuinn fìrinneach; cha'n 'eil e'n comas da e féin àicheadh.

14 Cuir na nithe sin an cuimhne dhoibh, a' cur sparraidh orra am fianuis an Tighearna, gun iad a bhi connsachadh mu fhoclaibh anns nach 'eil tairbhe sam bith, *ach* a thilgeas bun os ceann an luchd-èisdeachd.

15 Dean dìchioll air thu féin a nochdadh dearbhata do Dhia, a'd' shaothraiche, nach ruig a leas nàire a ghabhail, a' roinn fòail na fìrin gu ceart.

16 Ach seachainn faoin-chainnt mhi-naomha; oir théid iad air aghaidh chum an tuilleadh mì-dhiadhachd.

17 Agus ithidh am focal mar chnàmhuinn; d'am bheil Himeneus agus Philetus;

18 Muinntir thaobh na fìrin a chaidh air seacharan, ag ràdh gu'n deachaidh an aiseirigh cheana seach; agus a ta tilgeadh creidimh dream àraidh bun os ceann.

19 Gidheadh, a ta bunait Dhé a' seasamh daingean, aig am bheil an seula⁴ so, *Is* aithne do'n Tighearn an dream sin a's leis. Agus, Gach neach a tha 'g ainm-eachadh ainm Chrìosd, tréigeadh e eucoir.

20 Ach ann an tigh mòr cha'n e mhaìnn gu bheil soithichean òir, agus aigrid, ach mar an ceudna *soithiche* fiodha, agus creadha⁵; agus cuid diubh chum urraim, agus cuid eile chum eas-urraim.

21 Uime sin ma ghlanas neach e féin uatha so, bithidh e na shoitheach chum urraim, air a naomhachadh, agus iomchuidh chum féim a' mhaighstir, deas chum gach uile dheadh oibre.

22 Teich uime sin o ana-miannaibh na h-òige: ach lean fireantachd, creidimh,

¹ a chur an sàs.

² gleachda, strì.

³ Ged nach 'eil sinne fìrinneach.

⁴ sgriobhadh.

⁵ criadha.

II. TIMOTEUS, II. III. IV.

gràdh, sìth, maille riu-san a ta gairm air an Tighearn o chridhe glan.

23 Ach seachainn ceisdean amaideach agus neo-fhòghluimte, air dhuit fios a bli agad gu'n tog iad connsaichean¹.

24 Agus cha'n fheud òglach an Tighearn bhi conspoideach; ach ciùin ris na h-uile dhaoibh, ealamh chum teagaisg, foighidheach,

25 Ann an ceannsachd a' teagasg na dream a sheasas² na aghaidh; dh'fheuchainn an toir Dia uair air bith aithreachas dhoibh, chum aoidheil na fìrinn.

26 Agus air mosgladh dhoibh gu'n téid iad as o ribe an diabhuil, aig am bheil iad air am beò-ghlacadh chum a thoile.

CAIB. III.

1 *Thug Pòl rabhadh do Thimoteus mu thimchioll nan amanna ri teachd; 6 dh'innis e cò iad naimhde na fìrinn; 10 chuir e 'eiseimpleir fèin roimhe, 16 agus mhol e na sgrìobtuire naomha.*

ACH biodh fhios so agad, gu'n tig anns na làithibh deireannach² aimsire cunnartach.

2 Oir bithidh daoine fèin-spèiseil, samtach, ràiteachail, uaibhreach, toibheumach, eas-ùmhail dophàrantaibh, mi-thaingcil, mi-naomha,

3 Gun ghràdh nàdurra, 'nan luchd brisidh coimlicheangail, tuailleasach, neogheamnuidh, borb, gun ghaol do'n maith, 4 Fealltach, ceann-laidir, àrdanach, aig am bheil bàrr gràidh do shàimh na ta aca do Dhia;

5 Aig am bheil coslas diadhachd, ach a ta 'g àicheadh a cumhachd: o'n leithidibh sin tionndadh-sa³ air falbh.

6 Oir is ann diubh so a ta 'n dream sin a dh'èalaidheas⁴ a stigh do thighibh, agus a bheir leo am braighdeanas mnà shuarach air an uallachadh le peacaibh, air an iomain le iomadh gnè ana-mianna,

7 A' sìr-fhòghlum, agus gun chomas doibh gu bràth teachd chum eòlais na fìrinn.

8 Agus mar a chuir Iannes agus Iambres an aghaidh Mhaois, mar sin tha iadsan a' cur an aghaidh na fìrinn: daoine aig am bheil inntinn thruaillidh, gun tuigse thaobh a' chreidimh.

9 Ach cha téid iad nì's faide air an aghaidh: oir bithidh am mi-chiall follaiscach do na h-uile dhaoibh, mar a bha am mi-chiall-san mar an ceudna.

10 Ach a ta làn-fhios agad air mo theagasg-sa, mo ghnè beatha, mo rùn, mo chreidimh, m' fhad-fhulangas, mo sheirc⁵, m' fhoighidin,

11 M' gheur-leanmhuinnibh, m' fhuilangais a thàinig orm ann an Antioch, ann

an Iconium, ann an Listra; ciod e meud nan geur-leanmhuinn a ghiùlain mi: acli asda uile shaor an Tighearn mi.

12 Seadh, fuilgidh iadsan uile leis an àill am beatha a chaitheadh gu diadhlaidh ann an Iosa Criosd, geur-leanmhuinn.

13 Ach fàsaidh droch dhaoine agus mealltairean nì's miosa agus nì's miosa, a' mealladh, agus air am mealladh.

14 Ach buanaich thusa anns na nithibh a dh'fhòghluim thu, agus air an d'rinn-eadh thu dearbh-fhiosrach⁶, air dhuit fios a bhi agad cia uaith a dh'fhòghluim thu iad;

15 Agus o bha thu a'd' leanabh gu'm b' aithne dhuit na sgrìobtuire naomha, a tha comasach air do dheanamh glic chum slàinte, tre'n chreidimh a ta ann an Iosa Criosd.

16 Tha an sgrìobtuir uile air a dheachdadh le Spiorad Dé, agus tha e tarbhach chum teagaisg, chum spreige, chum leasachaidh, chum oilein ann am fireantachd:

17 Chum gu'm bi òglach Dhé coimhlionta, làn deas chum gach uile dheadh oibre.

CAIB. IV.

1 *Chuir Pòl impidh air Timoteus a dhèasdanas a dheanamh leis an uile chùram agus dhìchioll; 6 Thug e cinnte dha gu bheil a bhàs fèin am fagus; 9 is àill leis e theachd gu grad d'u ionnsuidh, agus Marcus a thoirt leis, agus nithe àraidh eile mu'n do sgrìobh e d'a ionnsuidh.*

THA nì a' sparradh ort uime sin am fianuis Dé, agus an Tighearna Iosa Criosd, a bheir breth air na beothaibh agus air na marbhaibh, aig a theachd dealrach, agus ann a rìoghachd:

2 Searmonaich am focal, bi dùrachdach ann an àm agus ann an an-àm; spreig⁷, cronaich, earaillich leis an uile fhad-fhulangas agus theagasg.

3 Oir thig an t-àm anns nach bi fulang aca air teagasg fallain: ach air do chluasaibh tachasach bhi aca, carnaidh iad suas dhoibh fèin luchd-teagaisg a réir an ana-mianna;

4 Agus tionndaidh iad an cluasan o'n fhirinn, agus iompaichear iad chum sgeulachda faoine.

5 Ach dean thusa faire anns na h-uile nithibh, fuiling cruaidh-chas, dean obair soisgeulaiche, coimhlion⁸ do mhinistireil-eachd.

6 Oir tha mise nis gu bli air m'ìobradh, agus tha àm mo shiubhail am fagus.

7 Chòmhraig mi an deadh chòmhrag, chrìochnaich mi mo thurus⁹, ghléidh mi an creidimh.

¹ tuasaidcan.

² làithibh ri teachd.

³ pill-sa.

⁴ ghoideas.

⁵ ghràdh.

⁶ a dh'earbadh rìut.

⁷ tagair, dearbh.

⁸ thoir làn dearbhadh air.

⁹ mo choimhliong, mo réis.

II. TIMOTEUS, IV.

S O so mach taisgear fa m' chomhair crùn fìreantachd, a bheir an Tighearn, an breithcamh cothromach, dhomh san là ud: agus cha'n ann dhomh-sa a mhàin, ach dhoibh-san uile mar an ceudna, leis an ionmhunn a theachd-san¹.

9 Dean do dhìchioll air teachd a m' ionnsuidh gu luath:

10 Oir thréig Demas mi, air dha an saoghal so a ta làthair a ghràdhachadh, agus chaidh e do Thesalonica; Crescens do Ghalatia, Titus do Dhalmatia.

11 Tha Lucas 'na aonar maille rium. Gabh Marcus agus thoir leat e: oir tha e feumail dhomh-sa chum na ministrilcachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'nuair a thig thu, thoir leat, agus na leabhraichean, ach gu h-àraidh na meambrana².

14 Rinn Alecsander an ceard-umha iomadh olc orm: gu tugadh³ an Tighearn dha a réir a ghnìomhara:

15 Bì thusa mar an ceudna air t'fhaicill uaith, oir chuir e gu mòr an aghaidh ar briathar-ne.

¹ fhoillseachadh-san.

² parchments. Sasg.

16 Aig mo cheud fhreagradh cha robh aon neach leam, ach thréig na h-uile mi: nar agrar orra e.

17 Gidheadh, sheas an Tighearn làimh rium, agus neartaich e mi; chum triom-sa gu'm biodh an scarmonachadh air a làn-fhoillseachadh⁴, agus gu'n chluinnadh na Cinnich uile e: agus shaoradh mi á beul an leomhain.

18 Agus saoraidh an Tighearn mi o gach uile dhroch obair, agus gleidhidh e mi chum a rìoghachd nèamhaidh féin: dha-san gu robh glòir gu saoghal nan saoghal. Amen.

19 Cuir fàilte air Prisca, agus air Acula, agus air teaghlach Onesiphorus.

20 Dh'fhan Erastus ann an Corintus: ach dh'fhàg mi Trophimus gu tinn ann am Miletum.

21 Dean dìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na bràithrean uile a' cur fàilte ort.

22 Gu robh an Tighearn Iosa Criosd maille ri d' spiorad. Gràs maille ribh. Amen.

³ bheir.

choimhlionadh.

⁴ air a dheanamh aithnichte, air a

LITIR AN ABSTOIL PHOIL

CHUM

THITUIS.

CAIB. I.

1 C'ar son a dh'fhàgadh Titus ann an Crete. 6 Ciod na buadhanna is còir bhì orra-san a thaghar 'nam ministrilribh. 11 Is éigin beòil droch luchd-teagaisg a dhruideadh: 12 ciod a' ghnè dhaoine a tha anna.

POL seirbhiseach Dhé, agus abstol Iosa Criosd, a réir creidimh¹ dhaoine taghta Dhé, agus aidmheil na fìrinn a ta réir diadhachd:

2 Ann an dòchas na beatha maireann-aich, a gheall Dia do nach comasach² breug a dheanamh, roimh chruthachadh an t-saoghail³:

3 Ach dh'fhoillsich e 'fhocal féin, ann an àm iomchuidh tre shearmonachadh, a dh'earbadh rium-sa, a réir àithne Dhé ar Slànuighir:

4 Chum Thituis mo dhearbhadh mhic féin a réir a' chreidimh choitchionn: Gràs, tròcair, agus sìth o Dhia an t-Athair, agus o'n Tighearn Iosa Criosd ar Slànuighcar.

5 Air a shon so dh'fhàg mi thu ann an

Crete, chum gu'n cùreadh tu 'n ordugh na nithe a dh'fhàgadh gun deanamh, agus gu'n suidhicheadh tu seanairean anns gach baile, a réir mar a dh'àithn mise dhuit.

6 Ma tha neach sam bith neo-lochdach, 'na dhuine aoin mhnà, aig am bheil a chlànn creideach, nach 'eil fuaidh mhi-chliù thaobh ana-caitheimh, no eas-ùmh-al:

7 Oir is còir do easbuig a bhì neo-choir-each, mar stiùbhard Dhé; gun bhì féin-thoileil, no feargach, no òlmhar, no buaitteach, no cionail air buannachd neòghloin;

8 Ach aoidheil, déidheil air daoinibh maithe, ciallach, cothromach, naomh, measarra;

9 A' cumail an fhocail fhìorgu daingean, a réir teagaisg, chum gu'm bì e comasach le teagasg fallain, araon earail a thabhairt, agus an dream a shecas 'na aghaidh a chur as am barail.

10 Oir a ta mòran ann a tha mì-riagh-

¹ air son creidimh.

² aithne.

³ roimh amanna nan tìnn.

TITUS, I. II. III.

aìlteach, a labhras gu dìomhain, agus a tha 'nam mealltaibh, gu h-àraidh iadsan a tha do'n timchioll-ghearradh:

11 Muinntir a's còir am beul a dhruid-eadh, dream a tha tionndadh thighean iomlan bun os ceann, a' teagasg nan nithe nach còir, air ghaol buannachd shalaich.

12 Thubhairt neach àraidh dhiubh féin, eadhon fàidh dhiubh féin, *Is* breugair-ean a ghnàth na Cretich, droch fhiadhbheathaichean, builg mhall.

13 Tha an fhianuis so fìor: air an aobhar sin cronaidh¹ gu geur iad, chum gu'm bi iad fallain sa' chreidimh;

14 Gun bhi toirt aire do fhaoine-sgeulachdaibh Iudhach, agus do àitheantaibh dhaoine, a thionndaidheas o'n fhìrinn.

15 Oir gu deimhin tha na h-uile nithe glan do'n dream a ta glan: ach dhoibhsan a ta salach, agus mì-chreideach, *cha* 'n 'eil aon ni glan; ach tha an inntinn agus an coguis² féin air an salachadh.

16 Tha iad a' gabhail orra eòlas a bhi aca air Dia; ach ann an oibribh tha iad 'ga àicheadh, air dhoibh bhi gràineil, agus easumhal, agus a thaobh gach deadh oibre as eugmhais tuigse³.

CAIB. II.

1 Comhairlean air an tabhairt do *Thitus* araon mu thimchioll a teagaisg agus a chaithe-beatha.
9 Mu dhleasdanas sheirbhiseach, agus mar an ceudna mu dhleasdanas nan uile Chrìosduidh.

ACH labhair thusa na nithe a thig ri teagasg fallain:

2 Eadhon na daoine aosda⁴ bhi aireach, suidhichte⁵, measarra, fallain sa' chreidimh, ann an gràdh, ann am foighidìn:

3 Mar an ceudna na mnàì aosda *bhi* 'nan giùlan mar is cubhaidh do naomhachd, gun bhi 'nan luchd-tuaileis, gun bhi trom air fìon, bhi 'nan luchd-teagaisg air nithibh maithes;

4 Chum gu'n teagaisg iad na mnàì òga bhi ciallach, gràdhach air am fearaibh, gràdhach air an cloinn,

5 *Bhi* eagnuidh, geamnuidh, fantuinn aig an tigh, *bhi* maith, ùmhal d'am fearaibh chum nach faigh focal Dé mì-chliù.

6 Cuir impidh air na daoineibh òga mar an ceudna, iad bhi ciallach.

7 Anns na h-uile nithibh 'gad nochdadh féin ann ad eisempler dheadh oibre: ann an teagasg a' nochdadh neo-thruaillidheachd, suidheachadh inntinn, tréibhdhireis,

8 Cairnt fhallain nach fheudar a dhìteadh; chum gu'm bi nàire air an neach a ta 'nur n-aghaidh, a chionn nach 'eil droch ni sam bith aige r'a labhairt um-aibh.

9 Earailich seirbhisich bhi ùmhal d'am

maighstiribh féin, agus an deadh-thoil-eachadh anns na h-uile nithibh: gun bhi a' labhairt 'nan aghaidh;

10 Gun bhi a' ceileachadh aon ni d'an cuid, ach a' nochdadh gach uile dheadh thairisneachd; chum gu'n dean iad teagasg Dhé ar Slànuighir maiseach anns na h-uile nithibh.

11 Oir dh'fhoillsicheadh gràs slàintea Dhé do na h-uile dhaoineibh,

12 A' teagasg dhuinn gach mì-dhiadhadh agus ana-mianna saoghalta àicheadh, agus ar beatha a chaitheadh gu stuama, gu cothromach, agus gu diadhidh anns an t-saoghal so làthair;

13 Air dhuinn suil a bhi againn ris an dòchas bheannaichte sin, eadhon⁶ foillseachadh glòire an Dé mhòir, agus ar Slànuighir Iosa Crìosd:

14 A thug e féin air ar son, chum gu'n saoradh e sinn o gach aingidheachd, agus gu'n glan dha dha féusluagh sonruichte, eudmhor mu dheadh oibribh.

15 Na nithe so labhair, agus earailich, agus cronaidh leis an uile ùghdarras. Na deanadh duine sam bith tàir ort.

CAIB. III.

1 Tha *Titus* air a sheòladh le Pòl, araon mu thimchioll nan nithe a bhuineadh dha teagasg, agus nach buineadh; 10 is àill leis e chur cùl ri luchd saobh-chreidimh: 12 an dèigh so, dh'imtis e dha an t-àm, agus an t-àit anns am b'àill leis e theachd d'a ionnsuidh; agus mar sin chrìochnaich e.

CUIR an cuimhne dhoibh bhi ùmhal do uachdaranachdaibh agus do chumhachdaibh, freagarrach do luchd-riaghlaidh, ullamh chum gach uile dheadh oibre.

2 Gun ole a labhairt mu neach air bith, bhi neo-thuasaidcach, mìn, a' taisbeanadh an uile cheannsachd do na h-uile dhaoineibh.

3 Oir bha sinne féin uair-éigin eu-céillidh, eas-ùmhal, air seacharan, a' deanamh seirbhis do iomadh gnè do anamiannaibh agus do an-toilibh, a' caith-each ar beatha ann am mì-run agus am farmad, fuath-thoillteannach, agus a' toirt fuath d'a chéile.

4 Ach an uair a dh'fhoillsicheadh caomhneas agus gràdh Dhé ar Slànuighir do dhaoineibh,

5 Cha'n ann o oibribh fireantachd a rinn sinne, ach a réir a thròcair féin shaor⁷ e sinn, tre ionnadh na h-ath-ghineamhuinn, agus ath-nuadhachadh an Spioraid naomh:

6 A dhòirt e oirne gu saobhir, tre Iosa Crìosd ar Slànuighear;

7 Chum ar dhuinn bhi air ar fireanach.

¹ spreig.

² coimh-fhios, coinsiens.

³ mì-ghileusda, neo-ionmchuidh chum gach deadh oibre.

⁴ na seanairean.

⁵ agus.

⁶ fonnmhor.

⁷ thearunn, shlànuich.

PHILEMOIN, I.

adh tre a ghràs-san, gu'm bitheamaid air ar deanamh 'nar n-oighreachaibh a réir dòchais na beatha maireannaich.

8 *Is* fìor an ràdh so, agus is àill leam thu thoirt dearbh-chinntè air na nithibh sin, chum gu'm biodh iadsan a chreid ann an Dia, cùramach air toiseach a bhì aca ann an deadh oibribh: oir tha na nithe so maith agus tarbhach do dhaoibh.

9 Ach seachainn ceisdean amaideach, agus sloinnteachd, agus conspoidean, agus connsachadh mu'n lagh; oir tha iad gun tairbhe agus diomhain.

10 Duine a ta 'na shaobh-chreideach¹, an dèigh na ceud agus an dara comhairle diùlt:

11 Air do fhios bhì agad gu bheil a leithid sin do dhuine air a chur bun os

ceann, agus gu bheil e a' peacachadh air dha bhì air fhéin-dhiteadh.

12 'Nuair a chuireas mi Artemas a d'ionnsuidh, no Tichicus, dean dichìoll air teachd a m' ionnsuidh gu Nicopolis: oir is ann an sin a chuir mi romham an geamhradh a chaitheadh.

13 Thoir Senas am fear-lagha agus Apollos air an aghaidh san t-slighe gu dùrachdach, chum nach bì ni air bith dh'uireasbhuidh orra.

14 Agus fòghlumadh ar muinntir-ne mar an ceudna deadh oibre a dheanamh gu dùrachdach fa chomhair ghnàthachadh feumail, chum nach bì iad neo-tharbhach.

15 Tha'n dream a ta maille rium uile a' cur fàilte ort. Cuir fàilte orra-san le'n ionmhuinn sinne sa' chreidimh. Gràs maille ribh uile. Amen.

¹ eiriceach.

LITIR AN ABSTOIL PHOIL

CHUM

PHILEMOIN.

CAIB. I.

1 *Is* subhach le Pòl bhì cluinntinn mu chreidimh agus ghràdh Philemoin: 9 air am bheil e 'g iarraidh maitheanas a thabhairt do Onesimus a sheirbhiseach, agus gabhail ris a ris gu cairdeil.

POL, prìosanach Iosa Criosd, agus Timoteus ar bràthair, chum Philemoin a's ionmhuinn leinn, agus ar comh-shaothraiche,

2 Agus chum Aphia ionmhuinn, agus Archipuis ar comh-shaighdear, agus chum na h-eaglais a ta ann do thigh:

3 Gràs gu robh dhuibh, agus sìth o Dhia ar n-Athair, agus o'n Tighearn Iosa Criosd.

4 Tha mi a' toirt¹ buidheachais do m' Dhia, a' sìr-thoirt luaidh ort-sa ann am urnuighibh,

5 Air dhomh bhì cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bì comh-chomunn do chreidimh éifeachdach ann an aidmheil an uile mhaith a tha annaibh ann an Iosa Criosd.

7 Oir tha subhachas ro mhòr agus comh-fhurtachd againne ann do ghràdh-sa do bhrìgh gu bheil innigh² nan naomh air faotainn suaimhneis³ tromhad-sa, a bhràthair.

8 Uime sin ged fheudainn bhì ro dhàna

ann an Criosd chum an nì a ta iomchuidh àithneadh dhuit-se,

9 Gidheadh is fearr leam air son gràidh impidh chur ort⁴, air bhì dhomh mar Phòl aosda, agus a nis mar an ceudna a'm' phrìosanach air son Iosa Criosd.

10 Guidheam ort air son mo mhic Onesimuis, a ghin mi ann am gheimhlibh:

11 Neach a bha uair-éigin neo-tharbhach dhuit-se, ach a nis a tha tarbhach dhuit-se agus dhomh-sa:

12 Neach a chuir mi air ais: uime sin gabh-sa ris mar ri m' innigh féin.

13 Neach bu mhiann leam a chumail maille rium féin, chum gu'n deanadh e frithealadh dhomh ann ad àite-sa, ann an geimhlibh an t-soisgeil:

14 Ach as eugmhais t'inntinn-sa cha bu toil leam nì sam bith a dheanamh; chum nach biodh do mhaith-sa mar gu b'ann a dh'aindeoin, ach o d' thoil féin.

15 Oir theagamh gur ann air a slion so a dh'fhàg e thu⁵ rè tamuill, chum gu'm faigheadh tu e gu sìorruidh;

16 Cha'n ann à so suas mar sheirbhiseach, ach os ceann seirbhiseich, 'na bhràthair-gràdhach, gu h-àraidh dhomh-sa, agus nach mò na sin dhuit-se, araon anns an fhèid, agus anns an Tighearn?

17 Uime sin ma mheasas tu mise mar fhear comh-roinne, gabh ris-san mar rium féin.

¹ Bheiream.

² eridhe.

³ fois.

⁴ guidheadh ort.

⁵ a dhealaicheadh e uait.

18 Agus ma rinn e eucoir ort, no ma dhligheas e¹ nì sam bith dhuit, cuir sin as mo leth-sa.

19 Sgrìobh mise Pòl le m' làimh féin e, agus dìolaidh mi e: ged nach 'eil mi ag ràdh riut, gu'n dlighear leat thu féin os bàrr dhomh.

20 Seadh, a bhràthair, faigheam gàird-eachas do d' thaobh san Tighearn: dean suaimhneach mo chridhe san Tighearn.

21 Air dhomh bhi earbsach a d' ùmh-lachd sgrìobh mi a d' iomsuidh, oir tha

fhios agam gu'n dean thusa mar an ceud-na nì's mò na a ta mi ag ràdh.

22 Ach maille ri so ulluich mar an ceud-na fardoch air mo shon: oir tha dòchas agam, tre bhur n-urnuighibh-sa, gu'n toirear² mi dhuibh.

23 Tha Epaphras mo chomh-phrìosan-ach ann an Iosa Crìosd,

24 Marcus, Aristarchus, Demas, Lucas, mo chomh-luchd-oibre, a' cur fàilte ort.

25 Gràs ar Tighearna Iosa Crìosd gu robh maille ri bhur spiorad-sa. Amen.

¹ ma tha e am fàchaidh.

² dednuichear, tiodhlaicear.

LITIR AN ABSTOIL PHOIL

CHUM NAN

EABHRUIDHEACH.

CAIB. I.

1 *Tha Crìosd a thàinig o'n Athair anns na h-amaibh deireannach so, 4 nì's mò na na h-aingil, araon thaobh a phearsa agus a dhreuchd.*

DIA, a labhair o shean¹ gu minic, agus air iomadh dòigh ris na h-aithrichibh leis na fàidhibh,

2 Labhair e anns na làithibh deireannach so ruinne tre a Mhac, a dh'orduich e 'na oighre air na h-uile nithibh, tre'n do chruthaich e fòs na saoghail.

3 Neach air bhi dha 'na dhealradh a ghlòire-san, agus 'na fhìor Ìomhaigh² a phearsa, agus a' cumail suas nan uile nithe le focal a chumhachd, 'nuair a ghlan e ar peacanna troimh féin, shuidh e air deas làimh na mòrachd anns na h-àrd-aibh:

4 Air dha bhi air a dheanamh nì's ro òirdheirce na na h-aingil, mhead 's gu'n d' fhuair e³ mar oighreachd ainm bu ro fhèarr na iadsan.

5 Oir cò do na h-aingil ris an dubhairt e uair air bith, Is tu mo Mhac-sa, an diugh ghin mi thu? agus a ris, Bithidh mise a'm' Athair dha-san, agus bithidh esan a'na Mhac dhomh-sa.

6 Agus a ris, 'nuair a tha e a' tabhairt a' cheud-ghin a steach do'n t-saoghal, a ta e ag ràdh, Agus deanadh uile aingil Dé aoradh dha.

7 Agus a thaobh nan aingeal a ta e ag ràdh, Neach a ta deanamh 'aingle 'nan spioradaibh⁴, agus a mhinistirean 'nan lasair theine.

8 Ach ris a' Mhac a ta e ag ràdh, Tha

do rìgh-chaithir, a Dhé, gu saoghal nan saoghal; is slat-rioghail ro chothromach slat do rìoghachd-sa:

9 Ghràdhaich thu fìreantachd, agus thug thu fuath do aingidheachd; uime sin dh'ung Dia, do Dhia-sa, thu le oladh aobhneis os ceann do chompanacha.

10 Agus, Leag thusa, a Thighearn, bun-aite na talmhainn air tìs; agus is iad na nìamha oibre do làmh:

11 Teirgidh iadsan, ach mairidh tusa: agus fàsaidh iad uile sean mar eudach;

12 Agus fillidh tu iad mar bhrat, agus caochlaidhear iad: ach is tusa an tì ceudna, agus cha'n fhàilnich do bhliadhnachan.

13 Ach cò do na h-ainglibh ris an dubhairt e uair air bith, Suidh air mo dheas-làimh, gus an cuir mi do naimhde 'nan stòl-chos fo d' chosaibh?

14 Nach spiorada frithealaidh iad uile, air an cur a mach chum frithealaidh dhoibh-san a bhios 'nan oighreachaibh air slàinte?

CAIB. II.

1 *Is còir dhuinn bhi ùmhal do Chrìosd, 5 agus sin do bhrìgh gu'n d'aontaich e ar nàdur-ne a ghabhail air féin, 14 mar a bha sin feumail.*

UIME sin is còir dhuinn an ro thuilleadh aire a thoirt do na nithibh a chuala sinn, air eagal uair sam bith gu'n leigeanaid ruith leo.

2 Oir ma bha am focal a labhradh le h-ainglibh seasmhach, agus gu'n d'fhuair gach uile bhriseadh agus eas-ùmh-lachd dìol-thuarasdal dlìgheach;

¹ anns na h-amaibh a chaidh seachad.

² dhealbh, riochd.

³ uiread nì's fèarr na na h-aingil as a fhuair e.

⁴ a theachdairean 'nan gaathaibh.

3 Cionnus a théid sinne as, ma ni sinn dìmeas air slàinte co mòr, a thòisich air tús air bhì air a labhairt leis an Tighearn, agus a rinneadh dearbhta dhuinne leo-san a chual e;

4 Air bhi do Dhia a' deanamh comhfhiannais leo, araon le comharaibh agus le h-iongantasaibh, agus le feartaibh eagsamhla,¹ agus le tiodhlacaibh an Spioraid naomh, a réir a thoile féin?

5 Oir cha do chuir e fo cheannsal nan aingeal an saoghal ri teachd, mu'm bheil sinn a' labhairt.

6 Ach rinn neach fianuis ann an ionad àraidh, ag ràdh, Ciod e an duine gu'n cuimhnich eadh tu air? no mac an duine gu'n fiosraicheadh tu e?

7 Rinn thu e rè tamuill bhig ni's ìsle na na h-aingil; chrùn thu e le glòir agus le h-urram, agus chuir thu e os ceann oibre do làmh;

8 Chuir thu na h-uile nithe sìos fuidh a chosaibh. Oir ann an cur nan uile nithe fuidh dha, cha d'fhàg e ni air bith gun chur fuidhe. Ach a nis cha'n 'eil sinn a' faicinn nan uile nithe fathast air an cur f' a cheannsal.

9 Ach chì sinn Iosa, a rinneadh ré ùine bhig ni b' ìsle na na h-aingil, chum tre ghràs Dé gu'm blaiseadh e bàs air son gach uile dhuine, tre fhulang a' bhàis air a chrùnadh le glòir agus le h-urram.

10 Oir b'iomchuidh dhasan, air son am bheil na h-uile nithe, agus tre'm bheil na h-uile nithe, ann an tabhairt² mhòr an mhaic chum glòire, ceannard an slàinte a dheanamh foirfe tre fhulangsaibh.

11 Oir a ta araon an ti a naomhaicheas, agus iadsan a naomhaichear, uile o aon: air an aobhar sin cha nàr leis bràithrean a ghairm diubh,

12 Ag ràdh, Cuiridh mi t'ainm an céill do m' bhràithribh, ann am meadhon na h-eaglais seinnidh mi cliù dhuit.

13 Agus a ris, Cuiridh mi mo dhòchas ann. Agus a ris, Feuch mise, agus a' chlànn a thug Dia dhomh.

14 Uime sin, mheud gu bheil aig a' chloinn comh-roinn do fheòil agus do fhuil, ghabh esan mar an ceudna roinn diubh sin; chum tre'n bhàs gu'n claidheadh e esan, aig am bheil cumhachd a' bhàis, 'se sin, an diabhal;

15 Agus gu'n saoradh e iadsan a bha tre eagal a' bhàis ré am beatha uile fo dhaorsa.

16 Oir gu deimhin cha do ghabh e nàdur nan aingeal air³ ach ghabh e sìol Abrahaim air.

17 Uime sin b'fheumail da anns na h-uile nithibh bhi air a dheanamh cos-

mhuil r'a bhràithribh; chum gu'm biodh e 'na àrd-shagart tròcaireach agus dileas ann an nithibh a thaobh Dhé, chum réite a dheanamh air son pheacanna an t-sluaigh:

18 Oir a mheud gu'n d'fhuiling e féin, air dha bhi air a bhuaireadh, is comasach e air cabhair a dheanamh orra-san a ta air am buaireadh.

CAIB. III.

1 Is mò Crìosd na Maois: '7 uime sin mur creid sinn annsan, bithidh sinn ni's toillteanaiche air dioghaltas na Israel cruaidh-chridheach.

UIME sin, a bhràithre naomha, a ta 'nur luchd-comhpairt do'n ghairm nèamhaidh, thugaibh fa'near Iosa Crìosd, abstol agus àrd-shagart ar n-aidmheil;

2 A bha dileas dhasan a dh'orduich e, amhuil a bha Maois mar an ceudna 'na thigh-san uile.

3 Oir mhasadh gu'm b'airidh an Ti so air glòir bu mhò na Maois, mheud gu bheil tuilleadh urraim aig an neach a thog an tigh, na aig an tigh féin.

4 Oir tha gach uile thigh air a thogail le aon éigin; ach an ti a thog na h-uile nithe, is e Dia.

5 Agus gu deimhin bha Maois dileas 'na thigh-san uile mar sheirbhiseach, chum fianuis air na nithibh sin a bha gu bhi air an labhairt an déigh sin;

6 Ach Crìosd mar Mhaic os ceann a thighe féin: agus is sinne a thigh-san, ma chumas sinn dànaehd, agus gàirdeachas an dòchais, gu daingean gus a' chrìoch.

7 Uime sin, mar a ta an Spioraid naomh ag ràdh, An diugh, ma chluinneas sibh a ghuth,

8 Na cruaidhichibh bhur cridhe, mar anns a' bhrosnachadh, ann an là a' bhuairidh san fhàsach:

9 Far an do bhuair bhur n-aithriche mi, agus a dhearbhl iad mi, agus a chunnaic iad m'oire ré dhà fhichead bliadhna.

10 Uime sin bha diom orm ris a' ghir-ealach sin, agus thubhairt mi, Tha iad a ghnàth air seacharan 'nan eridhe; agus cha do ghabh iad eòlas air mo shùgluibh-sa.

11 Ionnus gu'n d'thug mi mo mhionnan a'm' fheirg. Nach téid iad a steach do m' shuaimhneas.

12 Thugaibh an aire, a bhràithre, air eagal gu'm bi ann an aon neach agaibh droch cridhe mi-chreidimh, ann an tréig-sinn an Dé bheò.

13 Ach earailieibh a chéile gach aon là, am feadh a ghoirear An là 'n diugh dheth; air eagal gu'n cruaidhichear neach air bith agaibh tre mhealltaireachd a' pheacaidh.

¹ iomadh-ghnèitheach.

² trèorachadh.

³ cha do ghabh e grèim do na h-aingilb.

14 Oir rinneadh sinne 'nar luchd-comhairt do Chrìosd, ma chumas sinn toiseach ar muinghin gu daingean gus a' chrìoch;

15 Am feadh a theirear, An diugh, ma chluinneas sibh a ghuth, na cruaidhichibh bhur crìdhe, mar anns a' bhrosnachadh.

16 Oir air do dhream àraidh cluinntinn, bhrosnuich iad: ach cha b'iadsan uile a thàinig a mach as an Eiphit le Maois.

17 Ach cò ris a bha diom air rè dhà fhichead bliadhna? *nach ann* riu-san a pheacaich, muinntir d'an do thuit an coluinnean anns an fhàsach?

18 Agus cò iad d'an d'thug e a mhionn-an nach rachadh iad a steach d'a shuaimhneas¹, ach dhoibh-san nach do chreid²?

19 Mar so chi sinn nach b'urrainn iad dol a steach air son mi-chreidimh.

CAIB. IV.

1 *Tha fois nan Crìosduidhean air a faghail tre chreidimh.* 12 *Cumhachd' focail Dé.* 14 *Tre ar n-àrd-shagart Iosa Mac Dhé, a bha fuidh thrioblaidibh, ach saor o pheacadh,* 16 *is còir dhuinn, agus feudaidh sinn dol gu dàna chum caithir nan gràs.*

UIME sin biodh faitheas³ oirnn, air eagal air bhì do ghealladh dol a steach d'a shuaimhneas air fhagail againn, gu'n tìgadh aon neach agaibh⁴ a dhéidhlaimh air.

2 Oir shearmonaicheadh an soisgeul duinne, amhuil a rinneadh dhoibh-san: ach cha robh tairbhe dhoibh anns an fhocal a chaidh shearmonachadh, do bhrìgh nach robh e air a mheasgadh le creidimh anns an dream a chual e.

3 Oir tha sinne a chreid a' dol a steach do shuaimhneas, amhuil a thubhairt e, Mar a thug mi mo mhionnan a'm' fheirg, Nach téid iad a steach do m' shuaimhneas: ged bha na h-oibre crìochnaichte o toiseach an t-saoghail.

4 Oir labhair e ann an ionad àraidh mu'n t-seachdamh là air an dòigh so, Agus ghabh Dia fois air an t-seachdamh là o' oibribh uile.

5 Agus anns an ionad so a rìs, Cha téid iad a steach do m' shuaimhneas.

6 Do bhrìgh uime sin gu'n tuigear uaith so gu'n téid dream àraidh a steach ann, agus nach deachaidh an dream, d'an do shearmonaicheadh e air tìs, a steach air son am mi-chreidimh;

7 A rìs, tha e suidheachadh là àraidh, ag ràdh ann an Daibhidh, An diugh, an déigh aimsir co fhada; mar a theirear, An diugh, ma chluinneas sibh a ghuth, na cruaidhichibh bhur crìdhe.

8 Oir nam biodh Iosua⁵ air toirt suaimeis dhoibh, cha labhradh e an déigh sin mu là eile.

9 Uime sin dh'fhàgadh fois *fa chomhair* sluaigh Dhé.

10 Oir an ti a chaidh steach d'a shuaimhneas-san, ghabh esan tàmh o' oibribh-san, amhuil a ghabh Dia o' oibribh féin.

11 Deanamaid dìchioll uime sin air dol a steach do'n t-suaimhneas sin, air eagal gu'n tuit aon neach a réir eisempleir cheudna a' mhì-chreidimh⁶.

12 Oir *tha* focal Dé beò agus cumhachdach, agus ni's géire na claidheamh dà fhaobhair air bith, a' ruigheachd eadhon chum eadar-sgaraidh an anama agus an spioraid, agus nan alt agus nan smear, agus a' toirt breth air smuaintibh agus rùnaibh⁷ a' chridhe.

13 Agus cha'n 'eil creutair sam bith nach 'eil follaiseach 'na làthair-san: ach a ta na h-uile nithe lomnochd, agus fosgailte do shùilbha an ti d'am feus sinn cunntas a thabhairt⁸.

14 Do bhrìgh uime sin gu bheil againn àrd-shagart mòr, a chaidh a steach do na nàmhaidh, Iosa Mac Dhé, cumamaid gu daingean ar n-aidmheil.

15 Oir cha'n 'eil àrd-shagart againn nach 'eil comasach air comh-fhlungas a bhi aige ri ar n-anmhuinneachdaibh; ach a bhuairleadh sna h-uile nithibh air an dòigh cheudna ruinne, *ach* as eugmhaais peacadh.

16 Thigearmaid uime sin le dànachd gu rìgh-cnaithir nan gràs, chum gu faigh sinn tròcair, agus gu'n amais sinn air⁹ gràs chum cabhair ann an àm feuma.

CAIB. V.

1 *Ughdarras agus urram sagartachd ar Slànuighir:* 11 *mairnealachd' nan eòlas air a chionachadh.*

OIR tha gach uile àrd-shagart, air a thoirt o mheasg dhaoine, air orduchadh air son dhaoine ann an nithibh a thaobh Dhé, chum gu'n toir e suas araon tiodhlacan agus ìobairtean air son pheacanna:

2 Neach a ta comasach air truas a ghabhail ris an dream a ta aineolach, agus air seacharan: do bhrìgh gubheil e féin mar an ceudna air a chuairteachadh le h-anmhuinneachd:

3 Agus air a shon so, is còir dha ìobradh air son pheacanna, mar as leth an t-sluaigh, is amhuil sin as leth féin mar an ceudna.

4 Agus cha ghabh aon duine an t-urram so dha féin, ach an ti a ta air a ghairm o Dhia, mar bha Aaron:

5 Is amhuil sin, cha do ghlòraich Crìosd e féin, gu bhì air a dheanamh 'na àrd-shagart; ach an ti a thubhairt ris, Is tu mo Mhac, an diugh ghin mi thu.

¹ fhois. ² a bha eas-ùmhail. ³ eagal.
⁴ dhinn. ⁵ Iosa, ⁶ eas-ùmhilachd.

⁷ breithneachaibh. ⁸ ris am bheil ar gnothuch-ne.
⁹ gu'm faigh sinn.

6 A réir mar a ta e ag ràdh mar an ceudna ann an *ionad* eile, *Is* sagart *thu* gu siorruidh a réir orduigh¹ Mhelchiseideic.

7 Neach ann an làithibh 'fheòla, an déigh dha urnuighean agus atlchuigeann, maille ri h-àrd-èighich agus deuraibh, iobradh suas do'n ti a bha comasach air a shaoradh o'n bhàs, agus dh'èisdeadh ris thaobh an ni roimh an robh eagal air².

8 Ged bu Mhac e, dh'fhògluim e ùmh-lachd o na nithibh a dh'fhuiling e :

9 Agus air dha bhì air a dheanamh foirfe, rinneadh e 'na ùghdar slàinte shiorruidh dhoibh-san uile a bhios ùmhal dha ;

10 Air a ghairm le Dia 'na àrd-shagart, a réir orduigh Mhelchiseideic ;

11 Mu'm bheil mòran againn r'a labhairt, agus cruaidh r'am mineachadh ; do bhrìgh gu 'bheil sibh mall 'nur n-èisd-eachd.

12 Oir ged bu chòir dhuibh a réir na h-aimsir bhì 'nur luchd-teagaisg, tha feum againn gu'n teagaisgeadh neach dhuibh a ris ciod iad ceud-thoisreacha bhriathar³ Dhé ; agus tha sibh air teachd chum na *h-inbhe* sin, gur mò a ta bainne dh'uir-easbhuidh oirbh na biadh làidir.

13 Oir gach neach a ta gnàthachadh bainne, tha e neo-theòmadh⁴ air focal na fireantachd : oir is naoidhean e.

14 Ach is ann do dhaoineibh foirfe a bhuineas biadh làidir, aig am bheil an ceud-faidh, tre ghnàthachadh fada, air an cleachdadh ri eadar-dhealachadh a chur eadar maith agus olc.

CAIB. VI.

1 *Chuir Pòl impidh air na Eabhruidhich, gun iad a thuiteam air an ais o'n chreidimh ;* 11 *ach bhì seasmhach, 12 dìchiollach, agus feitheamh gu foighidneach ri Dia, 13 do bhrìgh gu bheil esan ro fhìor agus cinnteach 'na ghealladh.*

UIME sin air fàgail duinn ceud-thoisreacha teagaisg Chrìosd, rachamaid air ar n-aghaidh chum foirfeachd ; gun bhì ris a' suidheachadh bunaite aithreachais o oibribh marbha, agus creidimh thaobh Dhé,

2 *Bunaite* teagaisg nam baisde, agus leagaidh nan làmh, agus aiseirigh nam marbh, agus breitheanais shiorruidh.

3 Agus nì sinn so, ma cheadaicheas Dia.

4 Oir is eu-comasach an dream sin a chaidh aon uair a shoillseachadh, agus a bhlaiss an tiodhlac nèamhaidh, agus a rinn-eadh 'nan luchd-comhpairt do'n Spiorad naomh,

5 Agus a bhlaiss deadh fhocal Dé, agus cumhachdan an t-saoghail ri teachd⁵,

6 Agus a thuit air faibh, ath-nuadhach-

adh chum aithreachais : do bhrìgh gu bheil iad a' ceusadh Mhic Dhé a ris dhoibh féin, agus 'ga chur gu nàire fhollaisich⁶.

7 Oir an talamh a dh'òlas a steach an t-uisge a tha teachd gu minic air, agus a bheir uaith luibheanna iomchuidh do'n dream leis an saothraichear e, gheibh e beannachadh o Dhia :

8 Ach an talamh sin a bheir uaith droighionn agus drisean *tha* e air a chur air cul, agus fagus do mhallachadh ; d'an deireadh bhì air a losgadh.

9 Ach is dearbh leim nithe a's fear mu'r timchioll-sa, a mhuinntir ionmhuinn, agus nithe a tha dlùth do shlàinte, ged tha sinn a' labhairt mar so.

10 Oir cha'n 'eil Dia mi-chothromach, gu'n dì-chuimhnich eadhbair agus saothair bhur gràidh, a nochd sibh a thaobh 'amne-san, am feadh gu'n d'riinn sibh frithealadh do na naomhaibh, agus gu bheil sibh a' frithealadh.

11 Agus is miann leimne gu'n dean gach aon againn an dùrachd ceudna a nochdadh, chum làn-dearbhaidh an dòchais gus a' chrìoch :

12 Chum nach bì sibh leasg, ach 'nur luchd-leanmhuinn orra-san, a tha tre chreidimh agus fhoighidìn a' sealbhachadh nan geallanna.

13 Oir an uair a thug Dia gealladh do Abraham, do bhrìgh nach feudadh e mionnan a thoirt air neach bu mhò, thug e mionnan air féin.

14 Ag ràdh, Gu fìrinneach, beannaichidh mi gu mòr thu⁷, agus nì mi ro lìonmhor thu. —

15 Agus mar sin an déigh dhasan feitheamh gu foighidneach, fhuair e sealbh air a' ghealladh.

16 Oir gu deimhin bheir daoine mionnan air an neach a's mò : agus dhoibh-san is crìoch air gach uile chonnsachadh mionnan chum daingneachaidh.

17 Uime sin air bhì do Dhia toileach air neo-chaochluidheachd a chomhairle fheuchainn nì's pailte do oighreachaibh a' gheallaidh, dhaingnich e le mionnaibh e :

18 Chum tre dhà nì neo-chaochluidheach, anns an *robh* e eu-comasach gu'n deanadh Dia breug, gu'm biodh againne comhfhurtachd làidir, a theich chum dì-dein gu greim a dheanamh air an dòchas a chuireadh romhainn :

19 Nì a tha againn mar acair an anama, araon cinnteach agus daingean, agus a theid a steach do'n ionad sin a ta'n taobh stigh do'n bhrat-roinn,

20 Far an deachaidh an roimh-ruith-fhear a steach air ar son-ne, *cadhon* losa.

¹ coslais. ² thugadh fuasgladh dha o eagal.

³ oracla. ⁴ neo-iùlmhar. ⁵ na linn ri teachd.

⁶ a' deanamh ball-magaidh dheth.

⁷ a' beannachadh beannaichidh mi thu. Gr.

a rinneadh 'na àrd-shagart gu siorruidh a réir orduigh Mhelchisedeic.

CAIB. VII.

1 *Is sagart Iosa Críod a réir orduigh Mhelchisedeic; 11 agus mar sin ní's ro áirdheirce na na sagairt a tha do orduigh Aaróin.*

OIR b'e am Melchisedeic so rìgh Shaleim, sagart an Dé a's ro àirde, neach a choinnich Abraham a' pilltimn o àr' nan rìghrean, agus a bheannaich e;

2 Da'n d'thug Abraham eadhon deachamhl do'n uile: n'cach a's e air tùs, air a eadar-theangachadh, rìgh na fireantachd, agus 'na dhéigh sin mar an ceudna, rìgh Shaleim, 'se sin, rìgh na sìthe;

3 Gun athair, gun mhàthair, gun sinn-sireachd, gun toiseach làithean, gun deireadh beatha aige; ach air a dheanamh cosmhuil ri Mac Dhé, tha e fantuinn 'na shagart gu siorruidh².

4 A nis thugaibh an aire cia mòr an duine so, da'n d'thug eadhon am prìomh-athair³ Abraham an deachamh do'n chreigh.

5 Agus gu deimhin iadsan do chloinn Lebhi, a tha faotainn na sagartachd, tha àithne aca deachamh a thogail o'n t-sluagh a réir an lagha, sin r'a ràdh, o'm bràithribh féin, ged thàinig iad a mach á leasraidh Abraham:

6 Ach an ti nach 'eil air a shloinneadh uatha-san, fhuair e deachamh o Abraham, agus bheannaich e esan aig an robh na geallanna.

7 Agus gun agadh sam bith, beannaichear an ti a's lugha leis an ti a's fearr.

8 Agus an so tha daoine a gheibh bàs a' faotainn deachamh: ach an sin an ti aig am bheil fianuis gu bheil e beò.

9 Agus mar a dh'fheudas mi ràdh, fluaradh ann an Abraham deachamh o Lebhi féin, a thogas an deachamh:

10 Oir bha e fathast ann an leasraidh athar, an uair a choinnich Melchisedec e.

11 A nis nan tigeadh foirfeachd tre shagartachd nan Lebhitheach, (oir is ann r'a linn a thugadh an lagh do'n t-sluagh,) ciod am feum a bha air sagart eile éirigh a réir orduigh Mhelchisedeic, agus nach biodh e air a ghairm a réir orduigh Aaróin?

12 Oir air do'n t-sagartachd bhi air a h-atharrachadh, is éigin an lagh bhi air atharrachadh mar an ceudna.

13 Oir an ti air an labhrar na nithe sin, buinidh e do thréibh eile, do nach d'rinn aon neach frithealadh aig an altair.

14 Oir is soilleir gur ann o Iudah dh'éirich ar Tighearn, treubh air nach do labhair Maois ni air bith thaobh sagartachd.

15 Agus tha e fathast ní's ro-shoilleire, am feadh gu'n d'éirich sagart eile a réir coslais Mhelchisedeic,

16 A rinneadh 'na shagart, cha'n ann a réir lagha àithne fheòlmhoir, ach a réir cumhachd beatha gun chrìoch.

17 Oir tha e deanamh fianuis, Gur sagart thu gach linn a réir orduigh Mhelchisedeic.

18 Oir gu deimhin tha an àithne roimhe air a cur air cùl, air son i bhi anmhunn agus neo-tharbhach.

19 Oir cha d'rinn an lagh ni sam bith foirre, ach rinn toirt a steach dòchais a's fearr e; tre'm bheil sinn a' teachd am fagus do Dhia.

20 Agus a mhead nach d'rinneadh sagart dehl gun mhionnaibh;

21 (Oir rinneadh sagarta dhiubh-san as eugmhais mhionnan: ach dheth-san le mionnaibh, tre'n ti a thubhairt ris, Mhionnaich an Tighearn, agus cha ghabh e aithreachas, Is sagart thu gu siorruidh, a réir orduigh Mhelchisedeic;)

22 Is cò mor as sin a rinneadh Iosa 'na urras air coimhcheangal a's fearr.

23 Agus bha gu deimhin mòran diubh-san 'nan sagartaibh, do bhrìgh gu'n do bhacadh dhoibh leis a' bhàs bhì maireann:

24 Ach an duine so, do bhrìgh gu mair e gu siorruidh, tha sagartachd neo-chaoch-luidheach aige.

25 Air an aobhar sin, tha e mar an cend-na comasach air an dream a thig a dh'ionnsuidh Dhé trid-san a thèarnadh gu h-iomlan⁵, do bhrìgh gu bheil e beò gu siorruidh gu eadar-ghuidhe a dheanamh air an son.

26 Oir bha shamhuil sin do àrd-shagart iomchuidh dhuinne, a bha naomh, neo-lochdach, neo-thruaillidh, air a dhealachadh⁶ o pheacachaibh, agus a rinneadh ní's àirde na na nèamha;

27 Nach feum gach là mar na h-àrd-shagairt ud iobairtean thoirt suas, air tùs air son a pheacanna féin, agus an déigh sin air son pheacanna an t-sluaigh: oir rinn e so aon uair, san àm a thug se e féin mar iobairt.

28 Oir tha an lagh a' deanamh àrd-shagarta do dhaoibh aig am bheil anmhuinn-eachd; ach focal nam mionnan a bha an déigh an lagha, a' deanamh àrd-shagairt do'n Mhac, a tha air a dheanamh iomlan⁷ gu siorruidh.

CAIB. VIII.

1 *Le sagartachd siorruidh Chríod tha sagartachd Lebhitheach Aaróin air a cur air cùl: 7 agus an coimhcheangal aimsireil a rinneadh ris na sinn-siribh, le coimhcheangal siorruidh an t-soisgeil.*

ANIS is e so suim nan nithe a labhair sinn: Tha shamhuil sin do àrd-shag-

¹ mharbhadh.

² a ghnàth, rè a bheatha.

³ àrd-athair.

⁴ tiomnadh.

⁵ a shlànuchadh gus a' chuid a's faide, gu siorruidh, air a sgaradh.

⁷ air a choisrigeadh.

art againn, a tha air suidhe air deis righ-
chaitheach na mòrachd anns na nèamh-
aibh;

2 Ministear nan ionad naomha, agus an
fhìor phàillium, a shuidhich an Tighearn,
agus cha bu duine.

3 Oir tha gach uile àrd-shagart air ord-
uchadh chum tiodhlacan agus iobairtean
a thoirt suas: uime sin b'èigin gu'm biodh
aig an duine so mar an ceudna ni éigin
r'a thabhairt suas.

4 Oir nam biodh e air thalamh, cha
bhiodh e 'na shagart, do bhrìgh gu bheil
sagairt ann a tha tabhairt suas thiodhlac
a réir an lagha:

5 Muinntir a tha deanamh seirbhis le
sambhladh agus sgàile nan nithe nèamh-
aidh, a réir mar a dh'orduicheadh do
Mhaois le Dia 'nuair a bha e air tì am
pàillium a chur suas. Oir feuch, (a ta e
ag ràdh,) gu'n dean thu na h-uile nithe
réir an t-saimpleir a nochdadh dhuìt san
t-slabh.

6 Ach a nis fhuair e ministreileachd a's
ro fhearr, e mhead gu bheil e mar an
ceudna 'na eadar-mheadhonair air coimh-
cheangal a's fearr, a chaidh dhaingneach-
adh air geallaibh a's fearr.

7 Oir nam biodh an ceud choimhcheang-
al sin gun uireasbhuidh¹; cha'n iarrtadh
àit do'n dara coimhcheangal.

8 Oir, a' faotainn croin doibh, a ta e ag
ràdh, Feuch thig na làithean, (tha an Tighearn
ag ràdh,) anns an dean mi coimh-
cheangal nuadh ri tigh Israeil, agus ri tigh
Iudah:

9 Cha'n ann a réir a' choimhcheangail a
rinn mi r'an aithrichibh, anns an là a rug
mi air làimh orra chum an treòrachadh a
mach á talamh na h-Eipht; do bhrìgh
nach d'fhan iad ann am choimhcheangal,
agus chuir mise suarach iadsan, tha an
Tighearn ag ràdh.

10 Oir is e so an coimhcheangal a ni mi
ri tigh Israeil an déigh nan làithean ud,
tha an Tighearn ag ràdh; Cuiridh mi mo
reachdan 'nan inntinn, agus sgriobhaidh
mi iad air an cridheachaibh: agus bithidh
mi a'm' Dhia dhoibh, agus bithidh iadsan
'nan sluagh dhomh-sa.

11 Agus cha teagaisg iad gach aon a
choimhearsnach, agus gach aon a bhràth-
air, ag ràdh, Gabh eòlas air an Tighearn:
oir bithidh eòlas aca uile orm, o'n neach
a's lugha gus an neach a's mò dhiubh.

12 Oir bithidh mise tròcaireach d'an
euceartaibh, agus am peacanna agus an
aingidheachd cha chuimhnich mi ni's
mò.

13 Am feadh a ta e ag ràdh, *Coimh-
cheangal nuadh, rinn e'n ceud choimh-
cheangal sean.* A nis an ni a ta aosda

agus air fàs sean, tha e fagus do dhol as
an t-sealladh.

CAIB. IX.

1 *Tha Pòl a' mìneachadh nan ìobairt fuidh 'n lagh,
agus gach gnàthachaidh a bha 'nan cuideachd;
11 tha iad gu mòr thaobh feobhais goirid air fuil
agus ìobairt Chrìosd.*

BHA ma seadh gu dearbh aig a' cheud
phàillium orduighean² a thaobh
seirbhis Dé, agus naomh-ionad saoghalta.

2 Oir dheasaicheadh an ceud phàillium,
anns an robh an coinnleir, agus am bòrd,
agus arann na fianuis, ris an abrar *an t-ionad*
naomh.

3 Agus an taobh a stigh do'n dara roinn-
bhrat, am pàillium ris an abrar an t-ionad
a's ro naomha;

4 Anns an robh an tùisear òir, agus àire
a' choimhcheangail air a còmhachadh³
mu'n cuairt le h-òr, anns robh a' phoit òir
anns an robh am mana, agus slat Aaroin
a bha fo bhlàth, agus clàir a' choimh-
cheangail;

5 Agus os a ceann, cheruban na gloire,
a' cur sgàile air caithir na tròcair; mu
nach urrainn sinn a nis labhairt fa leth.

6 A nis an uair a bha na nithe so air an
cur an orduigh mar so, chaidh na sagairt
a ghnàth a steach do'n cheud phàillium, a'
coimhlionadh seirbhis Dé:

7 Ach do'n dara pàillium *chaidh* an t-àrd-
shagart 'na aonar a *steach* aon uair sa'
bhliadhna, cha b'ann as eugmhais fola, a
thug e suas air a shon féin, agus *air son*
seacharain an t-sluaigh:

8 Air bhì do'n Spiorad naomh a' nochd-
adh so, nach robh fathast an t-slighe chum
an ionaid bu ro naomha air a foillsach-
adh, am feadh a bha an ceud phàillium
fathast 'na sheasamh:

9 Ni a bha 'na shamhladh do'n aimsir a
ta làthair, anns an robh araon tiodhlacan
agus iobairtean air an toirt suas, nach
robh comasach air an tì a bha deanamh
na seirbhis sin a dheanamh coimhlionta,
thaobh a choguis,

10 *An t-seirbhis* a bha mhàin ann am
biadhaibh agus ann an deochaibh, agus
ann an iomadh gnè ionnlaid, agus deas-
ghnàthachaibh a thaobh na feòla, a chuir-
eadh mar uallaich orra gu àm an leasach-
aidh.

11 Ach air teachd do Chrìosd 'na àrd-
shagart nan nithe maithe a bha ri teachd,
tre phàillium bu mhò agus bu dìongmhalta,
nach d'riuneadh le làmbhaibh, sin r'a ràdh,
nach robh do'n togail so;

12 Agus cha b'ann tre fhuil ghabhar
agus laogh, ach tre 'fhuil féin a chaidh e
steach aon uair do'n ionad naomh, air dha
saorsa shiorruidh fhaotainn dhuinne.

¹ lochd, chron.² reachdan.³ folach.

13 Oir ma nì fuil tharbh, agus ghabhar, agus luaithe aighe air a crathadh air an dream a bha neòghlan, an naomhachadh chum glanaidh na feòla;

14 Cia mòr a's mò nì fuil Chrìosd, a thug é fèin suas tre'n Spiorad shìorruidh¹ gun lochd do Dhia, bhur coguis-sa ghlanadh o oibribh marbha chum seirbhis a dheanamh do'n Dia bheò?

15 Agus air a shon so is esan eadar-mheadhonair an tiomnaidh-nuaidh², ionnus tre fhulangas a' bhàis, chum saorsa³ nan euceart a bha fuidh 'n cheud thiomnadh a chosnadh, gu'm faigheadh iadsan a ta air an gairm gealladh na h-oighreachd sìorruidh.

16 Oir far am bheil tiomnadh, is éigin bàs an tiomnaidh-fhir a bhi ann mar an ceudna.

17 Oir a ta tiomnadh daingean an déigh bàis dhaoine: ach cha 'n 'eil brìgh sam bith ann am feadh a ta'n tiomnaidh-fhear beò.

18 A réir sin, nì mò bha'n ceud *thiomnadh* air a choisreagadh⁴ as eugmhais fola.

19 Oir an uair a labhradh gach uile àithne réir an lagha ris an t-sluagh uile le Maois, air dha fuil laogh agus ghabhar a ghabhail, maille ri h-uisge, agus oluinn scarlaid⁵, agus hisop, chrath e iad araon air an leabhar agus air an t-sluagh uile,

20 Ag ràdh, 'Sì so fuil an tiomnaidh⁶ a dh'àithn Dia dhuibh.

21 Os bàrr, chrath e mar an ceudna an fhuil air a' phàillion, agus air soithichibh na naomh-sheirbhis uile.

22 Agus is beag nach 'eil na h-uile nithe air an glanadh le fuil a réir an lagha; agus as eugmhais dòrtaidh fola cha 'n 'eil maitheanas r'a fhaotainn.

23 B'fheumail uime sin gu'm biodh samhlaidh nan nithe a ta sna nèamhaibh air an glanadh leo so; ach na nithe nèamhaidh fèin le ìobairtibh a b'fhearr na iad so:

24 Oir cha deachaidh Crìosd a steach do na h-ionadaibh naomha làmh-dheanta, nithe a ta 'nan samhachas air an fhìor ionad; ach do nèamh fèin, chum a nis e fèin a nochdadh ann am fianuis Dé air ar son-ne: ...

25 No fòis chum e fèin ìobradh gu minic, mar a thèid an àrd-shagart gach bliadhna steach do'n ionad naomh, le fuil nach leis fèin.

26 Oir mar sin b'éigin gu'm fulaingeadh e⁷ gu minic o thoiseach an t-saoghail; ach a nis dh'fhoillsicheadh e aon uair ann an deireadh an t-saoghail⁸, chum

peacadh a chur air cùl tre e fèin ìobradh.

27 Agus amhuil a ta e air orduchadh do dhaoineibh bàs fhaotainn aon uair, ach 'na dhéigh so breitheanas:

28 Mar sin thugadh Crìosd suas aon uair a thoirt air falbh peacanna mhòran, ach an dara uair as eugmhais peacaidh foillsichear e dhoibh-san aig am bheil sùil ris, chum slàinte.

CAIB. X.

1 Amhuinneachd ìobairtean an lagha. 10 Thug ìobairt cuirp Chrìosd, a thugadh suas aon uair, peacadh gu sìorruidh air falbh. 19 Earail chum an creidimh a ghleidheadh gu daingean, le foighidìn agus buidheachas.

UIME sin, air bhi aig an lagh sgàile nithe maithe ri teachd, agus cha 'n e fìor-choslas⁹ nan nithe fèin, cha 'n 'eil e comasach dha an dream a thig d'a ionnsuidh a chaoidh a dheanamh coimhlionta leis na h-ìobairtibh sin, a bha iad a' toirt suas o bhliadhna gu bliadhna a ghnàth.

2 Oir an sin nach sgùireadh iad do bhi 'gan toirt suas? do bhrìgh nach biodh aig luchd deanamh na naomh-sheirbhis tuilleadh coguis air bith peacaidh, air dhoibh bhi aon uair air an glanadh.

3 Ach anns na h-ìobairtibh sin nìthear ath-chuimhneachadh air na peacaibh gach bliadhna.

4 Oir cha 'n 'eil e'n comas gu tugadh fuil tharbh agus ghabhar peacanna air falbh.

5 Uime sin ag teachd dha do'n t-saoghal, a ta e ag ràdh, ìobairt agus tabhartas cha b'àill leat, ach dh'ulluich thu corp dhomhsa:

6 Ann an ìobairtibh-loisgte, agus ann an ìobairtibh air son peacaidh cha robh tlachd agad:

7 An sin thubhairt mise, Feuch tha mi a' teachd, (ann an rola an leabhair tha sud sgriobhta orm,) chum do thoil-sa a dheanadh, O Dhé.

8 Air dha a ràdh roimh sin, Ìobairt, agus tabhartas, agus ìobairte-loisgte, agus ìobairt air son peacaidh cha b'àill leat, agus cha robh do thlachd anna, (a tha air an toirt suas a réir an lagha;)

9 An sin thubhairt e, Feuch, a ta mi a' teachd a dheanamh do thoil-sa, O Dhé. Tha e cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, tre toirt suas cuirp Iosa Crìosd aon uair.

11 Agus tha gach uile shagart a' seasamh gach là, a' frithealadh agus a' toirt suas nan ìobairt cheudna gu minic, nithe

¹ tre'n spiorad naomh.

² a' choimhcheangail nuaidh.

⁴ air a dhaigneachadh.

³ fuasglaidh.

⁵ concuir.

⁶ a' choimhcheangail.

⁷ b' fheumail e dh'fhuilang.

⁸ nan linn.

⁹ fìor-dhealbh.

do nach 'eil e'n comas a chaidh peacanna thoirt air falbh:

12 Ach an duine so, an déigh dha aon iobairt a thoirt suas air son peacaidh, shuidh e a chaidh tuilleadh air deas làimh Dhé;

13 A' feitheamh o sin suas gu an cuirear a naimhde 'nan stòl-chos fo 'chosaibh.

14 Oir le aon iobairt rinn e chaidh foirfe iadsan a ta air an naomhachadh.

15 Agus tha an Spiorad naomh mar an ceudna a' deanamh fianuis duinne air na nithibh so: oir an déigh dha ràdh roimh,

16 Is e so an coimhcheangal a ni mi riu an déigh nan làithean ud, tha an Tighearn ag ràdh, Cuiridh mi mo reachdan 'nan cridhe, agus sgrìobhaidh mi iad air an inntinn:

17 Agus am peacanna agus an eucearta cha chuimhnich mi ni's mò.

18 A nis, far am bheil maitheanas nan nithe so, cha 'n 'eil tabhartas¹ air son peacaidh ann ni's mò.

19 Uime sin, a bhràithre, do bhrìgh gu bheil dànachd againn chum dol a steach do'n ionad a's naomha tre fhuil Iosa,

20 Air slighe nuaidh agus bheò a choisrig e dhuinne, tre'n roinn-bhrat, sin r'a ràdh, tre 'fheòil fèin:

21 Agus do bhrìgh gu bheil againn àrd-shagart os ceann tighe Dhé,

22 Thigeamaid ann fagus le cridhe fìor, ann an làn dearbh-bheachd a' chreidimh, le ar cridheachaibh air an crath-ghlanadh, o dhroch coguis, agus le ar cuirp air an nigheadh le h-uisge glan.

23 Cumamaid gu daingean aidmheil ar dòchais gun chlaonadh, (oir is fìrinneach an ti a gheall:)

24 Agus thugamaid an aire d'a chéile chum ar brosnachadh gu gràdh, agus gu deadh oibribh:

25 Gun bhi leigeadh dhinn sinn fèin a chruinneachadh an ceann a chéile, mar is gnàth le dream àraidh; ach a' comhairleachadh a chéile: agus gu ma mòid a ni sinn so, gu bheil sibh a' faicinn an là a' tarruing am fagus.

26 Oir ma pheacaicheas sinn do ar toil fèin an déigh dhuinn eòlas na fìrinn fhaotainn, cha'n fhàg tuilleadh dhuinn iobairt air son peacaidh,

27 Ach dùil eagalach ri breitheanas, agus fearg-theinnteach, a sgrìosas na h-eascairdean.

28 An neach a rinn tàir air lagh Mhaois, bhàsaich e gun tròcair, fo dhithis no thriuir do fhianuisibh:

29 Cia mòr is mò² na sin am peanas a shaoileas sibh air am measar esan toillteanach, a shaltair fo 'chosaibh Mac Dhé,

agus a mheas mar ni mi-naomha fuil a choimhcheangail, leis an do naomhaich eadh e, agus a rinn tarcuis air Spiorad nan gràs?

30 Oir is aithne dhuinn an Ti a thubhairt, Is leam-sa an dioghaltas, agus bheir mi dìoladh uam, tha an Tighearn ag ràdh; agus a ris, Bheir an Tighearn breth air a shluagh.

31 Is ni eagalach tuiteam ann an làmh-aibh an Dé bheò.

32 Ach biodh aithne-chuimhne agaibh air na làithibh a chaidh seachad, anns an d'fhuiling sibh, an déigh dhuibh bhi air bhur soilseachadh, gleachda mòr fulangais³;

33 Ann an cuid, am feadh a rinneadh sibh 'nur ball-amhairc⁴, araon tre mhaslaibh agus thriolaidibh; agus ann an cuid, am feadh a rinneadh sibh 'nur companaich dhoibh-san ris an do bhuineadh mar sin.

34 Oir bha comh-fhulangas agaibh rium-sa ann am gheimhlibh, agus ghabh sibh le luath-ghair ri creachadh bhur maoin, air dhuibh fios a bhi agaibh ann-aibh fèin gu bheil agaibh air nèamh maoin a's fearr, agus a ta maireannach.

35 Uime sin na tilgibh uaibh bhur muinghin, aig am bheil mòr dhiol-thuarasdal.

36 Oir a ta feum agaibh air foighidin; chum an déigh dhuibh toil Dé a' dhcau-aunh, gu'm faigh sibh an gealladh.

37 Oir fathast seallan beag, agus an ti a ta ri teachd thig e, agus cha dean e moille.

38 A nis bithidh am fìrean beò tre chreidimh: ach ma philleas neach sam bith air ais, cha bhi aig m'anam-sa tlachd ann.

39 Ach cha'n 'eil sinne do'n dream sin a philleas air an ais chum-sgrìos; ach do'n dream a chreideas, chum teanaidh an anama.

CAIB. XI.

1 Ciod e creidimh. 6 As eugmhais creidimh cha'n 'eil e'n comas duinn toil Dé a dheanamh: 7 deadh thoradh a' ghràis sin anns na h-aithrichibh o shean.

A NIS is e creidimh brìgh nan nithe ri'm bheil dòchas, dearbh-chinntes⁵ nan nithe nach faicear.

2 Oir is ann tre so a fhuair na sinnsircan deadh theisteachas.

3 Tre chreidimh tha sinn a' tuigsinn gu'n do chruthaicheadh na saoghail tre fhocal Dé, air chor as nach d'rinneadh na nithe a chithear do nithibh a bha r'am faicinn.

4 Tre chreidimh thug Abel suas do Dhia iobairt ni b' fhearr na Cain, tre an d'thugadh teisteachas dha gu'n robh e 'na fhìrean, air bhi do Dhia a' deanamh fian-

¹ ofrail, iobairt.

² truime, miosa.

³ cath mòr àmhghara.

⁴ ball-àbhacais.

⁵ dearbhadh, dearbh-shoilcìr.

uis d'a thiodhlacaibh: agus tre sin, air dha bhi marbh, tha e fathast a' labhairt.

5 Tre chreidimh dh'atharraicheadh Enoch chum nach faicheadh e bàs; agus cha d'fhuair e, do bhrìgh gu'n d'atharraich Dia e: oir roimh 'atharrachadh thugadh fianuis da, Gu'n do thaitinn e ri Dia.

6 Ach as eugmhais creidimh cha'n 'eil e'n comas a thoileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur e an 'Tì e a bheir duais do'n dream a dh'iarraas e gu dìchiollach.

7 Tre chreidimh air do Noah ràbhadh fhaotainn o Dha mu thimchioll nithe nach robh idir r'am faicinn, agus eagal a ghabhail, dh'ulluich e àire chum tearnaidh a theaghlach; tre'n do dh't e an saoghal, agus rinneadh e 'na oighre air an fhìreantachd a ta thaobh creidimh.

8 Tre chreidimh, 'nuair a ghairmeadh Abraham gu dol a mach do ionad a bha e gu fhaotainn an déigh sin mar oighreachd, fhreagair e; agus dh'imich e mach gun fhios a bhi aige c'àit an robh e dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail còmhnuidh ann am pàillunaibh maille ri h-Isaac agus Iacob, comh-oighreachan a' gheallaidh cheudna.

10 Oir bha sùil aige ri baile aig am bheil bunaitean, air am *bheil* Dia 'na fhear-dealbhaidh agus 'na fhear-togail.

11 Tre chreidimh mar an ceudna fhuair Sarah féin neart gu sliochd a ghabhail 'na broinn, agus rug i leanabh an déigh dhi dol thar aois *cloinne*, do bhrìgh gu'n do mheas i gu'n robh esan fìrinneach a thug an gealladh.

12 Uime sin ghineadh o aon a mhàin, agus esan ionnan agus marbh, sliochd mar reulta nìmh thaobh lìomhoireachd, agus mar a' ghaineamh air tràigh na fairge do-àireamh.

13 Fhuair iad so uile bàs ann an creidimh, gun na geallanna¹ fhaotainn, ach air dhoibh am faicinn fad o làimh, (agus an làn-chreidsinn,) ghabh iad riu, agus dh'aicidh iad gu'm bu choirigh agus luchd-cnairt air an talamh iad féin.

14 Oir an dream a ta ag ràdh nan nithe sin, tha iad a' nochdadh gu soilleir gu bheil iad ag iarraidh dùthcha.

15 Agus gu fìrinneach nam biodh iad cuimhneachail air an *dùthaich* sin, as an d'thàinig iad a mach, dh'fheudadh iad àm iomchuidh fhaghail air pilleadh:

16 Ach a nis tha déidh aca air *dùthaich* a's fearr, eadhon *dùthaich* nèamhaidh:

uime sin cha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'ìobair Abraham, air dha bhi air a dhearbhadh, a *mhac* Isaac; agus thug an ti a fhuair na geallanna suas 'aon-ghin *mhic*;

18 Ris an dubhradh², Ann an Isaac goir-ear do shliochd:

19 A' meas³ gu'm bu chomasach Dia air a thogail eadhon o na marbhaibh; o'n d'fhuair se e eadhon ann an cosamhlachd.

20 Tre chreidimh bheannaich Isaac Iacob agus Esau mu thimchioll nithe a bha ri teachd.

21 Tre chreidimh bheannaich Iacob, ag faghail bàis da, dithis mhac Ioseph; agus rinn e aoradh, a' *leigeadh a chudthrom* air bàrr a bhata.

22 Tre chreidimh rinn Ioseph, ri àm faghail a' bhàis da, iomradh air dol a mach chloinn Israeil; agus thug e àithne mu thimchioll a chnàmh.

23 Tre chreidimh an uair a rugadh Maóis, dh'fholaicheadh e trì mìosan le 'phàrantaibh, do bhrìgh gu'm fac iad gu'm bu leanabh tlachdmhor e; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhiùlt e bhi air a ghairm 'na mhac do nighinn Pharaoh;

25 A' ròghnachadh àmhghar fhulang maille ri sluagh Dhé, roimh shòlas a' pheacaidh a mhealtuinn rè seal;

26 A' meas gu'm bu mhò an saoihbreas masladh Chrìosd na ionmhais na h-Eiphit: or bha sùil aige ris an luach-saoithreach⁴.

27 Tre chreidimh thréig e'n Eiphit, gun eagal a bhi air roimh chorroich an rìgh: oir bha e làidir 'na inntinn, mar neach a bha faicinn an ti a ta neo-fhaicsinneach.

28 Tre chreidimh ghléidh e a' chàisg, agus an dòrtadh fola, chum nach beanadh an ti a sgrios na ceud-ghin riu-san.

29 Tre chreidimh chaidh iad tre a' mhuir ruaidh, mar tre thalamh tioram: ni 'nuair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballacha Iericho, an déigh bhi air an cuairtcachadh rè sheachd làithean.

31 Is ann tre chreidimh nach do sgriosadh Rahab an strìopach maille riu-san nach do chreid, 'nuair a ghabh i ris an luchd-brathaidh an sìth.

32 Agus ciod tuilleadh a thair mi? oir theirgeadh an ùine dhomh ann an labhairt mu Ghideon, Bharac agus Shampson, agus Iephtah, Dhaibhidh mar an ceudna, agus Samuel, agus na fàidhibh:

33 Muinntir tre chreidimh, a cheannsaich rioghachdan, a dh'oibrich fireant-

¹ na nithe a ghealladh.

² Mu'n dubhradh.

³ A' reusonachadh, a' breithneachadh,

⁴ duais.

achd, a fhuair geallanna, a dhruid beoil leòmhán,

34 A mhùch neart teine, a chaidh as o fhaobhtar a' chlaidheimh, o anmhuim-eachd a rinneadh neartmhor, a dh'fhàs treun ann an cath, a chuir air theicheadh armailte nan coimheach.

35 Fhuair mnàil am mairbh air an togail a ris gu beatha: agus chràidh-phianadh dream cile, gun iad a ghabhail ri saorsa; chum gu faigheadh iad aiseirigha b'fhearr.

36 Fhuair dream eile deuchainn do fhanoidibh, agus do sgiùrsaibh, seadh fòs, do gheimhlibh agus do phrìosan.

37 Chlacladh iad, shàbhadh as a chéile iad, bhuaireadh iad, chuireadh gu bàs leis a' chlaidheamh iad: chaidh iad mu'n enairt 'nam fògaraich ann an croicnibh chaorach agus ghabhar, ann an uircas-bhuidh, ann an trioblaidibh, ann an cràdh;

38 (Dream air nach b'airidh an saoghal; a' dol air seacharan ann am fàsaichibh, agus air sleibhtibh, agus ann an uamhaibh agus ann an slochdaibh na talmhainn.

39 Agus air dhoibh so uile deadh theist-eas fhaotainn tre chreidimh, cha d'fhuair iad an gealladh:

40 Air do Dhia ni éigin a's fearr a sholar dhuinne, ionnus nach biodh iadsan air an deanamh foirfe as ar n-eugmhais-ne.

CAIB. XII.

1 Earail chum bhì bunaitheach ann an creidimh, foighidin, agus diadhachd. 22 Moladh an Tiomnaidh-nuaidh os ceann an t-seann-tiomnaidh.

UIME sin, air dhuinne bhì air ar cuairteachadh le neul co mòr do fhianuisibh, cuireamaid dhinn gach leth-trom, agus am peacadh a ta gu furas ag iadhadh umainn, agus ruitheamaid le foighidin an réis¹ a chuireadh romhainn.

2 Ag amharc air Iosa, ceannard² agus fear-cricheanaich ar creidimh, neach air son an aoibhneis a chuireadh roimhe, a dh'fhuiling an crann-ceusaidh, a' cur na nàire an neo-shuim, agus a shuidh air deis righ-chaitreach Dé.

3 Uime sin thugaibh fa'near esan a dh'fhuiling a shamhuil sin do ana-cainnt o pheacaich 'na aghaidh féin, air eagal gu'm bi sibh sgith agus lag ann bhur n-inntinnibh.

4 Cha do sheas sibh fathast gu fuil, a' cathlachadh an aghaidh peacaidh.

5 Agus dhìchuimhnich³ sibh an earail a ta labhairt ribh mar ri cloinn, A mhic, na cuir suarach⁴ smachdachadh an Tighearn, agus na fannaich⁵ 'nuair a chronaichear leis thu:

6 Oir an ti a's 'ionmhuinn leis an Tighearn, smachdaichidh se e, agus sgiùrsaidh e gach mac ris an gabh e.

7 Ma ghiùlaineas sibh smachdachadh, tha Dia a' buntuinne ribh mar ri cloinn: oir cò am mac nach smachdaich an t-Athair?

8 Ach ma tha sibh as eugmhais smachdachaidh, d'am bheil na h-uile 'nan luchd-comhpairt, an sin is clann diolain sibh, agus cha chlann dligheach.

9 Os bàrr, bha againn aithriche thaobh na feòla, a smachdaich sinn, agus thug sinn urram dhoibh: nach mò gu mòr is còir dhuinn bhì ùmhail do Athair nan spiorad, agus a bhì beò?

10 Oir gu deimhin smachdaich iadsan sinn rè beagain do làithibh a réir an toile féin⁶; ach esan chum ar leas, ionnus gu'm bitheamaid 'nar luchd-comhpairt d'a naomhachd.

11 Ach cha mheasar smachdachadh air bith am feadh a ta e làthair sòlasach, ach doilgheasach: gidheadh, 'na dhéigh sin bheir e uaith troadh sìochail na fireant-achd, do'n dream a ta gu dligheach air an cleachdadh ris.

12 Uime sin, togaibh suas na làmhnan a ta air tuiteam sìos, agus neartaichibh na glùine laga;

13 Agus deanaibh cos-cheuma dìreach do 'ur cosaibh, air eagal gu'm bi an ni sin a ta bacach air a thionndadh as an t-slighe; ach gu ma mò bhiodh e air a shlànuchadh.

14 Leanaibh sìth maille ris na h-uile dhaoimibh, agus naomhachd, ni as eugmhais nach faic neach air bith an Tighearn:

15 A' toirt an ro aire, air eagal gu'n tig neach sam bith a dhéidh-làimh air gràs Dé⁷; air eagal air fàs suas do fhrèimh seirbhe sam bith, gu'n cuir e dragh oirbh, agus le so gu'm bi mòran air an salachadh:

16 Air eagal gu'm bi fear striopachais ann, no neach mi-naomha sam bith mar Esau, a reic air son aoìn ghreim bidh⁸ còir a cheud-bhreithe⁹.

17 Oir a ta fhios agaibh 'nuair a b'àill leis an déigh sin am beannachadh a shealbhadh, gu'n do dhiùltadh e: oir cha d'fhuair e àit aithreachais, ged dh'iarr se e gu dùrachdach le deuraibh.

18 Oir cha d'thàinig sibh chum an t-sleibh ris am feudtadh beantuinne, agus a bha losgadh le teine, no chum duibhre, agus dorchadais, agus doinnn,

19 Agus fuaim na trompaid, agus guth nam briathar, ionnus gu'n do ghuidh an dream a chual e nach labhairteadh am focal rin tuilleadh:

20 (Oir cha b'urrainn iad an ni sin a chaidh àithneadh dhoibh iomchar, Agus

¹ a' choimhliog.

² àghdair.

³ An do dhìchuimhnich?

⁴ an neo-shuim, an neo-phrìs.

⁵ lagaich.

⁶ mar bu taitneach leo.

⁷ gu'n clann neach sam bith o ghràs Dé.

⁸ lòn.

⁹ a chòir-bhreithe.

ma bheanas fiù ainmhidh ris an t-sliabh, clachar e, no cuirear sleagh a mach troimhe.

21 Agus bu co uamhasach an sealladh, as gu'n dubhairt Maois, Tha eagal ro mhòr agus crith orm:)

22 Ach tha sibh air teachd gu sliabh Shioin, agus gu caithir an Dé bheò, an Ierusalem nèamhaidh, agus cuideachd do-àireamh do ainglibh,

23 Gu làn-choimhthional agus eaglais nan ceud-ghin, a tha sgrìobhta sna nèamhaibh, agus gu Dia breitheamh nan uile, agus gu spioradaibh nam firean air an deanamh foirfe,

24 Agus gu Iosa eadar-mheadhonair a' choimhcheangail nuaidh, agus chum fola a' chrathaidh, a tha labhairt nithe a's fearr na *fuil* Abeil.

25 Thugaibh an aire nach diùlt sibh esan a ta labhairt: oir mur deachaidh iadsan as a dhiùlt an ti a labhair o *Dhia riù* air thalamh, is lugha gu mòr na sin a *théid* sinne as, ma thionndaidheas sinn air falbh uaithe-san a ta *labhairt* o nèamh:

26 Neach aig an do chrath a ghuth an talamh an sin: ach a nis gheall e, ag ràdh, Aon uair eile fathast crathaidh mi cha'n e an talamh a mhàin, ach nèamh mar an ceudna.

27 Agus a ta *am focal* so, Aon uair eile, a' ciallachadh atharrachaidh nan nithe sin a ghabhas crathadh, mar nithe a rinn-eadh, chum gu fanadh na nithe nach gabh crathadh¹.

28 Uime sin air dhuinne ròghachd fhaotainn nach feudar a ghluasad, biodh againn gràs², leis an dean sinn seirbhis gu taitneach do Dhia, le h-urram agus eagal diadhaidh:

29 Oir a ta ar Dia-ne 'na theine dian-loisgeach.

CAIB. XIII.

1 *Comhairlean eagsamhla chum seirc*, 4 *chum caithe-beatha chiataich*, 5 *chum sannt a sheachnadh*, 7 *chum bhi dleasdhanach do luchd-searmonachaidh an t-soisgeil*, 9 *bhi air ar fuicill o theagasgaibh coimheach*, 16 *dèirce thoirt seachad*, 17 *bhi ùmhal do uachdaranaihbh*, 18 *urnuigh a dheanamh air son an abstoil*, 19 *An comh-dhìnanadh*.

FANADH gràdh bràthaireil *agaibh*.

2 Na dearmadaibh aoidheachd a thoirt do choigrich; oir le so thug dream àraidh aoidheachd do ainglibh gun fhios doibh.

3 Bithibh cuimhneachail orra-san a tha ceangailte, mar gu'm biodh sibh ceangailte maille riù; *agus* a' an dream a tha fulang anshocair, mar mhuinntir a tha sibh féin mar an ceudna anns a' choluinn.

4 *Tha'm* pòsadh urramach anns na h-uile³, agus an leabadh neo-shalach: ach air luchd-strìopachais agus adhaltranmais

bheir Dia breth.

5 *Biodh bhuir caithe-beatha* gun sannt; agus bithibh toilichte leis na nithibh a tha làthair agaibh: oir thubhairt e, Cha'n fhàg, agus cha tréig mi am feasd thu.

6 Ionnsu gu'm feud sinn a ràdh gu dàna, Is e'n Tighearn m' fhear-cuideachaidh, agus cha'n eagal leam aon ni a dh'fheudas duine dheanamh orm.

7 Bithibh cuimhneachail air bhuir cinn-iùil, a labhair ribh focal Dé: leanaibh an creidimh-san, a' beachdachadh air crìch an caithe-beatha:

8 Iosa Criosd an dé, agus an diugh, agus gu sìorruidh an ti ceudna.

9 Na bithibh air bhuir giùlan mu'n cuairt le teagasgaibh eagsamhla coimheach: oir is maith an ni an cridhe bhi air a dhaingneachadh le gràs, cha'n ann le biadhaidh, nithe nach d'thug tairbhe do'n dream a ghnàthaich iad.

10 Tha altair againne, dheth nach 'eil còir aca-san a bheag itheadh, a tha deanamh seirbhis do'n phàillìin.

11 Oir a ta cuirp nan ainmhidhean sin, aig am bheil am fuil air a toirt a steach air son peacaidh do'n ionad naomh leis an àrd-shagart, air an losgadh an leth muigh do'n champ.

12 Uime sin chum gu'n deanadh Iosa an sluagh a naomhachadh le 'fhuil féin, dh'fhuiling e mar an ceudna an taobh a muigh do'n gheata.

13 Air an aobhar sin, rachamaid a mach d'a ionnsuidh-san an taobh a muigh do'n champ, a' giùlan a mhaslaidh-san.

14 Oir an so cha'n 'eil againn baile a mhaireas, ach a ta sinn ag iarraidh aoin a ta ri teachd.

15 Uime sin trèd-san thugamaid suas ìobairt buidheachais do Dhia a ghnàth, 'se sin, toradh ar bilean, a' toirt molaidh d'a ainm.

16 Ach na dì-chuimhnichibh maith a dheanamh, agus comhroinn a thoirt uaibh: oir a ta an leithide sin do ìobairtibh taitneach do Dhia.

17 Bithibh ùmhal do 'ur cinn-iùil, agus thugaibh géill doibh: oir tha iad ri faire air bhuir n-anamaibh, mar mhuinntir d'an éigin cunntas thoirt uatha: chum gu'n dean iad e le gàirdeachas, agus cha'n e le doilgheas: oir tha so neo-tharbhach dhuibh-se.

18 Deanaibh urnuigh air ar son-ne: oir is dòigh leinn gu bheil deadh choguis againn, air dhuinn bhi toileach ar beatha a chaitheadh gu cubhaidh anns na h-uile nithibh.

19 Ach is mòid a ghuidheam oirbh so a dheanamh, chum gur luathaid a dh'aisigear mise dhuibh.

20 A nis gu deanadh Dia na sìthe, a

¹ nach feudar a chrathadh.

² deanamaid greim do ghràs. ³ am measg nan uile.

thug air ais o na marbhaibh ar Tighearn Iosa, àrd-bhuachaill nan caorach, tre fhuil a' chloimhcheangail shiorruidh,

21 Sibhse coimhlionta anns gach uile dheadh obair, chum sibh a dheanamh a thoile-san, ag oibreachadh annaibh an nì a ta taitneach 'na làthair-san, tre Iosa Crìosd; dhasan *gu robh* glòir gu saoghal nan saoghal. Amen.

22 Agus guidheam oirbh, a bhràithre, sibh a ghiùlan focal na h-earalach; oir

sgriobh mi gu h-aithghearr do 'ur n-ionnsuidh.

23 Biodh fhios agaibh gu'n do chuir-eadh ar bràthair Timoteus air a chomas; maille ris-san, ma thig e gu goirid, chi mi sibh.

24 Cuiribh fàilte orra-san uile a tha 'nan cinn-iùil duibh, agus air na naoimh uile. Tha muinntir na h-Eadailt a' cur fàilte oirbh.

25 Gràs *gu robh* maille ribh uile. Amen.

LITIR CHOITCHIONN AN ABSTOIL

SHEUMAIS.

CAIB. I.

1 *Is còir dhuinn gairdeachas a dheanamh fuidh thrioblaid, 5 gliocas iarraidh o Dhia, 13 agus ann ar deuchainnibh gun sinn a chur ar n-an-mhuinneachd no ar peacanna as a leth-san, 19 ach gu'm bu fearr leinn bhì àmhal d'a fhocal.*

THA Seumas seirbhiseach Dhé, agus an Tighearn Iosa Crìosd, a' cur beannachd chum an dà thréibh dheug a tha air an sgapadh o chéile.

2 Mo bhràithre, measaibh mar an uile ghàirdeachas 'nuair a thuiteas sibh ann an iomadh gnè dheuchainnean¹;

3 Air dhuibh fios so bhì agaibh, gu'n oibrich dearbhadh bhur creidimh foighidin.

4 Ach biodh aig an fhoighidin a h-obair dhiongmhalta féin, chum gu'm bi sibh dìongmhalta agus iomlan, gun uireas-bhuidh ni sam bith.

5 Ma tha aon neach agaibh a dh'uireas-bhuidh gliocais, iarradh e o Dhia, a bheir do gach neach gu pailt, agus nach dean maoidheamh²; agus bheirear dha e.

6 Ach iarradh e le creidimh, gun bhì fuidh amharus sam bith: oir an ti a tha fuidh amharus, is cosmhuil e ri tonn na fairge a shéidear le gaoith, agus a tha air a luasgadh a null agus a nall³.

7 Oir na saoilleadh an duine sin gu'm faigh e ni air bith o'n Tighearn.

8 Tha fear na h-inntinn dubailte⁴ neosheasmhach 'na uile shlighibh.

9 Deanadh am bràthair a tha ìosal gairdeachas 'na àrdachadh:

10 Ach an duine saobhair, na ìsleachadh: do bhrìgh mar bhlàth an fheoir gu'n téid e seachad:

11 Oir air éirigh do'n ghréin le diantheas, crìonaidd i am feur, agus tuitidh a bhlàth, agus théid maise a dhreach am mugha⁵: is amhuil sin mar an ceudna a

sheargas an duine saobhair 'na shlighibh.

12 Is beannaichte an duine a ghiùlaineas buaireadh: oir 'nuair a dhearbhar e, gheibh e crùn na beatha, a gheall an Tighearn do'n dream a ghràdhaicheas e.

13 Na abradh neach sam bith 'nuair a bhuairear e, Tha mi air mo bhuaireadh le Dia: oir cha chomasach Dia a bhuaireadh le h-olc, ni mò a bhuaireas e neach sam bith.

14 Ach tha gach duine air a bhuaireadh, 'nuair a thairngear, agus a thàlaidhear⁶ e le 'ana-miann féin.

15 An sin air bhì do'n ana-miann torrach, beiridh e peacadh: agus air do'n pheacadh bhì air a chrìochnachadh, beiridh e bàs.

16 Na bithibh air bhur mealladh, mò bhràithre gràdhach.

17 Tha gach uile dheadh thabhartas, agus gach uile thiodhlac iomlan o'n àirde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O 'thoil féin ghin e sinn le focal na firinn, chum gu'm bitheamaid 'nar gnè cheud-toraidh d'a chreutairibh.

19 Uime sin, mò bhràithre gràdhach, biodh gach duine ealamh chum éisdeachd, mall chum labhairt, mall chum feirge:

20 Oir cha'n oibrich fearg duine f'ireantachd Dhé.

21 Uime sin cuiribh uaibh gach uile shalachar, agus anabharr mi-ruin, agus gabhaibh do bhur n-ionnsuidh le macantas⁷ am focal a tha air a shuidheachadh annaibh, a tha comasach air bhur n-aman a thearnadh.

22 Ach bithibh-sa 'nur luchd chur an gnìomh an fhocail, agus na b'ann 'nur luchd-éisdeachd, a mhàin, 'gur mealladh féin.

¹ bhuairean.

³ chuige agus uaithe.

² nach cuir nàire.

⁴ fear an dà inntinn.

⁵ théid as do mhaise a dhreach:

⁶ blreugar, ihear.

⁷ ceannsaichd.

23 Oir ma tha neach air bith 'na fhear-
éideachd an fhocail, agus cha'n ann 'na
fhear-deanamh *d' a réir*, is cosmhuil e ri
duine a tha 'g amharc air 'aghaidh nàd-
urra féin ann an sgàthan:

24 Oir bheachdaich e air féin, agus
dh'imich e roimhe, agus dhi-chuimhnich e
air ball ciod an coslas duine a bh'ann féin.

25 Ach ge b'e bheachdaicheas gu dùr-
achdach air lagh dìongmhailta na saorsa,
agus a bhuanicheas ann, gun e bhi
'na fhear-éideachd dearmadach, ach 'na
fhear-deanamh na h-oibre, bithidh an
duine so beannaichte 'na dheanadas.

26 Ma shaoileas neach air bith 'nur
measg gu bheil e diadhaidh, gun bhi cur
sréin r'a theangaidh, ach a' mealladh a
chridhe féin, is dìomhain diadhachd an
duine so.

27 'Si so an diadhachd fhìorghlan agus
neo-shalach ann fianuis Dé agus an Athar,
dilleachdain agus bantracha fhiosrachadh
'nan trioblaid, agus neach 'ga choimhead
féin gun smal o'n t-saoghal.

CAIB. II.

1 Cha'n 'eil e comh-fhreagradh d'ar n-aidmheil
chrìosdaidh suim a bhi againn do dhaoineibh
saoibhir agus tàir a dheanamh air ar bràithribh
sachda; 13 is mò bu chòir dhuinn bhi seirceil
agus tròcaireach: 14 agus gun uail a dheanamh
a' creidimh far nach 'eil oibre, &c.

MO bhràithre, na biodh agaibh creid-
imh ar Tighearna Iosa Crìosd, Tighe-
earna na glòire¹, maille ri gnùis-bhreth².

2 Oir ma thig a steach do 'ur coimh-
thional duine air am bheil fàinne òir, ann
an eudach dealrach, agus gu'n tig a
steach mar an ceudna duine bochd ann an
eudach suarach³;

3 Agus gu'n amhaire sibh le meas air
an duine sin air am bheil an deadh thrusg-
an, agus gu'n abair sibh ris, Suidh thusa
an so ann an àit inbheach⁴; agus gu'n
abair sibh ris an duine bhochd, Seas
thusa an sin, no suidh an so fo stòl mo
chos:

4 Nach 'eil sibh mar sin leth-bhretheach
annaibh féin, agus nach d'rinneadh sibh
'nur breitheamhnaibh dhroch smuainte?

5 Eisidibh, mo bhràithre gràdhach, nach
do thagh Dia bochdan an t-saoghail so,
saoibhir ann an creidimh, agus 'nan oigh-
reachaibh air an rìoghachd, a gheall e
dhoibh-san a glràdhaicheas e?

6 Ach thug sibhse masladh do'n bhochd.
Nach 'eil na daoine saoibhir ri an-tigh-
earnas oirbh⁵, agus 'gur tarruing gu
caithrichibh-breitheanais?

7 Nach 'eil iad a' toirt toibheim⁶ do'n

ainm òirdheire⁷, a dh'ainmichear oirbh?

8 Ma choimhlionas sibh an lagh rìoghail
a réir an sgrìobtuir, Gràdhaich do choimh-
earsnach mar thu féin, is maith a ni sibh:

9 Ach ma ni sibh leth-bhreth air daoine-
ibh, tha sibh a' deanamh peacaidh, agus
tha sibh air bhuir fàgail shìos leis an lagh
mar a luchd-brisidh.

10 Oir ge b'e neach a choimhideas an
lagh uile, agus a thuilsicheas ann an aon
àithne⁸, tha e ciontach do'n iomlan.

11 Oir an ti a thubhairt, Na dean adh-
altrannas, thubhairt e mar an ceudna, Na
dean mortadh. A nis ged nach dean thu
adhaltrannas, gidheadh ma ni thu mort-
adh, rinneadh fear-brisidh an lagha dhiot.

12 Gu ma h-amhluidh sin a labhras sibh-
se, agus gu ma h-amhluidh a ni sibh, mar
iadsan air an téid breth a thoirt le lagh na
saorsa.

13 Oir gheibh esan breitheanas gun
tròcair, nach d'rinn tròcair; agus ni tròc-
air gairdeachas an aghaidh breitheanais.

14 Ciod an tairbhe, mo bhràithre, ged
their aon neach gu bheil creidimh aige,
agus gun oibre bhi aige? an urrainn
creidimh a thèarnadh?

15 Ma bhios bràthair no piuthar lom-
nochd, agus a dh'uireasbhuidh teachd-an-
tìr lathail;

16 Agus gu'n abair neach agaibh-sa ri u,
Imichibh an sìth, bithibh air bhuir garadh,
agus bithibh air bhuir sàsachadh: gidh-
eadh nach toir sibh dhoibh na nithe sin a
tha feumail do'n chorp; ciod an tairbhe
ta ann?

17 Is amhuil sin creidimh mar an ceud-
na, mur bi oibre aige, tha e marbh, air
dha bhi leis féin.

18 Ach a ta neach àraidh ag ràdh, Tha
creidimh agad-sa, agus tha oibre agam-
sa: nochd dhomh-sa do chreidimh as
eugmhais t'oibre⁹, agus nochdaidh mise
dhuìt-se mo chreidimh le m' oibrìbh.

19 Tha thu creidsinn gu bheil aon Dia
ann; is maith a ni thu: tha na deamhain
a' creidsinn mar an ceudna, agus tha iad
a' crìothnachadh.

20 Ach, O dhuine dhìomhain, an àill
leat fios fhaotainn, gu bheil creidimh as
eugmhais oibre marbh?

21 Nach deachaidh ar n-athair Abraham
fhìreanachadh le oibrìbh, 'nuair a thug e
suas a mhac Isaac air an altair?

22 Nach léir dhuìt gu'n do chomh-oib-
rich creidimh le 'ghnìomharaibh, agus
gu'n d'rinneadh creidimh iomlan le oib-
rìbh?

23 Agus choimhlionadh an sgrìobtuir
a ta ag ràdh, Chreid Abraham Dia, agus

¹ creidimh glòire ar Tighearna Iosa Crìosd.

² meas air pearsa seach a chèile.

³ salach.

⁴ urramach.

⁵ a' deanamh fòirneart oirbh, 'gur sàrachadh.

⁶ masladh.

⁷ urramach.

⁸ bhriseas aon phonc.

⁹ le t' oibrìbh-sa.

mheasadh sin da mar fhìreantachd: agus ghoireadh caraid Dé dheth.

24 Chi sibh uime sin gu'm fireanaichear duine le oibribh, agus cha'n ann le creidimh a mhàin.

25 Amhuil sin mar an ceudna, nach robh Rahab an striopach air a fireanachadh le oibribh, 'nuair a ghabh i ris na teachd-airibh, agus a chuir i mach air slighe cile iad?

26 Oir mar a ta an corp marbh as eugmhais an spioraid, mar sin mar an ceudna tha creidimh marbh as eugmhais oibre.

CAIB. III.

1 Cha chòir grad-bhreth a thoirt air daoine cile, no an cronachadh gu ladurna; 5 ach is mò is còir dhuinn srian a chur r'ar teangaidh, ball beag, ach a ta 'na h-inneal cumhachdach clann mòr-mhaith agus ole a dheanamh 13 tha'n dream sin a tha fìor ghlic ciùin agus sìochail, gun thù, gun strì.

MO bhràithre, na bithibh 'nur mòran mhaighstirean¹, air dhuibh fios a bhi agaibh gu'm faigh sinn an tuillcadh breitheanais.

2 Oir ann am mòran nithe tha sinn uile ciontach. Mur 'eil duine ciontach ann am focal, is duine iomlan an ti sin, comasach mar an ceudna air srian a chur ris a' chorp uile.

3 Feuch, tha sinn a' cur shrian am beul nan each, chum gu'm bi iad ùmhail dhuinn; agus tionndaidh sinn an corp uile mu'n cuairt.

4 Feuch mar an ceudna na longa, ged tha iad co mòr, agus ged shéidear iad le garbh-ghaothaibh, gidheadh tionndaidhear² mu'n cuairt iad le stiùir ro bhig, ge b'e taobh³ gus am miam leis an stiùrad-air.

5 Is amhuil sin is ball beag an teangadh, agus ni i mòr-uail⁴. Feuch, cia meud an connadh a lasas teine beag!

6 Agus is teine an teangadh, saoghal do aingidheachd: mar sin tha an teangadh air a suidheachadh am measg ar ball, ionnus gu'n salaich i an corp gu h-iomlan, agus gu'n las i cùrsa an nàduir⁵; agus i féin air a lasadh o ifrinn.

7 Oir a ta gach uile ghnè fhiadh-bheathaiche, agus eunlaith, agus nithe snàig-each⁶, agus nithe san fhaierge, air an ceannachadh; agus cheannsaicheadh iad leis a' chinne-daoine:

8 Ach cha chomasach do dhuine air bith an teangadh cheannachadh; is ole dochasgaidh i, làn do nimh marbhtach.

9 Leatha-sa tha sinn a' beannachadh Dhé, eadhon an Athar; agus leatha-sa tha sinn a' mallachadh dhaoine, a rinn-eadh a réir cosamhlachd Dhé.

10 As an aon bheil tha beannachadh agus mallachadh a' teachd a mach. Mo bhràithre, cha chòir do na nithibh so bhi mar so.

11 An cuir tobar a mach as an aon sùil uisge milis agus searbh?

12 Am feud craobh-fhige, mo bhràithre, dearcan oladh a thoirt uaipe? no a' chraobh-fhiona, figean? mar sin cha'n fheud tobar sam bith sàile agus uisge milis a thoirt uath araon.

13 Cò a ta 'na dhuine glic agus aig am bheil eòlas 'nur measg? nochdadh e à deadh chaithe-beatha, 'oibre féin le ceannsaichd gliocas.

14 Ach ma tha eud searbh agus comhstri agaibh 'nur cridhe, na deanaibh uail, agus na deanaibh breug an aghaidh na firinn.

15 Cha'n ann o'n àirde tha 'n gliocas so a' teachd a nuas, ach tha e talmhaidh, collaidh, diabhluidh.

16 Oir far am bheil farmad agus comhstri, an sin tha buaireas⁷, agus gach uile dhroch ghniomh.

17 Ach a ta an gliocas a tha o'n àirde air tùs glan, an deigh sin sìochail, ciùin, agus so-chomhairlich, làn do thòrcair agus do dheadh thoraibh, gun leth-bhreth agus gun cheilg.

18 Agus tha toradh na fireantachd air a chur ann an sìth do luchd-deanamh na sìthe.

CAIB. IV.

1 Is còir dhuinn cathachadh an aghaidh saimnt, 4 neo-mheasarrachd, 5 uabhair, 11 cùl-chàineadh, agus breth ghrad mu dhaoineibh eile; 13 agus gun bhi ro earbsach á soirbheas ann ar gnothuichibh saoghalta, &c.

CIA as a ta coganna agus còmhraga a' teachd 'nur measg? nach ann as a so, eadhon o bhuir n-ana-miannaibh, a tha cogadh ann bhuir ballaibh?

2 Tha sibh a' miannachadh, agus cha'n 'eil agaibh: tha sibh a' marbhadh, agus a' dian-shanntachadh, agus cha'n 'eil e'n comas duibh ni fhaotainn: tha sibh a' cathachadh agus a' cogadh, gidheadh cha'n 'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha'n 'eil sibh a' faotainn, do bhrìgh gu bheil sibh ag iarraidh gu h-ole, chum gu'n caith sibh e air bhuir n-ana-miannaibh.

4 Adhaltrannacha, agus a bhan-adhalarannacha, nach 'eil fhios agaibh gur naimhdeas an aghaidh Dhé càirdeas an t saoghail? ge b'e air bith neach uime sin leis an àill bhi 'na charaid do'n t-saoghal, tha e 'na nàmhaid do Dhia.

5 Am bheil sibh a' smuaineachadh gu

¹ fhear-teagaisg.

³ àird.

² iompaichear.

⁴ ràiteachais.

⁵ triall na beatha, cuairt an domhain.

⁶ nathraiche.

⁷ an-riaghailt.

bheil an sgrìobtuir gu dìomhanach a' labhairt? Tha an spiorad¹ a tha chòmh-nuidh annainn a' togairt² gu farmad.

6 Ach bheil e gràs a's mò uaiti: uime sin a ta e ag ràdh, Tha Dia a' cur an aghaidh nan uaibhreath, ach a' toirt gràis dhoibh-san a ta iriosal.

7 Uime sin ùmhlaichibh sibh féin do Dhia; cuiribh an aghaidh an diabhuil, agus teichidh e uaibh:

8 Dlùthaichibh ri Dia, agus dlùthaichidh e ribh: glanaibh *bhur* làmhnan, a pheac-acha, agus glanaibh *bhur* cridhe, sibhse aig am bheil an inntinn dhùbailte.³

9 Bithibh ann an àmhghar, agus dean-aibh caoidh, agus gul: biodh *bhur* gàire air a thionndadh gu bròn, agus *bhur* n-aobhneas gu turse.

10 Irioslaichibh sibh féin am fianuis an Tighearn, agus àrdachidh e sibh.

11 Na labhraibh olc mu chéile, a bhràithre. An tì a tha labhairt uile m'a bhràth-air, agus a' toirt breth air a bràthair, tha e labhairt uile mu'n lagh, agus a' toirt breth air an lagh: ach ma tha thu toirt breth air an lagh, cha'n fhear-coimhlionaidh an lagha thu, ach breitheamh.

12 Tha aon fhear-tabhairt lagha ann, a's urrainn saoradh agus sgrìos: co thusa a tha toirt breth air neach eile?

13 Imichibh a nis, sibhse a ta ag ràdh, Thèid sinn an diugh no maireach gus a' leithid so do bhaile, agus fanaidh sinn an sin rè bliadhna, agus ni sinn ceannachd⁴, agus gheibh sinn buannachd:

14 'Nuair nach 'eil fhios agaibh ciod a tharlas air a' mhàireach: oir ciod i *bhur* beatha? is deatach i a chithear rè ùine bhig, agus an déigh sin a théid as an t-sealladh.

15 An àit *gu'm bu chòir* dhuibh a ràdh, Ma's toil leis an Tighearn, bithidh sinn beò, agus ni sinn so, no sud.

16 Ach a nis tha sibh a' deanamh uaille as *bhur* ràiteachas féin: is olc gach uile shamhuil sin do uaille.

17 Uime sin dhasan d'an aithne maith a dheanamh, agus nach dean e, is peacadh e dha.

CAIB. V.

1 Tha aobhar aig daoineibh aingidh saoiubh eagal a bhì orra roimh dhioghaltas Dé. 7 Bu chòir dhuinn bhì foighidneach a rèir eisempleir nam fàidhean, agus lob; 12 mionnan a sheachnadh; 13 urnuigh a ghnàthachadh ann an anshocair, agus sailm a sheinn ann an socair, &c.

IMICHIBH a nis, a dhaoine saoiubh, dean-aibh gul agus caoidh air son *bhur* n-àmghar a tha teachd oirbh.

2 Tha *bhur* saoiubheas air truailleadh,

agus *bhur* n-eudach air itheadh leis an leomann⁵.

3 Tha *bhur* n-òr agus *bhur* n-airgiod air meirgeadh; agus bithidh am meirg-san 'na fhianuis 'nur n-aghaidh, agus ithidh i *bhur* feòil mar theine: thaisg sibh ionmhas fa chomhair nan làithean deireannach.

4 Feuch, tha tuarasdal an luchd-oibre⁶, a bhuain sìos *bhur* n-achaidh, ni a chumadh uatha leibhse le féill, ag éigheach: agus tha glaothaich na muinuir a bhuain, air dol a stigh chum cluasa Tighearna nan sluagh.

5 Chaith sibh *bhur* beatha ann an sògh air thalamh, agus bha sibh mear; dh'alt-rum sibh *bhur* cridheacha, mar ann an là a' mharbaidh⁷.

6 Dhìt agus mharbh sibh am firean⁸, agus cha'n 'eil e cur 'nur n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche⁹ ri toradh luachmhor an talmhainn, agus fanaidh e gu foighidneach ris, gus am faigh e an ceud uisge agus an t-uisge deireannach.

8 Bithibh-sa foighidneach mar an ceudna; socraichibh *bhur* cridheacha: oir tha teachd an Tighearn ann fagus.

9 Na deanaibh gearan an aghaidh a chéile, a bhràithre, chum nach dètar sibh: feuch, tha am Breitheamh 'na sheasamh aig an dorus.

10 Gahbaibh, mo bhràithre, na fàidhean, a labhair ann an ainm an Tighearna, 'nan eisempleir air anshocair fhulang, agus air foighidin.

11 Feuch, measar sona leinn iadsan a dh'fhuilingeas. Chuala sibh iomradh air foighidin lob, agus chunnaic sibh crìoch an Tighearna; gu bheil an Tighearna ro thiom-chridheach¹⁰ agus tròcaireach.

12 Ach roimh na h-uile nithe, mo bhràithre, na tugaibh mionnan, aon chuid air nèamh, no air an talamh, no air aon mhionnan eile: ach *gu'm b'e* *bhur còmh-radh* Seadh, seadh, agus Cha'n eadh, cha'n eadh; air eagal *gu'n* tuit sibh ann an dèitadh.

13 Am bheil neach sam bith fo thriob-laid¹¹ 'nur measg? deanadh e urnuigh. Am bheil neach sam bith subhach? seinn-eadh¹² e sailm.

14 Am bheil neach sam bith tinn 'nur measg? cuireadh e fios air seanairibh na h-eaglais; agus deanadh iad urnuigh os a cheann, 'ga ungadh le h-oladh ann an ainm an Tighearna:

15 Agus slànuidhidh urnuigh a' chreidimh an t-euslan, agus togaidh an Tigh-

¹ Am bheil an spiorad?

² miannachadh.

³ dhà-fhillte.

⁴ marsandachd.

⁵ an reudan, mhiat-chrion.

⁶ nam buanaiche.

⁷ an àir.

⁸ an t-ionracan.

⁹ an tuathanach.

¹⁰ ro iochdmhor.

¹¹ a' fulang uile.

¹² canadh

I. PEADAR, I.

earn suas e; agus ma rinn e peacanna, maithear dha iad.

16 Aidichibh *bhur* lochdan d'a chéile, agus deanaibh urnuigh air son a chéile, chum gu'n tearnar¹ sibh: tha mòr-éifeachd ann an urnuigh dhùrachdaich an fhreinn.

17 Bu duine Elias aig an robh comh-aighe ruinne, agus ghuidh e gu dùrachdach gun uisge bhi ann: agus cha d'fhàinig uisge air an talamh rè thri bliadhna agus

shè miosan.

18 Agus rinn e urnuigh a ris, agus thug nèamh uisge uaith, agus thug an talamh a mach a thoradh.

19 A bhràithre, ma théid aon neach agaibh-sa air seacharan o'n fhèrrinn, agus gu'n iompaich neach e;

20 Biodh fhios aige, an duine a dh'iompaicheas peacach o sheacharan a shlighe, gu'n saor² e anam o bhàs, agus gu'm folaich e mòran pheacanna.

¹ slànuichear.

² tèaruinn.

CEUD LITIR CHOITCHIONN AN ABSTOIL

PHEADAIR.

CAIB. I.

1 Bheannaich Peadar Dia air son a ghràsa iomarcach spioradail; 10 nochd e nach naidheadh ùr slàinte tre Chrìosd, ach nì mu'n robh fàidheadaireachd o shean: 13 agus a rèir sin chuir e impidh orra am beatha a chaitheadh gu diadhaidh, do bhrìgh gu bheil iad a nis air an nuadh-bhreth le focal Dé.

P EADAR abstol Iosa Crìosd, chum nau coigreach a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-eòlais Dhé an Athair, tre naomhachadh an Spioraid, chum ùmhlachd, agus crathadh fola Iosa Crìosd: Gràs agus sìth gu robh air am meudachadh dhuibh-se.

3 Gu ma beannaichte gu robh Dia agus Athair ar Tighearna Iosa Crìosd, neach a réir a mhòr-thròcair, a dh'ath-ghin sinne gu beò-dhòchas, tre aiseirigh Iosa Crìosd o na marbhaibh,

4 Chum oighreachd neo-thruaillidh, agus neo-shalaich, agus nach searg as, a tha air a coimhead sna nèamhaibh dhuibh-se,

5 A tha air bhur coimhead le cumhachd Dhé tre chreidimh chum slàinte, a tha ullamh r'a foillseachadh san aimsir dheireanaich:

6 Nì anns am bheil sibh a' deanamh mòr-ghàirdeachais, ged tha sibh a nis rè ùine bhig, (ma's feumail e,) fo thuirse tre iomadh buaireadh.

7 Chum gu faighear dearbhadh bhur creidimh, nì's luachmhoire gu mòr na òr a théid am mugha¹, ged dhearbhar le teine e, chum cliù, agus urrain, agus glòir aig foillseachadh Iosa Crìosd;

8 D'am bheil sibh a' toirt gràidh, ged nach faca sibh e; agus ged nach 'eil sibh a nis 'ga fhaicinn, air dhuibh bhi creidinn ann, tha sibh a' deanamh mòr-

ghairdeachais le h-aobhneas air dol thar labhairt, agus làn do ghloir:

9 A' faotainn crìche bhur creidimh, eudhon slàinte *bhur* n-anama:

10 Slàinte mu'n d'fhiosraich na fàidhean, agus mu'n d'rinn iad geur-rannsachadh, muinntir a rinn fàidheadaireachd mu'n ghràs a bha gu teachd do 'ur n-ionnsuidh-sa;

11 A' rannsachadh ciod i, no ciod a' ghnè aimsir a bha Spiorad Chrìosd annta-san a' foillseachadh², 'nuair a rinn e fianuis roimh-laimh air fulangasaibh Chrìosd, agus a' ghloir a bha gu'n leantuinn.

12 Muinntir d'an d'fhoillsicheadh, nach b'ann doibh féin, ach dhuinne a fhrithail iad ua nithe a tha nis air an cur an cèill duibh leo-san a shearmonaich an soisgeul duibh, leis an Spiorad naomh a chuireadh a nuas o nèamh; nithe air am miann leis na h-ainglibh beachdachadh.

13 Uime sin crìoslaichibh leasraidh bhur n-inntinn, bithibh measarra, agus biodh dòchas dìongmhalta agaibh as a' ghràs³ a bheirear dhuibh aig foillseachadh Iosa Crìosd;

14 Mar chloinn ùmhal, gun bhi 'gur comh-chumadh féin ris na h-ana-miannaibh, a bha agaibh roimh ann an àm bhur n-aïneolais:

15 Ach a réir mar a ta esan a ghairm sibh naomh, bithibh-sa naomha mar an ceudna 'nur n-uile chaithe-beatha:

16 Do bhrìgh gu bheil e sgrìobhta, Bithibh-sa naomha, oir a ta mise naomh.

17 Agus na ghoireas sibh air an Athair, a bheir breth a réir oibre gach neach, gun chlaon-bhàigh ri neach seach a chéile⁴, caithibh aimsir bhur cuairt an so le h-eagal⁵:

18 Air dhuibh fios a bhi agaibh nach do

¹ neo-nì.

² ciallachadh.

³ sùil gus a' chrìch agaibh ris a' ghràs.

⁴ gun urram do neach seach a chéile.

⁵ fàitcheas.

shaoradh sibh le nithibh truaillidh, *mar a ta* airgid agus òr, o bhuir caithe-beatha diomhain, a thugadh dhuibh o bhuir sinn-sireachd;

19 Ach le fuil luachmhoir Chriosd, *mar fhuil* Uain gun chron, gun smal:

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhuir sonsa;

21 Muinntir trid-san a ta creidsinn ann an Dia a thog esan o na marbhaibh, agus a thug glòir dha, chum gu'm biodh bhuir creidimh agus bhuir muinghin ann an Dia.

22 Do bhrìgh gu'n do ghlan sibh bhuir n-anama le ùmhachd a thoirt do'n fhìrinn tre 'n Spiorad, chum gràidh neo-chealgaich do na bràithribh; *feuchaibh gu'n* toir sibh gràdh d'a chèile a cridhe glan gu dùrachdach:

23 Air dhuibh bhi air bhuir n-ath-ghineamhuin, cha'n ann o shìol truaillidh, ach neo-thruaillidh, le focal an Dé bheò, agus a mhaireas gu sìorruidh.

24 Oir *tha* gach uile fheòil mar fheur, agus uile ghloir dhaoine mar bhlàth an fheòir. Seargaidh ann fear, agus tuitidh a bhlàth dheth:

25 Ach fanaidh focal an Tighearna gu sìorruidh. Agus is e so am focal a shearmonaicheadh dhuibh-se anns an t-soisgeul.

CAIB. II.

1 *Chomhairlich Peadar luchd-aidmheil na creidimh an aghaidh mì-sheircealacha*, 4 nochd e gur e *Criosd am bunadh air am bheil iad air an togail*; 11 *ghuidh e orra fantuinn o ana-miannaibh* fèidmhor, 13 *agus bhi ùmhachd do uachdaranaibh*.

UIME sin a' cur uaibh gach uile mhuir, agus gach uile mhealltaireachd, agus chealg, agus fharmada, agus gach uile ana-cainnt,

2 Mar naoidheana air an ùr-bhreith, iarr-aibh bainne fìor-ghlan an fhocail, chum as gu fàs sibh leis;

3 Ma's e as gu'n do bhlais sibh¹ gu bheil an Tighearn gràs-mhor.

4 A' teachd d'a ionnsuidh-san, *mar gu* cloich bheò, a dhiùltadh gu deimhin le daoineibh, ach air a taghadh o Dhia *agus* luachmhor;

5 Tha sibhse mar an ceudna mar chloch-aibh beò, air bhuir togail suas 'nur tigh spioradail, 'nur sagartachd naomh, chum ìobairte spioradail a thoirt suas, taitneach do Dhia tre Iosa Criosd.

6 Uime sin a ta so mar an ceudna air a chur sìos anns an sgrìobtur, Feuch, cuiridh mi ann an Sion prìomh chlach-oisne² thaghta, luachmhor: agus an ti a chreid-cas ann³, cha chuirear gu nàire e.

7 Dhuibh-se uime sin a chreidcas, *tha* e⁴ luachmhor⁵; ach dhuibh-san tha eas-ùmhachd, a' chlach a dhiùlt na clachairean, rinneadh ceann na h-oisne dith,

8 Agus clach-thuislidh, agus carraig oilbheim, *dhoibh-san* a thuislicheas air an fhocal, air dhoibh bhi eas-ùmhachd, chum mar an ceudna an d'orduicheadh iad.

9 Ach *is* ginealach taghta sibhse, sagartachd rioghail, cinneach naomh, sluagh sonraichte⁶; chum gu'n cuireadh sibh an céill feartan⁷ an ti a ghairm á dorchadas sibh chum a sholuis iongantach féin:

10 Nach *robh* uair-éigin⁸ 'nur sluagh, ach a nis *is* sibh sluagh Dhé: dream nach d'fhuair tròcair, ach a nis a tha air faotainn tròcair.

11 A mhuinntir mo ghràidh, guidheam oirbh, mar choirich agus luchd cuairt, sibh a sheachnadh ana-mianna fèidmhor, a tha cogadh an aghaidh an anama;

12 Air dhuibh deadh caithe-beatha bhi agaibh am measg nan Cinneach; chum an ait ole a labhairt umaibh mar luchd mì-ghnìomh, gu'n dean iad o bhuir deadh oirbhe a chi iad, Dia a ghloirachadh ann an là an fhiosrachaidh.

13 Uime sin bithibh-sa ùmhachd do gach uile riaghailt⁹ dhaoine air son an Tighearna: ma's ann do'n rìgh mar an ti a's àirde inbhe;

14 No do uachdaranaibh mar do'n mhuinntir a chuireadh uaith chum dioghaltais air luchd-deanamh an uile, ach chum cliù dhoibh-san a ni maith.

15 Oir *is* i toil Dé gu'n cuireadh sibhse le deadh dheanadas tosd air aineolas dhaoine amaidheach:

16 Mar dhaoine saor, agus gun bhuir saor-sa a ghnàthachadh mar bhrat-folaich do'n ole¹⁰, ach mar sheirbhisich Dhé.

17 Thugaibh urram do na h-uile dhaoine. Gràdhachibh na bràithre. Biodh eagal Dé oirbh. Thugaibh urram do'n rìgh.

18 A sheirbhiseacha, *bithibh* ùmhachd do 'ur maighstiribh maille ris an uile eagal, cha'n e mhàin dhoibh-san a tha maith agus ciùin, ach mar an ceudna dhoibh-san a tha ana-mèineach¹¹.

19 Oir *a ta* so cliù-thoilteannach, ma dl'iomchaireas neach sam bith doilgheas air son coguis a thaobh Dhé, a 'fulang gu h-eucorach.

20 Oir ciod an t-aobhar molaidh *a ta* ann, ma's e an uair a ghabhar oirbh air son bhuir cionta, gu'n giùlain sibh gu foighidneach e? ach ma's e 'nuair a ta sibh a' deanamh maith, agus a' fulang *air a shon*, gu'n giùlain sibh e gu foighidneach, *tha* so taitneach, do Dhia.

¹ Do bhrìgh gu'n do bhlais sibh.

² clach-òisinn àraidh. ³ a dh'earbas aisde.

⁴ i. ⁵ na urram. ⁶ àileas, àraidh.

⁷ subhailcean, buaidhean, cliù.

⁸ roimh.

⁹ ordugh, shuidheachadh.

¹⁰ do mhi-run.

¹¹ reasgach, crosda.

I. PEADAR, II. III.

21 Oir is ann a dh'ionnsuidh¹ so a ghairm-eadh sibh: do bhrìgh gu'n d'fhuiling Criosd mar an ceudna air bhlur son¹, a' fàgail eisempleir agaibh², chum gu leanadh sibh a cheumanna:

22 Neach nach d'rinn peacadh, ni mò a fhuaradh cealg³ 'na bheul:

23 Neach, 'nuair a chàineadh e, nach do chàin a ris; 'nuair a dh'fhuiling e, nach do bhagair; ach a dh'earb e féin ris-san a bheir breth cheart:

24 Neach a ghiùlain ar peacanna e féin 'na chorp féin air a' chrann, chum air dhuinn bhi marbh do'n pheacadh³, gu'm bitheadh beò do fhìreantachd: neach le a bhuillibh-san a tha sibh air bhlur tearnadh.

25 Oir bha sibh mar chaoraich a' dol air seacharan; ach philleadh sibh a nis chum Buachail agus Easbuig⁴ bhlur n-anama.

CAIB. III.

1 Theagaisg Peadar dleasdanas bhan agus fhear-pòda d'a chéile; 8 dh'earail e na uile dhaoine chum aonachd agus gràidh, 14 agus geur-leanmhuinn fhulang: 19 Chuir e mar an ceudna an cèill sochairan Chrìosd do'a t-seann saoghal.

MAR an ceudna, a mhnàì, *bithibh* ùmhal do 'ur fearaibh féin, chum ma tha dream air bith eas-ùmhal do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaithe-beatha nam ban.

2 'Nuair a bheachdaicheas iad air bhlur caithe-beatha gheammuidh maille ri h-eagal.

3 Na b'i bhlur brèaghachd, figheadh an fhuilte agus a' cur òir oirbh, agus dheadh thrusgan umaibh, a' bhrèaghachd sin o'n leth inuigh:

4 Ach duine folaichte a' chridhe, ann an neo-thruaillidheachd spioraid mhacanta agus chiùin, ni a tha ro luachmhor ann an sealladh Dhé.

5 Oir b'ann mar so a rinn na mnàì naomha o shean, aig an robh am muinghin ann an Dia, iad féin breagha, air dhoibh bhi ùmhal d'am fearaibh féin;

6 Amhuil a thug Sarah ùmhlachd do Abraham, a' gairm tighearna dheth: d'an nigheana sibhse am feadh a ni sibh gu maith, agus gun gheilt oirbh le h-uamhas sam bith.

7 Mar an ceudna, fheara, gabhaibh-sa còmhnuidh maille riu a réir eòlais, a' tabhairt urraim do'n mhnàì mar an soith-each a's anmhuinne, agus mar mhuinntir a tha 'nan comh-oighreachaibh air gràs na beatha; chum nach cuirear bacadh air bhlur n-urnuighibh.

8 Fa dheòidh, *bithibh* uile a dh'aon iuntinn, biodh comh-fhulangas agaibh

r'a chéile⁵, gràdhaichibh a chéile mar bhràithre, *bithibh* truacanta, càirdeil.

9 Na òcaibh olc air son uile, no càineadh air son càinidh: ach 'na aghaidh sin, beannaichibh; air dhuibh fios bhi agaibh gur ann a dh'ionnsuidh so a ghairmeadh sibh, chum gu'n sealbhaicheadh sibh beannachadh mar oighreachd:

10 Oir ge b'e le'm b'àill beatha a ghràdhachadh, agus làithean maithhe fhaicinn, cumadh e a theangadh o olc, agus a bhi - ean o labhairt ceilg.

11 Seachnadh e olc, agus deanadh e maith: iarradh e sìth, agus leanadh e i.

12 Oir *tha* sùilean an Tighearn air na fireanaibh, agus a chluasa fosgailte r'an urnuigh: ach *tha* gnùis an Tighearn an aghaidh na muinntir a ni olc.

13 Agus cò e a ni olc oirbh ma bhios sibh 'nur luchd-leanmhuinn air an ni⁶ sin a ta maith?

14 Ach eadhon ma dh'fhuilingeas sibh air sgàth fìreantachd, is sona sibh: agus na biodh fiamh an eagail-san oirbh, agus na bithibh mi-shuaimhneach;

15 Ach naomhaichibh an Tighearn Dia ann bhlur cridheachaibh: agus *bithibh* ullamh a ghnàth chum freagradh a thoirt, maille ri ceannsachd agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh deadh choguis a bhi agaibh: chum, 'nuair a tha iad a' labhairt uile 'nurn-n-aghaidh mar luchd-mi-ghnìomh, gu'n gabh iadsan nàire, a tha toirt toibh-eim do 'ur deadh chaithe-beatha ann an Criosd.

17 Oir is fearr, ma's e sin toil Dé, sibh a d'fhulang air son maith a dheanamh, na air son olc a dheanamh.

18 Oir dh'fhuiling Criosd féin aon uair air son pheacanna, am fìrean air son nan neo-fhìrean, (chum gu'n tugadh e sinne gu Dia,) air dha bhi air a chur gu bàs san fheòil, ach air a bheothachadh tre an Spiorad:

19 Leis an deachaidh e mar an ceudna, agus an do shearmonaich e do na spioradaibh ann am prìosan;

20 A bha o shean cas-ùmhal, 'nuair a dh'fheith fad-fhulangas Dé aon uair ann an làithibh Noah, am feadh a bha àire 'ga h-ulluchadh, anns an robh beagan, sin r'a ràdh, oclid anaman, air an tèarnadh tre uisge.

21 Tha am baisteadh, mar shamhlachas a tha comh-fhreagradh dha so, (cha'n e cur dhinn sal na feòla, ach freagradh deadh choguis thaobh Dhé,) nis 'gar tearnadh-ne, tre aiseirigh Iosa Criosd:

22 Neach air dha dol gu nèamh, a tha

¹ air ar son-ne. ² againn.

³ air ar saoradh o pheacaidh.

⁴ fir-coimhid, fir amhaire thairis.

⁵ bithibh tochdmhor r'a chéile.

⁶ an Tì.

I. PEADAR, III. IV. V.

air deas làimh Dhé, air do ainglibh, agus do uachdranachdaibh, agus do chumhachdaibh bhí air an cur fo 'cheannsal-san'¹.

CAIB. IV.

1 *Dh'earail Peadar luchd-aidmheil na creidimh gu sgar do pheacadh o eisempleir Chrìosd, agus do bhrìgh gu bheil a' chrìoch dheireannach a' dlùth-theannadh oirnn: 12 agus thug e comhlhertachd dhoibh an aghaidh gear-leannhuinn.*

UIME sin, o dh'fhuiling Crìosd air ar son-ne san fheòil, armaichibh-sa mar an ceudna sibh féin leis an inntinn cheudna: oir an ti a dh'fhuiling anns an fheòil, sguir e do pheacadh;

2 Chum nach caitheadh e fuigheall 'aaimsir anns an fheòil, a réir ana-mianna dhaoine, ach a réir toile Dé.

3 Oir is leoir dhuinn a' chuid a chaidh seachad do aimsir ar beatha gu toil nan Cinneach a dheanamh, 'nuair a shiubhail sinn ann am macnus², ann an ana-miannaibh, ann an anabharra fìona, ann an geòcaireachd³, ann am pòiteireachd, agus ann an ìodhol-aoradh an-dligheach⁴:

4 Ni auns am bheil iad a' gabhail iongantais, do bhrìgh nach 'eil sibhse a' ruith maille ri anns an neo-mheasarrachd cheudna gun tomhas, a' labhairt uile *umabih*:

5 Muinntir a bheir cumntas dhasan, a tha ullamh gu breth a thoirt air na beothaibh agus air na marbhaibh.

6 Oir is ann chum na crìche so a shearmonaicheadh an soisgeul dhoibh-san a tha marbh mar an ceudna, chum gu'n tugtadh breth orra a réir dhaoine san fheòil, ach gu'm biodh iad beò a réir Dhé san Spiorad.

7 Ach a ta crìoch nan uile nithe am fagus: uime sin bithibh measarra⁵, agus deanaibh faire chum urnuigh.

8 Agus roimh na h-uile nithibh biodh agaibh teas-ghràdh d'a-chéile; oir cuiridh gràdh folach air mòran pheacanna.

9 Thugaibh aoidheachd d'a chéile gun ghearan.

10 A réir mar a fhuair gach aon an tiodhlac, *mar sin* deanaibh frithealachd d'a chéile, mar dheadh stiùbhardaibh air gràs eagsamhuil Dé.

11 Ma labhras neach sam bith, *labhradh e mar bhriathraibh*⁶ Dhé; ma tha neach sam bith ri frithealachd, *deanadh se e* mar o'n chomas a bheir Dia *dha*; chum gu'm bi Dia air a ghlòrachadh anns na h-uile nithibh tre Iosa Crìosd: dhasan gu robh glòir agus cumhachd gu saoghal nan saoghal. Amen.

12 A mhuinntir mo ghràidh, na biodh iongantais oirbh thaobh na deuchainn

theintich, a thug oirbh chum bhur dearbh adh, mar gu'n tarladh ni-éigin neo-ghnàth ach dhuibh:

13 Ach do bhrìgh gu bheil sibh 'nur luchd comhpairt do fhuilangasaibh Chrìosd, deanaibh gairdeachas; chum mar an ceudna, ann an àm foillseachaidh a ghlòire, gu'n dean sibh gairdeachas le h-aobh-neas ro mhòr.

14 Ma mhaslaichear sibh air son ainme Chrìosd, *is sona sibh*; oir a ta Spiorad na glòire, agus Dhé a' gabhail còmhnuidh oirbh; d'an taobh-san gu deimhin tha e faotainn toibheim, ach do 'ur taobh-sa tha e air a ghlòrachadh.

15 Ach na fuilingeadh aon agaibh mar mhortair, no *mar* ghaduiche, no *mar* fhear droch-bheirt, no mar neach a ghabhas gnothuch ri nithibh nach buin da.

16 Gidheadh ma *dh'fhuilingeas duine* mar Chrìosduidh, na biodh nàire air; ach thugadh e glòir do Dhia as a leth so.

17 Oir *thàinig* au t-àm anns an tòisich breitheanas aig tigh Dhé: agus ma thòisicheas e againne, ciod *is* crìoch dhoibhsan a tha eas-ùmhail do shoisgeul Dé?

18 Agus ma's ann air éigin a thèarnar am firean, c'àit an taisbein an duine mi-dhiadhaidh agus am peacach e féin?

19 Uime sin, an dream a dh'fhuilingeas a réir toile Dé, earbadh iad an auama *ris-san* ann an deanamh maith, mar ri Cruith-ea dileas.

CAIB. V.

1 *Chuir Peadar impidh air na seanairibh treud Dhé a bheathachadh; 5 air an òigridh bhì ùmhail, 8 agus orra uile bhì stuama, faireil, agus daingean sa' chreidimh; 9 agus cur an aghaidh ar namhaid an-ìochdmhoir an diabhuil.*

NA scanairean a ta 'nur measg tha mi ag earail, air bhì dhomh féin a' m' sheanair mar an ceudna, agus a' m' fhianuis air fulangasaibh Chrìosd, agus mar an ceudna a'm' fhear comhpairt do'n ghlòir sin, a tha gu bhì air a foillseachadh:

2 Beathaichibh treud Dhé a tha 'nur measg, a' gabhail cùram *dheith*, cha'n ann a dh'aindeoin, ach gu deònach; cha'n ann air son buannachd shalaich, ach le h-inntinn ealamh;

3 Ni mò mar thighearnaibh os ceann oighreachd Dhé, ach mar dhream a tha 'nan eisempleiribh do'n treud.

4 Agus an uair a dh'fhoillsichear an t-àrd-bhuachail⁷, gheibh sibh crùn na glòire nach searg as.

5 Mar an ceudna, a dhaome òga, bithibh ùmhail do na seanairibh: seadh, bithibh uile ùmhail d'a chéile, agus bithibh air bhur sgeadachadh le h-rioslachd: oir

1 a mharasglachd, a, smachd.

2 truissealachd,

3 craos.

4 gràineil.

6 oracla.

5 stuama.

7 an t-àrd-aodhaire.

II. PEADAR, I.

tha Dia a' cur an aghaidh nan uaibhreach, acli a' toirt gràis dhoibh-san a tha iriosal.

6 Uime sin irioslaichibh sibh féin fo làimh chumhachdaich Dhé, chum as gu'n àrdaich e sibh ann an àm iomchuidh:

7 A' tilgeadh bhur n-uile chùraim¹ air-san: oir a ta cùram aige dhibh.

8 Bithibh stuama, deanaibh faire: do bhrìgh gu bheil bhur namhaid an diabhul, mar leomhan beuchdach, ag imeachd mu'n cuairt a' sireadh cò a dh'fheudas e shlugadh suas.

9 Cuiribh-sa 'na aghaidh, air dhuibh bhi daingean sa' chreidimh, agus fhios a bhi agaibh gu bheil na fulangais cheudna air an coimhlionadh ann bhur bràithribh, a tha san t-saoghal.

10 Ach gu deanadh Dia féin nan uile

ghràs, a ghairm sinne chum a ghloire shiorruidh tre Iosa Criosd, an déigh dhuibh fulang rè ùine bhig, iomlan sibh; gu daingnicheadh, gu neartaicheadh, gu socraicheadh e sibh.

11 Dhasan gu robh glòir agus cumhachd, gu saoghal nan saoghal. Amen.

12 Le Siluanus bràthair dileas, (a réir mo bharail-sa,) sgrìobh mi do 'ur n-ionnsuidh² gu h-aithghearr, a' teagasg, agus a' deanamh fianuis, gur e so fìor-ghràs Dhé, anns am bheil sibh 'nur seasamh.

13 Tha an eaglais ann am Babilon, a thaghadh maille ribhse, a' cur fàilte oirbh, agus Marcus mo mhiac.

14 Cuiribh fàilte air a chéile le pòig ghràdh. Sith gu robh maille ribh uile a tha ann an Iosa Criosd. Amen.

¹ ro chùraim.

² thugaibh.

DARA LITIR CHOITCHIONN AN ABSTOIL

PHEADAIR.

CAIB. I.

1 Chum luchd-àilmeheil na creidimh a dhaingneachadh an dòchas meudachaidh gràis Dé, 5 chuir Peadar impidh orra le creidimh agus deadh oirbh, an gairm a dheanamh cinnteach: 12 bha e cùramach mu so chur an cuimhne dhoibh, do bhrìgh gu robh fios aige a bhàs bhi 'm fagus.

SIMON Peadar, seirbhiseach agus abstol Iosa Criosd, dhoibh-san a fhuair an creidimh luachmhor ceudna ruinne, tre fhìreantachd ar Dé agus ar Slànuighir¹ Iosa Criosd:

2 Gu robh gràs agus sìth air am meudachadh dhuibh, tre eòlas Dé, agus Iosa ar Tighearna,

3 A réir mar a dheònuich a chumhachd diadhaidh-san dhuinne na nithe sin uile a bhuineas do bheatha agus do dhiadhachd, tre eòlas an tì sin a ghairm sinn chum glòire, agus deadh-bheus²:

4 Tre an d'thugadh dhuinn geallanna ro mhòr agus luachmhor, chum d'an trèid-san gu'm biodh sibhse air bhur deanamh 'nur luchd-comhpairt do nàdur na diadhachd, air dhuibh dol as o'n truaillidheachd a ta anns an t-saoghal tre ana-miann.

5 Agus a thuilleadh air so³, air deanamh an nìle dhichill dhuibh-se, cuiribh ri 'ur creidimh, deadh-bheus⁴; agus ri deadh-bheus, eòlas;

6 Agus ri h-eòlas, stuaim⁵; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirce⁶.

8 Oir ma bhios na nithe so annaibh, agus pailte, bheir iad oirbh gun bhi leasg, no mi-thorrach ann an eòlas ar Tighearna, Iosa Criosd.

9 Ach an tì aig nach 'eil na nithe sin, tha e dall, agus gearr-sheallach, a' dì-chuimhneachadh gu'n do ghlanadh e o a sheann pheacaibh.

10 Uime sin, a bhràithre, deanaibh tuilleadh dhichill chum bhur gairm agus bhur taghadh a dheanamh cinnteach: oir ma ni sibh na nithe so, cha tuit sibh a chaoidh:

11 Oir mar sin frithealar gu pailt dhuibh slighe a steach do rìoghachd shiorruidh ar Tighearna agus ar Slànuighir Iosa Criosd.

12 Uime sin cha dearmad mi na nithe so ghnàth-chur an cuimhne dhuibh, ged is aithne dhuibh iad, agus ged tha sibh air bhur daingneachadh san fhìrinn a làthair.

13 Ach tha mi a' meas gur còir, am feadh a ta mi sa' phàilliuin⁷ so, sibhse a bhrosnachadh le 'ur cur an cuimhne:

14 Air dhomh fios a bhi agam gur fagus dhomh àm cur dhìom mo phàilliuin so, amhuil a dh'fhoillsich ar Tighearna Iosa Criosd dhomh.

15 Ach ni mise dìchioll, chum an déigh dhomh siubhal, gu'm bi agaibh-sa gnàth-chuimhne air na nithibh so.

¹ fìreantachd Dé agus ar Slànuighir.

² subhailte, cruadail.

³ chum na crìche so.

⁴ cruadal.

⁵ gràdh, carthanachd.

⁶ measarrachd.

⁷ bhòthan.

II. PEADAR, I. II.

16 Oir cha do lean sinne faoin-sgeul-achda a dhealbhadh gu h-innleachdach, 'nuair a chuir sinn an cèill duibh cunh-achdagus teachd ar Tighearn Iosa Crìosd, ach rinneadh sinn 'nar sùil-fhianuisibh air a mhòrachd-san.

17 Oir fhuair e o Dhia an t-Athair urram agus glòir, 'nuair a thàinig a' shamhuil so do ghuth d'a ionnsuidh o'n ghloir òir-dheire¹, Is e so mo Mhac gràdhach-sa, anns am bheil mo mhòr-thlachd².

18 Agus chuala sinne an guth so a thàinig o nèamh, 'nuair a bha sinn maille ris air an t-sliabh naomh.

19 Tha againn mar an ceudna focal fàidheadaireachd a's cinntiche; d'am maith a ni sibh aire a thoirt, mar do lòch-ran a tha toirt soluis uaith ann an ionad dorchas, gus an soillsich an là, agus an éirich an reult-mhaidne 'nur cridheachaibh:

20 Air dhuibh fhios so a bhi agaibh air tùs, nach 'cil fàidheadaireachd air bith do'n sgrìobtuir o thogradh dhaoine féin.

21 Oir cha d'fhàinig an fhàidheadaireachd a réir toil duine o shean: ach labh-air daoine naomha Dhé, mar a sheòladh iad leis an Spiorad naomh.

CAIB. II.

1 *Roinn-innis Peadar mu tlàmchioll luchd-teagaisg bréige, a nochàdhl am mi-dhiadhachd, agus an sgrìos a tluig araon orra féin agus air an tuchd-leannhuinn, 7 o'n saoradh daoine diadhaidh, mar a shaoradh Lot à Sodom, &c.*

ACH bha fàidhean bréige inar an ceud-na am measg an t-sluaigh, amhuil a bhios luchd-teagaisg bréige 'nur measg-sa, dream a bheir a steach an uaignidheas saobh-chreidimh³ milteach, cadhon ag àicheadh an Tighearn a cheannaich iad, agus a bheir sgrìos obann orra féin.

2 Agus leanaidh mòran an slighean mill-teach tre am faigh slighe na fìrinn mì-chliù.

3 Agus tre shannt ni iad ceannachd oirbh le briathraibh mealltach: dream nach 'cil am breitheanas a nis o chian a' deanamh moille, agus cha'n 'eil an sgrìos a' turr-chodall⁴.

4 Oir mur do chaomhain Dia na h-aingil a pheacaich, ach air dha an tilgeadh sìos do ifrinn, gu'n d'thug e thairis iad gu bhi air an coimhead ann an slabhraidhibh dorchadais, fa chomhair breitheanais;

5 Agus nach do chaomhain e an seann saoghal, ach gu'n do shaor e Noah an t-ochdamh pearsa, scarmonaiche fireant-achd, air dha an dile⁵ a thoirt air saoghal nan daoine mi-dhiadhaidh;

6 Agus a' tionndadh caithriche Shodoim agus Ghomorah gu luathre⁶, gu'n do dhìt e le léir-sgrìos iad, gan deanamh 'nam ball-sampuill⁷ dhoibh-san, a bliodh mi-dhiadhaidh an déigh sin;

7 Agus gu'n do shaor e Lot am fìrean, a bha fo champar⁸ le caithe-beatha neo-ghloin nan aingidh:

8 (Oir chràidh an t-ionracan 'sin, agus e gabhail còmhnuidh 'nam measg, 'anam fìreanta o là ga là, le bhi faicinn agus a' cluinntinn an guimharan an-dligheach:)

9 Is aithne do'n Tighearn na daoine diadhaidh a shaoradh o bhuairleadh, agus na daoine eucorach a choimhead gu là a' bhreitheanais chum peanas a dheanamh orra:

10 Ach gu h-àraidh iadsan a leanas an fheòil ann an ana-miann na neo-ghloine, agus a ni tìr air uachdaramachd: Air dhoibh bhi an-dàna, féin-thoileil, cha'n eagal leo ana-cainnt a thoirt dhoibh-san⁹ a tha ann an àirde-inbhe:

11 An uair nach toir aingil a's mò ann an neart agus ann an cumhachd, casaid thobheumach 'nan aghaidh¹⁰ am fianuis an Tighearn.

12 Ach iadsan, mar aimhidhean nàdurra eu-céillidh, a rinneadh gu bhi air an glacadh an sgrìos, air dhoibh bhi labhairt gu toibheumach mu na nithibh nach tuig iad, sgrìosar iad 'nan truailidheachd féin;

13 Agus gheibh iad tuarasdal na h-euceirt, mar dhream a mheasas mar shubh-achas sògh¹¹ san là: is smala iad agus aobhar-maslaidh¹², a' gabhail toileachas-intinn 'nam mealltaireachd féin, am feadh a ta iad air cuirmibh¹³ maille ribh;

14 Aig am bheil an sùilean làn do adhl-trannas, agus do nach 'eil e'n comas sgar do pheacadh; a' mealladh anana neo-shuidhichte; aig am bheil an cridhe air a chleacadh ri gnìomharaibh sanntach; clann nam mallachd:

15 A thréig an t-slighe dhìreach, agus a chaidh air seacharan, a' leantuinn slighe Bhaalaim mhic Bhosoir¹⁴, a ghràdhaich duais na h-eucorach;

16 Ach a fhuair achmhasan air son 'aingidheachd: oir labhair an asal bhalbh le cainnt duine, agus thoirmisg i mi-chiall an fhàidh.

17 Is tobair gun uisge iad so, neoil air an iomain le iom-ghaoith; fa chomhair am bheil duibhre¹⁵ an dorchadais air a thasgaidh gu sìorruidh.

18 Oir an uair a labhras iad briathran atmhòr¹⁶ diomhanais, meallaidh iad tre ana-miannaibh na feòla, tre mhacnus¹⁷,

¹ àrd-urramaich.

² le'm bheil mi làn-toilichte.

³ dà-bharailean.

⁴ cùd-chodall. ⁵ dìlim, tuil.

⁶ luath.

⁷ nam 'samhlachas.

⁸ air a shàrachadh. ⁹ olc a labhairt umpa-san.

¹⁰ breth-mhaslach an aghaidh a chèile.

¹¹ deadh-ghleus, deadh-theachd-an-tìr.

¹² aineamla, sal.

¹³ fèisidibh.

¹⁴ Bheoir.

¹⁵ ceò.

¹⁶ uabhrach.

¹⁷ thrùiseileachd.

II. PEADAR, II. III.

iadsan a chaidh gu glan¹ as uatha-san a tha caitheadh am beatha ann an seacharan:

19 A' gealltuinn saorsa dhoibh, agus gun annta féin ach tràilleann na truailidheachd: oir ge b'e ni le 'm buadhaichear air duine, do'n ni sin féin tha e air a chur fo dhaorsa.

20 Oir an déigh dhoibh dol as o shalch-araibh an t-saoghail, tre eòlas an Tighearn agus an t-Slànuighir Iosa Crìosd, ma bhios iad a ris air an ribeadh annta, agus air an cur fo ghéill, tha an deireadh aca ni's miosa na an toiseach.

21 Oir b'fhearr dhoibh gun eòlas a bhi aca air slighe na fireantachd, na, an déigh a h-eòlas fhaotainn. pillleadh o'n àithne naomh a thugadh dhoibh.

22 Ach thachair dhoibh a réir an t-seanfhocail fhìrinnich, Phìll am madadh air ais chum a sgeith féin; agus, A' mhuc a chaidh nigheadh, chum a h-aoirneagan² san làthaich³.

CAIB. III.

1 *Thug Peadar cinnte do luchd-aidmheil na creidimh mu theachd Chrìosd chum breitheanais, an aghaidh luchd-fanoid; 8 thug e rabhadh do dhaoine mi-dhiadhaidh o fhad-fhoighidinn Dé, iad a ghreasadh an aithreachais: 12 chuir e mar an ceudna an céill am modh air an sgriosar an saoghail so.*

AN dara litir so, a mhuinntir mo ghràidh, tha mi a' sgrìobhadh do 'ur n-ionnsuidh⁴ a nis; annta le *chéile* tha mi⁵ a' brosnachadh bhur n-inntinn fhìorghloin le 'ur cur an cuimhne:

2 Chum gu'm bi sibh cuimhneachail air na briathraibh a labhradh roimh leis na fàidhibh naomha, agus air ar n-àithne-ne, abstola an Tighearn agus an t-Slànuighir:

3 Air dhuibh fhios so bhi agaibh air tús, gu'n tig anns na làithibh deireannach luchd-fochaid⁶, ag imeachd a réir an anamian féin.

4 Agus ag ràdh, C'ait am bheil gealladh a theachd? oir o choidil na h-aithriche, tha na h-uile nithe a' fantuinn mar a bha iad o thoiseach a' chruthachaidh.

5 Oir tha iad aineolach air so da'n deoin, gu'n robh na nèamha ann o chian, agus an talamh 'na sheasamh as an uisge, agus anns an uisge, tre fhocal Dé:

6 Tre'n deachaidh an saoghal a bha'n sin ann a sgrios, air teachd do'n dlinn air.

7 Ach tha na nèamha agus an talamh a tha nis ann, leis an fhocal sin féin air an tasgaidh suas, agus air an gleidheadh fa

chomhair teine air cheann là a' bhreith-eanais, agus sgrios dhaoine ain-diadhaidh.

8 Ach, a mhuinntir mo ghràidh, na bithibh-sa aineolach air an aon ni so, Gu bheil aon là aig an Tighearn mar mhìle bliadhna, agus mìle bliadhna mar aon là.

9 Cha'n 'eil an Tighearn mall a thaobh a gheallaidh, (mar a mheasas dream àraidh moille,) ach tha e fad-fhulangach do ar taobh-ne, gun toil aige dream sam bith a bhi cailte, ach na h-uile *dhaoine* theachd gu h-aithreachas.

10 Ach thig là an Tighearna mar ghaduiche san oidhche; anns an téid na nèamha thairis le toirm mhòir, agus anns an leagh na dùile le dian-theas; agus bithidh an talamh mar an ceudna, agus na h-oibre a ta air, air an losgadh suas.

11 Uime sin do bhrìgh gu'm bi na nithe so uile air an sgaoileadh as a chéile, ciod a' ghnè dhaoine bu chòir a bhi annaibh, ann an caithe-beatha naomh, agus diadhachd,

12 Le sùil a bhi agaibh ris, agus luathachadh⁷ chum teachd là Dhé, anns am bi na nèamha, air dhoibh bhi re theine, air an sgaoileadh o chéile, agus anns an leaghar na dùile le dian-theas?

13 Gidheadh tha dùil againne ri nèamhaibh nuadha agus talamh nuadh, a réir a gheallaidh, anns an còmhnuich fireantachd.

14 Uime sin, a mhuinntir ionmhuinn, o tha dùil agaibh ris na nithibh sin, deanaibh bhur dìchioll chum gu faighear leis-san ann an sìth sibh, gun smal agus neo-lochdach:

15 Agus measaibh gur slàinte fad-fhulangas ar Tighearn; amhuil a sgrìobh ar bràthair gràdhach Pòl mar an ceudna do 'ur n-ionnsuidh, a réir a' ghliocais a thugadh dha;

16 Amhuil mar 'na litrichibh uile, a' labhairt annta mu na nithibh so: anns am bheil cuid do nithibh do-thuigsinn, a tha an dream a tha neo-fhòghlumta, agus neo-sheasmhach a' fiaradh, amhuil mar na sgrìobtuirean eile, chum an sgrios féin.

17 Ach sibhe, a mhuinntir mo ghràidh, o's aithne dhuibh na nithe so roimh-làimh, thugaibh aire air eagal air dhuibh-se mar an ceudna bhi air bhur tarraing air falbh le seacharan nan daoine ain-diadhaidh, gu'n tuit sibh o bhur seasmhachd féin.

18 Ach fàsaibh ann an gràs, agus ann an eòlas ar Tighearn agus ar Slànuighir Iosa Crìosd. Dhasan gu robh glòir a nis agus gu sìorruidh⁸. Amen.

¹ car tamuill bhig. ² a h-aonairt, a h-eabradh.

³ sa' chlàbar. ⁴ sgrìobham chugaibh.

⁵ anns am bheil mi.

⁶ fanoid, sgeige.

⁷ greasadh, cabhag a dheanamh.

⁸ gu là na sìorruidheachd.

E O I N.

CAIB. I.

1 *Labhair Eoin mu phearsa Chrìosd, anns am bheil againn beatha mhaireannach, thaobh comh-chomuin ri Dia; 5 ris an èigin duinn naomhachd beatha a chur, a dhearbhadh firinn a' chomh-chomuin sin, chum gu'm faigheamaid cinnte air maithneas tre bhàs Chrìosd.*

AN ni a bha ann o thùs, an ni a chuala sinne, a chunnaic sinn le ar suilibh, air an d'amhaire sinn, agus a làimhsieh ar làmh thaobh focail na beatha;

2 (Oir dh'fhoillsieheadh a' bheatha, agus chunnaic sinne i, agus tha sinn a' deanamh fianuis, agus a' eur an cèill dhuibh-se na beatha maireannaich ud a bha maille ris an Athair, agus a dh'fhoillsieheadh dhuinne;)

3 An ni a chunnaic agus a chuala sinn, tha sinn a' eur an cèill duibh-se, chum gu'm bi agaibh-sa mar an ceudna comunn ruinne: agus gu firinneach tha ar comunn-ne ris an Athair, agus r'a Mhac Iosa Crìosd.

4 Agus tha sinn a' sgrìobhadh nan nithe so do 'ur n-ionnsuidh, chum gu'm bi bhur gairdeachas còimhlionta.

5 Agus is i so an teachdaireachd a chuala sinn uath-san, agus a tha sinn a' eur an cèill dhuibh-se, Gur solus Dia, agus nach 'eil dorchadas air bith annsan.

6 Ma their sinn gu bheil comunn againn ris', agus sinn a' gluasad ann an dorchadas, tha sinn a' deanamh bréige, agus cha'n 'eil sinn a' deanamh na firinn:

7 Ach ma ghluaiseas sinn anns an t-solus, mar a tha esan san t-solus, tha comunn againn r'a eheile, agus glanaidh fuil Iosa Crìosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'gar mealladh féin, agus cha'n 'eil an fhirinn annainn.

9 Ma dh'aidheas sinn ar peacanna, tha esan firinneach agus eart, chum ar peacanna a mhaithheadh dhuinn, agus ar glanadh o gach uile neo-fhireantaehd.

10 Ma their sinn nach do pheacaich sinn, tha sinn a' deanamh breugaire dheth-san, agus cha'n 'eil 'fhocal annainn.

CAIB. II.

1 *Thug Eoin comhfhurtachd do luchd-àidmheil na creidimh an aghaidh peacaidh annhuinneachd. 3 'Se fìor-eòlas Dé 'aithéantain a choimhead, 9 ar bràithrean a ghràdhachadh, 15 agus gun ghaol a thoirt do'n t-saoghal.*

MO chlann bheag, na nithe so tha mi a' sgrìobhadh do 'ur n-ionnsuidh, chum nach peacaich sibh. Agus ma pleacaicheas neach air bith, tha fear-tagraidh againn maille ris an Athair, Iosa Crìosd am firean:

2 Agus is esan an ìobairt-réitich air son ar peacanna agus cha'n e air son ar peacanna a mhaìin, ach mar an ceudna air son peacanna an t-saoghail uile.

3 Agus le so tha fhios againn gur aithne dhuinn e, ma choimhideas sinn 'aith-eantann.

4 An ti a their, Is aithne dhomh e, agus nach 'eil a' coimhead 'aithéantann, is breugaire e, agus cha'n 'eil an fhirinn ann.

5 Ach ge b'e choimhideas 'fhocal, annsan gu deimhin tha gràdh Dhé air a choimhlionadh: le so is aithne dhuinn gu bheil sinn ann-san.

6 An ti a their gu bheil e fantuinn annsan, is còir dha-san mar an ceudna gluasad, eadhon mar a ghluais esan.

7 A bhràithre, cha'n 'eil mi a' sgrìobhadh àithne nuadh do 'ur n-ionnsuidh, ach seann àithne, a bha agaibh o'n toiseach: is i an t-seann àithne am focal a chuala sibh o thùs.

8 A ris tha mi a' sgrìobhadh àithne nuaidh do 'ur n-ionnsuidh, ni a ta fìor ann-san agus annaibh-sa: do bhrìgh gu'n d'imieh an dorchadas thairis, agus gu bheil a nis an solus fìor a' dealrachadh.

9 An ti a their gu bheil e san t-solus, agus a tha fuathachadh a bhràthar, tha e san dorchadas gus a nis.

10 An ti aig am bheil gràdh d'a bhràthar, tha e 'na chòmhnuidh san t-solus, agus cha'n 'eil aobhar oibheim air bith ann.

11 Ach an ti a ta fuathachadh a bhràthar, tha e anns an dorchadas, agus ag imeachd anns an dorchadas, agus cha'n aithne dha e'ait am bheil e dol, do bhrìgh gu'n do dhall an dorchadas a shùilean.

12 Tha mi a' sgrìobhadh do 'ur n-ionnsuidh, a chlann bheag, do bhrìgh gu bheil bhur peacanna, air am maithheadh dhuibh air sgath 'ainme-san.

13 Tha mi a' sgrìobhadh do 'ur n-ionnsuidh, aithriche, do bhrìgh gu'm b' aithne dhuibh esan a ta o thùs. Tha mi a' sgrìobhadh do 'ur n-ionnsuidh, òganacha, do bhrìgh gu'n d'thug sibh buaidh air an droch aon. Tha mi a' sgrìobhadh do 'ur

n-ionnsuidh, a chlànn bheag, do bhrìgh gum b' àithne dhuibh an t-Athair.

14 Sgrìobh mi do 'ur n-ionnsuidh, aithriche, do bhrìgh gu'm b' àithne dhuibh an ti a ta ann o thùs. Sgrìobh mi do 'ur n-ionnsuidh, òganacha, do bhrìgh gu bheil sibh làidir, agus gu bheil focal Dhé 'na chòmhuidh annaibh, agus gu'n d'thug sibh buaidh air an droch aon.

15 Na gràdhachibh an saoghal, no na nithe a ta san t-saoghal. Ma ghràdhachas neach air bitli an saoghal, eha 'n 'eil gràdh an Athar ann.

16 Oir na h-uile a ta anns an t-saoghal, ana-miann na feòla, agus ana-miann nan sùl, agus uabhar na beatha, cha'n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus 'ana-miann: ach an ti a ni toil Dé, mairidh e chaoidh.

18 A chlànn bheag, is i an aimsir dheireannach a tha ann: agus mar a chuala sibh gu'n tig an t-ana-criosd, is ann mar sin a ta nis iomadh ana-criosd ann; o'm bheil sinn a' tuigsinn gur i 'n aimsir dheireannach a ta ann.

19 Chaidh iad a mach uainne, ach cha robh iad dhinn: oir nam biodh iad dhinn, gu deimhin dh'fhanadh iad maille ruinn. ach chaidh iad a mach, chum gu deantadh follaiseach iad, nach robh iad uile dhinn.

20 Ach tha agaibh-sa ungadh o'n ti naomh, agus is aithne dhuibh na h-uile nithe.

21 Cha do sgrìobh mi do 'ur n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil breug air bitli o'n fhìrinn.

22 Cò a tha na bhreugaire, ach esan a dh'àicheadhas gur e Iosa an Criosd? Is e so an t-ana-criosd, a tha 'g àicheadh an Athar agus a' Mhic.

23 Ge b'e neach a dh'àicheadhas am Mac, cha'n 'eil an t-Athair aige: [ach an ti a dh'aidicheas am Mac, tha an t-Athair aige mar an ceudna.]

24 Uime sin fanadh an ni sin annaibh-sa a chuala sibh o thùs. Ma dh'fhanas an ui a chuala sibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gealladh a gheall e dhuinn, eadhon a' bheatha mhaireanach.

26 Sgrìobh mi na nithe so do 'ur n-ionnsuidh, mu thimchioll na dream a tha 'gur mealladh.

27 Ach tha an t-ungadh a fhuair sibh uaith-san, a' fantuinn annaibh: agus cha'n 'eil feum agaibh gu'n teagaisgeadh aon neach sibh: Ach, mar a ta an t-ungadh so féin 'gur teagasg mu thimchioll nan uile nithe, agus a ta e fìor, agus nach breug e, eadhon mar a theagaisg e sibh, fanaibh ann.

28 Agus a nis, a chlànn bheag, fanaibh ann-san; chum 'nuair a dh'fhoillsichear e, gu'm bi dànachd againn, agus nach bi naire oirm 'na làthair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach a ni fireantachd, air a bhreith¹ uaith-san.

CAIB. III.

3 *Chuir an t-abstol an céill gràdh iongantach Dhé dhuinne, le sinn a dheanamh 'nar clòinn dha féin: 3 is còir dhuinn uime sin 'aithéantan a choimhead le h-urram, 11 agus mar an ceudna gràdh bràthaireil a bhì againn d'a chèile.*

FHOILLICHEADH, eiod a' ghnè ghràidh a thug an t-Athair dhuinne, gu'n goirteadh clann Dé dhinn! uime sin eha'n aithne do'n t-saoghal sinn, do bhrìgh nach b' aithne dha esan.

2 A mhuinntir mo ghràidh, a nis is sinne mic Dhé; agus eha 'n 'eil e soilleir fathast eiod a bhitheas sinn: ach a ta fhios againn, 'nuair a dh'fhoillsichear esan, gu'm bi sinn cosmhuil ris; oir chi sinn e mar a ta e.

3 Agus gach neach aig am bheil an dòchas so ann, gl'anaidh se e féin, mar a ta esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsicheadh esan chum ar peacanna thoirt air falbh; agus cha'n 'eil peacadh sam bith ann-san.

6 Gach neach a dh'fhanas ann-san, cha dean e peacadh: ge b'e air bith a pheacachas, cha'n fhac e esan, agus cha robh eòlas aige air.

7 A chlànn bheag, na mealladh neach air bith sibh: an ti a ni fireantachd is firean e, mar is firean esan:

8 An ti a ni peacadh, is ann o'n diabhul a ta e: oir tha an diabhul a' peacachadh o thùs. Is ann chum na eriche so a dh'fhoillsicheadh Mac Dhé, chum gu'n sgriosadh e oibre an diabhul.

9 Ge b'e neach a ghineadh o Dhia, cha dean e peacadh: oir a ta a shìol-san a' fantuinn ann; agus cha'n 'eil e'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dhé, agus clann an diabhul follaiseach: Ge b'e neach nach dean fireantachd, cha'n ann o Dhia a tha e, no an ti nach gràdhach a bhràthair.

11 Oir is i so an teachdaireachd a chuala sibh o thùs, sinn a thoirt gràidh d'a chèile:

12 Cha'n ann mar Chain, a bha o'n droch aon, agus a mharbh a bhràthair: Agus c'ar son a mharbh se e? A chionn

¹ air a ghineamhuin.

gu'n robh 'oibre féin olc, agus oibre a bhràthar fireanta.

13 Na biodh iognadh oirbh, mo bhràithre, ged dh'fhuathaichcas an saoghal sibh.

14 Tha fhios againn gu'n deachaidhsinn thairis o bhàs gu beatha, do bhrìgh gu bheil gràdh againn do na bràithribh: an ti nach gràdhaich a bhràthair, funaidh e ann am bàs.

15 Gach neach a dh'fhuathaicheas a bhràthair, is mortair¹ e; agus tha fhios againn nach 'eil aig mortair sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrìgh gu'n do chuir esan sìos 'anam féin air ar son-ne: agus is còir dhuinne ar n-anama féin a chur sìos air son nam bràithre.

17 Agus ge b'e neach aig am bheil maoin an t-saoghail so, agus a chi a bhràthair ann an uireasbhuidh, agus a dhruideas a chridhe 'na aghaidh, cionnus a tha gràdh Dhé a' gabhail còmhnuidh ann-san?

18 Mo chlann bheag, na gràdhaicheamaid ann am focal, no ann an teagaidh; ach ann an gnìomh agus ann am fìrinn.

19 Agus le so is aithne dhuinn gu bheil sinn do'n fhrìnn, agus bheir sinn dearbhbheachd² do ar cridheachaibh 'na làthair.

20 Oir ma dhiteas ar cridhe sinn, is mò Dia na ar cridhe, agus is aithne dha na h-uile nithe.

21 A mhuinntir mo ghràidh, mur dìt ar cridhe sinn, thia dānachd againn a thaobh Dhé.

22 Agus ge b'e ni a dh'iarras sinn, gheibh sinn uath e, do bhrìgh gu bheil sinn a' coimhead 'aithneantan, agus a' deanamh nan nithe a tha taitneach 'na fhianuis-san.

23 Agus is i so 'aithne-san, gun creideamaid ann an ainm a Mhic Iosa Criosd, agus gu'n gràdhaicheamaid a chéile, mar a thug esan aithne dhuinn.

24 Agus an ti a choimhideas 'aithneantas, tha e gabhail còmhnuidh ann, agus esan ann-san: agus le so is aithne dhuinn gu bheil esan a' fuireach annainn, o'n Spiorad a thug e dhuinn.

CAIB. IV.

Thug an t-abstol rabhadh dhoibh gun iad a chreidsinn gach uile luchd-teagaisg a ni bàsd as an Spiorad, ach an dearbhadh le riaghailtibh a' chreidimh choitchionn: 7 bhrosnuich e iad le h-ionadh reuson gu gràdh bràthaireil.

AMHUINNTIR ionmhuinn, na creidibh gach uile spiorad, ach dearbhaibh na spioradan, an ann o Dhia a tha iad: do bhrìgh gu bheil mòran do fhàidhibh

briège air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aicheadhcas gu'n d'fhàinig Iosa Criosd san fheòil, is ann o Dhia a tha e.

3 Agus gach uile spiorad nach aidich gu bheil Iosa Criosd air teachd san fheòil, cha'n ann o Dhia a tha e: agus is e so spiorad sin an ana-criosd, neach a chuala sibh e bhi teachd, agus a nis tha e cheana anns an t-saoghal.

4 A chlann bheag, tha sibh-se o Dhia, agus thug sibh buaidh orra-san; do bhrìgh gur mò esan a ta annaibh-sa, na esan a ta anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag éisdeachd riu.

6 Tha sinne o Dhia: an ti aig am bheil eòlas air Dia, éisdidh e ruinne; an ti nach 'eil o Dhia, cha'n éisd e ruinn. O so aithnichidh sinn spiorad na fìrinn, agus spiorad an t-seacharain.

7 A mhuinntir ionmhuinn, gràdhaicheamaid a chéile: oir is ann o Dhia tha'n gràdh; agus gach neach a ghràdhaicheas, ghineadh o Dhia e, agus is aithne dha Dia.

8 An ti nach gràdhaich, cha'n aithne dha Dia; oir is gràdh Dia.

9 An so dh'fhoillsicheadh gràdh Dhé dhuinne, do bhrìgh gu'n do chuir Dia aon-glin Mhic do'n t-saoghal, chum gu'n bitheamaid beò trid-san.

10 An so a ta gràdh, cha'n e gu'n do ghràdhaich sinne Dia, ach gu'n do ghràdhaich esan sinne, agus gu'n do chuir e a Mhac féin *gu bhi* 'na iobairt-réitich air son ar peacanna.

11 A mhuinntir ionmhuinn, ma ghràdhaich Dia sinne mar sin, tha e mar fhiach-aibh oirne a chéile a ghràdhachadh mar an ceudna.

12 Cha'n fhaca neach air bith Dia riann. Ma ghràdhaicheas sinn a chéile, tha Dia 'na còmhnuidh annainn, agus tha a ghràdh air a choimhlionadh annainn.

13 O so is aithne dhuinn gu bheil sinn 'nar còmhnuidh ann-san, agus esan annainn, do bhrìgh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac uath mar Shlànuighear an domhain.

15 Ge b'e neach a dh'aicheadhcas gur e Iosa Mac Dhé, tha Dia 'na còmhnuidh ann-san, agus esan ann an Dia.

16 Agus fhuair sinn aithne air agus chreid sinn an gràdh a tha aig Dia dhuinn. Is gràdh Dia; agus an ti a tha fantuinn

¹ duin'-mharbhaiche.

² cinnteachd.

ann an gràdh, tha e 'na chòmhnuidh ann an Dia, agus Dia ann-san.

17 An so tha ar gràdh-ne air a dheanamh coimhlionta, chum gu'm bi againn dànaclid ann an là a' bhreitheana: do bhrìgh mar a tha esan, gur amhuil sin a tha sinne anns an t-saoghal so.

18 Cha'n 'eil eagal ann an gràdh; ach tilgidh gràdh dìongmhalta¹ an t-eagal a mach; do bhrìgh gu bheil pian san eagal: an ti a tha eagalach, cha d'rinneadh coimhlionta ann an gràdh e.

19 Tha gràdh againne dhasan, do bhrìgh gu'n do ghràdhaich esan sinne an toiseach.

20 Ma their neach, Tha gràdh agam do Dhia, agus fuath aige d'a bhràthair, is breugaire e: oir an ti nach gràdhaich a bhràthair a chunnaic e, cionnus a dh'fheudas e Dia nach fac e a ghràdhachadh?

21 Agus an àithne so tha againn uaithsan, An ù a ghràdhaicheas Dia, gu'n gràdhaich e a bhràthair mar an ceudna.

CAIB. V.

1 An ti leis an ionnluinn Dia, is ionnluinn leis a chlann, agus coimhididh e 'àitheantan, a ta eutrom, so-choimhead do na creidich. 9 'Se Iosa Mac Dhé; agus tha e comasach air sinne a thearnadh, 14 agus air ar n-urnuighean, a ni sinn air ar son féin, agus air son muinntir eile, a fhreagairt.

GE b'e neach a chreideas gur e Iosa an Crìosd, ghineadh o Dhia e; agus ge b'e ghràdhaicheas an ti a ghin, gràdh-aichidh e mar an ceudna an ti a ghineadh leis.

2 O so is aithne dhuinn gu bheil gràdh againn do chloinn Dé, 'nuair a ghràdh-aicheas sinn Dia, agus a choimhideas sinn 'àitheantan.

3 Oir is e so gràdh Dhé, sinn a choimhead 'àitheantan: agus cha 'n 'eil 'àitheanta-san trom².

4 Oir gach uile ni a ghinear o Dhia, bheir e buaidh air an t-saoghal: agus is i so a' bhuaidh a bhuadhaicheas air an t-saoghal, eadhon ar creidimh-ne.

5 Cò an ti a bhuadhaicheas air an t-saoghal, ach esan a tha creidsinn gur e Iosa Mac Dhé.

6 Is e so esan a thàinig tre uisge agus tre fhuil, Iosa Crìosd; cha'n e tre uisge a mhàin, ach tre uisge agus fuil: agus is e an Spìrad a ni fianuis, do bhrìgh gur frinn an Spìrad.

7 Oir tha triuir a tha deanamh fianuis air nèamh, an t-Athair, am Focal, agus an

Spìrad naomh: agus an triuir sin is aon iad.

8 Agus tha triuir a tha deanamh fianuis air an talamh, an Spìrad, agus an t-uisge, agus an fhuil: agus thig an triuir sin r'a chèile ann an aon.

9 Ma ghabhas sinn ri fianuis dhaoine, 'sì fianuis Dé a's mò: oir is i so fianuis Dé, a thug e mu thimchioll a Mhic.

10 An ti a chreideas ann am Mac Dhé, tha'n fhianuis aige ann féin: an ti nach creid Dia, rinn e breugaire dheth, do bhrìgh nach do chreid e an fhianuis a rinn Dia mu thimchioll a Mhic.

11 Agus is i so an fhianuis, gu'n d'thug Dia dhuinn beatha mhaireannach: agus tha a' bheatha so 'na Mhac.

12 An ti aig am bheil am Mac, tha beatha aige: an ti aig nach 'eil Mac Dhé, cha'n 'eil beatha aige.

13 Na nithe so sgriobh mi do 'ur n-ionn-suidh, a tha creidsinn ann an ainm Mhic Dhé; chum gu'm bi fios agaibh gu bheil a' bheatha mhaireannach agaibh, agus chum gu'n creid sibh ann an ainm Mhic Dhé.

14 Agus is e so an dòchas a ta againn ann-san, ma dh'iarras sinn ni sam bith a réir a thoile, gu'n éisd e ruinn.

15 Agus ma ta fhios againn gu'n éisd e ruinn, ge b'e ni a dh'iarras sinn, tha fhios againn gu bheil ar n-iarrtuis a dh'iarr sinn air againn.

16 Ma chi neach sam bith a bhràthair a' peacadhadh peacaidh nach 'eil a chum bàis, iarraidh e, agus bheir e beatha dha, dhoibh-san nach 'eil a' peacadhadh chum bàis. Tha peacadh chum bàis ann: a thaobh sin, cha'n 'eil mi ag ràdh³ gur còir dha guidheadh.

17 Is peacadh gach uile eucoir: agus tha peacadh ann nach 'eil a chum bàis.

18 Tha fhios againn ge b'e neach a ghineadh le Dia, nach peacaich e; ach an ti a ghineadh o Dhia, coimhididh se e féin, agus cha bhean an droch aon ris.

19 Tha fhios againn gur ann o Dhia a tha sinne, agus tha'n saoghal uile 'na luidhe san olc.

20 Agus tha fhios againn gu'n d'thàinig Mac Dhé, agus gu'n d'thug e tuisge dhuinn, chum gu'm b'aithne dhuinn esan a ta fìor: agus tha sinne ann-san a ta fìor, ann a Mhac Iosa Crìosd. Is e so an Dia fìor, agus a' bheatha mhaireannach.

21 A chlann bheag, coimhidibh sibh féin o ìodholaibh. Amen.

¹ iomlan, foirfe.

² do-dheanta.

³ ni'n abram.

DARA LITIR AN ABSTOIL

E O I N.

CAIB. I.

1 Chomhairlich Eoin do mhnaoi òirdheire àraidh agus d'a cloinn buanachadh anns a' chreidimh agus ann an gràdh Crìosdaidh, 8 air eagal gu'n cailleadh iad duais na h-aidmheil a rinn iad roimh; 10 agus gun ghnothuch a bhi aca ris na mealltairibh sin nach toir fìor-theagasg Iosa Crìosd leo d'an ionnsuidh.

A N seanair chum na ban-tighearna taghta, agus chum a cloinne, a's ionnmuinn leam-sa anns an fhìrinn; agus cha'n ann leam-sa mhàin, ach leo-san uile mar an ceudna a ghabh eòlas air an fhìrinn;

2 Air son na fìrinn a tha 'na còmhnuidh annain-ne, agus a bhios maille ruinn gu bràth:

3 Gràs, tròcair, agus sìth gu robh maille ribh o Dhia an t-Athair, agus o'n Tigh-earn Iosa Crìosd Mac an Athar, ann am fìrinn agus ann an gràdh.

4 Bha gàirdeachas mòr orm, do bhrìgh gu'n d'fhuair mi cuid do d' chloinn-sa ag imeachd anns an fhìrinn, a réir mar a fhuair sinne àithne o'n Athair.

5 Agus a nis guidheam ort, a bhan-tighearn, cha'n e mar gu'n sgrìobhainn àithne nuadh a d'ionnsuidh, ach an àithne a bha againn o thùs, gun gràdhaicheamaid a' chéile.

6 Agus is e so an gràdh, gu'n imich-

¹ sibh.

² anns an do shaothraich sinn, air son an do shaoth-

eamaid a réir 'àitheanta-san. 'S i so an àithne, mar a chuala sibh o thùs, gu'n imicheadh sibh innte.

7 Oir tha mòran mhcalltairean air teachd a steach do'n t-saoghal, nach 'eil ag aid-eachadh gu bheil Crìosd air teachd san fhèoil. Is mealltair so agus ana-crìosd.

8 Thugaibh aire dhuibh féin, nach caill sinn¹ na nithe sinn a shaothraich sinn², ach gu faigh sinn làn-duais.

9 Ge b'e neach a bhriseas an lagh, agus nach fan ann an teagasg Chrìosd, cha'n 'eil Dia aige: an ti a dh'fhanas ann an teagasg Chrìosd, 'tha araon an t-Athair agus am Mac aige.

10 Ma thig neach air bith do 'ur n-ionnsuidh, agus nach toir e an teagasg so leis, na gabhaibh e steach do 'ur tigh, agus na abraibh ris, Gu ma subhach dhuit³.

11 Oir ge b'e neach a their ris, Gu ma subhach dhuit, tha comhpairt aige d'a dhroch oibribh.

12 Air dhomh mòran a bhi agam r'a sgrìobhadh do 'ur n-ionnsuidh, cha b' àill leam sgrìobhadh le paiper agus dubh; ach tha dòchas agam teachd do 'ur n-ionnsuidh, agus labhairt beul ri beul, chum gu'm bi ar gàirdeachas coimhlionta.

13 Tha clann do pheathar taghta a' cur fàilte ort. Amen.

raich sinn, a bhuannaich sinn, a bhuannaich sibh.

³ Gu'n soirbheichear leat.

TREAS LITIR AN ABSTOIL

E O I N.

CAIB. I.

1 Mhol an t-abstol Gaius air son a dhiadhachd, 5 agus 'aoidheachd do'n fhìor luchd-teagaisg; 9 agus air an làimh eile rinn e gearan air gnàthachadh mì-chàirdel Dhiotrepheis uaibhrich; 11 dh'innis e nach còir 'eiseimpleir-san a leantuinn; 12 agus thug e teisteanas sonraichte do'n dcaidh iomradh a bha aig Demetrius.

A N seanair chum Ghaiuis ghràdhaich, a's ionnmuinn leam san fhìrinn.

2 A bhràthair ghràdhaich, 'se mo ghuidheadh thaobh¹ gach uile ni gu'n soirbheicheadh leat agus gu'm biodh tu

¹ roimh.

slàn, mar a ta soirbheachadh le t' anam.

3 Oir rinn mi gàirdeachas gu mòr 'nuair a thàinig na bràithrean, agus a rinn iad fianuis do'n fhìrinn a tha annad-sa², mar a ta thausa ag imeachd san fhìrinn.

4 Cha'n 'eil gàirdeachas agam a's mò na bhi cluinntinn gu bheil mo chlànn ag imeachd san fhìrinn.

5 A bhràthair ghràdhaich, is dìlcas a nì thu gach nì a ta thu deanamh do na bràithribh, agus do choigrich;

6 Muinntir a rinn fianuis air do ghràdh an làthair na h-eaglais: ma bheir thu air

² do t'fhìrinn-sa.

IUDAIS, I.

an aghaidh iad 'nan slighe mar is cubhaidh do Dhia, is maith a ni thu:

7 Oir chaidh iad a mach air sgàth 'ainm-san, gun ni air bith a ghabhail o na Cinnich.

8 Uime sin tha e mar fhiachaibh oirne gabhail r'an leithidibh sin, chum gu'm bitheamaid 'nar comh-shaothraichibh do'n fhirinn.

9 Sgrìobh mi¹ chum na h-eaglais: ach cha ghabh Diotrefhes, leis am miann àrd-cheannas a bhi aige 'nam measg, ruinne.

10 Uime sin ma thig mi, cuiridh mi an cuimhne² 'oibre a ta e deanamh, a' bith-labhairt 'nar n-aghaidh le briathraibh aingidh³: agus cha leoir leis sin, ach ni mò a tha e féin, a' gabhail ris na bràthraibh, agus tha e a' bacadh na dream leis

am b'àill, agus 'gan tilgeadh mach as an eaglais.

11 A bhràthair ghràdhaich, na lean an ni a ta olc, ach an ni a ta maith. An ti a ni maith, is ann o Dhia a ta e; ach an ti a ni olc, cha'n fhac e Dia.

12 Tha deadh theistias air Demetrius o na h-uile, agus o'n fhirinn féin: agus tha sinne *mar an ceudna* a' deanamh fianuis; agus tha fios agaibh gu bheil ar fianuis-ne fìor.

13 Bha mòran agam r'a sgrìobhadh, ach cha'n àill leam sgrìobhadh le dubh agus peann a d'ionnsuidh:

14 Ach tha dòchas agam t'fhaicim gun dàil, agus labhraidh sinn beul ri beul. Sìth maille riut. Tha na càirdean a' cur fàilte ort. Cuir fàilte air na càirdibh air an ainm.

¹ Sgrìobhainn.

² cuimhnichidh mi.

³ naimhdcil, mì-runach.

LITIR CHOITCHIONN AN ABSTOIL

I U D A I S.

CAIB. I.

1 Bhrosnuich an t-abstol luchd-aidmheil na creidimh gu bhì bunaitich: 4 Tha luchd-teagaisg brèige air teachd a steach 'nam measg chum am mealladh; agus tha peanas ro eagalach air ullachadh fa chomhair na muinntir sin, air son an droch theagaisg agus an caithe-beatha mhi-naomha, &c.

IUDAS seirbhiseach Iosa Crìosd, agus I bràthair Sheumais, chum na dream a tha air an naomhachadh le Dia an t-Ath-air, agus air an coimhead le Iosa Crìosd, air an gairm:

2 Gu robh tròcair, agus sìth, agus gràdh air am meudachadh dhuibh-sa.

3 A mhuinntir ionmhuim, air dhomh an uile dhìchioll¹ a dheanamh chum sgrìobhadh do 'ur n-ionnsuidh mu thimchioll na slàinte choitchionn², b'fheumail domh sgrìobhadh do bhur n-ionnsuidh, 'gur n-eagalachadh³ sibh a chathachadh gu dìchiollach air son a' chreidimh a thugadh aon uair do na naoimh.

4 Oir ghoid⁴ daoine àraidh a steach, a dh'orduicheadh roimh⁵ o shean chum an dèidh so, daoine mhi-dhiadhaich, a' tionndadh gràis ar Dé-ne gu macnus, agus ag àicheadh Dhé, a's aon Uachdaran ann, agus ar Tighearna Iosa Crìosd.

5 Uime sin is àill leam bhur cur an cuimhne, ged bha fhios agaibh aon uair⁶ air so, cionnus an déigh do'n Tighearna am pobull a shaoradh à tìr na h-Eiphit, a

sgrios e an déigh sin an dream nach do chreid.

6 Agus na h-aingil nach do ghléidh an ceud inbhe, ach a dh'fhàg an àite-còmh-nuidh féin, choimhid e ann an geimhlibh sìorruidh fo dhorchadas, fa chomhair breitheanais an là mhòir.

7 Amhuil a ta Sodom agus Gomorah, agus na bailte mu'n cuairt orra, a thug iad féin thairis do strìopachas air a' mhodh cheudna, agus a bha leantuinn feòla coimh-ich, air an cur suas 'nam ball-sampuill⁷, a' fulang dioghaltais teine shiorruidh.

8 Mar an ceudna fòs tha an luchd-bruad-air⁸ sin a' salachadh na feòla, a' deanamh tàir air uachdaranachd, agus a' labhairt gu toibheumach⁹ air àrd-inbhibh.

9 Gidheadh cha do ghabh Michael an t-àrd-ingeal, 'nuair a chathaich e an aghaidh an diabhuil, agus a rinn e deas-boireachd mu chorp Mhaois, dānadas air casaid thoibheumach a thoirt 'na aghaidh, ach thubhairt e, Gu cronuicheadh an Tighearna thu.

10 Ach tha'n dream sin a' labhairt gu toibheumach air na uithibh¹⁰ nach aithne dhoibh: ach na nithe sin a's aithne dhoibh air mhodh nàdurra, mar ainmliidhibh gun reusan, tha iad 'gan truailleadh féin anna.

11 Is an-aobhinn doibh! oir dh'imich iad ann an slighe Chain, agus ruith iad gu togarrach ann an seacharan Bhalaam air

¹ chabhaig.

² a' cur ìmpidh oirbh.

³ a sgrìobhadh roimh.

⁴ chumanta.

⁵ dh'euiligh.

⁶ roimh.

⁷ 'nan samhachas. ⁸ luchd-bruadair neo ghlan.

⁹ gu tair-chainnteach, maslach.

¹⁰ labhairt uile mu na nithibh.

ghaol tuarasdail, agus sgriosadh iad ann an ana-einnt eheannaireich Chore.

12 Is smala iad sin ann bhur euirmibh gràidh, 'nuair a tha iad air euirmibh maille ribh, 'gan beathaeadh féin gun eagal: is neòil iad gun uisge, air an giùlan mu'n cuairt le gaothaibh; craobhan searg-mheasach, gun toradh; dà uair marbh, air an spionadh as am freumhaibh;

13 Garbh-thonna¹ na fairge, a sgeitheas an nàire féin mar chobhar; reulta seach-ranach, d'am bheil duibhre an dorchadais gu sìorruidh air a thasgaidh.

14 Agus rinn Enoch mar an ceudna, an seachdamh *pearsa* o Adhamh, fàidhead-aireachd orra sin, ag ràdh, Feuch, tha'n Tighearn a' teachd le deich mìle d'a naombaibh²,

15 A dheanamh breitheauais air na h-uile, agus ehum iadsan uile a tha mi-dhiadhaidh 'nam measg fhàgail ris, a thaobh an uile ghnìomhara mi-dhiadhaidh a rinn iad gu mi-dhiadhaidh, agus a thaobh an uile *bhriathar* eruaidhe, a labhair peacaich mi-dhiadhaidh 'na aghaidh.

16 Is luchd cànrain agus gearain an dream so, a tha 'g imeachd a réir an anamian féin; agus tha'm beul a' labhairt *bhriathar* atmhor³, agus iad a' gabhail iongantais⁴ do phearsaibh dhaoine air sgàth buannachd.

¹ Fiadh-thonna.

² le 'dheich mìlthibh naomha.

⁴ a' toirt mòr-mheas.

³ uaibhreach.

17 Aeh cuimhneibh-sa, a mluinntir mo ghràidh, na focail a labhradh roimh le abstolaibh ar Tighearna Iosa Crìosd;

18 Mar a thubhairt iad ribh, gu'm biodh anns an aimsir dheireannaich luchd-fanoid, a ghluaisleadh a réir an ana-mianna mi-dhiadhaidh féin.

19 'S iad sin an dream a sgaras iad féin o chàch, collaidh⁵, gun an Spiorad aca.

20 Aeh air bhi dhuibh-se, a mhuinntir ionmhuinn, 'gur togail féin suas ann bhur creidimh ro naomha, a' deanamh urnuigh san Spiorad naomh,

21 Coimhidibh sibh féin ann an gràdh Dhé, le suil ri trócair ar Tighearna Iosa Crìosd ehum na beatha maireannaich.

22 Agus gabhaibh truas do dhream àr-aidh, a' deanamh eadar-dhealachaidh:

23 Agus tèarnaibh dream eile le h-eagal, 'gan spionadh as an teine; a' fuathaachadh eadhon an eudaich air am bheil smal na feòla⁶.

24 A nis dha-san a tha comasach air bhur gleidheadh o thuisleadh, agus *bhur* eur gu neo-lochdach an làthair a ghloire le h-aobhneas ro mhòr,

25 Do'n Dia a ta mhàin glie, ar Slàn-uirgear, *gu robh* glòir agus mòralachd, neart⁷ agus cumhachd, a nis agus air feadh nan uile linn. Amen.

⁵ nàdurra, fèidmhor.

⁶ a ta air a shalachadh leis an fheòil.

⁷ tighearnas, uachdaranachd.

TAISBEAN.

EOIN AN DIADHAIR.

CAIB. I.

1 *Sgrìobh Eoin a thaisbean chum seachd eaglaisean na h-Asia, a tha air an ciallachadh leis na seachd coinnleiribh òir. 7 Teachd Chrìosd: 14 A chumhachd glòrmhor, agus a mhòralachd.*

TAISBEAN Iosa Crìosd, a thug Dia dha, a dh'fhoillseachadh d'a sheirbhisich nithe a's éigin teachd gu crìch ann an ùine ghearr; agus chuir a teachdair-eachd uaith, agus le 'aingeal féin dh'fhoillsich e iad d'a sheirbhiseach Eoin:

2 A rinn fianuis air focal Dé, agus air teistias Iosa Crìosd, agus air gach ni a chunnaic e.

3 Is beannaichte an ti a leughas, agus iadsan a dh'èisdeas ri briathraibh na fàidh-eadaireachd so, agus a choimhideas an nithe a tha sgrìobhta innte: oir tha'n t-àm an fagus.

4 **E**GIN ehum nan seachd eaglaisean a ta san Asia; Gràs dhuibh, agus

sith o'n Ti a ta, agus a bha, agus a ta ri teachd; agus o na seachd spioradaibh a tha 'm fianuis a rìgh-chaitheach-san;

5 Agus o Iosa Crìosd, an fhianuis fhìor, an eud-ghin o na marbhaibh, agus uachdaran rìghre na talmhainn: Dha-san a ghràdhaich sinn, agus a dh'ionnlaid sinn o ar peacaibh 'na fhuil féin,

6 Agus a rinn rìghre dhinn agus sagairt do Dhia agus d'a Athair-san; dhasan *gu robh* glòir agus cumhachd gu saoghal nan saoghal. Amen.

7 Feuch, tha e teachd le neulaibh; agus ehi gach suil e, agus iadsan *mar an ceudna* a lot e¹: agus ni uile treubha na talmhainn caoidh air a shon-san: gu ma h-amhluidh bhitheas. Amen.

8 Is mise Alpha agus Omega, an toiseach agus an deireadh, tha an Tighearn

¹ a throimh-lot, a shàth e troimh.

ag ràdh, a ta, agus a bha, agus a ta ri teachd, an t-Uile-chumhachdach.

9 Bha mise Eoin, bhuir dearbh-bhràthair, agus bhuir companach¹ ann an àmhghar, agus ann an rìoghachd agus am foighidinn Iosa Crìosd, anns an eilean² ris an abrar Patmos, air son focail Dé, agus air son fianuis Iosa Crìosd.

10 Bha mi san Spiorad air là an Tigh-earn, agus chuala mi air mo chùlaobh guth mòr, mar ghuth trompaid.

11 Ag ràdh, Is mise Alpha agus Omega, an ceud neach agus an neach deireannach; agus Sgrìobh-sa ann an leabhar an ni a chi thu, agus cuir e chum nan seachd eaglaisean a tha san Asia; chum Ephesus, agus chum Smirna, agus chum Phergamois, agus chum Thiatira, agus chum Shardis, agus chum Philadelphia, agus chum Laodicea.

12 Agus thionndaidh mi a dh'fhaicinn a ghutha a labhair rium. Agus air tionndadh dhomh, chunnaic mi seachd coinneirean òir;

13 Agus am meadhon nan seachd coinneirean, neach cosmhuil ri Mac an duine, air an robh eudach a ràinig sìos gu 'shàilibh, agus crìoslaichte³ le crìos òir mu 'chiochaidh.

14 Bha a cheann agus 'fhoit geal mar oluinn ghil, mar shneachda; agus a shùilean mar lasair theine;

15 Agus a chosa cosmhuil ri umha⁴ fìor-ghilan, mar gu'm bitheadh iad a' dearg-losgadh ann an àmhuinn; agus a ghuth mar thoirm mhòran uisgeachan.

16 Agus bha aige 'na làimh dheis seachd reultan: agus claidheamh geur dà fhaobh air a' teachd a mach as a bheil: agus bha a ghnùis mar a' ghrian a' dealrachadh 'na làn neart.

17 Agus an uair a chunnaic mi e, thuit mi sìos aig a chosaibh an riochd mairbh: agus chuir e a làimh dheas orm, ag ràdh rium, Na biodh eagal ort: is mise an ceud neach agus an neach deireannach.

18 Is mise an ti a ta beò, agus a bha marbh; agus, feuch, tha mi beò gu saoghal nan saoghal, Amen; agus tha iuchraiche ifrinn⁵ agus a' bhàis agam.

19 Sgrìobh na nithe a chunnaic thu, agus na nithe a ta ann, agus na nithe a bhitheas an dèigh so:

20 Rùn-dìomhair nan seachd reultan a chunnaic thu ann am làimh dheis, agus nan seachd coinneirean òir. Is iad na seachd reultan, aingil nan seachd eaglaisean: agus is iad na seachd coinneirean a chunnaic thu, na seachd eaglaisean.

CAIB. II.

1 Cìod a dh'aitheadh do Eoin a sgrìobhadh chum aingile, (is iad sin, ministirean,) nan eaglaisean,

1 Ephesus, 8 Smirna, 12 Phergamois, 18 Thiatira: agus cìod a ta air a mholadh, no a fhuaradh uireasbhuidheach anna-san.

CHUM aingil⁶ eaglais Ephesus, Sgrìobh: Is iad so na nithe a ta an ti a tha cumail nan seachd reultan 'na làimh dheis, a tha 'g imeachd ann am meadhon nan seachd coinneirean òir, ag ràdh;

2 Is aithne dhomh t'òibre, agus do shaothair, agus t'fhoighidinn, agus nach urrainn thu giùlan leo-san a tha olc; agus gu'n do dhearbhh thu iadsan a their gur abstoil iad féin, agus nach eadh, agus gu'n d'fhuair thu iad breugach;

3 Agus gu'n do ghiùlain thu, agus gu bheil foighidinn agad, agus air sgàth m'ainme-sa gu'n d'rinn thu saothair, agus nach d'thug thu thairis.

4 Gidheadh, tha ni-éigin agam a' d'aghaidh, do bhrìgh gu'n do thréig thu do cheud ghràdh.

5 Cuimhnich nime sin cia uait a thuit thu, agus gabh aithreachas, agus dean na ceud oibre; no thig mi ort gu grad, agus atharraichidh mi do choinneir as 'ait, mur gabh thu aithreachas.

6 Ach a ta so agad, gur fuathach leat oibre nan Nicolaiteach, nithe mar an ceudna a's fuathach leam-sa.

7 An ti aig am bheil cluas, éisdeadh e cìod a ta an Spiorad ag ràdh ris na h-eaglaisibh; Do'n ti a bhuaidheas bheir mise r'a itheadh do chraoibh na beatha, a tha ann am meadhon phàrrais Dé.

8 Agus chum aingil eaglais Smirna, sgrìobh, Na nithe so a ta esan ag ràdh, an ti a's e'n ceud neach agus an neach deireannach, a bha marbh, agus a tha beò;

9 Is aithne dhomh t'òibre, agus t'àmghar, agus do bhochdainn, (gidheadh a ta thu beartach⁷;) agus is aithne dhomh toibheum na muinntir a their gur Iudhaich iad féin, agus nach eadh, ach sìon-agog Shàtain.

10 Na biodh eagal ort roimh aon do na nithibh sin a dh'fhuilingeas tu: feuch, tilgidh an diabhal cuid dhibh ann am prìosan, chum gu'n dearbhar sibh; agus bithidh àmhghar⁸ agaibh rè dheich làithean: bi-sa fìrinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e cìod a ta an Spiorad ag ràdh ris na h-eaglaisibh: An ti a bheir buaidh, cha chiurrar leis an dara bàs e.

12 Agus chum aingil na h-eaglais a ta ann am Pergamos, sgrìobh; Na nithe so a ta esan, aig am bheil an claidheamh geur dà fhaobhair, ag ràdh:

13 Is aithne dhomh t'òibre, agus c'ait am bheil thu a' d'chòmhnuidh, eadhon far

¹ fear-comuinn.

² oillean, innis.

³ crìoslaichte.

⁴ prais.

⁵ na h-uaghe, an t-saoghail ri teachd.

⁶ theachdair.

⁷ saobhir.

⁸ trioblaid.

am bheil caithir Shàtain agus a ta thu a' cumail m' ainme-sa gu daingean, agus cha d' àicheadh thu mo chreidimh, eadhon anns na làithibh sin anns an robh Antipas 'na fhianuis¹ fhirinneach dhomh, a mharbhadh 'nur measg, far am bheil Sàtain 'na chòmhnuidh.

14 Gidheadh, tha beagan agam a'd' aghaidh, do bhrìgh gu bheil agad an sin an dream a tha cumail teagaisg Bhalaaim, a theagaisg do Bhalac ceap-tuislidh a chur roimh chloinn Israeil, chum nithe a dli'obradh do ìdholailbh itheadh, agus striopachas a dheanamh.

15 Is amhuil sin a ta agad mar an ceudna an dream a tha cumail teagaisg nan Nicolaiteach, ni a's fuathach leam-sa.

16 Dean aithreachas, no thig mi a d'ionnsuidh gu grad, agus cogaidh mi 'nan aghaidh le claidheamh mo bheòil.

17 An ti aig am bheil cluas, éisdeadh e ciod a ta an Spiorad ag ràdh ris na h-eaglaisibh: Do'n ti a bhuadhaicheas bheir mi r'a itheadh do'n mhana fholuichte, agus bheir mi dha clach gheal, agus air a' chloich ainm nuadh sgrìobhta, nach aithne do neach air bith, ach do'n ti a gheibh i.

18 Agus chum aingil na h-eaglais a ta ann an Tiàira, sgrìobh; Na nithe so tha Mac Dhé, aig am bheil a shùilean mar lasair theine, agus a chosan mar umha fìor-ghlan, ag ràdh;

19 Is aithne dhomh t'òibre, agus do ghràdh, agus do sheirbhis², agus do chreidimh, agus t'fhoighidinn, agus t'òibre deireannach; gu bheil iad nì's mò na do cleud oibre.

20 Gidheadh, tha agam beagan do nithibh a'd' aghaidh, gu bheil thu a' fulang do'n mhnaoi sin Isebel, a tha 'g ràdh gur ban-fhàidh i féin, mo sheirbhisich a theagasg agus a mhealladh chum striopachas a dheanamh, agus nithe a dh'obradh do ìdholailbh itheadh.

21 Agus thug mi dlù ùine gu aithreachas a ghabhail d' a striopachas; agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha deanamh adhaltrannais rithe ann an àmhghar mòr, mur gabh iad aithreachas d'an gnìomharaibh.

23 Agus marbhaidh mi a clann leis a' bhàs; agus bithidh fhios aig na h-eaglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibh-sa a réir blur n-oibre.

24 Ach ribhse a ta mi ag ràdh, agus ris a' chuid eile ann an Tiàira, Mheud aig nach 'eil an teagasg so, agus do nach

b'aithne doimhneachda Shàtain, mar a their iad, cha chuir mi uallach eile oirbh;

25 Ach cumaibh gu daingean an ni a ta agaibh, gus an tig mi.

26 Agus an ti a bhuadhaicheas, agus a ghleidheas m'òibre gus a' chrìoch, dhasan bheir mi cumhachd os ceann nan Cinneach:

27 (Agus riaghlaidh e iad le slait iar-uinn: mar shoithichibh creadh a brisear 'nam bloighdibh iad:) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisdeadh e ciod a ta an Spiorad ag ràdh ris na h-eaglaisibh.

CAIB. III.

1 Tha aingeal eaglais Shardis air a chronachadh, 3 agus air earlachadh gu h-aithreachas. 8 Tha 'aingeal eaglais Philadelphia air a mholadh air son a dhìchill agus fhoighidin. 15 Tha aingeal eaglais Laodicea air a chronachadh a chionn nach robh e fuar no leth.

AGUS chum aingil na h-eaglais a tha ann an Sardis, sgrìobh; Na nithe so a ta an ti aig am bheil seachd spiorada Dhé, agus na seachd reultan, ag ràdh; Is aithne dhomh t'òibre, gu bheil ainm agad, gu bheil thu beò, gidheadh a ta thu marbh.

2 Bi faireil, agus neartaich na nithe a ta làthair, agus a ta ullamh gu bàsachadh³: oir cha d'fhuair mi t'òibre coimhlionta am fianuis Dé.

3 Cuimhnich uime sin cionnus a fhuair agus a chuala tu, agus gléidh⁴, agus gabh aithreachas. Uime sin mur dean thu faire, thig mi ort mar ghaduiche, agus cha bhi fios agad ciod i an uair anns an tig mi ort.

4 Tha beagan ainmnean agad eadhon ann an Sardis, nach do shalaich an eudach; agus imichidh iad maille rium-sa ann an culaidhibh geala: oir is airidh⁵ iad.

5 An ti a bheir buaidh, sgeadaichear e ann an eudach geal; agus cha dubh mi mach 'ainm á leabhar na beatha, ach aidichidh mi 'ainm-san am fianuis m' Athar, agus am fianuis 'ingle-san.

6 An ti aig am bheil cluas, éisdeadh e ciod a ta an Spiorad ag ràdh ris na h-eaglaisibh.

7 Agus chum aingil na h-eaglais ann am Philadelphia, sgrìobh; Na nithe so a ta an ti naomh ag ràdh, an ti fìor, an ti aig am bheil iuchair Dhaibhidh, an ti a dh'fhosgla, agus cha dùin neach air bith; agus a dhuincas, agus cha'n fhosgail neach air bith:

8 Is aithne dhomh t'òibre: feuch, chuir mi dorus fosgailte romhad, agus cha'n urrainn neach air bith a dhùnadh: oir a

¹ 'na mhairtireach.

² fhriththeadh, mhinistireileachd.

³ agus neartaich a' chuid eile a ta ullamh gu bàsachadh. ⁴ coimhid, cum gu teann. ⁵ fìu.

ta neart beag agad, agus ghléidh thu m'fhocal, agus chad d'áicheadh thu m'ainm.

9 Feuch, bheir mise *orra-san* do shion-agog Shatain, (a tha 'g ràdh gur Iudhaich iad féin, agus nach eadh, ach a ta dean-amh bréige,) feuch, bheir mise *orra* gu'n tig iad agus gu'n dean iad aoradh aig do chosaibh, agus gu'm bi fios aca gu'n do ghràdhach mise thu.

10 A chionn gu'n do ghléidh thu focal m' fhoighidin-sa, gleidhidh mise thusa mar an ceudna o uair a' bhuairidh, a thig air an t-saoghal uile, a dhearbhadh na muinntir sin a tha 'nan còmhnuidh air an talamh.

11 Feuch, tha mi a' teachd gu grad: dean greim daingean air na bheil¹ air, chum nach glac neach oir bith do chrùn.

12 An ti a bheir buaidh, ni mi e 'na phost² ann an teampull mo Dhé, agus cha téid e ni's mò a mach as: agus sgrìobhaidh mi ainm mo Dhé air, agus ainm caitheach³ mo Dhé, *a's i* Ierusalem nuadh, a thig a nuas o nèamh o m' Dhia: agus *sgrìobhaidh* mi m'ainm nuadh féin air.

13 An ti aig am bheil chuas, éisdeadh e ciod a ta an Spiorad ag ràdh ris na h-eaglaisibh.

14 Agus chum aingil na h-eaglais ann an Laodicea, sgrìobh; Na nithe so a ta an Amen, an fhianuis dhileas agus fhìr-inneach, toiseach cruthachaidh Dhé, ag ràdh;

15 Is aithne dhomh t'òibre, nach 'eil thu aon chuid fuar no teth: b'fhearr leam gu'm bitheadh tu fuar no teth.

16 Uime sin do bhrìgh gu bheil thu meagh-bhlàth, agus nach 'eil thu aon chuid fuar no teth, sgeithidh mi thu mach as mo bheul.

17 Do bhrìgh gu bheil thu ag ràdh, Tha mi beartach, agus air fàs ann an saoi-breas, agus gun fheum again air ni sam bith; agus gun fhios agad gu bheil thu dòruinneach⁴, agus truagh, agus bochd, agus dall, agus lomnochd:

18 Comhairlicheam dhuit òr a cheannach uamsa, air a dhearbhadh san teine, chum gu'm bi thu saoi-bhir; agus eudach geal, chum gu'n còmhdaichear thu, agus nach bi nàire⁵ do lomnochduidh follais-each; agus ùng do shùile le sàbh-shùil⁶, chum gur léir dhuit.

19 Mheud as is ionmhuin leam, tha mi a' cronachadh agus a' smachdachadh; uime sin biodh agad-sa teas-ghràdh, agus dean aithreachas.

20 Feuch, tha mi a'm⁷ sheasamh aig an dorus, agus a' bualadh: ma dh'éisdeas neach sam bith ri m' ghuth, agus gu'm

fosgail e'n dorus, thig mi a steach d'a ionnsuidh, agus gabhaidh mi mo shuiper maille ris, agus esan maille rium-sa.

21 Do'n ti a bhuadhaicheas bheir mi comas suidhe maille rium-sa air mo righ-chaitheir, amhuil fòs a bhuadhaich mise, agus a shuidh mi maille ri m' Athair air a righ-chaitheir-san.

22 An ti aig am bheil cluas, éisdeadh e ciod a ta an Spiorad ag ràdh ris na h-eaglaisibh.

CAIB. IV.

1 Chummaic Eoin righ-chaitheir Dhé ann am faith-eanas. 4 Na ceithir seanaire fìchead. 6 Na ceithir bheathaiche làn do shùilibh air am beul-aobh agus air an cùlaobh. 10 Thig na seanairean sìos an crùn, agus rinn iad aoradh do'n ti a bha 'na shuidhe air an righ-chaitheir.

AN déigh so dh'amhaire mi, agus, feuch, *bha* dorus fosgailte air nèamh; agus *bha* an ceud ghuth a chuala mi, mar *fhuaim* trompaid a' labhairt rium, ag ràdh, Thig a nìos an so, agus nochdaidh mise dhuit nithe a's éigin tachairt an déigh so.

2 Agus air ball bha mi san Spiorad: agus, feuch, bha righ-chaitheir air a suidheachadh air nèamh, agus bha neach 'na shuidhe air an righ-chaitheir.

3 Agus bha an ti a shuidh, r'a amharc air, cosmhail ri cloich Iasper, agus Shardis: agus *bha* bogha-frois⁷ timchioll na righ-chaitheir mu'n cuairt, cosmhail, r'a fhaicinn, ri Emerald.

4 Agus timchioll na righ-chaitheir mu'n cuairt *bha* ceithir chaitheiriche fìchead; agus air na caitheiriche chummaic mi ceithir seanaire fìchead 'nan suidhe, air an sgeadachadh ann an cùlaidhibh geala; agus bha ac' air an cinn crùn⁸ òir.

5 Agus chaidh a mach as an righ-chaitheir dealanaich, agus tairneanaich, agus guth-anna: agus *bha* seachd lòchrain⁹ theine a' dearg-lasadh am fianuis na righ-chaitheir, a's iad seachd spiorada Dhé.

6 Agus roimh an righ-chaitheir *bha* fairge ghloine cosmhail ri criostal: agus ann am meadhon na righ-chaitheir, agus mu'n cuairt do'n righ-chaitheir, *bha* ceithir bheathaiche làn do shùilibh air am beul-aobh agus air an cùlaobh.

7 Agus *bha* an ceud bheathach cosmhail ri leòmhann, agus an dara beathach cosmhail ri laogh, agus bha aig an treas beathach aghaidh mar dhuine, agus *bha* an ceathramh beathach cosmhail ri iolair ag itealaich.

8 Agus aig na ceithir bleathaichibh, aig gach aon diubh fa leth, bha sè sgrìathan mu'n cuairt da, agus *bha* iad làn do shùilibh an taobh a stigh; agus cha do

¹ ris an ni.

² na charragh.

³ baile.

⁴ iarganach, ànigharach.

⁵ gràineileachd.

⁶ fobhair-shùil, sùil-leigheas.

⁷ corona.

⁸ bogha-uise.

⁹ lamps, Sasg.

sguir iad a là no dh'oidhche, ag ràdh, Naomh, naomh, naomh, an Tighearn Dia uile-chumhachdach, a bha, agus a ta, agus a blitheas.

9 Agus an uair a thug na beathaiche sin glòir, agus urram, agus buidheachas do'n ti a bha 'na shuidhe air an righ-chaithir, a ta beò gu saoghal nan saoghal,

10 Thuit na ceithir seanaire fichead sìos an làthair an ti a bha 'na shuidhe air an righ-chaithir, agus rinn iad aoradh dha-san a ta beò gu saoghal nan saoghal, agus thilg iad sìos an crùn an làthair na righ-chaitheach, ag ràdh,

11 Is airidh¹ thusa, a Thighearn, air glòir, agus urram, agus cumhachd fhaotainn; oir chruthaich thu na h-uile nithe, agus air son do thoilc-sa tha iad, agus chruthaich iad.

CAIB. V.

1 *An leabhar air a sheulachadh le seachd seulaibh, 9 a b'airidh a mhàin an t-Uan a mharbhadh air fhosgladh: uime sin thug na seanairean cliù dha, agus dh'aicidh iad gu'n do shaor e iad le 'fhuil féin.*

AGUS chunnaic mi ann an làimh dheis² an ti a shuidh air an righ-chaithir, leabhar sgrìobhta san taobh a stigh dheth agus air a chùlaobh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh, agus air a sheulachan fhuasgladh?

3 Agus cha robh aon neach air nèamh, no air thalamh, no fuaidh'n talamh comasach air an leabhar fhosgladh, no sealltuinn air.

4 Agus ghul mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubhairt aon do na seanaireibh rium, Na guil: feuch, bhuaidhaich an Leòmhann thia do threubh Iudah, Freumh Dhaibhidh, air an leabhar fhosgladh, agus a sheachd seulaichan fhuasgladh.

6 Agus dh'amhaire mi, agus, feuch, ann am meadhon na righ-chaitheach, agus nan ceithir bheathaichean, agus ann am meadhon nan seanairean, Uan 'na sheasamh mar gu'm biodh e air a mharbhadh, aig an robh seachd adhaircean, agus seachd suilean, a's iad seachd spiorada Dhé, a chuireadh a mach chum na tal-mhainn uile.

7 Agus thàinig e, agus ghlac e an leabhar á deas làimh an ti a bha 'na shuidhe air an righ-chaithir.

8 Agus an uair a ghlac e'n leabhar, thuit na ceithir bheathaichean, agus na ceithir

seanaire fichead sìos an làthair an Uain, agus aig gach aon diubh clàrsaichean, agus tùis-shoithichean òir làn do nithilbh deadh-fhàile, nithe a's iad urnuighcan nan naomh.

9 Agus sheinn iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrìgh gu'n do mharbhadh thu, agus gu'n do shaor thu sinne do Dhia le t'fhuil féin, as gach uile thréibh, agus theangaidh, agus shluagh, agus chiuneach;

10 Agus gu'n d'rinn thu rìghrean dhinn, agus sagairt do ar Dia: agus rìghlichidh sinn air an talamh.

11 Agus dh'amhaire mi, agus chuala mi guth mhòran aingeal timchioll na righ-chaitheach, agus nam beathaichean, agus nan seanairean; agus b'e an àireamh deich mìle uair deich mìle, agus mìlte do mhiltibh;

12 Ag ràdh le guth àrd, Is airidh an t-Uan a chaidh mharbhadh, air cumhachd, agus saobhbheas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a ta air nèamh, agus air an talamh, agus fuaidh'n talamh, agus a ta air a' chuan, agus na h-uile nithe a ta anna, ag ràdh, Moladh, agus urram, agus glòir, agus cumhachd, *gu robh* dha-san a ta 'na shuidhe air an righ-chaithir, agus do'n Uan gu saoghal nan saoghal.

14 Agus thubhairt na ceithir bheathaiche, Amen. Agus thuit na ceithir seanaire fichead sìos, agus rinn iad aoradh dha-san a ta beò gu saoghal nan saoghal.

CAIB. VI.

1 *Fosgladh nan seula an ordugh, far am bheil fàidh-eadaireachd air a chur sìos mu thimchioll nithe gu deireadh an t-saoghail.*

AGUS chunnaic mi, 'nuair a dh'fhosgail an t-Uan aon do na seulaibh, agus chuala mi aon do na ceithir bheathaichibh ag ràdh, mar le fuaim tairmeanach, Thig agus faic.

2 Agus chunnaic mi, agus, feuch, each geal; agus bha aig an ti a shuidh air, bogha: agus thugadh dha crùn, agus chaidh e mach a' buadhachadh, agus chum gu buadhacheadh e.

3 Agus an uair a dh'fhosgail e'n dara seula, chuala mi an dara beathach ag ràdh, Thig, agus faic.

4 Agus chaidh each eile mach, a bha dearg; agus thugadh cumhachd dha-san a shuidh air, chum sìth a thoirt o'n talamh, ionnus gu marbhadh iad a chèile: agus thugadh claidheamh mòr dha.

5 Agus an uair a dh'fhosgail e an treas seula, chuala mi an treas beathach ag ràdh, Thig, agus faic. Agus dh'amhaire mi,

¹ *fu.*

² *air làimh dheis.*

agus, feuch, each dubh, agus bha aig an ti a shuidh air, meidh¹ 'na làimh.

6 Agus chuala mi guth ann am meadhon nan ceithir bheathaichean agràdh, Tomhas cruithneachd air son peghinn, agus tri tomhasan eòrna air phieginn; agus na dean cron air an oladh, no air an fhìon.

7 Agus an uair a dh'fhosgail e'n ceathramh seula, chuala mi guth a' cheathramh beathaich ag ràdh, Thig, agus faic.

8 Agus dh'amhaire mi, agus feuch each glas²; agus b'e ainm an ti a shuidh air, am Bàs, agus lean ifrinn³ 'na chuideachd: agus thugadh dhoibh-san cumhachd air a' cheathramh cuid do'n talamh, a mharbhadh⁴ le claidheamh, agus le gorta, agus le bàs⁵, agus le fiadh-bheathaichibh na talmhainn.

9 Agus an uair a dh'fhosgail e an cùig-eachd seula, chunnaic mi fuaidh'n altair, anama na muinntir sin a mharbhadh air son focail Dé, agus air son na fianuis a chum iad:

10 Agus ghlaodh iad le guth mòr, ag ràdh, Cia fhad a bhitheas, O Thighearna naomh agus fhrinnich, gus an dean thu breitheanas, agus an diol thu ar fuil-ne orra-san a ta 'nan còmhuidh ar an talamh?

11 Agus thugadh do gach aon diubh trusgana fada geala, agus chaidh a ràdh⁶ riu, iad a ghabhail fois fathast rè ùine bhig, gus am biodh an comh-sheirbhisich mar an ceudna, agus am bràithrean a rachadh a mharbhadh mar a chaidh iadsan, air an coimhlionadh.

12 Agus dh'amhaire mi 'nuair a dh'fhosgail e an seathadh seula, agus, feuch, bha crith mhòr thalmhainn ann; agus dh'fhàs a' ghrian dubh mar shaic-eudach ròin, agus dh'fhàs a' ghealach mar f'huil.

13 Agus thuit reulta nèimh air an talamh, mar a thilgeas craobh-fhige a fìgean an-abaich, 'nuair a chrathar i le gaoith mhòir.

14 Agus chaidh nèamh thairis mar rola leabhair air fhilleadh air a chéile; agus dh'atharraicheadh gach beinn agus eilean as an ionadaibh féin:

15 Agus dh'fholaich rìghre na talmhainn, agus na daoine mòra, agus na daoine saoi-bhir, agus na h-àrd-cheannardan, agus na daoine cumhachdach, agus gach tràill⁷, agus gach duine saor, iad féin ann an uamhaibh agus ann an creag-aibh nam beann;

16 Agus thubhairt iad ris na sléibhtibh agus ris na creag-aibh, Tuitibh oirne, agus folaichibh sinn o ghnùis an ti a tha 'na shuidhe air an rìgh-chaitir, agus o

fhèir an Uain:

17 Oir thàinig là mòr 'fheirge-san; agus cò a dh'fheudas seasamh?

CAIB. VII.

1 Chuir aingeal seula air sgrìbhisich Dhé 'nan eudanaibh. 4 Aireamh na muinntir a sheulaicheadh: 5 do threubhaibh Israeil fa leth àireamh shonruichte, 9 do gach cìmeach rìle cuideachd mhòr gun àireamh, a tha 'nan seasamh an làthair na rìgh-chaitirreach, air an sgeadachadh ann an trusganaibh geala.

AGUS an déigh nan nithe sin, chunnaic mi ceithir aingil 'nan seasamh air ceithir oisinnibh na talmhainn, a' cumail ceithir ghaothanna na talmhainn, chum nach séideadh a' ghaoth air an talamh, no air an fhairge, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bhco: agus ghlaodh e le guth mòr ris na ceithir aingil, d'an d'thugadb cumhachd cron a dheanamh air an talamh agus air an fhairge,

3 Ag ràdh, na deanaibh dochann do'n talamh, no do'n fhairge, no do na craobhaibh, gus an cuir sinn seula air seirbhisich ar Dé air clàraibh an eudain.

4 Agus chuala mi àireamh na dream a sheulaicheadh: ceud agus dà fhichead agus ceithir mìle, a sheulaicheadh do uile threubhaibh chloinn Israeil.

5 Do thréibh Iudah sheulaicheadh dà mhìle dheug. Do thréibh Reubein sheulaicheadh dà mhìle dheug. Do thréibh Ghad sheulaicheadh dà mhìle dheug.

6 Do thréibh Aseir sheulaicheadh dà mhìle dheug. Do thréibh Nephtalim sheulaicheadh dà mhìle dheug. Do thréibh Mhanaseis sheulaicheadh dà mhìle dheug.

7 Do thréibh Shimeoin sheulaicheadh dà mhìle dheug. Do thréibh Lebhi sheulaicheadh dà mhìle dheug. Do thréibh Isachair sheulaicheadh dà mhìle dheug.

8 Do thréibh Shabuloin sheulaicheadh dà mhìle dheug. Do thréibh Ioseiph sheulaicheadh dà mhìle dheug. Do thréibh Bheniamin sheulaicheadh dà mhìle dheug.

9 An déigh so dh'amhaire mi, agus, feuch, sluagh mòr nach robh neach sam bith comasach air àireamh, do na h-uile chinnich, agus threubhaibh, agus shluagh-aibh, agus theanganaibh, 'nan seasamh an làthair na rìgh-chaitirreach, agus an làthair an Uain, air an sgeadachadh le trusganaibh fada geala, agus pailm aca 'nan làmhaibh;

10 Agus ghlaodh iad le guth àrd, ag ràdh, Slàinte do ar Dia-ne⁸ a ta 'na shuidhe air an rìgh-chaitir, agus do'n Uan⁹.

¹ toimhsean.

² uaine.

³ an uaigh.

⁴ chum marbhadh air a' cheathramh cuid do'n talamh.

⁵ plàigh bhàsnhoir.

⁶ a dubhradh. ⁷ daor-òglach.

⁸ o ar Dia-ne.

⁹ o'n Uan.

11 Agus sheas na h-aingil uile timchioll na righ-chaitheach, agus nan seanairean, agus nan ceithir bheathaichean, agus thuit iad air an aghaidh an làthair na righ-chaitheach, agus rinn iad aoradh do Dhia,

12 Ag ràdh, Amen: Moladh, agus glòir, agus gliocas, agus buidheachas, agus urram, agus cumhachd, agus neart *gu robh* do ar Dia-ne gu saoghal nan saoghal. Amen.

13 Agus fhreagair aon do na seanairibh, ag ràdh rium, Cò iad sin a ta air an sgeadachadh le trusganaibh fada geala? agus cia as a thàinig iad?

14 Agus thubhairt mi ris, A Thighearn, tha fhios agad-sa. Agus thubhairt e rium, Is iad so iadsan a thàinig á h-àmhghar¹ mòr; agus nìgh iad an trusgain, agus rinu iad geal iad ann am fuil an Uain.

15 Uime sin tha iad an làthair righ-chaitheach Dhé, agus a' deanamh aoraidh dha a là agus a dh'oidhche 'na theampull: agus gabhaidh an tì a tha 'na shuidhe air an righ-chaitheir còmhnuidh 'nam measg.

16 Cha bhi ocras orra tuilleadh, no tart nìs mò; cha mhò a bhuailas a' ghrian orra², no teas air bith.

17 Oir beathaichidh an t-Uan a tha am meadhon na righ-chaitheach iad, agus treòraichidh e iad gu beò-thobraichibh uisge; agus tiormaichidh Dia gach deur o'n sùilibh.

CAIB. VIII.

1' Nuair a dh'fhosgadh an seachdamh seula, 2 chaidh seachd trompaidean a thoirt do sheachd aingilbh: 3 Chuir aingel eile tùis maille ri urnuighibh nan naomh air an altair òir. 6 Shéid ceithir diubh an trompaidean, agus lean plàighean mòra an lorg sin.

A GUS an uair a dh'fhosgail e an seachdamh seula, bha tosd air nèamh mu thimchioll leth uaire.

2 Agus chunnaic mi na seachd aingil a sheas am fianuis Dé; agus thugadh dhoibh-san seachd trompaidean.

3 Agus thàinig aingel eile, agus sheas e aig an altair, agus tùisear òir aige; agus thugadh dha mòran tùise, chum gu'n tugadh se e³ maille ri urnuighibh nan uile naomh air an altair òir a bha'n làthair na righ-chaitheach.

4 Agus chaidh deatach na tùise suas maille ri urnuighibh nan naomh, o làimh an aingil, an làthair Dhé.

5 Agus ghlac an t-aingel an tùiseir, agus lìon se e le teine na h-altarach, agus thùig e air an talamh c: agus bha guthanna, agus tairneanaich, agus dealanaich, agus crith-thalmhainn ann.

6 Agus dh'ulluich na seachd aingil aig an robh na seachd trompaidean iad féin, chum an séideadh.

7 Agus shéid an ceud aingel, agus bha clocha-meallain⁴ ann, agus teine air an measgadh le fuil, agus thilgeadh air an talamh iad; agus loisgeadh an treas cuid do na craobhaibh, agus am feur glas uile.

8 Agus shéid an dara aingel, agus thilgeadh mar gu'm bu bheinn mhòr a' losgadh le teine anns an fhairege: agus dh'fhàs an treas cuid do'n fhairege 'na fuil:

9 Agus fhuair an treas cuid do na creut-airibh a bha anns an fhairege, aig an robh anam, bàs; agus mhilleadh⁵ an treas cuid do na longaibh.

10 Agus shéid an treas aingel, agus thuit reult mhòr o'nèamh, a' dearg-lasadh mar lòchràn⁶, agus thuit i air an treas cuid do na h-aimhnichibh, agus air na tobraichibh uisge;

11 Agus is e an t-aimn a ghoirear do'n reult Burmaid: agus rinneadh an treas cuid do na h-uisgeachaibh 'nam burmaid; agus fhuair mòran dhaoine bàs leis na h-uisgeachaibh, do bhrìgh gu'n d'rinneadh searbh iad.

12 Agus shéid an ceathramh aingel, agus bhuail eadh an treas cuid do'n ghréin, agus an treas cuid do'n ghealaich, agus an treas cuid do na reultaibh; ionnus gu'n d'rinneadh an treas cuid diubh dorch, agus nach do dhealraich an là rè an treas cuid dheth, no an oidhche air a' mhodh cheudna.

13 Agus dh'amhairc mi, agus chuala mi aingel⁷ ag itealaich ann am meadhon nèimh, ag ràdh le guth àrd, Is truagh, truagh, do luchd-àiteachaidh na talmhainn, air son guthanna eile trompaidean nan trì aingel a tha fathast gu séideadh!

CAIB. IX.

1 Air séideadh do'n chùigeadh aingel, thuit reult o'nèamh, d'am bheil iuchair sluichd an dubh-aigean a tabhairt: dh'fhosgail e an t-slochd, agus thàinig locust cosmhuil ri scorpionaibh a mach.

12 Tha a' cheud truagh air dol thairis. 13 Chaidh an seathadh trompaid a shéideadh.

A GUS shéid an cùigeadh aingel a thrompaid, agus chunnaic mi reult a' tuiteam o'nèamh chum na talmhainn: agus thugadh dha iuchair sluichd an dubh-aigean⁸.

2 Agus dh'fhosgail e slochd an dubh-aigean, agus dh'èrich deatach as an t-slochd, mar dheataich àmhuinn mhòir theitich; agus rinneadh a' ghrian agus an t-athar dorch a le deataich an t-sluichd.

3 Agus dhàinig a mach as an deataich

¹ trioblaid.

² a thuiteas a' ghrian orra, a loisgeas a' ghrian iad.

³ gu'n ffrailleadh se e.

⁴ cloich-shneachd.

⁶ leus.

⁸ an t-sluic gun aigal, an t-sluichd an doimhne.

⁵ sgriosadh.

⁷ aon aingel.

air an talamh locuist; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus chaidh a ràdh riu gun iad a dheanamh dochainn¹ air feur na talmhainn, no air nì sam bith glas, no air craoibh sam bith; ach air na daoineibh sin a mhàin aig nach 'eil seula Dhé air clàr an eudain.

5 Agus thugadh dhoibh, cha'n e gu marbhadh siad iad, ach gu'm biodh iad air am pianadh ré chùig mìosa: agus *bha* am pian cosmhuil ri pèin scorpion, 'nuair a bhuaileas e duine.

6 Agus anns na làithibh sin iarraidh daoine am bàs, agus cha'n fhaigh iad e; agus bithidh déidh aca air bàsachadh, agus teichidh am bàs uatha.

7 Agus *bha* cruth nan locust cosmhuil ri h-eachaibh air an ulluchadh chum catha; agus *bha* air an cinn mar gu'm biodh cruin cosmhuil ri h-òr, agus *bha* an aghaidhean cosmhuil ri h-aghaidhibh dhaoine.

8 Agus *bha* folt orra cosmhuil ri folt bhàn, agus *bha* am fiacra mar *fhiacraibh* leòmhàn.

9 Agus *bha* aca uchd-éididhean, mar uchd-éididhean iaruin; agus *bha* fuaim an sgiathan mar fhuaim charbada mhòr-an each a' ruith chum catha.

10 Agus *bha* earbuill aca cosmhuil ri scorpionaibh; agus *bha* gathanna 'nan earblaibh: agus *b'e* an cumhachd daoine a chiurradh² rè chùig mìosa.

11 Agus *bha* rìgh aca os an ceann *eadh-on* aingeal an dubh-aigein, agus 'se a's ainm dha san Eabhra, Abaddon, ach anns a' Ghhréigis 'se a's ainm dha Apolion.

12 Chaidh aon truaighe thairis; feuch, tha dà thruaighe ri teachd fathast an dèigh so.

13 Agus shéid an seathadh aingeal a thrompaid, agus chuala mi guth o cheithir adharcaibh na h-altair òir, a tha am fianuis Dé,

14 Ag ràdh ris an t-seathadh aingeal ag an robh an trompaid, Fuasgail na ceithir aingil a tha ceangailte aig an amhainn mhòir Euphrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìosa, agus bliadhna, chum gu'm marbhadh iad an treas cuid do dhaoineibh.

16 Agus *b'e* àireamh armailtean a' mharc-shluaigh fichead mìle do dheich mìtibh: agus chuala mi an àireamh.

17 Agus mar so chunnaic mi na h-eich anns an taisbean, agus iadsan a shuidh orra, aig an robh uchd-éididhean do theine, agus do hiacint, agus do phronn-

use³: agus *bha* cinn nan each mar chinn leòmhàn; agus as am beoil thàinig a mach teine, agus deatach, agus pronnus.

18 Leis na trì *plàighibh* so mharbhadh an treas cuid do dhaoineibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachda 'nam beul, agus 'nan earblaibh: oir *bha* an earbuill cosmhuil ri nathraichibh nimhe, agus *bha* cinn aca, agus leo sin nì iad dochann⁴.

20 Agus cha do ghabh a' chuid eile do na daoineibh, nach do mharbhadh leis na plàighibh sin, aithreachas do oibribh an làmh, ionnusch deanadh iad aoradh do dheamhnaibh, agus do dhealbhaibh òir, agus airgid, agus umha, agus cloiche, agus fiodha; nach urrainn faicinn, no cluinntinn, no imeachd:

21 Agus cha mhò a ghabh iad aithreachas d'am mortaibh, no d'an druidheachd, no d'an strìopachas, no d'an gadachdaibh.

CAIB. X.

1 Chunnaic Eoin aingeal treun aig an robh leabhar fosgailte 'na làimh: 6 neach a thug mìonnan airesan a tha beò gu. storruidh, nach bi aimsir nì's mò ann. 8 Thugadh àithne do Eoin an leabhar a ghabhail agus itheadh.

AGUS chunnaic mi aingeal cumhachd-ach eile a' teachd a nuas o nèamh, air a sgeadachadh le neul, agus bogha-frois⁵ air a cheann, agus 'aghaidh mar a' ghrian, agus a chosa mar phuist teine.

2 Agus *bha* aige 'na làimh leabhran fosgailte: agus chuir e a chos dheas air an fhairge, agus a chos chli air an talamh,

3 Agus ghlaodh⁶ e le guth àrd, mar a bheuchdas leòmhàn; agus an uair a ghlaodh e, labhair seachd tairneanaich an guthanna féin.

4 Agus an uair a labhair na seachd tairneanaich an guthanna féin, *bha* mi dol a sgrìobhadh: agus chuala mi guth o nèamh, ag ràdh rium, Seulaich na nithe a labhair na seachd tairneanaich, agus na sgrìobh iad.

5 Agus thog an t-aingeal, a chunnaic mi 'na sheasanh air a' mhuir, agus air an talamh, a làmh gu nèamh,

6 Agus mhionnaich e air-san a tha beò gu saoghal nan saoghal, a chruthaich nèamh agus na nithe a ta ann, agus an talamh agus na nithe a ta ann, agus an fhairge agus na nithe a ta innte, Nach bi aimsir ann nì's mò⁷.

7 Ach ann an làithibh gutha an t-seachd-amh aingil, 'nuair a thòisicheas e air séid-eadh, an sin gu'm biodh rùn-dìomhair Dhé air a chrìochnachadh, mar a dh'innis e d'a sheirbhisich na fàidhean.

¹ dochair, cron.

³ ghronustal.

² a ghoirtachadh,

⁴ cron.

⁵ bogha-uigse.

⁶ dh'èigh.

⁷ Nach bi'n aimsir ann fathast.

TAISBEAN, X. XI.

8 Agus labhair an guth, a chuala mi o nèamh, rium a ris, agus thubhairt e, Im-ich, glac an leabhran a tha fheagailte ann an làimh an aingil a tha 'na sheasamh air an fhaireg, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomh-sa an leabhran: agus thubhairt esan rium, Glac, agus ith suas e; agus ni e do bhroinn searbh, ach bithidh e ann do bheul milis mar mhil.

10 Agus ghlac mi an leabhran á làimh an aingil, agus dh'ith mi suas e; agus bha e ann mo bheul milis mar mhil; agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin duit a ris fàidheadaireachd a dheanamh am fianuis shlògh, agus chinneach, agus theanganna, agus rìghre lìonmhor.

CAIB. XI.

1 Rinn an dà fhianuis fàidheadaireachd: 6 thugadh cumhachd dhoibh nèamh a dhruideadh, ionnus nach bi uisge ann: 7 ni am béisd cogadh 'nan aghaidh, agus marbhaidh e iad: 8 luidhidh iad gun an adhlac, 11 agus an déigh thri làithean agus leth là éiridh iad a ris.

AGUS thugadh dhomh cuile cosmhuil ri slait: agus sheas an t-aingeal, ag ràdh, Eirich, agus tomhais teampull Dhé, agus an altair, agus iadsan a tha deanamh aoraidh ann.

2 Ach fàg a mach a' chùirt a tha'n taobh a muigh do'n teampull, agus na tomhais i, oir thugadh i do na Cinnich; agus saltraidh iad fo'n cosaibh am baile¹ uaomh rè dhà mhios agus dhà fhichead.

3 Agus bheir mise cumhachd do m' dhùithis fhianuisean, agus ni iad fàidheadaireachd rè mìle agus dà cheud agus trì fichead là, eudaichte ann an saic-eudach.

4 Is iad so an dà chrann oladh, agus an dà choinneir a tha 'nan seasamh an làthair Dhé na talmhainn.

5 Agus ma chiurras neach air bith iad, théid teine a mach as am beul, agus claoiidhidh e an naimhdean: agus ma chiurras neach air bith iad, is éigin da bhi air a mharbhadh mar so.

6 Tha cumhachd aca so nèamh a dhùnadh, ionnus nach bi uisge ann, ann an làithibh am fàidheadaireachd-san: agus tha cumhachd aca air uisgeachaibh chum an tionndadh gu fuil, agus an talamh a b' uatadh leis an uile phlàigh, co minic 's is toil leo.

7 Agus an uair a chrìochnaicheas iad am fianuis, ni am fiadhi-bheathach² a dh'éir-eas an t-slochd gun iochdar³ cogadh 'nan aghaidh, agus bheir e buaidh orra,

agus marbhaidh e iad.

8 Agus bithidh an cuirp mharbha 'nan luidhe ann an sràid a' bhaile mhoir, ris an abrar gu spioradail Sodom agus an Eiphit, far mar an ceudna an do cheusadh ar Tighearn.

9 Agus chi cuid do na sluaghaibh, agus do threubhaibh, agus do theangannaibh, agus do chinnich, an cuirp mharbha rè thri làithean gu leth, agus cha leig iad an cuirp mharbha a chur ann an uaighibh.

10 Agus ni luchd-àiteachaidh na talmhainn gàirdeachas os an ceann, agus bithidh iad subhach, agus cuiridh iad tiodhlac⁴ dh'ionnsuidh a chèile; do bhrìgh gu'n do phian an dà fhàidh so iadsan a bha chomhnuidh air an talamh.

11 Agus an déigh thri làithean gu leth, chaidh Spiorad na beatha o Dhia a steach annta, agus sheas iad air an cosaibh; agus thuit eagal mòr orra-san a chunnaic iad.

12 Agus chual iad guth mòr o nèamh, ag ràdh riu, Thigibh a nios an so. Agus chaidh iad suas do nèamh air neul; agus chunnaic an naimhdean iad.

13 Agus anns an uair sin féin bha crith mhòr thalmhainn ann, agus thuit an deicheamh cuid do'n bhaile⁵, agus mharbhadh seachd mìle pearsa sa' chrith-thalmhainn⁶: agus ghabh a' chuid eile eagal, agus thug iad glòir do Dhia naimh.

14 Chaidh an dara truaighe thairis: feuch, thig an treas truaighe gu h-aithghearr.

15 Agus shéid an seachdamh aingeal a thrompaid; agus bha guthanna mòra air nèamh, ag ràdh, Rinneadh rìoghachdan an t-saoghail 'nan rìoghachdaibh do ar Tighearn, agus d'a Chrìosd-san; agus bithidh e' na Rìgh gu saoghal nan saoghal.

16 Agus thuit na ceithir seanaire fich-ead, a bha 'nan suidhe air an caithrichibh am fianuis Dé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidheachas duitse, O Thighearna Dhé uile-chumhachdaich, a ta, agus a bha, agus a bhith-eas; air son gu'n do ghabh thu do chumhachd mòr a d'ionnsuidh, agus gu'n do rìghich thu.

18 Agus bha fearg air na cinnich, agus thàinig t'fhearg-sa, agus àn nam marbh gu'n tugadh breth orra, agus gu'n tugadh tusa duais do d' sheirbhisich na fàidhean, agus do na naoimh, agus dhoibh-san air am hheil eagal t'ainme, do na big agus do na mòir, agus gu sgrìosadh tu iadsan a sgrìosas⁷ an talamh.

19 Agus dh'fhosgadh teampull Dé air nèamh, agus chunneas ann a theampull àire a' choimheangail: agus bha deal-

¹ a' chaithir.

² am béisd.

³ gun aigéal.

⁴ giblean.

⁵ chaithir.

⁶ leis a' chrith-thalmhainn.

⁷ thruaileas.

anaich, agus guthanna, agus tairneanaich, agus crith-thalmhainn, agus clocha meall-ain mòra ann.

CAIB. XII.

1 *Tha bean a bha sgeadnaichte leis a' ghréin ri saothair-chloinne* 4 *tha 'n dragon mòr de zrg 'na sheasann fa comhair, ulamh gus a leanabh a shlugadh suas.* 6 *'Nuair a dh'aiseadadh i, theich i do'n f'asach.* 6 *Chog Michael agus 'aingil an aghaidh an dragoin.*

AGUS chunnacas iongantas mòr air a' nèamh, bean air a sgeadachadh leis a' ghréin, agus a' ghealach fuidh a cos-aibh, agus air a ceann crùn do dhà reult dheug.

2 Agus air dhi bhi torrach, ghlaodh i ri saothair-chloinne, agus bha i air a pianadh chum a h-aisead.

3 Agus chunnacas iongantas eile air nèamh, agus, feuch, dragon¹ mòr dearg, aig an robh seachd cinn, agus deich adhaircean, agus air a chinn seachd cruin.

4 Agus tharruing 'earball an treas cuid do reultaibh nèimh, agus thilg e iad chum na talmhainn: agus sheas an dragon fa chomhair na mnà, a bha ullamh gu bhi air a h-aisead, chum a leanabh a shlugadh suas 'nuair a bheireadh i e.

5 Agus rug i leanabh mic, a bha gus na cinnich uile a riaghladh le slajt iaruinn: agus thogadh a leanabh suas chum Dhé, agus chum a rìgh-chaithreach-san.

6 Agus theich a' bhean do'n fhàsach, far am bheil aice ionad air ulluchadh le Dia, chum gu'm biodh i air a beathachadh an sin rè mìle, agus dà cheud agus trì fich-ead là.

7 Agus bha cogadh air nèamh; rinn Michael agus 'aingil cogadh an aghaidh an dragoin; agus chog an dragon agus 'aingil féin;

8 Agus cha d'thug iad buaidh, cha mhò a fhuaradh an àite ni's mò air nèamh.

9 Agus thilgeadh a mach an dragon mòr, an t-seann nathair sin, ris an abrar an diabhul agus Sàtan, a tha mealladh an t-saoghail uile: thilgeadh a mach e chum na talmhainn, agus thilgeadh a mach 'aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus rìoghachd ar Dé-ne, agus cumhachd a Chrìosd air teachd; oir thilgeadh sìos fear-casaid ar bràithrean, a bha 'gan casaid an làthair ar Dé-ne a là agus a dh'oidheche.

11 Agus thug iad buaidh air tre fhuil an Uain, agus tre fhocal am fianuis-san; agus cha do ghràdhaich iad an anama féin gu bàs.

12 Uime sin biodh gàirdeachas oirbh, O

a nèamha, agus oirbhe a tha 'nur còmh-nuidh anna. An-aobhìn do luchd-àit-eachaidh na talmhainn, agus na fairge! oir thàinig an diabhul a nuas do 'ur n-ionnsuidh, agus fearg ro mhòr air, do bhrìgh gur fiosrach e nach 'eil aige ach ùine ghearr.

13 Agus an uair a chunnaic an dragon gu'n do thilgeadh e chum na talmhainn, rinn e geur-leanmhuinn air a' mhnaoi a rug an leanabh mic.

14 Agus do'n mhnaoi thugadh dà sgéith iolaire mòire, chum gu'n rachadh i air itealach leo do'n fhàsach, chum a h-ionaid féin; far am bheil i air a h-altrum rè aimsir, agus ainsirean, agus leth-ainsir², o aghaidh na nathrach.

15 Agus thilg an nathair as a beul uisge mar thuil, an déigh na mnà, chum gu'n tugadh i oirre bhi air a giùlan air falbh leis an t-sruth.

16 Agus rinn an talamh còmh-nadh ris a' mhnaoi; agus dh'fhosgail an talamh a bheul, agus shluig e suas an tuil, a thilg an dragon as a bheul.

17 Agus bha fearg air an dragon ris a' mhnaoi, agus chaidh e dheanamh cogaidh ris a' chuid eile d'a sliochd, a tha còmh-ead³ àitheanta Dhé, agus aig am bheil fianuis Iosa Crìosd.

CAIB. XIII.

1 *Dh'éirich fiadh-bheathach an an fhaire le seachd cinn agus deich adhaircean: dha-san thug an dragon a chumhachd.* 11 *Thàinig fiadh-bheathach eile a nìos as an talamh, 14 agus thug e fu'n-ear dealbh bli air a dheanamh do'n cheud fhiadh-bheathach, 15 agus gu'n deanadh daoine aoradh dha, 16 agus gu'n gabhadh iad a chomhara.*

AGUS sheas mi air gaineimh na fairge, agus chunnaic mi fiadh-bheathach⁴ ag éirigh suas as an fhaire, aig an robh seachd cinn, agus deich adhaircean, agus air 'adharcaibh deich cruin, agus air a chinn ainm toibheim⁵.

2 Agus bu chosmhuil am fiadh-bheathach a chunnaic mi ri leopard, agus bha a chosan mar chosaibh math-ghamhna, agus a bheul mar bheul leòmhain: agus thug an dragon a neart, agus a chaithir⁶, agus cumhachd mòr dha.

3 Agus chunnaic mi aon d'a chinn mar gu'm biodh e air a lotadh gu bàs; agus leighiseadh a lot⁷ bàsmhor: agus ghabh an talamh uile iongantas an déigh an fhiadh-bheathaich.

4 Agus rinn iad aoradh do'n dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Cò a ta cosmhuil ris an fhiadh-bheathach? Cò a ta comasach air cogadh a dheauamh 'na aghaidh?

¹ uabheist. ² àm, agus amanna, agus leth-àm.

³ ghleidheadh. ⁴ bèist.

⁵ ainmean Dia-mhaslachaidh.

⁶ a rìgh-chaithir ⁷ a chneadh.

5 Agus thugadh dha beul a' labhairt nithe mòra, agus thoibheum; agus thugadh cumhachd dha cogadh a dheanamh ré dhà mhìos agus dà fhichead.

6 Agus dh'fhosgail e 'bheul ann an toibheum an aghaidh Dhé, chum toibheum a thoirt d'a ainm, agus d'a phàill-iun¹, agus do'n dream a ta 'nan còmh-nuidh air nèamh.

7 Agus thugadh dha cogadh a dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach uile thréibh, agus theangaidh, agus chinnich.

8 Agus ni iadsan uile, a tha 'nan còmh-nuidh air an talamh, aoradh dha, aig nach 'eil an ainmean sgrìobhta ann an leabhar beatha an Uain, a mharbhadh o thoiseach an t-saoghail.

9 Ma tha cluas aig neach air bith, éisd-eadh e.

10 Ma bheir neach air bith am braighdeanas, théide e féin am braighdeanas: ma mharbhas neach air bith leis a' chlàidheamh, is éigin e féin bhí air a mharbhadh leis a' chlàidheamh. Is ann an so a ta foighidín agus creidimh nan naomh.

11 Agus chunnaic mi fiadh-bheathach eile ag éirigh as an talamh; agus bha aige dà adhaire cosmhuil ri uan, agus labhair e mar dhràgon.

12 Agus tha e a' cur an gnìomh cumhachd a' cheud fhiadh-bheathaich uile 'na fhianuis, agus tha e toirt air an talamh, agus orra-san a tha 'nan còmh-nuidh ann, aoradh a dheanamh do'n cheud fhiadh-bheathach, aig an robh a lot bàsmhor air a leigheas.

13 Agus tha e a' deanamh chomhara mòra, ionnus gu bheil e toirt air teine teachd a nuas o nèamh air an talamh, ann am fianuis dhaoine.

14 Agus tha e a' mealladh na dream a tha 'nan còmh-nuidh air an talamh, leis na comharaibh sin a thugadh dha a dheanamh an làthair an fhiadh-bheathaich, agra dh'ri luchd-àiteachaidh na talmhainn, òmhaigh a dheanamh do'n bheathach aig an robh an lot claidheimh, agus a bha beò.

15 Agus thugadh cumhachd dha beatha² a thoirt do òmhaigh an fhiadh-bheathaich, ionnus gu'n labhradh òmhaigh an fhiadh-bheathaich, agus gu'n tugadh e fa'near gu'm biodh a mheud as nach deanadh aoradh do òmhaigh an fhiadh-bheathaich, air am marbhadh.

16 Agus tha e toirt air na h-uile dhaoine, araon beag agus mòr, saoi bhir agus daoibhir³, saor agus daor, comhara a ghabhail air an làimh dheis, no air clàr an eudain;

17 Agus nach feudadh neach sam bith ceannach no reic, ach esan aig am biodh an comhara, no ainm an fhiadh-bheathaich, no àireamh 'ainme.

18 An so tha gliocas. An ti aig am bheil tuigse, àirmheadh⁴ e àireamh an fhiadh-bheathaich: oir is àireamh duine e; agus is e 'àireamh sè ceud agus trì fichead agus sè.

CAIB. XIV.

1 An t-Uan 'na sheasamh air sliabh Shìoin maille r'a chuidcachd. 6 Tha aingeal a' searmonachadh an t-soisgeil. 8 Tuiteam Bhabiloin. 15 Foghara an t-saoghail agus cur a' chorrain ann. 20 Foghara agus preas-fiona feirge Dhé.

AGUS dh'amhaire mi, agus, feuch, Uan 'na sheasamh air sliabh Shìoin, agus maille ris ceud agus dà fhichead agus ceithir mìle, aig an robh ainm 'Athar-san sgrìobhta air clàr an eudain.

2 Agus chuala mi guth o fhlaithneas, mar fhuaim mhòran uisgeachia, agus mar fhuaim tairneanaich mhòir; agus chuala mi fuaim chlàrsairean, a' deanamh ciùil le'n clàrsaichibh féin:

3 Agus sheinn iad mar gu'm b'òran nuadh e an làthair na rìgh-chaitheach, agus an làthair nan ceithir bheathaichean, agus nan seanairean: agus cha b'urrainn neach sam bith an t-òran sin fhòghlum, ach an ceud agus dà fhichead agus na ceithir mìle, a shaoradh⁶ o'n talamh.

4 Is iad so an dream nach do shlaicheadh le mnàibh; oir is òighean iad: is iad so an dream a tha leantuinne an Uain ge b'e àit an téid e: shaoradh iad so o mheasg dhaoine, 'nan ceud thoradh do Dhia, agus do'n Uan.

5 Agus 'nam beul cha d' fhuaradh cealg; oir tha iad gun lochd⁶ an làthair rìgh-chaitheach Dhé.

6 Agus chunnaic mi aingeal eile ag iteal-aich ann am meadhon nèimh, aig an robh an soisgeul sìorruidh r'a shearmonachadh dhoibh-san a tha 'nan còmh-nuidh air an talamh, agus do gach uile chinneach, agus thréibh, agus theangaidh, agus shluagh,

7 Ag ràdh le guth àrd, Biodh eagal Dé oirbh, agus thugaibh glòir dha; oir thàinig uair a bhreitheanais: agus deanaibh aoradh dha-san a rinn nèamh, agus talamh, agus an fhairge, agus na tobair uisge.

8 Agus lean aingeal eile, ag ràdh, Thuit, thuit Babilon, am baile mòr⁷ sin, do bhrìgh gu'n d'thug i air gach uile chinneach òl do fhìon feirge a striopachais.

9 Agus lean an treas aingeal iad, ag ràdh le guth àrd, Ma ni neach air b' h aoradh do'n fhiadh-bheathach, agus d'a òmh-

¹ thabernacal.

³ bochd.

² spiorad.

⁴ cumntadh.

⁵ cheannaicheadh.

⁷ a' chaitheir mhòr.

⁶ gun smal.

aigh, agus ma ghabhas e a chomhara air clàr 'eudain, no air a làimh,

10 Olaidh esan do fhìon feirge Dhé, a tha air a dhòrtadh gun mheasgadh, ann an cupan 'fheirge-san; agus bithidh e air a phianadh le teine agus pronnuse, am fianuis nan aingeal naomha, agus am fianuis an Uain.

11 Agus bithidh deatach am péine-san ag éirigh suas gu saoghal nan saoghal: agus cha'n 'eil fois sam bith a là no dh'oidhche aca-san a ni aoradh do'n fhiadh-bheathach agus d'a Ìomhaigh, no aig neach air bith a ghabhas comhara 'ainme-san.

12 An so tha foighidin nan naomh: an so tha'n dream a choimhideas àitheanta Dhé, agus creidimh Iosa.

13 Agus chuala mi guth o nèamh, ag ràdh rium, Sgrìobh, *Is* beannaichte na mairbh a gheibh bàs san Tighearn, á so a mach: Seadh, a ta an Spìrad ag ràdh, chum gu faigh iad fois o'n saothair; agus leanaidh an oibre iad.

14 Agus dh'amhaire mi, agus, feuch, neul geal, agus air an neul *neach* 'na shuidhe cosmhuil ri Mac an duine, aig an robh crùn òir air a cheann, agus corran geur 'na làimh.

15 Agus thàinig aingeal eile mach as an teampull, a' glaothaich le guth àrd ris an ti a bha 'na shuidhe air an neul, Sàth a steach do chorrann, agus buain: oir thàinig àn dhuil buain; oir tha foghar na talmhainn abuich.

16 Agus shàth an ti a bha 'na shuidhe air an neul, a chorrann san talamh; agus bhuaineadh an talamh.

17 Agus thàinig aingeal eile mach as an teampull a ta air nèamh, agus corran geur aige-san mar an ceudna.

18 Agus thàinig aingeal eile mach o'n altair, aig an robh cumhachd os ceann teine, agus ghlaodh e le glaoth àrd ris an ti aig an robh an corran geur, ag ràdh, Sàth a steach do chorrann geur, agus cnuasaich baguidean¹ fionain na talmhainn: oir a ta a fion-dhearcann làn abuich.

19 Agus shàth an t-aingeal a chorrann san talamh, agus chnuasaich e fionain na talmhainn, agus thilg e i ann am fion-amar mòr feirge Dhé.

20 Agus shaltradh am fion-amar an taobh a muigh do'n bhaile, agus thàinig fuil a mach as an fhion-amar, gu sréin nan each, feadh mhìle agus shè ceud stàid².

CAIB. XV.

1 *Na seachd aingil leis na seachd plàighibh deireannach.* 3 *Oran na muinntir a bhuaidheas air an*

fhiadh-bheathach. 7 *Na seachd soithiche làn do fheirge Dhé.*

A GUS chunnaic mi comhara eile air nèamh, mòr agus iongantach, seachd aingil aig an robh na seachd plàighean deireannach; oir annta so tha fearg Dhé air a coimhlionadh.

2 Agus chunnaic mi mar gu'm b'fhaire ghloine, air a measgadh le teine; agus iadsan a thug buaidh air an fhiadh-bheathach, agus air 'ìomhaigh, agus air a choinhara, agus air àireamh 'ainme, 'nan seasamh air an fhaire ghloine, agus clàrsaiche Dhé aca.

3 Agus tha iad a' seinn òrain Mhaois³ òglaich Dhé, agus òrain an Uain, ag ràdh, *Is* mòr, agus *is* iongantach t'òibre, a Thighearna Dhé uile-chumhachdaich; *is* ceart agus *is* fìor do shlighean-sa, a Rìgh nan naomh.

4 Cò air nach biodh eagal romhad, O Thighearn, agus nach tugadh glòir do t'ainm? oir *is tusa* a mhàin a ta naomh: oir thig na h-uile chinnich, agus ni iad aoradh ann do làthair; do bhrìgh gu bheil do bhreitheanais air an deanamh follaiseach.

5 Agus an déigh so dh'amhaire mi, agus, feuch, dh'fhosgladh teampull pàilliun na fianuis air nèamh.

6 Agus thàinig a mach as an teampull na seachd aingil, aig an robh na seachd plàighean air an sgeadachadh le lion-eudach glan agus dealrach⁴, agus air an crioslachadh⁵ mu'n uchd le criosaibh òir.

7 Agus thug aon do na ceithir bheathaichibh do na seachd aingil seachd soithichean òir, làn do fheirge an Dé a ta beò gu saoghal nan saoghal.

8 Agus lìonadh an teampull le deataich o ghloir Dhé, agus o 'chumhachd-san; agus cha b'urrainn neach sam bith dol a stìgl do'n teampull, gus am biodh seachd plàighean nan seachd aingeal air an coimhlionadh.

CAIB. XVI.

1 *Dhòirt na h-aingil a mach an soithiche làn do fheirge:* 6 *Na plàighean a tha leantainn air sin.* 15 *Thig Crìosd mar ghaduiche: is beannaichte iadsan a ni faire.*

A GUS chuala mi guth mòr as an teampull, ag ràdh ris na seachd aingil, Imichibh, agus taomaibh soithiche feirge Dhé air an talamh.

2 Agus dh'imich an ceud aingeal, agus thaom e a shoitheach air an talamh; agus dh'éirich droch neasgaid nimhneach air na daoineibh sin aig an robh comhara an fhiadh-bheathaich, agus orra-san a rinn aoradh d'a Ìomhaigh.

3 Agus thaom an dara aingeal a shoith-

¹ triopuill.

² i. e. an t-ochdamh cuid do mhìle fearainn.

³ chan iad laoidh Mhaois.

⁴ geal.

⁵ air an criosrachadh.

each san fhairge; agus rinneadh i mar fhuil *duine* mhairbh: agus fhuair gach anam beò bàs anns an fhairge.

4 Agus thaom an treas aingeal a shoitheach anns na h-aimhnichibh agus anns na tobraichibh uisge; agus rinneadh iad 'nam fuil.

5 Agus chuala mi aingeal nan uisgeacha ag ràdh, Is cothromach thusa, O Thighearn, a ta, agus a bhia, agus a bhitheas, do bhrìgh gu'n d' thug thu breth air an dòigh so:

6 Oir dhòirt iadsan fuil naomh agus fhàidhean, agus thug thusa dhoibh fuil r'a h-òl; oir is toillteanach iad.

7 Agus chuala mi neach eile o'u altair ag ràdh, Seadh, a Thighearn a Dhé uile-chumhachdaich, is fìor agus cothromach do bhreitheanas.

8 Agus thaom an ceathramh aingeal a shoitheach air a' ghrèin; agus thugadh *cumhachd* dha daoine a phiaiadh le h-ain-teas teine.

9 Agus bha daoine air an losgadh le teas mòr, agus thug iad toibheum do ainm Dhé, aig am bheil cumhachd air na plàighibh sin; agus cha d'rinn iad aithreachas, chum glòir a thoirt dha-san.

10 Agus thaom an cùigeadh aingeal a shoitheach air rìgh-claithir an fhiaidh-bheathaich; agus rinneadh a rìoghachd dorch; agus chagainn *daoine* an teang-anna tre phéin,

11 Agus thug iad toibheum¹ do Dhia nèimh air son am pianta agus an creuchda, agus cha do ghabh iad aithreachas d'an gnìomharaibh.

12 Agus thaom an seathadh aingeal a shoitheach air an amhainn mhòir Euphrates; agus thormaiceadh a h-uisge, chum gu'n ulluichteadh slighe rìghreana h-àirde n ear.

13 Agus chunnaic mi *teachd* a mach á beul an dragoin, agus á beul an fhiaidh-bheathaich, agus á beul an fhàidh-bhréige, trì spiorada neòghlan, cosmhuil ri losg-uinn.

14 Oir is iad sin spiorada dheamhan, a' deanamh chomhara, a tha dol a mach chum rìghre na talmhainn, agus an domhain uile, gu'n cruinnacadh chum catha là mhòir sin an Dé uile-chumhachdaich.

15 Feuch, a ta mi a' teachd mar ghaduiche. Is beannaichte csan a ni faire, agus a ghleidheas 'eudach, chum uach imich e lomnochd, agus nach faic *daoine* a nàire.

16 Agus chruinnich e iad r'a chéile chum ionaid ris an abrar san Eabhra, Armagedon.

17 Agus thaom an seachdamh aingeal a

shoitheach san athar²; agus thàinig guth mòr a mach á teampull nèimh, o'n rìgh-claithir, ag ràdh, Tha e deanta.

18 Agus bhia guthanna, agus tairnean-aich, agus dealanaich ann; agus bha crith mhòr thalmhainn ann, nach robh a leithid ann o bha daoine air an talamh, a samhuil do chrith-thalmhainn co mhòr.

19 Agus bha am baile mòr³ air a roinn 'na trì carrannaibh, agus thuit bailtean nan cinneach: agus thàinig Babilon mhòr an cuimhne an làthair Dhé, a thoirt di copan fìona fraoich 'fheirge⁴.

20 Agus theich gach uile eilean as, agus cha d'fhuaradh na beannta.

21 Agus thàinig clacha-meallain mòra⁵ a nuas o nèamh air daoineibh, *gach clach* co throm ri talann: agus thug daoine toibheum do Dhia, air son plàigh nan clacha-meallain; oir bha am plàigh-san ro mhòr.

CAIB. XVII.

1 *Tha bean air a sgeadachadh le purpur agus scar-laid, agus copan òir 'na làimh, 'na suidhe air an fhiaidh-bheathach, 5 neach a's i Babilon mhòr, mathair nan gràineileachd. 9 Eadar-mhìneachadh nan seachd ceann, 12 agus nan deich adhaircean.*

A GUS thàinig aon do na seachd aingil aig an robh na seachd soithichean, agus labhair e rium, ag ràdh rium, 'Thig an so; nochdaidh mi dhuit breitheanas na striopaiche mòire, a tha 'na suidhe air mòran uisgeachla:

2 Ris an d'rinn rìghre na talmhainn striopachas, agus aig an do chuireadh luchd-àiteachaidh na talmhainn air mhisg le fion a striopachais.

3 Agus thug e leis mi anns an spiorad do'n fhàsach: agus chunnaic mi bean 'na suidhe air fiadh-bheathlach air dhath scar-laid, làn do ainmibh toibheim⁶, air an robh seachd cinn agus deich adhaircean.

4 Agus bha a' bhean air a sgeadachadh ann am purpur, agus ann am scar-laid, agus air a deanamh breagha le h-òr, agus clachaibh luachmhor, agus neamhuibh, agus copan òir aice 'na làimh, làn do ghràineileachd agus do neò-ghloine a striopachais.

5 Agus air clàr a h-eudain bha ainm sgriobhta, RUN-DIOMHAIR, BABILON MHOR, MATHAIR NAN STRIOPACH AGUS GHRÀINEILEACHDA NA TALMHAINN.

6 Agus chunnaic mi a' bhean air mhisg le fuil nan naomh, agus le fuil fhianuis-can⁷ Iosa: agus an uair a chunnaic mi i, ghabh mi iongantas le h-iongantas mòr.

7 Agus thubhairt an t-aingeal rium, C'ar

¹ masladh.

² aidhear.

³ a' chaithir mhòr.

⁴ 'fheirge ro gharg.

⁵ cloich-shnacadh mhòr.

⁶ Dia-mhaslachaidh.

⁷ mhairtireach.

son a ghabh thu iongantais? Innsidh mise dhuith rùn-dìomhair na mnà, agus an fhiadh-bheathaich a tha 'ga giùlan, air am bheil na seachd cinn agus na deich adhaircean.

8 Am fiadh-bheathach a chunnaic thu, bha e, agus cha 'n 'eil e ann; agus éiridh e suas à slochd an dubh-aigein¹, agus théid e am muga²: agus gabhaidh luchd-àiteachaidh na talmhainn, (aig nach 'eil an ainmean sgrìobhta ann an leabhar na beatha o thoiseach an t-saoghail,) iongantais, 'nuair a chi iad am fiadh-bheathach³ a bha, agus nach 'eil, agus a blitheas ann⁴.

9 An so a ta an inntinn aig am bheil gliocas. Na seachd cinn is seachd sléibhe-tear iad, air am bheil a' bhean 'na suidhe.

10 Is seachd rìghrean iad mar an ceudna: tha cuig *dhiubh* air tuiteam, agus a ta h-aon ann: cha d'fhàinig am fear eile fathast; agus an uair a thig e, is éigin da fantuinn rè ùine bhig.

11 Agus am fiadh-bheathach a bha, agus nach 'eil ann, is esan an t-ochdamh, agus tha e o'n t-seachdnar, agus théid e am muga.

12 Agus na deich adhaircean a chunnaic thu, is deich rìghrean iad, nach d'fhuair rìoghachd fathast, ach a ta faotainn cumhachd mar rìghrean rè aon uaire maille ris⁵ an fhiadh-bheathach.

13 Tha aca sin aon inntinn, agus bheir iad an neart agus an cumhachd do'n fhiadh-bheathach.

14 Ni iad sin cogadh an aghaidh an Uain, agus bheir an t-Uan buaidh orra: oir is esan Tighearna nan Tighearna, agus Rìgh nan Rìgh; agus *tha* an dream a tha maille ris, air an gairm, agus air an taghadh, agus dileas.

15 Agus tha e ag ràdh rium, Na h-uisgeachan a chunnaic thu, far am bheil an strìopach 'na suidhe, is slòigh, agus coimhthionail, agus cinnich, agus teangeanna iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n strìopaich, agus ni iad fàs i, agus lomnochd, agus ithidh iad a fcoil, agus loisgidh iad i le teine.

17 Oir chuir Dia 'nan cridhe a thoil a choimhionadh, agus a bhi dl'aon chomhairle, agus an rìoghachd a thoirt do'n fhiadh-bheathach, agus an coimhionar briathran Dhé.

18 Agus is i a' bhean a chunnaic thusa, am baile mòr⁶ sin, a tha rìoghachadh⁷ os ceann rìghre na talmhainn.

CAIB. XVIII.

1 *Thuit Babilon: 4 thugadh àithne do phobull Dé imeachd aise: 9 rinn rìghre na talmhainn, 11 maille ris na ceannaichibh agus na maraichibh, bròn air a son: 20 rinn na naoimh gairdeachas air son breitheanais Dé oirre.*

A GUS an déigh nan nithe so chunnaic mi aingeal eile teachd a nuas o nèamh, aig an robh cumhachd mòr; agus dhealraich an talamh le 'ghlòir.

2 Agus ghlaodh⁸ e gu làidir le guth mòr, ag ràdh, Thuit, thuit Babilon mhòr, agus rinneadh i 'na h-àite-còmhnuidh dheamhan, 'na prìosan⁹ do gach spiorad neoighlan, 'na h-ionad cumail do¹⁰ gach eun neoighlan agus fuath-inhor.

3 Oir dh'òl na h-uile chinnich do fhion feirge a strìopachais, agus rinn rìghre na talmhainn strìopachais rithe, agus rinneadh saoi bhir ceannaichean na talmhainn le pailteas a sògha¹¹.

4 Agus chuala mi guth eile o nèamh, ag ràdh, Thigibh a mach aisde, mo phobull, chum nach bi sibh comhpairteach d'a peacaibh, agus nach faigh sibh *cuid* d'a plàighibh;

5 Oir tha a peacanna air ruigheachd¹² suas gu nèamh, agus chuimhnich Dia a h-eucearta.

6 Thugaibh ath-dhìol di mar a dhìol ise ribh, agus thugaibh dhi a dhà uiread, a réir a h-oibre: anns a' chupan a lìon i, lìonaibh a dhà uiread di.

7 A mhead as a ghlàraich si i féin, agus a chaith i a beatha gu sòghail, co mòr as sin thugaibh dhi do pheanas agus do bhròn: oir a ta i ag ràdh 'na cridhe féin, Tha mi a'm' shuidhe a'm' bhan-rìghinn, agus cha bhantrach mi, agus cha'n fhaic mi bròn.

8 Uime sin ann an aon là thig a plàigh-eagan, bàs, agus bròn, agus gorta; agus loisgear i gu tur le teine: oir is neartmhor an Tighearna Dia a bheir breth oirre.

9 Agus ni rìghre na talmhainn, a rinn strìopachas agus a chaith am beatha gu sòghail maille rithe, gu agus caoidh air a son, 'nuair a chi iad deatach a losgaidh,

10 A' scasamh fad as, tre eagal a peanais, ag ràdh, Mo thruaighe, mo thruaighe! a' chaithir mhòr¹³ sin Babilon, a' chaithir threun sin! oir ann an aon uair thàinig do bhrèitheanas.

11 Agus ni ceannaichean na talmhainn gu agus caoidh air a son; oir cha cheannaich neach sam bith am bathar¹⁴ ni's mò.

12 Bathar òir, agus airgid, agus chlach luachmhor, agus neamhnuidean, agus lìon-eudaich ghrinn, agus phurpuir, agus

¹ as an t-slochd gun iochdar.

² sgrìosar e.

³ am bèist.

⁴ gidheadh a ta ann.

⁵ san aon uair ris.

⁶ a' chaithir mhòr. ⁷ aig am bheil uachdaranachd.

⁸ dh'èigh.

⁹ gainntir.

¹⁰ 'na h-cumadan.

¹¹ a sàimhe.

¹² air leantuin.

¹³ am baile mòr.

¹⁴ am marsantachd, an earradh.

shìde, agus scarlaid, agus gach uile ghnè fhiodha thine, agus gach uile ghnè shoithiche do ibhori¹, agus gach uile ghnè shoithiche do fhiodh ro luachmhor, agus do umha, agus do iarunn, agus do mhar-mor,

13 Agus canal, agus nìthe deadh-fhàile, agus oladh-ungaidh, agus tùis, agus fìon, agus oladh, agus mìn mhìn², agus cruithneachd, agus ainmhidhean, agus caoraich, agus eich, agus carbadan, agus tràilleann, agus anama dhaoine.

14 Agus dh'ìmic na toraidh, air an robh mòr dhéidh t'anama, uait, agus dh'ìmic na h-uile nìthe annasach agus maiseach uait, agus cha 'n fhaigh thu iad nì's mò.

15 Seasaidh ceannaichean nan nìthe so a rinneadh saobhair leatha, am fad, air eagal a peanais, a' gul agus a' caoidh,

16 Agus ag ràdh, Is truagh, am baile mòr sin, a bha air a sgeadachadh le lion-eudach grinn, agus purpur, agus scarlaid, agus a bha air a dheanamh breagha³ le h-òr, agus le clachaibh luachmhor, agus le neamhnuidibh!

17 Oir ann an aon uair thugadh saobh-reas cò mòr gu neo-ni. Agus sheas gach uile long-mhaighstir⁴, agus gach uile chuideachd a théid air longaibh, agus na seòladairean, agus a' mheud 's a ni gnothuichean air fàirge, am fad,

18 Agus ghlaodh iad, an uair a chunnaic iad deatach a losgaidh, ag ràdh, Cò e am baile a's cosmhuil ris a' bhaile mhòr so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, am baile mòr sin, anns an d'rinneadh saobhair iad-san uile aig an robh longa air an fhaighe, tre a' hreadhnachas-san! oir ann an aon uair dh'fhàsaicheadh e.

20 Dean gàirdeachas os a cheann, o a nèamh, agus sibhse abstola naomha agus fhàidhean: oir dhiol Dia sibhse air.

21 Agus thog aingeal treun clach mar chloich-mhuilinn mhòir, agus thilg e san fhaighe i, ag ràdh, Is ann mar so le neart a thilgear sìos am baile mòr sin Babilon, agus cha'n fhaighear e nì's mò.

22 Agus cha chluinnear annad nì's mò fuaim chlàrsairean, agus luchd-ciùil, agus fhiobairean, agus thrompadairean; agus cha'n fhaighear annad nì's mò fear-ceird, do ghnè ceirde sam bith; agus cha chluinnear fuaim cloiche-muilinn annad nì's mò;

23 Agus cha soillsich solus coinnle⁵ annad nì's mò; agus chluinnear annad nì's mò guth fear-bainne nò bean-bainne⁶: oir b'iad do cheannaichean daoine mòra na talmhainn; agus le d'

dhruidheachd bha na h-uile chinnich air am mealladh:

24 Agus fhuaradh ann fuil fhàidhean, agus naomh, agus nan uile dhaoine a mharbhadh air an talmh.

CAIB. XIX.

1 Tha Dia air a chliùthachadh, air son gu'n d'thug e breth air an striopaich mhòir, agus gu'n do dhiol e fuil a naomh. 7 Banais an Uain, &c.

AGUS an déigh nan nìthe so, chuala mi guth àrd mhòr-shluaigh air nèamh, ag ràdh, Aleluia; Slàinte, agus glòir, agus urram, agus cumhachd do'n Tighearn ar Dia-ne:

2 Oir is flor agus is cothromach a bhreitheanais; oir thug e breth air an striopaich mhòir, a thruaill an talmh le a striopachas, agus dhiol e fuil a sheirbhis-each féin air a làimh.

3 Agus a ris thubhairt iad, Aleluia. Agus chaidh a deatach suas gu saoghal nan saoghal.

4 Agus thuit na ceithir seanaire fichead, agus na ceithir bheathaiche sìos, agus rinn iad aoradh do Dhia, a bha 'na shuidhe air an rìgh-chaitheir, ag ràdh, Amen; Aleluia.

5 Agus thàinig guth a mach o'n rìgh-chaitheir, ag ràdh, Molaibh ar Dia-ne, sibhse uile a's seirbhisich dha, agus air am bheil 'eagal-san, eadar bheag agus mhòr.

6 Agus chuala mi mar ghuth mòr-shluaigh, agus mar fhuaim mhòran uisgeacha, agus mar thoirm tairneanaich chumhachdaich, ag ràdh, Aleluia: oir a ta an Tighearna Dia uile-chumhachdach a' rìoghachadh.

7 Bithleamaid aoibhinn agus deanamaid gàirdeachas, agus thugamaid glòir dhasan: oir thàinig pòsadh an Uain, agus dh'ulluich a bhean i féin.

8 Agus thugadh dhi gu'm biodh i air a sgeadachadh le lion-eudach grinn, glan agus dealrach: oir is e an lion-eudach grinn fireantachd nan naomh.

9 Agus thubhairt e rium, Sgrìobh, Is beannaichte iadsan a tha air an cuireadh gu suipeir-bhainne an Uain. Agus thubhairt e rium, Is iad so briathra fìrinneach Dhé.

10 Agus thuit mi sìos aig a chosaibh chum aoradh dheanamh dha: agus thubhairt e rium, Feuch nach dean thu e: is comh-sheirbhis-each dhuit féin mise, agus do d' bhràithribh aig am bheil fianuis Iosa. dean aoradh do Dhia: oir is i fianuis Iosa spiorad na fàidheadaireachd.

11 Agus chunnaic mi nèamh air fhosgladh, agus, feuch, each geal; agus ghoir-

¹ fhiacailbh elephant; ivory. Sàsg.

² plur mìn.

³ air òradh.

⁴ fhear-stiùraidh.

⁵ fir-bainne no mnu-bainne.

⁶ ìochrain.

eadh do'n tì a shuidh air Dileas, agus Fior; agus ann am fireantachd tha e deanamh breitheanaidh agus cogaidh.

12 Agus bha a shùilean mar lasair theine, agus air a cheann bha mòran chrùn; agus bha ainm aige sgriobhta, nach b' aithne do neach sam bith ach e féin;

13 Agus bha e air a sgeadachadh le trusgan¹ tumta am fuil: agus is e'n t'ainm a ghoirear dheth, FOCAL DE.

14 Agus lean na h-armailtean a bha air nèamh e air eachaibh geala, air an sgeadachadh le lìon-eudach grinn, geal agus glan.

15 Agus as a bheil tha claidheamh geur a' dol a mach, chum gu'm buaileadh e na cinnich leis; agus riaghlaidh e iad le slait iarunn: agus tha e a' saltradh fion-amair fraoich feirge² an Dé uile-chumhachdaich.

16 Agus tha aige air a thrusgan agus air a léis ainm sgriobhta, RIGH NAN RIGH, AGUS TIGHEARNA NAN TIGHEARNA.

17 Agus chunnaic mi aingeal àraidh 'na sheasamh sa' ghréin; agus ghlaodh e le guth àrd, ag ràdh ris an eunlaith uile, a bha 'g itealaich ann am meadhon nèimh, Thigibh, agus cruinnichibh sibh féin chum suiper an Dé mhòir;

18 Chum gu'n ith sibh feòil rìghrean, agus feòil àrd-cheannard, agus feòil dhaoine cumhachdach, agus feòil each agus na muinntir a shuidheas orra, agus feòil nan uile dhaoine, araon shaor agus dhaor, araon bheag agus mhòr.

19 Agus chunnaic mi am fiadh-bheathach, agus rìghrean na talmhainn, agus an armailtean air an cruinneachadh, a dheanamh cogaidh an aghaidh an tì a bha 'na shuidhe air an each, agus an aghaidh 'armailt-san.

20 Agus ghlacadh am fiadh-bheathach, agus maille ris-san am fàidh-bréige a rinn miorbhuilean 'na làthair, leis an do mheall e an dream a ghabh orra comhara an fhiadh-bheathaich, agus iadsan a rinn aoradh d'a Ìomhaigh. Thilgeadh iad sin 'nan dìthis beò ann an loch teine a' dearg-lasadh le pronnus.

21 Agus mharbhadh a' chuid eile le claidheamh an tì a bha 'na shuidhe air an each, a thàinig a mach as a bheil: agus bha an eunlaith uile air an lìonadh le'm feòil.

CAIB. XX.

1 Satan ceangailte rè mhìle bliadhna. 5 A' cheud aiseirigh: 6 tha iad beannaichte aig am bheil cuid dhith. 7 Satan a ris air fhuasgladh. 8 Gog agus Magog. 10 Thilgeadh an Diabhl do'n loch theine agus phronnuisc.

AGUS chunnaic mi aingeal, a' teachd a nuas o nèamh, agus iuchair sluichd an dubh-aigein³ aige, agus slabhraidh mhòr 'na làimh.

2 Agus rug e air an dragon, an t-seann nathair nimhe sin, a's e an diabhl agus Sàtan, agus cheangail se e rè mhìle bliadhna;

3 Agus thilg se e do shlochd an dubh-aigein, agus dhùin e stigh e, agus chuir e seula air, chum nach mealladh e na cinnich tuilleadh, gus an crìochnaicheadh⁴ am mìle bliadhna: agus an dèigh sin, is éigin gu fuasgailear e rè ùine bhig.

4 Agus chunnaic mi rìgh-chaithrichean, agus shuidh iad orra, agus thugadh breitheanas doibh: agus chunnaic mi anaman na muinntir d'an do chuireadh an cinn air son fianuis Iosa, agus focail Dé, agus nach d'rinn aoradh do'n fhiadh-bheathach, no d'a Ìomhaigh, agus nach do ghabh a chomhara air clàr an eudain, no air an làmhaidh; agus bha iad beò, agus rìghich iad maille ri Crìosd rè mhìle bliadhna.

5 Ach cha d'ath-bheothaicheadh a' chuid eile do na mairbh gus an robh am mìle bliadhna air an crìochnachadh. Is i so a' cheud aiseirigh.

6 Is beannaichte agus is naomha an tì aig am bheil cuid anns a' cheud aiseirigh: orra so cha'n 'eil cumbachd aig an dara bàs; ach bithidh iad 'nan sagartaibh do Dhia, agus do Chrìosd, agus rìghichidh iad maille ris mìle bliadhna.

7 Agus an uair a chrìochnaichear am mìle bliadhna, fuasgailear Sàtan as a phrìosan,

8 Agus théid e mach a mhealladh nan cinneach, a tha ann an ceithir chearnaibh na talmhainn, Gog agus Magog, chum an cruinneachadh gu cath; muinntir a tha ann an àireamh mar ghaineimh na fairge.

9 Agus chaidh iad suas air leud na talmhainn, agus chuairtich iad camp nan naomh, agus am baile⁵ ionmhuinn: agus thàinig teine nuas o Dhia á nèamh, agus chuir e as doibh.

10 Agus thilgeadh an diabhl a mheall iad, san loch theine agus phronnuisc, far am bheil am fiadh-bheathach, agus am fàidh bréige, agus bithidh iad air am pianadh a là agus a dh'oidliche, gu saoghal nan saoghal.

11 Agus chunnaic mi rìgh-chaithir mhòr gheal, agus an tì a shuidh oirre, neach d'an do theich nèamh agus talamh o a ghnùis; agus cha d'fhuaradh àite dhoibh.

12 Agus chunnaic mi na mairbh, beag agus mòr, 'nan seasamh am fianuis Dé; agus dh'fhosgladh na leabhraichean: agus dh'fhosgladh leabhar eile, eadhon

¹ falluing, eudach-uachdair.

² feirge ro gharg.

³ an t-sluichd gun aigeal.

⁴ an coimhliontadh.

⁵ a' chaithir.

leabhar na beatha : agus thugadh breth air na mairbh as na nithibh sin a bha sgrìobhta sna leabhraichibh, a réir an gnìomhara.

13 Agus thug an fhairge uaipe¹ na mairbh a bha innte ; agus thug am bàs agus an uaigh² uatha na mairbh a bha ainnta : agus thugadh breth orra gach aon a réir an gnìomhara.

14 Agus thilgeadh am bàs agus ifrinn do'n loch theine : Is e so an dara bàs.

15 Agus ge b'e air bith nach d' fhuaradh sgrìobhta, ann an leabhar na beatha, thilgeadh e san loch theine.

CAIB. XXI.

1 *Nèamh nuadh agus talamh nuadh.* 10 *An Ierusalem nèamhaidh, maille ri làn-mhìneachadh oirre : 23 cha 'n' eil feum aice air grèin ; oir is i glòir Dhé a solus.* 24 *Tha rìghrean na talmhainn a' toirt an saoihbheas d'a h-ionnsuidh.*

AGUS chunnaic mi nèamh nuadh, agus talamh nuadh : oir chaidh an ceud nèamh agus an ceud talamh thairis ; agus cha robh fairge ann ni's mò.

2 Agus chunnaic mise Eoin am baile naomh, Ierusalem nuadh, a' teachd a nuas o Dhia á nèamh, air ullachadh mar bhean-baimse air a sgeadachadh fa chomhair a fir.

3 Agus chuala mi guth mòr á nèamh ag ràdh, Feuch, *tha* pàillion Dhé maille ri daoineibh, agus ni esan còmhnuidh maille riu, agus bithidh iadsan 'nan sluagh dha, agus bithidh Dia féin maille riu, agus 'na Dhia dhoibh.

4 Agus tiormaichidh Dia gach deur o'n suilibh ; agus cha bhì bàs ann ni's mò, no bròn, no éighich³, agus cha bhì pian ann ni's mò ; oir chaidh na ceud nithe thairis.

5 Agus thubhairt an ti a bha 'na shuidhe air an rìgh-chaitheir, Feuch, *tha* mi a' deanamh nan uile nithe nuadh. Agus thubhairt e rium, Sgrìobh, oir *tha* na briathra so fìrinneach agus dìleas.

6 Agus thubhairt e rium, Tha e deanta. Is mise Alpha agus Omega, an toiseach agus an deireadh : bheir mi dha-san air am bheil tart, do thobar uisge na beatha gu saor.

7 Sealbhaichidh an ti a bheir buaidh na h-uile nithe ; agus bithidh mise a'm' Dhia dha-san, agus bithidh esan 'na mhac dhomh-sa.

8 Ach aig an dream sin a ta gealtach, agus mi-chreideach, agus gràineil, agus aig luchd mortaidh, agus strìopachais, agus druiddheachd, agus ìodhol-aoraidh, agus aig na h-uile bhreugairibh, bithidh an cuibhrionn anns an loch a ta dearg-

lasadh le teine agus promusc ; ni a's e an dara bàs.

9 Agus thàinig a m' ionnsuidh aon do na seachd aingil, aig an robh na seachd soithichean làn do na seachd plàighibh deir-eannach, agus labhair e rium, ag ràdh, Thig an so, nochdaidh mise dhuìt a' bhean nuadh-plòsda, bean an Uain.

10 Agus thug e leis mi anns an spiorad gu beinn mhòir agus àird, agus dh'fheuch e dhomh am baile mòr⁴ sin, Ierusalem naomh, a' teachd a nuas á nèamh o Dhia,

11 Aig an robh glòir Dhé : agus *bha* a shoille⁵ cosmhuil ri cloich ro luachmhoir, mar chloich Iaspis, soilleir mar chrìostal ;

12 Agus *bha* balla mòr agus àrd aig, air an robh dà gheata dheug, agus aig na geataibh dà aingeal dheug, agus ainnean sgrìobhta orra, eadhon ainnean dà thrèibh dheug chloinn Israeil.

13 Air an taobh an ear, trì gheatacha ; air an taobh thuath, trì gheatacha ; air an taobh deas, trì gheatacha ; agus air an taobh an iar, trì gheatacha.

14 Agus *bha* aig balla na caithreach dà bhunait dheug, agus ainnta-san ainnean dà abstol deug an Uain.

15 Agus *bha* aig an ti a labhair rium, cuile-shlat òir, chum gu'n tomhaiseadh e am baile, agus a gheatacha, agus a bhalla.

16 Agus *tha* am baile 'na luidhe ceithir-chearnach, agus *tha* 'fhad co mòr r'a leud : agus thomhais e am baile leis a' chuile-shlait, dà mhìle dheug stàide : is ionnan fad, agus leud, agus àirde dha.

17 Agus thomhais e a bhalla, ceud agus dà fhichead agus ceithir lāmha-coille⁶, a réir tomhais duine, eadhon an aingil.

18 Agus *bha* a bhalla air a thogail do chloich Iaspis ; agus b'òr fìor-ghlan am bàile⁷, cosmhuil ri gloin shoilleir⁸.

19 Agus *bha* bunaitean⁹ balla a' bhaile air an deanamh sgiamhach leis gach uile ghnè chlocha luachmhor. *Bu* iaspis an ceud bunait ; *bu* shaphir, an dara ; *bu* chalcedon, an treas ; *b'* emerald, an ceathramh bunait ;

20 *Bu* shardonics, an cuigeadh ; *bu* shardius, an seathadh ; *bu* clirisolit, an seachdamh ; *bu* bheril, an t-ochdamh ; *bu* topas, an naothadh : *bu* chrìsoprasus, an deicheamh ; *bu* hiacint, an t-aon deug ; *b'* ametist, an dara bunait deug.

21 Agus an dà gheata dheug *bu* dà neamhnuid dheug iad ; *bha* gach aon fa leth do na geataibh air a dheanamh do aon neamhnuid : agus b'òr fìor-ghlan sràid a' bhaile, mar ghloin shoilleir.

22 Agus cha'n fhaca mi teampull ann :

¹ uaithe.

² glaothaich.

³ solus, dealradh.

⁴ ifrinn.

⁵ a' chaitheir mhòr.

⁶ bann-lāmha.

⁷ a' chaitheir.

⁸ trid-shoilleach, tre'n dealtraich an solus.

⁹ buinn, bunachair.

oir is e'n Tighearna Dia uile-chumhachdach, agus an t-Uan a's teampull da.

23 Agus cha'n 'eil feum aig a' bhaile air a' ghrèin no air a' ghealach a dhealachadh ann: oir shoillsich glòir Dhé e, agus is e an t-Uan a's solus da.

24 Agus gluaisidh cinnich na muinntir sin a shaorair 'na sholus: agus bheir rìghre na talmhainn an glòir agus an urram d'a ionnsuidh.

25 Agus cha dùinear a gheatacha san là: oir cha bhi oidhche an sin.

26 Agus bheirair glòir agus urram nan cinneach d'a ionnsuidh.

27 Agus cha téid air chor sam bith a steach ann ni air bith a shalaicheas, no a dh'òibricheas gràineileachd, no a ni breug: ach iadsan a mhàin a thà sgriobhta ann an leabhar beatha an Uain.

CAIB. XXII.

1 *Amhainn uisge na beatha, 2 craobh na beatha. 5 'Se Dia féin solus na caitheach. 9 Cha'n fhualaing an t-aingeal aoradh a dheanamh dha. 18 Cha'n fheadar ni sam bith chur ri focal Dé, no thoirt uaidh.*

AGUS dh'fheuch e dhomh amhainn a' fhìor-ghlan do uisge na beatha, soillir mar chrìostal, a' teachd a mach à rìgh-chaitheir Dhé, agus an Uain.

2 Ann am meadhon sràide na caithearach, agus air gach taobh do'n amhainn, bha craobh na beatha, a' giùlan dà ghné dheug thoraidh, agus a' toirt a toraidh uaipe gach uile mhìos; agus bha duilleadh na craoibhe chum leighis nan cinneach.

3 Agus cha bhi mallachd air bith ann ni's mò: ach bithidh rìgh-chaitheir Dhé agus an Uain innte; agus ni a sheirbhisich seirbhis da.

4 Agus chi iad 'aghaidh; agus bithidh 'ainm-san air clàr an eudain.

5 Agus cha bhi oidhche an sin, agus cha'n 'eil feum aca air coinnil, no air solus na gréine: oir bheir an Tighearna Dia solus doibh: agus rìghlichidh iad gu saoghal nan saoghal.

6 Agus thubhairt e rium, *Tha* na briathra so dileas agus fìrinneach. Agus chuir an Tighearna, Dia nam fàidhean naomha, 'aingeal féin a nochdadh d'a sheirbhisich na nithe sin a's éigin tachairt gu h-aithghearr.

7 Feuch, tha mi a' teachd gu luath: is beannaichte an ti a choimhideas briathra fàidheadaireachd an leabhair so.

8 Agus chunnaic mise Eoin na nithe so, agus chuala mi iad: agus an uair a chuala agus a chunnaic mi iad, thuit mi sìos a deanamh aoraidh roimh chosaibh an aingil, a nochd na nithe so dhomh.

9 An sin thubhairt e rium, Feuch nach dean thu e: oir is comh-sheirbhisich dhuit mise, agus do d' bhràithribh na fàidhean, agus dhoibh-san a choimhideas briathran an leabhair so: dean aoradh do Dhia.

10 Agus thubhairt e rium, Na seulaich focail fàidheadaireachd an leabhair so: oir tha an t-àm ag fasg.

11 An ti a ni eucoir, deanadh e eucoir a ghnàth: agus an ti a tha salach, biodh e salach a ghnàth: agus an ti a tha 'na fhìrean, biodh e 'na fhìrean a ghnàth: agus an ti a tha naomh, biodh e naomh a ghnàth.

12 Agus, feuch, tha mi a' teachd gu h-aithghearr; agus a ta mò luach-saoithreach maille rium, a thoirt do gach aon fa leth, a réir mar a bhitheas a ghnìomhara.

13 Is mise Alpha agus Omega, an toiseach agus a' chrìoch, an ceud neach agus an neach deireannach.

14 Is beannaichte iadsan a ni 'àitheantasan, chum gu'm bi còir aca air craoibh na beatha, agus gu'n teid iad a stigh tre na geataibh do'n bhaile.

15 Oir an taobh a muigh *tha* madraidh, agus luchd-druidheachd, agus luchd-strìopachais, agus luchd-mortaidh, agus luchd iodhol-aoraidh, agus gach neach a ghràdhaicheas, agus a ni breug.

16 Chuir mise Iosa m'aingeal a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealach agus mhaidne.


17 Agus a ta an Spiorad agus a' bhean nuadh-phòda ag ràdh, Thig. Agus abradh an ti a chluinneas, Thig. Agus an neach air am bheil tart, thigeadh e. Agus ge b'e neach leis an àill, gabhadh e uisge na beatha gu saor.

18 Oir tha mi deanamh fianuis do gach uile neach a chluinneas briathra fàidheadaireachd an leabhair so, Ma chuireas neach air bith ris na nithibh so, cuiridh Dia airsan na plàighean a tha sgriobhta anns an leabhar so.

19 Agus ma bheir neach air bith o bhrìathraibh leabhair na fàidheadaireachd so, bheir Dia a chuibhrionn-san à leabhar na beatha, agus as a' bhaile naomh, agus as na nithibh a tha sgriobhta anns an leabhar so.

20 A ta an ti a tha toirt fianuis air na nithibh so ag ràdh, Gu deimhin a ta mi a' teachd an aithghearr. Amen. Seadh, thig, a Tighearna Iosa.

21 Gràs ar Tighearna Iosa Crìosd gu robh maille ribh uile. Amen.



ABBREVIATIONS AND MARKS.

A' for "an," the article; as, "a' bhean" *the woman*, for "an bhean."

A' for "ag," sign of the pres. part. of verbs beginning with a consonant; as, "a' bualadh" *striking*, but "ag òl" *drinking*.

A' for "ann" *in*; as, "a'd' cheann" *in thy head*, for "ann do cheann."

A for "as" *out of*, marked with an acute accent; as, "á teine" *out of fire*.

'Ar for "thar," *over, above*; as, "deich 'ar fhichead" *thirty*.

B' for "bu" *was*; as, "b'e" *he was*.

C' for "cia" *who, what*; as, "c'àit," *where? or in what place?* "c'uin" *when? or at what time?*

D' for "do," *thy, thine*; as, "d'athair" *thy father*.

D', dh' for "do," sign of the preterite tense of verbs; as, "an d'aidich e" *has he confessed?* "dh'aidich mi" *I have confessed*.

Eabh. for "Eabhra" *Hebrew*.

Eir. for "Eirionnach" *Irish*.

'G for "ag," sign of the pres. part. of verbs; as, "ga dheanamh" *doing it*.

G' for "gu" *to*; as, "g'a cheann" *to the end thereof*.

M' for "mo" *my*; as, "m'anam" *my soul*.

M' for "mu" *about*; as, "m'a cheann" *about his head*.

'Na for "ann a" *in his*; as, "'na chridhe" *in his heart*.

'Nan for "ann an" *in their*; as, "'nan tighibh" *in their houses*.

'Nar for "ann ar" *in our*; as, "'nar dùthaich" *in our country*.

'Nur for "ann bhur" *in your*; as, "'nur fearann" *in your land*.

'Nuair for "an uair" *in the time, when*.

'R for "ar" *our*; as, "o'r sinnsiribh" *from our ancestors*.

'R for "bhur" *your*; as, "le'r cead" *with your leave*.

R' for "ri" *to*; as, "r'ar guth" *to our voice*.

San, sa', for "anns an," *in the*; as, "san àm" *in the time*; "sa' bhaile" *in the city*.

Sasg. for "Sasgonach," or "Sasonach," *English*.

Sna, for "anns na" *in the*; as, "sna coilltibh" *in the woods*.

T' for "do" *thy*; as, "t'anail" *thy breath*.

Before a vowel, *d*, the initial consonant of this pronoun, is changed into *t*; but *t*, the initial consonant of the verbs "téid, tig, toir," is retained in writing, though pronounced as *d*.

(¹) Grave accent. Vowels marked with this accent are always sounded long; and such as are not, are generally sounded short.

(²) Acute accent. When the vowel *e* is sounded like *e* in *scene*, or the Latin *æ* in *Phœbus*, as the Scotch pronounce it, it is commonly marked with this accent.

(³) Apostrophe. When there is an elision of one or more letters, it is usually marked with an apostrophe: thus, when the preceding word ends, or the following word begins, with a vowel, there is an elision of the possessive pronoun "a"; as, "le 'shùil" *with his eye*, for "le a shùil"; "call 'anama" *the loss of his soul*, for "call a anama." A few Gaelic words admit of a final vowel, or not, as the euphony requires it; as, "àit," or "àite," *a place*; "Tighearn," or "Tigh-earna," *Lord*; "naomh," or "naomha," *holy*; "fad," or "fada," *long*; "camp," or "campa," *a camp*: but as these final vowels are not essential to the words, their absence is not marked with an apostrophe.





